

ԱՍՏՈՒԱԾԱՇՈՒՆՉ

ՀԻՆ ԿՏԱԿԱՐԱՆ

ՇՆՆԴՈՑ

## Գլուխ 1

1. Ի սկզբանե Աստուած ստեղծեց երկինքն ու երկիրը:
2. Երկիրն անձեւ ու անկազմ էր, խաւար էր տիրում անհունի վրայ, եւ Աստծու հոգին շրջում էր ջրերի վրայ:
3. Եւ Աստուած ասաց. Թող լոյս լինի: Եւ լոյս եղաւ:
4. Աստուած տեսաւ, որ լոյսը լաւ է, եւ Աստուած լոյսը բաժանեց խաւարից:
5. Աստուած լոյսը կոչեց ցերեկ, իսկ խաւարը կոչեց գիշեր: Եւ եղաւ երեկոյ, եւ եղաւ առաւօտ՝ օր առաջին:
6. Աստուած ասաց. Թող տարածութիւն առաջանայ ջրերի միջեւ, եւ ջրերը թող բաժանուեն ջրերից: Եւ եղաւ այդպէս:
7. Աստուած ստեղծեց տարածութիւնը, որով Աստուած տարածութեան ներքեւում եղած ջրերը անջրպետեց տարածութեան վրայ եղած ջրերից:
8. Աստուած տարածութիւնը կոչեց երկինք: Աստուած տեսաւ, որ լաւ է: Եւ եղաւ երեկոյ, եւ եղաւ առաւօտ՝ օր երկրորդ:
9. Աստուած ասաց. Թող երկնքի տակ գտնուող ջրերը հաւաքուեն մի տեղ, եւ երեւայ ցամաքը: Եւ եղաւ այդպէս. երկնքի տակի ջրերը հաւաքուեցին մի տեղ, ու երեւաց ցամաքը:
10. Աստուած ցամաքը կոչեց երկիր, իսկ հաւաքուած ջրերը կոչեց ծով: Աստուած տեսաւ, որ լաւ է:
11. Աստուած ասաց. Թող երկիրը իր տեսակի ու իր նմանութեան սերմը պարունակող դալար բոյս եւ իր տեսակի ու իր նմանութեան սերմը պարունակող, իր տեսակի միրգ տուող պտղաբեր ծառ աճեցնի երկրի վրայ: Եւ եղաւ այդպէս.
12. հողը ամբողջ երկրի վրայ ցանելու սերմը իր մէջ պարունակող դալար բոյս եւ իր տեսակի սերմը իր մէջ պարունակող, միրգ տուող ծառ աճեցրեց: Աստուած տեսաւ, որ լաւ է:
13. Եւ եղաւ երեկոյ, եւ եղաւ առաւօտ՝ օր երրորդ:
14. Աստուած ասաց. Թող լուսատուներ լինեն երկնքի տարածութեան մէջ, որպէսզի լուսաւորեն երկիրը եւ իրարից բաժանեն ցերեկն ու գիշերը: Դրանք թող լինեն, որպէսզի ցոյց տան տարուայ եղանակները, տօնական օրերն ու տարիները,
15. թող լինեն, ծագեն երկնքի տարածութեան մէջ՝ երկիրը լուսաւորելու համար: Եւ եղաւ այդպէս:
16. Աստուած ստեղծեց երկու մեծ լուսատուներ. մեծ լուսատուն՝ ցերեկն իշխելու, իսկ փոքր լուսատուն՝ գիշերն իշխելու համար, ինչպէս նաեւ աստղեր:
17. Աստուած դրանք դրեց երկնքի տարածութեան մէջ՝ երկիրը լուսաւորելու համար,
18. ինչպէս նաեւ ցերեկուայ ու գիշերուայ վրայ իշխելու եւ լոյսն ու խաւարը իրարից բաժանելու համար: Աստուած տեսաւ, որ լաւ է:
19. Եւ եղաւ երեկոյ, եւ եղաւ առաւօտ՝ օր չորրորդ:
20. Աստուած ասաց. Թող ջրերն արտադրեն կենդանութեան շունչ ունեցող գեռուներ, եւ երկրի վրայ ու երկնքի տարածութեան մէջ թող թեւաւոր թռչուններ լինեն: Եւ եղաւ այդպէս:
21. Աստուած ստեղծեց խոշոր կէտեր, կենդանութեան շունչ ունեցող ամեն տեսակ գեռուներ, որ արտադրեցին ջրերն ըստ տեսակների, եւ ամեն տեսակ թեւաւոր թռչուններ՝ ըստ տեսակների: Աստուած տեսաւ, որ լաւ է:
22. Աստուած օրինեց դրանց ու ասաց. Աճեցէ՛ք, բազմացէ՛ք եւ լցրէ՛ք ծովերի ջրերը, իսկ թռչունները թող բազմանան երկրի վրայ:
23. Եւ եղաւ երեկոյ, եւ եղաւ առաւօտ՝ օր հինգերորդ:
24. Աստուած ասաց. Թող երկիրն արտադրի չորքոտանի կենդանիներ իրենց տեսակներով, սողուններ եւ գազաններ իրենց տեսակներով: Եւ եղաւ այդպէս:
25. Աստուած ստեղծեց երկրի գազաններն իրենց տեսակներով, անասուններն իրենց տեսակներով եւ երկրի բոլոր սողուններն իրենց տեսակներով: Աստուած տեսաւ, որ

դրանք լաւ են:

26. Աստուած ասաց. Մարդ ստեղծենք մեր կերպարանքով ու նմանութեամբ, նա թող իշխի ծովի ձկների, երկնքի թռչունների, ողջ երկրի անասունների եւ երկրի վրայ սողացող բոլոր սողունների վրայ:

27. Եւ Աստուած մարդուն ստեղծեց իր պատկերով, Աստծու պատկերով ստեղծեց նրան, արու եւ էգ ստեղծեց նրանց:

28. Աստուած օրհնեց նրանց ու ասաց. Աճեցէ՛ք, բազմացէ՛ք, լցրէ՛ք երկիրը, տիրեցէ՛ք դրան, իշխեցէ՛ք ծովի ձկների, երկնքի թռչունների, ողջ երկրի բոլոր անասունների ու երկրի վրայ սողացող բոլոր սողունների վրայ:

29. Աստուած ասաց. Ահա ձեզ տուեցի ողջ երկրի վրայ տարածուած սերմանելի բոլոր բոյսերի սերմերը եւ իրենց մէջ պտուղ սերմանելու սերմ պարունակող բոլոր ծառերը: Դրանք թող ձեզ համար սնունդ լինեն,

30. Իսկ բոլոր կանաչ խոտերը երկրի բոլոր գազանների, երկնքի բոլոր թռչունների եւ երկրի վրայ սողացող բոլոր սողունների՝ բոլոր կենդանիների համար թող լինեն կեր: Եւ եղաւ այդպէս:

31. Աստուած տեսաւ, որ այն ամէնը, ինչ ստեղծել էր, շատ լաւ է: Եւ եղաւ երեկոյ, եւ եղաւ առաւօտ՝ օր վեցերորդ:

## Գլուխ 2

1. Այսպիսով Աստուած ստեղծեց երկինքն ու երկիրը եւ կարգաւորեց դրանք:
2. Աստուած վեցերորդ օրն աւարտեց արարչագործութիւնը եւ իր կատարած բոլոր գործերից յետոյ՝ եօթներորդ օրը, հանգստացաւ:
3. Աստուած օրհնեց եօթներորդ օրը եւ սրբագործեց այն, որովհետեւ այդ օրը Աստուած հանգստացաւ իր այն բոլոր գործերից, որ սկսել էր անել:
4. Այս է երկնքի ու երկրի արարչութեան պատմութիւնը: Այն օրը, երբ Աստուած ստեղծեց երկինքն ու երկիրը,
5. երկրի վրայ դեռ ոչ մի տունկ չէր բուսել, դեռ ոչ մի դաշտային բոյս չէր աճել, որովհետեւ Տէր Աստուած անձրեւ չէր տեղացրել երկրի վրայ, եւ մարդ չկար, որ մշակեր հողը,
6. բայց աղբիւր էր բխում երկրից եւ ոռոգում ողջ երկիրը:
7. Տէր Աստուած մարդուն ստեղծեց երկրի հողից, նրա դէմքին կենդանութեան շունչ փչեց, եւ մարդն եղաւ կենդանի էակ:
8. Աստուած դրախտ տնկեց Եդէմում՝ արեւելեան կողմը, եւ այնտեղ դրեց իր ստեղծած մարդուն:
9. Տէր Աստուած երկրից բուսցրեց նաեւ ամեն տեսակի գեղեցկատեսիլ ու համեղ մրգեր տուող ծառեր, իսկ կենաց ծառը՝ բարու եւ չարի գիտութեան ծառը, տնկեց դրախտի մէջտեղում:
10. Գետ էր բխում Եդէմից, որպէսզի ոռոգէր դրախտը, եւ այնտեղից բաժանւում էր չորս ճիւղերի:
11. Մէկի անունը Փիսոն էր: Նա է, որ պատում է ամբողջ Եւրպատ երկիրը, այնտեղ, ուր ոսկի կայ:
12. Այդ երկրի ոսկին ազնիւ է: Այնտեղ կայ նաեւ սուտակ եւ դահանակ ակնաքարը:
13. Երկրորդ գետի անունը Գեհոն է: Նա պատում է Եթովպացւոց երկիրը:
14. Երրորդ գետը Տիգրիսն է: Սա հոսում է դէպի Ասորեստան: Չորրորդ գետը Եփրատն է:
15. Տէր Աստուած իր ստեղծած մարդուն տեղաւորեց բերկրութեան դրախտում, որպէսզի սա մշակի ու պահպանի այն:
16. Տէր Աստուած պատուիրեց Ադամին ու ասաց. Դրախտում ամեն ծառի պտուղներից կարող ես ուտել,
17. բայց բարու եւ չարի գիտութեան ծառից մի՛ կերէք, որովհետեւ այն օրը, երբ ուտէք դրանից, մահկանացու կը դառնաք:
18. Տէր Աստուած ասաց. Լաւ չէ, որ մարդը միայնակ լինի: Նրա նմանութեամբ մի օգնական ստեղծենք նրա համար:
19. Տէր Աստուած ստեղծեց նաեւ դաշտային բոլոր գազաններին, երկնքի բոլոր թռչուններին եւ բերեց Ադամի մօտ, որ տեսնի, թէ Ադամը ինչ անուն կը տայ դրանց: Եւ Ադամն ինչ անուն որ տար ամեն մի կենդանուն, այն էլ կը լինէր դրա անունը:
20. Ադամը բոլոր անասուններին, երկնքի բոլոր թռչուններին եւ դաշտային բոլոր գազաններին տուեց անուններ, բայց Ադամը չգտաւ իր նմանութիւնն ունեցող մի օգնական:
21. Տէր Աստուած թմրութիւն բերեց Ադամի վրայ, եւ սա քնեց: Աստուած հանեց նրա կողոսկրերից մէկը եւ այդ տեղը մաշկով ծածկեց:
22. Տէր Աստուած Ադամից վերցրած կողոսկրից կին արարեց եւ նրան բերեց Ադամի մօտ:
23. Ադամն ասաց. Այժմ սա ոսկոր է իմ ոսկորներից եւ մարմին՝ իմ մարմնից: Թող սա կոչուի կին, որովհետեւ իր ամուսնուց ստեղծուեց:
24. Այդ իսկ պատճառով տղամարդը թողնելով իր հօրն ու մօրը՝ պետք է միանայ իր կնոջը, եւ երկուսը պետք է լինեն մի մարմին:
25. Եւ երկուսն էլ՝ Ադամն ու իր կինը, մերկ էին ու չէին ամաչում:



1. Օձը երկրի վրայ Աստծու ստեղծած բոլոր գազաններից ամենի խորամանկ էր: Օձն ասաց կնոջը. Ինչո՞ւ Աստուած ասաց, թե դրախտում գտնուող բոլոր ծառերի պտուղներից չէք կարող ուտել:
2. Կինն ասաց օձին. Դրախտի ծառերի պտուղներից կարող եմք ուտել:
3. Սակայն դրախտի մեջտեղի ծառի պտղի համար Աստուած ասաց. Դրանից չուտեք եւ չմօտենաք, որպէսզի չմեռնեք:
4. Օձն ասաց կնոջը. Չէք մահանայ,
5. որովհետեւ Աստուած գիտեր, որ այն օրը, երբ դրանից ուտեք, կը բացուեն ձեր աչքերը, եւ դուք կը լինեք աստուածների նման՝ կ'իմանաք բարին ու չարը:
6. Կինը տեսաւ, որ ծառի պտուղը լաւ է ուտելու համար, ակնահաճոյ է եւ գրաւիչ՝ ըմբռնելու համար: Նա առաւ նրա պտղից, կերաւ եւ տուեց իր մօտ կանգնած ամուսնուն, եւ նրանք կերան:
7. Երկուսի աչքերն էլ բացուեցին, եւ նրանք հասկացան, որ մերկ են: Նրանք թզնու տերեւներն իրար կարեցին եւ իրենց համար գոգնոց շինեցին:
8. Երեկոյեան նրանք լսեցին Տէր Աստծու՝ դրախտում շրջագայելու ոտնաձայնը, եւ Ադամն ու իր կինը Տէր Աստծուց թաքնուեցին դրախտի ծառերի մէջ:
9. Տէր Աստուած կանչեց Ադամին ու ասաց նրան. Ո՞ր ես:
10. Ադամը պատասխանեց. Լսեցի քո ձայնն այստեղ՝ դրախտում, ամաչեցի, որովհետեւ մերկ էի, եւ թաքնուեցի:
11. Աստուած ասաց նրան. Ո՞վ յայտնեց քեզ, թէ մերկ ես: Արդեօք կերա՞ր այն ծառի պտղից, որից պատուիրել էի, որ չուտես:
12. Ադամն ասաց. Այս կինը, որ տուեցիր ինձ, նա՛ տուեց ինձ ծառի պտղից, եւ ես կերայ:
13. Տէր Աստուած ասաց կնոջը. Այդ ի՞նչ ես արել: Կինն ասաց. Օձը խաբեց ինձ, եւ ես կերայ:
14. Տէր Աստուած ասաց օձին. Քանի որ այդ բանն արեցիր, անիծեալ լինես երկրի բոլոր անասունների ու գազանների մէջ: Քո լանջի ու որովայնի վրայ սողաս, ողջ կեանքումդ հող ուտես:
15. Թշնամութիւն պիտի դնեմ քո եւ այդ կնոջ միջեւ, քո սերնդի ու նրա սերնդի միջեւ: Նա պիտի ջախջախի քո գլուխը, իսկ դու պիտի խայթես նրա գարշապարը:
16. Իսկ կնոջն ասաց. Պիտի անչափ բազմացնեմ քո ցաւերն ու քո հառաչանքները: Ցաւերով երեխաներ պիտի ծնես, քո ամուսնուն պիտի ենթարկուես, եւ նա պիտի իշխի քեզ վրայ:
17. Աստուած Ադամին ասաց. Քանի որ անսացիր քո կնոջ ձայնին եւ կերար այն ծառի պտղից, որի՛ց միայն քեզ պատուիրեցի չուտել, բայց կերար դրանից, թող անիծեալ լինի երկիրը քո արածի պատճառով: Տանջանքով հայթայթես քո սնունդը քո կեանքի բոլոր օրերին:
18. Փուշ ու տատասկ թող աճեցնի քեզ համար երկիրը, եւ դու դաշտային բոյսերով սնուես:
19. Քո երեսի քրտինքով ուտես հացդ մինչեւ հող դառնալոյ, որից ստեղծուեցիր, որովհետեւ հող էիր եւ հող էլ կը դառնաս:
20. Եւ Ադամն իր կնոջ անունը դրեց Կեանք, որովհետեւ նա է բոլոր մարդկանց նախամայրը:
21. Տէր Աստուած Ադամի ու նրա կնոջ համար կաշուից զգեստներ պատրաստեց եւ հագցրեց նրանք:
22. Տէր Աստուած ասաց. Ահա Ադամը դարձաւ մեզ նման մէկը, նա գիտի բարին եւ չարը: Արդ, գուցէ նա ձեռքը մեկնի, քաղի կենաց ծառից, ուտի եւ անմահ դառնայ:
23. Եւ Տէր Աստուած արտաքսեց նրան բերկրութեան դրախտից, որպէսզի նա մշակի այն հողը, որից ստեղծուել էր:
24. Աստուած դուրս հանեց Ադամին, բնակեցրեց բերկրութեան դրախտի դիմաց եւ



հրամայեց քերովբեներին ու բոցեղեն սրին շուրջանակի հսկել դեպի կենաց ծառը  
տանող ճանապարհները:

#### Գլուխ 4

1. Ադամը պառկեց իր կին Եւայի հետ, սա յղիացաւ, ծնեց Կայէնին ու ասաց. Մարդ ծնեցի Աստծու զօրութեամբ:
2. Դրանից յետոյ նա ծնեց նրա եղբայր Աբելին: Աբելը դարձաւ ոչխարների հովիւ, իսկ Կայէնը հող էր մշակում:
3. Որոշ ժամանակ անց Կայէնը երկրի բարիքներից ընծայ բերեց Աստծուն,
4. իսկ Աբելը բերեց իր ոչխարների առաջնեկներից ու գերերից: Աստուած բարի աչքով նայեց Աբելին ու նրա ընծաներին,
5. իսկ Կայէնի ու նրա ընծաների վրայ ուշադրութիւն չդարձրեց: Կայէնը շատ տրտմեց, նրա դէմքը մռայլուեց:
6. Տէր Աստուած Կայէնին ասաց. Ինչո՞ւ տրտմեցիր, ինչո՞ւ մռայլուեց դէմքդ:
7. Չէ՞ որ եթէ արդար ես գոհաբերում, բայց արդար չես բաժանում, մեղանչած ես լինում: Հանգի՛ստ եղիր, դու կարող ես մեղքից ազատուել, դու ի վիճակի ես այն յաղթահարելու:
8. Կայէնն ասաց իր եղբայր Աբելին. Արի գնանք դաշտ: Երբ նրանք դաշտ հասան, Կայէնը յարձակուեց իր եղբայր Աբելի վրայ եւ սպանեց նրան:
9. Տէր Աստուած հարցրեց Կայէնին. Ո՞ր է քո եղբայր Աբելը: Սա պատասխանեց. Զգիտեմ, մի՞թէ ես իմ եղբոր պահակն եմ:
10. Աստուած ասաց. Այդ ի՞նչ արեցիր, քո եղբոր արեան կանչը երկրից բողոքում է ինձ:
11. Արդ, անիծեալ լինես երկրի վրայ, որը բացեց իր բերանը եղբորդ՝ քո ձեռքով թափած արիւնն ընդունելու համար:
12. Դու պիտի մշակես հողը, բայց նա պիտի չկարողանայ քեզ տալ իր արդիւնքը: Ահ ու դողի եւ երերման մէջ պիտի լինես երկրի վրայ:
13. Կայէնն ասաց Աստծուն. Գործած մեղքս մեծ է թողութեան արժանի լինելու համար:
14. Եթէ այսօր ինձ հանես երկրից, ես կը թաքնուեմ քեզից, ահ ու դողի եւ երերման մէջ կը լինեմ երկրի վրայ, եւ ով հանդիպի, կը սպանի ինձ:
15. Տէր Աստուած ասաց նրան. Այդպէս չէ: Նա, ով կը սպանի Կայէնին, եօթնապատիկ վրեժի կ'արժանանայ: Եւ Տէր Աստուած նշան դրեց Կայէնի վրայ, որպէսզի ոչ ոք, ով հանդիպի նրան, չսպանի:
16. Կայէնը հեռացաւ Աստծու մօտից եւ բնակուեց Նայիդ երկրում՝ Եդեմի դիմաց:
17. Կայէնը պառկեց իր կնոջ հետ, սա յղիացաւ ու ծնեց Ենոքին: Կայէնը քաղաք կառուցեց եւ քաղաքը կոչեց իր որդու՝ Ենոքի անունամբ:
18. Ենոքը Գայերիդադ անունամբ որդի ունեցաւ: Գայերիդադը ծնեց Մայիելին, Մայիելը ծնեց Մաթուսաղային, Մաթուսաղան ծնեց Ղամբէին:
19. Ղամբէն առաւ երկու կին. մէկի անունը Ադդա էր, իսկ երկրորդի անունը՝ Սելլա:
20. Ադդան ծնեց Յոբելին: Սա խաշնարածների վրաններում բնակուողների նախահայրն է:
21. Նրա եղբոր անունը Յոբադ է: Նա է յօրինել երգն ու քնարը:
22. Սելլան ծնեց Թոբելին, որը պղնձի ու երկաթի հմուտ դարբին էր: Թոբելի քոյրը Նոյեման էր:
23. Ղամբէն ասաց իր կանանց՝ Ադդային ու Սելլային. Լսեցէ՛ք իմ խօսքը, Ղամբէի կանայք, ականջ դրեք իմ ասածին: Ես մի երիտասարդ մարդ սպանեցի, որովհետեւ նա ինձ վիրաւորել եւ հարուածել էր:
24. Եթէ սպանութեան համար Կայէնից եօթն անգամ վրեժ է պահանջւում, ապա Ղամբէից՝ եօթնասունեօթն անգամ:
25. Ադամը պառկեց իր կին Եւայի հետ, սա յղիացաւ, ծնեց որդի, նրա անունը դրեց Սէթ եւ ասաց. Կայէնի սպանած Աբելի փոխարէն Աստուած ինձ ուրիշ զաւակ պարգեւեց:
26. Սէթն ունեցաւ որդի եւ նրա անունը դրեց Ենոս: Նա յուսալով կանչում էր Տէր Աստծու անունը:

## Գլուխ 5

1. Սա մարդկանց ազգաբանության այն օրերի պատմությունն է, երբ Աստուած ստեղծեց Ադամին: Ըստ Աստծու պատկերի ստեղծեց նրան,
2. արու եւ եգ ստեղծեց նրանց, օրհնեց եւ աղամ, այսինքն՝ մարդ անուանեց նրանց այն օրը, երբ ստեղծեց նրանց:
3. Ադամը երկու հարիւր երեսուն տարեկանին իր նման ու իր կերպարանքով որդի ծնեց եւ անունը դրեց Սէթ:
4. Սէթին ծնելուց յետոյ Ադամն ապրեց եւս եօթը հարիւր տարի եւ ծնեց ուստրեր ու դուստրեր:
5. Ադամը մեռաւ՝ ապրելով ինը հարիւր երեսուն տարի:
6. Սէթը երկու հարիւր հինգ տարեկանին ծնեց Ենոսին:
7. Ենոսին ծնելուց յետոյ Սէթն ապրեց եւս եօթը հարիւր եօթը տարի եւ ծնեց ուստրեր ու դուստրեր:
8. Սէթը մեռաւ՝ ապրելով ինը հարիւր տասներկու տարի:
9. Ենոսը հարիւր ինսուն տարեկանին ծնեց Կայնանին:
10. Կայնանին ծնելուց յետոյ Ենոսն ապրեց եւս եօթը հարիւր տասնհինգ տարի եւ ծնեց ուստրեր ու դուստրեր:
11. Ենոսը մեռաւ՝ ապրելով ինը հարիւր հինգ տարի:
12. Կայնանը հարիւր եօթանասուն տարեկանին ծնեց Մադադայէին:
13. Մադադայէին ծնելուց յետոյ Կայնանն ապրեց եւս եօթը հարիւր քառասուն տարի եւ ծնեց ուստրեր ու դուստրեր:
14. Կայնանը մեռաւ՝ ապրելով ինը հարիւր տասը տարի:
15. Մադադայէը հարիւր վաթսուհինգ տարեկանին ծնեց Յարեդին:
16. Յարեդին ծնելուց յետոյ Մադադայէն ապրեց եւս եօթը հարիւր երեսուն տարի եւ ծնեց ուստրեր ու դուստրեր:
17. Մադադայէը մեռաւ՝ ապրելով ութ հարիւր ինսունհինգ տարի:
18. Յարեդը հարիւր վաթսուներկու տարեկանին ծնեց Ենոքին:
19. Ենոքին ծնելուց յետոյ Յարեդն ապրեց եւս ութ հարիւր տարի եւ ծնեց ուստրեր ու դուստրեր:
20. Յարեդը մեռաւ՝ ապրելով ինը հարիւր վաթսուներկու տարի:
21. Ենոքը հարիւր վաթսուհինգ տարեկանին ծնեց Մաթուսադային:
22. Ենոքը Մաթուսադային ծնելուց յետոյ սիրելի եղաւ Աստծուն երկու հարիւր տարի եւ ծնեց ուստրեր ու դուստրեր:
23. Ենոքը ապրեց երեք հարիւր վաթսուհինգ տարի:
24. Ենոքը սիրելի եղաւ Աստծուն: Նա անյայտացաւ, որովհետեւ Աստուած նրան տարաւ իր մօտ:
25. Մաթուսադան հարիւր ութսունեօթը տարեկանին ծնեց Ղամէքին:
26. Ղամէքին ծնելուց յետոյ Մաթուսադան ապրեց եւս ութ հարիւր երկու տարի եւ ծնեց ուստրեր ու դուստրեր:
27. Մաթուսադան մեռաւ՝ ապրելով ինը հարիւր վաթսունինը տարի:
28. Ղամէքը հարիւր ութսունութ տարեկանին ծնեց որդի:
29. Նա նրա անունը դրեց Նոյ: Ղամէքն ասաց. Սա մեզ կը հանգստացնի մեր գործերից, մեր ձեռքերի ցաւերից եւ այն երկրից, որ անիծեց Տէր Աստուած:
30. Նոյին ծնելուց յետոյ Ղամէքն ապրեց եւս հինգ հարիւր վաթսուհինգ տարի եւ ծնեց ուստրեր ու դուստրեր:
31. Ղամէքը մեռաւ՝ ապրելով եօթը հարիւր յիսուներեք տարի:
32. Նոյը հինգ հարիւր տարեկանին ծնեց երեք որդի. Սեմին, Քամին եւ Յաբեթին:

1. Երբ սկսեցին մարդիկ բազմանալ երկրի վրայ եւ դուստրեր ունեցան,
2. Աստծու որդիները, տեսնելով որ մարդկանց դուստրերը գեղեցիկ են, կին առան նրանց, ում ընտրեցին:
3. Տէր Աստուած ասաց. Իմ ոգին յաւիտեան թող չմնայ այդ մարդկանց մէջ, որովհետեւ նրանք մարմնաւոր են: Նրանց կեանքի սահմանը թող լինի հարիւր քսան տարի:
4. Այդ օրերին հսկաներ էին ապրում երկրի վրայ: Երբ Աստծու որդիները մարդկանց դուստրերի հետ պառկեցին, իրենց համար որդիներ ծնեցին: Նրանք այն հսկաներն էին, որոնք հնուց ի վեր անուանի մարդիկ էին:
5. Երբ Տէր Աստուած տեսաւ, որ մարդկանց չարագործութիւնները բազմանում են երկրի վրայ, եւ ամէն ոք իր մտքում ամէն օր խնամքով չարագործութիւններ է նկատում,
6. զոչաց Աստուած, որ մարդ է ստեղծել երկրի վրայ, եւ տրտմեց իր հոգու խորքում:
7. Տէր Աստուած ասաց. Երկրի երեսից վերացնելու եմ իմ ստեղծած ամէն մի էակ՝ մարդուց մինչեւ անասուն եւ սողուններից մինչեւ երկնքի թռչունները, որովհետեւ զոչացել եմ, որ ստեղծել եմ նրանց:
8. Նոյը, սակայն, արժանացել էր Տէր Աստծու սիրուն:
9. Այս է Նոյի պատմութիւնը: Նոյը կատարեալ եւ արդար մարդ էր իր ազգի մէջ: Նոյը սիրելի եղաւ Աստծուն:
10. Նոյը ծնեց երեք որդի. Սեմին, Քամին, Յաբեթին:
11. Ապականուեց երկիրն Աստծու առաջ, աշխարհը լցուեց անարդարութեամբ:
12. Տէր Աստուած տեսաւ, որ երկիրն ապականուած է, որովհետեւ երկրի վրայ ամէն էակ ապականել էր իր ճանապարհը:
13. Տէր Աստուած ասաց Նոյին. Բոլոր մարդկանց վերջը հասել է, որովհետեւ երկիրը լցուել է նրանց անիրաւութիւններով: Ես կ'ոչնչացնեմ նրանց ու երկիրը:
14. Արդ, դու քեզ համար քառակուսի փայտից տապան կը շինես: Տապանը բաժանմունքներով կը պատրաստես եւ ներսից ու դրսից կուպրով կը ծեփես:
15. Տապանն այսպէս կը շինես. թող երեք հարիւր կանգուն լինի տապանի երկարութիւնը, յիսուն կանգուն՝ լայնութիւնը, եւ երեսուն կանգուն՝ բարձրութիւնը:
16. Տապանն աստիճանաբար նեղացնելով կը շինես, այնպէս, որ նրա ծածկը մի կանգուն լինի: Տապանի դուռը կողքից կ'անես. ներքնայարկ, միջնայարկ ու վերնայարկ թող ունենայ տապանը:
17. Իսկ ես, ահա, ջրով կը հեղեղեմ երկիրը՝ ոչնչացնելու համար երկնքի տակ գտնուող ամէն մի շնչաւոր էակ. եւ այն ամէնը, ինչ կայ երկրի վրայ, կ'ոչնչանայ:
18. Ես իմ ուխտը կը հաստատեմ քեզ հետ, եւ տապան կը մտնես դու, քեզ հետ նաեւ՝ քո որդիները, քո կինը եւ քո որդիների կանայք:
19. Բոլոր կենդանիներից, բոլոր գազաններից ու բոլոր էակներից երկու-երկու կը մտնես տապան, որ նրանք կերակրուեն քեզ հետ: Թող դրանք արու եւ էգ լինեն:
20. Ամէն տեսակ թռչուններից, ամէն տեսակ կենդանիներից, երկրի ամէն տեսակ սողուններից՝ բոլորից երկու-երկու, արու եւ էգ, թող մտնեն քեզ հետ, որ կերակրուեն քեզ հետ:
21. Եւ դու կը վերցնես բոլոր այն ուտելիքներից, որոնցով պիտի սնուէք: Դրանք կը կուտակես քեզ մօտ, որպէսզի քեզ ու նրանց համար կերակուր լինեն:
22. Եւ Նոյն արեց այն ամէնը, ինչ պատուիրեց նրան Տէր Աստուած: Նա այդպէս էլ արեց:

1. Տէր Աստուած ասաց Նոյին. Դու եւ քո ողջ ընտանիքը մտէ՛ք տապան, որովհետեւ մարդկային ցեղի մէջ միայն քե՛զ գտայ արդար իմ հանդէպ:
2. Անպիղծ բոլոր կենդանիներից եօթը-եօթը՝ արու եւ էգ, կը մտցնես քեզ հետ, իսկ պիղծ բոլոր կենդանիներից երկու-երկու՝ արու եւ էգ,
3. Նաեւ երկնքի անպիղծ թռչուններից եօթը-եօթը՝ արու եւ էգ, իսկ պիղծ թռչուններից երկու-երկու՝ արու եւ էգ, որ սերունդ պահպանուի ողջ երկրի վրայ:
4. Եօթը օր յետոյ ես քառասուն օր ու քառասուն գիշեր անձրեւ պիտի թափեմ երկրի վրայ եւ երկրի երեսից պիտի ջնջեմ իմ ստեղծած ամէն մի էակ:
5. Նոյն արեց այն ամէնը, ինչ պատուիրեց Տէր Աստուած:
6. Նոյը վեց հարիւր տարեկան էր, երբ ջրհեղեղ եղաւ երկրի վրայ:
7. Ջրհեղեղի պատճառով Նոյի հետ տապան մտան Նրա որդիները, Նրա կինն ու Նրա որդիների կանայք:
8. Անպիղծ թռչուններից ու պիղծ թռչուններից, երկրի վրայ սողացող բոլոր սողուններից
9. երկու-երկու՝ արու եւ էգ, Նոյի հետ մտան տապան, ինչպէս պատուիրել էր Նրան Տէր Աստուած:
10. Եօթը օր յետոյ երկրի վրայ ջրհեղեղ եղաւ:
11. Նոյի կեանքի վեցհարիւրերորդ տարում, երկրորդ ամսի քսանեօթին ժայթքեցին ստորգետնեայ բազում աղբիւրներ, բացուեցին երկնքի ջրվեժները:
12. Երկրի վրայ անձրեւ թափուեց քառասուն օր ու քառասուն գիշեր:
13. Այդ օրը Նոյի հետ տապան մտան Սեմը, Քամը, Յաբեթը՝ Նոյի որդիները, Նոյի կինը եւ Նրա որդիների երեք կանայք:
14. Նրանք եւ ամէն տեսակ գազան, ամէն տեսակ անասուն, երկրի վրայ սողացող ամէն տեսակ սողուն եւ ամէն տեսակ թռչուն
15. մտան տապան՝ Նոյի մօտ, երկու-երկու բոլոր այն էակներից, որոնց մէջ կենդանութեան շունչ կար:
16. Տապան մտնող էակները արու եւ էգ էին, ինչպէս պատուիրել էր Աստուած Նոյին: Տէր Աստուած Նրա ետեւից փակեց տապանը:
17. Երկրի վրայ քառասուն օր ու քառասուն գիշեր ջրհեղեղ եղաւ: Յորդացաւ ջուրն ու բարձրացրեց տապանը, եւ տապանը կտրուեց գետնից:
18. Ջուրն աւելի ու աւելի վարարեց, ողողեց երկիրը, եւ տապանը լողաց ջրերի վրայ:
19. Ջուրն այնքան սաստկացաւ երկրի վրայ, որ ծածկեց երկնքի տակ գտնուող բոլոր բարձրաբերձ լեռները:
20. Տասնհինգ կանգուն աւելի վեր բարձրացաւ ջուրը եւ ծածկեց բոլոր լեռները:
21. Մեռան երկրի վրայ շարժուող բոլոր կենդանի էակները՝ թռչունները, անասուններն ու գազանները, երկրի վրայ սողացող բոլոր սողուններն ու բոլոր մարդիկ:
22. Յամաքի վրայ եղած ամէն բան, որ կենդանի շունչ ուներ իր ռուկների մէջ, ոչնչացաւ:
23. Աստուած բնաջնջեց երկրի երեսին գտնուող ամէն մի էակ՝ մարդուց մինչեւ անասուն, սողուններից մինչեւ երկնքի թռչունները: Նրանք վերացան երկրի երեսից: Կենդանի մնաց միայն Նոյը, Նաեւ Նրանք, որ Նրա հետ տապանում էին:
24. Ջուրը հարիւր յիսուն օր ողողեց երկիրը:

1. Աստուած յիշեց Նոյին, նրա հետ տապանում գտնուող բոլոր գազաններին, բոլոր անասուններին ու բոլոր թռչուններին: Աստուած հողմ բարձրացրեց երկրի վրայ, եւ անձրեւը դադարեց:
2. Փակուեցին ստորգետնեայ աղբիւրներն ու երկնքի սահանքները, դադարեց նաեւ երկնքից թափուող անձրեւը:
3. Ջուրը գնալով իջնում, քաշւում էր երկրի վրայից, եւ հարիւր յիսուն օր անց այն նուազեց:
4. Եօթներորդ ամսի քսանեօթին տապանը նստեց Արարատ լեռան վրայ:
5. Ջուրը մինչեւ տասներորդ ամիսը քաշւում էր, նուազում: Տասնմէկերորդ ամսի առաջին օրը երեւացին լեռների գագաթները:
6. Քառասուն օր յետոյ Նոյը բացեց իր կառուցած տապանի պատուհանը:
7. Նա արձակեց մի ագռաւ, որը գնաց, բայց չվերադարձաւ, մինչեւ որ ջուրը ցամաքէր երկրի վրայից:
8. Յետոյ նա արձակեց մի աղաւնի՝ տեսնելու, թէ ջրերը քաշուե՞լ են երկրի երեսից:
9. Աղաւնին իր ոտքը դնելու տեղ չգտնելով՝ վերադարձաւ նրա մօտ՝ տապան, որովհետեւ ջուրը դեռ ծածկել էր ողջ երկիրը: Նոյը երկարեց ձեռքը, բռնեց նրան եւ բերեց իր մօտ՝ տապան:
10. Նա սպասեց եւս եօթը օր ու տապանից դարձեալ արձակեց աղաւնուն:
11. Աղաւնին նրա մօտ վերադարձաւ երեկոյեան: Նրա կտուցին ձիթնու մի շիւղ կար: Նոյը դրանից հասկացաւ, որ ջրերը քաշուել են երկրի վրայից:
12. Նոյն սպասեց եւս եօթը օր ու նորից արձակեց աղաւնուն, որն այլեւս նրա մօտ չվերադարձաւ:
13. Նոյի կեանքի վեցհարիւրմէկերորդ տարում, առաջին ամսի առաջին օրը ջրերը քաշուեցին երկրի վրայից: Նոյը բացեց իր կառուցած տապանի ծածկը եւ տեսաւ, որ ջուրը քաշուել է երկրի երեսից:
14. Երկրորդ ամսի քսանեօթներորդ օրը երկիրը ցամաքեց:
15. Տէր Աստուած Նոյին ասաց.
16. Դո՛ւրս եկե՛ք այդ տապանից դու, քո կինը, քո որդիները եւ քո որդիների կանայք,
17. նաեւ քեզ հետ եղող բոլոր գազանները, բոլոր էակները՝ թռչուններից մինչեւ անասունները: Դո՛ւրս հանիր քեզ հետ նաեւ երկրի վրայ սողացող բոլոր սողուններին, նրանք թող սողան երկրի վրայ: Աճեցե՛ք եւ բազմացե՛ք երկրի վրայ:
18. Դուրս ելան Նոյը, նրա հետ նաեւ իր կինը, իր որդիներն ու իր որդիների կանայք:
19. Երկրի բոլոր գազանները, բոլոր սողուններն ու բոլոր թռչունները՝ իրենց տեսակներով, դուրս ելան տապանից:
20. Նոյը զոհասեղան շինեց Աստծու համար: Նա առաւ բոլոր տեսակի անպիղծ անասուններից, բոլոր տեսակի անպիղծ թռչուններից եւ ողջակիզեց զոհասեղանի վրայ:
21. Եւ Տէր Աստուած հոտոտեց անուշ բոյրը: Տէր Աստուած իր մտքում ասաց. Մարդկանց չար արարքների համար ես երկիրն այլեւս չեմ անիծի, որովհետեւ մարդկանց միտքը մանկուց չարի ծառայութեան մէջ է: Ես այլեւս ոչ մի կենդանի էակի չեմ պատուհասի, ինչպէս արեցի:
22. Այսուհետեւ, քանի դեռ կայ երկիրը, թող չդադարեն սերմն ու հունձը, ցուրտն ու տօթը, ամառն ու գարունը, ցերեկն ու գիշերը:

1. Աստուած օրհնելով Նոյին ու նրա որդիներին՝ ասաց նրանց. Աճեցէ՛ք, բազմացէ՛ք, լցրէ՛ք երկիրն ու տիրեցէ՛ք դրան:
2. Ձեր ահն ու երկիւղը թող լինի երկրի բոլոր գազանների, երկնքի բոլոր թռչունների, երկրի բոլոր զեռունների եւ ծովի բոլոր ձկների վրայ, որ ենթարկել եմ ձեզ:
3. Ամեն մի կենդանի զեռուն թող կերակուր լինի ձեզ, ինչպէս խոտն ու բանջարն եմ տուել:
4. Կենսատու արիւն պարունակող միս չուտեք,
5. քանզի ես էլ ձեր կենսատու արիւնը կը պահանջեմ, բոլոր գազանների, ինչպէս նաեւ մարդու միջոցով կը պահանջեմ այն: Մարդու միջոցով պիտի պահանջեմ իր եղբոր հոգին:
6. Ով թափի մարդու արիւնը, նրա արեան փոխարէն թող թափուի իր արիւնը, որովհետեւ Աստծու պատկերով եմ ստեղծել ես մարդուն:
7. Իսկ դուք աճեցէ՛ք, բազմացէ՛ք, լցրէ՛ք երկիրը եւ բազմացէ՛ք դրա վրայ:
8. Տեր Աստուած, դիմելով Նոյին ու նրա որդիներին, որոնք նրա հետ էին, ասաց.
9. Ահա ես ուխտ եմ դնում ձեզ հետ, ձեզնից յետոյ եկող ձեր սերունդների հետ,
10. ձեզ հետ եղող բոլոր կենդանի էակների հետ՝ թռչունների, անասունների, երկրի բոլոր գազանների, այդ տապանից դուրս եկած բոլորի եւ երկրի բոլոր կենդանիների հետ:
11. Ես ուխտ եմ դնում ձեզ հետ. այլեւս ոչ մի էակ չի մեռնի ջրհեղեղից, ողջ երկիրը ոչնչացնող ջրհեղեղ չի լինի այլեւս:
12. Տեր Աստուած ասաց Նոյին. Իմ ու ձեր միջեւ, ձեզ հետ եղող ամեն կենդանի էակի միջեւ գալիք բոլոր սերունդների համար իմ հաստատած ուխտի նշանն այս է.
13. իմ ծիածանը կը կապեմ ամպերի մէջ: Եւ դա թող լինի իմ ու ողջ երկրի միջեւ յաւիտենական ուխտի նշանը:
14. Երբ երկրի վրայ ամպեր կուտակեմ, իմ ծիածանը թող երեւայ ամպերի մէջ:
15. Այնժամ ես կը յիշեմ իմ ուխտը, որ հաստատել եմ իմ ու ձեր միջեւ եւ շնչաւոր բոլոր էակների միջեւ: Այլեւս ջրհեղեղ չի լինի, որպէսզի բոլոր էակները չոչնչանան:
16. Թող իմ ծիածանը լինի ամպերի մէջ, որպէսզի ես տեսնեմ այն եւ յիշեմ իմ ու երկրի վրայ գտնուող բոլոր շնչաւոր էակների միջեւ իմ հաստատած յաւիտենական ուխտը:
17. Տեր Աստուած ասաց Նոյին. Այս է նշանն այն ուխտի, որ հաստատեցի իմ ու ձեր միջեւ եւ երկրի վրայ գտնուող բոլոր էակների միջեւ:
18. Նոյի՝ տապանից դուրս եկած որդիներն էին Սեմը, Քամը եւ Յափեթը: Քամը Քանանի հայրն էր:
19. Այս երեքն էին Նոյի որդիները, եւ ժողովուրդները սրանցից սերունելով տարածուեցին ողջ երկրի վրայ:
20. Նոյը՝ հողագործ այդ մարդը, առաջինն էր, որ հող մշակեց եւ այգի տնկեց:
21. Նա խմեց դրա գինուց, հարբեց ու մերկացաւ իր տան մէջ:
22. Քամը՝ Քանանի հայրը, տեսաւ իր հոր մերկութիւնն ու դուրս գնալով՝ այդ մասին պատմեց իր երկու եղբայրներին:
23. Սեմն ու Յափեթը, երկուսն էլ, հագուստներ առան իրենց ուսերին եւ, յետ-յետ գնալով, ծածկեցին իրենց հոր մերկութիւնը: Նրանք մէջքով էին կանգնած, այնպէս որ իրենց հոր մերկութիւնը չտեսան:
24. Նոյը սթափուելով գինովութիւնից՝ իմացաւ, թէ ինչ է արել իր նկատմամբ իր կրտսեր որդին,
25. եւ ասաց. Անծեալ լինի ստրուկ Քանանը եւ իր եղբայրների ծառան թող լինի:
26. Նա աւելացրեց. Օրհնեալ լինի Տեր Աստուած՝ Սեմի Աստուածը, իսկ Քանանը թող լինի նրա ծառան:
27. Աստուած թող բարգաւաճեցնի Յափեթին, նա թող բնակուի Սեմի տանը, իսկ Քանանը թող լինի նրա ծառան:

28. Ջրհեղեղից յետոյ Նոյն ապրեց երեք հարիւր յիսուն տարի:
29. Նոյն ինը հարիւր յիսուն տարի ապրելուց յետոյ մեռաւ:



1. Սրանք են Նոյի որդիների՝ Սեմի, Քամի, Յաբեթի սերունդները. ջրհեղեղից յետոյ որդիներ ծնուեցին նրանց:
2. Յաբեթի որդիներն են Գամերը, Մագոգը, Մադան, Յաւանը, Ելիսան, Թոբելը, Մոսոքը եւ Թիրասը:
3. Գամերի որդիներն են Ասքանազը, Ռիփաթը եւ Թորգոման:
4. Յաւանի որդիներն են Ելիսան ու Թարսիսը, կիտացիներն ու ռոդացիները:
5. Սրանցից է, որ բաժանուեցին եւ ծովեզերքում բնակութիւն հաստատեցին ժողովուրդները՝ իւրաքանչիւրն ըստ իր երկրում ունեցած լեզուների եւ տոհմերի:
6. Քամի որդիներն են Քուշն ու Մեսորեմը, Փուղն ու Քանանը:
7. Քուշի որդիներն են Սաբան, Եփլան, Սաբաթան, Ռեգման եւ Սաբակաթան: Ռեգմայի որդիներն են Սաբան եւ Յուդադանը:
8. Քուշը ծնեց Նեբրոթին: Նա առաջին հսկան էր երկրի վրայ:
9. Նա քաջ որսորդ էր Աստծու առաջ: Դրա համար էլ ասոյթ դարձաւ. Նեբրոթի պէս քաջ է Տէր Աստծու առաջ:
10. Նրա թագաւորութիւնն սկիզբ առաւ Բաբելոնում եւ ընդգրկում էր Որեքը, Աքադն ու Քաղանէն, որոնք գտնուում էին Սենաար երկրում:
11. Նեբրոթն ելաւ այդ երկրից ու գնաց Ասուր, կառուցեց Նինուէն, Ռոբոթ քաղաքը, Քաղանը,
12. ինչպէս նաեւ Նինուէի ու Քաղանի միջեւ գտնուող Դասեմանը: Սա մեծ քաղաք էր:
13. Մեսորեմը սերեց լուդիիմացիներին, սենիիմացիներին, սաղբիիմացիներին, հեփթաղիիմացիներին,
14. պատրոսոնիիմացիներին եւ քաստոնիիմացիներին, որոնցից սկիզբ առան փոշտացիներն ու կափթորիմացիները:
15. Քանանը ծնունդ տուեց Սիդոնին՝ իր անդրանիկ որդուն, քետացիներին,
16. յեբուսացիներին, ամորիացիներին, գերգեսացիներին,
17. խեւացիներին, արուակացիներին, ամինացիներին,
18. արադիոնացիներին, սամարացիներին եւ ամաթացիներին: Դրանից յետոյ սփռուեցին քանանացիների ցեղերը:
19. Քանանացիների սահմանները ձգուեցին Սիդոնից մինչեւ Գերարա, որ Գազայի մօտ էր, մինչեւ Սոդոմ եւ Գոմոր, Աղամայից ու Սեբոյիմից մինչեւ Լասա:
20. Ահա սրանք են Քամի որդիներն ըստ իրենց ցեղերի, ըստ իրենց լեզուների, իրենց երկրների ու իրենց տոհմերի:
21. Յաբեթի երեք եղբայրը՝ Սեմը, որ Եբեթի բոլոր որդիների նախահայրն էր, նոյնպէս ծնեց որդիներ:
22. Սեմի որդիներն են Ելամը, Ասուրը, Արփաքսադը, Լուղն ու Արամը:
23. Արամի որդիներն են Հուսը, Եմուղը, Գադերն ու Մոսոքը:
24. Արփաքսադը ծնեց Կայնանին, Կայնանը ծնեց Սաղային, իսկ Սաղան ծնեց Եբերին:
25. Եբերը ծնեց երկու որդի. մէկի անունը Փաղէկ էր, որովհետեւ նրա օրօք ցրուեցին մարդիկ, իսկ եղբօր անունը Յեկտան էր:
26. Յեկտանը ծնեց Էլմոդադին, Սալէքին, Ասարմոդին, Յարաքին,
27. Յոդորամին, Եգլին, Դեկլային,
28. Գեբադին, Աբիմէլին, Սաբէին,
29. Ուփիրին, Եփլային ու Յոբաբին: Սրանք բոլորը Յեկտանի որդիներն են:
30. Նրանք բնակութիւն հաստատեցին Մասեից մինչեւ Սոփերա, որ գտնուում էր արեւելեան լեռան կողմը:
31. Ահա սրանք են Սեմի որդիներն ըստ իրենց ցեղերի, ըստ իրենց լեզուների, իրենց երկրի ու տոհմերի:
32. Այս է Նոյի որդիների ցեղերի ծննդաբանութիւնն ըստ իրենց տոհմերի: Ջրհեղեղից յետոյ աշխարհով մէկ սփռուած ժողովուրդները սրանցից են առաջացել:



1. Այն ժամանակ ողջ երկիրը մեկ լեզուով, մեկ բարբառով էր խօսում:
2. Արեւելքից տեղաշարժուելու ժամանակ նրանք Սենաար երկրում մի դաշտ գտան եւ բնակուեցին այնտեղ:
3. Նրանք միմեանց դիմելով՝ ասացին. եկեք աղիւս շինենք ու այն թոճենք կրակով: Աղիւսը նրանց համար ծառայեց իբրեւ քար, իսկ կուպրը՝ իբրեւ շաղախ:
4. Նրանք ասացին. եկեք մեզ համար քաղաք կառուցենք եւ աշտարակ, որի գագաթը հասնի մինչեւ երկինք: Համբաւ ձեռք բերենք ողջ աշխարհով մեկ սփռուելուց առաջ:
5. Տէրն իջաւ, որպէսզի տեսնի այն քաղաքն ու աշտարակը, որ կառուցում էին մարդկանց որդիները:
6. Տէրն ասաց. Սրանք մեկ ժողովուրդ են, ունեն մեկ լեզու եւ սկսել են այդ գործն անել: Արդ, ոչինչ չի խանգարում նրանց, որ կառուցեն այն, ինչ կամենում են:
7. Արի իջնենք եւ խառնենք նրանց լեզուն այնպէս, որ ոչ մէկը չհասկանայ իր ընկերոջ ասածը:
8. Տէր Աստուած այնտեղից նրանց սփռեց աշխարհով մեկ, եւ նրանք դադարեցին քաղաքն ու աշտարակը կառուցելուց:
9. Դրա համար այն կոչուեց Խառնակութիւն (Բաբելոն), որովհետեւ Տէր Աստուած այնտեղ խառնեց ամբողջ երկրի բնակիչների լեզուները եւ այնտեղից նրանց սփռեց ողջ աշխարհով մեկ:
10. Սեմի սերունդները սրանք են. Սեմը հարիւրամեայ հասակում, ջրհեղեղից երկու տարի յետոյ ծնեց Արփաքսադին:
11. Սեմն Արփաքսադին ծնելուց յետոյ ապրեց եւս հինգ հարիւր տարի: Նա ծնեց ուստրեր ու դուստրեր եւ մեռաւ:
12. Արփաքսադը հարիւր երեսունհինգ տարեկան հասակում ծնեց Կայնանին:
13. Արփաքսադը Կայնանին ծնելուց յետոյ ապրեց եւս չորս հարիւր տարի, ծնեց ուստրեր ու դուստրեր եւ մեռաւ: Կայնանը հարիւր երեսուն տարեկան հասակում ծնեց Սաղային: Կայնանը Սաղային ծնելուց յետոյ ապրեց եւս երեք հարիւր երեսուն տարի, ծնեց ուստրեր ու դուստրեր եւ մեռաւ:
14. Սաղան հարիւր երեսուն տարեկան հասակում ծնեց Եբերին:
15. Սաղան Եբերին ծնելուց յետոյ ապրեց եւս երեք հարիւր երեսուն տարի, ծնեց ուստրեր ու դուստրեր եւ մեռաւ:
16. Եբերը հարիւր երեսունչորս տարեկան հասակում ծնեց Փաղէկին:
17. Եբերը Փաղէկին ծնելուց յետոյ ապրեց եւս երկու հարիւր եօթանասուն տարի, ծնեց ուստրեր ու դուստրեր եւ մեռաւ:
18. Փաղէկը հարիւր երեսունչորս տարեկան հասակում ծնեց Ռազաւին:
19. Փաղէկը Ռազաւին ծնելուց յետոյ ապրեց եւս երկու հարիւր ինը տարի, ծնեց ուստրեր ու դուստրեր եւ մեռաւ:
20. Ռազաւը հարիւր երեսուներկու տարեկան հասակում ծնեց Սերուքին:
21. Ռազաւը Սերուքին ծնելուց յետոյ ապրեց եւս երկու հարիւր եօթը տարի, ծնեց ուստրեր ու դուստրեր եւ մեռաւ:
22. Սերուքը հարիւր երեսուն տարեկան հասակում ծնեց Նաքորին:
23. Սերուքը Նաքորին ծնելուց յետոյ ապրեց եւս երկու հարիւր տարի, ծնեց տղաներ ու աղջիկներ եւ մեռաւ:
24. Նաքորը եօթանասունինը տարեկան հասակում ծնեց Թարային:
25. Նաքորը Թարային ծնելուց յետոյ ապրեց եւս հարիւր քսաներկու տարի, ծնեց տղաներ ու աղջիկներ եւ մեռաւ:
26. Թարան եօթանասուն տարեկան հասակում ծնեց Աբրամին, Նաքորին եւ Առանին:
27. Թարայի սերունդը այս է. Թարան ծնեց Աբրամին, Նաքորին ու Առանին, իսկ Առանը ծնեց Ղովտին:
28. Առանը մեռաւ իր հայր Թարայի կենդանութեան օրօք, իր ծննդավայրում՝

Քաղղէացւոց երկրում:

29. Աբրամն ու Նաքորը ամուսնացան: Աբրամի կնոջ անունը Սարա էր, իսկ Նաքորի կնոջ անունը՝ Մեղքա: Սա Առանի՝ Մեղքայի եւ Յեքայի հօր դուստրն էր:

30. Սարան ամուլ էր՝ երեխայ չէր ունենում:

31. Թարան իր որդի Աբրամին, իր որդի Նաքորին, իր որդի Առանի որդի Ղովտին ու իր հարսին՝ իր որդի Աբրամի կնոջը, Քաղղէացւոց երկրից առաւ տարաւ Քանանացւոց երկիրը: Նրանք հասան Խառան ու բնակուեցին այնտեղ:

32. Խառանում Թարան դարձաւ երկու հարիւր հինգ տարեկան. Թարան Խառանում էլ մեռաւ:

1. Աստուած ասաց Աբրամին. Հեռացի՛ր քո երկրից, քո ցեղից ու քո հոր տնից եւ գնա՛ այն երկիրը, որ ցոյց կը տամ քեզ:
2. Քեզ մեծ ցեղի նախահայր պիտի դարձնեմ, պիտի օրհնեմ քեզ, պիտի փառաւորեմ քո անունը, եւ դու օրհնեալ պիտի լինես:
3. Պիտի օրհնեմ քեզ օրհնողներին, իսկ քեզ անհիծողներին պիտի անհիծեմ: Քեզնով պիտի օրհնուեն աշխարհի բոլոր ժողովուրդները:
4. Եւ Աբրամը գնաց, ինչպէս ասել էր նրան Աստուած: Նրա հետ գնաց նաեւ Ղովտը: Աբրամը եօթանասունհինգ տարեկան էր, երբ հեռացաւ հառանից:
5. Աբրամն առաւ իր կին Սարային, իր եղբօրորդի Ղովտին, հառանում ձեռք բերած ողջ ունեցուածքն ու ստրուկներին: Նրանք ճանապարհ ընկան, որ գնան Քանանացոց երկիրը: Նրանք եկան Քանանի երկիրը:
6. Աբրամը կտրեց անցաւ երկիրն իր երկարութեամբ մինչեւ Սիւքեմ վայրը՝ Բարձր կաղնին: Այդ ժամանակ, սակայն, քանանացիներն էին բնակւում այդ երկրում:
7. Տէրը երեւաց Աբրամին եւ ասաց նրան. Քո յետնորդներին եմ տալու այս երկիրը: Աբրամն իրեն երեւացած Տիրոջ համար գոհասեղան շինեց այդտեղ:
8. Այդտեղից նա գնաց Բեթելի արեւելեան կողմում գտնուող լեռը: Այնտեղ՝ Բեթելում, խփեց իր վրանը, ծովի դիմաց, իսկ արեւելքում Անգէն էր: Այնտեղ Տիրոջ համար գոհասեղան շինեց ու կանչեց Աստծու անունը:
9. Աբրամը հեռացաւ, գնաց ու բնակուեց անապատում:
10. Երբ սով եղաւ երկրում, Աբրամն իջաւ Եգիպտոս, որ այնտեղ ապրի պանդխտութեան մէջ, քանի որ սովը սաստկացել էր երկրում:
11. Երբ Աբրամը մօտեցաւ Եգիպտոսին, իր կին Սարային ասաց. Գիտեմ, որ դու գեղեցիկ կին ես:
12. Արդ, եթէ պատահի, որ եգիպտացիները տեսնեն քեզ եւ ասեն՝ սա նրա կինն է, ու սպանեն ինձ, իսկ քեզ ողջ թողնեն,
13. կ'ասես, թէ՛ նրա քոյրն եմ, որպէսզի քո շնորհիւ ես չտուժեմ եւ քո շնորհիւ կենդանի մնամ:
14. Երբ Աբրամը մտաւ Եգիպտոս, եգիպտացիները տեսան, որ նրա կինը շատ գեղեցիկ է:
15. Տեսան նրան նաեւ փարաւոնի իշխանները, գովեցին նրան փարաւոնի առաջ ու նրան տարան փարաւոնի պալատը:
16. Սարայի համար նրանք լաւ վերաբերմունք ցոյց տուեցին Աբրամին: Եւ նա ոչխարների, կովերի, էջերի, ծառաների եւ աղախիսների, ջորիների եւ ուղտերի տէր դարձաւ:
17. Աբրամի կին Սարայի պատճառով Աստուած փարաւոնին ու նրա ընտանիքի անդամներին պատժեց մեծամեծ ու դաժան պատուհասներով:
18. Փարաւոնը կանչեց Աբրամին ու ասաց նրան. Այս ի՞նչ փորձանք բերեցիր իմ գլխին, ինչո՞ւ չայտնեցիր, թէ նա քո կինն է:
19. Ինչո՞ւ ասացիր, թէ Իմ քոյրն է, ես էլ նրան կնութեան առայ: Արդ, ահա քո կինը քո առաջ է, ա՛ն նրան ու հեռացի՛ր:
20. Փարաւոնն իր մարդկանց պատուիրեց, որ Աբրամին, իր ունեցուածքով, նրա կնոջը, ինչպէս նաեւ Ղովտին ճանապարհ դնեն:

1. Եգիպտոսից Աբրամն ելաւ գնաց անապատ, ինքը՝ իր ամբողջ ունեցուածքով, իր կինը եւ Ղովտն ել նրա հետ:
2. Աբրամը շատ հարուստ էր անասուններով, արծաթով եւ ոսկով:
3. Նա իր հասած տեղից՝ անապատից, գնաց Բեթել, որտեղ նախապէս նրա վրանն էր խփած, Բեթելի եւ Անգէի միջեւ գտնուող վայրը,
4. ուր սկզբնապէս նա զոհասեղան էր կառուցել: Այդտեղ Աբրամը կանչեց Տէր Աստծու անունը:
5. Աբրամի հետ գնացող Ղովտը նոյնպէս ուներ արջառներ, ոչխարներ, անասուններ,
6. բայց երկիրը նրանց չէր բաւականացնում միասին ապրելու համար, քանի որ նրանք մեծ ունեցուածքի տէր էին, ուստի հնարաւոր չէր համատեղ ապրել:
7. Կռիւ եղաւ Աբրամի հօտերի հովիւների ու Ղովտի հօտերի հովիւների միջեւ: Քանանացիներն ու փերեզացիներն այդ ժամանակ բնակւում էին այդ երկրում:
8. Աբրամն ասաց Ղովտին. Թող կռիւ չլինի իմ ու քո եւ իմ հովիւների ու քո հովիւների միջեւ, որովհետեւ մենք եղբայրներ ենք:
9. Մի՞թէ ողջ երկիրն առաջդ չի փռուած. հեռացի՛ր ինձնից: Եթէ դու ձախ գնաս, ես աջ կը գնամ, իսկ եթէ դու աջ գնաս, ես ձախ կը գնամ:
10. Ղովտն աչքերը բարձրացրեց ու տեսաւ, որ Յորդանանի բոլոր շրջաններն էլ ոռոգելի են: Քանի դեռ Աստուած չէր կործանել Սոդոմն ու Գոմորը, մինչեւ Չոորայի սահմանը Աստծու դրախտի նման էր, Եգիպտացւոց երկրի նման:
11. Ղովտն ընտրեց Յորդանանի ողջ շրջանը եւ գնաց դէպի արեւելք: Այսպիսով եղբայրները բաժանուեցին միմեանցից:
12. Աբրամը պանդխտեց Քանանացւոց երկրում, իսկ Ղովտը հաստատուեց այդ կողմերում գտնուող մի քաղաքում՝ ապրեց Սոդոմում:
13. Սոդոմացիները չար մարդիկ էին եւ Աստծու հանդէպ բազում մեղքեր էին գործում:
14. Ղովտի հեռանալուց յետոյ Աստուած Աբրամին ասաց. Կանգնածդ տեղից քո աչքերով նայի՛ր դէպի հիւսիս ու հարաւ, դէպի արեւելք ու ծով:
15. Որքան աչքդ կտրոււմ է, այդ ողջ երկիրը յաւիտեան քեզ եմ տալու եւ քո սերունդներին:
16. Զոյն յետնորդներին պիտի բազմացնեմ երկրի աւազի չափ. եթէ որեւէ մէկը ի վիճակի լինի հաշուելու երկրի աւագը, ապա քո յետնորդներն էլ թիւ կ'ունենան:
17. Իսկ արդ, արի շրջի՛ր այդ երկիրն իր երկարութեամբ ու լայնութեամբ, որովհետեւ այն քեզ եմ տալու:
18. Աբրամը ճանապարհ ընկաւ, եկաւ բնակուեց Քեբրոնում գտնուող Մամբրէի կաղնու մօտ եւ այնտեղ Տէր Աստծու համար զոհասեղան շինեց:

1. Սենաարի արքայ Ամարփադի թագաւորութեան ժամանակ Սելլասարի արքայ Արիոքը, Ելամի արքայ Քոդոդագոմորը եւ ազգերի արքայ Թարգաղը
2. պատերազմեցին սողոմացիների արքայ Բաղակի, գոմորացիների արքայ Բարսայի, ադամացիների արքայ Սենայի, սեբոյիմացիների արքայ Սիմոբորի, ինչպէս նաեւ Բաղակի՝ նոյն ինքը Սեգոր թագաւորի դէմ:
3. Սրանք բոլորը հաւաքուեցին Ադի ձորում, որ Ադի ծովն է:
4. Նրանք տասներկու տարի ենթարկուել էին Քոդոդագոմորին եւ տասներեքերորդ տարում ապստամբեցին:
5. Տասնչորսերորդ տարում եկան Քոդոդագոմորն ու նրա հետ եղած թագաւորները եւ կոտորեցին Աստարոթ Կառնայիմում գտնուող հսկաներին ու նրանց հետ եղած հզօր ցեղերին, ինչպէս նաեւ սոմացիներին՝ նրանց Շաւէ քաղաքում,
6. կոտորեցին նաեւ Սէրի լեռներում բնակուող քոռացիներին եւ հասան մինչեւ անապատում գտնուող Բեւեկի ձորը:
7. Նրանք վերադարձան Դատաստանի աղբիւրը, այսինքն՝ Կադէս, եւ կոտորեցին Ամադէկի բոլոր իշխաններին ու Ասասանթամարում բնակուող ամորիացիներին:
8. Սողոմացիների արքան, գոմորացիների արքան, ադամացիների արքան, սեբոյիմացիների արքան ու Բաղակի՝ այսինքն Սեգորի արքան ելան եւ Ադի ձորում ճակատամարտ տուեցին
9. Ելամի արքայ Քոդոդագոմորի, ազգերի արքայ Թարգաղի, Սենաարի արքայ Ամարփադի, Սելլասարի արքայ Արիոքի դէմ. չորս թագաւոր՝ հնգի դէմ:
10. Ադի ձորում հորեր կային՝ կուլարի հորեր: Սողոմացիների արքան ու գոմորացիների արքան փախուստի դիմելիս ընկան դրանց մէջ, իսկ մնացածները փախան լեռան կողմը:
11. Նրանք բռնագրաւեցին սողոմացիների ու գոմորացիների ողջ աւարն ու բոլոր պաշարները եւ գնացին:
12. Նրանք գերեցին նաեւ Սողոմում բնակուող Ղովտին՝ Աբրամի եղբորորդուն, բռնագրաւեցին նրա ունեցուածքը եւ գնացին:
13. Ճողոպրածներից մէկն եկաւ ու այդ մասին պատմեց միւս կողմում գտնուող Աբրամին: Նա բնակւում էր Աբրամի դաշնակիցներ Եսքողի եղբոր եւ Օնանի եղբոր՝ ամորիացի Մամբրէի կաղնու մօտ:
14. Երբ Աբրամն իմացաւ, թէ գերեվարուել է իր եղբորորդի Ղովտը, հաւաքեց իր երեք հարիւր տասնութ ընդոծիներին,
15. ինքն ու իր ծառաները գիշերով հարուածեցին նրանց, քշեցին մինչեւ Քոբադ, որ Դամասկոսի ձախ կողմում է գտնւում:
16. Աբրամը ետ առաւ սողոմացիների ամբողջ աւարը, ազատեց իր եղբորորդի Ղովտին, նրա ամբողջ ունեցուածքը, ինչպէս նաեւ կանանց ու ժողովրդին:
17. Երբ նա վերադառնում էր Քոդոդագոմորին եւ նրա հետ եղած թագաւորներին կոտորելուց, Շաւէի ձորում, այսինքն՝ Թագաւորների դաշտում նրան ընդառաջ գնաց սողոմացիների արքան:
18. Շաղէմի արքայ Մեթիսեդեկը հաց ու գինի հիւրասիրեց նրան, որովհետեւ ինքը բարձրեալ Աստծու քահանան էր:
19. Նա օրհնեց Աբրամին՝ ասելով. Օրհնեալ է Աբրամը բարձրեալ Աստծու կողմից, որ ստեղծեց երկինքն ու երկիրը:
20. Օրհնեալ է բարձրեալն Աստուած, որ քո թշնամիներին մատնեց քո ձեռքը: Աբրամը նրան տասանորդ տուեց ամէն ինչից:
21. Սողոմացիների արքան, սակայն, ասաց Աբրամին. Դու ինձ տուր այդ մարդկանց, իսկ աւարը թող մնայ քեզ:
22. Աբրամն ասաց սողոմացիների արքային. Երդւում եմ երկինքն ու երկիրը ստեղծած բարձրեալ Աստուծով,

23. որ քեզ պատկանող ոչ մի բանից՝ թելից մինչեւ կօշիկի կապն անգամ ես չեմ վերցնի,  
որպեսզի չասես, թե՛ ես հարստացրի Աբրամին,
24. բացի ծառաների կերածից: Իսկ ինձ հետ եկած մարդիկ՝ Օնանը, Եսքողն ու  
Մամբրեն, իրենք թող ստանան իրենց բաժինը:



1. Այս դեպքերից յետոյ Աբրամը երագում լսեց Տիրոջ խօսքը, որն ասում էր. Մի՛ վախեցիր, Աբրամ, ես քեզ հովանաւոր պիտի լինեմ, եւ քո վարձը չափազանց շատ պիտի լինի:
2. Աբրամն ասաց. Տէ՛ր ամենակալ, ի՞նչ ես անելու ինձ, չէ՞ որ ես անորդի եմ կորչում, եւ ինձ ժառանգելու է եղիազար Դամասկացին՝ իմ ընդոծին Մասեկի որդին:
3. Աբրամն ակեւացրեց. Քանի որ ինձ զաւակ չտուեցիր, ուստի իմ ընդոծինն է ինձ ժառանգելու:
4. Նրան իսկոյն հասաւ Աստծու ծայնը, որն ասում էր. Նա չէ, որ ժառանգելու է քեզ, այլ քեզնից ծնուածն է ժառանգելու քեզ:
5. Աստուած դուրս հանեց նրան ու ասաց. Նայի՛ր երկնքին ու հաշուի՛ր աստղերը, եթէ կարող ես հաշուել դրանք: Նա ակեւացրեց. Այդքան է լինելու քո սերունդը:
6. Աբրամը հաւատաց Աստծուն, եւ այդ հաւատը իր համար արդարութիւն համարուեց:
7. Աստուած ասաց նրան. Ե՛ւ եմ քո Տէր Աստուածը, որ քեզ դուրս հանեցի Քաղդէացւոց երկրից, որպէսզի այս երկիրը քեզ տամ որպէս ժառանգութիւն:
8. Աբրամն ասաց. Տէ՛ր ամենակալ, ինչի՞ց գիտեմ, որ ժառանգելու եմ այն:
9. Աստուած ասաց նրան. Դու ինձ համար ա՛ռ երեք տարեկան երինջ, երեք տարեկան նոխազ, երեք տարեկան խոյ, տատրակ եւ աղաւնի:
10. Աբրամն առաւ այդ ամէնը, կտրեց մէջտեղից ու կտորները դրեց իրար դիմաց, իսկ թռչունները չկտրատեց:
11. Գիշակեր թռչուններ էին իջնում դրանց կտրտուած մարմինների վրայ, բայց Աբրամը հսկում էր կտրտուած մարմինները:
12. Արեւի մայր մտնելու ժամանակ Աբրամը թմբիրի մէջ ընկաւ, սարսափելի վախ համակեց նրա սիրտը:
13. Տէրն ասաց Աբրամին. Լա՛ւ իմացիր, որ քո յետնորդները պանդուխտ են լինելու օտար երկրում: Նրանց պիտի ստրկացնեն, պիտի չարչարեն, պիտի տանջեն չորս հարիւր տարի,
14. բայց ես դատաստան պիտի տեսնեմ այն ազգի հետ, որը պիտի ստրկացնի նրանց: Դրանից յետոյ նրանք այստեղ պիտի վերադառնան բազում հարստութեամբ:
15. Դու խաղաղ հոգով պիտի գնաս քո նախնիների գիրկը՝ խոր ծերութեան հասնելով:
16. Չորրորդ սերունդը պիտի վերադառնայ այստեղ, որովհետեւ ամորհացիների մեղքերը դեռ իրենց լրումին չեն հասել:
17. Երբ արեւը մայր մտնելու մօտ էր, կրակ բոցավառուեց, երեւաց ծխացող մի հնոց, եւ կրակի լեզուները անցան անասունների կտրտուած մարմինների միջով:
18. Այդ օրը Տէրն ուխտ դրեց Աբրամի հետ եւ ասաց. Քո յետնորդներին եմ տալու այդ երկիրը՝ եգիպտացիների գետից մինչեւ Եփրատ մեծ գետը,
19. նրանց պիտի ենթարկուեն կինեցիները, կենեզացիները, կեդմոնացիները,
20. քետացիները, փերեզացիները, ռափիմացիները,
21. ամորհացիները, քանանացիները եւ յեբուսացիները:

1. Աբրամի կին Սարան նրան երեխայ չէր պարգեւում: Սարան ուներ մի եգիպտացի աղախին, որի անունն Ագար էր:
2. Սարան Քանանացւոց երկրում ասաց Աբրամին. Քանի որ Տէրն ինձ զրկել է երեխայ ունենալուց, պառկի՛ր իմ աղախնի հետ, որպէսզի նրա միջոցով որդի ունենամ: Եւ Աբրամն անսաց Սարայի ասածին:
3. Սարան՝ Աբրամի կինը, եգիպտացի աղախին Ագարին կնութեան տուեց իր ամուսնուն՝ Աբրամին, Քանանացիների երկրում տասը տարի նրա ապրելուց յետոյ:
4. Աբրամը պառկեց Ագարի հետ, եւ սա յղիացաւ: Երբ Ագարը տեսաւ, որ ինքը յղի է, տիրուհին ընկաւ նրա աչքից:
5. Այն ժամանակ Սարան ասաց Աբրամին. Անիրաւ ես դու իմ նկատմամբ. ե՛ս իմ աղախնուն յանձնեցի քո գիրկը. իսկ նա տեսնելով, որ ինքը յղիացել է, արհամարհում է ինձ: Աստուած թող իմ ու քո դատաստանը տեսնի:
6. Աբրամն ասաց Սարային. Քո աղախինն ահա քո ձեռքում է, վարուի՛ր նրա հետ այնպէս, ինչպէս հաճոյ է քեզ: Սարան չարչարեց նրան, եւ աղախինը փախաւ նրա մօտից:
7. Տիրոջ հրեշտակը նրան գտաւ անապատում, ջրի աղբիւրի մօտ, այն աղբիւրի, որ Սուր տանող ճանապարհի վրայ է:
8. Տիրոջ հրեշտակը նրան ասաց. Ագա՛ր, Սարայի աղախին, որտեղի՞ց ես գալիս, կամ ո՞ր ես գնում: Նա պատասխանեց. Իմ տիրուհի Սարայի մօտից եմ փախչում ես:
9. Տիրոջ հրեշտակը նրան ասաց. Վերադարձի՛ր քո տիրուհու մօտ եւ հնազա՛նդ եղիր նրան:
10. Տիրոջ հրեշտակն անելացրեց. Ես անչափ բազմացնելու եմ քո սերունդը, այնքան, որ հաշուել հնարաւոր չլինի:
11. Տիրոջ հրեշտակը ասաց նաեւ. Դու արդէն յղի ես, որդի պիտի ունենաս եւ նրա անունը Իսմայել պիտի դնես, որովհետեւ Տէրը իմացաւ քո տառապանքները:
12. Նա վայրագ մարդ է լինելու: Նա ձեռք է բարձրացնելու բոլորի դէմ, եւ բոլորը ձեռք են բարձրացնելու նրա դէմ: Նա բնակուելու է իր բոլոր եղբայրների դիմաց:
13. Ագարն իր հետ խօսող Տիրոջը դիմելով՝ ասաց. Դու այն Աստուածն ես, որ ինձ զօրավիճ եղաւ. - քանզի ասաց, - ես իմ առաջ տեսայ նրան, ով երեւացել է ինձ:
14. Այդ իսկ պատճառով ջրհորը կոչուեց Ջրհոր, այսինքն՝ որի դիմաց տեսայ Աստծուն: Այն գտնւում է Կադեսի ու Բարադի միջեւ:
15. Ագարը Աբրամի համար ծնեց մի որդի, եւ Աբրամը Ագարի՝ իր համար ծնած որդու անունը դրեց Իսմայել:
16. Աբրամը ութսունվեց տարեկան էր, երբ Ագարը նրա համար ծնեց Իսմայելին:

1. Երբ Աբրամը իննսունինը տարեկան եղաւ, Տէր Աստուած երեւաց Աբրամին ու ասաց Նրան. Ես եմ քո Աստուածը, հնազանդ եղիր ինձ, եղի՛ր անարատ:
2. Ուխտ եմ դնելու իմ եւ քո միջեւ. ես անչափ բազմացնելու եմ քո սերունդը:
3. Աբրամը երկրպագեց, իսկ Աստուած, դիմելով Նրան, ասաց.
4. Այս է իմ քեզ հետ դրած ուխտը. բազում ազգերի Նախահայր պիտի դառնաս:
5. Սրանից յետոյ քո անունը Աբրամ պիտի չլինի, այլ Աբրահամ պիտի լինի քո անունը, որովհետեւ բազում ազգերի Նախահայր եմ դարձնելու քեզ:
6. Քո սերունդը շատ եմ աճեցնելու, քեզնից բազում ազգեր պիտի սերեմ, թագաւորներ պիտի ծնունեն քեզնից:
7. Իմ ուխտը պիտի հաստատեմ իմ եւ քո միջեւ, քեզնից յետոյ գալիք քո սերունդների ու Նրանց ցեղերի միջեւ որպէս յաւիտենական ուխտ, որով ես եմ լինելու քո եւ քեզնից յետոյ գալիք սերունդների Աստուածը:
8. Քեզ ու քո սերունդներին իբրեւ յաւիտենական սեփականութիւն տալու եմ այս երկիրը, ուր դու բնակուում ես պանդխտութեան մէջ, Քանանացիների ամբողջ երկիրը: Ես լինելու եմ Նրանց Աստուածը,
9. իսկ դու եւ քեզնից յետոյ գալիք քո զաւակները, սերնդից սերունդ, պէտք է պահեք իմ ուխտը:
10. Այս է իմ ուխտը, որ պիտի պահես իմ եւ քո միջեւ ու քեզնից յետոյ գալիք քո զաւակների միջեւ, սերնդից սերունդ:
11. Ձեր բոլոր արու զաւակները պիտի թլփատուեն, պիտի թլփատեք ձեր անդամների թլփները, եւ դա թող լինի իմ եւ ձեր միջեւ ուխտի նշանը:
12. Ձեր մանուկները՝ ձեր ցեղերի բոլոր արուները, ընդոծինն ու արծաթով գնուած ստրուկները, ամեն մի օտարածին, որ քո սերնդից չէ, ութօրեայ հասակում պէտք է թլփատուեն: Պէտք է անպայման թլփատուեն քո տան ընդոծինն ու արծաթով գնուած քո ստրուկը:
13. Ձեր թլփատութեան մասին իմ ուխտը թող յաւիտենական ուխտ լինի:
14. Ութերորդ օրը թլփիդ չթլփատուած արուս թող վերանայ իր ցեղի միջից, որովհետեւ խախտած կը լինի իմ ուխտը:
15. Աստուած ասաց Աբրահամին. Քո կին Սարայի անունն այլեւս Սարա թող չլինի, այլ Սառա թող լինի Նրա անունը:
16. Ես կ'օրհնեմ Նրան եւ Նրա միջոցով քեզ զաւակ կը պարգեւեմ, ես կ'օրհնեմ Նրան, Նա ազգերի Նախամայր կը դառնայ, Նրանից ցեղերի թագաւորներ կը ծնունեն:
17. Աբրահամը երկրպագեց, ծիծաղեց ու ինքն իրեն ասաց. Կարո՞ղ է հարիւր տարեկան մարդը որդի ունենալ, իննսունամեայ Սառան կարո՞ղ է ծնել:
18. Աբրահամն ասաց Աստծուն. Այս Իսմայէլը թող ապրի քո առաջ:
19. Աստուած պատասխանեց Աբրահամին. Այո՛. ահա քո կին Սառան քեզ համար որդի է բերելու, եւ իմ ուխտը, որպէս յաւիտենական ուխտ, հաստատելու եմ Նրա հետ ու Նրանից յետոյ գալիք սերունդների հետ:
20. Ինչ վերաբերում է Իսմայէլին, ապա ընդառաջում եմ քեզ: Նրան կ'օրհնեմ, Նրան կ'աճեցնեմ եւ անչափ կը բազմացնեմ Նրա սերունդները: Նա տասներկու ազգ է սերելու, եւ Նրան մեծ ազգի Նախահայր եմ դարձնելու,
21. բայց իմ ուխտը ես հաստատելու եմ Իսահակի հետ, որին կը ծնի Սառան քեզ համար միւս տարի այս ժամանակ:
22. Աստուած վերջացրեց իր խօսքը Աբրահամի հետ եւ հեռացաւ Նրա մօտից:
23. Աբրահամը իր որդի Իսմայէլի, իր բոլոր ընդոծիկների, արծաթով գնուած իր բոլոր ստրուկների եւ Աբրահամի տանն եղած բոլոր արու մարդկանց թլփիդ Նոյն օրն իսկ թլփատեց, ինչպէս ասել էր Նրան Աստուած:
24. Աբրահամը իննսունինը տարեկան էր, երբ թլփատեց իր թլփիդ,
25. իսկ իր որդի Իսմայէլը տասներեք տարեկան էր, երբ թլփատուեց Նրա թլփիդ:

26. Այդ օրը թվատուեցին Աբրահամն ու իր որդի Իսմայելը:

27. Նա թվատեց իր տան բոլոր տղամարդկանց՝ ընդոծիներ լինեն նրանք թե արծաթով գնուած օտարածին ստրուկներ:

1. Աստուած Աբրահամին երեւաց Մամբրէի կաղնու մօտ, երբ սա կէսօրին դեռ նստած էր իր վրանի դռան մօտ:
2. Աբրահամը բարձրացրեց աչքերը եւ իր դիմաց տեսաւ երեք տղամարդկանց: Տեսնելով նրանց՝ նա իր վրանի դռան մօտից ընդառաջ գնաց, գլուխը խոնարհեց մինչեւ գետին ու ասաց նրանց:
3. Տէ՛ր, եթէ շնորհ գտայ քո առաջ, քո ծառային անտես մի՛ արա,
4. թող մի քիչ ջուր բերեն, լուան ձեր ոտքերը, ապա հովացէ՛ք ծառի տակ:
5. Հաց բերեմ, կերէ՛ք եւ ապա գնացէ՛ք ձեր ճանապարհով, որովհետեւ ձեր ծառայի մօտ գալու համար շեղեցիք ձեր ճանապարհը: Նրանք պատասխանեցին. Արա՛ այնպէս, ինչպէս ասացիր:
6. Աբրահամն շտապեց դէպի վրանը՝ Սառայի մօտ, եւ ասաց նրան. Շտապի՛ր, երեք գրիւ ընտիր ալիւր հունցի՛ր ու նկանակ պատրաստի՛ր:
7. Աբրահամը գնաց դէպի նախիր, վերցրեց մի մատղաշ, լաւ հորթ, տուեց ծառային ու շտապեցրեց, որ կերակուր պատրաստի:
8. Նա վերցրեց կարագ, կաթ ու հորթի մսից պատրաստուած կերակուրը եւ դրեց նրանց առաջ: Նրանք կերան, իսկ ինքը կանգնած մնաց նրանց առաջ, ծառի տակ:
9. Նրանք հարցրին. Ու՞ր է քո կին Սառան: Նա պատասխանեց. Վրանում է:
10. Նրանցից մէկն ասաց. Ես եկող տարի նոյն այս օրերին կը գամ քեզ մօտ եւ քո կին Սառան որդի կ'ունենայ: Սառան ականջ էր դնում վրանի դռանը՝ նրա ետեւում կանգնած:
11. Աբրահամն ու Սառան ծերացել էին, նրանց տարիքն առաջացել էր, եւ Սառան կորցրել էր ծննդաբերելու յատկութիւնը:
12. Ծիծաղեց Սառան իր մտքում եւ ասաց. Այն, ինչ մինչեւ այժմ չկարողացայ անել, հիմա՞ պիտի կարողանամ: Իսկ իմ ամուսինն էլ ծերացել է:
13. Տէրն ասաց Աբրահամին. Այդ ինչո՞ւ է ծիծաղում Սառան իր մտքում եւ ասում, թե՛ Իրօ՞ք կը ծնեմ, չէ՞ որ ես պառաւել եմ:
14. Մի՞թէ Աստծու համար անկարելի բան կայ: Եկող տարի այս ժամանակ՝ այս օրերին ես կը վերադառնամ քեզ մօտ, եւ Սառան որդի կ'ունենայ:
15. Ժխտեց Սառան՝ ասելով. Ես չծիծաղեցի: Նա վախեցել էր: Տէրը ասաց. Ո՛չ, այդպէս չէ, ծիծաղեցիր:
16. Նրանք այդտեղից վեր կենալով ճանապարհ ընկան դէպի Սոդոմացւոց ու Գոմորացւոց երկիրը, իսկ Աբրահամը գնաց նրանց ճանապարհելու:
17. Տէրն ասաց. Մի՞թէ ես իմ ծառայ Աբրահամից գաղտնի պիտի պահեմ այն, ինչ անելու եմ:
18. Աբրահամը, հաստատապէս, մեծ եւ բազմանդամ ազգի նախահայր է լինելու, եւ նրա միջոցով պիտի օրհնուեն երկրի բոլոր ազգերը:
19. որովհետեւ ես գիտեի, որ նա իր որդիներին ու իր յետնորդներին կը պատուիրի, որ նրանք Տիրոջ ճանապարհով ընթանան՝ պահպանելով արդարութիւնն ու իրաւունքը: Տէր Աստուած կը կատարի այն ամենը, ինչ խոստացել է Աբրահամին:
20. Այնուհետեւ Տէրն ասաց. Սոդոմացիների ու գոմորացիների աղաղակը ահագնացել, հասել է ինձ. նրանց մեղքերը խիստ շատացել են:
21. Արդ, իջնեմ տեսնեմ, թէ ինձ. հասած նրանց աղաղակը համապատասխանո՞ւմ է նրանց կատարածին, թէ՞ ոչ: Այդ եմ ուզում գիտենալ:
22. Այնտեղից շրջուելով՝ այդ մարդիկ եկան Սոդոմ: Աբրահամը կանգնած էր Տիրոջ դիմաց:
23. Աբրահամը մօտեցաւ Տիրոջն ու ասաց. Մի՞թէ դու արդարին ամբարշտի հետ կ'ոչնչացնես, եւ արդարը նոյն բանին կ'ենթարկուի, ինչ որ ամբարիշտը:
24. Եթէ քաղաքում յիսուն արդար լինի, կ'ոչնչացնե՞ս նրանց, չե՞ս խնայի ամբողջ քաղաքը յանուն այնտեղ գտնուող յիսուն արդարների:

25. Քա՛լ լիցի, չանես այդ բանը՝ արդարին սպանես ամբարշտի հետ, եւ արդարը  
ենթարկուի նոյն բանին, ինչ որ ամբարիշտը: Ո՛չ, դու, որ դատում ես ամբողջ աշխարհը,  
այդպիսի դատաստան չես անի:
26. Տէրն ասաց. եթէ Սողոմոն՝ այդ քաղաքում գտնուի յիսուն արդար, յանուն նրանց ես  
կը խնայեմ ամբողջ քաղաքը:
27. Պատասխան տուեց Աբրահամն ու ասաց. Հիմա համարձակում եմ խօսել Տիրոջ  
հետ, թէեւ ես հող եմ ու մոխիր:
28. Իսկ եթէ յիսուն արդարները պակասեն հինգ հոգով, այդ հնգի պատճառով դարձեա՞լ  
կը կործանես ողջ քաղաքը: Տէրն ասաց. Չեմ կործանի, եթէ այնտեղ գտնուի  
քառասունհինգ արդար:
29. Աբրահամը շարունակեց խօսել նրա հետ ու ասաց. Իսկ եթէ այնտեղ գտնուի  
քառասու՞ն: Նա ասաց. Չեմ կործանի յանուն այդ քառասունի:
30. Աբրահամն ասաց. Տէ՛ր, ինձ որեւէ բան կը պատահի՞, եթէ շարունակեմ խօսել. իսկ  
եթէ այնտեղ գտնուի երեսու՞ն: Տէրը պատասխանեց. Չեմ կործանի, եթէ այնտեղ գտնուի  
երեսուն:
31. Աբրահամն ասաց. Քանի սկսել եմ խօսել Տիրոջ հետ, ասեմ. իսկ եթէ այնտեղ գտնուի  
քսա՞ն: Տէրը պատասխանեց. Չեմ կործանի յանուն այդ քսանի:
32. Աբրահամն ասաց. Տէ՛ր, ինձ որեւէ բան կը պատահի՞, եթէ դարձեալ խօսեմ. իսկ եթէ  
այնտեղ գտնուի տա՞նը: Տէրը պատասխանեց. Չեմ կործանի յանուն տասի:
33. Եւ Տէրը, վերջացնելով Աբրահամի հետ խօսակցութիւնը, գնաց, իսկ Աբրահամը  
վերադարձաւ իր բնակատեղին:

1. Երկու հրեշտակները երեկոյեան եկան Սողոմ: Ղովտը նստած էր Սողոմի դարպասի մօտ: Երբ Ղովտը տեսաւ նրանց, ընդառաջ գնաց, գլուխը խոնարհեց մինչեւ գետին ու ասաց:
2. Համեցէ՛ք, տիա՛րք, եկեք մտե՛ք ձեր ծառայի տունը եւ գիշերեցէ՛ք այստեղ: Ես կը լուամ ձեր ոտքերը, եւ դուք վաղ առաւօտեան կը շարունակեք ձեր ճանապարհը: Նրանք ասացին. Ո՛հ, մենք այստեղ՝ քաղաքի հրապարակում կը գիշերենք:
3. Ղովտը նրանց շատ ստիպեց, եւ նրանք դարձան նրա կողմը ու մտան նրա տունը: Ղովտը ընթրիք պատրաստեց, բաղարջ հաց եփեց նրանց համար, եւ նրանք կերան:
4. Երբ դեռ նրանք քուն չէին մտել, սողոմացիների քաղաքի տղամարդիկ՝ երիտասարդից մինչեւ ծերը, ամբողջ ժողովուրդը միասին պաշարեցին տունը,
5. Ղովտին դուրս կանչեցին ու հարցրին նրան. Ո՞ր ես այն տղամարդիկ, որ գիշերը քեզ մօտ եկան: Նրանց բե՛ր մեզ մօտ, որ կենակցենք նրանց հետ:
6. Ղովտը դռնից դուրս՝ նրանց մօտ եկաւ եւ դուռը փակեց իր ետեւից:
7. Նա նրանց ասաց. Քա՛ւ լիցի, եղբայրնե՛ր, մի՛ գործեք այդ չարիքը:
8. Ես երկու դուստր ունեմ, որոնց տղամարդ չի մօտեցել: Բերեմ նրանց ձեզ մօտ, եւ նրանց հետ արեք այն, ինչ հաճոյ է ձեզ, միայն թէ այդ մարդկանց նկատմամբ որեւէ մեղք մի՛ գործեք, որովհետեւ նրանք մտել են իմ յարկի տակ:
9. Նրանք ասացին. Հեռո՛ւ կաց: Դու մեր երկիրը մտար իբրեւ պանդուխտ բնակուելու. միթէ դատաստա՞ն էլ ես ուզում տեսնել: Հիմա քեզ անելի շատ կը չարչարենք, քան նրանց: Նրանք շատ էին բռնանում այդ մարդու՝ Ղովտի վրայ, եւ քիչ էր մնացել, որ ջարդէին դուռը:
10. Ներսի մարդիկ, իրենց ձեռքերը մեկնելով, Ղովտին իրենց մօտ՝ տուն քաշեցին եւ տան դռները փակեցին,
11. դռան մօտ գտնուող մարդկանց՝ փոքրից մինչեւ մեծը կուրացրին, եւ սրանք յոգնեցին դուռը փնտռելուց:
12. Այդ մարդիկ Ղովտին հարցրին. Այս քաղաքում դու փեսայ, որդիներ, դուստրեր կամ ուրիշ որեւէ մէկն ունե՞ս: Հանի՛ր նրանց այս վայրից,
13. որովհետեւ մենք կործանելու ենք այս քաղաքը, քանի որ սրանց աղաղակը հասել է Տիրոջը, եւ Տէրը մեզ ուղարկել է, որ կործանենք այն:
14. Ղովտը գնաց իր փեսացուների մօտ, որոնք առնելու էին իր դուստրերին, եւ ասաց նրանց. Հեռացէ՛ք այստեղից, որովհետեւ Տէրը կործանելու է այս քաղաքը: Փեսացուներին թուաց, թէ նա կատակ է անում:
15. Երբ լոյսը բացուեց, հրեշտակներն սկսեցին շտապեցնել Ղովտին՝ ասելով. Ա՛ռ քո կնոջը, երկու դուստրերիդ եւ հեռացի՛ր այստեղից, որ դու էլ չկորչես այս քաղաքի անօրէնութեան մէջ:
16. Նրանք իրար անցան. եւ քանի որ Տէրը խնայել էր Ղովտին, հրեշտակները բռնեցին նրա, նրա կնոջ ու երկու դուստրերի ձեռքերից եւ քաղաքից դուրս հանեցին:
17. Երբ նրանց դուրս հանեցին, հրեշտակներն ասացին. Փրկի՛ր անձդ, ետ չնայես, կանգ չառնես այս երկրի որեւէ շրջանում: Փախի՛ր լեռը, որ միւսների հետ չտուժես:
18. Ղովտն ասաց նրանց. Աղաչում եմ, Տէ՛ր,
19. թէեւ իմ անձին փրկութիւն պարգեւելով դու ողորմեցիր քո ծառային եւ նրա հանդէպ ցուցաբերեցիր քո մեծ արդարութիւնը, բայց ես չեմ կարող փախչել լեռը, որովհետեւ գուցէ ինձ էլ հասնի փորձանքը, եւ ես մեռնեմ:
20. Ահա մօտակայքում գտնուող այս քաղաքում կարելի է ապաստանել, այն փոքր է, կարելի է այնտեղ փրկուել: Զե՞ որ այն փոքր է: Քո շնորհիւ ես կը փրկուեմ:
21. Տէրն ասաց նրան. Ահա ես շնորհ եմ անում քեզ ու քո այդ ասածին անսալով՝ չեմ կործանի այն քաղաքը, որի մասին ասացիր:
22. Արդ, շտապ փախի՛ր այնտեղ, որովհետեւ ոչինչ անել չեմ կարող. մինչեւ որ դու այնտեղ հասնես: Դրա համար էլ նա այդ քաղաքի անունը կոչեց Սեգոր:

23. Արեւ ծագեց երկրի վրայ, եւ Ղովտը մտաւ Սեգոր:
24. Տէրը երկնքից ծծումբ ու կրակ թափեց Սողոմի ու Գոմորի վրայ,
25. կործանեց այդ քաղաքներն ու դրանց ամբողջ շրջակայքը, ոչնչացրեց քաղաքների բոլոր բնակիչներին ու երկրի ամբողջ բուսականութիւնը:
26. Ղովտի կինը ետ նայեց ու դարձաւ աղէ արձան:
27. Աբրահամը վաղ առաւօտեան գնաց այնտեղ, ուր ինքը կանգնել էր Տիրոջ առաջ,
28. նայեց սողոմացիների ու գոմորացիների կողմը, ամբողջ շրջակայքը եւ տեսաւ, թէ ինչպէս երկրի բոցը բարձրանում է հնոցի ծխի պէս:
29. Երբ Տէրը կործանեց այդ բոլոր քաղաքներն իրենց շրջակայ բնակավայրերով, յիշեց Աբրահամին եւ քաղաքից հանեց ու կորստից փրկեց Ղովտին, երբ կործանում էր այն քաղաքները, ուր Ղովտն էր բնակուել:
30. Ղովտը ելաւ Սեգորից եւ լեռը բարձրացաւ, որովհետեւ վախենում էր մնալ Սեգորում: Նրա հետ էին նաեւ իր երկու դուստրերը: Ինքն ու իր երկու դուստրերը միասին բնակուեցին այդ լեռան մի քարայրում:
31. Աւագ դուստրն ասաց կրտսերին. Մեր հայրը ծերացել է, եւ երկրում չկայ մէկը, որ մեզ հետ պառկի, ինչպէս ողջ աշխարհի կարգն է:
32. Արի գինի խմեցնենք մեր հօրը, պառկենք նրա հետ ու մեր հօրից զաւակ ունենանք:
33. Նրանք իրենց հօրը գինի խմեցրին այդ գիշեր: Աւագ դուստրն այդ գիշեր պառկեց իր հօր հետ, իսկ Ղովտը չիմացաւ նրա պառկելն ու վեր կենալը:
34. Առաւօտեան աւագն ասաց կրտսերին. Ես երեկ պառկեցի իմ հօր հետ: Նրան այս գիշեր էլ գինի խմեցնենք, եւ դու մտի՛ր, պառկի՛ր նրա հետ, որ զաւակ ունենանք մեր հօրից:
35. Այդ գիշեր էլ գինի խմեցրին իրենց հօրը, եւ կրտսերը պառկեց իր հօր հետ: Ղովտը չիմացաւ նրա պառկելն ու վեր կենալը:
36. Ղովտի երկու դուստրերն էլ յղիացան իրենց հօրից:
37. Աւագը ծնեց որդի եւ նրա անունը դրեց Մովաբ, որ նշանակում է Իմ հօրից: Նա է մովաբացիների նախահայրը մինչեւ այսօր:
38. Կրտսերը նոյնպէս ծնեց որդի եւ նրա անունը դրեց Ամման, որ նշանակում է Իմ ազգատոհմի որդի: Նա է ամոնացիների նախահայրը մինչեւ այսօր:



1. Աբրահամն այդտեղից գնաց երկրի հարաւը, բնակուեց Կադէսի ու Սուրի միջեւ, ապա տարաբնակուեց Գերարայում:
2. Աբրահամն իր կին Սառայի մասին ասում էր, թէ նա իր քոյրն է: Գերարացիների արքայ Աբիմելէքն ուղարկեց իր մարդկանց եւ կին առաւ Սառային:
3. Գիշերն Աստուած Աբիմելէքին երեւաց երազում եւ ասաց. Դու մեռնելու ես այն կնոջ պատճառով, որին առար, որովհետեւ այդ կինը ամուսին ունի:
4. Սակայն Աբիմելէքը, որ չէր մերձեցել նրան, ասաց. Տէ՛ր, մի՞թէ դու կը սպանես բանից անտեղեակ ու արդար մարդկանց:
5. Չէ՞ որ նա ասաց ինձ՝ Իմ քոյրն է, իսկ սա ասաց ինձ՝ Իմ եղբայրն է: Ես մաքուր սրտով ու արդար ձեռքով արեցի դա:
6. Աստուած երազի մէջ ասաց նրան. Գիտեմ, որ դու մաքուր սրտով ես արել այդ, դրա համար էլ ես խնայեցի քեզ, որ չմեղանջես իմ դէմ: Այդ պատճառով էլ թոյլ չտուեցի, որ մերձենաս նրան:
7. Արդ, կնոջը վերադարձրո՛ւ իր ամուսնուն, որովհետեւ նա մարգարէ է, աղօթք կ'անի քեզ համար, եւ դու կենդանի կը մնաս: Եթէ չվերադարձնես, իմացի՛ր, որ դու եւ բոլոր նրանք, ովքեր քո իւրայիններն են, կը մեռնէք:
8. Աբիմելէքն առաւօտեան վաղ վեր կացաւ, կանչեց իր բոլոր ստրուկներին եւ նրանց պատմեց այս բոլոր բաները: Ամէնքը խիստ վախեցան:
9. Աբիմելէքը կանչեց Աբրահամին ու ասաց նրան. Այդ ի՞նչ փորձանք բերեցիր դու մեր գլխին: Մենք ի՞նչ մեղք էինք գործել քո դէմ, որ իմ ու իմ թագաւորութեան վրայ այդպիսի մեծամեծ մեղքեր բարդեցիր: Դու ինձ հետ արեցիր այն, ինչ ոչ ոք չէր արել:
10. Աբիմելէքն ասաց Աբրահամին. Ի՞նչ մտածեցիր, որ նման բան արեցիր:
11. Աբրահամը պատասխանեց. Ես կարծեցի, թէ գուցէ այս վայրում էլ աստուածապաշտութիւն չկայ, եւ հնարաւոր է, որ ինձ սպանեն իմ կնոջ պատճառով:
12. Բայց նա, արդարեւ, իմ քոյրն է իմ հօր եւ ոչ թէ մօր կողմից, եւ դարձաւ իմ կինը:
13. Երբ Աստուած ինձ հանեց իմ հօր տնից, ես կնոջս ասացի. Այս արդար քայլն արա՛ ինձ համար. ուր էլ գնանք, իմ մասին կ'ասես, թէ՛ իմ եղբայրն է:
14. Աբիմելէքն առաւ հազար սատեր, արջառ ու ոչխար, ստրուկներ ու ստրկուհիներ եւ տուեց Աբրահամին: Նրան վերադարձրեց նաեւ նրա կին Սառային:
15. Աբիմելէքն ասաց Աբրահամին. Ահա քո դիմաց փռուած է իմ երկիրը, ուր հաճելի է քեզ, այնտեղ էլ բնակուի՛ր:
16. Իսկ Սառային դիմելով՝ ասաց. Ահա հազար սատեր եմ տալիս քո եղբօրը: Այն թող պատուի վկայութիւն լինի քեզ եւ քեզ հետ գտնուող բոլոր կանանց համար: Այսուհետեւ կը պատմես ամբողջ ճշմարտութիւնը:
17. Աբրահամն աղօթեց Աստծուն, որը բուժեց Աբիմելէքին, ինչպէս նաեւ նրա կնոջն ու նրա աղախիներին: Նրանք արդէն կարողանում էին երեխայ ունենալ:
18. Մինչ այդ Տէրը Աբրահամի կին Սառայի պատճառով Աբիմելէքի ողջ տան կանանց զրկել էր երեխայ ունենալու կարողութիւնից:

1. Տերն այցելեց Սառային, ինչպես ասել էր, եւ կատարեց Սառային տուած իր խոստումը:
2. Սառան յղիացաւ ու Աբրահամի համար ծեր տարիքում որդի ծնեց ճիշտ այն ժամանակ, ինչպես Աստուած յայտնել էր Աբրահամին:
3. Աբրահամն իր որդու անունը, որին ծնեց Սառան նրա համար, դրեց Իսահակ:
4. Աբրահամն ուրբերորդ օրը թլփատեց իր որդի Իսահակին, ինչպես պատուիրել էր նրան Տէր Աստուած:
5. Աբրահամը հարիւր տարեկան էր, երբ ունեցաւ իր որդի Իսահակին:
6. Սառան ասաց. Աստուած ուրախութիւն պարգեւեց ինձ, եւ ով որ լսի այդ մասին, ինձ հետ կ'ուրախանայ:
7. Նա աւելացրեց. Ո՞վ կ'ասէր Աբրահամին, թէ Սառան երեխայ կը սնուցանի, քանի որ ծեր հասակում որդի ծնեցի:
8. Մանուկն աճեց, նրան կրօնքից կտրեցին, եւ Աբրահամն իր որդի Իսահակի կրօնքից կտրուելու առթիւ մեծ խնջոյք արեց:
9. Երբ Սառան տեսաւ, որ եգիպտոսի Ագարից Աբրահամի ունեցած որդին խաղում է իր որդի Իսահակի հետ, ասաց Աբրահամին.
10. Հեռացրո՛ւ քո աղախինն եւ նրա որդուն, որպէսզի քո աղախնի որդին իմ որդի Իսահակի հետ հաւասար ժառանգութիւն չստանայ:
11. Իր որդու մասին ասուած այդ խօսքերը ցաւ պատճառեցին Աբրահամին:
12. Աստուած ասաց Աբրահամին. Մանկան եւ աղախնի մասին ասուած խօսքերը թող քեզ ցաւ չպատճառեն: Ինչ որ ասի քեզ Սառան, լսի՛ր նրան, որովհետեւ Իսահակի միջոցով ես դու սերունդդ շարունակելու,
13. բայց քո աղախնի որդու սերունդն էլ ես նշանաւոր կը դարձնեմ, որովհետեւ նա էլ քո սերմից է:
14. Առաւօտեան վեր կացաւ Աբրահամը, առաւ հաց ու մի տիկ ջուր, տուեց Ագարին, մանկանը դրեց նրա շալակին եւ տնից դուրս հանեց: Ագարը թափառում էր անապատում, Երդման ջրհորի մօտ:
15. Տիկի ջուրն սպառուեց, մայրը մանկանը դրեց մի եղեւնու տակ
16. եւ գնաց նստեց նրա դիմաց, մի նետընկեց հեռաւորութեան վրայ՝ ասելով. Թող ես չտեսնեմ իմ որդու մահը: Նա նստել էր նրա դիմաց: Երեխան բարձրածայն լալիս էր:
17. Աստուած լսեց երեխայի ձայնը, որ գալիս էր այնտեղից: Աստուած երկնքից Ագարին ձայն տուեց ու ասաց. Ի՞նչ է պատահել, Ագա՛ր: Մի՛ վախեցիր, որովհետեւ Աստուած լսեց քո որդու ձայնը այնտեղից, ուր նա գտնուում է:
18. Բռնի՛ր քո մանկան ձեռքից, որովհետեւ ես նրան մեծ ազգի նախահայր եմ դարձնելու:
19. Աստուած բացեց Ագարի աչքերը, սա տեսաւ ըմպելի ջրի մի ջրհոր, գնաց, տիկը լցրեց ջրով ու խմեցրեց երեխային:
20. Եւ Աստուած երեխայի հետ էր. սա աճեց, դարձաւ աղեղնաւոր
21. եւ բնակուեց Փառանի անապատում: Մայրը նրա համար Եգիպտացիների երկրից կին առաւ:
22. Այդ ժամանակներում Աբիմելէքը, նրա սենեկապետ Ոքոզաթն ու նրա զօրքերի սպարապետ Փիքոդը, խօսելով Աբրահամի հետ, ասացին. Աստուած քեզ հետ է բոլոր այն գործերում, ինչ դու անում ես:
23. Արդ, Աստծու անունով ինձ երդուի՛ր, որ ո՛չ իմ, ո՛չ իմ գաւաւի, ո՛չ իմ անուան դեմ չես մեղանչի, այլ կը վարուես այնպէս արդար, ինչպէս ես վարուեցի քո նկատմամբ, նոյնպէս եւ իմ երկրի նկատմամբ, ուր դու բնակւում ես:
24. Աբրահամն ասաց. Երդւում եմ:
25. Աբրահամն Աբիմելէքին յանդիմանեց այն ջրհորի համար, որ Աբիմելէքի ծառաները խլել էին:

26. Աբիմելեքն ասաց Նրան. Ես չեմ իմացել, թե ով է արել այդ բանը, իսկ դու ել ինձ բան չես ասել: Ես միայն այսօր եմ լսում այդ մասին:
27. Աբրահամն առաւ արջառներ ու ոչխարներ, տուեց Աբիմելեքին, եւ երկուսն իրար հետ հաշտութիւն կնքեցին:
28. Աբրահամը եօթը որոջ առանձնացրեց:
29. Աբիմելեքը հարցրեց Աբրահամին. Ի՞նչ եմ նշանակում այս եօթը որոջները, որոնց առանձնացրիր:
30. Նա պատասխանեց. Այս եօթը որոջները ստացիր ինձնից ի հաւաստումն այն բանի, թէ ես եմ փորել այդ ջրհորը: Դրա համար ել այդ վայրը կոչուեց Երդման ջրհոր,
31. որովհետեւ Նրանք երկուսով միմեանց երդում տուեցին այնտեղ. Երդման ջրհորի մօտ հաշտութիւն կնքեցին: Աբիմելեքը, Նրա սենեկապետ Ոթոզաթն ու Նրա զօրքերի սպարապետ Փիքոդը այնտեղից վեր կացան ու վերադարձան Փղշտացւոց երկիրը:
32. Աբրահամը Երդման ջրհորի մօտ ծառ տնկեց, այնտեղ պաշտեց Տիրոջը, Նրան կոչեց Աստուած յաւիտենական:
33. Աբրահամը Փղշտացւոց երկրում պանդուխտ մնաց երկար ժամանակ:

1. Այս դեպքերից յետոյ Աստուած փորձեց Աբրահամին: Նա ծայն տուեց Նրան. Աբրահամ, Աբրահամ: Սա պատասխանեց. Այստեղ եմ:
2. Աստուած ասաց Նրան. Ա՛ռ քո միակ որդուն՝ քո սիրելի Իսահակին, գնա՛ մի բարձրադիր տեղ եւ այնտեղ՝ լերան վրայ, որ ցոյց կը տամ քեզ, ողջակիզի՛ր Նրան:
3. Աբրահամն առաւօտեան վեր կացաւ, համետը դրեց իր էշի վրայ, հետը վերցրեց երկու ստրուկ ծառաներ, իր որդի Իսահակին, ողջակիզութեան համար փայտ կոտրեց եւ ճանապարհ ընկաւ, եկաւ այն տեղը, որ Աստուած ասել էր Նրան:
4. Երրորդ օրը Աբրահամը բարձրացրեց իր աչքերը եւ հեռուից տեսաւ այդ տեղը:
5. Աբրահամն ասաց իր ծառաներին. Նստեցէ՛ք այստեղ՝ էշի մօտ, իսկ ես ու այս պատանին գնանք այնտեղ, երկրպագութիւն անենք ու վերադառնանք ձեզ մօտ:
6. Աբրահամը վերցրեց ողջակիզութեան փայտը, դրեց այն իր որդի Իսահակի մէջքին, իր ձեռքն առաւ կրակն ու դանակը, եւ երկուսով գնացին:
7. Իսահակը դիմեց իր հօրը՝ Աբրահամին. Հա՛յր: Սա ասաց. Ի՞նչ է, որդի՛ս: Նա հարցրեց. Ահա կրակը, եւ ահա փայտը, հապա ո՞ւր է ողջակիզելու ոչխարը:
8. Սա պատասխանեց. Աստուած կը հոգայ իր ողջակիզելու ոչխարի մասին, որդեա՛կ: Նրանք երկուսով գնացին
9. Եւ հասան այն տեղը, որ Նրան ցոյց էր տուել Աստուած: Աբրահամն այնտեղ զոհասեղան շինեց, վրան դրեց փայտը, իր որդի Իսահակին կապեց եւ դրեց զոհասեղանի փայտի վրայ:
10. Աբրահամը երկարեց ձեռքը, որ վերցնի դանակն ու մորթի իր որդուն:
11. Տիրոջ հրեշտակը երկնքից ծայն տուեց Նրան ու ասաց. Աբրահամ, Աբրահամ: Սա պատասխանեց Նրան. Այստեղ եմ:
12. Նա ասաց. Ձեռք մի՛ տուր պատանուն, Նրան որեւէ վնաս մի՛ պատճառիր, որովհետեւ այժմ համոզուեցի, որ դու երկիւղ ունես Աստծու նկատմամբ եւ ինձ համար չես խնայի քո որդուն:
13. Աբրահամը բարձրացրեց իր աչքերը եւ տեսաւ, որ մացառուտ թփի մէջ եղջիւրներից մի խոյ է կախուած: Աբրահամը գնաց, առաւ խոյն ու այն ողջակիզեց իր որդի Իսահակի փոխարէն:
14. Աբրահամն այդ վայրի անունը դրեց Տէրը տեսաւ, եւ մինչեւ այսօր էլ ասում են՝ Այդ լերան վրայ երեւաց Տէրը:
15. Տիրոջ հրեշտակը երկնքից երկրորդ անգամ ծայն տալով՝ ասաց Աբրահամին.
16. Անձովս եմ երդուում, - ասում է Տէրը, - քանի որ դու արեցիր այդ բանը՝ ինձ համար չխնայեցիր քո սիրելի որդուն,
17. անչափ պիտի օրհնեմ քեզ եւ երկնքի աստղերի, ծովեզերքի աւազի չափ պիտի բազմացնեմ քո սերունդը: Քո սերունդը պիտի տիրանայ իր թշնամիների քաղաքներին,
18. քո սերնդի շնորհիւ պիտի օրհնուեն աշխարհի բոլոր ազգերը այն բանի համար, որ անսացիր իմ ծայնին:
19. Աբրահամը վերադարձաւ իր ծառաների մօտ: Նրանք միասին ելան գնացին դեպի Երդման ջրհորը, եւ Աբրահամը բնակուեց Երդման ջրհորի մօտ:
20. Այս դեպքերից յետոյ Աբրահամին յայտնեցին, որ ահա Մեղքան եւս քո եղբայր Նաքորի համար ծնել է որդիներ՝
21. անդրանիկ որդի Ովքին, Նրա եղբայր Բաւին, ասորիների նախահայր Կամուէլին,
22. Քասադին, Ազաւին, Փալդասին, Յետդափին եւ Բաթուէլին:
23. Եւ Բաթուէլը ծնել է Ռեբեկային: Սրանք են այն ութ որդիները, որոնց ծնեց Մեղքան Աբրահամի եղբայր Նաքորի համար:
24. Նրա հարճը, որի անունը Ռեւմա էր, նա էլ ծնեց Տաբեկին, Դաամին, Տոքոսին եւ Մոքային:

1. Սառան դարձաւ հարիւր քսանեօթը տարեկան:
2. Նա մեռաւ կիրճի մէջ գտնուող Արբոկ քաղաքում: Սա Քանանացիների երկրում գտնուող Քեբրոնն է: Աբրահամը եկաւ, որ ողբայ ու սգայ Սառայի մահը:
3. Աբրահամը հեռացաւ իր հանգուցեալի մօտից եւ դիմելով Քետի որդիներին՝ ասաց.
4. Ես ձեր մէջ պանդուխտ ու օտարական եմ: Արդ, որպէս սեփականութիւն ինձ մի գերեզմանի հող տուէ՛ք ձեզ մօտ, որ թաղեմ իմ հանգուցեալին:
5. Քետի որդիները պատասխան տուեցին Աբրահամին՝ ասելով.
6. Լսի՛ր մեզ, տէ՛ր: Դու մեր մէջ Աստծու նշանակած թագաւորն ես: Քո հանգուցեալին թաղի՛ր մեր լաւագոյն գերեզմաններից մէկում, որովհետեւ մեզնից ոչ մէկը չի հրաժարուի քեզ շիրիմի համար տեղ տրամադրելուց:
7. Աբրահամը ելաւ եւ գլուխ տուեց այդ երկրի ժողովրդին՝ Քետի որդիներին:
8. Աբրահամը նրանց դիմելով՝ ասաց. Եթէ դուք յօժար էք, որ իմ հանգուցեալին ես անձամբ թաղեմ, լսեցէ՛ք ինձ եւ իմ մասին բարեխօսեցէ՛ք Սահառի որդի Եփրոնին,
9. որ ինձ տայ իր ագարակի սահմաններում գտնուող զոյգ քարայրը այնքան արծաթով, որքան արժէ այն: Թող այն ձեր ներկայութեամբ ինձ տայ որպէս շիրմավայր:
10. Եփրոնը քետացիների հետ նստած էր ժողովատեղում: Եփրոն քետացին պատասխան տուեց Աբրահամին եւ ի լուր Քետի որդիների ու բոլոր նրանց, ովքեր մտնում էին նրա քաղաքի դարպասով,
11. ասաց. Նայի՛ր ինձ, տէ՛ր, եւ լսի՛ր ինձ: Ագարակը տալիս եմ քեզ, քեզ եմ տալիս նաեւ այնտեղ գտնուող քարայրը: Իմ բոլոր համաքաղաքացիների ներկայութեամբ այն քեզ եմ յանձնում: Թաղի՛ր քո հանգուցեալին:
12. Աբրահամը գլուխ տուեց երկրի ժողովրդի առաջ,
13. Եփրոնի հետ խօսեց ի լուր երկրի ժողովրդի եւ ասաց. Քանի որ անսացիր ինձ, ուրեմն լսի՛ր ինձ: Ես քեզ կը տամ ագարակի փոխարժէքը: Վերցրո՛ւ այն ինձնից, եւ ես այնտեղ կը թաղեմ իմ հանգուցեալին:
14. Եփրոնն Աբրահամին պատասխանեց եւ ասաց.
15. Ո՛չ, տէ՛ր իմ, լսել եմ, որ հողամասը չորս հարիւր սատեր արծաթ արժէ: Դա ի՞նչ է որ իմ ու քո միջեւ: Դու թաղի՛ր քո հանգուցեալին:
16. Աբրահամը Եփրոնին լսելուց յետոյ կշռեց եւ նրան վճարեց չորս հարիւր սատեր արծաթը, ինչպէս խոստացել էր ի լուր Քետի որդիների, վաճառականների մօտ ընդունուած գնով:
17. Եփրոնի ագարակը, որ Մամբրէի կաղնու հանդիպակաց զոյգ քարայրի մօտն էր, այսինքն՝ ագարակն ու նրա մէջ գտնուող քարայրը, ագարակի եւ նրա շրջակայքի բոլոր ծառերը դարձան Աբրահամի սեփականութիւնը,
18. Քետի որդիների ներկայութեամբ, որոնք մտնում էին քաղաքի դարպասով:
19. Դրանից յետոյ Աբրահամն իր կին Սառային թաղեց ագարակի զոյգ քարայրում, որ Մամբրէի կաղնու դիմաց էր գտնուում, այսինքն՝ Քեբրոնում՝ Քանանացիների երկրում:
20. Ագարակն ու նրա մէջ գտնուող քարայրը Քետի որդիների կողմից տրուեցին Աբրահամին իբրեւ նրա սեփական գերեզմանոց:

1. Աբրահամը ծերացել էր, տարիքն առել: Եւ Տէրն օրհնեց Աբրահամին ըստ ամենայնի:
2. Աբրահամն ասաց իր տան աւագագոյն ծառային՝ իր ամբողջ ունեցուածքի կառավարչին. Ձեռքդ դի՛ր իմ ազգրի տակ եւ
3. քեզ երդուեցնեմ Տիրոջ՝ երկնքի Աստծու եւ երկրի Աստծու անունով, որ իմ որդի Իսահակի համար կին չես առնի քանանացիների դուստրերից (որոնց մէջ եմ բնակւում ես),
4. այլ կը գնաս այն երկիրը, որտեղ ծնուել եմ, իմ տունը, եւ այնտեղից իմ որդի Իսահակի համար կին կ'առնես:
5. Ծառան նրան պատասխանեց. Գուցէ կինը չցանկանայ ինձ հետ գալ այս երկիրը: Այդ դէպքում ես տանե՞մ քո որդուն այն երկիրը, որտեղ ծնուել ես դու:
6. Աբրահամն ասաց. Չգո՛յշ եղիր, իմ որդուն այնտեղ չվերադարձնես:
7. Երկնքի Տէր Աստուածը եւ երկրի Տէր Աստուածը, որն ինձ հանեց իմ հօր տնից ու այն երկրից, ուր ծնուել եմ, որը խօսեց ինձ հետ, երդուեց ինձ ու ասաց, թէ՝ Քո սերունդներին եմ տալու այդ երկիրը, նա իր հրեշտակին կ'ուղարկի քո առաջ, եւ այնտեղից կին կ'առնես իմ որդի Իսահակի համար:
8. Իսկ եթէ կինը չուզենայ քեզ հետ գալ այս երկիրը, քո տուած երդումից անպարտ համարուես, միայն թէ իմ որդուն այնտեղ չվերադարձնես:
9. Աբրահամի ծառան ձեռքը դրեց իր տիրոջ ազգրի տակ եւ երդուեց նրան այդ բանի համար:
10. Ծառան առաւ իր տիրոջ ուղտերից տասը ուղտ եւ գնաց՝ իր հետ ունենալով իր տիրոջ բոլոր բարիքներից: Նա ելաւ գնաց Միջագետք, Նաքորի քաղաքը:
11. Երեկոյեան ուղտերին նստեցրեց քաղաքից դուրս, ջրհորի մօտ այն պահին, երբ ջրուորը դուրս է գալիս ջրի:
12. Նա ասաց. Իմ տէր Աբրահամի Տէր Աստուած, այսօր ինձ յաջողութիւն պարգեւի՛ր եւ ողորմի՛ր իմ տէր Աբրահամին:
13. Ահա ես ջրի աղբիւրի մօտ եմ, եւ այս քաղաքի բնակիչների դուստրերը գալիս են ջուր հանելու:
14. Թող լինի մի կոյս, որին ասեմ՝ Թեքի՛ր սափորդ, որ խմեմ, իսկ նա ինձ պատասխանի՝ Խմի՛ր, քո ուղտերին էլ ջուր կը տամ, մինչեւ որ յագենան խմելուց: Թող նրան էլ նախատեսած լինես քո ծառայ Իսահակի համար, եւ դրանով էլ իմանամ, որ բարեհաճ ես եղել իմ տէր Աբրահամի նկատմամբ:
15. Նա մտքում դեռ չէր վերջացրել իր խօսքը, երբ եկաւ Ռեբեկան, որը Աբրահամի եղբայր Նաքորի Մեղքա կնոջ որդի Բաթուէլի դուստրն էր: Նա ուսին սափոր ունէր:
16. Կոյսը դէմքով շատ գեղեցիկ էր, մի աղջիկ, որին դեռ տղամարդ չէր մօտեցել: Նա իջաւ աղբիւրի մօտ, լցրեց իր սափորն ու ելաւ:
17. Ծառան ընդառաջ գնաց նրան ու ասաց. Այդ սափորից ինձ մի քիչ ջո՛ւր տուր խմելու:
18. Նա պատասխանեց. Խմի՛ր, տէ՛ր: Նա իր սափորը փութով իջեցրեց իր թէւերի վրայ,
19. ջուր տուեց նրան, մինչեւ որ դադարեց խմելուց: Ապա աւելացրեց. Քո ուղտերի համար էլ ջուր կը հանեմ, այնքան, որ բոլորն էլ յագենան:
20. Նա սափորի ջուրն իսկոյն թափեց գուռի մէջ եւ նորից գնաց ջրհորը՝ ջուր հանելու: Նա նրա բոլոր ուղտերի համար ջուր հանեց:
21. Մարդն ուշադիր հետեւում էր նրան ու լուռ մտածում, թէ Տէրը կը յաջողեցնի՞ իր գործը, թէ՞ ոչ:
22. Երբ բոլոր ուղտերը յագեցան, մարդը նրան տուեց ոսկէ գինդեր՝ իւրաքանչիւրը մէկ դահեկանի քաշով, եւ տասը դահեկանի քաշով երկու ապարանջան դրեց նրա ձեռքերին:
23. Նա հարցրեց նրան ու ասաց. Ու՞մ դուստրն ես դու, յայտնի՛ր ինձ, քո տանը մեզ համար իջեւանելու տեղ կա՞յ:
24. Սա պատասխանեց նրան. Ես Մեղքայի եւ Նաքորի որդի Բաթուէլի դուստրն եմ:

25. Ապա անելացրեց. Յարդ ու խոտ շատ ունենք, նաեւ իջեւանելու տեղ:
26. Մարդն ուրախացաւ, երկրպագեց Աստծուն եւ ասաց.
27. Օրհնեալ է իմ տեր Աբրահամի Տէր Աստուածը, որ իմ տիրոջը չգրկեց իր արդարութիւնից ու ճշմարտութիւնից: Տէրն ինձ յաջողութիւն պարգեւեց իմ տիրոջ եղբօր տանը:
28. Գնաց աղջիկն ու կատարուածի մասին պատմեց իր մօր տանը:
29. Ռեբեկան ուներ Լաբան անունով մի եղբայր: Լաբանը գնաց դուրս՝ դէպի աղբիւրը, այդ մարդու մօտ:
30. Երբ նա տեսաւ գինդերն ու իր քրոջ ձեռքերի ապարանջանները, եւ իր քոյր Ռեբեկայից լսած լինելով, թէ՛ Այսպէս խօսեց ինձ հետ այդ մարդը,
31. մօտեցաւ մարդուն, որ դեռ կանգնած էր իր ուղտերի կողքին, աղբիւրի մօտ, եւ ասաց նրան. Արի տուն մտի՛ր, Տիրոջով օրհնեալ, ինչո՞ւ ես մնացել դրսում: Ես քեզ համար տուն եւ քո ուղտերի համար տեղ եմ պատրաստել:
32. Մարդը մտաւ տուն, իսկ Լաբանը ուղտերի վրայից հանեց թամբերը: Ուղտերին յարդ ու խոտ տուեցին եւ ջուր՝ նրա ու նրա հետ եկածների ոտքերը լուալու համար:
33. Նրանց առաջ հաց դրեցին, որ ուտեն: Ծառան ասաց. Չեմ ուտի, մինչեւ չասեմ ասելիքս: Նրանք ասացին. Խօսի՛ր:
34. Նա ասաց. Ես Աբրահամի ծառան եմ:
35. Տէրը մեծապէս օրհնեց իմ տիրոջը, եւ նա մեծ մարդ դարձաւ: Աստուած նրան արջառ ու ոչխար, արծաթ ու ոսկի, ծառաներ ու աղախիկներ, ուղտեր ու էշեր տուեց:
36. Սառան՝ իմ տիրոջ կինը, ծերունական հասակում գտնուող իմ տիրոջը պարգեւեց մի որդի, որին իմ տէրը յանձնեց այն ամէնը, ինչ ուներ:
37. Իմ տէրն ինձ երդուեցնելով ասաց. Իմ որդի Իսահակի համար քանանացիների աղջիկներից կին չառնես, այն քանանացիների, որոնց երկրում ես պանդխտեցի,
38. այլ կը գնաս իմ հօր տունը, իմ տոհմի մէջ եւ այնտեղից կին կը բերես իմ որդու համար:
39. Ես իմ տիրոջն ասացի. Գուցէ կինն ինձ հետ չգայ:
40. Նա ասաց ինձ. Իմ Տէր Աստուածը, որի հանդէպ վարուեցի այնպէս, ինչպէս հաճոյ էր նրան, քեզ հետ կ'ուղարկի իր հրեշտակին, կը յաջողեցնի քո գործը, եւ դու իմ որդու համար կին կ'առնես իմ ազգից ու իմ հօր տնից:
41. Ա՛յն ժամանակ դու ազատուած կը լինես իմ նզովքից: Իսկ եթէ գնաս իմ տոհմի մէջ, եւ կին չտան, ինձ տուած երդումից ազատ կը լինես:
42. Երբ այսօր աղբիւրի մօտ եկայ, ասացի. Իմ տեր Աբրահամի Տէր Աստուած, եթէ յաջողեցնելու ես իմ գործը, որի համար ես այժմ եկել եմ,
43. ահա հասել եմ ջրի աղբիւրի մօտ, եւ քաղաքի մարդկանց դուստրերը գալիս են ջուր հանելու: Եւ այն կոյսը, որին ասեմ, թէ՛ 'Քո սափորից մի քիչ ջուր տո՛ւր խմելու,
44. եւ նա ասի ինձ, թէ՛ ' Խմի՛ր, քո ուղտերի համար էլ ջուր կը հանեմ, նա էլ կը լինի այն կինը, որին նախատեսել է Տէրը իր ծառայ Իսահակի համար, որովհետեւ դրանից էլ կ'իմանամ, որ բարեհաճ ես եղել իմ տեր Աբրահամի նկատմամբ:
45. Դեռ իմ մտքում չէի վերջացրել իմ խօսքը, երբ իսկոյն երեւաց Ռեբեկան: Նա իր ուսին սափոր ուներ: Նա իջաւ աղբիւրը եւ ջուր հանեց: Ես ասացի նրան. Ինձ ջուր տո՛ւր խմելու:
46. Նա իր ուսից փութով իջեցրեց սափորն ու ասաց. Դու խմի՛ր, յետոյ քո ուղտերին էլ ջուր կը տամ: Ես խմեցի, եւ նա իմ ուղտերին էլ ջուր տուեց:
47. Ես նրան հարցրի ու ասացի. Դու ո՞ւմ դուստրն ես, ասա՛ ինձ: Նա պատասխանեց. Ես Մեղքայի եւ Նաքորի որդի Բաթուէլի դուստրն եմ: Ես գինդեր դրեցի նրա ականջներին, ապարանջաններ՝ նրա ձեռքերին եւ ուրախացայ,
48. երկրպագեցի Տիրոջը, օրհնեցի իմ տեր Աբրահամի Տէր Աստծուն, որ յաջողութիւն պարգեւեց իմ ազնիւ գործին՝ իմ տիրոջ եղբօր աղջկան կին առնելու նրա որդու համար:
49. Արդ, եթէ իմ տիրոջ նկատմամբ շնորհ եւ արդար գործ էք անելու, ասացէ՛ք ինձ:
50. Իսկ եթէ ոչ, ցո՛յց տուէք ինձ, ա՞նչ գնամ, թէ՞ ձախ: Պատասխան տուեցին Լաբանն ու

Բաթուէլը եւ ասացին. Տէրն է այսպէս կարգադրել, մենք չենք կարող դրական կամ բացասական պատասխան տալ:

51. Ահա Ռեբեկան առաջդ կանգնած է, ա՛ռ եւ գնա՛: Նա թող լինի քո տիրոջ որդու կինը, ինչպէս կարգադրել է Տէրը:

52. Երբ Աբրահամի ծառան լսեց նրանց խօսքերը, երկրպագեց Տիրոջը:

53. Ծառան հանեց ոսկէ ու արծաթէ զարդեր եւ զգեստներ, տուեց Ռեբեկային: Նա նուէրներ տուեց նաեւ նրա եղբայրներին ու մօրը:

54. Կերան ու խմեցին նա եւ այն մարդիկ, որոնք նրա հետ էին, եւ ապա քնեցին:

Առաւօտեան վեր կենալով՝ նա ասաց. Ճանապարհեցէ՛ք ինձ, որ գնամ տիրոջս մօտ:

55. Ռեբեկայի եղբայրներն ու մայրը ասացին. Թող աղջիկը մեզ մօտ մնայ մի տասը օր, յետոյ թող գնայ:

56. Ծառան ասաց նրանց. Ինձ մի՛ պահէք, որովհետեւ Տէրը յաջողութիւն է պարգեւել իմ գործին: Թողէ՛ք որ գնամ տիրոջս մօտ:

57. Ռեբեկայի եղբայրներն ասացին. Կանչենք աղջկան եւ նրան հարցնենք:

58. Նրանք կանչեցին Ռեբեկային ու հարցրին. Կը գնա՞ս այս մարդու հետ: Նա պատասխանեց. Կը գնամ:

59. Նրանք ճանապարհեցին իրենց քոյր Ռեբեկային իր ունեցուածքով, ինչպէս նաեւ Աբրահամի ծառային ու նրանց, ովքեր նրա հետ էին:

60. Նրանք օրհնելով Ռեբեկային՝ ասացին նրան. Քո՛յր մեր, հազար ու բիւր դառնաս: Քո յետնորդները թող տիրանան քո թշնամիների քաղաքներին:

61. Ռեբեկան ու իր նաժիշտները վեր կացան, նստեցին ուղտերի վրայ եւ այդ մարդու հետ ճանապարհ ընկան: Ծառան Ռեբեկային առնելով գնաց:

62. Իսահակը եկել էր անապատ՝ Տեսիլքի ջրհորի մօտ, որովհետեւ բնակւում էր երկրի հարաւային կողմում:

63. Իսահակը երեկոյեան ելաւ դաշտ՝ զբօսնելու: Նա իր աչքերը բարձրացնելով՝ տեսաւ, որ գալիս են տասը ուղտեր:

64. Աչքերը վեր բարձրացրեց նաեւ Ռեբեկան եւ տեսաւ Իսահակին: Նա անմիջապէս իջաւ ուղտից

65. եւ հարցրեց ծառային. Ո՞վ է այն մարդը, որ դաշտում մեզ ընդառաջ է գալիս: Ծառան պատասխանեց. Նա իմ տէրն է: Ռեբեկան առաւ քողն ու զգեց իր վրայ:

66. Ծառան Իսահակին պատմեց այն ամենը, ինչ արել էր ինքը:

67. Իսահակը մտաւ իր մօր՝ Սառայի տունը, առաւ Ռեբեկային, եւ սա դարձաւ նրա կինը: Իսահակը սիրեց նրան եւ մխիթարուեց իր մօր՝ Սառայի սգից:



1. Աբրահամն առաւ մի կին եւ, որի անունը Զետտուրա էր:
2. Սա նրա համար ծնեց Չեմրանին, Յեկսանին, Մադանին, Մադիանին, Յեսբոկին եւ Սովիւէին:
3. Յեկսանը ծնեց Սաբային, Թեմանին եւ Դադանին: Դադանի որդիներն էին Ռագուէլը, Նաբդէլը, Ասուրիիմը, Լատուսիիմը եւ Լովովիմը:
4. Մադիամի որդիներն էին Գեփարը, Ափերը, Ենոքը, Աբիդան եւ Եդրազան: Սրանք բոլորը Զետտուրայի որդիներն էին:
5. Աբրահամն իր ողջ ունեցուածքը տուեց իր որդի Իսահակին,
6. իսկ իր հարճերի որդիներին, որոնք Աբրահամից էին, պարգեւներ տուեց եւ, քանի դեռ կենդանի էր, նրանց հեռացրեց իր որդի Իսահակի մօտից դէպի արեւելք՝ արեւելեան երկիրը:
7. Աբրահամն ապրեց հարիւր եօթանասունհինգ տարի:
8. Աբրահամը հոգին աւանդեց ու մեռաւ երջանիկ ծերութեան մէջ, զառամեալ, ալեւորած տարիքում, եւ գնաց միացաւ իր նախնիներին:
9. Նրա որդիներ Իսահակն ու Իսմայէլը նրան թաղեցին քետացի Սահառի որդի Եփրոնի ազարակի գոյգ քարայրում,
10. որը գտնուում է Մամբրէի կաղնու դիմաց: Աբրահամին ու նրա կին Սառային թաղեցին այն ազարակում ու քարայրում, որ Աբրահամը Զետի որդիներից էր գնել:
11. Աբրահամի մահից յետոյ Աստուած օրհնեց նրա որդի Իսահակին, եւ Իսահակը բնակուեց Տեհիլքի ջրհորի մօտ:
12. Սրանք են սերունդները Աբրահամի որդի Իսմայէլի, որին ծնեց Եգիպտոսի Ազարը՝ Սառայի աղախինը, Աբրահամի համար:
13. Ահա Իսմայէլի որդիների անուններն ըստ նրանց ցեղերի. Իսմայէլի անդրանիկը՝ Նաբեթ, ապա Կեդար, Աբդէլ, Մաբսամ,
14. Մասմա, Իդումա, Մասէ,
15. Զուդադ, Թեմա, Յետուր, Նափես եւ Կեդմա:
16. Սրանք են Իսմայէլի որդիները, եւ սրանք են նրանց անուններն ըստ իրենց բնակավայրերի եւ իրենց վրանների, նրանց տասներկու իշխաններն ըստ իրենց ցեղերի:
17. Իսմայէլն ապրեց հարիւր երեսունեօթը տարի: Նա հոգին աւանդեց ու մեռաւ եւ գնաց միացաւ իր նախնիներին:
18. Նա բնակութիւն հաստատեց Եփլայից մինչեւ Սուր, որը գտնուում է Եգիպտոսի դիմաց, մինչեւ Ասորեստանի սահմանները: Նա բնակուեց իր բոլոր եղբայրների դեմ յանդիման:
19. Սրանք են Աբրահամի որդի Իսահակի սերունդները. Աբրահամը ծնեց Իսահակին:
20. Իսահակը քառասուն տարեկան էր, երբ ամուսնացաւ Ասորական Միջագետքում ապրող ասորի Բաթուէլի դուստր Ռեբեկայի հետ, որը ասորի Լաբանի քոյրն էր:
21. Իսահակն աղաչեց Տիրոջը իր կին Ռեբեկայի համար, որովհետեւ սա ամուլ էր: Աստուած լսեց նրան, եւ նրա կին Ռեբեկան յղիացաւ:
22. Նրա արգանդում իրար էին բախուում երեխաները: Նա ասաց. Եթէ այսպէս էր լինելու ինձ, հապա ինչո՞ւ յղիացայ: Եւ նա գնաց այդ մասին Տիրոջը հարցնելու:
23. Տէրը նրան ասաց. Զո արգանդում երկու ցեղ կայ, քո արգանդից երկու ժողովուրդ պիտի ծնուի: Մի ժողովուրդը միւս ժողովուրդին պիտի գերիշխի, եւ ավագը կրտսերին պիտի ենթարկուի:
24. Երբ հասան նրա ծննդաբերելու օրերը, նրա որովայնում երկու երեխաներ կային:
25. Անդրանիկ որդին ծնուեց բոլորովին շէկ, թաւամազ մորթով, եւ հայրը նրան կոչեց Եսաւ: Ապա Եսաւի զարշապարից բռնած ծնուեց նրա եղբայրը: Սրան էլ կոչեց Յակոբ:
26. Իսահակը վաթսուն տարեկան էր, երբ Ռեբեկան ծնեց նրանց: Մանուկները մեծացան:

27. Եսաւը հմուտ որսորդ էր եւ վայրենաբարոյ, իսկ Յակօբը մեղմաբարոյ էր ու տնակեաց:
28. Իսահակը սիրեց Եսաւին, որովհետեւ նրա որսը կերակուր էր իր համար, իսկ Ռեբեկան սիրեց Յակօբին:
29. Յակօբը մի անգամ ապուր էր եփել, երբ Եսաւը դաշտից եկաւ քաղցից թուլացած:
30. Եսաւն ասաց Յակօբին. Այդ կարմրաւուն ապուրից տուր ուտեմ, որովհետեւ քաղցից թուլացած եմ (դրա համար էլ նրան Եդոմ կոչեցին):
31. Յակօբն ասաց Եսաւին. Կը տամ, եթէ այսօր ինձ վաճառես քո անդրանկութիւնը:
32. Եսաւը պատասխանեց. Ես մեռնելու վրայ եմ, էլ ինչի՞ս է պետք անդրանկութիւնը:
33. Յակօբն ասաց նրան. Հենց այսօր երդուի՛ր ինձ: Եւ նա երդուեց նրան: Եսաւն իր անդրանկութիւնը վաճառեց Յակօբին,
34. իսկ Յակօբը Եսաւին տուեց հաց ու ոսպապուր: Սա կերաւ, խմեց ու վեր կացաւ գնաց: Այսպիսով Եսաւն արհամարհեց իր անդրանկութիւնը:

1. Սով եղաւ երկրում. ոչ այն սովը, որ եղել էր Աբրահամի ժամանակ:
2. Իսահակը գնաց փղշտացիների արքայ Աբիմելեքի մօտ, Գերարա: Նրան երեւաց Տէրն ու ասաց. Եգիպտոս մի՛ իջիր, այլ բնակուի՛ր այն երկրում, որտեղ ասացի քեզ.
3. իբրեւ պանդուխտ ապրի՛ր այս երկրում, որ ես լինեմ քեզ հետ եւ օրինեմ քեզ, որովհետեւ քեզ ու քո սերունդներին եմ տալու այս ողջ երկիրը: Ես հաստատ կը պահեմ այն երդումը, որ տուեցի քո հայր Աբրահամին:
4. Ես բազմացնելու եմ քո սերունդները երկնքի աստղերի չափ, քո զաւակներին եմ տալու այս ամբողջ երկիրը, եւ քո սերունդների միջոցով օրհնուելու են երկրի բոլոր ազգերը
5. ի հատուցումն այն բանի, որ քո հայր Աբրահամը լսեց իմ խօսքը, պահեց իմ հրամանները, իմ պատուիրանները, իմ կանոններն ու օրենքները:
6. Իսահակը բնակուեց գերարացիների հետ:
7. Տեղի մարդիկ հարցրին նրա կին Ռեբեկայի մասին, եւ նա ասաց. Իմ քոյրն է: Նա վախեցաւ ասել իմ կինն է. գուցէ Ռեբեկայի պատճառով տեղի մարդիկ սպանէին իրեն, որովհետեւ Ռեբեկան դեմքով գեղեցիկ էր:
8. Նա այնտեղ մնաց երկար ժամանակ: Փղշտացիների արքայ Աբիմելեքը պատուհանից դուրս ձգուեց ու տեսաւ, որ Իսահակը կատակում է իր կին Ռեբեկայի հետ:
9. Աբիմելեքը կանչեց Իսահակին եւ ասաց նրան. Ուրեմն նա քո կինն է: Ինչո՞ւ, սակայն, ասացիր, թէ՛ իմ քոյրն է: Իսահակն ասաց նրան. Որովհետեւ մտածեցի, թէ գուցէ նրա պատճառով սպանուեմ:
10. Աբիմելեքը նրան ասաց. Ինչո՞ւ այդ բանն արեցիր մեզ հետ: Քիչ էր մնում, որ իմ ազգակիցներից մէկը պառկեր քո կնոջ հետ եւ մեզ մեղքի մէջ գցէր: Եւ Աբիմելեքը հրաման արձակեց իր ողջ ժողովրդին՝ ասելով.
11. Բոլոր նրանք, ովքեր կը դիպչեն այդ մարդուն կամ նրա կնոջը, մահուան կը դատապարտուեն:
12. Իսահակը գարի ցանեց այդ երկրում եւ նոյն տարում էլ հարիւրապատիկ բերք ստացաւ: Տէրն օրհնեց նրան,
13. եւ սա հարստացաւ: Նա առաջադիմում էր, հարստանում այն աստիճան, որ մեծահարուստ դարձաւ:
14. Նա ունեցաւ ոչխարի ու արջառի հօտեր, բազում կալուածքներ:
15. Փղշտացիները նախանձեցին նրան եւ խցանեցին այն բոլոր ջրհորները, որ նրա հօր՝ Աբրահամի օրօք փորել էին նրա ծառաները. փղշտացիները
16. դրանք լցրին հողով: Աբիմելեքն ասաց Իսահակին. Հեռացի՛ր մեր մօտից, որովհետեւ մեզկից շատ աւելի զօրաւոր եղար:
17. Իսահակն այդտեղից գնաց ու վրան խփեց գերարացիների ծորում: Նա բնակուեց այնտեղ:
18. Իսահակը դարձեալ փորեց այն ջրհորները, որ փորել էին նրա հօր՝ Աբրահամի ծառաները, իսկ փղշտացիները նրա հայր Աբրահամի մահից յետոյ խցանել էին: Իսահակն այդ ջրհորները կոչեց այն անուններով, որ տուել էր դրա նց իր հայր Աբրահամը:
19. Իսահակի ծառաները հող փորեցին գերարացիների ծորում եւ այնտեղ գտան ըմպելի ջրի աղբիւր:
20. Գերարացիների հովիւները կռուեցին Իսահակի հովիւների հետ՝ ասելով, թէ իրենցն է այդ ջրհորը: Նրանք ջրհորը կոչեցին Անիրաւութիւն, քանի որ նրա հանդէպ անիրաւութիւն էին գործել:
21. Իսահակը գնաց այդտեղից ու փորեց մի այլ ջրհոր եւս: Վե՛ճ ծագեց սրա համար էլ: Իսահակը այն կոչեց Թշնամութիւն:
22. Նա գնաց այդտեղից եւ փորեց մի այլ ջրհոր եւս: Դրա շուրջ վե՛ճ չառաջացաւ, եւ այդ պատճառով այն կոչեց Անդորրութիւն՝ ասելով, թէ՛ Այժմ մեզ ընդարձակ տեղ տուեց Տէրը

եւ բազմացրեց մեզ երկրի վրայ:

23. Իսահակն այդտեղից գնաց Երդման ջրհորի մօտ: Տէրն այդ գիշեր երեւաց նրան ու ասաց.

24. Ես քո հօր Աստուածն եմ: Մի՛ վախեցիր, որովհետեւ քեզ հետ եմ, ես օրհնելու եմ քեզ, բազմացնելու եմ քո սերունդները ի սեր քո հայր Աբրահամի:

25. Իսահակն այդտեղ զոհասեղան շինեց ու երկրպագեց Տիրոջը: Նա այդտեղ խփեց իր վրանը: Իսահակի ծառաները այդտեղ ջրհոր փորեցին:

26. Գերարայից նրա մօտ գնացին Աբիմելէքը, նրա սենեկապետ Ռքոզաթը եւ նրա զօրքերի սպարապետ Փիքոդը:

27. Իսահակը նրանց ասաց. Ինչո՞ւ եկաք ինձ մօտ, չէ՞ որ դուք ատեցիք ինձ եւ հալածեցիք ձեր մօտից:

28. Նրանք պատասխանեցին. Մենք պարզիպարզոյ տեսանք, որ Տէրը քեզ հետ է, ուստի ասացինք. Հաշտութիւն թող լինի մեր եւ քո միջեւ: Մենք պայման թող դնենք քեզ հետ.

29. մեր նկատմամբ որեւէ վատ բան չանես, քանի որ մենք չենք մեղանչել քո դէմ, քեզ բարերարութիւն ենք արել եւ քեզ խաղաղութեամբ ճանապարհ դրել, որովհետեւ դու Տիրոջ օրհնած մարդն ես:

30. Իսահակը նրանց պատուին խնջոյք սարքեց, նրանք կերան, խմեցին

31. եւ առաւօտեան վաղ վեր կենալով՝ երդուեցին միմեանց: Իսահակը ճանապարհ դրեց նրանց, եւ նրանք իր մօտից հաշտ ու խաղաղ գնացին:

32. Այդ օրը եկան Իսահակի ծառաները եւ յայտնեցին նրան իրենց փորած ջրհորի մասին, թէ՛ Ջուր չենք գտել:

33. Իսահակն այդ ջրհորն անուանեց Երդումն: Դրա համար էլ այդ քաղաքը մինչեւ այսօր կոչւում է Երդման ջրհոր:

34. Եսաւը քառասուն տարեկան հասակում կին առաւ քետացի Բէերի դուստր Յուդիթին եւ խեւացի Ելումի դուստր Մասեմաթին,

35. որոնք վշտացնում էին Իսահակին եւ Ռեբեկային:

1. Երբ Իսահակը ծերացաւ, եւ վատացաւ նրա աչքի տեսողութիւնը, կանչեց իր աւագ որդի Եսաւին ու ասաց նրան. Որդեա՛կ իմ: Սա ասաց. Այստեղ եմ:
2. Նա ասաց նրան. Ահա ես ծերացել եմ եւ չգիտեմ, թէ երբ կը մեռնեմ:
3. Արդ, ա՛ռ քո զէնքը՝ աղեղն ու կապարճը, գնա՛ դաշտ եւ ինձ համար ո՛րս արա,
4. ինձ համար պատրաստի՛ր իմ սիրած խորտիկները եւ բե՛ր, մատուցի՛ր ինձ, որ ուտեմ եւ օրհնեմ քեզ, քանի դեռ կենդանի եմ:
5. Ռեբեկան լսեց այն, ինչ ասաց Իսահակն իր որդուն: Եսաւը գնաց դաշտ, որ որս անի իր հօր համար,
6. իսկ Ռեբեկան, դիմելով իր որդի Յակոբին, ասաց. Ես քո հօրից լսեցի այն, ինչ նա ասում էր քո եղբօրը: Նա նրան ասաց.
7. Ինձ ո՛րս բեր եւ ինձ համար խորտիկներ պատրաստի՛ր, որ ուտեմ եւ օրհնեմ քեզ Տիրոջ առաջ, քանի դեռ կենդանի եմ:
8. Արդ, որդեա՛կ իմ, լսի՛ր, թէ ինչ եմ ասում քեզ:
9. Գնա՛ եւ հօտի միջից ինձ երկու մատղաշ ու ընտիր ուլ բե՛ր, որ դրանցով քո հօր համար նրա սիրած խորտիկները պատրաստեմ:
10. Դու այն կը մատուցես քո հօրը, որ ուտի եւ քեզ օրհնի քո հայրը, քանի դեռ կենդանի է:
11. Յակոբն ասաց իր մայր Ռեբեկային. Իմ եղբայր Եսաւը մագոտ մարդ է, իսկ ես՝ լերկ:
12. Գուցէ շօշափի ինձ իմ հայրը, ես խայտառակ լինեմ նրա առաջ, եւ օրհնութեան փոխարէն անեծք թափուի գլխիս:
13. Մայրը նրան ասաց. Թող ինձ վրայ լինի այդ անեծքը, որդեա՛կ, միայն թէ լսի՛ր իմ ասածը, գնա դրանք բե՛ր ինձ:
14. Նա գնաց եւ ուլերը բերեց իր մօր մօտ,
15. իսկ սա նրա հօր սիրած խորտիկները պատրաստեց: Ռեբեկան առաւ աւագ որդու ընտիր պատմունճանը, որ կար իր տանը, հագցրեց իր կրտսեր որդի Յակոբին,
16. ուլի մորթին փաթաթեց նրա թելերին ու մերկ պարանոցին:
17. Նա իր պատրաստած խորտիկներն ու հացը տուեց իր որդի Յակոբի ձեռքը:
18. Սա տարաւ դրանք իր հօրն ու ասաց. Հա՛յր իմ: Նա ասաց. Այստեղ եմ: Հայրը հարցրեց. Դու ո՞վ ես, որդեա՛կ:
19. Յակոբը պատասխանեց հօրը. Ես Եսաւն եմ՝ քո անդրանիկ որդին: Արեցի այնպէս, ինչպէս ասացիր ինձ: Արի նստի՛ր ու կե՛ր իմ որսից, որ օրհնես ինձ:
20. Իսահակն ասաց որդուն. Այդ ինչպե՞ս է, որ այդքան շուտ որս գտար, որդեա՛կ: Նա պատասխանեց. Ինչպէս Աստուած ինքը դրեց իմ առաջ:
21. Իսահակն ասաց Յակոբին. Մօ՛տ արի, որ շօշափեմ քեզ, որդեա՛կ, որպէսզի իմանամ, թէ դո՞ւ ես իմ որդի Եսաւը, թե՞ ոչ:
22. Յակոբը մօտեցաւ իր հայր Իսահակին, սա շօշափեց նրան ու ասաց. Ձայնդ Յակոբի ձայնն է, բայց ձեռքերդ Եսաւի ձեռքերն են:
23. Իսահակը չճանաչեց նրան, որովհետեւ նրա ձեռքերը իր եղբայր Եսաւի ձեռքերի նման մագոտ էին: Նա օրհնեց նրան ու ասաց.
24. Դո՞ւ ես իմ որդի Եսաւը: Նա պատասխանեց. Ես եմ:
25. Իսահակն ասաց. Մատուցի՛ր ինձ, որ ուտեմ քո որսից, որդեա՛կ, որպէսզի օրհնեմ քեզ: Յակոբը մատուցեց նրան, եւ նա կերաւ: Նրան գինի բերեց, եւ նա խմեց:
26. Նրա հայր Իսահակը ասաց նրան. Մօ՛տ արի եւ համբուրի՛ր ինձ, որդեա՛կ:
27. Յակոբը մօտեցաւ, համբուրեց նրան: Իսահակն առաւ նրա հագուստի հոտը եւ օրհնելով նրան՝ ասաց. Իմ որդին Տիրոջ օրհնած բերրի արտի հոտն ունի:
28. Թող Աստուած քեզ մաս հանի երկնքի ցօղից, երկրի պարարտութիւնից եւ ցորենի ու գինու առատութիւն պարգեւի:
29. Թող քեզ ծառայեն ժողովուրդները, եւ իշխանները թող քեզ երկրպագեն: Քո եղբօր տերը լինես, թող քեզ երկրպագեն քո հօր որդիները: Ով անիծի քեզ, ինքն անիծեալ թող

լինի, իսկ ով օրհնի քեզ, ինքն օրհնեալ թող լինի:

30. Երբ Իսահակը իր որդի Յակոբին օրհնելը վերջացրեց, եւ Յակոբը գնաց իր հայր Իսահակի մօտից, որսից եկաւ նրա եղբայր Եսաւը:

31. Սա եւս խորտիկներ պատրաստեց եւ մատուցելով իր հօրը՝ ասաց. Թող վեր կենայ իմ հայրը, ուտի իր որդու որսից, որպէսզի օրհնի ինձ:

32. Եսաւի հայր Իսահակը հարցրեց նրան. Ո՞վ ես դու: Սա պատասխանեց. Ես Եսաւն եմ քո անդրանիկ որդին:

33. Իսահակը մեծապէս զարմացաւ ու ասաց. Իսկ այն ո՞վ էր, որ ինձ համար որս որսաց, բերեց մատուցեց, ես կերայ ամենից, երբ դեռ դու չէիր եկել, օրհնեցի նրան, եւ նա թող օրհնեալ լինի:

34. Երբ Եսաւը լսեց իր հայր Իսահակի խօսքերը, անչափ դառնացաւ, մեծ աղմուկ բարձրացրեց ու ասաց իր հօրը. Արդ, ի՞նձ էլ օրհնիր, հա՛յր:

35. Իսահակն ասաց նրան. Քո եղբայրը եկաւ նենգութեամբ եւ առաւ քեզ համար սահմանուած օրհնութիւնը:

36. Եսաւն ասաց. Իրաւամբ նրա անունը Յակոբ է դրուել, որովհետեւ այս երկրորդ անգամն է, որ խաբում է ինձ. նախ խլեց իմ անդրանկութիւնը, իսկ այժմ խլեց ինձ համար սահմանուած օրհնութիւնը: Եսաւն ասաց իր հօրը. Եւ ոչ մի օրհնութիւն չթողեցի՞ր ինձ, հա՛յր:

37. Պատասխան տուեց Իսահակն ու ասաց նրան. Քանի որ նրան դարձրի քո տէրը եւ նրա բոլոր եղբայրներին դարձրի նրա ծառաները եւ նրան ապահովեցի ցորենով ու գինով, քե՛զ համար ինչ անեմ, որդեա՛կ:

38. Եսաւը հարցրեց հօրը. Միթէ մե՞կ օրհնութիւն ունես, հա՛յր. ի՞նձ էլ օրհնիր, հա՛յր: Երբ Իսահակի սիրտը կսկծաց, Եսաւը բարձրածայն լաց եղաւ:

39. Նրա հայր Իսահակը պատասխանեց նրան ու ասաց. Երկրի պարարտութիւնից եւ վերելից՝ երկնքի ցօղից պիտի լինի քո ապրուստը:

40. Քո սրով պիտի ապրես եւ քո եղբօրը պիտի ծառայես: Բայց պիտի գայ ժամանակ, որ դու պիտի քանդես եւ շարտես նրա լուծը քո պարանոցից:

41. Եսաւը պահում էր Յակոբի նկատմամբ ունեցած ոխը այն օրհնութեան պատճառով, որ իր հայրը տուել էր նրան: Եսաւն ասաց իր մտքում. Թող մօտենան իմ հօր մահուան սգի օրերը, որ սպանեմ Յակոբին՝ իմ եղբօրը:

42. Ռեբեկային տեղեկացրին իր աւագ որդի Եսաւի խօսքերը, եւ նա մարդ ուղարկեց, կանչեց իր կրտսեր որդի Յակոբին ու ասաց նրան. Ահա քո եղբայր Եսաւը սպառնում է սպանել քեզ:

43. Արդ, լսի՛ր իմ խօսքը, որդեա՛կ. ելիր գնա՛ Միջագետք, իմ եղբայր Լաբանի մօտ, Խառան:

44. Նրա մօտ կ'ապրես երկար ժամանակ, մինչեւ որ անցնի եղբօրդ զայրոյթն ու ցասումը քո դէմ,

45. եւ նա մոռանայ այն, ինչ արել ես դու նրան: Յետոյ մարդ կ'ուղարկեմ, կը կանչեմ քեզ այնտեղից. չլինի թէ ձեր երկուսից էլ զրկուեմ նոյն օրը:

46. Ռեբեկան ասաց Իսահակին. Յոգնել եմ Քետի ցեղի դուստրերից: Եթէ Յակոբը կին առնի Քետի ցեղի դուստրերից՝ ա՛յս երկրի դուստրերից, էլ ինչո՞ւ եմ ապրում ես:

1. Իսահակը կանչեց Յակոբին, օրհնեց նրան ու պատուիրեց՝ ասելով. Քանանացիների դուստրերից կին չառնես:
2. Գնա՛ Ասորիների Միջագետք, քո մօր հօր՝ Բաթուելի տունը եւ այնտեղից, քո մօրեղբայր Լաբանի դուստրերից քեզ կին ա՛ռ:
3. Իմ Աստուածը թող օրհնի քեզ, աճեցնի քեզ, բազմացնի քեզ, բազում ժողովուրդների նախահայր լինես: Նա քեզ եւ քեզնից յետոյ գալիք քո սերունդներին թող տայ իմ հայր Աբրահամի օրհնութիւնը,
4. որպէսզի ժառանգես քո պանդխտութեան երկիրը, որ Աստուած տուել էր Աբրահամին:
5. Իսահակը ճանապարհ դրեց Յակոբին, եւ սա գնաց Ասորիների Միջագետք, ասորի Բաթուելի որդի Լաբանի մօտ, որը Ռեբեկայի՝ Յակոբի ու Եսաւի մօր եղբայրն էր:
6. Երբ Եսաւը տեսաւ, թէ Իսահակն օրհնեց Յակոբին, եւ սա գնաց Ասորիների Միջագետք, որ այնտեղից կին առնի, ինչպէս հայրը Յակոբին օրհնելիս պատուիրել էր ու ասել, թէ՝ Քանանացիների դուստրերից կին չառնես,
7. Յակոբն էլ անսալով իր հօր ու մօր խօսքերին՝ գնացել էր Ասորիների Միջագետք,
8. համոզուեց, որ քանանացիների դուստրերը իր հայր Իսահակի աչքին հաճոյ չեն,
9. ուստի գնաց Իսմայելի մօտ եւ ի յաւելումն իր ունեցած կանանց, կին առաւ նաեւ Աբրահամի որդի Իսմայելի դուստր Մայելէթին՝ Նաբեուլթի քրոջը:
10. Յակոբը Երդման ջրհորի մօտից ելաւ գնաց Խառան:
11. Հասնելով մի տեղ՝ նա քնեց այնտեղ, որովհետեւ արեւն արդէն մայր էր մտել: Նա առաւ այնտեղի քարերից մէկը, դրեց գլխի տակ ու քնեց այնտեղ:
12. Նա երազ տեսաւ. երկրի վրայ հաստատուած էր մի սանդուղք, որի ծայրը հասնում էր երկնք, իսկ Աստծու հրեշտակները դրանով ելնում իջնում էին:
13. Տէրը կանգնած էր սանդուղքի վրայ: Նա ասաց. Ես Տէրն եմ, քո հայր Աբրահամի Աստուածը եւ Իսահակի Աստուածը: Մի՛ վախեցիր, որովհետեւ այն հողը, որի վրայ քնել ես դու, քեզ եմ տալու եւ քո սերունդներին:
14. Քո սերունդները երկրի աւագի չափ շատ են լինելու, տարածուելու են դէպի ծովակողմ, դէպի արեւելք, դէպի հիւսիս ու հարաւ: Քո շնորհիւ եւ քո սերունդների շնորհիւ օրհնուելու են աշխարհի բոլոր ազգերը:
15. Ես ահա քեզ հետ եմ, որ պահպանեմ քեզ քո բոլոր ճանապարհներին, որոնցով գնալու ես: Քեզ վերադարձնելու եմ այս երկիրը, որովհետեւ քեզ չեմ լքելու, մինչեւ որ չկատարեմ այն ամենը, ինչ խոստացել եմ քեզ:
16. Չարթնեց Յակոբն իր քնից ու ասաց. Տէրն այստեղ է, իսկ ես չգիտեի:
17. Նա վախեցաւ եւ ասաց. Սարսռագդեցիկ է այս վայրը, եւ սա այլ բան չէ, եթէ ոչ Աստծու տունը, իսկ սա էլ երկնքի դուռն է:
18. Առաւօտեան Յակոբը վեր կացաւ, վերցրեց այն քարը, որ դրել էր իր գլխի տակ, եւ այն կանգնեցրեց իբրեւ կոթող: Նա իւղով օծեց քարի գագաթը:
19. Յակոբն այդ վայրը կոչեց Աստծու տուն. նախկինում այդ քաղաքի անունը Ուլմաւուս էր:
20. Յակոբն ուխտ անելով՝ ասաց. Եթէ Տէր Աստուած ինձ հետ լինի եւ ինձ պահպանի այն ճանապարհին, որով գնում եմ ես, ինձ ուտելու հաց տայ եւ հագնելու հագուստ,
21. ինձ ողջ-առողջ վերադարձնի իմ հօր տունը, ուրեմն թող նա լինի ինձ Տէր Աստուած,
22. իսկ այն քարը, որ իբրեւ կոթող կանգնեցրի, թող ինձ համար լինի Աստծու տուն: Այն ամենից, Տէ՛ր, ինչ կը տաս ինձ, քեզ տասանորդ կը հանեմ:

1. Յակոբը վեր կացաւ գնաց արեւելեան երկիրը, ասորի Բաթուէի որդի Լաբանի մօտ, որը Ռեբեկայի՝ Յակոբի ու Եսաւի մօր եղբայրն էր:
2. Նա դաշտում մի ջրհոր տեսաւ: Այնտեղ մակաղել էր ոչխարների երեք հօտ. այդ ջրհորից ջուր էին տալիս ոչխարներին:
3. Ջրհորի բերանին մի մեծ քար կար: Բոլոր հօտերն այնտեղ էին հաւաքւում: Հովիւները գլորում էին ջրհորի բերանը ծածկող քարը, ջուր էին տալիս ոչխարներին եւ ապա քարը դարձեալ դնելով իր տեղը՝ փակում էին ջրհորի բերանը:
4. Յակոբը հարցրեց նրանց. Եղբայրներ՛, որտեղի՞ց էք:
5. Նրանք պատասխանեցին. Խառանից ենք: Նա հարցրեց նրանց. Դուք ճանաչո՞ւմ եք Նաքորի որդի Լաբանին: Նրանք պատասխանեցին. Ճանաչում ենք:
6. Նա հարցրեց նրանց. Նա ողջ-առո՞ղջ է: Նրանք պատասխանեցին. Ողջ-առողջ է: Հենց այդ պահին նրա դուստր Ռաքելը գալիս էր ոչխարների հետ:
7. Յակոբն ասաց. Օրը դեռ առջեւում է, ոչխարները հաւաքելու ժամանակը չէ, ջուր տուէ՛ք ոչխարներին եւ տարե՛ք էլի արածեցնելու:
8. Նրանք ասացին. Դա անհնար է, քանի դեռ չեն հաւաքուել բոլոր հովիւները եւ ջրհորի բերանից քարը չեն գլորել. դրանից յետոյ ջուր կը տանք ոչխարներին:
9. Մինչ նա խօսում էր նրանց հետ, ահա Լաբանի դուստր Ռաքելը եկաւ իր հօր ոչխարների հետ, որովհետեւ նա էր արածեցնում իր հօր ոչխարները:
10. Երբ Յակոբը տեսաւ իր մօրեղբայր Լաբանի դուստր Ռաքելին եւ իր մօրեղբայր Լաբանի ոչխարները, մօտեցաւ, ջրհորի բերանից գլորեց քարը եւ ջրեց իր մօրեղբայր Լաբանի ոչխարները:
11. Յակոբը համբուրեց Ռաքելին ու բարձրաձայն լաց եղաւ:
12. Յակոբը Ռաքելին յայտնեց, որ ինքը նրա հօրեղբայրն է՝ Ռեբեկայի որդին: Ռաքելը գնաց ու հօրը պատմեց այն, ինչ պատահել էր:
13. Երբ Լաբանը լսեց իր քրոջ որդի Յակոբի անունը, ընդառաջ գնաց, գիրկն առաւ նրան, համբուրեց ու տարաւ իր տունը: Յակոբը Լաբանին պատմեց այդ բոլոր բաները:
14. Լաբանն ասաց նրան. Իմ ոսկորներից եւ իմ միս ու արիւնից ես դու: Յակոբը նրա մօտ մնաց մի ամբողջ ամիս:
15. Լաբանն ասաց Յակոբին. Քանի որ դու իմ եղբայրն ես, ինձ ձրի չես ծառայի: Ասա՛ ինձ, ի՞նչ է քո վարձը:
16. Լաբանն ուներ երկու դուստր: Աւագի անունը Լիա էր, իսկ կրտսերինը՝ Ռաքել:
17. Լիայի տեսողութիւնը թոյլ էր, իսկ Ռաքելը բարեկազմ էր ու դեմքով գեղեցիկ:
18. Յակոբը սիրեց Ռաքելին. Նա ասաց. Քեզ եօթը տարի կը ծառայեմ քո կրտսեր դուստր Ռաքելի համար:
19. Լաբանն ասաց նրան. Աւելի լաւ է նրան քե՛զ տամ, քան օտար մարդու: Ապրի՛ր դու ինձ մօտ:
20. Յակոբը Ռաքելի համար ծառայեց եօթը տարի, բայց նրա աչքին այդ տարիները օրեր թուացին, որովհետեւ սիրում էր նրան:
21. Յակոբն ասաց Լաբանին. Տո՛ւր ինձ իմ հարսնացուին, որպէսզի պառկեմ նրա հետ, որովհետեւ սահմանուած ժամկետը վերջացել է:
22. Լաբանը հաւաքեց տեղի բոլոր մարդկանց ու հարսանիք արեց:
23. Երբ գիշերը վրայ հասաւ, Լաբանն առաւ իր դուստր Լիային, տարաւ Յակոբի մօտ, եւ Յակոբը պառկեց նրա հետ:
24. Լաբանն իր աղախին Չելիային իբրեւ նաժիշտ տուեց իր դուստր Լիային: Առաւօտեան Յակոբը տեսաւ, որ իր կողքինը Լիան է:
25. Յակոբն ասաց Լաբանին. Այս ի՞նչ արեցիր, մի՞թէ Ռաքելի համար չծառայեցի քեզ, ինչո՞ւ խաբեցիր ինձ:
26. Լաբանն ասաց. Մեր երկրում ընդունուած չէ մեծից առաջ կրտսերին ամուսնացնել:
27. Արդ, սրա՛ համար էլ եօթը տարի ծառայիր, եւ ինձ համար աշխատած այդ եօթը



տարուայ աշխատանքիդ համար սրա՞ն էլ քեզ կին կը տամ:

28. Յակոբն այդպէս էլ արեց. Նա եօթը տարի եւս ծառայեց սրա համար, եւ Լաբանն իր դուստր Ռաքելին կնութեան տուեց Նրան:

29. Լաբանն իր աղախին Բալլային իբրեւ Նաժիշտ տուեց իր դուստր Ռաքելին:

30. Յակոբը մտաւ Ռաքելի ծոցը եւ Ռաքելին սիրեց անելի, քան Լիային: Նա սրա համար ծառայեց եւս եօթը տարի:

31. Երբ Տէրը տեսաւ, որ Լիան Յակոբի համար ատելի է, Նրա արգանդը բեղմնաւոր դարձրեց, իսկ Ռաքելը ամուլ մնաց:

32. Յղիացաւ Լիան եւ Յակոբի համար ծնեց որդի: Նա Նրան կոչեց Ռուբէն՝ ասելով. Տէրը տեսաւ իմ տառապանքները: Արդ, ինձ պիտի սիրի իմ ամուսինը:

33. Դարձեալ յղիացաւ Լիան, Յակոբի համար ծնեց երկրորդ որդի եւ ասաց. Քանի որ Տէրը լսեց, որ ատելի եմ, սրան էլ պարգեւեց ինձ: Եւ Նրա անունը դրեց Շմաւոն:

34. Նա Նորից յղիացաւ, ծնեց որդի եւ ասաց. Այլեւս իմ կողքին կը լինի իմ ամուսինը, որովհետեւ Նրա համար երեք որդի ծնեցի: Դրա համար էլ Նրան կոչեց Ղեւի:

35. Նա մի անգամ էլ յղիացաւ, ծնեց որդի եւ ասաց. Այս անգամ էլ պիտի գոհանամ Տիրոջից: Եւ Նրա անունը դրեց Յուդա: Դրանից յետոյ Նա դադարեց երեխայ ունենալուց:

1. Երբ Ռաքելը տեսաւ, որ ինքը Յակոբի համար որդի չի ծնում, նախանձեց իր քրոջը եւ Յակոբին ասաց. Ինձ զաւակներ պարգեւիր, այլապէս կը մեռնեմ:
2. Բարկացաւ Յակոբը Ռաքելի վրայ ու ասաց նրան. Մի՞թէ Աստծու փոխարինողն եմ ես, որ զրկել է քեզ ծննդաբերելուց:
3. Ռաքելն ասաց Յակոբին. Ահա իմ աղախին Բալլան: Մտի՛ր նրա ծոցը, նա թող ծննդաբերի իմ ծնկների վրայ, որ ես նրա միջոցով որդիներ ունենամ:
4. Եւ նա իր աղախին Բալլային տուեց նրան կնութեան: Յակոբը մտաւ նրա ծոցը:
5. Յղիացաւ Ռաքելի նաժիշտ Բալլան եւ որդի ծնեց Յակոբի համար:
6. Ռաքելն ասաց. Աստուած ինձ արդար դատեց, լսեց իմ ձայնը եւ ինձ որդի պարգեւեց: Դրա համար էլ նրա անունը դրեց Դան:
7. Դարձեալ յղիացաւ Ռաքելի նաժիշտ Բալլան եւ երկրորդ որդի ծնեց Յակոբի համար:
8. Ռաքելն ասաց. Աստուած ինձ օգնեց, որովհետեւ ընդհարուեցի քրոջս հետ եւ յաղթեցի: Եւ որդու անունը դրեց Նեփթալիմ:
9. Երբ Լիան տեսաւ, որ ինքը դադարել է ծնելուց, իր նաժիշտ Չելփային տուեց Յակոբին կնութեան:
10. Լիայի նաժիշտ Չելփան յղիացաւ եւ Յակոբի համար ծնեց որդի:
11. Նա ասաց. Ես երջանիկ եմ: Եւ նրա անունը դրեց Գադ:
12. Յղիացաւ Լիայի նաժիշտ Չելփան եւ երկրորդ որդի էլ ծնեց Յակոբի համար:
13. Լիան ասաց. Ես բախտաւոր եմ, որովհետեւ կանայք ինձ երանի են տալու: Եւ որդու անունը դրեց Ասեր՝ Մեծութիւն:
14. Ռուբէնը ցորենի հնձի օրերին գնաց, դաշտում մանրագործի խնձոր գտաւ եւ այն բերեց իր մայր Լիային: Ռաքելը դիմելով իր քոյր Լիային՝ ասաց. Քո որդու մանրագործներից մի քիչ տո՛ւր ինձ:
15. Լիան պատասխանեց. Բաւական չէ՞, որ խլեցիր իմ ամուսնուն, հիմա էլ իմ որդու մանրագործն ես ուզում առնել: Ռաքելն ասաց. Այդպէս չէ: Քո որդու մանրագործների փոխարեն թող նա այս գիշեր պառկի քեզ հետ:
16. Երբ երեկոյեան Յակոբը դաշտից վերադարձաւ տուն, նրան ընդառաջ գնաց Լիան ու ասաց. Այսօր իմ ծոցը պիտի մտնես, որովհետեւ իմ որդու մանրագործների փոխարեն վարձել եմ քեզ: Եւ նա գիշերը պառկեց նրա հետ: Աստուած անսաց Լիային:
17. Սա յղիացաւ եւ Յակոբի համար ծնեց հինգերորդ որդի:
18. Լիան ասաց. Աստուած տուեց իմ վարձը այն բանի համար, որ իմ աղախինն տուեցի իմ ամուսնուն: Եւ նա նրա անունը դրեց Իսաքար, որ նշանակում է վարձ:
19. Մի անգամ էլ յղիացաւ Լիան եւ Յակոբի համար ծնեց վեցերորդ որդի:
20. Լիան ասաց. Աստուած ինձ լաւ նուէր պարգեւեց. սրանից յետոյ ամուսինս ինձ կը սիրի, որովհետեւ նրա համար վեց որդի ծնեցի: Եւ նա նրա անունը դրեց Չաբուլոն:
21. Դրանից յետոյ նա աղջիկ ծնեց եւ նրա անունը դրեց Դինա:
22. Աստուած յիշեց Ռաքելին, անսաց նրան եւ բեղմնաւոր դարձրեց նրա արգանդը:
23. Սա յղիացաւ եւ Յակոբի համար ծնեց որդի: Ռաքելն ասաց. Աստուած ինձնից վերացրեց իմ ամլութեան նախատինքը:
24. Եւ նրա անունը դրեց Յովսեփ: Նա ասաց. Աստուած թող ինձ պարգեւի մի որդի եւս:
25. Երբ Ռաքելը ծնեց Յովսեփին, Յակոբն ասաց Լաբանին. Ինձ թո՛յլ տուր, որ գնամ իմ բնակավայրն ու իմ երկիրը:
26. Տո՛ւր կանանց, որոնց համար ծառայեցի քեզ, ու իմ որդիներին, որպէսզի գնամ: Դու ինքդ էլ գիտես, թէ ինչ ծառայութիւն մատուցեցի քեզ:
27. Լաբանը պատասխանեց նրան. Քանի որ արժանացայ քո բարեհաճութեանը, փորձով համոզուեցի, որ Աստուած ինձ օրհնեց իմ տուն քո ոտք դնելու առթիւ:
28. Լաբանն աւելացրեց. Ասա՛ ինձ քո վարձը, եւ ես կը տամ:
29. Յակոբն ասաց նրան. Դու գիտես, թէ որքան ծառայեցի քեզ, եւ թէ որքան ոչխար էիր յանձնել ինձ: Իմ գալուց առաջ դրանք փոքրաթիւ էին,

30. իսկ այժմ դրանք անչափ աճել են: Տեր Աստուած քեզ օրհնեց քո տուն իմ ոտք դնելու առթիւ: Արդ, ե՞րբ եմ ես տուն-տեղ ունենալու:
31. Լաբանը հարցրեց Նրան. Ի՞նչ տամ քեզ: Յակոբը պատասխանեց. Ինձ ոչինչ մի՛ տուր, բայց միայն հետեւեալն արա՛. ես դարձեալ արածեցնեմ ու պահպանեմ քո ոչխարները:
32. Այսօր թող քո առաջով անցնի քո ամբողջ հօտը, եւ դու ջոկի՛ր իրարից բոլոր խատուտիկ ու գորշ ոչխարները եւ արածող բոլոր թուխ ոչխարները: Բոլոր խատուտիկ ոչխարներն ու պտաւոր այծերը թող լինեն իմ վարձը:
33. Իմ արդար լինելը կ'երեւայ վաղը, որ ես վարձ ունեմ քեզնից ստանալիք: Այն բոլոր այծերը, որոնք բժաւոր ու պտաւոր չեն, եւ ոչխարները, որոնք խայտաճամուկ չեն, թող ինձ գողօն համարուեն:
34. Լաբանն ասաց Նրան. Թող քո ասածը լինի:
35. Լաբանն այդ օրը առանձնացրեց մոխրագոյն ու պտաւոր նոխազները, բոլոր մոխրագոյն ու պտաւոր այծերը, սպիտակ ու թուխ ոչխարները,
36. տուեց իր որդիներին եւ Նրանց ուղարկեց Յակոբից հեռու երեք օրուայ ճանապարհ: Յակոբն արածեցնում էր Լաբանի մնացած հօտերը:
37. Յակոբն առաւ ինկէնու, ընկուզէնու եւ սօսու դալար ճիւղեր, հանեց դրանց կեղեւը, եւ երեւաց սպիտակը: Գաւազաններից կանաչ մասը քերծելուց յետոյ գաւազանների քերծուած սպիտակը գունագեղ էր երեւում:
38. Քերծած գաւազանները Նա դրեց ջրի գուռերի մէջ, որ երբ հօտերը գան ջուր խմելու, այդ գաւազանների մօտ բեղմնաւորուեն:
39. Մաքիները գաւազանների մօտ բեղմնաւորուում էին եւ ծնում խայտաճամուկ, պտաւոր ու խատուտիկ գառներ:
40. Յակոբը եգ գառներն առանձնացնում էր ու դնում մաքիների դիմաց, նաեւ՝ մոխրագոյն խոյերը եւ բոլոր խայտաճամուկ ոչխարները: Նա իր հօտն առանձնացնում էր, չէր խառնում Լաբանի հօտերին:
41. Երբ գալիս էր մաքիների գուգաւորուելով յիփանալու ժամանակը, Յակոբը գաւազանները դնում էր մաքիների դիմաց, գուռերի մէջ, որպէսզի Նրանք բեղմնաւորուեն գաւազանների մօտ,
42. իսկ երբ մաքիները ծնում էին, այլեւս չէր դնում: Նշան չունեցողները լինում էին Լաբանի սեփականութիւնը, իսկ նշան ունեցողները՝ Յակոբի:
43. Այսպիսով Յակոբը չափազանց շատ հարստացաւ. Նա ունեցաւ շատ ոչխարներ ու արջառներ, ծառաներ ու աղախիկներ, ուղտեր ու էշեր:

1. Յակոբի ականջին հասան Լաբանի որդիների ասածները, թե՛ Յակոբը տեր դարձաւ մեր հոր ողջ ունեցուածքին, մեր հոր ունեցուածքի շնորհիւ նա դիգեց մեծ հարստութիւն:
2. Յակոբը նայելով Լաբանի դէմքին՝ հասկացաւ, որ նա իր հետ այնպէս բարեացակամ չէ, ինչպէս առաջներում էր:
3. Տէր Աստուած ասաց Յակոբին. Վերադարձի՛ր քո հոր երկիրը, քո ցեղի մօտ, եւ ես կը լինեմ քեզ հետ:
4. Յակոբը մարդ ուղարկեց եւ Ռաքելին ու Լիային կանչեց այն դաշտը, ուր հօտերն էին գտնուում:
5. Նա նրանց ասաց. Նայելով ձեր հոր դէմքին՝ զգում եմ, որ նա ինձ հետ այնպէս բարեացակամ չէ, ինչպէս առաջներում էր: Սակայն իմ հոր Աստուածը ինձ հետ է:
6. Դուք ինքներդ էլ գիտէք, որ իմ ամբողջ ուժով ես ծառայեցի ձեր հօրը,
7. բայց ձեր հայրը խաբեց ինձ, իմ վարձից տասը գառներ խլեց, սակայն Աստուած թոյլ չտուեց, որ նա ինձ վատութիւն անի:
8. Եթէ նա ասի, թե՛ Երանգաւոր մաքիները թող լինեն քո վարձը, ապա բոլոր մաքիները երանգաւոր գառներ կը ծնեն, իսկ եթէ ասի, թե՛ Սպիտակները թող լինեն քո վարձը, ապա բոլոր մաքիները սպիտակ գառներ կը ծնեն:
9. Աստուած ձեր հօր բոլոր մաքիները առաւ ու ինձ տուեց:
10. Երբ մաքիները բեղմնաւորուում էին, ես երազում, իմ աչքերով տեսնում էի, թէ ինչպէս նոխազներն ու խոյերը ելնում էին պտաւոր, խատուտիկ ու խայտաճամուկ մաքիների ու այծերի վրայ:
11. Երազի մէջ Աստծու հրեշտակն ինձ ասաց. Յակոբ: Ես պատասխանեցի. Ի՞նչ է:
12. Նա ասաց. Քո աչքով նայի՛ր ու տե՛ս, որ մաքիների ու եզ այծերի վրայ ելնող խոյերն ու արու այծերը ինչպէ՛ս պտաւոր են, խայտաճամուկ ու խատուտիկ: Չէ՞ որ ես տեսայ, թէ ինչքան անարդար վարուեց քեզ հետ Լաբանը:
13. Ես այն Աստուածն եմ, որ երեւացի քեզ Աստծու տուն կոչուող վայրում, ուր ինձ համար կոթողը իւղով օծեցիր եւ ուխտ արեցիր: Արդ, դո՛ւրս արի այս երկրից, գնա՛ քո ծննդավայրը, եւ ես կը լինեմ քեզ հետ:
14. Պատասխան տուեցին Ռաքելն ու Լիան եւ ասացին նրան. Մի՞թէ սրանից յետոյ մենք մեր հոր ունեցուածքից բաժին եւ ժառանգութիւն կ'ունենանք.
15. չէ՞ որ նա մեզ օտար համարեց, քանի որ վաճառեց մեզ եւ մեր փողը կերաւ:
16. Այն հարստութիւնն ու փառքը, որ Աստուած առաւ մեր հօր ձեռքից, թող մերը լինի ու մեր որդիներինը: Արդ, ինչ որ ասել է քեզ Աստուած, արա՛:
17. Յակոբը վեր կացաւ, առաւ իր կանանց ու երեխաներին եւ նրանց նստեցրեց ուղտերի վրայ:
18. Նա իր հետ վերցրեց իր ողջ ունեցուածքն ու հարստութիւնը, որ կուտակել էր Ասորիների Միջագետքում, որպէսզի գնայ Քանանացիների երկիրը՝ իր հայր Իսահակի մօտ:
19. Լաբանը գնացել էր իր ոչխարները խուզելու: Ռաքելը գողացաւ իր հօր կուռքերը,
20. իսկ Յակոբը շեղեց իր աներոջ Լաբանի ուշադրութիւնը, որովհետեւ չէր ուզում յայտնել նրան, որ պիտի գնայ:
21. Եւ նա գնաց իր ամբողջ ունեցուածքով: Նա անցաւ գետը եւ ուղղուեց դէպի Գաղաադ լեռը:
22. Երրորդ օրը ասորի Լաբանին յայտնեցին, որ Յակոբը գնացել է:
23. Նա իր հետ վերցրեց իր եղբայրներին, հետապնդեց նրան՝ անցնելով եօթը օրուայ ճանապարհ եւ նրան հասաւ Գաղաադ լեռան մօտ:
24. Գիշերը երազում Աստուած երեւաց ասորի Լաբանին ու ասաց նրան. Չգո՛յշ եղիր, չինի թէ Յակոբի հետ չարութեամբ խօսես: Լաբանը հասաւ Յակոբին:
25. Յակոբն իր վրանը խփել էր լեռան վրայ, իսկ Լաբանն իր եղբայրներին դադար տուեց Գաղաադ լեռան վրայ:

26. Լաբանն ասաց Յակոբին. Ինչո՞ւ արեցիր դու այդ բանը, ինչո՞ւ ինձնից գաղտնի հեռացար, կողոպտեցիր ինձ, իսկ իմ դուստրերին իբրեւ ռազմագերի տարար:
27. Եթե տեղեակ պահէիր ինձ, քեզ ճանապարհ կը դնէի ուրախութեամբ, թմբուկների ու քնարների նուագակցութեամբ:
28. Մի՞թե ես արժանի չեի, որ համբուրէի իմ որդիներին ու դուստրերին: Արդ, անմիտ բան ես արել:
29. Ես հիմա կարող էի քեզ վատութիւն անել, բայց քո հօր Աստուածը երեկ ասաց ինձ. Չգո՛յշ եղիր, չլինի թէ Յակոբի հետ չարութեամբ խօսես:
30. Արդ, գնում ես, որովհետեւ շատ ես ցանկանում գնալ քո հօր տունը: Բայց ինչո՞ւ գողացար իմ աստուածները:
31. Պատասխան տուեց Յակոբն ու ասաց Լաբանին. Որովհետեւ վախեցայ: Մտածեցի, թէ գուցէ դու քո դուստրերին, նաեւ իմ ողջ ունեցուածքը կը խլես ինձնից:
32. Յակոբն անելացրեց. Ում մօտ որ գտնես քո աստուածները, թող նա մեր եղբայրների ներկայութեամբ սպանուի: Արդ, քո ունեցածից ինչ որ գտնես ինձ մօտ, վերցրո՛ւ: Նա ոչինչ չգտաւ նրա մօտ: Յակոբը, սակայն, չգիտէր, որ Ռաքելն էր գողացել դրանք:
33. Լաբանը, մտնելով, խուզարկեց Յակոբի կացարանը, Լիայի կացարանն ու երկու հարճերի կացարանը, բայց ոչինչ չգտաւ: Դուրս գալով Լիայի կացարանից՝ Լաբանը մտաւ Ռաքելի կացարանը:
34. Ռաքելն ամենելով կուռքերը՝ դրանք դրել էր ուղտի թամբի տակ եւ նստել դրանց վրայ: Լաբանը խուզարկեց ողջ վրանը, բայց ոչինչ չգտաւ:
35. Նա ասաց իր հօրը. Մի՛ բարկացիր, տէ՛ր, որ քո ներկայութեամբ չեմ կարող ոտքի ելնել, որովհետեւ կանանց յատուկ վիճակի մէջ եմ: Լաբանը խուզարկեց ողջ կացարանը, բայց կուռքերը չգտաւ:
36. Յակոբը զայրացած վիճում էր Լաբանի հետ: Յակոբը, պատասխան տալով Լաբանին, ասաց. Ի՞նչ վնաս եմ տուել ես, կամ ո՞րն է իմ յանցանքը, որ հետապնդեցիր ինձ
37. Եւ խուզարկեցիր իմ ողջ ունեցուածքը: Իմ տանը քո ունեցուածքից որեւէ բան գտա՞ր. դի՛ր այն իմ եղբայրների ու քո եղբայրների առաջ, եւ նրանք թող դատ անեն մեր երկուսի միջեւ:
38. Քսան տարի է, ինչ քեզ հետ էի, քո մաքիներն ու այծերը չստերջացան, եւ քո մաքիների խոյերը ես չկերայ:
39. Գազաններից յօշոտուած կենդանիները ես չբերեցի քեզ մօտ, այլ ես ինքս էի հատուցում ցերեկը գողացուածի ու գիշերը գողացուածի վնասը:
40. Ցերեկը տանջւում էի շոգից, իսկ գիշերը՝ ցրտից: Քունը փախել էր աչքերիցս:
41. Քսան տարի է, որ քո տանն էի: Տասնչորս տարի քո դուստրերի համար աշխատեցի եւ վեց տարի՝ քո հօտերի համար, բայց դու խաբեցիր ինձ եւ իմ բաժնից տասը ոչխար խլեցիր:
42. Եթե ինձ հետ չլինէին իմ հօր Աստուածը, Աբրահամի Աստուածն ու Իսահակի երկիւղը, այժմ գուցէ ինձ ձեռնունայն յետ ուղարկէիր: Աստուած, սակայն, տեսաւ իմ չարչարանքն ու իմ ձեռքի գործը եւ երեկ քեզ յանդիմանեց:
43. Պատասխան տուեց Լաբանն ու ասաց Յակոբին. Դուստրերդ իմ դուստրերն են, որդիներդ իմ որդիներն են, հօտերդ իմ հօտերն են: Այն ամէնը, ինչ տեսնում ես դու, իմն են ու իմ դուստրերինը: Արդ, հիմա ես ինչպե՞ս կարող եմ վատութիւն անել իմ դուստրերին ու նրանց որդիներին:
44. Արի պայման դնենք ես ու դու: Դա թող վկայութիւն լինի իմ ու քո միջեւ: Նա իր խօսքը շարունակելով՝ ասաց նրան. Ահա մեր միջեւ որպէս վկայ Աստծուց բացի ոչ ոք չկայ:
45. Եւ Յակոբը վերցրեց մի քար եւ կանգնեցրեց որպէս կոթող:
46. Դիմելով իր եղբայրներին՝ նա ասաց. Քարեր հաւաքեցէ՛ք: Նրանք քարեր կուտակեցին, քարակոյտ սարքեցին եւ այդ քարակոյտի վրայ կերան ու խմեցին:
47. Լաբանն այն կոչեց Վկայութեան կարկառ, իսկ Յակոբը կոչեց Վկայ կարկառ:
48. Լաբանն ասաց նրան. Այս քարակոյտն այսօր վկայ է իմ ու քո միջեւ: Ահա թէ ինչու

Լաբանն այն կոչեց Վկայութեան քարակոյտ, իսկ Յակոբն այն կոչեց Վկայ քարակոյտ: Լաբանն ասաց Յակոբին. Ահա այս քարակոյտն ու այս կոթողը, որ կանգնեցրի իմ ու քո միջեւ. վկայ է այս քարակոյտը, վկայ է այս կոթողը: Դրա համար էլ քարակոյտը կոչուեց Վկայութիւն:

49. Եւ Դիտանոց, որի մասին ասաց, թէ՛ Աստծու աչքը թող ինձ ու քեզ վրայ լինի, որովհետեւ մենք, ահա, բաժանուում ենք միմեանցից:

50. Եթէ վշտացնես իմ դուստրերին, եթէ իմ դուստրերի կենդանութեան օրօք կանայք առնես, զգո՛յշ եղի՛ր, քանի որ մարդ չկայ, որ այդ բանը տեսնի, բայց Աստուա՛ծ վկայ կը լինի իմ ու քո միջեւ:

51. Լաբանն ասաց Յակոբին. Ահա այս քարակոյտն ու այս կոթողը, որ կանգնեցրինք իմ ու քո միջեւ.

52. վկայ թող լինի այս քարակոյտը, վկայ թող լինի այս կոթողը, որ ես չեմ անցնի քարակոյտից այն կողմ, իսկ դու էլ չես անցնի քարակոյտից ու կոթողից այս կողմ չար դիտաւորութեամբ:

53. Մեր դատաւորը Աբրահամի Աստուածը, Նաքորի Աստուածը, Նրանց հայրերի Աստուածը թող լինի:

54. Եւ Յակոբը երդուեց իր հայր Իսահակի երկիւղով: Յակոբը զոհ մատուցեց լեռան վրայ եւ կանչեց իր եղբայրներին, որ հաց ուտեն: Նրանք կերան, խմեցին ու գիշերեցին լեռան վրայ:

55. Լաբանն առաւօտեան վեր կացաւ, համբուրեց իր որդիներին ու դուստրերին, օրհնեց նրանց եւ վերադառնալով՝ գնաց իր բնակատեղին:

1. Յակոբն էլ գնաց իր ճանապարհով: Նա տեսաւ Աստծու հրեշտակների բանակը. նրան ընդառաջ եկան Աստծու հրեշտակները:
2. Յակոբը տեսնելով նրանց՝ ասաց. Սա Աստծու բանակն է. եւ այդ վայրի անունը դրեց Բանակատեղի:
3. Յակոբն իրենից առաջ բանագնացներ ուղարկելով իր եղբայր Եսաւի մօտ, Սէիր գաւառը, Եդոմի երկիրը՝ պատուէր տուեց նրանց ու ասաց.
4. Այսպէս կ'ասեք իմ տէր Եսաւին, թէ այսպէս է ասում քո ծառայ Յակոբը. Լաբանի մօտ ապրեցի եւ մինչեւ հիմա այնտեղ մնացի:
5. Ունեցայ արջառներ, ոչխարներ, էշեր, ծառաներ ու աղախիկներ: Հիմա մարդ եմ ուղարկում իմ տէր Եսաւին՝ խնդրելու, որ քո ծառան շնորհ գտնի քո առաջ:
6. Բանագնացները Յակոբի մօտ վերադառնալով՝ ասացին. Գնացիք քո եղբայր Եսաւի մօտ. նա, նրա հետ նաեւ չորս հարիւր տղամարդիկ, քեզ ընդառաջ են գալիս:
7. Վախեցաւ Յակոբն ու կասկածանքի մէջ ընկաւ: Նա իր հետ եղած ժողովրդին, արջառները, ոչխարները եւ ուղտերը բաժանեց երկու խմբի:
8. Յակոբը մտածեց. Եթէ Եսաւը յարձակուի առաջին խմբի վրայ եւ ջարդի այն, ապա կը փրկուի երկրորդ խումբը:
9. Եւ Յակոբն ասաց. Իմ հայր Աբրահամի Աստուած, իմ հայր Իսահակի Աստուած, Տէր, ինձ ասացիր, թէ՝ Գնա՛ քո ծննդավայրը եւ բարիք կ'անեմ քեզ:
10. Ես արժանի չեմ բոլոր այն արդարութիւններին ու ճշմարտութիւններին, որ արեցիր քո ծառային, որովհետեւ ցուպը ձեռքիս անցայ Յորդանանի այս կողմը, իսկ հիմա բաժանուել եմ երկու մասի:
11. Փրկի՛ր ինձ իմ եղբայր Եսաւի ձեռքից, որովհետեւ ես նրանից վախենում եմ. գուցէ նա գայ եւ հարուածի ինձ ու մայրերին՝ իրենց երեխաների հետ:
12. Դու ասացիր, թէ՝ Բարիք կ'անեմ քեզ եւ քո սերունդները աւագի պէս կը բազմացնեմ, այնքան, որ անթիւ ու անհամար կը լինեն նրանք:
13. Եւ նա այդ գիշեր քնեց այդտեղ: Նա բերածներից իր ձեռքով, իբրեւ ընծայ, իր եղբայր Եսաւին ուղարկեց
14. երկու հարիւր այծ, քսան նոխազ, երկու հարիւր մաքի, քսան խոյ,
15. երեսուն ուղտ՝ իրենց նորածին ձագերի հետ, քառասուն կով եւ տասը ցուլ, քսան էշ եւ տասը քուռակ:
16. Նա իր ծառաներին յանձնեց հօտերն առանձին-առանձին եւ ասաց նրանց. Դուք գնացէ՛ք ինձնից առաջ, հօտերն առանձին-առանձին՝ իրարից հեռու կը տանեք:
17. Նա առաջինին պատուիրեց՝ ասելով. Եթէ քեզ հանդիպի իմ եղբայր Եսաւը եւ հարցնի, թէ՝ Ո՞վ ես եւ ո՞ւր ես գնում, ո՞ւմ է պատկանում այն, ինչ քո առջեւից է գնում,
18. կ'ասես. Քո ծառայ Յակոբի ընծաներն են, որ նա ուղարկում է իր տէր Եսաւին, իսկ ինքը գալիս է մեր ետեւից:
19. Նա պատուիրեց առաջինին, երկրորդին, երրորդին եւ բոլոր նրանց, ովքեր հօտերի հետ գնում էին առջեւից, եւ ասաց. Երբ կը հանդիպեք Եսաւին, կ'ասեք նրան այն, ինչ ասացի ես ձեզ:
20. Դուք կ'ասեք. Ահա քո ծառայ Յակոբը գալիս է մեր ետեւից: Նա ինքն իրեն մտածում էր. Նրան կը մեղմեմ այն ընծաներով, որ ուղարկում եմ ինձնից առաջ, եւ ապա անձամբ կը հանդիպեմ նրան, թերեւս բարեացակամ լինի իմ նկատմամբ:
21. Ընծաներն ուղարկուեցին իրենից առաջ, իսկ ինքն այդ գիշեր քնեց այդտեղ՝ Բանակատեղիում:
22. Նոյն գիշերը վեր կենալով՝ նա առաւ իր երկու կանանց, երկու աղախիկներին ու տասնմէկ որդիներին, անցկացրեց Յոբոկ գետի ծանծաղուտով:
23. Նա նրանց ու իրեն պատկանող ամէն ինչ վերցրած՝ անցկացրեց գետով:
24. Յակոբը մնաց միայնակ: Մի մարդ նրա հետ մարտնչեց մինչեւ առաւօտ:
25. Երբ մարդը տեսաւ, որ չի կարողանում յաղթել նրան, կռուի ընթացքում բռնեց

Յակոբի ազդրի ջլերը եւ անգգայացրեց դրանք:

26. Մարդն ասաց նրան. Թո՛յլ տուր գնամ, որովհետեւ արդէն լուսացաւ: Յակոբը պատասխանեց. Թոյլ չեմ տայ, որ գնաս, մինչեւ ինձ չօրհնես:

27. Մարդն ասաց նրան. Ի՞նչ է քո անունը: Նա պատասխանեց նրան` Յակոբ:

28. Մարդն ասաց նրան. Այտուհետեւ քեզ Յակոբ թող չկոչեն, այլ Իսրայել թող լինի քո անունը, որովհետեւ դիմացար Աստծու հետ մաքառելիս, ուստի մարդկանց նկատմամբ էլ ուժեղ լինես:

29. Յակոբը հարց տուեց. Ասա՛ ինձ քո անունը: Նա ասաց. Ինչո՞ւ ես հարցնում իմ անունը: Եւ նա տեղնուտեղը օրհնեց նրան:

30. Յակոբն այդ տեղն անունանեց Երեւումն Աստուծոյ, որովհետեւ, - ասում է, - Աստծուն տեսայ դեմ առ դեմ, եւ փրկուեց հոգիս:

31. Երբ անյայտացաւ Աստծու տեսիլքը, նրա վրայ արեւ ծագեց, իսկ նա իր ազդրի պատճառով կաղալով էր գնում:

32. Դրա համար էլ իսրայելացիները մինչեւ օրս կենդանիների ազդրի ջլերը չեն ուտում, քանի որ Աստուած բռնել էր Յակոբի ազդրի ջլերը եւ անգգայացրել դրանք:



1. Յակոբն աչքերը բարձրացրեց ու տեսաւ իր եղբայր Եսաւին, որ գալիս էր չորս հարիւր հոգով: Յակոբն իր երեխաներին բաժանեց Լիայի, Ռաքելի եւ երկու աղախիսների միջեւ:
2. Նա երկու աղախիսներին ու նրանց որդիներին ուղարկեց առջեւից, Լիային ու նրա որդիներին՝ նրանցից յետոյ, իսկ Ռաքելին ու Յովսէփին՝ ամենավերջում:
3. Ինքն անցաւ նրանցից առաջ եւ եօթն անգամ գետին խոնարհուեց մինչեւ իր եղբօրը մօտենալը:
4. Եսաւն ընդառաջ գնաց նրան, գրկեց եւ համբուրեց, փաթաթուեց վզին եւ համբուրեց նրան: Նրանք երկուսով լաց եղան:
5. Եսաւը վեր նայելով տեսաւ կանանց ու երեխաներին եւ հարց տուեց. Սրանք քո ի՞նչն են: Նա պատասխանեց. Իմ երեխաներն են, որոնցով Աստուած ողորմեց ինձ՝ քո ծառային:
6. Աղախիսներն ու նրանց որդիները մօտեցան ու խոնարհուեցին նրա առաջ:
7. Մօտեցան նաեւ Լիան ու իր որդիները եւ խոնարհուեցին նրա առաջ: Յետոյ մօտեցան Յովսէփն ու Ռաքելը եւ խոնարհուեցին նրա առաջ:
8. Եսաւը հարց տուեց. Ի՞նչ է այս մեծ շարանը, որ ինձ հանդիպեց: Նա պատասխանեց. Որպէսզի քո ծառան շնորհ գտնի քո առաջ:
9. Եսաւն ասաց. Ես էլ շատ ունեմ, եղբայր, քոնը քեզ թող մնայ:
10. Յակոբն ասաց. Այդպէս չի լինի: Եթէ շնորհ եմ գտել քո առաջ, ուրեմն ընդունի՛ր ինձնից ընծաները. որովհետեւ քո դէմքը տեսայ այնպէս, ինչպէս մարդ Աստծու դէմքը տեսնի: Ուրախացի՛ր ինձ հետ
11. եւ ընդունի՛ր իմ ընծաները, որ մատուցեցի քեզ, որովհետեւ ողորմեց ինձ Աստուած, եւ ես ամեն ինչ ունեմ: Յակոբն ստիպեց նրան, եւ սա ընդունեց:
12. Եսաւն ասաց. Ելնենք գնանք ուղիղ ճանապարհով:
13. Յակոբն ասաց նրան. Իմ տէրն ինքը գիտի, որ երեխաներս փոքր են, իսկ ոչխարն ու արջառը արդէն ծնել են: Եթէ դրանց ստիպեմ մի օրուայ ճանապարհ գնալ, ապա բոլոր անասունները կը սատկեն:
14. Ուրեմն իմ տէրն իր ծառայի առջեւից թող գնայ, իսկ ես ըստ իմ կարողութեան ու անասունների ընթացքի, ըստ իմ երեխաների զօրութեան կը շարժուեմ, մինչեւ որ Սէիրում հասնեմ իմ տիրոջը:
15. Եսաւը հարցրեց. Քեզ մօտ թողնե՞մ ինձ հետ եղած մարդկանց մի մասին: Սա պատասխանեց. Ի՞նչ կարիք կայ: Բաւական է, որ շնորհ գտայ քո առաջ, տէ՛ր:
16. Այդ օրը Եսաւը իր ճանապարհով վերադարձաւ Սէիր,
17. իսկ Յակոբը գնաց դէպի վրանը, այնտեղ իր համար տներ կառուցեց, իսկ իր հօտերի համար փարախ շինեց: Դրա համար էլ այդ վայրը կոչեց Վրան:
18. Վերադառնալով Ասորիների Միջագետքից՝ Յակոբն եկաւ սիկիմացիների Սաղեմ քաղաքը, որը գտնուում էր Քանանացիների երկրում, եւ բնակուեց քաղաքի դիմաց:
19. Նա Սիւքեմի հայր Եմորից հարիւր ոչխարով մի կալուածք գնեց, ուր եւ խփեց իր վրանը:
20. Նա այնտեղ գոհասեղան կառուցեց եւ երկրպագեց Իսրայելի Աստծուն:

1. Լիայի՝ Յակոբի համար ծնած դուստրը՝ Դինան, ելաւ այդ կողմի աղջիկներին տեսնելու:
2. Նրան տեսաւ քոռեցի Եմորի որդի Սիւքեմը, որը երկրի իշխանն էր, առեւանգեց նրան, պառկեց նրա հետ եւ պղծեց նրան:
3. Սիւքեմը, ամբողջ հոգով կապուելով Յակոբի դուստր Դինայի հետ, սիրեց աղջկան եւ քաղցրութեամբ խօսեց նրա հետ:
4. Սիւքեմը, դիմելով իր հայր Եմորին, ասաց. Այս աղջկան ինձ համար կնութեան ա՛ն:
5. Յակոբն իմացաւ, որ Եմորի որդին պղծել է իր դուստր Դինային: Այդ ժամանակ իր որդիները դաշտում անասունների մօտ էին: Յակոբը լուռ մնաց մինչեւ նրանց գալը:
6. Սիւքեմի հայր Եմորը գնաց Յակոբի մօտ՝ հետը խօսելու:
7. Դաշտից եկան նաեւ Յակոբի որդիները: Երբ տղամարդիկ իմացան կատարուածի մասին, զայրացան: Նրանք շատ տխրեցին, որովհետեւ Սիւքեմը, Յակոբի դստեր ծոցը մտնելով, մեծ նախատինք էր հասցրել Իսրայելին: Դա չպետք է լինէր:
8. Եմորը նրանց դիմելով՝ ասաց. Իմ որդի Սիւքեմը ամբողջ հոգով սիրել է ձեր դստերը: Արդ, աղջկան տուե՛ք նրան կնութեան եւ խնամութիւն արե՛ք մեզ հետ:
9. ձեր դուստրերին տուե՛ք մեզ եւ մեր դուստրերին առե՛ք ձեր որդիներին:
10. Բնակուեցե՛ք մեզ հետ: Մեր ընդարձակ երկիրը փռուած է ձեր առաջ, բնակուեցե՛ք այնտեղ, վաստակեցե՛ք եւ կալուածքներ ձեռք բերե՛ք դրա մէջ:
11. Սիւքեմն ասաց նրա հօրն ու եղբայրներին. Թող շնորհ գտնեմ ձեր առաջ: Ինչ էլ պահանջեք, կը տանք:
12. Ինչքան ուզեք, աւելացրե՛ք պարգեւագինը եւ օժիտը, որքան էլ ասեք, կը տամ, միայն թէ այդ աղջկան տուե՛ք ինձ կնութեան:
13. Յակոբի որդիները խորամանկութեամբ պատասխանեցին Սիւքեմին ու նրա հայր Եմորին, քանի որ Սիւքեմը պղծել էր իրենց քոյր Դինային:
14. Լիայի որդիները՝ Դինայի եղբայրներ Շմաւոնն ու Ղեւին, ասացին. Չենք կարող անել այդ բանը՝ մեր քրոջը տալ անթլփատ մի մարդու, որովհետեւ դա մեզ համար նախատինք կը լինի:
15. Մենք կը համակերպուենք ձեզ հետ եւ կը բնակուենք ձեր երկրում միայն այն դէպքում, եթէ դուք նմանուեք մեզ՝ թլփատուեն ձեր բոլոր արու գաւակները:
16. Միայն այն ժամանակ մեր դուստրերին կը տանք ձեզ եւ ձեր դուստրերից մեզ կին կ'առնենք:
17. Մենք կը բնակուենք ձեզ հետ եւ կը լինենք իբրեւ մէկ ժողովուրդ: Իսկ եթէ չլսեք մեզ՝ չթլփատուեք, մեր դուստրերին կ'առնենք ու կը հեռանանք:
18. Եմորին ու Եմորի որդի Սիւքեմին հաճելի թուացին այս խօսքերը:
19. Երիտասարդը ջապաղեց անել այդ բանը, որովհետեւ շատ էր սիրում Յակոբի դստերը: Նա իր հօր ընտանիքի անդամների մէջ ամենից աւելի յարգանք էր վայելում:
20. Եմորն ու իր որդի Սիւքեմը եկան իրենց քաղաքի դարպասի մօտ եւ, դիմելով իրենց քաղաքի տղամարդկանց, ասացին նրանց.
21. Այդ մարդիկ հաշտ ու խաղաղ են մեզ հետ: Արդ, թող բնակուեն այս երկրում եւ վաստակ ձեռք բերեն այստեղ, որովհետեւ այս ընդարձակ երկիրը փռուած է նրանց առաջ: Նրանց դուստրերին մեզ կին առնենք եւ մեր դուստրերին տանք նրանց:
22. Այդ մարդիկ մեզ նման լինելով՝ կը բնակուեն մեզ հետ, եւ մենք կը լինենք իբրեւ մէկ ժողովուրդ միայն այն պայմանով, որ մեր բոլոր գաւակները թլփատուեն, ինչպէս որ իրենք են թլփատուած:
23. Միթէ այդ ձեռով նրանց ունեցուածքը, նրանց անասունը եւ նրանց չորքոտանին մերը չէ՞ն լինի: Եթէ նրանց այդ պայմանն ընդունենք, նրանք կը բնակուեն մեզ հետ:
24. Եմորի ու նրա որդի Սիւքեմի հետ համաձայնեցին բոլոր նրանք, ովքեր անցնում էին իրենց քաղաքի դարպասով, եւ թլփատուեցին բոլոր տղամարդիկ, ովքեր անցնում էին այդ քաղաքի դարպասով:

25. Երրորդ օրը, երբ դեռ նրանք ցաւերի մէջ էին, Յակոբի երկու որդիները՝ Դինայի եղբայրներ Շմաւոնն ու Ղեւին, ամէն մէկն առնելով իր սուրը, կազմ ու պատրաստ մտան քաղաքն ու կոտորեցին բոլոր արուններին:
26. Նրանք սրի քաշեցին նաեւ Եմորին ու Նրա որդի Սիւքեմին, իսկ Սիւքեմի տնից առան Դինային ու գնացին:
27. Յակոբի միւս որդիները յարձակուեցին վիրաւորների վրայ եւ կողոպտեցին այն քաղաքը, ուր պղծել էին իրենց քոյր Դինային:
28. Նրանք վերցրին քաղաքում եւ դաշտում գտնուող նրանց արջառն ու ոչխարը, նրանց էշերը,
29. գերեվարեցին ողջ մնացած մարդկանց ու նրանց կանանց, աւար առան նրանց ամբողջ գոյքը: Նրանք յափշտակեցին ե՛ւ քաղաքում, ե՛ւ տներում եղած ամէն ինչ:
30. Այն ժամանակ Յակոբն ասաց Շմաւոնին ու Ղեւիին. Դուք ինձ ատելի դարձրիք: Ես երկրի բոլոր բնակիչներին՝ քանանացիներին ու փերեզացիներին անխիղճ մարդ պիտի թուամ: Մենք սակաւաթիւ ենք: Եթէ նրանք հաւաքուեն, ինձ վրայ յարձակուեն ու հարուածեն ինձ, ապա կ'ոչնչանամ ե՛ւ ես, ե՛ւ իմ տոհմը:
31. Նրանք պատասխանեցին. Հապա ինչպէ՞ս է, որ նրանք իբրեւ բոզ լլկեցին մեր քրոջը:

1. Աստուած ասաց Յակոբին. Վե՛ր կաց գնա՛ բնակավայրո՛ւ Բեթել, բնակուի՛ր այդ վայրում եւ այնտեղ զոհասեղան կառուցի՛ր Աստծուն, որ երեւաց քեզ քո եղբայր Եսաւից փախչելու ժամանակ:
2. Յակոբն ասաց իր տնեցիներին ու իր հետ եղած բոլոր մարդկանց. Վերացրե՛ք ձեր միջից ձեզ մօտ եղած օտար աստուածները, մաքրուեցե՛ք, փոխեցե՛ք ձեր զգեստները,
3. որ վեր կենանք գնանք Բեթել, այնտեղ զոհասեղան կառուցենք Աստծուն, որը լսեց ինձ նեղ օրերին, ինձ հետ եղաւ եւ ինձ պահպանեց իմ ուղեւորութեան ընթացքում:
4. Նրանք Յակոբին յանձնեցին իրենց մօտ եղած օտար աստուածներն ու իրենց ականջօղերը: Յակոբը դրանք թաղեց բեւեկնի ծառի տակ, Սիկիմում, այնպէս, որ դրանք կորած են մինչեւ այսօր:
5. Իսրայելը չուեց Սիկիմից: Աստծու երկիւղը պատեց դրա շուրջը գտնուող քաղաքները, եւ նրանց բնակիչները չհետապնդեցին Իսրայելի որդիներին:
6. Յակոբն ինքը եւ իր հետ եղած ամբողջ ժողովուրդը եկան Լուզ, այսինքն՝ Բեթել, որը գտնուում է Քանանացիների երկրում:
7. Նա այնտեղ զոհասեղան շինեց, եւ այդ վայրը կոչեց Բեթել, որովհետեւ այնտեղ էր, որ Աստուած երեւացել էր նրան, երբ նա փախչում էր իր եղբայր Եսաւից:
8. Մեռաւ Դեբորան՝ Ռեբեկայի դայեակը, եւ թաղուեց Բեթելից ներքեւ, կաղնու տակ: Յակոբն այդ վայրի անունը դրեց Սգոյ կաղնի:
9. Աստուած երեւաց Յակոբին, երբ սա Լուզում էր: Երբ Յակոբը Ասորիների Միջագետքից եկաւ Լուզ, Աստուած օրհնելով նրան՝
10. ասաց. Քո անունը Յակոբ է, բայց այլեւս Յակոբ չես կոչուելու, այլ Իսրայել կը լինի քո անունը: Եւ նա կոչուեց Իսրայել:
11. Աստուած ասաց նրան. Ես եմ քո ամենակարող Աստուածը: Աճի՛ր եւ բազմացի՛ր: Ցեղեր ու ցեղախմբեր պիտի ծնունեն քեզնից, եւ թագաւորներ պիտի ելնեն քո կողից:
12. Այն երկիրը, որ տուել եմ Աբրահամին ու Իսահակին, քեզ եմ տալու, քոնը թող լինի: Քեզնից յետոյ քո սերնդին եմ տալու այդ երկիրը:
13. Եւ Աստուած վերացաւ նրանից, այն վայրից, որտեղ խօսել էր նրա հետ,
14. իսկ Յակոբը կոթող կանգնեցրեց այն տեղում, որտեղ խօսել էր նրա հետ, քարէ կոթող, նրա վրայ գինի թափեց, իւղով օծեց կոթողը
15. եւ այն տեղը, որտեղ Աստուած խօսել էր իր հետ, կոչեց Բեթել:
16. Նա գնաց Բեթելից, եւ երբ մօտեցաւ Քաբրաթա երկրին, որ մտնի Եփրաթա, Ռաքելը ծննդաբերեց:
17. Նրա ծննդաբերութիւնը դժուարին եղաւ, եւ երկունքի ժամանակ մանկաբարձն ասաց նրան. Արիացի՛ր, որովհետեւ էլի տղայ ես ունենում:
18. Հոգին աւանդելիս, քանի որ մեռնում էր, նա որդու անունը դրեց Իմ վշտերի որդի, իսկ հայրը նրան կոչեց Բենիամին:
19. Մեռաւ Ռաքելն ու թաղուեց Եփրաթայի՝ Նոյն ինքը Բեթղեհեմի ճանապարհի վրայ:
20. Յակոբը նրա շիրիմի վրայ կոթող կանգնեցրեց: Դա մինչեւ այսօր էլ յայտնի է իբրեւ Ռաքելի շիրիմի կոթող:
21. Իսրայելը գնաց եւ իր վրանը խփեց Գադերի աշտարակից այն կողմ:
22. Երբ Իսրայելը բնակուեց այդ երկրում, Ռուբենը գնաց ու պառկեց իր հօր հարճի՝ Բալլայի հետ: Իսրայելն իմացաւ, եւ այդ բանը վատ թուաց նրան: Յակոբն ուներ տասներկու որդի:
23. Լիայից ծնուած որդիներն էին՝ Յակոբի անդրանիկ որդին՝ Ռուբենը, Շմաւոնը, Դեւին, Յուդան, Իսաքարը, Չաբուղոնը:
24. Ռաքելից ծնուած որդիներն էին՝ Յովսէփն ու Բենիամինը: Ռաքելի նաժիշտ Բալլայից ծնուած որդիներն էին՝ Դանն ու Նեփթաղիմը:
25. Լիայի նաժիշտ Չելփայից ծնուած որդիներն էին՝ Գադն ու Ասերը:
26. Ահա սրանք են Յակոբի որդիները, որ նա ունեցաւ Ասորիների Միջագետքում:

27. Յակոբը եկաւ իր հայր Իսահակի մօտ, Մամբրէի կողմերում դաշտային մի քաղաք,  
այսինքն՝ Քերրոն, որ գտնւում է Քանանացիների երկրում, ուր պանդխտեցին  
Աբրահամն ու Իսահակը:

28. Իսահակն ապրեց հարիւր ութսուն տարի:

29. Իսահակը հոգին աւանդեց ու մեռաւ տարիքն առած, խոր ծերութեան մէջ, նա գնաց  
միացաւ իր նախնիներին: Նրան թաղեցին իր որդիները՝ Եսաւն ու Յակոբը:

1. Այս է Եսաւի, այսինքն՝ Եդոմի ծննդաբանութիւնը:
2. Եսաւը կին առաւ քանանացիների դուստրերից Ադոյային՝ քետացի Ելոնի դստերը, Ուրբամային՝ խեւացի Սեբեգոնի որդի Անայի դստերը,
3. եւ Բասեմաթին՝ Խամայելի դստերը, որը Նաբեուլթի քոյրն էր:
4. Ադոյան Եսաւի համար ծնեց Ելիփագին, իսկ Բասեմաթը ծնեց Ռագուէլին
5. Ուրբաման ծնեց Յեուսին, Եգդոմին ու Կորիսին: Սրանք Եսաւի այն որդիներն են, որ նա ունեցաւ Քանանացիների երկրում:
6. Եսաւն առաւ իր կանանց, տղաներին ու աղջիկներին, իր տան բոլոր մարդկանց, ողջ ունեցուածքն ու անասունները, այն ամէնը, ինչ ստացել, ձեռք էր բերել Քանանացիների երկրում, եւ հեռացաւ իր եղբայր Յակոբի մօտից՝ Քանանացիների երկրից,
7. որովհետեւ նրանց անասուններն այնքան շատ էին, որ պանդխտութեան երկիրը ի վիճակի չէր նրանց բաւարարելու:
8. Ուստի Եսաւը՝ նոյն ինքը Եդոմը, հաստատուեց Սէիր լեռան վրայ:
9. Այս է Եսաւի՝ Եդոմայեցիների նախահօր սերունդը Սէիր լեռան վրայ:
10. Սրանք են Եսաւի որդիների անունները. Ելիփագ՝ Եսաւի կին Ադոյայի որդին, Ռագուէլ՝ Եսաւի կին Բասեմաթի որդին:
11. Ելիփագի որդիներն են՝ Թեմանը, Ոմարը, Սոփարը, Գոթոմն ու Կենէզը:
12. Թամարը Ելիփագի՝ Եսաւի որդու հարճն էր եւ Ելիփագի համար ծնեց Ամադէկին: Սրանք Ադոյայի՝ Եսաւի կնոջ որդիներն են:
13. Ռագուէլի որդիներն են՝ Նաքորը, Չարեհը, Ամման եւ Մեզան: Սրանք Բասեմաթի՝ Եսաւի կնոջ որդիներն են:
14. Ուրբամայի՝ Սեբեգոնի որդի Անայի դստեր եւ Եսաւի կնոջ որդիներն են Յեուսը, Եգդոմն ու Կորիսը:
15. Եսաւի ցեղապետ յետնորդներն են. Եսաւի անդրանիկ որդուն՝ Ելիփագի որդիները՝ ցեղապետ Թեմանը, ցեղապետ Ոմարը, ցեղապետ Սոփարը, ցեղապետ Կենէզը,
16. ցեղապետ Կորիսը, ցեղապետ Գոթոմը, ցեղապետ Ամադէկը: Սրանք Ադոյայից ծնուած Ելիփագի ցեղապետներն են Եդոմացիների երկրում:
17. Եսաւի որդի Ռագուէլի որդիներն են՝ ցեղապետ Նաքորը, ցեղապետ Չարեհը, ցեղապետ Ամման, ցեղապետ Մոզէն: Սրանք Եսաւի կին Բասեմաթից ծնուած Ռագուէլի ցեղապետներն են Եդոմի երկրում:
18. Եսաւի կին Ուրբամայի որդիներն են՝ ցեղապետ Յեուսը, ցեղապետ Եգդոմը, ցեղապետ Կորիսը: Սրանք Եսաւի կին՝ Անայի դուստր Ուրբամայից ծնուած ցեղապետներն են:
19. Սրանք են Եսաւի որդիները, եւ սրանք են նրանց ցեղապետերը՝ Եդոմի որդիները:
20. Սէիրում բնակուող քոռեցի Սէիրի որդիներն են՝ Ղոտանը, Սեբաղը, Սեբեգոնը, Անան,
21. Դեսոնը, Ասերը եւ Ռիսոնը: Սրանք քոռեցուն՝ Սէիրի որդու ցեղապետներն են Եդոմի երկրում:
22. Ղոտանի որդիներն են Քոռին, Եմման, իսկ Ղոտանի քոյրը Թամման էր:
23. Սոբաղի որդիներն են՝ Գաղոմը, Մանաքաթը, Գեբաղը, Սոփարը եւ Ոնանը:
24. Սեբեգոնի որդիներն են՝ Այիէն եւ Ոնանը: Սա այն Ոնանն է, որ անապատում աղբիւր գտաւ, երբ արածեցնում էր իր հայր Սեբեգոնի էշերը:
25. Անայի որդիներն են՝ Դեսոնը եւ Ուրբաման՝ Անայի դուստրը:
26. Դեսոնի որդիներն են՝ Ամադանը, Եսբանը, Յեթրանը եւ Քառանը:
27. Ասերի որդիներն են՝ Բալլանը, Չուկանը, Ոսնիկանը եւ Ուկամը:
28. Ռիսոնի որդիներն են՝ Ոսը եւ Առանը:
29. Քոռի ցեղապետներն են՝ ցեղապետ Ղոտանը, ցեղապետ Սոբաղը, ցեղապետ Սեբեգոնը, ցեղապետ Անան,
30. ցեղապետ Դեսոնը, ցեղապետ Ասերը, ցեղապետ Ռիսոնը: Սրանք Քոռի ցեղապետներն են իրենց գաւառներում, Եդոմի երկրում:

31. Սրանք են այն թագաւորները, որոնք թագաւորեցին Եդոմայեցիների երկրում, երբ դեռ որեւէ թագաւոր չէր թագաւորում Իսրայելում:
32. Եդոմում թագաւորեց Սեպփորի որդի Բաղակը. Նրա քաղաքի անունը Դեննաբա էր:
33. Մեռաւ Բաղակը, եւ Նրա փոխարէն թագաւորեց Չարեհի որդի Յոբաբը, որ Բոսորայից էր:
34. Մեռաւ Յոբաբը, եւ Նրա փոխարէն թագաւորեց Ասոմը, որը Թեմանացիների երկրից էր:
35. Մեռաւ Ասոմը, եւ Նրա փոխարէն թագաւորեց Բարադի որդի Ադադը: Սա էր, որ Մովաբացիների դաշտում կոտորեց Մադիամին: Նրա քաղաքի անունը Գեթեմ էր:
36. Մեռաւ Ադադը, եւ Նրա փոխարէն թագաւորեց Սամադան՝ Մասեկկայից:
37. Մեռաւ Սամադան, եւ Նրա փոխարէն թագաւորեց Սաւուդը՝ Ռոբոթից, որը գտնուում է գետի եզերքին:
38. Մեռաւ Սաւուդը, եւ Նրա փոխարէն թագաւորեց Ոքոբորի որդի Բալլայենունը:
39. Մեռաւ Ոքոբորի որդի Բալլայենունը, եւ Նրա փոխարէն թագաւորեց Բարադի որդի Ադադը: Նրա քաղաքի անունը Փոգով էր, իսկ Նրա կնոջ անունը՝ Մետաբէլ: Սա Մագորի որդի Մատրեթի դուստրն էր:
40. Սրանք են Եսաւի սերունդների, Եսաւի ցեղապետերի անուններն ըստ իրենց ցեղերի, ըստ իրենց վայրերի՝ իրենց աշխարհում, եւ ըստ իրենց տոհմերի, համաձայն Նրանց անունների. ցեղապետ Թամանա, ցեղապետ Ղոտան, ցեղապետ Յեթաթ,
41. ցեղապետ Ուիբամասա, ցեղապետ Հեղա, ցեղապետ Փենոն,
42. ցեղապետ Կենեզ, ցեղապետ Թեման, ցեղապետ Մազար,
43. ցեղապետ Մագեդիել, ցեղապետ Չաբոյին: Սրանք եդոմայեցիների ցեղապետերն են ըստ երկրում իրենց ստացած բնակավայրերի, եւ այս Եսաւն է, որ դարձաւ Եդոմի Նախահայրը:

1. Յակոբը բնակւում էր Քանանացիների երկրում՝ այնտեղ, ուր պանդխտել էր իր հայրը:
2. Յակոբի սերունդը հետեւեալն է. Յովսէփը տասնեօթը տարեկան էր, երբ իր եղբայրների հետ ոչխարներ էր արածեցնում: Իր հօր կանանց՝ Բալլայի որդիներից եւ Չելփայի որդիներից փոքր էր Նա: Որդիներն իրենց հայր Իսրայելի մօտ վատաբանում էին Յովսէփին,
3. բայց Իսրայելը Յովսէփին անելի շատ էր սիրում, քան մնացած բոլոր որդիներին, որովհետեւ Յովսէփը նրա ծեր տարիքում ծնուած որդին էր: Նա նրա համար կարել էր տուել ծաղկազարդ մի պատմուճան:
4. Երբ նրա եղբայրները տեսան, որ իրենց հայրը նրան սիրում է իր բոլոր որդիներից անելի, ատեցին նրան եւ նրա հետ հանգիստ խօսել չէին կարողանում:
5. Երազ տեսաւ Յովսէփն ու այն պատմեց իր եղբայրներին: Դրա համար եղբայրները առաւել եւս ատեցին նրան:
6. Նա ասաց նրանց. Լսեցէ՛ք իմ տեսած երազը:
7. Թւում էր, թէ մի դաշտում հասկերի խուրձ էինք կապում: Իմ խուրձը բարձրացաւ, կանգնեց ուղիղ, իսկ ձեր խրձերը դարձան ու երկրպագեցին իմ խրձին:
8. Եղբայրներն ասացին նրան. Միթէ որպէս թագաւոր պիտի թագաւորես մեզ վրայ, կամ տեր դառնալով պիտի տիրե՞ս մեզ: Եւ նրանք առաւել եւս ատեցին նրան այդ երազների ու խօսքերի համար:
9. Նա տեսաւ մի այլ երազ եւս եւ այն պատմեց իր հօրն ու եղբայրներին: Նա ասաց. Ահա մի այլ երազ եւս տեսայ: Իբրեւ թէ արեգակն ու լուսինը եւ տասնմէկ աստղեր երկրպագում էին ինձ:
10. Հայրը սաստեց նրան ու ասաց. Այդ ի՞նչ երազ է, որ տեսել ես: Հիմա ես, քո մայրը եւ եղբայրները պիտի գանք եւ երկրպագե՞նք քեզ:
11. Վրդովուեցին նրա եղբայրները, բայց հայրը մտքում պահեց նրա պատմածը:
12. Նրա եղբայրները գնացին Սիւքեմ՝ իրենց հօր ոչխարներն արածեցնելու:
13. Իսրայելն ասաց Յովսէփին. Չէ՞ որ հիմա քո եղբայրները ոչխարներ են արածեցնում Սիւքեմում: Արի՛ քեզ ուղարկեմ նրանց մօտ:
14. Յովսէփն ասաց նրան. Ես պատրաստ եմ: Իսրայելն ասաց նրան. Գնա տե՛ս, թէ ողջ-առո՞ղջ են քո եղբայրներն ու ոչխարները, եւ ինձ լուր բեր: Եւ Յակոբը նրան ուղարկեց այնտեղ Քեբրոնի հովտից:
15. Յովսէփը եկաւ Սիւքեմ եւ մի մարդ տեսաւ նրան դաշտում մոլորուած: Սա հարցրեց. Ի՞նչ ես փնտռում:
16. Նա պատասխանեց. Իմ եղբայրներին եմ փնտռում: Ասա՛ ինձ, որտե՞ղ են նրանք ոչխարներ արածեցնում:
17. Մարդն ասաց նրան. Նրանք այստեղից քոչեցին գնացին, բայց ես լսեցի, որ նրանք ասում էին. Գնանք Դոթայիմ: Յովսէփը գնաց իր եղբայրների ետեւից եւ նրանց գտաւ Դոթայիմում:
18. Նրա եղբայրները հեռուից առաջինը իրենք նկատեցին նրան, երբ նա դեռ չէր մօտեցել իրենց: Նրանք իրար մէջ չար խորհուրդ արեցին, որ սպանեն նրան:
19. Իւրաքանչիւրն իր եղբօրը դիմելով՝ ասում էր:
20. Ահա երազատեսը գալիս է: Եկեք սպանենք նրան, նետենք այստեղի հորերից մէկի մէջ եւ ասենք, թէ՛ Վայրի գազան է կերել նրան: Այն ժամանակ տեսնենք, թէ ի՞նչ կը լինեն նրա երազները:
21. Երբ Ռուբէնը լսեց դա, նրանց ձեռքից փրկեց նրան. նա ասաց. Չսպանենք նրան:
22. Ռուբէնն անելացրեց. Չթափենք նրա արիւնը, այլ նետեցէ՛ք նրան այս անապատի հորերից մէկի մէջ: Ձեռք մի՛ տուէք նրան: Դա ասում էր, որպէսզի նրան փրկի նրանց ձեռքից եւ հասցնի իր հօրը:
23. Երբ Յովսէփն եկաւ իր եղբայրների մօտ, նրանք նրա վրայից հանեցին ծաղկազարդ պատմուճանը



24. Եւ նրան նետեցին հորի մէջ: Հորը դատարկ էր, մէջը ջուր չկար:
25. Նրանք սատեցին հաց ուտելու: Աչքերը վեր բարձրացնելով՝ տեսան, որ իսմայէլացի ճանապարհորդներ են գալիս Գաղաադից, ուղտերը խնկերով, ռետինով ու խեժով բարձած, որպէսզի դրանք տանեն Եգիպտոս:
26. Յուդան իր եղբայրներին ասաց. Ի՞նչ օգուտ, եթէ սպանենք մեր եղբօրը եւ թաքցնենք նրա արիւնը:
27. Եկէք նրան վաճառենք իսմայէլացիներին, եւ մեր ձեռքը նրա արեամբ չպղծուի, որովհետեւ ի վերջոյ նա մեր եղբայրն է՝ Նոյն միս ու արիւնից: Եւ իր եղբայրները լսեցին նրան:
28. Այնտեղից անցնում էին մադիանացի վաճառականներ: Եղբայրները Յովսէփին քաշեցին-հանեցին հորից եւ քսան դահեկանով վաճառեցին իսմայէլացիներին:
29. Իսմայէլացիները Յովսէփին տարան Եգիպտոս: Ռուբէնը վերադարձաւ դէպի հորը եւ Յովսէփին հորի մէջ չգտաւ:
30. Նա պատառոտեց իր հագուստները, վերադարձաւ իր եղբայրների մօտ ու ասաց. Պատանին այնտեղ չէ, ես այժմ ո՞ւր գնամ:
31. Նրանք առան Յովսէփի պատմութեանը, մի ուլ մորթեցին, պատմութեանը թաթախեցին ուլի արեան մէջ,
32. ապա ծաղկազարդ պատմութեանն ուղարկեցին իրենց հօրն ու ասացին. Գտել ենք սա, տե՛ս, քո՞ որդու պատմութեանն է սա, թե՞ ոչ:
33. Նա ճանաչեց այն ու ասաց. Այս պատմութեանը իմ որդունն է, վայրի գազան է կերել նրան, մի գազան է յօշոտել Յովսէփին:
34. Եւ նա պատառոտեց իր հագուստները, քուրձ կապեց իր մէջքին եւ երկար ժամանակ սուգ էր պահում իր որդու համար:
35. Հաւաքուեցին նրա բոլոր որդիներն ու դուստրերը, եկան նրան մխիթարելու, բայց չէր կամենում մխիթարուել: Նա ասում էր. Ես այս սգով էլ կ'իջնեմ գերեզման՝ իմ որդու մօտ: Եւ հայրը ողբաց նրան:
36. Իսկ մադիանացիները Եգիպտոսում Յովսէփին վաճառեցին փարաւոնի դահճապետին՝ Ներքինի Պետափրեսին:

1. Այդ ժամանակ Յուդան հեռացաւ իր եղբայրներից եւ եկաւ Իրաս անունով ողորդմացի մի մարդու մօտ:
2. Յուդան այնտեղ տեսաւ քանանացի մի մարդու դստերը, որի անունը Շաւա էր: Նա ամուսնացաւ նրա հետ եւ մտաւ նրա ծոցը:
3. Սա յղիացաւ, ունեցաւ որդի եւ անունը դրեց էր:
4. Շաւան նորից յղիացաւ, ունեցաւ որդի եւ նրա անունը դրեց Օսան:
5. Նա մի որդի էլ ունեցաւ եւ նրա անունը դրեց Սելոմ: Շաւան Քասբիւմ էր, երբ ծնեց նրան:
6. Յուդան իր անդրանիկ որդի Էրի համար մի կին առաւ, որի անունը Թամար էր:
7. Յուդայի անդրանիկ որդի Էրը հաճելի չթուաց Տիրոջը, եւ Աստուած առաւ նրա հոգին:
8. Յուդան ասաց Օսանին. Մտի՛ր քո եղբօր կնոջ ծոցը, ամուսնացի՛ր նրա հետ եւ զաւա՛կ պարգեւիր քո եղբօրը:
9. Երբ Օսանը հասկացաւ, որ զաւակը իրենը չի լինի, իր եղբօր կնոջ ծոցը մտնելիս սերմը թափեց գետին, որպէսզի զաւակ չտայ իր եղբօրը:
10. Օսանի արածը Աստծուն դուր չեկաւ, ուստի նրա հոգին էլ առաւ:
11. Յուդան ասաց իր հարս Թամարին. Այրի՛ մա քո հօր տանը, մինչեւ որ մեծանայ իմ որդի Սելոմը: Յուդան վախենում էր, որ նա էլ կը մեռնի իր եղբայրների պէս:
12. Թամարը գնաց ու ապրեց իր հօր տանը: Շատ օրեր անցան, եւ մեռաւ Յուդայի կին Շաւան: Յուդան սգից դուրս գալուց յետոյ իր ողորդմացի հովիւ Իրասի հետ գնաց Թամա՛ն իր ոչխարները խուզելու:
13. Այդ մասին իմացաւ նրա հարս Թամարը, որովհետեւ նրան յայտնել էին, թե՛ Ահա քո սկեսրայրը գալիս է Թամա՛ն իր ոչխարները խուզելու:
14. Թամարն իր վրայից հանեց այրիութեան զգեստները, քող նետեց երեսին, զարդարուեց ու նստեց Ենանի դարպասի մօտ, Թամա՛ն տանող ճանապարհի վրայ, որովհետեւ տեսաւ, որ Սելոմը մեծացել է, բայց Յուդան իրեն կնութեան չի տալիս նրան:
15. Երբ Յուդան տեսաւ նրան, կարծեց, թէ բոզ է, որովհետեւ նա երեսը ծածկել էր, ուստի ինքը նրան չճանաչեց:
16. Իր ճանապարհը թեքելով՝ Յուդան գնաց դէպի նա եւ ասաց. Թո՛յլ տուր մտնեմ ծոցդ: Նա չգիտէր, որ դա իր հարսն է: Սա ասաց. Ի՞նչ կը տաս ինձ, եթէ մտնես ծոցս:
17. Նա պատասխանեց. Քեզ իմ հօտից այծի ուլ բերել կը տամ: Սա ասաց. Իսկ մինչեւ բերել տալդ գրաւ կը տա՞մ: Նա ասաց. Ի՞նչ գրաւ տամ քեզ:
18. Սա ասաց. Տո՛ւր մատանիդ, մանեակդ եւ այն գաւազանը, որ քո ձեռքին է: Եւ նա մտաւ նրա ծոցը: Թամարը յղիացաւ նրանից
19. Եւ վեր կացաւ գնաց: Նա իր վրայից հանեց քողը եւ հագաւ այրիութեան իր զգեստները:
20. Յուդան իր ողորդմացի հովուի միջոցով այծի ուլ ուղարկեց, որպէսզի այդ կնոջից յետ ստանայ գրաւը, բայց հովիւը չգտաւ նրան:
21. Դիմելով տեղի մարդկանց՝ նա հարցրեց նրանց. Ու՞ր է այն բոզը, որ Ենանում էր, ճանապարհի վրայ:
22. Նրանք պատասխանեցին. Այստեղ ոչ մի բոզ չի եղել: Վերադառնալով Յուդայի մօտ՝ նա ասաց. Նրան չգտայ: Տեղի մարդիկ էլ ասացին. Այստեղ բոզ չկայ:
23. Յուդան ասաց. Գրաւը նրան թող մնայ, միայն թէ ծաղրի առարկայ չդառնանք: Ես ուլը տուել եմ, որ տանես, դու էլ այդ կնոջը չես գտել:
24. Երեք ամիս յետոյ Յուդային յայտնեցին, թե՛ Պոռնկացել է քո հարս Թամարը եւ ահա պոռնկանալու պատճառով յղիացել է: Յուդան ասաց. Դո՛ւրս հանեցէք նրան, թող ողջ-ողջ այրուի:
25. Իրեն տանելու ճանապարհին Թամարը գրաւներն ուղարկեց իր սկեսրայրին՝ ասելով. Ես յղիացել եմ այն տղամարդուց, որին պատկանում են այս գրաւները: Եւ աւելացրեց. Ճանաչի՛ր, ո՞ւմն են այս մատանին, մանեակը եւ գաւազանը:

26. Յուդան ճանաչեց դրանք ու ասաց. Նա ավելի արդար է, քան ես, որովհետեւ նրան իմ որդի Սելւմին կնութեան չտուեցի: Եւ այլեւս չմտաւ նրա ծոցը:
27. Երբ Թամարը ծննդաբերելու վրայ էր, նրա որովայնում երկու գաւակներ կային:
28. Ծննդաբերութեան պահին գաւակներից մէկն ավելի շուտ հանեց իր ձեռքը: Մանկաբարձը նրա ձեռքին կարմիր թել կապեց ու ասաց. Անդրանիկը սա թող լինի:
29. Երբ սա ձեռքը յետ տարաւ, անմիջապէս դուրս ելաւ նրա եղբայրը: Մանկաբարձն ասաց. Ինչո՞ւ ճեղքեցիր պատնէշը: Եւ նա նրա անունը դրեց Փարես:
30. Ապա դուրս ելաւ նրա եղբայրը, որի ձեռքին կարմիր թել էր կապուած, եւ նրա անունը դրեց Չարա:

1. Յովսէփին տարան Եգիպտոս: Ոմն եգիպտացի՝ փարաւոնի ներքինի դահճապետ Պետափրէսը, նրան գնեց նրան Եգիպտոս տարած իսմայէլացիներից:
2. Տէրը Յովսէփի հետ էր, նրա գործերը բարեյաջող էին, եւ նա մնաց իր տիրոջ տանը՝ Եգիպտոսում:
3. Երբ իր տէրը տեսաւ, որ Տէրը նրա հետ է, եւ ինչ էլ որ ինքն անում է, Տէրը յաջողութիւն է տալիս նրան, Յովսէփը շնորհ գտաւ տիրոջ առաջ, քանի որ հաճելի էր եղել նրան:
4. Դրա համար էլ նա նրան իր տան վերակացու կարգեց եւ իր ողջ ունեցուածքը վստահեց Յովսէփին: Երբ տէրը նրան իր տան եւ իր ունեցած ամէն ինչին վերակացու կարգեց,
5. Աստուած Յովսէփի համար օրհնեց եգիպտացու տունը, եւ այդ օրհնութիւնը տարածուեց նրա տանն ու դաշտում եղած ամբողջ ունեցուածքի վրայ: Այն ամէնն, ինչ տէրն ուներ, թողեց Յովսէփի տնօրինութեանը:
6. Պետափրէսը չգիտէր, թէ ինչ կայ իր տանը, բացի իր կերած հացից: Յովսէփը դէմքով շատ գեղեցիկ էր ու վայելչակազմ:
7. Այս բոլորից յետոյ նրա տիրոջ կինն իր աչքը գցեց Յովսէփի վրայ ու ասաց նրան. Պառկի՛ր ինձ հետ:
8. Բայց նա մերժեց՝ իր տիրոջ կնոջն ասելով, թէ՝ Եթէ իմ տէրը իր տան ողջ ունեցուածքը վստահել է ինձ,
9. եւ այս տանը ինձնից աւելի մեծ մարդ չկայ, ու ինձ ոչինչ չի արգելուած, քեզնից բացի, որովհետեւ նրա կինն ես, ապա ես ինչպէ՞ս կարող եմ անել այդ չար ու սոսկալի բանը եւ մեղանչել Աստծու առաջ:
10. Թէեւ նա ամէն օր այդ մասին էր խօսում Յովսէփի հետ, բայց Յովսէփը չէր համաձայնում պառկել նրա հետ, ոչ իսկ մօտենալ նրան:
11. Այնպէս պատահեց, որ մի օր Յովսէփը իր ինչ-որ գործով տուն մտաւ: Ընտանիքի անդամներից ոչ ոք չկար տանը:
12. Կինը բռնեց նրա շորերից ու ասաց. Պառկի՛ր ինձ հետ: Յովսէփը թողնելով իր շորերը նրա ձեռքում դուրս փախաւ:
13. Երբ կինը տեսաւ, որ նա շորերը իր ձեռքում թողած դուրս է փախել, տան անդամներին կանչելով՝ ասաց.
14. Տեսէ՛ք, ամուսինս եբրայեցի ծառայ բերեց տուն, որ մեզ խայտառակ անի: Նա, մտնելով իմ սենեակը, ասաց. Պառկի՛ր ինձ հետ: Ես բարձրաձայն աղաղակեցի,
15. իսկ նա, լսելով իմ բարձրաձայն աղաղակը, շորերն ինձ մօտ թողած՝ փախաւ, գնաց դուրս:
16. Նա շորերը պահեց մօտը մինչեւ ամուսինը տուն եկաւ, նրա հետ խօսեց այս բաները՝ ասելով, թէ՝
17. Սենեակս մտաւ քո բերած եբրայեցի ծառան, որպէսզի խայտառակի ինձ: Նա ասաց՝ Պառկի՛ր ինձ հետ:
18. Իսկ երբ լսեց, որ ձայնս բարձրացրի, շորերն ինձ մօտ թողած՝ փախաւ, գնաց դուրս:
19. Երբ տէրը լսեց իր կնոջ պատմածը, թէ՝ Այսպէս վարուեց ինձ հետ քո ծառան, խիստ բարկացաւ:
20. Յովսէփի տէրը բռնեց ու բանտ նետեց նրան, այնտեղ, ուր արքունի կալանաւորներ էին բանտարկուած:
21. Բայց Աստուած Յովսէփի հետ էր. նա ողորմութիւն պարգեւեց նրան, եւ այնպէս արեց, որ նա բանտապետի բարեհաճութեանն արժանանայ:
22. Բանտապետը բանտն ու բանտում եղած բոլոր կալանաւորներին վստահեց Յովսէփին: Եւ ինչ էլ որ լինում էր այնտեղ, նա էր անողը:
23. Բանտապետը նրա շնորհիւ բանտի գործերին չէր խառնւում, որովհետեւ ամէն ինչ յանձնուած էր Յովսէփի ձեռքը: Աստուած նրա հետ էր, եւ ինչ էլ որ ինքն անում էր, Տէրը յաջողութիւն էր տալիս նրան:



1. Այս դեպքերից յետոյ Եգիպտոսի արքայի տակառապետն ու մատակարարը մեղանշեցին իրենց տիրոջ՝ Եգիպտացիների արքայի հանդեպ:
2. Բարկացաւ փարաւոնն իր երկու ներքինիների՝ տակառապետի եւ մատակարարի վրայ,
3. Նրանց բանտ նետեց դահճապետի մօտ, այն բանտը, ուր Յովսէփն էր արգելափակուած:
4. Դահճապետը նրանց յանձնարարեց Յովսէփին. սա սպասարկում էր նրանց: Նրանք որոշ ժամանակ մնացին բանտում:
5. Միեւնոյն գիշերը բանտում երազ տեսան Եգիպտացիների արքայի տակառապետն ու մատակարարը՝ ամէն մէկն իր երազը:
6. Առաւօտեան Յովսէփը մտաւ նրանց մօտ եւ տեսաւ, որ նրանք յուզուած են:
7. Նա հարց տուեց փարաւոնի ներքինիներին, որոնք իր հետ իր տիրոջ բանտում էին. Ինչո՞ւ ձեր դէմքերն այսօր մռայլ են:
8. Նրանք պատասխանեցին. Երազ ենք տեսել, եւ չկայ մէկը, որ կարողանայ մեկնել այն: Յովսէփն ասաց նրանց. Չէ՞ որ Աստծու օգնութեամբ հնարաւոր է դրանց մեկնութիւնը: Պատմեցէ՛ք ինձ:
9. Տակառապետը Յովսէփին պատմեց իր երազը եւ ասաց. Երազում իմ առաջ երեւաց մի որթատունկ:
10. Որթատունկն ուներ երեք շատ կանաչ ճիւղեր եւ հասունացած խաղողի երեք ողկոյզներ:
11. Փարաւոնի բաժակն իմ ձեռքին էր. վերցնում էի խաղողը, ճմլում փարաւոնի բաժակի մէջ եւ բաժակը տալիս էի փարաւոնի ձեռքը:
12. Յովսէփն ասաց նրան. Դրա մեկնութիւնը հետեւեալն է. երեք ճիւղերը երեք օրեր են:
13. Կ'անցնի երեք օր, փարաւոնը կը յիշի քո նախկին իշխանութիւնը եւ քեզ նոյն տակառապետի պաշտօնին կը նշանակի: Դու փարաւոնի բաժակը կը տաս նրա ձեռքը՝ ըստ քո նախկին իշխանութեան, ինչպէս անում էիր տակառապետ եղած ժամանակ:
14. Իսկ երբ գործդ յաջող ընթանայ, դու յիշի՛ր ինձ, ողորմած եղի՛ր իմ հանդեպ, յիշի՛ր ինձ փարաւոնի առաջ
15. եւ ինձ ազատի՛ր այս բանտից, որովհետեւ առեւանգելով՝ ինձ բերեցին Եբրայեցիների երկրից. եւ այստեղ ոչինչ չարեցի, բայց ինձ նետեցին այս բանտախուցը:
16. Երբ մատակարարը տեսաւ, որ նա երազին ուղիղ մեկնութիւն տուեց, ասաց Յովսէփին. Ես էլ եմ երազ տեսել: Երազիս մէջ գլխիս վրայ ընտիր ալիւրով լի երեք զամբիւղ կար:
17. Վերեւի զամբիւղի մէջ կային մատակարարների պատրաստած այն բոլոր ուտելիքները, որ ուտում էր փարաւոն արքան: Թռչուններն ուտում էին իմ գլխի վրայ գտնուող զամբիւղից:
18. Յովսէփը, դիմելով նրան, ասաց. Այս է դրա մեկնութիւնը. երեք զամբիւղները երեք օրեր են:
19. Երեք օր յետոյ փարաւոնը կը կտրի քո գլուխը, իսկ մարմինդ կը կախի ծառից, եւ երկնքի թռչունները կը յօշոտեն քո մարմինը:
20. Երեք օր յետոյ փարաւոնի ծննդեան տարեդարձի օրն էր: Փարաւոնը խնջոյք էր կազմակերպել իր բոլոր ծառաների համար: Ի թիւս իր ծառաների, նա յիշեց իր պաշտօնեաներ տակառապետին ու մատակարարին:
21. Նա տակառապետին վերականգնեց իր պաշտօնում, եւ սա բաժակը տուեց փարաւոնի ձեռքը,
22. իսկ մատակարարին կախեց ծառից, ինչպէս մեկնել էր Յովսէփը:
23. Տակառապետը, սակայն, չիշեց Յովսէփին. նա մոռացաւ նրան:

1. Երկու տարի անց փարաւոնը երազ տեսաւ: Երազում ինքը կանգնած էր գետի եզերքին,
2. իսկ գետից դուրս էին գալիս տեսքով գեղեցիկ ու մարմնով պարարտ եօթը երինջներ, որոնք արածում էին այնտեղ՝ ճահճուտում:
3. Դրանցից յետոյ գետից դուրս էին գալիս տեսքով տգեղ ու մարմնով նիհար եօթը այլ երինջներ եւ միւս երինջների հետ արածում գետի եզերքին:
4. Տեսքով տգեղ ու մարմնով նիհար եօթը երինջներն ուտում էին տեսքով գեղեցիկ ու պարարտ եօթը երինջներին: Չարթնեց փարաւոնը: Նորից քուն մտաւ:
5. Նա տեսաւ մի երկրորդ երազ. ահա մէկ ցօղունից բուսնում էին ընտիր ու գեղեցիկ եօթը հասկեր:
6. Ապա բուսան չորուկ ու խորշակահար եօթը այլ հասկեր,
7. եւ չորուկ ու խորշակահար եօթը հասկերը կուլ տուեցին ընտիր ու լի եօթը հասկերը:
8. Չարթնեց փարաւոնը եւ տեսաւ, որ երազ էր: Առաւօտեան խռովուեց նրա հոգին: Նա մարդ ուղարկեց, կանչել տուեց Եգիպտոսի բոլոր երազահասններին, երկրի բոլոր իմաստուններին եւ պատմեց իր երազները, բայց չգտնուեց մէկը, որ կարողանար մեկնել փարաւոնի երազները:
9. Տակառապետը, դիմելով փարաւոնին, ասաց. Այսօր յիշեցնեմ իմ յանցանքը:
10. Երբ փարաւոնը բարկացել էր իր ծառաների վրայ, ինձ ու մատակարարին արգելափակել էր դահճապետի տանը:
11. Մենք երկուսս էլ երազ տեսանք միեւնոյն գիշերը. իւրաքանչիւրս տեսաւ ի՛ր երազը:
12. Այնտեղ մեզ հետ էր դահճապետի ծառայ եբրայեցի մի պատանի: Պատմեցինք նրան,
13. եւ նա մեկնեց մեզ մեր երազները՝ տալով իւրաքանչիւրիս իր երազի մեկնութիւնը: Եւ եղաւ, որ ինչպէս մեկնել էր մեզ, այնպէս էլ կատարուեց. ես եկայ հասայ իմ պաշտօնին, իսկ նրան կախեցին ծառից:
14. Փարաւոնը մարդ ուղարկեց ու կանչել տուեց Յովսէփին: Հանեցին նրան բանտից, երեսն ածիլեցին, փոխեցին նրա պատմութեանը, եւ նա ներկայացաւ փարաւոնին:
15. Փարաւոնն ասաց Յովսէփին. Երազ եմ տեսել, եւ չկայ մէկը, որ մեկնի այն: Ես լսել եմ քո մասին: Ասում են, որ եթէ երազները պատմեն քեզ, դու կը մեկնես դրանք:
16. Պատասխան տալով՝ Յովսէփն ասաց փարաւոնին. Առանց Աստծու օգնութեան փարաւոնի համար փրկարար ոչ մի պատասխան չի լինի:
17. Փարաւոնը, դիմելով Յովսէփին, ասաց. Երազումս ինձ թւում էր, թէ կանգնած էի գետի եզերքին,
18. եւ, իբրեւ թէ, գետից ելնում էին մարմնով պարարտ ու տեսքով գեղեցիկ եօթը երինջներ, որոնք արածում էին այնտեղ՝ ճահճուտում:
19. Ապա, դրանցից յետոյ գետից դուրս էին գալիս տեսքով շատ այլանդակ ու զգուելի եւ մարմնով նիհար եօթը երինջներ, որոնցից ամէլի զգուելին չեմ տեսել ողջ Եգիպտացիների երկրում:
20. Յոթը նիհար ու զգուելի երինջներն ուտում էին գեղեցիկ ու պարարտ առաջին եօթը երինջներին:
21. Նրանք թեւ կուլ էին տալիս վերջիններիս, բայց չէր երեւում, որ նրանք սրանց կուլ են տուել. նրանց տեսքը առաջուայ պէս զգուելի էր: Չարթնեցի ու նորից քնեցի:
22. Դարձեալ երազում տեսայ, որ, իբրեւ թէ, մէկ ցօղունից բուսնում էին լի ու գեղեցիկ եօթը հասկեր:
23. Նրանց կողքին բուսան բարակ, չորուկ ու խորշակահար եօթը այլ հասկեր,
24. եւ չորուկ ու խորշակահար եօթը հասկերը կուլ էին տալիս գեղեցիկ ու լի հասկերը: Երազներս պատմեցի երազահասններին, բայց ոչ մէկը չկար, որ դրանք մեկնէր ինձ:
25. Յովսէփն ասաց փարաւոնին. Փարաւոնի տեսած երազները մէկ իմաստ ունեն. Աստուած փարաւոնին յայտնել է այն, ինչ անելու է:

26. Եօթը գեղեցիկ երիւնջները եօթը տարի են նշանակում, եւ եօթը գեղեցիկ հասկերը նոյնպէս եօթը տարի են նշանակում: Փարաւոնի տեսած երազները մէկ իմաստ ունեն:
27. Դրանցից յետոյ ելած տգեղ ու վտիտ եօթը երիւնջները եօթը տարի են նշանակում, իսկ չորուկ ու խորշակահար եօթը հասկերը նշանակում են, որ եօթը տարի սով է լինելու:
28. Փարաւոնին ասածիս իմաստն այն է, որ Աստուած փարաւոնին յայտնել է այն, ինչ անելու է:
29. Ահա ողջ Եգիպտացիների երկրում լինելու են բերքառատ եօթը տարիներ:
30. Դրանցից յետոյ կը գան սովի եօթը տարիներ, եւ կը մոռացուի երկրում եղած բերքի առատութիւնը:
31. Սովը կը սպառի երկիրը, եւ մարդիկ չեն իմանայ բերքի առատութիւնը դրան յաջորդող սովի պատճառով, քանի որ սովը շատ սաստիկ է լինելու:
32. Փարաւոնի երազի երկու անգամ կրկնուելը վկայում է, որ Աստծու խօսքը հաստատապէս կատարուելու է, եւ Աստուած չի յապաղի այն ի կատար ածելուց:
33. Արդ, տե՛ս, գտի՛ր խոհեմ ու իմաստուն մի մարդու, որ դառնայ փարաւոնի խորհրդականը, եւ նրան վերակացու նշանակի՛ր Եգիպտացիների երկրի վրայ:
34. Փարաւոնը երկրի վրայ նաեւ գործակալներ թող նշանակի, որ Եգիպտացիների երկրի առատութեան եօթը տարիների ընթացքում բերքի մէկ հինգերորդ մասը հարկ վերցնեն:
35. Նրանք թող հաւաքեն առաջին եօթը տարիների բերքի ամբողջ պաշարը, ցորենը թող դրուի փարաւոնի տրամադրութեան տակ, եւ պարէնը թող պահուի քաղաքներում:
36. Երկրի պարէնը թող պահուի Եգիպտացիների երկրի վրայ տարածուելիք սովի եօթը տարիների համար, որպէսզի երկիրը սովից չկոտորուի:
37. Յովսէփի խօսքերը հաճելի թուացին փարաւոնին ու նրա բոլոր պաշտօնեաներին:
38. Փարաւոնն ասաց իր բոլոր պաշտօնեաներին. Մի՞թէ կը գտնենք այսպիսի մի մարդ, որ իր անձի մէջ կրի Աստծու ոգին:
39. Եւ փարաւոնն ասաց Յովսէփին. Զանի որ Աստուած քեզ յայտնեց այդ ամէնը, ուրեմն քեզնից անելի իմաստուն ու խելացի մարդ չկայ:
40. Դո՛ւ եղիր իմ տան վերակացուն, եւ քո հրամանին թող ենթարկուի իմ ամբողջ ժողովուրդը: Իմ գահո՛ւ միայն ես քեզնից բարձր կը լինեմ:
41. Փարաւոնն ասաց Յովսէփին. Ահա այսօր քեզ վերակացու եմ կարգում Եգիպտացիների երկրի վրայ:
42. Եւ փարաւոնը մատից հանելով իր մատանին՝ դրեց Յովսէփի մատին, նրան հագցրեց բեհեզեայ պատմուճան, ոսկէ մանեակ անցկացրեց նրա պարանոցին,
43. նրան նստեցրեց իր երկրորդ կառքը: Մուկեթիկը Յովսէփի առաջից գնալով՝ այդ մասին ազդարարեց, եւ նա վերակացու կարգուեց Եգիպտացիների երկրի վրայ:
44. Փարաւոնն ասաց Յովսէփին. Ահա ես փարաւոնն եմ: Ամբողջ Եգիպտացիների երկրում ոչ ոք իրաւունք չունի նոյնիսկ իր ոտքը կամ ձեռքը բարձրացնելու առանց քո հրամանի:
45. Եւ փարաւոնը Յովսէփի անունը դրեց Փսոմփթոմբանէ, իսկ Արեգ քաղաքի քուրմ Պետափրէսի դուստր Ասանէթին նրան տուեց կնութեան: Եւ Յովսէփը գնաց փարաւոնի մօտից:
46. Յովսէփը երեսուն տարեկան էր, երբ ներկայացաւ Եգիպտացիների փարաւոն արքային: Յովսէփը, գնալով փարաւոնի մօտից, շրջեց ողջ Եգիպտոսում:
47. Երկիրը առատութեան եօթը տարիների ընթացքում հարուստ բերք տուեց:
48. Յովսէփը հաւաքեց Եգիպտացիների երկրի առատութեան եօթը տարիների ողջ բերքը՝ ամէն մի քաղաքի շուրջը գտնուող դաշտերի բերքը ամբարելով այդ քաղաքում:
49. Յովսէփը ծովի աւազի չափ շատ ցորեն հաւաքեց ու ամբարեց այնտեղ այնքան, որ հնարաւոր չէր հաշուել, քանի որ անթիւ-անհամար էր:
50. Երբ դեռ չէր եկել եօթը տարուայ սովը, Յովսէփն ունեցաւ երկու որդի, որոնց ծնել էր Արեգ քաղաքի քուրմ Պետափրէսի դուստր Ասանէթը նրա համար:



51. Յովսէփն անդրանիկ որդու անունը դրեց Մանասէ, Ռրովիտեւ, - ասում է, - Աստուած ինձ մոռացնել տուեց իմ ու իմ հօր բոլոր վշտերը:
52. Երկրորդ որդու անունը դրեց Եփրեմ, Ռրովիտեւ, - ասում է, - Աստուած ինձ բազմացրեց իմ տառապանքների երկրում:
53. Անցան Եգիպտացիների երկրի առատութեան եօթը տարիները,
54. եւ վրայ հասան սովի եօթը տարիները, ինչպէս ասել էր Յովսէփը: Սով եղաւ ամբողջ երկրում, որովիտեւ ողջ Եգիպտացիների երկրում հաց չէր գտնուում:
55. Սովի մատնուեց համայն Եգիպտացիների երկիրը, եւ ամբողջ ժողովուրդը հացի համար աղաղակ բարձրացրեց փարաւոնի առաջ: Փարաւոնն ասաց բոլոր եգիպտացիներին. Գնացէ՛ք Յովսէփի մօտ, եւ ինչ որ ասի նա ձեզ, կատարեցէ՛ք:
56. Սով էր ամբողջ երկրում: Յովսէփը բացեց ցորենի բոլոր շտեմարանները եւ ցորեն էր վաճառում բոլոր եգիպտացիներին: Սովը սաստկացաւ Եգիպտացիների երկրում:
57. Եւ բոլոր երկրներից գալիս էին Եգիպտոս՝ Յովսէփից հաց գնելու, որովիտեւ սովը սաստկանում էր ամբողջ աշխարհում:

1. Յակոբը իմանալով, որ ցորենի վաճառք կայ Եգիպտացիների երկրում, ասում է իր որդիներին. Ինչո՞ւ էք յապաղում:
2. Իմացել եմ, որ Եգիպտոսում ցորեն կայ: Գնացե՛ք այնտեղ եւ մեզ համար մի քիչ պարեն գնեցե՛ք, որ ապրենք, սովամահ չլինենք:
3. Յովսէփի տասը եղբայրները իջան Եգիպտոսից ցորեն գնելու:
4. Յակոբը Յովսէփի եղբայր Բենիամինին չթողեց, որ գնայ իր եղբայրների հետ, որովհետեւ ասում էր, թէ՛ Գուցէ նա կը հիւանդանայ:
5. Իսրայելի որդիներն այլ ճանապարհորդների հետ եկան ցորեն գնելու, քանի որ Քանանացիների երկրում սով էր:
6. Յովսէփը երկրի իշխանն էր, ուստի ինքն էր ցորեն վաճառում երկրի ողջ ժողովրդին: Յովսէփի եղբայրները, գալով, գլուխները խոնարհեցին մինչեւ գետին:
7. Երբ Յովսէփը տեսաւ իր եղբայրներին, ճանաչեց նրանց, բայց օտար ձեւացրեց իրեն, խստագոյնս խօսեց նրանց հետ եւ ասաց. Որտեղի՞ց էք գալիս: Նրանք պատասխանեցին. Քանանացիների երկրից. եկել ենք պարեն գնելու:
8. Յովսէփը ճանաչեց իր եղբայրներին, բայց նրանք չճանաչեցին իրեն:
9. Յովսէփը յիշեց իր տեսած երազները եւ ասաց նրանց. Դուք լրտեսներ էք եւ եկել էք երկիրը հետախուզելու:
10. Նրանք ասացին. Ո՛չ, տէ՛ր: Մենք՝ քո ծառաները, եկել ենք ցորեն գնելու:
11. Մենք ամենքս մի մարդու զաւակներ ենք: Խաղաղասէր մարդիկ ենք մենք, քո ծառաները լրտեսներ չեն:
12. Յովսէփն ասաց նրանց. Ո՛չ, դուք եկել էք երկիրը հետախուզելու:
13. Նրանք պատասխանեցին. Մենք՝ քո ծառաները, տասներկու եղբայրներ էինք, Քանանացիների երկրում մի մարդու որդիներ: Այս պահին մեր կրտսեր եղբայրն իր հօր մօտ է, իսկ միւսն այլեւս չկայ:
14. Յովսէփն ասաց նրանց. Ահա թէ ինչպիսի փորձի պիտի ենթարկուէք. հենց դրա համար ասացի ձեզ՝ դուք լրտեսներ էք:
15. Երդում եմ փարաւոնի արեւով, որ այստեղից դուրս չէք գալ, քանի ձեր կրտսեր եղբայրն այստեղ չի եկել:
16. Արդ, ձեզնից մէկին ուղարկեցե՛ք, որ այստեղ բերի ձեր եղբօրը, իսկ դուք կը մնաք արգելարանում, մինչեւ որ պարգուի, թէ ճի՞շտ էք ասում, թէ՞ ոչ: Հակառակ դեպքում, երդում եմ փարաւոնի արեւով, որ դուք լրտեսներ էք:
17. Եւ երեք օր նրանց բանտարկեց:
18. Յովսէփը երրորդ օրն ասաց նրանց. Այսպէս արեք, որպէսզի փրկուէք. ես ինքս էլ աստուածավախ մարդ եմ:
19. Եթէ խաղաղասէր մարդիկ էք, ձեր եղբայրներից մէկն այստեղ՝ բանտում կը մնայ, իսկ մնացածներդ կը տանէք ձեր գնած ցորենը:
20. Ձեր կրտսեր եղբօրն ինձ մօտ կը բերէք, որ հաւատամ ձեր ասածներին, ապա թէ ոչ՝ մահուան կը դատապարտուէք:
21. Նրանք այդպէս էլ արեցին: Նրանք՝ եղբայրները, միմեանց ասացին. Այո՛, մենք մեր եղբօր նկատմամբ մեղաւոր ենք, որովհետեւ անտեսեցինք նրա հոգու մղձաւանջը, երբ նա մեզ աղաչում էր, իսկ մենք նրան չլսեցինք: Դրա համար էլ մեր գլխին է իջնում այս պատուհասը:
22. Պատասխան տուեց Ռուբէնն ու ասաց նրանց. Ես ձեզ չասացի՞, թէ՛ Մեղք մի՛ գործեք պատանու դէմ, իսկ դուք ինձ չլսեցիք: Հիմա նրա արեան գինն է պահանջւում:
23. Նրանք չգիտէին, որ Յովսէփը հասկանում էր նրանց, որովհետեւ թարգմանիչ ուներ: Եւ նրանցից մեկուսանալով՝ Յովսէփը լաց եղաւ:
24. Նա դարձեալ եկաւ նրանց մօտ եւ խօսեց նրանց հետ: Ապա նրանցից առանձնացնելով Շմաւոնին՝ նրանց ներկայութեամբ շղթայեց նրան:
25. Յովսէփը հրամայեց, որ նրանց պարկերը լցնեն ցորենով, իւրաքանչիւրի արծաթը

դնեն իր պարկի մէջ եւ ճանապարհի պաշար տան: Այդպէս էլ արեցին:

26. Նրանք բարձելով իրենց էշերը՝ գնացին այնտեղից:

27. Նրանցից մէկը, իջեւանում իր գրաստին կեր տալու համար բացելով իր պարկը, տեսաւ, որ իր արծաթի քսակը դրուած է իր պարկի բերանին:

28. Այն ժամանակ նա ասաց իր եղբայրներին. Դրամը վերադարձրել են ինձ, ահա իմ պարկի մէջ է: Նրանք զարմացան, իրար անցան ու ասացին. Այս ի՞նչ արեց մեզ Աստուած:

29. Նրանք եկան իրենց հայր Յակոբի մօտ, Քանանի երկիրը, պատմեցին նրան այն ամենը, ինչ պատահել էր իրենց հետ, եւ ասացին.

30. Մարդը, որ երկրի տերն էր, մեզ հետ շատ խիստ խօսեց եւ մեզ, իբրեւ այդ երկրի լրտեսներ, բանտ նետեց:

31. Մենք նրան ասացինք. Մենք խաղաղասեր մարդիկ ենք, լրտեսներ չենք:

32. Մենք տասներկու եղբայրներ ենք՝ մեր հօր որդիները: Մէկը չկայ, իսկ կրտսերն այս պահին մեր հօր մօտ է՝ Քանանացիների երկրում:

33. Երկրի տերը մեզ ասաց. Ձեր խաղաղասեր լինելը սրանով կ'իմանամ, եթէ ձեր մի եղբօրն այստեղ՝ ինձ մօտ թողնէք, ձեր գնած ցորենը վերցնէք տանէք ձեր տուն:

34. Եւ ձեր կրտսեր եղբօրը բերէք ինձ մօտ: Այն ժամանակ ես կ'իմանամ, որ դուք լրտեսներ չէք, այլ խաղաղասեր մարդիկ էք, եւ ձեր այս եղբօրն էլ կը վերադարձնեմ ձեզ, եւ դուք այս երկրում առեւտուր կ'անէք:

35. Երբ նրանք դատարկում էին իրենց պարկերը, իւրաքանչիւրի արծաթի քսակը իր պարկում էր: Եւ երբ նրանք տեսան իրենց արծաթի քսակները, իրենք եւ իրենց հայրը խիստ վախեցան:

36. Նրանց հայրը՝ Յակոբը, ասաց նրանց. Ինձ անգաւակ էք թողնում: Յովսէփը չկայ, Շմաւոնը չկայ, հիմա էլ Բենիամինի՞ն էք վերցնելու: Այս բոլորը իմ գլխին են թափւում:

37. Ռուբէնը, դիմելով հօրը, ասաց. Դու իմ երկու որդիներին կը սպանես, եթէ նրան չվերադարձնեմ քեզ: Դու Բենիամինին վստահիր ինձ, եւ ես նրան կը վերադարձնեմ քեզ:

38. Նա ասաց. Իմ որդին ձեզ հետ չի իջնի, որովհետեւ սրա եղբայրը մեռաւ, եւ միայն սա է մնացել: Եթէ սա հիւանդանայ ձեր գնացած ճանապարհին, ապա դուք ինձ վշտով այս ծեր հասակում գերեզման կ'իջեցնէք:

1. Սովը աւելի ու աւելի էր սաստկանում երկրում:
2. Երբ կերան-սպառեցին Եգիպտացիների երկրից բերած ցորենը, հայրն ասաց նրանց. Դարձեալ գնացէ՛ք եւ մի քիչ պարեն գնեցէ՛ք:
3. Յուդան, դիմելով նրան, ասաց. Մարդը մեզ կտրուկ ու յստակ ասաց. Իմ աչքին չերեւաք, եթէ ձեր կրտսեր եղբայրը ձեզ հետ չլինի:
4. Արդ, եթէ թողնես, որ մեր եղբայրը գայ մեզ հետ, կը գնանք եւ պարեն կը գնենք,
5. իսկ եթէ մեր եղբորը մեզ հետ չթողնես, չենք գնայ, որովհետեւ այդ մարդը մեզ հետ խօսեց ու ասաց. Իմ աչքին չերեւաք, եթէ ձեր կրտսեր եղբայրը ձեզ հետ չլինի:
6. Իսրայէլն ասաց. Այդ ի՞նչ փորձանք բերեցիք իմ գլխին, ինչո՞ւ յայտնեցիք այդ մարդուն, թէ եղբայր ունեք:
7. Նրանք ասացին. Այդ մարդը հարցուփորձ արեց մեր եւ մեր ընտանիքի մասին, թէ՛ Տակաւին կենդանի՞ է ձեր հայրը, թէ՛ եղբայր ունե՞ք: Եւ մենք յայտնեցինք նրան ըստ նրա հարցերի: Ի՞նչ իմանայինք, թէ ասելու է մեզ. Բերէ՛ք ձեր եղբորը:
8. Յուդան ասաց իր հայր Իսրայէլին. Թո՛ղ տուր, որ պատանին գայ ինձ հետ, վեր կենանք գնանք, որպէսզի ե՛ւ մենք, ե՛ւ դու, ե՛ւ մեր ընտանիքի անդամները ապրենք, սովամահ չլինենք:
9. Ես նրա համար պատասխանատու եմ. ինձնի՛ց կը պահանջես նրան: Եթէ նրան յետ չբերեմ ու քո առաջ չկանգնեցնեմ, թող մեղաւոր լինեմ իմ ամբողջ կեանքում:
10. Որովհետեւ եթէ չդանդաղէինք, ապա երկու անգամ գնացած-եկած կը լինէինք:
11. Իրենց հայր Իսրայէլն ասաց նրանց. Ճիշտ էք ասում: Այդպէս էլ արեք: Մեր երկրի բարիքներով լցրէ՛ք ձեր ամանները, այդ մարդուն իբրեւ նուէր տարէ՛ք կնդրուկ, մեղր, խունկ, խեժ, բեւեկն եւ ընկոյզ:
12. Կրկնակի արծաթ վերցրէ՛ք ձեզ հետ, ինչպէս նաեւ այն արծաթը, որ ձեր պարկերի մէջ յետ բերեցիք, տարէ՛ք ձեզ հետ, գուցէ դա սխալմունք էր:
13. Վերցրէ՛ք նաեւ ձեր եղբորն ու գնացէ՛ք այդ մարդու մօտ: Իմ Աստուածը թող այնպէս անի, որ շնորհ գտնեք այդ մարդու մօտ, եւ նա կ'արծակի ձեզ հետ ձեր միւս եղբորն ու Բենիամինին:
14. Բայց ես ինչպէս անգաւակացայ, այնպէս էլ անգաւակ մնացի:
15. Եւ մարդիկ, առնելով նուէրներ ու կրկնակի արծաթ, Բենիամինի հետ գնացին իջան Եգիպտոս եւ ներկայացան Յովսէփին:
16. Երբ Յովսէփը տեսաւ նրանց եւ իր եղբայր Բենիամինին՝ ասաց պալատի կառավարիչին. Այս մարդկանց տուն տա՛ր, անասուն մորթի՛ր եւ ճաշ պատրաստի՛ր, որովհետեւ այս մարդիկ կեսօրին ինձ հետ են ճաշելու:
17. Մարդն արեց այնպէս, ինչպէս ասել էր Յովսէփը, եւ մարդկանց տարաւ Յովսէփի տունը:
18. Այս մարդիկ տեսնելով, որ իրենց տարան Յովսէփի տունը, ասացին. Նախորդ անգամ մեր պարկերում մեզ վերադարձուած արծաթի պատճառով է, որ մեզ բերեցին այստեղ, որպէսզի մեզ խուզարկեն: Նրանք մեզ վրայ կը յարձակուեն, մեզ կը ստրկացնեն եւ կը տիրանան մեր էջերին:
19. Մօտենալով Յովսէփի պալատի կառավարիչին՝ նրանք դռան մօտ ասացին նրան.
20. Աղաչում ենք քեզ, տէ՛ր, լսի՛ր մեզ: Երբ առաջին անգամ եկանք պարեն գնելու
21. եւ վերադառնալիս իջեաւն հասանք, բացելով մեր պարկերը՝ տեսանք, որ իւրաքանչիւրիս արծաթը իր պարկի մէջ է: Արդ, արծաթը նոյն կշռով յետ ենք բերել, ահա այն մեր ձեռքին է:
22. Ուրիշ արծաթ էլ ենք բերել մեզ հետ, որ պարեն գնենք: Մենք չգիտենք, թէ ով է արծաթը դրել մեր պարկերի մէջ:
23. Նա ասաց նրանց. Խաղաղութիւն ընդ ձեզ, մի՛ վախեցեք: Ձեր եւ ձեր հայրերի Աստուածն է դրել գանձերը ձեր պարկերի մէջ, իսկ ես արդէն ստացել եմ ձեր արծաթը եւ գոհացել եմ: Եւ նա բանտից հանեց ու նրանց մօտ բերեց Շմաւոնին:

24. Մարդը նրանց տարաւ ներս՝ Յովսէփի տունը: Ջուր բերեցին, որ նրանք լուանան իրենց ոտքերը, եւ նա նրանց գրաստներին կեր տուեց:
25. Նրանք պատրաստեցին ընծաները, երբ Յովսէփը դեռ չէր եկել կէսօրին, որովհետեւ լսել էին, որ այնտեղ է ճաշելու:
26. Յովսէփը տուն մտաւ, եւ նրանք այդ տանը նրան մատուցեցին իրենց ձեռքերում բռնած ընծաները եւ գլուխ խոնարհեցին նրան մինչեւ գետին:
27. Յովսէփը, դիմելով նրանց, հարցրեց. Ինչպէ՞ս էք, ողջ-առո՞ղջ է ձեր ծերունի հայրը, որի մասին ասել էիք, թէ տակաւին կենդանի է:
28. Նրանք պատասխանեցին. Ողջ-առողջ է քեզ ծառայ մեր հայրը, տակաւին կենդանի է: Նա ասաց. Այդ մարդն օրհնեալ է Աստծուց: Եւ նրանք խոնարհուելով գլուխ տուեցին նրան:
29. Յովսէփը բարձրացրեց իր աչքերը եւ, տեսնելով իր համամայր եղբայր Բենիամինին, հարցրեց. Սա՞ է ձեր կրտսեր եղբայրը, որի մասին ասել էիք, թէ կը բերէք ինձ մօտ: Եւ ասաց. Աստուած թող ողորմի քեզ, որդեա՛կ:
30. Յուզուեց Յովսէփը, իր եղբօր համար ճմլուեց սիրտը եւ ուզում էր լաց լինել: Եւ, մտնելով իր սենեակը, նա լաց եղաւ:
31. Յետոյ նա լուաց երեսը, դուրս եկաւ եւ, զսպելով իրեն, ասաց. Ճա՛շ մատուցէք:
32. Քանի որ եգիպտացիները զգում էին եբրայեցիներից եւ նրանց հետ սեղան չէին նստում, ուստի նրան եւ նրանցից իւրաքանչիւրին, ինչպէս նաեւ նրա հետ ճաշող եգիպտացիներից իւրաքանչիւրին ճաշ մատուցեցին առանձին-առանձին:
33. Նրա դիմաց նստեց անդրանիկը՝ ըստ իր ականութեան, իսկ կրտսերը՝ ըստ իր կրտսերութեան: Եւ մարդիկ զարմացել էին իւրաքանչիւրն իր եղբօր համար:
34. Նրանք Յովսէփից ստացան իրենց ճաշի բաժինը, եւ Բենիամինի բաժինը բոլորի բաժնի հնգապատիկը դարձաւ: Նրանք նրա հետ խմեցին ու գինովցան:

1. Յովսէփն իր պալատի կառավարչին հրաման տուեց եւ ասաց. Այդ մարդկանց պարկերը լցրէ՛ք պարէնով այնքան, որքան կարող ես տանել, եւ իւրաքանչիւրի արծաթը դրէ՛ք իր պարկի բերանին:
2. Իմ արծաթ սկիհը դրէ՛ք կրտսեր եղբօր պարկի մէջ: Այնտեղ դրէ՛ք նաեւ նրա ցորենի գինը: Եւ արուեց ըստ Յովսէփի ասածի:
3. Առաւօտեան թոյլ տուեցին, որ նրանք գնան իրենց էշերով:
4. Երբ նրանք քաղաքից դուրս ելան, բայց դեռ հեռու չէին գնացել, Յովսէփն ասաց իր պալատի կառավարիչին. Վե՛ր կաց, հետապնդի՛ր այդ մարդկանց, հասի՛ր նրանց ու ասա՛. Ինչո՞ւ էք լաւութեան դիմաց վատութիւն անում:
5. Ինչո՞ւ գողացաք արծաթ սկիհը: Չէ՞ որ դրանով էր խմում իմ տերը եւ դրանով էր գուշակութիւն անում: Արդ, ձեր արածը չար գործ է:
6. Երբ նա հասաւ նրանց, այդպէս էլ ասաց:
7. Նրանք պատասխանեցին նրան. Ինչո՞ւ է տերը այդպիսի բաներ ասում: Քա՛ւ լիցի, որ քո ծառաները նման բան արած լինեն:
8. Եթէ մեր պարկերում գտնուած արծաթը Քանանացիների երկրից մենք վերադարձրել ենք ձեզ, էլ ինչո՞ւ քո տիրոջ տնից արծաթ կամ ոսկի պիտի գողանայինք:
9. Արդ, քո ծառաներից ում մօտ որ գտնուի սկիհը, թող մահուան դատապարտուի, իսկ մենք՝ մնացածներս, լինենք մեր տիրոջ ստրուկները:
10. Նա ասաց. Թող լինի այնպէս, ինչպէս ասացիք. ում մօտ որ գտնուի սկիհը, թող նա դառնայ իմ ստրուկը, իսկ մնացածներդ համարուեք անպարտ:
11. Եւ նրանցից իւրաքանչիւրն շտապ իջեցնելով իր բեռը՝ բացեց իր պարկը:
12. Կառավարիչը, աւագից սկսած մինչեւ կրտսերը, խուզարկեց եւ սկիհը գտաւ Բենիամինի պարկի մէջ:
13. Նրանք պատառոտեցին իրենց զգեստները, եւ իւրաքանչիւրն իր բեռը բարձելով իր էշի վրայ՝ վերադարձաւ քաղաք:
14. Յուդան ու իր եղբայրները ներկայացան Յովսէփին, երբ նա դեռ տանն էր, եւ նրա առաջ երեսի վրայ ընկան գետին:
15. Յովսէփն ասաց նրանց. Այս ի՞նչ է ձեր արածը, մի՞թէ չգիտեք, որ այնպիսի մի մարդ, ինչպիսին ես եմ, գուշակելու կարողութիւն ունի:
16. Յուդան ասաց. Ի՞նչ պատասխան տանք մեր տիրոջը, ի՞նչ ասենք կամ ինչպե՞ս արդարանանք: Աստուած բռնեց քո ծառաների գործած յանցանքը: Արդ, ահա մեր տիրոջ ստրուկներն ենք ե՛ւ մենք, ե՛ւ նա, ում մօտ գտնուեց սկիհը:
17. Նա ասաց. Քա՛ւ լիցի, ես այդպիսի բան չեմ անի: Այն մարդը, որի մօտ գտնուել է սկիհը, նա՛ թող լինի իմ ստրուկը, իսկ դուք ողջ ու անվնաս գնացէ՛ք ձեր հօր մօտ:
18. Յուդան, մօտենալով նրան, ասաց. Աղաչում եմ, տե՛ր, թո՛յլ տուր, որ քո ծառան մի բան ասի քո առաջ: Մի՛ բարկացիր քո ծառայի վրայ, որովհետեւ փարաւոնից յետոյ դո՛ւ ես:
19. Տե՛ր, դու հարցրեցիր քո ծառաներին եւ ասացիր, թէ՛ Հայր կամ եղբայր ունե՞ք:
20. Եւ մենք պատասխանեցինք մեր տիրոջը. Ունենք տարիքն առած մի հայր եւ մի կրտսեր եղբայր, որ նա ունեցել է ձեր տարիքում: Սրա եղբայրը մեռել է, եւ սա մնացել է իր մօր միակ որդին, եւ հայրը սիրում է նրան:
21. Դու քո ծառաներին ասացիր. Նրան բերէ՛ք ինձ մօտ, եւ ես կը հոգամ նրա մասին:
22. Մենք ասացինք մեր տիրոջը. Երեխան չի կարող բաժանուել իր հօրից, որովհետեւ եթէ բաժանուի իր հօրից, հայրը կը մեռնի:
23. Դու ասացիր քո ծառաներին. Եթէ ձեր կրտսեր եղբայրը ձեզ հետ չիջնի, չհամարձակուեք երեւալ իմ աչքին:
24. Երբ մենք գնացինք քո ծառայի՝ մեր հօր մօտ եւ յայտնեցինք նրան մեր տիրոջ խօսքերը,
25. մեր հայրն ասաց. Նորից գնացէ՛ք եւ մի քիչ պարէն գնեցէ՛ք:

26. Մենք ասացինք. Չենք կարող այնտեղ իջնել, եթե մեր կրտսեր եղբայրը մեզ հետ չիջնի: Մենք միայն այդ պայմանով կ'իջնենք: Եթե մեր կրտսեր եղբայրը մեզ հետ չիջնի, ապա այդ մարդուն ներկայանալ չենք կարող:
27. Քո ծառան՝ մեր հայրը, մեզ ասաց. Դուք ինքներդ էլ գիտեք, որ իմ կին Ռաքելն ինձ համար երկու որդի ծնեց:
28. Մեկը տնից հեռացաւ, եւ դուք ասացիք, թէ նա գազանի բաժին դարձաւ: Նրան այլեւս չեմ տեսել մինչեւ հիմա:
29. Արդ, եթէ սրան էլ տանէք իմ մօտից, եւ ճանապարհին նա հիւանդանայ, ապա դուք ինձ վշտով այս ծեր հասակում գերեզման կ'իջեցնէք:
30. Արդ, եթէ մենք գնանք քո ծառայի՝ մեր հօր մօտ, եւ պատանին մեզ հետ չիջնի, ապա մեր հօր կեանքը կախուած կը լինի սրա կեանքից:
31. Այնպէս որ, եթէ նա այդ երեխային մեզ հետ չտեսնի, կը մեռնի, եւ մենք՝ քո ծառաները, քո ծառային՝ մեր հօրը, ծեր հասակում խոցուած սրտով գերեզման կ'իջեցնենք:
32. Ես՝ քո ծառան, այդ մանկանն իր հօրից ստացել եմ իմ երաշխաւորութեամբ: Ես ասել եմ. Եթէ նրան չվերադարձնեմ ու չներկայացնեմ քեզ, ապա իմ ամբողջ կեանքում թող յանցաւոր լինեմ հօրս առաջ:
33. Արդ, այս մանկան փոխարէն ես՝ քո ծառան, լինեմ իմ տիրոջ ստրուկը, իսկ պատանին թող գնայ իր եղբայրների հետ:
34. Որովհետեւ ինչպէ՞ս կարող եմ իմ հօրը ներկայանալ, եթէ այս պատանին մեզ հետ չիջնի: Թող ես չտեսնեմ այն դժբախտութիւնը, որ հօրս է վիճակուելու:

1. Յովսէփը չկարողացաւ իրեն զսպել իր շուրջը գտնուող բոլոր եգիպտացիների ներկայութեամբ եւ ասաց. Բոլորին դո՛ւրս հանեք: Երբ նրանցից ոչ ոք չմնաց նրա մօտ, նա եղբայրներին յայտնեց իր ով լինելը:
2. Նա բարձրաձայն լաց եղաւ այնպէս, որ դա լսեցին եգիպտացիները, եւ եղելութիւնը յայտնի դարձաւ փարաւոնի արքունիքում:
3. Յովսէփն ասաց իր եղբայրներին. Ես Յովսէփն եմ: Իրօք, դեռ կենդանի՞ է իմ հայրը: Նրա եղբայրները չէին կարողանում նրան պատասխանել, որովհետեւ տակնուվրայ եղան նրա ներկայութիւնից:
4. Յովսէփն ասաց եղբայրներին. Մօտեցէ՛ք ինձ: Նրանք մօտ գնացին: Յովսէփն ասաց. Ես ձեր եղբայր Յովսէփն եմ, որին դուք վաճառեցիք, որ Եգիպտոս տանեն:
5. Բայց դուք մի՛ տրտմեք, մի՛ նեղուեք, որ ինձ վաճառել էք այստեղ բերելու համար, որովհետեւ Աստուած ձեզ փրկելու համար է ուղարկել ինձ այստեղ ձեզնից առաջ:
6. Հիմա երկրի վրայ եղած սովի երկրորդ տարին է, եւ հինգ տարի եւս կայ, որ ո՛չ վար է լինելու, ո՛չ հունձ:
7. Աստուած ձեզնից առաջ ինձ ուղարկել է այստեղ, որ երկրի վրայ պահպանի ձեր սերնդին եւ կերակրի ձեզ՝ մնացածներիդ մեծ մասին:
8. Արդ, ոչ թէ դուք էք ինձ ուղարկել այստեղ, այլ՝ Աստուած: Նա ինձ դարձրեց փարաւոնի գործերի վերակացու, նրա ողջ տան տէրը եւ համայն Եգիպտացիների երկրի իշխանը:
9. Արդ, շտապ գնացէ՛ք իմ հօր մօտ եւ ասացէ՛ք նրան. Այսպէս է ասում քո որդի Յովսէփը. Աստուած ինձ ողջ Եգիպտացիների երկրի տէր է դարձրել: Արի իջի՛ր ինձ մօտ եւ մի՛ դանդաղիր:
10. Դու կը բնակուես Գեսեմ երկրում՝ Արաբիայում եւ մօտ կը լինես ինձ, դու, քո որդիները, քո որդիների որդիները քո ոչխարներով ու արջառներով, ամբողջ ունեցուածքով: Ես քեզ կը կերակրեմ այստեղ,
11. որովհետեւ դեռ հինգ տարի եւս սով է լինելու, որպէսզի չկոտորուէք դու, քո որդիները, եւ չոչնչանայ քո ամբողջ ունեցուածքը:
12. Ահա դուք եւ Բենիամինը ձեր սեփական աչքերով տեսնում էք, որ անձամբ ես եմ խօսում ձեզ հետ:
13. Իմ հօրը պատմեցէ՛ք այն փառքի մասին, որին ես հասել եմ Եգիպտոսում, նաեւ այն մասին, ինչ տեսել էք: Իմ հօրը շտապ բերէ՛ք այստեղ:
14. Եւ նա փաթաթուեց իր եղբայր Բենիամինի պարանոցին ու լաց եղաւ. Բենիամինն էլ լաց եղաւ նրա պարանոցին փաթաթուած:
15. Յովսէփը համբուրեց նաեւ իր բոլոր եղբայրներին եւ գրկախառնուած լաց եղաւ: Դրանից յետոյ միայն իր եղբայրները խօսեցին նրա հետ:
16. Լուրը հասաւ փարաւոնի պալատ. ասացին. Յովսէփի եղբայրներն են եկել: Ուրախացան փարաւոնն ու նրա պաշտօնեաները:
17. Փարաւոնն ասաց Յովսէփին. Քո եղբայրներին ասա՜ Այսպէ՛ս արեք. լցրէ՛ք ձեր պարկերը, գնացէ՛ք Քանանացիների երկիրը
18. եւ, վերցնելով ձեր հօրն ու ձեր ունեցուածքը, եկէ՛ք ինձ մօտ: Ես ձեզ կը տամ Եգիպտոսի բոլոր բարիքներից, եւ դուք կը վայելէք երկրի սերուցքը:
19. Դու այսպիսի կարգադրութիւն կ'անես. Եգիպտացիների երկրից առէ՛ք սայլեր ձեր մանուկների ու կանանց համար եւ ձեր հօրը վերցնելով՝ բերէ՛ք այստեղ:
20. Ձեր աչքերը թող ագահութեամբ չնայեն ձեր ունեցուածքի վրայ, որովհետեւ ողջ Եգիպտացիների երկրի բարիքները ձերն են լինելու:
21. Այդպէս էլ արեցին Իսրայելի որդիները: Յովսէփը փարաւոն արքայի կարգադրութեան համաձայն՝ նրանց տուեց սայլեր ու ճանապարհի պաշար:
22. Նա բոլորին երկուական պատմուճան տուեց, իսկ Բենիամինին տուեց երեք հարիւր դահեկան եւ հինգ պատմուճան՝ փոխնիփոխ հագնելու:
23. Նոյնպէս եւ, հօրը տանելու համար, նա տուեց տասը Էշի վրայ բեռնուած Եգիպտոսի



բոլոր բարիքներից, պարենով բեռնաւորուած տասը ջորի, նաեւ՝ հօր համար ճանապարհի պաշար:

24. Նա ճանապարհէց իր եղբայրներին, եւ սրանք գնացին: Նա նրանց ասաց. Ճանապարհին չվիճէք:

25. Նրանք Եգիպտոսից ելան-գնացին Քանանացիների երկիրը, իրենց հօր՝ Յակոբի մօտ:

26. Պատմեցին նրան եւ ասացին. Քո որդի Յովսէփը կենդանի է, նա ողջ Եգիպտացիների երկրի իշխանն է: Յակոբը զարմացաւ, որովհետեւ չէր հաւատում նրանց:

27. Նրանք իրենց հօրը հաղորդեցին այն ամէնը, ինչ ասել էր Յովսէփը: Նրանց հայր Յակոբը, տեսնելով այն սայլերը, որ Յովսէփն էր ուղարկել՝ իրեն տանելու համար, վերակենդանացաւ:

28. Իսրայէլն ասաց. Բաւ է ինձ, որ իրօք տակաւին կենդանի է իմ որդի Յովսէփը: Քանի ողջ եմ, գնամ տեսնեմ նրան:

1. Իսրայելն իր ամբողջ ունեցուածքով ճանապարհ ընկաւ եւ եկաւ Երդման ջրհորի մօտ: Նա զոհ մատուցեց իր հայր Իսահակի Աստծուն:
2. Գիշերը Աստուած տեսիլքի մէջ Իսրայելին ասաց. Յակոբ, Յակոբ: Սա հարցրեց. Դու ո՞վ ես:
3. Նա պատասխանեց. Ես քո հայրերի Աստուածն եմ: Մի՛ վախեցիր Եգիպտոս իջնելուց, որովհետեւ քեզ այնտեղ մեծ ազգ եմ դարձնելու:
4. Ես քեզ հետ կ'իջնեմ Եգիպտոս, եւ ինքս էլ քեզ ընդմիշտ կը հանեմ այնտեղից: Եւ Յովսէփն իր ձեռքով կը փակի քո աչքերը:
5. Յակոբը Երդման ջրհորի մօտից ելաւ, եւ Իսրայելի որդիներն իրենց հայր Յակոբին, կահկարասին ու կանանց տեղաւորեցին այն սայլերի վրայ, որ Յովսէփն էր ուղարկել՝ Նրան բերելու համար: Վերցնելով իրենց ունեցուածքն
6. ու Քանանացիների երկրում ձեռք բերած ամէն ինչ, Եգիպտոս մտան Յակոբն ու Նրա ողջ սերունդը՝
7. իր որդիներն ու որդիների որդիները, իր դուստրերն ու դուստրերի դուստրերը: Նա իր ողջ սերունդը բերեց Եգիպտոս:
8. Սրանք են Իսրայելի այն որդիների անունները, որոնք Եգիպտոս մտան. այն է՝ Յակոբն ու իր որդիները: Յակոբի անդրանիկ որդին էր Ռուբէնը:
9. Ռուբէնի որդիներն են՝ Ենոքը, Փալլուսը, Ասրոնն ու Քարմին:
10. Շմաւոնի որդիներն են՝ Յամուէլը, Յամինը, Վիոդը, Յաքինը, Սահառն ու քանանացի կնոջից ծնուած Սաուլը:
11. Դեւիի որդիներն են՝ Գերսոնը, Կահաթն ու Մերարին:
12. Յուդայի որդիներն են՝ Էրը, Օնանը, Սելմը, Փարէսն ու Չարան: Էրն ու Օնանը մեռան Քանանացիների երկրում: Փարէսի որդիները եղան Ասրոմն ու Յամուէլը:
13. Իսաքարի որդիներն են՝ Թոդան, Փուդը, Յասուբն ու Չամամը:
14. Չաբուլոնի որդիներն են՝ Մերեդը, Ալլոնն ու Էէլը:
15. Սրանք Լիայի որդիներն են, որոնց, նաեւ իր դուստր Դինային, նա ծնեց Յակոբի համար՝ Ասորիների Միջագետքում. բոլորը՝ որդիներն ու դուստրերը, երեսուներեք հոգի էին:
16. Գադի որդիներն են՝ Սափոնը, Մեդիսը, Սաւնիան, Թաւտբամը, Այեդիսը, Արոյէլիսը եւ Արիէլիսը:
17. Ասերի որդիներն են՝ Յեման, Յետուան, Յեուլը, Բարիան եւ Նրանց քոյր Սարան: Բարիայի որդիներն են՝ Քոբորը եւ Մելքիէլը:
18. Սրանք որդիներն են Չելփայի, որին Լաբանը տուել էր իր դուստր Լիային: Սա Յակոբի համար ունեցաւ այս տասնվեց որդիներին:
19. Ռաքելի՝ Յակոբի կնոջ որդիներն են՝ Յովսէփն ու Բենիամինը:
20. Եգիպտացիների երկրում Արեգ քաղաքի քուրմ Պետրափրէսի դուստր Ասանէթից Յովսէփն ունեցաւ իր Մանասէ ու Եփրեմ որդիներին: Մանասէն ասորի հարճից ունեցաւ որդիներ, որոնցից մէկն էր Մաքիրը: Մաքիրը ծնեց Գաղաադին: Եփրեմի՝ Մանասէի եղբոր որդիներն են՝ Սուտադաամն ու Տաամը: Սուտադաամի որդին է Եդեմը:
21. Բենիամինի որդիներն են՝ Բադան, Բոքորն ու Ասբէն: Բադան ծնեց որդիներ՝ Գէերային, Նէմանին, Անաքիսին, Ռոսին, Մամփիմին ու Ոփիմինին: Գէերան ծնեց Արադին:
22. Սրանք Ռաքելի որդիներն են, որոնց նա ծնեց Յակոբի համար. բոլորը՝ տասնուութ հոգի:
23. Դանի որդիներից մէկն է Ասումը:
24. Նեփթաղիմի որդիներն են՝ Ասիէլը, Գոնին, Ասարն ու Սիլլեմը:
25. Սրանք որդիներն են Բալայի, որին Լաբանը տուեց իր դուստր Ռաքելին. Բալլան ծնեց սրանց Յակոբի համար. բոլորը՝ եօթը հոգի:
26. Յակոբի կողից ծնուած եւ Նրա հետ Եգիպտոս մտած բոլոր մարդկանց թիւը,

չհաշուած Յակոբի որդիների կանանց, վաթսուևեց է:

27. Յովսէփը եգիպտոսում ունեցաւ երկու որդի: Այսպիսով Յակոբի ընտանիքի՝  
եգիպտոս մտած բոլոր տղամարդկանց թիւը եօթանասունհինգ է:

28. Յակոբը իրենից առաջ Յուդային ուղարկեց Յովսէփի մօտ, որպէսզի սա ընդառաջ  
գայ նրան Քաջաց քաղաքի մօտ՝ Ռամեսի երկրում, իսկ ինքն եկաւ Գեսեմ երկիրը:

29. Յովսէփը լծեց իր կառքը եւ Քաջաց քաղաքի մօտ ընդառաջ գնաց իր հայր  
Իսրայէլին: Երբ Յովսէփը հանդիպեց նրան, փաթաթուեց նրա վզին եւ հեկեկալով լաց  
եղաւ:

30. Իսրայէլն ասաց Յովսէփին. Այսուհետեւ կարող եմ մեռնել, որովհետեւ տեսայ քո  
երեսը, եւ դու տակաւին կենդանի ես:

31. Յովսէփն ասաց իր եղբայրներին ու իր հօր ընտանիքին. Գնամ յայտնեմ  
փարաւոնին, որ Քանանացիների երկրում բնակուող իմ եղբայրներն ու հօրս ընտանիքը  
եկել են ինձ մօտ:

32. Նրանք խաշնարածներ են եւ իրենց անասունները, արջառներն ու ողջ ունեցուածքը  
բերել են այստեղ:

33. Արդ, եթէ փարաւոնը կանչի ձեզ ու հարցնի, թէ՛ Ի՞նչ է ձեր գործը,

34. կ'ասեք, որ Մենք՝ քո ծառաները, մանուկ հասակից մինչեւ այժմ խաշնարածներ ենք,  
մենք եւ մեր հայրը, որպէսզի նա թոյլ տայ ձեզ բնակուել Գեսեմ երկրում, որովհետեւ  
եգիպտացիները խորշում են ոչխարների հովիւներից:

1. Յովսէփն եկաւ եւ այդ մասին պատմեց փարաւոնին: Նա ասաց. Իմ հայրն ու եղբայրները իրենց ոչխարներով ու արջառներով, իրենց ամբողջ ունեցուածքով եկել են Քանանացիների երկրից եւ ահա Գեսեմում են:
2. Նա իր եղբայրներից հինգին հետն առնելով՝ ներկայացրեց փարաւոնին:
3. Փարաւոնը հարցրեց Յովսէփի եղբայրներին. Ի՞նչ գործ էք անում: Նրանք պատասխանեցին փարաւոնին. Թե՛ մենք, թե՛ մեր հայրերը՝ քո ծառաները, ոչխարների հովիւներ ենք:
4. Նրանք ասացին փարաւոնին. Պանդխտութեան ենք եկել այս երկիրը, որովհետեւ քո ծառաների ոչխարները կեր չունեն, քանի որ Քանանացիների երկրում սաստկացել է սովը: Արդ, թո՛յլ տուր, որ մենք՝ քո ծառաները, բնակուենք Գեսեմ երկրում:
5. Փարաւոնը, դիմելով Յովսէփին, ասաց. Քո հայրն ու քո եղբայրները եկել են քեզ մօտ:
6. Ահա Եգիպտացիների երկիրը քո առջեւ է. արգաւանդ մի շրջանում բնակեցրո՛ւ քո հօրն ու եղբայրներին: Նրանք թող բնակուեն Գեսեմ երկրում: Իսկ եթէ գիտես, որ նրանց մէջ կան կարող մարդիկ, իմ ոչխարների հօտերի վրայ վերակացու կարգի՛ր:
7. Յովսէփն իր հայր Յակոբին բերեց ու ներկայացրեց փարաւոնին: Եւ Յակոբն օրհնեց փարաւոնին:
8. Փարաւոնը հարցրեց Յակոբին. Քանի՞ տարեկան ես:
9. Յակոբը պատասխանեց փարաւոնին. Պանդխտութեան մէջ անցկացրած տարիներիս թիւը հարիւր երեսուն է: Քիչ ու դժուարին են եղել իմ ապրած տարիները եւ չեն հասել իմ նախնիների պանդխտութեան մէջ անցկացրած տարիներին:
10. Յակոբն օրհնեց փարաւոնին եւ հեռացաւ նրա մօտից:
11. Յովսէփը իր հօրն ու եղբայրներին բնակեցրեց Եգիպտացիների երկրի բարեբեր մի շրջանում՝ Ռամեսի երկրում, ինչպէս հրամայել էր փարաւոնը:
12. Յովսէփը օրապահիկ էր տալիս իր հօրն ու եղբայրներին, իսկ իր հօր ընտանիքի բոլոր անդամներին՝ ցորեն ըստ շնչի:
13. Պարէնն սպառուել էր ողջ երկրում, քանի որ սովը խիստ սաստկացել էր: Սովից հիւծուեցին Եգիպտացիների երկիրն ու Քանանացիների երկիրը:
14. Յովսէփը ցորեն վաճառելով հաւաքեց Եգիպտացիների երկրի ու Քանանացիների երկրի ողջ արծաթը, որի դիմաց այդ երկրների մարդկանց պարէն էր տալիս: Յովսէփը ամբողջ արծաթը տարաւ փարաւոնի արքունիքը:
15. Արծաթն սպառուեց Եգիպտացիների երկրից ու Քանանացիների երկրից: Բոլոր Եգիպտացիները եկան Յովսէփի մօտ ու ասացին. Մեզ հա՛ց տուր. ինչո՞ւ մեռնենք քո աչքի առաջ, քանի որ արծաթը վերջացաւ:
16. Յովսէփն ասաց նրանց. Եթէ արծաթն սպառուել է, բերե՛ք ձեր անասունները, եւ ես ձեր անասունների փոխարէն հաց կը տամ ձեզ:
17. Նրանք անասունները բերեցին Յովսէփի մօտ, իսկ Յովսէփը ձիու, ոչխարի, արջառի եւ էջի փոխարէն նրանց հաց էր տալիս: Նա այդ տարի նրանց բոլոր անասունների փոխարէն նրանց կերակրեց հացով:
18. Այդ տարին անցաւ. նրանք երկրորդ տարին եկան Յովսէփի մօտ եւ ասացին. Արդեօ՞ք կորստի կը մատնուենք մեր տիրոջ կողմից: Տե՛ր, եթէ արծաթ կար, վերջացաւ, եթէ ոչխարներ եւ անասուններ՝ քեզ մօտ են: Մենք այլեւս ոչինչ չունենք մեր տիրոջը տալու, բացի մեր անձերից ու մեր հողից:
19. Արդ, որպէսզի քո աչքի առաջ սովամահ չլինենք, եւ երկիրն էլ չկործանուի, ստացի՛ր մեզ եւ մեր հողը հացի փոխարէն. մենք ու մեր հողը թող լինենք փարաւոնի սեփականութիւն: Սերմացու տո՛ւր, որ ցանենք, ապրենք ու չմեռնենք, եւ երկիրն էլ չկործանուի:
20. Եւ Յովսէփը գնեց ողջ Եգիպտացիների երկիրը փարաւոնի համար, որովհետեւ Եգիպտացիներն իրենց հողերը վաճառեցին փարաւոնին, քանի որ սովը սաստիկ սպառնում էր նրանց կեանքին: Այսպիսով երկիրը դարձաւ փարաւոնի սեփականութիւն,

21. Եւ սա Եգիպտոսի մի ծայրից մինչեւ միւս ծայրը բնակուող ժողովրդին դարձրեց իր ստրուկը,
22. բացի քրմերի կալուածքներից, որովհետեւ Յովսէփը դրանք չգնեց, քանի որ փարաւոնը քրմերին առատօրէն պարգեւատրում էր, եւ նրանք սնուում էին այն պարգեւներով, որ նրանց էր տալիս փարաւոնը: Այդ է պատճառը, որ նրանք չվաճառեցին իրենց կալուածքները:
23. Յովսէփը բոլոր Եգիպտացիներին ասաց. Ահա ձեզ եւ ձեր հողը եւ գնեցի փարաւոնի համար: Առէ՛ք ձեր սերմացուն եւ ցանեցէ՛ք ձեր հողերում:
24. Երբ բերքը կը ստանաք, փարաւոնին կը տաք դրա մէկ հինգերորդ մասը, իսկ չորս հինգերորդը թող ձեզ լինի իբրեւ հողի սերմացու եւ սնունդ՝ ձեզ, ձեր ընտանիքի բոլոր անդամների ու ձեր երեխաների համար:
25. Նրանք ասացին. Մեզ փրկեցիր, մենք արժանացանք մեր տիրոջ գթութեանը, ուստի թող լինենք փարաւոնի ստրուկները:
26. Յովսէփը նրանց համար օրէնք սահմանեց, որ մինչեւ այսօր էլ գործում է Եգիպտացիների երկրում. բերքի մէկ հինգերորդ մասը տուրք տալ փարաւոնին, բացի քրմական հողերից, որոնք փարաւոնին չէին պատկանում:
27. Իսրայէլը բնակուեց Եգիպտացիների երկրում՝ Գեսեմում: Նրանք այնտեղ կալուածքներ ստացան, խիստ աճեցին ու բազմացան:
28. Յակոբը Եգիպտացիների երկրում ապրեց տասնեօթը տարի, եւ նա դարձաւ հարիւր քառասունեօթը տարեկան:
29. Երբ մօտեցան Իսրայէլի մահուան օրերը, նա կանչեց իր որդի Յովսէփին ու ասաց նրան. Եթէ ես շնորհ գտայ քո առաջ, ապա ձեռքդ դի՛ր իմ գիստի տակ ու խոստացի՛ր, որ իմ նկատմամբ արդար եւ ողորմած կը լինես եւ ինձ Եգիպտոսում չես թաղի.
30. երբ միանամ իմ նախնիներին, ինձ թող տանեն Եգիպտոսից ու թաղեն նրանց գերեզմանում: Յովսէփն ասաց. Կ'անեմ ինչպէս ասացիր:
31. Յակոբն ասաց. Երդուի՛ր ինձ: Եւ նա երդուեց նրան, մինչ Իսրայէլը խոնարհուեց նրա գաւազանի գլխի վրայ:

1. Այս դեպքերից յետոյ Յովսէփին յայտնեցին, թէ՛ Քո հայր Յակոբը հիւանդ է: Յովսէփը վերցնելով իր երկու որդիներին՝ Մանասէին ու Եփրեմին, եկաւ Յակոբի մօտ: Այդ մասին Յակոբին տեղեակ պահեցին՝ ասելով:
2. Ահա քո որդի Յովսէփը քեզ մօտ է գալիս: Իսրայէլն ուժերը հաւաքեց ու նստեց անկողնում:
3. Յակոբն ասաց Յովսէփին. Իմ Աստուածն ինձ երեւաց Լուզում՝ Քանանացիների երկրում, օրհնեց ինձ
4. ու ասաց. Ահա ես կ'աճեցնեմ ու կը բազմացնեմ քեզ, բազում ազգերի նախահայր կը դարձնեմ: Այս երկիրը քեզ կը տամ իբրեւ յաւիտենական ժառանգութիւն:
5. Արդ, մինչեւ իմ Եգիպտոս գալը Եգիպտոսում ծնուած քո երկու որդիները իմն են: Եփրեմն ու Մանասէն ինձ համար թող լինեն ինչպէս Ռուբէնն ու Շմաւոնը,
6. իսկ միւս զաւակները, որոնց ծնունդ կը տաս սրանցից յետոյ, թող քոնը լինեն: Նրանք իրենց ժառանգութիւնն ստանալու համար թող կոչուեն իրենց եղբայրների անուամբ:
7. Երբ ես գալիս էի Ասորիների Միջագետքից ու մի ասպարեզի չափ մօտեցել էի Քաբրաթա երկրին, Քանանացիների երկրում մեռաւ քո մայր Ռաքելը: Ես նրան թաղեցի ճանապարհին, Եփրաթա չհասած. դա Բեթղէհէմն է:
8. Երբ Իսրայէլը տեսաւ Յովսէփի որդիներին, հարց տուեց. Սրանք քո ի՞նչն են:
9. Յովսէփը պատասխանեց հօրը. Իմ որդիներն են, որոնց Աստուած պարգեւեց ինձ այստեղ: Յակոբն ասաց. Նրանց բե՛ր ինձ մօտ, որ օրհնեմ նրանց:
10. Իսրայէլի աչքերը ծերութեան պատճառով տկարացել էին, նա լաւ չէր տեսնում: Յովսէփը նրանց մօտեցրեց նրան, Յակոբը համբուրեց նրանց ու իր գիրկն առաւ:
11. Իսրայէլն ասաց Յովսէփին. Ահա ոչ միայն կարօտս առայ քեզնից, այլեւ Աստուած ինձ ցոյց տուեց նաեւ քո զաւակներին:
12. Յովսէփը նրանց վերցրեց նրա ծնկներից, եւ նրանք մինչեւ գետին խոնարհուեցին նրա առաջ: Յովսէփը առաւ իր երկու որդիներին՝
13. Եփրեմին ունենալով իր աջ կողմում, այսինքն՝ Իսրայէլի ձախ կողմում, եւ Մանասէին իր ձախ կողմում, այսինքն՝ Իսրայէլի աջ կողմում, ու մօտեցրեց նրան:
14. Իսրայէլը մեկնելով իր աջ ձեռքը՝ դրեց Եփրեմի գլխին, որ կրտսերն էր, իսկ ձախը՝ Մանասէի գլխին եւ փոխեց ձեռքերի տեղը, քանի որ Մանասէն էր անդրանիկը:
15. Օրհնեց նրանց եւ ասաց. Աստուած, որին հաճոյ եղան իմ նախնիները՝ Աբրահամն ու Իսահակը, Աստուած, որ պահպանեց ինձ իմ մանկութիւնից մինչեւ այսօր,
16. Հրեշտակը, որ փրկեց ինձ ամէն տեսակ փորձանքներից, թող օրհնի այս մանուկներին, թող սրանց մէջ վերապրի իմ անունը եւ իմ նախնիների՝ Աբրահամի ու Իսահակի անունը, նրանք օրհնեալ լինեն երկրի վրայ եւ շատ բազմանան:
17. Յովսէփը տեսաւ, որ հայրն իր աջը դրել է Եփրեմի գլխին, եւ դա ծանր թուաց նրան: Յովսէփն ուզեց օգնել հօրը, որ նա իր ձեռքը հանի Եփրեմի գլխի վրայից եւ դնի Մանասէի գլխին:
18. Յովսէփն ասաց իր հօրը. Կարգն այդպէս չէ, հա՛յր, որովհետեւ սա է անդրանիկը: Քո աջը դիր սրա՛ գլխին:
19. Հայրը, սակայն, այդ չկամեցաւ, այլ ասաց. Գիտեմ, որդեա՛կ, գիտեմ: Սա նոյնպէս ժողովուրդ թող դառնայ, փառաւորուի, բայց սրա կրտսեր եղբայրը նրանից մեծ կը լինի: Նրա որդին բազում ազգերի նախահայր կը լինի:
20. Յակոբն այդ օրը օրհնեց նրանց՝ ասելով. Իսրայէլը թող ձեր միջոցով օրհնեալ լինի: Թող ասեն. Աստուած քեզ հետ թող վարուի այնպէս, ինչպէս Եփրեմի ու Մանասէի հետ: Եւ նա Եփրեմին անելի առաջ դասեց, քան Մանասէին:
21. Իսրայէլն ասաց Յովսէփին. Ահա մեռնում եմ: Աստուած ձեզ հետ լինի եւ ձեզ վերադարձնի ձեր նախնիների երկիրը:
22. Ես քեզ իբրեւ սեփականութիւն տալիս եմ իմ սրով ու աղեղով ամորհացիներից գրաւած Սիկիմը, որն անելի մեծ է, քան քո եղբայրների բաժինը:



1. Յակոբը կանչեց իր որդիներին ու ասաց. Հաւաքուեցէ՛ք, որ ձեզ յայտնեմ այն, ինչ պատահելու է ձեզ հետագայում:
2. Հաւաքուեցէ՛ք եւ լսեցէ՛ք, Յակոբի որդիներ, լսեցէ՛ք ձեր հայր Իսրայէլին:
3. Ռուբէն, իմ անդրանիկ որդի, իմ գորութիւն ու իմ որդիների սկիզբ. դու ինձ հետ խիստ վարուեցիր եւ մեծ յանգնութեամբ կշտամբեցիր ինձ:
4. Ջրի նման մի՛ եռա, քանզի մտել ես մահիճը քո հօրու պղծել այնժամ մահիճը նրա:
5. Եղբայրներ Շմաւոնն ու Ղեւիանսիրաւութիւն գործեցին կամովին:
6. Խորհրդին նրանց մասնակից չի լինի անձն իմ. նրանց դաւին յօժար չէ սիրտն իմ. ցասումով իրենց մարդ սպանեցին հաճոյքի համար ջլակոտոր արեցին ցուէր:
7. Անիծեալ լինի ցասումը նրանց, քանզի յանդուգն էր. անիծուի նրանց ոխն ու մոլուցքը, քանզի սաստիկ էր: Կը բաժանեմ ես նրանց Յակոբի մէջ, կը ցրեմ նրանց Իսրայէլի մէջ:
8. Յուդա՛, քեզ կ'օրհնեն եղբայրները քո. ձեռքը քո կ'իջնի թիկունքի վրայ թշնամիներիդ: Հօրդ որդիներն գլուխ խոնարհեն պիտի քո առաջ:
9. Յուդա՛, կորի՛ւն առիւծի, իմ շառաւիղից ելար, որդեա՛կ իմ, Ելար, բազմեցիր, ննչեցիր դու որպէս առիւծ, որպէս կորիւն առիւծի: Ո՞վ պիտի արդեօք արթնացնի նրան:
10. Յուդայից իշխան չի պակասելու, ոչ էլ առաջնորդ՝ նրա կողերից, մինչեւ որ գայ նա, ում պատկանում են հանդերձեալները: Նրա՛ն են սպասում ժողովուրդները:
11. Իր աւանակին կը կապի որթից, իսկ որթի ոստից՝ Էշի քուռակին: Իր պատմութեանը կը լուայ գինովել իր հագուստը՝ խաղողի արեամբ:
12. Գինուց զուարթ են աչքերը նրա, իսկ ատամներն սպիտակ՝ կաթից աւելի:
13. Չաբուղոնը կը բնակուի ծովի եզերքին, որպէս նաւերի նա նաւահանգիստու կը տարածուի նա մինչեւ Սիդոն:
14. Իսաքարը բարուն ցանկացաւ եւ հանգիստ ապրեց իր տարածքներում:
15. Տեսնելով, որ հանգիստը լաւ է, հողը՝ բարեբեր, ուսերը դրեց աշխատանքի տակու դարձաւ բարիք ստեղծող մի մարդ:
16. Դանը կը դատի իր ժողովրդին Իսրայէլի մէջ մէկ մարդու նման.
17. Դանը թող լինի օձ դարանակալ ճանապարհի վրայ՝ խայթելու համար ձիու գարշապարն ու ցած գցելու հեծեալին նրա:
18. Մնա՛լ, սպասե՛լ Տիրոջ փրկութեան:
19. Գաղն աւազակների ծուղակը կ'ընկնի եւ ինքն էլ, սակայն, կը հետապնդի աւազակներին:
20. Ասերի հացը առատ կը լինի, իշխաններին էլ նա պարէն կը տայ:
21. Նեփթաղիմը բարձրուէ՛ ծառ է, որ իր բազում ճիւղերով գեղեցկութիւն է սփռում:
22. Փառքի բարձրացած որդեա՛կ իմ Յովսէփ, որդեա՛կ իմ՝ դարձած դու նախանձելի, դարձի՛ր դու ինձ մօտ, որդեա՛կ իմ մատաղ, բանասարկուները բամբասում էին, դատափետում քեզ:
23. Նրա դէմ ոխով բորբոքում էին աղեղնաւորներ:
24. Փշրուեցին գորութեամբ աղեղները նրանց, ու թուլացան ջլերը նրանց բազուկների Յակոբի հզօր Աստծու ձեռքով,
25. Նրա՛ կողմից, ով գորացրեց Իսրայէլին՝ Աստծուց քո հօր: Եւ քեզ օգնեց Աստուածն իմ, նա օրհնեց քեզ ի վերուստ օրհնութեամբ մի երկնային, ամէն ինչով լի երկրի օրհնութեամբ եւ օրհնեց նաեւ ստինք ու արգանդ:
26. Քո հօր օրհնութիւնն ու մօր օրհնութիւնն առաւել ուժեղ, քան օրհնանքը յաւերժական լեռների, քան օրհնանքը յաւիտենական բլուրների, իջնի թող գլխի վրայ Յովսէփի ու գլխին նրա եղբայրների, որոնց առաջնորդեց նա:
27. Բենիամին՝ յափշտակող գա՛յլ, առաւօտեան իր որսն ուտող, երեկոյեան պատառ բաշխող:
28. Այս բոլորը՝ Յակոբի որդիները, տասներկու ցեղերն են: Սա է ահա, ինչ որ խօսեց



Նրանց հայրը իրենց հետ: Նա իւրաքանչիւրին օրինեց իրեն արժանի օրհնութեամբ:

29. Նա պատուիրեց Նրանց՝ ասելով. Ես գնում եմ իմ նախնիների գիրկը: Ինձ թաղեցէ՛ք իմ նախնիների մօտ, այն քարայրում, որ քետացի Եփրոնի ագարակում է, այն գոյգ քարայրում, որ այդ դաշտում է,

30. Մամբրէի կաղնու դիմաց, Քանանացիների երկրում: Այդ քարայրը Աբրահամը գնել էր քետացի Եփրոնից իբրեւ սեփական շիրմավայր:

31. Այնտեղ են թաղել Աբրահամին ու Նրա կնոջը՝ Սառային: Այնտեղ են թաղել Իսահակին ու Նրա կնոջը՝ Ռեբեկային: Այնտեղ են թաղել Լիային. սա ագարակի եւ Նրա մէջ գտնուող քարայրի այն կալուածքն է, որ գնուեց Քետի որդիներից:

32. Յակոբը դադարեց իր որդիներին պատուիրան տալուց, ոտքերը յետ բերեց մահիճի մէջ, մեռաւ եւ գնաց իր նախնիների գիրկը:

1. Յովսէփն ընկնելով իր հօր երեսին՝ լաց եղաւ նրա վրայ եւ համբուրեց նրան:
2. Յովսէփը հրամայեց դի գմտող իր սպասաւորներին գմտել իր հօրը. գմտողները գմտեցին Իսրայէլին:
3. Լրացան նրա քառասուն օրերը. այդքան էր տեւում թաղելու կարգը: Եգիպտոսը եօթանասուն օր սգաց նրան:
4. Սգոյ օրերն անցնելուց յետոյ Յովսէփը խօսեց փարաւոնի իշխանների հետ եւ ասաց. Եթէ շնորհ եմ գտել ձեր առաջ, ապա դիմեցէ՛ք փարաւոնին եւ ասացէ՛ք,
5. որ իմ հայրը երդուեցրել է ինձ ու ասել. Ահա ես մեռնում եմ: Ինձ կը թաղես այն շիրիմում, որ ես ինձ համար փորել եմ Քանանացիների երկրում: Արդ, թո՛յլ տուր գնամ, թաղեմ իմ հօրն ու վերադառնամ:
6. Փարաւոնն ասաց. Գնա՛, թաղի՛ր քո հօրը, ինչպէս որ նա երդուեցրել է քեզ:
7. Յովսէփը գնաց, որ թաղի իր հօրը: Նրա հետ գնացին նաեւ փարաւոնի բոլոր ծառաները, նրա պալատի աւագանին, Եգիպտացիների երկրի բոլոր աւագները,
8. Յովսէփի ամբողջ ընտանիքը, նրա եղբայրները, նրա հօր ընտանիքի բոլոր անդամները: Իսկ մերձաւորներին, ոչխարներին ու արջառններին թողեցին Գեսեմ երկրում:
9. Նրա հետ գնացին նաեւ կառքերն ու հեծեալները եւ դարձան մի հսկայ բանակ:
10. Նրանք հասան Յորդանանի այն կողմը գտնուող Ատադի կալը եւ այնտեղ սաստիկ ողբ ու կոծ արեցին նրա վրայ: Նա հօր համար եօթը օր սուգ արեց:
11. Քանանացիների երկրի բնակիչները, տեսնելով Ատադի կալում արուած սուգը, ասացին. Եգիպտացիները մեծ սգի մէջ են: Դրա համար էլ այդ վայրը կոչուեց Եգիպտոսի Սուգ. այն Յորդանանի միւս կողմն է:
12. Իսրայէլի որդիները նրա դիակի հետ վարուեցին այնպէս, ինչպէս նա էր պատուիրել իրենց.
13. վերցրին նրան ու թաղեցին այնտեղ: Նրա որդիները նրան տարան Քանանացիների երկիրը եւ թաղեցին Մամբրէի կաղնու դիմաց, զոյգ քարայրում, որ Աբրահամը գնել էր քետացի Եփրոնից իբրեւ սեփական շիրմավայր:
14. Յովսէփը վերադարձաւ Եգիպտոս. ինքը, իր եղբայրները եւ իր հօրը թաղելու համար իր հետ գնացած բոլոր մարդիկ:
15. Երբ Յովսէփի եղբայրները տեսան, որ իրենց հայրը մահացել է, ասացին. Գուցէ Յովսէփը ո՞ր է պահել մեր դէմ եւ վրեժ կը լուծի այն բոլոր չարիքների համար, որ մենք պատճառեցինք նրան:
16. Նրանք եկան Յովսէփի մօտ ու ասացին. Քո հայրը երբ դեռ չէր մեռել, մեզ երդուեցրել էր
17. ու ասել. Այսպէս կ'ասեք Յովսէփին. Նրանք չարիք գործեցին քո դէմ, բայց դու կը ներես նրանց յանցանքներն ու մեղքերը: Արդ, ների՛ր քո հօր Աստծու ծառաների յանցանքները: Յովսէփն իրեն ասուած այս խօսքերի համար լաց եղաւ:
18. Նրա եղբայրները գալով իր մօտ՝ ընկան նրա ոտքերն ու ասացին. Ահա մենք քո ծառաներն ենք:
19. Յովսէփը նրանց ասաց. Մի՛ վախեցէք, որովհետեւ ես էլ Աստծու մարդն եմ:
20. Դուք մտածեցիք ինձ չարիք պատճառել, բայց Աստուած իմ նկատմամբ բարի վարուեց, ինչպէս որ եղաւ այսօր, որովհետեւ մարդկանց մեծ բազմութիւն կերակրեցի ես:
21. Նա ասաց նրանց. Մի՛ վախեցէք: Ես կը կերակրեմ ձեզ եւ ձեր ընտանիքները: Յովսէփը միսիթարեց եւ հանգստացրեց նրանց:
22. Եւ Եգիպտոսում բնակուեցին Յովսէփն ինքը, իր եղբայրներն ու իր հօր ողջ գերդաստանը: Յովսէփն ապրեց հարիւր տասը տարի:
23. Յովսէփը տեսաւ Եփրեմի որդիների միւնչեւ երրորդ սերունդը: Մանասէի որդի Մաքիրի որդիները ծնուեցին Յովսէփի ծնկներին:

24. Յովսէփը, դիմելով իր եղբայրներին, ասաց. Ահա ես մեռնում եմ: Աստուած թող այցելի ձեզ, հանի այս երկրից ու տանի այն երկիրը, որ Աստուած երդուել է տալ մեր նախնիներին՝ Աբրահամին, Իսահակին ու Յակոբին:

25. Յովսէփը երդուեցրեց Իսրայելի որդիներին ու ասաց. Այն ժամանակ, երբ Աստուած ձեզ կ'այցելի, այստեղից կը հանեք նաեւ իմ ոսկորները եւ կը տանեք ձեզ հետ:

26. Յովսէփը վախճանուեց հարիւր տասը տարեկան հասակում: Թաղեցին նրան ու տապանի մէջ դրեցին Եգիպտոսում:

ტღ

## Գլուխ 1

1. Սրանք են Իսրայելի այն որդիների անունները, որոնք իրենց հօր հետ մտան Եգիպտոս, իւրաքանչիւրն իր ամբողջ ընտանիքով մտաւ.
2. Ռուբէն, Շմաւոն, Դեւի, Յուդա,
3. Իսաքար, Չաբուլոն եւ Բենիամին,
4. Դան եւ Նեփթաղիմ, Գադ եւ Ասեր:
5. Յակոբից սերունած բոլոր մարդիկ եօթանասունհինգ հոգի էին: Յովսէփը գտնուում էր Եգիպտոսում:
6. Վախճանուեց Յովսէփը. նաեւ նրա բոլոր եղբայրներն ու ամբողջ սերունդը:
7. Իսրայելի որդիները, սակայն, աճեցին ու բազմացան: Նրանք խիստ բազմացան ու հզօրացան, որովհետեւ երկիրը նպաստում էր նրանց բազմանալուն:
8. Գահ բարձրացաւ մի ուրիշ թագաւոր, որը Յովսէփին չէր ճանաչում: Նա իր ժողովրդին ասաց.
9. Իսրայելի որդիների սերունդը մեծ է զօրութեամբ եւ զօրանում է մեզկից աւելի:
10. Արդ, եկեք ինչ-որ բան հնարենք նրանց դէմ, գուցէ աւելի բազմանան, եւ երբ պատերազմ ծագի, նրանք միանան թշնամիներին ու մեր դէմ կռուելով՝ դուրս ելնեն այս երկրից:
11. Եւ նա վերակացուներ կարգեց նրանց վրայ, որ գործի լծելով՝ չարչարեն նրանց: Նրանք փարաւոնի համար կառուցեցին Փիդոն, Ռամեսե եւ Ովն անառիկ քաղաքները: Ովնը Արեգ քաղաքն է:
12. Բայց որքան ճնշում էին նրանց, նրանք այնքան աւելի էին բազմանում ու անչափ հզօրանում:
13. Եգիպտացիները զգուեցնում էին Իսրայելի որդիներին, բռնութիւն գործադրելով նեղում էին նրանց, տաժանակիր աշխատանքի էին լծում,
14. նրանց կեանքը մաշում կաւի, աղիւսաշինութեան ու դաշտային բոլոր գործերի մէջ՝ բռնութեամբ ստիպելով նրանց, որ ծառայեն:
15. Եգիպտացիների արքան դիմեց եբրայեցիների մանկաբարձներին. նրանցից մէկի անունը Սեփորա էր, իսկ երկրորդի անունը՝ Փուա: Եւ արքան
16. ասաց. Երբ երկունքով բռնուած եբրայեցի կանանց մօտ գնաք ծննդաբերութեան օգնելու, եթէ ծնուածը արու լինի, սպանեցէ՛ք նրան, իսկ եթէ եգ լինի, ո՛ղջ թողէք:
17. Մանկաբարձները, աստուածավախ լինելով, չարեցին այն, ինչ Եգիպտացիների արքան հրամայել էր իրենց. նրանք ողջ էին թողնում նաեւ արուներին:
18. Եգիպտացիների արքան կանչեց մանկաբարձներին ու ասաց նրանց. Ինչո՞ւ եք այդպէս վարւում, ինչո՞ւ եք ողջ թողնում արուներին:
19. Մանկաբարձները պատասխանեցին փարաւոնին. Եբրայեցի կանայք Եգիպտացի կանանց նման չեն. նրանք ծննդաբերում են մինչեւ որ մանկաբարձները իրենց մօտ գան:
20. Նրանք ծննդաբերում էին, եւ Աստուած բարութիւն էր անում մանկաբարձներին, ուստի ժողովուրդը խիստ բազմանում էր ու անչափ հզօրանում:
21. Քանի որ մանկաբարձները աստուածավախ էին, նրանք տուն-տեղ դրին:
22. Փարաւոնն իր ամբողջ ժողովրդին հրամայելով՝ ասաց. Եբրայեցիներից ծնուած բոլոր արու զաւակներին գե՛տը նետեցէք, իսկ բոլոր աղջիկ զաւակներին ո՛ղջ թողէք:

## Գլուխ 2

1. Այնտեղ էր գտնուում Ղեւիի ցեղից մի մարդ, որն ամուսնացաւ Ղեւիի դուստրերից մէկի հետ:
2. Սա յղիացաւ ու ծնեց մի արու գաւակ: Տեսնելով, որ նա գեղեցիկ է, երեք ամիս թաքցրին նրան:
3. Երբ այլեւս չէին կարող նրան թաքցնել, նրա մայրն առաւ եղբայրից հիւսուած մի զամբիւղ, այն ծեփեց կայրածիւթով, դրա մէջ դրեց մանկանը եւ զամբիւղը դրեց ծանծաղուտ մի տեղ, գետափին մօտիկ:
4. Մանկան քոյրը հեռուից հետեւում էր՝ տեսնելու համար, թէ ինչ կը պատահի նրան:
5. Այդ ժամանակ էր, որ փարաւոնի դուստրն եկաւ գետում լողանալու, իսկ նրա նաժիշտները քայլում էին գետի ափով: Ծանծաղուտի մէջ զամբիւղ նկատելով՝ նա մի նաժիշտ ուղարկեց, որ վերցնի այն:
6. Նա բացեց եւ տեսաւ երեխային: Երեխան լաց էր լինում զամբիւղում: Փարաւոնի դուստրը, խղճալով նրան, ասաց. Եբրայեցիների երեխաներից է դա:
7. Մանկան քոյրն ասաց փարաւոնի դստերը. Ուզո՞ւմ ես, որ եբրայեցիներից մի դայեակ կին կանչեմ, նա թող կերակրի այդ մանկանը:
8. Փարաւոնի դուստրն ասաց՝ գնա՛: Աղջիկը գնաց ու կանչեց մանկան մօրը:
9. Փարաւոնի դուստրը նրան ասաց. Վերցրո՛ւ այդ մանկանը եւ կերակրի՛ր նրան ինձ համար: Ես կը տամ քո վարձը: Կինը վերցրեց մանկանը եւ կերակրեց նրան: Երբ մանուկը մեծացաւ, կինը նրան բերեց փարաւոնի դստեր մօտ,
10. եւ մանուկը նրան որդեգիր դարձաւ: Նա նրան Մովսէս կոչեց ասելով՝ ջրից եմ հանել նրան:
11. Շատ օրեր յետոյ, երբ Մովսէսը մեծացաւ, գնաց իր ազգակիցների՝ իսրայելացիների մօտ, ականատես եղաւ նրանց չարչարանքներին: Նա նկատեց, որ մի եգիպտացի ծեծում էր իր եբրայեցի եղբայրներից մէկին՝ մի իսրայելացու:
12. Մովսէսն այս ու այն կողմ նայեց եւ ոչ ոքի չտեսնելով, սպանեց եգիպտացուն եւ նրան թաղեց աւազի տակ:
13. Յաջորդ օրը նա տեսաւ իրար հետ կռուող երկու եբրայեցիների եւ անիրաւութիւն անողին ասաց. Ինչո՞ւ ես ծեծում ընկերոջդ:
14. Սա պատասխանեց. Ո՞վ է քեզ իշխան ու դատաւոր կարգել մեզ վրայ, թե՞ ինձ էլ ես ուզում սպանել, ինչպէս որ երէկ սպանեցիր եգիպտացուն: Մովսէսը վախեցաւ՝ մտածելով, որ եղելութիւնը յայտնի է դարձել:
15. Երբ փարաւոնը լսեց այդ դէպքի մասին, պահանջեց, որ սպանեն Մովսէսին: Մովսէսը փախաւ փարաւոնի պատճառով ու բնակուեց Մադիամի երկրում:
16. Մադիամի երկիրը գալով՝ նա նստեց մի ջրհորի մօտ: Մադիանացիների քուրմն ուներ եօթը դուստր, որոնք արածեցնում էին իրենց հօր ոչխարները: Նրանք եկել էին ջուր հանելու եւ լցնելու աւազանները, որպէսզի ջրեն իրենց հօր ոչխարները:
17. Բայց եկան ուրիշ հովիւներ եւ աղջիկներին հեռու քշեցին: Մովսէսը ոտքի ելաւ եւ պաշտպանեց նրանց, ջուր հանեց ու ջրեց նրանց ոչխարները:
18. Աղջիկներն եկան իրենց հօր՝ Հռաֆուէլի մօտ: Սա նրանց հարցրեց. Ինչո՞ւ այսօր օրը ցերեկով վերադարձաք:
19. Նրանք պատասխանեցին. Մի եգիպտացի տղամարդ մեզ փրկեց այդ հովիւների ձեռքից, ջուր հանեց ու ջրեց մեր ոչխարները:
20. Հայրը հարցրեց իր դուստրերին. Իսկ ո՞ւր է նա, ինչո՞ւ թողեցիք այդ մարդուն: Արդ, կանչեցէ՛ք նրան, որ հաց ուտի:
21. Եւ Մովսէսը բնակուեց այդ մարդու մօտ, եւ սա իր դուստր Սեփորային Մովսէսին կնութեան տուեց:
22. Կինը յղիացաւ ու ծնեց որդի, որին Մովսէսը Գերսամ անուանեց ասելով՝ Ես պանդուխտ եմ օտար երկրում:
23. Շատ օրեր անց մեռաւ եգիպտացիների թագաւորը: Իսրայելացիները, որոնք

տանջւում էին տաժանակիր աշխատանքի մէջ, աղաղակ բարձրացրին. նրանց  
աղաղակը հասաւ Աստծուն: Եւ Աստուած լսեց նրանց հեծուքիւնը,  
24. յիշեց իր ուխտը, որ կապել էր Աբրահամի, Իսահակի ու Յակոբի հետ:  
25. Աստուած իր հայեացքն ուղղեց իսրայէլացիներին: Նա յայտնուեց նրանց:

1. Մովսեսն արածեցնում էր իր աներոջ՝ Յոթորի՝ մադիանացիների քումի ոչխարները: Նա ոչխարները տարաւ անապատ ու հասաւ Աստծու լեռը՝ Քորէբ:
2. Տիրոջ հրեշտակը երեւաց նրան մորենու միջից կրակի բոցով: Մովսեսը տեսնում էր, որ մորենին հրով վառւում էր, բայց չէր այրւում:
3. Մովսեսն ինքն իրեն ասաց. «Գնամ տեսնեմ այս մեծ տեսարանը: Ինչպե՞ս է, որ մորենին չի այրւում»:
4. Երբ Տէրը նկատեց, որ Մովսեսը տեսնելու համար մօտ է գնում, մորենու միջից ձայն տուեց նրան ու ասաց. Մովսէ՛ս, Մովսէ՛ս: Սա ասաց. Ի՞նչ է:
5. Աստուած ասաց. Մի՛ մօտեցիր այստեղ: Կօշիկներդ հանի՛ր քո ոտքերից, որովհետեւ այն վայրը, ուր կանգնած ես դու, սուրբ հող է:
6. Եւ ակելացրեց. Ես քո հօր Աստուածն եմ, Աբրահամի Աստուածը, Իսահակի Աստուածը ու Յակոբի Աստուածը: Եւ Մովսեսը շուռ տուեց իր երեսը, որովհետեւ վախենում էր նայել Աստծուն:
7. Տէրն ասաց Մովսեսին. Ես ականատես եղայ Եգիպտոսում գտնուող իմ ժողովրդի կրած տառապանքներին,
8. լսեցի վերակացուների պատճառով նրանց բարձրացրած աղաղակը, տեղեակ եմ նրանց վշտերին: Ես իջայ, որ նրանց փրկեմ Եգիպտացիների ձեռքից, նրանց հանեմ այդ երկրից, նրանց տանեմ մի լաւ ու ընդարձակ երկիր՝ Քանանացիների, Քետացիների, Ամորիացիների, Փերեզացիների, Խեւացիների, Գերգեսացիների ու Յեբուսացիների երկիրը, ուր կաթ ու մեղր է հոսում:
9. Արդ, ահաւասիկ իսրայելացիների աղաղակը հասել է ինձ. Ես տեսայ այն տառապանքները, որ նրանք կրում են Եգիպտացիների ձեռքից:
10. Արդ, արի՛ քեզ ուղարկեմ Եգիպտացիների արքայ փարաւոնի մօտ, որ իմ ժողովրդին՝ իսրայելացիներին հանես Եգիպտացիների երկրից:
11. Մովսեսն ասաց Աստծուն. Ես ո՞վ եմ, որ գնամ Եգիպտացիների արքայ փարաւոնի մօտ եւ իսրայելացիներին հանեմ Եգիպտացիների երկրից:
12. Աստուած ասաց. Ես քեզ հետ կը լինեմ, եւ երբ այս լեռան վրայ Աստծուն պաշտեք, այդ քեզ համար նշան կը լինի, որ ե՛ս եմ ուղարկել քեզ, որպէսզի իմ ժողովրդին հանես Եգիպտացիների երկրից:
13. Մովսեսն ասաց Աստծուն. Ես կը գնամ իսրայելացիների մօտ ու նրանց կ'ասեմ. Ձեր հայրերի Աստուածն է առաքել ինձ ձեզ մօտ: Եւ եթէ նրանք հարցնեն ինձ, թէ ի՞նչ է նրա անունը, ես ի՞նչ պատասխան տամ նրանց:
14. Աստուած ասաց Մովսեսին. Ես այն Աստուածն եմ, որ Է: Եւ ակելացրեց. Այսպէս կ'ասես իսրայելացիներին. Որ Է-ն առաքեց ինձ ձեզ մօտ:
15. Աստուած դարձեալ ասաց Մովսեսին. Այսպէս կ'ասես իսրայելացիներին. Ձեր հայրերի Տէր Աստուածը՝ Աբրահամի Աստուածը, Իսահակի Աստուածը եւ Յակոբի Աստուածն է առաքել ինձ ձեզ մօտ: Այս է իմ յաւիտենական անունը, որ յիշատակ է ազգից ազգ:
16. Արդ, գնա հաւաքի՛ր իսրայելացի ծերերին ու նրանց ասա՛. Ձեր հայրերի Տէր Աստուածը՝ Աբրահամի Աստուածը, Իսահակի Աստուածը եւ Յակոբի Աստուածը երեւաց ինձ ու ասաց. Ես այցելեցի ձեզ ու գիտեմ, թէ ինչ բաներ պատահեցին ձեզ հետ Եգիպտոսում:
17. Ես ասում եմ. Ձեզ հանելու եմ Եգիպտացիների՝ չարչարանքների երկրից եւ տանելու եմ Քանանացիների, Քետացիների, Ամորիացիների, Փերեզացիների, Գերգեսացիների, Խեւացիների ու Յեբուսացիների երկիրը, ուր կաթ ու մեղր է հոսում:
18. Նրանք կը լսեն քեզ: Դու իսրայելացի ծերերի հետ կը մտնես Եգիպտացիների արքայ փարաւոնի մօտ եւ կ'ասես նրան. Եբրայեցիների Տէր Աստուածը մեզ կանչում է իր մօտ: Հիմա պիտի գնանք երեք օրուայ ճանապարհ դէպի անապատ, որպէսզի մեր Աստծուն զոհ մատուցենք:



19. Ես գիտեմ, որ եգիպտացիների արքան թոյլ չի տայ, որ դուք գնաք, բայց հզոր մի ձեռք կը ստիպի նրան:

20. Ես ձեռքս մեկնելով պիտի հարուածեմ Եգիպտոսին իմ բոլոր զարմանահրաշ գործերով, որ պիտի գործեմ նրանց մէջ, եւ դրանից յետոյ միայն նա պիտի ազատ արձակի ձեզ:

21. Ես եգիպտացիների ներկայութեամբ շնորհներ եմ տալու իմ ժողովրդին, որ երբ դուրս գաք, ձեռնունայն դուրս չգաք:

22. Ամէն մի կին իր հարեւանից կամ իր հարեւանութեամբ բնակուողից թող ուզի ոսկէ ու արծաթէ անօթներ եւ զգեստներ: Դուք կը զարդարեք ձեր տղաներին ու ձեր աղջիկներին եւ այդպիսով կողոպտած կը լինեք եգիպտացիներին:

1. Պատասխան տուեց Մովսեսն ու ասաց. եթե ինձ չհաւատան, իմ ասածը չլսեն, (քանի որ նրանք կարող են ասել, թէ՛ Աստուած քեզ չի երեւացել), ես ի՞նչ ասեմ նրանց:
2. Տերն ասաց նրան. Այդ ի՞նչ է քո ձեռքին: Սա ասաց. Գաւազան:
3. Նա ասաց. Գետինն զցիր դա: Մովսեսը գետինն զցեց գաւազանը, այն օձ դարձաւ, եւ Մովսեսը փախաւ դրանից:
4. Տերն ասաց Մովսեսին. Երկարի՛ր ձեռքդ եւ բռնի՛ր դրա պոչից: Նա երկարեց ձեռքն ու բռնեց պոչից, եւ օձը գաւազան դարձաւ իր ձեռքում:
5. Այդպէս կ'անես, որպէսզի քեզ հաւատան, որ քեզ երեւացել է նրանց հայրերի Աստուածը՝ Աբրահամի Աստուածը, Իսահակի Աստուածը եւ Յակոբի Աստուածը:
6. Տերը նորից ասաց նրան. Ձեռքդ ծոցդ դի՛ր: Նա ձեռքը դրեց իր ծոցը, ապա հանեց այն իր ծոցից, եւ ձեռքը ձեան նման սպիտակեց, ինչպէս բորոտների մօտ է լինում:
7. Աստուած ասաց. Ձեռքդ ծոցդ դի՛ր: Նա ձեռքը դրեց իր ծոցը, յետոյ հանեց այն իր ծոցից, եւ ձեռքը վերստացաւ իր մարմնի նախկին գոյնը:
8. Աստուած ասաց. Եթե չհաւատան քեզ եւ չունկնդրեն առաջին նշանի ձայնին, ապա կը հաւատան քո երկրորդ նշանին:
9. Եթե պատահի, որ չհաւատան երկու նշաններին էլ, չանսան քո ասածին, ապա գետից ջուր կը վերցնես, կը թափես գետին, եւ գետից քո առած ջուրը գետնի վրայ արիւն կը դառնայ:
10. Մովսեսն ասաց Տիրոջը. Աղաչում եմ քեզ, Տէ՛ր, մինչեւ օրս ես պերճախօս չեմ եղել, ոչ իսկ երբ սկսեցիր խօսել քո ծառայի հետ, որովհետեւ անվարժ եմ խօսում, ծանրախօս եմ:
11. Տերն ասաց Մովսեսին. Ո՞վ է մարդուն բերան տուել, կամ ո՞վ է ստեղծել խուլին ու համրին, տեսնողին ու կոյրին: Մի՞թէ ոչ ես՝ Աստուածս:
12. Արդ, գնա՛, ես կը բացեմ քո բերանը, քեզ կը սովորեցնեմ, որ ասես այն, ինչ պետք է ասել:
13. Մովսեսն ասաց. Աղաչում եմ քեզ, Տէ՛ր, մի այլ կարող մարդու ընտրիր, նրան ուղարկիր:
14. Տերը խիստ բարկացաւ Մովսեսի վրայ ու ասաց. Մի՞թէ դեւտացի Ահարոնը քո եղբայրը չէ: Գիտեմ, որ նա քո փոխարէն փայլուն կը խօսի: Նա քեզ ընդառաջ կ'ելնի եւ քեզ տեսնելով՝ ամբողջ հոգով կ'ուրախանայ:
15. Կը խօսես նրա հետ եւ իմ պատգամները կը դնես նրա շրթներին: Ես կը բացեմ քո բերանն ու նրա բերանը, ձեզ կը սովորեցնեմ այն, ինչ պետք է անել:
16. Ժողովրդի հետ քո փոխարէն նա կը խօսի, նա կը լինի քո խօսափողը, իսկ դու նրա համար կը լինես ներշնչող Աստուած:
17. Այն գաւազանը, որ օձ դարձաւ, կ'առնես ձեռքդ եւ դրանով նշաններ կը գործես:
18. Մովսեսը գնաց իր աներոջ՝ Յօթորի մօտ ու ասաց նրան. Վերադառնամ Եգիպտոսում գտնուող իմ եղբայրների մօտ եւ տեսնեմ, թէ տակաւին կենդանի՞ են: Յօթորն ասաց Մովսեսին. Բարի ճանապարհ:
19. Այս դէպքերից բազում օրեր անց, երբ վախճանուել էր Եգիպտացիների արքան, Տերը Մադիամում ասաց Մովսեսին. Գնա՛, վերադարձի՛ր Եգիպտոս, որովհետեւ արդէն մեռել են բոլոր նրանք, ովքեր ուզում էին խլել քո կեանքը:
20. Մովսեսը, առնելով իր կնոջն ու երեխաներին, նրանց նստեցրեց գրաստների վրայ ու վերադարձաւ Եգիպտոս: Մովսեսն իր ձեռքն առաւ գաւազանը, որ Աստուած էր տուել իրեն:
21. Տերն ասաց Մովսեսին. Եգիպտոս գնալիս ու վերադառնալիս փարաւոնի առաջ ջանա՛, որ անես բոլոր այն նշանները, որոնք անելու շնորհը տուել եմ քո ձեռքը: Ես խստասիրտ կը դարձնեմ փարաւոնին, եւ նա ազատ չի արձակի ժողովրդին:
22. Դու կ'ասես փարաւոնին. Այսպէս է ասում Տերը. իմ անդրանիկ որդին Իսրայէլն է:
23. Քեզ ասացի՝ ազա՛տ արձակիր իմ ժողովրդին, որ պաշտի ինձ: Իսկ եթէ չուզենաս

ազատ արձակել նրան, այդ դեպքում ես կը սպանեմ քո անդրանիկ որդուն:

24. Ճանապարհին, իջեւանում, Մովսեսին հանդիպեց Տիրոջ հրեշտակը, որն ուզում էր սպանել նրան:

25. Սեպփորան, վերցնելով մի սուր քար, թլփատեց իր անթլփատ որդուն եւ հրեշտակի ոտքերն ընկնելով՝ ասաց. Ահա կատարուեց իմ մանկան թլփատութեան կարգը:

26. Հրեշտակը հեռացաւ նրանից, քանի որ Նա ասել էր, թէ՝ Կատարուեց իմ մանկան թլփատութեան կարգը:

27. Տէրն ասաց Ահարոնին. Գնա՛ անապատ՝ Մովսեսին ընդառաջ: Նա գնաց, նրան հանդիպեց Աստծու լերան վրայ ու համբուրեց նրան:

28. Մովսեսն Ահարոնին յայտնեց իրեն ուղարկող Տիրոջ բոլոր պատգամներն ու բոլոր այն նշանները, որ պատուիրել էր իրեն կատարել:

29. Մովսեսն ու Ահարոնը գնացին եւ հաւաքեցին իսրայէլացիների ամբողջ ծերակոյտը:

30. Ահարոնը նրանց հաղորդեց բոլոր այն պատգամները, որ Տէրը յայտնել էր Մովսեսին, եւ Մովսեսը նշաններ գործեց ժողովրդի առաջ:

31. Ժողովուրդը հաւատաց եւ ուրախացաւ, որ Աստուած այցելել է իսրայէլացիներին, ականատես եղել իրենց տառապանքներին: Ժողովուրդը խոնարհուեց ու երկրպագեց:

1. Այնուհետեւ Մովսէսն ու Ահարոնը եկան փարաւոնի մօտ ու ասացին նրան. Այսպէս է ասում Իսրայէլի Տէր Աստուածը. Արծակի՛ր իմ ժողովրդին, որ իմ պատուին տօն կատարի անապատում:
2. Փարաւոնն ասաց. Ո՞վ է նա, որի ծայնին անսալով՝ պիտի ազատ արծակեմ իսրայէլացիներին: Այդ Տիրոջը ես չեմ ճանաչում եւ իսրայէլացիներին էլ չեմ արծակում:
3. Նրան ասացին. Եբրայեցիների Աստուածն է կանչել մեզ իր մօտ: Արդ, երեք օրուայ ճանապարհ պիտի գնանք անապատով, որպէսզի զոհ մատուցենք մեր տէր Աստծուն, այլապէս մեզ մահ կամ սպանութիւն է սպասում:
4. Եգիպտացիների արքան նրանց ասաց. Մովսէս եւ Ահարոն, դուք ինչո՞ւ եք մարդկանց կտրում իրենց գործից: Ամէն մէկը թող գնայ իր գործին:
5. Եւ փարաւոնը շարունակեց. Ահա երկրիս մէջ խիստ բազմանում է ժողովուրդը, նրանց գործից չկտրենք:
6. Փարաւոնն այդ օրը ժողովրդի գործավարներին ու նրանց վերակացուներին հրամայեց՝ ասելով.
7. Այդ մարդկանց այլեւս յարդ չտաք աղիւս շինելու համար, ինչպէս տալիս էիք մինչեւ օրս: Իրենք թող գնան ու իրենց համար յարդ հայթայթեն: Եւ ստիպեցէ՛ք,
8. որ, որքան առաջ էին նրանք աղիւս շինում, նոյնքան էլ շինեն այսուհետեւ. բան չպակասեցնէ՛ք: Անգործ մնալու պատճառով է, որ նրանք աղաղակում են ու ասում. Գնանք, զոհ մատուցենք մեր Աստծուն:
9. Թող մարդկանց գործն է՛լ աւելի ծանրանայ, որպէսզի դրանով զբաղուեն եւ ոչ թէ դատարկ բաների մասին մտածեն:
10. Ժողովրդի գործավարները եւ նրանց վերակացուները խիստ ծանր աշխատանքի լծեցին նրանց եւ, դիմելով ժողովրդին, ասացին. Այսպէս է ասում փարաւոնը. Ձեզ այլեւս յարդ չեմ տայ:
11. Դուք ինքներդ գնացէ՛ք, ձեզ համար յարդ հաւաքեցէ՛ք, ուր որ գտնեք, բայց սահմանուած չափից ոչինչ չպիտի պակասի:
12. Ժողովուրդը սփռուեց ամբողջ Եգիպտոսով մէկ, որպէսզի եղեզ հաւաքի յարդ պատրաստելու համար:
13. Գործավարներն ստիպում էին նրանց անընդհատ աշխատել՝ ասելով. Ձեր ամենօրեայ գործն արեք այն չափով, ինչպէս որ երբ յարդ էին տալիս ձեզ:
14. Եւ իսրայէլացի գործավարները տանջանքի էին ենթարկւում փարաւոնի՝ իրենց վրայ նշանակած վերակացուներից, որոնք ասում էին. Ինչո՞ւ այսօր էլ աղիւս չեք շինում այնքան, որքան մինչեւ օրս:
15. Իսրայէլացի գործավարները գնացին բողոքեցին փարաւոնին՝ ասելով. Ինչո՞ւ ես այդպէս վարւում քո ծառաների հետ:
16. Զո ծառաներին յարդ չեն տալիս, բայց հրամայում են, որ աղիւս շինենք: Զո ծառաներն, ահա, տանջանքի մէջ են: Դու կեղեքում ես քո ժողովրդին:
17. Փարաւոնը նրանց ասաց. Դուք ծոյլ ու անբան մարդիկ եք, դրա համար էլ ասում եք. Գնանք զոհ մատուցենք մեր Աստծուն:
18. Արդ, գնացեք աշխատեցէ՛ք, որովհետեւ ոչ ոք ձեզ յարդ չի տալու, բայց դուք աղիւսի սահմանուած քանակը պետք է տաք:
19. Իսրայէլացիների գործավարները, տեսնելով իրենց այս ծանր կացութիւնը, իրար մէջ ասացին. Ոչ ոք չի նուազեցնի աղիւս շինելու մեր ամենօրեայ քանակը:
20. Նրանք հանդիպեցին Մովսէսին ու Ահարոնին, որոնք փարաւոնի պալատից ելնելով՝ գալիս էին իրենց մօտ:
21. Նրանք ասացին նրանց. Թող Աստուած աչքի առաջ ունենայ ձեզ եւ դատի, քանի որ մեր հօտը գարշելի դարձրիք փարաւոնի ու նրա պաշտօնեաների աչքին: Դուք սուր տուեցիք նրա ձեռքը, որ նա մեզ սպանի:
22. Դիմելով Տիրոջը՝ Մովսէսն ասաց. Տէ՛ր, ինչո՞ւ չարչարեցիր քո ժողովրդին եւ ինչո՞ւ

ուղարկեցիր ինձ:

23. Այն պահից, երբ մտայ փարաւոնի պալատը քո անունից նրա հետ խօսելու համար, նա չարչարեց ժողովրդին, իսկ դու երբեք չես փրկում քո ժողովրդին:

1. Տերն ասաց Մովսեսին. Հիմա կը տեսնես, թէ ինչ եմ անելու փարաւոնին: Նա հզօր ձեռքի միջոցով պիտի արձակի նրանց, եւ բարձրացուած բազուկով նրանց պիտի հանի նաեւ իր երկրից:
2. Աստուած խօսեց Մովսեսի հետ եւ ասաց նրան. Ե՛ս եմ Տէրը:
3. Ես երեւացի Աբրահամին, Իսահակին ու Յակօբին: Նրանց Աստուածը ես եմ, իմ անունը Տէր է, բայց ես դա նրանց չյայտնեցի:
4. Ես նրանց հետ ուխտ եմ կնքել, որ նրանց տամ Քանանացիների երկիրը, ուր նրանք պանդխտեցին:
5. Ես լսեցի հեծեծանքը իսրայելացիների, որոնց եգիպտացիները ստրկացրել են, եւ յիշեցի ձեզ տուած իմ ուխտը:
6. Գնա՛ իսրայելացիների մօտ ու ասա՛ նրանց. Ե՛ս եմ Տէրը: Ես ձեզ ազատելու եմ եգիպտացիների բռնութիւնից, ձեզ փրկելու եմ նրանց ծառայելուց, ձեզ ազատելու եմ իմ հզօր բազկով ու նրանց գլխին մեծամեծ պատիժներ հասցնելով:
7. Ձեզ պիտի դարձնեմ իմ ժողովուրդը եւ պիտի լինեմ ձեր Աստուածը: Դուք պիտի գիտենաք, որ ե՛ս եմ ձեր Տէր Աստուածը, որ ձեզ ազատելու եմ եգիպտացիների բռնութիւնից:
8. Եւ ձեզ տանելու եմ այն երկիրը, որ երդուեցի տալ Աբրահամին, Իսահակին ու Յակօբին: Այն ձեզ եմ տալու որպէս ժառանգութիւն, որովհետեւ ե՛ս եմ Տէրը:
9. Մովսէսը այս բանը հաղորդեց իսրայելացիներին, բայց նրանք չլսեցին նրան վիատութեան եւ տաժանակիր աշխատանքի պատճառով:
10. Տէրը, խօսելով Մովսեսի հետ, ասաց. Մտի՛ր ու խօսի՛ր եգիպտացիների արքայ փարաւոնի հետ,
11. որ նա իսրայելացիներին արձակի եգիպտացիների երկրից:
12. Մովսէսը, Տիրոջը դիմելով, ասաց. Իսրայելացիներն իսկ ինձ չլսեցին, փարաւոնն ինձ ինչո՞ւ պիտի լսի: Ես ճարտարախօս չեմ:
13. Տէրը խօսեց Մովսեսի ու Ահարոնի հետ եւ իսրայելացիներին ու եգիպտացիների արքայ փարաւոնին ուղղուած հրաման տուեց՝ հանելու իսրայելացիներին եգիպտացիների երկրից:
14. Ահա Մովսեսի ու Ահարոնի ընտանիքների առաջնորդների անունները. Իսրայելի անդրանիկ որդի Ռուբէնի որդիներն են՝ Ենոքն ու Փալլուսը, Ասրոնն ու Քարմին: Սա Ռուբէնի ազգատոհմն է:
15. Շմաւոնի որդիներն են՝ Յամուէլը, Յամինը, Ահողը, Յաքինը, Սահառն ու Սաւուղը, որը փիւնիկեցի կնոջից էր ծնուել: Սրանք Շմաւոնի որդիների տոհմերն են:
16. Դեւիի որդիների անունները, ըստ իրենց ընտանիքների, հետեւեալն են. Գեթսոն, Կահաթ եւ Մերարի: Դեւին ապրեց հարիւր երեսունետօթը տարի:
17. Գեթսոնի որդիներն են՝ Լոբենին եւ Սեմէին՝ իրենց նահապետների ընտանիքներով:
18. Կահաթի որդիներն են՝ Ամրամը, Սահառը, Քեբրոնն ու Ոգիէլը: Կահաթն ապրեց հարիւր երեսուներեք տարի:
19. Մերարիի որդիներն են՝ Մոուլին ու Մուսին: Սրանք Դեւիի ընտանիքներն են ըստ իրենց ցեղերի:
20. Ամրամն ամուսնացաւ իր հօրեղբօր դուստր Յոքաբեթի հետ, եւ սա նրանից ունեցաւ Ահարոնին, Մովսեսին ու նրանց քոյր Մարիամին: Ամրամն ապրեց հարիւր երեսունետօթը տարի:
21. Սահառի որդիներն են՝ Կորիսը, Նափեգն ու Չեքրին:
22. Ոգիէլի որդիներն են՝ Միսայէլը, Ելիսափանն ու Սեթրին:
23. Ահարոնն ամուսնացաւ Ամինադաբի դուստր, Նաասոնի քոյր Եղիսաբեթի հետ: Սա նրանից ունեցաւ Նաբադին, Աբիուդին, Եղիազարին ու Իթամարին:
24. Կորիսի որդիներն են՝ Ասիրը, Եղկանան ու Բիասափը: Սրանք Կորիսի յետնորդներն են:

25. Ահարոնի որդի Եղիազարը ամուսնացաւ Փուտիէլի դուստրերից մէկի հետ, եւ սա նրանից ունեցաւ Փենեէսին: Սրանք են ղեւտացիների ընտանիքների առաջնորդները ըստ իրենց ցեղերի:
26. Այս Ահարոնին ու Մովսէսին էր, որ Աստուած ասաց՝ իսրայէլացիներին հանել իրենց զօրքով հանդերձ Եգիպտացիների երկրից:
27. Եւ սրանք էին, որ դիմեցին Եգիպտացիների արքայ փարաւոնին՝ դուրս հանելու Եգիպտոսից իսրայէլացիներին:
28. Սրանք այն Մովսէսն ու Ահարոնն են, որոնց օրօք Տէրը Եգիպտացիների երկրում խօսելով Մովսէսի հետ՝
29. ասաց նրան. Ե՛ս եմ Տէրը: Եգիպտացիների արքայ փարաւոնին հաղորդի՛ր այն ամենը, ինչ ասում եմ քեզ:
30. Եւ Մովսէսը, դիմելով Տիրոջը, ասաց. Չէ՞ որ ես անվարժ եմ խօսում, փարաւոնն ինձ ինչպէ՞ս կը լսի:

1. Տերն ասաց Մովսեսին. Ահա ես քեզ փարաւոնի համար մի աստուած դարձրի, իսկ քո եղբայր Ահարոնը թող լինի քո մարգարէն:
2. Դու Ահարոնին կը յայտնես այն ամէնը, ինչ կը պատուիրեմ քեզ, իսկ քո եղբայր Ահարոնը թող դիմի փարաւոնին, որ սա իսրայելացիներին արձակի իր երկրից:
3. Ես կը կարծրացնեմ փարաւոնի սիրտը, բայց եւ կը բազմապատկեմ իմ նշաններն ու զարմանահրաշ գործերը Եգիպտացիների երկրում,
4. փարաւոնը ձեզ չի լսի, ես իմ ձեռքը կը դնեմ Եգիպտոսի վրայ եւ իմ զօրութեամբ մեծապէս վրէժխնդիր լինելով՝ Եգիպտացիների երկրից կը հանեմ իմ ժողովրդին՝ իսրայելացիներին:
5. Եւ Եգիպտացիները կ'իմանան, որ ե՛ս եմ Տէրը: Ես իմ ձեռքը կը մեկնեմ դէպի Եգիպտոս եւ իսրայելացիներին դուրս կը հանեմ նրանց միջից:
6. Մովսէսն ու Ահարոնը արեցին այնպէս, ինչպէս Տէրն էր պատուիրել իրենց. նրանք այդպէս էլ արեցին:
7. Մովսէսն ութսուն տարեկան էր, իսկ Ահարոնը՝ ութսուններեք տարեկան, երբ նրանք խօսեցին փարաւոնի հետ:
8. Տէրը, դիմելով Մովսեսին ու Ահարոնին, ասաց.
9. Եթէ փարաւոնը խօսի ձեզ հետ ու ասի՝ Մեզ նշան կամ զարմանահրաշ գործ ցոյց տուէ՛ք, այն ժամանակ քո եղբայր Ահարոնին կ'ասես. Ա՛ռ քո գաւազանը, այն գետին զցի՛ր փարաւոնի ու նրա պաշտօնեաների առաջ, եւ դա վիշապ կը դառնայ:
10. Մովսէսն ու Ահարոնը մտան փարաւոնի մօտ եւ արեցին այնպէս, ինչպէս իրենց պատուիրել էր Տէրը: Ահարոնը գաւազանը զցեց փարաւոնի ու նրա պաշտօնեաների առաջ, եւ դա վիշապ դարձաւ:
11. Փարաւոնը կանչեց Եգիպտացի իմաստուններին ու կախարդներին: Եգիպտացի մոգերը նոյնն արեցին իրենց կախարդութեամբ:
12. Իւրաքանչիւրն իր գաւազանը զցեց գետին, եւ դրանք վիշապներ դարձան, բայց Ահարոնի գաւազանը կուլ տուեց նրանց գաւազանները:
13. Կարծրացաւ փարաւոնի սիրտը, եւ նա չլսեց նրանց, ինչպէս որ ասել էր Տէրը:
14. Տէրն ասաց Մովսեսին. Փարաւոնի սիրտը կարծրացել է. նա որոշել է չարձակել ժողովրդին:
15. Առաւօտեան գնա՛ փարաւոնի մօտ: Երբ նա դէպի գետը կը գնայ, կանգնի՛ր գետի եզերքին, նրա դիմաց, եւ քո ձեռքն ա՛ռ այն գաւազանը, որ օձ դարձաւ:
16. Դու նրան կ'ասես. Եբրայեցիների Տէր Աստուածն է ուղարկել ինձ քեզ մօտ՝ ասելով. Արձակի՛ր իմ ժողովրդին, որ նա պաշտի ինձ անապատում: Մինչեւ հիմա ինձ չլսեցիր:
17. Տէրն այսպէս է ասում. Սրանով կ'իմանաս, որ ե՛ս եմ Տէրը. ահա ես իմ ձեռքի գաւազանով կը հարուածեմ գետի ջրին, եւ այն կը վերածուի արեան:
18. Գետի մէջ եղած ձկները կը սատկեն, գետը կը նեխի, եւ Եգիպտացիները չեն կարողանայ գետից ջուր խմել:
19. Տէրն ասաց Մովսեսին. Ահարոնին ասա՛, որ առնի գաւազանը եւ ձեռքը մեկնի Եգիպտոսի ջրերի վրայ՝ նրանց գետերի վրայ, նրանց լճերի վրայ, նրանց ջրաւազանների վրայ, նրանց ջրակոյտերի վրայ, եւ ջուրը կը վերածուի արեան: Արեան պիտի վերածուի ողջ Եգիպտացիների երկրում գտնուող անգամ փայտէ ու քարէ ամանների մէջ եղած ջուրը:
20. Մովսէսն ու Ահարոնը արեցին այնպէս, ինչպէս որ իրենց պատուիրել էր Տէրը. փարաւոնի ու նրա պաշտօնեաների առաջ Ահարոնը վեր բարձրացնելով իր գաւազանը՝ հարուածեց գետի ջրին եւ գետի բոլոր ջրերը վերածեց արեան:
21. Գետում եղած ձկները սատկեցին, գետը նեխեց, եւ Եգիպտացիները չէին կարողանում գետից ջուր խմել: Եգիպտացիների ամբողջ երկրում արիւն էր:
22. Իրենց կախարդութեամբ նոյնն արեցին նաեւ Եգիպտացի մոգերը: Կարծրացաւ փարաւոնի սիրտը, եւ, ինչպէս որ ասել էր Տէրը, նա չլսեց նրանց:



23. Փարաւոնը վերադարձաւ, մտաւ իր պալատը: Այս դէպքը չէր ազդել նրա վրայ:
24. Բոլոր եգիպտացիները հորեր փորեցին գետի շուրջը, որպէսզի խմելու ջուր ունենան, որովհետեւ գետից չէին կարողանում ջուր խմել:
25. Եօթը օր էր անցել, որ Տէրը հարուած էր հասցրել գետին:

1. Տերն ասաց Մովսեսին. Մտի՛ր փարաւոնի մօտ ու ասա՛ նրան. Այսպէս է ասում Տէրը. արձակի՛ր իմ ժողովրդին, որ նա պաշտի ինձ:
2. Եթէ չուզենաս արձակել, ես, ահա, գորտերով կ'ապականեմ քո բովանդակ երկիրը:
3. Գետի մէջ գորտեր կը վխտան, եւ դրանք, գետից դուրս գալով, կը մտնեն քո պալատները, քո սենեակների պահարանները, քո անկողիները, քո պաշտօնեաների ու քո ժողովրդի տները, քո թոնիրներն ու քո խմորի զանգուածների մէջ:
4. Գորտերը կը բարձրանան նաեւ քեզ վրայ, քո ժողովրդի ու քո պաշտօնեաների վրայ:
5. Տերն ասաց Մովսեսին. Քո եղբայր Ահարոնին ասա՛. Ձեռքիդ գաւազանը մեկնի՛ր գետի վրայ, ջրանցքների, ճահիճների վրայ եւ գորտեր դուրս բե՛ր Եգիպտացիների երկրի վրայ:
6. Ահարոնն իր ձեռքը մեկնեց Եգիպտացիների ջրերի վրայ ու գորտեր դուրս բերեց: Գորտերն ելան ու ծածկեցին Եգիպտացիների երկիրը:
7. Իրենց կախարդութիւններով նոյնն արեցին նաեւ Եգիպտացի մոգերը եւ գորտեր դուրս բերեցին Եգիպտացիների երկրի վրայ:
8. Կանչելով Մովսեսին ու Ահարոնին՝ փարաւոնն ասաց. Աղօթեցէ՛ք Տիրոջը, որ նա գորտերը հեռացնի ինձնից ու իմ ժողովրդից, որ ես արձակեմ ձեր ժողովրդին, նրանք գնան զոհ մատուցեն Տիրոջը:
9. Մովսէսն ասաց փարաւոնին. Ժամանակ սահմանի՛ր, թէ ե՛րբ աղօթեմ քեզ համար, քո պաշտօնեաների ու քո ժողովրդի համար, որպէսզի գորտերը չքանան քո, քո ժողովրդի մօտից ու ձեր տներից եւ մնան միայն գետում:
10. Նա ասաց. Վաղը: Սա ասաց. Թող ասածիդ պէս լինի, եւ դու կ'իմանաս, որ մեր տեր Աստծուց բացի մի ուրիշ աստուած չկայ:
11. Գորտերը կը չքանան քո պալատներից, քո, քո ծառաների, քո ժողովրդի մօտից եւ կը մնան միայն գետի մէջ:
12. Մովսէսն ու Ահարոնը դուրս ելան փարաւոնի մօտից: Մովսէսն աղօթեց Տիրոջը, որպէսզի գորտերը հեռանան, ինչպէս որ խոստացել էր փարաւոնին:
13. Տերն արեց այնպէս, ինչպէս որ խնդրել էր Մովսէսը: Գորտերը չքացան տներից, բակերից ու դաշտերից:
14. Դրանք հաւաքեցին կոյտ-կոյտ, եւ երկիրը լցուեց գարշահոտութեամբ:
15. Երբ փարաւոնը տեսաւ, որ դժուարութիւնը վերացել է, նորից կարծրացաւ նրա սիրտը, նա չլսեց նրանց, ինչպէս որ ասել էր Տէրը:
16. Տերն ասաց Մովսեսին. Ահարոնին ասա՛, որ ձեռքի գաւազանը մեկնի ու հարուածի գետնին, որպէսզի մժեղ լինի մարդկանց, անասունների եւ Եգիպտացիների ամբողջ երկրի վրայ:
17. Այդպէս էլ արեցին. Ահարոնն իր գաւազանը մեկնեց ու հարուածեց գետնին: Մժեղ եղաւ մարդկանց, անասունների ու Եգիպտացիների ամբողջ երկրի վրայ:
18. Իրենց կախարդութիւններով նոյնը ուզեցին անել նաեւ մոգերը, որպէսզի մժեղ հանեն, բայց չկարողացան: Մժեղ լցուեց մարդկանց ու անասունների վրայ:
19. Մոգերն ասացին փարաւոնին. Սրա մէջ Աստծու մատը խառն է: Կարծրացաւ փարաւոնի սիրտը, եւ նա, ինչպէս որ ասել էր Տէրը, չլսեց նրանց:
20. Տերն ասաց Մովսեսին. Առաւօտեան վե՛ր կաց, գնա կանգնի՛ր փարաւոնի առաջ, երբ նա դէպի գետը կը գնայ: Նրան կ'ասես. Այսպէս է ասում Տէրը. արձակի՛ր իմ ժողովրդին, որ նա պաշտի ինձ:
21. Իսկ եթէ չուզենաս արձակել իմ ժողովրդին, ես, ահա, շնաճանճեր կ'ուղարկեմ քեզ վրայ, քո պաշտօնեաների ու քո ժողովրդի վրայ եւ ձեր տների վրայ: Եգիպտացիների տներն ու նրանց բնակեցրած երկիրը կը լցուեն շնաճանճերով:
22. Նոյն օրը ես զարմանահրաշ գործեր կ'անեմ իմ ժողովրդի բնակած Գեսեմ երկրում, եւ այնտեղ շնաճանճեր չեն լինի, որպէսզի իմանաս, որ ե՛ս եմ Տէրը՝ ամբողջ երկրի Տէրը:
23. Ես պիտի բաժանեմ իմ ժողովրդին քո ժողովրդից: Վաղն իսկ այդ նշանը կը

կատարուի քո երկրում:

24. Եւ Տէրն այդպէս էլ արեց: Բազում շնաճանճեր թափուեցին փարաւոնի պալատների, նրա պաշտօնեաների տների ու եգիպտացիների ամբողջ երկրի վրայ: Շնաճանճերից կործանուեց երկիրը:

25. Կանչելով Մովսէսին ու Ահարոնին՝ փարաւոնն ասաց. Գնացէ՛ք, այս երկրում զո՛հ մատուցեք ձեր տէր Աստծուն:

26. Մովսէսն ասաց. Ընդունուած չէ, որ եգիպտացիների պիղծ անասունները զոհ մատուցենք մեր տէր Աստծուն, քանի որ, եթէ եգիպտացիների պիղծ անասունները զոհ մատուցենք նրան, մեզ կը քարկոծեն:

27. Ուրեմն՝ երեք օրուայ ճանապարհ գնանք դեպի անապատ եւ զոհ մատուցենք մեր տէր Աստծուն, ինչպէս որ մեզ ասել է Տէրը:

28. Փարաւոնն ասաց. Ես արձակում եմ ձեզ, անապատում զո՛հ մատուցեք ձեր տէր Աստծուն: Միայն թէ հեռու չգնաք: Արդ, նաեւ ինձ համար աղօթեցէ՛ք Տիրոջը:

29. Մովսէսն ասաց. Ես քեզնից կը հեռանամ, կ'աղօթեմ Աստծուն, եւ վաղն իսկ շնաճանճերը կը չքանան փարաւոնի, նրա պաշտօնեաների ու ժողովրդի վրայից: Միայն թէ փարաւոնը ժողովրդին նորից չխաբի՝ չարգելի նրան գնալ ու Տիրոջ համար զոհ մատուցել:

30. Մովսէսը փարաւոնի մօտից դուրս ելաւ եւ աղօթեց Աստծուն:

31. Տէրն արեց այնպէս, ինչպէս որ ասել էր Մովսէսը. շնաճանճերը վերացրեց փարաւոնի, նրա պաշտօնեաների ու ժողովրդի վրայից: Մի շնաճանճ անգամ չմնաց:

32. Բայց դրանից յետոյ էլ փարաւոնի սիրտը կարծրացաւ, եւ նա չուզեց արձակել ժողովրդին:

1. Տերն ասաց Մովսեսին. Գնա՛ փարաւոնի մօտ ու նրան ասա՛, որ այսպէս է ասում եբրայեցիների Տէր Աստուածը. Արծակի՛ր իմ ժողովրդին, որ պաշտեն ինձ:
2. Իսկ եթէ չուզենաս արծակել իմ ժողովրդին եւ դեռ պահես նրան,
3. Տիրոջ ձեռքը, ահա, կ'իջնի դաշտում գտնուող քո անասունների հօտերի՝ ձիերի, էշերի, ուղտերի, արջառների ու ոչխարների վրայ, եւ շատ մեծ կոտորած կը լինի:
4. Ես զարմանահրաշ գործեր կ'անեմ՝ եգիպտացիների հօտերը եւ իսրայելացիների հօտերը կը զատորոշեմ, եւ ոչ մի իսրայելացու անասուն չի կորչի:
5. Եւ Աստուած ժամկետ նշանակեց ու ասաց. Վաղն իսկ Տէրը կ'իրագործի այդ բանը երկրի վրայ:
6. Եւ Տէրը յաջորդ օրն իսկ արեց այդ բանը. եգիպտացիների բոլոր անասունները սատկեցին, իսկ իսրայելացիների ոչ մի անասուն չոչնչացաւ:
7. Երբ փարաւոնը տեսաւ, որ իսրայելացիների ոչ մի անասուն չի ոչնչացել, կարծրացաւ նրա սիրտը, եւ նա ժողովրդին չարծակեց:
8. Տէրը Մովսեսին ու Ահարոնին ասաց. Լիքը ձեռքով հնոցի մոխիր վերցրէ՛ք, Մովսեսը փարաւոնի ու նրա պաշտօնեաների առաջ այն թող շաղ տայ դէպի երկինք:
9. Մոխիրը թող թափուի եգիպտացիների ամբողջ երկրի վրայ: Խոցեր թող առաջանան մարդկանց ու անասունների վրայ եւ ուռուցքներ՝ եգիպտացիների ամբողջ երկրի մարդկանց ու անասունների վրայ:
10. Նրանք վերցրին հնոցի մոխիրը, եւ Մովսեսը փարաւոնի առաջ այն շաղ տուեց դէպի երկինք: Մարդկանց ու անասունների վրայ խոցեր եւ ուռուցքներ առաջացան:
11. Մոգերը խոցերի պատճառով չէին կարողանում Մովսեսի առաջ կանգնել, որովհետեւ խոցեր առաջացան նաեւ մոգերի ու եգիպտացիների ամբողջ երկրի մարդկանց վրայ:
12. Տէրը կարծրացրեց փարաւոնի սիրտը, եւ, ինչպէս որ ասել էր Տէրը Մովսեսին, փարաւոնը չլսեց նրանց:
13. Տերն ասաց Մովսեսին. Առաւօտեան վե՛ր կաց, կանգնի՛ր փարաւոնի առաջ ու նրան ասա՛, որ այսպէս է ասում եբրայեցիների Տէր Աստուածը. Արծակի՛ր իմ ժողովրդին, որ պաշտի ինձ,
14. այլապէս այս անգամ ամէն տեսակ փորձանքներով պիտի պատուհասեմ նաեւ քեզ, քո պաշտօնեաներին ու քո ժողովրդին, որպէսզի իմանաս, որ ամբողջ աշխարհում ինձ նման ուրիշ մէկը չկայ:
15. Որովհետեւ իմ ձեռքը մեկնելով՝ մահացու հարուած պիտի հասցնեմ քեզ ու քո ժողովրդին, եւ դու պիտի վերանաս երկրի երեսից:
16. Ես քեզ ինայեցի այն նպատակով, որ քեզ ցոյց տամ իմ զօրութիւնը, եւ իմ անունը յայտնի լինի ողջ երկրում,
17. բայց դու դեռեւս ձեռքիդ տակ ես պահում իմ ժողովրդին եւ չարչարում նրան:
18. Ես, ահա, վաղն իսկ, հէնց այս ժամին այնպիսի սաստիկ կարկուտ տեղացնեմ, որպիսին դեռեւս չի եղել եգիպտոսում իր գոյութեան օրուանից մինչեւ այսօր:
19. Արդ, շտապի՛ր հաւաքել քո անասունները եւ այն ամէնը, ինչ ունես դաշտում, որովհետեւ դաշտում գտնուող ու դեռեւս տուն չմտած մարդկանց ու անասունների վրայ կարկուտ է թափուելու եւ ոչնչացնելու է նրանց:
20. Փարաւոնի պաշտօնեաներից նա, ով մի անգամ տեսել էր Տիրոջ սարսափը, իր ծառաներին ու անասունները հաւաքեց տան մէջ,
21. իսկ ով չանսաց Տիրոջ խօսքերին, դաշտում թողեց իր ծառաներին ու անասունները:
22. Տերն ասաց Մովսեսին. Ձեռքդ մեկնի՛ր դէպի երկինք, եւ թող կարկուտ թափուի եգիպտացիների երկրի վրայ, ինչպէս նաեւ մարդկանց ու անասունների եւ եգիպտացիների երկրի դաշտերի բոլոր բոյսերի վրայ:
23. Մովսեսը ձեռքը մեկնեց դէպի երկինք, Տէրը որոտ ու կարկուտ ուղարկեց, եւ երկրի վրայ սկսեց կրակ թափուել: Տէրը կարկուտ տեղացրեց եգիպտացիների ամբողջ երկրի վրայ:

24. Կարկուտ էր տեղում, բայց կարկուտի մեջ բորբոքուած կրակ կար: Կարկուտն այնքան խոշոր էր, որ նմանը չէր եղել Եգիպտացիների ամբողջ երկրի վրայ ազգի առաջացումից ի վեր:
25. Կարկուտը հարուածեց Եգիպտացիների ամբողջ երկիրը, այն ամենը, ինչ դաշտում էր մնացել՝ մարդուց սկսած մինչեւ անասուն: Կարկուտը հարուած հասցրեց դաշտում եղած ամբողջ բուսականութեանը, ջարդուփշուր արեց դաշտում եղած բոլոր ծառերը:
26. Իսրայէլացիների ապրած Գեսեմ երկրում, սակայն, կարկուտ չտեղաց:
27. Փարաւոնը մարդ ուղարկելով՝ կանչեց Մովսէսին ու Ահարոնին եւ ասաց նրանց. Մեղք եմ գործել: Այսուհետեւ Տէրն արդար է, իսկ ես ու իմ ժողովուրդը ամբարիշտներ եմք:
28. Ինձ համար աղօթեցէ՛ք Տիրոջը, որ Աստծու որոտը, կարկուտն ու կրակը դադարեն մեզ վրայ թափուելուց: Ես ձեզ կ'արձակեմ, այլեւս դուք այստեղ չէք մնայ:
29. Մովսէսն ասաց նրան. Երբ դուրս կը գամ այս քաղաքից, ձեռքս կը մեկնեմ առ Աստուած, եւ ձայները կը դադարեն, կարկուտ ու անձրեւ այլեւս չեն տեղայ, որպէսզի դու համոզուես, որ երկիրը Տիրոջն է պատկանում:
30. Բայց գիտեմ, որ դու եւ քո պաշտօնեաները դեռեւս չէք վախենում տէր Աստծուց:
31. Կտաւատն ու գարին կարկտահարուեցին, որովհետեւ գարին հասած էր, կտաւատը՝ սերմնակալած,
32. իսկ ցորենն ու հաճարը կարկտահար չեղան, որովհետեւ դեռ չէին հասունացած:
33. Մովսէսը փարաւոնի մօտից ելաւ ու գնաց քաղաքից դուրս, ձեռքը մեկնեց Տիրոջը, եւ ձայներն ու կարկուտը դադարեցին, անձրեւ այլեւս չտեղաց երկրի վրայ:
34. Երբ փարաւոնը տեսաւ, որ անձրեւը, կարկուտն ու ձայները դադարել են, դարձեալ մեղք գործեց. նա կարծրացրեց իր ու իր պաշտօնեաների սիրտը:
35. Կարծրացաւ փարաւոնի սիրտը, եւ նա իսրայէլացիներին չարձակեց, ինչպէս որ յայտնել էր Տէրը Մովսէսի միջոցով:

1. Դիմելով Մովսեսին՝ Տերն ասաց. Մտի՛ր փարաւոնի մօտ, որովհետեւ ես կարծրացրել եմ նրա ու նրա պաշտօնեաների սիրտը, որպէսզի իմ նշանները հերթով թափուեն նրանց գլխին,
2. որպէսզի դուք պատմէք ձեր որդիներին ու ձեր որդիների որդիներին, թէ որքան եմ ես ծաղրուծանակի ենթարկել եգիպտացիներին, ինչպէս նաեւ պատմէք իմ այն նշանների մասին, որ կատարեցի նրանց մօտ, որպէսզի ճանաչէք, թէ ե՛ս եմ Տէրը:
3. Մովսէսն ու Ահարոնը մտան փարաւոնի մօտ եւ ասացին նրան. Այսպէս է ասում եբրայեցիների Տէր Աստուածը. Մինչեւ ե՞րբ չես պատկառելու ինձնից: Արձակի՛ր իմ ժողովրդին, որպէսզի պաշտի ինձ:
4. Եթէ չկամենաս արձակել իմ ժողովրդին, ես, ահա, վաղն իսկ, հենց այս ժամին շատ մորեխ կը թափեմ քո սահմաններից ներս:
5. Դրանք կը ծածկեն ողջ երկրի երեսը, եւ դու չես կարողանայ տեսնել երկիրը: Դրանք կը խժռեն բոլոր մնացած այն բաները, որ ձեզ թողել է կարկուտը, կը խժռեն բոլոր տունկերը, որ բուսել են երկրի վրայ ձեզ համար:
6. Քո պալատները, քո պաշտօնեաների եւ եգիպտացիների ամբողջ երկրի բոլոր տները այնպէս կը լցուն մորեխներով, որ ո՛չ ձեր հայրերը, ո՛չ էլ նրանց նախահայրերը երբեք չեն տեսնել երկրի վրայ իրենց ծնուած օրից մինչեւ այսօր: Եւ Մովսէսը դուրս եկաւ փարաւոնի մօտից:
7. Փարաւոնի պաշտօնեաներն իրեն ասացին. Այս խոչընդոտը մինչեւ ե՞րբ պիտի լինի մեր առաջ: Արձակի՛ր մարդկանց, որպէսզի պաշտեն իրենց տէր Աստծուն: Գուցէ ուզում ես տեսնել, թէ ինչպէ՞ս է կործանւում եգիպտոսը:
8. Եւ նրանք Մովսէսին ու Ահարոնին վերադարձրին փարաւոնի մօտ: Փարաւոնը նրանց ասաց. Գնացէք պաշտեցէ՛ք ձեր տէր Աստծուն: Գնացողները, սակայն, ովքե՞ր են լինելու:
9. Մովսէսն ասաց. Կը գնանք մենք մեր երիտասարդներով ու ծերերով, մեր տղաներով ու աղջիկներով, կը գնանք մեր արջառների ու ոչխարների հետ, որովհետեւ մեր տէր Աստծու տօնն է:
10. Փարաւոնն ասաց նրանց. Թող այդպէս լինի: Տէրը ձեզ հետ: Քանզի արձակում եմ ձեզ. բայց մի՞թէ ձեր ունեցուածքն էլ եմ ազատ արձակում: Տեսնո՞ւմ եք, որ չարութիւն կայ ձեր մէջ:
11. Այդպէս չի լինի: Նախ թող գնան միայն տղամարդիկ եւ պաշտեն Աստծուն, քանի որ դուք հենց այդ էիք ուզում: Եւ նրանց վճռեցին փարաւոնի մօտից:
12. Տէրն ասաց Մովսէսին. Ձեռքդ մեկնի՛ր եգիպտացիների երկրի վրայ, եւ մորեխ պիտի ելնի եգիպտացիների երկրի վրայ եւ պիտի խժռեն երկրի այն ողջ բուսականութիւնն ու ծառերի պտուղները, որ փրկուել են կարկտից:
13. Մովսէսը ձեռքը մեկնեց դէպի երկինք, եւ Տէրը մի ամբողջ ցերեկ ու գիշեր հարաւային հողմ բարձրացրեց երկրի վրայ: Երբ առաւօտ եղաւ, հարաւային հողմն առաւ մորեխն:
14. ու ցրեց եգիպտացիների ամբողջ երկրի վրայ, նրա սահմաններից ներս: Ո՛չ դրանից առաջ էր այդքան մորեխ եղել, եւ ո՛չ էլ դրանից յետոյ այդքան մորեխ եղաւ:
15. Մորեխը ծածկեց ամբողջ երկիրը, եւ երկիրը բուսականութիւնից զրկուեց: Մորեխը կերաւ երկրի այն ողջ բուսականութիւնն ու ծառերի պտուղները, որ փրկուել էին կարկտից: Եգիպտացիների ամբողջ երկրում կանաչ բան չմնաց ո՛չ ծառերի, ո՛չ էլ դաշտային տունկերի վրայ:
16. Փարաւոնն շտապ կանչեց Մովսէսին ու Ահարոնին եւ ասաց. Ես մեղք գործեցի ձեր տէր Աստծու եւ ձեր դէմ:
17. Արդ, ներեցէ՛ք իմ այս յանցանքը եւս եւ աղաչեցէ՛ք ձեր տէր Աստծուն, որ ինձ ազատի այս մորեխներից:
18. Մովսէսը գնաց փարաւոնի մօտից եւ աղօթեց Աստծուն:
19. Աստուած ծովի կողմից սաստիկ հողմ բարձրացրեց, հողմն առաւ մորեխն ու լցրեց

Կարմիր ծովը: Եգիպտացիների ամբողջ երկրում մորեխ չմնաց:

20. Տերը կարծրացրեց փարաւոնի սիրտը, եւ նա չարձակեց իսրայելացիներին:

21. Տերն ասաց Մովսէսին. Ձեռքդ մեկնի՛ր դեպի երկինք, եւ Եգիպտացիների երկրի վրայ թող խաւար լինի՝ թանձրամած խաւար:

22. Մովսէսը ձեռքը մեկնեց դեպի երկինք, եւ Եգիպտացիների ամբողջ երկրի վրայ երեք օր խաւար, մեզ ու մուօ եղաւ:

23. Երեք օր եղբայրն իր եղբօրը չտեսաւ, երեք օր ոչ ոք իր անկողնուց վեր չելաւ, մինչդեռ բոլոր իսրայելացիների բոլոր բնակավայրերում լոյս էր:

24. Փարաւոնը, կանչելով Մովսէսին ու Ահարոնին, ասաց նրանց. Գնացէ՛ք պաշտեցէ՛ք ձեր տէր Աստծուն, ձեր ունեցուածքը վերցրէ՛ք ձեզ հետ, բայց ձեր արջառն ու ոչխարը թողէ՛ք այստեղ:

25. Մովսէսն ասաց. Ողջակիզութեան ու զոհաբերութեան անասուններ դու ի՛նքդ մեզ պիտի տաս, որ մատուցենք մեր տէր Աստծուն:

26. Մեր անասուններն էլ մեզ հետ պիտի գնան, մենք մի կճղակ անգամ չենք թողնելու այստեղ, որովհետեւ մեր տէր Աստծուն դրանցից պիտի զոհ մատուցենք: Մինչեւ մեր այնտեղ հասնելը մենք դեռ չգիտենք, թէ ինչ պիտի զոհաբերենք մեր տէր Աստծուն:

27. Տերը կարծրացրեց փարաւոնի սիրտը, եւ փարաւոնը չուզեց արձակել նրանց:

28. Փարաւոնն ասաց. Հեռացի՛ր ինձնից, զգո՛յշ եղիւր, այլեւս չհամարձակուես իմ աչքին երեւալ, որովհետեւ այն օրը, որ երեւաս ինձ, կը սպանուես:

29. Մովսէսն ասաց. Դու արդէն ասացիր. այլեւս աչքիդ չեմ երեւայ:

1. Տերն ասաց Մովսեսին. Մի պատուհաս էլ պիտի հասցնեմ փարաւոնին ու եգիպտոսին, որից յետոյ փարաւոնը ձեզ կ'արձակի այստեղից: Բայց երբ նա արձակի ձեզ, կ'արձակի ձեր ամբողջ ունեցուածքով:
2. Արդ, ժողովրդին գաղտնի յայտնի՛ր, որ իւրաքանչիւր տղամարդ եգիպտացի իր ընկերոջից եւ իւրաքանչիւր կին իր եգիպտացի հարեւանուհուց թող խնդրի ոսկեայ եւ արծաթեայ զարդեր ու զգեստներ:
3. Տերը շնորհ պարգեւեց իր ժողովրդին եգիպտացիների առաջ, եւ սրանք զարդեր տուին նրանց: Մովսեսը եգիպտացիների, փարաւոնի, նրա բոլոր պաշտօնեաների առաջ ու ժողովրդի աչքին շատ յարգարժան դարձաւ:
4. Մովսեսն ասաց փարաւոնին. Այսպէս է ասում Տերը. Կես գիշերին ես կը մտնեմ եգիպտոս,
5. եւ եգիպտացիների երկրում կը մեռնեն բոլոր անդրանիկ զաւակները՝ իր գահին բազմած փարաւոնի անդրանիկ որդուց սկսած մինչեւ երկանքի մօտ աշխատող աղախնի անդրանիկ որդին, բոլոր անասունների առաջնածինները:
6. Եւ եգիպտացիների ամբողջ երկրում այնպիսի մեծ աղաղակ կը բարձրանայ, որի նմանը չի եղել, եւ այդպիսին չի էլ լինի:
7. Բայց իսրայէլացիների շրջանում մի շուն անգամ չի կլանչելու մարդկանց ու անասունների վրայ, որպէսզի իմանաս, թէ ինչպիսի զարմանահրաշ գործեր է անում Տերը եգիպտացիների ու իսրայէլացիների մէջ:
8. Այս բոլոր ծառաներդ պիտի գան ծնրադրեն իմ առաջ, երկրպագեն ինձ ու ասեն. Ելէք գնացէ՛ք դու եւ քո ողջ ժողովուրդը, որին դու ես առաջնորդում: Այդ ժամանակ էլ ես կ'ելնեմ:
9. Եւ Մովսեսը փարաւոնի մօտից դուրս ելաւ խիստ զայրացած: Տերն ասաց Մովսեսին. Փարաւոնը ձեզ չպիտի լսի, որպէսզի ես եգիպտացիների երկրում է՛լ աւելի շատ նշաններ ցոյց տամ ու զարմանահրաշ գործեր անեմ:
10. Մովսեսն ու Ահարոնը եգիպտացիների երկրում փարաւոնի առաջ արեցին այս բոլոր նշաններն ու զարմանահրաշ գործերը: Տերը կարծրացրեց փարաւոնի սիրտը, եւ փարաւոնը չուզեց իսրայէլացիներին եգիպտացիների երկրից արձակել:



1. Տերը Եգիպտացիների երկրում խօսեց Մովսեսի ու Ահարոնի հետ եւ ասաց.
2. Այս ամիսը թող ձեզ համար ամիսների սկիզբը լինի. այն թող տարուայ առաջին ամիսը լինի:
3. Դու խօսի՛ր իսրայելացի ողջ ժողովրդի հետ ու ասա՛. Այս ամսի տասներորդ օրը ամեն մարդ թող մի ոչխար առնի ըստ իր ընտանիքի՝ ամեն մի տան համար մեկ ոչխար:
4. Եթե մի ընտանիքի անդամները այնքան քիչ են, որ չեն կարող մեկ ոչխար ուտել, ապա ընտանիքի մեծը, ըստ ընտանիքի թուի թող միանայ իր հարեւանի կամ ընկերոջ հետ, եւ իւրաքանչիւրը թող ստանայ ոչխարի համապատասխան բաժինը:
5. Ձեր այդ ոչխարը որեւէ պակասութիւն թող չունենայ, լինի արու, մեկ տարեկան ու անարատ: Այն կարող է գառ կամ ուլ լինել:
6. Այն կը պահէք մինչեւ այս ամսի տասնչորսերորդ օրը, եւ իսրայելացիները այն թող մորթեն երեկոյեան:
7. Թող վերցնեն նրա արիւնից ու քսեն այն տան դռան սեմին երկու տեղ ու դռան շրջանակի վերեւը այն տան, ուր այն ուտելու են:
8. Այդ գիշեր թող ուտեն կրակի վրայ խորոված միսը, այն թող ուտեն բաղարջ հացով ու դառն խոտերով:
9. Դրանք հում կամ խաշած չուտէք, այլ՝ կրակի վրայ խորովելով: Կ’ուտէք նաեւ ոչխարի գլուխը, ոտքերն ու փորոտիքը:
10. Առաւօտեան դրանից ոչինչ թող չմնայ: Ոչխարի ոսկորները մի՛ ջարդէք, այլ, ինչ որ աւելանայ դրանից, կրակով կ’այրէք:
11. Եւ կ’ուտէք այսպէս. ձեր գօտիները թող ձեր մէջքին լինեն, ձեր կօշիկները՝ ձեր ոտքերին, ձեր ցուպերը՝ ձեր ձեռքին: Արագ կ’ուտէք, որովհետեւ Տիրոջ զատիկն է:
12. Այդ գիշեր ես պիտի անցնեմ Եգիպտացիների ամբողջ երկրով եւ պիտի պատուհասեմ Եգիպտացիների երկրի բոլոր արու առաջնածիններին՝ թե՛ մարդկանց, թե՛ անասունների: Եգիպտացիների բոլոր աստուածներից վրեժ պիտի լուծեմ, որովհետեւ ե՛ս եմ Տերը:
13. Եւ նշուած արիւնը այն տների վրայ, ուր ուտելու էք, թող ձեզ նշան լինի: Ես, տեսնելով այդ արիւնը, պիտի խնայեմ ձեզ, եւ ձեր գլխին չեն իջնի մահաբեր այն հարուածները, որոնցով պիտի պատուհասեմ Եգիպտացիների երկիրը:
14. Այդ օրը ձեզ համար յիշարժան թող լինի, եւ դուք, իբրեւ Տիրոջ տօն, այդ օրը տօնեցէ՛ք սերնդեսերունդ: Դա, իբրեւ կարգ, յաւիտեան կը տօնէք:
15. Եօթը օր բաղարջ հաց կ’ուտէք, առաջին իսկ օրից սկսած ձեր տնից կը վերացնէք թթմորը: Բոլոր նրանք, ովքեր առաջին օրից մինչեւ եօթներորդ օրը թթմորով հաց կ’ուտեն, կը վերացունեն իսրայելացիների միջից:
16. Առաջին օրը թող սուրբ հռչակուի: Ձեզ համար թող սուրբ լինի նաեւ նուիրական եօթներորդ օրը: Այդ օրերին ոչ մի աշխատանք չկատարէք, այլ կատարեցէք միայն այն, ինչ կապուած է իւրաքանչիւր մարդու անձնական կարիքների հետ:
17. Իմ այս պատուիրանները կը պահէք, որպէսզի այդ օրը ես ձեր ժողովրդին հանեմ Եգիպտացիների երկրից: Այդ օրը, իբրեւ կարգ, ձեր ժողովրդի մէջ կը նշէք յաւիտենապէս:
18. Առաջին ամսուայ տասնչորսերորդ օրուայ երեկոյից սկսած բաղարջ հաց կ’ուտէք մինչեւ ամսի քսանմեկերորդ օրուայ երեկոն:
19. Եօթը օր ձեր տներում թթմոր չպիտի լինի: Բոլոր նրանք, ովքեր թթմորով հաց կ’ուտեն, կը վերացունեն Իսրայելի ժողովրդի միջից:
20. Ձեր երկիրն եկած եկուորներ լինեն թե տեղաբնակներ, ոչ ոք թթմորով հաց թող չուտի: Ձեր բոլոր բնակավայրերում բաղարջ հաց պիտի ուտէք:
21. Մովսեսը կանչեց բոլոր իսրայելացի ծերերին ու նրանց ասաց. Գնացէ՛ք, ձեր իւրաքանչիւր ընտանիքի համար մի ոչխար առէ՛ք եւ մորթեցէ՛ք զատկի համար:
22. Վերցրէ՛ք մի խուրձ ծոթրին, այն թաթախեցէ՛ք դռան մօտ եղած արեան մէջ եւ

դրանով նշան արե՛ք դռան սեմին երկու տեղ եւ դռան շրջանակի վերեւը: Բայց ձեզնից ոչ ոք մինչեւ առաւօտ իր տան դռնից դուրս չգայ:

23. Տէրն անցնելու է եգիպտացիներին կոտորելու համար: Նա, տեսնելով դռան սեմին երկու տեղ եւ դռան շրջանակի վերեւում եղած արիւնը, կ'անցնի կը գնայ այդ դռնով եւ Ոչնչացնողին թոյլ չի տայ մտնել ձեր տներն ու կոտորել ձեզ:

24. Այս խօսքերը մինչեւ յաւիտեան օրէնք թող լինեն քեզ եւ քո որդիների համար:

25. Երբ կը մտնէք այն երկիրը, որ Տէրը, իր խոստման համաձայն, տալու է ձեզ, կը կատարէք այդ ծիսակատարութիւնը:

26. Եթէ պատահի, որ ձեր որդիները հարցնեն ձեզ, թե՛ Ի՞նչ է նշանակում այս ծիսակատարութիւնը,

27. նրանց կը պատասխանէք, որ Տիրոջ համար զատկի գոհն է սա, այն Տիրոջ, որ Եգիպտոսում եգիպտացիներին կոտորելիս խնայեց իսրայէլացիներին, փրկեց մեր ընտանիքները: Ժողովուրդը խոնարհուեց ու երկրպագութիւն արեց:

28. Իսրայէլացիները գնացին ու արեցին այնպէս, ինչպէս Տէրն էր պատուիրել Մովսէսին ու Ահարոնին. նրանք այդպէս էլ արեցին:

29. Երբ կէս գիշեր եղաւ, Տէրը եգիպտացիների երկրում կոտորեց եգիպտացի բոլոր անդրանիկ զաւակներին՝ իր գահին բազմած փարաւոնի անդրանիկից մինչեւ բանտի մէջ արգելափակուած գերի կնոջ անդրանիկը, նաեւ անասունների բոլոր առաջնածինները:

30. Գիշերը վեր կացան փարաւոնն ինքը, նրա բոլոր պաշտօնեաներն ու բոլոր եգիպտացիները: Եգիպտացիների ամբողջ երկրում մեծ աղաղակ բարձրացաւ, որովհետեւ տուն չկար, որտեղ մեռել չլիներ:

31. Փարաւոնը գիշերով կանչեց Մովսէսին ու Ահարոնին եւ ասաց նրանց. Դուք եւ իսրայէլացիներդ վեր կացեք գնացե՛ք իմ ժողովրդի միջից, գնացեք պաշտեցե՛ք ձեր տեր Աստծուն, ինչպէս որ ասացիք:

32. Ձեզ հետ տարե՛ք նաեւ ձեր արջառն ու ոչխարը, ինչպէս որ ասացիք, բայց ինձ էլ օրհնեցե՛ք:

33. Եւ եգիպտացիներն ստիպում էին իսրայէլացի ժողովրդին, որ շտապ դուրս գան երկրից, որովհետեւ ասում էին. Նրանց պատճառով մենք բոլորս էլ կը մեռնենք:

34. Ժողովուրդն իր հունցած, բայց դեռեւս չհասած խմորը շորերի մէջ փաթաթելով՝ ուսն առաւ:

35. Իսրայէլացիներն արեցին այնպէս, ինչպէս իրենց հրամայել էր Մովսէսը. եգիպտացիներից նրանք ուզեցին ոսկեայ, արծաթեայ զարդեր ու զգեստներ:

36. Տէրը շնորհ պարգեւեց իր ժողովրդին եգիպտացիների առաջ. նրանք զարդեր տուին նրանց: Այսպիսով նրանք կողոպտեցին եգիպտացիներին:

37. Իսրայէլացիները՝ վեց հարիւր հազար տղամարդ, հետիոտն, բացի մնացած բազմութիւնից, Ռամսէից մեկնեցին Սոկքոթ:

38. Նրանց հետ ճանապարհ ընկաւ մի խառնիճաղանջ բազմութիւն, մեծ քանակութեամբ արջառ, ոչխար ու այլ անասուն:

39. Նրանք Եգիպտոսից բերած ու դեռ չհասած խմորով բաղարջ հաց եփեցին, որովհետեւ այն դեռ չէր խմորուել, քանի որ եգիպտացիները երկրից հանել էին իրենց, եւ իրենք չէին կարողացել սպասել ու իրենց ճանապարհի պաշար չէին արել:

40. Իսրայէլացիներն իրենք ու իրենց հայրերը Եգիպտացիների երկրում եւ Քանանացիների երկրում ապրեցին չորս հարիւր երեսուն տարի: Երբ չորս հարիւր երեսուն տարին վերջացաւ, նոյն օրն իսկ

41. Տիրոջ ամբողջ ժողովուրդը գիշերով Եգիպտացիների երկրից դուրս եկաւ:

42. Իսրայէլացիները Տիրոջ հրամանով այդ գիշերը անքուն մնացին, որպէսզի նա նրանց դուրս բերի Եգիպտացիների երկրից. դա Տիրոջ անքուն մնալու այն գիշերն էր, որ բոլոր իսրայէլացիները սերնդեսերունդ պիտի յիշեն:

43. Տէրը Մովսէսին ու Ահարոնին ասաց. Սա է զատկի կարգը. ոչ մի օտարական չպիտի ուտի դրանից:

44. Որեւէ մէկը իր ծառային ու փողով գնուած ստրուկին թող թլփատի եւ թլփատուելուց յետոյ միայն թող նա ուտի դրանից:
45. Պանդուխտն ու վարձկանը թող չուտեն դրանից:
46. Տա՛ն մէջ պէտք է ուտուի այն. միսը տնից դուրս չպիտի հանէք եւ դրա ոսկորը չպիտի ջարդէք:
47. Իսրայէլի ողջ ժողովուրդը պէտք է կատարի դա:
48. Եթէ մի օտարական մօտենայ ձեզ եւ ուզենայ կատարել Տիրոջ զատիկը, դու պէտք է թլփատես նրա բոլոր արու գաւակներին, եւ դրանից յետոյ միայն նա կարող է մօտենալ կատարելու զատիկը: Նա կը համարուի երկրի տեղաբնակ: Ոչ մի անթլփատ դրանից չպէտք է ուտի:
49. Օրէնքը հաւասարապէս տարածոււմ է եւ՛ տեղաբնակի, եւ՛ ձեզ մօտ ապրել ցանկացող օտարականի վրայ:
50. Բոլոր իսրայէլացիներն արեցին այնպէս, ինչպէս պատուիրել էր Տէրը Մովսէսին ու Ահարոնին. նրանք այդպէս էլ արեցին:
51. Ահա այդ օրն էր, որ Տէրը բոլոր իսրայէլացիներին հանեց Եգիպտացիների երկրից:

1. Տերը խօսեց Մովսէսի հետ եւ ասաց.
2. Ինձ նուիրաբերի՛ր բոլոր իսրայելացիների անդրանիկ զաւակներին, ամէն մի նախածին, մարդ թէ անասուն, որովհետեւ իմն է:
3. Մովսէսն ասաց ժողովրդին. Յիշեցէ՛ք այս օրը, երբ դուք դուրս եկաք Եգիպտոսից՝ ստրկութեան այս տնից, որովհետեւ Տերը ձեզ իր հզօր ձեռքով հանեց այստեղից: Թախմորով հաց չախտի ուտէք,
4. որովհետեւ դուք այսօր, գարնանային վաղահաս բերքի ամսին եք դուրս գալիս:
5. Երբ քո Տեր Աստուածը քեզ տանի քո հայրերին խոստացած Քանանացիների, Քետացիների, Ամորիացիների, Խեւացիների, Յեբուսացիների, Փերեզացիների ու Գերգեսացիների երկիրը, ուր կաթ ու մեղր է հոսում, ապա հէնց այդ ամսին այս ծիսակատարութիւնը կ'անես:
6. Եօթը օր բաղարջ հաց կ'ուտէք, իսկ եօթներորդ օրը Տիրոջ տօնը կը լինի. բաղարջ հաց կ'ուտէք:
7. Ձեր տանը թախմորով հաց չլինի, քո ողջ երկրի սահմաններում թախմոր չերեւայ:
8. Այդ օրը քո որդուն կը պատմես՝ ասելով. Դա կատարւում է ի յիշատակ այն բանի, ինչ արել է ինձ Տեր Աստուածը, երբ դուրս էի գալիս Եգիպտոսից:
9. Ասածս նշան արա՛ւ ձեռքիդ վրայ, նաեւ նշան՝ ճակատիդ, որ յիշես: Տիրոջ օրէնքները թող քո բերանում լինեն, քանի որ Տիրոջ հզօր ձեռքն է հանել քեզ Եգիպտոսից:
10. Այս օրէնքները կը պահպանէք տարեցտարի ձեր կեանքի բոլոր օրերում:
11. Երբ քո Տեր Աստուածը քեզ կը տանի Քանանացիների երկիրը, ինչպէս խոստացել է քեզ ու քո հայրերին, եւ այն կը տայ քեզ,
12. Տիրոջ համար կ'առանձնացնես անդրանիկ բոլոր արու ծնունդներին եւ քո արջառների ու ոչխարների առաջնածիններին, որոնք պիտի ծնունեն: Դրանք բոլորը Տիրոջը կը նուիրաբերես:
13. Առաջնածին էշը կը փոխանակես ոչխարի հետ, իսկ եթէ չուզենաս փոխանակել, ապա դա փրկագին կը տաս: Քո որդիների բոլոր անդրանիկ զաւակներին կը փրկագնես:
14. Եթէ դրանից յետոյ որդիդ հարցնի քեզ ու ասի, թե՛ Ի՞նչ է այս, նրան կ'ասես, թե՛ Տերը հզօր ձեռքով է հանել մեզ Եգիպտացիների երկրից՝ ստրկութեան տնից:
15. Երբ փարաւոնի սիրտը կարծրացաւ ու մեզ չարձակեց, Տերը Եգիպտացիների երկրում կոտորեց բոլոր անդրանիկներին՝ մարդկանց անդրանիկ զաւակներից մինչեւ անասունների առաջնածինները: Հէնց դրա համար էլ ես Տիրոջն եմ նուիրաբերում բոլոր առաջնածին արուներին, իսկ իմ որդիներից բոլոր անդրանիկ զաւակներին փրկագին կը տամ:
16. Ասածս նշան արա՛ւ ձեռքիդ վրայ, նաեւ նշան՝ ճակատիդ, որ յիշես, թէ Տերը ինչպէս է հզօր ձեռքով մեզ հանել Եգիպտոսից:
17. Երբ փարաւոնն արձակեց ժողովրդին, Աստուած նրանց կարճ ճանապարհով՝ Փղշտացիների երկրով չառաջնորդեց, որովհետեւ Աստուած մտածեց, թէ ժողովուրդը պատերազմի բռնուելով՝ գուցէ վախենայ ու Եգիպտոս վերադառնայ:
18. Դրա համար Աստուած ժողովրդին շրջանցիկ՝ անապատի ճանապարհով տարաւ դէպի Կարմիր ծով: Իսրայելացիները Եգիպտացիների երկրից դուրս եկան հինգերորդ սերնդի ժամանակ:
19. Մովսէսն իր հետ տարաւ Յովսէփի ոսկորները, որովհետեւ Յովսէփը, երդուեցնելով Իսրայելի որդիներին, ասել էր. Երբ Տերը ձեզ այցի գայ, իմ ոսկորները կը հանէք այստեղից ու կը տանէք ձեզ հետ:
20. Սոկքոթից դուրս գալով՝ իսրայելացիները եկան եւ կայք հաստատեցին Ոթմում՝ անապատի եզրին:
21. Աստուած ցերեկը նրանց առաջնորդում էր ամպի սիւնով, որպէսզի ճանապարհ ցոյց տայ նրանց, իսկ գիշերը՝ հրէ սիւնով, որպէսզի գիշեր-ցերեկ նրանք ուղեցոյց ունենան:

22. Ցերեկը ամպի սիւնը, իսկ գիշերը հրէ սիւնը միշտ ամբողջ ժողովրդի աչքի առաջ էր:

1. Տերը, խօսելով Մովսէսի հետ, ասաց.
2. Իսրայէլացիներին ասա՛, որ վերադառնան, կայք հաստատեն Մագդողի ու ծովի միջեւ գտնուող հանգրուանում, Բեէղսեպիոնի դիմաց: Դրանց դիմաց՝ Կարմիր ծովի եզերքին կայք կը հաստատես:
3. Փարաւոնը իսրայէլացիներին մասին կ'ասի, թէ՛ Մոլորուել են այս երկրում, որովհետեւ անապատը շրջափակել է նրանց:
4. Ես պիտի կարծրացնեմ փարաւոնի սիրտը, նա պիտի հետապնդի նրանց,
5. իսկ ես պիտի փառաւորուեմ փարաւոնի ու նրա ամբողջ զօրքի առաջ: Եւ բոլոր եգիպտացիները պիտի իմանան, որ ե՛ս եմ Տերը: Եւ այդպէս էլ արեցին:
6. Եգիպտացիների արքային յայտնեցին, թէ՛ ժողովուրդը փախել է: Փարաւոնի ու նրա պաշտօնեաների սրտերն ըմբոստացան ժողովրդի դէմ, եւ նրանք ասացին. Այդ ի՞նչ արեցինք, ինչո՞ւ թոյլ տուեցինք, որ իսրայէլացիները գնան, եւ մենք զրկուենք մեր ստրուկներից:
7. Փարաւոնը լծեց իր կառքը եւ իր հետ տարաւ իր ամբողջ ժողովրդին: Նա վերցրեց վեց հարիւր ընտիր կառքեր, եգիպտացիների ամբողջ հեծելազօրն ու դրանց զօրավարներին:
8. Տերը կարծրացրեց եգիպտացիների արքայ փարաւոնի սիրտը, եւ սա հետապնդեց իսրայէլացիներին: Իսրայէլացիները գտնուեցին ձեռքները բարձր պահած:
9. Եգիպտացիները հետապնդեցին նրանց ու նրանց գտան ծովեզերքի մօտ՝ կայք հաստատած: Փարաւոնի ողջ հեծելազօրն ու կառքերը, նրա հեծեալներն ու բանակը կանգնեցին հանգրուանածների դիմաց, Բեէղսեպիոնի դէմ առ դէմ:
10. Փարաւոնը մօտեցաւ: Իսրայէլացիները բարձրացնելով իրենց աչքերը՝ տեսան, որ եգիպտացիները կայք են հաստատել իրենց թիկունքում. սաստիկ վախեցան:
11. Իսրայէլացիները աղաղակ բարձրացրին առ Աստուած ու Մովսէսին ասացին. Իբր թէ եգիպտացիների երկրում գերեզմաններ չկայի՞ն, որ մեզ բերեցիր այստեղ՝ անապատում սպանուելու: Այս ի՞նչ բերեցիր մեր գլխին, ինչո՞ւ մեզ հանեցիր Եգիպտոսից:
12. Մի՞թէ Եգիպտացիների երկրում քեզ չասացինք, թէ՛ Թո՛յլ տուր, որ ծառայենք եգիպտացիներին: Մեզ համար աւելի լաւ կը լինէր, որ ծառայէինք եգիպտացիներին, քան մեռնէինք այս անապատում:
13. Մովսէսն ասաց ժողովրդին. Քաջաւերուեցէ՛ք, պի՛նդ կացէք եւ կը տեսնէք Տիրոջ արած փրկութիւնը, որ նա պարգեւելու է ձեզ այսօր, քանզի այսօր ձեր տեսած եգիպտացիներին այլեւս յար յաւիտեան չէք տեսնելու:
14. Տէ՛րը պիտի պատերազմի ձեր փոխարէն, դուք լո՛ւռ մնացէք:
15. Տերն ասաց Մովսէսին. Ինչո՞ւ ես կանչում ինձ: Ասա՛ իսրայէլացիներին, որ շարժուեն գնան:
16. Իսկ դու ա՛ռ գաւազանդ, ձեռքդ մեկնի՛ր ծովի վրայ, ճեղքի՛ր այն, եւ իսրայէլացիները թող մտնեն ծովի մէջ ու անցնեն ինչպէս ցամաքով:
17. Ես կը կարծրացնեմ փարաւոնի եւ բոլոր եգիպտացիների սիրտը, սրանք նրանց յետեւից ծով կը մտնեն, եւ ես կը փառաւորուեմ փարաւոնի, նրա ամբողջ զօրքի, կառքերի ու հեծելազօրի առաջ:
18. Բոլոր եգիպտացիները կը գիտնան, որ ե՛ս եմ Տերը, երբ փառաւորուեմ փարաւոնի, նրա կառքերի ու հեծելազօրի առաջ:
19. Իսրայէլացիների բանակի առջեւից գնացող Աստծու հրեշտակը ելաւ ու անցաւ գնաց նրանց յետեւը: Վերացաւ ամպի սիւնը նրանց առջեւից ու կանգնեց նրանց թիկունքին:
20. Ամպի սիւնը մտաւ եգիպտացիների ու իսրայէլացիների բանակների միջեւ: Խաւար ու մեզ պատեց: Գիշերն անցաւ, բայց ողջ գիշերը բանակները իրար չմօտեցան:
21. Մովսէսը ձեռքը մեկնեց ծովի վրայ, եւ հարաւային հողմի ուժով ողջ գիշեր ծովը յետ մղուեց. բացուեց ծովի յատակը, ջուրը երկուսի բաժանուեց:
22. Իսրայէլացիները մտան յատակը բացուած ծովի մէջ ու առաջ շարժուեցին ինչպէս

ցամաքով: Ջուրը նրանց աջ ու ձախ կողմերից պարիսպ էր դարձել:

23. Եգիպտացիները հետապնդեցին նրանց, եւ փարաւոնի ամբողջ հեծելազօրը, նրա կառքերն ու հեծեալները նրանց յետեւից մտան ծովը:

24. Առաւօտեան Տէրը հրի ու ամպի սեան միջով նայեց եգիպտացիների բանակին եւ խուճապի մատնեց եգիպտացիների բանակը.

25. Նա կաշկանդեց նրանց կառքերի անիւները, եւ նրանք դժուարութեամբ էին առաջ շարժւում: Եգիպտացիներն ասացին. Հեռո՛ւ փախչենք իսրայելացիներից, որովհետեւ Տէրը յօգուտ նրանց է պատերազմում եգիպտացիներիս դէմ:

26. Տէրն ասաց Մովսէսին. Ձեռքդ մեկնի՛ր ծովի վրայ, եւ ջրերը թող միանան ու ծածկեն եգիպտացիներին, նրանց կառքերն ու հեծեալներին:

27. Մովսէսը ձեռքը մեկնեց ծովի վրայ, եւ ջրերն առաւօտեան վերադարձան իրենց տեղը: Եգիպտացիները փորձեցին փախչել ջրից, բայց Տէրը եգիպտացիներին թափեց ծովը

28. Եւ, նորից իրար միացնելով ծովի ջրերը, ծածկեց կառքերը, հեծեալներին եւ փարաւոնի բոլոր զօրքերին, որոնք ծով էին մտել նրանց հետ: Նրանցից ոչ ոք կենդանի չմնաց:

29. Իսրայելացիները ծովի միջով կարծես ցամաքի վրայով էին գնում, իսկ ջուրը նրանց աջ ու ձախ կողմերից պարիսպ էր դարձել:

30. Տէրն այդ օրը իսրայելացիներին փրկեց եգիպտացիների ձեռքից:

31. Իսրայելացիները տեսան եգիպտացիների դիակները, որոնք ծովի ափ էին նետուած: Իսրայելացիները տեսնելով Տիրոջ հզօր ձեռքը, եգիպտացիների գլխին բերած փորձանքը՝ վախեցան Տիրոջից, հաւատացին Աստծուն ու նրա ծառայ Մովսէսին:

1. Այդ ժամանակ Մովսեսն ու իսրայելացիները հետեւեալ օրհներգն ուղղեցին Աստծուն՝ ասելով. Օրհներգ Տիրոջը, որ փառքով է փառաւորուած: Նրանց երիվարներն ու հեծեալներին թափեց ծովը:
2. Տէրը ինձ համար ընդունելի օգնական եղաւ, նա ինձ համար փրկութիւն եղաւ:
3. Նա՛ է իմ Աստուածը, եւ ես նրան եմ փառաւորելու: Նա իմ հօր Աստուածն է, եւ ես պիտի մեծարեմ նրան: Տէրը խորտակում է պատերազմները, նրա անունը Տէր է:
4. Նա փարաւոնի կառքերն ու զօրքերը ծովը թափեց, նաեւ ընտիր հեծեալներին ու զօրավարներին: Նրանք ջրասոյգ եղան Կարմիր ծովում:
5. Ծովը ծածկեց նրանց, նրանք քարի պէս ընկղմուեցին ծովի յատակը:
6. Քո աջը, Տէ՛ր, զօրութեամբ փառաւորուեց, քո աջը, Տէ՛ր, խորտակեց թշնամուն:
7. Դու փառքի հզօրութեամբ ջարդուփշուր արեցիր հակառակորդներին, առաքեցիր քո բարկութիւնը, եւ այն հրոյ ճարակ դարձրեց նրանց ինչպէս եղեգ:
8. Քո զայրոյթի հողմից ճեղքուեցին ջրերը, պարիսպների նման դիզուեցին ջրերը, ծովի մէջ քարացան ալիքները:
9. Թշնամին ասաց. Հետապնդեմ ու հասնեմ նրանց, բաժանեմ աւարը եւ դրանցով յագուրդ տամ ինձ: Սրի քաշեմ նրանց, որ իմ ձեռքը տիրի նրանց:
10. Դու քո հողմն առաքեցիր, նրանց ծածկեց ծովը, եւ նրանք կապարի նման սուզուեցին ջրերի խորքը:
11. Աստուածների մէջ, Տէ՛ր, ո՞վ կայ քեզ նման, եւ կամ ո՞վ կարող է նմանուել քեզ՝ փառաւորեալ սրբերի մէջ, փառքով սքանչացեալ, որ նշաններ ես գործում:
12. Աջ ձեռքդ մեկնեցիր, եւ երկիրը կուլ տուեց նրանց:
13. Արդարութեամբ առաջնորդեցիր քո այս ժողովուրդին, որին փրկեցիր, քո զօրութեամբ մխիթարեցիր նրան քո սուրբ բնակավայրում:
14. Ժողովուրդները լսեցին լուրն այս ու բարկացան: Սարսափը պատեց Քանանացիների երկրի բնակիչներին:
15. Խուճապահար եղան Եդոմի դատաւորներն ու մովաբացիների իշխանները: Դող բռնեց նրանց, հալումաշ եղան Քանանացիների երկրի բոլոր բնակիչները:
16. Թող պատեն նրանց ահն ու սարսափը, քո բազկի հզօրութեամբ թող քարանան նրանք, մինչեւ որ անցնի քո ժողովուրդը, Տէ՛ր, մինչեւ որ անցնի քո այս ժողովուրդը, որին ստացար:
17. Տա՛ր, բնակեցրո՛ւ նրանց այն լեռան վրայ, որ ժառանգութիւնն է քո, քո պատրաստած բնակավայրում, որ սրբութիւն ես դարձրել, Տէ՛ր: Տէ՛ր, քո ձեռքե՛րը պատրաստեցին այդ:
18. Տէրը յաւիտենական, առաւել քան յաւիտենական թագաւոր է:
19. Երբ փարաւոնի հեծելազօրն իր կառքերով ու հեծեալներով ծով մտաւ, Տէրը նրա վրայ թափեց ծովի ջրերը, իսկ իսրայելացիները յատակը բացուած ծովի միջով անցան գնացին:
20. Մարիամ մարգարէն՝ Ահարոնի քույրը, իր ձեռքն առաւ թմբուկը, եւ բոլոր կանայք գնացին նրա յետեւից՝ թմբուկ խփելով ու պարելով:
21. Առաջից գնում էր Մարիամն ու ասում. Օրհներգ Տիրոջը, քանզի նա փառքով է փառաւորուած. նա երիվարներն ու հեծեալներին ծովը թափեց:
22. Մովսէսը իսրայելացիներին Կարմիր ծովից տարաւ հասցրեց Սուր կոչուած անապատը: Նրանք երեք օրուայ ճանապարհ գնացին անապատի միջով, բայց խմելու ջուր չգտան:
23. Եկան Մեռա, բայց Մեռայում էլ չկարողացան ջուր խմել, որովհետեւ այն դառն էր: Դրա համար Մովսէսն այդ վայրն անուանեց Դառնութիւն:
24. Ժողովուրդը տրտնջաց Մովսէսի դէմ ու ասաց. Ի՞նչ խմենք:
25. Մովսէսն աղաղակեց առ Աստուած. եւ Տէրը նրան մի փայտ ցոյց տուեց: Մովսէսն այն նետեց ջրի մէջ, եւ ջուրը քաղցրահամ դարձաւ: Այնտեղ Աստուած ժողովրդին տուեց օրէնք ու իրաւունք եւ այնտեղ էլ փորձութեան ենթարկեց նրան: Նա ասաց.



26. Եթե ուշադիր լսես քո տեր Աստծու ձայնը, նրա համար հաճելի գործեր կատարես, ունկնդիր լինես նրա պատուիրաններին ու ենթարկուես նրա բոլոր հրամաններին, քեզ վրայ չեմ թափի բոլոր այն հիւանդութիւնները, որ թափեցի եգիպտացիների վրայ, քանզի ես եմ քեզ բժշկող Տէրը:

27. Եւ եկան հասան Եղիմ: Այնտեղ կային ջրի տասներկու աղբիւր ու եօթանասուն արմաւենի: Նրանք կայք հաստատեցին այնտեղ, ջրի մօտ:

1. Իսրայելացի ամբողջ ժողովուրդը Եղիմից ճանապարհ ընկաւ ու եկաւ Սին անապատը, որը գտնուում է Եղիմի ու Սինայի միջեւ:
2. Եգիպտացիների երկրից դուրս գալու երկրորդ ամսուայ տասնհինգերորդ օրը իսրայելացի ողջ ժողովուրդը անապատում դժգոհեց Մովսէսից ու Ահարոնից:
3. Իսրայելացիներն ասացին նրանց. Աւելի լաւ կը լինէր Տիրոջ հարուածների զոհը դառնայինք Եգիպտացիների երկրում, երբ մտով լի կաթսաների մօտ էինք նստում ու կուշտ հաց ուտում, քան բերէիք մեզ այս անապատը, որ ողջ ժողովրդին սովամահ անէք:
4. Տէրն ասաց Մովսէսին. Ահա ես ձեզ հաց կը թափեմ երկնքից: Իմ ժողովուրդը թող վեր կենայ ու այն հաւաքի, ինչքան անհրաժեշտ է իւրաքանչիւր օրուայ համար: Ես այդ կերպ կը փորձեմ նրանց, թէ կ'ենթարկուե՞ն իմ օրէնքներին, թէ ո՞չ:
5. Վեցերորդ օրը թող պատրաստեն նախորդ իւրաքանչիւր օրուայ համար հաւաքածի կրկնապատիկը:
6. Մովսէսն ու Ահարոնը ասացին իսրայելացի ամբողջ ժողովրդին. Երեկոյեան կ'իմանաք, որ Տէրն է ձեզ հանել Եգիպտացիների երկրից,
7. իսկ առաւօտեան ականատես կը լինէք Տիրոջ փառքին, որովհետեւ նա լսել է Աստծու հանդէպ ձեր տրտունջը: Մենք ովքե՞ր ենք, որ տրտնջում էք մեր դէմ:
8. Մովսէսն ասաց. Տէրը լսեց մեր դէմ ուղղուած ձեր տրտունջը, դրա համար էլ նա երեկոները ձեզ ուտելու միս, իսկ առաւօտները յագենալու չափ հաց պիտի տայ: Մենք ովքե՞ր ենք, որ ձեր տրտունջը մեր դէմ էք ուղղում. ձեր տրտունջը Աստծու դէմ է ուղղուած:
9. Մովսէսն ասաց Ահարոնին. Իսրայելացի ամբողջ ժողովրդին յայտնի՛ր. Մօտեցէ՛ք Տիրոջը, որովհետեւ նա լսեց ձեր տրտունջը:
10. Մինչ Ահարոնը խօսում էր իսրայելացի ամբողջ ժողովրդի հետ, նրանք նայեցին դէպի անապատ, եւ ահա Տիրոջ փառքը երեւաց ամպի ձեւով:
11. Տէրը խօսելով Մովսէսի հետ՝ ասաց.
12. Լսեցի իսրայելացիների տրտունջը: Արդ, խօսի՛ր նրանց հետ ու ասա՛. Երեկոները միս կ'ուտէք, իսկ առաւօտները հացով կը յագենաք: Եւ կ'իմանաք, որ ես եմ ձեր Տէր Աստուածը:
13. Երեկոյեան լորամարգիներ թափուեցին ու ծածկեցին բանակատեղին:
14. Առաւօտեան, երբ ցօղը վերանում էր բանակատեղիի շրջապատից, անապատի երեսին գինձի սպիտակ սերմի նման մանր եւ երկրի վրայի եղեամի նման մի բան կար:
15. Երբ իսրայելացիները տեսան այն, իրար ասացին. Ի՞նչ է սա: Որովհետեւ չգիտէին, թէ դա ինչ է: Մովսէսն ասաց նրանց. Դա այն հացն է, որ Տէրը ձեզ տուել է ուտելու:
16. Տէրը հետեւեալն է պատուիրել. Իւրաքանչիւր ոք դրանցից թող հաւաքի այնքան, որքան անհրաժեշտ է մէկ մարդու համար, ըստ ձեր ընտանիքների շնչերի թուի: Հաւաքեցէ՛ք ըստ վրանում գտնուող իւրաքանչիւր մարդու թուի:
17. Իսրայելացիներն այդպէս էլ արեցին. հաւաքեցին ոմանք շատ, ոմանք քիչ:
18. Չափեցին եւ տեսան, որ ումը որ շատ էր, սահմանուած չափից չաւելացաւ, իսկ ումը՝ քիչ, սահմանուած չափից չպակասեց: Իւրաքանչիւրը իր կարիքի չափով էր հաւաքել:
19. Մովսէսն ասաց նրանց. Ոչ ոք մինչեւ առաւօտ դրանից աւելցուկ չթողնի:
20. Ոմանք, սակայն, Մովսէսին չլսեցին. դրանից աւելցուկ մնաց առաւօտեան: Դա որդնոտեց ու նեխեց: Մովսէսը զայրացաւ նրանց վրայ:
21. Դրանից յետոյ ամէն առաւօտ իւրաքանչիւրը հաւաքում էր իրեն պէտք եղածի չափ: Երբ արեւը տաքացնում էր, այն հալւում էր:
22. Վեցերորդ օրը հաւաքեցին պէտք եղածի կրկնապատիկը՝ ամէն մէկի համար երկուական բաժին: Ժողովրդի բոլոր առաջնորդները գնացին Մովսէսի մօտ ու նրան յայտնեցին այդ մասին:
23. Մովսէսն ասաց. Այս է Տիրոջ ասածը. Վաղը շաբաթ է, Տիրոջ հանգստեան սուրբ օրը:

ինչ որ եփելու էք, եփեցէ՛ք, ինչ որ թխելու էք, թխեցէ՛ք այսօր, իսկ մնացած ամեն ինչ թողէ՛ք ամանների մէջ մինչեւ առաւօտ:

24. Եւ դա թողեցին մինչեւ առաւօտ, ինչպէս Նրանց հրամայել էր Մովսէսը. այն չնեխեց, չորդնոտեց:

25. Մովսէսն ասաց. Այդ կերէ՛ք այսօր, քանի որ Տիրոջ շաբաթ օրն է այսօր, դրանից այսօր դաշտում չէք գտնի:

26. Վեց օր կը հաւաքէք դա, իսկ եօթներորդ օրը՝ շաբաթ օրը դրանից չի լինի:

27. Եօթներորդ օրը ժողովրդի միջից ոմանք ելան դրանից հաւաքելու, բայց չգտան:

28. Տէրն ասաց Մովսէսին. Մինչեւ ե՞րբ չպիտի անսաք իմ պատուիրաններին ու օրենքներին:

29. Տեսաք, որ Տէրը ձեզ հանգստեան օր նշանակեց այս շաբաթ օրը: Դրա համար էլ նա վեցերորդ օրը ձեզ երկու օրուայ հաց տուեց՝ ասելով. Ձեզնից իւրաքանչիւրը թող նստի իր տանը, եօթներորդ օրը թող ոչ ոք չելնի այդ տեղից:

30. Եւ ժողովուրդը եօթներորդ օրը հանգստացաւ:

31. Իսրայէլացիները իրենց կերածի անունը դրեցին ման: Դա գինձի սերմի նման սպիտակ էր ու մեղրախորիսիսի համ ունէր:

32. Մովսէսն ասաց. Ահա թէ ինչ հրամայեց Աստուած. Մի ամանի մէջ մէկ չափ մանանայ լցրէ՛ք եւ այն պահեցէ՛ք ձեր սերունդների համար, որպէսզի աչքի առաջ ունենաք այն հացը, որ դուք կերաք անապատում, երբ Տէրը ձեզ հանեց Եգիպտացիների երկրից:

33. Մովսէսն ասաց Ահարոնին. Մի ոսկէ սափոր ա՛ռ, դրա մէջ մէկ չափ մանանայ լցրո՛ւ եւ դի՛ր Աստծու առաջ՝ պահելու ձեր սերունդների համար, ինչպէս Տէրն է հրամայել Մովսէսին:

34. Եւ Ահարոնն այն ի պահ դրեց Կտակարանների արկղի առաջ:

35. Իսրայէլացիները քառասուն տարի մանանայ կերան, մինչեւ որ հասան մի բնակեցուած շրջան: Նրանք մանանայ էին ուտում, մինչեւ որ հասան փիւնիկեցիների կողմերը:

36. Մէկ չափը հաւասար է երեք գրիւի մէկ տասներորդ մասի:

1. Իսրայելացի ամբողջ ժողովուրդը Տիրոջ կարգադրութեան համաձայն խումբ-խումբ գնաց Սին անապատից եւ կայք հաստատեց Ռափիդիմում: Այստեղ, սակայն, ջուր չկար, որ ժողովուրդը խմէր:
2. Ժողովուրդն սկսեց մեղադրել Մովսէսին՝ ասելով. Մեզ ջուր տուր, որ խմենք: Մովսէսը նրանց ասաց. Ինչո՞ւ եք ինձ մեղադրում, ինչո՞ւ եք փորձում Տիրոջը:
3. Ժողովուրդն այնտեղ ծարաւ գգալով՝ տրտնջաց Մովսէսի դէմ ու ասաց. Ինչո՞ւ մեզ հանեցիր Եգիպտոսից, որ ծարաւից կտոորուէ՞նք մենք եւ մեր երեխաներն ու անասունները:
4. Մովսէսը պաղատագին խնդրելով Տիրոջը՝ ասաց. Ի՞նչ անեմ ես այս ժողովրդին: Մի քիչ էլ մնայ՝ ինձ կը քարկոծեն:
5. Տէրն ասաց Մովսէսին. Գնա՛ ժողովրդի առջեւից, քեզ հետ վերցրո՛ւ ժողովրդի ձերերին, ձեռքդ ա՛ռ քո այն գաւազանը, որով հարուածեցիր գետին, եւ ճամփայ ընկի՛ր:
6. Ես քեզից առաջ այնտեղ հասնելով՝ կը կանգնեմ Քորեբի ժայռի վրայ: Կը հարուածես ժայռին, դրանից ջուր կը բխի, եւ քո ժողովուրդը կը խմի:
7. Մովսէսն իսրայելացիների ներկայութեամբ այդպէս էլ արեց: Նա այդ վայրը կոչեց Փորձութիւն եւ Մեղադրանք, որովհետեւ իսրայելացիները մեղադրել էին եւ Տիրոջը փորձել՝ ասելով. Տէրը մեր մէ՞ջ է, թէ՞ ոչ:
8. Ամաղէկացիներն եկան ու Ռափիդիմում պատերազմեցին իսրայելացիների դէմ:
9. Մովսէսն ասաց Յեսուին. Ուժեղ տղամարդիկ ընտրի՛ր եւ առաւօտեան վեր կենալով պատերազմի՛ր ամաղէկացիների դէմ: Ես կը գամ ու կը կանգնեմ բլրի գագաթին, եւ Աստծու գաւազանը կը լինի իմ ձեռքին:
10. Յեսուն արեց այնպէս, ինչպէս իրեն ասել էր Մովսէսը. Նա պատերազմեց ամաղէկացիների դէմ: Մովսէսը, Ահարոնն ու Ովրը բարձրացան բլրի գագաթը:
11. Երբ Մովսէսը բարձր էր պահում ձեռքերը, առաւելութեան էին հասնում իսրայելացիները, իսկ երբ իջեցնում էր ձեռքերը, առաւելութեան էին հասնում ամաղէկացիները:
12. Եւ քանի որ Մովսէսի ձեռքերը յոգնելուց ծանրանում էին, Ահարոնն ու Ովրը մի քար առան եւ նրա տակը դրեցին: Մովսէսը նստեց դրա վրայ, իսկ Ահարոնն ու Ովրը՝ մէկն այս կողմից, միւսն այն կողմից նրա ձեռքերը բռնած բարձր էին պահում: Այսպիսով Մովսէսի ձեռքերը մինչեւ արեւի մայր մտնելը բարձրացած մնացին:
13. Յեսուն սրակոտոր արեց ամաղէկացիներին ու նրանց ողջ զօրքը:
14. Տէրն ասաց Մովսէսին. Այս դէպքը որպէս յիշատակ գրի՛ առ: Հաղորդի՛ր Յեսուին, որ ամաղէկացիների յիշատակը ջնջելու եմ երկրի վրայ՝ երկնքի ներքոյ:
15. Մովսէսը Տիրոջ համար գոհասեղան շինեց եւ դրա անունը դրեց՝ Տէրն իմ ապաւենն է:
16. Նա ասաց. Այսպէս կոչեցի, քանի որ Տէրն իր անտեսանելի ձեռքով պատերազմում է ամաղէկացիների դէմ սերնդից սերունդ:

1. Մադիամի քուրմ Յոթորը՝ Մովսեսի աները, իմացաւ այն ամենը, ինչ Տէրն արել էր Մովսեսին ու իսրայելացի ժողովրդին. այն, որ Տէրը իսրայելացիներին հանել էր եգիպտոսից:
2. Երբ Մովսեսն իր կին Սեփորային յետ ուղարկեց, Մովսեսի աները՝ Յոթորը, իր հետ վերցրեց Սեփորային
3. ու նրա երկու որդիներին, որոնցից մէկի անունը Գերսամ էր եւ նշանակում էր՝ Պանդուխտ էի օտար երկրում,
4. իսկ երկրորդի անունը՝ Եղիազար, որ նշանակում էր՝ Իմ հօր Աստուածը իմ օգնականն է եւ նա փրկեց ինձ փարաւոնի ձեռքից:
5. Յոթորը, որ Մովսեսի աներն էր, նրա կնոջ եւ նրա որդիների հետ եկաւ Մովսեսի մօտ՝ անապատ, ուր նա բնակւում էր Աստծու լերան վրայ:
6. Յայտնեցին Մովսեսին՝ ասելով. Ահա քո աներ Յոթորը, կինդ ու երկու որդիներդ նրա հետ գալիս են քեզ մօտ:
7. Մովսեսն ընդառաջ գնաց իր աներոջը, ծնրադրեց նրա առաջ եւ համբուրեց նրան: Նրանք ողջագուրուեցին խաղաղութեամբ, եւ Մովսեսը նրան տարաւ իր վրանը:
8. Մովսեսն իր աներոջը պատմեց այն ամենը, ինչ իսրայելացիների համար Տէրն արել էր փարաւոնի ու եգիպտացիների դէմ, բոլոր այն չարչարանքները, որ իրենք կրել էին ճանապարհին, եւ թէ ինչպէս էր Տէրը փրկել իրենց:
9. Յոթորը զարմացաւ այն բոլոր բարեգործութիւնների համար, որ Տէրն արել էր նրանց, եւ թէ ինչպէս էր նրանց ազատել եգիպտացիների ու փարաւոնի ձեռքից:
10. Յոթորն ասաց. Օրհնեալ լինի Տէրը, որ փրկել է սրանց եգիպտացիների ու փարաւոնի ձեռքից, որ ժողովրդին ազատել է եգիպտացիների ձեռքից:
11. Հիմա գիտեմ, որ Տէրն անելի մեծ է, քան բոլոր աստուածները: Դա երեւաց, երբ եգիպտացիները բռնանում էին նրանց վրայ:
12. Մովսեսի աները՝ Յոթորը, ողջակէզ ու զոհ մատուցեց Աստծուն: Մովսեսը, Ահարոնն ու իսրայելացի բոլոր ծերերը Մովսեսի աներոջ հետ գնացին Տիրոջ առաջ ճաշելու:
13. Առաւօտեան Մովսեսը նստեց ժողովրդին դատելու: Ողջ ժողովուրդը առաւօտից մինչեւ երեկոյ կանգնել էր Մովսեսի շուրջը:
14. Յոթորը տեսնելով այն ամենը, ինչ Մովսեսն անում էր ժողովրդի համար, ասաց. Այդ ի՞նչ ես անում դու ժողովրդին: Ինչո՞ւ ես դու միայն նստած, իսկ ժողովուրդը առաւօտից մինչեւ երեկոյ կանգնած է շուրջդ:
15. Մովսեսն ասաց աներոջը. Որովհետեւ ժողովուրդը գալիս է ինձ մօտ Աստծուց իրաւունք հայցելու համար:
16. Երբ նրանց միջեւ վեճ է ծագում, գալիս են ինձ մօտ: Ես դատում եմ նրանցից իւրաքանչիւրին եւ յայտնում Աստծու հրամաններն ու օրէնքները:
17. Մովսեսի աները նրան ասաց. Արածդ ճիշտ չէ:
18. Սոսկալի տանջանքներով ես տանջւում դու եւ քեզ հետ եղող ամբողջ ժողովուրդը: Թեզ համար ծանր է այդ գործը, դա միայնակ անել չես կարող:
19. Արդ, լսի՛ր ինձ, ես քեզ խորհուրդ պիտի տամ, եւ Աստուած քեզ հետ կը լինի: Աստծու մօտ եղի՛ր ժողովրդի ներկայացուցիչը եւ մարդկանց ասածը հաղորդի՛ր Աստծուն:
20. Նրանց տեղեակ կը պահես Աստծու հրամաններին ու օրէնքներին, նրանց ցոյց կը տաս այն ճանապարհը, որով ընթանալու են, եւ այն գործերը, որ պետք է կատարեն:
21. Դու ողջ ժողովրդի միջից ընտրի՛ր ուժեղ տղամարդկանց՝ աստուածապաշտ, արդարադատ, գոռոզութիւնն ասող մարդկանց ու ժողովրդի վրայ սրանց հազարապետներ, հարիւրապետներ, յիսնապետներ ու տասնապետներ կարգի՛ր:
22. Նրանք մշտապէս թող դատեն ժողովրդին, կարեւոր գործերը թող յանձնեն քեզ, իսկ փոքր դատաստանները թող անեն իրենք. դրանով կը թեթեւացնես քո գործերը, եւ նրանք կը լինեն քո օգնականները:
23. Եթէ այս բանն անես, Աստուած կը զօրացնի քեզ, դու կը կարողանաս տոկալ, եւ ողջ

Ժողովուրդը խաղաղութեամբ կը վերադառնայ իր տեղը:

24. Մովսեսն անսաց իր աներոջ ասածին եւ արեց այն ամենը, ինչ նա ասաց իրեն:

25. Մովսէսը բոլոր իսրայէլացիների միջից ընտրեց ուժեղ տղամարդկանց, ժողովրդի վրայ նրանց հազարապետներ, հարիւրապետներ, յիսնապետներ ու տասնապետներ կարգեց: Սրանք ամբողջ Ժամանակ պատրաստ էին ժողովրդին դատելու:

26. Նրանք կարեւոր գործերը յանձնում էին Մովսէսին, իսկ փոքր գործերը դատում էին իրենք:

27. Մովսէսը ճանապարհ դրեց իր աներոջը, եւ սա գնաց իր երկիրը:

1. Եգիպտացիների երկրից իսրայելացիների դուրս գալուց երեք ամիս անց, առաջին իսկ օրը Նրանք հասան Սինայի անապատը:
2. Նրանք դուրս գալով Ռափիդիմից, եկան Սինայի անապատը եւ կայք հաստատեցին այնտեղ, անապատում: Իսրայելացիները կայք հաստատեցին այնտեղ, լեռան դիմաց:
3. Մովսէսը բարձրացաւ Աստծու լեռը: Աստուած լեռան վրայից կանչեց Նրան ու ասաց. Այսպէս կ'ասես Յակոբի յետնորդներին եւ կը յայտնես Իսրայելի որդիներին.
4. Դուք ինքներդ տեսաք, թէ ինչեր բերեցի եգիպտացիների գլխին, իսկ ձեզ, ինչպէս արծիւն է իր թելերի վրայ առնում, բարձրացրի ինձ մօտ:
5. Արդ, եթէ ուշադիր լսեք իմ ասածը եւ պահեք իմ դրած ուխտը, դուք բոլոր ազգերի մէջ կը լինեք իմ ընտրեալ ժողովուրդը, որովհետեւ իմն է ամբողջ երկիրը:
6. Դուք կը լինեք ինձ համար որպէս թագաւորութիւն, որպէս քահանայութիւն եւ որպէս սուրբ ազգ: Իմ այս ասածները դու կը հաղորդես իսրայելացիներին:
7. Մովսէսը վերադարձաւ, կանչեց ժողովրդի ծերերին եւ Նրանց հաղորդեց բոլոր այն խօսքերը, որ Նրան պատուիրել էր Աստուած:
8. Ժողովուրդը միահամուռ պատասխան տուեց ու ասաց. Այն ամէնը, ինչ ասել է Աստուած, կը կատարենք ու կը հնազանդուենք: Մովսէսը ժողովրդի ասածը հաղորդեց Աստծուն:
9. Տէրն ասաց Մովսէսին. Ահա ես քեզ մօտ պիտի գամ ամպի սեան մէջ, որ ժողովուրդը լսի այն, ինչ ես ասելու եմ քեզ, եւ Նա յաւիտեան պիտի հաւատայ քեզ: Մովսէսը ժողովրդի ասածը հաղորդեց Աստծուն:
10. Տէրն ասաց Մովսէսին. Իջի՛ր, կարգադրի՛ր ժողովրդին, մաքրի՛ր Նրանց այսօր եւ վաղը, Նաեւ թող լուանան իրենց զգեստները,
11. որպէսզի երրորդ օրը պատրաստ լինեն, որովհետեւ երրորդ օրը Տէրը ողջ ժողովրդի աչքի առաջ իջնելու է Սինա լեռան վրայ:
12. Ժողովրդի ու լեռան միջեւ տարածութիւն կը թողնես եւ կ'ասես. Չգո՛յճ եղեք, լեռան վրայ մարդ չբարձրանայ ու դրան չմօտենայ, որովհետեւ ով մօտենայ լեռան, մահուամբ պիտի պատժուի:
13. Լեռան մօտեցողին որեւէ ձեռք չդիպչի, որովհետեւ դրան դիպչողը կը քարկոծուի կամ Նետահար կը լինի. անասուն լինի, թէ մարդ՝ չի ապրի: Նրանք կարող են լեռը բարձրանալ միայն այն ժամանակ, երբ որոտները, շեփորահարութիւնն ու ամպը վերանան լեռան վրայից:
14. Մովսէսը լեռից իջաւ ժողովրդի մօտ ու մաքրեց Նրանց: Նրանք լուացին իրենց զգեստները: Մովսէսն ասաց ժողովրդին.
15. Պատրա՛ստ եղեք, երեք օր կանանց չմերձենաք:
16. Երրորդ օրն առաւօտեան Սինա լեռան վրայ որոտներ լսուեցին, փայլատակումներ ու միգախառն ամպ երեւաց. եւ շեփորի ձայնը ուժգին հնչում էր: Բանակատեղում գտնուող ողջ ժողովուրդը զարհուրեց:
17. Մովսէսը ժողովրդին բանակատեղիից տարաւ Աստծուն ընդառաջ եւ կանգնեցրեց Սինա լեռան ստորոտի շուրջը:
18. Սինա լեռն ամբողջովին ծխում էր, քանի որ Աստուած Նրա վրայ իջել էր իբրեւ հուր: Նրա ծուխը բարձրանում էր ինչպէս հնոցի ծուխ: Բոլոր մարդիկ խիստ զարհուրեցին,
19. որովհետեւ շեփորի ձայնը տարածւում էր աւելի հեռու եւ հնչում էր չափազանց ուժեղ: Մովսէսը խօսում էր, իսկ Աստուած որոտածայն պատասխանում էր Նրան:
20. Տէրն իջաւ Սինա լեռան վրայ, լեռան կատարին: Տէրը Մովսէսին կանչեց լեռան գագաթը, եւ Մովսէսը բարձրացաւ այնտեղ:
21. Աստուած խօսեց Մովսէսի հետ՝ ասելով. Իջի՛ր, կարգադրի՛ր քո ժողովրդին. Աստծուն տեսնելու համար չմերձենան եւ այդ պատճառով Նրանցից շատերը չկորչեն:
22. Աստծուն մօտեցող քահանաներն էլ թող մաքրուեն, որպէսզի Տէրը կորստեան չմատնի Նրանց:

23. Մովսէսն ասաց Աստծուն. Ժողովուրդը չի կարող Սինա լեռը բարձրանալ, որովհետեւ դու ինքդ ես մեզ պատուիրել եւ ասել, թէ՝ Մարդկանց ու լեռան միջեւ տարածութիւն կը թողնես եւ լեռը սուրբ կը հռչակես:

24. Տէրն ասաց նրան. Գնա՛, իջի՛ր ու յետոյ այստեղ բարձրացի՛ր Ահարոնի հետ, բայց քահանաներն ու ժողովուրդը թող չյանդգնեն բարձրանալ Աստծու մօտ, որպէսզի Տէրը նրանց կորստեան չմատնի:

25. Մովսէսն իջաւ ժողովրդի մօտ եւ ասաց նրանց.



1. Տերը յայտնեց հետեւեալ բոլոր պատգամները՝ ասելով.
2. Ե՛ս եմ քո Տէր Աստուածը, որ քեզ հանեցի Եգիպտացիների երկրից՝ ստրկութեան տնից:
3. Ինձնից բացի այլ աստուածներ չպիտի լինեն քեզ համար:
4. Վերելում երկնքում, ներքեւում երկրի վրայ, եւ երկրի խորքի ջրերի մէջ եղած որեւէ բանի նմանութեամբ քեզ կուռքեր չպիտի կերտես:
5. Չպիտի երկրպագես ու չպիտի պաշտես դրանց, որովհետեւ ե՛ս եմ քո Տէր Աստուածը՝ մի նախանձոտ Աստուած. հայրերի մեղքերի համար պատժում եմ որդիներին, ինձ ատող մարդկանց նոյնիսկ երրորդ ու չորրորդ սերնդին,
6. իսկ ինձ սիրող ու իմ հրամանը կատարող մարդկանց մինչեւ հազարերորդ սերնդին ողորմում եմ:
7. Թո տէր Աստծու անունն զուր տեղը չպիտի արտասանես, որովհետեւ Տերը արդար չի համարում նրան, ով իր անունը զուր տեղն է արտասանում:
8. Յիշի՛ր շաբաթ օրը, որպէսզի սուրբ պահես այն:
9. Վեց օր պիտի աշխատես եւ պիտի կատարես քո բոլոր գործերը:
10. Եօթներորդ օրը քո տէր Աստծու շաբաթ օրն է: Այդ օրը դու ոչ մի գործ չպիտի անես, ոչ էլ քո տղան ու աղջիկը, քո ծառան ու քո աղախինը, քո էջն ու քո եզը, քո բոլոր անասունները, քեզ մօտ գտնուող օտարականն ու քեզ մօտ բնակուող պանդուխտը,
11. որովհետեւ Տէր Աստուած վեց օրում ստեղծեց երկինքն ու երկիրը, ծովն ու այն ամէնը, ինչ դրանց մէջ է, իսկ եօթներորդ օրը հանգստացաւ: Դրա համար էլ Տէրն օրհնեց եօթներորդ օրը եւ այն սուրբ հռչակեց:
12. Պատուի՛ր քո հօրն ու քո մօրը, որպէսզի բարիք գտնես, երկար ապրես բարեբեր այն երկրի վրայ, որ Տէր Աստուած տալու է քեզ:
13. Մի՛ սպանիր:
14. Մի՛ շնացիր:
15. Մի՛ գողացիր:
16. Թո հարեւանի դէմ սուտ վկայութիւն մի՛ տուր:
17. Ո՛չ քո մերձաւորի տան, ո՛չ նրա ագարակի վրայ աչք մի՛ ունեցիր: Ո՛չ քո մերձաւորի կնոջ վրայ, ո՛չ նրա ծառայի վրայ, ո՛չ նրա աղախնու վրայ, ո՛չ նրա եզան վրայ, ո՛չ նրա էջի վրայ, ո՛չ նրա անասունի վրայ, ո՛չ այն ամենի վրայ, ինչ քո մերձաւորինն է, աչք մի՛ ունեցիր:
18. Ողջ ժողովուրդը լսում էր որոտը, շեփորի ձայնը, տեսնում փայլատակումներն ու ծխացող լեռը: Ողջ ժողովուրդը զարհուրեց, ընկրկեց ու կանգնեց հեռու:
19. Մարդիկ ասացին Մովսէսին. Դո՛ւ խօսիր մեզ հետ, եւ մենք կը հնազանդուենք: Աստուած թող չխօսի մեզ հետ, թէ չէ կարող ենք մեռնել:
20. Մովսէսն ասաց նրանց. Սրտապնդուեցէ՛ք, որովհետեւ Աստուած ձեզ փորձելու համար եկաւ ձեզ մօտ, որպէսզի նրա երկիւղը լինի ձեր մէջ, եւ դուք մեղք չգործեք:
21. Ժողովուրդը լեռից հեռու էր կանգնած, իսկ Մովսէսը մտաւ մառախուղի մէջ, ուր գտնուում էր Աստուած:
22. Տէրն ասաց Մովսէսին. Այսպէս կ'ասես Յակոբի սերնդին եւ կը հաղորդես Իսրայէլի որդիներին. Դուք ինքներդ տեսաք, որ ես երկնքից խօսեցի ձեզ հետ:
23. Ձեզ համար ոսկէ ու արծաթէ աստուածներ չպատրաստեք:
24. Ինձ համար հողաշէն զոհասեղան կը պատրաստեք եւ դրա վրայ, ամէն տեղ, ուր կը դնեմ իմ անունը, կը մատուցեք ձեր ողջակէզներն ու ձեր խաղաղութեան զոհերը, ձեր ոչխարներն ու ձեր արջառները: Ես կը գամ քեզ մօտ ու կ'օրհնեմ քեզ:
25. Իսկ եթէ զոհասեղանը քարից կառուցես, դրա քարերը յղկուած թող չլինեն, որովհետեւ եթէ քո ձեռքի գործիքը դիպցնես դրան, ապա դա պղծուած կը լինի:
26. Իմ զոհասեղանի վրայ աստիճաններով չբարձրանաս, որպէսզի դրա վրայ քո ամօթոյքը չերեւայ:



1. Սրանք են այն կանոնները, որ պիտի յայտնես նրանց.
2. Եթե գնես երրայեցի մի ստրուկ, վեց տարի նա թող ծառայի քեզ եւ եօթներորդ տարում առանց փրկագնի ազատ թող արձակուի:
3. Եթե նա միայնակ է տունդ մտել, միայնակ էլ թող գնայ, իսկ եթե իր կնոջ հետ է մտել, կինն էլ թող գնայ նրա հետ:
4. Եթե իր տերը նրան կին տայ, եւ կինը նրա համար տղաներ եւ աղջիկներ ծնի, ապա կինն ու զաւակները թող պատկանեն նրա տիրոջը, իսկ նա թող գնայ միայնակ:
5. Եթե ստրուկն առարկելով ասի, թե՝ Սիրեցի իմ տիրոջը, իմ կնոջն ու իմ զաւակներին եւ ազատութիւն չեմ ուզում, ապա նրա տերը նրան թող կանգնեցնի Աստծու ատեանին,
6. այնուհետեւ բերի իր տան դռան սեմի մօտ, հերիւնով ծակի նրա ականջը, եւ նա նրան թող ծառայի ցմահ:
7. Եթե որեւէ մէկն իր աղջկան որպէս աղախին վաճառի, ապա այդ աղջիկը թող չազատագրուի, ինչպէս ազատագրոււմ են ստրկուհիները:
8. Եթե այդ աղախինը, որը սահմանուած էր իր տիրոջ համար, այլեւս հաճելի չլինի նրան, ապա Տերը թող փրկագնով վաճառի նրան, բայց օտարագգի մարդու վաճառելու իրաւունք չունի, թէ չէ նրան անարգած կը լինի:
9. Եթե նա իր գնած աղախինն սահմանել է իր որդու համար, նրա հետ թող վարուի այնպէս, ինչպէս վարոււմ է իր դուստրերի հետ:
10. Եթե ամուսնացած մի մարդ ամուսնանայ նաեւ մի ուրիշ կնոջ հետ, թող չգրկի նախկին կնոջը գոյութեան միջոցներից, զգեստներից ու ամուսնական պարտականութիւնից:
11. Եթե ամուսինն այս երեք պահանջները չկատարի նրա նկատմամբ, ապա կինն առանց փրկագնի՝ ծրի, ազատ թող արձակուի:
12. Եթե որեւէ մարդ հարուածի մէկին, եւ սա մահանայ, ապա հարուածողը մահապատժի թող ենթարկուի:
13. Եթե սպանութիւնը կատարուել է ոչ թէ սպանողի կամքով, այլ Աստուած է մատնել նրան նրա ձեռքը, ապա սպանողին թող ցոյց տրուի մի տեղ, ուր նա ապաստան թող գտնի:
14. Եթե մէկը չարանենգօրէն սպանի իր մերձաւորին եւ փախուստի դիմելով ապաստանի իմ զոհասեղանին, դարձեալ կ'առնես նրան ու կը սպանես:
15. Ով որ հարուածի իր հօրը կամ մօրը, մահապատժի թող ենթարկուի:
16. Եթե մէկը գողանայ մի իսրայէլացու եւ վաճառի, եւ կամ իր մօտ գտնեն նրան, ապա սա մահապատժի թող ենթարկուի:
17. Ով որ վատաբանի իր հօրն ու իր մօրը, մահապատժի թող ենթարկուի:
18. Եթե երկու մարդիկ կռուեն, եւ նրանցից մէկը քարով կամ բռունցքով հարուածի միւսին, եւ սա ոչ թէ մահանայ, այլ անկողին ընկնի,
19. ապա եթէ տուժածը ոտքի կանգնի եւ կարողանայ ցուպի օգնութեամբ քայլել, հարուածողը թող անպարտ լինի, բայց տուժածի աշխատանքից զրկուելու վնասի ու բժշկութեան համար թող հատուցում վճարի:
20. Եթե մէկը գաւազանով հարուածի իր ստրուկին կամ իր ստրկուհուն, եւ սրանք մեռնեն նրա հարուածից, ապա տերը վրէժխնդրութեան պիտի ենթարկուի դատաստանով,
21. իսկ եթէ նրանք մէկ կամ երկու օր ապրեն, տերը վրէժխնդրութեան չի ենթարկուի, քանի որ նա նրանց իր արծաթով է գնել:
22. Եթե երկու տղամարդիկ կռուելիս զարնուեն մի յոյ կնոջ, եւ կինը պտուղը դեռ չձեւաւորուած վիժի, հարուածողը թող հատուցի վնասը. ինչ որ պահանջի կնոջ ամուսինը, նա թող վճարի ըստ սահմանուած կարգի եւ տայ աղաչելով:
23. Իսկ եթէ պտուղը ձեւաւորուած լինի, ապա թող հատուցի ըստ այս կարգի. կեանքի դիմաց՝ կեանք, աչքի դիմաց՝

24. աչք, ատամի դիմաց՝ ատամ, ձեռքի դիմաց՝ ձեռք, ոտքի դիմաց՝ ոտք,
25. խարանի դիմաց՝ խարան, վերքի դիմաց՝ վերք, հարուածի դիմաց՝ հարուած:
26. Եթէ մէկը հարուածի իր ստրկի կամ իր ստրկուհիու աչքին ու կուրացնի նրան, ապա իր կուրացրած աչքի համար նրանց ազատ թող արձակի:
27. Եթէ ջարդի իր ստրկի կամ ստրկուհիու ատամը, ապա իր ջարդած ատամի համար նրանց ազատ թող արձակի:
28. Եթէ մի ցուլ հարուածի մի տղամարդու կամ կնոջ, եւ սրանք մեռնեն, ապա ցուլը թող քարկոծուի, նրա միսը թող չուտեն, իսկ ցուլի տէրը անպարտ թող լինի:
29. Եթէ ցուլը նախկինում եւս հարուածող է եղել, եւ այդ առթիւ նրա տիրոջը բողոքած են եղել, բայց սա ցուլին մէջտեղից չի վերացրել, եւ եթէ ցուլը տղամարդ կամ կին սպանի, ապա ցուլը թող քարկոծուի, իսկ ցուլի տէրը միաժամանակ մահապատժի թող ենթարկուի:
30. Իսկ եթէ տիրոջ վրայ փրկագին նշանակուի, ապա իր խլած կեանքի դիմաց տէրը թող վճարի նշանակուած փրկագինը:
31. Եթէ ցուլը մի տղայի կամ մի աղջկայ հարուածի, նոյն կերպ թող վարուեն նրա հետ:
32. Եթէ ցուլը մի ստրուկի կամ ստրկուհիու հարուածի, ցլատէրը նրանց տիրոջը երեսուն սիկլ արծաթ թող վճարի, իսկ ցուլը թող քարկոծուի:
33. Եթէ մէկը փոս բացելուց կամ ջրհոր փորելուց յետոյ դրանք չծածկի, եւ դրանց մէջ արջառ կամ էշ ընկնի,
34. փոսի տէրը արծաթ թող վճարի անասունի տիրոջը, իսկ լէշը թող յանձնուի իրեն:
35. Եթէ մէկի ցուլը հարուածի մի ուրիշ մարդու ցուլին, եւ սա սատկի, կենդանի մնացած ցուլը թող վաճառեն եւ դրա արժէքը թող բաժանեն: Թող բաժանեն նաեւ սպանուած ցուլը:
36. Իսկ եթէ նախկինում էլ գիտէին, որ ցուլը հարուածող է եղել, եւ այդ մասին դրա տիրոջը բողոքած են եղել, բայց նա իր ցուլը մէջտեղից չի վերացրել, թող ցուլ հատուցուի ցուլի փոխարէն, իսկ սպանուած ցուլը թող տրուի տիրոջը:

1. Եթե մեկը արջառ կամ ոչխար գողանայ, մորթի կամ վաճառի այն, ապա մեկ արջառի փոխարեն հինգ արջառ թող հատուցի, իսկ մեկ ոչխարի փոխարեն՝ չորս ոչխար:
2. Եթե գողին մահացու հարուած հասցնեն տան պատին անցք բացելիս, թող դա սպանութիւն չդիտուի:
3. Իսկ եթե դէպքը արեւածագից յետոյ կատարուի, սպանողը մահապարտ կը դիտուի եւ մահուան կ'ենթարկուի: Եթե գողը հատուցելու ոչինչ չունի, ապա ինքը թող վաճառուի, որպէսզի հատուցի իր գողացածի փոխարեն:
4. Իսկ եթե նա բռնուի, եւ գողօնը՝ արջառ, էշ եւ ոչխար, գտնուի իր մօտ, ապա նա կրկնակին թող հատուցի:
5. Եթե մէկն իր անասունն արածեցնելիս թոյլ է տալիս, որ անասունն արածի ուրիշի հանդում, ապա իր հանդից թող հատուցի ըստ փչացրած բերքի չափի: Իսկ եթե հանդը փչացրել է ամբողջութեամբ, ապա թող հատուցի իր հանդի ու իր այգու ընտիր հատուածով:
6. Եթե մէկը իր հանդի փշերը վառելու համար կրակ անի, եւ նրա վառած կրակը տարածուի ու այրի մէկ ուրիշի կալը կամ ցորենի շէղջը կամ հանդը, ապա վնասը թող հատուցի նա, ով հրդեհի համար մեղաւոր է:
7. Եթե մէկը մի մարդու արծաթ կամ որեւէ այլ իր տայ պահելու, եւ այն գողացուի այդ մարդու տնից, եթե գողը գտնուի, թող կրկնակին հատուցի,
8. իսկ եթե գողը չգտնուի, ապա տան տէրը թող Աստծու առաջ երդուի, որ ինքն ամենեւին չի իւրացրել այդ մարդու իրեն պահ տուած իրը:
9. Արջառի ու էշի, ոչխարի ու հագուստի եւ ամեն տեսակ բաների կորուստներին վերաբերող եւ վեճ յարուցող խնդիրների իսկութիւնը պարզելու նպատակով երկու կողմերը թող կանգնեն Աստծու դատաստանի առաջ: Նրանցից ում որ Աստուած մեղաւոր ճանաչի, նա կրկնակին թող հատուցի միւսին:
10. Եթե մէկը մի մարդու էշ, եգ, ոչխար կամ որեւէ այլ անասուն ի պահ տայ եւ պահ տրուածը վնասուածք ստանայ, սատկի կամ յափշտակուի, եւ այդ բանը հաստատող ոչ մի վկայ չլինի,
11. ապա երկուսի միջեւ թող Աստծուն տրուած երդումը որպէս վկայութիւն լինի: Նա, ում մօտ անասունը պահ է տրուած եղել, եթե երդուի, որ երբեք նենգ մտադրութիւն չի ունեցել միւսի տուած աւանդի նկատմամբ, ապա տէրը թող բաւարարուի դրանով, իսկ պահողը թող չտուգանուի:
12. Իսկ եթե ապացուցուի, որ իրօք իր մօտից են գողացել, ապրանքի տիրոջը թող հատուցի վնասը:
13. Իսկ եթե պահ տրուած անասունին մի գազան է յօշոտել, որպէս ապացոյց նա թող բերի անասունի լէշը եւ վնասը չհատուցի:
14. Եթե մէկը մի իր կամ անասուն խնդրի մէկ ուրիշից, եւ դրանք ջարդուեն, սատկեն կամ յափշտակուեն, իսկ տէրը դրանց մօտ ներկայ չլինի, ապա աւանդը վերցնողը թող հատուցի վնասը:
15. Եթե դէպքը կատարուելիս տէրը աւանդի մօտ ներկայ լինի, աւանդ վերցնողը վնասը թող չհատուցի: Եթե դա վարձով է փոխ առել, վնասն այդ վարձով էլ թող հատուցի:
16. Եթե մէկը խաբի ջնշանուած մի կոյսի եւ պառկի նրա հետ, գլխագին թող վճարի ու ամուսնանայ նրա հետ:
17. Եւ եթե աղջկայ հայրը չհամաձայնի նրան կնութեան տալ իր աղջկան, խաբողը նրա հօրը արծաթ թող վճարի այնքան, ինչքան գլխագին է սահմանուած կոյսերի համար:
18. Մի՛ թողէք, որ կախարդներն ապրեն:
19. Ով որ կենակցի անասունի հետ, նրան մահապատժի ենթարկեցէ՛ք:
20. Ով որ կուռքերին զոհ մատուցի, մահապատժի թող ենթարկուի: Չոհ մատուցեցէ՛ք միայն Տիրոջը:
21. Պանդուխտին մի՛ չարչարէք, մի՛ նեղէք նրան, որովհետեւ դուք եւս պանդուխտ էիք

Եգիպտացիների երկրում:

22. Ոչ մի այրի կնոջ կամ որբի մի՛ տանջեք:

23. Եթե տանջեք նրանց, եւ նրանք բողոք բարձրացնելով դիմեն ինձ, ես կը լսեմ նրանց ձայնը,

24. սաստիկ կը բարկանամ, սրակոտոր կ'անեմ ձեզ, ձեր կանայք կ'այրիանան, իսկ ձեր զաւակները որբ կը դառնան:

25. Եթե արծաթ ես փոխ տալիս աղքատ եղբորդ, նեղը մի՛ գցիր նրան եւ տոկոսներ մի՛ պահանջիր նրանից:

26. Եթե գրաւ վերցնես մէկի բաճկոնը, մինչեւ արեւի մայր մտնելը վերադարձրո՛ւ այն,

27. որովհետեւ դա նրա եւ՛ վերարկուն է, եւ՛ նրա մերկութիւնը ծածկող հանդերձը, որով եւ նա քնում է: Եւ եթե նա բողոքի ինձ, ես կը լսեմ նրան, որովհետեւ ողորմած եմ:

28. Քո աստուածներին մի՛ վատաբանիր եւ քո ժողովրդի առաջնորդին մի՛ հայիոյիր:

29. Քո կալի ու հնձանի արդիւնքը մի՛ կտրիր ինձնից:

30. Քո որդիներից անդրանիկներին ինձ կը նուիրաբերես: Նոյն կերպ կը վարուես քո արջառի, ոչխարի ու էշի առաջնածինների հետ: Դրանք եօթը օր թող մնան իրենց մօր մօտ, իսկ ութերորդ օրը դրանք կը նուիրաբերես ինձ:

31. Իմ այս ասածները կատարելով՝ դուք ինձ համար սուրբ մարդիկ կը լինեք: Գազանի յօշոտած կենդանու միս մի՛ կերէք, այլ շա՛նը նետեցէք:

1. Ականջ մի՛ դիր սուտ լուրերին: Յանձն մի՛ առ յօգուտ անիրաւի անիրաւ վկայ լինել:
2. Մեծամասնութեանը հետեւելով՝ չար գործերի յետեւից մի՛ ընկիր: Բազմութեանը մի՛ խառնուիր՝ անիրաւութիւն գործելու համար նրան ենթարկուելով,
3. Եւ դատի տակ ընկածին յանիրաւի մի՛ խղճա դատաստանի ժամանակ:
4. Եթէ հանդիպես քո թշնամու մոլորուած եզան կամ էշին, դրան կը դարձնես ու կը հասցնես իր տիրոջը:
5. Եթէ տեսնես, որ մէկի գրաստը բեռան ծանրութեան տակ ընկել է, նրա կողքից անտարբեր մի՛ անցիր, այլ նրան օգնելով բարձրացրո՛ւ այն:
6. Մի՛ շեղիր դատի ընթացքը, եթէ նոյնիսկ դատուողը քո ծանօթն է:
7. Հեռու կը մնաս ամէն տեսակ անիրաւ գործերից: Մահուան չդատապարտես անպարտին ու արդարին: Մեղաւորին կաշառուելով չարդարացնես:
8. Կաշառք չվերցնես, որովհետեւ կաշառքը կուրացնում է անգամ պայծառատեսների աչքերը եւ ավերում արդար գործերը:
9. Պանդուխտին մի՛ ճնշիր. դուք գիտէք պանդուխտ մարդկանց վիճակը, որովհետեւ դուք եւս պանդուխտ էիք Եգիպտացիների երկրում:
10. Վեց տարի կը մշակես քո հողը եւ կը հաւաքես դրա բերքը:
11. Եօթներորդ տարում չես մշակի այն եւ կը թողնես, որ հանգստանայ: Զո ցեղի աղքատները թող ուտեն ինքնաբոյս բերքը, իսկ դրանից ավելացածները թող ուտեն վայրի գազանները: Այդպես կը վարուես քո այգու եւ քո ձիթաստանի հետ:
12. Վեց օր կ'աշխատես, իսկ եօթներորդ օրը կը թողնես, որ հանգստանան քո եզն ու էշը, հանգստանան նաեւ քո աղախնու եւ օտարականի որդիները:
13. Ինչ որ ասացի ձեզ, կը կատարէք: Օտար աստուածներ մի՛ պաշտէք, նրանց անունները ձեր բերանից չլսուեն:
14. Տարուայ մէջ երեք անգամ ինձ համար տօն կը կատարէք:
15. Բաղարջակերաց տօնը կը պահէք: Նոր բերքի ամսին եօթը օր բաղարջ հաց կ'ուտէք, ինչպես պատուիրել եմ ձեզ, որովհետեւ դուք ա՛յդ ժամանակ ելաք Եգիպտացիների երկրից: Իմ առաջ դատարկածե՞մն չերեւաս:
16. Ինչ էլ որ ցանած լինես քո հանդում, կը կատարես ամառուայ քո առաջին բերքը քաղելու տօնը: Տօն կը կատարես նաեւ տարուայ վերջում, երբ հանդից հաւաքած կը լինես քո բերքը:
17. Զո ժողովրդի բոլոր արու գաւակները տարուայ մէջ երեք անգամ պետք է ներկայանան տէր Աստծուն:
18. Զո արած զոհաբերութեան արիւնը թթխմորով հացի վրայ չթափես, եւ իմ տօնին արուած զոհաբերութեան ճարպը մինչեւ առաւօտ չպահես:
19. Զո առաջին բերքի արդիւնքը կը բերես քո տէր Աստծու տունը: Գառը իր մօր կաթի մէջ չեփես:
20. Եւ ահա ես իմ հրեշտակին ուղարկում եմ քեզ մօտ, որպէսզի նա քո առաջից գնալով՝ քեզ պահպանի ճանապարհին ու տանի այն երկիրը, որ պատրաստեցի քեզ համար:
21. Չգո՛յշ եղիր անձիդ նկատմամբ, լսի՛ր ու հնազանդուի՛ր նրան, որպէսզի նա չխորշի քեզից, որովհետեւ նա իմ անունով է գործելու:
22. Եթէ ուշադիր լսես իմ խօսքը եւ կատարես այն ամէնը, ինչ ասել եմ քեզ, ես կը լինեմ քո թշնամիների թշնամին եւ կը դառնամ քո հակառակորդների հակառակորդը,
23. որովհետեւ իմ հրեշտակը քեզ առաջնորդ կը լինի, քեզ կը տանի ամորհացիների, քետացիների, փերեզացիների, քանանացիների, գերգեսացիների, խեւացիների ու յեբուսացիների մօտ, որոնց ես կոտորելու եմ:
24. Չերկրպագես նրանց աստուածներին, չպաշտես նրանց եւ չկատարես այն, ինչ նրանք են կատարում, այլ քարուքանդ արա դրանք եւ ջարդիր փշրի՛ր նրանց յուշարձանները:
25. Պաշտի՛ր քո տէր Աստծուն, եւ ես կ'օրհնեմ քո հացն ու ջուրը եւ ձեզնից կը վանեմ

հիւանդութիւնները:

26. Քո երկրում անսեռունակ տղամարդ եւ ամուլ կին չեն լինելու: Ես աւելացնելու եմ քո կեանքի տարիները:

27. Ես պիտի ուղարկեմ իմ ահը, որ դա առաջնորդի քեզ, պիտի սարսափեցնեմ բոլոր այն ազգերին, որոնց երկիրը ոտք պիտի դնես: Քո բոլոր հակառակորդներին փախուստի պիտի մատնեմ:

28. Քո առաջից իշամեղուներ պիտի ուղարկեմ, որ քեզնից հեռու քշեն ամորհացիներին, խեւացիներին, քանանացիներին ու քետացիներին:

29. Մի տարուայ ընթացքում չէ, որ պիտի հեռացնեմ նրանց քեզնից, որպէսզի երկիրը անապատի չվերածուի, եւ քո շրջակայքում չբազմանան երկրի գազանները:

30. Կամաց-կամաց պիտի հեռացնեմ դրանց քեզնից, մինչեւ որ բազմանաս ու ժառանգես երկիրը:

31. Քո երկրի տարածքը սահմանելու եմ Կարմիր ծովից մինչեւ Փղշտացիների ծովը եւ անապատից մինչեւ Եփրատ մեծ գետը: Ձեր ձեռքը պիտի յանձնեմ այդ երկրի բնակիչներին ու նրանց հեռու պիտի քշեմ քեզնից:

32. Դու նրանց ու նրանց չաստուածների հետ ուխտ չդնես:

33. Նրանք քո երկրում չպիտի բնակուեն, որպէսզի իմ նկատմամբ յանցանքի չմղեն քեզ, որովհետեւ, եթէ ծառայես նրանց չաստուածներին, նրանք գայթակղութիւն կը լինեն քեզ համար:



1. Աստուած ասաց Մովսէսին. Բարձրացէ՛ք Տիրոջ մօտ դու, Ահարոնը, Նաբադը, Աբիուդն ու Իսրայէլի ծերերից եօթնասուն տղամարդ: Նրանք Տիրոջը թող երկրպագեն հեռուից:
2. Աստծուն թող մօտենայ միայն Մովսէսը, իսկ միւսները թող չմօտենան: Ժողովուրդը նրանց հետ թող չբարձրանայ:
3. Մովսէսն եկաւ ու ժողովրդին յայտնեց Աստծու բոլոր պատգամներն ու կանոնները: Ողջ ժողովուրդը միաձայն պատասխան տուեց ու ասաց. Կը կատարենք բոլոր այն պատգամները, որ տուել է Տէրը, կ'ենթարկուենք դրանց:
4. Մովսէսը գրի առաւ Տիրոջ բոլոր պատգամները: Մովսէսն առաւօտեան վեր կենալով՝ զոհասեղան կառուցեց լեռան ստորոտին եւ տասներկու վեմ կանգնեցրեց՝ ըստ Իսրայէլի տասներկու ցեղերի թուի:
5. Նա ուղարկեց իսրայէլացի երիտասարդներ, որոնք ողջակէզներ մատուցեցին, փրկութեան համար Աստծուն հորթեր զոհաբերեցին:
6. Մովսէսն առնելով զոհերի արեան կէսը՝ լցրեց ամանների մէջ, իսկ արեան միւս կէսը հեղեց զոհասեղանի առաջ:
7. Նա, վերցնելով ուխտի գիրքը, կարդաց ի լուր ժողովրդի: Ժողովուրդն ասաց. Այն ամէնը, ինչ ասել է Տէրը, կը կատարենք, կ'ենթարկուենք:
8. Մովսէսը, վերցնելով արիւնը, շաղ տուեց ժողովրդի վրայ ու ասաց. Սա այն ուխտի արիւնն է, որ կնքեց Տէրը ձեզ հետ, որպէսզի կատարեք նրա բոլոր պատգամները:
9. Մովսէսը, Ահարոնը, Նաբադը, Աբիուդն ու իսրայէլացի ծերերից եօթնասուն տղամարդ բարձրացան
10. եւ տեսան այն տեղը, ուր կանգնել էր Իսրայէլի Աստուածը: Նրա կանգնած տեղը կարծես շափիւղայի աղիւսներով էր զարդարուած, եւ դա ջինջ երկնքի նմանութիւնն ունէր:
11. Իսրայէլացի ընտրեալներից ոչ մէկը չմեռաւ: Նրանք յայտնուեցին այնտեղ, ուր գտնուում էր Աստուած: Եւ կերան ու խմեցին:
12. Տէրն ասաց Մովսէսին. Բարձրացի՛ր ինձ մօտ՝ լեռը, այնտեղ եղի՛ր, եւ քեզ պիտի տամ քարէ այն տախտակները, որոնց վրայ գրելու եմ իմ օրէնքներն ու պատուիրանները: Դրանք նրանց համար օրէնսդրութիւն պիտի լինեն:
13. Մովսէսն ու նրա սպասաւոր Յեսուն բարձրացան Աստծու լեռը:
14. Մովսէսն ասաց ծերերին. Հանգստացէ՛ք այստեղ, մինչեւ որ մենք վերադառնանք ձեզ մօտ: Ահարոնն ու Ովրը ձեզ հետ են: Եթէ որեւէ մէկը վեճ ունենայ, թող գնայ նրանց մօտ:
15. Մովսէսը բարձրացաւ լեռը, եւ ամպը ծածկեց լեռը:
16. Տիրոջ փառքն իջաւ Սինա լեռան վրայ, եւ ամպն այն ծածկեց վեց օր: Տէրը եօթներորդ օրը Մովսէսին կանչեց ամպի միջից:
17. Տիրոջ փառքի տեսիլքը բորբոքուած կրակի նման իջաւ Իսրայէլի որդիների առաջ, լեռան գագաթը:
18. Մովսէսը մտաւ ամպի մէջ ու բարձրացաւ լեռը: Մովսէսը լեռան վրայ մնաց քառասուն օր ու քառասուն գիշեր:

1. Տէրը խօսեց Մովսէսի հետ ու ասաց.
2. Իսրայէլի որդիներին կ'ասես, որ առնեն ինձ սահմանուած ընծաները: Թող առնեն նրանցից, ում սրտից են բխում:
3. Սրանք են այն ընծաները, որ դուք կ'առնէք նրանցից. ոսկի, արծաթ, պղինձ,
4. կապոյտ, ծիրանի եւ կրկնակի կարմիր կտաւ, նրբահիւս բեհեզ, այծի մազ,
5. խոյերի կարմիր ներկուած մորթիներ, կապոյտ ներկուած մորթիներ եւ կարծր փայտեր,
6. լոյսի համար ձէթ եւ օծութեան իւղի ու խնկի համար բաղադրանիւթեր,
7. սարդիոնի քարեր, վակասի վրայ ագուցուելու քարեր եւ պատմուճան:
8. Ինձ համար սրբարան կը կառուցես, եւ ես կ'երեւամ ձեզ:
9. Դու խորանն ու նրա ամբողջ սպասքը ինձ համար կը պատրաստես ըստ այն օրինակի, որ լեւան վրայ ցոյց կը տամ քեզ: Այսպէս կը պատրաստես.
10. Վկայութեան տապանակ կը պատրաստես կարծր փայտից: Երկուսուկէս կանգուն թող լինի դրա երկարութիւնը, մէկուկէս կանգուն՝ դրա լայնութիւնը, մէկուկէս կանգուն՝ դրա բարձրութիւնը:
11. Այն կը պատես մաքուր ոսկով՝ ներսից ու դրսից կ'ոսկեզօծես այն: Դրա վրայ շուրջանակի կը դնես ոսկէ պսակ:
12. Դրա համար չորս ոսկէ օղակներ կը ձուլես եւ կը դնես դրա չորս կողմերին. երկու օղակները՝ մի կողմից, եւ երկու օղակները՝ միւս կողմից:
13. Կարծր փայտից լծակներ կը պատրաստես եւ դրանք կը պատես ոսկով:
14. Լծակները կ'անցկացնես տապանակի կողքերին ամրացուած օղակների մէջ, որպէսզի դրանցով բարձրացնեն տապանակը:
15. Լծակները վկայութեան տապանակի օղակների մէջ թող մնան՝ լինեն դրան ամրացուած:
16. Տապանակի մէջ կը դնես այն պատուիրանները, որ ես պիտի տամ քեզ:
17. Քաւութեան խնկամանի կափարիչը կը պատրաստես մաքուր ոսկուց: Երկուսուկէս կանգուն թող լինի դրա երկարութիւնը, մէկուկէս կանգուն՝ դրա լայնութիւնը:
18. Կոփածոյ երկու ոսկեայ քերովբէներ կը պատրաստես եւ դրանք կը դնես կափարիչի երկու ծայրերին:
19. Քերովբէներից մէկը թող լինի կափարիչի մի ծայրին, իսկ միւսը՝ միւս ծայրին:
20. Երկու քերովբէներ կը դնես դրա երկու ծայրերին. թող քերովբէները դէպի վեր տարածեն իրենց թւերը եւ իրենց թւերով հովանի անեն կափարիչի վրայ: Նրանց գլուխները թող լինեն միմեանց յանդիման, որպէսզի քերովբէների երեսները նայեն կափարիչին: Կափարիչը կը դնես տապանակի վրայ՝ վերեւի կողմից:
21. Տապանակի մէջ կը դնես այն պատուիրանները, որ ես պիտի տամ քեզ:
22. Ես քեզ կը յայտնուեմ այնտեղ եւ վկայութեան տապանակի կափարիչի վրայ գտնուող երկու քերովբէների արանքից քեզ հետ կը խօսեմ այն ամենի մասին, ինչ պատուիրելու եմ քեզ Իսրայէլի որդիների վերաբերեալ:
23. Սեղան կը պատրաստես կարծր փայտից: Երկու կանգուն թող լինի դրա երկարութիւնը, մէկ կանգուն՝ դրա լայնութիւնը, եւ մէկուկէս կանգուն՝ դրա բարձրութիւնը:
24. Այն կը պատես մաքուր ոսկով: Դրա վրայ շուրջանակի կը դնես ոսկէ պսակ:
25. Դրա չորս կողմը մէկ թզաչափ բարձրութեամբ շրջանակ կը դնես եւ այն չորս կողմից կը պատիս ոսկով:
26. Եւ չորս ոսկէ օղակներ կը պատրաստես եւ օղակները կը դնես չորս անկիւններին, ուր, պսակից ներքեւ, դրա չորս ոտքերն են:
27. Օղակները կը ծառայեն այն բանին, որ լծակները դրանց մէջ անցկացնելով՝ կը բարձրացնեն սեղանը:
28. Լծակները կը պատրաստես չփչացող փայտից եւ դրանք կը պատես մաքուր ոսկով:

Դրանցից բռնելով՝ կը բարձրացուի սեղանը:

29. Կը պատրաստես դրա խնկամաններն ու սկուտեղները, դրա գաւաթներն ու սկիւիները, որոնցով գինի պիտի մատուցես: Մաքուր ոսկուց կը պատրաստես դրանք:

30. Սեղանի վրայ, իմ առաջ, մշտապէս կը դնես առաջաւորութեան հաց:

31. Մաքուր ոսկուց աշտանակ կը պատրաստես: Քանդակագարդ կ'անես աշտանակը եւ այնպէս, որ բունը, ճիւղերը, սկահակները, գնդիկներն ու շուշանաձեւ ծաղիկները միաձոյլ լինեն:

32. Վեց ճիւղեր պետք է տարածուեն նրա կողքերից. աշտանակի երեք ճիւղերը պետք է լինեն մի կողմից, իսկ աշտանակի միւս երեք ճիւղերը՝ միւս կողմից:

33. Ամէն մի ճիւղ պետք է ունենայ գնդիկից ու ծաղկից բաղկացած երեք ընկուզաձեւ սկահակներ: Միւս ճիւղերն էլ պետք է ունենան գնդիկից ու ծաղկից բաղկացած երեք ընկուզաձեւ սկահակներ: Այսպէս թող լինեն աշտանակի կողքերից դուրս եկած վեց ստեղները.

34. աշտանակի բունը պետք է ունենայ գնդիկից ու ծաղկից բաղկացած չորս սկահակներ:

35. Իրենց բնի կողքերից դուրս եկած երկու ճիւղերի տակ պետք է լինի մի գնդիկ: Իրենց բնի կողքերից դուրս եկած երկու միւս ճիւղերի տակ նոյնպէս պետք է լինի մի գնդիկ:

Նոյն ձեւով կը պատրաստես աշտանակի կողքերից դուրս եկած վեց ճիւղերը,

36. այնպէս, որ նրանց գնդիկներն ու ճիւղերը դուրս եկած լինեն իրենց բնի կողքերից՝ ամբողջութեամբ քանդակագարդ, մէկ կտոր մաքուր ոսկուց:

37. Դրա համար կը պատրաստես եօթը կանթեղ եւ կանթեղները կը դնես աշտանակի վրայ այնպէս, որ դրանք լուսաւորեն դէմից:

38. Դրա ունեւիներն ու պատուանդանը կը պատրաստես մաքուր ոսկուց: Այս ամբողջ սպասքը մի տաղանդ մաքուր ոսկուց կը պատրաստես:

39. Ուշադիր եղի՛ր, կ'անես ըստ այն օրինակի, որ քեզ ցոյց տրուեց լերան վրայ:

1. Նրբահիւս բեհեզից, կապոյտ, ծիրանի եւ կրկնակի կարմիր կտաւից տասշերտանի վարագոյրով խորան կը պատրաստեն: Այն կը զարդարեն ասեղնագործ քերովբէներով:
2. Վարագոյրի ամէն շերտի երկարութիւնը պէտք է լինի քսանութ կանգուն, իսկ լայնութիւնը՝ չորս կանգուն: Բոլոր շերտերի չափսը նոյնը պէտք է լինի:
3. Հինգ շերտերը պէտք է միացած լինեն իրար: Իրար պէտք է միացած լինեն նաեւ միւս հինգ շերտերը:
4. Շերտերի կցուածքի մի կողմից մէկ շերտի եզերքին կապոյտ ճարմանդներ պէտք է դնեն: Նոյնը պէտք է անեն նաեւ երկրորդ կցուածքի արտաքին շերտի եզերքին:
5. Յիսուն ճարմանդ կը դնեն մի շերտի վրայ, յիսուն ճարմանդ էլ՝ կը դնեն երկրորդ կցուածքի շերտի կողմից: Բոլոր ճարմանդները միմեանց դիմաց պէտք է լինեն:
6. Կը պատրաստեն յիսուն ոսկէ օղակներ եւ շերտերը իրար կը միացնեն կեռիկներով: Այսպիսով կը ստացուի մի խորան:
7. Խորանի համար այծի մազից հիւսուած ծածկոց կը պատրաստեն: Տասնմէկ շերտերից թող բաղկացած լինի այն:
8. Ամէն մի շերտի երկարութիւնը պէտք է լինի երեսուն կանգուն, իսկ լայնութիւնը՝ չորս կանգուն: Տասնմէկ շերտերի չափսը նոյնը պէտք է լինի:
9. Հինգ շերտերը իրար կը միացնեն առանձին եւ վեց շերտերը՝ առանձին: Վեցերորդ շերտը իբրեւ կրկնակի ծածկոց թող կախուի խորանի ճակատի կողմից:
10. Յիսուն ճարմանդ կը պատրաստեն կցուածքի ամէն շերտի եզերքին, յիսուն ճարմանդ էլ՝ երկրորդ կցուածքի շերտի եզերքին:
11. Կը պատրաստեն յիսուն պղնձէ օղակներ եւ ճարմանդները օղակների մէջ անցկացնելով՝ իրար կը միացնեն շերտերը: Կը ստացուի մի ամբողջութիւն:
12. Շերտերի աւելացած մասերը կը տեղաւորեն վրանի տակ. շերտի այդ աւելացած մասի կէտով կը ծածկեն վրանի ծայրամասերը՝ յետեւի կողմից:
13. Վրանի վարագոյրների երկարութեան աւելացած մասից մի կանգուն թող կախուի այս կողմից եւ մի կանգուն՝ այն կողմից: Վրանի ծայրերը թող ծածկուեն այս ու այն կողմից:
14. Վրանի ծածկը կը պատրաստեն խոյերի շիկակարմիր մորթուց, իսկ դրա վրայ էլ մի ծածկ կը դնեն կապոյտ մորթուց:
15. Վրանի ուղղահայեաց մոյթերը կը պատրաստեն կարծր փայտից:
16. Ամէն մոյթի երկարութիւնը տասը կանգուն թող լինի, իսկ ամէն մոյթի հաստութիւնն ու լայնութիւնը մէկուկէս կանգուն թող լինի:
17. Ամէն մի մոյթ թող ունենայ իրար ագուցուած երկու ծղնի: Այդպէս կը պատրաստեն վրանի բոլոր մոյթերը:
18. Վրանի հիւսիսային կողմում կը դնեն քսան մոյթեր:
19. Եւ այդ քսան մոյթերի համար կը պատրաստեն քառասուն արծաթէ խարիսխներ. երկու խարիսխ՝ վրանի մի մոյթի երկու կողմերի համար եւ երկու խարիսխ՝ մի մոյթի երկու կողմերի համար:
20. Վրանի միւս՝ հարաւային կողմում նոյնպէս կը դնեն քսան մոյթեր իրենց քառասուն արծաթէ խարիսխներով:
21. Երկու խարիսխ՝ մի մոյթի երկու կողմերի համար:
22. Վրանի յետեւի՝ ծովահայեաց կողմում վեց մոյթ կը դնեն:
23. Երկու մոյթ կը դնեն խորանի անկիւններին՝ յետեւի կողմից:
24. Ներքեւի կողմից դրանք պէտք է իրար հաւասար լինեն: Նոյն ձեւով հաւասար թող լինեն դրա իրար ագուցուած զոյգ խոյակները: Նոյն ձեւով կը շինեն երկու անկիւնների մոյթերը:
25. Այսպիսով կը ստացուի ութ մոյթ: Դրանց խարիսխները արծաթից թող լինեն. տասնվեց խարիսխ: Երկու խարիսխ՝ մի մոյթի համար նրա երկու կողմերից, եւ երկու խարիսխ էլ՝ միւս մոյթի համար:

26. Կարծր փայտից նիզեր կը պատրաստես. հինգ նիզ՝ վրանի մի կողմի մոյթի համար,  
27. հինգ նիզ՝ վրանի երկրորդ կողմի միւս մոյթի համար եւ հինգ նիզ՝ վրանի թիկունքի՝  
ծովահայեաց կողմի մոյթի համար:  
28. Մի նիզ էլ մոյթերի մի ծայրից մինչեւ միւսն անցկացուելով՝ դրանք թող միացնի իրար:  
29. Մոյթերը կը պատես ոսկով: Կը պատրաստես ոսկէ օղակներ, որոնց մէջ կը հագցնես  
նիզերը: Նիզերը կը պատես ոսկով:  
30. Վրանը կը կանգնեցնես այն ձեւով, որ ցոյց տրուեց քեզ լերան վրայ:  
31. Կապոյտ, ծիրանի ու կարմիր կտաւից եւ նրբահիւս բեհեզից վարագոյր կը  
պատրաստես: Այն կը զարդարես ասեղնագործուած քերովքով:  
32. Այն կ'ամրացնես կարծր փայտից շինուած եւ ոսկով պատած չորս մոյթերի վրայ:  
Դրանց խոյակները թող լինեն ոսկուց, իսկ խարիսխները՝ արծաթից: Վարագոյրը կը  
ձգես մոյթից մոյթ:  
33. Վկայութեան տապանակը կը տանես այնտեղ, վարագոյրի ներսի կողմը, եւ  
վարագոյրը ձեզ համար սրբութիւնը կ'առանձնացնի սրբութիւնների սրբութիւնից:  
34. Սրբութիւնների սրբութեան տեղում վկայութեան տապանակը կը ծածկես  
վարագոյրով:  
35. Չոհասեղանը կը դնես վարագոյրի դրսի կողմը, իսկ աշտանակը՝ զոհասեղանի  
դիմաց, վրանի հարաւային կողմում: Չոհասեղանը կը դնես վրանի հիւսիսային կողմում:  
36. Կապոյտ, ծիրանի ու կարմիր կտաւից եւ նրբահիւս բեհեզից կը պատրաստես  
վրանի դռան առագաստը՝ նկարագարդ մի գործ:  
37. Առագաստի համար կարծր փայտից հինգ մոյթ կը պատրաստես եւ դրանք  
կ'ոսկեզօծես: Դրանց խոյակները թող լինեն ոսկուց: Դրանց համար հինգ պղնձէ  
խարիսխ կը ձուլես:

1. Կարծր փայտից զոհասեղան կը պատրաստես: Հինգ կանգուն թող լինի դրա երկարութիւնը, հինգ կանգուն՝ լայնութիւնը: Քառակուսի թող լինի զոհասեղանը: Երեք կանգուն թող լինի դրա բարձրութիւնը:
2. Դրա չորս անկիւնների վրայ եղջիւրներ կ'անես այնպէս, որ դրանք միաձոյլ լինեն զոհասեղանի հետ: Դրանք կը պատես պղնձով:
3. Չոհասեղանի համար շրջանակ կը պատրաստես: Դրա խուփը, տաշտերը, մեծ պատառաքաղները, կրակարանները եւ ամբողջ սպասքը պղնձից կը պատրաստես:
4. Դրա համար պղնձից վանդակաւոր կասկարայ կը պատրաստես: Կասկարայի համար չորս կողմից չորս պղնձե օղակներ կը պատրաստես:
5. Դրանք կը դնես զոհասեղանի կասկարայի տակ՝ ներքեւի մասում: Կասկարան թող հասնի մինչեւ զոհասեղանի մէջտեղը:
6. Չոհասեղանի համար լծակներ կը պատրաստես՝ լծակներ կարծր փայտից, եւ դրանք կը պատես պղնձով:
7. Լծակները կը մտցնես օղակների մէջ: Լծակները թող լինեն զոհասեղանի երկու կողմերից, որպէսզի հնարաւոր լինի այն բարձրացնել:
8. Փայտեայ շինուածքների մէջը դատարկ թող լինի: Կը պատրաստես ըստ այն օրինակի, որ ցոյց է տրուել քեզ լերան վրայ: Այդպէս կը պատրաստես այն:
9. Վրանի առաջ բակ կը շինես, բակի հարաւային կողմում՝ նրբահիւս բեհեզից պատրաստուած առագաստ: Հարիւր կանգուն թող լինի բակի մի կողմի երկարութիւնը:
10. Մոյթերը թող լինեն քսան հատ, դրանց պղնձե խարիսխները՝ քսան հատ: Դրանց օղակներն ու խոյակները թող արծաթից լինեն:
11. Նոյն ձեւով հիւսիսային կողմում առագաստների երկարութիւնը թող լինի հարիւր կանգուն: Դրանց պղնձե մոյթերը թող լինեն քսան հատ, դրանց պղնձե խարիսխները՝ քսան հատ: Դրանց գալարազարդերը, մոյթերը եւ խարիսխները թող լինեն արծաթապատ:
12. Ծովահայեաց բակի առագաստների լայնութիւնը թող լինի յիսուն կանգուն: Դրանց մոյթերը թող լինեն տասը հատ, դրանց խարիսխները՝ տասը հատ:
13. Արեւելեան կողմի առաջին բակի առագաստների լայնութիւնը թող լինի յիսուն կանգուն: Դրանց մոյթերը թող լինեն տասը հատ, դրանց խարիսխները՝ տասը հատ:
14. Առագաստների մի կողմի բարձրութիւնը թող լինի տասնհինգ կանգուն: Դրանց մոյթերը թող լինեն երեք, դրանց խարիսխները՝ երեք:
15. Առագաստների միւս կողմի բարձրութիւնը թող լինի տասնհինգ կանգուն: Դրանց մոյթերը թող լինեն երեք հատ, դրանց խարիսխները՝ երեք հատ:
16. Բակի դռան վարագոյրի բարձրութիւնը թող լինի քսան կանգուն: Կապոյտ, ծիրանի ու կարմիր կտակից եւ նրբահիւս բեհեզից պատրաստուած թող լինի այն՝ նկարագեղ ասեղնագործութեամբ: Դրանց մոյթերը թող լինեն չորս հատ, խարիսխներն էլ՝ չորս հատ:
17. Բակի շրջակայ բոլոր մոյթերը արծաթապատ թող լինեն, դրանց խոյակները՝ արծաթից, դրանց խարիսխները՝ պղնձից:
18. Բակի երկարութիւնը հարիւր կանգուն թող լինի, լայնութիւնը՝ յիսուն, իսկ բարձրութիւնը՝ տասնհինգ կանգուն: Առագաստը նրբահիւս բեհեզից թող լինի: Դրանց խարիսխները պղնձից թող լինեն:
19. Վրանի ամբողջ սպասքը, դրա բոլոր գործիքները եւ բակի բոլոր ցիցերը պղնձից թող լինեն:
20. Իսրայէլացիներին կարգադրի՛ր, որ քեզ ծիթենու զուլալ, անարատ, ծեծուած ծիթապտղի ձեթ բերեն լոյսի համար,
21. որպէսզի մշտավառ ճրագ լինի վկայութեան խորանում, ուխտի վարագոյրից դուրս: Եւ Ահարոնն ու նրա որդիները երեկոյից մինչեւ առաւօտ թող այն վառեն Տիրոջ առաջ: Դա Իսրայէլի որդիների կողմից հաստատուած յաւիտենական օրէնք թող լինի ձեր

սերունդների մեջ:

1. Դու Իսրայելի որդիներից քեզ մօտ կը բերես քո եղբայր Ահարոնին, նրա հետ նաեւ նրա որդիներին՝ Նաբադին ու Աբիուդին, Եղիազարին ու Իթամարին, որպէսզի ինձ համար քահանայութիւն անեն:
2. Ի պատիւ եւ ի փառս քո եղբայր Ահարոնի սրբազան զգեստներ կը պատրաստես:
3. Դու կը խօսես մտքով իմաստուն բոլոր մարդկանց հետ, որոնց ես իմաստութեան ոգով եմ լցրել, որ նրանք Ահարոնին սրբազան զգեստներ պատրաստեն սրբութեան համար, որոնցով էլ նա քահանայութեան պաշտօն է կատարելու ինձ համար:
4. Սրանք են այն զգեստները, որ նրանք պիտի պատրաստեն. մինչեւ ոտքի թաթերը հասնող երկարաւուն զգեստ, ուսի ու լանջի վակասներ, բեհեզէ պատմունճան, խոյր եւ գօտի: Սրբազան զգեստներ թող պատրաստեն քո եղբայր Ահարոնի ու նրա որդիների համար, որպէսզի ինձ համար քահանայութիւն անեն:
5. Նրանք թող վերցնեն ոսկի, կապոյտ, ծիրանի ու կարմիր կտաւ եւ նրբահիւս բեհեզ:
6. Վակասը թող պատրաստեն մաքուր ոսկուց, կապոյտ, ծիրանի ու կարմիր նրբահիւս բեհեզից՝ այն զարդարելով նուրբ ասեղնագործութեամբ:
7. Երկու վակասները թող իրար միանան՝ երկու կողմերից իրար կապուելով:
8. Վակասի վերեւի մասը նոյն ձեւով պէտք է պատրաստուած լինի՝ մաքուր ոսկուց, կապոյտ, ծիրանի ու կարմիր կտաւից եւ նրբահիւս բեհեզից:
9. Չմրուխտէ երկու ակնաքար կ'առնես եւ դրանց վրայ կը փորագրես Իսրայելի որդիների անունները. նրանցից վեցի անունները կը փորագրես մի ակնաքարի վրայ եւ միւս վեցինը՝ երկրորդ ակնաքարի վրայ, ըստ իրենց ցեղերի:
10. Դա ակնագործների արուեստին վայել մի գործ պէտք է լինի:
11. Իսրայելի որդիների անունները կը քանդակես երկու ակնաքարերի վրայ այնպէս, ինչպէս կնիքներն են քանդակում: Դրանց շուրջը ոսկով կը զարդարես:
12. Երկու ակնաքարերը կը գետեղես ուսի վրայ դրուող վակասի վրայ, որպէսզի դրանք Իսրայելի որդիների յիշատակի ակնաքարերը լինեն: Ահարոնը, ի յիշատակ նրանց, Աստծու առաջ իր երկու ուսերի վրայ պէտք է կրի Իսրայելի որդիների անունները:
13. Օղակ ու ճարմանդ կը պատրաստես մաքուր ոսկուց:
14. Մաքուր ոսկուց կը պատրաստես այդ երկու կապիչները, որոնք ծաղկազարդ մանուածքով հիւսկէններ պէտք է լինեն: Կապիչները կ'ամրացնես ուսանոցի երկու օղակներին՝
15. նրանց վտաւակների մօտ, առջեւի կողմից:
16. Դատաստանի լանջապանակը նկարագարդ կտորից կը պատրաստես. վակասի նման՝ ոսկուց, կապոյտ, ծիրանի ու կարմիր կտաւից եւ նրբահիւս բեհեզից:
17. Քառակուսի կը պատրաստես այն՝ մէկ թիզ երկարութեամբ եւ մէկ թիզ լայնութեամբ:
18. Դրա վրայ ակնաքարերը կը շարես չորս շարք ընդելուզուածքով: Ակնաքարերի շարքերը այսպէս թող լինեն. առաջինը՝ զմրուխտ, սարդիոն եւ տպագիոն՝ մէկ շարք:
19. Երկրորդ շարքը՝ նռնաքար, շափիւղայ եւ յասպիս:
20. Երրորդ շարքը՝ գոճազմ, ագատ եւ սուտակ:
21. Չորրորդ շարքը՝ յակինթ, բիւրեղ եւ եղնգաքար: Դրանք թող դասաւորուեն ըստ իրենց նշուած շարքերի՝ ընդելուզուած, ոսկով ամրացուած:
22. Իսրայելի որդիների անուններով փորագրուած ակնաքարերը թող լինեն թուով տասներկու՝ ըստ նրանց անունների թուի: Իւրաքանչիւրն ըստ այդ տասներկու ցեղերի թող ունենայ իր անունը:
23. Լանջապանակի վրայ մաքուր ոսկուց շինուած ոլորուն շղթայ կը պատրաստես:
24. Լանջապանակի վրայ երկու ոսկէ օղակներ կը պատրաստես եւ երկու օղակներ կ'ամրացնես լանջապանակի երկու ծայրերին:
25. Երկու ոսկէ շղթաներ կ'անցկացնես լանջապանակի ծայրին գտնուող երկու օղակների մէջ:
26. Երկու շղթաների երկու ծայրերը կը մտցնես երկու օղակների մէջ եւ վակասի առջեւի



կողմից տանելով՝ կ'անցկացնես վակասի ետեւի կողմը:

27. Երկու ոսկէ օղակներ էլ կը պատրաստես եւ դրանք կ'ամրացնես լանջապանակի ներքեւի երկու ծայրերին, վակասին կցուած եզրերին:

28. Երկու ոսկէ այլ օղակներ կը պատրաստես եւ դրանք կ'անցկացնես վակասի երկու ուսերին, ներքեւի կողմից, միմեանց դէմ դիմաց: Դրա կոճակները թող լինեն վակասի գօտու վրայ:

29. Լանջապանակի ու վակասի օղակների միջով կապոյտ թել անցկացնելով՝ դրանք թող պինդ ամրացուեն իրար այնպէս, որ լանջապանակը լինի վակասի գօտու վրայ եւ վակասից չառանձնանայ:

30. Երբ Ահարոնը սրբարան կը մտնի, նա իր կրծքի վրայ թող կրի Իսրայէլի որդիների անուններով քանդակուած դատաստանի լանջապանակը, որպէսզի Աստծու առաջ յաւիտենապէս պահպանի նրանց յիշատակը:

31. Դատաստանի լանջապանակին կ'ամրացնես շղթաների ծայրերը եւ լանջապանակի երկու կողմերից կը կապես: Երկու վահանաձեւ կոճակ կը դնես վակասի երկու ուսերին, առջեւի կողմից եւ ներքեւից: Դատաստանի լանջապանակի վրայ կը դնես յանդիմանութիւնն ու ճշմարտութիւնը: Դա թող լինի Ահարոնի կրծքի վրայ, երբ նա սրբարան մտնելով՝ ներկայանայ Տիրոջը: Եւ Ահարոնը Տիրոջ առաջ իր կրծքի վրայ միշտ թող կրի Իսրայէլի որդիների դատաստանի լանջապանակը:

32. Պճղնաւոր ներքին պատմութեան կը պատրաստես ամբողջութեամբ կապոյտ թելով հիւսուած կտաւից:

33. Դրա վերին մասը շուրջանակի կլոր կտրելով՝ բացուածք կը թողնես: Միացման տեղերը ամբողջական՝ մէկ կտոր թող լինեն, որպէսզի այդ զգեստը չպատռուի:

34. Ներքին պատմութեանների քղանցքներին, ներքեւի մասում մանուած կապոյտ, ծիրանի ու կարմիր թելերով եւ նրբահիւս բեհեզով նռան ծաղկաբողբոջներ կը գործես: Դրանք կը գործես ներքին պատմութեանների քղանցքների շուրջը: Այդ զարդերը թող ունենան նռան ծաղկաբողբոջի ձեւը, եւ դրանց միջեւ շուրջանակի ոսկէ զանգակներ թող լինեն:

35. Ոսկէ զանգակներն ու նռան ծաղկաբողբոջները շուրջանակի թող զարդարեն ներքին պատմութեանների քղանցքները:

36. Դա թող հագնի Ահարոնը, որպէսզի, երբ պաշտամունք է կատարում, Տիրոջ առաջ սրբարան մտնելիս ու ելնելիս լսուեն դրանց արձակած ձայները, եւ Ահարոնը չմեռնի:

37. Մաքուր ոսկուց թիթեղ կը պատրաստես եւ դրա վրայ, ինչպէս կնիքի վրայ եւ փորագրում, Սրբութիւն Տեառն կը փորագրես:

38. Այն կ'ամրացնես նրբահիւս կապոյտ ժապաւենի վրայ:

39. Դա կը կապես Ահարոնի գլխին դրուող խոյրի վրայ՝ ճակատի կողմից: Ահարոնը պետք է կրի Իսրայէլի որդիների նուիրած բոլոր ընծաները, եթէ նոյնիսկ նրանք անօրէնութիւններ գործած լինեն դրանք նուիրելիս: Դա միշտ Ահարոնի ճակատին պետք է լինի, որպէսզի այդ ընծաները ընդունելի լինեն Տիրոջը:

40. Մինչեւ ոտքի թաթերը հասնող երկարաւուն պատմութեանը բեհեզից կը պատրաստես: Բեհեզից կը պատրաստես նաեւ ապարօշն ու նախշազարդ գօտին:

41. Ահարոնի որդիների համար պատմութեաններ, գօտիներ եւ խոյրեր կը պատրաստես պատուի եւ փառքի համար:

42. Դրանք կը հագնեն քո եղբայր Ահարոնին ու նրա որդիներին: Կ'օծես նրանց, կ'օրհնես ու կը սրբագործես նրանց, որպէսզի ինձ համար քահանայութիւն անեն:

43. Նրանց համար կտաւից անդրաւարտիքներ կը պատրաստես, որպէսզի դրանք նրանց մեջքից մինչեւ սրունքները հասնելով՝ ծածկեն նրանց ամօթոյքը:

44. Ահարոնն ու նրա որդիները թող հագնեն այն, երբ մտնեն վկայութեան խորանը, կամ երբ պաշտամունք կատարելու համար մօտենան սուրբ սեղանին: Նրանք մեղք թող չգործեն, որպէսզի չմեռնեն: Դա թող լինի յաւիտենական օրէնք իր եւ իրեն յաջորդող սերնդի համար:

1. Ահա թե ինչպես կը վարուես նրանց հետ: Կը սրբագործես նրանց, որպեսզի ինձ համար քահանայութիւն անեն: Հօտից կը վերցնես ոչ արատաւոր մի զուարակ եւ ոչ արատաւոր երկու խոյ,
2. Նաեւ բաղարջ հաց, իւղով հունցուած բաղարջ կարկանդակներ ու իւղով շաղուած բաղարջ բլիթներ: Այդ բոլորը իւղով հունցուած ընտիր ալիւրով կը պատրաստես:
3. Դրանք կը դնես մի սկուտեղի վրայ եւ սկուտեղով էլ կը նուիրաբերես դրանք, ինչպես նաեւ զուարակն ու երկու խոյերը:
4. Ահարոնին ու նրա որդիներին կը բերես վկայութեան խորանի դռան մօտ եւ նրանց կը լուանաս ջրով:
5. Չգեստներն առնելով՝ քո եղբայր Ահարոնի ներքնագգեստի վրայ կը հազցնես երկարաւուն պատուճանը, վականն ու լանջապանակը: Լանջապանակը կ'ամրացնես վականին:
6. Խոյը կը դնես նրա գլխին, իսկ թիթեղեայ սուրբ պսակը կը դնես խոյի վրայ:
7. Կը վերցնես օծութեան իւղից, կը քսես նրա գլխին եւ կ'օծես նրան:
8. Մօտ կը բերես նրա որդիներին, նրանց նոյնպէս կը հազցնես զգեստները,
9. Ահարոնի ու նրա որդիների մէջքին կը կապես գօտիները, ապարօշները կը դնես նրանց գլխին եւ նրանց քահանայութիւնը ինձ համար յաւիտենական կը լինի: Այսպէս կը սրբագործես դու Ահարոնին ու նրա որդիներին:
10. Չուարակը կը բերես վկայութեան խորանի դռան մօտ, եւ Ահարոնն ու նրա որդիները վկայութեան խորանի դռան մօտ իրենց ձեռքերը կը դնեն զուարակի գլխին Տիրոջ առաջ:
11. Չուարակը կը մորթես Տիրոջ առաջ, վկայութեան խորանի դռան մօտ:
12. Կը վերցնես զուարակի արիւնից քո մատով ու կը քսես զոհասեղանի եղջիրաձեւ անկիւններին, իսկ մնացած ամբողջ արիւնը կը հեղես զոհասեղանի յատակին:
13. Կը վերցնես փորոտիքը ծածկող ամբողջ ճարպը, լեարդի տակի բլթակը եւ երկու երիկամներն իրենց ճարպի հետ, կը դնես զոհասեղանի վրայ:
14. Չուարակի միսը, նրա մորթին ու կղկղանքը թող այրեն բանակատեղիից դուրս: Դա հենց մեղքերի համար է:
15. Կ'առնես խոյերից մէկը, եւ Ահարոնն ու նրա որդիները իրենց ձեռքերը կը դնեն խոյի գլխին:
16. Կը մորթես խոյը եւ վերցնելով նրա արիւնը՝ կը հեղես զոհասեղանի շուրջը:
17. Խոյը կը բաժանես մասերի, ջրով կը լուանաս նրա փորոտիքն ու ոտքերը եւ դրանք նրա գլխի հետ կը դնես կտրտած մասերի վրայ:
18. Չոհասեղանի վրայ դրուած ամբողջ խոյը կը լինի Տիրոջն առաքուած անուշահոտ ողջակէզ: Դա Տիրոջը մատուցուած զոհն է:
19. Կ'առնես երկրորդ խոյը, եւ Ահարոնն ու նրա որդիները իրենց ձեռքերը կը դնեն խոյի գլխին:
20. Կը մորթես խոյը, կը վերցնես նրա արիւնից եւ կը քսես Ահարոնի աջ ականջի բլթակին, նրա որդիների աջ ականջի բլթակին, Ահարոնի աջ ձեռքի ծայրերին, նրա աջ ոտքի ծայրերին, նրա որդիների աջ ականջների բլթակներին, նրանց աջ ձեռքերի ծայրերին, նրանց աջ ոտքերի ծայրերին: Մնացած արիւնը կը հեղես զոհասեղանի շուրջը:
21. Կ'առնես զոհասեղանի վրայ գտնուող արիւնից ու օծութեան իւղից եւ կը ցանես Ահարոնի ու նրա զգեստների վրայ, նրա որդիների ու նրա որդիների զգեստների վրայ: Թող սրբագործուեն Ահարոնն ու իր զգեստները, նրա հետ նաեւ՝ նրա որդիներն ու նրա որդիների զգեստները: Խոյի արիւնը կը հեղես զոհասեղանի շուրջը:
22. Կ'առնես խոյի ճարպը, դմակը, փորոտիքը ծածկող ճարպը, լեարդի տակի բլթակը, երկու երիկամներն իրենց ճարպի հետ եւ աջ գիստը: Դա սրբազան նուիրագործութիւնն է:

23. Տիրոջ առաջ դրուած բաղարջների սկուտեղից կը վերցնես մի հաց, իւղով հունցուած մի կարկանդակ ու մի բլիթ,
24. այդ ամէնը կը դնես Ահարոնի ձեռքերի վրայ, նրա որդիների ձեռքերի վրայ եւ որպէս ընծայ կը նուիրաբերես Տիրոջը:
25. Դրանք կը վերցնես նրանց ձեռքերից եւ ողջակէզների զոհասեղանի վրայ կ'այրես իբրեւ անուշահոտ զոհ Տիրոջ առաջ: Դա Տիրոջ համար կատարուող զոհաբերութիւն է:
26. Կ'առնես Ահարոնին քահանայ օծելու համար զոհուած խոյի կուրծքը եւ այն որպէս ընծայ կը նուիրաբերես Տիրոջը, իսկ մնացեալը կը լինի քո բաժինը:
27. Կը սրբագործես խոյի կուրծքը որպէս նուիրաբերութիւն, ինչպէս նաեւ՝ նրա գիստը, որը նուիրագործուեց:
28. Եւ այն ամէնը, ինչ Ահարոնի եւ նրա որդիների կողմից որպէս բաժին կը հանուի խոյից, յաւիտենական օրէնք պիտի լինի Ահարոնի եւ նրա որդիների համար իսրայէլացիների մօտ, քանզի դա է ըստ օրինի նրանց հասանելիք բաժինը: Եւ դա իսրայէլացիների՝ իրենց փրկութեան համար Տիրոջ առաջ զոհաբերուելիք ընծան թող լինի:
29. Ահարոնի սրբազան զգեստները իրենից յետոյ թող պատկանեն իր որդիներին, որպէսզի նրանք օրհնուեն ու օծուեն այդ զգեստները հագած:
30. Եօթը օր այդ զգեստները թող հագնի այն քահանան, որը նրա որդիներից լինելով՝ պիտի փոխարինի նրան, որպէսզի վկայութեան խորան մտնի սրբարանում պաշտամունք կատարելու համար:
31. Կը վերցնես նուիրագործութեան խոյը եւ դրա միսը կ'եփես մի սուրբ վայրում:
32. Ահարոնն ու նրա որդիները թող ուտեն խոյի մսից: Վկայութեան խորանի դռան մօտ թող ուտեն նաեւ սկուտեղի վրայի բաղարջ հացերը եւ
33. այն բաները, որ իրենց ձեռնադրութեան եւ սրբագործութեան որպէս քաւութիւն ծառայեցին: Որեւէ օտարական թող դրանցից չուտի, որովհետեւ դրանք սրբութիւններ են:
34. Եթէ նուիրագործութեան զոհի մսից ու հացից մնայ մինչեւ առաւօտ, ապա մնացորդները կ'այրես կրակով. այն թող չուտուի, որովհետեւ Տիրոջ սրբութիւնն է:
35. Այն ամէնը, ինչ կարգադրում եմ քեզ Ահարոնի ու նրա որդիների վերաբերեալ, կը կատարես: Եօթը օր կը կատարես նրանց օրհնութիւնը:
36. Մեղքերի քաւութեան զուարակը կը զոհես սրբութեան օրը:
37. Չոհ մատուցելու համար զոհասեղանը պետք է սրբագործուած լինի: Չոհասեղանը սրբագործելու համար եօթը օր պետք է այն մաքրես, օծես, եւ զոհասեղանը կը լինի սրբութիւն սրբոց: Չոհասեղանին դիպչող ամէն ոք կը սրբագործուի:
38. Ահա թէ ինչ պիտի զոհես զոհասեղանի վրայ. մշտնջենապէս, ամէն օր մէկ տարեկան ոչ արատաւոր երկու գառ պիտի զոհես զոհասեղանի վրայ. դա մշտնջենական զոհաբերութիւն է լինելու:
39. Մի գառ կը զոհես առաւօտեան, իսկ երկրորդ գառը կը զոհես երեկոյեան:
40. Ամէն մի գառան հետ կը բերես նաեւ շուրջ մէկուկէս լիտր զտուած իւղ՝ շաղուած երեք կիլոգրամ ընտիր ալիւրի հետ, ինչպէս նաեւ մէկուկէս լիտր գինի իբրեւ ընծայ:
41. Երկրորդ գառը կը զոհես երեկոյեան այնպէս, ինչպէս առաւօտեան զոհուած գառը՝ բերելով նոյն ընծաները: Այն որպէս անուշահոտ զոհ կը մատուցես Տիրոջը:
42. Ձեր ազգի մէջ դա պիտի լինի վկայութեան խորանի դռան մօտ, Տիրոջ առաջ կատարուող մշտնջենական զոհաբերութիւն: Ես քեզ յայտնուելու եմ այնտեղ, որպէսզի խօսեմ քեզ հետ:
43. Այնտեղ պիտի երեւամ Իսրայէլի որդիներին ու պիտի սրբագործուեմ իմ փառքով:
44. Ես պիտի սրբագործեմ վկայութեան խորանն ու զոհասեղանը, պիտի սրբագործեմ Ահարոնին ու նրա որդիներին, որպէսզի նրանք ինձ համար քահանայութիւն անեն:
45. Ես պիտի անուանուեմ Իսրայէլի որդիների մէջ եւ պիտի լինեմ նրանց Աստուածը:
46. Նրանք պիտի գիտենան, որ ե՛ս եմ իրենց Տէր Աստուածը, որ իրենց հանեց եգիպտացիների երկրից, որպէսզի նրանք տան իմ անունը, եւ ես լինեմ իրենց Տէր

Աստուածը:

1. Խնկարկութեան սեղան կը պատրաստես կարծր փայտից:
2. Այն կը շինես մէկ կանգուն երկարութեամբ եւ մէկ կանգուն լայնութեամբ. քառակուսի թող լինի: Երկու կանգուն թող լինի դրա բարձրութիւնը: Դրա եղջիւրաւոր անկիւնները սեղանի հետ միաձոյլ թող լինեն:
3. Մաքուր ոսկով կը պատես այն, ինչպէս նաեւ դրա կասկարան, չորս եզերքներն ու եղջիւրաւոր անկիւնները: Դրա շուրջբոլորը ոսկէ պսակ կը պատրաստես:
4. Պսակի ներքեւի մասում, երկու կողմերին մաքուր ոսկուց երկուական օղակներ կը պատրաստես:
5. Դրանք կ'ամրացնես նրա երկու կողմերին, որպէսզի լծակները օղակների մէջ անցկացնելով կարելի լինի բարձրացնել խնկարկութեան սեղանը:
6. Լծակները կը պատրաստես կարծր փայտից ու դրանք կը պատես ոսկով:
7. Խնկարկութեան սեղանը կը դնես վկայութեան տապանակի առջեւ գտնուող վարագոյրի դիմաց (վկայութեան վրայ գտնուող քաւութեան դիմաց), ուր ես երեւալու եմ քեզ:
8. Ահարոնը դրա վրայ, իբրեւ կարգ, ամեն առաւօտ մանր աղացած խունկ թող ծխի. թող խունկ ծխի դրա վրայ երբ կանթեղներն է պատրաստում:
9. Երբ Ահարոնը երեկոյեան վառի կանթեղները, Տիրոջ առաջ, խնկարկութեան սեղանի վրայ միշտ խունկ թող ծխի: Դա նրանց ազգի մէջ խնկարկութեան մշտնջենական կարգ թող լինի:
10. Խնկարկութեան սեղանի վրայ օտար խունկ մի՛ ծխեք, ողջակէզներ, ուտուելիք ու խմուելիք ընծաներ մի՛ մատուցեք:
11. Ահարոնը տարին մէկ անգամ խնկարկութեան սեղանի եղջիւրաւոր անկիւնների վրայ քաւութեան ծես պետք է անի. նա այն պետք է մաքրի մեղքերի քաւութեան համար զոհուող կենդանու արեամբ: Նրա սերունդները տարին մէկ անգամ թող սրբագործեն այն, որովհետեւ դա Տիրոջ սրբութիւնների սրբութիւնն է:
12. Տէրը խօսեց Մովսէսի հետ ու ասաց. Երբ Իսրայէլի որդիների թիւն իմանալու համար մարդահամար կը կատարես, նրանք Տիրոջը պետք է տան իրենց հոգու փրկագինը՝ ըստ իրենց անձերի թւի: Մարդահամարի ժամանակ մահացութեան դէպքեր չպիտի լինեն:
13. Մարդահամարի ենթարկուողները պետք է փրկագին վճարեն սրբարանի երկդրամեանի կէսը: Երկդրամեանը քսան դանգի է հաւասար: Երկդրամեանի կէսը թող լինի Տիրոջը հասանելիք տուրքը:
14. Քսան տարեկան եւ անլի բարձր տարիք ունեցող բոլոր նրանք, ովքեր կ'անցնեն մարդահամարով, Տիրոջը հասանելիք տուրքը պետք է վճարեն:
15. Մեծահարուստը թող չաւելացնի, իսկ աղքատը թող չպակասեցնի իսրայէլացիների՝ Տիրոջը որպէս տուրք հասանելիք կէսդրամեանը, որպէսզի դա ձեզ համար քաւութիւն լինի:
16. Որպէս տուրք Տիրոջ հասանելիք դրամը կը վերցնես Իսրայէլի որդիներից եւ այն կը յատկացնես վկայութեան խորանի սպասաւորութեանը: Դա Տիրոջ առաջ Իսրայէլի որդիների համար յիշատակ կը լինի ի քաւութիւն նրանց:
17. Տէրը խօսեց Մովսէսի հետ ու ասաց.
18. Պղնձէ լուացարան պատրաստի՛ր: Պղնձից շինի՛ր նրա պատուանդանը, որպէսզի լուացուեն նրա մէջ: Այն կը դնես վկայութեան խորանի ու զոհասեղանի միջեւ: Դրա մէջ ջուր կը լցնես:
19. Ահարոնն ու նրա որդիները այդ ջրով կը լուանան իրենց ձեռքերն ու ոտքերը.
20. Երբ մտնեն վկայութեան խորանը, ջրով թող լուացուեն, որպէսզի չմեռնեն: Կամ երբ պաշտամունք կատարելու եւ Տիրոջը ողջակէզներ մատուցելու համար մօտենան զոհասեղանին,
21. թող լուանան իրենց ձեռքերն ու ոտքերը, որպէսզի չմեռնեն: Դա նրանց համար, նրա եւ նրանից յետոյ գալիք նրա յետնորդների համար յաւիտենական կարգ թող լինի:

22. Տերը խօսեց Մովսէսի հետ ու ասաց.
23. Վերցրո՛ւ անուշահոտ համեմունքներ. զմռնենու հինգ հարիւր սիկղ ընտիր ծաղիկներ, դրա կէսի չափ՝ երկու հարիւր յիսուն սիկղ անուշաբոյր կինամոն, երկու հարիւր յիսուն սիկղ անուշաբոյր խնկեղեգ,
24. հինգ հարիւր սիկղ սրբարանի հիրիկ եւ ձիթապտղի շուրջ վեց լիտր ձէթ:
25. Դրանցից կը պատրաստես սուրբ օծութեան համար իւղ այնպէս, ինչպէս վարպետ իւղագործները ձէթ են պատրաստում: Այն սուրբ օծութեան համար իւղ թող լինի:
26. Դրանով կ'օծես վկայութեան խորանը, վկայութեան տապանակը,
27. զոհասեղանն ու նրա ամբողջ սպասքը, աշտանակն ու նրա ամբողջ սպասքը, խնկարկութեան սեղանը,
28. ողջակէզների սեղանն ու նրա ամբողջ սպասքը, աւագանն ու նրա պատուանդանը:
29. Կը սրբագործես դրանք, եւ դրանք կը լինեն սրբութիւնների սրբութիւն: Ամէն ոք, որ դիպչի դրան, կը մաքրուի:
30. Կ'օծես Ահարոնին ու նրա որդիներին, կը սրբագործես նրանց, որպէսզի նրանք ինձ համար քահանայութիւն անեն:
31. Կը խօսես Իսրայէլի որդիների հետ ու կ'ասես. Այս իւղը ձեր սերունդների մէջ ձեր սուրբ օծութեան համար թող լինի:
32. Մարդու մարմնին թող չքսուի այն: Ձեզ համար նոյն բաղադրութեամբ նման բան չպատրաստեք, որովհետեւ դա սրբութիւն է եւ ձեզ համար սրբութիւն էլ թող մնայ:
33. Ով այդպիսի բան պատրաստի, եւ ով դրանից օտարականի տայ, թող վերանայ իր ժողովրդի միջից:
34. Տերն ասաց Մովսէսին. Վերցրո՛ւ անուշաբոյր համեմունքներ. ստաշխ, եղնգաքար, անուշաբոյր քաղբան եւ մաքուր կնդրուկ: Դրանք թող քաշով իրար հաւասար լինեն:
35. Դրանք իրար խառնելով՝ մաքուր, սուրբ խումկ կը պատրաստես, ինչպէս վարպետ իւղագործներն են պատրաստում:
36. Դրանք մանր կ'աղաս եւ կը դնես վկայութեան դիմաց՝ վկայութեան խորանի մէջ, ուր պիտի երեւամ քեզ: Ձեր պատրաստած այդ խումկը ձեզ համար սրբութիւնների սրբութիւն թող լինի:
37. Ձեզ համար նոյն բաղադրութեամբ խումկ մի՛ պատրաստեք, որովհետեւ դա ձեզ համար սրբութիւն պիտի լինի Տիրոջ առաջ:
38. Այն մարդը, որ հոտոտելու համար այս բաղադրութեամբ խումկ կը պատրաստի, կը վերանայ իր ժողովրդի միջից:

1. Տերը խօսեց Մովսէսի հետ ու ասաց.
2. Ես, ահա, Յուդայի ազգից ընտրեցի Բեսելիէլին, որը որդին է Ուրիի, իսկ սա՝ որդին Ովրի:
3. Ես նրան լցրի ամէն գործի համար անհրաժեշտ գիտութեան, հանճարի եւ իմաստութեան աստուածային ոգով,
4. որպէսզի նա մտածի ու ստեղծագործի,
5. որպէսզի մշակի ոսկին, արծաթն ու պղինձը, մանի կապոյտ, ծիրանի ու կարմիր կտաւը, զբաղուի արհեստի կատարելութիւն հանդիսացող ակնագործութեամբ, նաեւ ատաղձագործութեամբ, որ գործի դնի ամէն մի արհեստ:
6. Ահա ես նրան օգնական եմ տալիս Դանի ցեղից Աքիսամի որդի Եղիաբին: Ամէն մի ուշիմ մարդու հոգու մէջ դրի շնորհ, որպէսզի անի այն, ինչ պատուիրել եմ քեզ, այսինքն՝
7. պատրաստի վկայութեան խորանը, կտակարանների տապանակն ու նրա կափարիչը, խորանի ամբողջ սպասքն ու զոհարանը,
8. զոհասեղանն ու նրա ամբողջ սպասքը, սուրբ աշտանակն ու նրա բոլոր զարդերը, ինկարկութեան սեղանը,
9. ողջակէզների սեղանն ու նրա բոլոր մասերը, աւազանն ու նրա պատուանդանը,
10. ծխակատարութեան զգեստները, Ահարոն քահանայի սրբազան զգեստներն ու նրա որդիների՝ ինձ համար քահանայութիւն անելու զգեստները,
11. օծութեան իւղն ու սրբարանի խնկի համեմունքները: Այս բոլորը, ինչ մի անգամ պատուիրել եմ քեզ, կը պատրաստես:
12. Տերը խօսեց Մովսէսի հետ եւ ասաց. Իսրայէլի որդիներին հաղորդի՛ր հետեւեալը. Զգո՛յշ եղէք, պահեցէ՛ք իմ շաբաթ օրերը,
13. որովհետեւ դա ձեր սերնդի մէջ իմ ու ձեր միջեւ դրուած պայմանն է, որպէսզի ճանաչէք, թէ ե՛ս եմ ձեզ սրբագործող Տերը:
14. Կը պահէք շաբաթ օրերը, որովհետեւ Տիրոջ եւ ձեզ համար դա սրբութիւն է: Ով այն պղծի, թող մահուան դատապարտուի: Ամէն ոք, ով այդ օրը գործ կ'անի, թող վերանայ իր ժողովրդի միջից:
15. Վեց օր գործ կ'անես, իսկ եօթներորդ օրը Տիրոջ սուրբ հանգստեան շաբաթ օրն է: Ով որ շաբաթ օրը գործ կ'անի, թող մահուան դատապարտուի:
16. Իսրայէլի որդիները թող պահեն շաբաթ օրերը, որպէսզի դրանք ձեր սերնդի մէջ ի կատար ածուեն որպէս յաւիտենական ուխտ
17. իմ ու Իսրայէլի որդիների միջեւ: Դա իմ յաւիտենական պայմանն է, որովհետեւ Տերը վեց օրում ստեղծեց երկինքն ու երկիրը, իսկ եօթներորդ օրը դադար տուեց եւ հանգստացաւ:
18. Երբ Աստուած Սինա լեռան վրայ աւարտեց իր խօսքը, Մովսէսին տուեց վկայութեան երկու տախտակները՝ Աստծու մատով գրուած քարե տախտակները:

1. Ժողովուրդը տեսնելով, որ Մովսեսն ուշացաւ լեռից իջնելու, հաւաքուեց Ահարոնի մօտ ու ասաց նրան. Դե՛հ, մեզ առաջնորդող աստուածներ ստեղծի՛ր, որովհետեւ չգիտենք, թէ ինչ եղաւ այն մարդը՝ Մովսեսը, որ մեզ Եգիպտոսից դուրս բերեց:
2. Ահարոնն ասաց նրանց. Ձեր կանանց, ձեր տղաների ու աղջիկների ականջներից հանեցէ՛ք ոսկէ գինդերը եւ բերէ՛ք ինձ:
3. Բոլորը իրենց ականջներից հանեցին ոսկէ գինդերը եւ բերեցին տուեցին Ահարոնին:
4. Ահարոնը դրանք առնելով նրանցից՝ կաղապարի մէջ ձուլեց եւ կերտեց ձուլածոյ մի հորթ: Նրանք ասացին. Սա՛ է քո աստուածը, Իսրայէ՛լ, որ քեզ դուրս բերեց Եգիպտացիների երկրից:
5. Երբ Ահարոնն այդ տեսաւ, կուռքի առաջ զոհասեղան շինեց: Ահարոնը յայտարարեց. Վաղը Տիրոջ տօնն է:
6. Առաւօտեան վեր կենալով՝ նա ողջակեզներ արեց եւ փրկութեան զոհեր մատուցեց: Ժողովուրդը նստեց, որ կերուխում անի, ապա վեր կացաւ, որ պարի:
7. Տէրը Մովսեսին ասաց. Շո՛ւտ արա, գնա իջի՛ր այստեղից, որովհետեւ անօրինութիւն է կատարում քո ժողովուրդը, որին դուրս բերեցիր Եգիպտացիների երկրից:
8. Նրանք շատ շուտ շեղուեցին այն ճանապարհից, որ ցոյց տուեցիր նրանց: Նրանք ձուլածոյ հորթ եւ կերտել, երկրպագում են նրան, զոհեր մատուցում ու ասում. Սա՛ է քո աստուածը, Իսրայէ՛լ, որ քեզ դուրս բերեց Եգիպտացիների երկրից:
9. Տէրն ասաց Մովսեսին. Ես տեսնում եմ, որ այս ժողովուրդը կամակոր է:
10. Արդ, թո՛յլ տուր ինձ, որ նրանց վրայ թափեմ իմ զայրոյթը՝ կոտորեմ նրանց, իսկ քեզ մեծ ազգ դարձնեմ:
11. Մովսեսն աղաչեց իր տէր Աստծուն՝ ասելով. Տէ՛ր, ինչո՞ւ ես այդպէս խիստ զայրանում քո ժողովրդի վրայ, որին քո մեծ զօրութեամբ ու հզօր բազկով դուրս բերեցիր Եգիպտացիների երկրից:
12. Այնպէս չլինի, որ Եգիպտացիներն ասեն. Չար մտադրութեամբ դուրս բերեց նրանց, որպէսզի լեռների վրայ կոտորի, երկրի երեսից վերացնի նրանց: Մեղմացո՛ւ քո զայրոյթը, հրաժարուի՛ր քո ժողովրդին չարիք պատճառելուց:
13. Յիշի՛ր քո ծառաներ Աբրահամին, Իսահակին ու Յակոբին, որոնց անձովդ երդուեցիր, խօսեցիր նրանց հետ՝ ասելով. Երկնքի աստղերի չափ պիտի բազմացնեմ ձեր սերունդը: Եւ այն երկիրը, որ խոստացար տալ նրանց գաւազներին, նրանք յաւիտեան պիտի տիրանան դրան:
14. Եւ Տէրը հրաժարուեց պատճառել այն չարիքները, որոնցով սպառնում էր պատժել ժողովրդին:
15. Մովսեսը վերադարձաւ եւ իջաւ լեռից: Նրա ձեռքին էին վկայութեան երկու տախտակները: Քարե տախտակների երկու երեսին՝ այս ու այն կողմից գրուած էր:
16. Տախտակներն Աստծու գործն էին, իսկ տախտակների վրայ գրուած գիրը Աստծու արձանագրած գիրն էր:
17. Յետուն, լսելով աղաղակող ժողովրդի ձայնը, Մովսեսին ասաց. Բանակատեղիից պատերազմի ձայն է գալիս:
18. Մովսեսն ասաց. Դա ո՛չ յաղթանակած կտրիճների ճիչ է, ո՛չ էլ պարտուած զօրքի աղաղակ: Գինուց ընդարմացած մարդկանց ձայնն է, որ լսում եմ ես:
19. Երբ Մովսեսը մօտեցաւ բանակատեղիին եւ տեսաւ հորթն ու պարողներին, խիստ զայրացաւ, նետեց ձեռքում եղած երկու տախտակներն ու ջարդուփշուր արեց դրանք լերան ստորոտին:
20. Վերցնելով նրանց կերտած հորթը՝ Մովսեսը կրակը նետեց այն, ապա մանրեց, փոշու վերածեց, փոշին խառնեց ջրի մէջ ու տուեց ժողովրդին, որ խմի:
21. Մովսեսն ասաց Ահարոնին. Ի՞նչ է արել քեզ այս ժողովուրդը, որ նրան այդպիսի մեծ մեղքերի մղեցիր:
22. Ահարոնն ասաց Մովսեսին. Մի՛ զայրացիր, տէ՛ր իմ, որովհետեւ դու ինքդ էլ գիտես,



որ քո ժողովուրդը չարամետ է:

23. Նրանք ասացին. Մեզ համար առաջնորդող աստուածներ ստեղծիր, որովհետեւ չգիտենք, թե ինչ պատահեց այն մարդուն՝ Մովսէսին, որը Եգիպտոսից դուրս բերեց մեզ:

24. Ես նրանց ասացի. Եթէ որեւէ մէկը ոսկի ունի, նրանից հանեցէ՛ք դա եւ բերէ՛ք: Նրանք ինձ տուեցին ոսկին, ես այն նետեցի կրակը, եւ ահա ստացուեց այս հորթը:

25. Մովսէսը տեսաւ, որ ժողովուրդը պատուիրանագանց է եղել, որովհետեւ Ահարոնը նրանց յանցագործութեան էր մղել ի չարախնդութիւն իրենց թշնամիների:

26. Մովսէսը, կանգնելով բանակատեղիի մուտքի մօտ, ասաց. Ով Տիրոջն է պատկանում, ինձ մօտենայ: Նրա շուրջը հաւաքուեցին Ղեւի բոլոր որդիները:

27. Մովսէսը նրանց ասաց. Այսպէս է ասում Իսրայելի Տէր Աստուածը. Իւրաքանչիւրը իր սուրը թող կապի իր ազդրին: Բանակատեղիի մի մուտքից միւսը գնացէք-եկէք, եւ ձեզնից իւրաքանչիւրը թող սպանի իր եղբորը, իւրաքանչիւրը՝ իր ընկերոջը, իւրաքանչիւրը՝ իր մերձաւորին:

28. Ղեւի որդիներն արեցին այնպէս, ինչպէս ասել էր Մովսէսը: Այդ օրը ժողովրդի միջից շուրջ երեք հազար մարդ կոտորուեց:

29. Մովսէսն ասաց նրանց. Այսօր իւրաքանչիւրդ ձեր ձեռքով ծառայեցիք Տիրոջը. մէկն սպանեց իր որդուն, միւսն՝ իր եղբորը, որի համար այսօր ձեզ վրայ կ'իջնի Տիրոջ օրհնութիւնը:

30. Յաջորդ օրը Մովսէսն ասաց ժողովրդին. Դուք մեծ մեղք էք գործել, բայց ես հիմա կը բարձրանամ Աստծու մօտ, որպէսզի ձեր մեղքերի համար քաւութիւն խնդրեմ նրանից:

31. Մովսէսը վերադարձաւ Տիրոջ մօտ ու ասաց նրան. Աղաչում եմ քեզ, Տէ՛ր, այդ ժողովուրդը մեծ մեղք է գործել, որովհետեւ իր համար ոսկէ աստուածներ է կերտել: Արդ, եթէ ներելու ես իրենց մեղքերը, ների՛ր,

32. իսկ եթէ չես ներելու, ուրեմն իմ անունը ջնջի՛ր քո մատեանից, ուր գրել ես ինձ:

33. Տէրն ասաց Մովսէսին. Ես իմ մատեանից կը ջնջեմ նրան, ով մեղանչել է իմ դէմ:

34. Բայց հիմա գնա՛, իջի՛ր եւ այդ ժողովրդին առաջնորդի՛ր այն վայրը, որի մասին ասել եմ քեզ: Իմ հրեշտակը կը գնայ քո առաջից: Այն օրը, սակայն, երբ պիտի այցելեմ ձեզ, նրանց մեղքերը իրենց վրայ պիտի դնեմ:

35. Եւ Տէրը ժողովրդին պատուհասեց այն հորթի համար, որ կերտել էր Ահարոնը:

1. Տերն ասաց Մովսեսին. ելէ՛ք այստեղից դու եւ քո ժողովուրդը, որին դուրս բերեցիր Եգիպտացիների երկրից, եւ գնացէ՛ք այն երկիրը, որ երդուել եմ տալ Աբրահամին, Իսահակին ու Յակոբին՝ ասելով՝. Ձեր սերնդին եմ տալու այն:
2. Ես քո առաջից կ'ուղարկեմ իմ հրեշտակին, որ հալածի քանանացիներին, ամորհացիներին, քեռացիներին, փերեզացիներին, գերգեսացիներին, խեւացիներին ու յեբուսացիներին,
3. քեզ կը տանեմ այն երկիրը, ուր կաթ ու մեղր է հոսում: Բայց ես, կամակո՛ր ժողովուրդ, քեզ հետ դուրս չախտի ելնեմ, որպէսզի ճանապարհին քեզ չկոտորեմ:
4. Ժողովուրդը, լսելով այդ խիստ խօսքերը, մեծ սուգ արեց, սգաւորի զգեստներ հագաւ, ոչ ոք իր վրայ զարդ չկրեց:
5. Տերն ասաց Մովսեսին. Դու իսրայելացիներին ասա՛. Դուք կամակոր ժողովուրդ էք: Չգո՛յշ եղէք, թէ չէ մի այլ պատուհաս ել կը բերեմ ձեր գլխին եւ կը կոտորեմ ձեզ: Արդ, հանեցէ՛ք ձեր շքեղ պատմուճանները, ձեր զարդերը, որպէսզի ցոյց տամ ձեզ, թէ ինչ եմ անելու ձեզ:
6. Իսրայելացիները Քորեբ լեռան մօտ հանեցին իրենց զարդերն ու պատմուճանները:
7. Մովսեսն իր վրանը խփեց բանակատեղիից դուրս՝ առանձին մի տեղում: Դա կոչուեց Վկայութեան վրան: Ով ինչ հայցում էր Տիրոջից, գալիս էր բանակատեղիից դուրս գտնուող Վկայութեան վրանը:
8. Երբ Մովսեսը դէպի վրանն էր գնում, ողջ ժողովուրդը՝ ամէն մէկն իր վրանի դռան մօտ կանգնած, ուշադիր դիտում էր նրան. նրանք հայեացքով հետեւում էին Մովսեսին, մինչեւ որ նա գնում մտնում էր իր վրանը:
9. Երբ Մովսեսը մտնում էր վրանը, ամպի մի սիւն էր իջնում ու կանգնում վրանի դռան մօտ, եւ Տերը խօսում էր Մովսեսի հետ:
10. Ողջ ժողովուրդը, տեսնելով վրանի դռան մօտ կանգնած ամպի սիւնը, ոտքի էր կանգնում, իւրաքանչիւրը երկրպագում էր իր վրանի դռան մօտ:
11. Տերը Մովսեսի հետ խօսում էր դեմ յանդիման, ինչպէս մէկը կը խօսէր իր բարեկամի հետ, եւ ապա Մովսեսը վերադառնում էր բանակատեղի: Բայց նրա սպասաւոր Յետուն՝ Նաւէի որդին, վրանից դուրս չէր գալիս:
12. Մովսեսն ասաց Տիրոջը. Ահա ինձ ասում ես. Տա՛ր այս ժողովրդին, բայց դու չես յայտնել, թէ ում ես ուղարկելու ինձ հետ: Դու ինձ ասացիր՝ Քեզ բոլորից բարձր եմ դասում, դու վայելում ես իմ շնորհը:
13. Արդ, եթէ քո շնորհին եմ արժանացել ես, ինձ յայտնապէս երեւայ, որպէսզի իմանամ, թէ ինչով եմ արժանացել քո շնորհին, իմանամ, որ քո այս ժողովուրդը մեծ ազգ է լինելու:
14. Տերն ասաց. Ես ինքս պիտի գնամ քո առաջից ու պիտի տեղաւորեմ քեզ:
15. Մովսեսն ասաց նրան. Եթէ դու ինքդ մեզ հետ չգնաս, ուրեմն ինձ այստեղից մի՛ հանիր:
16. Եւ ինչի՞ց պիտի իմացուի, թէ ես ու քո ժողովուրդն, իրօք, քո շնորհին ենք արժանացել: Եթէ դու մեզ հետ գնաս, ես ու քո ժողովուրդը կը փառաւորուենք շատ աւելի, քան երկրի վրայ եղած բոլոր ազգերը:
17. Տերն ասաց Մովսեսին. Այդ քո ասածն էլ կը կատարեմ, որովհետեւ դու իմ շնորհին ես արժանացել, եւ քեզ աւելի եմ ճանաչում, քան մնացած բոլորին:
18. Մովսեսն ասաց. Տո՛յց տուր ինձ քո փառքը:
19. Տերն ասաց. Ես իմ փառքով կ'անցնեմ քո առաջից, քո առաջ կը կոչեմ իմ անունը՝ Տէր, կ'ողորմեմ նրան, ում ողորմելու եմ, եւ կը գթամ նրան, ում գթալու եմ:
20. Եւ Տերն անելացրեց. Դու չես կարող տեսնել իմ երեսը, որովհետեւ մարդ չի կարող տեսնել իմ երեսն ու կենդանի մնալ:
21. Տերը շարունակեց. Ահա իմ առաջ մի տեղ կայ, կանգնի՛ր այս ժայռի վրայ:
22. Երբ ես անցնեմ իմ փառքով, քեզ կը դնեմ ժայռի ծերպի մէջ եւ իմ ձեռքով կը ծածկեմ քեզ, մինչեւ որ անցնեմ:

23. Իմ ձեռքը քո վրայից կը վերցնեմ, եւ ապա դու ինձ կը տեսնես թիկունքից: Բայց իմ դեմքը քեզ չի երեւայ:

1. Տէրն ասաց Մովսէսին. Դու ինքդ նախկին տախտակների նման քարէ երկու տախտակներ կոփի՛ր եւ ինձ մօտ՝ լեռը բարձրացի՛ր: Տախտակների վրայ կը գրեմ այն պատգամները, որ արձանագրուած էին քո ջարդուփշուր արած նախկին տախտակների վրայ:
2. Պատրա՛ստ եղի՛ր վաղը, որ վաղ առաւօտեան բարձրանաս Սինա լեռը եւ այնտեղ ինձ սպասես լեռան գագաթին:
3. Հետդ ոչ ոք թող չբարձրանայ, ոչ ոք ամենեւին չերեւայ լեռան վրայ: Արջառ ու ոչխար չարածեն լեռան մօտ:
4. Մովսէսը նախկինների նմանութեամբ քարէ երկու տախտակներ կոփեց: Առաւօտեան վեր կենալով՝ Մովսէսը բարձրացաւ Սինա լեռը, ինչպէս Տէրն էր հրամայել նրան: Մովսէսն իր հետ վերցրեց քարէ երկու տախտակները:
5. Տէրն իջաւ ամպի մեջ, կանգնեց այնտեղ՝ նրա դիմաց, ու կոչեց իր անունը՝ Տէր:
6. Տէրն անցաւ Մովսէսի առաջ՝ ասելով. Տէր Աստուած եմ, գթացող եւ ողորմած, համբերատար, բարեգութ ու ճշմարիտ, որ
7. արդարութիւնն է պաշտպանում, իր ողորմածութիւնն է ցուցաբերում հազարաւոր սերունդների հանդէպ, վերացնում անօրէնութիւնները, անիրաւութիւններն ու մեղքերը, մեղաւորին չի ազատում պատժից, հայրերի գործած մեղքերը բարդում է որդիների եւ որդիների որդիների վրայ մինչեւ երրորդ ու չորրորդ սերունդը:
8. Մովսէսն իսկոյն խոնարհուելով՝ երկրպագութիւն արեց
9. ու ասաց. Տէ՛ր, եթէ քո շնորհին եմ արժանացել, ուրեմն իմ Տէրը մեզ հետ թող գնայ, որովհետեւ այս ժողովուրդը կամակոր է: Դու կը ներես մեր անօրէնութիւններն ու մեղքերը, եւ մենք կը լինենք քոնը:
10. Տէրն ասաց Մովսէսին. Ահա ես քո ու ամբողջ ժողովրդի առաջ քեզ հետ ուխտ եմ դնում: Ես այնպիսի զարմանահրաշ գործեր պիտի անեմ, որ ամբողջ երկրի վրայ եւ բոլոր ազգերի մէջ չեն կատարուել: Ամբողջ ժողովուրդը, նրանց թոււմ նաեւ դու, ականատես պիտի լինեք Տիրոջ գործերին: Որովհետեւ ձեզ համար ես զարմանահրաշ գործեր պիտի անեմ:
11. Ըստ ամենայնի դու ուշադիր եղի՛ր, թէ ինչ եմ կարգադրելու քեզ այսօր: Ես, ահա, ձեզնից հեռացնելու եմ ամորիացիներին, քանանացիներին, քետացիներին, փերեզացիներին, խեւացիներին, գերգեսացիներին ու յեբուսացիներին:
12. Չգո՛յշ եղի՛ր, ուխտ չկապես այն երկրի բնակիչների հետ, ուր մուտք ես գործելու: Չլինի թէ գայթակղուէք:
13. Քարուքանդ կ'անեք նրանց բազիկները, ջարդուփշուր կ'անեք նրանց արձանները, ամբողջովին կը կտրեք նրանց սրբազան անտառները եւ կրակի կը տաք նրանց աստուածների արձանները:
14. Օտար աստուածների չերկրպագեք, որովհետեւ Տէր Աստուածը նախանձոտ է, այո՛, Աստուած նախանձոտ է:
15. Չլինի թէ ձեր մարդիկ ուխտ կապեն այդ երկրի բնակիչների հետ եւ նրանց աստուածներին պաշտամունք մատուցելով՝ պոռնկանան, զոհեր մատուցեն նրանց աստուածներին, եւ նրանց հրաւերն ընդունելով՝ չլինի թէ դու էլ ուտես նրանց զոհաբերած անասունների մսից,
16. քո տղաներին ամուսնացնես նրանց դուստրերի հետ, քո դուստրերին կնութեան տաս նրանց տղաներին, քո դուստրերը նրանց աստուածներին պաշտամունք մատուցելով՝ պոռնկանան ու պոռնկացնեն նաեւ քո՛ տղաներին՝ աստուածներին պաշտամունք մատուցելով:
17. Թեզ համար աստուածների կուռքեր չձուլես:
18. Կը պահես Բաղարջակերաց տօնը. նոր բերք քաղելու ամսին, ինչպէս պատուիրել եմ քեզ, եօթը օր բաղարջ հաց կ'ուտես, քանի որ նոր բերք քաղելու ամսին ես դուրս եկել եգիպտոսից:

19. Ինձ պիտի պատկանեն բոլոր մարդկանց անդրանիկ արու զաւակները,
20. Նաեւ՝ քո անասունների՝ արջառի ու ոչխարի առաջնածին արուները: Էջի առաջնածինին կը փոխանակես գառով, իսկ եթէ չփոխանակես այն, ինձ կը տաս դրա փոխարժեքը: Զո որդիների բոլոր անդրանիկների փրկագինը կը տաս ինձ: Իմ առաջ ձեռնունայն չերեւաս:
21. Վեց օր կ'աշխատես, իսկ եօթներորդ օրը կը հանգստանաս: Կը հանգստանաս նաեւ ցանքի ու հնձի ժամանակ:
22. Եօթնօրեակի տօնը ինձ համար կը կատարես ցորենի հնձի սկզբում, իսկ բերքահաւաքի տօնը՝ տարուայ կեսին:
23. Տարին երեք անգամ քո բոլոր արու երեխաները թող ներկայանան Իսրայելի տէր Աստծուն,
24. որովհետեւ ես ազգեր պիտի հեռացնեմ քո մօտից, պիտի ընդարձակեմ քո սահմանները, ոչ ոք աչք չպիտի ունենայ քո երկրի վրայ, եթէ տարուայ մէջ երեք անգամ ներկայանաս տէր Աստծուն:
25. Ինձ զոհաբերած անասունի արիւնը թախմորով հացի վրայ չթափես, եւ զատկի տօնի զոհը մինչեւ առաւօտ չմնայ:
26. Զո երկրի առաջին բերքը կը տանես քո տէր Աստծու տունը: Գառը իր մօր կաթի մէջ չեփես:
27. Տէրն այնուհետեւ ասաց Մովսէսին Գրի՛ առ այդ պատգամները, որովհետեւ այդ խօսքերով եմ ես ուխտ կապում քեզ հետ եւ Իսրայելի հետ:
28. Մովսէսը Տիրոջ հետ էր քառասուն օր ու քառասուն գիշեր: Նա հաց չկերաւ, ջուր չխմեց եւ տախտակների վրայ գրի առաւ ուխտի խօսքերը՝ տասը պատուիրանները:
29. Երբ Մովսէսն իջնում էր Սինա լեռից, ուխտի երկու տախտակները Մովսէսի ձեռքին էին: Լեռից իջնելիս Մովսէսը չգիտէր, որ Տիրոջ հետ խօսելու պատճառով իր երեսը ճառագում է:
30. Ահարոնն ու բոլոր իսրայելացիները, տեսնելով Մովսէսի ճառագող երեսը, վախեցան մօտենալ նրան:
31. Մովսէսը կանչեց նրանց. Ահարոնն ու ժողովրդի բոլոր առաջնորդները գնացին նրա մօտ, եւ Մովսէսը խօսեց նրանց հետ:
32. Ապա նրան մօտեցան բոլոր իսրայելացիները, եւ Մովսէսը պատմեց նրանց այն ամենը, ինչ Տէրը խօսել էր իր հետ Սինա լեռան վրայ:
33. Երբ Մովսէսը նրանց հաղորդած իր խօսքը վերջացրեց, երեսը ծածկեց քօղով:
34. Երբ Մովսէսը Տիրոջ հետ խօսելու համար ներկայանում էր նրան, հանում էր քօղը մինչեւ այնտեղից հեռանալը: Եւ երբ հեռանում էր այնտեղից, նա բոլոր իսրայելացիներին հաղորդում էր այն, ինչ Տէրը հրամայել էր իրեն:
35. Իսրայելացիները տեսնում էին, որ Մովսէսի երեսը ճառագում է: Մովսէսն այն ժամանակ քօղով ծածկում էր երեսը մինչեւ խօսելու համար նրա մօտ մտնելը:

1. Մովսեսը հաւաքեց ամբողջ իսրայելացի ժողովրդին ու ասաց նրանց. Ահա այն բաները, որ Տէրն ասաց, որ պետք է անել.
2. Վեց օր պիտի աշխատեք, իսկ եօթներորդ օրը պիտի հանգստանաք. շաբաթ օրը սուրբ է՝ Տիրոջ հանգստեան օրը: Ով որ այդ օրն աշխատի, կը մեռնի:
3. Շաբաթ օրը ձեր բոլորի տներում կրակ չպիտի վառուի, որովհետեւ ե՛ս եմ Տէրը:
4. Մովսեսը, դիմելով իսրայելի ամբողջ ժողովրդին, ասաց. Այս է այն պատգամը, որ պատուիրել է Տէրը՝ ասելով.
5. Դուք ձեր մէջ տուրք հաւաքեցէ՛ք Տիրոջ համար: Ում սրտով ինչ անցնի, այն թող նուիրի Տիրոջը. ոսկի, արծաթ, պղինձ, կապոյտ,
6. ծիրանի եւ կրկնակի կարմիր գոյնի մանուած թելեր, նրբահիւս բեհեզ, այծի մազ,
7. խոյի կարմիր ներկուած մորթի, կապոյտ ներկուած մորթիներ, կարծր փայտեր,
8. լուսաւորութեան համար ձեթ, օծութեան իւղի համար համեմունքներ, խնկի բաղադրամասեր,
9. սարդիոն քարեր, գմրուխտ քարեր, վակասի եւ երկարաւուն պատմունճանի համար քարեր:
10. Ձեր միջի խելահասները թող գան ու անեն այն ամէնը, ինչ պատուիրել է Տէրը.
11. վրանն ու նրա ծածկը, նրա ծոպաւոր վարագոյրներն ու օղակները, նրա տախտակներն ու նիգերը, նրա մոյթերն ու խարիսխները,
12. վկայութեան տապանակը, նրա լծակները, կափարիչը, քօղը, բակի առագաստն ու նրա մոյթերը, գմրուխտ քարերը, խնկերը, օծութեան իւղը,
13. զոհասեղանն ու նրա ամբողջ սպասքը, զոհասեղանի ամպիովանին, նրա լծակներն ու ամբողջ սպասքը, առաջաւորութեան հացը,
14. լոյսի աշտանակն ու նրա բոլոր մասերը, նրա կանթեղներն ու լուսաւորութեան ձեթը,
15. խնկարկութեան սեղանն ու նրա լծակները, օծութեան իւղը, խնկերի համեմունքները, վրանի դռան վարագոյրը,
16. ողջակէզների զոհասեղանն ու նրա պղնձէ կասկարան, նրա լծակներն ու ամբողջ սպասքը,
17. աւագանն ու նրա պատուանդանը, բակի առագաստը, նրա մոյթերն ու խարիսխները,
18. բակի դռան առագաստը, վրանի ցցերն ու բակի ցցերը, դրանց պարանները,
19. այն զգեստները, որոնցով սրբազան պաշտամունք պիտի կատարեն սրբարանում, Ահարոն քահանայի սրբազան զգեստներն ու Ահարոնի որդիների քահանայութեան զգեստները:
20. Բոլոր իսրայելացիները գնացին Մովսեսի մօտից,
21. եւ ամէն մէկը բերեց իր սրտից բխածը. նրանք Տիրոջն էին նուիրաբերում այն ամէնը, ինչ անհրաժեշտ էր վկայութեան խորանի, նրա կահաւորանքի, բոլոր սրբազան զգեստների համար:
22. Բոլոր տղամարդիկ, ում մտքով ինչ որ անցնում էր, բերեցին: Ոմանք՝ իրենց կանանց թանկագին քարերը, գինդերը, մատանիները, ծամակալները, մանեակներն ու ամէն տեսակ ոսկէ զարդեր: Բոլոր տղամարդիկ իրենց ունեցած ոսկէ իրերը նուիրաբերում էին Տիրոջը:
23. Ամէն տղամարդ, ում մօտ կային կապոյտ, ծիրանի եւ կարմիր գոյնի մանուած թելեր, նրբահիւս բեհեզ, այծի մազ, խոյերի կարմիր ներկուած մորթիներ, կապոյտ ներկուած մորթիներ, բերում էր:
24. Նուիրաբերողները արծաթէ ու պղնձէ նուէրներ էին բերում Տիրոջը: Ում մօտ կահոյքի համար պիտանի կարծր փայտ կար, բերում էր:
25. Բոլոր շնորհալի կանայք իրենց ձեռքով կապոյտ, ծիրանի ու կարմիր գոյնի թելեր ու բեհեզ էին հիւսում եւ նուէր բերում:
26. Բոլոր կանայք յօժարակամ այծերի մազ էին մանում հմտութեամբ:

27. Ցեղապետները բերում էին զմրուխտե քարեր, վակասի ու լանջապանակի համար անհրաժեշտ քարեր,
28. իսկերի համար համեմունքներ, լուսաւորութեան համար ձէթ ու օծութեան իւղ:
29. Բոլոր տղամարդիկ ու կանայք յօժարակամ գալիս էին կատարելու այն բոլոր գործերը, որ Տէրը պատուիրել էր անել Մովսէսի միջոցով: Իսրայէլացիները նուէրներ էին մատուցում Տիրոջը:
30. Մովսէսն ասաց իսրայէլացիներին. Տեսէ՛ք, Աստուած ընտրել է յատկապէս Յուդայի ցեղից Բեսելիէլին՝ Ուրիի որդուն, որը որդին էր Ովրի:
31. Աստուած նրան լցրել է ամէն ինչի համար անհրաժեշտ աստուածային իմաստութեան ոգով, հանճարով եւ գիտութեամբ,
32. որպէսզի նա ամէն մի գործ կատարի հմտութեամբ, մշակի ոսկին, արծաթն ու պղինձը,
33. տաշի թանկարժէք քարերը, մշակի փայտը եւ ամէն մի գործ կատարի վարպետօրէն, որովհետեւ Տէրը նրան իմաստութիւն է պարգեւել,
34. ինչպէս որ Դանի ցեղից Աքիսամի որդի Եղիաբին,
35. որոնց իմաստուն միտք պարգեւեց, որպէսզի սրանք սովորեն ու կատարեն սուրբ գործի համար անհրաժեշտ ամէն տեսակ գործեր՝ ոստայնանկութիւն անեն կապոյտ, ծիրանի ու կարմիր ներկուած թելերով եւ բեհեզով, նկարեն, քանդակեն:

1. Բեսելիելը, Եղիաբն ու ընդունակ բոլոր տղամարդիկ, որոնց Տերը գործի մեջ խելամուտ լինելու համար իմաստութիւն եւ գիտութիւն էր պարգեւել, ըստ ամենայնի կատարեցին սրբարանը հանդերձաւորելու աշխատանքները այնպէս, ինչպէս հրամայել էր Տերը:
2. Մովսէսը կանչեց Բեսելիելին, Եղիաբն ու բոլոր նրանց, ովքեր ընդունակ էին գործ անելու, եւ որոնց Աստուած իմաստութեան ոգի էր պարգեւել, բոլորին, ովքեր յօժար կամքով ուզում էին ձեռնարկել ու աւարտել այդ գործը:
3. Նրանք Մովսէսից ստացան այն բոլոր նուէրները, որ իսրայելացիները բերել էին սրբարանը հանդերձաւորելու համար: Ամէն առաւօտ նրանք ընդունում էին նաեւ նուիրատուների բերած նուէրները:
4. Գալիս էին սրբարանի գործերը կատարող բոլոր վարպետները, որպէսզի իւրաքանչիւրն ըստ իր մասնագիտութեան գործադրի իր վարպետութիւնը:
5. Նրանք խօսեցին Մովսէսի հետ ու ասացին. Ժողովուրդը շատ անելին է բերում, քան անհրաժեշտ է Աստծու հրամայած գործը կատարելու համար:
6. Մովսէսը կարգադրեց բանակատեղիում յայտարարութիւն անել եւ ասել. Տղամարդ լինի թէ կին, սրբարանի համար այլեւս նուէրներ չպատրաստի: Դրանից յետոյ ժողովրդին արգելեցին նուէրներ բերել:
7. Բերում էին միայն իրենց արդէն իսկ գործածները, որպէսզի աւարտեն բոլոր գործերը: Եւ մարդիկ դադարեցին բերելուց:
8. Գործի ընդունակ բոլոր մարդիկ արհեստաւորների հետ նրբահիւս բեհեզից, կապոյտ, ծիրանի ու կրկնակի կարմիր կտաւից պատրաստեցին տասշերտանի խորանը, այն զարդարեցին ասեղնագործ քերովքներով:
9. Մէկ շերտի երկարութիւնը քսանութ կանգուն էր, իսկ լայնութիւնը՝ չորս կանգուն: Բոլոր շերտերի չափսը նոյնն էր:
10. Հինգ շերտերը միացուած էին միւս հինգ շերտերին, իսկ միւս հինգ շերտերն էլ միացուած էին միւս հինգին:
11. Նա կապոյտ ճարմանդներ դրեց մի շերտի եզրին՝ միացման տեղում:
12. Նոյնն արեց միացուող երկրորդ շերտի արտաքին կցուածքի վրայ:
13. Յիսուն ճարմանդ դրեց մի շերտի եւ յիսուն ճարմանդ էլ դրեց երկրորդ կցուածքի շերտի կողմից, որպէսզի ճարմանդներից իւրաքանչիւրը միանայ միւսին: Պատրաստեց ոսկէ յիսուն օղակներ եւ դրանցով շերտերը միացրեց միմեանց: Ստացուեց մի խորան:
14. Խորանի համար այծի մազից հիւսուած ծածկեր պատրաստեց. տասնմէկ շերտից շինեց դրանք:
15. Մէկ շերտի երկարութիւնը երեսուն կանգուն էր, իսկ լայնութիւնը՝ չորս կանգուն: Տասնմէկ շերտերի չափսը նոյնն էր:
16. Հինգ շերտերը միացրեց առանձին, եւ վեց շերտերն էլ՝ առանձին:
17. Միացման տեղում, շերտերի եզրին դրեց յիսուն ճարմանդ եւ յիսուն ճարմանդ էլ դրեց երկրորդ կցուածքի շերտի եզրին:
18. Պատրաստեց յիսուն պղնձե օղակներ, եւ դրանք իրար կցեց, որ վրանը միակտուր դառնայ:
19. Խորանի ծածկը պատրաստեց խոյերի կարմիր ներկուած մորթիներից, իսկ կապոյտ մորթուց պատրաստուած ծածկը դրեց վերին կողմից:
20. Խորանի երկու մոյթերը պատրաստեց կարծր փայտից եւ դրեց ուղղահայեաց դիրքով:
21. Մէկ մոյթի երկարութիւնը տասը կանգուն էր, իսկ հաստութիւնն ու լայնութիւնը՝ մէկուկէս կանգուն:
22. Ամէն մի մոյթի վրայ դրեց իրար ագուցուած երկու ծղնի: Այդպէս պատրաստեց նաեւ խորանի բոլոր մոյթերը:
23. Խորանի համար մոյթեր պատրաստեց. քսան մոյթ դրեց հարաւային կողմում եւ այդ քսան մոյթերի համար պատրաստեց քառասուն խարիսխ:



24. մէկ մոյթի երկու կողմերի համար՝ երկու խարիսխ եւ միւս մոյթի երկու կողմերի համար էլ՝ երկու խարիսխ:
25. Վրանի երկրորդ՝ հիւսիսային կողմի համար պատրաստեց քսան մոյթ
26. եւ արծաթէ քառասուն խարիսխ. մէկ մոյթի համար՝ երկու խարիսխ, եւ միւս մոյթի համար էլ՝ երկու խարիսխ:
27. Վրանի յետեւի՝ ծովահայեաց կողմում դրեց վեց մոյթ
28. եւ երկու մոյթ էլ դրեց վրանի անկիւններին՝ յետեւի կողմից:
29. Ներքեւի կողմից նրանք իրար հաւասար էին: Նոյն ձեւով հաւասար էին գլխի՝ իրար միացուած կողմից: Նոյն ձեւով շինեց նաեւ երկու անկիւնների մոյթերը:
30. Այսպիսով ստացուեց ութ մոյթ: Դրանց խարիսխներն արծաթից էին, ընդամենը տասնվեց խարիսխ. մէկ մոյթի համար՝ երկու խարիսխ, եւ երկու խարիսխ էլ՝ միւս մոյթի համար:
31. Կարծր փայտից նիզեր պատրաստեց. հինգ նիզ՝ վրանի մի կողմի մի մոյթի համար,
32. հինգ նիզ՝ վրանի երկրորդ կողմի միւս մոյթի համար, եւ հինգ նիզ՝ վրանի թիկունքի՝ ծովահայեաց կողմի մոյթի համար:
33. Մէջտեղի նիզը մոյթերի մի ծայրից մինչեւ միւսն անցկացնելով՝ միացրեց իրար:
34. Երկու մոյթերը պատեց ոսկով: Ոսկուց պատրաստեց նրանց երկու օղակները, որոնց մէջ մտնում էին նիզերը: Նիզերը պատեց ոսկով:
35. Կապոյտ, ծիրանի ու կարմիր կտաւից եւ նրբահիւս բեհեզից վարագոյր պատրաստեց: Այն զարդարեց ասեղնագործուած քերովքով
36. եւ ամրացրեց կարծր փայտից շինուած չորս մոյթերի վրայ: Դրանց խոյակները ոսկուց էին, իսկ չորս խարիսխները՝ արծաթից:
37. Վկայութեան խորանի դռան առագաստը պատրաստեց կապոյտ, ծիրանի ու կարմիր կտաւից եւ նրբահիւս բեհեզից՝ վրան ասեղնագործուած քերովքէ:
38. Ծինեց խորանի հինգ մոյթերն ու դրանց օղակները, դրանց խոյակները պատեց ոսկով: Դրանց պղնձէ խարիսխները հինգն էին:

1. Բեսելիելը տապանակը կառուցեց կարծր փայտից. երկուսուկես կանգուն էր դրա երկարութիւնը, մէկուկես կանգուն էր դրա լայնութիւնը, մէկուկես կանգուն էր դրա բարձրութիւնը: Այն ներսից ու դրսից պատեց ոսկով,
2. դրա վրայ շուրջանակի ոսկէ պսակ շինեց:
3. Չորս ոսկէ օղակներ ձուլեց դրա չորս կողմերի համար. երկու օղակներ՝ մի կողմից, եւ երկու օղակներ՝ միւս կողմից: Դրանք հագցրեց լծակներին:
4. Լծակները շինեց կարծր փայտից եւ դրանք պատեց ոսկով:
5. Լծակները տապանակի կողքերից մտցրին օղակների մէջ, որպէսզի դրանցով բարձրացնեն այն:
6. Տապանակի կափարիչը պատրաստեցին մաքուր ոսկուց. երկուսուկես կանգուն էր դրա երկարութիւնը, մէկուկես կանգուն՝ դրա լայնութիւնը:
7. Կափարիչի երկու ծայրերի երկու քերովբէները պատրաստեց ոսկուց. կատարեալ մի գործ շինեց դրանք:
8. Մի քերովբէն դրուած էր կափարիչի մի ծայրին, իսկ միւս քերովբէն՝ կափարիչի միւս ծայրին: Երկու քերովբէները միաձոյլ էին կափարիչի երկու ծայրերի հետ:
9. Քերովբէները դէպի վեր էին տարածել իրենց թելերը եւ իրենց թելերով հովանի էին անում կափարիչի վրայ: Կափարիչի վրայ քերովբէների դէմքերը իրար դէմ դիմաց էին:
10. Առաջաւորութեան սեղանը պատրաստեց մաքուր ոսկուց: Դրա համար ոսկէ չորս օղակներ ձուլեց. երկուսը՝ մի կողմի, եւ երկուսը՝ միւս կողմի համար: Պատրաստեց նաեւ լծակներ, որպէսզի դրանցով բարձրացնեն սեղանը: Տապանակի ու սեղանի լծակները պատրաստեց կարծր փայտից եւ դրանք պատեց ոսկով: Երկու կանգուն էր սեղանի երկարութիւնը, մէկուկես կանգուն՝ դրա լայնութիւնը, եւ մէկուկես կանգուն՝ դրա բարձրութիւնը:
11. Այն պատեց մաքուր ոսկով եւ դրա համար շուրջանակի ոսկէ պսակներ պատրաստեց:
12. Դրա վրայ շուրջանակի, մէկ թգաչափ բարձրութեամբ շրջանակ դրեց եւ դրա շրջանակի չորս կողմը ոսկէ պսակներ դրեց:
13. Սեղանի համար ոսկէ չորս օղակներ պատրաստեց եւ օղակներն ամրացրեց չորս անկիւններին,
14. որոնք նրա չորս ոտքերի վրայ էին՝ պսակի տակ: Օղակները լծակների համար իբրեւ ագոյց ծառայեցին, որպէսզի մարդիկ լծակներից բռնած բարձրացնեն սեղանը:
15. Կարծր փայտից երկու լծակներ պատրաստեց, որպէսզի դրանցով բարձրացնեն սեղանը, եւ դրանք պատեց ոսկով:
16. Մաքուր ոսկուց պատրաստեց սեղանի անօթները՝ դրա խնկամաններն ու սկուտեղները, դրա գաւաթներն ու սկիհները, որոնցով գինի են մատուցում:
17. Ոսկուց պատրաստեց լոյսի միաձոյլ աշտանակը՝ բունն ու նրա երկու կողմերի ճիւղերը: Աշտանակի բնից բաժանուում էին ճիւղերը՝ երեքը մի կողմից, եւ երեքը միւս կողմից՝ իրար հաւասար: Ոսկուց պատրաստեց դրա բոլոր միաձոյլ, ընկուզածել ծայրեր ունեցող լուսակալները, դրա ճրագակալները, որոնց վրայ ճրագամաններն են դրուում, եւ աշտանակի եօթներորդ կանթեղը, որը բնի ամենավերին մասում է դրուում: Մաքուր ոսկուց պատրաստեց դրա վրայ գտնուող եօթը ճրագամանները, ունեւիներն ու մոխրակալները: Քանդակագարդ արեց աշտանակը, բունն ու նրա ճիւղերը, նրա սկահակները: Գնդիկներն ու շուշանաձեւ ծաղիկները միաձոյլ էին:
18. Վեց ճիւղեր էին բաժանուում նրա երկու կողմերից. երեք ճիւղը՝ աշտանակի մի կողմից, եւ երեք ճիւղը՝ աշտանակի միւս կողմից:
19. Մի ճիւղն ուներ գնդիկից ու շուշանաձեւ ծաղկից բաղկացած երեք ընկուզածել սկահակ, եւ միւս ճիւղն էլ ուներ գնդիկից ու շուշանաձեւ ծաղկից բաղկացած երեք ընկուզածել սկահակ: Այսպէս բոլոր վեց ճիւղերը բաժանուում էին աշտանակի երկու կողմերից:

20. Աշտանակի բնի վրայ քանդակուած էին ընկուզաձեւ չորս սկահակներ իրենց գնդիկներով ու շուշանաձեւ ծաղիկներով:
21. Երկու ճիւղերի տակ մեկական գնդիկ ու ծաղիկ՝ բնին ծուլուած: Այսպէս էին բնից բաժանուած վեց ճիւղերը:
22. Դրանց գնդիկներն ու ծաղիկները միաձոյլ էին՝ բոլորը քանդակուած մի կտոր մաքուր ոսկուց:
23. Դրա եօթը ճրագամանները, ունելիներն ու մոխրակալները մաքուր ոսկուց էին:
24. Մի տաղանդ մաքուր ոսկուց պատրաստեց աշտանակն ու դրա բոլոր մասերը:
25. Նա ոսկեպատ զոհասեղանը պատրաստեց կարծր փայտից: Այն քառակուսի էր. հինգ կանգուն էր երկարութիւնը, հինգ՝ կանգուն՝ լայնութիւնը, եւ երեք կանգուն՝ բարձրութիւնը: Դրա եղջիւրաւոր անկիւնները զոհասեղանի հետ միաձոյլ էին:
26. Մաքուր ոսկով պատեց այն, ինչպէս նաեւ դրա կափարիչը, բոլոր կողերն ու եղջիւրաւոր անկիւնները:
27. Դրա չորս կողմերի համար պատրաստեց ոսկէ պսակներ, պսակների տակ, երկու կողմերին երկու ոսկէ օղակներ ամրացրեց, որպէսզի այն բարձրացնելիս լծակները մտցնեն այդ օղակների մէջ:
28. Լծակները պատրաստեց կարծր փայտից եւ դրանք պատեց ոսկով:
29. Նա վարպետ իւղագործների՝ նման պատրաստեց օծութեան սուրբ իւղը եւ խնկերի համեմունքները:

1. Չոհասեղանը պղնձապատեց այն բուրվառների պղնձով, որոնք Կորիսի ժողովրդի հետ ապստամբած մարդկանց ձեռքին էին: Կարծր փայտից պատրաստեց այն: Չոհասեղանը քառակուսի էր. հինգ կանգուն էր դրա երկարութիւնը, հինգ կանգուն՝ լայնութիւնը, իսկ երեք կանգուն՝ բարձրութիւնը:
2. Չոհասեղանի չորս կողմը պատրաստեց եղջիրաւոր անկիւններ, որոնք զոհասեղանի հետ միաձոյլ էին: Նա դրանք պատեց պղնձով:
3. Նա պատրաստեց զոհասեղանի ամբողջ սպասքը՝ խարիսխները, կափարիչը, տաշտերը, մեծ պատառաքաղներն ու բուրվառները: Դրա ամբողջ սպասքը պատրաստեց պղնձից:
4. Նա բուրվառներից պատրաստեց զոհասեղանի ցանցաւոր կասկարաները, որոնք շրջանակի տակից հասնում էին մինչեւ զոհասեղանի մէջտեղը:
5. Չոհասեղանի կասկարայի չորս կողմերին ամրացրեց պղնձե չորս օղակներ, որպէսզի լծակներն անցկացնեն այդ օղակների մէջ:
6. Լծակները շինեց կարծր փայտից եւ դրանք պատեց պղնձով:
7. Լծակներն անցկացրին զոհասեղանի կողքերին գտնուող օղակների մէջ, որպէսզի զոհասեղանը դրանցով բարձրացնեն: Այն ամբողջովին պատրաստուած էր տախտակներով:
8. Պղնձե աւազանն ու դրա պղնձե պատուանդանը պատրաստեց ուխտաւոր այն կանանց հայելիների պղնձից, որոնք վրանը խփած օրը վկայութեան խորանի դռան մօտ էին հաւաքուել:
9. Կառուցեց մի բակ, որ դէպի հարաւ էր նայում: Բակի առագաստները նրբահիւս բեհեզից էին՝ հարիւր կանգուն երկարութեամբ:
10. Դրանց սիւները քսան հատ էին, դրանց պղնձե խարիսխները՝ քսան հատ: Սիւների խարիսխներն ու խոյակները արծաթից էին:
11. Հիւսիսային կողմի առագաստն ուներ հարիւր կանգուն երկարութիւն: Դրա սիւները քսան հատ էին, պղնձե խարիսխները՝ քսան հատ: Սիւների խարիսխներն ու խոյակները արծաթից էին:
12. Ծովահայեաց բակի առագաստները յիսուն կանգուն էին: Դրանց սիւները տասը հատ էին, խարիսխները՝ տասը հատ: Սիւների խարիսխներն ու խոյակները արծաթից էին:
13. Արեւելեան կողմի բակի առագաստը յիսուն կանգուն էր,
14. յետեւի կողմի բակի առագաստները տասնհինգ կանգուն էին: Դրանց սիւները երեք հատ էին, խարիսխները՝ երեք հատ:
15. Բակի դռան միւս կողմի առագաստները տասնհինգ կանգուն էին: Դրանց սիւները երեք հատ էին, խարիսխները՝ երեք հատ:
16. Խորանի չորս կողմերի բոլոր առագաստները նրբահիւս բեհեզից էին:
17. Սիւների խարիսխները պղնձից էին, սիւների դրուագներն ու դրանց գալարազարդերը՝ արծաթից, դրանց խոյակները՝ արծաթապատ, բակի բոլոր սիւները՝ արծաթապատ:
18. Բակի դռան վարագոյրները կապոյտ, ծիրանի ու կարմիր կտաւից էին եւ նրբահիւս բեհեզով զարդարուած: Քսան կանգուն էր դրանց երկարութիւնը, տասնհինգ կանգուն՝ բարձրութիւնը: Դրանց լայնութիւնը հաւասար էր բակի առագաստների լայնութեանը:
19. Դրանց մոյթերը չորս հատ էին, դրանց պղնձե խարիսխները՝ չորս հատ: Դրանց գալարազարդերը արծաթից էին, իսկ դրանց խոյակները՝ արծաթապատ:
20. Բակի ու խորանի չորս կողմերի բոլոր ցցերը պղնձից էին:
21. Ահա վկայութեան խորանի կառուցման պայմանը. կառուցել այնպէս, ինչպէս Աստուած հրամայել էր Մովսէսին, որպէսզի ղեւտացիները Ահարոն քահանայի որդի Իթամարի միջոցով այնտեղ պաշտամունք կատարեն:
22. Յուդայի ցեղից Բեսելիւելը՝ Ուրիի որդին, որը որդին էր Ուրի, արեց այնպէս, ինչպէս

Տերը հրամայել էր Մովսէսին:

23. Բեւեւիւն օգնում էր Դանի ցեղից Աքիսամի որդի Եղիաբը, որը կապոյտ, ծիրանի ու կարմիր կտաւ եւ նրբահիւս բեռեզ գործածելով՝ կատարում էր ոստայնանկութեանը, ասեղնագործութեանն ու նկարչութեանը վերաբերող աշխատանքներ:

24. Սրբարանի բոլոր գործերի համար օգտագործուած ոսկու կշիռը, որը գոյացած էր նուէրներից, եղաւ քսանինը տաղանդ եւ եօթը հարիւր երեսուն սիկլ՝ ըստ սրբարանի սիկլի:

25. Մարդկանցից հաւաքուած արծաթէ նուէրները կշռում էին հարիւր տաղանդ եւ հազար եօթը հարիւր եօթանասունհինգ սիկլ՝ ըստ սրբարանի սիկլի. մարդագլուխ մի դրամ՝ սրբարանի սիկլի հետ համեմատած կէս սիկլ: Քսան տարեկան եւ աւելի բարձր տարիք ունեցող մարդիկ, ովքեր անցնում էին մարդահամարից, վեց հարիւր երեք հազար հինգ հարիւր յիսուն հոգի էին:

26. Հարիւր տաղանդ արծաթ ծովուէց խորանի հարիւր խոյակների եւ վարագոյրի խոյակների համար.

27. հարիւր տաղանդ հարիւր խոյակի համար, մէկ տաղանդ ամէն մի խոյակի համար:

28. Հազար եօթը հարիւր եօթանասունհինգ սիկլը գործածուէց մոյթերի գալարագարդերի համար, ոսկով պատուէցին դրանց խոյակները եւ զարդարուէցին:

29. Նուիրուած պղինձը եօթանասուն տաղանդ եւ երկու հազար չորս հարիւր սիկլ էր:

30. Դրանով պատրաստուէցին վկայութեան խորանի դռան խարիսխները, պղնձէ զոհասեղանը, պղնձէ զոհասեղանի կասկարան, զոհասեղանի ամբողջ սպասքը, բակի չորս կողմերի խարիսխները, բակի դռան խարիսխները,

31. խորանի բոլոր ցցերը, բակի չորս կողմի բոլոր ցցերը, եւ կապոյտ, ծիրանի ու կարմիր կտաւից ու նրբահիւս բեռեզից հիւսուած պարանների ծայրերի օղերը:

1. Պատրաստեց ծիսական զգեստներ, որպեսզի սրբարանում դրանցով պաշտամունք կատարեն: Պատրաստեց նաեւ սրբարանում Ահարոն քահանայի հագնելիք զգեստներն այնպէս, ինչպէս Տէրն էր հրամայել Մովսէսին:
2. Վակասը պատրաստեցին ոսկով, կապոյտ, ծիրանի ու կարմիր կտաւով եւ նրբահիւս բեռեզով:
3. Ոսկու թերթերը թել-թել կտրում էին, որպեսզի դրանք կապեն կապոյտ, ծիրանի ու կարմիր ժապաւենով եւ նրբահիւս բեռեզով: Նկարագարդ վակասի համար պատրաստեցին փոկեր,
4. որպեսզի այն ամրացնեն երկու կողմից:
5. Նոյն ձեւով՝ ոսկով եւ կապոյտ, ծիրանի ու կարմիր կտաւով եւ նրբահիւս բեռեզով պատրաստեցին թիկնոցը, ինչպէս Տէրն էր հրամայել Մովսէսին:
6. Ոսկով ժապաւինուած եւ ընդելուզուած գմբուխտ երկու ակնաքարերի վրայ փորագրեցին Իսրայէլի որդիների անուններն այնպէս, ինչպէս կնիքներն են փորագրում, եւ դրանք ամրացրեցին վակասի վրայ:
7. Իսրայէլի որդիների յիշատակի ակնաքարերը ամրացրին վակասի ուսին, ինչպէս որ հրամայել էր Տէրը Մովսէսին:
8. Լանջապանակը պատրաստեցին ոսկով, կապոյտ, ծիրանի ու կարմիր կտաւով եւ նրբահիւս բեռեզով, բանուածքով, այնպէս, ինչպէս վակասն էին պատրաստել:
9. Քառակուսի եւ կրկնաձաւ արեցին լանջապանակը. այն ուներ մի թզաչափ երկարութիւն եւ մի թզաչափ լայնութիւն:
10. Դրա վրայ կար ակնաքարերի չորս շարք: Առաջին շարքի վրայ կային սարդիոն, տպագիոն եւ գմբուխտ: Դա առաջին շարքն էր:
11. Երկրորդ շարքը նռնաքար էր, շափիւղայ եւ յասափս:
12. Երրորդ շարքը սուտակ էր, մեղեսիկ եւ ագատ:
13. Չորրորդ շարքը ոսկեքար էր, եղնգաքար եւ բիւրեղ՝ ոսկով պատուած եւ ընդելուզուած:
14. Ակնաքարերն ըստ Իսրայէլի որդիների անունների էին: Նրանց տասներկու անունները գրուած եւ փորագրուած էին ըստ տասներկու ցեղերից իւրաքանչիւրի անունների:
15. Լանջապանակի երկու օղակների վրայ ամրացրին մաքուր ոսկուց պատրաստուած հիւսկէն շղթաներ:
16. Պատրաստեցին ոսկէ երկու կոճակներ եւ ոսկէ երկու օղակներ. ոսկէ երկու օղակներն ամրացրին լանջապանակի վերին երկու ծայրերին:
17. Հիւսկէն շղթաները լանջապանակի երկու կողմերից ամրացրին երկու օղակների մէջ, իսկ երկու շղթաների ծայրերը մտցրին երկու անցքերի մէջ: Լանջապանակը դրեցին վակասի ուսերին՝ երեսի կողմից իրար դէմ դիմաց:
18. Պատրաստեցին ոսկէ երկու այլ օղակներ եւ լանջապանակի ներսի կողմից ամրացրին վակասին կցուած մասի երկու ծայրերին: Պատրաստեցին ոսկէ երկու այլ օղակներ եւ դրեցին վակասի երկու ուսերին՝ ներսի կողմից՝ վակասի առջեւի միացման տեղում:
19. Լանջապանակի օղակների ու վակասի օղակների միջով կապոյտ ժապաւեն անցկացնելով՝ այդ երկուսը միացրին իրար այնպէս, որ լանջապանակն ու վակասը միմեանցից չառանձնանան, ինչպէս Տէրն էր հրամայել Մովսէսին:
20. Վակասից բացի ամբողջութեամբ կապոյտ ժապաւեններով հիւսուած կտաւից ներքին պատմուճաններ պատրաստեցին:
21. Դրանց օծիքը հիւսածոյ գործուածքի ճիշտ մէջտեղից էր, օծիքի բացուածքը շուրջանակի չքանդուող եզերք ուներ:
22. Դրանց քղանցքներին մանուած կապոյտ, ծիրանի ու կարմիր ժապաւեններով եւ նրբահիւս բեռեզով նռան ծաղկաբողբոջներ գործեցին:

23. Մաքուր ոսկուց զանգակներ պատրաստեցին եւ զանգակները ներքին պատմունճանների քղանցքներին, շուրջանակի, դրեցին նռնագարդերի միջեւ:
24. Նռնագարդերն ու զանգակները ներքին պատմունճանների քղանցքներին, շուրջանակի, յաջորդում էին միմեանց: Քահանաները պաշտամունք կատարելիս այդ զգեստները պետք է հագնեին, ինչպես Տէրն էր հրամայել Մովսէսին:
25. Նրանք բեհեզէ հիւսածոյ զգեստներ պատրաստեցին Ահարոնի ու նրա որդիների համար,
26. ինչպես նաեւ բեհեզէ ապարօշներ, բեհեզէ խոյր,
27. բեհեզէ անդրավարտիք:
28. Նրանց համար պատրաստեցին բեհեզից եւ մանուած կապոյտ, ծիրանի ու կարմիր ժապաւեններով հիւսուած գօտիներ՝ զարդանախշ մի գործ, ինչպես Տէրն էր հրամայել Մովսէսին:
29. Սուրբ պսակի թիթեղը պատրաստեցին մաքուր ոսկուց եւ դրա վրայ փորագրեցին Սրբութիւն Տեառն:
30. Այն կապեցին կապոյտ մի ժապաւենով, որպէսզի վերեւի կողմից ամրացնեն խոյրի վրայ, ինչպես Տէրն էր հրամայել Մովսէսին:
31. Աւարտուեց վկայութեան խորանի ամբողջ գործը: Իսրայելի որդիներն արեցին ամեն ինչ. ինչպես Տէրն էր հրամայել Մովսէսին, այդպես էլ արեցին: Նուէրներից աւելացած ոսկին նրանք վերածեցին սպասքի, որոնցով Տիրոջ առաջ պաշտամունք են կատարում:
32. Մովսէսի մօտ, խորան բերեցին զգեստները, վրանի ծածկն ու դրա բոլոր մասերը, դրա ճարմանդները, փայտերը, միջաձողերը, դրա մոյթերը, վերջինիս խարիսխները,
33. խոյերի կարմիր ներկուած, մշակուած եւ անմշակ մորթիները, կապոյտ վարագոյրները,
34. կտակարանների տապանակը ծածկող վարագոյրը,
35. լծակները, կափարիչը, առաջաւորութեան սեղանն ու դրա ամբողջ սպասքը, առաջաւորութեան հացը,
36. սուրբ աշտանակն ու դրա ճրագամանները, կանթեղներն ու դրա բոլոր մասերը, լուսաւորութեան ձեթը,
37. ոսկէ սեղանը, օծութեան իւղը, խնկերի համեմունքները,
38. վրանի դռան վարագոյրը, վրանը,
39. պղնձէ զոհասեղանը, դրա լծակներն ու ամբողջ սպասքը, աւագանն ու դրա պատուանդանը, բակի առագաստը, դրա սիւներն ու խարիսխները,
40. վրանի դռան եւ բակի դռան վարագոյրները, պարաններն ու ցցերը, վկայութեան խորանի ամբողջ սպասքը,
41. սրբարանում պաշտամունք կատարելու սրբազան զգեստները, Ահարոն քահանայի սրբազան զգեստներն ու նրա որդիների քահանայութեան համար նախատեսուած զգեստները:
42. Ինչ Տէրը պատուիրել էր Մովսէսին, Իսրայելի որդիներն այդ ամենը կատարեցին:
43. Մովսէսը տեսաւ բոլոր գործերը, որ նրանք կատարել էին այնպես, ինչպես Տէրն էր հրամայել Մովսէսին: Նրանք ճիշտ նոյն ձեւով էին կատարել: Եւ Մովսէսն օրհնեց նրանց:

1. Տերը խօսեց Մովսէսի հետ եւ ասաց.
2. Առաջին ամսի առաջին օրը կը կանգնեցնես վկայութեան խորանը,
3. այնտեղ կը դնես վկայութեան տապանակը եւ տապանակը կը ծածկես վարագոյրով:
4. Ներս կը տանես սեղանը եւ դրա վրայ կը դասաւորես հացը: Ներս կը տանես աշտանակը, դրա վրայ կը դնես նրա ճրագամանները:
5. Կը տեղաւորես ոսկէ սեղանը, որպէսզի խունկ ծխես վկայութեան տապանակի առաջ: Վարագոյրի քօղը կ'իջեցնես վկայութեան խորանի դռան վրայ:
6. Ողջակէզների զոհասեղանը կը դնես վկայութեան խորանի դռան մօտ եւ շուրջանակի կ'օծես վրանն ու այն ամէնը, ինչ նրա մէջ է. դրանց չորս բոլորը կը սրբես:
7. Աւագանը կը դնես վկայութեան խորանի ու զոհասեղանի միջեւ եւ դրա մէջ ջուր կը լցնես:
8. Բակը շուրջանակի կ'օծես եւ կ'իջեցնես բակի դռան քօղը:
9. Կ'առնես օծութեան իւղը, կ'օծես խորանն ու այն ամէնը, ինչ դրա մէջ է. կը սրբագործես դա ու դրա ամբողջ սպասքը. այնուհետեւ դրանք սրբութիւն կը լինեն:
10. Կ'օծես ողջակէզների զոհասեղանն ու դրա ամբողջ սպասքը:
11. Կը սրբագործես զոհասեղանը, եւ դա սրբութիւնների սրբութիւն կը լինի: Կ'օծես աւագանն ու նրա պատուանդանը եւ կը սրբագործես այն:
12. Ահարոնին ու նրա որդիներին կը բերես վկայութեան խորանի դուռը եւ նրանց կը լուանաս ջրով:
13. Ահարոնին կը հագցնես սրբազան պատմունճանը, կ'օծես նրան, կը սրբագործես նրան, եւ նա ինձ համար քահանայութիւն կ'անի: Կը բերես նրա որդիներին, նրանց կը հագցնես պատմունճաններ, կ'օծես նրանց այնպէս, ինչպէս օծեցիր նրանց հօրը, եւ նրանք ինձ համար քահանայութիւն կ'անեն: Նրանց քահանայական օծումը իրենց ցեղերի մէջ յաւիտեական թող լինի:
14. Մովսէսն արեց այն ամէնը, ինչ Տերը պատուիրել էր իրեն. նա հէնց այդպէս էլ արեց:
15. Եգիպտացիների երկրից նրանց դուրս գալու երկրորդ տարուայ առաջին ամսին, ամսուայ սկզբին վրանը կանգնեցուց:
16. Մովսէսը կառուցեց վրանը, դրեց դրա խարիսխները եւ կանգնեցրեց դրա մոյթերը, դրանց վրայ ամրացրեց խոյակները,
17. տեղադրեց միջածողերը, տասշերտանի վարագոյրը տարածեց վրանի վրայ: Վրանի ծածկոցները գցեց դրա վրայ եւ ամրացրեց վրանի ծածկերը վերեւից, ինչպէս Տէրն էր հրամայել Մովսէսին:
18. Առաւ օրէնքի քարէ տախտակները, դրեց տապանակի մէջ, նիգերն անցկացրեց տապանակի վրայ եւ կափարիչը դրեց տապանակի վրայից:
19. Տապանակը տարաւ խորանի ներսը, վրան քաշելով վարագոյրը՝ ծածկեց վկայութեան տապանակը, ինչպէս Տէրն էր հրամայել Մովսէսին:
20. Սեղանը դրեց վկայութեան խորանի մէջ՝ խորանի հիւսիսային կողմից, խորանի վարագոյրից դուրս:
21. Դրա վրայ Տիրոջ առաջ դասաւորեց առաջաւորութեան հացը, ինչպէս Տէրն էր հրամայել Մովսէսին:
22. Աշտանակը դրեց վկայութեան խորանի մէջ, սեղանի դիմաց, խորանի հարաւային կողմից:
23. Ճրագամանները դրեց դրա վրայ, Տիրոջ առաջ, ինչպէս Տէրն էր հրամայել Մովսէսին:
24. Ոսկէ սեղանը դրեց վկայութեան խորանի մէջ, վարագոյրի դիմաց:
25. Համեմունքներից պատրաստուած խունկը դրեց դրա վրայ, ինչպէս Տէրն էր հրամայել Մովսէսին:
26. Նա կախեց խորանի դռան վարագոյրը:
27. Ողջակէզների զոհասեղանը դրեց վկայութեան խորանի դռան մօտ եւ դրա վրայ ողջակէզներ ու զոհեր մատուցեց, ինչպէս Տէրն էր հրամայել Մովսէսին:



28. Աւագանը դրեց վկայութեան խորանի ու զոհասեղանի միջեւ եւ դրա մէջ ջուր լցրեց,  
29. որպէսզի Մովսէսը, Ահարոնն ու նրա որդիները դրանով լուսնան իրենց ձեռքերն ու ոտքերը,  
30. երբ վկայութեան խորանը մտնեն կամ երբ զոհասեղանին մօտենան պաշտամունք կատարելու: Նրանք լուացւում էին դրա միջի ջրով, ինչպէս Տէրն էր հրամայել Մովսէսին:  
31. Բակ կառուցեց խորանի  
32. ու զոհասեղանի չորս կողմը եւ քաշեց բակի դռան վարագոյրը: Այսպիսով Մովսէսն աւարտեց իր ամբողջ գործը:  
33. Ամպը ծածկեց վկայութեան խորանը, եւ խորանը լցուեց Տիրոջ փառքով:  
34. Մովսէսը չէր կարողանում մտնել վկայութեան խորան, որովհետեւ ամպը ծածկել էր այն, եւ խորանը լցուած էր Տիրոջ փառքով:  
35. Երբ ամպը վերանում էր խորանի վրայից, Իսրայէլի որդիները չլուծ էին իրենց ամբողջ բազմութեամբ,  
36. իսկ երբ ամպը չէր վերանում, չէին չլուծ մինչեւ այն օրը, որ ամպը վերանար,  
37. որովհետեւ իսրայէլացիների ողջ երթի ընթացքում Տիրոջ ամպը ցերեկները կանգնում էր խորանի վրայ, իսկ գիշերները իսրայէլացիների առաջ դրա վրայ կրակ էր վառվում:

ՂԵԻՏԱԿԱՆ

## Գլուխ 1

1. Տերը կանչեց Մովսեսին, խօսեց նրա հետ վկայութեան խորանից՝ ասելով. Խօսի՛ր իսրայելացիների հետ եւ ասա՛ նրանց.
2. Եթէ ձեզնից որեւէ մէկը անասուններից զոհ է մատուցելու, ապա խոշոր կամ մանր եղջերաւոր անասուն թող մատուցի:
3. Եթէ նա արու արջառ է մատուցելու որպէս ողջակէզ, ապա այն թող լինի ոչ արատաւոր: Վկայութեան խորանի դռան մօտ թող բերի այն, որպէսզի Տիրոջ համար ընդունելի լինի որպէս քաւութիւն նրան:
4. Նա իր ձեռքը թող դնի զոհուող անասունի գլխին, որպէսզի այն Տիրոջ համար ընդունելի լինի, իսկ իր անձի համար՝ քաւութիւն:
5. Չուարակը թող մորթեն Տիրոջ առաջ: Քահանաները՝ Ահարոնի որդիները, արիւնը թող բերեն ու շաղ տան վկայութեան խորանի դռան մօտ գտնուող զոհասեղանի շուրջը:
6. Ողջակիզուելիք անասունը մորթազերծ անելուց յետոյ թող բաժանեն մասերի:
7. Քահանաները՝ Ահարոնի որդիները, զոհասեղանի վրայ կրակ թող վառեն եւ փայտ դիզեն կրակի վրայ: Ահարոնի որդիները՝ քահանաները,
8. կտրտուած մասերը, գլուխն ու ճարպը թող դնեն զոհասեղանի կրակի համար դիզուած փայտի վրայ:
9. Փորոտիքն ու ոտքերը թող լուանան ջրով, քահանաներն այդ բոլորը թող դնեն զոհասեղանի վրայ, որովհետեւ ողջակիզուող զոհը Տիրոջ համար անուշահոտ է:
10. Իսկ եթէ Տիրոջ համար ողջակիզուող մանր եղջերաւոր անասունը գառ կամ ուլ է, թող այն լինի արու եւ ոչ արատաւոր:
11. Չոհ մատուցողն իր ձեռքը թող դնի նրա գլխին, այն թող մորթեն զոհասեղանի հիւսիսային կողմում, Տիրոջ առաջ, եւ Ահարոնի որդիները՝ քահանաները, արիւնը թող շաղ տան զոհասեղանի շուրջը:
12. Չոհը թող բաժանեն մասերի, նոյնպէս գլուխն ու ճարպը. քահանաները թող այն դնեն զոհասեղանի կրակի համար դիզուած փայտի վրայ,
13. իսկ փորոտիքն ու ոտքերը թող լուանան ջրով: Թող քահանան այդ ամէնը բերի ու դնի զոհասեղանի վրայ, որովհետեւ ողջակիզուող զոհը Տիրոջ համար անուշահոտ է:
14. Իսկ եթէ Տիրոջ համար ողջակիզուողը թռչուն է, ապա տատրակ կամ աղաւնի թող լինի զոհաբերուողը:
15. Քահանան այն թող բերի զոհասեղանի մօտ, պոկի գլուխը, թող դնի սեղանի վրայ եւ արիւնը շաղ տայ զոհասեղանի յատակին:
16. Թող հանի նաեւ քարճիկը եւ նրան կից մասերը նետի այնտեղ, ուր մոխիրն են թափում զոհասեղանի մօտ:
17. Ապա թող ջարդի թելերը, բայց երկու մասի թող չբաժանի: Քահանան այն թող դնի զոհասեղանին, կրակի համար դիզուած փայտի վրայ, որովհետեւ ողջակիզուող զոհը Տիրոջ համար անուշահոտ է:

1. Եթե մեկը անարիւն զոհ է մատուցում Տիրոջը, նրա մատուցածը ընտիր ալիւր թող լինի: Դրա վրայ թող իւր լցնի ու կնդրուկ դնի: Դա անարիւն զոհաբերութիւնն է:
2. Այն թող տանի քահանաների՝ Ահարոնի որդիների մօտ, քահանան թող վերցնի իւղած ընտիր ալիւրից մի բուռ ու բերուած ամբողջ կնդրուկը եւ դրանք իբրեւ յիշատակ դնի զոհասեղանի վրայ: Դա Տիրոջն ընծայաբերուող անուշահոտ զոհ է:
3. Այդ զոհաբերութիւնից մնացածը պէտք է պատկանի Ահարոնին ու նրա որդիներին: Դա Տիրոջը մատուցուող ամենասուրբ զոհաբերութիւններից է:
4. Եթե մեկը որպէս անարիւն զոհ է մատուցում թոնրի մէջ եփուածը, ապա Տիրոջը որպէս զոհ թող մատուցի իւղած ընտիր ալիւրից պատրաստուած բաղարջ կարկանդակ եւ իւղած բաղարջ հաց:
5. Եթե քո զոհաբերածը տապակի մէջ եփուած բան է, ապա իւղած ընտիր ալիւրի բաղարջ թող լինի:
6. Դա մաս-մաս կ'անես, դրանց վրայ իւր կը լցնես, որովհետեւ դա Տիրոջը մատուցուող զոհաբերութիւն է:
7. Եթե քո մատուցած անարիւն զոհաբերութիւնը կասկարայի վրայ է եփուած, ապա ընտիր ալիւրը պէտք է իւղած լինի:
8. Այսպէս պատրաստուած եւ Տիրոջը մատուցուող նուիրաբերութիւնը կը տանես քահանայի մօտ: Քահանան զոհասեղանին մօտենալով՝
9. մի կտոր թող կտրի Աստծուն իբրեւ յիշատակ նուիրաբերուող զոհից եւ այն դնի զոհասեղանին: Դա Տիրոջը մատուցուող անուշահոտ նուիրաբերութիւն է:
10. Ինչ որ մնայ այդ նուիրաբերութիւնից, թող պատկանի Ահարոնին ու նրա որդիներին: Դա ամենասուրբ զոհաբերութիւններից է:
11. Տիրոջը մատուցուող բոլոր անարիւն զոհաբերութիւնները առանց թթխմորի կը պատրաստէք: Թթխմորով ու մեղրով պատրաստուած որեւէ ընծայաբերում Տիրոջը չմատուցէք:
12. Այն կը մատուցէք Տիրոջը իբրեւ երախայրիքի ընծայաբերում, բայց զոհասեղանի վրայ այն չայրէք, ինչպէս որ այրում էք Տիրոջն ընծայաբերուող անուշահոտ զոհը:
13. Ձեր ամէն մի զոհաբերութիւնը Տիրոջը թող աղով աղուի. ձեր զոհաբերութիւններից չպակասեցնէք Աստծու ուխտի աղը. բոլոր զոհաբերութիւնների ժամանակ ա՛ղ մատուցեցէք:
14. Եթե Տիրոջը զոհաբերութիւն պիտի անես նոր բերքից, ապա դա թող լինի մաքրած, բոված ու խոշոր աղացած ցորենը:
15. Դրա վրայ իւր կը լցնես ու կնդրուկ կը դնես: Դա զոհաբերութիւն է:
16. Քահանան թող վերցնի ցորենի եւ իւղի մի մասը որպէս յիշատակի բաժին, ինչպէս նաեւ ամբողջ կնդրուկը. դա Տիրոջն ընծայաբերուող զոհաբերութիւն է:

1. Եթե Տիրոջը մատուցուող զոհաբերութիւնը փրկութեան համար է, եւ մատուցուողը արջառ է, ապա այն, արու լինի թէ էգ, Տիրոջ առաջ պէտք է լինի ոչ արատաւոր:
2. Չոհ մատուցողն իր ձեռքը թող դնի զոհաբերուող անասունի գլխին եւ մորթի վկայութեան խորանի դռան մօտ: Ահարոնի որդիները՝ քահանաները, արիւնը թող շաղ տան ողջակէզների զոհասեղանի չորս բոլորը:
3. Փրկութեան համար զոհաբերուածից Տիրոջը թող ընծայ մատուցեն փորի ճարպաթաղանթն ու փորոտիքի ողջ ճարպը,
4. թող պոկեն երկու երիկամները, դրանց վրայի ճարպը եւ լեարդի բլթակը երիկամներով հանդերձ:
5. Ահարոնի որդիները՝ քահանաները, այն որպէս ողջակէզ թող դնեն զոհասեղանին, կրակի համար դիզուած փայտի վրայ: Դա Տիրոջն ընծայաբերուող անուշահոտ զոհաբերութիւն է:
6. Եթե Տիրոջը մատուցուող զոհաբերութիւնը փրկութեան համար է, եւ մատուցուողը ոչխար է, արու լինի թէ էգ, թող անարատ մատուցեն այն:
7. Եթե զոհաբերուողը գառ է, այն թող մատուցեն Տիրոջ առաջ:
8. Չոհ մատուցողն իր ձեռքը թող դնի զոհաբերուող կենդանու գլխին եւ այն մորթի վկայութեան խորանի դռան մօտ: Ահարոնի որդիները՝ քահանաները, արիւնը թող շաղ տան զոհասեղանի շուրջը:
9. Փրկութեան համար զոհաբերուող անասունից Տիրոջը ընծայ թող մատուցեն. թող հանեն կենդանու ամբողջ դմակն ու մէջքը զիստերով հանդերձ,
10. փորի ճարպաթաղանթը, փորոտիքի ամբողջ ճարպը, երկու երիկամներն ու դրանց վրայի ճարպն ու լեարդի բլթակը երիկամներով հանդերձ:
11. Այս ամէնը քահանան թող դնի զոհասեղանին որպէս Տիրոջն ընծայաբերուող անուշահոտ զոհ:
12. Եթե զոհաբերուողը այծ է, ապա զոհ մատուցողն այն թող բերի Տիրոջ առաջ
13. եւ իր ձեռքը թող դնի կենդանու գլխին: Թող դա մորթեն վկայութեան խորանի դռան մօտ, Տիրոջ առաջ, իսկ Ահարոնի որդիները՝ քահանաները, արիւնը թող շաղ տան զոհասեղանի շուրջը:
14. Նրանք Տիրոջը դրանից որպէս ընծայ թող մատուցեն փորի ճարպաթաղանթը եւ փորոտիքի ամբողջ ճարպը,
15. երկու երիկամներն ու դրանց վրայի ճարպը: Լեարդի բլթակը թող պոկեն երիկամներով հանդերձ:
16. Քահանան դրանք թող դնի զոհասեղանին իբրեւ Տիրոջն ընծայաբերուող անուշահոտ զոհ:
17. Բոլոր ճարպերը Տիրոջը պիտի պատկանեն.
18. ուր էլ բնակուելիս լինէք, դա յաւիտենական օրէնք թող լինի ձեր սերունդների համար: Ճարպ եւ արիւն երբեք չպիտի ուտէք:

1. Տերը խօսեց Մովսէսի հետ ու ասաց.
2. Խօսի՛ր Իսրայէլիացիների հետ ու ասա՛. Եթէ մէկն ականայ մեղք է գործում Տիրոջ հանդէպ, Տիրոջ որեւէ պատուիրանի դէմ անում է բաներ, որ չպետք է կատարեր, բայց կատարում է,
3. Եւ եթէ նա օծուած քահանայապետ է, ապա նրա գործած մեղքը տարածւում է ամբողջ ժողովրդի վրայ: Իր գործած մեղքը քաւելու համար նա Տիրոջը ոչ արատաւոր զուարակ պիտի մատուցի:
4. Նա զուարակը թող բերի վկայութեան խորանի դռան մօտ, Տիրոջ առաջ, իր ձեռքը թող դնի զուարակի գլխին Տիրոջ առաջ, եւ զուարակը թող մորթեն Տիրոջ առաջ:
5. Օծեալ քահանան իր ձեռքով առնելով զուարակի արիւնից, այն թող տանի վկայութեան խորան:
6. Քահանան իր մատը թող թաթախի արեան մէջ, այդ արիւնից թող եօթն անգամ իր մատով շաղ տայ Տիրոջ առաջ, սրբարանը բաժանող վարագոյրի մօտ:
7. Քահանան Տիրոջ առաջ զուարակի արիւնից թող քսի վկայութեան խորանում գտնուող խնկարկութեան սեղանի եղջիւրաւոր անկիւններին: Չուարակի մնացած արիւնը թող շաղ տայ վկայութեան խորանի դռան մօտ գտնուող ողջակէզների զոհասեղանի յատակին:
8. Նա թող հանի գործուած մեղքերի քաւութեան համար զոհաբերուող զուարակի ամբողջ ճարպը, թող հանի նաեւ փորի ճարպաթաղանթը եւ փորոտիքի ամբողջ ճարպը:
9. Թող պոկի երկու երիկամներն ու դրանց վրայի ճարպը եւ լեարդի բլթակը երիկամներով հանդերձ:
10. Թող անի այնպէս, ինչպէս վարւում էր փրկութեան համար զոհաբերուող զուարակի դէպքում. քահանան այս ամէնը թող դնի ողջակէզների զոհասեղանին:
11. Չուարակի մորթը, նրա ամբողջ մարմինը գլխի ու ոտքերի, փորի ու կղկղանքի հետ՝
12. զուարակն ամբողջութեամբ թող հանեն բանակատեղիից դուրս, մի մաքուր տեղ, ուր մոխիրն են թափում, եւ փայտի կրակի վրայ թող այրեն այն: Չուարակը պետք է այրուի մոխրակոյտի վրայ:
13. Եթէ իսրայէլացի ողջ ժողովուրդն անգիտակցաբար ականայ մոլորուի, եւ այդ բանը վրիպած լինի ժողովրդի աչքից, եթէ խախտի Տիրոջ պատուիրաններից մէկնումէկը, այսինքն՝ անի մի բան, որ չպետք է կատարեր, բայց կատարի,
14. իսկ դրանից յետոյ գիտակցի իր կատարած մեղքը, ապա ժողովուրդն իր գործած մեղքը քաւելու համար նախրից ոչ արատաւոր մի զուարակ թող զոհաբերի: Այն թող բերեն վկայութեան խորանի դուռը,
15. ժողովրդի ձերերը Տիրոջ առաջ իրենց ձեռքը թող դնեն զուարակի գլխին եւ զուարակը թող մորթեն Տիրոջ առաջ:
16. Օծեալ քահանան զուարակի արիւնից թող տանի վկայութեան խորան,
17. եւ մատը թաթախելով զուարակի արեան մէջ՝ Տիրոջ առաջ եօթն անգամ թող շաղ տայ սրբարանի վարագոյրի դիմաց:
18. Քահանան այդ արիւնից թող քսի վկայութեան խորանում Տիրոջ առաջ դրուած խնկարկութեան սեղանի եղջիւրաւոր անկիւններին, իսկ մնացած արիւնը թող շաղ տայ վկայութեան խորանի դռան մօտ գտնուող ողջակէզների զոհասեղանի յատակին:
19. Ամբողջ ճարպը թող պոկի կենդանուց եւ դնի զոհասեղանին:
20. Այդ զուարակի հետ թող վարուի այնպէս, ինչպէս վարւում էր մեղքերի քաւութեան համար զոհաբերուող զուարակի դէպքում: Նոյն կերպ թող վարուի նաեւ դրա հետ: Մեղքերի քաւութեան համար մատուցուող այս զոհաբերութիւնը քահանան է կատարելու, որից յետոյ նրանք մեղքերի թողութիւն կը ստանան:
21. Չուարակն ամբողջութեամբ պետք է հանեն բանակատեղիից դուրս եւ այրեն այն, ինչպէս նախորդ զուարակն այրեցին, որովհետեւ դա ժողովրդի մեղքերի համար է:

22. Եթե իշխանն է մեղք գործում՝ խախտում է ՏԵՐ Աստծու պատուիրաններից մեկնումեկը, այսինքն՝ անում է մի բան, որ չպետք է կատարեր, բայց ակամայ գործում է այդ մեղքը,
23. բայց եւ գիտակցի իր կատարած մեղքը, ապա նա թող զոհաբերի մի նոխագ, արու եւ ոչ արատաւոր:
24. Նա իր ձեռքը թող դնի նոխագի գլխին, թող այն մորթեն այնտեղ, ուր ողջակէզներ են մորթում Տիրոջ առաջ, քանի որ սա մեղքերի քաւութեան զոհ է:
25. Քահանան մեղքերի քաւութեան համար զոհաբերուող կենդանու արեան մէջ մատը թաթախելով՝ թող քսի ողջակէզների զոհասեղանի եղջիւրաւոր անկիւններին: Նրա մնացած ամբողջ արիւնը թող շաղ տայ ողջակէզների զոհասեղանի յատակին:
26. Նրա ամբողջ ճարպը թող դնի զոհասեղանին, ինչպէս փրկութեան համար զոհաբերուող կենդանու ճարպն են դնում: Քահանան այդ կերպ քաւութիւն տուած կը լինի նրանց մեղքերին, եւ նրանք իրենց մեղքերի թողութիւն կը ստանան:
27. Եթե երկրի ժողովրդից մի մարդ ակամայ մեղք գործի՝ խախտի Տիրոջ պատուիրաններից մեկնումեկը, մի բան, որ չպիտի աներ, եթե որեւէ յանցանք գործի,
28. բայց գիտակցի, որ ինքը մեղք է գործել, իր գործած մեղքը քաւելու համար ոչ արատաւոր մի այծ թող մատուցի որպէս զոհ:
29. Նա ձեռքը թող դնի այծի գլխին, եւ մեղքերի քաւութեան համար զոհաբերուող այծը թող մորթեն այնտեղ, ուր ողջակէզներն են մորթում:
30. Քահանան մեղքերի քաւութեան համար զոհաբերուող կենդանու արիւնից մատով առնելով՝ թող քսի ողջակէզների զոհասեղանի եղջիւրաւոր անկիւններին: Մնացած ամբողջ արիւնը թող շաղ տայ ողջակէզների զոհասեղանի յատակին:
31. Նա թող պոկի ամբողջ ճարպն այնպէս, ինչպէս փրկութեան համար ողջակիզուող կենդանուց են պոկում, եւ քահանան թող այն հանի զոհասեղան իբրեւ Տիրոջն ընծայաբերուող անուշահոտութիւն: Քահանան այդ կերպ քաւութիւն տուած կը լինի նրանց մեղքերին, եւ նրանք իրենց մեղքերի թողութիւն կը ստանան:
32. Եթե իբրեւ զոհ ոչխար է մատուցում, ապա այն ոչ արատաւոր եգ ոչխար թող լինի:
33. Չոհաբերողն իր ձեռքը թող դնի մեղքերի քաւութեան համար զոհաբերուող կենդանու գլխին, եւ այն թող մորթեն այնտեղ, ուր ողջակէզներն են մորթում:
34. Քահանան մեղքերի քաւութեան համար զոհաբերուող կենդանու արիւնից մատով առնելով՝ թող քսի ողջակէզների զոհասեղանի եղջիւրաւոր անկիւններին: Մնացած ամբողջ արիւնը թող շաղ տայ ողջակէզների զոհասեղանի յատակին:
35. Նա թող պոկի նրա ամբողջ ճարպն այնպէս, ինչպէս պոկում են փրկութեան համար ողջակիզուող ոչխարի ճարպը: Քահանան այն թող դնի զոհասեղանին իբրեւ Տիրոջն մատուցուող ողջակէզ: Քահանան այդ կերպ քաւութիւն տուած կը լինի նրանց մեղքերին, եւ նրանք իրենց մեղքերի թողութիւն կը ստանան:

1. Յանցաւոր է այն մարդը, որ լսում է մէկի երդումը, վկայ է լինում դրան, տեսնում է դա կամ դրան տեղեակ է լինում եւ այդ մասին չի յայտնում: Այդ մարդը մեղքի տակ է ընկնում:
2. Նա, ով կը դիպչի պիղծ իրերի կամ դիակի կամ գազանից յօշոտուած կենդանու կամ մի պիղծ բանի կամ անասունների ու պիղծ սողունների դիակների, թէկուզեւ չանդրադառնալով դրան, ինքն էլ պղծուած ու մեղանչած է լինում:
3. Եթէ մէկը դիպչի մի մարդու պղծութեան կամ նրա բազում պղծութիւններին, որոնց դիպչելիս մարդ կեղտոտուում է, եւ եթէ նա մոռանայ, իսկ յետոյ յիշի այդ, ուրեմն նա մեղանչած է լինում:
4. Նա, ով խոստանայ չար կամ բարի գործ կատարել եւ այդ խոստումը հաստատի երդմամբ, եւ եթէ նա մոռանայ, իսկ յետոյ յիշի այդ, միեւնոյն է, նա մեղանչած է լինում:
5. Նա պետք է խոստովանի իր մեղքերին:
6. Տիրոջ նկատմամբ կատարած իր յանցանքների ու գործած մեղքերի համար նա հօտից մի էգ գառ կամ մի էգ ուլ թող զոհ մատուցի: Քահանան դրանով քաւութիւն պիտի տայ նրա մեղքերին, եւ նա թողութիւն պիտի ստանայ:
7. Իսկ եթէ կարողութիւն չունի ոչխար զոհ մատուցելու, իր գործած մեղքերի համար երկու տատրակ կամ աղանիների երկու ձագ թող զոհ մատուցի. մէկը մեղքերի թողութեան համար, միւսը՝ որպէս ողջակէգ:
8. Նա դրանք թող բերի քահանայի մօտ: Քահանան նախ թող ներս տանի այն, որ մեղքերի քաւութեան համար է, գլուխը պոկի, բայց մարմնից չանջատի:
9. Նա զոհասեղանի պատի վրայ թող շաղ տայ մեղքերի համար զոհ մատուցուածի արեան մի մասը, իսկ մնացած արիւնը թող թափի զոհասեղանի յատակին, քանի որ դա մեղքերի քաւութեան համար է:
10. Երկրորդ թռչունը թող ողջակէգ անի, ինչպէս որ կարգն է: Այդպէս քահանան քաւութիւն կը տայ նրա գործած մեղքերին, եւ նա թողութիւն կը ստանայ:
11. Եթէ նա ի վիճակի չէ զոյգ տատրակներ կամ աղանիների երկու ձագեր մատուցելու, իր գործած մեղքերի թողութեան համար որպէս զոհ թող նուիրաբերի մէկ տասներորդ գրիւ ընտիր ալիւր: Դրա վրայ թող իւղ չլցնի, դրա վրայ կնդրուկ թող չդնի, քանի որ դա մեղքերի թողութեան համար է:
12. Նա այն թող տանի քահանայի մօտ, եւ քահանան դրանից մի բուռ վերցնելով իբրեւ յիշատակի բաժին՝ թող դնի Տիրոջ ողջակէգների զոհասեղանին, քանի որ դա մեղքերի թողութեան համար է:
13. Այդպէս քահանան քաւութիւն կը տայ նրա գործած մեղքին, եւ նա թողութիւն կը ստանայ: Մնացեալը թող պատկանի քահանային, ինչպէս որ ընտիր ալիւրի նուիրաբերութեան դէպքում էր:
14. Տերը խօսեց Մովսէսի հետ ու ասաց.
15. Նա, ով կը սխալուի ու Տիրոջ սրբութիւնների հանդէպ ակամայ մեղք կը գործի, իր յանցանքի համար թող Տիրոջը մատուցի իր հօտից ոչ արատաւոր մի խոյ վկայութեան խորանում գործածուող յիսուն արծաթ սիկղ արժողութեամբ:
16. Նա թող հատուցի սրբութիւններին հասցրած վնասները, դրան անելացրած նաեւ սրբազան իրերի արժէքի մէկ հինգերորդ մասը, եւ տայ քահանային: Քահանան յանցանքի թողութեան համար զոհաբերուած խոյով թող քաւութիւն տայ նրա յանցանքին եւ թողութիւն՝ նրան:
17. Նա, ով մեղանչում է ու խախտում Տիրոջ պատուիրաններից մէկնումէկը, այսինքն՝ անում է մի բան, որ չպետք է աներ, բայց չիմանալով գործում է այդ մեղքը, ուրեմն մեղաւոր է:
18. Իր յանցանքի թողութեան համար իր հօտից նա քահանայի մօտ թող բերի մէկ արծաթ արժողութեամբ ոչ արատաւոր մի խոյ, որով քահանան քաւութիւն պիտի տայ անգիտակցաբար նրա գործած մեղքին, եւ նա թողութիւն պիտի ստանայ, քանի որ նա



19. յանցանք էր գործել Տիրոջ հանդեպ:

1. Տերը խօսեց Մովսէսի հետ ու ասաց.
2. Ով մեղք գործի, ով արհամարհելով խախտի Տիրոջ պատուիրանները, ով իր մերձաւորին խաբի նրա տուած աւանդի, իրեն ի պահ տրուած կամ իր յափշտակած որեւէ իրի համար, կամ որեւէ վնաս հասցնի իր մերձաւորին եւ
3. կամ կորած մի բան գտնի, բայց ուրանայ, որ գտել է, եւ դրա համար սուտ երդում տայ, այսինքն՝ անի այն ամէնը,
4. որոնցով նա մեղք է գործած լինում, բայց գիտակցի, որ մեղանչել, յանցանք է գործել, նա պետք է հատուցի իր կատարած յափշտակութեան համար,
5. իր հասցրած վնասի համար, իրեն ի պահ տրուած աւանդը կորցնելու համար, կորած բանը գտնելը ուրանալու եւ սուտ երդում տալու համար: Իր հասցրած ամէն մի վնաս նա պետք է հատուցի ամբողջութեամբ, դրան աւելացրած նաեւ վնասուած իրի արժէքի մէկ հինգերորդը: Նա տիրոջը թող հատուցի հէնց իր մեղքը գիտակցած օրը:
6. Իր գործած մեղքի համար նա Տիրոջը զոհ պետք է մատուցի մէկ արծաթ արժողութեամբ ոչ արատաւոր մի խոյ, քանի որ մեղք գործեց:
7. Զահանան Տիրոջ առաջ քաւութիւն եւ թողութիւն թող տայ նրան այն մեղքերի համար, որ նա գործել է:
8. Տերը խօսեց Մովսէսի հետ ու ասաց. Կարգադրի՛ր Ահարոնին ու նրա որդիներին եւ ասա՛.
9. Այս է ողջակէզի կարգը. զոհասեղանի վրայ այն պետք է մնայ ամբողջ գիշեր՝ մինչեւ առաւօտ, եւ զոհասեղանի վրայ այրուող կրակը չպետք է հանգի:
10. Զահանան կտաւէ պատմուճան պիտի հագնի եւ կտաւէ անդրավարտիք՝ իր մարմնի վրայ: Կրակից առաջացած ողջակէզի ճարպամոխիրը նա պիտի վերցնի զոհասեղանի վրայից ու դնի զոհասեղանի մօտ:
11. Նա պիտի հանի իր պատմուճանը, պիտի հագնի մի այլ պատմուճան ու ողջակէզը պիտի տանի բանակատեղիից դուրս, մի մաքուր տեղ:
12. Չոհասեղանի վրայ վառուող կրակը պիտի չհանգի: Դրա համար քահանան առաւօտները դրա վրայ փայտ պիտի աւելացնի, դրա վրայ պիտի այրի ողջակէզները, իսկ դրանց վրայ էլ՝ փրկութեան զոհի ճարպը:
13. Կրակը միշտ պիտի վառուի զոհասեղանի վրայ ու երբեք չհանգի:
14. Այս է Տիրոջ առաջ, զոհասեղանի վրայ Ահարոնի որդիներին՝ քահանաների զոհ մատուցելու կարգը.
15. քահանան իբրեւ յիշատակ մի բուռ պիտի առնի նուիրաբերուող ընտիր ալիւրից՝ նրա վրայ դրուած իւղով ու կնդրուկով հանդերձ, եւ ընծան դնի զոհասեղանին իբրեւ Տիրոջն ընծայաբերուող անուշահոտ զոհ:
16. Մնացած ալիւրը պիտի ճաշակեն Ահարոնն ու նրա որդիները: Բաղարջը պիտի ուտուի մի սուրբ վայրում, այն պիտի ուտեն վկայութեան խորանի բակում:
17. Թթխմորով պիտի չեփուի այն. դա Տիրոջը մատուցուող ընծաների մի մասն է կազմում: Դրանք սրբութիւնների սրբութիւն են: Նոյն կերպ պետք է վարուել մեղքերի ու յանցանքների զոհաբերումների դէպքում:
18. Զահանաների ընտանիքների բոլոր արու անդամները թող ուտեն դրանից: Այս թող լինի ձեր սերունդների մէջ Տիրոջը մատուցուելիք նուիրաբերութեան յաւիտենական կարգը: Եւ ինչ որ դիպչի դրանց, կը սրբանայ:
19. Տերը խօսեց Մովսէսի հետ ու ասաց.
20. Այս է Ահարոնի եւ նրա որդիների ընծան, որ նրանց օծուելու օրը պիտի մատուցուի Տիրոջը: Մէկ տասներորդ գրիւ ընտիր ալիւր՝ իբրեւ հանապազօրեայ հացի ընծայ. դրա կէսը՝ առաւօտեան, իսկ միւս կէսը՝ երեկոյեան:
21. Իւղով հուսցելուց յետոյ տապակի մէջ պիտի պատրաստուի այն: Դա կտրտուած, մաքուր վիճակում պիտի մատուցուի իբրեւ Տիրոջն ընծայաբերուող անուշահոտ զոհ:
22. Այս բանը պիտի կատարի այն քահանան, որն Ահարոնի որդիներից է եւ օծուել է նրա

փոխարեն: Տիրոջ հաստատած այս յաւիտենական օրէնքը պէտք է կատարուի ամբողջութեամբ:

23. Քահանայի բոլոր զոհաբերութիւնները ողջակէզ պէտք է լինեն, դրանցից ոչ մի բան չպիտի ուտուի:

24. Տէրը խօսեց Մովսէսի հետ ու ասաց.

25. Դիմի՛ր Ահարոնին ու նրա որդիներին եւ ասա՛. Մեղքերի թողութեան համար զոհ մատուցելու կարգը այս է. մեղքերի թողութեան համար Տիրոջ առաջ մորթուելիք անասունները պէտք է մորթուեն այնտեղ, որտեղ ողջակիզուող անասուններն են մորթում: Դա սրբութիւնների սրբութիւն է:

26. Չոհ մատուցող քահանան դրանից պէտք է ուտի: Թող նա ուտի սուրբ վայրում՝ վկայութեան խորանի բակում:

27. Ով որ ձեռք տայ դրա մսին, կը սրբանայ, եւ ում զգեստի վրայ ցանեն դրա արիւնից, նա պէտք է լուացուի սուրբ վայրում:

28. Կաւէ այն անօթը, որի մէջ կ'եփուի միսը, պէտք է ջարդել, իսկ եթէ պղնձէ անօթի մէջ եփուի, պէտք է այն քերել ու ջրով ողողել:

29. Քահանաների ընտանիքների բոլոր արու անդամները թող ուտեն դրանից, որովհետեւ դա Տիրոջը մատուցուող սրբութիւնների սրբութիւն է:

30. Այն ամէնը, ինչ զոհ է մատուցուում մեղքերի քաւութեան համար, նոյնպէս անասունների արիւնը, որ վկայութեան խորան է բերւում, չպէտք է ուտուի, այլ կրակով պէտք է այրուի:

1. Յանցանքի համար խոյ զոհաբերելու կարգը հետեւեալն է. դա սրբութիւնների սրբութիւն է:
2. Այնտեղ, ուր ողջակէզներն են մորթում, Տիրոջ առաջ պէտք է մորթեն նաեւ յանցանքի համար զոհաբերուող խոյը: Նրա արիւնը շուրջանակի թող թափեն ողջակէզների զոհասեղանի յատակին:
3. Զահանան թող առնի նրա ամբողջ ճարպը, դմակը, ճարպաթաղանթը, փորոտիքի ամբողջ ճարպը,
4. պոկի որովայնում գտնուող երկու երիկամները, դրանց վրայի ճարպն ու լեարդի բլթակը երիկամներով հանդերձ:
5. Զահանան այդ բոլորը թող դնի զոհասեղանին իբրեւ Տիրոջը մատուցուող զոհ, քանի որ դա յանցանքի քաւութեան համար է:
6. Զահանայի ընտանիքի բոլոր արու անդամները թող ուտեն դրանից. սուրբ վայրում թող ուտեն, քանի որ դա սրբութիւնների սրբութիւն է:
7. Յանցանքի համար զոհուող անասունի հետ թող վարուեն այնպէս, ինչպէս մեղքերի համար զոհուող անասունի: Դրանց կատարման կարգը նոյնը թող լինի: Չոհաբերուած անասունի մնացորդը թող պատկանի քահանային, որը դրանով քաւութիւն է տալիս:
8. Որեւէ մէկի ողջակէզը մատուցող քահանան թող ստանայ ողջակէզի մորթին:
9. Թոնրի, կասկարայի կամ տապակի մէջ պատրաստուած հացեղէնը, որ զոհաբերուում է, թող պատկանի այն քահանային, որ կատարում է զոհաբերումը,
10. իսկ իւղով հունցուած, ինչպէս նաեւ չհունցուած բոլոր զոհաբերումները պիտի հաւասարապէս պատկանեն Ահարոնի որդիներից իւրաքանչիւրին:
11. Փրկութեան համար Տիրոջը մատուցուելիք զոհաբերութեան կարգը այս է.
12. եթէ զոհութեան համար է մատուցուում այն, որպէս զոհութեան զոհաբերում թող մատուցեն իւղով հունցուած ընտիր ալիւրի բաղարջ կարկանդակ, վրան իւղ քսած բաղարջ հաց եւ իւղով հունցուած ընտիր ալիւր:
13. Փրկութեան համար զոհութեան այս զոհաբերութեան հետ ընծայ թող մատուցեն նաեւ բաղարջ կարկանդակներ: Տիրոջը մատուցուող բոլոր զոհաբերութիւնների մի մասը
14. փրկութեան համար արիւն հոսեցնող քահանային թող պատկանի: Նրան թող պատկանի նաեւ փրկութեան համար մատուցուող զոհութեան զոհի միսը,
15. որը պիտի ուտուի նոյն օրը, երբ զոհ է մատուցում. Յաջորդ օրուայ համար դրանից բան չպէտք է մնայ:
16. Եթէ մէկը կամովին է խոստանում Տիրոջ համար զոհ մատուցել, ապա զոհի միսը թող ուտուի զոհի մատուցման օրը եւ յաջորդ օրը, իսկ զոհի մսի այն մասը, որ կը մնայ
17. մինչեւ երրորդ օրը, կրակով թող այրուի:
18. Եթէ նա իր փրկութեան համար զոհաբերած անասունի մսից ուտի երրորդ օրը, մատուցուածը ընդունելի զոհաբերութիւն չի լինի, քանի որ դա ապօրինի է ու պիղծ: Ով ուտի դրանից, մեղք գործած կը լինի:
19. Այն միսը, որ կը դիպչի որեւէ աղտեղութեան, թող չուտուի, այլ կրակով թող այրուի: Միայն մաքուր մարդն իրաւունք ունի միս ուտելու:
20. Տիրոջը մատուցուած փրկութեան զոհից ճաշակած անմաքուր մարդը պիտի կորչի իր ժողովրդի միջից:
21. Նա, ով կը դիպչի որեւէ պիղծ բանի՝ մարդու պղծութեան կամ պիղծ անասունների եւ կամ ամեն մի գարշելի բանի, եւ ապա կ'ուտի Տիրոջը մատուցուած փրկութեան զոհի մսից, այդ մարդը կը կորչի իր ժողովրդի միջից:
22. Տէրը խօսեց Մովսէսի հետ ու ասաց.
23. Խօսի՛ր Իսրայէլի որդիների հետ եւ ասա՛. Արջառի, ոչխարի ու այծի ճարպ պիտի չուտէք:
24. Սատկած ու գազանի յօշոտած անասունների ճարպը թող օգտագործուի ամեն ինչի

համար, բայց ոչ ուտելու համար:

25. Ով որ ուտի Տիրոջը զոհաբերուած անասունների ճարպից, կը կորչի իր ժողովրդի միջից:

26. Ձեր բոլոր բնակարաններում թռչունների եւ ամեն տեսակ անասունների արիւնը պիտի չուտէք:

27. Արիւն ուտող ամեն ոք կը կորչի իր ժողովրդի միջից:

28. Տէրը խօսեց Մովսէսի հետ ու ասաց.

29. Իսրայէլի որդիներին ասա՛ւ. Ով որ փրկութեան զոհ կը մատուցի Տիրոջը, նա իր փրկութեան զոհից Տիրոջը մաս պիտի հանի:

30. Նա իր ձեռքով պիտի զոհը մատուցի Տիրոջը. կրծքի ճարպն ու լեարդի բլթակը պիտի դնի Տիրոջ առաջ,

31. իսկ քահանան այն պիտի հանի զոհասեղան, կուրծքը պիտի տրուի Ահարոնին ու նրա որդիներին:

32. Բացի այդ, ձեր փրկութեան զոհերի աջ թելը որպէս հասանելի տուրք կը տաք քահանային:

33. Ահարոնի որդիներից ով որ փրկութեան արիւն ու ճարպ է մատուցում, նրան էլ բաժին թող հասնի աջ թելը:

34. Որովհետեւ Իսրայէլի որդիներից ես առայ ձեր փրկութեան համար ինձ մատուցուած անասունների կուրծքն ու թելը եւ դրանք տուեցի Ահարոնին ու նրա որդիներին: Դա Իսրայէլի որդիների համար յաւիտենական կարգ թող լինի:

35. Ահարոնի ու նրա որդիների քահանայ օծուելու օրը Տիրոջը նուիրաբերուող

ընծաներից իրենց հասանելիք բաժինը այս է: Այս է պատուիրել Տէրը, որ տրուի նրանց,

36. երբ Իսրայէլի որդիների միջից քահանայ օծեց նրանց: Դա նրանց մէջ յաւիտենական կարգ է սերնդից սերունդ:

37. Այս է ողջակէզների, մեղքերի, յանցանքների ու փրկութեան համար զոհեր մատուցելու կարգը:

38. Այսպէս պատուիրեց Տէրը Իսրայէլի որդիներին Սինա լեռան վրայ այն օրը, երբ նա Սինայի անապատում կարգադրեց Տիրոջ համար զոհեր մատուցել:

1. Տերը խօսեց Մովսէսի հետ եւ ասաց.
2. Ա՛ռ Ահարոնին ու նրա որդիներին, նրանց զգեստներն ու օծութեան իւղը, մեղքերի քաւութեան համար զոհաբերուելիք զուարակը, երկու խոյերն ու բաղարջների սկուտեղը
3. եւ ամբողջ ժողովրդին հաւաքի՛ր վկայութեան խորանի դռան մօտ:
4. Մովսէսն արեց այնպէս, ինչպէս Տերը հրամայել էր իրեն. նա հաւաքեց ժողովրդին վկայութեան խորանի դռան մօտ:
5. Մովսէսն ասաց ժողովրդին. Այս բանն է կարգադրել Տերը:
6. Մովսէսն Ահարոնին ու նրա որդիներին տարաւ եւ ջրով լողացրեց նրանց:
7. Նա Ահարոնին հագցրեց պատմունճանը, գօտի կապեց նրա մէջքին, դրա վրայ հագցրեց թիկնոցը, յետոյ դրա վրայ դրեց վակասը,
8. վակասի ժապաւենով զգեստներն ամրացրեց միմեանց: Դրա վրայ կապեց լանջապանակը, վերջինիս վրայ դրեց Յանդիմանութիւնն ու Ճշմարտութիւնը:
9. Նրա գլխին դրեց խոյրը, խոյրի վրայ, երեսի կողմից՝ նուիրագործուած եւ մաքուր ոսկէ թիթեղը, ինչպէս Տերն էր պատուիրել Մովսէսին:
10. Մովսէսն առնելով օծութեան իւղից՝ եօթն անգամ ցանեց զոհասեղանի վրայ:
11. Նա օծեց զոհասեղանը, սրբագործեց այն ու դրա ամբողջ սպասքը, ինչպէս նաեւ լուացարանն ու դրա պատուանդանը. նա սրբագործեց դրանք: Նա, օծելով վրանն ու դրա մէջ գտնուող ամեն ինչ, սրբագործեց դրանք:
12. Մովսէսն օծութեան իւղ ածեց Ահարոնի գլխին, օծեց ու սրբագործեց նրան:
13. Մովսէսը մօտիկ բերեց Ահարոնի որդիներին, նրանց հագցրեց պատմունճանները, նրանց մէջքերին կապեց գօտիները, գլուխներին դրեց խոյրերը, ինչպէս Տերն էր հրամայել Մովսէսին:
14. Մովսէսն այնուհետեւ մօտ բերեց մեղքերի քաւութեան համար զոհաբերուելիք զուարակը: Ահարոնն ու նրա որդիները իրենց ձեռքերը դրեցին մեղքերի քաւութեան համար սահմանուած զուարակի գլխին, եւ Մովսէսը մորթեց այն:
15. Մովսէսն առաւ նրա արիւնից եւ իր մատով շուրջանակի քսելով զոհասեղանի եղջիրաւոր անկիւններին՝ սրբագործեց զոհասեղանը: Եւ նա մնացած արիւնը թափեց զոհասեղանի յատակին:
16. Նա սրբագործեց այն, որպէսզի քաւութեան զոհաբերութիւն կատարի դրա վրայ: Մովսէսն առաւ փորոտիքի ամբողջ ճարպը, լեարդի բլթակը, երկու երիկամներն ու դրանց վրայի ամբողջ ճարպը եւ դրեց զոհասեղանին:
17. Նա զուարակի մնացած մասերը՝ մորթին, միսն ու կղկղանքը բանակատեղիից դուրս այրեց կրակով, ինչպէս Տերն էր հրամայել Մովսէսին:
18. Մովսէսը մօտ բերեց ողջակէզի համար նախատեսուած խոյը: Ահարոնն ու նրա որդիները իրենց ձեռքերը դրեցին խոյի գլխին,
19. եւ Մովսէսը մորթեց խոյը, նրա արիւնը թափեց զոհասեղանի շուրջը:
20. Նա խոյը բաժանեց մասերի, առաւ գլուխը, կտրտուած մասերն ու ճարպը, փորոտիքն ու ոտքերը լուաց ջրով:
21. Մովսէսը խոյն ամբողջութեամբ դրեց ողջակէզների զոհասեղանին որպէս Տիրոջն ընծայաբերուող անուշահոտ զոհ, քանի որ դա Տիրոջը մատուցուող ընծայ էր: Այդպէս էր Տերը հրամայել Մովսէսին:
22. Մովսէսը մօտ բերեց երկրորդ խոյը, որպէսզի կատարուի քահանաներին սրբագործելու ծեսը: Ահարոնն ու նրա որդիները իրենց ձեռքերը դրեցին խոյի գլխին,
23. եւ Մովսէսը մորթեց այն: Մովսէսն առաւ դրա արիւնից, քսեց Ահարոնի աջ ականջի բլթակին, նրա աջ ձեռքի բթամատին ու նրա աջ ոտքի բթամատին:
24. Մովսէսը մօտ բերեց Ահարոնի որդիներին, այդ արիւնից քսեց նրանց աջ ականջների բլթակներին, նրանց աջ ձեռքերի բթամատներին ու նրանց աջ ոտքերի բթամատներին, իսկ մնացած արիւնը թափեց զոհասեղանի շուրջը:
25. Նա առաւ ճարպը, դմակը, ճարպաթաղանթը, լեարդի բլթակը, երիկամներն ու

դրանց վրայի ճարպը եւ աջ թելը:

26. Նա Տիրոջ առաջ գտնուող եւ քահանաներին սրբագործելու ծեսի համար նախատեսուած մի բաղարջ կարկանդակ վերցրեց սկուտեղից, ինչպէս նաեւ իւղով հունցուած մի բաղարջ հաց, եւ դրեց ճարպի ու աջ թելի վրայ:

27. Նա այդ ամէնը դրեց Ահարոնի ձեռքերի ու նրա որդիների ձեռքերի վրայ եւ դրանք ընծայաբերեց Տիրոջ առաջ:

28. Մովսէսը դրանք վերցնելով նրանց ձեռքերից՝ զոհասեղանի վրայ դրեց որպէս նրանց քահանայ ձեռնադրելու համար կատարուած ողջակէզ: Դա անուշահոտ ընծայ է, որ արուում է Տիրոջ համար: Այդպէս էր պատուիրել Տէրը:

29. Մովսէսն առաւ խոյի կուրծքը եւ Տիրոջ առաջ խոյի նուիրաբերման շարժում արեց: Դա եղաւ Մովսէսին յատկացուած բաժինը, ինչպէս Տէրն էր հրամայել Մովսէսին:

30. Մովսէսը, վերցնելով օծութեան իւղից ու զոհասեղանի վրայի արիւնից, ցանեց Ահարոնի ու նրա զգեստների, նրա որդիների ու նրանց զգեստների վրայ:

31. Նա սրբագործեց Ահարոնին ու նրա զգեստները, նրա հետ նաեւ՝ նրա որդիներին ու նրանց զգեստները: Մովսէսն ասաց Ահարոնին ու նրա որդիներին. Միսը եփեցէ՛ք վկայութեան խորանի բակում, մի մաքուր վայրում, եւ այնտեղ էլ կերէ՛ք այն, ինչպէս նաեւ սկուտեղի բաղարջ կարկանդակները, որ քահանաների օծութեան համար են նախատեսուած, ինչպէս Տէրն է հրամայելով ասել, թէ՝ Ահարոնն ու նրա որդիները թող ուտեն այն:

32. Հացի ու մսի մնացորդները կրակով կ'այրէք:

33. Վկայութեան խորանի դռնից եօթն օր դուրս չգաք, մինչեւ չլրանայ ձեր քահանայ օծուելու համար սահմանուած օրը, որովհետեւ եօթը օր պէտք է ձեր քահանայութեան լրումի համար:

34. (Ինչպէս եւ կատարուեց իսկ): Տէրը այդպէս է պատուիրել կատարել, որպէսզի քաւուեն ձեր մեղքերը:

35. Վկայութեան խորանի դռանը եօթն օր՝ զիշեր ու ցերեկ կը նստէք եւ Տիրոջ պահպանութեան կարգը կը կատարէք, որպէսզի չմեռնէք: Այդպէս է ինձ պատուիրել Տէրը:

36. Ահարոնն ու նրա որդիները կատարեցին այն ամէնը, ինչ Տէրն էր կարգադրել Մովսէսին:

1. Ութերորդ օրը Մովսեսը կանչեց Ահարոնին, նրա որդիներին ու Իսրայելի մեծերին: Մովսեսն ասաց Ահարոնին.
2. Քեզ համար նախրից, մեղքերի քաւութեան համար, ոչ արատաւոր մի զուարակ ու ողջակէզի համար ոչ արատաւոր մի խոյ վերցրո՛ւ եւ դրանք զո՛հ մատուցիր Տիրոջ առաջ:
3. Դիմի՛ր Իսրայելի մեծերին ու նրանց ասա՛. Այծերի միջից վերցրէ՛ք մեղքերի քաւութեան համար մի նոխազ, ինչպէս եւ ողջակէզի համար մէկ տարեկան ոչ արատաւոր խոյ, զուարակ եւ գառ:
4. Նաեւ զուարակ ու խոյ՝ Տիրոջ առաջ փրկութեան ողջակէզ մատուցելու համար, ինչպէս եւ նուիրաբերման համար իւղով հունցուած ընտիր ալիւր, որովհետեւ այսօր Տէրը պիտի երեւայ ձեր մէջ:
5. Նրանք առան ու վկայութեան խորանի առաջ բերեցին, այն ամէնը, ինչ որ Մովսեսն էր հրամայել: Ամբողջ ժողովուրդը մօտեցաւ ու կանգնեց Տիրոջ առաջ:
6. Մովսեսն ասաց. Տէրը հրամայեց, որ ա՛յս բանը պէտք է կատարեք. եւ Տիրոջ փառքը պիտի երեւայ ձեզ:
7. Իսկ Ահարոնին Մովսեսն ասաց. Մօտեցի՛ր զոհասեղանին եւ քո ողջակէ՛զն արա քո մեղքերի համար, որպէսզի քաւութիւն լինի քեզ եւ քո տան համար: Ապա մատուցի՛ր քո ժողովրդի ընծաները եւ քաւութի՛ւն արա նրանց, ինչպէս Տէրն է պատուիրել ինձ՝ Մովսեսիս:
8. Ահարոնը մօտեցաւ զոհասեղանին եւ մորթեց իր մեղքերի քաւութեան զուարակը:
9. Ահարոնի որդիները արիւնը բերեցին նրա մօտ, նա իր մատը թացացրեց արեան մէջ, քսեց զոհասեղանի եղջիրաւոր անկիւններին, իսկ մնացած արիւնը թափեց զոհասեղանի յատակին:
10. Մեղքերի քաւութեան զոհի ճարպը, երիկամները եւ լեարդի բլթակը դրեց զոհասեղանին, ինչպէս Տէրն էր պատուիրել Մովսեսին:
11. Միսն ու մորթին կրակով այրեցին բանակատեղիից դուրս:
12. Ապա մորթեց ողջակէզի համար նախատեսուած անասունը, Ահարոնի որդիները արիւնը բերեցին նրա մօտ, եւ նա այն թափեց զոհասեղանի շուրջը:
13. Ողջակէզը նրա մօտ բերեցին կտոր-կտոր արած: Մովսեսը դա, ինչպէս նաեւ գլուխը, դրեց զոհասեղանին:
14. Փորոտիքն ու ոտքերը նա լուաց ջրով եւ դրեց զոհասեղանին, ողջակէզի վրայ:
15. Դրանից յետոյ մատուցեցին ժողովրդի ընծաները: Նա առաւ ժողովրդի մեղքերի քաւութեան համար սահմանուած նոխազը եւ այն մորթեց նախորդի նման:
16. Նա մատուցեց նաեւ ողջակիզուելիք անասունը:
17. Նա արեց այնպէս, ինչպէս կարգն էր: Նա մօտեցրեց ողջակէզը, մի բուռ վերցրեց դրանից եւ դրեց զոհասեղանին, որպէս յաւելում առաւօտուայ ողջակէզի:
18. Նա մորթեց ժողովրդի փրկութեան համար զոհուելիք զուարակն ու խոյը: Ահարոնի որդիները արիւնը բերեցին նրա մօտ, եւ նա այն թափեց զոհասեղանի շուրջը:
19. Բերեցին նաեւ զուարակի ճարպը, խոյի ճարպն ու դմակը, ճարպաթաղանթը, երկու երիկամները ճարպով հանդերձ, լեարդի բլթակը
20. եւ ճարպերը դրեցին անասունների կրծքերի վրայ: Ապա կտրեցին հանեցին ճարպը կրծքերի հետ միասին: Ճարպը դրեցին զոհասեղանի վրայ:
21. Նա կրծքերը եւ աջ թելերը նուիրաբերեց Տիրոջ առաջ, ինչպէս Տէրն էր պատուիրել Մովսեսին:
22. Ահարոնն իր ձեռքերը բարձրացնելով՝ օրհնեց ժողովրդին եւ ներքեւ իջաւ մեղքերի քաւութեան, ողջակէզի ու փրկութեան համար զոհեր կատարելուց յետոյ:
23. Մովսեսն ու Ահարոնը մտան վկայութեան խորանը եւ այնտեղից դուրս գալով՝ օրհնեցին ամբողջ ժողովրդին: Եւ Տիրոջ փառքը երեւաց համայն ժողովրդին:
24. Կրակ բխեց Տիրոջից եւ այրեց այն ամէնը, ինչ կար զոհասեղանի վրայ՝ ողջակէզներն



ու ճարպը: Ամբողջ ժողովուրդը տեսաւ դա, սարսափեց ու ընկաւ երեսի վրայ:

1. Ահարոնի երկու որդիները՝ Նաբադն ու Աբիուդը, ամեն մեկը մի բուրվառ վերցնելով, դրանց մեջ կրակ դրեցին, դրա վրայ խունկ լցրին եւ Տիրոջ առաջ անմաքուր կրակ մատուցեցին, մի բան, որ Տերը նրանց չէր պատուիրել:
2. Կրակ բխեց Տիրոջից, այրեց նրանց, եւ նրանք մեռան Տիրոջ առաջ:
3. Մովսէսն ասաց Ահարոնին. Ահա թէ ինչ ասաց Տերը. Ինձ պաշտողների մեջ պիտի ցոյց տամ իմ սրբութիւնը եւ իմ ամբողջ ժողովրդի առաջ պիտի փառաւորուեմ: Ահարոնը տխրեց:
4. Մովսէսը կանչեց Միսադայիին եւ Ելիսափանին՝ Ահարոնի հօրեղբայր Ոգիելի որդիներին, եւ ասաց նրանց. Գնացէ՛ք եւ ձեր եղբայրների դիակները իրենց զգեստներով հանդերձ սուրբ վայրից ու բանակատեղիից դուրս հանեցէք:
5. Նրանք գնացին եւ բանակատեղիից դուրս հանեցին նրանց իրենց զգեստներով հանդերձ, ինչպէս Մովսէսն էր ասել:
6. Մովսէսն ասաց Ահարոնին ու նրա ողջ մնացած որդիներ Եղիազարին եւ Իթամարին. Ձեր գլխարկները չհանէք եւ ձեր հագուստները չպատառոտէք, որպէսզի չմեռնէք, եւ ժողովրդի վրայ Տիրոջ բարկութիւնը չիջնի: Միայն ձեր եղբայրներն ու բոլոր իսրայէլացիները թող ողբան հրոյ ճարակ դարձածներին՝ նրանց, ովքեր այրուեցին Տիրոջ կողմից:
7. Եւ դուք վկայութեան խորանի դռնից դուրս չգաք, որպէսզի չմեռնէք, որովհետեւ Տիրոջ օծութեան իւղը դեռեւս ձեր վրայ է: Եւ նրանք արեցին այնպէս, ինչպէս Մովսէսն էր ասել:
8. Տերը խօսեց Մովսէսի հետ եւ ասաց.
9. Երբ վկայութեան խորան մտնէք կամ երբ զոհասեղանին մօտենաք դու եւ քեզ հետ եղած որդիներդ, գինի կամ օղի չխմէք, որպէսզի չմեռնէք: Դա յաւիտենական կարգ թող լինի ձեր սերնդի մէջ:
10. Լինելով սթափ, դուք կը կարողանաք տարբերել սուրբը պիղծից, մաքուրը անմաքուրից,
11. ի վիճակի կը լինէք իսրայէլացիներին սովորեցնելու այն բոլոր օրէնքները, որ Տերը Մովսէսի միջոցով տուեց նրանց:
12. Մովսէսն ասաց Ահարոնին ու նրա ողջ մնացած որդիներին՝ Եղիազարին եւ Իթամարին. Տիրոջը մատուցուած անարիւն զոհից անելացածն առէ՛ք եւ բաղարջ հաց պատրաստելով՝ կերէ՛ք զոհասեղանի առաջ, որովհետեւ դա սրբութիւնների սրբութիւն է:
13. Այն կ'ուտէք մի սուրբ վայրում, որովհետեւ քեզ եւ քո որդիների համար օրէնք է, որ ուտէք Տիրոջը մատուցուած զոհերից: Այդպէս է ինձ հրամայել Տերը:
14. Չոհ մատուցուած անասունի կուրծքը եւ թելը դու, քո որդիները եւ քո ընտանիքի անդամները քեզ հետ մի սուրբ վայրում պիտի ուտէք, որովհետեւ քեզ եւ քո որդիների համար սահմանուած կարգ է, որ դուք պէտք է ուտէք իսրայէլացիների մատուցած փրկութեան զոհից:
15. Չոհուած անասունի թելը եւ կուրծքը, որ նուիրուելու են Աստծուն, ինչպէս նաեւ այրուելու ճարպը Տիրոջ առաջ թող նուէր մատուցեն: Դա քեզ եւ քեզ հետ եղած քո որդիներին ու քո դուստրերին պիտի պատկանի յաւիտեանս սահմանուած օրէնքի համաձայն, ինչպէս Տերն է հրամայել Մովսէսին:
16. Մովսէսը շատ փնտռեց մեղքերի քաւութեան համար զոհաբերուած նոխազը, բայց այն արդէն այրուած էր: Մովսէսը բարկացաւ Եղիազարի ու Իթամարի՝ Ահարոնի ողջ մնացած որդիների վրայ
17. եւ ասաց. Ինչո՞ւ սուրբ վայրում չկերաք մեղքերի քաւութեան համար արուած ողջակէզը: Չէ՞ որ այն սրբութիւնների սրբութիւն է, այն տուել էի ձեզ, որ ուտէք, վերացնէք ժողովրդի մեղքերը եւ քաւութիւն տաք նրան Տիրոջ առաջ,
18. բայց զոհի արիւնից սրբարանից ներս չբերուեց: Արդ, պէտք է ուտէք մի սուրբ վայրում, ինչպէս ինձ է հրամայուած:

19. Ահարոնը պատասխանեց Մովսէսին եւ ասաց. Այսօր, երբ մեղքերի քաւութեան համար զոհաբերութիւն արեցին եւ ողջակէզներ մատուցեցին Տիրոջ առաջ, եւ ինձ հետ տեղի ունեցան այս դժբախտ դէպքերը, որքան աւելի Տիրոջը հաճելի պիտի չլինէր, եթէ ես ուտէի մեղքերի քաւութեան համար սահմանուած զոհից:
20. Մովսէսը լսեց նրա ասածը եւ դա հաճելի թուաց նրան:

1. Տերը խօսեց Մովսէսի եւ Սհարոնի հետ ու ասաց.
2. Դիմեցէ՛ք Իսրայէլի որդիներին եւ ասացէ՛ք. Սրանք են երկրի վրայ եղած այն անասունները, որ կարող էք ուտել:
3. Կ'ուտէք բոլոր կճղակաբաշխ՝ թաթերը երկուսի բաժանուած եւ որոճացող կենդանիները:
4. Մի՛ կերէք այն կենդանիները, որոնք թէեւ որոճում են, բայց կճղակաբաշխ չեն, ինչպէս ուղտը, որը թէեւ որոճում է, բայց երկկճղակ չէ, ուրեմն նա ձեզ համար պիղծ է,
5. Նապաստակը, որը թէեւ որոճում է, բայց երկկճղակ չէ, ուրեմն նա ձեզ համար պիղծ է,
6. Ճագարը, որը թէեւ որոճում է, բայց երկկճղակ չէ, ուրեմն նա ձեզ համար պիղծ է,
7. Խոզը, որը թէեւ կճղակաբաշխ է՝ կճղակներ ունի, բայց չի որոճում, ուրեմն նա ձեզ համար պիղծ է:
8. Ո՛չ դրանց միսը կերէք, ո՛չ էլ դրանց դիակին մօտեցէք, քանի որ դրանք ձեզ համար պիղծ են:
9. Ահա թէ ինչ պիտի ուտէք ջրերի մէջ եղած կենդանիներից. նրանք, որ ունեն լողակներ ու թեփուկ եւ ապրում են ջրերում, ծովերում եւ վտակներում:
10. Ջրերում, ծովերում ու վտակներում ապրող, բայց լողակներ ու թեփուկ չունեցող կենդանիներ մի՛ կերէք, նոյնպէս եւ՝ այն կենդանիները, որ ջրերից են բխում եւ կամ կենդանի շունչ ունեն ջրերում, քանի որ դրանք պիղծ են եւ պիղծ կը լինեն ձեզ համար:
11. Դրանց միսը չուտէք եւ դրանց դիակներից գարշեցէ՛ք,
12. որովհետեւ ջրի մէջ եղած բոլոր այն կենդանիները, որոնք լողակներ ու թեփուկ չունեն, թող ձեզ համար պիղծ համարուեն:
13. Սրանք են այն թռչունները, որոնցից պետք է գարշէք եւ որոնց միսը պիտի չուտէք, որովհետեւ ձեզ համար պիղծ են. արծիւ, պասկունճ, գետարծիւ,
14. անգղ, ցին եւ այն, ինչ սրանց նման է:
15. Նաեւ ագռաւ եւ այն, ինչ սրա նման է,
16. ջայլամ, բու, որոր եւ այն, ինչ սրանց նման է,
17. բազէ եւ այն, ինչ սրա նման է, հաւապատիր, հողամաղ,
18. քաջահաւ, սոխակ, հաւալուսն, կարապ,
19. արագիլ, քարադր՝ եւ այն, ինչ սրանց նման է, այլեւ՝ յոպոպ եւ չղջիկ:
20. Զորս ոտքով քայլող ամեն մի թռչնազգի գեռուն թող պիղծ համարուի ձեզ համար:
21. Թռչնազգի գեռուներից կ'ուտէք դրանք, որոնք քայլում են չորս ոտքով, որոնց ոտքերը գետնի վրայ ուստոստելու համար սրունք ունեն:
22. Կ'ուտէք հետեւեալները. ջորեակ եւ այն, ինչ սրա նման է, խարագուլ եւ այն, ինչ սրա նման է, մորեխ եւ այն, ինչ սրա նման է, օճամարտ մորեխ եւ այն, ինչ սրա նման է:
23. Թռչնազգի ամեն մի այլ գեռուն, որ չորս ոտք ունի, պիղծ է ձեզ համար. դրանցով չպղծուէք:
24. Դրանց դիակին դիպչող ամեն ոք մինչեւ երեկոյ թող պիղծ համարուի:
25. Ամեն ոք, ով ձեռք կը տայ դրանց դիակին, պետք է լուանայ իր հագուստները եւ պիղծ համարուի մինչեւ երեկոյ:
26. Կճղակաւոր այն բոլոր անասունները, որոնց կճղակը կիսուած չէ, եւ չեն որոճում, ձեզ համար թող պիղծ համարուեն: Ով որ դիպչի դրանց դիակին, մինչեւ երեկոյ թող պիղծ համարուի:
27. Զորքոտանի բոլոր այն կենդանիները, որոնք միայն առջեւի թաթերի վրայ են քայլում, ձեզ համար թող պիղծ համարուեն: Ով դիպչի դրանց դիակին, մինչեւ երեկոյ թող պիղծ համարուի:
28. Ով ձեռք տայ դրանց դիակին, պետք է լուանայ իր հագուստները. նա պիղծ պետք է համարուի մինչեւ երեկոյ, որովհետեւ այդ բոլորը ձեզ համար պիղծ է:
29. Երկրի վրայ փորսող գնացող բոլոր կենդանիներից ձեզ համար պիղծ են. աքիսը, մուկը, տիտեռը,

30. առնետը, քամելունը, բժաւոր մողէսը, մողէսն ու խլուրդը:
31. Երկրի վրայ փորսող գնացող այս բոլոր կենդանիները պիղծ են ձեզ համար: Ով որ դիպչի դրանց դիակին, թող պիղծ համարուի մինչեւ երեկոյ:
32. Ինչի վրայ որ ընկնի դրանց դիակը, թող պիղծ համարուի, լինի դա փայտից պատրաստուած ամէն տեսակի անօթ, զգեստ, կաշի կամ քուրծ. ամէն մի անօթ, որն ինչ-որ բանի համար կը գործածուի, թող լուացուի ջրով: Այդ անօթը թող պիղծ համարուի մինչեւ երեկոյ, որից յետոյ այն թող մաքուր համարուի:
33. Եթէ խեցե որեւէ անօթի մէջ դրանցից ընկնի, անօթի մէջ եղածը թող պիղծ համարուի, իսկ անօթը թող ջարդեն:
34. Ամէն մի կերակուր, որի վրայ կ'ընկնի այդպիսի պղծուած անօթի ջուրը, թող պիղծ համարուի: Այդպիսի անօթի մէջ գտնուող ամէն մի խմիչք թող պիղծ համարուի:
35. Ինչի վրայ որ ընկնի դրանց դիակը, թող պիղծ համարուի: Թոնիրներն ու կասկարաները թող ջարդուեն, քանի որ պղծուած են լինում, եւ պիղծ թող համարուեն ձեզ համար:
36. Ջրի աղբիւրները, ջրհորներն ու ջրակոյտերը թող մաքուր համարուեն ձեզ համար: Ով որ դիպչի դրանց մէջ ընկած դիակին, թող պիղծ համարուի:
37. Եթէ դրանց դիակն ընկնի ցանելու սերմացուի վրայ, ապա սերմացուն մաքուր թող համարուի,
38. իսկ եթէ սերմացուի վրայ ջուր թափելուց յետոյ դրա վրայ ընկնեն պիղծ կենդանիների դիակներ, ապա այդ սերմացուն թող անմաքուր համարուի ձեզ համար:
39. Եթէ ձեզ համար ուտելու ենթակայ անասուններից որեւէ մէկը սատկի, ապա դրա դիակին դիպչողը թող մինչեւ երեկոյ պիղծ համարուի:
40. Ով ձեռք տայ դրա դիակին, նա պետք է լուանայ իր զգեստները. նա պիղծ պետք է համարուի մինչեւ երեկոյ:
41. Երկրի վրայ փորսող գնացող ամէն մի կենդանի թող պիղծ համարուի ձեզ համար, ուրեմն եւ թող չուտուի:
42. Մի՛ կերէք բոլոր այն կենդանիները, որոնք սողում են իրենց որովայնի վրայ, բոլոր այն կենդանիները, որոնք սողում են չորս ոտքով, նաեւ բազմոտանիները, երկրի վրայ սողացող բոլոր զեռունները, քանի որ դրանք ձեզ համար պիղծ են:
43. Մի՛ ապականէք ձեզ երկրի վրայ սողացող սողուններով, դրանցով մի՛ պղծուէք եւ դրանց պատճառով անմաքուր մի՛ դարձէք:
44. Ե՛ս եմ ձեր Տէր Աստուածը: Սրբուեցէ՛ք եւ սո՛ւրբ եղէք, որովհետեւ ես՝ ձեր Տէր Աստուածը, սուրբ եմ: Դուք ձեզ մի՛ պղծէք երկրի վրայ սողացող զեռուններով:
45. Ե՛ս եմ, Տէր Աստուածը, որ ձեզ դուրս բերեց Եգիպտացիների երկրից, որպէսզի ձեզ համար Աստուած լինեմ: Դուք սուրբ եղէք, որովհետեւ ես սուրբ եմ:
46. Ահա այս է անասունների եւ թռչունների, ջրերում եւ ցամաքում շարժուող բոլոր շնչաւորների վերաբերեալ օրէնքը,
47. որպէսզի դուք կարողանաք զանազանութիւն դնել մաքուրի եւ անմաքուրի միջեւ, եւ որպէսզի Իսրայէլի որդիներին սովորեցնէք, թէ որոնք են ուտելի կենդանիները, եւ որոնք են ոչ ուտելի անասունները:

1. Տէրը խօսեց Մովսէսի հետ ու ասաց.
2. Խօսի՛ր Իսրայէլի որդիներին հետ եւ ասա՛ նրանց. եթէ որեւէ կին յղիանայ եւ արու գաւակ ծնի, թող նա անմաքուր համարուի եօթը օր, այսինքն՝ այնքան, ինչքան իր դաշտանի շրջանի համար է անմաքուր համարուում:
3. Ութերորդ օրը նա թող թլփատի իր որդուն:
4. Դրանից յետոյ երեսուներեք օր էլ նա պէտք է սպասի, որպէսզի մաքրուի իր արիւնը: Նա ոչ մի մաքուր բանի ձեռք չպիտի տայ եւ սրբարան չպիտի մտնի, մինչեւ լրանան նրա մաքրուելու օրերը:
5. Իսկ եթէ նա աղջիկ գաւակ ունենայ, թող եօթը օր անմաքուր համարուի, այսինքն՝ այնքան, ինչքան իր դաշտանի շրջանի համար է անմաքուր համարուում: Դրանից յետոյ վաթսուսվեց օր էլ նա պէտք է սպասի, որպէսզի մաքրուի իր արիւնը:
6. Երբ լրանան որդու կամ դստեր ծննդից յետոյ նրա մաքրութեան համար սահմանուած օրերը, նա մէկ տարեկան գառ թող ողջակէզ անի, մի զույգ աղանի կամ տատրակ թող բերի մեղքերի քաւութեան համար վկայութեան խորանի դուռը, քահանայի մօտ:
7. Քահանան այն թող զոհ մատուցի Տիրոջ առաջ, քաւութիւն տայ նրան, եւ նա կը մաքրուի իր արեան բխումից: Սա կարգ է նրանց համար, ովքեր արու կամ աղջիկ գաւակ են ունենում:
8. Եթէ ծննդկանն ի վիճակի չէ գառ բերելու, թող առնի երկու տատրակ կամ աղանու երկու ծագ՝ մէկը ողջակէզի, իսկ միւսը՝ մեղքերի քաւութեան համար: Քահանան թող զոհ մատուցի դրանք ի քաւութիւն, որով ծննդկանը կը համարուի մաքրուած:
9. ՄԱՐԴԱՎԱՆՑ ՄԱՇԿԱՅԻՆ ՀԻԲԱՆԴՈՒԹԻՒՆՆԵՐԻ ՄԱՍԻՆ

1. Տերը խօսեց Մովսէսի ու Սհարոնի հետ եւ ասաց.
2. Եթէ որեւէ մէկի մարմնի մաշկի վրայ սպի, պալար, բշտիկ եւ կամ բորոտութեան ախտանշան երեւայ, թող դիմի Սհարոն քահանային կամ նրա քահանայ որդիներից մէկին:
3. Քահանան թող զննի նրա մաշկի վրայի վերքը: Եթէ վերքի շուրջն եղած մազերն սպիտակել են, եւ վերքն աւելի խորն է երեւում քան մաշկը, ուրեմն դա բորոտութեան ախտանշան է: Քահանան պետք է զննի եւ նրան անմաքուր համարի:
4. Եթէ նրա մարմնի մաշկի վրայի վերքը մաշկից սպիտակ է եւ նրանից խորը չի երեւում, ու մազի գույնն էլ սպիտակ չէ, այլ մուգ գույն ունի, ապա քահանան ախտակրին եօթն օր պետք է մեկուսացնի:
5. Քահանան եօթներորդ օրը պետք է զննի նրան, եւ եթէ վերքը նոյն վիճակում է մնացել, մաշկի վրայ չի տարածուել, ապա քահանան նրան պետք է մեկուսացնի եւս եօթը օր:
6. Քահանան եօթներորդ օրը պետք է մի անգամ եւս զննի, եւ երբ տեսնի, որ վերքը մզացել է, մաշկի գոյնը չի փոխուել, նրան պետք է մաքուր համարի, որովհետեւ դա քոսի նշան է: Նա թող լուանայ իր զգեստները եւ համարուի մաքուր:
7. Իսկ եթէ քահանայի զննելուց եւ մաքուր համարելուց յետոյ վերքը տարածուի մաշկի վրայ, նա պետք է վերստին դիմի քահանային, եւ սա եթէ նկատի, որ վերքը տարածուել է մաշկի վրայ,
8. նրան պետք է անմաքուր համարի, որովհետեւ դա բորոտութեան ախտանշան է:
9. Ուրեմն, եթէ մարդը բորոտութեան վերք ունենայ, ապա պետք է գայ Սհարոն քահանայի մօտ:
10. Քահանան պետք է զննի: Եթէ մաշկի վրայ սպիտակ պալար կայ, դրա շուրջն եղած մազն սպիտակել է, բայց պալարի մէջ առողջ ու կենդանի միս կայ,
11. ուրեմն բորոտութիւնը հնացել է նրա մարմնի մաշկի վրայ: Քահանան պետք է անմաքուր համարի եւ մեկուսացնի նրան, որովհետեւ նա անմաքուր է:
12. Եթէ բորոտութիւնը գնալով տարածուի նրա մաշկի վրայ, բորոտութիւնը ծածկի մարմնի ամբողջ մաշկը՝ գլխից մինչեւ ոտքերը, եւ քահանան նկատի դա,
13. տեսնի, որ բորոտութիւնը տարածուել է մարմնի ամբողջ մաշկի վրայ, ապա մաքուր թող համարի հիւանդին, որովհետեւ նրա մարմինն ամբողջութեամբ սպիտակել է: Եւ նա մաքուր է:
14. Այն օրը, երբ այդ մարդու մաշկի վրայ գործող վերք նկատուի, նա թող անմաքուր համարուի:
15. Քահանան տեսնելով մաշկի վրայ գործող վերքը՝ թող նրա ամբողջ մարմինը անմաքուր համարի, որովհետեւ դա բորոտութիւն է:
16. Եթէ մաշկի առողջ մասը դարձեալ փոփոխութեան ենթարկուի եւ սպիտակի,
17. հիւանդը պետք է գայ քահանայի մօտ, եւ քահանան պետք է զննի նրան: Եթէ նրա վերքը սպիտակել է, քահանան թող հիւանդին մաքուր յայտարարի, որովհետեւ նա մաքուր է:
18. Եթէ մարդ իր մարմնի մաշկի վրայ խոց ունենայ, եւ դա լաւանայ,
19. բայց խոցի տեղում սպիտակ-փայլուն, լուսնասպիտակ կամ կարմրաւուն հետք առաջանայ, ապա նա պետք է դիմի քահանային:
20. Քահանան պետք է զննի նրան: Եթէ վերքն աւելի խորն է երեւում, քան մաշկը, իսկ վերքի շուրջն եղած մազերն էլ սպիտակել են, ապա քահանան նրան թող անմաքուր համարի: Դա լուսնասպիտակ կամ կարմրաւուն հետքով բորոտութիւն է բորբոքուած խոցով:
21. Եթէ քահանան նկատի, որ վերքի շուրջն եղած մազերը սպիտակ չեն, այլ՝ մուգ, եւ վերքն էլ մաշկից խորը չէ, ապա քահանան հիւանդին եօթն օր թող մեկուսացնի:
22. Իսկ եթէ խոցը տարածուի մաշկի վրայ, ապա քահանան նրան թող անմաքուր համարի, քանի որ դա վերքից առաջացած բորոտութիւն է:

23. Իսկ եթե փայլ ունեցող վերքը տեղում մնայ՝ չտարածուի, ապա դա սպի է. քահանան նրան թող մաքուր համարի:
24. Եթե մարմնի մաշկը կրակով այրուած լինի, նրա մաշկն այրուածքից ապաքինուի, իսկ այրուածքի տեղում փայլուն, սպիտակ, կարմրաւուն կամ լուսնասպիտակ բշտիկ առաջանայ,
25. Եւ քահանան տեսնի այն ու նկատի, որ մազն սպիտակ՝ փայլուն է դարձել, բշտիկի տեղն աւելի խորն է, քան մաշկը, ուրեմն դա այրուածքից առաջացած բորոտութիւն է: Քահանան հիւանդին թող անմաքուր համարի, որովհետեւ դա բորոտութեան հիւանդութիւն է:
26. Իսկ եթե քահանան տեսնի, որ դրա վրայ որեւէ փայլուն հետք կամ սպիտակ մազ չկայ, եւ բշտիկի տեղը մաշկից խորը չէ, գոյնը մուգ է, ապա քահանան նրան եօթը օր թող մեկուսացնի:
27. Եօթներորդ օրը քահանան թող զննի նրան. եթե տեսնի, որ վերքը տարածուել է մաշկի վրայ, ուրեմն նրան թող անմաքուր համարի, որովհետեւ դա վերքից առաջացած բորոտութիւն է:
28. Եւ եթե վերքը նոյն տեղում մնայ՝ չտարածուի մաշկի վրայ, եւ գոյնն էլ մուգ լինի, ուրեմն դա այրուածքի սպի է: Քահանան մաքուր թող համարի նրան, որովհետեւ դա այրուածքի հետք է միայն:
29. Եթե տղամարդու կամ կնոջ գլխի կամ կզակի վրայ բորոտութեան վերք լինի, եւ քահանան զննի այն ու նկատի,
30. որ վերքի տեղն աւելի խորն է, քան մաշկը, դրա վրայի մազը վերածուել է խարտեաշ աղուամազի, ապա քահանան նրան թող անմաքուր համարի, քանի որ դա գոնջութիւն է՝ գլխի կամ կզակի բորոտութիւն:
31. Եթե քահանան նկատի գոնջութեան նշանները, այն, որ վերքի տեղն աւելի խորը չէ, քան մաշկը, եւ ոչ էլ մազն է խարտեաշ դարձել, ապա գոնջացածին թող մեկուսացնի եօթը օր:
32. Քահանան եօթներորդ օրը թող զննի գոնջութեան հետքերը եւ տեսնելով, որ այն չի տարածուել մաշկի վրայ, մազը խարտեաշ չի դարձրել, ոչ էլ վերքի տեղն է աւելի խորը, քան մաշկը,
33. թող սափրի մաշկի առողջ մասի մազերը, իսկ հիւանդ մասի մազերը թող չսափրի: Քահանան հիւանդին թող մեկուսացնի եւս եօթը օր:
34. Քահանան եօթներորդ օրը վերքը թող զննի եւ տեսնելով, որ սափրելուց յետոյ վերքը մաշկի վրայ չի տարածուել, եւ վերքի տեղն էլ աւելի խորը չէ, քան մաշկը, ուրեմն նրան մաքուր թող համարի, իսկ այդ մարդն իր զգեստները լուսնալով՝ մաքուր թող համարուի:
35. Բայց եթե նրան սափրելուց յետոյ վերքը տարածուի նրա մաշկի վրայ, եւ քահանան տեսնի, որ վերքը տարածուել է մաշկի վրայ,
36. նա խարտեաշ մազերի համար թող դարմանուած չհամարի այն, քանի որ հիւանդը անմաքուր է:
37. Եթե վերքը մաշկի վրայ չի տարածուել, իսկ դրա շուրջը թուխ մազ է բուսել, ուրեմն հիւանդութիւնն անցել է, հիւանդը մաքուր է: Քահանան թող մաքուր համարի նրան:
38. Եթե տղամարդու կամ կնոջ մարմնի մաշկի վրայ որեւէ փայլուն, լուսնասպիտակ պսպղուն ախտանշան լինի,
39. եւ քահանան զննելով տեսնի, որ մարմնի մաշկի վրայ փայլուն, լուսնասպիտակ պսպղուն ախտանշան կայ, ապա դա մարմնի մաշկի վրայ տարածուած թեփուկ է, ուրեմն այդ մարդը մաքուր է:
40. Եթե որեւէ մէկի գլխի մազերը թափուեն, նա հերաթափ է լինում, բայց մաքուր է:
41. Իսկ եթե նրա գլխի առջեւի մասի մազերը թափուեն, ուրեմն նա ճաղատ է, բայց մաքուր է:
42. Եթե նրա հերաթափ կամ ճաղատ գլխի վրայ սպիտակ կամ կարմրաւուն վերք լինի, ապա նրա հերաթափութեան կամ ճաղատութեան տակ բորոտութիւն է թաքնուած:



43. Երբ քահանան զննի այն եւ տեսնի, որ հիւանդի ճաղատութեան վերջը մարմնի մաշկի բորոտութեան նման սպիտակ է կամ կարմրաւուն, ուրեմն մարդը բորոտ է: Նա անմաքուր է: Քահանան խիստ անմաքուր պէտք է համարի նրան, քանի որ ախտը հենց նրա գլխի վրայ է:
44. Ով բորոտ է,
45. նա պէտք է պատռուած զգեստներ կրի, գլուխը բաց լինի, բերանը՝ ծածկուած, եւ նա անմաքուր պէտք է համարուի:
46. Քանի դեռ հիւանդութիւնը նրա վրայ է, նա անմաքուր պէտք է համարուի: Նա անմաքուր է: Նա պէտք է մեկուսացած մնայ, նրա բնակավայրը բանակատեղիից դուրս պէտք է լինի:
47. Եթէ զգեստի վրայ բորոտութեան ախտանշան կայ, լինի այն բրդէ կամ կտաւէ զգեստ,
48. լինի երկար գործուածք, թէ թելքով, լինի կտաւից թէ բրդից գործուած, անմշակ կամ մշակուած կաշուից կարուած,
49. եթէ այդ ախտանշանը կանաչաւուն կամ կարմրաւուն լինի անմշակ կաշուէ զգեստի, երկար գործուածքի կամ թելքով զգեստի, ամէն տեսակի աշխատուած կաշուի կամ իրի վրայ, ուրեմն դա բորոտութեան ախտանշան է: Այդ զգեստը պէտք է ցոյց տրուի քահանային:
50. Քահանան պէտք է զննի ախտանշանը եւ ախտաւորուած զգեստը եօթն օր պէտք է մեկուսացնի:
51. Քահանան եօթներորդ օրը պէտք է զննի ախտահարուած զգեստը: Եթէ ախտանշանը տարածուել է զգեստի, երկար, թելքով, կտաւէ, բրդէ կամ անմշակ ու մշակուած կաշուից պատրաստուած զգեստների, ամէն տեսակ առարկաների վրայ, ուրեմն դա իսկական բորոտութիւն է: Դա անմաքուր է:
52. Քահանան պէտք է վառի ախտահարուած այդ զգեստները, դրանք լինեն երկար թէ թելքով, բրդից թէ կտաւից պատրաստուած զգեստներ կամ ամէն տեսակ կաշուէ առարկաներ: Քանի որ դա իսկական բորոտութիւն է, ուրեմն կրակով պէտք է այրուի:
53. Եթէ քահանան տեսնի, որ վարակը չի տարածուած զգեստի վրայ, դա լինի երկար թէ թելքով, լինի բրդից կամ կտաւից պատրաստուած զգեստ կամ ամէն տեսակ կաշուէ առարկայ,
54. թող նա հրամայի, որ լուանան ախտակիր զգեստը: Այնուհետեւ քահանան ախտակիր զգեստը թող մեկուսացնի եւս եօթը օր:
55. Քահանան թող զննի լուացուած ախտակիր զգեստը: Եթէ ախտանշանի տեսքը չի փոխուել, ուրեմն այն անմաքուր է, նոյնիսկ եթէ ախտը չի տարածուել: Թող այն կրակով այրուի, քանզի ախտը բուն է դրել զգեստի՝ երկար կամ թելքով հագուստի մէջ:
56. Իսկ եթէ քահանան տեսնի, որ ախտահարուածը լուացուելուց յետոյ մուգ գոյն է ստացել, ապա այդ մասը թող կտրի-անջատի զգեստից, կաշուէ առարկայից, երկար կամ թելքով հագուստից:
57. Եթէ ախտանշանը նորից երեւայ երկար կամ թելքով զգեստի, ամէն տեսակ կաշուէ առարկայի վրայ, ուրեմն դա սաստկացող բորոտութեան նշան է. ախտով վարակուածը կրակով թող այրուի, դա լինի երկար կամ թելքով զգեստ,
58. կաշուից պատրաստուած ամէն տեսակ առարկայ: Եթէ լուացուելուց յետոյ ախտանշանը դուրս գայ դրանից, թող մի անգամ եւս լուացուի, ապա մաքուր համարուի:
59. Ահա այս թող լինի բրդէ, կտաւէ հագուստի, երկար կամ թելքով զգեստի կամ ամէն տեսակ կաշուէ առարկայի բորոտութեան մասին օրէնքը, որով այս կամ այն առարկան մաքուր կամ անմաքուր են համարում:

1. Տերը խօսեց Մովսէսի հետ ու ասաց.
2. Այս թող լինի մաքրուելուց յետոյ բորոտի հետ վարուելու կարգը: Նրան թող բերեն քահանայի մօտ:
3. Քահանան թող դուրս գայ բանակատեղիից, գննի նրան եւ համոզուելով, որ բորոտութեան ախտանշանը նրա վրայից վերացել է,
4. թող հրաման տայ, որ ապաքինուածի համար բերեն երկու կենդանի մաքուր թռչուն, եղէնու փայտ, կարմիր մանուածք եւ ծոթրին:
5. Քահանայի հրամանով թռչուններից մէկը թող մորթեն խեցե անօթի մէջ, ակնաղբիւրի հոսող ջրի վրայ:
6. Ապա քահանան թող վերցնի կենդանի մնացած թռչունը, եղէնու փայտը, կարմիր մանուածքն ու ծոթրինը եւ դրանք, ինչպէս նաեւ կենդանի մնացած թռչունը, թող թաթախի ակնաղբիւրի հոսող ջրի վրայ մորթուած թռչունի արեան մէջ:
7. Նա բորոտութիւնից ապաքինուածի վրայ դրանից եօթն անգամ թող ցանի եւ մաքրի նրան, իսկ կենդանի մնացած թռչունը թող բաց թողնի դէպի դաշտ:
8. Մաքրուածը թող լուանայ իր զգեստները, ածիլի իր մարմնի բոլոր մազերը, լուացուի ջրով եւ դրանից յետոյ թող մաքուր համարուի: Ապա նա թող մտնի բանակատեղի, բայց իր վրանից դուրս ապրի եօթը օր:
9. Եօթներորդ օրը նա թող ածիլի իր մարմնի բոլոր մազերը. ե՛ւ գլուխը, ե՛ւ մօրուքը, ե՛ւ յօնքերը. այո՛, պէտք է ածիլի մարմնի բոլոր մազերը: Թող ջրով լուանայ իր զգեստները, մարմինը, որից յետոյ նա մաքուր թող համարուի:
10. Ութերորդ օրը նա թող առնի մէկ տարեկան ոչ արատաւոր երկու գառ, մէկ տարեկան ոչ արատաւոր մի էգ գառ, իւղով հունցուած երեք տասներորդական գրիւ ընտիր ալիւր անարիւն զոհաբերութեան համար եւ մէկ բաժակ իւղ:
11. Մաքրող քահանան մաքրուող մարդուն եւ զոհաբերութեան ընծաները թող բերի վկայութեան խորանի առաջ:
12. Քահանան թող վերցնի մի գառը, այն թող զոհաբերի մեղքերի քաւութեան համար, վերցնի նաեւ մէկ բաժակ իւղը եւ այն որպէս ընծայ մատուցի Տիրոջ առաջ:
13. Միւս գառը թող մորթի այն վայրում, ուր մորթում են ողջակէզն ու մեղքերի քաւութեան զոհը, այսինքն՝ սուրբ վայրում: Մեղքերի քաւութեան համար արուած զոհը, ինչպէս եւ յանցանքի քաւութեան համար արուած զոհը, պատկանում է քահանային, եւ դա սրբութիւնների սրբութիւն է:
14. Քահանան թող վերցնի յանցանքների քաւութեան համար արուած զոհի արիւնից եւ քսի մաքրուողի աջ ականջի բլթակին, նրա աջ ձեռքի բթամատին եւ նրա աջ ոտքի բթամատին:
15. Քահանան վերցնելով բաժակի միջի իւղից՝ այն թող լցնի իր ձախ ձեռքի ափի մէջ:
16. Քահանան իր ձախ ձեռքի ափի իւղի մէջ թող թաթախի աջ ձեռքի մատը եւ այդ մատով եօթն անգամ ցանի Տիրոջ առաջ:
17. Իր ձախ ձեռքի ափի մնացած իւղը քահանան թող քսի մաքրուածի աջ ականջի բլթակին, նրա աջ ձեռքի բթամատին եւ նրա աջ ոտքի բթամատին՝ այն տեղերը, որտեղ քսում է յանցանքների համար զոհաբերուածի արիւնը:
18. Քահանան իր ձեռքի ափի մէջ մնացած իւղը թող քսի մաքրուողի գլխին:
19. Քահանան նրան թող քաւութիւն տայ Տիրոջ առաջ: Քահանան մեղքերի քաւութեան զոհաբերութիւնը կատարելով՝ մաքրուողին քաւութիւն է տուած լինում իր մեղքերից: Դրանից յետոյ քահանան թող մորթի ողջակէզը եւ ողջակիզուածն ու զոհաբերուածը դնի զոհասեղանին, Տիրոջ առաջ:
20. Քահանան թող այդպէ՛ս քաւութիւն տայ մաքրուողի մեղքերին, եւ այդ մարդը թող մաքրուի:
21. Եթէ նա աղքատ է եւ չունի այդ կարողութիւնը, իր կատարած յանցանքի քաւութեան համար թող զոհաբերի մէկ գառ, իւղով հունցուած մէկ տասներորդական գրիւ ընտիր

ալիւր, մէկ բաժակ իւղ

22. Եւ երկու տատրակ կամ աղանուլ երկու ձագ՝ այն, ինչ կարող է: Մէկը պիտի մատուցուի մեղքերի քաւութեան համար, իսկ միւսը՝ որպէս ողջակէզ:

23. Այս բոլորը նա ուրբերորդ օրը թող տանի քահանայի մօտ, որ նրան մաքրեն Տիրոջ առաջ, վկայութեան խորանի դռան մօտ:

24. Քահանան, վերցնելով յանցանքի քաւութեան համար զոհաբերուելիք գառն ու իւղի բաժակը, թող մատուցի Տիրոջ առաջ:

25. Քահանան թող մորթի յանցանքի քաւութեան գառը, ապա, վերցնելով յանցանքի քաւութեան համար զոհաբերուածի արիւնից, թող քսի մաքրուողի աջ ականջի բլթակին, նրա աջ ձեռքի բթամատին ու նրա աջ ոտքի բթամատին:

26. Քահանան այդ իւղից թող լցնի իր ձախ ձեռքի ափի մէջ,

27. Եւ աջ ձեռքի մատով ձախ ձեռքի ափի մէջ եղած իւղից եօթն անգամ թող ցանի Տիրոջ առաջ:

28. Քահանան իր ձեռքում եղած իւղից թող քսի մաքրուողի աջ ականջի բլթակին, նրա աջ ձեռքի բթամատին եւ նրա աջ ոտքի բթամատին՝ այն տեղերը, որտեղ քսուում է յանցանքների համար զոհաբերուածի արիւնը:

29. Իր ձեռքի ափի մէջ մնացած իւղը քահանան թող քսի մաքրուողի գլխին եւ քաւութիւն տայ նրան Տիրոջ առաջ:

30. Իր կարողութեան չափով տատրակներից կամ աղանիների ձագերից մէկը

31. թող զոհ մատուցի մեղքերի քաւութեան համար, իսկ միւսը անարիւն զոհաբերութեան հետ ողջակէզ անի Տիրոջ առաջ: Քահանան թող այսպէ՛ս քաւութիւն տայ մաքրուողին Տիրոջ առաջ:

32. Այս է չափաւոր կարողութեան տէր բորոտի մաքրուելու կարգը:

33. Տէրը խօսեց Սոփեսի եւ Ահարոնի հետ ու ասաց.

34. Երբ դուք մտնէք Քանանացիների երկիրը, որը ես ձեզ իբրեւ սեփականութիւն եմ տալու, եւ ձեր սեփականութիւնը հանդիսացող այդ երկրի տներում բորոտութեան վարակ տարածեմ,

35. այն ժամանակ տանտէրը թող գայ եւ քահանային պատմի ու ասի, թե՛ Ինչ-որ ախտանշան երեւաց իմ տանը:

36. Քահանայի հրամանով տունը կը դատարկեն, մինչ քահանան այդ տունը կը մտնի զննելու համար, որպէսզի տան մէջ գտնուող ոչ մի բան անմաքուր չլինի: Դրանից յետոյ քահանան թող մտնի տունն ստուգելու:

37. Քահանան տան պատերին կը տեսնի ախտանշանը՝ տեղ-տեղ խորն ընկած կանաչաւուն կամ կարմրաւուն բծեր, որոնց մակերեսն աւելի խորն է, քան պատինը:

38. Քահանան, ելնելով տան դռնից դուրս, թող կարգադրի, որ տունը եօթն օր փակի տակ պահուի:

39. Քահանան եօթներորդ օրը նորից թող գայ եւ զննի տունը: Եթէ տեսնի, որ ախտանշանները տարածուած են տան պատերին,

40. հրաման թող տայ, որ քանդեն-հանեն այն քարերը, որոնց վրայ ախտանշան կայ: Թող այդ քարերը հանեն քաղաքից դուրս, մի անմաքուր տեղ:

41. Թող ամբողջութեամբ քերեն տան ներսը եւ քերուածը հանեն քաղաքից դուրս, մի անմաքուր տեղ:

42. Այնուհետեւ թող առնեն յղկուած այլ քարեր, դրանք տեղադրեն հանուած քարերի տեղում, ուրիշ հող բերեն ու ծեփեն տունը:

43. Եթէ քարերը տեղահանելուց, պատերը քերելուց եւ նորից ծեփելուց յետոյ տան մէջ վերստին երեւայ ախտանշանը,

44. ապա քահանան նորից թող մտնի ու զննի. եթէ ախտանշանը տարածուած է տան մէջ, ուրեմն տան մէջ իսկական բորոտութիւն կայ. այդ տունը անմաքուր է:

45. Պէտք է քանդել տունը եւ նրա փայտերը, նրա քարերն ու տան ամբողջ հողը պէտք է հանել քաղաքից դուրս, մի անմաքուր տեղ:

46. Փակի տակ պահուած բոլոր օրերին ով որ մտնի այդ տունը, մինչեւ երեկոյ թող

անմաքուր համարուի:

47. Ով որ քնի այդ տան մէջ, պետք է լուանայ իր զգեստները: Նա անմաքուր պետք է համարուի մինչեւ երեկոյ: Ով որ ուտի այդ տան մէջ, պետք է լուանայ իր զգեստները: Նա անմաքուր պետք է համարուի մինչեւ երեկոյ:

48. Եթէ քահանան գայ մտնի, զննի ու տեսնի, որ այդ տունը ծեփուելուց յետոյ ախտանշանը չի տարածուել տան մէջ, թող այն մաքուր յայտարարի, քանի որ ախտը բուժուած է:

49. Տունը մաքրելու համար քահանան թող առնի երկու կենդանի մաքուր թռչուն, եղեւնու փայտ, կարմիր մանուածք եւ ծոթրին:

50. Քահանան թռչուններից մէկը թող մորթի խեցե անօթի մէջ, ակնաղբիւրի հոսող ջրի վրայ:

51. Ապա քահանան թող վերցնի եղեւնու փայտը, կարմիր մանուածքը, ծոթրին ու կենդանի մնացած թռչունը եւ դրանք թող թաթախի ակնաղբիւրի հոսող ջրի վրայ մորթած թռչունի արեան մէջ: Նա այդ տան վրայ եօթն անգամ թող ցանի այն:

52. Տունը թող մաքրի թռչունի արեամբ, աղբիւրի ջրով, կենդանի մնացած թռչունով, եղեւնու փայտով, ծոթրինով եւ կարմիր մանուածքով,

53. իսկ կենդանի մնացած թռչունը բաց թողնի քաղաքից դուրս, դէպի դաշտ: Երբ քահանան այդ տան համար քաւութեան զոհաբերութիւն կատարի, եւ տունը մաքրուի, այդ տունը մաքուր կը լինի:

54. Ահա այն թող լինի բորոտութեան ու գոնջութեան բոլոր ախտանշանների համար կիրառուող կարգը,

55. նաեւ զգեստի ու տան բորոտութեան,

56. սպիի, ուռուցքի ու բշտիկի,

57. թէ ո՛ր օրը մարդն անմաքուր է եւ ո՛ր օրը՝ մաքուր: Այս է բորոտութեան վերաբերեալ կարգը:

1. Տերը խօսեց Մովսէսի ու Սհարոնի հետ եւ ասաց.
2. Խօսի՛ր Իսրայէլի որդիների հետ ու ասա՛ նրանց. Եթէ որեւէ այր մարդու մարմնից սերմի ծորում լինի, նրա այդ ծորումը անմաքուր է:
3. Մարմնից սերմ ծորող եւ սերմի ծորումից մարմինը հիւծուող մարդու մաքրուելու կարգը այս է. իր մարմնից ծորում լինելու եւ ծորումից մարմինը հիւծուելու բոլոր օրերը անմաքրութեան շրջան թող համարուեն իր համար: Դա մարմնի անմաքրութիւնն է:
4. Ամէն անկողին, որի մէջ սերմի ծորում ունեցողն է քնում, անմաքուր թող համարուի. այն ամէնը, որի վրայ նա կը նստի, թող անմաքուր համարուի:
5. Ով որ դիպչի նրա անկողնին, պետք է լուանայ իր զգեստները, իսկ ինքը լուացուի ջրով: Նա անմաքուր է համարուում մինչեւ երեկոյ:
6. Ով որ նստի սերմի ծորում ունեցողի նստած առարկայի վրայ, պետք է լուանայ իր զգեստները, իսկ ինքը լուացուի ջրով: Նա անմաքուր է համարուում մինչեւ երեկոյ:
7. Ով որ դիպչի սերմի ծորում ունեցողի մարմնին, նա պետք է լուանայ իր զգեստները, իսկ ինքը լուացուի ջրով: Նա անմաքուր է համարուում մինչեւ երեկոյ:
8. Եթէ սերմի ծորում ունեցողի թուքը դիպչի մաքուր մարդու, սա պետք է լուանայ իր զգեստները, իսկ ինքը լուացուի ջրով: Նա անմաքուր է համարուում մինչեւ երեկոյ:
9. Էշի թամբը, որի վրայ նստած է եղել սերմի ծորում ունեցողը, անմաքուր է համարուում մինչեւ երեկոյ:
10. Ով որ դիպչի սերմի ծորում ունեցողի տակ գտնուող որեւէ իրի, անմաքուր է համարուում մինչեւ երեկոյ:
11. Եթէ սերմի ծորում ունեցողը առանց ձեռքերը լուանալու դիպչի որեւէ մէկին, սա պետք է լուանայ իր զգեստները, իր մարմինը լուայ ջրով: Նա անմաքուր է համարուում մինչեւ երեկոյ:
12. Խեցե որեւէ անօթ, որին կը դիպչի սերմի ծորում ունեցողը, պետք է ջարդուի, իսկ փայտե բոլոր ամանները պետք է լուացուեն ջրով, որպէսզի մաքուր լինեն:
13. Երբ սերմի ծորում ունեցողի ծորումը դադարի, նա պետք է եօթն օր յատկացնի իր մաքրութեան համար. լուանայ իր զգեստները, մարմինը լուայ հոսող ջրով, որից յետոյ մաքուր կը համարուի:
14. Ութերորդ օրը պետք է առնի երկու տատրակ կամ աղանու երկու ձագ, բերի Տիրոջ առաջ, վկայութեան խորան եւ տայ քահանային:
15. Քահանան դրանցից մէկը պետք է զոհի մեղքերի քաւութեան համար, իսկ միւսը զոհի իբրեւ ողջակէզ: Քահանան այդ ձեւով Տիրոջ առաջ պետք է քաւութիւն տայ նրան իր ծորումի համար:
16. Եթէ որեւէ տղամարդ սերմնահոսութիւն ունենայ, նա իր ամբողջ մարմինը պետք է լուայ ջրով: Նա անմաքուր է համարուում մինչեւ երեկոյ:
17. Ամէն հագուստ կամ մորթեղէն, որին կը դիպչի տղամարդու սերմը, պետք է լուացուի ջրով: Դա անմաքուր է համարուում մինչեւ երեկոյ:
18. Երբ մի կին ընդունի տղամարդու սերմը, երկուսն էլ պետք է լուացուեն ջրով: Նրանք անմաքուր են համարուում մինչեւ երեկոյ:
19. Այն կինը, որից արիւն է հոսում, եւ այդ արեան հոսումն իր մարմնից է, նա եօթն օր կը լինի իր դաշտանի մէջ:
20. Ով որ դիպչի նրան, անմաքուր է համարուում մինչեւ երեկոյ:
21. Ինչի վրայ որ պառկի այդ կինն իր դաշտանի ընթացքում, եւ ինչի վրայ էլ նստի նա, անմաքուր է համարուում:
22. Ով որ դիպչի նրա անկողնին, պետք է լուանայ իր զգեստները, իր մարմինը լուայ ջրով: Նա անմաքուր է համարուում մինչեւ երեկոյ:
23. Ով որ դիպչի մի առարկայի, որի վրայ այդ կինը նստել է, պետք է լուանայ իր զգեստները, լուացուի ջրով: Նա անմաքուր է համարուում մինչեւ երեկոյ:
24. Եթէ որեւէ մէկը դիպչի այն անկողնին, որի վրայ պառկել է այդ կինը, կամ այն

առարկային, որի վրայ նստել է նա, անմաքուր է համարում մինչեւ երեկոյ: Եթէ որեւէ մէկը պառկի նրա հետ, երբ նրա անմաքրութիւնը դեռ իր մէջ է, եօթը օր թող անմաքուր համարուի: Մինչեւ երեկոյ թող անմաքուր համարուի նաեւ այն անկողինը, որի վրայ այդ մարդը կը քնի:

25. Եթէ մի կնոջ դաշտանն անկանոն է, եւ արիւնը սահմանուած ժամանակից աւելի երկար է հոսում, նրա այդ բոլոր օրերը թող համարուեն որպէս դաշտանի օրեր: Այդ բոլոր օրերի ընթացքում նա թող անմաքուր համարուի:

26. Այն անկողինը, որի մէջ նա կը պառկի իր արիւնահոսութեան օրերին, կանոնաւոր դաշտանի օրերում իր պառկած անկողնի նման անմաքուր թող համարուի: Ամէն առարկայ, որի վրայ նա կը նստի այս շրջանում, թող անմաքուր համարուի, ինչպէս որ անմաքուր էր համարում իր կանոնաւոր դաշտանի օրերին:

27. Ով որ դիպչի նրան, թող անմաքուր համարուի: Նա պետք է լուանայ իր զգեստները եւ իր մարմինը լուայ ջրով: Նա անմաքուր է համարում մինչեւ երեկոյ:

28. Երբ դադարի կնոջ արիւնահոսութիւնը, նա պետք է հաշուի եօթը օր, ապա մաքուր կը համարուի:

29. Ութերորդ օրը պետք է առնի երկու տատրակ կամ աղանու երկու ձագ, բերի քահանայի մօտ, վկայութեան խորանի դուռը:

30. Քահանան դրանցից մէկը պետք է գոհի մեղքերի քաւութեան համար, իսկ միւսը՝ իբրեւ ողջակէզ: Քահանան այդ ձեւով Տիրոջ առաջ պետք է քաւութիւն տայ նրան իր արիւնահոսութեան համար, որ նրան անմաքուր էր դարձրել:

31. Իսրայէլի որդիներին խստօրէն զգուշացրէ՛ք իրենց անմաքրութիւններից, որպէսզի իրենց մէջ գտնուող իմ խորանը չպղծեն ու իրենց այդ անմաքրութեան պատճառով չմեռնեն:

32. Այս է կարգը սերմի ծորում ունեցողի,

33. երազախաբութեան պատճառով անմաքուր դարձածի, արիւնահոսութիւն ունեցող կնոջ, ծորում ունեցողի, տղամարդ լինի թէ կին, ինչպէս նաեւ դաշտանի մէջ եղող կնոջ հետ պառկող տղամարդու մասին:

1. Տիրոջը օտար կրակ մատուցելիս Ահարոնի որդիների մեռնելուց յետոյ Տէրը խօսեց Մովսէսի հետ:
2. Տէրն ասաց Մովսէսին. Քո եղբայր Ահարոնին ասա՛. Թող ամեն վայրկեան վկայութեան տապանակի առաջ գտնուող վարագոյրից ներս անցնելով՝ սրբարան չմտնեն, որպէսզի չմեռնեն. ես տապանակի վրայ երեւալու եմ ամպի մէջ:
3. Եւ ապա Ահարոնը կը մտնի սրբարան մեղքերի քաւութեան համար նախրի մի զուարակով եւ ողջակէզի համար մի խոյով:
4. Նա սրբագործուած կտաւէ պատմուճանը թող հագնի, մարմնի վրայ՝ կտաւէ անդրավարտիքը, մէջքին կապի կտաւէ գօտին, գլխին դնի կտաւէ խոյրը, որովհետեւ դրանք սրբագործուած հանդերձանք են: Իր ամբողջ մարմինը թող լուայ ջրով եւ թող հագնի դրանք:
5. Իսրայէլացիների հօտերի միջից նա մեղքերի քաւութեան համար երկու նոխազ թող առնի եւ մէկ խոյ էլ՝ ողջակէզի համար:
6. Ահարոնը մեղքերի քաւութեան համար պիտի զոհաբերի զուարակը եւ դրանով պիտի քաւի իր ու իր ընտանիքի մեղքերը:
7. Նա թող վերցնի երկու նոխազները, դրանք կանգնեցնի Տիրոջ առաջ՝ վկայութեան խորանի դռան մօտ:
8. Ահարոնը երկու նոխազների համար թող վիճակ գցի. մի վիճակը՝ Տիրոջը զոհաբերուելիք նոխազի համար, իսկ միւսը՝ ազատ արձակուելիք նոխազի համար:
9. Ահարոնը թող մօտեցնի իրեն այն նոխազը, որի վրայ արձակուելու վիճակ էր ընկել,
10. թող այն կենդանի կանգնեցնի Տիրոջ առաջ եւ այն արձակելով ու բաց թողնելով դէպի անապատ՝ նրան քաւութիւն թող անի: Եւ թող նոխազն իր վրայ վերցնի նրանց անօրէնութիւնները:
11. Ապա Ահարոնը թող առնի զուարակը իր մեղքերի քաւութեան համար եւ թող քաւութիւն տայ իր եւ իր ընտանիքի մեղքերին: Նա իր մեղքերի քաւութեան համար թող մորթի զուարակը:
12. Նա Տիրոջ առաջ գտնուող զոհասեղանի վրայից թող առնի վառուած ածուխներով լի բուրվառը, իր բուռը լցնի մանր աղացած խունկ եւ տանի վարագոյրից ներս:
13. Նա խունկը թող դնի կրակի վրայ, Տիրոջ առաջ. խնկի ծուխը կը ծածկի վկայութիւնների տապանակի վրայ գտնուող կափարիչը: Եւ դուք չէք մեռնի:
14. Նա թող առնի զուարակի արիւնից եւ իր մատով ցանի քաւութեան արեւելեան կողմից, իսկ քաւութեան դէմ յանդիման այդ արիւնից իր մատով թող ցանի եօթն անգամ:
15. Տիրոջ առաջ նա թող մորթի ժողովրդի մեղքերի քաւութեան նոխազը եւ դրա արիւնից թող տանի վարագոյրից ներս: Նա այդ արեան հետ թող վարուի այնպէս, ինչպէս վարուեց զուարակի արեան հետ. նա դրա արիւնը թող ցանի զոհասեղանի վրայ, քաւութեան դէմ յանդիման:
16. Նա այդ կերպ սրբարանը թող մաքրի իսրայէլացիների պղծութիւններից՝ նրանց կատարած անիրաւութիւններից ու գործած բոլոր մեղքերից: Նոյն կերպ թող վարուի իրենց աղտեղութեամբ պղծուած վկայութեան խորանի հետ:
17. Երբ Ահարոնը վկայութեան խորան մտնի եւ քաւութիւն անի, ոչ ոք վկայութեան խորանում չպետք է լինի, մինչեւ որ նա դուրս գայ: Նա քաւութիւն թող անի իր, իր ընտանիքի եւ Իսրայէլի ամբողջ ժողովրդի համար:
18. Այնուհետեւ նա թող դուրս գայ եւ գնայ դէպի Տիրոջ առաջ գտնուող զոհասեղանը եւ քաւութեան ծես կատարի դրա վրայ: Նա թող առնի զուարակի արիւնից ու նոխազի արիւնից եւ շուրջանակի թող քսի զոհասեղանի եղջիւրաւոր անկիւններին:
19. Նա այդ արիւնից իր մատով եօթն անգամ թող ցանի դրա վրայ եւ Իսրայէլի որդիների պղծութիւնից թող մաքրի այն ու սրբացնի:
20. Նա այսպիսով թող աւարտի վկայութեան խորանի ու զոհասեղանի

սրբագործութիւնը: Նա թող սրբագործի նաեւ քահանաներին: Նա թող մօտ բերի կենդանի նոխազը:

21. Ահարոնն իր ձեռքերը թող դնի կենդանի նոխազի գլխին, խոստովանի Իսրայէլի որդիների գործած բոլոր անօրէնութիւնները, նրանց բոլոր յանցանքներն ու բոլոր մեղքերը: Նա դրանք թող թափի կենդանի նոխազի գլխին եւ յարմար մի մարդու միջոցով այն ազատ արձակի դէպի անապատ:

22. Այս նոխազն իր վրայ պիտի վերցնի իսրայէլացիների գործած բոլոր մեղքերը անմարդաբնակ մի վայրում: Ահարոնն այդ նոխազը պիտի արձակի դէպի անապատ:

23. Ահարոնն այնուհետեւ պիտի մտնի վկայութեան խորանը, պիտի հանի կտաւէ պատմութեանը, որը հագել էր սրբարան մտնելու ժամանակ, եւ այն պիտի թողնի այնտեղ:

24. Նա սրբարանում իր մարմինը պիտի լուայ ջրով, հագնի իր պատմութեանը եւ, դուրս գալով, զոհաբերի իր ողջակէզն ու ժողովրդի ողջակէզը, որով նա քաւած պիտի լինի իր, իր ընտանիքի եւ ժողովրդի, ինչպէս նաեւ քահանաների գործած մեղքերը:

25. Մեղքերի քաւութեան համար զոհաբերուող կենդանիների ճարպը թող դնեն զոհասեղանի վրայ:

26. Մեղքերի քաւութեան համար նոխազն ազատ արձակողը թող լուանայ իր զգեստները, իր մարմինը լուայ ջրով եւ ապա մտնի բանակատեղի:

27. Մեղքերի քաւութեան համար զոհաբերուած զուարակն ու նոխազը, որոնց արիւնը քաւութիւն անելու համար բերուած էր սրբարան, պէտք է հանեն բանակատեղիից դուրս եւ ամբողջութեամբ՝ մորթով, մտով ու կղկղանքով այրեն:

28. Դրանք այրողն այնուհետեւ պէտք է լուանայ իր զգեստները, իր մարմինը լուայ ջրով եւ ապա մտնի բանակատեղի:

29. Սա ձեզ համար յաւիտենական օրէնք թող լինի. եօթներորդ ամսուայ տասներորդ օրը զրկանքի պիտի ենթարկեք ձեր մարմինը, այդ օրը ոչ մի գործ չպէտք է անեք: Դա վերաբերում է ե՛ւ տեղաբնակ իսրայէլացուն, ե՛ւ դրսից եկած ու ձեր մէջ բնակութիւն հաստատած պանդխտին:

30. Այդ օրը ձեզ համար մեղքերի քաւութեան օր պիտի լինի, որպէսզի Տիրոջ առաջ մաքրուէք ձեր գործած բոլոր մեղքերից. արդարեւ պիտի մաքրուէք,

31. որովհետեւ դա շաբաթների Շաբաթ է: Սա ձեզ համար պիտի լինի հանգստեան օր, եւ դուք զրկանքի պիտի ենթարկեք ձեր մարմինները: Դա յաւիտենական օրէնք է:

32. Մեղքերի քաւութիւն կարող է տալ այն քահանան, որին օծել են եւ որին իր հօրից յետոյ քահանայագործելու կարո՛ղ կը համարեն: Նա կը հագնի կտաւէ պատմութեանը՝ սուրբ պատմութեանը,

33. կը սրբագործի սրբութիւնների սրբութիւնը, վկայութեան խորանն ու զոհասեղանը, քաւութիւն կը տայ քահանաներին եւ ամբողջ իսրայէլացի ժողովրդին:

34. Իսրայէլի որդիների գործած բոլոր մեղքերի քաւութեան համար սա յաւիտենական օրէնք թող լինի ձեզ: Այդ արարողութիւնը տարին մէկ անգամ թող կատարուի, ինչպէս Տէրը հրամայեց Մովսէսին:



1. Տերը խօսեց Մովսէսի հետ ու ասաց.
2. Խօսի՛ր Ահարոնի, Նրա որդիների ու բոլոր իսրայելացիների հետ եւ ասա՛ նրանց. Տերը այս բանը պատուիրեց ձեզ ու ասաց.
3. Իսրայելացիներից որեւէ մէկը, եթէ բանակատեղիում արջառ, ոչխար կամ այծ կը մորթի եւ փրկութեան ողջակէզ անելու համար վկայութեան խորանի դուռը չի բերի այն իբրեւ Տիրոջն ընծայաբերուող անուշահոտ զոհ, նաեւ նա, որ դրսում կը մորթի
4. եւ Տիրոջ վկայութեան խորանի դիմաց Տիրոջը զոհ մատուցելու համար վկայութեան խորանի դուռը չի բերի, ապա այդ մարդը արիւնապարտ պիտի համարուի: Նա պիտի սպանուի իր ժողովրդի կողմից որպէս արիւն թափող մարդ:
5. եւ այս նրա համար, որ Իսրայելի որդիները իրենց զոհելիք անասունները դաշտում մորթելու փոխարէն բերեն Տիրոջ առաջ, վկայութեան խորանի դուռը, քահանայի մօտ, եւ դրանք մորթեն այստեղ որպէս Տիրոջը մատուցուելիք փրկութեան զոհ:
6. Քահանան արիւնը թող թափի զոհասեղանի շուրջը, Տիրոջ դիմաց, վկայութեան խորանի դռանը, ճարպը թող այրի իբրեւ Տիրոջն ընծայաբերուող անուշահոտ զոհ:
7. Նրանք այլեւս իրենց զոհերը թող չզոհաբերեն կուռքերին, որոնց հաւատալով մարդիկ պոռնկանում էին: Դա ձեզ ու ձեր սերունդների համար յաւիտենական օրէնք թող լինի:
8. Նրանց կ'ասես. Իսրայելի որդիներից կամ դրսից եկած ու ձեր մէջ բնակութիւն հաստատածներից որեւէ մէկը եթէ ողջակէզ կամ զոհ է մատուցում
9. եւ դա Տիրոջը զոհելու համար վկայութեան խորանի դուռը չի բերում, այդ մարդը թող վերացուի իր ժողովրդի կողմից:
10. Եթէ Իսրայելի որդիներից կամ դրսից եկած ու ձեր մէջ բնակութիւն հաստատածներից մէկը որեւէ կենդանու արիւն ուտի, ես իմ գայրացած հայեացքը կ'ուղղեմ արիւն ուտող այդ մարդու վրայ եւ նրան կը վերացնեմ իր ժողովրդի միջից,
11. որովհետեւ ամէն մի մարմնի շունչը իր արիւնն է: Այդ արիւնը ես եմ տուել ձեզ՝ զոհասեղանի վրայ քաւելու համար ձեր մեղքերը, որպէսզի նրա՛ արիւնով քաւուեն ձեր մեղքերը:
12. Դրա համար էլ Իսրայելի որդիներին ասել եմ. Ձեզնից ոչ ոք արիւն թող չուտի: Արիւն թող չուտի նաեւ դրսից եկած ու ձեր մէջ բնակութիւն հաստատած մարդը:
13. Իսրայելի որդիներից կամ դրսից եկած ու ձեր մէջ բնակութիւն հաստատած մէկը եթէ որեւէ երէ կամ ուտելի թռչուն որսայ, պէտք է թափի դրա արիւնն ու այն ծածկի հողով,
14. որովհետեւ ամէն մի մարմնի շունչը իր արիւնն է: Ես Իսրայելի որդիներին ասել եմ. Ոչ մի մարմնի արիւն չուտեք, որովհետեւ ամէն մի մարմնի շունչը իր արիւնն է: Ով որ ուտի դա, կը վերանայ:
15. Ով մեռելոտի կամ գազանից յօշոտուած կենդանու միս ուտի, լինի նա տեղաբնակ թէ եկուոր, պէտք է լուանայ իր զգեստները, լուայ իր մարմինը: Նա անմաքուր է համարւում մինչեւ երեկոյ: Միայն դրանից յետոյ նա մաքուր կը համարուի:
16. Իսկ եթէ նա իր զգեստները չլուանայ եւ իր մարմինը չլուայ ջրով, ապա իր կատարած անօրէնութիւնների համար պատասխանատու կը լինի:

1. Տէրը խօսեց Մովսէսի հետ ու ասաց.
2. Խօսի՛ր Իսրայէլի որդիների հետ ու նրանց ասա՛. Ես եմ ձեր Տէր Աստուածը:
3. Մի՛ արեք այն, ինչ արեցիք Եգիպտացիների երկրում, որտեղ պանդուխտ էիք: Մի՛ արեք այն, ինչ արեցիք նաեւ Քանանացիների երկրում, ուր ձեզ տանելու եմ, եւ նրանց օրէնքներով մի՛ առաջնորդուէք:
4. Կը կատարեք իմ պատգամները եւ կը պահպանեք իմ հրամանները. դրանցով կ'առաջնորդուէք: Ես եմ ձեր Տէր Աստուածը:
5. Պիտի պահպանեք իմ բոլոր հրամաններն ու իմ բոլոր պատգամները. պիտի կատարեք դրանք: Դրանք կատարող մարդը միայն պիտի փրկուի դրանցով: Ես եմ ձեր Տէր Աստուածը:
6. Որեւէ մէկն իր արիւնակից հարազատին թող չմօտենայ նրա ամօթոյքը բանալու նպատակով, որովհետեւ ես եմ Տէրը:
7. Թո՛ւ հօր ամօթոյքը կամ քո մօր ամօթոյքը չբանաս, որովհետեւ նա քո մայրն է: Նրա ամօթոյքը չբանաս:
8. Թո՛ւ հօր կնոջ ամօթոյքը չբանաս, որովհետեւ դա նաեւ քո հօր ամօթոյքն է:
9. Թո՛ւ հօրից կամ մօրից ծնուած, քո տան մէջ կամ դրսում ծնուած քրոջդ ամօթոյքը չբանաս:
10. Թո՛ւ որդու աղջկայ ամօթոյքը կամ քո աղջիկ թոռան ամօթոյքը չբանաս, որովհետեւ դա նաեւ քո՛ ամօթոյքն է:
11. Թո՛ւ հօր կնոջ դստեր ամօթոյքը չբանաս, որովհետեւ նա նոյն հօրից ծնուած քո քոյրն է: Նրա ամօթոյքը չբանաս:
12. Թո՛ւ հօրաքրոջ ամօթոյքը չբանաս, որովհետեւ նա քո արիւնակից հարազատն է:
13. Թո՛ւ մօրաքրոջ ամօթոյքը չբանաս, որովհետեւ նա քո մօր արիւնակից հարազատն է:
14. Թո՛ւ հօրեղբօր ամօթոյքը չբանաս եւ նրա կնոջը չմերձենաս, որովհետեւ նա քո ազգականն է:
15. Թո՛ւ հարսի ամօթոյքը չբանաս, որովհետեւ նա քո որդու կինն է. նրա ամօթոյքը չբանաս: Նրա որդու աղջկայ կամ աղջիկ թոռան հետ չամուսնանաս, որպէսզի չբանաս նրանց ամօթոյքը, որովհետեւ նրանք քո արիւնակից հարազատներն են: Դա ամբարշտութիւն է:
16. Թո՛ւ եղբօր կնոջ ամօթոյքը չբանաս, որովհետեւ նրա ամօթոյքը քո եղբօրն է պատկանում:
17. Նրա կնոջ եւ դստեր ամօթոյքը չբանաս: Նրա որդու աղջկայ եւ նրա աղջիկ թոռան հետ չամուսնանաս, որպէսզի չբանաս նրանց ամօթոյքը. նրանք քո արիւնակից հարազատներն են: Դա ամբարշտութիւն է:
18. Թննուդ հետ չամուսնանաս, քանի դեռ կ'ինդ ողջ է, որովհետեւ մէկի ներկայութեամբ միւսի ամօթոյքը բանալով՝ խանդ կ'առաջացնես:
19. Դաշտանի մէջ գտնուող կնոջ ամօթոյքը բանալով՝ նրա հետ չպառկես:
20. Թո՛ւ ընկերոջ կնոջ հետ մի՛ պառկիր, որպէսզի նրա հետ չպղծուես:
21. Թո՛ւ սերնդից ոչ մէկին օտար իշխանի ծառայութեանը չյանձնես եւ դրանով իմ անունը չպղծես, քանզի ես եմ Տէրը:
22. Այր մարդու հետ չպառկես, ինչպէս պառկում ես կնոջ հետ, որովհետեւ դա պղծութիւն է:
23. Ոչ մի անասունի հետ չխառնակուես՝ պղծուելով նրա հետ: Կինը որեւէ անասունի առաջ չկանգնի՝ նրա հետ մերձենալու մտադրութեամբ. դա գարշելի է:
24. Այս ամէն տեսակ անմաքուր արարքներով մի՛ պղծուէք, որովհետեւ նման արարքներով պղծուած ժողովուրդներին ես ձեր առջեւից պիտի վանեմ:
25. Նրանց պատճառով երկիրը գարշելի դարձաւ, ես վեր հանեցի նրա անօրէնութիւնները, եւ երկիրը զգուեց իր բնակիչներից:
26. Պահպանեցէ՛ք իմ օրէնքներն ու իմ բոլոր պատգամները: Ո՛չ տեղաբնակը, ո՛չ դրսից

եկած ու ձեր մէջ բնակութիւն հաստատած պանդուխտը չպետք է կատարի այդ բոլոր պղծութիւնները,

27. որովհետեւ այդ բոլոր պղծութիւնները կատարեցին ձեզնից առաջ այստեղ ապրած մարդիկ, եւ երկիրը պղծուեց:

28. Խուսափեցէ՛ք նրանց կատարած պիղծ արարքներից, որպեսզի երկիրը ձեր գործած արարքների համար ձեզնից նողկանք չգգայ, ինչպես որ նողկանք գգաց ձեզնից առաջ այստեղ ապրած սերունդներից:

29. Ով որ կատարի նման պիղծ արարքներ, նա կը վերանայ իր ժողովրդի միջից:

30. Կատարեցէ՛ք իմ պահանջները, որպեսզի չկատարեք այն բոլոր օրինազանցութիւնները, որ ձեզնից առաջ կատարուել են այստեղ, եւ մի՛ պղծուէք դրանցով, քանզի ես եմ ձեր Տէր Աստուածը:

1. Տերը խօսեց Մովսէսի հետ ու ասաց.
2. Խօսի՛ր Իսրայէլի որդիների հետ եւ նրանց ասա՛. Սո՛ւրբ եղէք, քանզի ես՝ ձեր Տեր Աստուածը, սուրբ եմ:
3. Թող իւրաքանչիւրդ ակնածի իր հօրից ու իր մօրից: Պահեցէ՛ք իմ շաբաթ օրերը, քանզի ես եմ ձեր Տեր Աստուածը:
4. Մի՛ հետեւէք կուռքերին եւ ձեզ համար ծուլածոյ աստուածներ մի՛ կերտէք: Ես եմ ձեր Տեր Աստուածը:
5. Եթէ ձեր փրկութեան համար Տիրոջը զոհ մատուցէք, ընդունելի՛ն մատուցեցէք:
6. Չոհը պէտք է ուտուի զոհամատուցման օրն ու յաջորդ օրը, եւ եթէ որեւէ բան մնայ երրորդ օրուան, այն կրակով պէտք է այրուի:
7. Իսկ եթէ մէկն ուտի երրորդ օրը, այն զոհամատուցում չի լինի եւ ընդունելի չի համարուի:
8. Ով երրորդ օրը ուտի այն, մեղք գործած կը լինի, որովհետեւ Տիրոջ սրբութիւնն է պղծած լինում: Իրենց ժողովրդի միջից թող վերանան նրանք, ովքեր կ'ուտեն այդ օրը:
9. Դուք՝ ձեր դաշտերի հնձուորներդ, հունձ անելիս ձեր դաշտերը մինչեւ վերջ մի՛ հնձէք եւ հնձի ժամանակ ընկած հասկերը մի՛ հաւաքէք:
10. Ձեր այգում ճռաքաղ մի՛ արէք, եւ ոչ էլ այգեկութից յետոյ ձեր այգում մնացած խաղողի ողկոյզները հաւաքէք: Դրանք թող մնան տնանկին ու պանդխտին: Ես եմ ձեր Տեր Աստուածը:
11. Մի՛ գողացէք, մի՛ ստէք, ոչ մէկն իր ընկերոջը թող չգրպարտի:
12. Իմ անունով սուտ երդում մի՛ տուէք եւ ձեր Տեր Աստծու անունը մի՛ պղծէք: Ես եմ ձեր Տեր Աստուածը:
13. Քո ընկերոջը մի՛ գրկիր իր իրաւունքից եւ նրա ունեցածը մի՛ յափշտակիր: Վարձկանի վարձը մինչեւ յաջորդ առաւօտ թող քեզ մօտ չմնայ:
14. Համրին մի՛ վիրաւորիր, կոյրի ոտքերի առջեւ խոչ ու խուփ մի՛ դիր: Երկնչի՛ր քո Տեր Աստծուց, քանզի ես եմ քո Տեր Աստուածը:
15. Դատ դատաստանի ժամանակ անիրաւութիւն մի՛ արա, աղքատի հանդէպ աչառութիւն մի՛ արա, հարուստին մի՛ շողոքորթիր: Արդա՛ր դատիր քո ընկերոջը:
16. Քո ազգակիցների հանդէպ նենգութիւն չգործես եւ քո ընկերոջ արեան թափուելուն պատճառ չդառնաս: Ես եմ ձեր Տեր Աստուածը:
17. Քո հոգում եղբօրդ չատես: Խստագոյնս յանդիմանի՛ր քո ընկերոջը, որպէսզի նրա պատճառով մեղքեր չգործես:
18. Վրէժխնդիր մի՛ լինիր եւ քո ժողովրդի դէմ ոխ մի՛ ունեցիր: Պիտի սիրես քո ընկերոջը՝ ինչպէս ինքդ քեզ, քանզի ես եմ Տերը:
19. Պիտի պահպանէք իմ այս օրէնքները. Զթողես, որ քո անասունը այլ տեսակի անասունի հետ խառնակուի: Քո այգում տարբեր սերմեր մի՛ ցանիր: Երկու տարբեր նիւթերից գործուած զարշէլի զգեստներ մի՛ հագիր:
20. Եթէ մի տղամարդ կենակցի մի անազատ կնոջ հետ, որը փրկագնով չի փրկագնուած եւ նրան ազատութիւն չի շնորհուած, եւ որը նախատեսուած է եղել մէկ այլ տղամարդու համար, ապա երկուսն էլ պէտք է հարցաքննուեն, բայց մահուան չպիտի դատապարտուեն, քանի որ կինն անազատ է:
21. Տղամարդը, իր գործած յանցանքը քաւելու համար, վկայութեան խորանի դռան առաջ մեղքերի քաւութեան խոյ պիտի մատուցի Տիրոջը:
22. Քահանան յանցանքների քաւութեան խոյը պիտի զոհաբերի Տիրոջ առաջ՝ որպէս քաւութիւն նրա կատարած մեղքերի, եւ թողութիւն պիտի տայ նրա կատարած մեղքերին:
23. Երբ մտնէք այն երկիրը, որ Տեր Աստուած տալու է ձեզ, ամեն տեսակի պտղատու ծառեր տնկեցէ՛ք եւ նրա անմաքրութիւնը մաքրեցէ՛ք: Առաջին երեք տարիների բերքը թող անմաքուր լինի ձեզ համար, եւ այն չուտէք:

24. Չորրորդ տարում նրա բոլոր պտուղները պիտի սրբագործուեն Տիրոջ օրհնութեան համար:
25. Հինգերորդ տարում կ'ուտէք դրա պտուղը: Այդ տարուց սկսած կարող էք դրա բերքը ուտել եւ պահեստաւորել:
26. Ես եմ ձեր Տէր Աստուածը: Լեռների վրայ մի կերէ՛ք: Կախարդութեամբ մի՛ զբաղուէք: Գուշակութիւններ մի՛ արէք թռչունների թռիչքները դիտելով:
27. Ձեր գլխի մազերը մի՛ հիւսէք եւ ձեր մօրուքին ձեւ մի՛ տուէք:
28. Մահացած որեւէ մէկի յիշատակի համար ձեր մարմնի վրայ կտրուածքներ մի՛ արէք: Ձեր մարմնի վրայ դաջուածքներ մի՛ արէք:
29. Ես եմ ձեր Տէր Աստուածը: Մի՛ պղծիր քո դասերը՝ նրան պոռնկացնելով, որպէսզի երկիրը պոռնկութեան մէջ չընկնի ու անօրէնութեամբ չլցուի:
30. Իմ շաբաթ օրերը կը պահէք եւ իմ սրբարանին երկիւղածութեամբ կը մօտենաք, քանզի ես եմ Տէրը:
31. Վիճակներին մի՛ հետեւէք եւ ոգեմանների հետ մի՛ առնչուէք, որպէսզի նրանցով չպղծուէք:
32. Ես եմ ձեր Տէր Աստուածը: Ալեհեր մարդկանց առաջ ոտքի կը կանգնէք եւ կը պատուէք ծերերին: Պիտի երկնչես քո Աստծուց: Ես եմ քո Տէր Աստուածը:
33. Եթէ ձեր երկրում օտարական հաստատուի, նրան չնեղէք:
34. Ձեր երկրի տեղաբնակի պէս ընդունեցէ՛ք նրան, եւ եկուորը թող բնակուի ձեզ մօտ: Նրան սիրի՛ր քո անձի պէս, որովհետեւ դուք էլ պանդուխտ եղաք Եգիպտացիների երկրում: Ես եմ ձեր Տէր Աստուածը:
35. Դատ դատաստանի ժամանակ որեւէ մէկի հանդէպ անիրաւութիւն մի՛ արէք: Անիրաւութիւն մի՛ արէք նաեւ չափելու, կշռաքարերի ու կշռելու մէջ:
36. Կշեռքները ճիշտ պէտք է լինեն, կշռաքարերը՝ ճշգրիտ, չափամասները՝ ճշգրիտ, հեղուկաչափը՝ ճշգրիտ: Ես եմ ձեր Տէր Աստուածը, որ ձեզ հանեց Եգիպտացիների երկրից:
37. Կը պահպանէք իմ բոլոր օրէնքները, իմ բոլոր հրամանները. դրանք կը կատարէք, քանզի ես եմ Տէր Աստուածը:

1. Տերը խօսեց Մովսէսի հետ ու ասաց.
2. Խօսի՛ր Իսրայէլի որդիների հետ ու նրանց ասա՛. Եթէ որեւէ իսրայէլացի կամ իսրայէլացիների մէջ բնակութիւն հաստատած որեւէ պանդուխտ իր զաւակներից որեւէ մէկին ծառայութեան տայ կռապաշտ իշխանի, նա պետք է մահապատժի ենթարկուի: Այդ երկրի մարդիկ թող քարկոծեն նրան:
3. Ես իմ հայեացքը կը սեւեռեմ նրա վրայ եւ նրան կը վերացնեմ իմ ժողովրդի միջից, քանի որ նա իր զաւակներից մէկին կռապաշտ իշխանի ծառայութեանը յանձնելով՝ պղծել է իմ սրբարանը եւ անարգել իմ սուրբ անունը:
4. Եթէ տեղացի բնակիչները անուշադրութեան մատնեն իր զաւակներից որեւէ մէկին կռապաշտ իշխանի ծառայութեանը յանձնած մարդու արարքն ու չսպանեն նրան,
5. ապա ես իմ հայեացքը կը սեւեռեմ այդ մարդու եւ նրա ցեղի վրայ, իր ժողովրդի միջից կը վերացնեմ նրան ու նրա հետ բոլոր միաբանածներին, ովքեր կռապաշտ իշխանի հետ պռնկանալու պատճառ դարձան:
6. Վիուկներին ու ոգեմաներին հետեւելով՝ նրանց հետ պռնկացող մարդկանց պիտի հետապնդեմ ու վերացնեմ նրանց իրենց ժողովրդի միջից:
7. Սրբագործուեցէ՛ք ու սո՛ւրբ եղէք, քանզի ես՝ ձեր Տէր Աստուածը, սուրբ եմ:
8. Պահպանեցէ՛ք ու կատարեցէ՛ք իմ հրամանները: Ես ձեզ սրբագործող Տէր Աստուածն եմ:
9. Եթէ որեւէ մէկը անիծի իր հօրը կամ իր մօրը, նա մահապատժի թող ենթարկուի: Եթէ նա բամբասել է իր հօրը կամ իր մօրը, մահապարտ է:
10. Եթէ որեւէ տղամարդ շնանայ ամուսնացած մի կնոջ կամ իր ընկերոջ կնոջ հետ, մահապատժի թող ենթարկուեն ե՛ւ շնացողը, ե՛ւ շնացեալը:
11. Այն տղամարդը, որ կը պառկի իր հօր կնոջ հետ, ուրեմն նա բացած է լինում իր հօրը ամօթոյքը: Երկուսն էլ թող մահուան դատապարտուեն, քանի որ նրանք ամբարշտացել են եւ մահապարտ են:
12. Եթէ որեւէ մէկը պառկի իր հարսի հետ, թող երկուսն էլ մահուան դատապարտուեն, քանի որ նրանք ամբարշտացել են եւ մահապարտ են:
13. Եթէ որեւէ տղամարդ մի այլ տղամարդու հետ պառկի, ինչպէս կնոջ հետ, նրանք պղծութիւն գործած կը լինեն: Երկուսն էլ մահուան թող դատապարտուեն, որովհետեւ մահապարտ են:
14. Եթէ որեւէ տղամարդ կին առնի մի աղջկայ ու նրա մօրը, դա անօրէնութիւն է: Կրակի մէջ թող այրուեն նա եւ աղջիկն ու նրա մայրը, որպէսզի ձեր մէջ անօրէնութիւն չլինի:
15. Կենդանու հետ կենակցող տղամարդը թող մահապատժի ենթարկուի, իսկ կենդանուն պետք է սատկեցնել:
16. Խառնակուելու նպատակով որեւէ կենդանու մերձեցող կնոջն ու կենդանուն սպանեցէ՛ք: Նրանք թող սպանուեն, քանի որ մահապարտ են:
17. Եթէ տղամարդն ամուսնանայ իր հօրից կամ մօրից ծնուած խորթ քրոջ հետ եւ տեսնի նրա ամօթոյքը, իսկ խորթ քոյրն էլ տեսնի նրա ամօթոյքը, ապա դա նախատիքն է. նրանք պետք է վերանան իրենց ժողովրդի միջից, որովհետեւ նա իր խորթ քրոջ ամօթոյքն է բացած լինում: Նրանք պիտի ընդունեն իրենց մեղքերի հատուցումը:
18. Եթէ տղամարդը պառկի դաշտանի մէջ գտնուող կնոջ հետ եւ բանայ նրա ամօթոյքը, քանի որ բացել է նրա արեան աղբիւրը, իսկ սա էլ նրան ցոյց է տուել իր արեան աղբիւրը, ուրեմն երկուսն էլ թող վերանան իրենց ժողովրդի միջից:
19. Քո հօրաքրոջ եւ մօրաքրոջ ամօթոյքը չբանաս, որովհետեւ բացած ես լինում մերձաւորներիդ ամօթոյքները: Նրանք իրենց գործած մեղքի համար պատիժ թող կրեն եւ անժառանգ մեռնեն:
20. Եթէ որեւէ տղամարդ պառկի իր քեռու կնոջ հետ, ուրեմն նա բացած է լինում իր քեռուն պատկանող ամօթոյքը: Նրանք իրենց գործած մեղքի համար պատիժ թող կրեն եւ անժառանգ մեռնեն:

21. Եթե որեւէ տղամարդ պառկի իր եղբոր կնոջ հետ, դա պղծութիւն է. նա բացած է լինում իր եղբորը պատկանող ամօթոյքը, ուրեմն նրանք անժառանգ թող մեռնեն:
22. Կը պահպանէք իմ բոլոր հրամաններն ու իմ բոլոր պատուիրանները եւ կը կատարէք դրանք: Թող ձեզ չմերժի այն երկիրը, ուր ես տանելու եմ ձեզ՝ այնտեղ բնակուելու համար:
23. Մի՛ հետեւէք այն ժողովուրդների օրէնքներին, որոնց ես վանելու եմ ձեր միջից, որովհետեւ նրանք կատարեցին բոլոր այդ վատ արարքները, եւ ես նողկանք զգացի նրանց հանդէպ:
24. Ես ձեզ ասացի. Դուք կը ժառանգէք այդ երկիրը, եւ ես ձեզ այն կը տամ իբրեւ սեփականութիւն, մի երկիր, ուր կաթ ու մեղր է հոսում: Ես եմ ձեր Տէր Աստուածը, որ ձեզ առանձնացրեց բոլոր ժողովուրդներից:
25. Ինքներդ տարբերակեցէք մաքուր եւ անմաքուր անասունները, մաքուր եւ անմաքուր թռչունները, ձեզ մի՛ պղծէք անմաքուր անասուններով, թռչուններով ու երկրի ամէն տեսակ սողուններով, որոնց ես առանձնացրել եմ ձեզ համար իբրեւ անմաքուրների:
26. Ինձ համար սուրբ եղէք, որովհետեւ ես՝ ձեր Տէր Աստուածը, սուրբ եմ: Ես ձեզ առանձնացրի բոլոր ժողովուրդներից, որպէսզի իմը լինէք:
27. Եթե որեւէ տղամարդ կամ կին վիճակ կամ ոգեւմայ լինի, թող մահապատժի ենթարկուի. թող նրանց քարկոծեն, որովհետեւ մահապարտ են:

1. Տերը խօսեց Մովսէսի հետ ու ասաց. Խօսի՛ր Ահարոնի որդիներին՝ քահանաների հետ եւ նրանց ասա՛. Թող նրանք անմաքուր չհամարուեն իրենց ազգականի, բարեկամի կամ իրենց հարեանի դիակներին դիպչելով՝
2. բացառութեամբ երբ կը դիպչեն իւր կամ մօր, որդու կամ աղջկայ, եղբօր կամ քրոջ, չամուսնացած եւ իրենց մօտ ապրող քրոջ դիակներին: Եթէ սրանց դիպչեն, անմաքուր կը համարուեն:
3. Քահանան գլխաւոր դէմք լինելով՝ թող անմաքուր չլինի չթոյլատրուող դիակի դիպչելով:
4. Քահանաները ի նշան սգի իրենց գլուխը թող չածիլեն, մօրուքների ծայրերը չկտրեն եւ իրենց մարմնի վրայ դաջուածքներ չանեն:
5. Թող սուրբ լինեն իրենց Աստծու առաջ եւ չարատաւորեն իրենց Աստծու անունը, որովհետեւ իրենք՝ քահանաներն են, որ զոհ են մատուցում իրենց Տէր Աստծուն: Նրանք սուրբ պետք է լինեն:
6. Քահանաները պոռնիկ կամ պղծուած կին չպետք է առնեն: Չպետք է առնեն նաեւ ամուսնուց բաժանուած կին, որովհետեւ քահանան սուրբ պետք է լինի իր Տէր Աստծու համար եւ պիտի մաքրի իրեն:
7. Սրբագործուած քահանան է, որ պիտի մատուցի ձեր Տէր Աստծու պատարագը: Նա սուրբ պետք է լինի, քանզի ես՝ Տէրս, որ սրբագործում եմ քահանաներին, սուրբ եմ:
8. Եթէ քահանայի դուստրը պոռնկութեամբ պղծուի, նա արատաւորած կը լինի իր իւր անունը. նա պետք է հրով այրուի:
9. Գլխին օծութեան իւղ ունեցող, պատմունճան հագնելու արժանացած եւ իր եղբայրների մէջ աւագ եղող քահանան ի նշան սգոյ գլխարկը թող չհանի, իր հագուստները չպատառոտի,
10. վախճանուած մարդուն չդիպչի, - եթէ նոյնիսկ դա իր հայրը կամ մայրն է, - եւ իրեն չպղծի:
11. Յուդարկաւորութեանը մասնակցելու համար սրբարաններից թող դուրս չգայ, որպէսզի իր Աստծու սրբարանը չպղծի, որովհետեւ նա իր վրայ կրում է Աստծու օծութեան սուրբ իւղը: Այո՛, ես եմ Տէրը:
12. Աւագ քահանան իր ժողովրդի միջից կոյս աղջիկ պիտի առնի:
13. Այրի, ամուսնալուծուած կամ պոռնիկ կին չպիտի առնի, այլ իր ժողովրդի միջից մի կոյս աղջիկ պիտի առնի որպէս կին:
14. Նա իր սերմը չպիտի պղծի իր ժողովրդի մէջ, որովհետեւ ես եմ Տէրը, որ սրբագործում եմ նրան:
15. Տերը խօսեց Մովսէսի հետ ու ասաց ասաց.
16. Խօսի՛ր Ահարոնի հետ եւ նրան ասա՛. Եթէ քո գալիք սերունդներից որեւէ մէկը մարմնական արատ ունենայ, ուրեմն իր Աստծուն նա թող պատարագ չմատուցի:
17. Արատ ունեցող որեւէ մարդ, լինի նա կաղ կամ կոյր, կարճ քթով կամ ականջատ,
18. ձեռքը կամ ոտքը կտրած,
19. կուզ կամ շիլ, աչքը վնասուած, քոս, քաղցկեղ կամ մէկ ամորձիք ունեցող,
20. մի խօսքով՝ Ահարոն քահանայի սերնդի մէջ մարմնական արատ ունեցող որեւէ մարդ թող չմօտենայ քո Աստծուն զոհ մատուցելու, որովհետեւ նա մարմնական արատ ունի: Աստծուն զոհ մատուցելու համար նա չպետք է մօտենայ զոհասեղանին, որովհետեւ Աստծու ընծաները սրբութիւն սրբոց են:
21. Այդ սրբութիւններից նա կարող է ուտել,
22. բայց վարագոյրին թող չմօտենայ եւ զոհասեղանին չդիպչի, որովհետեւ նա մարմնական արատ ունի: Իր Աստծու սրբարանը նա չպետք է պղծի, քանզի ես եմ Տէրը, որ սրբագործում եմ քահանաներին:
23. Մովսէսը Ահարոնին, նրա որդիներին ու բոլոր իսրայէլացիներին հաղորդեց Աստծու այս պատգամները:





1. Տերը խօսեց Մովսէսի հետ ու ասաց.
2. Ահարոնին ու Նրա որդիներին ասա՛, որ զգուշութեամբ վարուեն իսրայելացիների ինձ մատուցած սրբութիւնների հետ, որպէսզի իրենց մատուցած զոհերով չարատաւորեն իմ սուրբ անունը, քանզի ես եմ Տերը:
3. Նրանց կ'ասես. Ձեր յետնորդներից մի մարդ, ինչ սերնդի էլ պատկանի, եթէ անմաքուր վիճակում մօտենայ վկայութեան խորանին, որպէսզի զոհ մատուցի այն, ինչ իսրայելացիներն են մատուցում Տիրոջը, ապա ես Նրան կ'ոչնչացնեմ, քանզի ես եմ Տերը:
4. Եթէ Ահարոն քահանայի որդիներից մէկը բորոտ է կամ սերմնահոսութիւն ունի, իրաւունք չունի զոհաբերութիւնների մօտ ուտելու, մինչեւ որ չմաքուրի: Ով որ դիպչի մեռելից պղծուած որեւէ բանի, ով որ առնական սերմի կորուստ ունենայ,
5. ով որ մօտենայ մի պիղծ սողունի կամ մի մարդու, որը պղծուած է ամէն տեսակ պղծութիւններով,
6. ով որ դիպչի դրանց, թող անմաքուր համարուի մինչեւ երեկոյ: Նա մատուցուած զոհաբերութիւններից չպետք է ուտի, մինչեւ որ իր մարմինը չլուայ ջրով:
7. Արեւը մայր մտնելուց յետոյ Նա մաքուր թող համարուի եւ դրանից յետոյ միայն Նա կարող է ուտել մատուցուած սրբութիւններից, որովհետեւ դա է Նրա ուտելիքը:
8. Քահանան սատկած կամ գազանից յօշոտուած կենդանու միս չպետք է ուտի, որպէսզի անմաքուր չդառնայ: Ես եմ Տերը:
9. Նրանք պետք է կատարեն իմ կարգադրութիւնները, որպէսզի մեղք գործած չլինեն եւ իմ պատգամները զանց առնելու պատճառով մահապատժի չենթարկուեն: Ես եմ քահանաներին սրբագործող Տերը:
10. Որեւէ օտարազգի այդ սրբագործուած ուտելիքից չպետք է ուտի: Ո՛չ քահանայի մօտ եկած պանդուխտը, ո՛չ էլ վարձկանը այդ սրբագործուած ուտելիքից չպետք է ուտեն:
11. Իսկ եթէ քահանան դրամով մարդ է գնել, այդ մարդը կարող է ուտել այդ ուտելիքից: Նրա աղախիւններից ծնուածները եւս կարող են ուտել Նրա ուտելիքից:
12. Եթէ քահանայի դուստրը ամուսնանայ քահանայական ընտանիքից չսերած մի տղամարդու հետ, ապա Նա չի կարող ուտել սրբութիւններից:
13. Իսկ եթէ քահանայի դուստրը այրիանայ կամ ամուսնալուծուած լինի եւ առանց զաւակ ունենալու վերադառնայ հայրական տունը, ապա, ինչպէս իր մանկութեան օրերին, կարող է ուտել իր հօր ուտելիքներից: Քահանայական ընտանիքին չպատկանող մարդը իրաւունք չունի դրանից ուտելու:
14. Եթէ որեւէ մէկն անգիտակցաբար ուտի սրբութիւններից, թող իր կերածի արժեքի վրայ աւելացնի դրա մէկ հինգերորդը եւ վերադարձնի քահանային:
15. Թող Նրանք չպղծեն այն սրբութիւնների սրբութիւնները, որ Իսրայելի որդիներն առանձնացրել են Տիրոջ համար:
16. Նրանք սրբութիւնների սրբութիւնն ուտելով՝ իրենց վրայ բերում են մեղքեր ու յանցանքներ: Ես եմ դրանք սրբագործող Տերը:
17. Տերը խօսեց Մովսէսի հետ ու ասաց.
18. Խօսի՛ր Ահարոնի, Նրա որդիների ու իսրայելացի ամբողջ ժողովրդի հետ եւ ասա՛ Նրանց. Եթէ Իսրայելի որդիներից կամ իսրայելացիների մէջ բնակութիւն հաստատած եկուորներից մէկը ըստ իր ուխտի կամ ըստ իր ցանկութեան բերի իր նուէրը, որ պիտի մատուցուի Տիրոջը որպէս ողջակէզ,
19. ապա դա թող ընդունելի լինի ձեր կողմից, եթէ այն նախրից բերուած արու եւ ոչ արատաւոր արջառ է, ոչխար կամ այծ:
20. Արատաւոր անասուն չմատուցէք Տիրոջը, որովհետեւ ձեր արածը ընդունելի չի լինի:
21. Եթէ որեւէ մէկը Տիրոջը փրկութեան զոհ մատուցի ըստ իր ուխտի կամ ըստ իր ցանկութեան, լինի դա արուած ուխտ թէ կամաւոր զոհաբերութիւն եւ կամ տօնի առթիւ արուած զոհաբերութիւն, ապա արջառների կամ ոչխարների նախրից բերուած կենդանին ընդունելի կը լինի, եթէ այն արատաւոր չէ: Այն ոչ մի արատ չպետք է ունենայ:

22. Կոյր, կադ, ջարդուածք ունեցող, լեզուն կտրած կամ ուռուցք ունեցող, քոստ կամ քոր ունեցող անասուն թող չմատուցեն Տիրոջը. դրանցից Տիրոջ զոհասեղանին ողջակէզ չբերէք:
23. Ականջը կտրած կամ պոչատ արջառն ու ոչխարը կարող ես իբրեւ կամաւոր ընծայ մորթել, բայց դա քո արած ուխտի համար ընդունելի չէ:
24. Ամորձիքը ճմլուած, ճզմուած, կռտած կամ կտրած կենդանին Տիրոջը չմատուցէք եւ ձեր բնական երկրում նման բաներ չանէք:
25. Այլազգի մարդուց նման կենդանիներ չառնէք ձեր Աստծուն զոհաբերելու համար, որովհետեւ դրանք թերութիւններ եւ արատներ ունեն: Ձեր կողմից արուած այդ զոհերը ընդունելի չեն լինի ինձ համար:
26. Տէրը խօսեց Մովսէսի հետ ու ասաց.
27. Նորածին հորթը, գառը կամ ուլը եօթը օր պէտք է մնայ մօր մօտ: Ութերորդ օրից սկսած եւ դրանից յետոյ այն կարող է ընդունելի լինել՝ Տիրոջը զոհաբերուելու համար:
28. Կովը, ոչխարը եւ դրանցից ծնուածները միեւնոյն օրը մի՛ մորթէք:
29. Եթէ Տիրոջը գոհութեան զոհ ես մատուցում, ապա այն մատուցի՛ր այնպէս, որ քո զոհածը ընդունելի լինի:
30. Չոհի միսը պէտք է ուտուի նոյն օրը. այդ մսից յաջորդ օրուան չթողնէք: Ես եմ Տէրը:
31. Կը պահպանէք իմ պատուիրանները եւ կը կատարէք դրանք, քանզի ես եմ Տէրը:
32. Իմ սուրբ անունը մի՛ արատաւորէք, քանզի ես եմ Տէրը: Ես սուրբ կը լինեմ Իսրայէլի որդիների մէջ: Ես եմ ձեզ սրբագործող Տէրը,
33. որ ձեզ հանեց Եգիպտացիների երկրից, որպէսզի ձեր Աստուածը լինի: Ես եմ Տէրը:

1. Տերը խօսեց Մովսէսի հետ ու ասաց.
2. Խօսի՛ր Իսրայէլի որդիների հետ եւ նրանց ասա՛. Տիրոջը նուիրուած այն տօները, որ սուրբ պիտի կոչէք, հետեւեալներն են.
3. Վեց օր պիտի աշխատես, իսկ եօթներորդ՝ շաբաթ օրը հանգստեան օր է եւ սուրբ՝ Տիրոջը նուիրուած: Այդ օրը ոչ մի աշխատանք չէք կատարի, որովհետեւ այն Տիրոջը նուիրուած շաբաթ օրն է, երբ հանգստանում են բոլոր տներում:
4. Տիրոջը նուիրուած տօները, որոնք սուրբ են հռչակուած եւ որոնք պիտի նշէք, հետեւեալներն են.
5. Առաջին ամսի տասնչորսերորդ օրուայ երեկոյեան Տիրոջ Չատիկն է:
6. Նոյն ամսի տասնհինգերորդ օրը Տիրոջը նուիրուած Բաղարջակերաց տօնն է. եօթը օր բաղարջ հաց պիտի ուտէք:
7. Նշուած առաջին օրը ձեզ համար սուրբ է: Ոչ մի առտնին գործ չպիտի անէք:
8. Եօթը օր ողջակէզներ պիտի մատուցէք Տիրոջը, իսկ եօթներորդ օրը սուրբ պէտք է լինի ձեզ համար: Ոչ մի առտնին գործ չպիտի անէք:
9. Տերը խօսեց Մովսէսի հետ ու ասաց.
10. Խօսի՛ր Իսրայէլի որդիների հետ եւ նրանց ասա՛. Երբ կը մտնէք այն երկիրը, որ ես տալու եմ ձեզ, եւ կը հնծէք նրա հովածը, առաջին խուրճը՝ ձեր հնձի բերքը, կը բերէք քահանային:
11. Նա խուրճը պէտք է ընծայաբերի Տիրոջը իբրեւ ձեր կողմից արուած ընդունելի նուէր:
12. Քահանան այն պէտք է ընծայաբերի շաբաթին յաջորդող առաջին օրուայ առաւօտեան:
13. Խուրճը ընծայաբերելու օրը նաեւ մէկ տարեկան ոչ արատաւոր ոչխար պէտք է ողջակիզէք Տիրոջ համար:
14. Նաեւ զոհաբերուածը՝ իւղով հոնցուած երկու տասներորդ գրիւ ընտիր ալիւր պիտի մատուցէք: Դա Տիրոջը մատուցուող զոհաբերութիւն է՝ Տիրոջն ընծայաբերուող անուշահոտ զոհ: Իբրեւ նուէր՝ նաեւ մէկ քառորդ դորակ գինի:
15. Մինչեւ այդ նուէրները ձեր Աստծուն չընծայէք, բաղարջ կարկանդակ, աղացած աղանձ չուտէք: Դա յաւիտենական օրէնք թող լինի ձեր սերունդների մէջ, ձեր բոլոր տներում:
16. Հաշուեցէ՛ք. ուխտի խուրճ մատուցելու շաբաթ օրուայ յաջորդ օրուանից ամբողջ եօթը շաբաթ,
17. մինչեւ վերջին շաբաթուայ յաջորդ օրն անում է յիսուն օր: Այդ յաջորդ օրն էլ Տիրոջը նոր զոհ կը մատուցէք:
18. Ձեր տներից կ'ընծայաբերէք ձեր նուէրը՝ երկու բաղարջ կարկանդակ: Իւրաքանչիւր կարկանդակը պիտի հոնցուած լինի երկու տասներորդական գրիւ ընտիր ալիւրով: Թթխմորով պիտի եփուեն դրանք, Տիրոջը տրուող առաջին բերքից:
19. Հացերի հետ պիտի մատուցէք մէկ տարեկան ոչ արատաւոր եօթը գառ, նախրից՝ մէկ հորթ եւ ոչ արատաւոր երկու խոյ: Դրանք ողջակէզ պիտի լինեն Տիրոջը: Անարիւն զոհաբերութիւններն ու գինին Տիրոջը մատուցուած անուշահոտ բուրմունք են:
20. Առաջին հնձից պատրաստուած բաղարջ կարկանդակների հետ կը մատուցէք մեղքերի քաւութեան համար մէկ նոխազ եւ մէկ տարեկան երկու գառ՝ իբրեւ փրկութեան զոհաբերութիւն:
21. Քահանան դրանք առաջին բերքից պատրաստուած բաղարջ կարկանդակների հետ որպէս նուէր պիտի ընծայաբերի Տիրոջ առաջ: Դրանք երկու գառների հետ պէտք է ընծայաբերուեն Տիրոջը եւ պատկանեն մատուցող քահանային:
22. Այդ օրը կը համարէք անուանի օր, դա սուրբ թող լինի ձեզ համար: Այդ օրը ոչ մի առտնին գործ չանէք: Դա յաւիտենական օրէնք թող լինի ձեր սերունդների մէջ, ձեր բոլոր տներում:
23. Ձեր արտերը հնձելիս կրկին չվերադառնաք չհնձուածը հնձելու կամ հնձի ժամանակ ընկած հասկերը հաւաքելու համար, այլ դրանք աղքատին ու պանդխտին կը թողնէք: Ես

եմ ձեր Տէր Աստուածը:

23. Տէրը խօսեց Մովսէսի հետ ու ասաց.

24. Խօսի՛ր Իսրայէլի որդիների հետ եւ ասա՛. Եօթներորդ ամսի առաջին օրը ձեզ համար հանգստեան օր թող լինի՝ Տիրոջը նուիրաբերուած մի սուրբ տօն, որ շնորհներով է ազդարարուում:

25. Այդ օրը ոչ մի առտնին գործ չպիտի անէք, այլ Տիրոջը ողջակէզ պիտի մատուցէք:

26. Տէրը խօսեց Մովսէսի հետ ու ասաց.

27. Եօթներորդ ամսի տասներորդ օրը Քառութեան օր է: Այն ձեզ համար անուանի եւ սուրբ օր թող լինի: Ամսի իններորդ օրուայ երեկոյից սկսած ձեր անձը զրկեցէ՛ք եւ Տիրոջը ողջակէզներ մատուցեցէ՛ք:

28. Այդ օրը ոչ մի առտնին գործ չանէք, քանզի դա Քառութեան օր է ձեզ համար, որպէսզի դուք ձեր մեղքերը քաւէք ձեր Տէր Աստծու առաջ:

29. Ով այդ օրը իր մարմինը չի զրկի, կը վերանայ իր ժողովրդի միջից:

30. Ով այդ օրը գործ կ'անի, կը վերանայ իր ժողովրդի միջից:

31. Ոչ մի առտնին գործ չանէք: Դա յաւիտենական օրէնք թող լինի ձեր սերունդների մէջ, ձեր բոլոր տներում:

32. Դա շաբաթների շաբաթ թող լինի ձեզ համար: Ամսի իններորդ օրուայ երեկոյից մինչեւ յաջորդ օրուայ երեկոն զրկեցէ՛ք ձեր մարմինը եւ հանգստացէ՛ք:

33. Տէրը խօսեց Մովսէսի հետ ու ասաց.

34. Խօսի՛ր Իսրայէլի որդիների հետ եւ նրանց ասա՛. Եօթներորդ ամսի տասնհինգերորդ օրը ի պատիւ Տիրոջը եօթը օր պիտի նշէք Տաղաւարահարաց տօնը:

35. Առաջին օրը թող սուրբ համարուի, այդ օրը ոչ մի առտնին գործ չանէք:

36. Այդ եօթը օրերին ողջակէզներ պիտի մատուցէք Տիրոջը, իսկ եօթներորդ օրը ձեզ համար անուանի եւ սուրբ օր թող լինի: Ողջակէզ կը մատուցէք Տիրոջը, որովհետեւ դա տօնի վերջին օրն է: Այդ օրը ոչ մի առտնին գործ չանէ՛ք:

37. Սրանք են Տիրոջ պատուին կատարուող տօները, որ դուք պիտի նշէք եւ դրանք սուրբ պիտի համարէք, որպէսզի ամէն օր Տիրոջը ընծայ մատուցէք ձեր ողջակէզները, անարիւն զոհաբերութիւններն ու գինին:

38. Սրանք պիտի մատուցուեն բացի այն ընծաներից, որոնք ընծայաբերուում են Տիրոջը շաբաթ օրերը, բացի ձեր ուխտի ընծաներից եւ ձեր միւս կամաւոր զոհաբերութիւններից, որոնք մատուցուում են Տիրոջը:

39. Եօթներորդ ամսի տասնհինգերորդ օրը, երբ հաւաքէք արտերի բերքը, Տիրոջ պատուին եօթը օր տօն պիտի կատարէք: Առաջին եւ ութերորդ օրը պիտի հանգստանաք:

40. Առաջին օրը կ'առնէք ծառերի գեղեցիկ պտուղներ, արմաւենու ճիւղեր, տերեւախիտ ծառերի եւ ուռենիների ճիւղեր, ձորի բարդիների ճիւղեր, որպէսզի Տիրոջ առաջ եօթը օր ուրախանաք:

41. Տարուայ այդ եօթը օրը որպէս Տիրոջ տօն կը տօնէք: Դա յաւիտենական օրէնք թող լինի ձեր սերունդների մէջ: Եօթներորդ ամսին կը կատարէք այդ տօնը:

42. Եօթը օր վրանների մէջ կ'ապրէք: Իսրայէլացի բոլոր տեղաբնակները վրանների մէջ թող ապրեն,

43. որպէսզի ձեր բոլոր սերունդներն իմանան, որ, երբ ես իսրայէլացիներին հանում էի Եգիպտացիների երկրից, վրանների մէջ էի բնակեցրել նրանց: Ես եմ ձեր Տէր Աստուածը:

44. Եւ Մովսէսը իսրայէլացիներին պատմեց Տիրոջ տօների մասին:

1. Տերը խօսեց Մովսէսի հետ ու ասաց.
2. Իսրայէլի որդիներին պատուիրի՛ր, որ լուսաւորութեան համար ձիթապտղի նոր ճգմած մաքուր ձիթաիւղ բերեն քեզ,
3. որպէսզի կանթեղը միշտ վառ մնայ վկայութեան խորանի մէջ, վարագոյրի դրսի կողմը: Ահարոնն ու նրա որդիները երեկոյից մինչեւ առաւօտ այն տեւապէս թող վառ պահեն Տիրոջ առաջ: Դա յաւիտենական օրէնք թող լինի ձեզ համար ձեր սերունդների մէջ:
4. Տիրոջ առաջ, սուրբ աշտանակի վրայ մինչեւ առաւօտ վա՛ռ պահեցէք կանթեղները:
5. Կը վերցնէք ընտիր ալիւր եւ դրանից տասներկու բաղարջ կարկանդակ կը պատրաստէք: Ամէն մի կարկանդակի քաշը երկու տասներորդական հիմէն թող լինի:
6. Տիրոջ առաջ, սուրբ սեղանի վրայ դրանք կը դնէք երկու շարքով. ամէն մի շարքի վրայ՝ վեց կարկանդակ:
7. Իւրաքանչիւր շարքի վրայ կը դնես մաքուր կնդրուկ եւ աղ: Դրանք Տիրոջն ընծայաբերուող հացեր են ի յիշատակ Իսրայէլի տասներկու ցեղերի:
8. Իբրեւ իսրայէլացիների կողմից յաւիտենական ուխտ, իւրաքանչիւր շաբաթ այդ տասներկու հացերը միշտ Տիրոջ առաջ կը դնէք:
9. Այդ հացերը պատկանում են Ահարոնին ու նրա որդիներին: Նրանք թող այդ հացերը ուտեն մի սուրբ տեղում, քանի որ դա Տիրոջն ընծայաբերուող նուէրների մէջ ամենասուրբն է: Դա յաւիտենական օրէնք է:
10. Իսրայէլացիների մէջ մի մարդ էր ապրում, որը որդին էր եգիպտացի մի տղամարդու, բայց մայրը իսրայէլացի էր: Բանակատեղիում կռիւ արեցին իսրայէլացի կնոջից ծնուած այս մարդն ու մի ուրիշ իսրայէլացի:
11. Իսրայէլացի կնոջ որդին տուեց Տիրոջ անունը եւ հայիոյեց: Նրան բերեցին Մովսէսի մօտ: Նրա մօր անունը Սալամիթ էր: Նա Դանի ցեղից Դաբրիի դուստրն էր:
12. Այդ մարդուն հսկողութեան տակ պահեցին, որպէսզի Աստծու հրամանով դատեն նրան:
13. Տերը խօսեց Մովսէսի հետ ու ասաց.
14. Հայիոյող այդ մարդուն հանեցէ՛ք բանակատեղիից դուրս, եւ նրանք, ովքեր լսել են նրա հայիոյանքը, որպէս վկայ թող իրենց ձեռքերը դնեն նրա գլխին, եւ ամբողջ ժողովուրդը թող քարկոծի նրան:
15. Կը խօսես Իսրայէլի որդիների հետ եւ նրանց կ'ասես. Ով որ կը հայիոյի Աստծուն, իր մեղքի պատիժը կը կրի:
16. Ով որ կը հայիոյի Տիրոջ անուան, թող մահապատժի ենթարկուի: Ամբողջ ժողովուրդը թող քարկոծի նրան: Աստծուն հայիոյողը, օտարական լինի նա թէ տեղաբնակ, մահապատժի թող ենթարկուի:
17. Եթէ որեւէ մէկը մարդ ծեծի, եւ սա մեռնի, ծեծողը մահապատժի թող ենթարկուի:
18. Ով անասուն կը սպանի, անասունի տիրոջը նոյնպիսի անասունով թող հատուցի:
19. Եթէ որեւէ մէկը խեղանդամ դարձնի իր մերձաւորին, ինչ որ արել է, նոյնն էլ թող անեն իրեն:
20. Ջարդուածքի դիմաց՝ ջարդուածք, աչքի դիմաց՝ աչք, ատամի դիմաց՝ ատամ: Ինչ խեղուածք որ մէկը միւսին պատճառի, նոյնով թող պատժուի:
21. Եթէ մարդ է ծեծել, եւ սա մահացել է, ծեծողը մահապատժի թող ենթարկուի:
22. Միեւնոյն օրէնքը թող կիրառուի ե՛ւ օտարականի, ե՛ւ տեղաբնակի նկատմամբ: Ես եմ ձեր Տեր Աստուածը:
23. Մովսէսը խօսեց իսրայէլացիների հետ, եւ բանակատեղիից դուրս հանեցին այն մարդուն, որ հայիոյել էր: Ամբողջ ժողովուրդը քարկոծեց նրան: Իսրայէլացիներն արեցին այնպէս, ինչպէս Տերն էր պատուիրել Մովսէսին:

1. Տերը Սինա լեռան վրայ խօսեց Մովսէսի հետ եւ ասաց.
2. Իսրայէլի որդիներին ասա՛. Եթէ մտնէք այն երկիրը, որ ես տալու եմ ձեզ, թող հանգստանայ նաեւ այդ հողը, քանի որ Տիրոջ շաբաթն է:
3. Վեց տարի կը մշակես քո արտը, վեց տարի կ'էտես քո այգին եւ կը հաւաքես դրանց բերքը:
4. Եօթներորդ տարին հանգստեան շաբաթ թող լինի այդ հողի համար, քանի որ շաբաթը Տիրոջն է պատկանում: Քո արտը չես մշակի, քո այգին չես էտի:
5. Քո արտում ինքն իրեն աճած բոյսը չես հնձի, Տիրոջը նուիրաբերուելիք խաղողը չես քաղի, քանի որ այդ հողի հանգստեան տարին է:
6. Հանգստեան տարուայ ինքնաբոյս բերքը կերակուր թող լինի ձեզ՝ քո ծառայի, քո աղախնու, քո վարձկանի, քեզ մօտ բնակութիւն հաստատած օտարականի,
7. քո անասունի եւ քո երկրի գազանների համար: Նրա տուած ամբողջ բերքը թող կերակուր լինի նրանց համար:
8. Հանգստեան տարուց սկսած՝ կը հաշուես եօթն անգամ եօթը տարի, եւ եօթն անգամ եօթը տարին կը լինի քառասունինը տարի:
9. Յիսուներորդ տարուայ եօթներորդ ամսի տասներորդ օրը շեփոր հնչեցնելով կ'ազդարարէք ձեր ամբողջ երկրին: Քաւութեան օրը ձեր ամբողջ երկրում շեփոր կը հնչեցնէք:
10. Կը սրբագործէք յիսուներորդ տարին եւ ձեր երկրի բոլոր բնակիչների համար ազատագրում կը յայտարարէք: Դա ազատագրման տարի ազդարարելու նշան թող լինի: Իւրաքանչիւր ոք պետք է վերադառնայ իր կալուածքը, իւրաքանչիւր ոք պետք է գնայ իր ազգատոհմին,
11. որովհետեւ դա ազատագրման ազդարարն է: Յիսուներորդ տարին թող ձեզ համար յոբելեանական տարի լինի: Չպետք է ցանէք, չպետք է հնձէք ինքն իրեն աճած բոյսը, Տիրոջն ընծայուած խաղողը չպետք է քաղէք,
12. քանզի այդ տարին ազատագրում ազդարարող յոբելեանական տարի է: Այն թող սուրբ լինի ձեզ համար: Արտում ինքն իրեն բուսած եւ աճած բերքը կերէ՛ք:
13. Ազատագրում հռչակուած յոբելեանական տարում իւրաքանչիւր ոք թող վերադառնայ իր կալուածքը:
14. Եթէ որեւէ մէկը իր մերձաւորին որեւէ բան է վաճառում կամ իր մերձաւորից որեւէ բան է գնում, թող նրան չխաբի:
15. Յոբելեանական տարուց յետոյ եղած տարիների հաշուով պիտի գնես քո մերձաւորից, եւ նա էլ հնձի տարիների հաշուով պիտի վաճառի քեզ:
16. Ինչքան շատ են լինում մինչեւ ազատագրման տարին ընկած տարիները, այդքան թանկ պիտի գնես, եւ ինչքան քիչ լինեն տարիները՝ այդքան էժան, որովհետեւ արդիւնքի քանակով է, որ նա վաճառելու է քեզ:
17. Եւ ոչ ոք իր մերձաւորին չպետք է խաբի: Երկնչի՛ր քո Տէր Աստծուց. ես եմ ձեր Տէր Աստուածը:
18. Կը կատարէք իմ բոլոր պատգամներն ու վճիռները: Կը պահպանէք ու կը կատարէք դրանք եւ երկրում կ'ապրէք ապահով.
19. հողը կը տայ իր բերքը, դուք կուշտ կ'ուտէք եւ երկրում կ'ապրէք ապահով:
20. Իսկ եթէ ասէք, թե՛ ի՞նչ պիտի ուտենք այդ եօթներորդ տարում, եթէ չցանենք եւ մեր բերքը չհաւաքենք,
21. ապա իմացէ՛ք, որ վեցերորդ տարում ես ձեզ կ'ուղարկեմ իմ օրհնութիւնը, եւ հողը երեք տարուայ չափ բերք կը տայ:
22. Ութերորդ տարում կը ցանէք, իսկ հին բերքը կ'ուտէք մինչեւ իններորդ տարին: Մինչեւ իններորդ տարուայ բերքը հասնելը կ'ուտէք հին բերքը:
23. Հողը վերջնականապէս չպետք է վաճառուի, քանզի հողը իմն է, իսկ դուք ինձ մօտ պանդուխտ ու նժդեհ եք:

24. Ձեր կալուածքը եղող ամբողջ հողի համար փրկագին պիտի տաք:
25. Եթե աղքատանայ քեզ մօտ ապրող եղբայրդ եւ վաճառի իր կալուածքի մի մասը, ապա իր մօտիկ ազգականը կարող է գալ ու վերստին գնելով փրկել իր եղբոր վաճառած արտը:
26. Իսկ եթե արտ վաճառողը ունենոր ազգական չունենայ, ու ինքը յետոյ ի վիճակի լինելու գնելու, ապա կարող է իր արտը յետ գնելով փրկել:
27. Նա պետք է հաշուի եւ հանի վաճառքից յետոյ անցած տարիները եւ մնացածը վճարի Նրան, ով գնել էր այն, որից յետոյ արտը Նորից կը պատկանի իրեն:
28. Իսկ եթե նա այդքան կարողութիւն չունենայ, որ կարողանայ հողի տիրոջը հատուցել փոխարժէքը, ապա վաճառուածը մինչեւ ազատագրման տարին թող պատկանի Նրան, ով այն գնել էր: Ազատագրման տարում արտը պետք է վերադարձուի Նախկին տիրոջը:
29. Եթե որեւէ մէկը վաճառի պարսպապատ քաղաքում գտնուող մի բնակելի տուն, ապա նա կարող է այն յետ գնել վաճառքի օրուանից յետոյ մէկ տարուայ ընթացքում: Մէկ տարուայ ընթացքում պետք է լինի յետգնումը:
30. Իսկ եթե վաճառողը մէկ տարուայ ընթացքում ի վիճակի չլինի այն յետ գնելու, ապա պարսպապատ քաղաքի մէջ եղած տունը թող առյաւէտ պատկանի գնողին՝ իբրեւ իր ու իր սերունդների սեփականութիւն: Դա յետ գնելու ենթակայ չէ անգամ ազատագրման տարում:
31. Պարիսպ չունեցող աւաններում գտնուող տները թող ազարակներ համարուեն: Դրանք միշտ ենթակայ են յետգնման, եւ այնտեղ բնակուողները ազատագրման տարում պետք է դուրս գան:
32. Ղեւտացիների քաղաքներում գտնուող տները, որոնք Նրանց կալուածքներն են այդ քաղաքում, կարող են միշտ յետ գնուել Ղեւտացիների կողմից:
33. Եթե որեւէ մէկը Ղեւտացու տուն է գնում, ապա ազատագրման տարում նա Նրանց քաղաքներում գտնուող կալուածքների տներից դուրս պետք է գայ, որովհետեւ Ղեւտացիների քաղաքներում գտնուող կալուածքների տները Նրանց ժառանգական սեփականութիւնն են Իսրայէլի որդիների մէջ:
34. Ղեւտացիների ազարակները, որոնք քաղաքների շուրջն են գտնուում, վաճառքի ենթակայ չեն, որովհետեւ դրանք Նրանց յաւիտենական կալուածքներն են:
35. Եթե եղբայրդ աղքատանայ եւ ի վիճակի չլինի աշխատելու, Նրան պիտի պատսպարես իբրեւ եկուորի ու պանդխտի: Նա քեզ մօտ պիտի մնայ ու ապրի:
36. Նրանից վաշխ ու տոկոս չպիտի վերցնես: Վախեցի՜ր քո Տէր Աստծուց, քանզի ես եմ Տէրը: Քո եղբայրը թող քեզ մօտ ապրի:
37. Նրան տոկոսով դրամ չպիտի տաս եւ աւելին ստանալու ակնկալութեամբ չէ, որ Նրան պիտի կերակրես:
38. Ես եմ ձեր Տէր Աստուածը, որ ձեզ հանեց Եգիպտացիների երկրից, որպէսզի ձեզ տայ Քանանացիների երկիրը եւ լինի ձեր Աստուածը:
39. Եթե քեզ մօտ ապրող եղբայրդ աղքատանայ եւ քեզ վաճառուի որպէս ծառայ, ապա թող քեզ ստրուկի ծառայութեամբ չծառայի:
40. Նա իբրեւ վարձկան, իբրեւ պանդուխտ թող լինի քեզ մօտ եւ աշխատի մինչեւ ազատագրման տարին:
41. Ազատագրման տարում ինքն իր երեխաների հետ թող ազատ արձակուի եւ վերադառնայ իր ցեղի մօտ, թող գնայ իր հայրենի կալուածքը:
42. Իմ ծառաներն են Նրանք, որոնց ես հանել եմ Եգիպտացիների երկրից: Դրա համար էլ Նրանք իբրեւ ստրուկ չեն վաճառուելու:
43. Չարչարանքով չպիտի տանջես Նրան: Երկնչի՜ր քո Տէր Աստծուց:
44. Ինչ ծառայ կամ աղախին էլ որ ուզենաս ունենալ, քո շուրջը եղող ազգերից կը վերցնես,
45. ինչպէս եւ ձեր մէջ ապրող օտարականների գաւակներից ու Նրանց ազգականներից: Որքան գաւակ ունենան ձեր երկրում, բոլորը թող դառնան ձեր սեփականութիւնը:



46. Նրանց իբրեւ ժառանգութիւն կը յանձնէք ձեր գալիք սերունդներին, նրանք առյաւէտ ձեր ստրուկները թող լինեն: Ձեզնից ոչ ոք իր եղբայրներին՝ խորայելացիներին, չարչարանքով թող չտանջի:
47. Եթէ հարստանայ քեզ մօտ հաստատուած եկուորը կամ պանդուխտը, եւ քո աղքատացած եղբայրը վաճառուի քեզ մօտ հաստատուած այդ եկուորին կամ պանդուխտին կամ վերջիններիս ընտանիքներում ծնուածին,
48. ապա վաճառուելուց յետոյ նա պէտք է յետ գնուի. նրա եղբայրներից մէկնումէկը փրկավճարով թող գնի նրան:
49. Նրան փրկավճարով պէտք է գնի նրա հօրեղբայրը, հօրեղբօր որդին կամ իր ցեղի արիւնակից ազգականներից մէկը: Իսկ եթէ ինքը հարստանայ, թող փրկավճարով գնի ինքն իրեն:
50. Նա, սկսած իր վաճառուելու տարուանից մինչեւ ազատագրման տարին, թող հաշուի այն պարտքը, որ ինքն ունի իրեն գնած մարդուն: Պարտքի գումարը թող հաշուուի վարձու աշխատողի վարձի չափով, նրա մօտ աշխատած տարիների քանակով:
51. Եթէ դեռ շատ ժամանակ կայ մինչեւ ազատագրման տարին, որպէս փրկագին թող հատուցի իր անձի վաճառքի գնի մէկ մասը:
52. Իսկ եթէ մինչեւ ազատագրման տարին քիչ ժամանակ է մնացել, թող հաշուի եւ ըստ մնացած տարիների տայ իր փրկագինը:
53. Նա վարձկան պիտի համարուի այնքան ժամանակ, որքան տարի որ եղել է նրա մօտ: Չարչարանքով չպիտի տանջես նրան:
54. Իսկ եթէ այս ձեւերից որեւէ մէկով չի փրկագնուած, ապա ազատագրման տարում թող ազատ արձակուեն ինքն ու իր զաւակները,
55. քանզի խորայելացիներն իմ ստրուկներն են, իմ ծառաները, որոնց ես հանել եմ Եգիպտացիների երկրից:

1. Ես եմ ձեր Տեր Աստուածը: Ձեզ համար ձեռակերտ կամ քանդակուած կուռքեր մի՛ ստեղծէք, ձեզ համար արծան մի՛ կանգնեցրէք եւ ձեր երկրում քարակոթող մի՛ դնէք դրան երկրպագելու համար: Ես եմ ձեր Տեր Աստուածը:
2. Իմ շաբաթ օրերը պիտի պահէք եւ իմ սրբարաններից երկիւղածութիւն պիտի զգաք, քանզի ես եմ Տէրը:
3. Եթէ ըստ իմ հրամանի ընթանաք, իմ պատուիրանները պահպանէք ու կատարէք դրանք, ապա անձրեւ կ'ուղարկեմ ձեզ իր ժամանակին:
4. Հողն իր բերքը կը տայ, իսկ դաշտերի ծառերը կը տան իրենց պտուղները:
5. Ձեր կալերում աշխատանքը կը տեսի միւսերէ ալ՝ իսկ ձեր ալքերը կը տեսնեն միւսերէ նոր ցանքսի ժամանակը: Դուք կուշտ հաց կ'ուտէք եւ ձեր երկրում անհոգ կ'ապրէք:
6. Ձեր երկրին խաղաղութիւն կը պարգեւեմ, եւ ձեր երկրում պատերազմ չի լինի: Կը քնէք, եւ չի լինի մէկը, որ ձեզ վախեցնի: Ձեր երկրից կը վերացնեմ չարիք պատճառող գազաններին:
7. Դուք հալածական կ'անէք ձեր թշնամիներին, եւ նրանք սպանուած կ'ընկնեն ձեր առաջ:
8. Ձեր հինգ հոգին հալածական կ'անի հարիւր հոգու, իսկ ձեր հարիւրը՝ բիւրաւորների, ձեր թշնամիները սրի հարուածներից կ'ընկնեն ձեր առաջ:
9. Ես բարի աչքով կը նայեմ ձեզ, կ'աճեցնեմ ու կը բազմացնեմ ձեզ եւ կը կատարեմ ձեզ տուած իմ խոստումը:
10. Այնքան բերք կը ստանաք, որ նախորդ ու դրանից էլ առաջ ստացած բերքը կը բաւարարի ձեզ, բայց հին բերքը շտեմարանից միշտ պիտի հանէք նոր բերքով լցնելու համար:
11. Ես իմ ուխտատեղին պիտի հաստատեմ ձեր մէջ, եւ ես ձեզնից չեմ խորշելու:
12. Ես պիտի քայլեմ ձեր մէջ եւ պիտի լինեմ ձեր Աստուածը, իսկ դուք պիտի լինէք իմ ժողովուրդը:
13. Ես եմ ձեր Տեր Աստուածը, որ ձեզ հանեց Եգիպտացիների երկրից, երբ դեռ ստրուկ էիք, քանդեց ձեր ստրկական լծի կապանքները եւ ձեզ համարձակ այստեղ բերեց:
14. Բայց եթէ չլսէք ինձ եւ չկատարէք իմ այս բոլոր հրամանները,
15. արհամարիէք դրանք, իմ կարգադրութիւններից ձանձրանալով չկատարէք իմ պատուիրանները, վերացնէք իմ հաստատած ուխտը,
16. ապա ես նոյնը կ'անեմ ձեր նկատմամբ. տազնապալից տառապանքների կը մատնեմ ձեզ, քոսով ու դեղնախտով կը հիւանդացնեմ ձեզ, որ պակասի ձեր աչքի լոյսը, եւ դուք հալումաշ լինէք: Այնժամ գուր տեղը պիտի ցանէք ձեր սերմերը, եւ ձեր արտերի բերքը ձեր հակառակորդները պիտի ուտեն:
17. Ես իմ գայրացած հայեացքը ձեզ վրայ պիտի յառեմ, եւ դուք պիտի ընկնէք ձեր թշնամիների առաջ: Ձեզ ատողները ձեզ հալածական պիտի անեն, եւ դուք փախստական պիտի լինէք, եթէ անգամ որեւէ մէկը չհալածի ձեզ:
18. Եթէ նման պատիժներից յետոյ էլ ինձ չլսէք, ձեր գործած մեղքերի համար եօթնապատիկ աւելի պիտի պատժեմ:
19. Ես պիտի խորտակեմ ձեր ամբարտաւան պարծենկոտութիւնը, երկինքը ձեզ վրայ երկաթի պէս ծանր պիտի դարձնեմ, իսկ ձեր հողը՝ պղնձի պէս կարծր:
20. Ձեր գորութիւնը ի չիք պիտի դառնայ, հողը ձեր ցանած սերմի չափով իսկ բերք պիտի չտայ, ոչ էլ երկրի ծառերը պտուղ պիտի տան:
21. Իսկ եթէ դուք շարունակէք շեղուել ուղիղ ճանապարհից ու չկամենաք լսել ինձ, ձեր գործած մեղքերի համեմատ եօթնապատիկ աւելի պիտի պատժեմ ձեզ:
22. Ձեզ վրայ պիտի ուղարկեմ երկրի վայրի գազաններ, նրանք պիտի լափեն ձեզ ու պիտի յօշոտեն ձեր անասունները: Այսպիսով պիտի պակասեցնեմ ձեր թիւը, եւ ձեր ճանապարհները ամառի պիտի դառնան:

23. Իսկ եթե դրանից յետոյ էլ չխրատուէք ու հակառակուէք ինձ,

24. ես դարձեալ, զայրանալով, պիտի հակառակուեմ ձեզ եւ ձեր գործած մեղքերի համեմատ եօթնապատիկ աւելի պիտի պատժեմ ձեզ:

25. Ձեզ սրակոտոր պիտի անեմ լուծելու համար իմ ուխտի վրէժը: Եւ եթե ամրանաք ձեր քաղաքներում, ես ձեզ մահ պիտի ուղարկեմ, եւ դուք պիտի մատնուէք թշնամիների ձեռքը:

26. Երբ ձեզ նեղեմ հացի պակասութեամբ, տասը կին ձեզ հաց պիտի եփեն մէկ թոնրի մէջ եւ ձեզ հաց պիտի բաժանեն հաշուած կշռով: Պիտի ուտէք ու չպիտի կշտանաք:

27. Եթե դրանից յետոյ էլ ինձ չանսաք ու հակառակ գնաք ինձ,

28. ես էլ, զայրանալով, պիտի հակառակուեմ ձեզ եւ ձեր գործած մեղքերի համեմատ եօթնապատիկ աւելի պիտի պատժեմ ձեզ:

29. Դուք պիտի ուտէք ձեր տղաների ու ձեր աղջիկների միսը:

30. Ես պիտի կործանեմ ձեր արձանները, պիտի խորտակեմ ձեր փայտեայ ձեռակերտ կուռքերը: Ձեր դիակները պիտի նետեմ ձեր ջարդուփշուր եղած կուռքերի բեկորների վրայ, եւ իմ հոգին պիտի խորշի ձեզնից:

31. Ձեր քաղաքները աւերակ պիտի դարձնեմ, պիտի ամայացնեմ ձեր սրբարանները եւ ձեր զոհաբերութիւնների անուշ բոյրը այլեւս չպիտի հոտոտեմ:

32. Պիտի աւերեմ ձեր երկիրը, եւ նրա մէջ ապրող ձեր թշնամիները պիտի զարմանան դրա վրայ:

33. Ձեզ պիտի ցրեմ տարբեր ժողովուրդների մէջ, եւ ձեզ վրայ իջած սուրը պիտի կոտորի ձեզ: Ձեր երկիրը աւերակ պիտի դառնայ, իսկ ձեր քաղաքները՝ ամայի:

34. Այնքան ժամանակ, որ երկիրը աւերակ պիտի մնայ, պիտի վայելի իր հանգստեան օրերը,

35. իսկ դուք պիտի լինէք ձեր թշնամիների երկրում՝ օտար երկրում: Այնքան ժամանակ, որ երկիրը աւերակ պիտի մնայ, պիտի վայելի իր հանգստեան օրերը, պիտի հանգստանայ այն շաբաթ օրերի փոխարէն, որ չհանգստացաւ ձեր այնտեղ բնակուելու ժամանակ:

36. Ձեր թշնամիների երկրում վերապրածներիդ սրտում վախ պիտի գցեմ. նրանք պիտի սարսռան տերեւների սօսափիւնից, նրանք փախուստի պիտի դիմեն, ինչպէս փախչում են ռազմի դաշտից, եւ պիտի ընկնեն առանց որեւէ մէկից հալածուած լինելու:

37. Եղբայրը պիտի լքի իր եղբօրը, ինչպէս ռազմի դաշտում, առանց որեւէ մէկից հետապնդուած լինելու: Դուք չպիտի կարողանաք դիմադրել ձեր թշնամիներին:

38. Դուք պիտի կորչէք ժողովուրդների մէջ, եւ ձեր թշնամիների երկիրը ձեզ կուլ պիտի տայ:

39. Ձեզնից վերապրածները իրենց գործած մեղքերի համար պիտի կոտորուեն իրենց թշնամիների երկրում եւ իրենց հայրերի մեղքերի համար նրանց հետ միասին հալումաշ պիտի լինեն:

40. Այդ ժամանակ է, որ նրանք պիտի խոստովանեն իրենց ու իրենց հայրերի գործած մեղքերը, պիտի համոզուեն, որ յանցանք են գործել եւ արհամարհել են ինձ.

41. նրանք հակառակուեցին ինձ, ես էլ նրանց հակառակուեցի բարկութեամբ եւ ոչնչացրի նրանց իրենց թշնամիների երկրում: Այնժամ պիտի ամաչի նրանց հեթանոս սիրտը, եւ իրենք պիտի զգան իրենց գործած մեղքերի ծանրութիւնը:

42. Ես պիտի յիշեմ Յակոբին, Իսահակին եւ Աբրահամին տուած իմ խոստումը, պիտի յիշեմ նաեւ այն երկիրը,

43. որը լքուելով նրանց կողմից, պիտի վայելի իր հանգստեան օրերը, քանի որ այն աւերակ էր դարձել իր բնակիչների պատճառով: Նրանք պիտի պատժուեն իրենց կատարած անօրէնութիւնների համար, այն բանի փոխարէն, որ արհամարհեցին իմ պատուիրանները, եւ իմ հրամանները նրանց համար տաղտկալի դարձան:

44. Երբ նրանք իրենց թշնամիների երկրում էին, ես նրանց անտես չարեցի եւ ոչ էլ զգուեցի նրանցից նրանց հետ իմ կապած ուխտը լուծելու համար, որպէսզի չոչնչացնեմ նրանց, քանզի ես եմ նրանց Տէր Աստուածը:

45. Ես պիտի յիշեմ նրանց հետ կապած իմ նախկին ուխտը, երբ բոլոր հեթանոս ժողովուրդների աչքի առաջ նրանց հանում էի Եգիպտացիների երկրից՝ ստրկութեան բնակավայրից, որպեսզի լինեմ նրանց Աստուածը, քանզի ես եմ Տէրը: Սրանք են այն պատգամները, հրամաններն ու օրենքները, որ Տէրը Սինա լեռան վրայ Մովսէսի միջոցով հաստատեց իր եւ Իսրայէլի որդիների միջեւ:

1. Տերը խօսեց Մովսէսի հետ ու ասաց.
2. Խօսի՛ր Իսրայէլի որդիների հետ եւ նրանց ասա՛. Եթէ մէկը ուխտ անի Տիրոջը նուէր մատուցելու մի անձի արժեքի չափով, գները հետեւեալը թող լինեն. տղամարդու դէպքում՝
3. քսան տարեկանից մինչեւ վաթսուն տարեկանը՝ սրբարանում գտնուող կշեռքով կշռուած յիսուն երկդրամեան արծաթ:
4. Կնոջ դէպքում՝ երեսուն երկդրամեան:
5. Հինգ տարեկանից մինչեւ քսան տարեկան մանչ զաւակի դէպքում՝ քսան երկդրամեան, իսկ նոյն տարիքի աղջկայ դէպքում՝ տասը երկդրամեան:
6. Մէկ ամսականից մինչեւ հինգ տարեկան մանչ զաւակի դէպքում՝ հինգ երկդրամեան արծաթ, իսկ նոյն տարիքի աղջկայ դէպքում՝ երեք երկդրամեան արծաթ:
7. Եթէ վաթսուն տարեկանից բարձր է տղամարդը, նրա գինն է տասնհինգ երկդրամեան արծաթ, իսկ նոյն տարիքի կնոջը՝ տասը երկդրամեան:
8. Եթէ որեւէ մէկը աղքատ լինի եւ ի վիճակի չլինի վճարելու այդ գինը, նա պէտք է կանգնի քահանայի առաջ, եւ քահանան նրա համար գին պիտի նշանակի: Ինչ կարողութիւն որ ունի ուխտ անողը, ըստ այդմ էլ նրա համար գին թող նշանակի քահանան:
9. Եթէ մէկը Տիրոջը ուխտ անի զոհուելու սահմանուած անասուններից զոհ մատուցելու, ինչ էլ որ լինի դա, Տիրոջ համար ընդունելի է:
10. Միայն թէ լաւը վատի տեղ չպիտի մատուցի, ոչ էլ վատը՝ լաւի: Եթէ իր ուխտած կենդանու փոխարէն մի այլ կենդանի բերի, ապա ուխտած կենդանու նման թող սուրբ համարուի նաեւ դրա փոխարէն բերուածը:
11. Եթէ ուխտած կենդանին զոհաբերութեան ենթակայ անասուններից չէ, որոնք չի կարելի Տիրոջը զոհ մատուցել, այդ կենդանին թող կանգնեցուի քահանայի առաջ,
12. քահանան, ըստ լաւի ու վատի, թող գին սահմանի. ըստ քահանայի սահմանած արժեքի պէտք է գնահատուի այդ կենդանին:
13. Եթէ ուխտ անողը ցանկանայ վճարել իր ուխտած կենդանու արժեքը, ապա դրա վրայ պէտք է աւելացնի նաեւ որոշուած արժեքի մէկ հինգերորդ մասը:
14. Եթէ մէկը ցանկանայ իր տունը նուիրել Տիրոջը, քահանան թող գին սահմանի՝ նկատի ունենալով տան լաւ կամ վատ վիճակը. ըստ քահանայի սահմանած արժեքի թող գնահատուի այդ տունը:
15. Իսկ եթէ նուիրաբերողը ցանկանայ յետ գնել իր տունը, ապա տան արժեքի վրայ թող աւելացնի դրա մէկ հինգերորդ մասը, եւ տունը կը լինի իրենը:
16. Եթէ մէկն իր կալուածքը հանդիսացող ագարակն է ուխտում նուիրել Տիրոջը, ապա դրա արժեքը թող լինի ըստ դրա վրայ ցանուած սերմի: Եթէ սերմը մէկ քոռ է, ուրեմն թող վճարի յիսուն երկդրամեան արծաթ:
17. Եթէ ագարակը նուիրաբերի ագատագրման տարուայ սկզբին, նրա ամբողջ արժեքը պէտք է հաշուուի:
18. Իսկ եթէ իր հանդը նուիրաբերում է ագատագրման տարուց յետոյ, ապա քահանան պէտք է հաշուի մինչեւ ագատագրման տարին ընկած տարիների համար վճարելիք դրամը եւ դրա համեմատ այն հանի ագարակի արժեքից:
19. Եթէ ագարակը նուիրողը ցանկանայ այն յետ գնել, դրա գնի վրայ թող աւելացնի գնահատուածի մէկ հինգերորդ չափով արծաթ, որից յետոյ ագարակը կը լինի իրենը:
20. Իսկ եթէ նուիրաբերողը չցանկանայ յետ գնել իր ագարակը, այլ վաճառի մի ուրիշ մարդու, ապա այն յետ գնելու իրաւունք չունի,
21. բայց վաճառուած ագարակը ագատագրման տարում սրբագործուած նուիրաբերում թող լինի Տիրոջը: Դա քահանային պատկանող սեփականութիւն է:
22. Եթէ նա Տիրոջը նուիրաբերի իր կալուածքը չհանդիսացող, այլ դրամով գնած ագարակ,

23. քահանան պիտի հաշուի մինչեւ ազատագրման տարին մնացած տարիները, եւ յետ գնել ցանկացողը այդ օրը Տիրոջը պիտի վճարի որոշուած արժէքը:
24. Ազատագրման տարում կալուածքի նախկին տէրը այն յետ պիտի ստանայ:
25. Բոլոր գները պիտի սահմանուեն ըստ սրբագան կշեռքների. մէկ երկդրամեանը քսան դանգ թող լինի:
26. Քո անասունների բոլոր առաջին ծնունդները Տիրոջն են պատկանում: Այն ոչ ոք չի կարող նուիրաբերել, քանի որ, լինի դա արջառ թէ ոչխար, պատկանում է Տիրոջը:
27. Եթէ անմաքուր չորքոտանի նուիրաբերի, դրա արժէքի վրայ պետք է աւելացնի մէկ հինգերորդը, որից յետոյ այն կարող է պատկանել իրեն: Իսկ եթէ յետ չգնի, ապա թող վաճառի իր արժէքով:
28. Ով որ իր ունեցածից որեւէ բան է նուիրաբերում Տիրոջը՝ մարդուց սկսած մինչեւ անասուն, ագարակից սկսած մինչեւ սեփական կալուածք, իրաւունք չունի այն ուրիշին վաճառելու կամ յետ գնելու: Նման բոլոր նուիրաբերումները սրբութիւն սրբոց են Տիրոջ համար:
29. Իւրաքանչիւր մարդ, որը, որպէս ուխտ, Տիրոջն է նուիրաբերում, չի կարող յետ գնուել, այլապէս նա մահուան կը դատապարտուի:
30. Հողի բերքի, ծառերի պտուղների մէկ տասներորդ մասը Տիրոջն է պատկանում: Դրանք Տիրոջն են նուիրաբերում:
31. Եթէ մէկը ցանկանայ յետ գնել իր տասանորդը, նա պետք է դրա վրայ աւելացնի դրա արժէքի մէկ հինգերորդ մասը, որից յետոյ տասանորդը կը լինի իրենը:
32. Տասը արջառից ու ոչխարից մէկը, ինչպէս եւ հովուի գաւազանի տակով անցնող տասը անասունից մէկը պատկանում են Տիրոջը:
33. Խտրութիւն թող չլինի լաւի ու վատի միջեւ, եւ լաւը վատով չփոխարինես: Իսկ եթէ այնուամենայնիւ փոխարինես, ե՛ւ նա, ե՛ւ փոխարինուողը պետք է նուիրաբերես եւ իրաւունք չպիտի ունենաս դրանք յետ գնելու:
34. Սրանք են այն պատուիրանները, որ Տէրը Սինա լեռան վրայ Մովսէսի միջոցով հաղորդեց իսրայէլացիներին:

ԹՈՒԵՐ

## Գլուխ 1

1. Տերը Սինայի անապատում, վկայութեան խորանում, Եգիպտացիների երկրից իսրայելացիների դուրս գալու երկրորդ տարուայ երկրորդ ամսի առաջին օրը խօսեց Մովսէսի հետ եւ ասաց.
2. Մէկ առ մէկ հաշուառման ենթարկեցէք իսրայելացի ամբողջ ժողովրդին ըստ ազգատոհմերի, ըստ նահապետների տների:
3. Դու եւ Ահարոնը հաշուառման կ'ենթարկէք քսան տարեկան եւ ավելի բարձր տարիք ունեցող արական սեռի բոլոր մարդկանց, որոնք կարող են զէնք վերցնել Իսրայելի բանակի համար:
4. Ձեզ հետ ամեն մի ցեղից՝ նահապետների ընտանիքներից մեկական իշխան թող լինի:
5. Սրանք են այն մարդկանց անունները, որոնք պիտի ներկայանան ձեզ.
6. Ռուբէնի ցեղից՝ Սադիուրի որդի Եղիսուրը,
7. Շմաւոնի ցեղից՝ Սուրիսադայի որդի Սաղամիելը,
8. Յուդայի ցեղից՝ Ամիսադաբի որդի Նաասունը,
9. Իսաքարի ցեղից՝ Սոգարի որդի Նաթանայելը,
10. Չաբուլոնի ցեղից՝ Քելոնի որդի Եղիաբը,
11. Յովսէփի որդիներից Եփրեմի ցեղից՝ Եմիուդի որդի Եղիսաման, Մանասէի ցեղից՝ Փադասուրի որդի Գամաղիելը,
12. Բենիամինի ցեղից՝ Գեդեոնի որդի Աբիդանը,
13. Դանի ցեղից՝ Միսադանի որդի Աքիեզերը,
14. Ասերի ցեղից՝ Եքրանի որդի Փագիելը,
15. Գադի ցեղից՝ Ռագուէլի որդի Եղիսափանը,
16. Նեփթաղիմի ցեղից՝ Ենանի որդի Աքիրէն:
17. Սրանք են իսրայելացի նահապետների ցեղերի իշխանները, հազարապետները:
18. Մովսէսն ու Ահարոնը վերցրին յականէ յանուանէ թուարկուած այս այրերին եւ երկրորդ տարուայ երկրորդ ամսի առաջին օրը հաւաքելով ամբողջ ժողովրդին՝ հաշուառման ենթարկեցին ըստ իրենց ցեղերի, ըստ նահապետների ընտանիքների, յականէ յանուանէ, մէկ առ մէկ՝ քսան տարեկան եւ ավելի բարձր տարիք ունեցող արական սեռի բոլոր մարդկանց:
19. Ինչպէս որ Տերը հրամայել էր Մովսէսին, հաշուառման ենթարկեցին մարդկանց Սինայի անապատում:
20. Իսրայելի անդրանիկ որդի Ռուբէնի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականէ յանուանէ, մէկ առ մէկ
21. կազմեց քառասունվեց հազար հինգ հարիւր հոգի:
22. Շմաւոնի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականէ յանուանէ, մէկ առ մէկ
23. կազմեց յիսունինը հազար երեք հարիւր հոգի:
24. Յուդայի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականէ յանուանէ, մէկ առ մէկ
25. կազմեց եօթնասունչորս հազար վեց հարիւր հոգի:
26. Իսաքարի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականէ յանուանէ, մէկ առ մէկ
27. կազմեց յիսունչորս հազար չորս հարիւր հոգի:
28. Չաբուլոնի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականէ յանուանէ, մէկ առ մէկ



29. կազմեց յիսունեօթը հազար չորս հարիւր հոգի:
30. Յովսէփի որդիներից Եփրեմի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
31. կազմեց քառասուն հազար հինգ հարիւր հոգի:
32. Մանասէի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
33. կազմեց երեսուներկու հազար երեք հարիւր հոգի:
34. Բենիամինի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
35. կազմեց երեսունհինգ հազար չորս հարիւր հոգի:
36. Գադի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
37. կազմեց քառասունհինգ հազար վեց հարիւր յիսուն հոգի:
38. Դանի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
39. կազմեց վաթսուներկու հազար եօթը հարիւր հոգի:
40. Ասերի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
41. կազմեց քառասունմէկ հազար հինգ հարիւր հոգի:
42. Նեփթալիմի քսան տարեկան եւ ավելի բարձր տարիք ունեցող, զէնք կրելու ընդունակ որդիների թիւը ըստ իրենց ցեղերի, գնդերի, նահապետների ընտանիքների, յականե յանուանե, մէկ առ մէկ
43. կազմեց յիսուներեք հազար չորս հարիւր հոգի:
44. Ահա այս է աշխարհագիրը, որ կատարեցին Մովսէսը, Ահարոնն ու իսրայէլացի տասներկու իշխանները, որոնցից ամէն մէկը մի ցեղից էր՝ իրենց նահապետների ընտանիքներից՝ ըստ ցեղերի:
45. Կատարուեց քսան տարեկան եւ ավելի բարձր տարիք ունեցող, զէնք կրելու ընդունակ իսրայէլացիների մարդահամարը:
46. Հաշուառման ենթարկուածների ընդհանուր թիւը կազմեց վեց հարիւր երեք հազար հինգ հարիւր յիսուն հոգի:
47. Ղեւտացիների ցեղին պատկանողները, սակայն, իսրայէլացիների հետ հաշուառման չենթարկուեցին:
48. Տէրը խօսեց Մովսէսի հետ եւ ասաց.
49. Տե՛ս, մարդահամար կատարելիս Ղեւիի ցեղը հաշուառման չենթարկես, նրանց թիւը իսրայէլացիների վրայ չգումարես:
50. Ղեւտացիներին կը նշանակես վկայութեան խորանի սպասարկութեան վերակացու, նրա սպասքի եւ այն ամէնի վերակացու, ինչ գտնուում է դրա մէջ: Նրանք կը բարձեն խորանն ու նրա ամբողջ կահկարասին, հոգեւոր սպասարկութիւն կ'անեն նրա մէջ եւ կը բնակուեն խորանի շուրջը:
51. Խորանը տեղափոխելիս այն կը քանդեն ղեւտացիները, խորանը տեղաւորելիս այն կը կանգնեցնեն ղեւտացիները: Եթէ մի այլազգի մօտենայ դրան, թող մեռնի:
52. Իսրայէլացիներից իւրաքանչիւրն իր գօրծով թող վրան խփի ըստ իր ցեղի, ըստ նահապետների կարգի:
53. Ղեւտացիները վրանները թող խփեն վկայութեան խորանի շուրջը, Տիրոջ դիմաց, միւս իսրայէլացիները չդիպչեն վրանին, որպէսզի մեղք գործած չլինեն: Վկայութեան

խորանի պահպանութիւնը թող ղեւտացիները յանձն առնեն:

54. Եւ իսրայելացիներն արեցին այն ամենը, ինչ Տէրը պատուիրել էր Մովսէսին ու Ահարոնին. նրանք այդպէս էլ արեցին:

1. Տերը խօսեց Մովսէսի ու Ահարոնի հետ եւ ասաց.
2. Ամէն մէկը թող գնայ իր գնդի դրօշակի ետեւից, ըստ իր նահապետական տների: Իսրայէլացիներից իւրաքանչիւրը թող բանակատեղի հաստատի ըստ իր բանակի:
3. Արեւելեան կողմում առաջինը թող Յուդայի ցեղը բանակատեղի հաստատի իր զօրքով: Յուդայի ցեղի գնդի հրամանատարը Ամինադաբի որդի Նաասունն է:
4. Հաշուառման ենթարկուած նրա զօրքը բաղկացած է եօթանասունչորս հազար վեց հարիւր հոգուց:
5. Նրանցից յետոյ թող բանակատեղի հաստատի Իսաքարի ցեղը: Իսաքարի ցեղի գնդի հրամանատարը Սոգարի որդի Նաթանայէլն է:
6. Հաշուառման ենթարկուած նրա զօրքը բաղկացած է յիսունչորս հազար չորս հարիւր հոգուց:
7. Նրա կողքին թող բանակատեղի հաստատի Չաբուլոնի ցեղը: Չաբուլոնի ցեղի գնդի հրամանատարը Զելոնի որդի Եղիաբն է:
8. Հաշուառման ենթարկուած նրա զօրքը բաղկացած է յիսունեօթը հազար չորս հարիւր հոգուց:
9. Յուդայի ցեղի հաշուառման ենթարկուած ամբողջ զօրքը բաղկացած է հարիւր ութսունվեց հազար չորս հարիւր հոգուց: Ճանապարհ ընկնելիս նրանք իրենց զօրքով թող առաջինը գնան:
10. Ռուբէնի ցեղի գունդն ու զօրքը հարաւային կողմում թող լինեն: Ռուբէնի ցեղի գնդի հրամանատարը Սադիուրի որդի Եղիսուրն է:
11. Հաշուառման ենթարկուած նրա զօրքը բաղկացած է քառասունվեց հազար հինգ հարիւր հոգուց:
12. Նրա կողքին թող բանակատեղի հաստատի Շմալոնի ցեղը: Շմալոնի ցեղի գնդի հրամանատարը Սուրիսադայի որդի Սաղամիէլն է:
13. Հաշուառման ենթարկուած նրա զօրքը բաղկացած է յիսունինը հազար երեք հարիւր հոգուց:
14. Նրա կողքին թող բանակատեղի հաստատի Գադի ցեղը: Գադի ցեղի հրամանատարը Ռագուէլի որդի Եղիսափանն է:
15. Հաշուառման ենթարկուած նրա զօրքը բաղկացած է քառասունհինգ հազար վեց հարիւր յիսուն հոգուց:
16. Ռուբէնի ցեղի հաշուառման ենթարկուած ամբողջ զօրքը բաղկացած է հարիւր յիսունմէկ հազար չորս հարիւր յիսուն հոգուց: Ճանապարհ ընկնելիս նրանք իրենց զօրքով թող երկրորդը գնան:
17. Վկայութեան խորանը տեղափոխելիս դեւտացիների բանակատեղին թող գտնուի բանակատեղիների մէջտեղում: Ինչ կարգով որ բանակատեղի են հաստատել, նոյն կարգով էլ իւրաքանչիւրն ըստ իր իշխանութեան թող ճանապարհ ընկնի:
18. Եփրեմի ցեղի գունդն իր սպառազինութեամբ հանդերձ թող բանակատեղի հաստատի արեւմտեան կողմում: Եփրեմի ցեղի գնդի հրամանատարը Էմիուդի որդի Եղիսաման է:
19. Հաշուառման ենթարկուած նրա զօրքը բաղկացած է քառասուն հազար հինգ հարիւր հոգուց:
20. Նրանցից յետոյ թող բանակատեղի հաստատի Մանասէի ցեղը: Մանասէի ցեղի հրամանատարը Փադասուրի որդի Գամադիէլն է:
21. Հաշուառման ենթարկուած նրա զօրքը բաղկացած է երեսուներկու հազար երեք հարիւր հոգուց:
22. Նրանցից յետոյ բանակատեղի հաստատողը Բենիամինի գունդը թող լինի: Բենիամինի գնդի հրամանատարը Գեդէոնի որդի Աբիդանն է:
23. Հաշուառման ենթարկուած նրա զօրքը բաղկացած է երեսունհինգ հազար չորս հարիւր հոգուց:

24. Եփրեմի ցեղի հաշուառման ենթարկուած ամբողջ զօրքը բաղկացած է հարիւր ութ հազար երկու հարիւր հոգուց: Ճանապարհ ընկնելիս նրանք իրենց զօրքով թող երրորդը գնան:
25. Դանի ցեղի գունդն իր սպառազինութեամբ թող բանակատեղի հաստատի հիւսիսային կողմում: Դանի ցեղի գնդի հրամանատարը Ամիսադայի որդի Աքիեզերն է:
26. Հաշուառման ենթարկուած նրա զօրքը բաղկացած է վաթսուներկու հազար եօթը հարիւր հոգուց:
27. Նրանցից յետոյ բանակատեղի հաստատողը Ասերի ցեղը թող լինի: Ասերի ցեղի գնդի հրամանատարը Եքրանի որդի Փագիէլն է:
28. Հաշուառման ենթարկուած նրա զօրքը բաղկացած է քառասունմէկ հազար հինգ հարիւր հոգուց:
29. Նրանցից յետոյ բանակատեղի հաստատողը Նեփթաղիմի ցեղը թող լինի: Նեփթաղիմի ցեղի գնդի հրամանատարը Ենանի որդի Աքիրէն է:
30. Հաշուառման ենթարկուած նրա զօրքը բաղկացած է յիսուներեք հազար չորս հարիւր հոգուց:
31. Դանի ցեղի հաշուառման ենթարկուած զօրքը բաղկացած է հարիւր յիսուներօթը հազար վեց հարիւր հոգուց: Ճանապարհ ընկնելիս նրանք, ըստ իրենց գնդի կարգի, իրենց զօրքով վերջինը թող գնան:
32. Այս է իսրայէլացիների զօրքի թիւն ըստ իրենց նահապետների ընտանիքների: Հաշուառման ենթարկուած զօրքերի ընդհանուր թիւը բաղկացած է վեց հարիւր երեք հազար հինգ հարիւր յիսուն հոգուց:
33. Ղեւտացիները, սակայն, վերոյիշեալ հաշուառման ենթարկուածների մէջ չեն մտնում, ինչպէս որ Տէրն էր պատուիրել Մովսէսին:
34. Իսրայէլացիներն արեցին այն ամէնը, ինչ Տէրը հրամայել էր Մովսէսին: Նրանք բանակատեղիներ հաստատեցին ըստ իրենց գնդերի, եւ ամէն մէկը ճանապարհ էր ընկնում իր ցեղի հետ, ըստ իր նահապետների ընտանիքների:

1. Երբ Տերը Սինայի լեռան վրայ խօսում էր Մովսեսի հետ, Ահարոնի ու Մովսեսի յետնորդները հետեւեալներն էին.
2. Ահարոնի որդիների անուններն են. անդրանիկի անունը՝ Նաբադ, միւսներինը՝ Աբիուդ, Եղիազար եւ Իթամար:
3. Ահա սրանք են Ահարոնի քահանայ օծուած, քահանայանալու շնորհքին արժանացած որդիների անունները:
4. Նաբադն ու Աբիուդը վախճանուեցին Տիրոջ առաջ, երբ Սինայի անապատում պիղծ կրակ էին մատուցում Տիրոջը: Սրանք զաւակներ չունէին, ուստի իրենց հօր՝ Ահարոնի հետ քահանայացան Եղիազարն ու Իթամարը:
5. Տերը խօսեց Մովսեսի հետ եւ ասաց.
6. Ղեւիի ցեղի մարդկանց բե՛ր Ահարոն քահանայի մօտ, որ ծառայեն նրան.
7. թող կատարեն նրա պահպանութիւնն ու խրայելացիների պահպանութիւնը վկայութեան խորանի առջեւ եւ ծառայեն խորանին:
8. Նրանք թող պահպանեն վկայութեան խորանի ամբողջ սպասքը, թող կատարեն խրայելացիների պահպանութիւնը եւ խորանի ամբողջ ծառայութիւնը:
9. Ղեւտացիներին կը յանձնես քո Եղբայր Ահարոնին ու նրա քահանայ որդիներին. թող նրանք ինձ ընծայուած լինեն խրայելացիներից:
10. Ահարոնին ու նրա որդիներին կը նշանակես վկայութեան խորանի սպասարկութեան վրայ, որ կատարեն իրենց քահանայական պաշտօնը եւ այն ամէնը, ինչ վերաբերում է զոհասեղանին ու վարագոյրից ներս եղածին: Եթէ վկայութեան խորանին մի այլազգի մօտենայ, թող մեռնի:
11. Տերը խօսեց Մովսեսի հետ ու ասաց.
12. Ես, ահա, խրայելացիների միջից Ղեւտացիներին առանձնացրի բոլոր այն անդրանիկների փոխարէն, որոնք խրայելացի կանանց արգանդն են բացել: Ղեւտացիները թող լինեն խրայելացիների անդրանիկների փրկագինը եւ ինձ պատկանեն,
13. որովհետեւ ամէն անդրանիկ ծնունդ ինձ է պատկանում: Այն օրը, երբ Եգիպտացիների երկրում կոտորեցի բոլոր անդրանիկ զաւակներին, սրբագործեցի ինձ համար խրայելի բոլոր անդրանիկ ծնունդներին, մարդ թէ անասուն, որպէսզի ինձ պատկանեն, քանզի ես եմ Տերը:
14. Տերը Սինայի անապատում խօսեց Մովսեսի հետ ու ասաց.
15. Ղեւիի որդիներին հաշուառման ենթարկի՛ր ըստ իրենց նահապետների ընտանիքների, ըստ իրենց գնդերի ու իրենց ցեղերի: Հաշուառման ենթարկի՛ր մէկ ամսական եւ դրանից բարձր բոլոր արու զաւակներին:
16. Մովսէսն ու Ահարոնը հաշուառումը կատարեցին ըստ Տիրոջ խօսքի, այնպէս, ինչպէս Տերն էր հրամայել իրենց:
17. Սրանք են Ղեւիի որդիների անունները. Գեթսուն, Կահաթ եւ Մերարի:
18. Սրանք են Գեթսունի որդիների անունները ըստ իրենց գնդերի. Ղոբենի եւ Սեմէի:
19. Կահաթի որդիներն ըստ իրենց գնդերի սրանք են. Ամրամ, Իսահառ, Քեբրոն եւ Ոգիել:
20. Մերարիի որդիներն ըստ իրենց գնդերի սրանք են. Մոողի եւ Մուսի:
21. Սրանք են Ղեւտացիների գնդերն ըստ իրենց նահապետների ընտանիքների. Գեթսունի տոհմից՝ Ղոբենիի գունդն ու Սեմէիի գունդը: Սրանք Գեթսունի գնդերն են:
22. Մէկ ամսական ու դրանից բարձր տարիք ունեցող արու զաւակների ընդհանուր թիւը կազմում է եօթը հազար հինգ հարիւր հոգի:
23. Գեթսունի այս գնդերը խորանի յետեւի մասում՝ արեւմտեան կողմում բանակատեղի պիտի հաստատեն:
24. Գեթսունի գնդի նահապետների ընտանիքների առաջնորդը Գեիդի որդի Եղիսափանն է:

25. Վկայութեան խորանում Գեթսոնի որդիների պահպանութեանն են յանձնուում
26. խորանը, վկայութեան խորանի արտաքին վարագոյրները, քօղերը, սրահի առագաստները, խորանի դռան վարագոյրները եւ նրանց բոլոր բաղկացուցիչ մասերը:
27. Կահաթից սերունդին նախ Ամրամի գունդը, յետոյ՝ Իսահառի գունդը, յետոյ՝ Քեբրոնի գունդը, յետոյ՝ Ոգիելի գունդը:
28. Սրանք Կահաթի գնդերն են: Այս գնդերի մէկ ամսական եւ աւելի բարձր տարիք ունեցող արու զաւակների թիւը կազմում է ութ հազար երեք հարիւր հոգի, որոնք եւ պիտի հսկէին սրբազան իրերը:
29. Կահաթի որդիների գնդերը բանակատեղի պիտի հաստատեն խորանից հարաւ:
30. Կահաթի գնդի նահապետների ընտանիքների առաջնորդը Ոգիելի որդի Եղիսափանն է:
31. Նրանց պարտականութիւնն է տապանակի, զոհասեղանի, աշտանակի, զոհարանների եւ ծիսակատարութեան արքազան սպասքի, խորանի վերին ծածկոցի եւ դրանց բոլոր բաղկացուցիչ մասերի պահպանութիւնը:
32. Ղեւտացիների իշխանաց իշխանը Ահարոն քահանայի որդի Եղիազարն է, որի պարտականութիւնն է սուրբ իրերի պահպանութիւնը:
33. Մերարիից սերունդին Մոողիի գունդն ու Մուսիի գունդը: Սրանք Մերարիի գնդերն են:
34. Սրանց մէկ ամսական եւ աւելի բարձր տարիք ունեցող բոլոր արու զաւակների թիւը կազմում է վեց հազար երկու հարիւր հոգի:
35. Մերարիի գնդի նահապետների ընտանիքների իշխանը Աբիքիի որդի Սուրիէլն է: Նրանք թող բանակատեղի հաստատեն խորանից հիւսիս:
36. Մերարիի որդիների պահպանութեանը թող յանձնուեն խորանի խոյակները, նիգերը, սիւները, խարիսխներն ու դրանց բոլոր բաղկացուցիչ մասերը,
37. բակի չորս կողմի բոլոր սիւները, սրանց խարիսխները, ցցերը եւ պարանները:
38. Վկայութեան խորանի դիմաց՝ արեւելեան կողմում թող բանակատեղի հաստատեն Մովսէսն ու Ահարոնը: Վերջինիս որդիները իսրայէլացիներին ծառայելու համար պետք է պահպանեն սրբութիւնները: Եթէ վկայութեան խորանին մի այլազգի մօտենայ, թող մեռնի:
39. Տիրոջ խօսքով Մովսէսի ու Ահարոնի կողմից հաշուառման ենթարկուած մէկ ամսական եւ աւելի բարձր տարիք ունեցող արական սեռի ղեւտացիների թիւը, ըստ իրենց գնդերի, կազմեց քսաներկու հազար հոգի:
40. Տերը խօսեց Մովսէսի հետ ու ասաց. Հաշուառման ենթարկի՛ր իսրայէլացիների մէկ ամսական եւ աւելի բարձր տարիք ունեցող արական սեռի բոլոր անդրանիկներին եւ ստացի՛ր նրանց թիւն ըստ իրենց անունների:
41. Իսրայէլացիների բոլոր անդրանիկների փոխարէն ղեւտացիներին ինձ պիտի շնորհես, քանզի ես եմ Տերը, ինչպէս եւ ղեւտացիների անասունները՝ իսրայէլացիների անասունների առաջին ծնունդների փոխարէն:
42. Մովսէսը հաշուառման ենթարկեց իսրայէլացիների բոլոր անդրանիկ որդիներին, ինչպէս պատուիրել էր Տերը:
43. Իսրայէլացիների յականէ յանուանէ հաշուառման ենթարկուած մէկ ամսական եւ աւելի բարձր տարիք ունեցող արական սեռի բոլոր անդրանիկների թիւը կազմեց քսաներկու հազար երկու հարիւր եօթանասուններեք հոգի:
44. Տերը խօսեց Մովսէսի հետ եւ ասաց.
45. Ղեւտացիներին կ'առնես իսրայէլացիների բոլոր անդրանիկ զաւակների փոխարէն, ինչպէս նաեւ ղեւտացիների անասունները՝ նրանց անասունների փոխարէն: Ղեւտացիներն ինձ պիտի պատկանեն, քանզի ես եմ Տերը:
46. Ղեւտացիների թուի համեմատ թուով աւելի իսրայէլացի երկու հարիւր եօթանասուններեք անդրանիկների դիմաց փրկագին կը վերցնես.
47. Իւրաքանչիւրի դիմաց՝ հինգ սիկլ. ըստ սրբարանում ընդունուած սակագնի մէկ սիկլը հաւասար է քսան դանգի:

48. Դրամը իբրեւ փրկագին կը տաս Ահարոնին ու նրա որդիներին՝ ղեւտացիների թուհի համեմատ իսրայելացիների թուով աւելի անդրանիկների դիմաց:
49. Ղեւտացիների թուհի համեմատ իսրայելացիների թուով աւելի անդրանիկների դիմաց դրամն իբրեւ փրկագին առաւ Մովսէսը:
50. Իսրայելացիների թուով աւելի անդրանիկ որդիների դիմաց նա հազա
51. թ երեք հարիւր վաթսունհինգ սիկլ դրամ ստացաւ ըստ սրբարանում ընդունուած սիկլի:
52. Իսրայելացիների թուով աւելի անդրանիկների դիմաց ստացած փրկագինը, ըստ Տիրոջ խօսքի, Մովսէսը յանձնեց Ահարոնին ու նրա որդիներին: Տէրը այսպէս էր հրամայել Մովսէսին:

1. Տերը խօսեց Մովսէսի ու Ահարոնի հետ եւ ասաց.
2. Ղեւիի ցեղից հաշուառման ենթարկի՛ր Կահաթի որդիներին ըստ իրենց գնդերի, ըստ իրենց նահապետների ընտանիքների՝
3. քանակիւ տարեկանից մինչեւ յիսուն տարեկանները, բոլոր նրանց, ովքեր սպասաւորելու են վկայութեան խորանում եւ կատարելու են բոլոր անհրաժեշտ գործերը:
4. Ղեւիի որդիների միջից Կահաթի որդիների գործը վկայութեան խորանում ըստ իրենց գնդերի, ըստ իրենց նահապետների ընտանիքների թող լինի սրբազան իրերի պահպանութիւնը:
5. Երբ բանակատեղին տեղափոխուելու լինի, Ահարոնն ու իր որդիները պիտի մտնեն վրան, իջեցնեն վարագոյրը եւ դրանով ծածկեն վկայութեան տապանակը:
6. Նրանք դրա վրայ պիտի դնեն կաշուէ կապոյտ ծածկոցը, իսկ նրա վրայ էլ պիտի գցեն համակ կապոյտ կերպասը, ապա պիտի տեղադրեն տապանակի ձողերը:
7. Նուիրաբերութեան սեղանի վրայ պիտի փռեն համակ ծիրանի կերպասը, իսկ դրա վրայ էլ պիտի դնեն ափսէները, տուփերը, գաւաթները եւ մատուցարանները, որոնցով նուիրաբերում են կատարում: Դրա վրայ պիտի դնեն նաեւ հանապազօրեայ հացը,
8. սեղանը պիտի ծածկեն կարմիր կտորով, սրա վրայ էլ պիտի դնեն կաշուէ կապոյտ ծածկոց եւ պիտի տեղադրեն ձողերը:
9. Նրանք պիտի առնեն կապոյտ կերպաս եւ դրանով ծածկեն լոյսի աշտանակը, նրա երկու կանթեղները, նրա ունեւիւղները, նրա ճրագակալները եւ իւղի բոլոր ամանները, որոնցով սպասարկում են:
10. Աշտանակն ու նրա ամբողջ սպասքը պիտի առնեն կաշուէ կապոյտ ծածկոցի տակ եւ դնեն ձողերի վրայ:
11. Ոսկէ զոհասեղանը պիտի ծածկեն կապոյտ կերպասով, դրա վրայ պիտի գցեն կաշուէ կապոյտ ծածկոց եւ պիտի տեղադրեն ձողերը:
12. Պիտի վերցնեն պաշտամունքի ամբողջ սպասքը, որոնցով պաշտամունք են կատարում սրբարանում, եւ պիտի դնեն կապոյտ կերպասի մէջ: Այնուհետեւ դա պիտի ծածկեն կաշուէ կապոյտ ծածկոցով եւ պիտի դնեն ձողերի վրայ:
13. Չոհասեղանի վրայ ծածկոց պիտի փռեն, ապա այն պիտի ծածկեն համակ ծիրանի կերպասով:
14. Վրան պիտի դնեն այն սպասքը, որով պաշտամունք են կատարելու դրա վրայ. այն է՝ կրակամանները, մեծ պատառաքաղները, տաշտերը, ծածկիչներն ու զոհասեղանի ամբողջ սպասքը: Դրա վրայ պիտի գցեն կաշուէ կապոյտ ծածկոցը եւ պիտի տեղադրեն ձողերը:
15. Ապա պիտի վերցնեն ծիրանի կերպաս ու դրանով ծածկեն լուացարանն ու նրա պատուանդանները, դրա վրայ էլ պիտի գցեն կապոյտ կաշուէ ծածկոց եւ դնեն ձողերի վրայ: Երբ բանակատեղիի բնակիչները ճանապարհ ընկնեն, Ահարոնն ու նրա որդիները պիտի աւարտած լինեն սրբազան ամբողջ սպասքը ծածկելու գործերը: Դրանից յետոյ միայն պիտի գան Կահաթի որդիները, որ դրանք վերցնեն տանեն: Նրանք, սակայն, սրբազան առարկաներին չպիտի դիպչեն, որպէսզի չմեռնեն: Կահաթի որդիները պիտի վերցնեն վկայութեան խորանի բոլոր իրերը,
16. իսկ բոլորի վերակացուն պիտի լինի Ահարոն քահանայի որդի Եղիազարը: Նա պիտի հոգայ լուսաւորութեան իւղի, անուշահոտ խնկերի, հանապազօրեայ զոհամատուցման, օծութեան իւղի, խորանին վերաբերող ամեն ինչի, դրա մէջ եղած սրբազան առարկաների ու այնտեղ կատարուող ամեն ինչի մասին:
17. Տերը խօսեց Մովսէսի եւ Ահարոնի հետ ու ասաց.
18. Ղեւտացիներից Կահաթի տոհմի մարդկանց չվերացնէք: Այնպէս արեք, որ նրանք ապրեն եւ սրբազան իրերին մերձենալիս չմեռնեն:
19. Ահարոնն ու նրա որդիները միայն պիտի մտնեն ներս եւ որոշեն, թէ նրանցից



իւրաքանչիւրը ինչ պաշտօն է կատարելու:

20. Կահաթի որդիները հենց այնպէս թող ներս չմտնեն սրբութիւնները տեսնելու համար, թէ ոչ կը մեռնեն:

21. Տէրը խօսեց Մովսէսի հետ եւ ասաց.

22. Հաշուառման ենթարկի՛ր Գերսոնի որդիներին ըստ իրենց նահապետների ընտանիքների, ըստ իրենց գնդերի՝

23. սկսած քսանհինգ տարեկանից մինչեւ յիսուն տարեկանները, բոլոր նրանց, ովքեր սպասաւորութեան համար վկայութեան խորան պիտի մտնեն:

24. Այս է Գերսոնի գնդի մարդկանց պարտականութիւնը ծառայելիս եւ բեռներ բարձելիս:

25. Նրանք պիտի վերցնեն խորանի ծածկոցը, վկայութեան խորանը, դրա արտաքին վարագոյրները, դրա վրայ գցուող կապոյտ ծածկոցը, վկայութեան խորանի դռան վարագոյրը, սրահի առագաստը,

26. այն, ինչ դրուած է վկայութեան խորանի վրայ, պարանները եւ այն ամբողջ սպասքը, որով պաշտամունք են կատարում:

27. Գերսոնի որդիները պիտի վարուեն այնպէս, ինչպէս կը կարգադրեն Ահարոնն ու Նրա որդիները. սպասաւորութիւնը պետք է կատարուի ըստ նրանց կարգադրութեան: Նրանց հաշուառումը եւ նրանցից իւրաքանչիւրի կրելիք իրերի հաշուառումը կատարեցէ՛ք յականէ յանուանէ:

28. Ահա այս է Գերսոնի որդիների պարտականութիւնը վկայութեան խորանում, որի վերակացուն է Ահարոն քահանայի որդի Իթամարը:

29. Հաշուառման կ'ենթարկեք Մերարիի որդիներին ըստ իրենց գնդերի, ըստ իրենց նահապետների ընտանիքների՝

30. սկսած քսանհինգ տարեկանից մինչեւ յիսուն տարեկանները, բոլոր նրանց, ովքեր սպասաւորութեան համար վկայութեան խորան պիտի մտնեն:

31. Նրանց պարտականութիւնն է կրել խորանի հետեւեալ իրերը. խորանի խոյակները, Նրա նիզերն ու սիւները, Նրա խարիսխները, վարագոյրը, Նրա խարիսխները, սիւները,

32. խորանի դռան վարագոյրը, բակի չորս կողմերի սիւները, դրանց խարիսխները, բակի դռան վարագոյրի սիւները եւ սրանց խարիսխներն ու ցցերը, պարանները, ամբողջ կահ-կարասին ու սպասքը: Մէկ առ մէկ կատարեցէ՛ք նրանց եւ

փոխադրութեան ենթակայ ամբողջ կահ-կարասու հաշուառումը:

33. Այս է լինելու վկայութեան խորանում Մերարիի տոհմին պատկանող մարդկանց պարտականութիւնն իրենց յանձնարարուած գործերում, որ պիտի կատարուեն Ահարոն քահանայի որդի Իթամարի հսկողութեան ներքոյ:

34. Մովսէսը, Ահարոնն ու իսրայէլացի հրամանատարները հաշուառման ենթարկեցին Կահաթի որդիներին ըստ նրանց տոհմերի, ըստ նրանց նահապետների ընտանիքների՝

35. սկսած քսանհինգ տարեկանից մինչեւ յիսուն տարեկանները, բոլոր նրանց, ովքեր ենթակայ էին ծառայութեան մէջ մտնելու եւ վկայութեան խորանում սպասաւորութիւն կատարելու:

36. Նրանց թիւը ըստ իրենց տոհմերի եղաւ երկու հազար եօթը հարիւր յիսուն հոգի:

37. Այս է Կահաթի տոհմին պատկանող մարդկանց թիւը, բոլոր նրանց, ովքեր ենթակայ էին մտնելու վկայութեան խորան՝ սպասաւորութիւն կատարելու, հաշուառում, որ կատարեցին Մովսէսն ու Ահարոնը ըստ այն խօսքի, որ Տէրն ասել էր Մովսէսին:

38. Հաշուառման ենթարկուեցին Գերսոնի որդիներն ըստ իրենց տոհմերի, ըստ իրենց նահապետների ընտանիքների՝

39. սկսած քսանհինգ տարեկանից մինչեւ յիսուն տարեկան, բոլոր նրանք, ովքեր ենթակայ էին մտնելու վկայութեան խորան՝ սպասաւորութիւն կատարելու:

40. Նրանց թիւն ըստ իրենց տոհմերի, ըստ իրենց նահապետների ընտանիքների եղաւ երկու հազար վեց հարիւր երեսուն:

41. Այս է Գերսոնի տոհմին պատկանող մարդկանց թիւը, բոլոր նրանց, ովքեր սպասաւորելու էին վկայութեան խորանում, հաշուառում, որ կատարեցին Մովսէսն ու

Ահարոնը ըստ այն խօսքի, որ Տէրն ասել էր Մովսէսին:

42. Հաշուառման ենթարկուեցին նաեւ Մերարիի որդիներն ըստ իրենց տոհմերի, ըստ իրենց նահապետների ընտանիքների՝

43. սկսած քսանհինգ տարեկանից մինչեւ յիսուն տարեկանները, բոլոր նրանք, ովքեր ենթակայ էին մտնելու վկայութեան խորան՝ սպասաւորութիւն կատարելու:

44. Նրանց թիւն ըստ իրենց տոհմերի, ըստ իրենց նահապետների ընտանիքների եղաւ երեք հազար երկու հարիւր:

45. Այս է Մերարիի տոհմին պատկանող մարդկանց թիւը, որոնց հաշուառումը կատարեցին Մովսէսն ու Ահարոնը ըստ այն խօսքի, որ Տէրն ասել էր Մովսէսին:

46. Մովսէսի, Ահարոնի ու իսրայելացի հրամանատարների հաշուառման ենթարկած բոլոր դէտացիների թիւը ըստ իրենց տոհմերի, ըստ իրենց նահապետների ընտանիքների՝

47. սկսած քսանհինգ տարեկանից մինչեւ յիսուն տարեկանները, բոլոր նրանց, ովքեր իրաւունք ունէին սպասաւորութիւն կատարելու եւ վկայութեան խորանն ու դրա կահ-կարասին փոխադրելու,

48. Տիրոջ խօսքի համաձայն բոլոր հաշուառման ենթարկուածների թիւը եղաւ ութ հազար հինգ հարիւր ութսուն:

49. Տէրը նրանց հաշուառման ենթարկեց Մովսէսի ձեռքով: Իւրաքանչիւր մարդու համար նշուեց իր կատարելիք սպասաւորութիւնն ու փոխադրելիք կահ-կարասին:

Նրանք հաշուառման ենթարկուեցին, ինչպէս որ Տէրը հրամայել էր Մովսէսին:

1. Տերը խօսեց Մովսեսի հետ եւ ասաց.
2. Հրամայի՛ր իսրայելացիներին, որ բանակատեղիից հեռացնեն բոլոր բորոտներին, սերմի ծորում ունեցող բոլոր մարդկանց եւ բոլոր նրանց, ովքեր դիակի ձեռք տալով պիղծ են դարձել,
3. այր լինեն նրանք թէ կին: Բանակատեղիից արձակեցե՛ք նրանց, որպեսզի չպղծեն իրենց բանակատեղիները, ուր իջնում բնակւում են ես:
4. Այդպէս էլ արեցին իսրայելացիները. նրանք բանակատեղիից հեռացրին նրանց: Ինչպէս որ ասել էր Տերը Մովսեսին, այդպէս էլ արեցին իսրայելացիները:
5. Տերը խօսեց Մովսեսի հետ եւ ասաց.
6. Խօսի՛ր իսրայելացիների հետ եւ ասա՛ նրանց. Այն տղամարդը կամ կինը, որ մարդկային որեւէ մեղք է գործում, խիստ արհամարհած կը լինի Տիրոջը եւ յանցանք գործած կը լինի:
7. Թող նա խոստովանի իր մեղքերը, թող լրիւ հատուցի նրան, ում վնաս է պատճառել եւ վնասի մէկ հինգերորդ մասն էլ աւելացնի հատուցածի վրայ:
8. Եթէ վնաս կրած մարդը մերձաւոր որեւէ մէկը չունի, որ նրան հատուցի իր պատճառած վնասը, ապա յանցանքի դիմաց Տիրոջը հատուցուածը թող պատկանի քահանային, բացի քաւութեան նոխագից, որով նա պետք է քաւի իր մեղքը:
9. Իսրայելացիների՝ Տիրոջը մատուցած բոլոր տեսակի պտուղները պիտի պատկանեն քահանային:
10. Տիրոջը մատուցուող ամէն ինչ քահանային պետք է պատկանի: Իսրայելացիների՝ քահանային մատուցած ամէն ինչ նրան թող պատկանի:
11. Տերը խօսեց Մովսեսի հետ եւ ասաց.
12. Դիմի՛ր իսրայելացիներին եւ ասա՛ նրանց. Եթէ պատահի, որ ամուսնացած մի կին յանցանք գործի՝ դաւաճանի ամուսնուն,
13. կենակցի մէկի հետ, եւ դա վրիպի ամուսնու աչքից, կինը թաքցնի եղածը, եւ այդ բանի մասին վկայ չլինի, ու կինն էլ յղի չմնայ, միեւնոյնն է, կինը պղծուած է:
14. Նոյնպէս եւ՝ եթէ խանդի ոգին տիրի ամուսնուն, եւ նա խանդի իր կնոջը, բայց կինը մաքուր լինի, կամ եթէ խանդի ոգին տիրի ամուսնուն, ու նա խանդի իր կնոջը, եւ կինը պղծուած լինի, -
15. ապա երկու դեպքում էլ ամուսինն իր կնոջը թող բերի քահանայի մօտ եւ նրա համար մէկ տասներորդ գրիւ գարու ալիւր մատուցի: Դրա վրայ իւր չպետք է ածել, կնդրուկ չպետք է դնել, որովհետեւ դա խանդի ընծայաբերում է, յիշատակի ընծայաբերում, մեղքը յիշեցնող ընծայաբերում:
16. Քահանան կնոջը պետք է բերի ու կանգնեցնի Տիրոջ առջեւ:
17. Քահանան խեցե մի ամանով սուրբ ջուր պիտի առնի եւ վկայութեան խորանի յատակի հողից մի բուռ վերցնելով՝ պիտի լցնի ջրի մէջ:
18. Քահանան կնոջը պիտի կանգնեցնի Տիրոջ առջեւ, հանի կնոջ գլխաշորը, նրա ձեռքը տայ մեղքը յիշեցնող ընծայաբերումը, խանդի ընծայաբերումը: Քահանայի ձեռքին պիտի լինի նզովքի յանդիմանութեան ջուրը:
19. Քահանան պիտի երդուեցնի կնոջը եւ ասի նրան. Եթէ ուրիշի հետ չես կենակցել, յանցանք չես գործել, չես դաւաճանել ամուսնուդ, ապա անմասն լինես նզովքի այս յանդիմանութեան ջրից:
20. Իսկ եթէ ամուսին ունենալով հանդերձ է անառակութիւն արել, դաւաճանել ամուսնուն,
21. այն ժամանակ քահանան թող երդուեցնի կնոջը այս նզովքի երդմամբ եւ ասի նրան. Տերը թող քեզ նզովքի ու երդման ենթակայ դարձնի քո ժողովրդի մէջ, հիւժի քո գիստերը եւ ուռեցնի քո որովայնը:
22. Նզովեալ ջուրը թող լցուի քո որովայնը, ուռեցնի քո մէջքը եւ հիւժի քո գիստերը: Կինը թող պատասխանի. Թող այդպէս լինի, թող այդպէս լինի:

23. Քահանան այս նգովքը թող գրի առնի, ապա այդ գրուածքը լուայ նգովքի  
յանդիմանութեան ջրի մէջ,
24. յանդիմանութեան նգովքի այդ ջուրը խմել տայ կնոջը, որպէսզի այդպիսով նրա մէջ  
լցուի յանդիմանութեան նգովեալ ջուրը:
25. Թող քահանան կնոջ ձեռքից առնի խանդի ընծայաբերումը, դնի Տիրոջ առջեւ եւ  
մատուցի զոհասեղանի վրայ:
26. Քահանան բռով թող առնի կնոջ մեղքը յիշատակող ընծայաբերումից եւ այն դնի  
զոհասեղանի վրայ: Դրանից յետոյ կնոջը թող խմել տայ յանդիմանութեան ջուրը:
27. Եթէ կինն իրօք պղծուած է, եւ նա իր արարքը թաքցրել է ամուսնուց, ապա  
յանդիմանութեան նգովեալ ջուրը թող լցուի նրա մէջ, ուռեցնի նրա որովայնը, հիւծի նրա  
զիստերը, եւ կինը նգովուած լինի իր ժողովրդի մէջ:
28. Իսկ եթէ կինը պղծուած չէ, մաքուր է, ապա թող նա քաւութիւն գտնի եւ կենակցի իր  
ամուսնու հետ:
29. Այս է խանդի օրէնքը, երբ կինն ամուսնացած լինելով դաւաճանում է ամուսնուն,
30. կամ երբ խանդի զգացում է տիրում տղամարդուն, եւ նա խանդում է իր կնոջը: Այս  
դէպքում նա կնոջը պիտի կանգնեցնի Տիրոջ առջեւ, իսկ քահանան նրա նկատմամբ  
պետք է կիրառի վերոյիշեալ օրէնքը:
31. Եթէ կինը յանցաւոր դուրս գայ, այդ դէպքում ամուսինն անմեղ է, իսկ կինը թող կրի  
իր գործած մեղքի պատիժը:

1. Տերը խօսեց Մովսէսի հետ եւ ասաց.
2. Խօսի՛ր իսրայէլացիների հետ եւ նրանց ասա՛. Այն տղամարդը կամ կինը, որ Տիրոջը նուիրուելու մեծ ուխտ է անում,
3. պետք է հրաժարուի գինուց եւ ոգելից խմիչքից: Նա գինուց կամ ոգելից խմիչքից պատրաստուած քացախ չպետք է խմի, խաղող եւ չամիչ չպետք է ուտի:
4. Իր ուխտի ամբողջ ընթացքում նա որթատնկից ստացուող ոչ մի բան չպետք է օգտագործի՝ ոչ գինի, ոչ չամիչ, ոչ իսկ խաղողի կորիզ:
5. Իր ուխտի ամբողջ ընթացքում իր գլխին ածելի չպետք է կպցնի, մինչեւ Տիրոջն ուխտած օրերը վերջանալը նա մաքուր պետք է մնայ. իր գլխի մազերին ձեռք չպիտի տայ
6. Տիրոջն ուխտած բոլոր օրերին: Նա չպետք է մօտենայ
7. հօր կամ մօր, եղբօր կամ քրոջ դիակին: Նրանց դիակին մօտենալով՝ նա չպետք է պղծուի, որովհետեւ Տիրոջն արած ուխտը իր գլխի վրայ է:
8. Իր ուխտի բոլոր օրերին նա սուրբ պետք է լինի Տիրոջ համար:
9. Իսկ եթէ որեւէ մէկը յանկարծ մեռնի իր մօտ, ապա այդ դէպքում պղծուած կը լինի նրա ուխտ արած գլուխը. այդ օրն իսկ նա պետք է ածիլի իր գլուխն ու մաքրուի, իսկ յաջորդ անգամ պետք է ածիլուի եօթը օր անց:
10. Ուրբերո՞րդ օրը նա քահանայի մօտ, վկայութեան խորան թող բերի երկու տատրակ եւ աղանու երկու ձագ:
11. Քահանան մէկը պետք է զոհի մեղքերի քաւութեան համար, իսկ միւսը պետք է ողջակիզի: Այդպիսով քահանան թող քաւած լինի նրա մեղքը, որ կատարել էր դիակ տեսնելով: Նա այդ օրն իսկ թող սրբագործի իր գլուխը,
12. որովհետեւ նա այդ օրն է նուիրում Տիրոջը իր ուխտի բոլոր օրերում: Դրանից յետոյ նա մի տարեկան գառ թող նուիրաբերի իր մեղքերի քաւութեան համար: Իր ուխտին նախորդած օրերը հաշուի պիտի չառնուեն, որովհետեւ նրա ուխտ արած գլուխը պղծուեց:
13. Այս է ուխտեալին վերաբերող օրէնքը. երբ վերջանան նրա ուխտի օրերը, քահանան նրան վկայութեան խորան թող բերի
14. եւ Տիրոջը մատուցած նրա զոհերն ու նուէրները, այն է՝ մի տարեկան ոչ արատաւոր գառ՝ ողջակեզի համար, մի տարեկան ոչ արատաւոր էգ գառ՝ մեղքերի քաւութեան համար, ոչ արատաւոր մէկ խոյ՝ փրկութեան համար,
15. մէկ զամբիւղ ընտիր ալիւրով հունցուած բաղարջ կարկանդակներ, իւղով շաղուած բաղարջ բլիթներ եւ իւղով հունցուած բաղարջ հացիկներ:
16. Քահանան այս բոլորը թող դնի Տիրոջ առջեւ, կատարի մեղքերի քաւութեան պատարագը:
17. Այնուհետեւ նրա ողջակեզը եւ խոյը բաղարջ հացի զամբիւղի հետ թող մատուցուի Տիրոջը որպէս փրկութեան զոհաբերութիւն, եւ քահանան թող մատուցի զոհն ու ընծաները:
18. Վկայութեան խորանի մուտքի մօտ ուխտաւորը թող ածիլի իր ուխտ արած գլուխը եւ մազը դնի այն կրակին, որի վրայ փրկութեան զոհն է:
19. Քահանան թող վերցնի խոյի եփուած թելը, զամբիւղից վերցնի մի բաղարջ հաց ու մի բաղարջ կարկանդակ եւ դնի ուխտաւորի ձեռքերի վրայ, երբ նա արդէն ածիլած կը լինի իր գլուխը:
20. Քահանան այն իբրեւ ընծայ թող բերի Տիրոջ առջեւ, որից յետոյ ուխտեալը մաքրուած է համարում: Քահանային են հասնում ողջակեզի կուրծքն ու ազդրը: Դրանից յետոյ ուխտեալը կարող է գինի խմել:
21. Ահա սրանք են իրեն Տիրոջը ուխտած մարդու մասին օրէնքը եւ դրան վերաբերող ծէսը, բացի այն դէպքերից, երբ ուխտեալը ի վիճակի է իր ուխտի համար աւելին անելու: Սա Տիրոջն արած իր ուխտը իր նուիրաբերումի չափով պետք է կատարի

22. Տերը խօսեց Մովսէսի հետ եւ ասաց.
23. Խօսի՛ր Ահարոնի ու նրա որդիների հետ եւ ասա՛. Այսպէ՛ս օրհնեցէք իսրայէլացիներին եւ ասացէ՛ք նրանց.
24. (Իմ անունը թող դնեն իսրայէլացիների վրայ, եւ ես՝ Տէրս, կ'օրհնեմ նրանց).
25. Տէրն օրհնի քեզ ու պահպանի քեզ,
26. իր երեսը ցոյց տայ քեզ ու ողորմի քեզ:
27. Տէրն իր երեսը դէպի քեզ դարձնի եւ քեզ խաղաղութիւն պարգեւի:

1. Երբ հասաւ այն օրը, որ Մովսէսն աւարտեց խորանի կառուցումը, եւ այն պատրաստ էր կանգնեցուելու, նա օծեց այն ու դրա ամբողջ սպասքը, զոհարանն ու դրա ամբողջ սպասքը, օծեց ու սրբագործեց դրանք:
2. Իսրայէլացի իշխանները՝ Նրանց Նահապետների ընտանիքների տասներկու հրամանատարները, որոնք գործակալների վերակացուներ էին, նուէրներ մատուցեցին:
3. Նրանք Տիրոջ առջեւ որպէս ընծայ մատուցեցին վեց զարդարուած սայլ ու տասներկու եգ. մէկական սայլ երկու իշխանների կողմից եւ մէկական զուարակ ամէն մի իշխանի կողմից: Նրանք այդ ընծաները բերեցին խորանի առջեւ:
4. Տէրը խօսեց Մովսէսի հետ ու ասաց.
5. Ընդունի՛ր Նրանցից այդ ընծաները: Դրանք թող ծառայեն վկայութեան խորանի սպասաւորութեանը: Դրանք կը տաս ղեւտացիներին՝ ամէն մէկին ըստ իր սպասաւորութեան:
6. Եւ Մովսէսն ընդունելով սայլերն ու եգները՝ տուեց ղեւտացիներին:
7. Նա երկու սայլ ու չորս եգ տուեց Գերսոնի որդիներին՝ ըստ Նրանց պաշտօնի:
8. Չորս սայլ եւ ութ եգ տուեց Մերարիի որդիներին՝ ըստ Նրանց պաշտօնի: Մովսէսն այդ արեց Ահարոն քահանայի որդի Իթամարի միջոցով:
9. Կահաթի որդիներին նա ոչինչ չտուեց, որովհետեւ Նրանց պարտականութիւնը սրբազան սպասքը իրենց ուսերի վրայ կրելն էր:
10. Չոհասեղանի Նաւակատիքի օրը, երբ նա օծեց այն, իշխաններն իրենց ընծաները բերեցին զոհասեղանի առջեւ:
11. Տէրն ասաց Մովսէսին. Օրական միայն մի իշխան թող մատուցի իր ընծաները զոհասեղանի Նաւակատիքին:
12. Առաջին օրն իր ընծաները մատուցեց Ամինադաբի որդի Նաասունը՝ Յուդայի ցեղի իշխանը:
13. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ Նուիրաբերում, իւղով հունցուած լիքը ընտիր ալիւր,
14. խնկով լցուած տասը դահեկան արժողութեամբ մէկ ոսկէ տուփ,
15. ողջակէզի համար Նախրից բերուած մէկ զուարակ, մէկ խոյ, մի տարեկան մէկ գառ,
16. մեղքերի քաւութեան համար այծերի հօտից մէկ Նոխազ,
17. որպէս փրկութեան զոհաբերութիւն երկու երինջ, հինգ խոյ, հինգ Նոխազ, մէկ տարեկան հինգ եգ գառ: Այս է Ամինադաբի որդի Նաասունի ընծան:
18. Երկրորդ օրն իր ընծաները մատուցեց Սոգարի որդի Նաթանայէլը՝ Իսաքարի ցեղի իշխանը:
19. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ Նուիրաբերում, իւղով հունցուած լիքը ընտիր ալիւր,
20. խնկով լցուած տուփ՝ տասը դահեկան արժողութեամբ,
21. ողջակէզի համար Նախրից բերուած մէկ զուարակ, մէկ խոյ, մի տարեկան մէկ գառ,
22. մեղքերի քաւութեան համար այծերի հօտից մէկ Նոխազ,
23. որպէս փրկութեան զոհաբերում երկու երինջ, հինգ խոյ, հինգ Նոխազ, մէկ տարեկան հինգ եգ գառ: Այս է Սոգարի որդի Նաթանայէլի ընծան:
24. Երրորդ օրն իր ընծաները մատուցեց Քելոնի որդի Եղիաբը՝ Չաբուլոնի որդիների իշխանը:
25. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ Նուիրաբերում, իւղով հունցուած լիքը ընտիր ալիւր,
26. խնկով լցուած տասը դահեկան արժողութեամբ մէկ տուփ,
27. ողջակէզի համար Նախրից բերուած մէկ զուարակ, մէկ խոյ, մի տարեկան մէկ գառ,

28. մեղքերի քաւութեան համար այծերի հօտից մէկ նոխագ,  
29. որպէս փրկութեան գոհաբերում երկու երինջ, հինգ խոյ, հինգ նոխագ, մէկ տարեկան հինգ էգ գառ: Այս է Զելոնի որդի Եղիաբի ընծան:
30. Չորրորդ օրն իր ընծաները մատուցեց Սեդիուրի որդի Եղիսուրը՝ Ռուբէնի որդիների իշխանը:  
31. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,  
32. խնկով լցուած տասը դահեկան արժողութեամբ մէկ տուփ,  
33. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,  
34. մեղքերի քաւութեան համար այծերի հօտից մէկ նոխագ,  
35. որպէս փրկութեան գոհաբերում երկու երինջ, հինգ խոյ, հինգ նոխագ, մէկ տարեկան հինգ էգ գառ: Այս է Սեդիուրի որդի Եղիսուրի ընծան:
36. Հինգերորդ օրն իր ընծաները մատուցեց Սուրիսադայի որդի Սադամիէլը՝ Շմաւոնի որդիների իշխանը:  
37. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,  
38. խնկով լցուած տասը դահեկան արժողութեամբ մէկ տուփ,  
39. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,  
40. մեղքերի քաւութեան համար այծերի հօտից մէկ նոխագ,  
41. որպէս փրկութեան գոհաբերութիւն երկու երինջ, հինգ խոյ, հինգ նոխագ, մէկ տարեկան հինգ էգ գառ: Այս է Սուրիսադայի որդի Սադամիէլի ընծան:
42. Վեցերորդ օրն իր ընծաները մատուցեց Ռագուէլի որդի Եղիսափանը՝ Գադի որդիների իշխանը:  
43. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,  
44. խնկով լցուած տասը դահեկան արժողութեամբ մէկ տուփ,  
45. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,  
46. մեղքերի քաւութեան համար այծերի հօտից մէկ նոխագ,  
47. որպէս փրկութեան գոհաբերութիւն երկու երինջ, հինգ խոյ, հինգ նոխագ, մէկ տարեկան հինգ էգ գառ: Այս է Ռագուէլի որդի Եղիսափանի ընծան:
48. Եօթներորդ օրն իր ընծաները մատուցեց Եմիուդի որդի Եղիսաման՝ Եփրեմի որդիների իշխանը:  
49. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,  
50. խնկով լցուած տասը դահեկան արժողութեամբ մէկ տուփ,  
51. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,  
52. մեղքերի քաւութեան համար այծերի հօտից մէկ նոխագ,  
53. որպէս փրկութեան գոհաբերութիւն երկու երինջ, հինգ խոյ, հինգ նոխագ, մէկ տարեկան հինգ էգ գառ: Այս է Եմիուդի որդի Եղիսամայի ընծան:
54. Ութերորդ օրն իր ընծաները մատուցեց Փադասուրի որդի Գամադիէլը՝ Մանասէի որդիների իշխանը:  
55. Նա որպէս ընծայ մատուցեց հարիւր երեսուն սիկլ քաշ ունեցող մէկ արծաթէ կոնք, ըստ սրբարանի սիկլի եօթանասուն սիկլ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,  
56. խնկով լցուած տասը դահեկան արժողութեամբ մէկ տուփ,  
57. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,  
58. մեղքերի քաւութեան համար այծերի հօտից մէկ նոխագ,



59. որպէս փրկութեան զոհաբերութիւն երկու երինջ, հինգ խոյ, հինգ նոխազ, մէկ տարեկան հինգ էգ գառ: Այս է Փաղասուրի որդի Գամաղիէի ընծան:
60. Իններորդ օրն իր ընծաները մատուցեց Գերսոնի որդի Աբիդանը՝ Բենիամինի որդիների իշխանը:
61. Նա որպէս ընծայ մատուցեց հարիւր երեսուն սիկղ քաշ ունեցող մէկ արծաթէ կոնք, ըստ սրբարանի սիկղի եօթանասուն սիկղ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,
62. խնկով լցուած տասը դահեկան արժողութեամբ մէկ տուփ,
63. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,
64. մեղքերի քաւութեան համար այծերի հօտից մէկ նոխազ,
65. որպէս փրկութեան նուիրաբերութիւն երկու երինջ, հինգ խոյ, հինգ նոխազ, մէկ տարեկան հինգ էգ գառ: Այս է Գերսոնի որդի Աբիդանի ընծան:
66. Տասներորդ օրն իր ընծաները մատուցեց Ամիսադայի որդի Աքիեզերը՝ Դանի որդիների իշխանը:
67. Նա որպէս ընծայ մատուցեց հարիւր երեսուն սիկղ քաշ ունեցող մէկ արծաթէ կոնք, ըստ սրբարանի սիկղի եօթանասուն սիկղ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերութիւն, իւղով հունցուած լիքը ընտիր ալիւր,
68. խնկով լցուած տասը դահեկան արժողութեամբ մէկ տուփ,
69. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,
70. մեղքերի քաւութեան համար այծերի հօտից մէկ նոխազ,
71. որպէս փրկութեան զոհաբերութիւն երկու երինջ, հինգ խոյ, հինգ նոխազ, մէկ տարեկան հինգ էգ գառ: Այս է Ամիսադայի որդի Աքիեզերի ընծան:
72. Տասնմէկերորդ օրն իր ընծաները մատուցեց Եքրանի որդի Փագէելը՝ Ասերի որդիների իշխանը:
73. Նա որպէս ընծայ մատուցեց հարիւր երեսուն սիկղ քաշ ունեցող մէկ արծաթէ կոնք, ըստ սրբարանի սիկղի եօթանասուն սիկղ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,
74. խնկով լցուած տասը դահեկան արժողութեամբ մէկ տուփ,
75. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,
76. մեղքերի քաւութեան համար այծերի հօտից մէկ նոխազ,
77. որպէս փրկութեան զոհաբերութիւն երկու երինջ, հինգ խոյ, հինգ նոխազ, մէկ տարեկան հինգ էգ գառ: Այս է Եքրանի որդի Փագէելի ընծան:
78. Տասներկուերորդ օրն իր ընծաները մատուցեց Ենանի որդի Աքիրանը՝ Նեփթաղիմի որդիների իշխանը:
79. Նա որպէս ընծայ մատուցեց հարիւր երեսուն սիկղ քաշ ունեցող մէկ արծաթէ կոնք, ըստ սրբարանի սիկղի եօթանասուն սիկղ քաշ ունեցող մէկ արծաթէ տաշտ՝ երկուսի մէջ էլ, իբրեւ նուիրաբերում, իւղով հունցուած լիքը ընտիր ալիւր,
80. խնկով լցուած տասը դահեկան արժողութեամբ մէկ տուփ,
81. ողջակէզի համար նախրից բերուած մէկ զուարակ, մէկ խոյ, մի տարեկան մէկ գառ,
82. մեղքերի քաւութեան համար այծերի հօտից մէկ նոխազ,
83. որպէս փրկութեան զոհաբերութիւն երկու երինջ, հինգ խոյ, հինգ նոխազ, մէկ տարեկան հինգ էգ գառ: Այս է Ենանի որդի Աքիրանի ընծան:
84. Ահա սրանք են զոհասեղանի նաւակատիքի օրը խորայելացիների իշխանների մատուցած ընծաները. տասներկու արծաթէ կոնք, տասներկու արծաթէ տաշտ, տասներկու տուփ:
85. Իւրաքանչիւր կոնքի քաշը հարիւր երեսուն սիկղ էր, իւրաքանչիւր տաշտի քաշը՝ եօթանասուն սիկղ: Սպասքի ամբողջ արծաթը, ըստ սրբարանի սիկղի, երկու հազար չորս հարիւր սիկղ էր:
86. Խնկով լցուած ոսկէ տուփերի թիւը տասներկու էր: Խնկամանների ամբողջ ոսկին հարիւր քսան դահեկան էր:
87. Ողջակէզի հորթերի ընդհանուր թիւը տասներկու էր, զուարակներինը՝ տասներկու,

խոյերինը՝ տասներկու, մէկ տարեկան ոչ արատաւոր գառներինը՝ տասներկու, դրանց վրայ գումարած անարիւն ընծաները եւ մեղքերի քաւութեան համար այծերի հօտերից բերուած տասներկու նոխազները:

88. Որպէս ողջակէզի գոհաբերութիւն՝ արջառների ընդհանուր թիւը տասներկու էր, երինջներինը՝ քսանչորս, խոյերինը՝ վաթսուն, նոխազներինը՝ վաթսուն, մէկ տարեկան ոչ արատաւոր եգ գառներինը՝ վաթսուն: Ահա սրանք են գոհասեղանի ընծաները, որ բերուեցին նաւակատիքից յետոյ:

89. Երբ Մովսէսը մտաւ վկայութեան խորան Տիրոջ հետ խօսելու համար, նա լսեց Տիրոջ ձայնը, որ խօսում էր իր հետ քաւութեան սեղանի վերեւից, երկու քերովբէների միջեւ դրուած վկայութեան տապանակի վրայ գտնուող տեղից: Երկու քերովբէների մէջտեղից էր խօսում Տէրը նրա հետ:

1. Տերը խօսեց Մովսէսի հետ եւ ասաց.
2. Խօսի՛ր Ահարոնի հետ եւ ասա՛ նրան. երբ կանթեղները տեղադրես, այնպէս արա, որ դրանք լուսաւորեն աշտանակն առջեւի կողմից:
3. Ահարոնն այդպէս էլ արեց. նա աշտանակի առջեւի կողմից վառեց կանթեղները, ինչպէս Տէրն էր հրամայել Մովսէսին:
4. Այսպիսին էր աշտանակի կառուցուածքը. նրա բունն ու շուշանաձեւ ծաղիկները համակ ձոյլ ոսկի էին: Աշտանակը պատրաստուած էր ըստ այն օրինակի, որ Տէրն էր ցոյց տուել Մովսէսին:
5. Տերը խօսեց Մովսէսի հետ եւ ասաց. Ղեւտացիներին առանձնացրո՛ւ իսրայելացիների միջից եւ սրբագործի՛ր նրանց:
6. Այսպէս կը կատարես նրանց սրբագործումը.
7. նրանց վրայ սրբագործման ջուր կը ցանես: Նրանք թող ածիլեն իրենց ամբողջ մարմինը, լուան իրենց զգեստները եւ մաքուր լինեն:
8. Նրանք նախրից թող վերցնեն մէկ զուարակ, իւղով հուսցուած ընտիր ալիւր՝ իբրեւ նուիրաբերում: Նախրից կը վերցնես մեղքերի քաւութեան համար մէկ տարեկան հորթ,
9. Ղեւտացիներին կը տանես վկայութեան խորանի առջեւ, կը հաւաքես իսրայելացի ամբողջ ժողովրդին,
10. Ղեւտացիներին կը բերես Տիրոջ առջեւ, եւ իսրայելացիներն իրենց ձեռքերը կը դնեն Ղեւտացիների վրայ:
11. Ահարոնը իսրայելացիներից կ'առանձնացնի Ղեւտացիներին՝ Տիրոջը նուիրաբերելու համար նրանց, եւ նրանք կը ստանան Տիրոջ սպասաւորութեան գործը:
12. Ղեւտացիներն իրենց ձեռքերը կը դնեն զուարակների գլխին: Դրանցից մէկը կը զոհես մեղքերի քաւութեան համար, իսկ միւսը Տիրոջը ողջակէզ կ'անես, որպէսզի քաւուեն նրանց մեղքերը:
13. Ղեւտացիներին կը կանգնեցնես Տիրոջ, Ահարոնի ու նրա որդիների առջեւ եւ կը նուիրաբերես Տիրոջը իբրեւ ընծայ:
14. Ղեւտացիներին կ'առանձնացնես իսրայելացիների միջից, եւ նրանք կը պատկանեն ինձ:
15. Այնուհետեւ Ղեւտացիները կը մտնեն վկայութեան խորան, որպէսզի կատարեն խորանի սպասաւորութեան գործը: Կը սրբես նրանց եւ, իբրեւ ընծայ, կը նուիրաբերես Տիրոջ առաջ,
16. որովհետեւ նրանք ինձ ընծայ են տրուում իսրայելացիների միջից: Ես նրանց ընդունել եմ ի դիմաց իսրայելացի բոլոր անդրանիկ ծնունդների, որոնք արգանդ են բացում,
17. քանի որ իսրայելացի բոլոր անդրանիկ ծնունդները, մարդ թէ անասուն, ինձ են պատկանում: Այն օրը, երբ Եգիպտացիների երկրում կոտորեցի բոլոր անդրանիկներին, ես ինձ համար սրբագործեցի նրանց
18. եւ Ղեւտացիներին վերցրի ի դիմաց իսրայելացիների բոլոր անդրանիկների:
19. Իսրայելացիներից ես առանձնացրի Ղեւտացիներին եւ նրանց տուեցի Ահարոնին ու նրա որդիներին, որպէսզի վկայութեան խորանում կատարեն իսրայելացիների սպասաւորութեան գործը եւ սրբութիւններին մերձենալով՝ իսրայելացիների մեղքերի քաւութեան համար զոհեր մատուցեն:
20. Մովսէսը, Ահարոնն ու իսրայելացի ամբողջ ժողովուրդը Ղեւտացիների հանդէպ վարուեցին այնպէս, ինչպէս Տէրն էր պատուիրել Մովսէսին: Իսրայելացիներն այդպէս էլ վարուեցին նրանց հանդէպ:
21. Ղեւտացիները մաքրուեցին, լուացին իրենց զգեստները եւ իրենք իրենց յանձնեցին Ահարոնին իբրեւ նուիրաբերում Տիրոջ առաջ: Եւ Ահարոնը կատարեց նրանց մեղքերի քաւութիւնը՝ սրբագործելու համար նրանց:
22. Այնուհետեւ Ղեւտացիները մտան վկայութեան խորան, որպէսզի իրենց սպասաւորութիւնը կատարեն Ահարոնի ու նրա որդիների առջեւ: Ինչպէս Տէրը

պատուիրել էր Մովսէսին ղեւտացիների վերաբերեալ, այդպէս էլ արեցին նրանց:

23. Տէրը խօսեց Մովսէսի հետ եւ ասաց.

24. Այս է ղեւտացիներին վերաբերող կարգը. քսանհինգից բարձր տարիք ունեցողները միայն իրաւունք ունեն վկայութեան խորան մտնելու, որպէսզի սպասաւորութիւն կատարեն:

25. Յիսուս տարին լրանալուց յետոյ նրանք պարտաւոր են հեռանալ սպասաւորութիւնից եւ այլեւս չեն աշխատելու:

26. Նրանք կարող են օգնել իրենց ղեւտացի եղբայրներին՝ կատարելու վկայութեան խորանի պահպանութեան գործը, բայց սպասաւորութիւն անելու իրաւունք չունեն:

Այսպէս կը կարգաւորես ղեւտացիների սպասաւորութեան գործը:

1. Տերը Սինայի անապատում, Եգիպտոսից իսրայելացիների դուրս գալու երկրորդ տարուայ առաջին ամսին, խօսեց Մովսեսի հետ եւ ասաց.
2. Ասա՛, որ իսրայելացիները զատիկը թող կատարեն իր ժամանակին:
3. Առաջին ամսի տասնչորսերորդ օրուայ երեկոյեան թող կատարեն այն. իր ժամանակին, ըստ օրենքի, ըստ ձեզ տուած իմ պայմանի թող կատարեն:
4. Մովսէսն այդ յայտնեց իսրայելացիներին եւ նրանք զատիկը կատարեցին
5. ամսուայ տասնչորսերորդ օրուայ սկզբին, Սինայի անապատում: Ինչպէս Տերն էր հրամայել Մովսեսին, այդպէս էլ արեցին իսրայելացիները:
6. Սակայն այնտեղ եկան այնպիսիներ, որոնք մարդու դիակի հետ շփուելու պատճառով պղծուած էին եւ իրաւունք չունէին զատիկ կատարելու այդ օրը:
7. Այդ իսկ պատճառով նրանք այդ օրը եկան Մովսեսի ու Ահարոնի մօտ եւ ասացին նրանց. Մենք մարդու դիակի հետ շփուելու պատճառով անմաքուր ենք: Արդ, իսրայելացիների մէջ իր ժամանակին Տիրոջը զոհ մատուցելուց յետ չմանք:
8. Մովսէսը նրանց ասաց. Այդտեղ սպասեցէք, տեսնեմ, թէ Տերը ի՞նչ հրաման կը տայ ձեր վերաբերեալ:
9. Տերը խօսեց Մովսեսի հետ եւ ասաց.
10. Խօսի՛ր իսրայելացիների հետ եւ ասա՛ նրանց. Եթէ ձեզանից մէկը մարդու դիակի հետ շփուելու պատճառով պղծուելու է եւ կամ ձեր սերնդից մէկը զատկի օրը հեռաւոր ճանապարհի վրայ գտնուելու պատճառով անմաքուր է,
11. նա Տիրոջ զատիկը թող կատարի երկրորդ ամսուայ տասնչորսերորդ օրուայ երեկոյեան՝ զատկուայ գառն ուտելով բաղարջ հացով ու դառը խոտով:
12. Գառից յաջորդ առաւօտեան ոչինչ չպետք է մնայ, դրա ոսկորները չպետք է ջարդեն: Ըստ զատկի օրենքի թող կատարեն այն:
13. Բայց այն մարդը, որ մաքուր է ու հեռու ճանապարհի վրայ չի գտնուում եւ ուշանում է զատիկը կատարելուց, թող վերանայ իր ժողովրդի միջից, քանի որ նա Տիրոջ զոհաբերութիւնը իր ժամանակին չի կատարել: Այդ մարդը թող կրի իր պատիժը:
14. Եթէ ձեր երկիրը գայ որեւէ օտարական եւ ցանկանայ կատարել Տիրոջ զատիկը, ապա այն թող կատարի ըստ զատկի օրենքի: Ըստ այդ պայմանի թող կատարի այն: Նոյն օրենքն է ձեզ համար՝ եկուոր լինէք թէ բնիկ:
15. Այն օրը, երբ կանգնեցուեց խորանը, ամպը ծածկեց խորանը՝ վկայութեան տունը: Երեկոյից մինչեւ առաւօտ ամպը խորանի վրայ կրակի տեսք ուներ:
16. Այդպէս լինում էր մշտապէս. ամպն այն ծածկում էր ցերեկը, իսկ գիշերը կրակի տեսք էր ունենում:
17. Երբ ամպը վերանում էր խորանից, իսրայելացիները ճանապարհ էին ընկնում եւ բանակատեղի դնում ամպի կանգ առած տեղում:
18. Իսրայելացիները բանակատեղի էին դնում ըստ Տիրոջ հրամանի եւ ըստ Տիրոջ հրամանի էլ ճանապարհ էին ընկնում:
19. Այն բոլոր օրերին, երբ ամպը հովանի էր լինում խորանի վրայ, իսրայելացիները պետք է բանակատեղի դնէին, իսկ եթէ ամպը բազում օրեր էր մնում խորանի վրայ, իսրայելացիները պետք է պահէին Տիրոջ պատուէրը եւ ճանապարհ չընկնէին:
20. Եթէ պատահէր, որ ամպը խորանի վրայ հովանի անէր քիչ օրեր, նրանք բանակատեղի պետք է դնէին: Նրանք Տիրոջ հրամանով միայն պետք է ճանապարհ ընկնէին:
21. Եթէ պատահէր, որ ամպը ծածկէր խորանը երեկոյից մինչեւ առաւօտ, կամ ամպը վերանար առաւօտեան, ապա ճանապարհ պետք է ընկնէին կա՛մ ցերեկը, կա՛մ գիշերը: Քանի դեռ ամպը չէր վերացել, նրանք չպետք է ճանապարհ ընկնէին:
22. Եթէ անգամ մէկ ամիս մնար ամպն ու հովանի անէր խորանի վրայ, իսրայելացիները բանակատեղի պետք է դնէին ու ճանապարհ չընկնէին:
23. Նրանք միայն Տիրոջ հրամանով պետք է ճանապարհ ընկնէին: Իսրայելացիները

պահպանեցին Տիրոջ այս հրամանը, որ նա Մովսէսի միջոցով տուեւ էր իրենց:

1. Տերը խօսեց Մովսէսի հետ եւ ասաց.
2. Արծաթից երկու կռածոյ շեփոր կը պատրաստես: Դրանք թող ծառայեն ժողովրդին ի մի հաւաքելու եւ բանակատեղիների բնակիչներին երթի հանելու համար:
3. Երբ երկու շեփոր հնչեցնեն, ամբողջ ժողովուրդը պետք է հաւաքուի վկայութեան խորանի դռանը:
4. Եթէ մէկ շեփոր հնչեցնեն, թող քեզ ներկայանան իշխանները՝ խորայելացիների հրամանատարները:
5. Երբ շեփորը առաջին անգամ հնչեցնեն, ճանապարհ թող ընկնեն արեւելեան մասում բանակատեղի դռած գնդերը:
6. Երբ երկրորդ անգամ հնչեցնեն շեփորը, ճանապարհ թող ընկնեն հարաւային մասում բանակատեղի դռած գնդերը: Երբ երրորդ անգամ հնչեցնեն շեփորը, ճանապարհ թող ընկնեն արեւմտեան մասում բանակատեղի դռած գնդերը: Երբ չորրորդ անգամ հնչեցնեն շեփորը, ճանապարհ թող ընկնեն հիւսիսային մասում բանակատեղի դռած գնդերը: Գնդերը թող ճանապարհ ընկնեն ըստ շեփորի ազդարարութեան:
7. Երբ ժողովրդին հաւաքելու լինէք, շեփոր կը հնչեցնէք, բայց ոչ տագնապի:
8. Շեփորը պետք է հնչեցնեն քահանաները՝ Ահարոնի որդիները: Դա սերնդեսերունդ փոխանցուող յաւիտենական օրէնք պետք է լինի ձեզ համար:
9. Եթէ ձեր երկրում պատերազմի ելնէք ձեզ ընդդիմադիր թշնամիների դէմ, շեփոր կը հնչեցնէք, կը յիշուէք Տիրոջ առաջ եւ կը փրկուէք ձեր թշնամիներից:
10. Շեփոր կը հնչեցնէք ձեր ուրախութեան օրերին, ամսուայ առաջին օրերին, ինչպէս նաեւ ողջակէզներ եւ փրկութեան համար զոհեր մատուցելիս: Եւ Աստուած կը յիշի ձեզ: Ես եմ ձեր Տէր Աստուածը:
11. Եգիպտոսից խորայելացիների դուրս գալու երկրորդ տարուայ երկրորդ ամսի քսանին ամպը վերացաւ վկայութեան խորանի վրայից:
12. Խորայելացիներն իրենց ամբողջ բազմութեամբ դուրս եկան Սինայի անապատից: Ամպը կանգ առաւ Փառանի անապատում:
13. Խորայելացիները ճանապարհ էին ընկնում, ինչպէս Տէրն էր հրամայել Մովսէսի միջոցով:
14. Նախ ճանապարհ ընկան Յուդայի ցեղին պատկանող գնդերն իրենց զօրքով: Սրանց զօրքի առաջնորդը Ամինադաբի որդի Նաասունն էր:
15. Իսաքարի ցեղի զօրքի առաջնորդը Սոգարի որդի Նաթանայէլն էր:
16. Չաբուլոնի ցեղի զօրքի առաջնորդը Քելունի որդի Եղիաբն էր:
17. Սրանց հետեւեցին Գերսոնի ու Մերարիի որդիները, որոնք իջեցնում կամ ուսերի վրայ կրում-տանում էին խորանը:
18. Ապա իրենց զօրքով շարժուեցին Ռուբէնի ցեղի գնդերը: Նրանց զօրքի առաջնորդը Սեդիուրի որդի Եղիսուրն էր:
19. Շմաւոնի ցեղի զօրքի առաջնորդը Սուրիսադայի որդի Սաղամիէլն էր:
20. Գադի ցեղի զօրքի առաջնորդը Ռագուէլի որդի Եղիսափանն էր:
21. Շարժուեցին նաեւ Կահաթի որդիները, որոնք պետք է փոխադրէին սուրբ սպասքը եւ կանգնեցնէին խորանը, մինչեւ որ հասնէին միւսները:
22. Ապա իրենց զօրքով շարժուեցին Եփրեմի բնակի գնդերը: Նրանց զօրքի առաջնորդը Եմիուդի որդի Եղիսաման էր:
23. Մանասէի ցեղի զօրքի առաջնորդը Փադասուրի որդի Գամադիէլն էր:
24. Բենիամինի ցեղի զօրքի առաջնորդը Գեդեոնի որդի Աբիդանն էր:
25. Դանի ցեղի գնդերն իրենց զօրքով ճանապարհ ընկան բոլորից յետոյ: Նրանց զօրքի առաջնորդը Ամիսադայի որդի Աքիեզերն էր:
26. Ասերի ցեղի զօրքի առաջնորդը Եքրանի որդի Փագեէլն էր:
27. Նեփթալիմի ցեղի զօրքի առաջնորդը Ենանի որդի Աքիրանն էր:
28. Ահա սրանք են խորայելացիների զօրքերը: Խորայելացիները ճանապարհ ընկան

իրենց զօրքով:

29. Մովսէսը մադիանացի Ռազուէլի որդի Յոբաբին՝ իր աներոջը, ասաց. Ահա մենք շարժուում ենք դէպի այն տեղը, որ Աստուած խոստացաւ մեզ տալ: Դու ել արի՛ մեզ հետ, մենք քեզ լաւութիւն կ'անենք, որովհետեւ Տէրը բարիք է խոստացել իսրայէլացիներին:

30. Նա պատասխանեց. Ես չեմ գնայ այնտեղ, այլ կը գնամ իմ երկիրն ու իմ ազգականների մօտ:

31. Մովսէսն ասաց նրան. Մեզ մի՛ լքիր, չէ՞ որ մեզ հետ էիր անապատում: Որպէս աւագ մեր խորհրդատուն կը լինես:

32. Եթէ մեզ հետ գաս, ինչ բարիք որ մեզ անի Տէրը, նոյն բարիքն ել մենք քեզ կ'անենք:

33. Իսրայէլացիները Տիրոջ լեռից հեռացան երեք օրուայ ճանապարհ: Այդ երեք օրուայ ընթացքում Տիրոջ ուխտի տապանակը գնում էր առջեւից՝ նրանց համար հանգստանալու տեղ գտնելու նպատակով:

34. Տապանակը ճանապարհ ընկնելիս Մովսէսն ասում էր. Վե՛ր կաց, Տէ՛ր, որ ցանուցիր լինեն քո թշնամիները, փախուստի մատնուեն բոլոր քեզ ատողները:

35. Իսկ երբ տապանակը դադար էր առնում, ասում էր. Տէ՛ր, դարձի՛ր դէպի հազարաւոր ու բիւրաւոր իսրայէլացիները:

36. Բանակատեղիից հեռանալու ժամանակ ամպը ցերեկը հովանի էր անում նրանց վրայ:



1. Ժողովուրդը դառնալուն տրտնջում էր Տիրոջ դեմ: Տերը լսեց դա, խիստ բարկացաւ եւ նրանց վրայ կրակ թափելով՝ ոչնչացրեց բանակատեղիի բնակիչների մի մասը:
2. Ժողովուրդն աղաղակ բարձրացրեց Մովսէսի առաջ, Մովսէսն աղօթքով դիմեց Տիրոջը, եւ կրակը դադարեց:
3. Այդ վայրը կոչուեց Հրայրեաց, որովհետեւ Տերը նրանց վրայ կրակ էր թափել:
4. Նրանց մէջ գտնուող խառնամբոխը սկսեց շատ պահանջներ ներկայացնել: Իսրայէլացիները նստած լաց էին լինում եւ ասում. Ո՞վ մեզ ուտելու միս կը տայ:
5. Մենք յիշեցինք ծուկը, որ Եգիպտոսում ձրի էինք ուտում, սեխը, ձմերուկը, պրասը, սոխն ու սխտորը:
6. Եւ արդ, մենք կորչում ենք, մեր աչքերը մանանայից բացի ուրիշ ոչինչ չեն տեսնում:
7. Մանանան գինձի սերմի նման սպիտակ էր ու սառոյցի տեսք ուներ:
8. Ժողովուրդը շրջում էր, մանանան հաւաքում, երկանքով աղում, սանդի մէջ ծեծում, կաթսայի մէջ եփում եւ բլիթ էր պատրաստում: Նա քաղցր էր իւղով ու մեղրով պատրաստուած խորիզի նման:
9. Երբ գիշերը բանակատեղիի վրայ ցօղ էր իջնում, մանանան էլ նրա վրայ էր իջնում:
10. Մովսէսը լսեց զնդերի անդամներից իւրաքանչիւրի լացն իր վրանի դռան մօտ: Տերը դրա համար խիստ բարկացաւ, եւ դա Մովսէսին չարագուշակ երեւաց:
11. Մովսէսը հարցրեց Տիրոջը. Տէ՛ր, ինչո՞ւ չարչարեցիր ինձ՝ քո ծառային, ինչո՞ւ քո առաջ շնորհք չգտայ, եւ այս ժողովրդի բարկութիւնն ինձ վրայ թափեցիր:
12. Միթէ ե՞ս յղացայ այս ամբողջ ժողովրդին կամ թէ ե՞ս ծնեցի նրան, որ ինձ ասում ես, թէ՛ Առ նրան քո գիրկը, ինչպէս դայեակն է իր գիրկն առնում ծծկեր երեխային, որպէսզի նրան տանեմ այն երկիրը, որը դու խոստացար իրենց հայրերին:
13. Արդ, ես որտեղի՞ց միս գտնեմ, որ տամ այս ամբողջ ժողովրդին, չէ՞ որ նրանք լաց են լինում ինձ մօտ եւ ասում. Մեզ մի՛ս տուր, որ ուտենք:
14. Ես միայնակ չեմ կարող կրել այս ժողովրդի բեռը, որովհետեւ իմ ուժերից վեր է դա:
15. Եթէ այդպէս ես վարուելու ինձ հետ, սպանի՛ր ինձ միանգամից, եթէ դա հաճելի է քեզ, եթէ շնորհ գտայ եւ ողորմութիւն քո կողմից, որպէսզի չտեսնեմ իմ չարչարանքները:
16. Տերը պատասխանեց Մովսէսին. Իսրայէլացի ծերերի միջից ինձ համար հաւաքի՛ր եօթանասուն տղամարդ, որոնց ճանաչում ես իբրեւ ժողովրդի մէջ ամենածեր մարդիկ եւ իսրայէլացիների գրագիրներ: Նրանց կը բերես վկայութեան խորան, եւ նրանք այնտեղ կը կանգնեն քեզ հետ:
17. Ես կ'իջնեմ այնտեղ, կը խօսեմ քեզ հետ եւ քեզ տուածս ոգուց կ'առնեմ ու կը դնեմ նրանց մէջ: Նրանք ի վիճակի կը լինեն կրելու այդ ժողովրդի յանդգնութեան բեռը. եւ դու միայնակ չես կրի դա:
18. Ժողովրդին կ'ասես. Մաքրուեցէ՛ք վաղուայ համար, որ միս ուտեք, որովհետեւ լաց լինելով Տիրոջ առջեւ՝ ասում էիք. Ո՞վ մեզ միս կը տայ ուտելու: Մեզ համար լաւ էր Եգիպտոսում: Տերը ձեզ միս կը տայ ուտելու, եւ դուք միս կ'ուտեք:
19. Կ'ուտեք ոչ թէ մէկ, երկու, հինգ օր, ոչ էլ տասը կամ քսան օր,
20. այլ կ'ուտեք ամբողջ ամսուայ բոլոր օրերին, մինչեւ որ ձեր քթից դուրս գայ, մինչեւ որ զգուէք, որովհետեւ արհամարհեցիք Տիրոջը, որ միշտ ձեր մէջ է, լաց լինելով նրա առջեւ՝ ասացիք. Մեր ինչին էր պետք Եգիպտոսից դուրս գալ:
21. Մովսէսն ասաց. Ժողովուրդն ունի վեց հարիւր հազար հետեւակ, որոնց մէջ եմ նաեւ ես, եւ դու ասում ես, թէ՛ Միս տամ նրանց, որ մէկ ամիս ուտեն:
22. Եթէ անգամ մորթենք բոլոր արջառներն ու ոչխարները, կը բաւարարե՞նք նրանց, կամ եթէ հաւաքուի ծովի ամբողջ ձուկը, կը բաւարարե՞նք նրանց:
23. Տերը պատասխանեց Մովսէսին. Մի՞թէ Տիրոջ ձեռքը ի վիճակի չէ դրան: Հիմա կը համոզուես, թէ իմ ասածը կը կատարուի՞, թէ՞ ոչ:
24. Մովսէսն ելաւ ու ժողովրդին հաղորդեց Տիրոջ ասածը: Նա ժողովրդի ծերերի միջից հաւաքեց եօթանասուն տղամարդկանց ու նրանց կանգնեցրեց խորանի շուրջը:

25. Տէրն իջաւ ամպի մէջ, խօսեց Մովսէսի հետ, առաւ նրան տրուած ոգուց եւ դրեց եօթանասուն ծեր տղամարդկանց մէջ: Երբ ոգին հանգչեց նրանց վրայ, նրանք մարգարեացան բանակատեղիում, բայց դա այլեւս չկրկնուեց:
26. Բանակատեղիում այդ ծերերից մնաց երկու մարդ. մէկի անունը Ելիադ էր, իսկ երկրորդինը՝ Մողադ: Ոգին հանգչեց նրանց վրայ էլ: Նրանք եւս այդ եօթանասուն գրանցուածների մէջ էին, խորան չէին եկել, բայց մարգարեութիւն էին անում բանակատեղիում:
27. Մի պատանի, գալով Մովսէսի մօտ, այդ մասին պատմեց նրան ու ասաց. Ելիադն ու Մողադը մարգարեութիւն են անում բանակատեղիում:
28. Նաւէի որդի Յեսուն՝ Մովսէսի ընտրեալ պաշտօնեան, ասաց. Տէր Մովսէս, արգելի՛ր նրանց մարգարեութիւն անել:
29. Մովսէսը նրան պատասխանեց. Իմ փոխարէն դու մի՛ նախանձիր նրանց: Երանի թէ Տէրը ամբողջ ժողովրդին մարգարէներ դարձնէ՝ իր ոգին տալով նրանց:
30. Դրանից յետոյ Մովսէսն ու իսրայէլացի ծերերը գնացին բանակատեղի:
31. Տէրը քամի բարձրացրեց եւ ծովի կողմից լորամարգիներ բերեց-թափեց բանակատեղիի շուրջը մէկ օրուայ ճանապարհի երկարութեամբ ու գետնից երկու կանգուն բարձրութեամբ:
32. Ժողովուրդը ամբողջ ցերեկն ու ամբողջ գիշերը, նաեւ յաջորդ օրը մինչեւ երեկոյ լորամարգի էր հաւաքում: Ամենաքիչ հաւաքողը տաս քոռ հաւաքեց: Մորթեցին, ապխտեցին ու փռեցին բանակատեղիի շուրջը:
33. Դեռ միսը նրանց ատամի տակ էր ու դեռ չէին ծամել, որ Տէրը, ժողովրդի վրայ զայրացած, մեծամեծ հարուածներ հասցրեց նրանց:
34. Այդ վայրը կոչուեց Յանկութեան գերեզմաններ, որովհետեւ այնտեղ թաղեցին բազում անկուշտ մարդկանց: Յանկութեան գերեզմաններից ժողովուրդը ճանապարհ ընկաւ դէպի Ասերոթ:

1. Մարիամն ու Ահարոնը վատաբանեցին Մովսեսին, քանի որ նա կնութեան էր առել մի եթովպուհու: Մովսեսն, իրօք, եթովպացի կնոջ հետ էր ամուսնացել:
2. Նրանք ասացին. Միթե Տերը միայն Մովսէ՞սի հետ խօսեց, նա նաեւ մեզ հետ չխօսե՞ց: Տերը լսեց դա:
3. Մովսէսը, սակայն, շատ աւելի հեզ էր, քան երկրի վրայ ապրող բոլոր մարդիկ:
4. Տերը միաժամանակ ասաց Մովսեսին, Ահարոնին ու Մարիամին. Դուք երեքդ էլ վկայութեան խորան գնացէք: Նրանք երեքով գնացին վկայութեան խորան:
5. Տէրն իջաւ սիւնակերպ ամպի մէջ եւ կանգնեց վկայութեան խորանի դռան մօտ: Նա կանչեց Ահարոնին ու Մարիամին, եւ նրանք երկուսով դուրս եկան:
6. Տէրն ասաց նրանց. Լսեցէ՛ք իմ խօսքերը. եթէ ձեզանից որեւէ մէկը Տիրոջ մարգարէ դառնայ, ես տեսիլքով կ'երեւամ նրան եւ երազի մէջ կը խօսեմ նրա հետ:
7. Ո՛չ այնպէս, ինչպէս իմ ծառայ Մովսեսի հետ, որը իմ ամբողջ տան մէջ իմ հաւատարիմ մարդն է:
8. Ես նրա հետ դեմ առ դեմ, բացէիբաց եմ խօսելու եւ ոչ թէ առակներով: Նա ականատես է եղել Տիրոջ փառքին: Եւ ինչպէ՞ս դուք առանց երկիւղի վատաբանեցիք իմ ծառային՝ Մովսեսին:
9. Տերը խիստ բարկացաւ նրանց վրայ: Նրանք գնացին եւ
10. ամպը վերացաւ խորանի վրայից, իսկ Մարիամը բորոտ դարձաւ ձեան նման: Ահարոնը նայեց Մարիամին եւ տեսաւ, որ նա բորոտ է դարձել:
11. Ահարոնն ասաց Մովսեսին. Խնդրում եմ քեզ, տէ՛ր, մեզ վրայ մեղքեր մի՛ բարդիր, որովհետեւ չիմացանք, որ մեղք գործեցինք:
12. Մարիամը թող չնմանուի այն մեռելածին երեխային, որը, որպէս վիժուածք, ելնում է մօր արգանդից, բայց կիսատ մարմնով:
13. Մովսէսը, աղերսելով Տիրոջը, ասաց. Խնդրում եմ քեզ, Աստուա՛ծ, բուժի՛ր նրան:
14. Տէրն ասաց Մովսեսին. Եթէ Մարիամի հայրը թքեր նրա երեսին, մի՞թէ նա եօթը օր չէր ամաչելու: Ուրեմն եօթը օր նա թող հեռանայ բանակատեղիից եւ յետոյ վերադառնայ:
15. Մարիամը եօթը օր հեռու պահուեց բանակատեղիից: Ժողովուրդը ճանապարհ չընկաւ, մինչեւ որ մաքրուեց Մարիամը:

1. Դրանից յետոյ ժողովուրդը Ասերոթից ճանապարհ ընկաւ եւ բանակատեղի դրեց Փառանի անապատում:
2. Տերը խօսեց Մովսէսի հետ եւ ասաց. Մարդիկ ուղարկի՛ր, որ հետախուզեն Քանանացիների երկիրը:
3. Դա եւ իսրայէլացիներին եմ տալու իբրեւ կալուածք: Ամէն ցեղից, ըստ իրենց նահապետների ընտանիքների, որպէս գլխաւոր, մէկական մարդ ուղարկիր:
4. Մովսէսը, ինչպէս Տէրն էր ասել, այդ մարդկանց ուղարկեց Փառանի անապատից: Նրանք բոլորը իսրայէլացիների գլխաւորներն էին:
5. Սրանք են նրանց անունները. Ռուբէնի ցեղից՝ Աքուրի որդի Սաղամիել,
6. Շմաւոնի ցեղից՝ Սուրիի որդի Սափատ,
7. Յուդայի ցեղից՝ Յեփոնէի որդի Քաղէբ,
8. Իսաքարի ցեղից՝ Յովսէփի որդի Գադամ,
9. Եփրեմի ցեղից՝ Նաւէի որդի Օսէս,
10. Բենիամինի ցեղից՝ Ռափուի որդի Փաղտի,
11. Չաբուլոնի ցեղից՝ Սուդիի որդի Յուդիել,
12. Յովսէփի ցեղից՝ Մանասէի յետնորդներից՝ Գադդէ, որ որդին է Սուսիի,
13. Դանի ցեղից՝ Գամայի որդի Ամիել,
14. Ասերի ցեղից՝ Միքայէլի որդի Սաթուր,
15. Նեփթալիմի ցեղից՝ Յաբիի որդի Աբի,
16. Գադի ցեղից՝ Մակքիի որդի Գուդիել:
17. Սրանք են այն մարդկանց անունները, որոնց Տէրն ուղարկեց Քանանացիների երկիրը հետախուզելու: Մովսէսը Նաւէի որդի Օսէսին վերանուանեց Յեսու:
18. Մովսէսը սրանց առաքեց Փառան անապատից, որպէսզի հետախուզեն Քանանացիների երկիրը, եւ ասաց նրանց. Անապատով բարձրացէ՛ք լեռը եւ տեսէ՛ք, թէ դա ինչ երկիր է.
19. այդտեղ բնակուող ժողովուրդը հզօ՞ր է արդեօք, թե՞ առանց դեկավարի, սակաւաթի՞ւ են, թե՞ բազմամարդ,
20. ի՞նչ վիճակում է այն երկիրը, որտեղ նրանք բնակւում են, այն բարեբե՞ր է, թե՞ անբերրի, ի՞նչ վիճակում են այն քաղաքները, ուր բնակւում են նրանք, պարսպապա՞տ են դրանք, թե՞ անպարիսպ,
21. ինչպիսի՞ն է հողը, պարա՞րտ է, թե՞ անպէտք, այնտեղ ծառեր կա՞ն, թե՞ ոչ: Աշխատեցէ՛ք հաւաքել երկրի պտուղներից: Գարնան վերջն էր՝ խաղողի հասունանալու ժամանակը:
22. Նրանք գնացին ու հետախուզեցին երկիրը Սինայի անապատից մինչեւ Բոօբ՝ Եփրաթի մուտքը:
23. Ապա վերադարձան անապատ եւ եկան մինչեւ Քեբրոն, որտեղ բնակւում էին Աքիմանը, Սեսին եւ Թալամին՝ Ենակի յետնորդները: Քեբրոնը եօթը տարի առաջ էր կառուցուած, քան եգիպտացիների Տայանիս բնակավայրը:
24. Նրանք եկան մինչեւ Ողկոյզի ձորը, հետախուզեցին այն, այնտեղից կտրեցին խաղողի ողկոյզ ունեցող որթատնկի մի ճիւղ եւ ձողերի վրայ դրած տարան: Առան նաեւ նուռ ու թուզ:
25. Իսրայէլացիներն այդ վայրն անուանեցին Ողկոյզի ձոր այն ողկոյզի պատճառով, որ այնտեղից կտրել-տարել էին:
26. Իսրայէլացիները, երկիրը քառասուն օր հետախուզելուց յետոյ, վերադարձան:
27. Նրանք եկան-հասան Մովսէսի, Ահարոնի ու իսրայէլացիների ամբողջ ժողովրդի մօտ, Փառան անապատը, Կադէս: Հետախոյզները տեղեկութիւններ հաղորդեցին նրանց ու ամբողջ ժողովրդին: Նրանք ցոյց տուեցին երկրի բարիքները, պատմեցին նրանց
28. ու ասացին Մովսէսին. Մենք գնացինք այն երկիրը, ուր ուղարկեցիր մեզ, մի երկիր, ուր կաթ ու մեղր է հոսում: Ահա սրանք են նրա բարիքները:

29. Այնտեղ բնակուող ժողովուրդը, սակայն, հզոր է, քաղաքները շատ ամուր են, պարսպապատ ու շատ մեծ: Ենակի յետևորդներին էլ տեսանք այնտեղ:
30. Ամաղէկացիները բնակուում են երկրի հարաւային մասում, քետացիները, խելացիները, յեբուսացիները եւ ամորհացիները՝ լեռնային շրջանում, իսկ քանանացիները՝ ծովեզերքին ու Յորդանան գետի ափին:
31. Քաղէբը լռեցրեց Մովսէսից դժգոհող ժողովրդին՝ ասելով. Ո՛հ, առաջ պետք է շարժուենք ու տիրենք այդ երկրին, որովհետեւ կարո՛ղ ենք նրանց յաղթել:
32. Նրա հետ հետախուզութեան գնացած մարդիկ, սակայն, ասացին. Չենք յարձակուի այդ ժողովրդի վրայ, որովհետեւ նրանք մեզանից շատ աւելի հզոր են:
33. Նրանք իսրայէլացիներին վախեցրին այն երկրով, որ հետախուզել էին, ասելով. Այն երկիրը, ուր գնացինք հետախուզելու, իր բնակիչներին լափող երկիր է:
34. Այնտեղ մեր տեսած բոլոր մարդիկ աժդահաներ են: Այնտեղ տեսանք նաեւ հսկաներ, որոնց համեմատութեամբ մենք մորեխներ ենք:

1. Ամբողջ ժողովուրդը աղաղակ բարձրացրեց ու լաց եղաւ այդ ամբողջ գիշեր:
2. Բոլոր խորայելացիները տրտնջացին Մովսէսից ու Ահարոնից եւ ասացին. Աւելի լաւ կը լինէր Եգիպտացիների երկրում մեռած լինէինք կամ հենց այստեղ՝ անապատում մեռնէինք:
3. Ինչո՞ւ է Տէրը մեզ տանում այդ երկիրը, որպէսզի պատերազմում ընկնենք, իսկ մեր կանայք ու մեր զաւակները յափշտակուեն: Արդ, աւելի լաւ է վերադառնանք Եգիպտոս:
4. Նրանք իրար ասացին. Հրամանատար ընտրենք եւ Եգիպտոս վերադառնանք:
5. Մովսէսն ու Ահարոնը երեսնիվայր ընկան բոլոր խորայելացիների առջեւ:
6. Երկիրը հետախուզողներից Նաւէի որդի Յեսուն եւ Յեփոնէի որդի Քաղէբը, պատառոտելով իրենց զգեստները,
7. ասացին բոլոր խորայելացիներին. Մեր հետախուզած երկիրը չափազանց լաւ է:
8. Եթէ Աստծուց բարեհաճութիւն ունենանք, Նա մեզ կ'առաջնորդի այդ երկիրը եւ այն կը տայ մեզ: Դա մի երկիր է, ուր կաթ ու մեղր է հոսում:
9. Միայն թէ Տիրոջ դէմ չապստամբէք եւ այդ երկրի ժողովրդից չվախենաք, որովհետեւ մենք կը լափենք նրանց: Տէրն արդէն լքել է նրանց, Նա մեզ հետ է: Մի՛ վախեցէք նրանցից:
10. Ամբողջ ժողովուրդն ասաց. Եկէք քարկոծենք նրանց: Այն ժամանակ Տիրոջ փառքը ամպի մէջ երեւաց վկայութեան խորանի վրայ, բոլոր խորայելացիների դիմաց:
11. Տէրն ասաց Մովսէսին. Մինչեւ ե՞րբ պիտի ինձ զայրացնի քո այդ ժողովուրդը, մինչեւ ե՞րբ պիտի չհաւատայ այն բոլոր հրաշքներին, որ կատարեցի նրանց մէջ:
12. Թո՛յլ տուր ինձ, որ հարուածեմ մահուամբ եւ կորստեան մատնեմ նրանց, իսկ քեզ ու քո հօր տունը այս ժողովրդից աւելի մեծ ու բազմանդամ դարձնեմ:
13. Մովսէսն ասաց Տիրոջը. Այժմ Եգիպտացիները իմացան, որ դու ես քո մեծ ուժով այս ժողովրդին հանել իրենց միջից,
14. եւ այս երկրի ամբողջ բնակիչները հասու են դարձել, որ դու ես այս ժողովրդի մէջ այն Տէրը, որ դէմ յանդիման ես երեւում: Տէ՛ր, քո ամպը հովանի է նրանց վրայ, եւ ցերեկը դու ես սիւնակերպ ամպի մէջ գնում նրանց առաջից, իսկ գիշերը՝ կրակէ սեան նման:
15. Արդ, եթէ դու այդ ժողովրդին մի մարդու պէս ոչնչացնես, ապա քո անունը լսած ազգերը կ'ասեն.
16. Քանի որ Տէրը չկարողացաւ այս ժողովրդին տանել իր խոստացած երկիրը, նրանց դիակները այս անապատում գետին փռեց:
17. Արդ, թող բարձրանայ քո ձեռքը, Տէ՛ր, ինչպէս որ խօսեցիր ու ասացիր,
18. թէ՛ Տէրը համբերատար է, ողորմած ու ճշմարիտ, որ ներում է անօրէնութիւնները, անիրաւութիւններն ու մեղքերը, բայց եւ ամենեւին չի ներում մեղսագործներին, հայրերի մեղքերը հատուցել է տալիս նրանց զաւակներին մինչեւ երրորդ ու չորրորդ սերունդը:
19. Քո մեծ ողորմութեամբ ների՛ր քո ժողովրդին, ինչպէս ներել ես նրանց Եգիպտոսից ելնելուց մինչեւ հիմա:
20. Տէրն ասաց Մովսէսին. Կը ներեմ նրանց, ինչպէս դու ասացիր,
21. բայց կենդանի եմ ես, կենդանի է իմ անունը, եւ Տիրոջ փառքը պիտի լցնի ամբողջ երկիրը:
22. Թե՛ւ իմ փառքը եւ Եգիպտոսում ու այս անապատում իմ գործած հրաշքները տեսան բոլոր մարդիկ, բայց տասն անգամ փորձեցին ինձ, ու չհաւատացին,
23. թէ կը տեսնեն այն երկիրը, որ ես խոստացայ նրանց հայրերին: Ես երկիրը կը տամ նրանց այն որդիներին, որ այստեղ՝ ինձ հետ են, անտեղեակ են չարին ու բարուն, կը տամ բոլոր անփորձ մանուկներին: Բոլոր նրանք, ովքեր բարկացրին ինձ, այդ երկիրը չեն տեսնի:
24. Բայց ուրիշ հոգի ունեցող եւ ինձ հետեւած իմ ծառայ Քաղէբին ես կը տանեմ այն

- երկիրը, ուր նա մտաւ հետախուզելու, իսկ նրա յետնորդները կը ժառանգեն այն:
25. Ամաղէկացիներն ու քանանացիները բնակուում են ձորում, բայց դուք վաղը կը վերադառնաք եւ անապատով կը գնաք դէպի Կարմիր ծով:
26. Տէրը խօսեց Մովսէսի ու Ահարոնի հետ եւ ասաց.
27. Մինչեւ ե՞րբ պիտի հանդուրժեմ այս վատ ժողովրդին, եւ դրանք պիտի տրտնջան իմ առջեւ:
28. Ես լսեցի իսրայէլացիների տրտունջը ձեր դէմ: Արդ, նրանց կ'ասես. Կենդանի եմ ես, - ասում է Տէրը, - եւ ես կը վարուեմ ձեզ հետ այն խօսքերի համաձայն, որ հասան իմ ականջներին.
29. այս անապատում ցրիւ պիտի գան ձեր ոսկորները, գնդերը, հաշուառման ենթարկուած քսան տարեկանից բարձր եւ իմ դէմ բողոքած բոլոր մարդիկ պիտի կոտորուեն այստեղ:
30. Նրանք չպիտի մտնեն այն երկիրը, որի վրայ բարձրացնելով իմ ձեռքը՝ երդուեցի, թէ՛ Ձեզ կը բնակեցնեմ այնտեղ, բացի Յեփոնէի որդի Քաղէբից ու Նաւէի որդի Յեսուից:
31. Իսկ ձեր գաւակները, որոնց մասին ասացիք, թէ կը յափշտակուեն, նրանց կը տամ այդ երկիրը, նրանք կը ժառանգեն այն, որից դուք նողկանքով յե՛տ քաշուեցիք:
32. Ձեր ոսկորները ցրիւ կը գան այս անապատում,
33. իսկ ձեր գաւակները քառասուն տարի խոտ կը ճարակեն այս անապատում եւ կը հատուցեն ձեր հոգու պոռնկութեան դիմաց, մինչեւ որ ձեր ոսկորները փտեն այս անապատում:
34. Երկիրը հետախուզելու քառասուն օրերի թուի համեմատ ձեր գործած մեղքերի համար քառասուն տարի պիտի պատժուէք, որպէսզի ճանաչէք իմ բարկութիւնն ու ցատումը:
35. Ես՝ Տէրս, ասել եմ, որ իմ դէմ դուրս եկած վատ ժողովրդի նկատմամբ այդպէս էլ կը վարուեմ: Նրանք այս անապատում պիտի հիւծուեն եւ այստեղ էլ պիտի մեռնեն:
36. Եւ այն մարդիկ, որոնց Մովսէսն ուղարկել էր երկիրը հետախուզելու, եւ որոնք, վերադառնալով, ժողովրդի մէջ չարախօսեցին այդ երկրի դէմ՝ վատ համբաւ տարածելով նրա մասին,
37. Տիրոջ առաջ չարաչար մեռան:
38. Բոլոր այն մարդկանցից, որոնք գնացել էին այդ երկիրը հետախուզելու, փրկուեցին միայն Նաւէի որդի Յեսուն եւ Յեփոնէի որդի Քաղէբը:
39. Մովսէսը բոլոր իսրայէլացիներին հաղորդեց Տիրոջ այս պատգամները, եւ ժողովուրդը մեծապէս սգաց:
40. Վաղ առաւօտեան վեր կենալով՝ մարդիկ բարձրացան լեռան գագաթը եւ ասացին Մովսէսին. Մենք, ահա, պատրաստ ենք գնալու այն տեղը, որ Տէրը խոստացել է մեզ, որովհետեւ մեղք ենք գործել:
41. Մովսէսը պատասխանեց. Ինչո՞ւ գանց առաք Տիրոջ խօսքը: Դուք յաջողութիւն չէք ունենայ:
42. Մի՛ գնացէք, որովհետեւ Տէրը ձեզ հետ չէ, դուք կ'ընկնէք ձեր թշնամիների ձեռքից:
43. Ամաղէկացիներն ու քանանացիները այնտեղ՝ ձեր առջեւն են, եւ դուք կ'ընկնէք նրանց սրից: Քանի որ հեռացաք Տիրոջից եւ նրան չանսացիք, Տէրը ձեզ հետ չի լինի:
44. Նրանք, սակայն, չլսեցին ու բարձրացան լեռան գագաթը, բայց Տիրոջ ուխտի տապանակն ու Մովսէսը բանակատեղիից չշարժուեցին:
45. Լեռան վրայ բնակուող ամաղէկացիներն ու քանանացիները իջան, հարուածելով սրակոտոր արեցին նրանց՝ հետապնդելով մինչեւ Հերմա:
46. Վերապրածները վերադարձան բանակատեղի:

1. Տերը խօսեց Մովսէսի հետ եւ ասաց.
2. Խօսի՛ր իսրայէլացիներին եւ ասա՛՛ նրանց. երբ մտնէք ձեր բնակութեան երկիրը, որ ես տալու եմ ձեզ,
3. ողջակէզներ արե՛ք Տիրոջ համար, լինեն դրանք ուխտի առիթով արուող կամաւոր եւ կամ ձեր տօնակատարութիւնների առթիւ մատուցուող նուիրաբերութիւններ, որպէսզի դրանք, որպէս անուշ բուրմունք, Տիրոջը ընդունելի լինեն: Եթէ զոհաբերութիւնը արջառ է կամ ոչխար,
4. զոհաբերողը Տիրոջը թող մատուցի նաեւ քառորդ հիմէն իւղով հունցուած մէկ տասներորդ գրիւ ընտիր ալիւր:
5. Ողջակէզ եւ զոհ մատուցելիս կը նուիրաբերէք նաեւ քառորդ հիմէն գինի.
- Իւրաքանչիւր զոհաբերուող գառան համար կը զոհաբերես նրան հասնող չափով գինի, որպէսզի դա Տիրոջ համար անուշ բուրմունք լինի:
6. Խոյ ողջակիզելիս կամ զոհաբերելիս մէկ երրորդ հիմէն իւղով հունցուած երկու տասներորդ ընտիր ալիւր կը նուիրաբերես:
7. Կը մատուցես կէս հիմէն գինի որպէս անուշ բուրմունք Տիրոջ համար:
8. Եթէ Տիրոջ փրկութեան ուխտը փառաւորելու համար ողջակէզ կամ զոհ կը մատուցես արջառներից,
9. զուարակի հետ կէս հիմէն իւղով հունցուած երեք տասներորդ ընտիր ալիւր կը նուիրաբերես,
10. որպէս նուէր կէս հիմէն գինի՝ իբրեւ անուշ բուրմունք Տիրոջ համար:
11. Նոյն կերպ կը վարուես մէկ զուարակի, մէկ խոյի, մէկ գառան, մէկ ոչխարի կամ այծի դէպքում, ըստ դրանց թուի:
12. Ինչ որ անէք մէկի համար, նոյնը կ'անէք միւսի համար, ըստ դրանց թուի:
13. Բոլոր իսրայէլացիները այդպէս պետք է վարուեն՝ նոյնպիսի ընծաներ պետք է մատուցեն իբրեւ անուշ բուրմունք Տիրոջ համար: Եթէ որեւէ օտարական գայ ձեր երկիրը ձեր մէջ բնակուելու համար կամ ծնուած լինի ձեր երկրում, ընծայ թող մատուցի որպէս անուշ բուրմունք Տիրոջ համար:
14. Ինչպէս դուք էք անում, նոյնպէս թող անեն օտարականն ու Տիրոջ ժողովուրդը:
15. Միեւնոյն օրէնքը պետք է գործի ե՛ւ ձեզ համար, ե՛ւ ձեզ հետ բնակուող օտարականների համար: Դա յաւիտենական օրէնք պետք է լինի ձեր բոլոր սերունդների համար: Ինչպիսին դուք էք, այդպիսին էլ պետք է լինի օտարականը Տիրոջ առջեւ: Միեւնոյն օրէնքը պետք է գործի, միեւնոյն պարտականութիւնը պիտի ունենաք ե՛ւ դուք, ե՛ւ ձեր մէջ բնակուող օտարականը:
16. Տերը խօսեց Մովսէսի հետ եւ ասաց.
17. Խօսի՛ր իսրայէլացիներին եւ ասա՛՛ նրանց.
18. Երբ դուք մտնէք այն երկիրը, ուր պիտի տանեմ ձեզ,
19. եւ ուտէք երկրի հացից,
20. Տիրոջը որպէս հաս կը տաք թախմորով հունցուած հացից: Տիրոջը որպէս հաս հաց կը տանէք, այն կը յատկացնէք Տիրոջը իբրեւ կալից ստացուած ու մատուցուած հաս:
21. Այդ հացը Տիրոջը նուիրաբերուող հաս թող լինի: Այդպէս կը վարուէք սերնդեսերունդ:
22. Եթէ մեղանչէք եւ չկատարէք այն բոլոր պատուիրանները, որ Տերը տուեց Մովսէսին,
23. ինչպէս նաեւ այն հրամանները, որ Տերը Մովսէսի միջոցով տուեց ձեզ այն օրը, երբ Տերը այս պատուիրանները տուեց ձեզ եւ ձեր յետագայ սերունդներին,
24. եթէ ժողովուրդն ականայ մեղանչի, ապա ժողովուրդը նախրից բերուած ոչ արատաւոր մի զուարակ թող ողջակէզ անի իբրեւ Տիրոջն ընծայաբերուող անուշ բուրմունք: Նուիրաբերումը պետք է լինի անարիւն, այլեւ՝ մի նոխազ մեղքերի քաւութեան համար:
25. Քահանան դրանով քաւած կը լինի իսրայէլացի ամբողջ ժողովրդի մեղքերը եւ թողութիւն կը տայ նրանց, որովհետեւ ականայ էր մեղանչել ժողովուրդը: Նրանք Տիրոջ



հանդէպ ականայ գործած իրենց մեղքերի համար որպէս ընծայ պետք է Տիրոջը զոհ մատուցեն:

26. Այսպէս թող քաւուեն բոլոր իսրայէլացիների եւ օտարականների մեղքերը, որովհետեւ ականայ գործած մեղքերը վերաբերում են ամբողջ ժողովրդին:

27. Եթէ մէկը ականայ մեղք գործի, թող մի տարեկան եգ ու մատուցի մեղքերի քաւութեան համար:

28. Քահանան դրանով քաւած կը լինի ականայ մեղանչած անձի՝ Տիրոջ առջեւ ականայ մեղք գործողի մեղքերը, որպէսզի քաւութիւն լինի նրա համար:

29. Տեղաբնակ իսրայէլացիների եւ նրանց մէջ բնակութիւն հաստատած օտարականի համար թող գործի միեւնոյն օրէնքը, եթէ նրանցից որեւէ մէկը ականայ մեղք է գործել:

30. Եթէ տեղաբնակը կամ օտարականը մեղանչի մեծամտաբար կամ գիտակցօրէն, ապա նա զայրացրած կը լինի Աստծուն: Այդ մարդը թող վերանայ իր ժողովրդի միջից,

31. որովհետեւ անարգում է Տիրոջ խօսքը եւ խախտում նրա պատուիրանները:

Ձնջուելով թող ջնջուի այդ մարդը իր ժողովրդի միջից, որովհետեւ իր մեղքերի համար ինքն է մեղաւոր:

32. Իսրայէլացիներն այնտեղ՝ անապատում էին: Նրանք տեսան մի մարդ, որ շաբաթ օրը փայտ էր հաւաքում:

33. Նրան տեսնողները շաբաթ օրը փայտ հաւաքողին բերեցին Մովսէսի, Ահարոնի ու իսրայէլացի ամբողջ ժողովրդի մօտ

34. եւ բանտարկեցին, որովհետեւ չէին կարողանում որոշել, թէ ինչ անեն նրան:

35. Տէրը խօսեց Մովսէսի հետ եւ ասաց. Մահուան թող դատապարտուի այդ մարդը: Ամբողջ ժողովուրդը քարերով թող քարկոծի նրան:

36. Ամբողջ ժողովուրդը նրան բանակատեղիից դուրս բերեց եւ քարկոծեց նրան, ինչպէս Տէրն էր հրամայել Մովսէսին:

37. Տէրը խօսեց Մովսէսի հետ եւ ասաց.

38. Խօսի՛ր իսրայէլացիների հետ եւ ասա՛ նրանց, որ իրենց զգեստների ծայրերին ծոպեր կարեն, իսկ փեշերի ծոպերի վրայ կապոյտ թել դնեն:

39. Այս ծոպերը ձեր զգեստների վրայ պիտի լինեն, որպէսզի տեսնելով դրանք՝ յիշէք Տիրոջ պատուիրանները եւ կատարէք դրանք: Այսպիսով դուք չէք շեղուի ձեր մտքի ու աչքերի ցանկութիւններին հետեւելով ու չէք պոռնկանայ:

40. Կը յիշէք ու կը կատարէք իմ բոլոր պատուիրանները, ձեր Աստծու առջեւ մաքուր կը լինէք,

41. քանզի ես եմ ձեր Տէր Աստուածը, որ ձեզ հանեցի Եգիպտացիների երկրից, որպէսզի ձեր Աստուածը լինեմ: Ես եմ ձեր Տէր Աստուածը:

1. Խօսեցին Ղեւիի որդի Կահաթի, սրա որդի Իսահառի որդի Կորիսը, Ռուբէնի որդի Եղիաբի որդիներ Դաթանն ու Աբիրոնը, Ռուբէնի որդի Փաղէթի որդի Օնանը, եւ իրար հետ պայմանաւորուելով՝
2. ըմբոստացան Մովսէսի դէմ: Սրանց միացան նաեւ իսրայելացիներից երկու հարիւր յիսուն տղամարդիկ՝ ժողովրդի առաջնորդներ, խորհրդականներ ու անուանի մարդիկ:
3. Նրանք միացան Մովսէսի ու Ահարոնի դէմ եւ ասացին. Բաւական է, հասկացէ՞ք, որ ժողովուրդը մաքուր է, եւ Տէրը նրա մէջ է: Արդ, ինչո՞ւ էք ձեզ Տիրոջ ժողովրդից բարձր դասում:
4. Այդ լսելով՝ Մովսէսը երեսնիվայր ընկաւ գետին
5. եւ դիմելով Կորիսին ու նրա բոլոր մարդկանց՝ ասաց. Աստուած այցի եկաւ, ճանաչեց իւրայիններին եւ մաքուրներին ու նրանց իր մօտ առաւ:
6. Ում որ չընտրեց, իր մօտ չառաւ: Արդ, այսպէ՛ս արեք. Կո՛րիս, դու եւ քո մարդիկ բուրվառներ առեք, դրանց մէջ կրակ դրեք, կրակի վրայ խունկ,
7. որ վաղը խնկարկեք Տիրոջ առաջ: Տէրը ում որ ընտրի, նա՛ է սուրբ: Բաւական է ձեզ, Ղեւիի՛ որդիներ:
8. Մովսէսն ասաց Կորիսին. Լսեցէ՛ք ինձ, Ղեւիի՛ որդիներ:
9. Մի՞թէ քիչ բան է ձեզ համար, որ Իսրայելի Աստուածը ձե՛զ առանձնացրեց իր ժողովրդի միջից եւ ձե՛զ մերձեցրեց իրեն, որպէսզի սպասաւորեք Տիրոջ խորանում եւ ժողովրդին ծառայելու համար կանգնեք նրա առջեւ:
10. Չէ՞ որ նա քեզ եւ քեզ հետ քո բոլոր եղբայրներին՝ Ղեւիի յետնորդներին իր մօտ վերցրեց: Հիմա պահանջում էք քահանայ՝ էլ դառնալ:
11. Դրանով դու եւ քո մարդիկ Աստծու դէմ էք ելնում: Մի՞թէ չգիտեք, թէ ով է Ահարոնը, որ նրա դէմ էք տրտնջում:
12. Եւ Մովսէսը մարդ ուղարկեց, որ կանչեն Եղիաբի որդիներ Դաթանին ու Աբիրոնին: Սրանք ասացին. Չենք գայ:
13. Մի՞թէ քիչ բան է այն, որ մեզ հանեցիր Եգիպտոսից, ուր կաթ ու մեղր էր բխում, որպէսզի սպանես մեզ այստեղ՝ անապատում: Իսկ հիմա մեզ սաստո՞ւմ ես եւ դո՞ւ ես դեկավարը:
14. Մի՞թէ դու մեզ բերել ես մի երկիր, ուր կաթ ու մեղր է բխում, եւ մեզ դաշտեր ու այգիներ ես ժառանգութիւն տուել այնտեղ: Մեր աչքերն էլ փորես, քեզ մօտ չենք գայ:
15. Մովսէսը խիստ դառնացաւ եւ Տիրոջն ասաց. Մի՛ ընդունիր նրանց զոհաբերութիւնները, որովհետեւ նրանցից ես ոչինչ չեմ առել եւ նրանցից որեւէ մէկի հանդէպ անարդար բան չեմ արել:
16. Եւ Մովսէսն ասաց Կորիսին. Մաքրի՛ր քո մարդկանց, եւ առաւօտեան Տիրոջ առաջ պատրաստ եղեք դու եւ Ահարոնը:
17. Իւրաքանչիւրը թող առնի իր բուրվառը եւ դրա մէջ խունկ թող դնի: Իւրաքանչիւրն իր բուրվառը մատուցի Տիրոջը՝ ընդամենը երկու հարիւր յիսուն բուրվառ: Դու եւ Ահարոնը նոյնպէս մատուցեցէ՛ք ձեր բուրվառները:
18. Նրանք կրակ դրեցին դրանց մէջ, կրակի վրայ խունկ լցրին, եւ Մովսէսն ու Ահարոնը կանգնեցին վկայութեան խորանի դռանը:
19. Կորիսն իր բոլոր մարդկանց հաւաքեց նրանց դիմաց, վկայութեան խորանի դռան մօտ: Եւ Տիրոջ փառքը երեւաց ամբողջ ժողովրդին:
20. Տէրը խօսեց Մովսէսի ու Ահարոնի հետ եւ ասաց.
21. Հեռացէ՛ք այդ ժողովրդի մօտից, որ ես միանգամից կտորեմ սրանց:
22. Մովսէսն ու Ահարոնը երեսնիվայր ընկնելով՝ ասացին. Ո՛վ Աստուած, հոգիների ու բոլոր մարմինների Աստուած, եթէ մի մարդ մեղք է գործում, միթէ ամբողջ ժողովրդի՞ վրայ պիտի թափուի Տիրոջ զայրոյթը:
23. Տէրը խօսեց Մովսէսի հետ եւ ասաց.
24. Խօսի՛ր ժողովրդի հետ եւ ասա՛. Հեռացէ՛ք Կորիսի, Դաթանի ու Աբիրոնի

քնակավայրի շրջապատից:

25. Մովսեսը վեր կացաւ եւ գնաց Դաթանի ու Աբիրոնի մօտ: Նրա հետ գնացին նաեւ իսրայելացիների բոլոր ծերերը:

26. Մովսեսը դիմեց ժողովրդին եւ ասաց. Հեռացէ՛ք այդ խստասիրտ մարդկանց վրաններից, նրանց ոչ մի իրին ձեռք չտաք, որպէսզի կորստեան չմատնուէք դրանց գործած մեղքերի պատճառով:

27. Նրանք հեռացան Կորիսի վրանի շուրջը գտնուող ժողովրդից, բայց Դաթանն ու Աբիրոնը, նրանց կանայք, երեխաներն իրենց իրերով դուրս եկան ու կանգնեցին իրենց վրանների դռան մօտ:

28. Մովսեսն ասաց. Սրանով դուք կ'իմանաք, որ Տէրն է ուղարկել ինձ այս բոլոր գործերը կատարելու համար, եւ ոչ թէ ես ինձանից եմ անում դրանք.

29. եթէ Դաթանն ու Աբիրոնը մեռնեն մարդկային սովորական մահով, կամ դրանց պատիժը մարդկային սովորական պատժի նման լինի, ապա Տէրը չէ, որ ուղարկել ինձ:

30. Իսկ եթէ որեւէ նոր նշան ցոյց տայ Տէրը, երկիրն իր երախը բացելով կուլ տայ նրանց, նրանց ընտանիքներին վրաններով ու դրանցում եղած ամէն ինչով, ողջ-ողջ դժոխք իջնեն նրանք, ուրեմն իմացեք, որ այդ մարդիկ զայրացրել են Տիրոջը:

31. Երբ Մովսեսն աւարտեց այս խօսքերը, նրանց ոտքի տակ պատռուեց երկիրը,

32. բացուեց գետինը եւ կուլ տուեց նրանց ու նրանց ընտանիքներին, Կորիսին յարած մարդկանց ու նրանց անասուններին:

33. Նրանք եւ նրանց ունեցածները ողջ-ողջ իջան դժոխք, երկիրը ծածկեց նրանց, եւ նրանք վերացան ժողովրդի միջից:

34. Նրանց շուրջը գտնուող բոլոր իսրայելացիները նրանց ճիչը լսելով՝ փախուստի դիմեցին, որովհետեւ հաւատացած էին, թէ գուցէ երկիրն իրենց էլ կուլ տայ:

35. Տիրոջ ուղարկած կրակն իջաւ ու ճարակեց այն երկու հարիւր յիսուն մարդկանց, որոնք խնկարկում էին:

36. Տէրն ասաց Մովսեսին ու Ահարոնի որդի Եղիազար քահանային.

37. Վերցրէ՛ք հրոյ ճարակ դարձած մարդկանց պղնձէ բուրվառները, իսկ օտար կրակը սփռեցէ՛ք հեռու,

38. որովհետեւ իրենց հոգիների դէմ մեղք գործողների այդ բուրվառները սրբագործուեցին: Այդ բուրվառները դրուագածոյ թիթեղների վերածի՛ր եւ դրանցով ծածկի՛ր զոհասեղանը, որովհետեւ դրանք մատուցուած լինելով Տիրոջը, սրբագործուած են: Դրանք իսրայելացիների համար ազդանշան պիտի լինեն:

39. Ահարոն քահանայի որդի Եղիազարն առաւ հրոյ ճարակ դարձած մարդկանց մատուցած պղնձէ բուրվառները,

40. դրանցից զոհասեղանի համար թիթեղ պատրաստեց, որպէսզի իսրայելացիներին յիշեցնի, որ Ահարոնից չսերած որեւէ օտար մարդ խուճկ դնելու համար չմօտենայ Տիրոջը, որպէսզի նրա հետ էլ չպատահի այն, ինչ պատահեց Կորիսի ու նրան յարած ամբոխի հետ: Այդ էր Տէրը յայտնել Մովսեսի միջոցով:

41. Հետեւեալ օրն իսրայելացիները տրտնջացին Մովսեսի ու Ահարոնի դէմ ասելով. Դուք կոտորեցիք Տիրոջ ժողովրդին:

42. Երբ ժողովուրդը խուժեց Մովսեսի ու Ահարոնի վրայ, նրանք դիմեցին դէպի վկայութեան խորան: Ամպը իսկոյն ծածկեց խորանը, եւ երեւաց Տիրոջ փառքը:

43. Մովսեսն ու Ահարոնը կանգնեցին վկայութեան խորանի առջեւ:

44. Տէրը խօսեց Մովսեսի ու Ահարոնի հետ եւ ասաց.

45. Հեռացէ՛ք այդ ժողովրդի միջից, որ ես միանգամից ոչնչացնեմ նրանց: Մովսեսն ու Ահարոնը երեսնիվայր ընկան գետին,

46. եւ Մովսեսն ասաց Ահարոնին. Վերցրո՛ւ բուրվառը, դրա մէջ զոհասեղանի վրայից վերցրած կրակ դի՛ր, դրա վրայ խուճկ լցրո՛ւ, շտապ տա՛ր բանակատեղի եւ քառութիւն խնդրի՛ր նրանց մեղքերի համար, որովհետեւ Տէրը զայրացել է եւ սկսել է կոտորել ժողովրդին:

47. Ահարոնն առաւ բուրվառը, ինչպէս իրեն ասել էր Մովսեսը, եւ գնաց ժողովրդի մօտ:

Մարդկանց կոտորածն արդեն սկսուել էր: Ահարոնը խուճկ դրեց եւ քաւութիւն խնդրեց ժողովրդի գործած մեղքերի համար:

48. Նա կանգնեց սպանուած ու կենդանի մարդկանց միջեւ, եւ կոտորածը դադարեց:

49. Կոտորուածների թիւը հասաւ տասնչորս հազար եօթը հարիւր հոգու՝ չհաշուած Կորիսի պատճառով մեռածները:

50. Ահարոնը վերադարձաւ Մովսէսի մօտ, վկայութեան խորանի դուռը, եւ կոտորածը դադարեց:

1. Տերը խօսեց Մովսէսի հետ եւ ասաց.
2. Դիմիր իսրայէլացիներին եւ նրանցից՝ նրանց ցեղերի բոլոր իշխաններից մէկական գաւազան ա՛ռ ըստ իրենց նահապետների ընտանիքների թուի՝ ընդամենը տասներկու գաւազան: Իւրաքանչիւր իշխանի անունը կը գրես իր գաւազանի վրայ:
3. Ահարոնի անունը կը գրես իր գաւազանի վրայ: Իսրայէլի ամեն մի ցեղ մէկ գաւազան է տալու ըստ իր նահապետների ընտանիքների:
4. Դրանք կը դնես վկայութեան խորանում, որով պիտի երեւամ քեզ այնտեղ:
5. Թող ծաղկի այն մարդու գաւազանը, որին ես կ'ընտրեմ: Դրանով կը վերացնեմ ձեր դէմ ուղղուած իսրայէլացիների տրտունջը:
6. Մովսէսն այդ հաղորդեց իսրայէլացիներին, եւ նրանց իշխանները նրան տուեցին իրենց գաւազանները. ամեն մի իշխան տուեց մէկ գաւազան՝ ըստ իրենց նահապետների ընտանիքների, ընդամենը տասներկու գաւազան: Դրանց մէջ էր նաեւ Ահարոնի գաւազանը:
7. Մովսէսն այդ գաւազանները դրեց Տիրոջ առջեւ, վկայութեան խորանում:
8. Յաջորդ օրը Մովսէսն ու Ահարոնը մտան վկայութեան խորան եւ տեսան, որ ծաղկել է Ղեւիի տան կողմից տրուած Ահարոնի գաւազանը. նա ճիւղեր էր արծակել, ծաղկել եւ ընկոյզ բռնել:
9. Մովսէսը գաւազաններն առաւ Տիրոջ առաջից եւ ցոյց տուեց բոլոր իսրայէլացիներին: Նրանք տեսան այդ: Ամեն մէկն առաւ իր գաւազանը:
10. Տերն ասաց Մովսէսին. Ահարոնի այդ գաւազանը դի՛ր միւս վկայութիւնների կողքին ի պահ, որպէս նշան անհնազանդ որդիների, որպէսզի դադարի նրանց տրտունջն իմ դէմ, եւ նրանք չմեռնեն:
11. Մովսէսն ու Ահարոնը արեցին այնպէս, ինչպէս Տերն էր հրամայել Մովսէսին. նրանք այդպէս էլ արեցին:
12. Իսրայէլացիներն ասացին Մովսէսին. Մենք կոտորուում, կորչում, նուազում ենք:
13. Ով որ մօտենում է Տիրոջ խորանին, մեռնում է: Մի՞թէ մենք իսպառ պիտի ոչնչանանք:

1. Տերը խօսեց Ահարոնի հետ եւ ասաց. Դու, քո որդիներն ու քո նահապետական ընտանիքը պատասխանատու եք սրբարանի սպասաւորութեան նկատմամբ կատարուող մեղսագործութիւնների համար, բայց միայն դու եւ քո որդիներն եք կրելու ձեր քահանայագործութեան ժամանակ ձեր կատարած զանցանքների պատասխանատուութիւնը:
2. Քեզ մօտ վերցրու քո եղբայրներին՝ քո նախորդը եղող Ղեւիի սերնդից՝ քո հօր ցեղից, եւ նրանք թող միանան ու թող ծառայեն քեզ: Վկայութեան խորանում, սակայն, պիտի սպասաւորեք դու եւ քեզ հետ քո որդիները:
3. Ղեւտացիները պիտի ծառայեն քեզ եւ վկայութեան խորանի պահապանները պիտի լինեն, բայց նրանք իմ սուրբ սպասքին ու զոհասեղանին չպետք է մերձենան, որպէսզի ե՛ւ նրանք, ե՛ւ դուք չմեռնեք:
4. Նրանք պիտի միանան քեզ, որ կատարուի վկայութեան խորանի պահպանութիւնն ըստ խորանի բոլոր ծառայութիւնների: Ոչ մի օտարազգի մարդ քեզ չպիտի մօտենայ:
5. Դուք ինքներդ կը սպասարկեք սրբութիւններն ու զոհասեղանը, որպէսզի իսրայէլացիների վրայ այլեւս չիջնի Տիրոջ բարկութիւնը:
6. Ես իսրայէլացիների միջից, որպէս Տիրոջը տրուած ընծայ, վերցրի ձեր Ղեւտացի եղբայրներին, որպէսզի նրանք սպասարկեն վկայութեան խորանում,
7. իսկ դու եւ քեզ հետ քո որդիները վարեք քահանայութեան պաշտօնը, անեք զոհասեղանին վերաբերող բոլոր գործերը, վարագոյրի յետեւում գտնուող մասում կատարեք քահանայական ձեր պարտականութիւնները, իսկ այլ ազգի մարդը եթէ մօտենայ, մահուամբ պիտի պատժուի:
8. Տերը խօսեց Ահարոնի հետ եւ ասաց. Ահա ես ձեզ յանձնեցի ինձ նուիրաբերուած ընծաների պահպանութիւնը. իսրայէլացիների ինձ նուիրած ամէն ինչ իբրեւ պարգեւ տալիս եմ քեզ ու քո յետնորդներին. եւ սա թող յաւիտենական օրէնք լինի:
9. Ահա սրանք են սուրբ ընծաներից ձեզ պատկանող բաները. նրանց բոլոր զանցանքների, նրանց բոլոր մեղսագործութիւնների համար ինձ նուիրաբերուող նրանց բոլոր նուէրներից, նրանց բոլոր զոհերից քեզ եւ քո որդիներին բաժին պիտի հասնի:
10. Սուրբ վայրերում կ'ուտեք դրանք. ով որ արու է, կարող է ուտել այն. միայն դու եւ քո արու զաւակները. եւ քեզ համար դրանք սուրբ պիտի լինեն:
11. Ձեզ պիտի պատկանեն նաեւ իսրայէլացիների մատուցած բերքի առաջին պտուղները: Բոլոր զոհաբերութիւնները տալիս եմ քեզ եւ քեզ հետ՝ քո տղաներին ու աղջիկներին: Սա թող յաւիտենական օրէնք լինի: Քո տանը ամէն մաքուր մարդ թող ուտի այն:
12. Տիրոջը մատուցուած բերքի ընտիր իւղը, ընտիր գինին եւ ընտիր ցորենը քեզ եմ տալիս:
13. Իրենց երկրի հացաբոյսերի ամէն առաջին բերքը, որ Տիրոջն են մատուցում, թող քեզ պատկանի: Քո տանը ամէն մաքուր մարդ թող ուտի այն:
14. Իսրայէլացիներից ինձ նուիրաբերուող ամէն ինչ քեզ թող պատկանի:
15. Ամէն մի առաջնածին, մարդ թէ անասուն, որ Տիրոջն են նուիրում, թող քեզ պատկանի: Յետ կը գնես միայն մարդկանց անդրանիկներին: Յետ կը գնես նաեւ անմաքուր անասունների առաջնածինները:
16. Յետգնումը թող տեղի ունենայ ծննդից մէկ ամիս անցնելուց յետոյ, իսկ դրա գինը, ըստ սրբարանի սիկդի, հինգ սիկդ թող լինի, որը հաւասար է քսան դանգի:
17. Արջառների, ոչխարների ու այծերի առաջնածինները յետ չգնես, որովհետեւ մաքուր են: Նրանց արիւնը կը հեղես զոհասեղանի մօտ, իսկ ճարպը ընծայ կ'անես իբրեւ անուշ բուրմունք Տիրոջ համար:
18. Միսը թող պատկանի քեզ, ինչպէս եւ կուրծքն ու աջ թելը:
19. Սրբութիւններից այն ամէնը, ինչ որ իսրայէլացիները Տիրոջն են տալիս որպէս տուրք, քեզ եմ տալիս, քո զաւակներին եւ քեզ հետ՝ քո տղաներին ու աղջիկներին: Դա

- յաւիտենական օրէնք թող լինի, որովհետեւ դա Տիրոջ առաջ Աղի ուխտ է քեզ համար եւ քեզնից յետոյ քո սերնդի համար:
20. Տերը խօսեց Ահարոնի հետ եւ ասաց. Նրանց երկրում ոչ մի ժառանգութիւն չպիտի ունենաս, եւ դու նրանց հետ ոչ մի բաժին չպիտի ունենաս, որովհետեւ ես եմ քո բաժինն ու ժառանգութիւնը իսրայէլացիների մէջ:
21. Ես Ղեւիի որդիներին իբրեւ ժառանգութիւն եմ տալիս իսրայէլացիների բոլոր եկամուտների տասանորդները նրանց այն ծառայութեան համար, որ նրանք պիտի կատարեն վկայութեան խորանում:
22. Միւս իսրայէլացիները չպետք է մերձենան վկայութեան խորանին, որպէսզի մահացու մեղքեր գործած չլինեն:
23. Միայն ղեւտացիները թող սպասարկեն վկայութեան խորանում եւ պատասխան տան իրենց գործած մեղքերի համար: Դա յաւիտենական օրէնք թող լինի իսրայէլացիների մէջ իրենց բոլոր սերունդներում: Ղեւտացիները ժառանգութիւն չպետք է ունենան,
24. որովհետեւ իսրայէլացիների եկամուտների տասանորդները, որ յատկացնելու են Տիրոջը իբրեւ տուրք, տուեցի ղեւտացիներին որպէս ժառանգութիւն: Դրա համար էլ ասացի, որ նրանք ժառանգութիւն չպիտի ունենան իսրայէլացիների մէջ:
25. Տերը խօսեց Մովսէսի հետ եւ ասաց.
26. Խօսի՛ր ղեւտացիների հետ ու ասա՛ նրանց. Եթէ իսրայէլացիներից տասանորդ ստանաք, որը ես որպէս ժառանգութիւն ձեզ եմ տուել, դուք էլ դրանից պետք է տուրք տաք Տիրոջը՝ տասանորդի մէկ տասներորդը:
27. Ձեր տուրքը պիտի ընդունուի իբրեւ կալում գտնուող ցորեն եւ հնձանում եղած գինի:
28. Ըստ այդմ էլ դուք մաս պիտի հանէք Տիրոջը այդ տուրքից, որ պիտի ստանաք իսրայէլացիներից իբրեւ տասանորդ, եւ դրանից տուրք պիտի տաք Տիրոջը, Ահարոն քահանային:
29. Ձեր ստացած տասանորդներից Տիրոջը մաս պիտի հանէք նաեւ առաջին բերքից:
30. Դու ղեւտացիներին ասա՛. Երբ դրանից ընտիրը նուիրաբերէք Տիրոջը, դա պետք է ընդունուի իբրեւ կալում գտնուող ցորեն եւ հնձանում եղած գինի:
31. Դուք եւ ձեր ընտանիքները դա կարող էք ուտել ամէն տեղ, որովհետեւ դա ձեր վարձն է վկայութեան խորանում ձեր մատուցած ծառայութեան փոխարէն:
32. Եւ դրա համար դուք մեղք կրած չէք լինի. երբ որ դրանից տուրք հանէք որպէս սրբութիւն Իսրայէլի որդիներին, սրբութիւնները պղծած չէք լինի եւ չէք մեռնի:

1. Տերը խօսեց Մովսէսի ու Սհարոնի հետ եւ ասաց.
2. Սա է այն ծիսակարգը, որ Տերը պատուիրեց Մովսէսին՝ ասելով. Իսրայէլացիներին ասա՛, որ քեզ մօտ բերեն ոչ արատաւոր մի կարմիր երինջ, որ բժաւոր ու լծի տակ մտած չլինի:
3. Այն կը յանձնես եղիազար քահանային: Թող հանեն դա բանակատեղիից դուրս մի մաքուր տեղ եւ մորթեն նրա առջեւ:
4. Եղիազարը թող առնի նրա արիւնից եւ եօթն անգամ ցանի վկայութեան խորանի դիմաց:
5. Երինջը թող այրեն նրա առջեւ. դրա մորթը, միսն ու արիւնը թող այրեն իր աղտեղիքի հետ:
6. Քահանան թող վերցնի մի եղեւնու փայտ, զոպայ ու կարմիր թել եւ նետի այրուող երինջի վրայ:
7. Քահանան իր հագուստներն ու մարմինը լուանալուց յետոյ թող մտնի բանակատեղի: Քահանան, սակայն, մինչեւ երեկոյ անմաքուր թող համարուի:
8. Երինջն այրողը ջրով թող լուանայ իր հագուստներն ու մարմինը եւ անմաքուր համարուի մինչեւ երեկոյ:
9. Մի մաքուր մարդ թող հաւաքի այրուած երինջի մոխիրը եւ կուտակի բանակատեղիից դուրս մի մաքուր տեղ: Իսրայէլացի ժողովրդի համար դա պիտի պահուի որպէս մեղքերի մաքրման ջուր, քանի որ դա սրբութիւն է:
10. Երինջի մոխիրը հաւաքողը թող լուանայ իր մարմինն ու հագուստները եւ անմաքուր համարուի մինչեւ երեկոյ: Դա իսրայէլացի ժողովրդի ու նրա մօտ ապրող օտարականների համար յաւիտենական օրէնք թող լինի:
11. Ով որ դիպչի մեռած մարդու դիակին, եօթն օր թող անմաքուր համարուի:
12. Նա պետք է մաքրուի երրորդ ու եօթներորդ օրերը, որից յետոյ մաքուր կը համարուի: Իսկ եթէ երրորդ ու եօթներորդ օրերը չմաքրուի, մաքուր չի համարուի:
13. Ով որ դիպչի մեռած կամ մեռնելու վրայ եղող մարդու դիակի ու չմաքրուի, նա պղծած է լինում Տիրոջ խորանը: Այդ մարդը թող վերանայ իսրայէլացիների միջից: Քանի որ մեղքերի մաքրման ջուր չցանուեց նրա վրայ, նա անմաքուր է, որովհետեւ նրա անմաքրութիւնը մնում է նրա մէջ:
14. Տան մէջ մեռնող մարդու մասին ծիսակարգը հետեւեալն է. ով որ մտնի այդ տունը, եւ ինչ որ կայ այդ տան մէջ, թող անմաքուր համարուի եօթը օր:
15. Բաց, կափարիչով չծածկուած կամ բերանը չկապած որեւէ աման անմաքուր թող համարուի:
16. Ով որ դաշտում բնական կամ բռնի մահով մեռած մարդու դիակի, ոսկորի կամ գերեզմանի դիպչի, եօթն օր թող պիղծ համարուի:
17. Անմաքուր համարուածի համար թող առնեն մեղքերի մաքրման համար այրուած երինջի մոխիրից, դնեն մի ամանի մէջ եւ վրան ջուր աւելացնեն:
18. Մաքուր մի մարդ թող վերցնի զոպան եւ այն սուրբ ջրի մէջ թաթախելով՝ ցանի տան, կահկարասու, ամանների, այնտեղ գտնուող մարդկանց վրայ, ինչպէս նաեւ մարդու ոսկորին, բնական կամ բռնի մահով մեռած մարդու դիակին կամ գերեզմանին ձեռք տուած մարդու վրայ:
19. Մի մաքուր մարդ երրորդ ու եօթներորդ օրերը այդ անմաքուր մարդու վրայ ջուր թող ցանի, եւ նա եօթներորդ օրը մաքուր թող համարուի: Նա ջրով թող լուանայ իր հագուստներն ու մարմինը եւ մինչեւ երեկոյ անմաքուր թող համարուի:
20. Այն մարդը, որ անմաքուր է, բայց չի ցանկանայ մաքրուել, թող վերանայ իր ժողովրդի միջից, որովհետեւ նա Տիրոջ սրբարանն է պղծել, մեղքերի մաքրման ջրով չի լուացուել եւ անմաքուր է:
21. Դա ձեզ համար յաւիտենական օրէնք թող լինի: Մեղքերի մաքրման լուացում կատարողը պետք է լուանայ իր հագուստները: Ով որ դիպչում է մեղքերի մաքրման այդ



ջրին, նա մինչեւ երեկոյ անմաքուր թող համարուի:

22. Ինչի էլ որ դիպչի անմաքուրը, մինչեւ երեկոյ թող դա անմաքուր համարուի, իսկ ով դիպչի անմաքուր մարդուն, նա էլ մինչեւ երեկոյ անմաքուր թող համարուի:

1. Իսրայելացիները ամբողջ ժողովրդի հետ առաջին ամսին եկան Սինայի անապատ, եւ ժողովուրդը բանակատեղի դրեց Կադեսում: Մարիամը վախճանուեց այնտեղ ու այնտեղ էլ թաղուեց:
2. Ժողովուրդը խմելու ջուր չուներ, ուստի հաւաքուեց Մովսէսի ու Ահարոնի գլխին:
3. Մովսէսի դէմ գանգատուելով՝ մարդիկ ասում էին. Աւելի լաւ կը լինէր, եթէ մենք էլ մեռնէինք, երբ Տիրոջ առջեւ կոտորուում էին մեր եղբայրները:
4. Ինչո՞ւ Տիրոջ ժողովրդին բերեցիք այս անապատը, որ կոտորուենք մենք ու մեր անասունները:
5. Ինչո՞ւ հանեցիք մեզ Եգիպտացիների երկրից, որ գանք հասնենք այս վատ տեղը, ուր ո՛չ սերմ կը լինի ցանել, ո՛չ սեխ կայ, ո՛չ այգիներ, ո՛չ նռնենիներ եւ ո՛չ իսկ խմելու ջուր:
6. Մովսէսն ու Ահարոնը ժողովրդի մօտից գնացին վկայութեան խորանի դուռը եւ երեսնավայր ընկան գետին: Եւ Տիրոջ փառքը երեւաց նրանց:
7. Տէրը խօսեց Մովսէսի հետ եւ ասաց.
8. Վերցրո՛ւ գաւազանը, դու եւ քո եղբայր Ահարոնը ժողովրդին հաւաքեցէ՛ք, նրանց ներկայութեամբ ասացէ՛ք այդ ապառաժին, եւ նա կը տայ իր ջուրը: Այդ ապառաժից ջուր կը հանէք եւ կը խմեցնէք ժողովրդին ու նրանց անասուններին:
9. Մովսէսն առաւ Տիրոջ առջեւ գտնուող գաւազանը, ինչպէս Տէրն էր հրամայել իրեն: Մովսէսն ու Ահարոնը ժողովրդին հաւաքեցին ապառաժի դիմաց:
10. Մովսէսն ասաց նրանց. Լսեցէ՛ք ինձ, ապստամբնե՛ր, հնարաւո՞ր է, որ այս ապառաժից ձեզ համար ջուր հանենք:
11. Եւ Մովսէսն իր ձեռքը բարձրացնելով՝ երկու անգամ հարուածեց ապառաժին: Առատ ջուր բխեց, եւ ժողովուրդն ու անասունները խմեցին:
12. Տէրն ասաց Մովսէսին ու Ահարոնին. Քանի որ դուք ինձ չհաւատացիք, որ ես կարող եմ ինձ սրբացնել իսրայելացիների առջեւ, ուստի դուք այդ ժողովրդին չէք առաջնորդի այն երկիրը, որ դրանց եմ տուել:
13. Այդ աղբիւրը կոչուեց Հակաճառութեան ջուր, որովհետեւ իսրայելացիները հակաճառել էին Տիրոջ առջեւ: Եւ նա սրբացաւ նրանց մէջ:
14. Մովսէսը Կադեսից պատգամաւորներ ուղարկեց եդոմացիների արքայի մօտ եւ ասաց. Այսպէս են ասում քո եղբայր իսրայելացիները. Դու ինքդ տեղեակ ես այն բոլոր նեղութիւններին, որ կրեցինք մենք,
15. թէ ինչպէս մեր հայրերը գնացին Եգիպտոս, ուր պանդուխտ էինք երկար ժամանակ, թէ Եգիպտացիները ինչքան չարչարեցին մեզ ու մեր հայրերին:
16. Մենք բողոք բարձրացրինք Տիրոջ առջեւ, նա լսեց մեր ձայնը եւ հրեշտակ ուղարկելով՝ մեզ հանեց Եգիպտոսից: Եւ հիմա մենք Կադես քաղաքում ենք, քո երկրի սահմանների մօտ:
17. Արդ, պիտի անցնենք քո երկրով: Մենք ո՛չ քո դաշտերով կ'անցնենք, ո՛չ քո այգիներով, ո՛չ իսկ ջուր կը խմենք քո ջրհորներից: Արքունի ճանապարհներով կը գնանք, աջ կամ ձախ չենք շեղուի, մինչեւ որ դուրս գանք քո սահմաններից:
18. Եդոմացիների արքան նրանց ասաց. Իմ երկրով չանցնէք, ապա թէ ոչ պատերազմի կ'ելնեմ ձեր դէմ:
19. Իսրայելացիներն ասացին նրան. Լերան մօտով կ'անցնենք: Եթէ մենք ու մեր հօտերը խմենք քո ջրից, քեզ դրա գինը կը տանք: Մենք շատ բան չենք պահանջում, թող անցնենք լերան մօտով:
20. Նա պատասխանեց. Չանցնէք իմ երկրով: Եւ եդոմացիները իսրայելացիների դէմ ելան մեծ ու լաւ զինուած զօրքով:
21. Եդոմացիները չցանկացան իսրայելացիներին ճանապարհ տալ իրենց երկրի սահմանների միջով, ուստի իսրայելացիները խուսափեցին նրանցից:
22. Նրանք Կադեսից դուրս գալով՝ եկան Հոր լեռը:
23. Տէրը Հոր լեռան վրայ, Եդոմացիների երկրի սահմանի մօտ, խօսեց Մովսէսի ու

Ահարոնի հետ եւ ասաց.

24. Ահարոնը մեռնելով թող միանայ իր նախնիների մեռելներին: Նա չի մտնելու այն երկիրը, որ ես տուել եմ իսրայելացիներին, որովհետեւ դուք ինձ բարկացրիք Հակաճառութեան ջրի հարցում:

25. Ահարոնին ու նրա որդի Եղիազարին ամբողջ ժողովրդի ներկայութեամբ բարձրացրո՛ւ Հոր լեռը:

26. Ահարոնի վրայից հանի՛ր նրա պատմունճանը եւ այն հագցրո՛ւ նրա որդի Եղիազարին, եւ Ահարոնն այնտեղ թող մեռնի ու միանայ իր նախնիների մեռելներին:

27. Մովսէսն արեց այնպէս, ինչպէս Տէրն էր հրամայել իրեն. նա ամբողջ ժողովրդի ներկայութեամբ Ահարոնին բարձրացրեց Հոր լեռը,

28. նրա վրայից հանեց նրա զգեստները եւ դրանք հագցրեց նրա որդի Եղիազարին:

29. Ահարոնը մեռաւ լեռան գագաթին, իսկ Մովսէսն ու Եղիազարը իջան լեռից:

30. Ամբողջ ժողովուրդը տեսաւ, որ վախճանուեց Ահարոնը, եւ բոլոր իսրայելացիները երեսուն օր ողբացին Ահարոնի մահը:

1. Արադի քանանացի արքան, որը բնակւում էր անապատում, լսեց, որ իսրայելացիները գալիս են Աթարիսի ճանապարհով: Նա պատերազմ մղեց իսրայելացիների դեմ եւ նրանցից գերիներ վերցրեց:
2. Իսրայելացիները Տիրոջ հետ ուխտ անելով՝ ասացին. Եթէ մեր ձեռքը յանձնես այդ ժողովրդին, մենք նրան ու նրա քաղաքները կը կործանենք:
3. Տերը լսեց իսրայելացիներին եւ քանանացիներին մատնեց նրանց ձեռքը: Իսրայելացիները նրանց ու նրանց քաղաքները կործանեցին եւ այդ վայրը կոչեցին Նզովք:
4. Հոր լեռից շարժուելով դեպի Կարմիր ծովը տանող ճանապարհով, նրանք շրջանցեցին Եդոմը: Ժողովուրդը յուսահատուեց ճանապարհին
5. Եւ սկսեց գանգատուել Աստծուց ու Մովսէսից: Նրանք ասացին. Ինչո՞ւ մեզ հանեցիր Եգիպտոսից, որ մեզ այս անապատում կոտորես: Ո՛չ հաց կայ եւ ո՛չ ջուր: Մենք զգուել ենք այս խղճուկ սննդից:
6. Տերը կոտորող օձեր ուղարկեց ժողովրդին, որոնք խայթում էին մարդկանց. իսրայելացիներից շատերը մեռան:
7. Իսրայելացիները գալով Մովսէսի մօտ՝ ասացին. Մեղք ենք գործել, որովհետեւ չարախօսել ենք Տիրոջն ու քեզ: Արդ, աղօթի՛ր Տիրոջը, որ նա մեր միջից վերացնի այդ օձերը: Մովսէսն աղօթեց Տիրոջը ժողովրդի համար:
8. Տերն ասաց Մովսէսին. Դու մի պղնձե օձ պատրաստի՛ր եւ այն դի՛ր ձողի վրայ: Երբ օձը մարդ խայթի, եւ օձից խայթուողը նայի քո սարքած օձին, կը փրկուի:
9. Մովսէսը պղնձե օձ պատրաստեց եւ այն դրեց ձողի վրայ: Օձից խայթուողը, նայելով պղնձե օձին, կենդանի էր մնում:
10. Իսրայելացիները ճանապարհ ընկան ու բանակատեղի դրեցին Օբոթում:
11. Օբոթից դուրս գալով՝ բանակատեղի դրեցին Աքեղգայում՝ անապատի այն կողմում, որը Մովաբի դիմաց է գտնւում, նրանից արեւելք:
12. Այնտեղից էլ դուրս գալով՝ բանակատեղի դրեցին Չարեդ ձորում:
13. Այնտեղից էլ դուրս գալով՝ բանակատեղի դրեցին Առնոնից այն կողմ, անապատում, ամորհացիների սահմանների ելքի մօտ. Առնոնը գտնւում է մովաբացիների ու ամորհացիների սահմանների միջեւ:
14. Դրա համար էլ գրքում գրուած է. Տիրոջ պատերազմը կրակի մատնեց Չովորն ու Առնոնի ձորը:
15. Նա ձորում բնակուողներին տարաւ բնակեցնելու Էրում, որը սահմանակից էր Մովաբին:
16. Դրանից այն կողմ Ջրիորն էր: Դա այն ջրիորն է, որի մասին Տերն ասաց Մովսէսին. Հաւաքի՛ր ժողովրդին, որ ես նրանց խմելու ջուր տամ:
17. Այն ժամանակ իսրայելացիները ջրիորի մօտ այս երգը երգեցին.
18. Փառաբանեցէ՛ք այն ջրիորը, որ փորեցին իշխանները, այն խորացրին յղկեցին ազգերի թագաւորները՝ թագաւորութեան եւ տիրապետութեան ժամանակ: Իսրայելացիներն այդ ջրիորի մօտից գնացին դեպի Մանթանին,
19. Մանթանինից՝ Մանայել, Մանայելից՝ Բամոթ,
20. Բամոթից՝ Անայէն, որը գտնւում է Մովաբացիների դաշտում՝ Կոփածոյ կոչուած լեռան գագաթի մօտ, որ նայում է դեպի անապատ:
21. Մովսէսն ամորհացիների արքայի մօտ պատգամաւորներ ուղարկեց խաղաղութեան խօսքերով: Նա ասաց. Թո՛յլ տուր անցնենք քո երկրով:
22. Ճանապարհով կը գնանք, չենք շեղուի ո՛չ դաշտերի, ո՛չ էլ այգիների մէջ եւ ո՛չ իսկ քո ջրիորներից ջուր կը խմենք: Արքունի ճանապարհով կը գնանք, մինչեւ որ անցնենք քո սահմաններից:
23. Սեհոնն իսրայելացիներին թոյլ չտուեց անցնել իր սահմաններով: Սեհոնը հաւաքեց իր ամբողջ ժողովրդին ու իսրայելացիների դեմ պատերազմելու ելաւ անապատում: Նա

եկաւ Սիասար եւ պատերազմ մղեց իսրայելացիների դէմ:

24. Իսրայելացիները նրանց կոտորեցին եւ տիրեցին նրա երկրին Առնոնից մինչեւ Յաբոկ, մինչեւ Ամմոնացիների երկիրը, որովհետեւ Յագերը ամոնացիների սահմանն էր:

25. Իսրայելացիները գրաւեցին այդ շրջանի բոլոր քաղաքները եւ բնակուեցին ամորհացիների բոլոր քաղաքներում՝ Եսեբոնում ու նրա ամբողջ շրջակայքում,

26. որովհետեւ Եսեբոնը ամորհացիների արքայ Սեհոնի քաղաքն էր: Նա անցեալում պատերազմ էր մղել մովաբացիների արքայի դէմ ու գրաւել նրա ամբողջ երկիրը Արոյերից մինչեւ Առնոն:

27. Դրա համար բոլոր վիպերգակներն ասում են. Եկե՛ք Եսեբոն, որ կառուցուի ու բարեկարգուի Սեհոնի քաղաքը,

28. քանզի հուր ելաւ Եսեբոնից, եւ բոց՝ Սեհոնի քաղաքից, այրեց մինչեւ Մովաբ եւ լափեց Առնոնի արձանները:

29. Վա՛յ քեզ, Մովա՛բ, կորա՛ր, Քամոսի՛ ժողովուրդ: Նրանց այրերը փախուստի մատնուեցին, նրանց դուստրերը գերի ընկան ամորհացիների թագաւորի ձեռքը:

30. Նրանց սերունդները թող կոտորուեն Եսեբոնից մինչեւ Դեբոն, եւ նրանց կանայք կրակով բորբոքուեցին Մովաբի վրայ:

31. Իսրայելացիները բնակուեցին ամորհացիների բոլոր քաղաքներում:

32. Մովսէսը մարդ ուղարկեց, որ հետախուզեն Յագերը: Իսրայելացիները գրաւեցին այն ու նրա անանները եւ դուրս քշեցին այնտեղ բնակուող ամորհացիներին:

33. Այնտեղից իսրայելացիները դուրս եկան ու գնացին Բասան տանող ճանապարհով: Եդրինայում նրանց դէմ պատերազմի ելաւ Բասանի թագաւոր Օգը իր ամբողջ ժողովրդով:

34. Տէրն ասաց Մովսէսին. Մի՛ վախեցիր նրանից, որովհետեւ քո ձեռքն եմ մատնել նրան, նրա ամբողջ ժողովրդին ու նրա ամբողջ երկիրը: Նրա հետ կը վարուես այնպէս, ինչպէս վարուեցիր Եսեբոնում բնակուող ամորհացիների արքայ Սեհոնի հետ:

35. Եւ իսրայելացիները հարուածեցին նրան, նրա որդիներին ու նրա ամբողջ ժողովրդին, մինչեւ որ նրանցից ոչ մի մարդ կենդանի չմնաց, եւ իրենք սեփականացրին նրանց երկիրը:

1. Իսրայելացիներն այնտեղից դուրս գալով՝ բանակատեղի դրեցին Մովաբի արեւմտեան մասում, Յորդանան գետի մօտ, Երիքովի դիմաց:
2. Սեպփորի որդի Բաղակը տեսաւ այն ամէնը, ինչ իսրայելացիներն արել էին ամորիացիներին:
3. Մովաբացիները խիստ վախեցան այդ ժողովրդից, որովհետեւ նրանք շատ էին: Մովաբացիները վախեցան իսրայելացիներից,
4. ուստի նրանք ասացին Մադիամի ծերակոյտին. Հիմա իսրայելացիները մեր շրջակայքում գտնուող ամէն ինչ լափում են այնպէս, ինչպէս արջառն է խժռում դաշտի դալար խոտը: Սեպփորի որդի Բաղակն այդ ժամանակ մովաբացիների արքան էր:
5. Նա պատգամաւորներ ուղարկեց Բեորի որդի Բաղաամի մօտ, Փաթուրն քաղաքը, իր ազգակիցների երկիրը, գետեզերքի մօտ, որպէսզի կանչի նրան ու ասի. Ահա մի ժողովուրդ է դուրս ելել Եգիպտոսից, ծածկել երկրի երեսը եւ իջեւանել ինձ մօտ:
6. Արդ, արի՛ ինձ համար անիծի՛ր այս ժողովրդին, որովհետեւ ինձանից ուժեղ է նա: Թերեւս կարողանանք կոտորել նրանցից շատերին ու հալածել մեր երկրից: Գիտեմ, որ այն, ինչ դու օրհնում ես, օրհնուած է, եւ ինչ դու անիծում ես՝ անիծուած է:
7. Մովաբացիների ծերակոյտն ու Մադիամի ծերակոյտը գնացին: Նրանց ձեռքում կար բախտագուշակութիւնների համար տրուելիք վարձը: Նրանք եկան Բաղաամի մօտ եւ յայտնեցին Բաղակի պատգամները:
8. Բաղաամն ասաց նրանց. Այս գիշեր մնացէ՛ք այստեղ, եւ ես պատասխան կը տամ այն բաների մասին, ինչ Տերը կը յայտնի ինձ: Եւ մովաբացի իշխանները գիշերեցին Բաղաամի մօտ:
9. Աստուած եկաւ Բաղաամի մօտ եւ նրան ասաց. Ովքե՞ր են այս մարդիկ, որ քեզ մօտ են:
10. Բաղաամը պատասխանեց Աստծուն. Մովաբացիների արքայ Սեպփորի որդի Բաղակն է ուղարկել նրանց ինձ մօտ եւ ասել.
11. Ահա մի ժողովուրդ է դուրս ելել Եգիպտոսից, ծածկել երկրի երեսը եւ իջեւանել ինձ մօտ: Արդ, արի՛ ինձ համար անիծի՛ր նրանց, որպէսզի թերեւս կարողանամ նրանց կոտորելով՝ հալածել իմ երկրից:
12. Աստուած ասաց Բաղաամին. Մի՛ գնա նրանց հետ եւ մի՛ անիծիր ժողովրդին, որովհետեւ նա օրհնեալ է:
13. Առաւօտեան վեր կենալով՝ Բաղաամն ասաց Բաղակի իշխաններին. Վերադարձէ՛ք ձեր տիրոջ մօտ, որովհետեւ Աստուած թոյլ չի տալիս ինձ, որ գամ ձեզ հետ:
14. Մովաբացի իշխանները, վեր կենալով, եկան Բաղակի մօտ ու ասացին. Բաղաամը չկամեցաւ գալ մեզ հետ:
15. Բաղակը սրանցից էլ աւելի շատ եւ պատուաւոր իշխաններ ուղարկեց:
16. Բաղաամի մօտ գալով՝ նրանք ասացին. Այսպէս է ասում Սեպփորի որդի Բաղակը. Աղաչում եմ քեզ, շտապ ինձ մօտ արի՛,
17. որովհետեւ մեծապէս պատուելու եմ քեզ, եւ ինչ էլ ասես, կ'անեմ քեզ համար: Արդ, արի՛ ինձ համար անիծի՛ր այս ժողովրդին:
18. Պատասխան տալով՝ Բաղաամն ասաց Բաղակի իշխաններին. Եթէ Բաղակն ինձ անգամ իր տնով լիքը արծաթ ու ոսկի տայ, ես չեմ կարող ոտնահարել Տեր Աստծու խօսքը, Տիրոջը հակառակ մեծ կամ փոքր բան կատարել:
19. Արդ, այս գիշեր մնացէ՛ք այստեղ, որպէսզի իմանամ, թէ Տերը էլ ինչ կ'ասի ինձ:
20. Գիշերն Աստուած եկաւ Բաղաամի մօտ եւ ասաց նրան. Քանի որ քեզ կանչելու համար ես եկել այս մարդիկ, վեր կաց գնա՛ նրանց հետ, բայց կ'անես այն, ինչ ես կ'ասեմ քեզ:
21. Բաղաամն առաւօտեան վեր կենալով՝ համետեց իր էջը եւ գնաց մովաբացի իշխանների հետ:
22. Աստուած խիստ բարկացաւ, որ նա գնում է: Աստծու հրեշտակը եկաւ, կանգնեց նրա

առաջ որպես հակառակորդ: Բաղաամը նստել էր իր էշի վրայ, եւ նրա հետ էին իր երկու ծառաները:

23. Երբ էշը տեսաւ, որ Աստծու հրեշտակը մերկացրած սուրը ձեռքին փակել է ճանապարհը, մի կողմ քաշուեց ճանապարհից եւ գնում էր դաշտի միջով: Բաղաամը գաւազանով հարուածեց էշին, որպէսզի ուղղի նրան դէպի ճանապարհը:

24. Աստծու հրեշտակը կանգնեց այգիների առուամիջին: Այգիները այս ու այն կողմից ցանկապատեր ունէին:

25. Էշը տեսնելով Աստծու հրեշտակին՝ նետուեց պատի կողմը եւ ճգմեց Բաղաամի ոտքը: Նա սկսեց աւելի սաստիկ հարուածել էշին:

26. Աստծու հրեշտակը դարձեալ գնաց կանգնեց նեղ տեղում, որտեղից էշն այլեւս չէր կարող աջ կամ ձախ թեքուել:

27. Էշը տեսնելով Աստծու հրեշտակին՝ կքեց Բաղաամի տակ: Բաղաամը բարկացաւ եւ էշին հարուածեց գաւազանով:

28. Աստուած բացեց էշի լեզուն, եւ էշն ասաց Բաղաամին. Քեզ ի՞նչ եմ արել, որ երրորդ անգամ հարուածում ես ինձ:

29. Բաղաամն էշին ասաց. Որովհետեւ ինձ ծաղրուծանակի ենթարկեցիր: Եթէ սուր լինէր ձեռքիս, կը խոցոտէի քեզ:

30. Էշն ասաց Բաղաամին. Ես այն էշը չե՞մ, որի վրայ դու հեծել ես քո մանկութեան օրից մինչեւ այսօր: Ես երբեւէ ծովացե՞լ եմ ու քեզ այսպէս ծառայել:

31. Նա պատասխանեց՝ ո՛չ: Աստուած բացեց Բաղաամի աչքերը, եւ նա տեսաւ, որ Տիրոջ հրեշտակը մերկացրած սուրը ձեռքին կանգնած է ճանապարհի վրայ: Նա երեսնիվայր ընկնելով՝ երկրպագեց:

32. Աստծու հրեշտակն ասաց նրան. Ինչո՞ւ երրորդ անգամ հարուածեցիր քո էշին: Ես, ահա, քեզ խանգարելու եմ, որովհետեւ դու ուղիղ ճանապարհի վրայ կանգնած չես:

33. Էշը ինձ տեսաւ ու երրորդ անգամ լինելով մի կողմ քաշուեց, եւ եթէ ինձնից չխուսափէր, հիմա ես քեզ սպանած կը լինէի, իսկ դրան կը թողնէի կենդանի:

34. Բաղաամն ասաց Տիրոջ հրեշտակին. Մեղք եմ գործել, որովհետեւ չգիտէի, թէ դու էիր ճանապարհս փակողը: Արդ, եթէ քեզ ցանկալի չէ գնալս, կը վերադառնամ:

35. Աստծու հրեշտակն ասաց Բաղաամին. Գնա՛ այս մարդկանց հետ, բայց զգո՛յշ եղիր եւ խօսի՛ր այն, ինչ ասելու եմ քեզ: Բաղաամը գնաց Բաղակի իշխանների հետ:

36. Բաղակը լսելով, որ գալիս է Բաղաամը, ընդառաջ գնաց նրան մովաբացիների քաղաքում, որը Առնոնի՝ մովաբացիների սահմանի մօտ է:

37. Բաղակն ասաց Բաղաամին. Մարդ չե՞մ ուղարկել, որ քեզ կանչեն ինձ մօտ: Ինչո՞ւ չէիր գալիս ինձ մօտ. կարծում էիր, թէ ի վիճակի չե՞ի քեզ պատուելու:

38. Բաղաամը պատասխանեց Բաղակին. Ահա եկել եմ քեզ մօտ: Արդ, կարո՞ղ եմ մի բան ասել: Բայց կ'ասեմ այն, ինչ Աստուած կը դնի իմ բերանը:

39. Բաղաամը գնաց Բաղակի հետ եւ հասաւ ամարանոցային քաղաքը:

40. Բաղակը արջառ ու ոչխար մորթեց եւ ուղարկեց Բաղաամին ու այն իշխաններին, որ նրա հետ էին:

41. Երբ առաւօտ եղաւ, Բաղակն իր հետ առնելով Բաղաամին՝ նրան հանեց Բահաղի սեան մօտ եւ այնտեղից նրան ցոյց տուեց իսրայելացի ժողովրդի մի մասը:

1. Բաղաամն ասաց Բաղակին. Այստեղ ինձ համար եօթը բագին կառուցի՛ր եւ այստեղ ինձ համար եօթը զուարակ ու եօթը խոյ պատրաստի՛ր:
2. Բաղակն արեց այնպէս, ինչպէս իրեն ասել էր Բաղաամը. նա մէկական զուարակ ու խոյ ողջակէզ արեց ամէն մի բագինի վրայ:
3. Բաղաամն ասաց Բաղակին. Դու կանգնի՛ր քո զոհի մօտ, իսկ ես գնամ. գուցէ Աստուած ընդառաջ գալով՝ երեւայ ինձ: Այն, ինչ նա ցոյց կը տայ ինձ, կը հաղորդեմ քեզ: Բաղակը կանգնեց իր մատուցած զոհի մօտ: Բաղաամը գնաց Աստծուն հարցում անելու:
4. Նա ուղիղ առաջ էր գնում: Աստուած երեւաց Բաղաամին, եւ Բաղաամն ասաց նրան. Եօթը բագին պատրաստեցի եւ ամէն մի բագինի վրայ մէկական զուարակ ու խոյ ողջակիզեցի:
5. Աստուած Բաղաամի բերանը դրեց այս խօսքերը. Վերադարձի՛ր Բաղակի մօտ եւ յայտնի՛ր նրան այն, ինչ ասացի:
6. Բաղաամը վերադարձաւ Բաղակի մօտ, որը կանգնած էր իր ողջակէզների մօտ: Այնտեղ էին նաեւ մովաբացի բոլոր իշխանները:
7. Աստծու հոգին իջաւ Բաղաամի վրայ, եւ նա առակի ձեւով ասաց. Մովաբացիների Բաղակ արքան ինձ կանչեց Միջագետքից՝ Արեւելքի լեռներից, եւ ասաց. Արի նզովի՛ր Յակոբին ինձ համար, նզովի՛ր նաեւ Իսրայէլին ինձ համար:
8. Բայց ես ինչպէ՞ս նզովեմ նրան, որին Տէրը չի նզովում, կամ ի՞նչն անիծեմ, որ Աստուած չի անիծում:
9. Լեռներից եմ տեսնում նրան, բլուրների բարձունքից եմ նայում նրան: Ահա կայ մի ժողովուրդ, որ առանձին պիտի բնակուի, ազգերի մէջ չպիտի դասուի:
10. Ո՞վ է ճշտել Յակոբի սերնդի թիւը, ո՞վ է հաշուել Իսրայէլի ցեղերը: Երա՛նի թէ ես մեռնէի այդ արդար մարդկանց հետ, եւ իմ յետնորդները լինէին նրա յետնորդների նման:
11. Բաղակն ասաց Բաղաամին. Այդ ի՞նչ արեցիր: Ես քեզ կանչեցի իմ թշնամիներին անիծելու համար, իսկ դու օրհնելով օրհնեցիր նրանց:
12. Բաղաամն ասաց Բաղակին. Մի՞թէ քեզ չասացի, թէ ինչ որ Աստուած իմ բերանը դնի, այն էլ կը հաղորդեմ քեզ:
13. Բաղակն ասաց նրան. Դարձեալ ինձ հետ արի՛ մի ուրիշ տեղ, որտեղից իսրայէլացիներին ամբողջութեամբ չես տեսնի, այլ կը տեսնես նրանց մի մասը: Այնտեղից նրանց անիծի՛ր ինձ համար:
14. Նա վերցրեց նրան ու գնաց բարձրանիստ մի ագարակ, Կոփածոյ լեռան գագաթը, այնտեղ կառուցեց եօթը բագին եւ ամէն մի բագինի վրայ զոհեց մէկական զուարակ ու խոյ:
15. Բաղաամն ասաց Բաղակին. Դու կանգնի՛ր քո զոհի մօտ, իսկ ես գնամ Աստծու մօտ հարցում անելու:
16. Աստուած ընդառաջ եկաւ Բաղաամին, խօսք դրեց նրա բերանը՝ ասելով. Վերադարձի՛ր Բաղակի մօտ եւ յայտնի՛ր ասելիքս:
17. Բաղաամը վերադարձաւ Բաղակի մօտ, որը կանգնած էր իր ողջակէզի մօտ: Նրա հետ էին նաեւ մովաբացի բոլոր իշխանները: Բաղակը հարցրեց նրան. Ի՞նչ խօսեց Տէրը:
18. Բաղաամն առակի ձեւով պատասխանեց նրան. Վե՛ր կաց, Բաղա՛կ, եւ լսի՛ր, իբրեւ վկայ ականջ դիր, ո՞վ Սեպփորի որդի:
19. Աստուած մարդու նման չէ, որ արթնանայ, եւ ոչ էլ մարդու որդու նման, որ սպառնայ: Դու ասացիր, թէ չի անի, կ'ասի, բայց չի իրականացնի:
20. Արդ, ես հրաման եմ ստացել, որ օրհնեմ, ուրեմն կ'օրհնեմ եւ չեմ հրաժարուի դրանից:
21. Յակոբի սերունդները թող նեղուքիւն չկրեն, Իսրայէլի յետնորդները յոգնութիւն չզգան: Նրանց Տէր Աստուածը իրենց հետ է, իշխանների փառքն ու պատիւը՝ նրանց



մէջ:

22. Աստուած նրանց հանեց Եգիպտոսից, եւ նա միեղջերուի նման իր վրայ փառք է կրում:

23. Յակոբի յետնորդների մէջ կախարդութիւն անող չկայ, ոչ էլ Իսրայէլի յետնորդների մէջ՝ մոգութիւն: Ժամանակին թող յայտնուի Յակոբի ու Իսրայէլի սերունդներին, ինչ որ կատարելու է Աստուած:

24. Ահա այդ ժողովուրդն իբրեւ առիւծի կորիւն ոտքի պէտք է ելնի եւ իբրեւ առիւծ պէտք է պարծենայ: Նա չի քնելու, մինչեւ չլափի իր զոհին, չխմի խոցոտուածների արիւնը:

25. Բաղակն ասաց Բաղաամին. Ինձ համար նրան անիծելով մի՛ անիծիր, եւ ոչ էլ օրհնելով օրհնիր նրան:

26. Պատասխան տալով՝ Բաղաամն ասաց Բաղակին. Քեզ հետ չխօսեցի՞, չասացի՞, թէ՛ ինչ որ Աստուած կ'ասի ինձ, այն էլ կ'անեմ:

27. Բաղակն ասաց Բաղաամին. Արի՛ քեզ տանեմ մի այլ տեղ, գուցէ դա հաճոյ լինի Աստծուն, եւ ինձ համար դու այնտեղից անիծես իսրայէլացիներին:

28. Բաղակը Բաղաամին տարաւ կատարը Փոգոր լեռան, որը դէպի անապատ է ձգւում:

29. Բաղաամն ասաց Բաղակին. Ինձ համար այստեղ եւս եօթը բազին կառուցի՛ր եւ ինձ համար այստեղ եօթը զուարակ ու եօթը խոյ պատրաստի՛ր:

30. Բաղակն արեց այնպէս, ինչպէս նրան ասել էր Բաղաամը. նա մէկական զուարակ ու խոյ ողջակիզեց բազինների վրայ:

1. Բաղաամը տեսնելով, որ Տիրոջը հաճելի է Իսրայելին օրհնելը, այլևս հմայութիւնների չդիմեց, ինչպես սովոր էր, այլ երեսը դարձրեց դէպի անապատ:
2. Բաղաամն իր աչքերը բարձրացնելով՝ տեսաւ, որ իսրայելացիները բանակատեղի են դրել ըստ ցեղերի: Աստծու հոգին իջաւ նրա վրայ,
3. եւ նա առակի ձեռով ասաց. Բեորի որդի Բաղաամն ասում է.
4. Ես՝ ճշմարտատես այրս, որ Աստծու տեսիլը տեսաւ քնի մէջ իր բաց աչքերով:
5. Ինչքա՛ն գեղեցիկ են քո տները, Յակոբ՛ք, եւ քո վրանները, Իսրայէ՛լ:
6. Դրանք նման են հովանի անող անտառների, գետերի ափին գտնուող բուրաստանների, Տիրոջ կանգնեցրած վրանների, վազող ջրերի ափին գտնուող մայրիների:
7. Այդ սերնդից պիտի ծնուի մի մարդ, որ պիտի տիրի բազում ազգերի: Նրա թագաւորութիւնը Գոգի թագաւորութիւնից հզօր պիտի լինի, նրա թագաւորութիւնը պիտի բարգաւաճի:
8. Աստուած ժողովրդին առաջնորդեց Եգիպտոսից, եւ նա միեղջերուի նման իր վրայ փառք է կրում: Նա պիտի լափի իր թշնամի ժողովուրդներին, նրանց գիրութիւնը պիտի հիւծի եւ իր նետերով նետահար պիտի անի իր թշնամիներին:
9. Նա փռուած պիտի հանգստանայ նման առիւծի, նման առիւծի կորիւնի: Ո՞վ կը համարձակուի զարթնեցնել նրան: Իսրայէ՛լ, թող օրհնուեն քեզ օրհնողները, եւ անիծուեն քեզ անիծողները:
10. Բաղակը բարկացաւ Բաղաամի վրայ եւ ափերն իրար զարկեց: Բաղակն ասաց Բաղաամին. Ես քեզ կանչեցի, որպէսզի անիծես իմ թշնամիներին, իսկ դու, ահա, օրհնելով օրհնեցիր նրանց երեք անգամ:
11. Արդ, թող ու փախի՛ր քո տեղը: Ուզում էի պատուել քեզ, բայց Տէրը զրկեց քեզ փառքից:
12. Բաղաամն ասաց Բաղակին. Մի՞թէ ինձ մօտ ուղարկած քո բանազնացներին չասացի.
13. Եթէ Բաղակն ինձ իր տնով լիքը արծաթ ու ոսկի էլ տայ, ես չեմ կարող ոտնահարել Տիրոջ խօսքը եւ ոչ էլ կարող եմ ինձնից լաւ կամ վատ դարձնել այն: Ինչ որ ասի Աստուած, այն էլ խօսելու եմ:
14. Իսկ հիմա ահա գնում եմ իմ տեղը: Արի՛ քեզ յայտնեմ, թէ ինչ է անելու այդ ժողովուրդն առաջիկայում քո ժողովրդին:
15. Եւ նա առակի ձեռով ասաց. Խօսում է Բեորի որդի Բաղաամը՝ ճշմարտատես այն մարդը,
16. որ լսել է Աստծու պատգամները եւ հմուտ է Բարձրեալի գիտութեանը, քնի մէջ բաց աչքերով է տեսել Աստծու տեսիլը:
17. Ես ցոյց եմ տալու նրան, բայց ոչ հիմա, երանելի եմ դարձնելու նրան, բայց ոչ մօտ ժամանակում: Ծագելու է Յակոբի աստղը, մի մարդ է բարձրանալու իսրայելացիներից եւ կոտորելու է Մովաբի իշխաններին, գերեվարելու է Սէթի բոլոր յետնորդներին:
18. Նա պիտի ժառանգի Եդոմացիների երկիրը, որ պատկանում է իր թշնամի Եսաւին: Եւ այդ ամէնը իսրայելացիները պիտի իրականացնեն իրենց ուժով:
19. Յակոբի ցեղից պիտի կանգնի այդ այրը եւ պիտի կոտորի այդ քաղաքից փրկուածներին:
20. Ամաղէկացիներին տեսնելով՝ նա առակի կարգով ասաց. Ամաղէկացիները ազգերի գլուխն են, բայց կորստեան պիտի մատնուի նրանց սերունդը:
21. Կինեցիներին տեսնելով՝ նա առակի կարգով ասաց. Ամուր է քո բնակավայրը, բայց եթէ քարանձաւներում էլ դնես քո բոյնը,
22. եթէ անգամ Բեորի հմտութեամբ կառուցուի ձեր բոյնը, միեւնոյնն է, ասորեստանցիները գերեվարելու են ձեզ:
23. Ապա առակի կարգով ասաց. Ո՞վ ողջ կը մնայ, եթէ Աստուած այս բաներն անի:

24. Կիտացիները կը գան ու կը չարչարեն ասորեստանցիներին ու եբրայեցիներին, բայց իրենք էլ գլխովին կը կորչեն:

25. Եւ վեր կենալով՝ Բաղաամը վերադարձաւ, գնաց իր տեղը, իսկ Բաղակն էլ գնաց իր երկիրը:

1. Իսրայելացիները բանակատեղի դրեցին Սատտիմում եւ պղծուեցին այնտեղ մովաբացիների դուստրերի հետ պոռնկանալով:
2. Մովաբացի կանայք իսրայելացիներին հրաւիրեցին իրենց կուռքերի պատուին զոհ մատուցելու ծեսին: Իսրայելացիները կերան մովաբացիների մատուցած զոհերից ու երկրպագեցին նրանց կուռքերին:
3. Իսրայելացիները յարեցին Բելփեգորին, որի համար Տերը խիստ բարկացաւ իսրայելացիների վրայ:
4. Տերն ասաց Մովսեսին. Վերցրո՛ւ քո ժողովրդի բոլոր իշխաններին եւ կախի՛ր նրանց Տիրոջ առջեւ՝ արեգակի դէմ, որպէսզի Տիրոջ զայրոյթը վերանայ իսրայելացիների վրայից:
5. Մովսեսն ասաց իսրայելացիներին. Ամէն մէկը թող կոտորի Բելփեգորին յարած իր հարազատին:
6. Մի անգամ մի իսրայելացի մարդ Մովսեսի ու իսրայելացի ամբողջ ժողովրդի ներկայութեամբ իր եղբօրը բերեց մի մադիանացի կնոջ մօտ: Իսրայելացիները լաց էին լինում վկայութեան խորանի դռանը:
7. Ահարոն քահանայի որդի Եղիազարի որդի Փենեւը, տեսնելով դա, վեր կացաւ ժողովրդի միջից եւ իր ձեռքն առնելով տեգը՝
8. այդ տղամարդու յետեւից մտաւ անառակ կնոջ սենեակն ու խոցեց երկուսին էլ՝ իսրայելացի տղամարդուն ու այդ կնոջը՝ իր արգանդից: Այդ ժամանակ էլ դադարեց իսրայելացիների կոտորածը:
9. Այդ կոտորածից քսանչորս հազար մարդ մեռաւ:
10. Տերը խօսեց Մովսեսի հետ եւ ասաց.
11. Փենեւը՝ Ահարոն քահանայի որդի Եղիազարի որդին, վերացրեց իսրայելացիների նկատմամբ ունեցած իմ զայրոյթը, քանի որ նա նրանց նկատմամբ նոյնքան անհաշտ էր, որքան ես: Եւ ես իսրայելացիներին իմ բարկութեամբ չոչնչացրի:
12. Եւ հիմա այսպէս կ'ասես. Ես, ահա, նրա հետ խաղաղութեան ուխտ եմ կնքում:
13. Նրան եւ նրա յետնորդներին յաւիտենական քահանայութիւն եմ խոստանում ի դիմաց այն բանի, որ նա իր Աստծու փոխարէն վրէժխնդիր լինելով՝ քաւեց իսրայելացիների մեղքերը:
14. Մադիանացի կնոջ հետ սպանուած իսրայելացի տղամարդու անունը Չամբրի էր: Նա Սաղոմի որդին էր՝ Շմաւոնի յետնորդներին պատկանող ընտանիքի իշխանը,
15. իսկ սպանուած մադիանացի կնոջ անունը Քազբի էր: Նա մադիանացի նահապետական ընտանիքից Ամոթի ցեղի Սուր իշխանի դուստրն էր:
16. Տերը խօսեց Մովսեսի հետ եւ ասաց.
17. Խօսի՛ր իսրայելացիների հետ եւ ասա՛. Դարձե՛ք մադիանացիների թշնամին, հարուածեցե՛ք նրանց,
18. որովհետեւ նրանք ձեր նենգ թշնամիներն են. նրանք ձեզ դաւեցին Փոգորի պատճառով, նաեւ մադիանացի իշխանի դուստր Քազբիի՝ իրենց քրոջ պատճառով, որն սպանուեց Փոգորի համար սկսուած կոտորածների օրը:

1. Այդ կոտորածից յետոյ Տէրը խօսեց Մովսէսի ու Եղիազար քահանայի հետ եւ ասաց.
2. Հաշուառման ենթարկեցէ՛ք իսրայելացիների քսան տարեկանից բարձր մարդկանց ըստ իրենց նահապետների ընտանիքների, բոլոր նրանց, ովքեր ընդունակ են պատերազմելու:
3. Մովսէսն ու Եղիազար քահանան Մովաբացիների երկրի Ռաբոթ շրջանում, Յորդանան գետի մօտ, Երիքովի դիմաց ասացին իսրայելացիներին.
4. Դուք՝ Եգիպտոսից ելած իսրայելացիներդ, հաշուառման ենթարկեցէ՛ք քսան տարեկանից բարձր մարդկանց, ինչպես Տէրը հրամայել է Մովսէսին:
5. Հաշուառման ենթարկուեցին Ռուբէնը՝ Իսրայելի անդրանիկ որդին, Ռուբէնի որդիներ ենոքը եւ ենոքի ընտանիքը, Փալլուսը եւ Փալլուսի ընտանիքը,
6. Ասրումը եւ Ասրումի ընտանիքը, Զարմին եւ Զարմիի ընտանիքը:
7. Սա Ռուբէնի տոհմն է. նրանց թիւը քառասուններեք հազար եօթը հարիւր երեսուն է:
8. Փալլուսի որդի Եղիաբը, Եղիաբի որդիներ Յամուէլը, Դաթանը եւ Աբիրոնը:
9. Սրանք իսրայելացիների մէջ երեւելի մարդիկ էին. սրանք են, որ Տիրոջ դէմ ապստամբել էին, երբ Կորիսի յետնորդների հետ յարձակուել էին Մովսէսի ու Ահարոնի վրայ,
10. եւ երկիրը բացելով իր երախը՝ կոպ էր տուել նրանց ու Կորիսին իր ժողովրդի հետ: Կրակը լափել էր երկու հարիւր յիսուն հոգի, որպէսզի միւսների համար դա դաս լինի: Կորիսի որդիները, սակայն, չմեռան:
11. Հաշուառման ենթարկուեցին Շմաւոնի որդիները եւ Շմաւոնի որդիների տոհմերը.
12. Յամուէլը եւ Յամուէլի շառաւիղը, Յամինը եւ Յամինի շառաւիղը, Յաքինը եւ Յաքինի շառաւիղը,
13. Չարան եւ Չարայի շառաւիղը, Մաւուլը եւ Մաւուլի շառաւիղը:
14. Սրանք են Շմաւոնի ցեղի տոհմերը, որոնք, ըստ հաշուառման, կազմեցին քսաներկու հազար երեք հարիւր հոգի:
15. Հաշուառման ենթարկուեցին Յուդայի որդիները՝ Էրը, Օնանը, Սելումը, Փարէսը եւ Չարան: Երն ու Օնանը մեռան Զանանացիների երկրում:
16. Յուդայի որդիներն ու նրանց շառաւիղներն են՝ Սելումը եւ Սելումի շառաւիղը, Փարէսը եւ Փարէսի շառաւիղը, Չարան եւ Չարայի շառաւիղը:
17. Փարէսի որդիներ Ասրոնը եւ Ասրոնի շառաւիղը, Յամուէլը եւ Յամուէլի շառաւիղը:
18. Սրանք են Յուդայի ցեղի տոհմերը, որոնք, ըստ հաշուառման, կազմեցին եօթանասունվեց հազար հինգ հարիւր հոգի:
19. Հաշուառման ենթարկուեցին Իսաքարի որդիներն ու նրանց շառաւիղները՝ Թողան եւ Թողայի շառաւիղը, Փուան եւ Փուայի շառաւիղը, Յասուբը եւ Յասուբի շառաւիղը, Ամրանը եւ Ամրանի շառաւիղը:
20. Սրանք են Իսաքարի ցեղի տոհմերը, որոնք, ըստ հաշուառման, կազմեցին վաթսուներորս հազար երկու հարիւր հոգի:
21. Այնուհետեւ՝ Չաբուլոնի որդիներն ու նրանց շառաւիղները՝ Սարեղը եւ Սարեղի շառաւիղը, Ալլոնը եւ Ալլոնի շառաւիղը, Աղէլը եւ Աղէլի շառաւիղը:
22. Սրանք են Չաբուլոնի ցեղի տոհմերը, որոնք, ըստ հաշուառման, կազմեցին վաթսուն հազար հինգ հարիւր հոգի:
23. Այնուհետեւ՝ Գադի որդիներն ու նրանց շառաւիղները՝ Սափոնը եւ Սափոնի շառաւիղը, Անգին եւ Անգիի շառաւիղը, Սունին եւ Սունիի շառաւիղը,
24. Ազենին եւ Ազենիի շառաւիղը, Ադդին եւ Ադդիի շառաւիղը,
25. Արուադին եւ Արուադիի շառաւիղը, Արիէլը եւ Արիէլի շառաւիղը:
26. Սրանք են Գադի որդիների տոհմերը, որոնք, ըստ հաշուառման, կազմեցին քառասունչորս հազար հինգ հարիւր հոգի:
27. Այնուհետեւ՝ Ասերի որդիներն ու նրանց շառաւիղները՝ Յամինը եւ Յամինի շառաւիղը, Յեսուն եւ Յեսուի շառաւիղը, Բարիան եւ Բարիայի շառաւիղը,

28. Քոբերը եւ Քոբերի շառաւիղը, Մեքիէլը եւ Մեքիէլի շառաւիղը:
29. Ասերի դստեր անունն էր Սարա:
30. Սրանք են Ասերի ցեղի տոհմերը, որոնք, ըստ հաշուառման, կազմեցին քառասուններեք հազար վեց հարիւր հոգի:
31. Այնուհետեւ՝ Յովսէփի որդիները եւ նրանց շառաւիղները՝ Մանասէն եւ Եփրեմը:
32. Այնուհետեւ՝ Մանասէի որդիներ Մաքիրը եւ Մաքիրի շառաւիղը: Մաքիրը ծնեց Գաղաադին: Գաղաադը եւ Գաղաադի շառաւիղը:
33. Այնուհետեւ՝ Գաղաադի որդիներ Աքիեզերը եւ Աքիեզերի շառաւիղը, Քեղեզը եւ Քեղեզի շառաւիղը,
34. Եսրիէլը եւ Եսրիէլի շառաւիղը, Սիւքեմը եւ Սիւքեմի շառաւիղը,
35. Սիմային եւ Սիմայիի շառաւիղը, Ոփերը եւ Ոփերի շառաւիղը:
36. Ոփերի որդի Սաղպաադը արու գաւակներ չունեցաւ, այլ՝ դուստրեր: Սաղպաադի դուստրերի անուններն են՝ Մաաղա, Նուա, Էզղա, Մեղքա եւ Թերսա:
37. Սրանք են Մանասէի տոհմերը, որոնք, ըստ հաշուառման, կազմեցին յիսուններկու հազար եօթը հարիւր հոգի:
38. Այնուհետեւ՝ Եփրեմի որդիներն ու նրանց շառաւիղները՝ Սուտաղան եւ Սուտաղայի շառաւիղը, Տանաքը եւ Տանաքի շառաւիղը:
39. Սուտաղայի որդի Եդենը եւ Եդենի շառաւիղը:
40. Սրանք են Եփրեմի ցեղի տոհմերը, որոնք, ըստ հաշուառման, կազմեցին երեսուններկու հազար հինգ հարիւր հոգի: Ահա սրանք են Յովսէփի որդիներն ու նրանց շառաւիղները:
41. Այնուհետեւ՝ Բենիամինի որդիներն ու նրանց շառաւիղները՝ Բալէն եւ Բալէի շառաւիղը, Ասիբերը եւ Ասիբերի շառաւիղը, Յաքիրանը եւ Յաքիրանի շառաւիղը,
42. Սափանը եւ Սափանի շառաւիղը:
43. Բալէի որդիներն են՝ Ադարը, Նոյեմանը եւ Նոյեմանի շառաւիղը:
44. Սրանք են Բենիամինի որդիներն ու նրանց շառաւիղները, որոնք, ըստ հաշուառման, կազմեցին երեսունհինգ հազար հինգ հարիւր հոգի:
45. Այնուհետեւ՝ Դանի որդիներն ըստ իրենց շառաւիղների. Սամին եւ Սամիի շառաւիղը: Սրանք են Դանի տոհմերը ըստ իրենց շառաւիղների:
46. Սամիի տոհմերը, ըստ հաշուառման, կազմեցին վաթսուներորս հազար վեց հարիւր հոգի:
47. Այնուհետեւ՝ Նեփթաղիմի որդիներն ու նրանց շառաւիղները՝ Ասիէլը եւ Ասիէլի շառաւիղը, Գոնին ու Գոնիի շառաւիղը,
48. Յեսերը եւ Յեսերի շառաւիղը, Սեյլեմը եւ Սեյլեմի շառաւիղը:
49. Սրանք են Նեփթաղիմի ցեղի տոհմերը, որոնք, ըստ հաշուառման, կազմեցին քառասուն հազար երեք հարիւր հոգի:
50. Իսրայէլացիների ընդհանուր թիւը, այսպիսով, եղաւ վեց հարիւր մէկ հազար եօթը հարիւր երեսուն:
51. Տէրը խօսեց Մովսէսի հետ եւ ասաց.
52. Ըստ մարդկանց թուի սրանց միջեւ թող բաժանուի երկիրը որպէս սեփականութիւն:
53. Նրանց քանակին համապատասխան պետք է աւելանայ նրանց բաժինը եւ, սակաւութեան համեմատ, նուազի նրանց բաժինը: Թող իւրաքանչիւրին ժառանգութեան բաժին տրուի ըստ հաշուառման:
54. Երկիրը թող բաժանուի վիճակ գցելով. ըստ անունների, ըստ իրենց նահապետների ցեղերի թող բաժին ստանան:
55. Բազմանդամ ու սակաւաթիւ ընտանիքները վիճակ գցելով թող ստանան իրենց բաժինը:
56. Ահա հաշուառման ենթարկուած Դեւի որդիներն ըստ իրենց տոհմերի. Գեթսունը եւ Գեթսունի շառաւիղը, Կահաթը եւ Կահաթի շառաւիղը, Մերարին եւ Մերարիի շառաւիղը:
57. Սրանք են Դեւի որդիների ենթատոհմերը. Ղոբենիի շառաւիղը, Քեբրոնի շառաւիղը, Կորիսի շառաւիղը եւ Մուսիի շառաւիղը:

58. Կահաթը ծնեց Ամրամին: Նրա կնոջ անունն էր Յոքաբեթ, որ Ղեւիի դուստրն էր եւ որը Ղեւիի ցեղի համար Եգիպտոսում Ամրամից ունեցաւ Ահարոնին, Մովսէսին ու Մարիամին՝ նրանց քրոջը:
59. Ահարոնը ծնեց Նաբադին ու Աբիուդին, Եղիազարին ու Իթամարին:
60. Նաբադն ու Աբիուդը մեռան, երբ Տիրոջ առաջ օտար կրակ էին մատուցում Սինայի անապատում:
61. Ղեւիի ցեղի մէկ ամսականից բարձր արական սեռին պատկանողների թիւը, ըստ հաշուառման, կազմեց քսաներեք հազար հոգի: Սրանք հաշուառման ենթարկուած իսրայելացիների մէջ չընդգրկուեցին, քանի որ, ի տարբերութիւն իսրայելացիների, հողաբաժին չէր հասնում նրանց:
62. Այս է Մովաբացիների երկրի Ռաբոթ շրջանում, Յորդանան գետի մօտ, Երիքովի դիմաց Մովսէսի ու Եղիազար քահանայի կատարած իսրայելացիների հաշուառումը:
63. Սրանց մէջ չկար իսրայելացիներից որեւէ մարդ, որ հաշուառման ենթարկուած չլիներ Սինայի անապատում Մովսէսի եւ Ահարոնի կողմից,
64. քանի որ Տէրը նրանց մասին ասել էր, թէ՝ Անապատում իսպառ պիտի մեռնեն: Եւ, իրօք, նրանցից ոչ ոք չմնաց, բացի Յեփոնէի որդի Քաղէբից ու Նաւէի որդի Յեսուից:

1. Մովսեսի մօտ եկան Յովսեփի որդի Մանասեից սերուած Մաքիրի որդի Գաղաադի որդի Ոփերի որդի Սաղպաադի դուստրերը, որոնց անուններն էին՝ Մաադա, Նուա, Էգդա, Մեղքա եւ Թերսա:
2. Նրանք կանգնելով Մովսեսի, Եղիազար քահանայի, իշխանների եւ ողջ ժողովրդի առաջ, վկայութեան խորանի դռանը, ասացին:
3. Մեր հայրը մեռաւ այնտեղ՝ անապատում: Նա Կորխի՝ Տիրոջ դէմ ընդվզած ամբոխի մէջ չէր: Նա մեռաւ իր այլ մեղքի համար՝ առանց որդիներ ունենալու:
4. Արդ, թէեւ նա որդի չունեցաւ, բայց մեր հօր անունը թող չջնջուի իր ցեղի միջից նրա համար, որ որդի չունեցաւ: Մեզ բաժին տուէ՛ք մեր հօր եղբայրներին հաւասար:
5. Մովսեսը նրանց պահանջը ներկայացրեց Տիրոջ առաջ:
6. Տէրը խօսելով Մովսեսի հետ՝ ասաց.
7. Ճիշտ են ասում Սաղպաադի դուստրերը: Նրանց նոյնպէս բաժին տո՛ւր իրենց հօր եղբայրներին հաւասար. իրենց հօր հասանելիք բաժինը կը յատկացնես նրանց:
8. Իսրայէլացիներին բացատրելով՝ կ'ասես. Եթէ մեռնող մարդը որդի չի ունենում, նրա ժառանգութիւնը պետք է անցնի իր դստերը:
9. Եթէ նա դուստր չունի, նրա ժառանգութիւնը տուէ՛ք իր եղբօրը:
10. Եթէ նա եղբայր էլ չունի, նրա ժառանգութիւնը տուէ՛ք իր հօրեղբօրը:
11. Եւ եթէ հօրեղբայրներ էլ չունի, նրա ժառանգութիւնը տուէ՛ք նրա մերձաւոր ազգականին: Նրա ունեցածը իր ցեղից որեւէ մէկը թող ժառանգի: Դա իսրայէլացիների համար դատաստանական օրէնք թող լինի, ինչպէս Տէրն է հրամայել Մովսեսին:
12. Տէրն ասաց Մովսեսին. Բարձրացի՛ր այն կողմում գտնուող Նաբաւ լեռը եւ դիտի՛ր Քանանացիների երկիրը, որը ես իսրայէլացիներին եմ տալու որպէս կալուածք:
13. Կը տեսնես այն, որից յետոյ դու եւս մեռնելով՝ կը միանաս քո նախնիներին, ինչպէս քո եղբայր Ահարոնը մեռաւ Հոր լեռան վրայ,
14. որովհետեւ ոտնակոխ արեցիք իմ պատգամները Սին անապատում, երբ ժողովուրդը չցանկացաւ ինձ սրբացնել. նրա ներկայութեամբ դուք ինձ չսրբացրիք, եւ մարդիկ ջրի պակասութիւն զգացին (Խօսքը վերաբերում էր Սին անապատի Հակաճառութեան ջրին):
15. Մովսեսն ասաց Տիրոջը.
16. Հոգիների ու բոլոր Էակների ո՛վ Տէր Աստուած, այս ժողովրդի վրայ մի մարդ նշանակի՛ր,
17. որ կարողանայ առաջնորդել նրան, որ հանի եւ տանի նրան այստեղից, որպէսզի Տիրոջ այս ժողովուրդը չնմանուի այն ոչխարներին, որոնք հովիւ չունեն:
18. Տէրը խօսեց Մովսեսի հետ եւ ասաց. Վերցրո՛ւ Նաւէի որդի Յեսուին, որի մէջ Հոգի կայ, եւ ձեռքդ դի՛ր նրա վրայ:
19. Նրան կը կանգնեցնես Եղիազար քահանայի առջեւ եւ ամբողջ ժողովրդի ներկայութեամբ պատուէր կը տաս նրան: Այո՛, պատուէր կը տաս նրան նրանց առաջ:
20. Քո իշխանութիւնից որոշ բաժին կը տաս նրան, որպէսզի իսրայէլացիները հնազանդուեն նրան:
21. Նա թող կանգնի Եղիազար քահանայի առաջ, եւ թող նրան հարցեր տան Տիրոջ իրաւունքների մասին: Եղիազարի խօսքով պիտի շարժուեն, գործեն բոլորը՝ Յեսուն եւ իսրայէլացի ամբողջ ժողովուրդը միաբան:
22. Մովսեսն արեց այնպէս, ինչպէս Տէրը պատուիրել էր իրեն: Յեսուին վերցնելով՝ Մովսեսը նրան բերեց Ահարոն քահանայի որդի Եղիազարի ու ամբողջ ժողովրդի առջեւ:
23. Նա իր ձեռքերը դրեց նրա վրայ եւ առաջնորդ կարգեց նրան, ինչպէս Տէրն էր պատուիրել Մովսեսին:



1. Տերը խօսեց Մովսէսի հետ եւ ասաց.
2. Պատուիրի՛ր իսրայէլացիներին եւ նրանց ասա՛. Հետամո՛ւտ եղէք, որ իբրեւ անուշ բուրմունք ինձ մատուցուող ընծաները, զոհաբերութիւնները եւ կերակուրները մատուցուեն իմ սահմանած տօներին:
3. Նրանց կ'ասես. Սրանք են այն զոհաբերութիւնները, որ պիտի մատուցուեն Տիրոջը. մշտապէս օրական երկու ոչ արատաւոր գառ՝ իբրեւ ողջակէզ:
4. Մի գառը կը զոհես առաւօտեան, իսկ երկրորդ գառը կը զոհես երեկոյեան:
5. Ապա կը մատուցես քառորդ դորակ իւղով հունցուած մէկ տասներորդ գրիւ ընտիր ալիւր:
6. Սրանք են այն ողջակէզները, որ իբրեւ անուշ բուրմունք ամեն օր մատուցուում էին Տիրոջը Սինա լեռան վրայ:
7. Պիտի ընծայաբերես նաեւ քառորդ դորակ գինի ամեն մի գառան համար: Գինին սուրբ վայրում կը մատուցես Տիրոջը:
8. Երկրորդ գառը երեկոյեան կը զոհես, որի հետ կը մատուցես ընտիր ալիւրն ու գինին իբրեւ անուշ բուրմունք Տիրոջը:
9. Շաբաթ օրը կը մատուցես նաեւ մի տարեկան ոչ արատաւոր երկու գառ եւ իւղով հունցուած երկու տասներորդ գրիւ ընտիր ալիւր:
10. Ողջակէզի յաւելեալ նուէրն է դա իւրաքանչիւր շաբաթ օրուայ համար, բացի ամեն օրուայ ողջակէզից ու գինուց:
11. Ամսուայ առաջին օրերին Տիրոջը ողջակէզ կը մատուցէք նախրից բերուած երկու զուարակ, մէկ խոյ, մի տարեկան ոչ արատաւոր եօթը գառ:
12. Ամեն մի զուարակի հետ պէտք է լինի իւղով հունցուած երեք տասներորդ գրիւ ընտիր ալիւր, ամեն մի խոյի հետ՝ իւղով հունցուած երկու տասներորդ գրիւ ընտիր ալիւր,
13. ամեն մի գառան հետ՝ իւղով հունցուած մէկ տասներորդ գրիւ ընտիր ալիւր՝ իբրեւ անուշ բուրմունք՝ առաքուած Տիրոջը:
14. Ամեն մի զուարակի հետ պէտք է ընծայաբերէք կես դորակ գինի, իսկ ամեն մի գառան հետ՝ մէկ քառորդ դորակ գինի: Այս ողջակէզները պիտի մատուցէք իւրաքանչիւր ամսուայ առաջին օրը, տարուայ բոլոր ամիսներին:
15. Ամեն օրուայ ողջակէզից ու նուէրից բացի, մեղքերի քաւութեան համար Տիրոջը պէտք է մատուցուի մէկ նոխազ:
16. Առաջին ամսի տասնչորսերորդ օրը Տիրոջ զատիկն է:
17. Նոյն ամսի տասնհինգերորդ օրը տօն է:
18. Եօթը օր բաղարջ կ'ուտէք: Առաջին օրը սուրբ է ձեզ համար. այդ օրը ոչ մի աշխատանք չկատարէք:
19. Նախրից բերուած երկու զուարակ, մէկ խոյ, մի տարեկան ոչ արատաւոր եօթը գառ կը մատուցէք Տիրոջն իբրեւ ողջակէզ ու ընծայ:
20. Ամեն մի զուարակի հետ պէտք է մատուցուի իւղով հունցուած երեք տասներորդ գրիւ ընտիր ալիւր, իսկ ամեն մի խոյի համար՝ երկու տասներորդ:
21. Եօթը գառներից ամեն մէկի հետ մէկ տասներորդ գրիւ ընտիր ալիւր կ'ընծայաբերէք,
22. իսկ մեղքերի քաւութեան համար կ'ընծայաբերէք նաեւ մէկ նոխազ:
23. Եւ դա կ'անէք բացի ամեն օր առաւօտեան կատարուող ողջակէզից:
24. Դա, իբրեւ անուշ բուրմունք, ողջակէզ կը մատուցէք Տիրոջը ամեն մի եօթներորդ օրը, ըստ նշուած կարգի: Ողջակէզի մշտական զոհը գինու հետ կը մատուցէք:
25. Եօթներորդ օրը նոյնպէս սուրբ է ձեզ համար: Այդ օրը ոչ մի աշխատանք չկատարէք:
26. Երախայրիքների օրը, երբ Տիրոջը շաբաթական նուէր էք մատուցում, թող սուրբ լինի ձեզ համար. դուք ոչ մի աշխատանք չպէտք է կատարէք:
27. Տիրոջն իբրեւ անուշ բուրմունք նախրից բերուած երկու զուարակ, մէկ խոյ եւ մի տարեկան ոչ արատաւոր եօթը գառ ողջակէզ պիտի մատուցէք:

28. Ամեն մի գուարակի հետ պիտի նուիրաբերէք իւղով հունցուած երեք տասներորդ գրիւ ընտիր ալիւր, ամեն խոյի հետ՝ մէկ տասներորդ գրիւ ընտիր ալիւր:
29. Եօթը գառներից ամեն մէկի համար մէկ տասներորդ գրիւ ընտիր ալիւր կը բերէք:
30. Կը նուիրաբերէք նաեւ մէկ նոխազ մեղքերի քաւութեան համար:
31. Այդ բոլորը կ'ընծայաբերէք, բացի ամենօրեայ ողջակէզից: Սրանց հետ նաեւ՝ ընտիր ալիւրն ու գինին: Չոհաբերուող բոլոր կենդանիները պետք է լինեն ոչ արատաւոր:

1. Եօթներորդ ամսի առաջին օրը ձեզ համար սուրբ հաւաքի օր թող լինի: Այդ օրը ոչ մի աշխատանք չկատարէք: Յիշատակելի օր թող լինի դա ձեզ համար:
2. Տիրոջը իբրեւ անուշ բուրմունք ողջակէզ կ'անէք նախրից բերուած մէկ զուարակ, մէկ խոյ եւ մի տարեկան ոչ արատաւոր եօթը գառ:
3. Իւրաքանչիւր զուարակի հետ կը մատուցէք իւղով հունցուած երեք տասներորդ գրիւ ընտիր ալիւր, իւրաքանչիւր խոյի հետ՝ երկու տասներորդ գրիւ ընտիր ալիւր
4. Եւ եօթը գառներից իւրաքանչիւրի հետ՝ մէկ տասներորդ գրիւ ընտիր ալիւր,
5. իսկ մեղքերի քաւութեան համար՝ մէկ նոխազ:
6. Իւրաքանչիւր ամսուայ առաջին օրը կատարուող ողջակէզից բացի, ըստ սահմանուած կարգի, կը մատուցէք նաեւ ընտիր ալիւրն ու գինին իբրեւ Տիրոջ համար անուշ բուրմունք:
7. Այդ եօթներորդ ամսուայ տասներորդ օրը եւս ձեզ համար սուրբ հաւաքի օր թող լինի: Այդ օրը ծոմ կը պահէք եւ ոչ մի աշխատանք չէք կատարի:
8. Տիրոջ համար իբրեւ անուշ բուրմունք ողջակէզ կը մատուցէք նախրից բերուած մէկ զուարակ, մէկ խոյ եւ մի տարեկան ոչ արատաւոր եօթը գառ:
9. Իւրաքանչիւր զուարակի հետ կ'ընծայաբերէք իւղով հունցուած երեք տասներորդ գրիւ ընտիր ալիւր, իւրաքանչիւր խոյի հետ՝ երկու տասներորդ գրիւ ընտիր ալիւր,
10. իսկ եօթը գառներից իւրաքանչիւրի հետ՝ մէկ տասներորդ գրիւ ընտիր ալիւր:
11. Մեղքերի քաւութեան համար կը զոհաբերէք մէկ նոխազ: Բացի մեղքերի քաւութեան զոհերից, ըստ սահմանուած կարգի, կը մատուցէք նաեւ ամենօրեայ ողջակէզը, ընտիր ալիւրն ու գինին իբրեւ Տիրոջ համար անուշ բուրմունք:
12. Նոյն այդ եօթներորդ ամսուայ տասնհինգերորդ օրը ձեզ համար սուրբ հաւաքի օր թող լինի. ոչ մի աշխատանք չկատարէք եւ եօթը օր Տիրոջ տօնը կը տօնէք:
13. Իբրեւ Տիրոջ համար անուշ բուրմունք հետեւեալ ընծաները կ'անէք. առաջին օրը՝ նախրից բերուած տասներեք զուարակ, երկու խոյ եւ մի տարեկան ոչ արատաւոր տասնչորս գառ:
14. Տասներեք զուարակներից իւրաքանչիւրի հետ կ'ընծայաբերէք իւղով հունցուած երեք տասներորդ գրիւ ընտիր ալիւր, երկու խոյերից իւրաքանչիւրի հետ՝ երկու տասներորդ գրիւ ընտիր ալիւր,
15. տասնչորս գառներից իւրաքանչիւրի հետ՝ մէկ տասներորդ գրիւ ընտիր ալիւր:
16. Կը զոհաբերէք նաեւ մէկ նոխազ մեղքերի քաւութեան համար, բացի ամենօրեայ ողջակէզից, ընտիր ալիւրից ու գինուց:
17. Երկրորդ օրը կը մատուցէք տասներկու զուարակ, երկու խոյ եւ մի տարեկան ոչ արատաւոր տասնչորս գառ:
18. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:
19. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակէզից, ընտիր ալիւրից ու գինուց:
20. Երրորդ օրը կը մատուցէք տասնմէկ զուարակ, երկու խոյ եւ մի տարեկան ոչ արատաւոր տասնչորս գառ:
21. Չուարակների, խոյերի ու գառների հետ մատուցուող ընտիր ալիւրն ու գինին թող լինեն նրանց քանակին համապատասխան:
22. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակէզից, ընտիր ալիւրից ու գինուց:
23. Չորրորդ օրը կը մատուցէք տասը զուարակ, երկու խոյ եւ մի տարեկան ոչ արատաւոր տասնչորս գառ:
24. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:
25. Մէկ նոխազ էլ կը մատուցէք մեղքերի քաւութեան համար, բացի ամենօրեայ

ողջակեզից, ընտիր ալիւրից ու գինուց:

26. Հինգերորդ օրը կը մատուցէք ինը զուարակ, երկու խոյ եւ մի տարեկան ոչ արատաւոր տասնչորս գառ:

27. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:

28. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակեզից, ընտիր ալիւրից ու գինուց:

29. Վեցերորդ օրը կը մատուցէք ութ զուարակ, երկու խոյ եւ մի տարեկան ոչ արատաւոր տասնչորս գառ:

30. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:

31. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակեզից, ընտիր ալիւրից ու գինուց:

32. Եօթներորդ օրը կը մատուցէք եօթը զուարակ, երկու խոյ եւ մի տարեկան ոչ արատաւոր տասնչորս գառ:

33. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:

34. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակեզից, ընտիր ալիւրից ու գինուց:

35. Ութերորդ օրը ձեր տօնի վերջին օրը թող լինի: Ոչ մի աշխատանք չկատարէք այդ օրը:

36. Իբրեւ Տիրոջ համար անուշ բուրմունք ողջակեզ կը մատուցէք մէկ զուարակ, մէկ խոյ եւ մի տարեկան ոչ արատաւոր եօթը գառ:

37. Չուարակների, խոյերի ու գառների հետ մատուցուող ընտիր ալիւրն ու գինին, ըստ սահմանուած կարգի, թող լինեն նրանց քանակին համապատասխան:

38. Մէկ նոխազ էլ կը մատուցէք մեղքերի քաւութեան համար, բացի ամենօրեայ ողջակեզից, ընտիր ալիւրից ու գինուց:

39. Այս զոհաբերութիւնները կը մատուցէք Տիրոջը ձեր տօների ժամանակ՝ չհաշուած ըստ ուխտի ձեր մատուցածները, ձեր ինքնաբուխ ողջակեզները, ձեր անարիւն ընծաները, գինին եւ փրկութեան համար արած զոհերը:

1. Մովսեսն իսրայելացիներին հաղորդեց Տիրոջ հրամանը, ինչպես Տերն էր պատուիրել Մովսեսին:
2. Մովսեսն իսրայելացիներին իշխաններին ասաց.
3. Ահա թե ինչ է հրամայել Տերը ուխտ արած մարդուն. եթե որեւէ մէկը Տիրոջը ուխտ է անում, երդւում կամ խոստանում է մի բան, որ ինքը երդումով պարտաւորուած լինի անել, ապա նա չպետք է դրժի իր երդումն ու խոստումը. նա պետք է կատարի այն ամենը, ինչ դուրս է եկել նրա բերանից:
4. Եթե մի կին իր հոր տանը դեռեւս երիտասարդ հասակում Տիրոջը ուխտ է արել, որեւէ բան խոստացել,
5. Եւ եթե նրա հայրը լսել է նրա ուխտը կամ խոստումը եւ լռելեայն հաւանութիւն տուել դրան, ապա այդ կնոջ բոլոր ուխտերն ու խոստումը ուժի մէջ պետք է մնան եւ կատարուեն:
6. Իսկ եթե նրա հայրը, լսելով նրա ուխտը, հաւանութիւն չի տուել այն օրը, երբ լսել էր նրա բոլոր ուխտերն ու խոստումը, ապա անվաւեր թող լինեն դրանք, եւ Տերը այդ կնոջը թող անպարտ համարի, քանի որ յանձնառու չեղողը նրա հայրն է:
7. Եթե կինն ամուսնանայ եւ նախքան ամուսնանալը Տիրոջը ուխտ արած կամ խոստում տուած լինի,
8. ու եթե այդ մասին իմանայ նրա ամուսինը եւ լռելեայն հաւանութիւն տայ այն օրը, երբ լսել էր այդ մասին, ապա նրա բոլոր ուխտերն ու խոստումը պետք է մնան ուժի մէջ եւ կատարուեն:
9. Իսկ եթե նրա ամուսինը հաւանութիւն չի տալիս այն օրը, երբ լսել էր նրա բոլոր ուխտերն ու խոստումները, ապա դրանք անվաւեր են, քանի որ յանձնառու չեղողը ամուսինն է: Տերը այդ կնոջը անպարտ թող համարի:
10. Այրի կամ բաժանուած կնոջ ուխտերն ու խոստումը, որ նա ինքնաբոլիս է արել, պետք է կատարուեն:
11. Իսկ եթե կինն իր ամուսնու տանն է ուխտ արել կամ երդումով խոստումներ տուել,
12. եւ եթե նրա ամուսինը լսել է այդ մասին եւ լռելեայն հաւանութիւն տուել, ապա այդ կնոջ բոլոր ուխտերն ու խոստումը, որ նա ինքնաբոլիս է արել, ուժի մէջ են. դրանք պետք է կատարուեն:
13. Իսկ եթե նրա ամուսինը լսած օրը կտրականապէս խափանի կնոջ շուրթերով արուած ուխտերն ու խոստումը, ապա դրանք անվաւեր են, կարող են չկատարուել, քանի որ զանց անողը նրա ամուսինն է, ուստի Տիրոջ առջեւ այդ կինն անպարտ է:
14. Ինքն իրեն նեղութիւն տալու գնով ամուսնացած կնոջ արած ուխտին կամ խոստումին ամուսինը կարող է հաւանութիւն տալ կամ չտալ:
15. Եթե կնոջ ուխտի կամ խոստումի մասին տեղեակ լինի ամուսինը եւ բազում օրեր լռի, ուրեմն հաստատած եւ ընդունած է լինում կնոջ ուխտն ու խոստումը, քանի որ լսած օրը դրանց համար չի առարկել:
16. Եւ եթե նրա ամուսինը իր լսած օրից յետոյ առարկի, ուրեմն ինքն է իր վրայ կրում մեղքը:
17. Սրանք են այն պատգամները, որ Տերը տուեց Մովսեսին ամուսնու եւ նրա կնոջ, հոր եւ նրա դստեր մասին, որը դեռեւս երիտասարդ հասակում իր հոր տանն է գտնւում:

1. Տերը խօսեց Մովսէսի հետ եւ ասաց.
2. Իսրայէլացիների վրէժը մադիանացիներից ա՛ռ եւ դրանից յետոյ միացի՛ր քո ժողովրդի մեռելներին:
3. Մովսէսը, դիմելով ժողովրդին, ասաց. Ձեր միջից մարդկանց զինեցէ՛ք, որ պատերազմեն մադիանացիների դէմ Տիրոջ առաջ, որպէսզի լուծուի մադիանացիների դէմ Տիրոջ վրէժը:
4. Իսրայէլացիների իւրաքանչիւր ցեղից հազար տղամարդ ուղարկեցէ՛ք, որպէսզի նրանք պատերազմ մղեն:
5. Բազմահազար իսրայէլացիների ամէն մի ցեղից ընտրեցին հազար տղամարդ, ընդամենը տասներկու հազար մարդ՝ զինուած պատերազմելու համար:
6. Մովսէսը իւրաքանչիւր ցեղից ուղարկեց հազարական տղամարդ իրենց զենքով հանդերձ, նրանց հետ նաեւ Ահարոն քահանայի որդի Եղիազարի որդի Փենեւսին՝ նրանց ձեռքը յանձնելով սուրբ սպասքն ու ազդարարութեան շէփորները:
7. Եւ նրանք ճակատամարտ մղեցին մադիանացիների դէմ, ինչպէս Տէրն էր հրամայել Մովսէսին: Նրանք կոտորեցին արական սեռի բոլոր մարդկանց.
8. բացի սրախողխող եղած մադիանացիներից, նրանք սպանեցին նաեւ մադիանացիների թագաւորներ Եփնին, Սուրին, Բոկոմին, Ուրին եւ Ռոբոքին՝ Մադիամի հինգ թագաւորներին: Բացի նրանց կոտորելուց, սրախողխող արեցին Բեորի որդի Բաղաամին,
9. գերեվարեցին Մադիամի կանանց, նրանց զաւակներին, քջեցին տարան նրանց անասունները, նրանց ամբողջ ունեցուածքն ու գոյքը աւար առան:
10. Հրկիզեցին նրանց բոլոր քաղաքները՝ տներով հանդերձ, ինչպէս նաեւ նրանց աւանները:
11. Գերեվարեցին ու աւար առան նրանց ամէն ինչը՝ մարդ թէ անասուն:
12. Գերիներին, բանակի կողոպուտն ու աւարը բերեցին Մովսէսի, Եղիազար քահանայի եւ բոլոր իսրայէլացիների մօտ՝ Մովաբի Ռաբոթ կոչուող վայրը, որը գտնուում է Երիքովի դիմաց, Յորդանան գետի եզերքին:
13. Մովսէսն ու Եղիազար քահանան եւ ժողովրդի բոլոր իշխանները բանակատեղիից դուրս ելան նրանց ընդառաջ:
14. Մովսէսը բարկացաւ զօրահրամանատարների՝ ռազմադաշտից վերադարձած հազարապետների ու հարիւրապետների վրայ՝ ասելով.
15. Ինչո՞ւ եք կենդանի թողել բոլոր կանանց:
16. Չէ՞ որ սրանք էին, որ Բաղաամի խորհրդով կոտորեցին իսրայէլացիներին, որոնք յանուն Փոգորի շեղուեցին Տիրոջից եւ արհամարհեցին նրա խօսքը, եւ Տիրոջ ժողովուրդն ստացաւ այդ պատիժը:
17. Արդ, կոտորեցէ՛ք արական սեռի բոլոր մարդկանց, նաեւ այն բոլոր կանանց, որոնք կենակցել են տղամարդու հետ:
18. Կը խնայեք միայն այն կանանց, որոնք տղամարդու հետ չեն կենակցել:
19. Իսկ դուք եօթը օր բանակատեղիից դուրս կը բնակուէք: Ով որ սպանել է կամ ձեռք տուել դիակի, թող մաքրուած համարուի երրորդ կամ եօթներորդ օրը: Մաքրուեցէ՛ք դուք եւ ձեր գերիները,
20. մաքրեցէ՛ք բոլոր հագուստները, կաշուէ բոլոր անօթները, մազից գործած ու փայտից պատրաստուած ամէն ինչ:
21. Եղիազար քահանան ասաց ռազմադաշտից վերադարձած զինուորներին. Այս է Օրէնքի կարգը, որ Տերը տուել է Մովսէսին:
22. Ոսկուց, արծաթից, պղնձից, երկաթից, կապարից ու անագից բացի,
23. այն ամէնը, ինչ հրակայուն է, թող հրով մաքրուի, ապա եւ սրբազան ջրով, իսկ ինչ որ կրակի չի դիմանայ, թող ջրով մաքրուի:
24. Ձեր զգեստները եօթներորդ օրը լուալով՝ մաքուր կը լինեք, որից յետոյ կը մտնեք

բանակատեղի:

25. Տերը խօսեց Մովսեսի հետ եւ ասաց.

26. Դու, Եղիազար քահանան եւ ժողովրդի ցեղերի իշխանները կազմեցէ՛ք գերուածների եւ աւարի ցանկը՝ մարդուց մինչեւ անասուն:

27. Աւարը բաժանեցէ՛ք պատերազմին մասնակցածների եւ ամբողջ ժողովրդի միջեւ:

28. Պատերազմին մասնակցածներին բաժին ընկած հինգ հարիւր գերիներից մէկին կ'ընծայէք Տիրոջը: Նոյնը նաեւ անասունների վերաբերեալ՝ լինի արջառ, ոչխար ու այծ:

29. Այս ամենի կէսը կ'առնես ու կը տաս Եղիազար քահանային իբրեւ Տիրոջը մատուցուելիք նուէր,

30. իսկ իսրայէլացիներին հասնող բաժնի կեսի ամէն յիսուն գերիներից եւ բոլոր անասուններից՝ արջառից, ոչխարից, էջից մէկը կը յանձնես ղեւտացիներին, որոնք սպասարկում են Տիրոջ խորանը:

31. Մովսէսն ու Եղիազար քահանան արեցին այնպէս, ինչպէս Տերը հրամայել էր Մովսէսին:

32. Պատերազմին մասնակցած տղամարդկանց բերած աւարի մնացած մասը կազմեց վեց հարիւր եօթանասունհինգ հազար ոչխար,

33. եօթանասուներկու հազար արջառ,

34. վաթսունմէկ հազար էջ:

35. Գերեվարուած աղջիկների թիւը երեսուներկու հազար էր, որոնք դեռ չէին կենակցել տղամարդու հետ:

36. Պատերազմին մասնակցածներին հասած աւարը կազմեց երեք հարիւր երեսուներօթը հազար հինգ հարիւր ոչխար,

37. որոնցից Տիրոջը որպէս հաս տրուեց վեց հարիւր եօթանասունհինգ ոչխար,

38. երեսունվեց հազար արջառից Տիրոջը որպէս հաս տրուեց եօթանասուներկու արջառ,

39. երեսուն հազար հինգ հարիւր էջից Տիրոջը որպէս հաս տրուեց վաթսունմէկ էջ,

40. իսկ գերեվարուած մարդկանց թիւը կազմեց տասնվեց հազար, որից Տիրոջը որպէս հաս տրուեց երեսուներկու հոգի:

41. Մովսէսը Տիրոջ հասը՝ Աստծու նուէրը յանձնեց Եղիազար քահանային, ինչպէս Տերն էր հրամայել Մովսէսին:

42. Դա ստացուել էր իսրայէլացիներին հասնող աւարի կեսից, որ Մովսէսն առանձնացրել էր պատերազմի մասնակիցների բաժնից:

43. Դա կազմեց երեք հարիւր երեսուներօթը հազար հինգ հարիւր ոչխար,

44. երեսունվեց հազար արջառ,

45. երեսուն հազար հինգ հարիւր էջ

46. եւ տասնվեց հազար մարդ:

47. Մովսէսը իսրայէլացիներին հասնող աւարի կեսի իւրաքանչիւր յիսուն մարդուց եւ անասունից վերցրեց մէկին եւ տուեց ղեւտացիներին, որոնք սպասարկում էին Տիրոջ խորանը, ինչպէս Տերն էր հրամայել Մովսէսին:

48. Մովսէսին ներկայացան բոլոր զօրահրամանատարները՝ հազարապետներն ու հարիւրապետները,

49. եւ ասացին նրան. Մենք՝ քո ծառաները, հաշուառման ենթարկեցինք ռազմիկներին եւ տեսանք, որ նրանցից ոչ ոք չի պակասում:

50. Դրա համար Տիրոջը որպէս ընծայ բերել ենք ինչ որ գտնուում է իւրաքանչիւրիս մօտ՝ ոսկէ տուփ, ապարանջան, մատանի, մանեակ եւ ընդելուզուած ծամկալ, որպէսզի Տիրոջից քաւութիւն ստանանք:

51. Մովսէսն ու Եղիազար քահանան նրանցից վերցրին ոսկեղէնը՝ ձեռագործ բոլոր անօթները:

52. Հազարապետների կողմից Տիրոջը որպէս հաս տրուած ամբողջ ոսկին կազմեց տասնվեց հազար եօթը հարիւր յիսուն սիկլ:

53. Իւրաքանչիւր ռազմիկին աւարից մաս հասաւ:

54. Մովսէսն ու Եղիազար քահանան, հազարապետներից ու հարիւրապետներից առնելով ոսկին, տարան վկայութեան խորան որպէս իսրայէլացիների յիշատակ Տիրոջ առաջ:



1. Իսրայելացիները բազում անասուններ ունեին, բայց Ռուբենի ու Գադի ցեղերի ունեցածները չափազանց շատ էին: Նրանք տեսան, որ Յազերի ու Գադաադի շրջանները հօտերի համար յարմար արօտավայրեր են:
2. Ռուբենի ու Գադի ցեղերի մարդիկ գալով Մովսեսի, Եղիազար քահանայի ու ժողովրդի իշխանների մօտ՝ ասացին.
3. Ատարոթը, Դեբոնը, Յազերը, Նեմբրան, Եսեբոնը, Էլեալեթը, Սեբաման, Նաբաւը եւ Բեանը՝
4. այն վայրերը, որ Տերը յանձնել է իսրայելացիների ձեռքը, անասուն սնուցող արօտներ ունեն, իսկ մենք՝ քո ծառաները, անասուններ ունենք:
5. Նրանք աւելացրին. Եթե քո առաջ շնորհ են գտել, այդ վայրերը մեզ՝ քո ծառաներին իբրեւ կալուածք տո՛ւր եւ մեզ Յորդանան գետից այն կողմ մի՛ անցկացրու:
6. Մովսեսը Գադի ու Ռուբենի ցեղերի մարդկանց պատասխանեց. Ձեր եղբայրները գնան պատերազմելու, իսկ դուք այստեղ նստե՛ք:
7. Ինչո՞ւ էք պղտորում իսրայելացիների հողին, այնպես անում, որ չուզենան անցնել այն երկիրը, որը Տերը տալու է նրանց:
8. Ձեր հայրերը նոյն կերպ չվարուեցի՞ն, երբ նրանց ուղարկում էի Կադեսբառնէից, որպեսզի հետախուզեն երկիրը:
9. Նրանք հասան Ողկոյզի ձորը, հետախուզեցին երկիրը, բայց վերադառնալով յեղաշրջեցին իսրայելացիների մտքերը, որ չմտնեն այն երկիրը, որ Տերը տուել էր նրանց:
10. Այդ պատճառով Տերը խիստ զայրացաւ այդ օրը եւ երդուելով ասաց.
11. Եզիպտոսից դուրս եկած քսան տարեկանից բարձր մարդիկ, որոնք գիտեն չարն ու բարին, թող չտեսնեն այն երկիրը, որ երդուեցի տալ Աբրահամին, Իսահակին ու Յակոբին, քանի որ ինձ չհետեւեցին:
12. Նրանցից ոչ ոք չի մտնելու այդ երկիրը, բացի Յեփոնէի որդի Քաղեբից ու Նաւէի որդի Յեսուից, քանի որ նրանք հետեւեցին Տիրոջը:
13. Տերը, խիստ զայրանալով իսրայելացիների վրայ, քառասուն տարի նրանց թափառել տուեց անապատում, մինչեւ որ մեռան Տիրոջ առաջ ամբարիշտ գտնուող բոլոր մարդիկ:
14. Հիմա էլ դուք էք ելել ձեր հայրերի փոխարեն, ո՛վ մեղաւոր մարդկանց վոհմակներ, որպեսզի է՛լ աւելի բորբոքեք Տիրոջ բարկութիւնը իսրայելացիների վրայ:
15. Քանի որ դուք խոտորուել էք Աստծուց, նա դարձեալ կը թողնի ձեզ այս անապատում, եւ դուք պատճառ կը դառնաք, որ ամբողջ ժողովուրդը անօրինութիւն գործի:
16. Նրանք, դիմելով Մովսեսին, ասացին. Ուզում ենք մեր ոչխարների ու միւս անասունների համար գոմեր շինել, մեր ընտանիքների համար՝ քաղաքներ:
17. Մենք ինքներս կը զինուենք Տիրոջ առջեւ, կը գնանք միւս իսրայելացիների առջեւից, մինչեւ որ հաստատենք նրանց իրենց տեղերում: Մեր ժողովուրդը, որպեսզի ապահով լինի այս երկրի բնակիչներից, թող բնակուի պարսպապատ քաղաքներում:
18. Մենք չենք վերադառնայ մեր տները, մինչեւ որ իսրայելացիները իրենց ծառանգութեան տեր դառնան:
19. Մենք ակնկալութիւն չունենք Յորդանան գետի այն կողմում եւ աւելի հեռու տեղերում միւս իսրայելացիների հետ բաժին ստանալու, որովհետեւ մենք մեր բաժինն ստացել ենք Յորդանան գետի այս կողմում՝ արեւելքում:
20. Մովսեսն ասաց նրանց. Եթե անեք այնպես, ինչպես ասում էք, այսինքն՝ Տիրոջ հրամանով պատերազմի համար զինուէք,
21. ձեր բոլոր ռազմիկները Տիրոջ կարգադրութեան համաձայն անցնեն Յորդանան գետի այն կողմը, մասնակցեն պատերազմին, մինչեւ Տիրոջ առջեւ ոչնչանայ նրա թշնամին,
22. եւ երկիրը նուաճուի ըստ Տիրոջ ցանկութեան, ապա կը վերադառնաք, Տիրոջ ու իսրայելացիների առջեւ անպարտ կը լինեք, եւ այս երկիրը Տիրոջ առաջ ձեր կալուածքը

կը լինի:

23. Իսկ եթե այդպես չվարուէք, մեղաւոր կը համարուէք Տիրոջ առջեւ եւ ձեր մեղքերը կը ճանաչէք, երբ չարիքը հասնի ձեզ:

24. Արդ, դուք քաղաքներ շինեցէ՛ք ձեր մարդկանց համար եւ գոմեր՝ ձեր անասունների համար, եւ ինչ որ դուրս է եկել ձեր բերանից, կատարեցէ՛ք:

25. Ռուբէնի ու Գադի ցեղերի մարդիկ, դիմելով Մովսէսին, ասացին. Մենք՝ քո ծառաները, կը վարուենք այնպես, ինչպես դու՝ մեր տէրը, հրամայեցիր մեզ:

26. Մեր երեխաներն ու կանայք, մեր բոլոր անասունները թող մնան Գաղաադի քաղաքներում,

27. իսկ մենք՝ քո ծառայ տղամարդիկդ, զինավառ ու պատրաստ, Տիրոջ առջեւից կ'անցնենք-կը գնանք պատերազմի, ինչպես դու՝ մեր տէրը, ասում ես:

28. Մովսէսը հրահանգ տուեց նրանց մասին եղիազար քահանային, Նաւէի որդի Յեսուին եւ իսրայէլացի ցեղերի նահապետների ընտանիքների իշխաններին:

29. Մովսէսն ասաց նրանց. եթե Ռուբէնի ու Գադի ցեղերի մարդիկ բոլորն էլ Տիրոջ առջեւ սպառնազինուած ձեզ հետ անցնեն Յորդանան գետի այն կողմը, եթե դուք նուաճէք այդ երկիրը, ապա նրանց իբրեւ կալուածք կը տաք Գաղաադի երկիրը:

30. Իսկ եթե սպառնազինուած ձեզ հետ պատերազմի չելնեն Տիրոջ առջեւ, ապա նրանց երեխաներին, կանանց ու անասուններին, նախքան ձեր անցնելը, կը փոխադրէք Քանանացիների երկիրը, եւ նրանք եւս ձեզ հետ թող ժառանգութիւն ստանան Քանանացիների երկրում:

31. Ռուբէնի ու Գադի ցեղերի մարդիկ պատասխան տալով՝ ասացին. Ինչ որ հրամայես դու՝ մեր տէրը, քո ծառաներին, այդ էլ կը կատարենք:

32. Սպառնազինուած կ'անցնենք Քանանացիների երկիրը, եւ մեզ կալուածքներ կը տաք Յորդանան գետի այս կողմում:

33. Եւ Մովսէսը Գադի, Ռուբէնի ցեղերին, Յովսէփի որդիներից Մանասէի կէս ցեղին տուեց ամորհացիների Սեհոն արքայի թագաւորութիւնը, Բասան երկրի Օգ արքայի թագաւորութիւնը, այդ երկիրը՝ իր սահմաններում գտնուող բոլոր քաղաքներով, ինչպես նաեւ սահմանամերձ քաղաքներով:

34. Գադի մարդիկ կառուցեցին Դեբոնը, Ատարոթը, Արոյերը,

35. Սոփորն ու Յազերը, դրանք շրջապատեցին բարձր պարիսպներով:

36. Կառուցեցին նաեւ Նամրանը, Բոթառանը, ամուր քաղաքներ ու անասունների գոմեր:

37. Ռուբէնի ցեղի մարդիկ կառուցեցին Եսեբոնը, Էլեալէթը, Կարիաթեմը,

38. Բէելմեոնը՝ չորս կողմից պարսպապատ, եւ Սեմաբան: Իրենց կառուցած քաղաքներն անուանեցին իրենց իսկ անուններով:

39. Մանասէի որդի Մաքիրի յետնորդները գնացին Գաղաադ, գրաւեցին այն ու ոչնչացրին այնտեղ բնակուող ամորհացիներին:

40. Մովսէսը Գաղաադը տուեց Մանասէի որդի Մաքիրին, որը եւ բնակուեց այնտեղ:

41. Մանասէի որդի Յայիրը գրաւեց նրանց քաղաքները, որոնք կոչեց Յայիրի աւաններ:

42. Նաբաւը գնաց գրաւեց Կանաթն ու նրա աւանները, որոնք իր անունով կոչեց Նաբաւթ:

1. Սրանք են այն բանակատեղիները, որ դրեցին խրայելացիները, երբ Մովսեսի եւ Ահարոնի գլխաւորութեամբ, իրենց զօրքով հանդերձ դուրս եկան Եգիպտոսից:
2. Մովսէսը Տիրոջ հրամանով գրի առաւ խրայելացիների չուերթն ու նրանց բանակատեղիները: Ահա սրանք են իրենց երթի ժամանակ նրանց դրած բանակատեղիները:
3. Խրայելացիները Ռամեսսէից մեկնեցին առաջին ամսի տասնհինգերորդ օրը: Չատկի յաջորդ օրը նրանք, բոլոր եգիպտացիների աչքի առջեւ, Աստծու հզօր պաշտպանութեամբ ելան Եգիպտոսից,
4. երբ եգիպտացիները թաղում էին իրենց բոլոր անդրանիկ որդիներին: Տերը կոտորել էր եգիպտացիների երկրի բոլոր անդրանիկ զաւակներին: Տերը նրանցից վրեժ էր լուծել իրենց չաստուածների համար:
5. Խրայելացիները Ռամեսսէից մեկնելով բանակատեղի դրեցին Սոկքոթում:
6. Սոկքոթից մեկնելով բանակատեղի դրեցին Բոթանում, որն անապատի մի մասն է:
7. Մեկնեցին Բոթանից եւ բանակատեղի դրեցին Եպիրոթի մօտ, որը գտնւում է Բեւելսեպիոնի դիմաց, եւ բանակատեղի դրեցին Մագդոդի դիմաց:
8. Մեկնեցին Եպիրոթի դիմաց ընկած շրջանից, Կարմիր ծովի միջով անցան դեպի անապատ, անապատի միջով երեք օրուայ ճանապարհ կտրեցին եւ բանակատեղի դրեցին Դառն աղբիւրների մօտ:
9. Մեկնեցին Դառն աղբիւրների մօտից եւ եկան Ելիմ: Ելիմում տասներկու ջրի աղբիւր կար եւ արմաւի եօթանասուն ծառ: Նրանք բանակատեղի դրեցին այնտեղ՝ ջրի մօտ:
10. Մեկնեցին Ելիմից եւ բանակատեղի դրեցին Կարմիր ծովի ափին:
11. Մեկնեցին Կարմիր ծովից եւ բանակատեղի դրեցին Սին անապատում:
12. Մեկնեցին Սին անապատից եւ բանակատեղի դրեցին Ռափայում:
13. Մեկնեցին Ռափայից եւ բանակատեղի դրեցին Ելիմում:
14. Մեկնեցին Ելիմից եւ բանակատեղի դրեցին Ռափիդիմում:
15. Այստեղ ժողովուրդը խմելու ջուր չուներ, ուստի մեկնեցին Ռափիդիմից եւ բանակատեղի դրեցին Սինայի անապատում:
16. Մեկնեցին Սինայի անապատից եւ բանակատեղի դրեցին Յանկուբեան գերեզմաններում:
17. Մեկնեցին Յանկուբեան գերեզմաններից եւ բանակատեղի դրեցին Ասերոթում:
18. Մեկնեցին Ասերոթից եւ բանակատեղի դրեցին Ռաթամայում:
19. Մեկնեցին Ռաթամայից եւ բանակատեղի դրեցին Ռեմոնփարեսում:
20. Մեկնեցին Ռեմոնփարեսից եւ բանակատեղի դրեցին Ղեբոնայում:
21. Մեկնեցին Ղեբոնայից եւ բանակատեղի դրեցին Դեսսայում:
22. Մեկնեցին Դեսսայից եւ բանակատեղի դրեցին Մակեղղաթում:
23. Մեկնեցին Մակեղղաթից եւ բանակատեղի դրեցին Սոփարում:
24. Մեկնեցին Սոփարից եւ բանակատեղի դրեցին Քարադաթում:
25. Մեկնեցին Քարադաթից եւ բանակատեղի դրեցին Մակելոթում:
26. Մեկնեցին Մակելոթից եւ բանակատեղի դրեցին Կատտաաթում:
27. Մեկնեցին Կատտաաթից եւ բանակատեղի դրեցին Տարաթում:
28. Մեկնեցին Տարաթից եւ բանակատեղի դրեցին Մատեկայում:
29. Մեկնեցին Մատեկայից եւ բանակատեղի դրեցին Սելմոնայում:
30. Մեկնեցին Սելմոնայից եւ բանակատեղի դրեցին Մասուրութում:
31. Մեկնեցին Մասուրութից եւ բանակատեղի դրեցին Բանէայում:
32. Մեկնեցին Բանէայից եւ բանակատեղի դրեցին Գադգադ լեռան վրայ:
33. Մեկնեցին Գադգադ լեռից եւ բանակատեղի դրեցին Ետեբաթայում:
34. Մեկնեցին Ետեբաթայից եւ բանակատեղի դրեցին Եբրոնայում:
35. Մեկնեցին Եբրոնայից եւ բանակատեղի դրեցին Գեսիոնգաբերում:
36. Մեկնեցին Գեսիոնգաբերից եւ բանակատեղի դրեցին Սին անապատում:

37. Մեկնեցին Սին անապատից եւ բանակատեղի դրեցին Փարանի անապատում, այսինքն՝ Կադեսում: Մեկնեցին Կադեսից եւ բանակատեղի դրեցին Հոր լեռան վրայ՝ Եդոմի երկրի մօտ:
38. Ահարոն քահանան Տիրոջ հրամանով բարձրացաւ լեռը եւ մեռաւ այնտեղ իսրայէլացիների՝ Եգիպտացիների երկրից դուրս գալու քառասուններորդ տարուայ հինգերորդ ամսի մէկին:
39. Ահարոնը հարիւր քսաներեք տարեկան էր, երբ մեռաւ Հոր լեռան վրայ:
40. Քանանացիների երկրում բնակուող Արադի արքայ Քանանեսը տեղեկացաւ, որ իսրայէլացիները մուտք են գործում իր երկիրը:
41. Իսրայէլացիները, սակայն, Հոր լեռից հեռանալով՝ բանակատեղի դրեցին Սելմոնայում:
42. Մեկնեցին Սելմոնայից եւ բանակատեղի դրեցին Փենովում:
43. Մեկնեցին Փենովից եւ բանակատեղի դրեցին Օբոթում:
44. Մեկնեցին Օբոթից եւ բանակատեղի դրեցին Գայիում Յորդանան գետի այն կողմը, Մովաբի սահմաններում:
45. Մեկնեցին Գայիից եւ բանակատեղի դրեցին Դեմոնգադում:
46. Մեկնեցին Դեմոնգադից եւ բանակատեղի դրեցին Գեդմոնդեբղաթեմում:
47. Մեկնեցին Գեդմոնդեբղաթեմից եւ բանակատեղի դրեցին Աբարիմ լեռների վրայ՝ Նաբաւի դիմաց:
48. Մեկնեցին Աբարիմի լեռներից եւ բանակատեղի դրեցին Մովաբացիների երկրից արեւմուտք, Յորդանան գետի մօտ, Երիքովի դիմաց:
49. Նրանք բանակատեղի դրեցին Յորդանան գետի մօտ, Եսիմոթում, որ ձգւում էր մինչեւ Մեղսատով՝ Մովաբացիների երկրից արեւմուտք:
50. Տերը Մովաբացիների երկրի արեւմտեան մասում, Յորդանան գետի մօտ, Երիքովի դիմաց, խօսեց Մովսէսի հետ եւ ասաց.
51. Դիմի՛ր իսրայէլացիներին եւ ասա՛ նրանց. Ահա դուք Յորդանան գետով անցնում էք Քանանացիների երկիրը:
52. Երկրի բոլոր բնակիչներին կը քշէք ձեր առջեւից, կը կործանէք նրանց կոթողները, ձուլաճոյ բոլոր կուռքերը, նրանց բոլոր յուշասիւնները կը վերացնէք մէջտեղից:
53. Կ'ոչնչացնէք երկրի բնակիչներին եւ կը բնակուէք այնտեղ, որովհետեւ նրանց երկիրը ձեզ եմ տալու իբրեւ սեփականութիւն:
54. Ըստ ձեր ցեղերի անդամների թուաքանակի, կը բաժանէք այդ երկիրը. բազմանդամներին մեծ բաժին կը յատկացնէք, իսկ սակաւանդամներին՝ փոքր բաժին: Իւրաքանչիւր ցեղ թող ստանայ այն, ինչ կը հասնի նրան: Բաժանումը պէտք է կատարուի ըստ ձեր նահապետութեան ցեղերի:
55. Եթէ երկրի բնակիչներին չոչնչացնէք, ձեր կենդանի թողածները փուշ կը լինեն ձեր աչքերին եւ նետեր՝ ձեր կողերին: Նրանք ձեր թշնամիները կը լինեն այն երկրում, որտեղ դուք էք բնակում:
56. Եւ կը լինի այնպէս, որ ինչ վճռել էի անել նրանց նկատմամբ, կ'անեմ ձեր նկատմամբ:

1. Տերը խօսեց Մովսէսի հետ եւ ասաց.
2. Պատուիրի՛ր իսրայելացիներին ու նրանց ասա՛. Դուք, ահա, մտնում եք Քանանացիների երկիրը: Այն իր սահմաններով հանդերձ թող ձեր սեփականութիւնը լինի:
3. Նրա հարաւային սահմանը թող լինի Սին անապատից մինչեւ Եդոմի երկրի մերձակայքը: Հարաւային սահմանները թող անցնեն Մեռեալ ծովի արեւելեան կողմից:
4. Սահմանները հարաւից թող շրջանաձեւ բարձրանան դէպի Ակրաբինի սարը, անցնեն դէպի Ենակ, ապա դարձեալ դէպի հարաւ մինչեւ Կադեսբառնէ, ապա Արադի աւանը եւ հասնեն Ասեմոն:
5. Այս սահմանները, սկսած Ասեմոնից դէպի եգիպտացիների ձորը, շրջան պիտի կազմեն եւ դուրս գան ծով:
6. Ձեր ծովահայեաց սահմանը թող լինի Մեծ ծովը. դա ձեր ծովահայեաց սահմանն է:
7. Ձեր հիւսիսային սահմանը թող լինի հետեւեալը. Մեծ ծովից ուղիղ գծով մինչեւ Լեռը,
8. այդ լեռից ուղիղ գծով մինչեւ Եմաթի մուտքը: Այն հասնելու է մինչեւ Արադաքի սահմանները:
9. Սահմանագիծն այնտեղից թող անցնի մինչեւ Եփրոնի մերձակայքը եւ հասնի մինչեւ Ասիռնային: Սրանք թող լինեն ձեր հիւսիսային սահմանները:
10. Ձեր արեւելեան սահմանները պետք է անցնեն Ասիռնայինից մինչեւ Սեպփամար:
11. Այս սահմանագիծը Սեպփամարից թող ձգուի մինչեւ Բեղա՝ աղբիւրների արեւելեան կողմը, Բեղայից թող ձգուի մինչեւ Քենարի ծովի արեւելեան կողմը:
12. Սահմանագիծն այնուհետեւ թող ձգուի մինչեւ Յորդանան գետը՝ հասնելով մինչեւ Մեռեալ ծով: Այդ բովանդակ երկիրն ու նրա շրջակայքը ձեզ թող պատկանեն:
13. Մովսէսը պատուիրեց իսրայելացիներին ու ասաց. Սա է այն երկիրը, որ պիտի ժառանգէք վիճակ գցելով: Ինչպէս Տէրն է հրամայել, այն պիտի տրուի ինը ցեղերին ու Մանասէի կէս ցեղին,
14. որովհետեւ Ռուբէնի ու Գադի ցեղերը, ըստ իրենց նահապետների ընտանիքների,
15. եւ Մանասէի կէս ցեղը իրենց բաժինն ստացել էին Յորդանան գետի այն կողմում, Երիքովի դիմաց, հարաւից դէպի արեւելք ձգուող մասում:
16. Տերը խօսեց Մովսէսի հետ եւ ասաց. Սրանք են այն մարդկանց անունները,
17. որոնք ձեզ պիտի բաժանեն Քանաան երկիրը. Եղիազար քահանայ եւ Նաւէի որդի Յեսու:
18. Ամեն մի ցեղից վերցրե՛ք մէկական իշխան, որոնք երկիրը պիտի բաժանեն ձեր միջեւ:
19. Սրանք են այդ մարդկանց անունները. Յուդայի ցեղից՝ Յեփոնէի որդի Քաղէբ,
20. Շմաւոնի ցեղից՝ Էմիուդի որդի Սաղամիէլ,
21. Բենիամինի ցեղից՝ Քասդողի որդի Ելդադ,
22. Դանի ցեղից՝ Եզդիի որդի իշխան Բակքիւր,
23. Յովսէփի որդիներից Մանասէի ցեղից՝ Սուփիցի որդի իշխան Անիէլ,
24. Եփրեմի ցեղից՝ Սաբաթի որդի իշխան Կամուէլ,
25. Զաբուլոնի ցեղից՝ Փառնաքի որդի իշխան Եղիսափան,
26. Իսաքարի ցեղից՝ Ոգիայի որդի իշխան Փաղտիէլ,
27. Ասերի ցեղից՝ Սելեմիի որդի իշխան Աքիոր,
28. Նեփթաղիմի ցեղից՝ Մեուդի որդի իշխան Փագայէլ:
29. Տերը սրանց հրամայեց Քանանացիների երկիրը բաժանել իսրայելացիների միջեւ:

1. Տերը Մովսէսին երկրի արեւմտեան մասում, Յորդանան գետի եզերքին, երիքովի դիմաց, խօսեց Մովսէսի հետ եւ ասաց.
2. Հրամայի՛ր իսրայէլացիներին, որ իրենց բաժին հասած կալուածքներից բնակուելու համար քաղաքներ, ինչպէս եւ իրենց քաղաքների շուրջն ընկած արօտավայրերը տան դէտացիներին:
3. Այդ քաղաքները նրանց բնակութեան վայրերը թող լինեն, իսկ առանձնացուած արօտավայրերը թող լինեն նրանց ոչխարների հօտերի եւ ամէն տեսակ չորքոտանիների համար արածելու վայրեր:
4. Քաղաքների շուրջը գտնուող արօտավայրերը, որ տալու էք դէտացիներին, իւրաքանչիւր քաղաքի պարիսպներից սկսած շուրջանակի պէտք է ունենան երկու հազար կանգուն տարածութիւն:
5. Քաղաքից դուրս, արեւելեան կողմում չափեցէ՛ք երկու հազար կանգուն, ծովի կողմում երկու հազար կանգուն, հիւսիսային կողմում երկու հազար կանգուն, հարաւային կողմում երկու հազար կանգուն: Դրանց մէջտեղում գտնուող քաղաքը, ինչպէս եւ նրա շուրջն ընկած տարածքը պէտք է պատկանեն դէտացիներին:
6. Դէտացիներին, բացի յիշեալ քաղաքներից, պէտք է տրուի վեց քաղաք եւս, որոնք ապաստան պիտի ծառայեն սպանութիւն գործած մարդկանց: Այս բոլոր քաղաքներից բացի, նրանց պիտի տաք քառասուններկու քաղաքներ:
7. Դէտացիներին տրուելիք քաղաքների թիւը կազմելու է քառասունութ՝ իրենց արօտավայրերով հանդերձ:
8. Իսրայէլացիների ժառանգած կալուածքներից դէտացիներին տրուելիք քաղաքները պիտի լինեն ըստ նրանց ստացած քաղաքների թուի. շատ ստացողը շատ պիտի տայ, քիչ ստացողը՝ քիչ: Իւրաքանչիւր ցեղ ըստ ժառանգած տարածութեան քաղաքներ թող տայ դէտացիներին:
9. Տերը խօսեց Մովսէսի հետ եւ ասաց.
10. Դիմի՛ր իսրայէլացիներին ու նրանց ասա՛. Դուք, ահա, Յորդանան գետի վրայով անցնում էք Քանանացիների երկիրը:
11. Այնտեղ առանձնացրէ՛ք քաղաքներ, որոնք ձեզ համար որպէս ապաստան պիտի ծառայեն, երբ մի մարդասպան այնտեղ փախչի: Ով ականայ մէկին սպանի, այդ քաղաքները սպանողի արեան վրէժխնդրութիւնից փրկուելու համար ապաստան թող լինեն:
12. Սպանողը թող մահուան չդատապարտուի, մինչեւ ժողովրդի դատաստանի առջեւ չկանգնի:
13. Դէտացիներին տրուելիք քաղաքներից վեցը որպէս ապաստան թող ծառայեն:
14. Երեք քաղաք տուէ՛ք Յորդանան գետի այն կողմում, երեք քաղաք՝ Քանանացիների երկրում:
15. Այդ քաղաքներն իբրեւ ապաստան թող ծառայեն իսրայէլացիներին, այլեւ օտարականների ու ձեր մէջ պանդխտելու եկածների համար: Այդ քաղաքներն իբրեւ ապաստան թող ծառայեն, որպէսզի այնտեղ փախչեն բոլոր նրանք, ովքեր ականայ մարդ են սպանել:
16. Եթէ որեւէ մէկը երկաթե առարկայով հարուածի ու սպանի մէկին, նա մարդասպան է. մահուան թող դատապարտուի մարդասպանը:
17. Եթէ որեւէ մէկը քարով հարուածի ու սպանի մէկին, նա մարդասպան է. մահուան թող դատապարտուի մարդասպանը:
18. Եթէ փայտե առարկայով հարուածի ու սպանի մէկին, նա մարդասպան է. մահուան թող դատապարտուի մարդասպանը:
19. Սպանուածի մերձաւորը թող սպանի մարդասպանին. երբ որ հանդիպի նրան, թող սպանի:
20. Եթէ որեւէ մէկը թշնամութեան հողի վրայ հրի մի մարդու, չարամտութեամբ նրա

վրայ որեւէ իր նետելով սպանի

21. Կամ քինախնդրութեան համար հարուածի ձեռքով ու սպանի նրան, նա մահուան թող դատապարտուի: Նա մարդասպան է. մահուան թող դատապարտուի մարդասպանը: Սպանուածի մերձաւորը ուր որ հանդիպի նրան, թող սպանի:

22. Իսկ եթէ սխալմամբ եւ ոչ թէ թշնամութեան հողի վրայ է հրել նրան, նրա վրայ նետել որեւէ իր ոչ չար դիտաւորութեամբ,

23. Կամ մահ պատճառող քարով առանց չարամտութեան է հարուածել նրան ու սպանել, սակայն սպանուողը նրա թշնամին չէր, եւ նա չէր ցանկանում նրան չարիք պատճառել,

24. այդ դէպքում ժողովուրդը հարուածողին սպանուածի մերձաւորի ներկայութեամբ դատ թող անի ըստ հետեւեալ դատաստանի.

25. Ժողովուրդը սպանողին թող փրկի սպանուածի մերձաւորների ձեռքից: Թող ժողովուրդը նրան ուղարկի ապաստան-քաղաք, ուր նա ապաստանել էր: Նա թող բնակուի այնտեղ, մինչեւ որ վախճանուի սուրբ իւղով օծուած քահանայապետը:

26. Իսկ եթէ սպանողը դուրս գայ այն քաղաքի սահմաններից, որտեղ ապաստանել էր,

27. եւ սպանուածի մերձաւորը նրան գտնի նրա ապաստանած քաղաքի սահմաններից դուրս, ապա սպանուածի արիւնակիցը թող սպանի մարդասպանին եւ մահապարտ չդիտուի:

28. Դրա համար էլ մարդասպանը պետք է բնակուի իր ապաստանած քաղաքում, մինչեւ որ վախճանուի քահանայապետը: Քահանայապետի վախճանուելուց յետոյ միայն մարդասպանը թող վերադառնայ իր կալուածքը:

29. Սա ձեր սերունդների մէջ արդարադատութեան օրէնք թող լինի ձեր բնակութեան բոլոր վայրերում:

30. Ով որ մէկին սպանի, վկաներով թող սպանեն մարդասպանին: Մէկ հոգու վկայութիւնը բաւարար չէ մահուան վճիռ արձակելու համար:

31. Մահապարտ մարդասպանից փրկագին չպետք է վերցնէք: Նա պետք է մահապատժի ենթարկուի:

32. Ապաստան-քաղաք փախչելու համար մարդասպանից փրկագին չպետք է վերցնէք, նոյնպէս եւ՝ մինչեւ քահանայապետի վախճանումը իր երկրում նորից բնակուելու համար:

33. Մի՛ պղծէք երկիրը. երկիրն իր վրայ թափուած արեան համար այլ հատուցում չի պահանջում, քան հեղումը նրա՛ արեան, ով արին է թափել:

34. Մի՛ պղծէք այն երկիրը, ուր բնակւում էք, եւ ուր բնակւում եմ ես ձեր մէջ, քանզի ես եմ Տէր Աստուածը, որ բնակւում է իսրայելացիների մէջ:

1. Յովսէփի որդիներից Մանասէի որդի Մաքիրի որդի Գաղաադի ընտանիքի իշխանները, դիմելով Մովսէսին, Եդիագար քահանային ու իսրայէլացիների նահապետների ընտանիքների իշխաններին, ասացին.
2. Տէրը մեր տիրոջը՝ Մովսէսին հրամայել է, որ վիճակ գցելով՝ Քանանացիների երկիրը բաժանուի իսրայէլացիների միջեւ: Տէրը մեր տիրոջը հրամայել է նաեւ, որ մեր եղբայր Սաղաադի բաժինը տրուի նրա դուստրերին:
3. Արդ, եթէ նրանք ամուսնանան իսրայէլացի մի այլ ցեղի տղամարդկանց հետ, ապա նրանց բաժին պիտի յատկացուի իրենց ցեղի սեփականութիւնից եւ աւելանայ այն ցեղի ժառանգութեան վրայ, որոնց կնութեան կը գնան: Այսպիսով մեր ժառանգութիւնից այդ բաժինը պիտի վերանայ:
4. Եւ երբ գայ իսրայէլացիների փրկութեան տարին, նրանց ժառանգութիւնը վերջնականապէս կը գումարուի այն ցեղի ժառանգութեան վրայ, որոնց կնութեան են գնացել, որով մեր ցեղի ժառանգութիւնից նրանց բաժին ընկած ժառանգութեան մասը պիտի վերանայ:
5. Մովսէսը, Յովսէփի մարդկանց ասածի մասին, Տիրոջ հրամանով իսրայէլացիներին ասաց.
6. Սաղաադի
7. դուստրերին Տէրը հետեւեալ հրամանն է տուել եւ ասել. Նրանք թող ամուսնանան այն տղամարդկանց հետ, որոնք իրենց աչքին հաճելի կը թուան, պայմանով որ այդ տղամարդիկ իրենց հայրական ցեղից լինեն:
8. Իսրայէլացիների ժառանգութիւնը ցեղից ցեղ թող չանցնի, որպէսզի իսրայէլացիներից իւրաքանչիւրը ի՛ր ցեղի հայրենի ժառանգութեանը կապուի:
9. Իսրայէլացիների որեւէ ցեղից ժառանգութիւն ստացած ամէն մի աղջիկ թող դառնայ իր հայրական ցեղին պատկանող որեւէ տղամարդու կինը, որպէսզի իսրայէլացիները ամուսնանալուց յետոյ էլ պահպանեն իրենց հայրենի ժառանգութիւնը:
10. Ժառանգութեան բաժինը մի ցեղից միւսը չպետք է անցնի, իսրայէլացիներից իւրաքանչիւրը պետք է կապուի իր ժառանգած կալուածքին:
11. Եւ ինչպէս Տէրը հրամայել էր Մովսէսին, այդպէս էլ արեցին Սաղաադի դուստրերը:
12. Թերսան, Էգղան, Մեղքան, Նուան եւ Մաաղան՝ Սաղաադի դուստրերը, ամուսնացան իրենց հօրեղբայրների որդիների հետ:
13. Նրանք Յովսէփի որդիներից Մանասէի ցեղի տղամարդկանց կանայք դարձան, եւ նրանց ժառանգութիւնը մնաց իրենց հօր ազգատոհմին:
14. Սրանք են այն պատուիրանները, օրէնքներն ու դատաստանները, որ Տէրը Մովսէսի ցեղի երկրի արեւմտեան մասում, Յորդանան գետի եզերքին, Երիքովի դիմաց տուեց Մովսէսի միջոցով:



ԵՐԿՐՈՐԴ ՕՐԷՆՔ

## Գլուխ 1

1. Սրանք են այն պատգամները, որ Մովսեսը տուեց բոլոր իսրայելացիներին Յորդանան գետի այն կողմում՝ անապատի արեւմտեան մասում, Կարմիր ծովի մօտ, Փառանտիփողի, Ղոբանի, Հանգրուանների ու Ոսկեկի միջեւ:
2. Սէր լեռան վրայով տասնմեկ օրուայ ճանապարհ է Քորեբից Կադեսբառնեայ:
3. Քառասներորդ տարուայ տասնմեկերորդ ամսուայ առաջին օրը Մովսեսը բոլոր իսրայելացիներին ասաց այն ամենը, ինչ Տէրը նրանց վերաբերեալ պատուիրել էր իրեն:
4. Եսերոնում բնակուող ամորհացիների արքայ Սեհոնին եւ Աստարոթում ու Եդրայինում բնակուող Բասանի արքայ Օգին հարուածելուց յետոյ
5. Յորդանան գետի այն կողմում Մովաբի երկրում, Մովսեսն սկսեց յայտնել այս օրէնքներն՝ ասելով.
6. Մեր Տէր Աստուածը մեզ հետ խօսելով Քորեբում ասաց. Բաւական է որքան բնակուեցիք այս լեռան վրայ:
7. Ելէք գնացէ՛ք դուք այստեղից, մտե՛ք ամորհացիների լեռը, նրանց մօտ, ովքեր բնակում են Արաբայի շուրջը՝ դէպի լեռներն ու դաշտերը, դէպի հարաւ ու Քանանացիների երկրի ծովեզերքը, դէպի Անդրլիբանան, մինչեւ Մեծ կամ Եփրատ գետը:
8. Տեսէ՛ք, ահա ձեզ յանձնեցի այդ երկիրը. մտե՛ք ու իբրեւ սեփականութիւն ստացէ՛ք այդ երկիրը, որը ես երդուեցի տալ ձեր հայրերին՝ Աբրահամին, Իսահակին ու Յակոբին, նրանց ու նրանց յետնորդներին, մի երկիր, ուր մեղր ու կաթ է հոսում:
9. Ես ձեզ հետ խօսել եմ դեռ այն ժամանակ եւ ասել.
10. Ես միայնակ չեմ կարող ձեզ առաջնորդել: Մեր Տէր Աստուածը ձեզ բազմացրել է, եւ ահա դուք այսօր երկնքի աստղերի չափ շատ էք:
11. Մեր հայրերի Տէր Աստուածը, ինչպէս որ կաք, հազարապատիկ թող աւելացնի եւ օրինի ձեզ, ինչպէս խոստացել է ձեզ:
12. Ես ինչպէ՞ս կարող եմ միայնակ կրել ձեր նեղութիւնները, քաշել ձեր հոգսերն ու հանդուրժել ձեր հակամարտութիւնները:
13. Արդ, ձեր ցեղերի միջից առանձնացրէ՛ք իմաստուն, խոհեմ ու շրջահայեաց մարդկանց, որպէսզի նրանց ձեզ վրայ իշխաններ կարգեմ:
14. Դուք ինձ պատասխան տուեցիք եւ ասացիք, թէ՛ Լաւ է, եթէ քո ասածը անես:
15. Այն ժամանակ ես ձեզանից վերցրի ցեղապետներ, իմաստուն, շրջահայեաց ու խոհեմ մարդկանց, նրանց նշանակեցի ձեզ առաջնորդներ՝ հազարապետներ, հարիւրապետներ, յիսնապետներ ու տասնապետներ եւ ձեր դատաւորների գրագիրներ:
16. Դեռ այն ժամանակ ես պատուիրելով ասացի ձեր դատաւորներին. Լսեցէ՛ք ձեր եղբայրների միջեւ եղած խնդիրները եւ ամէն մարդու դատը՝ թէ՛ իր եղբօր եւ թէ՛ եկուորի հետ, արդարութեամբ վճռեցէ՛ք:
17. Դատաստան անելիս կողմակալութիւն չանէք: Հաւասարապէս կը դատեք փոքրին ու մեծին: Ոչ մէկի հանդէպ աչառութիւն մի՛ արեք, որովհետեւ դատաստանը Աստծունն է: Ձեր ուժից վեր գործը կը յանձնեք ինձ, որ ես լսեմ:
18. Դեռ այն ժամանակ ես ձեզ պատուիրել եմ այն ամենը, ինչ պետք է անեք:
19. Քորեբից չուելով ու ամորհացիների լեռնային ճանապարհով, ինչպէս մեր Տէր Աստուածը պատուիրել էր մեզ, անցանք ձեր տեսած մեծ, անծայրածիր անապատը եւ եկանք մինչեւ Կադեսբառնեայ:
20. Ես ձեզ ասացի. Եկաք մինչեւ ամորհացիների լեռը, որ մեր Տէր Աստուածը տալիս է ձեզ:
21. Տեսաք, որ ահա մեր Տէր Աստուածը երկիրը ձեր աչքի առջեւ բաժանել է մեր միջեւ: Ելէ՛ք եւ ժառանգեցէ՛ք երկիրն այնպէս, ինչպէս մեր հայրերի Տէր Աստուածն է ասել ձեզ: Մի՛ վախեցեք եւ մի՛ սարսափեք:
22. Բոլորդ, սակայն, մօտենալով ինձ՝ ասացիք. Մեզանից առաջ մարդիկ ուղարկենք,

թող հետախուզեն երկիրը, մեզ թող յայտնեն մեր գնալիք ճանապարհի եւ այն քաղաքների վիճակը, ուր մտնելու ենք:

23. Ինձ ընդունելի թուացին այդ խօսքերը: Ես ձեզանից վերցրի տասներկու մարդ՝ ամեն մի ցեղից մէկ տղամարդ:

24. Նրանք գնացին դէպի լեռը, հասան մինչեւ Ողկոյզի ձորն ու հետախուզեցին այն:

25. Նրանք վերցրին երկրի պտուղներից, վերադարձան մեզ մօտ եւ մեզ տեղեկութիւն բերելով՝ ասացին. Լաւ է այն երկիրը, որ Տէր Աստուածը տալու է մեզ:

26. Դուք չկամեցաք գնալ, չլսեցիք մեր Տէր Աստծու խօսքը

27. եւ տրտնջալով ձեր վրաններում ասացիք. Տէրը մեր հանդէպ իր ունեցած ատելութիւնից է, որ մեզ դուրս հանեց եգիպտացիների երկրից, որպէսզի մեզ մատնի ամորհացիների ձեռքը, կոտորի մեզ: Արդ, ո՞ւր ենք գնում:

28. Ձեր եղբայրները վախ գցեցին ձեր սրտերն՝ ասելով. Այդ երկրի մարդիկ մեզանից մեծ, բազմանդամ ու հզօր են, նրանց քաղաքները մեծ են ու մինչեւ երկինք հասնող պարիսպներ ունեն: Բացի այդ, հսկաների սերունդ տեսանք մենք այնտեղ:

29. Ես ասացի ձեզ. Մի՛ վախեցէք, մի՛ զարհուրէք նրանցից:

30. Մեր Տէր Աստուածը, որ գնում է ձեր առջեւից, ձեր փոխարէն կը պատերազմի նրանց դէմ, ինչպէս ձեր աչքի առջեւ ձեզ համար դա արեց եգիպտացիների երկրում

31. եւ այս անապատում, ինչպէս որ տեսաք: Որովհետեւ քո Տէր Աստուածը խնամեց քեզ այնպէս, ինչպէս ծնողն է խնամում իր որդուն: Այդ արեց ձեր ամբողջ երթի ընթացքում, մինչեւ որ եկաք հասաք այս վայրը:

32. Այս խօսքից յետոյ էլ չհաւատացիք,

33. որ ձեր Տէր Աստուածը ձեր երթի ժամանակ գնում է ձեր առջեւից, որպէսզի ձեզ համար տեղ ընտրի, որպէսզի ձեր ուղին ցոյց տալու համար գիշերը ձեզ առաջնորդի հրով, իսկ ցերեկը՝ ամպով:

34. Տէրը լսեց ձեր խօսքերը, բարկացաւ ու երդուեց՝ ասելով.

35. Այս մարդկանցից ոչ ոք չի տեսնելու այն լաւ երկիրը, որ երդուել էի տալ նրանց հայրերին,

36. բացի Յեփոնէի որդի Քաղէբից: Նա պիտի տեսնի այն, ես նրան ու նրա որդիներին պիտի տամ այն երկիրը, ուր պիտի հասնեն, որովհետեւ նա հնազանդ է եղել Տիրոջը:

37. Եւ Տէրը ձեր պատճառով բարկանալով ինձ վրայ՝ ասաց. Դու էլ չես մտնի այնտեղ,

38. այլ Նաւէի որդի Յեսուն՝ քո սպասաւորը. նա՛ պիտի մտնի այնտեղ: Նրան զօրացրո՛ւ, որովհետեւ նա է այդ երկիրը յանձնելու իսրայէլացիներին:

39. Ձեր յետնորդներն ու որդիները, որոնց վերաբերեալ ասացիք, թէ իբր գերի կ'ընկնեն նրանք, եւ բոլոր մատաղ այն մանուկները, որոնք այսօր դեռեւս չգիտեն չարն ու բարին, նրանք թող մտնեն այնտեղ, նրանց պիտի տամ այն, եւ նրանք են, որ պիտի ժառանգեն այն:

40. Դուք վերադարձէ՛ք եւ Կարմիր ծով տանող ճանապարհով գնացէ՛ք անապատը:

41. Այն ժամանակ դուք պատասխան տուեցիք ինձ՝ ասելով. Մեղք գործեցինք մեր Տէր Աստծու առջեւ: Ելնենք ու պատերազմ տանք, ինչպէս մեզ պատուիրել է մեր Տէր Աստուածը: Եւ իւրաքանչիւրդ, առնելով ձեր պատերազմելու զէնքը, հաւաքուեցիք ու բարձրացաք լեռը:

42. Տէրն ինձ ասաց. Նրանց ասա՛. մի՛ բարձրացէք լեռը, պատերազմ մի՛ մղէք, քանի որ ես ձեզ հետ չեմ: Ձեզ կը ջախջախեն ձեր թշնամիները:

43. Տիրոջ խօսքերը յայտնեցի ձեզ, բայց դուք չլսեցիք ինձ, զանց առաք Տիրոջ խօսքը, ընդվզեցիք եւ լեռը բարձրացաք:

44. Այդ լեռան վրայ բնակուող ամորհացիները մեղուների պէս ձեր դէմ ելնելով՝ հալածեցին, կոտորեցին ձեզ Սէիրից մինչեւ Հեթմա:

45. Դուք նստած լաց էիք լինում Տիրոջ առջեւ, բայց Տէրը չլսեց ձեր ծայնը, ձեզ չանսաց:

46. Դուք Կաղէսում նստեցիք երկար ժամանակ, այնքան, որքան նախկինում էիք նստել այնտեղ:

1. Կարմիր ծով տանող ճանապարհով մենք վերադարձանք, եկանք անապատ, ինչպես Տերն էր ասել ինձ, եւ շատ օրեր պտտուեցինք Սէիր լեռան շուրջը:
2. Տերն ինձ ասաց. Բաւական է որքան պտտուեցիք լեռան շուրջը: Այժմ ուղղութիւն վերցրէ՛ք դէպի հիւսիս:
3. Ժողովրդիդ պատուիրի՛ր՝ ասելով.
4. Դուք, ահա, անցնում էք Սէիրում բնակուող ձեր եղբայրների՝ Եսաւի որդիների սահմանը: Նրանք ձեզանից պիտի վախենան:
5. Խիստ զգո՛յշ եղէք, նրանց դէմ պատերազմ չհրահրէք, որովհետեւ նրանց երկրից մի ոտնաչափ անգամ հող չեմ տալու ձեզ, քանի որ Սէիր լեռը Եսաւին եմ տուել իբրեւ սեփականութիւն:
6. Ուտելիքը նրանցից գնեցէ՛ք ու կերէ՛ք, ջուրը նրանցից առէ՛ք արծաթով ու խմեցէ՛ք:
7. Մեր Տէր Աստուածը քեզ օրհնել է քո ձեռնարկած բոլոր գործերում: Իմացի՛ր, թէ ինչպես անցար մեծ ու հսկայական անապատը: Ահա քառասուն տարի է, ինչ քո Տէր Աստուածը քեզ հետ է, եւ այդ ընթացքում ոչ մի բանի պակասութիւն չես զգացել:
8. Մենք Սէիրում բնակուող մեր եղբայրների՝ Եսաւի որդիների կողքով, Արաբայի ճանապարհով անցանք Եդոմից ու Գասիոնգաբերից, շրջուեցինք ու անցանք Նաեւ Մովաբի անապատ տանող ճանապարհով:
9. Տերն ինձ ասաց. Թշնամութիւն մի՛ արեք մովաբացիների հետ, նրանց դէմ պատերազմ մի՛ հրահրէք, որովհետեւ նրանց երկրից ձեզ բաժին չեմ տայ, քանի որ Սէիրը Դովտի որդիներին եմ տուել իբրեւ սեփականութիւն:
10. (Նախկինում Օմմիսի յետնորդներն էին ապրում այնտեղ՝ մի մեծ, բազմանդամ ու հզօր ազգ, նման Ենակիմի որդիների:
11. Սրանք էլ Ռափիմի ցեղին էին պատկանում, ինչպես եւ Ենակիմի որդիները, եւ մովաբացիները նրանց անուանում են օմմիւնեաններ:
12. Սէիրում Նախ բնակում էին քոռեցիները: Եսաւի որդիները, սակայն, կոտորեցին նրանց, հալածեցին եւ բնակուեցին նրանց երկրում, ինչպես Իսրայելը վարուեց իր ժառանգած այն երկրի բնակիչների հետ, որ Տէրը տուել էր նրան):
13. Արդ, վե՛ր կացէք գնացէ՛ք ու անցէ՛ք Չարեդ ձորով:
14. Կադէսբառնեայից մինչեւ Չարեդ ձորն անցնելը տեւեց երեսունութ տարի: Այդ ընթացքում պատերազմող բանակի բոլոր տղամարդիկ կոտորուեցին, ինչպես որ Աստուած երդուել էր նրանց:
15. Աստծու ձեռքը նրանց վրայ էր, որպէսզի նրանց կորստեան մատնի բանակատեղիում: Եւ նրանք բոլորն էլ ընկան:
16. Երբ ժողովրդի միջից վերացան պատերազմող բոլոր տղամարդիկ, Տէրը խօսեց ինձ հետ եւ ասաց.
17. Դու այսօր Մովաբի սահմանով կ'անցնես Սէիր:
18. Դուք կը մօտենաք Ամոնացիների երկրի սահմաններին:
19. Նրանց հետ թշնամութիւն մի՛ արեք, նրանց դէմ պատերազմ մի՛ հրահրէք, որովհետեւ Ամոնացիների երկիրն իբրեւ սեփականութիւն ձեզ չեմ տայ. դա վիճակ գցելով Դովտի որդիներին եմ տուել:
20. (Երկիրը Ռափնային էր պատկանում, քանի որ Նախ ռափայիւնեան ցեղերն էին բնակում այնտեղ: Ամոնացիները նրանց անուանում էին զոմզոմեաններ:
21. Նրանք Ենակիմեանների նման մեծ, բազմամարդ ու հզօր ազգ էին: Տէրը սրանց վերացրեց մեջտեղից, եւ Ենակիմեանները բնակուեցին այդտեղ՝ նրանց փոխարէն:
22. Տերն ինչ որ արեց Եսաւի՝ Սէիրում բնակուող յետնորդների նկատմամբ, նոյնն արեց քոռեցիների նկատմամբ. կոտորեց նրանց, եւ Եսաւի յետնորդներն ստանալով այդ երկիրը՝ նրանց փոխարէն բնակում են այդտեղ մինչեւ այսօր:
23. Խեւացիները, որոնք բնակում էին Ասիրոթից մինչեւ Գազա, ու Գամիրքից դուրս եկած գամիրքիները կոտորեցին նրանց ու նրանց փոխարէն բնակուեցին այդ երկրում):

24. Արդ, վե՛ր կացէք գնացէք Առնոնի ձորը: Ահա քո ձեռքն եմ յանձնում Եսեբոնի արքայ ամորհացի Սեհոնին: Սկսի՛ր տիրել նրա երկրին եւ պատերազմ հրահրել նրա դէմ:
25. Այսօրուանից սկսի՛ր ահ ու սարսափ տարածել երկնքի տակ գտնուող բոլոր ազգերի վրայ: Ով որ լսի քո անունը, պիտի դողայ, եւ քո սարսափը պիտի պատի նրանց:
26. Կեդմոթի անապատից բանագնացներ ուղարկեցի Եսեբոնի արքայ Սեհոնի մօտ խաղաղութեան առաջարկով եւ ասացի.
27. Պիտի անցնեմ քո երկրով: Ճանապարհով կը գնամ, աջ կամ ձախ չեմ թեքուի:
28. Արծաթով պարէն վաճառի՛ր ինձ, որ ուտեմ, արծաթով ջուր վաճառի՛ր ինձ, որ խմեմ, միայն թէ քայլելով անցնեմ:
29. Թող լինի այնպէս, ինչպէս որ Սէիրում բնակուող Եսաւի յետնորդները եւ Արոյերում բնակուող մովաբացիները վարուեցին ինձ հետ, մինչեւ որ Յորդանան գետով անցնեմ այն երկիրը, որ Տէր Աստուածը տալու է մեզ:
30. Եսեբոնի արքայ Սեհոնը, սակայն, չկամեցաւ, որ մենք անցնենք նրա երկրով, որովհետեւ մեր Տէր Աստուածը խստացրել էր նրա ոգին ու կարծրացրել նրա սիրտը, որպէսզի նրան այդ օրը յանձնի քո ձեռքը:
31. Տէրն ինձ ասաց. Ահա սկսել եմ Եսեբոնի արքայ ամորհացի Սեհոնին ու նրա երկիրը յանձնել քեզ: Սկսի՛ր վիճակ գցելով ժառանգել նրա երկիրը:
32. Եսեբոնի արքայ Սեհոնն ինքն ու իր ժողովուրդը Սիասարում պատերազմի ելան մեր դէմ:
33. Մեր Տէր Աստուածը նրան մատնեց մեր ձեռքը, մենք կոտորեցինք նրան, նրա որդիներին ու նրա ամբողջ ժողովրդին:
34. Այդ ժամանակ նուաճեցինք նրա բոլոր քաղաքները, մէկ առ մէկ աւերեցինք նրա բոլոր քաղաքները, սպանեցինք նրա կանանց ու երեխաներին: Նրանցից ոչ ոքի կենդանի չթողեցինք:
35. Միայն հօտերը աւար վերցրինք եւ կողոպտեցինք Առնոնի ձորի եզերքին գտնուող Արոյերի քաղաքներն
36. ու ձորում գտնուող քաղաքը, մինչեւ Գաղաադի սահմանները: Քաղաք չմնաց, որ փրկուէր մեր ձեռքից. բոլոր քաղաքները Տէր Աստուածը մատնեց մեր ձեռքը,
37. բացի Ամոնացիների երկրից, որին չմօտեցանք, ինչպէս նաեւ Յաբոկի ձորի բոլոր աւաններից ու լեռնային բոլոր քաղաքներից, ինչպէս որ մեր Տէր Աստուածն էր պատուիրել մեզ:

1. Այդտեղից վերադառնալով գնացինք Բասան տանող ճանապարհով: Բասանի արքայ Օգը, ինքն ու իր ամբողջ ժողովուրդը Սեդրայինում պատերազմի ելան մեր դեմ:
2. Տերն ինձ ասաց. Նրանից մի՛ վախեցիր, որովհետեւ քո ձեռքն եմ մատնելու նրան, նրա ամբողջ ժողովրդին ու նրա ամբողջ երկիրը: Նրա հետ կը վարուես այնպես, ինչպես վարուեցիր Եսեբոնում բնակուող ամորիացի արքայ Սեհոնի հետ:
3. Եւ մեր Տեր Աստուածը Բասանի արքայ Օգին ու նրա ամբողջ ժողովրդին մատնեց մեր ձեռքը: Մենք կոտորեցինք նրանց այնպես, որ նրանցից ոչ ոք կենդանի չմնաց:
4. Այդ ժամանակ մենք նուաճեցինք նրա բոլոր քաղաքները: Քաղաք չկար, որ նրանից խլած չլիներ: Բասանի Օգ թագաւորը Արգոբ գաւառի շրջակայքում ուներ ընդամենը վաթսուն քաղաք:
5. Բոլոր քաղաքներն ամրացրել էին բարձր պարիսպներով, դարպասներով ու դռնափակերով, բացի փերեզացիների չամրացուած քաղաքներից, որոնք բաւական շատ էին:
6. Նրանց կոտորեցինք այնպես, ինչպես Եսեբոնի արքայ Սեհոնին: Մէկ առ մէկ ակերեցինք բոլոր քաղաքները, կոտորեցինք կանանց ու մանուկներին: Ոչ մէկը մազապուրծ չեղաւ:
7. Բոլոր անասունները աւար առանք ու քաղաքները կողոպտեցինք:
8. Այդ ժամանակ ամորիացիների երկու թագաւորներից գրաւեցինք Յորդանան գետի այն կողմում գտնուող երկիրը Առնոնից մինչեւ Հերմոն:
9. Փիւնիկեցիները Հերմոնն անուանում էին Սանիոր, իսկ ամորիացիները՝ Սանիր:
10. Միսորի բոլոր քաղաքները, ամբողջ Գաղաադը, ամբողջ Բասանը մինչեւ Եղքա ու Եդրային Օգի թագաւորութեան քաղաքներն էին Բասանում:
11. Ռափայինեաններից մնաց միայն Բասանի թագաւոր Օգը: Նրա մահճակալը, որ երկաթից էր, հիմա գտնուում է Ամոնի յետնորդների ամրոցում: Հսկաների կանգունով չափած՝ ինը կանգուն էր դրա երկարութիւնը, եւ չորս կանգուն՝ դրա լայնութիւնը:
12. Այդ երկիրն այն ժամանակ ժառանգեցինք Առնոնի ձորի եզերքում գտնուող Արոյներից սկսած: Գաղաադի ձորի կեսն ու նրա քաղաքները տուեցի Ռուբէնի ու Գադի ցեղերին:
13. Գաղաադի մնացած մասն ու ամբողջ Բասանը՝ Օգի թագաւորութիւնը, նաեւ Արգոբի ամբողջ գաւառն ու ամբողջ Բասանը, որը ռափայինեանների երկիր էր համարւում, տուեցի Մանասէի կէս ցեղին:
14. Մանասէի որդի Յայիրը գրաւեց Արգոբի ամբողջ գաւառը մինչեւ Գարգասիի ու Ոմքատիի սահմանները, եւ Բասանն այն իր անունով կոչեց Աւոթիեր, եւ մինչեւ այսօր էլ կոչւում է այդպես:
15. Ես Մաքիրին տուեցի Գաղաադը,
16. իսկ Ռուբէնի ու Գադի ցեղերին տուեցի Գաղաադից մինչեւ Առնոնի ձորն ընկած երկիրը, որի սահմանն անցնում է ձորի միջով եւ հասնում մինչեւ Յաբոկ: Ձորը ամոնացիների սահմանն է:
17. Արաբան ու Յորդանան գետը նրա սահմանն են Քեներեթից մինչեւ Արաբայի ծովը՝ Ադի ծովը, որը գտնուում է Փասգայից արեւելք՝ Ասեդոթում:
18. Այն ժամանակ ես ձեզ պատուիրեցի՝ ասելով. Մեր Տեր Աստուածը այս երկիրը ձեզ տուեց որպէս ժառանգութիւն: Ձեզանից ով խիզախ է, թող սպառնազինուի ու անցնի իր եղբայրների՝ իսրայէլացիների գլուխը:
19. Իսկ ձեր կանայք, երեխաները եւ անասունները (գիտեմ, որ շատ անասուն ունեք) թող բնակուեն ձեր այն քաղաքներում, որ ես տուել եմ ձեզ,
20. մինչեւ որ մեր Տեր Աստուածը տեղաւորի ձեր եղբայրներին, ինչպէս որ ձեզ տեղաւորեց, որպէսզի նրանք էլ ժառանգեն այն երկիրը, որ մեր Տեր Աստուածը տալու է նրանց Յորդանան գետի այն կողմում: Այն ժամանակ կը վերադառնաք ժառանգութիւն ստացած ձեր այն երկիրը, որ ես տուել եմ ձեզ:
21. Այն ժամանակ ես Յեսուկին պատուիրեցի՝ ասելով. Ձեր աչքերով իսկ տեսաք այն

- ամենը, ինչ Տէր Աստուածն արեց այդ երկու թագաւորներին: Տէրը նոյն կերպ կը վարուի բոլոր այն թագաւորութիւնների հետ, որոնց վրայ կը յարձակուես դու:
22. Մի՛ վախեցէք, որովհետեւ մեր Տէր Աստուածն ինքն է պատերազմելու ձեր փոխարէն:
23. Այդ ժամանակ աղաչեցի Տէր Աստծուն՝ ասելով.
24. Տէ՛ր, Տէ՛ր, դու սկսեցիր քո ծառային ցոյց տալ քո մեծութիւնն ու զօրութիւնը, ամուր ձեռքն ու հզօր բազուկը: Երկնքում կամ երկրի վրայ գտնուող այդ ո՞ր աստուածն է, որ կարող է անել այն, ինչ դու արեցիր քո զօրութեամբ:
25. Արդ, շնո՛րի արա, որ անցնեմ, տեսնեմ Յորդանան գետից այն կողմ գտնուող լաւ երկիրը, սքանչելի լեռն ու Անդրլիբանանը:
26. Տէրը ձեր պատճառով զայրացաւ ու ինձ չլսեց: Տէրն ինձ ասաց. Բաւական է, այլեւս ինձ հետ այդ մասին չխօսես:
27. Բարձրացի՛ր Կոփուած լեռան գագաթը, աչքերովդ նայի՛ր ծովի, հիւսիսի, հարաւի ու արեւելքի ուղղութեամբ, աչքերովդ տե՛ս, որովհետեւ Յորդանան գետի այն կողմը չես անցնելու դու:
28. Զո պատուէրները տո՛ւր Յեսուին, զօրացրո՛ւ, քաջալերի՛ր նրան, որովհետեւ նա է անցնելու իմ այդ ժողովրդի գլուխը, եւ նա է քո տեսած երկիրն իբրեւ սեփականութիւն յանձնելու նրանց:
29. Այն ժամանակ մենք հաստատուեցինք հովտում, Փոզորի տան մօտ:

1. Արդ, Իսրայէ՛լ, լսի՛ր այն օրէնքներն ու կանոնները, որ այսօր ուսուցանում եմ քեզ: Դրանք պէտք է կիրառէք, որպէսզի ապրէք, մտնէք ու ժառանգէք այն երկիրը, որ մեր Տէր Աստուածը տալու է ձեզ:
2. Ոչ մի բառ չաւելացնէք իմ ասածին ու ոչ մի բառ չկրճատէք դրանից: Պահպանեցէ՛ք մեր Տէր Աստծու այն պատուիրանները, որ ես պատգամում եմ ձեզ:
3. Դուք ձեր աչքերով տեսաք, թէ Տէրն ինչ արեց Բելփեգորին: Մեր Տէր Աստուածը ձեր միջից վերացրեց նրանց, ովքեր հետեւում էին Բելփեգորին,
4. իսկ դուք, որ յարեցիք ձեր Տէր Աստծուն, բոլորդ էլ կենդանի էք մնացել մինչ այսօր:
5. Տեսէ՛ք, ես ձեզ օրէնք ու կանոն սովորեցրի այնպէս, ինչպէս Տէրն ինձ պատուիրել էր, որպէսզի դրանք կիրառուեն այն երկրում, ուր մտնելու էք ու ժառանգելու այն:
6. Պահպանեցէ՛ք ու կիրառեցէ՛ք այդ պատուիրանները, որովհետեւ դրանց մէջ է ձեր իմաստնութիւնն ու խոհեմութիւնը բոլոր ազգերի առաջ, որոնք լսելով այս բոլոր օրէնքները՝ պիտի ասեն. Ահա՛ւասիկ մի իմաստուն ժողովուրդ, մի խոհեմ ու մեծ ազգ:
7. Որովհետեւ այդ ո՞ր մեծ ազգն է, որի Աստուածն իր մօտ, իր մէջ է, ինչպիսին մեր բոլորի Տէր Աստուածն է, որին կարող ենք դիմել:
8. Եւ այդ ո՞ր մեծ ազգն է, որն ունի այնպիսի արդար օրէնքներ ու կանոններ նման այս օրէնքներին, որ ես այսօր հաղորդում եմ ձեզ:
9. Նայի՛ր ինքդ քեզ եւ եղի՛ր չափազանց զգոյշ. մի՛ մոռացիր այն բոլոր բաները, որ տեսան քո աչքերը. քո կեանքի բոլոր օրերում քո սրտից թող դուրս չգան դրանք: Դրանք կը հաղորդես քո որդիներին ու որդիների որդիներին:
10. Կը պատմես այն օրուայ մասին, երբ ձեր Տէր Աստծու առջեւ ի մի հաւաքուելու համար կանգնեցիք Քորէբում: Այդ ժամանակ Տէրն ինձ ասաց. Քո մարդկանց հաւաքի՛ր ինձ մօտ, որ նրանք լսեն իմ այն պատգամները, որ սովորեցնելու եմ նրանց, որպէսզի, այնքան ժամանակ որ ապրեն նրանք երկրի վրայ, թող երկնչեն ինձանից ու դրանք սովորեցնեն իրենց որդիներին:
11. Դուք, մօտենալով, կանգնեցիք լեռան ստորոտին: Լեռն այրւում էր, եւ կրակը բարձրանում էր մինչեւ երկինք: Խաւար, մեզ ու մառախուղ էր...
12. Տերը կրակի միջից խօսեց ձեզ հետ: Դուք լսեցիք պատգամախօսի ձայնը, բայց նրա կերպարանքը չտեսաք, այլ միայն ձայնը լսեցիք:
13. Նա հաղորդեց իր ուխտը, պատուիրեց, որ կատարէք տասը պատուիրանները, եւ դրանք գրեց քարե երկու տախտակների վրայ:
14. Այդ ժամանակ նա ինձ պատուիրեց, որ ձեզ ուսուցանեմ օրէնքներն ու կանոնները, եւ դուք դրանք կիրառէք այն երկրում, ուր մտնելու էք ու ժառանգելու էք այն:
15. Չափազանց զգո՛յշ եղէք. այն օրը, երբ Տերը Քորէբ լեռան վրայ կրակի միջից խօսում էր ձեզ հետ, դուք նրա կերպարանքը չտեսաք:
16. Անօրէնութիւն մի՛ արեք, կուռքեր չստեղծէք տղամարդու կամ կնոջ կերպարանքով,
17. երկրի վրայ գտնուող որեւէ անասունի կերպարանքով, երկնքի տակ թռչող որեւէ թռչունի կերպարանքով,
18. երկրի վրայ սողացող որեւէ սողունի կերպարանքով, երկրի տակ՝ ջրերի մէջ գտնուող որեւէ ձկան կերպարանքով,
19. կամ դէպի երկինք նայելով. արեգակը, լուսինը, աստղերն ու երկնքի բոլոր զարդերը տեսնելով չմոլորուէք, դրանց չերկրպագէք ու դրանք չպաշտէք: Տէր Աստուածը դրանցից բաժին է հանել երկնքի տակ ապրող բոլոր ժողովուրդներին:
20. Աստուած իր հովանաւորութեամբ ձեզ հանեց երկաթէ հնոցից՝ Եգիպտոսից, որպէսզի լինէք իր սեփական ժողովուրդը, ինչ որ է՛ք մինչեւ այսօր:
21. Տերը ձեր ասած խօսքերի համար բարկացաւ ինձ վրայ եւ երդուեց, որ ես չեմ անցնի Յորդանան գետի այն կողմը եւ չեմ մտնի այն երկիրը, որ քո Տէր Աստուածը տալու է քեզ իբրեւ ժառանգութիւն:
22. Արդ, ես ահա մեռնում եմ այս երկրում՝ առանց անցնելու Յորդանան գետի այն



կողմը: Դուք, սակայն, պիտի անցնեք ու ժառանգեք այդ լաւ երկիրը:

23. Չգոյ՛ջ եղէք, չլինի թէ մոռանաք մեր Տէր Աստծու ձեզ տուած այն ուխտը, թէ՛ Որեւէ արարածի կերպարանք ունեցող կուռք չստեղծե՛ք ձեզ համար: Դա պատուիրել է քեզ քո Տէր Աստուածը,

24. որովհետեւ քո Տէր Աստուածը լափող կրակ է, նախանձոտ Աստուած:

25. Եթէ որդիներ, որդիների որդիներ ծնես ու այդ երկրում երկար ժամանակ ապրես եւ անօրինութիւն անես՝ որեւէ արարածի կերպարանքով կուռք ստեղծես, ձեր Տէր Աստծուն բարկացնելու համար չար գործեր կատարես,

26. ապա այսօր երդուում եմ ձեզ երկինքն ու երկիրը վկայ, որ կը վերանաք Յորդանան գետի այն կողմում գտնուող երկրից, ուր դուք գնում էք, որպէսզի ժառանգեք այն: Երկար կեանք չէք ունենայ այդտեղ, անպայման կը կոտորուէք:

27. Տէրը ձեզ կը ցրի բոլոր ազգերի մէջ, սակաւաթիւ կը լինեք այն ազգերի մէջ, ուր Տէրը կը տանի ձեզ:

28. Այնտեղ կը պաշտեք մարդու ձեռքով կերտուած ուրիշ աստուածներ՝ փայտից ու քարից պատրաստուած, որոնք ո՛չ տեսնում են, ո՛չ լսում, ո՛չ ուտում են եւ ո՛չ էլ հոտառութիւն ունեն:

29. Եթէ այնտեղ նեղութեան մէջ գտնուելով ձեր ամբողջ հոգով ու եռութեամբ ցանկանաք փնտռել ու գտնել ձեր Տէր Աստծուն, ապա նրան կը գտնեք:

30. Այս բոլորը իրականութիւն կը դառնայ վերջին օրերին, եւ դու կը դիմես քո Տէր Աստծուն, կը լսես նրա ձայնը,

31. որովհետեւ Աստուած ողորմած է. նա քեզ չի լքի ու քեզ չի կործանի, չի մոռանայ քո հայրերին տուած եւ երդումով հաստատած ուխտը:

32. Երկնքի մի ծայրից սկսած մինչեւ երկնքի միւս ծայրը հարցրե՛ք ձեզանից առաջ եղած այս օրերի մասին (երբ Աստուած մարդ էր ստեղծել երկրի վրայ), թէ՛ Այսպիսի մեծ բան կատարուե՞լ է, թէ՛ Այսպիսի բան լսուե՞լ է,

33. թէ՛ Մի որեւէ ազգ կրակի միջից խօսող կենդանի Աստծու ձայնը լսե՞լ է, ինչպէս դու լսեցիր ու կենդանի մնացիր,

34. թէ՛ Աստուած յօժա՞ր էր մտնել ու ազգերի միջից իր համար ազգ ընտրել փորձութեամբ, նշաններով, հնարքներով, պատերազմով, ամուր ձեռքով ու հզօր բազկով, մեծամեծ տեսիլներով՝ այն բոլոր միջոցներով, որ մեր Տէր Աստուածը գործադրեց Եգիպտոսում քո իսկ առջեւ, որպէսզի տեսնես:

35. Ուստի պետք է իմանաս, որ նա է Տէր Աստուածը, եւ նրանից բացի այլ Աստուած չկայ:

36. Երկնքից լսելի եղաւ նրա խօսքը, որպէսզի խրատի քեզ, երկրի վրայ ցոյց տուեց քեզ իր մեծ կրակը, եւ դու կրակի միջից լսեցիր նրա պատգամները,

37. որովհետեւ նա սիրում է քո հայրերին: Նա բոլոր ազգերի միջից նախընտրեց նրանց յետնորդներին՝ ձեզ, եւ ինքն իր մեծ զօրութեամբ քեզ հանեց Եգիպտոսից,

38. որպէսզի դու հալածես մեծամեծ ու քեզանից հզօր ազգեր, որպէսզի նա քեզ տանի ու իբրեւ սեփականութիւն քեզ տայ նրանց երկիրը, մի բան, որ դու ունես այսօր:

39. Արդ, իմացի՛ր այսօր եւ ի մտի ունեցիր, որ քո Տէր Աստուածը Աստուած է վերելում երկնքում, եւ ներքելում երկրի վրայ, եւ նրանից բացի այլ Աստուած չկայ:

40. Պահպանի՛ր նրա օրէնքներն ու պատուիրանները, որոնք ես պատգամում եմ քեզ այսօր, որպէսզի լաւ լինի քեզ ու քեզանից յետոյ գալիք քո որդիների համար, որպէսզի երկար ժամանակ մնաս այն երկրում, որ Տէր Աստուածը առ միշտ քեզ է տալու:

41. Այն ժամանակ Մովսէսը Յորդանան գետի այն կողմում, արեւելեան մասում առանձնացրեց երեք քաղաքներ,

42. որպէսզի այնտեղ փախչի այն մարդասպանը, որ իր մերձաւորին սպանում է անգիտութեամբ, եւ որին չէր ատում նախապէս, որպէսզի նա ընկնելով այդ քաղաքներից մէկումէկը՝ կարողանայ իր կեանքը փրկել:

43. Դրանք են՝ Ռուբէնի երկրի դաշտում գտնուող անապատային Բոսոր քաղաքը, Գադի երկրի Գաղաադում գտնուող Ռամոթ քաղաքը եւ Մանասէի երկրի Բասանում գտնուող

Գաղոն քաղաքը:

44. Սա է այն օրենքը, որ Մովսեսը հաղորդեց իսրայելացիներին:

45. Սրանք են այն պատուիրանները, օրենքներն ու կանոնները, որ Մովսեսը յայտնեց իսրայելացիներին, երբ սրանք դուրս էին գալիս Եգիպտացիների երկրից,

46. Յորդանանի գետի այն կողմում, Փոզորի տան մօտ գտնուող ձորում, Եսեբոնում ապրող ամորհացիների արքայ Սեհոնի երկրում, եւ որի բնակիչներին սպանել էին Մովսեսն ու իսրայելացիները, երբ սրանք դուրս էին գալիս Եգիպտացիների երկրից:

47. Իսրայելացիները գրաւեցին ամորհացի երկու թագաւորների՝ Սեհոնի երկիրն ու Բասանի Օգ թագաւորի երկիրը, որոնք գտնւում էին Յորդանան գետից այն կողմ՝ արեւելեան մասում,

48. Առնոնի ձորի եզերքին գտնուող Արոյերից սկսած մինչեւ Սեհոնի լեռը, այսինքն՝ Հերմոնը,

49. ամբողջ Արաբան, որ գտնւում է Յորդանան գետից այն կողմ՝ արեւելեան մասում, մինչեւ Արաբայի ծովը՝ Կոփածոյ լեռան ստորոտը:

1. Մովսեսը կանչեց բոլոր իսրայելացիներին եւ ասաց նրանց. Իսրայէ՛լ, լսի՛ր այն օրէնքներն ու կանոնները, որ ես այսօր հաղորդելու եմ քեզ: Մովորեցէ՛ք եւ հետեւէ՛ք, որ կիրառէք դրանք:
2. Մեր Տէր Աստուածը ուխտ արեց ձեզ Քորեբում:
3. Տերն այդ ուխտը արեց ոչ թէ ձեր հայրերին, այլ՝ ձեզ, իսկ դուք բոլորդ կենդանի էք այսօր:
4. Տերը դեմ յանդիման խօսեց ձեզ հետ լեռան վրայ, կրակի միջից:
5. Ես այն ժամանակ կանգնած էի Տիրոջ ու ձեր միջեւ, որպէսզի ձեզ յայտնեմ Տիրոջ պատգամները, որովհետեւ դուք վախճնում էիք կրակից ու լեռը չբարձրացաք: Տերն ասաց.
6. Ես եմ քո Տէր Աստուածը, որ քեզ դուրս բերեց Եգիպտացիների երկրից՝ ստրկութեան տնից:
7. Իմ աչքի առջեւ օտար աստուածներ չունենաս,
8. վերելում երկնքում, ներքեւում երկրի վրայ, երկրի տակ՝ ջրերի մէջ գոյութիւն ունեցող որեւէ արարածի կերպարանքով քեզ համար կուռքեր չչինես,
9. դրանց չերկրպագես ու դրանց չծառայես, որովհետեւ ես եմ քո Տէր Աստուածը՝ մի նախանձոտ Աստուած: Ես հայրերի գործած մեղքերի համար հատուցում եմ պահանջում նրանց որդիներից, ինձ ատողների երրորդ ու չորրորդ սերունդներից:
10. Դրա փոխարէն ես ողորմածութիւն եմ ցուցաբերում ինձ սիրողների ու իմ հրամանները կատարողների հազար սերունդների նկատմամբ:
11. Քո Տէր Աստծու անունը սուտ բանի համար չարտասանես, որովհետեւ քո Տէր Աստուածը չի արդարացնի նրան, ով իր անունը սուտ բանի համար է արտասանում:
12. Հետեւի՛ր, որ շաբաթ օրը սուրբ պահես, ինչպէս պատուիրել է քեզ քո Տէր Աստուածը:
13. Վեց օր կ'աշխատես եւ կը կատարես քո բոլոր գործերը,
14. իսկ եօթներորդ օրը քո Տէր Աստծու շաբաթ օրն է. դու, քո տղան ու աղջիկը, քո ծառան ու աղախինը, քո եզը, էշն ու բոլոր անասունները, քո յարկի տակ գտնուող եկուորը այդ օրը ոչ մի գործ չպետք է անես, որովհետեւ քո ծառան ու աղախինը պետք է հանգստանան, ինչպէս եւ դու:
15. Յիշի՛ր, որ դու էլ ստրուկ էիր Եգիպտացիների երկրում, եւ քո Տէր Աստուածը այնտեղից քեզ դուրս բերեց ամուր ձեռքով ու հզօր բազկով, որի համար քո Տէր Աստուածը քեզ պատուիրեց պահել շաբաթ օրն ու սրբագործել այն:
16. Պատուիր քո հօրն ու քո մօրը, ինչպէս պատուիրել է քեզ քո Տէր Աստուածը, որպէսզի լաւ լինի քեզ համար, եւ երկար ապրես այն երկրի վրայ, որ քո Տէր Աստուածը տալու է քեզ:
17. Մի՛ շնացիր:
18. Մի՛ սպանիր:
19. Մի՛ գողացիր:
20. Քո մերձաւորի մասին սուտ վկայութիւն մի՛ տուր:
21. Քո մերձաւորի կնոջը մի՛ ցանկացիր. աչք մի՛ ունեցիր ո՛չ քո ընկերոջ տան, ո՛չ նրա հանդի, ո՛չ նրա ծառայի, ո՛չ նրա աղախնի, ո՛չ նրա եզան, ո՛չ նրա էշի, ո՛չ նրա որեւէ անասունի, ո՛չ այն ամէնի վրայ, ինչ քո մերձաւորին է պատկանում:
22. Տերը կրակի միջից բարձր ձայնով այս պատգամները յղեց ձեր ժողովրդին լեռան վրայ, որը խաւարով, մեզով ու մառախուղով էր պատուած, եւ այլեւս ոչինչ չաւելացրեց: Նա դրանք գրեց քարե երկու տախտակների վրայ ու տուեց ինձ:
23. Երբ դուք կրակի միջից ձայնը լսեցիք, եւ լեռը բորբոքուած էր կրակով, ձեր ցեղերի իշխաններն ու ձեր ծերերը ինձ մօտենալով՝ ասացին.
24. Տէր Աստուածը, ահա, մեզ ցոյց տուեց իր փառքն ու իր մեծութիւնը, նրա ձայնը լսեցինք կրակի միջից: Այդ օրը համոզուեցինք, որ Աստուած է խօսում մարդու հետ, եւ

մարդը կենդանի է մնում:

25. Արդ, չմեռնենք, որովհետեւ այս մեծ կրակը մեզ կը սպանի. եթէ միւս անգամ դարձեալ լսենք մեր Տէր Աստծու ձայնը, ապա կը մեռնենք:

26. Որովհետեւ միս ու արիւնից կազմուած այդ ո՞ր մարդն է, որ կրակի միջից լսել է կենդանի Աստծու ձայնը, ինչպէս մենք ենք լսել, ու կենդանի է մնացել:

27. Մօտեցի՛ր ու լսի՛ր, ինչ որ մեր Տէր Աստուածը կ'ասի եւ մեզ հաղորդի՛ր այն ամէնը, ինչ մեր Տէր Աստուածը կ'ասի քեզ: Մենք կը լսենք ու կը կատարենք:

28. Տէրը լսեց ինձ ասած ձեր խօսքերը, եւ Տէրն ասաց ինձ. Լսեցի ժողովրդի այն խօսքերը, որ ասացին քեզ: Նրանք ամէն ինչ ճիշտ ասացին:

29. Ո՞վ կարող է նրանց սրտերը այնպէս անել, որ երկնչեն ինձանից ու պահեն իմ պատուիրանները բոլոր օրերում, որպէսզի յաւիտեան լաւ լինի նրանց ու նրանց որդիների համար:

30. Արդ, գնա՛ եւ ասա՛ նրանց. Վերադարձե՛ք ձեր տները:

31. Դու մնա՛ այստեղ, ինձ մօտ, որպէսզի քեզ հաղորդեմ այն պատուիրանները, օրէնքներն ու կանոնները, որ պիտի սովորեցնես նրանց, եւ նրանք պիտի գործադրեն այն երկրում, որ ես նրանց տալու եմ իբրեւ ժառանգութիւն:

32. Հետեւեցէ՛ք, որ դրանք գործադրեք այնպէս, ինչպէս պատուիրել է ձեզ ձեր Տէր Աստուածը: Չշեղուէք ո՛չ աջ, ո՛չ ձախ,

33. գնացէ՛ք այն ճանապարհով, որ պատուիրել է ձեզ մեր Տէր Աստուածը, որպէսզի տեղաւորի ձեզ ու բարիք գործի ձեզ համար, եւ դուք երկար ապրեք այն երկրում, որ ստանալու էք իբրեւ ժառանգութիւն:

1. Սրանք են այն պատուիրանները, օրենքներն ու կանոնները, որ մեր Տեր Աստուածը հրամայեց ուսուցանել ձեզ, որպեսզի դրանք գործադրեք այն երկրում, ուր պիտի մտնեք իբրեւ ժառանգութիւն ստանալու համար:
2. Դու, քո որդիներն ու քո որդիների որդիները ձեր կեանքի բոլոր օրերին պետք է երկնչեք մեր Տեր Աստծուց, պետք է պահեք նրա բոլոր օրենքներն ու կանոնները, որ ես պատգամում եմ ձեզ այսօր, որպեսզի երկար ապրեք:
3. Լսի՛ր, Իսրայէ՛լ, եւ հետեւի՛ր, որ կատարես դրանք, որպեսզի լաւ լինի քեզ համար, ու դուք չափազանց բազմանաք, ինչպէս քո հայրերի Աստուածն է խոստացել, որպեսզի նա քեզ տայ այն երկիրը, ուր կաթ ու մեղր է հոսում: Սրանք են այն օրենքներն ու կանոնները, որ Մովսէսն անապատում հաղորդեց իսրայէլացիներին, երբ նրանք դուրս էին գալիս Եգիպտացիների երկրից:
4. Մովսէսն այնուհետեւ շարունակեց. Լսի՛ր, Իսրայէ՛լ, մեր Տեր Աստուածը մէկ Տեր է:
5. Քո Տեր Աստծուն պիտի սիրես քո ամբողջ հոգով, քո ամբողջ եռլթեամբ ու քո ամբողջ ուժով:
6. Այս պատգամները, որ այսօր հաղորդում եմ քեզ, կը պահես մտքիդ ու հոգուդ մէջ:
7. Դրանք կը հաղորդես քո որդիներին եւ դրանց մասին կը խօսես, երբ տանը նստած ես, ճանապարհ գնալիս, պառկելիս ու վեր կենալիս:
8. Դրանք որպէս նշան կը կապես քո ձեռքին, որ մնան անշարժ քո աչքերի առջեւ,
9. դրանք կը գրես քո տների մուտքին ու դռների վրայ:
10. Եւ երբ քո Տեր Աստուածը քեզ տանի այն երկիրը, որ երդուեց տալ քո հայր Աբրահամին, Իսահակին ու Յակոբին, եւ քեզ տայ մեծամեծ ու գեղեցիկ քաղաքներ, որոնք դու չես կառուցել,
11. ամէն տեսակի բարիքներով լցուած տներ, որոնք դու չես լցրել, փորուած ջրհորներ, որոնք դու չես բացել, այգիներ ու ձիթաստաններ, որոնք դու չես տնկել,
12. եւ ուտես ու յագենաս,
13. ապա այն ժամանակ զգո՛յշ եղի՛ր, որ չմոռանաս Եգիպտացիների երկրից՝ ստրկութեան տնից քեզ դուրս բերած քո Տեր Աստծուն: Երկնչի՛ր քո Տեր Աստծուց, միայն նրա՛ն պաշտիր, նրա՛ն հետեւիր ու նրա՛ն անունով երդուիր:
14. Օտար աստուածների, ձեր շուրջը գտնուող ժողովուրդների աստուածների յետեւից մի՛ գնա,
15. որովհետեւ քո Տեր Աստուածը որ ձեր մէջ է, նախանձոտ Աստուած է: Այնպէս չի՛նի, որ քո Տեր Աստուածը սրտմտելով բարկանայ ու քեզ վերացնի երկրի երեսից:
16. Քո Տեր Աստծուն մի՛ փորձիր, ինչպէս փորձեցիք Փորձութեան վայրում:
17. Անսասա՛ն պահիր քո Տեր Աստծու քեզ հաղորդած պատուիրանները, օրենքներն ու կանոնները:
18. Կատարի՛ր այն, ինչ բարի ու հաճելի է քո Տեր Աստծու առջեւ, որպեսզի լաւ լինի քեզ համար, եւ դու մտնես ու ժառանգես այն լաւ երկիրը, որ Տերը երդուեց տալ մեր հայրերին,
19. որպեսզի նա հալածի բոլոր թշնամիներին քո առջեւից, ինչպէս ասել է:
20. Եւ երբ վաղը քո որդին քեզ հարցնի ու ասի, թե՛ Այդ ի՞նչ պատուիրաններ, օրենքներ ու կանոններ են, որ մեր Տեր Աստուածը պատուիրել է մեզ,
21. ապա քո որդուն կ'ասես. Եգիպտոսում փարաւոնի ստրուկներն էինք մենք, եւ Տեր Աստուածը ամուր ձեռքով ու հզօր բազկով մեզ դուրս բերեց այնտեղից:
22. Տերը Եգիպտացիների երկրում փարաւոնի ու նրա տան վրայ մեր ներկայութեամբ սոսկալի նշաններ եւ մեծագործութիւններ արեց:
23. Նա մեզ դուրս բերեց այդտեղից, որպեսզի բերի այստեղ, մեզ տայ այն երկիրը, որ երդուել էր տալ մեր հայրերին:
24. Տերը մեզ պատուիրեց գործադրել բոլոր այս օրենքները, յաւիտեանս երկնչել մեր Տեր Աստծուց, որպեսզի լաւ լինի մեզ համար մեր կեանքի բոլոր օրերում, եւ ապրենք, ինչպէս

որ ապրում ենք այսօր:

25. Մեզ համար ողորմածութիւն կը լինի, եթէ հետեւենք, որ մեր Տէր Աստծու առջեւ գործադրուեն բոլոր այս պատուիրանները, ինչպէս որ Տէրը կարգադրել է մեզ:

1. Երբ քո Տեր Աստուածը քեզ տանի այն երկիրը, ուր պիտի մտնես այն ժառանգելու համար, եւ քո առջեւից հալածի մեծ ու բազմաթիւ ազգերին՝ քետացիներին, գերգեսացիներին, ամորիացիներին, քանանացիներին, փերեզացիներին, խեւացիներին ու յեբուսացիներին՝ քեզանից մեծ ու հզօր եօթը ազգերին,
2. եւ քո Տեր Աստուածը նրանց մատնի քո ձեռքը, կը հարուածես, կ'ոչնչացնես նրանց: Նրանց հետ ուխտ չդնես եւ նրանց չխնայես:
3. Նրանց հետ խնամութիւն չհաստատես. քո աղջկան նրա որդուն չտաս, նրա աղջկան քո որդու համար կին չառնես,
4. որովհետեւ քո որդուն իմ դէմ կ'ապստամբեցնեն. նա օտար աստուածներ կը պաշտի, եւ Տերը սաստիկ կը բարկանայ ձեզ վրայ ու անմիջապէս կը կոտորի ձեզ:
5. Այսպէս կը վարուէք նրանց հետ. քարուքանդ կ'անէք նրանց բազինները, ջարդուփշուր կ'անէք նրանց արծանները, կը կոտորէք նրանց անտառները, կրակի կը մատնէք նրանց կուռքերը:
6. Դու ես քո Տեր Աստուծու սուրբ ժողովուրդը, եւ քո Տեր Աստուածը քեզ է ընտրել, որ դու լինես իր սեփական ժողովուրդը, քան թէ երկրի վրայ ապրող մնացած բոլոր ազգերը:
7. Տերը բարեհաճեց ու ընտրեց ձեզ ոչ նրա համար, որ դուք բոլոր ազգերից բազմամարդ էք, քանի որ դուք բոլոր ազգերից սակաւաթիւ էք,
8. այլ նրա համար, որ Տերը սիրում էր ձեզ եւ ուզում էր պահել այն երդումը, որ նա տուել էր ձեր հայրերին: Տերն ամուր ձեռքով ու հզօր բազկով ձեզ դուրս բերեց, ձեզ փրկեց ստրկութեան տնից՝ եգիպտացիների արքայ փարաւոնի ձեռքից:
9. Պետք է իմանաս, որ քո Տեր Աստուածն է Աստուածը, հաւատարիմ Աստուածը: Նա պահում է իրեն սիրող եւ իր պատուիրանները պահող մարդկանց հետ արած ուխտն ու ողորմածութիւնը մինչեւ հազար սերունդ,
10. իսկ իրեն ատողներին փոխհատուցում է՝ նրանց սպանելով: Նա իրեն ատողներին պատժում է առանց յապաղելու, ուղղակի փոխհատուցում նրանց:
11. Պետք է պահես քեզ հաղորդած իմ պատուիրանները, օրէնքներն ու կանոնները:
12. Եթէ ենթարկուես այս բոլոր օրէնքներին եւ պահես ու գործադրես դրանք, ապա քո Տեր Աստուածը կը կատարի իր արած ուխտն ու ողորմածութիւնը, ինչպէս որ երդուել է մեր հայրերին:
13. Նա կը սիրի, կ'օրհնի ու կը բազմացնի քեզ: Նա կ'օրհնի քո որովայնի ծնունդները, քո երկրի բերքը՝ ցորենը, գինին ու իւղը, քո արջառների նախիրները, քո ոչխարների հօտերը այն երկրում, որ երդուեց Տերը տալ քո հայրերին:
14. Օրհնեալ կը լինես դու, քան բոլոր ազգերը: Դու եւ քո անասունները ամուլ ու ստերջ չէք լինի:
15. Տերը քեզանից կը վերացնի բոլոր հիւանդութիւնները: Եգիպտացիների բոլոր սոսկալի ցաւերը, որոնք դու տեսար եւ իմացար, Տերը քեզ վրայ չի բերի, այլ դրանք կը տայ քո թշնամիներին եւ բոլոր քեզ ատողներին:
16. Դու կը սպառես աւարն այն բոլոր ազգերի, որոնց քո ձեռքն է մատնել քո Տեր Աստուածը: Քո աչքը թող չխնայի նրանց, եւ չպաշտես նրանց կուռքերը, որովհետեւ նրանք քեզ համար որոգայթ են:
17. Եթէ քո մտքում ասես, թէ՛ Այդ ազգի մարդիկ մեզանից շատ են, ես ինչպե՞ս կարող եմ կոտորել նրանց,
18. ապա մի՛ վախեցիր նրանցից: Լաւ յիշի՛ր, թէ քո Տեր Աստուածը ինչ բերեց փարաւոնի, նրա ծառաների ու բոլոր եգիպտացիների գլխին.
19. ինչպիսի մեծամեծ փորձանքներ, որ քո աչքերը տեսան, ինչպիսի նշաններ, մեծագործութիւններ, որ նա արեց ամուր ձեռքով եւ հզօր բազկով: Ինչպէս որ քո Տեր Աստուածը քեզ դուրս բերեց այնտեղից, նոյնը կ'անի քո Տեր Աստուածը այն բոլոր ազգերի նկատմամբ, որոնցից վախենում ես դու:
20. Քո Տեր Աստուածը նրանց վրայ իշամեղուններ կ'ուղարկի, մինչեւ որ կոտորուեն

վերապրողները եւ նրանք, որ թաքնուել են քեզանից:

21. Մի՛ վախեցիր նրանց ներկայութիւնից, որովհետեւ քո մեծ ու հզօր Տէր Աստուածը քո մէջ է:

22. Քո Տէր Աստուածը այդ ազգերին քո ներկայութիւնից կը վերացնի սակաւ առ սակաւ: Դու չես կարող նրանց միանգամից կոտորել, որպէսզի երկիրն ամայի չդառնայ, եւ անապատի գազանները չբազմանան քո շուրջը:

23. Քո Տէր Աստուածը նրանց կը յանձնի քո ձեռքը եւ նրանց կը կոտորի մեծ պատուհասների մատնելով, մինչեւ որ մեջտեղից վերացնի նրանց:

24. Նա նրանց թագաւորներին կը յանձնի քո ձեռքը, եւ դու նրանց անունները կը ջնջես երկրի երեսից: Ոչ ոք չի կանգնի քո դէմ, մինչեւ որ բնաջնջես նրանց:

25. Նրանց կռածոյ աստուածները կ'այրես հրով: Դրանց վրայ եղած արծաթի ու ոսկու վրայ աչք չունենաս, չվերցնես դրանք, որպէսզի դրանով մեղք գործած չլինես. դա քո Տէր Աստծու համար գարշելի է:

26. Այդպիսի պիղծ բան չտանես քո տունը, որպէսզի դու էլ դրա նման նզովուած չլինես: Դու պետք է բոլորովին զգուես եւ պիղծ համարես դա, որովհետեւ դա նզովուած է:



1. Տեսէ՛ք, որ կատարուեն ձեզ հաղորդած իմ բոլոր պատուիրանները, որպէսզի ապրեք, բազմապատկուեք, մտնեք ու ժառանգեք այն երկիրը, որ Տէրը երդուեց տալ մեր հայրերին:
2. Յիշի՛ր այն ամբողջ ճանապարհը, որով Տէրը քեզ առաջնորդեց անապատի միջով, որպէսզի քեզ տանջելով փորձի ու իմանայ, թէ ինչ կայ քո սրտում, թէ պահո՞ւմ ես նրա պատուիրանները, թէ՞ ոչ:
3. Նա տանջեց քեզ, սովահար արեց, կերակրեց քեզ մանանայով, որին ծանօթ չէիր, եւ որին ծանօթ չէին նաեւ քո հայրերը, որպէսզի քեզ ցոյց տայ, թէ մարդը միայն հացով չէ, որ ապրում է, այլ մարդն ապրում է նաեւ այն ամեն խօսքով, որ ելնում է Աստծու բերանից:
4. Քո զգեստները չմաշուեցին, քո ոտքերը քառասուն տարի կոշտուկներով չպատուեցին:
5. Հոգուդ մէջ պիտի համոզուես, որ ինչպէս մարդ խրատում է իր որդուն, այնպէս էլ քո Տէր Աստուածը պիտի խրատի քեզ:
6. Պահի՛ր քո Տէր Աստծու պատուիրանները, որպէսզի գնաս նրա ճանապարհներով եւ երկիւղ կրես նրանից:
7. Քո Տէր Աստուած քեզ կը տանի լաւ ու բերրի մի երկիր, ուր ջրերի վտակներ ու երկրի խորքերից աղբիւրներ են բխում դաշտերում ու լեռներում:
8. Դա ցորենի, գարու եւ գինու, այգիների ու նոնենիների երկիր է, ձիթենիների, իւղի ու մեղրի երկիր,
9. ուր առանց նեղութիւն զգալու քո հացը պիտի ուտես եւ նրանում ոչ մի բանի կարօտ պիտի չլինես: Դա մի երկիր է, որի քարերը երկաթ են, իսկ նրա լեռներից կարող ես պղինձ ստանալ:
10. Կ'ուտես, կը յագենաս ու կ'օրհնես քո Տէր Աստծուն այն լաւ երկրում, որ նա տուել է քեզ:
11. Չգո՛յշ եղիր, չլինի թէ մոռանաս քո Տէր Աստծուն, չպահես նրա պատուիրանները, նրա այն կանոններն ու օրէնքները, որ ես հաղորդում եմ քեզ:
12. Այնպէս չլինի, որ ուտելուց ու կշտանալուց յետոյ, գեղեցիկ տներ կառուցելուց ու դրանց մէջ բնակուելուց յետոյ,
13. քո արջառն ու ոչխարը բազմանալուց յետոյ, քո արծաթն ու ոսկին շատանալուց յետոյ, քո ունեցած ամեն ինչը բազմանալուց յետոյ,
14. գոռոգամտանաս ու մոռանաս քո Տէր Աստծուն, որը քեզ դուրս բերեց Եգիպտացիների երկրից՝ ստրկութեան տնից,
15. քեզ անցկացրեց մեծ ու ահագոյն անապատի միջով, ուր օձն ու կարիճն են խայթում, ծարաւը տանջում, ուր ջուր չկար, բայց նա քեզ համար ապառաժ քարից ջրի աղբիւր բխեցրեց:
16. Նա քեզ անապատում կերակրեց քո հայրերին անծանօթ մանանայով, որպէսզի քեզ տանջի ու փորձի եւ վերջում բարութիւն անի քեզ:
17. Մի՛ ասա քո մտքում, թէ՛ Իմ ուժով ու ձեռքի զօրութեամբ եմ տիրացել ես այս մեծ հարստութեան,
18. այլ յիշի՛ր քո Տէր Աստծուն, որովհետեւ նա է քեզ ուժ տալիս այդ հարստութեան հասնելու համար, որպէսզի հաստատի իր այն ուխտը, որ դրել է քո հայրերի հետ, ինչպէս տեսնում ես այսօր:
19. Եթէ պատահի, որ մոռանաս քո Տէր Աստծուն, գնաս օտար աստուածների յետեւից, ծառայես ու երկրպագես դրանց, ապա այսօր երդւում եմ երկնքով ու երկրով, որ դուք անհետ կը կորչեք:
20. Եթէ չլսեք ձեր Տէր Աստծու ձայնը, կը կորչեք այնպէս, ինչպէս կորան միւս ազգերը, որոնց վերացրեց Տէրը ձեր առջեւից:

1. Լսի՛ր, Իսրայէ՛լ: Այսօր դու անցնում ես Յորդանան գետից այն կողմ, որպեսզի մտնես ու նուաճես քեզանից մեծ ու հզոր ժողովուրդներ, մեծամեծ ու միևեխ երկինք հասնող պարսպապատ քաղաքներ,
2. մեծ, բազմամարդ ու բարձրահասակ մի ժողովուրդ՝ Ենակի յետնորդներին, որոնց դու ինքդ ճանաչում ես: Դու լսել ես այն խօսքը, թե՛ Ո՞վ կարող է դեմ կանգնել Ենակի յետնորդներին:
3. Դու այսօր կ'իմանաս, որ քո Տէր Աստուածն ինքը, որպես լափող կրակ, գնալու է քո առջեւից: Նա կոտորելու է, ոչնչացնելու է նրանց քո աչքի առջեւ, կոտորելու է նրանց ու ոչնչացնելու անմիջապէս, ինչպէս որ ասաց քեզ Տէրը:
4. Երբ քո Տէր Աստուածը քո առջեւ սպանի նրանց, քո մտքում մի՛ ասա, թե՛ Իմ արդար լինելու համար է, որ Տէրը ինձ բերել է այստեղ, որպեսզի ժառանգեմ այս լաւ երկիրը: Ոչ թէ քո արդար լինելու, այլ այդ ազգերի ամբարիշտ լինելու համար է, որ քո Տէր Աստուածը կոտորում է նրանց քո աչքի առջեւ:
5. Ոչ թէ քո արդար լինելու եւ քո հոգու մաքուր լինելու համար ես մտնում նրանց երկիրը, որպեսզի ժառանգես այն, այլ այդ ազգերի անօրէնութեան համար է քո Տէր Աստուածը վերացնում նրանց քո առջեւից, որպեսզի հաստատի մեր հայրերին՝ Աբրահամին, Իսահակին ու Յակոբին երդումով արած իր ուխտը:
6. Դու այսօր կ'իմանաս, թէ քո արդար լինելու համար չէ, որ քո Տէր Աստուածը իբրեւ ժառանգութիւն քեզ լաւ երկիր է տալիս, որովհետեւ դու կամակոր ժողովուրդ ես:
7. Յիշի՛ր, մի՛ մոռացի՛ր, թէ որքան ես անապատում բարկացրել քո Տէր Աստծուն: Այն օրից սկսած, ինչ դուրս եկաք Եգիպտացիների երկրից ու ելաք միևեխ այս վայրը, ըմբոստանալով էիք գալիս տերունական այս վայրը:
8. Քորեբում բարկացրիք Տիրոջը, եւ Տէրը զայրացաւ ձեզ կոտորելու աստիճան,
9. երբ ես լեռն էի բարձրանում, որպեսզի ստանամ քարե տախտակները, ուխտի այն տախտակները, որ Տէրը խոստացել էր տալ ձեզ: Ես քառասուն օր, քառասուն գիշեր մնացի լեռան վրայ, հաց չկերայ, ջուր չխմեցի:
10. Տէր Աստուածն ինձ տուեց իր իսկ ձեռքով գրած քարե երկու տախտակներ: Դրանց վրայ գրուած էին բոլոր այն պատգամները, որ Տէրը լեռան վրայ հաղորդել էր ձեր հաւաքի օրը:
11. Քառասուն օր, քառասուն գիշեր յետոյ Տէրն ինձ տուեց քարե երկու տախտակները՝ ուխտի տախտակները:
12. Տէրն ինձ ասաց. Վե՛ր կաց, շուտ իջի՛ր այստեղից, որովհետեւ անօրէն դարձաւ Եգիպտոսից քո դուրս բերած ժողովուրդը: Նրանք արդէն շեղուել են այն ուղուց, որ պատուիրել էիր նրանց, եւ իրենց համար ծուլածոյ կուռքեր են պատրաստել:
13. Տէրն ինձ ասաց. Քեզ հետ խօսել եմ մէկ անգամ, երկու անգամ ու ասում եմ. 'Տեսայ քո այդ ժողովուրդին. այդ ժողովուրդը կամակոր է:
14. Թո՛յլ տուր ինձ, որ կոտորեմ նրանց, նրանց անունը ջնջեմ երկրի երեսից եւ քեզ անելի մեծ, հզոր ու բազմամարդ ազգ դարձնեմ, քան նրանք են':
15. Ես դարձեալ իջայ լեռից՝ երկու տախտակներն իմ ձեռքին, իսկ լեռը բորբոքուած էր կրակով:
16. Տեսնելով, որ մեր Տէր Աստծու առջեւ մեղք էք գործել՝ ձեզ համար ծուլածոյ կուռքեր էք պատրաստել, շեղուել էք այն ուղուց, որ Տէրն էր պատուիրել,
17. վերցրի իմ ձեռքի երկու տախտակները եւ ձեր աչքի առջեւ ջարդուփշուր արեցի:
18. Առաջինի նման երկրորդ անգամ քառասուն օր, քառասուն գիշեր Տիրոջ առջեւ աղաչեցի, հաց չկերայ, ջուր չխմեցի ձեր գործած բոլոր մեղքերի քաւութեան համար, որովհետեւ մեր Տէր Աստծու առջեւ չար գործեր էիք կատարել ու բարկացրել նրան:
19. Ես վախճնում էի նրա բարկութիւնից ու զայրոյթից, որովհետեւ Տէրը բարկացել էր ձեզ վրայ ձեզ կոտորելու աստիճան: Այս անգամ էլ լսեց ինձ Տէրը:
20. Նա խիստ բարկացել էր նաեւ Ահարոնի վրայ, ուզում էր սպանել նրան: Ես այս

անգամ էլ աղօթեցի Ահարոնի համար,

21. ձեր գործած մեղքը՝ հորթը վերցրի ու այրեցի կրակով, փշուր-փշուր արեցի ու մանրեցի այն աստիճան, որ մանր փոշու վերածուեց: Այդ փոշին ես լցրի լեռից իջնող վտակի մեջ:

22. Դուք ձեր Տեր Աստծուն բարկացրել էք Կրակի, Փորձութեան ու Ցանկութեան գերեզմանի մեջ:

23. Եւ երբ Տերը ձեզ ուղարկեց Կադեսբառնեայից, ասաց. Ելէ՛ք ու ժառանգեցէ՛ք այն երկիրը, որ տալու եմ ձեզ, դուք չէիք հնազանդուել ձեր Տեր Աստծու խօսքին, չէիք հաւատացել նրան, Տիրոջ ձայնին չէիք անսացել:

24. Դուք Տիրոջ հրամանին անհնազանդ էիք այն օրուանից ի վեր, ինչ այն ձեզ ծանուցուեց:

25. Ես Տիրոջ առջեւ աղաչեցի քառասուն օր, քառասուն գիշեր: Ես աղաչեցի, որովհետեւ Տերն ասում էր, որ կը կոտորի ձեզ:

26. Ես Տիրոջ առջեւ աղօթք անելով՝ ասացի. Տէ՛ր, Տէ՛ր, աստուածների թագաւոր, մի՛ կոտորիր քո ժողովրդին ու քո ընտրած մարդկանց, որոնց փրկեցիր, դուրս բերեցիր Եգիպտոսից քո մեծ զօրութեամբ, ամուր ձեռքով ու հզօր բազկով:

27. Յիշի՛ր քո ծառաներին՝ Աբրահամին, Իսհակին ու Յակոբին, որոնց երդուեցիր քո անունով: Քո ժողովրդի խստութեան, ամբարշտութեան ու մեղքերի վրայ ուշադրութիւն մի՛ դարձրու:

28. Չլինի այնպէս, որ այն երկրի բնակիչները, որտեղից դուրս բերեցիր մեզ, ասեն. Քանի որ Տերը չկարողացաւ նրանց տանել այն երկիրը, որ խոստացել էր նրանց, եւ քանի որ Տերն ասում էր նրանց, դուրս բերեց նրանց, որպէսզի կոտորի անապատում:

29. Սրանք քո ժողովուրդն են ու քո ընտրած մարդիկ, որոնց քո հզօր զօրութեամբ ու հզօր բազկով ես դուրս բերել Եգիպտացիների երկրից:

1. Այն ժամանակ Տէրն ինձ ասաց. Երկու քարէ տախտակ կոփիր՝ նախկինների նման ու բարձրացիր լեռը: Փայտից տապանակ պատրաստիր քեզ համար,
2. եւ ես այդ տախտակների վրայ կը գրեմ այն նոյն պատգամները, որ գրուած էին քո ջարդած առաջին տախտակների վրայ: Դրանք կը դնես տապանակի մէջ:
3. Ես կարծր փայտից տապանակ պատրաստեցի, առաջինների պէս երկու քարէ տախտակներ կոփեցի եւ բարձրացայ լեռը: Երկու տախտակներն իմ ձեռքին էին:
4. Նա նախկինում գրածի նման երկու տախտակների վրայ գրեց այն տասը պատուիրանները, որ Տէրը ձեզ հաղորդել էր լեռան վրայ, կրակի միջից, եւ Տէրը դրանք տուեց ինձ:
5. Ես նորից իջայ լեռից ու տախտակները դրեցի տապանակի մէջ. եւ դրանք այնտեղ եւ մնում, ինչպէս պատուիրել էր ինձ Տէրը:
6. Իսրայէլացիները Յակիմի որդիների Բերոթ բնակավայրից չուեցին դէպի Սադայի: Ահարոնը մեռաւ այնտեղ ու այնտեղ թաղուեց: Նրա որդի Եղիազարը քահանայ դարձաւ նրա փոխարէն:
7. Այնտեղից չուեցին դէպի Գադգադ, Գադգադից՝ դէպի Ետակա՝ ջրի վտակների երկիրը:
8. Այդ ժամանակ Տէրը Ղեւիի ցեղին առանձնացրեց, որ նրանք տանեն Տիրոջ ուխտի տապանակը, կանգնեն Տիրոջ առջեւ, ծառայեն նրան ու նրա անունով աղօթք անեն, ինչպէս որ լինում է մինչեւ այսօր:
9. Այդ իսկ պատճառով ղեւտացիներն իրենց եղբայրների մէջ բաժին ու ժառանգութիւն չունեն, քանի որ Տէրն ինքն է նրանց բաժինն ու ժառանգութիւնը, ինչպէս որ ասաց նրանց:
10. Զառասուն օր, քառասուն գիշեր ես մնացի լեռան վրայ, եւ Տէրն ինձ լսեց այս անգամ էլ ու չուզեց կոտորել ձեզ:
11. Տէրն ինձ ասաց. Գնա՛, քայլի՛ր քո այդ ժողովրդի առջեւից, որպէսզի նրանք մտնեն ու ժառանգեն այն երկիրը, որ երդումով խոստացայ տալ նրանց հայրերին:
12. Արդ, Իսրայէ՛լ, ի՞նչ է պահանջում քեզանից քո Տէր Աստուածը. միայն այն, որ երկնչես քո Տէր Աստծուց, ընթանաս նրա ցոյց տուած ճանապարհներով, սիրես նրան ու պաշտես քո Տէր Աստծուն քո ամբողջ սրտով, քո ամբողջ էութեամբ,
13. պահես քո Տէր Աստծու պատուիրաններն ու նրա օրէնքները, որ ես այսօր պատգամում եմ քեզ, որպէսզի քեզ համար լաւ լինի:
14. Երկինքն ու երկինքների երկինքը, երկիրն ու նրա մէջ գտնուող ամեն ինչ պատկանում են քո Տէր Աստծուն:
15. Տէրը, սակայն, բարեհաճ գտնուեց ու սիրեց ձեր հայրերին եւ նրանցից յետոյ ընտրեց ձեզ՝ նրանց յետնորդներին, բոլոր ազգերի միջից, ինչպէս որ տեսնում էք մինչեւ այսօր:
16. Վերացրէ՛ք ձեր խստասրտութիւնը եւ մի՛ յամառեք,
17. որովհետեւ մեր Տէր Աստուածը աստուածների Աստուած է, տէրերի Տէր, մեծ, հզօր ու ահաւոր Աստուած, որ ոչ մէկին աջառութիւն չի անում ու կաշառք չի առնում:
18. Նա պաշտպանում է պանդխտի, որբի ու այրու իրաւունքները, սիրում է օտարականին, նրան տալիս է հաց ու հագուստ:
19. Դուք էլ սիրեցէ՛ք պանդխտին, որովհետեւ դուք էլ պանդուխտ էիք Եգիպտացիների երկրում:
20. Երկնչի՛ր քո Տէր Աստծուց, պաշտի՛ր նրան, յարի՛ր նրան եւ երդուի՛ր նրա անունով,
21. որովհետեւ նա քո պարծանքն է, քո այն նոյն Աստուածը, որ քեզ համար մեծ ու փառաւոր գործեր արեց, ինչպէս ինքդ էլ ես տեսնում քո աչքերով:
22. Զո՛ւ նախնիները եօթանասուն հոգով եկան Եգիպտոս, իսկ հիմա քո Տէր Աստուածը քեզ երկնքի աստղերի չափ բազմամարդ է դարձրել:

1. Քո կեանքի բոլոր օրերին պետք է սիրես քո Տէր Աստծուն, պահես նրա պատգամները, օրենքները, պատուիրաններն ու կանոնները:
2. Այսօր պետք է իմանաք, որ խօսքը չի վերաբերում ձեր որդիներին, որոնք ո՛չ գիտեն, ո՛չ էլ տեսել են քո Տէր Աստծու խրատը, նրա մեծագործութիւնները, ամուր ձեռքը եւ հզօր բազուկը,
3. նրա նշաններն ու զարմանահրաշ գործերը, որ նա արեց Եգիպտոսում եգիպտացիների արքայ փարաւոնի եւ նրա ամբողջ երկրի հանդէպ:
4. Նաեւ այն, թէ Տէրն ինչ բերեց եգիպտացիների զօրքերի, նրանց կառքերի ու երկվարների գլխին, թէ ինչպէս նրանց ջրասոյգ արեց Կարմիր ծովի մէջ, երբ սրանք յարձակուում էին մեր թիկունքից, եւ անհետացրեց նրանց յաւիտեան:
5. Նաեւ այն, թէ ինչ արեց ձեզ համար անապատում, մինչեւ որ եկաք այս վայրը: Նաեւ այն,
6. թէ ինչ բերեց Դաթանի ու Աբիրոնի գլխին, որոնք Ռուբէնի ցեղից Եղիաբի որդիներն էին, թէ ինչպէս երկիրն իր երախը բանալով կուլ տուեց նրանց, նրանց տներն ու վրանները, նրանց հետ եւ այն ամէնը, ինչ ունէին ամբողջ Իսրայէլում:
7. Խօսքը վերաբերում է ձեզ, քանի որ ձեր աչքերով իսկ տեսաք Տիրոջ բոլոր մեծամեծ գործերը, որ նա արեց ձեր մէջ մինչեւ այսօր:
8. Պահեցէ՛ք, ուրեմն, նրա բոլոր պատուիրանները, որ ես այսօր պատգամում եմ ձեզ, որպէսզի ապրեք, բազմանաք, մտնեք ու ժառանգեք այն երկիրը, դէպի ուր անցնում էք Յորդանան գետով,
9. որպէսզի երկար ապրեք այն երկրում, որ Տէրը երդուեց տալ ձեր հայրերին եւ նրանցից յետոյ՝ նրանց զաւակներին, մի երկիր, ուր կաթ ու մեղր է հոսում:
10. Այն երկիրը, ուր դուք մտնելու էք ժառանգելու համար, նման չէ եգիպտացիների երկրին, որտեղից դուք դուրս եկաք. մի երկիր, ուր սերմը ցանում են ու ջրում ոտքերով, որպէս թէ բանջարանոց լինի:
11. Այն երկիրը, ուր դուք պիտի մտնեք ժառանգելու համար, լեռնային ու հովտային երկիր է. այն ոռոգւում է երկնքից թափուող անձրեւով:
12. Դա մի երկիր է, որը քո Տէր Աստուածն է խնամում, տարուայ սկզբից մինչեւ տարուայ վերջը քո Տէր Աստծու աչքը միշտ նրա վրայ է:
13. Եթէ ուշադրութեամբ լսես նրա բոլոր պատուիրանները, որոնք ես այսօր պատգամում եմ քեզ, այն է՝ սիրես քո Տէր Աստծուն, պաշտես նրան քո ամբողջ հոգով ու քո ամբողջ եութեամբ,
14. ապա նա ձեր երկրին կը տայ ըստ ժամանակի պահանջուող առաջին ու վերջին անձրեւը, որպէսզի կարողանաս ամբարել քո ցորենը, գինին ու իւղը:
15. Նա քո դաշտերին խոտ կը տայ քո անասունի համար: Կ'ուտես եւ կը յագենաս:
16. Չգո՛յժ եղէք, չլինի թէ ամբարտաւանանան ձեր հոգիները, մեղք գործէք, օտար աստուածներ պաշտեք ու երկրպագեք նրանց:
17. Այն ժամանակ Տէրը խիստ կը զայրանայ ձեզ վրայ, արգելք կը դնի երկնքի վրայ, անձրեւ չի լինի, հողն իր բերքը չի տայ, եւ դուք շատ արագ կը կորչէք այս լաւ երկրից, որ Տէրը տուել է ձեզ:
18. Այս խօսքերը ի պահ դրէ՛ք ձեր մտքում ու ձեր հոգում: Դրանք որպէս նշան կապեցէ՛ք ձեր ձեռքերին, որ մշտապէս մնան ձեր աչքերի առջեւ:
19. Դուք դրանք սովորեցրէ՛ք ձեր որդիներին եւ դրանց մասին խօսեցէ՛ք տանը նստելիս ու ճանապարհ գնալիս, պառկելիս ու վեր կենալիս:
20. Դրանք գրեցէ՛ք ձեր տների մուտքերին ու դռների վրայ,
21. որպէսզի ձեր կեանքը երկար լինի, իսկ ձեր որդիների կեանքը այն երկրի վրայ, որ Տէրը երդուել է տալ ձեր հայրերին, լինի այնքան երկար, որքան որ երկինքը կը լինի երկրի վրայ:
22. Եթէ ուշադրութեամբ լսեք այս բոլոր պատուիրանները, որոնք ես այսօր պատգամում

եմ ձեզ, որ անէք, այն է՝ սիրէք ձեր Տէր Աստծուն, գնաք նրա ճանապարհով ու յարէք նրան,

23. ապա Տէրը ձեր առջեւից կը հեռացնի այդ բոլոր ազգերին, եւ դուք կը նուաճէք ձեզանից մեծ ու հզօր ազգերին:

24. Բոլոր այն վայրերը, ուր կը կոխեն ձեր ոտքերը, ձերը կը լինեն. անապատից մինչեւ Անդրլիբանան, Եփրատ մեծ գետից մինչեւ Արեւմտեան ծովը կը լինեն ձեր սահմանները:

25. Ոչ ոք ձեզ չի դիմադրի, ձեր ահն ու սարսափը ձեր Տէր Աստուածը կը սփռի ամբողջ երկրի վրայ, ուր ոտք կը դնէք դուք, ինչպէս ասել է ձեզ Տէրը:

26. Ես այսօր, ահա, ձեր առջեւ դնում եմ օրհնութիւններ ու անեծքներ:

27. Օրհնութիւն կը ստանաք, եթէ լսէք ձեր Տէր Աստծու պատուիրանները, որոնք ես այսօր պատգամում եմ ձեզ,

28. եւ անեծքներ՝ եթէ չլսէք ձեր Տէր Աստծու պատուիրանները, որոնք ես այսօր պատգամում եմ ձեզ, շեղուէք այն ճանապարհից, որ ես ցոյց տուեցի ձեզ, գնաք պաշտէք ձեզ անծանօթ օտար աստուածներ:

29. Երբ քո Տէր Աստուածը քեզ տանի այն երկիրը, դէպի ուր անցնում ես Յորդանան գետով, որպէսզի ժառանգես այն, ապա օրհնութիւն առաքիր Գարիգին լեռան վրայ եւ անէ՛ծք՝ Գեբաղ լեռան վրայ:

30. Չէ՞ որ դրանք Յորդանան գետի այն կողմում են, Քանանացիների երկրի արեւմտեան ճանապարհի յետեւում, Գաղգաղի մօտ, բարձր կաղնու մերձակայքում:

31. Եւ դուք անցէ՛ք Յորդանան գետով՝ մտնելու եւ ժառանգելու համար այն երկիրը, որ Տէր Աստուածը տալու է ձեզ որպէս ժառանգութիւն բոլոր օրերի համար: Ժառանգեցէ՛ք այն եւ բնակուեցէ՛ք նրա մէջ:

32. Չգո՛յշ եղէք, որ կատարէք նրա բոլոր հրամանները եւ կանոնները, որ ես այսօր դնում եմ ձեր առաջ:

1. Սրանք են այն հրամաններն ու կանոնները, որոնք դուք հետեւողականօրէն պիտի կատարէք այն երկրում, որը ձեր հայրերի Տէր Աստուածը տալու է ձեզ որպէս ժառանգութիւն: Դրանք պիտի կատարէք այդ երկրի վրայ ձեր կեցութեան բոլոր օրերում:
2. Ոչնչացրէ՞ք բարձր լեռների, բլուրների վրայ ու վարսաւոր ծառերի տակ գտնուող բոլոր վայրերը, ուր միւս ազգերը պաշտել են իրենց կուռքերին, եւ որոնց դուք պիտի տիրանաք:
3. Քարուքա՛նդ արեք նրանց բազիկները, ջարդուփշո՛ւր արեք նրանց կոթողները, խորտակեցէ՛ք նրանց յուշասիւնները եւ կրակի մատնեցէ՛ք նրանց տաշածոյ կուռքերը:
4. Չաստուածների անունները վերացրէ՛ք այդ վայրերից, բայց այդպէս մի՛ վարուէք ձեր Տէր Աստծու նկատմամբ:
5. Նրան պիտի պաշտէք այն տեղում, որ ձեր Տէր Աստուածը պիտի ընտրի ձեր ցեղերից մէկի տարածքում, եւ այն պիտի կոչէք Նրա անունով եւ Նրա՛ մէջ պիտի բնակեցնէք նրան: Փնտռեցէ՛ք այն եւ մտէ՛ք այնտեղ:
6. Այդտե՛ղ կը մատուցէք ձեր ողջակէզները, զոհերը, կը տաք ձեր տասանորդները, պարգեւները, ձեր ուխտած, խոստացած եւ կամաւոր նուէրները, նաեւ ձեր արջառի ու ոչխարի առաջնածինները:
7. Դուք եւ ձեր ընտանիքների անդամները կ'ուտէք ձեր Տէր Աստծու առջեւ եւ կ'ուրախանաք այն ամենի համար, ինչ արել էք ձեր ձեռքերով, ինչի համար օրհնել է ձեզ ձեր Տէր Աստուածը:
8. Մի՛ արեք այն ամենը, ինչ որ այսօր մենք այստեղ չենք անում. իւրաքանչիւրը իրեն հաճելի բանն է անում:
9. Եւ մինչեւ այսօր դուք չէք հասել հանգստի ու ժառանգութեան այն երկիրը, որ մեր Տէր Աստուածը տալու է մեզ:
10. Երբ անցնելով Յորդանան գետը՝ բնակուէք այն երկրում, որ մեր Տէր Աստուածը իբրեւ ժառանգութիւն է տալու ձեզ, եւ երբ Նա ձեր շուրջը գտնուող բոլոր թշնամիներից ձեզ ազատի, ու դուք ապրէք ապահով,
11. այն ժամանակ մեր Տէր Աստծու ընտրած վայրը կը կոչէք Նրա անունով եւ այնտեղ կը բերէք այն ամենը, ինչ ես այսօր պատգամում եմ ձեզ, այն է՝ ձեր ողջակէզները, զոհերը, տասանորդները, ձեր ձեռքերին գտնուող նուէրները, տուրքերը եւ ձեր նուիրաբերումները, որ ուխտ էք արել տալ ձեր Աստծուն:
12. Մեր Տէր Աստծու առջեւ կ'ուրախանաք դուք, ձեր տղաներն ու աղջիկները, նաեւ ձեր ծառաներն ու աղախիկները, ձեր յարկի տակ գտնուող ղեւտացիս, որը ձեզ նման բաժին ու սեփականութիւն չունի:
13. Չգո՛յշ եղիր, որ քո ողջակէզները չմատուցես ուր որ պատահի:
14. քո ողջակէզները կը մատուցես քո քաղաքներից մէկում, այնտեղ, ուր կ'ընտրի քո Տէր Աստուածը: Այնտեղ կը կատարես այն ամենը, ինչ այսօր պատգամում եմ քեզ:
15. Որքան ցանկանաս, կարող ես մորթել եւ քո Տէր Աստծու օրհնութեամբ ուտել այն միսը, որ Նա տուել է քեզ բոլոր քաղաքներում: Քեզ հետ բնակուող անմաքուր եւ մաքուր մարդիկ կարող են միասին ուտել այն, ինչպէս ուտում են այժեամս ու եղջերուն:
16. Արիւնը, սակայն, չպետք է ուտէք, այլ իբրեւ ջուր այն պետք է գետին թափէք:
17. Չհամարձակուես քո ցորենի, գինու, իւղի տասանորդը, արջառի ու ոչխարի առաջնածինը, քո ուխտ արած ամեն ինչը, քո խոստացած նուէրներն ու ձեռքի ընծաները ուտել քո քաղաքներում:
18. Դու, քո տղան ու քո աղջիկը, քո ծառան ու քո աղախիկը, քո քաղաքներում բնակուող պանդուխտը դրանք կ'ուտէք ձեր Տէր Աստծու առջեւ, այնտեղ, ուր Տէր Աստուածը կ'ընտրի իր համար: Քո Տէր Աստծու առջեւ կ'ուրախանաս այն ամենի համար, ինչ արել ես քո ձեռքով:
19. Չգո՛յշ եղիր, որ ղեւտացուն չլքես այնքան ժամանակ, քանի դեռ ապրում ես երկրի

վրայ:

20. Եթե քո ՏԵՐ Աստուածը իր խոստացածի համաձայն ընդարձակի քո սահմանները, եւ եթե ցանկանաս միս ուտել ու ասես, թէ՛ Միս եմ ուզում ուտել, ապա ըստ քո ցանկութեան միս կ'ուտես:

21. Իսկ եթե քեզանից հեռու լինի այն վայրը, որ քո ՏԵՐ Աստուածը ընտրել է, որպէսզի իր անունով կոչես այն, ապա Աստծու քեզ տուած արջառներից կամ ոչխարներից կը մորթես, ինչպէս պատուիրել եմ քեզ, եւ ըստ քո ցանկութեան կ'ուտես քո քաղաքներում:

22. Ինչպէս ուտուում են այծեամս ու եղջերուն, այդպէս էլ կ'ուտես դա: Քեզ հետ բնակուող անմաքուր ու մաքուր մարդիկ նոյնպէս կարող են ուտել:

23. Չգո'յշ եղիր, որ արիւնը չուտես, որովհետեւ արիւնն անասունի հոգին է:

24. Հոգին մսի հետ չուտես. այն իբրեւ ջուր գետին թափի՛ր,

25. այն մի՛ կեր, որպէսզի լաւ լինէք դու եւ քեզանից յետոյ գալիք քո սերունդները, եթե բարի ու հաճելի գործ կատարես քո ՏԵՐ Աստծու առջեւ:

26. Քո սրբութիւնները, եթե ունես, քո ուխտած բաները վերցնելով՝ կը գաս այն վայրը, որը քո ՏԵՐ Աստուածը կ'ընտրի իր համար, որպէսզի իր անունը յայտնուի այնտեղ:

27. Կ'անես քո ողջակէզները. միսը կը դնես քո ՏԵՐ Աստծու զոհասեղանի վրայ, զոհի արիւնը կը թափես քո ՏԵՐ Աստծու զոհասեղանի յատակին, իսկ միսը կ'ուտես:

28. Չգո'յշ եղիր ու լսի՛ր. կը կատարես այն ամենը, ինչ պատգամում եմ քեզ, որպէսզի յաւիտեանս լաւ լինի քեզ եւ քո որդիների համար, քանի որ քո ՏԵՐ Աստծու առջեւ բարին ու հաճելին ես անում:

29. Եթե քո ՏԵՐ Աստուածը քո առջեւ ազգեր կոտորի, եւ դու նրանց երկիրն իբրեւ ժառանգութիւն ստանալու համար մտնես այդ երկիրն ու նուաճես նրանց, բնակուես նրանց երկրում,

30. ապա զգո'յշ եղիր, որ քո առջեւ նրանց կոտորուելուց յետոյ չգնաս նրանց հետքերով, չհետաքրքրուես նրանց կուռքերով ու չասես, թէ՛ Այս ազգերը ինչ արել են իրենց կուռքերին, նոյնն էլ ես անեմ Տիրոջը:

31. Նոյն կերպ չվարուես քո ՏԵՐ Աստծու նկատմամբ, որովհետեւ նրանք իրենց կուռքերի համար անում են գարշելի բաներ, որոնք ատելի են Տիրոջը, որովհետեւ նրանք իրենց տղաներին ու աղջիկներին յանուն իրենց կուռքերի այրում են կրակի վրայ:

32. Չգո'յշ եղիր, որ կատարես այն ամենը, ինչ ես այսօր պատգամում եմ քեզ: Դրա վրայ ոչինչ մի՛ անելացրու եւ դրանից ոչինչ մի՛ պակասեցրու:



1. Եթե ձեր միջից մի մարգարե կամ երագահան երեւան գայ եւ քեզ մի նշան կամ հրաշք ցոյց տայ,
2. քեզ ասած նշանը կամ հրաշքը կատարուի, եւ յետոյ նա ասի՝ Գնանք պաշտենք ձեզ անծանօթ օտար աստուածներ,
3. ապա այդ մարգարեի կամ երագահանի խօսքերը մի՛ լսէք, որովհետեւ Տէր Աստուածը փորձում է ձեզ, իմանալու համար, թէ ձեր ամբողջ հոգով ու ձեր ամբողջ էութեամբ սիրո՞ւմ եք մեր Տէր Աստծուն:
4. Ձեր Տէր Աստծու յետեւի՛ց գնացէք, նրանից երկնչեցէ՛ք, նրա պատուիրանները կատարեցէ՛ք, նրա ասածը լսեցէ՛ք ու նրան յարեցէ՛ք,
5. թող այն մարգարեն կամ երագահանը մեռնի, որովհետեւ աշխատում է քեզ ապստամբեցնել քո Տէր Աստծու դէմ, որը քեզ դուրս բերեց Եգիպտացիների երկրից, քեզ փրկեց ստրկութեան երկրից. թող այն մարգարեն մեռնի, քանզի քեզ շեղեց այն ճանապարհից, որով քո Տէր Աստուածը պատուիրել էր ընթանալ իր հետ: Դրանով չարը կը վերացնես ձեր միջից:
6. Եթե քո հօր կամ մօր կողմից քո եղբայրը, քո տղան կամ քո աղջիկը, քո ծոցում պառկող կինդ կամ անձիդ պէս սիրելի բարեկամդ գաղտնաբար քեզ ասի՝ Գնանք պաշտենք քեզ եւ քո հայրերին անծանօթ օտար աստուածներ,
7. որոնք ձեր շուրջը գտնուող, քեզ մօտիկ կամ քեզանից հեռու ազգերի աստուածներ են երկրի մի ծայրից մինչեւ երկրի միւս ծայրը,
8. ապա չհամաձայնուես նրա հետ, չլսես, չխնայես, չգթաս ու չպատսպարես նրան:
9. Ամենուր կը յայտնես այդ մասին. նախ քո ձեռքը թող բարձրանայ նրան սպանելու համար, որից յետոյ թող բարձրանայ ամբողջ ժողովրդի ձեռքը:
10. Քարկոծելով կը սպանէք նրան, որովհետեւ նա ուզում էր քեզ ապստամբեցնել քո Տէր Աստծու դէմ, որը քեզ դուրս բերեց Եգիպտացիների երկրից՝ ստրկութեան տնից:
11. Ամբողջ Իսրայէլն այդ լսելով թող զարհուրի, եւ ձեր միջից ոչ ոք թող չյանդգնի կատարել նման չար արարք:
12. Եթե քո Տէր Աստծու՝ բնակուելու համար քեզ տուած քաղաքներից որեւէ մէկում լսես,
13. թէ՛ Մեր միջից անօրէն մարդիկ դուրս ելան ու յեղաշրջեցին իրենց քաղաքի բոլոր բնակիչներին՝ ասելով, թէ՛ Գնանք ու պաշտենք մեզ անծանօթ օտար աստուածներ,
14. ապա կը քննես, հարցովորձ կ'անես եւ մանրակրկիտ կը ստուգես նրանց: Եւ եթէ իրօք հաւաստի է, որ այդ սրբապղծութիւնը տեղի է ունեցել ձեր մէջ,
15. ապա սրի հարուածներով կը կոտորէք այդ երկրի բոլոր բնակիչներին, նզովելով կը նզովէք այդ քաղաքն ու այն ամենը, ինչ կայ այնտեղ եւ նրանց անասունները սրի կը քաշէք:
16. Նրա բոլոր աւարը կը հաւաքես այդ քաղաքի հրապարակի վրայ եւ քո Տէր Աստծու առջեւ քաղաքն ու նրա ամբողջ աւարը կը հրկիզես: Այդ քաղաքն աւերակի թող վերածուի յաւիտեան եւ այլեւս թող չվերակառուցուի:
17. Նրա նզովուած իրերից ոչ մի բան չպէտք է անցնի քո ձեռքը: Տէրը կը մեղմի իր բարկութիւնը, գթառատ կը լինի քո նկատմամբ, կ'ողորմի քեզ եւ քեզ կը բազմացնի այնպէս, ինչպէս երդուել էր Տէրը քո հայրերին:
18. Եթէ լսես քո Տէր Աստծու ծայնը, այսինքն՝ պահես նրա բոլոր պատուիրանները, որ ես այսօր պատգամում եմ քեզ, քո Տէր Աստծու առջեւ բարին եւ հաճելին գործած կը լինես:

1. Դուք ձեր Տեր Աստծու որդիներն եք: Սգի մեջ գտնուելիս ձեր մարմնի վրայ կտրուածքներ չանեք եւ ձեր ճակատները չխփեք,
2. որովհետեւ դուք ձեր Տեր Աստծու սուրբ ժողովուրդն եք: Ձեր Տեր Աստուածը ձեզ է ընտրել, որ երկրի երեսին գտնուող բոլոր ազգերի մէջ դուք լինեք իրեն պատկանող ժողովուրդ:
3. Ամէն մի գարշելի բան մի՛ կերեք:
4. Սրանք են այն անասունները, որ կարող էք ուտել. արջառ, հօտի ոչխար, արու այծ,
5. եղջերու, այծեամ, գոմէշ, իշայծեամ, այծքաղ, վայրի այծ եւ ընծուղտ:
6. Կ'ուտեք նաեւ թաթը ճեղքուած, կճղակաբաշխ ու որոճացող բոլոր անասունները:
7. Մի՛ կերեք այն անասունները, որոնք որոճում են, բայց թաթը ճեղքուած կամ կճղակաբաշխ չեն: Ուղտը, նապաստակն ու ճագարը որոճում են, բայց կճղակաբաշխ չեն, դրանք ձեզ համար անմաքուր են:
8. Խոզը թէեւ ճեղքուած թաթ ունի ու կճղակաբաշխ է, բայց չի որոճում. ուստի նա ձեզ համար անմաքուր է. մի՛ կերեք նրա միսը եւ դրանց սատկած դիակին մի՛ մօտեցեք:
9. Սրանք են ջրային այն կենդանիները, որ կարող էք ուտել. կ'ուտեք ջրային բոլոր այն կենդանիները, որոնք լողակ ու թեփուկ ունեն:
10. Մի՛ կերեք բոլոր այն կենդանիները, որոնք լողակ ու թեփուկ չունեն. դրանք ձեզ համար անմաքուր են:
11. Բոլոր մաքուր թռչունները կարող էք ուտել:
12. Սրանք են այն թռչունները, որ չպետք է ուտեք. արծիւ, անգղարծիւ, անգղ,
13. գետարծիւ, ցին եւ այն, ինչ դրանց ցեղակից է, նոյնպէս եւ
14. որի եւ այն, ինչ դրան ցեղակից է,
15. ջայլամ, բու, ճայ,
16. արագիլ, կարապ, հողամաղ,
17. քաջահաւ, սոխակ, ագռաւ,
18. հաւալուն, քաղադր եւ այն, ինչ դրանց ցեղակից է, նաեւ՝ յոպոպ եւ չղջիկ:
19. Թռչող բոլոր գեռունները ձեզ համար անմաքուր թող լինեն, դրանք մի՛ կերեք:
20. Կ'ուտեք բոլոր մաքուր թռչունները:
21. Ոչ մի սատկած անասունի միս չուտեք: Այն կը տաք ձեր քաղաքներում գտնուող պանդխտին, որ ուտի, կամ էլ կը վաճառեք օտար մարդու, որովհետեւ դու քո Տեր Աստծու սուրբ ժողովուրդն ես: Գառը իր մօր կաթի մէջ չեփես:
22. Զո սերմանած բոլոր արմտիքների, քո դաշտերի բերքի տասանորդը կը յանձնես ամէն տարի:
23. Դա կ'ուտես քո Տեր Աստծու առջեւ, այն վայրում, որ կ'ընտրի քո Տեր Աստուածը, որպէսզի իր անունը յայտնուի այնտեղ: Այդտեղ կը մատուցես քո ցորենի, գինու, իւղի տասանորդը, քո արջառի ու ոչխարի առաջնածինները, որպէսզի սովորես յաւիտեանս երկնչել քո Տեր Աստծուց:
24. Իսկ եթէ ճանապարհը հեռու է քեզանից, եւ դու չես կարող տանել քո տասանորդը, քանի որ քեզանից հեռու է այն վայրը, որ ընտրել է քո Տեր Աստուածը՝ իր անունը հռչակելու այնտեղ, նրա՝ համար որ քո Տեր Աստուածը օրհնեց քեզ,
25. կը վաճառես քո տասանորդը արծաթի դիմաց եւ այդ արծաթը վերցնելով ձեռքդ՝ կը գնաս այն վայրը, որ կ'ընտրի քո Տեր Աստուածը:
26. Այդ արծաթով կը գնես այն ամէնը, ինչ ինքդ կը կամենաս՝ արջառ, ոչխար, գինի, ոգելից խմիչք կամ այն ամէնը, ինչ ինքդ կը կամենաս, կ'ուտես այնտեղ քո Տեր Աստծու առջեւ, եւ կ'ուրախանաք դու եւ քո որդին:
27. Զո քաղաքներում գտնուող ղեւտացուն աչքաթող չանես, որովհետեւ նա ո՛չ բաժին ունի, ո՛չ էլ ժառանգութիւն քեզ հետ:
28. Երեք տարի անցնելուց յետոյ կ'առանձնացնես այդ տարուայ բերքի բոլոր տասանորդները եւ կը պահես քո քաղաքներում:

29. Կը գայ դեւտացիւն, որը ո՛չ բաժին ունի, ո՛չ էլ ժառանգութիւն քեզ հետ, կը գան քո քաղաքներում բնակուող եկուորը, որբն ու այրին, կ'ուտեն ու կը կշտանան, եւ քո Տէր Աստուածը կ'օրհնի քո բոլոր գործերը:

1. Ամեն եօթը տարին մէկ թողութիւն կ'անեն:
2. Թողութեան կարգն այս է. եթէ քո մերձաւորին պարտք ես տուել, եւ նա պէտք է վերադարձնի դա, ապա կը զիջես, չես պահանջի դա քո մերձաւորից ու եղբորից, որովհետեւ թողութիւնը յանուն քո Տէր Աստծու է:
3. Քեզ պատկանող, բայց օտար մարդու փոխ տրուած բանը կը պահանջես, բայց ինչ որ եղբայրդ քեզ պարտք է, այն կը զիջես:
4. Թող ձեր մէջ կարիքաւորներ չլինեն, եւ քո Տէր Աստուածը քեզ օրինի այն երկրում, որ քեզ է տալու իբրեւ ժառանգութիւն, որպէսզի տիրես դրան:
5. Եթէ ամէն կերպ լսես քո Տէր Աստծու ձայնը՝ պահես ու կատարես բոլոր պատուիրանները, որ ես այսօր պատգամում եմ քեզ,
6. քո Տէր Աստուածը կ'օրինի քեզ, ինչպէս խոստացել է քեզ: Շատ ազգերի փոխ կը տաս, բայց ինքդ պարտք չես վերցնի, բազում ազգերի կը տիրես, բայց քեզ չեն տիրի:
7. Եւ եթէ քո Տէր Աստծու քեզ տուած երկրի քաղաքներից որեւէ մէկում քո եղբայրների մէջ մէկը կարիքաւոր լինի, ապա նրանից երես մի՛ թեքիր, քո կարիքաւոր եղբոր նկատմամբ ժլատութիւն մի՛ արա,
8. այլ առատաձե՛ռն եղիր նրա նկատմամբ, նրան պարտք տո՛ւր այնքան, որքան կը խնդրի նա իր կարօտութեան մէջ:
9. Չգո՛յշ եղիր, չլինի թէ մտքումդ ծածուկ չար բան լինի եւ ասես, թէ՛ Մօտ է եօթներորդ տարին՝ թողութեան տարին, եւ թշնամաբար նայես կարիքի մէջ գտնուող քո եղբոր վրայ եւ նրան պարտք չտաս: Եթէ նա քո դէմ բողոքի Տիրոջը, ապա դու մեծ մեղքի տակ կ'ընկնես:
10. Տո՛ւր նրան, պա՛րտք տուր նրան այնքան, որքան անհրաժեշտ է: Պարտք տալուց յետոյ մի՛ տրտմիր, որովհետեւ դրա համար քո Տէր Աստուածը քեզ կ'օրինի քո բոլոր գործերում՝ ինչի էլ որ ձեռք տաս:
11. Քանի որ կարիքաւորներն անպակաս են լինելու երկրի վրայ, դրա համար էլ այս բանը պատուիրելով՝ ասում եմ. Քո աղքատ եղբոր եւ քո երկրում տառապեալ մարդկանց նկատմամբ առատաձե՛ռն եղիր:
12. Եթէ եբրայեցի քո եղբայրը կամ եբրայեցի մի կին վաճառուի քեզ, ապա վեց տարի նա թող ծառայի քեզ, իսկ եօթներորդ տարում նրան ազատ կ'արձակես քեզնից:
13. Երբ նրան ազատ արձակես, ձեռնուկայն չարձակես:
14. Նրան կը տաս քո ոչխարներից, քո ցորենից ու քո հնձանի բարիքից: Ինչպէս որ քո Տէր Աստուածը օրհնեց քեզ, դու էլ նրա՛ն տուր:
15. Յիշի՛ր, որ դու էլ ստրուկ էիր Եգիպտացիների երկրում, եւ քո Տէր Աստուածը քեզ փրկեց այնտեղից: Դրա համար էլ քեզ պատուիրում եմ, որ կատարես այս բաները:
16. Եթէ ծառան քեզ ասի՝ Քեզանից չեմ հեռանայ, քանի որ սիրել է քեզ ու քո ընտանիքը, որովհետեւ նրա համար յարմար է քեզ մօտ մնալը,
17. ապա հերիւնը կը վերցնես, դռան սեմի վրայ կը ծակես նրա ականջը, եւ նա ցմահ կը դառնայ քո ստրուկը: Նոյն կերպ կը վարուես քո աղախնի նկատմամբ:
18. Քեզ ծանր թող չթուայ, եթէ քեզանից ազատ արձակես քո ստրուկներին, քանի որ նրանք վեց տարի շարունակ վարձկանի վարձով են ծառայել քեզ: Այն ժամանակ ինչ գործ էլ կատարես, քո Տէր Աստուածը կ'օրինի քեզ:
19. Քո նախիրներում ու հօտերում ծնուած բոլոր առաջին ծնունդների որձերին կը նուիրաբերես քո Տէր Աստծուն: Քո առաջնածին եզը գործի չլծես եւ քո հօտերի առաջին ծնունդները չխուզես:
20. Տարեցտարի դու եւ քո ընտանիքը կ'ուտես քո Տիրոջ առջեւ այն վայրում, որ կ'ընտրի քո Տէր Աստուածը:
21. Եթէ այդ անասունը արատաւոր լինի՝ կաղ, կոյր կամ որեւէ ուրիշ արատ ունենայ, դրան քո Տէր Աստծուն զոհ մի՛ բեր,
22. այլ կե՛ր քո քաղաքներում: Այնտեղ գտնուող անմաքուր ու մաքուր մարդիկ միասին

կարող են ուտել այն, ինչպես ուտում են այծեամս ու եղջերուն:  
23. Արիւնը, սակայն, չուտես, այլ իբրեւ ջուր կը թափես գետին:

1. Պահիր Կանխոց ամիսը, կատարիր քո Տէր Աստծու զատիկը, որովհետեւ Կանխոց ամսին, գիշերով դուրս եկաք Եգիպտոսից:
2. Քո Տէր Աստծու համար կը մորթես զատիկը՝ ոչխարներ ու արջառներ կը զոհես այն վայրում, որ կ'ընտրի քո Տէր Աստուածը, որպէսզի իր անունը յայտնուի այնտեղ:
3. Դրա հետ թախմորով բան չուտես: Դրա հետ եօթը օր բաղարջ՝ չարչարանաց հաց կ'ուտես, որովհետեւ տագնապով դուրս եկաք Եգիպտոսից, որպէսզի ձեր կեանքի բոլոր օրերին յիշէք Եգիպտացիների երկրից ձեր դուրս գալու օրը:
4. Քո բոլոր բնակավայրերում եօթը օր թախմորով բան չերեւայ, եւ մինչեւ յաջորդ առաւօտ չմնայ այն մսից, որ մորթել ես առաջին օրուայ երեկոյեան:
5. Չհամարձակուես քո զատիկը մորթել քո քաղաքներից մէկում, որոնք քո Տէր Աստուածը տալու է քեզ:
6. զատիկը կը մորթես այն վայրում, որ կ'ընտրի քո Տէր Աստուածը, որպէսզի իր անունը յայտնուի այնտեղ, կը զոհես երեկոյեան՝ մայրամուտին, այն ժամանակ, երբ դուրս եկար Եգիպտոսից:
7. Կ'եփես, կը խորովես ու կ'ուտես այն վայրում, որ կ'ընտրի քո Տէր Աստուածը, եւ վաղ առաւօտեան կը վերադառնաս քո տունը:
8. Վեց օր բաղարջ հաց կ'ուտես, իսկ եօթներորդ օրը ելքի օրն է՝ քո Տէր Աստծու տօնը: Այդ օրը ոչ մի գործ չես կատարի, բացի այն գործերից, որ անհրաժեշտ են մարդու պէտքերի համար:
9. Եօթը շաբաթ կը հաշուես՝ սկսած քո մանգաղը գործի դնելու օրից: Այդ օրուանից կը սկսես հաշուել եօթը շաբաթ:
10. Եւ Շաբաթների տօնը կատարելով քո Տէր Աստծու համար՝ կը տաս քո ունեցածի չափով, ինչպէս որ քո Տէր Աստուածը օրհնեց քեզ:
11. Դու, քո տղան ու քո աղջիկը, քո ծառան ու քո աղախինը, քո քաղաքներում բնակուող ղեւտացին ու ձեզ հետ բնակուող պանդուխտը, որքն ու այրին քո Տէր Աստծու առջեւ կ'ուրախանաք այն վայրում, որ կ'ընտրի Տէր Աստուածը, որպէսզի իր անունը յայտնուի այնտեղ:
12. Յիշիր, որ ստրուկ էիր Եգիպտացիների երկրում, եւ հետամո՛ւտ եղիր, որ կատարես այս պատուիրանները:
13. Տաղաւարահարաց տօնը կը կատարես եօթը օր, երբ կը հաւաքես քո կալի ու քո հնձանի արգասիքը:
14. Տօնդ կատարելիս կ'ուրախանաք դու, քո տղան ու աղջիկը, քո ծառան ու քո աղախինը, քո քաղաքներում բնակուող ղեւտացին, պանդուխտը, որքն ու այրին:
15. Քո Տէր Աստծու համար եօթը օր տօն կը կատարես այն վայրում, որ կ'ընտրի քո Տէր Աստուածը: Եթէ քո Տէր Աստուածը օրհնի քո բոլոր բերքը եւ քո ձեռնարկած բոլոր գործերը, այն ժամանակ կ'ուրախանաս:
16. Քո բոլոր արական սեռի մարդիկ տարուայ մէջ երեք անգամ՝ Բաղարջակերաց տօնի, Շաբաթների տօնի եւ Տաղաւարահարաց տօնի ժամանակ պէտք է դէմ յանդիման կանգնեն քո Տէր Աստծու առջեւ այն վայրում, որ կ'ընտրի Տէրը: Ոչ ոք քո Տէր Աստծու առջեւ դատարկաձեռն չպէտք է երեւայ:
17. Իւրաքանչիւրը թող ըստ իր կարողութեան տայ՝ քո Տէր Աստծու քեզ տուած օրհնութեան համեմատ:
18. Քո Տէր Աստծու քեզ տուած բոլոր քաղաքներում ըստ ցեղերի դատաւորներ ու օրէնսգետներ կը կարգես, որպէսզի ժողովրդին դատեն արդար դատաստանով,
19. աչառութիւն չանես ու կաշառք չվերցնես, որովհետեւ կաշառքը կուրացնում է իմաստուն մարդկանց աչքերը, խեղաթիւրում արդար մարդկանց խօսքերը:
20. Արդար դատ կ'անէք, որպէսզի ապրէք, մտնէք ու ժառանգէք այն երկիրը, որ Տէր Աստուածը տալու է ձեզ:
21. Ոչ մի տեսակ ծառ մի՛ տնկիր քո Տէր Աստծու զոհասեղանի մերձակայքում,

հեթանոսական նուէրներ մի՛ ընդունիր,

22. քեզ համար սիւն մի՛ կանգնեցրու, մի բան, որ ատել է քո Տէր Աստուածը:

1. Եթե արջառը կամ ոչխարը որեւէ արատ կամ թերութիւն ունենայ, ապա դա մի՛ գոհիր քո Տէր Աստծու համար, որովհետեւ դա պիղծ է քո Տէր Աստծու առջեւ:
2. Եթե քո միջավայրում, քո Տէր Աստծու քեզ տուած քաղաքներից մէկում գտնուի մի տղամարդ կամ կին, որ քո Տէր Աստծու առջեւ չար գործ անի, դրժի նրա ուխտը,
3. գնայ, պաշտի օտար աստուածներ, երկրպագի նրանց, արեգակին կամ լուսնին կամ երկնքի զարդերից որեւէ մէկին, որոնք ես չեմ արտօսել ու յանձնարարել քեզ,
4. ապա խստօրէն հարցուփորձ կ'անես: Եթե իրօք այդպիսի բան եղել է՝ պղծութիւնը կատարուել է Իսրայէլի մէջ,
5. ապա այդ չար բանը կատարած տղամարդուն կամ կնոջը կը բերես ձեր քաղաքի դռների մօտ, եւ քարկոծելով կը սպանեք նրանց:
6. Երկու կամ երեք մարդկանց վկայութեամբ պետք է մեռնի մահուան դատապարտուածը. մէկ մարդու վկայութեամբ չի կարելի նրան մահուան դատապարտել:
7. Նախ վկաները թող քար նետեն նրա վրայ՝ սպանելու նրան, ապա՝ ամբողջ ժողովուրդը: Դրանով դու չարը ձեր միջից վերացրած կը լինես:
8. Եթե քո քաղաքներում արինահեղութեան, դատարանի վճռի, կռուի, հակառակութեան վերաբերեալ դատական մի գործում կողմնորոշուել չկարողանաս, ապա վե՛ր կաց ու գնա՛ այն վայրը, որ կ'ընտրի քո Տէր Աստուածը, որտեղ նա կը յայտնի իր անունը:
9. Կը գնաս դեւտացի քահանաների եւ այդ օրուայ դատաւորի մօտ, եւ նրանք գործը քննելով՝ քեզ կը յայտնեն վճիռը:
10. Այդտեղ՝ քո Տէր Աստծու ընտրած վայրում, կ'արձակես այն վճիռը, որ կը յայտնեն քեզ: Խստօրէն հետեւի՛ր, որ կատարես ճիշտ այնպէս, ինչպէս կարգադրել են քեզ:
11. Կը կիրառես այն օրէնքները եւ կ'արձակես այն վճիռները, որ նրանք կը հաղորդեն քեզ: Նրանց ասածից ո՛չ աջ կը շեղուես, ո՛չ ձախ:
12. Այն մարդը, որ գոռոզամտութեան պատճառով կը գործի առանց լսելու քո Տէր Աստծուն ծառայող քահանայի կամ այդ օրուայ դատաւորի ասածը, մահապատժի կ'ենթարկուի: Դրանով դու չարը վերացրած կը լինես Իսրայէլի միջից,
13. եւ ամբողջ ժողովուրդն այդ լսելով՝ կը վախենայ ու այլեւս չի գոռոզամտանայ:
14. Եթե մտնես այն երկիրը, որ քո Տէր Աստուածը տալու է քեզ, ժառանգես այն ու բնակուես նրա մէջ եւ ասես՝ Մենք էլ առաջնորդ ունենանք մեր շուրջը գտնուող միւս ազգերի նման,
15. ապա առաջնորդ կը նշանակես նրան, որին կ'ընտրի քո Տէր Աստուածը: Քո իսրայէլացի եղբայրների՛ց քեզ իշխան կը նշանակես: Չհամարձակուես նշանակել օտար մի մարդու, որ քո եղբայրը չէ,
16. որպէսզի նա չբազմացնի իր երիվարները եւ ժողովրդին դէպի Եգիպտոս չվերադարձնի, որովհետեւ Տէրն ասել է, թէ՝ Այլեւս նոյն ճանապարհով յետ չէք դառնալու:
17. Եւ թող նա չբազմացնի իր կանանց թիւը, չգայթակղուի եւ շատ արծաթ ու ոսկի չկուտակի:
18. Երբ նա իր իշխանութեան գլուխ անցնի, նրա համար կը գրես այս երկրորդ օրէնքը այն մատենաում, որի բնօրինակը դեւտացի քահանաների մօտ է:
19. Այդ պատճէնը պետք է մնայ իշխանի մօտ, եւ նա իր կեանքի բոլոր օրերին դրանք պետք է կարդայ, որպէսզի սովորի երկնչել քո Տէր Աստծուց, պահի այս բոլոր պատուիրանները եւ կիրառի այս օրէնքները
20. նրա համար, որ չմեծամտանայ իր ցեղակիցների մօտ, պատուիրաններից աջ կամ ձախ չշեղուի, որպէսզի իր ու իր որդիների իշխանութիւնը իսրայէլացիների վրայ երկար տեւի:



1. Ղեկավարող քահանաները՝ Ղեկի որդիները, իսրայելացիների հետ բաժին ու ժառանգություն չպետք է ունենան: Տիրոջն արուած նուիրաբերումները թող լինեն նրանց բաժինը. դրանք թող ունեն:
2. Նրանք իրենց եղբայրների մէջ բաժին չպետք է ունենան, որովհետեւ Տիրոջն ծառայելն է նրանց բաժինը, ինչպէս որ Տէրն ասել է նրանց:
3. Չոհեր մատուցող ժողովուրդը իբրեւ բաժին քահանային պետք է յատկացնի հետեւեալը. եթէ զոհը արջառ է կամ ոչխար, քահանային պետք է տրուի թելը, ծնօտներն ու փորը:
4. Նրանց պետք է տաս նաեւ քո ցորենի, գինու, իւղի առաջին բերքը, քո ոչխարների առաջին խուզից ստացած բոլորը,
5. որովհետեւ Տէրը քո բոլոր ցեղերի միջից Ղեկին է ընտրել, որպէսզի նա ու նրա որդիները յաւիտեանս կանգնեն ձեր Տէր Աստծու առջեւ, ծառայեն նրան ու օրհնութիւն տան նրա անուամբ:
6. Իսկ եթէ իսրայելացիներին պատկանող մի քաղաքից գայ այնտեղ բնակուող ղեկավարին եւ ըստ իր ցանկութեան գայ Տիրոջ ընտրած վայրը,
7. որպէսզի Տէր Աստծու առջեւ այնտեղ կանգնած իր ղեկավար բոլոր եղբայրների նման ծառայի քո Տէր Աստծուն,
8. ապա թող ուտի իրեն հասանելիք բաժինը՝ անկախ իր հայրական ունեցուածքից ստացած եկամուտներից:
9. Եթէ մտնես Տէր Աստծու քեզ տուած երկիրը, չիւրացնես այդտեղ ապրող ազգերի զարշելի սովորութիւնները:
10. Ձեր մէջ թող չգտնուի այնպիսի մէկը, որն իր տղային կամ աղջկան կրակի բովից անցկացնի, կախարդութեամբ կամ գուշակութեամբ զբաղուի, թռչուններին նայելով կանխագուշակումներ անի,
11. մոգութիւններով զբաղուի, վիճակ կամ սուտ մարգարէ լինի, ոգեհարցութեամբ զբաղուի,
12. որովհետեւ Տիրոջ համար պիղծ է նա, ով զբաղւում է այդպիսի բաներով. այդպիսի զարշելի բաների համար է, որ Տէրը նրանց վերացնում է քո միջից:
13. Քո Տէր Աստծու առջեւ կատարեալ պետք է լինես:
14. Քո ժառանգելիք երկրի մարդիկ հաւատում են հմայութիւններին ու կախարդութիւններին, բայց քո Տէր Աստուածը քեզ այդպէս վարուելու հրաման չի տուել:
15. Քո եղբայրների միջից քո Տէր Աստուածը ինձ նման մարգարէ պիտի մէջտեղ հանի, նրան կը լսեք,
16. քանի որ, երբ Քորեբում հաւաքուել էիք, ձեր Տէր Աստծուն խնդրելով՝ ասում էիք. Այլեւս չլսենք մեր Տէր Աստծու ձայնը, այդ մեծ կրակն այլեւս չտեսնենք, որպէսզի չմեռնենք:
17. Այն ժամանակ Տէրն ինձ ասաց. Ճիշտ է այն ամէնը, ինչ նրանք ասացին.
18. ես նրանց եղբայրներից քեզ նման մի մարգարէ մէջտեղ կը հանեմ, իմ պատգամները կը ղնեմ նրա բերանը, եւ նա նրանց կ'ասի այն, ինչ ես կը պատուիրեմ նրան:
19. Այն մարդը, որ չի լսի իմ անունից խօսող մարգարէին, նրանից վրեժ կը լուծեմ:
20. Իսկ եթէ մարգարէն յանդգնի իմ անունից ասել այնպիսի բաներ, որ ես չեմ հրամայել ասել, կամ եթէ խօսի օտար աստուածների անունից, ապա այդ մարգարէն պետք է մեռնի:
21. Եթէ ձեր մտքում ասեք՝ Ինչպէ՞ս իմանանք, թէ Տէրը չի ասել այդ խօսքերը,
22. ապա իմացէ՛ք. եթէ Տիրոջ անունից մարգարէի ասածը չի կատարւում, չի լինում, ապա դա Տիրոջ ասած խօսքը չէ. մարգարէն ամբարշտութեամբ է խօսել, ուրեմն մի՛ թողէք նրան խօսել:

1. Երբ քո Տեր Աստուածը կոտորի այն ազգերին, որոնց երկիրը քո Տեր Աստուածը տալու է քեզ, երբ ժառանգես այն եւ բնակուես նրանց քաղաքներում ու տներում,
2. այն ժամանակ քո Տեր Աստուած քեզ տուած երկրի մէջ երեք քաղաք կ'առանձնացնես:
3. Նկատի առնելով ճանապարհները, երեքի կը բաժանես քո Տեր Աստուած քեզ բաժին տուած երկիրը, որպէսզի այդ քաղաքները ապաստան լինեն մարդասպանութիւն կատարած բոլոր մարդկանց համար:
4. Այդ քաղաքները փախչելով՝ այդտեղ ապաստան թող գտնի այն մարդասպանը, որ նախապէս թշնամութիւն չի ունեցել իր այդ մերձաւորի նկատմամբ եւ նրան սպանել է ակամայ.
5. ինչպէս, օրինակ՝ նա, ով իր մերձաւորի հետ մայրու անտառ է մտնում ծառ կտրելու, կացնով փայտ կտրելու համար բարձրացնում է իր ձեռքը, եւ կացինը կոթից պոկուելով՝ դիպչում է այդ մերձաւորին, ու սա մեռնում է: Նա թող փախչի, ընկնի այդ քաղաքներից մէկումէկը եւ փրկուի:
6. Այնպէս չլինի, որ սպանուածի արիւնակից հարազատը, որի սիրտը այրւում է, սպանողին հետապնդի, եթէ անգամ ճանապարհը հեռու է, եւ սպանի նրան: Նա մահուան դատապարտուելու ենթակայ չէ, որովհետեւ նախապէս նրա նկատմամբ թշնամութիւն չի ունեցել:
7. Դրա համար էլ քեզ պատուիրում եմ ու ասում հետեւեալը. երեք քաղաք կ'առանձնացնես քեզ համար:
8. Եթէ քո Տեր Աստուածը ընդարձակի քո սահմանները, ինչպէս Տերը երդուել է քո հայրերին, եւ Տերը քեզ տայ քո հայրերին խոստացած ամբողջ երկիրը,
9. եթէ լսես ու կատարես այսօր քեզ հաղորդած իմ բոլոր այս պատուիրանները, այն է՝ սիրես քո Տեր Աստուծուն, յաւիտեանս ընթանաս նրա ուղիով, ապա այդ երեք քաղաքներին կ'աւելացնես եւս երեք այլ քաղաքներ,
10. որպէսզի քո Տեր Աստուած քեզ ժառանգութիւն տուած երկրում անմեղ արիւն չթափուի, ձեր մէջ ոչ ոք արիւնապարտ չլինի:
11. Եթէ մէկն ատի իր մերձաւորին եւ նրա դէմ դաւ նիւթի, յարձակուի նրա վրայ, հարուածելով սպանի նրան ու փախչի այդ քաղաքներից մէկումէկը,
12. ապա նրա քաղաքի ծերերը պետք է մարդ ուղարկեն, վերցնեն նրան այնտեղից ու յանձնեն սպանուածի արեան վրէժը պահանջող հարազատի ձեռքը, որպէսզի նա սպանի նրան:
13. Դու նրան չպետք է խնայես: Իսրայելի միջից կը վերացնես անմեղ արիւնը, որպէսզի լաւ լինի քեզ համար:
14. Մի՛ խախտիր քո մերձաւորի այն սահմանները, որ քո հայրերը քեզ ժառանգութիւն են տուել, եւ որը քո Տեր Աստուածը այդ երկրում քեզ է տուել իբրեւ սեփականութիւն:
15. Որեւէ մէկի անօրէնութիւնները, յանցանքներն ու կատարած մեղքերն ապացուցելու համար մէկ մարդու վկայութիւնը բաւական չէ: Երկու կամ երեք վկաների բերանով պետք է հաստատուի ամէն բան:
16. Եթէ մի վկայ սուտ վկայութիւն տայ մի մարդու մասին եւ մեղադրի նրան անօրէնութեան մէջ,
17. ապա երկուսն էլ, որոնց մէջ հակառակութիւն կայ, պետք է կանգնեն Տիրոջ առջեւ, քահանաների առջեւ, այդ օրուայ դատաւորների առջեւ,
18. եւ դատաւորները պետք է արդարութեամբ քննեն գործը: Եթէ հաստատուի, որ վկան սուտ վկայութիւն տալով է մեղադրել իր եղբօրը,
19. ապա նրա նկատմամբ կը կիրառէք այն պատիժը, որ նա մտադիր էր հասցնել իր եղբօրը: Դրանով չարը կը վերացնէք ձեր միջից:
20. Ուրիշներն այդ լսելով՝ կը վախենան եւ այլեւս չեն յանդգնի այդպիսի չար բան անել ձեր մէջ:
21. Նրան մի՛ խնայէք: Կեանքի դիմաց՝ կեանք, աչքի դիմաց՝ աչք, ատամի դիմաց՝

աստամ, ձեռքի դիմաց՝ ձեռք, ոտքի դիմաց՝ ոտք:

1. Եթե պատերազմի ելնես քո թշնամիների դեմ եւ տեսնես, որ նրանց նժոյգները, հեծեալներն ու ռազմի դաշտ եկած ժողովուրդը թուով քեզանից շատ են, մի՛ վախեցիր նրանցից, որովհետեւ Եգիպտացիների երկրից քեզ դուրս բերած քո Տէր Աստուածը քեզ հետ է:
2. Երբ հասնի պատերազմելու ժամը, քահանան մօտ գալով՝ թող խօսի ժողովրդի հետ
3. եւ ասի նրանց. Լսեցէ՛ք, իսրայէլացիներ՛, ահա ես եմ դուք այսօր պատերազմի եք ելնում ձեր թշնամիների դեմ: Ձեր սրտերը թող չթուլանան, մի՛ վախեցեք, մի՛ զարհուրեք ու նրանցից խոյս մի՛ տուէք,
4. որովհետեւ մեր Տէր Աստուածը ձեզ հետ գնում է ձեր առջեւից, որպէսզի ձեզ հետ պատերազմելով ձեր թշնամիների դեմ՝ փրկի ձեզ:
5. Չօրահաւաք կազմակերպած սպաները թող խօսեն ժողովրդի հետ եւ ասեն. Այն մարդը, որը նոր տուն է կառուցել, բայց բնակարանամուտ չի արել, թող վերադառնայ իր տունը. չլինի թէ պատերազմի ժամանակ նա սպանուի, եւ նրա փոխարէն մի ուրիշ մարդ բնակարանամուտ անի:
6. Այն մարդը, որն այգի է տնկել, բայց դեռ դրա բերքը չի վայելել, թող գնայ ու վերադառնայ իր տունը. չլինի թէ պատերազմի ժամանակ սպանուի, եւ նրա փոխարէն մի ուրիշ մարդ դրա բերքը վայելի:
7. Այն մարդը, որը մի աղջկայ հետ նշանուել է, բայց նրա հետ դեռ չի ամուսնացել, թող գնայ ու վերադառնայ իր տունը. չլինի թէ պատերազմի ժամանակ սպանուի, եւ նրա փոխարէն մի ուրիշ մարդ ամուսնանայ իր նշանածի հետ:
8. Սպաները դարձեալ թող խօսեն ժողովրդի հետ եւ ասեն. Այն մարդը, որ վախենում է, թուլասիրտ է, թող գնայ ու վերադառնայ իր տունը, որպէսզի իր եղբօրն էլ իր նման վախկոտ չդարձնի:
9. Երբ սպաները վերջացնեն ժողովրդի հետ խօսելը, զօրքի հրամանատարներ թող նշանակուեն բանակն առաջնորդելու համար:
10. Եթե մօտենաս մի քաղաքի, նախ նրա բնակիչներին խաղաղութեան կոչ կ'անես:
11. Եթե խաղաղութիւնն ընդունեն եւ քո առջեւ բաց անեն դարպասները, ապա այդ քաղաքի մէջ գտնուող ամբողջ ժողովուրդը հարկատու եւ հնազանդ թող լինի քեզ:
12. Իսկ եթե չհնազանդուեն քեզ եւ պատերազմեն քո դեմ, ապա կը պաշարես քաղաքը,
13. մինչեւ որ քո Տէր Աստուածը այն մատնի քո ձեռքը. եւ դու սրակոտոր կ'անես նրա բոլոր արական սեռի բնակիչներին,
14. կը խնայես կանանց, ապրանքներն ու բոլոր անասունները: Քաղաքում գտնուող ամէն ինչ ու մնացած մարդկանց աւար կը վերցնես եւ կը սեփականացնես քո Տէր Աստծո՛ւ՝ քեզ յանձնած թշնամիներիդ ամբողջ աւարը:
15. Նոյն կերպ կը վարուես քեզանից շատ հեռու գտնուող բոլոր քաղաքների հետ, որոնք այդ ազգերի քաղաքներից չեն:
16. Թո Տէր Աստծու քեզ իբրեւ սեփականութիւն տուած երկրի քաղաքների բնակիչներից ոչ մէկին կենդանի չթողնեք,
17. ամբողջապէս ոչնչացրէ՛ք նրանց՝ քետացիներին, ամորիացիներին, քանանացիներին, փերեզացիներին, խեւացիներին, յեբուսացիներին եւ գերգեսացիներին, ինչպէս պատուիրել է քո Տէր Աստուածը,
18. որպէսզի սրանք ձեզ չսովորեցնեն անել իրենց այն բոլոր գարշելի բաները, որ նրանք անում են իրենց չաստուածների համար: Դրանով դուք մեղանջած կը լինեք ձեր Տէր Աստծու առջեւ:
19. Եթե նստել պաշարել ես մի քաղաք, եւ այն գրաւելու համար պետք լինի երկար ժամանակ պատերազմել նրա դեմ, ապա կացնահարելով նրա պտղատու ծառերը չկտրես. դրանց պտղից կե՛ր, բայց մի՛ կտրիր. ծառը միթէ դաշտում գտնուող մա՞րդ է, որ կարողանայ քեզանից հեռանալով՝ պաշարուածներին միանալ:
20. Կտրի՛ր ու կոտորի՛ր այն ծառը, որ գիտես, թէ պտղատու չէ, այն կտրի՛ր ու

Կտրատի՛ր եւ դրանով քո դէմ պատերազմող քաղաքի շուրջը պատնէշ կառուցի՛ր,  
մինչեւ որ այդ քաղաքը յանձնուի:

1. Եթե քո Տեր Աստծու իբրեւ ժառանգութիւն քեզ տուած երկրում, դաշտի մէջ ընկած մի սպանուած գտնուի, ու չիմանան, թէ ով է եղել նրան սպանողը,
2. ապա թող ելնեն քո ծերերն ու քո դատաւորները եւ չափեն սպանուածի եւ նրա շուրջը գտնուող քաղաքների միջեւ ընկած տարածութիւնը:
3. Սպանուածի վայրին առաւել մօտիկ քաղաքի ծերերը արջառների միջից թող վերցնեն չբանեցուած ու լուծ չկրած մի երինջ,
4. այդ քաղաքի ծերերն այդ երինջը թող իջեցնեն ապառաժուտ մի ձորի մէջ, ուր ո՛չ վար է արուած, ո՛չ սերմ ցանուած, եւ այդ ձորում ջլակոտոր թող անեն երինջը:
5. Ղեւտացի քահանաները, որոնց քո Տեր Աստուածն է ընտրել, որպէսզի կանգնեն նրա առջեւ, օրհնութիւն տան նրա անունով, թող մօտենան եւ նրանց ասածով վերանան բոլոր վեճերն ու վնասները:
6. Սպանուածին առաւել մօտիկ գտնուող քաղաքի բոլոր ծերերը իրենց ձեռքերը թող լուան ձորում ջլակոտոր արուած երինջի գլխի վրայ
7. եւ պատասխան տալով՝ թող ասեն. Մեր ձեռքերը չեն թափել այս արիւնը, եւ մեր աչքերը չեն տեսել:
8. Տէ՛ր, քաւութի՛ւն արա քո փրկած Իսրայէլի ժողովրդին, որպէսզի անմեղ արիւնը Իսրայէլի քո ժողովրդին չվերագրուի: Դրանով նրանք թափուած արեան մեղքից զերծ կը մնան:
9. Այս ձեւով դու ձեր միջից կը սրբես անմեղ արիւնը, եթէ ուզում ես քո Տեր Աստծու առջեւ բարին ու հաճելին անել:
10. Երբ պատերազմի ելնես քո թշնամիների դէմ, եւ քո Տեր Աստուածը նրանց մատնի քո ձեռքը, աւար վերցնես նրանց ունեցուածքը
11. եւ գերեվարուածների մէջ գեղեցիկ կին տեսնես, ցանկաս տիրանալ նրան ու նրան կին առնել քեզ,
12. ապա նրան կը տանես քո տունը, կ'ածիլես նրա գլուխը,
13. կը կտրես նրա եղունգները, կը հանես նրա գերութեան զգեստները: Նա թող նստի քո տանը ու մէկ ամիս թող սուգ անի իր հօր ու մօր համար: Դրանից յետոյ կը մերձենաս նրան, կ'ապրես նրա հետ, եւ նա կը լինի քո կինը:
14. Եթէ դու նրանից գոհ չլինես, ապա նրան ազատ կ'արձակես: Նրան արծաթով չվաճառես ու նրան չստորացնես, քանի որ լլկել ես նրան:
15. Եթէ մի տղամարդ երկու կին ունենայ, որոնցից մէկը սիրելի լինի, իսկ միւսն՝ ատելի, եւ նրանք՝ սիրելի ու ատելի այդ կանայք, նրա համար որդիներ ծնեն, եւ անդրանիկը լինի ատելի կնոջ որդին,
16. ու երբ վրայ հասնի իր ունեցուածքը որդիներին ժառանգութիւն տալու օրը, ապա այդ մարդն անտես անելով ատելի կնոջ անդրանիկ որդուն՝ իրաւունք չունի անդրանիկի իրաւունքը տալ իր սիրելի կնոջ որդուն:
17. Նա պարտաւոր է անդրանիկ ճանաչել ատելի կնոջ որդուն եւ իր ունեցածից նրան հասանելիք բաժնի կրկնապատիկը տալ, որովհետեւ նա է նրա անդրանիկ որդին, եւ անդրանկութեան իրաւունքը նրան է պատկանում:
18. Եթէ մէկն ունի անառակ ու անզգամ որդի, որն իր հօրն ու մօրը չի լսում, որին խրատում են, բայց նա չի անսում նրանց,
19. ապա նրա հայրն ու մայրը նրան թող տանեն իրենց քաղաքի ծերերի մօտ, իրենց հրապարակի դարպասի առջեւ,
20. եւ ասեն իրենց քաղաքի մարդկանց. Մեր այս որդին անառակ է ու անզգամ. Նա մեր ասածը չի լսում, որկրամով է ու հարբեցող:
21. Այն ժամանակ այդ քաղաքի մարդիկ քարկոծելով թող սպանեն նրան: Դրանով դուք չարը վերացրած կը լինեք ձեր միջից, իսկ ուրիշներն այդ լսելով՝ կը վախենան:
22. Եթէ մէկը մահուան դատապարտուելու արժանի յանցանք կատարի, նա մեռնելու արժանի լինի, ու նրան կախեն ծառից,

23. ապա նրա մարմինը ծառի վրայ գիշերը թող չմնայ. նոյն օրն իսկ կը թաղէք նրան, որովհետեւ Աստծուց անիծուած է նա, ով կախուած է ծառից: Մի՛ պղծէք այն երկիրը, որ քո Տէր Աստուածը քեզ է տալիս իբրեւ ժառանգութիւն:

1. Չլինի թե ճանապարհի վրայ տեսնես քո իսրայելացի եղբոր մոլորուած արջառը կամ ոչխարը եւ անտես անես դրանք. անպատճառ պետք է վերադարձնես դրանք ու բերես քո եղբոր մօտ:
2. Եթե քո եղբայրը քեզ մօտիկ վայրում չի ապրում կամ դու չես ճանաչում նրան, ապա դրանք կը բերես քո տունը. դրանք թող մնան քեզ մօտ, մինչեւ որ քո եղբայրը փնտռի դրանք, ու դու վերադարձնես նրան:
3. Նոյն կերպ կը վարուես նրա էջի հետ, նոյն կերպ կը վարուես նրա զգեստների հետ, նոյն կերպ կը վարուես քո եղբոր կորցրած բոլոր իրերի հետ: Եթե նա ինչ-որ բան կորցնի, ու դու գտնես, չանդգնես անուշադրութեան մատնել այն:
4. Երբ կը տեսնես, որ եղբորդ էջը կամ եզը ընկած է ճանապարհի վրայ, ապա դրանց կողքով անտարբեր չանցնես, այլ տիրոջն օգնելով՝ ոտքի կը կանգնեցնես դրանց:
5. Կինը տղամարդու զգեստ չպետք է հագնի, իսկ տղամարդն էլ կանացի զգեստ չպետք է հագնի, որովհետեւ քո Տէր Աստծու առջեւ պիղծ է նա, ով անում է այդ բանը:
6. Եթե քո ճանապարհին, քո առջեւ, ծառի թե գետնի վրայ թռչունի ձագերի կամ ձուերի բոյն պատահի, եւ մայրը թուխս նստած տաքացնելիս լինի ձագերին կամ ձուերը, ապա մօրը չվերցնես ձագերի հետ:
7. ազատ կ'արձակես մօրը, իսկ ձագերին կը վերցնես քեզ, որպէսզի բարիք գործած լինես եւ երկրի վրայ երկարակեաց լինես:
8. Նոր տուն կառուցելիս բազրիք կը շինես տանիքի շուրջը, որպէսզի, եթե մէկն այնտեղից ընկնի, դու քո տան մէջ սպանութիւն գործած չլինես:
9. Այգուդ մէջ տարբեր սերմեր չցանես, որպէսզի այգու բերքն ու քո ցանած սերմի բերքը իրար հետ հաւասարապէս չապականուեն:
10. Վար անելիս էշն ու եզը միասին չլծես:
11. Տարբեր նիւթերից՝ բրդից ու վուշից գործուած հագուստ չհագնես:
12. Ինչ էլ որ հագնես, քո հագած զգեստի չորս կողմերի վրայ մանուածոյ ծոպեր կը դնես:
13. Եթե մէկը կին առնի՝ ամուսնանայ նրա հետ, բայց ատի նրան,
14. նրան բամբասելով մեղքեր բարդի նրա վրայ, նրա անունը վարկաբեկելով ասի՝ Այս կնոջ հետ ամուսնացայ, բայց երբ մերձեցայ, նրան կոյս չգտայ,
15. ապա աղջկայ հայրն ու մայրը իրենց դստերն առնելով՝ աղջկայ կուսութեան նշանը թող ցուցադրեն դռան մօտ, ծերերի առջեւ:
16. Աղջկայ հայրը թող ասի ծերերին. Իմ այս աղջկան կնութեան տուեցի այս մարդուն:
17. Սա նրան ատելով՝ բամբասում է ու զրպարտում, թե՝ 'Քո աղջկան կոյս չգտայ': Ահա իմ աղջկայ կուսութեան նշանները: Այն ժամանակ այդ քաղաքի ծերերի առջեւ թող բացեն լաթը:
18. Այդ քաղաքի ծերերը թող կանչեն ու յանդիմանեն այդ մարդուն:
19. Նրանից թող գանձեն հարիւր սիկլ, յանձնեն հօրը այն բանի դիմաց, որ նա վարկաբեկել է իսրայելացի կոյսի անունը: Նա թող մնայ նրա կինը, եւ տղամարդը երբեք չհամարձակուի քել նրան:
20. Իսկ եթե ճիշտ լինի նրա ասածը՝ աղջկայ կուսութեան ապացոյց չգտնեն,
21. ապա աղջկան թող բերեն իր հօր դուռը, եւ քաղաքի բնակիչները քարկոծելով թող սպանեն նրան, որովհետեւ իսրայելացիների մէջ անպատիւ գործ է արել՝ պոռնկացել է իր հօր տանը: Դրանով դուք ձեր միջից վերացրած կը լինեք չարը:
22. Եթե գտնուի մի տղամարդ, որ շնանում է ամուսնացած կնոջ հետ, կը սպանեք երկուսին էլ՝ կնոջ հետ շնացող տղամարդուն ու այդ կնոջը. դրանով Իսրայելի միջից դուք վերացրած կը լինեք չարը:
23. Եթե քաղաքում մի տղամարդ հանդիպի մարդու հետ նշանուած կոյս աղջկայ եւ պառկի նրա հետ,
24. ապա երկուսին էլ կը բերեք իրենց քաղաքի դարպասների մօտ եւ քարկոծելով կը սպանեք նրանց. աղջկան կը սպանեք այն բանի համար, որ, դէպքը քաղաքում լինելով,



օգնութեան չի կանչել, իսկ տղամարդուն՝ այն բանի համար, որ բռնաբարել է իր մերձաւորի նշանածին: Դրանով դուք չարը վերացրած կը լինէք ձեր միջից:

25. Եթէ տղամարդը դաշտում հանդիպի նշանուած մի աղջկայ եւ բռնութեամբ պառկի նրա հետ, ապա կը սպանէք աղջկան բռնաբարած տղամարդուն,

26. իսկ աղջկան ոչինչ չէք անի, քանի որ աղջիկը մահուան արժանի բան չի արել. սա նման է այն դէպքին, երբ մէկը յարձակում է իր մերձաւորի վրայ ու սպանում նրան:

27. Նա դաշտի մէջ է հանդիպել նրան, նշանուած աղջիկը դիմադրել է, եւ ոչ ոք չի եղել, որ օգնէր նրան:

28. Եթէ մէկը չնշանուած կոյս աղջկայ հանդիպի ու բռնութեամբ պառկի նրա հետ,

29. ապա աղջկան բռնաբարող տղամարդը աղջկայ հօրը պետք է տայ յիսուն երկդրամեան արծաթ, իսկ աղջիկը պետք է դառնայ նրա կինը: Տղամարդը երբեք չպետք է յանդգնի լքել նրան:

30. Ոչ ոք իրաւունք չունի ամուսնանալու իր հօր կնոջ հետ եւ այդպիսով երեւան հանելու իր հօր ամօթոյքը:

1. Ամործիքը ճգմած կամ կռտած մարդն իրաւունք չունի Աստծու ժողովարանը մտնելու:
2. Պոռնկորդին իրաւունք չունի Տիրոջ ժողովարանը մտնելու:
3. Ամոնացին ու մովաբացին իրաւունք չունեն Տիրոջ ժողովարանը մտնելու: Նրանց մինչեւ տասներորդ սերունդը թող յաւիտեան Տիրոջ ժողովարանը չմտնի,
4. որովհետեւ Եգիպտոսից դուրս գալու ճանապարհին նրանք հացով ու ջրով ձեզ ընդառաջ չելան եւ որովհետեւ քո դէմ վարձեցին միջագետքցի Բեորի որդի Բաղաամին, որպէսզի սա անիծի քեզ:
5. Քո Տէր Աստուածը, սակայն, չկամեցաւ լսել Բաղաամին, եւ քո Տէր Աստուածն անեծքը վերածեց օրհնութեան, քանի որ քո Տէր Աստուածը սիրեց քեզ:
6. Քո կեանքի բոլոր օրերին, մինչեւ յաւիտեան նրանց հետ հաշտութեամբ չխօսես:
7. Եդոմայեցուց մի՛ խորշիր, որովհետեւ նա քո եղբայրն է: Եգիպտացուց մի՛ խորշիր, որովհետեւ պանդուխտ էիր նրա երկրում:
8. Նրանց երրորդ սերունդը կարող է մտնել Տիրոջ ժողովարանը:
9. Եթէ պատերազմի ելնես քո թշնամիների դէմ, զգուշացի՛ր ամէն տեսակ չար բաներից:
10. Եթէ ձեր մէջ գտնուի մի մարդ, որն իր երազախաբութեան պատճառով անմաքուր է դարձել, ապա թող բանակատեղիից դուրս ելի եւ բանակատեղի չմտնի:
11. Երեկոյեան նա իր մարմինը պետք է լուայ ջրով եւ արեւը մայր մտնելու ժամանակ մտնի բանակատեղի:
12. Բանակատեղիից դուրս առանձնացուած մի տեղ պետք է ունենաս ու այնտեղ արտաքնոց գնաս:
13. Քո գօտուց կախուած պետք է ունենաս մի ցից, որպէսզի, երբ արտաքնոց գնաս, դրանով փոս բացես եւ քո աղտեղութիւնն այնտեղ նետելով՝ ծածկես:
14. որովհետեւ քո Տէր Աստուածը շրջում է քո բանակատեղիում, որպէսզի փրկի քեզ եւ քո թշնամուն քո ներկայութեամբ մատնի քո ձեռքը: Դրա համար էլ քո բանակատեղին մաքուր պետք է մնայ, քո միջավայրում աղտեղութիւն չպետք է երեւայ, այլապէս Տէրը երես կը թեքի քեզանից:
15. Իր տիրոջից փախչելով քեզ մօտ եկած ստրուկին մի՛ յանձնիր նրա նախկին տիրոջը:
16. Նա թող բնակուի քեզ հետ ու քեզ հետ տեղաւորուի այնտեղ, ուր նա յարմար է գտնում: Նրան նեղութիւն մի՛ պատճառէք:
17. Իսրայելի դուստրերի մէջ բոզ չպետք է լինի, իսկ Իսրայելի տղաների մէջ՝ իգացող: Իսրայելի դուստրերին կռապաշտութեան նուէր չդարձնէք, եւ Իսրայելի տղաներից որեւէ մէկին չընծայաբերէք:
18. Պոռնկի վարձը կամ շնացող տղամարդու գինը որեւէ ուխտ կատարելու համար քո Աստծու տուն չտանես, որովհետեւ քո Տէր Աստծու առջեւ երկուսն էլ պիղծ են:
19. Քո եղբօրը վաշխով արծաթ չտաս, կամ շահ ստանալու ակնկալիքով ու տոկոսներով կերակուր:
20. Ամէն ինչ կարող ես փոխ տալ օտարին ու քո եղբօրը, որպէսզի քո Տէր Աստուածը օրհնի քեզ քո բոլոր գործերում այն երկրում, ուր դու մտնելու ես այն ժառանգելու համար:
21. Եթէ ուխտ ես անում քո Տէր Աստծուն, ապա մի՛ յապաղիր այն կատարել, որովհետեւ քո Տէր Աստուածը պահանջելով պահանջելու է քեզանից, եւ չկատարելու դէպքում մեղք կը բարդես վրադ:
22. Եթէ չես ցանկանում ուխտել, ապա դա մեղք չի համարուի քեզ:
23. Ինչ որ դուրս է գալիս քո շրթունքներից, զգո՛յշ եղիր, որ անես այնպէս, ինչպէս որ ուխտել ես քո Տէր Աստծուն: Տո՛ւր այն նուէրը, որ խոստացել ես քո բերանով:
24. Եթէ մտնես քո մերձաւորի արտը, ապա հասկը կարող ես քաղել ձեռքով, բայց քո մերձաւորի արտում մանգաղ չգործածես:
25. Եթէ մտնես քո մերձաւորի այգին, ապա խաղող կարող ես ուտել մինչեւ յագենալը, բայց ամանի մէջ լցնելով չտանես:



1. Եթե մեկը կին է առնում ու մերձենում նրան, բայց այնպես է պատահում, որ, նրա մեջ անարգութեան հանգամանք նկատելով, դադարում է նրան սիրելուց, ապա ապահարգանի թուղթ թող գրի, տայ նրա ձեռքը եւ նրան արձակի իր տնից:
2. Եթե այս կինն ամուսնանայ մի այլ մարդու հետ,
3. եւ վերջին ամուսինն էլ ատի նրան, ապա սա էլ թող գրի բաժանուելու թուղթ, տայ նրա ձեռքը եւ նրան արձակի իր տնից: Եթե մեռնի նրան կնութեան առած վերջին ամուսինը,
4. ապա նրան արձակող առաջին ամուսինը իրաւունք չունի նրա պղծուելուց յետոյ նրան նորից կնութեան առնելու, որովհետեւ դա պղծութիւն է քո Տէր Աստծու առջեւ: Մի՛ պղծէք այն երկիրը, որ Տէր Աստուածը ձեզ է տալու իբրեւ ժառանգութիւն:
5. Եթե մի տղամարդ նոր է ամուսնացել, ապա նա պատերազմի թող չգնայ. նրա վրայ ոչ մի պարտականութիւն թող չդրուի, ազատ թող լինի իր տան մէջ եւ ուրախացնի իր առած կնոջը:
6. Աղօրիքի վերին ու ստորին մասերը գրաւ չվերցնես, որովհետեւ այդպիսով դրա տիրոջ կեանքն ես գրաւ վերցրած լինում:
7. Եթե որեւէ մարդագող իր եղբայրներից՝ իսրայելացիներից մէկին գողանալով վաճառի, ապա գողը պետք է մահուան դատապարտուի: Դրանով դուք չարը վերացրած կը լինէք ձեր միջից:
8. Չգուշացի՛ր բորոտութիւնից, հետամուտ եղի՛ր, որ կատարես բոլոր այն օրէնքները, որ քեզ կը հաղորդեն դեւտացի քահանաները, ինչպես որ ես եմ պատուիրել ձեզ, որ զգոյշ լինէք:
9. Յիշեցէ՛ք, թէ ձեր Տէր Աստուածը ինչ արեց Մարիամին, երբ դուք Եգիպտոսից ճանապարհ էիք ընկել:
10. Եթե քո մերձաւորը որեւէ բան է պարտք քեզ, ապա գրաւ վերցնելու համար նրա տունը չմտնես.
11. կանգնի՛ր դրսում, եւ պարտք ունեցող մարդը ինքը թող գրաւը հանի դուրս:
12. Եթե աղքատ է այդ մարդը, ապա երբ դու գիշերը պառկում ես, նրա գրաւ տուած զգեստը թող քեզ մօտ չլինի,
13. այլ արելը մայր մտնելու ժամանակ նրա գրաւը կը վերադարձնես. նա թող պառկի իր զգեստով, օրինի քեզ, եւ դա քո Տէր Աստծու առջեւ կատարուած բարութիւն թող համարուի:
14. Մի՛ գլացիր վարձ տալ քո աղքատ ու կարիքաւոր եղբայրներին կամ քո քաղաքներում գտնուող եկուորներին.
15. նոյն օրը տո՛ւր նրա վարձը, քանի դեռ արելը մայր չի մտել, որովհետեւ նա տնանկ է, եւ դա է նրա յոյսը: Նա քո մասին թող չբողոքի Տիրոջը, եւ քեզ վրայ դա որպէս մեղք թող չբարդուի:
16. Հայրերը չպետք է մեռնեն որդիների փոխարէն, ոչ էլ որդիները պետք է մեռնեն հայրերի փոխարէն: Ամէն մարդ պետք է մեռնի իր գործած մեղքերի համար:
17. Եկուորի, որբի ու այրու իրաւունքը մի՛ ոտնահարիր, այրու զգեստները գրաւ մի՛ վերցրու,
18. որովհետեւ ստրուկ էիր Եգիպտացիների երկրում, եւ քո Տէր Աստուածը քեզ փրկեց այնտեղից: Դրա համար էլ պատուիրում եմ քեզ կատարել այս բաները:
19. Երբ քո արտը հնձելուց յետոյ խուրձ մոռանաս քո արտում, մի՛ վերադարձիր այն վերցնելու համար. դա թող պատկանի աղքատին, եկուորին, այրուն ու որբին, որպէսզի քո Տէր Աստուածը քեզ օրինի բոլոր այն գործերում, որոնց ձեռնարկում ես:
20. Երբ քաղես քո այգին, քաղից յետոյ ճռաքաղ չանես. դա թող պատկանի եկուորին, որբին ու այրուն: Յիշի՛ր, որ ստրուկ էիր Եգիպտացիների երկրում, որի համար էլ պատուիրում եմ քեզ կատարել այս բաները:
21. Եթե ձիթապտուղ ես քաղում, քաղից յետոյ մի՛ վերադարձիր պտղաքաղ անելու

համար. դա թող պատկանի եկուորին, որքին ու այրուն:

22. Յիշի՛ր, որ ստրուկ էիր Եգիպտացիների երկրում, որի համար էլ պատուհիրում եմ քեզ  
կատարել այս բաները:

1. Եթե վեճ լինի մարդկանց միջեւ, ապա թող դատարան ներկայանան, ու դատ թող լինի: Թող արդարացնեն արդարին, իսկ մեղաւորին թող պատժեն:
2. Եթե մեղաւորը գանահարութեան է արժանի, ապա նրան թող պառկեցնեն դատաւորների առջեւ եւ նրանց առջեւ նրան թող գանահարեն ըստ նրա մեղաւորութեան՝
3. քառասուն հարուած, բայց ոչ ավելի: Իսկ եթե նրան դրանից ավելի գանահարեն, ապա դա քո առջեւ կատարուած անարգանք կը լինի քո եղբոր հանդէպ:
4. Կալում աշխատող եզան դունչը չկապես:
5. Եթե եղբայրներն ապրում են միասին, եւ նրանցից մէկը առանց գաւակ ունենալու մեռնի, ապա մեռած եղբոր կինը օտարի հետ թող չամուսնանայ: Նրա ծոցը թող մտնի իր ամուսնու եղբայրը, սա թող կին առնի նրան ու ապրի այդ կնոջ հետ:
6. Սրանցից ծնուած երեխան թող գրանցուի մահացած եղբոր անունով, որպէսզի նրա անունը Իսրայէլից չջնջուի:
7. Իսկ եթե եղբայրը չցանկանայ ամուսնանալ իր մահացած եղբոր կնոջ հետ, ապա կինը թող դուրս գայ քաղաքի դարպասի մօտ, ծերերի առջեւ եւ ասի. Իմ ամուսնու եղբայրը չի ուզում Իսրայէլի մէջ պահպանել իր եղբոր անունը:
8. Այն ժամանակ իր քաղաքի ծերերը թող կանչեն մահացածի եղբորը, խօսեն նրա հետ: Եթե նա կանգնի ու ասի՝ Չեմ ուզում ամուսնանալ նրա հետ,
9. ապա նրա եղբոր կինը մօտենալով ծերերին՝ նրա ոտքից թող հանի մի կօշիկը, թքի նրա երեսին եւ պատասխան տալով՝ ասի. Այսպէս եմ վարւում այն մարդու հետ, որը վառ չի պահում իր եղբոր տունը:
10. Նրա անունն Իսրայէլի մէջ թող կոչուի՝ բոբկացած մարդու տուն՝:
11. Եթե երկու մարդ՝ երկու ազգակից իսրայէլացի եղբայրներ կռուեն միմեանց հետ, եւ նրանցից մէկի կինը իր ամուսնուն ազատելու նպատակով մօտենայ իր ամուսնու հետ կռուողին եւ ձեռքը մէկնելով՝ բռնի նրա ամործիքներից,
12. ապա առանց խղճալու պետք է կտրես նրա ձեռքը:
13. Տոպրակիդ մէջ նոյն չափի՝ ծանր ու թեթեւ կշռաքարեր թող չլինեն:
14. Քո տանը նոյն չափսը երկար ու կարճ թող չլինի:
15. Ճշգրիտ ու արդար կշռաքարեր պետք է ունենաս, ճշգրիտ ու արդար չափ ունենաս, որպէսզի երկար ապրես այն երկրում, որ քո Տէր Աստուածը իբրեւ ժառանգութիւն է տալու քեզ,
16. որովհետեւ քո Տէր Աստծու համար պիղծ է նա, ով վարւում է այդ կերպ, ով անարդարութիւն է գործում:
17. Յիշի՛ր, թէ ինչ արեց քեզ Ամաղէկը, երբ Եգիպտոսից դուրս գալու համար ճանապարհ էիր ընկել,
18. թէ ինչպէս ճանապարհին ելաւ քո դէմ, կոտորեց քո բանակի վերջապահներին ու յոգնելու պատճառով յետ ընկածներին, երբ դու քաղցած ու յոգնած էիր՝ չվախենալով Աստծուց:
19. Եւ երբ քո Տէր Աստուածը քեզ ազատի քո շրջապատում գտնուող քո բոլոր թշնամիներից այն երկրում, որ քո Տէր Աստուածը վիճակով քեզ է տալու իբրեւ ժառանգութիւն, Ամաղէկի անունը կը ջնջես երկրի երեսից: Տե՛ս, որ չմոռանաս սա:

1. Երբ մտնես այն երկիրը, որ քո Տեր Աստուածը քեզ է տալու իբրեւ սեփականութիւն, երբ ժառանգես այն ու բնակուես այնտեղ,
2. ապա կը վերցնես քո Տեր Աստծու քեզ տուած երկրի պտուղների առաջին բերքը, կը լցնես զամբիւղի մէջ եւ կը գնաս այնտեղ, ուր կ'ընտրի Տեր Աստուածը, որպէսզի իր անունը յայտնի դարձնի այնտեղ:
3. Կը գնաս այդ ժամանակ քահանայութիւն անողի մօտ եւ կ'ասես նրան. Այսօր զոհութիւն եմ յայտնում իմ Տեր Աստծուն, քանի որ մտայ այն երկիրը, որ Տերը երդուեց մեր հայրերին, որ մեզ տայ:
4. Այն ժամանակ քահանան քո ձեռքից վերցնելով զամբիւղը՝ այն թող դնի քո Տեր Աստծու զոհասեղանի առջեւ:
5. Պատասխան տալով՝ կ'ասես քո Տեր Աստծու առջեւ. Իմ հայրը թողեց Ասորեստանն ու իջաւ Եգիպտոս, այնտեղ պանդուխտ մնաց սակաւաթիւ մարդկանցով, բայց այնտեղ մեծ ազգ դարձաւ, խիստ բազմացաւ:
6. Եգիպտացիները չարչարեցին, ճնշեցին, տաժանակիր աշխատանքի լծեցին մեզ:
7. Մենք աղաղակ բարձրացրինք դէպի մեր հայրերի Աստուածը, Տերը լսեց մեր ձայնը, տեսաւ մեր տառապանքները, չարչարանքն ու նեղութիւնը,
8. եւ Տերն ինքը մեծ զօրութեամբ, ամուր ձեռքով ու հզօր բազկով, մեծամեծ տեսիլքներով, նշաններով ու զարմանահրաշ գործերով մեզ դուրս հանեց Եգիպտոսից,
9. մեզ բերեց այս վայրը, մեզ տուեց այս երկիրը, մի երկիր, ուր կաթ ու մեղր է հոսում:
10. Արդ, ահա բերել եմ Տիրոջ ինձ տուած երկրի բերքի երախայրիքը, մի երկիր, ուր կաթ ու մեղր է հոսում: Այնտեղ երկրպագութիւն կ'անես քո Տեր Աստծու առջեւ,
11. այնտեղ կ'ուրախանաք դու, ղեւտացին ու քեզ մօտ բնակուող պանդուխտը բոլոր այն բարիքների համար, որ քո Տեր Աստուածը տուել է քեզ ու քո ընտանիքին:
12. Երբ քո երկրի բոլոր տասանորդները տաս վերջացնես, երկրորդ տարում տասանորդ կը տաս այս անգամ ղեւտացուն, եկուորին, որբին ու այրուն: Նրանք թող ուտեն ու յագենան քո քաղաքներում:
13. Այն ժամանակ քո Տեր Աստծու առջեւ կ'ասես. Ինչ որ սուրբ էր, իմ տնից դուրս տարայ, ըստ Տեր Աստծու ինձ տրուած հրամանների յանձնեցի ղեւտացուն, եկուորին, որբին ու այրուն: Տէ՛ր, քո պատուիրաններն անտես չարեցի, չմոռացայ:
14. Վշտիս օրերին դրանից չկերայ ու որեւէ պիղծ նպատակի չնուիրեցի, դրանից որեւէ մեռելի բաժին չհանեցի: Լսեցի իմ Տեր Աստծու խօսքը եւ արեցի այնպէս, ինչպէս պատուիրել էիր ինձ, Տէ՛ր:
15. Արդ, նայի՛ր քո սուրբ բնակութեան վայրից՝ երկնքից, եւ օրհնի՛ր քո ժողովրդին՝ իսրայէլացիներին եւ նրանց տուած քո երկիրը, ինչպէս երդուել ես մեր հայրերին, թէ մեզ կը տաս մի երկիր, ուր կաթ ու մեղր է հոսում:
16. Այսօր քո Տեր Աստուածը քեզ պատուիրում է, որ կատարես այս բոլոր օրէնքներն ու կանոնները. դրանք կը պահեք ու կը կատարեք ձեր ամբողջ հոգով ու եղբեամբ:
17. Զո Տեր Աստծուն ընտրի՛ր այսօր, որպէսզի նա քեզ Աստուած լինի. կ'ընթանաք նրա ճանապարհով, կը պահպանեք նրա օրէնքներն ու կանոնները՝ կը լսեք նրա ասածը:
18. Տերն այսօր քեզ ընտրեց, որ լինես նրա սեփական ժողովուրդը, ինչպէս որ խոստացել է քեզ, որպէսզի պահես նրա բոլոր պատուիրանները
19. եւ բոլոր ազգերից բարձր լինես: Նա քեզ դարձրել է անուանի, բարգաւաճ ու փառաւոր, որպէսզի ըստ իր խոստման լինես քո Տեր Աստծու սուրբ ժողովուրդը:

1. Մովսեսն ու Իսրայելի ծերերը պատուիրեցին ու ասացին. Պահեցէ՛ք բոլոր այն պատուիրանները, որ ես այսօր պատգամում եմ ձեզ:
2. Երբ անցնէք Յորդանան գետով այն երկիրը, որ ձեր Տէր Աստուածը տալու է ձեզ, այնտեղ մեծամեծ քարեր կը կանգնեցնէք ու կը ծեփէք դրանք:
3. Երբ անցնէք Յորդանան գետով ու մտնէք այն երկիրը, որ ձեր հայրերի Տէր Աստուածը տալու է ձեզ, մի երկիր, ուր կաթ ու մեղր է հոսում, ինչպէս խոստացել է ձեր հայրերի Տէր Աստուածը, որ տայ ձեզ, ապա քարերի վրայ կը գրէք այս օրէնքի բոլոր պատգամները:
4. Երբ անցնէք Յորդանան գետով, այսօր իմ պատուիրած այդ քարերը կը կանգնեցնէք Գեբալ լեռան վրայ եւ դրանք կը ծեփէք:
5. Այնտեղ քո Տէր Աստծու համար քարէ զոհասեղան կը պատրաստես: Դրան երկաթ չալետք է դիպչի:
6. Զոյկուած քարերով կը պատրաստես քո Տէր Աստծու զոհասեղանը: Դրա վրայ քո Տէր Աստծու համար ողջակէզներ կը մատուցես:
7. Այնտեղ քո Տէր Աստծու համար փրկութեան զոհ կը մատուցես, կ'ուտես ու կը կշտանաս այնտեղ, կ'ուրախանաս քո Տէր Աստծու առջեւ:
8. Եւ քարերի վրայ խիստ պարզորոշ կը գրես այս բոլոր օրէնքները:
9. Մովսէսը, քահանաներն ու ղեւտացիները խօսելով բոլոր իսրայելացիների հետ՝ ասացին. Լո՛ւռ մա ու լսի՛ր, Իսրայէ՛լ: Այսօր քո Տէր Աստծու ժողովուրդը դարձար:
10. Լսի՛ր քո Տէր Աստծու ասածը, կատարի՛ր նրա բոլոր պատուիրաններն ու օրէնքները, որ ես այսօր պատգամում եմ քեզ:
11. Եւ Մովսէսն այդ օրը ժողովրդին պատուիրելով՝ ասաց.
12. Ահա անուններն այն ցեղերի, որոնք ժողովրդին օրհնելու համար Յորդանան գետն անցնելուց յետոյ պիտի կանգնեն Գարիգին լեռան վրա. Շմաւոն, Դեւի, Յուդա, Իսաքար, Յովսէփ եւ Բենիամին:
13. Եւ ահա անուններն այն ցեղերի, որոնք ժողովրդին անիծելու համար պիտի կանգնեն Գեբալ լեռան վրայ. Ռուբէն, Գադ, Ասեր, Չաբուլոն, Դան եւ Նեփթալիմ:
14. Դեւտացիները պատասխան տալով՝ բարձրաձայն պետք է ասեն բոլոր իսրայելացիներին.
15. Անիծեալ լինի այն մարդը, որը կոփածոյ ու ճուլածոյ կուռք կը պատրաստի ու այն կը թաքցնի, քանի որ Տիրոջ համար քանդակագործի ձեռքի աշխատանքը պիղծ է: Եւ ժողովուրդը պատասխան տալով՝ թող ասի. Այդպէս թող լինի:
16. Անիծեալ լինի այն մարդը, որը կ'անարգի իր հօրը կամ իր մօրը: Եւ ամբողջ ժողովուրդը թող ասի. Այդպէս թող լինի:
17. Անիծեալ լինի այն մարդը, որը կ'ոտնահարի եկուորի, որբի ու այրու իրաւունքները: Եւ ամբողջ ժողովուրդը թող ասի. Այդպէս թող լինի:
18. Անիծեալ լինի այն մարդը, որը կը խախտի իր հարեւանի սահմանները: Եւ ամբողջ ժողովուրդը թող ասի. Այդպէս թող լինի:
19. Անիծեալ լինի այն մարդը, որը կը մոլորեցնի կոյրին ճանապարհի վրայ: Եւ ամբողջ ժողովուրդը թող ասի. Այդպէս թող լինի:
20. Անիծեալ լինի այն մարդը, որը կը պառկի իր հօր կնոջ հետ, քանի որ դրանով բացաճ կը լինի իր հօր ամօթոյքը: Եւ ամբողջ ժողովուրդը թող ասի. Այդպէս թող լինի:
21. Անիծեալ լինի այն մարդը, որը կը կենակցի անասունի հետ: Եւ ամբողջ ժողովուրդը թող ասի. Այդպէս թող լինի:
22. Անիծեալ լինի այն մարդը, որը կը պառկի իր հօրենական կամ մօրենական կողմից իր քրոջ հետ: Եւ ամբողջ ժողովուրդը թող ասի. Այդպէս թող լինի:
23. Անիծեալ լինի այն մարդը, որն իր մերձաւորին կը սպանի նենգութեամբ: Եւ ամբողջ ժողովուրդը թող ասի. Այդպէս թող լինի:
24. Անիծեալ լինի այն մարդը, որը կաշառք կը վերցնի անմեղ մարդ սպանելու համար: Եւ ամբողջ ժողովուրդը թող ասի. Այդպէս թող լինի:



25. Անիծեալ լինի այն մարդը, որը չի պահում այս օրենքները եւ դրանք չի կատարում: Եւ ամբողջ ժողովուրդը թող ասի. Այդպէս թող լինի:

1. Եթե լսեք մեր Տեր Աստծու ասածները, որ ես այսօր ձեզ եմ պատգամում, այն է՝ հետեւելով նրա պատուիրաններին՝ կատարեք դրանք, ապա ձեր Տեր Աստուածը ձեզ երկրի բոլոր ազգերից աւելի բարձր կը դասի:
2. Այս բոլոր օրհնութիւնները կ'իջնեն քեզ վրայ ու կը գտնեն քեզ, եթե լսես քո Տեր Աստծու ձայնը:
3. Օրհնեալ կը լինես դու քաղաքում եւ օրհնեալ՝ դաշտում:
4. Օրհնեալ կը լինեն քո որովայնի ծնունդները, քո երկրի բերքը, քո արջառների նախիրները եւ քո ոչխարների հօտերը:
5. Օրհնեալ կը լինեն քո շտեմարաններն ու քո ամբարները:
6. Օրհնեալ կը լինես դու միշտ՝ ելնես թէ մտնես:
7. Թո՛ւ Տեր Աստուածը քո առջեւ կը կոտորի քո թշնամիներին ու հակառակորդներին: Նրանք քո դէմ կ'ելնեն մէկ ճանապարհով, բայց եօթը ճանապարհով կը փախչեն քեզանից:
8. Տերը օրհնութիւն կ'առաքի քեզ, քո շտեմարաններին ու բոլոր այն գործերին, որոնց կը ձեռնարկես այն երկրում, որ քո Տեր Աստուածը տալու է քեզ:
9. Եթե լսես մեր Տեր Աստծու ասածը եւ ընթանաս նրա ճանապարհով, ապա քո Տեր Աստուածը քեզ իր սուրբ ժողովուրդը կը դարձնի, ինչպէս երդուել է քո հայրերին:
10. Եւ երկրի բոլոր ազգերը կը տեսնեն, որ քո վրայ է դրուած Տիրոջ անունը, ու քեզանից կը վախենան:
11. Թո՛ւ Տեր Աստուածը քեզ կը բազմացնի բարիքներով՝ քո որովայնի ծնունդներով, քո երկրի բերքով, քո ոչխարների ծնունդներով այն երկրում, որ քո հայրերի Տերը երդուել է տալ քեզ երկնքի ու երկրի ստեղծուելու օրից ի վեր:
12. Տերը քեզ համար կը բացի իր բարիքների շտեմարանը՝ երկինքը, որպէսզի ժամանակին անձրեւ տայ քո երկրին, կ'օրհնի քո ձեռնարկած բոլոր գործերը, փող փոխ կը տաս շատ ազգերի, բայց ինքդ նրանցից փոխ չես առնի:
13. Եթե լսես քո Տեր Աստծու պատուիրանները, որ պահելու եւ կատարելու համար հաղորդում եմ քեզ այսօր, ապա բազում ազգերի վրայ կ'իշխես, բայց քեզ վրայ չեն իշխի: Թո՛ւ Տեր Աստուածը քեզ կը դարձնի գլուխ, բայց ոչ պոչ, բարձր կը լինես եւ ոչ թե՛ ցած:
14. Դու չպիտի խախտես այն խօսքերը, որ ես պատգամում եմ քեզ այսօր, չպիտի շեղուես ո՛չ աջ եւ ո՛չ ձախ, որ չգնաս օտար աստուածների յետեւից եւ չպաշտես դրանք:
15. Իսկ եթե չլսես քո Տեր Աստծու ասածը՝ չպահես ու չկատարես նրա բոլոր պատուիրանները, որ ես այսօր պատգամում եմ քեզ, ապա այս անեծքները կը թափուեն քո գլխին, կը հասնեն քեզ:
16. Անիծեալ կը լինես դու քաղաքում եւ անիծեալ՝ դաշտում:
17. Անիծեալ կը լինեն քո շտեմարաններն ու քո ամբարները:
18. Անիծեալ՝ քո որովայնի ծնունդները, քո երկրի բերքը, քո արջառների նախիրներն ու ոչխարների հօտերը:
19. Անիծեալ կը լինես դու միշտ՝ մտնելիս թէ ելնելիս:
20. Տերը քեզ աղքատ ու կարիքաւոր կը դարձնի եւ ձեռնարկած ու ձեռնարկելիք բոլոր գործերդ անյաջողութեան կը մատնի, մինչեւ որ կոտորի քեզ Տերը, մինչեւ որ քեզ ողնչացնի իսկոյն քո չար ընթացքի համար, քանի որ դու ինձ լքեցիր:
21. Տերը մահ կը սփռի քեզ վրայ, մինչեւ որ սպանի ու վերացնի քեզ այն երկրից, ուր մտնելու ես այն ժառանգելու համար:
22. Տերը քեզ կը տանջի տարակուսանքներով, տենդով եւ սարսուռով, շլութեամբ ու երկիւղով, խորշակով ու դժգոլութեամբ, եւ սրանք քեզ կը հետապնդեն, մինչեւ որ քեզ կորստեան մատնեն:
23. Թո՛ւ գլխի վրայ երկինքը պղնձից կը լինի, իսկ քո տակի երկիրը՝ երկաթից:
24. Տերը քո արտին անձրեւի փոխարէն փոշի կը թափի, երկնքից քեզ վրայ հող կը

թափի, մինչեւ որ քեզ սպանի ու կորստեան մատնի:

25. Տերը թշնամիներիդ առջեւ քեզ պարտութեան կը մատնի. դու նրանց դէմ մէկ ճանապարհով կ'ելնես, բայց եօթը ճանապարհով կը փախչես նրանցից: Տրիւ կը գաս երկրի բոլոր թագաւորութիւնների մէջ:

26. Ձեր դիակները երկնքի թռչունների ու երկրի գազանների կեր կը դառնան, եւ ոչ ոք չի լինի, որ քշի դրանց:

27. Տերը քեզ կը հիւանդացնի եգիպտացիների խոցով ու թութքով, սուր քոսով ու բորոտութեամբ, որպէսզի չկարողանաս բուժուել:

28. Տերը քեզ կը հիւանդացնի մտազարութեամբ, կուրութեամբ ու ցնորամտութեամբ:

29. Օրը ցերեկով կը խարխափես այնպէս, ինչպէս կոյրն է խարխափում խաւարի մէջ, եւ քո ուղիղ ճանապարհը չես գտնի: Այդ ժամանակ յաւիտենապէս զրկուած ու կողոպտուած կը լինես, եւ ոչ ոք օգնութեան չի գայ քեզ:

30. Կին կ'առնես, բայց մի ուրիշ տղամարդ նրան կը խլի քեզանից: Տուն կը շինես, բայց ինքդ չես բնակուի նրա մէջ: Այգի կը տնկես, բայց ինքդ չես քաղի բերքը:

31. Քո արջառը կը մորթուի քո առջեւ, բայց դու չես ուտի դրանից: Քո էշը կը գողանան քեզանից, բայց դու այն յետ չես դարձնի քեզ մօտ: Քո ոչխարը կը մատնուի քո թշնամու ձեռքը, եւ ոչ ոք չի լինի, որ օգնի քեզ:

32. Քո տղաներն ու աղջիկները օտար ազգի ձեռքը կը մատնուեն, եւ դու տկարացած կկոցած աչքերով կը նայես նրանց, եւ քո ձեռքը չի հասնի նրանց:

33. Քո երկրի բերքն ու քո ամբողջ վաստակը կ'ուտի քեզ անձանօթ մի ազգ, եւ դու մշտապէս զրկուած ու խորտակուած կը մնաս:

34. Քո տեսած արհաւիրքներից կը ցնորուես:

35. Տերը ծնկներդ ու սրունքներդ, ոտքերիդ ծայրից մինչեւ գլուխդ անբուժելի խոցերով կը վարակի, եւ դու չես կարողանայ բուժուել:

36. Տերը քեզ եւ քո ժողովրդի վրայ նշանակուած իշխաններին կը տանի կը յանձնի այնպիսի մի ազգի ձեռքը, որին ո'չ դու, ո'չ քո հայրերն եւ ճանաչել, եւ այնտեղ կը պաշտես օտար՝ փայտե ու քարե աստուածներ:

37. Չուարճաբանութեան, առակի եւ ծաղրուծանակի նիւթ կը դառնաս բոլոր այն ազգերի մէջ, որոնց կը յանձնի քեզ Տերը:

38. Շատ սերմ կը ցանես արտում, բայց քիչ բերք կը հաւաքես, որովհետեւ մորեխը պիտի ուտի այն:

39. Այգիներ կը տնկես ու կը մշակես, բայց գինի չես խմի, ուրախութիւն չես ունենայ դրանից, որովհետեւ որդը կերած կը լինի այգիդ:

40. Քո բոլոր սահմաններին ձիթենիներ կը լինեն, բայց իւղով չես օծուի, որովհետեւ քո ձիթենիներն իրենց բերքը թափած կը լինեն:

41. Տղաներ ու աղջիկներ կը ծնես, բայց նրանք քոնը չեն լինի, որովհետեւ գերութեան մատնուած կը լինեն:

42. Քո բոլոր տնկած ծառերն ու հողի բերքը թրթուրը կ'ուտի:

43. Քեզ մօտ բնակուող եկուորը քեզանից աւելի կը բարձրանայ, իսկ դու գնալով կ'իջնես:

44. Նա քեզ փող փոխ կը տայ, իսկ դու չես կարողանայ նրան փոխ տալ: Նա գլուխ կը լինի, իսկ դու՝ պոչ:

45. Քեզ վրայ կ'իջնեն այս անեծքները, կը հալածեն քեզ, մինչեւ որ կոտորեն, ոչնչացնեն քեզ, քանի որ չլսեցիր քո Տէր Աստծու ասածը՝ չպահեցիր նրա այն պատուիրաններն ու օրէնքները, որ նա պատուիրեց քեզ:

46. Քեզ ու քո սերնդի վրայ յաւիտեան նշաններ ու զարմանահրաշ գործեր կը լինեն

47. Ի դիմաց այն բանի, որ քո Տէր Աստծուն ուրախութեամբ ու անկեղծ սրտով չպաշտեցիր, հակառակ ամեն ինչի շատութեան:

48. Դրա համար էլ ամեն տեսակ սովի, ծարաւի, մերկութեան ու աղքատութեան մէջ կը ծառայես քո թշնամիներին, որ Տերը կ'ուղարկի քո դէմ: Նա երկաթե լուծ կը դնի քո վզին, մինչեւ որ ոչնչացնի քեզ:

49. Ինչպես արծիւն է խոյանում, այնպես էլ հեռու վայրերից՝ երկրի չորս ծագերից Աստուած քո դէմ կը հանի մի ազգ, որի լեզուն չես հասկանայ:
50. Այդ ազգը կը լինի դէմքով լաիրշ, ծերերին չի խնայի, մանուկներին չի խղճայ:
51. Նա կ'ուտի քո հօտերից ծնուած անասուններին եւ քո երկրի բերքը: Նա կը խլի քո ցորենը, գինին, իւղը, կը վերցնի քո արջառների նախիրներն ու ոչխարների հօտերը, մինչեւ որ կորստեան մատնի քեզ:
52. Քեզ կը ճնշի քո բոլոր քաղաքներում, մինչեւ որ տապալուեն քո բարձր պարիսպներն ու ամրութիւնները, որոնց վրայ յոյս ես դրել քո ամբողջ երկրում: Քեզ կը ճնշի քո բոլոր այն քաղաքներում, որ քո Տէր Աստուածը տուել է քեզ:
53. Զո թշնամու քեզ պատճառած տառապանքի ու նեղութեան ժամանակ կ'ուտես քո որովայնի ծնունդները՝ Տիրոջ քեզ տուած քո տղաների ու աղջիկների միսը:
54. Ձեր մէջ գտնուող ամենափափկակեաց եւ քնքուշ տղամարդը չար աչքով պիտի նայի իր եղբօրը, իր ծոցում պառկող կնոջն ու ողջ թողած իր որդիներին,
55. որպէսզի նրանցից ոչ մէկին չտայ իր կերած որդիների մսից: Այսպես պիտի վարուի նա, որ քո անձկութեան եւ նեղութեան մէջ, որոնցով պիտի նեղեն քեզ քո թշնամիները քո բոլոր քաղաքներում, նրան ուտելու ոչինչ պիտի չմնայ:
56. Ձեր մէջ գտնուող ամենափափկակեաց եւ քնքուշ կինը, որը քնքուշ ու փափկակեաց լինելու պատճառով փորձ իսկ չի արել երկրի վրայ ոտքով քայլելու, չար աչքով պիտի նայի իր ծոցում գտնուող ամուսնուն, իր տղային ու աղջկան,
57. պիտի խորովի եւ ուտի իր միջից ընկած ընկերքն ու իր իսկ ծնած զաւակին: Չրկուած լինելու պատճառով նա բոլորից կը թաքցնի դա իր անձկութեան եւ նեղութեան մէջ, որովհետեւ թշնամին քո բոլոր քաղաքներում քեզ տառապանք է պատճառելու:
58. Եթէ յանձն չառնէք կատարել այս գրքում գրուած օրէնքների բոլոր խօսքերը՝ չվախենաք ձեր Տէր Աստծու պատուական ու սքանչելի անունից,
59. ապա Տէրը նոր նշաններով՝ մեծ ու զարմանալի հարուածներով, խոր ու խիստ ցաւերով կը պատուհասի քեզ ու քո սերնդին:
60. Նա քեզ կը հիւանդացնի եգիպտացիների բոլոր վատ հիւանդութիւններով, որոնցից սոսկում էիր, եւ որոնք բուն կը դնեն քո մէջ:
61. Օրէնքների այս գրքում գրուած բոլոր հիւանդութիւններն ու արհաւիրքները Տէրը կը թափի քո գլխին, մինչեւ որ ոչնչացնի քեզ:
62. Թէեւ երկնքի աստղերի չափ շատ էիք, բայց սակաւաթիւ կը մնաք, որովհետեւ չլսեցիք ձեր Տէր Աստծու ասածը:
63. Տերն ինչպես որ ուրախանում էր ձեր մէջ ձեզ բարութիւն անելով ու ձեզ բազմացնելով, Տէրը նոյն ձեւով կ'ուրախանայ ձեր մէջ ձեզ կոտորելով. եւ դուք կը վերանաք այն երկրից, ուր մտնելու էք այն ժառանգելու համար:
64. Զո Տէր Աստուածը քեզ կը ցրի բոլոր ազգերի մէջ՝ երկրի մի ծայրից մինչեւ միւս ծայրը, եւ դու այնտեղ կը պաշտես քեզ ու քո հայրերին անծանօթ փայտե ու քարե օտար աստուածներ:
65. Այդ ազգերի մէջ էլ հանգստութիւն չի տայ քեզ, եւ քո ոտքերը կանգնելու տեղ չեն ունենայ: Այնտեղ նա քեզ կը տայ տխուր սիրտ, արտասուաթոր աչքեր ու հիւժուած մարմին:
66. Զո աչքերի առաջ քո կեանքը մազից կախուած կը լինի, գիշեր ու ցերեկ կը զարհուրես ու վստահ չես լինի քո կեանքի համար:
67. Զո սրտի ապրած վախի ու քո աչքերի տեսած դէպքերի պատճառով առաւօտները կ'ասես. Ե՞րբ է երեկոյ լինելու, իսկ գիշերները կ'ասես. Ե՞րբ է առաւօտ լինելու:
68. Եւ Տէրը այդտեղից նաւերով, հազարաւոր զօրքերով քեզ կը վերադարձնի Եգիպտոս այն նոյն ճանապարհով, որն այլեւս չէիք տեսնելու: Այնտեղ ձեր թշնամիներին իբրեւ ստրուկ ու աղախին կը վաճառուէք, բայց ոչ ոք ձեզ չի գնի:

1. Սրանք են ուխտի այն խօսքերը, որ Տերը պատուիրեց Մովսեսին Մովաբի երկրում հաղորդել իսրայելացիներին, բացի այն ուխտից, որ հաղորդել էր նրանց Քորեբում:
2. Մովսեսը կանչելով բոլոր իսրայելացիներին՝ ասաց. Դուք ինքներդ տեսաք այն ամենը, ինչ ձեր առաջ արեց Տերը Եգիպտոսում փարաւոնի, նրա ծառաների ու նրա ամբողջ երկրի նկատմամբ՝
3. ամուր ձեռքով ու հզոր բազկով կատարուած այն մեծամեծ փորձանքները, նշաններն ու զարմանահրաշ գործերը, որոնց ականատեսը եղաք դուք:
4. Ձեր Տեր Աստուածը մինչեւ այսօր ձեզ ո՛չ միտք տուեց, որ գիտենաք, ո՛չ աչքեր, որ տեսնեք, ո՛չ ականջ, որ լսեք:
5. Քառասուն տարի նա ձեզ տարաւ անապատով: Ո՛չ ձեր զգեստները հնացան, ո՛չ ձեր ոտքերի կօշիկները մաշուեցին:
6. Հաց չկերաք եւ գինի ու օղի չխմեցիք, որպէսզի համոզուէիք, որ ես եմ ձեր Տեր Աստուածը,
7. եւ եկաք մինչեւ այս վայրը: Մեր դեմ պատերազմի ելան Եսեբոնի թագաւոր Սեհոնը, Բասանի թագաւոր Օգը:
8. Հարուածեցինք նրանց ու գրաւեցինք նրանց երկիրը: Ռուբէնի, Գադի ցեղին ու Մանասէի կէս ցեղին իբրեւ սեփականութիւն տուեցի այն:
9. Հետեւեցէ՛ք, որ կատարեք այս ուխտի բոլոր խօսքերը, որպէսզի իմանաք այն ամենը, ինչ պիտի անեք:
10. Ձեր Տեր Աստծու առջեւ այսօր, ահա, կանգնած էք դուք բոլորդ՝ ձեր ցեղապետները, ձեր ծերերը, ձեր դատաւորները, ձեր օրէնսգետները, Իսրայելի բոլոր տղամարդիկ,
11. ձեր կանայք ու ձեր որդիները, ձեր մէջ բնակուող եկուորը, ձեր փայտահատից մինչեւ ձեր ջրկիրը,
12. որպէսզի ձեր Տեր Աստծու ուխտի մէջ մտնեք եւ դա հաստատեք նրա նզովքներով, որ ձեր Տեր Աստուածը ուխտեց ձեզ այսօր,
13. որպէսզի ձեզ դարձնի իր ժողովուրդը, եւ Նա լինի ձեզ համար Աստուած, ինչպէս ասել է եւ ինչպէս երդուել է ձեր հայրերին՝ Աբրահամին, Իսահակին ու Յակոբին:
14. Ես ոչ միայն ձեզ համար եմ անում այս ուխտերն ու այս նզովքները,
15. այլեւ նրա՛նց համար, ովքեր այսօր մեզ հետ են՝ մեր Տեր Աստծու առջեւ, նաեւ նրա՛նց համար, ովքեր այսօր մեզ հետ չեն:
16. Դուք ինքներդ էլ գիտեք, թէ ինչպէս ապրեցինք Եգիպտացիների երկրում, թէ ինչպէս անցանք այն ազգերի միջից, որոնց երկրով անցաք դուք:
17. Դուք տեսաք նրանց գարշելի գործերն ու նրանց կուռքերը, նրանց մօտ գտնուող փայտէ, քարէ, արծաթէ ու ոսկէ իրերը:
18. Ձեր մէջ թող չգտնուի տղամարդ կամ կին, ազգ կամ ցեղ, որի միտքը իր Տեր Աստծուց շեղուած լինելով՝ գնայ ու պաշտի այդ ազգերի կուռքերը: Ձեր մէջ ոչ մէկը բուսած դառն ու դաժան արմատ չլինի:
19. Եթէ լինի մէկը, որ, լսելով այս նզովքի պատգամները, մտածի ու ասի՝ Թողութիւն թող լինի ինձ, հակառակ որ ես իմ մոլոր ճամփով եմ ընթանում, այդ դէպքում մեղաւորն անմեղին կորստեան կը մատնի:
20. Աստուած չի ուզէնայ ներել նրան, այլ կը բորբոքուեն նրա բարկութիւնն ու նախանձը այդ մարդու վրայ, նրա վրայ կը թափուեն այս օրէնքների գրքում գրուած այս ուխտի բոլոր նզովքները, եւ Տերը նրա անունը կը ջնջի երկրի վրայից:
21. Ըստ այս օրէնքների գրքում գրուած այս ուխտի բոլոր նզովքների, Տերը նրան կը մեկուսացնի բոլոր իսրայելացիներից, որպէսզի չարիք հասցնի նրան:
22. Եւ միւս ազգերը, ձեզանից յետոյ եկող ձեր որդիները, հեռու երկրներից եկած օտարները, տեսնելով այդ երկրում տիրող արհաւիրքները, նրանց վրայ Տիրոջ ուղարկած հիւանդութիւնները, կ'ասեն.
23. Ծծումբ ու այրող աղ կայ այնտեղ: Ոչ մի բան չի ցանուի նրա հողի մէջ ու չի բուսնի,

եւ ոչ մի դալար բոյս չի բարձրանայ այդ հողից: Երկիրը լինելու է Սողոմի ու Գոմորի, Ադամայի ու Սեբոյիմի նման, որոնք Տէրը կործանեց սրտմտութեամբ ու բարկութեամբ:  
24. Բոլոր ազգերը կ'ասեն. Ինչո՞ւ Տէրը այդպիսի պատուհաս բերեց այդ երկրի գլխին, ի՞նչ է նրա խոր զայրոյթի եւ այդ բարկութեան պատճառը:

25. Պատասխան կը տան ու կ'ասեն. Որովհետեւ դրժեցին իրենց հայրերի Աստծու ուխտը, որ Տէրը արել էր նրանց հայրերի հետ, երբ նրանց դուրս էր բերում Եգիպտացիների երկրից:

26. Նրանք գնացին պաշտեցին օտար աստուածներ, երկրպագեցին դրանց, որոնց չգիտէին. եւ Աստուած դրանք չէր սահմանել նրանց համար:

27. Տէրը սրտմտութեամբ բարկացաւ այդ երկրի վրայ՝ դրա վրայ թափեց այդ օրէնքների մատեանի մէջ գրուած այս ուխտի բոլոր նգովքները:

28. Տէրը շատ խիստ բարկութեամբ, սրտմտութեամբ ու զայրոյթով նրանց դուրս բերեց իրենց երկրից եւ նրանց մինչեւ այսօր նետել է օտար երկիր:

29. Գաղտնի բաները մեր Տէր Աստծուն են, իսկ յայտնիները՝ մեզ ու մեր որդիներին յաւիտեան, որպէսզի կատարենք այս օրէնքների բոլոր խօսքերը:

1. Եթե քեզ հասնեն իմ հաղորդած այս բոլոր պատգամները՝ օրհնութիւնները կամ անեծքները, եւ հոգուդ մէջ յիշես դրանք այն բոլոր ազգերի մէջ, ուր Տէրը քեզ ցրելու է,
2. դառնաս դէպի քո Տէր Աստուածը, քո ամբողջ հոգով ու եութեամբ լսես նրա խօսքը այն բոլոր գործերում, որ ես հաղորդում եմ քեզ այսօր,
3. ապա Տէրը կը ների քո բոլոր մեղքերը, կ'ողորմի քեզ եւ դարձեալ ի մի կը հաւաքի քեզ բոլոր այն ժողովուրդների միջից, որոնց մէջ ցրել էր քեզ:
4. Եթե դու ցրիւ ես եկել երկրի մի ծայրից մինչեւ միւս ծայրը, այդտեղից էլ կը հաւաքի քեզ քո Տէր Աստուածը:
5. Այնտեղից կը վերցնի քեզ քո Տէր Աստուածը եւ քո Տէր Աստուածը քեզ կը բերի քո հայրերի ժառանգած երկիրը: Կը ժառանգես այն, քեզ համար լաւ կը լինի, եւ Աստուած քեզ քո հայրերից տասնապատիկ անելի կը բազմացնի:
6. Տէրը կը մաքրի քո ու քո սերնդի սիրտը, որպէսզի քո Տէր Աստծուն սիրես քո ամբողջ հոգով ու եութեամբ, որպէսզի ապրէք դու եւ քո սերունդը:
7. Այն ժամանակ քո Տէր Աստուածը այս նգովքները կը թափի քեզ հալածող քո թշնամիների ու քեզ ատողների գլխին:
8. Դու շուռ կը գաս, կը լսես քո Տէր Աստծու խօսքը եւ կը կատարես նրա պատուիրանները, որոնք ես այսօր պատգամում եմ քեզ:
9. Քո Տէր Աստուածը քո որովայնի ծնունդներով, քո երկրի բերքով ու քո անասունների ծնունդներով յաջողութիւն կը պարգեւի քեզ քո ձեռնարկած բոլոր գործերում: Քո Տէր Աստուածը դարձեալ կ'ուրախանայ քեզ բարութիւն անելով, ինչպէս քո հայրերի համար էր ուրախացել,
10. եթե լսես քո Տէր Աստծու ասածը՝ պահես ու կատարես այս օրէնքների գրքում գրուած նրա բոլոր պատուիրանները, նրա օրէնքներն ու նրա կանոնները, քո Տէր Աստծուն վերադառնաս քո ամբողջ հոգով ու եութեամբ:
11. Այն պատուիրանները, որոնք այսօր ես պատգամում եմ քեզ, ո՛չ դժուար են, ո՛չ էլ՝ քեզ անմատչելի:
12. Դրանք ո՛չ երկնքում են, որ ասես, թէ՛ Մեզկից ո՞վ կ'ելնի երկինք, որ վերցնի դրանք, որ լսենք եւ կատարենք,
13. ո՛չ էլ՝ ծովի միւս ափին, որ ասես, թէ՛ Ո՞վ պիտի անցնի ծովի միւս կողմը, որ մեզ համար վերցնի դրանք, մեզ համար կարդայ, եւ մենք կատարենք:
14. Քեզ չափազանց մօտիկ է այդ խօսքը. քո բերանում, քո սրտում է, եւ դու ի վիճակի ես կատարելու այդ:
15. Այսօր, ահա, քո առջեւ եմ դնում կեանքն ու մահը, բարին ու չարը:
16. Եթե լսես մեր Տէր Աստծու պատուիրանները, որ ես այսօր պատգամում եմ քեզ՝ սիրես քո Տէր Աստծուն, ընթանաս նրա ճանապարհներով, պահես նրա օրէնքները, նրա պատուիրաններն ու նրա կանոնները, կ'ապրէք ու բազմամարդ կը լինէք, եւ քո Տէր Աստուածը քեզ կ'օրհնի ամբողջ երկրում, ուր կը մտնես այն ժառանգելու համար:
17. Իսկ եթե քո միտքը փոխես, չհնազանդուես, մոլորուելով երկրպագես օտար աստուածների ու պաշտես դրանք,
18. ապա այսօր քեզ յայտնում եմ, որ կը կորչէք, երկար չէք մնայ այն երկրում, ուր դուք կ'անցնէք Յորդանան գետը կտրելով՝ այն ժառանգելու համար:
19. Երդում եմ ձեզ երկնքով ու երկրով, որ ձեր առջեւ եմ դնում կեանքն ու մահը, օրհնութիւններն ու անեծքները: Ընտրի՛ր կեանքը, որպէսզի ապրէք դու եւ քո սերունդը:
20. Պետք է սիրես քո Տէր Աստծուն, լսես նրա ասածը, կապուած մնաս նրան, որովհետեւ նա է քո կեանքն ու քո երկարակեցութիւնը, որպէսզի բնակուես այն երկրում, որ Տէրը երդուեց քո հայրերին՝ Աբրահամին, Իսահակին ու Յակոբին, որ կը տայ նրանց:

1. Մովսեսը բոլոր իսրայելացիներին այս բաները հաղորդելուց յետոյ նրանց ասաց.
2. Այսօր ես հարիւր քսան տարեկան եմ, այլեւս չեմ կարող ո՛չ գնալ, ո՛չ գալ: Տէրն ինձ ասել է՝ Յորդանան գետից այն կողմ չանցնես:
3. Քո Տէր Աստուածը, որ ընթանում է քո առջեւից, Նա՛ պիտի վերացնի քո առջեւից այդ ազգերին, եւ դու պիտի տիրես նրանց: Յետո՛ւն պիտի առաջնորդի քեզ, ինչպէս ասել է Տէրը:
4. Տէրը նրանց հետ պիտի վարուի այնպէս, ինչպէս վարուեց Սեհոնի ու Օգի հետ՝ Յորդանան գետի այն կողմում գտնուող ամորիացի երկու թագաւորների ու նրանց երկրի հետ,
5. որ կոտորեք նրանց: Տէրը նրանց պիտի յանձնի ձեր ձեռքը, եւ դուք նրանց հետ պիտի վարուեք այնպէս, ինչպէս պատուիրել եմ ձեզ:
6. Քա՛ջ եղիր ու զօրացի՛ր, մի՛ երկնջիր ու մի՛ վախեցիր, մի՛ զարհուրիր նրանց ներկայութիւնից, քանի որ քո Տէր Աստուածն ինքը պիտի գնայ ձեր առջեւից, ձեր մէջ: Նա չի լքելու ձեզ ու չի անտեսելու ձեզ:
7. Մովսեսը կանչեց Յեսուին ու բոլոր իսրայելացիների առջեւ ասաց նրան. Քա՛ջ եղիր ու զօրացի՛ր, որովհետեւ այս ժողովրդին առաջնորդելով՝ դու պիտի մտնես այն երկիրը, որ ձեր հայրերի Տէրը երդուեց տալ նրանց, եւ դու պիտի նրանց սեփականութեան տէր դարձնես:
8. Քո առջեւից գնացող Տէրը չի լքելու եւ չի անտեսելու քեզ: Մի՛ երկնջիր, մի՛ վախեցիր:
9. Մովսէսն այս օրէնքների բոլոր խօսքերը գրեց մատեանում, այն տուեց քահանաներին՝ Տիրոջ ուխտի տապանակը ուսամբարձ տանող Ղեւիի որդիներին եւ իսրայելացի ծերերին:
10. Մովսէսն այդ օրը նրանց պատուիրելով՝ ասաց. Եօթը տարի յետոյ՝ թողութեան տարում, Տաղաւարահարաց տօնին,
11. երբ ամբողջ իսրայելը հաւաքուի, որպէսզի Տիրոջ ընտրած վայրում հանդիպէք ձեր Տէր Աստծուն, այս օրէնքները կը կարդաք իսրայելացիների առջեւ, նրանց ականջին,
12. երբ ժողովուրդը՝ տղամարդիկ, կանայք, երեխաներն ու ձեր քաղաքներում գտնուող եկուորները հաւաքուած կը լինեն, որպէսզի լսեն ու սովորեն երկնջել մեր Տէր Աստծուց եւ սովորեն կատարել այս օրէնքի բոլոր պատգամները:
13. Նրանց անտեղեակ որդիները թող լսեն ու սովորեն երկնջել մեր Տէր Աստծուց այդ երկրում ապրելու բոլոր օրերին, այն երկրում, որ Յորդանան գետով անցնելով՝ պիտի ժառանգէք դուք:
14. Տէրն ասաց Մովսէսին. Ահա մօտեցան քո մահուան օրերը: Կանչի՛ր Յեսուին, կանգնեցէ՛ք վկայութեան խորանի դռանը, որպէսզի պատուէր տամ նրան: Մովսէսն ու Յեսուն գնացին դէպի վկայութեան խորանը եւ կանգնեցին վկայութեան խորանի դռանը:
15. Տէրն իջաւ ամպի սիւնի ձեւով ու կանգնեց վկայութեան խորանի դռանը: Խորանի դռանը կանգնեց նաեւ ամպի սիւնը:
16. Տէրն ասաց Մովսէսին. Ահա դու պիտի մահանաս ու գնաս քո նախնիների մօտ. այս ժողովուրդը պիտի ելնի ու պոռնկանայ՝ հետեւելով օտար աստուածներին այն երկրի, որոնց բնակիչների մէջ պիտի մտնի: Նա պիտի լքի ինձ ու պիտի խախտի իր հետ կնքած իմ ուխտը:
17. Այդ օրը սրտմտութեամբ պիտի բարկանամ նրանց վրայ, պիտի լքեմ նրանց, երեսս պիտի թեքեմ նրանցից, նրանք թշնամիների կեր պիտի դառնան, բազում չարիքներ ու նեղութիւններ պիտի կրեն ու այդ օրը պիտի ասեն. Այս չարիքները մեզ վրայ թափուեցին, քանի որ մեր Տէր Աստուածը մեզ հետ չէ:
18. Ես այդ օրը իմ երեսը պիտի դարձնեմ նրանցից բոլոր այն չարիքների համար, որ նրանք գործեցին, քանի որ յարեցին օտար աստուածներին:
19. Ուրեմն գրեցէ՛ք օրհներգութեան այս խօսքերը, դրանք սովորեցրէ՛ք



խորայելացիներին, դրանք դրե՛ք նրանց բերանը, որպեսզի այդ օրհներգութիւնը իսրայելացիների մէջ ինձ համար վկայութիւն լինի:

20. Արդարեւ, ես նրանց տանելու եմ այն լաւ երկիրը, որ երդուել եմ տալ նրանց հայրերին, մի երկիր, ուր կաթ ու մեղր է հոսում: Թող ուտեն ու լիովի յագենան: Յետոյ նորից պիտի յարեն օտար աստուածների, պիտի պաշտեն դրանք, ինձ պիտի զայրացնեն ու դրժեն նրանց հետ կնքած իմ ուխտը:

21. Այն ժամանակ այդ օրհներգութիւնն իբրեւ վկայութիւն նրանց դեմ պիտի ելնի, նրանք ու նրանց յետնորդները պիտի չմոռանան դա: Ես գիտեմ նրանց չարութիւնը, որ նրանք յղացան այսօր այստեղ, նախքան ես նրանց կը տանեմ այն լաւ երկիրը, որը երդուեցի տալ նրանց հայրերին:

22. Այդ օրը Մովսէսը գրեց այս օրհներգութիւնը եւ այն սովորեցրեց իսրայելացիներին:

23. Մովսէսը Նաւէի որդի Յեսուին պատուիրելով՝ ասաց. Քա՛ջ եղիր ու զօրացի՛ր, որովհետեւ Իսրայէլի որդիներին դու ես տանելու այն երկիրը, որ Տէրը խոստացաւ տալ նրանց, եւ Նա լինելու է քեզ հետ:

24. Երբ Մովսէսն այս օրէնքների բոլոր խօսքերը մինչեւ վերջ գրեց մատեանի մէջ ու աւարտեց,

25. Նա Տիրոջ ուխտի տապանակը տանող ղեւտացիներին պատուիրելով՝ ասաց.

26. Օրէնքների այս մատեանն առե՛ք եւ դրե՛ք մեր Տէր Աստծու ուխտի տապանակի մի կողմը: Դա այնտեղ ձեզ համար վկայութիւն թող լինի:

27. Ես գիտեմ ձեր ըմբոստութիւնն ու կամակորութիւնը. եթէ այսօր, երբ ես կենդանի եմ ու ձեր մէջ, եւ դուք Աստծու դեմ ապստամբում էք, ապա իմ մահուանից յետոյ ինչե՛ր կ'անէք:

28. Արդ, ինձ մօտ հաւաքեցե՛ք ձեր ցեղապետներին ու ծերերին, ձեր դատաւորներին ու օրէնսգետներին, որպեսզի նրանց ասեմ բոլոր այս խօսքերը եւ ձեզ համար վկայ ունենամ երկինքն ու երկիրը:

29. Գիտեմ, որ իմ մահուանից յետոյ անապայման անօրէնութիւններ էք անելու, շեղուելու էք այն ճանապարհից, որ ես ձեզ պատուիրեցի, եւ վերջին օրերին ձեզ չարիքներ պիտի պատահեն, որովհետեւ չար գործ էք կատարելու Տիրոջ առջեւ՝ ձեր ձեռնարկած գործերով բարկացնելու էք նրան:

30. Եւ Մովսէսը հաւաքուած բոլոր իսրայելացիներին մինչեւ վերջ ասաց օրհներգութեան այս խօսքերը.

1. Երկինք, ականջ դիր, որ խօսեմ, եւ երկիրը թող լսի իմ բերանի պատգամները:
2. Իմ խօսքը թող ընկալուի իբրեւ անձրեւ, իմ պատգամներն իջնեն իբրեւ ցօղ, իբրեւ սեզի վրայ տեղացող անձրեւ ու խոտի վրայ տեղացող տեղատարափ,
3. որովհետեւ Տիրոջ անունը տուեցի: Օրինութիւն առաքեցէ՛ք մեր Տէր Աստծուն,
4. Աստուած, որի գործերը ճշմարիտ են, ու նրա ուղիները՝ օրինաւոր: Աստուած հաւատարիմ է, եւ նրա մէջ անխրաւութիւն չկայ, Տէրն արդար է ու անարատ:
5. Սրանք մեղք գործեցին, բայց դրա համար որդիները մեղաւոր չեն: Սա թիւր ու մոլորուած մի ազգ է:
6. Ո՛վ յիմար ու անմիտ ժողովուրդ, մի՞թէ Տիրոջը դրանով ես հատուցում: Մի՞թէ նա այն հայրը չէ, որ քեզ շահեց, քեզ արարեց ու հաստատեց քեզ:
7. Յիշի՛ր անցած օրերը, մտաբերի՛ր անցած սերունդների տարիները, հարցրո՛ւ քո հայրերին, եւ նրանք քեզ կը պատմեն, քո ծերերին, եւ նրանք քեզ կ'ասեն:
8. Երբ Բարձրեալն իրարից բաժանեց բոլոր ազգերին, ինչպէս Ադամի որդիներին եր սփռել, ազգերի սահմանները նշանակեց ըստ Աստծու որդիների թուի:
9. Տիրոջ բաժինն եղաւ իր ժողովուրդը՝ Յակոբը, իսկ իր ժառանգութեան վիճակը՝ Իսրայէլը:
10. Նա հոգաց նրա պետքերն անապատում, ջրից զուրկ վայրում, ծարաւեցնող սօթից պաշտպանեց նրան, խրատեց ու աչքի լոյսի պէս պահեց նրան:
11. Իր բոյնն ու իր ծագերին թելի տակ առնող արծուի նման գթաց, տարածեց իր թելերն ու ընդունեց նրան, բարձրացրեց ու իր մէջքին դրեց նրան:
12. Միայն Տէ՛րն էր տանում նրանց, եւ նրանց հետ օտար աստուած չկար:
13. Նրանց բերեց երկրի բարգաւաճ վայրերը, նրանց կերակրեց արտերի բերքով, ժայռից ծորող մեղրով ու ապառաժ քարից հոսող իւղով կերակրեց նրանց:
14. Գառների, խոյերի, ցուլերի ու նոխազների ճարպի, ընտիր ցորենի ալիւրի հետ նրանց տալիս էր կովերի կարագ ու մաքիների կաթ, նրանք խմում էին խաղողի արիւն՝ գինի:
15. Յակոբը կերաւ ու յագեցաւ, ճարպակալեց ու ըմբոստացաւ այդ սիրելի մարդը: Գիրացաւ, հաստացաւ ու լայնացաւ, լքեց Տէր Աստծուն՝ իր Արարչին, ապստամբեց Աստծուն՝ իր Փրկչի դէմ:
16. Ինձ բարկացրին օտար աստուածներով եւ իրենց գարշելի գործերով դառնացրին ինձ:
17. Ոչ թէ Աստծու, այլ դելերի համար զոհեր էին մատուցում, այն կուռքերի, որոնց չէին ճանաչում, որոնք նոր էին ու ժամանակաւոր, եւ որոնց չէին ճանաչում ձեր հայրերը:
18. Դու լքեցիր քեզ ծնած քո Աստծուն, մոռացար քեզ կերակրող Աստծուն:
19. Տէրը տեսաւ ու վրդովուեց, սրտմտեց իր տղաների ու աղջիկների բարկութեան համար: Նա ասաց.
20. Իմ երեսը կը թեքեմ նրանցից եւ նրանց ցոյց կը տամ, թէ ինչ կը լինի նրանց վախճանը, որովհետեւ սրանք մոլորուած ազգ են, հաւատ չունեցող որդիներ:
21. Նրանք ինձ վրդովեցին չաստուածներով, ինձ բարկացրին իրենց կուռքերով, ուրեմն ես էլ նրանց կ'անհանգստացնեմ իրաւ ազգ չեղող մարդկանցով, նրանց կը բարկացնեմ անմիտ ժողովուրդով:
22. Իմ բարկութիւնից հուր է բորբոքուել: Դա կ'այրի մինչեւ դժոխքի խորքերը, կը լափի հողն ու նրա բերքը, կը վառի լեռների հիմքերը:
23. Նրանց վրայ չարիք պիտի կուտակեմ ու իմ նետերն սպառեմ նրանց վրայ թափելով:
24. Նրանք պիտի հիւժուեն սովից ու թռչունների կեր ուտելով: Անբուժելի հիւանդութիւններ եւ ժանիքաւոր գազաններ պիտի ուղարկեմ նրանց վրայ, որպէսզի սրանք երկրի երեսից վերացնեն նրանց:
25. Դրսից սուրը, իսկ ներսից երկիւղը թող ոչնչացնեն նրանց՝ երիտասարդներին, կոյս աղջիկներին, կաթնակերներին ու ալեւոր ծերերին:

26. Ասացի, որ կը ցրեմ նրանց, մարդկանց միջից կը վերացնեմ նրանց յիշատակը:

27. Բայց այդ բանն անելուց հրաժարուեցի, քանզի նկատի ունեի թշնամիների զայրոյթը. չիկնի թէ հակառակորդները երկար ապրեն եւ վեր կենան ու ասեն. Ոչ թէ Տէրն արեց այս ամէնը, այլ մեր հօր ձեռքերը:

28. Սրանք անխոհեմ ազգ են, ու նրանց մէջ իմաստութիւն չկայ:

29. Նրանք չմտածեցին ի մտի ունենալ այս.արդ, կը ստանան ապագայում:

30. Մի մարդ ինչպէ՞ս կարող է հալածել հազարին, եւ երկուսը՝ հետապնդել տասը հազարին, եթէ Աստուած չի ոչնչացնում նրանց:

31. Նրանց աստուածները մեր Աստծու նման չեն, իսկ մեր թշնամիներն անխոհեմ են:

32. Սողոմի որթատնկից է նրանց որթատունկը, իսկ նրանց վազը՝ Գոմորից: Նրանց խաղողը լեղի է, նրանց ողկոյզը՝ դառն:

33. Նրանց գինին վիշապների ժահրն է եւ իժերի մահառիթ թոյնը:

34. Մի՞թէ այս ամէնն ինձ մօտ չի հաւաքուած եւ կնքուած չի պահուում իմ գանձարանում:

35. Կը հատուցեմ վրէժխնդրութեան օրը՝ այն ժամանակ, երբ նրանք կը շեղեն իրենց ուղին, որովհետեւ մօտ է նրանց կորստեան օրը, եւ ձեր դատաստանը պատրաստ է:

36. Տերը դատելու է իր ժողովրդին եւ միութարուելու է իր ծառաներով, որովհետեւ տեսել է, որ նրանք հիւժուած են, լքուած ու գերութեան մատնուած:

37. Եւ Տերը պիտի ասի. Ո՞ր եմ նրանց աստուածները, որոնց ապաւինում էիք,

38. որոնց զոհերի ճարպն էիք ուտում, նրանց նուիրաբերումների գինին խմում: Թող վեր կենան, օգնեն, պաշտպան կանգնեն ձեզ:

39. Տեսեք, տեսեք, որ ԵՍ ԵՄ միայն, եւ ինձանից բացի ուրիշը չկայ: Ես եմ սպանում եւ ես եմ փրկում, ես եմ հիւանդացնում եւ ես եմ բժշկում: Չկայ մէկը, որ կարողանայ փրկել իմ ձեռքից:

40. Ձեռքս երկինք բարձրացնելով՝ երդում եմ իմ աչքով ու ասում. Ես յաւիտեան կենդանի եմ,

41. իմ սուները սրելու եմ կայծակի նման, իմ ձեռքն է կայացնելու դատաստանի վճիռը, եւ իմ թշնամիներից ես պիտի վրէժ լուծեմ: Հատուցելու եմ նաեւ ինձ ատելի մարդկանց:

42. Իմ նետերը պիտի յագենան արեամբ, իսկ իմ սուրը պիտի խմի վիրաւորների, գերիների եւ ինձ թշնամի իշխանների արիւնը: Երկի՛նք, ուրախացի՛ր Նրա հետ, նրան թող երկրպագեն Աստծու բոլոր որդիները:

43. Ազգե՛ր, ուրախացե՛ք Նրա ժողովրդի հետ, նրան թող զօրացնեն Աստծու բոլոր հրեշտակները, որովհետեւ նրա որդիների արեան վրէժն է պահանջում. թշնամիների վրէժն է պահանջուելու, եւ դատաստան է արուելու: Թող ատելի մարդկանց նա արժանին հատուցի, եւ Տերը թող սրբագործի իր ժողովրդի երկիրը: Մովսէսն այս օրհներգութիւնները գրեց այդ օրը եւ դրանք սովորեցրեց իսրայէլացիներին:

44. Մովսէսը մտաւ ժողովրդի մէջ, եւ ինքն ու Նաւէի որդի Յեսուն օրէնքի բոլոր խօսքերը լսելի դարձրին ժողովրդի ականջին:

45. Մովսէսը, այս խօսքերը բոլոր իսրայէլացիներին հաղորդելուց յետոյ,

46. նրանց ասաց. Ձեր հոգու մէջ պահեցե՛ք բոլոր այն խօսքերը, որոնց վրայ այսօր վկայութիւն եմ դնում ձեր առջեւ: Դրանք հաղորդեցե՛ք ձեր որդիներին, որպէսզի պահեն ու կատարեն օրէնքի բոլոր խօսքերը:

47. Սա ոչ թէ դատարկ խօսք է, այլ ձեր կեանքի Էութիւնը: Դրա համար էլ երկար կ'ապրէք այն երկրում, որ դուք, անցնելով Յորդանան գետը, պիտի ժառանգէք:

48. Տերը նոյն օրը խօսելով Մովսէսի հետ՝ ասաց.

49. Բարձրացի՛ր Մովաբի երկրում Երիքովի դիմաց գտնուող Աբարիմ լեռը՝ Նաբաւ լեռը, եւ դիտի՛ր այն երկիրը, որ տալու եմ իսրայէլացիներին իբրեւ սեփականութիւն:

50. Գնա վախճանուի՛ր այնտեղ, քո բարձրացած լեռան վրայ եւ միացի՛ր քո ժողովրդին, ինչպէս որ Հոր լեռան վրայ մեռաւ քո եղբայր Ահարոնն ու միացաւ իր ժողովրդին:

51. Եւ սա՝ ի դիմաց այն բանի, որ իսրայէլացիների ներկայութեամբ Հակառակութեան ջրերի մօտ, Կադէսում Սին անապատում, անտեսեցիք իմ խօսքերը, չփառաւորեցիք դրանք իսրայէլացիների մէջ:

52. Դիմացի՛ց պիտի տեսնես այդ երկիրը, բայց այնտեղ պիտի չմտնես:

1. Այս է այն օրհներգութիւնը, որով Մովսէսը՝ Աստծու մարդը, նախքան մեռնելը օրհնեց իսրայէլացիներին՝
2. ասելով. Տերը եկաւ Սինայից եւ մեզ երեւաց Սէիրից: Նա Կադէսից բիւրաւոր մարդկանց հետ շտապ իջաւ Փառանի լեռից՝ աջ կողմում ունենալով իր հետ հրեշտակներին:
3. Նա գթաց իր ժողովրդին: Նրա սրբագործած բոլոր էակները քո ձեռքին են, նրանք քեզ հետ են:
4. Նրա պատգամներից օրէնքներ ստեղծուեցին, որոնք դարձան Յակոբի ժողովրդի սեփականութիւնը: Դրանք մեզ հաղորդեց Մովսէսը:
5. Երբ ժողովրդի իշխանները ի մի հաւաքուեն Իսրայէլի ցեղերի հետ, իշխան թող լինի Նա իր սիրեցեալների մէջ:
6. Ռուբէնը թող ապրի՝ չմեռնի, նրա ժողովուրդը թուով բազմաքանակ թող լինի:
7. Յուդայի մասին ասաց հետեւեալը. Տէ՛ր, լսի՛ր Յուդայի ձայնը եւ այցելի՛ր նրա ժողովրդին: Թող նրա ձեռքերն իր համար անեն ընտրութիւն, իսկ դու օգնական եղիր նրան թշնամիների դէմ:
8. Դեւիի մասին ասաց. Դեւիին տուէ՛ք նրա յայտնութիւնը, իսկ նրա ճշմարտութիւնը՝ այն անարատ մարդուն, որին փորձութեան ենթարկեցին ու Հակառակութեան ջրի մօտ բամբասեցին նրան:
9. Նա էր, որ ասում էր իր հօրն ու մօրը, թէ չի տեսել նրանց, չի ճանաչել իր եղբայրներին ու իր որդիներին անգիտացել: Նա հետեւեց քո խօսքերին ու պահեց քո ուխտը:
10. Քո իրաւունքները Յակոբին, քո օրէնքները Իսրայէլին պիտի յայտնեն նրանք: Երբ բարկանաս, քո զոհասեղանի վրայ նրանք մշտապէս խունկ պիտի ծխեն:
11. Տէ՛ր, օրհնի՛ր նրա գօրութիւնը եւ ընդունի՛ր նրա ձեռքի գործերը: Ջարդի՛ր նրա վրայ յարձակուող թշնամիների մէջքը, որպէսզի նրան ատող մարդիկ չկարողանան ոտքի կանգնել:
12. Բենիամինի մասին ասաց. Տիրոջ սիրելին ապահով թող ապրի. Աստուած նրա համար հովանի կը լինի ամէն օր, եւ նա Նրա ուսերի վրայ կը հանգստանայ:
13. Յովսէփի մասին ասաց. Տերն օրհնել է նրա երկիրը, ապահովել երկնքի անձրեւով ու ցօղով, անդունդների ընդերքից բխող աղբիւրներով,
14. արեգակի փոփոխութիւնից կախուած բերքով, ամպերը միմեանց վրայ կուտակելով,
15. հիւսավորց լեռների գագաթներով, մշտնջենական բլուրների կատարներով,
16. երկրի եղանակի համեմատ տրուող առատութեամբ: Մորենու մէջ երեւացած Աստծու հաճութիւնը թող իջնի Յովսէփի գլխին՝ եղբայրների մէջ փառաւորուածի գագաթին:
17. Նա գեղեցիկ է ցուլի առաջնածինի նման, նրա եղջիւրները նման են միեղջերուի եղջիւրների: Դրանցով նա թող պոզահարի բոլոր ազգերին մինչեւ երկրի հեռաւոր անկիւնները: Սրանք են Եփրեմի բիւրաւորները, եւ սրանք են Մանասէի հազարաւորները:
18. Չաբուղոնի մասին ասաց. Ուրախացի՛ր, Չաբուղո՛ն, երբ ճանապարհ ես ելնում գործի համար: Իսաքարի մասին ասաց. Իր բնակավայրում թող ազգեր մեռնեն:
19. Այդտեղ կանչեցէ՛ք մարդկանց ու արդարութեան զոհեր մատուցեցէ՛ք, որովհետեւ ծովի հարստութիւնն ու ծովեզերքի մօտ բնակուող մարդկանց վաճառքի շահը կարող են քեզ կերակրել:
20. Գադի մասին ասաց. Թող օրհնեալ լինի Աստուած, որ ընդարձակեց Գադի երկիրը: Նա հանգստացաւ ինչպէս առիւծը. նա խորտակեց բազուկներ ու իշխաններ
21. եւ տեսաւ իր իշխանութիւնը, որովհետեւ այնտեղ է բաժանուած Իսրայէլիացիների առաջնորդների հետ միացած իշխանների երկիրը, եւ Տերն իր արդարութիւնն ու դատաստանը գործադրեց ի նպաստ Իսրայէլի:
22. Դանի մասին ասաց. Դանը առիւծի ձագ է: Նա Բասանից ցատկ պիտի կատարի:

23. Նեփթաղիմի մասին ասաց. Նեփթաղիմը յագեցած է բարիքներով: Նա թող լցուի Տիրոջ օրհնութիւններով, թող ժառանգի ծովն ու հարաւը:
24. Ասերի մասին ասաց. Ասերն օրհնուի թող որդիներից, նա եղբայրներին ընդունելի թող լինի, իր ոտքը թաթախի իւղի մէջ:
25. Նրա կօշիկները երկաթից ու պղնձից թող լինեն: Քո զօրութիւնը քո օրերի չափ թող լինի:
26. Սիրելի Աստծու նման ոչ ոք չկայ: Նա բարձրանում է երկինք, որպէսզի դառնայ քո օգնականն ու հաստատուի իր վեհութեամբ:
27. Աստծու իշխանութիւնն ու նրա բազուկների մշտնջենաւոր զօրութիւնը քեզ հովանի թող լինեն: Նա քո առջեւից թող հալածի թշնամուն եւ ասի՝ կորի՛ր:
28. Իսրայէլը Յակոբի երկրում թող բնակուի ապահով ու առանձին, ցորենի ու գինու առատութեան մէջ թող ապրի, իսկ երկինքը նրա համար ցօղի շտեմարան թող լինի:
29. Երանի՛ քեզ, Իսրայէ՛լ. ո՞վ կարող է նմանուել քեզ, ո՞վ Տիրոջ ընտրեալ ժողովուրդ: Քո օգնականը թող պաշտպանի քեզ, իսկ քո սուրը քո պարծանքը թող լինի: Քո թշնամիները թող գան, դու բարձրանալու ես նրանց ուսերին:

1. Մովսեսը Մովաբի երկրի Արաբոթ վայրից բարձրացաւ Նաբաւ լեռը՝ Փոգորի գագաթը, որ գտնուում է Երիքովի դիմաց: Տէրը նրան ցոյց տուեց Գաղաադի ամբողջ երկիրը մինչեւ Դան,
2. Նեփթադիմի ամբողջ երկիրը, Եփրեմի ու Մանասէի ամբողջ երկիրը, Յուդայի ամբողջ երկիրը մինչեւ հեռաւոր ծովը,
3. անապատն ու Երիքովի շրջակայքը, արմաւենիների քաղաքները մինչեւ Սեգոր:
4. Տէրն ասաց Մովսեսին. Այս է այն երկիրը, որ երդուելով Աբրահամին, Իսահակին ու Յակոբին՝ ասել եմ. Քո յետնորդներին եմ տալու դա: Այս երկիրը ցոյց եմ տալիս քեզ, բայց դու այնտեղ չես մտնելու:
5. Եւ Տիրոջ ծառայ Մովսեսը վախճանուեց Մովաբի երկրում, Տիրոջ խօսքի համաձայն:
6. Նրան թաղեցին Գայիում, Փոգորի տան մօտ, եւ ոչ ոք մինչեւ այսօր չգիտի, թէ որտեղ է նրա գերեզմանը:
7. Երբ Մովսեսը վախճանուեց, հարիւր քսան տարեկան էր: Այդ տարիքում ո՛չ նրա տեսողութիւնն էր վատացել, ո՛չ էլ դէմքը խորշոմել:
8. Իսրայէլացիները Մովաբի երկրի Արաբոթ վայրում, Յորդանան գետի մօտ, Երիքովի դիմաց երեսուն օր ողբացին: Վերջացան Մովսեսի սգոյ լացի օրերը:
9. Նաւէի որդի Յեսուն լցուեց իմաստութեան հոգով, որովհետեւ Մովսեսն իր ձեռքը դրել էր նրա վրայ: Իսրայէլացիները հնազանդուեցին նրան եւ արեցին այնպէս, ինչպէս Տէրն էր պատուիրել Մովսեսին:
10. Իսրայէլում այլեւս Մովսեսի նման մարգարէ չելաւ: Նա մի մարդ էր, որին Տէրը երես առ երես ճանաչեց:
11. Եգիպտացիների երկրում փարաւոնի, նրա պաշտօնեաների հանդէպ կատարուող Տիրոջ առաքած բոլոր նշաններն ու զարմանահրաշ գործերը, նրա ամբողջ երկրի հանդէպ եղած մեծամեծ նշանները
12. Մովսեսը իսրայէլացիների առջեւ կատարում էր ամուր ձեռքով եւ հզօր բազուկով:

36001



## Գլուխ 1

1. Տիրոջ ծառայ Մովսեսի վախճանությունց յետոյ Տէրը խօսեց Մովսեսի օգնականի՝ Նաւէի որդի Յեսուի հետ եւ ասաց.
2. Իմ ծառայ Մովսեսը վախճանուեց, հիմա վե՛ր կաց, անցի՛ր Յորդանան գետով քո ամբողջ ժողովրդի հետ այն երկիրը, որ ես տալու եմ իսրայելացիներին:
3. Այն բոլոր տեղերը, ուր ձեր ոտքերը կը կոխեն, ձեզ պիտի տամ, ինչպէս որ ասել եմ Մովսեսին.
4. անապատը եւ Լեռնալիբանանը մինչեւ Եփրատ մեծ գետը, Քետացիների ամբողջ երկիրը մինչեւ արեւմուտքի վերջին ծովը ձեր սահմանները կը լինեն:
5. Ոչ ոք դեմ չի կանգնի ձեզ քո կեանքի բոլոր օրերում: Ինչպէս Մովսեսի հետ էի, այդպէս կը լինեմ նաեւ քեզ հետ, չեմ լքի քեզ եւ անտես չեմ անի:
6. Չօրացի՛ր եւ արիացի՛ր, որովհետեւ դու պիտի բաժին տաս այս ժողովրդին այն երկիրը, որ երդուեցի տալ քո հայրերին:
7. Արդ, զօրացի՛ր եւ շա՛տ քաջ եղի՛ր, որպէսզի պահես եւ կատարես այն բոլոր օրէնքները, որ իմ ծառայ Մովսեսը քեզ պատուիրեց: Դրանցից չշեղուես աջ կամ ձախ, որ խելամտօրէն անես այն ամենը, ինչ որ պիտի անես:
8. Այս օրէնքների գիրքը քո շուրթերից չհեռացնես, այլ գիշեր-ցերեկ դրա մասին մտածի՛ր, որպէսզի գիտենաս կատարել բոլոր դրա մէջ գրուածները. այն ժամանակ յաջողակ կը լինես, ուղիղ ճանապարհով կ'ընթանաս եւ խելամտօրէն կը գործես:
9. Ահա պատուիրում եմ քեզ, զօրացի՛ր եւ արիացի՛ր, մի՛ վախեցիր եւ մի՛ երկնջիր, որովհետեւ քեզ հետ է քո Տէր Աստուածը ամեն տեղ, ուր էլ որ գնաս:
10. Յեսուն պատուիրեց ժողովրդի վերակացուներին եւ ասաց. Մտե՛ք ժողովրդի բազմութեան մէջ եւ հրաման տալով ժողովրդին՝ ասացե՛ք.
11. Ձեզ համար պաշար պատրաստեցե՛ք, որովհետեւ երեք օրից յետոյ դուք պիտի անցնէք Յորդանան գետով, որպէսզի մտնէք ու գրաւէք այն երկիրը, որ ձեր հայրերի Տէր Աստուածը տալու է ձեզ որպէս ժառանգութիւն:
12. Յեսուն խօսեց նաեւ Ռուբէնի, Գադի եւ Մանասէի կէս ցեղի հետ եւ ասաց.
13. Յիշեցե՛ք Տիրոջ խօսքը, որ պատուիրեց ձեզ նրա ծառայ Մովսեսը՝ ասելով. Ձեր Տէր Աստուածը տեղաւորեց ձեզ եւ տուեց ձեզ այս երկիրը:
14. Ձեր կանայք, ձեր մանուկները եւ ձեր անասունները թող ապրեն այն երկրում, որ Մովսեսը Յորդանան գետի այս կողմում տուեց ձեզ: Բայց դուք զինուած՝ ձեր եղբայրների առաջն անցէք եւ ամբողջ զօրութեամբ նրանց մարտակի՛ց եղէք,
15. մինչեւ որ ձեր Տէր Աստուածը ձեր եղբայրներին էլ ձեզ պէս տեղաւորի, եւ նրանք էլ ժառանգեն այն երկիրը, որ մեր Տէր Աստուածը տալու է նրանց: Ապա իւրաքանչիւրդ ե՛տ դարձէք ձեր ժառանգութեան երկիրը եւ ժառանգեցե՛ք այն, որ Տիրոջ ծառայ Մովսեսը տուեց ձեզ Յորդանան գետի արեւելեան կողմում:
16. Նրանք պատասխան տալով՝ Յեսուին ասացին. Ամեն ինչ, որ պատուիրում ես մեզ, կ'անենք եւ
17. կը գնանք այն բոլոր տեղերը, ուր ուղարկում ես մեզ, ամեն բանում ինչպէս լսում էինք Մովսեսին, այդպէս կը լսենք եւ քեզ, միայն թէ մեր Տէր Աստուածը քեզ հետ լինի, ինչպէս որ Մովսեսի հետ էր:
18. Այն մարդը, որ անհնազանդ կը լինի քեզ եւ չի լսի քո խօսքերը, ինչ էլ որ հրամայես նրան, նա կը սպանուի. միայն թէ դու զօրացի՛ր եւ արիացի՛ր:

1. Նաւէի որդի Յեսուն Սատիմից երկու երիտասարդ ուղարկեց երկիրը լրտեսելու համար եւ ասաց. Գնացէք լրտեսեցէ՛ք այն երկիրը եւ երիքովը: Գնացին երկու երիտասարդները եւ եկան երիքով ու մտնելով Ռահաբ անունով մի պոռնիկ կնոջ տունը, այնտեղ օթեւանեցին:
2. Երիքովի թագաւորին լուր տուեցին եւ ասացին. Այս գիշեր այստեղ խորայեացիներից մարդիկ են մտել երկիրը լրտեսելու:
3. Երիքովի թագաւորը մարդ ուղարկեց, որ Ռահաբին ասի. Գիշերը քեզ մօտ եկած եւ տունդ մտած մարդկանց դո՛ւրս հանիր, որովհետեւ եկել են այս ամբողջ երկիրը լրտեսելու:
4. Իսկ կինը վերցրեց այդ երկու մարդկանց, թաքցրեց, խօսեց նրանց հետ եւ ասաց. Ինձ մօտ մարդիկ մտան, բայց ես չգիտէի, թէ որտեղից են:
5. Առաւօտեան աղջամուղջին, դարպասները փակուելու ժամանակ՝ այդ մարդիկ դուրս եկան, եւ չգիտեմ, թէ ո՛ւր գնացին: Շուտ հետապնդեցէ՛ք նրանց, գուցէ հասնէք:
6. Իսկ ինքը նրանց հանեց կտուրը եւ թաքցրեց վուշի խուրձերի տակ, որ դիզել էր կտուրի վրայ:
7. Մարդիկ Յորդանան գետի հունով մինչեւ գետանցը նրանց ետեւից ընկան, եւ դարպասը փակուեց, երբ հետապնդողներն ընկան նրանց ետեւից:
8. Նրանք դեռ չէին քնել, որ կինը նրանց մօտ՝ կտուրը ելաւ եւ ասաց.
9. Գիտեմ, որ Տէրն այս երկիրը ձեզ է տուել, որովհետեւ ձեր ահն ընկել է մեզ վրայ, եւ ձեր պատճառով այս երկրի բոլոր բնակիչները հալումաշ են եղել,
10. քանի որ մենք լսել ենք, թէ ինչպէս Տէրը Կարմիր ծովը ցամաքեցրեց ձեր առաջ, երբ դուրս էիք գալիս Եգիպտոսից, եւ թէ ինչ արեցիք դուք ամորհացիների երկու թագաւորներին՝ Յորդանան գետի այն կողմում գտնուող Սեհոնին եւ Օգին, որոնց սպանեցիք:
11. Երբ մենք լսեցինք, զարհուրեցին մեր սրտերը, եւ մեզնից ոչ մէկի մէջ շունչ չի մնացել ձեր պատճառով, որովհետեւ ձեր Տէր Աստուածն Աստուած է երկնքում՝ վերելում, եւ երկրի վրայ՝ ներքելում:
12. Հիմա երդուեցէ՛ք ինձ Տէր Աստուծով, որ ինչպէս ես եմ ձեզ ողորմութիւն անում, այդպէս էլ դուք ողորմութիւն կ'անէք իմ հօր տան նկատմամբ:
13. Ինձ մի ճշմարիտ նշան տուէ՛ք, որ ողջ կը թողնէք իմ հօր ընտանիքը՝ իմ մօրը, իմ եղբայրներին եւ քոյրերին ու այն ամէնը, ինչ ունեն նրանք, եւ կ'ազատէք ինձ մահից:
14. Այդ մարդիկ նրան ասացին. Մենք ձեր փոխարէն թող մեռնենք, միայն թէ մեր մասին այս բաները չպատմէք: Եւ կ'ինն ասաց. Երբ Տէրն այս քաղաքը ձեր ձեռքը յանձնի, ինձ ողորմութիւն արէ՛ք եւ ինձ հետ արդա՛ր վարուեցէք:
15. Եւ պարանով կախեց-իջեցրեց նրանց պատուհանից, որովհետեւ նրա տունը պարսպի մէջ էր, եւ ինքն էլ բնակւում էր պարսպի մէջ:
16. Նա ասաց նրանց. Լեռների վրայով գնացէ՛ք, որպէսզի խուսափէք ձեզ փնտռողներից: Երեք օր թաքնուեցէ՛ք այնտեղ, մինչեւ որ ձեզ փնտռողները ետ դառնան, եւ յետոյ գնացէ՛ք ձեր ճանապարհով:
17. Այդ մարդիկ նրան ասացին. Մենք ազատ կը լինենք այդ երդումից, որով մեզ երդուեցրիք.
18. երբ մենք մտնենք քաղաքը, դու այս կարմիր պարանը որպէս նշան կը դնես եւ կը կապես այն պատուհանից, որից մեզ իջեցրիք, եւ քո հօրը, մօրը, եղբայրներին եւ քո հօր ամբողջ ընտանիքը կը հաւաքես քեզ մօտ, այս տանը:
19. Ով որ քո տնից դուրս գայ, ինքը թող իր համար պատասխանատու լինի, մենք ազատ կը լինենք քեզ տուած մեր երդումից: Ով քեզ հետ քո տանը լինի, մենք պատասխանատու կը լինենք, եթէ մէկի ձեռքը դիպչի նրան:
20. Իսկ եթէ մէկը վնասի մեզ, կամ յայտնես մեր այս գործը, մենք ազատ կը լինենք քեզ տուած մեր երդումից:

21. Եւ կինն ասաց. Թող լինի ձեր ասածի պէս, թող այդպէս լինի: Արձակեց նրանց, եւ նրանք գնացին: Եւ նա կարմիր նշանը կապեց պատուհանին:
22. Նրանք գնացին եւ եկան լեռնակողմը եւ այնտեղ մնացին երեք օր, մինչեւ որ փնտռողները ետ դարձան: Փնտռողները հետախուզեցին ամբողջ ճանապարհը, բայց չգտան նրանց:
23. Երկու երիտասարդները ետ դարձան, իջան սարից, անցնելով այն կողմ՝ հասան Նաւէի որդի Յեսուի մօտ եւ պատմեցին իրենց հետ պատահած բոլոր դէպքերը:
24. Նրանք ասացին Յեսուին, թէ՝ Տէր Աստուածը այդ ամբողջ երկիրը մատնել է մեր ձեռքը, եւ այդ երկրի բոլոր բնակիչները զարհուրած են մեզնից:

1. Յետուն առաւօտեան վաղ վեր կացաւ, եւ ինքն ու բոլոր իսրայելացիները մեկնեցին Սատիմից, եկան մինչեւ Յորդանան գետը եւ գետանցումից առաջ բանակատեղի դրեցին այնտեղ:
2. Երեք օր յետոյ վերակացուներն անցան բանակատեղիի միջով
3. Եւ պատուէր տուեցին ժողովրդին՝ ասելով. Երբ տեսնէք ձեր Տէր Աստծու ուխտի տապանակը, այն տանող ղեւտացիներին ու մեր քահանաներին, դուք էլ ելէ՛ք ձեր տեղերից եւ գնացէ՛ք տապանակի յետեւից:
4. Բայց ձեր եւ նրանց միջեւ երկու հազար կանգունի չափ հեռաւորութիւն պիտի լինի: Կանգնեցէ՛ք եւ մի՛ մօտեցէք նրան, որպէսզի իմանաք այն ճանապարհը, որով պիտի գնաք, որովհետեւ երէեկուայ եւ նախորդ օրուայ ճանապարհով չէք գնալու:
5. Եւ Յետուն ասաց ժողովրդին. Մաքրուեցէ՛ք առաւօտեան, որովհետեւ Տէրը վաղը ձեր մէջ զարմանահրաշ գործեր է անելու:
6. Յետուն խօսեց քահանաների հետ ու ասաց. Առէ՛ք Տիրոջ ուխտի տապանակը եւ գնացէ՛ք ժողովրդի առջեւից: Քահանաները վերցրին Տիրոջ ուխտի տապանակը եւ գնացին ժողովրդի առջեւից:
7. Տէրն ասաց Յետունին. Այսօր կը սկսեմ քեզ մեծարել բոլոր իսրայելացիների առաջ, որպէսզի իմանան, թէ, ինչպէս որ Մովսէսի հետ էի, այդպէս կը լինեմ եւ քեզ հետ:
8. Հիմա պատուիրի՛ր ուխտի տապանակը տանող քահանաներին եւ ասա՛. Երբ որ մտնէք Յորդանան գետի եզերքի ջրի մէջ, կանգնեցէ՛ք այնտեղ:
9. Եւ Յետուն ասաց իսրայելացիներին. Մօտեցէ՛ք այստեղ եւ լսեցէ՛ք մեր Տէր Աստծու պատգամները:
10. Յետուն ասաց. Դրանով դուք կ'իմանաք, որ կենդանի Տէրը ձեր մէջ է, եւ որ նա իսպառ ոչնչացնելու է ձեր առաջից քանանացիներին, քետացիներին, խեւացիներին, փերեզացիներին, գերգեսացիներին, ամորհացիներին եւ յեբուսացիներին:
11. Ահա ամբողջ երկրի Տիրոջ ուխտի տապանակը ձեր առջեւից պիտի անցնի Յորդանան գետով:
12. Հիմա դուք իսրայելացիներից ընտրեցէ՛ք տասներկու մարդ՝ ամէն ցեղից մի մարդ,
13. եւ երբ ամբողջ երկրի Տիրոջ ուխտի տապանակը կրող քահանաների ոտքերը մտնեն Յորդանան գետի ջրի մէջ, վերեւից իջնող ջուրը կը կտրուի, կը կանգնի ինչպէս քարակոյտ:
14. Երբ ժողովուրդը Յորդանան գետն անցնելու համար դուրս ելաւ վրաններից, քահանաները վերցրին Տիրոջ ուխտի տապանակը եւ տարան ամբողջ ժողովրդի առաջից:
15. Երբ ուխտի տապանակը կրող քահանաները մտնում էին Յորդանան գետը, եւ տապանակը կրող քահանաների ոտքերը խրուեցին Յորդանան գետի ջրի մէջ, մինչ Յորդանան գետը գալիս էր ափեափ լցուած, ինչպէս ցորենի հնձի օրերին,
16. վերեւից իջնող ջրերը կանգնեցին՝ միաձոյլ, անջրպետուած, իրարից խիստ հեռացած՝ սկսած Ադամիտէս քաղաքից, որը Կարիաթարիմի մասն է. իսկ ցած իջնող ջրերը թափուեցին Արաբացիների ծովը՝ Ադի ծովը, մինչեւ որ իսպառ կտրուեցին, եւ ժողովուրդն արդէն կանգնած էր Երիքովի դիմաց:
17. Տիրոջ ուխտի տապանակը կրող քահանաները հաստատ կանգնեցին Յորդանան գետի հունի մէջ, ցամաքի վրայ: Եւ բոլոր իսրայելացիներն անցան ցամաքով, մինչեւ որ ամբողջ ժողովուրդն աւարտեց Յորդանան գետի անցումը:

1. Երբ ամբողջ ժողովուրդն աւարտեց Յորդանան գետի անցումը, Տէրը խօսեց Յեսուի հետ եւ ասաց.
2. Ա՛ն դու ժողովրդից տասներկու մարդ, ամէն ցեղից մի մարդ,
3. հրաման տուր նրանց ու ասա՛. Այդտեղից՝ Յորդանան գետի միջից, հաստատ կանգնած քահանաների ոտնատեղերից տասներկու քարեր առե՛ք, տարե՛ք ձեզ հետ եւ դրե՛ք ձեր այն բանակատեղիում, որտեղ իջեւանելու էք այս գիշեր:
4. Եւ Յեսուն տասներկու փառաւոր իսրայելացիներ կանչեց, իւրաքանչիւր ցեղից մէկ մարդ,
5. եւ նրանց ասաց. Իմ աչքի առաջ մօտեցե՛ք Տիրոջը յանդիման, Յորդանան գետի մէջտեղում, եւ ամէն մէկդ այնտեղից Իսրայելի ցեղերի թուի համեմատ մի քար վերցրե՛ք ձեր ուսերին,
6. որպէսզի դրանք ձեզ համար միշտ նշան լինեն: Երբ վաղը ձեր որդիները ձեզ հարցնեն եւ ասեն՝ Ի՞նչ են նշանակում այս քարերը ձեզ համար,
7. դուք ձեր որդիներին կը պատմեք եւ կ'ասեք, թէ՝ Յորդանան գետի ջրերը կտրուեցին ամբողջ երկրի Տիրոջ ուխտի տապանակի առջեւ, երբ այն անցնում էր Յորդանան գետով. Յորդանան գետի ջուրը կտրուեց: Այս քարերը յաւիտեան յիշատակ թող լինեն իսրայելացիների մէջ:
8. Եւ իսրայելացիներն արեցին այնպէս, ինչպէս Տէրը պատուիրեց Յեսուին: Առնելով տասներկու քարեր Յորդանան գետի միջից, ինչպէս Տէրը հրամայել էր Յեսուին իսրայելացիների անցնելուց յետոյ, դրանք իրենց հետ տարան բանակատեղի եւ դրին այնտեղ:
9. Յեսուն ուրիշ տասներկու քարեր կանգնեցրեց Յորդանան գետի մէջ, այնտեղ, ուր ոտք էին դրել Տիրոջ ուխտի տապանակը տանող քահանաները. եւ մինչեւ այսօր դրանք այնտեղ են:
10. Տիրոջ ուխտի տապանակը տանող քահանաները կանգնեցին Յորդանան գետի մէջտեղում, մինչեւ որ Յեսուն աւարտեց հաղորդել այն ամենը, որ Տէրը Յեսուին պատուիրել էր ժողովրդին ասելու, ճիշտ այնպէս, ինչպէս Մովսէսը պատուիրել էր Յեսուին: Եւ ժողովուրդը շտապեց ու անցաւ գետը:
11. Երբ ամբողջ ժողովուրդն անցաւ, Տիրոջ ուխտի տապանակն ու տասներկու քարերը տանողները անցան ժողովրդի առաջ:
12. Ռուբէնի որդիները, Գադի որդիները եւ Մանասէի կէս ցեղը, սպառազինուած, անցան իսրայելացիների գլուխը, ինչպէս պատուիրել էր նրանց Մովսէսը:
13. Կռուի պատրաստ քառասուն հազար սպառազինեալներ անցան Տիրոջ առջեւ՝ պատերազմելու Երիքով քաղաքի դէմ:
14. Այդ օրը Տէրը մեծարեց Յեսուին Իսրայելի ամբողջ ազգի առաջ. նրանից վախենում էին, ինչպէս որ վախենում էին Մովսէսից նրա կենդանութեան բոլոր օրերին:
15. Տէրը խօսեց Յեսուի հետ եւ ասաց.
16. Հրաման տուր վկայութեան ուխտի տապանակը տանող քահանաներին, որ դուրս գան Յորդանան գետից:
17. Եւ Յեսուն հրաման տուեց քահանաներին ու ասաց. Դո՛ւրս եկեք Յորդանան գետից:
18. Երբ Տիրոջ ուխտի տապանակը կրող քահանաները դուրս եկան Յորդանան գետի միջից, եւ քահանաները ոտք դրին ցամաքի վրայ, Յորդանան գետի ջուրը յետ իր տեղը դարձաւ եւ հոսեց իր ամբողջ հունով, ինչպէս երէկ եւ նախորդ օրը:
19. Ժողովուրդը Յորդանան գետից դուրս եկաւ առաջին ամսի տասներորդ օրը, եւ իսրայելացիները իջեւանեցին Գաղգաղայում, Երիքովի արեւելեան կողմում:
20. Այն տասներկու քարերը, որ վերցրել էին Յորդանան գետից, Յեսուն կանգնեցրեց Գաղգաղայում:
21. Նա ասաց իսրայելացիներին. Երբ վաղը ձեր որդիները հարցնեն եւ ասեն՝ Այս ի՞նչ քարեր են,

22. ասացէ՛ք ձեր որդիներին, որ Իսրայէլը ցամաքով անցաւ Յորդանան գետով,  
23. երբ մեր Տէր Աստուածը ցամաքեցրեց Յորդանան գետի ջուրը նրանց առաջ, մինչեւ  
որ անցան:  
24. Այսպէս արեց մեր Տէր Աստուածը Կարմիր ծովում. մեր Տէր Աստուածն այն  
ցամաքեցրեց մեր առաջ, մինչեւ որ անցանք,  
25. որպէսզի երկրի բոլոր ազգերն իմանան, որ մեծ է Տիրոջ զօրութիւնը, եւ դուք միշտ  
պաշտէք մեր Տէր Աստծուն:

1. Ամորհացիների բոլոր թագաւորները, որոնք Յորդանան գետի այն կողմում էին, ծովեզերքին, եւ փիւնիկեցիների թագաւորները, որոնք ծովեզերքին էին, երբ լսեցին, թէ Տէր Աստուածը նրանց գետանցման ժամանակ իսրայելացիների առաջ ցամաքեցրել է Յորդանան գետը, նրանք սրտամաշ եղան, զարհուրեցին, եւ նրանց մէջ խոհականութիւն չմնաց իսրայելացիների պատճառով:
2. Այն ժամանակ Տէրը Յեսուին ասաց. Գայլախազ քարից դանակ շինի՛ր եւ նստի՛ր կրկին թլփատիր իսրայելացիներին:
3. Եւ Յեսուն գալախազէ դանակներ շինեց եւ թլփատեց իսրայելացիներին այն վայրում, որ կոչւում էր Անթլփատների բլուր:
4. Եւ այդպէս Յեսուն թլփատեց այն իսրայելացիներին, որոնք ճանապարհին էին ծնունել Եգիպտոսից դուրս գալուց յետոյ եւ բնաւ չէին թլփատուել. բոլորին էլ թլփատեց Յեսուն: Ահա այս բազմութեանն է, որ թլփատեց Յեսուն. Եգիպտոսից դուրս եկած ամբողջ ժողովրդի արու մանուկներին: Բոլոր պատերազմող մարդիկ մեռան անապատում՝ Եգիպտոսից իրենց դուրս գալու ճանապարհին:
5. Դուրս եկած ամբողջ ժողովուրդը թլփատուած էր: Եգիպտոսից դուրս գալուց յետոյ ճանապարհին ծնուած բազմութիւնը
6. (քանի որ իսրայելացիները քառասուններկու տարի շրջել էին Արդարի անապատում), այդ բազմութիւնից շատերը՝ Եգիպտոսից դուրս եկած պատերազմիկներ, որոնք չէին հնազանդուել Աստծու պատուիրաններին, անթլփատ էին: Նրանց համար Տէրը որոշեց, որ նրանք չպիտի տեսնեն այն երկիրը, որ երդուել էր նրանց հայրերին, թէ կը տայ նրանց, մի երկիր, ուր կաթ եւ մեղր է բխում:
7. Եւ նրանց փոխարէն տարաւ նրանց որդիներին, որոնց թլփատեց Յեսուն: Նրանք անթլփատ էին, քանի որ ճանապարհին չէին թլփատուել:
8. Երբ ամբողջ ժողովուրդը թլփատուեց, հանգիստ առնելով մնացին բանակատեղիում, մինչեւ որ ապաքինուեցին:
9. Եւ Տէրն ասաց Յեսուին. Այսօր ձեր վրայից վերացրի Եգիպտացիների նախատիւները: Եւ այդ տեղի անունը կոչեց Գաղգադա. այդպէս է կոչւում մինչեւ այսօր:
10. Այնտեղ իջեւանեցին իսրայելացիները: Իսրայելացիները Երիքովի արեւելեան կողմում գտնուող դաշտում, ամսի տասնչորսերորդ օրը, իրիկնադէմին, զատիկ արեցին:
11. Եւ առաւօտեան այդ երկրի ցորենից բաղարջ եւ աղանձ կերան:
12. Այդ օրը, այդ երկրի ցորենից ուտելուց յետոյ, մանանան դադարեց, եւ իսրայելացիները այլեւս մանանայ չգտան: Եւ այդ տարի նրանք հաւաքեցին փիւնիկեցիների երկրի պտուղը:
13. Եւ մինչ Յեսուն Երիքովում էր, նա, բարձրացնելով իր աչքերը, տեսաւ իր առաջ կանգնած մի մարդու, որի ձեռքին մերկացրած սուր կար: Յեսուն մօտեցաւ եւ ասաց նրան. Մեզնի՞ց ես, թէ մեր թշնամիներից:
14. Նա ասաց. Ես Տիրոջ զօրքի զօրավարն եմ եւ հիմա եկայ:
15. Յեսուն երեսնիվայր գետին ընկաւ, երկրպագեց եւ ասաց նրան. Տէ՛ր, ի՞նչ հրաման կը տաս քո ծառային:
16. Տիրոջ զօրավարն ասաց Յեսուին. Հանի՛ր կօշիկները քո ոտքերից, որովհետեւ քո կանգնած տեղը սուրբ է: Եւ Յեսուն այդպէս արեց:

1. Երիցովն ամուր փակուած եւ ամրացուած էր իսրայելացիների պատճառով, ոչ ոք դուրս չէր գալիս այնտեղից եւ ոչ ոք չէր մտնում:
2. Տերը Յեսուին ասաց. Ահա ես քո ձեռքն եմ տալիս Երիցովը, նրա մէջ գտնուող թագաւորին եւ զօրաւոր քաջերին:
3. Բայց դուք, երբ լսեք եղջերափողի ձայնը, բոլոր մարտիկներդ շեփորներով շրջապատեցէ՛ք քաղաքը: Երբ փողերը հնչեցնէք, բոլոր պատերազմող մարդիկդ քաղաքի շուրջը պտոյտ տուէ՛ք օրական մէկ անգամ: Այսպէս արէ՛ք վեց օր:
4. Եօթը քահանայ թող առնեն տանն տօնական եղջերափողերը տապանակի առջեւից: Եօթներորդ օրը քաղաքի շուրջը պտոյտ տուէ՛ք եօթն անգամ, քահանաները թող հնչեցնեն եղջերափողերը,
5. եւ առհասարակ ամբողջ ժողովուրդը թող աղաղակի: Երբ նրանք աղաղակեն, քաղաքի պարիսպներն իրենք իրենց հիմնայատակ կը կործանուեն, ամբողջ ժողովուրդը կը մտնի քաղաք՝ ամեն մէկն ընթանալով ուղիղ իր դիմացը:
6. Նաւէի որդի Յեսուն գնաց քահանաների մօտ եւ ասաց նրանց. Առէ՛ք ուխտի տապանակը, եւ եօթը քահանաներ եօթը տօնական եղջերափողեր առաձ՝ թող գնան Տիրոջ տապանակի առջեւից:
7. Նա նրանց ասաց. Կարգադրեցէ՛ք ժողովրդին, որ գնան, պտոյտ տան քաղաքի շուրջը: Մարտիկները զինուած գնան Տիրոջ տապանակի առջեւից,
8. եօթը նուիրական շեփորներ կրող քահանաները նոյնպէս թող անցնեն Տիրոջ ուխտի տապանակի առաջ եւ ուժգին հնչեցնեն փողերը: Տիրոջ ուխտի տապանակը թող գնայ նրանց ետեւից,
9. մարտիկները թող ընթանան առջեւից, իսկ քահանաները եւ եղջերափողերը հնչեցնողները, որպէս վերջապահներ, թող գնան Տիրոջ տապանակի ետեւից՝ հնչեցնելով եղջերափողերը:
10. Իսկ ժողովրդին Յեսուն պատուիրեց եւ ասաց. Մի՛ աղաղակէք, թող ոչ ոք չլսի ձեր ձայնը, եւ ոչ մի խօսք դուրս չգայ ձեր բերանից մինչեւ այն օրը, երբ ես ինքս ազդարարեմ ձեզ աղաղակել, եւ ապա կ'աղաղակէք:
11. Տիրոջ ուխտի տապանակը, պտտելով քաղաքի շուրջը, գնաց նորից բանակատեղի եւ իջեւանեց այնտեղ:
12. Երկրորդ օրն առաւօտեան Յեսուն վեր կացաւ, քահանաները վերցրին Տիրոջ տապանակը,
13. եօթը քահանաներն առան եօթը նուիրական փողերը եւ ընթացան Տիրոջ ուխտի տապանակի առջեւից: Քահանաները հնչեցրին փողերն ու մնացեալ ամբողջ բազմութեան հետ վերադարձան բանակատեղի. ապա Տիրոջ ուխտի տապանակի ետեւից անցան մարտիկներն ու մնացած ամբոխը. գնում եւ հնչեցնում էին եղջերափողերը:
14. Երկրորդ օրն էլ մէկ անգամ մօտիկից պտտուեցին քաղաքի շուրջը եւ դարձեալ եկան բանակատեղի: Այդպէս արեցին վեց օր:
15. Իսկ եօթներորդ օրը լուսաբացին վեր կացան եւ նոյն ձեւով քաղաքի շուրջը պտտուեցին եօթն անգամ:
16. Եօթներորդ անգամ պտտուելիս քահանաները հնչեցրին փողերը, եւ Յեսուն ասաց իսրայելացիներին. Հիմա աղաղակեցէ՛ք, որովհետեւ Տէրն այս քաղաքը մեր ձեռքը մատնեց:
17. Քաղաքն ու նրա մէջ եղած ամեն ինչ նզովուած պիտի լինի զօրութիւնների Տիրոջից: Ազատեցէ՛ք միայն պոռնիկ Ռահաբին եւ այն ամենը, ինչ նրա տանը կայ, որովհետեւ նա թաքցրեց մեր ուղարկած լրտեսներին:
18. Բայց դուք զգուշացէ՛ք նզովքից. չլինի, թէ ցանկանաք մի բան առնել այդ նզովուածից. իսրայելացիների բանակատեղին նզովքի կ'ենթարկէք եւ կը կործանէք մեզ:



19. Ամբողջ ոսկին, արծաթը, պղինձը եւ երկաթը Տիրոջ սրբութիւնը պիտի լինեն եւ Տիրոջ գանձարանը պիտի մտնեն:
20. Եւ ժողովուրդն աղաղակեց, ու քահանաները հնչեցրին փողերը: Երբ ժողովուրդը լսեց փողի ձայնը, բոլորն աղաղակեցին մեծ եւ ուժգին աղաղակով, պարիսպն ընկաւ շուրջանակի, եւ ժողովուրդը բարձրացաւ մտաւ քաղաք՝ ամեն մէկն ընթանալով ուղիղ իր դիմացը: Քաղաքը գրաւեցին եւ Նզովեցին այն:
21. Ինչ որ կար քաղաքում տղամարդ թէ կին, երիտասարդ թէ ծեր, արջառ, ոչխար եւ էշ, բոլորը սրի քաշեցին:
22. Երկիրը լրտեսող երկու երիտասարդներին Յեսուն ասաց. Մտե՛ք այն պոռնիկ կնոջ տունը եւ, ինչպէս որ երդուել էք, հանեք այնտեղից նրան ու այն ամենը, ինչ որ նա ունի:
23. Եւ երկու երիտասարդները, որոնք լրտեսել էին քաղաքը, մտան այն կնոջ տունը, հանեցին պոռնիկ Ռահաբին, ինչպէս նաեւ նրա հօրը, մօրը, եղբայրներին, նրա ամբողջ ունեցուածքն ու նրա ամբողջ ազգատոհմին եւ կանգնեցրին նրանց Իսրայէլի բանակատեղիից դուրս:
24. Քաղաքն ու նրա մէջ եղած ամեն ինչ այրուեց հրով, բացի ոսկուց, արծաթից, պղնձից եւ երկաթից, որ Տիրոջ գանձարանը մտցրին:
25. Պոռնիկ Ռահաբին, նրա հօրենական տունը եւ նրա ամբողջ ունեցուածքը փրկեց Յեսուն: Ռահաբը բնակւում է Իսրայէլի մէջ մինչեւ այսօր, որովհետեւ թաքցրեց այն լրտեսներին, որոնց Յեսուն այն օրն ուղարկել էր Երիքովը լրտեսելու:
26. Յեսուն այդ օրը Նզովեց Երիքովը եւ ասաց. Տիրոջ առաջ անիծեալ լինի այն մարդը, որ կը վերականգնի եւ կը շինի Երիքով քաղաքը, իր անդրանիկ որդու վրայ նրա հիմքերը կը դնի ի գին իր անդրանիկ որդու եւ նրա պարսպի դարպասները կը կանգնեցնի ի գին իր կրտսեր որդու: Այդպէս էլ արեց Ազան Բեթէլացին. իր անդրանիկ՝ Աբիրոնի վրայ դրեց նրա հիմքերը եւ Ազատուածի՝ կրտսերի վրայ կանգնեցրեց նրա դարպասները:
27. Տէրը Յեսուի հետ էր, եւ նրա անունը տարածուեց ամբողջ երկրում:

1. Բայց իսրայելացիները յանցանք գործեցին եւ գողացան նգովուած բաներից: Յուդայի ցեղից Աքարը, որը որդին էր Քարմիի, եւ սա՝ որդին Չամբրիի, իսկ սա՝ որդին Չարայի, առաւ նգովուած բաներից, եւ Տէրը սաստիկ բարկացաւ իսրայելացիների վրայ:
2. Յետոն Երիքովից մարդիկ ուղարկեց Գայի, որ Բեթէլի դիմացն է, եւ ասաց նրանց. Լրտեսեցէ՛ք Գային: Այդ մարդիկ գնացին, լրտեսեցին Գային,
3. եւ դարձան Յետուի մօտ ու ասացին. Այս ամբողջ ժողովուրդը թող չգնայ, այլ երկու կամ երեք հազարի չափ մարդիկ թող գնան եւ պաշարեն քաղաքը: Մի՛ տար այնտեղ ամբողջ ժողովրդին, որովհետեւ նրանք քիչ են:
4. Եւ ժողովրդից մօտ երեք հազար մարդ գնացին այնտեղ, բայց փախան Գայիի մարդկանց առջեւից:
5. Գայիի մարդիկ նրանցից երեսունվեց մարդու կոտորեցին եւ նրանց հալածեցին դարպասի առաջից, վիրաւորեցին զառիվայրի վրայ, մինչեւ որ ջարդեցին նրանց: Ժողովրդի սիրտը դողաց, եւ նրանք ասեւ ջուր դարձան:
6. Յետոն պատռեց իր զգեստները, երեսի վրայ ընկաւ գետին Տիրոջ տապանակի առաջ, եւ ինքն ու Իսրայելի ծերերը այդպէս մնացին մինչեւ երեկոյ եւ իրենց գլխի վրայ հող ցանեցին:
7. Յետոն ասաց. Աղաչում եմ քեզ, Տէ՛ր, Տէ՛ր, ինչո՞ւ քո ծառան այս ժողովրդին անցկացրեց Յորդանան գետից, որ սրանց մատնես ամորիացիներին եւ կործանես մեզ: Երանի թէ այնտեղ, Յորդանան գետի եզերքին մնացած ու բնակուած լինէինք:
8. Օ՛հ, Տէ՛ր, հիմա ես ի՞նչ անեմ, երբ Իսրայէլն իր վիզը ծռել է իր թշնամիների առաջ:
9. Քանանացիներն ու երկրի բոլոր բնակիչներն այդ լսելով՝ կը պաշարեն եւ կը ջնջեն մեզ երկրի երեսից: Այն ժամանակ ի՞նչ պիտի անես քո մեծ անուան համար:
10. Եւ Տէրը Յետուին ասաց. Վե՛ր կաց, ինչո՞ւ ես ընկել երեսիդ վրայ:
11. Ժողովուրդը մեղք գործեց, դրժեց իմ ուխտը, որ ուխտեցի նրանց, նրանք գողացան առան նգովուած բաներից, ստեցին եւ դրին իրենց ամանների մէջ:
12. Իսրայելացիներն այլեւս չեն կարող կանգնել իրենց թշնամիների առաջ, այլ թիկունք կը դարձնեն իրենց թշնամիների առաջ, որովհետեւ նգովք դարձան: Այլեւս ձեզ հետ չեմ լինի, քանի այդ նգովուածը չէք վերացնի ձեր միջից:
13. Վե՛ր կաց, սրբագործի՛ր ժողովրդին. սրբագործել կը տաս առաւօտեան: Այսպէս է ասում Տէր Աստուածն իսրայելացիներին. Իսրայելացիներ, նգովք կայ ձեր մէջ, դուք չէք կարող կանգնել ձեր թշնամիների առաջ, մինչեւ որ նգովքը ձեր միջից չվերացնէք:
14. Առաւօտեան հաւաքուեցէ՛ք ամենքդ ձեր ցեղերով. այն ցեղը, որին ցոյց կը տայ Տէրը, մօտեցրէ՛ք տոհմերով, այն տոհմը, որին ցոյց կը տայ Տէրը, մօտեցրէ՛ք տներով, եւ այն տունը, որին ցոյց կը տայ Տէրը, մօտեցրէ՛ք իր մարդկանցով,
15. եւ ով որ մեղադրուի նգովուածը գողանալու մէջ, թող հրով այրուի ինքը, իր ամբողջ տունը եւ այն ամենը, ինչ որ նա ունի, որովհետեւ նա դրժել է Տիրոջ ուխտը եւ անիրաւութիւն է արել Իսրայելի մէջ:
16. Եւ Յետոն առաւօտը կանուխ վեր կացաւ, ներկայացրեց ժողովրդին ըստ իրենց ցեղերի, եւ մեղադրուեց Յուդայի ցեղը:
17. Յուդայի ցեղը ներկայացաւ տոհմերով, եւ մեղադրուեց Չարայի տոհմը: Չարայի տոհմը ներկայացաւ տներով, եւ մեղադրուեց Չամբրիի տունը:
18. Նրա տունը ներկայացաւ իր մարդկանցով, եւ մեղադրուեց Յուդայի ցեղից Աքարը, որը որդին էր Քամիի, եւ սա՝ որդին Չամբրիի, իսկ սա՝ որդին Չարայի:
19. Յետոն Աքարին ասաց. Որդեա՛կ իմ, փա՛ռք տուր այսօր Իսրայելի Տէր Աստծուն, խոստովանի՛ր եւ պատմի՛ր ինձ, ինչ որ արեցիր, եւ մի՛ թաքցրու ինձնից:
20. Աքարը պատասխան տուեց եւ ասաց Յետուին. Արդարեւ, ես մեղք գործեցի Իսրայելի Տէր Աստծու առաջ եւ այս բանը արեցի.
21. աւարի մէջ տեսայ մի գեղեցիկ նկարագարդ վերարկու, երկու հարիւր սիկղ արծաթ եւ մի ձուլակտոր ոսկի, որի ծանրութիւնը յիսուն սիկղ էր, սաստիկ ցանկացայ եւ առայ

դրանք: Ահա դրանք թաքցուած են հողի տակ իմ վրանում, իսկ արծաթը թաքցուած է դրանց տակ:

22. Յեսուն պատգամաւորներ ուղարկեց, նրանք գնացին բանակատեղի՝ դէպի վրանը. դրանք պահուած էին այնտեղ, նրա վրանում, իսկ արծաթը դրանց տակ էր:

23. Նրանք հանեցին դրանք վրանից, բերին Յեսուի եւ Իսրայէլի ծերերի մօտ եւ դրին Տիրոջ առաջ:

24. Յեսուն, նրա հետ եւ բոլոր իսրայէլացիները վերցրին Չարայի որդի Աքարին, նրա որդիներին եւ դուստրերին, նրա արջառը, էշը, նրա բոլոր ոչխարները, բոլոր վրանները, նրա ամբողջ ունեցուածքը եւ բերեցին Աքորի ձորը:

25. Յեսուն ասաց. Ինչո՞ւ մեզ կործանեցիր, Տէրն այսօր քեզ կը կործանի: Եւ բոլոր իսրայէլացիները նրան քարկոծեցին քարերով ու նրա ունեցուածքը այրեցին հրով, քարկոծեցին նրա իւրայիններին եւ դիզեցին նրանց վրայ մեծ քարակոյտ, որ կայ մինչեւ այսօր: Եւ իջաւ Տիրոջ սաստիկ բարկութիւնը: Այդ պատճառով նա այն տեղը կոչեց Աքորի ձոր, եւ այդպէս է կոչուում մինչեւ այսօր:

1. Տերը Յեսուին ասաց. Մի՛ վախեցիր եւ մի՛ զարհուրիր, քեզ հետ վերցրո՛ւ բոլոր պատերազմող մարդկանց եւ վեր կաց գնա՛ դէպի Գալիլի: Ահա ես քո ձեռքն եմ մատնում Գալիլի թագաւորին, նրա ժողովրդին, նրա քաղաքը եւ նրա երկիրը:
2. Գալիլի եւ նրա թագաւորի հետ վարուի՛ր այնպէս, ինչպէս վարուեցիր Երիցովի եւ նրա թագաւորի հետ. կողոպտի՛ր նրա ամարը եւ անասունները: Քաղաքի ետեւի կողմից դարանակալներ կարգի՛ր:
3. Յեսուն եւ ամբողջ պատերազմող ժողովուրդը վեր կացան, որ գնան Գալիլի վրայ: Յեսուն երեսուն հազար զօրաւոր մարդ ընտրեց եւ նրանց ուղարկեց գիշերով:
4. Նա նրանց պատուիրեց՝ ասելով. Տեսէ՛ք, դուք դարանամուտ պիտի լինեք քաղաքի ետեւի կողմից: Քաղաքից շատ մի՛ հեռացեք, եւ ամենքդ պատրա՛ստ եղեք:
5. Ես եւ ինձ հետ եղող ամբողջ ժողովուրդը կը մօտենանք քաղաքին, եւ երբ Գալիլի բնակիչները մեր դէմ դուրս գան, ինչպէս առաջին անգամ, կը փախչենք նրանց առաջից:
6. Երբ ելնեն մեր ետեւից, կը հեռացնենք նրանց այդ քաղաքից, եւ նրանք կ'ասեն՝ Փախան մեր առջեւից ինչպէս առաջին անգամ:
7. Երբ փախչենք նրանց առջեւից, դուք ելէ՛ք դարանից, մտէ՛ք քաղաք եւ հարուածեցէ՛ք քաղաքին, եւ Իսրայելի Տեր Աստուածը նրանց մեր ձեռքը կը յանձնի:
8. Երբ առնեք քաղաքը, այրեցէ՛ք այն կրակով: Կ'անեք այնպէս, ինչպէս ձեզ պատուիրեցի:
9. Յեսուն նրանց ուղարկեց, նրանք գնացին դէպի դարանը, մտան թաքնուեցին Բեթելի եւ Դանի միջեւ, Գալիլի ծովահայեաց կողմից: Այն գիշեր Յեսուն ժողովրդի մէջ մնաց:
10. Առաւօտը վաղ վեր կենալով՝ Յեսուն աչքի անցկացրեց ժողովրդին, եւ ինքն ու Իսրայելի ծերերը ժողովրդի առաջից դուրս ելան Գալիլի դէմ:
11. Ամբողջ պատերազմող զօրքը ելաւ նրանց հետ: Նրանք եկան քաղաքի դիմաց արեւելեան կողմից, իսկ քաղաքի դարանակալները ծովի կողմում էին, եւ բանակ դրին Գալիլի հիւսիսային կողմում: Նրանց ու Գալիլի միջեւ մի ձոր կար:
12. Եւ Յեսուն առնելով հինգ հազար մարդ՝ նրանց դարան մտցրեց Բեթաւի եւ Գալիլի ծովի միջեւ,
13. իսկ ժողովրդին ու ամբողջ բանակը տեղաւորեց քաղաքի հիւսիսային կողմում: Նրանց վերջապահ զօրքը քաղաքի ծովահայեաց կողմում էր: Յեսուն այդ գիշերն անցկացրեց ձորում:
14. Երբ Գալիլի թագաւորն այս տեսաւ, առաւօտեան շտապ վեր կացաւ եւ ելաւ նրանց դէմ: Քաղաքի մարդիկ, ինքը եւ ամբողջ ժողովուրդն այն ժամանակ պատերազմի գնացին Արաբի դիմաց գտնուող ձորը Իսրայելի դէմ: Բայց Գալի թագաւորը չգիտէր, որ իր համար քաղաքի ետեւի կողմում դարան են պատրաստել:
15. Երբ Յեսուն տեսաւ, կրկին ետ դարձաւ, եւ բոլոր իսրայելացիները նրանց առաջից փախան անապատի ճանապարհով:
16. Գալիլի թագաւորը երկրի ամբողջ ժողովրդին շտապեցրեց, որ հետապնդեն նրանց. եւ նրանք, հետապնդելով, գնացին իսրայելացիների ետեւից ու հեռացան քաղաքից:
17. Գալիլում ու Բեթելում մարդ չմնաց, որ իսրայելացիներին հետապնդելու գնացած չլիներ. քաղաքը թողեցին բաց եւ յարձակուեցին իսրայելացիների վրայ:
18. Տերը Յեսուին ասաց. Մեկնի՛ր ձեռքիդ սիզակը դէպի քաղաքը, որովհետեւ քո ձեռքն եմ մատնել այն, եւ դարանակալները թող շտապ դուրս գան իրենց տեղից: Յեսուն մեկնեց իր ձեռքում եղած սիզակը դէպի քաղաքը:
19. Դարանակալները վեր կացան իրենց տեղից, եւ հենց որ նա ձեռքը մեկնեց, ելան, մտան քաղաքը, գրաւեցին այն եւ քաղաքն անմիջապէս այրեցին հրով:
20. Գալիլի բնակիչները ետ նայելով՝ տեսան, որ քաղաքի ծովից մինչեւ երկինք է ելնում: Նրանք չէին կարող փախչել այս կամ այն կողմ, իսկ ժողովուրդը, որ թաքնուած էր անապատում, յարձակուեց հետապնդողների վրայ:

21. Երբ Յեսուն եւ ամբողջ ժողովուրդը տեսան, որ դարանակալները գրաւեցին քաղաքը, եւ քաղաքի ծուխը մինչեւ երկինք է հասնում, նորից կրնկի վրայ ետ դարձան եւ հարուածեցին Գայիի մարդկանց:
22. Միւսները քաղաքից դուրս եկան նրանց ընդառաջ, եւ Գայիի մարդիկ մնացին բանակի մէջտեղը: Իսրայէլացիների մի մասը այն կողմից, միւսները այս կողմից, այնքան հարուածեցին Գայիի զինուորներին, մինչեւ որ նրանցից ազատուող եւ փախչող չմնաց:
23. Իսկ Գայիի թագաւորին ձերբակալեցին եւ բերեցին Յեսուի մօտ:
24. Երբ իսրայէլացիները դադարեցին բոլոր գայիցիներին կոտորելուց, ոմանց դաշտերում, ոմանց լեռներում՝ զառիվայրի վրայ, մինչեւ այնտեղ, ուր հալածել էին նրանց, եւ ամենքը սրակոտոր եղան իսպառ, Յեսուն շրջուեց դէպի Գայի եւ սրի քաշեց նրա բոլոր բնակիչներին:
25. Այդ օրն ընկածները, տղամարդ եւ կին, տասներկու հազար էին՝ Գայիի բոլոր բնակիչները:
26. Յեսուն նիզակ մեկնած ձեռքը ետ չքաշեց, մինչեւ որ բնաջնջեց Գայիի բոլոր բնակիչներին,
27. բացի անասուններից եւ քաղաքի աւարից, որ կողոպտեցին իսրայէլացիները՝ Յեսուին տուած Տիրոջ հրամանի համաձայն:
28. Յեսուն քաղաքը կրակով այրեց եւ այն դարձրեց հողաբլուր, որ յաւիտեան անշէն մնաց մինչեւ այսօր:
29. Իսկ Գայիի թագաւորին կախեց երկճիւղ ծառից, եւ նա մնաց ծառից կախուած մինչեւ երեկոյ: Եւ արեւը մայր մտնելու ժամանակ Յեսուն հրամայեց, նրան իջեցրին ծառից, գցեցին մի փոսի մէջ, քաղաքի դարպասի մօտ եւ նրա վրայ քարերի կոյտ դիզեցին, որ կայ մինչեւ այսօր:
30. Այն ժամանակ Յեսուն Իսրայէլի Տէր Աստծու համար զոհասեղան շինեց Գեբաղ լեռան վրայ,
31. ինչպէս պատուիրել էր Տիրոջ ծառայ Մովսէսը իսրայէլացիներին, որ գրուած է Մովսէսի օրէնքի գրքում, - զոհասեղան ամբողջական քարերից, որոնց երկաթ չէր դիպել, եւ այնտեղ Տիրոջ համար ողջակէզ եւ փրկութեան զոհ մատուցեց:
32. Իսրայէլացիների առաջ այդ քարերի վրայ Յեսուն գրեց Մովսէսի երկրորդ օրէնքը:
33. Բոլոր իսրայէլացիները, նրանց ծերերը, դատաւորները եւ օրէնսգետները գնում էին տապանակի դիմացից՝ այս ու այն կողմից, թէ՛ օտարականը եւ թէ՛ բնիկը: Ղեւտացի քահանաները վերցրին Տիրոջ ուխտի տապանակը: Ուղեկցողների կէսը Գարիգին լեռան մօտ էր, կէսը՝ Գեբաղ լեռան մօտ, ինչպէս առաջ պատուիրել էր Տիրոջ ծառայ Մովսէսը, որ ժողովրդին օրհնէն:
34. Ապա Յեսուն կարդաց այս օրէնքի բոլոր խօսքերը, օրհնութիւններն ու անեծքները, ինչպէս որ գրուած է Մովսէսի օրէնքի գրքում:
35. Այն բոլորից, որ Մովսէսը պատուիրել էր Յեսուին, չկար մի խօսք, որ Յեսուն չկարդար Իսրայէլի ամբողջ ժողովրդի՝ տղամարդկանց, կանանց, մանուկների եւ Իսրայէլի մէջ եղած օտարականների առաջ:

1. Երբ Յորդանան գետի այն կողմի ամորհացիների բոլոր թագաւորները՝ լեռնայիները, դաշտայիները, ե՛ւ նրանք, որ մեծ ծովի ամբողջ եզերքին էին, ե՛ւ նրանք, որ Լեռնալիբանանի մօտ էին, նաեւ քետացիները, ամորհացիները, գերգեսացիները, քանանացիները, փերեզացիները, խելացիները, յեբուսացիները լսեցին,
2. ամէնքը միասին եկան պատերազմ մղելու Յեսուի եւ իսրայելացիների դէմ:
3. Բայց Գաբաւոնի բնակիչները լսելով, թէ ինչ է արել Յեսուն Երիքովին եւ Գայիին,
4. իրենք էլ խորամանկութիւն արեցին. եկան պաշարով եւ պատրաստութեամբ, իրենց ուսերի վրայ հնացած քուրճեր, մաշուած, պատառոտուն եւ կարկատած գինու տիկեր դրած:
5. Նրանց կօշիկների կարերը քանդուած էին, նրանց ոտքերի հողաթափները հնացած եւ կարկատած էին, նրանց վրայի զգեստները հնացած էին, եւ նրանց հացի պաշարը չորացած եւ բորբոսնած էր:
6. Նրանք եկան Յեսուի մօտ, իսրայելացիների բանակատեղին, Գաղգաղա եւ Յեսուին ու բոլոր իսրայելացիներին ասացին. Հեռու երկրից ենք եկել, արդ, մեզ հետ դաշինք կնքեցէք:
7. Իսկ իսրայելացիներն ասացին քռացիներին. Գուցէ մեզ մօտիկ էք բնակւում, ձեզ հետ ինչպէ՞ս դաշինք կնքենք:
8. Նրանք ասացին Յեսուին. Մենք քո ծառաներն ենք: Յեսուն նրանց ասաց. Ո՞վ էք եւ որտեղի՞ց էք եկել:
9. Նրանք ասացին. Շատ հեռու երկրից են եկել քո ծառաները յանուն քո Տէր Աստծու, որովհետեւ լսեցինք նրա անունը եւ այն, ինչ նա արել է Եգիպտոսում,
10. եւ այն, ինչ նա արել է Յորդանան գետի այն կողմի ամորհացիների երկու թագաւորներին՝ Եսեբոնի Սեհոն թագաւորին եւ Բասանի Օգ թագաւորին, որ բնակւում էր Աստարոթում եւ Եդրայինում:
11. Մեր ծերերը եւ մեր երկրի բոլոր բնակիչները խօսեցին մեզ հետ եւ ասացին. Ձեզ համար ճանապարհի պաշար առէ՛ք, գնացէ՛ք նրանց ընդառաջ եւ ասացէ՛ք նրանց. “Մենք ձեր ծառաներն ենք, արդ, մեզ հետ դաշինք կնքեցէք”:
12. Այն օրը, որ մենք ելանք մեր տներից եւ եկանք ձեզ մօտ, մեր այս հացի պաշարը դեռ տաք էր, իսկ հիմա չորացել եւ բորբոսնել է,
13. այս տիկերը, որ լցրինք գինիով, նոր էին, բայց պատռուեցին, մեր շորերը եւ կօշիկները մաշուեցին շատ երկար ճանապարհից:
14. Իսրայելի իշխաններն առան նրանց պաշարը, բայց Տիրոջը չհարցրին:
15. Յեսուն նրանց հետ խաղաղութիւն հաստատեց եւ ուխտեց, որ ողջ կը պահի նրանց. ժողովրդի իշխաններն էլ երդուեցին նրանց:
16. Նրանց հետ դաշինք կնքելուց երեք օր յետոյ լսեցին, որ նրանք դրացիներ են եւ իրենց մօտ են բնակւում:
17. Իսրայելացիները ճանապարհ ընկան եւ երրորդ օրը հասան նրանց քաղաքները: Նրանց քաղաքներն էին՝ Գաբաւոնը, Կեփիրոնը, Բերոթը եւ Յարիմի քաղաքները:
18. Իսրայելացիները չպատերազմեցին նրանց դէմ, որովհետեւ ժողովրդի բոլոր իշխանները Իսրայելի Տէր Աստուծով երդուել էին նրանց. եւ ամբողջ ժողովուրդը տրտնջաց իշխանների դէմ:
19. Իշխաններն ասացին ժողովրդին. Մենք Իսրայելի Տէր Աստուծով երդուել ենք եւ չենք կարող խաբել նրանց:
20. Հիմա այսպէս անենք. ողջ թողնենք նրանց, պահպանենք, որ մեզ վրայ բարկութիւն չգայ այն երդման համար, որ տուեցինք նրանց:
21. Իշխաններն ասացին նրանց. Թող ապրեն եւ ամբողջ ժողովրդի համար լինեն փայտահատներ եւ ջրկիրներ: Եւ նրանք եղան փայտահատներ ու ջրկիրներ, ինչպէս որ իշխաններն ասացին նրանց:
22. Յեսուն նրանց բոլորին կանչեց, խօսեց նրանց հետ եւ ասաց. Ինչո՞ւ խաբեցիք ինձ եւ

ասացիք՝ Ձեզնից շատ հեռու ենք, մինչդեռ դուք մեր գաւառի բնակիչներ էք:

23. Հիմա դուք անիծուած էք, եւ ինձ ու իմ Աստծու համար միշտ պիտի մնաք փայտահատ եւ ջրկիր ծառայ:

24. Նրանք պատասխան տուին եւ ասացին Յեսուին. Մեզ լուր հասաւ եւ յայտնի եղաւ, որ քո Տէր Աստուածը իր ծառայ Մովսէսին հրամայել է, որ այս երկիրը ձեզ տայ եւ մեզ ու այս երկրի բոլոր բնակիչներին ձեր առաջ բնաջինջ անի, ուստի մենք խիստ վախեցանք ձեզնից եւ այդ բանն արեցինք:

25. Հիմա ձեր ձեռքի տակ ենք, վարուեցէ՛ք այնպէս, ինչպէս հաճելի է ձեզ եւ ինչպէս կամենում էք:

26. Եւ նրանց հետ վարուեցին այսպէս. այն օրը Յեսուն նրանց ազատեց իսրայելացիների ձեռքից, եւ չկոտորեցին նրանց:

27. Այն օրը նրանց փայտահատներ ու ջրկիրներ կարգեց ամբողջ ժողովրդի եւ Տիրոջ զոհասեղանի համար, եւ մինչեւ այսօր նրանք ծառայում են այդպէս այն տեղում, որ Տէրը կ'ընտրի:

1. Երբ Երուսաղեմի թագաւոր Ադոնիբեզեկը լսեց, որ Յեսուն գրաւել է Գային ու կործանել այն, եւ ինչպէս Երիքովի ու Նրա թագաւորի հետ էր վարուել, այդպէս էլ վարուել է Գայիի ու Նրա թագաւորի հետ, եւ թէ Գաբաւոնի բնակիչներն անձնատուր են եղել Յեսունին ու իսրայելացիներին եւ Նրանց մէջ մնացել,
2. խիստ զարհուրեցին ինքն ու իր ժողովուրդը, որովհետեւ գիտէին, որ Գաբաւոնը մեծ քաղաք է, ինչպէս որեւէ թագաւորանիստ մայրաքաղաք: Դա Գայիից մեծ էր, եւ Նրա բոլոր մարդիկ զօրաւոր էին:
3. Երուսաղեմի թագաւոր Ադոնիբեզեկը մարդ ուղարկեց Քեբրոնի թագաւոր Ելամի, Յերիմուքի թագաւոր Քերամի, Լաքիսի թագաւոր Յեփիէի եւ Օդոդոմի թագաւոր Դաբիրի մօտ ու ասաց.
4. Բարձրացեք եկէ՛ք ինձ մօտ եւ օգնեցէ՛ք ինձ, որ պատերազմենք Գաբաւոնի դէմ, որովհետեւ անձնատուր են եղել Յեսունին եւ իսրայելացիներին:
5. Եւ յերուսաղեմի հինգ թագաւորները՝ Երուսաղեմի թագաւորը, Քեբրոնի թագաւորը, Յերիմուքի թագաւորը, Լաքիսի թագաւորը եւ Օդոդոմի թագաւորն իրենց ամբողջ ժողովրդով հաւաքուեցին եկան, բանակ դրին Գաբաւոնի շուրջը եւ պաշարեցին այն:
6. Գաբաւոնի բնակիչները մարդ ուղարկեցին Յեսուի մօտ Իսրայելի բանակատեղի, Գաղգաղա եւ ասացին. Մի՛ քիր քո ծառաներին, շուտ մեզ մօտ ե՛կ, մեզ ազատի՛ր եւ մեզ օգնի՛ր, որովհետեւ ամորհացիների բոլոր թագաւորները, որ բնակւում են լեռնակողմում, կուտակուել են մեր դէմ:
7. Յեսուն իր ամբողջ պատերազմող զօրքի ու բոլոր Նրանց հետ, ովքեր զօրաւոր էին, ելաւ Գաղգաղայից:
8. Տերը Յեսունին ասաց. Զվախե՛նաւ Նրանցից, որովհետեւ Նրանց քո ձեռքն եմ մատնելու, եւ Նրանցից ոչ մէկը չի դիմանայ ձեր առաջ:
9. Ամբողջ գիշերը Գաղգաղայից գալով՝ Յեսուն յանկարծակի յարձակուեց Նրանց վրայ:
10. Տերը իսրայելացիների ահը գցեց Նրանց մէջ եւ Գաբաւոնում մեծ ջարդ տուեց Նրանց. Նրանց հալածեցին Բեթորոնի գառիվայրի ճանապարհին եւ կոտորեցին Նրանց մինչեւ Ազեկա եւ Մակեդա:
11. Երբ Նրանք Բեթորոնի գառիվայրով փախչում էին իսրայելացիների առաջից, Տերը Նրանց վրայ երկնքից կարկտի քարեր թափեց մինչեւ Ազեկա: Կարկտի քարերից մեռածներն աւելի շատ էին, քան Նրանք, որոնց իսրայելացիները պատերազմում սրով կոտորեցին:
12. Այն օրը, երբ Տեր Աստուածը ամորհացիներին մատնեց իսրայելացիների ձեռքը, երբ Նրանց կոտորեց Գաբաւոնում, եւ Նրանք ջախջախուեցին Իսրայելի առաջ, Յեսուն խօսեց Տիրոջ հետ եւ ասաց. Թող արեգակը կանգնի Գաբաւոնի դիմաց, իսկ լուսինը՝ Ելոնի ձորի դիմաց:
13. Եւ արեգակն ու լուսինը կանգնեցին իրենց տեղում, մինչեւ որ Աստուած Նրանց թշնամիներից վրեժն առաւ: Չէ՞ որ այս գրուած է Ուղիղի գրքում: Եւ արեգակը կանգնեց երկնքի մէջտեղում եւ չշարժուեց դէպի արեւմուտք մէկ ամբողջ օր:
14. Այսպիսի օր չէր եղել ո՛չ առաջ, ո՛չ յետոյ, որ Աստուած լսէր մարդու ձայնը, որովհետեւ Տերն Իսրայելի հետ միասին պատերազմեց:
15. Ապա Յեսուն եւ Նրա հետ բոլոր իսրայելացիները ետ դարձան բանակատեղի՝ Գաղգաղա:
16. Այն հինգ թագաւորները փախան Մակեդա եւ թաքնուեցին քարայրի մէջ:
17. Իմաց տուին Յեսունին եւ ասացին. Հինգ թագաւորները գտնուեցին Մակեդայում, քարայրի մէջ թաքնուած:
18. Յեսուն ասաց. Քարայրի մուտքին մեծամեծ քարեր գլորեցէ՛ք եւ Նրանց վրայ մարդիկ կարգեցէ՛ք, որ հսկեն Նրանց:
19. Բայց դուք մի՛ դադարեք ձեր թշնամիներին հետապնդելուց, հասէ՛ք Նրանց վերջնապահներին եւ մի՛ թոյլ տուեք, որ մտնեն իրենց քաղաքները, որովհետեւ Տեր



Աստուածը նրանց մատնեց մեր ձեռքը:

20. Երբ Յեսուն եւ բոլոր իսրայէլացիները դադարեցին մեծ կոտորածով նրանց իսպառ բնաջնջելուց, եւ նրանցից ազատուածները մտան ամրացուած քաղաքները,

21. ամբողջ ժողովուրդը ողջ առողջ վերադարձաւ բանակատեղի՝ Յեսուի մօտ, Մակեդա: Եւ ոչ ոք չյանդգնեց խօսել իսրայէլացիների դէմ:

22. Եւ Յեսուն ասաց. Բացէ՛ք քարայրը եւ այնտեղից հանէ՛ք, բերէ՛ք ինձ մօտ այն հինգ թագաւորներին:

23. Այդպէս էլ արեցին. հինգ թագաւորներին՝ Երուսաղէմի թագաւորին, Քեբրոնի թագաւորին, Յերիմօթի թագաւորին, Լաքիսի թագաւորին եւ Օդոդոմի թագաւորին քարայրից հանեցին ու տարան նրա մօտ:

24. Երբ նրանց տարան Յեսուի մօտ, Յեսուն կանչեց բոլոր իսրայէլացիներին, իր հետ գնացած առաջամարտիկներին եւ ասաց նրանց. Մօտեցէ՛ք եւ ձեր ոտքերը դրէ՛ք նրանց պարանոցների վրայ: Նրանք մօտեցան եւ իրենց ոտքերը դրեցին նրանց պարանոցների վրայ:

25. Յեսուն ասաց նրանց. Մի՛ վախեցէք նրանցից եւ մի՛ զարհուրէք, արիացէ՛ք եւ զօրացէ՛ք, որովհետեւ Տէրն այսպէս պիտի անի ձեր բոլոր թշնամիներին, որոնց հետ դուք պիտի մարտնչէք:

26. Ապա Յեսուն նրանց սպանեց եւ նրանց հինգին էլ կախեց ծառերից, եւ նրանք կախուած մնացին ծառերից մինչեւ երեկոյ:

27. Արեւամուտին Յեսուն հրամայեց, եւ նրանց իջեցրին ծառերից, գցեցին այն քարայրի մէջ, որտեղ թաքնուել էին. եւ քարայրի մուտքին գլորեցին մեծամեծ քարեր, որոնք կան մինչեւ այսօր:

28. Այդ օրը գրաւեցին նաեւ Մակեդան, սրի քաշեցին այն ու նրա թագաւորին, բնաջնջեցին այն եւ նրա մէջ եղած բոլոր մարդկանց, ոչ մի ազատուած կամ փախստական չմնաց նրանցից: Յեսուն Մակեդայի թագաւորի հետ էլ վարուեց այնպէս, ինչպէս վարուել էր Երիքոփի թագաւորի հետ:

29. Յեսուն, նրա հետ նաեւ բոլոր իսրայէլացիները, Մակեդայից գնացին Լեբնա եւ պաշարեցին Լեբնան:

30. Տէրը մատնեց այն իսրայէլացիների ձեռքը, եւ Յեսուն նուաճեց այն ու նրա թագաւորին, սրի քաշեց այն ու նրա մէջ եղած բոլոր մարդկանց, նրա մէջ ոչ մի ազատուած եւ փախստական չմնաց: Նրա թագաւորի հետ վարուեց այնպէս, ինչպէս վարուել էր Երիքոփի թագաւորի հետ:

31. Յեսուն բոլոր իսրայէլացիների հետ Լեբնայից գնաց Լաքիս, բանակատեղի դրեց նրա շուրջը եւ պաշարեց այն:

32. Տէրը Լաքիսն իսրայէլի ձեռքը մատնեց, եւ երկրորդ օրը Յեսուն գրաւեց այն, սրի քաշեց եւ բնաջնջեց այն, ինչպէս որ Լեբնայի հետ էր վարուել:

33. Այն ժամանակ Գազերի Ելամ թագաւորը ելաւ օգնելու Լաքիսին, բայց Յեսուն սրի քաշեց նրան ու նրա զօրքերին այնպէս, որ նրանցից ոչ մի ազատուած եւ փախստական չմնաց:

34. Յեսուն բոլոր իսրայէլացիների հետ Լաքիսից մեկնեց Օդոդոմ, բանակատեղի դրեց նրա շուրջը եւ պաշարեց այն: Տէրը մատնեց Օդոդոմն իսրայէլի ձեռքը,

35. եւ Յեսուն այն օրը գրաւեց ու սրի քաշեց այն: Նրա մէջ եղած բոլոր մարդկանց այն օրը կոտորեցին, ինչպէս որ վարուել էին Լաքիսի հետ:

36. Յեսուն բոլոր իսրայէլացիների հետ Օդոդոմից գնաց Քեբրոն ու բանակ դրեց նրա շուրջը:

37. Գրաւեցին ու սրակոտոր արեցին այն, նրա թագաւորին եւ նրա մէջ եղած բոլոր մարդկանց. նրա մէջ ապրող ոչ մէկը չազատուեց: Նրա հետ վարուեցին այնպէս, ինչպէս վարուել էին Օդոդոմի հետ. բոլոր բնակիչներին սպանեցին ու նրա մէջ եղած ամեն ինչ ոչնչացրին:

38. Ապա Յեսուն եւ ամբողջ իսրայէլը շրջուեցին դէպի Դաբիր եւ շրջապատելով՝

39. գրաւեցին այն, գերեվարեցին նրա թագաւորին եւ նրա ամբողջ զօրքը, սրակոտոր

արեցին ամբողջ քաղաքը, բնաջնջեցին այն եւ նրա մէջ եղած բոլոր մարդկանց. ոչ մէկին ողջ չթողեցին: Ինչպէս վարուել էին Քերթոնի հետ եւ ինչպէս վարուել էին Լեբնայի ու նրա թագաւորի հետ, այդպէս էլ վարուեցին Դաբիրի եւ նրա թագաւորի հետ:

40. Յետոյն հարուածեց ամբողջ լեռնային երկրին, Նագեբին եւ դաշտային երկրներին, Ասեդոթին եւ նրա բոլոր թագաւորներին: Նրանցից ոչ մէկին ողջ չթողեց, բոլոր բնակիչներին սպանեց, ինչպէս Իսրայելի Տէր Աստուածն էր պատուիրել:

41. Յետոյն կոտորեց նրանց Կադեսբառնեայից մինչեւ Գազա, Գոսոմի ամբողջ երկիրը մինչեւ Գաբաւոն:

42. Նրանց բոլոր թագաւորներին եւ նրանց երկիրը Յետոյն նուաճեց միաժամանակ, քանի որ Իսրայելի Տէր Աստուածը կռոււմ էր իսրայելացիների հետ միասին:

43. Եւ Յետոյն բոլոր իսրայելացիների հետ ետ դարձաւ բանակատեղի՝ Գաղգադա:

1. Երբ Ասորի Յաբին թագաւորն այս բաները լսեց, մարդ ուղարկեց Մառնի թագաւոր Յոբաբի, Սեմերոնի թագաւորի, Աքիփայի թագաւորի
2. եւ այն թագաւորների մօտ, որոնք մեծ Սիդոնի լեռներում եւ Քեներեթի դիմաց Ռաբաթում էին՝ դաշտերում եւ Նաբեթդորում,
3. արեւելեան կողմից ծովեզրեայ քանանացիների, ծովեզրեայ ամորիացիների, քետացիների, փերեզացիների, լեռնաբնակ յեբուսացիների եւ Ահերմոնի տակ Մասեփայում ապրող խեւացիների մօտ:
4. Նրանք իրենց թագաւորների ու ծովափի աւազի չափ բազմաքանակ զօրքերի հետ ճամփայ ելան: Նրանք չափազանց շատ ձիեր ու կառքեր ունէին: Հաւաքուեցին այս բոլոր թագաւորները, եկան միասին եւ մէկտեղ բանակ դրին Մառնի ջրի մօտ, որ պատերազմեն Իսրայէլի դէմ:
5. Տէրը Յեսուին ասաց. Մի՛ վախեցիր նրանցից, քանի որ վաղը այս ժամին ես նրանց բոլորին փախուստի պիտի մատնեմ իսրայէլացիների առաջ. նրանց ձիերին ջղակտոր կ'անես, նրանց կառքերը հրով կ'այրես:
6. Յեսուն ու նրա հետ ամբողջ պատերազմող զօրքը Մառնի ջրի մօտ յանկարծակի նրանց դէմ գնացին եւ լեռնակողմում ընկան նրանց վրայ:
7. Տէրը նրանց Իսրայէլի ձեռքը մատնեց, եւ կոտորելով նրանց՝ հալածեցին մինչեւ մեծ Սիդոն, մինչեւ Մասրեփոթմայիմ եւ մինչեւ Մասեփայի դաշտն արեւելքում: Կոտորեցին նրանց, մինչեւ որ նրանցից ոչ մի ազատուած մարդ չմնաց:
8. Յեսուն նրանց հետ այնպես վարուեց, ինչպես որ Տէրը պատուիրել էր նրան. նրանց ձիերը ջղակտոր արեց եւ նրանց կառքերը հրով այրեց:
9. Այն ժամանակ Յեսուն ետ դարձաւ եւ գրաւեց Ասորը եւ նրա թագաւորին, սպանեց նրան, որովհետեւ Ասորն առաջ այն բոլոր թագաւորութիւնների գլուխն էր:
10. Նրա մէջ եղած բոլոր մարդկանց սրակոտոր արեցին, բնաջնջեցին բոլորին, նրա մէջ ոչ մի շնչաւոր էակ չմնաց: Ասորն էլ կրակով այրեցին:
11. Այդ թագաւորութիւնների բոլոր քաղաքներն ու նրանց թագաւորներին գերեց Յեսուն, նրանց սրի քաշեց եւ բնաջինջ արեց, ինչպես որ իրենց հրամայել էր Տիրոջ ծառայ Մովսէսը:
12. Բայց հողաբլուրների վրայ եղած բոլոր քաղաքները չայրեցին իսրայէլացիները, այլ միայն Ասորը, որ Յեսուն այրեց:
13. Նրա ամբողջ աւարն ու անասունները իսրայէլացիները կողոպտեցին, բոլոր մարդկանց սրի քաշեցին, մինչեւ որ բնաջնջեցին նրանց եւ ոչ մի շնչաւոր էակ չթողեցին:
14. Ինչպես Տէրը հրամայել էր իր ծառայ Մովսէսին, եւ ինչպես Մովսէսը պատուիրել էր Յեսուին, այդպես արեց Յեսուն եւ ոչ մի բան զանց չարեց այն ամենից, ինչ նրան պատուիրել էր Մովսէսը:
15. Յեսուն նուաճեց այն ամբողջ երկիրը, լեռնակողմը եւ ամբողջ Նազեբ երկիրը, ամբողջ Գոսոմ երկիրը, դաշտային եւ արեւմտեան կողմը, Իսրայէլի լեռն ու նրա հովիտը, որ լերան մօտ է,
16. Աքել սարից մինչեւ Սուրի ելքը, մինչեւ Բաալզադ եւ Լիբանանի դաշտավայրերը՝ Ահերմոնի ստորոտում, նրանց բոլոր թագաւորներին նա բռնեց եւ կոտորեց:
17. Այդ բոլոր թագաւորների դէմ Յեսուն շատ օրեր պատերազմ մղեց,
18. եւ չկար մի քաղաք, որ Տէրը իսրայէլացիների ձեռքը մատնած չլիներ, բացի Գաբաւոնում բնակուող խեւացիներից. Յեսուն բոլորին նուաճեց պատերազմով:
19. Արդարեւ, Տէրն էր, որ կարծրացրեց նրանց սրտերը, եւ նրանք պատերազմով դիմաւորեցին Իսրայէլին, որպէսզի չմեռնեն, Տէրը չողորմի նրանց, այլ բնաջնջուեն, ինչպես որ Տէրն ասել էր Մովսէսին:
20. Այն ժամանակ Յեսուն եկաւ եւ Քեբրոնի ու Դաբիրի լեռնակողմում, Անոբի եւ Իսրայէլի բոլոր լեռներում եւ Յուդայի երկրի բոլոր լեռներում կոտորեց ենակիմներին, ոչնչացրեց նրանց իրենց քաղաքներով հանդերձ: Այո՛, Յեսուն կոտորեց նրանց,

21. ԵՆ իսրայելացիների երկրում ենակիմներից ոչ ոք չմնաց. մնացին միայն Գազայում, Գերթում եւ Ասեդոթում:
22. Յեսուն նուաճեց ամբողջ երկիրը, ինչպէս որ Տէրը պատուիրել էր Մովսէսին, եւ որպէս ժառանգութիւն տուեց Իսրայելին բաժիններով ըստ նրանց ցեղերի: Եւ երկիրը դադարեց պատերազմելուց:

1. Սրանք են այն թագաւորները, որոնց կոտորեցին Մովսէսն ու իսրայելացիները եւ որոնց երկիրը ժառանգեցին Յորդանան գետից այն կողմ՝ դէպի արեւմուտք, Առնոնի ձորից մինչեւ Ահերմոն լեռը եւ ամբողջ Արաբան՝ արեւելեան կողմից.
2. ամորիացիների թագաւոր Սեհոնը, որը բնակւում էր Եսեբոնում եւ տիրում էր Արոյերից մինչեւ Առնոնի ձորը՝ ձորաբերանը, Գաղաադի կեսին, մինչեւ Յաբոկի հեղեղատը, որ ամոնացիների սահմաններում է,
3. եւ Արաբային՝ մինչեւ Քեներեթի ծովը արեւելեան կողմից, մինչեւ Արաբայի ծովը, այսինքն՝ Ադի ծովը, արեւելքից՝ Ասեմոթի ճանապարհով դէպի Թեման, եւ հարաւից՝ այն տեղերին, որ Ասեդոթ Փասգայի ստորոտում են:
4. Բասանի Օգ թագաւորը, որը հսկաների ցեղից էր մնացել եւ որը բնակւում էր Աստարոթում եւ Եդրայինում, տիրում էր
5. Ահերմոն լեռանը, Սեւթային եւ ամբողջ Բասանին մինչեւ Գեսուրի սահմանները, Մաքաթին եւ Գաղաադի կեսին մինչեւ Եսեբոնի Սեհոն թագաւորի սահմանները:
6. Տիրոջ ծառայ Մովսէսը եւ իսրայելացիները ջարդեցին սրանց, եւ Տիրոջ ծառայ Մովսէսը որպէս ժառանգութիւն այն տուեց Ռուբէնի եւ Գադի ցեղերին եւ Մանասէի կէս ցեղին:
7. Սրանք են ամորիացիների թագաւորները, որոնց կոտորեցին Յեսուն եւ իսրայելացիները Յորդանան գետի այն կողմում՝ Գաղաադի ծովեզրին, Լիբանանի դաշտում մինչեւ Ալոկ լեռը, որ բարձրանում է դէպի Սէիր, (Յեսուն Իսրայելի ցեղերին իրենց բաժինների համեմատ որպէս ժառանգութիւն տուեց դրանք՝
8. լեռան վրայ, դաշտում, Արաբայում, Ասեդոթում, անապատում, Նազբում բնակուող քնտացիների, ամորիացիների, քանանացիների, փերեզացիների, խեւացիների, գերգեսացիների, յեբուսացիների երկրները).
9. Երիքովի թագաւորը, Բեթէլի մօտ գտնուող Գայիի թագաւորը,
10. Երուսաղէմի թագաւորը, Քեբրոնի թագաւորը,
11. Յերիմովի թագաւորը, Լաքիսի թագաւորը,
12. Եզլոնի թագաւորը, Գազերի թագաւորը,
13. Դաբիրի թագաւորը, Գեսեմի թագաւորը,
14. Հերմէի թագաւորը, Աբերի թագաւորը,
15. Լոբնայի թագաւորը, Օդոդոմի թագաւորը,
16. Մակեդայի թագաւորը,
17. Թափուլայի թագաւորը, Օփերի թագաւորը,
18. Նափէկի թագաւորը,
19. Ասորի թագաւորը,
20. Սամրոնի թագաւորը, Մառոնի թագաւորը, Ասքափի թագաւորը,
21. Թանաքի թագաւորը, Մակեդոնի թագաւորը,
22. Կեդէսի թագաւորը, Յեկնոմի Քերմել թագաւորը,
23. Դորի Նափեդոր թագաւորը, Գելիմի Գելգել թագաւորը եւ
24. Թերսայի թագաւորը: Այս բոլոր թագաւորների թիւը քսանինն է:

1. Յետև ծերացել էր եւ տարիքն առել: Տերը ասաց Յետևին. Դու ծերացել ես եւ օրերդ անց ես կացրել, բայց շատ երկրներ են մնացել ժառանգելու:
2. Մնացած երկրները սրանք են. փղշտացիների բոլոր սահմանները, Գեսուրը եւ Քանանը.
3. Եգիպտոսի դիմացի անշեն վայրից մինչեւ Ակկարոնի սահմանները աջ կողմում. քանանացիներին են պատկանում փղշտացիների հինգ թագաւորութիւնները՝ գազացիներինը, ազոտացիներինը, ասկաղոնացիներինը, գեթացիներինը, ակկարոնացիներինը եւ խեւացիներինը.
4. Թեմանից՝ քանանացիների ամբողջ երկիրը, Գազան, Սիդոնը, մինչեւ Յափեկա, մինչեւ ամորիացիների սահմանները,
5. եւ փղշտացիներից՝ ամբողջ Արաբա երկիրը եւ ամբողջ Լիբանանը արեւելքից, Ահերմոն լեռան ստորոտի Գաղգադայից մինչեւ Եմաթի մուտքը:
6. Բոլոր լեռնաբնակներին, Լիբանանից մինչեւ Մասերեփոթմայիմ, եւ բոլոր սիդոնացիներին ես կը կոտորեմ իսրայելացիների առաջ: Բայց դու դրանք բաժանի՛ր իսրայելացիներին որպէս ժառանգութիւն, ինչպէս որ քեզ պատուիրեցի:
7. Հիմա այս երկիրը որպէս ժառանգութիւն բաժանի՛ր ինը ցեղերին եւ Մանասէի կէս ցեղին. Յորդանան գետից մինչեւ Մեծ ծովը դէպի արեւմուտք կը տաս նրանց, եւ Մեծ ծովը սահման կը դառնայ:
8. Իսկ երկու ցեղերը՝ Ռուբէնի եւ Գադի ցեղերը, Մանասէի կէս ցեղի հետ ստացան իրենց ժառանգութիւնը, որ տուել էր Մովսէսը Յորդանան գետի այն կողմում, արեւելքում. Տիրոջ ծառայ Մովսէսը նրանց մէջ բաժանեց
9. Առնոն հեղեղատի եզերքին գտնուող Արոյերից եւ ձորի մէջ գտնուող քաղաքից մինչեւ Դեբոն, նաեւ ամբողջ Միսորը, Մեդաբան,
10. Եսերնում թագաւորող ամորիացիների արքայ Սեհոնի բոլոր քաղաքները, մինչեւ ամոնացիների սահմանները,
11. Գաղաադը եւ Գեսուրի ու Մաքաթիի սահմանները, ամբողջ Ահերմոն լեռը, ամբողջ Բասանաստանը, մինչեւ Սելքա,
12. Բասանի մէջ ամբողջ թագաւորութիւնն Օգի, որ թագաւորում էր Աստարոթում եւ Եդրայինում: Հսկաների մնացորդներից միայն սա էր մնացել, եւ Մովսէսը հարուածեց ու սպանեց նրան:
13. Բայց իսրայելացիները չբնաջնջեցին գեսուրացիներին, մաքաթացիներին եւ քանանացիներին. եւ գեսուրացիներն ու մաքաթացիները բնակւում են իսրայելի մէջ մինչեւ այսօր:
14. Բայց Դեւիի ցեղին բաժին եւ ժառանգութիւն չտրուեց, որովհետեւ Իսրայելի Տեր Աստուածն է նրանց ժառանգութիւնը, ինչպէս նրանց ասել էր Տերը: Սրանք այն բաժիններն են, որ Մովսէսը բաժանեց իսրայելացիներին Ռաբոթ Մովաբում, Յորդանան գետի այն կողմում, Երիքովի դիմաց:
15. Մովսէսը Ռուբէնի ցեղին ժառանգութիւն տուեց ըստ նրա տոհմերի,
16. եւ նրանց սահմանները եղան Առնոն ձորի դիմացը գտնուող Արոյերը, Առնոն ձորում գտնուող քաղաքը, ամբողջ Միսորը
17. եւ Մեդաբան մինչեւ Եսերնը. նրանց բոլոր քաղաքները, որ Միսորում են, Դեբոնը, Բամոթբահադը, Բաելմոթի տունը,
18. Յասան, Կեդմոթը, Մեփայաթը,
19. Կարիաթեմը, Սեբաման, Սարեթը եւ Սիորը Ենակ լեռան վրայ,
20. Բեթփագորը, Ասեդոթփասգան, Բեթսիմոթը եւ Միսորի բոլոր քաղաքները,
21. ամբողջ թագաւորութիւնն ամորիացիների Սեհոն թագաւորի, որ թագաւորում էր Եսերնում: Սրան, ինչպէս նաեւ Մադիամի իշխաններին՝ Եւիին, Րոկոմին, Սուրին, Ուրին, Ռոբէին եւ այդ երկրում բնակուող Սեհոնի մերձակայքի իշխաններին, ջարդեց Մովսէսը:

22. Նաեւ Բեորեան Բաղաամ վիուկին մի վայրկեանում սրով սպանեցին իսրայելացիները:
23. Ռուբէնի սահմանը եղաւ Յորդանան գետը: Այս է Ռուբէնի որդիների ժառանգութիւնն ըստ իրենց տոհմերի, սրանք են նրանց քաղաքներն ու աւանները:
24. Մովսէսը բաժին տուեց նաեւ Գադի որդիներին ըստ իրենց տոհմերի:
25. Նրանց սահմանները եղան Յազերը, Գաղաադի բոլոր քաղաքները, ամոնացիների երկրի կեսը մինչեւ Արոյեր, որը Արաբայի դիմացն է,
26. Եսեբոնից մինչեւ Մասփայի մօտի Հռամոթը, Բոտանիմը, Մանայիմը մինչեւ Դաբիրի սահմանները
27. եւ Եմակում Բեթարամը, Բեթնամրան, Սոքովն ու Սափոնը եւ Եսեբոնի արքայ Սեիոնի մնացած թագաւորութիւնը: Սահմանը Յորդանան գետն է մինչեւ Քեներեթի ծովեզերքը, Յորդանան գետի այն կողմը, դէպի արեւելք:
28. Այս է Գադի որդիների ժառանգութիւնը ըստ իրենց տոհմերի, նրանց քաղաքները եւ ագարակները:
29. Մովսէսը բաժին տուեց նաեւ Մանասէի կէս ցեղին, որը եղաւ Մանասէի որդիների կէս ցեղի կալուածքը ըստ իրենց տոհմերի:
30. Նրանց սահմանները եղան. Մանայեմից սկսած ամբողջ Բասանը, Բասանի արքայ Օգի ամբողջ թագաւորութիւնը, Յայիրի բոլոր աւանները, որոնք Բասանաստանում են, ընդամենը վաթսուն քաղաք:
31. Իսկ Գաղաադի կեսը, Աստարոթը, Եդրայինը, Բասանաստանում Օգի թագաւորութեան քաղաքները տրուեցին Մանասէի որդի Մաքիրի որդիներին եւ Մանասէի կէս ցեղի որդիներին՝ ըստ իրենց տոհմերի:
32. Սրանք են այն տեղերը, որ Մովսէսը ժառանգութիւն տուեց Յորդանան գետի այն կողմում, Մովաբի Ռաբոթ բնակավայրում, Երիքովի դիմաց՝ արեւելքում:
33. Ղեւիի ցեղին Մովսէսը ժառանգութիւն չտուեց, որովհետեւ Իսրայելի Տէր Աստուածն ինքն է նրանց ժառանգութիւնը, ինչպէս ասել էր նրանց:

1. Սրանք են այն տեղերը, որ քանանացիների երկրում իսրայելացիներին ժառանգութիւն տուին եղիազար քահանան, Նաւէի որդի Յեսուն եւ իսրայելացիների ցեղերի նահապետութեան իշխանները:
2. Վիճակով տուին ժառանգութիւնը այն ինը ցեղերին եւ Մանասէի կէս ցեղին, ինչպէս որ պատուիրել էր Տէրը Յեսուի միջոցով,
3. որովհետեւ Մովսէսը երկու ցեղերին եւ Մանասէի կէս ցեղին ժառանգութիւն տուել էր Յորդանան գետի այն կողմում: Ղեւտացիներին ժառանգութիւն չէր տուել նրանց մէջ:
4. Քանի որ երկու ցեղ էին Յովսէփի որդիները՝ Մանասէն եւ Եփրեմը, Ղեւտացիներին երկրի մէջ բաժին չտուին, այլ միայն քաղաքներ՝ բնակուելու համար եւ դրանց արուարձանները նրանց ոչխարների համար:
5. Ինչպէս Տէրը պատուիրել էր Մովսէսին, այդպէս արեցին իսրայելացիները եւ բաժանեցին երկիրը:
6. Յուդայի որդիները Գաղգադայում մօտեցան Յեսուին, եւ կենեզացի Յեփոնէի որդի Քաղէբն ասաց նրան. Դու ինքդ գիտես, թէ ինչ խօսեց Տէրը Կաղէսբառնեայում Աստծու մարդու՝ Մովսէսի հետ իմ եւ քո մասին:
7. Ես քառասուն տարեկան էի, երբ Տիրոջ ծառայ Մովսէսն ինձ Կաղէսբառնեայից ուղարկեց երկիրը լրտեսելու, եւ նրան մենք լուր բերինք նրա ուզածի պէս:
8. Բայց ինձ հետ գնացող իմ եղբայրները ժողովրդի միտքը շեղեցին. իսկ ես շարունակեցի հետեւել իմ Տէր Աստծուն: Այն օրը Մովսէսը երդուեց եւ ասաց.
9. Այն երկիրը, ուր դու հասար, յաւիտեան քոնը եւ քո որդիներինը թող լինի որպէս ժառանգութիւն, քանի որ ես շարունակեցի հետեւել իմ Տէր Աստծուն:
10. Եւ արդ, սնուցել է ինձ Տէրը, ինչպէս որ ասել էր. սա քառասունհինգերորդ տարին է, ինչ Տէրն ասել է այս խօսքը Մովսէսին, երբ իսրայելացիները թափառում էին անապատում: Այժմ ահա ես այսօր ութսունհինգ տարեկան եմ
11. Եւ ուժեղ եմ այսօր, ինչպէս այն ժամանակ, երբ Մովսէսն ինձ ուղարկեց: Այժմ նոյնպէս կարող եմ պատերազմի մէջ մտնել եւ դուրս գալ:
12. Այժմ խնդրում եմ քեզնից ինձ տալ այն լեռը, ինչպէս որ Տէրն ասաց այն օրը: Դու ինքդ այս բանը լսեցիր այն օրը: Հիմա այնտեղ ենակիմներն են, եւ նրանց քաղաքներն ամրացուած են եւ մեծ: Հիմա եթէ Տէրն ինձ հետ լինի, կը բնաջնջեմ նրանց, ինչպէս Տէրն ինձ ասաց:
13. Եւ Յեսուն օրինեց նրան եւ Քեբրոնը որպէս ժառանգութիւն տուեց կենեզացի Յեփոնէի որդի Քաղէբին:
14. Դրա համար Քեբրոնը եղաւ կենեզացի Յեփոնէի որդի Քաղէբի ժառանգութիւնը, որովհետեւ նա հետեւեց Իսրայելի Տէր Աստծու պատուիրանին:
15. Քեբրոն քաղաքի անունն առաջ Արբոկ էր, նա ենակիմների մայրաքաղաքն էր: Եւ երկիրը հանգստացաւ պատերազմից:



1. Յուդայի որդիների ցեղի սահմանները, ըստ իրենց տոհմերի, եղան՝ եղոմայեցիների սահմաններից, Սին անապատից մինչեւ Կադես, հարաւային կողմում:
2. Հարաւային կողմից նրանց սահմանները գնում են մինչեւ Աղի ծովի եզրը՝ նրա հարաւակողմն իջնող բարձրաւանդակից,
3. անցնում են մինչեւ Ակրաբիմի գառիվերը, անցնում են Սինաքը, բարձրանում են հարաւից դէպի Կադեսբառնեայ, ելնում են Հռոն, ձգւում Ադդարի մօտով եւ պտտւում Կադեսի արեւմտեան կողմը, գնում հասնում են մինչեւ Ասեմոնա եւ դուրս գալիս մինչեւ Եգիպտոսի ծորը:
4. Այս սահմանը վերջանում է ծովի կողմում: Սրանք նրանց սահմաններն են հարաւից:
5. Արեւելքից սահմանն ամբողջ Աղի ծովն է, մինչեւ Յորդանան գետի եզերքը: Նրանց հիւսիսային սահմանը ծովածոցից, Յորդանան գետի եզերքից
6. հասնում է Բեթազղա, անցնում հիւսիսով մինչեւ Բեթարաբա, բարձրանում է մինչեւ Ռուբէնի որդիների Բեռն քարը:
7. Ապա սահմանը բարձրանում է Աքորի ձորի չորրորդ մասով, հարաւային կողմից իջնում է Գադգադ, որը Եղոմիմի գառիվերի դիմացն է, հարաւային կողմում: Սահմանը հասնում է Արեգ աղբիւրի ջրին եւ վերջանում է Ռոգեղի աղբիւրի մօտ:
8. Ապա սահմանը բարձրանում է ենոմացիների ծորը Յեբուսի ետեւից, հարաւային կողմից, ուր գտնւում է Երուսաղէմը: Ապա հասնում է այն լեռան գլուխը, որը ծովակողմից Ենոմի ձորի դիմացն է եւ որը հիւսիսից Ռափայիների երկրի ծայրին է:
9. Այս սահմանը լեռան գլխից հասնում է մինչեւ Նափթովի ջրի աղբիւրը, Գայիում հատում է Եփրեմի լեռը, հասնում է Բաադ, այսինքն՝ Յարիմ քաղաքը:
10. ապա Բաադից շրջւում է Ասարեսի ծովակողմը, դէպի Սէր լեռը, հիւսիսից անցնում է Յարիմ քաղաքի ետեւով, ուր գտնւում է Քասդոնը, իջնում է Արեգ քաղաքն ու անցնում հարաւ:
11. Ապա սահմանը Ակկարոնի ետեւից կտրում անցնում է դէպի հիւսիս, հասնում է Սարքայոն, անցնում Բաադ երկրի լեռան մօտով եւ հասնում մինչեւ Աբնեդ. սահմանը վերջանում է ծովակողմում:
12. Արեւմուտքից նրանց սահմանը Մեծ ծովն է բաժանում: Սրանք Յուդայի որդիների սահմաններն են շուրջանակի՝ ըստ իրենց տոհմերի:
13. Յետուն Յեփոնէի որդի Քաղէբին բաժին տուեց Յուդայի որդիների երկրի մէջ Աստծու հրամանով: Յետուն նրան տուեց Արբոկ քաղաքը, որը Ենակի մայրաքաղաքն է, այսինքն՝ Քեբրոնը:
14. Յեփոնէի որդի Քաղէբն այնտեղ բնաջնջեց Ենակի երեք որդիներին՝ Սուսին, Թոմային եւ Աքիմանին՝ Ենակի գաւազներին:
15. Քաղէբն այնտեղից գնաց Դաբիրի բնակիչների դէմ. Դաբիրի անունն առաջ Նամակաց քաղաք էր:
16. Քաղէբն ասաց. Ով որ գրաւի Նամակաց քաղաքը եւ տիրի նրան, իմ դուստր Ասքային նրան կնութեան կը տամ:
17. Եւ այն գրաւեց Քաղէբի եղբայր Կենեզի կրտսեր որդի Գոդոնիէլը, եւ Քաղէբն իր դուստր Ասքային նրան կնութեան տուեց:
18. Երբ կինը գնում էր, խորհուրդ արեց Գոդոնիէլի հետ եւ ասաց. Իմ հօրից ազարակ ուզեմ. եւ ձայն տուեց Էշի վրայից: Քաղէբն ասաց նրան. Ի՞նչ եղաւ քեզ:
19. Աղջիկն ասաց. Ինձ օրհնութի՛ւն տուր: Քանի որ ինձ տուիր Նագեբ երկիրը, տո՛ւր ինձ Նաեւ Գուլաթմայիմը: Եւ Քաղէբը նրան տուեց Վերին Գուլաթն ու Ներքին Գուլաթը:
20. Այս էր Յուդայի որդիների ցեղի ժառանգութիւնն ըստ իրենց տոհմերի:
21. Եղոմի սահմանների մօտ, անապատում, Յուդայի որդիների ցեղի առաջին քաղաքները սրանք են՝ Կասբեղը, Եդրայինը, Յագուրը,
22. Կինան, Դեմոնան, Ադադան,
23. Կադեսը, Իթնանգիփը,

24. Տեղեմը, Բաաղոթը,
25. Ասեբոն քաղաքը, այսինքն՝ Ասորը,
26. Ամամը, Սաման, Մոլադան,
27. Ասերգադդան, Բեթփաղեթը,
28. Ասարսուղան, Բերսաբեէն եւ նրանց աւաններն ու ագարակները,
29. Բաաղան, Աւիմը, Ասեմը,
30. Եղթուլադը, Քուլը, Երման,
31. Սիկելէկը, Մադեբենան, Սանսաննան,
32. Ղամոթը, Սեղեմին, Ռեմոնը՝ քանիսը քաղաքներ եւ նրանց աւանները:
33. Դաշտավայրերում՝ Եսթաուլը, Սարաան, Ասնան, Ռամոնը,
34. Չանովը, Ադիաթեմը, Ենայիմը,
35. Յերիմուլը, Ոդոդամը, Ներման, Սոքովը, Ագեկան,
36. Սագարիմը, Գադերան եւ նրանց ագարակները. տասնչորս քաղաքներ եւ նրանց աւանները.
37. Սենանը, Ադասան, Մակդադդադը,
38. Դադաանը, Մասփան, Յեքթայէդը,
39. Ղաքիսը, Բագկաթը, Ագդոմը,
40. Քաբբան, Լամասը, Քասդոմը,
41. Գադերոթը, Բեթղագոնը, Մակեդդան, տասնվեց քաղաքներ եւ նրանց աւանները.
42. Ղեբնան, Աթերը,
43. Յեփթան, Ասեննան, Նեսիբը,
44. Կեիլան, Աքեզիբը, Մարեսան, Ելեմոմը. ինը քաղաքներ եւ նրանց աւանները.
45. Ակկարոնը, նրա աւաններն ու ագարակները.
46. Ակկարոնից մինչեւ Էմէն, Ագդարոդի բոլոր արուարձանները, նրանց աւաններն ու ագարակները.
47. Գագան, նրա աւաններն ու ագարակները մինչեւ Եգիպտոսի հեղեղատը եւ Մեծ ծովը, որը սահմանն է:
48. Լեռնավայրերի վրայ՝ Սափիրը, Յեթերը, Սոքովը,
49. Դեննան, Ահերմոն լեռը, Նամակաց քաղաքը՝ այսինքն՝ Դաբիրը,
50. Անորը, Եսթեմովը, Անիմը,
51. Գոսոմը, Քիզվոնը, Գեդոնը, տասնմէկ քաղաքներ եւ նրանց աւանները.
52. Երեբը, Եսանը, Երուման,
53. Յանուլը, Բեթթափուէն, Ափական,
54. Քամմատան, Արբոկ քաղաքը, այսինքն՝ Քեբրոնը, Սիորը. ինը քաղաքներ եւ նրանց աւանները.
55. Մաւոնը, Քերմէլը, Չիփը, Յետտան,
56. Յեզրայէլը, Յեկտամը, Չանովան, Եկիմը,
57. Գաբաան, Թաման, ինը քաղաքներ եւ նրանց աւանները.
58. Ալուլը, Բեթսուլը, Գեդորը,
59. Մարոթը, Բեթանոթը, Եղթեկեն. վեց քաղաքներ եւ նրանց աւանները. Թեկովը եւ Եփրաթան, այսինքն՝ Բեթղահեմը, Բագորը, Ետամը, Կուդոնը, Տատամին, Սորեսը, Կարեմը, Գադդիմը, Բեթերը, Մանոքովը. տասնմէկ քաղաքներ եւ նրանց աւանները.
60. Կարիաթբաադը, այսինքն՝ Յարիմ քաղաքը եւ Արաբան. երկու քաղաքներ, նրանց աւանները իրենց ագարակներով հանդերձ,
61. Բեթբարգիսը, Բեթարաբան, Մադոնը, Սոքովան,
62. Նեբսանը, Ադահանքի քաղաքները, Ենդագիսը. եօթը քաղաքներ եւ նրանց աւանները:
63. Յերուսացիները բնակւում էին Երուսաղէմում, եւ Յուդայի որդիները չկարողացան մարտնչել նրանց դէմ, ուստի յերուսացիները մինչեւ այսօր Երուսաղէմում բնակւում են Յուդայի որդիների հետ:

1. Մանասէի՝ Յովսէփի անդրանիկ որդու ցեղի սահմանները սրանք են. Մանասէի անդրանիկին՝ Մաքիրին՝ Գաղաադի հօրը, որովհետեւ պատերազմող մարդ էր, բաժին հասաւ Գաղաադը Բասանաստանում:
2. Մանասէի միւս որդիներին, Աբեղգերի որդիներին, Քեղեկի որդիներին, Եսրիէլի որդիներին, Սիւքեմի որդիներին, Սեմիրայիի որդիներին, Օփերի որդիներին բաժին հասաւ ըստ իրենց տոհմերի: Սրանք են Յովսէփի որդու՝ Մանասէի որդիները, արու գաւակներ ըստ իրենց տոհմերի:
3. Մանասէի որդու Մաքիրի որդու Գաղաադի որդու Օփերի որդի Սաղպաադը արու գաւակ չունէր, այլ միայն՝ դուստրեր: Սաղպաադի դուստրերի անունները սրանք են՝ Մաադա, Նուա, Էգդա, Մեղքա եւ Թերսա:
4. Նրանք կանգնեցին Եղիազար քահանայի, Նաւէի որդի Յեսուի եւ իշխանների առաջ եւ ասացին. Աստուած Մովսէսի միջոցով պատուիրեց, որ մեզ ժառանգութիւն տրուի մեր հօրենական եղբայրների մէջ: Եւ Տիրոջ հրամանով նրանց ժառանգութիւն տրուեց իրենց հօրենական եղբայրների մէջ:
5. Մանասէին բաժին ընկան Ղաբէկի դաշտը եւ Գաղաադն ու Բասանը, որ Յորդանան գետի այն կողմում են,
6. որովհետեւ Մանասէի որդիների դուստրերը ժառանգութիւն ստացան իրենց եղբայրների մէջ, ուստի Գաղաադ երկիրը Մանասէի միւս որդիներինը եղաւ:
7. Մանասէի որդիների սահմանները գնում են Սիւքեմի դիմացը գտնուող Ասերմաքթօթից մինչեւ Յամին եւ Ասեբ՝ Թափթօթայի աղբիւրը:
8. Թափթօթայի երկիրը Մանասէինը եղաւ, իսկ Մանասէի սահմանների վրայ գտնուող Թափթօթա քաղաքը՝ Եփրեմի որդիներինը:
9. Սահմանները հարաւային կողմից իջնում են Կանայի ձորը, Յայիրի ձորի դիմաց. եւ Եփրեմի բեւեկնի ծառը ընկնում է Մանասէի քաղաքի մէջ: Մանասէի սահմանը հիւսիսից գնում է մինչեւ հեղեղատը եւ վերջանում է ծովում:
10. Հարաւային կողմը Եփրեմինն է, իսկ հիւսիսային կողմը՝ Մանասէինը, եւ նրանց սահմանը ծովն է: Հիւսիսային կողմից նրանք յարում են Ասերին, իսկ արեւելեան կողմից՝ Իսաքարին:
11. Իսաքարի եւ Ասերի միջեւ Մանասէինը եղան Բեթսանն ու նրա աւանները, Ամբղանն ու նրա աւանները, Ենդորի բնակիչներն ու նրա աւանները, Մակեդոդի բնակիչներն ու նրա աւանները, Տանաքի բնակիչներն ու նրա աւանները, Նափեթի երրորդ մասն ու նրա աւանները:
12. Մանասէի որդիները չկարողացան բնաջնջել այս քաղաքները եւ քանանացիները շարունակեցին բնակուել այդ երկրում:
13. Եւ երբ իսրայէլացիները զօրացան, նրանք հնազանդեցրին քանանացիներին, բայց ամբողջովին չբնաջնջեցին նրանց:
14. Յովսէփի որդիներն ընդդիմացան Յեսուին եւ ասացին. Ինչո՞ւ համար մեզ մէկ բաժին ժառանգութիւն եւ մէկ կալուածք տուիր: Մենք բազմամարդ ենք, եւ Աստուած մեզ օրհնել է:
15. Յեսուն նրանց ասաց. Եթէ դուք բազմամարդ էք, գնացէ՛ք անտառ, ձեզ համար տե՛ղ մաքրեցէք Փերեգացիների ու Ռափայիների երկրում, եթէ ձեզ համար նեղ է Եփրեմի լեռը:
16. Յովսէփի որդիներն ասացին. Եփրեմի լեռը մեզ բաւական չէ. այնտեղ, մեր երկրում՝ Բեթսանում, նրա աւաններում եւ Յեզրայէլի ձորում մեզ հետ բնակուող բոլոր քանանացիներն ընտիր երիվարներ ու զենքեր ունեն:
17. Յեսուն խօսեց Յովսէփի որդիների՝ Եփրեմի եւ Մանասէի հետ եւ ասաց. Դուք բազմամարդ ժողովուրդ էք եւ շատ զօրութիւն ունեք, թող ձեզ մէկ կալուածք չլինի,
18. անտառը ձերը լինի: Անտառ է, կը մաքրեք այն, մինչեւ ծայրը այն ձերը կը լինի, երբ բնաջնջէք քանանացիներին. թէպէտ նրանք ընտիր երիվարներ ունեն եւ ձեզանից ուժեղ

ԵՆ, բայց դուք կը յադԹէք Նրանց:

1. Իսրայելի ամբողջ ժողովուրդը հաւաքուեց Սելովում, եւ այնտեղ կանգնեցին վկայութեան խորանը, քանի որ երկիրը նուաճուեց նրանց կողմից:
2. Իսրայելացիներից եօթը ցեղ էր մնացել, որ իր ժառանգութիւնը չէր ստացել:
3. Յեսուն նրանց ասաց. Մինչեւ ե՞րբ պետք է ծովանաք եւ չմտնէք ու ժառանգեք այն երկիրը, որ ձեզ տուեց մեր հայրերի Տէր Աստուածը:
4. Ամէն ցեղից ինձ երեքական մարդ տուէ՛ք, եւ կ'ուղարկեմ նրանց, որ վեր կենան անցնեն երկրով եւ չափագրեն այն իմ առաջ՝ պարզելով, թէ ինչպէս պետք է բաժանել այն: Նրանք եկան նրա մօտ,
5. ու նա բաժանեց երկիրը նրանց մէջ եօթը մասի: Եւ ասաց. Յուդայի երկիրը թող մնայ նրանց սահմանը հարաւից, Յովսէփի որդիներն իրենց սահմաններում մնան հիւսիսից,
6. իսկ դուք երկիրը բաժանեցէ՛ք եօթը մասի եւ չափագրութիւնը բերեք ներկայացրէ՛ք ինձ այստեղ. եւ ձեզ համար այստեղ Աստծու առաջ վիճակ կը հանեմ:
7. Դեւի որդիները ձեր մէջ բաժին չունեն, որովհետեւ նրանց բաժինը Տիրոջ համար արուած քահանայութիւնն է. Գադը, Ռուբէնը եւ Մանասէի կէս ցեղը Յորդանան գետի այն կողմում արեւելքում ստացան իրենց ժառանգութիւնը, որ Տիրոջ ծառայ Մովսէսը տուել էր նրանց:
8. Եւ մարդիկ վեր կացան գնացին: Երկիրն աչքի անցկացնելու գնացած մարդկանց Յեսուն պատուիրեց եւ ասաց. Անցե՛ք գնացէ՛ք, աչքի անցկացրէ՛ք երկիրն ու վերադարձէ՛ք ինձ մօտ, իսկ ես Սելովում Տիրոջ առաջ ձեզ համար վիճակ կը գցեմ:
9. Մարդիկ գնացին շրջեցին երկրում, հետազոտեցին ու տեսան երկիրը եւ այն, ըստ նրա քաղաքների, եօթը բաժին անելով՝ չափագրեցին մի գրքի մէջ եւ բերին Յեսուի մօտ՝ բանակատեղի, Սելով:
10. Յեսուն Տիրոջ առաջ նրանց համար վիճակ գցեց Սելովում եւ այնտեղ երկիրը բաժանեց իսրայելացիներին՝ ըստ իրենց բաժինների:
11. Առաջին վիճակն ընկաւ Բենիամինի որդիների ցեղին՝ ըստ իրենց տոհմերի: Նրանց բաժնի սահմանն ընկաւ Յուդայի եւ Յովսէփի որդիների միջեւ:
12. Նրանց սահմանները եղան Յորդանան գետի հիւսիսից, որոնք Երիքովի հարաւից բարձրանում են դէպի հիւսիս, ելնում են լեռան վրայ դէպի ծովի կողմը, եւ նրանց վերջը հասնում է մինչեւ Բեթաւանի Մաբդարա բնակավայրը.
13. այնտեղից անցնում են Լուզի սահմանները հարաւային կողմից, Լուզի ետեւից, այսինքն՝ Բեթելից, եւ սահմաններն իջնում են Ադարի Աստարոթ բնակավայրը, դէպի լեռան կողմը, որը Ներքին Բեթորոնի հարաւում է:
14. Սահմաններն անցնում, պտոյտ են տալիս հարաւից ծովահայեաց ափով, այն սարից, որ հարաւում Բեթորոնի դիմացն է: Նրա վերջը հասնում է Կարիաթբաաղ, այսինքն՝ Յուդայի որդիների Կարիաթբարիմ քաղաքը:
15. Ծովի կողմում ծայրը այս է: Իսկ հարաւային կողմում Կարիաթբաաղի ծայրից սահմաններն անցնում են Գայի եւ դուրս են գալիս դէպի Նափթովայի ջրերի աղբիւրը:
16. Սահմաններն իջնում են Ենոմացիների հովտի դիմացի լեռան եզերքը, որ հիւսիսում Ենակի ռափայիների մասն է, եւ հարաւից, Յեբուսի ետեւից իջնում են Ենոմի Գայի բնակավայրը եւ գնում Ռոզելի աղբիւրը:
17. Հիւսիսից կտրում անցնում են Բեթսամիւսի աղբիւրը, գնում են Եդոմիսի գառիվերի դիմացը գտնուող Գալիլոթ, իջնում են մինչեւ Ռուբէնի որդու Բաան վեմը.
18. Բեթարաբայի թիկունքից անցնում են հիւսիս եւ իջնում Արաբա:
19. Ապա սահմաններն անցնում են Բեթագղայի ետեւից, ծովի հիւսիսից եւ վերջանում են Ադի ծովի հիւսիսային ու Յորդանան գետի հարաւային ծայրում:
20. Այս է նրանց սահմանը հարաւից. իսկ արեւելեան կողմի սահմանը Յորդանան գետն է: Այս է Բենիամինի որդիների ժառանգութիւնը, եւ սրանք են նրանց սահմանները շուրջանակի՝ ըստ իրենց տոհմերի:
21. Բենիամինի որդիների ցեղի քաղաքներն ըստ իրենց տոհմերի սրանք են՝ Երիքովը,

- Բեթագղան, Ամենգասիմը,  
22. Բեթարաբան, Սեմարիմը, Բեթելը,  
23. Ալիմը, Ափարը, Արփան,  
24. Կարեմը, Քափերամիկը եւ Գարաան. տասներկու քաղաքներ եւ նրանց աւանները,  
25. Գաբաւոնը, Ռամման, Բերոթը,  
26. Մասփան, Կեփիրան, Ամուսան,  
27. Ռէկէմը, Յերփայէլը, Թարաղան,  
28. Սելալէփը, Յեբուսը, այսինքն՝ Երուսաղէմը, Գաբաաթը եւ Արեմ քաղաքը. տասներկու քաղաքներ եւ նրանց աւանները:  
29. Այս է Բենիամինի որդիների ժառանգութիւնն ըստ իրենց տոհմերի:

1. Երկրորդ վիճակն ընկաւ Շմաւոնին, Շմաւոնի որդիների ցեղին՝ ըստ իրենց տոհմերի. նրանց ժառանգութիւնն ընկած էր Յուդայի որդիների ժառանգութեան մէջ:
2. Նրանց բաժինը եղան. Բերսաբէէն, Սաբէէն, Մողադան,
3. Ասերսուաղը, Բաթուղը, Բողան, Ասոմը,
4. Եղթուդաաղը, Երման,
5. Սիկեղան, Բեթմարքաբոթը, Ասերսուսիմը,
6. Բեթղաբաթը եւ նրանց ազարակները. տասներկու քաղաքներ ու նրանց աւանները,
7. Այինը, Ռեմոնը, Եթերը եւ Ասանը. չորս քաղաքներ եւ նրանց աւանները,
8. այդ քաղաքների շուրջը եղած բոլոր ազարակները մինչեւ Բաաղէթ Բերամմոթ, հարաւային Ռամաթայի մուտքի մօտ: Այս է Շմաւոնի որդիների ցեղի ժառանգութիւնն ըստ իրենց տոհմերի:
9. Շմաւոնի որդիների ցեղի ժառանգութիւնն ընկած էր Յուդայի որդիների բաժնի մէջ, որովհետեւ Յուդայի որդիների բաժինն աւելի մեծ էր, քան նրանցը, ուստի Շմաւոնի որդիները ժառանգութիւն ստացան նրանց բաժնի մէջ:
10. Երրորդ վիճակը դուրս եկաւ Չաբուղոնի որդիներին՝ ըստ իրենց տոհմերի. նրանց ժառանգութեան սահմանները եղան մինչեւ Սարիդ:
11. Նրանց սահմանները ելնում են դէպի ծովը եւ Մարադա, հասնում են մինչեւ Դաբասթէ, հանդիպում Եկնամի դիմացը գտնուող ձորին,
12. Սարիդից ետ են դառնում Բեթսամէի արեւելեան կողմը, դէպի Քասաղոթ Թաբորի սահմանները, անցնում Դաբարաթ եւ բարձրանում Յաբագայի մօտով.
13. այնտեղից անցնում են արեւելք՝ ձգուելով դէպի Կատասիմ քաղաքը, անցնում են Ռեմմոն, Ամաթարիմ Անտուա,
14. շրջւում են հիւսիսային սահմաններով մինչեւ Եկանթով եւ վերջանում Գայիում՝ Եփթայեղում.
15. նաեւ՝ Կատտամաթը, Նաադողը, Սեմրոնը, Յադեղան եւ Բեթղեհեմը՝ տասներկու քաղաքներ եւ նրանց աւանները:
16. Այս է Չաբուղոնի որդիների ցեղի ժառանգութիւնն ըստ իրենց տոհմերի՝ նրանց քաղաքներով եւ աւաններով հանդերձ:
17. Չորրորդ վիճակը դուրս եկաւ Իսաքարին, Իսաքարի որդիներին՝ ըստ իրենց տոհմերի:
18. Նրանց սահմանները եղան՝ Յեզրայէլը, Աքասեղոթը, Սունամը,
19. Ափերեմը, Սիանը,
20. Ռամաթը, Ենդանիմը, Ռենաթը, Անարեթը,
21. Ռաբբոթը, Կեսիոնը, Այեմէսը, Ռենաթը, Ենգադիսը, Ենգադդան եւ Բեթմասեմը:
22. Այս սահմանները ծովային կողմից յարում են Թաբոթին եւ Կասիմին ու Բեթսամիւսին. նրանց սահմանները վերջանում են Յորդանան գետում՝ տասնվեց քաղաքներ ու նրանց աւանները:
23. Այս է Իսաքարի որդիների ցեղի ժառանգութիւնն ըստ իրենց տոհմերի՝ նրանց քաղաքներով ու աւաններով հանդերձ:
24. Հինգերորդ վիճակը դուրս եկաւ Ասերի որդիների ցեղին՝ ըստ իրենց տոհմերի:
25. Նրանց սահմանները եղան՝ Քեղկաթը, Ռողին, Բատնէն, Աքսափը,
26. Ամաթը եւ Մասաղը: Ծովային կողմից սահմանները յարում են Կարմեղին, Սիորին եւ Բաղանայէին
27. եւ արեւելեան կողմից ետ են դառնում դէպի Բեթղագոն, հիւսիսից յարում են Չաբուղոնին, Գային, Եփթայեղին, մտնում են Սափաթա Բեթամեկ, գնում են Անայէլի սահմաններով եւ ձախ կողմից անցնում են Քաբոդ,
28. Աքրան, Ռոբ, Ամմոն եւ Կանայի, մինչեւ մեծ Սիդոն:
29. Ապա սահմանները ետ են դառնում Ռամա, մինչեւ ամրացուած Տիւրոս քաղաքը, շրջւում են դէպի Սոսա եւ վերջանում են ծովում, Ակզիփի կալուածքում.

30. ապա՝ Ամման, Ափեկան, եւ Ռաւոբան՝ քաաներկու քաղաքներ ու նրանց աւանները:
31. Այս է Ասերի որդիների ցեղի ժառանգութիւնն ըստ իրենց տոհմերի՝ նրանց քաղաքներով ու աւաններով հանդերձ:
32. Վեցերորդ վիճակը դուրս եկաւ Նեփթաղիմին, Նեփթաղիմի որդիներին՝ ըստ իրենց տոհմերի:
33. Նրանց սահմանները եղան՝ Մեդեփը, Մայեղոմը, Բերսանայիմը, Արմէն, Նագբըր եւ Յաբնեղը մինչեւ Դակու. սահմանները վերջանում են Յորդանան գետում:
34. Այս սահմանները ետ են դառնում դէպի Ազանոթ Թաբորի ծովը, այնտեղից անցնում են Կոկ, հարաւից հատում են Չաբուղոնը, ծովային կողմից՝ Ասերը, արեւելեան կողմից՝ Յուդայի երկիրը եւ Յորդանան գետը:
35. Նաեւ՝ տիւրացիների պարսպապատ քաղաքները՝ Տիւրոսը, Ամաթը, Ռեկկաթը, Թեներթը,
36. Ադամին, Ռամման, Ասորը,
37. Կադէսը, Եդրայինը, Ակնասորը,
38. Յարոնը, Մակդաղիէլը, Օրամը, Բեթանաթը եւ Թասմուսը՝ տասնինը քաղաքներ եւ նրանց աւանները:
39. Այս է Նեփթաղիմի որդիների ցեղի ժառանգութիւնն ըստ իրենց տոհմերի՝ նրանց քաղաքներով ու աւաններով հանդերձ:
40. Դանի որդիների ցեղին, ըստ իրենց տոհմերի, դուրս եկաւ եօթներորդ վիճակը:
41. Նրանց ժառանգութեան սահմանները եղան՝ Սարաան, Եսթաւուլը,
42. Սաղաբինը, Յեթղան, Թամնան,
43. Եղթեկովը, Բաադոթը,
44. Բանեբարակը եւ Սամես, Յաադոն,
45. Եղոն, Ակկարոն, Գաբաթոն, Յուբ եւ Գեթրեմոն քաղաքները,
46. Բագէից ծովը եւ Բակրոնան՝ Յոպպէի մօտի սահմանի հետ:
47. Դանի որդիների սահմանը նրանց ժառանգութիւնից դուրս մնաց: Այս է Դանի որդիների ցեղի ժառանգութիւնն ըստ իրենց տոհմերի՝ նրանց քաղաքներով եւ աւաններով հանդերձ: Դանի որդիները չբնաջնջեցին ամորհացիներին՝ լերան վրայի իրենց նեղողներին, իսկ ամորհացիները նրանց չէին թողնում իջնել հովիտները եւ նրանցից խլում էին նրանց բաժնի սահմանները: Դանի որդիները գնացին եւ պատերազմեցին Ղեսեմի դէմ, առան այն եւ սրի քաշեցին բնակիչներին, ժառանգեցին այն եւ բնակուեցին նրա մէջ ու իրենց հօր անունով Ղեսեմն անուանեցին Դան:
48. Այս է Դանի որդիների ցեղի ժառանգութիւնն ըստ իրենց տոհմերի՝ այս քաղաքներով եւ նրանց աւաններով հանդերձ:
49. Եւ վերջացրին երկրի բաժանումն իրենց սահմաններով: Ամորհացիները շարունակեցին ապրել Եղովում եւ Սաղամիմում, բայց Եփրեմի ձեռքը ծանրացաւ նրանց վրայ, եւ նրանք Եփրեմին հարկատու դարձան: Եւ գնացին աչքի անցկացնելու երկիրն իր սահմաններով: Իսրայէլացիները Նաւէի որդի Յեսուին ժառանգութիւն տուին իրենց տարածքի մէջ:
50. Տիրոջ հրամանով նրան տուին նրա ուզած Թամնաթսարա քաղաքը, որ Եփրեմի լերան վրայ է, եւ նա շինեց քաղաքը եւ բնակուեց նրա մէջ:
51. Սրանք են այն հողաբաժինները, որ Եղիազար քահանան, Նաւէի որդի Յեսուն եւ Իսրայէլի ցեղերի նահապետները Սելովում, Տիրոջ առաջ, վկայութեան խորանի դռանը, վիճակով բաժանեցին: Եւ գնացին աչքի անցկացնելու երկիրը:



1. Տէրը խօսեց Յեսուի հետ եւ ասաց. խօսի՛ր իսրայէլացիների հետ եւ ասա՛ւ.
2. Տուէ՛ք այն ապաստանի քաղաքները, որոնց մասին Մովսէսի միջոցով ձեզ ասել եմ,
3. որպէս ապաստան այն սպանողի համար, որ մարդ է սպանել ակամայ, դիպուածաբար: Դրանք ձեզ համար թող ապաստանի քաղաքներ լինեն, որպէսզի սպանողը սպանուածի արիւնակցի կողմից չսպանուի, մինչեւ որ ժողովրդի առաջ ատեանում չկանգնի:
4. Ակամայ սպանողը թող փախչի այդ քաղաքներից մէկը, կանգնի քաղաքի դռան մօտ եւ այդ քաղաքի ծերերին ի լուր ասի իր խօսքը: Ժողովուրդը թող նրան ընդունի իր մօտ, նրան տեղ տայ, եւ նա բնակուի նրանց հետ:
5. Եւ եթէ սպանուածի արիւնակիցը գնայ նրա ետեւից, սպանողին նրա ձեռքը թող չմատնեն, քանի որ նա իր ընկերոջը դիպուածաբար է սպանել եւ նրա դէմ նախկինում ատելութիւն չի ունեցել:
6. Թող նա այդ քաղաքում բնակուի, մինչեւ որ կանգնի ժողովրդի առաջ ատեանում, մինչեւ որ այն օրերին եղող մեծ քահանան վախճանուի: Յետոյ սպանողը թող ետ դառնայ եւ գայ իր տեղը, իր տունը, այն քաղաքը, որտեղից փախել է:
7. Եւ առանձնացրին Կադէսը Գալիլիայում, Նեփթաղիմի լերան վրայ, Սիւքեմը՝ Եփրեմի լերան վրայ, եւ Արբոկ քաղաքը, այսինքն՝ Քեբրոնը Յուդայի լերան վրայ.
8. Յորդանան գետի այն կողմում, Երիքովի արեւելքում Ռուբէնի ցեղից առանձնացրին Բոսորը, որ անապատում մի հարթավայր էր, Գադի ցեղից՝ Ռամոթը Գադաադում, Մանասէի ցեղից՝ Գողանը Բասանաստանում:
9. Սրանք են բոլոր իսրայէլացիների եւ եկած, նրանց մէջ բնակուածների համար որոշուած հոյակապ քաղաքները, ուր կարող է փախչել ամէն ոք, որ ակամայ մարդ է սպանել, որպէսզի չսպանուի սպանուածի արիւնակցի ձեռքով, մինչեւ որ չկանգնի ժողովրդի առաջ ատեանում:

1. Ղեկավարների նախապետները մօտեցան Եղիազար քահանային, Նաւէի որդի Յեսուին եւ Իսրայէլի որդիների ցեղերի ու տոհմերի նախապետներին,
2. խօսեցին նրանց հետ Սելովում, քանանացիների երկրում եւ ասացին. Տերը Մովսէսի միջոցով հրամայել է, որ մեզ բնակուելու համար քաղաքներ եւ մեր անասունների համար նրանց արտերը տրուեն:
3. Եւ իսրայէլացիները Տիրոջ հրամանով ղեկավարներին ժառանգութիւն տուին այս քաղաքներն ու դրանց արտերը:
4. Վիճակը դուրս եկաւ Կահաթի տոհմին. եւ Ահարոնի որդիներին՝ ղեկավար քահանաներին վիճակով հասան տասներեք քաղաքներ Յուդայի ցեղից, Շմաւոնի ցեղից եւ Բենիամինի ցեղից:
5. Իսկ Կահաթի միւս որդիներին Եփրեմի ցեղի ազգատոհմից, Դանի ցեղից եւ Մանասէի կէս ցեղից վիճակով բաժին հասան տասը քաղաքներ:
6. Գեթսուի որդիներին Իսաքարի ցեղի ազգատոհմից, Ասերի ցեղից, Նեփթալիմի ցեղից եւ Բասանի մէջ եղող Մանասէի կէս ցեղից վիճակով հասան տասներեք քաղաքներ:
7. Մերարիի որդիներին, ըստ իրենց տոհմերի, Ռուբէնի ցեղից, Գադի ցեղից եւ Չաբուլոնի ցեղից վիճակով հասան տասներկու քաղաքներ:
8. Իսրայէլացիները վիճակով ղեկավարներին տուին այս քաղաքները եւ դրանց արտերը, ինչպէս որ Տերը պատուիրել էր Մովսէսին:
9. Յուդայի, Շմաւոնի եւ Բենիամինի որդիների ցեղերը իրենց անունով կոչուած այս քաղաքները տուին
10. Ահարոնի որդիներին, որոնք Ղեւիի որդիներից՝ Կահաթի տոհմից էին, քանի որ առաջին վիճակը նրանց էր դուրս եկել:
11. Նրանց տուին Ենակի քաղաքամայր Կարիաթարբուկը, այսինքն՝ Քեբրոնը Յուդայի լեռան վրայ, նրա շուրջը եղած արտերը,
12. նրա ագարակները եւ ավանները: Դրանք Յեսուն որպէս կալուածք տուեց Յեփոնիի որդի Քաղէբին:
13. Ահարոնի որդիներին՝ քահանաներին տուին Նաեւ սպանողի համար ապաստանի քաղաքներ՝ Քեբրոնը եւ նրա արուարձանները, Ղեբնան եւ նրա արուարձանները,
14. Յեթերը եւ նրա արուարձանները, Յեսթեմովը եւ նրա արուարձանները,
15. Ադոնը եւ նրա արուարձանները, Դաբիրը եւ նրա արուարձանները,
16. Այինը եւ նրա արուարձանները, Յետտան եւ նրա արուարձանները, Բեթսամիւսը եւ նրա արուարձանները՝ ինը քաղաքներ այդ երկու ցեղից:
17. Իսկ Բենիամինի ցեղից՝ Գաբաւոնը եւ նրա արուարձանները,
18. Անաթթըրը եւ նրա արուարձանները, Սաղմոնը եւ նրա արուարձանները, Գաբէէն եւ նրա արուարձանները՝ չորս քաղաքներ:
19. Ահարոնի որդիների՝ քահանաների բոլոր քաղաքները տասներեքն էին իրենց արտերով:
20. Կահաթի որդիների տոհմի ղեկավարներին՝ Կահաթի մնացած որդիներին, քաղաքներ բաժին հասան Եփրեմի ցեղից:
21. Նրանց տուին սպանողի համար ապաստանի քաղաքներ՝ Սիւքեմը եւ նրա արուարձանները Եփրեմի լեռան վրայ, Գազերը եւ նրա արուարձանները,
22. Կաբսեմը եւ նրա արուարձանները, Վերին Բեթորոնը եւ նրա արուարձանները՝ չորս քաղաքներ:
23. Դանի ցեղից՝ Եղթեկովը եւ նրա արուարձանները, Գեբեթոնը եւ նրա արուարձանները,
24. Յադոնը եւ նրա արուարձանները, Գեթեմոնը եւ նրա արուարձանները՝ չորս քաղաքներ:
25. Մանասէի կէս ցեղից՝ Թանաքը եւ նրա արուարձանները, Բեթսանը եւ նրա արուարձանները՝ երկու քաղաքներ:

26. Կահաթի որդիների մնացած տոհմերի բոլոր քաղաքներն իրենց արուարձաններով թուով տասն էին:
27. Գեթսունի որդիներին՝ Ղեւտացիների ազգականներին, Մանասէի կէս ցեղից տուին սպանողի համար առանձնացուած ապաստանի քաղաքներ Գողանը Բասանաստանում ու նրա արուարձանները եւ Բէեստարան ու նրա արուարձանները՝ երկու քաղաքներ:
28. Իսաքարի ցեղից՝ Կեսիոնը եւ նրա արուարձանները, Դաբրաթը եւ նրա արուարձանները,
29. Երիմօթը եւ նրա արուարձանները, Նամակաց աղբիւրը եւ նրա արուարձանները՝ չորս քաղաքներ:
30. Ասերի ցեղից՝ Մասաաղը եւ նրա արուարձանները, Աբդոնը եւ նրա արուարձանները,
31. Զեդկաթը եւ նրա արուարձանները, Ռոբը եւ նրա արուարձանները՝ չորս քաղաքներ:
32. Նեփթաղիմի ցեղից՝ սպանողի համար առանձնացուած ապաստանի քաղաքներ՝ Կադէսը Գալիլիայում եւ նրա արուարձանները, Եմաթօրը եւ նրա արուարձանները, Նոյեմոնը եւ նրա արուարձանները՝ երեք քաղաքներ:
33. Գեթսունի բոլոր քաղաքներն ըստ իրենց տոհմերի տասներեքն էին՝ իրենց արուարձաններով հանդերձ:
34. Մերարիի որդիների տոհմին, այսինքն՝ մնացած ղեւտացիներին տուին Չաբուղոնի որդիների ցեղից՝ Յեկնամը եւ նրա արտերը, Կադէսը եւ նրա արտերը, Կարթան եւ նրա արտերը,
35. Դեմնան եւ նրա արտերը, Նաադողը եւ նրա արտերը՝ հինգ քաղաք:
36. Յորդանան գետի այն կողմում, Երիքովի դիմաց, Ռուբէնի ցեղից, որպէս ապաստանի քաղաքներ, սպանողի համար տուին Բոսորը Միսորի անապատում եւ նրա արտերը, Յազերը եւ նրա արտերը,
37. Կեդսոնը եւ նրա արտերը, Մասփան եւ նրա արտերը՝ չորս քաղաք:
38. Գադի ցեղից, որպէս ապաստանի քաղաքներ, սպանողի համար տուին Ռամօթը Գաղաադում եւ նրա արտերը, Մանայամը եւ նրա արտերը,
39. Եսեբոնը եւ նրա արտերը, Ազերը եւ նրա արտերը՝ ընդամենը չորս քաղաք:
40. Ղեւիի ցեղից մնացած Մերարիի որդիների բոլոր քաղաքները, ըստ իրենց տոհմերի, եղան տասներկուսը:
41. Իսրայէլացիների կալուածքների մէջ ղեւտացիների բոլոր քաղաքներն ընդամենը քառասուկուսն էին՝ այդ քաղաքների շուրջը եղած իրենց արտերով հանդերձ:
42. Այդ քաղաքներն իրենց շուրջն ունէին արտեր. այդպէս էին այդ բոլոր քաղաքները: Եւ Յեսուն աւարտեց երկրի բաժանումն իր սահմաններով: Իսրայէլացիները Տիրոջ հրամանի համաձայն Յեսունին բաժին տուին այն քաղաքը, որ նա խնդրեց՝ Թամնասաքարը Եփրեմի լեռան վրայ: Յեսուն շինեց քաղաքը եւ բնակուեց նրա մէջ: Եւ Յեսուն վերցրեց այն քարէ սրերը, որոնցով թլփատել էր անապատի ճանապարհին ծնուած իսրայէլացիներին, քանի որ նրանք չէին թլփատուել անապատում: Յեսուն այդ քարերը վար դրեց Թամնասաքարում:
43. Եւ Տէրն իսրայէլացիներին տուեց այն ամբողջ երկիրը, որ երդուել էր տալ նրանց հայրերին. եւ նրանք ժառանգեցին այն ու բնակուեցին նրա մէջ:
44. Տէրը նրանց հանգիստ տուեց երկրի բոլոր սահմաններում, ինչպէս երդուել էր նրանց հայրերին. եւ նրանց թշնամիներից ոչ ոք դուրս չեկաւ նրանց դէմ, որովհետեւ նրանց բոլոր թշնամիներին Տէրը մատնել էր նրանց ձեռքը:
45. Ոչ մի բան պակաս չմնաց այն բոլոր բարի խօսքերից, որ ասել էր Տէրն իսրայէլացիներին, այլ ամէն բան կատարուեց:

1. Շատ օրեր յետոյ, երբ Տէրը հանգստացրել էր Իսրայէլին նրա շրջակայքում եղած բոլոր թշնամիներից, եւ Յեսուն ծերացել ու տարիքն առել էր,
2. նա կանչեց բոլոր իսրայէլացիներին, նրանց ծերակոյտին, իշխաններին, դատաւորներին, օրէնսգետներին, բոլորին միասին եւ ասաց նրանց. ես ծերացել եմ եւ տարիքս առել:
3. Դուք ինքներդ տեսաք այն ամէնը, ինչ մեր Տէր Աստուածն արեց այն բոլոր ազգերին, որոնց վերացրեց ձեր առջեւից, որովհետեւ Տէր Աստուածն ինքն էր պատերազմում ձեզ համար:
4. Արդ, տես՛ք, տարածքներն այս մնացած ազգերի, բոլոր ազգերի, որոնց ջարդեցի Յորդանան գետից մինչեւ Մեծ ծովը, դէպի արեւմուտք, ձեզ ժառանգութիւն թողեցի ըստ ձեր ցեղերի:
5. Մեր Տէր Աստուածն ինքը կը կոտորի նրանց ձեր առաջ, մինչեւ որ ոչնչանան, նրանց դէմ վայրի գազաններ կ'արձակի, մինչեւ որ ձեր առաջ բնաջնջի նրանց ու նրանց թագաւորներին, եւ դուք ժառանգութիւն կը ստանաք նրանց երկիրը, ինչպէս որ մեր Տէր Աստուածն ասել էր մեզ:
6. Ուստի շա՛տ զօրացէք եւ զգո՛յշ եղէք, որ կատարէք այն ամէնը, ինչ գրուած է Մովսէսի օրէնքի գրքում, որ չխոտորուէք նրանից աչ կամ ձախ:
7. Զինի թէ մտնէք այն մնացած ազգերի մէջ. թող նրանց աստուածների անունները չտրուեն ձեր մէջ, նրանցով չերդուէք, չպաշտէք նրանց եւ նրանց երկրպագութիւն չանէք,
8. այլ մեր Տէր Աստծու ետեւից գնաք, ինչպէս որ արել էք մինչեւ այսօր:
9. Տէրը ձեր առաջ կոտորեց նրանց՝ մեծամեծ եւ հզօր ազգերին, եւ ոչ ոք դէմ չկանգնեց ձեզ մինչեւ այսօր:
10. Ձեզնից մէկը հազարներին հալածեց, որովհետեւ Տէր Աստուածն ինքն էր պատերազմում ձեզ համար, ինչպէս որ ասել էր ձեզ:
11. Շա՛տ զգոյշ եղէք ձեր նկատմամբ, որ սիրէք ձեր Տէր Աստծուն:
12. Իսկ եթէ ետ դառնաք, ձեր մէջ մնացած ազգերին յարէք, նրանց հետ խնամութիւն անէք, խառնակուէք նրանց հետ, եւ նրանք էլ ձեզ հետ,
13. իմացած եղէք, որ Տէրն այլեւս չի կոտորի այն ազգերին ձեր առաջ, եւ նրանք ձեզ համար որոգայթ եւ գայթակղութիւն կը լինեն, խոչընդոտ՝ ձեր գարշապարների համար եւ նետեր՝ ձեր աչքերի համար, մինչեւ որ կորչէք այս բարի երկրից, որ տուեց ձեզ ձեր Տէր Աստուածը:
14. Եւ ահա ես այսօր մահուան ճանապարհն եմ գնում, ինչպէս այս երկրի վրայ եղող բոլոր մարդիկ: Իմացէ՛ք ձեր ամբողջ սրտով եւ ձեր ամբողջ հոգով, որ այն բոլոր խօսքերից, որ ասաց ձեր Տէր Աստուածը, ոչ մի բան անկատար չմնաց, այլ ամէն ինչ կատարուեց ձեզ համար. դրանցից ոչ մի խօսք սխալ դուրս չեկաւ:
15. Եւ ինչպէս որ ձեզ վրայ կատարուեցին այն բոլոր բարի խօսքերը, որ ասաց ձեզ համար Տէրը, այդպէս էլ Տէրը ձեզ վրայ կը կատարի ամէն տեսակ չար խօսքեր, մինչեւ որ բնաջնջի ձեզ այս բարի երկրից, որ տուել է ձեզ ձեր Տէր Աստուածը,
16. եթէ դրժէք ձեր Տէր Աստծու ուխտը, որ պատուիրել է ձեզ, եւ գնաք ծառայէք օտար աստուածներին ու նրանց երկրպագութիւն անէք: Տէրը կը բարկանայ ձեզ վրայ, եւ դուք անմիջապէս կը կորչէք այս բարի երկրից, որ Տէրը տուել է ձեզ:

1. Յետևն Իսրայելի բոլոր ցեղերին հաւաքեց Սելովում, կանչեց Իսրայելի բոլոր ծերերին, նրանց իշխաններին, օրէնսգետներին ու դատաւորներին, եւ նրանք կանգնեցին Տիրոջ առաջ:
2. Յետևն խօսեց ամբողջ ժողովրդի հետ ու ասաց. Այսպէս է ասում Իսրայելի Տէր Աստուածը. Նախկինում ձեր նախահայրերը՝ Թարան՝ Աբրահամի հայրը եւ Նաքորի հայրը պանդխտել են գետի այն կողմը եւ պաշտել օտար աստուածներին:
3. Գետի այն կողմից ես վերցրի ձեր հայր Աբրահամին եւ նրան առաջնորդեցի Քանանացիների ամբողջ երկրով, բազմացրի նրա սերունդը, նրան տուի Իսահակին, իսկ
4. Իսահակին տուի Յակոբին եւ Եսաւին, Եսաւին որպէս ժառանգութիւն տուի Սէիր լեռը: Յակոբը եւ նրա որդիներն իջան Եգիպտոս եւ այնտեղ մեծ, բազմամարդ ու հզօր ազգ դարձան: Եգիպտացիները նրանց չարչարեցին,
5. եւ Տէրը հարուածեց եգիպտացիներին նրանց դէմ գործադրած նշաններով եւ զարմանահրաշ գործերով:
6. Յետոյ Տէրը ձեզ հանեց Եգիպտոսից, դուք մտաք ծովը, եւ եգիպտացիները կառքերով ու ձիերով հետապնդեցին ձեր հայրերին մինչեւ Կարմիր ծովը:
7. Մենք աղաղակեցինք Տիրոջը, եւ նա ամպ ու մեզ դրեց մեր եւ եգիպտացիների միջեւ, ծովը նրանց վրայ լցրեց եւ ծածկեց նրանց: Մեր աչքերը տեսան, թէ ինչ արեց Տէրը եգիպտացիների երկրում: Ապա շատ օրեր մնացիք անապատում:
8. Եւ նա ձեզ բերեց Յորդանան գետի այն կողմում բնակուող ամորհացիների երկիրը, նրանք ձեր դէմ պատերազմեցին, Տէրը նրանց մատնեց ձեր ձեռքը, դուք ժառանգեցիք նրանց երկիրն ու կոտորեցիք նրանց ձեր առաջ:
9. Մովաբի արքայ Սեպփորի որդի Բաղակը վեր կացաւ եւ պատերազմ մղեց Իսրայելի դէմ. մարդ ուղարկեց, կանչեց Բեորի որդի Բաղաամին, որ ձեզ նզովի:
10. Բայց ձեր Տէր Աստուածը չկամեցաւ ձեզ կորստեան մատնել, օրինեց ձեզ, ազատեց ձեզ նրանց ձեռքից եւ նրանց մատնեց ձեր ձեռքը:
11. Դուք անցաք Յորդանան գետը եւ եկաք Երիքով: Երիքովի բնակիչները, ամորհացիները, քանանացիները, փերեզացիները, խեւացիները, յեբուսացիները, քետացիները եւ գերգեսացիները պատերազմեցին ձեր դէմ, եւ Տէրը մատնեց նրանց ձեր ձեռքը:
12. Ձեզանից առաջ իշամեղուներ ուղարկեց եւ նրանց՝ ամորհացիների տասներկու թագաւորներին, քշեց ձեր առաջից: Ո՛չ քո սրով եւ ո՛չ քո աղեղով արուեց այդ:
13. Տէրը ձեզ տուեց այս երկիրը, որտեղ դուք չէք աշխատել եւ բնակւում էք այն քաղաքներում, որ դուք չէք շինել, ուստի եք այն այգիներից եւ թգենիներից, որ դուք չէք տնկել:
14. Արդ, դուք վախեցէ՛ք Տիրոջից, ծառայեցէ՛ք նրան շիտակութեամբ եւ արդարութեամբ, հեռացրէ՛ք օտար աստուածներին, որոնց պաշտեցին ձեր հայրերը գետի այն կողմում եւ Եգիպտոսում, եւ պաշտեցէ՛ք Տիրոջը:
15. Իսկ եթէ ձեզ համար հաճելի չէ պաշտել Տիրոջը, ապա որոշեցէ՛ք այսօր, թէ ո՛ւմ եք պաշտելու. ձեր հայրերի՞ աստուածներին, որոնք գետի այն կողմում էին, թէ՞ ամորհացիների աստուածներին, որոնց երկրում դուք բնակւում էք: Իսկ ես եւ իմ տունը Տիրոջն ենք պաշտում, որովհետեւ նա սուրբ է:
16. Ժողովուրդը պատասխան տուեց եւ ասաց. Քա՛ւ լիցի, որ մենք թողնենք մեր Տէր Աստծուն եւ օտար աստուածներ պաշտենք,
17. որովհետեւ Տէրն է մեր Աստուածը, նա հանեց մեզ եւ մեր հայրերին Եգիպտացիների երկրից, ծառայութեան տնից, մեզ համար նա մեծամեծ նշանները գործեց, պահպանեց մեզ մեր գնացած ամբողջ ճանապարհին, պահպանեց բոլոր ազգերի մէջ, որոնց միջով մենք անցանք:
18. Տէրը մեր առաջից քշեց ամորհացիներին եւ այս երկրում բնակուող բոլոր ազգերին.

ուրեմն մենք էլ Տիրոջն ենք պաշտելու, որովհետեւ նա է մեր Աստուածը:

19. Յետոյն ասաց ժողովրդին. Դուք չէք կարող Տիրոջը պաշտել, որովհետեւ նա սուրբ է. նա նախանձոտ լինելով՝ չի ների ձեր մեղքերն ու անօրէնութիւնները,

20. երբ թողնէք Տիրոջը եւ օտար աստուածներին պաշտէք: Նա կը չարչարի եւ կ'ոչնչացնի ձեզ այն բարիքների փոխարէն, որ արել է ձեզ համար:

21. Ժողովուրդն ասաց Յեսուին. Այդպէս չէ, մենք Տիրոջն ենք պաշտելու:

22. Յետոյն ասաց ժողովրդին. Ահա դուք ինքներդ ձեր վկաներն էք, որ դուք Տիրոջն ընտրեցիք նրան պաշտելու համար: Նրանք ասացին. Վկայ ենք:

23. Նա ասաց. Հեռացրէ՛ք ձեզանից օտար աստուածներին եւ ձեր սիրտն Իսրայէլի Տէր Աստծո՛ւն դարձրէք:

24. Ժողովուրդը Յեսուին ասաց. Մեր Տէր Աստծուն պիտի պաշտենք եւ նրա խօսքը պիտի լսենք:

25. Եւ այդ օրը Յեսուն ժողովրդի հետ ուխտ արեց եւ Սելովում, Իսրայէլի Աստծու խորանի առաջ նրան օրէնքներ եւ կանոններ տուեց:

26. Յետոյն դրանք գրեց Աստծու օրէնքի գրքում, առաւ մի մեծ քար եւ այն կանգնեցրեց Տիրոջ առաջ եղած բեւեկի ծառի տակ:

27. Եւ Յեսուն ամբողջ ժողովրդին ասաց. Ահա այս քարը ձեզ վկայ լինի, որովհետեւ սա լսեց Տիրոջ բոլոր խօսքերը, որ նա այսօր ձեզ ասաց. սա թող վկայ լինի ձեզ յետագայ օրերին, երբ պատահի, որ ուրանաք ձեր Տէր Աստծուն:

28. Եւ Յեսուն արձակեց ժողովրդին, ու ամէն մէկը գնաց իր տեղը:

29. Եւ Իսրայէլը պաշտեց Տիրոջը Յեսուի կենդանութեան բոլոր օրերին եւ այն ծերերի կենդանութեան բոլոր օրերին, որոնք ողջ մնացին Յեսուից

30. յետոյ, եւ որոնք տեսան Տիրոջ բոլոր գործերը, որ նա արեց Իսրայէլի համար:

31. Սրանից յետոյ Նաւէի որդի Յեսուն՝ Տիրոջ ծառան, հարիւր տասը տարեկանում մեռաւ:

32. Նրան թաղեցին իր ժառանգութեան սահմաններում, Թամասաքարում, Եփրեմի լեռան վրայ, Գայաս լեռան հիւսիսային կողմում: Այնտեղ, որտեղ թաղեցին նրան, որպէս յիշատակ նրա հետ դրին այն քարէ սրերը, որոնցով նա Գաղգաղայում թլփատել էր իսրայէլացիներին, երբ նրանց հանեց Եգիպտոսից, ինչպէս հրամայել էր Տէրը. դրանք այնտեղ են մինչեւ այսօր:

33. Իսրայէլացիները Եգիպտոսից հանեցին Յովսէփի ոսկորները եւ դրանք թաղեցին Սիկիմում, ագարակի այն մասում, որ հարիւր գառով առել էր Յակոբը Սիկիմում բնակուող ամորհացիներից եւ բաժին էր տուել Յովսէփին:

34. Դրանից յետոյ վախճանուեց Եղիազար քահանան՝ Ահարոնի որդին, եւ թաղուեց իր որդի Փենէսին պատկանող Գաբաաթում, որ տուել էին նրան Եփրեմի լեռան վրայ: Այդ օրերին իսրայէլացիներն առնելով Աստծու ուխտի տապանակը՝ տանում էին իրենց հետ: Եւ Փենէսը քահանայ դարձաւ իր հօր՝ Եղիազարի փոխարէն, մինչեւ որ մեռաւ եւ թաղուեց Գաբաաթի իր կալուածքում: Իսրայէլացիները գնացին ամէն մէկն իր տեղն ու իր քաղաքը: Նրանք պաշտեցին Աստարտին, Աստարոթին եւ իրենց շրջակայքում եղած ազգերի աստուածներին: Եւ Տէրը նրանց մատնեց Մովաբի արքայ Եգղոմի ձեռքը, որը տիրեց նրանց վրայ տասնութ տարի:

ԴԱՏԱԴՈՐՆԵՐ

## Գլուխ 1

1. Յետուի վախճանուելուց յետոյ իսրայելացիները հարցնում էին Տիրոջը եւ ասում. Մեզնից ո՞վ առաջինը դուրս կը գայ պատերազմի քանանացիների դէմ:
2. Տէրն ասաց. Յուդայի՛ ցեղը պետք է դուրս գայ, քանի որ երկիրը նրա ձեռքն եմ յանձնել:
3. Եւ Յուդան իր եղբայր Շմաւոնին ասաց. Վե՛ր կաց գևանք ինձ հետ իմ կալուածքը եւ քանանացիների դէմ պատերազմենք, ես էլ քեզ հետ կը գամ քո կալուածքը: Շմաւոնը գևաց նրա հետ:
4. Յուդան գևաց, եւ Տէրը քանանացիներին ու փերեզացիներին յանձնեց նրա ձեռքը, եւ նա Բեզեկում նրանցից տասը հազար մարդ կոտորեց:
5. Բեզեկում գտան Ադոնիբեզեկին, նրա դէմ պատերազմեցին եւ ջարդեցին քանանացիներին ու փերեզացիներին:
6. Ադոնիբեզեկը փախաւ, բայց նրան հետապնդեցին, հասան նրան եւ կտրեցին նրա ձեռքերի ու ոտքերի մատները:
7. Ադոնիբեզեկն ասաց. Եօթանասուն թագաւորներ, որոնց ձեռքերի ու ոտքերի մատները կտրուած էին, հաւաքում էին իմ սեղանի տակի փշրանքները: Արդ, ինչպէս ես էի արել, այդպէս էլ Աստուած ինձ հատուցեց: Նրան բերին Երուսաղէմ, եւ նա այնտեղ մեռաւ:
8. Յուդայի որդիները պատերազմեցին Երուսաղէմի դէմ, գրաւեցին այն, սրի քաշեցին եւ քաղաքը հրով այրեցին:
9. Դրանից յետոյ Յուդայի որդիներն իջան պատերազմելու լեռան կողմում, հարաւում եւ դաշտավայրում բնակուող քանանացիների դէմ:
10. Յուդան գևաց Քեբրոնում բնակուող քանանացիների վրայ, եւ Քեբրոնը դուրս եկաւ նրա դէմ: Քեբրոնի անունն առաջ Կարիաթարբոկ Սեփեր էր: Ջարդեցին Սեսին, Աքիմանին եւ Թուլմիին՝ Ենակի գաւազներին:
11. Այնտեղից յարձակուեցին Դաբիրի բնակիչների վրայ: Դաբիրի անունն առաջ Նամակաց քաղաք էր:
12. Քաղէբն ասաց. Ով որ հարուածի Նամակաց քաղաքին եւ գրաւի այն, իմ դուստր Ասքային նրան կնութեան կը տամ:
13. Եւ գրաւեց այն Քաղէբի կրտսեր եղբօր՝ Կենեզի որդի Գոդոնիէլը, եւ Քաղէբն իր դուստր Ասքային նրան կնութեան տուեց:
14. Երբ աղջիկը գնում էր, Գոդոնիէլը յորդորեց նրան, որ իր հօրից ագարակ խնդրի: Աղջիկը տրտնջաց, աղաղակեց Էշի վրայից եւ ասաց. Հարաւային երկիր տուիր ինձ: Քաղէբը նրան ասաց. Ի՞նչ եղաւ քեզ:
15. Ասքան նրան ասաց. Ինձ օրհնութիւն տո՛ւր. որովհետեւ ինձ հարաւային երկիր տուիր, տո՛ւր ինձ նաեւ ջրի աղբիւրներ: Եւ Քաղէբը նրա ցանկութեամբ նրան տուեց վերին աղբիւրներն ու հովիտների աղբիւրները:
16. Մովսէսի աներոջ՝ Կինեցի Յոբաբայի որդիները, Արմաւենիների քաղաքից գևացին Յուդայի որդիների մօտ, Յուդայի անապատը, որը Յուդայի երկրի հարաւում է, Արադի գառիվայրի մօտ, եւ գևացին բնակուեցին ժողովրդի հետ:
17. Յուդան գևաց իր եղբայր Շմաւոնի հետ, եւ նրանք հարուածեցին, նզովեցին ու կոտորեցին Սեփաթում բնակուող քանանացիներին եւ այդ քաղաքի անունը կոչեցին Սատակում:
18. Յուդան չառաւ Գազան ու նրա սահմանները, Ասկադոնն ու նրա սահմանները, Ակկարոնն ու նրա սահմանները, Ազոտոսն ու նրա արտերը:
19. Տէրը Յուդայի հետ էր: Յուդան գրաւեց լեռը, բայց հովիտների բնակիչներին չկարողացաւ տիրել, որովհետեւ Ռեքաբը զատեց նրանց, եւ նրանք երկաթե կառքեր ունէին:
20. Քեբրոնը տուին Քաղէբին, ինչպէս ասել էր Մովսէսը: Քաղէբը այնտեղից ժառանգութիւն ստացաւ Ենակի որդիների երեք քաղաքները եւ քշեց այնտեղից Ենակի



երեք որդիներին:

21. Բենիամինի որդիները Երուսաղեմում բնակուող յեբուսացիներին չնուաճեցին, եւ յեբուսացիները բնակում են այնտեղ Բենիամինի որդիների հետ մինչեւ այսօր:

22. Յովսէփի որդիներն իրենք էլ գնացին Բեթելի դէմ, եւ Տէրը նրանց հետ էր:

23. Իսրայէլի տոհմը բանակատեղի դրեց Բեթելում. այդ քաղաքի անունն առաջ Լուզա էր:

24. Պահապանները մի մարդ տեսան, որ դուրս էր գալիս այդ քաղաքից, բռնեցին նրան եւ ասացին. Յո՛յց տուր մեզ քաղաքի մուտքը, եւ մենք կը խնայենք քեզ:

25. Նա նրանց ցոյց տուեց քաղաքի մուտքը, եւ նրանք քաղաքը սրի քաշեցին, իսկ այն մարդուն եւ նրա ազգատոհմը ազատ արձակեցին:

26. Այդ մարդը գնաց Քետիմ երկիրը, այնտեղ քաղաք շինեց եւ նրա անունը Լուզա դրեց, եւ այդ է նրա անունը մինչեւ այսօր:

27. Մանասէն որպէս ժառանգութիւն չստացաւ Բեթսանը, այսինքն՝ Սկիւթուպոլիսը, նրա ավանները եւ նրա արտերը, Թանաքը եւ նրա ավանները, Դորի բնակիչներին, նրա շուրջը բնակուողներին եւ նրա ավանները, Բաղակի բնակիչներին, նրա շուրջը բնակուողներին եւ նրա ավանները, Յեբղամի բնակիչներին, նրա շուրջը բնակուողներին եւ նրա ավանները. եւ քանանացիները շարունակեցին բնակուել այդ երկրում:

28. Երբ Իսրայէլը հզօրացաւ, քանանացիներին հարկի տակ գցեց, բայց նրանց իսպառ չվերացրեց:

29. Եփրեմն էլ չվերացրեց Գազերում բնակուող քանանացիներին, եւ քանանացիները բնակուեցին նրանց մէջ Գազերում ու Եփրեմին հարկատու եղան:

30. Չաբուղոնն էլ չվերացրեց Կեդրոնի բնակիչներին ու Ամանի բնակիչներին, եւ քանանացիները բնակուեցին նրանց մէջ եւ նրանց հարկատու եղան:

31. Ասերը չվերացրեց Ակքովի բնակիչներին, որոնք նրան հարկատու եղան, նաեւ Դորի, Սիդոնի, Դալափի, Աքազիփի, Ելփայի, Ափէկի, Ռոբի բնակիչներին:

32. Ասերացիները բնակուեցին այդ երկրում ապրող քանանացիների մէջ, որովհետեւ չկարողացան վերացնել նրանց:

33. Նեփթաղիմը չվերացրեց Բեթսամիւսի բնակիչներին, ոչ էլ Բեթանաթի բնակիչներին: Նեփթաղիմը բնակուեց այդ երկրում ապրող քանանացիների մէջ, իսկ Բեթսամիւսի եւ Բեթանաթի բնակիչները նրան հարկատու եղան:

34. Ամորիացիները Դանի որդիներին նեղեցին լերան վրայ, որովհետեւ նրանց թոյլ չէին տալիս իջնել հովիտները:

35. Եւ ամորիացիները շարունակեցին բնակուել Մրտենիների լերան վրայ: Այնտեղ, Մրտաստանում եւ Սաղապինում արջեր եւ աղուէսներ կային: Յովսէփի տոհմի ձեռքը ծանրացաւ ամորիացիների վրայ, եւ ամորիացիները հարկատու եղան նրանց:

36. Ամորիացիները Ակրաբիմի գառիվայրի վրայ, Վեմից վեր սահմանակից էին եղումայեցիներին:

1. Տիրոջ հրեշտակը Գաղգաղայից դուրս եկաւ Լացատեղը, Բեթէլ եւ Իսրայէլի տուն ու ասաց նրանց. Այսպէս է ասում Տէրը. Տէրը ձեզ հանեց Եգիպտոսից եւ բերեց այն երկիրը, որի համար ձեր հայրերին երդուել էր, որ ձեզ կը տայ եւ ձեզ ասաց. “Ձեզ հետ դրած ուխտս յաւիտեան չեմ դրժի:
2. Դուք այս երկրի բնակիչների հետ դաշինք մի՛ կնքեք, ոչ էլ նրանց չաստուածների հետ, մի՛ երկրպագեք նրանց, այլ խորտակեցէ՛ք նրանց կուռքերը, կործանեցէ՛ք նրանց զոհասեղանները”: Բայց դուք իմ խօսքը չլսեցիք եւ այդ բանն արեցիք:
3. Եւ ես ասացի. “Այլեւս չեմ տեղաշարժի այս ժողովրդին, որին շարունակ կոտորեցի եւ նրան չեմ քշի ձեր առաջից: Նրանք ձեզ համար փորձանք կը դառնան, եւ նրանց չաստուածները ձեզ համար գայթակղութիւն կը լինեն”:
4. Երբ Տիրոջ հրեշտակն այս խօսքերն ասաց Իսրայէլի բոլոր որդիներին, ժողովուրդը ձայն բարձրացրեց ու լաց եղաւ:
5. Դրա համար էլ այն տեղի անունը Լալօնք դրին. Եւ այնտեղ Տիրոջը զոհ մատուցեցին:
6. Յետուն արձակեց ժողովրդին, եւ իսրայէլացիները գնացին ամեն մէկն իր տունը եւ ամեն մէկն իր կալուածքը՝ երկիրը ժառանգութիւն ստանալու համար:
7. Եւ ժողովուրդը Տիրոջը ծառայեց Յետւի կենդանութեան բոլոր օրերում եւ այն ծերերի կենդանութեան բոլոր օրերում, որոնք երկար ապրեցին Յետւից յետոյ եւ որոնք տեսել էին Տիրոջ բոլոր մեծամեծ գործերը, որ նա արեց Իսրայէլի համար:
8. Տիրոջ ծառայ Յետուն՝ Նաւէի որդին, վախճանուեց հարիւր տասը տարեկան հասակում,
9. Եւ նրան թաղեցին իր ժառանգութիւնը հանդիսացող երկրի լերան վրայ, Թամարթարետում, Եփրեմի լերան վրայ, Գայաս լերան հիւսիսային կողմում:
10. Վախճանուեց նաեւ այդ ամբողջ սերունդը: Դրանից յետոյ եկաւ ուրիշ սերունդ, որ չէր ճանաչում ո՛չ Տիրոջը եւ ո՛չ էլ այն գործերը, որ նա արել էր Իսրայէլի մէջ:
11. Իսրայէլացիները Տիրոջ առաջ չարիք գործեցին եւ Բահաղիմին պաշտեցին.
12. թողին իրենց հայրերի Տէր Աստծուն, որ նրանց հանել էր Եգիպտացիների երկրից, գնացին օտար աստուածների՝ իրենց շուրջը եղած ազգերի աստուածների ետեւից, երկրպագեցին նրանց եւ բարկացրին Տիրոջը,
13. քեցին նրան եւ պաշտեցին Բահաղին ու Աստարտներին:
14. Սաստիկ գայրացաւ Տէրն իսրայէլացիների վրայ եւ նրանց մատնեց կողոպտիչների ձեռքը, որոնք կողոպտեցին նրանց: Տէրը մատնեց նրանց շրջակայ թշնամիների ձեռքը, եւ նրանք չկարողացան դէմ կանգնել իրենց բոլոր թշնամիներին, որոնց հետ կռապաշտութիւն էին արել:
15. Տիրոջ ձեռքը չարիք պատճառելու համար նրանց վրայ էր, ինչպէս որ ասել էր Տէրը եւ ինչպէս որ երդուել էր. Եւ Տէրը խիստ նեղեց նրանց:
16. Տէրը նրանց համար դատաւորներ կարգեց եւ նրանց փրկեց կողոպտիչների ձեռքից: Բայց նրանք դատաւորներին էլ չլսեցին,
17. որովհետեւ օտար աստուածների հետեւելով՝ կռապաշտութիւն արեցին, երկրպագեցին նրանց եւ բարկացրին Տիրոջը: Շուտով խոտորուեցին այն ճանապարհից, որով ընթանում էին նրանց հայրերը՝ Տիրոջ պատուիրանները լսելով: Նրանք այդպէս չարեցին:
18. Եւ երբ Տէրը նրանց համար դատաւորներ կարգեց, Տէրն այդ դատաւորների հետ էր եւ նրանց փրկում էր թշնամիների ձեռքից դատաւորների կենդանութեան բոլոր օրերին, որովհետեւ Տէրը նրանց կարեկցում էր պաշարողների եւ չարչարողների երեսից կրած նրանց հեծութեան համար:
19. Եւ երբ դատաւորը մեռնում էր, նրանք դառնում, նորից անօրէնութիւն էին անում իրենց հայրերից աւելի՝ գնալով օտար աստուածների ետեւից, նրանց պաշտելով ու նրանց երկրպագելով: Նրանք դէն չէին նետում իրենց կուռքերը եւ ետ չէին դառնում իրենց վատ ճանապարհներից:

20. Եւ սաստիկ բարկացաւ Տէրն իսրայելացիների վրայ եւ ասաց. Քանի որ այս ազգը  
զանց արեց իմ ուխտը, որը ես դրել եմ նրանց հայրերի հետ, եւ չլսեց իմ ձայնը,  
21. ես էլ այլեւս չեմ քշի նրանց առաջից ոչ մի մարդու այն ազգերից, որ կենդանի թողեց  
Նաւէի որդի Յեսուն:  
22. Նա թողեց, որ նրանցով փորձեմ իսրայելացիներին, թէ արդեօք նրանք կը  
զգուշանա՞ն եւ Տիրոջ ճանապարհով կը գնա՞ն, թէ՞ ոչ, ինչպէս զգուշացան նրանց  
հայրերը:  
23. Եւ Տէրը թողեց այդ ազգերին, շուտով չվերացրեց նրանց եւ չմատնեց նրանց Յեսունի  
ծեռքը:

1. Սրանք են այն ազգերը, որոնց թողեց Յեսուն, որպեսզի Աստուած նրանցով փորձի իսրայելացիներին, ամենքին, որոնք չգիտեին քանանացիների բոլոր պատերազմների մասին.
2. (միայն նրա համար, որ պատերազմել սովորեցնեն իսրայելացիների սերունդներին, նրանց, որոնք առաջուց չգիտեին պատերազմել).
3. Նա թողեց այլազգիների հինգ նախարարությունները, բոլոր քանանացիներին, սիդոնացիներին եւ Լիբանանում Բաղիերմոն սարից մինչեւ Լաբոեմաթ բնակուող խեւացիներին:
4. Նրանցով պիտի փորձեր իսրայելացիներին եւ իմանար, թե կը լսե՞ն արդեօք Տիրոջ պատուիրանները, որ նա տուել էր նրանց հայրերին Մովսեսի միջոցով:
5. Եւ իսրայելացիները բնակուեցին քանանացիների, քեռացիների, ամորիացիների, փերեզացիների, խեւացիների, յեբուսացիների եւ գերգեսացիների մէջ:
6. Նրանց աղջիկներին իրենց համար կին առան եւ իրենց աղջիկներին տուին նրանց տղաներին, պաշտեցին նրանց չաստուածներին:
7. Իսրայելացիները չարիք գործեցին Տիրոջ առաջ, մոռացան իրենց Տէր Աստծուն եւ պաշտեցին Բահաղին եւ անտառները:
8. Տէրը սաստիկ բարկացաւ իսրայելացիների վրայ եւ նրանց մատնեց Միջագետքի ասորեստանացիների արքայ Քուսարսաթեմի ձեռքը, եւ իսրայելացիները նրան ծառայեցին ուր տարի:
9. Իսրայելացիները աղաղակ բարձրացրին Տիրոջ առաջ, Տէրը Իսրայելի համար մի փրկիչ մէջտեղ հանեց. նրանց տուեց Գողոնիէլին՝ Կենեզի որդուն, Քաղէբի կրտսեր եղբորը: Տէրը լսեց նրանց:
10. Գողոնիէլի մէջ Տիրոջ հոգին բնակուեց, եւ նա Իսրայելում դատաւորութիւն արեց: Նա պատերազմի դուրս եկաւ Քուսարսաթեմի դէմ, Տէրը նրա ձեռքը մատնեց ասորեստանացիների Քուսարսաթեմ արքային. Գողոնիէլը յաղթեց Քուսարսաթեմին:
11. Երկիրը քառասուն տարի հանգստացաւ: Ապա Կենեզի որդի Գողոնիէլը մեռաւ:
12. Իսրայելացիները շարունակեցին չարիք գործել Տիրոջ առաջ. եւ Տիրոջ առաջ չարիք գործելու պատճառով Տէրը Իսրայելի դէմ զօրացրեց Մովաբի արքայ Եգլոմին:
13. Նա հաւաքեց նրանց դէմ Ամոնի եւ Ամադեկի բոլոր որդիներին, գնաց հարուածեց Իսրայելին եւ տիրեց Արմաւենիների քաղաքին:
14. Տասնութ տարի իսրայելացիները ծառայեցին Մովաբի արքայ Եգլոմին:
15. Իսրայելացիները աղաղակ բարձրացրին Տիրոջ առաջ, եւ Տէրը նրանց համար մի փրկիչ մէջտեղ հանեց՝ յիմենեցի մի մարդու՝ Գերայի որդի Աւոդին, որը երկու ձեռքով էլ յաջող էր գործում: Իսրայելացիները նրա ձեռքով Մովաբի Եգլոմ արքային ընծաներ ուղարկեցին:
16. Աւոդն իր համար մէկ կանգուն երկարութեամբ երկսայրի սուր շինեց, կապեց այն իր աջ ազդրին թիկնոցի տակից եւ գնաց
17. ու ընծաները մատուցեց Մովաբի արքայ Եգլոմին: Եգլոմը շատ գեր մարդ էր:
18. Երբ Աւոդն իր ընծաները տուեց վերջացրեց եւ արծակեց ընծաները բերողներին, Եգլոմը վերադարձաւ Գաղգադայում եղած կուռքերի մօտից:
19. Աւոդն ասաց. Ո՛վ արքայ, քեզ ծածուկ ասելու խօսք ունեմ: Եգլոմն ասաց. Լռի՛ր: Եւ ամենքին ասաց. Հեռո՛ւ գնացէք: Եւ նրա մօտ եղողները դուրս եկան:
20. Նա միայնակ նստած էր իր ամարանոցի վերնատանը: Աւոդն ասաց. Ո՛վ արքայ, ես քեզ համար Աստծու պատգամ ունեմ հաղորդելու: Եգլոմն աթոռից վեր կացաւ գնաց նրա մօտ:
21. Երբ նա վեր կացաւ, Աւոդն իր ձախ ձեռքը մեկնեց, քաշեց սուրն իր աջ ազդրից եւ Եգլոմի կողը խրեց,
22. սրի կոթն էլ խրեց վերքի մէջ: Ճարպը ծածկեց վերքի բերանը, որովհետեւ նա սուրը նրա կողից չհանեց:

23. Նա դուրս եկաւ պատշգամբ, անցաւ սրահը, նրա դէմ փակեց վերնատան դռները, կողպեց, եւ ինքը դուրս ելաւ գնաց:
24. Նրա ծառաները ներս մտան, տեսան, որ վերնատան դռները փակուած են, եւ ասացին. Գուցէ սենեակում նստել է բնական կարիքի համար:
25. Կանգնեցին ու մնացին ամօթից, եւ ոչ ոք բաց չէր անում վերնատան դռները: Առան բանալին, բաց արին եւ տեսան, որ ահա իրենց տէրը ընկած մեռած է գետնին:
26. Մինչ նրանք իրարանցման մէջ էին, Աւողը փախաւ Սիրոթա, եւ ոչ ոք ուշ չդարձրեց նրա վրայ: Նա անցաւ կուռքերի մօտով եւ փախաւ ընկաւ Սիրոթա:
27. Երբ Աւողը եկաւ Իսրայել, փող փչեց Եփրեմի լերան վրայ: Իսրայելացիները նրա հետ իջան լեռից, եւ ինքը նրանց առջեւում էր:
28. Նա ասաց նրանց. Իջէ՛ք իմ ետեւից, որովհետեւ մեր Տէր Աստուածը մեր թշնամի մովաբացիներին մեր ձեռքը մատնեց: Նրանք իջան նրա ետեւից ու նախ գրաւեցին Մովաբի եւ Յորդանան գետի միջեւ եղած անցումները եւ ոչ մի մարդու թոյլ չտուին անցնել:
29. Այդ օրը մովաբացիներից կոտորեցին մօտ տասը հազար մարդ՝ նրանց բոլոր պատերազմողներին ու բոլոր զօրաւոր մարդկանց, եւ նրանցից ոչ մի մարդ չազատուեց:
30. Այդ օրը մովաբացիներն ընկճուեցին Իսրայելի ձեռքի տակ, եւ երկիրն ութսուն տարի հանգստացաւ: Աւողը նրանց դատաւորը եղաւ մինչեւ իր մահը:
31. Աւողից յետոյ մէջտեղ ելաւ Անաթի որդի Սամեգարը, որն արօրի մաճով այլազգիներից վեց հարիւր մարդ կոտորեց, աւար առաւ չափազանց շատ արջառ եւ ոչխար՝ չհաշուած կովերի հորթերը: Եւ նա՛ էլ փրկեց Իսրայելը:

1. Իսրայելացիները շարունակեցին չարիք գործել Տիրոջ առաջ: Սամեգարը մեռավ:
2. Տերը նրանց մատնեց քանանացիների արքայ Յաբինի ձեռքը, որը թագաւորում էր Ասորում: Նրա զօրագլուխը Սիսարան էր, որը բնակւում էր Ազգերի Արիստթում:
3. Իսրայելացիներն աղաղակ բարձրացրին Տիրոջ առաջ, որովհետեւ Յաբինը ինը հարիւր երկաթե կառքեր ուներ եւ քսան տարի սաստիկ նեղում էր իսրայելացիներին:
4. Այն ժամանակ Իսրայելում դատաւորութիւն էր անում մարգարէուհի Դեբորան՝ Լաբիդոթի կինը:
5. Նա բնակւում էր արմաւենու տակ, Ռամայի եւ Բեթելի միջեւ, Եփրեմի լեռան վրայ: Իսրայելացիները նրա մօտ էին գնում դատաստանի համար:
6. Դեբորան մարդ ուղարկեց եւ Նեփթաղիմի Կադեսից կանչեց Բարակին՝ Աբինէեմի որդուն եւ նրան ասաց. «Ե՞րբ Իսրայելի Տեր Աստուածը քեզ հրաման տուեց, որ գնաս Թաբոր լեռը, քեզ հետ վերցնես Նեփթաղիմի որդիներից եւ Չաբուղոնի որդիներից տասը հազար մարդ»:
7. Եւ տանես քեզ հետ Կիսնի հեղեղատը, Յաբինի զօրագլուխ Սիսարայի, նրա զօրքերի ու նրա կառքերի դէմ, եւ Տերը նրանց քո ձեռքը կը մատնի:
8. Բարակը նրան ասաց. Եթէ ինձ հետ գաս, կը գնամ, իսկ եթէ չգաս ինձ հետ, չեմ գնայ, որովհետեւ ես չգիտեմ այն օրը, երբ Տերն իր հրեշտակի միջոցով կ'աջակցի ինձ:
9. Դեբորան նրան ասաց. Անշուշտ կը գնամ քեզ հետ, բայց իմացի՛ր, որ քաջութիւնը քոնը չի լինի քո գնացած ճանապարհին, որովհետեւ Տերը մի կնոջ ձեռքը կը մատնի Սիսարային: Դեբորան վեր կացաւ ու Բարակի հետ գնաց Կադես:
10. Բարակը Չաբուղոնին եւ Նեփթաղիմին հրաւիրեց Կադես: Տասը հազար մարդ նրա ետեւից գնացին. Դեբորան նոյնպէս գնաց նրա հետ:
11. Կիւնեցիների մերձաւորները բաժանուել էին կիւնեցիներից՝ Մովսէսի աներոջ Յոբաբի որդիներից, եւ իրենց վրանը կանգնեցրել էին Հանգուցեալների կաղնու մերձակայքում, Կադեսի մօտ:
12. Սիսարային իմաց տուին, որ Աբինէեմի որդի Բարակը ելել է Թաբոր լեռը:
13. Սիսարան իր բոլոր կառքերը՝ ինը հարիւր երկաթե կառքեր եւ իր հետ եղող բոլոր զօրքերը Ազգերի Արիստթից Կիսնի հեղեղատում հաւաքեց:
14. Դեբորան ասաց Բարակին. Վե՛ր կաց, որովհետեւ սա է այն օրը, որ Տերը Սիսարային քո ձեռքը մատնեց: Ահա Տերն է քո առաջ: Բարակն իջաւ Թաբոր լեռից, եւ նրա ետեւից՝ տասը հազար մարդ:
15. Տերը զարհուրեցրեց Սիսարային եւ նրա բոլոր կառքերն ու նրա ամբողջ բանակը խորտակեց Բարակի առաջ սրի բերանով: Սիսարան իջաւ իր կառքից եւ հետիոտն փախաւ:
16. Բարակը, կառքերն ու բանակը հետապնդելով, գնաց մինչեւ Ազգերի անտառը: Սիսարայի ամբողջ բանակն ընկաւ սրի բերանով, եւ ոչ ոք չմնաց կենդանի:
17. Սիսարան հետիոտն փախաւ գնաց կիւնեցի Քաբերի կնոջ՝ Յայելի վրանը, որովհետեւ Ասորի արքայ Յաբինի եւ կիւնեցի Քաբերի տան միջեւ խաղաղութիւն էր:
18. Յայելն ընդառաջ ելաւ Սիսարային եւ ասաց նրան. Դեպի ինձ շո՛ւռ արի, տե՛ր իմ, շո՛ւռ արի եւ մի՛ վախեցիր: Եւ նա գնաց վրանը՝ նրա մօտ. եւ կիւնը նրան ծածկեց նրա ծածկոցով:
19. Սիսարան ասաց նրան. Մի քիչ խմելու ջուր տո՛ւր ինձ, ծարաւ եմ: Եւ նա բաց արեց կաթի տիկը, խմեցրեց նրան եւ ծածկեց նրա երեսը:
20. Սիսարան նրան ասաց. Կանգնի՛ր դու վրանի դռան մօտ, եւ եթէ մէկը քեզ մօտ գայ եւ քեզ հարցնի ու ասի, թե՛ այդտեղ մարդ կա՞յ, կ'ասես, թե՛ չկայ:
21. Եւ կիւնը ծածկեց նրան նրա ծածկոցով: Ապա Քաբերի կին Յայելն առաւ վրանի ցիցը, բռնեց մուրճն իր ձեռքին, կամացուկ մտաւ նրա մօտ, ցիցը մխեց նրա ծնօտի մէջ եւ նրան գետնին գամեց: Նա տապալուեց նրա ոտքերի առաջ եւ հոգին փչեց:
22. Եւ ահա Բարակը, հետապնդելով, գալիս էր Սիսարայի ետեւից: Յայելը նրան

ընդառաջ ելաւ եւ ասաց նրան. Ե՛կ այստեղ, քեզ ցոյց տամ այն մարդուն, որին փնտռում  
ես: Նա մտաւ նրա մօտ, եւ ահա Սիսարան ընկած մեռած էր՝ ցիցը նրա քունքի մէջ:  
23. Տէր Աստուած այդ օրը իսրայէլացիների առաջ նուաստացրեց քանանացիների  
Յաբին թագաւորին:  
24. Եւ իսրայէլացիների ձեռքը գնալով զօրանում էր քանանացիների Յաբին արքայի  
վրայ, մինչեւ որ նրանց բնաջինջ արեցին:

1. Այդ օրը Դեբորան եւ Աբինեմի որդի Բարակը օրհներգեցին ու ասացին.
2. Իսրայելի զօրավարներին առաջնորդելու համար, Ժողովրդի յօժարութեան համարՕրհնեցէ՛ք Տիրոջը:
3. Լսեցէ՛ք, թագաւորներ,Ունկնդի՛ր եղեք, Նախարարներ,Ես Տիրոջն եմ երգում,Սաղմոս եմ ասում Իսրայելի Աստծուն:
4. Տէ՛ր, երբ դու դուրս եկար Սէրիից,Երբ չուեցիր Եդոմի դաշտերից,Երկիրը շարժուեց, եւ երկինքը տակնուվրայ եղաւ,Ամպերը ջուր ցօղեցին,
5. Լեռները շարժուեցին Սիւայի Տէր Ելովայի երեսից,Իսրայելի Տէր Աստծու երեսից:
6. Անաթի որդի Սամեգարի օրերին,Յայելի օրերինՊակասեցին թագաւորները,Գնացին շաւիղներով, խոտոր ճանապարհներով գնացին:
7. Իսրայելի մէջ զօրավարներ չմնացին, չմնացին,Մինչեւ որ մեջտեղ ելաւ Դեբորան,Մինչեւ որ մեջտեղ ելաւ Իսրայելի մայրը:
8. Գարու հացի նման փափագեցին օտար, սնոտի աստուածների.Այն ժամանակ դեռեւս անյայտ նոր գեղարդներով պատերազմեցին իշխանների քաղաքները՝Քառասուն հազար մարդ՝ Իսրայելի մէջ:
9. Իմ սիրտն Իսրայելի իշխանների կողմն է.Ժողովրդի զօրաւորներ,Օրհնեցէ՛ք Տիրոջը:
10. Կեսօրին սպիտակ ձիեր հեծնողներ,Դատաւորների ատեան գնացողներ,
11. Ձա՛յն տուէք Նուազածուներին ցնծացողների մէջ.Այնտեղ թող գովաբանեն արդարութիւնը Տիրոջ,Նա զօրացրեց արդարութիւնն Իսրայելի մէջ,Այն ժամանակ Տիրոջ ժողովուրդն իջաւ քաղաքները:
12. Արթնացի՛ր, արթնացի՛ր, Դեբորա՛,Արթնացրո՛ւ բիւրաւորներին ժողովրդի հետ.Արթնացի՛ր, արթնացի՛ր, խօսի՛ր երգերով:Զօրացած՝ վե՛ր կաց, Բարա՛կ,Գերի՛ր քո գերիներին, ո՛վ Աբինեմի որդի:
13. Այնժամ մեծացաւ նրա զօրութիւնը,Տէրն ի՛նձ ենթարկեց ինձնից ուժեղներին:
14. Եփրեմի ժողովուրդը նրանց պատժեց հովիտներում.Քո եղբայր Բենիամինը հետեւեց քո ժողովրդին:Իմ մօտից խուզարկուներ իջան Մաքիր,Իսկ Չաբուղոնի երկրից՝ պատմութեան դպրի գաւազան ունեցող զօրացուցիչներ:
15. Իսաքարի զօրավարները Դեբորայի եւ Բարակի հետ էին,Եւ Բարակն իր ոտքերը տարածեց հովիտների վրայ:Ռուբէնի տոհմերումՄեծամեծ յուզմունք կար:
16. Ինչո՞ւ են նստել Մոսփաթեմի մէջեւ լսում են տազնապողների գոչիւնը,Որպէսզի անցնեն Ռուբէնի կողմը:Մեծամեծ յուզմունք է բարձրացել:
17. Գաղը Յորդանան գետի այն կողմում էր բնակւում.Դա՛ն, ինչո՞ւ են պանդուխտ մնացել նաւերի մէջ:Ասերը ծովի եզերքին է բնակւումԵւ ծովախորշերում է ապրում:
18. Չաբուղոնի ժողովուրդն իրեն դնում է մահուան վտանգի մէջ,Եւ Նեփթալիմի ժողովուրդն իրեն դնում է վտանգի մէջ դաշտի բարձունքներում:
19. Թագաւորներ եկան եւ պատերազմեցին,Այն ժամանակ տազնապեցին քանանացիների թագաւորները Թանաքի մէջ,Մակեդոնի ջրերի վրայ.Ազահութեամբ արծաթ չառայ:
20. Երկնքից պատերազմեցին աստղերն իրենց շրջաններից,Պատերազմեցին Սիսարայի դէմ:
21. Կիսոնի հեղեղատը քշեց նրանց,Կադեսիմի հեղեղատը,Կիսոնի հեղեղատը:Թող ես կոխոտեմ նրանց,Թող իմ ոտքը զօրանայ:
22. Այն ժամանակ կտոր-կտոր եղան Մադդարոթի ձիերի սմբակները:Իմ կրունկները գետնին հաւասարեցրին նրանց ահարկու հպարտութիւնը:
23. Նզովեցէ՛ք Մարոզ քաղաքը, - ասում է Տիրոջ հրեշտակը, - Անիծելով անիծեցէ՛ք նրա բնակիչներին,Որովհետեւ Տիրոջն օգնութեան չեկան,Չեկան Տիրոջն օգնութեան հզօր ռազմիկների դէմ:
24. Օրհնեալ լինի կանանց մէջ Յայելը՝Կինեցի Քաբերի կինը,Օրհնեալ լինի նա կանանց մէջ իր վրանում:



25. Սիսարան ջուր խնդրեց, իսկ նա կաթ տուեց, իշխանների ամանով կարագ մատուցեց:
26. Իր ձախ ձեռքը ցցին մեկնեց, Աջը մուրճին՝ իսպառ ջախջախելու եւ ոչնչացնելու: Սպանեց Սիսարային, Տիցը մեխեց նրա քունքի մէջ, Խրեց նրա գլխի մէջ եւ սպանեց նրան:
27. Նա ծանրացած ընկաւ նրա ոտքերի, Ընկաւ նրա ծնկների միջեւ, Այնտեղ կորացաւ, մինչեւ որ գետին փռուեց, ընկաւ թշուառականը:
28. Սիսարայի մայրը նայում էր վանդակաւոր պատուհանից, Տեսնում էր Սիսարայի մօտից եկողներին, Իսկ նրա կառքն ուշանում էր գալու: - Ինչո՞ւ եմ ուշանում նրա կառքի անուահետքերը:
29. Նրա իշխանների իմաստուն կանայք պատասխան են տալիս նրան ու ասում, Հենց ինքն էլ իր խօսքերին պատասխան է տալիս ու ասում.
30. Աւար բաշխողները չեն գտնի նրան, Որ բարիք անեն բարեկամներին՝ ամեն մեկին բաժանելով իր աւարը: Նրա աղիքները ճմլեց Սիսարայի ստացած գոյնզգոյն աւարը,
31. Նկարագարդ, գոյնզգոյն երանգներով աւարը, Գոյնզգոյն, Նկարագարդ հիւսուածքներով նարօտը նրա պարանոցի վրայ:
32. Այսպէս թող կորչեն քո բոլոր թշնամիները, Տէ՛ր, Իսկ նրան սիրողները թող լինեն այնպէս, ինչպէս արեւը, որ ծագում է իր զօրութեամբ:
33. Եւ երկիրը խաղաղուեց քառասուն տարի:

1. Իսրայելացիները Տիրոջ առաջ չարիք գործեցին, եւ Տէրը նրանց եօթը տարի մադիամացիների ձեռքը մատնեց.
2. եւ մադիամացիների ձեռքը ծանրացաւ Իսրայելի վրայ: Իսրայելացիները մադիամացիների պատճառով իրենց համար ապաստաններ շինեցին լեռներում, քարայրներում եւ ամրոցներում:
3. Երբ Իսրայելացիները վարուցանք էին անում, մադիամացիները, ամաղեկացիները եւ Արեւելքի բնակիչները ելնում, յարձակւում էին նրանց վրայ,
4. բանակատեղի էին դնում նրանց մօտ եւ փչացնում հողի բերքը մինչեւ Գազայի սահմանները: Իսրայելին հանգիստ չէին տալիս, չէին թողնում ո՛չ ոչխար, ո՛չ արջառ, ո՛չ եշ:
5. Նրանք իրենց ոչխարներով վեր էին կենում, բերում էին իրենց վրանները եւ մորեխի պէս բազմութեամբ վրայ էին հասնում: Նրանց եւ նրանց ուղտերին թիւ չկար: Հասնում էին Իսրայելի երկիրը՝ այն աւերելու համար:
6. Եւ Իսրայելը մադիամացիների պատճառով շատ աղքատացաւ: Իսրայելացիները աղաղակեցին Տիրոջը:
7. Եւ երբ Իսրայելացիները մադիամացիների պատճառով աղաղակեցին Տիրոջը,
8. Տէրն Իսրայելացիների մօտ մարգարէ ուղարկեց եւ ասաց նրանց. Այսպէս է ասում Իսրայելի Տէր Աստուածը. Ես եմ, որ հանեցի ձեզ Եգիպտոսից, ձեզ դուրս բերի ծառայութեան տնից,
9. փրկեցի ձեզ Եգիպտացիների ձեռքից եւ բոլոր ձեզ նեղողների ձեռքից, քշեցի նրանց ձեր առաջից եւ նրանց երկիրը ձեզ տուի:
10. Եւ ձեզ ասացի.՝ Ես եմ ձեր Տէր Աստուածը, մի՛ վախեցէք ամորհացիների աստուածներից, որոնց երկրում դուք բնակւում էք՝, բայց դուք չլսեցիք իմ խօսքը:
11. Եւ Տիրոջ հրեշտակը եկաւ ու նստեց Եսրէի հօր՝ Յովասի կաղնու տակ, որը Եփրայում էր գտնուում: Նրա որդի Գեդէոնը կալում ցորեն էր կալւում փախուստ տալով մադիամացիներից:
12. Տիրոջ հրեշտակը երեւաց նրան եւ ասաց. Տէրը քեզ հետ է, ով զօրաւոր կտրիճ:
13. Գեդէոնը նրան ասաց. Աղաչում եմ քեզ, Տէ՛ր իմ, եթէ Տէրը մեզ հետ է, ինչո՞ւ այս բոլոր չարիքները եկան մեզ վրայ, ո՞ւր են նրա բոլոր զարմանահրաշ գործերը, որ պատմեցին մեզ մեր հայրերը՝ ասելով. Չէ՞ որ Տէրը մեզ հանեց Եգիպտոսից, եւ հիմա ինչո՞ւ է նա մեզ լքել ու մադիամացիների ձեռքը մատնել:
14. Տիրոջ հրեշտակը նայեց նրան ու ասաց. Գնա՛ քո այդ զօրութեամբ եւ փրկի՛ր Իսրայելը մադիամացիների ձեռքից: Չէ՞ որ ահա ես եմ ուղարկում քեզ:
15. Գեդէոնը նրան ասաց. Աղաչում եմ քեզ, Տէ՛ր իմ, ինչո՞վ փրկեմ ես Իսրայելը. ահա իմ հազարաւոր մարդիկ ամենից աղքատն են Մանասէի ցեղի մէջ, եւ ես իմ հօր տան կրտսերն եմ:
16. Տիրոջ հրեշտակը նրան ասաց. Տէրը քեզ հետ է, եւ դու մադիամացիներին կը ջարդես, ինչպէս մէկ մարդու:
17. Գեդէոնն ասաց. Եթէ ես քո աչքի առաջ շնորհ եմ գտել, ինձ մի նշան ցո՛յց տուր, որ դու ես ինձ հետ խօսում,
18. մի՛ գնա այստեղից, մինչեւ որ քեզ մօտ գամ եւ իմ զոհը բերեմ ու դնեմ քո առաջ: Նա ասաց. Ես եմ, եւ կը նստեմ այստեղ, մինչեւ որ ետ դառնաս ինձ մօտ:
19. Գեդէոնը ներս մտաւ, այծերի հօտից մի ուլ մորթեց եւ մէկ արդու ալիւրից բաղարջ պատրաստեց, միսը դրեց ափսէի վրայ, արգանակը կճուճի մէջ ածեց, դրեց նրա առաջ կաղնու տակ եւ երկրպագութիւն արեց:
20. Տիրոջ հրեշտակը նրան ասաց. Վերցրո՛ւ դու այդ միսն ու բաղարջ հացը, դի՛ր այս քարի վրայ, իսկ արգանակը վրա՛ն թափիր: Եւ նա այդպէս արեց:
21. Տիրոջ հրեշտակն իր ձեռքի գաւազանի ծայրը մեկնեց եւ հասցրեց մսին ու բաղարջին: Քարից կրակ դուրս եկաւ ու լափեց բաղարջ հացերը. եւ Տիրոջ հրեշտակը

հեռացաւ նրա աչքից:

22. Գեղէնը տեսաւ, որ նա Տիրոջ հրեշտակն է, եւ ասաց. Ո՛հ, ո՛հ, ՏԷ՛ր, ՏԷ՛ր, տեսայ ես Տիրոջ հրեշտակին երես առ երես:

23. Տէրը նրան ասաց. Խաղաղութիւն քեզ, մի՛ վախեցիր, չես մեռնի:

24. Եւ Գեղէնն այնտեղ Տիրոջ համար զոհասեղան շինեց, այն կոչեց Տիրոջը խաղաղութիւն: Դա այնտեղ է մինչեւ այսօր: Եւ մինչդեռ ինքն այնտեղ էր իր հօրը՝ Եսրէին պատկանող Եփրայում,

25. այդ գիշեր Տէրը նրան ասաց. Ա՛ռ դու քո հօր պարարտ եզն ու եօթը տարեկան երկրորդ եզը եւ քանդի՛ր քո հօրը պատկանող Բահաղի զոհասեղանը, կտրտի՛ր նրա մօտ եղած անտառը

26. եւ զոհասեղան շինի՛ր քո Տէր Աստծու համար, որը քեզ երեւաց Մանոգ լեռան գլխին, պատերազմի տեղում. վերցրո՛ւ երկրորդ եզը եւ ողջակէ՛զ արա քո կտրտած անտառի փայտերով:

27. Գեղէնն իր ծառաներից տասներեք մարդ առաւ եւ արեց այնպէս, ինչպէս նրան ասաց Տէրը: Եւ որովհետեւ իր հօր տնեցիներից ու քաղաքի մարդկանցից վախեցաւ ցերեկն անելու այդ բանը, գիշերն արեց:

28. Առաւօտը կանուխ քաղաքի մարդիկ վեր կացան եւ տեսան, որ կործանուած է Բահաղի զոհասեղանը, նրա մօտի անտառը կտրտուած է, եւ պարարտ եզը ողջակէզ է արուած նոր շինուած զոհասեղանի վրայ:

29. Եւ իրար ասացին. Ո՞վ արեց այս բանը: Պրպտեցին, քննեցին եւ ասացին, թէ այդ բանը Յովասի որդի Գեղէնն է արել:

30. Քաղաքի մարդիկ ասացին Յովասին. Դո՛ւրս հանիր քո որդուն, նա պետք է մեռնի, որովհետեւ կործանել է Բահաղի զոհասեղանը եւ կտրտել է նրա մօտի անտառը:

31. Յովասն իր դէմ ելած մարդկանց ասաց. Մի՛թէ դո՞ւք պետք է պաշտպանեք այժմ Բահաղի դատը, եւ կամ դո՞ւք պետք է ազատեք նրան: Ով որ նրան վնասել է, կը մեռնի մինչեւ առաւօտ: Եթէ նա Աստուած է, թող ինքը լուծի իր վրեժը, քանի որ կործանել եմ նրա զոհասեղանը:

32. Եւ այդ օրը նրան անուանեց Յերոբոաղ, այսինքն՝ Բահաղի դատաստան, որովհետեւ քանդել էր նրա զոհասեղանը:

33. Իսկ բոլոր մադիամացիները, ամաղեկացիները եւ Արեւելքի բոլոր բնակիչները հաւաքուեցին միասին եւ եկան, բանակատեղի դրին Յեզրայելի հովիտներում:

34. Տիրոջ հոգին զօրացրեց Գեղէնին, նա եղջերափող փչեց, եւ Աբիեզերի ցեղի մարդիկ նրան խրախուսելով գնացին նրա ետեւից:

35. Մանասէի ամբողջ ցեղին պատգամաւորներ ուղարկեց, կանչեց, եւ սրանք էլ գնացին նրա ետեւից: Պատգամաւորներ ուղարկեց նաեւ Ասերի, Չաբուդոնի եւ Նեփթաղիմի ցեղերին, եւ սրանք էլ եկան նրան ընդառաջ:

36. Գեղէնն ասաց Աստծուն. Եթէ փրկելու ես Իսրայէլն իմ ձեռքով, ինչպէս որ ասել ես,

37. ահա ես կալի մէջ խուզած բոլոր կը դնեմ. եթէ միայն խուզած բրդի վրայ անձրեւ լինի, իսկ ամբողջ գետինը՝ չոր, կ'իմանամ, որ Իսրայէլն ազատելու ես իմ ձեռքով, ինչպէս որ ասել ես:

38. Այդպէս էլ եղաւ. յաջորդ օրն առաւօտ կանուխ Գեղէնը վեր կացաւ, քամեց բոլորը, եւ բրդից մի կոնք լիքը ջուր թափուեց:

39. Գեղէնն ասաց Աստծուն. Թող քո բարկութիւնը չբորբոքուի ինձ վրայ, մի անգամ եւս խօսեմ եւ մի անգամ էլ բրդով փորձեմ: Այս անգամ թող միայն բրդի վրայ չորութիւն լինի, իսկ ամբողջ գետնի վրայ՝ անձրեւ:

40. Եւ այն գիշերն Աստուած այդպէս արեց. միայն բրդի վրայ չորութիւն եղաւ, իսկ ամբողջ գետնի վրայ՝ անձրեւ:

1. Յերոբոաղը, այսինքն՝ Գեդեոնը, եւ նրա հետ եղած ամբողջ զօրքը կանուխ վեր կացան եւ բանակատեղի դրին Արեդի աղբիւրի մօտ, իսկ Մադիամի եւ Ամադէկի բանակը նրանց հիւսիսային կողմում, Գաբաաթամում էր, հովտի մէջ:
2. Տէրն ասաց Գեդեոնին. Քեզ հետ եղող զօրքը շատ է, չեմ ուզում մադիամացիներին նրանց ձեռքը մատնել, որ չլինի թէ Իսրայէլն իմ առաջ պարծենայ եւ ասի, թէ՛ Իմ ձեռքը փրկեց ինձ:
3. Տէրը նրան ասաց. Խօսի՛ր ի լուր ժողովրդի եւ ասա՛. Ով որ վախկոտ է, թող ետ դառնայ: Եւ գնացին Գադաադ սարից. զօրքից քսաներկու հազար հոգի ետ դարձան, եւ մնացին տասը հազար:
4. Տէրն ասաց Գեդեոնին. Չօրքը տակաւին շատ է, իջեցրո՛ւ նրանց ջրի մօտ, այնտեղ նրանց փորձութեան կ'ենթարկեմ քեզ համար. ում մասին քեզ ասեմ, թէ՛ Դա թող գնայ քեզ հետ, նա թող գնայ քեզ հետ, իսկ ում մասին ասեմ, թէ՛ Դա թող չգնայ քեզ հետ, նա թող չգնայ քեզ հետ:
5. Նա զօրքն իջեցրեց ջրի մօտ, եւ Տէրը Գեդեոնին ասաց. Ովքեր շան նման լեզուով լակեն այդ ջրից, նրանց առանձին կը կանգնեցնես, իսկ ովքեր խմելու համար իրենց ծնկների վրայ կռանան, նրանց էլ առանձին կը կանգնեցնես:
6. Եւ ովքեր լակեցին ձեռքով ու լեզուով, նրանց բոլորի թիւը եղաւ երեք հարիւր մարդ. մնացած ժողովուրդը ջուր խմելու համար կռացաւ ծնկների վրայ:
7. Տէրն ասաց Գեդեոնին. Այն երեք հարիւր մարդկանցով, որոնք լակեցին ջուրը, ձեզ կը փրկեմ եւ մադիամացիներին քո ձեռքը կը մատնեմ, իսկ այն ամբողջ ժողովուրդը թող գնայ, ամէն մէկն իր տեղը:
8. Եւ նրանք ժողովրդի պաշարն ու նրանց եղջերափողերն իրենց ձեռքն առան, եւ Գեդեոնը Իսրայէլի բոլոր մարդկանց իրենց բնակութեան տեղն արձակեց եւ միայն այն երեք հարիւր մարդկանց պահեց. Մադիամի բանակը նրանից ներքեւ՝ հովտում էր:
9. Այդ գիշեր Տէրը նրան ասաց. Շտապ վեր կաց իջի՛ր այստեղից բանակատեղի, որովհետեւ նրան քո ձեռքն եմ մատնում.
10. իսկ եթէ վախճնում ես դու մենակ իջնել, նախ դու իջիր բանակատեղի քո ծառայ Փարայի հետ:
11. Կը լսես, թէ ինչ են խօսում, եւ այն ժամանակ կը զօրանան քո ձեռքերը, եւ կ'իջնես բանակատեղի: Եւ նա իր ծառայի հետ իջաւ մինչեւ թշնամու բանակի առաջապահ զօրքը, որ կազմում էր բանակի մէկ յիսուներորդ մասը:
12. Մադիամացիները, ամադէկացիները եւ Արեւելքի բոլոր բնակիչները բանակ էին դրել ծործորների մէջ մորեխների պէս մեծ բազմութեամբ: Նրանց ուղտերին թիւ չկար, նրանք շատ էին, ինչպէս ծովափի աւազը:
13. Գեդեոնը բանակատեղի մտաւ եւ լսեց, որ մի մարդ իր ընկերոջը երազ էր պատմում. Երազ տեսայ, ասում է, ահա գարե մի հաց գլորում էր դէպի Մադիամի բանակները եւ եկաւ մինչեւ Մադիամի վրանը, հարուածեց նրան ու կործանեց, եւ վրանը գլխիվայր ընկաւ:
14. Նրա ընկերը պատասխան տուեց եւ ասաց. Դա ուրիշ բան չէ, եթէ ոչ Իսրայէլացի Յովասի որդի Գեդեոնի սուրը. Տէրը նրա ձեռքն է մատնել մադիամացիներին եւ բոլոր բանակները:
15. Երբ Գեդեոնը լսեց երազի պատմութիւնն ու նրա մեկնութիւնը, երկրպագեց Տիրոջը, վերադարձաւ Իսրայէլացիների բանակն ու ասաց. Վե՛ր կացեք, որովհետեւ Տէրը մադիամացիների բանակը մեր ձեռքն է մատնել:
16. Նա այդ երեք հարիւր մարդուն երեք գնդի բաժանեց եւ ամենքի ձեռքը տուեց եղջերափողեր եւ սափորների մէջ դրուած ջահեր:
17. Եւ ասաց նրանց. Ի՛նձ նայեցեք եւ նո՛յնն արեք. ահա ես մտնում եմ բանակի մէջ եւ ինչպէս որ ես անեմ, այդպէս էլ դո՛ւք արեք:
18. Երբ ես եւ բոլոր ինձ հետ եղողները կը փչենք եղջերափողերը, դուք էլ փչեցե՛ք

եղջերափողերը ամբողջ բանակի շուրջը եւ ասացէ՛ք. Տիրոջ եւ Գեղէնի սուրը:

19. Գեղէնը եւ Նրա հետ հարիւր մարդ կէս գիշերուայ սկզբին հասան բանակի ծայրը՝ զարթեցնելով միայն պահապաններին, փչեցին եղջերափողերը, վայր գցեցին իրենց ձեռքի սափորները:

20. Այն երեք գնդերն էլ փչեցին եղջերափողերը, կոտրատեցին սափորները: Նրանք իրենց ձախ ձեռքով առան ջահերը, իսկ այդ ձեռքով եղջերափողերը բռնած՝ փչեցին, աղաղակեցին եւ ասացին. Տիրոջ եւ Գեղէնի սուրը:

21. Ամէն մէկն առանձին կանգնեց բանակի շուրջը, եւ ամբողջ բանակը վազեց. փող փչեցին եւ փախան:

22. Երբ այն երեք հարիւր եղջերափողերը հնչեցին, Տէրն այնպէս արեց, որ ամբողջ բանակի մէջ ամէն մարդ սուրն իր ընկերոջ վրայ դարձնի. եւ ամբողջ բանակը փախաւ մինչեւ Բեթասետա, իսկ գնդերից մէկն էլ՝ մինչեւ Աբելմաուլայի բարձունքը եւ մինչեւ Տաբէթ:

23. Իսրայէլացիները իրար ձայն տուին Նեփթաղիմից, Ասերից եւ ամբողջ Մանասէից ու հետապնդեցին մադիամացիներին:

24. Գեղէնը պատգամաւորներ ուղարկեց Եփրեմի բոլոր սահմանները եւ ասաց. Իջէ՛ք մադիամացիներին ընդառաջ եւ գրաւեցէ՛ք ջրերի կիրճերը մինչեւ Բեթփարա ու Յորդանան գետը: Եփրեմի բոլոր մարդիկ իրար ձայն տուին եւ գրաւեցին ջրերի անցքերը մինչեւ Բեթփարա ու Յորդանան գետը:

25. Բռնեցին մադիամացիների երկու իշխաններին՝ Օրեբին եւ Չեբին. Օրեբին սպանեցին Սորորեբայում, իսկ Չեբին՝ Ակեբգեբայում, մադիամացիներին հալածեցին, Օրեբի եւ Չեբի գլուխները Յորդանան գետի այն կողմից բերին Գեղէնին:

1. Եփրեմի մարդիկ Գեղեոնին ասացին. Այս ի՞նչ բան է, որ արեցիր մեզ հետ. մեզ չկանչեցիր, երբ մադիամացիների դեմ պատերազմելու գնացիր: Եւ նրա հետ սաստիկ վիճեցին:
2. Նա նրանց ասաց. Ես հիմա ի՞նչ եմ արել ձեր արածի համեմատ. մի՞թե Եփրեմի ճռաքաղը Աբիեզերի խաղողաքաղից լաւ չէ:
3. Տերը ձեր ձեռքը մատնեց մադիամացիների իշխաններին՝ Օրեբին եւ Չեբին. ես ի՞նչ կարողացայ անել ձեզ հետ համեմատած: Երբ նա այս խօսքն ասաց, նրանց հոգին հանգստացաւ նրա նկատմամբ:
4. Գեղեոնը եկաւ Յորդանան գետը եւ իր հետ եղող երեք հարիւր մարդկանց հետ գետն անցաւ սպառռած եւ քաղցած:
5. Նա ասաց Սոքքոթի մարդկանց. Ուտելու հա՛ց տուէք այս գորքին, որ ինձ հետ է, որովհետեւ նրանք քաղցած են, իսկ ես կը հետապնդեմ Չեբէին ու Սաղմանային՝ մադիամացիների թագաւորներին:
6. Սոքքոթի իշխաններն ասացին. Մի՞թե Չեբէի եւ Սաղմանայի ձեռքն արդէն քո բռունցքի մէջ է, որ մենք քո գորքին հաց տանք:
7. Գեղեոնն ասաց. Եթէ այդպէս չէ, ապա երբ Տերը Չեբէին ու Սաղմանային իմ ձեռքը տայ, ես ձեր մարմինները կը ծուլատեմ անապատի փշերով եւ տատասկներով:
8. Այնտեղից նա գնաց Փանուէլ եւ նրանց հետ նոյն ձեռով խօսեց: Փանուէլի մարդիկ նրան պատասխան տուեցին այնպէս, ինչպէս պատասխանել էին Սոքքոթի մարդիկ:
9. Գեղեոնը խօսեց Փանուէլի մարդկանց հետ եւ ասաց. Երբ ես նորից վերադառնամ խաղաղութեամբ, այդ աշտարակը պիտի քանդեմ:
10. Չեբէին եւ Սաղմանան Կարկարում էին գտնուում, եւ նրանց բանակը նրանց հետ էր. բոլորը մօտ տասնհինգ հազար մարդ, որ մնացել էին Արեւելքի բնակիչների ամբողջ բանակից, իսկ ընկածները հարիւր քսան հազար սրակոտոր եղած մարդիկ էին:
11. Գեղեոնը բարձրացաւ վրանաբնակների ճանապարհով, Նաբաէի արեւելեան կողմից, որ գտնուում է Նաբէի դիմաց, ու հարուածեց բանակին, որովհետեւ բանակն անհոգութեան մէջ էր:
12. Չեբէին եւ Սաղմանան փախան, իսկ նա հետապնդեց նրանց, ձերբակալեց մադիամացիների երկու թագաւորներին՝ Չեբէին ու Սաղմանային, եւ նրանց ամբողջ բանակը տակնուվրայ արեց:
13. Յովասի որդի Գեղեոնը պատերազմից ետ դարձաւ Արեսի գառիվայրից:
14. Սոքքոթի մարդկանցից նա մի պատանեակ բռնեց եւ նրան հարցունքործ արեց: Սա նրա համար գրաւոր տուեց Սոքքոթի իշխանների ու ծերերի անունները՝ եօթանասունեօթը մարդու:
15. Գեղեոնը եկաւ Սոքքոթի իշխանների մօտ եւ ասաց նրանց. Ահա Չեբէին եւ Սաղմանան, որոնց համար ինձ նախատեցիք՝ ասելով. Մի՞թե Չեբէի եւ Սաղմանայի ձեռքն այժմ քո բռունցքի մէջ է, որ մենք սովից սպառռած քո մարդկանց հաց տանք:
16. Նա առաւ քաղաքի իշխաններին ու ծերերին եւ անապատից՝ փշեր ու տատասկներ եւ դրանցով ձաղկեց Սոքքոթի մարդկանց,
17. Փանուէլի աշտարակը կործանեց եւ կոտորեց քաղաքի մարդկանց:
18. Նա ասաց Չեբէին եւ Սաղմանային. Ինչպիսի՞ք էին այն մարդիկ, որոնց կոտորեցիք Թաբորում: Նրանք ասացին. Ինչպիսին դու ես, նոյնպիսին եւ նրանք էին՝ քեզ նման, եւ դու՝ նրանց նման: Նրանց տեսքը թագաւորի որդիների նման էր:
19. Գեղեոնն ասաց. Նրանք իմ եղբայրները, իմ մօր որդիներն էին: Եւ երդուեց նրանց ու ասաց. Կենդանի է Տերը. եթէ դուք նրանց ողջ թողնէիք, ես ձեզ չէի սպանի:
20. Եւ իր անդրանիկ որդուն՝ Եթերին ասաց. Վե՛ր կաց, սպանի՛ր դրանց: Բայց պատանին իր սուրը չհանեց, որովհետեւ վախեցաւ, քանի որ մանուկ էր:
21. Չեբէին եւ Սաղմանան ասացին. Վե՛ր կաց եւ դու ի՛նքդ զարկ մեզ, որովհետեւ մարդու ուժը իրեն համեմատ կը լինի: Գեղեոնը վեր կացաւ, սպանեց Չեբէին ու

Սաղմանային եւ նրանց ուղտերի վզից մանեակներն առաւ:

22. Իսրայէլի մարդիկ Գեղէնին ասացին. Իշխի՛ր մեզ վրայ դու եւ քո որդին ու քո որդու որդին, որովհետեւ դու մեզ փրկեցիր մադիամացիների ձեռքից:

23. Գեղէնը նրանց ասաց. Ես ձեզ վրայ չեմ իշխի, եւ ոչ էլ իմ որդին կ'իշխի ձեզ վրայ, Տէ՛րը թող իշխի ձեզ վրայ:

24. Ապա Գեղէնը նրանց ասաց. Ձեզանից մի բան եմ խնդրում. ամէն մարդ իր աւարից մի գինդ թող տայ ինձ: Նրանք ոսկի գինդեր ունէին, քանի որ իսմայէլացիներ էին:

25. Նրանք ասացին. Սիրով կը տանք: Եւ փռեցին նրա հանդերձներն, ու ամէն մարդ իր աւարի ոսկի գինդերը այնտեղ գցեց:

26. Նրա խնդրած ոսկի գինդերի կշիռը հազար եօթը հարիւր սիկլ ոսկի եղաւ, բացի շոնչաններից, ապարանջաններից, պսակակալներից եւ ծիրանիներից, որոնք մադիամացիների թագաւորների վրայ կային, եւ բացի նրանց ուղտերի վզի ոսկի մանեակներից:

27. Գեղէնը դրանցով եփուդ շինեց եւ դրեց այն իր Եփրա քաղաքում: Ամբողջ Իսրայէլը նրան հետեւելով՝ այդ կուռքը պաշտեց, եւ դա Գեղէնի ու նրա տան համար գայթակղութիւն եղաւ:

28. Այսպէս մադիամացիներն ենթարկուեցին իսրայէլացիներին եւ այլեւս իրենց գլուխները չբարձրացրին: Գեղէնի օրօք երկիրը հանգստացաւ քառասուն տարի:

29. Յովասի որդի Յերոբոաղը գնաց բնակուեց իր տանը:

30. Գեղէնը եօթանասուն որդի էր սերնդագործել, որովհետեւ շատ կանայք ունէր:

31. Սիկիմում նրա ունեցած հարճն էլ նրա համար մի որդի ծնեց, եւ Գեղէնը նրա անունը Աբիմելէք դրեց:

32. Յովասի որդի Գեղէնը մեռաւ խոր ծերութեան հասակում եւ թաղուեց իր հօր՝ Յովասի գերեզմանում, Եսրէի հօրը պատկանող Եփրայում:

33. Երբ Գեղէնը մեռաւ, իսրայէլացիները նորից բահաղիմեաններին հետեւելով՝ կուռքեր պաշտեցին եւ ուխտ դրին Բահաղ Բերիթի հետ, որ նա իրենց աստուածը դառնայ:

34. Իսրայէլացիները ջիշեցին իրենց Տէր Աստծուն, որ նրանց փրկեց իրենց շրջակայքի բոլոր թշնամիներից: Նրանք Յերոբոաղի, այսինքն՝ Գեղէնի տան հանդէպ երախտագէտ չեղան այն բոլոր բարեգործութիւնների դիմաց, որ նա արել էր Իսրայէլին:

1. Յերոբոաղի որդի Աբիմելեքը գնաց Սիկիմ իր մօր եղբայրների մօտ, խօսեց նրանց հետ եւ իր մօր հօրական ամբողջ ազգատոհմի հետ ու ասաց.
2. Բոլոր սիկիմացիներին ի լուր ասացէ՛ք. Ո՞րն է լաւ ձեզ համար՝ Յերոբոաղի բոլոր եօթանասուն որդիների իշխելը ձեզ վրայ, թե՞ մէկ մարդու իշխելը. եւ յիշեցէ՛ք, որ ես ձեր ոսկորից ու ձեր մարմնից եմ:
3. Նրա մօր եղբայրները նրա այս բոլոր խօսքերը հասցրին Սիկիմի բոլոր բնակիչների ականջին, եւ նրանց սիրտը հակուեց Աբիմելեքի կողմը, որովհետեւ ասացին, թե՛ Նա մեր եղբայրն է,
4. եւ նրան տուին Բահաղ Բերիթի ուխտի տնից եօթանասուն արծաթ: Դրանցով Աբիմելեքը դատարկապորտ եւ ահարկու մարդիկ վարձեց, որոնք եւ գնացին նրա ետեւից:
5. Նա գնաց Եփրա, իր հօր տունը եւ մի քարի վրայ կոտորեց իր եղբայրներին՝ Յերոբոաղի որդիներին՝ եօթանասուն մարդ: Ողջ մնաց միայն Յովաթամը՝ Յերոբոաղի կրտսեր որդին, որովհետեւ թաքնուել էր:
6. Սիկիմի բոլոր մարդիկ եւ Մաադոնի ամբողջ տունը գնացին թագաւոր կարգեցին Աբիմելեքին Կռուի կաղնու մօտ, որ Սիկիմում է:
7. Երբ լուրը հասաւ Յովաթամին, նա գնաց կանգնեց Գարիգին լեռան գլխին, ձայնը բարձրացրեց, լաց եղաւ եւ ասաց նրանց. Լսեցէ՛ք ինձ, Սիկիմի՛ մարդիկ, եւ Աստուած ձեզ կը լսի:
8. Ծառերը գնացին իրենց համար թագաւոր օծելու եւ ասացին ձիթենուն. Թագաւորի՛ր մեզ վրայ:
9. Ձիթենին նրանց ասաց. Թողնեմ իմ պարարտութիւնը, որով փառաւորում եմ ինձ Աստուած եւ մարդիկ, եւ գնամ ծառերի՞ վրայ իշխեմ:
10. Ծառերն ասացին թզենուն. Եկ թագաւորի՛ր մեզ վրայ:
11. Թզենին նրանց ասաց. Իմ քաղցրութիւնն ու իմ լաւ պտուղները թողած՝ գնամ ծառերի՞ վրայ իշխան լինեմ:
12. Ծառերն ասացին որթատունկին. Եկ թագաւորի՛ր մեզ վրայ:
13. Որթատունկը նրանց ասաց. Իմ գինին եւ Աստծու ու մարդկանց ուրախութիւնը թողած՝ գնամ ծառերի՞ իշխան լինեմ:
14. Ծառերն ասացին փշին. Եկ թագաւորի՛ր մեզ վրայ:
15. Փուշն ասաց ծառերին. Եթէ իսկապէս դուք ինձ ձեզ վրայ թագաւոր էք օծում, եկեք ծածկուեցէ՛ք իմ հովանու տակ, եթէ ոչ՝ փշից կրակ դուրս կը գայ եւ կ'այրի Լիբանանի մայրիկները:
16. Արդ, եթէ ճշմարտութեամբ եւ արդարութեամբ վարուեցիք Աբիմելեքին թագաւոր դարձնելով, եթէ լաւ վարուեցիք Յերոբոաղի եւ նրա տան հետ, եթէ նրա ձեռքի գործերի համեմատ հատուցեցիք նրան...
17. Իմ հայրը ձեր փոխարէն պատերազմեց, իր կեանքը չխնայեց եւ ձեզ ազատեց մադիամացիների ձեռքից:
18. Իսկ դուք այսօր ելաք իմ հօր տան դէմ եւ կոտորեցիք նրա որդիներին՝ եօթանասուն մարդ մի քարի վրայ եւ նրա աղախնի որդի Աբիմելեքին, - քանի որ նա ձեր եղբայրն է, - սիկիմացիների թագաւոր կարգեցիք:
19. Եթէ այսօր Յերոբոաղի եւ նրա տան հետ ճշմարտութեամբ եւ արդարութեամբ վարուեցիք, օրհնուած լինեք դուք եւ ուրախացէ՛ք Աբիմելեքով, եւ նա էլ ձեզնով թող ուրախանայ:
20. Իսկ եթէ ոչ, թող Աբիմելեքից կրակ դուրս գայ եւ այրի Սիկիմի բնակիչներին ու Մաադոնի տունը, կամ էլ թող կրակ դուրս գայ Սիկիմի բնակիչներից ու Մաադոնի տնից եւ այրի Աբիմելեքին:
21. Յովաթամը փախաւ ու ազատուեց, գնաց Բերայի ճանապարհով եւ բնակուեց այնտեղ՝ թաքնուելով իր եղբայր Աբիմելեքից:



22. Աբիմելեքն իշխեց Իսրայելի վրայ երեք տարի:
23. Աստուած չար ոգի ուղարկեց Աբիմելեքի եւ Սիկիմի բնակիչների մէջ, եւ Սիկիմի բնակիչներն արհամարհեցին Աբիմելեքի տունը,
24. որպէսզի Յերոբոաղի եօթանասուն որդիներին հասած անիրաւութիւնը նրա վրայ գայ, եւ նրանց արիւնը հասնի իրենց եղբայր Աբիմելեքի վրայ, որ նրանց կոտորեց, նաեւ Սիկիմի բնակիչների վրայ, որոնք զօրացրել էին նրա ձեռքը, որ կոտորի իր եղբայրներին:
25. Սիկիմի բնակիչները նրա համար դարան պատրաստեցին լեռների կատարներին եւ կողոպտում էին բոլորին, ովքեր անցնում էին նրանց մօտի ճանապարհով: Լուրը հասաւ Աբիմելեքին:
26. Իսկ Աբեդոդի որդի Գաաղը եւ նրա եղբայրները եկան մտան Սիկիմ, եւ Սիկիմի բնակիչներն ապաւինեցին նրան:
27. Նրանք դուրս եկան դաշտերը, քաղեցին իրենց այգիների խաղողը, տրորեցին հնձաններում, պար բռնեցին, մտան իրենց աստծու տունը, կերան, խմեցին եւ անիծեցին Աբիմելեքին:
28. Աբեդոդի որդի Գաաղն ասաց. Աբիմելեքն ո՞վ է, եւ Սիքեմի որդին ո՞վ է, որ մենք նրան ծառայենք. նա Յերոբոաղի որդին չէ՞, եւ իր ծառայ Չեբուղը նրա վերակացուն չէ՞: Սիքեմի հօր՝ Եմորի մարդկանց հետ, ինչո՞ւ համար նրան ծառայենք:
29. Երանի թէ այս ժողովրդին իմ ձեռքը տային, եւ ես հեռացնէի Աբիմելեքին եւ ասէի նրան. Չօրքերդ շատացրո՛ւ եւ դո՛ւրս եկ իմ դէմ:
30. Քաղաքի իշխան Չեբուղը լսեց Աբեդոդի որդի Գաաղի խօսքերը եւ բարկութեամբ լցուեց:
31. Նա Աբիմելեքի մօտ պատգամաւորներ ուղարկեց նուէրներով եւ ասաց. Ահա Աբեդոդի որդի Գաաղն ու նրա եղբայրները եկել են Սիկիմ եւ քաղաքը պաշարում են, որ հանեն քո դէմ:
32. Հիմա դու եւ քեզ հետ եղող զօրքը գիշերը վե՛ր կացեք եւ դարանամո՛ւտ եղեք դաշտում:
33. Առաւօտեան, հէնց որ արեգակը ծագի, կանուխ վե՛ր կացեք եւ քաղաքի վրայ յարձակուեցէ՛ք: Երբ նա եւ նրա հետ եղող զօրքը դուրս գան քո դէմ, նրա հետ արա՛ այն, ինչ որ ձեռքիցդ կը գայ:
34. Աբիմելեքը եւ նրա հետ եղող զօրքը գիշերով վեր կացան եւ չորս գնդով դարան մտան Սիկիմի մօտ:
35. Առաւօտեան Աբեդոդի որդի Գաաղը դուրս եկաւ եւ կանգնեց քաղաքի դարպասի առաջ: Աբիմելեքը եւ նրա հետ եղող ամբողջ զօրքը դուրս եկան դարաններից:
36. Աբեդոդի որդի Գաաղը տեսնելով զօրքը՝ Չեբուղին ասաց. Ահա լեռների գագաթից զօրք է իջնում: Չեբուղը նրան ասաց. Լեռների ստուերն ես տեսնում դու եւ մարդկանց տեղ ես դնում:
37. Գաաղը նորից խօսեց եւ ասաց. Ահա զօրք է իջնում երկրի պորտից դէպի ծովի կողմը, եւ մի գունդ էլ գալիս է Դիտանոցների կաղնու ճանապարհով:
38. Չեբուղը նրան ասաց. Հիմա ո՞ւր է քո բերանը, որն ասում էր, թէ ո՞վ է Աբեմելեքը, որ մենք ծառայենք նրան: Չէ՞ որ սա այն զօրքն է, որը դու արհամարհում էիր: Հիմա վե՛ր կաց եւ նրա հետ պատերազմի՛ր:
39. Գաաղը դուրս եկաւ Սիկիմի բնակիչների առաջ եւ կռուեց Աբիմելեքի դէմ:
40. Աբիմելեքը նրան հաւածեց, նա փախաւ նրա առաջից, եւ շատ վիրաւորներ ընկան մինչեւ քաղաքի դարպասները:
41. Աբիմելեքը մնաց Արիմում, իսկ Չեբուղը Գաաղին եւ նրա եղբայրներին քշեց, որ Սիկիմում չբնակուեն:
42. Յաջորդ օրը ժողովուրդը դաշտ դուրս եկաւ. դա իմացաւ Աբիմելեքը:
43. Նա առաւ զօրքը, երեք գնդի բաժանեց եւ նրանց հետ դարան մտաւ: Նա տեսաւ, որ զօրքը դուրս է գալիս քաղաքից, յարձակուեց նրանց վրայ եւ ջարդեց նրանց:
44. Աբիմելեքը եւ նրա հետ եղող գնդերը կռուեցին եւ կանգնեցին քաղաքի դարպասի մօտ, իսկ երկու գնդերը յարձակուեցին դաշտում գտնուողների վրայ եւ ջարդեցին

Նրանց:

45. Աբիմելեքն այդ ամբողջ օրը պատերազմեց քաղաքի դեմ. նրանք գրաւեցին քաղաքը եւ նրա մէջ եղած ժողովրդին կոտորեցին, քաղաքը կործանեցին եւ այնտեղ աղ ցանեցին:

46. Այս լսեցին Սիկիմի աշտարակի բոլոր մարդիկ, եկան Բեթել Բերիթի տան ամրոցը:

47. Աբիմելեքն լուր հասաւ, որ Սիկիմի աշտարակի բոլոր մարդիկ հաւաքուել են:

48. Աբիմելեքը եւ նրա հետ եղող ամբողջ զօրքը բարձրացան Սելմոն լեռը, Աբիմելեքը կացինն իր ձեռքն առաւ, մի բեռ փայտ կտրեց, վերցրեց այն, դրեց իր ուսերի վրայ եւ ասաց իր զօրքին. Տեսաք, թէ ես ինչ արեցի, դուք էլ անմիջապէս նոյնը արեք:

49. Նրանցից իւրաքանչիւրը մի բեռ փայտ կտրեց, վերցրեց ու գնաց Աբիմելեքի ետեւից. փայտը դրին ամրոցի վրայ եւ ամրոցը հրով այրեցին: Սիկիմի աշտարակի բոլոր մարդիկ, մօտ հազար մարդ՝ տղամարդ եւ կին, մեռան:

50. Աբիմելեքը գնաց Թեբես, պաշարեց եւ գրաւեց այն:

51. Քաղաքի մէջ մի ամուր աշտարակ կար, բոլոր տղամարդիկ եւ կանայք ու քաղաքի բոլոր գլխաւորները փախան այնտեղ, փակեցին դուռը ներսից եւ բարձրացան աշտարակի կտուրը:

52. Աբիմելեքը եկաւ մինչեւ աշտարակը, կռուեց դրա դեմ եւ մօտեցաւ աշտարակի դռներին:

53. Մի կին երկանաքարի մի կտոր գցեց նրա գլխին եւ ջարդեց Աբիմելեքի գանգը:

54. Աբիմելեքն իսկոյն ձայն տուեց իր կապարճակի պատանուն եւ նրան ասաց.

Մերկացրո՛ւ քո սուրը եւ սպանի՛ր ինձ. չլինի, թէ ասեն, որ մի կին է սպանել նրան: Նրա պատանին խոցեց նրան, եւ Աբիմելեքը մեռաւ:

55. Իսրայէլացիները տեսան, որ Աբիմելեքը մեռաւ. նրանցից ամեն մէկը գնաց իր տեղը:

56. Այսպէս Աստուած Աբիմելեքի գլխին թափեց նրա չարիքը, որ նա գործել էր իր հօր դեմ՝ կոտորելով իր եօթանասուն եղբայրներին:

57. Սիկիմի մարդկանց բոլոր չարագործութիւններն Աստուած նրանց գլխին թափեց, եւ Յերոբոաղի որդի Յովաթամի անեծքը նրանց գլխին եկաւ:

1. Աբիմելեքից յետոյ Իսրայելը փրկելու համար մեջտեղ ելաւ Փուայի որդի Թողան, նրա հօրեղբոր որդին՝ Իսաքարի ցեղից: Նա բնակուում էր Սամարիայում, Եփրեմի լեռան վրայ:
2. Նա Իսրայելում դատաւորութիւն արեց քսաներեք տարի եւ մեռաւ ու թաղուեց Սամարիայում:
3. Նրանից յետոյ մեջտեղ ելաւ գաղաադացի Յայիրը եւ Իսրայելում դատաւորութիւն արեց քսաներկու տարի:
4. Նա ուներ երեսուներկու որդի, որոնք հեծնում էին երեսուներկու աւանակի վրայ: Նրանք ունէին երեսուներկու քաղաք: Նա դրանք կոչեց Յայիրի աւաններ, եւ այդպէս են կոչուում մինչեւ այսօր: Այդ քաղաքները գտնուում են Գաղաադում:
5. Յայիրը մեռաւ եւ թաղուեց Կամոնում:
6. Իսրայելացիները շարունակեցին Տիրոջ առաջ չարիք գործել եւ պաշտեցին Բահաղիմներին, Աստարոթին, ասորեստանցիների աստուածներին, Սիդոնի աստուածներին, Մովաբի աստուածներին, ամոնացիների աստուածներին եւ այլազգիների աստուածներին: Նրանք լքեցին Տիրոջը եւ չպաշտեցին Նրան:
7. Տէրը բարկութեամբ բորբոքուեց իսրայելացիների վրայ եւ նրանց մատնեց այլազգիների ձեռքը ու ամոնացիների ձեռքը:
8. Նրանք այն ժամանակ տասնութ տարի ճնշեցին եւ ճզմեցին իսրայելացիներին, բոլոր իսրայելացիներին, որոնք Յորդանան գետի այն կողմում, ամորիացիների երկրում, Գաղաադում էին:
9. Ամոնացիներն անցան Յորդանան գետը՝ պատերազմելու Յուդայի դէմ, Բենիամինի դէմ եւ Եփրեմի տան դէմ: Իսրայելացիները խիստ նեղութեան մեջ ընկան:
10. Նրանք աղաղակեցին Տիրոջը եւ ասացին. Մեղանչեցինք քո դէմ, որովհետեւ թողեցինք մեր Աստծուն եւ Բահաղիմներին պաշտեցինք:
11. Տէրն ասաց իսրայելացիներին. Չէ՞ որ եգիպտացիները, ամորիացիները, ամոնացիները, մովաբացիները, այլազգիները,
12. սիդոնացիները, ամաղէկացիները, քանանացիները նեղում էին ձեզ, եւ դուք ինձ աղաղակեցիք, ու ես ազատեցի ձեզ նրանց ձեռքից:
13. Իսկ դուք թողեցիք ինձ եւ օտար աստուածներ պաշտեցիք: Դրա համար այլեւս ձեզ չեմ փրկելու:
14. Գնացէ՛ք, աղաղակեցէ՛ք այն աստուածներին, որ ձեզ համար ընտրեցիք, թող նրանք փրկեն ձեզ ձեր նեղութեան ժամանակ:
15. Իսրայելացիներն ասացին Տիրոջը. Մենք մեղանչեցիք, արա՛ դու մեզ այն, ինչ որ քեզ հաճելի է թուում, բայց միայն, Տէ՛ր, ազատի՛ր մեզ այսօր:
16. Եւ նրանք հեռացրին իրենց միջից օտար աստուածներին եւ միայն Տիրոջը պաշտեցին: Նա չհաշտուեց ժողովրդի հետ, բայց նրա սիրտը ցաւեց Իսրայելի տառապանքի համար:
17. Ամոնացիները վեր կացան եւ բանակատեղի դրին Գաղաադում. իսրայելացիներն էլ վեր կացան եւ բանակատեղի դրին Դիտանոցում:
18. Գաղաադի ժողովրդի իշխաններն իրար ասացին. Այն մարդը, որ սկսի պատերազմել ամոնացիների դէմ, նա թող լինի Գաղաադի բոլոր բնակիչների գլխաւորը:

1. Գաղաադացի Յեփթայեն հզօր եւ ուժեղ մարդ էր: Նա որդին էր մի պոռնիկ կնոջ, որը Գաղաադից ունեցաւ Յեփթայէին:
2. Գաղաադի կինը նրա համար որդիներ ծնեց, եւ երբ կնոջ որդիները զօրացան, վռնդեցին Յեփթայէին եւ ասացին նրան. Դու մեր հօր տան մէջ ժառանգութիւն չպիտի ունենաս, որովհետեւ պոռնիկ կնոջ որդի ես:
3. Յեփթայեն փախաւ իր եղբայրների երեսից եւ բնակուեց Տոբ երկրում: Յեփթայէի մօտ հաւաքուում էին դատարկապորտ մարդիկ եւ շրջում էին նրա հետ:
4. Որոշ ժամանակից յետոյ ամոնացիները պատերազմեցին իսրայելացիների դէմ:
5. Երբ ամոնացիները պատերազմում էին Իսրայէլի դէմ, Գաղաադի ծերերը գնացին, որ Յեփթայէին Տոբ երկրից վերցնեն:
6. Նրանք ասացին Յեփթայէին. Ե՛կ եւ մեզ համար զօրավար եղիր, եւ ամոնացիների դէմ պատերազմ տանք:
7. Յեփթայեն Գաղաադի ծերերին ասաց. Չէ՞ որ դուք ինձ ատեցիք, հանեցիք իմ հօր տնից եւ հեռացրիք ինձ ձեզնից: Հիմա, երբ նեղութեան մէջ եք, ինչո՞ւ եք եկել ինձ մօտ:
8. Գաղաադի ծերերն ասացին Յեփթայէին. Այդպէս չէ, մենք քեզ մօտ ենք եկել, որ մեզ հետ գնաս, եւ պատերազմ տանք ամոնացիների դէմ, եւ մեզ՝ Գաղաադի բոլոր բնակիչներին գլխաւոր լինես:
9. Յեփթայեն ասաց Գաղաադի ծերերին. Եթէ դուք ինձ վերադարձնեք ամոնացիների դէմ պատերազմելու, եւ Տէրը նրանց իմ ձեռքը մատնի, ես իշխան կը դառնա՞մ:
10. Գաղաադի ծերերն ասացին Յեփթայէին. Տէրը թող մեր մէջ վկայ լինի, որ մենք քո խօսքի համաձայն կ'անենք:
11. Յեփթայեն Գաղաադի ծերերի հետ գնաց, եւ ժողովուրդը նրան իր վրայ գլխաւոր եւ առաջնորդ կարգեց: Յեփթայեն Տիրոջ առաջ Մասեփայում ասաց իր այս բոլոր խօսքերը:
12. Յեփթայեն ամոնացիների թագաւորի մօտ պատգամաւորներ ուղարկեց եւ ասաց. Դու ինձ հետ ի՞նչ գործ ունես, որ եկել ես ինձ մօտ պատերազմելու իմ երկրում:
13. Ամոնացիների թագաւորը Յեփթայէի պատգամաւորներին ասաց. Ինչո՞ւ Իսրայէլը գրաւեց իմ երկիրը Եգիպտոսից դուրս գալու ժամանակ՝ Առնոնից մինչեւ Յաբոկ եւ մինչեւ Յորդանան գետը: Հիմա խաղաղութեամբ այն վերադարձրո՞ւ ինձ, եւ ես կը գնամ: Պատգամաւորները վերադարձան Յեփթայէի մօտ:
14. Յեփթայեն նորից պատգամաւորներ ուղարկեց ամոնացիների արքայի մօտ
15. եւ ասաց նրան. Այսպէս են ասում Իսրայէլը եւ Յեփթայեն. Եգիպտոսից դուրս գալիս Իսրայէլը չգրաւեց Մովաբի երկիրն ու ամոնացիների երկիրը,
16. այլ Իսրայէլն անապատով գնաց մինչեւ Կարմիր ծովը եւ եկաւ մինչեւ Կադէս:
17. Իսրայէլը պատգամաւորներ ուղարկեց Եդոմի արքայի մօտ եւ ասաց. “Թող անցնեմ քո երկրով, բայց Եդոմի արքան չլսեց”: Մովաբի արքայի մօտ էլ պատգամաւորներ ուղարկեց, բայց նա էլ չկամեցաւ: Եւ Իսրայէլը մնաց Կադէսում,
18. շրջեց անապատում, պտոյտ տուեց Եդոմի երկրով եւ Մովաբի երկրով, եկաւ Մովաբի երկրի արեւելեան կողմով եւ բանակատեղի դրեց Առնոնի այն կողմում, բայց Մովաբի սահմանները չմտաւ, որովհետեւ Մովաբի սահմանն Առնոնն էր:
19. Իսրայէլը պատգամաւորներ ուղարկեց ամորիացիների Սեհոն արքայի մօտ, որ Եսեբոնի եւ ամորիացիների թագաւորն էր, եւ Իսրայէլը նրան ասաց. “Թող անցնեմ քո երկրով մինչեւ իմ տեղը”:
20. Եւ Սեհոնը չկամեցաւ, որ Իսրայէլն անցնի իր սահմաններով: Սեհոնը հաւաքեց իր ամբողջ ժողովրդին, բանակատեղի դրեց Ասսայում եւ պատերազմեց Իսրայէլի դէմ:
21. Իսրայէլի Տէր Աստուածը Սեհոնին եւ նրա ամբողջ ժողովրդին իսրայելացիների ձեռքը մատնեց, եւ ջարդեցին նրանց,
22. եւ Իսրայէլը ժառանգեց այդ երկրում ապրող ամորիացիների երկիրը, ամորիացիների բոլոր սահմանները Առնոնից մինչեւ Յաբոկ եւ անապատից մինչեւ

Յորդանան գետը:

23. Արդ, Իսրայելի Տեր Աստուածը ամորհացիներին վերացրել է Իսրայելի իր ժողովրդի առջեւից, դո՞ւ Կիտի ժառանգես այն:

24. Չէ՞ որ դու Կիտի ժառանգես քո աստծու՝ Քամուսի քեզ ժառանգութիւն տուածը, մենք էլ Կիտի ժառանգենք այն ամէնը, ինչ մեր Տեր Աստուածը ժառանգութիւն տուեց մեզ:

25. Արդ, դու Սեպփորի որդի Բաղակից՝ Մովաբի արքայից լա՞ւ ես. միթէ նա վի՞ճեց իսրայելացիների հետ կամ պատերազմե՞ց նրանց դէմ.

26. Իսրայելը երեք հարիւր տարի ապրում է Եսեբոնում եւ նրա աւաններում, Արոյերում եւ նրա աւաններում ու Յորդանան գետի ափերի բոլոր քաղաքներում: Ինչո՞ւ չազատեցին դրանք այնքան ժամանակ:

27. Ես քո դէմ չեմ մեղանչել, իսկ դու իմ դէմ չարիք ես գործում՝ պատերազմելով իմ դէմ: Իսրայելացիների եւ ամոնացիների միջեւ դատաւոր եղող Տերը թող այսօր դատաստան անի:

28. Բայց ամոնացիների արքան չանսաց Յեփթայի յղած խօսքերին:

29. Եւ Տիրոջ հոգին հակուեց Յեփթայի կողմը: Նա Գաղաադից, Մանասեից եւ Գաղաադի Դիտանոցից անցաւ ու Գաղաադի Դիտանոցից գնաց ամոնացիների կողմը:

30. Յեփթայէն Տիրոջը ուխտ արեց եւ ասաց. Եթէ ամոնացիներին իմ ձեռքը մատնես,

31. եւ ես խաղաղութամբ վերադառնամ ամոնացիների մօտից, իմ տան դռնից ինձ ընդառաջ դուրս եկողին Տիրոջը ողջակէզ կը մատուցեմ:

32. Եւ Յեփթայէն գնաց ամոնացիների դէմ պատերազմելու, եւ Տերը նրանց մատնեց նրա ձեռքը:

33. Նա ջարդեց նրանց Արոյերից մինչեւ Սեմէնիթի սահմանը, ջարդեց քսան քաղաք՝ մինչեւ այգեստանների Յաբելը խիստ մեծ կոտորած տալով: Ամոնացիները փախան իսրայելացիների առաջից:

34. Յեփթայէն եկաւ Մասեփա, իր տունը, եւ ահա նրա աղջիկը նրան ընդառաջ ելաւ թմբուկներով եւ պարերով: Նա նրա միակ սիրելի գաւակն էր, եւ նրանից բացի նա ուրիշ տղայ կամ աղջիկ չունէր:

35. Երբ նրան տեսաւ, պատառոտեց իր զգեստները եւ ասաց. Վա՛յ ինձ, աղջի՛կս, դու ինձ ընկճեցիր, փորձանքի մէջ գցեցիր, որովհետեւ քեզ համար պարտաւորութիւն ստանձնեցի Տիրոջ առաջ եւ չեմ կարող խօսքս ետ առնել:

36. Աղջիկը նրան ասաց. Եթէ ինձ համար պարտաւորութիւն ես ստանձնել Տիրոջ առաջ, արա՛ ինձ հետ այն, ինչ դուրս է եկել քո բերանից այն բանի փոխարէն, ինչ արեց Տերը քեզ համար՝ վրեժ լուծելով քո թշնամիներից՝ ամոնացիներից:

37. Եւ աղջիկն իր հօրն ասաց. Միայն այս բա՛նն արա ինձ համար. թո՛յլ տուր, որ ես երկու ամիս գնամ ման գամ լեռների վրայ եւ իմ ընկերուհիների հետ ողբամ իմ կուսութիւնը:

38. Եւ հայրն ասաց. Գնա՛: Եւ արձակեց նրան երկու ամիս: Աղջիկը իր ընկերուհիների հետ գնաց եւ լեռների վրայ ողբաց իր կուսութիւնը:

39. Երբ լրացաւ երկու ամիսը, վերադարձաւ իր հօր մօտ, եւ հայրը կատարեց իր արած ուխտը. աղջիկը տղամարդ չէր ճանաչել: Եւ Իսրայելի մէջ սովորութիւն դարձաւ ողբալ Յեփթայի աղջկան.

40. սահմանուած օրերին, տարուայ մէջ չորս օր, Իսրայելի աղջիկները հաւաքւում էին ողբալու գաղաադացի Յեփթայի աղջկան:

1. Եփրեմի որդիները հաւաքուեցին, եկան Սեփենա եւ ասացին Յեփթայէին. Ինչո՞ւ ամոնացիների դէմ պատերազմի ելար եւ մեզ չկանչեցիր, որ քեզ հետ գնայինք: Հիմա մենք կրակով կ'այրենք քո տունը եւ քեզ էլ՝ հետը:
2. Յեփթայէն նրանց ասաց. Ես եւ իմ ժողովուրդը զրկուած մարդիկ էինք եւ ամոնացիները խիստ նեղում էին ինձ: Ես բողոքով դիմեցի ձեզ, բայց դուք ինձ չազատեցիք նրանց ձեռքից:
3. Տեսնելով, որ ոչ ոք չի ազատում ինձ, ինքս ինձ վտանգի ենթարկեցի, գնացի ամոնացիների դէմ, եւ Տերը նրանց իմ ձեռքը մատնեց: Հիմա ինչո՞ւ եք դուք ելել այսօր իմ դէմ պատերազմելու:
4. Եւ Յեփթայէն հաւաքեց Գաղաադի բոլոր տղամարդկանց ու պատերազմ մղեց Եփրեմի դէմ: Գաղաադի մարդիկ ջարդեցին Եփրեմեաններին, որովհետեւ Եփրեմեանների ազատուածներն ասել էին, թէ՝ Դուք, գաղաադացիներ, Եփրեմի եւ Մանասէի միջեւ Եփրեմի փախստականներ եք:
5. Գաղաադացիները Եփրեմեաններից գրաւեցին Յորդանան գետի կիրճերը, եւ երբ Եփրեմեանների փախստականներն ասում էին՝ Թող անցնենք, Գաղաադի մարդիկ նրանց ասում էին. Մի՞թէ դուք էլ Եփրեմեան եք: Նրանք ասում էին. Նրանցից չենք:
6. Նրանց ասում էին. Մեզ մի նշան տուէ՛ք, ասացէ՛ք՝ հասկ, հասկ: Բայց նրանց չէր յաջողում այդպէս ասել, ուստի բռնում եւ կոտորում էին նրանց Յորդանան գետի անցումներում: Այդ ժամանակ Եփրեմեաններից քառասուններկու հազար մարդ զոհուեց:
7. Յեփթայէն վեց տարի դատաւորութիւն արեց Իսրայէլում. գաղաադացի Յեփթայէն մեռաւ եւ թաղուեց իր քաղաքում՝ Գաղաադում:
8. Նրանից յետոյ Իսրայէլում դատաւորութիւն արեց բեթղեհեմացի Եսեբունը:
9. Նա երեսուն տղայ ուներ եւ երեսուն աղջիկ: Աղջիկներին մարդու տուեց, իսկ տղաների համար երեսուն կին բերեց դրսից: Նա Իսրայէլում դատաւորութիւն արեց եօթը տարի:
10. Եսեբունը մեռաւ եւ թաղուեց Բեթղեհեմում:
11. Նրանից յետոյ Իսրայէլում տասը տարի դատաւորութիւն արեց զաբուղոնացի Ելունը:
12. Չաբուղոնացի Ելունը մեռաւ եւ թաղուեց Եղիմում՝ Չաբուղոնի երկրում:
13. Նրանից յետոյ Իսրայէլում դատաւոր եղաւ փարաթոնացի Աբդունը՝ Ելլեքի որդին:
14. Նա քառասուն որդի եւ երեսուն թոռներ ուներ, որոնք հեծնում էին եօթանասուն աւանակներ: Նա Իսրայէլում դատաւորութիւն արեց ութ տարի:
15. Փարաթոնացի Աբդունը՝ Ելլեքի որդին, մեռաւ եւ թաղուեց Եփրաթնում, Եփրեմի երկրում, Ամաղէկի լեռան վրայ:

1. Իսրայելացիները շարունակեցին չարիք գործել Տիրոջ առաջ, եւ Տէրը նրանց քառասուն տարի այլազգիների ձեռքը մատնեց:
2. Սարաացի մի մարդ կար Դանի ցեղից, նրա անունը Մանովէ էր: Նրա կինը ամուլ էր եւ զաւակ չէր ունենում:
3. Տիրոջ հրեշտակը երեւաց այս կնոջը եւ ասաց նրան. Ահա դու ամուլ ես եւ երեխայ չես ունեցել, բայց կը յղիանաս եւ որդի կը ծնես:
4. Արդ, զգո՛յ՛ջ եղիր, գինի եւ օղի չիմես եւ ոչ մի անմաքուր բան չուտես,
5. որովհետեւ ահա դու պիտի յղիանաս եւ մի որդի ծնես: Նրա գլխին ածելի չպիտի դիպչի, որովհետեւ մանուկը Աստծու ուխտաւոր պիտի լինի հէնց մօր արգանդից. նա պիտի սկսի փրկել Իսրայելը այլազգիներից:
6. Կինը մտաւ իր տունը եւ ասաց իր ամուսնուն. Աստծու մարդը եկաւ ինձ մօտ, նա Աստծու հրեշտակի նման վեհատեսիլ էր: Ես նրան հարցրի, թէ որտեղից է, նա ինձ իր անունը չասաց:
7. Նա ինձ ասաց. Ահա դու պիտի յղիանաս եւ մի որդի ծնես, հիմա գինի եւ օղի չիմես եւ ոչ մի անմաքուր բան չուտես, որովհետեւ մանուկը Աստծու ուխտաւոր պիտի լինի հէնց իր մօր արգանդից մինչեւ իր մահուան օրը:
8. Մանովէն Տիրոջն աղաչեց եւ ասաց. Աղաչում եմ, Տէ՛ր, Աստծու այն մարդը, որին դու ուղարկեցիր մեզ մօտ, թող դարձեալ գայ մեզ մօտ եւ սովորեցնի, թէ ինչ անենք այն մանկանը, որ պիտի ծնուի:
9. Աստուած լսեց Մանովէի ձայնը, եւ Աստծու հրեշտակը նորից եկաւ նրա կնոջ մօտ, երբ նա նստել էր հանդում: Նրա ամուսին Մանովէն նրա մօտ չէր:
10. Կինն շտապ գնաց պատմեց իր ամուսնուն եւ ասաց նրան. Ահա երեւաց ինձ այն մարդը, որ այն օրը եկել էր ինձ մօտ:
11. Մանովէն վեր կացաւ, գնաց իր կնոջ հետ, եկաւ այն մարդու մօտ եւ ասաց նրան. Դո՞ւ ես այն մարդը, որ խօսել է այս կնոջ հետ: Հրեշտակն ասաց. Ես եմ:
12. Մանովէն ասաց. Արդ, երբ քո խօսքերը կատարուեն, ինչպիսի՞ն պետք է լինեն մանկան կեանքի կանոններն ու գործերը:
13. Տիրոջ հրեշտակն ասաց Մանովէին. Թող նա զգուշանայ այն ամենից, որ ասացի այդ կնոջը.
14. որթատունկից ելած ոչ մի բան թող չուտի, գինի եւ օղի չիմի, ոչ մի անմաքուր բան չուտի, թող զգուշանայ այն ամենից, որ պատուիրեցի:
15. Մանովէն ասաց հրեշտակին. Թող որ քեզ մի փոքր ժամանակ մեզ մօտ պահենք եւ մի ուլ պատրաստենք ու դնենք քո առաջ:
16. Տիրոջ հրեշտակը Մանովէին ասաց. Եթէ ինձ պահես էլ, քո հացից չեմ ուտի, իսկ եթէ ուլը ողջակեզ պիտի անես, Տիրո՛ջը մատուցիր այն: Մանովէն չիմացաւ, թէ նա Տիրոջ հրեշտակն է:
17. Մանովէն ասաց Տիրոջ հրեշտակին. Ի՞նչ է քո անունը, ասա՛, որ երբ քո խօսքը կատարուի, փառաւորենք քեզ:
18. Տիրոջ հրեշտակն ասաց նրան. Ինչո՞ւ ես հարցնում իմ անունը, դա մի սքանչելի անուն է:
19. Մանովէն վերցրեց զոհաբերուելիք ուլը եւ քարի վրայ մատուցեց սքանչելագործ Տիրոջը. Մանովէն եւ նրա կինը նայում էին:
20. Երբ բոցը զոհասեղանից դէպի երկինք բարձրացաւ, Տիրոջ հրեշտակն էլ բարձրացաւ զոհասեղանի բոցի հետ: Մանովէն ու նրա կինը նայում էին եւ երեսի վրայ գետին ընկան:
21. Տիրոջ հրեշտակն այլեւս չերեւաց Մանովէին ու նրա կնոջը: Այն ժամանակ Մանովէն իմացաւ, որ նա Տիրոջ հրեշտակն է:
22. Մանովէն ասաց իր կնոջը. Անպատճառ կը մեռնենք, որովհետեւ տեսանք Աստծուն:
23. Եւ նրա կինը նրան ասաց. Եթէ Տէրը ուզենար մեզ սպանել, մեր ձեռքից չէր ընդունի

ողջակեզն ու գոհը եւ մեզ չէր յայտնի այդ ամէնը իր ժամանակին եւ այն մեզ լսելի չէր դարձնի:

24. Եւ կիկնը մի որդի ծնեց ու նրա անունը Սամփսոն դրեց: Մանուկն աճեց, եւ Տէրը նրան օրհնեց:

25. Տիրոջ հոգին սկսեց շրջել նրա հետ Դանի բանակում, Սարաայի եւ Եսթաւուկի միջեւ:



1. Սամփսոնն իջաւ Թամնաթա եւ Թամնաթայում այլազգիների աղջիկների մէջ մի կին տեսաւ, որը հաճելի թուաց նրան:
2. Նա գնաց պատմեց իր հօրն ու մօրը եւ ասաց. Թամնաթայում այլազգիների աղջիկների մէջ մի կին տեսայ. արդ, նրան ինձ համար կի՞ն առեք:
3. Նրա հայրն ու մայրը ասացին նրան. Մի՞թէ կին չկայ քո եղբայրների աղջիկների եւ իմ ամբողջ ժողովրդի մէջ, որ գնաս կին առնես անթլիատ այլազգիներից: Սամփսոնն ասաց իր հօրը. Նրան բե՛ր ինձ համար, որովհետեւ նա հաճելի է իմ աչքին:
4. Նրա հայրն ու մայրը չգիտէին, որ դա Տիրոջից է, որպէսզի նա վրէժ լուծի այլազգիներից: Այն ժամանակ այլազգիներն իշխում էին Իսրայէլի վրայ:
5. Սամփսոնն իր հօր եւ մօր հետ իջաւ Թամնաթա. Սամփսոնը ճանապարհը շեղեց Թամնաթայի այգեստանի մէջ եւ տեսաւ, որ ահա առիւծի մի կորիւն է մոնչում իր դիմաց:
6. Տիրոջ հոգին աջակցեց նրան, եւ նա պատահեց առիւծին ինչպէս մի ուլի, մինչ նրա ձեռքին գէնք չկար:
7. Նա իր արածը չպատմեց իր հօրն ու մօրը: Նրանք եկան, խօսեցին կնոջ հետ, եւ կինը հաճելի թուաց Սամփսոնին:
8. Մի քանի օր յետոյ, երբ ետ դարձաւ այդ աղջկան կնութեան առնելու, ճանապարհը շեղեց առիւծի դիակը տեսնելու համար եւ տեսաւ, որ առիւծի բերանի մէջ մեղունների մի պարս եւ մեղր կար:
9. Նա առաւ այն իր բերանը եւ ուտելով գնաց իր հօր եւ մօր մօտ, նրանց էլ տուեց, եւ նրանք կերան: Բայց նրանց չասաց, թէ մեղրը առիւծի բերանից է հանել:
10. Նրա հայրն իջաւ այն կնոջ մօտ, եւ Սամփսոնն այնտեղ եօթը օր հարսանիք արեց, որովհետեւ երիտասարդներն այդպէս էին անում:
11. Նրանք զարհուրելով Սամփսոնից՝ նրա մօտ երեսուն ընկեր կարգեցին, որոնք նրա մօտ մնացին:
12. Սամփսոնը նրանց ասաց. Հիմա ես ձեզ մի հանելուկ կ'ասեմ. եթէ խնջոյքի այս եօթը օրուայ ընթացքում այն լուծեք եւ գտնեք, ես ձեզ կը տամ երեսուն սաւան եւ երեսուն տօնական զգեստներ:
13. Իսկ եթէ չկարողանաք լուծել, դուք կը տաք ինձ երեսուն սաւան եւ երեսուն տօնական զգեստներ: Նրան ասացին. Առաջարկի՛ր մեզ քո հանելուկը, եւ լսենք այն:
14. Եւ նրանց ասաց. Ուտողից կերակուր դուրս եկաւ, եւ հզօրից քաղցրութիւն դուրս եկաւ: Նրա հանելուկը չկարողացան լուծել երեք օրուայ ընթացքում:
15. Չորրորդ օրը Սամփսոնի կնոջն ասացին. Խաբի՛ր քո մարդուն, որ հանելուկը քեզ բացատրի, թէ չէ քեզ եւ քո հօր տունը կ'այրենք: Մեզ կողոպտելո՞ւ համար կանչեցիր այստեղ:
16. Սամփսոնի կինը լաց եղաւ ամուսնու մօտ եւ ասաց նրան. Դու ատել ես ինձ եւ չես սիրել, որովհետեւ այն հանելուկը, որ առաջարկել ես իմ ժողովրդի որդիներին, ինձ չես յայտնել: Սամփսոնը նրան ասաց. Իմ հօրն ու մօրը չեմ յայտնել, հիմա քե՞զ պիտի յայտնեմ:
17. Եւ խնջոյքի եօթը օրերին կինը լաց եղաւ նրա մօտ: Եօթներորդ օրը Սամփսոնը յայտնեց նրան, որովհետեւ նա թախանձում էր: Կինն էլ յայտնեց իր ժողովրդի զաւակներին:
18. Եօթներորդ օրը արեւամուտից առաջ քաղաքի մարդիկ ասացին Սամփսոնին. Ի՞նչն է մեղրից քաղցր եւ ի՞նչն է առիւծից հզօր: Սամփսոնը նրանց ասաց. Եթէ դուք իմ երինջով չհերկեիք, իմ հանելուկի պատասխանը չէիք գտնի:
19. Տիրոջ հոգին աջակցեց Սամփսոնին, նա իջաւ Ասկաղոն, այնտեղ երեսուն մարդ սպանեց եւ նրանց տօնական զգեստներն առաւ եւ տուեց հանելուկը լուծողներին: Սամփսոնը սաստիկ բարկացաւ եւ գնաց իր հօր տուն,
20. իսկ Սամփսոնի կինն ամուսնացաւ նրա կնքահօր հետ, որ նրա ընկերն էր:

1. Մի քանի օր յետոյ, ցորենի հնձի օրերին Սամփսոնը մի ուլ վերցնելով՝ այցելեց իր կնոջը եւ ինքն իրեն ասաց. Մտնեմ սենեակ կնոջս մօտ: Բայց կնոջ հայրը չթողեց, որ նրա մօտ մտնի:
2. Նրա հայրն ասաց. Ես կարծեցի, թէ դու ատեցիր նրան եւ նրան կնութեան տուի քո ընկերոջը: Զէ՞ որ նրա կրտսեր քոյրը նրանից գեղեցիկ է, թող սա քեզ կին լինի նրա փոխարէն:
3. Սամփսոնն ասաց. Ես միանգամայն անմեղ կը լինեմ այլազգիներիդ առաջ, եթէ նրանց դէմ չարութիւն անեմ:
4. Եւ Սամփսոնը գնաց, երեք հարիւր աղուէս բռնեց: Նա ջահեր վերցրեց եւ աղուէսներին կապեց միմեանց հետ՝ պոչ պոչի, ջահերը դրեց երկու պոչերի մէջտեղը եւ կապեց:
5. Նա ջահերը կրակով վառեց եւ արծակեց այլազգիների հնձի մէջ, այրեց ցորենի շեղջերը, առաջուց հնձուածները, դեզերն ու չհնձուած ցորենը, մինչեւ անգամ այգիներն ու ձիթենիները:
6. Այլազգիներն ասացին. Ո՞վ արեց այս բանը: Եւ ասացին. Թամսացու փեսայ Սամփսոնը, որովհետեւ կնոջ հայրը նրա կնոջն առաւ եւ նրա ընկերոջը կնութեան տուեց: Այլազգիները վեր կացան, կրակով այրեցին նրա կնոջ հօր տունը, կնոջը եւ կնոջ հօրը:
7. Սամփսոնը նրանց ասաց. Եթէ մի այդքան էլ անեք, դարձեալ չեմ հաշտուի, այլ ձեր ամէն մէկից իմ վրէժը պիտի լուծեմ:
8. Եւ մեծամեծ հարուածներով զարկեց նրանց սրունքներին ու մէջքին, եւ իջաւ բնակուեց Ետեմի քարայրում, հեղեղատի մօտ:
9. Այլազգիները վեր կացան, բանակատեղի դրին Յուդայի երկրի շուրջը եւ տարածուեցին Ելքիի շուրջբոլորը:
10. Յուդայի երկրի մարդիկ նրանց ասացին. Ինչո՞ւ էք եկել մեզ վրայ: Այլազգիներն ասացին. Եկել ենք Սամփսոնին կապելու, որ նրա հետ վարուենք այնպէս, ինչպէս նա վարուեց մեզ հետ:
11. Եւ Յուդայի երկրից երեք հազար մարդ իջան Ետեմի քարայրն ու ասացին Սամփսոնին. Զգիտե՞ս, որ այլազգիներն իշխում են մեզ վրայ, ինչո՞ւ արեցիր այդ բանը մեզ հետ: Սամփսոնը նրանց ասաց. Ինչպէս որ նրանք վարուեցին ինձ հետ, այդպէս էլ ես վարուեցի նրանց հետ:
12. Նրան ասացին. Եկել ենք քեզ կապելու եւ այլազգիների ձեռքը մատնելու: Սամփսոնը նրանց ասաց. Երդուեցէ՛ք, որ չէք սպանի ինձ, տուէ՛ք ինձ նրանց ձեռքը, եւ դուք երբեք մի՛ հանդիպէք ինձ:
13. Նրանք երդուեցին նրան եւ ասացին. Ո՛չ, քեզ կը կապենք եւ կը տանք նրանց ձեռքը, բայց քեզ չենք սպանի: Եւ նրան կապեցին երեք նոր պարաններով ու դուրս հանեցին քարայրից:
14. Նա եկաւ մինչեւ Ծնօտ կոչուած վայրը, այլազգիներն աղաղակեցին եւ ընթացան նրա դէմ յանդիման: Տիրոջ հոգին աջակից եղաւ Սամփսոնին, նրա բազուկների վրայի պարանները դարձան կրակից այրուած թելի նման, եւ կապանքները հալուեցին թափուեցին նրա բազուկներից:
15. Նա գետին տապալուած էշի մի ծնօտ գտաւ, երկարեց իր ձեռքը, վերցրեց այն եւ դրանով հազար մարդ սպանեց:
16. Սամփսոնն ասաց. Էշի ծնօտով կը բնաջնջեմ նրանց, որովհետեւ էշի ծնօտով կոտորեցի հազար մարդ:
17. Եւ երբ իր խօսքը վերջացրեց, ծնօտը ձեռքից գցեց եւ այդ տեղն անուանեց Ծնօտի կոտորած:
18. Նա խիստ ծարաւեց, աղաղակեց Տիրոջն ու ասաց. Դու քո ծառայի ձեռքով յաջողեցրիր այս մեծ փրկութիւնը, իսկ հիմա ծարաւի՞ց պիտի մեռնեմ եւ անթլփատների

ձեռքն ընկնեմ:

19. Եւ Տէրը Ճնօտ կոչուող վայրում մի անցք բացեց, նրանից ջուր դուրս եկաւ, նա խմեց, ոգի առաւ եւ զովացաւ. այդ պատճառով դրա անունը դրեց Ճնօտի աղբիւր: Եւ այն գոյութիւն ունի մինչեւ այսօր:

20. Սամփսոնը այլազգիների իշխանութեան օրօք Իսրայէլում քսան տարի դատաւոր եղաւ:

1. Սամփսոնն այնտեղից գնաց Գազա, այնտեղ մի պոռնիկ կին տեսավ եւ մտավ նրա մօտ:
2. Լուրը հասավ գազացիներին, եւ նրանք ասացին. Սամփսոնը եկել է այստեղ: Շրջապատեցին, ամբողջ գիշերը դարանակալեցին նրան քաղաքի դարպասի մօտ եւ ամբողջ գիշերը լուռ մնացին ու ասացին. Այստեղ մնանք մինչեւ առաւօտ եւ սպանենք նրան:
3. Սամփսոնը քնեց մինչեւ կեսգիշեր. կեսգիշերին վեր կացավ, պոկեց քաղաքի դարպասների փեղկերը եւ դրանք նիգերով մեկտեղ բարձրացրեց, դրեց իր ուսերի վրայ, տարավ այն լեռան գլուխը, որը Քեբրոնի դիմացն է, եւ դրանք դրեց այնտեղ:
4. Դրանից յետոյ նա սիրեց մի կնոջ, որ ապրում էր Սորեկ հեղեղատի եզերքին. նրա անունը Դալիլա էր:
5. Այդ կնոջ մօտ եկան այլազգիների նախարարները եւ ասացին. Խաբի՛ր նրան եւ տե՛ս, թէ ինչում է նրա մեծ զօրութիւնը, եւ կամ ինչպէս կարող ենք հնար գտնել եւ կապել նրան, որ տկարացնենք նրան: Իսկ մենք ամեն մէկս քեզ կը տանք հազար հարիւր արծաթ:
6. Եւ Դալիլան ասաց Սամփսոնին. Ասա՛ ինձ, թէ ինչում է քո մեծ զօրութիւնը, եւ քեզ տկարացնելու համար ինչով պետք է կապել քեզ:
7. Սամփսոնը նրան ասաց. Եթէ ինձ կապեն եօթը դալար ճիւղերով, կը տկարանամ եւ կը դառնամ սովորական մարդկանց նման:
8. Եւ այլազգիների նախարարները բերին եօթը դալար ճիւղեր, եւ Դալիլան նրան կապեց դրանցով:
9. ու շտեմարանում դարանակալ նստեց: Կինը նրան ասաց. Այլազգիները յարձակուել են քեզ վրայ, Սամփսոն: Եւ նա կտրտեց ճիւղերն այնպէս, ինչպէս կը կտրտուի կրակից այրուած բարակ թելը թափ տալուց: Եւ այդպէս չհասկացուեց նրա զօրութիւնը:
10. Դալիլան ասաց Սամփսոնին. Ահա խաբեցիր ինձ եւ սուտ խօսեցիր, գոնէ հիմա ասա՛, թէ ինչով կը կապուես:
11. Եւ նա ասաց նրան. Եթէ ինձ կապեն եօթը նոր չուաններով, որոնք գործածուած չլինեն, կը տկարանամ եւ կը լինեմ սովորական մարդկանց նման:
12. Դալիլան առաւ նոր չուաններ, դրանցով կապեց նրան եւ ասաց. Այլազգիները յարձակուել են քեզ վրայ, Սամփսոն: Եւ Դալիլան շտեմարանում դարանակալ նստել էր: Իսկ Սամփսոնը ասեղի թելի նման կտրտեց թափեց այն իր բազուկներից:
13. Դալիլան ասաց Սամփսոնին. Մինչեւ ե՞րբ պիտի խաբես ինձ եւ սուտ ասես ինձ: Հիմա ասա՛ ինձ, թէ ինչո՞վ կը կապուես: Նա ասաց նրան. Եթէ իմ գլխի եօթը գիսակները հիւսես շղթայածել հիւսքերով եւ ցցերով ամրացնես պատին, կը տկարանամ սովորական մարդկանց նման:
14. Եւ Դալիլան քնեցրեց նրան, առաւ նրա գլխի եօթը գիսակները շղթայածել հիւսքերով, ցցերով ամրացրեց պատին եւ ասաց նրան. Այլազգիները յարձակուել են քեզ վրայ, Սամփսոն: Նա զարթնեց քնից, պատից պոկեց ցցերը ոստայնի եւ հիւսքերի հետ միասին, եւ չիմացուեց նրա զօրութիւնը:
15. Դալիլան նրան ասաց. Ինչպե՞ս ես ասում, թէ քեզ սիրում եմ, մինչ քո սիրտը շիտակ չէ ինձ հետ. այս երեք անգամ խաբեցիր ինձ եւ չասացիր, թէ ինչո՞ւմ է քո մեծ զօրութիւնը:
16. Եւ երբ ամբողջ գիշերը նեղեց նրան խօսքերով, թախանձեց եւ հոգին հանեց սպանելու չափ,
17. նա սրտանց պատմեց նրան ամեն ինչ եւ ասաց նրան. Աձելի չափտի դիպչի իմ գլխին, որովհետեւ Աստծու ուխտաւոր եմ ես իմ մօր արգանդից, իսկ եթէ ածիլուեմ, իմ զօրութիւնը կը գնայ ինձնից, ես կը տկարանամ եւ կը դառնամ բոլոր մարդկանց պէս:
18. Երբ Դալիլան տեսաւ, որ նա սրտանց պատմեց իրեն ամեն ինչ, մարդ ուղարկեց, կանչեց այլազգիների նախարարներին եւ ասաց. Բոլորդ եկե՛ք, որովհետեւ սրտանց

պատմեց ինձ ամէն ինչ: Եւ այլազգիների բոլոր նախարարները եկան նրա մօտ արծաթն իրենց ձեռքին:

19. Դալիլան քնեցրեց նրան իր ծնկների մէջ, վարսաւիր կանչեց, որն ածիլեց նրա գլխի եօթը գիսակները: Նա սկսեց թօշնել, եւ նրանից գնաց նրա զօրութիւնը:

20. Դալիլան ասաց. Այլազգիները յարձակուել են քեզ վրայ, Սամփսոն: Նա զարթնեց քնից եւ ասաց. Վեր կենամ եւ անեմ այնպէս, ինչպէս միշտ եւ թափ տամ: Նա չգիտէր, թէ Տէրը մեկնել էր իրենից:

21. Այլազգիները նրան բռնեցին, հանեցին նրա աչքերը, իջեցրին նրան Գազա, կապեցին երկաթէ կապանքներով, եւ նա բանտում աղօրիք էր պատեցնում:

22. Նրա գլխի մազերն սկսեցին աճել ածիլելուց յետոյ:

23. Այլազգիների նախարարները հաւաքուեցին, որ մեծ զոհ մատուցեն իրենց աստծուն՝ Դագոնին եւ ուրախանան: Նրանք ասացին. Մեր աստուածը մեր թշնամի Սամփսոնին մեր ձեռքը մատնեց:

24. Երբ մարդիկ տեսան նրան, օրհնեցին իրենց աստուածներին՝ ասելով. Մեր աստուածը մեր ձեռքն է մատնել մեր թշնամուն՝ մեր երկիրն աւերողին, որը շատացրեց մեր վիրաւորներին:

25. Երբ նրանց սրտերը զուարթացան, ասացին. Կանչեցէ՛ք Սամփսոնին բանտից, թող մեր առաջ պար գայ: Սամփսոնին կանչեցին բանտից եւ զուարճանում էին նրանով: Նրան կանգնեցրին երկու սիւների մէջտեղում:

26. Սամփսոնն ասաց իր ձեռքից բռնած պատանուն. Թո՛ղ տուր ինձ շօշափեմ սիւները, որոնց վրայ հաստատուած է այս տունը, եւ յենուեմ նրանց վրայ:

27. Տունը լի էր տղամարդկանցով եւ կանանցով, այնտեղ էին այլազգիների բոլոր նախարարները, տանիքի վրայ կային մօտ երեք հազար կանայք եւ տղամարդիկ, որոնք դիտում էին Սամփսոնի պարը:

28. Սամփսոնն աղաղակեց Տիրոջը եւ ասաց. Տէ՛ր, զօրութիւնների՝ Տէր, յիշի՛ր ինձ եւ զօրացրո՛ւ ինձ այս մի անգամ էլ, Աստուած, որ իմ երկու աչքերի համար վրէժս լուծեմ այս այլազգիներից:

29. Եւ Սամփսոնը բռնեց մէջտեղի երկու սիւներից, որոնց վրայ հաստատուած էր տունը, եւ յենուեց նրանց վրայ՝ մէկին աջ ձեռքով, միւսին՝ ձախ:

30. Եւ Սամփսոնն ասաց. Թող մեռնեմ ես այս այլազգիների հետ: Եւ ուժեղ շարժեց: Տունը փուլ եկաւ բոլոր նախարարների եւ նրա մէջ եղած ամբողջ ժողովրդի վրայ: Եւ մեռածները, որոնց Սամփսոնն սպանեց իր մահուան պահին, աւելի էին, քան նրանք, որոնց սպանել էր իր կենդանութեան ժամանակ:

31. Նրա եղբայրներն ու նրա հօր ամբողջ տունն իջան, վերցրին հանեցին եւ թաղեցին նրան իր հօր Մանովէի գերեզմանում, Սարաայի եւ Եսթաւուլի միջեւ: Նա Իսրայէլում դատաւոր էր եղել քսան տարի:

1. Եփրեմի լեռան վրայ Միքա անունով մի մարդ կար:
2. Նա իր մօրն ասաց. Այն հազար հարիւր արծաթը, որ վերցուել է քեզնից, եւ որի համար անեծք տուիր եւ ասացիր իմ ականջին, թե՛ Այն արծաթն ինձ մօտ է, ես եմ վերցրել այն: Նրա մայրն ասաց. Որդեա՛կ իմ, օրհնեալ լինես Տիրոջից:
3. Եւ նա իր մօրը վերադարձրեց հազար հարիւր արծաթը: Նրա մայրն ասաց. Այն արծաթը ես իմ ձեռքով նուիրել եմ Տիրոջը՝ առանձին ձուլածոյ կուռք շինելու համար: Հիմա այն քեզ եմ վերադարձնում:
4. Իսկ Միքան այդ արծաթը մօրը վերադարձրեց: Մայրն առաւ երկու հարիւր արծաթ, այն տուեց ձուլողին, նա էլ ձուլածոյ կուռք շինեց դրանից, որը մնաց Միքայի տանը:
5. Միքայի տունը նրա համար աստծու տուն եղաւ: Եւ նա եփուդ ու թերափ շինեց. ձեռնադրեց իր որդիներից մէկին, եւ սա նրա համար քահանայ եղաւ:
6. Այդ օրերին Իսրայէլում թագաւոր չկար, եւ ամեն մարդ անում էր այն, ինչ հաճելի էր իր աչքին:
7. Յուդայի ազգատոհմից, Յուդայի երկրի Բեթղեհեմ քաղաքից, մի պատանի կար, որ դէտացի էր եւ այնտեղ էր բնակւում:
8. Այս մարդը Յուդայի երկրի Բեթղեհեմ քաղաքից գնաց պանդխտելու որեւէ տեղ՝ ապաստան գտնելու համար: Նա ճանապարհորդելով եկաւ մինչեւ Եփրեմի լեռը եւ մինչեւ Միքայի տունը:
9. Միքան նրան ասաց. Ո՞րտեղից ես գալիս: Նա ասաց. Ես դէտացի եմ, Յուդայի երկրի Բեթղեհեմ քաղաքից, գնում եմ պանդխտելու որեւէ տեղ՝ ապաստան գտնելու համար:
10. Միքան նրան ասաց. Մնա՛ ինձ մօտ, ինձ համար հայր եւ քահանայ եղի՛ր, եւ ես քեզ ամեն տարի տասը արծաթ, մի զոյգ զգեստ եւ ուտելիք կը տամ, որով կ'ապրես:
11. Դէտացին գնաց եւ ապաստանեց այդ մարդու մօտ: Այս պատանին նրա համար եղաւ ինչպէս իր որդիներից մէկը:
12. Միքան դէտացուն ձեռնադրեց, եւ պատանին նրա համար քահանայ եղաւ եւ ապրում էր Միքայի տանը:
13. Միքան ասաց. Հիմա գիտեմ, որ Տէրն ինձ բարիք արեց, քանի որ այս դէտացին ինձ համար քահանայ եղաւ: Այն օրերին Իսրայէլում թագաւոր չկար:

1. Այն օրերին Դանի ցեղն իր համար բնակուելու կալուածք էր փնտռում, որովհետեւ մինչեւ այդ օրերը Իսրայելի ցեղերի մէջ Նրան կալուածք չէր հասել:
2. Դանի որդիներն իրենց տոհմերից հինգ մարդ ուղարկեցին, իրենց ցեղերի թուի համեմատ, զօրաւոր մարդիկ Սարաայից եւ Եսթաւուլից, որ գնան լրտեսեն եւ հետախուզեն այդ երկիրը: Նրանց ասացին. «Գնացէ՛ք, գնեցէ՛ք այն երկիրը: Նրանք գնացին Եփրեմի լեռը, մինչեւ Միքայի տունը եւ գիշերեցին այնտեղ:
3. Եւ մինչդեռ նրանք Միքայի տանն էին, ճանաչեցին դելտացի պատանու ծայնը, մտան նրա մօտ եւ ասացին նրան. Ո՞վ բերեց քեզ այստեղ, ի՞նչ ես անում եւ ի՞նչ գործ ունես այստեղ:
4. Նա ասաց նրանց. Միքան ինձ համար այս ու այս արեց, ինձ վարձակալեց, եւ ես նրա համար քահանայ եղայ:
5. Նրան ասացին. Հապա հարցրո՛ւ Աստծուն, որ իմանանք, թէ յաջող կը լինի՞ մեր գնացած ճանապարհը:
6. Քահանան նրանց ասաց. «Գնացէ՛ք խաղաղութեամբ, Տիրոջ առաջն է ձեր գնացած ճանապարհը:
7. Այդ հինգ մարդիկ գնացին Լայիսա, տեսան այնտեղ եղած մարդկանց, որոնք սիդոնացիների նման անհոգ ու հանգիստ ապրում էին: Այդ երկրում իշխանութիւն ունեցող մէկը չկար, որ բան ասէր, որովհետեւ Սիդոնից հեռու էին եւ ասորեստանցիների հետ գործ չունէին:
8. Այդ հինգ մարդիկ եկան Սարաա եւ Եսթաւուլ իրենց եղբայրների մօտ: Նրանց եղբայրներն իրենց ասացին. Ինչո՞ւ էք նստել:
9. Նրանք ասացին. Վե՛ր կացէք գնանք նրանց վրայ, որովհետեւ մենք մտանք շրջեցինք այն երկրում մինչեւ Լայիսա եւ տեսանք, որ ժողովուրդն այնտեղ բնակւում է անհոգ՝ սիդոնացիների նման. նրանք հեռու են Սիդոնից եւ ոչ մի գործ չունեն ասորեստանցիների հետ: Վե՛ր կացէք գնանք նրանց վրայ, որովհետեւ տեսանք այն երկիրը, որ շատ լաւն է. իսկ դուք հանգիստ նստե՛լ էք: Հիմա ինչո՞ւ էք յապաղում գնալու մտնելու եւ ժառանգելու այն երկիրը:
10. Երբ որ գնաք, կը տիրէք մի անհոգ ժողովրդի եւ ընդարձակ երկրի, որովհետեւ Աստուած այն մատնել է մեր ձեռքը: Դա մի այնպիսի տեղ է, որտեղ երկրի վրայ եղած ոչ մի բանի պակասութիւն չկայ:
11. Եւ այնտեղից՝ Սարաայից եւ Եսթաւուլից գնացին Դանի ազգատոհմից վեց հարիւր մարդիկ՝ զինուած պատերազմական զէնքերով:
12. Գնացին բանակատեղի դրին Յուդայի երկրի Կարիաթարիմ վայրում. այդ պատճառով այն տեղը մինչեւ այսօր կոչւում է Դանի բանակատեղի, որ Կարիաթարիմի ետեւի կողմում է:
13. Այնտեղից անցան, եկան մինչեւ Եփրեմի լեռը եւ հասան մինչեւ Միքայի տունը:
14. Այդ հինգ մարդիկ, որ գնացել էին լրտեսելու Լայիսա երկիրը, պատասխանեցին եւ ասացին իրենց եղբայրներին. «Գիտե՞ք, որ այս տներում եփուղ, թերափ եւ ձուլածոյ կուռք կայ: Հիմա տեսէ՛ք, թէ ինչ պիտի անեք:
15. Եւ նրանք շրջուեցին այնտեղ ու մտան դելտացի պատանու տունը՝ Միքայի տունը եւ նրա ողջութիւնը հարցրին:
16. Իսկ Դանի որդիներից պատերազմական զէնքով զինուած այն վեց հարիւր մարդիկ անշարժ կանգնեցին դռան մուտքի մօտ:
17. Իսկ այն հինգ մարդիկ, որոնք գնացել էին երկիրը լրտեսելու, յարձակուեցին, վերցրին կուռքը, եփուղը, թերափը եւ ձուլածոն: Քահանան եւ պատերազմական զէնքերով զինուած այն վեց հարիւր մարդիկ անշարժ կանգնել էին դռան մուտքի մօտ:
18. Երբ նրանք Միքայի տունը մտան եւ վերցրին կուռքը, եփուղը, թերափը եւ ձուլածոն, քահանան նրանց ասաց. Ի՞նչ էք անում:
19. Նրանք ասացին նրան. Լռի՛ր, ձեռքդ բերանիդ վրայ դի՛ր, ե՛կ մեզ հետ եւ մեզ համար

- հայր ու քահանայ եղիր. մի՞թե քեզ համար աւելի լաւ է միայն մէկ մարդու տան քահանայ լինել, քան Իսրայելի մէկ ցեղի եւ ազգատոհմի քահանայ:
20. Քահանայի սիրտը զուարթացաւ, նա վերցրեց եփուղը, թերափը, քանդակած ու ձուլածոյ կուռքերը եւ մտաւ գորքի մէջ:
21. Նրանք ետ դարձան գնացին եւ նրանց առաջ աւերեցին նրա ամբողջ տունն ու շքեղ ունեցուածքը:
22. Երբ նրանք հեռացան Միքայի տնից, Միքան եւ նրա տանը եղած մարդիկ բողոք բարձրացրին եւ հասան Դանի որդիների յետեւից:
23. Դանի որդիները շուռ եկան եւ ասացին Միքային. Ի՞նչ է եղել քեզ, ինչո՞ւ ես աղաղակում:
24. Միքան ասաց. Ինձ համար իմ շինած աստուածները եւ իմ քահանային առաք ու գնացիք, էլ ի՞նչ մնաց ինձ, եւ ինչո՞ւ եք ասում ինձ, թե՛ Ինչու ես աղաղակում:
25. Դանի որդիներն ասացին նրան. Քո ձայնը թող չլսուի մեր ետեւից, թե չէ քեզ կը հանդիպեն բարկացած սրտով մարդիկ եւ կը կործանեն քեզ ու քո ընտանիքը:
26. Եւ Դանի որդիները գնացին իրենց ճանապարհով: Միքան տեսնելով, որ նրանք իրենից զօրաւոր են, վերադարձաւ իր տունը:
27. Իսկ նրանք վերցրին Միքայի շինածները, նրա քահանային եւ գնացին Լայիսա՝ հանգիստ եւ վստահ ու անհոգ ժողովրդի վրայ, նրանց սրի քաշեցին եւ քաղաքն այրեցին:
28. Ոչ ոք չկար, որ փրկեր նրանց, որովհետեւ Սիդոնից հեռու էին եւ ոչ մի գործ չունէին որեւէ մարդու հետ: Այդ քաղաքը Ռոբի հովտի մէջ էր: Քաղաքը շինեցին եւ այնտեղ բնակուեցին.
29. եւ քաղաքի անունը իսրայելական ծագում ունեցող իրենց հօր անունով Դան կոչեցին. իսկ նախապէս քաղաքի անունը Լայիսա էր:
30. Դանի որդիներն իրենց համար կանգնեցրին Միքայի քանդակած կուռքը, իսկ Մանասէի որդի Գերսոնի որդի Յովնաթանը՝ ինքը եւ իր որդիները մինչեւ երկրի գերութեան օրը Դանի ցեղի քուրմերն էին:
31. Նրանք Միքայի շինած կուռքն իրենց համար պահեցին այնքան ժամանակ, որքան որ Աստծու տունը Սելովի մէջ էր:



1. Այն օրերին, երբ Իսրայելում թագաւոր չկար, Եփրեմի լերան կողմերում մի դէտացի պանդուխտ մարդ կար. այդ մարդն իր հարճը դարձրեց Յուդայի երկրի Բեթղեհեմ քաղաքից մի կնոջ:
2. Նրա հարճը նրանից խորշեց եւ գնաց իր հօր տունը՝ Յուդայի երկրի Բեթղեհեմ քաղաքը եւ այնտեղ մնաց երեք ամիս:
3. Նրա մարդը վեր կացաւ գնաց նրա ետեւից, որ քաղցրութեամբ խօսի, հաշտեցնի նրան իր հետ եւ նորից ետ բերի իր մօտ: Նրա հետ էին իր ծառան եւ մի զոյգ էշ: Գնացին մինչեւ նրա հօր տունը: Երբ աղջկայ հայրը նրան տեսաւ, ելաւ նրան ընդառաջ:
4. Նրա աները՝ աղջկայ հայրը, ներս տարաւ նրան, եւ նա նրա մօտ մնաց երեք օր: Կերան, խմեցին եւ գիշերեցին այնտեղ:
5. Զորրորդ օրը, երբ առաւօտը կանուխ վեր կացան, նրանք ոտքի ելան, որ գնան: Աղջկայ հայրն ասաց իր փեսային. Սիրտդ պնդացրո՞ւ մի կտոր հացով, յետոյ կը գնաք:
6. Նստեցին, կերան եւ խմեցին երկուսը միասին: Աղջկայ հայրն ասաց իր փեսային. Այս գիշեր էլ այստեղ մնա՛, եւ թող սիրտդ զուարթանայ:
7. Մարդը վեր կացաւ, որ գնայ, բայց նրա աները ստիպեց նրան, եւ նա մնաց ու գիշերեց այնտեղ:
8. Հինգերորդ օրը կանուխ վեր կացաւ, որ գնայ. աղջկայ հայրն ասաց. Սիրտդ պնդացրո՞ւ հացով եւ զբօսնի՛ր մինչեւ օրը վերջանայ: Եւ կերան ու խմեցին երկուսով:
9. Մարդը վեր կացաւ, որ իր հարճի եւ ծառայի հետ գնայ: Բայց աղջկայ հայրն ասաց նրան. Ահա օրը երեկոյ դարձաւ, այստե՛ղ գիշերիր, թող սիրտդ զուարթանայ, վաղը կանուխ ճանապարհ կ'ընկնես եւ կը գնաս քո տունը:
10. Բայց մարդը չկամեցաւ այնտեղ գիշերել, վեր կացաւ ու գնաց: Եկաւ հասաւ մինչեւ Յեբուսի դիմաց, այսինքն՝ Երուսաղեմ. նրա հետ էին մի զոյգ համետած էշ եւ իր հարճը:
11. Երբ նրանք Յեբուսի դիմացն էին, օրը տարածամել էր: Ծառան իր տիրոջն ասաց. Ե՛կ թեքուենք դեպի յեբուսացիների քաղաքը եւ այնտեղ գիշերենք:
12. Տերը նրան ասաց. Ճանապարհը չշեղենք դեպի օտարազգիների քաղաքը, որտեղ իսրայելացիներ չկան, այլ անցնենք մինչեւ Գաբաա:
13. Եւ իր ծառային ասաց. Ե՛կ մօտենանք այդ տեղերից մէկին եւ գիշերենք այնտեղ՝ Գաբաայում կամ Հռամայում: Եւ անցան գնացին:
14. Երբ մօտեցան Գաբաային, որ Բենիամինի երկիրն է, արեգակը մայր մտաւ:
15. Ճանապարհը շեղեցին, որ մտնեն Գաբաա եւ գիշերեն այնտեղ: Նա մտաւ ու նստեց քաղաքի հրապարակում, բայց ոչ մի մարդ չկար, որ նրանց իր տունն առնէր գիշերելու համար:
16. Եւ ահա երեկոյեան հանդից, իր գործից մի ծեր մարդ էր գալիս: Այդ մարդը Եփրեմի լեռից էր եւ պանդուխտ էր Գաբաայում, իսկ այնտեղի մարդիկ Բենիամինի ցեղի որդիներ էին:
17. Բարձրացնելով իր աչքերը՝ քաղաքի հրապարակում նա տեսաւ ուղեւոր մարդուն: Ծեր մարդն ասաց. Ո՞ր ես գնում եւ որտեղի՞ց ես գալիս:
18. Նա ասաց նրան. Մենք Յուդայի երկրի Բեթղեհեմ քաղաքից գնում ենք մինչեւ Եփրեմի լերան կողմերը, որովհետեւ ես այնտեղացի եմ: Ես գնացի մինչեւ Յուդայի երկրի Բեթղեհեմ քաղաքը, իսկ հիմա իմ հօր տունն եմ գնում, եւ չկայ մի մարդ, որ մեզ իր տունը ընդունի:
19. Մեր էշերի համար յարդ եւ խոտ, իսկ ինձ եւ այս աղջկայ ու ծառայի համար հաց եւ գինի կայ. քո ծառաները ոչ մի բանի պակասութիւն չունեն:
20. Ծեր մարդն ասաց. Խաղաղութիւն քեզ, քո ամեն պակասութիւնն ինձ վրայ լինի, բայց դու այդ հրապարակում մի՛ գիշերիր:
21. Եւ նրան տարաւ իր տունը, էշերին խոտ տուեց, նրանք լուացին իրենց ոտքերը, կերան եւ խմեցին:
22. Երբ նրանց սրտերը զուարթանում էին, քաղաքի բնակիչները՝ անօրէն մարդիկ,

շրջապատեցին տունը, բախեցին դռսի դուռը եւ խօսելով այդ ծեր մարդու՝ տան տիրոջ հետ, ասացին. Հանի՛ր քո տունը մտած այդ մարդուն, որ նրա հետ յարաբերութիւն ունենանք:

23. Այն մարդը՝ տան տէրը, գնաց նրանց մօտ եւ ասաց. Ո՛չ, եղբայրնե՛ր, անզգամութիւն մի՛ արեք, այդ մարդն իմ տունը մտնելուց յետոյ այդ անզգամութիւնը մի՛ արեք:

24. Ահա իմ կոյս աղջիկը եւ այդ մարդու հարճը. նրանց դուրս հանեմ, լկեցե՛ք նրանց, արե՛ք նրանց հետ այն, ինչ հաճելի է ձեզ, բայց այս մարդու հետ այդ անզգամութիւնը մի՛ արեք:

25. Բայց մարդիկ չուզեցին լսել: Եւ այդ մարդն առաւ իր հարճին ու դուրս հանեց: Նրանք կենակցեցին նրա հետ եւ լկեցին նրան ամբողջ գիշերը մինչեւ առաւօտ եւ առաւօտը բացուելիս բաց թողեցին նրան:

26. Առաւօտեան կինը եկաւ, ընկաւ այն մարդու տան դռան շեմին, որտեղ իր տէրն էր, եւ հոգին փչեց:

27. Առաւօտեան նրա տէրը վեր կացաւ, բացեց տան դուռը, դուրս եկաւ, որ գնայ իր ճանապարհը եւ տեսաւ, որ իր հարճն ընկած էր դռան մօտ, ձեռքերը շեմի վրայ:

28. Եւ նրան ասաց. Վե՛ր կաց գնանք: Նա պատասխան չտուեց, որովհետեւ մեռած էր: Մարդը նրան վերցրեց դրեց էշի վրայ, վեր կացաւ եւ գնաց իր տեղը:

29. Երբ մտաւ իր տունը, վերցրեց սուրը, բռնեց իր հարճին եւ ոսկորներն էլ կտրատելով՝ բաժանեց տասներկու մասի եւ դրանք ուղարկեց Իսրայէլի բոլոր ցեղերին:

30. Բոլոր տեսնողներն ասում էին, թէ այդպիսի բան ո՛չ եղել է եւ ո՛չ էլ տեսնուել եզիպտոսից Իսրայէլացիների դուրս գալու օրերից մինչեւ այսօր: Հիմա դրա մասին խորհուրդ արե՛ք եւ ասացե՛ք, թէ ինչ պէտք է անել:

1. Բոլոր իսրայելացիները դուրս եկան, եւ ժողովուրդը՝ Դանից մինչեւ Բերսաբէ եւ Գաղաադի երկիրը մէկ մարդու պէս հաւաքուեց Տիրոջ առաջ Մասեփայում:
2. Ամբողջ ժողովրդի իշխանները եւ Իսրայելի բոլոր ցեղերը՝ չորս հարիւր հազար սուներամարտիկ, ներկայացան Աստծու ժողովրդի հաւաքին:
3. Բենիամինի ցեղի որդիները լսեցին, որ իսրայելացիները եկել են Մասեփա: Իսրայելացիներն ասացին. Ասացէ՛ք, թէ ո՞րտեղ կատարուեց այս չարագործութիւնը:
4. Դեւտացի մարդը՝ սպանուած կնոջ ամուսինը, պատասխան տուեց եւ ասաց. Ես եւ իմ հարճը եկանք Բենիամինի երկրի Գաբաա վայրը, որ գիշերենք:
5. Գաբաայի բնակիչները ելան իմ դէմ, գիշերով շրջապատեցին տունն իմ շուրջը եւ ուզում էին ինձ սպանել: Իմ հարճին լկեցին, խեղդեցին, եւ նա մեռաւ:
6. Ես էլ առայ իմ հարճին, կտրատեցի նրան եւ ուղարկեցի Իսրայելի տերութեան բոլոր սահմանները, որովհետեւ նրանք մեծ յանցանք եւ անզգամութիւն արեցին Իսրայելի մէջ:
7. Ահա մենք ամենքս իսրայելացիներ ենք, մեզ խօսք ասացէք ու խորհո՛ւրդ տուէք:
8. Ամբողջ ժողովուրդը վեր կացաւ մէկ մարդու նման եւ ասաց. Մեզնից ոչ մի մարդ իր յարկի տակ չի մտնելու, եւ ոչ մի մարդ ճանապարհը չի թեքելու դէպի իր տուն:
9. Ահա թէ ինչ պիտի անենք հիմա Գաբաային. նրա վրայ գնանք վիճակահանութեամբ.
10. Իսրայելի բոլոր ցեղերից վերցնենք հարիւրից տասը, հազարից հարիւր, տասը հազարից հազար մարդ, որ օրուայ պաշար տանեն բոլոր նրանց համար, ովքեր կը գնան Բենիամինի երկրի Գաբաա վայրի դէմ, որ պատժեն նրան՝ Իսրայելի մէջ նրա արած ամբողջ անզգամութեան համար:
11. Եւ բոլոր իսրայելացիները մէկ մարդու նման հաւաքուեցին եկան քաղաքներից:
12. Իսրայելի ցեղերը Բենիամինի ամբողջ ցեղի մօտ մարդիկ ուղարկեցին եւ ասացին. Այդ ի՞նչ չարագործութիւն է, որ եղաւ ձեր մէջ:
13. Հիմա տուէ՛ք Գաբաայի այդ ամբարիշտ մարդկանց՝ Բելիարի որդիներին, որ սպանենք նրանց եւ վերացնենք չարիքն Իսրայելից: Բայց Բենիամինի ցեղի որդիները չկամեցան լսել իրենց եղբայրների՝ իսրայելացիների ձայնը:
14. Եւ Բենիամինի ցեղի որդիները հաւաքուեցին իրենց քաղաքներից Գաբաայի մէջ, որ իսրայելացիների դէմ պատերազմի դուրս գան:
15. Այն օրը իրենց քաղաքներից եկած Բենիամինի ցեղի որդիները քսանհինգ հազար սուներամարտիկ էին, չհաշուած Գաբաայի բնակիչներին,
16. որոնք եօթը հարիւր մարդ էին՝ ընտիր երիտասարդներ ամբողջ ժողովրդից՝ երկու ձեռքով էլ գործելու ընդունակ: Նրանք բոլորն էլ պարսատիկաւորներ էին, որ քարեր էին նետում եւ մազաչափ չէին վրիպում:
17. Բոլոր իսրայելացիները, բացի Բենիամինի ցեղի որդիներից, չորս հարիւր հազար սուներամարտիկներ էին, բոլորն էլ պատերազմող մարդիկ:
18. Վեր կացան գնացին Բեթել, եւ իսրայելացիները հարցրին Աստծուն ու ասացին. Բենիամինի ցեղի որդիների հետ պատերազմելու համար ո՞վ պիտի լինի մեր առաջնորդը:
19. Տէրն ասաց. Յուդան թող լինի առաջնորդը: Եւ իսրայելացիներն առաւօտեան վեր կացան, բանակեցին Գաբաայի մօտ:
20. Իսրայելացիները ելան Բենիամինի ցեղի դէմ պատերազմելու եւ Գաբաայի մօտ նրանց դէմ պատերազմելու համար ճակատ կազմեցին:
21. Բենիամինի ցեղի որդիները դուրս եկան քաղաքից, եւ այն օրը իսրայելացիներից քսաներկու հազար մարդ սպանեցին եւ գետին տապալեցին:
22. Բայց Իսրայելի մարդիկ դարձեալ զօրացան եւ նորից ճակատ կազմեցին պատերազմելու համար այն տեղում, որտեղ ճակատել էին առաջին օրը:
23. Իսրայելացիները վեր կացան եւ մինչեւ երեկոյ լաց եղան Տիրոջ առաջ եւ Տիրոջը հարցրին ու ասացին. Շարունակե՛նք պատերազմել մեր եղբօր՝ Բենիամինի ցեղի դէմ: Տէրն ասաց. Դո՛ւրս եկեք նրանց դէմ:

24. Եւ երկրորդ օրը իսրայելացիները պատերազմի ելան Բենիամինի ցեղի որդիների դէմ:
25. Բենիամինն էլ ելաւ նրանց դէմ պատերազմելու երկրորդ օրը եւ ժողովրդից նորից ուր ի հազար մարդ սպանեց եւ գետին տապալեց: Սրանք բոլորն էլ սուներակիրներ էին:
26. Բոլոր իսրայելացիները, ամբողջ ժողովուրդը վեր կացան եկան Բեթել, նստեցին լաց եղան Տիրոջ առաջ, ծով պահեցին այդ օրը եւ փրկութեան ողջակէզներ մատուցեցին Տիրոջ առաջ:
27. Այդ օրերին այնտեղ էր Տէր Աստծու ուխտի տապանակը:
28. Նրա առաջ այդ օրերին Ահարոնի որդի Եղիազարի որդի Փենէէսն էր կանգնում: Իսրայելացիները հարցրին Տիրոջը եւ ասացին. Նորից մեր եղբայր Բենիամինի ցեղի որդիների դէմ պատերազմելու դուրս գա՞նք, թե՞ դադարեցնենք: Տէրն ասաց. Դո՛ւրս եկեք, վաղը նրանց կը մատնեմ ձեր ձեռքը:
29. Իսրայելացիները դարանակալներ դրին Գաբաայի շուրջը:
30. Երրորդ օրը իսրայելացիները դուրս եկան Բենիամինի ցեղի դէմ, ճակատ կազմեցին Գաբաայի մօտ, ինչպէս նախորդ անգամները:
31. Բենիամինի ցեղի որդիները դուրս եկան ժողովրդի դէմ, հեռացան քաղաքից եւ սկսեցին նախորդ անգամների պէս ջարդել-վիրաւորել ժողովրդին այն ճանապարհների վրայ, որոնցից մէկը դուրս էր գալիս Բեթել, իսկ միւսը՝ Գաբաա: Նրանք այդ դաշտում իսրայելացիներից մօտ երեսուն մարդ կոտորեցին:
32. Բենիամինի ցեղի որդիներն ասացին. Սրանք մեր առաջ կոտորուելու են, ինչպէս նախորդ անգամ: Իսկ իսրայելացիներն ասացին. Փախչենք եւ հեռացնենք նրանց քաղաքից ու ճանապարհից:
33. Եւ բոլոր իսրայելացիները վեր կացան իրենց տեղից եւ վերադասաւորուեցին Բաալթամարում: Իսրայելացի դարանակալները կռոււմ էին իրենց տեղից, Գաբաայի արեւմտեան կողմից:
34. Ամբողջ Իսրայելից տասը հազար ընտիր մարդիկ եկան Գաբաայի դիմաց: Պատերազմը սաստկացաւ, բայց Բենիամինի ցեղի որդիները չգիտէին, որ իրենց վրայ չարիք է հասել:
35. Եւ Տէրը Բենիամինի ցեղին հարուածեց իսրայելացիների առաջ, եւ իսրայելացիներն այդ օրը Բենիամինի ցեղից քսանհինգ հազար հարիւր մարդ կոտորեցին: Նրանք բոլորն էլ սուներակիրներ էին:
36. Երբ Բենիամինի ցեղի որդիները տեսան, որ պարտութեան են մատնուած, տեղի տուին իսրայելացիների առաջ: Իսրայելացիները յոյսները դրել էին Գաբաայի շրջակայքում եղած դարանամուտների վրայ:
37. Դարանամուտները յարձակուեցին եւ թափուեցին Գաբաայի վրայ, մտան եւ ամբողջ քաղաքը սրի քաշեցին:
38. Իսրայելացիները պայմանաւորուել էին դարանակալների հետ, որ կրակ վառեն եւ ծուխ հանեն քաղաքի վրայ:
39. Այդ ազդանշանի վրայ իսրայելացիները պետք է ետ քաշուէին պատերազմից: Բենիամինի ցեղի մարդիկ սկսեցին ջարդել իսրայելացի դարանակալներին, կոտորեցին մօտ երեսուն վիրաւոր մարդ եւ ասացին, թե՛ Կոտորոււմ են մեր առաջ այսօր, ինչպէս նախորդ պատերազմում:
40. Կրակէ ազդանշանը ծաւալուելով բարձրացաւ քաղաքի վրայ ինչպէս ծխի սիւն: Բենիամինի ցեղի մարդիկ ետ նայեցին եւ տեսան, որ այրուող քաղաքը երկինք է բարձրանում:
41. Իսրայելացիները նորից ետ դարձան, Բենիամինի ցեղի մարդիկ տազնապեցին, որովհետեւ տեսան, որ չարիքը հասել է իրենց վրայ:
42. Նրանք իսրայելացիներից փախան անապատի ճանապարհով, բայց պատերազմը հասաւ նրանց, եւ քաղաքից դուրս եկող իսրայելացիներն սպանում էին նրանց՝ իրենց մէջ առնելով:
43. Բենիամինի ցեղի մարդկանց նրանք ջարդեցին եւ հետապնդեցին Նուից մինչեւ

Գաբաայի դիմացը՝ արեւելեան կողմից:

44. Բենիամինի ցեղից ընկան տասնութ հազար մարդ. նրանք բոլորն էլ զօրաւոր մարդիկ էին:

45. Մնացածները, տեսնելով այդ, փախան դեպի անապատ՝ ապաւինելով Ռեմոնի քարայրին: Ճանապարհին Բենիամինի ցեղից հինգ հազար մարդ հնձեցին, հետապնդեցին նրանց մինչեւ Գաղաադ եւ նրանցից երկու հազար մարդ էլ կոտորեցին:

46. Այն օրը Բենիամինի ցեղից ընկածները քսանհինգ հազար սուսերամարտիկներ էին, բոլորն էլ զօրաւոր մարդիկ:

47. Մնացածները՝ վեց հարիւր մարդ, խոյս տալով փախան անապատ՝ ապաւինելով Ռեմոնի քարայրին եւ այնտեղ, Ռեմոնի քարայրում մնացին չորս ամիս:

48. Իսկ Իսրայելի մարդիկ յետ դառնալով՝ յարձակուեցին Բենիամինի ցեղի որդիների վրայ, հերթով սրի քաշեցին քաղաքում նրանց, մինչեւ իսկ անասուններին եւ ամեն բան, որ գտան բոլոր քաղաքներում, իսկ կոտորածից գերծ մնացած քաղաքները մարդիկ ուղարկեցին եւ այրեցին հրով:

1. Իսրայելացի տղամարդիկ երդուեցին Մասեփայում եւ ասացին. Մեզանից ոչ մէկն իր դուստրը Բենիամինի ցեղից մարդու կնութեան թող չտայ:
2. Ամբողջ ժողովուրդը եկաւ Մասեփա՝ Բեթել, մինչեւ երեկոյ նրանք նստեցին այնտեղ Աստծու առաջ, բարձրացրին իրենց ձայնը, սաստիկ լաց եղան
3. Եւ ասացին. Իսրայելի՛ Տէր Աստուած, ինչո՞ւ համար այս բանը եղաւ Իսրայելում, որ այսօր Իսրայելից մի ցեղ բնաջնջուէր:
4. Յաջորդ օրը ժողովուրդը կանուխ վեր կացաւ, այնտեղ զոհասեղան շինեցին եւ փրկութեան ողջակէզներ մատուցեցին:
5. Իսրայելացիներն ասացին. Իսրայելի բոլոր ցեղերից ո՞վ է, որ այս հաւաքին, Տիրոջ առաջ Մասեփա չի եկել: Արդարեւ, մեծ երդում էին տուել՝ ասելով, թէ՛ Պիտի մեռնի՛ նա, ով չգայ Մասեփա հաւաքի:
6. Իսրայելացիները ցաւեցին իրենց եղբայր Բենիամինի ցեղի համար եւ ասացին. Այսօր Իսրայելից մի ցեղ վերացաւ:
7. Հիմա ի՞նչ անենք առանց կնոջ մնացածներին, քանի որ մենք երդուել ենք Տիրոջով, որ մեր աղջիկներից նրանց կնութեան չտանք:
8. Եւ ասացին. Իսրայելի ցեղերից ո՞վ է, որ չի եկել Տիրոջ առաջ Մասեփա: Պարզուեց, որ Գաղաադի երկրի Յաբիս բնակավայրից ոչ ոք չէր եկել բանակատեղի՝ հաւաքին:
9. Եւ ժողովրդին հաշուառման ենթարկեցին: Նրանց մէջ մարդ չկար Գաղաադի երկրի Յաբիսի տնից:
10. Ժողովուրդն այնտեղ ուղարկեց տասներկու հազար զօրաւոր մարդիկ, նրանց պատուիրեցին եւ ասացին. Գնացէ՛ք եւ Գաղաադի երկրի Յաբիս բնակավայրի բնակիչներին՝ ե՛ւ կանանց, ե՛ւ մանուկներին կոտորեցէ՛ք սրով:
11. Ահա թէ ինչ պիտի անեք. բոլոր արուներին եւ արուի հետ անկողին մտած կանանց կոտորեցէ՛ք:
12. Եւ Գաղաադի երկրի Յաբիս բնակավայրի բնակիչների մէջ նրանք գտան չորս հարիւր կոյս աղջիկ, որոնք տղամարդու հետ անկողնում չէին պառկել: Նրանց բերին բանակատեղի՝ Սելով, որ Քանանացիների երկրում է:
13. Եւ ամբողջ ժողովուրդը մարդ ուղարկեց, որ խօսեն Բենիամինի ցեղի որդիների հետ, որոնք Ռեմունի քարայրում էին, եւ նրանց խաղաղութեան կոչեցին:
14. Այն ժամանակ Բենիամինի ցեղի մարդիկ վերադարձան իսրայելացիների մօտ: Իսրայելացիները նրանց կնութեան տուին Գաղաադի երկրի Յաբիս բնակավայրի աղջիկներին. եւ դա նրանց հաճելի թուաց:
15. Ժողովուրդը ցաւեց Բենիամինի ցեղի համար, որովհետեւ Տէրը Իսրայելի ցեղերի մէջ ճեղք էր բաց արել:
16. Ժողովրդի ծերերն ասացին. Ի՞նչ անենք առանց կնոջ մնացած միւսների համար, քանի որ Բենիամինի ցեղի կանայք բնաջնջուեցին:
17. Եւ ասացին. Բենիամինի ցեղից ժառանգութիւն է ազատուել, թող Իսրայելից ցեղ չբնաջնջուի:
18. Բայց մենք չենք կարող մեր աղջիկներից նրանց կնութեան տալ, որովհետեւ մենք՝ իսրայելացիներս, երդուելով ասացինք. Անիծուած լինի նա, ով Բենիամինի ցեղին աղջիկ կնութեան կը տայ:
19. Եւ ասացին. Ամէն տարի Տիրոջ տօն է լինում Սելովում, որը Բեթելի հիւսիսում, Բեթելից Սիկիմ տանող ճանապարհի արեւելեան կողմում, Լիբանանից հարաւ, Ելեբոնայում է գտնուում:
20. Նրանք Բենիամինի ցեղի որդիներին պատուիրեցին եւ ասացին.
21. Գնացէ՛ք, դարա՛ն մտեք այգիներում:
22. Երբ տեսնեք, որ Սելովի աղջիկները, պար բռնած, խմբերով դուրս են գալիս, դո՛ւրս եկեք այգիներից, թող ամէն տղամարդ մի կին յափշտակի Սելովի աղջիկներից, եւ գնացէ՛ք Բենիամինի ցեղի երկիրը:

23. Եթե նրանց հայրերը եւ եղբայրները գան ձեր դէմ բողոքելու, նրանց կ'ասէք, թէ՝  
Խղճացինք նրանց, որովհետեւ պատերազմի ժամանակ այդ մարդիկ իրենց համար կին  
չառան. եւ քանի որ դո՛ւք չէ, որ նրանց կնութեան տուիք աղջիկներին, դա ձեզ համար  
մեղք չէ:

24. Եւ Բենիամինի ցեղի որդիներն այդպէս արեցին. պարողներից իրենց թուի համեմատ  
յափշտակելով կանայք առան եւ գնացին, վերադարձան ամէն մէկն իր կալուածքը,  
քաղաքներ շինեցին եւ բնակուեցին դրանց մէջ:

25. Այն ժամանակ իսրայելացիները գնացին ամէն մէկն իր ցեղի եւ ազգատոհմի մօտ, եւ  
այնտեղից ամէն մարդ գնաց իր կալուածքը: Այն օրերին Իսրայելում թագաւոր չկար, եւ  
ամէն մարդ անում էր այն, ինչ հաճելի էր իրեն:

ՀՈՒԺ



1. Դատաւորների կառավարման օրերին սով եղաւ երկրում: Յուդայի Բեթղեհեմ քաղաքից մի մարդ իր կնոջ եւ երկու որդիների հետ գնաց բնակուելու Մովաբի դաշտում:
2. Այդ մարդու անունը ելիմելէք էր, նրա կնոջ անունը՝ Նոոմին, իսկ նրա երկու որդիների անունները՝ Մաալոն եւ Թելլոն: Նրանք եփրաթացիներ էին, Յուդայի ցեղից: Նրանք գնացին Մովաբի դաշտը եւ մնացին այնտեղ:
3. Ելիմելէքը՝ Նոոմինի ամուսինը, մեռաւ, եւ մնաց կինը իր երկու որդիների հետ:
4. Նրանք մովաբացի կանայք առան. սրանցից մէկի անունը Օրփա էր, միւսինը՝ Հռութ: Նրանք այնտեղ բնակուեցին մօտ տասը տարի:
5. Մաալոնը եւ Թելլոնը երկուսն էլ մեռան այնտեղ, եւ կինը մնաց միայնակ՝ զրկուած իր ամուսնուց եւ որդիներից:
6. Նա ու իր երկու հարսները վեր կացան, վերադարձան Մովաբի դաշտից, որովհետեւ լսել էին, որ Աստուած այցի է եկել իր ժողովրդին՝ նրան հաց տալու:
7. Նա իր երկու հարսների հետ դուրս եկաւ այն տեղից, որտեղ ապրում էր, եւ նրանք ճանապարհ ընկան Յուդայի երկիրը վերադառնալու համար:
8. Նոոմինը իր երկու հարսներին ասաց. Գնացէ՛ք, վերադարձէ՛ք ամէն մէկդ ձեր հօր տունը. Տէրը թող ձեզ ողորմութիւն անի, ինչպէս որ դուք այն մեռածներին եւ ինձ էք արել:
9. Աստուած տայ, որ ամէն մէկդ հանգիստ գտնէք ձեր հօր տանը: Եւ համբուրեց նրանց:
10. Նրանք բարձրացրին իրենց ձայնը, լաց եղան եւ ասացին նրան. Այդպէս չի լինի, մենք քեզ հետ կը վերադառնանք դեպի քո ժողովուրդը:
11. Նոոմին ասաց. Ե՛տ դարձէք, աղջիկնե՛րս, ինչո՞ւ գաք ինձ հետ, միթէ դարձեալ իմ որովայնում որդիներ՞ կան, եւ նրանք ձեզ համար ամուսի՞ն կը լինեն:
12. Վերադարձէ՛ք, աղջիկնե՛րս, եւ գնացէ՛ք, որովհետեւ ես պառաւել եմ, էլ մարդու չեմ գնալու. եթէ ասէի էլ, թէ յոյս ունեմ եւ կ'ամուսնանամ ու որդիներ կը ծնեմ,
13. դուք նրանց պիտի սպասեի՞ք, մինչեւ որ մեծանան, եւ նրանցով գրաւուելով՝ պիտի զրկուեի՞ք ամուսնանալուց: Ո՛չ, աղջիկնե՛րս, ես ձեզանից աւելի եմ դառնացած, որովհետեւ Տիրոջ ձեռքը ծանրացաւ ինձ վրայ:
14. Նրանք նորից բարձրացրին իրենց ձայնը եւ լաց եղան: Օրփան համբուրեց իր սկեսրոջը եւ վերադարձաւ իր ժողովրդի մօտ, բայց Հռութը գնաց սկեսրոջ յետեւից:
15. Նոոմին ասաց Հռութին. Ահա քո տագերակինը վերադարձաւ իր ժողովրդի եւ իր աստուածների մօտ, դու էլ ե՛տ դարձիր քո տագերակնոջ յետեւից:
16. Հռութն ասաց. Ես չեմ թողնի քեզ եւ չեմ հեռանայ քեզանից. ուր էլ որ դու գնաս, ես էլ կը գնամ, որտեղ էլ որ մնաս, ես էլ կը մնամ: Քո ժողովուրդն իմ ժողովուրդն է, եւ քո Աստուածն իմ Աստուածն է:
17. Որտեղ որ դու մեռնես, այնտեղ էլ ես կը մեռնեմ եւ կը թաղուեմ. թող Տէրը այսպէս եւ սրանից աւելին անի ինձ. միայն մահը կը բաժանի ինձ քեզանից:
18. Երբ Նոոմինը տեսաւ, որ նա հաստատ որոշել է գնալ իր հետ, այլեւս չխօսեց այդ մասին նրա հետ:
19. Նրանք երկուսով գնացին, մինչեւ որ հասան Բեթղեհեմ: Երբ նրանք եկան Բեթղեհեմ, ամբողջ քաղաքը զրնգաց նրանց շուրջը: Ասում էին. Սա՞ է Նոոմինը:
20. Նա նրանց ասաց. Ինձ Նոոմին մի՛ կոչէք, այլ կոչեցէ՛ք Դառնացած, որովհետեւ Ամենակարողը խիստ դառնացրեց ինձ:
21. Լիքը գնացի, բայց Տէրը դատարկ վերադարձրեց ինձ. հիմա ինչո՞ւ էք ինձ Նոոմին կոչում: Տէրն ինձ նկուն դարձրեց, եւ Ամենակարողը չարչարեց ինձ:
22. Եւ Նոոմինն ու իր հարսը՝ մովաբացի Հռութը, վերադարձան, գնացին Մովաբի դաշտից եւ գարու ինձի սկզբին եկան Բեթղեհեմ:

1. Նոոմիսի ամուսինը մի ազգական ուներ, մեծ կարողութեան տեր մի մարդ՝ Ելիմելեքի ազգից: Նրա անունը Բոոս էր: Նա այրի Նոոմիսին տուն տուեց, որ բնակուի նրա մէջ:
2. Մովաբացի Հռութն ասաց Նոոմիսին. «Գնամ արտը եւ ում մօտ բարեհաճութիւն գտնեմ, նրա յետեւից հասկեր հաւաքեմ: Նա ասաց նրան. «Գնա՛, աղջի՛կս»:
3. Նա գնաց եւ մտնելով արտի մէջ՝ հասկ էր հաւաքում հնձողների յետեւից. եւ այնպէս պատահեց, որ նա ընկնի արտի այն մասը, որը Ելիմելեքի ազգական Բոոսինն էր:
4. Եւ ահա Բոոսը եկաւ Բեթղեհեմից եւ ասաց իր հնձուորներին. «Տերը ձեզ հետ: Նրանք ասացին. «Տերը օրհնի քեզ»:
5. Եւ Բոոսը հնձուորների վրայ նշանակուած ծառային ասաց. «Ո՞ւմ աղջիկն է դա»:
6. Հնձուորների վրայ նշանակուած ծառան պատասխանեց ու ասաց. «Դա մովաբացի աղջիկն է, որ Նոոմիսի հետ վերադարձաւ Մովաբի դաշտից եւ ասաց»:
7. Թո՛ղ, որ հնձուորների յետեւից հասկաքաղ անեմ եւ խուրճերից ընկածները հաւաքեմ: Եկել ու մնացել է այստեղ առաւօտից մինչեւ այժմ, մի փոքր դադար էլ չտուեց այս արտում»:
8. Բոոսն ասաց Հռութին. «Լսի՛ր, աղջի՛կս, հասկ հաւաքելու համար ուրիշ տեղ, ուրիշի արտը չգնաս, այստեղից ոչ մի տեղ չգնաս, այլ հէնց այստեղ, ինձ ծառայող աղջիկների մօտ մնա՛»:
9. Թող քո աչքերը լինեն այն արտի վրայ, որտեղ հունձ են անում, եւ նրա՛նց յետեւից գնա: Զե՛՞ որ ես պատուիրել եմ իմ պատանիներին, որ քեզ չդիպչեն: Եթէ ծարաւես, գնա՛ ամանների մօտ եւ խմի՛ր այդ պատանիների հանած ջրից»:
10. Աղջիկն ընկաւ երեսի վրայ եւ մինչեւ գետին խոնարհուելով՝ երկրպագութիւն արեց ու ասաց. «Ինչի՞ց է, որ քո բարեհաճութեանն արժանացայ, եւ դու հետաքրքրուեցիր ինձնով, թէեւ ես մի օտար կին եմ»:
11. Բոոսը պատասխան տուեց եւ ասաց. «Ինձ պատմել են այն ամէնը, ինչ որ արել ես դու քո սկեսրոջ համար ամուսնուդ մահուանից յետոյ. թէ ինչպէս թողել ես քո հօրն ու մօրը, քո ծննդավայրը եւ եկել ես այն ժողովրդի մօտ, որին առաջ չէիր ճանաչում»:
12. Քո արածի համար թող Տերը հատուցի քեզ, թող քո վարձը անպակաս լինի Իսրայէլի Տէր Աստծու կողմից, որին դու դիմել ես՝ նրա թելերի տակ ապաստան գտնելու համար»:
13. Հռութն ասաց. «Տէ՛ր իմ, քո առաջ շնորհ գտայ, դու միսիթարեցի ինձ, քանի որ քո աղախնի սրտից խօսեցիր. թող ես էլ քո աղախիսներից մէկը լինեմ»:
14. Բոոսը նրան ասաց. «Ահա ճաշի ժամ է, մօտեցի՛ր այստեղ, կե՛ր հացից եւ պատառո՛թաթախի՛ր քացախով պատրաստուած հիւրի մէջ: Հռութը նստեց հնձուորների մօտ, Բոոսը նրա համար փոխինձ պատրաստեց, նա կերաւ, յագեցաւ, աւելացածը պահեց»:
15. Եւ վեր կացաւ հասկ հաւաքելու: Բոոսն իր պատանիներին պատուիրեց եւ ասաց. «Թող խուրճերի միջից էլ հաւաքի, մի՛ ամաչեցնեք նրան»:
16. Այլ տարե՛ք, կուտակուած խուրճերից էլ նրա առաջը զգե՛ք, թո՛յլ տուէք ուտի եւ հասկ հաւաքի, մի՛ յանդիմանեք նրան»:
17. Նա մինչեւ երեկոյ այդ արտի մէջ հաւաքեց, հաւաքածը ծեծեց, եւ դա մի տոպրակ գարի եղաւ»:
18. Նա առաւ այն եւ քաղաք մտաւ: Երբ սկեսուրը տեսաւ նրա հաւաքածը, Հռութը հանեց, նրան տուեց այն, ինչ պահել էր կշտանալուց յետոյ»:
19. Սկեսուրը նրան ասաց. «Ո՞րտեղ հաւաքեցիր այսօր եւ ո՞րտեղ եղար. օրհնեալ լինի նա, ով լաւութիւն արեց քեզ: Եւ Հռութն իր սկեսրոջը յայտնեց, թէ որտեղ է եղել եւ ասաց, թէ Բոոս է այն մարդու անունը, որի մօտ ինքը եղել է այն օրը»:
20. Նոոմիսն իր հարսին ասաց. «Օրհնեալ լինի նա Տիրոջից, որ իր գութը չպակասեցրեց ողջերից եւ մեռածներից: Նոոմինը նրան ասաց. «Նա մեզ մօտիկ մարդ է, նա մեր ազգականներից է»:
21. Հռութն ասաց իր սկեսրոջը. «Ճիշտ է, նա ինձ ասաց՝ Ինձ ծառայող աղջիկների մօտ մնա՛, մինչեւ որ վերջացնեն իմ հունձը»:

22. Նոոմինն իր հարս Հռութին ասաց. Լաւ է, աղջի՛կս, որ նրան ծառայող աղջիկների հետ լինես, եւ չլինի, թէ մի այլ արտում քեզ ուրիշը հանդիպի:
23. Եւ Հռութը միացաւ Բոոսին ծառայող աղջիկներին ու հասկ հաւաքեց մինչեւ գարու եւ ցորենի հնձի վերջը եւ ապրում էր իր սկեսրոջ մօտ:

1. Նրա սկեսուր Նոոմին ասաց Հռութին. Աղջի՛կս, քեզ համար ապաստան փնտռեմ, որ քեզ լաւ լինի:
2. Արդ, չէ՞ որ Բոոսը, որին ծառայող աղջիկների հետ մնում էիր, մեր ազգականն է: Ահա նա այս գիշեր գարի է կախում:
3. Դու լուացուի՛ր, օծանելիք ցանուի՛ր, հագուստներդ հագի՛ր եւ դո՛ւրս արի կալը, բայց այդ մարդուն մի՛ յայտնուիր, մինչեւ որ նա ուտելն ու խմելը վերջացնի:
4. Երբ նա գնայ քնելու, իմացի՛ր նրա քնելու տեղը, գնա՛, բա՛ց արա ծածկոցը ոտքի կողմից եւ պառկի՛ր: Նա քեզ կ'ասի, թէ ինչ պիտի անես:
5. Հռութը նրան ասաց. Կ'անեմ այն ամենը, ինչ որ ասացիր ինձ:
6. Նա իջաւ կալը եւ ամեն ինչ արեց այնպես, ինչպես պատուիրել էր իր սկեսուրը:
7. Բոոսը կերաւ, խմեց, եւ նրա սիրտը զուարթացաւ, գնաց պառկեց դեզի մօտ: Հռութը թաքուն եկաւ, բացեց ծածկոցը նրա ոտքերի կողմից եւ պառկեց:
8. Կես գիշերուայ մօտ մարդը վախեցաւ, շփոթուեց եւ տեսաւ, որ իր ոտքերի մօտ մի կին է պառկել:
9. Ասաց. Ո՞վ ես դու: Նա ասաց. Ես քո աղախին Հռութն եմ: Քո քղանցքը տարածի՛ր քո աղախնի վրայ, որովհետեւ դու իմ ազգականն ես:
10. Բոոսն ասաց. Օրհնեալ լինես դու Տէր Աստծուց, աղջի՛կս, որովհետեւ քո այս վերջին բարեգթութիւնը աւելին է, քան առաջինը, քանի որ աղքատ կամ հարուստ երիտասարդների յետեւից չգնացիր:
11. Հիմա, աղջի՛կս, մի՛ վախեցիր, ինչ որ ասես ինձ, բոլորը կ'անեմ քեզ համար, որովհետեւ իմ ժողովրդի բոլոր ցեղերը գիտեն, որ դու զօրաւոր կին ես:
12. Ես, արդարեւ, քո ազգականն եմ, բայց ինձանից աւելի մօտ ուրիշ ազգական ել կայ:
13. Այս գիշեր այստեղ գիշերի՛ր, իսկ առաւօտեան եթէ այն ազգականը տեր կանգնի քեզ, լաւ է, թող տեր կանգնի, իսկ եթէ չկամենայ քեզ տեր կանգնել, ե՛ս քեզ տեր կը կանգնեմ: Կենդանի է Տէրը: Պառկի՛ր այստեղ մինչեւ առաւօտ:
14. Նա պառկեց նրա ոտքերի մօտ մինչեւ առաւօտ: Հռութը վեր կացաւ. այնքան մութ էր դեռ, որ մարդ մարդու չէր կարող ճանաչել: Բոոսն ասաց. Թող ոչ ոք չիմանայ, որ կին է եկել ինձ մօտ կալը:
15. Վրայիդ ծածկոցը բե՛ր եւ բռնի՛ր այստեղ: Հռութը բռնեց այն, եւ Բոոսը վեց չափ գարի չափեց, դրեց նրա շալակը, եւ Հռութը մտաւ քաղաք:
16. Նա գնաց իր սկեսրոջ մօտ, որը նրան ասաց. Ի՞նչ եղաւ, աղջի՛կս: Եւ նա պատմեց նրան այն ամենը, ինչ որ այդ մարդն արել էր իր համար,
17. եւ ասաց. Այս վեց չափ գարին տուեց ինձ եւ ասաց. Քո սկեսրոջ մօտ ձեռնունայն չգնաս:
18. Նոոմին ասաց. Նստի՛ր, մինչեւ որ պարզ լինի մեզ, թէ գործն ինչպես կը վերջանայ, որովհետեւ այն մարդը չի հանգստանայ, մինչեւ որ այս գործն այսօր չվերջացնի:

1. Բոոսը գնաց նստեց քաղաքի դռների մօտ: Եւ ահա նրա մօտով անցնում էր այն ազգականը, որի մասին ասել էր ինքը: Բոոսը նրան ասաց. Ե՛կ այստեղ նստի՛ր եւ մնա՛ մի պահ: Նա գնաց նստեց:
2. Բոոսը քաղաքի ծերերից տասը մարդ վերցրեց եւ ասաց. Նստեցէ՛ք այստեղ: Եւ նրանք նստեցին:
3. Բոոսն ասաց այն ազգականին. Նոոմինը, որը վերադարձել է Մովաբի դաշտից, վաճառում է մեր եղբայր Ելիմելեքի արտի բաժինը:
4. Ես ասացի, թէ կը յայտնեմ ի լուր քեզ: Հիմա այս նստածների եւ իմ ժողովրդի ծերերի ներկայութեամբ գնի՛ր: Եթէ ուզում ես ազգականի իրաւունքով նրանից այն ծախու առնել, ա՛ռ, իսկ եթէ չես ուզում ծախու առնել, ասա՛ ինձ, որ իմանամ, որովհետեւ քեզանից բացի ազգական չկայ, քեզանից յետոյ ազգականը ես եմ:
5. Բոոսն ասաց. Նոոմինից ազարակն առնելուդ օրը մովաբացի Հռութին՝ հանգուցեալի կնոջն էլ կնութեան պիտի առնես, որ վերակենդանացնես մեռածի անունն իր կալուածքում:
6. Ազգականն ասաց Բոոսին. Ես չեմ կարող ազգականի իրաւունքով այն ծախու առնել, որ չաւերեմ իմ ժառանգութիւնը, դո՛ւ տեր կանգնիր իմ ազգականութեան իրաւունքին, որովհետեւ ես չեմ կարող տեր կանգնել:
7. Առաջ Իսրայէլում ետ գնելու եւ ծախու առնելու գործում ամէն բան հաստատելու համար այս սովորութիւնը կար. մարդն իր կօշիկը հանում տալիս էր իր ընկերոջը, որը պետք է սեփականացներ նրա ազգականութեան իրաւունքը: Եւ դա Իսրայէլի մէջ դիտւում էր որպէս վկայութիւն:
8. Ազգականը Բոոսին ասաց. Դո՛ւ ստացիր իմ ազգականութեան իրաւունքը: Եւ հանեց իր կօշիկն ու տուեց նրան:
9. Բոոսն ասաց ծերերին եւ ամբողջ ժողովրդին. Դուք այսօր վկայ էք, որ ես Ելիմելեքի ամբողջ ստացուածքը եւ Զեյլոնի ու Մաալոնի ամբողջ ստացուածքը Նոոմինի ձեռքից գնում եմ:
10. Նաեւ Մաալոնի կնոջը՝ մովաբացի Հռութին ինձ կնութեան եմ առնում, որ մեռածի անունը պահեմ իր կալուածքում, եւ նրա անունը չվերանայ իր եղբայրների միջից ու իր բնակավայրի ցեղից. դուք այսօր դրա վկաներն էք:
11. Քաղաքի դռանը գտնուող ամբողջ ժողովուրդը պատասխան տուեց եւ ասաց. Մենք վկայ ենք: Ծերերն ասացին. Տերը թող քո տունը մտնող կնոջը դարձնի Ռաքելի եւ Լիայի նման, որոնք երկուսով կառուցեցին Իսրայէլի տունը: Դու Եփրաթայում ո՛ւժ հաւաքիր եւ Բեթղեհեմում անո՛ն վաստակիր:
12. Քո տունը թող լինի Փարէսի տան
13. Նման, որին Թամարը Յուդայի համար ծնեց այն սերնդից: Եւ Տերը քեզ որդի կը տայ այդ աղջկանից:
14. Բոոսը կնութեան առաւ Հռութին, որը մտաւ նրա տունը. Տերը նրան յղիութիւն տուեց, եւ նա որդի ծնեց:
15. Կանայք ասացին Նոոմինին. Օրինեալ լինի Տերը. Նա քեզ այսօր առանց ազգականի չթողեց, որ քո անունն Իսրայէլի մէջ յիշուի.
16. Նորածինը քեզ սիրտ կը տայ եւ կը կերակրի քո ծերութեան ժամանակ, որովհետեւ քեզ սիրող հարսը ծնեց մի որդի, որ քեզ համար եօթը որդուց լաւ է:
17. Նոոմինն առաւ մանկանը, դրեց իր ծոցը եւ նրա համար դայեակ եղաւ:
18. Դրացիները նրան անուն դրին եւ ասացին. Նոոմինը որդու տեր դարձաւ: Նրա անունը Օբեդ դրին: Նա Դաւթի հօր՝ Յեսսէի հայրն է:
19. Փարէսի ազգատոհմը այս է. Փարէսը ծնեց Եսրոմին,
20. Եսրոմը ծնեց Արամին, Արամը ծնեց Ամինադաբին,
21. Ամինադաբը ծնեց Նաասոնին, Նաասոնը ծնեց Սաղմոնին,
22. Սաղմոնը ծնեց Բոոսին, Բոոսը ծնեց Օբեդին,

23. Օրեղը ծնեց Յեսսէին, Յեսսէն ծնեց Դաւթին:

ԹԱԳԱԻՈՐՈՒԹԻՒՆՆԵՐ Ա

1. Արիմաթեմ Սիբայից՝ Եփրեմի լեռից եկած Եղկանա անունով Նասիբ Եփրեմցի մի մարդ կար: Նա Թուկիի որդի Հեղիի որդի Յերեմիելի որդին էր:
2. Նա երկու կին ուներ. մեկի անունն էր Աննա, իսկ երկրորդինը՝ Փեննանա:
3. Փեննանան ուներ որդիներ, իսկ Աննան որդի չուներ: Այդ մարդը տարեցտարի ելնում էր իր Արիմաթեմ քաղաքից, գնում էր Սելով զօրութիւնների Տեր Աստծուն երկրպագելու եւ զոհ մատուցելու: Այնտեղ էին Նաեւ Հեղին եւ Նրա երկու որդիները՝ Օփնին ու Փենեւը, որոնք Տիրոջ քահանաներն էին:
4. Եղկանան իր զոհ մատուցած օրը իր կին Փեննանային, Նրա որդիներին ու դուստրերին բաժիններ տուեց:
5. Իսկ Աննային մեկ բաժին տուեց, քանզի Նա որդի չուներ: Եղկանան, սակայն, Աննային առաւել էր սիրում, քան Փեննանային, քանզի Տէրը փակել էր Նրա արգանդը, որպէսզի Նրան որդի չպարգեւելով՝ տառապանք ու տրտմութիւն պատճառի Նրան:
6. Եղկանան տրտմել էր, որ Տէրը փակել էր Նրա արգանդը, որպէսզի Նրան որդի չպարգեւի:
7. Նա ամեն տարի Տիրոջ տունը գալով՝ այդպէս էր վարւում, բայց Աննան տրտմում էր, լալիս եւ ոչինչ չէր ուտում:
8. Նրա ամուսին Եղկանան ասաց Նրան. Աննա: Սա ասաց. Այստեղ եմ, տէ՛ր: Եղկանան ասաց Նրան. Ինչո՞ւ ես լալիս, ինչո՞ւ չես ուտում, եւ ինչո՞ւ է հոգիդ ալեկոծւում, մի՞թէ ես քեզ համար տասը որդուց լաւ չեմ:
9. Նրա հետ ուտելուց յետոյ Աննան եկաւ Սելով ու կանգնեց Տիրոջ առջեւ:
10. Հեղի քահանան նստել էր մի աթոռի վրայ, Տիրոջ տաճարի սեմի մօտ: Նա վշտահար հոգով աղօթեց Տիրոջը ու դառնօրէն լաց եղաւ եւ ասաց.
11. Իսրայէլի Տէ՛ր Աստուած, զօրութիւնների՝ Տէր, եթէ կամենաս տեսնել քո աղախնի տառապանքները, ինձ յիշես ու արու գաւակ տաս քո աղախնին, մինչեւ Նրա մահուան օրը քեզ կը նուիրեմ Նրան, Նա գինի չի խմի ու չի հարբի եւ Նրա գլխին ածելի չի դիպչի:
12. Նա երկար աղօթեց Տիրոջ առաջ, եւ Հեղի քահանան հետեւելով Նրա շրթունքներին՝ նկատեց, որ աղօթում է մտքում. շրթունքները չէին շարժւում:
13. Ձայնը լսելի չէր, բայց Տէրը լսեց Նրան:
14. Հեղին կարծեց, թէ Նա հարբած է, ուստի Հեղիի սպասաւորն ասաց Աննային. Մինչեւ ե՞րբ հարբած վիճակում ես մնալու, սթափուի՛ր գինովութիւնից ու գնա հեռացի՛ր Տիրոջ առջեւից:
15. Պատասխան տալով Աննան ասաց. Ո՛չ, Տէ՛ր, այդպէս չէ: Ես վշտացած սրտով կին եմ: Ո՛չ գինի եմ խմել, ո՛չ էլ հարբած եմ: Ես իմ սիրտն եմ բացել Տիրոջ առջեւ:
16. Քո աղախնին անզգամ կին մի՛ համարիր, ես իմ բազում տրտմութիւնից եւ իմ տխրութիւնից մտամոլոր կանգնել եմ մինչեւ այժմ:
17. Պատասխան տուեց Հեղին եւ ասաց. Գնա՛ խաղաղութեամբ եւ Իսրայէլի Աստուածը թող կատարի Նրանից հայցած քո բոլոր խնդրանքները:
18. Աննան ասաց. Քո աղախինը շնորհ գտաւ քո առաջ: Եւ կինը գնաց իր ճանապարհով, մտաւ իր կացարանը, կերաւ ու խօսեց իր ամուսնու հետ, եւ իր երեսից վերացաւ տխրութիւնը:
19. Առաւօտ կանուխ Նրանք երկրպագեցին Տիրոջը եւ գնացին իրենց ճանապարհով: Եղկանան մտաւ Արիմաթեմում գտնուող իր տունը ու մերձեցաւ իր կնոջը՝ Աննային:
20. Տէրը Նրան յիշեց, եւ կինը յղիացաւ: Երբ ժամանակը հասաւ, ծնեց որդի, որի անունը դրեց Սամուէլ՝ ասելով, թէ՛ Նրան զօրութիւնների Տէր Աստծուց եմ խնդրել:
21. Նրա ամուսինը՝ Եղկանան ու իր ամբողջ ընտանիքը եկան Սելով՝ տարուայ զոհը մատուցելու:
22. Նա իր ուխտ արած ընծաներն ու ամբողջ ունեցուածքի տասանորդը ընծայեց: Բայց Աննան չգնաց Նրա հետ եւ ասաց իր ամուսնուն. Մնամ այստեղ, մինչեւ մանկանը կրծքից կտրեմ, ապա կը տանեմ Նրան, որ ներկայանայ Տիրոջ առջեւ եւ այնտեղ ծառայի



ընդմիջտ:

23. Նրա ամուսին Եղկանան նրան ասաց. Արա՛ այնպես, ինչպես յարմար ես գտնում. նստի՛ր այստեղ մինչեւ նրան կտրես կրծքից: Թող Տէրը կատարի այն, ինչ ելաւ քո բերանից: Կինը նստեց եւ կերակրեց իր որդուն, մինչեւ նրան կրծքից կտրելը:

24. Դրանից յետոյ նրանք գնացին Սելով՝ իրենց հետ վերցնելով երեք տարեկան մի զուարակ, կլոր հացեր, մէկ արդուի չափ ընտիր ալիւր եւ մի սափոր գինի: Նրանք մտան Սելովում գտնուող Տիրոջ տունը: Մանուկն իրենց հետ էր:

25. Նրանք նրան ընծայեցին Տիրոջը: Նրա հայրը մորթեց զոհը, որ ամէն տարի մատուցում էր Տիրոջը: Նա մօտ բերեց մանկանը եւ մորթեց զուարակը մանկան փրկութեան համար:

26. Աննան՝ մանկան մայրը, նրան տարաւ Հեղիի մօտ՝ ասելով. Աղաչում եմ, տէ՛ր իմ, ինչպես ճիշտ է, որ դու կենդանի ես, այնպես էլ ճիշտ է, որ ես այն կինն եմ, որ կանգնել էի քո առջեւ եւ Տիրոջն էի աղօթում ահա այս մանկան համար:

27. Տէրը կատարեց իրենից հայցած իմ խնդրանքը:

28. Արդ, իբրեւ դրա հատուցում, նրան նուիրում եմ Տիրոջը. ինչքան որ ապրի, թող ծառայի Տիրոջը:

29. Եւ նրանք այնտեղ երկրպագեցին Տիրոջը:

1. Աննան աղօթել սկսեց ու ասաց. Սիրտս ամրացաւ իմ Տիրոջ շնորհիւ, գլուխս բարձր եմ պահում Տիրոջ շնորհիւ, բերանս լայն բացուեց իմ թշնամիների դէմ, ուրախ եղայ, որ փրկեցիր ինձ:
2. Տիրոջ նման սուրբ չկայ, մեր Աստծու նման արդար չկայ,
3. Եւ քեզանից բացի սուրբ չկայ: Մի՛ պարծենաք ու մի՛ խօսէք ամբարտաւան բաներ, մեծախօսութիւն թող չլսուի ձեր բերանից, քանզի Աստուած իմացութիւնների Տէրն է, եւ նա՛ է պատրաստում իր զարմանահրաշ գործերը:
4. Հօգօրների աղէղները տկարացան, իսկ տկարները զօրութիւն ստացան:
5. Հացով կշտացածները հիւժուեցին, իսկ քաղցածները երկրում բնակուեցին, ամուլը եօթը որդի ծնեց, իսկ բազմածինը դադարեց որդի ունենալուց:
6. Տէրն է սպանում եւ ապրեցնում, իջեցնում գերեզման եւ դուրս բերում այնտեղից:
7. Տէրն է աղքատացնում ու հարստացնում, ստորացնում ու բարձրացնում:
8. Գետնից բարձրացնում է տնանկին, աղքատին հանում աղբանոցից, որ նրանց նստեցնի ժողովրդի իշխանների հետ ու փառքի գահին բազմեցնի նրանց:
9. Նա ուխտաւորի ուխտն է կատարում, արդարների տարիներն է օրհնում: Ուժեղն իր շնորհքով չէ, որ հօգօր է: Տէրը տկարացնում է իր հակառակորդներին: Տէրը սուրբ է: Ո՛չ իմաստունը թող պարծենայ իր իմաստութեամբ, ո՛չ հօգօրն իր զօրութեամբ, ո՛չ էլ մեծատունն իր հարստութեամբ: Պարծեցողը պետք է պարծենայ նրանով, որ իմանում ու ճանաչում է Տիրոջը, երկրում իրաւունք եւ արդարութիւն է գործադրում:
10. Տէրը երկինք ելաւ ու որոտաց, ինքն է, որ արդար է դատելու երկիրն իր չորս ծագերով, զօրութիւն տալու մեր թագաւորներին եւ զօրավիգ լինելու իր օծեալին:
11. Եւ նրանք մանկանը թողնելով այնտեղ՝ Տիրոջ առջեւ, գնացին Արիմաթէմ, իրենց տունը: Մանուկ Սամուէլը Հեղի քահանայի մօտ Տիրոջն էր ծառայում:
12. Հեղի քահանայի որդիները, սակայն, անզգամ էին եւ չէին ճանաչում Տիրոջը:
13. Չոհ մատուցելիս քահանան ժողովրդից պահանջում էր հետեւեալը. միսը եփուելիս քահանայի սպասաւորը, եռաժանի պատառաքաղը ձեռքին պիտի գար, այն մտցնէր տաշտի, պղնձէ մեծ կաթսայի կամ պտուկի մէջ, եւ ինչ որ հանէր մեծ պատառաքաղն այնտեղից, պետք է պատկանէր քահանային:
14. Այսպէս էին վարում բոլոր իսրայէլացիների զոհերի հետ, որոնք գալիս էին զոհեր մատուցելու Սելովում, Տիրոջ տանը:
15. Նախքան ճարպն այրելը գալիս էր քահանայի սպասաւորը եւ ասում զոհ մատուցողին. Քահանային խորովելու միս տո՛ւր, եւ ես կաթսայում եփուող մսից չեմ առնի:
16. Չոհ մատուցողն ասում էր. Թող նախ ճարպն այրուի, ինչպէս օրէնքն է, ապա ա՛ռ այնքան, ինչքան սիրտդ ցանկանայ:
17. Իսկ նա ասում էր. Ո՛չ, հիմա՛ տուր, ապա թէ ոչ՝ բռնի կ'առնեմ: Այդ երիտասարդների մեղքերը շատ էին Տիրոջ առաջ:
18. Մանուկ Սամուէլը, քաթանէ վակաս հագած, Տիրոջ առջեւ ծառայութիւն էր անում:
19. Մայրն ամէն տարի կարճ վերարկու էր պատրաստում ու բերում նրան, երբ իր ամուսնու հետ բարձրանում էր ամենամեայ զոհը մատուցելու:
20. Հեղին օրհնելով Եղկանային ու նրա կնոջը՝ ասաց. Տիրոջը քո նուիրած այս մանկան փոխարէն Տէրը քեզ թող այդ կնոջից զաւակներ պարգեւի: Եւ Եղկանան գնաց իր բնակավայրը:
21. Տէրն այցելեց Աննային, սա յղիացաւ ու ծնեց եւս երեք տղայ ու երեք աղջիկ: Մանուկ Սամուէլն էլ մեծացաւ Տիրոջ առջեւ:
22. Հեղին շատ էր ծերացել եւ տեղեակ էր այն ամենին, ինչ նրա որդիներն անում էին իսրայէլացիների նկատմամբ եւ թէ ինչպէս պառկում էին ուխտաւոր կանանց հետ վկայութեան խորանի դռան մօտ:
23. Նա նրանց ասաց. Ինչո՞ւ էք այնպիսի բաներ անում, որ ես այդ բաները լսեմ Տիրոջ

ամբողջ ժողովրդի բերանից:

24. Մի՛ արեք, որդեակներ, իմ լսած լուրը բարի չէ, դուք Աստծու ժողովրդին չէք ծառայում:

25. Եթե մարդը մեղանչում է մարդու դեմ, ապա պետք է աղօթի Տիրոջը, իսկ եթե Տիրոջ դեմ է մեղանչում, ո՞վ պետք է նրա համար աղօթի: Նրանք սակայն չէին լսում իրենց հոր խօսքերը, քանզի Տէրը ուզում էր կործանել նրանց:

26. Եւ մանուկ Սամուէլը շարունակում էր մեծանալ եւ հաճելի էր դառնում Տիրոջն ու մարդկանց:

27. Աստծու հրեշտակը եկաւ Հեղիի մօտ եւ ասաց. Այսպես է ասում Տէրը. Երբ քո հոր նախնիները եգիպտացիների երկրում փարաւոնի տանը ստրուկ էին, քո հոր տանը յայտնապես երեւացի

28. եւ Իսրայելի բոլոր ազգատոհմերի միջից ընտրեցի քո հօ՛ր տունը, որպէսզի նրանք ինձ համար քահանայագործեն, որ իմ զոհասեղանին բարձրանան, խունկ ծխեն, իմ առջեւ վակաս հագնեն: Ես քո հոր սերունդներին իբրեւ կերակուր եմ տուել իսրայելացիների մատուցած բոլոր ողջակէզներն ու զոհերը:

29. Ինչո՞ւ ես ժպրի աչքով նայում իմ խնկերին ու զոհերին եւ ինձանից աւելի ես փառաւորում քո որդիներին, այն աստիճան, որ նրանք յանդգնում են օրհնել իսրայելացիներին՝ ինձ մատուցած ամեն տեսակի զոհերը:

30. Ահա թէ ինչու Իսրայելի Տէր Աստուածն այսպես է կարգադրում. Ասել եմ, որ քո տունը եւ քո հոր տունը իմ առջեւ պետք է ծառայեն յաւիտեան, սակայն հիմա Տէրն ասում է. Հիմա այդպես թող չլինի. քանզի ես փառաւորելու եմ ինձ փառաւորողներին, իսկ ովքեր ինձ արհամարհում են, անարգելու եմ:

31. Ահա օրեր պիտի գան, երբ պիտի սպանեմ քո սերնդին եւ քո հոր տան սերնդին, որպէսզի ծեր չլինի քո տան մէջ:

32. Ու ողբագին պիտի նայես այն բոլոր բարութիւններին, որ Տէր Աստուածն անելու է Իսրայելին, եւ քո տան մէջ բնաւ ծեր չի լինելու:

33. Միայն մէկի՛ն պիտի թողնեմ իմ զոհասեղանի մօտ, որպէսզի նուազեն նրա աչքերը, եւ հալումաշ լինի նրա սիրտը: Զո տան բոլոր մնացեալ անդամները ընկնելու են մարդկանց սրով:

34. Թող քեզ նշան լինի այս բանը, որ գալու է քո երկու որդիների՝ Օփնիի եւ Փենեէսի գլխին. նրանք երկուսն էլ նոյն օրն են մեռնելու:

35. Ես ինձ համար հաւատարիմ մի քահանայ մեշտեղ պիտի հանեմ, որ կատարի այն ամենը, ինչ կայ իմ մտքում եւ հոգում: Նրա սերունդը հաստատուն պիտի պահեմ, որ միշտ իմ օծեալի առջեւ ծառայի:

36. Այնպես պիտի լինի, որ քո տնից ով կենդանի մնայ, մի արծաթի չնչին կտորի եւ մի նկանակ հացի համար գայ նրան երկրպագելու եւ ասի. Աղաչում եմ, ինձ քահանայական մի պաշտօն տո՛ւր, որ մի պատառ հաց ուտեմ:

1. Պատանի Սամուէլը Հեղի քահանայի առջեւ Տիրոջը ծառայութիւնն էր անում: Այդ օրերին Տիրոջ խօսքը հազուադիւս էր, եւ տեսիլք չկար, որ գուշակուէր:
2. Եւ պատահեց, որ այդ ժամանակ Հեղին ննջում էր իր սենեակում. նրա աչքերն սկսել էին տկարանալ, ու նա չէր կարողանում տեսնել:
3. Աստծու տաճարի ճրագը դեռ չէր հանգել, եւ Սամուէլը ննջում էր Տիրոջ տաճարում, ուր գտնւում էր Աստծու տապանակը:
4. Տէրը կանչեց՝ ասելով. Սամուէ՛լ, Սամուէ՛լ: Սա պատասխանեց. Ահա այստեղ եմ:
5. Նա Հեղիի մօտ վազելով՝ ասաց. Ահա ես այստեղ եմ, ինչո՞ւ կանչեցիր ինձ: Նա ասաց. Ես քեզ չեմ կանչել, վերադարձի՛ր ու քնի՛ր:
6. Նա վերադարձաւ ու քնեց: Տէրը կրկին կանչեց. Սամուէ՛լ, Սամուէ՛լ: Վեր կացաւ Սամուէլը, երկրորդ անգամ գնաց Հեղիի մօտ ու ասաց. Ահա այստեղ եմ, ինչո՞ւ կանչեցիր ինձ: Նա ասաց. Ես քեզ չեմ կանչել, որդեա՛կ իմ, վերադարձի՛ր ու քնի՛ր:
7. Սամուէլը, նախ, անծանօթ էր Տիրոջը, եւ Տիրոջ խօսքը նրան դեռ չէր յայտնուել:
8. Նորից՝ երրորդ անգամ Տէրը կանչեց Սամուէլին, որը վեր կացաւ, գնաց Հեղիի մօտ եւ ասաց. Ահա այստեղ եմ, ինչո՞ւ կանչեցիր ինձ:
9. Հեղին հասկացաւ, որ Տէրն է կանչում պատանուն: Հեղին ասաց Սամուէլին. Վերադարձի՛ր, որդեա՛կ, ու ննջի՛ր: Եւ եթէ որեւէ մէկը քեզ կանչի, կ'ասես. Խօսի՛ր, Տէ՛ր, քո ծառան լսում է:
10. Գնաց Սամուէլն ու պառկեց իր տեղում: Տէրն եկաւ, կանգնեց եւ, ինչպէս նախորդ անգամները, կանչեց նրան. Սամուէ՛լ, Սամուէ՛լ:
11. Սամուէլն ասաց. Խօսի՛ր, Տէ՛ր, քո ծառան լսում է: Տէրն ասաց Սամուէլին. Ահա ես Իսրայէլի մէջ այնպիսի բաներ պիտի անեմ, որ, ով լսի դրանք, ականջները պիտի զնգան:
12. Այդ օրը Հեղիի նկատմամբ պիտի կատարեմ այն ամենը, ինչ նրա տան համար ասել եմ, սկզբից մինչեւ վախճանը:
13. Ինչպէս ասել եմ իրեն, իր որդիների գործած անօրէնութիւնների համար մինչեւ վերջ իր սերնդից վրեժ պիտի լուծեմ, որովհետեւ իր որդիները Աստծուն էին անարգում, իսկ նա նրանց չէր յանդիմանում:
14. Աւելին. երդուել եմ Հեղիի տան վրայ, որ նրա տան անօրէնութիւնը խնկերով եւ զոհերով քաւութիւն չի ստանալու յաւիտեան:
15. Սամուէլը ննջեց մինչեւ առաւօտ եւ վաղ առաւօտեան, զարթնելով, բացեց Տիրոջ տան դռները:
16. Սամուէլը վախեցաւ տեսիլքը պատմել Հեղիին:
17. Հեղին Սամուէլին ասաց. Սամուէ՛լ, որդեա՛կ: Սա ասաց. Ահա այստեղ եմ: Նա ասաց. Ինչ խօսքեր որ քեզ ասաց Տէրը, մի՛ թաքցրու ինձանից: Աստուած քեզ թող առաւել պատժի, եթէ քո ականջին ասուած խօսքերից որեւէ բան թաքցնես ինձանից:
18. Սամուէլն ամեն ինչ պատմեց նրան՝ նրանից ոչինչ չթաքցնելով: Հեղին ասաց. Տէրը թող անի այն, ինչ բարի է իր համար:
19. Սամուէլը մեծացաւ, Տէրը նրա հետ էր, եւ նրա ասած խօսքերից ոչ մէկը գետնին չմնաց:
20. Ամբողջ Իսրայէլը, Դանից մինչեւ Բերսաբէէ, իմացաւ, որ Սամուէլը դարձել է Տիրոջ մարգարէ:
21. Տէրը կրկին երեւաց Սելովում: Տէրը Սամուէլին երեւաց ըստ իր ասած խօսքի: Սամուէլը հաւատարմութեամբ դարձաւ Տիրոջ մարգարէն ամբողջ Իսրայէլի մէջ, երկրի մի ծայրից միւսը: Հեղին շատ էր ծերացել, իսկ որդիները շարունակում էին իրենց ընթացքը, եւ նրանց ճանապարհը չար էր:

1. Այդ օրերին այլազգիները յարձակուեցին Իսրայելի վրայ: Իսրայելը նրանց դեմ պատերազմի ելաւ եւ Աբենեզերում բանակատեղի դրեց, իսկ այլազգիները բանակատեղի դրեցին Ափեկում:
2. Այլազգիները ճակատամարտ տուին Իսրայելի դեմ, պատերազմն սկսուեց, եւ Իսրայելը այլազգիներից պարտուեց:
3. Ռազմի դաշտում չորս հազար զինուոր ընկաւ: Երբ զօրքը վերադարձաւ բանակատեղի, Իսրայելի ծերերն ասացին. Ինչո՞ւ Տէրն այսօր մեզ պարտութեան մատնեց այլազգիների առաջ: Սելովից մեզ մօտ բերենք մեր Աստծու ուխտի տապանակը, որ մեզ մօտ լինի ու մեզ փրկի մեր թշնամիների ձեռքից:
4. Ժողովուրդը մարդիկ ուղարկեց Սելով, որոնք այնտեղից բերեցին քերովբէների միջեւ նստած զօրութիւնների Տիրոջ ուխտի տապանակը: Հեղիի երկու որդիները՝ Օփնին ու Փենեւը, Աստծու ուխտի տապանակի հետ գնացին:
5. Երբ Տիրոջ ուխտի տապանակը բանակատեղի բերուեց, ամբողջ Իսրայելը մեծաձայն աղաղակեց, եւ երկիրը թնդաց:
6. Լսելով աղաղակի ձայնը՝ այլազգիներն ասացին. Այս ի՞նչ բարձրագոյն աղաղակ է եբրայեցիների բանակատեղիում:
7. Նրանք իմացան, որ Տիրոջ տապանակն են բերել բանակատեղի: Այլազգիները վախեցան ու ասացին. Նրանց աստուածները եկել են բանակատեղի: Փրկի՛ր մեզ այսօր, Տէ՛ր:
8. Վա՛յ մեզ, քանզի այսպիսի բան չկար երեկ ու նախորդ օրը: Վա՛յ մեզ, ո՞վ կը փրկի մեզ այդ հզօր աստուածների ձեռքից: Սրանք այն աստուածներն են, որ Եգիպտոսին ամեն տեսակ հարուածներ հասցրին նաեւ ամբողջ անապատում:
9. Գօտեպնդուեցէ՛ք եւ տղամա՛րդ եղեք, ո՛վ այլազգիներ, չլինի թէ ստրուկ դառնաք եբրայեցիներին, ինչպէս որ ձեզ նրանք ստրուկ եղան: Տղամա՛րդ եղեք եւ պատերազմեցէ՛ք նրանց դեմ:
10. Այլազգիները պատերազմեցին նրանց դեմ, եւ բոլոր իսրայելացիները փախան դեպի իրենց յարկերը: Շատ մեծ կոտորած եղաւ, եւ իսրայելացիներից երեսուն հազար հետեւակ ընկաւ:
11. Աստծու տապանակը գերուեց, իսկ Հեղիի երկու որդիները՝ Օփնին ու Փենեւը սպանուեցին:
12. Այդ օրը մի համինացի մարդ բանակատեղիից վազելով եկաւ Սելով: Նա պատառոտել էր իր զգեստները եւ գլխին հող ածել:
13. Երբ հասաւ, Հեղին տաճարի դռան առաջ նստած էր աթոռին ու ճանապարհին էր նայում, քանզի նրա սիրտը տագնապի մէջ էր Աստծու տապանակի համար: Այդ մարդը քաղաք մտնելով գոյժը հաղորդեց, ու քաղաքն աղաղակեց:
14. Հեղին, լսելով աղաղակը, ասաց. Այդ ի՞նչ աղաղակ է: Մարդն շտապ եկաւ, որ գոյժը հաղորդի Հեղիին:
15. Հեղին իննսունութ տարեկան էր, աչքերն այնքան էին տկարացել, որ չէր տեսնում: Հեղին իրեն շրջապատող մարդկանց ասաց. Այս ի՞նչ աղաղակ է:
16. Մարդը շուտափոյթ մտաւ Հեղիի մօտ եւ ասաց նրան. Ես եկել եմ բանակից, ռազմադաշտից այսօր եմ փախել: Հեղին ասաց. Ի՞նչ է պատահել, որդեա՛կ, պատմի՛ր ինձ:
17. Պատանին պատասխանեց. Իսրայելացիները այլազգիների առջեւից փախան, ժողովուրդը մեծ կոտորածի ենթարկուեց, քո երկու որդիները՝ Օփնին եւ Փենեւը, սպանուեցին, իսկ Աստծու տապանակը գերուեց:
18. Եւ երբ նա յիշեց Աստծու տապանակը, Հեղին աթոռից յետ ընկաւ դռան մօտ, նրա ողնաշարը ջարդուեց եւ մեռաւ, քանի որ ծեր ու ծանրացած մարդ էր: Նա Իսրայելի մէջ քսան տարի դատաւորութիւն էր արել:
19. Հեղիի հարսը՝ Փենեւսի կինը, յղի էր, ծննդաբերելու օրերը մօտ էին, եւ երբ Աստծու

տապանակի գերուելու եւ իր սկեսրայրի ու ամուսնու մահուան լուրը լսեց, լաց եղաւ ու ծնեց, քանզի երկունքի ցաւերը պատել էին նրան:

20. Երբ նա մեռնում էր, նրան շրջապատող կանայք ասացին. Մի՛ վախեցիր, քանզի տղայ ծնեցիր: Նա պատասխան չտուեց եւ ուշադրութիւն չդարձրեց:

21. Աստծու տապանակի, սկեսրայրի եւ իր ամուսնու պատճառով մանկանը կոչեցին Վայ քաբոթ՝

22. ասելով. Իսրայէլի փառքը վերացաւ, որովհետեւ Տիրոջ տապանակը գերուեց, նրա սկեսրայրն ու ամուսինը մեռան:

1. Այլազգիները Աստծու տապանակը վերցրին ու այն Աբենեզերից տարան Ազոտոս:
2. Այլազգիները Տիրոջ տապանակը դրեցին Դագոնի տաճարը եւ կանգնեցրին Դագոնի կողքին:
3. Յաջորդ օրը վաղ առաւօտեան զարթնեցին ազոտացիները, մտան Դագոնի տաճարը եւ տեսան, որ Դագոնը Տիրոջ տապանակի առջեւ երեսնիվայր ընկած է: Նրանք բարձրացրին Դագոնը եւ դրեցին իր տեղը: Տիրոջ ձեռքը բարձրացաւ ազոտացիների վրայ: Նա չարչարեց Ազոտոսի ամբողջ տարածքում ապրող մարդկանց, թուրքով հիւանդացրեց նրանց:
4. Երբ յաջորդ առաւօտ նորից կանուխ զարթնեցին, տեսան, որ Դագոնը Տիրոջ ուխտի տապանակի առջեւ երեսնիվայր ընկած է, Դագոնի գլուխն ու ոտքի երկու թաթերը ջարդուած են ու գետնին ցրուած, ձեռքի երկու դաստակները ընկած են դռան սեմին: Դագոնի միայն իրանն էր մնացել:
5. Այդ պատճառով է, որ Դագոնի քրմերն ու բոլոր նրանք, ովքեր մտնում են Դագոնի տաճարը, մինչեւ օրս Ազոտոսի Դագոնի տաճարի սեմին ոտք չեն դնում, այլ ցատկելով վրայից են անցնում:
6. Եւ Տիրոջ ձեռքը բարձրացաւ Ազոտոսի վրայ, թուրքով հիւանդացրեց նրանց, նրանց դաշտերում վիտալ տուեց մկներին, եւ քաղաքում մահառիթ սոսկում առաջացաւ:
7. Այս դէպքը տեսնելով՝ Ազոտոսի բնակիչներն ասացին. Աստծու տապանակը թող չմնայ մեզ մօտ, քանզի նրա ձեռքը բարձրացաւ մեր եւ մեր աստծու՝ Դագոնի վրայ:
8. Նրանք մարդ ուղարկեցին եւ այլազգիների բոլոր իշխաններին իրենց մօտ հաւաքելով՝ ասացին. Ինչ անենք Իսրայէլի Աստծու տապանակը: Գեթացիները ասացին. Իսրայէլի Աստծու տապանակը թող մեզ մօտ փոխադրուի: Եւ Աստծու տապանակը փոխադրուեց Գեթ:
9. Երբոր տապանակը այնտեղ փոխադրուեց, Տիրոջ ձեռքը բարձրացաւ այդ քաղաքի վրայ, շատ մեծ խռովութիւն բարձրացաւ, Տէրը քաղաքի մարդկանց՝ փոքրից մինչեւ մեծերը, չարչարեց, նրանց հիւանդացրեց թուրքով, եւ Գեթացիները թուրքով տառապեցին:
10. Աստծու տապանակը ուղարկեցին Ասկադոն: Երբ Աստծու տապանակը մտաւ Ասկադոն, ասկադոնացիները բողոք բարձրացրին՝ ասելով. Ինչո՞ւ Իսրայէլի Աստծու տապանակը մեզ մօտ բերեցիք, որ մեզ եւ մեր ժողովրդին սպանէք:
11. Մարդ ուղարկեցին, հաւաքեցին այլազգիների բոլոր իշխաններին ու ասացին. Իսրայէլի Աստծու տապանակը յե՛տ ուղարկեցէք, թող մնայ իր տեղում, որ մեզ ու մեր ժողովրդին չկոտորի: Մի մահառիթ սոսկում էր պատել ամբողջ քաղաքն այն բանից յետոյ, երբ Իսրայէլի Աստծու տապանակը այնտեղ էր մտել:
12. Մահից ազատուելով կենդանի մնացած մարդիկ թուրքով էին տառապում, եւ քաղաքի աղաղակը երկինք բարձրացաւ:

1. Տիրոջ տապանակը եօթը ամիս մնաց այլազգիների երկրում: Նրանց երկրում Տերը վիստալ տուեց մկներին:
2. Այլազգիներն իրենց քրմերին, գուշակներին եւ կախարդներին կանչեցին ու ասացին. Ի՞նչ անենք Տիրոջ տապանակը, մեզ խորհուրդ տուէ՛ք, թէ ինչպէ՞ս այն իր տեղն ուղարկենք:
3. Նրանք ասացին. Եթէ Իսրայէլի Տեր Աստծու ուխտի տապանակը ուղարկէք, այն դատարկ մի՛ ուղարկէք, այլ անպատճառ պատուհասի վերացման գոհաբերութիւն արէ՛ք Նրան: Այն ժամանակ կը բուժուէք, Տերը կը ների ձեզ, եւ գուցէ թէ Նրա պատժող ձեռքը վերանայ ձեզանից:
4. Նրանք ասացին. Պատուհասի վերացման ինչպիսի՞ գոհաբերութիւն մատուցենք: Նրանք պատասխանեցին. Այլազգիների իշխանների թուի համեմատ յետոյքի ոսկէ հինգ քանդակներ կերտեցէ՛ք եւ ոսկէ հինգ մկներ ձուլեցէ՛ք, քանզի Նոյն այդ հարուածներն են իջել ձեզ, ձեր իշխանների ու ձեր ժողովրդի վրայ:
5. Արդ, կերտեցէ՛ք ձեր յետոյքների քանդակները, ձեր երկիրն ապականող մկների արծանիկները եւ փառաւորեցէ՛ք Տիրոջը, որ Նա վերացնի իր ձեռքը ձեր, ձեր աստուածների ու ձեր երկրի վրայից:
6. Ինչո՞ւ էք ձեր սրտերը կարծրացնում այնպէս, ինչպէս Եգիպտոսն ու փարաւոնն էին կարծրացրել իրենց սրտերը: Չէ՞ որ Աստուած Նախ յաղթեց Եգիպտացիներին եւ յետոյ միայն իսրայէլացիներին ազատ արձակեց, որ գնան: Արդ, տախտակ վերցրէ՛ք եւ մի Նոր սայլ պատրաստեցէ՛ք:
7. Բերէ՛ք անդրանկածին երկու երինջ, որոնք դեռ ձագ չեն բերել: Երինջները սայլին լծեցէ՛ք, իսկ յետեւից եկող հորթերին գոմում փակեցէ՛ք:
8. Վերցրէ՛ք Տիրոջ տապանակը եւ այն դրէ՛ք սայլի վրայ, իսկ պատուհասի վերացման համար մատուցուող ոսկէ ընծաները դրէ՛ք քուրձէ տոպրակի մէջ, դրա կողքին:
9. Հրեցէ՛ք սայլը եւ թողէ՛ք, որ գնայ: Հետեւեցէ՛ք եւ տեսէ՛ք. Եթէ դեպի իր սահմանը՝ Բեթսամիւս Է գնում, ուրեմն մեզ մեծամեծ չարիքներով պատժողը Տերն է, իսկ եթէ՝ ոչ, իմացէ՛ք, որ Տիրոջ ձեռքը չէ, որ մեզ պատուհասել է, այլ եղած պատիժները պատահական են:
10. Այլազգիներն այդպէս էլ արեցին: Նրանք բերեցին անդրանկածին երկու երինջ, դրանք լծեցին սայլին, իսկ դրանց հորթերը պահեցին գոմում:
11. Սայլի վրայ դրեցին Տիրոջ տապանակը, քուրձէ տոպրակի մէջ դրուած մկների ու իրենց յետոյքների ոսկէ քանդակները:
12. Երինջները ուղիղ Բեթսամիւսի ճանապարհը բռնեցին. Նրանք ջանում էին առանց աջ ու ձախ խոտորուելու մի շաւիղով գնալ: Այլազգիների իշխանները մինչեւ Բեթսամիւսի սահմանը գնում էին Նրանց յետեւից:
13. Բեթսամիւսի բնակիչները հովիտներում ցորեն էին հնծում: Նրանք իրենց հայեացքը բարձրացնելով՝ տեսան Տիրոջ ուխտի տապանակը եւ Նրա համար ուրախացան:
14. Սայլը մտաւ Բեթսամիւսացի Օսէի դաշտը: Այնտեղ՝ սայլի կանգնած տեղում, մի մեծ քար կանգնեցրին, սայլի փայտերը կոտրեցին, իսկ երինջները Տիրոջը ողջակէզ մատուցեցին:
15. Ղեւտացիները վերցրին Տիրոջ ուխտի տապանակը, քուրձէ տոպրակն ու դրա միջի ոսկէ քանդակները եւ դրեցին մեծ քարի վրայ: Բեթսամիւսացիները այդ օրը ողջակէզներ ու զոհեր մատուցեցին Տիրոջը:
16. Այլազգիների հինգ իշխանները այս բանը տեսնելուց յետոյ Նոյն օրը վերադարձան Ակկարոն:
17. Պատուհասի վերացման համար այլազգիների ընծայած ոսկէ քանդակներից մէկը Ազոտոսի համար էր, մէկը՝ Գազայի համար, մէկն՝ Ասկաղոնի, մէկը՝ Գեթի, մէկն էլ՝ Ակկարոնի համար,
18. իսկ ոսկէ մկները այլազգիների հինգ իշխաններին պատկանող բոլոր քաղաքների



թուի համեմատ էին, որոնք պարսպապատ քաղաքներից հասնում էին մինչև փերեզացիների աւանները, մինչև այն քարը, որի վրայ դրեցին Տիրոջ ուխտի տապանակը, որը մինչև այսօր էլ կայ բեթսամիւսացի Օսէի դաշտում: Յեքոնէի որդիները, սակայն, բեթսամիւսացիների նման չուրախացան, որ տեսել են Տիրոջ ուխտի տապանակը:

19. Տէրը նրանցից յիսուն հազար եօթանասուն մարդ կոտորեց: Ժողովուրդը սգի մէջ էր, քանզի Տէրը ժողովրդին մեծամեծ հարուածներ էր հասցրել:

20. Բեթսամիւսացի մարդիկ ասացին. Ո՞վ կարող է կանգնել այս սուրբ Տէր Աստծու առաջ, եւ մեզանից ո՞ւմ մօտ կը գնայ Տիրոջ ուխտի տապանակը:

21. Եւ Կարիաթարիմի բնակիչների մօտ պատգամաւորներ ուղարկեցին, որ նրանց ասեն. Այլազգիները վերադարձրին Տիրոջ ուխտի տապանակը, եկէ՛ք եւ այն ձեզ մօտ տարէ՛ք:

1. Կարիաթարիմցիները եկան, այնտեղից հանեցին Տիրոջ ուխտի տապանակը եւ այն տարան Ամինադաբի տունը, որը բլրի վրայ էր: Նրա որդի Եղիազարին սրբագործեցին, որ պահպանի Տիրոջ ուխտի տապանակը:
2. Տապանակը Կարիաթարիմում դնելու օրից յետոյ բազում օրեր անցան, քսան տարի, եւ ամբողջ Իսրայելը հայեացքը չէր կտրում Տիրոջից:
3. Սամուելը խօսելով Իսրայելի ամբողջ ժողովրդի հետ՝ ասաց. Եթե դուք ձեր ամբողջ սրտով դարձ եք կատարել դեպի Տերը, ապա ձեր միջից վերացրե՛ք օտար աստուածներն ու անտառները, ձեր հոգիները թող ենթարկուեն Տիրոջը, միայն նրա՛ն ծառայեցեք, եւ նա ձեզ կը փրկի այլազգիների ձեռքից:
4. Եւ իսրայելացիները Բահադիմներին ու Աստարոթի անտառները հեռու վանեցին եւ միայն Տիրոջը ծառայեցին:
5. Սամուելն ասաց. Բոլոր իսրայելացիներին հաւաքեցե՛ք Մասեփաթում, եւ ես ձեզ համար աղօթելու եմ Տիրոջը:
6. Հաւաքուեցին Մասեփաթում, ջուր հանեցին ու թափեցին գետին, Տիրոջ առջեւ, այդ օրը ծով պահեցին եւ ասացին. Մեղանչել ենք Տիրոջ առաջ: Եւ Սամուելը Մասեփաթում դատեց իսրայելացիներին:
7. Երբ այլազգիները լսեցին, թէ իսրայելացիները հաւաքուել են Մասեփաթում, նրանց իշխանները յարձակուեցին Իսրայելի վրայ: Իսրայելացիներն այդ լուրը լսելով՝ վախեցան այլազգիներից:
8. Իսրայելացիներն ասացին Սամուելին. Մի՛ դադարիր աղաղակելուց քո Տեր Աստծուն մեզ համար, որ այլազգիների ձեռքից փրկի մեզ:
9. Սամուելն առաւ մի ծծկեր գառնուկ եւ ամբողջ ժողովրդի մասնակցութեամբ նրան ողջակէզ արեց Տիրոջը: Սամուելը դիմեց Տիրոջը Իսրայելի համար, եւ Տերը լսեց նրան:
10. Մինչ Սամուելը ողջակէզ էր մատուցում, այլազգիները մօտեցան, որ պատերազմեն Իսրայելի դէմ: Այդ ժամանակ Տերը բարձր ձայնով որոտաց այլազգիների վրայ, եւ նրանք շփոթուելով փախան իսրայելացիների առջեւից:
11. Իսրայելացիները Մասեփաթից ելան, հարուածեցին այլազգիներին ու կոտորեցին նրանց մինչեւ Բեթքորի սահմանները:
12. Սամուելը մի քար վերցնելով՝ կանգնեցրեց Մասեփաթի ու հին Բեթսանի միջեւ եւ այն կոչեց Աբենեգեր, այսինքն՝ Օգնականի քար՝ ասելով. Մինչեւ այս վայրը Տերը մեզ օգնեց:
13. Տերն այլազգիներին խեղճացրեց, եւ նրանք այլեւս Իսրայելի սահմանների վրայ չյարձակուեցին: Սամուելի ապրած բոլոր օրերին Տիրոջ ձեռքը ծանրացած էր այլազգիների վրայ:
14. Այն քաղաքները, որ այլազգիները գրաւել էին իսրայելացիներից, Ասկադոնից մինչեւ Գեթ, վերադարձրին ու յանձնեցին Իսրայելին, եւ Իսրայելի սահմանները ազատուեցին այլազգիների ձեռքից: Իսրայելի ու ամորիացիների միջեւ խաղաղութիւն տիրեց:
15. Իր կեանքի բոլոր օրերին Սամուելը դատաւորութիւն արեց իսրայելացիներին:
16. Նա ամեն տարի գնում էր Բեթել, Գաղաադ եւ Մասեփաթ, շրջում էր Իսրայելի բոլոր սրբագործուած վայրերում եւ դատաւորութիւն անում:
17. Վերադառնալով Արիմաթեմ, որտեղ իր տունն էր, նա այնտեղ դատաւորութիւն արեց իսրայելացիներին ու Տիրոջ համար զոհասեղան շինեց:

1. Երբ Սամուէլը ծերացաւ, իր որդիներին Իսրայէլի դատաւորներ կարգեց:
2. Սրանք են նրա որդիների անունները. անդրանիկը՝ Յովէլ, երկրորդի անունը՝ Աբիա:
3. Նրանք դատաւորներ էին Բերսաբէում:
4. Նրա որդիները, սակայն, չգնացին իրենց հօր ճանապարհով, այլ, ընչաքաղցութեան յետեւից ընկնելով՝ կաշառք էին վերցնում եւ իրաւունքը թիւրում:
5. Բոլոր իսրայէլացի տղամարդիկ հաւաքուեցին, եկան Սամուէլի մօտ՝ Արիմաթեմ, եւ ասացին նրան.
6. Դու, ահա, ծերացել ես, իսկ քո որդիները քո ճանապարհով չեն գնում: Արդ, մեզ վրայ մի թագաւոր դի՛ր, որ մեզ դատաւորութիւն անի, ինչպէս բոլոր ազգերի մօտ է:
7. Այս բանը Սամուէլին դուր չեկաւ, քանզի ասել էին, թէ՝ Մեզ թագաւոր տո՛ւր, որ մեզ համար դատաւորութիւն անի:
8. Սամուէլն աղօթեց Տիրոջը, եւ Տէրն ասաց Սամուէլին. Լսի՛ր ժողովրդի ձայնը, ինչ էլ որ նա ասի քեզ: Նրանք ոչ թէ քե՛զ անարգեցին, այլ չուզեցին, որ ե՛ս թագաւորեմ իրենց վրայ:
9. Նրանց Եգիպտոսից դուրս գալու օրուանից մինչեւ այսօր նրանք ինձ ւրեցին ու պաշտեցին օտար աստուածներ: Եւ ինչ որ արեցին իմ նկատմամբ, նոյնը կ'անեն քո նկատմամբ:
10. Արդ, դու լսի՛ր նրանց խօսքը, բայց նրանց տեղեակ պահի՛ր, բացատրի՛ր թագաւորի իրաւունքները, որ իշխելու է իրենց վրայ:
11. Սամուէլը Տիրոջ բոլոր պատգամները հաղորդեց իրենից թագաւոր խնդրող ժողովրդին:
12. Նա ասաց. Ձեզ վրայ իշխող թագաւորը հետեւեալ իրաւունքներն է ունենալու. նա պիտի վերցնի ձեր որդիներին եւ նրանց կառապաններ, հեծեալներ ու իր մարտակառքերի առջեւից վազող սուրհանդակներ պիտի դարձնի:
13. Նրանց իր հազարապետներն ու հարիւրապետները պիտի դարձնի, նրանք իր հունձը պիտի հնձեն, այգիները քաղեն, իր զէնքերն ու մարտակառքերի մասերը պիտի պատրաստեն:
14. Ձեր դուստրերին անուշահոտութիւն պատրաստողներ, խոհարարներ ու հացթուխներ պիտի դարձնի,
15. ձեր անդաստանները, ձեր այգիներն ու ձեր ընտիր ձիթենիները վերցնելով՝ իր ծառաներին պիտի տայ:
16. Ձեր հանդերից ու ձեր այգիների բերքից նա տասանորդ պիտի ստանայ եւ տայ իր ներքինիներին եւ ծառաներին:
17. Ձեր ծառաներն ու աղախիսները, ձեր ընտիր արջառներն ու աւանակները ձեզնից պիտի վերցուեն եւ իր համար տասանորդ պիտի լինեն:
18. Ձեր հօտերից նա տասանորդ պիտի ստանայ, եւ դուք նրա ծառաները պիտի դառնաք:
19. Այն ժամանակ դուք բողոքելու էք ձեր ընտրած թագաւորի դէմ, սակայն Տէրը ձեզ չի լսելու այդ օրը, քանզի դուք ինքներդ ձեզ համար թագաւոր ընտրեցիք:
20. Ժողովուրդը չուզեց լսել Սամուէլին եւ ասաց նրան. Ո՛չ, թող մէկը թագաւորի մեզ վրայ:
21. Մենք եւս այլ ազգերի նման լինենք, թող մեր թագաւորը մեզ դատի, մեր առջեւից ընթանայ եւ մեզ պատերազմի առաջնորդի:
22. Սամուէլը լսեց ժողովրդի բոլոր ասածները եւ դրանք յայտնեց Տիրոջը:
23. Տէրն ասաց Սամուէլին. Լսի՛ր նրանց եւ նրանց վրայ թագաւոր՝ դիր: Սամուէլն ասաց իսրայէլացիներին. Թող ամէն ոք իր քաղաքը գնայ:

1. Բենիամինի որդիներից սերուած Կիս անունով մի ուժեղ մարդ կար, որ որդին էր Աբիելի, եւ սա որդին՝ Աբելի, եւ սա թոռը՝ Բեքորաթի ու ծոռը՝ Ափիայի, որ յեմինացի մի մարդ էր:
2. Նա Սաւուղ անունով բարի ու թիկնեղ մի որդի ուներ: Իսրայելացիների մէջ նրանից բարեւոյն մարդ չկար, բոլոր մարդիկ մէկ գլխով ցածր էին նրանից:
3. Մի անգամ կորան Սաւուղի հօր աւանակները: Կիսն ասաց իր որդի Սաւուղին. Վերցրո՛ւ ծառաներից մէկին, եւ ելե՛ք, գնացե՛ք աւանակները փնտռելու:
4. Նրանք գնացին, անցան Եփրեմի լեռը, անցան Սարիսի երկիրը՝ չգտան աւանակները, անցան Սադիմի երկիրը՝ չկային աւանակները, անցան յեմինացիների երկիրը՝ եւ չգտան:
5. Երբ հասան Սիփ, Սաւուղն ասաց իր հետ եկած ծառային. Արի՛ վերադառնանք: Կարող է հայրս, աւանակները մոռացած, մե՛զ համար անհանգստանայ:
6. Ծառան ասաց նրան. Այս քաղաքում է ապրում Աստծու մարդը: Նա պատուաւոր մարդ է եւ ինչ որ ասում է, անպայման կատարւում է:
7. Արի՛ գնանք նրա մօտ, թերեւս մեզ ցոյց տայ այն ճանապարհը, որով պետք է գնանք: Սաւուղն ասաց իր հետ եկած ծառային. Եթէ գնանք, ի՞նչ տանենք Աստծու մարդուն, չե՞ որ մեր ամաններից հացը պակասել է, եւ մի աւելի բան չունենք, որ տանենք Աստծու մարդուն:
8. Ծառան նորից պատասխան տալով Սաւուղին՝ ասաց. Ես ունեմ քառորդ սիկո արծաթ: Այն կը տաս Աստծու մարդուն, եւ նա ցոյց կը տայ մեր ճանապարհը:
9. (Հին ժամանակներում երբ իսրայելացիները գնում էին Աստծուց խորհուրդ հայցելու, այսպէս էին ասում. Եկե՛ք գնանք տեսանողի մօտ, որովհետեւ հին ժամանակներում ժողովուրդը մարգարէին տեսանող էր անուանում):
10. Սաւուղն իր ծառային ասաց. Ճիշտ ես ասում, արի՛ գնանք:
11. Եւ նրանք գնացին այն քաղաքը, ուր գտնւում էր Աստծու մարդը: Մինչ նրանք բարձրանում էին դէպի քաղաք տանող զառիվերը, նրանց հանդիպեցին աղջիկներ, որոնք ջուր հանելու էին եկել:
12. Նրանք հարցրին աղջիկներին. Այստե՞ղ է ապրում տեսանողը: Աղջիկները պատասխան տալով՝ ասացին. Այստեղ է, ահա ձեր առջեւն է, սակայն շտապեցե՛ք, նա միայն այսօրուայ համար է եկել քաղաք, որովհետեւ ժողովուրդն այսօր է Բամայում զոհ անում:
13. Եթէ հիմա մտնեք քաղաք, նրան կը գտնեք այնտեղ, որովհետեւ դեռ չի գնացել Բամա՝ ուտելու, եւ ժողովուրդը չի ուտի, մինչեւ որ նա չգայ, որովհետեւ նա օրհնում է զոհը, ու դրանից յետոյ հիւրերն ուտում են:
14. Արդ, շո՛ւտ գնացեք, որ նրան հիմա այնտեղ գտնեք: Նրանք գնացին քաղաք եւ երբ մտան քաղաքամէջ, Սամուէլն էլ Բամա բարձրանալիս հանդիպեց նրանց:
15. Սաւուղի գնալուց մի օր առաջ Տէրը Սամուէլին յայտնել էր նրա մասին ու ասել. Վաղը այսինչ ժամին Բենիամինի երկրից մի մարդ պիտի ուղարկեմ քեզ մօտ, որ նրան Իսրայելի իմ ժողովրդի վրայ իշխան օծես:
16. Նա իմ ժողովրդին պիտի փրկի այլազգիների ձեռքից, քանզի ականատես եղայ ժողովրդիս տառապանքներին, եւ նրա աղաղակը ինձ հասաւ:
17. Սամուէլը տեսաւ Սաւուղին, եւ Տէրն ասաց նրան. Ահաւասիկ սա է այն մարդը, որի մասին ասել եմ քեզ, թէ՛ Նա է ղեկավարելու իմ ժողովրդին:
18. Սաւուղը քաղաքամիջում մօտենալով Սամուէլին՝ հարցրեց. Ասա՛ ինձ, ո՞րն է տեսանողի տունը:
19. Պատասխան տուեց Սամուէլը եւ ասաց Սաւուղին. Տեսանողը ես ինքս եմ: Իմ առջեւից գնալով բարձրացի՛ր Բամա: Այսօր ինձ հետ կ'ուտես, իսկ վաղը քեզ կ'արձակեմ, եւ ամէն ինչ, որ սրտումդ կայ, կը պատմեմ քեզ:
20. Երեք օր առաջ կորցրած քո աւանակների համար մի՛ մտածիր, քանզի դրանք

գտնուել են:

21. Եւ ո՞ւմ է պատկանում Իսրայէլի փառքը, եթէ ոչ քեզ եւ քո հօր ամբողջ տոհմին:  
Պատասխան տուեց Սաւուղն՝ ասելով. Չէ՞ որ ես Իսրայէլի ամենափոքր ազգատոհմին պատկանող մի յեմինացու որդի եմ, եւ Բենիամինի ցեղի մէջ իմ տոհմը ամենակրտսէրն է: Ինչո՞ւ ես ինձ այդ բաներն ասում:
22. Սամուէլը Սաւուղին ու նրա ծառային տարաւ ճաշասրահ, նրանց նստեցրեց շուրջ երեսուն հիւրերի ամենավերին շարքում:
23. Սամուէլն ասաց խոհարարին. Բե՛ր ինձ այն բաժինը, որ քեզ տուի ու պատուիրեցի, որ քեզ մօտ պահես:
24. Խոհարարը եփեց ազդրը՝ վրայի մսով եւ այն դրեց Սաւուղի առջեւ: Սամուէլն ասաց Սաւուղին. Ահաւասիկ այս է մնացել, առջեւդ դի՛ր ու կե՛ր, որ դա քեզ համար վկայութիւն լինի ժողովրդի առաջ, եւ կրճի՛ր: Այդ օրը Սաւուղը Սամուէլի հետ կերաւ:
25. Նա Բամայից իջաւ քաղաք: Սաւուղի համար տանիքի վրայ անկողին գցեցին, ու նա քնեց:
26. Երբ առաւօտեան նրանք զարթնեցին, Սամուէլը Սաւուղին տանիքից կանչելով՝ ասաց. Ե՛կ, արձակելու եմ քեզ: Սաւուղն իջաւ, եւ ինքն ու Սամուէլը տնից դուրս եկան:
27. Երբ նրանք հասան քաղաքի սահմանին, Սամուէլն ասաց Սաւուղին. Ասա՛ քո ծառային, որ մեզանից առաջ անցնի: Եւ նա առաջ անցաւ: Սամուէլն ասաց Սաւուղին. Դու այսօր այստեղ կը մնաս, որ լսես Տիրոջ պատգամները:

1. Սամուէլն առաւ իւղի սրուակն ու թափեց նրա գլխին: Նա համբուրեց նրան եւ ասաց. Մի՞թէ Տէրը չէ, որ քեզ իշխան օծեց իր ժառանգութեան, իր իսրայելացի ժողովրդի վրայ: Դու կ'իշխես Տիրոջ ժողովրդի վրայ եւ կը փրկես նրան իր շուրջը գտնուող թշնամիների ձեռքից:
2. Եւ թող այս նշան լինի, թէ Տէրն է քեզ օծողը. ինձնից հեռանալուց յետոյ երկու մարդ պիտի գտնես Ռաքելի գերեզմանի մօտ, Բենիամինի լեռան վրայ, որոնք արագավազ պիտի գան ու պիտի ասեն քեզ. Գտնուեցին այն աւանակները, որ փնտռելու էիր գնում, իսկ հայրդ, աւանակների հոգսը թողած, ձեր մասին է մտածում ու ասում. Ի՞նչ անեմ իմ որդու համար:
3. Երբ այնտեղից կը գնաս եւ կը հասնես մինչեւ Դեբորայի կաղնին, այնտեղ երեք մարդու կը հանդիպես, որոնք Աստծու մօտ՝ Բեթել են գնում: Մէկը երեք ու է տանում, միւսը՝ երեք աման հաց, իսկ երրորդը՝ մի տիկ գինի:
4. Քո առողջութիւնը հարցնելով՝ նրանք քեզ երկու հաց կը նուիրեն, եւ դու կ'անես նրանց ձեռքից:
5. Ապա կը հասնես Աստծու բլուրը, ուր այլազգիների մի գունդ կայ: Երբ քաղաք մտնես, կը հանդիպես Բամայից դուրս եկող մարգարէների խմբին, որոնց առաջ կան սրինգ, թմբուկ, փող ու քնար նուագողներ, իսկ իրենք մարգարէութիւն են անում:
6. Քո Տիրոջ հոգին կը շարժուի քեզ վրայ, դու էլ մարգարէութիւն կ'անես նրանց հետ եւ ուրիշ մարդ կը դառնաս:
7. Երբ այս նշանները քեզ վրայ կատարուեն, ինչ որ ձեռքիցդ գայ, բոլորն էլ արա՛, քանզի Աստուած քեզ հետ է:
8. Ինձանից առաջ Գաղգադա պետք է իջնես: Այնտեղ ես կը գամ քեզ մօտ, որպէսզի ողջակէզներ եւ խաղաղութեան զոհեր մատուցեմ: Եօթը օր կը սպասես, մինչեւ որ գամ քեզ մօտ եւ հաղորդեմ քեզ, թէ ինչ ես անելու:
9. Երբ նա շուռ եկաւ, որ գնայ Սամուէլի մօտից, Աստուած նրան ուրիշ սիրտ տուեց, եւ նոյն օրը այդ բոլոր նշանները կատարուեցին:
10. Երբ նա մօտեցաւ բլրին, մարգարէների խումբը նրան ընդառաջ գնաց, նրա վրայ Աստծու հոգին շարժուեց, եւ նա նրանց մէջ մարգարէութիւն արեց:
11. Երբ նախկինում նրան տեսնողները բոլորն էլ ճանաչեցին իրեն, թէ ինչպէս նա մարգարէների մէջ մարգարէութիւն է անում, մէկը միւսին հարցրեց. Ի՞նչ է պատահել Կիսի որդուն, մի՞թէ Սաւուղը եւս մարգարէների մէջ է:
12. Նրանցից մէկը պատասխանեց եւ ասաց. Ո՞վ է նրա հայրը, եթէ ոչ՝ Կիսը: Այս առթիւ ասացուածք ստեղծուեց, թէ՛ Սաւուղն էլ մարգարէների մէջ է:
13. Մարգարէութիւն անելը վերջացնելուց յետոյ նա բարձրացաւ բլուրը:
14. Սաւուղի ազգականը հարցրեց նրան ու նրա ծառային. Ո՞ր էիք գնացել: Նրանք պատասխանեցին. Աւանակները փնտռելու: Բայց երբ տեսանք, որ չկան, մտանք Սամուէլի մօտ:
15. Ազգականն ասաց Սաւուղին. Պատմի՛ր ինձ, Սամուէլը քեզ ի՞նչ ասաց:
16. Սաւուղն ասաց իր ազգականին. Նա մեզ յայտնեց, որ աւանակները գտնուել են: Նա, սակայն, թագաւորութեան մասին Սամուէլի ասածները նրան չյայտնեց:
17. Սամուէլը ամբողջ ժողովրդին հաւաքելով Տիրոջ առաջ, Մասեփաթում, իսրայելացիներին ասաց.
18. Այսպէս խօսեց Իսրայելի Տէր Աստուածը եւ ասաց. Ես եմ, որ իսրայելացիներին հանեցի Եգիպտոսից, փրկեցի ձեզ Եգիպտացիների արքայ փարաւոնի ու ձեզ ճնշող բոլոր թագաւորների ձեռքից,
19. բայց դուք այսօր անարգեցիք Աստծուն, որ ձեզ փրկել է ձեր շուրջը գտնուող ու ձեզ նեղութիւն պատճառող ժողովուրդներից: Իսկ դուք ասացիք. Ո՛չ, այդպէս չէ, մեզ վրայ թագաւոր կարգիր: Արդ, կանգնեցէ՛ք Տիրոջ առջեւ ըստ ձեր իշխանութիւնների, ըստ ձեր ազգատոհմների եւ ըստ ձեր հազարեակների:

20. Սամուէլն Իսրայէլի բոլոր ցեղերին իրար մօտ բերեց, եւ վիճակն ընկաւ Բենիամինի ցեղին:
21. Նա մօտ բերեց Բենիամինի ցեղին ըստ ազգատոհմերի, եւ վիճակն ընկաւ Մատտարիի ազգատոհմին: Նա մօտ բերեց Մատտարիի ազգատոհմին, եւ վիճակն ընկաւ Կիսի որդի Սաւուղին:
22. Նա փնտռեց Նրան, բայց չգտաւ: Սամուէլը կրկին հարցրեց Տիրոջը. Արդեօ՞ք այդ մարդն էլի այստեղ կը գայ: Տէրն ասաց. Ահաւասիկ նա թաքնուած է կարասիների միջեւ:
23. Նա վազեց ու Նրան այնտեղից առնելով՝ կանգնեցրեց ժողովրդի մէջ: Բոլոր մարդիկ Սաւուղից մի գլխով ցածր էին:
24. Սամուէլն ասաց ամբողջ ժողովրդին. Տեսա՞ք Տիրոջ ընտրած մարդուն, ձեր ամենքի մէջ նրա նմանը չկայ: Ամբողջ ժողովուրդը ճանաչեց Նրան՝ ասելով. Կեցցե՛ արքան:
25. Սամուէլը ժողովրդին յայտնեց թագաւորի իրաւունքները, գրեց մատենանում եւ դրեց Տիրոջ առաջ: Սամուէլն արձակեց ամբողջ ժողովրդին, եւ ամէն մարդ գնաց իր տեղը:
26. Սաւուղը գնաց իր տունը, Գաբաա: Նրա հետ գնացին զօրեղ մարդիկ, որոնց սրտերը Տէրը դրդել էր, որ լինեն Սաւուղի հետ:
27. Բայց կային նաեւ չար մարդիկ, որոնք ասում էին. Ո՞վ է սա, որ մեզ պիտի փրկի: Եւ Նրանք քամահրեցին Նրան ու ընծաներ չմատուցեցին:

1. Մեկ ամիս անց Նաաս Ամոնացին եկաւ Գաղաադի Յաբիս քաղաքի շուրջը բանակ դրեց: Յաբիսի բոլոր բնակիչներն ասացին Նաաս Ամոնացուն. Մեզ հետ դաշինք կնքի՞ր, եւ մենք կը ծառայենք քեզ:
2. Նաաս Ամոնացին նրանց ասաց. Ձեզ հետ դաշինք կը կնքեմ այն պայմանով, որ բոլորդ հանէք ձեր աջ աչքը: Եւ ես դրանով ամբողջ Իսրայելի վրայ նախատինք դրած կը լինեմ:
3. Յաբիսի բնակիչները ասացին Նաասին. Մեզ եօթը օր ժամանակ տո՛ւր, որ պատգամաւորներ ուղարկենք Իսրայելի բոլոր սահմանները, եւ եթէ մեզ փրկող չլինի, քեզ անձնատուր կը լինենք:
4. Պատգամաւորները եկան Գաբաա, Սաւուղի մօտ եւ այդ խօսքերը հաղորդեցին ժողովրդին:
5. Ժողովուրդն իր ձայնը բարձրացրեց ու լաց եղաւ: Սաւուղն առաւօտեան գալով դաշտից՝ հարցրեց. Ի՞նչ է պատահել, որ ժողովուրդը լաց է լինում: Նրան յայտնեցին յաբիսեցիների խօսքերը:
6. Երբ Սաւուղը լսեց այս բանը, Տիրոջ հոգին շարժուեց նրա վրայ, եւ նրա բարկութիւնը սաստիկ բորբոքուեց:
7. Նա մի գոյգ եզ առաւ, կտոր-կտոր արեց դրանք ու պատգամաւորների միջոցով Իսրայելի բոլոր սահմաններն ուղարկեց՝ ասելով. Ով Սաւուղի եւ Սամուէլի յետեւից չգայ, այսպէս կը դառնան նրա եզները: Տիրոջ ահն ընկաւ Իսրայելի ամբողջ ժողովրդի սիրտը, եւ նրանք մեկ մարդու պէս անվախ վրայ վազեցին:
8. Սաւուղը Բեզեկում զօրահաւաք արեց. Իսրայելի բոլոր մարդիկ վեց հարիւր հազար հոգի էին, իսկ Յուդայի ցեղի մարդիկ՝ եօթանասուն հազար:
9. Նա ասաց եկած պատգամաւորներին. Այսպէս կ'ասէք Գաղաադի Յաբիս քաղաքի բնակիչներին. Վաղը, երբ արեգակը տաքացնի երկիրը, դուք կը փրկուէք: Պատգամաւորները եկան քաղաք ու դա հաղորդեցին Յաբիսի բնակիչներին, որոնք ուրախացան:
10. Յաբիսի բնակիչներն ասացին Նաաս Ամոնացուն. Վաղը ձեզ անձնատուր կը լինենք, եւ մեզ հետ վարուեցէք այնպէս, ինչպէս հաճելի է ձեզ:
11. Հետեւեալ օրը Սաւուղը ժողովրդին բաժանեց երեք զնդի: Առաւօտեան նրանք մտան նրանց բանակի մէջ եւ ամոնացիներին կոտորեցին մինչեւ արեւի ջերմացնելը: Կենդանի մնացածները փախուստի դիմեցին այնպէս, որ նրանցից երկու հոգու իրար մօտ չէիր գտնի:
12. Ժողովուրդն ասաց Սամուէլին. Այդ ո՞վ էր ասում, թէ Սաւուղը չի կարող թագաւորել մեզ վրայ, մեզ յանձնի՞ր այդ մարդկանց, որ սպանենք նրանց:
13. Սամուէլն ասաց. Այսօր ոչ ոք չի սպանուելու, որովհետեւ Տէրն այսօր փրկութիւն պարգեւեց Իսրայելին:
14. Սամուէլը խօսելով ժողովրդի հետ՝ ասաց. Գնանք Գաղգաղա եւ թագադրութեան տօնակատարութիւն անենք:
15. Ամբողջ ժողովուրդը գնաց Գաղգաղա եւ այնտեղ, Գաղգաղայում, Տիրոջ առջեւ Սամուէլը Սաւուղին թագաւոր օծեց: Խաղաղութեան զոհեր մատուցեցին Տիրոջ առաջ, եւ Սամուէլն ու ամբողջ ժողովուրդը շատ ուրախացան:



1. Սամուէլը բոլոր իսրայէլացիներին ասաց. Ահա ես լսեցի այն ամենը, ինչ դուք ինձ ասացիք, եւ ես ձեզ վրայ թագաւոր դրեցի:
2. Հիմա ձեզ թագաւորն է առաջնորդում: Ես ծերացել եմ, պէտք է հանգստանամ, բայց իմ որդիները ահա ձեր մէջ են: Իմ վաղ հասակից մինչեւ այսօր ե՛ս ձեզ ղեկավարեցի:
3. Ես, ահա, կանգնած եմ ձեր առաջ, եւ դուք Տիրոջ ու նրա օծեալի ներկայութեամբ ասացէ՛ք, թէ ես ո՞ւմ եզն եմ խլել կամ աւանակը տարել, ձեզանից ո՞ւմ նկատմամբ եմ անիրաւութիւն գործել կամ որեւէ մէկին զրկել, ո՞ւմ ձեռքից եմ կաշառք կամ ընծաներ վերցրել:
4. Պատասխան տուէ՛ք ինձ, որպէսզի ես հատուցեմ ձեզ: Սամուէլին ասացին. Մեր դէմ չես մեղանչել, մեզ չես զրկել, մեզ չես նեղել ու որեւէ մէկի ձեռքից ոչինչ չես խլել:
5. Սամուէլն ասաց ժողովրդին. Տէրը եւ նրա օծեալը այսօր թող վկայ լինեն իմ եւ ձեր միջեւ, որ իմ ձեռքում ոչինչ չէք գտել: Նրանք ասացին. Թող վկայ լինի:
6. Սամուէլը խօսեց ժողովրդի հետ եւ ասաց. Թող վկայ լինի Մովսէսին ու Ահարոնին իր ծառաները դարձրած եւ մեր հայրերին Եգիպտոսից հանած Տէրը:
7. Արդ, առաջ եկէք, որ ես ձեզ դատեմ Տիրոջ առաջ եւ պատմեմ ձեզ այն բոլոր բարերարութիւնները, որ Տէրն արել է ձեզ ու ձեր հայրերին:
8. Երբ Յակոբն ու նրա որդիները Եգիպտոս մտան, եւ Եգիպտացիները ճնշեցին նրանց, մեր հայրերն աղաղակեցին Տիրոջը, եւ Տէրն առաքեց Մովսէսին ու Ահարոնին, որոնք մեր հայրերին հանեցին Եգիպտոսից եւ բնակեցրին այս վայրերում:
9. Նրանք, սակայն, իրենց Տէր Աստծուն մոռացան, եւ նա նրանց մատնեց Ասորի արքայ Յաբինի զօրավար Սիսարայի, այլազգիների եւ Մովաբի թագաւորի ձեռքը, որոնք նրանց դէմ պատերազմ մղեցին:
10. Նրանք աղաղակեցին Տիրոջը՝ ասելով. Մենք մեղանչել ենք, քանզի Տիրոջը թողնելով՝ ծառայեցինք Բահադիմներին ու անտառներին: Արդ, փրկի՛ր մեզ մեր թշնամիների ձեռքից, եւ քե՛զ կը ծառայենք:
11. Տէրն առաքեց Յերոբովադին, Բարակին, Յեփթայէին ու Սամփսոնին եւ ձեզ փրկեց շրջակայ թշնամիների ձեռքից, ու դուք բնակուեցիք ապահովութեան մէջ:
12. Երբ տեսաք, թէ Նաաս Ամոնացին յարձակուել է ձեր երկրի վրայ, ասացիք. Այդպէս չէ, այլ մի թագաւոր պիտի իշխի մեզ վրայ, թէեւ մեր Տէր Աստուածն էր մեր թագաւորը:
13. Արդ, ահաւասիկ այն թագաւորը, որին խնդրեցիք ու ընտրեցիք, Տէրը ձեզ թագաւոր տուեց:
14. Եթէ վախենաք Տիրոջից, ծառայէք նրան, հնազանդուէք նրան, չհակառակուէք Տիրոջ ասածին, դուք ու ձեզ վրայ իշխող թագաւորը գնաք Տիրոջ յետեւից, ապա Տիրոջ ձեռքը ձեր ու ձեր թագաւորի դէմ չի լինի:
15. Իսկ եթէ չհնազանդուէք Տիրոջը, հակառակ գնաք Տիրոջ ասածին, ապա Տիրոջ ձեռքը ձեր եւ ձեր թագաւորի դէմ կը լինի:
16. Արդ, սպասեցէ՛ք եւ տեսէ՛ք այն մեծագործութիւնները, որ Տէրը ձեր աչքերի առջեւ պիտի անի:
17. Չէ՞ որ այսօր ցորենի հնձի ժամանակ է. ես Տիրոջը պիտի աղաղակեմ, եւ նա ձեզ որոտ ու անձրեւ պիտի տայ: Դուք կ'իմանաք ու կը տեսնէք, որ ձեզ համար թագաւոր խնդրելով՝ մեծ չարութիւն գործեցիք ձեր Տիրոջ հանդէպ:
18. Սամուէլը Տիրոջն աղաղակեց, ու Տէրը նոյն օրը որոտ եւ անձրեւ ուղարկեց:
19. Ամբողջ ժողովուրդը սաստիկ վախեցաւ Տիրոջից ու Սամուէլից: Բոլորն ասացին Սամուէլին. Քո Տէր Աստծուն աղօ՛թք արա քո ծառաների համար, որ չմեռնենք, քանզի մեզ համար թագաւոր ուզելով մեր գործած բոլոր մեղքերի վրայ այդ չարիքն էլ ենք աւելացրել:
20. Սամուէլն ասաց ժողովրդին. Մի՛ վախեցէք, դուք թէեւ գործել էք այս բոլոր չարիքները, բայց Տիրոջ ճանապարհից մի՛ խոտորուէք եւ Տիրոջը ծառայեցէ՛ք ձեր ամբողջ հոգով:

21. Մի՛ գնացէք սուտ աստուածների յետեւից, որոնք ձեզ ոչ մի օգուտ չեն տայ եւ չեն փրկի, քանզի նրանք աստուածներ չեն:
22. Տերն իր մեծ անուան պատուի համար իր ժողովրդին չի քի, քանզի Տերը բարեհաճութեամբ է ձեզ իր ժողովուրդը դարձրել:
23. Քաւ լիցի, որ ես մեղանչեմ Տիրոջ դէմ՝ հրաժարուելով ձեզ համար աղօթելուց: Ծառայեցէ՛ք Տիրոջը, եւ ես ձեզ ցոյց կը տամ բարի եւ ուղիղ ճանապարհը:
24. Երկի՛ւղ կրեցէք Տիրոջից եւ ձեր ամբողջ սրտով, ճշմարտութեամբ ծառայեցէ՛ք նրան, քանզի տեսաք, թէ մեզ համար ինչ մեծ գործեր արեց,
25. իսկ եթէ չարագործութիւնը շարունակէք, թէ՛ դուք, թէ՛ ձեր թագաւորը կորստեան կը մատնուէք:

1. Սաւուղը Իսրայելում մէկ տարի թագաւորելուց յետոյ յաջորդ՝ երկրորդ տարում իսրայելացիներէից երեք հազարանոց զօրք հաւաքեց:
2. Երկու հազարն իր հետ Մաքմասում էին, Բեթել լեռան վրայ, իսկ հազարը՝ Յովնաթանի հետ, Բենիամինի երկրի Գաբաա քաղաքում: Մնացած զինուորներին Նա արձակեց, որ ամէն մէկը գնայ իր բնակութեան վայրը:
3. Յովնաթանը կոտորեց բլրի վրայ բնակուող այլազգի Նասիբին, եւ այլազգիներն այդ իմացան: Սաւուղը շեփոր հնչեցրեց ամբողջ երկրում եւ ասաց. Ճառաներն արհամարհեցին մեզ:
4. Բոլոր իսրայելացիները լսելով այդ՝ ասացին. Սաւուղը կոտորել է այլազգի Նասիբին, եւ Իսրայելն ատելի է դարձել այլազգիներին: Եւ ժողովուրդը Սաւուղի յետեւից գնաց Գաղգադա:
5. Այլազգիները եւս հաւաքուեցին պատերազմելու Իսրայելի դէմ եւ յարձակուեցին Իսրայելի վրայ երեսուն հազար մարտակառքերով ու վեց հազար հեծեալներով, իսկ զօրքն իր բազմութեամբ Նման էր ծովեզրի աւազին: Սրանք եկան ու բանակեցին Մաքմասում, Բեթորոնի դիմաց, դէպի հարաւ:
6. Իսրայելացիները տեսնելով որ իրենց տեղը Նեղ է, եւ չեն կարող մօտենալ Նրանց, թաքնուեցին քարայրներում, գոմերում, ժայռերի ծերպերում, խորխորատներում ու ջրհորներում,
7. իսկ ոմանք անցան Յորդանան գետն ու գնացին Գադի եւ Գաղաադի երկիրը: Սաւուղը դեռ Գաղգադայում էր, եւ ամբողջ ժողովուրդը դողում էր Նրանից:
8. Նա եօթը օր սպասեց, ինչպէս Նշանակել էր Սամուէլը, սակայն Սամուէլը Գաղգադա չեկաւ, եւ մարդիկ սկսեցին Նրան լքել:
9. Սաւուղն ասաց. Մօ՛տ եկեք, որ ողջակէզներ ու խաղաղութեան զոհեր մատուցեմ:
10. Եւ ինքը ողջակէզ մատուցեց: Երբ ողջակէզ մատուցելը վերջացրեց, եկաւ Սամուէլը: Սաւուղն ընդառաջ գնաց Նրան դիմաւորելու եւ ողջունելու:
11. Սամուէլն ասաց. Այդ ի՞նչ ես արել: Սաւուղն ասաց. Երբ տեսայ, որ իմ ժողովուրդն սկսեց ինձ լքել, եւ դու չեկար քո Նշանակած օրը,
12. իսկ այլազգիները հաւաքուեցին Մաքմասում, մտածեցի, թէ այլազգիները հիմա կը գան իմ դէմ, Գաղգադա, իսկ ես Տիրոջ առջեւ դեռ չէի աղերսել, դրա համար էլ համարձակուեցի եւ ողջակէզ մատուցեցի:
13. Սամուէլն ասաց Սաւուղին. Չուր տեղ ես արել, քանի որ չես պահել իմ պատուիրանը, որ Տէրն էր պատուիրել: Տէրը քեզ Իսրայելի վրայ ցմահ թագաւոր պիտի դարձնէր,
14. բայց հիմա քո թագաւորութիւնը այլեւս չի շարունակուելու: Տէրն իր սրտին հաճելի մարդ պիտի փնտռի, որ Նրան իշխան դարձնի իր ժողովրդի վրայ պատուիրանով, քանզի դու չկատարեցիր այն, ինչ Տէրը պատուիրել էր քեզ:
15. Սամուէլը վեր կացաւ եւ Գաղգադայից գնաց իր ճանապարհով: Մնացած զօրքը միացաւ Սաւուղին, որ դիմադրի իրենց վրայ յարձակուող զինուորներին: Երբ Նրանք Գաղգադայից ելան ու հասան Բենիամինի երկրի Գաբաա քաղաքը, Սաւուղը հաշուեց իր հետ գտնուող զինուորներին եւ տեսաւ, որ ինքն ունի մօտաւորապէս վեց հարիւր զինուոր:
16. Սաւուղը, Նրա որդի Յովնաթանն ու Նրա հետ եղած զօրքը հաստատուեցին Բենիամինի երկրի Գաբաա քաղաքում, իսկ այլազգիները բանակել էին Մաքմասում:
17. Այլազգիների բանակից դուրս եկան երեք գնդեր, որ աւերածութիւն գործեն: Մի գունդը դիմեց դէպի Օփիր տանող ճանապարհը, դէպի Սոգողի աղբիւրը,
18. միւս գունդը՝ դէպի Բեթորոն տանող ճանապարհը, իսկ երրորդ գունդը՝ Գաբաայից դէպի Սաբայի անապատի Գայի տանող ճանապարհը:
19. Ամբողջ Իսրայելի երկրում մի դարբին չգտնուեց, քանզի այլազգիներն ասել էին. Այնպէս անենք, որ եբրայեցիները սուր կամ գեղարդ չշինեն:

20. Բոլոր խորայելացիներն իրենց գերանդին, գործիքները, կացինը եւ մանգաղը  
նորոգելու համար գնում էին այլազգիների երկիրը:

21. Այգեկութի ժամանակ էր, եւ ամեն մի գործիքի արժեքը երեք սիկո էր: Խոփի, կացնի  
եւ մանգաղի գինը նոյնն էր:

22. Այնպէս պատահեց, որ Մաքմասում պատերազմի օրերին Սաւուդի եւ Նրա որդի  
Յովնաթանի հետ եղած մարդկանց ձեռքին սուր կամ գեղարդ չկար: Չէնք կար միայն  
Սաւուդի ու Նրա որդի Յովնաթանի մօտ:

23. Այլազգիների բանակից մի գունդ եկաւ, որ անցնի Մաքմասից այն կողմ, իսկ իր հօր  
համար վեր չհանեց:

1. Մի օր Սաւուղի որդի Յովնաթանն իր կապարճակրին ասաց. Ե՛կ անցնենք այլազգիների կիրճից այն կողմ:
2. Այդ մասին նա իր հօրը իմաց չտուեց: Սաւուղը նստած էր բլրի գլխին, Մագդողի նռնենու տակ: Նրա հետ եղած ժողովուրդը մօտ վեց հարիւր հոգի էր:
3. Եւ Աքիա անունով մէկը կար, որը Ղեւի որդու Փենեւսի որդու Քաբիէլի եղբայր Աքիտոբի որդին էր: Ղեւին Սելովում Աստծու քահանան էր, որը եփուղ էր կրում: Ժողովուրդը չգիտէր, որ Յովնաթանը կիրճ է գնացել:
4. Յովնաթանը ուզում էր անցնել այլազգիների ճամբարը, որ գտնւում էր կիրճի մէջ, բայց այդտեղ տանող ճանապարհի այս ու այն կողմում քարաժայռեր էին բարձրանում, որոնցից մէկը կոչւում էր Բազէս, իսկ միւսը՝ Սենարա:
5. Այս քարաժայռերից մէկը հիւսիսի կողմից Մաքմասի դիմաց էր ուղղուած, իսկ միւսը՝ հարաւային կողմից՝ դէպի Գաբայէ:
6. Յովնաթանն ասաց իր կապարճակիր ծառային. Ե՛կ անցնենք այս անթլիատների կիրճը, թերեւս Տէրը յօգուտ մեզ ինչ-որ բան անի, քանզի Տիրոջ համար խտրութիւն չկայ. նա կարող է շատ մարդկանցով էլ փրկութիւն պարգեւել, քչով էլ:
7. Չինակիրն ասաց նրան. Արա՛ այն, ինչ սիրտդ է ուզում: Ահա ես քեզ հետ եմ, ինչ քո սիրտն է ուզում, նոյնն էլ՝ իմ սիրտը:
8. Յովնաթանն ասաց. Ահաւասիկ մենք ուղղւում ենք այդ մարդկանց կողմը. մագլցելով կը գնանք նրանց մօտ:
9. Եթէ մեզ ասեն. Այնտեղ կա՛նգ առէք, մինչեւ ձեզ կանչենք, ապա տեղում կը կանգնենք եւ նրանց չենք մօտենայ:
10. Բայց եթէ ասեն. Մօտեցէ՛ք մեզ, այն ժամանակ կ'ելնենք կը գնանք, քանզի պարզ կը լինի, որ Տէրը նրանց մեր ձեռքն է մատնել: Դա մեզ համար թող նշան լինի:
11. Նրանք երկուսով մտան այլազգիների կիրճը: Այլազգիներն ասացին. Ահա եբրայեցիները ելնում են իրենց ծակերից, ուր թաքնուել էին:
12. Կիրճերի պահապաններն ասացին Յովնաթանին ու կապարճակրին. Մօտեցէ՛ք մեզ, որ մենք ձեզ մի բան յայտնենք: Յովնաթանն ասաց իր կապարճակրին. Ե՛կ իմ յետեւից, քանզի Տէրը նրանց Իսրայէլի ձեռքն է մատնել:
13. Յովնաթանը մագլցելով գնաց, կապարճակիրն էլ՝ նրա հետ: Այլազգիները յարձակուեցին Յովնաթանի վրայ, իսկ Յովնաթանը սպանեց նրանց, կապարճակիրն էլ նրա յետեւից էր հարուածում նրանց:
14. Այս առաջին կոտորածի ժամանակ Յովնաթանն ու նրա կապարճակիրը մօտաւորապէս քսան հոգու սպանեցին նետերով ու ձեռքով նետուած դաշտերի քարերով:
15. Դաշտում, բանակում ու կիրճում եղած ամբողջ ժողովրդի մէջ սոսկում ընկաւ, հարուածող գունդը զարհուրեց եւ չէր ուզում շարժուել. երկիրը դողդաց, եւ Տիրոջ անն ընկաւ թշնամու սիրտը:
16. Սաւուղի դէտերը Բենիամինի երկրի Գաբաա քաղաքից տեսան, որ բանակը, իրեն կորցրած, այս ու այն կողմ է գնում:
17. Սաւուղն իր հետ եղած զօրքին ասաց. Ստուգեցէ՛ք ու տեսէ՛ք, մեզանից ո՞վ է հեռացել: Ստուգեցին եւ տեսան, որ Յովնաթանն ու նրա կապարճակիրը չկան:
18. Սաւուղն ասաց Աքիային. Մօտեցրո՛ւ եփուղդ (քանզի նա եփուղ էր կրում, եւ Աստծու տապանակն այդ օրը իսրայէլացիների մօտ էր):
19. Մինչ Սաւուղը քահանայի հետ էր խօսում, այլազգիների բանակում աղաղակը գնալով աւելանում էր: Սաւուղը քահանային ասաց. Ձեռքդ յե՛տ քաշիր:
20. Սաւուղն ու նրա հետ նաեւ ամբողջ ժողովուրդը գնացին, հասան պատերազմի դաշտը: Մարդիկ իրենց սրերն ուղղեցին իրար դէմ, եւ մեծ աղմուկ առաջացաւ:
21. Եւ այն ծառաները, որոնք առաջ իսրայէլացիների հետ էին, բայց այլազգիների հետ բանակ էին եկել, շուռ եկան եւ միացան իսրայէլացիներին՝ Սաւուղին եւ Յովնաթանին:

22. Բոլոր խորայելացիները, որոնք թաքնուած էին Եփրեմի լեռան վրայ, լսելով այլազգիների փախուստի մասին, խմբուեցին ու իրենք եւս նրանց դէմ պատերազմի մէջ մտան:
23. Այդ օրը Տէրը փրկեց Իսրայէլին, եւ պատերազմը հասաւ մինչեւ Բեթաւան:
24. Սաւուղի հետ եղած ամբողջ ժողովուրդը մօտաւորապէս տասը հազար էր: Պատերազմը տարածուել էր Եփրեմի լեռան բոլոր քաղաքներում: Այդ օրը Սաւուղը անգիտութեամբ նզովեց ժողովրդին՝ ասելով. Անիծեալ լինի այն մարդը, որ մինչեւ երեկոյ, նախքան որ ես իմ թշնամիներից վրեժ լուծեմ, հաց կ'ուտի:
25. Եւ ժողովուրդը հաց չկերաւ, թէւ ամբողջ երկիրը ճաշ էր ուտում:
26. Այնտեղ՝ դաշտի դիմաց, անտառ կար, ուր մեղու էին պահում: Ժողովուրդը մտաւ մեղուանոցը: Մարդիկ, անցնելով, քրթմնջում էին, բայց ոչ ոք ձեռքն իր բերանը չէր տանում, քանզի ժողովուրդը վախենում էր Տիրոջը տրուած երդումից:
27. Յովնաթանը չիմանալով, թէ իր հայրը երդուել էր տուել ժողովրդին, իր ձեռքի գաւազանի ծայրը երկարեց, խրեց մեղրի խորսխի մէջ, իր ձեռքով մեղրը տարաւ բերանը, եւ նրա աչքերը պայծառացան:
28. Չինուորներից մէկը նրան ասաց. Քո հայրը խստագոյնս երդուեցրեց ժողովրդին՝ ասելով. Անիծեալ լինի այն մարդը, որ մինչեւ երեկոյ հաց կ'ուտի:
29. Դրա համար էլ ժողովուրդը թուլացած էր: Երբ Յովնաթանն այդ իմացաւ, ասաց. Հայրս երկիրը կորստեան է մատնել. տեսէ՛ք, թէ ինչպէս իմ աչքերը լոյս ստացան, քանզի մի քիչ ճաշակեցի այդ մեղրից:
30. Եթէ ժողովուրդն այսօր կերած լինէր իր թշնամուց վերցրած աւարից, այլազգիներին մեծամեծ հարուածներ կը հասցնէր:
31. Այդ օրը նա Մաքմասում կոտորեց այլազգիներին, իսկ ժողովուրդը սաստիկ յոգնել էր:
32. Մարդիկ ընկան աւարի վրայ, առան ոչխարները, արջառներն ու հորթերը, գետնի վրայ մորթեցին ու կերան արնաշաղախ միսը:
33. Սաւուղին յայտնեցին՝ ասելով, թէ՛ ժողովուրդը Տիրոջ դէմ մեղանչեց, քանզի արնաշաղախ միս կերաւ: Սաւուղն ասաց. Գեթթամից սկսած արդէն անօրէն էիք դարձել: Հիմա այստեղ մի մեծ քար բերէ՛ք գլորելով:
34. Սաւուղն աւելացրեց. Ժողովրդի մէջ ցրուեցէ՛ք եւ նրան ասացէ՛ք, որ ամէն մէկն իր արջառն ու ոչխարը այստեղ բերի, սրա վրայ մորթեցէ՛ք ու կերէ՛ք եւ արնաշաղախ միս ուտելով՝ Տիրոջ դէմ մեղանչած չէք լինի: Մարդիկ այն գիշեր իրենց մօտ եղածը բերեցին եւ այնտեղ մորթեցին:
35. Սաւուղն այդտեղ Տիրոջ համար գոհասեղան շինեց: Սա առաջին գոհասեղանն էր, որ նա շինեց Տիրոջ համար:
36. Սաւուղն ասաց. Գիշերը հետապնդենք այլազգիներին, մինչեւ լոյսը բացուելը կողոպտենք նրանց եւ նրանցից ոչ մի մարդ կենդանի չթողնենք: Նրան ասացին. Արա՛ւ այն, ինչ հաճելի է քեզ: Քահանան ասաց. Այստեղ մօտենանք Աստծուն:
37. Սաւուղն Աստծուն հարցրեց. Այլազգիներին հետապնդե՞նք, նրանց խորայելացիների ձեռքը կը մատնե՞ս:
38. Տէրը այդ օրը պատասխան չտուեց նրան: Սաւուղն ասաց. Հաւաքեցէ՛ք այստեղ բոլոր խորայելացիներին, որ իմանանք ու տեսնենք, թէ այսօր ո՛ւմ մեղքով է յանցանք կատարուել, քանզի Իսրայէլին փրկող Տէրը կենդանի է:
39. Եթէ մեղքը նոյնիսկ իմ որդի Յովնաթանինն էլ լինի, նա մահապատժի կ'ենթարկուի:
40. Ամբողջ ժողովրդից ոչ ոք չպատասխանեց: Այն ժամանակ նա ասաց բոլոր խորայելացիներին. Դուք ծառայութիւն կատարեցէ՛ք, իսկ ես ու իմ Յովնաթան որդին էլ ծառայութիւն կը կատարենք: Ժողովուրդն ասաց Սաւուղին. Արա՛ւ այն, ինչ հաճելի է քեզ:
41. Սաւուղն ասաց. Իսրայէլի Տէ՛ր Աստուած, ինչո՞ւ այսօր քո ծառային պատասխան չտուեցիր. եթէ անօրէնութիւնն այսօր կատարել եմ ես կամ կատարել է իմ Յովնաթան որդին, յայտնի՛ր, իսկ եթէ անօրէնութիւնը կատարուել է Իսրայէլի քո ժողովրդի մէջ, նրան քաւութիւն պարգեւիր: Վիճակ գցեցին Յովնաթանի ու Սաւուղի վրայ, եւ

Ժողովուրդը անպարտ դուրս ելաւ:

42. Սաւուղն ասաց. Վիճակ գցեցէք իմ ու իմ Յովնաթան որդու վրայ, եւ ում վրայ որ Տէրը վիճակ հանի, մահապատժի թող ենթարկուի: Ժողովուրդն ասաց Սաւուղին. Մի՛ արա այդ բանը: Սաւուղն ստիպեց Ժողովուրդին, եւ նրա ու նրա որդի Յովնաթանի վրայ վիճակ գցեցին:

43. Վիճակն ընկաւ Յովնաթանի վրայ: Սաւուղն ասաց Յովնաթանին. Ասա՛ ինձ, ի՞նչ ես արել: Յովնաթանը պատմեց նրան՝ ասելով. Իմ ձեռքի գաւազանի ծայրով մի քիչ մեղր կերայ եւ հիմա պիտի մեռնե՞մ:

44. Սաւուղն ասաց նրան. Աստուած այսպէս ու սրանից աւելին անի, եթէ դու այսօր մահապատժի չենթարկուես:

45. Ժողովուրդն ասաց Սաւուղին. Քաւ լիցի, այսօր մահապատժի թող չենթարկուի նա, ով Իսրայելին այս մեծ փրկութիւնը պարգեւեց: Կենդանի է Տէրը: Նրա գլխի մէկ մազն անգամ գետին չի ընկնելու, քանի որ Աստծու Ժողովուրդը գործեց այս մեղքերը: Եւ այդ օրը Ժողովուրդը Յովնաթանի համար աղօթքով դիմեց Տիրոջը, եւ նա մահապատժի չենթարկուեց:

46. Սաւուղը դադարեց այլազգիներին հետապնդելուց, եւ այլազգիներն իրենց տեղը գնացին:

47. Սաւուղն սկսեց թագաւորել, եւ նա որպէս Ժառանգութիւն ստացաւ Իսրայելը:

Պատերազմեց իր շուրջը գտնուող բոլոր թշնամիների դէմ, մովաբացիների, ամոնացիների, եդոմացիների, բեթորացիների, Սուբայի թագաւորի եւ այլազգիների դէմ: Որ կողմը որ դարձաւ, յաղթանակ տարաւ:

48. Նա մեծ քաջագործութիւններ արեց, յաղթեց ամաղէկացիներին եւ Իսրայելը փրկեց այն ոտնակոխ անողների ձեռքից:

49. Սաւուղի որդիներն էին Յովնաթանը, Յեսսուրը եւ Մեղքիսաւէն, իսկ նրա երկու դուստրերի անուններն էին. մեծինը՝ Մերոբ, իսկ երկրորդի անունը՝ Մեղքող:

50. Նրա կինը Աքիմասի դուստր Աքիսուամն էր: Նրա զօրավարը Ների որդի Աբեններն էր, որը Սաւուղի ազգականի որդին էր:

51. Կիսը՝ Սաւուղի հայրը, եւ Ները՝ Աբենների հայրը, Աբիելի որդի Յամինի որդիներն էին: Նրանք բոլորը երեսունութ հոգի էին:

52. Սաւուղի ամբողջ իշխանութեան ընթացքում սաստիկ պատերազմ տեղի ունեցաւ այլազգիների դէմ, եւ Սաւուղն իր տեսած բոլոր զօրաւոր ու քաջ մարդկանց իր մօտ էր հաւաքում:

1. Սամուէլն ասաց Սաւուղին. Ինձ Տէրն է առաքել, որ քեզ թագաւոր օծեմ իմ ժողովրդի՝ Իսրայէլացիների վրայ:
2. Արդ, լսի՛ր Տիրոջ պատգամները: Այսպէս է ասում զօրութիւնների Տէրը. Հիմա Իսրայէլի դէմ Ամաղէկի արածների համար վրեժ եմ լուծելու: Նա փակեց Իսրայէլացիների ճանապարհը, երբ նրանք Եգիպտոսից դուրս էին գալիս:
3. Արդ, գնա՛ եւ կոտորի՛ր ամաղէկացիներին ու յարիմացիներին եւ ոչնչացրո՛ւ այն ամէնը, ինչ նրանց է պատկանում: Նրանցից ոչ ոք չպէտք է փրկուի: Կը կոտորես նրանց ու կ'ոչնչացնես բոլորին՝ տղամարդ լինի թէ կին, երեխայ լինի թէ կաթնակեր մանուկ, արջառ ու ոչխար, ուղտ ու աւանակ:
4. Սաւուղը հրաման տուեց ժողովրդին եւ հաշուառում անցկացրեց Աղիմում: Չորս հարիւր հազարանոց հետեւակ զօրք կար, երեսուն հազարանոց հետեւակ զօրք էլ՝ Յուդայի երկրից:
5. Սաւուղը եկաւ մինչեւ Ամաղէկի քաղաքները եւ բանակը դարանամուտ եղաւ հեղեղատում:
6. Սաւուղն ասաց կիներցիներին. Խո՛յս տուէք, հեռացէ՛ք ամաղէկացիներից, որ ձեզ էլ նրանց հետ չկոտորեմ, քանզի Եգիպտոսից ելնելու ժամանակ բարեացակամ էիք եղել բոլոր Իսրայէլացիների հանդէպ:
7. Կիներցիները Ամաղէկի զօրքից հեռացան: Սաւուղը Ամաղէկի զօրքին ջախջախեց Եւիլատայից մինչեւ Եգիպտոսի դիմաց գտնուող Սուր բնակավայրը:
8. Նա կենդանի բռնեց Ամաղէկի թագաւոր Ագագին, իսկ Յարիմի ամբողջ ազգատոհմը սրի քաշեցին:
9. Սաւուղը եւ ամբողջ ժողովուրդը, սակայն, կենդանի թողեցին Ագագին, խնայեցին ընտիր ոչխարների, արջառների հօտերը, պտղատու եւ խաղողի այգիները, ամէն տեսակ բարիքները, չուգեցին ոչնչացնել դրանք, իսկ ինչ որ անարժէք ու անպէտք էր, բնաջնջեցին:
10. Տէրը խօսքն ուղղեց Սամուէլին՝ ասելով. Չղջացել եմ, որ թագաւոր եմ օծել Սաւուղին, քանզի ինձնից շուռ է եկել եւ իմ խօսքերը չի պահել:
11. Սամուէլը տրտմեց եւ ամբողջ գիշերն աղօթեց Տիրոջը:
12. Սամուէլն առաւօտ կանուխ զարթնեց ու գնաց Իսրայէլացիներին դիմաւորելու: Սամուէլին յայտնեցին՝ ասելով. Սաւուղը եկել է Կարմեղոս, իր համար յուշարձան կանգնեցրել եւ մարտակառքերը յետ դարձնելով իջել է Գաղգաղա:
13. Սամուէլը եկաւ Սաւուղի մօտ, երբ նա Տիրոջը ողջակէզներ էր մատուցում Ամաղէկից բերած աւարի լաւագոյն մսից: Երբ Սամուէլը եկաւ Սաւուղի մօտ, Սաւուղն ասաց նրան. Ո՛վ Տիրոջ օրհնեալ, կատարեցի այն, ինչ Տէրն ասել է:
14. Սամուէլն ասաց. Հապա ի՞նչ է ոչխարների այս ձայնը, որ իմ ականջին է հասնում, եւ արջառների ձայնը, որ լսում եմ:
15. Սաւուղն ասաց. Ամաղէկի երկրից բերեցի, քանզի ժողովուրդը ընտիր ոչխարներն ու արջառները ողջ պահեց, որ զոհ մատուցեն քո Տէր Աստծուն, իսկ միւսները կոտորեցի:
16. Սամուէլն ասաց Սաւուղին. Լսի՛ր, քեզ յայտնեմ այն, ինչ այս գիշեր Տէրն ասաց ինձ:
17. Նա ասաց նրան. Խօսի՛ր: Եւ Սամուէլն ասաց Սաւուղին. Չէ՞ որ դու փոքր էիր, երբ Իսրայէլի ազգատոհմերի զօրավար դարձար, եւ Տէրը քեզ Իսրայէլի վրայ թագաւոր օծեց:
18. Տէրը քեզ ճանապարհ դրեց՝ ասելով. Գնա՛ եւ ինձ դէմ մեղանշած Ամաղէկի ժողովրդին կոտորի՛ր, պատերա՛զմ մղիր, մինչեւ որ բնաջնջես նրանց:
19. Ինչո՞ւ չլսեցիր Տիրոջ ձայնը եւ աւարի վրայ ընկնելով՝ չարիք գործեցիր Տիրոջ առջեւ:
20. Սաւուղն ասաց Սամուէլին. Ես անսացի ժողովրդի ձայնին եւ գնացի այն ճանապարհով, որով Տէրն էր առաքել ինձ. Ամաղէկի թագաւոր Ագագին գերեցի, իսկ Ամաղէկի ժողովրդին կոտորեցի:
21. Ժողովուրդն այդ աւարից առաւ ընտիր ոչխարների հօտեր ու արջառներ, որպէսզի Գաղգաղայում մորթելով՝ Տէր Աստծու համար զոհեր մատուցեն:



22. Սամուէլն ասաց. Միթէ Տիրոջ համար աւելի հաճելի՞ են ողջակէզներն ու զոհերը, քան Տիրոջ ծայնին անսալը: Հնազանդութիւնն աւելի լաւ է, քան ընտիր զոհը, եւ անսալն աւելի լաւ է, քան խոյերի ճարպը:
23. Կախարդութիւն անելը մեղք է, եւ կուռքերը միայն ցաւ ու տառապանք են պատճառում: Քանի որ արհամարհեցիր Տիրոջ խօսքը, Տէրն էլ քեզ պիտի մերժի իբրեւ խրայելի թագաւոր:
24. Սաւուղն ասաց Սամուէլին. Մեղանչեցի՝ զանց անելով Տիրոջ եւ քո խօսքերը:
25. Վախեցայ ժողովրդից եւ նրա ծայնին անսացի: Արդ, ների՛ր իմ մեղքը, ինձ հետ վերադարձի՛ր, որ քո Տէր Աստծո՛ւն երկրպագեմ:
26. Սամուէլն ասաց Սաւուղին. Ես քեզ հետ չեմ վերադառնայ, քանզի արհամարհեցիր Տիրոջ խօսքը, եւ Տէրը քեզ մերժեց իբրեւ խրայելի թագաւոր:
27. Սամուէլը երեսը դարձրեց, որ գնայ, բայց Սաւուղը բռնեց նրա թիկնոցի ծայրից ու պատռեց այն:
28. Սամուէլն ասաց նրան. Տէրն այսօր քո վրայից վերցրեց խրայելի թագաւորութիւնը եւ այն տալու է քեզանից լաւ ընկերոջդ:
29. Խրայելը երկու մասի է բաժանուելու, եւ Տէրն իր խօսքից յետ չի դառնալու ու չի զղջալու, քանզի նա մարդ չէ, որ զղջայ:
30. Նա սպառնացող է: Սաւուղն ասաց. Մեղանչել եմ, սակայն հիմա ժողովրդի ծերերի ու խրայելացիների առաջ ինձ պատուի՛ր, վերադարձի՛ր ինձ հետ, եւ ես կ'երկրպագեմ քո Տէր Աստծուն:
31. Սամուէլը Սաւուղի մօտ վերադարձաւ, եւ Սաւուղը Տիրոջը երկրպագութիւն արեց:
32. Սամուէլն ասաց. Ինձ մօ՛տ բերեք Ամաղէկի թագաւոր Ագագին: Ագագը դողալով մօտեցաւ եւ ասաց. Մի՞թէ այսպէս դառն է մահը:
33. Սամուէլն ասաց Ագագին. Ինչպէս որ քո սուրը կանանց որդեկորոյս դարձրեց, նոյն ձեւով էլ որդեկորոյս կը լինի քո մայրը կանանց մէջ: Սամուէլն Ագագին սպանեց Տիրոջ առջեւ Գաղգաղայում:
34. Սամուէլը գնաց Արիմաթեմ, իսկ Սաւուղը ելաւ գնաց Գաբաա, իր տունը:
35. Սամուէլը մինչեւ իր մահուան օրը այլեւս չտեսաւ Սաւուղին, քանզի Սամուէլը Սաւուղի համար սուգ էր անում: Եւ Տէրը զղջացել էր, որ Սաւուղին թագաւոր էր օծել խրայելի վրայ:

1. Տերն ասաց Սամուէլին. Մինչեւ ե՞րբ պետք է սգաս Սաւուղին, ես նրան գրկել եմ հարայելի վրայ թագաւորելուց: Զո եղջիւրը իւղով լցրո՛ւ, ե՛կ քեզ առաքեմ Բեթղեհեմ, Յեսսէի մօտ, քանզի նրա որդիներից մէկին եմ թագաւոր ընտրել:
2. Սամուէլն ասաց. Ինչպէ՞ս երթամ: Սաւուղը կը լսի, եւ ինձ կը սպանի: Տերն ասաց. Դու քեզ հետ մի երինջ վերցրո՛ւ եւ ասա՛, թէ Տիրոջը զոհելու համար եմ եկել:
3. Եւ Յեսսէին հրաւիրի՛ր զոհաբերութիւն անելու ու ինչ որ պիտի անես, ես կ'ասեմ: Դու կ'օծես նրա՛ն, որին քեզ կ'ասեմ:
4. Սամուէլն արեց այն, ինչ Տերն ասել էր, ու եկաւ Բեթղեհեմ: Զաղաքի ծերերը զարհուրած դիմաւորեցին նրան՝ ասելով. Զո մուտքը թող խաղաղութեամբ լինի, ո՛վ տեսանող:
5. Նա ասաց. Խաղաղութեամբ է, Տիրոջը զոհաբերութիւն անելու եմ եկել: Մաքրուեցէ՛ք ու ինձ հետ ուրա՛խ եղէք այսօր: Նա Յեսսէին ու նրա որդիներին մաքրեց եւ զոհաբերութեան հրաւիրեց նրանց:
6. Երբ նրանք մտնում էին, նա Եղիաբին տեսնելով՝ ասաց. Իրօք, Տիրոջ օծեալն իր առջեւ է:
7. Տերը, սակայն, ասաց Սամուէլին. Նրա տեսքին մի՛ նայիր եւ ոչ էլ հասակի բարձրութեանը, քանզի ես նրան չեմ ընտրել: Աստուած այնպէս չի նկատում, ինչպէս նկատում են մարդիկ. մարդիկ երեսին են նայում, իսկ Աստուած՝ սրտին:
8. Յեսսէն կանչեց Ամինադաբին ու նրան անցկացրեց Սամուէլի առջեւից: Սամուէլն ասաց. Տերը սրան չի ընտրել:
9. Յեսսէն Սամուէլի առջեւից անցկացրեց Սամաային, եւ Սամուէլն ասաց. Ոչ էլ սրան է ընտրել Տերը:
10. Յեսսէն Սամուէլի առջեւից անցկացրեց իր եօթը որդիներին էլ, բայց Սամուէլն ասաց Յեսսէին.
11. Տերը դրանցից որեւէ մէկին չի ընտրել: Սամուէլը Յեսսէին ասաց. Այսքա՞ն են քո որդիները: Յեսսէն ասաց. Մի փոքրիկ տղայ էլ ունեմ, որ ոչխար է արածեցնում: Սամուէլն ասաց Յեսսէին. Մարդ ուղարկի՛ր ու բերել տո՛ւր նրան, քանզի մենք սեղան չենք նստի, մինչեւ նա այստեղ չգայ:
12. Յեսսէն մարդ ուղարկեց ու բերել տուեց նրան: Նա խարտեաշ էր, սիրուն աչքերով ու Տիրոջ համար գեղանի տեսքով:
13. Տերն ասաց Սամուէլին. Վե՛ր կաց, օծի՛ր Դաւթին, քանզի նա լաւ է: Սամուէլը իւղով լի եղջիւրն առաւ եւ իր եղբայրների մէջ օծեց նրան: Այդ օրուանից եւ յետոյ Տիրոջ հոգին շարժուեց Դաւթի վրայ: Սամուէլը վեր կացաւ ու գնաց Արիմաթեմ:
14. Տիրոջ հոգին վերացաւ Սաւուղից, եւ Տիրոջ կողմից առաքուած մի չար ոգի նեղում էր նրան:
15. Ծառաներն ասացին նրան. Ահա Տիրոջ կողմից առաքուած մի չար ոգի խեղդում է քեզ:
16. Թող քո առաջ կանգնած ծառաներդ խօսեն եւ խնդրեն մեր Տիրոջը, որ գտնեն մի մարդու, որ գիտի նուագել, եւ հէնց որ Աստծուց ուղարկուած չար ոգին քեզ վրայ հասնի, նա քնար նուագելով կ'երգի, դա քեզ հաճելի կը լինի եւ կը հանգստացնի քեզ:
17. Սաւուղն իր ծառաներին ասաց. Գտէ՛ք մի մարդ, որ լաւ է նուագում, եւ նրան բերէ՛ք ինձ մօտ:
18. Ծառաներից մէկն ասաց. Ես տեսել եմ Բեթղեհեմացի Յեսսէի տղային, որ գիտի սաղմոս ասել, շնորհալի մարդ է ու պատերազմիկ, իմաստուն ու ճարտասան, գեղեցիկ տեսքով: Եւ Տերը նրա հետ է:
19. Սաւուղը պատգամաւորներ ուղարկելով Յեսսէի մօտ՝ ասաց. Ինձ մօտ ուղարկիր քո որդի Դաւթին՝ քո հօտի պահապանին:
20. Յեսսէն առաւ մի արդու հաց, մի տիկ գինի ու մի ուլ եւ իր որդի Դաւթի հետ ուղարկեց Սաւուղին:

21. Դաւիթն եկաւ Սաւուղի մօտ ու կանգնեց նրա առջեւ: Սաւուղը նրան շատ սիրեց, եւ նա նրա կապարճակիրը դարձաւ:
22. Սաւուղը Յեսսէին լուր ուղարկեց՝ ասելով. Դաւիթը թող ինձ մօտ մնայ, քանզի իմ առաջ նա շնորհ գտաւ:
23. Եւ երբ չար ոգին իջնում էր Սաւուղի վրայ, Դաւիթը առնում էր քնարը եւ նուագում իր ձեռքով, հանգստացնում էր Սաւուղին: Սաւուղը հանգստանում էր, եւ չար ոգին նրանից հեռանում էր:

1. Այլազգիներն իրենց զօրքը հաւաքեցին, որ պատերազմեն: Նրանք հաւաքուեցին Հրեաստանի Սոկքով վայրում եւ բանակեցին Սոկքովի ու Ափեսդոմի Ագեկա բնակավայրի միջեւ:
2. Սաւուղն ու իսրայելացիները նոյնպէս համախմբուեցին հովիտներում եւ պատերազմի ճակատ կազմեցին այլազգիների դէմ:
3. Այլազգիները լերան այն կողմում էին, իսկ իսրայելացիները լերան այս կողմում էին. նրանց միջեւ հովիտ կար:
4. Այլազգիների ճակատից գեթցի մի զօրեղ մարդ դուրս եկաւ, որի անունն էր Գողիաթ: Նրա հասակի բարձրութիւնը վեց կանգուն եւ մէկ թիգ էր,
5. գլխին սաղաւարտ կար, հագել էր պղնձից ու երկաթից լանջապանակ, մի զրահ, որի քաշը հինգ հազար սիկլ էր:
6. Նրա ազդրերին պղնձէ սնապաններ կային, իսկ թիկունքին՝ պղնձէ վահան:
7. Նրա գեղարդի բունը նման էր ոստայնանկների գլանի, իսկ նրա երկաթէ տեգը վեց հարիւր սիկլ էր կշռում: Նրա զինակիրն իր առջեւից էր ընթանում:
8. Նա եկաւ կանգնեց, ծայն տուեց իսրայելացիների բանակին՝ ասելով. Ինչո՞ւ եք մեր դէմ ելել պատերազմելու: Չէ՞ որ ես այլազգի եմ, իսկ դուք՝ եբրայեցիներդ, Սաւուղի ստրուկներ: Ձեր միջից ընտրեցէ՛ք մի մարդ, որ իմ դէմ ելնի:
9. Եթէ նա կարողանայ կռուել իմ դէմ եւ ինձ սպանել, մենք ձեզ ծառայ կը լինենք, իսկ եթէ ես յաղթեմ ու սպանեմ նրան, դո՛ւք մեզ ծառայ կը լինէք ու մեզ կը ծառայէք:
10. Այլազգին անելացրեց. Ահաւասիկ ես այսօր Իսրայելի զօրքը խայտառակելու եմ: Մի մարդ տուէ՛ք, եւ ես ու նա երկուսով մենամարտենք:
11. Երբ Սաւուղն ու բոլոր իսրայելացիները լսեցին այլազգու խօսքերը, ահաբեկուեցին, շատ վախեցան:
12. Յուդայի երկրի Բեթղեհեմ քաղաքից եփրաթացի մի մարդ կար, նրա անունը Յեսսէ էր: Նա մի որդի ուներ: Յեսսէն ութ որդի ուներ: Սաւուղի օրօք նա ծերութեան հասած մարդ էր:
13. Յեսսէի երեք աւագ որդիները Սաւուղի հետ պատերազմի էին գնացել: Պատերազմի գնացած որդիների անուններն էին. անդրանիկ որդունը՝ Եղիաբ, երկրորդինը՝ Ամինադաբ եւ երրորդինը՝ Սամաա:
14. Դաւիթը կրտսերն էր, իսկ երեք աւագ որդիները գնացել էին Սաւուղի հետ:
15. Դաւիթը Սաւուղի մօտից վերադարձաւ, որ Բեթղեհեմում գտնուող իր ոչխարներն արածեցնի:
16. Այն այլազգին քառասուն օր, առաւօտ կանուխ ու երեկոյեան, գալիս արձանացած կանգնում էր իսրայելացիների առաջ:
17. Յեսսէն ասաց իր որդի Դաւթին. Այս մէկ արդու խարկած ցորենը եւ տասը նկանակը ա՛ռ ու շտապի՛ր բանակ, տո՛ւր քո եղբայրներին: Այս տասը գլուխ պանիրը տո՛ւր հազարապետին:
18. Նաեւ իմացի՛ր, թէ եղբայրներդ ողջ-առո՞ղջ են, եւ հարցրո՛ւ, թէ որեւէ բանի պետք ունե՞ն:
19. Սաւուղը եւ բոլոր իսրայելացիները Կաղնու հովտում էին հաւաքուել, որ այլազգիների դէմ պատերազմեն:
20. Դաւիթը վաղ առաւօտեան վեր կացաւ եւ ոչխարներին թողնելով հովիւներին՝ այդ բաներն առաւ ու գնաց, ինչպէս Յեսսէն էր հրամայել իրեն: Երբ հասաւ տափարակ տեղը, զօրքերն արդէն շարուել էին՝ ճակատ կազմելու եւ պատերազմի աղաղակներ էին արձակում:
21. Իսրայելացիները եւ այլազգիները միմեանց դէմ էին կանգնել ճակատ առ ճակատ:
22. Դաւիթն իր բերածները յանձնեց բանակի մթերապահին եւ վազեց դէպի զօրքը ու հետաքրքրուեց իր եղբայրների առողջութեամբ:
23. Մինչ նա խօսում էր, այլազգիների ճակատից դուրս եկաւ յամինացի այն փղշտացին,

որի անունն էր Գողիաթ: Նա գեթացի էր: Նա կրկնեց նոյն խօսքերը, եւ Դաւիթը լսեց դրանք:

24. Բոլոր իսրայելացիներն այդ մարդուն տեսնելով՝ նրա առաջից փախան եւ սաստիկ վախեցան:

25. Իսրայելացիներն ասացին. Տեսա՞ք այս մարդուն, որն Իսրայելին խայտառակելու է դուրս եկել: Ով որ սպանի նրան, արքան մեծ հարստութեամբ կը լիացնի նրան, իր աղջկան նրան կնութեան կը տայ եւ նրա հօր տունը Իսրայելի մէջ ազատ կը դարձնի:

26. Դաւիթն իրեն շրջապատող մարդկանց ասաց. Ի՞նչ կ'անեն այն մարդուն, որ այլազգուն կը սպանի եւ Իսրայելի նախատինքը կը վերացնի: Ո՞վ է այդ անթլփատ այլազգին, որը կենդանի Աստծու զօրքին վիրաւորանք է հասցնում:

27. Եւ ժողովուրդը նոյն խօսքերը կրկնելով՝ նրան ասաց. Այսպէս ու այսպէս կը լինի այն մարդը, որ կը սպանի նրան:

28. Երբ նրա աւագ եղբայր Եղիաբը լսեց նրա գրոյցը այդ մարդկանց հետ, Դաւթի վրայ խիստ բարկանալով՝ ասաց. Դու ինչո՞ւ ես եկել այստեղ, անապատում ո՞ւմ ես յանձնել այն փոքրաթիւ ոչխարները: Ես գիտեմ քո մեծամտութիւնը եւ սրտի չարութիւնը, դու պատերազմը դիտելու համար ես եկել:

29. Դաւիթն ասաց. Ի՞նչ եմ արել, բան էր՝ ասացիք:

30. Եւ նրանից հեռանալով՝ նոյն հարցը տուեց, եւ մարդիկ նոյն խօսքերով պատասխան տուեցին:

31. Դաւթի խօսակցութիւնը յայտնի դարձաւ, եւ երբ այդ մասին պատմեցին Սաւուղին, նա նրան կանչել տուեց իր մօտ:

32. Դաւիթն ասաց Սաւուղին. Գողիաթի պատճառով իմ տիրոջ սիրտը թող չկոտորուի:

33. Քո ծառան կը գնայ ու կը մենամարտի այդ այլազգու դէմ: Սաւուղն ասաց Դաւթին. Գուցէ չկարողանաս գնալ կռուել այլազգու դէմ, քանզի պատանի ես, իսկ նա մանկութիւնից ի վեր պատերազմող մարդ է եղել:

34. Դաւիթն ասաց Սաւուղին. Քո ծառան իր հօր ոչխարներն էր արածեցնում, եւ երբ առիւծ կամ արջ էր գալիս եւ հօտից ոչխար էր տանում,

35. ես նրան հետապնդում էի, զարկում եւ կորզում ոչխարը նրա երախից: Իսկ եթէ ինձ վրայ էր յարձակւում, բռնում էի նրա կոկորդից, հարուածում ու սպանում նրան:

36. Քո ծառան առիւծ էլ է սատկեցրել, արջ էլ: Նոյն կերպ կը վարուեմ ես այդ անթլփատ այլազգու հետ: Արդ, ինչո՞ւ չգնամ, չսպանեմ նրան եւ այսօր եւեթ վերացնեմ Իսրայելի նախատինքը: Ո՞վ է այդ անթլփատը, որ կենդանի Աստծու զօրքն է նախատել:

37. Դաւիթն ասաց. Եթէ Տէր Աստուած ինձ փրկել է առիւծի ու արջի ճանկերից, ինձ կը փրկի նաեւ այդ անթլփատ այլազգու ձեռքից:

38. Սաւուղն ասաց. Գնա՛, Տէրը քեզ հետ թող լինի: Սաւուղը Դաւթի ուսերին գցեց իր թիկնոցը, գլխին դրեց պղնձե սաղաւարտը եւ հագցրեց իր զրահները:

39. Դաւիթը նրա սուրը կապեց թիկնոցի վրայից եւ գնալ-գալիս մէկ երկու անգամ սայթաքեց: Դաւիթը Սաւուղին ասաց. Սրանցով չեմ կարող քայլել, որովհետեւ սովոր չեմ. եւ զրահը հանեցին նրա վրայից:

40. Նա ձեռքն առաւ ցուպը եւ հեղեղատից հինգ ողորկ քարեր ընտրելով՝ դրեց իր հովուական տոպրակի մէջ, որի մէջ սովոր էր քարեր հաւաքել: Նա պարսատիկն իր ձեռքն առնելով՝ գնաց դէպի այլազգին:

41. Այլազգին նոյնպէս եկաւ ու մօտեցաւ Դաւթին:

42. Նրա վահանակիրն իր առջեւից էր գնում: Երբ այլազգին նայեց ու տեսաւ Դաւթին, արհամարհեց նրան, քանզի նա խարտեաշ ու գեղեցիկ աչքերով մի պատանեակ էր:

43. Այլազգին ասաց Դաւթին. Ինչպէ՞ս թէ, մի՞թէ ես շուն եմ, որ ցուպով ու քարերով ես գալիս ինձ վրայ: Դաւիթն ասաց. Դու շնից էլ վատթար ես: Եւ այլազգին իր աստուածներով նզովելով Դաւթին՝ ասաց նրան.

44. Ե՛կ ինձ մօտ, եւ ես քո մարմինը կը տամ երկնքի թռչուններին ու երկրի գազաններին:

45. Դաւիթն ասաց այլազգուն. Դու ինձ վրայ ես յարձակւում սրով, գեղարդով եւ վահանով, իսկ ես քեզ վրայ եմ յարձակւում Իսրայելի զօրքի զօրութիւնների Տիրոջ

անունով, Իսրայելի, որին դու այսօր նախատեսիր:

46. Տերը քեզ այսօր իմ ձեռքը կը մատնի, ես կը սպանեմ քեզ, քո գլուխը կը կտրեմ, քո լեշն ու այլազգիների բանակի դիակները այսօր երկնքի թռչուններին ու երկրի գազաններին կը տամ: Ամբողջ երկիրը կ'իմանայ, թե Աստուած գոյութիւն ունի Իսրայելի մէջ,

47. այս ամբողջ բազմութիւնը կ'իմանայ, թե Տերը սրով ու գեղարդով չէ, որ փրկում է, քանզի սա Տիրոջ պատերազմն է, եւ Տերը ձեզ մեր ձեռքը պիտի մատնի:

48. Վեր կացաւ այլազգին ու եկաւ մօտեցաւ Դաւթին, իսկ Դաւիթն շտապեց եւ այլազգու դէմ ճակատելու գնաց:

49. Դաւիթը ձեռքը մտցրեց տոպրակի մէջ, այնտեղից մի քար առաւ ու այն պարսատիկով նետելով՝ հարուածեց այլազգու ճակատին: Քարը սաղաւարտը ծակելով մտաւ ճակատի մէջ, եւ Գողիաթը երեսնիվայր գետին ընկաւ:

50. Այսպիսով Դաւիթը պարսատիկով ու քարով յաղթեց այլազգուն, հարուածեց ու սպանեց նրան:

51. Դաւթի ձեռքին, սակայն, սուր չկար, ուստի Դաւիթը վազեց, կանգնեց այլազգու վրայ, բռնեց նրա սուրը, բռնելով քաշեց հանեց պատեանից, սպանեց ու գլխատեց նրան:

52. Երբ այլազգիները տեսան, թե իրենց հօգի մարդը մեռաւ, փախան: Իսրայելացիների ու Յուդայի երկրի մարդիկ վեր կենալով՝ աղաղակեցին, յարձակուեցին ու հետապնդեցին նրանց մինչեւ Գեթի մուտքը եւ Ակկարոնի դարպասները: Վիրաւոր այլազգիներն ընկան ճանապարհների վրայ մինչեւ Գեթի ու Ակկարոնի դարպասները:

53. Իսրայելացիները այլազգիներին հալածելուց յետոյ վերադարձան ու կողոպտեցին նրանց բանակատեղին:

54. Դաւիթը վերցրեց այլազգու գլուխը եւ այն բերեց Երուսաղէմ, իսկ նրա զէնքերը բերեց իր վրանը:

55. Երբ Սաուլը տեսաւ այլազգու դէմ յարձակուած Դաւթին, ասաց զօրքի հրամանատար Աբեններին. Աբեններ, ո՞ւմ որդին է այս պատանեակը:

56. Աբեններն ասաց. Կենդանի է քո անձը, արքայ՝, չգիտեմ: Արքան ասաց. Հարցրո՛ւ եւ իմացի՛ր, թե ո՞ւմ որդին է այդ պատանեակը:

57. Երբ Դաւիթը վերադարձաւ այլազգուն սպանելուց յետոյ, Աբենները նրան տարաւ Սաուլի մօտ: Այլազգու գլուխը Դաւթի ձեռքին էր:

58. Սաուլը հարցրեց նրան. Ո՞ւմ որդին ես դու, պատանի՛: Դաւիթն ասաց. Քո ծառայ Յեսսէ Բեթղեհեմացու որդին եմ:

1. Երբ Դաւիթը Սաւուղի հետ խօսակցութիւնը վերջացրեց, Յովնաթանը հոգով կապուեց Դաւթին:
2. Յովնաթանը նրան իր անձի պէս սիրեց: Նոյն օրը Սաւուղն իր մօտ վերցրեց նրան ու չթողեց, որ նա վերադառնայ իր հօր տունը:
3. Յովնաթանը Դաւթի հետ ուխտ դրեց, քանզի Յովնաթանը նրան իր անձի պէս էր սիրում:
4. Յովնաթանն իր թիկնոցը հանեց ու տուեց Դաւթին, նաեւ իր զինուորական համազգեստը, նոյնիսկ իր սուրը, աղեղն ու գօտին:
5. Դաւիթը գնում էր ամէն տեղ, ուր Սաւուղն ուղարկում էր նրան, եւ նա գնալով իմաստուն էր դառնում: Սաւուղը նրան պատերազմիկների առաջնորդ կարգեց, եւ նա ամբողջ ժողովրդի, ինչպէս նաեւ Սաւուղի ծառաների աչքին հաճելի դարձաւ:
6. Երբ նրանք պատերազմից գալիս էին, եւ Դաւիթը այլազգուն սպանելուց յետոյ վերադառնում էր, Իսրայէլի բոլոր քաղաքներից պարողները երգերով ու պարերով դիմաւորեցին Դաւթին, թմբուկներով, ուրախութեան բացականչութիւններով ու ծնծղաներով ընդառաջ եկան Սաւուղ արքային:
7. Պարող կանայք երգելով ասում էին. Սաւուղը հազար, իսկ Դաւիթը բազմահազար մարդկանց սպանեց:
8. Սաւուղը զայրացաւ այդ խօսքերի համար եւ ասաց. Բազմահազարը Դաւթին վերագրեցին, իսկ ինձ՝ հազարը: Արդ, նրան ի՞նչ է պակասում բացի թագաւորութիւնից:
9. Այն օրից Սաւուղը ծուռ աչքով էր նայում Դաւթին:
10. Հետեւեալ օրը Աստծուց ուղարկուած չար ոգին պատեց Սաւուղին, եւ սա ցնորամիտ դարձաւ իր տան մէջ: Դաւիթն, ինչպէս միշտ, իր ձեռքով քնար էր նուագում, իսկ Սաւուղի ձեռքին գեղարդ կար:
11. Նա իր մտքում ասաց. Գեղարդով հարուածեմ ու Դաւթին պատին գամեմ: Սաւուղը նետեց գեղարդը, բայց Դաւիթը երկու անգամ նրանից խոյս տուեց:
12. Սաւուղը Դաւթի ներկայութիւնից վախենում էր, որովհետեւ Տէրը նրա հետ էր, իսկ Սաւուղից հեռացել էր:
13. Սաւուղը նրան հազարապետ կարգելով՝ իր մօտից հեռացրեց, եւ Դաւիթը ժողովրդի մէջ ելումուտ էր անում:
14. Դաւիթն ամէն գործում խելամիտ էր, եւ Տէրը նրա հետ էր:
15. Երբ Սաւուղը տեսաւ, որ նա չափազանց իմաստուն է, երկիւղ էր կրում նրանից:
16. Բոլոր իսրայէլացիներն ու Յուդայի երկրի բնակիչները սիրում էին Դաւթին, քանզի նա էր նրանց մօտ ելումուտ անողը:
17. Սաւուղն ասաց Դաւթին. Ահա իմ մեծ աղջկան՝ Մերոբին քեզ կնութեան եմ տալու, միայն թէ դու ինձ քաջաբար ծառայի՝ ու Տիրոջ պատերազմները վարի՛ր: Սաւուղը մտածում էր. Թող իմ ձեռքը նրա դէմ չլինի, այլ թող այլազգիների ձեռքը նրա դէմ լինի:
18. Դաւիթն ասաց Սաւուղին. Ո՞վ եմ ես, ի՞նչ է իմ ապրուստը, եւ ի՞նչ է իմ հօր ազգատոհմը Իսրայէլի մէջ, որ արքային փեսայ դառնամ:
19. Եւ այդ ժամանակ, երբ Սաւուղի դուստր Մերոբը կնութեան պիտի տրուէր Դաւթին, Մուրաթացի եգրիէլի՛ն կնութեան տրուեց:
20. Սաւուղի դուստր Մեղքողը սիրեց Դաւթին, ու երբ այդ մասին յայտնեցին Սաւուղին, դա նրան հաճելի թուաց:
21. Սաւուղը մտածեց. Նրան կնութեան տամ, որ նա նրա համար որոգայթ դառնայ: Եւ այլազգիների ձեռքը Սաւուղի վրայ էր: Սաւուղն ասաց Դաւթին. Այսօր դու ինձ երկու աղջիկներով փեսայ դարձար:
22. Սաւուղն իր ծառաներին պատուիրեց՝ ասելով. Դաւթի հետ ծածուկ խօսելով՝ ասացէ՛ք. Արքան քեզ հաւանել է, եւ նրա բոլոր մարդիկ սիրում են քեզ, ուստի փեսայ դարձիր արքային:
23. Սաւուղի ծառաները այս խօսքերը Դաւթի ականջին հասցրին: Դաւիթն ասաց. Ձեզ

թում է հեշտ բան է արքային փեսայ դառնալը: Ես մի խեղճ ու աննշան մարդ եմ:

24. Սաւուղի ծառաները հաղորդեցին նրան Դաւթի պատասխանը: Սաւուղն ասաց. Այսպէ՛ս ասացեք Դաւթին.

25. Արքան գլխագին չի ուզում, այլ միայն այլազգիների հարիւր անթլիատութիւն, որպէսզի արքայի թշնամիներից վրեժ լուծի: Սաւուղը մտածում էր Դաւթին այլազգիների ձեռքը յանձնել:

26. Սաւուղի ծառաներն այս խօսքերը հաղորդեցին Դաւթին, ու Դաւթին հաճելի թուաց արքային փեսայ դառնալը:

27. Պայմանաւորուած ժամկէտը դեռ չէր վերջացել, որ Դաւիթն իր մարդկանցով վեր կացաւ եւ այլազգիներից հարիւր մարդ սպանեց, բերեց նրանց չթլիատուած անդամները, լցրեց արքայի առջեւ եւ արքային փեսայ դարձաւ. Սաւուղն իր դուստր Մեղքողին նրան կնութեան տուեց:

28. Սակայն երբ Սաւուղը տեսաւ ու հասկացաւ, թէ Տէրը Դաւթի հետ է, եւ ամբողջ Խորայէլը սիրում է նրան, սկսեց առաւել եւս վախենալ Դաւթից:

29. Եւ Սաւուղը միշտ թշնամութեամբ էր վերաբերում Դաւթին:

30. Այլազգիների իշխանները ոտքի ելան. նրանք երկար ժամանակ էին նախապատրաստում դրան. ամէն անգամ Դաւիթն աւելի խորագետ էր գործում, քան Սաւուղի բոլոր ծառաները, ուստի նրա անունը գնալով աւելի էր փառաւորում:



1. Սաւուղը խօսեց իր Յովնաթան որդու եւ իր բոլոր ծառաների հետ՝ Դաւթին սպանելու համար:
2. Սաւուղի որդի Յովնաթանը, սակայն, շատ էր սիրում Դաւթին եւ այս բանը հաղորդեց նրան՝ ասելով. Իմ հայրը մտադիր է քեզ սպանել, ուստի զգո՛յշ եղիր վաղն առաւօտեան, թաքնուի՛ր ու նստի՛ր թաքստոցում:
3. Ես դուրս կը գամ ու կը կանգնեմ հօրս մօտ, այն դաշտում, ուր դու կը լինես: Ես իմ հօր հետ կը խօսեմ քո մասին, կը տեսնեմ, թէ ինչ կ'ասի եւ կը յայտնեմ քեզ:
4. Եւ Յովնաթանը Դաւթի մասին նպաստաւոր խօսքեր ասելով իր հօրը՝ Սաւուղին, աւելացրեց. Թող արքան իր ծառայ Դաւթի դէմ մեղք չգործի, քանզի նա ոչ մի մեղք չի գործել քո դէմ: Նա քո նկատմամբ բարի շատ գործեր է կատարել:
5. Նա իր անձը վտանգի ենթարկելով՝ սպանել է այլազգուն՝ Գողիաթին, Տերը մեծ փրկութիւն է շնորհել, եւ ամբողջ Իսրայէլն այդ տեսնելով՝ ուրախացել է: Ինչո՞ւ Դաւթին ի գուր սպանելով անմեղ արեան մեղքի տակ մտնես:
6. Սաւուղն անսաց Յովնաթանի խօսքին ու երդուեց՝ ասելով. Կենդանի է Տերը. նա չափտի մեռնի:
7. Յովնաթանը կանչեց Դաւթին եւ հաղորդեց նրան այս բոլոր խօսքերը: Յովնաթանը Դաւթին տարաւ Սաւուղի մօտ, եւ նա Դաւթին վերաբերուեց այնպես, ինչպես նախկինում:
8. Դարձեալ պատերազմ եղաւ, ու Դաւիթը դուրս եկաւ այլազգիների դէմ պատերազմի: Նա նրանց շատ մեծ ջարդ տուեց, եւ նրանք փախան նրա առջեւից:
9. Տիրոջ չար ոգին իջաւ Սաւուղի վրայ. սա, գեղարդը ձեռքին, իր տանը նստած էր, իսկ Դաւիթը քնար էր նուագում:
10. Սաւուղը փորձեց Դաւթին գեղարդով պատին գամել, սակայն նա Սաւուղի հարուածից խոյս տուեց. գեղարդը պատին խրուեց, իսկ Դաւիթը փախչելով ազատուեց:
11. Այդ գիշեր Սաւուղը մարդ ուղարկեց Դաւթի տունը, որ հետեւեն եւ առաւօտեան սպանեն նրան: Դաւթի կին Մեղքողն այդ մասին նրան յայտնելով՝ ասաց. Եթէ այս գիշեր ինքդ քեզ չփրկես, վաղը կը մեռնես:
12. Մեղքողը Դաւթին պատուհանից իջեցրեց, եւ սա փախչելով փրկուեց:
13. Մեղքողը մի խրտուիլակ բերեց ու դրեց մահճի վրայ, նաեւ այծի լեարդ ու սնարին՝ մագի կծիկ եւ ծածկոցով ծածկեց:
14. Սաւուղը մարդ ուղարկեց Դաւթին բռնելու. եկան ասացին Սաւուղին, թէ նա հիւանդ է:
15. Դարձեալ մարդ ուղարկեց Դաւթի յետեւից՝ ասելով. Մահիճով հանդերձ նրան ինձ մօտ բերե՛ք, որ սպանեմ:
16. Մարդիկ եկան եւ տեսան, որ մահճի մէջ խրտուիլակ էր դրուած, այծի լեարդ եւ սնարին՝ մագի կծիկ:
17. Սաւուղն ասաց Մեղքողին. Ինչո՞ւ ինձ այսպես խաբեցիր, իմ թշնամուն բաց թողեցիր, եւ նա փրկուեց: Մեղքողն ասաց Սաւուղին. Ինքն ասաց, թէ՛ Արծակի՛ր ինձ, ապա թէ ոչ՝ քեզ կը սպանեմ:
18. Դաւիթը փախչելով փրկուեց, եկաւ Արիմաթեմ, Սամուէլի մօտ, նրան պատմեց ամէն ինչ, որ Սաւուղն արել էր իր նկատմամբ: Սամուէլն ու Դաւիթը գնացին ու բնակուեցին Ռամայի Նաւաթ բնակավայրում:
19. Սաւուղին իմաց տուեցին, թէ՛ Ահա Դաւիթը Ռամայի Նաւաթ բնակավայրում է:
20. Սաւուղը մարդիկ ուղարկեց, որ բռնեն Դաւթին, բայց երբ նրանք տեսան մարգարէութիւն անող մարգարէների ժողովն ու նրանց ղեկավարող Սամուէլին, Աստծու հոգին Սաւուղի մարդկանց վրայ իջաւ, եւ նրանք էլ մարգարէացան:
21. Սաւուղին պատմեցին եղելութիւնը, նա այլ մարդկանց ուղարկեց, եւ սրանք եւս մարգարէացան: Սաւուղը կրկին ուրիշ մարդկանց ուղարկեց, սրանք էլ մարգարէացան:
22. Սաւուղը խիստ բարկացաւ, ինքը գնաց Արիմաթեմ ու հասնելով մինչեւ Սոկքովի մեծ

ջրհորը՝ հարցրեց. Ո՞ր են Սամուէլն ու Դաւիթը:

23. Նրան ասացին. Ռամայի Նաւաթ բնակավայրում: Նա այնտեղից գնաց Ռամայի Նաւաթ բնակավայրը, Աստծու հոգին իջաւ նրա վրայ, եւ նա ճանապարհը շարունակելով՝ մինչեւ Ռամայի Նաւաթ բնակավայրը հասնելը մարգարեութիւն էր անում:

24. Նա հանեց իր զգեստները ու նրանց առջեւ մարգարեանում էր: Ամբողջ գիշեր ու ցերեկ նա մերկ ընկած էր գետնին: Դրա համար են ասում, թէ՝ Սաւո՞ւղն էլ է մարգարէների մէջ:

1. Դաւիթը Ռամայի Նաւաթ բնակավայրից փախաւ եկաւ Յովնաթանի մօտ ու ասաց Նրան. Ի՞նչ եմ արել, ո՞րն է յանցանքս, ի՞նչ մեղք եմ գործել քո հօր դէմ, որ մտադրուել է ինձ սպանել:
2. Յովնաթանը Նրան ասաց. Քա՛ւ լիցի, դու չպիտի մեռնես: Հայրս ոչ մի մեծ կամ փոքր գործ չի բռնում առանց ինձ յայտնելու, եւ ինչպէ՞ս կարող է հայրս այդ բանն ինձնից թաքցնել:
3. Այդպիսի բան չկայ: Պատասխան տուեց Դաւիթը Յովնաթանին՝ ասելով. Քո հայրը լաւ գիտի, որ ես շնորհ եմ գտել քո աչքում, եւ դրա համար էլ կը մտածի, թէ Յովնաթանն այդ մասին թող չիմանայ, թէ չէ դժգոհ կը լինի: Բայց վկայ է Տէրը, եւ վկայ ես դու, որ, ինչպէս ասացի, ինձ մի քայլ է բաժանում հօրդ նիւթած մահից:
4. Յովնաթանն ասաց Դաւթին. Դու ինչ որ կը կամենաս, ես կ'անեմ քեզ համար:
5. Դաւիթն ասաց Յովնաթանին. Ահա վաղը նորալուսին է, ես պետք է արքայի հետ նստէի հաց ուտելու, սակայն ինձ թո՛ղ, որ մինչեւ երրորդ օրուայ երեկոն դաշտում թաքնուեմ:
6. Եթէ հայրդ իմ մասին հարցնի, կ'ասես, թէ՝ Դաւիթն իր քաղաքը՝ Բեթղեհեմ գնալու արտօնութիւն խնդրեց ինձանից, քանզի այնտեղ ամբողջ ազգատոհմի զոհաբերութեան օրն է:
7. Եթէ ասի՝ Լաւ է, ապա քո ծառայի համար խաղաղութիւն է, իսկ եթէ խիստ պատասխան տայ, իմացի՛ր, որ նա չար գործ է նիւթել:
8. Դու ողորմի՛ր քո ծառային, քանզի ինձ հետ Տիրոջն ուխտ ես դրել, եւ եթէ քո ծառան որեւէ յանցանք ունի, դու ինքդ սպանի՛ր ինձ. ինչո՞ւ անպայման ինձ յանձնես քո հօր ձեռքը:
9. Յովնաթանն ասաց. Քա՛ւ լիցի: Եթէ ես իմանամ, որ հայրս քո դէմ չարիք է նիւթել, քո քաղաքում իսկ քեզ կը յայտնեմ:
10. Դաւիթն ասաց Յովնաթանին. Ո՞վ պետք է ինձ յայտնի, թէ քո հայրը խստութեամբ է պատասխանել:
11. Յովնաթանը Դաւթին ասաց. Գնա՛ ու սպասի՛ր դաշտում: Եւ երկուսով դաշտ գնացին:
12. Յովնաթանն ասաց Դաւթին. Երդում եմ Իսրայէլի Տէր Աստուծով, որ երբ իմ հօրը երեք անգամ քննելով տեսնեմ, թէ նա արդեօք բարի՞ է Դաւթի նկատմամբ, թէ չար, դաշտ՝ քեզ մօտ մարդ կ'ուղարկեմ:
13. Տէրը Յովնաթանին այսպէս եւ սրանից աւելին թող անի, եթէ չբացայայտեմ հօրս չարութիւնը քո հանդէպ եւ քեզ ջայտնեմ: Այդ դէպքում քեզ կ'արձակեմ, որ գնաս խաղաղութեամբ, եւ Տէրը քեզ հետ լինի, ինչպէս իմ հօր հետ էր:
14. Իսկ եթէ ես կենդանի մնամ, դու ինձ գթասրտութիւն ցոյց տո՛ւր.
15. եթէ մեռնեմ, քո գթասրտութիւնը իմ տնից չկտրես յաւիտեան: Նոյնիսկ այն ժամանակ, երբ Տէրը Դաւթի թշնամիներին երկրի երեսից ջնջի,
16. Յովնաթանի անունը համարում պետք է ունենայ Դաւթի տանը, եւ Տէրը Դաւթի թշնամիներից պետք է վրեժ առնի:
17. Յովնաթանը Դաւթին կրկին երդուեցրեց իր սիրով, քանզի Նրան իր անձի պէս էր սիրում:
18. Յովնաթանը Նրան ասաց. Վաղը նորալուսին է: Քեզ պիտի փնտռեն: Քո տեղը դատարկ տեսնելով՝ քո մասին պիտի հարցնեն:
19. Երեք օր կը մնաս, ապա կը գաս այն վայրը, ուր թաքնուել էիր գործի օրը: Կը նստես Երգաբ կոչուող քարի մօտ:
20. Ես երեք նետ կ'արձակեմ, իբրեւ թէ նպատակակետի վրայ,
21. ու կ'ուղարկեմ պատանեակին՝ ասելով. Գնա՛ նետերը գտի՛ր: Եթէ ասեմ պատանեակին՝ Քեզանից այս կողմ է նետը, այս կողմում փնտռի՛ր, կը գաս. նշանակում է խաղաղութիւն է քեզ համար, եւ ոչ մի վտանգ չկայ, վկայ է Տէրը:

22. Իսկ եթե ասեմ պատանեակին՝ Քեզանից այն կողմ է նետը, գնա՛, քանզի Տերն է քեզ արձակել:
23. Իմ ու քո ասածների համար Տերը վկայ է իմ ու քո միջեւ յաւիտեան:
24. Դաւիթը թաքնուեց դաշտում: Նորալուսին եկաւ, եւ արքան սենեակ մտաւ հաց ուտելու:
25. Արքան, ըստ սովորութեան, նստեց պատի մօտ դրուած աթոռին: Յովնաթանը վեր կացաւ: Աբենները նստել էր Սաւուղի մօտ, իսկ Դաւթի տեղը դատարկ էր:
26. Այդ օրը Սաւուղը ոչինչ չասաց, որովհետեւ մտածեց, թէ նրան մի բան է պատահել, երեւի մաքուր չէ կամ չի մաքրուել:
27. Հետեւեալ օրը, նորալուսնի երկրորդ օրն էլ Դաւթի տեղը դատարկ էր: Սաւուղն ասաց իր որդի Յովնաթանին. Յեսսէի որդին ինչո՞ւ երէկ եւ այսօր սեղան նստելու չեկաւ:
28. Յովնաթանը պատասխանեց Սաւուղին. Նա ինձնից արտօնութիւն խնդրեց ու գնաց իր քաղաքը՝ Բեթղեհեմ:
29. Նա ասաց. Արձակի՛ր ինձ, քանզի այդ քաղաքում մեր ազգատոհմը զոհ է մատուցելու: Եղբայրներս ինձ կանչել են, եւ եթէ հիմա քո աչքին շնորհ եմ գտել, գնամ տեսնեմ իմ եղբայրներին: Այս պատճառով նա արքայի սեղանին չի եկել:
30. Սաւուղը բարկացաւ Յովնաթանի վրայ եւ ասաց նրան. Պոռնկորդի՛, մատնի՛չ, միթէ չգիտե՞մ, որ դու դաշնակից ես Յեսսէի որդուն: Դա ամօթ ու խայտառակութիւն է քեզ համար եւ քո մօր սեռական մերկութեան համար:
31. Ինչքան ժամանակ որ Յեսսէի որդին կենդանի է, քո թագաւորութիւնը հաստատուն չի լինի: Հիմա մա՛րդ ուղարկիր ու պատանի Դաւթին բերել տո՛ւր, քանզի նա մահապարտ է:
32. Յովնաթանը պատասխան տուեց իր հայր Սաւուղին՝ ասելով. Ինչո՞ւ պետք է մեռնի, ի՞նչ է արել նա:
33. Եւ Սաւուղը Յովնաթանի վրայ բարձրացրեց գեղարդը, որ նրան սպանի: Յովնաթանն իմանալով, որ հայրը Դաւթին սպանելու չար որոշում է կայացրել, խիստ զայրանալով՝
34. սեղանից վեր կացաւ եւ նորալուսնի երկրորդ օրը հաց չկերաւ: Նա տխրեց Դաւթի համար, քանզի հայրը Դաւթին անարգել էր:
35. Առաւօտեան Յովնաթանը դաշտ գնաց, ինչպէս որ պայմանաւորուել էին ինքն ու Դաւիթը:
36. Նրա հետ մի փոքրիկ պատանի կար: Նա ասաց պատանեակին. Վազիր գտի՛ր այն նետերը, որ ես պիտի արձակեմ: Նա նետեր արձակեց, եւ պատանին վազեց, որ դրանք բերի:
37. Երբ պատանեակը գնաց մինչեւ այն տեղը, ուր Յովնաթանը նետեր էր արձակել,
38. Յովնաթանը կանչեց պատանեակի յետեւից՝ ասելով. Նետը քեզնից այն կողմ է: Ապա Յովնաթանը պատանեակի յետեւից կանչեց. Շտա՛ւ արի, մի՛ կանգնիր:
39. Յովնաթանի պատանին նետերը հաւաքեց ու բերեց իր տիրոջը: Պատանեակը, սակայն, ոչինչ չգիտէր, եւ միայն Յովնաթանն ու Դաւիթը գիտէին այդ բանը:
40. Յովնաթանն իր գործիքները տուեց պատանեակին՝ ասելով նրան. Գնա մտի՛ր քաղաք:
41. Տղան գնաց, իսկ Դաւիթն Երզաբ կոչուող քարից դուրս եկաւ, իր երեսի վրայ գետին ընկաւ եւ նրան երեք անգամ երկրպագութիւն արեց: Նրանք իրար համբուրեցին, եւ ամէն մէկն իր ընկերոջ համար երկար ժամանակ լաց եղաւ:
42. Յովնաթանն ասաց Դաւթին. Գնա՛ խաղաղութեամբ, ինչպէս որ մենք Տիրոջ անուամբ երդուեցինք՝ ասելով, որ Տերը յաւիտեան վկայ լինի իմ ու քո միջեւ եւ իմ զաւակի ու քո զաւակի միջեւ:
43. Դաւիթը վեր կացաւ ու գնաց, իսկ Յովնաթանը մտաւ քաղաք:

1. Դաւիթը եկաւ Նոմբա, Աքիմելէք քահանայի մօտ: Աքիմելէքը նրան տեսնելով՝ զարհուրեց ու ասաց. Ինչո՞ւ ես մենակ, ինչո՞ւ ոչ ոք չկայ քեզ հետ:
2. Դաւիթն ասաց Աքիմելէք քահանային. Արքան այսօր ինձ մի գործ է յանձնարարել եւ ասել է ինձ. Ոչ ոք չիմանայ, թէ ինչու եմ քեզ ուղարկում եւ թէ ինչ եմ պատուիրել քեզ: Ես իմ ծառաներին յանձնարարել եմ մնալ այն տեղում, որ կոչւում է փելմոնի ելմոնի, այսինքն՝ Աստծու հաւատարմութիւն:
3. Արդ, եթէ հինգ նկանակ ունես քո ձեռքի տակ, տո՛ւր ինձ: Կամ էլ իմ պետքերի համար տո՛ւր, ինչքան որ կայ:
4. Աստծու քահանան պատասխան տալով՝ ասաց Դաւիթին. Ես անմաքուր հաց չունեմ, ունեմ սուրբ հաց: Եթէ քո ծառաները կանանց չեն մերձեցել, թող ուտեն:
5. Դաւիթը պատասխանեց քահանային՝ ասելով. Կանանցից հեռու ենք մնացել երեկուանից ու նախորդ օրուանից: Ճանապարհ ընկնելու ժամանակ իմ ծառաները մաքրուել են, բայց այս ճանապարհը պիղծ է, այդ պատճառով այսօր դա պիտի մաքրուի իմ գործով:
6. Աքիմելէք քահանան տուեց նրան առաջաւորութեան հացից, քանի որ այնտեղ սովորական հաց չկար, այլ միայն՝ առաջաւորութեան հաց, որ վերցրել էին Տիրոջ առաջից՝ այդ օրը դրանց փոխարէն տաք հաց դնելու համար:
7. Այն օրն այդտեղ էր գտնուում Սաւուղի ծառաներից մէկը, որը Տիրոջ առջեւ դիւահարութեամբ էր բռնուած: Նրա անունն էր Դովեկ Ասորի: Նա Սաւուղի ջորիներն էր արածեցնում:
8. Դաւիթն ասաց Աքիմելէքին. Այստեղ ձեռքիդ տակ գեղարդ կամ սուր կա՞յ: Իմ սուրն ու զէնք ու զրահը հետս չեմ վերցրել, քանի որ արքայի գործը շտապ էր:
9. Քահանան ասաց. Ահա այլազգի փղշտացի Գողիաթի սուրը, որին սպանեցիր Եդա հովտում: Դա շորով փաթաթուած ու դրուած է վակասի յետեւը: Եթէ ուզում ես, վերցրո՛ւ, քանզի, բացի դրանից, այստեղ ոչինչ չկայ: Դաւիթն ասաց. Դրա նմանը չկայ, տո՛ւր ինձ այն: Եւ նա դա տուեց նրան:
10. Դաւիթն այդ օրը ելաւ ու փախաւ Սաւուղի առաջից եւ եկաւ Գեթի արքայ Անքուսի մօտ:
11. Անքուսի ծառաներն ասացին նրան. Սա Դաւիթը չէ՞, այն երկրի թագաւորը: Սրա համար չէ՞, որ պար բռնող կանայք երգում էին ու ասում. Սաւուղը հազար սպանեց, իսկ Դաւիթը՝ հազարաւորներ:
12. Դաւիթն այս խօսքերը պահեց իր յիշողութեան մէջ եւ սաստիկ վախեցաւ Գեթի արքայ Անքուսից:
13. Նա իր դէմքն այլակերպեց, այդ օրը նրանց առջեւ խելագար ձեւացաւ: Նա նուագում պարում էր քաղաքի դռների մօտ, լորձունքները ծորեցնում իր մօրուքի վրայ, գլուխկոնծի տալիս:
14. Անքուսն ասաց իր ծառաներին. Դուք տեսնում էք, որ այս մարդը դիւահար է:
15. Ինչո՞ւ էք նրան ինձ մօտ բերել: Մի՞թէ ես դիւահարներին կարօտ եմ, որ նրան բերել էք ինձ մօտ, որպէսզի դիւահարութիւն անի: Նա թող իմ տունը չմտնի:

1. Դաւիթն այնտեղից գնաց եւ ապաստանեց Օդոդոմի քարայրում: Նրա եղբայրներն ու Նրա հօր ամբողջ տունը լսեցին այդ եւ եկան այնտեղ՝ Նրա մօտ:
2. Նրա մօտ հաւաքուեցին բոլոր տառապեալները, բոլոր պարտապաններն ու դժգոհները, եւ Նա Նրանց առաջնորդը դարձաւ: Նրա մօտ չորս հարիւրի չափ մարդ հաւաքուեց:
3. Այնտեղից Դաւիթը գնաց Մովաբի Մասեփաթ քաղաքը եւ ասաց Մովաբի արքային. Թող իմ հայրն ու մայրը քեզ մօտ մնան, մինչեւ որ իմանամ, թէ Աստուած ինձ ինչ պիտի անի:
4. Նա աղաչեց Մովաբի արքային, եւ Նրանք Նրա մօտ բնակուեցին այնքան ժամանակ, քանի դեռ Դաւիթը քարանձաւում էր:
5. Գաղ մարգարէն ասաց Դաւթին. Մի՛ մնա քարանձաւում, այլ վեր կաց գնա՛ Զուդայի երկիրը: Դաւիթը գնաց եւ հաստատուեց Սարիթ քաղաքում:
6. Սաւուղն իմացաւ, որ Դաւիթն իր մարդկանցով յայտնուել է: Սաւուղը Ռամայի ներքին դաշտի բլրին էր նստել: Գեղարդը Նրա ձեռքին էր, եւ բոլոր ծառաները Նրա շուրջն էին:
7. Սաւուղը խօսելով իրեն շրջապատող ծառաների հետ՝ ասաց. Լսեցէ՛ք, Բենիամինի՛ որդիներ, արդեօ՞ք Յեսսէի որդին ձեզ ամենքիդ արտեր, այգեստաններ կը տայ եւ կամ ձեզ ամենքիդ հազարապետներ ու հարիւրապետներ կը դարձնի:
8. Ինչո՞ւ ամենքդ իմ դէմ միաբանել էք, եւ ինձ յայտնող չկայ, որ իմ որդին դաշինք է կնքել Յեսսէի որդու հետ: Ձեր մէջ ինձ համար ցաւող չկայ, որ ինձ յայտներ, թէ իմ որդին իմ դէմ է յարուցել իմ ծառային որպէս թշնամի, ինչպէս այսօր է:
9. Պատասխան տուեց Դովեկ Ասորին, որը Սաւուղի ջորիներն էր արածեցնում, եւ ասաց. Ես տեսայ Յեսսէի որդուն, որ եկել էր Նոմբա Աքիտոբի որդի Աքիմելէք քահանայի մօտ:
10. Նա Նրա մասին հարցրեց Տիրոջը, Նրան պաշար տուեց, ինչպէս նաեւ այլազգի Գողիաթի սուրը:
11. Արքան մարդ ուղարկեց ու կանչել տուեց Աքիտոբի որդի Աքիմելէք քահանային ու Նրա հօր բոլոր որդիներին՝ Նոմբայում գտնուող քահանաներին: Ամենքն էլ եկան արքայի մօտ:
12. Սաւուղն ասաց. Լսի՛ր, Աքիտոբի՛ որդի: Սա ասաց. Լսում եմ, խօսի՛ր, տէ՛ր:
13. Սաւուղն ասաց Նրան. Ինչո՞ւ դու եւ Յեսսէի որդին միաբանել էք իմ դէմ, դու Նրան հաց ու սուր ես տուել, Նրա համար Աստծուն խնդրել, Նրան ինձ հետ թշնամացրել, ինչպէս այսօր է:
14. Աքիմելէքը պատասխանեց արքային՝ ասելով. Քո ծառաների մէջ ո՞վ կայ Դաւթի պէս հաւատարիմ: Նա քո՝ արքայիդ փեսան է եւ քո բոլոր հրամանները գործադրողը, քո տան մէջ փառաւորը:
15. Մի՞թէ ես այսօր եմ սկսել Նրա համար Աստծուն խնդրել: Քա՛ւ լիցի, որ արքան իր ծառայի վրայ կամ իմ հօր տան վրայ այդպիսի մեղք բարդի, քանզի քո ծառան այդ ամենից շատ կամ քիչ բան չգիտի:
16. Սաւուղ արքան ասաց. Դու մահապատժի կ'ենթարկուես, Աքիմելէ՛ք, դու եւ քո հօր ամբողջ տունը:
17. Արքան ասաց իրեն շրջապատող թիկնապահներին. Գնացէ՛ք ու Տիրոջ քահանաներին սպանեցէ՛ք, քանզի Նրանք հովանաւորում են Դաւթին: Նրանք գիտէին, որ Նա փախչում է, բայց ինձ չյայտնեցին: Արքայի ծառաները, սակայն, չուզեցին իրենց ձեռքը բարձրացնել ու սպանել Տիրոջ քահանաներին:
18. Արքան ասաց Դովեկին. Դու գնա՛ ու սպանի՛ր Աստծու քահանաներին: Դովեկ Ասորին գնաց ու կոտորեց Տիրոջ քահանաներին: Այդ օրը երեք հարիւր հինգ մարդ սպանուեց:
19. Բոլորը կտաւից պարեգօտ կրողներ էին: Քահանաների քաղաք Նոմբան սրի քաշուեց. սրախողխող եղան տղամարդ թէ կին, երեխայ թէ կաթնակեր մանուկ, արջառ

թէ անանակ եւ ոչխար:

20. Աքիտորբի որդի Աքիմէլէքի մի որդին փրկուեց: Նրա անունն էր Աբիաթար: Նա փախաւ Դաւթի մօտ:

21. Աբիաթարը Դաւթին յայտնեց, որ Սաուլը կոտորել է Տիրոջ բոլոր քահանաներին:

22. Դաւիթն ասաց Աբիաթարին. Այն օրը գիտէի, որ Դովեկ Ասորին անպայման կը յայտնի Սաուլդին: Քո հօր տան բոլոր զոհուած մարդկանց համար ես եմ յանցաւոր:

23. Նստի՛ր ինձ մօտ եւ մի՛ վախեցիր, քանզի ուր որ ինձ համար տեղ փնտռեմ, քեզ համար էլ կը փնտռեմ, եւ դու ինձ մօտ ապահով կը լինես:

1. Դաւթին յայտնեցին՝ ասելով. Այլազգիները պատերազմում են Կէիլայի դէմ եւ կողոպտում են կալերը:
2. Դաւիթը Տիրոջը հարցրեց՝ ասելով. Գնա՞մ ջարդեմ այդ այլազգիներին: Տէրն ասաց Դաւթին. Գնա՛, ջարդի՛ր այլազգիներին ու փրկի՛ր Կէիլան:
3. Դաւթի մարդիկ ասացին նրան. Մենք այստեղ՝ Հրեաստանի մէջ, վախենում ենք: Ի՞նչ կը լինի մեր վիճակը, եթէ գնանք Կէիլա ու այլազգիներին գերի դառնանք:
4. Դաւիթը երկրորդ անգամ հարցրեց Տիրոջը, եւ Տէրը նրան պատասխան տուեց՝ ասելով. Վեր կաց գնա՛ Կէիլա, քանզի ես այլազգիներին քո ձեռքն եմ մատնելու:
5. Դաւիթն իր մարդկանցով գնաց Կէիլա եւ մարտնչեց այլազգիների դէմ, որոնք նրա առջեւից փախան: Նա նրանց մեծ հարուածներ հասցրեց, վերցրեց նրանց անասունը եւ փրկեց Կէիլայի բնակիչներին:
6. Երբ Աքիմէլէքի որդի Աբիաթարը Դաւթի մօտ էր փախել եւ Դաւթի հետ էլ գալիս էր Կէիլա, իր ձեռքին ունէր պարեգօտը:
7. Երբ Սաւուղին յայտնեցին, թէ Դաւիթը եկել է Կէիլա, Սաւուղն ասաց. Աստուած նրան իմ ձեռքն է մատնել, քանզի մտել ու փակուել է դռներ ու նիգեր ունեցող քաղաքում:
8. Սաւուղն ամբողջ ժողովրդին հրամայեց գնալ Կէիլա, գտնել Դաւթին ու նրա մարդկանց:
9. Դաւիթը Սաւուղի մասին իմացաւ, որ նա չարութիւնից չի հրաժարուել:
10. Դաւիթն ասաց Աբիաթար քահանային. Բե՛ր Տիրոջ պարեգօտը: Դաւիթն ասաց. Ո՛վ Իսրայէլի Տէր Աստուած, քո ծառան լսեց, որ Սաւուղն ուզում է յարձակուել Կէիլայի վրայ եւ կործանել քաղաքն իմ պատճառով:
11. Արդեօք, ինչպէս քո ծառան լսել է, Սաւուղը հիմա կ'իջնի այստեղ, կը պաշարի՞: Յայտնի՛ր քո ծառային, Իսրայէլի Տէ՛ր Աստուած:
12. Տէրն ասաց. Կը պաշարի: Դաւիթն ասաց. Արդեօք կէիլացիներն ինձ եւ իմ մարդկանց Սաւուղի ձեռքը կը մատնե՞ն: Տէրն ասաց. Կը մատնեն:
13. Վեր կացան Դաւիթն ու նրա հետ եղող մարդիկ, մօտաւորապէս չորս հարիւր մարդ, ելան Կէիլայից ու գնացին ուր որ կարող էին գնալ: Երբ Սաւուղին յայտնեցին, թէ Դաւիթը փախել է Կէիլայից, նա հրաժարուեց քաղաքի վրայ յարձակուելուց:
14. Դաւիթը բնակւում էր անապատի մէջ, Մասերեթի կիրճերում եւ մնում էր Չիփ անապատի միգապատ լեռան վրայ, մօին երկրում: Սաւուղն անընդհատ նրան էր որոնում, սակայն Տէրը նրա ձեռքը չմատնեց Դաւթին:
15. Երբ Դաւիթը տեսաւ, որ Սաւուղը դուրս է եկել իրեն որոնելու, մնաց անապատում, Նոր Չիփի միգապատ լեռան վրայ:
16. Սաւուղի որդի Յովնաթանը վեր կացաւ ու գնաց Նոր Չիփ՝ Դաւթի մօտ, եւ նրա ձեռքերը Տիրոջ կողմից զօրացան:
17. Յովնաթանն ասաց նրան. Մի՛ վախեցիր, որովհետեւ իմ հայր Սաւուղի ձեռքը քեզ չի գտնի, եւ դու կը թագաւորես Իսրայէլի վրայ, իսկ ես քո երկրորդը կը լինեմ:
18. Իմ հայր Սաւուղն էլ գիտի, որ դա այդպէս է: Նրանք երկուսով ուխտ դրեցին Տիրոջ առջեւ: Դաւիթը մնաց Նորում, իսկ Յովնաթանը գնաց իր տունը:
19. Չիփացիներն իրենց մօայլ երկրից ելան գնացին բլուրը, Սաւուղի մօտ եւ ասացին. Չէ՞ որ Դաւիթն ահա մեզ մօտ է թաքնուած, Մասերայում, Նորի կիրճերում, Եքեղատի բլրի վրայ, Հեսեմոնի աջ կողմը:
20. Արդ, ո՛վ արքայ, քանի որ դա շատ ես ցանկանում, անպայման արի՛ մեզ մօտ, որ նրան շրջափակենք ու քո՝ արքայիդ ձեռքը յանձնենք:
21. Սաւուղն ասաց նրանց. Օրինեալ էք դուք Տիրոջից, քանզի ինձ ցաւակից էք:
22. Արդ, գնացէ՛ք, աւելի լա՛ւ պատրաստուեցէք, դիտեցէ՛ք ու յայտնաբերեցէ՛ք, թէ նա ուր ոտք կը դնի: Շո՛ւտ հասեք այն տեղը, որտեղ ասում էք, թէ նա գտնւում է: Չլինի, թէ նա խորամանկութիւն անի:
23. Քննեցէ՛ք ու տեսէ՛ք ամեն տեղ, ուր թաքնուած է, եւ վերադարձէ՛ք ինձ մօտ ստոյգ



տեղեկութիւններով, որ ձեզ հետ գնանք: Եթէ նա այդ երկրում է, հազարաւոր յուդացիների մէջ էլ կը գտնեմ նրան:

24. Եւ զիփացիները վեր կացան ու գնացին Սաւուղի մօտից: Դաւիթը եւ նրա մարդիկ Մաոնի անապատում էին, Հեսեմոնի աջ կողմում, դէպի արեւմուտք:

25. Սաւուղն ու նրա մարդիկ գնացին Դաւթին փնտռելու: Երբ Դաւթին իմաց տուեցին, նա իջաւ ու նստեց Մաոնի անապատում, քարի վրայ: Սաւուղն այդ լսելով՝ հետապնդեց Դաւթին Մաոնի անապատում:

26. Սաւուղն ու իր մարդիկ գնում էին լերան այս կողմով, իսկ Դաւիթն իր մարդկանցով՝ լերան այն կողմով: Դաւիթը Սաւուղից թաքուն էր գնում, սակայն Սաւուղն ու իր մարդիկ Դաւթին ու նրա մարդկանց շրջապատեցին, որ բռնեն:

27. Եւ ահա մի լրաբեր եկաւ Սաւուղի մօտ եւ ասաց. Շտապ արի՛ այստեղ, որովհետեւ այլազգիները արշաւել են երկրի վրայ:

28. Սաւուղը Դաւթին հետապնդելուց դադարեց, որ գնայ այլազգիների դէմ: Այդ պատճառով այս վայրը կոչուեց Բաժանուած վեմ:

1. Դաւիթը գնաց ու բնակուեց Գադգայի կիրճերում:
2. Երբ Սաուլը վերադարձաւ այլազգիներին հետապնդելուց, նրան լուր բերեցին՝ ասելով. Ահաւասիկ Դաւիթը Գադգայի անապատում է:
3. Իր հետ վերցնելով ամբողջ Իսրայէլից հաւաքուած երեք հազար ընտիր մարդկանց՝ Սաուլը գնաց փնտռելու Դաւիթն ու նրա մարդկանց եղջերուների որսատեղիի Ելիմ կոչուող վայրի դիմաց:
4. Նա ոչխարների փարախների հանդիպեց ճանապարհի վրայ, ուր մի քարայր կար: Սաուլը մտաւ այնտեղ հանգստանալու: Դաւիթն ու նրա մարդիկ քարայրի ներքին մասում էին:
5. Նրանք Դաւիթն ասացին. Ահա այս այն օրն է, որի համար Տէրը քեզ ասել է, թէ՝ Քո թշնամիներին քո ձեռքը պիտի մատնեմ: Նրան արա՛ւ այնպէս, ինչպէս հաճելի է քո աչքին: Դաւիթը ելաւ ու Սաուլի թիկնոցի մի ծայրը զգուշութեամբ կտրեց:
6. Դրանից յետոյ Դաւիթը խղճի խայթ գգաց, որ նրա թիկնոցի մի ծայրը կտրել է:
7. Դաւիթն իր մարդկանց ասաց. Երդուում եմ Տիրոջ անունով, որ այդ բանը չեմ անի իմ տիրոջ՝ Տիրոջ կողմից օծեալ մարդու նկատմամբ, իմ ձեռքը չեմ բարձրացնի նրա վրայ, որովհետեւ նա Տիրոջ օծեալն է:
8. Դաւիթն այս խօսքերով համոզեց իր մարդկանց ու թոյլ չտուեց, որ Սաուլի վրայ յարձակուեն ու սպանեն: Սաուլը դուրս եկաւ այդ քարայրից ու գնաց իր ճանապարհով:
9. Դաւիթը նրանից յետոյ վեր կացաւ, դուրս եկաւ քարայրից եւ աղաղակեց նրա յետեւից՝ ասելով. Իմ տէ՛ր արքայ: Սաուլը յետ նայեց. Դաւիթը երեսնիվայր գետին ընկաւ ու երկրպագեց:
10. Դաւիթն ասաց Սաուլին. Ինչո՞ւ ես մարդկանց խօսքին հաւատում, որ ասում են, թէ՝ Դաւիթը քեզ սպանել է ուզում:
11. Ահա այսօր քո աչքերը տեսան, որ այս քարայրի մէջ Տէրը ինչպէս էր քեզ իմ ձեռքը մատնել, բայց ես չուզեցի քեզ սպանել, խնայեցի քեզ՝ ասելով, թէ՛ Իմ ձեռքը իմ տիրոջ վրայ չեմ բարձրացնի, որովհետեւ նա Տիրոջ օծեալն է:
12. Տե՛ս, հա՛յր իմ, ահա քո թիկնոցի մի ծայրն իմ ձեռքին է. ես կտրեցի քո հանդերձի ծայրը, բայց չսպանեցի քեզ: Իմացի՛ր ու տե՛ս այսօր, որ իմ վարմունքի մէջ չկայ չարութիւն, անօրէնութիւն ու ամբարշտութիւն, քո դեմ ոչ մի յանցանք չեմ գործել, իսկ դու ուզում ես հետապնդելով իմ կեանքը խլել:
13. Թող Տէրը դատ անի իմ ու քո միջեւ եւ իմ վրեժը քեզնից առնի, բայց իմ ձեռքը քո վրայ չի բարձրանայ:
14. Ինչպէս հին առակն է ասում՝ Անօրէն ձեռքից է գալիս վնասը, իսկ իմ ձեռքը քո վրայ չի բարձրանայ:
15. Արդ, ո՞ւմ յետեւից ես ընկել, ո՛վ Իսրայէլի արքայ, եւ ո՞ւմ ես հալածում. սատկած շան կամ մի լուի յետեւի՞ց ես ընկել:
16. Թող Տէրը դատաւոր ու իրաւարար լինի իմ եւ քո միջեւ: Թող Տէրը տեսնի ու դատի եւ ինձ արդարութիւն անի:
17. Երբ Դաւիթն աւարտեց Սաուլին ուղղուած այս խօսքերը, Սաուլն ասաց. Այդ քո՞ ձայնն է, որդեա՛կ իմ Դաւիթ: Եւ Սաուլն իր ձայնը բարձրացնելով՝ լաց եղաւ:
18. Սաուլն ասաց Դաւիթն. Դու աւելի արդար մարդ ես, քան ես, քանզի դու ինձ բարիք հատուցեցիր, իսկ ես քեզ չարիք հատուցեցի:
19. Դու այսօր ինձ պատմեցիր, որ բարիք ես արել. թէ ինչպէս Տէրն այսօր ինձ քո ձեռքն էր մատնել, իսկ դու ինձ չսպանեցիր:
20. Եթէ մէկն իր թշնամուն նեղութեան մէջ բռնելով՝ նրան ազատ է արձակում, որ բարով գնայ իր ճանապարհը, ինչպէս դու արեցիր այսօր իմ նկատմամբ, ապա Տէրը նրան բարութեամբ է հատուցում:
21. Արդ, ես գիտեմ, որ դու անպայման կը թագաւորես, եւ Իսրայէլի թագաւորութիւնը քո

ձեռքում հաստատ կը մնայ:

22. Ուրեմն, երդուի՛ր ինձ Տիրոջ անունով, որ ինձնից յետոյ իմ սերունդը չես վերացնի եւ իմ անունը չես արատաւորի իմ հօր տանը:

23. Եւ Դաւիթը երդուեց Սաւուղին: Սաւուղը գնաց իր տեղը, իսկ Դաւիթն ու իր մարդիկ եկան Մասաթայի կիրճերը:

1. Մեռաւ Սամուէլը, եւ ամբողջ Իսրայէլը հաւաքուեց ու ողբաց նրան: Նրան թաղեցին Արիմաթէմի իր տանը: Դաւիթը վեր կացաւ ու գնաց Մառնի անապատը:
2. Մառնում մի մարդ կար, որի հօտերը Կարմեղոսում էին: Նա շատ հարուստ էր. ունէր երեք հազար ոչխար, հազար այծ: Իր հօտերը Կարմեղոսում էին խուզում:
3. Նրա անունը Նաբաղ էր, իսկ կնոջ անունը՝ Աբիգեա: Կինը լի էր իմաստութեամբ եւ շատ բարետես էր, իսկ ամուսինը դաժան էր, չարամիտ ու շնաբարոյ:
4. Այդ օրերին Դաւիթը լսեց, թէ Նաբաղ կարմեղացին խուզում է իր հօտերը:
5. Դաւիթը տասը ծառաների ուղարկեց՝ նրանց ասելով. Բարձրացէ՛ք Կարմեղոս, գնացէ՛ք Նաբաղի մօտ, իմ անունից նրա ողջութիւնը հարցնելուց յետոյ այսպէս ասացէք.
6. Այս օրերին ողջ լինես դու ու քո տունը եւ ինչ գործ որ բռնես, յաջող լինի:
7. Լսել եմ, թէ խուզում ես քո հօտերը: Քո հովիւները մեզ հետ էին այստեղ, անապատում, եւ որքան մնացել են մեզ հետ, Կարմեղոսում, նրանց արգելք չհանդիսացանք եւ ոչ մի բանին ձեռք չտուեցինք:
8. Հարցրո՛ւ քո ծառաներին, եւ նրանք կ'ասեն քեզ: Այս ծառաները թող շնորհ գտնեն քո առաջ, քանզի բարի օրում եկան. ինչ որ ձեռքիցդ կը գայ, տո՛ւր քո ծառաներին եւ քո Դաւիթ որդուն:
9. Դաւթի ծառաները եկան եւ այդ խօսքերը Դաւթի անունից ասացին Նաբաղին:
10. Նա ըմբոստացաւ եւ Դաւթի ծառաներին պատասխան տուեց՝ ասելով. Ո՞վ է Դաւիթը, կամ Յեսսէի որդին ո՞վ է: Այս օրերին բազմացել են իրենց տերերից փախած թափառական ծառաները:
11. Ուրեմն առնեմ իմ հացը, գինին եւ խուզողների համար մորթուած անասուններս ու տամ այս մարդկանց, որոնց որտեղից լինելը չգիտեմ:
12. Դաւթի ծառաները ճանապարհից վերադարձան եկան եւ այդ խօսքերը հաղորդեցին Դաւթին:
13. Դաւիթն ասաց իր մարդկանց. Ամէն մէկը իր սուրը թող կապի մէջքին: Բոլորը իրենց սրերը կապեցին իրենց մէջքին: Դաւիթը նոյնպէս իր սուրը կապեց մէջքին, եւ Դաւթի յետեւից չորս հարիւր մարդ ելաւ, երկու հարիւր մարդ էլ մնաց կահ-կարասու մօտ:
14. Ծառաներից մէկը Նաբաղի կնոջը՝ Աբիգեային պատմեց՝ ասելով. Դաւիթն անապատից պատգամաբերներ է ուղարկել մեր տիրոջը ողջունելու, իսկ նա նրանցից երես է դարձրել:
15. Այդ մարդիկ մեր նկատմամբ շատ բարեացակամ էին. որքան նրանց հետ բաց դաշտում էինք, մեզ վնաս չէին տուել, եւ մեզանից ոչ մի բան չի պակասել:
16. Ինչքան նրանց հետ էինք եւ արածեցնում էինք ոչխարները, նրանք մեզ համար պարիսպ եղան գիշեր ու ցերեկ:
17. Արդ, տե՛ս ու իմացի՛ր, թէ ինչ ես անելու, քանզի մեր տիրոջ ու նրա ամբողջ տան վրայ չարիք է հասել. նա այնպիսի դաժան մարդ է, որ նրա հետ խօսել չի լինի:
18. Աբիգեան շտապեց, առաւ երկու հարիւր նկանակ, երկու տիկ գինի, հինգ եփած ոչխար, հինգ արդու բոված ցորեն, մէկ զամբիւղ չամիչ, երկու հարիւր շարոց չոր թուզ ու դրանք դրեց աւանակների վրայ:
19. Նա ասաց ծառաներին. Առա՛ջ անցէք ինձնից, ես կը գամ ձեր յետեւից:
20. Նա այդ մասին իր ամուսին Նաբաղին չյայտնեց: Երբ նա, աւանակին հեծած, լերան ծածուկ տեղերով իջնում էր, ահա Դաւիթն ու նրա մարդիկ նրան ընդառաջ գնացին. Աբիգեան հանդիպեց նրանց:
21. Դաւիթն ասաց. Ուրեմն ի գուր էր, որ Նաբաղի ամէն ինչը պահպանեցի այնտեղ, անապատում: Նրա ունեցածից ոչ մի բան չկորաւ, բայց նա իմ երախտիքի փոխարէն չարութիւն է հատուցում:
22. Աստուած Դաւթին այսպէս եւ այսպէս անի, եթէ մինչեւ վաղն առաւօտ Նաբաղի ամբողջ տնից պատին միզող մէկ արու թողնեմ:

23. Երբ Աբիգեան Դաւթին տեսաւ, աւանակից շտապ իջնելով՝ Դաւթի առաջ ընկաւ, երկրպագեց նրան մինչեւ գետին եւ նրա ոտքերն ընկնելով՝ ասաց.
24. Մեղքն ինձ վրայ լինի, տէ՛ր, բայց թող քո աղախինը խօսի քեզ հետ, եւ դու լսի՛ր քո աղախնի խօսքերը:
25. Իմ տերը այդ դաժան Նաբաղի արարքը իր սրտին մօտ թող չընդունի, քանի որ ինչպէս իր անունն է, այնպէս էլ ինքն է: Նրա անունը Նաբաղ է, ուրեմն անգգամութիւնն իր հետ է: Ես՝ քո աղախինը, քո ուղարկած ծառաներին չեմ տեսել:
26. Արդ, կենդանի է Տէրը, եւ կենդանի ես դու. Տէրն է քեզ արգելել անպարտ արիւն թափելը եւ այդ բանից քո ձեռքը հեռու է պահել: Քո թշնամիներն ու իմ տիրոջը չարիք կամեցողները Նաբաղի պէս թող լինեն:
27. Հիմա ընդունի՛ր այս ընծան, որ քո աղախինն իր տիրոջն է բերում, այն տո՛ւր իմ տիրոջ հետ գտնուող ծառաներին:
28. Ների՛ր քո աղախնի յանցանքը, քանզի Տէրն իմ տիրոջ համար հաստատուն տուն պիտի շինի, քանի որ իմ տիրոջ պատերազմները Տէրն է վարում: Քո մէջ երբեք չարութիւն թող չլինի:
29. Եթէ որեւէ մէկը քո դէմ դուրս գայ քեզ հալածելու եւ քո կեանքն ուզենայ խլել, իմ տիրոջ հոգին թող Տէր Աստծու կենաց ծրարի մէջ ծրարուի, իսկ քո թշնամիների հոգիները որպէս պարսաքարեր թող արձակուեն:
30. Եւ երբ Տէրը իմ տիրոջ համար խոստացած այս բոլոր բարիքները կատարի եւ քեզ, ըստ իր պատգամի, Իսրայէլի վրայ առաջնորդ հաստատի,
31. իմ տիրոջ սրտում թող չլինի վատութիւն ու գայթակղութիւն, որ ի զուր արդար արիւն թափի: Թող իմ տիրոջ ձեռքը ուրիշի վրայ չբարձրանայ, եւ Տէրը թող բարին անի իմ տիրոջը, որ յիշես քո աղախնին ու բարիք գործես նրա համար:
32. Դաւիթն ասաց Աբիգեային. Օրհնեալ է Իսրայէլի Տէր Աստուածը, որ քեզ այսօր ինձ ընդառաջ ուղարկեց:
33. Օրհնեալ լինի քո խոհեմութիւնը, եւ օրհնեալ լինես դու, որ արգելք հանդիսացար ինձ այսօր, եւ ես չգնացի արիւն թափելու ու իմ ձեռքը ուրիշի վրայ բարձրացնելու:
34. Բայց կենդանի է Իսրայէլի Տէր Աստուածը, որ այսօր ինձ արգելք հանդիսացաւ չարիք գործելու քո հանդէպ. քանզի եթէ շտապ չգայիր եւ իմ առջեւ չելնէիր, ինչպէս ասել էի, մինչեւ առաւօտ Նաբաղը կը գրկուէր պատին միգողներից:
35. Դաւիթը նրա ձեռքից առաւ այն ամենը, ինչ բերել էր, եւ ասաց նրան. Գնա՛ քո տունը խաղաղութեամբ: Տե՛ս, քո խօսքը լսեցի ու քո խնդրանքը կատարեցի:
36. Աբիգեան գնաց Նաբաղի մօտ: Նրա տանը թագաւորական խնջոյքի պէս խրախճանք էր, Նաբաղը զուարթացել էր եւ շատ հարբել: Կինը մինչեւ առաւօտ նրան ոչ մի բան չպատմեց:
37. Առաւօտեան երբ Նաբաղը գինուց սթափուեց, կինը այդ բաները պատմեց, Նաբաղի սիրտը մահացու հարուած ստացաւ, եւ նա կարծես քար կտրեց:
38. Տասը օր անց Տէրը հարուածեց Նաբաղին, եւ նա մեռաւ:
39. Երբ Դաւիթը լսեց Նաբաղի մահը, ասաց. Օրհնեալ է Տէր Աստուածը, որ Նաբաղից կրած իմ նախատինքի դատաստանն ինքը տեսաւ, իր ծառային չարագործութիւնից յետ պահեց: Տէրը Նաբաղի չարութիւնը նրա գլխին թափեց: Դաւիթը մարդ ուղարկեց Աբիգեային համոզելու, որ իր կինը դառնայ:
40. Դաւթի ծառաները եկան Կարմեղոս, Աբիգեայի մօտ, խօսեցին նրա հետ՝ ասելով. Դաւիթը մեզ ուղարկեց քեզ մօտ, որ քեզ իրեն կնութեան առնի:
41. Նա վեր կացաւ ու գլուխը մինչեւ գետին խոնարհելով՝ ասաց. Քո աղախինը պատրաստ է ստրկուի լինել եւ իր տիրոջ ծառաների ոտքերը լուանալ:
42. Աբիգեան անմիջապէս վեր կացաւ, հեծաւ աւանակը եւ իր հետ հինգ ծառայող աղջիկներ վերցնելով՝ գնաց Դաւթի ծառաների յետեւից: Եւ Աբիգեան դարձաւ Դաւթի կինը:
43. Դաւիթը Եզրայէլից Աքիսովամին էլ կնութեան էր առել. այս երկուսն էլ դարձան նրա կինը, իսկ Սաւուղն իր Մեղքող դստերը, որը Դաւթի կինն էր, ռոմացի Հեմեսայի որդի

Փաղտիէլին էր կնութեան տունը:

1. Չիփացիները Մռայլ լեռից գնացին դեպի բլուրը, Սաւուղի մօտ, եւ նրան ասացին. Դաւիթը թաքնուել է մեզ մօտ, Եքեղատի բլրի վրայ, Հեսեմոնի դիմաց:
2. Սաւուղը վեր կացաւ եւ իսրայելացի երեք հազար ընտիր մարդկանցով իջաւ Դաւթին որոնելու Չիփ անապատում:
3. Սաւուղը բանակատեղի դրեց Եքեղատի բլրի վրայ, Հեսեմոնի դիմաց, ճանապարհի վրայ:
4. Դաւիթը նստել էր անապատում եւ երբ տեսաւ, որ Սաւուղն իր յետեւից անապատ է գալիս, լրտեսներ ուղարկեց եւ իմացաւ, որ Սաւուղը կազմ ու պատրաստ եկել է Կէիլա:
5. Դաւիթը վեր կացաւ, գաղտագողի եկաւ այն տեղը, ուր մնում էր Սաւուղը, եւ գտաւ նրա քնած տեղը: Այնտեղ էր Ների որդի Աբենները՝ նրա զօրապետը: Սաւուղը ննջում էր գահաւորակի վրայ, իսկ նրա շուրջբոլորը նրա զօրքն էր:
6. Դաւիթը խօսելով Աքիմէլէք քետացու եւ Յովաբի եղբայր Շարուիու որդի Աբեսսայի հետ՝ ասաց. Ո՞վ ինձ հետ բանակատեղի կը մտնի Սաւուղի մօտ:
7. Աբեսսան ասաց. Ե՛ս քեզ հետ կը մտնեմ: Եւ Դաւիթն ու Աբեսսան գիշերը մտան զօրքի մէջ: Սաւուղը ննջում էր գահաւորակի վրայ, գեղարդը սնարի մօտ գետինն էր ցցուած, իսկ Աբեններն ու զինուորները նրա շուրջը ննջել էին:
8. Աբեսսան ասաց Դաւթին. Տերն այսօր քո թշնամուն ձեռքդ մատնեց. արդ, գեղարդով մէկ անգամից գետին գամեմ սրան եւ էլ հարուածս չկրկնեմ:
9. Դաւիթն ասաց Աբեսսային. Մի՛ սպանիր նրան, քանզի ո՞վ կարող է ձեռք բարձրացնել Տիրոջ օծեալի վրայ եւ թողութիւն ստանալ:
10. Դաւիթն ասաց. Կենդանի է Տէրը: Միայն Տէրը կարող է պատժել նրան. կա՛մ նրա օրհասը կը գայ, ու ինքը կը մեռնի, կա՛մ թէ պատերազմի մէջ կը մտնի ու կը սպանուի:
11. Քա՛ւ լիցի, որ ես իմ ձեռքը բարձրացնեմ Տիրոջ օծեալի վրայ: Միայն թէ վերցրո՛ւ նրա սնարի մօտ դրուած այդ գեղարդն ու այդ ջրի կուժը, եւ գնանք մեզ մօտ:
12. Դաւիթն առաւ նրա սնարի մօտ դրուած գեղարդն ու ջրի կուժը, եւ գնացին: Ոչ ոք ոչինչ չտեսաւ կամ չիմացաւ կամ չզարթնեց, քանզի թմրութիւնը Տիրոջ կողմից իջած լինելով նրանց վրայ՝ բոլորը քնի մէջ էին:
13. Դաւիթն այն կողմ անցաւ, բարձրացաւ լեռան գագաթը եւ կանգնեց հեռում. իր ու Սաւուղի զօրքի միջեւ երկար տարածութիւն կար:
14. Դաւիթը դիմեց զօրքին ու Աբեններին ասաց. Պատասխան չե՞ս տալիս, Աբեններ: Սա ասաց. Ո՞վ ես դու, որ արքայի մօտ ինձ վրայ բղաւում ես:
15. Դաւիթն ասաց Աբեններին. Չե՞ որ դու քաջ մարդ ես: Իսրայելում ո՞վ կայ քեզ նման: Ինչո՞ւ քո տէր արքային չես պահպանում: Չե՞ որ մարդ էր մտել քո տէր արքայի մօտ, որ նրան սպաներ:
16. Լաւ բան չես անում: Կենդանի է Տէրը: Դուք՝ Տիրոջ օծեալ ձեր արքային պահպանողներդ, մահուան եք արժանի: Արդ, ո՞ր եմ արքայի մօտ դրուած գեղարդն ու ջրի կուժը:
17. Սաւուղը ճանաչեց Դաւթի ձայնը եւ ասաց. Այդ քո՞ ձայնն է, որդեա՛կ իմ Դաւիթ: Դաւիթն ասաց. Քո ծառան եմ, տե՛ր իմ արքայ:
18. Եւ աւելացրեց. Ինչո՞ւ է իմ տէրն ընկել իր ծառայի յետեւից:
19. Ինչո՞վ եմ մեղանջել եւ ի՞նչ վնաս եմ հասցրել: Արդ, իմ տէր արքան թող լսի իր ծառայի խօսքերը. եթէ Աստուած է քեզ շարժել իմ դէմ, թող քո ճենճերացող զոհը լինեմ, իսկ եթէ մարդկանց որդիներն են արել, անիծեալ լինեն նրանք Տիրոջ առջեւ, քանզի նրանք ինձ այսօր մեկուսացրել են, որ բաժին չստանամ Տիրոջ ժառանգութիւնից:
20. Նրանք ինձ ասացին. Գնա ծառայի՛ր օտար աստուածների: Արդ, իմ արիւնը Տիրոջ առջեւ գետին թող չթափուի, քանի որ Իսրայելի թագաւորը ելել է իմ կեանքը խլելու, ինչպէս որ ագռաւն է թելածում լեռների վրայ:
21. Սաւուղն ասաց. Մեղք եմ գործել: Վերադարձի՛ր, որդեա՛կ իմ Դաւիթ: Քեզ չար բան չեմ անի այն բանի համար, որ իմ անձը քո աչքին պատուական է: Ես ամբողջ ժամանակ

յիմարութիւն եմ գործել եւ շատ յանցաւոր եմ:

22. Պատասխան տուեց Դաւիթն՝ ասելով. Ահաւասիկ արքայի գեղարդը: Թող ծառաներից մէկը գայ եւ վերցնի սա:

23. Թող Տէրն ամէն մէկին ըստ իր արդարութեան եւ հաւատարմութեան հատուցի: Տէրն այսօր քեզ իմ ձեռքը մատնեց, բայց ես չկամեցայ իմ ձեռքը բարձրացնել Տիրոջ օծեալի վրայ:

24. Եւ ահա, ինչպէս քո անձը այսօր իմ աչքին պատուական երեւաց, իմ անձն էլ Տիրոջ առջեւ այնպէս պատուական թող երեւայ, ինձ զօրացնի ու փրկի ամէն տեսակ նեղութիւնից:

25. Սաւուղն ասաց Դաւթին. Օրհնեալ ես դու, որդեա՛կ իմ Դաւիթ, դու յաջողութիւն ես գտնելու եւ զօրանալով զօրանալու ես:

26. Դաւիթը գնաց իր ճանապարհով, իսկ Սաւուղը վերադարձաւ իր տեղը:



1. Դաւիթն իր մտքում ասաց. Վերջապէս ես մի օր Սաւուղի ձեռքով կորչելու եմ: Այլազգիների երկիրը փախչելուց լաւ բան չկայ: Եթէ պատահի, որ Սաւուղն ինձ փնտռի Իսրայէլի բոլոր սահմաններում, դարձեալ նրա ձեռքից կ'ազատուեմ:
2. Դաւիթը վեր կացաւ, եւ ինքն ու իր հետ եղող վեց հարիւր մարդիկ անցան գնացին Գեթի արքայ Մովաբի որդի Անքուսի մօտ:
3. Ինքը Դաւիթն ու իր մարդիկ, ամէն մէկն իր ընտանիքով, եւ Դաւիթն էլ իր երկու կանանց՝ Աքիսովամ Յեզրայէլացու եւ Նաբադ Կարմեղացու կին Աբիգեայի հետ բնակուեցին Գեթում, Անքուսի մօտ:
4. Երբ Սաւուղին տեղեկացրին, թէ Դաւիթը փախել է Գեթ, նա այլեւս չհետապնդեց նրան:
5. Դաւիթն ասաց Անքուսին. Եթէ քո ծառան քո առաջ շնորհ է գտել, ինձ տե՛ղ տուր երկրի քաղաքներից մէկում, որ այնտեղ մնամ. ինչո՞ւ քո ծառան քեզ հետ նստի թագաւորանիստ քաղաքում:
6. Այն ժամանակ Անքուսը նրան տուեց Սիկեղակը, եւ այդ պատճառով Սիկեղակը Հրեաստանի արքաներին է պատկանել: Այդպէս է մինչեւ օրս:
7. Դաւիթը այլազգիների երկրում բնակուեց չորս ամիս:
8. Դաւիթն ու նրա մարդիկ ելնում ու ասպատակում էին բոլոր գետերացիների, գեգերացիների ու ամաղէկացիների վրայ, որոնք բնակւում էին Գեղամսուրի ապահով պարսպապատ քաղաքներից մինչեւ Եգիպտոս:
9. Դաւիթը հարուածեց այդ երկիրը եւ ողջ չթողեց ո՛չ տղամարդ եւ ո՛չ կին: Նա աւար էր առնում ոչխարների հօտեր, արջառներ, աւանակներ, ուղտեր եւ հագուստ-կապուստ ու վերադառնում Անքուսի մօտ:
10. Անքուսը հարցրեց Դաւթին. Ո՞ր կողմն արշաւեցիք այսօր: Դաւիթը պատասխանեց Անքուսին. Հրեաստանի հարաւային կողմերը եւ Հերամի ու Կենեգի կողմերը:
11. Տղամարդ ու կին ողջ չթողեցի, որ Գեթ բերեմ, որպէսզի, Գեթ գալով, մեր մասին լուր չբերեն, թէ՛ Այս բոլորը Դաւիթն է արել: Եւ այս էր Դաւթի սովորութիւնը, քանի դեռ նա բնակւում էր այլազգիների երկրում:
12. Անքուսը Դաւթին շատ էր վստահում ասելով. Այս մարդը Իսրայէլի իր ժողովրդի մօտ իրեն վարկաբեկել է. թող ինձ մօտ մինչեւ վերջ ծառայ լինի:

1. Այդ օրերին այլազգիներն իրենց զօրքերը հաւաքելով՝ պատերազմի ելան ընդդէմ Իսրայէլի: Անքուսն ասաց Դաւթին. Լա՛ւ իմացիր, որ դու եւ քո մարդիկ ինձ հետ պատերազմի եք դուրս գալու:
2. Դաւիթն ասաց Անքուսին. Այդպէս թող լինի: Հիմա դու կ'իմանաս, թէ քո ծառան ինչ է անելու: Անքուսն ասաց Դաւթին. Այդպէս թող լինի, քանզի քեզ ընդմիշտ իմ թիկնապահների պետ եմ դարձնելու:
3. Սամուէլը մահացել էր, նրան ողբացել էր ամբողջ Իսրայէլը ու նրան թաղել իր քաղաք Արիմաթեմում: Սաւուղը երկրից վերացրել էր ոգեհարցներին ու գուշակներին:
4. Այլազգիները հաւաքուեցին ու եկան բանակատեղի դրեցին Սոմանում: Սաւուղն էլ հաւաքեց բոլոր իսրայէլացիներին ու բանակատեղի դրեց Գեղբուէում:
5. Երբ Սաւուղը տեսաւ այլազգիների բանակը, վախեցաւ, նրա սիրտը մեծ ահ ընկաւ:
6. Սաւուղը Տիրոջը հարց տուեց, սակայն Տէրը նրան պատասխան չտուեց ո՛չ երազով, ո՛չ գուշակութեամբ, ո՛չ էլ մարգարէների միջոցով:
7. Սաւուղն ասաց իր ծառաներին. Մի ոգեհարց կ'ին գտե՛ք, որ գնամ նրա մօտ ու հարց տամ նրան:
8. Ծառաներն ասացին նրան. Ահա մի ոգեհարց կ'ին կայ Այենդորում: Սաւուղը ծպտուեց, ուրիշ զգեստներ հագաւ ու գնաց երկու մարդկանց հետ: Նրանք գիշերը հասան կնոջ մօտ: Սաւուղն ասաց նրան. Ոգեհարցին պատշաճ դիւթութիւն արա՛ եւ կանչի՛ր նրան, ում որ քեզ կ'ասեմ:
9. Կինն ասաց. Դու ինքդ գիտես, թէ ինչ էր արել Սաւուղը. թէ ինչպէս ոգեհարցներին ու գուշակներին վերացրեց երկրից:
10. Արդ, ինչո՞ւ ես ինձ սպանելու համար իմ անձի դէմ որոգայթ լարում: Սաւուղը նրան Տիրոջ անունով երդուեց՝ ասելով. Կենդանի է Տէրը. այս բանից քեզ ոչ մի վնաս չի հասնի:
11. Կինն ասաց. Ո՞ւմ ոգին կանչեմ: Նա ասաց. Սամուէլի ոգին կանչի՛ր:
12. Կինը տեսնելով Սամուէլին՝ բարձր ծայնով աղաղակեց ու ասաց Սաւուղին. Ինչո՞ւ ինձ խաբեցիր, չէ՞ որ դու հենց Սաւուղն ես:
13. Արքան նրան ասաց. Մի՛ վախեցիր, ասա՛, ո՞ւմ տեսար: Կինն ասաց նրան. Գետնից դուրս եկող աստուածներ եմ տեսնում:
14. Սաւուղն ասաց նրան. Ի՞նչ նկատեցիր: Նա ասաց. Մի կանգնած մարդ երկրից ելնում էր, եւ նրա վրայ թիկնոց կար: Սաւուղն իմացաւ, որ դա Սամուէլն է, եւ երեսնիվայր ընկաւ գետին ու երկրպագեց նրան:
15. Սամուէլն ասաց Սաւուղին. Ինչո՞ւ ինձ կանչելով նեղութիւն տուեցիր ինձ: Սաւուղն ասաց. Սաստիկ նեղ վիճակում եմ, այլազգիներն իմ դէմ պատերազմի են ելել, Աստուած ինձնից հեռացել է, ինձ չի պատասխանում ո՛չ մարգարէների, ո՛չ էլ երազների միջոցով: Արդ, քեզ կանչեցի, որ ինձ ցոյց տաս, թէ ինչ անեմ:
16. Սամուէլն ասաց. Ինչո՞ւ ես ինձ հարցնում: Տէրը քեզնից հեռացաւ եւ քո ընկերոջ հետ եղաւ:
17. Տէրը քեզ հետ վարուեց այնպէս, ինչպէս իմ միջոցով յայտնել էր: Տէրը քո ձեռքից խլելու է թագաւորութիւնդ եւ տալու է քո ընկերոջը՝ Դաւթին,
18. որովհետեւ չլսեցիր Տիրոջ ծայնը եւ նրա սաստիկ բարկութիւնը Ամաղէկի վրայ ի գործ չդրեցիր:
19. Այդ պատճառով էլ Տէրն այսօր քեզ հետ այդպէս է վարւում: Տէրը Իսրայէլին քեզ հետ միասին մատնելու է այլազգիների ձեռքը, վաղը դու եւ քո որդիները պիտի ընկնեք, եւ Տէրը Իսրայէլի բանակը պիտի մատնի այլազգիների ձեռքը:
20. Սաւուղն անմիջապէս ամբողջ հասակով գետնի վրայ վայր ընկաւ, խիստ զարիւհեց Սամուէլի խօսքերից, ու իր մէջ այլեւս ուժ չմնաց, որովհետեւ մի ամբողջ օր ու գիշեր հաց չէր կերել:
21. Կինը մտաւ Սաւուղի մօտ ու տեսնելով, որ նա մեծ տագնապի մէջ է, ասաց նրան. Ես՝

քո աղախինը, հնազանդուել եմ քեզ, կեանքս վտանգի ենթարկելով անսացել եմ խօսքերիդ:

22. Հիմա էլ դո՛ւ լսիր քո աղախնի խօսքերը: Քո առջեւ մի պատառ հաց դնեմ ու կե՛ր եւ ուժ կը ստանաս, որ քո ճանապարհը գնաս:

23. Նա չուզեց ուտել, սակայն իր ծառաներն ու կինը ստիպեցին նրան, ու Սաւուղը տեղի տալով՝ գետնից վեր կացաւ ու նստեց աթոռին:

24. Կինը տանը կերակրուած մի հորթ ունէր, անմիջապէս մորթեց դա: Ալիւր առնելով՝ շաղեց, բաղարջ հաց եփեց եւ տուեց Սաւուղին ու նրա ծառաներին:

25. Նրանք կերան, վեր կացան ու նոյն գիշերը գնացին:

1. Այլազգիներն իրենց բոլոր բանակները հաւաքեցին Ափեկում, իսկ իսրայելացիները բանակ դրին Յեզրայելի Այենդոր բնակավայրում:
2. Այլազգիների իշխանները հարիւրներով ու հազարներով էին առաջ շարժւում, իսկ Դաւիթն ու իր մարդիկ գնում էին Անքուսի յետեւից:
3. Այլազգիների իշխաններն ասացին. Ովքե՞ր են դրանք, որ անցնում են: Անքուսն իր նախարարներին ասաց. Չէ՞ որ դա Իսրայելի Սաւուղ արքայի ծառայ Դաւիթն է: Ահա երկու տարի է, որ մեզ մօտ է, եւ նրա մեր կողմն անցած օրից մինչեւ այսօր նրա մէջ ոչ մի վատ բան չեմ նկատել:
4. Այլազգիների իշխանները խոժոռ նայելով Դաւթին՝ ասացին Անքուսին. Յե՛տ դարձրու այդ մարդուն, թող գնայ այնտեղ, ուր նշանակել ես նրան, մեզ հետ պատերազմի թող չգայ, մի գուցէ նա դաւաճանի մեր բանակին: Նա ինչո՞վ պիտի հաշտուի իր տիրոջ հետ, եթէ ոչ այս մարդկանց գլուխներով:
5. Սա այն Դաւիթը չէ՞, որի համար պար բռնելով երգում էին, թէ՛ Սաւուղը հազար կոտորեց, իսկ Դաւիթը՝ բազմահազարներ:
6. Անքուսը կանչեց Դաւթին ու ասաց նրան. Կենդանի է Տէրը. դու իմ աչքին շիտակ եւ բարի մարդ ես, հաճելի է ինձ հետ բանակ մտնելդ ու ելնելդ, քանզի ինձ մօտ եկած օրիցդ մինչեւ այսօր քո մէջ չարութիւն չեմ նկատել:
7. Բայց դու իշխանների աչքին լաւ չես երեւում: Արդ, դարձի՛ր ու գնա՛ խաղաղութեամբ եւ մի՛ արա այն, ինչ իշխանների աչքին վատ է երեւում:
8. Դաւիթն ասաց Անքուսին. Ի՞նչ եմ արել քեզ. քեզ մօտ ապրելու օրից մինչեւ այս օրը ծառայիդ մէջ ի՞նչ վատ բան ես նկատել, ինչո՞ւ ես չեմ գնալու իմ տէր արքայի թշնամիների դէմ պատերազմելու:
9. Պատասխան տուեց Անքուսը Դաւթին՝ ասելով. Գիտեմ, որ դու իմ աչքին Աստծու հրեշտակի պէս բարի ես, բայց այլազգիների իշխաններն ասում են. Թող մեզ հետ պատերազմի չգայ:
10. Արդ, դու եւ քո տիրոջ ծառաները, որոնք քեզ հետ են եկել, առաւօտ կանուխ վե՛ր կացե՛ք գնացե՛ք այնտեղ, ուր ձեզ նշանակել եմ: Ոչ մի վատ բան մի՛ մտածիր, քանզի դու ինձ համար հաճելի մարդ ես: Առաւօտ կանուխ վե՛ր կացե՛ք ու լուսածագին գնացե՛ք:
11. Դաւիթն ու նրա մարդիկ առաւօտեան կանուխ վեր կացան, որ գնան, այլազգիների երկիրը պահպանեն, իսկ այլազգիները դուրս եկան պատերազմելու Իսրայելի դէմ:

1. Երբ Դաւիթն ու Նրա մարդիկ երրորդ օրը մտան Սիկեդակ, ամաղեկացիներն ասպատակել էին հարաւակողմը եւ Սիկեդակը: Նրանք հարուածել էին Սիկեդակին ու հրի մատնել, գերեվարել էին կանանց եւ երկրում գտնուող բոլոր մարդկանց՝ փոքրից մինչեւ մեծը:
2. Թշնամին չէր սպանել տղամարդկանց եւ կանանց, այլ գերել էր ու գնացել իր ճանապարհով:
3. Դաւիթն ու իր մարդիկ երբ մտան քաղաք, տեսան, որ այն հրկիզուած է, իսկ իրենց կանայք, տղաներն ու աղջիկները՝ գերուած:
4. Դաւիթը եւ իր մարդիկ իրենց ձայնը բարձրացրին ու լաց եղան այնքան, որ Նրանց վրայ լալու ուժ այլեւս չմնաց:
5. Գերուել էին Նաեւ Դաւթի երկու կանայք՝ Աքիսովամ Յեզրայելացին ու Կարմեղացի Նաբադի կինը՝ Աբիգեան:
6. Դաւիթը մեծ տագնապի մէջ էր. ժողովուրդն ուզում էր Նրան քարկոծել, որովհետեւ ամէն մէկի սիրտը կսկծում էր իր տղաների ու աղջիկների համար:
7. Դաւիթն ասաց Աքիմէլէքի որդի Աբիաթար քահանային. Մօտեցրո՛ւ պարեգօտդ: Աբիաթարը մօտեցրեց պարեգօտը Դաւթին:
8. Դաւիթը հարցրեց Տիրոջը եւ ասաց. Հետապնդե՛մ այդ ելուզակներին, կը հասնե՞մ Նրանց: Տէրն ասաց. Հետապնդի՛ր եւ անպայման կը հասնես ու բոլոր գերիներին կը փրկես:
9. Դաւիթն իր հետ վերցնելով վեց հարիւր մարդ՝ եկաւ մինչեւ Բոսորի հեղեղատը, իսկ ուժասպառ եղածները մնացին տեղում:
10. Դաւիթն այդ չորս հարիւր մարդկանցով հետապնդեց թշնամուն, իսկ երկու հարիւր մարդ էլ մնաց Նստած Բոսորի հեղեղատի այն կողմը:
11. Նրանք դաշտում մի եգիպտացու գտան, բռնեցին ու բերեցին դաշտ, Դաւթի մօտ: Նրան հաց տուեցին, ու Նա կերաւ, ջուր խմեցրին, տուին Նրան մի կտոր չոր թուզ, երկու ողկոյզ չամիչ:
12. Նա կերաւ եւ ուժ առաւ, քանզի երեք օր ու երեք գիշեր ո՛չ հաց էր կերել, ո՛չ ջուր խմել:
13. Դաւիթը ասաց. Դու ո՞ւմ մարդն ես, որտեղի՞ց ես: Պատանեակն ասաց. Ես եգիպտացի եմ, մի ամաղեկացու ծառայ: Տէրս ինձ քեց, քանզի երրորդ օրն է, որ հիւանդ եմ:
14. Մենք ասպատակեցինք Քերեթի հարաւային կողմերը, Հրեաստանի կողմերը եւ Քաղէթի հարաւակողմը, իսկ Սիկեդակը հրի մատնեցինք:
15. Դաւիթն ասաց Նրան. Ինձ այդ ելուզակների մօտ կ'առաջնորդե՞ս: Եգիպտացին ասաց Նրան. Երդուի՛ր, որ ինձ չես սպանի, չես յանձնի իմ տիրոջ ձեռքը, եւ ես քեզ ելուզակների մօտ կ'առաջնորդեմ: Նա երդուեց Նրան:
16. Եգիպտացին Նրան այնտեղ տարաւ, եւ Դաւիթը տեսաւ, որ Նրանք ցրուած էին ամբողջ դաշտում, ուտում ու խմում էին եւ այլազգիների ու Յուդայի երկրից վերցրած մեծամեծ աւարով ուրախութիւն անում:
17. Դաւիթը Նրանց վրայ յարձակուեց եւ Արուսեակի երեւալուց մինչեւ երեկոյ ու միւս օրը կոտորեց Նրանց այնպէս, որ ոչ մի տղամարդ չփրկուեց: Միայն չորս հարիւր երիտասարդներ, ուղտերը հեծած, փախան:
18. Դաւիթն ազատեց այն բոլորին, որոնց գերեվարել էին ամաղեկացիները: Նա փրկեց Նաեւ իր երկու կանանց:
19. Նրանց ունեցածից ոչ մի բան չէր պակասել. փոքրից մինչեւ մեծը, տղաներին եւ աղջիկներին եւ այն ամէնը, ինչ առել էին Նրանցից, Դաւիթը յետ բերեց:
20. Դաւիթն առաւ բոլոր հօտերն ու արջառները եւ տարաւ աւարի առջեւից: Աւարի համար ասում էին. Սա Դաւթի աւարն է:
21. Դաւիթը եկաւ ուժասպառ եղած երկու հարիւր զինուորների մօտ, որոնք չէին

կարողացել Դաւթի յետեւից գնալ եւ մնացել էին Բոսորի հեղեղատում: Նրանք ընդառաջ գնացին Դաւթին ու նրա հետ եղած զօրքին: Դաւիթը մօտեցաւ այդ երկու հարիւր զինուորներին, հարցուփորձ արեց նրանց առողջութեան մասին:

22. Դաւթի հետ պատերազմի գնացած դաժան ու անզգամ մարդիկ ասացին. Քանի որ սրանք մեզ հետ չեկան, ուստի մենք էլ մեր փրկած աւարից նրանց բաժին չենք հանի: Միայն ամեն մէկը թող առնի իր կնոջն ու որդիներին եւ գնայ, հեռանայ:

23. Դաւիթն ասաց. Եթէ Տէրը թշնամուն յանձնել է մեր ձեռքը եւ մեզ պահել է, ուրեմն այդ բանը մի՛ արեք, եղբայրներ: Չէ՞ որ Տէրը մեր ձեռքն է մատնել մեզ վրայ յարձակուած ելուզակներին:

24. Ո՞վ կը լսի ձեր խօսքերը, չէ՞ որ նրանք ձեզնից թոյլ չեն: Պահապանների բաժինը հաւասար պէտք է լինի պատերազմի գնացողների բաժնին:

25. Աւարը հաւասարապէս պէտք է բաժանուի: Եւ այդ օրուանից մինչեւ այսօր դա իբրեւ օրէնք ու իրաւունք կիրառուում է Իսրայէլի մէջ:

26. Դաւիթը եկաւ Սիկեղակ եւ աւարից ուղարկեց Յուդայի երկրի ծերերին ու իր ընկերներին՝ ասելով.

27. Ահա ձեզ Տիրոջ թշնամիների աւարից բաժին եմ հանում, ո՞վ Բեթէլի ու հարաւային Ռամաթի,

28. Եթերի ու Արոյերի, Եփթամոթի, Եսթամայի,

29. Երաքէլի եւ յերեմելացիների ու կիսեցիների քաղաքների, Ռամայի,

30. Բորասանի ու Աթաքի, Քեբրոնի ու բոլոր այն վայրերի բնակիչներ,

31. ուր Դաւիթն ու իր մարդիկ արշաւել են:

1. Այլազգիները պատերազմ մղեցին Իսրայելի դեմ, եւ իսրայելացիները այլազգիների առաջ փախուստի դիմելով՝ վիրաւոր ընկան Գեղբուա լեռան վրայ:
2. Այլազգիները հետապնդելով Սաւուղին ու Նրա որդիներին՝ սպանեցին Սաւուղի որդիներին՝ Յովսաթանին, Ամինադաբին ու Մեղքիսաւէին:
3. Պատերազմը Սաւուղի դեմ սաստկացաւ, կորովի աղեղնաւորները գտան Նրան, եւ Նա վիրաւորուեց կողոսկրից ներքեւ:
4. Սաւուղն ասաց իր կապարճակրին. Սուրդ մերկացրո՛ւ եւ դրանով ինձ մահացու խոցի՛ր: Չլինի, թէ անթլփատները գան, ինձ խոցոտեն ու ծաղր ու ծանակի ենթարկեն: Կապարճակիրը չուզեց այդ անել, քանզի սաստիկ վախեցել էր:
5. Սաւուղն առաւ իր սուրը եւ իրեն նետեց դրա վրայ: Երբ կապարճակիրը տեսաւ, թէ Սաւուղը մեռաւ, ինքը եւս իրեն նետեց սրի վրայ ու Նրա հետ մեռաւ:
6. Մեռան Սաւուղը, իր երեք որդիներն ու իր կապարճակիրը. Նրա բոլոր մարդիկ Նոյն օրը միասին մեռան:
7. Երբ հովտի այն կողմում ու Յորդանան գետի այն կողմում գտնուող իսրայելացիները տեսան, թէ իսրայելացիները փախան, եւ թէ մեռան Սաւուղն ու իր որդիները, թողեցին իրենց քաղաքներն ու փախուստի դիմեցին: Այլազգիները եկան ու բնակուեցին դրանց մէջ:
8. Հետեւեալ օրը այլազգիները եկան դիակները կողոպտելու: Նրանք գտան Գեղբուա լեռան վրայ ընկած Սաւուղին ու Նրա երեք որդիներին:
9. Նրան շուռ տուեցին, վերցրին զէնքերը եւ կտրեցին գլուխը: Նրանք աւետաբերներ ուղարկեցին այլազգիների երկրի չորս կողմը՝ յայտնելու այս մասին իրենց կռատներին ու ժողովրդին:
10. Սաւուղի զէնքերը դրեցին Աստարտիոնի տանը եւ
11. սպանուածների մարմինները կախեցին Բեթսանի պարսպից:
12. Երբ գաղաադացիների Յաբիս բնակավայրի բնակիչները լսեցին այն մասին, թէ ինչ էին արել այլազգիները Սաւուղին,
13. բոլոր զօրեղ մարդիկ վեր կացան, ամբողջ գիշեր գնացին, Բեթսանի պարսպից վերցրին Սաւուղի ու Նրա որդի Յովսաթանի մարմինները, Յաբիս բերեցին դրանք եւ այնտեղ այրեցին:
14. Այնուհետեւ Նրանց ոսկորներն առնելով՝ թաղեցին Յաբիսի դաշտում եւ եօթը օր ծով պահեցին:

ԹԱԳԱԻՈՐՈՒԹԻՒՆՆԵՐ Բ



## Գլուխ 1

1. Սաւուղի մահուանից եւ ամաղեկացիներին կոտորելուց յետոյ Դաւիթը վերադարձաւ եւ երկու օր մնաց Սիկեղակում:
2. Երրորդ օրը Սաւուղի բանակատեղիից մարդ եկաւ, որի հագուստները պատառոտուած էին, իսկ գլխին հող էր ածուած: Երբ նա Դաւթի մօտ մտաւ, գետին ընկաւ ու խոնարհուեց նրա առաջ:
3. Դաւիթը հարցրեց նրան. Որտեղի՞ց ես գալիս: Նա պատասխանեց. Փախել եմ Իսրայէլի բանակատեղիից:
4. Դաւիթն ասաց նրան. Ի՞նչ է պատահել, պատմի՛ր ինձ: Մարդն ասաց. Ժողովուրդը պատերազմի դաշտից փախաւ, շատերը վիրաւոր ընկան ու մեռան: Մեռան նաեւ Սաւուղն ու Յովնաթանը:
5. Դաւիթն իրեն լուր բերող երիտասարդին հարցրեց. Ի՞նչ գիտես, որ Սաւուղն ու նրա որդի Յովնաթանը մեռան:
6. Լուր բերող երիտասարդն ասաց. Դիպուածով Գեղբուա լեռան վրայ էի գտնուում եւ ահա տեսայ, որ Սաւուղն ընկել էր իր նիզակի վրայ, եւ թշնամու մարտակառքերն ու հեծեալների զօրավարները հասել էին նրան: Նա յետ նայեց եւ ինձ տեսնելով՝ իր մօտ կանչեց:
7. Ասացի. Ահա այստեղ եմ:
8. Նա ասաց ինձ. Ո՞վ ես դու: Ասացի՝ Ամաղեկացի եմ:
9. Նա ասաց ինձ. Խոցի՛ր ու սպանի՛ր ինձ: Խաւարն է պատել ինձ, բայց շունչս դեռ վրաս է:
10. Խոցեցի ու սպանեցի նրան, որովհետեւ գիտէի, որ նիզակի վրայ ընկնելուց յետոյ չէր ապրելու: Առայ նրա գլխից թագը, ապարանջանները՝ նրա բազկից եւ դրանք բերեցի այստեղ՝ իմ տիրոջը:
11. Դաւիթն իր հագուստները բռնելով՝ պատառոտեց: Իրենց հագուստները պատառոտեցին նաեւ նրա մօտ գտնուող մարդիկ:
12. Նրանք ողբացին, լաց եղան ու մինչեւ երեկոյ ծով պահեցին սրով ընկած Սաւուղի, նրա որդի Յովնաթանի, Յուդայի երկրի ժողովրդի ու Իսրայէլի տան համար:
13. Դաւիթն ասաց իրեն լուր բերող երիտասարդին. Որտեղի՞ց ես դու: Մարդն ասաց. Մի պանդուխտ ամաղեկացու որդի եմ ես:
14. Դաւիթն ասաց նրան. Ինչպէ՞ս չվախեցար ձեռք բարձրացնել ու սպանել Տիրոջ օծեալին:
15. Դաւիթն իր ծառաներից մէկին կանչելով՝ ասաց. Մօտեցի՛ր ու սպանի՛ր սրան: Նա հարուածեց, ու մարդը մեռաւ:
16. Դաւիթն ասաց նրան. Քո արիւնը թող քո գլխին լինի, քանզի քո բերանը քո մասին վկայութիւն տուեց՝ ասելով. Ես սպանեցի Տիրոջ օծեալին:
17. Դաւիթը Սաւուղի ու նրա որդի Յովնաթանի վրայ այս ողբը յօրինեց եւ պատուիրեց այս ողբը ուսուցանել Յուդայի երկրի աղեղնակիրներին:
18. Այն գրուած է Արդարութեան գրքում:
19. Բլուրների բարձունքներում իբրեւ արձան կանգնի՛ր, Իսրայէ՛լ, վիրաւոր ընկած քո զօրաւոր որդիների համար:
20. Մի՛ յայտնեք Գեթում եւ լուր մի՛ տարածեք Ասկաղոնի փողոցներում, որ այլազգիների դուստրերը երբեք չհրճուեն, եւ անթլփատների դուստրերը չցնծան:
21. Ո՞վ Գեղբուայի լեռներ, թող ձեզ վրայ ցօղ չիջնի, անձրեւ չգայ ձեզ վրայ, եւ ոչ էլ պտղատու այգիներ լինեն:
22. Քանզի այստեղ է, որ հզօրների վահանը ջարդուեց, Սաւուղի վահանը չօծուեց իւղով: Յովնաթանի աղեղը զուր յետ ջրաշուեց վիրաւորների արիւնից ու հզօրների ճարպից, իսկ Սաւուղի սուրը դատարկ պատեան չդրուեց:
23. Սաւուղն ու Յովնաթանն իրենց կենդանութեան ժամանակ միմեանց սիրելի էին, գեղեցիկ ու վայելուչ, իրենց մահուան ժամանակ էլ իրարից չբաժանուեցին: Արծիւներից

աւելի թեթեւաշարժ էին, առիւծներից աւելի զօրեղ:

24. Իսրայէլի դուստրե՛ր, լա՛ց եղէք Սաւուղի վրայ, լա՛ց եղէք Նրա վրայ, ով ձեզ զարդարուն կարմիր զգեստներ էր հագցնում, ձեր հագուստների վրայ ոսկէ զարդեր էր զցում:

25. Հզօրներն ինչպէ՞ս ընկան պատերազմի մէջ: Յովնաթա՛ն, քո բարձունքների վրայ խոցուեցիր:

26. Յաւում եմ քեզ համար, եղբա՛յր իմ Յովնաթան: Ինձ շատ սիրելի էիր, քո սերը կանանց սիրուց բարձր էր:

27. Ինչպէ՞ս ընկան հզօրները, եւ ջարդուվշուր եղան ռազմի գործիքները:

1. Դրանից յետոյ Դաւիթը հարց տալով Տիրոջը՝ ասաց. Արդեօք գնա՞մ Յուդայի քաղաքներից որեւէ մէկը: Տէրն ասաց նրան. Գնա՛: Դաւիթն ասաց. Ո՞ր գնամ:
2. Տէրն ասաց՝ Քեբրոն: Դաւիթն իր երկու կանանց՝ յեզրայէլացի Աքիսովամի եւ կարմեղացի Նաբադի կին Աբիգեայի հետ եկաւ Քեբրոն:
3. Դաւիթն իր հետ եկած մարդկանց, ամէն մէկին իր ընտանիքով բերեց, եւ նրանք բնակուեցին Քեբրոն քաղաքում:
4. Եկան Հրեաստանի մարդիկ եւ այնտեղ Դաւիթին Յուդայի տան վրայ թագաւոր օծեցին: Դաւիթն յայտնեցին, թէ Գաղաադի Յաբիս բնակավայրի մարդիկ թաղել են Սաւուղին:
5. Դաւիթը Գաղաադի Յաբիս բնակավայրի առաջնորդների մօտ պատգամաւորներ ուղարկեց եւ ասաց նրանց. Օրհնեալ լինե՞ք Տիրոջից, որ ձեր տիրոջ՝ Տիրոջից օծեալ Սաւուղի նկատմամբ բարեացակամ էք եղել՝ թաղել էք նրան ու իր որդի Յովսաթանին:
6. Արդ, Տէրը ձեր նկատմամբ ողորմութիւն եւ արդարութիւն թող ցուցաբերի, իսկ ես այդ բարի գործի համար հատուցելու եմ ձեզ:
7. Թող ձեր ձեռքերը զօրանան, ու դուք քաջասիրտ լինե՞ք: Մեռաւ ձեր տերը՝ Սաւուղը, եւ Յուդայի տունն ինձ իր վրայ թագաւոր է օծել:
8. Սաւուղի զօրավար Ների որդի Աբենները Սաւուղի որդի Յեբուսթէին առաւ տարաւ բանակատեղի
9. եւ նրան թագաւոր դարձրեց Գաղաադաստանի, Թասիրի, Յեզրայէլի, Եփրեմի, Բենիամինի երկրների եւ ամբողջ Իսրայէլի վրայ:
10. Սաւուղի որդի Յեբուսթէն քառասուն տարեկան էր, երբ թագաւոր դարձաւ Իսրայէլի վրայ: Նա երկու տարի թագաւորեց: Միայն Յուդայի տունն էր, որ Դաւիթն էր հետեւում:
11. Քեբրոնում, Յուդայի երկրի վրայ Դաւիթը թագաւորեց եօթը տարի վեց ամիս:
12. Ների որդի Աբենները եւ Սաւուղի որդի Յեբուսթէի ծառաները բանակատեղիներից եկան Գաբաւոն:
13. Շարուհիի որդի Յովաբը եւ Դաւիթի ծառաները եկան Քեբրոնից եւ նրանց հանդիպեցին Գաբաւոնի աղբիւրի մօտ: Սրանք աղբիւրի այն կողմը նստեցին, իսկ նրանք՝ այս կողմը:
14. Աբեններն ասաց Յովաբին. Թող քո կտրիճները ելնեն ու մրցեն մեր առջեւ:
15. Յովաբն ասաց. Թող մրցեն: Բենիամինի ու Սաւուղի որդի Յեբուսթէի կողմից եկան տասներկու երիտասարդներ. Դաւիթի կողմից էլ եկան տասներկու երիտասարդներ:
16. Ամէն մէկը ձեռքով բռնեց իր մրցակցի գլխից ու սուրը խրեց իր մրցակցի կողը: Բոլորն այնտեղ ընկան ու մեռան: Եւ այդ տեղի անունը դրեցին Դաւաճանների դաշտ, որը Գաբաւոնում է գտնւում:
17. Այդ օրը սաստիկ պատերազմ եղաւ, եւ Աբենները իսրայէլացիների հետ պարտուեց Դաւիթի զինուորներից:
18. Այնտեղ էին Շարուհիի երեք որդիները՝ Յովաբը, Աբեսսան եւ Ասայէլը: Ասայէլը դաշտի այծեամի պէս թեթեւաքայլ էր:
19. Ասայէլը հետապնդեց Աբեններին եւ նրան հալածելիս աջ ու ձախ չխոտորուեց:
20. Աբենները յետ նայեց եւ ասաց. Դո՞ւ ես, Ասայէ՛լ: Սա ասաց. Ես եմ:
21. Աբեններն ասաց. Խոտորուի՛ր աջ կամ ձախ, բռնի՛ր կտրիճներից մէկին ու վերցրո՛ւ նրա գէնքերը: Ասայէլը, սակայն, չուզեց նրան հետապնդելուց հրաժարուել:
22. Աբենները մի անգամ եւս ասաց Ասայէլին. Հեռո՛ւ մա ինձանից, որ քեզ գետին չխփեմ, թէ չէ ի՞նչ երեսով պիտի ներկայանամ Յովաբին, եւ ինչի՞ նման կը լինի դա:
23. Գնա՛ քո եղբայր Յովաբի մօտ: Ասայէլը չուզեց յետ կանգնել, Աբենները նիզակով հարուածեց նրա կողին, եւ նիզակը գիստից դուրս եկաւ: Նա ընկաւ այնտեղ ու մեռաւ տեղում: Ով Ասայէլի ընկած ու մեռած տեղն էր գալիս, կանգ էր առնում:
24. Յովաբն ու Աբեսսան Աբենների յետեւից ընկած հետապնդում էին նրան, եւ երբ Գայի դիմաց, Գաբաւոնի անապատի ճանապարհի վրայ գտնուող Ամմանի բլուրը հասան, արեւը մայր մտաւ:

25. Բենիամինի որդիները հաւաքուելով Աբենների շուրջը՝ մի բլրի վրայ կանգ առան:
26. Աբենները ձայն տուեց Յովաբին. Մի՞թէ սուրն անդադար բնաջնջելու է, կամ մի՞թէ չգիտես, որ սրա վերջը դառնութիւն կը լինի: Ե՞րբ ես հրամայելու ժողովրդին, որ իրենց եղբայրներին հալածելուց հրաժարուեն:
27. Յովաբն ասաց. Կենդանի է Տէրը: Եթէ դու խօսած չլինէիր, ժողովուրդը այգաբացին վեր էր կենալու, եւ ամէն մէկը հալածելու էր իր եղբօրը:
28. Յովաբը փող հնչեցրեց, ամբողջ ժողովուրդը կանգ առաւ, այլեւս չհալածեց իսրայելացիներին, եւ պատերազմը դադարեց:
29. Աբեններն ու նրա մարդիկ ամբողջ գիշերը շարժուեցին դեպի արեւելք, անցան Յորդանան գետը, բոլոր մօտակայ վայրերը ու եկան բանակատեղի:
30. Յովաբը Աբեններին հալածելուց հրաժարուեց, հաւաքեց ամբողջ ժողովրդին, աշխարհագիր արեց ու տեսաւ,
31. որ Դաւթի մարդկանցից կոտորուել էին տասնինը մարդ եւ Ասայէլը, իսկ Դաւթի զինուորները Բենիամինի որդիներից ու Աբենների մարդկանցից կոտորել էին երեք հարիւր վաթսուն մարդ:
32. Վերցրին Ասայէլին ու նրան թաղեցին Բեթղեհեմում, իր հօր գերեզմանի մէջ: Յովաբն ու իր մարդիկ գնացին եւ արշալոյսին հասան Զեբրոն:

1. Սաւուղի տան ու Դաւթի տան միջեւ սաստիկ պատերազմ եղաւ: Դաւթի տունը գնալով հօգորանում էր, իսկ Սաւուղի տունը գնալով տկարանում էր:
2. Քեբրոնում Դաւիթը որդիներ ունեցաւ: Նրա անդրանիկը յեզրայէլացի Աքիսոմայից ծնուած Ամմոնն էր,
3. երկրորդը կարմեղացի Աբիգեայից ծնուած Դաւիան էր, երրորդը Գեսուրի արքայ Թոդմիի դուստր Մաաքայից ծնուած Աբեսաղոմն էր,
4. չորրորդը Ագգիթի որդի Ադոնիան էր, հինգերորդը Ամիտաղի որդի Սափատիան էր,
5. վեցերորդը Դաւթի Եգլաթա կնոջից ծնուած Յեթրամն էր: Դաւիթը այս որդիներին ունեցաւ Քեբրոնում:
6. Երբ Սաւուղի տան եւ Դաւթի տան միջեւ պատերազմ էր տեղի ունենում, Աբենները Սաւուղի տունն էր կառավարում:
7. Սաւուղն ուներ մի հարճ, որի անունը Ռեսփա էր: Նա Յուդի դուստրն էր: Սաւուղի որդի Յեբուսթէն ասաց Աբեններին.
8. Ինչո՞ւ ես պառկում իմ հօր հարճի հետ:
9. Աբենները խիստ բարկանալով Յեբուսթէի խօսքի համար՝ նրան ասաց. Միթե՞ ես շան գլուխ եմ: Զո՞ հօր տան, նրա եղբայրներին ու բարեկամներին այսօր ծառայութիւն եմ մատուցել, բայց քեզ Դաւթի տան ձեռքը չեմ մատնել: Իսկ դու այսօր մի կնոջ համար ինձանից վրեժ ես լուծում:
10. Աստուած Աբեններին այսպէս ու սրանից աւելին թող անի, եթէ Դաւթի նկատմամբ չանեմ այն, ինչ Տէրը երդուեց նրան՝ ասելով,
11. թէ՛ Թագաւորութիւնը վերցնելու եմ Սաւուղից եւ Դաւթի թագաւորութիւնն եմ հաստատելու Իսրայէլի ու Յուդայի երկրի վրայ Դանից մինչեւ Բերսաբէ:
12. Յեբուսթէն վախից այլեւս չկարողացաւ պատասխան տալ Աբեններին:
13. Աբեններն անմիջապէս պատգամաւորներ ուղարկելով Թեսաղմի երկիր, Դաւթի մօտ՝ ասաց. Ինձ հետ քո ուխտը կնքի՛ր, եւ ես քեզ կ'օգնեմ ամբողջ Իսրայէլը քո կողմը դարձնելու համար:
14. Դաւիթն ասաց. Բարի: Ես քեզ հետ ուխտ կը կնքեմ, բայց քեզանից մի բան եմ խնդրում. ինձ չներկայանաս, եթէ ինձ տեսնելու գալիս հետոյ չբերես Սաւուղի դուստր Մեղքողին:
15. Դաւիթը Սաւուղի որդի Յեբուսթէի մօտ պատգամաւորներ ուղարկեց՝ ասելով. Ինձ տո՛ւր իմ կին Մեղքողին, որին ես ստացել եմ այլազգիների հարիւր անթլփատ անդամների դիմաց:
16. Յեբուսթէն մարդ ուղարկեց ու Մեղքողին առաւ իր ամուսնուց՝ Մեղդայի որդի Փաղտիէլից:
17. Նրա ամուսինը լալով գնում էր նրա յետեւից մինչեւ Բարակիմ: Աբեններն ասաց նրան. Յե՛տ դարձի՛ր: Եւ նա յետ դարձաւ:
18. Աբենները խօսելով Իսրայէլի ծերերի հետ՝ ասաց. Երկար ժամանակ խնդրում էիք, որ Դաւիթը թագաւորի ձեզ վրայ:
19. Հիմա իրագործեցէ՛ք, քանզի Տէրը խօսելով Դաւթի մասին՝ ասել է. Իմ ծառայ Դաւթի ձեռքով եմ փրկելու Իսրայէլը այլազգիների ձեռքից եւ նրա բոլոր թշնամիների ձեռքից:
20. Աբեններն այս բանն ասաց Բենիամինին: Աբենները գնաց Քեբրոն Դաւթին յայտնելու այն, ինչ հաճելի էր թուացել Իսրայէլին եւ Բենիամինի ամբողջ տանը:
21. Աբենները քսան մարդկանցով եկաւ Քեբրոն, Դաւթի մօտ, եւ Դաւիթը Աբենների ու նրա հետ եկած մարդկանց համար խրախճանք կազմակերպեց:
22. Աբեններն ասաց Դաւթին. Գնամ եւ ամբողջ Իսրայէլին հաւաքեմ իմ տէր արքայի շուրջը, քեզ հետ ուխտ դնեմ, եւ դու թագաւորես բոլոր նրանց վրայ, որոնց ցանկանում ես:
23. Դաւիթն Աբեններին յետ ուղարկեց, եւ սա գնաց խաղաղութեամբ:
24. Դաւթի մարդիկ եւ Յովաբը եկան ասպատակութիւնից՝ իրենց հետ բազում աւար

բերելով: Յովաբը Քեբրոնում, Դաւթի մօտ չէր, երբ սա նրան արձակել էր, եւ նա գնացել էր խաղաղութեամբ:

25. Յովաբն ու նրա ամբողջ զօրքը եկան: Յովաբին յայտնեցին, թէ Ների որդի Աբենները եկել է Դաւթի մօտ, սա նրան արձակել է, եւ նա գնացել է խաղաղութեամբ:

26. Յովաբը մտնելով Դաւիթ արքայի մօտ՝ ասաց. Այդ ի՞նչ ես արել. Աբենները եկել է քեզ մօտ, եւ դու ինչո՞ւ նրան խաղաղութեամբ արձակեցիր:

27. Մի՞թէ չգիտես Ների որդի Աբենների չարութիւնը: Նա եկել է քեզ խաբելու, իմանալու քո ելումուտը եւ տեղեկանալու այն ամենին, ինչ դու անում ես:

28. Յովաբը դուրս եկաւ Դաւթի մօտից, պատգամաւորներ ուղարկեց Աբենների ետեւից, որոնք եւ նրան վերադարձրին Սէիրմի ջրհորից:

29. Դաւիթն այդ մասին չգիտէր: Յովաբն Աբեններին բերեց Քեբրոն, դարպասից ներս տարաւ իբր թէ նրան գաղտնի բան յայտնելու նպատակով եւ իր եղբայր Ասայէլի արեան վրէժը լուծելու համար խոցեց նրա կողը, եւ նա մեռաւ:

30. Դրանից յետոյ Դաւիթն իմանալով այդ մասին՝ ասաց. Ես եւ իմ թագաւորութիւնը Տիրոջ առաջ յաւիտեան անպարտ ենք Ների որդի Աբենների արեան համար:

31. Թող Յովաբի եւ նրա հօր ամբողջ տան վրայ ընկնի մեղքը, եւ Յովաբի տնից անպակաս լինեն սերմը ծորողը, բորոտը, ցուպով շրջող մուրացիկը, սրից ընկնողն ու սովամահը:

32. Յովաբն ու նրա եղբայր Աբեսսան հետապնդում էին Աբեններին այն բանի համար, որ նա Գաբաւոնում, պատերազմի ժամանակ, սպանել էր իրենց եղբօրը՝ Ասայէլին:

33. Դաւիթը Յովաբին ու նրա հետ եղած ամբողջ ժողովրդին ասաց. Պատառոտեցէ՛ք ձեր հագուստները, քո՛ւրձ հագեք ու ողբացէ՛ք Աբենների վրայ:

34. Դաւիթ արքան գնում էր դագաղի յետեւից: Աբեններին թաղեցին Քեբրոնում: Արքան բարձրաձայն լաց եղաւ նրա գերեզմանի վրայ: Աբենների համար լաց էր լինում նաեւ ամբողջ ժողովուրդը:

35. Արքան Աբեններին ողբալով ասում էր. Մի՞թէ Աբենները պիտի մեռնէր այնպէս, ինչպէս մի անզգամ է մեռնում: Միթէ Նաբաղի մահո՞վ պիտի մեռնէր Աբենները:

36. Քո ձեռքերը կապուած չէին, քո ոտքերը չէին շղթայուած: Քեզ չբերեցին, ինչպէս անիրաւ Նաբաղին էին բերել, բայց դու ընկար անկարող, ինչպէս ընկնում են անիրաւները:

37. Ամբողջ ժողովուրդը հաւաքուեց նրան ողբալու: Ամբողջ ժողովուրդը եկաւ Դաւթին ընթրիք տալու, քանի դեռ ցերեկ էր, սակայն Դաւիթը երդուելով ասաց. Աստուած ինձ այսպէս եւ այսպէս ու անելին անի, եթէ արեգակը մայր մտնելուց առաջ հաց կամ որեւէ բան ուտեմ:

38. Ամբողջ ժողովուրդը իմացաւ այդ, նրան հաճելի թուաց այն ամբողջ բարութիւնը, որ արքան գործել էր ժողովրդի համար:

39. Նրանք՝ բոլոր իսրայէլացիներն այդ օրը իմացան, որ արքայի հրամանով չի եղել Ների որդի Աբենների սպանութիւնը:

40. Արքան ասաց իր ծառաներին. Զգիտե՞ք, որ այսօր Իսրայէլի մի մեծ առաջնորդ ընկաւ,

41. որ այսօր նա ինձ արիւնակից էր եւ արքայի կողմից էր նշանակուած: Սակայն այս մարդիկ՝ Շարուհիի որդիները, ինձնից անելի դաժան են: Տէրը չարին թող նրա չարութեան համեմատ հատուցի:

1. Երբ Սաւուղի որդի Յեբուսթէն լսեց, որ Աբենները մահացել է Քեբրոնում, նրա ձեռքերը թուլացան, իսկ բոլոր իսրայելացիները վհատուեցին:
2. Սաւուղի որդի Յեբուսթէն ուներ գնդերի երկու զօրապետներ, որոնցից մէկի անունն էր Բաանա, իսկ միւսինը՝ Ռեքաբ: Սրանք Բենիամինի ցեղից բերոթացի Ռեմոնի որդիներն էին:
3. Բերոթը Բենիամինի երկրի մասն էր կազմում: Բերոթացիները Գեթթայի էին փախել եւ իբրեւ պանդուխտ այնտեղ են ապրում մինչեւ այսօր:
4. Սաւուղի որդի Յովնաթանն ուներ հինգ տարեկան մի կաղ որդի: Սաւուղի եւ նրա որդի Յովնաթանի մահուան գոյժը Յեզրայէլից հասնելուց յետոյ մանկան դայեակը նրան վերցնելով փախել էր: Եւ ահա երբ նրանք շտապ փախչում էին, մանուկն ընկել էր ու ոտքը վնասել: Նրա անունը Մեմփիբոսթէ էր:
5. Բերոթացի Ռեմոնի որդիները՝ Ռեքաբն ու Բաանան, գնացին եւ օրուայ տօթ ժամին մտան Յեբուսթէի տունը: Սա կեսօրին ննջում էր անկողնում:
6. Տան դռնապանը ցորեն մաքրելիս նիրհել էր ու քուն մտել:
7. Ռեքաբ եւ Բաանա եղբայրները գաղտագողի տուն մտան: Յեբուսթէն սենեակում ննջում էր իր անկողնում:
8. Հարուածեցին նրան, սպանեցին, կտրեցին նրա գլուխը եւ այն վերցնելով՝ ամբողջ գիշերը գնացին արեւելեան ճանապարհով: Յեբուսթէի գլուխը բերեցին Քեբրոն, Դաւթի մօտ, եւ ասացին արքային. Ահա քո թշնամու՝ Սաւուղի որդի Յեբուսթէի գլուխը, որը քո մահն էր նիւթում: Տերը մեր տէր արքայի համար վրեժխնդիր եղաւ նրա թշնամիներից, ինչպէս այսօր վրեժխնդիր եղաւ քո թշնամի Սաւուղից եւ նրա սերնդից:
9. Դաւիթը Բերոթացի Ռեմոնի որդիներ Ռեքաբին ու նրա եղբայր Բաանային պատասխանեց՝ ասելով. Վկայ է Տերը, որ ինձ փրկեց ամէն նեղութիւնից:
10. Նա, ով պատմել էր ինձ, թէ մեռաւ Սաւուղը, նրան թւում էր, թէ ինձ աւետիս էր տալիս, իսկ ես բռնեցի նրան Սիկեղակում ու սպանեցի, մինչդեռ նա կարծում էր, թէ ես նրան պետք է աչքալուսանք տամ:
11. Արդ, դուք՝ չա՛ր մարդիկ, իր տանը, անկողնում սպանել էք արդար մարդու: Հիմա ես նրա արիւնը պետք է պահանջեմ ձեզանից, ձեզ պիտի վերացնեմ երկրից:
12. Դաւիթը հրաման տուեց իր զինուորներին, որոնք սպանեցին նրանց, կտրեցին նրանց ձեռքերն ու ոտքերը եւ դրանք կախեցին Քեբրոնի աղբիւրի վրայ, իսկ Յեբուսթէի գլուխը թաղեցին Քեբրոնում, Ների որդի Աբենների գերեզմանում:

1. Իսրայելի բոլոր ցեղերը եկան Քեբրոն, Դաւթի մօտ, ու խօսելով նրա հետ՝ ասացին.
2. Մենք քո ոսկորը եւ քո մարմինն ենք: Անցեալում, երբ Սաուլը մեր թագաւորն էր, դու էիր իսրայելացիներին առաջնորդողը եւ ի մի հաւաքողը: Տերը քեզ ասաց. Դու պիտի հովուես Իսրայելի իմ ժողովրդին, դու ես լինելու Իսրայելի առաջնորդը:
3. Իսրայելի բոլոր ծերերը եկան Քեբրոն, արքայի մօտ, եւ Դաւիթ արքան նրանց հետ ուխտ դրեց Քեբրոնում, Տիրոջ առջեւ: Նրանք Դաւթին թագաւոր օծեցին ամբողջ Իսրայելի վրայ:
4. Դաւիթը երեսուն տարեկան էր, երբ թագաւոր դարձաւ, եւ քառասուն տարի թագաւորեց.
5. եօթը տարի վեց ամիս թագաւորեց Քեբրոնում Յուդայի երկրի վրայ եւ երեսուններեք տարի Երուսաղէմում՝ ամբողջ Իսրայելի ու Յուդայի երկրի վրայ:
6. Դաւիթն իր զօրքով գնաց Երուսաղէմ, այդ երկրում բնակուող յեբուսացիների դէմ: Դաւթին ասացին, թէ՝ Դու այստեղ չես մտնի, քանզի կոյրերն ու կաղերը քեզ դէմ են կանգնել եւ ասում են. Դաւիթն այստեղ թող չմտնի:
7. Դաւիթը գրաւեց Սիոնն ու նրա ամրոցը, որ Դաւթի քաղաքն է:
8. Այդ օրը Դաւիթն ասաց. Ով որ ուզում է կոտորել յեբուսացիներին, թող սրով յարձակուի կաղերի, կոյրերի եւ Դաւթի անձն ատողների վրայ: Դրա համար է, որ ասում են. Կոյրերն ու կաղերը չպէտք է մտնեն Տիրոջ տունը:
9. Դաւիթն ապրեց ամրոցում, եւ այն կոչուեց Դաւթի քաղաք: Նա շուրջանակի, ծայրից ծայր քաղաք շինեց եւ իր համար էլ տուն կառուցեց:
10. Դաւիթը գնալով հզօրանում էր, եւ ամենակալ Տերը նրա հետ էր:
11. Տիւրոսի արքայ Քիրամը դեսպաններ ուղարկեց Դաւթի մօտ, նաեւ եղեմնափայտ, փայտի հիւսներ ու քարի վարպետներ, որոնք Դաւթի համար տուն շինեցին:
12. Դաւիթը համոզուեց, որ Տէրն է իրեն Իսրայելի թագաւոր հաստատել եւ իր թագաւորութիւնը բարձրացրել իր ժողովրդի՝ իսրայելացիների վրայ:
13. Դաւիթը Քեբրոնից Երուսաղէմ գալուց յետոյ ուրիշ կանայք ու հարճեր եւս առաւ:
14. Դաւիթն ուրիշ տղաներ եւ աղջիկներ էլ ունեցաւ: Երուսաղէմում նրա ունեցած որդիների անունները սրանք են.
15. Սամաթ, Յեսիբաթ, Նաթան, Գադամաան, Յեբաար,
16. Թեմետուս, Եղփաղատ, Նազեդ, Նափեկ, Յեննաթա, Եղիսամիս, Բաղիգադ եւ Եղիփաղէտ:
17. Այլազգիները լսելով, թէ Դաւիթը Իսրայելի թագաւոր է օծուել, բոլորը ելան Դաւթի վրայ յարձակուելու:
18. Երբ Դաւիթն այդ իմացաւ, իջաւ ամրոցը: Այլազգիները եկան ու հաւաքուեցին Տիտանների հովիտներում:
19. Դաւիթը հարցրեց Տիրոջը՝ ասելով. Յարձակուե՞մ այլազգիների վրայ, նրանց իմ ձեռքը կը մատնե՞ս: Տէրն ասաց Դաւթին. Յարձակուի՛ր, քանզի անպայման քո ձեռքն եմ մատնելու այլազգիներին:
20. Դաւիթն եկաւ Խրամատների վրայից եւ այնտեղ կոտորեց այլազգիներին: Դաւիթն ասաց. Տէրն իմ թշնամիներին իմ ձեռքով կոտորեց այնպէս, ինչպէս ջրերն են թմբերը աւերում: Դրա համար այդ տեղը կոչուեց Խրամատների վրայ:
21. Նրանք այնտեղ թողեցին իրենց աստուածներին, եւ Դաւիթն ու իրեն ընկերակցող մարդիկ առան դրանք:
22. Այլազգիները կրկին ոտքի ելան ու հաւաքուեցին Տիտանների հովիտներում:
23. Դաւիթը հարցրեց Տիրոջն՝ ասելով. Յարձակուե՞մ այլազգիների վրայ, նրանց իմ ձեռքը կը մատնե՞ս: Տէրն ասաց. Մի՛ յարձակուի՛ր նրանց վրայ, շրջանցի՛ր նրանց ու նրանց թիկունքից գնա՛ դէպի Լազի անտառը:
24. Երբ Լազի անտառից շարժման ձայն լսես, այն ժամանակ յարձակուի՛ր նրանց վրայ, որովհետեւ այն ժամանակ է, որ Տերը դուրս է գալու քո առաջ, որ պատերազմում



կոտորի այլազգիներին:

25. Դաւիթն արեց այնպէս, ինչպէս Տէրն էր հրամայել նրան: Եւ նա կոտորեց  
այլազգիներին Գաբաւոնից մինչեւ Գազերա:

1. Դաւիթը կրկին հաւաքեց Իսրայէլի բոլոր երիտասարդներին՝ մօտաւորապէս եօթանասուն հազար հոգի:
2. Դաւիթը, նրա հետ եղած ամբողջ ժողովուրդն ու Յուդայի երկրի իշխաններից ոմանք ելան գնացին այն գառիվերով, որով բարձրացուել էր Աստծու տապանակը, որին տրուած էր զօրութիւնների Տէր Աստծու անունը, եւ որի վրայ նստած է Աստուած քերովբէների միջեւ:
3. Դաւիթը Տիրոջ տապանակը դրեց նոր սայլի վրայ, վերցրեց այն Ամինադաբ Բլրացու տնից:
4. Ամինադաբի որդիները՝ Օզան ու նրա եղբայրներն էին քշում տապանակը կրող սայլը, իսկ միւս եղբայրները ընթանում էին տապանակի առջեւից:
5. Դաւիթն ու իսրայէլացիները Տիրոջ առաջ տաւիղներ, հնչեղ նուագարաններ, քնարներ, սրինգներ էին նուագում, թմբուկներ, ծնծղաներ զարկում ու փողեր էին հնչեցնում ու երգում:
6. Երբ եկան Ամինադաբի կալը, Օզան իր ձեռքը գցեց Աստծու տապանակին, որ այն բռնի: Նա այն բռնեց, որովհետեւ լծկան զուարակն այն շարժել էր իր տեղից:
7. Տէրը բարկացաւ Օզայի վրայ եւ նրա յանգնութեան համար հարուածեց նրան այնտեղ, եւ նա մեռաւ այնտեղ, Տիրոջ տապանակի մօտ, Աստծու առջեւ:
8. Դաւիթը տրտմեց, որ Տէրը մահացու հարուածեց Օզային նրա մեծ յանգնութեան համար:
9. Այդ տեղը մինչեւ այսօր Օզայի Հարուած է կոչւում: Այդ օրը Դաւիթը վախեցաւ Տիրոջից եւ ասաց. Տիրոջ տապանակը ինչպէ՞ս մտնի ինձ մօտ:
10. Դաւիթը չուզեց Տիրոջ ուխտի տապանակը տանել իր մօտ՝ Դաւթի քաղաքը, եւ Դաւիթը, շեղելով ճանապարհը, այն տարաւ գեթացի Աբեդոյարի տունը:
11. Տիրոջ տապանակը երեք ամիս մնաց գեթացի Աբեդոյարի տանը: Տէրն օրինեց Աբեդոյարին ու նրա ամբողջ տունը:
12. Այդ մասին յայտնեցին Դաւթին՝ ասելով. Տէրն Աստծու տապանակի համար օրհնել է Աբեդոյարի տունն ու նրա ունեցած ամէն ինչը: Դաւիթը գնաց, Տիրոջ տապանակը հանեց Աբեդոյարի տնից եւ ուրախութեամբ բերեց Դաւթի քաղաքը:
13. Տապանակը տանողների հետ գնում էին պարողների եօթը խմբեր, զուարակ ու գառներ էին զոհ մատուցում:
14. Դաւիթը Տիրոջ առաջ տաւիղ էր նուագում: Նա պատմութեան էր հագել:
15. Դաւիթն ու Իսրայէլի ամբողջ տունը Տիրոջ տապանակը հանեցին ուրախութեան աղաղակ արձակելով ու փող հնչեցնելով:
16. Երբ տապանակը Դաւթի քաղաքին մօտեցաւ, Սաւուղի դուստր Մեղքողը նայում էր պատուհանից եւ տեսնելով, որ Դաւիթ արքան Տիրոջ առաջ պարում էր ու նուագարաններ նուագում, արհամարհեց նրան իր հոգում:
17. Տիրոջ տապանակը բերեցին ու դրեցին իր տեղը, վրանի մէջ, որ Դաւիթը դրա համար էր կանգնեցրել:
18. Դաւիթը Տիրոջ առջեւ ողջակէզներ ու խաղաղութեան զոհեր մատուցեց: Երբ Դաւիթն աւարտեց ողջակէզներ ու խաղաղութեան զոհեր մատուցելը, զօրութիւնների Տիրոջ անունից օրհնեց ժողովրդին:
19. Նա Իսրայէլի բոլոր բնակիչներին՝ Դանից մինչեւ Բերսաբէէ, տղամարդկանց թէ կանանց, ամէն մէկին բաշխեց հացի մի բլիթ, կասկարայի վրայ եփուած արմաւով խմորեղեն եւ չամչով կարկանդակ: Ժողովրդի ամբողջ բազմութիւնը գնացին իրենց տները:
20. Դաւիթը յետ դարձաւ իր տունն օրհնելու. նրան ընդառաջ ելաւ Սաւուղի դուստր Մեղքողը եւ, ողջունելով նրան, ասաց. Վայե՞՛լ էր Իսրայէլի արքային, որ այսօր իր աղախիկների ու ծառաների առաջ մերկանայ, ինչպէս մերկանում են պարողները:
21. Դաւիթն ասաց Մեղքողին. Ես պիտի պարեմ Տիրոջ առջեւ: Օրհնեալ է Տէր

Աստուածը, որն ինձ ընտրեց եւ ոչ թէ քո հօրն ու նրա ամբողջ տունը: Նա ինձ Իսրայէլի իր ժողովրդի վրայ առաջնորդ կարգեց:

22. Ահա այդ Տիրոջ առաջ ես պիտի երգեմ ու պարեմ: Եւ դեռ էլ աւելի պիտի մերկանամ, քո աչքին անարգ պիտի երեւամ ու դրանով էլ քո ասած այդ աղախիւնների առաջ պիտի փառաւորուեմ:

23. Եւ Սաւուղի դուստր Մեղքողը մինչեւ իր մահուան օրը գաւակ չունեցաւ:

1. Երբ Դաւիթը բնակուեց իր տանը, եւ Տէրը նրան ազատեց շրջապատի իր թշնամիներից, արքան ասաց Նաթան մարգարէին.
2. Ահաւասիկ ես բնակուում եմ եղեւնափայտից պատրաստուած տան մէջ, բայց Աստծու տապանակը վրանից մէջ է գտնուում:
3. Նաթանն ասաց արքային. Ամէն ինչ, որ մտքիդ մէջ կայ, գնա՛ եւ արա՛, քանզի Տէրը քեզ հետ է:
4. Նոյն գիշերը Տէրը խօսեց Նաթանի հետ եւ ասաց. Գնա՛ եւ ասա՛ իմ ծառայ Դաւթին.
5. այսպէս է ասում Տէրը. Դու ինձ համար բնակուելու տուն չպետք է շինես,
6. որովհետեւ տան մէջ չեմ բնակուել այն օրից, որ իսրայելացիներին հանեցի եգիպտոսից:
7. Ես շրջում եմ իջեւանելով վրաններում: Ամենուրեք, որ շրջել եմ իսրայելացիների մէջ, մի՞թէ երբեւիցէ խօսել եմ Իսրայելի ազգատոհմներից որեւէ մէկի հետ, հրաման տուել հովուելու Իսրայելի իմ ժողովրդին, ասելով, թէ՝ Ինչո՞ւ ինձ համար եղեւնափայտ տուն չշինեցիք:
8. Արդ, այսպէ՛ս ասա իմ ծառայ Դաւթին. Այսպէ՛ս է ասում ամենակալ Տէրը. Ես քեզ վերցրել եմ ոչխարների հօտից, որ Իսրայելի իմ ժողովրդի վրայ առաջնորդ լինես:
9. Ես քեզ հետ էի ամենուրեք, ուր գնում էիր, քո առջեւից քո բոլոր թշնամիներին ոչնչացրի եւ քեզ անուանի դարձրի երկրի վրայ եղած մեծամեծների անուանը հաւասար:
10. Իսրայելի իմ ժողովրդի համար տեղ պիտի որոշեմ ու ամրացնեմ նրան այնտեղ, որ նա առանձին բնակուի եւ այլեւս հոգս չունենայ, որպէսզի անօրէն մարդիկ առաջուկ պէս չխոշտանգեն նրան,
11. ինչպէս եղել էր այն օրերից ի վեր, երբ Իսրայելի իմ ժողովրդի վրայ դատաւորներ կարգեցի: Քեզ պիտի ազատեմ քո բոլոր թշնամիներից, եւ Տէրը քեզ պիտի ասի, որ իր համար տուն պետք է շինես:
12. Եւ երբ քո կեանքի օրերը լրանան եւ քո նախնիների գիրկը գնաս, քեզանից յետոյ քո յետնորդը հանդիսացող զաւակիդ պիտի բարձրացնեմ եւ նրա թագաւորութիւնը պիտի հաստատեմ:
13. Նա է իմ անուան համար տուն շինելու, եւ ես նրա աթոռը կանգուն պիտի պահեմ յաւիտեան:
14. Հայր պիտի լինեմ նրան, եւ նա ինձ որդի պիտի լինի, եւ եթէ նա անիրաւութիւն գործի, պիտի յանդիմանեմ նրան ու խրատեմ մարդկանց գործածած գաւազանով եւ մարդկային տանջանքներով:
15. Բայց նրան ողորմութիւն չեմ գլանայ, ինչպէս գլացայ նրանց, որոնց իմ առաջից վանեցի:
16. Յաւիտեան հաստատուն պիտի լինեն նրա անունն ու թագաւորութիւնը իմ առաջ, նրա աթոռը յաւիտեան կանգուն պիտի մնայ իմ առաջ:
17. Այս բոլոր խօսքերն ու ամբողջ տեսիլքը նոյն ձեւով Նաթանը հաղորդեց Դաւթին:
18. Դաւիթ արքան գնաց ու նստելով Տիրոջ առաջ՝ ասաց. Ո՞վ եմ ես, Տէ՛ր իմ, Տէ՛ր, եւ ի՞նչ է իմ տունը, որ ինձ այսքան սիրեցիր:
19. Տէ՛ր իմ, Տէ՛ր, դոյզն չափով իսկ չնուաստացայ քո առաջ: Դու խօսեցիր քո ծառայի տան մասին երկար ժամանակի համար: Մի՞թէ այս է մարդկային օրէնքը, Տէ՛ր իմ, Տէ՛ր:
20. Դաւիթն էլ ի՞նչ ասի քեզ, քանզի դու, Տէ՛ր իմ, Տէ՛ր, ճանաչում ես քո ծառային:
21. Քո ծառայի համար եւ ըստ քո սրտի ինձ հասցրիր այս փառքին, որպէսզի քո ծառային իմացնես, որ ինձ պետք է բարձրացնես, Տէ՛ր իմ, Տէ՛ր:
22. Ըստ մեր ականջներով լսածի, քեզ նման մէկը չկայ, եւ քեզանից բացի ուրիշ Աստուած չկայ:
23. Եւ երկրի վրայ ո՞ր ազգն է Իսրայելի քո ժողովրդի պէս, որին Աստուած ինքը առաջնորդեց՝ փրկելու իր ժողովրդին, որպէսզի անուանի դարձնի քեզ եւ հռչակի քո

մեծութիւնն ու յայտնութիւնը, որ Եգիպտոսից փրկուած ժողովրդիդ առջեւից ազգեր ու նրանց բնակութեան վրանները տապալեցիր:

24. Քո Իսրայելին յաւիտեան քեզ ժողովուրդ հաստատեցիր քեզ համար, եւ դու, ո՛վ Տէր, նրանց համար Աստուած եղար:

25. Արդ, Տէ՛ր իմ, քո ծառայի ու նրա տան համար ասած խօսքդ յաւիտեան հաստատի՛ր եւ ասածիդ պէս արա՛, որ քո անունը յաւիտեան փառաւորուի:

26. Տէ՛ր ամենակալ, ամբողջ Իսրայելի Աստուած, քո ծառայ Դաւթի տունը թող կանգուն մնայ քո առջեւ,

27. որովհետեւ դու ես Իսրայելի ամենակալ Տէր Աստուածը: Թող քո անունը յաւիտեան փառաւորուի, դու քո ծառայի ականջին յայտնեցիր եւ ասացիր՝ Քեզ համար տուն եմ շինելու, ուստի քո ծառան յանդգնեց քո առջեւ այս աղօթքը անելու:

28. Եւ արդ, Տէ՛ր իմ, Տէ՛ր, դու ես Աստուած, քո խօսքերը ճշմարիտ են, եւ դու ես քո ծառային այս ամբողջ բարիքը խոստացել:

29. Ուստի հիմա օրհնի՛ր քո ծառայի տունը, որ յաւիտեան քո առջեւ լինի, քանզի դու ես, Տէ՛ր իմ, Տէ՛ր, որ ասել ես դա, եւ քո օրհնութեամբ է, որ քո ծառայի տունը յաւիտեան օրհնուած պիտի մնայ:

1. Դրանից յետոյ Դաւիթը յարձակուեց այլազգիների վրայ, փախուստի մատնեց նրանց, այլազգիների ձեռքից վերցրեց քաղաքին յարող տարածքները:
2. Դաւիթը հարուածեց մովաբացիներին, նրանց գետին պառկեցրեց եւ չափեց պարանով. ամէն երկու պարան չափեց սպանելու եւ ամէն երկու պարան՝ կենդանի թողնելու համար:
3. Մովաբացիները Դաւթի հարկատու հպատակները դարձան: Երբ Դաւիթը գնում էր իր իշխանութիւնը Եփրատի վրայ հաստատելու, յարձակուեց Սուբայի արքայի՝ Ռովամի որդի Ադրաազարի վրայ:
4. Դաւիթը նրանից հազար մարտակառք, եօթը հազար հեծեալ ու քսան հազար հետեւակ գերի վերցրեց: Դաւիթը բոլոր մարտակառքերը քանդեց՝ իր համար թողնելով միայն հարիւր մարտակառք:
5. Դամասկոսից եկան ասորիները, որ օգնեն Սուբայի արքայ Ադրաազարին, բայց Դաւիթը ասորիներից քսաներկու հազար մարդ կոտորեց:
6. Դաւիթը Ասորիքում, Դամասկոսի մօտ բերդապահ զօրքեր դրեց, եւ ասորիները Դաւթի հարկատու ծառաները դարձան: Տէրը հովանաւորում էր Դաւթին ամենուրեք, ուր էլ որ նա գնում էր:
7. Դաւիթն առաւ Սուբայի արքայ Ադրաազարի ծառաների ոսկէ ապարանջանները եւ բերեց Երուսաղէմ:
8. Եգիպտոսի արքայ Սաւսակիմը դրանք յետ վերցրեց, երբ նա Սողոմոնի որդի Ռոբովամի օրօք յարձակուեց Երուսաղէմի վրայ: Դաւիթ արքան Մասբակից եւ Ադրաազարի հռչակաւոր քաղաքներից առաւ պղինձ, որով Սողոմոն արքան պղնձէ տաշտ, սիւներ, աւազաններ եւ ամէն տեսակ կահույք պատրաստեց:
9. Եմաթի արքայ Թովուն լսելով, որ Դաւիթը ջախջախել է Ադրաազարի բոլոր զօրքերին, իր որդի Եդդուրային ուղարկեց Դաւիթ արքայի մօտ նրա ողջութիւնը հարցնելու:
10. Նա շնորհաւորեց նրան այն բանի համար, որ ջախջախել էր Ադրաազարին, քանզի սա Թովուի թշնամին լինելով՝ իր դէմ բուռն պատերազմներ էր մղել: Եդդուրան իր հետ վերցրել էր ոսկէ, արծաթ եւ պղնձէ անօթներ:
11. Դաւիթ արքան այս ամէնը Տիրոջը նուիրաբերեց, ինչպէս նուիրաբերել էր իր յաղթած բոլոր ազգերից՝ եդոմայեցիներից, մովաբացիներից, ամոնացիներից,
12. այլազգիներից, ամաղէկացիներից եւ Սուբայի արքայի՝ Ռոբի որդի Ադրաազարից գրաւած արծաթն ու ոսկին:
13. Դաւիթն անուանի դարձաւ: Երբ վերադառնում էր, Դաւիթը Գաբեղեմում հարուածեց ասորիներին եւ տասնութե հազար մարդ կոտորեց:
14. Նա Եդոմի մէջ՝ եդոմայեցիների երկրի բոլոր տեղերում բերդապահ զօրքեր դրեց, եւ բոլոր եդոմայեցիները դարձան արքայի հպատակները: Տէրը հովանաւորում էր Դաւթին ամենուրեք, ուր էլ որ նա գնում էր:
15. Աստուած Դաւթին ամբողջ Իսրայէլի վրայ թագաւոր կարգեց, եւ սա իրաւունք ու արդարութիւն էր գործադրում իր ամբողջ ժողովրդի հանդէպ:
16. Շարուհիի որդի Յովաբը զօրքի հրամանատարն էր, Աքիի որդի Յոսափատը դիւանապետ էր,
17. Աքիտոբի որդի Սադոկը եւ Աբիաթարի որդի Աքիմէլէքը քահանաներ էին, Ասան քարտուղար էր,
18. Յովիդայէի որդի Բանեան խորհրդական էր, քերթիները, փելեթիներն ու Դաւթի որդիները արքունի իշխաններ էին:

1. Դաւիթն ասաց. Սաւուղի տնից մնացած մարդ կա՞յ, որ Յովնաթանի սիրուն նրան բարերարութիւն անեմ:
2. Սաւուղի տնից Սիբա անունով մի ծառայ կար: Կանչեցին նրան Դաւթի մօտ, եւ արքան հարցրեց նրան. Դո՞ւ ես Սիբան:
3. Սա պատասխանեց. Ես եմ, քո ծառան: Արքան հարցրեց. Սաւուղի տնից մնացած մարդ կա՞յ, որ նրան Աստծու ողորմածութիւնը ցոյց տամ:
4. Սիբան ասաց արքային. Յովնաթանն ունի ոտքերից հաշմուած մի որդի: Արքան ասաց. Ո՞ւր է նա: Սիբան պատասխանեց արքային. Նա լադաբարացի Ամիելի որդի Մաքիրի տանն է:
5. Դաւիթ արքան մարդ ուղարկելով՝ նրան վերցրեց լադաբարացի Ամիելի որդուն՝ Մաքիրի տնից:
6. Սաւուղի որդի Յովնաթանի որդի Մեմփիբոսթէն եկաւ Դաւիթ արքայի մօտ, ընկաւ երեսնիվայր եւ երկրպագութիւն արեց նրան: Դաւիթն ասաց նրան. Մեմփիբոսթէ:
7. Նա ասաց. Ահաւասիկ ես քո ծառան եմ: Դաւիթը նրան ասաց. Մի՛ վախեցիր, որովհետեւ քո հայր Յովնաթանի սիրուն քեզ ողորմութիւն պիտի անեմ. քո հօր հայր Սաւուղի բոլոր արտերը քեզ պիտի վերադարձնեմ, եւ դու միշտ իմ սեղանից հաց պիտի ուտես:
8. Մեմփիբոսթէն գետին խոնարհուեց եւ ասաց. Քո ծառան ո՞վ է, որ մի մեռեալ շան վրայ, ինչպիսին ես եմ, ուշադրութիւն ես դարձնում:
9. Արքան կանչելով Սաւուղի ծառայ Սիբային՝ ասաց. Այն ամէնը, ինչ պատկանում էր Սաւուղին ու նրա ամբողջ տանը, տալիս եմ քո տիրոջ որդուն:
10. Դու, քո որդիներն ու քո ծառաները կը մշակեք նրա հողը, հացը կը բերեք քո տիրոջ տունը, որ ուտեն: Քո տիրոջ որդի Մեմփիբոսթէն միշտ իմ սեղանից պիտի հաց ուտի:
11. Սիբան ուներ տասնհինգ որդի եւ քսան ծառայ: Սիբան ասաց արքային. Ըստ ամենայնի, ինչ որ իմ տէր արքան հրամայեց իր ծառային, այնպէս էլ կ'անի քո ծառան: Եւ Մեմփիբոսթէն Դաւթի սեղանից էր հաց ուտում, որպէս թէ արքայի որդիներից մէկը լինէր:
12. Մեմփիբոսթէն ուներ մի փոքրիկ որդի, որի անունը Միքա էր: Սիբայի տան բոլոր բնակիչները Մեմփիբոսթէի ծառաներն էին:
13. Մեմփիբոսթէն բնակւում էր Երուսաղէմում, քանի որ միշտ արքայի սեղանից էր ուտում: Նա երկու ոտքից կաղ էր:

1. Դրանից յետոյ մեռաւ ամոնացիների արքան, եւ նրա որդի Անունը թագաւորեց նրա փոխարէն:
2. Դաւիթն ասաց. Մարդասիրութիւն անենք Նաասի որդի Անունի նկատմամբ, որովհետեւ նրա հայրն էլ իմ նկատմամբ էր մարդասիրութիւն արել: Դաւիթն իր իշխաններին ուղարկեց նրա մօտ, որ նրանց միջոցով ցաւակցի հօր համար: Դաւթի իշխանները գնացին ամոնացիների երկիրը:
3. Ամոնացիների իշխաններն ասացին իրենց տէր Անունին. Մի՞թէ Դաւիթը հօրդ մեծարելու համար է քեզ միսիրարողներ ուղարկել: Ո՛չ: Դաւիթն իր իշխաններին ուղարկել է, որ գնեն, հետախուզեն քո քաղաքները:
4. Դաւիթն իր իշխաններին քեզ մօտ է ուղարկել լրտեսելու համար: Եւ նա Դաւթի իշխաններին բռնեց, նրանց մօրուքները ածիլեց եւ նրանց զգեստները մեջտեղից մինչեւ ծայրը պատռելով՝ արծակեց նրանց:
5. Այս մարդկանց հետ պատահածի մասին պատմեցին Դաւթին, նա նրանց ընդառաջ մարդ ուղարկեց, քանզի այդ մարդիկ խիստ անարգուած էին: Արքան ասաց. Մնացէ՛ք երիքովում մինչեւ որ ձեր մօրուքները աճեն, եւ ապա կը վերադառնաք:
6. Երբ ամոնացիները տեսան, որ անարգել են Դաւթի ժողովրդին, մարդ ուղարկեցին եւ Ռոբի ու Սուբայի ասորիներից վարձեցին քսան հազար հետեւակ, ինչպէս նաեւ ամաղէկացիների արքայից հազար ու Ստոբի արքայից տասներկու հազար զինուոր:
7. Դաւիթ արքան այդ լսելով՝ Յովաբին ընտիր զօրքով ուղարկեց նրանց դէմ:
8. Ամոնացիները պատերազմելու համար ճակատ կազմեցին ասորիների Սուբա քաղաքի դարպասի մօտ, իսկ ռոբացիները, ստոբացիներն ու ամաղէկացիները առանձին էին կանգնել դաշտում:
9. Յովաբը տեսնելով, որ իր վրայ յարձակուում են առջեւից ու յետեւից, բոլոր խորայէլացիներից ընտրեց երիտասարդներ եւ ասորիների դէմ ճակատ կազմեց:
10. Զօրքի մնացած մասը նա յանձնեց իր եղբօրը՝ Աբեսսային: Նրանք ճակատ կազմեցին ամոնացիների դէմ:
11. Նա ասաց. Եթէ ասորիներն ինձ նեղեն, դուք ինձ օգնութեան կը հասնեք, իսկ եթէ ամոնացիները քեզ նեղեն, մենք օգնութեան կը հասնենք:
12. Կորովի՛ եղիր, զօրավիգ լինենք մեր ժողովրդի ու մեր Աստծու քաղաքների բնակիչներին, եւ Տէրը կ'անի իր աչքին հաճելի եղածը:
13. Յովաբն իր զօրքով պատերազմի ելաւ ասորիների դէմ, եւ ասորիները փախան նրա առաջից:
14. Ամոնացիները երբ տեսան, որ ասորիները փախչում են, իրենք եւս փախուստի դիմեցին Աբեսսայի առաջից եւ մտան քաղաք: Յովաբը ամոնացիների մօտից վերադարձաւ ու եկաւ Երուսաղէմ:
15. Երբ ասորիները տեսան, որ իրենք պարտուեցին Խորայէլից, մէկտեղ հաւաքուեցին:
16. Ադրաազարը մարդ ուղարկեց եւ գետի այն կողմի ասորիներին հաւաքեց Քաղամակում: Նրանք եկան հասան Եղամ, եւ Ադրաազարի իշխան Սոբակը զօրքի գլուխն անցաւ:
17. Դաւթին յայտնեցին այդ մասին: Նա հաւաքեց բոլոր խորայէլացիներին, անցաւ Յորդանան գետը եւ հասաւ Քաղամակ: Ասորիները Դաւթի դիմաց գնդեր հանեցին ու նրա դէմ պատերազմեցին:
18. Ասորիները փախան խորայէլացիների առաջից, եւ Դաւիթը ասորիների եօթը հարիւր մարտակառքերն ու քառասուն հազար հեծեալները ոչնչացրեց, զօրքի հրամանատար Սոբակին հարուածեց, ու սա տեղնուտեղը մեռաւ:
19. Ադրաազարին հպատակ բոլոր թագաւորները երբ տեսան, որ իրենք Խորայէլից պարտութիւն են կրել, անձնատուր եղան, Խորայէլի հետ հաշտութեան ուխտ կնքեցին, նրա հպատակները դարձան, իսկ ասորիները վախեցան այնուհետեւ ամոնացիներին օգնել:





1. Հետեւեալ տարին, երբ թագաւորները արշաւի էին ելնելու, Դաւիթը Յովաբին իր ծառաների ու բոլոր խորայելացիների հետ ուղարկեց, որ կոտորեն ամոնացիներին եւ պաշարեն Ռաբաթը, իսկ ինքը մնաց Երուսաղէմում:
2. Երեկոյեան կողմ, երբ Դաւիթն իր անկողնից ելնելով ման էր գալիս թագաւորական պալատի տանիքի վրայ, տեսաւ, որ մի կին լողանում էր տանիքի վրայ:
3. Այդ կինը արտաքինով շատ գեղեցիկ էր: Դաւիթը մարդ ուղարկեց ու հարցուփորձ արեց այդ կնոջ մասին: Նրան ասացին. Չէ՞ որ դա քետացի Ուրիայի կինն է, Եղիաբի դուստր Բերսաբէն:
4. Դաւիթը պատգամաւորներ ուղարկեց, բերել տունեց նրան եւ մտաւ նրա ծոցը: Նա դաշտանից նոր էր մաքրուել: Կինը վերադարձաւ իր տունը եւ յղիացաւ:
5. Նա մարդ ուղարկեց Դաւթի մօտ եւ ասաց. Յղի եմ ես: Դաւիթը մարդ ուղարկեց Յովաբի մօտ՝ ասելով. Ինձ մօտ ուղարկիր քետացի Ուրիային:
6. Եւ Յովաբը Ուրիային ուղարկեց Դաւթի մօտ:
7. Եկաւ Ուրիան, ներկայացաւ Դաւթին: Դաւիթը հարցրեց Յովաբի ողջութեան, զինուորների առողջութեան ու պատերազմի վիճակի մասին:
8. Ուրիան ասաց. Ամէն ինչ բարեյաջող է: Դաւիթն ասաց Ուրիային. Ելի՛ր, գնա՛ քո տունը եւ լուա՛ ոտքերդ: Ուրիան դուրս եկաւ արքայի տնից, եւ նրա յետեւից արքան պարգեւ ուղարկեց:
9. Ուրիան քնեց արքայի տան դռանը նրա ծառաների հետ. նա իր տունը չգնաց:
10. Դաւթին պատմեցին՝ ասելով, թէ Ուրիան իր տունը չի գնացել: Դաւիթն ասաց Ուրիային. Չէ՞ որ ճանապարհից ես եկել, ինչո՞ւ քո տունը չգնացիր:
11. Ուրիան ասաց Դաւթին. Աստծու ուխտի տապանակը, Խորայելի ու Յուդայի երկրի բանակները վրաններում են բնակւում, իմ տէր Յովաբն ու իմ տիրոջ ծառաները բաց դաշտում են բնակւում, ես իմ տո՞ւնը գնամ ունեւում, ըմպելու եւ իմ կնոջ հետ քնելու համար: Այդ ինչպէ՞ս կարող է պատահել: Երդւում եմ քո կեանքով, որ ես այդ բանը չեմ անի:
12. Դաւիթն ասաց Ուրիային. Այսօր էլ այստեղ մնա՛, եւ վաղը քեզ կ'արձակեմ: Այդ օրը Ուրիան մնաց Երուսաղէմում:
13. Յաջորդ օրը Դաւիթը կանչեց նրան: Սա կերաւ նրա մօտ, խմեց ու հարբեց եւ երեկոյեան քնեց իր անկողնում, իր տիրոջ ծառաների հետ. նա իր տունը չգնաց:
14. Առաւօտեան Դաւիթը նամակ գրեց Յովաբին եւ Ուրիայի միջոցով ուղարկեց նրան:
15. Նամակում գրուած էր. Ուրիային ուղարկի՛ր պատերազմի թեժ տեղերը, իսկ դուք յե՛տ քաշուեցէք նրանից, որ նա վիրաւորուի ու մեռնի:
16. Երբ Յովաբը քաղաքը պաշարել էր, Ուրիային ուղարկեց այնտեղ, ուր գիտեր, թէ զօրաւոր մարդիկ կան:
17. Քաղաքի մարդիկ պատերազմի ելան Յովաբի դէմ: Դաւթի զօրքից մարդիկ ընկան եւ մեռան: Մեռաւ նաեւ քետացի Ուրիան:
18. Յովաբը մարդ ուղարկեց եւ արքային պատմեց ամէն ինչ, որ պատահել էր պատերազմում:
19. Նա պատգամաբերին պատուիրեց՝ ասելով. Հէնց որ պատերազմի բոլոր դէպքերն արքային պատմես ու վերջացնես եւ տեսնես, թէ արքան զայրանալով կ'ասի քեզ. Ինչո՞ւ էք քաղաքին մօտեցել պատերազմելու, չգիտէի՞ք, որ պարսպի վրայից նետեր կ'արձակեն:
20. Ո՞վ սպանեց Ների որդի Յերոբովադի որդի Աբիմէլէքին:
21. Չէ՞ որ մի կին նրա վրայ պարսպի վրայից երկանաքարի մի բեկոր նետեց, եւ նա մեռաւ Թամասում: Ինչո՞ւ էք մօտեցել պարսպին, այն ժամանակ կ'ասես. Քո ծառայ քետացի Ուրիան էլ մեռաւ:
22. Յովաբի պատգամաբերը գնաց Երուսաղէմ, արքայի մօտ, հասաւ ու հաղորդեց Դաւթին ամէն ինչ՝ պատերազմի բոլոր դէպքերը, ինչպէս պատուիրել էր Յովաբը:

Դաւիթը բարկանալով Յովաբի վրայ՝ ասաց պատգամաբերին. Ինչո՞ւ էք քաղաքին մօտեցել պատերազմելու, չգիտե՞ք, որ պարսպից ձեզ հարուածելու են: Ո՞վ սպանեց Յերոբովադի որդի Աբիմելէքին: Չէ՞ որ մի կին պարսպից նրա վրայ երկանաքարի մի բեկոր նետեց, եւ նա մեռաւ Թամասում: Ինչո՞ւ էք մօտեցել պարսպին:

23. Պատգամաբերն ասաց Դաւթին. Այդ մարդիկ մեզանից ուժեղ էին:

24. Նրանք դուրս եկան մեր դէմ, մենք նրանց հալածեցինք մինչեւ քաղաքի դարպասը, բայց աղեղնաւորները պարսպի վրայից նետեր տեղացին քո ծառաների վրայ: Արքայի ծառաներից ոմանք մեռան, մեռաւ նաեւ քո ծառայ քետացի Ուրիան:

25. Դաւիթն ասաց պատգամաբերին. Այսպէս կ'ասես Յովաբին. Եղածի համար մի՛ անհանգստացիր, որովհետեւ սուրը երբեմն այսպէս է հարուածում, երբեմն՝ այնպէս: Սաստկացրո՛ւ պատերազմը քաղաքի դէմ ու կործանի՛ր այն: Եւ գօտեպնդի՛ր քեզ:

26. Երբ Ուրիայի կինը լսեց, որ իր ամուսինը՝ Ուրիան սպանուել է, ողբաց իր մարդու մահը:

27. Երբ սուգն անցաւ, Դաւիթը մարդ ուղարկեց, նրան իր տունը բերեց, սա դարձաւ նրա կինը եւ նրա համար որդի ծնեց: Դաւթի այս արածը չար բան երեւաց Տիրոջ աչքին:

1. Տերը Նաթան մարգարէին ուղարկեց Դաւթի մօտ: Սա, գալով նրա մօտ, ասաց. Մի քաղաքում երկու մարդ կար. մէկը հարուստ էր, միւսն՝ աղքատ:
2. Հարուստն ուներ շատ ու շատ հօտեր ու նախիրներ, իսկ աղքատը ոչինչ չուներ, բացի մի փոքրիկ եգ գառնուկից, որը ծախու էր առել ու պահում էր:
3. Գառնուկը մեծացաւ նրա ու նրա որդիների հետ: Նա ուտում էր նրա հացից, նրա բաժակից խմում, նրա ծոցում էր քնում:
4. դա կարծես նրա դուստրն էր: Այդ հարուստ մարդու մօտ մի անցորդ եկաւ: հարուստը չուզեց իր հօտերից ու արջառներից մի անասուն մորթել, որ հիւրասիրի իր մօտ եկած անցորդին, առաւ աղքատի գառնուկը եւ կերակուր պատրաստեց իր մօտ եկած մարդու համար:
5. Դաւիթը խիստ բարկանալով այդ մարդու վրայ՝ ասաց Նաթանին. Կենդանի է Տերը. այդ բանն անող մարդը արժանի է մահուան:
6. Նա այդ գառնուկի համար եօթնապատիկ պէտք է հատուցի այն բանի փոխարէն, որ նա արեց. այսինքն՝ մորթեց ուրիշի միակ գառը:
7. Նաթանն ասաց Դաւթին. Դո՛ւ ես այն մարդը, որ արել է այդ բանը: Այսպէս է ասում Իսրայէլի Տէր Աստուածը. Ես եմ, որ քեզ թագաւոր օծեցի ամբողջ Իսրայէլի վրայ, ես եմ, որ քեզ փրկեցի Սաուլի ձեռքից,
8. քեզ յանձնեցի քո տիրոջ՝ Սաուլի տունը, քո տիրոջ կանայք քո գրկում են, քեզ տուեցի Իսրայէլն ու Յուդայի երկիրը, եւ եթէ դրանք քիչ ես համարում, նոյնքան էլ կ'աւելացնեմ:
9. Ինչո՞ւ Տիրոջ խօսքն անարգեցիր նրա աչքի առաջ չարիք գործելով: Դու սրով սպանեցիր քետացի Ուրիային եւ նրա կնոջը քեզ կնութեան առար, նրան սպանեցիր ամոնացիների սրով:
10. Արդ, սուրը յաւիտեանս թող չհեռանայ քո տնից փոխարէնն այն բանի, որ ինձ անարգեցիր եւ քետացի Ուրիայի կնոջը քեզ կնութեան առար:
11. Այսպէս է ասում Տերը. Ահա ես քո դէմ չարիք կը յարուցեմ քո տնից. աչքերիդ առաջ քո կանանց պիտի վերցնեմ եւ տամ քո ընկերոջը, նա այս արեգակի լոյսի տակ պառկելու է քո կանանց հետ:
12. Դու այդ բանը ծածուկ արեցիր, իսկ ես այն անելու եմ ամբողջ Իսրայէլի աչքի առաջ, օրը ցերեկով:
13. Դաւիթն ասաց Նաթանին. Մեղանչել եմ Տիրոջ դէմ: Նաթանն ասաց Դաւթին.
14. Տերը ներեց քո մեղքը, եւ դու չես մեռնի, բայց քանի որ դրանով թշնամիներին առիթ տուեցիր Տիրոջը հայիոյելու, քեզանից ծնուելիք որդիդ պէտք է մեռնի:
15. Նաթանը գնաց իր տունը, եւ Տերը հարուածեց Դաւթի համար Ուրիայի կնոջ ծնած մանկանը, եւ սա հիւանդացաւ:
16. Դաւիթը մանկան համար աղաչեց Աստծուն. Դաւիթը ծոմ պահեց ու գիշերը գետնին քնեց:
17. Պալատականները ելան գնացին նրա մօտ, որ նրան գետնից բարձրացնեն, բայց նա չուզեց գետնից վեր կենալ եւ նրանց հետ հաց չկերաւ:
18. Երբ եօթներորդ օրը մանուկը մեռաւ, պալատականները վախենում էին Դաւթին յայտնել, թէ մանուկը մեռաւ, քանզի ասում էին. Քանի դեռ մանուկը կենդանի էր, խօսեցինք նրա հետ, բայց նա մեր ասածը չլսեց: Հիմա ինչպէ՞ս ասենք, թէ մանուկը մեռաւ: Նա չարիք կը գործի:
19. Դաւիթը տեսնելով, որ պալատականները փսփսում են եւ հասկանալով, որ մանուկը մահացել է, ասաց պալատականներին. Մի՞թէ մանուկը մեռաւ: Նրանք ասացին՝ Մեռաւ:
20. Դաւիթը գետնից վեր կացաւ, լուացուեց ու օծուեց, փոխեց իր զգեստները, մտաւ Աստծու տունն ու երկրպագեց նրան: Ապա նա իր տունը մտաւ, ուզեց հաց ուտել:
21. Նրա առաջ հաց դրեցին, ու նա կերաւ: Պալատականները նրան ասացին. Այս ի՞նչ արեցիր մանկան համար. քանի նա կենդանի էր, ծոմ էիր պահում, լալիս ու տանջում,

իսկ երբ մանուկը մեռաւ, վեր կացար, կերար ու խմեցիր:

22. Դաւիթն ասաց. Քանի մանուկը կենդանի էր, ծոմ էի պահում ու լալիս, որովհետեւ մտածում էի. Ո՞վ գիտի, գուցէ Տէրը ողորմի, եւ մանուկն ապրի:

23. Հիմա որ մանուկը մեռաւ, ես ինչո՞ւ ծոմ պահեմ, մի՞թէ կարող եմ նրան յետ կեանքի կոչել: Ես եմ նրա մօտ գնալու, իսկ նա ինձ մօտ չի վերադառնայ:

24. Դաւիթը մխիթարեց իր կնոջը՝ Բերսաբէին: Դաւիթը գնաց նրա մօտ, պառկեց նրա հետ, կինը յղիացաւ ու ծնեց որդի: Դաւիթը նրա անունը դրեց Սողոմոն:

25. Տէրը սիրեց նրան, Նաթան մարգարէի միջոցով պատգամ յղեց, եւ սա մանկան անունը Տիրոջ համար Յեդեդի դրեց:

26. Յովաբը Ռաբաթում պատերազմում էր ամոնացիների դէմ եւ գրեթէ գրաւել էր թագաւորանիստ քաղաքը:

27. Յովաբը պատգամաբերներ ուղարկեց Դաւթին՝ ասելով.

28. Ռաբաթի դէմ պատերազմել եմ եւ գրաւել ջրերի քաղաքը: Արդ, հաւաքի՛ր մնացած ժողովրդին, քաղաքի դիմաց բանա՛կ դիր ու գրաւի՛ր այն, որպէսզի ե՛ս գրաւած չլինեմ քաղաքը, եւ իմ անունը չկապուի դրա հետ:

29. Դաւիթը հաւաքեց ամբողջ ժողովրդին, գնաց Ռաբաթ ու պատերազմելով գրաւեց այն:

30. Նա նրանց թագաւոր Մեղքոմի գլխից վերցրեց թագը, որի քաշը մի տաղանդ ոսկի էր եւ զարդարուած էր թակարժէք քարերով: Դա դրեցին Դաւթի գլխին: Նա քաղաքից խիստ շատ աւար տարաւ:

31. Նա դուրս հանեց այդտեղի ժողովրդին, նրանց լծեց սղոցի ու երկաթէ կացիների աշխատանքների, գործի դրեց աղիւսի փռում: Նա այսպէս վարուեց նաեւ ամոնացիների բոլոր քաղաքներում: Դաւիթն ու ամբողջ ժողովուրդը դրանից յետոյ վերադարձան Երուսաղէմ:

1. Դաւթի որդի Աբեսաղոմը ուներ շատ գեղեցիկ մի քոյր, որի անունն էր Թամար: Դաւթի որդի Ամոնը սիրեց նրան:
2. Ամոնը նեղուով էր այն աստիճան, որ հիւանդացաւ իր քոյր Թամարի պատճառով: Թամարը կոյս էր, եւ Ամոնի համար դժուար էր նրան մերձենալու որեւէ փորձ անել:
3. Ամոնն ուներ Յովնադաբ անունով մի ընկեր, որը Դաւթի եղբայր Սամաայի որդին էր: Յովնադաբը շատ խորագետ մարդ էր:
4. Սա ասաց Ամոնին. Ինչո՞ւ ես դու այդպէս օրեցօր հիւժուում, ո՛վ արքայորդի, եւ ինձ չես պատմում: Ամոնը նրան ասաց. Իմ եղբայր Աբեսաղոմի քրոջը՝ Թամարին եմ սիրում:
5. Յովնադաբն ասաց նրան. Պառկի՛ր քո անկողնում, հիւանդ ձեւացիր, ու երբ հայրդ գայ քեզ տեսնելու, կ'ասես նրան. Թող իմ քոյր Թամարը գայ, իմ աչքերի առաջ ուտելիք պատրաստի, ինձ խաւիժ տայ, որպէսզի տեսնեմ եւ ուտեմ նրա ձեռքից: Ամոնը պառկեց ու հիւանդ ձեւացաւ:
6. Արքան եկաւ նրան տեսնելու: Ամոնն ասաց արքային. Թող իմ քոյր Թամարը գայ ինձ մօտ, իմ աչքի առաջ ուտելու համար բլիթներ պատրաստի, որ ես ուտեմ նրա ձեռքից:
7. Դաւիթը մարդ ուղարկեց տուն, Թամարի մօտ՝ ասելով. Գնա՛ քո եղբայր Ամոնի տունը եւ նրա համար կերակո՛ւր պատրաստիր:
8. Թամարը գնաց իր եղբայր Ամոնի տունը, ուր նա պառկած էր, վերցրեց ալիւրը, խմոր շաղեց, նրա աչքի առաջ բլիթներ պատրաստեց ու եփեց դրանք:
9. Թամարն առաւ տապակը եւ դատարկեց նրա առաջ, սակայն նա չուզեց ուտել: Ամոնն ասաց. Իմ մօտ գտնուող բոլոր մարդկանց դո՛ւրս հանեցէք: Բոլորին դուրս հանեցին իր մօտից: Ամոնն ասաց Թամարին.
10. Կերակուրը տա՛ր սենեակ, որ քո ձեռքից ուտեմ: Թամարն առաւ իր պատրաստած բլիթները,
11. տարաւ իր եղբայր Ամոնի սենեակը ու մօտեցրեց նրան, որ ուտի:
12. Նա բռնելով նրան՝ ասաց. Եկ պառկի՛ր ինձ հետ, քո՛յր իմ: Թամարն ասաց նրան. Ո՛չ, եղբայր, ինձ մի՛ բռնացիր, քանզի Իսրայելում այդպիսի բան չի արւում:
13. Դու ել մի՛ արա այդ անզգամութիւնը: Ես ինչպէ՞ս տանեմ իմ նախատիւնքը: Դու անզգամներից մէկը կը լինես Իսրայելում: Արդ, խօսի՛ր արքայի հետ, եւ նա չի հրաժարուի ինձ քեզ տալուց:
14. Ամոնը չուզեց լսել նրան ու ձեռքը զցելով բռնութիւն գործադրեց եւ պառկելով նրա հետ՝ բռնաբարեց նրան:
15. Ամոնը դրանից յետոյ շատ մեծ ատելութեամբ լցուեց Թամարի դէմ, այնպէս որ աւելի մեծ էր ատելութիւնը, որով ատեց նրան, քան նախկին սերը, որով սիրել էր: Ամոնն ասաց նրան. Վե՛ր կաց, գնա՛:
16. Թամարը նրան ասաց. Դուրս քշելով ինձ՝ աւելի մեծ չարիք ես գործում, քան այն, որ արեցիր ինձ հետ:
17. Ամոնը, սակայն, չուզեց լսել նրան եւ, կանչելով իր տան վերակացու սպասաւորին, ասաց նրան. Դո՛ւրս հանիր սրան իմ մօտից եւ դուռը փակի՛ր նրա յետեւից:
18. Թամարի վրայ գունագեղ կոճակներով ասեղնագործ պարեգօտ կար. այդպիսի զգեստներ էին հագնում թագաւորների կոյս դուստրերը: Սպասաւորը նրան դուրս հանեց ու դռները փակեց նրա յետեւից:
19. Թամարը մոխիր վերցնելով՝ ածեց իր գլխին, պատառոտեց կոճակներով զարդարուն պարեգօտը, որ հագել էր, ձեռքը դրեց իր գլխին եւ գնաց՝ լաց լինելով:
20. Նրա եղբայր Աբեսաղոմը հարցրեց նրան. Մի՞թէ քո եղբայր Ամոնը քեզ հետ պառկեց: Արդ, քո՛յր իմ, լո՛ւռ մնա, որովհետեւ նա քո եղբայրն է: Մտքիցդ մի՛ անցկացրու այդ բանը պատմել: Եւ Թամարը, որպէս այրի, բնակուեց իր եղբայր Աբեսաղոմի տանը:
21. Արքան այս բաները լսելով՝ խիստ բարկացաւ, սակայն չվրդովեց իր որդի Ամոնի հոգին, քանի որ նա իր անդրանիկ որդին էր, եւ արքան սիրում էր նրան:
22. Աբեսաղոմը Ամոնի մասին վատ կամ լաւ բան չասաց, բայց Աբեսաղոմն ատում էր

Ամոնին այն բանի համար, որ նա բռնաբարել էր իր քրոջը՝ Թամարին:

23. Երեք տարի անց, երբ Աբեսաղոմը Եփրեմի երկրին մերձակայ Բեթմարոն բնակավայրում պետք է խուզեր իր ոչխարները, իր մօտ հրաւիրեց արքայի բոլոր որդիներին:

24. Աբեսաղոմը գալով արքայի մօտ՝ ասաց նրան. Ահաւասիկ քո ծառայի ոչխարները խուզելու ժամանակն է: Արքան ու նրա ծառաները քո ծառայի հետ թող գնան Բեթմարոն:

25. Արքան ասաց Աբեսաղոմին. Ո՛չ, որդեա՛կ իմ, ամենքս թող չգնանք ու չծանրաբեռնենք քեզ: Նա պնդեց, սակայն արքան չուզեց գնալ եւ օրհնեց նրան:

26. Աբեսաղոմն ասաց. Այդ դեպքում գոնե ինձ հետ թող գայ իմ եղբայր Ամոնը:

27. Արքան ասաց. Ինչո՞ւ նա գնայ քեզ հետ: Աբեսաղոմը պնդեց, եւ արքան նրա հետ ուղարկեց Ամոնին ու իր բոլոր որդիներին:

28. Աբեսաղոմը թագաւորավայել խրախճանք սարքեց: Նա պատուիրեց իր ծառաներին՝ ասելով. Տեսէ՛ք, երբ որ Ամոնը հարբի գինուց, եւ ես ձեզ ասեմ՝ Խփեցէ՛ք Ամոնին եւ սպանեցէ՛ք նրան, մի՛ վախեցէք, չէ՞ որ ես եմ ձեզ հրամայում:

29. Քաջասի՛րտ եղէք ու զօրացէ՛ք: Եւ Աբեսաղոմի զինուորները Ամոնին արեցին այն, ինչ հրամայել էր Աբեսաղոմը: Արքայի բոլոր որդիները ելան, եւ ամեն մէկն իր ջորին հեծնելով՝ փախաւ:

30. Մինչ նրանք ճանապարհին էին, գոյժը հասաւ Դաւթին, թէ Աբեսաղոմը կոտորել է արքայի բոլոր որդիներին, նրանցից ոչ ոքի կենդանի չի թողել:

31. Ելաւ արքան, իր զգեստները պատառոտեց ու գետին ընկաւ: Բոլոր ծառաները նրա շուրջն էին կանգնել իրենց պատառոտուած զգեստներով:

32. Դաւթի եղբայր Սամաայի որդի Յովնադաբն ասաց. Մի՛ ասա, իմ տէ՛ր արքայ, թէ՛ Արքայի բոլոր որդիները մեռան, քանի որ միայն Ամո՛նը մեռաւ: Աբեսաղոմն այդպէս էր որոշել այն օրուանից, երբ Ամոնը բռնաբարել էր իր քրոջը՝ Թամարին:

33. Արդ, թող իմ արքան այդ բանն իր սրտին մօտիկ չընդունի եւ չասի, թէ՛ Արքայի բոլոր որդիները մեռան: Միայն Ամո՛նը մեռաւ:

34. Եւ Աբեսաղոմը փախաւ: Դիտանոցի երիտասարդ պահակն իր աչքերը բարձրացնելով՝ տեսաւ, որ մի խումբ մարդիկ են գալիս լեռան լանջի զառիվայր ճանապարհով: Նա եկաւ ու պատմեց արքային՝ ասելով. Որոնիմի ճանապարհին, լեռան լանջին մարդկանց տեսայ:

35. Յովնադաբն ասաց արքային. Ահա արքայի որդիներն են գալիս: Ինչ որ ասաց քո ծառան, այդպէս էլ եղաւ:

36. Երբ նա խօսքը վերջացրեց, ահա եկան արքայի որդիները եւ իրենց ձայնը բարձրացնելով՝ լաց եղան: Արքան էլ իր բոլոր ծառաների հետ հեկեկալով՝ լաց եղաւ:

37. Աբեսաղոմը փախաւ ու գնաց Գեսուրի արքայ Եմիուդի որդի Թուլմելեմի մօտ, Մաքուլի երկիրը: Դաւիթը ամբողջ ժամանակ սուգ էր անում իր որդու համար,

38. իսկ Աբեսաղոմը փախել ու գնացել էր Գեսուր, ուր մնաց երեք տարի:

39. Դաւիթ արքայի գայրոյթը Աբեսաղոմի դէմ հանդարտուեց, որովհետեւ նա միխթարուել էր մեռած Ամոնի համար:

1. Շարունիի որդի Յովաբն իմացել էր, որ արքայի սիրտը վերստին տաքացել է Աբեսաղոմի հանդեպ:
2. Յովաբը մարդ ուղարկեց թեկու՛ւ եւ այնտեղից մի ճարպիկ կին բերելով՝ ասաց նրան. Սգաւոր ձեւացի՛ր՝ սգոյ հագուստներ հագի՛ր, իւղով մի՛ օծուիւր եւ դարձի՛ր այնպիսի մի կին, որ երկար ժամանակ մեռելի վրայ է սգում:
3. Կը գնաս արքայի մօտ եւ նրա հետ այսպէս կը խօսես: Եւ Յովաբը նրան յայտնեց այն, ինչ պետք է ասէր:
4. Թեկուացի կինը մտաւ արքայի մօտ եւ երեսնիվայր գետին խոնարհուելով՝ ասաց.
5. Փրկի՛ր ինձ, արքայ՛, փրկի՛ր: Արքան ասաց նրան. Ի՞նչ է եղել քեզ: Նա ասաց. Ես մեծ տագնապի մէջ եմ:
6. Մի այրի կին եմ ես, ամուսինս մահացել է: Քո աղախինը երկու որդի ունէր: Երկուսը դաշտում կռուեցին, ու ոչ ոք չբաժանեց նրանց, եւ եղբայրներից մէկը միւսին խփեց ու սպանեց:
7. Ամբողջ ազգատոհմը վեր է կացել քո աղախնի դէմ՝ ասելով. Իր եղբօրը սպանողին յանձնի՛ր, որ նրան սպանենք իր եղբօր արեան փոխարէն եւ քո ժառանգորդին վերացնենք: Այսպիսով նրանք ուզում են հանգցնել իմ յոյսի մնացած կայծը՝ իմ մարդու համար չթողնելով ո՛չ յետնորդ, ո՛չ էլ անուն երկրի երեսին:
8. Արքան ասաց. Ողջութեամբ գնա՛ քո տունը, եւ ես կը կարգադրեմ քո հարցը:
9. Թեկուացի կինն ասաց. Թող ինձ վրայ, արքայ՛, եւ իմ տան վրայ լինի մեղքը, իսկ արքան ու նրա աթոռն անպարտ թող լինեն:
10. Արքան ասաց. Ո՞վ է քեզ հետ խօսելու: Նրան ինձ մօտ բեր, եւ նա այլեւս քեզ չի մօտենայ:
11. Կինն ասաց. Թող արքան յիշի իր Տէր Աստծուն, որ չշատանան վրեժի համար արիւն թափողները եւ իմ որդուն չսպանեն: Դաւիթն ասաց. Կենդանի է Տէրը. քո որդու գլխից մի մազ անգամ գետին չի ընկնի:
12. Կինն ասաց. Թո՛յլ տուր, որ քո աղախինը մի խօսք ասի իր տէր արքային:
13. Արքան ասաց. Խօսի՛ր: Կինն ասաց. Ինչո՞ւ այդպիսի բան ես մտածում Աստծու ժողովրդի մասին, կամ թէ արքայի՞ բերանից ելաւ այն վնասաբեր խօսքը, որ արքան չվերադարձնի իրենից հեռացուածին,
14. որ նա մեռնի եւ, ինչպէս գետին թափած ջուրը, այլեւս չհաւաքուի, Աստուած նրա հոգին չամնի, եւ որեւէ մէկը չմտածի իրենից հեռացնել հեռացուածին:
15. Արդ, եկել եմ իմ տէր արքային ասելու այս խօսքերը, որպէսզի, երբ ժողովուրդն ինձ տեսնի, ասի, թէ՛ Քո աղախինը խօսել է արքայի հետ, թերեւս արքան իր աղախնի խօսքը կատարի:
16. Քանզի արքան պետք է լսի ու ինձ փրկի այն մարդու ձեռքից, որն ուզում է ինձ ու իմ որդուն Աստծու ժառանգութիւնից զրկել:
17. Եւ կինն ասաց. Թող իմ տէր արքայի խօսքը բարով կատարուի, քանզի իմ տէր արքան նման է Աստծու հրեշտակի, որը պատրաստ է լսելու բարին ու չարը, եւ թող քո Տէր Աստուածը քեզ հետ լինի:
18. Արքան պատասխանեց եւ ասաց կնոջը. Ինձանից մի՛ թաքցրու այն, ինչ քեզանից հարցնելու եմ:
19. Կինն ասաց. Ասա՛, տէ՛ր իմ արքայ: Արքան ասաց. Քո ասած այս բոլոր խօսքերի մէջ արդեօ՞ք Յովաբի մատը չկայ: Կինն ասաց արքային. Երդում եմ քո անձով, տէ՛ր իմ արքայ, որ ոչ ոք աջ կամ ձախ չի խոտորուի այն ամենից, որ ասաց իմ տէր արքան. քո ծառայ Յովաբը ինքն է ինձ պատուիրել, եւ նա է քո աղախնի բերանը դրել այս խօսքերը, որ ասում եմ:
20. Այս խօսքի ձեւը փոխելու նպատակով է, որ քո ծառայ Յովաբն արեց այս բանը: Իմ տէր արքան իմաստուն է Աստծու հրեշտակի պէս եւ գիտէ երկրի վրայ եղած ամէն բան:
21. Արքան գնաց եւ ասաց Յովաբին. Ահաւասիկ անում եմ ըստ քո ասածի. գնա յե՛տ



դարձրու, բե՛ր պատանի Աբեսաղումին:

22. Յովաբը երեսնիվայր գետին ընկնելով՝ երկրպագեց արքային, օրհնեց նրան: Յովաբն ասաց. Այսօր քո ծառան իմացաւ, որ շնորհ է գտել քո աչքում, տե՛ր իմ արքայ, քանզի իմ տէր արքան իր ծառայի ասածը կատարեց:

23. Յովաբը ելաւ գնաց Գեսուր եւ Աբեսաղումին բերեց Երուսաղէմ:

24. Արքան ասաց. Թող իր տունը վերադառնայ եւ թող իմ երեսը չտեսնի: Աբեսաղումն իր տունը վերադարձաւ եւ արքայի աչքին չերեւաց:

25. Ամբողջ Իսրայէլի մէջ Աբեսաղումի պէս գեղեցիկ ու գովելի տղամարդ չկար: Ոտքի ծայրից մինչեւ գլուխը նա ոչ մի արատ չուներ:

26. Երբ իր գլխի մազերը կտրում էր, - իսկ նա ամէն տարուայ սկզբին էր կտրում, քանի որ մազերը խիստ ծանրանում էին նրա վրայ, - այդ կտրած մազերը կշռում էին երկու հարիւր սիկլ ըստ արքունական կշռի:

27. Աբեսաղումը երեք տղայ եւ մէկ աղջիկ ունեցաւ, որի անունն էր Թամար: Նա տեսքով շատ գեղեցիկ կին էր եւ, դառնալով Սողոմոնի որդի Ռոբովամի կինը, նրա համար ծնեց Աբիային:

28. Աբեսաղումը երկու տարի մնաց Երուսաղէմում, բայց արքայի աչքին չերեւաց:

29. Աբեսաղումը մարդ ուղարկեց Յովաբի մօտ, որ սա այցելի արքային, բայց Յովաբը չուզեց նրա մօտ գնալ: Երկրորդ անգամ Աբեսաղումը լուր ուղարկեց, եւ նա դարձեալ չուզեց գնալ:

30. Աբեսաղումն ասաց իր ծառաներին. Տեսե՛ք, իմ արտի մօտ գտնուող Յովաբի արտը լի է գարիով, գնացե՛ք եւ հրկիզեցե՛ք այն: Աբեսաղումի ծառաները այրեցին Յովաբի արտը: Յովաբի ծառաները եկան իր մօտ իրենց պատառոտուած զգեստներով եւ ասացին. Աբեսաղումի ծառաները քո արտը այրեցին:

31. Յովաբը ելաւ եկաւ Աբեսաղումի տունը եւ ասաց նրան. Ինչո՞ւ են քո ծառաները հրկիզել իմ արտը:

32. Աբեսաղումն ասաց Յովաբին. Ես քեզ մօտ մարդ էի ուղարկել, թէ՛ Ե՛կ այստեղ, որ քեզ ուղարկեմ արքայի մօտ՝ ասելու համար, թէ ես ինչո՞ւ եկայ Գեսուրից, քանի որ աւելի լաւ էր, որ դեռ այնտեղ մնայի, քան թէ արքայի երեսը չտեսնէի: Եթէ որեւէ յանցանք ունեմ, սպանի՛ր ինձ:

33. Յովաբը մտնելով արքայի մօտ՝ հաղորդեց նրան նրա ասածը: Արքան կանչեց Աբեսաղումին, որը մտնելով արքայի մօտ՝ երեսնիվայր գետին ընկաւ արքայի առաջ, երկրպագեց նրան, եւ արքան համբուրեց Աբեսաղումին:

1. Դրանից յետոյ Աբեսաղումը մարտակառքեր, երիվարներ եւ առջեւից վազող յիսուն հոգի սուրհանդակ հաւաքեց:
2. Աբեսաղումը կանուխ վեր էր կենում ու կանգնում դարպասի ճանապարհին: Ով գալիս էր արքայի դատաստանին դատ ներկայացնելու, Աբեսաղումը նրան հարցնում էր. Դու ո՞ր քաղաքից ես: Երբ մարդը պատասխանում էր նրան, թէ՛ Քո ծառան Իսրայելի այսինչ ցեղից է,
3. Աբեսաղումն ասում էր նրան. Քո գործերը արդար են ու դիւրին, բայց արքայի մօտ քեզ ոչ ոք ունկնդիր չի լինի:
4. Աբեսաղումը մտածում էր. Եթէ որեւէ մէկն ինձ դատաւոր նշանակէր այս երկրի վրայ, եւ ամէն ոք, որ վեճ կամ դատ ունենար, ինձ մօտ գար, ես արդարութեամբ կը դատէի նրան:
5. Երբ որեւէ մէկը նրան էր մօտենում գլուխ տալու, նա երկարում էր ձեռքը, մարդուն դէպի իրեն էր քաշում ու համբուրում նրան:
6. Աբեսաղումն այսպէս էր վարւում այն բոլոր իսրայելացիների նկատմամբ, ովքեր դատի համար գալիս էին արքայի մօտ: Աբեսաղումն այսպիսով շահում էր Իսրայելի բոլոր մարդկանց սրտերը:
7. Զորս տարի լրանալուց յետոյ Աբեսաղումն ասաց իր հօրը.
8. Գնամ ու Քեբրոնում կատարեմ Տիրոջը խոստացած իմ ուխտը, քանզի Ասորիքի Գեսուր քաղաքում բնակուելիս ծառադ ուխտեց Տիրոջը՝ ասելով. Եթէ Տէրն ինձ վերադարձնի Երուսաղէմ, ես Տիրոջը զոհ եմ մատուցելու:
9. Արքան նրան ասաց. Գնա՛ խաղաղութեամբ:
10. Նա վեր կացաւ ու գնաց Քեբրոն: Աբեսաղումը պատգամաւորներ ուղարկելով Իսրայելի բոլոր ցեղերին՝ ասաց. Երբ եղջերափողի ձայն լսեք, ասացե՛ք, թէ Աբեսաղում թագաւորն է թագաւորել Քեբրոնում:
11. Աբեսաղումի հետ գնացին երկու հարիւր հրաւիրեալներ, որոնք գնում էին միամիտ, ամենեւին տեղեակ չլինելով անցուդարձին:
12. Աբեսաղումը զոհերը մատուցելու ժամանակ մարդ ուղարկեց ու իր Գուլա քաղաքից կանչեց Դաւթի խորհրդական թեկուացի Աքիտոփելին: Շատ մարդ հաւաքուեց, եւ մեծ բազմութիւն էր հետեւում Աբեսաղումին:
13. Գուժկան հասաւ Դաւթին, թէ Իսրայելի մարդիկ անցել են Աբեսաղումի կողմը:
14. Դաւիթն ասաց Երուսաղէմում իր հետ եղող բոլոր ծառաներին. Ելե՛ք փախչենք, որովհետեւ մեզ փրկութիւն չկայ Աբեսաղումի ձեռքից: Շտապ գնացե՛ք, որ արագ չհասնի մեզ եւ չարիք չբերի մեր գլխին, քաղաքները սրի չքաշի:
15. Արքայի ծառաներն ասացին իրեն. Ամէն ինչ, որ մեր տէր արքան կամենայ, ծառաներս պատրաստ ենք կատարելու:
16. Թագաւորն ելաւ, եւ նրա ամբողջ տունը ոտքով գնաց նրա յետեւից: Արքան իր հարճերից տասը կին թողեց, որ տունը պահպանեն:
17. Արքան դուրս ելաւ, եւ նրա բոլոր ծառաները ոտքով գնալով կանգնեցին անապատում գտնուող ձիթենու մօտ:
18. Նրա բոլոր ծառաները մէկ առ մէկ անցնում էին նրա կողքով. բոլոր քերթիները, օփելթիներն ու բոլոր գեթացիները՝ վեց հարիւր մարդ, որ ոտքով եկել էին Գեթից, անցան Դաւթի առջեւից:
19. Արքան ասաց գեթացի Եթթիին. Ինչո՞ւ ես դու ել գնում մեզ հետ, յե՛տ դարձիր ու մնա՛ եկող արքայի մօտ, քանզի օտար մարդ ես դու, որ քո տեղից՝ Գեթից դուրս գալով՝ եկել ես:
20. Մի՞թէ քեզ տեղահան պիտի անեմ, որ գաս մեզ հետ, երբ ինքս ել չգիտեմ, թէ ուր եմ գնում եւ ուր պիտի գնամ: Դու յե՛տ դարձիր, քո եղբայրներին ել յե՛տ դարձրու քեզ հետ, եւ Տէրը քեզ ողորմութիւն ու արդարութիւն կ'անի:
21. Եթթին պատասխան տուեց արքային՝ ասելով. Կենդանի է Տէրը, եւ կենդանի է իմ

տեր արքան. որտեղ լինի իմ տեր արքան, մեռած թե կենդանի, այնտեղ կը լինեմ եւ ես՝ քո ծառան:

22. Արքան ասաց Եթօփին. Արի՛ ինձ հետ: Եւ գեթացի Եթօփն գնաց իր հետ եղած բոլոր ծառաներով ու ամբողջ բազմութեամբ հանդերձ:

23. Ամբողջ երկիրը բարձրաձայն լալիս էր: Ամբողջ զօրքը անցնում էր Կեդրոնի հեղեղատով: Արքան նոյնպէս անցաւ Կեդրոնի հեղեղատով: Ամբողջ զօրքն ու արքան գնում էին անապատ տանող ճանապարհով:

24. Սադոկն ու Նրա հետ բոլոր ղեւտացիները Տիրոջ ուխտի տապանակը հանեցին Բեթարից: Նրանք կանգնեցրին Աստծու տապանակը եւ այն չտարան Բեթարից, մինչեւ որ ամբողջ ժողովուրդը այդ քաղաքից դուրս չեկաւ:

25. Արքան ասաց Սադոկին. Աստծու տապանակը յե՛տ տար քաղաք եւ դի՛ր իր տեղը: Եթէ Աստծու առաջ շնորհ գտնեմ, նա ինձ յետ կը դարձնի եւ ինձ տեսնել կը տայ այն եւ Նրա վայելչութիւնը:

26. Բայց եթէ ասի, թէ՛ Դու ինձ հաճելի չես, թող ինձ անի այն, ինչ Նրա աչքին հաճելի է: Արքան ասաց Սադոկ քահանային.

27. Այնպէս արեք, որ դու խաղաղութեամբ քաղաք վերադառնաս, եւ քո որդի Աքիմաասն ու Աբիաթարի որդի Յովնաթանը՝ ձեր երկու որդիները, ձեզ հետ լինեն:

28. Ես բանակատեղի եմ դնելու Ռաբոթ անապատում եւ կը մնամ, մինչեւ որ ձեզանից լուր ստանամ:

29. Եւ Սադոկն ու Աբիաթարը տապանակը յետ դարձրին Երուսաղէմ, եւ այն մնաց այնտեղ:

30. Դաւիթը բարձրանում էր Ձիթենեաց գառիվերով, բարձրանում էր ու լալիս: Նա ծածկել էր գլուխը, բոբիկ էր գնում, եւ ամբողջ ժողովուրդը Նրա հետ էր՝ գլուխները շորով ծածկած: Բոլորը, լաց լինելով, բարձրանում էին:

31. Դաւթին յայտնեցին՝ ասելով. Աքիտոփէլն էլ ապստամբների հետ է, Աբեսաղոմի մօտ: Դաւիթն ասաց. Տէ՛ր Աստուած իմ, խափանի՛ր Աքիտոփէլի խորհուրդը:

32. Դաւիթը հասաւ Հոռու, ուր երկրպագեց Աստծուն: Եւ ահա Նրան ընդառաջ եկաւ արաքացի Քուսին՝ Դաւթի բարեկամը, իր պատմութեանը պատառոտած ու հողը գլխին ածած:

33. Դաւիթն ասաց. Եթէ ինձ հետ գաս, ինձ վրայ բեռ կը լինես,

34. իսկ եթէ յետ դառնաս քաղաք եւ ասես Աբեսաղոմին, թէ՛ Քո եղբայրներն անցան, արքան յուզուած հետեւում էր ինձ, ու հայրդ եւս անցաւ, եւ արդ, քո ծառան եմ, արքա՛յ, թող ողջ մնամ քո առաջ. մի ժամանակ քո հօր ծառան էի, իսկ հիմա քո ծառան եմ ես, արքա՛յ, այդ ժամանակ խափանած կը լինես Աքիտոփէլի խորհուրդը:

35. Ահա այնտեղ քեզ հետ կը լինեն Սադոկ եւ Աբիաթար քահանաները, եւ եթէ որեւէ բան լսես արքայի տնից, յայտնի՛ր Սադոկ ու Աբիաթար քահանաներին:

36. Ահա Նրանց հետ են իրենց երկու որդիները՝ Սադոկի որդի Աքիմաասն ու Աբիաթարի որդի Յովնաթանը: Նրանց միջոցով ինձ յայտնեցէ՛ք ամէն ինչ, որ կը լսեք:

37. Դաւթի բարեկամ Քուսին եկաւ քաղաք, եւ Աբեսաղոմը մտաւ Երուսաղէմ քաղաքը:

1. Դաւիթը հազիւ էր հեռացել Հռոսից, երբ Մեմփիբոսթէի ծառայ Սիբան նրան ընդառաջ եկաւ երկու բեռնաւորուած էշերով: Դրանց վրայ կային երկու հարիւր նկանակ, հարիւր ողկոյզ չամիչ, հարիւր շարոց արմաւ եւ մի սափոր գինի:
2. Արքան ասաց Սիբային. Այդ ի՞նչ է: Սիբան ասաց. Էշերը արքայի համար են, որ նստի, հացն ու արմաւը՝ ծառաների համար, որ ուտեն, իսկ գինին՝ այստեղ, անապատում մնացած մարդկանց համար, որ խմեն:
3. Արքան հարցրեց. Ո՞ր է քո տիրոջ որդին: Սիբան պատասխանեց արքային. Նա մնացել է Երուսաղէմում, քանզի ասել է. Իսրայէլի տունն այսօր ինձ կը վերադարձնի իմ հօր թագաւորութիւնը:
4. Արքան ասաց Սիբային. Թող քո՛նը լինի ամէն ինչ, որ Մեմփիբոսթէին է պատկանում: Սիբան գլուխը խոնարհելով՝ ասաց. Շնորհ գտայ քո առաջ, տէ՛ր իմ արքայ:
5. Դաւիթ արքան եկաւ մինչեւ Բաւուրիմ, եւ ահա այնտեղից, Սաւուղի տան ազգականներից մի մարդ մէջտեղ ելաւ: Դա Գերայի որդի Սեմէին էր:
6. Սա դուրս եկաւ անիծելով եւ քարեր շարտելով Դաւթի ու ամենքի վրայ, որոնք Դաւթի հետ էին: Ամբողջ ժողովուրդն ու բոլոր քաջարիները կանգնած էին արքայի աջ ու ձախ կողմում:
7. Սեմէին, նրան անիծելով, այսպէս էր ասում. Դո՛ւրս եկ, դո՛ւրս եկ, արիւնարբո՛ւ եւ անօրէ՛ն մարդ:
8. Տերը Սաւուղի տան թափած ամբողջ արիւնը քո դէմ դարձրեց, քանի որ նրա փոխարէն դո՛ւ թագաւորեցիր: Տերը քո թագաւորութիւնը յանձնեց քո որդի Աբեսաղոմի ձեռքը: Նա քեզ է վերադարձնում քո չարիքը, քանզի դու արիւնարբու ես:
9. Շարուիիի որդի Աբեսսան ասաց Դաւթին. Ինչո՞ւ է մի սատկած շուն այսպէս անիծում իմ տեր արքային:
10. Թող գնամ ու կտրեմ նրա գլուխը: Արքան ասաց. Դուք ինձ հետ ի՞նչ գործ ունեք, Շարուիիի՛ որդիներ: Թողէ՛ք նա այդպէս անիծի, քանզի Տէրն է ասել նրան, որ անիծի Դաւթին: Ո՞վ կարող է նրան ասել, թէ՛ Ինչո՞ւ ես այդպէս վարում:
11. Դաւիթն ասաց Աբեսսային ու իր բոլոր ծառաներին. Եթէ ինձնից սերուած իմ որդին իմ մահն է ուզում, որչա՛փ եւս առաւել կ'ուզի Յեմինի որդին: Թո՛յլ տուէք նրան, որ անիծի, քանզի Տէրն է այդ ասել նրան:
12. Թերեւս Տերը, տեսնելով իմ տառապանքները, ինձ բարիք հատուցի այսօրուայ անեծքի փոխարէն:
13. Դաւիթը եւ իր հետ եղած մարդիկ գնացին իրենց ճանապարհով, իսկ Սեմէին գնում էր լեռան կողքով, նրան մօտիկ, գնում էր ու անիծում, նրա կողմը քարեր նետում, նրա վրայ հող շաղ տալիս:
14. Արքան ու նրան ընկերակցող ամբողջ տանջուած զօրքը եկան ու հանգստացան այնտեղ:
15. Աբեսաղոմը եւ բոլոր իսրայէլացիները մտան Երուսաղէմ: Նրանց հետ էր նաեւ Աքիտոփէլը:
16. Երբ Դաւթի բարեկամ արաքացի Քուսին եկաւ Աբեսաղոմի մօտ, Քուսին ասաց Աբեսաղոմին. Կեցցե՛ արքան:
17. Աբեսաղոմն ասաց Քուսիին. Ա՞յդ է բարեկամիդ նկատմամբ ունեցած սերդ, ինչո՞ւ չես գնացել քո բարեկամի հետ:
18. Քուսին ասաց Աբեսաղոմին. Այդպէս չէ. ում որ ընտրի Տերը, ում որ ընտրեն իսրայէլացիները, այս ժողովուրդն ու բոլոր իսրայէլացիները, կը գնամ նրա հետ, նրանը կը լինեմ ու նրա հետ կը մնամ:
19. Բացի այդ, ես ո՞ւմ պիտի ծառայեմ, եթէ ոչ նրա որդուն: Ինչպէս որ ծառայել եմ քո հօրը, այդպէս էլ կը ծառայեմ քեզ:
20. Աբեսաղոմն ասաց Աքիտոփէլին. Խորհո՛ւրդ տուէք, թէ ի՞նչ պետք է անենք:
21. Աքիտոփէլն ասաց Աբեսաղոմին. Մտի՛ր քո հօր հարճերի ծոցը, որոնց նա թողել էր իր

տունը պահպանելու համար, եւ ամբողջ Իսրայելը թող իմանայ, թէ խայտառակել ես  
հորդ, եւ բոլոր քեզ հետ եղողները կը քաջալերուեն:

22. Աբեսաղոմի համար վրան խփեցին տանիքում, եւ Աբեսաղոմը բոլոր  
իսրայելացիների աչքի առաջ մտաւ իր հօր հարճերի ծոցը:

23. Աքիտոփելի խորհուրդը, որ նա տալիս էր այդ օրերին, այնպիսին էր, կարծես մարդ  
Աստծուց էր խորհուրդ հարցնում: Այդպիսին էր Աքիտոփելի ամեն մի խորհուրդը ինչպէս  
Դաւթի, այնպէս էլ Աբեսաղոմի համար:

1. Աքիտոփելն ասաց Աբեսաղոմին. Թող տասներկու հազար մարդ ընտրեմ, այս գիշեր գնամ ու հետապնդեմ Դաւթին եւ գիշերով նրա դէմ ելնեմ:
2. Նա յոգնած է ու ձեռքերը թուլացած: Նրան խուճապի կը մատնեմ, նրա հետ եղած զօրքը կը փախչի, ու կը սպանեմ միայն արքային:
3. Ամբողջ զօրքը քեզ մօտ կը բերեմ, ինչպէս հարսն է իր ամուսնու մօտ գալիս, եւ միայն մէկ մարդու կեանքին վերջ կը տամ, իսկ ամբողջ զօրքը խաղաղութեան մէջ կը լինի:
4. Այս խօսքը ճշմարիտ թուաց Աբեսաղոմին եւ Իսրայէլի բոլոր ծերերին:
5. Աբեսաղոմն ասաց. Կանչեցէ՛ք արաքացի Քուսիին, եւ լսենք, թէ նա ինչ կ'ասի:
6. Քուսին եկաւ Աբեսաղոմի մօտ, եւ Աբեսաղոմը հաղորդեց նրան այն խօսքերը, որ ասել էր Աքիտոփելը: Նա աւելացրեց. Հետեւե՛նք նրա ասածին, ապա թէ ոչ, դու ի՛նքդ խորհուրդ տուր:
7. Քուսին ասաց Աբեսաղոմին. Աքիտոփելի այս անգամ տուած խորհուրդը լաւ է:
8. Քուսին աւելացրեց. Դու ինքդ ճանաչում ես հօրդ եւ նրա մարդկանց, որ նրանք շատ զօրեղ են եւ դառնացած սրտով, որովհետեւ նրանք նման են դաշտում ձագերը կորցրած ու զայրացած արջի: Քո հայրը պատերազմի մարդ է եւ զօրքին հանգիստ չի տայ:
9. Նա հիմա թաքնուած է բլուրներից մէկում կամ այլ տեղում, եւ եթէ յարձակուենք նրա վրայ, առաջինը ինքը կը գրոհի, եւ այն ժամանակ լսողները կ'ասեն, թէ՝ Կոտորուել է Աբեսաղոմին հետեւող ժողովուրդը:
10. Նա հօգոր մարդ է, եւ նոյնիսկ նա, ով առիւծի սիրտ ունի, նրա առաջ կը թուլանայ, որովհետեւ ամբողջ Իսրայէլը գիտի, թէ ուժեղ է քո հայրը, եւ նրա հետ եղողներն էլ ուժեղ են:
11. Ուստի ես քեզ այսպիսի խորհուրդ կը տամ. հաւաքի՛ր բոլոր իսրայէլացիներին՝ Դանից մինչեւ Բերսաբէ, ծովեզրի աւազի չափ, եւ դու էլ անձամբ առաջնորդի՛ր նրանց:
12. Այն ժամանակ նրա վրայ կը հասնենք այն տեղերից մէկում, ուր նրան կը գտնենք. կը շրջապատենք նրան, ինչպէս ցօղն է իջնում երկրի վրայ, եւ նրա մարդկանցից ոչ ոքի կենդանի չենք թողնի:
13. Իսկ եթէ նա քաղաք մտնի, այն ժամանակ ամբողջ Իսրայէլն այդ քաղաքը պարաններ տանելով՝ նրա մարդկանց քարշ կը տայ մինչեւ հեղեղատը, այնպէս որ այնտեղ մի քար էլ չի մնայ:
14. Աբեսաղոմն ու բոլոր իսրայէլացիներն ասացին. Արաքացի Քուսիի խորհուրդն աւելի լաւ է, քան Աքիտոփելի խորհուրդը: Տէրը վճիռ էր տուել, որ Աքիտոփելի լաւ խորհուրդը չկատարուի, որպէսզի Տէրը Աբեսաղոմի գլխին թափի բոլոր չարիքները:
15. Արաքացի Քուսին ասաց Սադոկ ու Աբիաթար քահանաներին. Աքիտոփելը այսպէս եւ այսպէս խորհուրդ տուեց Աբեսաղոմին ու Իսրայէլի ծերերին, իսկ ես այսպիսի խորհուրդ տուեցի:
16. Արդ, շուտափոյթ կերպով մա՛րդ ուղարկեցէք ու իմա՛ց տուէք Դաւթին՝ ասելով. Այս գիշեր Ռաբոթ անապատում մի՛ մնա, այլ անցիր գնա՛, որ չլինի, թէ արքան եւ ամբողջ ժողովուրդը կորստեան մատնուեն:
17. Յովնաթանն ու Աքիմասը Ռոգելի աղբիւրների մօտ էին, եւ մի աղախին գնաց ու նրանց պատմեց, որ գնան ու յայտնեն Դաւիթ արքային, որովհետեւ իրենք չէին կարող քաղաք մտնել ու երեւալ այնտեղ:
18. Մի պատանի, սակայն, տեսաւ նրանց ու յայտնեց Աբեսաղոմին: Նրանք երկուսով գնացին Բաւուրիմ ու մտան մի մարդու տունը, ուր ջրհոր կար, եւ այնտեղ իջան:
19. Կինը խուփն առաւ ու փակեց ջրհորը, դրա վրայ թուզ փռեց իբր չորացնելու համար, ու ոչինչ չիմացուեց:
20. Աբեսաղոմի ծառաներն եկան այդ կնոջ մօտ, նրա տունը եւ հարցրին. Ո՞ր ես Աքիմասն ու Յովնաթանը: Կինը նրանց պատասխանեց. Գետից այն կողմ անցան: Նրանք փնտռեցին նրանց եւ, չգտնելով, վերադարձան Երուսաղէմ:
21. Նրանց գնալուց յետոյ սրանք ջրհորից դուրս եկան եւ գնացին Դաւիթ արքայի մօտ ու

պատմեցին՝ ասելով. ելէ՛ք ու անցէ՛ք գետը, քանզի Աքիտոփէլն այսպէս ու այսպէս է խորհուրդ տուել ձեր դէմ:

22. Դաւիթն ու Նրա հետ եղող ամբողջ ժողովուրդը առաւօտեան, Նախքան լուսանալը ելան ու անցան Յորդանան գետը: Ոչ ոք չմնաց, որ անցած չլինէր Յորդանան գետը:

23. Աքիտոփէլը երբ տեսաւ, որ իր խորհուրդը ի դերել ելաւ, համետեց իր էջը, ելաւ գնաց քաղաք, իր տունը, եւ իր տանը կարգադրութիւններ անելուց յետոյ կախուեց: Նա մեռաւ եւ թաղուեց իր հօր գերեզմանում:

24. Դաւիթը հասաւ Բանակատեղիներ, իսկ Աբեսաղոմն ինքը եւ Նրա հետ ամբողջ Իսրայէլը անցան Յորդանան գետը:

25. Աբեսաղոմը Յովաբի փոխարէն իր զօրքի հրամանատար կարգեց Ամեսայիին: Ամեսային որդին էր յեզրայելացի մի մարդու, որի անունն էր Յոթոր: Նա ամուսնացել էր Յովաբի մայր, Շարուհիի քոյր եւ Յեսսէի դուստր Աբիգեայի հետ:

26. Աբեսաղոմը եւ ամբողջ Իսրայէլը բանակատեղի դրեցին Գաղաադի երկրում:

27. Երբ Դաւիթը Բանակատեղիներ հասաւ, Նաասի որդի Վեսբին՝ Ամոնի որդիներից՝ Ռաբաթից, Ամիելի որդի լադաբարցի Մաքիրը եւ գաղաադացի Բերգելին՝ Ռոգելիմից, բերեցին տասն անկողիներ,

28. ծածկոցներ, տասը կաթսաներ, բրուտի անօթներ,

29. ցորեն, գարի, ալիւր, փոխինդ, ոլոռ, ոսպ, մեղր, կարագ, ոչխարներ ու կաթնակեր հորթեր եւ մատուցեցին Դաւթին ու Նրա հետ եղած զօրքին, որ ուտեն, քանզի զօրքը անապատում լինելով՝ քաղցած էր ու ծարաւ:

1. Դաւիթն իր հետ եղած զօրքի աշխարհագիր անցկացրեց եւ նրանց վրայ հազարապետներ ու հարիւրապետներ կարգեց:
2. Դաւիթը զօրքի մէկ երրորդ մասը յանձնեց Յովաբի, մէկ երրորդ մասը Շարուհիի որդուն՝ Յովաբի եղբայր Աբեսայի եւ մէկ երրորդ մասն էլ գեթացի Եթթիի հրամանատարութեանը: Դաւիթն ասաց զօրքին:
3. Ես էլ պետք է ձեզ հետ դուրս գամ: Նրանք ասացին. Դու չպետք է դուրս գաս, որովհետեւ եթէ փախչենք, նրանք մեզ կարեւորութիւն չեն տայ: Կարեւորութիւն չեն տայ, եթէ անգամ մեր կեսն էլ կոտորուի: Դու մեր տասը հազար մարդու արժէքն ունես: Արդ, լաւ է, որ դու քաղաքում մնաս եւ մեզ օգնութեան հասնես:
4. Արքան նրանց ասաց. Ինչ որ ձեզ համար հաճելի է, ես այն կ'անեմ: Եւ արքան մնաց դարպասի մօտ, իսկ ամբողջ ժողովուրդը հարիւրներով ու հազարներով դուրս էր գալիս քաղաքից:
5. Արքան պատուէր տուեց Յովաբին, Աբեսային ու Եթթիին՝ ասելով. Խնայեցէ՛ք իմ պատանեակ Աբեսաղումին: Եւ ամբողջ զօրքը լսեց, որ արքան Աբեսաղումի համար բոլոր զօրավարներին պատուէր էր տալիս:
6. Ամբողջ զօրքը դուրս եկաւ անտառ, Իսրայէլի դէմ, եւ կռիւ եղաւ Եփրեմի անտառում:
7. Իսրայէլի զօրքը պարտուեց Դաւթի ծառաներից. այդ օրը մեծ կոտորած եղաւ՝ քսան հազար հոգի ընկաւ:
8. Պատերազմն այստեղից տարածուեց ամբողջ երկրի վրայ: Այդ օրն անտառն ակելի շատ զինուոր կլանեց, քան սուրը կոտորեց:
9. Աբեսաղումը Դաւթի ծառաների դէմ դուրս եկաւ: Աբեսաղումն իր ջորին էր հեծել, եւ ջորին մի մեծ կաղնու թաւ ոստերի տակը մտաւ: Նրա գլուխը կաղնու ճիւղերի մէջ խճճուեց, ու ինքը կախ ընկաւ երկնքի ու երկրի միջեւ, իսկ ջորին նրա տակից անցաւ գնաց:
10. Մի մարդ տեսաւ ու պատմեց Յովաբին, թէ՛ Ահա տեսայ Աբեսաղումին կաղնու ծառից կախուած:
11. Յովաբն ասաց իրեն լուր տուող մարդուն. Տեսել ես, բայց ինչո՞ւ նրան գետին չտապալեցիր: Ես այսօր քեզ յիսուն սիկլ արծաթ եւ մի սուր կը տայի:
12. Մարդն ասաց Յովաբին. Եթէ քո ձեռքից նոյնիսկ հազար սիկլ արծաթ ստանայի, իմ ձեռքը արքայի որդու վրայ չէի բարձրացնի, քանզի արքան մեզ՝ քեզ, Աբեսային ու Եթթիին պատուիրել է՝ ասելով. Խնայեցէ՛ք Աբեսաղում պատանեակին, նրան ոչ մի վնաս թող չհասնի:
13. Արքայի համար ոչ մի բան թաքուն չէր մնայ, եւ դու ինքդ էլ հեռու կը մնայիր:
14. Յովաբն ասաց. Դրա համար էլ քեզ մօտ չեմ մնայ: Եւ Յովաբը երեք նետ վերցրեց եւ դրանցով խոցեց Աբեսաղումի սիրտը, մինչ նա կենդանի էր կաղնու վրայ:
15. Յովաբի զինակիրներից տասը երիտասարդներ շրջապատեցին եւ խփելով Աբեսաղումին՝ սպանեցին նրան:
16. Յովաբը եղջերափող հնչեցրեց, եւ զօրքը նրա հետ վերադարձաւ, որպէսզի չհետապնդեն իսրայէլացիներին, որովհետեւ Յովաբը խնայում էր զօրքին:
17. Յովաբը վերցրեց Աբեսաղումի դիակն ու այն նետեց անտառում մի մեծ, շատ խորունկ վիհի մէջ: Բոլոր իսրայէլացիները փախան՝ ամեն մէկն իր բնակավայրը:
18. Աբեսաղումը կենդանի եղած ժամանակ իր համար կոթող էր կանգնեցրել: Նա կոթող էր կանգնեցրել նաեւ Յաբինում, Թագաւորների հովտում: Նա ասում էր, թէ ինքը որդի չունի, որ պահի իր յիշատակը: Եւ նա կոթողը կոչել էր իր անուամբ, ու այն մինչեւ օրս կոչւում է Աբեսաղումի ձեռակերտ:
19. Սադոկի որդի Աքիմասն ասաց. Գնամ, ակետիս տանեմ արքային, քանզի Տէրն արդար գործ արեց՝ նրան ազատելով իր թշնամիների ձեռքից:
20. Յովաբն ասաց նրան. Դու այսօր ակետիս տանող մարդ չես, մի ուրիշ օր ակետիս կը տանես: Այսօր պետք չէ ակետիս տանել, քանզի արքայի որդին մեռաւ:



21. Նա ասաց Քուսիին. «Նա յայտնի՛ր արքային, ինչ որ տեսար: Քուսին խոնարհ գլուխ տուեց Յովաբին ու դուրս եկաւ:
22. Սադոկի որդի Աքիմասը դարձեալ ասաց Յովաբին. «Ի՞նչ կը լինի, եթէ ես էլ վազեմ Քուսիի յետեւից: Յովաբն ասաց. «Դու ինչո՞ւ պետք է վազես, որդեա՛կ իմ, այստե՛ղ արի: Դա այնպիսի ակետիս չէ, որ օգուտ բերի:
23. Աքիմասն ասաց. «Ի՞նչ կը լինի, եթէ վազեմ: Յովաբն ասաց նրան. «Վազի՛ր: Աքիմասը վազեց Կեքարի ճանապարհով եւ Քուսիից առաջ անցաւ:
24. Դաւիթը նստել էր երկու դարպասների միջեւ: Պահակակետի դիտորդը դարպասի տանիքի վրայով գնաց դէպի պարիսպը եւ իր հայեացքը բարձրացնելով՝ տեսաւ, որ մի մարդ մենակ վազում է իր կողմը:
25. Նա աղաղակելով՝ այդ մասին յայտնեց արքային: Արքան ասաց. «Եթէ մենակ է, ակետիս է բերում: Նա գալիս, մօտենում էր:
26. Դիտորդը վազող մի ուրիշ մարդ էլ տեսաւ եւ դարպասի մօտից աղաղակեց՝ ասելով. «Կիա մի մարդ եւս մենակ վազում է: Արքան ասաց. «Նա էլ ակետաբեր է:
27. Դիտորդն ասաց. «Տեսնում եմ, որ առաջինի վազքը նման է Սադոկի որդի Աքիմասի վազքին: Արքան ասաց. «Նա բարի մարդ է եւ բարի լուրով կը գայ:
28. Աքիմասն աղաղակելով ու երեսնիվայր գետին ընկնելով՝ ասաց արքային. «Ողջո՛յն: Օրհնեալ է քո Տէր Աստուածը, որ ոչնչացրեց քեզ ատելի մարդկանց, որոնք իրենց ձեռքը մեր տէր արքայի վրայ էին բարձրացրել:
29. Արքան ասաց. «Ո՞ղջ է իմ երիտասարդ Աբեսաղոմը: Աքիմասն ասաց. «Ո՛վ արքայ, երբ քո ծառայ Յովաբն ինձ՝ քո ծառային ուղարկում էր, ես միայն մեծ բազմութիւն տեսայ: Ես չիմացայ, թէ ինչ կար այնտեղ:
30. Արքան ասաց. «Մի կո՛ղմ քաշուիր: Նա մի կողմ քաշուեց ու կանգնեց:
31. Հասաւ Քուսին եւ ասաց արքային. «Իմ տէր արքայ, ակետիս եմ բերել, Տէրն այսօր քեզ պաշտպանեց քեզ վրայ բոլոր ձեռք բարձրացնողներից:
32. Արքան հարցրեց Քուսիին. «Ո՞ղջ է իմ երիտասարդ Աբեսաղոմը: Քուսին ասաց. «Այդ երիտասարդի նման դառնան իմ արքայի թշնամիները եւ բոլոր չար նպատակով քո դէմ ելնողները:
33. Արքան խռովուեց, բարձրացաւ դարպասի վերնատունը եւ ողբալով այս էր ասում. «Որդի՛ս, Աբեսաղո՛մ, Աբեսաղո՛մ, որդեա՛կ իմ, երանի՛ ես մեռնէի քո փոխարէն, ես մեռնէի քո փոխարէն: Աբեսաղո՛մ, որդեա՛կ իմ, որդեա՛կ իմ Աբեսաղոմ:

1. Յովաբին յայտնեցին, թէ արքան լալով ողբում էր Աբեսաղոմի մահը:
2. Այդ օրը յաղթանակը սուգի վերածուեց ամբողջ զօրքի համար, քանզի զօրքն այդ օրը լսել էր, թէ արքան տխրեց իր որդու համար:
3. Այդ օրը զօրքը գաղտագողի էր քաղաք մտնում այնպես, ինչպես ամօթահար զօրքը փախչում է պատերազմից:
4. Արքան իր երեսը ծածկեց եւ բարձրաձայն ողբալով՝ ասում էր. Որդեա՛կ իմ Աբեսաղոմ, Աբեսաղոմ, որդեա՛կ իմ:
5. Յովաբը մտնելով պալատ, արքայի մօտ՝ ասաց. Դու այսօր ամօթով ես թողնում քո բոլոր ծառաներին, որոնք փրկեցին քեզ, քո տղաներին ու աղջիկներին, քո կանանց ու հարճերին:
6. Սիրում ես քեզ ատողներին եւ ատում քեզ սիրողներին: Դու այսօր ցոյց տուեցիր, որ քեզ համար ոչինչ են քո իշխաններն ու ծառաները: Ես հաստատ գիտեմ, որ, եթէ Աբեսաղոմը կենդանի լիներ, մենք ամենքս այսօր մեռած կը լինեինք, եւ դա քեզ հաճելի կը լիներ:
7. Արդ, վե՛ր կաց եւ սի՛րտ տուր քո ծառաներին, քանզի երդում եմ Տիրոջ անունով, որ, եթէ այսօր դուրս չգաս, այս գիշեր քեզ մօտ մարդ չի մնայ: Գիտցի՛ր, որ դա քեզ համար շատ անելի վատ կը լինի, քան այն բոլոր չարիքները, որ հասել են քեզ մանկութիւնից սկսած մինչեւ այժմ:
8. Արքան ելաւ ու նստեց դարպասի մօտ: Ամբողջ զօրքին յայտնեցին՝ ասելով. Ահա արքան նստել է դարպասի մօտ: Ամբողջ զօրքը եկաւ արքայի առաջ, իսկ իսրայելացիները փախան իրենց բնակութեան վայրերը:
9. Ամբողջ ժողովուրդը իսրայելի բոլոր ցեղերի խղճմտանքին էր դիմում՝ ասելով. Դաւիթ արքան մեզ փրկեց մեր բոլոր թշնամիներից, նա մեզ ազատեց այլազգիների ձեռքից, իսկ հիմա Աբեսաղոմի պատճառով փախստական է դարձել իր երկրից ու թագաւորութիւնից:
10. Աբեսաղոմը, որին մեզ թագաւոր օծեցինք, մեռել է պատերազմում: Հիմա ինչո՞ւ չեք խօսում արքային յետ դարձնելու մասին:
11. Բոլոր իսրայելացիների ասած այդ խօսքերը հասան արքային, եւ Դաւիթ արքան մարդ ուղարկեց Սադոկ եւ Աբիաթար քահանաների մօտ՝ ասելով. Խօսեցե՛ք Յուդայի երկրի ծերերի հետ եւ ասացե՛ք. Ինչո՞ւ վերջինը դառնանք արքային իր տունը յետ բերողների մէջ, քանզի բոլոր իսրայելացիների ասած խօսքը հասաւ արքային:
12. Դաւիթն ասաց Յուդայի ցեղին. Դուք իմ ոսկորն ու մարմինն էք, ինչո՞ւ էք վերջինը մնում արքային իր տունը յետ բերողների մէջ:
13. Ամենայիին ասացե՛ք. Դու իմ ոսկորն ու մարմինը չե՞ս: Աստուած ինձ այսպէս ու անելին անի, եթէ դու ամէն ժամանակ իմ զօրքի հրամանատար չլինես Յովաբի փոխարէն:
14. Դաւիթը Յուդայի երկրի բոլոր մարդկանց սրտերը մէկ մարդու սրտի պէս դեպի իրեն դարձրեց, եւ սրանք պատգամաւորներ ուղարկեցին արքայի մօտ՝ ասելով. Յե՛տ դարձեք դու եւ քո բոլոր ծառաները:
15. Արքան վերադարձաւ ու եկաւ մինչեւ Յորդանան գետը: Յուդայի երկրի մարդիկ եկան Գաղգաղա՝ արքային դիմաւորելու եւ Յորդանան գետով անցկացնելու համար:
16. Յեմինայի որդի Գերայի որդի բաւուրիմացի Սեմէին շտապեց ու Յուդայի երկրի մարդկանց հետ, իր հետ ունենալով Բենիամինի երկրից հազար մարդ, եկաւ դիմաւորելու Դաւիթ արքային:
17. Սաւուղի տան ծառայ Սիբան իր տասնհինգ որդիների եւ քսան ծառաների հետ եկաւ, որ կազմակերպի արքայի անցումը Յորդանան գետից:
18. Լաստեր պատրաստեցին, որ անցկացնեն արքայի ընտանիքը եւ նրա ողորմածութեանն արժանանան:
19. Մինչ արքան Յորդանան գետն էր անցնում, Գերայի որդի Սեմէին երեսնիվայր ընկաւ

արքայի առաջ:

20. Նա ասաց արքային. Թող իմ տեր արքան մոռանայ իմ անօրենությունը, ջիշի, որ իր ծառան յանցանք է գործել այն օրը, երբ իմ տերը դուրս էր եկել Երուսաղեմից:
21. Թագաւորն այն թող մոռանայ, քանզի քո ծառան գիտի, որ մեղք է գործել, եւ այսօր ահաւասիկ Յովսէփի ամբողջ տնից ես եմ առաջինը եկել դիմաւորելու իմ տեր արքային:
22. Շարուհիի որդի Աբեսսան պատասխան տալով՝ ասաց. Մի՞թէ Սեմէին չի մեռնելու այն բանի փոխարէն, որ նա անիծեց Տիրոջ օծեալին:
23. Դաւիթն ասաց. Ի՞նչ եմ արել ես ձեզ, Շարուհիի՝ որդիներ, որ այսօր իմ դէմ դաւաճանութիւն եք անում: Այսօր Իսրայէլից ոչ ոք չի մեռնելու: Մի՞թէ ես չգիտեմ, որ այսօր ես եմ թագաւորում Իսրայէլի վրայ:
24. Եւ արքան ասաց Սեմէին. Դու պիտի չմեռնես: Եւ արքան երդուեց նրան:
25. Սաւուղի որդի Յովսաթանի որդի Մեմփիբոսթէն արքային ընդառաջ եկաւ: Նա արքայի գնալու օրուանից մինչեւ նրա խաղաղութեամբ վերադառնալը ո՛չ իր ոտքերն էր խնամել, ո՛չ եղունգներն էր կտրել, ո՛չ մօրուքը տեսքի բերել, ո՛չ բեղերը շտկել եւ ո՛չ էլ հագուստներն էր լուացել:
26. Երբ նա մտաւ Երուսաղեմ եւ ընդառաջ ելաւ արքային, արքան ասաց նրան. Ինչո՞ւ ինձ հետ չեկար, Մեմփիբոսթէ՛:
27. Մեմփիբոսթէն նրան ասաց. Տէ՛ր իմ արքայ, ծառաս ինձ խաբեց, քանզի քո ծառան ասաց նրան, թէ Համետի՛ր էշը, որ հեծնեմ ու գնամ արքայի մօտ, քանի որ քո ծառան կաղ է:
28. Իսկ նա՝ քո ծառան, տէ՛ր իմ արքայ, քեզ մօտ ինձ զրպարտել է: Տէ՛ր իմ արքայ, որպէս Աստծու հրեշտակ, բարի գործեր ես արել:
29. Արդ, արա՛, ինչ քո աչքին բարի է. թէեւ իմ հօր ամբողջ տունը իմ տեր արքայի առաջ մահուան արժանի մարդիկ են, բայց դու քո ծառային դրեցիր այն մարդկանց շարքը, որոնք արքայի սեղանից են ուտում: Արդ, այսուհետեւ էլ ի՞նչ իրաւունք ունեմ արքային բողոքելու:
30. Արքան նրան ասաց. Ինչո՞ւ ես ասում այդ խօսքերը:
31. Ասել եմ, որ դու եւ Սիբան բաժանեք ագարակը: Մեմփիբոսթէն ասաց արքային. Նա Նոյնիսկ ամբողջը թող առնի, քանի որ արքան խաղաղութեամբ իր տունն է վերադարձել:
32. Գաղաադացի Բերզելին եկաւ Ռոզելիմից եւ արքային անցկացրեց Յորդանան գետով՝ նրան ընկերակցելով մինչեւ Յորդանան գետի միւս կողմը:
33. Բերզելին շատ ծեր մարդ էր, ութսուն տարեկան: Նա էր, որ արքային կերակրել էր, երբ վերջինս բնակւում էր Բանակատեղիներում, քանի որ նա շատ հարուստ մարդ էր:
34. Արքան ասաց Բերզելին. Դու ե՛կ ինձ հետ, եւ ես քո ծերութեան օրերին քեզ կը կերակրեմ Երուսաղեմում:
35. Բերզելին ասաց արքային. Ինչքա՞ն են իմ կեանքի օրերը, որ արքայի հետ գնամ Երուսաղեմ:
36. Այսօր ես ութսուն տարեկան եմ: Միթէ կարո՞ղ եմ լաւը վատից տարբերել, կամ թէ ծառադ արդեօք կերածի ու խմածի համը կ'առնի՞, կամ թէ տակաւին կը լսե՞մ գուսանների ու վարձակների ձայնը:
37. Ինչո՞ւ ծառադ բեռ լինի իր տեր արքային: Քո ծառան արքայի հետ հազիւ անցնի Յորդանան գետը: Ինչո՞ւ արքան ինձ այդ հատուցումն է տալիս:
38. Քո ծառան թող ապրի ու մեռնի իր քաղաքում, իր հօր ու մօր գերեզմանի մօտ: Թող քո ծառայ Քամաա՛մն անցնի իմ տեր արքայի հետ, եւ նրան արա՛ այն, ինչ բարի է քո աչքին:
39. Արքան ասաց. Թող Քամաա՛մն անցնի ինձ հետ, եւ ես նրան կ'անեմ այն, ինչ բարի է իմ աչքին: Ամէն ինչ, որ դու ինձանից կ'անկկալես, կ'անեմ քեզ համար:
40. Ամբողջ ժողովուրդն անցաւ Յորդանան գետը. անցաւ եւ արքան: Արքան համբուրեց Բերզելին, օրհնեց նրան, եւ սա իր տեղը վերադարձաւ:
41. Արքան գնաց Գաղգաղա, Քամաամն էլ անցաւ գնաց նրա հետ: Յուդայի երկրի

ամբողջ ժողովուրդը եւ Իսրայէլի ժողովրդի կէսը գնացին արքայի հետ:

42. Բոլոր իսրայէլացիները եկան ու ասացին արքային. Ինչո՞ւ մեր եղբայրները՝ Յուդայի երկրի մարդիկ, քեզ փախցրին եւ արքային ու նրա տունն անցկացրին Յորդանան գետով:

43. Յուդայի երկրի մարդիկ պատասխանեցին իսրայէլացիներին՝ ասելով. Որովհետեւ արքան մեզ ւաւելի հարազատ է: Եւ ինչո՞ւ էք դժգոհ այդ բանի համար: Միթէ արքան մեզ կերակրե՞լ է կամ մեզ պարգեւնե՞ր է տուել եւ կամ մեր բեռը կրե՞լ է:

44. Իսրայէլացիները Յուդայի երկրի մարդկանց պատասխանեցին՝ ասելով. Մենք տասն անգամ ւաւելի իրաւունք ունենք արքային մօտ, քան դուք: Անդրանիկը մենք ենք, ոչ դուք: Դաւթի նկատմամբ էլ մենք ւաւելի շատ իրաւունք ունենք, քան դուք: Ինչո՞ւ մեզ անարգեցիք եւ մեր խորհուրդը չհարցրիք նախքան արքային մեզ մօտ վերադարձնելը: Եւ Յուդայի երկրի մարդիկ ւաւելի խիստ էին խօսում, քան իսրայէլացիները:

1. Բոքորիի որդի յեմինացի Սաբէէ անունով անօրէն մի մարդ յոխորտաց: Նա եղջերափող հնչեցնելով՝ ասաց. Մենք ո՛չ Դաւթի մօտ բաժին ունենք, ո՛չ էլ ժառանգութիւն՝ Յեսսէի որդու մօտ: Ո՛վ իսրայելացիներ, թող ամեն մարդ իր բնակավայրը գնայ:
2. Ամբողջ Իսրայէլը Դաւթից բաժանուելով՝ Բոքորիի որդի Սաբէէին հետեւեց, իսկ Յուդայի երկրի մարդիկ իրենց թագաւորի հետ Յորդանան գետի ափից գնացին մինչեւ Երուսաղէմ:
3. Դաւիթը եկաւ Երուսաղէմ, իր տուն: Թագաւորն այն տասը հարճերին, որոնց թողել էր տունը պահպանելու համար, առաւ եւ նրանց պահել տուեց մի տան մէջ, կերակրեց նրանց, բայց նրանց չմերձեցաւ: Հարճերը տառապում էին, քանզի մինչեւ իրենց մահուան օրն իբրեւ այրի ապրեցին:
4. Արքան ասաց Ամեսայիին. Երեք օրուայ ընթացքում ինձ մօտ կը հաւաքես Յուդայի երկրի մարդկանց, եւ դու էլ այստեղ կը գաս:
5. Ամեսային գնաց կանչելու Յուդայի երկրի մարդկանց, սակայն արքայի նշանակած ժամանակին չհասցրեց:
6. Դաւիթն ասաց Աբեսսային. Հիմա Բոքորիի որդի Սաբէէն աւելի մեծ չարիք կը գործի, քան Աբեսաղոմը: Վերցրո՛ւ քո տիրոջ ծառաներին ու հետապնդի՛ր նրան, չլինի թէ ամրացուած քաղաքներ գտնի եւ մեր աչքից կորչի:
7. Նրան հետապնդելու ելան Աբեսսան ու Յովաբի մարդիկ, քերթիւները, օփելեթիւներն ու բոլոր ուժեղ մարդիկ: Սրանք դուրս եկան Երուսաղէմից, որ հետապնդեն Բոքորիի որդի Սաբէէին:
8. Երբ նրանք Գաբաւոնի մեծ քարի մօտ էին, նրանց դիմաց ելաւ Ամեսային: Յովաբը հագել էր իր գրահաւոր թիկնոցը, դրա վրայ մէջքին կապել էր պատենաւոր սուրը, որը մի քիչ դուրս էր ցցուած:
9. Յովաբն ասաց Ամեսայիին. Ինչպե՞ս ես, եղբա՛յր: Եւ Յովաբն աջ ձեռքով բռնեց Ամեսայիի մօրուքը, որ նրան համբուրի:
10. Ամեսային չզգուշացաւ Յովաբի ձեռքի սրից, եւ Յովաբը դա խրելով նրա որովայնը՝ փորոտիքը գետին թափեց: Յովաբը հարուածը չկրկնեց, եւ Ամեսային մեռաւ: Յովաբը եւ նրա եղբայր Աբեսսան գնացին Բոքորիի որդի Սաբէէին հետապնդելու:
11. Յովաբի զինուորներից մէկը եկաւ ու կանգնելով Ամեսայիի մօտ՝ ասաց. Ով սիրում է Յովաբին կամ Դաւթին, թող գնայ Յովաբի ու Աբեսսայի յետեւից:
12. Ամեսայիի դիակն արնաշաղախ ընկած էր ճանապարհի մէջտեղը: Երբ այդ մարդը տեսաւ, որ մարդիկ տեղում մնացել են կանգնած, Ամեսայիի դիակը ճանապարհից դէպի դաշտը գլորեց ու մի շորով ծածկեց այն, որովհետեւ տեսաւ, որ ամեն ոք, որ գալիս էր, նրա առաջ կանգ էր առնում:
13. Երբ դիակը ճանապարհից հեռացրեց, իսրայելացիները հետեւեցին Յովաբին, որ հետապնդեն Բոքորիի որդի Սաբէէին:
14. Սաբէէն անցաւ Իսրայէլի բոլոր ցեղերի մարդկանց միջով մինչեւ Աբել ու Բեթմաքա, եւ բոլոր առաւել ընտիր զինուորները հաւաքուեցին ու եկան նրա յետեւից:
15. Նրանք նրան բռնելու համար պաշարեցին Աբելն ու Բեթմաքան, քաղաքի դիմաց հողաբլուր կուտակեցին: Այն նրանց իբրեւ պատուար ծառայեց: Յովաբի ամբողջ զօրքը քանդում կործանում էր պարիսպը:
16. Մի իմաստուն կին պարսպից ձայն տուեց՝ ասելով. Լսեցէ՛ք, լսեցէ՛ք, ասացէ՛ք Յովաբին, որ մօտ գայ, ես նրա հետ խօսեմ:
17. Յովաբը մօտեցաւ նրան, ու կիսն ասաց. Դո՞ւ ես Յովաբը: Սա ասաց. Ես եմ: Կիսն ասաց նրան. Լսի՛ր քո աղախնի խօսքերը:
18. Յովաբն ասաց. Ես եկել եմ լսելու: Կիսն ասաց. Նախկինում այսպիսի խօսքեր էին ասում. Թող գնան Աբելին ու Դանին հարցնեն, թէ Իսրայէլին հաւատարիմ մարդկանց ձեռնարկած գործերը յաջող աւարտ կ'ունենա՞ն: Անպայման պետք է Աբելին հարցնէին

եւ այդպէս էլ անում էին:

19. Ես Իսրայելի հաւատարիմ խաղաղարարներից եմ, իսկ դու ուզում ես կործանել Իսրայելի այս քաղաքը: Ինչո՞ւ ես բնաջնջում Տիրոջ ժառանգութիւնը:

20. Պատասխան տուեց Յովաբն ասելով. Քա՛ւ լիցի ինձ, քա՛ւ լիցի, թէ բնաջնջեմ ու կոտորեմ:

21. Հարցը դա չէ: Մի մարդ կայ Եփրեմի լեռից, Սաբէէ անունով, Բոքորիի որդին, որ ձեռք է բարձրացրել Դաւիթ արքայի վրայ: Ինձ տուէ՛ք միայն նրան, եւ ես կը հեռանամ այս քաղաքից: Կինն ասաց Յովաբին. Նրա գլուխը հիմա քեզ մօտ կ'ընկնի պարսպի վրայից:

22. Կինը գնաց ժողովրդի մօտ, իր իմաստնութիւնը գործադրելով՝ համոզեց բոլոր քաղաքացիներին, որ կտրեն Բոքորիի որդի Սաբէէի գլուխը: Նրանք կտրեցին նրա գլուխն ու այն նետեցին Յովաբի առաջ: Եղջերափող հնչեց, այդ քաղաքում ամեն մարդ իր բնակավայրը քաշուեց, իսկ Յովաբը յետ դարձաւ Երուսաղէմ, արքայի մօտ:

23. Յովաբը Իսրայելի ամբողջ զօրքի հրամանատարն էր, Յովիդայի որդի Բանեան հրամանատարն էր քերեթիների ու օփելեթիների,

24. Ադոնիրամը հարկերի վերակացուն էր, Աքիլոթի որդի Յոսափատը դիւանապետ էր,

25. Սուդայէն՝ քարտուղար, Սադոկն ու Աբիաթարը քահանաներ էին,

26. իսկ Յարիմի որդի Իրասը Դաւթի քահանան էր:

1. Երեք տարի իրար յետեւից սով եղաւ Դաւթի օրօք, եւ Դաւիթը դիմեց Տիրոջը: Տէրն ասաց. Սաւուղի եւ նրա տան արիւնահեղութեան պատճառով է այս պատուհասը, որովհետեւ նա կոտորել է գաբաւոնացիներին:
2. Դաւիթ արքան կանչեց գաբաւոնացիներին ու խօսեց նրանց հետ: Գաբաւոնացիները իսրայելացիներ չէին, այլ ամորհացու արիւնից էին: Իսրայելացիները երդումով էին կապուած նրանց հետ, բայց Սաւուղը ուզեց կոտորել նրանց, որպէսզի վրէժ լուծի Իսրայելի ու Յուդայի երկրի որդիների համար:
3. Դաւիթն ասաց գաբաւոնացիներին. Ի՞նչ անեմ ձեզ, ինչո՞վ քաւութիւն անեմ, որ օրհնեք Տիրոջ ժառանգութիւնը:
4. Գաբաւոնացիներն ասացին նրան. Մենք արծաթ ու ոսկի չենք ուզում Սաւուղից ու նրա ցեղից, ոչ էլ որեւէ իսրայելացու մահն ենք ուզում: Արքան ասաց. Հապա ի՞նչ եք ուզում, որ անեմ ձեզ համար:
5. Նրանք ասացին արքային. Թող մեռնի նա, ով մեզ կոտորեց ու հալածեց, ով վճռել էր մեզ ոչնչացնել:
6. Որպէսզի նրանք վերանան Իսրայելի բոլոր սահմաններից, մեզ յանձնեցէ՛ք նրա որդիներից եօթը հոգի, որ նրանց կախենք Տիրոջ առաջ, Տիրոջ ընտրեալ Սաւուղ արքայի Գաբաա քաղաքում: Արքան ասաց. Ես ձեզ կը տա՛մ նրանց:
7. Արքան խնայեց Սաւուղի որդի Յովնաթանի որդի Մեմփիբոսթէին այն երդումի համար, որ Դաւիթն ու Սաւուղի որդի Յովնաթանը տուել էին իրար Տիրոջ առաջ:
8. Դաւիթն առաւ Սաւուղից սերուած Այիայի դուստր Ռեսփայի երկու որդիներին՝ Երմոնթիւն ու Յերուսթէին, Սաւուղի դուստր Մերոփի հինգ որդիներին, որ սերուել էին մուլաթացի Բերզելիի որդի Եսդրիէլից, ու նրանց յանձնեց գաբաւոնացիների ձեռքը, որոնք նրանց կախեցին լեռան վրայ, Տիրոջ առաջ:
9. Նրանք եօթն էլ միասին զոհուեցին: Նրանք մեռան հնձի առաջին օրերին, գարու հնձի սկզբում:
10. Այիայի դուստր Ռեսփան գարու հնձի սկզբում քուրճ առաւ ու գցեց ապառաժի վրայ գտնուող նրանց դիակների վրայ, մինչեւ որ երկնքից անձրեւ տեղաց նրանց վրայ: Նա չէր թողնում, որ երկնքի թռչունները նրանց մօտենան ցերեկը, ոչ էլ անապատի գազանները՝ գիշերը:
11. Դաւթն յայտնեցին, թէ ինչ էր արել Այիայի դուստր Ռեսփան՝ Սաւուղի հարճը: Նրանց դիակները փտեցին, եւ Յովասի որդի Դանը, հսկաների ցեղից, հասաւ նրանց վրայ:
12. Դաւիթը գնաց եւ Սաւուղի ու նրա որդի Յովնաթանի ոսկորները վերցրեց Գաղաադի Յաբիս բնակավայրի բնակիչներից, որոնք թաքուն հաւաքել էին դրանք Բեթսանի հրապարակից: Այլազգիները Գեղբուէում կախել էին նրանց այն օրը, երբ յաղթել էին նրանց:
13. Նա այնտեղից հանեց Սաւուղի ու նրա որդի Յովնաթանի ոսկորները, հաւաքեց նաեւ Բենիամինի երկրում կախուածների ոսկորները եւ թաղեց այն գերեզմանում, որը պատկանում էր նրանց հայր Կիսին:
14. Նրանք արեցին այն ամենը, ինչ արքան հրամայել էր, եւ Աստուած դրանից յետոյ լսեց երկրից եկող ձայնը:
15. Դարձեալ պատերազմ եղաւ այլազգիների եւ իսրայելացիների միջեւ: Դաւիթն ու նրա մարդիկ պատերազմեցին այլազգիների դէմ: Դաւիթը յոգնեց:
16. Յեթբեացի Աբեսսան, որը Ռափայի որդիներից էր, եւ որի նիզակը երեք հարիւր սիկլ կշիռ ունեցող պղնձից էր, ու ինքն էլ մեջքին թուր ուներ, ուզում էր սպանել Դաւթին:
17. Շարուհիի որդի Աբեսսան, սակայն, օգնութեան եկաւ Դաւթին եւ, հարուածելով այլազգուն, սպանեց նրան: Այն ժամանակ Դաւթի մարդիկ երդուեցին՝ ասելով. Դու այլեւս մեզ հետ պատերազմի չպետք է դուրս գաս, որ Իսրայելի ճրագը չհանգի:
18. Դրանից յետոյ Գեթում կրկին պատերազմ եղաւ այլազգիների դէմ: Այն ժամանակ

օսացի Սոբաքը սպանեց Սեփտոնին, որը Ռափայի որդիներից էր:

19. Դարձեալ պատերազմ եղաւ Ռոբում այլազգիների դէմ, եւ բեթղեհեմացի Արիողիմի որդի եղեանան սպանեց գեթացի Գողիաթին, որի նիզակի բռնակը ոստայնանկների գլան էր յիշեցնում:

20. Դարձեալ պատերազմ եղաւ Գեթում: Այդ ժամանակ մի մարդ կար Մաով անունով, որի ձեռքերի ու ոտքերի մատները վեց-վեց հատ էին՝ ընդամենը քսանչորս մատ:

21. Նա ծնունել էր Ռափայից եւ նախատում էր իսրայէլացիներին: Նրան սպանեց Դաւթի եղբայր Սամաայի որդի Յովնաթանը:

22. Սրանք չորսը ծնունել էին Ռափայի տանը, Գեթում, եւ ընկան Դաւթի ու Նրա մարդկանց ձեռքով:



1. Այն օրը, երբ Տէրը Դաւթին փրկել էր իր բոլոր թշնամիներից ու Սաուլի ձեռքից, Դաւիթը Տիրոջն ուղղեց օրհնութեան հետեւեալ խօսքերը.
2. Տէրն իմ վեմն է, ամրութիւնն ու փրկիչը:
3. Թող Աստուած ինձ պահապան լինի. ես նրան եմ ապաւինել: Նա է իմ հովանաւորը, իմ փրկութեան եղջիւրը, իմ պաշտպանն ու իմ փրկութեան ապաւենը:
4. Անիրաւ մարդկանցից փրկի՛ր ինձ, Տէ՛ր: Օրհնեալ Տիրոջն եմ աղերսում, որ ազատուեմ իմ թշնամիներից:
5. Ինձ պաշարեցին մահաբեր թուլութիւնները, ինձ խռովեցին անօրէնութեան հեղեղները:
6. Մահուան երկունքն ինձ պատեց, մահուան որոգայթներ ծառացան իմ առաջ:
7. Իմ նեղութեան մէջ Տիրոջը պիտի դիմեմ, իմ Աստծուն աղաղակեմ, ու նա իր սուրբ տաճարից պիտի լսի իմ ձայնը, իմ աղաղակը նրա ականջին պիտի հասնի:
8. Երկիրը դողաց, ալեկոծուեց ու ցնցուեց, երկնքի հիմքերը դրդացին ու տապալուեցին, քանզի Տէրը բարկացել էր դրանց վրայ:
9. Նրա բարկութիւնից ծուխ ելաւ, ու նրա բերանից՝ լափող հուր:
10. Նրանից կայծակներ արձակուեցին, նա խոնարհեցրեց երկինքն, ու ինքը ցած իջաւ:
11. Մառախուղ կար նրա ոտքերի տակ: Նա նստեց քերովբէների վրայ ու թռաւ, սաւառնեց հողմերի թելերի վրայ:
12. Նա իրեն խաւարով պատեց, խաւարով ծածկեց իր վրանը ու ջրի խաւարով թանձրացրեց ամպերը:
13. Նրա առաջ եղած լոյսի ցոլքից հրէ կայծակներ բորբոքուեցին:
14. Տէրը երկնքից որոտաց, ու Բարձրեալը ձայն տուեց:
15. Նա իր նետերն արձակեց՝ ցրեց դրանք, կայծակներ փայլատակեցրեց ու զարհուրեցրեց դրանք:
16. Ծովի ակունքներն ի յայտ եկան, Տիրոջ սաստից ու նրա բարկութեան հողմ արտաշնչելուց երեւան եկան հիմքերը տիեզերքի:
17. Նա երկնքի բարձունքներից ինձ ձեռք երկարեց եւ ինձ դուրս բերեց յորդառատ ջրերից:
18. Նա ինձ կորզեց իմ ուժեղ թշնամիների ու ինձ ատողների բռնութիւնից, քանզի նրանք ինձանից հզօր էին:
19. Նեղ օրեր ունեցայ, սակայն Տէրն ինձ նեցուկ եղաւ: Նա ինձ դուրս բերեց անդորր մի տեղ ու փրկեց ինձ, քանզի նա ինձ սիրեց:
20. Տէրն ինձ հատուցեց ըստ իմ արդարութեան,
21. եւ ըստ իմ ձեռքերի մաքրութեան պիտի հատուցի ինձ Տէրը:
22. Ես պահել եմ Տիրոջ պատգամները եւ իմ Աստծու դէմ ամբարշտութիւն չեմ գործել:
23. Նրա բոլոր օրէնքներն իմ առաջ են, եւ ես նրա պատգամներից չեմ շեղուել:
24. Նրա առաջ անբիծ եմ եղել եւ նախօրօք հեռու մնացել անօրէնութիւնից:
25. Տէրն ինձ թող հատուցի ըստ իմ արդարութեան ու ըստ իմ ձեռքերի մաքրութեան, որ կան Տիրոջ աչքի առաջ:
26. Սրբի հետ սուրբ պիտի լինես, կատարեալի հետ՝ կատարեալ:
27. Ընտրեալի հետ ընտրեալ պիտի լինես, իսկ ծուռի հետ՝ ծուռ:
28. Դու պիտի փրկես տնանկ ժողովրդին, իսկ ամբարտաւանների աչքերը պիտի խոնարհեցնես:
29. Դո՛ւ ես իմ ճրագը, Տէ՛ր, եւ դո՛ւ ես լուսաւորելու իմ խաւարը:
30. Քեզնով միայնակ զինուած պիտի վազեմ եւ իմ Աստծու շնորհիւ պիտի անցնեմ պարսպի վրայով:
31. Իմ հզօ՛ր Աստուած, քո ճանապարհն անարատ է: Տիրոջ խօսքը ճշմարիտ է, նա հովանաւոր է բոլոր իրեն ապաւինողներին:
32. Ո՞վ է հզօր, բացի քեզանից, Տէ՛ր, եւ ո՞վ է արարիչ, բացի մեր Աստծուց:

33. Հզօր է Տէրը, որն ինձ հզօրացնում է զօրութեամբ, իմ ճանապարհներն անարատ դարձնում:
34. Նա իմ ոտքերը հաստատուն է պահում, ինչպէս եղջերուներինը, եւ ինձ բարձունքների վրայ է կանգնեցնում:
35. Նա իմ ձեռքը պատերազմի է սովորեցնում եւ իմ բազուկներով պղնձէ աղեղ ձգում:
36. Դու ես ինձ տուել իմ փրկութեան պաշտպանութիւնը, իմ հնազանդութիւնն ընդարձակել է իմ ճանապարհը:
37. Իմ ոտքերը չեն դողացել: Ես պիտի հալածեմ իմ թշնամիներին,
38. Նրանց պիտի կոտորեմ ու յետ պիտի չդառնամ, մինչեւ որ իսպառ չոչնչացնեմ նրանց:
39. Ես խորտակելու եմ նրանց, որ ոտքի չկանգնեն: Նրանք պիտի ընկնեն իմ ոտքերի տակ:
40. Դու ինձ զօրութեամբ պիտի գօտեպնդես, որ պատերազմեմ, եւ դու իմ դէմ ելնողներին իմ ձեռքը պիտի յանձնես:
41. Դու իմ թշնամիներին իմ առջեւից փախուստի մատնեցիր ու իմ ատելիներին կոտորեցիր:
42. Նրանք պիտի աղաղակեն, բայց ոչ ոք նրանց չպիտի օգնի: Նրանք Տիրոջը դիմեցին, բայց նա չլսեց նրանց:
43. Ես նրանց պիտի կոխտեմ ինչպէս գետնի հողը եւ պիտի տրորեմ ինչպէս փողոցի ցեխը:
44. Դու ինձ կը փրկես ժողովուրդների կռուից եւ ինձ կը կանգնեցնես ազգերի գլխին: Ինձ անձանօթ ժողովուրդը ծառայեց ինձ եւ ականջալուր եղաւ ինձ:
45. Օտարների որդիները կեղծաւորութիւն արեցին իմ առաջ:
46. Օտարների որդիները վերանալու են, կոտորուելու են իրենց թաքստոցներում:
47. Կենդանի է Տէրը, եւ օրհնեալ է իմ պահապանը: Բարձրանալու է Տէրը՝ իմ փրկութեան պահապանը:
48. Հզօր է Տէրը, նա վրեժխնդիր է, ժողովուրդներին հպատակ է դարձնում ինձ:
49. Նա ինձ պիտի փրկի իմ թշնամիներից եւ ինձ վրայ յարձակուողներից անելի վեր պիտի դասի ինձ, անհրաւ մարդուց պիտի փրկի ինձ:
50. Այս բանի համար ազգերի մէջ պիտի գոհանամ քեզանից, Տէ՛ր, եւ քո անունը պիտի գովերգեմ իմ սաղմոսներում:
51. Նա թագաւորի փրկութիւնն ապահովում է եւ ողորմութիւն է անում իր օծեալ Դաւթին ու նրա սերնդին մինչեւ յաւիտեան:

1. Ահա եւ Դաւթի վերջին խօսքերը. Հաւատարիմ է Յեսսէի որդի Դաւիթը, հաւատարիմ է նա, որին Տէրը բարձրացրեց եւ իբրեւ Աստծու օծեալ՝ Յակոբի ցեղի վրայ թագաւոր կարգեց:
2. Գեղեցիկ են Իսրայէլի երգերը: Տիրոջ հոգին իմ մէջ խօսեց, նրա խօսքն իմ լեզուի վրայ է:
3. Իսրայէլի Աստուածն ասաց, ինձ հետ խօսեց Իսրայէլի պահապանը. ես այլաբանութեամբ ասացի մարդկանց. Ո՞վ կարող է դիմանալ Տիրոջ եւ Աստծու երկիւղին, ինչպէս առաւօտեան լոյսին:
4. Արեգակն առաւօտեան ծագում է, եւ նրա լոյսը չի պակասում, ինչպէս անձրեւից յետոյ կանաչն է բարձրանում երկրի վրայ:
5. Մի՞թէ այդպիսին չէ իմ տունը հզօր Աստծու մօտ: Նա ինձ հետ յաւիտենական ուխտ է դրել, որը բոլոր ժամանակներում պետք է պահուի: Իմ ամբողջ փրկութիւնն ու իմ ամբողջ կամքը Տէրն է:
6. Անօրէնները թող չբողբոջեն. նրանք նման են դուրս գցուող փշերի, որոնք ձեռքով չեն բռնուում,
7. այլ երկաթով ու նիզակի ծայրով են նետուում կրակի մէջ եւ այրւում են իրենց ամօթից:
8. Սրանք են Դաւթի զօրավարների անունները. քանանացի Յեբուսթէ՝ նոյն ինքը ասոնացի Ադինոն մէկ երրորդ մասի հրամանատար: Սա սուր էր բարձրացրել միանգամից ութ հարիւր զինուորների վրայ:
9. Նրանից յետոյ գալիս է Եղեանան՝ նրա հօրեղբօրորդին, սոսացու որդին, որը Դաւթի երեք զօրավարներից մէկն էր: Երբ սա Ռեմայում ասպարէզ կարդաց այլազգիներին, սրանք պատերազմի հաւաքուեցին, եւ նա խրախուսեց Իսրայէլի մարդկանց:
10. Նա վեր կացաւ ու այլազգիներին այնքան հարուածեց, որ ձեռքը կպաւ սրին: Տէրն այդ օրը մեծ փրկութիւն պարգեւեց: Զօրքը մնաց, բայց միայն դիակապտութեան համար:
11. Սրանից յետոյ գալիս է արուկացի Սիսի որդին՝ Սամաան: Այլազգիները հաւաքուել էին Ծնօտ կոչուող վայրում: Այնտեղ կար մի դաշտ, ուր առատ ոսպ էր ցանուած: Զօրքը փախաւ այլազգիների առաջից,
12. իսկ նա դաշտում ամուր կանգնեց ու փրկեց զօրքին, հարուածեց այլազգիներին, ու Տէրը մեծ փրկութիւն պարգեւեց:
13. Երեսուն զօրավարներից երեքը գնացին Կասովա, Ոդոլոմի քարայրը, Դաւթի մօտ: Այլազգիների գնդերը բանակատեղի էին դրել Ռափայիսների հովտում:
14. Դաւիթն այն ժամանակ ամրոցում էր: Այն ժամանակ այլազգիների բանակատեղին Բեթղեհեմում էր:
15. Դաւիթը ջուր խմելու ցանկութիւն ունեցաւ եւ ասաց. Ո՞վ ինձ Բեթղեհեմի դարպասի մօտ գտնուող ջրհորի ջրից ջուր կը բերի, որ խմեմ:
16. Այլազգիների գնդերը Բեթղեհեմում էին: Երեք զօրավարները ճեղքեցին այլազգիների բանակը, ջուր հանեցին Բեթղեհեմի դարպասի մօտ գտնուող ջրհորից, առան ու եկան Դաւթի մօտ:
17. Նա չուզեց խմել այն, այլ նուիրեց Տիրոջը: Նա ասաց. Քա՛ւ լիցի ինձ, ո՞վ Տէր, որ այդ բանն անեմ: Մի՞թէ ես կը խմեմ իրենց կեանքը վտանգող մարդկանց արիւնը: Եւ նա չուզեց խմել այն: Ահա այս բանն արեցին այս երեք զօրավարները:
18. Եւ Աբեսսան՝ Յովաբի եղբայրը՝ Շարուհիի որդին, այս երեքի գլխաւորն էր: Նա իր նիզակով երեք հարիւր հակառակորդ էր սպանել:
19. Նա անուանի էր երեքի մէջ, նրանցից աւելի փառաւորուած, նրանց գլխաւորը, բայց նա այն երեքի աստիճանին չհասաւ:
20. Բազում գործեր կատարած կաբէեղացի մի զօրաւոր մարդու՝ Յովիդայէի որդի Բանեան սպանել էր մովաբացի Արիելի երկու որդիներին: Նա է, որ ձիւնոտ մի օր փոսի մէջ իջնելով՝ առիւծ էր սպանել:

21. Նա էր սպանել եգիպտացի յաղթանդամ մի մարդու: Այդ եգիպտացու ձեռքին կար կամրջի գերան յիշեցնող մի նիզակ: Նա յարձակուելով այդ մարդու վրայ՝ նիզակը խլել էր եգիպտացու ձեռքից եւ նրա նիզակով էլ սպանել նրան:
22. Այս բանն արել էր Յովիդայէի որդին՝ Բանեան: Նա անուանի էր երեք զօրավարների մէջ:
23. Նա այդ երեքից ամենից փառաւորն էր, սակայն առաջին երեքին չէր հասնի: Դաւիթը նրան իր շտեմարանների վերակացու էր նշանակել: Սրանք են Դաւիթ արքայի զօրավարների անունները.
24. Յովաբի եղբայր Ասայել, որը երեսուն զօրավարներից մէկն էր:
25. Բեթղեհեմում ապրող նրա հօրեղբօր՝ Եղիուդի որդի Եղեանա,
26. ռուդացի Սամաա, կեղոթացի Սեղոմ, փեղդատացի Աղղաս,
27. թեկուացի Եսկաթի որդի Իրաս, ասոթացու որդիներից անաթոթացի Աբիեզեր,
28. աղիոյացի Եղոն, նետոփատացի Նոերէ, Փամփանի որդի Աղափ, նեփղաթացի Անտովէ,
29. եփրաթացի Բենիամինի որդիների Գաբաեթի բնակավայրից՝ Ռիբայի որդի Եթթի, Գովասի ձորից՝ Ադդայի,
30. Նաքադայի Ադդայի դաշտավայրերից՝ Աբիեղբոն,
31. դադաբարացի Գասբիէ,
32. բարասամացի Ասմոն,
33. սաղաբոնացի Եղիաս, Ասանի որդի Յովնաթան,
34. արոդացի Սամնան, արաթիրացի Աբեդի որդի Եղիա, ասիբացիներից Ամաքի որդի Աղիփաղեթ,
35. գաղամոնացի Աքիտոփելի որդի Եղիաբ, կարմեղացի Ասարէ, երքացի Տուուր,
36. Նաթանի որդի Գաղա, որը մեծ ուժի տէր գաղաադացու որդին էր, ամմանացի Եղիէ,
37. Շարուհիի որդի Յովաբի կապարճակիր բեքրոթացի Գեղորէ, յեթերացի Իրաս,
38. բեթանացի Գարէի, քետացի Ուրիա: Ընդամենը՝ երեսունեօթը հոգի:
39. Հեղեղատից արաբոթացի Գադաբիւլից սերուած նաեւ ուրիշներ:

1. Տիրոջ բարկութիւնը դարձեալ բորբոքուեց Իսրայէլի վրայ: Նա Դաւթին գրգռեց նրանց դէմ ասելով. «Նա՛հաշուառում կատարի՛ր Իսրայէլում եւ Յուդայի երկրում:
2. Արքան իր մօտ գտնուող զօրքի հրամանատար Յովաբին ասաց. Շրջի՛ր Իսրայէլի բոլոր ցեղերի մէջ՝ Դանից մինչեւ Բերսաբէ, ժողովրդի հաշուառում կատարի՛ր, որ գիտենամ նրանց թիւը:
3. Յովաբն ասաց արքային. Տէրը թող ժողովրդին հարիւրապատիկ անելացնի, ու դա թող տեսնեն իմ տէր արքայի աչքերը, բայց իմ տէր արքան ինչո՞ւ է այդ բանն ուզում:
4. Արքան իր ասածը պարտադրեց Յովաբին ու զօրքի հրամանատարներին: Յովաբն ու զօրքի բոլոր հրամանատարները ելան արքայի մօտից, որ Իսրայէլի ժողովրդի հաշուառում անցկացնեն:
5. Նրանք անցան Յորդանան գետը եւ կանգ առան Արոյեր քաղաքի աջ կողմը, որը Գադի ու Եղիազարի ձորի միջեւ է:
6. Եկան Գադաադ, Թաբատն, Եսթն ու Ադասէ, հասան Դան ու Սիդոնի շրջակայքը:
7. Նրանք անցան Տիւրոսի Մափսար բնակավայրը եւ քանանացիների ու խեւացիների բոլոր քաղաքները, հարաւի կողմից եկան Յուդայի երկիրը ու Բերսաբէ:
8. Ամբողջ երկիրը շրջեցին եւ ինն ամիս քսան օր լրանալուց յետոյ եկան հասան Երուսաղէմ:
9. Յովաբը մարդահամարի տուեալները յանձնեց արքային. Իսրայէլն ուներ ութ հարիւր հազար սուսերակիր զինուոր, իսկ Յուդայի երկիրը՝ հինգ հարիւր հազար մարտիկ:
10. Դաւթի սիրտը ցաւեց մարդկանց հաշուառումից յետոյ: Դաւիթն ասաց Տիրոջը. Մեծ մեղք գործեցի արուածի համար: Արդ, ո՞վ Տէր, ների՛ր քո ծառայի մեղքը, քանզի մեծ յիմարութիւն արեցի:
11. Երբ Դաւիթն առաւօտեան զարթնեց, Տէրը Դաւթին ուղղուած խօսք ասաց տեսանող մարգարէ Գադի միջոցով:
12. Տէրն ասաց. «Նա խօսի՛ր Դաւթի հետ եւ նրան ասա՛. Այսպէս է ասում Տէրը. Երեք բան եմ առաջարկում քեզ, ընտրի՛ր նրանցից մէկը, եւ դա էլ կը կատարեմ:
13. Գադը եկաւ Դաւթի մօտ, պատմեց ու ասաց. Ընտրի՛ր որն ուզում ես. կա՛մ քո երկրում երեք տարի սով պիտի լինի, կա՛մ երեք ամիս դու պիտի փախչես քո թշնամիների առաջից, ու քեզ պիտի հալածեն, կա՛մ էլ երեք օր մահ պիտի լինի քո երկրում: Արդ, մտածի՛ր ու ասա՛, թէ ի՞նչ պատասխան տանեմ ինձ ուղարկողին:
14. Դաւիթն ասաց Գադին. Բոլոր կողմերից ես խիստ ծանր կացութեան մէջ եմ: Քանի որ շատ ու շատ են Տիրոջ ողորմածութիւնները, անելի լաւ է ընկնեմ Տիրոջ ձեռքը, քան մարդկանց ձեռքը: Եւ Դաւիթն ընտրեց մահը: Տորենը հնձելու օրերն էին:
15. Եւ Տէրն Իսրայէլին մահ ուղարկեց առաւօտից մինչեւ ճաշի ժամ: Մահ սկսուեց ժողովրդի մէջ. Դանից մինչեւ Բերսաբէ եօթանասուն հազար մարդ մեռաւ:
16. Աստծու հրեշտակն իր ձեռքը
17. մեկնեց Երուսաղէմի վրայ, որ ոչնչացնի այն, սակայն Տէրը զղջաց այդ չար աղետի համար եւ ասաց ժողովրդին ոչնչացնող հրեշտակին. Բաւական է, ձեռքդ յե՛տ քաշիր:
18. Տիրոջ հրեշտակը յեբուսացի Ոռնայի կալի մօտ էր: Երբ Դաւիթը տեսաւ ժողովրդին կոտորող հրեշտակին, ասաց Տիրոջը. Ահաւասիկ ես. ես եմ մեղաւոր, ես՝ հովիւս եմ յանցաւոր, այս ոչխարներն ի՞նչ են արել: Թող քո ձեռքը բարձրանայ իմ ու իմ հօր տան վրայ:
19. Այդ օրը Գադը Դաւթի մօտ գալով՝ ասաց նրան. Վե՛ր կաց ու յեբուսացի Ոռնայի կալում Տիրոջ համար զոհասեղան կանգնեցրո՛ւ:
20. Գադի խօսքերին անսալով՝ Դաւիթը գնաց, ինչպէս Տէրն էր պատուիրել:
21. Երբ Ոռնան տեսաւ իր մօտ եկող արքային ու նրա ծառաներին, ընդառաջ գնաց նրանց եւ երկրպագեց տիրոջը՝ երեսնիվայր գետին ընկնելով:
22. Ոռնան ասաց. Ինչո՞ւ է եկել իմ տէր արքան իր ծառայի մօտ: Դաւիթն ասաց. Կալը քեզանից գնելու, որ Տիրոջ համար զոհասեղան շինեմ, եւ դադարի ժողովրդի կոտորածը:

23. Ոռնան ասաց Դաւթին. Թող իմ տէր արքան առնի ու Տիրոջը զոհ մատուցի այն, ինչ հաճելի է նրա աչքին: Ահաւասիկ եզներ ողջակէզի համար եւ անիւներ ու եզների լծասարք՝ փայտի փոխարէն:
24. Ոռնան ամէն ինչ տալով արքային՝ ասաց նրան. Թող քո Տէր Աստուածը քեզ օրհնի:
25. Արքան ասաց Ոռնային. Ո՛չ, այդպէս չէ: Պէտք է քեզանից փողով գնեմ, իմ Տէր Աստծուն ծրի ողջակէզ չեմ մատուցի:
26. Դաւիթը կալն ու եզները գնեց յիսուն սիկղ արծաթով: Դաւիթն այնտեղ Տէր Աստծու համար զոհասեղան շինեց եւ նրա վրայ ողջակէզներ ու հաշտութեան զոհեր մատուցեց: Յետագայում Սողոմոնը զոհասեղանն ընդարձակեց, որովհետեւ նախկինը փոքր էր: Տէրը լսեց երկրի համար արուած աղօթքը, եւ Իսրայէլից կոտորածը դադարեց:

ԹԱԳԱԻՈՐՈՒԹԻՒՆՆԵՐ Գ

## Գլուխ 1

1. Դաւիթ արքան տարիքն առել, ծերացել էր. նրան զգեստներով ծածկում էին, բայց նա չէր տաքանում:
2. Նրա ծառաներն ասացին. Թող մեր տէր արքայի համար մի կոյս աղջիկ գտնեն, որ նա կանգնի արքայի առջեւ եւ հոգ տանի նրան, նրա հետ պառկի, ու մեր տէր արքան տաքանայ:
3. Մի գեղեցիկ աղջիկ որոնեցին Իսրայէլի ամբողջ տարածքում, գտան սոմնացի Աբիսակին ու նրան բերեցին արքայի մօտ:
4. Աղջիկը շատ գեղեցիկ էր, տաքացնում էր արքային ու ծառայում նրան, բայց արքան չմերժեցաւ նրան:
5. Ադոնիան՝ Ագիթի որդին, վեր-վեր թռչելով, ասաց. ես պետք է թագաւորեմ: Եւ նա կառքեր ու հեծեալներ պատրաստեց: Յիսուս սուրիանդակներ ընթանալու էին նրա առջեւից:
6. Հայրը նրան երբեք չարգելեց, չասաց, թէ՛ Ինչո՞ւ այդ արեցիր: Ինքն էլ դժքով գեղեցիկ էր ու ծնունել էր Աբեսաղոմից յետոյ:
7. Նա խորհրդակցեց Շարուհիի որդի Յովաբի եւ Աբիաթար քահանայի հետ, ու նրանք օգնեցին Ադոնիային:
8. Սադոկ քահանան, Բանեան՝ Յովիդայէի որդին, Նաթան մարգարէն, Սեմէին, Ռէին եւ Դաւթի քաջարի մարդիկ Ադոնիայի հետ չէին:
9. Եւ Ադոնիան ոչխարներ, եզներ ու գառներ մորթեց Չողեթի քարի մօտ, որը Ռոգելի երկրին մօտ է: Նա կանչեց իր բոլոր եղբայրներին՝ արքայի որդիներին, եւ Յուդայի երկրի բոլոր տղամարդկանց՝ արքայի ծառաներին,
10. բայց Նաթան մարգարէին, Բանեասին, քաջարի մարդկանց եւ իր Սողոմոն եղբօրը չկանչեց:
11. Նաթան մարգարէն խօսելով Սողոմոնի մօր՝ Բերսաբէի հետ, ասաց. Չե՞ս լսել, որ Ադոնիան՝ Ագիթի որդին, թագաւոր է դարձել, եւ մեր տէր արքայ Դաւիթը այդ չգիտի:
12. Արդ, ե՛կ քեզ մի խորհուրդ տամ, որ փրկես քո եւ Սողոմոն որդուդ կեանքը:
13. Գնա՛ Դաւիթ արքայի մօտ, խօսի՛ր նրա հետ եւ ասա՛. Չէ՞ որ դու ինքդ, տէ՛ր իմ արքայ, երդուելով քո աղախնին, ասացիր, թէ՛ Քո որդի Սողոմոնն է թագաւորելու ինձնից յետոյ, նա է նստելու իմ աթոռին: Ել ինչո՞ւ է թագաւորել Ադոնիան:
14. Երբ կը սկսես խօսել արքայի հետ, ես կը մտնեմ ու կը լրացնեմ քո խօսքերը:
15. Բերսաբէն մտաւ սենեակ, արքայի մօտ: Արքան շատ էր ծերացել, եւ սոմնացի Աբիսակն սպասարկում էր արքային:
16. Բերսաբէն խոնարհուեց ու երկրպագեց արքային: Արքան հարցրեց. Ի՞նչ է խնդրանքդ:
17. Նա պատասխանեց. Իմ տէ՛ր արքայ, դու քո Տէր Աստուծով երդուեցիր քո աղախնին ու ասացիր, թէ՛ Իմ որդի Սողոմոնն է թագաւորելու ինձնից յետոյ, նա է նստելու իմ աթոռին,
18. բայց ահա Ադոնիան է թագաւորել, եւ դու, տէ՛ր իմ արքայ, այդ չես իմացել:
19. Բազում արջառներ, ոչխարներ ու գառներ է մորթել, կանչել է արքայի բոլոր որդիներին, Աբիաթար քահանային ու զօրքի հրամանատար Յովաբին, իսկ քո ծառայ Սողոմոնին չի կանչել:
20. Տէ՛ր իմ արքայ, ամբողջ Իսրայէլն իր հայեացքը յառել է քեզ վրայ, որ յայտնես նրանց, թէ ով պիտի նստի իմ տէր արքայի աթոռին իրենից յետոյ:
21. Եթէ իմ տէր արքան գնայ իր նախնիների գիրկը, ես ու իմ որդի Սողոմոնը մեղապարտ կը համարուենք:
22. Մինչ նա խօսում էր արքայի հետ, եկաւ Նաթան մարգարէն:
23. Յայտնեցին արքային, թէ՛ Ահաւասիկ եկել է Նաթան մարգարէն: Սա մտաւ արքայի մօտ ու մինչեւ գետին երեսնիվայր գլուխ տուեց նրան:
24. Նաթանն ասաց. Տէ՛ր իմ արքայ, դո՞ւ ես ասել, թէ՛ Ադոնիան թագաւորելու է ինձնից



յետոյ եւ նստելու է իմ աթոռին:

25. Այսօր նա իջել է, մորթել բազում արջառներ, ոչխարներ ու գառներ, կանչել արքայի բոլոր որդիներին, զօրքի հրամանատարներին ու Աբիաթար քահանային: Նրանք ահա ուտում ու խմում են նրա մօտ՝ ասելով. Կեցցէ՛ Ադոնիա արքան,

26. իսկ ինձ՝ քո ծառային, Սադոկ քահանային, Յովիդայէի որդի Բանեային եւ քո Սողոմոն ծառային չի կանչել:

27. Արդեօ՞ք այս բանն իմ տէր արքայի հրամանով է կատարուել: Դու, սակայն, քո ծառային չես յայտնել, թէ իրենից յետոյ ո՞վ պիտի նստի իմ տէր արքայի աթոռին:

28. Պատասխան տուեց Դաւիթ արքան՝ ասելով. Ինձ մօտ կանչեցէք Բերսաբէէին: Սա մտաւ նրա մօտ ու կանգնեց նրա դիմաց:

29. Արքան երդուեց՝ ասելով. Կենդանի է Տէրը, որ փրկել է իմ կեանքը ամեն նեղութիւնից:

30. Ինչպէս երդուելով Իսրայէլի Տէր Աստուծով ասել եմ, թէ՛ Քո Սողոմոն որդին է թագաւորելու ինձնից յետոյ, եւ իմ փոխարէն նա է նստելու իմ աթոռին, այդպէս էլ անելու եմ հէնց այսօր:

31. Բերսաբէէն երեսնիվայր գետին խոնարհուեց ու գլուխ տալով արքային՝ ասաց.

Յաւիտեան կեցցէ՛ իմ տէր Դաւիթ արքան:

32. Դաւիթ արքան ասաց. Ինձ մօտ կանչեցէք Սադոկ քահանային, Նաթան մարգարէին ու Յովիդայէի որդի Բանեային:

33. Սրանք եկան արքայի մօտ: Արքան ասաց նրանց. Առէ՛ք ձեզ հետ ձեր տիրոջ ծառաներին, իմ որդի Սողոմոնին իմ ջորու վրայ նստեցրէ՛ք եւ իջեցրէ՛ք Գեհոն:

34. Սադոկ քահանան ու Նաթան մարգարէն այնտեղ նրան թող Իսրայէլի թագաւոր օծեն: Եղջերափողեր հնչեցրէ՛ք եւ բացականչեցէ՛ք՝ Կեցցէ՛ Սողոմոն արքան:

35. Ապա նրա յետեւից գնալով՝ քաղաք բարձրացէ՛ք, եւ նա թող գայ, նստի իմ աթոռին ու թագաւորի իմ փոխարէն, քանզի ես եմ հրամայել, որ նա լինի Իսրայէլի ու Յուդայի երկրի առաջնորդը:

36. Յովիդայէի որդի Բանեան պատասխան տալով արքային՝ ասաց. Թող այդպէս լինի, թող Տէր Աստուածն իմ տէր արքայի խօսքը հաստատի:

37. Ինչպէս Տէրն իմ արքայ տիրոջ հետ էր, նոյնպէս թող լինի նաեւ Սողոմոնի հետ, թող բարձրացնի նրա աթոռը առաւել, քան իմ տէր արքայ Դաւթի աթոռը:

38. Սադոկ քահանան, Նաթան մարգարէն, Յովիդայէի որդի Բանեան, քերեթիներն ու օփելեթիները եկան եւ Սողոմոնին նստեցրին Դաւիթ արքայի ջորու վրայ եւ նրան տարան Գեհոն:

39. Սադոկ քահանան իւղով լի եղջիւրն առաւ խորանից եւ օծեց Սողոմոնին, եղջերափող հնչեցրեց, եւ ամբողջ ժողովուրդը բացականչեց՝ Կեցցէ՛ Սողոմոն արքան:

40. Բոլոր մարդիկ եկան նրա հետ, պարեր պարելով մեծ ուրախութիւն արեցին, երկիրը դրդաց նրանց ձայնից:

41. Երբ Ադոնիան ու նրա բոլոր հիւրերը աւարտեցին ուտելը, լսեցին ուրախութեան աղմուկ-աղաղակը: Յովաբը լսելով եղջերափողի ձայնը՝ ասաց. Այս ի՞նչ աղմուկ է բարձրացել քաղաքում:

42. Մինչ նա խօսում էր, եկաւ Աբիաթար քահանայի որդի Յովնաթանը: Ադոնիան նրան ասաց. Նե՛րս մտիր, քանզի զօրաւոր մարդ ես դու եւ բարի լուր ես տալու:

43. Յովնաթանը պատասխան տալով՝ ասաց Ադոնիային. Յիրաւի, մեր տէր Դաւիթ արքան թագաւոր դարձրեց Սողոմոնին:

44. Նա Սադոկ քահանային, Նաթան մարգարէին, Յովիդայէի որդի Բանեային, քերեթիներին ու օփելեթիներին ուղարկեց նրա հետ, նրան նստեցրին արքայի ջորու վրայ,

45. եւ Սադոկ քահանան ու Նաթան մարգարէն նրան թագաւոր օծեցին Գեհոնում: Ապա այնտեղից ուրախութեամբ եկան, ու քաղաքը դրդաց: Ահա այդ ձայնն է, որ լսում էք:

46. Սողոմոնը նստեց արքայական գահին:

47. Արքայի ծառաները մտան, որ շնորհաւորեն մեր տէր Դաւիթ արքային: Նրանք ասացին. Թող Աստուած քո Սողոմոն որդու անունը առաւել մեծացնի, քան քո անունը,

Եւ նրա արժոն առաւել բարձրացնի, քան քո արժոնը: Արքան իր անկողնի մէջ գլուխ խոնարհեց՝ ասելով.

48. Օրհնեալ է Իսրայէլի Տէր Աստուածը, որն այսօր իմ զաւակին արժանացրեց իմ արժոնին, եւ իմ աչքերը այդ տեսնում են:

49. Ադոնիայի բոլոր հիւրերը զարհուրեցին ու վեր կացան, եւ ամեն մէկը գնաց իր ճանապարհով:

50. Ադոնիան վախենալով Սողոմոնից՝ ելաւ գնաց ու զոհասեղանի եղջիւրներից բռնեց:

51. Սողոմոնին յայտնեցին՝ ասելով. Ահա Ադոնիան վախեցաւ Սողոմոն արքայից: Նա բռնել է զոհասեղանի եղջիւրները եւ ասում է. Թող Սողոմոն արքան այսօր ինձ երդուի, թէ իր ծառային սրով չի սպանի:

52. Սողոմոնն ասաց. Եթէ նա առաքինի մարդ լինի, նրանից ոչ մի մազ չի պակասի ու գետին չի ընկնի, իսկ եթէ ուզենայ չար գործ կատարել, կը մեռնի:

53. Սողոմոն արքան մարդ ուղարկեց, եւ Ադոնիային իջեցրին զոհասեղանից: Ադոնիան եկաւ, խոնարհուեց Սողոմոն արքայի առաջ, իսկ Սողոմոնն ասաց նրան. Գնա՛ քո տունը:

1. Երբ մօտեցան Դաւթի մահուան օրերը, Նա դիմելով իր որդի Սողոմոնին՝ ասաց.
2. Ըստ այս աշխարհի կարգի, ես անցայ իմ կեանքի ճամփան: Դու զօրացիր, տղամարդ եղի՛ր,
3. պահիր քո Տէր Աստծու հրամանները՝ գնա՛ նրա ճանապարհով, պահիր՝ նրա պատուիրանները, նրա օրէնքները, նրա հրամաններն ու նրա վկայութիւնները ըստ Մովսէսի Օրէնքների գրքի, որ, ինչ էլ անես, նկատի ունենաս այն ամէնը, որ պատուիրել եմ քեզ:
4. Եւ Տէրը կ'իրագործի իր խօսքը, որ ասաց իմ մասին, թէ՛ Եթէ քո որդիները հաստատ պահեն իրենց ընթացքը եւ իրենց ամբողջ սրտով ու հոգով հաւատարմութեամբ գնան իմ առջեւից, ապա մարդ չի պակասի Իսրայէլի գահի վրայից:
5. Դու ինքդ գիտես, թէ ինչ է արել ինձ Շարուհիի որդի Յովաբը, ինչ է արել Իսրայէլի երկու զօրապետերին՝ Ներեի որդի Աբեններին եւ Հեթերի որդի Ամեսայիին: Նա սպանեց նրանց, խաղաղ ժամանակ պատերազմի ժամանակուայ պէս արիւն թափեց, իր կեանքում անպարտ արիւն թափեց՝ ներկելով իր մէջքն ու կօշիկները:
6. Գործի՛ր ըստ քո իմաստութեան եւ նրա ալեւոր մագերը խաղաղութեամբ մի՛ իջեցրու դժոխք:
7. Գաղաադացի Բերզելիի որդիներին ողորմութի՛ւն արա, նրանք թող քո սեղանից ուտողների հետ լինեն, որովհետեւ նրանք ինձ աջակից եղան, երբ ես փախչում էի քո եղբայր Աբեսաղոմից:
8. Ահա քեզ հետ է բաւուրիմացի Յեմինի որդի Գերայի որդի Սեմէին: Սա ինձ ծանր անեծքներով անիծել է այն օրը, երբ գնում էի իմ բանակատեղին: Նա Յորդանան գետի ափին ինձ ընդառաջ եկաւ, եւ ես Տիրոջ անունով երդուելով՝ նրան ասացի. Քեզ սրով չեմ սպանի:
9. Նրան անպարտ մի՛ համարիր, քանզի դու իմաստուն մարդ ես, գիտես, թէ ինչ պետք է անես նրա ալեւոր մագերն արեամբ դժոխք իջեցնելու համար:
10. Եւ Դաւիթը գնաց իր նախնիների գիրկը: Նա թաղուեց Դաւթի քաղաքում:
11. Դաւիթն Իսրայէլի վրայ թագաւորեց քառասուն տարի. Քերրոնում թագաւորել էր եօթը տարի, իսկ Երուսաղէմում՝ երեսուներեք տարի:
12. Սողոմոնը Նստեց իր հօր՝ Դաւթի գահին, երբ տասներկու տարեկան էր: Նրա թագաւորութիւնը շատ հաստատուն էր:
13. Ազիթի որդի Ադոնիան Սողոմոնի մայր Բերսաբէի մօտ գալով՝ խոնարհուեց նրա առաջ: Բերսաբէն հարցրեց. Բարի՞ նպատակով ես գալիս մօտս: Ադոնիան ասաց. Բարի նպատակով:
14. Եւ Նա աւելացրեց. Ես խօսքեր ունեմ քեզ ասելու:
15. Բերսաբէն ասաց. Խօսի՛ր: Ադոնիան ասաց նրան. Դու ինքդ էլ գիտես, թէ իմն էր թագաւորութիւնը, եւ ամբողջ Իսրայէլն իր հայեացքն ինձ էր ուղղել որպէս թագաւորի, սակայն ոչ թէ ե՛ս արժանացայ թագաւորութեան, այլ՝ իմ եղբայրը, քանզի Աստծուց տրուեց նրան:
16. Արդ, մի բան եմ խնդրելու քեզնից, եւ դու չպետք է մերժես ինձ: Բերսաբէն ասաց. Յայտնի՛ր խնդրանքդ:
17. Ադոնիան ասաց. Ասա՛՛ Սողոմոն արքային (եւ Նա քեզ չի մերժի), որ ինձ կնութեան տայ սոմնացի Աբիսակին:
18. Բերսաբէն ասաց. Բարի, ես այդ մասին կը խօսեմ արքայի հետ:
19. Բերսաբէն գնաց Սողոմոն արքայի մօտ, որ խօսի նրա հետ Ադոնիայի մասին: Արքան ոտքի կանգնեց նրա առջեւ, համբուրեց նրան, Նստեց իր աթոռին: Արքայի մօր համար էլ աթոռ բերուեց, եւ մայրը Նստեց նրա աջ կողմում:
20. Բերսաբէն ասաց նրան. Մի փոքր խնդրանք ունեմ քեզնից, ինձ մի՛ մերժիր: Արքան ասաց. Խնդրի՛ր, մա՛յր իմ, ես քեզ չեմ մերժի:
21. Բերսաբէն ասաց. Սոմնացի Աբիսակը թող քո եղբօրը՝ Ադոնիային կնութեան տրուի:

22. Պատասխան տուեց Սողոմոն արքան եւ ասաց իր մօրը. Իսկ ինչո՞ւ ես Ադոնիայի համար սոմնացի Աբիսակին խնդրում, նրա համար թագաւորութի՛ւնս խնդրիր, չէ՞ որ նա իմ աւագ եղբայրն է, եւ Աբիաթար քահանան ու Շարուհիի որդի Յովաբը նրա սպարապետն ու բարեկամներն են:

23. Սողոմոն արքան երդուեց Տիրոջ անունով՝ ասելով. Թող Աստուած ինձ այսպէս անի եւ աւելին էլ անի. Ադոնիայի խնդրածը իր իսկ կեանքի դէմ է:

24. Արդ, կենդանի է Տէրը, որ ինձ հաստատեց ու նստեցրեց իմ հայր Դաւթի գահին, ինձ համար տուն շինեց, ինչպէս խոստացել էր Տէրը: Ադոնիան այսօր իսկ պիտի մեռնի:

25. Եւ Սողոմոն արքան ուղարկեց Յովիդայէի որդի Բանեային, որը սպանեց նրան: Եւ այդ օրը մեռաւ Ադոնիան:

26. Աբիաթար քահանային արքան ասաց. Գնա՛ քո ագարակը՝ Անաթոթ: Այսօր դու մահուան ես արժանի, սակայն քեզ չեմ սպանի, քանզի իմ հօր առջեւ կրել ես Տիրոջ ուխտի տապանակը, եւ դու էլ չարչարուել ես այնտեղ, ուր չարչարուել է իմ հայրը:

27. Եւ Սողոմոնը Աբիաթարին զրկեց Տիրոջ քահանայութիւնից, որպէսզի կատարուի Տիրոջ այն խօսքը, որ Սելովում ասել էր Հեղիի տան վերաբերեալ:

28. Լուրը հասաւ Յովաբին, որը Ադոնիայի համակիրն էր եւ չէր հետեւել Սողոմոնին: Յովաբը փախաւ մտաւ Տիրոջ վրանը եւ բռնեց զոհասեղանի եղջիւրներից:

29. Սողոմոնին յայտնեցին, թէ Յովաբը փախել մտել է Տիրոջ վրանը եւ բռնել զոհասեղանի եղջիւրներից: Սողոմոնը լուր ուղարկեց Յովաբին՝ ասելով. Քեզ ի՞նչ եղաւ, որ փախար զոհասեղանի մօտ: Յովաբն ասաց. Վախեցայ քեզնից ու փախայ Տիրոջ մօտ: Սողոմոն արքան Յովիդայէի որդի Բանեային ասաց. Գնա սպանի՛ր Յովաբին ու թաղի՛ր:

30. Յովիդայէի որդի Բանեան գնաց Տիրոջ վրանը, Յովաբի մօտ եւ ասաց նրան. Այսպէս է կարգադրել արքան, ելի՛ր այդտեղից: Յովաբն ասաց. Չեմ ելնի, քանզի այստեղ էլ պիտի մեռնեմ: Յովիդայէի որդի Բանեան վերադարձաւ ու արքային յայտնեց, թէ ինչ է ասել ինքը Յովաբին, եւ թէ ինչ պատասխան է տուել նա:

31. Արքան ասաց նրան. Գնա՛ եւ արա՛ նրան այն, ինչ ինքը ցանկացել է. սպանի՛ր նրան ու թաղի՛ր եւ այսօր վերացրո՛ւ ինձնից ու իմ հօր տնից այն անմեղ արիւնը, որ թափել էր Յովաբը:

32. Տէրը նրա հեղած անմեղ արիւնը թող նրա գլխին դարձնի, որովհետեւ նա սրով սպանել է իրենից աւելի արդար եւ քաջ երկու մարդկանց, եւ հայրս նրանց այդ սպանութեան մասին չգիտեր: Դրանք էին՝ Ներէի որդի Աբենները, որն Իսրայէլի սպարապետն էր, եւ Յեթերի որդի Ամեսային, որը Յուդայի երկրի սպարապետն էր:

33. Նրանց արիւնը թող յաւիտեան դառնայ նրա ու նրա զաւակների գլխին, իսկ Տէրը յաւիտենական խաղաղութիւն թող պարգեւի Դաւթին, նրա զաւակին, նրա տանն ու գահին:

34. Յովիդայէի որդի Բանեան վերադարձաւ Յովաբի մօտ, սպանեց նրան ու թաղեց անապատում գտնուող նրա տան մէջ:

35. Արքան Յովիդայէի որդի Բանեային նրա փոխարէն զօրավար կարգեց, թագաւորութիւնը փոխադրեց Երուսաղէմ եւ Սադոկ քահանային Աբիաթարի փոխարէն քահանայ կարգեց Տիրոջ առաջ: Տէրը Սողոմոնին չափազանց շատ խելք ու իմաստութիւն տուեց եւ ծովեզրի աւագի նման՝ սրտի լայնութիւն: Սողոմոնն աւելի իմաստուն դարձաւ, քան իր նախնիների բոլոր որդիները եւ եգիպտացի իմաստունները: Նա կին առաւ փարաւոնի դստերն ու, նախքան իր պալատը կառուցելը, նրան բերեց Դաւթի քաղաքը: Նա նախ եօթը տարի կառուցեց եւ աւարտեց Տիրոջ տունն ու Երուսաղէմի շուրջանակի պարիսպը: Սողոմոն արքան լեռներում ունէր եօթանասուն հազար բեռնակիր եւ ութսուն հազար քարհատ: Սողոմոնը ծովափին պատնէշներ դրեց, մեծամեծ ջրաւազաններ կառուցեց, ինչպէս նաեւ սիւներ տնկեց, բակում շատրուաններ շինել տուեց ու պղնձէ աւազանը: Նա շինեց բարձրադիր միջնաբերդ աշտարակներով եւ Դաւթի քաղաքն անջրպետեց խրամատով: Դրանից յետոյ փարաւոնի դուստրը ելաւ Դաւթի քաղաքից եւ եկաւ իր տունը, որ Սողոմոնը շինել

Եր իր համար: Դրանից յետոյ է, որ շինուեց բարձրադիր միջնաբերդը: Սողոմոնը տարեկան երեք անգամ ողջակեզ եւ խաղաղութեան զոհեր էր մատուցում այն զոհասեղանի վրայ, որ կառուցել էր Տիրոջ համար, խունկ էր ծխում Տիրոջ առջեւ: Նա ասարտեց տան կառուցումը: Սրանք են այն իշխանները, որոնք ղեկավարում էին Սողոմոնի շինարարական գործերը... Սողոմոնի ձեռնարկած գործերի վրայ աշխատող մարդկանց հսկում էին երեք հազար վեց հարիւր գործավարներ: Նա կառուցեց Ասուրը, Մակդովը, Ազերը, Վերին Բեթորոնը եւ Բալաաթը, բայց Տիրոջ տունը եւ Երուսաղեմի շուրջանակի պարիսպը շինելուց յետոյ է, որ կառուցեց այդ քաղաքները: Դաւիթը կենդանի եղած ժամանակ պատուիրել էր Սողոմոնին՝ ասելով. Ահա քեզ մօտ է քեբրոնցի Յեմինի որդի Գերիի որդի Սեմէին: Նա ծանր անեծքներով անիծեց ինձ այն օրը, երբ գնում էի իմ բանակը: Սա Յորդանան գետի ափին ընդառաջ եկաւ ինձ, եւ ես Տիրոջ անունով երդուեցի նրան, թէ՛ Քեզ սրով չեմ սպանի: Արդ, նրան անպարտ մի՛ համարիր, քանզի դու իմաստուն մարդ ես եւ գիտես, թէ ինչ պետք է անես նրան՝ նրա ալեւոր մազերն արեամբ դժոխք իջեցնելու համար:

36. Արքան լուր ուղարկեց, կանչեց Սեմէին եւ ասաց նրան. Քեզ համար տո՛ւն շինիր Երուսաղեմում, այնտեղ ապրի՛ր եւ այնտեղից դուրս չգաս:

37. Այն օրը, որ ելնես եւ Կեդրոնի հեղեղատն անցնես, լա՛ւ իմացիր, որ կը մեռնես, եւ քո արիւնը քո գլխին կը լինի: Արքան այդ օրը երդուել տուեց նրան:

38. Սեմէին ասաց արքային. Բարի է այն, որ ասացիր, իմ տէ՛ր արքայ, քո ծառան այդպէս էլ կ'անի: Եւ Սեմէին Երուսաղեմում բնակուեց երեք տարի:

39. Երեք տարի անց Սեմէի երկու ծառաները փախան Գեթի արքայ Մաաքի որդի Անքուսի մօտ: Սեմէին յայտնեցին, թէ՛ Ահա քո երկու ծառաները Գեթում են:

40. Վեր կացաւ Սեմէին, համետեց իր էշը ու գնաց Անքուսի մօտ՝ իր ծառաներին որոնելու: Սեմէին գնաց ու իր ծառաներին բերեց Գեթից:

41. Սողոմոնին յայտնեցին, թէ Սեմէին Երուսաղեմից գնացել է Գեթ եւ վերադարձրել իր ծառաներին:

42. Արքան մարդ ուղարկելով՝ կանչեց Սեմէին եւ ասաց նրան. Չէ՞ որ քեզ երդուեցրի Տիրոջ անունով ու վկայութիւն տուեցի՝ ասելով, թէ՛ Այն օրը, որ ելնես Երուսաղեմից ու գնաս աջ կամ ձախ, լա՛ւ իմացիր, որ կը մեռնես, իսկ դու ասացիր ինձ՝ Բարի են խօսքերդ, որ լսեցի:

43. Արդ, ինչպէ՞ս է, որ չպահեցիր Տիրոջը տուած իմ երդումն ու քեզ տուած իմ պատուէրը:

44. Արքան ասաց Սեմէին. Դու ինքդ գիտես քո սրտի չարութիւնը, որ արել ես իմ հայր Դաւթի նկատմամբ:

45. Տէրը քո չարիքները քո գլխին է թափելու, իսկ Սողոմոն արքան օրհնեալ է, եւ Դաւթի աթոռը Տիրոջ առաջ թող յաւիտեան հաստատ մնայ:

46. Եւ Սողոմոն արքան հրաման տուեց Յովիդայէի որդի Բանեային, որը եկաւ ու սպանեց Սեմէին, եւ սա մեռաւ:

1. Երբ Սողոմոնի թագաւորութիւնն ամրապնդուեց, Նախքան իր տան, Տիրոջ տան ու Երուսաղէմի շուրջանակի պարսպի շինարարութեան աւարտը Նա խնամիութիւն հաստատեց Եգիպտոսի արքայ փարաւոնի հետ, կին առաւ Նրա դստերն ու բերեց Դաւթի քաղաքը:
2. Ժողովուրդը խուսկ էր ծխում բարձունքների վրայ, քանզի մինչ այդ դեռ չէր շինուել Տիրոջ անուան տունը:
3. Սողոմոնը, հնազանդուելով իր հայր Դաւթի յորդորներին, սիրեց Տիրոջը, բայց ինքն էլ էր բարձունքներում զոհեր մատուցում ու խուսկ ծխում:
4. Արքան ելաւ գնաց Գաբաւոն՝ այնտեղ զոհ մատուցելու, քանզի այդտեղ աւելի բարձր էր ու մեծ: Սողոմոնը Գաբաւոնում գտնուող այդ զոհասեղանի վրայ հազար ողջակէզ մատուցեց:
5. Տէրը Սողոմոնին երեւաց գիշերուայ քնի մէջ: Տէրն ասաց Սողոմոնին. Որեւէ բան խնդրի՜ր քեզ համար:
6. Սողոմոնն ասաց. Դու մեծ ողորմածութիւն արեցիր իմ հայր Դաւթին, եւ Նա էլ քեզ հետ, քո առջեւից ընթացաւ ճշմարտութեամբ, արդարութեամբ ու սրտի մաքրութեամբ, եւ դրա համար ցոյց տուեցիր այս մեծ ողորմածութիւնը՝ Նրա որդուն Նստեցրիր Նրա գահին, ինչպէս որ է այսօր:
7. Արդ, իմ Տէ՛ր Աստուած, դու քո ծառային դրել ես իմ հայր Դաւթի փոխարէն, իսկ ես դեռ պատանի եմ եւ չգիտեմ իմ անելիքը:
8. Քո ծառան քո ընտրած ժողովրդի մէջ է, մի ժողովուրդ, որը բազմամարդ է, անթիւ ու անհամար:
9. Իմաստութի՛ւն տուր քո ծառային, որ Նա կարողանայ արդարութեամբ լսել ու դատել քո ժողովրդին, խելամտութիւն ունենայ տարբերելու բարին ու չարը, որովհետեւ ո՞վ կարող է ղեկավարել քո այս բազմամարդ ժողովրդին:
10. Տիրոջը հաճելի եղաւ Սողոմոնի այս խնդրանքը,
11. եւ Տէրն ասաց Նրան. Քանի որ դու այդ բանը խնդրեցիր ինձնից, խնդրեցիր ոչ թէ կեանքի երկար օրեր, հարստութիւն կամ քո թշնամիների մահ, այլ խնդրեցիր խելամտութիւն՝ դատ անելու,
12. ուստի քո ասածի համաձայն եմ վարուելու. քեզ տալիս եմ իմաստուն ու հանճարեղ միտք, այնպէս որ ո՛չ քեզնից առաջ է քո նմանը եղել, եւ ո՛չ էլ քեզնից յետոյ քո նմանը կը յայտնուի:
13. Քեզ տալիս եմ Նաեւ այն, ինչ դու չխնդրեցիր՝ հարստութիւն ու փառք, այնպէս որ քո ապրած կեանքի օրերին թագաւորներից ոչ ոք չի լինելու քեզ նման:
14. Եւ եթէ ընթանաս իմ ճանապարհով, կատարես իմ հրամաններն ու պատուիրանները, ինչպէս ընթացել էր քո հայր Դաւիթը, ապա քո կեանքի օրերը կ'երկարեցնեմ:
15. Սողոմոնը զարթնեց եւ տեսաւ, որ դա երազ էր: Նա եկաւ Երուսաղէմ, կանգնեց Սիոնում գտնուող Տիրոջ ուխտի տապանակի դէմ յանդիման, զոհասեղանի առջեւ, ողջակէզներ ու խաղաղութեան զոհեր մատուցեց եւ մեծ խրախճանք սարքեց իր եւ իր բոլոր ծառաների համար:
16. Այդ ժամանակ երկու անառակ կանայք եկան ու կանգնեցին արքայի առջեւ:
17. Կանանցից մէկն ասաց. Լսի՛ր ինձ, տէ՛ր իմ, ես եւ այս կինը մի տան մէջ էինք: Ես երեխայ ունեցայ այդ տանը:
18. Այնպէս պատահեց, որ երրորդ օրն այս կինն էլ ծնեց: Մենք էինք միայն տանը, մեր երկուսից բացի ուրիշ ոչ ոք չկար տանը:
19. Գիշերը սրա որդին մեռաւ, որովհետեւ Նա իր երեխայի վրայ էր պառկել:
20. Սա գիշերուայ կեսին զարթնել է, վերցրել իմ մանկանն իմ գրկից, երբ ես՝ քո աղախինը, քնած եմ եղել, պառկեցրել է իր ծոցում, իսկ իր մեռած որդուն դրել է իմ ծոցը:
21. Առաւօտեան վեր կացայ, որ կուրծք տամ իմ որդուն, բայց տեսայ, որ մեռած է:

Ցերեկը մի լաւ դիտեցի նրան եւ տեսայ, որ դա իմ ծնած երեխան չէ:

22. Միւս կինն ասաց. Ո՛չ, մեռածը քո որդին է, իմ որդին կենդանին է: Առաջին կինն ասում էր. Ո՛չ, կենդանին իմ որդին է, իսկ քո որդին մեռածն է:

23. Այսպէս վիճեցին արքայի առջեւ: Արքան ասաց նրանց. Դու ասում ես, թէ՛ Այս կենդանին է իմ որդին, մեռածը նրա որդին է, իսկ դու ել ասում ես՝ Ո՛չ, մեռածը քո որդին է, կենդանին իմ որդին է:

24. Արքան ասաց. Սուրն ի՛նձ բերէք: Սուրը բերեցին թագաւորի մօտ:

25. Արքան ասաց. Կտրեցէ՛ք, երկու կէս արէ՛ք այս կենդանի ծծկեր մանկանը, նրա մի կէսը տուէ՛ք սրան ու միւս կէսը՝ նրան:

26. Այն կինը, որի որդին կենդանի էր, ցաւից գալարուեց իր որդու համար: Նա ասաց արքային. Լսի՛ր ինձ, տէ՛ր, կենդանի մանկանը տուէ՛ք նրան, միայն թէ մի՛ սպանէք մանկանը: Միւս կինն ասաց. Ո՛չ իմը թող լինի, ո՛չ նրանը, մեջտեղից կիսէ՛ք նրան:

27. Պատասխան տուեց արքան՝ ասելով. Նրա՛ն տուէք կենդանի մանկանը, ով ասաց, թէ՛ Դրա՛ն տուէք, միայն թէ մի՛ սպանէք երեխային: Նա է դրա մայրը:

28. Եւ ամբողջ Իսրայէլը լսելով արքայի վճռած դատաստանը՝ երկնչեց արքայից, քանզի տեսաւ, որ նրա մէջ դատաստան վարելու Աստծու իմաստնութիւնը կար:

#### Գլուխ 4

1. Սողոմոն արքան թագաւորում էր Իսրայելի վրայ,
2. ու սրանք էին նրա իշխանները. Սադոկի որդի Ազարիան՝ քահանայ,
3. Սիսայի որդիներ Ելիարեփն ու Աքիան՝ քարտուղարներ, Աքիլիդի որդի Յոսափատը՝ դիւանապետ,
4. Յովիդայի որդի Բանեան՝ սպարապետ, Սադոկն ու Աբիաթարը՝ քահանաներ,
5. Նաթանի որդի Ազարիան՝ գործավարների վերակացու, Նաթանի որդի Չաբուբը՝ քահանայ եւ արքայի բարեկամ,
6. Աքիսարը՝ տան վերակացու, Ելիակը՝ հազարապետ, Սափի որդի Ելիափը՝ իշխան, եւ Աբդոկի որդի Ադոնիրամը՝ հարկերի վերատեսուչ:
7. Սողոմոնն ամբողջ Իսրայելում ուներ տասներկու գործակալներ, որոնցից ամեն մէկը տարուայ մէջ մէկ ամիս ուտեստեղէն էր մատակարարում արքային ու նրա ընտանիքին:
8. Ահա նրանց անունները. Օրի որդի Բէինը՝ Եփրեմի լեռան վրայ,
9. Դակարի մի որդին՝ Մաքմասում, Սալաբիմում, Բեթսամիւսում ու Այիլումում մինչեւ Բեթանան,
10. Եսդի որդին՝ Արաբոթում: Սրան էին պատկանում Սոքոմն ու ամբողջ Օփերի երկիրը:
11. Ամինադաբի որդին՝ ամբողջ Նեփադորում: Սողոմոնի դուստր Տափաթը սրա կինն էր:
12. Այելոթի որդի Բաանան՝ Թանաքում, Մաքդովում եւ Սանի ամբողջ տանը, որը Ելսարթանի մօտ է, Եզրայելից ներքեւ, եւ տարածւում է Բեթսանից մինչեւ Աբելմաուլա եւ Մամբրալա:
13. Գարերի որդի Եկմաալը՝ Ռամոթ Գադաադում: Սրան էին պատկանում Մանասէի որդի Յայիրի անանները Գադաադում, Երզաբի գաւառը Բասանում, վաթսուն մեծամեծ պարսպապատ, պղնձե նիզերով ամրացուած քաղաքներ:
14. Ադդոկի որդի Այինադաբը՝ Մայենեմում,
15. Աքիմասը՝ Նեփթաղիմում: Սա Սողոմոնի դուստր Մասեմաթին կնութեան էր առել:
16. Զուսիի որդի Բաանասը՝ Ասերում եւ Բաալթթում:
17. Փարուայի որդի Յոսափատը՝ Իսաքարում:
18. Ելի որդի Սեմէին՝ Բենիամինում:
19. Ադայի որդի Գաբերը՝ Գադաադի երկրում, ամորիացիների թագաւոր Սեհունի ու Բասանի թագաւոր Օգի երկրում: Նաբիփը՝ Յուդայի երկրում:
20. Իսրայելը ծովեզերքի աւազի չափ շատ բնակիչներ ուներ, որոնք ուտում էին, խմում եւ ուրախանում:
21. Սողոմոնը տիրում էր թագաւորութիւններին այլազգիների գետի երկրից մինչեւ Եգիպտոսի սահմանները: Բերում էին ընծաներ ու ծառայեցին նրան մինչեւ նրա կեանքի վերջը:
22. Սողոմոնն օրական սպառում էր երեսուն քոռ ընտիր ալիւր, քառասուն քոռ ալիւր,
23. տասն ընտիր եզներ, արօտավայրում կերակրուած քսան կով եւ հարիւր ոչխար, չհաշուած եղջերուները, այծեամներն ու տեսակ-տեսակ ընտիր պարարտ թռչուններ
24. քանզի նա իշխում էր գետից այս կողմ գտնուող բոլոր երկրների վրայ՝ Թափսայից մինչեւ Գազա, գետի այս կողմում եղած բոլոր թագաւորութիւնների վրայ: Խաղաղութիւն էր տիրում նրա երկրում ու շրջակայ բոլոր կողմերում:
25. Սողոմոնի իշխանութեան օրօք Յուդայի երկրում եւ Իսրայելում, Դանից մինչեւ Բերսաբէ, մարդիկ իրենց որթատունկերի ու թզենիների տակ ապահով կեանք էին վարում, ուտում ու խմում:
26. Սողոմոնն ուներ քառասուն հազար մատակ լծկան ձիեր եւ տասներկու հազար երիվարներ:
27. Գործակալները Սողոմոն արքային ամեն ամիս պարէն էին մատակարարում, արքայի սեղանից ոչ մի բան չէր պակասում:
28. Որտեղ որ գտնուում էր արքան, ըստ իւրաքանչիւրի վրայ դրուած հարկի, այնտեղ էին



քերում նաեւ գարի ու յարդ նժոյգների եւ լծկան ձիերի համար:

29. Տերը Սողոմոնին տուեց ընդունակութիւն, շատ խոր իմաստնութիւն, ծովեզերքի ակազի չափ լայնախոհ սիրտ:

30. Սողոմոնի իմաստնութիւնը շատ ակելի խորն էր, քան բոլոր նախորդ մարդկանց ու եգիպտոսի իմաստունների հանճարը:

31. Նա բոլոր մարդկանցից առաւել իմաստուն դարձաւ, ակելի իմաստուն, քան զարաացի Գեթանը, Եմանը եւ Մաւուլի որդիներ Քալքալն ու Դարդանը: Նրա համբաւը տարածուել էր շրջակայ բոլոր ազգերի մէջ:

32. Սողոմոնը երեք հազար առակ է գրել, իսկ նրա օրհներգութիւնների թիւը հինգ հազար է:

33. Նա խօսել է ծառերի մասին՝ Լիբանանի մայրիկից մինչեւ պատն ի վեր մագլցող զոպան, պատմել է անասունների, թռչունների ու ձկների մասին:

34. Բոլոր կողմերից, նրա իմաստնութեան համբաւը լսած երկրի բոլոր թագաւորների մօտից մարդիկ գալիս էին լսելու Սողոմոնի իմաստնութիւնը:

1. Տիւրոսի Քիրամ արքան իր ծառաներին ուղարկեց Սողոմոնի մօտ, որովհետեւ լսել էր, թէ նրան թագաւոր են օծել իր հայր Դաւթի փոխարէն. Քիրամը միշտ սիրել էր Դաւթին:
2. Սողոմոնը լուր ուղարկեց Քիրամին՝ ասելով.
3. Դու ինքդ գիտես, որ իմ հայր Դաւիթը շրջակայ երկրների պարտադրած պատերազմների պատճառով չկարողացաւ իմ Տէր Աստծու անուան տունը շինել, մինչեւ որ Տէրը թշնամիներին հնազանդեցրեց նրա ոտքերի առաջ:
4. Արդ, իմ Տէր Աստուածն ինձ հանգիստ է տուել, եւ շրջապատում չկայ ո՛չ դաւադիր, ո՛չ չար պատահար:
5. Ես որոշել եմ իմ Տէր Աստծու անուան տունը շինել, ինչպէս Տէր Աստուածը պատուիրել է իմ հայր Դաւթին՝ ասելով. Իմ անուան տունը շինելու է քո որդին, որին ես նստեցնելու եմ քո աթոռին քո փոխարէն:
6. Արդ, հրաման տուր, որ ինձ համար Լիբանանից փայտ կտրեն, եւ իմ ստրուկների հետ լինեն նաեւ քո ստրուկները: Ես քեզ կը տամ քո ստրուկների վարձատրութիւնն այնքան, որքան դու կ'ասես, որովհետեւ դու ինքդ գիտես, որ մենք չունենք մի մարդ, որ գիտենայ սիդոնացիների նման փայտ կտրել:
7. Երբ Քիրամը լսեց Սողոմոնի խօսքերը, շատ ուրախանալով՝ ասաց. Օրհնեալ է այսօր Տէր Աստուածը, որ Դաւթին իմաստուն որդի է տուել, որպէսզի նա ղեկավարի մի բազմամարդ ժողովուրդ:
8. Քիրամը Սողոմոնին լուր ուղարկեց՝ ասելով. Իմացայ այն ամէն, ինչ ինձ յայտնեցին քո ուղարկած մարդիկ: Ես կը կատարեմ քո ամբողջ կամքը.
9. իմ ստրուկները Լիբանանից եղեւնափայտ ու մայրի կ'իջեցնեն ծով, ես դրանցից լաստեր կը պատրաստեմ ծովի վրայ, դրանք բերել կը տամ մինչեւ այն տեղը, որ դու ինձ ցոյց կը տաս, ես ծովափ կը հանեմ դրանք, եւ դու կը վերցնես: Դրա փոխարէն դու կը կատարես իմ կամքը. հաց կը մատակարարես իմ տանը:
10. Քիրամը Սողոմոնին եղեւնափայտ ու մայրի էր տալիս այնքան, ինչքան նա ուզում էր,
11. իսկ Սողոմոնը Քիրամին տալիս էր քսան հազար քոռ ցորեն ու քսան հազար սափոր գտուած ձիթաիւղ, որ Սողոմոնն ամէն տարի ուղարկում էր Քիրամին:
12. Տէրը Սողոմոնին իմաստնութիւն տուեց, ինչպէս խոստացել էր նրան, խաղաղութիւն հաստատուեց Քիրամի ու Սողոմոնի միջեւ, եւ նրանք իրար հետ դաշինք կնքեցին:
13. Սողոմոնը գլխաահարկ դրեց ամբողջ Իսրայէլում: Հարկ էր դրուած երեսուն հազար մարդու վրայ,
14. որոնցից տասը հազարին ամէն ամիս ուղարկում էր Լիբանան: Սրանք մէկ ամիս մնում էին Լիբանանում եւ երկու ամիս՝ իրենց տներում: Այդ գլխահարկի վերակացու էր Ադոնիրամը:
15. Սողոմոնը լեռներում ուներ եօթանասուն հազար բեռնակիր եւ ութսուն հազար քարհատ,
16. բացի երեք հազար հինգ հարիւր գործակալ ղեկավարներից, որ Սողոմոնը նշանակել էր գործաւորների վրայ:
17. Արքայի հրամանով տան հիմքի համար բերեցին մեծ ու ընտիր ապառաժ քարեր, անտաշ քարեր:
18. Սողոմոնի մարդիկ, Քիրամի մարդիկ ու Բիբլոսի բնակիչները տաշեցին, երեք տարի փայտ ու քար պատրաստեցին Աստծու տան շինութեան համար:

1. Իսրայելացիների՝ Եգիպտոսից դուրս գալու չորս հարիւր քառասուններորդ տարում եւ Սողոմոն արքայի՝ Իսրայելի վրայ թագաւորելու չորրորդ տարուայ երկրորդ ամսում Սողոմոնն սկսեց կառուցել Տիրոջ տունը:
2. Սողոմոն արքայի՝ Տիրոջ համար շինած տան երկարութիւնն էր վաթսուն կանգուն, լայնութիւնը՝ քսան կանգուն, բարձրութիւնը՝ քսան կանգուն:
3. Տան առջեւի կամարակապ բակի երկարութիւնը քսան կանգուն էր՝ ինչքան տան բարձրութիւնն էր, իսկ տան ճակատի կողմի լայնութիւնը՝ տասը կանգուն: Նա կառուցեց-ամբողջացրեց տունը:
4. Տունն ուներ գաղտնի դիտելու պատուհաններ:
5. Նա տան պատից դուրս, տան պատերի երկայնքով, տաճարի ու սրբարանի շուրջը պատուար շինեց, չորս կողմը սենեակներ կառուցեց:
6. Ներքին յարկը հինգ կանգուն լայնութիւն ուներ, միջինը՝ վեց կանգուն լայնութիւն, իսկ երրորդը՝ եօթը կանգուն լայնութիւն, որպէսզի տան շուրջը արտաքուստ ազատ տեղ ունենալով՝ տան պատերը չվնասուեն:
7. Տունը շինուեց ապառաժ ու անմշակ քարերով, եւ մուրճի կամ երկաթէ որեւէ գործիքի ձայն չլսուեց դրա շինութեան ժամանակ:
8. Ներքին յարկի գաւթի դուռը տան աջ կողմում էր. այստեղից ոլորապտոյտ սանդուղքներով ելնում էին միջին յարկը, իսկ միջինից՝ երրորդը:
9. Տունը կառուցեց-վերջացրեց, տունը երեսապատեց միմեանց շաղկապուած տախտակներով ու քանդակազարդ եղեւնափայտով:
10. Ամբողջ տան շուրջը վերնախարիսխ շինեց հինգ կանգուն բարձրութեամբ եւ վերնախարիսխը պատեց եղեւնափայտով:
11. Տերը խօսքն ուղղելով Սողոմոնին՝ ասաց.
12. Ահա տուն ես շինում: Եթէ ըստ իմ հրամանների ընթանաս, իմ օրէնքներն ի գործ դնես, պահես իմ բոլոր պատուիրաններն ու դրանցով առաջնորդուես, ապա կը կատարեմ քո նկատմամբ այն խոստումը, որ տուել էի քո հօրը՝ Դաւթին.
13. Կը բնակուեմ Իսրայելի ժողովրդի մէջ եւ չեմ լքի իմ իսրայելացի ժողովրդին:
14. Սողոմոնը կառուցեց-աւարտեց տունը:
15. Տան պատերը ներսից երեսապատեց եղեւնափայտով. տան յատակից մինչեւ պատերն ու գերանները ներսից շուրջանակի փայտով երեսապատեց: Տան ներքին մասը դրուագեց մայրի փայտով,
16. տան յետեւում քսան կանգուն երկարութեամբ մի պատ շինեց, ներսում յատակից մինչեւ գերանները երեսապատեց փայտով ու այն վերածեց սրբարանի, որպէսզի այնտեղ պահուի սրբութիւնների սրբութիւնը:
17. Տունը՝ ներքին տաճարը, քառասուն կանգուն էր:
18. Տան ներսից կամարները, վերնախարիսխները երեսապատեց քանդակազարդ եղեւնափայտով: Ամեն ինչ եղեւնափայտով էր ծածկուած այնպէս, որ քար չէր երեւում:
19. Սրբարանը տան մէջ էր, ներսում: Այն շինուել էր, որպէսզի այնտեղ դրուի Տիրոջ ուխտի տապանակը:
20. Սրբարանը քսան կանգուն երկարութիւն, քսան կանգուն լայնութիւն եւ քսան կանգուն բարձրութիւն ուներ: Այն դրուագել տուեց մաքուր ոսկով:
21. Սողոմոնը եղեւնափայտէ զոհասեղան պատրաստեց: Նա տունը ներքուստ մաքուր ոսկով պատեց եւ սրբարանի դիմացը վարագոյր քաշեց ոսկէ շղթաներով:
22. Նա ամբողջ տունը ոսկով պատեց: Սրբարանի ամբողջ ներքնամասը երեսապատեց ոսկէ թիթեղներով:
23. Սրբարանի ներսում դրեց լոճու փայտից պատրաստուած երկու քերովբէներ: Մէկի բարձրութիւնը տասը կանգուն էր:
24. Նրա մի թելը հինգ կանգուն էր, միւսը թելը՝ նոյնպէս հինգ կանգուն. մի թելի ծայրից միւս թելի ծայրը տասը կանգուն էր:

25. Երկրորդ քերովբէն նոյն չափն ու նոյն ձեւն ունէր:
26. Մի քերովբէի բարձրութիւնը տասը կանգուն էր, նոյնը եւ՝ երկրորդ քերովբէինը:
27. Երկու քերովբէները դրեց ներսի սենեակում եւ նրանց թելերը տարածեց. մի քերովբէի մէկ թելը հասնում էր մի պատին, իսկ երկրորդ քերովբէի մէկ թելը՝ միւս պատին: Նրանց միւս թելերը սենեակում գալիս միանում էին իրար:
28. Նա քերովբէները ոսկով պատեց:
29. Տան բոլոր պատերի վրայ ներսից ու դրսից շուրջանակի քանդակեց, փորագրեց քերովբէներ, արմաւենիներ ու բարձրաքանդակներ:
30. Նա տան ներքին ու արտաքին յատակը ոսկով երեսապատեց:
31. Նա սրբարանի մուտքի դուռը շինեց գիհի փայտից: Դուռը պատի մէկ հինգերորդ մասն էր կազմում:
32. Իւղաթաթախ փայտից շինուած երկու փեղկերի վրայ քերովբէներ, արմաւենիներ փորագրեց եւ դրանք ոսկով երեսապատեց. ոսկին ծածկում էր քերովբէներն ու արմաւենիները:
33. Տաճարի մուտքի դռան դրանդիկները նոյնպէս գիհի քառակուսի փայտերից էին:
34. Երկու դռները մայրի փայտից էին, ամէն մի դուռը երկփեղկ էր, իսկ փեղկերը բացւում-փակւում էին ծխնիներով:
35. Երկրորդ դռան վրայ ոսկով դրուագուած էին քերովբէներ, արմաւենիներ, եւ այդ դրուագները պատուած էին ոսկով, որ իջնում էր յօրինուածքի վրայ:
36. Նա ներքին սրահը շինեց երեք շարք անտաշ քարով եւ պարիսպ կառուցեց եղեւնափայտով:
37. Տիրոջ տան հիմքը դրուեց Սողոմոնի թագաւորութեան չորրորդ տարուայ 2ի ամսին,
38. եւ տասնմէկերորդ տարուայ Բուլ ամսին, այսինքն՝ ութերորդ ամսին տոունս աւարտուեց իրեն անհրաժեշտ ամէն ինչով ու ամէն յօրինուածքով: Սողոմոնը տաճարը կառուցեց եօթը տարում:

1. Սողոմոնն իր տունը տասներեք տարի կառուցեց եւ ամբողջովին ավարտեց այն:
2. Տունը շինեց Լիբանանի անտառի փայտով: Տունն ուներ հարիւր կանգուն երկարութիւն, յիսուն կանգուն լայնութիւն եւ երեսուն կանգուն բարձրութիւն. այն կառուցուել էր երեք շարք եղեւնափայտ սիւներով, որոնց վրայ դրուած էին եղեւնափայտե հեծաններ:
3. Նաեւ կառուցեց մի յարկ սիւների վրայ: Կառոյցը քառասունհինգ սիւն ուներ. ամեն մի շարքի վրայ տասնհինգ սիւն:
4. Երեք պատուարներն ու երեք միջնորմները կանգնած էին իրար դէմ առ դէմ:
5. Բոլոր դռներն ու միջնորմները քառակուսի էին, պատուարով: Դռները երեք շարքով իրար դիմաց էին:
6. Նա յիսուն կանգուն երկարութեամբ ու երեսուն կանգուն լայնութեամբ սիւնազարդ կամարակապ դահլիճ կառուցեց: Իրար միացուած կամարները տեղաւորուած էին միմեանց դիմաց, իսկ սիւներն ու խարիսխները դրուած էին կամարների դիմաց:
7. Նա կառուցեց նաեւ կամարակապ գահասրահ եւ դատաստան էր անում այդ կամարակապ ատեանում: Այդ յարկը յատակից մինչեւ ձեղուն երեսապատուած էր եղեւնափայտով:
8. Նրա տան մէջ, ուր բնակւում էր, կար նոյն ձեւով կառուցուած կամարակապ մի սրահ: Փարաւոնի դստեր համար, որը Սողոմոնի կինն էր, նոյն ձեւով կամարակապ սրահ պատրաստեց:
9. Ամեն ինչ շինուած էր ընտիր քարերից. անտաշ քարերը հիմքից մինչեւ առաստաղ ներսից ու դրսից իրար էին ագուցուած ըստ իրենց չափերի:
10. Մեծ սրահի պատի հիմքը նա կառուցել էր մեծ-մեծ քարերով, որոնք ունէին տասը եւ ութ կանգուն երկարութիւն,
11. իսկ վերեւի մասը կառուցել էր նոյն չափի անտաշ ու ընտիր քարերով: Պատերը երեսապատուած էին եղեւնափայտով:
12. Մեծ սրահը շուրջանակի երեք կարգ անտաշ քարերից էր եւ երեսապատուած եղեւնափայտով: Տիրոջ տան սրահը՝ Տիրոջ տան ներքին կամարակապ սրահը շինուած էր տաճարի դիմաց:
13. Սողոմոն արքան մարդ ուղարկեց ու Քիրամ անունով մի մարդու բերել տուեց Տիրոսից:
14. Սա Նեփթաղիմի ցեղից մի այրի կնոջ որդի էր: Նրա հայրը տիւրոսցի էր, պղնձի վարպետ եւ ամեն տեսակ պղնձի գործերի մէջ մեծ հմտութիւն, վարպետութիւն ու գիտելիքներ ուներ: Նա եկաւ Սողոմոն արքայի մօտ ու նրա բոլոր գործերը կատարեց.
15. պատրաստեց տան կամարակապ սրահի երկու ձուլածոյ սիւները՝ ամեն մի սիւնի բարձրութիւնը տասնութ կանգուն, իսկ սիւների շուրջը կապեց մի գօտի, որի լայնութիւնը տասնչորս կանգուն էր եւ չորս մատ լայնութեամբ ակօսներ ուներ: Նոյն ձեւով կերտեց նաեւ երկրորդ սիւնը:
16. Նա երկու խոյակ պատրաստեց, որոնք պետք է դրուէին պղնձածոյ սիւների վրայ, նրանց գլխին: Մի խոյակի բարձրութիւնը հինգ կանգուն էր, երկրորդ խոյակի բարձրութիւնը նոյնպէս հինգ կանգուն էր:
17. Նա պատրաստեց վանդակակերպ երկու ցանց խոյակը ծածկելու համար:
18. Վանդակակերպ երկու ցանց էլ պատրաստեց երկրորդ խոյակը զարդարանքով ծածկելու համար: Նա երկու սիւների համար պատրաստեց նոնաձեւ զարդեր, որպէսզի դրանք շարք-շարք կախն վանդակացանցի վրայ:
19. Սիւնի գլխին գտնուող երկրորդ խոյակի վրայ, կամարի մօտ դրեց մի պսակ, որն ուներ չորս կանգուն երկարութիւն, եւ վրան շուշաններ էին քանդակուած:
20. Երկու սիւների խոյակների վերեւից դրեց պսակներ, իսկ երկրորդ խոյակի շուրջը՝ կարգով շարուած երկու հարիւր նոնաձեւ զարդեր:
21. Նա սիւներ կանգնեցրեց տաճարի սրահում: Մի սիւն կանգնեցրեց ու այն անուանեց

Յաքում. երկրորդ սիւնը կանգնեցրեց ու անունը դրեց Բոոզ:

22. Սիւների գլխին շուշանաձեւ զարդեր քանդակեց: Այսպիսով աւարտուեցին սիւների հետ կապուած աշխատանքները:

23. Նա պատրաստեց նաեւ մի ծուլածոյ աւազան, որի երկարութիւնը մի ծայրից մինչեւ միւս ծայրը տասը կանգուն էր: Այն կլոր էր: Դրա բարձրութիւնը հինգ կանգուն էր, իսկ երեսուներեք կանգուն երկարութիւն ունեցող դրա շուրջբոլորը փոսեր կային:

24. Դրա եզրերից ներքեւ տասը կանգուն շուրջանակի յենարաններ կային, եւ երկու շարք մոյթեր ծուլուած-ամրացուած էին դրա շուրջը:

25. Զուլածոյ աւազանը դրուած էր տասներկու եզների վրայ. երեքը դեպի հիւսիս էին նայում, երեքը՝ դեպի ծով, երեքը՝ դեպի հարաւ, երեքը՝ դեպի արեւելք: Աւազանը դրանց վրայ էր ամրացուած: Բոլոր եզների գաւակները դեպի ներս էին ուղղուած:

26. Աւազանի պղնձի հաստութիւնը մի թիգ էր. դրա շուրթը բաժակի շուրթի նման էր. դրա վրայ ծաղկած շուշան էր քանդակուած: Աւազանը մօտաւորապէս երկու հազար մար էր տանում:

27. Նա պղնձէ տասը պատուանդաններ շինեց. մէկ պատուանդանի երկարութիւնը հինգ կանգուն էր, լայնութիւնը՝ չորս կանգուն, բարձրութիւնը՝ վեց կանգուն:

28. Պատուանդաններն այսպիսի կառուցուածք ունէին. փոսիկները յաջորդում էին միմեանց, եւ դրանց միջեւ ելուստներ կային:

29. Ելուստների միջեւ գտնուող փոսիկների վրայ պատկերուած էին առիւծներ, եզներ ու քերովքէներ, իսկ փոսիկների վրայ պատկերուած առիւծներից եւ եզներից վերեւ ու ներքեւ զարդեր էին կախուած:

30. Ամեն մի պատուանդան պղնձէ չորս անիւ ու պղնձէ սռնի ուներ, եւ չորս անկիւններին, աւազանի տակ, մարդու ուսի նմանութիւն ունեցող ծուլածոյ ելուստներ կային:

31. Դրա բերանը ներքին խոյակից մինչեւ վեր մէկ կանգուն էր. այդ բերանը խարսխի պէս կլոր էր ու մէկուկէս կանգուն լայնութիւն ուներ: Դրա բերանի վրայ ոչ թէ կլոր, այլ քառակուսի քանդակներ կային:

32. Սռնիով իրար միացուած չորս անիւներն ամրացուած էին աւազանի տակից, իսկ անիւներն էլ ամրացուած էին պատուանդանին: Ամեն մի անուի բարձրութիւնը մէկուկէս կանգուն էր:

33. Անիւները սարքուած էին կառքի անիւների նման. դրանց սռնիները, շրջանակները, ճաղերը եւ ամեն ինչը ծուլածոյ էին:

34. Ամեն մի պատուանդանի չորս անկիւններն ունէին չորս ելուստներ, եւ ելուստները պարանոցի հետ միաձոյլ էին:

35. Պատուանդանի վերելում կէս կանգուն բարձրութեամբ կար բոլորակ մի պսակ, եւ պատուանդանի գլխի վերելում գտնուող դրա բռնակներն ու խորշերը պատուանդանի հետ միաձոյլ էին:

36. Դրա բռնակների ու խորշերի վրայ քանդակեց ներսի կողմից շուրջանակի միմեանց դիմաց կանգնած քերովքէներ, առիւծներ ու արմաւենիներ:

37. Այս նոյն օրինակով սարքեց բոլոր տասը պատուանդանները. բոլորը նոյն ձեւը, նոյն չափն ու նոյն զարդերն ունէին:

38. Նա պղնձէ տասը տաշտեր պատրաստեց. ամեն մի տաշտ քառասուն սափոր էր տանում եւ չորս կանգուն բարձրութիւն ուներ: Ամեն մի տաշտ դրուեց այդ տասը պատուանդաններից մէկի վրայ:

39. Ուսի վրայ ամրացուած հինգ պատուանդանները տեղադրեց տան աջ կողմում, միւս հինգը՝ տան ձախ կողմում, իսկ աւազանը տեղադրեց տան աջ կողմում՝ դեպի հարաւ-արեւելք:

40. Զիրամը շինեց կաթսաներ, երեսին տաք ջուր ցանելու անօթներ ու կոնքեր: Զիրամն աւարտեց բոլոր այն գործերը, որ արել էր Տիրոջ համար Սողոմոն արքայի տունը կառուցելիս. դրանք են՝

41. երկու սիւն ու սիւների շուրջանակի քանդակազարդ խոյակներ, երկու ցանց,

որոնցով պետք է ծածկելին սիւների շուրջանակի քանդակուած երկու խոյակները,  
 42. երկու ցանցերի չորս հարիւր նռնաձեւ զարդերը, երկու շարք նռնաձեւ քանդակներ  
 ամեն մի վանդակին, որոնցով պետք է ծածկելին սիւների շուրջանակի քանդակուած  
 երկու խոյակները:  
 43. Նաեւ տասը պատուանդաններ ու պատուանդանների վրայ դրուած տասը  
 տաշտեր,  
 44. մէկ աւազան ու աւազանի տակ ամրացուած տասներկու պղնձաձոյլ եգներ,  
 45. կաթսաներ, երեսին տաք ջուր ցանելու անօթներ, կոնքեր եւ ամբողջ կահկարասին,  
 որ Քիրամն արել էր Տիրոջ համար Սողոմոն արքայի տունը կառուցելիս: Արքայի տան ու  
 Տիրոջ տան քառասունութ սիւներն ու արքայի պղնձի ամբողջ գործերը պատրաստեց  
 Քիրամը: Իսկ թէ որքան պղինձ օգտագործեց այդ ամբողջ գործերն անելու համար,  
 հնարաւոր չէ ասել, քանի որ դրանց չափ ու սահման չկար: Անգամ հնարաւոր չէ ասել,  
 թէ որքան փայլուն պղինձ օգտագործուեց:  
 46. Արքան դրանք ձուլել էր տուել կաւային թանձր հողի մէջ, Սոկքոթի ու Սիրարթամի  
 միջեւ ընկած Յորդանան գետի ափին:  
 47. Սողոմոն արքան այդպէս տեղում թողեց ամբողջ այդ իրերը, քանզի թուով  
 չափազանց շատ էին դրանք, եւ օգտագործուած պղնձին չափ ու սահման չկար:  
 48. Սողոմոն արքան պատրաստել տուեց Տիրոջ տան ամբողջ սպասքը, ոսկէ զոհարանն  
 ու ոսկէ սեղանը, որի վրայ մատուցուում էր նուիրաբերման հացը,  
 49. մաքուր ոսկուց պատրաստուած աշտանակները, որոնցից հինգը դրուած էր  
 սրբարանի դիմաց՝ աջ կողմում, եւ հինգը՝ ձախ կողմում, ոսկէ մոմակալները,  
 ճրագակալները, մոմ կտրելու մկրատները, նաեւ դրանդիկները, լծակները, տաշտերը,  
 ափսէներն ու տուփերը մաքուր ոսկուց:  
 50. Ոսկուց էին ներքնատան՝ սրբութիւնների սրբութեան դռներն ու տաճարի տան  
 դռները:  
 51. Այսպիսով աւարտուեցին Տիրոջ տունը կառուցելու համար Սողոմոն արքայի  
 ձեռնարկած բոլոր գործերը: Եւ Սողոմոն արքան տարաւ իր հայր Դաւթի նուէրները եւ  
 իր՝ Սողոմոնի բոլոր նուէրները՝ արծաթը, ոսկին ու սպասքը, եւ ի պահ դրեց Տիրոջ տան  
 գանձարանում:

1. Այն ժամանակ Սողոմոն արքան Իսրայելի բոլոր ծերերին՝ ցեղերի բոլոր բարձրաստիճան գլխավորներով եւ իսրայելացիների նահապետներով հանդերձ կանչեց իր մօտ, Սիոն, որպէսզի Տիրոջ ուխտի տապանակը հանեն Դաւթի քաղաքից, այսինքն՝ Սիոնից:
2. Իսրայելի բոլոր տղամարդիկ Սողոմոն արքայի մօտ հաւաքուեցին Անթանիամ ամսին, տօնին, այսինքն՝ եօթներորդ ամսին:
3. Եկան Իսրայելի բոլոր ծերերը, եւ քահանաները վերցնելով դուրս բերեցին Տիրոջ տապանակը,
4. վկայութեան խորանն ու վկայութեան խորանի մէջ եղած ամբողջ սուրբ սպասքը: Այն վերցրին քահանաներն ու ղեւտացիները:
5. Սողոմոն արքան ու նրա մօտ հաւաքուած Իսրայելի ամբողջ ժողովուրդը նրա հետ տապանակի առջեւից գնալով՝ անթիւ ու անհամար արջառ ու ոչխար էին զոհաբերում:
6. Քահանաները Տիրոջ ուխտի տապանակը ներս տարան, իր տեղը՝ սրբութիւնների սրբութեան տան սրբարանը, եւ տեղադրեցին քերովբէների թելերի ներքոյ:
7. Քերովբէները թելերը տարածել էին տապանակի վրայ, եւ նրանք վերեւից ծածկում էին դրա սրբութիւնները:
8. Լծակներն այնպէս էին տեղաւորել, որ դրանց գլուխները սրբարանի դիմաց երեւում էին սրբութիւններից, բայց դրսից չէին երեւում: Դրանք այնտեղ են մնում մինչեւ այսօր:
9. Տապանակի մէջ ոչինչ չկար, բացի քարէ երկու տախտակներից՝ ուխտի տախտակներից: Դրանք այնտեղ դրել էր Մովսէսը Քորէբում, երբ Տէրն ուխտ էր արել իսրայելացիների հետ Եգիպտոսից նրանց դուրս գալու ժամանակ:
10. Երբ քահանաները ելան սրբարանից, ամպ լցուեց Տիրոջ տունը,
11. եւ քահանաներն ամպի պատճառով չէին կարողանում սպասաւորութիւն անել, քանզի Տիրոջ փառքը լցրել էր տունը:
12. Այդ ժամանակ Սողոմոնն ասաց. Տէրն ասել է՝ Ես հովանի պիտի լինեմ մէզ ու մշուշով:
13. Ես քեզ համար բնակութեան տուն չիւնեցի, որ քո աթոռը հաստատ լինի յաւիտեան:
14. Արքան երեսը դարձրեց ու օրհնեց Իսրայելի ամբողջ ժողովրդին. եւ Իսրայելի ամբողջ ժողովուրդը կանգնած էր:
15. Նա ասաց. Օրհնեալ լինի Իսրայելի Տէր Աստուածն այսօր, որն իր բերանով խօսեց իմ հայր Դաւթի մասին եւ իր ձեռքով կատարեց իր խոստումը՝
16. ասելով. Այն օրից, որ իմ ժողովրդին՝ Իսրայելին Եգիպտոսից դուրս բերեցի, Իսրայելի ցեղերին պատկանող ոչ մի վայր չընտրեցի տուն շինելու համար, որ իմ անուամբ լինի, այլ ընտրեցի Դաւթին, որ իսրայելի իմ ժողովրդին ղեկավարի:
17. Իմ հայր Դաւթի մտքում եղել էր Իսրայելի Տէր Աստծու անուանով տուն շինելու նպատակը,
18. եւ Տէրն ասել էր իմ հայր Դաւթին. Քանի որ մտքումդ դրել ես իմ անունով տուն շինել, լաւ ես արել, որ այն դրել ես մտքումդ,
19. բայց դո՛ւ չես շինելու տունը, այլ՝ քո որդին, որ սերունդն է քեզից, նա է շինելու իմ անուանով տունը:
20. Եւ Տէրը կատարեց իր ասած խօսքը, ու ես փոխարինեցի իմ հօրը՝ Դաւթին, նստեցի Իսրայելի աթոռին, ինչպէս ասել էր Տէրը, եւ Իսրայելի Տէր Աստծու անունով տուն շինեցի,
21. այնտեղ տապանակի համար տեղ պատրաստեցի, ուր դրուած է Տիրոջ ուխտը, որ նա ուխտել էր մեր հայրերի հետ, երբ նրանց դուրս բերեց Եգիպտացիների երկրից:
22. Սողոմոնը ամբողջ Իսրայելի ժողովրդի ներկայութեամբ կանգնեց Տիրոջ զոհասեղանի առջեւ, ձեռքերը երկինք տարածեց
23. եւ ասաց. Տէ՛ր Աստուած Իսրայելի, չկայ քեզ նման Աստուած վերելում երկնքում, ու ներքեւում երկրի վրայ. դու պահում ես ուխտը եւ ողորմածութիւն ցուցաբերում քո ծառայի նկատմամբ, որը սրտանց գնում է քո առջեւից:



24. Դու պահեցիր քո ծառային՝ իմ հայր Դավթին տուած խոստումդ. ինչ որ քո բերանով ասել էիր, քո ձեռքով էլ կատարեցիր, ինչպես այսօր:
25. Արդ, Տէ՛ր Աստուած Իսրայելի, կատարի՛ր քո Դավթ ծառային՝ իմ հօրը տուած քո այն խոստումը, թէ՛ Մարդ չի պակասելու Իսրայելի գահի վրայից, միայն թէ քո որդիները հաստատ հետեւեն իրենց ճանապարհին՝ ընթանալով իմ առջեւից, ինչպես դու ես ընթանում իմ առջեւից:
26. Արդ, Տէ՛ր Աստուած Իսրայելի, թող իրագործուեն քեզ ծառայ իմ հայր Դավթին ասած քո խօսքերը:
27. Մի՞թէ Աստուած բնակուելու է մարդկանց հետ երկրի վրայ: Եթէ երկինքն ու երկնքի անսահմանությունները քեզ բաւական չեն, ապա ինչպե՞ս կարող է բաւականացնել իմ շինած այս տունը:
28. Արդ, լսի՛ր քո ծառայի աղօթքներն ու իմ խնդրանքները, Տէ՛ր Աստուած Իսրայելի, լսի՛ր քո ծառայի պաղատագին աղօթքները, որ նա քո առջեւ մատուցում է քեզ:
29. Քո աչքերը գիշեր-ցերեկ թող բաց լինեն այն տեղի վրայ, որի համար ասացիր, թէ քո անունն այնտեղ պետք է լինի. լսի՛ր այն աղերսանքը, որ քո ծառան գիշեր-ցերեկ առաքում է քեզ այստեղ:
30. Լսի՛ր քո ծառայի ու Իսրայելի քո ժողովրդի ձայնը, որոնք աղօթքի են կանգնել այստեղ. լսի՛ր քո բնակութեան վայրում երկնքում,
31. ու ների՛ր նրան, ով կը մեղանչի իր մերձաւորի դէմ: Եթէ մէկը մի մարդու անիծելով մեղք գործելուց յետոյ գայ ու այս տանը, քո զոհասեղանի առաջ զոջայ,
32. ապա լսի՛ր նրան երկնքում ու քաւութի՛նն արա նրան: Դատի՛ր Իսրայելի քո ժողովրդին, դատապարտի՛ր անօրէնին ու նրանից պահանջի՛ր նրա կատարած մեղքի հատուցումը, իսկ արդարին արդարացրո՛ւ՝ հատուցելով նրան ըստ իր արդարութեան:
33. Եթէ քո դէմ մեղանչելու պատճառով Իսրայելի քո ժողովուրդը պարտուի թշնամիներից, բայց դառնայ դէպի քեզ, փառք տայ քո անուանը, աղօթի ու աղաչի քեզ այս տանը,
34. ապա լսի՛ր նրան երկնքում, ների՛ր Իսրայելի քո ժողովրդի մեղքերը եւ վերադարձրո՛ւ նրանց այն երկիրը, որ տուել ես նրանց հայրերին:
35. Եթէ քո դէմ մեղանչելու պատճառով երկինքը փակուի, ու անձրեւ չլինի, իսկ նրանք աղօթք անեն այս վայրում, փառք տան քո անուանը եւ քեզնից ներում ստանալով՝ զոջան իրենց մեղքերի համար,
36. ապա լսի՛ր երկնքում եւ ների՛ր քո ծառաների ու Իսրայելի քո ժողովրդի մեղքերը, որպէսզի ցոյց տաս նրանց բարի ճանապարհը, որով պետք է ընթանան, եւ անձրեւ տաս քո երկրին, որը տուել ես քո ժողովրդին իբրեւ ժառանգութիւն:
37. Եթէ երկրի վրայ սով լինի, ժանտախտ, խորշակահարութիւն, դեղնախտ, մորեխ կամ թրթուր, եւ թշնամին նեղի նրան իր քաղաքներից մէկում, կամ ամէն տեսակ պատահար ու ցաւ լինի,
38. եւ եթէ Իսրայելի քո ամբողջ ժողովրդից որեւէ մէկը մի աղօթք կամ մի աղերսանք անի, եւ մարդիկ, իրենց սրտի ցաւը գիտենալով, ձեռքները տարածեն դէպի այս տունը,
39. ապա լսի՛ր երկնքում քո բնակութեան տեղում, ների՛ր նրանց, կատարի՛ր նրանց խնդրանքը, ամէն մէկի հոգին ճանաչելով՝ հատուցի՛ր ըստ նրանց ընթացած ճանապարհի, քանզի միայն դու ես ճանաչում բոլոր մարդկանց հոգիները:
40. Թող մարդիկ երկիւղ կրեն քեզնից իրենց կեանքի բոլոր օրերում, որչափ որ ապրեն մեր հայրերին տուած քո երկրի երեսին:
41. Եթէ Իսրայելի քո ժողովրդին չպատկանող մի օտարական գայ հեռու երկրից,
42. ուր լսած լինի քո մեծ անուան, ամուր ձեռքի ու հզօր բազկի մասին, գայ եւ աղօթք անի այս տեղում,
43. ապա նրան եւս լսիր երկնքում քո բնակութեան տեղում, եւ ըստ ամենայնի կատարի՛ր այդ օտարականի քեզնից խնդրածը, որպէսզի երկրի բոլոր ազգերը ճանաչեն քո անունը, երկիւղ կրեն քեզնից, ինչպես Իսրայելի քո ժողովուրդը, եւ իմանան, որ քո անուամբ է կոչուել իմ կառուցած այս տունը:

44. Եթե քո ժողովուրդը պատերազմի ելնի իր թշնամիների դեմ այն ճանապարհով, որ դու կ'ուղարկես նրանց, եւ եթե նրանք աղօթքի կանգնեն Տիրոջ ընտրած քաղաքի ճանապարհին կամ քո անունով իմ կառուցած տանը,
45. ապա երկնքից լսի՛ր նրանց աղօթքն ու խնդրանքը, իրաւադա՛տ եղիր նրանց նկատմամբ:
46. Եթե մեղանչեն քո դեմ (քանզի չկայ մարդ, որ չմեղանչի), եւ նրանց վրայ բարկանաս ու նրանց մատնես թշնամիների ձեռքը, եւ գերեվարողները նրանց գերեվարեն դեպի թշնամու հեռաւոր կամ մօտիկ երկիրը,
47. եւ եթե գերի տարուած երկրում զոջան իրենց հոգում, դառնան դեպի քեզ, աղաչեն քեզ գերութան երկրում եւ ասեն՝ Մեղանչեցինք, անօրէնութիւն ու անիրաւութիւն գործեցինք,
48. եւ ապա իրենց թշնամիների երկրում, ուր տարել ես նրանց, քեզ դիմեն իրենց ամբողջ սրտով եւ ամբողջ հոգով, քեզ աղօթք անեն իրենց հայրերի տուած երկրի ճանապարհին, քո ընտրած քաղաքում եւ քո անունով իմ կառուցած տանը,
49. ապա լսի՛ր երկնքում քո բնակութեան վայրում, նրանց աղօթքներն ու խնդրանքները, իրաւադա՛տ եղիր նրանց նկատմամբ,
50. ների՛ր քո դեմ գործած նրանց անիրաւութիւնները, քո հանդէպ թոյլ տուած բոլոր անարգանքները, գո՛ւթ տուր նրանց գերեվարողներին, գթա՛ւ նրանց,
51. քանզի նրանք քո ժողովուրդն են եւ քո ժառանգութիւնը, որոնց դուրս բերեցիր Եգիպտոսից՝ երկաթե հնոցի միջից:
52. Թող քո աչքերն ու ականջները բաց լինեն քո ծառայի ու Իսրայելի քո ժողովրդի աղերսանքների հանդէպ, որ լսես նրանց բոլոր աղաղակները, որ առաքում են քեզ,
53. քանզի, դու ես նրանց քեզ համար ժառանգորդ ընտրել բոլոր ազգերի միջից, ինչպէս ասել ես քո ծառայ Մովսէսի միջոցով, երբ մեր հայրերին դուրս էիր բերում Եգիպտոսից, Տէ՛ր, Տէ՛ր:Երբ Սողոմոնն աւարտեց տան կառուցումը, իր կառուցած տան մասին ասաց. Տէրն արեգակը ի ցոյց հանեց երկնքում. Տէրն ասաց, որ բնակւում է մեզ ու մշուշի մէջ: Նա ասաց. Իմ նոր տունը ինձ արժանի ձեւով կառուցի՛ր, որ բնակուեմ այնտեղ: Չէ՞ որ սա գրուած է Երգերի գրքում:
54. Երբ Տիրոջ զոհասեղանի առաջ ծնկաչոք ու ձեռքերը դեպի երկինք տարածած Սողոմոնն աւարտեց Տիրոջն ուղղուած այս բոլոր աղօթքներն ու աղերսանքները,
55. կանգնեց ու մեծածայն օրհնեց Իսրայելի ամբողջ ժողովրդին՝ ասելով.
56. Օրհնեալ է Տէրն այսօր, որ, ինչպէս խոստացել էր, հանգիստ է տուել Իսրայելի իր ժողովրդին: Իր ծառայի՝ Մովսէսի միջոցով խոստացած բոլոր բարի խօսքերից ոչ մի բան պակաս չի մնացել:
57. Մեր Տէր Աստուածը թող մեզ հետ լինի, ինչպէս մեր հայրերի հետ էր,
58. մեզ թող չլքի, այլ այնպէս առաջնորդի, որ մեր սրտերը նրանից չխոտորուեն, ընթանանք նրա նշած ճանապարհով, պահենք մեր հայրերին տուած նրա բոլոր պատուիրանները, նրա հրամանները, նրա կարգադրութիւնները:
59. Տէր Աստծու առջեւ մատուցած այս պաղատանքի խօսքերս ցերեկ ու գիշեր թող հասնեն մեր Տէր Աստծուն, որպէսզի իր ծառային ու Իսրայելի իր ժողովրդին ամեն օր արդար դատի,
60. որ երկրի բոլոր ժողովուրդները ճանաչեն, թէ Տէրը Աստուած է, եւ ուրիշ աստուած չկայ:
61. Մեր սրտերը հաւատարիմ թող լինեն մեր Տէր Աստծու նկատմամբ, որպէսզի մենք մաքուր սրտով ընթանանք ըստ նրա հրամանների եւ պահենք նրա պատուիրանները, ինչպէս այսօր:
62. Արքան ու բոլոր իսրայելացիները նրա հետ Տիրոջ առջեւ զոհեր մատուցեցին:
63. Սողոմոն արքան Տիրոջը քսաներկու հազար արջառ, հարիւր քսան հազար ոչխար մատուցեց իբրեւ խաղաղութեան զոհաբերում: Արքան ու բոլոր իսրայելացիները կատարեցին Տիրոջ տան նաւակատիքը:
64. Այդ օրը արքան սրբագործեց սրահի մէջտեղը, որը Տիրոջ տան դիմաց էր. այնտեղ

արեց ողջակեզներ, ընծայաբերումներ, զոհաբերումներ ու խաղաղութեան զոհեր: Տիրոջ առաջ գտնուող պղնձե զոհասեղանը փոքր էր եւ չէր կարող տեղաւորել ողջակեզները, ընծայաբերումները եւ խաղաղութեան զոհերը:

65. Սողոմոնն ու նրա հետ նաեւ Իսրայէլի ամբողջ ժողովուրդը Եմաթի արեւմուտքից մինչեւ Եգիպտոսի հեղեղատը այդ օրը մեր Տէր Աստծու առաջ, նրա համար շինուած տանը եօթը օր ու դարձեալ եօթը օր, այսինքն՝ տասնչորս օր կերան, խմեցին եւ ուրախացան:

66. Ուրբերորդ օրը Սողոմոնն արձակեց ժողովրդին, նրանք օրհնեցին արքային, եւ ամէն մէկը ուրախ ու զուարթ գնաց իր բնակութեան վայրը, որովհետեւ Տէրը իր Դաւիթ ծառային եւ Իսրայէլի իր ժողովրդին բարիք էր պարգեւել:

1. Երբ Սողոմոնն աւարտեց Տիրոջ տան եւ արքունի տան շինութիւնը, ինչպէս նաեւ այն բոլոր գործերը, որ նա կամենում էր կատարել,
2. Տէրը երկրորդ անգամ երեւաց նրան, ինչպէս երեւացել էր նրան Գաբաւոնում:
3. Տէրը նրան ասաց. Լսեցի իմ առջեւ արած աղօթքի ձայնդ ու կատարած պաղատանքներդ եւ արեցի այն ամէնը, ինչ դու խնդրում էիր քո աղօթքներում. սրբագործեցի քո կառուցած տունը, որպէսզի իմ անունը յաւիտեան այնտեղ դրուի, իմ աչքն ու սիրտը ընդմիշտ այնտեղ լինեն:
4. Եթէ դու քո հայր Դաւթի նման մաքուր սրտով, ուղիղ ճանապարհով ընթանաս իմ առջեւից, կատարես այն ամէնը, ինչ պատուիրեցի նրան, պահես իմ հրամաններն ու պատուիրանները,
5. ապա քո աթոռը Իսրայէլի վրայ յաւիտեան կանգուն կը պահեմ, ինչպէս խոստացել եմ քո հայր Դաւթին՝ ասելով, թէ՝ Քո տոհմից առաջնորդ չի պակասելու Իսրայէլի գահի վրայ:
6. Իսկ եթէ դուք եւ ձեր որդիները ինձնից խոտորուէք, չպահէք իմ պատուիրաններն ու հրամանները, որ Մովսէսը տուեց ձեզ, գնաք ու ծառայէք օտար աստուածներին, երկրպագէք նրանց, ապա երկրի երեսից կը ջնջեմ Իսրայէլ աշխարհը, որ տուել եմ նրանց:
7. Իմ անուան համար սրբագործուած այս տունը աչքից կը գցեմ, Իսրայէլը բոլոր ժողովուրդների մօտ խայտառակ ու ծաղրի առարկայ կը լինի:
8. Եւ եթէ այս բարձր տան կողքից ամէն անցնող զարմանալով ու սուլելով հարց տայ, թէ՝ Ինչո՞ւ է Տէրն այսպէս արել այս երկիրն ու այս տունը,
9. ապա նրան պիտի պատասխանեն. Քանի որ նրանք քեցին իրենց Տէր Աստծուն, որը նրանց հայրերին դուրս էր բերել Եգիպտոսից, ստրկութեան տնից, իսկ իրենք յարեցին օտար աստուածներին, երկրպագեցին ու ծառայեցին նրանց, այդ պատճառով էլ Տէրը նրանց վրայ թափեց այս ամբողջ չարիքը: Այն ժամանակ Սողոմոնը փարաւոնի դստերը հանեց Դաւթի քաղաքից ու բերեց իր կառուցած տունը:
10. Քսան տարուայ ընթացքում, երբ Սողոմոնը կառուցում էր երկու տները՝ Տիրոջ տունն ու արքունի տունը,
11. Տիւրոսի Քիրամ արքան Սողոմոնին մատակարարել էր եղեւնափայտ, մայրի փայտ, ոսկի եւ այն ամէնը, ինչ Սողոմոնն ուզել էր: Այն ժամանակ Սողոմոն արքան Քիրամին Գալիլիայում քսան քաղաք նուիրեց:
12. Քիրամը եկաւ Տիւրոսից ու գնաց Գալիլիա, որպէսզի տեսնի Սողոմոնի իրեն նուիրած քաղաքները, սակայն դրանք նրան դուր չեկան:
13. Նա ասաց. Եղբայ՛ր, այս ի՞նչ քաղաքներ ես դու ինձ նուիրել: Եւ նա դրանց անունը Սահմաններ դրեց: Դրանք մինչեւ այսօր էլ այդպէս են կոչւում:
14. Եւ Քիրամը Սողոմոնին հարիւր քսան տաղանդ ոսկի բերեց:
15. Սողոմոն արքայի սահմանած մարդահարկի նպատակն այն էր, որ կառուցի Տիրոջ տունը եւ արքունի տունը, Մելոնը եւ բարձրապարիսպները, լցնի Դաւթի քաղաքի խրամատները, կառուցի Ասուրը, Մայդանը եւ Երուսաղէմի պարիսպը, Եսերը, Մակեդոնի ու Գազերը,
16. որոնք Եգիպտոսի փարաւոն արքային էին պատկանում: Փարաւոնը գնացել, նուաճել ու հրով այրել էր Գազերը, սպանել քանանացիներին, որոնք ապրում էին այդ քաղաքում, եւ այն օժիտ էր տուել իր դստերը՝ Սողոմոնի կնոջը:
17. Սողոմոնը վերակառուցեց Գազերը, ներքին Բեթերոնը,
18. Բալաթն ու Թերմոթը այդ երկրի անապատում,
19. իրեն պատկանող բոլոր բնակելի քաղաքները, ռազմակառքերի, բոլոր երիվարների համար սահմանուած քաղաքները եւ այն շէնքերը, որ Սողոմոնն ուզեց շինել Երուսաղէմում, Լիբանանում եւ ամբողջ երկրում:
20. Որպէսզի գլուխ չբարձրացնեն Իսրայէլի ցեղին չպատկանող եւ երկրում

ամորհացիներից, քետացիներից, փերեզացիներից, խեւացիներից, քանանացիներից, յերուսացիներից ու գերգեսացիներից կենդանի մնացած մարդիկ, որոնց իսրայելացիները չէին կարողացել կոտորել,

21. Սողոմոնը նրանց հարկատու ծառայութեան ենթարկեց, ինչպէս որ են մինչեւ այսօր:

22. Սողոմոնը իսրայելացիներին ծանր աշխատանքի չլծեց, քանի որ նրանք պատերազմողներ էին, իր ծառաները, իր իշխանները, իր սպառազէն զինուորները, իր հեծեալները:

23. Սողոմոնի գործերի վերակացուները հինգ հարիւր յիսուն իշխաններ էին, որոնք հսկում էին գործաւոր ժողովրդին:

24. Փարաւոնի դուստրը Դաւթի քաղաքից դուրս գալով՝ եկաւ այն տունը, որ Սողոմոնը կառուցել էր իր համար: Այդ ժամանակ էր, որ Սողոմոնը կառուցեց Մելոնը:

25. Սողոմոնը տարեկան երեք անգամ ողջակէզներ ու խաղաղութեան զոհեր էր մատուցում այն զոհասեղանի վրայ, որը Տիրոջ համար էր կառուցել, եւ Տիրոջ առջեւ խոնկ էր ծխում: Նա ամարտեց տան կառուցումը:

26. Եդոմի երկրում, Կարմիր ծովի եզրին, Ելաթի մօտ գտնուող Գասիոնդաբերում Սողոմոն արքան նաւեր պատրաստեց,

27. իսկ Քիրամը Սողոմոնի ծառաների հետ ծովի նաւարկութեան հմուտ նաւորդներ ուղարկեց այդ նաւերով:

28. Սրանք եկան Սոփերա եւ այնտեղից չորս հարիւր քսան տաղանդ ոսկի բերեցին ու յանձնեցին Սողոմոն արքային:

1. Սաբայի թագուհին, լսելով Սողոմոնի համբաւի, Տիրոջ անուան ու Սողոմոնի իմաստնութեան մասին, եկաւ նրան փորձելու հանելուկներով:
2. Նա եկաւ Երուսաղէմ շատ մեծ շքախմբով, ինկեր, շատ առատ ոսկի ու թանկարժէք ակնեղէն բարձած ուղտերով: Նա մտաւ Սողոմոնի մօտ եւ խօսեց այն ամենի մասին, որ կար իր սրտում:
3. Սողոմոնը մեկնում էր նրա բոլոր խօսքերը. չկար այնպիսի մի բան, որ արքան սխալուէր կամ չմեկներ:
4. Կինը, տեսնելով Սողոմոնի ամբողջ իմաստնութիւնը, կառուցած տները,
5. նրա խորտիկները, նրա ծառաների դասակարգութիւնը, պաշտօնեաների կարգապահութիւնն ու հանդերձանքը, նրա մատռուակներին ու Տիրոջը մատուցուող ողջակէզները, ապշեց:
6. Նա ասաց Սողոմոն արքային. Ինչ որ իմ երկրում լսել էի քո գործերի ու իմաստնութեան մասին, ճիշտ է:
7. Ես չէի հաւատում ինձ ասուած խօսքերին, մինչեւ որ անձամբ չեկայ եւ աչքերովս չտեսայ: Զո իմաստնութեան եւ քո բարութեան համբաւի կեսն անգամ չեն պատմել ինձ իմ երկրում:
8. Երանելի եմ քո կանայք ու ծառաները, որ քո առջեւ կանգնած՝ ամէն օր լսում են քո ամբողջ իմաստնութիւնը:
9. Օրինեալ լինի քո Աստուածը, որ բարեհաճել է քեզ տալ Իսրայէլի գահը: Տերն Իսրայէլը յաւիտեան սիրելու համար քեզ է հաստատել ու քեզ արքայ դարձրել նրա վրայ, որ արդարամտութեամբ դատաստան անես նրանց ատեաններում:
10. Նա Սողոմոնին նուիրեց հարիւր քսան տաղանդ ոսկի, շատ առատ խունկ եւ թանկագին քարեր: Ոչ մի անգամ այդքան շատ եւ անուշահոտ խունկ չստացուեց, ինչքան որ Սաբայի թագուհին էր նուիրել Սողոմոն արքային:
11. Սովերից ոսկով բարձուած Քիրամի նաւը բերեց նաեւ խիստ շատ անտառանիւթ եւ թանկագին քարեր:
12. Արքան անտառանիւթից Տիրոջ տան եւ արքունի տան համար մոյթեր պատրաստեց, իսկ երաժիշտների համար՝ քնարներ ու տաւիղներ: Այդպիսի քանակութեամբ անտառանիւթ այդ երկիրն այլեւս չստացաւ, եւ մինչեւ օրս էլ այդպիսի փայտեր չեն երեւացել:
13. Սողոմոն արքան Սաբայի թագուհուն տուեց ամէն ինչ, որ նա ուզեց ու խնդրեց, չհաշուած այն ամէնը, որ Սողոմոն արքան իր կամքով էր նուիրել: Սաբայի թագուհին եւ նրա բոլոր ծառաները վերադարձան իրենց երկիրը:
14. Մէկ տարուայ ընթացքում Սողոմոնի ստացած ոսկին կշռում էր վեց հարիւր վաթսուսկէց տաղանդ,
15. չհաշուած հպատակներից, վաճառականների հասոյթից եւ գետի այն կողմում գտնուող բոլոր թագաւորներից ու երկրի կառավարիչներից ստացուած հարկերը:
16. Սողոմոն արքան երեք հարիւր նիզակ պատրաստել տուեց կռածոյ ոսկուց՝ երեք հարիւր դահեկան ծախսելով մէկ նիզակի վրայ,
17. եւ երեք հարիւր վահան կռածոյ ոսկուց՝ մէկ ու կես կիլոգրամ կշռով ոսկի ծախսելով ամէն մի վահանի վրայ:
18. Արքան դրանք գետեղեց Լիբանանի փայտից կառուցուած տանը: Արքան փղոսկրէ մեծ գահ պատրաստել տուեց եւ այն պատեց մաքուր ոսկով:
19. Գահը վեց աստիճան ունէր, գահի թիկունքին եզան գլուխներ էին քանդակուած: Գահաթոռի երկու կողմերին երկու յենաթել կար, եւ յենաթելերի այս ու այն կողմից երկու առիւծներ կային:
20. Վեց աստիճանների այս ու այն կողմերում տասներկու առիւծներ կային: Այսպիսի գահ չէր եղել ոչ մի թագաւորութեան մէջ:
21. Սողոմոն արքայի ամբողջ սպասքը ոսկուց էր: Ոսկի էին նաեւ լուացարանները, իսկ

Լիբանանի փայտից կառուցուած տան ամբողջ ամանեղէնը ոսկեպատ էր: Արծաթէ ոչինչ չկար, քանզի Սողոմոնի օրօք արծաթը յարգի չէր:

22. Սողոմոն արքան Թարսիսի ծովում նաւ ունէր քիրամի նաւերի հետ, եւ երեք տարին մէկ Թարսիսից մի նաւ էր գալիս՝ բեռնուած ոսկով, արծաթով, փղոսկրներով, կապիկներով ու սիրամարգերով:

23. Սողոմոնն իր հարստութեամբ ու իմաստնութեամբ գերազանցեց աշխարհի բոլոր թագաւորներին,

24. եւ աշխարհի բոլոր թագաւորները փափագում էին տեսնել նրա երեսը, լսել նրա իմաստնութիւնը, որը Տէրն էր դրել նրա սրտում:

25. Նրանցից իւրաքանչիւրն ամէն տարի բերում էր իր ընծան՝ արծաթ, ոսկէ անօթներ, հանդերձներ, զմուռս ու խնկեր, ձիեր ու ջորիներ:

26. Սողոմոնը հաւաքեց ռազմակառքեր ու հեծեալներ: Նա ունէր քառասուն հազար մատակ ձիեր, տասներկու հազար երիվարներ, որոնց տեղաւորեց ռազմակառքերի համար սահմանուած քաղաքներում, իսկ նրանք, որ արքայի համար էին սահմանուած՝ երուսաղէմում: Նա գետից մինչեւ այլազգիների եւ եգիպտացիների սահմանները իշխում էր բոլոր թագաւորների վրայ:

27. Արքան արծաթն ու ոսկին երուսաղէմում հասարակ քարի նման բան դարձրեց, իսկ եղեւնափայտը՝ դաշտի մոլաթզենիների նման առատ:

28. Սողոմոնի երիվարները բերում էին Եգիպտոսից եւ Թեկուայից, որտեղից դրանք գնում էին նրա վաճառականները:

29. Արծաթ վճարելով ռազմակառքեր էին բերում Եգիպտոսից: Ամէն մի ձի հարիւր յիսուն արծաթ արժէր: Այդ ապրանքները վաճառում էին նաեւ Քետտիմի երկրի բոլոր թագաւորներին եւ ասորիների թագաւորներին ծովային ճանապարհով:

1. Սողոմոն արքան կնամու էր. նա կնուգեան առաւ շատ օտար կանանց. փարաւոնի աղջկան, սովաբացի, ամոնացի, եդոմայեցի, ասորի, քետացի, ամորհացի
2. Եւ այլ ազգերի պատկանող բազմաթիւ օտար կանանց, որոնց մասին Տէրն ասել էր իսրայելացիներին. Զխառնուէք նրանց հետ, նրանք էլ թող չխառնուեն ձեզ հետ, որպէսզի չլինի, թէ ձեր սրտերը մոլորեցնեն իրենց կուռքերին դարձնելով: Սողոմոնը յարեց նրանց՝ սէր տածելով:
3. Նա եօթը հարիւր կին եւ երեք հարիւր հարճ ուներ, եւ կանայք խոտորեցրին նրա սիրտը:
4. Սողոմոնի ծերուկեան օրերին կանայք նրա սիրտը խոտորեցրին օտար աստուածների կողմը, եւ նա ամբողջ հոգով չկապուեց իր Տէր Աստծու հետ, ինչպէս իր հօր՝ Դաւթի սիրտն էր կապուած:
5. Սողոմոնը պաշտեց սիդոնացիների գարշելի կուռք Աստարտին ու ամոնացիների գարշելի կուռք Մեղքոմին:
6. Սողոմոնը չարութիւն գործեց Աստծու առաջ եւ չընթացաւ Տիրոջ ճանապարհով, ինչպէս որ ընթացել էր իր հայր Դաւիթը:
7. Այն ժամանակ Սողոմոնը Երուսաղէմի դիմաց, լեռան վրայ մի մեհեան կառուցեց մովաբացիների կուռք Քամոսի համար, ինչպէս եւ ամոնացիների Մեղքոմ կուռքի եւ սիդոնացիների գարշելի կուռք Աստարտի համար:
8. Նոյն բանն արեց նա նաեւ իր բոլոր օտարազգի կանանց աստուածների համար. նրա կանայք խուկն էին ծխում եւ իրենց կուռքերին զոհ մատուցում:
9. Տէրը բարկացաւ Սողոմոնի վրայ, որովհետեւ նրա սիրտը խոտորուել էր Իսրայելի Տէր Աստծուց, որը երկու անգամ երեւացել
10. ու պատուիրել էր նրան, որ օտար աստուածների յետեւից ամենեւին չգնայ, այլ պահի եւ կատարի այն, ինչ Տէր Աստուածը պատուիրել էր նրան:
11. Տէրն ասաց Սողոմոնին. Քանի որ այդպէս վարուեցիր՝ չպահեցիր իմ հրամաններն ու պատուիրանները, որ պատգամել էի քեզ, ես կը խլեմ թագաւորութիւնը քո ձեռքից եւ այն կը տամ քո ծառային:
12. Բայց, յանուն քո հայր Դաւթի, քո կենդանութեան ժամանակ չեմ անի դա, այլ որդո՛ւդ ձեռքից կը խլեմ թագաւորութիւնը:
13. Ամբողջ թագաւորութիւնը չեմ խլի, այլ, յանուն իմ ծառայ Դաւթի եւ իմ ընտրած Երուսաղէմ քաղաքի, մէկ ցեղ կը յանձնեմ քո որդուն:
14. Եւ Տէրը մի թշնամի յարուցեց Սողոմոնի դէմ եդոմայեցիների թագաւորական սերնդից եդոմայեցի Ադերին:
15. Երբ Դաւիթը կոտորում էր Եդոմը, զօրագլուխ Յովաբը գնացել էր սպանուածներին թաղելու եւ կոտորելու Եդոմի բոլոր արու ծնունդներին:
16. Յովաբը եւ բոլոր իսրայելացիները վեց ամիս մնացին Եդոմում, մինչեւ որ կոտորեցին եդոմացի բոլոր արու ծնունդներին:
17. Այդ ժամանակ Ադերն ինքը եւ իր հօր բոլոր ծառաները փախել-գնացել էին Եգիպտոս: Ադերն այդ ժամանակ մանուկ էր:
18. Նրանք Մադիամ քաղաքից եկել էին Փարան, Փարանից իրենց հետ վերցրել մարդկանց ու եկել Եգիպտոս՝ Եգիպտացիների արքայ փարաւոնի մօտ: Ադերը եկել էր փարաւոնի մօտ, սա նրան տուն էր տուել, ուտելիք յատկացրել ու հող տրամադրել:
19. Ադերը փարաւոնի առաջ մեծ շնորհ էր գտել, եւ փարաւոնը նրան կնուգեան էր տուել իր Մեծ տիկնոջ՝ Թեկեմինայի քրոջը:
20. Թեկեմինայի քոյրը Ադերի համար ծնել էր մի որդի՝ Գանեբաթին: Թեկեմինան նրան մեծացրել էր փարաւոնի որդիների հետ եւ այսպիսով Գանեբաթը փարաւոնի տան մեջ, նրա որդիների հետ էր դաստիարակուել:
21. Երբ Ադերը Եգիպտոսում լսեց, թէ Դաւիթը վախճանուել է, եւ թէ զօրագլուխ Յովաբը մահացել է, ասաց փարաւոնին. Արձակի՛ր ինձ, որ վերադառնամ իմ երկիրը:



22. Փարաւոնն ասաց Ադերին. Ի՞նչդ է պակաս ինձ մօտ, որ ուզում ես գնալ քո երկիրը: Ադերը նրան ասաց. Անպայման արձակիր ինձ: Եւ Ադերը վերադարձաւ իր երկիրը:
23. Տերը Սողոմոնի դէմ հանեց Եղիադայի որդի Ռազոնին, որը փախել էր իր տիրոջից՝ Սուբայի արքայ Ադրաազարից:
24. Երբ Դաւիթը նրանց կոտորում էր, Ռազոնի մօտ մարդիկ էին հաւաքուել, եւ նա գնդի հրամանատար էր եղել: Նրանք գնացին Դամասկոս եւ հաստատուեցին այնտեղ: Նա թագաւորեց Դամասկոսում:
25. Եւ Իսրայէլի թշնամին դարձաւ Սողոմոնի թագաւորութեան ամբողջ ընթացքում: Խժոժութիւններ անելուց բացի, Ադերը ոխ ուներ Իսրայէլի դէմ: Նա թագաւորում էր Եդոմի երկրում:
26. Իր արքայի դէմ ձեռք բարձրացրեց նաեւ Սարիրայում ապրող եփրաթացի Նաբադի որդի Յերոբովամը, որի մօր անունը Սարուա էր՝ մի որբեւայրի կին: Նա Սողոմոնի մի ծառայի այրի կնոջ որդին էր: Ահա թէ ինչ պարագաներում նա ձեռք բարձրացրեց Սողոմոն արքայի դէմ:
27. Սողոմոն արքան կառուցել էր միջնաբերդը եւ լցրել իր հօր՝ Դաւթի քաղաքի խրամատը:
28. Յերոբովամը մի քաջարի մարդ էր, եւ երբ Սողոմոնը տեսաւ, որ նա գործունեայ երիտասարդ է, նրան նշանակեց Յովսէփի տան բեռնակիրների վերակացու:
29. Այդ ժամանակ էր, որ Յերոբովամը ելաւ Երուսաղէմից, եւ ճանապարհին նրան հանդիպեց սիլոնացի Աքիա մարգարէն ու ճանապարհից մի կողմ քաշեց նրան: Աքիան նոր զգեստ էր հագել, եւ դաշտում նրանք երկուսով էին:
30. Աքիան իր նոր զգեստը բռնեց ու պատառոտեց տասներկու կտոր անելով:
31. Նա ասաց Յերոբովամին. Ա՜ռ քեզ տասը կտոր, քանզի Իսրայէլի Տէր Աստուածը այսպէս է ասում. Ահա ես Սողոմոնի թագաւորութիւնը ձեռքից խլելով՝ պիտի պատառոտեմ եւ քեզ պիտի յանձնեմ տասը ցեղ,
32. իսկ երկու ցեղը թող նրան մնայ յանուն իմ ծառայ Դաւթի եւ յանուն Երուսաղէմ քաղաքի, որն ընտրեցի Իսրայէլի բոլոր ցեղերին պատկանող քաղաքների միջից: Եւ սա այն բանի փոխարէն,
33. որ նա ինձ լքեց եւ երկրպագեց սիլոնացիների գարշելի կուռք Աստարտին, Մովաբի կուռք Քամոսին եւ ամոնացիների գագրելի կուռք Մեղքոմին ու ընթացաւ իմ ճանապարհով, չարեց այն, ինչ հաճելի է ինձ, չկատարեց իմ ճշմարիտ օրէնքներն ու պատուիրանները, ինչպէս արել էր իր հայր Դաւիթը:
34. Բայց ես ամբողջ թագաւորութիւնը չխլեցի նրա ձեռքից (որպէսզի իր թագաւորութեան բոլոր օրերում հակառակութեամբ հատուցեմ իր հակառակութեան դիմաց) յանուն իմ ծառայ Դաւթի, որին ընտրել եմ, եւ որը պահեց իմ պատուիրաններն ու իմ օրէնքները:
35. Թագաւորութիւնը խլելու եմ նրա ձեռքից եւ քեզ եմ յանձնելու տասը ցեղ,
36. իսկ նրա որդուն պիտի տամ երկու ցեղ, որպէսզի իմ ծառայ Դաւթի ճրագը միշտ վառ մնայ իմ առջեւ՝ իմ Երուսաղէմ քաղաքում, որն ընտրել եմ իմ անունը յայտնի դարձնելու համար:
37. Ես քեզ եմ ընտրում, դու կը թագաւորես այն ամենի վրայ, որ քո սիրտը կը կամենայ, թագաւոր կը լինես Իսրայէլի վրայ:
38. Եթէ պահես այն ամենն, ինչ քեզ պատուիրելու եմ, ընթանաս իմ ճանապարհով ու գործես այն, ինչ հաճելի է ինձ, հետեւես իմ պատուիրաններին ու հրամաններին, ինչպէս արեց իմ ծառայ Դաւիթը, ապա կը լինեմ քեզ հետ եւ քեզ համար հաստատուն տուն կը շինեմ, ինչպէս Դաւթի համար շինեցի,
39. եւ քեզ կը յանձնեմ Իսրայէլը: Այս պատճառով պիտի տանջեմ Դաւթի սերունդը, բայց ոչ ընդմիշտ:
40. Սողոմոնը ուզում էր սպանել Յերոբովամին, բայց Յերոբովամը փախաւ-գնաց Եգիպտոս, Եգիպտացիների Սաւսակիմ արքայի մօտ եւ մնաց Եգիպտոսում մինչեւ Սողոմոնի մահը:

41. Սողոմոնի մնացած գործերը եւ ամէն ինչ, որ նա արել է, նրա իմաստութիւնները չէ՞  
որ գրի եւ առնուած Սողոմոնի գործերի գրքում:
42. Սողոմոնը Երուսաղէմի եւ ամբողջ Իսրայելի վրայ թագաւորեց քառասուն տարի:
43. Սողոմոնը գնաց իր նախնիների գիրկը, նրան թաղեցին իր հայր Դաւթի քաղաքում,  
ու նրա փոխարէն թագաւորեց նրա որդի Ռոբովամը:

1. Ռոբովամ արքան գնաց Սիկիմ, որովհետեւ ամբողջ Իսրայելը եկել էր Սիկիմ նրան թագաւոր օծելու:
2. Երբ դա լսեց Նաբատի որդի Յերոբովամը, որը տակաւին Եգիպտոսում էր Սողոմոն արքայից փախչելուց ի վեր, Եգիպտոսից վերադարձաւ Երուսաղէմ: Մարդ ուղարկեցին ու կանչեցին նրան:
3. Յերոբովամը եւ հաւաքուած բոլոր իսրայէլացիները եկան ու խօսելով Ռոբովամ արքայի հետ՝ ասացին.
4. Քո հայրը ծանր լուծ էր դրել մեզ վրայ: Արդ, դու թեթեւացրո՛ւ քո հօր սահմանած խիստ ծառայութիւնն ու մեզ վրայ դրած ծանր լուծը, որ մենք ծառայենք քեզ:
5. Ռոբովամն ասաց նրանց. Գնացէ՛ք եւ երեք օրից դարձեալ եկէ՛ք ինձ մօտ: Նրանք գնացին:
6. Ռոբովամ արքան խորհրդակցեց ծերերի հետ, որոնք շրջապատում էին իր հայր Սողոմոնին նրա կենդանութեան օրօք, եւ ասաց. Ի՞նչ խորհուրդ էք տալիս, որ պատասխան տանք այս ժողովրդին:
7. Նրան ասացին. Եթէ դու այսօր ժողովրդին ծառայութիւն մատուցես, զիջող լինես, ընդառաջես եւ բարի խօսքեր ասես, նրանք ընդմիշտ կը ծառայեն քեզ:
8. Ռոբովամը, սակայն, մերժեց ծերերի տուած խորհուրդը եւ խորհրդակցեց իր սննդակից ու իր առաջ կանգնած երիտասարդների հետ՝
9. ասելով. Ի՞նչ խորհուրդ էք տալիս, որ պատասխան տանք այս ժողովրդին, որ խօսեց ինձ հետ ու ասաց. Թեթեւացրո՛ւ այն լուծը, որ քո հայրը դրել էր մեզ վրայ:
10. Իր սննդակից ու իր առաջ կանգնած երիտասարդներն ասացին. Այսպէս կ'ասես այն մարդկանց, որ քեզ հետ խօսելով ասել են. Քո հայրը ծանրացրեց մեր լուծը, իսկ դու թեթեւացրո՛ւ այն մեր վրայից: Այսպէս ասա՛ նրանց.
11. Իմ ճկոյթը հօրս մէջքից հաստ է: Արդ, եթէ իմ հայրը ձեզ վրայ ծանր լուծ էր դրել, ապա ես կ'աւելացնեմ ձեր լուծը. իմ հայրը ձեզ խրատում էր ձեծով, իսկ ես կարիճներով կը խրատեմ ձեզ:
12. Երրորդ օրն ամբողջ Իսրայելը եկաւ Ռոբովամ արքայի մօտ, ինչպէս արքան ասել էր նրանց. Վերադարձէ՛ք ինձ մօտ երրորդ օրը:
13. Արքան խստութեամբ պատասխան տուեց ժողովրդին եւ, մերժելով ծերերի տուած խորհուրդը,
14. Ռոբովամը նրանց հետ խօսեց ըստ երիտասարդների տուած խորհրդի՝ ասելով. Եթէ իմ հայրը ծանր լուծ էր դրել ձեզ վրայ, ապա ես կ'աւելացնեմ ձեր լուծը: Իմ հայրը ձեզ ձեծով էր խրատում, իսկ ես կարիճներով եմ խրատելու ձեզ:
15. Թագաւորը չլսեց ժողովրդին, որովհետեւ Տէրն էր խոտորել նրան, որպէսզի Տէրը հաստատի իր այն խօսքը, որ սիլոնացի Աքիայի միջոցով ասել էր Նաբատի որդի Յերոբովամի վերաբերեալ:
16. Երբ ամբողջ Իսրայելը տեսաւ, որ արքան չլսեց իրեն, պատասխան տուեց ժողովուրդն արքային՝ ասելով. Մենք կիսելու ի՞նչ ունենք Դաւթի հետ: Մենք Յեսսէի որդու հետ էլ ժառանգութիւն չունենք: Իսրայէ՛լ, գնա՛ քո վրանները, դու ի՛նքդ հոգա Դաւթի տան հոգսերը:
17. Իսրայէլացիները գնացին իրենց վրանները, իսկ Յուդայի երկրի քաղաքներում բնակուող իսրայէլացիների վրայ թագաւորեց Ռոբովամը:
18. Ռոբովամ արքան հարկահաւաքների պէտ Ադոնիրամին ուղարկեց հարկ հաւաքելու, բայց ամբողջ Իսրայելը քարկոծելով սպանեց նրան, իսկ Ռոբովամ արքան շտապեց կառք բարձրանալ ու փախչել Երուսաղէմ:
19. Այսպիսով Իսրայելը ապստամբեց Դաւթի տան դէմ: Եւ այդպէս է մինչեւ այսօր:
20. Երբ ամբողջ Իսրայելը լսեց, թէ Յերոբովամը վերադարձել է, մարդ ուղարկեցին, նրան ժողովի կանչեցին ու թագաւոր օծեցին Իսրայելի վրայ: Ոչ ոք չյարեց Դաւթի տանը, բացի Յուդայի ու Բենիամինի ցեղերից:

21. Ռոբովամը մտաւ Երուսաղէմ եւ զօրահաւաք արեց Յուդայի տնից ու Բենիամինի ցեղից: Հարիւր ութսուն հազար երիտասարդ պատերազմողներ ելան Իսրայէլի տան դէմ, որպէսզի թագաւորութիւնը վերադարձնեն Սողոմոնի որդի Ռոբովամին:
22. Տէրը խօսեց Աստծու մարդ Սամէայի հետ՝ ասելով.
23. Խօսի՛ր Յուդայի երկրի արքայ Սողոմոնի որդի Ռոբովամի եւ Յուդայի ու Բենիամինի ամբողջ տան եւ մնացած մարդկանց հետ ու նրանց ասա՛.
24. Այսպէս է ասում Տէրը. մի՛ ելէք ու մի՛ պատերազմէք ձեր եղբայրների՝ իսրայէլացիների դէմ, եւ թող իւրաքանչիւրը վերադառնայ իր տունը, քանզի ինձնից եղաւ այդ բանը: Նրանք լսեցին Տիրոջ խօսքը եւ, անսալով Տիրոջը, յետ դարձան:
25. Յերոբովամը Եփրեմի լերան վրայ կառուցեց Սիկիմը եւ այնտեղ էր բնակւում: Այնուհետեւ այնտեղից ելաւ ու շինեց Փանուէլը:
26. Յերոբովամն ասաց իր մտքում. Իմ թագաւորութիւնը նորից կը վերադառնայ Դաւթի տուն,
27. եթէ այս մարդիկ գնան ու զոհ մատուցեն Երուսաղէմում, Տիրոջ տանը: Այն ժամանակ այս մարդկանց միտքը կը հակուի դէպի Տէրն ու իրենց տէրը՝ Յուդայի երկրի արքայ Ռոբովամը, ինձ կը սպանեն ու կ'անցնեն Յուդայի երկրի արքայ Ռոբովամի կողմը:
28. Արքան խորհեց ու երկու ոսկէ հորթ պատրաստելով՝ ասաց ժողովրդին. Բաւական է մինչեւ Երուսաղէմ գնաք: Ահա քո աստուածները, ո՛վ Իսրայէլ, որոնք քեզ դուրս բերեցին Եգիպտացիների երկրից:
29. Նա կուռքերից մէկը դրեց Դանում, իսկ միւսը՝ Բեթէլում:
30. Այսպիսով մեղք գործուեց, որովհետեւ ժողովուրդը գնում էր մինչեւ Դան՝ հորթերից մէկին երկրպագելու:
31. Նա բարձունքների վրայ կառուցեց նաեւ մեհեաններ եւ Դելիի ցեղին չպատկանող մարդկանց քրմեր դարձրեց:
32. Յերոբովամը տօն կատարեց, ութերորդ ամսի տասնհինգերորդ օրը տօնական օր սահմանեց, ինչպէս Յուդայի երկրում էր, եւ Բեթէլում պատրաստած իր ոսկէ հորթերի համար զոհեր մատուցեց: Նա Բեթէլում կառուցած մեհեանում քրմեր նշանակեց,
33. Բեթէլում, ութերորդ ամսի տասնհինգերորդ օրը սահմանած տօնին՝ զոհասեղանի վրայ զոհեր մատուցեց իսրայէլացիների համար:

1. Երբ Յերոբովամը զոհ մատուցելու համար կանգնած էր զոհասեղանի առաջ, Տիրոջ թելադրանքով Յուդայի երկրից Բեթել եկաւ Աստծու մարդը:
2. Նա Տիրոջ խօսքն ուղղելով զոհասեղանին՝ ասաց. Սեղան, ո՛ր սեղան, այսպէս է ասում Տէրը. Դաւթի տանը Յոսիա անունով մի որդի կը ծնուի, նա քեզ վրայ կը զոհաբերի մեհեանների քմերին, որոնք քեզ վրայ զոհ են մատուցում, եւ մարդկանց ոսկորները կ'այրի քեզ վրայ:
3. Իր ասածը հաստատելու համար ասաց. Այս է նշանը, որ Տէրն է ասել. Հիմա դա կը փլուի, իսկ դրա վրայի իւղոտուած մոխիրը կը թափուի:
4. Երբ Յերոբովամ արքան լսեց Աստծու մարդու Բեթելում գտնուող զոհասեղանին ուղղուած խօսքերը, իր ձեռքը մեկնեց զոհասեղանի վրայից՝ ասելով. Բռնեցէ՛ք դրան, բայց դէպի նա մեկնուած նրա ձեռքը չորացաւ, նա չկարողացաւ ձեռքն իրեն քաշել,
5. զոհասեղանը փլուեց, իսկ դրա վրայի իւղոտուած մոխիրը թափուեց, ըստ այն նշանի, որ տուել էր Աստծու մարդը Տիրոջ խօսքով:
6. Յերոբովամ արքան ասաց Աստծու մարդուն. Աղաչի՛ր քո Տէր Աստծուն, աղօթի՛ր ինձ համար, որ ձեռքս դէպի ինձ քաշուի: Աստծու մարդն աղաչեց Տիրոջը, եւ արքայի ձեռքը առաջուայ պէս դէպի ինքը յետ քաշուեց:
7. Արքան, խօսելով Աստծու մարդու հետ, ասաց. Տո՛ւն մտիր ինձ հետ, ճաշի՛ր, եւ ես քեզ պարգեւ կը տամ:
8. Աստծու մարդն ասաց արքային. Եթէ քո տան կէսն էլ ինձ տաս, չեմ մտնի քո տունը, ոչ էլ հաց կ'ուտեմ եւ ջուր կը խմեմ այստեղ,
9. քանզի Տէրն ինձ այսպիսի պատուէր է տուել. Հաց չուտես այդտեղ, ջուր չխմես եւ չվերադառնաս այն ճանապարհով, որով գնացել ես:
10. Նա գնաց հեռացաւ Բեթելից, բայց ոչ այն ճանապարհով, որով եկել էր:
11. Մի ծեր մարգարէ էր բնակում Բեթելում: Նրա որդիներն եկան ու նրան պատմեցին այն բոլոր դէպքերը, որ այդ օրը Բեթելում անցել էին Աստծու մարդու գլխով, ինչպէս նաեւ այն խօսքերը, որ նա ասել էր արքային, եւ իրենց երեսը շուռ տուեցին, որ հեռանան իրենց հօր մօտից:
12. Հայրը հարցրեց նրանց. Ո՞ր ճանապարհով գնաց նա: Որդիները ցոյց տուեցին նրան այն ճանապարհը, որով գնացել էր Յուդայի երկրից եկած Աստծու մարդը:
13. Նա ասաց որդիներին. Թամբեցէ՛ք էշը: Թամբեցին էշը, եւ նա նստեց էշի վրայ,
14. գնաց Աստծու մարդու յետեւից եւ նրան գտաւ կաղնու տակ նստած: Ծերը հարցրեց. Դո՞ւ ես Յուդայի երկրից եկած Աստծու մարդը: Սա ասաց. Ես եմ:
15. Նա ասաց. Ե՛կ ինձ հետ տուն եւ հա՛ց կեր:
16. Սա ասաց. Չեմ կարող քեզ հետ վերադառնալ եւ քեզ մօտ գալ, հաց ուտել ու ջուր խմել այնտեղ,
17. քանզի Տէրն ինձ այսպիսի հրաման է տուել. Հաց չուտես այդտեղ, ջուր չխմես եւ չվերադառնաս այն ճանապարհով, որով գնացել ես:
18. Նա ասաց նրան. Ես էլ եմ մարգարէ քեզ պէս. Տիրոջ հրեշտակը խօսեց ինձ հետ՝ ասելով. Նրան քեզ մօտ՝ քո տունը տար, թող հաց ուտի ու ջուր խմի:
19. Նա խաբելով տարաւ նրան իր հետ. սա հաց կերաւ ու ջուր խմեց:
20. Եւ մինչ սեղան էին նստել,
21. Տէրը խօսեց նրան այն մարգարէի հետ, որ Աստծու մարդուն իր տունն էր բերել: Սա խօսելով Յուդայի երկրից եկած Աստծու մարդու հետ՝ ասաց. Այսպէս է ասում Տէրը. Քանի որ դու չհնազանդուեցիր Տիրոջ խօսքին, չպահեցիր այն հրամանը, որ քո Տէր Աստուածն էր տուել քեզ,
22. եկար, հաց կերար ու ջուր խմեցիր այնտեղ, որի մասին Տէրն ասել էր քեզ. Հաց չուտես, ջուր չխմես: Արդ, քո դիակը քո հայրերի գերեզմանը չի մտնելու:
23. Երբ հաց ուտելուց ու ջուր խմելուց յետոյ նա թամբեց մարգարէի էշն ու գնաց,
24. ճանապարհին նրան հանդիպեց մի առիւծ, որը յօշոտեց նրան: Նրա դիակն ընկած

Եր ճանապարհին, Էշը նրա կողքին Եր կանգնած, իսկ առիւծը՝ դիակի մօտ:

25. Եկան անցորդներ, տեսան ճանապարհին ընկած դիակն ու դիակի մօտ կանգնած առիւծը, մտան այն քաղաքը, ուր այդ ծերունի մարգարէն Եր բնակւում, եւ պատմեցին իրենց տեսածը:

26. Երբ այս բանը լսեց Աստծու մարդուն ճանապարհից յետ դարձրած մարգարէն, ասաց. Դա Աստծու մարդն է, որը Տիրոջ խօսքը չլսեց, Տէրը նրան առիւծին յանձնեց, եւ սա բզկտելով սպանեց նրան, ինչպէս որ Տէրն ասել էր նրան:

27. Նա խօսեց իր որդիների հետ՝ ասելով. Համետեցէ՛ք Էշը:

28. Նրանք համետեցին: Նա գնաց ու գտաւ ճանապարհին ընկած նրա դիակը, իսկ Էշն ու առիւծը կանգնած էին դիակի մօտ: Առիւծը չէր կերել Աստծու մարդու դիակը, ոչ էլ յօշոտել էր Էշին:

29. Մարգարէն առաւ Աստծու մարդու դիակը, դրեց իր Էշի վրայ եւ բերեց իր քաղաքը, որ ողբան նրա վրայ ու թաղեն նրան:

30. Մարգարէն նրա դիակը թաղեց իր գերեզմանում: Նրա վրայ լաց եղան եւ ասացին. Վա՛յ, եղբա՛յր:

31. Նրա վրայ ողբալուց յետոյ ծերն ասաց իր որդիներին. Երբ մեռնեմ, ինձ կը թաղէք այն գերեզմանում, ուր թաղուեց Աստծու մարդը. նրա ոսկորների կողքի՞ն դրէք ինձ, որպէսզի իմ ոսկորները պահպանուեն նրա ոսկորների հետ,

32. որովհետեւ անպայման կը կատարուի Տիրոջ այն խօսքը, որ ասուեց Բեթէլում գտնուող զոհասեղանի ու Սամարիայի բարձրադիր կռատների դէմ:

33. Այս բաներից յետոյ Էլ Յերոբովամը չիրաժարուեց իր չարիքներից. նա ժողովրդի մի մասին մեհեանների քովեր Եր դարձնում. ով ուզում էր, նրան ձեռնադրում էր, եւ սա դառնում էր մեհեանների քուրմ:

34. Ահա թէ ինչպէս Յերոբովամի տունը մեղք գործեց, եւ դրա համար Էլ նա բնաջնջուեց ու վերացաւ երկրի երեսից:

1. Այն ժամանակ հիւանդացաւ Յերոբովամի որդի Աբիան,
2. եւ Յերոբովամն ասաց իր կնոջը. Վե՛ր կաց, կերպարանափոխուի՛ր, որ չիմանան, թէ դու Յերոբովամի կինն ես, եւ գնա՛ Սելով: Այնտեղ է ապրում Աքիա մարգարէն: Նա գուշակել է, թէ ես պիտի թագաւորեմ այս ժողովրդի վրայ:
3. Հա՛ց վերցրու Աստծու մարդու համար, նրա որդիների համար՝ բլիթներ, չամիչ ու մի սափոր մեղր, գնա՛ նրա մօտ, եւ նա քեզ պիտի յայտնի, թէ ինչ կը պատահի մանկանը:
4. Յերոբովամի կինն այդպէս էլ արեց. նա վեր կացաւ գնաց Սելով, մտաւ Աքիայի տունը, սակայն Աքիայի տեսողութիւնը վատացել էր, ծերութեան պատճառով աչքերը չէին տեսնում:
5. Տէրն ասաց Աքիային. Յերոբովամի կինը եկել է քեզից բան հարցնելու իր հիւանդ որդու մասին, իսկ դու այսպէս եւ այսպէս կ'ասես նրան:
6. Երբ կինը ներս մտաւ, արդէն կերպարանափոխուած էր: Երբ Աքիան դռան բացուելուց եւ ներս մտնելուց յետոյ լսեց նրա ոտնաձայնը, ասաց. Մտի՛ր, Յերոբովամի՛ կին, ինչո՞ւ ես կերպարանափոխուել: Ես ուղարկուած եմ, որ քեզ դաժան բան ասեմ:
7. Գնա՛ եւ ասա՛ Յերոբովամին. այսպէս է ասում Իսրայելի Տէր Աստուածը. Ես քեզ բարձրացրի ժողովրդի միջից, քեզ Իսրայելի իմ ժողովրդի վրայ առաջնորդ դրեցի,
8. ես թագաւորութիւնը խլեցի Դաւթի տնից ու քեզ յանձնեցի, սակայն դու չեղար իմ ծառայ Դաւթի նման, որը պահում էր իմ պատուիրանները եւ իր ամբողջ սրտով հետեւում էր ինձ, որպէսզի իմ աչքին հաճելի երեւացածն անի:
9. Դու աւելի շատ չարութիւն գործեցիր, քան քո բոլոր նախորդները. դու օտար աստուածներ ու ծուլածոյ կուռքեր պատրաստել տուեցիր, որպէսզի ինձ բարկացնես, իսկ ինձ մոռացութեան տուեցիր:
10. Դրա համար Յերոբովամի տան վրայ չարիք պիտի բերեմ, Յերոբովամի տնից մինչեւ վերջ պիտի բնաջնջեմ բոլոր նրանց, ովքեր միգում են պատին, Իսրայելի մէջ ապրող ստրուկ ու ազատ մարդկանց, Յերոբովամի տունը պիտի ալեմ այնպէս, ինչպէս աղբն են ալում, մինչեւ որ իսպառ ոչնչացնեմ այն:
11. Յերոբովամի տնից ով քաղաքում մեռնի, շները պիտի ուտեն նրան, իսկ ով դաշտում մեռնի, երկնքի թռչունները պիտի կտցեն: Ահա Տէրն է այսպէս ասել:
12. Իսկ դու վեր կաց գնա՛ քո տունը, եւ երբ քո ոտքերը քաղաք մտնեն, երեխան կը մեռնի,
13. եւ ամբողջ Իսրայելը կ'ողբայ ու կը թաղի նրան: Յերոբովամի մարդկանցից միայն նրա որդին կը մտնի գերեզման, քանի որ Իսրայելի Տէր Աստուածը Յերոբովամի տանը միայն նրա՛ մէջ տեսաւ մի բարի բան:
14. Տէրը իր համար մի թագաւոր պիտի հանի Իսրայելի դէմ, որը այսօր իսկ բնաջինջ պիտի անի Յերոբովամի տունը:
15. Եւ արդ, ի՞նչ մնաց: Տէրը պիտի հարուածի Իսրայելին, եւ նա պիտի նմանուի ջրի մէջ շարժուող եղեգի: Նա իսրայելացիներին պիտի հեռացնի այս լաւ երկրից, որ տուել էր նրանց հայրերին: Նրանց գետի միւս կողմը պիտի քշի ի դիմաց այն բանի, որ նրանք իրենց համար կուռքեր շինեցին, որպէսզի բարկացնեն Տիրոջը:
16. Տէրը կորստեան պիտի մատնի Իսրայելին Յերոբովամի մեղքերի համար, որը մեղանչեց եւ Իսրայելին էլ մեղանչել տուեց:
17. Յերոբովամի կինը վեր կացաւ ու գնաց Սարիրա: Նա հազիւ էր տան դռնից ներս մտել, որ երեխան մեռաւ,
18. եւ ամբողջ Իսրայելը ողբաց նրան ու թաղեց, ինչպէս որ Տէրն էր նախօրօք յայտնել իր ծառայ Աքիա մարգարէի միջոցով:
19. Յերոբովամի մնացած գործերի մասին, թէ նա ինչ պատերազմներ մղեց, որքան ժամանակ թագաւորեց, գրուած է Իսրայելի թագաւորների ժամանակագրութեան մէջ:
20. Յերոբովամը թագաւորեց քսաներկու տարի եւ գնաց իր նախնիների գիրկը: Նրա փոխարէն թագաւորեց իր որդի Նաբադը:

21. Սողոմոնի որդի Ռոբովամը թագաւորեց Յուդայի երկրի վրայ: Քառասունմէկ տարեկան էր Ռոբովամը, երբ թագաւոր օծուեց, եւ տասնեօթը տարի թագաւորեց Երուսաղէմ քաղաքում, որը Տէրն ընտրել էր Իսրայէլի բոլոր ցեղերին պատկանող վայրերի միջից, որպէսզի իր անունն այնտեղ յայտնի դարձնի: Նրա ամոնացի մօր անունն էր Նաամա:
22. Ռոբովամը չար գործեր արեց Տիրոջ առաջ. նա նմանուեց իր նախնիներին՝ ընթացաւ նրանց գործած մեղքերի ճանապարհով:
23. Նրանք իրենց համար մեհեաններ ու կուռքեր շինեցին ամէն բարձր բլրի վրայ եւ ամէն տերեւաշատ ծառի տակ:
24. Նրանք խոտորուեցին այդ երկրի այն ազգերի նման, որոնք գարշելի բաներ էին անում, եւ որոնց քշել էր Տէրը իսրայէլացիների առջեւից:
25. Այն տարում, երբ Ռոբովամը թագաւոր օծուեց, Եգիպտոսի արքայ Սաւսակիմը յարձակուեց Երուսաղէմի վրայ,
26. վերցրեց Տիրոջ տան, ինչպէս նաեւ արքայի տան բոլոր գանձերը, ոսկէ նիզակները, որոնք Դաւիթը աւար էր վերցրել Սուբայի արքայ Ադրաազարի ձեռքից: Նա տարաւ ամէն ինչ, որ Դաւիթը վերցրել էր որպէս աւար ու տարել Երուսաղէմ: Աւար վերցրեց նաեւ ոսկէ վահանները, որ պատրաստել էր Սողոմոնը:
27. Ռոբովամ արքան դրանց փոխարէն պղնձէ վահաններ շինեց եւ դրանք յանձնեց պահակազօրքի զօրագլուխներին, որոնք պահպանում էին արքայի տունը:
28. Երբ արքան մտնում էր Տիրոջ տունը, պահակազօրքը օգտագործում էր դրանք ու յետոյ կախում զինարանում:
29. Ռոբովամի մնացած գործերը եւ այն ամէնը, ինչ արել է նա, չէ՞ որ նկարագրուած են Յուդայի երկրի թագաւորների ժամանակագրութեան մէջ:
30. Ռոբովամն ու Յերոբովամը միշտ պատերազմի մէջ էին:
31. Ռոբովամը գնաց իր նախնիների գիրկը եւ թաղուեց իր նախնիների մօտ, Դաւթի քաղաքում: Նրա ամոնացի մօր անունը Նաամա էր: Նրա փոխարէն թագաւորեց իր որդի Աբիուն:



1. Նախատի որդի Յերոբովամի թագաւորութեան տասնութերորդ տարում Յուդայի երկրի վրայ թագաւորեց Ռոբովամի որդի Աբիուն:
2. Նա երեք տարի թագաւորեց Երուսաղէմում: Նրա մայրը Աբեսաղոմի դուստր Մաաքան էր:
3. Նա գնաց նախկինում Տիրոջ առաջ իր հօր գործած բոլոր մեղքերի ճանապարհով, նրա սիրտն ուղիղ չէր իր Տէր Աստծու առջեւ, ինչպէս մաքուր էր իր հայր Դաւթի սիրտը:
4. Տէր Աստուածը, սակայն, յանուն Դաւթի նկատմամբ ունեցած իր սիրոյ, Երուսաղէմում թողել էր մի ժառանգ, որպէսզի նրանից յետոյ նրա որդիները գոյատեւեն նրա միջոցով, ու կանգուն պահի Երուսաղէմը,
5. քանի որ Դաւիթն իր ամբողջ կեանքի ընթացքում ուղիղ էր ընթացել Տիրոջ առջեւ, չէր շեղուել այն ուղուց, որ պատուիրել էին իրեն, բացի քետացի Ուրիայի հետ կատարուած դէպքից:
6. Իրենց կենդանութեան բոլոր օրերում Աբիուն ու Յերոբովամը իրար դէմ պատերազմ էին մղում:
7. Աբիուի մնացած գործերն ու նրա արարքները չէ՞ որ նկարագրուած են Յուդայի երկրի թագաւորների ժամանակագրութեան մէջ: Պատերազմ էր մղում Աբիուի ու Յերոբովամի միջեւ:
8. Աբիուն գնաց իր նախնիների գիրկը եւ թաղուեց Դաւթի քաղաքում: Նրա փոխարէն թագաւորեց իր որդի Ասան:
9. Իսրայէլի արքայ Յերոբովամի թագաւորութեան քսաներորդ տարում Ասան թագաւորեց Յուդայի երկրի վրայ:
10. Նա քառասունմէկ տարի իշխեց Երուսաղէմում: Նրա մայրը Աբեսաղոմի դուստր Մաաքան էր:
11. Ասան իր նախնի Դաւթի նման ուղիղ ընթացք ունեցաւ Տիրոջ առջեւ,
12. երկրից վերացրեց սողոմական մեղքը, ջնջեց ամէն տեսակ մոլորութիւնները, որ գործել էին իր նախորդները:
13. Նա իր մայր Մաաքային գրկեց Մեծ տիկին կոչումից, քանզի նա իր մեհեանում ծես էր կատարել: Ասան կործանեց նրա կուռքերը եւ դրանք հրով այրեց Կեդրոնի հեղեղատի մօտ:
14. Թէեւ մեհեանները չվերացրեց, սակայն իր ամբողջ կեանքում նրա սիրտն ամբողջովին ուղիղ էր Տիրոջ նկատմամբ:
15. Նա բերեց իր հօր սիւները, նաեւ իրեն պատկանող արծաթե ու ոսկե սիւներն ու անօթները եւ դրեց Տիրոջ տանը:
16. Իրենց կենդանութեան բոլոր օրերում Ասան ու Իսրայէլի արքայ Բաասան իրար դէմ պատերազմ էին մղում:
17. Իսրայէլի արքայ Բաասը յարձակուեց Յուդայի երկրի վրայ եւ կառուցեց Ռաման, որ որեւէ մէկը ելումուտ չունենայ Յուդայի արքայ Ասայի երկիրը:
18. Ասան վերցրեց Տիրոջ տան գանձարանում եւ թագաւորական տան գանձարանում եղած ամբողջ արծաթն ու ոսկին, տուեց իր ծառաների ձեռքը, որ դրանք տանեն Դամասկոսում բնակուող ասորիների արքայ Ազայէլի որդի Աբներայիմի որդի Ադերի որդուն՝ ասելով.
19. Դաշինք թող կնքուի իմ ու քո միջեւ, ինչպէս որ եղել է իմ հօր ու քո հօր միջեւ: Ահաւասիկ քեզ ընծայ եմ ուղարկում արծաթ ու ոսկի, որպէսզի քանդես քո եւ Իսրայէլի արքայ Բաասի միջեւ եղած դաշինքը, եւ նա հեռանայ ինձնից:
20. Ադերի որդին լսեց Ասա արքային, իր իշխաններին ուղարկեց Իսրայէլի քաղաքների դէմ, հարուածեց Այինը, Դանը, Աբել Բեթմաաքան եւ ամբողջ քեներեքը մինչեւ Նեփթաղիմի ամբողջ երկիրը:
21. Երբ Բաասան լսեց այդ, ընդհատեց Ռամայի շինութիւնը եւ վերադարձաւ Թերսա:
22. Ասա արքան Յուդայի երկրի բոլոր մարդկանց, որոնք ենակիմում էին, հրամայեց, որ

հանեն բերեն Ռամայի քարերն ու փայտերը, որ Բաասան օգտագործում էր շինութեան համար: Ասա արքան դրանցով կառուցապատեց Բենիամինի ամբողջ բլուրը եւ դիտանոցը:

23. Ասայի մնացած գործերը, նրա զօրութիւնը եւ այն ամէնը, ինչ նա արել է, նաեւ իր կառուցած քաղաքը, չէ՞ որ նկարագրուած են Յուդայի երկրի թագաւորների ժամանակագրութեան մէջ: Այդտեղ չի ասուած միայն այն մասին, որ Ասայի ծերութեան օրերին նրա ոտքերը ցաւեցին:

24. Ասան գնաց իր նախնիների գիրկը եւ թաղուեց իր նախնիների մօտ, Դաւթի քաղաքում: Նրա փոխարէն թագաւորեց իր որդին՝ Յոսափատը:

25. Յերոբովամի որդի Նաբատը Իսրայէլում թագաւորեց Յուդայի արքայ Ասայի թագաւորութեան երկրորդ տարում: Նա Իսրայէլում թագաւորեց երկու տարի:

26. Նա չար գործեր արեց Տիրոջ առաջ, ընթացաւ իր հօր գործած մեղքերի ճանապարհով եւ դրանցով էլ Իսրայէլը մեղքի մէջ գցեց:

27. Նրա դէմ դաւ նկւեց Աքիայի որդի Բաասան, որն Իսաքարի տան վրայ էր իշխում: Բաասան նրան սպանեց այլազգիների բնակավայրում, իսկ Նաբատն ու ամբողջ Իսրայէլը պաշարել էին Գաբաթոնը:

28. Բաասան նրան սպանեց Յուդայի երկրի Ասա արքայի թագաւորութեան երկրորդ տարում, եւ նրա փոխարէն ինքը թագաւորեց:

29. Երբ թագաւոր դարձաւ, կոտորեց Յերոբովամի ամբողջ տունը եւ Յերոբովամի տնից ոչ մի մարդու կենդանի չթողեց, բոլորին բնաջնջեց, ինչպէս Տէրն էր ասել իր ծառայ սիւնացի Աքիայի միջոցով,

30. որովհետեւ Յերոբովամն ինքը շատ մեղքեր էր գործել եւ Իսրայէլին էլ մեղքերի մէջ էր գցել ու դրանով զայրացրել էր Իսրայէլի Տէր Աստծուն:

31. Նաբատի մնացած գործերն ու այն ամէնը, ինչ արել է նա, չէ՞ որ նկարագրուած են Իսրայէլի թագաւորների ժամանակագրութեան մէջ:

32. Իրենց կենդանութեան բոլոր օրերում Ասան ու Իսրայէլի արքայ Նաբատը իրար դէմ պատերազմ էին մղում:

33. Յուդայի երկրի արքայ Ասայի թագաւորութեան երրորդ տարում ամբողջ Իսրայէլի վրայ թագաւորեց Աքիայի որդի Բաասան: Նա քսանչորս տարի թագաւորեց Թերսայում:

34. Նա չար գործեր արեց Տիրոջ առաջ, գնաց Նաբատի որդի Յերոբովամի գործած մեղքերի ճանապարհով եւ դրանցով Իսրայէլն էլ մեղքերի մէջ գցեց:

1. Տերը Անանիայի որդի Յեուի միջոցով խօսքն ուղղելով Բաասային՝ ասաց.
2. Թեեւ ես քեզ երկրի փոշուց բարձրացրի եւ իմ ժողովուրդ Իսրայելին առաջնորդ դարձրի, սակայն դու գնացիր Յերոբոամի ճանապարհով եւ Իսրայելի իմ ժողովրդին մեղանշել տուեցիր, որ նրանց կուռքերով ինձ բարկացնես:
3. Դրա համար ես թշնամի եմ յարուցելու Բաասայի ու նրա տան դէմ եւ քո տունը Նաբատի որդի Յերոբոամի տան նման եմ դարձնելու:
4. Բաասայի տնից ով քաղաքում մեռնի, շները պիտի ուտեն նրան, իսկ ով դաշտում մեռնի, երկնքի թռչունները պիտի կտցեն:
5. Բաասայի մնացած գործերը, նրա քաջագործութիւններն ու այն ամէնը, ինչ նա արել է, չէ՞ որ նկարագրուած են Իսրայելի թագաւորների ժամանակագրութեան մէջ:
6. Բաասան գնաց իր նախնիների գիրկը եւ թաղուեց Թերսայում: Ասա արքայի թագաւորութեան քսաներորդ տարում նրա փոխարէն թագաւորեց իր որդի Ելան:
7. Արդէն ասել ենք, թէ Տերը Անանիայի որդի Յեու մարգարէի միջոցով խօսել էր Բաասայի, նրա տան եւ այն բոլոր չարիքների մասին, որ նա գործել էր Տիրոջ նկատմամբ, թէ ինչպէս նա իր կատարած գործերով բարկացրել էր նրան, եւ Տերը պատուհասել էր նրան այնպէս, ինչպէս Յերոբոամին:
8. Յուդայի երկրի արքայ Ասայի թագաւորութեան քսանվեցերորդ տարում Թերսայում Իսրայելի վրայ երկու տարի թագաւորեց Բաասայի որդի Ելան:
9. Նրա ծառայ Չամբրին՝ հեծելազօրի կէս մասի հրամանատարը, ըմբոստացաւ նրա դէմ, երբ նա Թերսայում հանդերձարանի պետ Արսայի տանը խմել հարբել էր:
10. Չամբրին Յուդայի երկրի Ասա արքայի թագաւորութեան քսանեօթներորդ տարում խփեց սպանեց նրան եւ նրա փոխարէն թագաւոր դարձաւ:
11. Երբ նա թագաւորեց ու նստեց գահին, կոտորեց Բաասայի ամբողջ տոհմը՝ նրա մերձաւորներին ու բարեկամներին, կենդանի չթողեց պատին միզող ոչ մէկին:
12. Չամբրին Բաասայի ամբողջ տոհմը բնաջնջեց, ինչպէս որ Տերը Յեու մարգարէի միջոցով յայտնել էր Բաասայի տան մասին:
13. Այս բոլորը եղան Բաասայի բոլոր մեղքերի, նրա որդի Ելայի մեղքերի պատճառով, քանի որ նրանք մեղանշել էին տուել Իսրայելին՝ բարկացնելով Իսրայելի Տէր Աստծուն իրենց կուռքերով:
14. Ելայի մնացած գործերը եւ այն ամէնը, ինչ նա արել է, չէ՞ որ նկարագրուած են Իսրայելի թագաւորների ժամանակագրութեան մէջ:
15. Յուդայի երկրի արքայ Ասայի թագաւորութեան քսանեօթներորդ տարում Չամբրին Թերսայում թագաւորեց եօթը օր: Այդ ժամանակ Իսրայելի զօրքը բանակատեղի էր դրել այլազգիների Գաբաթոն բնակավայրում:
16. Երբ բանակատեղիում գտնուող ժողովուրդը լսեց, որ Չամբրին զօրք է հաւաքել ու սպանել արքային, ապա Նոյն օրը զօրահրամանատար Ամրիին թագաւոր դարձրեց Իսրայելի վրայ բանակատեղիում:
17. Ամրին բոլոր իսրայէլացիների հետ գնաց Գաբաթոնից ու եկաւ պաշարեց Թերսան:
18. Երբ Չամբրին տեսաւ, որ քաղաքը շուտով գրաւելու են, մտաւ արքունի սենեակներից մէկը եւ արքունի տունը հրի մատնեց:
19. Նա մեռաւ Տիրոջ առաջ իր գործած մեղքերի համար, քանզի գնացել էր Նաբատի որդի Յերոբոամի գործած մեղքերի ճանապարհով եւ դրանցով էլ Իսրայելը մեղքի մէջ գցել:
20. Չամբրիի մնացած գործերն ու նիւթած դաւադրութիւնները չէ՞ որ նկարագրուած են Իսրայելի թագաւորների ժամանակագրութեան մէջ:
21. Այն ժամանակ Իսրայելի ժողովուրդը երկուսի բաժանուեց. ժողովրդի կեսը յարեց Գոնաթի որդի Թամսիին, որպէսզի նրան թագաւոր դարձնի, իսկ ժողովրդի միւս կեսը յարեց Ամրիին:
22. Յաղթեցին Ամրիի հետեւորդները, իսկ Գոնաթի որդի Թամսիին յարող ժողովուրդը

պարտութիւն կրեց: Այն ժամանակ մեռան Թամսին ու Նրա եղբայր Յորամը, եւ Թամսիից յետոյ թագաւորեց Ամրին:

23. Յուդայի երկրի Ասա արքայի թագաւորութեան երեսունմէկերորդ տարում Ամրին թագաւորեց Իսրայէլի վրայ եւ իշխեց տասներկու տարի: Նա Թերսայում թագաւորեց վեց տարի:

24. Ամրին Սեմերոն լեռը Նրա տիրոջից՝ Սամերից գնեց երկու տաղանդ արծաթով, լեռը շէնացրեց եւ շէնացրած այդ լեռը Նախկին տիրոջ՝ Սամերի անունով կոչեց Սեմերոն:

25. Ամրին Տիրոջ առջեւ չարիք գործեց, բոլոր իրենից առաջ եղածներից աւելի չարութիւն գործեց,

26. գնաց Նաբատի որդի Յերոբովամի ընթացած բոլոր ճանապարհներով, գործեց այն մեղքերը, որով մեղանչել տուեց Իսրայէլին եւ իր կուռքերով բարկացրեց Իսրայէլի Տէր Աստծուն:

27. Ամրիի մնացած գործերը, այն ամէնը, ինչ նա արել է, Նրա քաջագործութիւնները չէ՞ որ Նկարագրուած են Իսրայէլի թագաւորների ժամանակագրութեան մէջ:

28. Ամրին գնաց իր Նախնիների գիրկը, թաղուեց Սամարիայում, եւ իր փոխարէն թագաւորեց իր որդին՝ Աքաաբը:

29. Ամրիի որդի Աքաաբը թագաւորեց Իսրայէլի վրայ: Յուդայի երկրի արքայ Ասայի թագաւորութեան երեսունութերորդ տարում Ամրիի որդի Աքաաբը թագաւորեց Իսրայէլի վրայ: Նա քսաներկու տարի թագաւորեց Սամարիայում:

30. Ամրիի որդի Աքաաբը Տիրոջ առջեւ առաւել չար գտնուեց, քան իր բոլոր Նախորդները:

31. Բացի այն, որ նա գործում էր Նաբատի որդի Յերոբովամի Նոյն մեղքերը, նա կին առաւ սիդոնացիների արքայ Յոբադի դուստր Յեզաբէլին եւ գնաց ու պաշտեց Բահաղին,

32. երկրպագեց Նրան եւ Սամարիայում կառուցած գարշելի կուռքերի տանը Բահաղի համար զոհասեղան կանգնեցրեց:

33. Աքաաբը կուռք կանգնեցրեց եւ իր գործերով առաւել բարկացրեց Աստծուն, քան իրենից առաջ եղած Իսրայէլի բոլոր թագաւորները:

34. Նրա օրօք բեթէլացի Աքիելը կառուցեց Երիքովը, իր անդրանիկ որդի Աբիրոնի հետ դրա հիմքերը դրեց, իսկ կրտսեր որդի Սեգուբի հետ դրա դարպասները կանգնեցրեց, համաձայն Տիրոջ խօսքի, որ ասուեց Նաւէի որդի Յեսուի բերանով:

1. Գաղաադի Թեգբէ գիւղից սերած Եղիա մարգարէն ասաց Աքաաբին. Կենդանի է երկնային զօրութիւնների Տէր Աստուածը, Իսրայէլի Աստուածը, որի առջեւ կանգնում եմ. եթէ այս տարիներին ցօղ իջնի կամ անձրեւ գայ, ապա այդ կը լինի միայն իմ խօսքով:
2. Տէրը խօսեց Եղիայի հետ եւ ասաց.
3. Գնա՛ այստեղից դէպի արեւելք ու թաքնուի՛ր Քոռաթի հեղեղատի մօտ, որը Յորդանան գետի դիմացն է:
4. Այնտեղ հեղեղատի ջրից կը խմես, իսկ ես հրամայել եմ ագռաւներին, որ քեզ այնտեղ կերակրեն:
5. Եղիան գնաց եւ արեց Տիրոջ ասածի համաձայն. նա գնաց ու նստեց Քոռաթի հեղեղատի մօտ, Յորդանան գետի դիմաց:
6. Ամէն առաւօտ ագռաւները հաց ու միս էին բերում նրան, ինչպէս նաեւ հաց ու միս՝ երեկոները, իսկ ջուրը նա հեղեղատից էր խմում:
7. Որոշ ժամանակ անց հեղեղատը ցամաքեց, որովհետեւ անձրեւ չէր տեղում երկրի վրայ:
8. Տէրն իր խօսքն ուղղեց Եղիային՝ ասելով.
9. Կե՛ր կաց եւ գնա՛ սիդոնացիների Սարեփթա քաղաքը եւ այնտե՛ղ մնա: Ես մի այրի կնոջ պատուիրել եմ, որ քեզ այնտեղ կերակրի:
10. Եղիան գնաց Սարեփթա ու հասաւ քաղաքի դարպասը: Մի կին այնտեղ փայտ էր հաւաքում: Եղիան ձայն տալով նրան՝ ասաց. Ինձ համար ամանով մի քիչ ջուր բե՛ր, որ խմեմ:
11. Կինը գնաց բերելու: Եղիան նրա յետեւից ձայն տալով՝ ասաց. Ինձ համար մի պատառ հաց բե՛ր:
12. Կինն ասաց. Կենդանի է քո Տէր Աստուածը. ես մի նկանակ էլ չունեմ, բացի սափորում եղած մի բուռ ալիւրից եւ կուժի մէջ եղած մի քիչ իւղից: Ահա մի երկու փայտի կտոր եմ հաւաքում, որ գնամ ու հաց պատրաստեմ ինձ եւ երեխաներիս համար. այն կ'ուտենք ու յետոյ կը մեռնենք:
13. Եղիան ասաց նրան. Քաջալերուի՛ր, գնա՛ եւ արա՛ այնպէս, ինչպէս ասացիր, սակայն նախ ինձ համար մի փոքրիկ նկանակ պատրաստի՛ր ու բե՛ր եւ ապա պատրաստի՛ր քեզ ու երեխաներիդ համար:
14. Այսպէս է ասում Իսրայէլի Տէր Աստուածը. Ալիւրը չի պակասելու սափորում, եւ կուժի իւղը չի նուազելու մինչեւ այն օրը, երբ Տէրն անձրեւ կը տեղացնի երկրի վրայ:
15. Կինը գնաց եւ արեց այնպէս, ինչպէս ասել էր Եղիան: Եղիան, կինն ու նրա որդիները կերան:
16. Այդ օրուանից սափորում ալիւր չպակասեց, եւ կուժի մէջ իւղ չնուազեց, ինչպէս որ Եղիայի միջոցով ասել էր Տէրը:
17. Այս դէպքերից յետոյ այնպէս պատահեց, որ տանտիկնոջ որդին հիւանդացաւ: Հիւանդութիւնն այնքան ծանր էր, որ տղայի մէջ շունչ չմնաց:
18. Այրին ասաց Եղիային. Ի՞նչ գործ ունես ինձ հետ, ո՛վ Աստծու մարդ, եկել ես ինձ մօտ, որ մեղքե՞րս յիշեցնես ու որդո՞ւս սպանես:
19. Եղիան ասաց կնոջը. Տո՛ւր ինձ քո որդուն: Նա երեխային վերցրեց նրա գրկից, տարաւ վերնատուն, ուր ինքն էր բնակւում, եւ պառկեցրեց նրան իր անկողնի վրայ:
20. Եղիան աղաղակելով ասաց. Ո՛վ Տէր, ահա տեսնում ես այս այրի կնոջը, որի մօտ ես բնակւում եմ: Դու չարչարեցիր նրա որդուն եւ մահ պատճառեցիր:
21. Նա երեք անգամ փչեց մանկան վրայ եւ աղաղակեց Տիրոջն՝ ասելով. Տե՛ր իմ Աստուած, այս երեխայի շունչը իրե՛ն վերադարձրու:
22. Այդպէս էլ եղաւ. նա աղաղակեց, Տէրը լսեց Եղիայի ձայնը, երեխայի շունչը վերադարձաւ նրա մարմնի մէջ, ու նա կենդանացաւ:
23. Եղիան առաւ մանկանը, վերնատնից տուն իջեցրեց նրան, տունց իր մօրը՝ ասելով. Տես, որ կենդանի է քո որդին:

24. Կինն ասաց Եղիային. Հիմա համոզուեցի, որ դու Աստծու մարդն ես, եւ Տիրոջ ճշմարիտ խօսքն է քո բերանում:

1. Որոշ ժամանակ անցնելուց յետոյ, երրորդ տարում, Եղիային հասաւ Տիրոջ խօսքը, որն ասում էր. Գնա՛ ու երեւացի՛ր Աքաաբին, իսկ ես անձրեւ կը տեղացնեմ երկրի վրայ:
2. Եղիան գնաց Աքաաբին ներկայանալու, իսկ Սամարիայում սաստիկ սով էր:
3. Աքաաբը կանչեց իր հազարապետ Աբդիուին: Աբդիուն սաստիկ երկիւղ էր կրում Տիրոջից.
4. երբ Յեզաբելը կոտորում էր Տիրոջ մարգարէներին, Աբդիուն հարիւր մարգարէի տարաւ եւ նրանց յիսուն-յիսուն թաքցրեց քարայրներում եւ կերակրեց նրանց հացով ու ջրով:
5. Արքան ասաց Աբդիուին. Ե՛կ շրջենք այս երկրում, փնտռենք ու գտնենք բոլոր աղբիւրներն ու հեղեղատները, թերեւս խոտ գտնենք ու կերակրենք ձիերին ու ջորիներին, որպէսզի անասունները չսատկեն:
6. Նրանք իրենց միջեւ բաժանեցին շրջելու ենթակայ տեղերը: Աքաաբը մի ճանապարհով գնաց առանձին, իսկ Աբդիուն մի այլ ճանապարհով՝ առանձին:
7. Երբ Աբդիուն ճանապարհին էր, Եղիան նրան ընդառաջ ելաւ միայնակ: Աբդիուն անմիջապէս ընկաւ երեսի վրայ ու ասաց. Մի՞թէ դու ես, տէ՛ր իմ Եղիա:
8. Եղիան ասաց. Ես եմ: Գնա ասա՛ քո տիրոջը. Ահա Եղիան:
9. Աբդիուն ասաց. Ի՞նչ մեղք եմ գործել, որ քո ծառային մատնում ես Աքաաբի ձեռքը, որպէսզի սպանի ինձ:
10. Կենդանի է քո Տէր Աստուածը. չկայ ազգ կամ թագաւորութիւն, ուր իմ տէրը մարդ ուղարկած չլինի քեզ որոնելու, սակայն երբ ասում էին, թէ՛ Չկայ, նա այրել էր տալիս այն թագաւորութիւնը կամ այն երկիրը, որտեղ քեզ չէր գտնում:
11. Արդ, ինձ ասում ես, թէ՛ Գնա՛ ու պատմի՛ր քո տիրոջը, թէ՛ “Ահա այստեղ է Եղիան”:
12. Եթէ ես քո մօտից գնամ, եւ Տիրոջ հոգին քեզ վերցնի տանի մի երկիր, որը չգիտեմ, իսկ ես գնամ յայտնեմ Աքաաբին, եւ նա չգտնի քեզ, ապա ինձ կը սպանի:
13. Չէ՞ որ քո ծառան մանկութիւնից ի վեր երկիւղ է կրում Տիրոջից: Մի՞թէ չեն պատմել իմ տիրոջը, որ, երբ Յեզաբելը կոտորում էր Տիրոջ մարգարէներին, ես Տիրոջ մարգարէներից հարիւր հոգի՝ յիսուն-յիսուն թաքցրել եմ տարբեր քարայրներում, նրանց կերակրել հացով ու ջրով:
14. Եւ հիմա ասում ես ինձ՝ Գնա ասա՛ քո տիրոջը, թէ՛ “Ահա այստեղ է Եղիան”, որ նա էլ ինձ սպանի:
15. Եղիան, սակայն, ասաց. Կենդանի է զօրութիւնների Տէրը, որի առջեւ կանգնած եմ. ես այսօր երեւալու եմ Աքաաբին:
16. Աբդիուն գնաց Աքաաբի մօտ ու նրան պատմեց կատարուածը: Աքաաբը վեր կացաւ ու գնաց Եղիային դիմաւորելու:
17. Երբ Աքաաբը տեսաւ Եղիային, ասաց. Այդ դո՞ւ ես Իսրայէլը տակնուվրայ անողը:
18. Եղիան ասաց. Ես չեմ Իսրայէլը տակնուվրայ անողը, այլ՝ դու եւ քո հօր տունը, որ, լքելով ձեր Տէր Աստծուն, գնացել էք Բահաղիմին յարողների յետեւից:
19. Արդ, մա՛րդ ուղարկիր եւ ինձ մօտ, Կարմելոս լեռան վրայ հաւաքի՛ր ամբողջ Իսրայէլին, Բահաղի չորս հարիւր յիսուն մարգարէներին եւ չորս հարիւր յիսուն ամօթի՝ Աստարտի մարգարէներին եւ մեհեանների չորս հարիւր կռապաշտ մարգարէներին, որոնք սնվում են Յեզաբել թագուհու սեղանից:
20. Աքաաբը մարդ ուղարկեց Իսրայէլի չորս կողմերը եւ մարգարէներին հաւաքեց Կարմելոս լեռան վրայ:
21. Եղիան մօտենալով ամբողջ ժողովրդին՝ ասաց. Մինչեւ ե՞րբ պիտի կաղաք երկու ոտքով: Եթէ Տէրը Աստուած է, գնացե՛ք նրա յետեւից, եւ եթէ Բահաղն է, նրա՛ յետեւից գնացե՛ք: Ժողովուրդը պատասխան չտուեց:
22. Եղիան ասաց ժողովրդին. Միայն ես եմ մնացել Տիրոջ մարգարէ, Բահաղի մարգարէները չորս հարիւր յիսուն հոգի են, մեհեանների կռապաշտ մարգարէները՝ չորս հարիւր:

23. Արդ, թող մեզ երկու եզ տան, նրանք թող իրենց համար ընտրեն մեկին, կտրատեն այն ու դնեն փայտերի վրայ, սակայն կրակ թող չվառեն: Ես էլ նոյնն անեմ միւս եզան. դնեմ փայտերի վրայ եւ կրակ չվառեմ:
24. Դրանից յետոյ դուք դիմեցէ՛ք ձեր աստուածներին, իսկ ես՝ իմ Տէր Աստծուն: Այն աստուածը, որ հրով կը պատասխանի, նա՛ է Աստուածը: Ամբողջ ժողովուրդը պատասխանեց՝ ասելով. Ճիշտ խօսք ասացիր:
25. Եղիան ասաց ամօթի՝ Աստարտի մարգարէներին. Ընտրեցէ՛ք ձեզ համար մի զուարակ եւ առաջինը դուք սկսեցէ՛ք, քանի որ բազմամարդ էք: Տուէ՛ք ձեր աստուածների անունը, սակայն կրակ մի՛ վառեք:
26. Նրանք առան իրենց տրուած զուարակը եւ այդպէս արեցին. նրանք առաւօտից մինչեւ կէսօր դիմելով Բահաղին՝ ասում էին. Լսի՛ր մեզ, Բահա՛ղ, լսի՛ր մեզ: Բայց ո՛չ ձայն կար, ո՛չ պատասխան: Նրանք ցատկոտում էին իրենց կառուցած զոհասեղանի շուրջը:
27. Երբ կէսօր եղաւ, թեգբացի Եղիան ծաղրեց նրանց՝ ասելով. Բարձրածայն կանչեցէք, չէ՞ որ աստուած է, թերեւս զբաղուած է, կամ գործ է կատարում, կամ գուցէ քնած է եւ զարթնի:
28. Նրանք բարձրածայն կանչում էին եւ, ըստ իրենց օրէնքի, սրերով ու գեղարդներով իրենք իրենց կտրատում էին, մինչեւ որ արիւն հոսեց նրանց մարմնից:
29. Երբ երեկոն մօտենում էր, նրանք դեռ ոգեկոչում էին մինչեւ զոհ մատուցելու ժամանակը, սակայն ոչ մի ձայն չկար: Այն ժամանակ խօսեց թեգբացի Եղիան գարշելի կուռքերի մարգարէների հետ՝ ասելով. Հեռո՛ւ կանգնեցէք, հիմա ես եմ իմ ողջակէզն անելու: Նրանք գնացին հեռացան:
30. Եղիան ասաց ժողովրդին. Մօտեցէ՛ք ինձ: Ամբողջ ժողովուրդը մօտեցաւ նրան:
31. Նա նորոգեց Տիրոջ կործանուած զոհասեղանը, առաւ տասներկու քար ըստ Իսրայէլի ցեղերի թուի, ինչպէս Տէրն ասել էր նրան՝ Իսրայէ՛լ թող լինի քո անունը:
32. Նա քարերից Տիրոջ անունով զոհասեղան շինեց, նրա շուրջը փոս փորեց, որ կարող էր երկու գրիւ սերմ տանել,
33. ապա փայտ դիզեց զոհասեղանի վրայ, կտրատեց զուարակը, դրա կտրատուած մասերը դասաւորեց զոհասեղանին դրուած փայտերի վրայ:
34. Նա ասաց. Չորս սափոր ջո՛ւր բերէք եւ թափեցէ՛ք ողջակէզի ու ջարդուած փայտերի վրայ: Ապա ասաց. Դարձեա՛լ արեք: Նրանք նոյն բանը կրկին արեցին: Եղիան ասաց. Երրո՛րդ անգամ էլ արեք: Նրանք երրորդ անգամ էլ արեցին:
35. Ջուրը հոսում էր զոհասեղանի շուրջը, եւ փոսը լցուեց ջրով:
36. Չոհի մատուցման ժամին Եղիան երկինք աղաղակելով՝ ասաց. Աբրահամի, Իսահակի ու Իսրայէլի Տէ՛ր Աստուած, թող այսօր համոզուեն, թէ դու ես Իսրայէլի Տէր Աստուածը, եւ ես քո ծառան եմ: Ես արեցի այս գործերը:
37. Լսի՛ր ինձ, Տէ՛ր, պատասխանի՛ր ինձ հրով, որ այս ժողովուրդը գիտենայ, թէ դու ես Տէր Աստուածը, եւ դու յետ դարձրիր այս ժողովրդի սիրտը:
38. Եւ երկնքից կրակ ընկաւ Տիրոջից, լափեց ողջակէզն ու փայտերը, կլանեց փոսի հողն ու ջուրը:
39. Երբ ամբողջ ժողովուրդը տեսաւ դա, ընկաւ երեսնիվայր եւ ասաց. Արդարեւ, Տէրն Աստուած է, Տէրն Աստուած է:
40. Եղիան ասաց ժողովրդին. Բռնեցէ՛ք Բահաղի մարգարէներին, որ նրանցից ոչ ոք չփախչի: Բռնեցին նրանց: Եղիան ամենքին իջեցրեց Կիսոնի հեղեղատն ու այնտեղ կոտորեց նրանց:
41. Եղիան ասաց Աքաաբին. Ելի՛ր, կե՛ր ու խմի՛ր, որովհետեւ անձրեւի ձայն է լսում:
42. Աքաաբն ելաւ, որ ուտի եւ խմի, իսկ Եղիան բարձրացաւ Կարմելոս լեռան գագաթը: Նա մինչեւ գետին խոնարհուեց, երեսն առաւ ծնկների մէջ
43. ու ասաց իր ծառային. Ելի՛ր ու նայի՛ր ծով տանող ճանապարհի կողմը: Ծառան ելաւ, նայեց ու ասաց. Ոչինչ չկայ: Եղիան ասաց. Դու եօթն անգամ արա՛ դա:
44. Ծառան եօթն անգամ գնաց եւ այնպէս պատահեց, որ, եօթներորդ անգամը հազիւ լրացած, մարդու ձեռքի չափ մի փոքրիկ ամպ ջուր էր կաթեցնում: Եղիան ասաց. Գնա՛



ու ասա՛ Աքաաբին՝ Լծի՛ր քո կառքերը եւ հեռացի՛ր, որ անձրեւի չբռնուես:

45. Երբ սա այս ու այն կողմ էր դառնում, երկինքը մթնեց ամպերով ու հողմով, եւ սաստիկ անձրեւ սկսեց տեղալ:

46. Աքաաբը լալով գնաց Յեզրայել: Տիրոջ ձեռքը Եղիայի վրայ էր, որն իր մեջքը պինդ կապելով՝ վազեց Աքաաբի առջեւից մինչեւ որ մտաւ Յեզրայել:

1. Աքաաբը իր կնոջը՝ Յեզաբելին պատմեց այն ամենը, ինչ Եղիան արել էր, եւ թէ ինչպէս Նա բոլոր մարգարէներին սրակոտոր էր արել:
2. Յեզաբելը սուրհանդակ ուղարկեց Եղիայի մօտ՝ ասելով. Եթէ դու Եղիան ես, իսկ ես՝ Յեզաբելը, ապա թող աստուածներն ինձ այսպէս ու այսպէս անեն եւ դեռ անելին, եթէ վաղը այս ժամին քեզ չանեմ այն, ինչ մարգարէներից իւրաքանչիւրին արեցիր դու:
3. Եղիան վախեցաւ, ելաւ գնաց, հեռացաւ այդտեղից, եկաւ Յուդայի երկրի Բերսաբէէ քաղաքը: Այնտեղ թողնելով իր ծառային՝
4. ինքը մէկ օրուայ ճանապարհ գնաց դէպի անապատ եւ Նստեց բեւեկի մի ծառի տակ: Նա իր մահը ցանկացաւ՝ ասելով. Բաւական է, Տէ՛ր, ա՛ռ իմ հոգին ինձնից, քանզի ես իմ հայրերից անելի լաւ չեմ:
5. Նա քուն մտաւ, ննջեց ծառի տակ: Եւ ահա մէկը Նրան մօտենալով՝ ասաց. Ելի՛ր ու կե՛ր:
6. Եղիան նայեց եւ տեսաւ իր սնարից կախուած հաճարի նկանակ եւ ջրի կուժ: Նա ելաւ, կերաւ, խմեց եւ դարձեալ ննջեց:
7. Տիրոջ հրեշտակը երկրորդ անգամ Նրան մօտենալով՝ ասաց. Ելի՛ր, կե՛ր, որովհետեւ երկար ճանապարհ ես գնալու:
8. Նա վեր կացաւ, կերաւ ու խմեց եւ այդ կերակրի զօրութեամբ քառասուն օր ու քառասուն գիշեր քայլեց մինչեւ Աստծու Քորէբ լեռը:
9. Նա մտաւ քարայրն ու այնտեղ օթեւանեց: Եւ ահա Նրան հասաւ Տիրոջ խօսքը, որն ասում էր. Ինչո՞ւ ես այստեղ, Եղիա՛:
10. Եղիան ասաց. Նախանձախնդրութիւն ունեցայ ամենակալ Տիրոջ համար, քանզի իսրայէլացիները քեցին քեզ, քո զոհասեղանները կործանեցին եւ քո մարգարէներին սրակոտոր արեցին: Միայն ես եմ մնացել, եւ ինձ էլ փնտռում են, որ սպանեն:
11. Տէրն ասաց. Վաղն առաւօտեան կ'ելնես ու կը կանգնես լեռան վրայ, Տիրոջ առջեւ: Տէրը կ'անցնի, մի սաստիկ հողմ կը բարձրանայ, Տիրոջ առաջ կը խորտակի լեռները, փուկ կը տայ ժայռերը, սակայն Տէրն այն հողմի մէջ չի լինի: Հողմից յետոյ երկրաշարժ կը լինի, սակայն Տէրը երկրաշարժի մէջ չի լինի:
12. Երկրաշարժից յետոյ կրակ կը թափուի, սակայն Տէրը կրակի մէջ չի լինի: Կրակից յետոյ մեղմ օդի ձայն կը լինի:
13. Երբ Եղիան լսեց Աստծու ասածը, իր կաշուէ վերարկուով ծածկեց երեսը, եկաւ ու կանգնեց քարայրից ներս: Եւ ահա մի ձայն ասաց Նրան. Ինչո՞ւ ես այստեղ, Եղիա՛:
14. Եղիան ասաց. Նախանձախնդրութիւն ունեցայ ամենակալ Տիրոջ համար, քանզի իսրայէլացիները դրժեցին քո ուխտը, քո զոհասեղանները քանդեցին, քո մարգարէներին սրակոտոր արեցին: Միայն ես եմ մնացել, եւ ինձ էլ փնտռում են, որ սպանեն:
15. Տէրն ասաց Նրան. Վերադարձի՛ր քո ճանապարհով, գնա՛ Դամասկոսի անապատով, եւ երբ հասնես, Ազայելին ասորիների թագաւոր կ'օծես,
16. Ամեսսէի որդի Յեուզին՝ Իսրայելի թագաւոր, իսկ արեւմաուլացի Սափատի որդի Եղիսէին կ'օծես մարգարէ քո փոխարէն:
17. Այնպէս կը լինի, որ Ազայելի սրից ազատուածին Յեուն կը սպանի, իսկ Յեուզի սրից ազատուածին՝ Եղիսէն:
18. Իսրայէլում կը թողնես եօթը հազար տղամարդ՝ այնպիսի մարդիկ, որ չեն ծնրադրել Բահաղին եւ շրթունքներով Նրան չեն համբուրել:
19. Նա գնաց այնտեղից ու գտաւ Սափատի որդի Եղիսէին, որը տասներկու եզով վար էր անում, եւ եզները զոյգ-զոյգ Նրա առաջ էին, իսկ ինքը տասներկուերորդ զոյգն էր քշում: Եղիան մօտենալով՝ իր կաշուէ վերարկուն նետեց Եղիսէի վրայ:
20. Եղիսէն թողեց եզներն ու վազեց Եղիայի յետեւից՝ ասելով. Թող Նախ համբուրեմ հօրս ու մօրս, ապա հետեւեմ քեզ: Եղիան ասաց. Գնա՛ ու վերադարձի՛ր, քեզ ի՞նչ եմ արել:

21. Վերադառնալով՝ նա մի գոյգ եզ վերցրեց, մորթեց եւ հերկելու գործիքները տաքացնելով՝ խորովեց դրանց միսը, բաժանեց ժողովրդին: Մարդիկ կերան, իսկ ինքը գնաց Եղիայի յետեւից ու ծառայեց նրան:

1. Աղերի որդին՝ ասորիների արքան հաւաքեց իր ամբողջ զօրքը եւ բոլոր երիվարներով ու մարտակառքերով ելաւ ու պաշարեց Սամարիան: Պատերազմի ժամանակ նրան դաշնակցել էին երեսուներկու թագաւորներ:
2. Նա սուրհանդակներ ուղարկելով քաղաք, Իսրայելի արքայ Աքաաբի մօտ՝
3. ասաց նրան. Այսպէս է ասում Աղերի որդին. Քո արծաթն ու ոսկին իմն են, քո կանայք ու գեղեցիկ որդիները իմն են:
4. Իսրայելի արքան պատասխան տալով՝ ասաց. Քո ասածի պէս, տէ՛ր իմ արքայ, քոնս եմ ես, եւ քոնս է իմ ամէն ինչը:
5. Սուրհանդակները նորից եկան ու ասացին. Այսպէս է ասում Աղերի որդին. Ես լուր էի ուղարկել, որ քո արծաթն ու ոսկին, քո կանայք ու որդիներն ինձ տաս:
6. Արդ, վաղն այս ժամին կ'ուղարկեմ իմ ծառաներին, որոնք խուզարկելու են քո եւ քո ծառաների տները եւ ինչ որ իրենց աչքերին ցանկալի թուայ, ինչի էլ որ իրենց ձեռքերը մեկնեն, պիտի առնեն:
7. Իսրայելի արքան կանչեց երկրի բոլոր ծերերին եւ ասաց. Իմացէ՛ք ու տեսէ՛ք, որ նա չարիք է ուզում, քանզի ինձ մօտ մարդ էր ուղարկել՝ պահանջելով իմ տղաներին ու աղջիկներին, իմ արծաթն ու ոսկին, բայց ես չմերժեցի նրան:
8. Ծերերն ու ամբողջ ժողովուրդը նրան ասացին. Մի՛ լսիր նրան ու յանձնառու մի՛ լինիր:
9. Եւ նա Աղերի սուրհանդակներին ասաց. Ձեր տեր արքային ասացէ՛ք. Ինչի համար որ առաջին անգամ մարդ էիր ուղարկել քո ծառային, կ'անեմ, իսկ այս բանը չեմ կարող անել: Մարդիկ գնացին ու պատասխանը հաղորդեցին նրան:
10. Աղերի որդին նրա մօտ մարդ ուղարկելով՝ ասաց. Այսպէս եւ այսպէս թող անեն ինձ աստուածները եւ աւելին թող անեն, եթէ Սամարիան աւերելուց յետոյ թողնեմ այնքան կանգուն բան, որի փոշին լցնի իմ գինուորների ափերը:
11. Իսրայելի արքան պատասխան տուեց ու ասաց. Ծա՛տ եղաւ, թող կուզիկը չպարծենայ ուղիղ կանգնողի նման:
12. Նա այս պատասխան խօսքերը լսեց, երբ որ բոլոր թագաւորների հետ վրաններում գինարբուքի մէջ էր: Նա ասաց իր ծառաներին. Պաշարեցէ՛ք: Եւ պաշարեցին քաղաքը:
13. Եւ ահա մի մարգարէ մօտեցաւ Իսրայելի Աքաաբ արքային ու ասաց. Այսպէս է ասում Տէրը. Տեսնո՞ւմ ես այս մեծ ամբոխը. ահա նրան այսօր քո ձեռքն եմ մատնելու, որ համոզուես, թէ ես եմ Տէրը:
14. Աքաաբը հարցրեց. Ո՞ւմ միջոցով: Մարգարէն ասաց. Այսպէս է ասում Տէրը. Գաւառների իշխանների ծառաների միջոցով: Աքաաբը հարցրեց. Ո՞վ պետք է սկսի պատերազմը: Մարգարէն ասաց. Դո՛ւ:
15. Աքաաբը հաշուեց գաւառների իշխանների ծառաներին ու տեսաւ, որ նրանք երկու հարիւր երեսուն հոգի են: Ապա հաշուեց ամբողջ ժողովրդին, զօրքի բոլոր անդամներին եւ տեսաւ, որ եօթը հազար մարդ կար: Կեսօրին նա յարձակման անցաւ:
16. Աղերի որդին եւ նրա երեսուներկու դաշնակից թագաւորները գինով հարբած էին Սոկքովում:
17. Նախ յարձակում գործեցին գաւառների իշխանների ծառաները: Լուր ուղարկեցին Աղերի որդուն, պատմեցին նրան ու ասացին. Պաշարուած Սամարիայից մարդիկ են դուրս եկել:
18. Աղերի որդին ասաց նրանց. Եթէ խաղաղութեան համար են դուրս եկել, կենդանի՛ բռնեցէք նրանց, եթէ պատերազմի համար են եկել, դարձեա՛լ կենդանի բռնեցէք:
19. Քաղաքից դուրս եկան գաւառների իշխանների ծառաները, նրանց յետեւից՝ նաեւ զօրքը,
20. եւ ամէն մէկն սպանեց նրան, ով հանդիպեց իրեն: Ասորիները փախան, եւ իսրայելացիները հալածեցին նրանց: Ասորիների արքան՝ Աղերի որդին, ձի հեծած, հազիւ փրկուեց երեք ձիաւորների հետ:
21. Իսրայելի արքան առաջ շարժուեց, վերցրեց երիվարներն ու մարտակառքերը եւ

ասորիներին մեծ հարուածներ հասցրեց:

22. Մարգարէն մօտեցաւ Իսրայէլի արքային ու ասաց նրան. Չօրացի՛ր ու իմացի՛ր, տե՛ս, թէ ինչ ես անելու, քանզի յաջորդ տարի Ադերի որդին՝ ասորիների արքան, յարձակուելու է քեզ վրայ:

23. Ասորիների արքայի ծառաներն ասացին նրան. Իսրայէլի Աստուածը լեռների Աստուած է եւ ոչ թէ դաշտերի Աստուած, այդ պատճառով էլ նրանք յաղթեցին մեզ: Եթէ նրանց դէմ պատերազմենք հարթ վայրում, կը յաղթենք նրանց:

24. Այս բանն արա. թագաւորներին գահընկեց արա եւ նրանց փոխարէն նախարարներ նշանակիր:

25. Քո կորցրած զօրքերի փոխարէն զօրքեր կը տանք, երիվարների փոխարէն՝ երիվարներ, մարտակառքերի փոխարէն՝ մարտակառքեր. նրանց դէմ պատերազմենք հարթ վայրում ու յաղթենք: Նա անսաց նրանց խօսքերին եւ այդպէս էլ արեց:

26. Հետեւեալ տարին Ադերի որդին աշխարհագիր անցկացրեց Ասորիքում, ելաւ գնաց Ափեկա, որ պատերազմի Իսրայէլի դէմ:

27. Իսրայէլացիները նոյնպէս աշխարհագիր անցկացրին եւ երկու գնդի բաժանուելով՝ եկան կանգնեցին նրանց առջեւ: Իսրայէլացիները ասորիների դէմ ճակատ կազմեցին այծերի երկու հօտերի պէս, մինչդեռ ասորիները ծածկել էին երկիրը:

28. Աստծու մարդը մօտենալով Իսրայէլի արքային՝ ասաց. Այսպէս է ասում Տէրը. Քանի որ ասորիներն ասացին, թէ՛ Աստուած լեռների Տէր Աստուած է եւ ոչ թէ դաշտերի Աստուած, նա այդ մեծ զօրքը քո ձեռքն է յանձնելու, որ համոզուես, թէ ես եմ Տէրը:

29. Նրանք, ճակատ կազմած, եօթը օր իրար դէմ դիմաց էին, իսկ եօթներորդ օրը պատերազմը բորբոքուեց: Իսրայէլացիները մէկ օրում հարիւր հազար ասորի հետեւակ կոտորեցին,

30. իսկ մնացածները փախան իրենց քաղաքը՝ Ափեկա, եւ պարիսպը փուլ եկաւ մնացած քսանեօթը հազար ասորիների վրայ: Ադերի որդին փախաւ ու իր պալատում մի սենեակից միւս սենեակն էր վազում:

31. Նրա ծառաներն ասացին. Մենք լսել ենք, որ Իսրայէլի տան թագաւորները ողորմած են: Մեր մէջքերին քուրճեր կապենք, մեր գլուխներին՝ չուաններ, գնանք Իսրայէլի թագաւորի մօտ, թերեւս մեր կեանքը խնայի:

32. Նրանք իրենց մէջքերին քուրճեր ու գլուխներին չուաններ կապեցին եւ ասացին Իսրայէլի թագաւորին. Քո ծառան՝ Ադերի որդին, ասում է. Խնայի՛ր կեանքս: Իսկ նա ասաց. Եթէ նա դեռ կենդանի է, իմ եղբայրն է:

33. Նրա մարդիկ այս յաջող առիթից օգտուելով՝ նուէրներ տուեցին եւ այս խօսքերը նրա բերանից առնելով՝ ասացին. Քո եղբայրը՝ Ադերի որդին, այստեղ է: Ասաց. Գնացէ՛ք ու բերէ՛ք նրան: Ադերի որդին եկաւ Աքաաբի մօտ, եւ նրան մարտակառք նստեցրին թագաւորի կողքին:

34. Ադերի որդին ասաց. Այն քաղաքները, որ իմ հայրը գրաւել էր քո հօրից, քեզ եմ վերադարձնում: Դու հարկեր կը վերցնես Դամասկոսից, ինչպէս իմ հայրը վերցնում էր Սամարիայից: Աքաաբն ասաց. Ես էլ դաշինք կնքելով՝ քեզ կ'արձակեմ: Նա դաշինք կնքեց նրա հետ եւ արձակեց նրան:

35. Մարգարէների որդիներից մէկը Տիրոջ խօսքին անսալով՝ ասաց իր ընկերոջը. Հարուածի՛ր ինձ: Մարդը, սակայն, չուզեց հարուածել նրան:

36. Նա ասաց նրան. Քանի որ Տիրոջ ծայնին չհնազանդուեցիր, հէնց որ ինձնից հեռանաս, մի առիւծ քեզ կը բզկտի: Երբ սա հեռացաւ նրանից, մի առիւծ հանդիպեց նրան ու յօշոտեց:

37. Նա մի ուրիշ մարդու հանդիպելով՝ ասաց. Հարուածի՛ր ինձ: Այս մարդը հարուածեց ու վիրաւորեց նրան:

38. Մարգարէն եկաւ եւ կանգնելով ճանապարհին՝ սպասեց թագաւորին ու չճանաչուելու համար շորով կապեց իր աչքը:

39. Երբ արքան անցնում էր այնտեղից, նա ասաց արքային. Երբ ես՝ քո ծառան, պատերազմ էի գնացել, մի մարդ ինձ մօտ բերելով մէկին՝ ասաց. Այս մարդուն պահի՛ր,

իսկ եթէ ձեռքիցդ փախչի, քո կեանքը կը կորչի նրա կեանքի փոխարէն, կամ մի տաղանդ արծաթ կը տաս ինձ:

40. Եւ մինչ քո ծառան այս ու այն կողմ էր նայում, նա արդէն չկար: Իսրայէլի արքան նրան ասաց. Իմ ըմբռնումով դա դաւ է, ուրեմն սպանե՞լ ես նրան:

41. Սա անմիջապէս շորը հեռացրեց աչքերից, եւ Իսրայէլի արքան ճանաչեց նրան. նա այնտեղի մարգարէներից էր:

42. Մարգարէն ասաց նրան. Այսպէս է ասում Տէրը. Քանի որ դու վտանգաւոր մարդուն ազատեցիր իմ ձեռքից, ուստի դու քո կեանքով կը հատուցես նրա կեանքի փոխարէն, իսկ քո ժողովուրդը՝ նրա ժողովրդի փոխարէն:

43. Իսրայէլի արքան գնաց իր տունը, Սամարիա, տիտուր ու հուսահատ:

1. Այս դեպքերից յետոյ այսպիսի մի բան պատահեց. յեզրայելացի Նաբոթը մի այգի ունէր Սամարիայի Աքաաբ արքայի կալի մօտ:
2. Արքան Նաբոթին ասաց. Ի՛նձ տուր քո այգին, որ ինձ համար բանջարանոց դառնայ, որովհետեւ այն իմ տան մօտ է: Դրա փոխարէն դրանից աւելի լաւ այգի կը տամ քեզ, եւ եթէ կամենաս, այգու արժէքը արծաթով կը վճարեմ, եւ սա ինձ համար կը լինի բանջարանոց:
3. Նաբոթն ասաց արքային. Թող իմ Աստուածն այնպէս չանի, որ իմ հայրերի ժառանգութիւնը քեզ տամ:
4. Աքաաբն իր տունը եկաւ խռոված եւ անտրամադիր այն խօսքերի պատճառով, որ յեզրայելացի Նաբոթն ասել էր, թէ՛ Իմ հայրերի ժառանգութիւնը քեզ չեմ տայ: Նա ննջեց իր մահճում, երեսը ծածկեց եւ հաց չկերաւ:
5. Նրա մօտ եկաւ կինը՝ Յեզաբէլը, խօսեց նրա հետ եւ ասաց. Ինչո՞ւ է հոգիդ խռովուած, եւ հաց չես ուտում:
6. Աքաաբն ասաց. Յեզրայելացի Նաբոթին ասացի. Ինձ տուր քո այգին արծաթի դիմաց եւ եթէ չուզենաս, դրա փոխարէն քեզ ուրիշ այգի կը տամ, իսկ նա ասաց, թէ՛ Իմ հայրերի ժառանգութիւնը քեզ չեմ տայ:
7. Նրա կին Յեզաբէլն ասաց. Դու այդպէ՞ս ես թագաւորութիւն անում Իսրայելի վրայ: Վե՛ր կաց, հա՛ց կեր ու սթափուի՛ր, եւ ես քեզ կը յանձնեմ յեզրայելացի Նաբոթի այգին:
8. Նա հրովարտակ գրեց Աքաաբի անունով, կնքեց նրա մատանիով եւ հրովարտակն ուղարկեց ծերերին ու նրա քաղաքի ազատներին, որոնք Նաբոթի հետ էին ապրում:
9. Հրովարտակում այսպէս էր գրուած. Ծո՛ւմ պահեցէք եւ Նաբոթին ժողովրդի մէջ գլխաւոր տեղում նստեցրէ՛ք,
10. իսկ նրա դիմաց թող նստեն երկու անօրէն մարդիկ, որ վկայեն նրա մասին ու ասեն, թէ՛ Դու օրհնեցիր Աստծուն ու արքային, եւ թող դուրս հանեն Նաբոթին եւ քարկոծեն, մինչեւ որ մեռնի:
11. Այդ քաղաքում բնակուող ծերերն ու ազատները արեցին այնպէս, ինչպէս որ գրուած էր Յեզաբէլի՝ նրանց ուղարկած հրովարտակներում:
12. Ծումապահութիւն նշանակեցին, Նաբոթին նստեցրին ժողովրդի մէջ գլխաւոր տեղում,
13. եկան երկու անօրէններ, նստեցին նրա դիմաց եւ վկայեցին ամբողջ ժողովրդի առաջ, թէ Նաբոթն ապստամբել է, ասացին, թէ՛ Նաբոթն օրհնել է Աստծուն եւ արքային: Դրանից յետոյ նրան քաղաքից դուրս հանեցին եւ քարկոծելով սպանեցին:
14. Լուր ուղարկեցին Յեզաբէլին, թէ՛ Նաբոթը քարկոծուելով մեռաւ:
15. Երբ Յեզաբէլը լսեց, որ Նաբոթը քարկոծուել ու մահացել է, ասաց Աքաաբին. Գնա ժառանգի՛ր յեզրայելացի Նաբոթի այգին, որը չէր ուզում այն քեզ արծաթով ծախել, քանզի Նաբոթը կենդանի չէ, նա մեռել է:
16. Երբ Աքաաբը լսեց, թէ յեզրայելացի Նաբոթը մեռել է, իր զգեստները պատառոտեց ու քուրձ հագաւ: Դրանից յետոյ Աքաաբը եկաւ ու ժառանգեց յեզրայելացի Նաբոթի այգին:
17. Տէրը խօսելով թեզբացի Եղիայի հետ՝ ասաց.
18. Վեր կաց գնա՛ Իսրայելի Աքաաբ արքայի մօտ, Սամարիա: Նա գնացել է Նաբոթի այգին ժառանգելու:
19. Կը խօսես նրա հետ ու կ'ասես. այսպէս է ասում Տէրը. Քանի որ սպանեցիր ու ժառանգեցիր նրա ունեցուածքը, ապա դրա համար այսպէս է ասում Տէրը. "Այն տեղում, ուր շներն ու խոզերը լափեցին Նաբոթի արիւնը, նոյն տեղում լափելու են նաեւ քո արիւնը, եւ բոզերը լողանալու են քո արեան մէջ":
20. Աքաաբն ասաց Եղիային. Ո՛վ իմ թշնամի, գտա՞ր ինձ: Եղիան ասաց. Գտայ, քանզի իզուր հպարտացար՝ չարիք գործելով Տիրոջ առջեւ ու բարկացնելով նրան:
21. Ահա ես քեզ պիտի պատուհասեմ, քեզ վրայ կրակ պիտի թափեմ, Աքաաբի տոհմից պիտի կոտորեմ բոլոր նրանց, ովքեր պատին են միգում, ինչպէս նաեւ Իսրայելից պիտի

վերացնեմ նեղութեան մէջ եղող եւ լքուած մարդկանց:

22. Քո տունը դարձնելու եմ Նաբատի որդի Յերոբովամի տան նման եւ Աքիայի որդի Բաասի տան նման, որովհետեւ դու բարկացրիր ինձ եւ Իսրայէլին մեղանչել տուցիր:

23. Տէրը Յեզաբելի մասին ասաց. Շները պիտի ուտեն նրան Յեզրայէլի պարսպի մօտ:

24. Աքաաբ թագաւորի մարդկանցից քաղաքում մեռածներին շներն են ուտելու, իսկ դաշտում մեռածների դիակները երկնքի թռչուններն են կտցելու:

25. Իզուր ամբարտաւանացաւ Աքաաբը՝ չարիք գործելով Տիրոջ առջեւ: Նրան իր կինը՝ Յեզաբելը յիմարացրեց:

26. Նա կուռքեր պաշտելով՝ անօրէն դարձաւ, արեց այն ամէնը, որ ամորհացին էր արել, որին Տէրը հալածել էր իսրայէլացիների միջից:

27. Այս խօսքերը լսելով՝ արքան զոջաց Տիրոջ առջեւ, լալով գնաց, պատառոտեց իր պատմութեանը, քուրճ հագաւ իր մարմնի վրայ եւ ծոմ պահեց. նա քուրճ հագաւ այն օրուանից, երբ սպանել տուեց յեզրայէլացի Նաբոթին: Նա գլխիկոր էր ման գալիս:

28. Տէրը Աքաաբի մասին ասաց իր ծառայ Եղիային.

29. Տեսա՞ր, որ զոջաց իմ առջեւ: Եւ քանի որ ընդունեց իր մեղքերը, նրան չարիք չեմ պատճառի իր կենդանութեան օրօք, այլ նրա որդիների՝ օրօք կը թափեմ չարիքը նրա տան վրայ:



1. Երեք տարի պատերազմ չեղաւ Ասորիքի ու Իսրայելի միջեւ:
2. Երրորդ տարում Յուդայի երկրի արքայ Յոսափատը եկաւ Իսրայելի արքայի մօտ:
3. Իսրայելի արքան ասաց իր ծառաներին. Գիտէ՞ք, որ Գաղաադի երկրի Ռամաթ քաղաքը մերն է, իսկ մենք լռել ենք, այն չենք գրաւում ասորիների արքայից: Իսրայելի արքան ասաց Յոսափատին. Մեզ հետ կը յարձակուէ՞ս Գաղաադի Ռամաթ քաղաքի վրայ:
4. Յոսափատն ասաց Իսրայելի արքային. Մի ենք ես եւ դու, մի են իմ զօրքն ու քո զօրքը, մի են իմ երիվարներն ու քո երիվարները:
5. Յուդայի երկրի արքայ Յոսափատն ասաց Իսրայելի արքային. Ապա Տիրոջ կամքը հարցրո՛ւ այսօր:
6. Իսրայելի արքան հաւաքեց բոլոր մարգարէներին, մօտաւորապէս չորս հարիւր մարդ, եւ հարցրեց նրանց. Գաղաադի Ռամաթ քաղաքի վրայ պատերազմի գնա՞մ, թե՞ մնամ տեղում: Նրանք ասացին. Գնա՛, Տէրն այն անպայման արքայի ձեռքն է յանձնելու:
7. Յոսափատն ասաց Իսրայելի արքային. Այստեղ արդեօք Տիրոջ մարգարէ կա՞յ, թե՞ ոչ, որ նրա՛ միջոցով Տիրոջը հարցնենք:
8. Իսրայելի արքան ասաց Յոսափատին. Այստեղ կայ մի մարդ, որի միջոցով կարելի է հարցնել Տիրոջը, սակայն ես ատում եմ նրան, որովհետեւ ինձ համար բարի բան չի գուշակում, այլ՝ չար: Դա Յեմլէի որդի Միքիան է: Յուդայի երկրի արքայ Յոսափատն ասաց. Թող այդպիսի բան չասի արքան:
9. Իսրայելի արքան մի ներքինի կանչելով՝ ասաց. Անմիջապէս այստե՛ղ բեր Յեմլէի որդի Միքիային:
10. Իսրայելի արքան եւ Յուդայի երկրի արքայ Յոսափատը արքայական զգեստներով նստել էին ամեն մէկն իր աթոռին, Սամարիայի դարպասների մօտ, եւ բոլոր մարգարէները մարգարէութիւն էին անում նրանց առջեւ:
11. Քանանի որդի Սեդեկիան, որը երկաթե եղջիրներ էր սարքել տուել, ասաց. Այսպէս է ասում Տէրը. Սրանցո՛վ ես հարուածելու ասորիներին, մինչեւ որ բնաջնջուեն:
12. Բոլոր մարգարէները նոյնպէս մարգարէանում էին՝ ասելով. Գնա՛ Գաղաադի Ռամաթ քաղաքը եւ յաջողութիւն կ'ունենաս. Տէրը քո ձեռքը կը յանձնի ասորիների արքային:
13. Սուրհանդակը, որ գնացել էր Միքիային կանչելու, նրան ասաց. Ահաւասիկ բոլոր մարգարէները միաբերան բարի բան են գուշակում արքայի համար: Արդ, քո խօսքն էլ թող նրանց ասածին համահնչիւն լինի, դո՛ւ էլ բարի բան գուշակիր:
14. Միքիան ասաց. Կենդանի է Տէրը. ինչ որ Տէրն ինձ ասի, ա՛յն կը հաղորդեմ:
15. Նա եկաւ արքայի մօտ, եւ արքան հարցրեց նրան. Միքիա՛, Գաղաադի Ռամաթ քաղաքի դեմ պատերազմելու գնա՞մ, թե՞ տեղում մնամ: Միքիան ասաց. Գնա՛ եւ յաջողութիւն կը գտնես, եւ Տէրը դա արքայի ձեռքը կը յանձնի:
16. Արքան ասաց նրան. Քեզ կրկին եմ երդուեցնում, որ ինձ ճշմարտութիւնն ասես յանուն Տիրոջ:
17. Միքիան ասաց. Ո՛չ, այդ չէ ճշմարտութիւնը: Ես տեսել եմ, թէ ինչպէս բոլոր իսրայելացիները ցրուած են լեռների վրայ իբրեւ ոչխարների հօտ, որ չունի հովիւ: Տէրն ասաց. Դրանք տէրեր չունեն, թող ամեն մէկն իր տունը դառնայ խաղաղութեամբ:
18. Իսրայելի արքան ասաց Յուդայի արքայ Յոսափատին. Ես քեզ չասացի՞, թէ նա ինձ համար բարի բան չի մարգարէանայ, այլ միայն՝ չար բան:
19. Միքիան ասաց. Այդպէս չէ, ոչ թէ իմ, այլ Տիրո՛ջ պատգամը լսիր: Ես, արդարեւ, տեսայ Իսրայելի Տէր Աստծուն՝ նստած իր աթոռին, եւ երկնքի բոլոր զօրքերը աջից ու ձախից կանգնած էին նրա մօտ:
20. Տէրն ասաց. Ո՞վ կը խաբի Իսրայելի արքայ Աքաաբին, որ ելնի յարձակուի Գաղաադի Ռամաթ քաղաքի վրայ եւ սպանուի: Մէկն այսպէս ու միւսն այնպէս էր ասում:
21. Եւ ահա մարգարէի մի ոգի ելաւ ու կանգնելով Տիրոջ առջեւ՝ ասաց. Ես կը խաբեմ նրան: Տէրը նրան ասաց. Ի՞նչ միջոցով:
22. Նա պատասխանեց. Կ'ելնեմ ու սուտ ոգի կը դառնամ նրա բոլոր մարգարէների

բերանում: Տերն ասաց. Դու իրօք կը խաբես, դու այդ կարող ես, գնա՛ եւ այդպէ՛ս արա: 23. Եւ ահա Տերը սուտ ոգի դրեց քո այդ բոլոր մարգարէների բերանում, եւ Տերը չարիք է որոշել քեզ համար:

24. Քանանի որդի Սեդեկիան մօտեցաւ ու խփելով Միքիայի ծնօտին՝ ասաց. Տիրոջ ո՞ր ոգին է, որ ինձնից դուրս գալով՝ խօսեց քո մէջ:

25. Միքիան ասաց. Դու ինքդ կը տեսնես այն օրը, երբ սենեակից սենեակ կը վազես թաքնուելու համար:

26. Իսրայելի արքան ասաց. Բռնեցե՛ք Միքիային եւ յանձնելով Ամոն քաղաքապետին ու արքայորդի Յովասին՝

27. ասացե՛ք. Այսպէս է հրամայում արքան: “Բանտարկեցե՛ք սրան, եւ թող մի կտոր հաց ուտի ու մի կում ջուր խմի, մինչեւ որ ողջ եւ առողջ վերադառնամ պատերազմից”:

28. Միքիան ասաց. Եթէ դու ողջ եւ առողջ վերադառնաս, ուրեմն Տերը չէ, որ խօսել է իմ բերանով: Ապա աւելացրեց. Լսեցե՛ք, զօրքե՛ր, ամենքդ լսեցե՛ք:

29. Իսրայելի արքան Յուդայի երկրի արքայ Յոսափատի հետ շարժուեց դէպի Գաղաադի Ռամաթ քաղաքը:

30. Իսրայելի արքան ասաց Յուդայի երկրի արքայ Յոսափատին. Ես կը կերպարանափոխուեմ եւ այդպէս կը մտնեմ պատերազմ, իսկ դու հագի՛ր իմ զգեստները: Իսրայելի արքան փոխեց իր հագուստները եւ մտաւ պատերազմի մէջ:

31. Ասորիների արքան պատուէր էր տուել իր մարտակառքերի պետերին՝ ասելով. Մի՛ մարտնչեք մեծի կամ փոքրի դէմ, այլ միայն՝ Իսրայելի արքայի դէմ:

32. Երբ մարտակառքերի պետերը տեսան Յուդայի երկրի արքայ Յոսափատին, ասացին միմեանց. Թոււմ է, թէ սա է Իսրայելի թագաւորը: Նրանք մօտեցան, որ կռուեն նրա դէմ, բայց Յոսափատը աղաղակեց:

33. Երբ մարտակառքերի պետերը տեսան, թէ նա չէ Իսրայելի արքան, յետ դարձան:

34. Նրանցից մէկը ուժգին ձգեց իր աղեղը եւ ճեղքելով Իսրայելի արքայի զրահը՝ խոցեց նրա թոքը: Սա ասաց իր մարտակառքի պետին՝ Շո՛ւռ արի, ինձ հանի՛ր ռազմադաշտից, քանզի վիրաւոր եմ:

35. Այդ օրը, սակայն, պատերազմը սաստկացաւ, եւ արքան այգաբացից մինչեւ երեկոյ մնաց իր մարտակառքում, ասորիների դէմ: Արիւնը հոսում էր վերջից ու լցում մարտակառքի մէջ: Երբ երեկոյ եղաւ, նա մեռաւ:

36. Արեգակը մայր մտնելիս մոկնեց յայտնեց զօրքին. Ամէն ոք իր քաղաքը, իր երկիրը թող գնայ, որովհետեւ արքան մեռել է:

37. Արքային բերեցին Սամարիա եւ Սամարիայում էլ թաղեցին:

38. Սամարիայի ջրաւազաններում լուացին մարտակառքերը, խոզերն ու շները լիզեցին նրա արիւնը, իսկ բոզերը լողացան նրա արեան մէջ, ինչպէս կանխատեսել էր Տերը:

39. Աքաաբի մնացած գործերը, նրա բոլոր արարքները, նրա կառուցած փղոսկրեայ տունը, կառուցապատած բոլոր քաղաքները՝ այս ամէնը նկարագրուած են Իսրայելի թագաւորների ժամանակագրութեան մէջ:

40. Աքաաբը գնաց իր նախնիների գիրկը, եւ նրա փոխարէն թագաւորեց իր որդին՝ Օքոզիան, իսկ Յուդայի երկրի վրայ թագաւորում էր Ասայի որդի Յոսափատը:

41. Իսրայելի թագաւոր Աքաաբի թագաւորութեան չորրորդ տարում թագաւորեց Յոսափատը:

42. Նա երեսունհինգ տարեկան էր, երբ թագաւոր դարձաւ, ու քսանհինգ տարի թագաւորեց Երուսաղէմում: Նրա մայրը Սալալի դուստր Ասուբան էր:

43. Նա իր հօր՝ Ասայի ճանապարհով գնաց, չխոտորուեց, արեց այն, ինչ ուղիղ էր Տիրոջ առջեւ:

44. Նա, սակայն, բարձրադիր մեհեանները չվերացրեց, որովհետեւ ժողովուրդը տակաւին զոհ էր մատուցում եւ խունկ ծխում մեհեաններում:

45. Յոսափատը խաղաղութեան դաշինքի մէջ էր Իսրայելի արքայի հետ:

46. Յոսափատի մնացած գործերը, կատարած քաջագործութիւններն ու պատերազմները չէ՞ որ նկարագրուած են Յուդայի թագաւորների

Ժամանակագրության մեջ:

47. Նա երկրից մաքրեց սողոմական մեղք գործողներին, որոնք մնացել էին իր հօր օրերից:

48. Այդ ժամանակ եղումում թագաւոր չկար:

49. Յոսափատ արքան Թարսիսի նաւեր պատրաստեց, որ գնան Օփիր՝ ոսկի ձեռք բերելու, սակայն նաւերը տեղ չկարողացան հասնել, որոհետել Գասիոնգաբերում նաւաբեկութեան ենթարկուեցին:

50. Այդ ժամանակ Աքաաբի որդի Օքոզիան ասաց Յոսափատին. Թող քո ծառաները գնան իմ ծառաների հետ, եւ քո նաւերն՝ իմ նաւերի հետ: Յոսափատը, սակայն, չհամաձայնեց:

51. Յոսափատը գնաց իր նախնիների գիրկը եւ թաղուեց իր հայրերի մօտ, իր նախահայր Դաւթի քաղաքում: Նրա փոխարէն թագաւորեց նրա որդին՝ Յորամը:

52. Աքաաբի որդի Օքոզիան Սամարիայում Իսրայելի վրայ թագաւորեց Յուդայի երկրի արքայ Յոսափատի թագաւորութեան տասնեօթներորդ տարում: Նա Իսրայելում թագաւորեց երկու տարի:

53. Նա չար գործեր արեց Տիրոջ առջեւ, գնաց իր հայր Աքաաբի ու իր մայր Յեզաբելի, Իսրայելին մեղանչել տուող Նաբատի որդի Յերոբոամի մեղսալից ճանապարհով:

54. Նա ծառայեց Բահադիմներին, երկրպագեց նրանց եւ դրանով իսկ բարկացրեց Իսրայելի Տէր Աստծուն՝ ըստ ամենայնի կրկնելով իր նախորդների կատարածը:

ԹԱԳԱԻՈՐՈՒԹԻՒՆՆԵՐ Դ

1. Աքաաբի մահուանից յետոյ մովաբացիներն ըմբոստացան Իսրայելի դէմ:
2. Օքոզիան ընկաւ Սամարիայում գտնուող իր վերնատան վանդակապատից ու ծանր վնասուածք ստացաւ: Նա պատգամաւորներ ուղարկեց ու ասաց նրանց. «Գնացէ՛ք եւ Ակկարոնի Բահադ-Ճանճիկ աստծուն հարցրէ՛ք, թէ ես կը փրկուե՞մ այս ցաւից: Եւ նրանք գնացին հարցնելու նրան:
3. Տիրոջ հրեշտակը, սակայն, կանչեց թեգբացի Եղիային եւ ասաց. Ելի՛ր գնա՛ եւ Սամարիայի Օքոզիա արքայի պատգամաւորներին դիմաւորելով՝ նրանց ասա՛. Իսրայելի մէջ Աստուած չլինելո՞ւ պատճառով է, որ գնում եք Ակկարոնի Բահադ-Ճանճիկ աստծուն հարցնելու:
4. Մի՛ արեք այդ բանը: Տէրն այսպէս է ասում. Այն մահիճը, որի մէջ պառկել ես, դրանից չես իջնելու եւ դրա մէջ էլ մեռնելու ես: Եղիան գնաց ու յայտնեց նրանց այդ խօսքերը:
5. Պատգամաւորները վերադարձան նրա մօտ, եւ նա հարցրեց. Ինչո՞ւ եք յետ դարձել:
6. Նրան ասացին. Մի մարդ մեր առաջ ելաւ ու ասաց մեզ. Վերադարձէ՛ք ձեզ ուղարկող արքայի մօտ եւ ասացէ՛ք նրան. այսպէս է ասում Տէրը. “Իսրայելի մէջ Աստուած չլինելո՞ւ պատճառով է, որ գնում եք Ակկարոնի Բահադ-Ճանճիկ աստծուն հարցնելու: Մի՛ արեք այդ բանը: Այն մահիճը, որի մէջ պառկել ես, դրանից ցած չես իջնելու, մեռնելու ես”:
7. Օքոզիան հարցրեց. Ի՞նչ նշաններ ունէր այն մարդը, որ ձեր առաջ ելաւ եւ այդ բաներն ասաց ձեզ:
8. Նրանք ասացին. Մազոտ մարդ էր եւ մէջքին կաշուէ գօտի էր կապել: Նա ասաց. Դա թեգբացի Եղիան է:
9. Նա մի յիսնապետ հրամանատար ուղարկեց Եղիա մարգարէի մօտ իր յիսուն զինուորներով: Յիսնապետը եկաւ նրա մօտ: Եղիան նստած էր լերան գագաթին: Յիսնապետն ասաց նրան. Ո՛վ Աստծու մարդ, արքան քեզ կանչում է, իջի՛ր այդտեղից:
10. Եղիան պատասխան տալով՝ ասաց յիսնապետին. Եթէ ես Աստծու մարդ եմ, թող երկնքից կրակ իջնի եւ լափի քեզ ու քո յիսուն զինուորներին: Կրակ իջաւ երկնքից եւ լափեց նրան ու նրա յիսուն զինուորներին:
11. Արքան նորից մի այլ յիսնապետ ուղարկեց նրա մօտ իր յիսուն զինուորներով: Յիսնապետն եկաւ ու ասաց նրան. Ո՛վ Աստծու մարդ, արքան այսպէս է ասում. Անմիջապէս ցա՛ծ իջի՛ր այդտեղից:
12. Եղիան պատասխան տալով՝ ասաց նրան. Եթէ ես Աստծու մարդ եմ, թող երկնքից կրակ իջնի եւ լափի քեզ ու քո յիսուն զինուորներին: Աստծու կրակն իջաւ երկնքից ու լափեց նրան ու նրա յիսուն զինուորներին:
13. Արքան երրորդ անգամ յիսնապետ ուղարկեց յիսուն հոգով: Երրորդ յիսնապետն եկաւ, Եղիայի առջեւ ծնկի իջաւ եւ աղաչելով՝ ասաց նրան. Ո՛վ Աստծու մարդ, բարի՛ աչքով նայիր ինձ ու քո այս յիսուն ծառաներին,
14. քանզի տեսանք, որ կրակ ընկաւ երկնքից ու լափեց նախորդ երկու յիսնապետներին ու նրանց յիսունական զինուորներին: Արդ, բարի՛ աչքով նայիր քո ծառաներին:
15. Տիրոջ հրեշտակը խօսելով Եղիայի հետ՝ ասաց. «Գնա՛ նրա հետ, նրանցից երկուդ մի՛ ունեցիր: Վեր կացաւ Եղիան, նրա հետ գնաց արքայի մօտ
16. եւ ասաց նրան. Քանի որ պատգամաւորներ ես ուղարկել Ակկարոնի Բահադ-Ճանճիկ Աստծու մօտ բան հարցնելու, կարծես թէ Իսրայելի մէջ չկար Աստուած, որ նրանից հարցնէիր (մի բան, որ չպէտք է անէիր), ուստի այն մահիճը, որի մէջ պառկել ես, դրանից չես իջնելու, այլ մեռնելու ես:
17. Եւ նա մեռաւ, ինչպէս որ Տէրն էր ասել Եղիային: Աքաաբի որդի Յորամը Յուդայի երկրի արքայ Յոսափատի թագաւորութեան տասնութերորդ տարում թագաւորեց Իսրայելի վրայ Սամարիայում տասներկու տարի: Նա չարիք գործեց Տիրոջ առջեւ, բայց ոչ իր եղբայրների եւ իր մօր նման: Նա հանեց ու ոչնչացրեց իր հօր պատրաստած Բահադի արձանները, բայց գործեց Յերոբովամի այն մեղքերը, որոնցով նա մեղանչել էր տուել Իսրայելին, դրանցից չհրաժարուեց, ուստի Տէրը խիստ զայրացաւ Աքաաբի տան

վրայ: Յոսափատի որդի Յուդայի երկրի արքայ Յորամի թագաւորութեան երկրորդ տարում Օքոզիայի փոխարէն իշխել էր իր եղբայր Յորամը, որովհետեւ Օքոզիան որդի չունէր:

18. Օքոզիայի մնացած գործերը եւ այն ամէնը, ինչ արել է նա, չէ՞ որ նկարագրուած են Իսրայէլի թագաւորների ժամանակագրութեան մէջ:

1. Երբ Տերը Եղիային պատահողով երկինք էր բարձրացնելու, Եղիան ու Եղիսէն գնացին Գաղգադա:
2. Եղիան ասաց Եղիսէին. Դու այստե՛ղ նստիր, քանզի Տերն ինձ Բեթել է ուղարկում: Եղիսէն ասաց. Կենդանի է Տերը, եւ կենդանի ես դու. ես քեզ չեմ լքի: Նրանք եկան Բեթել:
3. Բեթելում գտնուող մարգարէների որդիները եկան Եղիսէի մօտ եւ ասացին նրան. Գիտե՞ս, որ Տերը այսօր առնել տանելու է քո մօտից քո տիրոջը: Նա ասաց. Գիտեմ, լո՛ւռ մնացեք:
4. Եղիան ասաց Եղիսէին. Դու այստե՛ղ նստիր, քանզի Տերն ինձ Երիքով է ուղարկում: Եղիսէն ասաց. Կենդանի է Տերը, եւ կենդանի ես դու. ես քեզ չեմ լքի:
5. Նրանք եկան Երիքով: Երիքովում գտնուող մարգարէների որդիները մօտեցան Եղիսէին եւ ասացին նրան. Գիտե՞ս, որ այսօր Տերը քո տիրոջը առնել տանելու է քո մօտից:
6. Նա ասաց. Գիտեմ, լո՛ւռ մնացեք: Եղիան ասաց նրան. Դու այստե՛ղ նստիր, քանզի Տերը ինձ Յորդանան գետի ափն է ուղարկում: Եղիսէն ասաց. Կենդանի է Տերը, եւ կենդանի ես դու. ես քեզ չեմ լքի:
7. Եւ նրանք երկուսով գնացին: Մարգարէների որդիներից յիսուն հոգի գնաց ու կանգնեց հեռում, Եղիայի ու Եղիսէի դիմաց, իսկ սրանք երկուսով կանգնել էին Յորդանան գետի եզերքին:
8. Եղիան առաւ իր մորթե վերարկուն, ծալեց ու խփեց ջրերին: Ջրերն իրարից հեռացան այս ու այն կողմ, եւ նրանք երկուսով անցան ցամաքով:
9. Երբ նրանք անցան, Եղիան ասաց Եղիսէին. Խնդրի՛ր, ի՞նչ անեմ քեզ, քանի դեռ Տերն ինձ քո մօտից չի վերացրել: Եղիսէն ասաց. Թող քո ոգին կրկնապատիկ չափով ինձ վրայ լինի:
10. Եղիան ասաց. Դժուար բան խնդրեցիր, բայց եթէ քեզնից իմ երկինք բարձրանալու ժամանակ ինձ տեսնես, այդպէս թող լինի, ապա թէ ոչ՝ թող չլինի:
11. Մինչ նրանք քայլում էին, մի հրեղէն կառք ու հրեղէն երիվարներ երեւացին, նրանց միմեանցից բաժանեցին, եւ Եղիան պատահողմի մէջ դէպի երկինք վերացաւ:
12. Եղիսէն նայեց ու աղաղակեց. Հա՛յր իմ, հա՛յր իմ, Իսրայելի կառքը եւ նրա հեծեալը: Եւ այլեւս չտեսաւ նրան: Եղիսէն իր հազուստները բռնեց ու պատռելով երկու կէս արեց:
13. Նա ձեռքն առաւ Եղիայի մորթե վերարկուն, որ գցել էր իր վրայ: Եղիսէն վերադարձաւ, գնաց կանգնեց Յորդանան գետի եզերքին,
14. վերցրեց Եղիայի մորթե վերարկուն, որ գցել էր իր վրայ, խփեց ջրերին՝ ասելով. Եղիայի Տէ՛ր Աստուած, ո՞ր ես հիմա: Նա խփեց ջրերին, ջրերն իրարից հեռացան այս ու այն կողմ, եւ Եղիսէն անցաւ:
15. Երբ Երիքովի մարգարէների որդիները դիմացից տեսան նրան, ասացին. Եղիայի հոգին իջել է Եղիսէի վրայ: Նրանք եկան դիմաւորեցին, երկրպագեցին նրան
16. ու ասացին նրան. Ահա մեզ՝ քո ծառաների հետ, յիսուն զօրեղ մարդիկ կան, թող գնան ու փնտռեն քո տիրոջը, գուցէ Տիրոջ հոգին նրան վերցնելով նետել է Յորդանան գետի եզերքը կամ մի լեռան եւ կամ մի բլրի վրայ: Եղիսէն ասաց. Մի՛ ուղարկեք:
17. Սակայն նրանք այնքան պնդեցին, որ նա ամաչեց ու ասաց. Ուղարկեցե՛ք: Յիսուն հոգու ուղարկեցին, որոնք երեք օր փնտռեցին ու չգտան նրան:
18. Վերադարձան նրա մօտ, իսկ նա Երիքովում էր: Նա ասաց նրանց. Չէ՞ որ ասացի՝ Մի՛ գնացեք:
19. Զաղաքի մարդիկ ասացին Եղիսէին. Մեր քաղաքում բնակուելը լաւ է, ինչպէս որ տեսնում ես, տէ՛ր իմ. բայց ջրերը վատ են, իսկ հողը՝ անբերրի:
20. Եղիսէն ասաց. Ինձ մի նոր կո՛ւժ բերեք ու այդտե՛ղ դրեք:
21. Բերեցին նրա ուզածը, Եղիսէն գնաց ջրերի ակունքը եւ այնտեղ աղ գցելով՝ ասաց.

Այսպես է ասում Տերը. Ես մաքրեցի այս ջրերը, որ դրանցից մահ եւ անբերրիութիւն չառաջանան:

22. Եւ այդ ջրերը մաքուր դարձան, ու այդպես է մինչեւ այսօր, ինչպես որ ասել էր Եղիսէէն:

23. Նա այնտեղից բարձրացաւ Բեթել եւ մինչ իր ճանապարհն էր գնում, քաղաքից դուրս եկան փոքրիկ երեխաներ ու ծաղրելով նրան՝ ասում էին. Բարձրացի՛ր, ճաղա՛տ, բարձրացի՛ր, ճաղա՛տ:

24. Երբ նա յետ դարձաւ ու տեսաւ նրանց, Տիրոջ անունով անիծեց նրանց՝ նրանց անուանելով յանցանքի եւ ունայնութեան որդիներ: Եւ ահա անտառից երկու արջեր ելան ու այդ մանուկներից քառասուններկու հոգու պատառոտեցին:

25. Եղիսէէն այնտեղից գնաց Կարմելոս լեռը եւ ապա վերադարձաւ Սամարիա:



1. Աքաաբի որդի Յորամը Յուդայի երկրի Յոսափատ արքայի թագաւորութեան տասնեօթներորդ տարում դարձաւ Իսրայելի թագաւոր եւ տասներկու տարի թագաւորեց Սամարիայում:
2. Նա չարիք գործեց Տիրոջ առջեւ, բայց ո՛չ իր հօր, ո՛չ էլ իր մօր նման. նա կործանեց այն արձանները, որ իր հայրն էր կանգնեցրել:
3. Նա, սակայն, միացաւ Նաբատի որդի Յերոբովամի գործած մեղքերին, որն Իսրայելին մեղանչել էր տուել, եւ դրանցից չհրաժարուեց:
4. Մովաբի Մոսա արքան ոչխարի հօտերի տէր էր եւ Իսրայելի արքային հարկ էր տալիս հարիւր հազար մաքի ու հարիւր հազար նրբագեղմ խոյ:
5. Աքաաբի մեռնելուց յետոյ Մովաբի երկրի արքան ըմբոստացաւ Իսրայելի արքայի դէմ:
6. Այդ ժամանակ Յորամ արքան ելաւ Սամարիայից եւ գնաց Իսրայելի բանակն աչքի անցկացնելու:
7. Նա Յուդայի երկրի Յոսափատ արքայի մօտ մարդ ուղարկեց՝ ասելով.  
Մովաբացիների արքան ըմբոստացել է իմ դէմ, կը գա՞ս ինձ հետ մովաբացիների դէմ պատերազմելու: Նա ասաց. Կ'ելնեմ, քանզի մի ենք ես ու դու, մի են իմ ու քո զօրքը, եւ մի են իմ ու քո երիվարները:
8. Նա հարցրեց. Ո՞ր ճանապարհով գնանք: Սա պատասխանեց. Եդոմի անապատի ճանապարհով:
9. Իսրայելի արքան, Յուդայի երկրի արքան եւ Եդոմի արքան գնացին, եօթը օրուայ ճանապարհ կտրեցին, սակայն ջուր չկար ո՛չ բանակի, ո՛չ էլ իրենց հետ եղող անասունների համար:
10. Իսրայելի արքան ասաց. Աւա՛ղ, Տէրը պաշարել է իրար մօտ հաւաքուած երեք թագաւորներիս, որ սրանց մովաբացիների ձեռքը յանձնի:
11. Յոսափատն ասաց. Մի՞թէ այստեղ Տիրոջ մի մարգարէ չկայ, որ նրա միջոցով Տիրոջը հարցնենք: Իսրայելի արքայի ծառաներից մէկն ասաց. Այստեղ է Սափատի որդի Եղիսէն, որը 1Եղիայի ձեռքին ջուր էր ածում:
12. Յոսափատն ասաց. Տիրոջ խօսքը նրա հետ է: Իսրայելի արքան, Յուդայի երկրի Յոսափատ արքան եւ Եդոմի արքան եկան նրա մօտ:
13. Եղիսէն ասաց Իսրայելի արքային. Ի՞նչ գործ ունես ինձ հետ, գնա՛ քո հօր ու քո մօր մարգարէների մօտ: Իսրայելի արքան նրան ասաց. Մի՞թէ Տէրը երեք թագաւորներիս կանչեց, որ մեզ յանձնի մովաբացիների ձեռքը:
14. Եղիսէն ասաց. Կենդանի է զօրութիւնների Տէրը, որի առջեւ կանգնած եմ. եթէ Յուդայի երկրի Յոսափատ արքայի նկատմամբ ակնածանք չունենայի, քո երեսն իսկ չպիտի նայէի:
15. Բայց արդ, բերե՛ք ինձ մի քնարահարի: Երբ քնարահարն սկսեց նուագել, Տիրոջ ձեռքը իջաւ Եղիսէի վրայ:
16. Նա ասաց. Այսպէս է ասում Տէրը. Այս հեղեղատը փոսերի՛ վերածեցէք:
17. Այսպէս է ասում Տէրը. Ո՛չ հողմ էք տեսնելու, ո՛չ էլ անձրեւ, սակայն այս հեղեղատը ջրով պիտի լցուի, եւ դուք, ձեր անասուններն ու ձեր գրաստները պիտի խմէք այդտեղից:
18. Այս բոլորը դեռ չնչին բան է Տիրոջ համար:
19. Նա մովաբացիներին ձեր ձեռքն է մատնելու, դուք աւերելու էք բոլոր պարսպապատ քաղաքները, բոլոր գեղեցիկ քաղաքները, ջարդելու էք պտղատու ծառերը, խցանելու էք ջրի աղբիւրները եւ քարեր լցնելով՝ անպետք էք դարձնելու բարեբեր դաշտերը:
20. Առաւօտեան զոհաբերութեան ժամին Եդոմի կողմից ջրեր հոսեցին, եւ շրջակայ տարածքը լցուեց ջրով:
21. Երբ ամբողջ Մովաբի երկիրը լսեց, որ թագաւորները եկել են իրենց դէմ պատերազմելու, զենք կրելու ի վիճակի եղող եւ նրանցից աւելի տարիքաւոր մարդիկ առաւօտ կանուխ զարթնեցին ու կանգնեցին սահմանագլխին:

22. Երբ արեւը բարձրացաւ ջրերի վրայ, ջրերի դիմաց կանգնած մովաբացիներին թուաց, թէ այդ ջրերն արեան պէս կարմիր են:
23. Նրանք ասացին. Դա սրի թափած արիւն է, թագաւորներն իրար հետ կռուել են, ամէն մէկն իր ընկերոջն է սպանել: Հիմա, ո՛վ մովաբացիներ, գնանք աւարի:
24. Նրանք մտան Խորայելի բանակատեղին, իսկ իսրայէլացիները ելան ու հալածեցին մովաբացիներին: Սրանք փախան իսրայէլացիների առջեւից, բայց իսրայէլացիները եկան ու խիստ հարուածներ հասցրին մովաբացիներին,
25. կործանեցին քաղաքները, ամէն մէկը մի քար նետեց եւ լցրեց բարեբեր դաշտերը, նրանք խցանեցին ջրի բոլոր աղբիւրները, ջարդեցին բոլոր պտղատու ծառերը: Այնտեղ մնացին միայն քանդած պատերի քարերը, որովհետեւ պարսաւորները պաշարել էին այն ու քանդել:
26. Երբ Մովաբի երկրի արքան տեսաւ, որ պատերազմը տանուլ է տալիս, իր հետ վերցրեց եօթը հարիւր սուսերակիրներ, որպէսզի ճեղքելով հասնի Եդոմի արքային, սակայն չկարողացաւ:
27. Նա իր անդրանիկ որդուն, որն իր փոխարէն պետք է թագաւորէր, տարաւ ողջակիզեց պարսպի վրայ: Դա մեծ կսկիծ պատճառեց իսրայէլացիներին, եւ նրանք նրանցից երես դարձնելով՝ գնացին իրենց երկիրը:

1. Մարգարէների որդիների կանանցից մէկը աղաղակում էր Եղիսէին եւ ասում. Իմ ամուսինը՝ քո ծառան, մեռաւ: Դու գիտես, որ Նա Տիրոջ երկիւղած ծառան էր, եւ ահա պարտատերը եկել է, որ իմ երկու որդիներին որպէս ստրուկ տանի իր մօտ:
2. Եղիսէն նրան ասաց. Ի՞նչ անեմ քեզ: Ասա՛ ինձ, թէ ինչ կայ քո տանը: Նա ասաց. Քո աղախնի տանը ոչինչ չկայ, բացի այն իւղից, որով օծւում եմ:
3. Եղիսէն ասաց. Գնա՛ եւ քո բոլոր դրացիներից դատարկ ամաններ խնդրի՛ր ոչ քիչ քանակով:
4. Ապա մտի՛ր տունդ, դռները փակի՛ր քո եւ քո որդիների վրայ, իսկ քո ունեցած իւղը լցրո՛ւ բոլոր ամանների մէջ ու լցուածը մի կո՛ղմ դիր:
5. Նա հեռացաւ նրա մօտից, դուռը փակեց իր եւ իր որդիների վրայ: Սրանք ամաններն էին մատուցում, իսկ Նա լցնում էր, մինչեւ որ բոլոր ամանները լցուեցին:
6. Նա ասաց իր որդիներին. Մի աման եւս բերէ՛ք: Նրանք ասացին. Այլեւս աման չկայ: Եւ իւղը դադարեց հոսելուց: Նա գնաց ու դա պատմեց Աստծու մարդուն:
7. Եղիսէն ասաց. Գնա իւղը վաճառի՛ր, վճարի՛ր քո պարտքը, եւ դու ու քո որդիները մնացած իւղով կ'ապրեք:
8. Պատահեց, որ, երբ մի օր Եղիսէն անցնում էր Սոմայից, մի հարուստ կին նրան կանչեց հաց ուտելու: Եղիսէն շատ յաճախ այնտեղից անցնելիս մտնում էր այդ տունը՝ ուտելու եւ խմելու:
9. Կինն ասաց իր ամուսնուն. Գիտեմ, որ Աստծու մարդը սուրբ է, եւ նրա ճանապարհը մեր կողմով է անցնում:
10. Ե՛կ մի փոքրիկ վերնատուն շինենք նրա համար, այնտեղ դնենք մահիճ, սեղան, աթոռ ու աշտանակ, եւ երբ որ մեզ մօտ գայ, թող այնտեղ ապրի:
11. Եւ ահա մի օր, երբ Նա եկել էր ու մտել վերնատուն ու այդտեղ քնել,
12. ասաց իր սպասաւոր Գեեգիին. Ինձ մօ՛տ կանչիր այդ սոմնացի կնոջը: Նա կանչեց կնոջը, եւ սա եկաւ կանգնեց նրա առջեւ:
13. Եղիսէն ասաց սպասաւորին. Ասա՛ նրան. Ահա այս ամէնը դու պատրաստել ես մեզ համար: Ի՞նչ պետք է անել քեզ համար. գուցէ արքայի կամ զօրքի հրամանատարի մօտ պետք է բարեխօսե՞լ քո մասին: Կինն ասաց. Ես իմ ժողովրդի մէջ եմ բնակւում:
14. Եղիսէն ասաց. Նրան ի՞նչ կարող ենք անել: Իր սպասաւոր Գեեգին ասաց. Շատ բարի, չէ՞ որ Նա որդի չունի, եւ նրա ամուսինը ծեր չէ:
15. Եղիսէն ասաց. Կանչի՛ր նրան: Գեեգին կանչեց նրան, եւ սա կանգնեց դռան առաջ:
16. Եղիսէն ասաց նրան. Միւս տարի այս ժամանակ, այս օրերին գրկումդ մի մանուկ կ'ունենաս: Կինն ասաց. Ո՛չ, տէ՛ր, Աստծո՛ւ մարդ, մի՛ խաբիր քո աղախնին:
17. Կինը յղիացաւ ու հետեւեալ տարին, այդ նոյն ժամանակ որդի ծնեց, որը ողջ-առողջ էր, ինչպէս նրան ասել էր Եղիսէն:
18. Մանուկը մեծացաւ: Մի օր տղան գնաց իր հօր, հնձողների մօտ ու ասաց իր հօրը. Գլո՛ւխս, գլո՛ւխս:
19. Հայրն ասաց իր ծառային. Տա՛ր սրան իր մօր մօտ:
20. Նա տարաւ նրան նրա մօր մօտ, իսկ երեխան մօր ծնկներին քնեց մինչեւ կեսօր ու մեռաւ:
21. Կինը վերցրեց նրան ու պառկեցնելով Աստծու մարդու անկողնում՝ դուռը փակեց նրա վրայ:
22. Նա գնաց կանչեց իր ամուսնուն եւ ասաց. Ինձ մօ՛տ ուղարկիր քո ծառաներից մէկին ու մի էշ, որպէսզի շտապ հասնեմ Աստծու մարդու մօտ եւ վերադառնամ:
23. Ամուսինն ասաց. Ինչո՞ւ ես դու այսօր գնում նրա մօտ. ո՛չ նորալուսին է, ո՛չ էլ շաբաթ: Նա ասաց. Հանգստացի՛ր:
24. Կինը համետեց էշը եւ ասաց իր ծառային. Զջի՛ր ու գնա՛, մինչեւ որ ասեմ Կանգնի՛ր: Բայց եթէ քեզ ասեմ Այստե՛ղ արի, կը գաս:
25. Կը քշես ու կը գնաս Աստծու մարդու մօտ, Կարմելոս լեռը: Երբ Եղիսէն տեսաւ, որ

կինը գալիս է իր մօտ, ասաց իր սպասաւոր Գէեգիին.

26. Ահա նա այն սոմնացի կինն է: Ընդառաջ գնա եւ հարցրո՛ւ. Ողջ-առո՞ղջ ես, ողջ-առո՞ղջ է ամուսինդ, ողջ-առո՞ղջ է երեխադ: Նա ասաց. Ողջ-առողջ ենք:

27. Ապա եկաւ Եղիսէի մօտ, լեռը, եւ գրկեց նրա ոտքերը: Գէեգին մօտեցաւ, որ նրան յետ քաշի, բայց Եղիսէն ասաց. Թո՛յլ տուր նրան, որովհետեւ նրա սիրտը վշտահար է, եւ Տէրն ինձնից դա թաքցրել է, չի յայտնել ինձ:

28. Կինն ասաց. Մի՞թէ ես իմ տիրոջից որդի խնդրեցի, չասացի՞, թէ՛ Մի՛ խաբիր ինձ:

29. Եղիսէն ասաց Գէեգիին. Գօտի՛ կապիր մէջքիդ, իմ ցուպը ձեռքդ վերցրո՛ւ եւ գնա՛: Եթէ որեւէ մէկին հանդիպես, բարեւ մի՛ տուր, եթէ որեւէ մէկը քեզ բարեւ տայ, մի՛ պատասխանիր, իմ ցուպը դի՛ր երեխայի երեսին:

30. Երեխայի մայրն ասաց. Կենդանի է Տէրը, եւ կենդանի ես դու. ես քեզ չեմ լքի: Եղիսէն ելաւ ու գնաց կնոջ յետեւից:

31. Գէեգին նրանցից առաջ անցաւ եւ ցուպը դրեց երեխայի երեսին, սակայն երեխան ո՛չ խօսում էր, ո՛չ լսում: Նա վերադարձաւ Եղիսէի մօտ ու ասաց. Երեխան վեր չի կենում:

32. Եղիսէն մտաւ տուն եւ տեսաւ, որ մեռած երեխան պառկած է իր մահճում:

33. Եղիսէն տուն մտնելով՝ դուռը փակեց իրենց երկուսի վրայ, աղօթեց Տիրոջը,

34. եկաւ ընկաւ երեխայի վրայ, իր բերանը դրեց նրա բերանին, իր աչքերը՝ նրա աչքերին, իր ձեռքերը՝ նրա ձեռքերին, ապա կծկուեց նրա վրայ ու ջերմացրեց երեխայի մարմինը:

35. Նա շրջեց տան մէջ այս ու այն կողմ, բարձրացաւ երեխայի վրայ, եօթն անգամ ծածկեց երեխային իր մարմնով, եւ երեխան բացեց իր աչքերը:

36. Եղիսէն աղաղակեց ու ասաց Գէեգիին. Այստե՛ղ կանչիր սոմնացի կնոջը: Նա կանչեց նրան, եւ կինը ներս մտաւ:

37. Եղիսէն ասաց. Ա՛ռ քո որդուն: Կինը մտաւ, ընկաւ նրա ոտքերին եւ մինչեւ գետին խոնարհուեց նրա առաջ: Նա առաւ իր որդուն ու գնաց,

38. իսկ Եղիսէն վերադարձաւ Գաղգաղա: Երկրում սով էր. մարգարէները խտած էին Եղիսէի առջեւ: Եղիսէն իր սպասաւորին ասաց. Մեծ կաթսան կրակի՛ն դիր եւ ապո՛ւր եփիր մարգարէների համար:

39. Նա գնաց դաշտ՝ բանջար քաղելու, գտաւ մի վայրի բոյս եւ դրանից մի ամբողջ բեռ վայրի դդում

40. քաղեց ու բերեց լցրեց ապուրի կաթսայի մէջ, բայց նա չէր իմանում, թէ դա ինչ բոյս է: Երբ ճաշը պատրաստ էր, դրեց նրանց առաջ, որ ուտեն: Երբ սկսեցին ապուրն ուտել, նրանք աղմուկ բարձրացնելով՝ ասացին. Մահ կայ կաթսայի մէջ, ո՛վ Աստծու մարդ: Նրանք չկարողացան ուտել:

41. Եղիսէն ասաց. Ալի՛ւր առէք ու լցրէ՛ք այդ կաթսայի մէջ: Նա ասաց իր սպասաւոր Գէեգիին. Դի՛ր ժողովրդի առջեւ, որ ուտեն: Եւ կաթսայի այդ ճաշը ոչ ոքի վնաս չտուեց:

42. Բեթսարիսայից մի մարդ եկաւ եւ Աստծու մարդու համար մատուա՜յ արմտիքից պատրաստուած նկանակներ, զարեհաց ու չոր թուզ բերեց տոպրակով:

43. Եղիսէն ասաց. Տուէ՛ք ժողովրդին, թող ուտեն: Նրա սպասաւորն ասաց. Ի՞նչ ես տալիս, որ հարիւր մարդու առջեւ դնեմ: Նա ասաց. Տո՛ւր ժողովրդին, որ ուտեն, քանզի այսպէս է ասում Տէրը. Պիտի ուտեն, եւ պիտի աւելանայ:

44. Ծառան դրեց նրանց առջեւ, նրանք կերան, եւ, Տիրոջ ասածի նման, մի բան էլ դեռ աւելացաւ:

1. Ասորիների զօրքի հրամանատար գեղեցկադեմ Նեեմանը յարգելի մարդ էր իր տիրոջ առջեւ, քանզի նրա միջոցով էր Տերը փրկութիւն տուել ասորիներին: Այս մարդը հզօր էր, սակայն՝ բորոտ:
2. Ասորի զինուած կողոպտիչները յարձակուել էին եւ Իսրայելից գերի վերցրել մի փոքրիկ աղջկայ, որը մնում էր Նեեմանի կնոջ մօտ:
3. Աղջիկն ասաց իր տիկնոջը. Երանի թէ իմ տերը գնար Աստծու մարգարէի մօտ, որը Սամարիայում է, նա նրան կը բուժէր բորոտութիւնից:
4. Կինը գնաց եւ ասաց իր տիրոջը. Այսպէս է խօսում իսրայելացի աղջիկը:
5. Ասորիների արքան ասաց Նեեմանին. Գնա՛, ես էլ նամակ կ'ուղարկեմ Իսրայելի արքային: Սա գնաց՝ իր ձեռքին ունենալով տասը տաղանդ արծաթ, վեց հազար դահեկան եւ տասը ձեռք պատմուճան:
6. Նա տարաւ Իսրայելի արքային ուղղուած նամակը, ուր գրուած էր. Երբ որ քեզ հասնի այս նամակը, գիտցի՛ր, որ քեզ մօտ եմ ուղարկում իմ ծառայ Նեեմանին, որպէսզի բուժես նրան իր բորոտութիւնից:
7. Երբ Իսրայելի արքան ընթերցեց նամակը, իր հագուստները պատառոտելով՝ ասաց. Միթէ ես Աստուած եմ, որ սպանեմ կամ կենդանացնեմ. ինձ մօտ մարդ է ուղարկել բորոտութիւնից բուժելու համար: Իմացէ՛ք եւ տեսէ՛ք, որ սա պատրուակ է:
8. Երբ Աստծու մարդ Եղիսէն լսեց, թէ Իսրայելի արքան իր հագուստներն է պատառոտել, լուր ուղարկեց նրան՝ ասելով. Ինչո՞ւ ես պատառոտել քո հագուստները, թող Նեեմանն ինձ մօտ գայ եւ իմանայ, որ Իսրայելում մարգարէ կայ:
9. Նեեմանն եկաւ երիվարներով ու մարտակառքերով եւ կանգնեց Եղիսէի տան դռանը:
10. Եղիսէն մարդ ուղարկելով նրա մօտ՝ ասաց. Գնա՛ եօթն անգամ լուացուի՛ր Յորդանան գետում, քո մարմինը կը բուժուի, եւ դու կը մաքրուես:
11. Նեեմանը բարկացաւ եւ գնաց՝ ասելով. Ես էլ կարծում էի, թէ գուցէ կը գայ, կը կանգնի ինձ մօտ, իր Տեր Աստծու անունը կը տայ, իր ձեռքը կը դնի հիւանդ տեղի վրայ եւ կը բուժի իմ բորոտութիւնը:
12. Մի՞թէ Դամասկոսի Նաբանա եւ Փարփարա գետերը Իսրայելի բոլոր ջրերից անելի լաւ չեն, ինչո՞ւ չերթամ, չլուացուեմ դրանց մէջ եւ մաքրուեմ: Եւ վերադառնալով՝ գնաց զայրացած:
13. Նրան մօտեցան ծառաներն ու ասացին. Հա՛յր, եթէ մարգարէն դժուար բան խնդրէր, չպէ՞տք է կատարէիր: Նա միայն ասաց՝ Լուացուի՛ր ու կը մաքրուես:
14. Նեեմանն իջաւ ու եօթն անգամ թաթախուեց Յորդանան գետի մէջ, ինչպէս Եղիսէն էր ասել, եւ նրա մարմինը դարձաւ մատղաշ երեխայի մարմնի նման. նա մաքրուեց:
15. Դրանից յետոյ նա իր ամբողջ բանակով վերադարձաւ Եղիսէի մօտ ու կանգնելով նրա առջեւ՝ ասաց. Հիմա համոզուեցի, որ չկայ Աստուած ամբողջ աշխարհում, այլ միայն՝ Իսրայելում: Արդ, ընծա՛յ ընդունիր քո ծառայից:
16. Եղիսէն ասաց. Կենդանի է Տերը. ես կանգնած եմ նրա առջեւ. ոչինչ չեմ ընդունի: Նա ստիպեց առնել, սակայն Եղիսէն չհամաձայնուեց:
17. Նեեմանն ասաց. Քանի որ մերժում ես, թող քո ծառային երկու ջորու բեռ հող տան այս երկրից, որպէսզի քո ծառան այլեւս օտար աստուածներին ողջակէզ եւ զոհ չմատուցի այս բանի համար,
18. այլ միայն՝ Տիրոջը: Թող Տերը ների քո ծառային հետեւեալի համար. երբ իմ տեր արքան մտնի Ռեմանի տունը նրան երկրպագելու, ես էլ նրա հետ երկրպագեմ Ռեմանին, քանի որ արքան յենուած է լինում իմ ձեռքին: Թող Տերը ների քո ծառային այս բանի համար:
19. Եղիսէն ասաց Նեեմանին. Գնա՛ խաղաղութեամբ: Եւ նա գնաց նրա մօտից, Իսրայելի երկրից:
20. Սպասաւոր Գեեզին ասաց Եղիսէին. Իմ տերը հրաժարուեց վերցնել ասորի Նեեմանի քերած նուէրները: Կենդանի է Տերը. ես նրա յետեւից կը վազեմ ու մի բան կ'առնեմ:

21. Գեեգին վագեց Նէմանի յետեւից, եւ երբ Նէմանը տեսաւ, որ նա իր յետեւից է գալիս, մարտակառքից իջաւ եւ նրան ընդառաջ գնալով՝ ասաց. Բարի՞ գործով է:
22. Գեեգին ասաց. Բարի գործով է: Իմ տէրն ինձ քեզ մօտ ուղարկեց՝ ասելով. Ահա Եփրեմի լեռից ինձ մօտ եկան երկու երիտասարդ մարգարէներ: Նրանց համար տո՛ւր մի տաղանդ արծաթ եւ երկու ձեռք պատմուճան:
23. Նէմանն ասաց. Եթէ այդպէս է, ա՛ն երեք տաղանդ արծաթ: Նէմանն ստիպեց եւ երկու պարկի մէջ երեք տաղանդ արծաթ ու երկու ձեռք պատմուճան դնելով՝ տուեց իր երկու ծառաներին, որ տանէն նրա առջեւից:
24. Երբ մի մուր տեղ հասան, նա բեռը խլեց նրանց ձեռքից ու տան մէջ դրեց, իսկ այդ մարդկանց ճանապարհ գցեց:
25. Նրանք վերադարձան: Գեեգին եկաւ կանգնեց իր տիրոջ առջեւ: Եղիսէէն հարցրեց նրան. Որտեղի՞ց ես գալիս, Գեեգի՛: Գեեգին ասաց. Քո ծառան ոչ մի տեղ չէր գնացել:
26. Եղիսէէն նրան ասաց. Մի՞թէ իմ սիրտը քեզ հետ չէր, երբ այդ մարդն իր մարտակառքից իջաւ քեզ դիմաւորելու: Արդարեւ, արծաթ ու հագուստներ առար՝ ձիթենիներ ու այգիներ, արջառ ու ոչխար գնելու եւ ծառաներ ու աղախիկներ ունենալու համար:
27. Թող Նէմանի բորոտութիւնը քեզ ու քո սերնդին կպչի յաւիտեան: Եւ Գեեգին դուրս եկաւ նրա մօտից ձեան նման սպիտակած բորոտ մարմնով:

1. Մարգարէներն ասացին Եղիսէին. Այս տեղը, ուր մենք բնակուում ենք, մեզ համար նեղ է,
2. գնանք մինչեւ Յորդանան գետը եւ այնտեղ ամեն մէկս մի գերան վերցնելով՝ մեզ համար բնակութեան տեղ պատրաստենք: Եղիսէն ասաց. Գնացէ՛ք:
3. Նրանցից մէկն ասաց. Դու եւս քո ծառաներով ե՛կ մեզ հետ:
4. Նա պատասխանեց. Կը գամ: Եւ գնաց Նրանց հետ: Հասան Յորդանան գետի եզերքը: Այնտեղ ծառ էին կտրում:
5. Եւ ահա երբ Նրանցից մէկը գերան էր կտրում, կացինը ջուրն ընկաւ: Նա բացականչելով՝ ասաց. Ո՛հ, Տէ՛ր, ես այն փոխ էի առել:
6. Աստծու մարդը հարցրեց. Ո՞րն ընկաւ: Նա ցոյց տուեց տեղը, եւ Եղիսէն մի փայտ կտրելով՝ այնտեղ գցեց, ու երկաթը ջրի երեսը լողաց:
7. Եղիսէն ասաց. Վերցրո՛ւ: Նա ձեռքը մեկնեց ու վերցրեց կացինը:
8. Ասորիների արքան պատերազմի մէջ էր Իսրայէլի դէմ: Նա խորհրդակցելով իր ծառաների հետ՝ ասաց. Այսինչ տեղում թող բանակը դարան մտնի:
9. Եղիսէն լուր ուղարկելով Իսրայէլի արքային՝ ասաց. Չգո՛յշ եղիր, չլինի, թէ անցնես այսինչ տեղով, քանզի ասորիները դարան են մտել այնտեղ:
10. Իսրայէլի արքան մարդ ուղարկեց Եղիսէի նշած վայրը եւ դարանից զգուշացաւ ոչ միայն մէկ, այլ երկու եւ անելի անգամ:
11. Այս բանի համար ասորիների արքան վրդովուեց եւ կանչելով իր ծառաներին՝ ասաց. Ինձ չէ՞ք ասի, թէ ով է իմ գաղտնիքները յայտնում Իսրայէլի արքային:
12. Ծառաներից մէկն ասաց. Ո՛չ, տէ՛ր իմ արքայ, Իսրայէլում գտնուող Եղիսէ մարգարէն է, որ Իսրայէլի արքային յայտնում է նոյնիսկ այն բոլոր խօսքերը, որ դու քո ննջասնեակում ես խօսում:
13. Արքան ասաց. Գնացէ՛ք ու տեսէ՛ք, թէ ո՛րն է նա, որ մարդ ուղարկեմ ու բռնեմ Նրան: Յայտնեցին Նրան, որ Եղիսէն Դոթայիմում է:
14. Նա ուղարկեց մարտակառքեր, երիվարներ եւ ուժեղ զօրք: Սրանք եկան ու գիշերը պաշարեցին քաղաքը:
15. Առաւօտ կանուխ Եղիսէն զարթնեց եւ դուրս եկաւ, որ պաշտամունք կատարի: Նա տեսաւ, որ զօրքը երիվարներով ու մարտակառքերով պաշարել է քաղաքը: Սպասաւորը Նրան ասաց. Տէ՛ր, ի՞նչ պիտի անենք:
16. Եղիսէն ասաց. Մի՛ վախեցիր, քանզի մեզ հետ եղողները Նրանց հետ եղողներից շատ են:
17. Եղիսէն աղօթք անելով՝ ասաց. Տէ՛ր, բա՛ց սպասաւորիս աչքերը, որ տեսնի: Տէրը բացեց Նրա աչքերը, եւ նա տեսաւ, որ Եղիսէի շուրջը լեռը լի էր ձիերով ու հրեղէն մարտակառքերով, որոնք եկան Նրա մօտ:
18. Եղիսէն սկսեց աղօթել Տիրոջն՝ ասելով. Հարուածի՛ր այս ազգին, որ շիլ դառնայ: Եւ Տէրը, ինչպէս ասել էր Եղիսէն, հարուածեց Նրանց ու շիլ դարձրեց:
19. Եղիսէն ասաց թշնամու զօրքին. Այս չէ՛ ճանապարհը, եւ այս չէ՛ քաղաքը, եկէ՛ք իմ յետեւից, եւ ես ձեզ կը տանեմ այն մարդու մօտ, որին փնտռում էք: Նա տարաւ Նրանց Սամարիա, եւ երբ մտաւ Սամարիա, ասաց Եղիսէն. Տէ՛ր, բա՛ց Նրանց աչքերը, որ տեսնեն:
20. Եւ Տէրը բացեց Նրանց աչքերը, ու տեսան, որ իրենք Սամարիայի մէջ են:
21. Երբ Իսրայէլի արքան տեսաւ Նրանց, ասաց Եղիսէին. Սպանե՞մ սրանց, հա՛յր իմ:
22. Եղիսէն ասաց. Մի՛ սպանիր: Սպանել կարող ես Նրանց, որոնց քո սրով ու աղեղով ես գերի վերցրել: Նրանց առջեւ հաց ու ջուր դի՛ր. թող ուտեն ու խմեն: Արձակի՛ր Նրանց, թող գնան իրենց տիրոջ մօտ:
23. Նրանց առաջ առատ խոտ դրեց: Նրանք կերան ու խմեցին: Արքան Նրանց արձակեց, եւ Նրանք գնացին իրենց տիրոջ մօտ: Ասորիների կողոպտիչ զօրքը այլեւս Իսրայէլի երկրի վրայ չարձակուեց:

24. Դրանից յետոյ Ադերի որդին՝ ասորիների արքան, հաւաքեց իր ամբողջ բանակը եւ եկաւ պաշարեց Սամարիան:
25. Սամարիայում մեծ սով եղաւ, իսկ ասորիները պաշարած պահում էին քաղաքը: Մի էշի գլուխը յիսուն սիկլ արծաթով էր ծախւում, իսկ աղաւնու կեղտի մէկ քառորդ կապիճ չափը՝ յիսունհինգ արծաթով:
26. Իսրայէլի արքան շրջում էր պարսպի վրայ: Մի կին աղաղակելով՝ ասաց նրան. Փրկի՛ր ինձ, տէ՛ր արքայ:
27. Արքան ասաց. Եթէ Տէրը չի փրկում, ինչո՞վ կարող եմ ես փրկել քեզ, կալո՞վ, թէ՞ հնձանով:
28. Արքան հարցրեց. Քեզ ի՞նչ է պատահել: Նա ասաց. Այս կինն ինձ ասաց. Տո՛ւր քո որդուն, որ այսօր ուտենք նրան, իսկ իմ որդուն վաղը կ'ուտենք:
29. Եփեցինք իմ որդուն ու կերանք: Յաջորդ օրն ասացի նրան. Տո՛ւր քո որդուն, որ ուտենք, սակայն նա թաքցրեց իր որդուն:
30. Երբ արքան կնոջ այս խօսքերը լսեց, պատառոտեց իր հագուստները, եւ քանի որ նա դեռ շրջում էր պարսպի վրայ, ժողովուրդը տեսաւ, որ նա իր հագուստի տակից, մարմնի վրայ քուրձ էր հագել:
31. Արքան ասաց. Թող Աստուած այսպէս ու այսպէս եւ աւելին անի ինձ, եթէ Սափատի որդի Եղիսէի գլուխն իր վրայ մնայ այսօր:
32. Եղիսէն նստել էր իր տանը, ծերերի հետ: Արքան մարդ ուղարկեց նրա մօտ, եւ երբ դեռ պատգամաւորը նրա մօտ չէր հասել, Եղիսէն ասաց ծերերին. Տեսնո՞ւմ եք, մարդասպանի որդին մարդ է ուղարկել, որ իմ գլուխը կտրի: Հենց որ հասնի պատգամաւորը, դռների մօտ բռնեցէ՛ք նրան: Չէ՞ որ նրա տիրոջ ոտնաձայնը նրա յետեւից լսում է:
33. Մինչ Եղիսէն խօսում էր նրանց հետ, պատգամաւորն եկաւ նրանց մօտ եւ ասաց. Ահա այս չարիքը Տիրոջից է. Տիրոջ վրայ էլ ի՞նչ յոյս դնեմ:



1. Եղիսէէն ասաց. Տիրոջ խօսքը լսեցէք: Այսպէս է ասում Տէրը. Վաղն այս ժամին Սամարիայի դարպասների մօտ մէկ գրիւ ընտիր ալիւրը մէկ սիկղ, եւ երկու գրիւ գարին մէկ սիկղ պէտք է արժենայ:
2. Այն զօրապետը, որի ձեռքին յենւում էր արքան, ասաց Եղիսէին. Եթէ Տէրը անգամ երկնքի սահանքները բացի, մի՞թէ այդպիսի բան կարող է լինել: Եղիսէն ասաց. Քո աչքերով պիտի տեսնես դա, սակայն դու դրանցից չպիտի ուտես:
3. Քաղաքի դարպասի մօտ կային չորս բորոտ մարդիկ: Նրանք իրար ասացին. Ինչո՞ւ այստեղ նստենք մինչեւ մեր մահը:
4. Եթէ ասենք՝ Մտնենք քաղաք, քաղաքում էլ սով է, այնտեղ էլ կը մեռնենք. Եթէ այստեղ նստած մնանք, էլի կը մեռնենք: Արի՛ գնանք ասորիների բանակը: Եթէ մեզ ողջ թողնեն, կ'ապրենք, իսկ եթէ սպանեն մեզ, թող մեռնենք:
5. Նրանք մընշադին վեր կացան, որպէսզի ասորիների բանակը մտնեն: Նրանք հասան ասորիների բանակատեղին, սակայն այստեղ մարդ չկար:
6. Տէրն ասորիների բանակատեղիում մարտակառքերի աղմուկ եւ մեծ զօրքի աղաղակ լսել տուեց, եւ նրանք իրար ասացին. Իսրայէլի արքան վարձել է քետացիների ու եգիպտացիների թագաւորներին, որպէսզի մեզ վրայ յարձակուեն:
7. Եւ նրանք ելան ու մթութեան մէջ փախան՝ թողնելով իրենց բանակատեղիի վրանները, ձիերն ու էշերը, ինչպէս որ կային: Նրանք մագապուրծ փախան:
8. Բորոտները հասան մինչեւ բանակատեղիի եզրը, մի վրան մտան, կերան ու խմեցին, վերցրին արծաթ, ոսկի ու հագուստներ, գնացին եւ տարան թաքցրին դրանք: Մի այլ վրան մտան եւ այնտեղից էլ վերցրին ու տարան թաքցրին:
9. Նրանք ասացին իրար. Ճիշտ չէ մեր արածը, այսօր անտեսաց օր է, իսկ մենք լռո՞ւմ ենք: Մինչեւ առաւօտ սպասենք, որ մեր անօրէնութեան պատիժը կրենք: Եկե՛ք գնանք թագաւորի մօտ եւ այս ամէնը յայտնենք նրան:
10. Նրանք գնացին, ձայն տուեցին քաղաքի դարպասի պահապաններին, պատմեցին նրանց՝ ասելով. Մտանք ասորիների բանակատեղին, այնտեղ ոչ ոք չկար, մարդու ձայն չէր լսւում, միայն ձիեր ու էշեր էին կապուած, իսկ վրանները մնում էին, ինչպէս որ կային:
11. Դռան պահապանները ձայն տուեցին եւ այդ լուրը հասցրին թագաւորի տուն:
12. Արքան գիշերով ելաւ եւ ասաց իր ծառաներին. Հիմա ասեմ ձեզ, թէ ասորիները մեզ ինչ են արել: Գիտենալով, որ սոված ենք, ելել են բանակատեղիից եւ թաքնուել բաց դաշտում մտածելով, որ թերեւս քաղաքից դուրս կը գանք, մեզ կենդանի կը բռնեն, կը մտնեն քաղաքը եւ ապա դուրս կը գան:
13. Նրա ծառաներից մէկն ասաց. Թող մարդիկ Իսրայէլի մէջ փոքր քանակով մնացած ձիերից հինգը վերցնեն, գնանք ու հետախուզենք այնտեղ:
14. Արքան երկու ձիաւոր ուղարկեց ասորիների արքայի բանակատեղի՝ ասելով. Գնացե՛ք ու հետախուզեցե՛ք:
15. Սրանք գնացին նրանց հետքերով մինչեւ Յորդանան գետը եւ տեսան, որ ամբողջ ճանապարհը լի է հագուստներով եւ իրերով, որ խուճապահար փախչելիս նետել էին ասորիները: Հետախոյզները վերադարձան ու պատմեցին արքային:
16. Ժողովուրդը եկաւ եւ կողոպտեց ասորիների բանակատեղին: Մէկ գրիւ ընտիր ալիւրը արժեց մէկ սիկղ, իսկ երկու գրիւ գարին՝ մէկ սիկղ, ինչպէս ասել էր Տէրը:
17. Արքան դռան առջեւ հսկիչ կարգեց այն զօրապետին, որի ձեռքին յենւում էր ինքը պաշտամունքի ժամանակ: Ժողովուրդը դռան մօտ այնքան կոխտեց նրան, որ նա մեռաւ, ինչպէս ասել էր Աստծու մարդը, երբոր պատգամաւորը նրա մօտ էր եկել:
18. Եղաւ այնպէս, ինչպէս Եղիսէն ասել էր արքային. Վաղն այս ժամին Սամարիայի դարպասների մօտ երկու գրիւ գարին մի սիկղ կը լինի, եւ մէկ գրիւ ընտիր ալիւրը՝ մի սիկղ:
19. Իսկ զօրապետը պատասխանել էր Եղիսէին. Տէրը եթէ անգամ երկնքի սահանքները

բացի, մի՞թե այդպիսի բան կարող է լինել:

20. Այդ ժամանակ եղիսէն ասել էր. Քո աչքերով պիտի տեսնես դա, սակայն դու դրանցից չպիտի ուտես:

21. Այդպես էլ եղաւ. եւ ժողովուրդը կոխոտեց սրան դռան առաջ, ու նա մեռաւ:

1. Եղիսէն, խօսելով այն կնոջ հետ, որի որդուն կենդանացրել էր, ասաց. Վե՛ր կացե՞ք գնացե՛ք դու եւ քո տնեցիները, եղե՛ք պանդուխտ այնտեղ, որտեղ կարող եք ապրել, քանզի Տէրը սով է ուղարկելու երկրի վրայ. դա արդէն եկել է եւ եօթը տարի է տնելու երկրի վրայ:
2. Կինը վեր կացաւ եւ արեց այնպէս, ինչպէս Եղիսէն էր ասել. ինքն ու տնեցիները գնացին եւ եօթը տարի պանդուխտ մնացին այլազգիների երկրում:
3. Եօթը տարին լրանալուց յետոյ կինը վերադարձաւ այլազգիների երկրից եւ իր տան ու արտերի համար բողոքի գնաց արքայի մօտ:
4. Թագաւորը խօսելով Աստծու մարդ Եղիսէի սպասաւոր Գեեգիի հետ՝ ասաց. Պատմի՛ր ինձ Եղիսէի կատարած բոլոր մեծամեծ գործերը:
5. Երբ նա պատմում էր արքային, թէ ինչպէս էր Եղիսէն կենդանացրել մեռեալ որդուն, առաջ եկաւ այդ կինը, որի որդուն կենդանացրել էր Եղիսէն, եւ արքային ասաց իր տան եւ արտերի մասին: Գեեգին ասաց. Տէ՛ր արքայ, այս է այդ կինը, եւ այս էլ՝ նրա որդին, որին Եղիսէն կենդանացրեց:
6. Արքան հարցեր տուեց կնոջը, եւ նա պատմեց նրան: Թագաւորը տուեց նրան մի ներքինի եւ ասաց. Վերադարձո՛ւ նրան նրա ամբողջ ունեցուածքը եւ արտերի այն ամբողջ բերքը, որ ստացուել է նրա պանդխտութեան առաջին օրից մինչեւ այսօր:
7. Եղիսէն եկաւ Դամասկոս: Ասորիների արքան՝ Ադերի որդին, հիւանդացել էր: Նրան այդ մասին յայտնելով՝ ասացին. Աստծու մարդն այստեղ է եկել:
8. Արքան ասաց Ազայելին. Մի ընծա՛յ վերցրու, գնա՛ Աստծու մարդու մօտ, նրա միջոցով Տիրոջը հարցրո՛ւ, թէ կը բուժուե՞մ արդեօք իմ այս հիւանդութիւնից:
9. Ազայելը վերցրեց ընծան եւ Դամասկոսի բոլոր բարիքները քառասուն ուղտի վրայ բարձելով՝ գնաց նրան ընդառաջ: Նա կանգնելով նրա առջեւ՝ ասաց. Ո՛վ հայր Եղիսէ, քո որդին, ասորիների արքայ Ադերի որդին, ինձ քեզ մօտ է ուղարկել՝ ասելով, թէ՝ Արդեօք կը բուժուե՞մ իմ այս հիւանդութիւնից:
10. Եղիսէն ասաց նրան. Գնա ասա՛, որ կ'ապրի, սակայն Տէրն ինձ ցոյց է տուել, որ կը մեռնի:
11. Մարգարէի հայեացքը դարձաւ սեւեռուն, դեմքը՝ լարուած, եւ Աստծու մարդը լաց եղաւ:
12. Ազայելը հարցրեց. Ինչո՞ւ ես լալիս, տէ՛ր իմ: Եղիսէն ասաց. Գիտեմ, թէ իսրայէլացիների դեմ ինչ չարիքներ ես գործելու. նրանց ամբոցները հրով պիտի այրես, քաջ մարդկանց սրով պիտի կոտորես, նրանց տղաներին պիտի ոչնչացնես, յղիների փորը պիտի պատռես:
13. Ազայելն ասաց. Քո ծառան ի՞նչ շուն է, որ այդ բաներն անի: Եղիսէն ասաց. Տէրն ինձ յայտնեց, որ դո՛ւ պիտի թագաւորես ասորիների վրայ:
14. Ազայելը գնաց Եղիսէի մօտից եւ մտաւ իր տիրոջ մօտ: Սա հարցրեց նրան. Ի՞նչ ասաց Եղիսէն: Նա պատասխանեց. Ինձ ասաց, թէ՝ Անպայման կ'ապրես:
15. Հետեւեալ օրը նա մի սաւան առաւ, ջրով թրջեց, փռեց իր երեսին ու մեռաւ: Նրա փոխարէն թագաւորեց Ազայելը:
16. Իսրայելի արքայ Աքաաբի որդի Յորամի թագաւորութեան հինգերորդ տարում թագաւորեց Յուդայի երկրի Յոսափատ արքայի որդի Յորամը:
17. Երբ նա գահ բարձրացաւ, երեսուներկու տարեկան էր եւ ութ տարի թագաւորեց Երուսաղէմում:
18. Նա ընթացաւ Իսրայելի թագաւորների ճանապարհով, ինչպէս արել էր Աքաաբի տոհմը, քանզի Աքաաբի դուստրը նրա կինն էր: Նա չարիք գործեց Տիրոջ առջեւ,
19. սակայն Տէրը չկամեցաւ ոչնչացնել Յուդայի երկիրը իր ծառայ Դաւթի սիրուն, որովհետեւ նրան խոստացել էր, որ թէ՛ նրան, թէ՛ նրա սերնդին միշտ ճրագ՝ թագաւորութիւն կը տայ:
20. Նրա օրօք Եղովմ ազատագրուեց Յուդայի երկրից եւ իր համար առանձին մի

թագաւոր օծեց:

21. Յորամն իր բոլոր մարտակառքերով եկաւ Սիոր եւ առաւօտեան, լոյսը չբացուած, յարձակուեց եդոմացիների վրայ (որոնք իրեն շրջապատել էին), ինչպէս նաեւ նրա մարտակառքերի զօրավարների վրայ:

22. Չինուորները փախան՝ ամէն մէկն իր վրանը: Եդոմը անջատ մնաց Յուդայի երկրից: Եւ այդպէս է մինչեւ այսօր: Այդ ժամանակ ապստամբեց նաեւ Լոբնան:

23. Յորամի մնացած գործերը եւ այն ամէնը, ինչ արել է նա, չէ՞ որ նկարագրուած են Յուդայի երկրի թագաւորների ժամանակագրութեան մէջ:

24. Յորամը գնաց իր նախնիների գիրկը եւ թաղուեց իր հայրերի մօտ, իր նախնի Դաւթի քաղաքում, եւ նրա փոխարէն թագաւորեց նրա որդին՝ Օքոզիան:

25. Իսրայելի արքայ Աքաաբի որդի Յորամի թագաւորութեան տասներկուերորդ տարում թագաւորեց Յուդայի երկրի արքայ Յորամի որդի Օքոզիան:

26. Երբ Օքոզիան թագաւոր դարձաւ, քսաներկու տարեկան էր: Նա մէկ տարի թագաւորեց Երուսաղէմում: Նրա մայրը Իսրայելի Ամրի արքայի դուստր Գոթողիան էր:

27. Նա ընթացաւ Աքաաբի տոհմի ճանապարհով, չարիք գործեց Տիրոջ առջեւ, ինչպէս Աքաաբի տունն էր արել, որովհետեւ նա Աքաաբի տան փեսան էր:

28. Նա Աքաաբի որդի Յորամի հետ գնաց Գադաադի Ռամաթ քաղաքը՝ ասորիների արքայ Ազայելի դէմ պատերազմելու, սակայն ասորիները խոցեցին Յորամին:

29. Յորամ արքան վերադարձաւ, որպէսզի Յեզրայելում բուժուի այն վերքերից, որ ասորիները հասցրել էին Ռամաթում ասորիների արքայ Ազայելի դէմ պատերազմելու ժամանակ: Յուդայի երկրի արքայ Յորամի որդի Օքոզիան եկաւ Յեզրայել Աքաաբի որդի Յորամի տեսութեան, որովհետեւ սա հիւանդացել էր:

1. Եղիսէէ մարգարէն կանչելով մի երիտասարդ մարգարէի՝ ասաց նրան. Գօտի՛ կապիր մէջքիդ, իւղի այս սրուակը ձեռքդ վերցրո՛ւ,
2. գնա մտի՛ր Գաղաադի Ռամաթ քաղաքը, ու երբ տեսնես Ամեսիի որդի Յոսափատի որդի Յեուկն, կանչի՛ր նրան իր եղբայրների միջից, նրան մի ներքնասենեակ տա՛ր
3. Եւ այս սրուակի իւղը նրա գլխին թափելով՝ ասա՛. Այսպէս է ասում Տէրը. քեզ Իսրայէլի թագաւոր օծեցի: Ապա դուռը բա՛ց արա, Էլ մի՛ սպասիր, փախի՛ր:
4. Երիտասարդ մարգարէն գնաց մտաւ Գաղաադի Ռամաթ քաղաքը եւ տեսաւ,
5. որ զօրքի իշխանները նստած են: Նա ասաց. Ո՛ր իշխան, խօսք ունեմ քեզ ասելու: Յեուն ասաց. Մեզնից ո՞ւմ:
6. Մարգարէն ասաց. Քե՛զ, ո՛ր իշխան: Յեուն եկաւ ու մտաւ սենեակը: Նա իւղը թափելով նրա գլխին՝ ասաց. Այսպէս է ասում Իսրայէլի Տէր Աստուածը. Քեզ Տիրոջ ժողովրդի՝ Իսրայէլի թագաւոր օծեցի,
7. որպէսզի վերացնես քո տիրոջ՝ Աքաաբի տունը քո միջից եւ իմ ծառայ մարգարէների ու Տիրոջ բոլոր ծառաների արեան վրէժը լուծես Յեզաբէլից ու նրա ամբողջ տնից,
8. Աքաաբի տնից ոչնչացնես բոլոր պատին միգողներին, Իսրայէլում կապուած ու ազատ մարդկանց,
9. որպէսզի ես Աքաաբի տունը Նաբատի որդի Յերոբովամի տան եւ Աքիայի որդի Բաասայի տան նման դարձնեմ:
10. Յեզաբէլին Յեզրայէլի դաշտերի մէջ շները պիտի ուտեն, քանի որ մարդ չպիտի գտնուի, որ թաղի նրան:
11. Ապա նա դուռը բացեց ու փախաւ: Յեուն եկաւ իր տիրոջ ծառաների մօտ, որոնք հարցրին նրան. Բարի՞ լուր է. այս անմիտն ինչո՞ւ էր եկել քեզ մօտ: Նա ասաց նրանց. Դուք արդէն գիտէք այդ մարդուն եւ նրա բարբաջանքները:
12. Նրանք ասացին. Ճիշտ չէ, պատմի՛ր մեզ: Յեուն նրանց ասաց. Այսպէս ու այսպէս ասաց ինձ. Այսպէս է ասում Տէրը. քեզ Իսրայէլի թագաւոր օծեցի:
13. Երբ այդ լսեցին, ամեն մէկն շտապեց իր բաճկոնն առնել եւ աստիճանների գլխին, ուր նստում էին, դրեց նրա տակը: Եղջերափող հնչեցնելով՝ նրանք ասացին. Յեուն թագաւոր դարձաւ:
14. Ամեսսիայի որդի Յոսափատի որդի Յեուն գլուխ բարձրացրեց Յորամի դէմ, իսկ Յորամը բոլոր իսրայէլացիների հետ ասորիների արքայ Ազայէլից Գաղաադի Ռամաթ քաղաքն էր պաշտպանում:
15. Յորամ արքան ասորիների արքայ Ազայէլի դէմ պատերազմելու ընթացքում ասորիների հասցրած վերքերից բուժուելու համար եկել էր Յեզրայէլ: Յեուն ասաց. Եթէ հոգով դուք ինձ հետ էք, ապա թող ոչ ոք գաղտնի կերպով դուրս չգայ քաղաքից, որ գնա այս բանը յայտնի Յեզրայէլում:
16. Յեուն ձի հեծաւ ու գնաց Յեզրայէլ, ուր Իսրայէլի Յորամ արքան բուժւում էր նետերի վերքերից, որ նա ստացել էր Ռամաթում ասորիների արքայ Ազայէլի դէմ պատերազմելիս: Նա զօրաւոր եւ հզօր մարդ էր եւ այնտեղ էր պառկել: Յուդայի երկրի արքայ Օքոզիան եկել էր տեսնելու Յորամին:
17. Յեզրայէլում մի պահակ աշտարակի վրայ ելաւ ու փոշի տեսաւ, որ Յեուկ գալուց էր բարձրանում: Նա ասաց. Ես փոշի եմ տեսնում: Յորամն ասաց. Մի հեծեալ վերցրո՛ւ, նրան ընդառաջ ուղարկիր, եւ նա թող հարցնի, թէ խաղա՞ղ նպատակով է գալիս:
18. Հեծեալը գնաց նրան ընդառաջ եւ ասաց. Արքան այսպէս է ասում. Արդեօք խաղա՞ղ նպատակով ես գալիս: Յեուն ասաց նրան. Քո ինչի՞ն է պետք խաղաղութիւնը, հետեւի՛ր ինձ: Աշտարակի պահակն այդ բանը հաղորդելով՝ ասաց. Սուրհանդակը հասել է նրանց, բայց չի վերադառնում:
19. Արքան երկրորդ հեծեալին ուղարկեց, որն ասաց. Այսպէս է հարցնում արքան, թէ՛ Արդեօք խաղա՞ղ նպատակով ես գալիս: Յեուն ասաց. Քո ինչի՞ն է պետք խաղաղութիւնը, հետեւի՛ր ինձ:

20. Աշտարակի պահակն այդ բանը հաղորդելով՝ ասաց. Սուրհանդակը հասել է Նրանց մօտ, բայց չի վերադառնում: Նրա ձի վարելը Ամեսսիայի որդի Յեուի ձի վարելուն նման է, որովհետեւ կատաղորեն է քշում:
21. Յորամն ասաց. Կառքը լծիր: Մարտակառքերը լծեցին, եւ Իսրայելի արքայ Յորամն ու Յուդայի երկրի արքայ Օքոզիան, ամեն մէկն իր մարտակառքը նստած՝ գնացին Յեուին ընդառաջ եւ Նրան հասան Նաբոթ Յեզրայելացու կալուածքում:
22. Երբ Յորամը տեսաւ Յեուին, ասաց. Խաղա՞ր նպատակով ես գալիս, Յեու: Յեուն ասաց. Ի՞նչ խաղաղութիւն, երբ քո մայր Յեզաբելի պողոտայի մէջ ես եմ: Կախարդութիւնները շատանում են:
23. Յորամը սանձերը շուռ տալով՝ փախաւ եւ ասաց Օքոզիային. Դաւադրութիւն է, Օքոզիա:
24. Յեուն քաշեց աղեղը, հարուածեց Յորամի թիկունքի մէջտեղը, նետը մտաւ Նրա սիրտը, եւ Նա ընկաւ իր ծնկների վրայ:
25. Յեուն ասաց իր զինակիր Բադեկարին. Սրան գցի՛ր Նաբոթ Յեզրայելացու կալուածքի մի արտը, քանզի յիշում եմ, որ, երբ ես ու դու դրա հայր Աքաբի յետեւից ձի հեծած կողք-կողքի գնում էինք, Տէրը Նրա նկատմամբ այս վճիռը տուեց.
26. Ես, - ասաց Տէրը, - երեկ տեսայ Նաբոթի ու Նրա որդիների արիւնը. դրա համար ես քեզ պիտի հատուցեմ այս ագարակում: Արդ, վերցրո՛ւ Նրան ու նետի՛ր այդ արտը, ինչպէս ասել է Տէրը:
27. Յուդայի երկրի արքայ Օքոզիան, տեսնելով այդ, փախաւ Բեթանզան տանող ճանապարհով, բայց Յեուն հետապնդելով Նրան՝ ասաց. Ապա, դրա՛ն էլ սպանիր: Եւ Նա Նրան խոցեց մարտակառքում, երբ սա բարձրանում էր Բերայի, այսինքն՝ Յեբլաամի գառիվերը: Նա փախաւ Մակեդոնով եւ այնտեղ մեռաւ:
28. Ծառաները Նրան տարան Երուսաղէմ եւ այնտեղ թաղեցին իր նախնիների մօտ, Դաւթի քաղաքում:
29. Իսրայելի արքայ Յորամի թագաւորութեան տասնմէկերորդ տարում էր թագաւորել Օքոզիան Յուդայի երկրի վրայ:
30. Յեուն եկաւ Յեզրայել: Յեզաբելն այդ լսելով՝ իր աչքերին ծարիր քսեց, իր գլուխը զարդարեց ու Նայեց պատուհանից դուրս:
31. Երբ Յեուն քաղաք էր մտնում, Նա ասաց. Մի՞թէ տիրասպան Չամբրին խաղաղութեամբ է գալիս:
32. Յեուն իր գլուխը բարձրացնելով դէպի պատուհանը՝ ասաց. Ո՞վ ես դու, իշխի՛ր ինձ մօտ: Երկու ներքինիներ կռացան ու ցած Նայեցին,
33. եւ Յեուն ասաց Նրանց. Ցա՛ծ գցեցէք սրան: Ցած նետեցին այդ կնոջը. Նրա արիւնը պատերի ու ձիերի վրայ ցայտեց, եւ ձիերը ոտքի կոխան արեցին Նրան:
34. Յեուն մտաւ Ներս եւ ուտելուց ու խմելուց յետոյ ասաց. Վերցրե՛ք այդ անիծեալին ու թաղեցէ՛ք Նրան, քանզի թագաւորի դուստր է:
35. Գնացին Նրան թաղելու, սակայն Նրանից ոչինչ չգտան, բացի գանգից, ոտքերից ու ձեռքերից,
36. եւ վերադառնալով՝ այդ մասին յայտնեցին Յեուին: Նա ասաց. Իրականացաւ Տիրոջ այն խօսքը, որ ասուել էր Եղիա Թեգբացու բերանով, թէ՛ Յեզրայելի կալուածքում շներն ուտելու են Յեզաբելի մարմինը,
37. Յեզաբելի դիակը այդ կալուածքի հողի երեսին լինելու է իբրեւ աղբ, այնպէս որ ոչ ոք չկարողանայ ասել, թէ՛ Սա է Յեզաբելը:

1. Աքաաբը Սամարիայում եօթանասուն որդի ուներ: Յեուն նամակ գրեց եւ ուղարկեց Սամարիա նրա իշխաններին, ծերերին եւ Աքաաբի որդիների դաստիարակներին: Այդտեղ ասուած էր.
2. Երբ ձեզ հասնի այս նամակը, քանի որ ձեզ մօտ են ձեր տիրոջ որդիները, եւ դուք ունեք մարտակառքեր ու երիվարներ, ամրապատ քաղաքներ ու գէնքեր,
3. ապա ձեր տիրոջ որդիներից, որին որ արժանի ու յարմար տեսնեք, նրան նստեցրէ՛ք իր հօր գահին եւ պատերազմեցէ՛ք ձեր տիրոջ տան համար:
4. Նրանք շատ վախեցան ու ասացին. Երկու թագաւոր չկարողացան նրա դէմ կանգնել, մենք ինչպէ՞ս դէմ կանգնենք:
5. Ուստի թագաւորական տան ու քաղաքի վերակացուները, ծերերն ու դաստիարակները մարդ ուղարկեցին Յեուի մօտ՝ ասելով. Մենք քո ստրուկներն ենք, եւ մեզ ինչ որ հրամայես, կ'անենք, ոչ ոքի թագաւոր չենք նստեցնի, եւ ինչ որ լաւ է քեզ համար, այն կ'անենք:
6. Նա մի երկրորդ նամակ գրեց նրանց՝ ասելով. Եթէ դուք ինձ էք պատկանում եւ իմ ձայնին հնազանդ էք, ապա ձեր տիրոջ որդիների գլուխները կտրեցէ՛ք եւ վաղն այս ժամին բերէ՛ք ինձ մօտ, Յեզրայէլ: Արքայի որդիները եօթանասուն հոգի էին, եւ քաղաքի ազդեցիկ մարդիկ էին նրանց դաստիարակում:
7. Երբ նամակը նրանց հասաւ, բռնեցին արքայի որդիներին, եօթանասունին էլ սպանեցին եւ նրանց գլուխները կողովների մէջ դնելով՝ ուղարկեցին նրա մօտ, Յեզրայէլ:
8. Սուրհանդակն եկաւ ու Յեուին ասաց. Արքայի որդիների գլուխները բերել են: Նա ասաց. Դրանք երկու կոյտ անելով՝ դրէ՛ք քաղաքից դուրս մինչեւ առաւօտ:
9. Առաւօտեան նա ելաւ կանգնեց եւ ասաց ամբողջ ժողովրդին. Դուք մեղաւոր չէք, ես եմ գլուխ բարձրացրել իմ տիրոջ դէմ, եւ ես եմ սպանել նրան, բայց տեսէ՛ք, սրանց հիմա ո՞վ է կոտորել:
10. Որպէսզի Աքաաբի մասին Տիրոջ ասած խօսքն իրականանայ, Տէրը կատարեց այն, ինչ ասել էր իր ծառայ Եղիայի միջոցով:
11. Եւ Յեուն կոտորեց Աքաաբի տնից Յեզրայէլում մնացած բոլոր մարդկանց, նրա բոլոր մեծամեծներին, հարազատներին, քրմերին, այնպէս որ նրանցից ոչ մէկին կենդանի չթողեց:
12. Դրանից յետոյ Յեուն ելաւ գնաց Սամարիա: Երբ ճանապարհին նա հասաւ հովիւների կացարանին,
13. Յեուն հանդիպեց Յուդայի երկրի Օքոզիա արքայի եղբայրներին, որոնց ասաց. Ովքե՞ր էք դուք: Նրանք ասացին. Մենք Օքոզիայի եղբայրներն ենք, եկել ենք արքայի ու նրա ազգականների որդիներին ողջունելու:
14. Յեուն ասաց. Սրանց կենդանի՝ բռնեցէք: Նրանց կենդանի բռնեցին ու հովիւների կացարանի մօտ կոտորեցին այդ քառասուններկու հոգուն, եւ նրանցից ոչ ոք կենդանի չմնաց:
15. Յեուն գնաց այնտեղից եւ հանդիպեց իրեն ընդառաջ եկող Ռեքաբի որդի Յոնադաբին: Նա նրան բարեւեց ու ասաց. Արդեօք քո սիրտը հաւատարի՞մ է, ինչպէս իմ սիրտն է հաւատարիմ քո նկատմամբ: Յոնադաբն ասաց. Հաւատարիմ է: Յեուն ասաց. Եթէ այդպէս է, ձեռքդ ի՞նձ տուր: Սա տուեց իր ձեռքը, եւ նա նրան իր մօտ՝ մարտակառքի վրայ բարձրացրեց:
16. Նա ասաց նրան. Արի՛ ինձ հետ ու Տիրոջ հանդէպ ունեցած նախանձախնդրութիւնս տե՛ս: Եւ նա նրան նստեցրեց իր մարտակառքը:
17. Նա մտաւ Սամարիա եւ այնտեղ Աքաաբի տան մնացած բոլոր մարդկանց կոտորեց, մինչեւ որ նրանց բնաջնջեց, ինչպէս Տէրն ասել էր Եղիային:
18. Յեուն հաւաքեց ամբողջ ժողովրդին եւ նրանց ասաց. Աքաաբը Բահադին քիչ ծառայութիւն մատուցեց, իսկ Յեուն շատ ծառայութիւններ պիտի մատուցի:

19. Արդ, Բահադի բոլոր մարգարէներին, նրա ծառաներին ու քրմերին ինձ մօտ կանչեցէք. թող ոչ ոք չբացակայի, քանզի Բահադին մեծ զոհ եմ մատուցելու: Ով բացակայի, իմ ձեռքից չի փրկուի: Յեւն խաբէութիւն արեց, որպէսզի Բահադի ծառաներին կորստեան մատնի:
20. Յեւն ասաց. Բահադի համար սրբազան զոհաբերութիւն պատրաստեցէք:
21. Այդ բանը հաղորդեցին բոլորին: Յեւն Իսրայէլի բոլոր կողմերը մարդ ուղարկեց, Բահադին պաշտող բոլոր մարդիկ եկան, չներկայացող մարդ չմնաց: Սրանք մտան Բահադի մեհեանը, եւ մեհեանը բերնէբերան լցուեց:
22. Յեւն ասաց սեղանի վերակացուներին. Հանեցէ՛ք Բահադին ծառայողների պատմութեանները: Եւ նրանք հանեցին նրանց պատմութեանները:
23. Յեւն եւ Ռեքաբի որդի Յոնադաբը մտան Բահադի մեհեանը: Նրանք ասացին Բահադին պաշտողներին. Որոնեցէ՛ք եւ տեսէ՛ք, թէ արդեօք այստեղ ձեզ հետ չկա՞ն Տիրոջը պաշտողներ, այստեղ միայն Բահադին ծառայողներ պետք է լինեն:
24. Յեւն մտաւ խոնկ ծիսելու եւ ողջակէզներ մատուցելու, իսկ դրսում երեք հարիւր ութսուն մարդ կանգնեցնելով՝ ասաց նրանց. Եթէ ձեզնից որեւէ մէկը կենդանի թողնի նրան, ում ես կը յանձնեմ ձեր ձեռքը, իր կեանքով կը հատուցի այդ մարդու փոխարէն:
25. Երբ Յեւն ողջակէզները կատարեց վերջացրեց, ասաց հետեւակ ու սպառնազէն զինուորներին. Մտեք կոտորեցէ՛ք նրանց, նրանցից ոչ ոք թող դուրս չգայ: Հետեւակ ու սպառնազէն զինուորները նրանց սրակոտոր արեցին, նրանց մարմինները դուրս շարտեցին, ապա գնացին քաղաք, ուր գտնուում էր Բահադի մեհեանը,
26. Բահադի մեհեանի արձանը հանեցին եւ այրեցին այն:
27. Նրանք կործանեցին Բահադի արձանները, քանդեցին Բահադի մեհեանը եւ այն արտաքնոց դարձրին, ինչպէս որ է մինչեւ այսօր:
28. Այսպիսով Յեւն Բահադ աստծուն վերացրեց Իսրայէլից:
29. Յեւն, սակայն, Իսրայէլին մեղանչել տուող Նաբատի որդի Յերոբոամի մեղքերից, այսինքն՝ Բեթէլի ու Դանի ոսկէ երինջներից չիրաժարուեց:
30. Տէրն ասաց Յեւիին. Քանի որ քաջութիւն ունեցար Աքաաբի որդիների նկատմամբ անելու այն, ինչ իմ սրտում էր, ուստի քո յետնորդները մինչեւ չորրորդ սերունդ նստելու են Իսրայէլի գահին:
31. Յեւն, սակայն, ամբողջ հոգով Իսրայէլի Տէր Աստծու օրէնքով ընթանալու ջանադիր չեղաւ, Իսրայէլին մեղանչել տուող Յերոբոամի մեղքերից զերծ չմնաց:
32. Այդ օրերին Տէրն սկսեց կոտորակել Իսրայէլի բոլոր սահմանները, իսկ Ազայէլը նրանց կոտորեց Իսրայէլի բոլոր սահմաններում,
33. Յորդանան գետից արեւելք գտնուող ամբողջ Գադաադի, Գադի, Ռուբէնի ու Մանասէի երկրներում, Ամնոնի ձորի եզրին գտնուող Արոյներից մինչեւ Գադաադ ու Բասան:
34. Յեւի մնացած գործերը, այն ամէնը, ինչ նա արել է, նրա բոլոր քաջագործութիւնները, մղած պատերազմները չէ՞ որ նկարագրուած են Իսրայէլի թագաւորների ժամանակագրութեան մէջ:
35. Յեւն գնաց իր նախնիների գիրկը, եւ նրան թաղեցին Սամարիայում: Նրա փոխարէն թագաւորեց նրա որդի Յովաքազը:
36. Յեւն Սամարիայում Իսրայէլի վրայ թագաւորեց քսանութ տարի:



1. Օրոգիայի մայր Գոթողիան երբ տեսաւ իր որդիների մահը, կոտորեց ամբողջ թագաւորական սերունդը,
2. բայց Յորամ արքայի դուստրը, Օրոգիայի քոյր Յոսաբեէն Օրոգիայի որդի Յովասին վերցրեց արքայի սպանուած որդիների միջից եւ նրան ու նրա դայեակին Գոթողիայից փախցնելով՝ թաքցրեց ննջասենեակում: Յովասը փրկուեց:
3. Նա նրա հետ վեց տարի Տիրոջ տանը թաքնուեց, երբ Գոթողիան թագաւորում էր երկրում:
4. Եօթներորդ տարում Յովիդայէն մարդ ուղարկեց, կանչեց հարիւրապետներին, թիկնապահներին ու սուրհանդակ զինուորներին, նրանց բերեց Տիրոջ տունն ու նրանց Տիրոջ անունով երդուեցնելով՝ ցոյց տուեց նրանց արքայի որդի Յովիդայէին:
5. Նա պատուիրելով նրանց՝ ասաց. Ձեր անելիքն այս է. ձեր մէկ երրորդ մասը շաբաթ օրը թող պահպանի արքունի տան դուռը,
6. միւս մէկ երրորդ մասը ճանապարհների դարպասը պահպանի, իսկ մնացած մէկ երրորդ մասը՝ սուրհանդակ զինուորների յետեւի դուռը: Այսպիսով ամբողջ տունը պետք է հսկողութեան տակ առնուի:
7. Երեք խմբերից երկուսը, այսինքն՝ շաբաթ օրը Տիրոջ տունը
8. եւ արքայի շուրջը պահպանութիւն անողները, զէնքերը ձեռքներին արքայի չորս կողմը թող պահպանեն, եւ ովքեր այդ շրջանից ներս մտնեն, թող սպանուեն: Եւ նրանք թագաւորի հետ են լինելու նրա ելումուտ անելու ամբողջ ժամանակ:
9. Հարիւրապետներն արեցին այն, ինչ իմաստուն Յովիդայէն պատուիրել էր. ամեն մէկն առաւ իր մարդկանց՝ թէ՛ նրանց, որոնք շաբաթ օրը պահպանութիւն անելու էին կոչուած եւ թէ՛ նրանց, որոնք այդ օրը վերջացրել էին իրենց ծառայութիւնը, եւ եկաւ Յովիդայէ քահանայի մօտ:
10. Քահանան Դաւիթ արքայի՝ Տիրոջ տանը գտնուող գեղարդներն ու զէնքերը տուեց հարիւրապետներին:
11. Հետեւակ զինուորներն եկան ու իրենց զէնքերը ձեռքներին կանգնեցին տան աջ անկիւնից մինչեւ ծախ անկիւնը, զոհասեղանի ու արքունի տան շուրջը:
12. Յովիդայէն բերել տուեց արքայի որդուն, նրա գլխին դրեց թագը, նրան յանձնեց վկայականը, նրան օծելով թագաւոր դարձրեց եւ ծափ զարկեց ու ասաց. Կեցցե՛ արքան:
13. Գոթողիան լսելով շարժման մէջ եղող մարդկանց աղմուկը՝ եկաւ նրանց մօտ, մտաւ Տիրոջ տունը
14. եւ տեսաւ, որ արքան, ինչպէս կարգն է, կանգնել է սեան մօտ, իսկ երգիչներն ու փողիարները՝ նրա շուրջը: Երկրի ամբողջ ժողովուրդը ուրախանում էր եւ փող հնչեցնում: Գոթողիան պատառոտեց իր հագուստները եւ աղաղակեց՝ ասելով. Դա՛ւ է, դա՛ւ:
15. Յովիդայէ քահանան պատուիրեց զօրքի հարիւրապետներին՝ ասելով. Դո՛ւրս բերեք նրան շարքերից, եւ ով որ գնայ նրա յետեւից, թող սրով սպանուի: Քահանան չէր ուզում, որ նա Տիրոջ տանը սպանուի:
16. Նրան բռնեցին, եւ երբ իրենք արքունի տուն տանող երիվարների ճանապարհով էին ընթանում, սպանեցին նրան:
17. Յովիդայէն Տիրոջ եւ արքայի, ինչպէս եւ արքայի ու ժողովրդի միջեւ ուխտ դրեց, որ իրենք կը լինեն Տիրոջ ժողովուրդը:
18. Երկրի բոլոր մարդիկ գնացին Բահաղի մեհեանը, կործանեցին այն, ջարդուվիշուր արեցին նրա զոհասեղանները, նրա արձանները, Բահաղի քուրմ Մաթանին սպանեցին զոհասեղանի դիմաց: Քահանան հսկիչ ոստիկաններ նշանակեց Տիրոջ տան վրայ:
19. Նա հարիւրապետներին, թիկնապահներին, սուրհանդակ զինուորներին ու երկրի ամբողջ ժողովրդին առնելով՝ արքային դուրս բերեց Տիրոջ տնից, սուրհանդակների դռան ճանապարհով բերեց արքունի տուն եւ նրան թագաւորական գահին նստեցրեց:
20. Երկրի ամբողջ ժողովուրդը ուրախացաւ, քաղաքը հանդարտուեց: Գոթողիային

արքունի տան մօտ սպանել էին սրով:

21. Երբ Յովասը թագաւոր օծուեց, եօթը տարեկան էր:

1. Յեռի թագաւորութեան եօթներորդ տարում թագաւոր դարձաւ Յովասը, որը քառասուն տարի թագաւորեց Երուսաղէմում: Նրա մօր անունը Սաբիա էր՝ Բերսաբէ քաղաքից:
2. Յովասն արդար գտնուեց Տիրոջ առջեւ այնքան ժամանակ, որ Յովիդայէն նրան դաստիարակում էր:
3. Մարդիկ, սակայն, մեհենական բարձունքներից չիրաժարուեցին, եւ ժողովուրդը տակաւին զոհեր էր մատուցում եւ խուսկ ծխում մեհենական բարձունքներում:
4. Յովասն ասաց քահանաներին. Տիրոջ տունը մտած սրբութիւնների ամբողջ արծաթը, այսինքն՝ հաշուառման ենթարկուած բոլոր մարդկանց դրամը, ըստ մարդկանց սրտի ցանկութեան Տիրոջ տան համար նուիրաբերուող արծաթը, ինչպէս նաեւ ամէն մէկի կատարած վաճառքից ստացուած հարկերը
5. քահանաները թող վերցնեն, որպէսզի, ուր որ Տիրոջ տան քանդուած մասեր լինեն, նորոգուեն:
6. Մինչեւ Յովաս արքայի թագաւորութեան քաներկուերորդ տարին քահանաները Տիրոջ տան քանդուած մասերը դեռ չէին նորոգել,
7. ուստի Յովաս արքան կանչեց Յովիդայէ քահանային ու միւս քահանաներին եւ ասաց նրանց. Ինչո՞ւ չէք նորոգել Տիրոջ տան քանդուած մասերը: Վաճառքից ստացուած արծաթը ձեզ մի՛ վերցրէք, այլ Տիրոջ տան քանդուած մասերի նորոգմանը յատկացրէք:
8. Քահանաները խոստացան ժողովրդից արծաթ չառնել, եթէ դա չէին յատկացնելու Տիրոջ տան քանդուած մասերը նորոգելու համար:
9. Յովիդայէ քահանան մի արկղ վերցրեց, վրան անցք բացեց եւ դրեց Տիրոջ զոհասեղանի կողքին: Տիրոջ տունը պահպանող քահանաները, Տիրոջ տանը գտնուած ամբողջ արծաթը լցրին այնտեղ:
10. Երբ տեսնում էին, որ արկղի մէջ արծաթը շատացել է, կանչում էին
11. արքունի քարտուղարների պետին ու մեծ քահանային, որոնք գալիս էին, Տիրոջ տանը գտնուած արծաթը ծրարում եւ պատրաստ գումարը տալիս էին Տիրոջ տան գործավարներին, որ բաշխեն Տիրոջ տան ատաղձագործներին,
12. շինարարներին, նկարիչներին, ճարտար որմնադիրներին, քարգործներին, որպէսզի Տիրոջ տան քանդուած մասերը նորոգելու համար գնեն փայտ ու տաշած քարեր եւ անեն այն ամէնը, ինչ անհրաժեշտ էր Տիրոջ տունը նորոգելու համար:
13. Տիրոջ տուն բերուած արծաթով, սակայն, Տիրոջ տան համար արծաթէ դռներ, սեպեր, տաշտեր, փողեր եւ ամէն տեսակ ոսկէ ու արծաթէ անօթներ չպէտք է սարքէին,
14. այլ այդ գումարը գործաւորներին պէտք է տային, որպէսզի նրանք Տիրոջ տունը նորոգեն:
15. Հաշիւ չէին պահանջում այն մարդկանցից, որոնց ձեռքն էին յանձնում գործաւորներին տրուելիք արծաթը, որովհետեւ նրանք վստահելի էին,
16. իսկ մեղքի ու յանցանքի քաւութեան համար ընծայաբերուած արծաթը Տիրոջ տուն չէր մտնում, այլ քահանաներին էր տրուում:
17. Այն ժամանակ ասորիների արքայ Ազայէլը յարձակուեց Գէթի դէմ եւ գրաւեց այն: Ապա Ազայէլն իր երեսը դարձրեց դէպի Երուսաղէմ, որ նրա վրայ արշաւի:
18. Յուդայի երկրի արքայ Յովասը իր հայրերի, Յուդայի երկրի արքաներ Յոսափատի, Յորամի ու Օքոզիայի արած բոլոր նուիրատուութիւններն ու իր նուիրատուութիւնները, Տիրոջ տան ու թագաւորի տան գանձարաններում գտնուող ամբողջ արծաթը ուղարկեց ասորիների արքային, իսկ ինքը մեկնեց Երուսաղէմից:
19. Յովասի մնացած գործերը եւ այն ամէնը, ինչ նա արեց, չէ՞ որ նկարագրուած են Յուդայի թագաւորների ժամանակագրութեան մէջ:
20. Նրա ծառաները նրա դէմ ելան, դաւաճանեցին նրան եւ Գաղաադում բնակուող Մաալոնի տանը սպանեցին Յովասին:
21. Նրան սպանեցին նրա ծառաները՝ Յեմաւուրի որդի Յովագաքարը եւ սրա որդի

Յեզեբուբը: Նրա այս պատանդ ծառաները խփեցին ու սպանեցին նրան եւ թաղեցին իր  
նախնիների մօտ, Դաւթի քաղաքում: Նրա փոխարեն թագաւորեց նրա որդին՝  
Ամեսսիան:

1. Յուդայի երկրի արքայ Օթոգիայի որդի Յովասի թագաւորութեան քսաներկուերորդ տարում Իսրայելի վրայ, Սամարիայում թագաւորեց Յեւի որդի Յովաքազը: Նա թագաւորեց տասներօթը տարի:
2. Նա Տիրոջ առջեւ չարիք գործեց, ընթացաւ Իսրայելին մեղանչել տուող Նաբատի որդի Յերոբովամի մեղքերի հետքերով: Նա դրանցից չհրաժարուեց:
3. Տիրոջ բարկութիւնը բորբոքուեց Իսրայելի դէմ, եւ Տէրը նրանց շարունակ մատնեց ասորիների Ազայել արքայի եւ Ազայելի որդի Ադերի ձեռքը:
4. Յովաքազն աղօթեց Տիրոջը, եւ Տէրը լսեց նրան, որովհետեւ տեսաւ Իսրայելի նեղութիւնները, որ պատճառում էր նրան ասորիների արքան:
5. Տէրն Իսրայելին մի ազատարար տուեց. Իսրայելն ազատուեց ասորիների ձեռքից, եւ Իսրայելացիներն ապրեցին իրենց վրաններում, ինչպէս Նախկին ժամանակներում:
6. Սակայն Իսրայելացիները չհրաժարուեցին Իսրայելին մեղանչել տուող Նաբատի որդի Յերոբովամի մեղքերից, այլ նրա ուղիով ընթացան, եւ Աստարոթի կուռքերն էլ մնացին Սամարիայում:
7. Յովաքազի մօտ մնացել էին միայն յիսուն հեծեալ, տասը մարտակառք ու տասը հազար հետեւակ. մնացածներին ասորիների արքան բնաջնջել էր եւ կոխոտուած հող էր դարձրել:
8. Յովաքազի մնացած գործերը, այն ամէնը, ինչ նա արել է, նրա քաջագործութիւնները չէ՞ որ նկարագրուած են Իսրայելի թագաւորների ժամանակագրութեան մէջ:
9. Յովաքազը գնաց իր Նախնիների գիրկը, նրան թաղեցին Սամարիայում, իր Նախնիների մօտ: Նրա փոխարէն թագաւորեց իր որդին՝ Յովասը:
10. Յուդայի երկրի արքայ Յովասի թագաւորութեան երեսուներօթերորդ տարում Իսրայելի վրայ թագաւորեց Յովաքազի որդի Յովասը: Նա Սամարիայում թագաւորեց տասներկու տարի:
11. Նա չարիք գործեց Տիրոջ առջեւ, չհրաժարուեց Իսրայելին մեղանչել տուող Նաբատի որդի Յերոբովամի մեղքերից, թաղուեց դրանց մէջ:
12. Յովասի մնացած պատմութիւնը, այն ամէնը, ինչ նա արել է, Յուդայի երկրի արքայի հետ կոռելու ժամանակ նրա ցուցաբերած քաջագործութիւնները չէ՞ որ նկարագրուած են Իսրայելի թագաւորների ժամանակագրութեան մէջ:
13. Յովասը գնաց իր Նախնիների գիրկը, եւ նրա գահին նստեց Յերոբովամը: Յովասը թաղուեց Սամարիայում, Իսրայելի թագաւորների մօտ:
14. Եղիսէն ծանր հիւանդացաւ, որից եւ մեռաւ: Իսրայելի արքայ Յովասը մինչ այդ եկել էր նրա մօտ, լաց եղել նրա մօտ՝ ասելով. Հա՛յր, հա՛յր, դու Իսրայելի մարտակառքն էիր եւ նրա հեծելազօրը:
15. Եղիսէն նրան ասել էր. Ա՛ռ քո աղեղն ու նետերը: Յովասն առել էր աղեղն ու նետերը,
16. եւ Եղիսէն Իսրայելի արքային ասել էր. Աղեղը ձեռքո՛վդ լարիր. եւ նա իր ձեռքով լարել էր աղեղը: Եղիսէն իր ձեռքը դրել էր արքայի ձեռքին
17. եւ ասել. Բա՛ց արեւելեան կողմի պատուհանը: Նա բացել էր, եւ Եղիսէն ասել էր. Արձակի՛ր: Երբ նա արձակել էր, Եղիսէն ասել էր. Սա Տիրոջ փրկութեան նետն է, ասորիների դէմ փրկութեան նետը: Դու ասորիներին պիտի հարուածես Ափեկում, մինչեւ որ իսպառ բնաջնջես նրանց:
18. Եղիսէն անելացրել էր. Նետեր վերցրո՛ւ: Երբ Յովասը նետերը վերցրել էր, Եղիսէն ասել էր Իսրայելի արքային. Արձակի՛ր եւ խփի՛ր գետնին: Արքան երեք նետ էր խփել գետնին ու կանգ առել:
19. Աստուծո՛ւ մարդը բարկացել էր նրա վրայ՝ ասելով. Եթէ հինգ կամ վեց անգամ հարուածէիր, ասորիներին իսպառ ոչնչացրած կը լինէիր: Արդ, միայն երեք անգամ կը հարուածես ասորիներին:
20. Մեռաւ Եղիսէն, եւ նրան թաղեցին: Հետեւեալ տարին Մովաբի կողոպտիչ զօրքը

յարձակուեց երկրի վրայ:

21. Այդ ժամանակ մի մարդու էին թաղում: Երբ թաղողները տեսան Մովսէսի կողոպտիչ զօրքին, այդ մեռած մարդուն շտապ գցեցին գերեզմանը: Այդ մեռած մարդու դիակը Եղիսէի ոսկորներին դիպչելուն պէս հանգուցեալը կենդանացաւ ու կանգնեց իր ոտքերի վրայ:

22. Ասորիների արքայ Ազայէլը Յովաքազի իշխանութեան բոլոր օրերին նեղում էր Իսրայէլին,

23. բայց Տէրը յանուն Աբրահամի, Իսահակի ու Յակոբի հետ դրած ուխտի ողորմեց, գթաց ու հայեացքը դարձրեց նրանց, չկամեցաւ կործանել նրանց եւ իր երեսը նրանցից չուռ չտուեց:

24. Ասորիների արքայ Ազայէլը մեռաւ, եւ թագաւորեց Ադերի որդին նրա որդու փոխարէն:

25. Յովաքազի որդին Յովասը ելաւ եւ Ազայէլի որդի Ադերի որդուց գրաւեց այն քաղաքները, որ նրա հայրը պատերազմով խլել էր իր հօրից՝ Յովաքազի ձեռքից: Յովասը նրան երեք անգամ յաղթեց եւ վերագրաւեց Իսրայէլի քաղաքները:

1. Իսրայելի արքայ Յովաքազի որդի Յովասի թագաւորութեան երկրորդ տարում թագաւորեց Յուդայի երկրի արքայ Յովասի որդի Ամասիան:
2. Զսանհինգ տարեկան էր նա, երբ թագաւոր դարձաւ, եւ քսանինը տարի թագաւորեց Երուսաղէմում: Նրա մօր անունն էր Յովադին, որը Երուսաղէմից էր:
3. Ամասիան արդար գտնուեց Տիրոջ առջեւ, բայց ոչ իր նախնի Դաւթի նման: Ըստ ամենայնի նա արեց այն, ինչ իր հայր Յովասն էր արել,
4. սակայն բարձունքների մեհեանները չվերացրեց, եւ ժողովուրդը տակաւին զոհեր էր մատուցում եւ խունկ ծխում բարձունքներում:
5. Երբ թագաւորութիւնն իր ձեռքն անցաւ, նա սպանեց իր այն պալատական պաշտօնեաներին, որոնք սպանել էին իր հօրը,
6. սակայն սպանողների որդիներին չսպանեց, որովհետեւ, ինչպէս գրուած է Մովսէսի Օրենքի գրքում, Տէրը պատուիրել է՝ ասելով. Թող հայրերը չմեռնեն որդիների պատճառով, ոչ էլ որդիները մեռնեն հայրերի պատճառով, այլ ամէն ոք իր մեղքի համար թող մեռնի:
7. Նա տասը հազար եղոմացիների սպանեց Մայիլայում, գրաւեց Վեմը պատերազմով եւ այն կոչեց Յեկթովէլ, ինչպէս եւ կոչուում է մինչեւ այսօր:
8. Այդ ժամանակ Ամասիան Իսրայելի արքայ Յեուի որդի Յովաքազի որդի Յովասի մօտ բանազնաց ուղարկեց՝ ասելով. Ե՛կ երես երեսի հանդիպենք միմեանց:
9. Իսրայելի արքայ Յովասը մարդ ուղարկեց Յուդայի երկրի արքայ Ամասիայի մօտ եւ ասաց. Լիբանանում բուսնող ակքան փուշը լուր ուղարկեց Լիբանանի եղեւնուն՝ ասելով. Զո դստերը կնութեան տո՛ւր իմ որդուն: Լիբանանի անապատի գազանները, սակայն, անցան ու կոխտուեցին ակքան փուշը:
10. Եղոմացիներին կոտորեցիր եւ մտքումդ հպարտացար: Գոհացի՛ր քո փառքով ու նստի՛ր քո տանը: Ինչո՞ւ է քո չարութիւնը քեզ գրգռում, չէ՞ որ կ'ընկնես դու, եւ քեզ հետ էլ՝ Յուդայի երկիրը:
11. Ամասիան չանսաց նրան, եւ պատերազմի ելաւ Իսրայելի արքայ Յովասը: Հրեաստանի Բեթսամիւս բնակավայրում դէմ դիմաց իրար հանդիպեցին ինքը եւ Յուդայի երկրի արքայ Ամասիան:
12. Յուդայի երկրի զօրքը պարտուեց Իսրայելից, եւ Յուդայի երկրի բոլոր զօրքերը իրենց վրանները փախան:
13. Իսրայելի արքայ Յովաքազի որդի Յովասը Բեթսամիւսում բռնեց Յովաքազի որդի Յովասի որդի Ամասիային՝ Յուդայի երկրի թագաւորին, եկաւ Երուսաղէմ եւ Եփրեմի դարպասից մինչեւ Անկիւնների դարպասը քանդեց Երուսաղէմի պարիսպը, որը չորս հարիւր կանգուն էր:
14. Նա Տիրոջ տան ու թագաւորի տան գանձարանում եղած ոսկին ու արծաթը, բոլոր անօթները եւ հարճորդիներին վերցնելով՝ վերադարձաւ Սամարիա:
15. Յովասի մնացած գործերը, նրա կատարած քաջագործութիւններն ու Յուդայի երկրի արքայ Ամասիայի դէմ մղած պատերազմը չէ՞ որ նկարագրուած են Իսրայելի թագաւորների ժամանակագրութեան մէջ:
16. Յովասը գնաց իր նախնիների գիրկը եւ թաղուեց Սամարիայում, Իսրայելի թագաւորների հետ: Նրա փոխարէն թագաւորեց իր որդին՝ Յերոբոմամբ:
17. Յուդայի երկրի արքայ Յովասի որդի Ամասիան Իսրայելի թագաւոր Յովաքազի որդի Յովասի մահուանից յետոյ ապրեց տասնհինգ տարի:
18. Ամասիայի մնացած գործերը եւ այն ամէնը, ինչ նա արել է, չէ՞ որ նկարագրուած են Յուդայի երկրի թագաւորների ժամանակագրութեան մէջ:
19. Նրա դէմ Երուսաղէմում դաւադրութիւն կազմակերպեցին, եւ նա փախաւ Լաքիս: Նրա յետեւից մարդ ուղարկեցին Լաքիս ու նրան այնտեղ սպանեցին:
20. Նրան բերեցին ձիերի վրայ ու թաղեցին Երուսաղէմում Դաւթի քաղաքում, իր հայրերի մօտ:

21. Յուդայի երկրի ամբողջ ժողովուրդը վերցրեց տասնվեցամեայ Ազարիային եւ թագաւոր նստեցրեց նրա հայր Ամասիայի փոխարէն:
22. Ազարիան բարեկարգեց Ելթը եւ արքայի մեռնելուց յետոյ այն վերադարձրեց Յուդայի երկրին:
23. Յուդայի երկրի արքայ Յովասի որդի Ամասիայի թագաւորութեան տասնհինգերորդ տարում թագաւորեց Իսրայելի արքայ Յովասի որդի Յերոբովամը: Նա քառասունմէկ տարի թագաւորեց Սամարիայում:
24. Նա Տիրոջ առջեւ չարիք գործեց, չիրաժարուեց Իսրայելին մեղանչել տուող Նաբատի որդի Յերոբովամի բոլոր մեղքերից:
25. Նա Իսրայելի սահմանները՝ Եմաթի մուտքից մինչեւ Արաբա ծովը ապահով դարձրեց, ինչպէս իր ծառայ գեթաքոբերացի Ամաթի որդի Յովնան մարգարէի միջոցով ասել էր Տէր Աստուածը,
26. քանզի Տէրը տեսել էր սակաւամարդ, նեղուած, տկար ու լքուած Իսրայելի չափազանց դառն տառապանքը. ոչ ոք չկար, որ օգնէր Իսրայելին:
27. Տէրը չէր ուզում, որ Իսրայելացիները բնաջնջուեն երկնքի ներքոյ, ուստի Յովասի որդի Յերոբովամի ձեռքով փրկեց նրանց:
28. Յերոբովամի մնացած գործերը, այն ամէնը, ինչ նա արել է, թէ պատերազմում նա ինչպիսի քաջագործութիւն է ցուցաբերել, ինչպէս է Դամասկոսն ու Եմաթը Յուդայի երկրից ազատելով վերադարձրել Իսրայելին, չէ՞ որ նկարագրուած են Իսրայելի թագաւորների ժամանակագրութեան մէջ:
29. Յերոբովամը գնաց իր նախնիների՝ Իսրայելի թագաւորների գիրկը, եւ նրա փոխարէն թագաւորեց իր որդին՝ Չաքարիան:



1. Իսրայելի Յերոբովամ արքայի թագաւորութեան քսանեօթներորդ տարում թագաւորեց Յուդայի երկրի Ամասիա արքայի որդի Ազարիան:
2. Նա տասնվեց տարեկան էր, որ թագաւոր դարձաւ, եւ յիսուներկու տարի թագաւորեց Երուսաղէմում: Նրա մօր անունը Յեքեղիա էր, նա Երուսաղէմից էր:
3. Ազարիան իր հայր Ամասիայի նման ըստ ամենայնի բարի գործեր կատարեց Տիրոջ առջեւ,
4. բայց բարձունքների մեհեանները չվերացրեց, իսկ ժողովուրդը տակաւին զոհեր էր մատուցում եւ խոնկ ծխում բարձունքներում:
5. Տէրը պատուհասեց թագաւորին, եւ նա բորոտ դարձաւ մինչեւ իր կեանքի վերջը: Նա առանձին մի տան մէջ էր բնակւում: Արքունի տան վրայ իշխում եւ երկրի ժողովրդին դատում էր արքայի որդին՝ Յովաթամը:
6. Ազարիայի մնացած գործերը եւ այն ամէնը, ինչ նա արել է, չէ՞ որ նկարագրուած են Յուդայի թագաւորների ժամանակագրութեան մէջ:
7. Ազարիան գնաց իր նախնիների գիրկը, եւ նրան թաղեցին Դաւթի քաղաքում, իր նախնիների մօտ: Նրա փոխարէն թագաւորեց իր որդին՝ Յովաթամը:
8. Յուդայի երկրի արքայ Ազարիայի թագաւորութեան երեսունեօթներորդ տարում Իսրայելի վրայ թագաւորեց Յերոբովամի որդի Չաքարիան: Նա վեց ամիս թագաւորեց Սամարիայում:
9. Նա իր նախնիների նման չարիք գործեց Տիրոջ առջեւ, չիրաժարուեց Իսրայելին մեղանչել տուող Նաբատի որդի Յերոբովամի մեղքերից:
10. Նրա դէմ գլուխ բարձրացրին Յաբիսի որդի Սեղղումն ու Կեբդաամը. նրանք ժողովրդի ներկայութեամբ հարուածեցին նրան ու սպանեցին: Նրա փոխարէն թագաւորեց Սեղղումը:
11. Չաքարիայի մնացած գործերը նկարագրուած են Իսրայելի թագաւորների ժամանակագրութեան մէջ:
12. Ահա այս էր այն մարդը, որի մասին Տէրը ասել էր Յեուկին. Քո որդիներից միայն մինչեւ չորրորդ սերունդը պիտի նստի Իսրայելի գահին: Եւ այդպէս էլ եղաւ:
13. Յաբիսի որդի Սեղղումը թագաւորեց Յուդայի երկրի արքայ Ազարիայի թագաւորութեան երեսունութերորդ տարում: Սեղղումը Սամարիայում թագաւորեց մէկ ամիս:
14. Գադդիի որդի Մանայեմը դուրս եկաւ Թերսայից, մտաւ Սամարիա, Սամարիայում հարուածեց Յաբիսի որդի Սեղղումին, սպանեց նրան ու փոխարէնը թագաւոր նստեց:
15. Սեղղումի մնացած գործերը, նրա կազմակերպած դաւադրութիւնները նկարագրուած են Իսրայելի թագաւորների ժամանակագրութեան մէջ:
16. Այն ժամանակ Մանայեմը յարձակուեց Թերսայի վրայ եւ այնտեղ, սկսած Թերսայից, նրա սահմաններում գտնուող բոլորին սպանեց, յղի կանանց արգանդը պատռեց, որովհետեւ նրա առաջ չէին բացել քաղաքի դարպասները:
17. Յուդայի երկրի արքայ Ազարիայի թագաւորութեան երեսունիններորդ տարում Իսրայելի վրայ թագաւորեց Գադդիի որդի Մանայեմը: Նա տասը տարի թագաւորեց Սամարիայում:
18. Նա չարիք գործեց Տիրոջ առջեւ, չիրաժարուեց Իսրայելին մեղանչել տուող Նաբատի որդի Յերոբովամի մեղքերից:
19. Ասորեստանի արքայ Փուան եկաւ յարձակուեց Իսրայելի վրայ: Մանայեմը Փուային հազար տաղանդ արծաթ տուեց, որպէսզի նա իրեն օգնական լինի, եւ Մանայեմն իր թագաւորութիւնն իր ձեռքում պահի:
20. Այս արծաթն Ասորեստանի արքային տալու համար Մանայեմն Իսրայելի բոլոր հարուստների վրայ հարկ դրեց, ամէն մէկից յիսնական սիկլ արծաթ առաւ: Ասորեստանի թագաւորը յետ դարձաւ՝ չմնաց երկրում:
21. Մանայեմի մնացած գործերը եւ այն ամէնը, ինչ նա արել է, չէ՞ որ նկարագրուած են

Իսրայելի թագաւորների ժամանակագրութեան մէջ: Մանայեմը գնաց իր նախնիների գիրկը:

22. Նրա փոխարէն թագաւորեց իր որդին՝ Փակէիան:

23. Յուդայի երկրի արքայ Ազարիայի թագաւորութեան յիսուներորդ տարում Փակէիան թագաւորեց Իսրայելի վրայ: Նա տասը տարի թագաւորեց Սամարիայում:

24. Նա չարիք գործեց Տիրոջ առջեւ, չհրաժարուեց Իսրայելին մեղանշել տուող Նաբատի որդի Յերոբոամի մեղքերից:

25. Նրա դէմ գլուխ բարձրացրեց Ռոմելիայի որդի Փակէէն՝ իր զօրապետը: Սրա հետ էին Արզոբը եւ Արիէն, ինչպէս նաեւ չորսհարիւրեակի միջից յիսուն հոգի: Նա հարուածեց նրան Սամարիայում, արքունի տան առաջ, սպանեց նրան, եւ նրա փոխարէն ինքը թագաւորեց:

26. Փակէիայի մնացած գործերը եւ այն ամէնը, ինչ նա արել է, նկարագրուած են Իսրայելի թագաւորների ժամանակագրութեան մէջ:

27. Յուդայի երկրի արքայ Ազարիայի թագաւորութեան յիսուներկուերորդ տարում թագաւորեց Ռոմելիայի որդի Փակէէն: Նա Սամարիայում Իսրայելի վրայ թագաւորեց քսան տարի:

28. Նա Տիրոջ առջեւ չարութիւն գործեց, չհրաժարուեց Իսրայելին մեղանշել տուող Նաբատի որդի Յերոբոամի մեղքերից:

29. Իսրայելի արքայ Փակէի օրօք եկաւ Ասորեստանի Թակղաթփաղասար արքան, գրաւեց Այինը, Կաբէէը, Բեթմաաքան, Յանոքը, Կենէզը, Ասորը, Գաղաադը եւ Գալիլիան, Նեփթաղիմի ամբողջ երկիրը եւ նրանց բնակիչներին քշեց Ասորեստան:

30. Եղայի որդի Օսէէն դաւադրութիւն կազմակերպեց Ռոմելիայի որդի Փակէի դէմ, խփեց ու սպանեց նրան, եւ նրա փոխարէն ինքը թագաւորեց Օգիայի որդի Յովաթամի թագաւորութեան քսաներորդ տարում:

31. Փակէի մնացած գործերը եւ այն ամէնը, ինչ նա արել է, նկարագրուած են Իսրայելի թագաւորների ժամանակագրութեան մէջ:

32. Իսրայելի թագաւոր Ռոմելիայի որդի Փակէի թագաւորութեան երկրորդ տարում Իսրայելում թագաւորեց Յուդայի երկրի արքայ Օգիայի որդի Յովաթամը:

33. Նա քսանհինգ տարեկան էր, որ թագաւոր դարձաւ եւ տասնվեց տարի իշխեց երուսաղէմում: Նրա մօր անունը Յերուսա էր, նա Սադոկի դուստրն էր:

34. Յովաթամը ըստ ամենայնի արդար գտնուեց Տիրոջ առջեւ, այնպէս, ինչպէս իր հայր Օգիան,

35. միայն թէ նա բարձունքների մեհեանները չվերացրեց, եւ ժողովուրդը տակաւին զոհեր էր մատուցում եւ խունկ ծխում բարձունքներում: Նա շինեց Տիրոջ տան վերին դուռը:

36. Յովաթամի մնացած գործերը եւ այն ամէնը, ինչ նա արել է, նկարագրուած են Յուդայի երկրի թագաւորների ժամանակագրութեան մէջ:

37. Այդ օրերին Տէրը Յուդայի երկրի դէմ ուղարկեց ասորիների արքայ Ռասոնին եւ Ռոմելիայի որդի Փակէին:

38. Յովաթամը գնաց իր նախնիների գիրկը եւ թաղուեց իր նախնի Դաւթի քաղաքում, իր նախնիների մօտ, եւ նրա փոխարէն թագաւորեց իր որդին՝ Աքազը:

1. Ռոմեիայի որդի Փակէէի թագաւորութեան տասնեօթներորդ տարում Իսրայէլում թագաւորեց Յուդայի երկրի արքայ Յովաթամի որդի Աքազը:
2. Աքազը քսան տարեկան էր, որ թագաւորեց եւ տասնվեց տարի իշխեց Երուսաղէմում: Նա հաւատարիմ չգտնուեց Տէր Աստծու առջեւ, ինչպէս հաւատարիմ էր եղել իր նախնի Դաւիթը,
3. այլ գնաց Իսրայէլի արքայ Նաբատի որդի Յերոբովամի ճանապարհով: Նա իր որդուն կրակի միջով անցկացրեց ըստ այն ազգերի գարշելի սովորութեան, որոնց Տէրն իսրայէլացիների առջեւից հալածել էր:
4. Նա զոհեր էր մատուցում եւ խունկ ծխում բարձունքների մեհեաններում, բլուրների վրայ ու ծառախիտ անտառներում:
5. Այն ժամանակ ասորիների արքայ Ռասոնը եւ Ռոմեիայի որդի Իսրայէլի թագաւոր Փակէէն ելան Աքազի դէմ պատերազմի ու պաշարեցին Երուսաղէմը, սակայն պատերազմը շարունակել չկարողացան:
6. Այդ ժամանակ ասորիների Ռասոն արքան Ելաթը վերադարձրեց ասորիներին, իսկ հրեաներին հանեց Ելաթից: Եդոմայեցիները եկան Ելաթ եւ այնտեղ են բնակւում մինչեւ այսօր:
7. Աքազը դեսպաններ ուղարկեց Ասորեստանի Թագաւոր Բազաթադասար արքային՝ ասելով. Ես քո ծառան ու քո որդին եմ: Արի՛ եւ փրկի՛ր ինձ ասորիների արքայի ու Իսրայէլի արքայի ձեռքից, որոնք ինձ վրայ են յարձակուել:
8. Աքազը Տիրոջ տանն ու թագաւորի տան գանձարանում գտնուող արծաթն ու ոսկին առաւ եւ ուղարկեց Ասորեստանի արքային որպէս պարգեւ:
9. Ասորեստանի արքան անսաց նրան, ելաւ Դամասկոսի դէմ ու գրաւեց այն, բնակիչներին գերեվարեց Կիւրէն, իսկ Ռասոնին սպանեց:
10. Աքազ արքան գնաց Դամասկոս, Ասորեստանի Թագաւոր Բազաթադասար արքային հանդիպելու: Նա տեսաւ Դամասկոսում եղած զոհասեղանը, այդ զոհասեղանի օրինակն ու ձեւերը բոլոր մանրամասներով ուղարկեց Ուրիա քահանային:
11. Ուրիա քահանան կառուցեց զոհասեղանը ըստ այն օրինակի, որ Աքազ արքան ուղարկել էր Դամասկոսից: Մինչեւ Աքազ արքայի Դամասկոսից վերադառնալը Ուրիա քահանան պատրաստեց դա:
12. Երբ արքան տեսաւ զոհասեղանը, մօտեցաւ դրան, զոհեր մատուցեց նրա վրայ, իր ողջակէզներն այրեց,
13. իր ընծաները նուիրեց, զոհասեղանի վրայ թափեց խաղաղութեան զոհերի արիւնը:
14. Տիրոջ առջեւ գտնուող պղնձէ զոհասեղանը նա տեղափոխեց իր տեղից՝ Տիրոջ տան առջեւից, ու դրեց նոր զոհասեղանից հիւսիս:
15. Աքազ արքան պատուէր տուեց Ուրիա քահանային՝ ասելով. Այս մեծ զոհասեղանի վրայ պէտք է մատուցես առաւօտեան ողջակէզը եւ երեկոյեան զոհաբերութիւնը, արքայի ողջակէզն ու նրա զոհաբերութիւնները, երկրի ժողովրդի ողջակէզները, զոհաբերութիւններն ու ընծաները: Բոլոր ողջակէզների ու զոհաբերութիւնների արիւնը նրա վրայ պէտք է թափես, իսկ պղնձէ զոհասեղանն իմ տրամադրութեան տակ պէտք է լինի առաւօտեան:
16. Ուրիա քահանան ամէն ինչ արեց այնպէս, ինչպէս նրան պատուիրել էր Աքազ արքան:
17. Աքազ արքան կոտրեց անուաւոր խարիսխները, փոխադրեց լուացարանները, ձուլածոյ աւազանն իջեցրեց իր տակ գտնուող տասներկու պղնձէ ցուլերից ու դրեց քարէ յատակի վրայ:
18. Նա, ի պատիւ Ասորեստանի արքայի, Տիրոջ տան մէջ գահի համար մի պատուանդան դրեց եւ թագաւորական տան արտաքին մուտքը դարձրեց Տիրոջ տան կողմը:
19. Աքազի կատարած մնացած գործերը չէ՞ որ նկարագրուած են Յուդայի երկրի

թագաւորների ժամանակագրութեան մէջ:

20. Աքազը գնաց իր նախնիների գիրկը եւ թաղուեց Դաւթի քաղաքում, իր նախնիների մօտ: Նրա փոխարէն թագաւորեց իր որդին՝ Եզեկիան:

1. Յուդայի երկրի արքայ Աքազի թագաւորութեան տասներկուերորդ տարում Իսրայելի վրայ թագաւորեց Ելայի որդի Օսէէն: Նա Սամարիայում թագաւորեց ինը տարի:
2. Նա Տիրոջ առջեւ չար գտնուեց, բայց ոչ Իսրայելի այն թագաւորների նման, որոնք իրենից առաջ կային:
3. Նրա դէմ յարձակուեց Ասորեստանի Սաղմանասար արքան, եւ Օսէէն նրան ենթակայ դարձաւ, նրան հարկ էր տալիս, որ նա տանի:
4. Ասորեստանի արքան, սակայն, տեսաւ, որ Օսէի մէջ նենգութիւն կայ, որովհետեւ սա պատգամաւորներ էր ուղարկել Եգիպտոսի թագաւոր Սոլային եւ այդ տարի հարկ չէր վճարել Ասորեստանի արքային: Ասորեստանի արքան կալանաւորեց նրան եւ բանտարկեց:
5. Ասորեստանի արքան յարձակուեց ամբողջ երկրի վրայ, ելաւ նաեւ Սամարիայի դէմ եւ այն պաշարեց երեք տարի:
6. Օսէի թագաւորութեան իններորդ տարում Ասորեստանի արքան գրաւեց Սամարիան եւ իսրայելացիներին քշեց Ասորեստան, նրանց բնակեցրեց Ալաթում եւ Աբորում, Գոզան գետի մօտ ու Մարերի լեռներում:
7. Իսրայելացիները մեղանչել էին իրենց տէր Աստծու դէմ, որն իրենց հանել էր Եգիպտացիների երկրից եւ ազատել Եգիպտացիների Փարաւոն արքայի ձեռքից: Նրանք սկսել էին երկիւղ կրել օտար աստուածներից,
8. հետեւել այն ազգերի կրօնին, որոնց Տէրը քշել էր իսրայելացիների առջեւից:
9. Իսրայելի թագաւորները նման շատ բաներ էին արել, եւ իսրայելացիները նման շատ թաքուն գործեր կատարել, որ չպետք է անէին իրենց Աստծու դէմ: Նրանք իրենց բոլոր քաղաքներում բարձրադիր տեղեր ստեղծեցին, սկսած պահապանների աշտարակից մինչեւ պարսպապատ քաղաքը,
10. իրենց համար արձաններ եւ կուռքեր կանգնեցրին, բոլոր բարձր բլուրների վրայ, բոլոր անտառախիտ ծառերի ներքոյ,
11. բոլոր բարձունքների վրայ խուկն էին ծխում այն բոլոր ազգերի նման, որոնց Տէրը վտարել էր նրանց առջեւից: Նրանք վատ ընկերակիցներ ունեցան եւ վատ հաւաքոյթներ կազմակերպեցին, որպէսզի բարկացնեն Տիրոջը:
12. Նրանք պաշտեցին կուռքեր, որոնց մասին Տէրն իրենց ասել էր. Այդ բանը մի՛ արեք յանուն Տիրոջ:
13. Տէրը բոլոր մարգարէների ու տեսանողների միջոցով Իսրայելին ու Յուդայի երկրին զգուշացրեց՝ ասելով. Դարձէ՛ք ձեր չար ճանապարհներից, պահեցէ՛ք իմ պատուիրանները, իմ կանոններն ու օրէնքները, որ պատուիրեցի ձեր հայրերին, եւ որոնք ձեզ հաղորդեցի իմ ծառայ մարգարէների միջոցով:
14. Նրանք չլսեցին, անելի ըմբոստացան, քան իրենց հայրերը, չհաւատացին իրենց Տէր Աստծուն:
15. Նրանց հայրերի հետ Աստծու կնքած ուխտերը, դաշինքներն ու վկայութիւնները նրանք չպահեցին, գնացին սնոտի աստուածներ պաշտողների հետքերով՝ իրենք էլ նրանց հետ սնոտի աստուածներ պաշտողներ դառնալով իրենց շրջապատող ազգերին հետեւելով: Մինչդեռ Տէրը պատուիրել էր, որ չնմանուեն նրանց:
16. Նրանք անտեսեցին իրենց Տէր Աստծու բոլոր պատուիրանները, իրենց համար երկու ծովածոյ երինջներ պատրաստեցին, երկնքի զօրութիւններին երկրպագեցին, պաշտեցին Բահաղին,
17. իրենց տղաներին եւ աղջիկներին կրակի միջով անցկացրին, կախարդութիւն ու հմայութիւն արեցին, համարձակուեցին Տիրոջ առջեւ չարութիւն գործել եւ զայրացրին նրան:
18. Տէրն Իսրայելի վրայ խիստ բարկացաւ, չուզեց տեսնել նրանց երեսը, այնպէս որ միայն Յուդայի ցեղն էր մնացել:
19. Սակայն Յուդայի ցեղի մարդիկ էլ չպահեցին իրենց Տէր Աստծու պատուիրանները եւ

ընթացան հարայելի երկրում ընդունուած սովորութիւններով:

20. Նրանք Տիրոջը հեռու պահեցին հարայելի ամբողջ սերնդից: Տերը նրանց չարչարեց եւ աւարառուների ձեռքը մատնեց, մինչեւ որ նրանց իր երեսից հեռու վանեց:

21. Մինչ Դաւթի տունը գոյութիւն ունէր, նրանք հարայելի թագաւոր էին նստեցրել Նաբատի որդի Յերոբովամին, եւ Յերոբովամը իսրայէլացիներին արգելել էր ընթանալ Տիրոջ ճանապարհով, նրանց մեծ մեղքեր գործել տուել:

22. Իսրայէլացիներն ընթացել էին Յերոբովամի գործած բոլոր մեղքերի ճանապարհով, չէին հրաժարուել դրանցից:

23. Տերն իր երեսը թեքել էր հարայելից, ինչպէս որ մարգարէների միջոցով ասել էր իր բոլոր ծառաներին: Այսպէս է, որ Իսրայէլացիներն իրենց երկրից Ասորեստան գերեվարուեցին, ուր գտնուում են մինչեւ այսօր:

24. Ասորեստանի արքան Բաբելոնից, Քուբից, Այայից, Եմաթից ու Սեփփարուիմից մարդկանց էր բերել տուել եւ իսրայէլացիների փոխարէն բնակեցրել Սամարիայի քաղաքներում: Նրանք ժառանգել էին Սամարիան ու բնակուել նրա քաղաքներում:

25. Իրենց բնակութեան սկզբնական շրջանում նրանք չէին վախեցել Տիրոջից, եւ Տերն առիւծներ էր ուղարկել, որ յօշոտեն նրանց:

26. Նրանք դիմել էին Ասորեստանի թագաւորին՝ ասելով. Այն ազգերը, որոնց փոխադրեցիր եւ Սամարիայի քաղաքներում բնակեցրիր, չգիտեն այդ երկրի Աստծու կրօնը, Տերը նրանց վրայ առիւծներ ուղարկեց, որոնք ահա յօշոտում են նրանց, որովհետեւ չգիտեն այդ երկրի Աստծու կրօնը:

27. Ասորեստանի արքան հրաման էր արձակել ու ասել. Այնտե՛ղ տարեք ձեր գերեվարած քահանաներից մէկին, որ գնայ այնտեղ բնակուի, սովորեցնի Տիրոջ կրօնը եւ լուսաւորի նրանց այդ երկրի Աստծու օրէնքներով:

28. Գերուած քահանաներից մէկին Սամարիայից տարել էին, բնակեցրել Բեթելում: Քահանան լուսաւորել էր նրանց եւ սովորեցրել, որ երկիւղ կրեն Տիրոջից:

29. Ամէն մի ազգ իր ապրած քաղաքում իր համար տարբեր աստուածներ էր պատրաստել եւ դրել այն բարձունքների վրայ գտնուող մեհեաններում, որ սամարացիներն էին շինել:

30. Բաբելացիները կառուցել էին Սոքքոթն ու Բանոթը, քուբացիները կառուցել էին Անգեղը, Եմաթացիները կառուցել էին Ասիմաթը,

31. այիացիները կառուցել էին Աբլագերը, Նեբասը, Թարթակն ու Սեփփարուիմը, ուր սեփփարուիմացիները կենդանի վառում էին իրենց որդիներին Սեփփարուիմի աստուածներ Ադրամելէքի ու Ամամելէքի համար վառուող հրով:

32. Նրանք երկիւղ էին կրում Նաեւ Տիրոջից, սակայն իրենց զարշելի կուռքերը հաստատել էին բարձունքների վրայ գտնուող մեհեաններում, որ ամէն մի ազգ շինել էր Սամարիայում, այնտեղ, ուր նրանք բնակւում էին: Թէեւ Տիրոջից երկիւղ էին կրում, բայց բարձունքների վրայ քրմեր էին նշանակել:

33. Թէեւ երկիւղ էին կրում Տիրոջից, բայց պաշտում էին իրենց աստուածներին ըստ այն ազգերի կրօնների, որոնց Աստուած մերժել էր:

34. Մինչեւ օրս նրանք առաջնորդւում են իրենց սովորութիւններով. թէեւ երկիւղ են կրում Տիրոջից, բայց վարւում են ըստ իրենց սովորութիւնների, կանոնների եւ օրէնքների, Նաեւ ըստ այն պատուիրանի, որ Տերը պատուիրել էր Յակոբի որդիներին: Տերը Յակոբի անունը դրել էր հարայել:

35. Տերը նրանց հետ ուխտ էր դրել, պատուիրել ու ասել. Մի՛ վախեցեք օտար աստուածներից, մի՛ երկրպագեք նրանց, մի՛ պաշտեք նրանց, զոհեր մի՛ մատուցեք նրանց,

36. այլ վախեցե՛ք Տեր Աստծուց, որը մեծ զօրութեամբ ու հզօր բազկով ձեզ դուրս բերեց Եգիպտոսից: Նրանի՛ց վախեցեք, նրա՛ն երկրպագեցեք ու նրա՛ն զոհեր մատուցեցեք:

37. Ձեզ համար գրուած կանոնները, դատաստանները, օրէնքներն ու պատուիրանները զգուշութեա՛մբ գործադրեցեք: Մի՛ վախեցեք օտար աստուածներից,

38. մի՛ մոռացեք այն ուխտը, որ Տերը դրել է ձեզ հետ, մի՛ վախեցեք օտար

աստուածներից, այլ ձեր Տէ՛ր Աստծուց երկիւղ կրեցէք:

39. Նա ձեզ կը փրկի ձեր բոլոր թշնամիներից:

40. Մի՛ հաւատացէք Նրանց կրօնին, որին Նրանք հետեւում են:

41. Այդ ազգերը թեպէտ Տիրոջից վախենում էին, բայց իրենց քանդակած կուռքն էին պաշտում: Նրանց որդիներն ու որդիների որդիները մինչեւ այսօր վարւում են այնպէս, ինչպէս իրենց նախնիները:

1. Իսրայելի արքայ Եղայի որդի Օսեի թագաւորութեան երրորդ տարում թագաւորեց Յուդայի երկրի Աքազ արքայի որդի Եզեկիան:
2. Նա քսանհինգ տարեկան էր, որ թագաւորեց, եւ Երուսաղէմում քսանինը տարի իշխեց: Նրա մօր անունը Աբուբ էր, որը Չաքարիայի դուստրն էր:
3. Նա իր նախնի Դաւթի նման ըստ ամենայնի ուղիղ ընթացաւ Տիրոջ առջեւ:
4. Նա վերացրեց բարձունքների մեհեանները, խորտակեց բոլոր արձանները, ջարդուփշուր արեց կուռքերի կոթողները, փշրեց Մովսէսի շինած պղնձէ օձը, քանդի մինչեւ այդ օրը իսրայելացիները զոհ էին մատուցում Նրան եւ այն կոչում էին Նեեսթան:
5. Նա իր յոյսը կապեց Իսրայելի Տէր Աստծու հետ, եւ Նրա նմանը չեղաւ Յուդայի երկրի ո՛չ յաջորդ, ո՛չ էլ նախորդ բոլոր թագաւորների մէջ:
6. Նա Տիրոջն ապաւինեց, Նրա ճանապարհից չխոտորուեց, պահեց Մովսէսին պատգամուած պատուիրանները,
7. ուստի Տէրը Նրա հետ էր, եւ Եզեկիան ինչ որ անում էր, խելամտօրէն էր անում: Նա ապստամբեց Ասորեստանի արքայի դէմ, չծառայեց Նրան,
8. այլազգիներին քշեց մինչեւ Գազա եւ Նրա սահմանները, Պահապանների աշտարակից մինչեւ պարսպապատ քաղաքը:
9. Եզեկիա արքայի թագաւորութեան չորրորդ տարում, այսինքն՝ Իսրայելի Եղա արքայի որդի Օսեի թագաւորութեան եօթներորդ տարում Ասորեստանի արքայ Սաղմանասարը ելաւ Սամարիայի դէմ, պաշարեց այն եւ երեք տարի անց քաղաքը գրաւեց:
10. Եզեկիայի թագաւորութեան վեցերորդ տարում, այսինքն՝ Իսրայելի արքայ Օսեի թագաւորութեան իններորդ տարում Ասորեստանի արքան գրաւեց Սամարիան
11. եւ սամարացիներին քշեց Ասորեստան, Նրանց տեղաւորեց Ալաթում եւ Աբորում՝ Գոգան գետի եւ Մարաց լեռների մօտ,
12. որովհետեւ Նրանք իրենց Տէր Աստծուն չէին անսացել, Նրա ուխտը չէին պահել եւ այն, ինչ Նրանց պատուիրել էր Տիրոջ ծառայ Մովսէսը, չէին լսել ու չէին կատարել:
13. Եզեկիա արքայի թագաւորութեան տասնչորսերորդ տարում Ասորեստանի Սենեքերիմ արքան յարձակուեց Յուդայի երկրի պարսպապատ քաղաքների վրայ եւ գրաւեց դրանք:
14. Յուդայի երկրի արքայ Եզեկիան Ասորեստանի արքայի մօտ դեսպաններ ուղարկելով Լաքիս՝ ասաց. Մեղանչել եմ, յե՛տ դարձի իմ երկրից, եւ ինչ տուգանք որ ինձ վրայ դնես, կը հատուցեմ: Ասորեստանի արքան Յուդայի երկրի արքայ Եզեկիայի վրայ երեք հարիւր տաղանդ արծաթ եւ երեսուն տաղանդ ոսկի տուգանք դրեց,
15. եւ Եզեկիան Տիրոջ տանը եւ թագաւորի գանձատանը ինչ որ գտաւ, տուեց:
16. Այդ ժամանակ Եզեկիան պոկեց Տիրոջ տաճարի դռների եւ դրանդիկների վրայ եղած ոսկին, որ ինքը՝ Յուդայի երկրի արքայ Եզեկիան էր պատել, ու տուեց Ասորեստանի արքային:
17. Ասորեստանի արքան Թարաթային, Ռաբսարիսին ու Ռափսակին մեծ զօրքով Լաքիսից ուղարկեց Երուսաղէմ, Եզեկիա արքայի մօտ: Սրանք ելան ու եկան Երուսաղէմ եւ, կանգնելով թափիչի ագարակի ճանապարհին գտնուող վերին աւազանի ջրմուղի վրայ,
18. կանչեցին Եզեկիային: Նրանց մօտ եկան Քեղկիայի որդի Եղիակիմ հազարապետը, Սոմնաս դպրապետը եւ Ասափի որդի Յովաքը, որ պատմագիր էր:
19. Ռափսակը Նրանց ասաց. Ասացէ՛ք Եզեկիային, որ այսպէս է ասում մեծ արքան՝ Ասորեստանի արքան. Ի՞նչ է քո յոյսը, որին դու ապաւինել ես:
20. Եթէ ասես, թէ խորհուրդ ու զօրութիւն են անհրաժեշտ պատերազմի համար, թէեւ դրանք դատարկ խօսքեր են, ապա ո՞ւմ ապաւինելով ապստամբեցիր իմ դէմ:
21. Դու ապաւինել ես այդ ջախջախուած եղեգի՞ն՝ Եգիպտոսի՞ն, որին եթէ մարդ յենուի, ձեռքը կը ծակի, ու Նա կը խոցուի դրանից: Այդպիսին է Եգիպտոսի Փարաւոն արքան բոլոր Նրանց համար, ովքեր իրենց յոյսը դնում են Նրա վրայ:



22. Ինձ ասացիր, թե՛ Տեր Աստծուն ենք ապաւինում: Դա այն չէ՞, որի բարձրադիր մեհեաններն ու զոհասեղանները Եզեկիան ոչնչացրեց եւ Յուդայի երկրին ու Երուսաղէմին ասաց. Երուսաղէմում միայն այս զոհասեղանի առջեւ երկրպագեցէք:
23. Արդ, իմ տիրոջ՝ Ասորեստանի արքայի հետ հաշտուեցէ՛ք, եւ նա քեզ երկու հազար երիվար կը տայ, եթէ դու կարող ես այդքան հեծեալներ գտնել դրանց համար:
24. Ինչպէ՞ս կարող ես դիմադրել իմ տիրոջ յետին ծառաներից որեւէ զօրականի եւ դեռ մարտակառքեր ու երիվարներ ստանալու համար ապաւինում ես Եգիպտոսին:
25. Կամ առանց Տիրոջ հրամանի՞ եմ ես յարձակուել այս երկրի վրայ, որ բնաջնջեմ այն: Տերն ինձ ասել է. Յարձակուի՛ր այդ երկրի վրայ եւ բնաջնջի՛ր այն:
26. Քեղկիայի որդի Եղիակիմը, Սոմնասն ու Ասափի որդի Յովաքը ասացին Ռափսակին. Մեզ՝ քո ծառաների հետ ասորերէն խօսիր, որովհետեւ մենք հասկանում ենք այդ լեզուն, պարսպի վրայ կանգնած ժողովրդի ներկայութեամբ եբրայերէն մի՛ խօսիր:
27. Բայց Ռափսակը նրանց ասաց. Միթէ իմ տէրն այս խօսքերը քո տիրոջ ու քեզ ասելու համար ուղարկեց ինձ. չէ՞ որ պարսպի վրայ կանգնած մարդկանց համար, որպէսզի ձեզ հետ ուտեն իրենց կեղտը եւ խմեն իրենց մէզը:
28. Ռափսակը ելաւ, բարձր ձայնով բղաւելով՝ եբրայերէն ասաց. Լսեցէ՛ք մեծ արքայի՝ Ասորեստանի արքայի պատգամը:
29. Այսպէս է ասում արքան. Թող Եզեկիան չմոլորեցնի ձեզ, քանզի նա չի կարող ձեզ իմ ձեռքից փրկել:
30. Եզեկիան ձեզ թող Տիրոջով չյուսադրի՝ ասելով, թէ՛ Տերը մեզ անպայման կը փրկի եւ այս քաղաքը չի մատնի Ասորեստանի արքայի ձեռքը:
31. Մի՛ լսեք Եզեկիային, որովհետեւ այսպէս է ասում Ասորեստանի արքան. Ինձ հետ հաշտութիւն կնքեցէ՛ք, եկէ՛ք ինձ մօտ, եւ ամեն մարդ իր խաղողի այգուց ու թզնուց կ'ուտի, իր ջրհորից ջուր կը խմի,
32. մինչեւ որ գամ, ձեզ վերցնեմ ու տանեմ մի երկիր, որ ձեր երկրի նման է՝ ցորենի ու գինու երկիր, այգիների ու հացի երկիր, ձիթենիների, իւղի ու մեղրի երկիր: Դուք այնտեղ կ'ապրեք ու չեք մեռնի: Մի՛ լսեք Եզեկիային, որովհետեւ խաբում է ձեզ՝ ասելով, թէ՛ Տերը մեզ կը փրկի:
33. Միթէ ազգերի աստուածները Ասորեստանի արքայի ձեռքից փրկեցի՞ն նրանց երկրները:
34. Ո՞ւր է Եմաթի ու Արփաթի աստուածը, ո՞ւր է Սեփփարուիմ քաղաքի աստուածը, Անայի ու Աւայի աստուածը: Միթէ նրանք փրկեցի՞ն Սամարիան իմ ձեռքից:
35. Երկրի բոլոր աստուածներից ո՞ր մէկը կարողացաւ իր երկիրն իմ ձեռքից փրկել, որ Տերը Երուսաղէմը փրկի իմ ձեռքից:
36. Մարդիկ լռեցին եւ պատասխան չտուեցին, որովհետեւ արքան հրաման էր տուել, թէ՛ նրան մի՛ պատասխանէք:
37. Քեղկիայի որդի Եղիակիմ հազարապետը, Սոմնաս դպրապետը եւ Ասափի որդի Յովաքը՝ պատմագիրը, զգեստները պատառոտելով եկան Եզեկիայի մօտ ու հաղորդեցին նրան Ռափսակի ասածները:

1. Երբ Եզեկիան լսեց արքայի պատգամը, պատառոտեց իր զգեստները, քուրձ հագաւ ու մտաւ Տիրոջ տունը:
2. Նա Եղիակիմ հազարապետին, Սոմնաս դպրապետին եւ քահանաներից ծերերին քրձեր հագած ուղարկեց Ամոսի որդի Եսայի մարգարէի մօտ,
3. որոնք նրան ասացին. Այսպէս է ասում Եզեկիան. Այս օրը նեղութեան, կշտամբանքների ու նախատինքի օր է, որովհետեւ երեխաների մայրերը երկունքի մէջ են, սակայն ուժ չունեն ծննդաբերելու:
4. Թերեւս քո Աստուածը լսի Ռափսակի պատգամները, որին իր տերը՝ Ասորեստանի արքան է ուղարկել, որպէսզի անարգի կենդանի Աստծուն, քսու խօսքերով հայիոյի: Այդ բոլորը լսեց քո Տէր Աստուածը: Դու կենդանի մնացողներիս համար աղօթի՛ր:
5. Եզեկիա արքայի ծառաները եկան Եսայի մարգարէի մօտ. Եսային նրանց ասաց.
6. Այսպէ՛ս ասացէք ձեր տիրոջը. այս է ասում Տէրը. Մի՛ վախեցիր այն խօսքերից, որոնցով Ասորեստանի արքայի ծառաները ինձ հայիոյեցին:
7. Ես նրան այնպիսի մի ոգի կը ներշնչեմ, որ նա մի գոյժ լսելով՝ իր երկիրը կը վերադառնայ, եւ ես սրով նրան կ'ոչնչացնեմ իր երկրում:
8. Ռափսակը վերադարձաւ ու տեսաւ, որ Ասորեստանի արքան Ղոբնայի դէմ պատերազմի մէջ է, թէեւ լսել էր, որ նա չուել է Լաքիսից:
9. Նա լսել էր եթովպացիների արքայ Թարակայի մասին. նրան ասել էին, թէ՛ Նա քո դէմ պատերազմի է ելել: Նա այնտեղից վերադարձաւ, դեսպաններ ուղարկեց Եզեկիային՝ ասելով.
10. Այսպէ՛ս ասացէք Յուդայի երկրի արքայ Եզեկիային. Թող քո Աստուածը, որին ապաւինել ես, քեզ չամբարտաւանացնի՝ մտածելով, թէ Երուսաղէմը Ասորեստանի արքայի ձեռքը չի մատնուի:
11. Դու ինքդ լսել ես, թէ ինչպէս Ասորեստանի արքաները կործանել են բազմաթիւ երկրներ, իսկ դու պիտի փրկուե՞ս:
12. Միթէ ազգերի աստուածները փրկեցի՞ն Գոգանի, Քառանի, Ռափաթի մարդկանց, ծովեզերքի մօտ բնակուող եդոմացիներին, որոնց ոչնչացրին իմ նախնիները:
13. Ո՞ր եմ եմաթի արքան, Արփաթի արքան, Սեփփարուիմ քաղաքի, Անայի ու Աւայի արքան:
14. Եզեկիան հրովարտակներն առաւ դեսպանների ձեռքից, ընթերցեց դրանք, ապա գնաց Տիրոջ տուն եւ դրանք բաց վիճակում ցոյց տուեց Տիրոջը:
15. Եզեկիան Տիրոջն աղօթելով՝ ասաց. Տէ՛ր Աստուած Իսրայէլի, դու, որ նստած ես քերովքների վրայ, աշխարհի բոլոր թագաւորութիւնների մէջ միայն դո՛ւ ես Աստուած, դո՛ւ ես ստեղծել երկինքն ու երկիրը:
16. Տէ՛ր, ականջ դիր ու լսի՛ր, բա՛ց աչքերդ ու տե՛ս, լսի՛ր Սենեքերիմի խօսքերը, որ մարդ էր ուղարկել նախատելու կենդանի Աստծուն:
17. Արդարեւ, Տէ՛ր, Ասորեստանի թագաւորները ազգեր ու երկրներ ոչնչացրին,
18. հրի մատնեցին նրանց աստուածներին, որոնք աստուածներ չէին, այլ իրեր, որ փայտից ու քարից պատրաստուած էին մարդկանց ձեռքով, եւ ոչնչացրին դրանց:
19. Արդ, Տէ՛ր Աստուած մեր, փրկի՛ր մեզ նրանց ձեռքից, թող աշխարհի բոլոր թագաւորութիւններն իմանան, որ միայն դո՛ւ ես Տէր Աստուածը:
20. Ամոսի որդի Եսային մարդ ուղարկեց Եզեկիայի մօտ՝ ասելով. Այսպէս է ասում զօրութիւնների Տէր Աստուածը՝ Իսրայէլի Աստուածը. Ասորեստանի Սենեքերիմ արքայի մասին ինձ ուղղած աղօթքդ լսեցի:
21. Նրա մասին Տիրոջ ասած խօսքն այս է. Սիոնի կոյս դուստրը քեզ արհամարհեց, անգոսնեց, Երուսաղէմի դուստրը շարժեց քո դէմ գլուխն իր:
22. Դու ո՞ւմ նախատեցիր ու հայիոյեցիր, ո՞ւմ վրայ նախատալից ձայնդ բարձրացրիր, հայեացքդ յառեցիր Իսրայէլի սրբի վրայ:
23. Դեսպաններիդ միջոցով Տիրոջը կշտամբեցիր՝ ասելով. ' Իմ բազմաթիւ կառքերով ես

- ելայ լեռների բարձունքը՝ Լիբանանի լանջերը, կտրատեցի մեծամեծ եղեւնիներն ու ընտիր նոճիները նրա, հասայ եզրը Կարմելի անտառի,
24. փորեցի եւ խմեցի օտար աղբիւրների ջրեր, իմ ոտքի թաթով ցամաքեցրի ջրառատ գետեր:
25. Միթէ չե՞ս լսել, Սենեքերի՛մ, որ ես դա նախօրօք էի պատրաստել ու հասցրել այն վիճակի, որ պատերազմում, նոյնիսկ պարըսպապատ քաղաքներում գերեվարուածների խմբերը տարանջատուեն,
26. այնտեղ բնակուող մարդիկ տկարանան ու զարհուրեն, ամաչեն ու դառնան նման վայրի խոտի, դալար բանջարի, տանիքին բուսած խոտի եւ լինեն ամեն հասնողի ոտքի կոխան:
27. Ես գիտեմ, թէ դու երբ ես նստում, երբ ես վեր կենում, երբ ես մտնում ու ելնում.
28. Գիտեմ նաեւ քո զայրոյթն իմ դէմ: Քո խռովքը հասել է ականջիս: Ես կարթ կը գցեմ քո քթին, սանձ կը դնեմ քո բերանին, քեզ յետ կ'ուղարկեմ այն ճանապարհով, որով եկել ես:
29. Ահա թէ ինչը քեզ համար նշան կը լինի, Եզեկիա՛. այս տարի կ'ուտես ինքնաբոյս ցորենը, երկրորդ տարին նոյնպէս՝ ինքնաբոյս ցորենը, երրորդ տարին՝ ձեր ցանածը, հնձածն ու այգիների բերքը, դրանց արդիւնքները կ'ուտէք:
30. Յուդայի երկրում կենդանի մնացածները բազմանալու են, ներքեւից արմատ են արձակելու, վերեւից պտուղ են տալու,
31. քանզի Երուսաղէմից են ելնելու կենդանի մնացածները, եւ Սիոն լեռից՝ փրկուածները: Չօրութիւնների Տիրոջ նախանձախնդրութիւնն է դա ի կատար ածելու:
32. Դրա համար այսպէս է ասում Տէրը. ' Ասորեստանի արքան չի մտնի այս քաղաքը, նետեր չի արձակի դրա վրայ, քաղաքը չի պաշարի վահաններով, նրա առջեւ հողաթումբ չի կանգնեցնի,
33. յետ կը գնայ այն ճանապարհով, որով եկել էր, եւ այս քաղաքը չի մտնի: Այսպէս է ասում Տէրը.
34. ' Այս քաղաքը պիտի հովանաւորեմ, որպէսզի այն ազատեմ ինձ ու իմ ծառայ Դաւթի համար:
35. Երբ որ գիշերը վրայ հասաւ, Տիրոջ հրեշտակը եկաւ եւ Ասորեստանի բանակից հարիւր ութսունհինգ հազար մարդ սպանեց: Երբ առաւօտ կանուխ վերապրողները ելան, տեսան, որ բոլորը մեռել են:
36. Ասորեստանի Սենեքերիմ արքան չուեց ու գնաց բնակուեց Նինուէում:
37. Երբ նա երկրպագում էր իր Նեսրաք աստծու տանը, նրա որդիներ Ադրամելէքն ու Սարասարը նրան սրով հարուածեցին եւ Արարատի երկիրը փախան: Նրա փոխարէն թագաւորեց իր որդին՝ Ասորդանը:

1. Այդ օրերին Եզեկիան մերձիմահ հիւանդացաւ: Նրա մօտ եկաւ Ամոսի որդի Եսայի մարգարէն եւ ասաց նրան. Այսպէս է ասում Տէրը. Քո տան գործերը կարգի՛ դիր, քանզի դու չես առողջանալու, մեռնելու ես:
2. Եզեկիան երեսը պատի կողմը դարձրեց եւ աղօթեց Տիրոջն՝ ասելով.
3. Ո՛վ Տէր, յիշի՛ր, թէ ինչպէս եմ ես քո առջեւ ճշմարտութեամբ ու հաւատարիմ սրտով ընթացել, քո առջեւ բարին եմ կատարել: Եւ Եզեկիան դառնօրէն արտասուեց:
4. Եսային դեռ դուրս չէր եկել գաւթից, երբ նրան հասաւ Տիրոջ խօսքը, որ ասում էր.
5. Յե՛տ դարձիր եւ իմ ժողովրդի առաջնորդ Եզեկիային ասա՛. Այսպէս է ասում քո Նախնի Դաւթի Տէր Աստուածը. ' Լսեցի քո աղօթքը եւ տեսայ քո արտասուքը: Ես, ահա, պիտի բժշկեմ քեզ, երրորդ օրը պիտի գաս Տիրոջ տունը,
6. քո կեանքը տասնհինգ տարով պիտի երկարեցնեմ, Ասորեստանի արքայի ձեռքից պիտի փրկեմ քեզ ու քո քաղաքը, պաշտպան պիտի կանգնեմ քո քաղաքին ինձ ու իմ ծառայ Դաւթի համար :
7. Եսային ասաց. Չոր թզե՛ր բերեք: Բերեցին, վերքի վրայ դրեցին, ու Նա առողջացաւ:
8. Եզեկիան ասաց Եսայուն. Ի՞նչ է նշանակում այն, որ Տէրն ինձ բժշկեց, եւ թէ ինչո՞ւ երրորդ օրը Տիրոջ դուռը պիտի գնամ:
9. Եսային ասաց. Դա նշան է Տիրոջ կողմից, որ Տէրն իր խօսքը կը կատարի. արեւի ժամացոյցի ստուերը տասն աստիճան առաջ պիտի շարժուի:
10. Եզեկիան ասաց. Ստուերի տասը աստիճան առաջ շարժուելը բնական բան է: Ո՛չ, այդպէս թող չլինի, ստուերը թող տասն աստիճան յետ դառնայ:
11. Եսայի մարգարէն դիմեց Տիրոջը, եւ ստուերը տասն աստիճան յետ դարձաւ Աքազի արեւի ժամացոյցի աստիճաններով:
12. Այդ ժամանակ Բաբելոնի արքան՝ Բաղդանի որդի Մարոդաք Բաղդանը հրովարտակներ ու ընծաներ ուղարկեց Եզեկիային, որովհետեւ լսել էր, թէ Եզեկիան հիւանդացել է:
13. Եզեկիան ուրախացաւ դրանց համար եւ նրա դեսպաններին ցոյց տուեց Նաքոթի ամբողջ գանձատունը, արծաթը, ոսկին, խնկերը, անուշահոտ իւղերը, զինանոցը եւ այն ամէնը, ինչ կար իր գանձատանը: Եզեկիան իր տանը եւ ամբողջ իշխանութեան մէջ տեղ չթողեց, որ ցոյց չտար նրանց:
14. Եսայի մարգարէն եկաւ Եզեկիա արքայի մօտ ու ասաց նրան. Ի՞նչ խօսեցին այդ մարդիկ եւ որտեղի՞ց էին եկել քեզ մօտ: Եզեկիան ասաց. Հեռու երկրից՝ Բաբելոնից էին եկել ինձ մօտ:
15. Եսային ասաց. Ի՞նչ տեսան քո տանը: Եզեկիան ասաց. Ինչ որ կար իմ տանը եւ իմ գանձատանը, տեսան. ոչ մի բան չկայ իմ տան մէջ եւ իմ գանձատանը, որ նրանց ցոյց տուած չլինեմ:
16. Եսային ասաց Եզեկիային. Լսի՛ր Տիրոջ խօսքը.
17. Ահա կը գան օրեր, եւ քո տան մէջ ինչ որ կայ, եւ ինչ որ կուտակել են քո հայրերը մինչեւ այսօր, կը տարուեն Բաբելոն, ոչինչ չի մնայ:
18. Այս է Տիրոջ ասած խօսքը. Քո որդիները, որոնք քեզնից են ծնուելու, գերի պիտի ընկնեն ու ներքինիներ դառնան Բաբելոնի արքայի տանը:
19. Եզեկիան ասաց Եսայուն. Բարի է Տիրոջ ասած խօսքը: Ապա աւելացրեց. Միայն թէ խաղաղութիւն ու ապահովութիւն լինի իմ օրերում:
20. Եզեկիայի մնացած գործերը, նրա քաջագործութիւնները, նրա ջրամբարների, ջրմուղի եւ քաղաք հասնող ջրատարի շինարարութիւնը չէ՞ որ նկարագրուած են Յուդայի երկրի թագաւորների ժամանակագրութեան մէջ:
21. Եզեկիան գնաց իր Նախնիների գիրկը, եւ նրա փոխարէն թագաւորեց իր որդին՝ Մանասէն:

1. Մանասեն տասներկու տարեկան էր, որ թագաւոր դարձաւ, եւ յիսունինը տարի թագաւորեց Երուսաղէմում: Նրա մօր անունը Եփսիբա էր:
2. Նա չար ընթացք ունեցաւ Տիրոջ առջեւ, հետեւեց այն ազգերի գարշուքեանը, որոնց Տէրը վռնդել էր իսրայէլացիների առջեւից:
3. Նա վերականգնեց իր հայր Եզեկիայի կործանած բարձունքների մեհեանները, վերակառուցեց Բահադի գոհասեղանը, Աստարոթի կուռքեր կառուցեց, ինչպէս արել էր Իսրայէլի Աքաաբ արքան, երկրպագեց երկնքի բոլոր զօրութիւններին ու պաշտեց դրանք:
4. Նա Տիրոջ տանը գոհասեղան դրեց, թէեւ Տէրն ասել էր. Երուսաղէմում եմ դնելու իմ աթոռը:
5. Տիրոջ տան բոլոր սրահներում նա երկնքի բոլոր զօրութիւնների համար գոհասեղաններ պատրաստեց,
6. իր որդիներին իրի միջով անցկացրեց, հմայութիւն արեց, թռչուններին նայելով գուշակութիւններ արեց, վիճակներ ու նշանագետներ պահեց: Տիրոջ առջեւ շատ չարիքներ գործելով՝ նա բարկացրեց Նրան:
7. Նա Աստարոթի կուռքերի արձաններ տեղադրեց Տիրոջ տանը, որի համար Տէրն ասել էր Դաւթին ու Նրա որդի Սողոմոնին, թէ՛ իմ անունը յաւիտեան դնելու եմ այս տան մէջ, Իսրայէլի բոլոր ցեղերի միջից իմ ընտրած Երուսաղէմի մէջ,
8. Իսրայէլի ոտքը դուրս պիտի չգայ այս երկրից, որը Նրա հայրերին եմ տուել, միայն թէ Նրանք իմ բոլոր պատուիրաններն ու իմ ծառայ Մովսէսի պատուիրած բոլոր օրէնքներն զգուշութեամբ կատարեն: Սակայն Նրանք չլսեցին.
9. Մանասէն մոլորեցրեց Նրանց, եւ Նրանք չարիք գործեցին Տիրոջ առաջ շատ անելի քան այն ազգերը, որոնց հալածել էր Տէրը իսրայէլացիների առջեւից:
10. Տէրը խօսելով իր ծառայ մարգարէների միջոցով՝ ասաց.
11. Քանի որ Յուդայի երկրի արքայ Մանասէն այս գարշութիւններն արեց իմ առջեւ, առաւել չարիք գործեց, քան իրենից առաջ եղած ամորհացիներն էին արել իմ առջեւ, իր կուռքերով Յուդայի երկրին մեղանշել տուեց,
12. ապա այդ պատճառով այսպէս է ասում Իսրայէլի Տէր Աստուածը. Ահա ես այնպիսի չարիք պիտի բերեմ Երուսաղէմի ու Յուդայի երկրի վրայ, որ ամէն ոք երբ լսի, Նրա երկու ականջները խշշան:
13. Երուսաղէմը Սամարիայի եւ Աքաաբի տան օրը պիտի գցեմ: Երուսաղէմը պիտի ջնջեմ այնպէս, ինչպէս մի ապակէ աման, որ մաքրում ու շուռ են տալիս:
14. Իմ ժողովրդի մնացորդացը պիտի լքեմ ու Նրանց իրենց թշնամիների ձեռքը պիտի մատնեմ, որպէսզի Նրանք աւար ու յափշտակութիւն դառնան իրենց բոլոր թշնամիների համար:
15. Այսպէս պիտի վարուեմ, քանի որ իմ առջեւ չարութիւն գործեցին եւ իրենց հայրերին Եգիպտոսից դուրս բերելու օրից մինչեւ այսօր ինձ բարկացնում էին:
16. Մանաւանդ Մանասէն չափազանց շատ անմեղ արիւն թափեց, այնպէս որ Երուսաղէմը ծայրէծայր արեամբ լցրեց, բացի այն մեղքերից, որոնցով Տիրոջ առջեւ Յուդայի երկրին մեղանշել ու չարիք գործել տուեց:
17. Մանասէի մնացած գործերը, բոլոր արարքները եւ գործած մեղքերը չէ՞ որ նկարագրուած են Յուդայի երկրի թագաւորների ժամանակագրութեան մէջ:
18. Մանասէն գնաց իր նախնիների գիրկը, թաղուեց իր տան պարտեզում՝ Օզայի պարտեզում: Նրա փոխարէն թագաւորեց իր որդին՝ Ամոնը:
19. Ամոնը քսաներկու տարեկան էր, որ թագաւոր դարձաւ: Նա տասներկու տարի թագաւորեց Երուսաղէմում: Նրա մօր անունը Մեսուլոմիթ էր, նա յետեբաւցի Արուսի դուստրն էր:
20. Նա իր հայր Մանասէի նման չար ընթացք ունեցաւ Տիրոջ առջեւ,
21. գնաց իր հօր ընթացած բոլոր ճանապարհներով, պաշտեց իր հօր պաշտած

կուռքերը, երկրպագեց նրանց,

22. քեց իր հայրերի Տէր Աստծուն, չգնաց Տիրոջ ճանապարհներով:

23. Ամոնի ծառաները նրա դէմ դաւ նիւթեցին ու արքային սպանեցին իր տան մէջ,

24. իսկ ամբողջ ժողովուրդը կոտորեց բոլոր նրանց, որոնք դաւաճանել էին Ամոն արքային: Երկրի ժողովուրդը նրա փոխարէն թագաւոր նստեցրեց նրա որդուն՝ Յոսիային:

25. Ամոնի մնացած գործերը չէ՞ որ նկարագրուած են Յուդայի երկրի թագաւորների ժամանակագրութեան մէջ:

26. Ամոնը գնաց իր նախնիների գիրկը, եւ նրան թաղեցին իր գերեզմանում՝ Օզայի պարտեզում: Նրա փոխարէն թագաւորեց իր որդին՝ Յոսիան:

1. Յոսիան ութ տարեկան էր, որ թագաւոր դարձաւ, եւ երեսունմէկ տարի թագաւորեց Երուսաղէմում: Նրա մօր անունը Յեդիդա էր, նա բասուրոթացի Յեդիդայի դուստրն էր:
2. Նա հաւատարիմ գտնուեց Տիրոջ առջեւ, գնաց իր նախնի Դաւթի ընթացած բոլոր ճանապարհներով, աջ կամ ձախ չխոտորուեց:
3. Յուդայի երկրի արքայ Յոսիայի թագաւորութեան տասնութերորդ տարուայ եօթներորդ ամսում արքան Մեսողոմի որդի Եսելիայի որդի Սափանին՝ տան քարտուղարին ուղարկելով՝ ասաց.
4. Գնա՛ Բեղկիա քահանայապետի մօտ եւ նրան ասա՛, որ նա պահապանների՝ ժողովրդից կշռով հաւաքած եւ Տիրոջ տունը բերուած արծաթը հաշուի
5. ու յանձնի Տիրոջ տան գործի վրայ նշանակուած գործաւորներին՝ Տիրոջ տան վերակացուներին:
6. Սրանք Տիրոջ տան քայքայուած մասերը վերականգնելու համար վճարեցին Տիրոջ տան վրայ աշխատող բանուորներին՝ հիւսններին, շինարարներին, ճարտար որմնադիրներին, որպէսզի Տիրոջ տան փլուած մասերը նորոգելու համար ատաղձ ու տաշած քարեր գնեն:
7. Նրանց տրուած արծաթի հաշիւը չէին պահանջում, որովհետեւ նրանք ազնուօրէն էին աշխատում:
8. Բեղկիա քահանայապետն ասաց Սափան քարտուղարին. Տիրոջ տանը օրէնքի գիրք եմ գտել: Բեղկիան գիրքը տուեց Սափանին,
9. եւ սա ընթերցեց այն: Նա արքային լուր տարաւ՝ ասելով. Զո՞ւռաները Տիրոջ տանը եղած արծաթը հաւաքեցին եւ Տիրոջ տան վրայ աշխատող բանուորներին յանձնեցին:
10. Սափան քարտուղարը խօսեց արքայի հետ՝ ասելով. Բեղկիա քահանան ինձ մի մատեան է տուել: Սափանն այն ընթերցեց արքայի առջեւ:
11. Երբ արքան լսեց օրէնքի գրքի խօսքերը, իր զգեստները պատառոտեց:
12. Պատուէր տուեց արքան Բեղկիա քահանային, Սափանի որդի Աքիկամին, Միքէի որդի Աքբորին, Սափան քարտուղարին եւ արքայի ծառայ Յասայիային, թէ՛
13. Գնացէ՛ք եւ ինձ համար, ամբողջ ժողովրդի համար եւ Յուդայի ամբողջ երկրի համար հարցրէ՛ք Տիրոջը այս գտնուած գրքի խօսքերի մասին, որովհետեւ մեզ վրայ Տիրոջ մեծ բարկութիւնն է բորբոքուել այն բանի համար, որ մեր հայրերը այս գրքի խօսքերին չեն հնազանդուել, չեն գործադրել այդտեղ գրուած բոլոր պատգամները:
14. Եւ Բեղկիա քահանան, Աքիկամը, Աքբորը, Սափանը եւ Յասայիան գնացին հանդերձապետ Արասի որդի Թեկուայի որդի Սեղոմի կնոջ՝ Օդդա մարգարէի մօտ: Նա Երուսաղէմում՝ Մասենայում էր բնակւում: Նրանք խօսեցին նրա հետ:
15. Օդդան ասաց. Այսպէս է ասում Իսրայէլի Տէր Աստուածը. Ասացէ՛ք այն մարդուն, որը ձեզ ուղարկել է ինձ մօտ.
16. այսպէս է ասում Տէրը. ' Ահա չարիք պիտի բերեմ այդ տեղի եւ բնակիչների վրայ, ինչպէս գրուած է Յուդայի երկրի արքայի կարդացած մատեանում:
17. Այս ամէնը նրա համար, որ ինձ լքեցին, խուսկ ծխեցին օտար աստուածներին, որպէսզի իրենց ձեռնարկած բոլոր գործերով ինձ բարկացնեն, եւ բորբոքուի իմ բարկութիւնը այդ տեղի վրայ եւ չմեղմանայ:
18. Տիրոջը հարց տալու համար ձեզ ուղարկած Յուդայի երկրի արքային ա՛յս ասացեք. ' Այսպէս է ասում Իսրայէլի Տէր Աստուածը.
19. "Զո՞ւ լսած խօսքերի իմաստը այս է. քանի որ քո սիրտը փափկեց, դու խոնարհ գտնուեցիր Տիրոջ առջեւ, երբ լսեցիր, թէ ինչ է ասուել Երուսաղէմի եւ նրա բնակիչների մասին, թէ լինելու է աներաժութիւն ու անեծք, եւ պատառոտեցիր քո զգեստները, լաց եղար իմ առջեւ, իսկ ես լսեցի այդ, ուստի Տէրն ասում է.
20. ' Դրա համար ես քեզ պիտի տանեմ քո նախնիների գիրկը, դու թաղուելու ես քո տեղում՝ Երուսաղէմում, եւ քո աչքերը չեն տեսնելու այն բոլոր չարիքները, որ ես բերելու եմ այդ տեղի՝ Երուսաղէմի վրայ":





1. Երբ արքայի ուղարկած մարդիկ այս պատասխանը հաղորդեցին արքային, նա իր մօտ հաւաքեց Յուդայի երկրի ու Երուսաղեմի բոլոր ծերերին, գնաց Տիրոջ տուն:
2. Յուդայի երկրի բոլոր մարդիկ ու Երուսաղեմի բոլոր բնակիչները, քահանաներն ու մարգարէները՝ ամբողջ ժողովուրդը, փոքրից մինչեւ մեծը, նրա հետ էին: Նա նրանց առաջ ընթերցեց Տիրոջ տան մէջ գտնուած ուխտի մատեանի բոլոր խօսքերը:
3. Արքան կանգնեց սեան մօտ եւ Տիրոջ առջեւ ուխտ դրեց, որ կ'ընթանայ Տիրոջ ճանապարհով, ամբողջ հոգով ու եռլծեամբ կը պահի նրա պատուիրանները, վկայութիւններն ու կանոնները, կը կատարի այդ մատեանում գրուած ուխտի պատգամները: Եւ ամբողջ ժողովուրդը ուխտ արեց:
4. Արքան հրամայեց Քեղկիա քահանայապետին, երկրորդ աստիճանի քահանաներին ու դռան պահապաններին, որ Տիրոջ տաճարից դուրս բերեն Բահադի, Աստարոթի կուռքերի եւ երկնքի զօրութեան համար պատրաստուած իրերը: Դրանք այրեց Երուսաղեմից դուրս գտնուող Կեդրոնի դաշտում եւ դրանց մոխիրը տարաւ Բեթէլ:
5. Նա այրեց քրմերին, որոնց հաստատել էին Յուդայի երկրի արքաները, որովհետեւ նրանք բարձունքների մեհեաններում, Յուդայի երկրի բոլոր քաղաքներում ու Երուսաղեմի շուրջը խունկ էին ծխում, ինչպէս նաեւ արեգակին, լուսնին, աստղերին ու երկնքի ամբողջ զօրութեանը խնկարկողներին,
6. Տիրոջ տնից հանելով եւ Երուսաղեմից դուրս բերելով Կեդրոնի հեղեղատում այրեց Աստարոթի կուռքերը, փոշու վերածեց եւ նրանց մոխիրը ժողովրդի որդիների գերեզմանների վրայ ցանեց:
7. Տիրոջ տան մօտ գտնուող սողմականների տունը քանդեց, ուր կանայք Աստարոթի կուռքերի համար ծածկոցներ էին գործում:
8. Նա բոլոր քրմերին հանեց Յուդայի երկրի քաղաքներից, Գաբաայից մինչեւ Բերսաբէէ քարուքանդ արեց բարձունքների մեհեանները, ուր քրմերը խունկ էին ծխում, քանդեց քաղաքի իշխան Յեսուվի տան դռան կողքին, քաղաքի դարպասի ձախ կողմը գտնուող տունը:
9. Բարձունքների մեհեանների քրմերն այլեւս Երուսաղեմում գտնուող Տիրոջ զոհասեղանին չէին մօտենում, այլ բաղարջ հաց էին ուտում իրենց եղբայրների շրջանում:
10. Նա քարուքանդ արեց ենոմացիների ձորում գտնուող Թոփոթը, որպէսզի ոչ ոք իր որդուն կամ դստերը Մեղքոմի բոցի միջով չանցկացնի:
11. Արքայի ներքինի Նաթանի գանձարանի մօտ՝ Փարուիմում այրեցին Տիրոջ տան մուտքի մօտ գտնուող այն ձիերը, որ Յուդայի երկրի արքան նուիրել էր արեգակին. արեգակին նուիրուած մարտակառքերը հրի մատնեցին:
12. Կերնատների տանիքների վրայ Յուդայի երկրի թագաւորների կառուցած զոհասեղանները, Տիրոջ տան երկու սրահներում Մանասէի կառուցած զոհասեղանները արքան քանդեց, ջարդուկշուր արեց եւ նրանց փոշին Կեդրոնի հեղեղատը թափեց:
13. Երուսաղեմի դիմաց, Մոսաթի լեռան աջ կողմում գտնուող տունը, որ Սողոմոն արքան էր շինել ի պատիւ սիդոնացիների զարշելի Աստարտի, Մովաբի զագրելի Քամոսի եւ ամոնացիների զարշելի Մեղքոմի, արքան քարուքանդ արեց:
14. Նա խորտակեց արձանները, ջարդուկշուր արեց Աստարոթի կուռքերը եւ նրանց տեղում մարդկանց ոսկորներ լցրեց:
15. Բեթէլի բարձունքում գտնուող զոհասեղանը, որ պատրաստել էր Իսրայելին մեղանչել տուող Նաբատի որդի Յերոբովամը, այս բարձր զոհասեղանը եւս կործանեց, նրա քարերը ջարդուկշուր անելով փոշու վերածեց, Աստարոթի կուռքերը այրեց:
16. Յոսիան հայեացքը շուռ տուեց ու տեսաւ քաղաքում եղած գերեզմանները, մարդ ուղարկեց, գերեզմաններից ոսկորները հանեց ու զոհասեղանի վրայ այրելով՝ պղծեց դրանք, ըստ Տիրոջ խօսքի, որ ասել էր Աստծու մարդը, երբ Յերոբովամը տօնի ժամանակ կանգնած էր զոհասեղանի մօտ: Նա աչքերը յառեց Աստծու մարդու

գերեզմանին, որը խօսել էր այս բաների մասին,

17. եւ ասաց. Այս ի՞նչ կոթող է, որ տեսնում եմ: Քաղաքի մարդիկ ասացին. Աստծու մարդու գերեզմանն է, որ եկաւ Յուդայի երկրից եւ Բեթելի այս զոհասեղանի մասին այդ բաներն ասաց:

18. Յոսիան ասաց. Ձեռք մի՛ տուէք, ոչ ոք թող տեղահան չանի նրա ոսկորները: Նրա ոսկորները Սամարիայից եկած մարգարէի ոսկորների հետ էին թաղուած:

19. Բարձունքների բոլոր մեհեանները, որոնք Իսրայելի թագաւորները Սամարիայի քաղաքներում կառուցելով բարկացրել էին Տիրոջը, Իսրայելի արքայ Յոսիան քանդեց եւ ամէն ինչ արեց այնպէս, ինչպէս Բեթելում էր արել:

20. Նա կենդանի-կենդանի այրեց բարձունքների բոլոր քրմերին, որոնք գտնուում էին զոհասեղանների մօտ, դրանց վրայ էլ այրեց մարդկանց ոսկորները եւ դրանից յետոյ վերադարձաւ Երուսաղէմ:

21. Արքան պատուիրեց ամբողջ ժողովրդին՝ ասելով. Կատարեցէ՛ք մեր Տէր Աստծու գատիկը, ինչպէս որ գրուած է այս ուխտի մատեանում:

22. Իսրայելը ղեկավարող դատաւորների օրերից սկսած, Իսրայելի ու Յուդայի երկրի թագաւորների օրօք նման գատիկ չէր եղել:

23. Յոսիա արքայի թագաւորութեան տասնութերորդ տարում էր միայն, որ Երուսաղէմում կատարեցին Տիրոջ գատիկը:

24. Յոսիան վերացրեց վիուկներին, նշանագետներին, մեռելահարցուկներին, կուռքերը եւ Յուդայի երկրում ու Երուսաղէմում եղած ամէն տեսակ գարշուքիւնները, որպէսզի հաստատի օրէնքի գրքի այն խօսքերը, որ Տիրոջ տանը Քեղկիա քահանայի գտած մատեանում էին գրուած:

25. Նրանից առաջ նման մի թագաւոր չէր եղել, որ իր ամբողջ սրտով, ամբողջ հոգով ու զօրութեամբ, հնազանդուելով Մովսէսի բոլոր օրէնքներին, հակուէր դէպի Տէրը:

26. Ոչ էլ նրանից յետոյ եղաւ նրա նմանը: Մանասէի կատարած չար գործերի պատճառով Յուդայի երկրի հանդէպ Տիրոջ մէջ բորբոքուած սաստիկ զայրոյթը, սակայն, չմեղմացաւ,

27. ուստի Տէրն ասաց. Յուդայի երկիրն էլ իմ երեսից պիտի մերժեմ, ինչպէս մերժեցի Իսրայելը, պիտի մերժեմ այդ քաղաքը՝ իմ ընտրած Երուսաղէմը, եւ այդ տունը, որի համար ասել եմ, թէ՛ իմ անունը նրա վրայ պիտի լինի:

28. Յոսիայի մնացած գործերը եւ այն ամէնը, ինչ նա արել է, չէ՞ որ նկարագրուած են Յուդայի երկրի թագաւորների ժամանակագրութեան մէջ:

29. Այդ օրերին Եգիպտոսի արքայ Նեքաւով փարաւոնը Եփրատ գետի մօտ յարձակուեց Ասորեստանի արքայի վրայ: Յոսիա արքան նրան ընդառաջ գնաց, եւ երբ Նեքաւովը տեսաւ նրան, սպանեց նրան Մակեդովում:

30. Ծառաները նրա մարմինը տարան Մակեդովից, բերեցին Երուսաղէմ եւ թաղեցին իր գերեզմանում: Երկրի ժողովուրդը Յոսիայի որդի Յովաքազին բերեց, օծեց նրան եւ նրա հօր փոխարէն թագաւոր նստեցրեց:

31. Քսաներեք տարեկան էր Յովաքազը, որ թագաւոր դարձաւ: Նա երեք ամիս թագաւորեց Երուսաղէմում: Նրա մօր անունը Ամիտալ էր: Նա լոբնացի Երեմիայի դուստրն էր:

32. Յովաքազը չար ընթացք ունեցաւ Տիրոջ առջեւ՝ կրկնելով իր հայրերի ամէն տեսակ վատ արարքները:

33. Նեքաւով փարաւոնը նրան գերեվարելով փոխադրեց Ռեբղաթա, Եմաթի երկիրը՝ վերջ դնելով նրա թագաւորութեանը: Երուսաղէմում Նեքաւով փարաւոնը հարիւր տաղանդ արծաթ ու տասը տաղանդ ոսկի հարկ դրեց երկրի վրայ:

34. Փարաւոն Նեքաւովը Իսրայելի վրայ թագաւոր նստեցրեց Յուդայի երկրի արքայ Յոսիայի որդի Եղիակիմին իր հօր՝ Յոսիայի փոխարէն, նրա անունը փոխելով՝ Յովակիմ դրեց, իսկ Յովաքազին առաւ տարաւ Եգիպտոս, ուր եւ նա մեռաւ:

35. Յովակիմն արծաթն ու ոսկին տալիս էր փարաւոնին, սակայն փարաւոնի պահանջածի չափով արծաթ վճարելու համար երկրի վրայ հարկ դրեց: Երկրի

մարդկանցից ամեն մեկից նա իր սահմանած հարկի համեմատ արծաթ ու ոսկի էր վերցնում, որպեսզի տայ Նեքաուվ փարաւոնին:

36. Յովակիմը քանսիինգ տարեկան էր, որ թագաւոր դարձաւ, եւ տասնմէկ տարի թագաւորեց Երուսաղէմում: Նրա մօր անունը Ելիափ էր: Նա ռոմայեցի Յեդդելայի դուստրն էր:

37. Նա Տիրոջ առջեւ գործեց իր նախնիների բոլոր չար արարքները:

1. Յովակիմի օրօք Բաբելոնի Նաբուքոդոնոսոր արքան ելաւ կռուի: Յովակիմը երեք տարի նրան հպատակ եղաւ, բայց յետոյ ապստամբեց նրա դէմ:
2. Տէրը Յովակիմի դէմ ուղարկեց քաղդէացիների, ասորիների, մովաբացիների եւ ամոնացիների կողոպտիչ զօրքը: Նա նրանց Հրեաստանի դէմ ուղարկեց, որպէսզի սպանեն նրա բնակիչներին, ինչպէս ասել էր Տէրը իր մարգարէների միջոցով:
3. Տէրը բարկացել էր Յուդայի երկրի վրայ, իրենից հեռու վանել նրան Մանասէի կատարած մեղքերի պատճառով, այն անմեղ արեան համար, որ նա թափել էր
4. ու Երուսաղէմը լցրել այդ անմեղ արեամբ: Տէրը չուզեց ներել նրան:
5. Յովակիմի մնացած գործերը եւ այն ամէնը, ինչ նա արել է, չէ՞ որ նկարագրուած են Յուդայի երկրի թագաւորների ժամանակագրութեան մէջ:
6. Յովակիմը գնաց իր նախնիների գիրկը, եւ իր փոխարէն թագաւորեց իր որդին՝ Յովաքիմը:
7. Եգիպտոսի փարաւոնն այլեւս իր երկրից դուրս չեկաւ, որովհետեւ Բաբելոնի արքան գրաւել էր Եգիպտոսի հեղեղատից մինչեւ Եփրատ գետը, այն ամէնը, ինչ պատկանում էր Եգիպտոսի արքային:
8. Յովաքիմը տասնութ տարեկան էր, որ թագաւոր դարձաւ, եւ երեք ամիս թագաւորեց Երուսաղէմում: Նրա մօր անունը Նեսթա էր, նա Երուսաղէմացի Ելամաթի դուստրն էր:
9. Յովաքիմը չարիք գործեց Տիրոջ առջեւ՝ կրկնելով իր հօր արարքները:
10. Այդ ժամանակ Երուսաղէմի դէմ ելաւ Բաբելոնի Նաբուքոդոնոսոր արքան, եկաւ ու պաշարեց քաղաքը:
11. Բաբելացիների արքան Երուսաղէմ քաղաքը եկաւ, երբ նրա զօրականները պաշարուած վիճակում էին պահում այն:
12. Այն ժամանակ Յուդայի երկրի արքայ Յովաքիմը, իր զօրականները, մայրը, իշխանները, ներքինիները գնացին բաբելացիների արքայի մօտ, եւ բաբելացիների արքան իր թագաւորութեան ուրբերորդ տարում գերեվարեց նրանց:
13. Նա հանեց Տիրոջ տան բոլոր գանձերը, թագաւորի տան գանձերը, ջարդեց այն բոլոր ոսկէ անօթները, որ Խորայելի Սողոմոն արքան պատրաստել էր տուել Տիրոջ տաճարի համար, ինչպէս ասել էր Տէրը:
14. Ամբողջ Երուսաղէմը, բոլոր իշխաններին ու հզօր մարդկանց՝ տասը հազար հոգի, գերեվարեց, բոլոր հիւսներին ու դարբիններին տարաւ: Երկրի աղքատներից բացի ոչ ոք չմնաց:
15. Նա Յովաքիմին, թագաւորի մօրը, նրա կանանց ու ներքինիներին, երկրի ուժեղ մարդկանց Երուսաղէմից տարաւ Բաբելոն, գերութեան:
16. Բաբելացիների արքան բոլոր եօթը հազար հզօր մարդկանց, հազար հիւսների ու դարբինների՝ ամէնքն էլ կտրիճ պատերազմիկներ, գերութեան տարաւ Բաբելոն:
17. Բաբելացիների արքան նրա փոխարէն թագաւոր նստեցրեց նրա որդուն՝ Մեթթանիային, եւ անունը դրեց Սեդեկիա:
18. Սեդեկիան քսանմէկ տարեկան էր, որ դարձաւ թագաւոր, եւ տասնմէկ տարի թագաւորեց Երուսաղէմում: Նրա մօր անունը Ամատել էր: Նա ղրբնացի Երեմիայի դուստրն էր:
19. Սեդեկիան Տիրոջ առջեւ չարիք գործեց, ինչպէս արել էր Յովաքիմը:
20. Տէրը բարկացել էր Երուսաղէմի ու Յուդայի երկրի վրայ այն սատիճան, որ Տէրը նրանցից երես թեքեց: Սեդեկիան ապստամբեց բաբելացիների արքայի դէմ:

1. Այնպես պատահեց, որ իր թագաւորութեան իններորդ տարուայ տասներորդ ամսի տասներորդ օրը Բաբելոնի Նաբուքոդոնոսոր արքան իր ամբողջ զօրքով եկաւ Երուսաղէմի դէմ, նրա շուրջը բանակ դրեց եւ պարիսպ բարձրացրեց:
2. Քաղաքը պաշարուեց մինչեւ Սեդեկիա արքայի թագաւորութեան տասնմէկերորդ տարուայ
3. իններորդ ամիսը: Քաղաքում սովը սաստկացաւ, եւ երկրի ժողովուրդը հաց չունէր:
4. Քաղաքի պարսպի մէջ ճեղք բացուեց, եւ բոլոր պատերազմիկները գիշերը փախան պարիսպների միջեւ գտնուող դարպասը տանող ճանապարհով, որը արքունի պարտեզի մօտ էր: Քաղդէացիները քաղաքը շրջապատել էին: Թագաւորը գնաց Արաբա դաշտը տանող ճանապարհով:
5. Երբ քաղդէացիների զօրքը տեսաւ այդ, ընկաւ թագաւորի յետեւից եւ նրան հասաւ Երիքովի Արաբոթ վայրում: Նրա ամբողջ զօրքը նրանից հեռացաւ:
6. Բռնեցին թագաւորին ու բերեցին Բաբելոնի արքայի մօտ, Ռեբլաթա, եւ արքան նրա դատաստանն արեց:
7. Սեդեկիայի որդիներին նրա աչքի առաջ սպանեց, Սեդեկիայի աչքերը կուրացրեց եւ շղթայակապ տարաւ Բաբելոն:
8. Բաբելացիների Նաբուքոդոնոսոր արքայի տասնիններորդ տարուայ հինգերորդ ամսի եօթներորդ օրը Բաբելոնի արքայի ծառայ Նաբուգարդան դահճապետը եկաւ Երուսաղէմ,
9. այրեց Տիրոջ տունը, թագաւորի տունը, Երուսաղէմի բոլոր տները եւ ամէն ինչ կրակի մատնեց:
10. Դահճապետի հետ եկած քաղդէացիների բոլոր զինուորները Երուսաղէմի պարիսպը շուրջանակի քանդեցին:
11. Քաղաքում մնացած մարդկանց, Բաբելոնի արքային յանձնուելիք փախստականներին եւ մնացած խառնիճաղանջ ամբոխին Նաբուգարդան դահճապետը քշեց տարաւ:
12. Երկրի աղքատ մարդկանցից ոմանց նա թողեց, որպէսզի սրանք զբաղուեն այգեգործութեամբ ու երկրագործութեամբ:
13. Քաղդէացիները Տիրոջ տան երկու պղնձե սիւները, պատուանդաններն ու պղնձե աւազանը, որը Տիրոջ տան մէջ էր, քանդեցին ու նրա պղինձը տարան Բաբելոն:
14. Ամաններն ու կաթսաները, տաշտերն ու խնկամանները եւ բոլոր պղնձե անօթները, որոնցով սպասաւորութիւն էին անում, տարան:
15. Դահճապետը վերցրեց արծաթե ու ոսկե բուրվառներն ու ափսէները,
16. ինչպէս նաեւ երկու սիւները եւ մի աւազանն ու պատուանդանները, որ Սողոմոնն էր դրել Տիրոջ տանը:
17. Այս բոլոր պղնձե անօթներին կշիռ չկար: Մի սիւնը տասնութ կանգուն բարձրութիւն ուներ, վրան պղնձե խոյակ կար, եւ մի խոյակի բարձրութիւնը երեք կանգուն էր: Վանդակ ու նռնաձեւ զարդեր կային խոյակի վրայ, շուրջանակի, ամբողջովին պղնձե: Նոյնօրինակ վանդակի զարդեր կային նաեւ երկրորդ սիւնի վրայ:
18. Դահճապետն առաւ Սարայա քահանայապետին, նրա օգնական Սոփոնիա քահանային,
19. կշեռքի երեք պահապաններին, քաղաքից վերցրեց մի ներքինու, որը պատերազմող մարդկանց զօրագլուխն էր, արքայի առջեւ կանգնող խորհրդականներից հինգ հոգու, որոնք քաղաքում էին գտնուում, զօրքի քարտուղար իշխանին, որը զինուորագրում էր երկրի ժողովուրդին, եւ երկրի ժողովրդից եօթը այլ մարդկանց, որոնք քաղաքում էին գտնուում:
20. Նաբուգարդան դահճապետը նրանց առաւ տարաւ Ռեբլաթա, Բաբելոնի արքայի մօտ:
21. Բաբելոնի արքան հարուածելով սպանեց նրանց Եմաթ երկրի Ռեբլաթա վայրում:

Այսպիսով Յուդայի բնակիչները իրենց երկրից գերեվարուեցին:

22. Յուդայի երկրում մնացած ժողովրդին Բաբելոնի արքայ Նաբուքոդոնոսորը թողեց եւ նրանց վրայ կառավարիչ կարգեց Սափանի որդի Աքիկամի որդի Գոդոլիային:

23. Երբ զօրքի բոլոր իշխաններն ու նրանց մարդիկ լսեցին, որ Բաբելոնի արքան Գոդոլիային կառավարիչ է նշանակել, ապա Գոդոլիայի մօտ, Մասեփա եկան Նաթանիայի որդի Իսմայելը, Կարեի որդի Յովնանը, սոփաթացի Թանայեմի որդի Սարայիան, Մաքաթի որդի Յեզոնիան: Եկան թէ՛ իրենք, թէ՛ իրենց մարդիկ:

24. Գոդոլիան ինքն ու իր մարդիկ երդուեցին, եւ նա ասաց. Մի՛ վախեցեք քաղղեացի ասպատակներից, նստեցէ՛ք ձեր երկրում, ծառայեցէ՛ք Բաբելոնի արքային, եւ ձեզ համար լաւ կը լինի:

25. Այնպէս պատահեց, սակայն, որ եօթներորդ ամսին Եղիսամայի որդի Նաթանիայի որդի Իսմայելը, որը թագաւորական ընտանիքից էր, տասը մարդով եկաւ, խփեց Գոդոլիային, եւ սա մեռաւ: Նա սպանեց նաեւ Մասեփայում նրա մօտ գտնուող իրեաներին ու քաղղեացիներին:

26. Ամբողջ ժողովուրդը, փոքրից մինչեւ մեծը, նաեւ զօրքի իշխանները ելան ու գնացին Եգիպտոս, որովհետեւ վախենում էին քաղղեացիներից:

27. Յուդայի երկրի արքայ Յովաքիմի գերութեան երեսուներօթներորդ տարուայ տասներկուերորդ ամսի քսաներօթներորդ օրը Բաբելոնի Եւիլմարոդաք արքան իր թագաւորութեան առաջին տարում շնորհ արեց Յուդայի երկրի Յովաքիմ արքային, նրան հանեց բանտից,

28. քաղցրութեամբ խօսեց նրա հետ, նրա աթոռը Բաբելոնում իր մօտ գտնուող այլ թագաւորների աթոռից բարձր դրեց:

29. Նրա բանտային հագուստները փոխեց, եւ Յովաքիմը միշտ նրա հետ էր հաց ուտում:

30. Յովաքիմի ապրուստի միջոցները, որպէս հանապազօրեայ ապրուստի միջոցներ, նրան տրուում էին արքայական տնից ամէն օր մինչեւ նրա կեանքի վերջը:

Ա ՄՆԱՑՈՐԴԱՅ

## Գլուխ 1

1. Աղամ, Սեթ, Ենոս,
2. Կայնան, Մադադայել, Յարեդ,
3. Ենոք, Մաթուսադա, Ղամեք,
4. Նոյ: Նոյի որդիները՝ Սեմ, Քամ, Յաբեթ:
5. Յաբեթի որդիները՝ Գամեր, Մագոգ, Մադայի, Յովիդան, Եդիսան, Թոբել, Մոսոք եւ Թիրաս:
6. Գամերի որդիները՝ Աքքանազ, Հոփաթ եւ Թորգոմա:
7. Յովիդանի որդիները՝ Ելիսա եւ Թարսիս, Կիտացիները եւ հռոդացիները:
8. Քամի որդիները՝ Քուս եւ Մեստրեմ, Փուդ եւ Քանան: Քուսի որդիները՝ Սաբա, Եփլա, Սաբաթա, Հոեգմա եւ Սաբակաթա:
9. Հոեգմայի որդիները՝ Սաբա եւ Դեդան:
10. Քուսը ծնեց Նեմրոթին. սա սկսեց հզոր որսորդ դառնալ երկրի վրայ:
11. Մեստրեմը ծնեց լուծիմացիներին, լաբիիսացիներին, անաիմացիներին, նեփթաբիմացիներին, պատրոսիիմացիներին եւ քասդոնիիմացիներին,
12. որոնցից էլ առաջացան փոշտացիները, նաեւ՝ քափթորիիմացիներին:
13. Քանանը ծնեց իր անդրանիկ որդուն՝ Սիդոնին, քանանացիներին,
14. յեբուսացիներին, ամորիացիներին, գերգեսացիներին,
15. խեւացիներին, արուկեցիներին, արսենացիներին,
16. արադացիներին, սամարացիներին եւ ամաթացիներին:
17. Սեմի որդիները՝ Եղամ, Ասսուր, Արփաքսադ, Ղուդ եւ Արամ: Արամի որդիները՝ Յուս, Եմոդ, Գաթեր եւ Մոսոք:
18. Արփաքսադը ծնեց Կայինանին, Կայինանը ծնեց Սադային, Սադան ծնեց Եբերին:
19. Եբերն ունեցաւ երկու որդի. մէկի անունը Փաղէկ էր, քանզի նրա օրօք երկիրը բաժանուեց, իսկ նրա եղբոր անունն էր Հեկտան:
20. Հեկտանը ծնեց Ելմոդադին, Սադափին, Արամոթին,
21. Կեդրուրանին, Եգելին, Դեկլանին, Կամաանին, Աբիմէլին, Սաբային,
22. Սուփիրին, Եփին եւ Յորամին:
23. Սրանք ամենքը Հեկտանի որդիներն են:
24. Սեմի որդիները՝ Ելամ, Ասսուր, Արփաքսադ, Կայինան, Սադա, Եբեր,
25. Փաղէկ, Ռագաւ, Սերուք, Նաքոր, Թառայ,
26. Աբրամ, Նոյն ինքը՝ Աբրահամ:
27. Աբրահամի որդիները՝ Իսահակ եւ Իսմայել:
28. Իսմայելի որդիները՝
29. Նաբեթ, Կեդար,
30. Նաբդէլ, Մաբսան, Մասմա, Իդումա, Մասսե, Քոդադ, Թաման, Իտուր, Նափեւ եւ Կեդմա:
31. Սրանք են Իսմայելի որդիները:
32. Աբրահամի հարճի՝ Թետուրի որդիները. նա ծնեց Եմրանին, Հեկսանին, Մադանին, Մադիանին, Հեսթոկին եւ Սովիվէին: Հեկսանի որդիները՝ Սաբա, Դեման եւ Դեդան: Դեդանի որդիները՝ Ռագուէլ, Նաբդէլ, Ասուրիիմ, Լատուսիիմ եւ Լոոմին:
33. Մադիանի որդիները՝ Գեփար, Օփեր, Ենոք, Աբիդա եւ Ելդա: Սրանք ամենքը Թետուրի որդիներն են:
34. Աբրահամը ծնեց Իսահակին: Իսահակի որդիները՝ Եսաւ եւ Յակոբ:
35. Եսաւի որդիները՝ Եդիփազ, Հոագուէլ, Յեուլ, Եգղոմ եւ Կորէ:
36. Եդիփազի որդիները՝ Թեման, Օմար, Սոփար, Գոթոմ եւ Կենեզ: Եդիազարի հարճ Թամարը նրա համար ծնեց Ամադէկին:
37. Ռագուէլի որդիները՝ Նաքթ, Չարեհ, Սոմէ եւ Մոզէ:
38. Սեիրի որդիները՝ Ղոտան, Սոբադ, Սեբեգոն, Անա, Դեսոն, Ասար եւ Հոփսոն:
39. Ղոտանի որդիները՝ Քոռի, Էման: Ղոտանի քոյրը՝ Թամնա:



40. Սոբաղի որդիները՝ Գողամ, Մանաքաթ, Գեբել, Սոփար եւ Յովնան: Սեբեգոնի որդիները՝ Այիա եւ Օնան: Անայի որդին՝ Դեսոն, իսկ Անայի դուստրը՝ Ելիբամա:
41. Դեսոնի որդիները՝ Ադամա, Եսեբամ, Յեթրան եւ Զառան: Ասարի որդիները՝ Բադտան, Ազուկամ, Յովակիմ եւ Ուկամ:
42. Դեսոնի որդիները՝ Օս եւ Առան:
43. Սրանք են այն թագաւորները, որոնք թագաւորեցին Եդոմում, նախքան իսրայելացիների թագաւորելը: Սեփորի որդին Բադակն էր, եւ նրա քաղաքի անունը Դենաբա էր:
44. Մեռաւ Բադակը, եւ նրա փոխարէն թագաւորեց Յոբաբը՝ բոսորացի Չարեհի որդին:
45. Մեռաւ Յոբաբը, եւ նրա փոխարէն Թեմնացիների երկրում թագաւորեց Ասոմը:
46. Մեռաւ Ասոմը, եւ նրա փոխարէն թագաւորեց Ադադը՝ Բարադի որդին, որը Մովաբի դաշտում կոտորեց մադիամացիներին:
47. Նրա քաղաքի անունը Գեթեմ էր: Մեռաւ Ադադը, եւ նրա փոխարէն թագաւորեց մասեկացի Սամաան:
48. Մեռաւ Սամաան, եւ նրա փոխարէն թագաւորեց Սաւուդը, որը գետեզերքի մօտ գտնուող Ռոբոթ բնակավայրից էր:
49. Մեռաւ Սաւուդը, եւ նրա փոխարէն թագաւորեց Աքոբորի որդի Բադաենունը:
50. Մեռաւ Աքոբորի որդի Բադաենունը, եւ նրա փոխարէն թագաւորեց Ադադը: Նրա քաղաքի անունը Փոգոր էր, իսկ նրա կնոջ անունը՝ Մետաբեել, որը Մատրադի դուստրն էր:
51. Մեռաւ Ադադը:
52. Սրանք են Եդոմի երկրի իշխանները. իշխան Թամանա, իշխան Գուլա, իշխան Յեթեր,
53. իշխան Ելիսակամաս, իշխան Եղաս,
54. իշխան Փիկոն, իշխան Կենեզ, իշխան Թեման, իշխան Սարսար, իշխան Մագեդիել, իշխան Չափոսիմ:
55. Սրանք Եդոմի երկրի իշխաններն են:

1. Սրանք են Իսրայելի որդիների անունները. Ռուբեն, Շմալոն, Դեկ, Յուդա,
2. Իսաքար, Չաբուլոն, Դան, Յովսեփ, Բենիամին, Նեփթալիմ, Գադ, Ասեր:
3. Յուդայի որդիները՝ Էր, Օնան եւ Սելոմ. այս երեքին Յուդայի համար ծնեց քանանացի մի մարդու դուստր Շալան: Յուդայի անդրանիկ որդին՝ Էրը, չար էր Տիրոջ աչքին, ուստի Աստուած սպանեց նրան:
4. Նրա հարս Թամարը ծնեց Փարեսին ու Չարային:
5. Յուդայի բոլոր որդիները թուով հինգ էին: Փարեսի որդիները՝ Եսրոմ ու Յեմուել:
6. Չարայի որդիները՝ Չամրի, Եթան, Եման, Քաղքաղ եւ Դարա, ընդամենը՝ հինգ որդի:
7. Քարմիի որդին էր Աքարը, որ դժբախտութիւն բերեց Իսրայելին՝ Աստծուն վերապահուած աւարից բաժին առնելով:
8. Եթանի որդին էր Ագարիան: Եսրոմի որդիները, որ ծնուեցին նրա համար, էին
9. Յերամելը, Օրամը, Օքոբելը եւ Արամը:
10. Արամը ծնեց Ամինադաբին, Ամինադաբը ծնեց Յուդայի տան իշխան Նաասունին:
11. Նաասունը ծնեց Սաղմանին.
12. Սաղմանը ծնեց Բոոսին. Բոոսը ծնեց Օբեդին, Օբեդը ծնեց Յեսսէին:
13. Յեսսէն ծնեց իր անդրանիկ որդի Եղիաբին, երկրորդ որդի Ամինադաբին, երրորդ որդի Սամային,
14. չորրորդ որդի Նաթանայելին, հինգերորդ որդի Հռադային, վեցերորդ որդի Ասոմին, եօթներորդ որդի Դաւթին:
15. Նրանց քոյրերն են Սարուհան եւ Աբիգեան:
16. Սարուհան ունեցաւ երեք որդի՝ Աբեսսա, Յովաբ եւ Ասայել:
17. Աբիգեան ծնեց Ամեսային, իսկ Ամեսայի հայրն էր իսմայելացի Յեթրին:
18. Եսրոնի որդի Քաղեբը կին առաւ Ագուբային, որից ծնուեց Երիմոթը:
19. Սրանք են նրա որդիները. Յովասար, Սոբաբ եւ Օռնա: Մեռաւ Ագուբան, եւ Քաղեբը կին առաւ Եփրաթին, իսկ սա նրա համար ծնեց Օրին:
20. Օրը ծնեց Օրիին: Օրին ծնեց Բեսելիէլին:
21. Դրանից յետոյ Եսրոնը պառկեց Գաղաադի հօր՝ Մաքիրի դստեր հետ, եւ նրան կնութեան առաւ, երբ ինքը վաթսուն տարեկան էր:
22. Նա ծնեց Սեգուբին. Սեգուբը ծնեց Յայիրին: Սա Գաղաադում քսաներեք քաղաք ուներ:
23. Նա գրաւեց Գեսուրից ու Արամից Յայիրի գիւղերը, Կանաթն ու նրա աւանները՝ վաթսուն քաղաք. այս ամենը Գաղաադի հօր՝ Մաքիրի որդիներին էր պատկանում:
24. Եսրոնի մեռնելուց յետոյ Եփրաթա եկաւ Քաղեբը, եւ Եսրոնի կին Աբիան ծնեց Ասդոմին՝ Թեկուայի հօրը:
25. Եսրոնի անդրանիկ որդուն՝ Յերեմիէլի որդիներն էին. անդրանիկ որդին՝ Հռամանը, Բաանը, Առանը եւ սրա եղբայր Ասոմը:
26. Յերեմիէլը ուրիշ կին էլ ուներ, որի անունն էր Ատարա:
27. Սա Ունոմի մայրն էր: Յերեմիէլի անդրանիկ որդուն՝ Հռամայի որդիներն էին Մաասը, Յաբինը եւ Ակորը:
28. Ունոմի որդիներն էին Սամային եւ Յադային:
29. Սամայիի որդիներն էին Նաբադն ու Աբիսուրը. Աբիսուրի կնոջ անունն էր Աբիսեա, որը ծնեց Ագաբարին, Մոլիլին:
30. Նաբադի որդիներն են Սաղադը եւ Ափիեմը:
31. Սաղադը մեռաւ անորդի, նա ժառանգ չուներ: Ափիեմի որդին Յեսսին էր:
32. Յեսսիի որդին էր Սոսանը: Սոսանի որդին էր Աղային: Աղայիի որդիներն էին Աքիսաման, Յեթերն ու Յովնաթանը:
33. Յեթերը մեռաւ առանց որդի ունենալու: Յովնաթանի որդիներն են Փաղեթը եւ Օգազան:
34. Սրանք Յերեմիէլի որդիներն են: Սոսանը չուներ որդիներ, այլ միայն դուստրեր:

Սոսանն ունէր մի եգիպտացի ծառայ, որի անունն էր Յոքաղ:

35. Սոսանն իր դստերը կնութեան տուեց իր ծառայ Յոքաղին, որը ծնեց Եթօփին:

36. Եթօփն ծնեց Նաթանին. Նաթանը ծնեց Աբէղին.

37. Աբէղը ծնեց Օփղաղին. Օփղաղը ծնեց Օբէղին. Օբէղը ծնեց Յեուփին.

38. Յեուփն ծնեց Ագարիասին. Ագարիասը ծնեց Քեղղէսին. Քեղղէսը ծնեց Եղէասային.

39. Եղէասան ծնեց Սոսոմէին. Սոսոմէն ծնեց Սաղղումին.

40. Սաղղումը ծնեց Յեքոնիասին.

41. Յեքոնիասը ծնեց Եղիսամային:

42. Յերեմիէի եղբայր Քաղէբի որդիներն էին. Մաեսան՝ նրա անդրանիկ որդին, որը Չիփի հայրն էր, եւ Մարիսան, որ Քեքրոնի հայրն էր:

43. Քեքրոնի որդիները՝ Կորիս, Թափփսի, Հռոկոմ եւ Սեմաա:

44. Սեմաան ծնեց Հռաամին՝ Յերակայի հորը:

45. Յերական ծնեց Սաղամային, որի որդին էր Մաոնը՝ Բեթսորի հայրը:

46. Քաղէբի հարճ Գեփան ծնեց Առանին, Յոսային ու Գեզուէին:

47. Աղայի որդիներն էին Հռագեմը, Օթամը, Գերսոմը, Փաղէտը, Գեփան եւ Սագափը:

48. Քաղէբի հարճ Մոքան ծնեց Սեբերին եւ Թաքնային:

49. Նա ծնեց Նաեւ Սագափին՝ Մադենայի հորը, Սաւուղին՝ Մաքամենայի ու Բաղայի հորը: Քաղէբի դուստրը Ասքան էր:

50. Սրանք են Քաղէբի որդիները: Եփրաթայի անդրանիկ որդի Օրի որդիները. Սոբաղ՝ Կարիաթարիմի հայրը, Սաղոմոն՝ Բեթղամոնի հայրը, այն է՝

51. Բեթղէեմի հայրը, Արի՝ Բեթեզորի հայրը: Կարիաթարիմի հայր Սոբաղի որդիներն էին

52. Արան, Եսին, Ամանիթը, Թիւմասփայէն, Հռիաթիաւրը, Եթաղիմը, Եփիթինը, Սամաթինը, Յեմասարինը:

53. Սրանցից են առաջացել սարաթացիները եւ եսթաւուղացիները:

54. Սաղոմոնի որդիներն էին Բեթղեհեմը, Նետոփաթին, Ատարոթը, Յովաբի ցեղը, մանաթացիների կէս ցեղը, Եսարային:

55. Գաբէտում բնակուող ուսեալների տոհմերն էին ագաթացիները, սամաթացիները եւ սոկաթացիները: Սրանք են Հռեքաբի տան հայր Եմաթից առաջացած տները:

1. Սրանք են Դաւթի որդիները, որ Նա ծնեց Քեբրոնում. անդրանիկ որդին՝ Ամոնը՝ ծնուած յեգրայելացի Աքիսովամից, երկրորդը՝ Դադուիան՝ ծնուած կարմեւացի Աբիգեայից,
2. երրորդը՝ Աբեսաղոմը՝ Գեսուրի թագաւոր Թողմայի դուստր Մոքայի որդին,
3. չորրորդը՝ Ադոնիան՝ Ագիթի որդին, հինգերորդը՝ Սափատիասը՝ ծնուած Աբիտաղից, վեցերորդը՝ Յեթրամը՝ ծնուած իր Ադգեա կնոջից:
4. Սրանք ծնուեցին Քեբրոնում: Նա այնտեղ թագաւորեց եօթը տարի եւ վեց ամիս, իսկ երեսուներեք տարի թագաւորեց Երուսաղէմում:
5. Երուսաղէմում ծնուածներն են Սամաան, Սոբաբը, Նաթանը եւ Ամիելի դուստր Բերսաբէից ծնուած Սողոմոնը:
6. Նաեւ Յեբաարը, Եղիսաման, Եղիփալէտը, Նագեբը,
7. Նափեկը, Նափիին, Եղիսաման եւ Եղիթադան:
8. Սրանք Դաւթի տասնինը որդիներն են, չհաշուած Նրա հարճերից ծնուած որդիները:
9. Եւ Թամարը Նրանց քոյրն էր:
10. Սողոմոնի որդիները՝ Հռոբովամ, սրա որդին՝ Աբիաս, սրա որդին՝ Ասա,
11. սրա որդին՝ Յոսափատ, սրա որդին՝ Յորամ, սրա որդին՝ Օքոզիաս, սրա որդին՝ Յովաս,
12. սրա որդին՝ Ամասիա, սրա որդին՝ Ազարիա, սրա որդին՝ Յովաթամ,
13. սրա որդին՝ Աքազ, սրա որդին՝ Եզեկիա, սրա որդին՝ Մանասէ, սրա որդին՝ Ամոս,
14. սրա որդին՝ Յոսիա:
15. Յոսիայի որդիները. անդրանիկը՝ Յովաքազ, երկրորդը՝ Յովակիմ, երրորդը՝ Սեդեկիա, չորրորդը՝ Ադոււմ:
16. Յովակիմի որդիները. Յեքոնիաս եւ Սեդեկիաս:
17. Յեքոնիասի որդիները՝ Ասիր, սրա որդիները՝ Սաղաթիել, Մեղքիրամ,
18. Փաղայիաս, Սոսամով, Նաբատիաս, Սանեսար եւ Յեքոնիաս:
19. Սաղաթիելի որդիները՝ Չորաբաբել եւ Սեմէի: Չորաբաբելի որդիները՝ Մասողամոս, Անանիաս եւ Նրանց քոյր Սաղոմէ:
20. Նաեւ՝ Ասեբա, Օոդ, Բարաքիաս, Ասադիաս եւ Ասոբասէդ՝ ընդամենը ութ հոգի:
21. Անանիասի որդին՝ Փալետիա, սրա որդին՝ Յեսիա, սրա որդին՝ Հռափայիա, սրա որդին՝ Օռնա, սրա որդին՝ Աբդիա, սրա որդին՝ Սեքենիա:
22. Սեքենիայի որդին՝ Սամայիա, Սամայիայի որդիները՝ Քետտուա, Յովել, Բերիա, Նովադիա, Սափատ եւ Սափեք՝ ընդամենը վեց հոգի:
23. Նովադիայի որդիները՝ Եղիոնէ, Եզեկիաս, Եսրիկամ՝ ընդամենը երեք հոգի:
24. Եղիոնէի որդիները՝ Օդուիա, Եղիասիբ, Փաղայիա, Ակկուբ, Յովնան, Գաղայիա եւ Անանիա՝ ընդամենը եօթը հոգի:

1. Յուդայի որդիները՝ Փարես, Եսրոմ, Զարմի, Օր, Սուբադ, իսկ սրա որդին՝ Կերիա:
2. Սուբադը ծնեց Յեթին, Յեթը ծնեց Աքիսային ու Ղադային: Սրանք Սարաթիայի սերունդն են:
3. Սրանք են Ետամի որդիները. Յեսայել, Յեսմա եւ Գաբես, իսկ նրանց քրոջ անունն էր Եսեղեփոն:
4. Գեդուրի հայրը Փանուելն էր, իսկ Օսանի հայրը՝ Եգերը: Սրանք են Բեթղեհեմի հայր Եփրաթայի անդրանիկ որդի Օրի որդիները:
5. Թեկուայի հայր Ասքուրը երկու կին ուներ՝ Աադա ու Նոոբա:
6. Նոոբան ծնեց Օքոզամին, Նեփադին, Թեմանին եւ Ասթերանին:
7. Սրանք բոլորը Նոոբայի որդիներն են: Աադայի որդիները՝ Նարեթ, Ասաար եւ Եթնադի:
8. Եւ Կոսը ծնեց Եգնոբին եւ Սոբեբային: Սրանք են Յարիմի որդու՝ Հռեքաբի եղբոր սերունդները:
9. Գաբեսը առաւել յայտնի էր, քան իր եղբայրները, եւ մայրը նրա անունը Իգաբես դրեց՝ ասելով. Ճնեցի նրան Գաբեսի նման:
10. Իգաբեսը դիմեց Իսրայելի Աստծուն՝ ասելով. Օրհնի՛ր ինձ, ընդարձակի՛ր իմ սահմանները, ձեռքդ ինձ վրայ թող լինի, եւ իմաստութի՛նն տուր, որ չնսեմանամ: Եւ Աստուած նրան տուեց այն ամենը, ինչ նա խնդրել էր:
11. Եսքասի հայր Քաղեբը ծնեց Մաքիրին, որն Ասաբոնի հայրն էր:
12. Ասպաթոնը ծնեց Յատրոփային, Փեսէին, Թանային՝ Նաասա քաղաքի հորը, կենեզացի Եսեղոնի եղբորը: Սրանք Հռեփի բնակիչներն են:
13. Կենեզի որդիները՝ Գոթոնիել եւ Սարայիա, իսկ Գոթոնիելի որդին՝ Աթաթ:
14. Մանաթին ծնեց Գոփորային, իսկ Սարայիան ծնեց Գերսասիմի հայր Յաբաբին: Արդարեւ, սրանք հիւաներ էին:
15. Յեփոնեի որդի Քաղեբի որդիները՝ Եռադա եւ Նաամ, իսկ Արամի որդին՝ Կենեզ:
16. Յայելի որդիները՝ Ղեզիփադի, Չեփա, Թիրա եւ Եսրայել:
17. Եսրայելի որդիները՝ Յեթեր, Մորադ ու Գափեր: Աղոնը ծնեց Յեթերին, Մարոնին, Յեսմային, Այեսբային՝ Սեթեմոնի հորը:
18. Նրա կինը ծնեց Յարեդին՝ Գեդորի հորը, Յաբարին՝ Սաքոնի հորը, եւ Յեքթիւին՝ Չոնանի հորը: Սրանք են Մորեդի կնոջ՝ փարաւոնի դուստր Բեթթիայի ծնած որդիները:
19. Օդիայի կնոջ՝ Նաքիմի քրոջ որդիները՝ Կեսիայի հայր Դանա, Հոմամի հայր Սիմեոն, իսկ Կեիլայի հայր Նայեմի որդիները՝ Օտարմի, Յեսթեմոն եւ Մաքաթի:
20. Սիմիոնի որդիները՝ Ամսոն, Անանից ծնուած Հռանսոն եւ Թիդոն: Յեսսեի որդի՝ Չոքաթ ու Չոքաթի որդիները:
21. Յուդայի որդի Սեղումի որդիները. Ղեքադի հայրը՝ Էրը, Մադեսի հայրը՝ Դադաան եւ նրանց սերունդները՝
22. Եբդաթ, Աբուստան, Նեսոբա, Յովակիմ՝ Քուզեբի բնակիչները, Յովաս, Սարափ, որոնք Մովաբում բնակուեցին, եւ Աբեթարը նրանց վերադարձրեց Նաթուկիմ:
23. Սրանք բրուտներ էին, որոնք բնակւում էին Անատիմում ու Սադերայում թագաւորի հետ, նրա թագաւորութեան մէջ: Սրանք զօրացան եւ բնակուեցին այնտեղ:
24. Շմաւոնի որդիները՝ Նաբուել, Յամին, Յարիբ, Չարեհ, Սաւուդ:
25. Սաւուդի որդին՝ Սադեմ, սրա որդին՝ Բասան, սրա որդին՝ Ասեման, սրա որդին՝ Մազբա,
26. սրա որդին՝ Ամուել, սրա որդին՝ Սաբուդ, սրա որդին՝ Չաքուր, սրա որդին՝ Սեմէի:
27. Սեմէին ուներ վեց որդիներ ու տասը դուստրեր, բայց նրա եղբայրները շատ որդիներ չունէին. նրանց ամբողջ տոհմը Յուդայի որդիների նման չէր բազմանում:
28. Նրանք բնակուեցին Բերսաբիւնում, Սամաայում, Մոլադայում, Սերսուդայում,
29. Բաադայում, Քուլասոմում, Թուդադայում,
30. Բաթուդում, Երմայում, Սիկիլակում,
31. Բեթմարայում, Քաբորայում, Կեսսեոսիմում եւ Բարուասեորիմի տանը: Սրանք էին

Նրանց քաղաքները մինչեւ Դաւիթ արքան:

32. Նրանց քաղաքներն էին Նաեւ Երամը, Երեմոնը, Թոքանը, Եսանը, Թեկենը՝ հինգ քաղաք:

33. Այս բոլոր քաղաքների շուրջը, մինչեւ Բաաղ սփռուած Նրանց բնակավայրերի կալուածքների ու Նրանց տէրերի անունները սրանք են.

34. Մոսոբաբ, Ամաղէկ, Ամասիայի որդի Յոսիա,

35. Յովէլ, Ասիէլի որդի Սարիայի որդի Սաբիայի որդի Յեսու,

36. Եղիոնէ, Յեկեբա, Յասթէ, Յասուկա, Ասայիա, Եղիէլ, Իսմայէլ, Բանեա,

37. Սամուայի որդի Սամարիայի որդի Յեդիայի որդի Ադոնի որդի Սեփերի որդի Չուգա:

38. Այս անուն առ անուն յիշուածները իրենց տոհմերի իշխաններն էին, որոնց հայրերի տոհմերը շատ էին բազմացել:

39. Սրանք գնացին հասան մինչեւ Գերարա, մինչեւ Գայի արեւելեան կողմը, որ իրենց հօտերի համար արօտավայր որոնեն:

40. Նրանք գտան բազմաթիւ ու հարուստ արօտավայրեր, մի ընդարձակ երկիր իրենց առաջ, ուր խաղաղութիւն ու հանդարտութիւն էր տիրում, որովհետեւ Նախկինում Քամի որդիներն էին այստեղ բնակուել:

41. Անուն առ անուն յիշատակուած այս մարդիկ Յուդայի Եզեկիա արքայի օրօք եկան եւ կոտորեցին Նրա բնակիչներին, այնտեղ բնակուող միւնեցիներին ու Նրանց փոխարէն բնակուեցին մինչեւ այսօր, որովհետեւ իրենց հօտերի համար այնտեղ արօտավայրեր էին գտել:

42. Նրանցից՝ Շմաւոնի որդիներից հինգ հարիւր մարդ գնաց Սէիր լեռը, իսկ Յեթեսիայի որդիներ Փաղատիան, Նովադիան, Հռափայիան ու Օգիէլը դարձան Նրանց իշխանները:

43. Նրանք կոտորեցին Ամաղէկից այստեղ հաստատուած վերապրածներին եւ այստեղ բնակուեցին մինչեւ այսօր:

1. Իսրայելի անդրանիկ ծննդի՝ Ռուբենի որդիները: Թեեւ նա էր անդրանիկը, սակայն, իր հօր անկողինը պղծելու պատճառով, հայրն իր օրհնութիւնը տուեց Իսրայելի որդի Յովսէփին: Ռուբենը ազգահամարի մէջ իբրեւ անդրանիկ չգրուեց:
2. Թեեւ Յուդան զօրաւոր էր իր եղբայրների մէջ եւ նրանց իշխանը, բայց օրհնութիւնը Յովսէփին տրուեց:
3. Իսրայելի անդրանիկ ծննդի՝ Ռուբենի որդիները. Ենոք եւ Փաղղուս, Եսրոմ եւ Քարմի:
4. Յովելի սերունդը. Սեմէի, Բեբեկա,
5. Գոգ,
6. Սեմէի, Բաադ, Բեեդա, որին գերեց Ասորեստանի Թագադաժիադասար արքան:
7. Նա էր Ռուբենի ցեղի իշխանը: Երբ նրա եղբայրներն իրենց տոհմերով ազգահամարի մէջ էին գրուում, նրանց իշխաններն էին Յովելն ու Չաքարիան:
8. Յովելի որդի Ամայի որդի Օգուզի որդի Իբադէին բնակուեց Արոյերում, Նաբաւում ու Բելմաոնում:
9. Նա բնակուեց արեւելքում՝ Եփրատ գետից մինչեւ անապատ, որովհետեւ Գաղաադում նա շատ անասուններ ուներ:
10. Սաւուդի օրօք նրանք պատերազմեցին երկրի բնակիչների դեմ, եւ Գաղաադից դէպի արեւելք՝ վրանաբնակները նրանց ձեռքը գերի ընկան:
11. Գադի որդիները բնակուեցին նրանց դիմաց՝ Բասանից մինչեւ Մեղքէ: Դրանք են. գլխաւորը՝ Յովել,
12. երկրորդը՝ Սափա, ապա Անայի, որ գրագիր էր Բասանում:
13. Նրանց եղբայրները բնակուեցին ըստ իրենց ազգատոհմերի տների. դրանք են. Միքայել, Մոսողաամ, Սոբայէ, Յորէ, Յաքան, Ազիա եւ Օբեդ:
14. Այս եօթը Աբիքայիայի որդիներն էին. ինքը՝ Ուրիի որդին, սա՝ Ադայի որդին, սա՝ Գաղաադի որդին, սա՝ Միքայելի որդին, սա՝ Յեսսայի որդին, սա՝ Յեզդադի որդին, սա՝ Աքիբուզի որդին,
15. սա՝ Աբդիելի որդին, սա՝ Գունի որդին: Աբիքայիան նրանց ազգատոհմերի իշխանն էր,
16. որոնք բնակւում էին Գաղաադում, Բասանում եւ նրանց աւաններում, Սարոնի շրջակայ բոլոր գաւառներում, մինչեւ նրանց սահմանները:
17. Նրանք ազգահամարի մէջ մտան Յուդայի արքայ Յովաթամի եւ Իսրայելի արքայ Յերոբովամի օրօք:
18. Ռուբենի ու Գադի որդիները եւ Մանասէի կէս ցեղի մարդիկ զօրաւոր էին: Նրանք պատերազմի սովոր էին՝ վահաններ ու սրեր ունէին, աղէղներ էին լարում ու քառասունչորս հազար եօթը հարիւր վաթսուն մարտիկներով պատերազմի էին ելնում:
19. Նրանք պատերազմի էլան հազարացիների, տուրեցիների, նափեսացիների, նաբեդոնացիների եւ նաբիմացիների դեմ:
20. Նրանք յարձակուեցին նրանց վրայ: Հազարացիները յանձնուեցին նրանց իրենց վրաններով հանդերձ, որովհետեւ պատերազմի ժամանակ իսրայելացիները Աստծուն էին ուղղել իրենց խնդրանքը: Աստուած լսել էր նրանց, քանի որ իր վրայ էին դրել իրենց յոյսը:
21. Նրանք աւար առան հազարացիների մթերանոցը. հինգ հազար ուղտ, երկու հարիւր յիսուն հազար ոչխար, երկու հազար էջ. գերեցին հարիւր հազար մարդ:
22. Շատերն սպանուեցին, որովհետեւ պատերազմը Աստծուց եղաւ: Իսրայելացիները բնակուեցին նրանց բնակավայրերում մինչեւ իրենց գերեվարումը:
23. Մանասէի կէս ցեղը բնակուեց ու բազմացաւ Բասանի երկրից մինչեւ Բաաղերմոն եւ Սանիր, Ահերմոնի լեռից մինչեւ Լիբանան:
24. Սրանք են նրանց տոհմատների իշխանները. Օփեր, Յեսսի, Ելիել, Եզիել, Յերեմիա, Յոդիա եւ Իզիել, որոնք զօրեղ մարդիկ էին, իրենց տոհմատների անուանի իշխանները:
25. Նրանք, սակայն, ուխտադրուժ եղան իրենց հայրերի Աստծու հանդէպ, լքեցին նրան

ու գնացին այն օտար երկրների աստուածների յետեւից, որոնց Աստուած նրանց  
ներկայութեամբ ոչնչացրել էր:

26. Եւ Աստուած Իսրայելի դէմ գրգռեց Ասորեստանի արքայ Փաւոքի հոգին ու Սուբի  
արքայ Թագաթփաղասարի հոգին, որոնք գերեցին Ռուբէնի ցեղին, Գադդիի ցեղին եւ  
Մանասէի կէս ցեղին, տարան Քաղա ու Քաբոր, Գոզան գետի եզերքը, ուր եւ մնում են  
մինչեւ այսօր:



1. Ղեկի որդիները՝ Գերսուն, Կահաթ եւ Մերարի:
2. Կահաթի որդիները՝ Ամրամ, Սահառ, Զեբրոն եւ Օզիել:
3. Ամրամի որդիները՝ Ահարոն, Մովսէս եւ Մարիամ: Ահարոնի որդիները՝ Նաբադ եւ Աբիուդ, Եղիազար եւ Իթամար:
4. Եղիազարը ծնեց Փենէսին, Փենէսը ծնեց Աբեսսուին,
5. Աբեսսուն ծնեց Բորքիին, Բորքին ծնեց Օզիային,
6. Օզիան ծնեց Արեասին, Արեասը ծնեց Մարեոթին,
7. Մարեոթը ծնեց Ամարիասին, Ամարիասը ծնեց Աքիտոբին,
8. Աքիտոբը ծնեց Սադոկին, Սադոկը ծնեց Աքիմասին,
9. Աքիմասը ծնեց Ազարիասին, Ազարիասը ծնեց Յոնասին,
10. Յոնասը ծնեց Ազարիասին:
11. Սա քահանայ էր Աստծու այն տանը, որ Երուսաղէմում շինել էր Սողոմոնը:
12. Ազարիասը ծնեց Ամարիասին, Ամարիասը ծնեց Աքիտոբին, Աքիտոբը ծնեց Սադոկին,
13. Սադոկը ծնեց Սելլումին, Սելլումը ծնեց Զեդկիասին, Զեդկիասը ծնեց Ազարիասին,
14. Ազարիասը ծնեց Սարեասին, Սարեասը ծնեց Յոսեդեկին:
15. Յոսեդեկը Նաբուքոդոնոսորի ձեռքը գերի ընկաւ Յուդայի երկրի ու Երուսաղէմի հետ:
16. Ղեկի որդիները՝ Գերսուն, Կահաթ եւ Մերարի: Գերսունի որդիների անուններն են Ղոբենի եւ Սեմէի:
17. Կահաթի որդիները՝ Ամրամ, Սահառ, Զեբրոն եւ Օզիել:
18. Մերարիի որդիները՝ Մոողի եւ Մուսի:
19. Սրանք Ղեկի տոհմերն են ըստ ընտանիքների:
20. Գերսունի որդի Ղոբենիից սերունդին սրա որդի Յեթթին,
21. սրա որդի Յովաքը, սրա որդի Աբդիուն, սրա որդի Չարան, սրա որդի Յաթրին:
22. Կահաթի որդիները՝ Սահառ, սրա որդի Կորխ, սրա որդի Ասիր,
23. սրա որդի Եղկանա, սրա որդի Աբիսափ, սրա որդի Ասիր, սրա որդի Օզիաս,
24. սրա որդի Աթ, սրա որդի Ուրիել, սրա որդի Սաւուդ:
25. Եղկանայի որդիները՝ Ամաս, Աքիմոթ,
26. սրա որդի Եղկանա, սրա որդի Սուփի, սրա որդի Կանաթ,
27. սրա որդի Եղիաթ, սրա որդի Յերոամ, սրա որդի Եղկանա:
28. Սամուէլի որդիները. Նրա անդրանիկը՝ Յովել, երկրորդը՝ Աբիա:
29. Մերարիի որդիները՝ Մողի, Նաբար,
30. սրա որդի Ղոբենի, սրա որդի Սեմէի, սրա որդի Օզա, սրա որդի Սամաա, սրա որդի Անգիա, սրա որդի Ասիա:
31. Սրանք են նրանք, որոնց Ղաւիթը կարգեց Աստծու տան երգիչների վրայ, երբ ուխտի տապանակը հաստատուեց այնտեղ:
32. Նրանք վկայութեան խորանի առջեւ երգեցողութեան իրենց պաշտօնը կատարեցին, մինչեւ որ Սողոմոնը Երուսաղէմում շինեց Տիրոջ տունը: Նրանք սպասաւորութիւն կատարելիս կանգնում էին ըստ իրենց կարգի:
33. Ահա Կահաթի ցեղից սպասաւորութեան կոչուածներն ու նրանց որդիները. Սամուէլի թոռ Էմանը՝ Կահաթի սերնդից սաղմոսերգու Էմանը, որը որդին էր Յովելի, եւ սա՝ Սամուէլի,
34. սա՝ Եղկանայի, սա՝ Յերեմիելի, սա՝ Ելիեղի, սա՝ Թոկիի,
35. սա՝ Սուփիի, սա՝ Եղկանայի, սա՝ Մաաթի, սա՝ Ամասիի,
36. սա՝ Եղկանայի, սա՝ Յովելի, սա՝ Ազարիայի, սա՝ Սափանի,
37. սա՝ Թաաթի, սա՝ Ասիրի, սա՝ Բիասափի, սա՝ Կորխի,
38. սա՝ Յեսարի, սա՝ Կահաթի, սա՝ Ղեկի, սա՝ Իսրայելի:
39. Նրա եղբայրն էր Ասափը, որը նրա աջ կողմում էր կանգնում: Ասափը որդին էր

Բարաքի, եւ սա՝ Սամաայի,  
 40. սա՝ Միքայելի, սա՝ Բաասիայի, սա՝ Միքիայի,  
 41. սա՝ Աթանիի, սա՝ Ազարիայի, սա՝ Յադիայի,  
 42. սա՝ Ուրիի, սա՝ Չամմայի, սա՝ Սեմէիի,  
 43. սա՝ Յեթթիի, սա՝ Գերսոնի, եւ սա՝ Ղեւիի:  
 44. Մերարիի որդիները՝ Նրանց եղբայրները, կանգնում էին ձախ կողմում: Դրանք են՝  
 Էթանը՝ որդին Կիսանի, եւ սա՝ որդին Աբդիի, սա՝ Մադուտի,  
 45. սա՝ Ասեբիի, սա՝ Ամեսսիի, սա՝ Քեդկիի,  
 46. սա՝ Ամասիայի, սա՝ Բաանի, սա՝ Սեմերի,  
 47. սա՝ Ամոողի, սա՝ Մուսիի, սա՝ Մերարիի, եւ սա՝ Ղեւիի:  
 48. Եւ Նրանց եղբայրները, ըստ իրենց տոհմատների, ղեւտացիներ էին, որոնք  
 Նշանակուած էին Աստծու տան խորանին սպասաւորութիւն կատարելու համար:  
 49. Ահարոնը եւ իր որդիները ողջակէզների զոհասեղանին ու խնկերի զոհասեղանին  
 խոնկ ծխելով՝ կատարում էին սրբութիւնների սրբութեան բոլոր գործերը Իսրայելի  
 քաւութեան համար, ճիշտ այնպէս, ինչպէս պատուիրել էր Աստծու ծառայ Մովսէսը:  
 50. Սրանք են Ահարոնի որդիները. Եղիազար, սրա որդին՝ Փենէէս,  
 51. սրա որդին՝ Աբիսու, սրա որդին՝ Բոկա, սրա որդին՝ Օզիա, սրա որդին՝ Չարա,  
 52. սրա որդին՝ Մերաոթ, սրա որդին՝ Ամարիաթ, սրա որդին՝ Աքիտոթ, սրա որդին՝  
 Սադոկ,  
 53. սրա որդին՝ Աքիմաս:  
 54. Կահաթի տոհմից սերուած Ահարոնի որդիները գիւղերում ու աւաններում  
 բնակավայրեր ունեցան, որովհետեւ դրանք էին Նրանց բաժին ընկել:  
 55. Նրանց տուեցին Յուդայի երկրում գտնուող Քեբրոնն իր շրջակայ արուարձաններով,  
 56. իսկ քաղաքի դաշտերն ու գիւղերը տուեցին Յեփոնէի որդի Քաղեբին:  
 57. Ահարոնի որդիներին տուեցին ապաստանի քաղաքները՝ Քեբրոնն ու Ղոբնան իրենց  
 արօտավայրերով, Եղոնը իր արօտավայրերով, Եսթամովը իր արօտավայրերով,  
 58. Յեսթերը իր արօտավայրերով, Դաբիրը իր արօտավայրերով,  
 59. Ասանը իր արօտավայրերով, Բեթսամիւսը իր արօտավայրերով եւ Բեթերը իր  
 արօտավայրերով:  
 60. Բենիամինի ցեղին տուեցին Գաբէէն իր արօտավայրերով, Գաղեմէթը իր  
 արօտավայրերով, Դաբէէն իր արօտավայրերով, Անաթոթը իր արօտավայրերով,  
 Անքոսը իր արօտավայրերով: Այդ տոհմերի բոլոր քաղաքների թիւը տասնչորս է:  
 61. Մանասէի կէս ցեղից սերուած Կահաթի որդիներին՝ այս տոհմի մնացած  
 անդամներին, վիճակահանութեամբ տասը քաղաք տրուեց,  
 62. իսկ Գերսոնի որդիներին, ըստ իրենց տոհմերի, այն է՝ Իսաքարի ցեղից, Ասերի  
 ցեղից, Նեփթաղիմի ցեղից եւ Բասանում բնակուող Մանասէի ցեղից  
 վիճակահանութեամբ տրուեց տասներեք քաղաք:  
 63. Մերարիի որդիներին, ըստ իրենց տոհմերի, այն է՝ Ռուբէնի ցեղից, Գադի ցեղից եւ  
 Չաբուլոնի ցեղից վիճակահանութեամբ տրուեց տասներկու քաղաք:  
 64. Այսպիսով իսրայէլացիները ղեւտացիներին տուեցին այս քաղաքներն իրենց  
 շրջակայ արօտավայրերով:  
 65. Յուդայի ցեղից, Շմաւոնի ցեղից ու Բենիամինի որդիների ցեղից  
 վիճակահանութեամբ բաժին հանեցին այս քաղաքները, որ անուններով են Նշուած:  
 66. Կահաթի որդիների տոհմերին տուեցին Եփրեմի ցեղի սահմաններում գտնուող  
 քաղաքներ.  
 67. Նրանց տուեցին ապաստանի քաղաքները՝ Եփրեմի լեռան վրայ գտնուող Սիւքէմն իր  
 արօտավայրերով, Գազերը իր արօտավայրերով,  
 68. Յեկնամը իր արօտավայրերով, Բեթորոնը իր արօտավայրերով,  
 69. Ելոթը իր արօտավայրերով եւ Գեթթեմոնը իր արօտավայրերով:  
 70. Մանասէի կէս ցեղից Եները իր արօտավայրերով, Իբղաաման իր արօտավայրերով  
 տրուեցին Կահաթի որդիների տոհմի մնացած անդամներին:

71. Գերսոնի որդիներին, ըստ իրենց տոհմերի, Մանասէի կէս ցեղից տրուեցին Բասանի Գողոն բնակավայրը իր շրջակայ արօտավայրերով եւ Հռոմոթը իր արօտավայրերով:
72. Իսաքարի ցեղից տուեցին Կեթէսը իր արօտավայրերով, Կադիրը իր արօտավայրերով,
73. Ամոսը իր արօտավայրերով եւ Անամը իր արօտավայրերով:
74. Ասերի ցեղից տուեցին Մասաղը իր արօտավայրերով, Աւդոնը իր արօտավայրերով,
75. Յակակը իր արօտավայրերով եւ Հռոթը իր արօտավայրերով:
76. Նեփթադիմի ցեղից տուեցին Գալիլիայում գտնուող Կեդէսը իր արօտավայրերով, Քամովը իր արօտավայրերով եւ Կարիաթարիմը իր արօտավայրերով:
77. Մերարիի մնացած որդիներին Չաբուլոնի ցեղից տուեցին Յեկոմանը իր արօտավայրերով, Կադէսը իր արօտավայրերով, Հռեմոնը իր արօտավայրերով, Բաթորը իր արօտավայրերով,
78. Նաեւ Երիքովում, Յորդանան գետի եզերքին, Յորդանան գետից արեւմուտք գտնուող մասը, Ռուբէնի ցեղից տուեցին անապատում գտնուող Բոսորը իր արօտավայրերով, Յասան իր արօտավայրերով,
79. Կադեթոթը իր արօտավայրերով եւ Մոփասաթը իր արօտավայրերով:
80. Գադի ցեղից տուեցին Գաղաադում գտնուող Ռամոթը իր արօտավայրերով, Մանայեմը իր արօտավայրերով,
81. Յեսեբոնը իր արօտավայրերով եւ Յազերը իր արօտավայրերով:

1. Սրանք են Իսաքարի որդիները. Թողա, Փուա, Յասուբ եւ Սամրամ՝ ընդամենը չորս հոգի:
2. Թողայի որդիները՝ Օգի, Հռափայիաս, Յերիել, Յեմու, Յեբամ եւ Սամուել, որոնք իրենց տոհմատների իշխաններն էին: Թուղն ու Անանը իրենց տոհմի մէջ քաջագուններ էին: Նրանց գունդը Դաւթի օրօք բաղկացած էր քսաներկու հազար վեց հարիւր հոգուց:
3. Օգիի որդին էր Յեզեքիասը, Յեզեքիասի որդիները՝ Միքայել, Աբդիաս, Յովել եւ Յիսիաս, որոնք բոլորն էլ իշխաններ էին:
4. Նրանց հետ, ըստ իրենց ազգատոհմի, ըստ իրենց տոհմատների, պատերազմի համար պատրաստ կային երեսունվեց հազար զօրաւոր մարդիկ, որովհետեւ նրանց կանայք ու որդիները բազմացել էին:
5. Նրանց եղբայրները Իսաքարի բոլոր տոհմերի մէջ քաջագուններ էին: Նրանց ընդհանուր թիւը կազմում էր ութսունեօթը հազար հոգի:
6. Բենիամինի որդիները՝ Բաղէէ, Բոքոր, Ադիել՝ ընդամենը երեք հոգի:
7. Սրանք են Բաղէէի որդիները. Ասեբոն, Օգի, Օգիել, Երեմոթ, Ուրի՝ ընդամենը հինգ հոգի, որոնք իրենց տոհմատների քաջագուն իշխաններն էին: Նրանց թիւը քսաներկու հազար երեսունչորս էր:
8. Բոքորի որդիները՝ Չամարիաս, Յովաս, Ելիեզեր, Ելիուէ, Նաւ, Ամարիա, Երիմոթ, Աբիու, Անաթոթ եւ Ելմեթմ:
9. սրանք բոլորը Բոքորի որդիներն էին, իրենց տոհմերի քաջագուն իշխանները, եւ նրանց թիւը քսան հազար երկու հարիւր էր:
10. Աբդիելի որդին էր Բաղաանը, Բաղաանի որդիները՝ Յեոս, Բենիամին, Աւող, Զանաան, Եդան, Թարսիս եւ Աքիսաար:
11. Սրանք բոլորը Աբդիելի որդիներն էին, իրենց տոհմի քաջագուն իշխանները, որոնք քաջութեամբ պատերազմի էին ելնում, եւ որոնց թիւը տասնեօթը հազար երկու հարիւր էր:
12. Նաեւ Սափիմ ու Աբիմ: Սորայի որդին էր Սոբուն, սրա որդին՝ Յաթերը:
13. Նեփթաղիմի որդիները՝ Յասիել, Գոնի, Սահառ, Սելլում: Նեփթաղիմի մայրը Բալլան էր:
14. Մանասէի որդին էր Եսրիելը, որին ծնել էր Մանասէի ասորի հարճը, եւ որը ծնել էր նաեւ Գաղաադի հօրը՝ Մաքիրին:
15. Մաքիրը կին գտաւ Յափինի, նաեւ Սեփոնի համար: Մաքիրի քրոջ անունն էր Սոոքա: Մաքիրը երկրորդ որդի ունեցաւ, որի անունն էր Սափաադ: Սափաադը ծնեց միայն դուստրեր:
16. Մաքիրի կին Սոոքան որդի ծնեց եւ անունը դրեց Փարես:
17. Սրա եղբօր անունն էր Սորոմ, իսկ սրա որդու անունը՝ Ուղամա: Ուղամայի որդին էր Բադիմը:
18. Սրանք են Մանասէի որդի Մաքիրի որդի Գաղաադի որդիները: Նրա քոյր Մալեքեթը ծնեց Էսուդին, Աբիեզերին եւ Մոողային:
19. Սեմիի որդիներն էին Այինը, Սիւքեմը, Ղակէիան եւ Անիամը:
20. Եփրեմի որդին՝ Մեսթադա, սրա որդին՝ Բարադ, սրա որդին՝ Թաաթ, սրա որդին՝ Եղիադ, սրա որդին՝ Նոմեէ, սրա որդին՝ Չարեդ,
21. սրա որդին՝ Սոթել, սրա որդին՝ Եզեր, սրա որդին՝ Եղեադ: Սրանց սպանեցին այդ երկրում ծնուած գեթացիները, քանզի սրանք եկել էին իրենց անասունները խլելու:
22. Նրանց հայր Եփրեմը բազում օրեր սուգ արեց: Եկան նրա եղբայրները նրան մխիթարելու:
23. Նա պառկեց իր կնոջ հետ, սա յղիացաւ ու ծնեց որդի, որի անունը դրեց Բարիա, քանզի ասում էր, թէ՝ Չար ժամանակ ծնուեց իմ տանը:
24. Եփրեմի դուստրն էր Սառան: Սառան մնացած իր մարդկանց հետ շինեց ներքին եւ վերին Բեթորոնը:

25. Օգանի որդին էր Սէերան,
26. սրա որդիները՝ Հռափայէ եւ Հռասէթ, սրա որդին՝ Թաղէ, սրա որդին՝ Չոռդա, սրա որդին՝ Թաան,
27. սրա որդին՝ Ամիուդ, սրա որդին՝ Եղիսամա,
28. սրա որդին՝ Նուն, եւ սրա որդին՝ Յեսու: Նրանց կալուածքներն ու բնակավայրը Բեթելում էին, Բեթելի գիւղերը արեւելեան մասում էին գտնուում: Դրանք են. Գազերն իր գիւղերով, Սիւքէմն իր գիւղերով մինչեւ Գազա ու դրա գիւղերը,
29. մինչեւ Մանասէի որդիների սահմանները, Բեթսանն իր գիւղերով, Թանաքն իր գիւղերով, Գաղաադն իր գիւղերով, Մակեդոն իր գիւղերով եւ Դորն իր գիւղերով: Այնտեղ բնակուեցին Խորայելի որդի Յովսէփի որդիները:
30. Ասերի որդիները՝ Յեսնա, Յասուր, Յեսովա, Յեսու, Աբարիա եւ Նրանց քոյր Սարա:
31. Աբարիայի որդիները՝ Քաբեր եւ Մելքիել. սա Չեբեթի հայրն է:
32. Քաբերը ծնեց Յափաղէտին, Սոմերին, Քոթամին եւ սրանց քոյր Սողամին:
33. Յափաղէտի որդիները՝ Թեսեքի, Բամայել եւ Ասիթ: Սրանք էին Յափաղէտի որդիները:
34. Սոմերի որդիները՝ Աքիու, Հռաադա, Օբդա, Արամ:
35. Սոփարի եղբայր Ելամի որդիները՝ Յամանա, Սեղէս եւ Ամաադ:
36. Սոփարի որդիները՝ Առնափար, Սուադ, Բարի, Յեմրա,
37. Բասար, Օդ, Սեմա, Սադիսա, Յեթեր եւ Բեերա:
38. Յեթերի որդիները՝ Յափինա, Փասփա եւ Արա:
39. Օդի որդիները՝ Օրեք, Անիել եւ Հռայիել:
40. Սրանք բոլորը Ասերի որդիներն են, բոլորը տոհմերի իշխաններ ու պետեր, ընտիր քաջագուններ, իշխաններ եւ առաջնորդներ: Պատերազմի պատրաստ Նրանց մարդկանց թիւը քսանվեց հազար էր:

1. Բենիամինը առաջինը ծնեց Բաղէին, երկրորդը՝ Ասբէղին, երրորդը՝ Արային, չորրորդը՝ Նովային, հինգերորդը՝ Հռափային:
2. Բաղէի որդիներն էին
3. Արեղը, Գերան, Աբիուղը,
4. Աբիսուէն, Նեւմանը, Գերան,
5. Սոփանը, Քիրամը եւ Սովիմը:
6. Սրանք են Օդի որդիները, եւ սրանք են տոհմերի իշխանները, որ բնակուում էին Գաբայում եւ գերեվարուեցին դէպի Մանաքաթ:
7. Նաեւ՝ Նեւման, Աքիան եւ Գերան՝ նոյն ինքը Եզդամը, որը ծնեց Օգային ու Աքիադին:
8. Եւ Գաարիմը նրան տեղ հասցնելուց յետոյ ծնեց Մովամին, Օսիմին ու Բաարային:
9. Նրա կին Ադան ծնեց Յոբաբին, Սաբիային, Մոսային, Մեղքամին,
10. Յեուսին, Սեբիային եւ Մարմային:
11. Սրանք Յոսիմից սերուած տոհմերի իշխաններն են: Մեսիմը ծնեց Աքիտոբին եւ Աղփադային:
12. Աղփադայի որդիները՝ Օւէտ, Միսայել, Սեմեր (որ կառուցեց Օնոդն ու Ղոդը եւ նրա գիւղերը), Բարիգա ու Սամա:
13. Սրանք են Եղամում բնակուող տոհմերի իշխանները, որ դուրս քշեցին Գեթի բնակիչներին:
14. Նրանց եղբայրները՝ Մոսէք, Յարիմաթ,
15. Աղաբադիա, Արոդ, Յադեր,
16. Միքայել, Յեսփաք, Յովաքա եւ Յեզիաս: Բարիադայի որդիներն են
17. Չաբդաիան, Մոքոդամը, Ազակին, Աբարը,
18. Յեսամարին, Եսիեղան եւ Յոբաբը: Եղփադի որդիներն են
19. Յաքիմը, Չեքրին, Չաբդին,
20. Եդիոնէն, Սադթին, Ելիէլը,
21. Ադաիան, Բերիգան, Բարեան եւ Սամարիամը: Ամարիայի որդիներն են
22. Յեսփանը, Օբեղը, Ելիէլը,
23. Աբդոնը, Մեքրին, Անանը,
24. Անանիան, Ամբրին, Աեղամը, Անաթոթիան,
25. Աթինը, Յեփադիան եւ Փանուէլը: Սոսեկի որդիներն են
26. Սամերիան, Սարայիան, Գոթողիասը,
27. Արասիասը, Հեդիասը, Չեքրին եւ Երոմի որդիները:
28. Սրանք տոհմերի իշխաններն են, Երուսաղէմում բնակուող իրենց սերնդի առաջնորդները:
29. Գաբաւոնի հայրը բնակուեց Գաբաւոնում: Նրա կնոջ անունն էր Մաաքա:
30. Նրա որդիները՝ անդրանիկը՝ Սաբդոն, ապա՝ Յեսուր, Կիս, Բաղաամ, Ներ, Նաբադ
31. եւ Գեդուր. սրա եղբայրներն էին Չաքուրն ու Մադողոթը, որը ծնել էր Սամաային:
32. Սրանք բնակուեցին Երուսաղէմում, իրենց եղբայրների դիմաց, իրենց եղբայրների հետ:
33. Ները ծնեց Կիսին. Կիսը ծնեց Սաւուղին. Սաւուղը ծնեց Յովնաթանին, Մեղքիսաւէին, Ամիսադաբին եւ Իսմայէլին:
34. Յովնաթանը ծնեց Մեմփիբաադին. Մեմփիբաադը ծնեց Միքային:
35. Միքայի որդիներն են Փիդոնը, Մադոքը, Թարէն եւ Քաազը:
36. Քաազը ծնեց Յովիդային. Յովիդան ծնեց Գաղեմաթին, Ազոթին, Չամարիային:
37. Չամարիան ծնեց Մեսսային. Մեսսան ծնեց Բաանային:
38. Սրա որդին է Հռափեան, սրա որդին՝ Եղէասը, սրա որդին՝ Եսէլը: Եսէլը վեց որդի ունէր, որոնց անուններն են. անդրանիկինը՝ Եզրիկամ, ապա՝ Բոքերու, Իսմայել, Սարաիաս, Արդիաս, Անան:
39. Սրանք բոլորը Եսէլի որդիներն էին: Նրա եղբայր Եսեղկանի որդիները՝ անդրանիկը՝

Ուղամ, Երկրորդը՝ Աւաս, Երրորդը՝ Եղիփաղէտ:

40. Եղկամի որդիները քաջագուն, աղեղնաւոր մարդիկ էին, որոնք բազմացրին իրենց որդիներին ու որդիների որդիներին: Նրանց թիւը հասաւ հարիւր իննսուն հոգու: Սրանք բոլորը Բենիամինի որդիներից ծնուեցին:

1. Իսրայելի բոլոր ցեղերը, իրենց մեղքերի համար Բաբելոն տարաբնակեցուածներով հանդերձ, գրանցուած են Իսրայելի ու Յուդայի երկրի թագաւորների գրքերում:
2. Իսրայելի քաղաքներում իրենց կալուածքների առաջին բնակիչները քահանաներն ու ղեւտացիներն էին:
3. Երուսաղէմում բնակուեց Յուդայի որդիների, Բենիամինի որդիների եւ Եփրեմի ու Մանասէի որդիների մի մասը:
4. Նաեւ Յուդայի որդի Փարեսի որդի Ամարիի որդի Ամիուքի որդի Գոթին,
5. Սեղումի որդիներից՝ Նրա անդրանիկ որդի Ասեան ու սրա որդիները,
6. Չարայի որդիներից՝ Յէիելը եւ Նրա եղբայրները՝ ընդամենը վեց հարիւր իննսուն հոգի,
7. Բենիամինի որդիներից՝ Ասանուի որդի Դովիայի որդի Մոսոմի որդի Սաղոմը,
8. Յերեմի որդի Յեբնան, Սոքորի որդի Օգիայի որդի Եղամը, Յեբանի որդի Ռագուէլի որդի Սափատի որդի Մասաղամը
9. եւ Նրանց եղբայրներն ըստ իրենց ցեղերի՝ ընդամենը ինը հարիւր յիսունվեց մարդ:
- Սրանք բոլորն էլ իրենց տոհմերի պետեր էին՝ իւրաքանչիւրն ըստ իր ընտանիքի:
10. Քահանաներից՝ Յոդայէն, Յովաբիբը, Աքիւնը,
11. Աստծու տան առաջնորդ Աքիտոբի որդի Մարիոթի որդի Սադուկի որդի Մոսողոմի որդի Զեդկիի որդի Ազարիասը,
12. Զեդկիի որդի Փասուրի որդի Յերեմի որդի Օբէիասը, Մոսողոմի որդի Եզրի որդի Ադիէլի որդի Մասէն, Ասերի որդի Ղաամոթը
13. եւ Նրանց եղբայրները, որոնք, թուով ընդամենը հազար եօթը հարիւր իննսուն հոգի, իրենց տոհմատների իշխաններն էին եւ Աստծու տան սպասաւորութեան գործում հմուտ մարդիկ էին:
14. Ղեւտացիներից բնակուում էին Մերարիի թոռ Ասաբիայի որդի Եզրիկամի որդի Ասոբի որդի Սամաան,
15. Բագբագը, Արեսը, Գողէղը եւ Ասափի որդի Չէքրիի որդի Միքայի որդի Մաթանիասը,
16. Իդիթոնի որդի Գողաղի որդի Սամեայի որդի Օբէիասը, Նետոփատացիների գիւղերում բնակուող Եղկանայի որդի Ասայի որդի Բարաքիասը,
17. դռան պահապաններ Սալլումը, Ակուբը, Տեղմանը, Եմանը եւ Նրանց եղբայրները, ընդ որում Սալլումը իշխան էր:
18. Սրանք մինչեւ այսօր պահպանում են թագաւորի դռան արեւելեան կողմը, այսինքն՝ Ղեւիի որդիների գնդերի դռները:
19. Նաեւ Կորիսի որդի Աբիսափի որդի Կորէի որդի Սաղոմն ու Նրա հօրական տնից եղբայրները, կորիսացիները սպասաւորութեան գործի վրայ էին. Նրանք պահպանում էին վրանի շէմը. իրենք եւ իրենց հայրերը Տիրոջ բանակատեղիի մուտքի պահապաններն էին:
20. Եղիազարի որդի Փենէեւը Նրանց իշխանն էր Տիրոջ առջեւ, եւ սրանք Նրա հետ էին:
21. Մոսողոմի որդի Չաքարիասը վկայութեան խորանի դռան պահապանն էր:
22. Դռան պահապանութեան համար ընտրուածները երկու հարիւր տասներկու հոգի էին: Սրանք իրենց սրահներում էին մնում, եւ այդ էր Նրանց թիւը: Դաւիթն ու տեսանող Սամուէլն էին նշանակել Նրանց իրենց հաւատարմութեան համար:
23. Սրանք եւ իրենց որդիները նշանակուել էին Տիրոջ տան՝ խորանի տան դռների վրայ, որ պահպանեն
24. դռները չորս կողմից՝ արեւելքից, ծովի կողմից, հիւսիսից ու հարաւից:
25. Նրանց եղբայրները մնում էին իրենց սրահներում եւ ամէն եօթը օրը մէկ, ժամանակ առ ժամանակ մտնում էին Նրանց մօտ,
26. քանզի չորս զօրեղ հաւատարիմ մարդկանց էր վստահուած դռների պահպանութիւնը: Ղեւտացիներն էին, որ նշանակուած էին շտեմարանների եւ Աստծու տան գանձերի վրայ, որովհետեւ Նրանց էր յանձնարարուած պահպանութիւնը,
27. Նրանց էին վստահուած բանալիները, ուստի Նրանք էին ամէն առաւօտ բաց անում



տաճարի դռները:

28. Նրանցից ոմանք նշանակուած էին պաշտամունքի սպասքի վերակացուներ, որ հաշուով բերեն սպասքը ու հաշուով էլ տանեն:

29. Նրանցից ոմանց յանձնուած էր սրբազան կահկարասիի, ընտիր ալիւրի, գինու, իւղի, կնդրուկի եւ այլ խնկերի հսկողութիւնը:

30. Զահանաների որդիներից ոմանք իւղ եփողներ եւ խունկ պատրաստողներ էին:

31. Ղեւտացիներից Մատաթիասը, որը կորիսացի Սաղոմի անդրանիկ որդին էր, պետք է կատարէր զոհաբերութեան եւ քահանայապետի տապակի հսկողութիւնը:

32. Կահաթացի Բանեասը իր եղբայրների միջից առաջաւորաց հացի վերակացու էր կարգուած. նա ամէն շաբաթ պետք է պատրաստէր այն:

33. Սրանք սաղմոսերգուներ էին, ղեւտացիների տոհմերի իշխաններ, որոնց յանձնարարուած էր օրուայ սպասաւորութիւնը: Սրանք օր ու գիշեր գործի վրայ էին:

34. Սրանք ղեւտացիների տոհմերի իշխաններն էին, ամէն մէկն իր ցեղի իշխանը: Սրանք բնակուեցին Երուսաղէմում:

35. Գաբաւոնի հայրը՝ Յէլը, բնակուեց Գաբաւոնում: Նրա կնոջ անունն էր Մոռքա:

36. Նրա անդրանիկ որդին էր Աբդոնը, իսկ միւսների անուններն էին՝ Յասիր, Կիս, Բաադ, Ներ, Նաբադ,

37. Գեդուր: Չաքուրի եղբայրներն էին Այիոնը, Չէքրին ու Մակեդոթը:

38. Մակեդոթը ծնեց Սամաային, եւ սրանք իրենց եղբայրների մէջ ու իրենց եղբայրների հետ բնակուեցին Երուսաղէմում:

39. Ները ծնեց Կիսին. Կիսը ծնեց Սաւուղին. Սաւուղը ծնեց Յովնաթանին, Մեղքիսաւէին, Ամինադաբին ու Բաադին:

40. Յովնաթանի որդի Մեմփիբաաղը ծնեց Միքային:

41. Միքայի որդիներն էին Փիոնը, Մադոքն ու Թարան:

42. Բաաղը ծնեց Յովադային. Յովադան ծնեց Գաղեմոթին ու Ազեմոթին. Չամրին ծնեց Մասային.

43. Մասան ծնեց Բանարին: Սրա որդին էր Ափան, սրա որդին՝ Եղէասարը, եւ սրա որդին՝ Եսսէլը: Եսսէլի որդիները վեցն էին:

44. Ահա նրանց անունները. անդրանիկը՝ Եզրիկամ, ապա՝ Իսմայել, Սարիա, Աբդիա, Ամարիա եւ Անան: Սրանք են Եսսէլի որդիները:

1. Այլազգիները պատերազմեցին խորայելացիների դեմ, որոնք փախան այլազգիների առջեւից եւ սպանուած ընկան Գեղբուա լեռների վրայ:
2. Այլազգիները հետապնդեցին Սաւուղին ու Նրա որդիներին: Այլազգիները սպանեցին Յովնաթանին, Ամինադաբին եւ Մեղքիսաւէին՝ Սաւուղի որդիներին:
3. Պատերազմում պարտութիւն կրեց Սաւուղը՝ նետերով խոցուած. նա նետահար էր եղել:
4. Սաւուղն ասաց իր կապարճակրին. Հանի՛ր սուրդ եւ դրանով սպանի՛ր ինձ: Զլինի, թէ անթլփատները գան ու անարգանքի ենթարկեն ինձ: Կապարճակիրը չուզեց այդ անել, քանզի շատ վախեցել էր: Այն ժամանակ Սաւուղն առաւ սուրը եւ ընկաւ դրա վրայ:
5. Երբ Նրա կապարճակիրը տեսաւ, որ Սաւուղը մեռաւ, ինքն էլ իր սրի վրայ նետուեց ու մեռաւ:
6. Այդ օրը մեռան Սաւուղն ու իր որդիները. Նրա ամբողջ ընտանիքը միաժամանակ մեռաւ:
7. Երբ հովտում գտնուող բոլոր խորայելացիները տեսան, թէ խորայելացիները փախել են, իսկ Սաւուղն ու Նրա որդիներն սպանուել, թողեցին իրենց քաղաքները եւ փախան, իսկ այլազգիները եկան ու բնակուեցին Նրանց քաղաքներում:
8. Հետեւեալ օրը եկան այլազգիները, որ կողոպտեն սպանուածներին: Նրանք գտան Գեղբուա լեռան վրայ սպանուած Սաւուղին ու Նրա որդիներին,
9. մերկացրին Նրան, տարան գլուխն ու զէնքերը եւ ուղարկեցին այլազգիների երկիրը, որ ամէն տեղ աւետիս տան իրենց կուռքերին ու ժողովրդին:
10. Նրա զէնքերը դրեցին իրենց աստծու տանը, իսկ գլուխը՝ Դագոնի տանը:
11. Գաղաադում բնակուող բոլոր մարդիկ լսեցին, թէ ինչ էին արել այլազգիները Սաւուղի եւ խորայելացիների նկատմամբ:
12. Բոլոր քաջարի մարդիկ ելան Գաղաադից եւ առնելով Սաւուղի ու Նրա որդիների մարմինները՝ բերեցին Յաբիս ու Նրանց ոսկորները թաղեցին Յաբիսում գտնուող կաղնու տակ ու եօթը օր ծոմ պահեցին:
13. Սաւուղը մեռաւ իր այն անօրէնութիւնների պատճառով, որ գործել էր Տիրոջ դէմ, Տիրոջ խօսքը չպահելով՝ վիուկներից խորհուրդ էր հարցրել, փոխանակ Տիրոջը խնդրելու: Նրան դէմ էր կանգնել Սամուէլ մարգարէն:
14. Տերը սպանել էր Նրան ու թագաւորութիւնը վերադարձրել Յեսսէի որդի Դաւթին:

1. Բոլոր խորայելացիները Քեբրոն, Դաւթի մօտ գալով՝ ասացին. Ահաւասիկ, մենք քո ոսկորն ու քո մարմինն ենք:
2. Անցեալում, մինչ Սաւուղն արքայ էր, դու էիր հովուութիւն անում Իսրայելին: Եւ քո Տէր Աստուածը քեզ ասաց. Դո՛ւ պիտի հովուես Իսրայելի իմ ժողովրդին, դո՛ւ պիտի լինես Իսրայելի առաջնորդը:
3. Եկան Իսրայելի բոլոր ծերերը արքայի մօտ, Քեբրոն, ու Դաւիթը Տիրոջ առջեւ նրանց հետ ուխտ դրեց Քեբրոնում: Նրանք Դաւթին Իսրայելի թագաւոր օծեցին ըստ Տիրոջ այն խօսքերի, որ նա Սամուէլի միջոցով էր ասել:
4. Արքան ու նրա մարդիկ գնացին Երուսաղէմ, որ Յեբուսն է: Այնտեղ էին յեբուսացիները, որոնք այդ երկրի բնակիչներն էին:
5. Յեբուսի բնակիչներն ասացին Դաւթին. Դու այստեղ չպիտի մտնես: Իսկ նա գրաւեց Սիոնի ամրոցը, այսինքն՝ Դաւթի քաղաքը:
6. Դաւիթն ասաց. Ով յեբուսացիներին առաջինը կը սպանի, նա էլ իշխան ու զօրավար կը լինի: Սարուիիի որդի Յովաբը առաջինը ելաւ նրանց դէմ ու դարձաւ իշխան:
7. Դաւիթը նստեց ամրոցում եւ այդ պատճառով նա կոչեց այն Դաւթի քաղաք:
8. Նա շուրջանակի ամրացրեց այն քաղաքը, որ պատերազմելով էր գրաւել:
9. Դաւիթը գնալով հզօրանում էր, որովհետեւ ամենակալ Տէրը նրա հետ էր:
10. Սրանք են Դաւթի զօրքի այն հրամանատարները, որոնք նրա թագաւորութեան մէջ նրա հետ ու ամբողջ Իսրայելի հետ հզօրանում էին, եւ որոնք Տիրոջ ասածի համաձայն նրան Իսրայելի թագաւոր էին օծել:
11. Ահա Դաւթի հզօր մարդկանց անուանացանկն ու նրանց ու թիւը. Աքամանի որդի Իզբաամը՝ երեք զօրավարներից առաջինը: Սա էր, որ միայնակ իր սուրը բարձրացրեց երեք հարիւր հոգու դէմ եւ նրանց միաժամանակ սպանեց:
12. Նրանից յետոյ գալիս է աքուբացի Դոդայի որդի Եղեազարը: Սա երեք հզօրներից էր
13. եւ Փասասողոմում Դաւթի հետ էր: Այլազգիներն այստեղ էին հաւաքուել պատերազմի: Դաշտի մի մասը լի էր գարիով, եւ ժողովուրդը փախել էր այլազգիների առջեւից:
14. Նա եկել կանգնել էր այդ մասում եւ այն պաշտպանել: Երեք զօրավարները հարուածեցին այլազգիներին, եւ Տէրը մեծ փրկութիւն պարգեւեց իսրայելացիներին:
15. Երեսուն իշխաններից երեքը իջան Դաւթի մօտ, Օդողոմի քարայրի մօտերքում գտնուող ժայռի մօտ, իսկ այլազգիները բանակ էին դրել Հսկաների հովտում:
16. Դաւիթն այդ ժամանակ ամրոցում էր, իսկ այլազգիների զօրքը՝ Բեթղեհեմում:
17. Դաւիթը ծարաւը յագեցնել ցանկանալով՝ ասաց. Ո՞վ ինձ խմելու ջուր կը բերի Բեթղեհեմի ջրհորից, որը դարպասի մօտ է:
18. Եւ այդ երեք զօրավարները այլազգիների բանակը ճեղքելով՝ ջուր հանեցին Բեթղեհեմի դարպասի մօտ գտնուող ջրհորից, բերեցին Դաւթի մօտ, բայց Դաւիթը չուզեց խմել այն. նա այն Տիրոջը նուիրելով՝ ասաց.
19. Աստուած թող ինձ ների: Ինչպէ՞ս կարող եմ ես այդ բանն անել. դա պիտի նշանակէր խմել այդ մարդկանց արիւնը, քանի որ իրենց կեանքի գնով բերեցին այն: Եւ նա չուզեց խմել այդ ջուրը: Այս բանն արել էին այդ երեք զօրավարները:
20. Յովաբի եղբայր Աբեսսան երեքի գլխաւորն էր: Սա էր, որ միայնակ սուր էր բարձրացրել երեք հարիւր հոգու վրայ եւ նրանց միաժամանակ սպանել:
21. Սա անուանի էր երեքի մէջ: Սա անելի նշանաւոր էր, քան միւս երկուսը: Սա նրանց գլխաւորն էր, սակայն այն երեքի հետ չէր կարող մրցել:
22. Յովիդայի որդի Բանեասը հզօր մարդու որդի էր: Նա բազում գործեր էր արել Կասբէլում: Նա էր, որ սպանել էր Արիէլ Բանիայի երկու որդիներին: Մի ձիւնոտ օր նա իջել էր ու փոսի մէջ սպանել առիւծին:
23. Նա սպանել էր նաեւ հինգ կանգուն հասակ ունեցող մի աժդահայ եգիպտացի մարդու՝ զինուած ոստայնանկի գլանի չափ մեծ նիզակով: Բանեասը գաւազանով

յարձակուել էր նրա վրայ, եգիպտացու ձեռքից խլել նիզակը եւ նրա նիզակով էլ սպանել նրան:

24. Այս բանն արել էր Յովիդայէի որդի Բանեասը, որի անունն այդ երեք հզօր մարդկանց մէջ է:

25. Նա այս երեքի մէջ անելի նշանաւոր էր, սակայն այն երեքի հետ չէր կարող մրցել: Դաւիթը նրան իր տոհմի վերակացու կարգեց:

26. Սրանք էին զօրքի հզօր մարդիկ. Յովաբի եղբայր Ասայէլը, բերդեհեմացի Գողայի որդի Եղեանանը,

27. արորացի Սամոթը, փաղոնացի Աքիգեղէսը,

28. թեկուացու որդի Օրէն, անաթոթացի Աբիեզէրը,

29. ասոթացի Սոբաքը, օնացի Եղիաքը,

30. նետոփաթացի Մովարէն, նետոփաթացի Բաանի որդի Եղեաղը,

31. Բենիամինի բլրից Հռեփայի որդի Եթային, փարաթոնացի Բանեասը,

32. Նեքեղ բնակավայրից Ուրին, սարափթացի Գաասաբիէլը,

33. բարսամացի Ազամոթը,

34. գոթնացի Ասամի որդի սաղաբոնացի Եղիաբան,

35. արարացի Մադէի որդի Յովնաթանը, արարացի Աքարի որդի Աքիաբը, Օրի որդի Եղիբաաղը,

36. քուրաթացի Փերոմէն, փելոնացի Աքիան,

37. կարմելացի Ասարան, Ասբիայի որդի Նոարէն,

38. Նաթանի եղբայր Յովէլը, Ագարի որդի Մաբարը,

39. ամոնացի Սեղեկովը, Սարուէայի որդի Յովաբի կապարճակիր աբերոնացի Նաարը,

40. ուրեթացի Իրասը, հեթերացի Գաբեթը,

41. քետացի Ուրիասը,

42. Սեղքայի որդի Սոողի որդի Չաբաղը, որը Ռուբէնի ցեղից էր՝ երեսուն իշխանների գլխաւորը,

43. Մաաքայի որդի Անանը, մատթանացի Յոսափատը,

44. աստարոթացի Օգիասը, քոթանացու որդիներ Սամաան եւ Յեւեղը, որոնք արարացիներ էին,

45. Սամարիի որդի Յեդիէլն ու նրա եղբայր Յովազան, որոնք աթոսացիներ էին,

46. մաոնացի Յեդիէլը, Այիրաբն ու սրա որդին՝ Յոսէն, որոնք եղնամացիներ էին, մովաբացի Յեթեման, Ադիէլը, Օբեղը եւ Յասիէլը, որոնք մոսաթացիներ էին:

1. Սրանք են, որ եկան Դաւթի մօտ, Սիկեղակ, երբ Նրան դեռ նեղում էր Կիսի որդի Սաւուղը, եւ սրանք են այն հզօրները, որոնք պատերազմում օգնում էին Նրան
2. եւ թե՛ աջ, թե՛ ձախ ձեռքերով աղեղներով հարուածներ հասցնում եւ պարսատիկներով քարեր ու նետեր արծակում: Բենիամինից սերուած Սաւուղի եղբայրներից էին
3. իշխան Աքիեզերը, սաբամոթացի Սամայի որդի Յովասը, Ազմոթի որդիներ Յեզեէլն ու Ափաղետը, Բարաքիա եւ Յեուլ անաթացիները,
4. գաբաւոնացի Սամէասը, որը հզօր էր այն երեսունի մէջ եւ երեսունի գլխաւորն էր: Եկան նաեւ Յերեմիասը, Եզեկիէլը, Յովնանը, Չաբադը Գադերոնից,
5. Եղիսաղը, Յարիմուբը, Բաադիան, Սամարիան, Սափատիասը Արիբեղից,
6. Եղկանան, Յեսիայը, Ելիէլը, Յոգարայը, Յեզբաման, որոնք ակորացիներ էին,
7. Յովէլն ու Չաբադիան՝ գեղորացի Յերոմի որդիները:
8. Գաղաադից հեռանալով՝ անապատից Դաւթի մօտ եկան քաջագուն մարդիկ, որոնք, ռազմիկներ լինելով, կրում էին վահաններ ու աշտէներ: Նրանց դէմքը նման էր առիւծի դէմքի, իսկ արագաշարժութեամբ յիշեցնում էին լեռնային այծեամներ:
9. Եզերը իշխանն էր, Աբդիասը՝ երկրորդը, Եղիաբը՝ երրորդը,
10. Մասմանը՝ չորրորդը, Յերեմիասը՝ հինգերորդը,
11. Եթթին՝ վեցերորդը, Ելիէլը՝ եօթներորդը,
12. Յովնանը՝ ութերորդը, Եղզաբաբը՝ իններորդը,
13. Յերեմիասը՝ տասներորդը, Մաքաբանան՝ տասնմէկերորդը:
14. Սրանք Գադի որդիներից սերուած զօրահրամանատարներն էին. ամենափոքրը մի հարիւրեակ ուներ ձեռքի տակ, իսկ ամենամեծը՝ հազարեակ:
15. Սրանք են, որ անցան Յորդանան գետը առաջին ամսում, երբ ջրերը յորդել էին ափերից, եւ հալածեցին հովիտների բոլոր բնակիչներին արեւելքից մինչեւ արեւմուտք:
16. Դաւթին օգնութեան եկան նաեւ Բենիամինի ու Յուդայի ցեղի որդիները:
17. Դաւիթը ընդառաջ գնալով Նրանց՝ ասաց. Եթէ խաղաղութեամբ էք եկել ինձ մօտ, իմ սիրտը ձեզ հետ կը լինի, իսկ եթէ եկել էք, որ անհաւատարմօրէն ինձ մատնէք իմ թշնամիների ձեռքը, թող մեր հայրերի Աստուածը տեսնի ու դատապարտի ձեզ:
18. Եւ երեսնեակի հրամանատար Ամեսսան Հոգուց ներշնչուելով՝ ասաց. Յեսսէի որդի Դաւիթ, գնացե՛ք դու եւ քո ժողովուրդը, խաղաղութիւն քեզ եւ խաղաղութիւն քո օգնականներին, քանզի քո Աստուածը քեզ օգնեց: Դաւիթն ընդունեց Նրանց ու Նրանց զօրքի հրամանատարներ կարգեց:
19. Մանասէից սերուած մարդիկ էլ անցան Դաւթի կողմը, երբ այլազգիները Սաւուղի դէմ պատերազմի էին ելել, սակայն նա չօգնեց Նրանց, քանզի այլազգիների զօրագլուխները խորհրդակցելով՝ ասացին, թէ նա այս մարդկանց գլուխների գնով կ'անցնի իր տիրոջ՝ Սաւուղի կողմը:
20. Երբ նա Սիկեղակ էր գնում, նրա կողմն անցան Մանասէից սերուած Եղնան, Յոգաբադը, Եղիուն եւ Սաղթին՝ Մանասէից սերուած հազարապետները:
21. Նրանք Դաւթի հետ յարծակուեցին ասպատակողների վրայ, որովհետեւ իրենք ուժեղ էին, եւ ամենքն էլ զօրքի հրամանատարներ էին:
22. Այսպիսով օրեցօր Դաւթի մօտ էին գալիս Նոր ուժեր, մինչեւ որ Դաւթի բանակը Աստծու բանակի պէս հզօր դարձաւ:
23. Սրանք են զօրքի այն հրամանատարների անունները, որոնք եկան Դաւթի մօտ, Քեբրոն, որպէսզի, Աստծու ասածին համապատասխան, Սաւուղի թագաւորութիւնը յանձնեն Նրան:
24. Յուդայի ցեղի որդիներից սերուած վահանակիրներ ու նիզակակիրներ, վեց հազար ութ հարիւր հոգի, բոլորն էլ կորովի պատերազմողներ:
25. Եկան նաեւ Շմաւոնի որդիներից սերուած քաջարի պատերազմողներ, թուով եօթը հազար հարիւր հոգի,

26. Ղեկի որդիներից սերուածներ՝ չորս հազար վեց հարիւր հոգի:
27. Եկաւ նաեւ Յուդասը՝ Ահարոնի որդիների առաջնորդը, որի հետ կար երեք հազար եօթը հարիւր հոգի:
28. Նաեւ՝ երիտասարդ, քաջարի Սադոկն իր հօր տնից՝ քսաներկու հրամանատարներով:
29. Բենիամինի որդիներից՝ Սաւուղի եղբայրներից կար երեք հազար հոգի: Նրանցից շատերը Սաւուղի տան վերակացուներ էին:
30. Եփրեմի որդիներից՝ քսան հազար ութ հարիւր քաջագուն կտրիճներ, անուանի մարդիկ, ըստ իրենց տոհմատների:
31. Մանասէի կէս ցեղից՝ տասնութ հազար հոգի, որոնք անուանապէս նշանակուած էին, որ թագաւոր օծեն Դաւթին:
32. Իսաքարի որդիներից, որոնք իմաստնութիւնն ունէին ժամանակի համեմատ կռահելու, թէ ինչ պէտք է անի Իսրայէլը իշխանութեան հարցերում, եկան երկու հարիւր հոգի, իրենց բոլոր եղբայրների հետ:
33. Չաբուղոնից սերուածներից, որոնք ամէն տեսակ զէնքերով պատերազմի գնացողներ էին, եկան յիսուն հազար հոգի, որ օգնեն Դաւթին: Սրանցից ոչ մէկը ձեռնունայն չէր:
34. Նեփթաղիմից սերուածներից եկան հազար հրամանատարներ, որոնց հետ կային երեսուն հազար վահանաւորներ եւ նիզակակիրներ,
35. Դանից սերուածներից՝ պատերազմի պատրաստ քսանութ հազար ութ հարիւր հոգի:
36. Ասերից սերուածներից՝ ռազմի ելնելու ընդունակ քառասուն հազար հոգի,
37. Յորդանան գետի այն կողմում գտնուող Ռուբէնի ցեղից, Գադի ցեղից եւ Մանասէի կէս ցեղից սերուածներից՝ ամէն տեսակ ռազմական զէնքերով զինուած հարիւր քսան հազար հոգի:
38. Պատերազմող, մարտի պատրաստ, ուրախ սրտով այս բոլոր մարդիկ եկան Քեբրոն, որ Իսրայէլի թագաւոր օծեն Դաւթին: Մնացած իսրայէլացիներն էլ միահամուռ համաձայն էին, որ Դաւիթը դառնայ թագաւոր:
39. Նրանք այնտեղ մնացին երեք օր, կերան ու խմեցին, որովհետեւ իրենց իսրայէլացի եղբայրները պատրաստութիւն էին տեսել նրանց համար:
40. Նրանց մերձաւորները, մինչեւ իսկ Իսաքարի, Չաբուղոնի եւ Նեփթաղիմի ցեղերը, ուղտերով, էշերով, ջորիներով ու եզներով ուտելիք՝ ալիւր, թուզ, չամիչ, գինի, ձէթ եւ շատ զուարակներ ու ոչխարներ էին բերում, որովհետեւ ուրախութիւն էր Իսրայէլում:

1. Դաւիթը խորհրդակցեց հազարապետների ու հարիւրապետների եւ բոլոր իշխանների հետ:
2. Դաւիթն ասաց հաւաքուած բոլոր իսրայելացիներին. Եթէ գտնում էք, որ սա բարի գործ է ձեզ համար, եւ մեր Տէր Աստուածն է մեզ յաջողութիւն պարգեւել, մարդ ուղարկենք Իսրայելի բոլոր կողմերում մնացած մեր եղբայրներին, որ իրենց քաղաքներում ու կալուածքներում ապրող քահանաներն ու ղեւտացիները գան մեզ մօտ ժողովի,
3. մեզ մօտ բերենք մեր Աստծու տապանակը, քանզի Սաւուղի ժամանակներից ի վեր այդ հարցով չգբաղուեցին:
4. Բոլոր հաւաքուածներն ասացին. Այդպես անենք. որովհետեւ ժողովուրդն այս խօսքերը արդարացի համարեց:
5. Դաւիթը բոլոր իսրայելացիներին հաւաքեց Եգիպտոսի սահմաններից սկսած մինչեւ Եմաթ, որ Աստծու տապանակը տանեն Յարիմ քաղաքից:
6. Դաւիթը հանել տուեց այն, եւ ամբողջ Իսրայելը գնաց Յուդայի երկրում գտնուող Դաւթի քաղաքը, որ այնտեղից բերեն Տէր Աստծուն՝ քերովբէների վրայ տեղադրուած տապանակը: Եւ Տէր Աստծու անունը գրուած է այդ տապանակի վրայ:
7. Աստծու տապանակը դրեցին Ամինադաբի տնից բերուած մի նոր սայլի վրայ, եւ Օգան ու նրա եղբայրները քշում էին սայլը:
8. Դաւիթն ու բոլոր իսրայելացիները եռանդագին պարում էին Աստծու առջեւ, սաղմոսներ երգելով, տաւիղներով, քնարներով, փողերով, թմբուկներով ու ծնծղաներով:
9. Նրանք եկան մինչեւ Քելունի կալը, եւ Օգան ձեռքը մեկնեց, որ բռնի տապանակը, որովհետեւ եզը տեղից չարժել էր այն:
10. Տէրը խիստ զայրացաւ Օգայի վրայ ու սպանեց նրան, որովհետեւ համարձակուել էր իր ձեռքը մեկնել տապանակին: Նա տեղնուտեղը մեռաւ Աստծու առաջ:
11. Դաւիթը տրտմեց, քանզի Տէրը մահացու հարուածել էր Օգային:
12. Այդ վայրը մինչեւ այսօր կոչւում է Օգայի հարուած: Այդ օրը Դաւիթը Աստծուց վախենալով՝ ասաց. Ես ինչպէ՞ս Աստծու տապանակն ինձ մօտ տանեմ:
13. Եւ Դաւիթը տապանակն իր մօտ՝ Դաւթի քաղաքը չփոխադրեց, այլ ճանապարհը շեղեց ու տարաւ քետացի Աբեդոդարի տունը:
14. Աստծու տապանակը երեք ամիս մնաց Աբեդոդարի տանը, եւ Աստուած օրհնեց Աբեդոդարին եւ այն ամենը, ինչ նա ուներ:

1. Տիւրոսի արքայ Քիրամը Դաւթի մօտ ուղարկեց դեսպաններ, մայրի փայտ, որմնադիրներ ու ատաղձագործներ, որ տուն շինեն նրա համար:
2. Դաւիթը հասկացաւ, որ Տէրն է իրեն ընտրել Իսրայելի վրայ իշխելու համար, քանզի Իսրայելի ժողովրդի համար նրա թագաւորութիւնը հզօրացել էր:
3. Դաւիթն այլ կանայք եւս առաւ Երուսաղէմում, որոնցից ծնունցին ուրիշ տղաներ ու աղջիկներ:
4. Ահա անունները նրանց, որոնք ծնունցին Երուսաղէմում. Սամաաս, Սոբաբ, Նաթան, Սողոմոն,
5. Յեբաար, Ելիսաւ, Ելիփաղէտ,
6. Նազեթ, Նափատ, Յափիէ,
7. Ելիսամա, Բաղիադա եւ Ելիփաղատ:
8. Երբ այլազգիներն իմացան, թէ Դաւիթը ամբողջ Իսրայելի վրայ թագաւոր է օծուել, ելան Դաւթին գտնելու: Դաւիթն այդ լսելով՝ նրանց դիմաց ելաւ:
9. Եկան նաեւ այլազգիները, եւ նրանք միմեանց հանդիպեցին Հսկաների հովտում:
10. Դաւիթն Աստծուն հարցրեց՝ ասելով. Յարձակուե՞մ այլազգիների վրայ, դու նրանց իմ ձեռքը կը մատնե՞ս: Տէրը նրան ասաց. Յարձակուի՛ր, եւ ես նրանք քո ձեռքը կը մատնեմ:
11. Դաւիթը ելաւ գնաց Բաաղփարասին եւ կոտորեց նրանց: Դաւիթն ասաց. Աստուած իմ թշնամիներին ջախջախեց իմ ձեռքով, պատառոտեց նրանց, ինչպէս ջրերն են պատառոտուում: Սրա համար էր, որ այդ տեղը կոչուեց Բաաղփարասին, այն է՝ Փարասինի պատռուածք:
12. Նրանք իրենց աստուածներին այնտեղ թողեցին, եւ Դաւիթը պատուիրեց դրանք հրով այրել:
13. Այլազգիները կրկին յարձակուեցին, եւ նրանք իրար հանդիպեցին Հսկաների հովտում:
14. Դաւիթը դարձեալ հարցրեց Աստծուն, եւ Աստուած նրան ասաց. Մի՛ գնա նրանց յետեւից, շո՛ւռ արի եւ նրանց թո՛ղ տանձենիների մօտ:
15. Երբ տանձենիների կատարների շարժման ձայն լսես, այն ժամանակ ելի՛ր պատերազմի, քանզի Աստուած քո առջեւից գնալով՝ կոտորելու է այլազգիների բանակը:
16. Դաւիթն արեց այնպէս, ինչպէս Աստուած պատուիրել էր նրան, եւ նա կոտորեց այլազգիների բանակը Գաբաթոնից մինչեւ Գազերա:
17. Դաւթի անունն ամբողջ երկրում հռչակուեց, եւ Տէրը նրա երկիւղը տարածեց բոլոր ազգերի վրայ:



1. Դաւիթն իր համար տներ կառուցեց Դաւթի քաղաքում, իսկ Աստծու տապանակի համար տեղ պատրաստեց, դրա համար վրան կանգնեցրեց:
2. Այն ժամանակ Դաւիթն ասաց. Ոչ ոք իրաւունք չունի վերցնելու Աստծու տապանակը, բացի ղեւտացիներից, որովհետեւ Տէրն է նրանց ընտրել իր տապանակը կրելու եւ նրա առաջ յաւիտեան ծառայելու համար:
3. Եւ Դաւիթը բոլոր իսրայէլացիներին հաւաքեց Երուսաղէմում, որ Տիրոջ տապանակը դրա համար պատրաստուած տեղը բերեն:
4. Դաւիթը հաւաքեց Ահարոնի որդիներին ու ղեւտացիներին.
5. Կահաթի որդիներից՝ Ուրիել իշխանին եւ նրա հարիւր քսան ցեղակից եղբայրներին,
6. Մերարիի որդիներից՝ Սայիաս իշխանին եւ նրա երկու հարիւր յիսուն ցեղակից եղբայրներին,
7. Գերսոնի որդիներից՝ Յովել իշխանին եւ նրա հարիւր երեսուն ցեղակից եղբայրներին,
8. Ելիսափանի որդիներից՝ Սամայիաս իշխանին եւ նրա երկու հարիւր ցեղակից եղբայրներին,
9. Զեբրոնի որդիներից՝ Ելիել իշխանին եւ նրա ութսուն ցեղակից եղբայրներին,
10. Օզիելի որդիներից՝ Ամինադաբ իշխանին եւ նրա հարիւր տասներկու ցեղակից եղբայրներին:
11. Դաւիթը կանչեց Սադոկ ու Աբիաթար քահանաներին ու ղեւտացիներին՝ Ուրիելին, Ասայիասին, Յովելին, Սամայիասին, Ելիելին, Ամինադաբին
12. Եւ ասաց նրանց. Դուք ղեւտացիների տոհմերի իշխաններն էք, մաքրուեցէ՛ք դուք ու ձեր եղբայրները եւ Աստծու տապանակը բերէ՛ք այն տեղը, որ դրա համար պատրաստել եմ:
13. Չէ՞ որ առաջին անգամ Աստուած մեզ մահացու հարուած հասցրեց այն պատճառով, որ դուք այնտեղ չէիք: Յիրաւի, մենք տապանակի հետ չէինք վարուել, ինչպէս կարգն է:
14. Քահանաներն ու ղեւտացիները մաքրուեցին, որ բերեն Իսրայելի Աստծու տապանակը:
15. Ղեւտացիների որդիները վերցրին Աստծու տապանակը՝ դրա բռնակները դնելով իրենց ուսերին, ինչպէս Մովսէսն էր գրաւոր պատուիրել ըստ Աստծու ասածի:
16. Դաւիթն ասաց ղեւտացիների իշխաններին. Ձեր եղբայրներին ասացէ՛ք, որ սաղմոսներ երգեն նուագարաններով, քնարներով, սրինգներով ու ծնծղաներով, որ ուրախութեան ձայներ առաքեն դէպի վեր:
17. Եւ ղեւտացիները առանձնացրին Յովելի որդի Նամանին ու նրա եղբայրներից Բարաքիայի որդի Ասափին ու նրա եղբայր Մերարիի որդիներից Կիսի որդի Եթանին:
18. Ապա նրանց հետ իրենց երկրորդ դասի եղբայրներ Չաքարիասին, Յովելին, Սեմիրամոթին, Ելին, Անանիասին, Եղիաբին, Բանեասին, Մասեասին, Մատաթիասին, Ելիբադային, Մակեդիասին, Աբեդոմին, Յեւլին եւ Օզիասին, որոնք դռնապաններ էին:
19. Աման, Ասափ եւ Եթան նուագածուները թնդացնում էին պղնձե նուագարանները:
20. Չաքարիասը, Օզիելը, Սեմիրամոթը, Ելիելը, Անանիասը, Եղիաբը, Մասեասը եւ Նաթայիասը քնար էին ածում ըստ Աղեմոթի:
21. Մատաթիասը, Ելիփադատը, Մակեդիան, Աբեդոմը, Յեւելը եւ Օզիասը սրինգ էին նուագում ըստ Սենեթիասի՝ բարձր ձայն հանելու համար:
22. Ղեւտացիների իշխան Քոնենիասը երգեցողութիւնն էր ղեկավարում, քանգի քաջահմուտ էր:
23. Բարաքիասն ու Եղկանան տապանակի դռնապաններն էին:
24. Սոբենիաս, Յոսափատ, Նաթանիել, Աման, Չաքարիաս, Բանեաս եւ Ելիեզեր քահանաները Աստծու տապանակի առջեւից գնալով՝ շեփորներ էին հնչեցնում, իսկ Աբեդոմը եւ Յեիասը Աստծու տապանակի դռներն էին պահպանում:
25. Դաւիթը, Իսրայելի ծերերն ու հազարապետները գնացին, որ Տիրոջ ուխտի

տապանակը ուրախութեամբ հանեն Աբեղդարի տնից:

26. Երբ Աստուած ուժ տուեց իշխաններին, որ սրանք կարողանան կրել Տիրոջ ուխտի տապանակը, եօթը զուարակ եւ եօթը խոյ զոհաբերուեցին:

27. Դաւիթը բեհեզէ պատմութեան էր հագել: Բոլոր ղեւտացիներն ու սաղմոսերգուները բարձրացրին Տիրոջ ուխտի տապանակը, իսկ Քոնենիասը երգեցողութիւնն էր ղեկավարում: Դաւիթը բեհեզէ պատմութեան էր հագել:

28. Ամբողջ Իսրայէլը Տիրոջ ուխտի տապանակը տարաւ տօնական աղաղակներով, շեփորով ու ծնծղաներով, քնարներ ու տաւիղներ նուագելով:

29. Երբ Աստծու տապանակը հասաւ Դաւթի քաղաքը, Սաւուղի դուստր Մեղքողը պատուհանից դուրս նայեց ու տեսնելով, որ Դաւիթ արքան երգում է ու պարում, իր հոգում արհամարհեց նրան:

1. Աստծու տապանակը ներս տարան ու դրեցին այն վրանի մեջ, որ Դաւիթն էր պատրաստել դրա համար, եւ ողջակէզներ ու խաղաղութեան զոհեր մատուցեցին Աստծու առաջ:
2. Դաւիթը վերջացնելով ողջակէզներ ու խաղաղութեան զոհեր մատուցելը՝ Տիրոջ անունից օրհնեց ժողովրդին:
3. Բոլոր իսրայէլացիներին՝ թէ՛ տղամարդկանց եւ թէ՛ կանանց, ամէն մէկին տուեց փռի մէկ նկանակ եւ մէկ պատառ կասկարայի մսից:
4. Դաւիթը Տիրոջ ուխտի տապանակի առջեւ երգելու, փառք տալու եւ Իսրայէլի Տէր Աստծուն օրհնելու համար դետացիներից սպասաւորներ նշանակեց:
5. Գլխաւորն էր Ասափը, նրա օգնականը՝ Չաքարիասը: Յեւը, Սեմիրամոթը, Յայելը, Մատաթիասը, Եղիաբը, Բանեասը, Աբեդոմն ու Եսիելը նուագում էին իրենց տաւիղներով ու քնարներով: Ասափը ծնծղաներ էր հնչեցնում,
6. իսկ Բանեաս ու Օգիել քահանաները փողերով շարունակ նուագում էին Աստծու ուխտի տապանակի առաջ:
7. Այդ օրն էր, որ Դաւիթը Ասափին ու նրա եղբայրներին առաջին անգամ Տիրոջն օրհնաբանելու յանձնարարութիւն տուեց:
8. Երգ: Գոհութիւն մատուցեցէք Տիրոջը եւ հնչեցրէ՛ք նրա անունը, պատմեցէ՛ք ժողովուրդներին նրա գործերը,
9. երգեցէ՛ք նրա համար ու օրհնաբանեցէ՛ք նրան, պատմեցէ՛ք բոլորին Տիրոջ սքանչելագործութիւնները:
10. օրհնեցէ՛ք նրա սուրբ անունը, նրան հաճելի լինել կամեցողների սիրտը թող ուրախ լինի:
11. Տիրոջը փնտռեցէք ու հզօր կը լինէք, միշտ նրա ներկայութիւնը փնտռեցէք:
12. Յիշեցէ՛ք նրա կատարած սքանչելագործութիւնները, նշաններն ու բերանի դատաստանները:
13. Ո՛վ Իսրայէլի զաւակներ, նրա ծառանե՛ր, Յակոբի՛ որդիներ եւ նրա ընտրեալնե՛ր,
14. նա է մեր Տէր Աստուածը, նրա դատաստանները բովանդակ երկրի վրայ են:
15. Յաւիտեան թող յիշեն նրա ուխտը, պատուիրած խօսքերը մինչեւ հազար սերունդ,
16. այն ուխտը, որ նա դրեց Աբրահամի հետ, եւ իր երդումը՝ Իսահակի հետ:
17. Նա այն հաստատեց Յակոբի համար որպէս օրէնք, իսկ Իսրայէլի համար՝ որպէս յաւիտենական ուխտ՝
18. ասելով. Զեզ եմ տալու Քանանի երկիրը, ձեր ժառանգութեան բաժինը:
19. Նրանք սակաւաթիւ էին եւ պանդուխտ այնտեղ:
20. Մի ազգից միւս ազգի մօտ գնացին նրանք, մի թագաւորութիւնից անցան մի այլ ժողովրդի մօտ:
21. Տէրը չթողեց, որ որեւէ մէկը կեղեքի նրանց եւ նրանց սիրուն սաստեց թագաւորներին՝ ասելով.
22. Իմ օծեալներին մի՛ մօտեցէք եւ իմ մարգարէների հանդէպ չար մի՛ եղէք:
23. Օրհնաբանեցէ՛ք Տիրոջը, համա՛յն աշխարհի մարդիկ, օրըստօրէ պատմեցէ՛ք նրա կատարած փրկագործութիւնը:
24. Հեթանոսներին պատմեցէ՛ք նրա փառքը եւ բոլոր ժողովուրդներին՝ նրա հրաշագործութիւնները,
25. քանզի մեծ է Տէրը, յոյժ օրհնեալ եւ բոլոր աստուածներից ակելի ահաւոր.
26. ազգերի բոլոր աստուածները կուռքեր են, իսկ Աստուած երկինքն է արարչագործել:
27. Փա՛ռք եւ գովութի՛ւն նրա առաջ, զօրութի՛ւն ու պարծա՛նք նրա բնակութեան տեղին:
28. Ո՛վ ազգատոհմեր, փա՛ռք տուէք Տիրոջը, փա՛ռք տուէք Տիրոջը եւ զօրութիւն.
29. Տիրոջ անուանը փա՛ռք տուէք, ընծանե՛ր բերէք ու մատուցեցէ՛ք նրա առաջ, երկրպագեցէ՛ք Տիրոջը նրա սուրբ սրահում,

30. թող ամբողջ երկիրը վախենայ նրանից, թող երկիրը հաստատուն մնայ եւ չսասանուի:
31. Երկինքը թող ուրախ լինի, եւ երկիրը թող ցնծայ, թող հեթանոսներին ասեն՝ Տէրը թագաւորեց:
32. Ծովն իր պարունակութեամբ, լիութեամբ թող մռնչի, թող ցնծան ծառերն անտառի եւ դրա մէջ եղած ամեն ինչ:
33. թող ուրախ լինեն ողջ ծառերն անտառի, քանզի Տէրն է եկել դատելու երկիրը:
34. Գոհութի՛ւն մատուցեցէք Տիրոջը, քանզի բարի է նա, եւ յաւերժ է նրա ողորմածութիւնը:
35. Եւ աղաղակեցէ՛ք. Փրկի՛ր մեզ, ո՛վ մեր փրկութեան Աստուած, փրկի՛ր մեզ մեր թշնամիներից, որ օրհնենք քո սուրբ անունը եւ պարծենանք քո օրհնութիւններով:
36. Օրհնեալ լինի Իսրայելի Տէր Աստուածը յաւիտեանս յաւիտենից, եւ բոլոր ժողովուրդներն ասեն՝ Ամէն: Եւ նրանք օրհնաբանեցին Տիրոջը:
37. Դաւիթն այնտեղ Տիրոջ ուխտի տապանակի առջեւ թողեց Ասափին ու նրա եղբայրներին, որ ամենօրեայ ծառայութիւնը շարունակ կատարեն տապանակի առջեւ:
38. Աբդոդոմն ու նրա եղբայրները վաթսունութ հոգի էին: Աբդոդոմը Իդիթունի որդին էր, իսկ Օսէն դռնապանն էր:
39. Սադոկ քահանային ու նրա քահանայ եղբայրներին նա թողեց Տիրոջ վրանի առջեւ Գաբաւոնում գտնուող Բամայում,
40. որպէսզի ամեն առաւօտ եւ երեկոյ Տիրոջը ողջակէզներ մատուցեն ողջակէզների զոհասեղանի վրայ եւ ըստ ամենայնի կատարեն այն, ինչ որ Աստծու ծառայ Մովսէսի ձեռքով գրուած է Տիրոջ օրէնքում եւ պատուիրուած իսրայէլացիներին:
41. Սադոկի հետ էին Եմանն ու Իդիթունը, ինչպէս նաեւ միւս ընտրեալները, որ օրհնեն Տիրոջը, քանզի յաւիտենական է նրա ողորմածութիւնը:
42. Նրանք ունէին շեփորներ, ծնծղաներ ու քնարներ, որ դրանցով Աստծուն փառաբանեն, իսկ Իդիթունի որդիները դռան պահապաններն էին:
43. Ամբողջ ժողովուրդը ցրուեց, ամեն մէկը գնաց իր տունը, Դաւիթն էլ եկաւ, որ օրհնի իր տունը:

1. Երբ Դաւիթը բնակուեց իր տանը, ասաց Նաթան մարգարէին. Ահա ես բնակուում եմ մայրի փայտից կառուցուած իմ տանը, իսկ Տիրոջ ուխտի տապանակը վրանի տակ է:
2. Նաթանն ասաց Դաւթին. Ինչ որ կայ սրտումդ, արա՛, քանզի Աստուած քեզ հետ է:
3. Եւ այդ գիշեր Տէրը խօսքն ուղղելով Նաթանին՝ ասաց.
4. Գնա՛ եւ ասա՛ իմ ծառայ Դաւթին, թէ Տէրն այսպէս է ասում. Դու ինձ համար բնակուելու տուն չպիտի շինես,
5. քանզի իսրայէլացիներին Եգիպտոսից հանելուց մինչեւ այսօր երբեք տան մէջ չեմ բնակուել, այլ անտուն վրանաբնակ եմ եղել:
6. Ամենուրեք, որ իսրայէլացիների հետ եմ եղել, մի՞թէ որեւէ բան եմ ասել Իսրայէլի ցեղերից որեւէ մէկին կամ նրա դատաւորներին, որոնց պատուիրել էի հովուել իմ ժողովրդին, ասելով, թէ՛ Ինչո՞ւ ինձ համար մայրի փայտից տուն չեք շինում:
7. Արդ, հետեւեա՛լն ասա իմ ծառայ Դաւթին. Այսպէս է ասում ամենակալ Տէրը. Ես քեզ արօտավայրից՝ ոչխարների յետեւից վերցրի, որ Իսրայէլի իմ ժողովրդին առաջնորդ լինես:
8. Ուր որ գնում էիր, ամենուրեք քեզ հետ էի. ոչնչացրի քո բոլոր թշնամիներին քո առաջից ու երկրի վրայ եղած մեծամեծերի անուան պէս քեզ համար տուն ստեղծեցի:
9. Արդ, Իսրայէլի իմ ժողովրդի համար տեղ պիտի որոշեմ, դու նրան պիտի հաստատես, եւ նա առանձին պիտի բնակուի, ոչ մի հոգս պիտի չունենայ, եւ ոչ մի անիրաւութիւն նախկինի նման նրան այլեւս չպիտի ընկճի,
10. ինչպէս սկզբում, այն օրերին, երբ Իսրայէլի իմ ժողովրդի վրայ դատաւորներ էի կարգել, քեզ ենթարկել քո բոլոր թշնամիներին: Արդ, ես՝ Տէրս, քեզ պիտի բազմացնեմ ու կառուցեմ քո տունը:
11. Եւ երբ քո օրերը լրանան, դու կը ննջես քո նախնիների հետ: Քեզնից յետոյ քեզնից ծնուած քո զաւակին պիտի բարձրացնեմ եւ պիտի պատրաստեմ նրա թագաւորութիւնը:
12. Նա ինձ համար տուն պիտի շինի, իսկ ես նրա գահը յաւիտենական պիտի դարձնեմ:
13. Ես նրան հայր պիտի լինեմ, իսկ նա ինձ որդի պիտի լինի: Իմ ողորմածութիւնը նրանից չեմ պակասեցնելու, ինչպէս որ այն զլացել էի քեզնից առաջ եղածների հանդէպ:
14. Նա հաւատարիմ պիտի լինի իմ տան նկատմամբ, եւ նրա թագաւորութիւնը յաւիտենական պիտի լինի, նրա գահը՝ հաստատուն մինչեւ յաւիտեան:
15. Եւ Նաթանն այս բոլոր խօսքերը եւ այս ամբողջ յայտնութիւնը նոյնութեամբ պատմեց Դաւթին:
16. Եկաւ Դաւիթ արքան ու նստելով Տիրոջ առջեւ՝ ասաց. Ո՞վ եմ ես, Տէ՛ր Աստուած, եւ կամ ի՞նչ է իմ տունը, որ ինձ սիրեցիր յաւիտեան:
17. Կարծես այս բաները քիչ երեւացին քո աչքին, Աստուա՛ծ, հիմա էլ երկար ժամանակ խօսեցիր քո ծառայի մասին, վերաբերուեցիր ինձ հետ, ինչպէս բարձր կանգնած մի մարդու: Դու բարձրացրիր ինձ, Տէ՛ր Աստուած:
18. Ի՞նչ խօսք անելացնի Դաւիթը քեզ փառաւորելու համար. ինքդ ճանաչում ես քո ծառային
19. եւ ըստ քո սրտի արեցիր այս ամբողջ մեծութիւնը, Տէ՛ր:
20. Քեզ նման ոչ ոք չկայ, եւ քեզնից բացի այլ Աստուած չկայ՝ դատելով այն բոլոր խօսքերից, որ լսել ենք մեր ականջներով:
21. Եւ չկայ երկրի վրայ այնպիսի ազգ, ինչպէս Իսրայէլի քո ժողովուրդն է, որին Աստուած առաջնորդեց, որ փրկի իր ժողովրդին: Դու ստացար մեծ ու երեւելի անուն՝ ազգեր քշելով քո ժողովրդի առջեւից: Դու նրան ազատեցիր Եգիպտոսից:
22. Զո իսրայէլացի ժողովրդին յաւիտենապէս ժողովուրդ դարձրիր քեզ, եւ դու նրանց համար Աստուած եղար:
23. Արդ, Տէր իմ, այն խօսքը, որ ասացիր քո ծառայի եւ նրա տան մասին, թող հաստատ լինի յաւիտեան:

24. Դու ասացիր, ՏԷ՛ր, ամենակալ ՏԷ՛ր Աստուած Իսրայելի, թէ քո ծառայ Դաւթի տունը թող կանգուն մնայ քո առջեւ,
25. քանզի դու, ՏԷ՛ր, քո ծառայի ականջին յայտնեցիր, թէ քեզ համար տուն եմ կառուցելու, եւ դրա համար քո ծառան աղօթք է անում քո առջեւ:
26. Արդ, ՏԷ՛ր, դու ես Աստուած, եւ դու ասացիր այդ բարի խօսքերը քո ծառայի մասին:
27. Սկսի՛ր այսուհետեւ օրհնել քո ծառայի տունը, որ յաւիտեան լինի քո առջեւ, քանզի, ՏԷ՛ր, դո՛ւ օրհնեցիր եւ օրհնի՛ր նրան յաւիտեան:

1. Դրանից յետոյ Դաւիթը հարուածեց այլազգիներին, վանեց նրանց, այլազգիների ձեռքից գրաւեց Գէթն ու նրա գիւղերը:
2. Նա հարուածեց Մովաբին, եւ մովաբացիները դարձան Դաւթի հարկատու ծառաները:
3. Դաւիթը եմաթում հարուածեց Սուբայի արքայ Ադրազարին, երբ սա գնում էր իր իշխանութիւնը հաստատելու Եփրատ գետի վրայ:
4. Նրանից վերցրեց հազար մարտակառք, եօթը հազար ձիաւոր ու քսան հազար հետեւակ: Դաւիթը ջարդեց բոլոր մարտակառքերը՝ թողնելով միայն հարիւր մարտակառք:
5. Դամասկոսից եկան ասորիները, որ օգնեն Սուբայի արքայ Ադրազարին: Դաւիթը սպանեց քսաներկու հազար ասորի:
6. Նա Ասորիքում Դամասկոսի մօտ բերդապահ զօրք դրեց, եւ նրանք Դաւթի հարկատու ծառաները դարձան: Տէրը հովանաւորեց Դաւթին ամենուրեք, ուր որ նա գնում էր:
7. Դաւիթը Ադրազարի թիկնապահներից առաւ ոսկէ մանեակները եւ բերեց Երուսաղէմ:
8. Դաւիթը Մատեբեթից եւ Ադրազարի բարգաւաճ քաղաքներից խիստ շատ պղինձ վերցրեց: Եւ դրանով է, որ Սողոմոնը պատրաստեց պղնձէ աւազանը եւ պղնձէ սիւներն ու անօթները:
9. Երբ եմաթի արքայ Թովուն լսեց, թէ Դաւիթը հարուածել է Սուբայի արքայ Ադրազարի բոլոր զօրքերին,
10. իր որդի Ադուրամին ուղարկեց Դաւիթ արքայի մօտ նրա առողջութիւնը հարցնելու եւ շնորհաւորելու նրան, քանզի իր դէմ պատերազմել էր Ադրազարը եւ յաղթել իրեն. Թովուն թշնամի էր Ադրազարին: Նա իր որդու միջոցով ուղարկեց նաեւ ամեն տեսակ ոսկէ ու արծաթէ անօթներ:
11. Դաւիթը բոլոր ազգերից՝ եդոմացիներից, մովաբացիներից, ամոնացիներից, այլազգիներից եւ ամաղեկացիներից գրաւած արծաթի ու ոսկու հետ դրանք եւս նուիրեց Տիրոջը:
12. Եւ Շարուհիի որդի Աբեսսան Ալոնի հովտում հարուածեց տասնութ հազար եդոմացիների
13. ու հովտում բերդապահ զօրք դրեց: Եդոմացիները Դաւթի ծառաները դարձան, եւ Տէրը փրկեց Դաւթին ամենուրեք, ուր նա գնում էր:
14. Դաւիթը թագաւորեց ամբողջ Իսրայէլի վրայ, եւ նա իրաւունք ու արդարութիւն էր ի գործ դնում իր ամբողջ ժողովրդի մէջ:
15. Շարուհիի որդի Յովաբը զօրքի հրամանատար էր, Աքիլունի որդի Յոսափատը՝ դիւանապետ,
16. Աքիտոբի որդի Սադոկը եւ Աբիաթարի որդի Աբիմէլէքը՝ քահանաներ, Սուսան՝ գլխաւոր քարտուղար,
17. Յովիդայէի որդի Բանեասը՝ քերթիների ու օփելեթիների վերակացու, իսկ Դաւթի որդիները՝ արքայի առաջին փոխանորդները:

1. Դրանից յետոյ մեռաւ ամոնացիների Նաաս արքան, եւ նրա փոխարէն թագաւորեց նրա որդին՝ Անանը:
2. Դաւիթն ասաց. Եկեք ողորմածութիւն ցոյց տանք Նաասի որդի Անանի նկատմամբ, ինչպէս որ նրա հայրն էր ինձ ողորմածութիւն ցոյց տալիս: Եւ Դաւիթը դեսպաններ ուղարկեց, որ մխիթարեն նրան հօր համար: Դաւթի ծառաները եկան ամոնացիների երկիրը, որ մխիթարեն Անանին:
3. Ամոնի իշխաններն ասացին Անանին. Քո հօր յիշատակը մեծարելո՞ւ համար է Դաւիթը մխիթարողներ ուղարկել, չէ՞ որ նրա ծառաները եկել են նրա համար, որ հետախուզեն քաղաքները, լրտեսեն երկիրը:
4. Եւ Անանը բռնեց Դաւթի ծառաներին, ածիլեց նրանց մօրուքը, նրանց պատմութիւնները պատռեց մէջտեղից մինչեւ վեր ու արձակեց նրանց:
5. Եկան ու Դաւթին պատմեցին այդ մարդկանց մասին: Նա մարդ ուղարկեց, որ դիմաւորեն նրանց, որովհետեւ նրանք խիստ անարգուած էին: Արքան ասաց. Մնացէ՛ք երիքովում, մինչեւ որ ձեր մօրուքները աճեն, որից յետոյ կը վերադառնաք:
6. Երբ ամոնացիները տեսան, որ Դաւթի զօրքը անարգանք կրեց, Անանը եւ ամոնացիները հազար տաղանդ արծաթ ուղարկեցին եւ իրենց համար Ասորիքից, Միջագետքից եւ Ասորիքի Մաաքա ու Սուբա քաղաքներից վարձեցին մարտակառքեր ու հեծեալներ,
7. վարձեցին երեսուներկու հազար մարտակառք, Մովաբի արքային ու նրա զօրքին: Սրանք եկան բանակատեղի դրեցին Մեդաբայի դիմաց: Ամոնացիները հաւաքուեցին իրենց քաղաքներից ու եկան պատերազմելու:
8. Դաւիթը լսեց եւ ուղարկեց Յովաբին ու հզօրների գունդը:
9. Ամոնացիները դուրս եկան եւ պատերազմի շարուեցին քաղաքի դարպասի մօտ, իսկ այն եկած թագաւորները դաշտում առանձին ճակատ կազմեցին:
10. Երբ Յովաբը տեսաւ, որ նրանք պատերազմի են դուրս եկել իր դէմ թէ՛ առջեւից, թէ՛ յետեւից, ընտրեց բոլոր երիտասարդ իսրայէլացիներին եւ նրանց դասաւորեց ասորիների դիմաց,
11. իսկ զօրքի մնացած մասը նա յանձնեց իր եղբայր Աբեսսային եւ նրանց շարեց ամոնացիների դիմաց:
12. Նա ասաց. Եթէ ասորիները մեր նկատմամբ գերակշռութիւն ունենան, դու ինձ օգնութեան կը հասնես, իսկ եթէ ամոնացիները քո նկատմամբ գերակշռութիւն ունենան, ես քե՛զ օգնութեան կը հասնեմ:
13. Քաջասի՛րտ եղիր եւ թող զօրանանք յանուն մեր ժողովրդի եւ մեր Աստծու քաղաքների: Տէրը թող անի այն, ինչ նրա աչքին բարի է թւում:
14. Յովաբն իր հետ եղած զօրքով ասորիների դէմ պատերազմի ելաւ, եւ սրանք փախուստի դիմեցին:
15. Երբ ամոնացիները տեսան, թէ ասորիները փախան, իրենք եւս փախուստի դիմեցին Յովաբի եւ նրա եղբայր Աբեսսայի առջեւից ու մտան քաղաք: Յովաբը եկաւ Երուսաղէմ:
16. Երբ ասորիները տեսան, թէ իսրայէլացիները իրենց յաղթեցին, պատգամաւորներ ուղարկեցին եւ դուրս բերեցին Եփրատ գետի այն կողմի ասորիներին: Ադրազարի զօրքի հրամանատար Սոփաքն էր նրանց առաջնորդում:
17. Երբ Դաւթին պատմեցին այդ մասին, նա հաւաքեց բոլոր իսրայէլացիներին, անցաւ Յորդանան գետն ու գնաց նրանց դէմ: Նա իր զօրքը շարեց ասորիների դիմաց եւ պատերազմեց նրանց դէմ:
18. Ասորիները փախան Դաւթի առջեւից: Դաւիթը ասորիներից եօթը հազար մարտակառքի հեծեալներ ու քառասուն հազար հետեւակ կոտորեց, սպանեց զօրքի հրամանատար Սոփաքին:
19. Երբ Ադրազարի ծառաները տեսան, որ իրենք պարտուած են Իսրայէլից, Դաւթի հետ հաշտութիւն կնքեցին, նրա իշխանութեան տակ մտան, իսկ ասորիները այլեւս չուզեցին



օգնել ամոնացիներին:

1. Պատահեց, որ յաջորդ տարի, երբ թագաւորները պատերազմի էին ելել միմեանց դէմ, Յովաբը հաւաքեց բոլոր զօրագնդերը եւ ասպատակեց ամոնացիների ամբողջ երկիրը: Նա եկաւ եւ պաշարեց Ռաբաթը, իսկ Դաւիթը մնաց Երուսաղէմում:
2. Յովաբը գրաւեց Ռաբաթը եւ կործանեց այն: Դաւիթը նրանց Մեղքոմ թագաւորի գլխից առաւ թագը: Պարգուեց, որ դրա ոսկին մի տաղանդ քաշ ունի՝ զարդարուած թանկարժէք քարերով:
3. Այն դրեցին Դաւթի գլխին: Շատ-շատ աւար վերցրեց նա, այնտեղի ժողովրդին դուրս բերեց, չարաչար աշխատեցրեց՝ սղոցներով սղոցել տալով ու երկաթե ուրագներով տաժանակիր աշխատանքի լծել տալով նրանց: Այսպէս վարուեց Դաւիթը ամոնացիների հետ բոլոր քաղաքներում եւ իր ամբողջ զօրքով վերադարձաւ Երուսաղէմ:
4. Դրանից յետոյ Գագերում կրկին պատերազմ եղաւ այլազգիների դէմ: Այն ժամանակ ուսթացի Սուբաքէն յարձակուեց հսկաների որդիներից Սեպփիասի վրայ եւ հալածեց նրան:
5. Դարձեալ պատերազմ եղաւ այլազգիների դէմ, եւ Յայիրի որդի Եղեանան յարձակուեց գէթացի Գողիադի եղբայր Ղէւմիի վրայ, որի նիզակի փայտը ոստայնանկների գլանի չափ էր:
6. Դարձեալ պատերազմ եղաւ Գէթում: Այնտեղ կար մի շատ հսկայ մարդ, որի մատները վեց-վեց լինելով՝ ընդամենը քսանչորս մատ ունէր: Նա հսկաների ցեղից էր:
7. Նա լուտանք էր թափում Իսրայէլի վրայ, ուստի Դաւթի եղբոր որդի Սամաայի որդի Յոնադաբը սպանեց նրան: Սրանք Գէթի Հռափա քաղաքից էին: Սրանք ամենքը հսկայ մարդիկ էին եւ ընկան Դաւթի ու նրա զօրականների ձեռքով:

1. Սատանան ելաւ Իսրայելի մէջ ու դրոշեց Դաւթին մարդահամարի ենթարկելու Իսրայելը:
2. Դաւիթն ասաց Յովաբին եւ իր զօրքի հրամանատարներին. «Գնացէք հաշուառո՛ւմ կատարեցէք Իսրայելի մէջ Բերսաբէից մինչեւ Դան եւ տուեալնե՛ր բերէք ինձ, որ գիտենամ նրանց թիւը»:
3. Յովաբն ասաց. Տէրը հարիւրապատիկ թող աւելացնի իր ժողովրդին, ու իմ տիրոջ աչքը տեսնի, որ ամենքը ծառայում են նրան: Ինչո՞ւ է իմ տերն այս բանը պահանջում, ինչո՞ւ Իսրայելը մեղքի մէջ ընկնի:
4. Սակայն երբ արքան իր ասածը պարտադրեց Յովաբին, սա ելաւ, անցաւ Իսրայելի բոլոր սահմաններով ու եկաւ Երուսաղէմ:
5. Յովաբը Իսրայելի ժողովրդի մարդահամարի տվեալները յանձնեց Դաւթին: Ամբողջ Իսրայելում մէկ միլիոն մարդ կար եւ հարիւր հազար սուներակիր. իսկ Յուդայի երկիրն ուներ չորս հարիւր յիսուն հազար սուներակիր:
6. Դելիի ու Բենիամինի ցեղերի մարտիկներն այդ թուի մէջ չէին մտնում, քանզի արքայի խօսքը Յովաբի սրտովը չէր:
7. Այս ամբողջ կատարուածը չար երեւաց Տիրոջ աչքին, եւ նա հարուածեց Իսրայելին:
8. Դաւիթն ասաց Աստծուն. Շատ մեղանչեցի այս բաներն անելով, ուստի ների՛ր քո ծառայի չար արարքը, քանզի շատ յիմարացայ:
9. Տէրը տեսանող Գադի հետ խօսելով՝ ասաց.
10. «Գնա խօսի՛ր Դաւթի հետ եւ ասա՛. Այսպէս է ասում Տէրը. ' Երեք բան եմ դնելու քո առջեւ, դրանցից մէկն ընտրի՛ր, եւ ես այն կ'անեմ քեզ համար''»:
11. Գադը գալով Դաւթի մօտ՝ ասաց. Այսպէս է ասում Տէրը. Ընտրութի՛ւն կատարիր. երեք պայման եմ դնելու.
12. կա՛մ երեք տարի սով կը լինի, կա՛մ երեք ամիս հալածական կը լինես քո թշնամիներից, եւ քո թշնամիների սուրը քեզ կը սպանի, եւ կա՛մ երեք օր Տիրոջ սուրը մահ կը սփռի քո երկրում, ու Տիրոջ հրեշտակը կը բնաջնջի Իսրայելի ամբողջ տարածքը: Արդ, տե՛ս, թէ ես ինչ պատասխան եմ տալու նրան, որ ինձ ուղարկել է:
13. Դաւիթն ասաց Գադին. Այս երեքն էլ ինձ համար մեծ դժբախտութիւն են, բայց աւելի լաւ է ես Տիրոջ ձեռքն ընկնեմ, որովհետեւ շատ մեծ է նրա ողորմածութիւնը, քան ընկնեմ մարդկանց ձեռքը:
14. Տէրը մահ սփռեց Իսրայելում, եւ իսրայելացիներից եօթանասուն հազար մարդ մեռաւ:
15. Աստուած հրեշտակին առաքեց Երուսաղէմ, որ կոտորի մարդկանց: Հազիւ էր նա սկսել կոտորածը, որ Տէրը տեսաւ ու զղջաց իր պատճառած չարիքի համար: Նա ասաց մարդկանց կոտորելու համար առաքուած հրեշտակին. Բաւական է, յե՛տ քաշիր ձեռքը: Եւ այդ պահին Տիրոջ հրեշտակը գտնուում էր յեբուսացի Ուռնայի կալի մօտ:
16. Դաւիթն աչքերը բարձրացրեց ու տեսաւ Տիրոջ հրեշտակին, որ կանգնած էր երկնքի ու երկրի միջեւ եւ ձեռքի մերկացրած սուրը մեկնել էր Երուսաղէմի վրայ: Դաւիթն ու ծերունիները, քուրձ հագած, երեսնիվայր գետին ընկան:
17. Դաւիթն ասաց Աստծուն. Չէ՞ որ ես եմ հրամայել մարդահամար կազմել, ես եմ մեղանչել, ես եմ չարիք գործել, այս անմեղ հօտը ի՞նչ է արել, Տէ՛ր Աստուած: Թող քո ձեռքը իմ եւ իմ հօր տան դէմ լինի եւ ոչ թէ քո ժողովրդին կոտորի, Տէ՛ր:
18. Տիրոջ հրեշտակն ասաց Գադին. Ասա՛ Դաւթին, որ նա ելնի ու Տիրոջ համար զոհասեղան կանգնեցնի յեբուսացի Ուռնայի կալում:
19. Եւ Դաւիթը գնաց Տիրոջ խօսքի համաձայն, որ ասուել էր Տիրոջ անունով:
20. Ուռնան դարձաւ, երբ տեսաւ արքային ու նրա չորս որդիներին, որոնք թաքնուել էին նրա հետ: Ուռնան կալում ցորեն էր կախում:
21. Երբ Դաւիթն եկաւ Ուռնայի մօտ, սա կալից դուրս ելաւ ու երեսնիվայր գետին ընկաւ:
22. Դաւիթն ասաց Ուռնային. Քո այդ կալատեղն ի՞նձ տուր, որ ես այնտեղ Տիրոջ համար

զոհասեղան շինեմ, եւ ժողովրդի կոտորածը վերանայ: Ինչքան արծաթ որ արժէ դա, ես կը տամ քեզ:

23. Ուռնան ասաց Դաւթին. Վերցրո՛ւ այն, իմ արքան թող անի այն, ինչ իրեն լաւ է թւում: Բացի այդ, ես կը տամ իմ եզները ողջակիզելու համար, սայլերը՝ ցախ անելու եւ ցորենը՝ նուիրաբերութեան համար: Ամէն ինչ կը տամ քեզ:

24. Դաւիթ արքան ասաց Ուռնային. Այդպէս չէ: Պէտք է այն գնեմ այնքան արծաթով, ինչքան արժէ: Ես չեմ առնի այն, ինչ քոն է, որպէսզի Տիրոջը ձրի ողջակէզ մատուցեմ:

25. Եւ Դաւիթն այդ տեղի համար կշռով վեց հարիւր սիկղ արծաթ տուեց Ուռնային:

26. Դաւիթը Տիրոջ համար զոհասեղան շինեց այնտեղ, ողջակէզներ եւ փրկութեան զոհեր մատուցեց, Տիրոջն աղօթեց, եւ Տէրը լսեց ու պատասխան տուեց նրան՝ երկնքից ողջակէզի զոհասեղանին կրակ իջեցնելով եւ ողջակէզներն այրելով:

27. Տէրն ասաց հրեշտակին. Քո սուրը դի՛ր իր պատեանը:

28. Երբ Դաւիթը տեսաւ, որ Տէրը լսեց ու պատասխանեց նրան յերուսացի Ուռնայի կալում, այնտեղ զոհեր մատուցեց:

29. Տիրոջ սրբարանը, որ Մովսէսը պատրաստել էր անապատում, եւ ողջակէզների զոհասեղանն այն ժամանակ Գաբաւոնի Բամա բնակավայրում էին,

30. եւ Դաւիթը Աստծուն հարցում անելու համար չէր կարող գնալ դրա մօտ, որովհետեւ Տիրոջ հրեշտակի սուրը սարսափեցնում էր նրան:

1. Դաւիթն ասաց. Այս է Տէր Աստծու տունը, եւ այս է Իսրայէլի ողջակէզների զոհասեղանը:
2. Դաւիթը հրամայեց հաւաքել դրսից Իսրայէլի երկիրը եկած բոլոր մարդկանց եւ նշանակեց քարհատներ, որ քարեր կոփեն ու շինեն Աստծու տունը:
3. Դաւիթը շատ երկաթ հաւաքեց դռների բեւեռների ու դռների համար. նա երկաթէ շրջանակներ պատրաստել տուեց, հաւաքեց շատ առատ պղինձ, որի կշիռը հաշիւ չունէր,
4. մայրի փայտեր, որոնց թիւ ու սահման չկար, քանզի սիդոնացիներն ու տիւրացիները առատօրէն մայրի փայտ էին բերում Դաւթին:
5. Դաւիթն ասաց. Սողոմոն որդիս փոքր մանուկ է, իսկ տունը, որ պէտք է կառուցուի Տիրոջ համար, պէտք է լինի մեծ, ամբողջ աշխարհում փառահեղ ու հռչակաւոր: Դրա համար շինանիւթ եմ պատրաստում: Դաւիթն իր մահուանից առաջ շատ պատրաստութիւն տեսաւ:
6. Նա կանչեց իր որդի Սողոմոնին եւ պատուիրեց նրան Իսրայէլի Տէր Աստծու անուան տուն շինել:
7. Դաւիթն ասաց Սողոմոնին. Որդեա՛կ իմ, մտքումս կար Տէր Աստծու անուան տուն շինել,
8. բայց Աստծու խօսքն ինձ հասաւ, թէ՛ Շատ արիւն ես թափել եւ մեծամեծ պատերազմներ ես մղել, ուստի դու իմ անուան տուն չես շինելու, քանզի շատ արիւն ես թափել երկրի վրայ իմ առաջ:
9. Ահա դու մի որդի կ'ունենաս, որը հանգիստ մարդ կը լինի: Ես նրան հանգստութիւն եմ տալու շրջակայ բոլոր թշնամիներից, նրա անունը Սողոմոն կը լինի, եւ ես խաղաղութիւն ու հանգստութիւն եմ տալու Իսրայէլին նրա օրերում:
10. Նա իմ անուան տուն է կառուցելու: Նա ինձ որդի է լինելու, ես նրան՝ հայր, եւ նրա թագաւորութեան աթոռը Իսրայէլում հաստատելու եմ յաւիտեան:
11. Արդ, որդեա՛կ իմ, Տէրը քեզ հետ թող լինի ու յաջողութիւն տայ քեզ, որ շինես քո Տէր Աստծու տունը, ինչպէս որ նա ասել է քո մասին:
12. Թող Տէրը քեզ հանճար եւ իմաստութիւն տայ ու զօրացնի քեզ Իսրայէլի վրայ, որ պահպանես քո Տէր Աստծու օրէնքները:
13. Դու յաջողութիւն կ'ունենաս, եթէ պահպանես այն պատուիրաններն ու օրէնքները, որ Տէրը Մովսէսին պատգամել էր Իսրայէլի համար: Եղի՛ր քաջարի, հզօրացի՛ր, մի՛ վախեցիր ու մի՛ զարհուրիր:
14. Ես իմ աղքատութեան մէջ Տիրոջ տան համար պատրաստել եմ հարիւր հազար տաղանդ ոսկի, հազար անգամ հազար տաղանդ արծաթ, իսկ պղնձին ու երկաթին թիւ չկայ, որովհետեւ չափազանց շատ են: Հաւաքել եմ նաեւ փայտ ու քար,
15. բայց դու անելացրո՛ւ եղածները, որ անելի շատ լինեն արիեստաւորներ, որմնադիրներ, հիւսներ եւ ամէն տեսակ հմուտ գործաւորներ,
16. իսկ ոսկին, արծաթը, պղինձն ու երկաթը կան անթիւ քանակութեամբ: Արդ, վե՛ր կաց ու գործի՛ր, քանի որ Տէրը քեզ հետ է:
17. Դաւիթը Իսրայէլի բոլոր իշխաններին պատուիրեց օգնել իր որդի Սողոմոնին՝ ասելով.
18. Չէ՞ որ Տէրը ձեզ հետ է եւ ձեզ հանգիստ է տուել ամէն կողմից, քանզի նա ձեր ձեռքն է յանձնել այս երկրի նախկին բնակիչներին, եւ այս երկիրը հնազանդուել է Տիրոջն ու նրա ժողովրդին:
19. Արդ, ձեր սրտերն ու հոգիները թող փնտռեն մեր Տէր Աստծուն, ելե՛ք եւ շինեցե՛ք մեր Տէր Աստծու սրբարանը, որպէսզի Տիրոջ ուխտի տապանակը եւ Աստծու սուրբ սպասքը տանէք այն տունը, որ կառուցելու էք Տիրոջ անունով:

1. Դաւիթը տարիքն առել, ծերացել էր, ուստի նրա փոխարէն Իսրայէլի վրայ թագաւորեց իր որդի Սողոմոնը:
2. Դաւիթը հաւաքեց Իսրայէլի բոլոր իշխաններին, քահանաներին եւ ղեւտացիներին:
3. Հաշուառման մէջ մտած եւ երեսուն տարեկանից բարձր տարիք ունեցող ղեւտացիների թիւը երեսունութ հազար էր:
4. Նրանցից քսանչորս հազարը Տիրոջ տան գործերի վերակացուներ էին, վեց հազարը՝ դատաւորներ,
5. չորս հազարը՝ դռնապաններ եւ չորս հազարը՝ Տիրոջն օրհնելու համար պատրաստուած նվագարաններ ունեցող օրհներգուներ:
6. Դաւիթն ամենօրեայ պաշտամունքի նշանակեց Ղեւի որդիներին՝ Գերսոնի, Կահաթի ու Մերարիի ազգատոհմերից:
7. Գերսոնի որդիներն էին Ելեադանն ու Սեմէին:
8. Իսրայէլի իշխան Ելեադանի որդիներն էին Եթոմն ու Յովելը:
9. Սեմէի որդիներն էին Սալոմիթը, Ազիելն ու Արանը: Սրանք Ելեադանի տոհմից սերուած երեք իշխաններ էին:
10. Սեմէի որդիներն էին Նաեւ Յեթը, Չիզան, Յովասն ու Բերիան: Սրանք Սեմէի չորս որդիներն էին:
11. Յեթը գլխաւորն էր, իսկ Չիզան՝ երկրորդը: Յովասն ու Բերիան շատ որդիներ չունեցան եւ մարդահամարի մէջ մէկ տոհմ կազմեցին:
12. Կահաթի որդիներն էին Ամրամը, Իսահառը, Զեբրոնն ու Օզիելը՝ չորս հոգի:
13. Ամրամի որդիներն էին Ահարոնն ու Մովսէսը: Որոշուեց, որ Ահարոնն ինքը եւ իր որդիները յաւիտեան մաքուր լինեն սրբութիւնների սրբութեանն սպասարկելու, Տիրոջ առջեւ խոնկ ծխելու, պաշտամունք կատարելու նրան եւ նրա անունով աղօթելու համար յաւիտեան:
14. Մովսէսը՝ Աստծու մարդը, եւ նրա որդիները համարուեցին Ղեւի ցեղի յետնորդներ:
15. Մովսէսի որդիներն էին Գերսամն ու Եղիազարը:
16. Գերսամի որդին էր իշխան Սուբայելը:
17. Եղիազարի որդին էր իշխան Ռաբիան: Եղիազարն ուրիշ որդի չունեցաւ, մինչդեռ Ռաբիան շատ որդիներ ունեցաւ:
18. Իսահառի որդիներն էին իշխաններ Սաւուղն ու Մովէն:
19. Զեբրոնի որդիներն էին Յերիան՝ գլխաւորը, Ամարիան՝ երկրորդը, Օզիելը՝ երրորդը, եւ Յեկեմիասը՝ չորրորդը:
20. Օզիելի որդիներն էին Միքիան՝ գլխաւորը, եւ Յեսիասը՝ երկրորդը:
21. Մերարիի որդիներն էին Մոողին ու Մուսին: Մոողիի որդիներն էին Եղիազարն ու Կիսը:
22. Եղիազարը մեռաւ՝ չունենալով որդիներ: Նա միայն դուստրեր ուներ, որոնց հետ ամուսնացան Կիսի որդիները՝ նրանց զարմիկները:
23. Մուսիի որդիներն էին Մողին, Եդերն ու Արիմոթը՝ երեք հոգի:
24. Սրանք են Ղեւի քսան տարեկան եւ ավելի բարձր տարիք ունեցող որդիներն ըստ իրենց ազգատոհմերի, իրենց ցեղերի իշխաններն իրենց քանակով ու անուններով, իրենց գլխաւորներով, որոնք սպասաւորութեան գործն էին կատարում Տիրոջ տանը:
25. Դաւիթն ասել էր, որ Տէր Աստուածը հանգստութիւն է տուել Իսրայէլի իր ժողովրդին եւ բնակեցրել Իսրայէլում յաւիտեան:
26. Ղեւտացիները այլեւս չէին կրելու խորանն ու սպասաւորութեան նրա բոլոր անօթները,
27. քանզի, Դաւթի վերջին խօսքի համաձայն, հաշուի առնուեցին Ղեւի քսան տարեկան եւ ավելի բարձր տարիք ունեցող որդիները:
28. Դաւիթը նրանց նշանակեց Ահարոնի որդիների օգնականներ, որպէսզի պաշտամունք կատարեն Տիրոջ տանը, սրահներում, սենեակներում եւ սրբարաններում

մաքուր պահեն բոլոր սրբութիւնները եւ սպասաւորութիւն անեն Տիրոջ տանը,  
29. կատարեն առաջաւորութեան հացի, ընտիր ալիւրի, անթթիսմոր բլիթների,  
բաղարջների, տապակում եփածի, իւղով տապակուածի հսկողութիւնը եւ հսկեն ըստ  
չափի արուող ամէն ինչ:

30. Նաեւ ամէն առաւօտ վեր կենալով օրհնեն ու փառաւորեն Տիրոջը, նոյն բանը  
կատարեն երեկոյեան,

31. շաբաթ օրերին, ամսագլուխներին, տօներին Տիրոջը մատուցեն բոլոր ողջակէզները  
ըստ նշուած քանակի ու հրամանի՝ ամէն ժամ այս բոլորի վրայ լինելով Տիրոջ առջեւ:

32. Նրանք պէտք է պահպանեն վկայութեան խորանը եւ օգնեն իրենց եղբայրներին՝  
Ահարոնի որդիներին, Տիրոջ տանը սպասաւորութիւն անելիս:

1. Ահարոնի որդիների դասակարգումը: Ահարոնի որդիներն են Նաբադը, Աբիուդը, Եղիազարն ու Իթամարը:
2. Նաբադն ու Աբիուդը իրենց հորից շուտ մեռան եւ որդիներ չունեին: Ահարոնի որդիներ Եղիազարն ու Իթամարը քահանայ դարձան:
3. Դաւիթը նրանց՝ Եղիազարի որդիներից Սադոկին եւ Իթամարի որդիներից Աքիմելեքին նշանակեց ըստ իրենց թուահամարի, պաշտօնի ու ազգատոհմերի:
4. Եղիազարի որդիների մէջ գտնուեցին անելի շատ զօրաւոր իշխաններ, քան Իթամարի որդիների մէջ: Նա նրանց նոյնպէս պաշտօնների նշանակեց. Եղիազարի որդիներին կարգեց տասնվեց ազգատոհմերի իշխաններ, իսկ Իթամարի որդիներին՝ ութ ազգատոհմերի:
5. Նրանց նշանակեց ըստ իրենց ընկած վիճակի, քանի որ սրբութիւնների վերակացուներ եւ Տիրոջ տան առաջնորդներ թէ՛ Եղիազարի որդիների մէջ կային եւ թէ՛ Իթամարի որդիների մէջ:
6. Ղեւտացիներից Նաթանայելի որդի Սամեաս քարտուղարը նրանց գրանցեց արքայի, իշխանների, Սադոկ քահանայի եւ Աբիաթարի որդի Աքիմելեքի եւ ղեւտական ու քահանայական ընտանիքների իշխանների ներկայութեամբ: Վիճակ էին հանում մէկ անգամ Եղիազարի ազգատոհմի համար, մէկ անգամ էլ Իթամարի ազգատոհմի համար:
7. Առաջին վիճակն ընկաւ Յարիբին, երկրորդը՝ Յադինային,
8. երրորդը՝ Քարեմին, չորրորդը՝ Սեուրինին,
9. հինգերորդը՝ Մեղքիային, վեցերորդը՝ Մերիային,
10. եօթներորդը՝ Ակկուսին, ութերորդը՝ Աբիային,
11. իններորդը՝ Յեսուին, տասներորդը՝ Մեքենիային,
12. տասնմէկերորդը՝ Ելիասիբին, տասներկուերորդը՝ Սադակիմին,
13. տասներեքերորդը՝ Օփիային, տասնչորսերորդը՝ Իզբայելին,
14. տասնհինգերորդը՝ Բելգային, տասնվեցերորդը՝ Եմմերին,
15. տասնեօթներորդը՝ Եգիրին, տասնութերորդը՝ Ափեսէին,
16. տասնիններորդը՝ Օփեթիային, քսաներորդը՝ Եգեկիելին,
17. քսանմէկերորդը՝ Յաքինին, քսաներկուերորդը՝ Գամուէլին,
18. քսաներեքերորդը՝ Դալայիային, քսանչորսերորդը՝ Մոգիային:
19. Այս է նրանց դասակարգումը իրենց պաշտամունքը կատարելու համար Տիրոջ տունը մտնելիս, ըստ իրենց իրաւունքի, որ հաստատել էր իրենց նախահայր Ահարոնը, ինչպէս որ պատուիրել էր նրան Իսրայելի Տէր Աստուածը:
20. Ղեւիի ազգատոհմի մնացած որդիներն էին. Ամրամի որդիներից՝ Տուբայելը, Յուդայիան, Աբադիան.
21. Աբիայի որդիներից՝ իշխան Յեսիասը,
22. Սարայիսի որդիներից՝ Ալամոթը, Սալոնի որդիներից՝ Յանաթը,
23. Քեդրոնի որդիներից՝ առաջինը Յեդիուն, երկրորդը՝ Ամասիասը, երրորդը՝ Յեգիելը, չորրորդը՝ Յեկիմասը:
24. Օգիելի որդիներից՝ առաջինը Միքիան, երկրորդը՝ Յուսան, Միքայի որդին՝ Սամերը,
25. եւ Միքայի եղբայրը՝ Յեսիէն, Յեսիէի որդին՝ Չաքարիասը:
26. Մերարիի որդիները՝ Մոողին ու Մուսին, եւ սրա որդին՝ Օգիան, սրա որդին՝
27. Բոնիան, Մերարիի որդիները՝ Չակքուրն ու Օբդիան,
28. Մոողի որդին՝ Եղիազարը, սրա որդին՝ Կիսը, Կիսի որդին՝ Իսմայելը:
29. Մուսիի որդիները՝ Մոողին, Յեդերն ու Յերիմոթը:
30. Սրանք ղեւտացիների որդիներն են ըստ իրենց ազգատոհմերի:
31. Ինչպէս իշխանների տոհմերը, նոյնպէս եւ իրենց կրտսերագոյն եղբայրները Ահարոնի որդիների նման վիճակ հանեցին Դաւիթ արքայի, Սադոկի, Աբիմելեքի, քահանայական տոհմի եւ ղեւտացի իշխանների ներկայութեամբ:



1. Դաւիթ արքան եւ զօրքի հրամանատարները ծառայութեան համար նշանակեցին Ասափի, Եմանի ու Իդիթումի որդիներին, որոնք երգում էին տաւիղների, քնարների ու ծնծղաների նուագակցութեամբ: Եւ այս գործը կատարողներն ըստ իրենց պաշտօնի հետեւեալներն էին.
2. Ասափի որդիները՝ Չակքուր, Յովսէփ, Նաթանիաս եւ Յեսիել: Ասափի որդիները գործում էին թագաւորի հրահանգով:
3. Իդիթումի որդիները՝ Գողողիաս, Սուրի, Յէիմ, Սեմէի, Ասաբիաս եւ Մատթանիաս: Այս վեցն իրենց հայր Իդիթումի հետ քնարի նուագակցութեամբ գոհուօթին եւ փառաբանութիւն էին մատուցում Տիրոջը:
4. Եմանի որդիներն էին՝ Բոկքիաս, Մատթանիաս, Օզիել, Սոբայել, Յերիմոթ, Անանիաս, Անան, Ելեաթան, Գեթողաթի, Հռեմոթի, Եզեր, Սեբանատան, Սելամոթ, Յոթիւրի եւ Մազիոթ:
5. Սրանք բոլորը Եմանի որդիներն էին, որոնք Աստծու խօսքերով ու փող հնչեցնելով փառաբանում էին արքային: Աստուած Եմանին տուեց տասնհինգ որդի եւ երեք դուստր:
6. Արքայի, Ասափի, Իդիթումի եւ Եմանի մօտ, Տիրոջ տանը նրանք բոլորն իրենց հօր հետ օրհներգեր էին երգում ծնծղաների, տաւիղների ու քնարների նուագակցութեամբ:
7. Տիրոջ երգերը սովորելու ընդունակ այս շնորհալի մարդիկ իրենց եղբայրներով հանդերձ երկու հարիւր ութսունութ հոգի էին:
8. Ամենօրեայ սպասաւորութեան համար վիճակ հանեցին թէ՛ փոքրն ու մեծը, թէ՛ փորձառու երգիչը եւ թէ՛ սկսնակը:
9. Առաջինն սպասարկելու վիճակն ընկաւ Ասափին, նրա որդիներին ու եղբայրներին. առաջինը՝ Յովսէփին, երկրորդը՝ Գողողիային, իր որդիներին ու եղբայրներին՝ ընդամենը տասներկու հոգի,
10. երրորդը՝ Չակքուրին, իր որդիներին ու եղբայրներին՝ ընդամենը տասներկու հոգի,
11. չորրորդը՝ Եզրիին, իր որդիներին ու եղբայրներին՝ ընդամենը տասներկու հոգի,
12. հինգերորդը՝ Նաթանիասին, իր որդիներին ու եղբայրներին՝ ընդամենը տասներկու հոգի,
13. վեցերորդը՝ Բոկիասին, իր որդիներին ու եղբայրներին՝ ընդամենը տասներկու հոգի,
14. եօթներորդը՝ Յեսուէլին, իր որդիներին ու եղբայրներին՝ ընդամենը տասներկու հոգի,
15. ութերորդը՝ Իսիասին, իր որդիներին ու եղբայրներին՝ ընդամենը տասներկու հոգի,
16. իններորդը՝ Մատթանիասին, իր որդիներին ու եղբայրներին՝ ընդամենը տասներկու հոգի,
17. տասներորդը՝ Սեմէիին, իր որդիներին ու եղբայրներին՝ ընդամենը տասներկու հոգի,
18. տասնմէկերորդը՝ Եզրիէլին, իր որդիներին ու եղբայրներին՝ ընդամենը տասներկու հոգի,
19. տասներկուերորդը՝ Ասաբիասին, իր որդիներին ու եղբայրներին՝ ընդամենը տասներկու հոգի,
20. տասներեքերորդը՝ Սոբայելին, իր որդիներին ու եղբայրներին՝ ընդամենը տասներկու հոգի,
21. տասնչորսերորդը՝ Մատթաթիասին, իր որդիներին ու եղբայրներին՝ ընդամենը տասներկու հոգի,
22. տասնհինգերորդը՝ Յերիմոթին, իր որդիներին ու եղբայրներին՝ ընդամենը տասներկու հոգի,
23. տասնվեցերորդը՝ Անանիասին, իր որդիներին ու եղբայրներին՝ ընդամենը տասներկու հոգի,
24. տասնեօթներորդը՝ Եզբակատանին, իր որդիներին ու եղբայրներին՝ ընդամենը տասներկու հոգի,
25. տասնութերորդը՝ Անանիին, իր որդիներին ու եղբայրներին՝ ընդամենը տասներկու

հոգի,

26. տասնիններորդը՝ Մելեթին, իր որդիներին ու եղբայրներին՝ ընդամենը տասներկու հոգի,

27. քսաներորդը՝ Ալիաթին, իր որդիներին ու եղբայրներին՝ ընդամենը տասներկու հոգի,

28. քսամեկերորդը՝ Յեթիրիին, իր որդիներին ու եղբայրներին՝ ընդամենը տասներկու հոգի,

29. քսաներկուերորդը՝ Գեդդելթին, իր որդիներին ու եղբայրներին՝ ընդամենը տասներկու հոգի,

30. քսաներեքերորդը՝ Մազիոթին, իր որդիներին ու եղբայրներին՝ ընդամենը տասներկու հոգի,

31. քսանչորսերորդը՝ Ռոմեթիեզերին, իր որդիներին ու եղբայրներին՝ ընդամենը տասներկու հոգի:

1. Ահա եւ դռնապանների դասակարգումները. Կորիսի սերնդից՝ Ասափի որդիներից Կորիսի որդի Մոսողամ եւ Մասելամիա:
2. Չաքարիայի որդիները՝ անդրանիկը՝ Յազիել, երկրորդը՝ Աբդիաս, երրորդը՝ Նաթանա, չորրորդը՝ Յովել,
3. հինգերորդը՝ Օդամ, վեցերորդը՝ Յովնաթան, եօթներորդը՝ Ելիովել:
4. Իդիթոմի որդիները՝ անդրանիկը՝ Սամեաս, երկրորդը՝ Յովազաբադ, երրորդը՝ Յովաթա, չորրորդը՝ Սաքար, հինգերորդը՝ Նաթանայել,
5. վեցերորդը՝ Ամիել, եօթներորդը՝ Իսաքար, ութերորդը՝ Փելաթի: Արդարեւ, Աստուած օրհնել էր Իդիթոմին:
6. Նրա անդրանիկ որդի Սամեասը ծնեց որդիներ, որոնք իրենց հօր տան գլխաւորներն էին, քանզի հզօր էին:
7. Սեմայի որդիները՝ Ադոնի, Ռափայել, Յոբեդ, Ելզաբեթ, Աքիու եւ իր եղբայրները, որոնք զօրեղ մարդիկ էին, Ելիու, Սամաքիաս եւ Իզբակոս:
8. Սրանք բոլորը Աբդեդոմի որդիներն էին. իրենք, իրենց որդիներն ու եղբայրները հզօր մարդիկ էին ու վարժ սպասաւորութիւն էին կատարում: Աբդեդոմի ցեղը վաթսուներկու հոգի էր:
9. Մասողամայի որդիներն ու եղբայրները տասնութ քաջարի մարդիկ էին:
10. Մերարիի որդիներից Յեսամն ուներ Շամարի անունով մի որդի, որին տրուած էր գլխաւորի դերը. թէեւ նա անդրանիկը չէր, սակայն հայրը նրան առաջինը դարձրեց:
11. Երկրորդը Քեղկիան էր, երրորդը՝ Նաաբելը, չորրորդը՝ Չաքարիան: Սրանք բոլորը Ուսայի որդիներն ու եղբայրներն էին՝ ընդամենը տասնչորս հոգի:
12. Վիճակով սրանց բաժին ընկաւ դռների պահպանութիւնը. նրանք ամեն շաբաթ իրենց եղբայրների հետ ծառայութիւն էին անելու Տիրոջ տանը:
13. Տարբեր դռների համար, ըստ իրենց ընտանիքների, վիճակ գցեցին նաեւ փոքրն ու մեծը:
14. Արեւելեան դռան վիճակն ընկաւ Սեմէիին ու նրա որդի Չաքարիային: Իմաստուն Յովադի համար վիճակ գցեցին, եւ նրան բաժին ընկաւ հիւսիսային կողմը:
15. Աբդեդոմին ու նրա որդիներին բաժին ընկաւ հարաւային կողմը, Ասափի տան դիմացը:
16. Երրորդ վիճակը գցեցին Օվասայի համար: Նրան բաժին ընկաւ արեւմտեան կողմը՝ զառիվերի վրայ գտնուող ներքին սենեակի դռնով հանդերձ: Այստեղ պահապանները կանգնելու էին դէմ դիմաց:
17. Ամեն օր վեցական դէտացի էին կանգնում հիւսիսային կողմում, չորսական՝ հարաւային կողմում, չորսական՝ Ասափի տան մօտ եւ երկուական՝ իրար փոխարինելու համար:
18. Արեւմտեան մասում չորս հոգի էին, իսկ ճանապարհի վրայ՝ երկուական՝ իրար փոխարինելու համար:
19. Սա է Կորիսի որդիների եւ Մերարիի որդիների դռնապանների դասակարգումն ըստ վիճակի:
20. Ղեւտացիներն իրենց եղբայրներով հանդերձ Տիրոջ տան գանձերն ու սրբութիւնների սրբութեան գանձերն էին հսկում:
21. Նրանք Գերսամի որդի Լաադանի որդիներն էին: Լաադանից էին սերում նրա ազգատոհմի իշխանները: Գերսամից ծնուած Լաադանի որդին էր Յեիելը,
22. որի որդիներն էին Չեթամը եւ Յովելը, եղբայրներ, որոնք Տիրոջ տան գանձերի վերակացուներն էին:
23. Ամրիմից ու Իսահառից էին սերունդ Քեբրոնն ու Օզիելը:
24. Մովսէսի որդի Գերսամի որդի Սեբիելը գանձերի վերակացուն էր:
25. Նրա եղբայր Եղիազարի որդին Աբիան էր, սրա որդին՝ Յուսէէն, սրա որդին՝ Յորամը, սրա որդին՝ Չեքին, սրա որդին՝ Սալամիթը,

26. որն իր եղբայրներով վերակացու էր այն բոլոր սրբազան գանձերի, որ նուիրել էին Դաւիթը, տոհմերի իշխանները, հարիւրապետները, հազարապետները եւ զօրքի հրամանատարները:
27. Դրանք աւար էին վերցուած քաղաքներից, եւ դրանց մի մասը յատկացուած էր, որ Աստծու տան շինութեան աշխատանքները թերի չմնան:
28. Այն ամէնը, ինչ նուիրել էին Սամուէլ տեսանողը, Կիսի որդի Սաւուղը, Ների որդի Աբենները, Շարուհիի որդի Յովաբը, Սաղոմոթի ու Նրա եղբայրների ձեռքում էին:
29. Յեսսարին, Քոնոնիան եւ սրա որդիները Իսրայէլի արտաքին գործերն էին տնօրինում, որ գրագրութիւն ու դատ անեն Քեբրոնիայում:
30. Սադիասն ու իր եղբայրները, որոնց տոհմը հազար եօթը հարիւր հզօր մարդուց էր բաղկացած, Իսրայէլի գործերն էին տնօրինում Յորդանան գետից այն կողմ՝ արեւմտեան մասում: Նրանք զբաղւում էին Տիրոջ պաշտամունքի բոլոր հարցերով եւ արքունի գործերով:
31. Քեբրոնից էր սերուած եւ Քեբրոնի ամբողջ ազգատոհմի իշխանն էր Ուրիասը: Դաւթի թագաւորութեան քառասուններորդ տարում մարդահամար եղաւ, որի ժամանակ Գադաադացիների Յազեր բնակավայրում գտնուեց մի հզօր մարդ,
32. որի երկու հազար եօթը հարիւր ցեղակից եղբայրները հզօր լինելով՝ տոհմերի իշխաններ էին դարձել: Դաւիթը նրանց Ռուբէնի ու Գադի ցեղերի եւ Մանասէի կէս ցեղի գնդի վերակացու նշանակեց, որ կարգաւորեն Աստծու եւ արքայի բոլոր գործերը:

1. Իսրայելացիներից սերուած ազգատոհմերի, նահապետների, հազարապետների, հարիւրապետների, արքայի համար հաշուառում կատարող գրագիրների, արքունի ծառայութիւն կատարողների, տարուայ բոլոր ամիսներին ելումուտ անող դասերից ամէն մի դասի թիւը քսանչորս հազար էր:
2. Առաջին ամսուայ առաջին դասի գլխաւորը Բալէլի որդի Յեզբաալն էր: Այդ դասի մէջ կար քսանչորս հազար հոգի:
3. Առաջին ամսում զօրքի բոլոր հրամանատարների գլխաւորը Փարեսի որդիներից մէկն էր:
4. Երկրորդ ամսում դասի գլխաւորները՝ զօրքի իշխաններն էին Դուդային, Դաքոթին ու Մագալաւորը, իսկ դասի մէջ կար քսանչորս հազար հոգի:
5. Երրորդ ամսում երրորդ դասի գլխաւորը քահանայապետ Յովադի որդի Բանեասն էր, որի դասում կար քսանչորս հազար հոգի:
6. Ինքը Բանեասը Երեսնեակի մէջ ամենահզօրն էր, ուստի նա Երեսնեակի գլխաւորն էր:
7. Չորրորդ ամսում դասի գլխաւորը Յովաբի եղբայր Ասայէլն էր, նաեւ նրա որդի Չաբդէասը եւ նրանից յետոյ՝ նրա եղբայրները: Նրա դասում կար քսանչորս հազար հոգի:
8. Հինգերորդ ամսում հինգերորդի գլխաւորը Իդիայի որդի Սաթիոթն էր, որի դասում կար քսանչորս հազար հոգի:
9. Վեցերորդ ամսում վեցերորդի գլխաւորը թեկուացի Եկդեսի որդի Էկեսն էր, որի դասում կար քսանչորս հազար հոգի:
10. Եօթներորդ ամսում եօթներորդի գլխաւորը Եփրեմի որդիներից փալումցի Քելն էր, որի դասում կար քսանչորս հազար հոգի:
11. Ութերորդ ամսում ութերորդի գլխաւորը Չարայի ընտանիքից եկիւսթայիցի Ուսաքն էր, որի դասում կար քսանչորս հազար հոգի:
12. Իններորդ ամսում իններորդի գլխաւորը Բենիամինի երկրից անաթոթացի Աբիեզերն էր, որի դասում կար քսանչորս հազար հոգի:
13. Տասներորդ ամսում տասներորդի գլխաւորը Չարայի ընտանիքից Նետոպաթցի Մաարին էր, որի դասում կար քսանչորս հազար հոգի:
14. Տասնմէկերորդ ամսում տասնմէկերորդի գլխաւորը Եփրեմի որդիներից փարաթոնցի Բանաիասն էր, որի դասում կար քսանչորս հազար հոգի:
15. Տասներկուերորդ ամսում տասներկուերորդի գլխաւորը Գոթոնիէլի տոհմից Նետոպաթցի Քալդային էր, որի դասում կար քսանչորս հազար հոգի:
16. Իսրայելի ցեղերից Ռուբէնի ցեղի իշխանը Չեքրիի որդի Եղիազարն էր, Շմաւոնինը՝ Մակքայի որդի Սափատիասը,
17. Դեկինը՝ Կամուէլի որդի Ասաբիան, Ահարոնինը՝ Սադոկի որդին,
18. Յուդայինը՝ Դաւթի եղբայրներից Եղիաբը, Իսաքարինը՝ Միքայէլի որդի Ամարիասը,
19. Չաբուղոնինը՝ Աբդիայի որդի Սամեասը, Նեփթաղիմինը՝ Օզիէլի որդի Յաբիմուլը,
20. Եփրեմինը՝ Օզիայի որդի Օսերը, Մանասէի կէս ցեղինը՝ Փալդիայի որդի Յովէլը,
21. Գադաադում գտնուող Մանասէի կէս ցեղինը՝ Չաբդիայի որդի Յադային, Բենիամինի որդիներինը՝ Աբենների որդի Ասիէլը,
22. Դանինը՝ Յորամի որդի Եզրիէլը: Սրանք են Իսրայելի ցեղերի նահապետները:
23. Դաւիթը հաշուառման չենթարկեց սրանցից քսան տարեկան եւ ավելի բարձր տարիք ունեցողներին, քանզի Տէրն ասել էր, թէ՝ Իսրայելացիներին պիտի բազմացնեմ երկնքի աստղերի չափ:
24. Շարուիիի որդի Յովաբը սկսեց հաշուառման ենթարկել ժողովրդին, սակայն չաւարտեց, եւ այդ պատճառով Տէրը բարկացաւ Իսրայելի վրայ, եւ նրանց թիւը չարձանագրուեց Դաւիթ արքայի ժամանակագրութեան մէջ:
25. Արքայի գանձերի վերակացուն Մոդիէլի որդի Ազմոթն էր, իսկ գիւղերի ցանքատարածութիւնների, բնակութեան վայրերի, բերդերի վերակացուն՝ Օզիայի որդի

Յովնաթանը:

26. Հողը մշակող երկրագործների վերակացուն Քելուբի որդի Եզրասն էր,

27. ագարակներինը՝ արիմաթացի Սեմէին, գիւղերում գինու շտեմարաններինը՝ Սեփինի որդի Չաբդին,

28. դաշտային ձիթենիներինն ու վայրի թզենիներինը՝ Գեդեոնի որդի Բալդանան, ձէթի շտեմարաններինը՝ Յովասը:

29. Հովիտներում արածող արջառների վերակացուն էր Ադայիայի որդի Սոփատը,

30. ուղտերինը՝ իսմայէլացի Ուբիասը, աւանակներինը՝ մարաթոնացի Յադիասը,

31. հօտերինը՝ հագարացի Յովազը: Սրանք բոլորը Դաւիթ արքայի ստացուածքների վերակացուներն էին:

32. Դաւթի հօրեղբայր Յովնաթանը, որ մի իմաստուն մարդ էր ու ատենադպիր, դարձել էր խորհրդական: Աքիմենի որդի Յեիէլը արքայի որդիների դաստիարակն էր:

33. Աքիտոփէլը արքայի խորհրդականն էր,

34. իսկ Զուսին՝ արքայի մտերիմ բարեկամը: Աքիտոփէլից յետոյ մերձաւոր լինելու տեսակէտից գալիս էին Բանեասի որդի Յովիդայիան եւ Աբիաթարը: Արքայի զօրքերի հրամանատարն էր Յովաբը:

1. Դաւիթը Իսրայելի բոլոր իշխաններին, գլխաւոր դատաւորներին, արքային հերթով սպասարկող բոլոր իշխաններին, հազարապետներին, հարիւրապետներին, գանձապահներին, իր ստացուածքների վերակացուներին, զօրահրամանատարներից քաջարիներին ու արի պատերազմիկներին հաւաքեց Երուսաղէմում:
2. Դաւիթը կանգնեց ժողովականների մէջ եւ ասաց. Լսեցէ՛ք ինձ, իմ եղբայրներ՝ եւ իմ ժողովուրդ: Նպատակ եմ դրել Տիրոջ ուխտի տապանակի համար մշտական տեղ պատրաստել եւ մեր Տիրոջ ոտքին՝ պատուանդան: Այդ բանի համար շինանիւթ եմ պատրաստել՝ բազում քանակութեամբ ոսկի, արծաթ, պղինձ, արոյր, երկաթ եւ փայտ:
3. Սակայն Աստուած ինձ ասաց. Դու ինձ համար իմ անունը կրող տուն չպիտի շինես, քանզի դու պատերազմող մարդ ես եւ շատ արիւն ես թափել:
4. Աստուած բոլոր ազգերից ընտրեց Իսրայելին, իր թագաւորութիւնը հաստատուն պահելու համար ամբողջ Իսրայելից ընտրեց Յուդայի ցեղին: Յուդայի տնից ընտրեց իմ հօր տունը եւ ուզեց, որ ե՛ս լինեմ իմ հօր տնից թագաւոր ամբողջ Իսրայելի վրայ:
5. Տերն ինձ բազում որդիներ տուեց, բայց իմ բոլոր որդիներից ընտրեց իմ Սողոմոն որդուն, որ նա Իսրայելում նստի Տիրոջ թագաւորութեան գահին:
6. Աստուած ասաց ինձ. Քո Սողոմոն որդին է շինելու իմ տունն ու իմ գաւիթը, քանզի նրան եմ ընտրել որպէս որդի, եւ ես եմ նրան հայր լինելու:
7. Նրա թագաւորութիւնը յաւիտեան հաստատուն կը դարձնեմ, եթէ պահի իմ պատուիրաններն ու օրէնքները, ինչպէս պահել է մինչեւ հիմա:
8. Արդ, ես Տիրոջ ամբողջ ժողովրդի առջեւ եւ ի լուր մեր Աստծու պարտաւորեցնում եմ ձեզ. պահել-պահպանել մեր Տէր Աստծու բոլոր պատուիրանները, որ ժառանգեք լաւ երկիրը եւ այն ձեզնից յետոյ իբրեւ ժառանգութիւն յաւիտենապէս յանձնեք ձեր որդիներին:
9. Եւ դու, որդի՛ իմ Սողոմոն, ճանաչի՛ր քո հայրերի Աստծուն, ծառայի՛ր նրան ամբողջ սրտով ու յօժար մտքով, քանզի Տէրը քննում է ամենքի սրտերը, եւ նա գիտի բոլորի մտածումները. եթէ փնտռես նրան, նա կը գտնուի քեզ համար, իսկ եթէ թողնես նրան, նա քեզ կը լքի իսպառ:
10. Այժմ տե՛ս, Տէրը քեզ է ընտրել, որ իր համար տուն կառուցես որպէս սրբավայր: Ուրեմն զօրացի՛ր եւ իրագործի՛ր:
11. Դաւիթն իր որդի Սողոմոնին տուեց տաճարի, նրա սենեակների, գանձարանների, վերնատների, ներքին շտեմարանների եւ քաւութեան սենեակի յատակագիծը
12. Եւ դրա այն օրինակը, որ ուներ իր մտքում Տիրոջ տան գաւիթների, շուրջը գտնուող շտեմարանների, Տիրոջ տան մթերանոցների ու սրբութիւնների պահեստի համար:
13. Նա տուեց քահանաների ամենօրեայ սպասաւորութեան, Տիրոջ տանը դէտացիների պարտականութիւնների եւ Տիրոջ տան սպասաւորութեան անօթների պահեստի ծրագիրը:
14. Նրան տուեց նաեւ ոսկէ ու արծաթէ անօթների,
15. աշտանակների ու ճրագների,
16. առաջաւորութեան սեղանի եւ ամեն մի սեղանի ոսկու, ոսկէ ու արծաթէ բոլոր իրերի,
17. մեծ պատառաքաղների, բաժակների, ոսկէ ու արծաթէ տաշտերի եւ ոսկէ ու արծաթէ առարկաների, խնկամանների ամեն մէկի կշռաչափը:
18. Նա նրան յայտնեց նաեւ խնկերի զոհասեղանների մաքուր ոսկու կշռաչափը եւ նմուշն այն քերովքների, որոնք իրենց թելերը տարածելով պէտք է հովանի անէին Տիրոջ ուխտի տապանակի վրայ:
19. Դաւիթը Տիրոջ ձեռքով գրուած ամեն ինչ տուեց Սողոմոնին, մի գրութիւն, որի մէջ կայ իմաստութիւն եւ իրագործման ծրագիր:
20. Դաւիթն ասաց իր որդի Սողոմոնին. Զօրացի՛ր ու քա՛ջ եղիւր, գործի՛ր եւ մի՛ վախեցիր ու մի՛ զարհուրիր, քանզի իմ Տէր Աստուածը քեզ հետ է, նա քեզ չի թողնի ու չի լքի, մինչեւ որ աւարտես Տիրոջ ամբողջ տան կառուցումը: Ահա տաճարի, նրա սենեակների,

նրա գաւիթների, նրա վերնատների, շտեմարանների, ներքնատների եւ քաւութեան սենեակի օրինակը,

21. ինչպէս նաեւ քահանաների, Աստծու տանը մատուցուելիք բոլոր պաշտամունքների համար դեւտացիների ամենօրեայ սպասաւորութեան ծրագիրը: Քեզ հետ թող լինեն բոլոր նրանք, ովքեր պատրաստ են հմտօրէն աշխատելու ըստ իրենց արհեստների, իսկ իշխաններն ու համայն ժողովուրդը թող պատրաստ լինեն քո հրամաններին ենթարկուելու:



1. Դաւիթ արքան ասաց բոլոր ժողովականներին. Իմ որդի Սողոմոնը, որին Տէրն ընտրեց իր համար, փոքր է, իսկ գործը՝ մեծ, քանզի ոչ թէ մարդու համար է այս շինուածքը, այլ՝ Տէր Աստծու:
2. Ըստ իմ կարողութեան պատրաստեցի իմ Աստծու տան շինանիւթերը՝ ոսկի, արծաթ, պղինձ, երկաթ, փայտ, անկիւնների ու կամարների քարեր, յղկուած ու պատուական քարեր եւ բազում այլ նիւթեր:
3. Եւ իմ Աստծու տան հանդէպ իմ ունեցած սիրուց մղուած, բացի սրբութիւնների տան համար իմ նուիրած ոսկուց ու արծաթից, յաւելեալ տուեցի նաեւ
4. Սոփերից բերուած երեք հազար տաղանդ ոսկի եւ եօթը հազար տաղանդ ընտիր արծաթ, որպէսզի վարպետները դրանցով պատեն տաճարի որմերը:
5. Այսօր կը գտնուի՞ մէկը, որ յօժար լինի նուէր մատուցելու Տիրոջը:
6. Տոհմերի պետերը, իսրայէլացիների իշխանները, հազարապետները, հարիւրապետները, գործերի վերակացուները եւ արքունի գաւառապետները
7. պարտաւորուեցին Տիրոջ տան շինութեան համար տալ հինգ հազար տաղանդ ոսկի, տասը հազար դահեկան, տասը հազար տաղանդ արծաթ, տասնութ հազար տաղանդ պղինձ եւ հարիւր հազար տաղանդ երկաթ:
8. Ով թանկարժէք քար ունէր, տուեց Տիրոջ տան գանձարանին՝ այն յանձնելով Եսրոմի որդի Յերիէլին:
9. Ժողովուրդն ուրախացաւ, որ մարդիկ Տիրոջը նուէրներ են մատուցում սրտանց:
10. Մեծապէս ուրախացաւ Դաւիթ արքան ու ժողովականների առջեւ օրհնեց Տիրոջը՝ ասելով. Յաւիտեանս յաւիտենից օրհնեալ ես, Իսրայէլի մեր հայրերի ո՛վ Տէր Աստուած:
11. Քոնն է, Տէ՛ր, մեծութիւնը, զօրութիւնը, փառքը, յաղթութիւնն ու հզօրութիւնը, քանզի դու ես, որ տիրում ես երկնքում ու երկրի վրայ գտնուող բոլոր էակների վրայ:
12. Բոլոր թագաւորներն ու ազգերը դողում են քո առջեւ, քեզանից է բխում մեծութիւնն ու փառքը, դու ես ամենքի իշխանը, Տէ՛ր, եւ ամէն իշխանութիւնների Տէ՛րը, քո ձեռքում են զօրութիւնն ու ուժը, քո ձեռքում է բոլորին հզօր դարձնելու ամենակալ կարողութիւնը:
13. Արդ, Տէ՛ր, փառաբանում ենք քեզ եւ օրհներգում քո փառաւոր անունը:
14. Ո՞վ եմ ես, եւ ո՞վ է քո ժողովուրդը, որ կարողանայինք յօժարամիտ լինել քեզ համար անելու այս բոլորը: Չէ՞ որ քոնն է ամէն ինչ, եւ քեզնից ստացածն է, որ տալիս ենք քեզ:
15. Մենք պանդուխտ ենք քո առջեւ եւ օտարական, ինչպէս մեր բոլոր հայրերը: Մեր օրերը երկրի վրայ ստուերի են նման, եւ մենք մնայուն ոչ մի բան չունենք:
16. Մեր Տէ՛ր Աստուած, այս ամէնը, որ ես պատրաստել եմ քո սուրբ անուան տունը կառուցելու համար, քեզնից է գալիս, եւ ամէն ինչ քոնն է:
17. Գիտեմ, Տէ՛ր, որ դու ես քննում սրտերը եւ սիրում ես արդարութիւնը: Մենք յօժար սրտով ենք այս ամէնն ընծայում, եւ ես ուրախութեամբ տեսայ, թէ այստեղ գտնուող քո ժողովուրդը կամաւոր կերպով քեզ ընծաներ մատուցեց:
18. Ո՞վ Տէր, Աբրահամի, Իսահակի եւ Իսրայէլի մեր հայրերի Աստուած, յաւիտեան պահի՛ր այս բանը քո ժողովրդի սրտում ու մտքում եւ նրանց սրտերը դէպի քե՛զ ուղղիր:
19. Իմ Սողոմոն որդուն բարի սի՛րտ տուր, որ պահի-պահպանի քո պատուիրանները, քո վկայութիւններն ու քո օրէնքները եւ աւարտին հասցնի քո տան կառուցումը:
20. Դաւիթն ասաց բոլոր ժողովականներին. Օրհնեցէ՛ք ձեր Տէր Աստծուն: Եւ բոլոր ժողովականները օրհնեցին իրենց հայրերի Տէր Աստծուն եւ ծնկի իջնելով՝ երկրպագեցին Տիրոջն ու արքային:
21. Յաջորդ օրը Դաւիթը հազար զուարակ, հազար խոյ ու հազար գառ ողջակիզեց դրանց համապատասխան ընծաներով եւ առատ զոհեր մատուցեց ամբողջ Իսրայէլի համար:
22. Այն օրը ուրախութեամբ կերան ու խմեցին Տիրոջ առջեւ, երկրորդ անգամ գահ բարձրացրին Դաւթի որդի Սողոմոնին, Տիրոջ առջեւ նրան թագաւոր օծեցին, իսկ Սադոկին՝ քահանայ:

23. Սողոմոնը նստեց իր հօր՝ Դաւթի գահին: Նա յաջողութիւնների հասաւ, նրան հնազանդուեց ամբողջ Իսրայելը:
24. Իշխանները, հզօր մարդիկ եւ իր հայր Դաւիթ արքայի բոլոր որդիները հնազանդուեցին նրան:
25. Տէրն ի վերուստ բարձրացրեց Սողոմոնին բոլոր իսրայելացիների առաջ, նրան այնպիսի թագաւորական փառք տուեց, որի նմանը նրանից առաջ եղած ոչ մի թագաւոր չէր ունեցել:
26. Յեսսէի որդի Դաւիթը Իսրայելի վրայ թագաւորեց քառասուն տարի:
27. Քեբրոնում եօթը տարի եւ Երուսաղէմում երեսուներեք տարի:
28. Նա վախճանուեց խոր ծերութեան մէջ, առաջացած տարիքում, հարստութեան մէջ ու փառքով: Նրա Սողոմոն որդին թագաւորեց նրա փոխարէն:
29. Դաւիթ արքայի մնացած՝ առաջին եւ վերջին գործերը, նրա ամբողջ թագաւորութեան ու զօրութեան մասին,
30. ինչ որ կատարուել էր նրա ժամանակ թէ՛ Իսրայելում եւ թէ՛ երկրի միւս թագաւորութիւններում, նկարագրուած են Սամուէլ տեսանողի գրքում, Նաթան մարգարէի գրքում եւ Գադ տեսանողի գրքում:

Բ ՄԱՑՈՐԴԱՅ

## Գլուխ 1

1. Դաւթի որդի Սողոմոնը հզօրացաւ իր թագաւորութեան մէջ, իր Տէր Աստուածը նրա հետ էր ու նրան շատ բարձրացրեց:
2. Սողոմոնը խօսեց բոլոր իսրայելացիների՝ հազարապետների, հարիւրապետների, դատաւորների ու տոհմերի բոլոր իշխանների հետ:
3. Սողոմոնը բոլոր ժողովականների հետ գնաց Գաբաւոնի բարձրաւանդակը, ուր դրուած էր Աստծու վկայութեան խորանը: Անապատում այն պատրաստել էր Տիրոջ ծառայ Մովսէսը,
4. իսկ Դաւիթը Տիրոջ տապանակը հանել էր Կարիաթարիմ քաղաքից եւ դրա համար վրան էր պատրաստել Երուսաղէմում:
5. Պղնձէ զոհասեղանը, որ պատրաստել էր Յորի որդի Ուրի որդի Բեսելիէլը, այնտեղ էր՝ Տիրոջ վրանի առջեւ:
6. Սողոմոնն ու ժողովականները փնտռեցին ու գտան այն: Սողոմոնը զոհեր բերեց Տիրոջ վրանի առջեւ գտնուող պղնձէ զոհասեղանի վրայ եւ այնտեղ հազար ողջակէզ մատուցեց:
7. Այն գիշեր Տէրը երեւալով Սողոմոնին՝ ասաց նրան. Խնդրի՛ր, ի՞նչ տամ քեզ:
8. Սողոմոնն ասաց Աստծուն. Դու իմ հօրը մեծ ողորմածութիւն ես արել եւ ինձ գահ ես բարձրացրել նրա փոխարէն:
9. Արդ, Տէ՛ր Աստուած, քո անունը թող հաստատուն մնայ իմ հայր Դաւթի վրայ, քանզի ինձ գահ ես բարձրացրել բազմամարդ մի ժողովրդի վրայ, որը երկրի հողի չափ շատ է:
10. Արդ, ինձ իմաստնութիւն ու իմացութիւն տո՛ւր, որ կարողանամ ղեկավարել քո այս ժողովրդին, այլապէս ո՞վ պիտի ղեկավարի քո այս մեծ ժողովրդին:
11. Աստուած ասաց Սողոմոնին. Քանի որ դա է քո սրտում, չխնդրեցիր ո՛չ մեծ հարստութիւն, ո՛չ փառք, ո՛չ քո հակառակորդների մահը, ո՛չ էլ երկար կեանք, այլ խնդրեցիր իմաստնութիւն ու իմացութիւն, որ կարողանաս ղեկավարել իմ ժողովրդին, որի թագաւորն եմ դարձրել քեզ,
12. ապա քեզ կը տամ իմաստնութիւն եւ իմացութիւն, ինչպէս եւ հարստութիւն, ունեցուածք ու փառք, որպիսին քեզանից առաջ եղած ոչ մի թագաւոր չի ունեցել, եւ ոչ էլ քեզանից յետոյ եկողներն են ունենալու:
13. Սողոմոնը Գաբաւոնի Բարձրաւանդակից, վկայութեան խորանի առջեւից եկաւ Երուսաղէմ եւ թագաւորեց Իսրայէլի վրայ:
14. Սողոմոնը հաւաքեց մարտակառքեր ու հեծեալներ եւ ունեցաւ հազար չորս հարիւր մարտակառք ու տասներկու հազար հեծեալ: Նա դրանք թողեց հեծեալների համար սահմանուած քաղաքներում, իսկ զօրքը արքայի հետ մնաց Երուսաղէմում:
15. Արքան Երուսաղէմում ոսկին ու արծաթը այնքան առատ դարձրեց, որքան քարը, իսկ մայրիկները Հրեաստանում իրենց շատութեամբ դարձան դաշտում աճող մոլաթզենիների չափ:
16. Սողոմոնի ձիերը Եգիպտոսից էին բերուում: Արքային վաճառուող ձիերի գները սահմանուած էին այսպէս.
17. Եգիպտոսից բերուած մէկ մարտակառքը վաճառում էին վեց հարիւր արծաթով, իսկ ձին՝ հարիւր յիսուն: Դրանք բերուում էին նաեւ բոլոր քետացի թագաւորների եւ ասորի թագաւորների համար:

1. Սողոմոնը հրամայեց կառուցել Տիրոջ տունը եւ իր թագաւորական պալատը:
2. Նա հաւաքեց եօթանասուն հազար բեռնակիրներ, լեռներում աշխատող ութսուն հազար քարհատներ եւ նրանց վրայ վերակացունե՝ երեք հազար վեց հարիւր մարդ:
3. Սողոմոնը Տիրոսի արքայ Քիրամի մօտ մարդ ուղարկեց՝ ասելով. Դու իմ հայր Դաւթի օգնել ես՝ մայրի փայտ ես տուել բնակութեան տուն շինելու համար:
4. Արդ, ես նոյնպէս, նրա որդին, իմ Տէր Աստծու անուան տուն եմ շինում, որ այն Նրան նուիրաբերեմ, Նրա առջեւ խունկ ծխեմ, շարունակ առաջաւորութեան հաց ու ողջակէզներ մատուցեմ ամէն առաւօտ ու երեկոյ, ամէն շաբաթ օրերին, ամսամուտներին եւ մեր Աստծու տօներին: Եւ սա պետք է յաւիտեան կատարուի Խրայելում:
5. Այն տունը, որ կառուցելու եմ, մեծ է լինելու, քանզի մեր Տէր Աստուածն աւելի մեծ է, քան բոլոր աստուածները:
6. Եւ ո՞վ կարող է նրա համար տուն կառուցել, քանզի եթէ երկինքն ու երկինքների երկինքը չեն կարող պարփակել նրա փառքը, ես նրա համար ի՞նչ տուն կարող եմ կառուցել: Ես կարող եմ նրա համար կառուցել մի տուն, ուր միայն խունկ կը ծխեն:
7. Արդ, ինձ մօտ ճարտար մարդ ուղարկի՛ր, որ գիտենայ մշակել իմ հայր Դաւթի հաւաքած ոսկին, արծաթը, պղինձը, երկաթը, հմուտ լինի ծիրանի, կարմիր, կապուտակ կտորներ ու բեհեզ գործածելու մէջ, որ իմանայ քանդակներ պատրաստել Հրեաստանում ու Երուսաղէմում գտնուող իմ վարպետների հետ:
8. Ինձ Լիբանանից ուղարկի՛ր մայրի, սարդենի եւ թեղենի փայտեր, որովհետեւ գիտեմ, որ ոչ ոք քո ծառաների նման Լիբանանից փայտ կտրել չգիտի: Արդ, քո ծառաները թող գնան իմ ծառաների հետ,
9. որ ինձ համար մեծ քանակութեամբ փայտ պատրաստեն, որովհետեւ այն տունը, որ կառուցելու եմ, պետք է լինի մեծ ու փառաւոր:
10. Քո ծառաներին, փայտ կտրող գործաւորներին իբրեւ ռոճիկ կը տամ քսան հազար քոռ ցորեն, քսան հազար քոռ գարի, քսան հազար չափ գինի եւ քսան հազար չափ ձէթ:
11. Տիրոսի Քիրամ արքան պատասխանեց նամակով եւ այն ուղարկեց Սողոմոնին. Քանի որ Տէրը սիրեց իր ժողովրդին, դրա համար քեզ նրանց վրայ թագաւոր կարգեց:
12. Ապա Քիրամն ասում էր. Օրինեալ է Խրայելի Տէր Աստուածը, որն ստեղծել է երկինքն ու երկիրը եւ Դաւիթ արքային տուել է խելամտութեամբ ու դատողութեամբ օժտուած իմաստուն որդի, որ կառուցի Տիրոջ տունն ու իր թագաւորական տունը:
13. Ահա քեզ մօտ եմ ուղարկում մի խելօք ու հմուտ մարդու՝ իմ ծառայ Քիրամին,
14. որի մայրը Դանի դուստրերից է, իսկ նրա հայրը տիւրոսցի է: Նա գիտի մշակել ոսկին, արծաթը, պղինձը, երկաթը, քարերն ու փայտերը, հիւսել ծիրանի ու կապուտակ, բեհեզ ու կարմիր կտորներ, քանդակներ անել: Նա, աշխատելով քո վարպետների ու քո հօր՝ իմ տէր Դաւթի վարպետների հետ, կը կարողանայ անել այն բոլոր գործերը, որ կ'առաջարկես դու իրեն:
15. Արդ, ցորենը, գարին, ձէթն ու գինին, որ յիշատակել է իմ տէրը, թող տայ իր ծառաներին,
16. իսկ մենք Լիբանանից փայտ կը կտրենք ըստ քո կարիքների եւ ծովի վրայով, լաստերով կը բերենք Յոպպէ, եւ դու կը տանես կը կուտակես Երուսաղէմում:
17. Սողոմոնը հաւաքեց Երուսաղէմում գտնուող բոլոր պանդուխտներին ըստ իր հայր Դաւթի կատարած մարդահամարի: Նրանք հարիւր յիսուններեք հազար վեց հարիւր հոգի էին:
18. Նա նրանցից եօթանասուն հազար բեռնակիրներ, ութսուն հազար քարհատներ վերցրեց ու նրանց վրայ երեք հազար վեց հարիւր գործավարներ նշանակեց:

1. Սողոմոնը Երուսաղեմում, Ամորիացիների լեռան վրայ, ուր Տեղը երեւացել էր Նրա հօրը՝ Դաւթին, սկսեց կառուցել Տիրոջ տունը այն տեղում, որ Դաւիթը պատրաստել էր Օռնա Յեբուսացու կալում:
2. Նա կառուցումն սկսեց իր թագաւորութեան չորրորդ տարուայ երկրորդ ամսին:
3. Այսպիսով Սողոմոնն սկսեց շինել Աստծու տունը: Դրա նախկին երկարութիւնը վաթսուն կանգուն էր, իսկ լայնութիւնը՝ քսան կանգուն:
4. Տան ճակատի արտաքին գաւթի նախկին երկարութիւնն ու լայնութիւնը քսանական կանգուն էին, բարձրութիւնը՝ հարիւր քսան կանգուն: Նա այն ներսից պատեց մաքուր ոսկով:
5. Մեծ դահլիճը նա երեսապատեց մայրի փայտով ու պատեց մաքուր ոսկով, վրան քանդակեց արմաւենիներ ու շղթայաձեւ զարդեր:
6. Շքեղութեան համար տունը զարդարեց թանկարժէք քարերով ու Սեփարուիմից աւար բերուած մաքուր ոսկով:
7. տունը, պատերը, դրանդիկները, դռներն ու ձեղունը պատեց ոսկով, իսկ պատերին քանդակեց քերովբէներ:
8. Շինեց նաեւ Սրբութիւնների սրբութեան դահլիճը, որի երկարութիւնը ճակատի կողմից քսան կանգուն էր, լայնութիւնն էլ՝ քսան կանգուն: Նա սրահը պատեց մաքուր ոսկով եւ քերովբէներով՝ ծախսելով վեց հարիւր տաղանդ ոսկի:
9. Ամեն մի մեխի կշիռը յիսուն սիկլ ոսկի էր: Վերնատունը նոյնպէս պատեց ոսկով:
10. Սրբութիւնների սրբութեան դահլիճում երկու քերովբէներ պատրաստեց եւ դրանք պատեց ոսկով:
11. Քերովբէների թելերի երկարութիւնը քսան կանգուն էր. ամեն մի թելը՝ հինգ կանգուն, կպած սրահի պատին, եւ միւս թելը եւս՝ հինգ կանգուն, կպած միւս քերովբէի թելին:
12. Միւս քերովբէի թելը նոյնպէս հինգ կանգուն էր, կպած սրահի պատին, եւ միւս թելը եւս՝ հինգ կանգուն, կպած միւս քերովբէի թելին:
13. Երկու քերովբէների թելերը տարածուած վիճակում քսան կանգուն էին: Նրանք կանգնած էին իրենց ոտքերի վրայ, իսկ նրանց դէմքերը նայում էին սրահի կողմը:
14. Նա վարագոյրները պատրաստեց կապուտակ, ծիրանի, կարմիր կտորներից ու բեհեզից, որոնց վրայ քերովբէներ էին հիւսուած:
15. Տան առաջ երկու սիւներ կանգնեցրեց երեսունհինգ կանգուն բարձրութեամբ եւ նրանց վրայ՝ խոյակներ, որոնք հինգ կանգուն էին:
16. Նա սրբարանում եղած շղթայաձեւ զարդերի նման զարդեր պատրաստեց ու դրեց սիւների գլուխներին: Նռան հարիւր ծաղկաբողբոջներ սարքեց ու դրեց շղթայաձեւ զարդերի վրայ:
17. Տաճարի առաջ սիւներ կանգնեցրեց. մէկը՝ աջից, միւսը՝ ձախից: Աջ կողմինը կոչեց Ուղղութիւն, իսկ ձախ կողմինը՝ Չօրութիւն:

1. Նա պղնձե զոհասեղան պատրաստեց քսան կանգուն երկարութեամբ, քսան կանգուն լայնութեամբ ու տասը կանգուն բարձրութեամբ:
2. Ձուլածոյ մեծ աւազանը շինեց տասը կանգուն տրամագծով, շրջանաձեւ, հինգ կանգուն բարձրութեամբ եւ երեսուն կանգուն շրջագծով:
3. Դրա տակ շուրջանակի կային ձուլածոյ եզներ, որոնք տասը կանգուն տրամագծով շրջապատել էին այն: Չուարակները միածոյ էին:
4. Չուարակները տասներկու հատ էին. երեքը նայում էին հիւսիս, երեքը նայում էին արեւմուտք, երեքը նայում էին հարաւ, երեքը նայում էին արեւելք: Աւազանը տեղադրուած էր դրանց վրայ, եւ դրանց գաւակներն ուղղուած էին դէպի ներս:
5. Մեծ աւազանի խորութիւնը մէկ թիգ էր, նրա շուրթը բաժակի շրթի նման էր, վրան շուշան ծաղիկներ էին քանդակուած, եւ երեք հազար չափ տարողութիւն ունէր: Նա այս ամէնն աւարտեց:
6. Նա պատրաստեց տասը աւազան. հինգը դրեց աջ կողմը, հինգը՝ ձախ կողմը, որ նրանց մէջ լուսնան ու ողողէն ողջակիզման գործիքները, իսկ մեծ աւազանը նրա համար էր, որ քահանաները լուացուէն դրա մէջ:
7. Նա պատրաստեց տասը ոսկէ աշտանակներ ըստ եղած նմուշի եւ դրանք դրեց տաճարում. հինգը՝ աջ կողմը, հինգը՝ ձախ:
8. Նա պատրաստեց տասը զոհասեղաններ ու դրեց տաճարի մէջ. հինգը՝ աջ կողմը, հինգը՝ ձախ: Պատրաստեց հարիւր ոսկէ տաշտեր:
9. Նա պատրաստեց քահանաների սրահը, մեծ սրահն ու սրահի դռները եւ դրանց փեղկերը պատեց պղնձով:
10. Մեծ աւազանը զետեղեց տաճարի աջ անկիւնը՝ ուղղուած դէպի արեւելք:
11. Քիրամը պատրաստեց զոհասեղանի մեծ պատառաքաղները, կաթսաները, կասկարաներն ու զոհասեղանի ամբողջ սպասքը: Նա վերջացրեց այն բոլոր գործերը, որ Սողոմոն արքան հրամայել էր պատրաստել Աստծու տան մէջ:
12. Քիրամը պատրաստեց երկու սիւներն ու նրանց վրայի խոյակները, սիւների խոյակների վրայի երկու վերնախարիսիսները, երկու վանդակապատ ցանցերը, որ ծածկում էին վերնախարիսիսների խոյակները, եւ որոնք սիւների գլխին էին:
13. Նա պատրաստեց նաեւ չորս հարիւր ոսկէ զանգակներ երկու վանդակապատ ցանցերի համար եւ նռան ծաղկաբողբոջների երկու շարքեր ամէն մի վանդակապատ ցանցի համար, որպէսզի դրանցով ծածկեն սիւների վրայ դրուած երկու խոյակները:
14. Նա պատրաստեց տասը խարիսիսներն ու խարիսիսների վրայ դրուած աւազանները,
15. մի աւազանն իր տակ գտնուող տասներկու զուարակներով,
16. կասկարաները, վերցնելու ձողերը, կաթսաները, մեծ պատառաքաղներն ու դրանց ամբողջ սպասքը, որ Քիրամն էր պատրաստել, եւ տարաւ Սողոմոնի մօտ՝ Տիրոջ տունը:
17. Այդ բոլորն արքան ձուլել տուեց մաքուր պղնձից Յորդանան գետի հովտում գտնուող մի ընդարձակ վայրում, Սքոթի տանը, Սարեթի բնակավայրում, թանձր հողի մէջ:
18. Սողոմոնն այս ամբողջ սպասքը մեծ քանակութեամբ պատրաստեց, քանի որ պղինձը չափ ու սահման չուներ:
19. Սողոմոնը պատրաստեց Տիրոջ տան ամբողջ սպասքը, ոսկէ զոհասեղանն ու այլ սեղաններ, որոնց վրայ առաջաւորութեան հաց պէտք է դրուէր,
20. աշտանակները, լոյսի ճրագները, որոնք, ըստ ընդունուած կարգի, վառուում էին սրբարանի դիմաց եւ մաքուր ոսկուց էին պատրաստուած:
21. Նա պատրաստեց նաեւ կանթեղները, ունելիները, տաշտերը, խնկամաններն ու բուրվառները, որոնք նոյնպէս մաքուր ոսկով էին սարքուած,
22. Սրբութիւնների սրբութեան դահլիճի ներսի դռներն ու տաճարի դռները, որոնք ոսկուց էին:

1. Սողոմոնն աւարտելով Տիրոջ տան կառուցման ամբողջ գործը՝ իր հայր Դաւթի սրբութիւնները, արծաթն ու ոսկին եւ սպասքը տարաւ ներս ու դրեց Տիրոջ տան գանձարանը:
2. Այն ժամանակ Սողոմոնը երուսաղէմում հաւաքեց Իսրայէլի բոլոր ծերերին, ցեղերի իշխաններին ու իսրայէլացիների տոհմերի առաջնորդներին, որ Տիրոջ ուխտի տապանակը հանեն Դաւթի քաղաքից, այսինքն՝ Սիոնից:
3. Տօն կատարելու համար եօթներորդ ամսին արքայի մօտ հաւաքուեցին Իսրայէլի բոլոր տղամարդիկ:
4. Եկան Իսրայէլի բոլոր ծերերը: Բոլոր ղեւտացիները վերցրին տապանակը, վկայութեան խորանն ու խորանում եղած ամբողջ սուրբ սպասքը,
5. եւ քահանաներն ու ղեւտացիները տարան դրանք:
6. Սողոմոն արքան, բոլոր իսրայէլացիները, աստուածավախ եւ տապանակի առջեւ հաւաքուած մարդիկ զուարակներ ու ոչխարներ մորթեցին, որոնց թիւն անհնար էր հաշուել շատութեան պատճառով:
7. Ղեւտացիները Տիրոջ ուխտի տապանակը տարան ներս ու դրեցին իր տեղը՝ տաճարի սրբարանում, այն է՝ Սրբութիւնների սրբութեան մէջ, քերովբէների թելերի տակ:
8. Քերովբէներն իրենց թելերը տարածելով տապանակի վրայ՝ վերելից ծածկում էին տապանակն ու այն վերցնելու ճողերը:
9. Ձողերը շուրջը բռնել էին եւ դրանց ծայրերը երեւում էին միայն Սրբութիւնների սրբութիւնից, իսկ դրսից չէին երեւում: Դրանք մինչեւ այսօր էլ այնտեղ են:
10. Տապանակի մէջ ոչինչ չկար, բացի երկու տախտակներից, որ Մովսէսն էր դրել այնտեղ Քորեբում: Դրանցով Տէրն ուխտ էր դրել իսրայէլացիների հետ, երբ նրանք դուրս էին գալիս Եգիպտոսից:
11. Երբ քահանաները սրբարանից դուրս եկան (քանի որ այնտեղ գտնուող բոլոր քահանաներն էլ սրբագործուել էին եւ չէին նշանակուած ըստ իրենց ամենօրեայ սպասաւորութեան),
12. բոլոր սաղմոսերգու ղեւտացիները՝ Ասափի, Եմանի եւ Իդիթոմի որդիները, նրանց որդիներն ու նրանց եղբայրները, բեհեզէ պատմուճաններ հագած, տաւիղներով, քնարներով, սրինգներով զոհասեղանի արեւելեան կողմը կանգնեցին:
13. Նրանց հետ կային հարիւր քսան քահանաներ, որոնք փող էին հնչեցնում: Փող հնչեցնողները, սաղմոսերգուները միաբերան իրենց ձայնը բարձրացնելով՝ ասում էին. Գովերգեցէ՛ք եւ օրհնեցէ՛ք Տիրոջը: Եւ երբ նրանք փողերի, ծնծղաների ու նուագարանների նուագակցութեամբ իրենց ձայնը բարձրացրին, կրկնեցին. Գովերգեցէ՛ք Տիրոջը եւ օրհնեցէ՛ք, քանզի նա բարի է, եւ յաւիտեան է նրա ողորմածութիւնը: Այն ժամանակ Տիրոջ տունը լցուեց Նրա փառքի ամպով,
14. եւ քահանաները չէին կարողանում պաշտամունք կատարել ամպի պատճառով, քանզի Տիրոջ փառքը լցրել էր Աստծու տունը:



1. Այն ժամանակ Սողոմոնը խօսեց՝ ասելով. Տերն ասաց, թե ինքը բնակուում է մառախուղի մեջ,
2. բայց ես տուն շինեցի քո անուանը իբրեւ սրբութիւն քեզ, պատրաստեցի, որ այնտեղ բնակուես յաւիտեան:
3. Արքան երեսը դարձրեց դէպի ժողովուրդը, օրհնեց իսրայելացի բոլոր ժողովականներին: Իսրայելացի բոլոր ժողովականները նրա շուրջն էին կանգնած:
4. Արքան ասաց. Օրհնեալ է Իսրայելի Տէր Աստուածը, որն ինչ որ ասել էր իր բերանով իմ հայր Դաւթին, այն էլ կատարեց իր ձեռքով:
5. Նա ասել էր. Այն օրուանից, ինչ իմ ժողովրդին հանեցի Եգիպտոսի երկրից, Իսրայելի բոլոր ցեղերին պատկանող ոչ մի քաղաք չընտրեցի, որ ինձ համար այնտեղ տուն շինուի, որ իմ անունն այնտեղ լինի, որեւէ մէկին չընտրեցի, որ Իսրայելի իմ ժողովրդի առաջնորդը լինի:
6. Հիմա Երուսաղէմն ընտրեցի, որ իմ անունն այնտեղ լինի, եւ Դաւթին ընտրեցի, որ Իսրայելի իմ ժողովրդի վրայ լինի:
7. Իմ հայր Դաւիթը ցանկութիւն ուներ Իսրայելի Տէր Աստծու անուան տուն շինել,
8. ուստի Տէրն ասաց իմ հայր Դաւթին. Ցանկութիւն ունես իմ անուան տուն կառուցելու. լաւ է, որ այդ բանը սրտումդ կայ:
9. Սակայն դու չէ, որ ինձ համար տուն պիտի շինես, այլ՝ որդիդ, որ քեզնից է ծնուելու, նա է, որ իմ անուան տուն է շինելու:
10. Աստուած իր ասած խօսքը կատարեց, եւ ես, ահա, իսկ փոխարինեցի՝ Նստեցի Իսրայելի աթոռին, ինչպէս Տէրն էր ասել, շինեցի Իսրայելի Տէր Աստծու անուան այս տունը,
11. այնտեղ դրեցի տապանակն այն ուխտի, որ Տէրը կնքեց իսրայելացիների հետ:
12. Սողոմոնը Իսրայելի բոլոր ժողովականների ներկայութեամբ կանգնեց Տիրոջ զոհասեղանի առջեւ եւ բարձրացրեց իր ձեռքերը:
13. (Սողոմոնը պղնձէ պատուանդան էր պատրաստել ու դրել տաճարի սրահի մէջտեղում: Նրա երկարութիւնը հինգ կանգուն էր, լայնութիւնը՝ հինգ կանգուն, եւ բարձրութիւնը՝ երեք կանգուն): Դրա վրայ կանգնելով՝ նա Իսրայելի բոլոր ժողովականների առջեւ ծնրադրեց եւ իր ձեռքերը դէպի երկինք մեկնելով՝
14. ասաց. Իսրայելի Տէր Աստուած, չկայ քեզ նման Աստուած երկնքում ու երկրի վրայ, դու պահում ես ուխտն ու ողորմածութիւնը բոլոր նրանց, որոնք ամբողջ սրտով ընթանում են քո առջեւից:
15. Դու քո ծառային՝ իմ հայր Դաւթին տուած խոստումդ կատարեցիր. ինչ որ քո բերանով ասել էիր, այսօր քո ձեռքով կատարեցիր:
16. Արդ, Իսրայելի Տէր Աստուած, կատարի՛ր այն, ինչ խոստացել էիր իմ հորը՝ քո ծառայ Դաւթին՝ ասելով. Քեզ համար երբեք չի պակասելու մարդ, որ Նստի Իսրայելի գահի վրայ, միայն թէ քո որդիները չշեղեն իրենց ճանապարհները՝ ընթանան իմ առջեւից, ինչպէս դու ես ընթացել իմ առջեւից:
17. Արդ, Իսրայելի Տէր Աստուած, Դաւթին ասած խօսքդ թող ի կատար ածուի:
18. Բայց եթէ Աստուած իրօք բնակուելու է երկրի վրայ, մարդկանց մէջ (երբ երկինքն ու երկինքների երկինքը բաւական չեն նրան տեղաւորելու համար), ապա ի՞նչ է իմ շինած այս տունը:
19. Արդ, Տէր Աստուած, ունկնդրի՛ր քո ծառայի աղօթքին ու խնդրանքին, լսի՛ր քո ծառայի՝ քո առջեւ այսօր արած աղաչանքներն ու աղօթքները,
20. որպէսզի քո աչքն ու միտքը օր ու գիշեր լինեն այս տան վրայ, այն տեղի վրայ, որի համար ասացիր, թէ քո անունն ես հաստատելու դրա մէջ, որպէսզի այս տեղում լսես քո ծառայի աղաչական աղօթքը:
21. Արդ, լսի՛ր քո ծառայի եւ Իսրայելի քո ժողովրդի խնդրանքը, այստեղ կատարուած աղաչանքը, եւ լսելով երկնքում քո բնակութեան վայրում, ունկնդրի՛ր եղիր ու ողորմած:

22. Եթե մի մարդ մեղանչի իր մերձաւորի հանդէպ, եւ նրանից պահանջեն, որ նա երդում տայ, ապա թող գայ կանգնի քո զոհասեղանի առջեւ, այս տան մէջ,
23. եւ դու երկնքում լսելով՝ կատարի՛ր քո ծառաների դատը, արժանի՛ն հատուցիւր անօրէնին, իր գլխի՛ն թափիր նրա արածը, արդարացրո՛ւ արդարին եւ հատուցի՛ր ամէն մէկին ըստ իր արդարութեան չափի:
24. Եթե Իսրայէլի քո ժողովուրդը թշնամիներից հալածուի, քո դէմ մեղանչի եւ ապա դառնայ ու քո անուանը փառք տայ, աղօթքի կանգնի ու պաղատի քո առջեւ այս տան մէջ,
25. ապա դու լսի՛ր երկնքից, քաւի՛ր Իսրայէլի քո ժողովրդի մեղքերը, վերադարձրո՛ւ նրան այն երկիրը, որ նրանց հայրերին ես տուել:
26. Եթե նրանք մեղանչեն քո դէմ, եւ այդ պատճառով երկինքը փակուի, ու անձրեւ չգայ, բայց այս տեղում քեզ աղօթք անեն, փառաբանեն քո անունը եւ իրենց մեղքերից դարձ կատարեն (քանի որ դու կարող ես նկուն դարձնել նրանց),
27. ապա լսի՛ր նրանց երկնքից, ների՛ր քո ծառաների եւ Իսրայէլի քո ժողովրդի մեղքերը, նրանց ցո՛յց տուր բարի ճանապարհը, որով պետք է ընթանան, եւ քո ժողովրդին որպէս ծառանգութիւն տրուած երկրին անձրե՛ւ պարգեւիր:
28. Երբ սով կամ մահ լինի երկրի վրայ, երաշտ, դեղնախտ, մորեխ կամ թրթուր, եւ երբ թշնամին նրանց նեղի իրենց իսկ քաղաքների շրջակայքում, որեւէ աղետ լինի, կամ համաճարակ,
29. երբ որեւէ մէկը կամ Իսրայէլի քո ժողովուրդը աղօթք կամ պաղատանք անի եւ իմանալով իր բորոտութիւնը կամ հիվանդութիւնը՝ իր ձեռքերը երկարի դէպի այս տունը,
30. ապա դու երկնքում քո բնակութեան վայրում լսի՛ր ու բժշկի՛ր եւ ամէն մէկին տո՛ւր իր սրտի կամեցածը, ինչպէս որ դու ես ճանաչում նրա սիրտը (քանզի միայն դո՛ւ գիտես մարդկանց սրտերը),
31. որպէսզի նրանք վախենան քեզնից ու քո ճանապարհներով ընթանան բոլոր այն օրերին, որ կ'ապրեն նրանց հայրերին տրուած երկրում:
33. Երբ մի օտարական, որ Իսրայէլի քո ժողովրդից չէ, բայց քո մեծ անուան, քո զօրեղ ձեռքի, քո հզօր բազկի համար եկել է հեռաստանից ու աղօթքի կանգնել այս վայրում,
34. ապա դու լսի՛ր երկնքից, քեզ համար պատրաստուած բնակութեան վայրից եւ արա՛ այն ամէնը, ինչ օտարականը կը խնդրի քեզնից, որպէսզի աշխարհի բոլոր ժողովուրդները ճանաչեն քո անունը, վախենան քեզնից այնպէս, ինչպէս Իսրայէլի քո ժողովուրդը, եւ գիտենան, որ քո անունով է կոչուած իմ շինած այս տունը:
35. Երբ քո ժողովուրդը պատերազմի ելնի իր թշնամիների դէմ այն ճանապարհով, որով դու կ'ուղարկես նրանց, եւ երբ նրանք աղօթեն քեզ՝ իրենց հայեացքն ուղղելով դէպի քո այս ընտրած քաղաքն ու դէպի այս տունը, որ շինել եմ քո անուան համար,
36. ապա երկնքից կը լսես նրանց պաղատանքներն ու աղօթքները եւ կը պաշտպանես նրանց իրաւունքը:
37. Երբ քո դէմ մեղանչեն (քանզի մարդ չկայ, որ մեղք չգործի), եւ դու հալածես նրանց ու թշնամիների ձեռքը մատնես, երբ գերեվարելով նրանց տանեն թշնամիների հեռաւոր կամ մօտիկ երկիրը,
38. եւ գերութեան տարուած երկրում նրանք զղջան, դարձի գան ու քեզ աղաչեն իրենց գերութեան մէջ՝ ասելով՝ Մեղք եւ անօրէնութիւն ենք գործել,
39. իրենց գերութեան երկրում դէպի քեզ դարձ կատարեն իրենց ամբողջ սրտով ու հոգով, մեր հայրերին տուած քո երկրի, քո ընտրած քաղաքի եւ քո անուան համար իմ շինած տան կողմը նայելով՝ աղօթեն,
40. ապա երկնքից՝ քո բնակութեան վայրից, լսի՛ր նրանց աղօթքներն ու պաղատանքները, պաշտպանի՛ր նրանց իրաւունքը եւ ների՛ր քո դէմ մեղանչած ժողովրդին:
41. Արդ, Տէ՛ր, թող քո աչքերը բաց լինեն եւ քո ականջները՝ սուր, որ լսես այստեղ արուած պաղատանքները:

42. Արդ, ՏԷՐ Աստուած, դու եւ քո սրբութեան տապանակը ելէք եկէ՛ք ձեր հանգստութեան վայրը.
43. քո քահանաները, ՏԷՐ Աստուած, փրկութիւն թող հազնեն,
44. եւ քո որդիները ցնծան բարութեան մէջ:
45. ՏԷՐ Աստուած, երես մի՛ դարձրու քեզնից օծուածից, յիշի՛ր քո ծառայ Դաւթին քո ողորմածութեամբ:

1. Երբ Սողոմոնը վերջացրեց աղօթքը, երկնքից կրակ իջավ եւ լափեց ողջակէզներն ու զոհերը:
2. Տիրոջ փառքը լցրեց տաճարը, եւ այդ ժամանակ քահանաները չէին կարողանում մտնել Տիրոջ տունը, քանզի Տիրոջ փառքը լցրել էր տաճարը:
3. Բոլոր իսրայէլացիները տեսան իջնող կրակն ու Տիրոջ փառքը տաճարի վրայ: Նրանք երեսնիվայր ընկան սալայատակի վրայ, երկրպագեցին եւ օրհնեցին Տիրոջը, քանզի նա բարի է, իսկ նրա ողորմածութիւնը՝ յաւիտեան:
4. Արքան եւ ամբողջ ժողովուրդը Տիրոջ առջեւ զոհեր մատուցեցին:
5. Սողոմոնը քսաներկու հազար զուարակ եւ հարիւր քսան հազար արածող ոչխար զոհ մատուցեց: Արքան եւ ամբողջ ժողովուրդը տաճարի նաւակատիքն արեցին:
6. Քահանաներն ըստ իրենց սպասաւորութեան պաշտօնի էին կանգնած, իսկ դէտացիները նուագարաններով փառաբանում էին Տիրոջը տէրունական եւ Դաւիթ արքայի յօրինած երգերով, քանզի Նրա ողորմածութիւնը յաւիտեան է: Նրանք կատարում էին Դաւթի յօրինած օրհնաբանութիւնները, իսկ քահանաները նրանց դիմաց փողեր էին հնչեցնում: Ամբողջ Իսրայէլը ոտքի վրայ էր:
7. Սողոմոնը սրբագործեց Տիրոջ տան սրահի մէջտեղը, որովհետեւ այնտեղ մատուցեց ողջակէզներն ու խաղաղութեան զոհերի ճարպերը. Սողոմոնի պատրաստած պղնձէ զոհասեղանը չէր կարող տեղաւորել ողջակէզները, ընծաներն ու ճարպերը:
8. Այդ ժամանակ Սողոմոնը եօթը օր տօն կատարեց: Բոլոր իսրայէլացիները՝ շատ մեծ բազմութեամբ, Եմաթի մուտքից մինչեւ Եգիպտոսի հեղեղատը Նրա հետ էին:
9. Ութերորդ օրը հանդիսաւոր ժողով արեցին, քանզի զոհասեղանի նաւակատիքը եօթը օր տօնեցին,
10. իսկ եօթներորդ ամսի քսաներեքին նա ժողովրդին ուրախութեամբ եւ բարի սրտով արծակեց իրենց վրանները, որովհետեւ Տէրը բարիք էր գործել Դաւթի, Սողոմոնի ու Իսրայէլի իր ժողովրդի համար:
11. Սողոմոնն աւարտեց Տիրոջ տան եւ արքունի տան կառուցումը, եւ ամէն ինչ, որ Սողոմոնի սիրտը կամեցել էր Տիրոջ տան եւ իր տան համար կատարել, յաջողուեց:
12. Այդ նոյն գիշեր Աստուած երեւալով Սողոմոնին՝ ասաց Նրան. Լսեցի քո աղօթքը եւ այդ տեղն ինձ համար ընտրեցի որպէս զոհաբերութիւնների տուն:
13. Եթէ երկինքը փակեմ, ու անձրեւ չլինի, եթէ հրամայեմ, որ մորեխն ուտի ծառերը, եթէ մահ առաքեմ իմ ժողովրդին,
14. եւ եթէ իմ ժողովուրդը, որի վրայ իմ անունն է դրուած, զոյճայ, աղօթի եւ իմ երեսը փնտռի ու յետ դառնայ իր չար ճանապարհներից, ես էլ երկնքից կը լսեմ, կը ներեմ նրանց եւ կը բուժեմ նրանց երկիրը:
15. Այժմ իմ աչքերը բաց կը լինեն, եւ իմ ականջները՝ սուր, որ լսեմ այս տեղում կատարուող աղօթքը:
16. Ահա ընտրեցի եւ սրբագործեցի այս տունը, որպէսզի իմ անունը այստեղ լինի յաւիտեան, իմ աչքերն ու սիրտը այստեղ լինեն ընդմիշտ:
17. Եթէ դու իմ առջեւից ընթանաս քո հայր Դաւթի նման եւ կատարես այն ամէնը, ինչ պատգամել եմ քեզ՝ պահես իմ հրամաններն ու օրէնքները,
18. քո թագաւորութեան աթոռը հաստատուն կը պահեմ, ինչպէս ուխտ էի դրել քո հայր Դաւթի հետ՝ ասելով. Քեզնից յետոյ Իսրայէլի վրայ իշխող մարդ չի պակասելու:
19. Իսկ եթէ դուք յետ դառնաք ու մոռանաք իմ հրամաններն ու պատուիրանները, որ ձեր առաջ եմ դրել, գնաք պաշտէք օտար աստուածներ ու երկրպագէք նրանց, ապա ես ձեզ կը վերացնեմ այն երկրից, որը տուել եմ ձեզ,
20. եւ այս տունը, որ սրբագործել եմ իմ անունն համար, կը վերացնեմ, ծաղրանքի առարկայ կը դարձնեմ ու խայտառակ կ'անեմ բոլոր ազգերի մէջ այս բարձրաշէն տունը.
21. եւ ով որ անցնի այս տան կողքով, կը զարմանայ ու կ'ասի. Ինչո՞ւ Տէրն այս բանն արեց այս երկրին ու այս տանը:

22. Եւ մարդիկ կը պատասխանեն. Որովհետեւ նրանք քեցին իրենց հայրերի Տէր Աստծուն, որը նրանց հանել էր եգիպտացիների երկրից, օտար աստուածներ ընդունեցին եւ նրանց երկրպագեցին ու ծառայեցին: Դրա համար էլ Նա նրանց վրայ բերեց այդ բոլոր չարիքները:

1. Պատահեց այնպես, որ Սողոմոնը Տիրոջ տունն ու իր տունը կառուցելուց քսան տարի յետոյ
2. վերակառուցեց այն քաղաքները, որ Քիրամը տուել էր իրեն, եւ այնտեղ բնակեցրեց իսրայելացիներին:
3. Սողոմոնը եկաւ Սոբայի եմաթ բնակավայրը, ամրացրեց այն,
4. անապատում կառուցեց Թադմորը եւ եմաթում շինեց ամրութիւններով քաղաքներ:
5. Նա Վերին Բեթորոն ու Ներքին Բեթորոն քաղաքները վերակառուցեց ամուր պարիսպներով, դռներով ու նիգերով:
6. Նա կառուցեց Բալաթն ու իրեն պատկանող բոլոր ամրացուած քաղաքները, մարտակառքերի ու հեծեալների բոլոր քաղաքները: Ամէն ինչ, որ Սողոմոնը կամեցաւ, ըստ իր ցանկութեան շինեց Երուսաղէմում, Լիբանանում եւ իր ամբողջ թագաւորութեան մէջ:
7. Ոչ իսրայելացի բոլոր մարդկանց, որոնք մնացել էին քետացիներից, ամորիացիներից, փերեզացիներից, խեւացիներից եւ յեբուսացիներից,
8. Իսրայելի կազմակերպած կոտորածից յետոյ երկրում վերապրած նրանց որդիներին Սողոմոնը հարկատու դարձրեց. եւ այդպէս է մինչեւ այսօր:
9. Սողոմոնն իսրայելացիներից իր թագաւորութեան համար ծառաներ չվերցրեց, որովհետեւ նրանք պատերազմողներ, հզօր իշխաններ, մարտակառքերի ու հեծեալների հրամանատարներ էին:
10. Սրանք, թուով երկու հարիւր յիսուն հոգի, Սողոմոնի թագաւորութեան գլխաւոր իշխանները՝ ժողովրդի ղեկավարներն էին:
11. Սողոմոնը փարաւոնի դստերը հանելով Դաւթի քաղաքից՝ բերեց այն տունը, որ կառուցել էր նրա համար: Նա ասում էր. Իմ կինը չպետք է բնակուի Իսրայելի արքայ Դաւթի քաղաքում, որովհետեւ սուրբ է այն քաղաքը, ուր Տիրոջ տապանակն է մտել:
12. Այն ժամանակ Սողոմոնը Տիրոջը ողջակէզներ մատուցեց տաճարի դիմաց իր շինած զոհասեղանի վրայ,
13. որի վրայ, ամենօրեայ կարգի համաձայն, ըստ Մովսէսի պատուիրանների, ողջակէզ պիտի մատուցուէր շաբաթ օրերին, ամսուայ սկզբին ու տարեկան երեք տօներին՝ Բաղարջակերաց տօնին, Շաբաթների տօնին եւ Տաղաւարահարաց տօնին:
14. Նա, Դաւթի կարգադրութեան համաձայն, քահանաների դասերը որոշեց ըստ իրենց սպասաւորութեան. ղեւտացիները նշանակուեցին իրենց պարտականութիւնների վրայ, որ օրհներգեն ու ծառայեն քահանաների առջեւ ըստ ամէն մի օրուայ կարգի: Դռնապաններ կարգուեցին տարբեր դռների վրայ ըստ իրենց դասերի, քանզի այդպէս էր Աստծու մարդու՝ Դաւթի ցուցումը:
15. Նրանք զանց չարեցին արքայի այն ցուցումները, որ տրուել էին քահանաների, ղեւտացիների, գանձարանի եւ ամէն ինչի վերաբերեալ:
16. Այսպիսով աւարտուեց Սողոմոնի՝ Տիրոջ համար տուն կառուցելու ամբողջ գործը սկզբից մինչեւ վերջ:
17. Այն ժամանակ Սողոմոնը գնաց Գասիոնգաբեր եւ Ելամ, որը Հրեաստանի ծովեզերքին էր:
18. Քիրամը իր ծառաների միջոցով նաւեր ուղարկեց ու մարդիկ, որ ծովի վրայ նաւարկել գիտէին: Նրանք Սողոմոնի ծառաների հետ գնացին Սոփերա եւ այնտեղից բերեցին չորս հարիւր յիսուն տաղանդ ոսկի ու եկան Սողոմոն արքայի մօտ:

1. Սաբայի թագուհին լսելով Սողոմոնի համբաւը՝ շատ մեծ զօրքով եւ խնկերով, բազում ոսկով ու թանկարժէք քարերով ծանրաբեռնուած ուղտերով եկաւ Երուսաղէմ, որ Սողոմոնին փորձի հանելուկներով: Նա եկաւ Սողոմոնի մօտ եւ նրա հետ խօսեց այն ամենի մասին, որ մտքում ուներ:
2. Սողոմոնը պատասխանեց նրա բոլոր հարցերին. եւ չգտնուեց ոչ մի հարց, որին Սողոմոնը պատասխանած չլիներ:
3. Սաբայի թագուհին տեսաւ Սողոմոնի իմաստնութիւնը, նրա կառուցած տունը,
4. սեղանների վրայ դրուած ուտելիքները, նրա իշխանների զբաղեցրած աթոռներն ու աստիճանակարգումը, նրա պաշտօնեաների պատմութեանները, նրա մատուցուկներին ու նրանց զգեստները եւ այն ողջակէզները, որ Տիրոջ տանը նա մատուցում էր, եւ ապշելով ասաց արքային.
5. Ճշմարիտ էր այն, ինչ լսել էի իմ երկրում քո խօսքերի ու քո իմաստնութեան մասին:
6. Եւ չէի հաւատում ասուած խօսքերին, մինչեւ որ եկայ ու աչքերովս տեսայ, որ ինձ չեն պատմել քո իմաստնութեան նոյնիսկ կեսի մասին: Դու աւելի իմաստուն ես, քան ես լսել եմ:
7. Երանելի են քո մարդիկ, երանելի են քո կանայք եւ պալատական այդ ծառաները, որ միշտ քո առաջ կանգնած են ու լսում են քո իմաստնութիւնը:
8. Օրինեալ լինի Տէր Աստուածը, որ քեզ հաւանելով՝ քեզ է յանձնել քո ժողովրդի թագաւորութեան աթոռը, քանզի քո Տէր Աստուածը Իսրայէլին սիրելու պատճառով ու նրան յաւիտեան հաստատելու համար քեզ է նրանց վրայ թագաւոր դրել, որ իրաւունք ու արդարութիւն գործադրես:
9. Սաբայի թագուհին արքային հարիւր քսան տաղանդ ոսկի տուեց, չափազանց շատ խունկ եւ թանկարժէք քարեր: Սաբայի տիկնոջ՝ Սողոմոն արքային տուած խնկից լաւ խունկ չի եղել:
10. Սողոմոնի ծառաներն ու Զիրամի ծառաները Սոփերից Սողոմոնին բերեցին ոսկի, նոճու փայտ եւ թանկարժէք քարեր:
11. Արքան նոճու փայտից Տիրոջ տան ու արքայի տան համար աստիճաններ սարքեց եւ երգիչների համար քնարներ ու տաւիղներ, որոնց նմանը դրանից առաջ Յուդայի երկրում չէր եղել:
12. Սողոմոն արքան Սաբայի տիկնոջը տուեց ամեն ինչ, որ նա ցանկացաւ ու խնդրեց, շատ աւելի, քան այն, ինչ թագուհին տուել էր Սողոմոն արքային: Եւ թագուհին վերադարձաւ իր երկիրը:
13. Մէկ տարում Սողոմոնի համար բերուած ոսկու կշիռը վեց հարիւր վաթսուսկէց տաղանդ էր,
14. չհաշուած կառավարիչների, վաճառականների բերածները: Սողոմոն արքային ոսկի ու արծաթ էին բերում նաեւ Արաբիայի բոլոր թագաւորները, երկրի իշխանները:
15. Սողոմոն արքան ոսկուց երեք հարիւր կռածոյ վահան պատրաստեց՝ ամեն մի վահանի համար օգտագործելով վեց հարիւր դահեկան մաքուր ոսկի:
16. Ոսկուց պատրաստեց նաեւ երեք հարիւր կռածոյ նիզակ՝ ամեն մի նիզակի համար օգտագործելով երեք հարիւր դահեկան: Արքան դրանք դրեց Լիբանանի անտառի փայտից պատրաստուած տան մէջ:
17. Արքան փղոսկրից մի մեծ գահ պատրաստեց եւ այն պատեց մաքուր ոսկով:
18. Գահը ուներ ոսկով ծածկուած վեց աստիճան: Գահի նստատեղը այս եւ այն կողմից ուներ յենակներ, իսկ յենակների ծայրին կային երկու առիւծներ:
19. Վեց աստիճանների այս եւ այն կողմերում կային տասներկու առիւծներ: Այսպիսի գահ երբեք չէր եղել ոչ մի թագաւորութեան մէջ:
20. Սողոմոն արքայի ամբողջ սպասքը ոսկուց էր, եւ Լիբանանի անտառի փայտից պատրաստուած տան ամբողջ սպասքը ոսկու շերտով էր պատուած: Սողոմոնի օրօք արծաթը ոչինչ էր համարում,

21. քանզի Սողոմոն արքայի նաւը Քիրամի ծառաների հետ գնում էր Թարսիս, եւ երեք տարին մէկ Թարսիսից արքայի նաւը գալիս էր լի ոսկով, արծաթով, փղոսկրով, կապիկներով ու սիրամարգերով:
22. Սողոմոնը բոլոր թագաւորներին գերազանցեց ունեցուածքով եւ իմաստութեամբ:
23. Աշխարհի բոլոր թագաւորները ձգտում էին տեսնել Սողոմոնի երեսը, լսել նրա իմաստութիւնը, որն Աստուած դրել էր նրա սրտում:
24. Նրանցից ամէն մէկը ամէն տարի բերում էր ընծաներ՝ արծաթե անօթներ, ոսկե անօթներ, պատմութեաններ, զմուռս, խնկեր, ձիեր ու ջորիներ:
25. Սողոմոնն ուներ քառասուն հազար մատակ ձիեր մարտակառքերի համար եւ տասներկու հազար երիվարներ: Նա դրանք տեղաւորեց մարտակառքերի համար սահմանուած քաղաքներում. իսկ Երուսաղէմում Սողոմոնի մօտ մնացին որոշ քանակի մատակ ձիեր ու երիվարներ:
26. Նա իշխում էր բոլոր թագաւորների վրայ Եփրատ գետից մինչեւ այլազգիների երկիրն ու մինչեւ Եգիպտոսի սահմանները:
27. Արքան Երուսաղէմում քարի չափ շատ ոսկի ու արծաթ եւ դաշտում գտնուող մոլաթգէնու չափ շատ մայրի փայտ կուտակեց:
28. Սողոմոնի ձիերը բերում էին Եգիպտոսից եւ շատ ուրիշ երկրներից:
29. Սողոմոնի պատմութեան մնացած մասը, սկզբից մինչեւ վերջը, գրուած են Նաթան մարգարէի գրուածքներում, սիլոնացի Աքիայի գրուածքներում, տեսանող Յովէլի՝ Նաբաթի որդի Յերոբովամին վերաբերող տեսիլքում:
30. Սողոմոնն ամբողջ Իսրայէլի վրայ իշխեց քառասուն տարի:
31. Սողոմոնը մեռաւ եւ նրան թաղեցին իր հօր՝ Դաւթի քաղաքում: Նրա փոխարէն թագաւորեց նրա որդին՝ Ռոբովամը:



1. Ռոբոժամը եկաւ Սիւքէմ, որովհետեւ բոլոր իսրայելացիները եկել էին Սիւքէմ նրան թագաւոր դարձնելու:
2. Երբ Նաբատի որդի Յերոբոժամը, որը Սողոմոն արքայի երեսից Եգիպտոս էր փախել ու բնակուել Եգիպտոսում, լսեց այս բանը, վերադարձաւ Եգիպտոսից: Մարդ ուղարկեցին ու կանչեցին նրան:
3. Յերոբոժամը եւ իսրայելի բոլոր ժողովականները եկան Ռոբոժամ արքայի մօտ եւ ասացին.
4. Քո հայրը ծանրացրել էր մեր լուծը: Արդ, թեթեւացրո՛ւ հորդ նշանակած տաժանակիր աշխատանքն ու մեր վրայ դրուած ծանր լուծը, որ քեզ ծառայենք:
5. Նա նրանց ասաց. Գնացէ՛ք եւ երեք օրից եկէ՛ք ինձ մօտ: Ժողովուրդը գնաց:
6. Ռոբոժամ արքան հաւաքեց ծերերին, որոնք իր հօր՝ Սողոմոնի կենդանութեան օրօք կանգնում էին նրա առաջ, եւ ասաց. Ի՞նչ էք կարծում, ի՞նչ խորհուրդ էք տալիս, որ պատասխանեմ այս ժողովրդին:
7. Նրանք ասացին նրան. Եթէ այսօր այդ ժողովրդի նկատմամբ բարեացակամ լինես, հաճելի լինես եւ լաւ խօսքեր ասես նրանց, քեզ միշտ ծառայ կը լինեն:
8. Նա, սակայն, անտեսեց այն խորհուրդը, որ ծերերը տուել էին իրեն, եւ հարց տուեց իր հետ մեծացած տարեկից ընկերներին, որոնք իր առջեւ էին կանգնում:
9. Նա ասաց նրանց. Ի՞նչ էք կարծում, ի՞նչ պատասխան տամ այս ժողովրդին, որ ինձ հետ խօսեց՝ ասելով. Թեթեւացրո՛ւ այն լուծը, որ քո հայրը դրել էր մեր վրայ:
10. Նրա տարեկից ընկերները նրան ասացին. Այսպէս կը խօսես այն ժողովրդի հետ, որ քեզ ասել է, թէ՛ Քո հայրը ծանրացրեց մեր լուծը, իսկ դու այն թեթեւացրո՛ւ մեր վրայից:
11. Նրանց այսպէս կ'ասես. Իմ ճկոյթն անելի հաստ է, քան հօրս մեջքը: Արդ, եթէ իմ հայրը ձեզ խրատել է ծանր լծով, ապա ես կ'անելացնեմ ձեր լուծը: Եթէ իմ հայրը խրատել է ձեզ գաւազաններով, ապա ես ձեզ կը խրատեմ կարիճներով:
12. Յերոբոժամը եւ ամբողջ ժողովուրդը երրորդ օրը եկան Ռոբոժամի մօտ, ինչպէս որ ասել էր արքան. Ինձ մօտ կը վերադառնաք երրորդ օրը:
13. Արքան խստութեամբ պատասխանեց՝ անտեսելով ծերերի խորհուրդը,
14. եւ նրանց հետ խօսեց ըստ երիտասարդների խորհրդի՝ ասելով. Իմ հայրը ձեր լուծը ծանրացրել էր, ես անելացնելու եմ այն: Իմ հայրը գաւազաններով էր ձեզ խրատել, ես ձեզ խրատելու եմ կարիճներով:
15. Արքան չլսեց ժողովրդին, որովհետեւ կործանումն Աստծուց էր սահմանուած, որպէսզի Տէրը հաստատի սիլոնացի Աքիայի բերանով իր ասած խօսքերը Նաբատի որդի Յերոբոժամի եւ ամբողջ իսրայելի մասին. եւ արքան չլսեց նրանց:
16. Ժողովուրդը պատասխանեց արքային՝ ասելով. Ի՞նչ գործ ունենք Դաւթի հետ, կամ կիսելու ի՞նչ ժառանգութիւն՝ Յեսսէի որդու հետ: Գնա՛ քո վրանները, ո՛վ իսրայել, եւ քո տա՛ն մասին հոգա, ո՛վ Դաւիթ:
17. Եւ բոլոր իսրայելացիները գնացին իրենց բնակավայրերը, իսկ Յուդայի երկրի քաղաքներում ապրող միւս իսրայելացիները Ռոբոժամին դարձրին իրենց թագաւոր:
18. Ռոբոժամ արքան հարկերի վերակացու Ադոնիրամին ուղարկեց իսրայելացիների մօտ, բայց սրանք նրան քարկոծեցին, ու նա մեռաւ: Ռոբոժամ արքան հազիւ կարողացաւ իր մարտակառքը բարձրանալ ու փախչել Երուսաղէմ:
19. Եւ իսրայելացիները երես դարձրին Դաւթի տնից, ու այդպէս է մինչեւ այսօր:

1. Ռոբովամը եկաւ Երուսաղէմ, Յուդայի ու Բենիամինի տներից հաւաքեց պատերազմի ընդունակ հարիւր ութսուն հազար երիտասարդներ եւ պատերազմեց Իսրայէլի դէմ, որ թագաւորութիւնն իրեն վերադարձնի:
2. Տէրը խօսեց Աստծու մարդու՝ Սամէասի հետ՝ ասելով.
3. Խօսի՛ր Սողոմոնի որդի Ռոբովամի եւ Յուդայի երկրի ու Բենիամինի երկրի բոլոր մարդկանց հետ՝ ասելով. Այսպէս է ասում Տէրը.
4. մի՛ ելնէք ու մի՛ պատերազմէք ձեր եղբայրների դէմ, ամէն ոք թող վերադառնայ իր տունը, որովհետեւ այս բանը ինձնից եղաւ: Նրանք լսեցին Տիրոջ խօսքը եւ ետ դարձան Յերոբովամի վրայ արշաւելուց:
5. Ռոբովամը բնակուեց Երուսաղէմում եւ պարսպապատ քաղաքներ կառուցեց Հրեաստանում:
6. Նա շինեց Բեթղեհէմը, Ետանին, Բեքովեան,
7. Բեթսուրան, Սոկքովը, Օդոդամը,
8. Գեթը, Մարիսան, Չիփը,
9. Ադորայիմը, Լաքիսը, Ագեկան,
10. Սարաան, Աեղունը եւ Քեբրունը, որոնք Յուդայի երկրում ու Բենիամինի երկրում պարսպապատ քաղաքներ էին:
11. Նա պարիսպներով ամրացրեց դրանք, հրամանատարներ կարգեց դրանց վրայ, բոլոր քաղաքներում ուտելիքի՝ ձէթի ու գինու ամբարներ շինեց,
12. վահաններ ու նիզակներ պատրաստեց եւ յաճախակի ամրացրեց այդ քաղաքները:
13. Ռոբովամին էին պատկանում Յուդայի ու Բենիամինի երկրները: Ամբողջ Իսրայէլի մէջ գտնուող քահանաներն ու ղեւտացիները երկրի բոլոր ծայրերից նրա մօտ հաւաքուեցին, որովհետեւ ղեւտացիները իրենց սեփականութիւնը հանդիսացող բնակավայրերը լքեցին ու գնացին Յուդայի երկիրը՝ Երուսաղէմ.
14. Յերոբովամն ու նրա որդիները զրկել էին նրանց Տիրոջն սպասաւորելու պարտականութիւնից:
15. Նա իր պատրաստած բարձրադիր մեհեանների, կուռքերի, չաստուածների ու երինջների վրայ քրմեր նշանակեց:
16. Նա Իսրայէլի ցեղերից առանձնացրեց բոլոր նրանց, ովքեր սրտանց փնտռում էին Իսրայէլի Տէր Աստծուն: Սրանք եկան Երուսաղէմ, որ իրենց հայրերի Տէր Աստծուն զոհեր մատուցեն,
17. եւ զօրացրին Յուդայի երկրի թագաւորութիւնը: Երեք տարով հզօրացաւ Սողոմոնի որդի Ռոբովամը, որովհետեւ նա երեք տարի ընթացաւ Դաւթի ու Սողոմոնի ճանապարհներով:
18. Ռոբովամը կին առաւ Դաւթի որդի Յերիմութի դուստր Մուլաթին ու Յեսսէի որդի Եղիաբի դուստր Աբիադին:
19. Նրանք Ռոբովամի համար ծնեցին երեք որդիներ՝ Յերումին, Սամարիային ու Ալովին:
20. Դրանից յետոյ նա ամուսնացաւ Աբեսաղոմի դուստր Մաաքայի հետ, եւ սա նրա համար ծնեց Աբիասին, Եթթին, Իզային, Սալեմոթին:
21. Ռոբովամը իր բոլոր կանանց ու հարճերի մէջ ամենից շատ սիրեց Աբեսաղոմի դուստր Մաաքային: Նա ուներ տասնութ կին ու վաթսուն հարճ, որոնք նրա համար ծնեցին քսանութ տղաներ ու վաթսուն աղջիկներ:
22. Ռոբովամը Մաաքայից ծնուած Աբիային իշխան կարգեց նրա եղբայրների վրայ, քանզի նպատակ ուներ նրան թագաւոր դարձնել:
23. Յուդայի ու Բենիամինի երկրների բոլոր սահմաններում Ռոբովամն աւելի հզօր եղաւ, քան իր բոլոր որդիները, եւ ամրացուած քաղաքներում նրանց տուեց ուտելիքի խիստ առատ պաշար եւ նրանց համար բազում կանայք փնտռեց:

1. Երբ Ռոբովամի թագաւորութիւնը հաստատուն դարձաւ ու հզօրացաւ, նա, նրա հետ նաեւ բոլոր իսրայելացիները, անտեսեց Տիրոջ պատուիրանները:
2. Եւ քանի որ նրանք մեղանշել էին Տիրոջ դէմ, Ռոբովամի թագաւորութեան հիւնգերորդ տարում Եգիպտոսի արքայ Սաւսակիմը յարձակուեց Երուսաղէմի վրայ
3. հազար երկու հարիւր մարտակառքերով ու վաթսուն հազար հեծեալներով: Անթիւ էր Եգիպտոսից նրա հետ եկած բազմութիւնը՝ լիբեացիներ, տրոգլոդացիներ, եթովպացիներ,
4. որոնք տիրեցին Յուդայի երկրի ամրակուռ քաղաքներին: Եւ Սաւսակիմը եկաւ Երուսաղէմ:
5. Սամէաս մարգարէն եկաւ Ռոբովամի եւ Յուդայի երկրների իշխանների մօտ, որոնք Սաւսակիմի ահից հաւաքուել էին Երուսաղէմում, եւ ասաց նրանց. Այսպէս է ասում Տէրը. Դուք ինձ քեցիք, ուրեմն ես էլ ձեզ մատնելու եմ Սաւսակիմի ձեռքը:
6. Իսրայելի իշխաններն ու արքան ամաչեցին եւ ասացին. Արդար է Տէրը:
7. Երբ Տէրը տեսաւ, որ զոջացին, ապա Տէրն ասաց Սամէասին. Նրանք զոջացին, ուրեմն ես նրանց չեմ կործանի, կարճ ժամանակով նրանց հանգիստ կը թողնեմ եւ իմ գայրոյթը Երուսաղէմի վրայ չեմ թափի:
8. Այսպիսով նրանք իմ ծառայութեան տակ կը մտնեն եւ կ'իմանան, թէ ո՞րն է ինձ ծառայելու եւ երկրային թագաւորութիւններին ծառայելու տարբերութիւնը:
9. Եգիպտոսի արքայ Սաւսակիմը եկաւ ու գրաւեց Տիրոջ տան գանձերը եւ տարաւ արքայի տան բոլոր գանձերը: Նա գրաւեց նաեւ Սողոմոնի պատրաստած ոսկէ վահանները:
10. Ռոբովամը դրանց փոխարէն պղնձէ վահաններ պատրաստեց եւ դրանք յանձնեց արքունի դռների պահապանների պետերին:
11. Երբ արքան մտնում էր Տիրոջ տունը, մտնում էին նաեւ պահապաններն ու սուրհանդակները, եւ պահապանները դրանք վերցնում տանում էին սուրհանդակների ներկայութեամբ:
12. Երբ Ռոբովամը զոջաց, Տիրոջ բարկութիւնը նրանից վերացաւ, եւ նա իսպառ չկործանուեց, քանզի Յուդայի երկրում բարի գործեր էլ կային կատարուած:
13. Ռոբովամը հզօրացաւ Երուսաղէմում ու թագաւորեց: Ռոբովամը քառասունմէկ տարեկան էր, երբ գահ բարձրացաւ: Նա տասնեօթը տարի թագաւորեց Երուսաղէմում, այն քաղաքում, որ Տէրն ընտրել էր Իսրայելի բոլոր ցեղերի միջից, որպէսզի իր անունը դնի դրա վրայ: Ռոբովամի ամոնացի մօր անունը Նոոմա էր:
14. Նա չարիք գործեց, որովհետեւ նրա սիրտը հակուած չէր Տիրոջ կողմը:
15. Ռոբովամի առաջին ու վերջին խօսքերը եւ գործերը չէ՞ որ գրուած են Սամէաս մարգարէի ու Ադդով տեսանողի գրքերում: Յարատեւ պատերազմ էր մղում Ռոբովամի ու Յերոբովամի միջեւ:
16. Ռոբովամը մեռաւ ու թաղուեց իր նախնիների մօտ, Դաւթի քաղաքում:
17. Նրա փոխարէն թագաւորեց իր որդին՝ Աբիասը:

1. Յերոբովամի թագաւորութեան տասնութերորդ տարում Յուդայի երկրի վրայ թագաւորեց Աբիասը:
2. Նա երուսաղէմում թագաւորեց երեք տարի: Նրա մայրը Աբեսաղոմի դուստրն էր, անունը՝ Մաաքա: Պատերազմ էր տեղի ունենում Աբիասի ու Յերոբովամի միջեւ:
3. Աբիասը պատերազմի պատրաստուեց հզօր մարտիկներով՝ չորս հարիւր հազար զօրեղ մարդկանցով: Յերոբովամը նրա դէմ պատերազմի ելաւ ութ հարիւր հազար հզօր, քաջագուն ռազմիկներով:
4. Աբիասը վեր բարձրացաւ Սոմորոնի լեռից, որը Եփրեմի լեռներից մէկն էր,
5. եւ ասաց. Լսեցէ՛ք, Յերոբովա՛մ եւ բոլո՛ր իսրայէլացիներ, մի՞թէ ձեզ յայտնի չէ, թէ Իսրայէլի Տէր Աստուածը Իսրայէլի թագաւորութիւնը անբեկանելի ուխտով յաւիտեան տուել է Դաւթին ու նրա որդիներին:
6. Նաբատի որդի Յերոբովամը՝ Դաւթի որդի Սողոմոնի ծառան, սակայն, վեր կացաւ եւ ապստամբեց իր տիրոջ դէմ:
7. Նրա մօտ հաւաքուեցին չար եւ անօրէն մարդիկ եւ ընդդիմացան Սողոմոնի որդի Ռոբովամին: Ռոբովամը դեռ երիտասարդ էր եւ երկչոտ սիրտ ուներ, ուստի նրա դէմ չելաւ:
8. Արդ, դուք ասում էք, որ դէմ կը կանգնէք Տիրոջ թագաւորութեանը, որը Դաւթի որդիների ձեռքին է, որ չափազանց շատ զօրք ունէք, եւ ձեզ հետ են ոսկէ երինջները, որոնց Յերոբովամը ձեզ համար աստուածներ դարձրեց:
9. Մի՞թէ դուք չվնդեցիք Տիրոջ քահանաներին՝ Ահարոնի որդիներին ու դէւտացիներին, եւ ձեզ համար քրմեր ընտրեցիք մի այլ երկրի ժողովրդի միջից: Բոլոր նրանք, որ քահանայ դառնալու համար գալիս էին զուարակներով եւ եօթը խոյով, դառնում էին չաստուածների քուրմ:
10. Մենք մեր Տէր Աստծուն չլքեցինք. նրա քահանաները՝ Ահարոնի որդիներն ու դէւտացիները, ծառայում են Տիրոջը:
11. Նրանք ամեն օր խունկ են ծխում Տիրոջ համար, առաւօտեան ու երեկոյեան ողջակէզներ են մատուցում, անուշաբոյր խնկեր են ծխում, սուրբ սեղանի վրայ առաջաւորութեան հաց են դնում, վառում են ոսկէ աշտանակներն ու ճրագները, որ երեկոները լուսաւորեն: Մենք պահում ենք մեր հայրերի Տէր Աստծու պատուիրանները, իսկ դուք լքել էք Նրան:
12. Ահաւասիկ մեզ հետ են եւ մեզ իշխան են Տէրն ու նրա քահանաները, եւ ազդարարող փողերը պատրաստ են հնչելու, որ մեզ մարտի հրաւեր տան: Եւ դուք, ո՛վ իսրայէլացիներ, մի՞թէ կը մարտնչէք մեր հայրերի Աստծու դէմ. դա ձեզ յաջողութիւն չի բերի:
13. Յերոբովամը դարանակալներ էր դրել, որ Աբիասի զօրքի յետեւն անցնեն: Ինքը կանգնեց Յուդայի երկրի մարդկանց առաջ, իսկ դարանակալները անցան սրանց թիկունքը:
14. Յուդայի երկրի մարդիկ յետ նայեցին ու տեսան, որ թշնամին կանգնած է իրենց ե՛ւ առջեւը, ե՛ւ յետեւը: Նրանք աղաղակեցին Տիրոջը, քահանաները փողեր հնչեցրին, եւ Յուդայի երկրի մարդիկ աղաղակ բարձրացրին:
15. Երբ Յուդայի երկրի մարդիկ գոչեցին, Տէրը Աբիասի ու Յուդայի երկրի մարդկանց առջեւ կոտորեց Յերոբովամին ու իսրայէլացիներին:
16. Իսրայէլացիները փախան Յուդայի երկրի մարդկանց առջեւից, եւ Տէրը սրանց մատնեց նրանց ձեռքը:
17. Աբիասն ու նրա զօրքը նրանց ծանր հարուածներ հասցրին: Իսրայէլացիներից հինգ հազար ուժեղ մարդ կոտորուեց:
18. Այդ օրը իսրայէլացիները ընկճուեցին, իսկ Յուդայի երկրի մարդիկ զօրացան, քանզի իրենց հայրերի Տէր Աստծուն էին ապաւինել:
19. Աբիասը Յերոբովամին հալածեց ու նրանից գրաւեց քաղաքներ՝ Բեթէլն ու նրա

գիւղերը, Անան ու Նրա գիւղերը, Եփրոնն ու Նրա գիւղերը, Բեան ու Նրա գիւղերը:

20. Աբիասի օրօք Յերոբովամն այլեւս չկարողացաւ զօրութեամբ ոտքի կանգնել: Տէրը հարուածեց Նրան, եւ Նա մեռաւ:

21. Աբիասը հզօրացաւ. Նա տասնչորս կին առաւ: Նա ունեցաւ քսաներկու տղայ եւ տասնվեց աղջիկ:

22. Աբիասի մնացեալ արարքները, գործերն ու խօսքերը գրուած են Ադդով մարգարէի գրքում:

1. Աբիասը գնաց իր նախնիների գիրկը. նրան թաղեցին Դաւթի քաղաքում: Նրա փոխարեն թագաւորեց իր որդի Ասան: Նրա օրօք Յուդայի երկիրը տասը տարի հանգիստ մնաց:
2. Նա բարի եւ արդար գործեր կատարեց իր Տէր Աստծու առջեւ:
3. Նա վերացրեց օտար աստուածների զոհասեղանները, բարձադիր մեհեանները, խորտակեց արձանները եւ այրեց կուռքերը:
4. Նա Յուդայի երկրի բնակիչներին հրամայեց պաշտել իրենց հայրերի Տէր Աստծուն եւ կատարել օրէնքներն ու պատուիրանները:
5. Նա Յուդայի երկրի բոլոր քաղաքներից վերացրեց զոհասեղաններն ու կուռքերը: Եւ Յուդայի երկրում պարսպապատ քաղաքները խաղաղուեցին,
6. քանզի երկիրը խաղաղուել էր, եւ այն տարիներին պատերազմ չկար նրա դէմ, որովհետեւ Տէրը նրան հանգստութիւն էր պարգեւել:
7. Նա ասաց Յուդայի երկրի մարդկանց. Եկէ՛ք վերակառուցենք այս քաղաքները, պարիսպներ, աշտարակներ, դռներ ու նիզեր դռնեք, որ տիրենք երկրին, քանզի, ինչպէս մենք մեր Տէր Աստծուն փնտռեցինք պաշտեցինք, այնպէս էլ նա մեզ փնտռեց եւ ամեն տեղ հանգստութիւն ու յաջողութիւն տուեց մեզ:
8. Ասան Յուդայի երկրում վահաններ ու նիզակներ կրող երեք հարիւր հազարանոց զօրք ունեցաւ, իսկ Բենիամինի երկրում՝ երկու հարիւր վաթսուն հազար ասպարաւորներ ու աղեղնաւորներ: Սրանք բոլորը հզօր պատերազմիկներ էին:
9. Նրանց դէմ ելաւ եթովպացի Չարեհը մէկ միլիոն զինուորներով ու երեք հարիւր մարտակառքերով: Նա եկաւ-հասաւ մինչեւ Մարիսա:
10. Ասան դուրս եկաւ նրա դէմ եւ պատերազմի ճակատ կազմեց Մարիսայի հիւսիսում գտնուող ձորում:
11. Ասան դիմեց իր Տէր Աստծուն՝ ասելով. Տէ՛ր, քեզ համար դժուար չէ օգնութեան հասնել ինչպէս սակաւագօր, այնպէս եւ բազմաքանակ զօրքերին: Չօրացրո՛ւ մեզ, Տէ՛ր Աստուած մեր, քանզի քեզ ենք ապաւինում եւ քո անունով ելանք այս բազմութեան դէմ: Ո՛ր Վ Տէր Աստուած մեր, թող մարդը քո դէմ յաղթանակ չտանի:
12. Եւ Տէրը հարուածեց եթովպացիներին Յուդայի երկրի մարդկանց աչքի առջեւ, ու եթովպացիները փախան:
13. Ասան եւ իր զօրքը հալածեցին նրանց մինչեւ Գեդոր, եւ եթովպացիներից այնքան մարդ ընկաւ, որ նրանցից ոչ մէկը կենդանի չմնաց, քանզի կոտորուեցին Տիրոջ ու նրա զօրութեան առջեւ:
14. Յուդայի երկրի մարդիկ շատ աւար վերցրին եւ կործանեցին Գեդորի շուրջը գտնուող նրանց գիւղերը, քանզի Տիրոջից հասած արհաւիրքն էր պատել նրանց: Նրանք աւար առան նրանց բոլոր քաղաքները, քանի որ հարուստ աւար կար այդտեղ:
15. Նրանք նաեւ քանդեցին նրանց հօտերի պահակների վրանները, կոտորեցին ամագոնուհիներին, քշեցին տարած բազում ոչխարներ եւ ուղտեր ու վերադարձան երուսաղէմ:

1. Տիրոջ հոգին իջաւ Ադադի որդի Ազարիասի վրայ:
2. Նա, կանգնելով Ասայի եւ ամբողջ Յուդայի ու Բենիամինի երկրների ամբողջ ժողովրդի առջեւ, ասաց. Լսեցէ՛ք ինձ, ո՛վ Ասա եւ Յուդայի ու Բենիամինի երկրների բոլոր մարդիկ: Տերը ձեզ հետ է, քանի որ դուք Նրա հետ էք: Արդ, եթէ դուք Նրան փնտռէք, Նա կը յայտնուի ձեզ, եւ եթէ լքէք Նրան, Նա էլ ձեզ կը լքի:
3. Երկար ժամանակ Իսրայելը եղել է առանց ճշմարիտ Աստծու, առանց քահանայի, որ ուսուցանէր,
4. եւ առանց օրէնքի, որ Նրանց դարձներ դէպի Իսրայելի Տէր Աստուածը, բայց Տերը Նրանց մէջ էր:
5. Այդ ժամանակներում չկար ապահովութիւն դուրս եկողի ու ներս մտնողի համար, քանզի Տիրոջ սարսափն էր ընկել գաւառների բոլոր բնակիչների վրայ:
6. Ազգը ազգի դէմ էր պատերազմում, եւ քաղաքը՝ քաղաքի, քանզի Աստուած ամէն տեսակ նեղութիւններով զարհուրեցրել էր Նրանց:
7. Արդ, դուք զօրացէ՛ք, ու ձեր ձեռքերը թող չթուլանան, քանզի ձեր գործերը վարձ են ունենալու:
8. Երբ Ասան լսեց այս խօսքերը եւ Ազարիաս մարգարէի մարգարէութիւնը, զօրացաւ եւ Յուդայի ու Բենիամինի երկրներից եւ այն քաղաքներից, որ գրաւել էր Եփրեմի լերան վրայ, դուրս գցեց ամէն տեսակ կոռւքերը: Նա կատարեց Նաեւ Տիրոջ տաճարի առջեւում գտնուող Տիրոջ զոհասեղանի Նաւակատիքը:
9. Նա ժողովեց հաւաքեց Յուդայի ու Բենիամինի երկրների մարդկանց, ինչպէս եւ Եփրեմի, Մանասէի, Շմաւոնի ցեղերից Նրանց մօտ գտնուող պանդուխտներին, քանզի շատերը, տեսնելով որ Նրանց Տէր Աստուածը Նրա հետ է, Իսրայելից անցել-գնացել էին Նրա կողմը:
10. Ասայի թագաւորութեան տասնհինգերորդ տարուայ երրորդ ամսին Նրանք հաւաքուեցին Երուսաղէմում:
11. Այդ օրը Նա բերուած աւարից Տիրոջ համար զոհաբերեց եօթը հարիւր զուարակ ու եօթը հազար ոչխար:
12. Նա ուխտ դրեց, որ իրենց Տէր Աստծուն պէտք է պաշտեն ամբողջ սրտով եւ ամբողջ հոգով:
13. Ով չէր պաշտի Իսրայելի Տէր Աստծուն, պէտք է մեռներ, լինի երիտասարդ թէ ծեր, տղամարդ թէ կին:
14. Նրանք բարձր ձայնով ու եղջերափող հնչեցնելով երդուեցին Տիրոջը:
15. Ամբողջ Յուդայի երկիրը ուրախացաւ երդման համար, քանզի իրենց ամբողջ սրտով երդուեցին եւ յօժարակամ պաշտեցին Նրան: Տերը Նրանց մէջ էր. Նա համատարած հանգստութիւն պարգեւեց Նրանց:
16. Ասան իր մօրը՝ Մաաքային հեռացրեց, քանզի սա Աստարտի քրմուհի էր, ու խորտակելով կոռւքերը՝ այրեց դրանք Կեդրոնի հեղեղատում:
17. Բարձրադիր մեհեանները, սակայն, չվերացուեցին. դրանք տակաւին կային Յուդայի երկրում ու Իսրայելում, թէեւ Ասայի սիրտն իր կեանքի բոլոր օրերին լի էր Աստուծով:
18. Նա ներս տարաւ իր Նախահայր Դաւթի սրբութիւնները եւ Տէր Աստծու սրբութիւնները՝ արծաթ, ոսկի ու սպասք:
19. Պատերազմ չեղաւ մինչեւ Ասայի թագաւորութեան երեսունհինգերորդ տարին:

1. Ասայի թագաւորութեան երեսունութերորդ տարում Իսրայէլի Բաաս արքան յարձակուեց Յուդայի երկրի վրայ: Նա ամրացրեց Հռաման, որ փակի Յուդայի երկրի արքայ Ասայի ելումուտը:
2. Ասան ոսկի ու արծաթ վերցնելով Տիրոջ տան եւ թագաւորական տան գանձատներից՝ ուղարկեց ասորիների արքայ Ադերի որդուն, որ բնակւում էր Դամասկոսում, ասելով.
3. Դաշի՛նք կնքիր իմ ու քո միջեւ, ինչպէս որ կար իմ հօր ու քո հօր միջեւ: Ահաւասիկ ես քեզ արծաթ ու ոսկի եմ ուղարկում, որ յետ դարձնես Իսրայէլի Բաաս արքային, որպէսզի նա ինձնից հեռանայ:
4. Ասորիների արքայ Ադերի որդին անսաց եւ իր զօրքի իշխաններին ուղարկեց Իսրայէլի քաղաքների դէմ, որոնք հարուած հասցրին Աւուին, Դանին, Աբելմայինին եւ Նեփթաղիմ գաւառի շրջակայ ամբողջ երկրին:
5. Երբ Բաասը լսեց այդ մասին, հրաժարուեց Հռաման ամրացնելուց, եւ նրա այդ գործը կանգ առաւ:
6. Ասա արքան հաւաքեց Յուդայի երկրի բոլոր մարդկանց եւ տանելով Բաասի կառուցած Հռամայի ամրութիւնների քարերն ու փայտը՝ դրանցով ամրացրեց Գաբաան ու Մասփան:
7. Այն ժամանակ Յուդայի երկրի Ասա արքայի մօտ եկաւ Անանիաս մարգարէն եւ ասաց նրան. Քանի որ ապաւինեցիր ասորիների արքային եւ ոչ թէ քո Տէր Աստծուն, այդ պատճառով Իսրայէլի արքայի զօրքը փրկուեց քո ձեռքից:
8. Մի՞թէ եթովպացիներն ու լիբիացիները մեծաթիւ զօրք չունէին եւ համարձակութեամբ չյարձակուեցին չափազանց շատ հեծեալներով: Բայց քանի որ դու ապաւինել էիր քո Տիրոջը, Տէրը նրանց քո ձեռքը մատնեց,
9. քանզի Տիրոջ աչքերը նայում են ամբողջ երկրին, որպէսզի նա զօրացնի բոլոր նրանց, որոնց սրտերը ուղիղ են: Արդ, քանի որ դու այդ բանն անտեսեցիր, սրանից յետոյ քո երկիրը պատերազմներ է ունենալու:
10. Ասան զայրացաւ մարգարէի վրայ եւ նրան բանտարկեց, որովհետեւ այդ բանի համար բարկացել էր: Այդ ժամանակ Ասան սկսեց դաժան վերաբերուել ժողովրդի հանդէպ:
11. Ասայի առաջին եւ վերջին գործերը գրի են առնուած Յուդայի երկրի ու Իսրայէլի թագաւորների գրքում:
12. Ասայի ոտքերը թուլացան իր թագաւորութեան երեսունիններորդ տարում. նա ծանրօրէն հիւանդացաւ: Իր հիւանդութեան ժամանակ նա Տիրոջը չապաւինեց, այլ՝ բժիշկներին:
13. Ասան վախճանուեց իր թագաւորութեան քառասունմէկերորդ տարում եւ գնաց իր նախնիների գիրկը:
14. Նրան թաղեցին այն գերեզմանում, որ ինքն իր համար էր փորել տուել Դաւթի քաղաքում: Նրան գահաւորակի վրայ դրեցին, առատ խնկերով ու զանազան իւղերով օծեցին ու շատ մեծ յուղարկաւորութեամբ թաղեցին:



1. Ասայի փոխարէն թագաւորեց իր որդին՝ Յոսափատը: Յոսափատը իր իշխանութիւնը գորացրեց Իսրայէլի դէմ:
2. Նա գործեր դրեց Յուդայի երկրի բոլոր ամրացուած քաղաքներում, հրամանատարներ նշանակեց Եփրեմի երկրի բոլոր քաղաքներում, որոնք իր հայր Ասան էր գրաւել:
3. Տէրը Յոսափատի հետ էր, քանզի նա ընթացաւ իր նախահօր՝ Դաւթի իշխանութեան սկզբում որդեգրած ճանապարհով. կուռքեր չպաշտեց,
4. այլ իր նախահօր Տէր Աստծուն պաշտեց, իր նախահօր պատուիրաններով առաջնորդուեց եւ ոչ թէ Իսրայէլի թագաւորութեան նման վարուեց:
5. Նրա թագաւորութիւնը բարգաւաճեց նրա ձեռքում, եւ ամբողջ Յուդայի երկիրը Յոսափատին ընծաներ էր տալիս. նա ձեռք բերեց մեծ հարստութիւն ու փառք:
6. Նրա սիրտը նուիրուեց Տիրոջ ճանապարհներին, եւ նա եւս Յուդայի երկրից վերացրեց բարձրադիր մեհեաններն ու կուռքերը:
7. Իր թագաւորութեան երրորդ տարում նա իր իշխաններին ու զօրականներին՝ Աբդիասին, Չաքարիասին, Նաթանայէլին ու Միքէասին ուղարկեց ուսուցանելու Յուդայի երկրի քաղաքներում:
8. Նրանց հետ էին ղեւտացիներ Սամուիասը, Նաթանաասը, Չաքդիասը, Ասիելը, Սեմիրամոթը, Յովնաթանը, Ադոնիասը եւ Տաբադոնիասը՝ բոլորն էլ ղեւտացիներ: Նրանց հետ էին Եդիսամա ու Յորամ քահանաները:
9. Նրանք ուսուցանում էին Յուդայի երկրում՝ իրենց մօտ ունենալով Տիրոջ Օրէնքների գիրքը: Նրանք անցնում էին Յուդայի երկրի քաղաքներով եւ ուսուցանում ժողովրդին:
10. Տիրոջ սարսափն էր պատել Յուդայի երկրի շուրջը գտնուող երկրների թագաւորներին, ու նրանք ոչ մի պատերազմ չէին մղում Յոսափատի դէմ:
11. Այլազգիները Յոսափատին բերում էին ընծաներ՝ ոսկի, արծաթ ու նուէրներ, իսկ արաբները նրան բերում էին եօթը հազար եօթը հարիւր խոյ եւ եօթը հազար եօթը հարիւր նոխազ:
12. Յոսափատը գնալով աւելի մեծ հարստութեան էր տիրանում: Նա Հրեաստանում շինեց տներ ու ամրացուած քաղաքներ:
13. Նա բազում գործեր կատարեց Հրեաստանում: Հզօր պատերազմիկներ կային Երուսաղէմում:
14. Նրանց թիւը, ըստ նրանց տոհմատների, այս էր. Յուդայի ցեղի հազարապետներն էին Եդնաս իշխանը, որն ուներ երեք հարիւր հազար ուժեղ զինուոր:
15. Նրանից յետոյ Յովնան իշխանն էր, որն ուներ երկու հարիւր ութսուն հազար զինուոր:
16. Նրանից յետոյ Չաքարիայի որդի Մասեասն էր, որը Տիրոջ նուիրեալն էր: Նա ուներ երկու հարիւր հազար ուժեղ զինուոր:
17. Բենիամինի ցեղից էր հզօր Եդիադան, որն ուներ երկու հարիւր հազար աղեղնաւորներ ու պարսաւորներ:
18. Նրանից յետոյ Յոզաբադն էր, որն ուներ հարիւր ութսուն հազար հզօր պատերազմող մարդիկ:
19. Սրանք էին արքային ծառայութիւն անողները, բացի նրանցից, որոնց կարգել էր արքան ամբողջ Հրեաստանի ամրացուած քաղաքներում:

1. Յոսափատը էլ անելի շատ հարստութիւն ու մեծ փառք ունեցաւ եւ խնամութիւն արեց Աքաաբի տան հետ:
2. Տարեվերջին նա գնաց Աքաաբի մօտ, Սամարիա, եւ Աքաաբը նրա ու նրա հետ եկած զօրքի համար շատ ոչխար ու զուարակ մորթեց եւ փորձեց նրան համոզել, որ միասին յարձակուեն Գաղաադի Ռամոթ քաղաքի վրայ:
3. Իսրայելի արքայ Աքաաբն ասաց Յուդայի երկրի արքայ Յոսափատին. Ինձ հետ Գաղաադի Ռամոթ քաղաքի դէմ կը յարձակուե՞ս: Սա ասաց. Մի ենք ես ու դու, մի են քո զօրքն ու իմ զօրքը քեզ համար պատերազմում:
4. Յոսափատն ասաց Իսրայելի արքային. Այսօր հարցնենք Տիրոջը:
5. Իսրայելի արքան հաւաքեց Իսրայելի մարգարէներին՝ չորս հարիւր մարդ, եւ հարցրեց նրանց. Գաղաադի Ռամոթ քաղաքը պատերազմի գնա՞մ, թէ՞ յետ կանգնեմ: Նրանք ասացին. Գնա՛, եւ Աստուած քեզ՝ արքայիդ, յաջողութիւն կը պարգեւի:
6. Յոսափատն ասաց. Այստեղ Տիրոջ ուրիշ մարգարէ չկա՞յ, որ նրան էլ հարցնենք:
7. Իսրայելի արքան ասաց Յոսափատին. Մի ուրիշ մարդ էլ կայ, որի միջոցով կարելի է Տիրոջը հարցնել, բայց ես ատում եմ նրան, որովհետեւ նա ինձ համար լաւ բան չի մարգարէանում, եւ նրա բոլոր օրերը չարութեամբ են լցուած: Դա Յեմլայի որդի Միքիասն է: Յոսափատն ասաց. Թող արքան այդպէս չխօսի:
8. Եւ Իսրայելի արքան մի ներքինի կանչեց ու ասաց. Շտապ այստե՛ղ բեր Յեմլայի որդի Միքիասին:
9. Իսրայելի արքան եւ Յուդայի երկրի Յոսափատ արքան, ամեն մէկը պատմութեանը հագած, նստել էին իրենց գահին: Նրանք նստել էին Սամարիայի դարպասի առջեւ, մի ընդարձակ տեղ, եւ բոլոր մարգարէները նրանց առջեւ մարգարէանում էին:
10. Քանանի որդի Սեդեկիասը, որ երկաթե եղջիրներ էր պատրաստել, ասաց. Այսպէս է ասում Տէրը. Սրանցով պիտի հարուածես ասորիներին, մինչեւ որ բնաջնջես նրանց:
11. Բոլոր մարգարէները նոյնպէս մարգարէանում էին՝ ասելով. Յարձակուի՛ր Գաղաադի Ռամոթ քաղաքի վրայ, յաջողութիւն կ'ունենաս, եւ Տէրը քո՝ արքայիդ ձեռքը կը յանձնի այն:
12. Սուրհանդակը, որ գնացել էր Միքիասին կանչելու, խօսեց նրա հետ եւ ասաց. Ահա մարգարէները միաբերան բարեգուշակ բաներ ասացին յօգուտ արքայի, դու էլ նրանց ասածի պէս մի բան ասա, լաւ բան գուշակիր:
13. Միքիասն ասաց. Կենդանի է Տէրը. ինչ որ Աստուած ինձ ասի, այն էլ կ'ասեմ:
14. Նա եկաւ արքայի մօտ, եւ արքան նրան ասաց. Միքիա՛ս, Գաղաադի Ռամոթ քաղաքի վրայ յարձակուե՞մ, թէ՞ յետ կանգնեմ: Եւ նա ասաց. Յարձակուի՛ր եւ յաջողութիւն կը գտնես, նրանք ձեր ձեռքը կ'ընկնեն:
15. Ասաց նրան արքան. Քանի անգամ եմ քեզ երդուել տուել, որ, Տիրոջ անունով, ճշմարտութիւնից բացի ինձ այլ բան չասես:
16. Միքիասն ասաց. Տեսայ, որ իսրայէլացիները ցրուած են լեռների վրայ հովիւ չունեցող ոչխարների պէս, եւ Տէրն ասաց. Սրանք առաջնորդ չունեն, թող ամեն մարդ իր տունը վերադառնայ խաղաղութեամբ:
17. Իսրայելի արքան ասաց Յոսափատին. Քեզ չասացի՞, որ նա ինձ համար բարի գուշակութիւն չի անի, այլ՝ չար:
18. Իսկ Միքիասն ասաց. Ճիշտ չէ: Լսեցէ՛ք Տիրոջ խօսքը: Ես տեսայ Տիրոջը, որ նստած էր իր աթոռին, եւ երկնքի բոլոր զօրքերը կանգնած էին նրա աջ ու ձախ կողմերին:
19. Տէրն ասաց. Ո՞վ կը խաբի Իսրայելի արքայ Աքաաբին, որ վեր կենայ ու յարձակուի Գաղաադի Ռամոթ քաղաքի վրայ: Մէկն այսպէս խօսեց, միւսն՝ այնպէս:
20. Մի ոգի ելաւ ու կանգնելով Տիրոջ առջեւ՝ ասաց. Ես կը խաբեմ նրան: Տէրն ասաց. Ի՞նչպէս:
21. Նա ասաց. Ես կը գնամ ու սուտ ոգի կը լինեմ նրա բոլոր մարգարէների բերանում: Տէրն ասաց. Դու կը խաբես նրան, դու կարող ես, ուրեմն գնա՛ եւ արա՛ այդպէս:

22. Ահա Տէրը սուտ ոգի է դրել քո այդ մարգարէների բերանում, այդ պատճառով էլ Տէրը քեզ համար վատ բան է գուշակում:
23. Այն ժամանակ Քանանի որդի Սեդեկիասը մօտենալով Միքիասին՝ հարուածեց նրա ծնօտին ու ասաց. Ո՞ր ճանապարհով Տիրոջ ոգին անցաւ իմ մէջ եւ խօսեց քեզ հետ:
24. Միքիասն ասաց. Ահա դու կը տեսնես այն օրը, երբ պահասենեակից պահասենեակ կը մտնես, որ թաքնուես:
25. Իսրայէլի արքան ասաց. Բռնեցէ՛ք Միքիասին, յե՛տ տարէք քաղաքագլուխ Սեմերի ու արքայորդի իշխան Յովասի մօտ:
26. Եւ ասացէ՛ք. Այսպէս է ասում արքան. սրան բա՛նտ դրէք, ու թող նա մի կտոր հացով ու մի կում ջրով սնուի, մինչեւ որ ես խաղաղութեամբ վերադառնամ:
27. Միքիասն ասաց. Եթէ իրօք խաղաղութեամբ վերադառնաս, ուրեմն Տէրը ինձ հետ չի խօսել: Ո՛վ ժողովուրդ, բոլորդ լսեցէ՛ք:
28. Իսրայէլի արքան ու Յուդայի երկրի արքայ Յոսափատը յարձակուեցին Գաղաադի Ռամոթ քաղաքի վրայ:
29. Իսրայէլի արքան ասաց Յոսափատին. Ծպտի՛ր ինձ, որ այդպէս մտնեմ պատերազմի մէջ, իսկ դու հագի՛ր իմ պատմունճանը: Իսրայէլի արքան ծպտուեց եւ մտաւ պատերազմի մէջ:
30. Ասորիների արքան իր մարտակառքերի հրամանատարներին, որոնք իր մօտ էին, ասաց. Մի՛ կռուէք ո՛չ շարքայինի, ո՛չ էլ նրանց մեծաւորների դէմ, այլ միայն՝ Իսրայէլի արքայի դէմ:
31. Եւ երբ մարտակառքերի հրամանատարները տեսան Յոսափատին, ասացին. Սա է Իսրայէլի արքան: Եւ շրջապատեցին նրան, որ կռուեն նրա դէմ: Յոսափատը աղաղակեց, ու Տէրը փրկեց նրան: Աստուած նրանց հեռացրեց նրա մօտից:
32. Երբ մարտակառքերի հրամանատարները տեսան, որ նա Իսրայէլի արքան չէ, նրան հետապնդելուց դադարեցին:
33. Մի մարդ ամբողջ ուժով լարեց աղեղը եւ լանջապանակի միջով խոցեց Իսրայէլի արքայի թոքերը: Նա ասաց իր ներքինուն. Կառքը յե՛տ դարձրու եւ ինձ հանի՛ր պատերազմի դաշտից, որովհետեւ մահացու վիրաւոր եմ:
34. Այդ օրը պատերազմը սաստկացաւ, եւ Իսրայէլի արքան մինչեւ երեկոյ մնաց իր մարտակառքի վրայ, ասորիների դիմաց եւ արեգակի մայր մտնելու ժամանակ մեռաւ:

1. Յոսափատ արքան խաղաղութեամբ վերադարձաւ իր տունը, Երուսաղէմ:
2. Նրան ընդառաջ եկաւ Անանիա մարգարէի որդի Յեռն եւ ասաց Յոսափատ արքային. Պէ՞տք էր, որ մեղաւորին օգնէիր կամ Տիրոջ ատելի մարդուն բարեկամ լինէիր: Այդ պատճառով քեզ վրայ իջաւ Տիրոջ բարկութիւնը,
3. բայց քանի որ դու բարի գործեր էլ էիր կատարել՝ Յուդայի երկրից վերացրել էիր բարձրադիր մեհեանները եւ սրտով Տիրոջն էիր յարել, ուստի Տէրը քեզ փրկեց:
4. Յոսափատը ապրեց Երուսաղէմում, կրկին դուրս եկաւ ժողովրդի մէջ Բերսաբէից մինչեւ Եփրեմի լեռը եւ մարդկանց վերստին դարձրեց դէպի իրենց հայրերի Տէր Աստուածը:
5. Նա դատաւորներ կարգեց Յուդայի երկրի բոլոր քաղաքներում, ամէն մի ամրացուած քաղաքում:
6. Նա ասաց դատաւորներին. Տեսէ՛ք, թէ դուք ինչ էք անում, ձեր դատը մարդկանց չի վերաբերում, այլ՝ Տիրոջը: Արդարութիւնը ձեր կողմն է:
7. Արդ, Տիրոջ երկիւղը թող ձեզ վրայ լինի, պահեցէ՛ք Օրէնքը եւ գործադրեցէ՛ք, քանզի մեր Տէր Աստուածը անիրաւութիւն եւ կողմնակալութիւն չի անում եւ չի կաշառում:
8. Յոսափատը քահանաներից, ղեւտացիներից եւ Իսրայէլի տոհմապետներից դատաւորներ կարգեց նաեւ Երուսաղէմում, որ կատարեն Տիրոջ դատաստանը՝ դատեն Երուսաղէմի բնակիչներին:
9. Նա նրանց պատուիրեց՝ ասելով. Տիրոջ երկիւղով, ճշմարտութեամբ ու կատարեալ սրտով այսպէս կը վարուէք.
10. եթէ իրենց քաղաքներում բնակուող ձեր եղբայրներից որեւէ մէկը արեան դիմաց արեան, օրէնքին ու պատուիրանին, իրաւունքներին ու դատաստաններին վերաբերող գործով դիմի ձեզ, ապա բացատրեցէ՛ք նրանց, որ չմեղանչեն Աստծու դէմ, որ նրանք չբարկանան ո՛չ ձեր վրայ, ո՛չ էլ՝ ձեր եղբայրների: Այսպէս արէ՛ք եւ չէք մեղանչի:
11. Եւ ահա Ամարիաս քահանան Տիրոջ բոլոր գործերում ձեր առաջնորդն է, Իսմայէլի որդի Չաբդիասը Յուդայի տան առաջնորդն է արքայի բոլոր գործերում, իսկ քարտուղարներն ու ղեւտացիները ձեր կողքին են. զօրացէ՛ք ու գործեցէ՛ք, եւ Տէրը բարուն աջակից պիտի լինի:

1. Դրանից յետոյ ամոնացիներն ու մովաբացիները, նրանց հետ նաեւ միւնեցիներից ոմանք եկան Յոսափատի դէմ պատերազմելու:
2. Եկան ու այդ բանը յայտնեցին Յոսափատին՝ ասելով. Զեզ վրայ մեծ բազմութիւն է յարձակում ծովի այն կողմից՝ Ասորիքից, եւ ահա նրանք Ասասանթամարում են, այսինքն՝ Գադդիում:
3. Յոսափատը վախեցաւ, երեսն ուղղելով դէպի Տէրը՝ աղօթեց եւ յայտարարեց, որ ծով պահեն ամբողջ Յուդայի երկրում:
4. Յուդայի երկրի բնակիչները հաւաքուեցին, որ դիմեն Տիրոջը. Յուդայի երկրի բոլոր քաղաքներից եկան դիմելու Տիրոջը:
5. Յոսափատը Երուսաղէմում, Տիրոջ տանը, դրա նոր գաւթի դիմաց կանգնեց Յուդայի երկրի ժողովականների մէջ
6. ու աղօթեց. Ո՛ր մեր հայրերի Տէր Աստուած, չէ՞ որ դո՛ւ ես Աստուած երկնքում, որ տիրում ես հեթանոս ազգերի բոլոր թագաւորութիւնների վրայ. քո ձեռքում է իշխանութեան ուժը, եւ ոչ ոք չի կարող քեզ դէմ կանգնել:
7. Չէ՞ որ, Տէ՛ր, քո իսրայէլացի ժողովրդի առաջ դո՛ւ ոչնչացրիր այս երկրի բնակիչներին եւ երկիրը յաւիտեան տուեցիր քո սիրելի Աբրահամի յետնորդներին:
8. Սրանք բնակուեցին այստեղ եւ այստեղ էլ շինելով քո անուան սրբարանը՝ ասացին.
9. Եթէ մեզ վրայ գան չարիք, սուր, դատաստան, մահ ու սով, կը կանգնենք այս տան առջեւ եւ քո առջեւ, քանզի քո անունը այս տան վրայ է, քեզ կը կանչենք նեղութեան մէջ լինելու դէպքում, եւ դու կը լսես ու կը փրկես մեզ:
10. Եւ արդ, ահա ամոնացիները, մովաբացիները եւ Մէիր լերան բնակիչները, որոնց երկրով թոյլ չտուեցիր անցնել, երբ իսրայէլացիները Եգիպտոսից դուրս եկան եւ շեղեցին իրենց ճանապարհը նրանցից, որ չկոտորեն նրանց,
11. ահաւասիկ նրանք յանդգնել են մեզ վրայ յարձակուել ու մեզ հանել ժառանգութիւն ստացած մեր երկրից, որը դու ես տուել մեզ:
12. Ո՛ր Տէր Աստուած մեր, մի՞թէ նրանց դատաստանը չես տեսնելու: Չէ՞ որ մենք զօրութիւն չունենք այս մեծ բազմութեան դէմ կանգնելու եւ չգիտենք, թէ ինչ անենք նրանց դէմ: Մեր աչքերը քեզ են ուղղուած:
13. Յուդայի երկրի ողջ բնակչութիւնը, նաեւ երեխաներն ու կանայք կանգնած էին Տիրոջ առջեւ:
14. Ասափի որդիներից դեւտացի Մաթանիայի որդի Եղիէլի որդի Բանիասի որդի Չաքարիայի որդի Օզիէլի վրայ հաւաքի ժամանակ իջաւ Տիրոջ հոգին,
15. եւ Օզիէլն ասաց. Լսեցէ՛ք, Յուդայի մարդի՛կ, Երուսաղէմի բնակիչնե՛ր եւ Յոսափա՛տ արքայ, Տէրը ձեզ այսպէս է ասում. Մի՛ վախեցէք ու մի՛ զարհուրէք այս մեծ բազմութիւնից, քանզի պատերազմը ձերը չէ, այլ՝ Աստծունը:
16. Վաղն եւեթ յարձակուեցէ՛ք նրանց վրայ: Ահա նրանք իջնում են Աստծի գառիվայրով, եւ դուք նրանց կը գտնէք Յերիէլի անապատում գտնուող գետի եզերքին:
17. Դուք չէ, որ այնտեղ պիտի պատերազմէք: Հասկացէ՛ք ու կը տեսնէք ձեզ հետ եղող Տիրոջ փրկութիւնը: Յուդայի՛ երկիր եւ Երուսաղէ՛մ, մի՛ վախեցէք ու մի՛ զարհուրէք. վաղը յարձակուեցէ՛ք նրանց վրայ, քանզի Տէրը ձեզ հետ է:
18. Յոսափատը, ամբողջ Յուդայի երկրի ու Երուսաղէմի բնակիչները երեսնիվայր խոնարհուելով՝ ընկան Տիրոջ առջեւ ու երկրպագեցին Տիրոջը:
19. Եւ Կահաթի տոհմից ու Կորիսի տոհմից դեւտացիները վեր կացան ու բարձր ձայնով օրհնեցին Տէր Աստծուն:
20. Նրանք առաւօտեան կանուխ զարթնելով՝ գնացին Թեկուայի անապատը: Երբ նրանք վեր էին կենում, Յոսափատը կանգնեց ու աղաղակելով ասաց. Ի՛նձ լսեցէք, Յուդայի երկրի եւ Երուսաղէմի բնակիչնե՛ր, հաւատացէ՛ք մեր Տէր Աստծուն, եւ նա էլ ձեզ կը հաւատայ, հաւատացէ՛ք նրա մարգարէներին ու յաջողութիւն կ'ունենաք:
21. Նա խորհուրդ արեց ժողովրդի հետ եւ կարգեց սաղմոսերգուներ ու

օրհնաբանողներ, որ զօրքի առջեւից ընթանալիս փառք տան ու օրհնաբանեն սրբութիւնները: Նրանք ասում էին. Փառք տանք Տիրոջը, քանզի նրա ողորմածութիւնը յաւիտեան է:

22. Երբ նրանք սկսել էին օրհնել ու փառաբանել Տիրոջը, Տէրը ամոնացիներին կռուի հանեց մովաբացիների ու Սէիր լեռան բնակիչների դէմ, որոնք եկել էին Յուդայի երկրի վրայ յարձակուելու: Եւ նրանք պարտուեցին:

23. Ամոնացիներն ու մովաբացիները յարձակուեցին Սէիր լեռան բնակիչների վրայ, որ կոտորեն ու ոչնչացնեն նրանց: Երբ Սէիրի բնակիչներին իսպառ բնաջնջեցին, այս անգամ սրանք իրար վրայ յարձակուեցին ու կոտորեցին միմեանց:

24. Յուդայի երկրի մարդիկ եկան անապատի դիտանոցը, նայեցին ու տեսան, որ բոլորն սպանուած են, գետին ընկած, ու ոչ ոք չէր փրկուել:

25. Յոսափատն ու զօրքը եկան կողոպտելու նրանց աւարը: Նրանք գտան մեծ թուով անասուններ, հանդերձանք, աւար ու թանկարժէք առարկաներ եւ այս ամէնը կողոպտեցին: Նրանք երեք օր հաւաքում էին աւարը, որովհետեւ չափազանց շատ էր:

26. Չորրորդ օրը նրանք հաւաքուեցին Օրինութեան հովտում, որովհետեւ այնտեղ էին օրհնել Տիրոջը, որի համար էլ այդ տեղը կոչուեց Օրինութեան հովիտ. եւ այդպէս է կոչւում մինչեւ այսօր:

27. Յուդայի երկրի բոլոր մարդիկ վերադարձան Երուսաղէմ: Յոսափատը նրանց առաջնորդեց մեծ ուրախութեամբ, քանզի Տէրը նրանց ուրախութիւն էր տուել՝ ազատելով նրանց իրենց թշնամիներից:

28. Նրանք մտան Երուսաղէմ, Տիրոջ տունը քնարներով, տաւիղներով ու փողերով:

29. Երբոր երկրի բոլոր թագաւորութիւնները լսեցին, որ Տէրն է պատերազմել Իսրայէլի թշնամիների դէմ, Տիրոջ վախն ընկաւ նրանց վրայ:

30. Յոսափատի թագաւորութիւնը խաղաղուեց, եւ նրա Աստուածը ամեն կողմից հանգստացրեց նրան:

31. Յոսափատը իշխեց Յուդայի երկրի վրայ: Նա երեսունհինգ տարեկան էր, երբ թագաւոր դարձաւ, եւ քսանհինգ տարի թագաւորեց Երուսաղէմում: Նրա մօր անունը Ազուբա էր, որը Սալիի դուստրն էր:

32. Յոսափատն ընթացաւ իր հօր՝ Ասայի ճանապարհներով, չխոտորուեց Տիրոջ ճանապարհից,

33. թէեւ տակաւին բարձրադիր մեհեաններ կային, եւ ժողովուրդն իր սիրտը չէր ուղղել իր հայրերի Տէր Աստծուն:

34. Յոսափատի մնացած գործերը, առաջինից մինչեւ վերջինը, գրուած են Անանի որդի Յեուի պատմութեան մէջ. նա է գրի առել Իսրայէլի թագաւորների պատմութիւնը:

35. Դրանից յետոյ Յուդայի երկրի արքայ Յոսափատը բարեկամացաւ Իսրայէլի արքայ Օքոզիայի հետ:

36. Յոսափատը անօրէնութիւն գործեց, երբ վեր կացաւ ու գնաց Օքոզիայի մօտ, որ նաւ պատրաստի ու գնայ Թարսիս: Նա նաւ պատրաստեց Գասիոնգաբերում:

37. Մարեսացի Օդրիի որդի Եղիազարը Յոսափատի մասին մարգարեանալով ասաց. Քանի որ Օքոզիային սիրելի դարձար, Տէրը պիտի խառնի քո գործերը, քո նաւը պիտի խորտակուի, եւ դու չպիտի կարողացաս Թարսիս գնալ:

1. Յոսափատը գնաց իր նախնիների գիրկը եւ թաղուեց Դաւթի քաղաքում, իր նախնիների մօտ:
2. Նրա փոխարէն թագաւորեց իր որդին՝ Յորամը:
3. Նա ուներ վեց եղբայր, որոնք Յոսափատի որդիներն էին. Եգրիաս, Եել, Չաքարիաս, Միսայել, Սափատիաս եւ Ազարիու: Սրանք բոլորը Յուդայի երկրի արքայ Յոսափատի որդիներն էին:
4. Հայրը նրանց տուել էր բազում պարգեւներ՝ արծաթ, ոսկի, գէնքեր, ինչպէս նաեւ ամրացուած քաղաքներ Յուդայի երկրում, իսկ թագաւորութիւնը յանձնել էր Յորամին, քանզի նա էր անդրանիկը:
5. Յորամն ստանձնելով թագաւորութիւնը՝ հզօրացաւ ու սրակոտոր արեց իր բոլոր եղբայրներին, նաեւ Իսրայելի մի շարք իշխանների:
6. Նա երեսուներկու տարեկան էր, երբ թագաւոր դարձաւ, եւ ութ տարի թագաւորեց Երուսաղէմում:
7. Նա ընթացաւ Իսրայելի թագաւորների ճանապարհներով. նա արեց այն, ինչ որ Աքաաբի տունն էր արել, քանի որ նրա կինը Աքաաբի դուստրն էր: Նա չարիք գործեց Տիրոջ առջեւ,
8. սակայն Տէրը չուզեց կործանել Դաւթի տունը այն ուխտի համար, որ դրել էր Դաւթի հետ, եւ ինչպէս ասել էր նրան՝ միշտ մի ճրագ էր տալու նրան ու նրա որդիներին:
9. Այդ օրերին Յուդայի երկրի դէմ ապստամբեցին եդոմացիները, որոնք իրենց համար թագաւոր ընտրեցին:
10. Յորամը գնաց իր իշխաններով ու հեծեալներով հանդերձ եւ գիշերը վեր կենալով՝ յարձակուեց եդոմացիների ու նրանց մարտակառքերի հրամանատարների վրայ, որոնք պաշարել էին իրեն: Եդոմացիների զօրքը փախաւ դէպի իրենց վրանները:
11. Եդոմն ազատուեց Յուդայի երկրի գերիշխանութիւնից. եւ այդպէս է մինչեւ այսօր: Այդ ժամանակ ապստամբեց Լոբնան Յորամի իշխանութեան դէմ, քանզի Յորամը լքել էր իր հայրերի Տէր Աստծուն,
12. բարձրադիր մեհեաններ էր կառուցել տուել Յուդայի երկրի քաղաքներում, չաստուածներ պաշտելու էր մղել Երուսաղէմի բնակիչներին ու մոլորեցրել Յուդայի երկիրը:
13. Եղիա մարգարէից նրան պատգամագիր եկաւ, ուր ասուած էր. Այսպէս է ասում քո նախահօր՝ Դաւթի Տէր Աստուածը. Քանի որ չընթացար քո հօր՝ Յոսափատի ուղիով եւ ոչ էլ Յուդայի երկրի արքայ Ասայի ուղիով,
14. այլ ընթացար Իսրայելի թագաւորի ուղիով, չաստուածներ պաշտելու մղեցիր Յուդայի երկրի ու Երուսաղէմի բնակիչներին, ինչպէս որ արել էր Աքաաբի տունը, եւ քո հօր որդիներին՝ քո եղբայրներին, որոնք քեզնից լաւ էին, սպանեցիր,
15. դրա համար էլ Տէրը քո ժողովրդի ներկայութեամբ քեզ, քո որդիներին, քո կանանց եւ քո ամբողջ ունեցուածքին մեծ հարուածներ է հասցնելու:
16. Դու ծանր հիւանդութեամբ ու որովայնի ախտով պիտի մաշուես, մինչեւ որ քո ախտահարուած փորոտիքը օրեցօր դուրս թափուի:
17. Եւ Տէրը Յորամի դէմ հանեց այլազգիներին եւ եթովպացիների հարեւան արաբներին:
18. Նրանք յարձակուեցին Յուդայի երկրի վրայ, կողոպտեցին այն եւ տարան արքայի տան ամբողջ հարստութիւնը, նրա տղաներին ու աղջիկներին, եւ նա զրկուեց իր բոլոր որդիներից, բացի կրտսերագոյն որդուց՝ Օթոգիասից:
19. Դրանից յետոյ Տէրը նրան հարուածեց եւ որովայնի անբուժելի հիւանդութիւն տուեց:
20. Որոշ ժամանակ անց երբ հասաւ նրա վախճանը, ամբողջ երկու օր նրա ախտահարուած փորոտիքը դուրս թափուեց, եւ նա մեռաւ այդ ծանր հիւանդութիւնից: Ժողովուրդը նրան յուղարկաւորութիւն չարեց, ինչպէս որ արել էր նրա նախնիներին:
21. Նա երեսուներկու տարեկան էր, երբ թագաւոր դարձաւ, եւ ութ տարի թագաւորեց

Երուսաղեմում: Նա մեռաւ առանց դրուատանքի խօսքի: Նա թաղուեց Դաւթի քաղաքում, բայց ոչ թագաւորների գերեզմանոցում:



1. Երուսաղեմի բնակիչները Յորամի փոխարեն գահ բարձրացրին նրա կրտսերագոյն որդուն՝ Օքոզիասին, քանզի նրա բոլոր աւագ եղբայրներին սպանել էին նրանց վրայ յարձակուած աւագակախմբերը, արաբները եւ ալիմագոնացիները: Թագաւոր դարձաւ Յուդայի երկրի արքայ Յորամի որդի Օքոզիասը:
2. Օքոզիասը թագաւոր դարձաւ, երբ քսաներկու տարեկան էր: Նա մէկ տարի թագաւորեց Երուսաղեմում: Նրա մօր անունը Գոթողիա էր: Սա Ամրիի դուստրն էր:
3. Օքոզիասն ընթացաւ Աքաաբի տան ճանապարհով, քանզի նրա մայրը մեղանչելու գործում նրա խորհրդականն էր:
4. Օքոզիասը չարիք գործեց Տիրոջ առջեւ, ինչպէս արել էին Աքաաբի տան մարդիկ, քանի որ հօր մահից յետոյ նրան կործանելու համար նրանք էին դարձել իր խորհրդականները:
5. Նա առաջնորդուեց նրանց խորհուրդներով, Աքաաբի որդի Յորամի հետ գնաց Գաղաադի Ռամաթ քաղաքը՝ Ասորիքի արքայ Ազայելի դէմ պատերազմելու: Եւ աղեղնաւորները վիրաւորեցին Յորամին:
6. Յորամը վերադարձաւ Յեզրայել, որ բուժուի այն վերքերից, որ ասորիները պատճառել էին Ռամաթում, երբ նա պատերազմում էր Ասորիքի արքայ Ազայելի դէմ: Յուդայի երկրի արքայ Յորամի որդի Օքոզիասը եկաւ Յեզրայել, որ այցելի Աքաաբի որդի Յովրամին, որը հիւանդ էր:
7. Տիրոջ պատուհասը իջաւ Օքոզիասի գլխին այն ժամանակ, երբ սա գնացել էր Յորամի մօտ: Մինչ նա գնում էր, յարձակուեց Ամեսսիի որդի, Տիրոջից օծեալ Յեուի վրայ:
8. Երբ Յեուն վրէժ էր լուծում Աքաաբի տնից, տեսաւ, որ Յուդայի իշխանները՝ Օքոզիասի եղբօրորդիները, ծառայում էին Օքոզիասին, ուստի կոտորեց նրանց:
9. Նա հրամայեց փնտռել գտնել Օքոզիասին: Նրան բռնեցին Սամարիայում, ուր բուժւում էր: Նրան բերեցին Յեուի մօտ, որն սպանեց նրան: Նրան թաղեցին այնտեղ, քանզի ասացին, թէ նա որդին է Յոսափատի, որն իր ամբողջ սրտով ձգտում էր Տիրոջը: Եւ Օքոզիասի տան մէջ չգտնուեց մէկը, որ ձեռք առնէր թագաւորական իշխանութիւնը:
10. Օքոզիասի մայրը՝ Գոթողիան, երբ տեսաւ, թէ որդին մեռել է, վեր կացաւ ու կոտորեց Յուդայի տան ամբողջ թագաւորական սերունդը:
11. Արքայադուստր Յոսաբեթը, սակայն, գողացաւ Օքոզիասի որդի Յովասին արքայի կոտորուող որդիների միջից եւ նրան ու նրա դայեակին տեղաւորեց անկողինների սենեակում: Յոսաբեթը, որը Յորամ արքայի դուստրն էր, Օքոզիասի քոյրը եւ Յովիդայէ քահանայի կինը, նրան թաքցրեց Գոթողիայից, ուստի սա չկարողացաւ սպանել նրան:
12. Նա վեց տարի նրա հետ թաքնուած մնաց Աստծու տանը: Գոթողիան վեց տարի թագաւորեց երկրում:

1. Եօթներորդ տարում Յովհդայէն զօրացաւ եւ վերցնելով հարիւրապետներին՝ Յորամի որդի Ազարիասին, Յովսանի որդի Իսմայէլին, Յոբադի որդի Ազարիասին, Ադայիայի որդի Մասիասին, Չաքարիայի որդի Եղիսափատին, տարաւ Տիրոջ տունը:
2. Նրանք շրջեցին Յուդայի երկրում, Յուդայի երկրի բոլոր քաղաքներից հաւաքեցին ղեւտացիներին, Իսրայէլի տոհմերի իշխաններին եւ եկան Երուսաղէմ:
3. Նրանք Յուդայի երկրի բոլոր ժողովականների եւ արքայի հետ ուխտ դրեցին Տիրոջ տանը: Նա նրանց ցոյց տալով արքայորդուն՝ ասաց. Ահաւասիկ Յուդայի երկրի արքայորդին. սա՛ պետք է թագաւորի, ինչպէս Տէրն ասել էր Դաւթի տան մասին:
4. Արդ, պետք է անէք հետեւեալը. ձեզից՝ քահանաներից ու ղեւտացիներից նրանք, որ շաբաթ օրուայ պաշտամունք են կատարում, նրանց մէկ երրորդ մասը պետք է պահպանի դռների մուտքը,
5. մէկ երրորդ մասը պետք է լինի արքայի պալատում, իսկ միւս մէկ երրորդ մասը պետք է լինի Հիմքի դռան մօտ: Ամբողջ ժողովուրդը պետք է լինի Տիրոջ տան գաւթում:
6. Ոչ ոք չպետք է մտնի Տիրոջ տունը, բացի քահանաներից, ղեւտացիներից ու սպասաւորութեան կոչուած ղեւտացիներից: Սրանք միայն պետք է մտնեն, քանզի սուրբ են, իսկ ամբողջ ժողովուրդը պետք է Տիրոջ հրամանները կատարի:
7. Ղեւտացիները, ամեն մէկն իր ձեռքին զէնք ունենալով, պետք է շրջապատեն արքային: Ով տուն մտնի, կը սպանուի: Նրանք պետք է ուղեկցեն արքային, որտեղ էլ որ նա գտնուի:
8. Ղեւտացիները եւ Յուդայի երկրի բոլոր բնակիչները ըստ ամենայնի կատարեցին այն, ինչ Յովհդայէ քահանան պատուիրեց. ամեն մէկն ընտրեց իր մարդկանց, թէ՛ նրանց, որ սկսում էին շաբաթ օրուայ իրենց պաշտամունքը եւ թէ՛ նրանց, որ այդ օրը աւարտում էին այն, քանի որ Յովհդայէն ամենօրեայ պահապաններին չէր արձակել:
9. Յովհդայէն նրանց տուեց սուսերներ, վահաններ եւ զէնքեր, որ Դաւիթ արքայինն էին եւ պահւում էին Աստծու տանը:
10. Նա ամբողջ ժողովրդին, ամեն մէկին իր զէնքով կանգնեցրեց տան աջ կողմից մինչեւ զոհասեղանի եւ տաճարի ձախ կողմը, թագաւորի շուրջը:
11. Դուրս բերելով արքայորդուն՝ նա նրա վրայ դրեց թագն ու Վկայութեան գիրը. Յովհդայէն ու իր որդիները նրան թագաւոր դարձրին եւ օծեցին՝ գոչելով. Կեցցե՛ք արքան:
12. Երբ Գոթողիան լսեց վազող, արքային փառաբանող ու օրհնող ժողովրդի ձայնը, մտաւ արքայի մօտ՝ Տիրոջ տունը,
13. ու տեսաւ, որ թագաւորը իր տեղում է, իսկ զօրապետները, փողիարները եւ իշխանները կանգնած են արքայի շուրջը, ճանապարհի մուտքի մօտ: Ամբողջ ժողովուրդը զուարճանում էր, փողեր էր հնչեցնում, նուագարաններով երգեր էր երգում, օրհնութիւններ առաքում առ Աստուած: Գոթողիան զգեստները պատառոտեց ու գոչեց՝ ասելով. Դուք դաւադրութեամբ խարդախ խաղ խաղացիք:
14. Յովհդայէ քահանան տեղից բարձրանալով՝ պատուիրեց հարիւրապետներին եւ զօրքի հրամանատարներին՝ ասելով նրանց. Սրան Աստծու տնից դու՛րս հանեցէք, հետեւեցէ՛ք նրան ու սրով սպանեցէ՛ք: Քահանան ասաց. Նա Տիրոջ տան մէջ թող չմեռնի:
15. Թոյլ տուեցին, որ նա դուրս գնայ, եւ երբ անցաւ արքայի հեծեալների տան դռան կողքով, նրան այնտեղ սպանեցին:
16. Յովհդայէն ուխտ դրեց իր, ժողովրդի ու արքայի միջեւ, որ իրենք Տիրոջ ժողովուրդը կը լինեն:
17. Երկրի ամբողջ ժողովուրդը մտաւ Բահադի տունը, ջարդուփշուր արեց նրան ու նրա զոհասեղանները, փշրեց նրա կուռքերը, իսկ Բահադի Մաթան քուրմին սպանեց նրա զոհասեղանի առջեւ:
18. Յովհդայէն Տիրոջ տան գործը յանձնեց քահանաներին ու ղեւտացիներին, վերականգնեց քահանաների ու ղեւտացիների մշտական սպասաւորութիւնը, որ

Դաւիթն էր հաստատել Տիրոջ տանը կատարուելու համար, Տիրոջը ողջակէզներ մատուցեց, ինչպէս որ գրուած է Մովսէսի օրէնքների մէջ՝ ուրախութեամբ ու երգերով, ըստ Դաւթի սահմանած կարգի:

19. Պահապաններ կանգնեցին Տիրոջ տան դռների մօտ, եւ ոչ մի անմաքուր մարդ որեւէ կերպ այնտեղ չէր մտնում:

20. Նա կանչեց տոհմերի պետերին, զօրապետներին ու ժողովրդի իշխաններին եւ երկրի ամբողջ ժողովրդին: Սրանք արքային հանելով Տիրոջ տնից՝ ներքին դռնով մտան թագաւորական տունը եւ արքային նստեցրին թագաւորական գահին:

21. Երկրի ամբողջ ժողովուրդն ուրախացաւ, քաղաքը հանդարտուեց, իսկ Գոթողիային սպանեցին սրով:

1. Եօթը տարեկան էր Յովասը, երբ թագաւոր դարձաւ: Նա քառասուն տարի թագաւորեց Երուսաղէմում: Նրա բերսաբէեցի մօր անունը Աբիա էր:
2. Յովիդայէ քահանայի բոլոր օրերին Յովասն արեց այն, ինչ ուղիղ էր Տիրոջ առաջ:
3. Յովասը երկու կին առաւ, որոնք ծնեցին տղաներ ու աղջիկներ:
4. Այնպէս պատահեց, որ Յովասի սիրտը ուզեց Տիրոջ տունը նորոգել:
5. Նա հաւաքեց քահանաներին ու ղեւտացիներին եւ ասաց նրանց. Ելէք գնացէ՛ք Յուդայի երկրի քաղաքները եւ ամբողջ Իսրայէլից արծաթ հաւաքեցէ՛ք Տիրոջ տունը տարեցտարի նորոգելու համար: Շտապեցէ՛ք կատարել: Սակայն ղեւտացիները չանսացին նրան:
6. Յովաս արքան կանչեց Յովիդայէ իշխանին եւ ասաց նրան. Ինչո՞ւ դու չես հետեւել, որ ղեւտացիները Յուդայի երկրից ու Երուսաղէմից բերեն այն, ինչ սահմանուած էր Աստծու մարդու՝ Մովսէսի կողմից, երբ սա հաւաքել էր Իսրայէլացիներին վկայութեան խորանի մօտ:
7. Չէ՞ որ Գոթողիան անօրէն էր, եւ նրա որդիները կործանել էին Աստծու տունը, իսկ Աստծու տան սրբութիւնները նուիրել Բահադին:
8. Արքան ասաց. Թող մի արկղ պատրաստեն ու ղնեն Տիրոջ տան դռան առջեւ, դրսում,
9. եւ յայտարարեն Յուդայի երկրում ու Երուսաղէմում, որ արծաթ բերեն Տիրոջը, ինչպէս ասել էր Աստծու ծառայ Մովսէսը անապատում:
10. Եւ ամէնքը՝ իշխաններն ու ամբողջ ժողովուրդը, արծաթ բերելով, գցեցին արկղի մէջ, մինչեւ որ այն լցուեց:
11. Երբ ղեւտացիները արկղը ներս բերեցին արքայի վերակացուների մօտ, տեսան, որ արծաթը շատ-շատ է հաւաքուել. արքայի քարտուղարը եկաւ ու մեծ քահանայի վերակացուի հետ արկղը դատարկելով՝ տարաւ իր տեղը դրեց: Այսպէս արեցին ամէն օր:
12. Շատ արծաթ հաւաքուեց: Արքան ու Յովիդայէ քահանան այն տուեցին նրանց, ովքեր Տիրոջ տան վերակառուցման գործով էին զբաղուած: Վարձեցին քարհատներ ու հիւսներ, որ նորոգեն Տիրոջ տունը: Նրանք աշխատում էին,
13. եւ գործը նրանց շնորհիւ յաջողութեամբ առաջ էր ընթանում: Նրանք Տիրոջ տունը իր նախկին հիմնաձեւին բերեցին եւ ամրացրին այն:
14. Երբ աւարտեցին, արքայի ու Յովիդայէի մօտ բերեցին աւելացած արծաթը, որով Տիրոջ տան համար սպասք, ողջակէզների համար անօթներ, ոսկէ ու արծաթէ խնկամաններ պատրաստեցին եւ Յովիդայէի օրօք միշտ ողջակէզներ էին մատուցում Տիրոջ տանը:
15. Յովիդայէն հասաւ խոր ծերութեան. նա վախճանուեց հարիւր երեսուն տարեկան հասակում:
16. Երբ վախճանուեց, նրան թաղեցին Դաւթի քաղաքում, թագաւորների մօտ, քանզի նա բարիք էր գործել Իսրայէլում, Աստծու առաջ եւ նրա տան համար:
17. Յովիդայէի վախճանուելուց յետոյ Յուդայի երկրի իշխանները մտան արքայի մօտ, խոնարհութիւն արեցին նրան, Յովասի միտքը յեղաշրջեցին, եւ արքան լսեց նրանց:
18. Նրանք լքեցին իրենց հայրերի Տէր Աստծուն եւ ծառայեցին կուռքերին ու Աստարտներին: Այդ ժամանակ Աստծու բարկութիւնն իջաւ Յուդայի երկրի ու Երուսաղէմի վրայ,
19. եւ նա նրանց մօտ մարգարէներ առաքեց, որ նրանց շուռ տան դէպի Տէրը, սակայն նրանք չլսեցին: Նա նրանց վկայութիւններ ցոյց տուեց, սակայն նրանք չանսացին:
20. Եւ Աստծու հոգին պատեց Յովիդայէ քահանայի որդի Ազարիաին, որը, մտնելով ամբողջ ժողովրդի մէջ, ասաց. Այսպէս է ասում Տէրը. Ինչո՞ւ խոտորուեցիք Տիրոջ պատուիրաններից, որ այլեւս յաջողութիւն չունենաք: Քանի որ դուք լքեցիք Տիրոջը, նա էլ ձեզ է լքելու:
21. Յովաս արքայի հրամանով Տիրոջ տան սրահում մարդիկ յարձակուեցին նրա վրայ

ու քարկոծեցին նրան:

22. Յովասը չիշեց այն բարեգթութիւնը, որ նրա հայր Յովիդայէն ցուցաբերել էր իր նկատմամբ, եւ սպանեց նրա որդի Ագարիասին: Իր մահուան ժամանակ Ագարիասն ասաց. Տէ՛րը թող տեսնի ու դատի:

23. Այդ տարուայ վերջին նրա դէմ ելաւ Ասորիքի զօրքը. այդ զօրքը յարձակուեց Յուդայի երկրի ու Երուսաղէմի վրայ, կոտորեց բանակի մէջ եղած ժողովրդի բոլոր իշխաններին եւ նրանց ամբողջ աւարը վերցրեց տարաւ Դամասկոսի արքայի մօտ:

24. Թէեւ Ասորիքի զօրքը սակաւամարդ էր, բայց Աստուած նրանց ձեռքը չափազանց շատ զօրք մատնեց, քանի որ իսրայէլացիները լքել էին իրենց հայրերի Տէր Աստծուն: Եւ Ասորիքի զօրքը Յովասի նկատմամբ դատաստան տեսաւ:

25. Երբ Ասորիքի զօրքը ծանր հիւանդութիւնների մէջ թողնելով նրան՝ հեռացաւ նրանից, նրա վրայ յարձակուեցին իր ծառաները, որ լուծեն Յովիդայէ քահանայի որդու արեան վրէժը: Յովասին սպանեցին իր անկողնում, եւ նա մեռաւ: Նրան թաղեցին Դաւթի քաղաքում, բայց ոչ թագաւորների գերեզմանոցում:

26. Նրա վրայ յարձակուողներն էին ամոնացի Սամեթի որդի Չաբդեան, մովաբացի Սամարիթի որդի Յոսաբեթը:

27. Ինչ վերաբերում է նրա որդիներին, նրա վրայ դրուած հարկերին եւ Աստծու տան նորոգութեանը, ահա դրանք գրուած են թագաւորների գրքի յիշատակարաններում: Նրա որդի Ամասիան թագաւորեց նրա փոխարէն:

1. Քսանհինգ տարեկան էր Ամասիասը, երբ թագաւոր դարձաւ, եւ քսանինը տարի թագաւորեց Երուսաղէմում: Նրա Երուսաղէմացի մօր անունը Յովադին էր:
2. Ամասիասն արեց այն, ինչ ուղիղ էր Տիրոջ առջեւ, բայց ոչ լիակատար սրտով:
3. Եւ պատահեց, որ երբ թագաւորութիւնն անցաւ իր ձեռքը, նա սպանեց այն պալատականներին, որոնք սպանել էին իր արքայ հօրը:
4. Նա, սակայն, նրանց որդիներին չսպանեց, ինչպէս գրուած է Տիրոջ օրէնքների ուխտի մէջ, եւ ինչպէս պատուիրել է Տէրը՝ ասելով. Հայրերը չպետք է մեռնեն որդիների փոխարէն, եւ որդիները չպետք է մեռնեն հայրերի փոխարէն, այլ ամէն ոք պետք է իր մեղքերի համար մեռնի:
5. Ամասիասը հաւաքեց Յուդայի տան մարդկանց եւ նրանց ազգատոհմերի համեմատ հազարապետներ ու հարիւրապետներ նշանակեց Յուդայի ամբողջ երկրում ու Երուսաղէմում: Նա քսան եւ անելի բարձր տարիք ունեցող մարդկանց հաշուառում կատարեց եւ տեսաւ, որ նրանք պատերազմի ելնելու, նիզակ ու ասպար կրելու ընդունակ երեք հարիւր հազար հոգի են:
6. Բացի այդ, Իսրայէլից նա հարիւր տաղանդ արծաթով հարիւր հազար հզօր մարդ վարձեց:
7. Նրա մօտ Աստծու մի մարդ եկաւ եւ ասաց. Արքայ՛, թող Իսրայէլի զօրքերը քեզ հետ չգնան, որովհետեւ Տէրը Իսրայէլի հետ չէ եւ Նոյնիսկ Եփրեմի ոչ բոլոր որդիների հետ է:
8. Եթէ դու կարծում ես, թէ այդ զօրքով ես զօրանալու, ապա Տէրը քեզ պարտութեան կը մատնի քո թշնամիների առջեւ, քանզի Տէրն է թէ՛ յաղթանակ պարգեւողը եւ թէ՛ պարտութեան մատնողը:
9. Ամասիասն ասաց Աստծու մարդուն. Հապա ի՞նչ անեմ այն հարիւր տաղանդը, որ տուել եմ Իսրայէլի զօրքի համար: Աստծու մարդն ասաց նրան. Տէրը քեզ դրանից անելի՛ն կը տայ:
10. Ամասիասն իր զօրքից բաժանեց այն զօրքը, որ եկել էր իր մօտ Եփրեմից, որպէսզի իր տեղը վերադառնայ: Սրանք շատ զայրացան Յուդայի երկրի վրայ եւ բարկութեամբ ու ցասումով վերադարձան իրենց տեղը:
11. Ամասիասը հզօրանալով՝ վերցրեց իր զօրքն ու գնաց Ադի հովիտը եւ Սէիրի որդիներից կոտորեց տասը հազար մարդ:
12. Տասը հազար էլ Յուդայի երկրի մարդիկ գերի բռնեցին ու տարան քարաժայռի գլուխը, բարձունքի եզրից նրանց գահավեժ անելով՝ բոլորին սպանեցին:
13. Այն գնդերի մարդիկ, որոնց Ամասիասը յետ էր դարձրել, որ իր հետ պատերազմի չգնան, յարձակուեցին Յուդայի երկրի քաղաքների վրայ Սամարիայից մինչեւ Բեթորոն, երեք հազար հոգու կոտորեցին եւ բազում աւար տարան:
14. Երբ Ամասիասը եղոմայեցիներին ջարդելուց յետոյ վերադարձաւ, իր հետ բերեց Սէիրի որդիների աստուածներին եւ նրանց դարձրեց իր աստուածները, երկրպագեց նրանց, եւ հէնց ինքն էլ նրանց զոհեր էր մատուցում:
15. Տիրոջ բարկութիւնը բորբոքուեց Ամասիասի դէմ. Նա նրա մօտ մարգարէներ առաքելով՝ ասաց նրան. Ինչո՞ւ յարեցիր դու այդ աստուածներին, որոնք իրենց ժողովրդին քո ձեռքից չփրկեցին:
16. Երբ նա խօսում էր, արքան ասաց նրան. Մի՞թէ քեզ արքայի խորհրդական եմ նշանակել, զգո՛յ՛ջ եղիր, թէ չէ տանջանքի կ'ենթարկուես: Մարգարէն լռեց եւ ապա ասաց. Գիտեմ, որ Տէրը որոշել է քեզ կործանել, որովհետեւ դու այս բանն արեցիր եւ չանսացիր իմ խրատներին:
17. Ամասիասը խորհուրդ արեց եւ Իսրայէլի արքայ Յեուի որդի Յովաքազի որդի Յովասի մօտ մարդ ուղարկելով՝ ասաց. Ե՛կ, եւ երես առ երես հանդիպենք:
18. Իսրայէլի արքայ Յովասը Յուդայի երկրի արքայ Ամասիասի մօտ մարդ ուղարկելով՝ ասաց. Լիբանանի փուշը լուր ուղարկեց Լիբանանի մայրի ծառին՝ ասելով. Քո դստերը իմ որդուն կնութեան տուր: Եւ ահա անցան Լիբանանի անապատի գազանները եւ

կոխտեցին փուշը:

19. Այսուհետեւ ակելացրեց. Դու ահա կոտորեցիր եղոմայեցիներին, եւ քո սիրտը լցուել է սնապարծութեամբ: Այսուհետեւ տանդ նստի՛ր, ինչո՞ւ ես լցուում չարութեամբ: Դու կը կոտորուես, եւ Յուդայի երկիրն էլ՝ քեզ հետ:

20. Ամասիասը չլսեց նրան, քանզի Տերը որոշել էր նրան մատնել Յովասի ձեռքը այն բանի համար, որ յարել էր եղոմայեցիների աստուածներին:

21. Ելաւ Իսրայելի արքայ Յովասը, եւ նա ու Յուդայի երկրի արքայ Ամասիասն իրար դէմ ելան Բեթսամիւսում, որը Յուդայի երկրում է գտնւում:

22. Յուդայի երկիրը պարտուեց Իսրայելից, եւ ամէն մարդ իր վրանը փախաւ:

23. Իսրայելի արքայ Յովասը Բեթսամիւսում գերի բռնեց Յուդայի երկրի արքայ Յովասի որդի Ամասիասին ու տարաւ Երուսաղէմ: Նա քանդեց Երուսաղէմի պարսպի մի մասը եփրեմի դռնից մինչեւ Անկեան դուռը՝ շուրջ երեք հարիւր կանգուն:

24. Նա տարաւ Աբդեդոմի հսկողութեան տակ գտնուող Տիրոջ տան ամբողջ ոսկին, արծաթն ու սպասքը, նաեւ թագաւորի տան գանձերն ու ապօրինածին մարդկանց եւ վերադարձաւ Սամարիա:

25. Յուդայի երկրի արքայ Յովասի որդի Ամասիասը Իսրայելի արքայ Յովաքազի որդի Յովասի մեռնելուց յետոյ ապրեց տասնհինգ տարի:

26. Ամասիասի մնացեալ գործերը, սկզբից մինչեւ վերջինը, չէ՞ որ գրուած են Իսրայելի ու Յուդայի երկրի թագաւորների գրքում:

27. Այն ժամանակ, երբ Ամասիասը հեռացել էր Տիրոջից, զօրքը Երուսաղէմում ապստամբեց նրա դէմ, եւ նա փախաւ Լաքիս: Նրա յետեւից մարդ ուղարկեցին Լաքիս: Եւ այնտեղ սպանեցին նրան:

28. Նրա դիակը դրեցին ձիերի վրայ եւ բերեցին ու թաղեցին իր նախնիների մօտ, Դաւթի քաղաքում:

1. Եւ երկրի ամբողջ ժողովուրդը առաւ տասնվեցամեայ Օգիասին եւ թագաւոր դարձրեց նրան իր հայր Ամասիասի փոխարէն:
2. Նա վերակառուցեց Ելաթը եւ այն վերադարձրեց Յուդայի երկրին, երբ արքան արդէն գնացել էր իր նախնիների գիրկը:
3. Օգիասը թագաւոր դարձաւ տասնվեց տարեկան հասակում եւ յիսուներկու տարի թագաւորեց Երուսաղէմում: Նրա երուսաղէմացի մօր անունն էր Յեքելիա:
4. Նա արեց այն, ինչ ուղիղ էր Տիրոջ առջեւ, ըստ այն ամենի, որ իր հայր Ամասիասն էր արել:
5. Չաքարիա իմաստունի կենդանութեան օրօք Օգիասը Տիրոջ երկիւղով Տիրոջն էր յարել: Նրա օրերին նա Տիրոջը ձգտեց: Եւ Տէրը նրան յաջողութիւն պարգեւեց:
6. Նա ելաւ ու պատերազմեց այլազգիների դէմ, քանդեց Գեթի պարիսպը, Յաբիսի պարիսպը, Ազոտի պարիսպը եւ այլազգիների մօտ կառուցեց Ազոտի քաղաքները:
7. Տէրը նրան զօրացրեց այլազգիների, քարայրաբնակ արաբների եւ միներցիների դէմ:
8. Միներցիները հարկ էին տալիս Օգիասին, եւ նրա անունը տարածուեց մինչեւ Եգիպտոս, որովհետեւ նա շատ հզօրացաւ:
9. Օգիասը կառուցեց Երուսաղէմի աշտարակները Ձորի դռան ու Անկեան դռան մօտ եւ ամրացրեց դրանք:
10. Նա աշտարակներ կառուցեց անապատում եւ բազում ջրհորներ փորեց, որովհետեւ շատ անասուններ ուներ Սեփելայում ու ցածրադիր դաշտավայրում եւ այգեգործներ՝ լեռներում եւ Կարմելոսում. նա սիրում էր երկրագործութիւնը:
11. Օգիասն ունեցաւ մարզուած զօրք՝ պատրաստ պատերազմելու: Եւ նրա զնդերը մարտի էին ելնում: Նրանց թիւը յայտնի էր Յեւ գրագրին, Մասիաս դատաւորին եւ արքայի փոխանորդ Անանիային:
12. Պատերազմի ժամանակ բոլոր քաջազուն ցեղապետների զնդերում լինում էր երկու հազար վեց հարիւր զինուոր:
13. Նրանց հետ կար երեք հարիւր եօթը հազար հինգ հարիւր հոգուց բաղկացած պատերազմող զօրք: Սրանք էին, որ մեծ հզօրութեամբ օգնելով արքային՝ պատերազմում էին թշնամիների դէմ:
14. Օգիասը ամբողջ զօրքի համար պատրաստել տուեց վահաններ, նիզակներ, սաղաւարտներ, զրահներ, աղեղներ եւ քարանետ պարսատիկներ:
15. Երուսաղէմում նա մեծ վարպետութեամբ սարքուած մեքենաներ պատրաստել տուեց, որոնք պարիսպների ու անկիւնների վրայ դրուելով՝ նետեր ու հսկայ քարեր էին արձակում: Նրա ռազմական պատրաստութեան մասին լսեցին հեռաստաններում, որովհետեւ նա իր հզօրութեան համար պարտական էր սքանչելի օգնութեան:
16. Երբ Օգիասը զօրացաւ, այնքան մեծամտացաւ, որ անխուսափելի դարձաւ նրա կործանումը: Նա անիրաւութիւն գործեց իր Տէր Աստծու դէմ. մտաւ Տիրոջ տաճարը եւ խունկ ծխեց խնկի սեղանի վրայ:
17. Նրա յետեւից մտաւ Ազարիաս քահանան, Ազարիասի հետ Տիրոջ ութսուն քահանաներ՝ հզօր մարդիկ,
18. որոնք կանգնելով Օգիաս արքայի դիմաց՝ ասացին նրան. Օգիա՛ս, դու Տիրոջը խունկ ծխելու իրաւունք չունես, այլ՝ միայն Ահարոնի որդի քահանաները, որոնք սրբագործուած են խունկ ծխելու համար: Ելի՛ր սրբարանից, քանի որ ապստամբեցիր Տիրոջ դէմ, եւ դրա համար Տէր Աստծու առջեւ դու փառք չես գտնի:
19. Օգիասը զայրացաւ, եւ երբ, իր ձեռքին ունենալով տաճարում խունկ ծխելու բուրվառը, բարկացաւ քահանաների վրայ, բորոտութիւն երեւաց նրա ճակատին, քահանաների առջեւ, Տիրոջ տանը, խնկի սեղանի մօտ:
20. Առաջին քահանան եւ միւս քահանաները նրա կողմը դարձան եւ տեսան, որ նրա ճակատը բորոտութեամբ է պատած, ուստի նրան անմիջապէս դուրս հանեցին: Ինքն էլ փութաց դուրս գալ, քանի որ Տէրը պատժել էր նրան:



21. Օգիաս արքան բորոտ մնաց մինչեւ իր վախճանը: Նա տան մէջ մեկուսացած էր  
նստում բորոտ վիճակում արտաքսուած Տիրոջ տնից: Նրա որդի Յովաթամը, դառնալով  
թագաւորական տան վերակացուն, ղեկավարում էր երկրի ժողովրդին:
22. Օգիասի մնացեալ գործերը, սկզբից մինչեւ վերջինը, գրի է առել Ամոսի որդի Եսայի  
մարգարէն:
23. Օգիասը գնաց իր նախնիների գիրկը, եւ նրան թաղեցին իր նախնիների մօտ,  
թագաւորների գերեզմանների դաշտում, որովհետեւ նա բորոտ էր:
24. Նրա փոխարէն թագաւորեց իր որդի Յովաթամը:

1. Քսանհինգ տարեկան էր Յովաթամը, երբ թագաւոր դարձաւ, եւ տասնվեց տարի թագաւորեց Երուսաղէմում: Նրա մօր անունը Յերուա էր. սա Սադոկի դուստրն էր:
2. Յովաթամն արեց այն, ինչ ուղիղ էր Տիրոջ առաջ, արեց այն բոլորը, ինչ իր հայր Օզիասն էր արել: Նա, սակայն, Տիրոջ տաճարը չմտաւ: Իսկ ժողովուրդը դեռ շարունակում էր մեղքեր գործել:
3. Նա շինեց Տիրոջ տան Վերին դուռը եւ Օփեղի պարսպի վրայ շատ բաներ կառուցեց:
4. Յուդայի երկրի լեռներում ու անտառներում նա կառուցեց քաղաքներ, բնակավայրեր եւ աշտարակներ:
5. Նա կռուեց ամոնացիների արքայի դէմ եւ յաղթեց նրան. ամոնացիները նրան տարեկան հարիւր տաղանդ արծաթ էին տալիս, տասը հազար քոռ ցորեն ու տասը հազար քոռ գարի: Այս ամէնը Ամոնի արքան բերում էր ամէն տարի՝ թէ՛ առաջին, թէ՛ երկրորդ, թէ՛ երրորդ տարում:
6. Յովաթամը զօրացաւ, որովհետեւ նա ուղիղ էր ընթանում Տիրոջ առաջ նրա ճանապարհներով:
7. Յովաթամի մնացեալ գործերը, նրա պատերազմներն ու մարտերը ահա գրի են առնուած Յուդայի երկրի եւ Իսրայէլի թագաւորների գրքում:
8. Նա քսանհինգ տարեկան էր, երբ թագաւոր դարձաւ, եւ տասնվեց տարի թագաւորեց Երուսաղէմում:
9. Յովաթամը գնաց իր նախնիների գիրկը եւ թաղուեց Դաւթի քաղաքում: Նրա փոխարէն թագաւորեց իր որդի Աքազը:

1. Երբ Աքազը թագաւոր դարձաւ, քսան տարեկան էր: Նա տասնվեց տարի թագաւորեց Երուսաղէմում: Նա չարեց այն, ինչ ուղիղ էր Տիրոջ առաջ, ինչպէս որ արել էր իր նախահայր Դաւիթը:
2. Նա ընթացաւ Իսրայէլի թագաւորների ճանապարհներով. նա կուռքերի քանդակներ պատրաստեց
3. Եւ Բենեմի երկրում նրանց կուռքերին զոհեր մատուցեց, իր որդիներին կրակի միջով անցկացրեց՝ կատարելով այն հեթանոս ազգերի գարշելի գործերը, որոնց քշել էր Տէրը իսրայէլացիների առջեւից:
4. Նա խուսկ էր ծխում բարձրադիր մեհեաններում, տանիքների վրայ եւ ամէն մի սաղարթաւոր ծառի տակ:
5. Տէրը Աքազ թագաւորին մատնեց Ասորիքի արքայի ձեռքը, որը հարուածեց նրան եւ նրանցից մեծ թուով գերիներ վերցնելով՝ տարաւ Դամասկոս: Նա նաեւ Իսրայէլի թագաւորի ձեռքը մատնեց նրան, որը մեծամեծ հարուածներ հասցրեց նրան:
6. Իսրայէլի արքայ Ռոմելայի որդի Փակեէն մի օրում Յուդայի երկրում հարիւր քսան հազար զօրաւոր մարդկանց կոտորեց այն բանի համար, որ նրանք քել էին իրենց հայրերի Տէր Աստծուն:
7. Եփրեմի սերնդից մի հզօր մարդ՝ Չեքրին, սպանեց արքայի որդի Ամասիասին, նրա տան իշխան Եզրիկամին եւ արքայի փոխանորդ Եղկանային:
8. Իսրայէլացիները Յուդայի երկրի իրենց եղբայրներից գերեվարեցին երեք հարիւր հազար կին, տղաներ ու աղջիկներ եւ բազում աւար առնելով նրանցից՝ տարան Սամարիա:
9. Այնտեղ կար Տիրոջ մի մարգարէ, որի անունն էր Օդեդ: Նա դիմաւորելով Սամարիա եկող զօրքը՝ ասաց նրանց. Ահա ձեր հայրերի Տէր Աստծու բարկութիւնն իջաւ Յուդայի երկրի վրայ, եւ Աստուած նրանց ձեր ձեռքը մատնեց. դուք նրանց կոտորեցիք այնպիսի կատաղութեամբ, որը մինչեւ երկինք հասաւ:
10. Արդ, դուք ուզում էք, որ Յուդայի երկրի եւ Երուսաղէմի մարդիկ ստրուկներ եւ ստրկուհիներ դառնան: Բայց չէ՞ որ ես, ահա, ձեզ հետ եմ որպէս ձեր Տէր Աստծու վկայ:
11. Հիմա լսեցէ՛ք ինձ եւ ձեր եղբայրներին ազատեցէ՛ք գերութիւնից, թէ չէ Տիրոջ կատաղի բարկութիւնը կ'իջնի ձեզ վրայ:
12. Եփրեմի սերնդի իշխանները՝ Յովսանի որդի Ազարիասը, Մոսքլումոթի որդի Բարաքիասը, Ելեմի որդի Եզեկիասը եւ Ադլիայի որդի Մաասիասը ելան պատերազմից եկողների դէմ եւ ասացին նրանց.
13. Այդ գերիներին մեզ մօտ մի՛ բերեք, որովհետեւ Տիրոջ դէմ մեզ մեղանչել էք տալիս եւ աւելացնում էք մեր մեղքերն ու անխելքութիւնը: Բազում են ձեր այդ մեղքերը, եւ Տիրոջ կատաղի զայրոյթը Իսրայէլի վրայ է:
14. Պատերազմողները ազատ արձակեցին գերիներին եւ վերադարձրին աւարը իշխանների եւ բոլոր ժողովականների առջեւ:
15. Այս գործի համար յականէ յանուանէ նշանակուած մարդիկ վեր կացան եւ խնամեցին գերիներին, բոլոր մերկերին հագցրին աւարի մէջ եղած հագուստներից, տուեցին կօշիկներ, կերցրին, իւղով օծեցին, բոլոր տկարներին գրաստ տուեցին ու տարան Երիցով՝ արմաւենիների քաղաքը, իրենց եղբայրների մօտ, իսկ իրենք վերադարձան Սամարիա:
16. Այդ ժամանակ Աքազը լուր ուղարկեց Ասորեստանի արքային, որ օգնի իրեն,
17. քանզի եղոմայեցիները յարձակուել էին Յուդայի երկրի վրայ, հարուածել, գերիներ տարել:
18. Այլազգիները յարձակուել էին Դաշտավայրի քաղաքների վրայ, լիբեացիները եկել էին Յուդայի երկիրը, գրաւել Բեթսամիւսը, Այելունը, Գադերոթը, Սոկքովն ու նրա գիւղերը, Թամնան ու նրա գիւղերը, Գամեզերն ու նրա գիւղերը եւ բնակուել այնտեղ:
19. Տէրը ընկճել էր Յուդայի երկիրը Յուդայի արքայ Աքազի պատճառով, որը,

անհաւատարիմ լինելով, հեռացել էր Տիրոջից:

20. Նրա վրայ յարձակուեց Ասորեստանի արքայ Թագաթփաղասարը, հարուածեց նրան,

21. իսկ Աքազը, առնելով Տիրոջ տանը եւ թագաւորի ու իշխանների տանը եղած ամէն ինչը, յանձնեց Ասորեստանի արքային, որը ոչ միայն չօգնեց իրեն, այլ ինքը եւս նեղեց իրենց:

22. Եւ էլ աւելի հեռանալով Տիրոջից`

23. արքան ասաց. Ես պիտի յարեմ Դամասկոսի աստուածներին, որոնք ինձ հարուածեցին: Նա նաեւ ասաց. Քանի որ Ասորեստանի թագաւորի աստուածները զօրաւոր են, այսուհետեւ նրա՛նց զոհեր կը մատուցեմ, եւ նրանք ինձ կ'օգնեն: Սակայն այդ աստուածները նրա ու ամբողջ Իսրայելի առաջ խոչընդոտներ յարուցեցին:

24. Աքազը Տիրոջ տան սպասքը վերցրեց, կտոր-կտոր արեց, Տիրոջ տան դռները փակեց եւ իր համար զոհասեղաններ դրեց Երուսաղէմի ամէն մի անկիւնում:

25. Յուդայի երկրի բոլոր քաղաքներում բարձրադիր մեհեաններ կառուցեցին, խունկ ծխեցին օտար աստուածների առաջ եւ զայրացրին իրենց հայրերի Տէր Աստծուն:

26. Աքազի մնացեալ գործերը, սկզբից մինչեւ վերջինը, ահա գրի են առնուած Յուդայի երկրի եւ Իսրայելի թագաւորների գրքում: Աքազը գնաց իր նախնիների գիրկը եւ թաղուեց Դաւթի քաղաքում, քանզի նրան թագաւորների գերեզմանոցում չթաղեցին: Նրա փոխարէն թագաւորեց Եզեկիասը:

1. Եզեկիասը քսանհինգ տարեկան էր, երբ թագաւոր դարձաւ: Նա քսանինը տարի թագաւորեց Երուսաղէմում: Նրա մօր անունը Աբաուօ էր: Սա Չաքարիայի դուստրն էր:
2. Եզեկիասը արեց այն, ինչ ուղիղ էր Տիրոջ առաջ, ինչպէս արել էր իր նախահայր Դաւիթը:
3. Երբ Եզեկիասը հաստատուեց իր թագաւորութեան մէջ, առաջին ամսին նա բացեց Տիրոջ տան դռները եւ նորոգեց դրանք:
4. Նա ներս տարաւ քահանաներին ու ղեւտացիներին եւ կանգնեցրեց արեւելեան կողմը:
5. Նա ասաց նրանց. Լսեցէ՛ք, ղեւտացիներ՝, այսուհետեւ պետք է սրբուէք ու սրբէք ձեր հայրերի Տէր Աստծու տունը, պղծութիւնները պետք է դուրս հանէք սրբարաններից:
6. Մեր հայրերը անհաւատարիմ եղան ու չարիք գործեցին Տիրոջ առջեւ, լքեցին նրան եւ իրենց երեսները շուռ տուեցին Տիրոջ խորանից,
7. ընդվզեցին ու փակեցին տաճարի դռները, հանգցրին ճրագները, խուսկ չծխեցին եւ զոհեր չմատուցեցին Իսրայէլի սուրբ Աստծուն:
8. Տէրը խիստ զայրացաւ Յուդայի երկրի ու Երուսաղէմի վրայ եւ նրանց մատնեց յիմարութեան, կորստեան ու խայտառակութեան, ինչպէս դուք տեսնում էք ձեր աչքերով:
9. Եւ ահա մեր հայրերը սրակոտոր եղան, իսկ ձեր տղաներն ու աղջիկները եւ կանայք գերութեան մէջ են ոչ իրենց երկրում, ուր գտնւում են այժմ:
10. Եկէ՛ք մենք սրտանց ուխտ դնենք Իսրայէլի Տէր Աստծու հետ, որ նա իր բարկութիւնը վերացնի մեզնից:
11. Արդ, այսուհետեւ անհոգութիւն մի՛ արեք, քանզի Տէրը ձեզ ընտրել է, որ կանգնէք նրա առջեւ, պաշտէք նրան, սպասաւորէք ու խուսկ ծխէք:
12. Ոտքի ելան ղեւտացիները՝ Կահաթի տոհմից Ամասի որդի Մայէթը, Չաքարիայի որդի Յովէլը, Մերարիի տոհմից Աբդի որդի Կիսը, Յելլէի որդի Ազարիասը, Չեմաթի որդի Յովան, Յովաքայի որդի Յովադան,
13. Եղիսափանի տոհմից Սամարին եւ Էիէլը, Ասափի տոհմից Չաքարիասը եւ Մաաթանիասը,
14. Եմանի տոհմից Էիէլը եւ Սեմէին, Իդիթունի տոհմից Սամիասը եւ Օգիէլը:
15. Սրանք հաւաքեցին իրենց եղբայրներին եւ, ըստ թագաւորի պատուիրանի ու Տիրոջ հրամանի, իրենք սրբուեցին, որ սրբեն Տիրոջ տունը:
16. Քահանաները մտան Տիրոջ տունը, որ սրբեն այն, եւ դուրս հանեցին այն ամէն տեսակ աղտեղութիւնները, որ գտան Տիրոջ տանն ու Տիրոջ տան գաւթում:
17. Ղեւտացիները դուրս հանեցին դրանք եւ առան տարան Կեդրոնի հեղեղատը:
18. Նրանք առաջին ամսի առաջին օրը սկսեցին մաքրել այն եւ ամսի ութերորդ օրը մտան Տիրոջ տաճարը: Նրանք ութ օր մաքրեցին Տիրոջ տունը եւ առաջին ամսի տասնվեցերորդ օրը աւարտեցին աշխատանքը:
19. Նրանք գնացին Եզեկիաս արքայի մօտ եւ ասացին. Մաքրեցինք Տիրոջ տան մէջ եղած ամէն ինչ՝ ողջակէզների զոհասեղանն ու նրա սպասքը, առաջաւորութեան սեղանն ու նրա սպասքը
20. եւ այն բոլոր անօթները, որ Աքագ արքան պղծել էր իր թագաւորութեան ու Տիրոջ հանդէպ իր անհաւատարմութեան ժամանակ, կարգի բերել եւ մաքրել ենք. եւ ահա դրանք Տիրոջ զոհասեղանի առջեւ են:
21. Եզեկիաս արքան առաւօտ կանուխ վեր կացաւ ու հաւաքելով քաղաքի իշխաններին՝ գնաց Տիրոջ տունը:
22. Նա եօթը զուարակ, եօթը խոյ, եօթը գառ եւ եօթը նոխազ զոհեց թագաւորութեան, սրբութիւնների ու Իսրայէլի մեղքերի քաւութեան համար: Նա ասաց քահանաներին՝ Ահարոնի որդիներին. Մօտեցէ՛ք Տիրոջ զոհասեղանին եւ մորթեցէ՛ք զուարակները:
23. Քահանաները վերցրին զոհերի արիւնը եւ ցանեցին զոհասեղանի վրայ, մորթեցին

խոյերը եւ արիւնը ցանեցին զոհասեղանի վրայ, մորթեցին գառները եւ արիւնը ցանեցին զոհասեղանի վրայ:

23. Նոխազները մեղքերի քաւութեան համար զոհ մատուցեցին արքայի ու ժողովրդի առջեւ եւ իրենց ձեռքերը դրեցին դրանց վրայ:

24. Քահանաները մորթեցին դրանք եւ արիւնը քաւութեան համար զոհասեղանի վրայ ցանեցին ու քաւութիւն արեցին ամբողջ Իսրայէլի համար, քանզի արքան ասել էր, որ ողջակէզները եւ մեղքերի քաւութեան զոհաբերութիւնը ամբողջ Իսրայէլի համար անեն:

25. Ղեւտացիներին տեղաւորեցին Տիրոջ տանը ծնծղաներով, տաւիղներով ու քնարներով, ինչպէս պատուիրել էին Դաւիթ արքան, թագաւորի տեսանող Գաղն ու Նաթան մարգարէն, քանզի Տիրոջ պատուիրանով հրամանը մարգարէների միջոցով էր տրուում:

26. Ղեւտացիները կանգնեցին Դաւիթ արքայի պատրաստած նուագարաններով, իսկ քահանաները՝ շեփորներով:

27. Եզեկիասը կարգադրեց, որ ողջակէզները դնեն զոհասեղանի վրայ, սկսեցին օրհներգել Տիրոջը Իսրայէլի Դաւիթ արքայի պատրաստած նուագարաններով ու շեփորներով:

28. Բոլոր հաւաքուածները երկրպագում էին, սաղմոսերգուները երգում էին, շեփորներ հնչեցնում մինչեւ ողջակէզների մատուցման աւարտը:

29. Երբ ողջակէզների մատուցումը վերջացրին, թագաւորը խոնարհուեց, եւ բոլոր քահանաները երկրպագեցին:

30. Եզեկիաս արքան ու իշխանները ղեւտացիներին հրամայեցին, որ Տիրոջը օրհնեն Դաւթի ու Ասափ մարգարէի խօսքերով: Նրանք օրհնաբանեցին ուրախութեամբ եւ երեսնիվայր ընկնելով երկրպագեցին:

31. Եզեկիաս արքան այն ժամանակ ասաց. Այժմ դուք լի ձեռքերով եք ներկայանում Տիրոջը, այսուհետեւ էլ այդպէս մօտեցէ՛ք եւ ընծաներ բերէ՛ք: Եւ հաւաքուածները օրհնութեան նուէրներ բերեցին Տիրոջ տուն, իսկ ովքեր սրտով յօժար էին, ողջակէզներ մատուցեցին:

32. Հաւաքուածների մատուցած ողջակէզների թիւը այս էր. եօթանասուն զուարակ, հարիւր խոյ, երկու հարիւր գառ. սրանք բոլորը իբրեւ ողջակէզ մատուցուեցին Տիրոջը:

33. Նուիրաբերուած զուարակները վեց հարիւր էին, ոչխարները՝ երեք հազար:

34. Քահանաները սակաւաթիւ էին, ուստի չէին կարողանում հասցնել մորթել ողջակէզները: Նրանց օգնում էին իրենց ղեւտացի եղբայրները, մինչեւ որ գործն աւարտուեց, եւ քահանաները մաքրուեցին. ղեւտացիներն աւելի տրամադիր էին մաքրուելու, քան քահանաները:

35. Խաղաղութեան ու փրկութեան ողջակէզների հետ մէկտեղ, որոնք առատ էին ճարպերով, կային նաեւ ոչ կենդանական նուիրաբերումներ: Այսպիսով Տիրոջ տանը կարգի դրուեց սպասաւորութեան գործը:

36. Եզեկիասն ու ամբողջ ժողովուրդն ուրախացան, որ Աստուած սպասաւորութեան գործը կարգի էր բերել ժողովրդի համար. եւ այդ գործը երկար ժամանակ չիւլեց:

1. Եզեկիասն ամբողջ Իսրայել ու Յուդայի երկիր մարդ ուղարկեց, նամակ գրեց Եփրեմի ու Մանասեի երկրների բնակիչներին, որ գան Տիրոջ տունը, Երուսաղեմ Իսրայելի Աստծու զատիկը կատարելու:
2. Արքան, իշխաններն ու բոլոր ժողովականները, որ գտնուում էին Երուսաղեմում, որոշեցին զատիկը տօնել երկրորդ ամսին,
3. որովհետեւ չէին կարողացել ժամանակին կատարել այն, քանի որ բաւական թուով քահանաներ դեռ չէին մաքրուել, եւ ժողովուրդը չէր հաւաքուել Երուսաղեմում:
4. Սա ընդունելի թուաց արքային ու հաւաքուածներին,
5. եւ նրանք որոշեցին, որ ամբողջ Իսրայել լուր ուղարկեն, Բերսաբէից մինչեւ Դան, որպէսզի գան եւ Իսրայելի Տէր Աստծու զատիկը տօնեն Երուսաղեմում, քանզի քիչ մարդ էր հաւաքուել, հակառակ Գրուածքի թելադրանքին:
6. Սուրհանդակները, ըստ թագաւորի հրամանի, թագաւորի ու իշխանների նամակներով գնացին ամբողջ Իսրայելի ու Յուդայի բնակիչների մօտ եւ ասացին իսրայելացիներին. Դարձէ՞ք դէպի Աբրահամի, Իսահակի եւ Յակոբի Տէր Աստուածը, որ նա էլ դառնայ դէպի փրկուածներդ ու Ասորեստանի արքայի ձեռքից ազատուածներդ:
7. Մի՛ նմանուէք ձեր եղբայրներին ու հայրերին, որոնք ընդվզեցին իրենց հայրերի Տէր Աստծու դէմ, եւ նա նրանց կործանման մատնեց, ինչպէս դուք տեսնում էք:
8. Արդ, կամակորուրթիւն մի՛ արէք, փա՛ռք տուէք Աստծուն, մտէ՛ք նրա սրբարանը, որը նա սրբացրել է յաւիտեան, ծառայեցէ՛ք ձեր Տէր Աստծուն, որ նա ձեր վրայից վերացնի իր սաստիկ բարկութիւնը:
9. Եթէ դառնաք դէպի Տէրը, ձեր եղբայրներն ու որդիները գթութիւն կը գտնեն իրենց գերեվարողների մօտ, եւ նա նրանց կը վերադարձնի այս երկիրը: Մեր Տէր Աստուածը ողորմած ու գթառատ է եւ մեզկից երես չի թքի, եթէ մեր երեսն ուղղենք դէպի Նա:
10. Սուրհանդակները գնում էին քաղաքից քաղաք, Եփրեմի ու Մանասեի լեռները մինչեւ Չաբուղոն, բայց նրանց ծաղրում ու արհամարհում էին:
11. Ասերի, Մանասեի եւ Չաբուղոնի բնակիչները, սակայն, խոնարհ գտնուեցին եւ եկան Երուսաղեմ ու Յուդայի երկիրը:
12. Տիրոջ ձեռքը նրանց միասիրտ դարձրեց, որ նրանք գան ու կատարեն արքայի ու իշխանների հրամանը, ինչպէս ասել էր Տէրը:
13. Երուսաղեմում մեծ բազմութիւն հաւաքուեց՝ չափազանց շատ ժողովականներ, որ երկրորդ ամսում կատարեն Բաղարջակերաց տօնը:
14. Նրանք վեր կացան ու քանդեցին բոլոր զոհասեղանները, որ կային Երուսաղեմում եւ բոլոր վայրերում, ուր խունկ էին ծխում սուտ աստուածներին, եւ դրանք կործանելով գցեցին Կեդրոնի հեղեղատը:
15. Նրանք զատկի գառը մորթեցին երկրորդ ամսի տասնչորսին. քահանաներն ու ղեւտացիները, ամաչելով, մաքրուեցին եւ ողջակէզները տարան ներս՝ Տիրոջ տունը:
16. Նրանցից իւրաքանչիւրը, ըստ իրենց Օրէնքի, կանգնեց իր տեղում, ինչպէս պատուիրել էր Աստծու մարդ Մովսէսը, եւ քահանաները զոհի արիւնն ընդունում էին ղեւտացիների ձեռքից:
17. Քանի որ հաւաքուածներից շատերը դեռ չէին մաքրուած, ուստի ղեւտացիները զատկի զոհեր էին մորթում նաեւ նրանց համար, ովքեր Տիրոջ համար դեռ չէին մաքրուած:
18. Քանի որ Եփրեմի, Մանասեի, Իսաքարի, Չաբուղոնի մարդկանցից շատերը չէին մաքրուած, ուստի նրանք զատիկը կերան, հակառակ Գրուածքի թելադրանքին: Եզեկիասը նրանց համար աղօթելով՝ ասաց.
19. Բարերա՛ր Տէր, ողորմի՛ր բոլոր ուղիղ սիրտ ունեցողներին, որոնք քեզ՝ իրենց հայրերի Տէր Աստծուն են յարում, թէեւ, ըստ սրբարանի մաքրութեան, մաքրուած չեն:
20. Տէրը լսեց Եզեկիասին ու բուժեց ժողովրդին:
21. Երուսաղեմում գտնուող իսրայելացիները Բաղարջակերաց տօնը եօթը օր տօնեցին

մեծ ուրախութեամբ՝ ամէն օր օրհնաբանելով Տիրոջը, իսկ քահանաներն ու ղեկավարները նուագակցում էին Տիրոջ փառաբանութեանը յատկացուած նուագարաններով:

22. Եզեկիասը համոզեց բոլոր ղեկավարներին եւ միւս իմաստուններին, որոնց ծանօթ էր Տիրոջ բարի հանճարը, եւ նրանք եօթը օր կատարեցին Բաղարջակերաց տօնը՝ փրկութեան զոհեր մատուցելով ու իրենց հայրերի Տէր Աստծուն գովաբանելով:

23. Եւ հաւաքուածները միահամուռ առաջարկեցին եօթը օր եւս տօն կատարել. եւ եօթը օր եւս ուրախութիւն արեցին:

24. Եզեկիասը Յուդայի երկրից հաւաքուածներին տուել էր հազար զուարակ ու եօթը հազար ոչխար, իսկ իշխանները ժողովրդին տուեցին հազար զուարակ եւ տասը հազար ոչխար: Քահանաներից շատ-շատերը մաքրուեցին,

25. եւ բոլոր ժողովականները՝ քահանաներն ու ղեկավարները, ինչպէս նաեւ Յուդայի երկրի ամբողջ ժողովուրդը եւ նրանք, որ Իսրայէլից էին կամ Իսրայէլի երկրից էին եկել ու Յուդայի երկրում էին բնակւում, ուրախացան:

26. Երուսաղէմում մեծ ուրախութիւն եղաւ. Իսրայէլի արքայ Դաւթի որդի Սողոմոնի օրերից սկսած այսպիսի տօն չէր եղել Երուսաղէմում:

27. Ոտքի ելան քահանաներն ու ղեկավարները եւ օրհնեցին ժողովրդին. նրանց ծայրը լսելի դարձաւ, ու նրանց աղօթքը հասաւ երկինք՝ Տիրոջ սուրբ բնակարանը:



1. Երբ այս ամենն աւարտուեց, ուղի ելան Յուդայի երկրի քաղաքներում գտնուող բոլոր իսրայելացիները, ամբողջ Հրեաստանում, Բենիամինի, Եփրեմի ու Մանասեի երկրներում իսպառ փշրեցին արծանները, կոտորեցին կուռքերը, կործանեցին բարձրադիր մեհեաններն ու բազիլները: Եւ բոլոր իսրայելացիներից իւրաքանչիւրը վերադարձաւ իր կալուածքը եւ իր քաղաքը:
2. Եզեկիասը քահանաների ու ղեւտացիների դասին նշանակեց հանապազօրեայ սպասաւորութեան, քահանայ լինեն թէ ղեւտացի, ամեն մէկին ըստ իր պաշտօնի, որպէսզի ողջակէզներ ու փրկութեան գոհեր մատուցեն, օրհնաբանեն, գովաբանեն եւ ծառայեն Տիրոջ տան սրահների դռների մօտ:
3. Թագաւորն իր ունեցուածքից բաժին հանեց առաւօտեան եւ երեկոյեան ողջակէզների, շաբաթ օրերի, ամսամուտների եւ տօների ողջակէզների համար, ինչպէս գրուած է Տիրոջ Օրէնքում:
4. Նա Երուսաղէմում բնակուող ժողովրդին կարգադրեց, որ բաժին տան քահանաներին ու ղեւտացիներին, որպէսզի սրանք կարողանան կատարել Տիրոջ տան ծառայութիւնը:
5. Երբ այս բանը հրամայեց, իսրայելացիները առատօրէն բերեցին ցորենի, գինու, ձէթի, մեղրի եւ դաշտերի բոլոր բերքերի երախայրիքը: Իսրայելացիներն ու Յուդայի երկրի բնակիչները առատօրէն բերեցին նաեւ ամեն ինչի տասանորդը:
6. Յուդայի երկրի քաղաքներում բնակուողները նոյնպէս բերեցին զուարակների ու ոչխարների տասանորդները, բերեցին եւ դարսեցին կոյտ-կոյտ:
7. Կոյտերն սկսեցին դիզուել երրորդ ամսին եւ աւարտի հասան եօթներորդ ամսին:
8. Եզեկիասն ու իշխանները եկան տեսան կոյտերը եւ օրհնեցին Տիրոջն ու նրա իսրայելացի ժողովրդին:
9. Եզեկիասը քահանաներին ու ղեւտացիներին հարցրեց կոյտերի մասին,
10. եւ Ազարիաս քահանան՝ Սադոկի տան իշխանը, ասաց նրան. Այն բանից յետոյ, երբ սկսեցին նուէրներ բերել Տիրոջ տունը, մենք կերանք ու խմեցինք եւ թողեցինք այդ մնացորդները, քանզի ամենակալ Տէրն օրհնեց իր այդ ժողովրդին, եւ ահա այսքան շատ էլ աւելացել է:
11. Եզեկիասն ասաց. Ուրիշ շտեմարաններ եւս պատրաստեցէ՞ք Տիրոջ տանը:
12. Պատրաստեցին եւ այնտեղ հաւատարմութեամբ բերեցին նուէրներն ու տասանորդները: Դրանց վերակացուն ղեւտացի Քոքենիասն էր, իսկ նրա եղբայր Սեմէին իր փոխանորդն էր:
13. Յեիէլը, Օզիասը, Նաթանը, Ասայէլը, Յերիմոթը, Յոզաբադը, Ելիէլը, Սամաքիան, Մաաթը, Բանեասն ու նրա որդիները օգնում էին Քոքենիասին ու նրա եղբայր Սեմէին, ինչպէս հրամայել էր Եզեկիաս արքան:
14. Ազարիասը Տիրոջ տան ղեկավարն էր, ղեւտացի Յեմայի որդի Կորէն արեւելեան կողմի դռան պահապանն էր, Տիրոջը մատուցուող նուէրների եւ ամենասուրբ իրերի վերակացուն,
15. որին հաւատարմօրէն օգնում էին Օդոմը, Բենիամինը, Յեսուն, Սեմէին, Մարիսը, Սեքինիան ու քահանաները: Նրանք, ըստ ամենօրեայ սպասաւորութեան, ըստ մեծի ու փոքրի, դրանք պիտի բաժանէին իրենց եղբայրներին,
16. նաեւ երեք տարեկանից բարձր տարիք ունեցող արական սեռի մարդկանց, ամեն մէկին, ով ամեն օր մտնում էր Տիրոջ տունը՝ ըստ իր կարգի ամենօրեայ սպասաւորութիւն կատարելու:
17. Քահանաները հաշուառուած էին ըստ իրենց ազգատոհմերի, իսկ քսան տարեկան եւ աւելի բարձր տարիք ունեցող ղեւտացիները արծանագրուած էին ըստ իրենց ամենօրայ պաշտօնի:
18. Սրանք արծանագրուած էին իրենց նոր ծնուած տղաներով եւ աղջիկներով ու ամբողջ բազմութեամբ, քանի որ սրանք հաւատարմօրէն սրբագործեցին սրբազան վայրը:

19. Ահարոնի քահանայ դարձած որդիներին օգնելու համար ամեն մի քաղաքում յականե յանուանե նշանակուեցին մարդիկ, որոնք բաժին պետք է հանէին արական սեռի բոլոր քահանաներին ու ղեւտացիների ցուցակի մէջ մտած մարդկանց:
20. Եզեկիասն այսպէս արեց ամբողջ Յուդայի երկրում. նա Տիրոջ առաջ բարի եւ ուղիղ գործ կատարեց:
21. Ամեն մի գործ, որին ձեռնարկեց թէ՛ Տիրոջ տանը ծառայելիս, թէ՛ Տիրոջ օրէնքն ու պատուիրանը կատարելիս, իր ամբողջ սրտով յարեց Աստծուն, կատարեց եւ յաջողութիւն ունեցաւ:

1. Այս բաներից եւ հաւատարմութեամբ արուած գործերից յետոյ Ասորեստանի արքայ Սենեքերիմը յարձակուեց Յուդայի երկրի վրայ եւ բանակատեղի դրեց պարսպապատ քաղաքների շուրջը: Նա ասում էր, որ կը գրաւի դրանք:
2. Եզեկիասը տեսնելով, որ Սենեքերիմը իր դէմ է եկել պատերազմելու Երուսաղէմի դիմաց,
3. խորհրդակցեց ծերերի ու զինուորականների հետ քաղաքից դուրս գտնուող աղբիւրների ջրերը փակելու մասին: Եւ փակեցին դրանք:
4. Նա մեծ թուով մարդկանց հաւաքեց, որոնք փակեցին աղբիւրների ջրերն ու գետի ճանապարհը, որ բաժանում էր քաղաքը՝ նրա միջով անցնելով: Նրանք ասացին. Չլինի, թէ Ասորեստանի արքան, գալով, առատ ջուր գտնի եւ հզօրանայ:
5. Եզեկիասը զօրացաւ եւ վերաշինեց բոլոր կործանուած պարիսպներն ու աշտարակները, ինչպէս նաեւ կառուցեց արտաքին մի ուրիշ պարիսպ: Նա ամրացրեց Դաւթի քաղաքի պատնէշները եւ շատ զէնք կուտակեց:
6. Նա զօրքերի վրայ հրամանատարներ նշանակեց, որոնք հաւաքուեցին նրա մօտ Ձորի հրապարակում: Նա սրտապնդեց նրանց՝ ասելով.
7. Չօրացէ՛ք ու քա՛ջ եղէք, մի՛ վախեցէք Ասորեստանի թագաւորից եւ այն ազգերից, որոնք նրա հետ են, որովհետեւ մեզ հետ եղածներն աւելի շատ են, քան նրանց հետ եղածները:
8. Նրանք ունեն մարմնաւոր բազուկներ, իսկ մեզ հետ է մեր Տէր Աստուածը, որ մեզ կը փրկի ու մեր պատերազմը ինքը կը մղի: Եւ ժողովուրդը քաջալերուեց Յուդայի երկրի արքայ Եզեկիասի խօսքերից:
9. Դրանից յետոյ Ասորեստանի արքայ Սենեքերիմը իր զօրապետներին ուղարկեց Երուսաղէմ, իսկ ինքը իր ամբողջ զօրքով մնաց Լաքիսում: Նա լուր ուղարկեց Յուդայի երկրի արքայ Եզեկիասին, որ Երուսաղէմում էր: Նա Երուսաղէմացիներին դիմելով՝ ասում էր.
10. Այսպէս է ասում Ասորեստանի արքայ Սենեքերիմը. Ո՞ւմ ապաւինելով էք դուք նստել Երուսաղէմի ամրոցում:
11. Չէ՞ որ Եզեկիասը ձեզ խաբում է, որ ձեզ մատնի մահուան, սովի ու ծարաւի՝ ասելով. Ձեր Տէր Աստուածը կը փրկի ձեզ Ասորեստանի արքայի ձեռքից:
12. Դա այն Եզեկիասը չէ՞, որ քանդեց նրա զոհասեղանները, բարձրադիր մեհեանները եւ ասաց Յուդայի՝ Երուսաղէմի բնակիչներին. Միայն այս զոհասեղանի առջեւ պետք է երկրպագէք եւ այս զոհասեղանի վրայ պիտի զոհ մատուցէք:
13. Դուք չգիտէ՞ք, թէ ինչ ենք արել եւ եւ իմ հայրերը բոլոր ժողովուրդներին ու երկրներին: Մի՞թէ բոլոր այդ երկրների ազգերի աստուածները կարողացան փրկել իրենց ժողովրդին իմ ձեռքից:
14. Այս ազգերի բոլոր աստուածներից ո՞ր մէկին իմ հայրերը չկործանեցին, մի՞թէ կարողացան փրկել իրենց ժողովրդին իմ ձեռքից, եւ ինչպէ՞ս կարող է ձեր Աստուածը ձեզ իմ ձեռքից փրկել:
15. Արդ, Եզեկիասը թող ձեզ չխաբի, թող ձեզ չյուսադրի: Մի՛ հաւատացէք նրան, քանզի բոլոր ազգերի ու թագաւորութիւնների աստուածները չկարողացան իրենց ժողովուրդներին փրկել իմ եւ իմ նախնիների ձեռքից. ձեր Աստուածն էլ ձեզ չի փրկի իմ ձեռքից:
16. Եւ դեռ աւելին խօսեցին նրա ծառաները Տէր Աստծու եւ նրա ծառայ Եզեկիասի մասին:
17. Սենեքերիմը նամակ էր գրել, ուր հայիոյում էր Իսրայելի Տէր Աստծուն եւ որի մասին ասում էր. Երկրի ուրիշ ազգերի աստուածները իրենց ժողովուրդներին չփրկեցին իմ ձեռքից, նոյնպէս եւ Եզեկիասի Աստուածը իր ժողովրդին չի փրկի իմ ձեռքից:
18. Եւ Սենեքերիմի զօրապետները եբրայերէն բարձրաձայն դիմեցին Երուսաղէմի պարսպի վրայ եղած ժողովրդին, որ օգնեն իրենց՝ քանդեն պարիսպը, որպէսզի իրենք

շուտափոյթ գրաւեն քաղաքը:

19. Նա խօսեց Երուսաղէմի Աստծու մասին այնպէս, ինչպէս կը խօսեն երկրի ժողովուրդների՝ մարդու ձեռքով կերտուած աստուածների մասին:

20. Եզեկիաս արքան եւ Ամոսի որդի Եսայիաս մարգարէն աղօթք արեցին այս բանի համար եւ աղաղակեցին դէպի երկինք:

21. Տէրը հրեշտակ ուղարկեց եւ բնաջնջեց Ասորեստանի արքայի բանակում գտնուող բոլոր զօրաւոր մարդկանց եւ պատերազմիկներին, իշխաններին ու զօրագլուխներին: Սենեքերիմը ամօթապարտ վերադարձաւ իր երկիրը, գնաց իր աստուածների տունը, եւ իր հարազատ որդիներն այնտեղ սրով սպանեցին իրեն:

22. Տէրը Եզեկիասին ու Երուսաղէմի բնակիչներին փրկեց Ասորեստանի Սենեքերիմ արքայի ու ամենքի ձեռքից, եւ նրանց երկրի բոլոր վայրերում խաղաղութիւն տիրեց:

23. Շատերը Տիրոջը զոհեր էին բերում Երուսաղէմ եւ ընծաներ՝ Յուդայի երկրի արքայ Եզեկիասին: Եզեկիասը բարձրացաւ բոլոր ազգերի աչքին:

24. Դրանից յետոյ այդ օրերին Եզեկիասը մերձիմահի հիւանդացաւ: Նա աղօթք արեց Տիրոջը, որը լսեց նրան ու մի նշան ցոյց տուեց,

25. բայց Եզեկիասն իր նկատմամբ ցոյց տրուած բարերարութեան համեմատ չհատուցեց, այլ մեծամտացաւ, ուստի բարկութիւն իջաւ նրա, Յուդայի երկրի ու Երուսաղէմի վրայ:

26. Եզեկիասը հրաժարուեց իր մեծամտութիւնից, նոյնպէս եւ Երուսաղէմի բնակիչները.

եւ այլեւս Եզեկիասի թագաւորութեան օրօք Տիրոջ բարկութիւնը չիջաւ նրանց վրայ:

27. Եզեկիասը շատ մեծ հարստութեան եւ փառքի տիրացաւ: Նա իր համար ոսկու, արծաթի եւ թանկարժէք քարերի գանձարաններ ստեղծեց, նաեւ հաւաքեց մեծ քանակութեամբ խուկ, զէնք, թանկարժէք անօթներ:

28. Նա կառուցել տուեց ցորենի, գինու եւ ձէթի շտեմարաններ, գիւղեր, ամէն տեսակ անասունների ախոռներ, հօտերի համար գոմեր,

29. իր համար քաղաքներ: Նա մեծ թուով ոչխարներ ու արջառներ ունեցաւ, որովհետեւ Տէրը նրան չափազանց շատ հարստութիւն էր տուել:

30. Նոյն այս Եզեկիասը փակեց Վերին Գեհոնի ջրի ընթացքը եւ այն ուղղեց ցած՝ դէպի Դաւթի քաղաքի արեւմտեան կողմը: Եզեկիասի բոլոր գործերը յաջողութիւն ունեցան:

31. Երբ Բաբելոնից իշխաններ եւ դեսպաններ ուղարկեցին նրա մօտ՝ հարցնելու նրան իր մասին եւ իր երկրում եղած զարմանահրաշ գործերի մասին, Տէրը ազատ թողեց նրան՝ փորձելու եւ գիտենալու համար, թէ ի՞նչ կայ նրա սրտում:

32. Եզեկիասի մնացած գործերը եւ նրա բարեպաշտութիւնը ահա գրի են առնուած Ամոս մարգարէի որդի Եսայիասի մարգարէութեան մէջ եւ Յուդայի երկրի ու Իսրայէլի թագաւորների գրքում:

33. Եզեկիասը գնաց իր նախնիների գիրկը, եւ նրան թաղեցին մի բարձր տեղ, Դաւթի յետնորդների գերեզմանների վերին մասում: Նրա մահուան առթիւ նրանց փառք ու պատիւ տուեցին ամբողջ Յուդայի երկրի եւ Երուսաղէմի բնակիչները: Նրա փոխարէն թագաւորեց իր որդի Մանասէն:

1. Մանասեն տասներկու տարեկան էր, երբ թագաւոր դարձաւ, եւ յիսունհինգ տարի թագաւորեց Երուսաղէմում:
2. Նա չարիք գործեց Տիրոջ առաջ՝ նմանութեամբ այն ազգերի գարշելի գործերի, որոնց բնաջնջել էր Տէրը իսրայէլացիների աչքի առաջ:
3. Նա վերականգնեց այն բարձրադիր մեհեանները, որ իր հայրը՝ Եզեկիասը քանդել էր, Բահադիմի արձաններ կանգնեցրեց եւ կուռքեր շինել տուեց: Նա երկրպագեց երկնքի բոլոր զօրութիւններին ու ծառայեց նրանց:
4. Նա զոհասեղան պատրաստեց Տիրոջ տան մէջ, որի մասին Տէրն ասել էր. Իմ անունը Երուսաղէմում յաւիտեան պիտի լինի:
5. Նա այստեղ՝ Տիրոջ տան երկու գաւիթներում, զոհասեղան շինեց երկնքի բոլոր զօրութիւնների համար:
6. Նա ինքն իր ձեռքով որդիներին անցկացրեց կրակի միջով Բեննոմի երկրում եւ հմայութիւն, գուշակութիւն ու դիւթութիւն էր անում: Նա ուներ վիուկներ ու կախարդներ: Նա շատացրեց իր չար գործերը Տիրոջ առջեւ՝ նրան բարկացնելու աստիճան:
7. Նա ծովածոյ քանդակուած պատկեր դրեց Տիրոջ տան մէջ, որի մասին Աստուած ասել էր Դաւթին ու նրա որդի Սողոմոնին. Այս տան մէջ եւ Երուսաղէմում, որ ես ընտրել եմ Իսրայէլի բոլոր ցեղերի միջից, իմ անունը պիտի դնեմ յաւիտեան:
8. Եւ Իսրայէլի ոտքը չեմ կտրելու այս երկրից, որը նրանց հայրերին տուեցի, միայն թէ պահեն այն ամենը, որ պատուիրել եմ նրանց, ըստ Մովսէսի միջոցով տրուած բոլոր օրէնքների, պատուիրանների ու կանոնների:
9. Բայց Մանասէն մոլորեցրեց Յուդայի երկրի ու Երուսաղէմի բնակիչներին, որ չարիք գործեն առաւել, քան այն բոլոր ազգերը, որոնց վերացրել էր Տէրը իսրայէլացիների առաջից:
10. Տէրը խօսեց Մանասէի ու նրա ժողովրդի հետ, սակայն նրանք չլսեցին:
11. Տէրը նրա դէմ հանեց Ասորեստանի արքայի զօրքի հրամանատարներին, որոնք բռնեցին Մանասէին, կապանքներով կապեցին ու տարան Բաբելոն:
12. Երբ նա նեղութեան մէջ ընկաւ, փնտռեց իր Տէր Աստծու ներկայութիւնը եւ խիստ նուաստացաւ իր նախնիների Աստծու առջեւ:
13. Նա աղօթեց Աստծուն. Աստուած լսեց նրա աղաչանքը ու նրան վերադարձրեց Երուսաղէմ, իր թագաւորութեանը: Եւ Մանասէն իմացաւ, թէ Տէրը Աստուած է:
14. Դրանից յետոյ նա Դաւթի քաղաքի արտաքին պարիսպը շինեց արեւմուտքից դէպի հարաւակողմ, հեղեղատի միջով, դռան մուտքի մօտ, Օփելի շուրջը. նա շատ բարձրացրեց այն: Նա զօրքի հրամանատարներ նշանակեց Յուդայի երկրի բոլոր պարսպապատ քաղաքներում:
15. Նա Տիրոջ տնից վերացրեց օտար աստուածներին ու քանդակուած կուռքերը, նաեւ այն զոհասեղանները, որ պատրաստել էր Տիրոջ տան բարձունքի վրայ, Երուսաղէմում: Նա հրամայեց դրանք թափել քաղաքից դուրս:
16. Նա նորոգեց Տիրոջ զոհասեղանը եւ նրա վրայ փրկութեան ու օրհնութեան զոհեր մատուցեց: Նա պատուիրեց Յուդայի երկրի բնակիչներին, որ պաշտեն Իսրայէլի Տէր Աստծուն:
17. Ժողովուրդը, սակայն, տակաւին յաճախում էր բարձրադիր մեհեանները եւ զոհեր մատուցում, միայն թէ՛ իր Տէր Աստծուն:
18. Մանասէի մնացած գործերն ու նրա աղօթքը Աստծուն, տեսանողների խօսքերը, որ ասել էին նրան յանուն Իսրայէլի Տէր Աստծու,
19. նրա աղօթքների խօսքերի մէջ են, այն աղօթքների, որոնցով նա լսեց Նրան. նրա բոլոր մեղքերն ու նրա անհաւատարմութիւնը Տիրոջ հանդէպ, այն բարձրադիր տեղերը, ուր մեհեաններ շինեց, կուռքեր ու քանդակուած պատկերներ պատրաստեց նախքան իր դարձի գալը, ահա գրի են առնուած տեսանողների գրքերում:
20. Մանասէն գնաց իր նախնիների գիրկը, եւ նրան թաղեցին իր տան պարտեզում:

21. Մանասէի փոխարէն թագաւորեց իր որդի Ամոսը: Ամոսը քսաներկու տարեկան էր, երբ թագաւոր դարձաւ, եւ տասներկու տարի թագաւորեց Երուսաղէմում:
22. Նա չարիք գործեց Տիրոջ առաջ, ինչպէս արել էր իր հայրը՝ Մանասէն. իր հօր պատրաստած բոլոր կուռքերին Ամոսը զոհեր մատուցեց եւ պաշտեց դրանք:
23. Նա դարձի չեկաւ Տիրոջ առջեւ, ինչպէս դարձի էր եկել իր հայրը՝ Մանասէն, այլ նրա որդին՝ Ամոսը, իր հօր գործած մեղքերի վրայ մեղք աւելացրեց:
24. Նրա դէմ ելան իր պալատականները ու նրան սպանեցին իր տան մէջ:
25. Իսկ երկրի ժողովուրդը սպանեց նրանց, որոնք յարձակուել էին թագաւորի վրայ: Եւ երկրի ժողովուրդը նրա փոխարէն գահ բարձրացրեց նրա որդուն՝ Յոսիասին:

1. Յոսիասը ութ տարեկան էր, երբ թագաւոր դարձաւ, եւ երեսունմէկ տարի թագաւորեց Երուսաղէմում:
2. Նա արեց այն, ինչ ուղիղ էր Տիրոջ առջեւ. գնաց իր նախնի Դաւթի ճանապարհներով՝ չխոտորուելով ո՛չ աջ, ո՛չ ձախ:
3. Իր թագաւորութեան ութերորդ տարում, երբ Յոսիասը տակաւին երիտասարդ էր, սկսեց յարել իր նախնի Դաւթի Տէր Աստծուն, իսկ իր թագաւորութեան տասներկուերորդ տարում սկսեց մաքրել Յուդայի երկիրն ու Երուսաղէմը բարձրադիր մեհեաններից, կուռքերից, ծուլածոյ աստուածներից:
4. Նա իր իսկ ներկայութեամբ կործանել տուեց Բահաղիմի զոհասեղանները եւ սրանց վերեւի մասում գտնուող բարձրադիր պաշտամունքի տեղերը: Նա ջարդուփշուր արեց կուռքերը, քանդակուած ու ծուլածոյ աստուածները, փշրեց, փոշիացրեց դրանք եւ շարտեց դրանց զոհ մատուցողների շիրիմների վրայ:
5. Նա զոհասեղանների վրայ վառեց քրմերի ոսկորները եւ մաքրեց Յուդայի երկիրը, Երուսաղէմը,
6. Եփրեմի, Մանասէի, Շմաւոնի, Նեփթաղիմի քաղաքներն ու դրանց շրջակայ վայրերը:
7. Նա վերացրեց կուռքերը, բազիններն ու աստուածների արձանները փշրեց, մանրեց եւ բոլոր բարձրադիր մեհեանները վերացնելով ամբողջ Իսրայէլի երկրից՝ վերադարձաւ Երուսաղէմ:
8. Իր թագաւորութեան տասնութերորդ տարում, երբ վերջացրել էր երկիրն ու թագաւորական տունը մաքրելը, Սելիի որդի Սափանին, քաղաքի իշխան Մասիասին ու Յովաքազի որդի Յոսիասին՝ իր դիւանապետին ուղարկեց, որ նորոգեն իր Տէր Աստծու տունը:
9. Սրանք եկան մեծ քահանայ Քեղկիասի մօտ, եւ նա տուեց Տիրոջ տուն բերուած արծաթ դրամը, որը դռան դէտացի պահապանները հաւաքել էին Մանասէի, Եփրեմի երկրներից, իշխաններից եւ Իսրայէլի մնացած բոլոր վայրերից, Յուդայի, Բենիամինի երկրների եւ Երուսաղէմի բնակիչներից:
10. Նրանք այն տուեցին գործաւորներին, որոնք մնում էին Տիրոջ տանը այն նորոգելու եւ ամրացնելու համար:
11. Նրանք արծաթը տուեցին հիւսններին եւ շինարարներին, որ խոշոր քառանկիւն քարեր ու փայտե գերաններ գնեն, ծածկեն այն շէնքերը, որ Յուդայի երկրի թագաւորներն էին քանդել:
12. Այդ մարդիկ հաւատարմօրէն կատարեցին գործը, եւ նրանց վերակացուները՝ Մերարիի որդիներից ղեւտացիներ Յէթն ու Աբդիասը, Կահաթի որդիներից Չաքարիասն ու Մեսոլամը եւ ամէն մի ղեւտացի, որ գիտակ էր նուագարանների ընկերակցութեամբ երգեր կատարելու, հսկում էին:
13. Վերակացուներ կային բեռնակիրների, ամէն տեսակ գործեր կատարողների ու աշխատանքի ղեկավարների վրայ: Քարտուղարները, դատաւորներն ու դռների պահապանները ղեւտացիներից էին:
14. Երբ Տիրոջ տուն մտնելով հանում էին արծաթը, Քեղկիաս քահանան գտաւ Տիրոջ Օրէնքի գիրքը, որը գրուած էր Մովսէսի ձեռքով:
15. Քեղկիասը յայտնեց Սափան քարտուղարին. Օրէնքի գիրք եմ գտել Տիրոջ տանը:
16. Քեղկիասը Օրէնքի գիրքը տուեց Սափանին: Սափանը արքային յանձնեց այդ գիրքը, ինչպէս նաեւ ներկայացրեց գործ անող բանուորներին տրուած արծաթի հաշիւը:
17. Ձուլեցին Տիրոջ տանը գտնուած արծաթը եւ այն տուեցին վերակացուներին ու նրանց, որոնք գործ էին անում:
18. Սափան քարտուղարը պատմեց արքային՝ ասելով. Քեղկիաս քահանան ինձ տուեց Օրէնքի գիրքը:
19. Եւ Սափանն այն ընթերցեց թագաւորի առջեւ: Երբ արքան լսեց Օրէնքի գրքի խօսքերը, պատառոտեց իր պատմութեանը:

20. Արքան պատուիրեց Քեղկիասին, Սափանի որդի Աքիկամին, Միքեասի որդի Աբդիին, Սափան քարտուղարին եւ արքայի ծառայ Ասայիային՝ ասելով.
21. Գնացէք հարցրէ՛ք Տիրոջը ինձ համար եւ Իսրայէլում ու Յուդայի երկրում մնացած բոլորի համար, թէ ինչ են գրել այդ գտնուած գրքում, քանզի մեր նախնիների Տիրոջ խօսքերին չանսալով՝ այս գրքի մէջ գրուած ամէն ինչ չկատարելու պատճառով է Տիրոջ բարկութիւնը բորբոքուած մեզ վրայ:
22. Քեղկիասը եւ նրանք, որոնց հետ խօսել էր արքան, գնացին Օղդան մարգարետուհու՝ Եսերի որդի Թակուաթի որդի Սելեմի կնոջ մօտ, որը պահում էր պատուիրանները եւ ապրում էր Երուսաղէմում՝ Մասենայում, եւ նրան պատմեցին վերելում ասուած խօսքերը:
23. Նա ասաց նրանց. Այսպէս է ասում Իսրայէլի Տէր Աստուածը. Ասացէ՛ք այն մարդուն, որ ձեզ ինձ մօտ է ուղարկել,
24. թէ այսպէս է ասում Տէրը. Ահա ես այդ տեղի վրայ չարիք պիտի բերեմ, այսինքն՝ պիտի կատարուեն այն խօսքերը, որ գրուած են այդ գրքում, եւ ընթերցել են Յուդայի երկրի արքայի առջեւ.
25. քանի որ ինձ լքելով զոհեր մատուցեցին օտար աստուածներին, որպէսզի ինձ բարկացնեն իրենց ձեռքի գործերով, իմ բորբոքուած բարկութիւնս է իջնելու այդ տեղի վրայ եւ չի հանդարտուելու:
26. Իսկ Տիրոջը փնտռելու համար ձեզ ուղարկած Յուդայի երկրի թագաւորին այսպէ՛ս ասացէք. Այսպէս է ասում Իսրայէլի Տէր Աստուածը.
27. 'Քո լսած խօսքերը պատկառանքով լցրեցին քո սիրտը, եւ դու խոնարհուեցիր իմ առջեւ՝ լսելու համար իմ խօսքերը այդ տեղի ու նրա բնակիչների մասին: Դու խոնարհուեցիր իմ առջեւ, պատառոտեցիր քո պատմութեանը ու լաց եղար իմ դիմաց, ուստի ես եւս լսեցի քեզ, - ասում է Տէրը:
28. Ահա ես քեզ քո նախնիների մօտ պիտի տանեմ, քեզ քո շիրիմի մէջ պիտի դնեմ խաղաղութեամբ, եւ քո աչքերը չեն տեսնելու այն բոլոր չարիքները, որ ես բերելու եմ այդ տեղի ու դրա բնակիչների գլխին : Այս խօսքերը հաղորդեցին թագաւորին:
29. Արքան մարդ ուղարկեց ու հաւաքեց Յուդայի երկրի եւ Երուսաղէմի ծերերին:
30. Յուդայի երկրի արքան եւ Յուդայի երկրի ու Երուսաղէմի բոլոր բնակիչները, քահանաներն ու ղեկաւորները եւ ամբողջ ժողովուրդը՝ մեծից մինչեւ փոքրը, եկան Տիրոջ տունը, եւ արքան նրանց առաջ ընթերցեց Տիրոջ տանը գտնուած ուխտի բոլոր խօսքերը:
31. Վեր կացաւ Յոսիաս թագաւորը, կանգնեց սեան մօտ եւ ուխտեց Տիրոջ առջեւ՝ ընթանալ Տիրոջ նշած ուղիով, ամբողջ սրտով ու ամբողջ հոգով պահել Նրա պատուիրանները, Նրա օրէնքներն ու հրամանները եւ ուխտի խօսքերը, որ գրուած են այդ գրքում:
32. Նա յորդորեց Երուսաղէմում ու Բենիամինի երկրում գտնուող բոլոր մարդկանց, եւ Երուսաղէմի բնակիչները ուխտ արեցին իրենց հայրերի Աստծու տանը:
33. Այսպիսով Յոսիասը իսրայէլացիների ամբողջ երկրից վերացրեց բոլոր պղծութիւնները եւ Երուսաղէմում ու Իսրայէլում գտնուող բոլոր մարդկանց համոզեց ծառայել իրենց Տէր Աստծուն: Իր բոլոր օրերին նա չխտտորուեց իր նախնիների Տէր Աստծու ուղուց:



1. Յոսիասն իր Տէր Աստծու զատիկը կատարեց. զատկի գառը մորթեցին առաջին ամսի տասնչորսերորդ օրը:
2. Նա քահանաներին կանգնեցրեց իրենց պաշտօնի վրայ եւ յորդորեց նրանց կատարելու Տիրոջ տան ծառայութիւնները:
3. Նա ասաց ղեւտացիներին՝ ամբողջ Իսրայէլի վերակացուներին, որ պէտք է նուիրուել Տիրոջը եւ սուրբ տապանակը դնել այն տանը, որը շինել էր Իսրայէլի արքայ Դաւթի որդի Սողոմոնը: Արքան ասաց. Դուք ոչ մի բան չպէտք է վերցնէք ուսերի վրայ: Արդ, ծառայեցէ՛ք ձեր Տէր Աստծուն եւ նրա ժողովրդին՝ իսրայէլացիներին:
4. Պատրաստ եղէք ըստ ձեր ազգատոհմերի եւ ըստ ձեր առօրեայ պաշտամունքի, ըստ Իսրայէլի արքայ Դաւթի եւ նրա որդի Սողոմոն թագաւորի գրածի:
5. Տաճարում կանգնեցէ՛ք այն տեղերում, որ նշանակուած են ըստ ձեր ազգատոհմերի, ձեր եղբայրների եւ ձեր ժողովրդի որդիների առջեւ՝ ղեւտացիների ազգատոհմի մարդկանց յատկացուած բաժանումների համեմատ:
6. Մորթեցէ՛ք զատկի գառը եւ պատրաստեցէ՛ք ձեր եղբայրների սրբութիւնները՝ գործելով ըստ Տիրոջ խօսքի, որ գրուել է Մովսէսի ձեռքով:
7. Եւ Յոսիասն սկսեց ժողովրդի որդիներին եւ ամենքին, որ այնտեղ էին գտնուում, տալ խոյեր, գառներ, մատաղ այծերի նոխազներ՝ բոլորն էլ զատկի համար: Այդ բոլորը թուով երեսուն հազար էր. նաեւ երեք հազար զուարակ: Սրանք թագաւորի ունեցուածքից էին:
8. Նրա իշխանները նոյնպէս սկսեցին ընծաներ տալ ժողովրդին, քահանաներին ու ղեւտացիներին: Քեղկիասը, Չաքարիասը եւ Յէիէլը եւ Աստծու տան իշխանները զատկի առթիւ քահանաներին տուեցին երկու հազար վեց հարիւր խոյ, գառ, նոխազ եւ երեք հարիւր զուարակ:
9. Քոնէնիասը, Բանեասը, Սամէասը եւ նրա եղբայր Նաթանայէլը, Ասաբիասը, Յէիէլը եւ Յոզաբաղը՝ ղեւտացիների իշխանները, զատկի առթիւ ղեւտացիներին տուեցին հինգ հազար խոյ եւ հինգ հարիւր զուարակ:
10. Պաշտամունքը կատարուեց. քահանաները կանգնած էին իրենց տեղերում, իսկ ղեւտացիները՝ իրենց դասերում, ըստ արքայի հրամանի:
11. Նրանք մորթեցին զատկի գառը, եւ քահանաները իրենց ձեռքերով ցանեցին արիւնը:
12. Դեւտացիները կտրտեցին ու պատրաստեցին ողջակէզները, որ դրանք բաժանեն ժողովրդի որդիներից իւրաքանչիւրին ըստ ազգատոհմերի, դասերի, որպէսզի մատուցեն Տիրոջը, ինչպէս որ գրուած է Մովսէսի Օրէնքի գրքում: Այսպէս արեցին մինչեւ առաւօտ:
13. Չատկի գառը խորովեցին կրակով ըստ օրէնքի, իսկ սուրբ մասերը եփեցին կաթսաների ու սաների մէջ: Տօնը յաջող ընթացաւ, եւ զոհը բաժանեցին ժողովրդի բոլոր որդիներին:
14. Յետոյ զատիկը պատրաստեցին իրենց ու քահանաների համար, քանի որ քահանաները մինչեւ գիշեր մատուցում էին ճարպերն ու ողջակէզները: Դեւտացիները բաժին վերցրին նաեւ իրենց ու իրենց եղբայրների՝ Ահարոնի որդիների համար:
15. Ասափի սաղմոսերգու որդիները, նաեւ Ասափը, Եմանը եւ Իդիթունը՝ արքայի մարգարէները, ըստ Դաւթի պատուիրանի, կանգնեցին իրենց տեղերում: Իշխանները, դռների պետերն ու իւրաքանչիւր դռան պահապան տեղից չպէտք է շարժուէին սրբութեան ծառայութեան ժամանակ, քանզի նրանց եղբայրները՝ ղեւտացիները, բաժիններ էին պատրաստել նաեւ նրանց համար:
16. Այդ օրը Տիրոջ ամբողջ պաշտամունքը պատշաճօրէն պատրաստուեց ու կատարուեց, որպէսզի, ըստ Յոսիաս արքայի հրամանի, տօնեն զատիկը եւ ողջակէզներ մատուցեն Տիրոջ սեղանի վրայ:
17. Այդ ժամանակ այնտեղ գտնուող իսրայէլացիները եօթը օր կատարեցին զատիկը եւ անթախմոր հացի տօնը:
18. Սամուէլ մարգարէի օրերից ի վեր սրա նման զատիկ երբեք չէր եղել Իսրայէլում, եւ

Իսրայելի բոլոր թագաւորները այսպիսի գատիկ չէին արել, ինչպէս արեց Յոսիասը: Այնտեղ գտնուող քահանաներն ու ղեւտացիները, ամբողջ Յուդայի երկիրն ու Իսրայելը եւ Երուսաղէմի բնակիչները

19. Տիրոջ տօնը կատարեցին Յոսիասի թագաւորութեան տասնութերորդ տարում: Յոսիաս արքան Յուդայի երկրում եւ Երուսաղէմում գտնուող վիուկներին, գուշակներին, մոգերին, կախարդներին եւ չաստուածներին վերացրեց ու հրով այրեց, որպէսզի հաստատի Օրէնքի այն խօսքերը, որ գրուած էին Քեղկիաս քահանայի՝ Տիրոջ տանը գտած գրքում: Յոսիասի նմանը չէր եղել նրանից առաջ, որ, ըստ Մովսէսի բոլոր օրէնքների, իր ամբողջ սրտով, իր ամբողջ հոգով եւ իր ամբողջ զօրութեամբ դառնար դէպի Տէր Աստուածը: Եւ նրանից յետոյ էլ նրա նմանը չայտնուեց: Տէրը, սակայն, չհանդարտուեց իր խիստ բորբոքուած բարկութիւնից, Յուդայի երկրի նկատմամբ այն բարկութիւնից, որով բորբոքել էր Նրան Մանասէն: Եւ Տէրն ասաց. Ես Յուդայի երկիրն էլ եմ վերացնելու իմ աչքի առաջից, ինչպէս վերացրել եմ Իսրայելը, եւ մերժելու եմ Երուսաղէմը՝ այն քաղաքը, որ ընտրել էի, եւ այն տունը, որի համար ասել էի, թէ՛ իմ անունը պետք է լինի այնտեղ:

20. Եգիպտոսի արքայ Նեքաւով փարաւոնը յարձակուեց Ասորեստանի արքայի վրայ Եփրատ գետի ուղղութեամբ: Յոսիաս արքան գնաց նրա դէմ,

21. իսկ սա պատգամաւորներ ուղարկեց նրա մօտ՝ ասելով. Ի՞նչ թշնամութիւն ունենք ես ու դու, Յուդայի երկրի՝ արքայ, այսօր քո դէմ պատերազմելու չեմ եկել: Աստուած ինձ ասաց, որ շտապեմ: Չգուշացի՛ր ինձ հետ եղող Աստծուց, գուցէ նա քեզ կործանի:

22. Յոսիասը, սակայն, իր երեսը նրանից չշրջեց, այլ ինքն իր մէջ ուժ գտաւ, որ պատերազմի նրա դէմ: Նա չանսաց Նեքաւովի Տիրոջ անունով ասուած խօսքերին եւ եկաւ պատերազմելու Մակեդոնի դաշտում:

23. Աղեղնաւորները հարուածեցին Յոսիասին, եւ արքան ասաց իր ծառաներին. Ինձ այստեղից դ՛ուրս հանեցէք, որովհետեւ ծանր վիրաւորուած եմ:

24. Նրա ծառաները հանեցին նրան իր մարտակառքից ու դրեցին նրա երկրորդ մարտակառքի մէջ ու տարան Երուսաղէմ: Նա մեռաւ ու թաղուեց իր նախնիների մօտ, եւ ամբողջ Յուդայի երկիրն ու Երուսաղէմը սուգ արեցին Յոսիասի վրայ:

25. Երեմիասը ողբեր ասաց Յոսիասի մասին, եւ բոլոր պալատականները, տղամարդ թէ կին, Յոսիասի մասին յօրինեցին ողբեր, որոնք յիշուում են մինչեւ այսօր: Դրանք Իսրայելի մէջ կանոնական դարձան եւ ահա գրի են առնուած ողբերի գրքում:

26. Յոսիասի գործերը եւ նրա յուսացած բաները գրի են առնուած Տիրոջ օրէնքներում գրուածի համեմատ,

27. իսկ նրա մնացած գործերը, սկզբից մինչեւ վերջինը, գրի են առնուած Իսրայելի ու Յուդայի երկրի թագաւորների գրքում:

1. Երկրի ժողովուրդը Յոսիասի որդի Յովաքազին օծեց ու իր հօր փոխարեն Երուսաղեմում դարձրեց թագաւոր:
2. Յովաքազը քսաներեք տարեկան էր, երբ թագաւոր դարձաւ, եւ երեք ամիս թագաւորեց Երուսաղեմում: Նրա մօր անունը Ամիտալ էր, որը լոբնացի Երեմիայի դուստրն էր: Յովաքազը չարիք գործեց Տիրոջ առջեւ, այն բոլոր չարիքները, որ գործել էին նրա նախնիները:
3. Նեքաւով փարաւոնը նրան բռնեց Դեբլաթայում, Եմաթի երկրում, եւ նա այլեւս չկարողացաւ թագաւորել Երուսաղեմում: Արքան նրան տարաւ Եգիպտոս եւ երկրի վրայ հարիւր տաղանդ արծաթ եւ մէկ տաղանդ ոսկի հարկ դրեց:
4. Նեքաւով փարաւոնը Յուդայի երկրի արքայ Յոսիասի որդի Եղիակիմին նշանակեց նրա հօր՝ Յոսիասի փոխարեն եւ նրա անունը փոխեց ու դրեց Յովակիմ, իսկ նրա եղբայր Յովաքազին Նեքաւով փարաւոնն առաւ եւ տարաւ Եգիպտոս, ուր եւ նա մեռաւ: Արծաթն ու ոսկին հարկ էին տալիս փարաւոնին: Այնուհետեւ երկիրն սկսեց հարկեր վճարել, եւ արծաթը տալիս էին ըստ փարաւոնի հրամանի: Երկրի ժողովրդից՝ ամեն մէկից արծաթ ու ոսկի էին պահանջում ըստ նրա կարողութեան, որպէսզի դրանք յանձնեն Նեքաւով փարաւոնին:
5. Յովակիմը քսանհինգ տարեկան էր, երբ թագաւոր դարձաւ, եւ տասնմէկ տարի թագաւորեց Երուսաղեմում: Նրա մօր անունը Չեկքորա էր, որը ռամացի Ներիայի դուստրն էր: Նա Տիրոջ առջեւ գործեց այն բոլոր չարիքները, որ արել էին նրա նախնիները: Նրա օրօք Բաբելոնի Նաբուքոդոնոսոր արքան մտաւ Յուդայի երկիրը: Յովակիմը երեք տարի ծառայեց նրան, բայց յետոյ ապստամբեց նրա դէմ: Տէրն ուղարկեց նրա դէմ քաղդէացիներին, Ասորիքի աւագակներին, մովաբացիների աւագակներին եւ ամոնացիներին ու սամարացիներին: Եւ այս բաներից յետոյ նրանք ազատուեցին, ինչպէս ասել էր Տէրն իր ծառայ մարգարէների միջոցով: Տիրոջ զայրոյթը, սակայն, դեռ Յուդայի երկրի վրայ էր, որ վերացնի իր աչքի առաջից Մանասէի գործած բոլոր մեղքերի, Մանասէի թափած անմեղ արեան՝ Երուսաղեմում թափած անմեղ արեան պատճառով: Տէրը, սակայն, չուզեց ոչնչացնել նրանց:
6. Յովակիմի վրայ յարձակուեց Բաբելոնի արքայ Նաբուքոդոնոսորը եւ նրան կապեց պղնձէ շղթաներով ու տարաւ Բաբելոն:
7. Նա Տիրոջ տան սպասքի մի մասը տարաւ Բաբելոն ու դրեց Բաբելոնում գտնուող իր տաճարում:
8. Յովակիմի մնացած գործերը եւ ամեն ինչ, որ նա արել էր, չէ՞ որ ահա գրուած են Յուդայի երկրի թագաւորների ժամանակագրութեան մէջ: Յովակիմը գնաց իր նախնիների գիրկը ու թաղուեց Գանոգայում, իր նախնիների մօտ:
9. Յովակիմի փոխարեն թագաւորեց իր որդի Յեքոնիասը:
10. Տասնութ տարեկան էր Յեքոնիասը, երբ թագաւոր դարձաւ, եւ երեք ամիս ու տասն օր թագաւորեց Երուսաղեմում: Նա չարիք գործեց Տիրոջ առջեւ:
11. Երբ տարին բոլորուեց, Նաբուքոդոնոսոր արքան մարդ ուղարկեց ու նրան Տիրոջ տան թանկարժէք սպասքով հանդերձ տարաւ Բաբելոն: Նա Յուդայի երկրում ու Երուսաղեմում թագաւորական գահին նստեցրեց նրա հօրեղբօրը՝ Սեդեկիասին:
12. Զսանմէկ տարեկան էր Սեդեկիասը, երբ թագաւոր դարձաւ, եւ տասնմէկ տարի թագաւորեց Երուսաղեմում:
13. Նա չարիք գործեց իր Տէր Աստծու առաջ, չպատկառեց ո՛չ Երեմիա մարգարէից, ո՛չ էլ Տիրոջ խօսքերից:
14. Սեդեկիասն ապստամբեց Նաբուքոդոնոսոր արքայի դէմ՝ դրժելով այն երդումը, որ Նաբուքոդոնոսորը նրան երդուեցրել էր Աստծու անունով, դարձաւ կամակոր, կարծրացրեց իր սիրտը, որ չվերադառնայ Իսրայէլի Տէր Աստծուն:
15. Յուդայի երկրի բոլոր մեծամեծները, քահանաներն ու երկրի ժողովուրդները բազմապատկեցին հեթանոս ազգերի գարշելի անօրէնութիւնները եւ պղծեցին Տիրոջ

տունը Երուսաղէմում:

16. Նրանց հայրերի Տէր Աստուածը մարգարէների միջոցով շտապ առաքեց իր պատգամախօսներին, քանզի խնայում էր իր ժողովրդին եւ իր սրբավայրը:

17. Մարդիկ արհամարհեցին նրա պատգամախօսներին, մերժեցին նրանց խօսքերը ու ծաղրեցին նրա մարգարէներին մինչեւ այն աստիճան, որ Տիրոջ բարկութիւնը բորբոքուեց ժողովրդի վրայ, որից յետոյ նրանք փրկութիւն չունեցան:

18. Տէրը նրանց վրայ ուղարկեց քաղղեացիների թագաւորին, որը սրակոտոր արեց նրանց երիտասարդներին իրենց իսկ սրբութեան տան մէջ, չխնայեց նաեւ Սեդեկիասին, չողորմեց նրանց կոյս աղջիկներին եւ նրանց բոլոր ծերերին մատնեց թշնամիների ձեռքը:

19. Նա Աստծու տան ամբողջ մեծ ու փոքր սպասքը եւ արքայի ու մեծամեծների բոլոր գանձերը՝ ամէն ինչ տարաւ Բաբելոն,

20. այրեց Տիրոջ տունը, կործանեց Երուսաղէմի պարիսպը եւ նրա մէջ եղած ապարանքները հրոյ ճարակ դարձրեց, ոչնչացրեց ամէն մի գեղեցիկ անօթ,

21. իսկ վերապրածներին գերեվարեց Բաբելոն:

22. Այնտեղ նրանք նրա ու նրա սերնդի ծառաները դարձան մինչեւ մարաց թագաւորութեան հաստատումը, որպէսզի

23. կատարուի Երեմիայի բերանով ասուած Տիրոջ խօսքը, թէ՛ Երկիրը պիտի քուի եօթանասուն տարի, մինչեւ որ լրանայ շաբաթօրեայ հանգստի իր ժամանակը, որպէս հատուցում շաբաթօրեայ հանգստեան այն ժամանակի, որ չէր պահպանուել:

24. Պարսից արքայ Կիւրոսի թագաւորութեան առաջին տարում, երբ կատարուեց Երեմիայի բերանով ասուած Տիրոջ խօսքը, Տէրը զարթնեցրեց Պարսից Կիւրոս արքայի հոգին եւ պատուիրեց իր ամբողջ թագաւորութեան մէջ գրաւոր հրովարտակ ծանուցել, որ ասուած էր.

25. Այսպէս է ասում Պարսից Կիւրոս արքան. Երկնքի Տէր Աստուածն ինձ է յանձնել աշխարհի բոլոր թագաւորութիւնները: Նա ինձ է պատուիրել Հրեաստանում Երուսաղէմում, կառուցել իր տունը: Ձեզնից ով որ Նրա ժողովրդին է պատկանում, թող ելնի գնայ, եւ թող Տէր Աստուածն իր հետ լինի:

Q ԵՁՐԱՍ

## Գլուխ 1

1. Յոսիա թագաւորը Տիրոջ զատիկը կատարեց Երուսաղէմում. Տիրոջ զատկի գառը մորթեցին առաջին ամսի տասնչորսին:
2. Ըստ իրենց ծառայութեան օրերի՝ Նա Տիրոջ տաճարում քահանաներ կանգնեցրեց, որոնք քահանայական պատմութեաններ էին հազած,
3. եւ ասաց ղեւտացի սպասաւորներին. Մաքրեցէ՛ք ձեր անձերը եւ պատրաստեցէ՛ք ձեզ ըստ Տիրոջ ուխտի տապանակի սրբութեան, թող ձեր մէջ չլինի աղտոեղութիւն եւ պղծութիւն:
4. Արդ, պաշտամո՛ւնը մատուցեցէ՛ք ձեր Տէր Աստծուն, հաւաքեցէ՛ք ու պատրաստեցէ՛ք Իսրայէլի բոլոր ազգերին եւ կանգնեցրէ՛ք Նրանց ըստ իրենց հայրապետների եւ ցեղերի հերթականութեան,
5. ինչպէս սահմանել եւ գրել է Իսրայէլի Դաւիթ թագաւորը եւ հրահանգել Նրա որդի մեծն Սողոմոնը. թող ղեւտացիները ըստ իրենց հայրերի կարգի տաճարում կանգնեն, իրենց եղբայրների՝ իսրայէլացիների առաջ:
6. Ըստ առաջին կարգերի հերթականութեան՝ մորթեցէ՛ք զատկի գառը, պատրաստեցէ՛ք զոհերն ու զատիկը կատարեցէ՛ք ըստ Տիրոջ այն հրամանի, որ Նա պատուիրել էր Մովսէսի միջոցով:
7. Եւ իբրեւ պարգեւ Յոսիան ժողովրդին տուեց երեսուն հազար գառներ եւ ուլեր, երեք հազար հորթեր:
8. Այս բոլորը, թագաւորի հրամանի համաձայն, տրուեց ժողովրդին, քահանաներին եւ ղեւտացիներին: Բացի դրանից, Նա Քեղկիա եւ Չաքարիա քահանայապետներին, ժողովրդի առաջնորդներին եւ քահանաներին տուեց եւս երկու հազար վեց հարիւր ոչխար:
9. Յեքոնիասը, Սամէասն ու Նրա եղբայր Նաթանայէլը, Ռաբիասը, Օզիէլը եւ Յորամը, որոնք հազարապետներ էին, զատկի համար ղեւտացիներին տուեցին հինգ հազար ոչխար եւ հինգ հարիւր հորթ:
10. Վերցնելով այս բոլորը՝ քահանաները մեծ շուքով, ամենայն վայելչութեամբ եւ բազմազան ձեւերով պատրաստեցին Բաղարջակերաց զատիկը
11. եւ, ըստ իրենց տոհմերի եւ հայրերի կարգի, կանգնեցին ժողովրդի առաջ, ինչպէս գրուած է Մովսէսի գրքում, մատուցելու համար Տիրոջ զատիկը:
12. Ահա այսպէս Նրանք առաւօտեան կրակի վրայ խորովեցին ու պատրաստեցին Տիրոջ զատիկը. մնացած հում միսը անուշահոտ համեմունքներով եփեցին կաթսաների եւ սաների մէջ եւ մատուցեցին ժողովրդին:
13. Սրանից յետոյ քահանայապետները զատիկը պատրաստեցին իրենց եւ իրենց եղբայրների՝ Ահարոնի որդիների համար,
14. որովհետեւ քահանաները ճարպ էին մատուցում կրակը բորբոքելու համար, ղեւտացիներն իրենք էլ զատիկը պատրաստեցին թէ՛ իրենց եւ թէ՛ իրենց քահանայ եղբայրների՝ Ահարոնի որդիների համար:
15. Ասափի որդիները՝ սաղմոսների երգիչները, Նոյնպէս զատիկը պատրաստեցին իրենց համար, ինչպէս սահմանել էր Դաւիթ թագաւորը ժամանակին Ասափի, Չաքարիայի եւ Ելիինոնի համար:
16. Դռնապանները, որոնցից իւրաքանչիւրը հսկում էր իր դռան վրայ՝ ըստ ամեն օրուայ կարգի, քանի որ իրենք էլ Դեւիի որդիներ էին, իրենք Նոյնպէս պատրաստեցին զատիկը:
17. Այդ օրը բոլորը միաբան կատարեցին Տիրոջ զոհը
18. եւ, ինչպէս հրամայել էր Յոսին թագաւորը, Տիրոջ զատիկը մատուցեցին սեղանի վրայ:
19. Այն իսրայէլացիները, որ այդ ժամանակ գտնուում էին այնտեղ, եօթը օր կատարեցին Տիրոջ զատիկը եւ Բաղարջակերաց տօնը:
20. Երբեք այդպիսի զատիկ չէր եղել Իսրայէլում, քանի որ ոչ ոք Նման զատիկ չէր արել Սամուէլ մարգարէի ժամանակից ի վեր:

21. Իսրայելի բոլոր թագաւորներն էլ այսպիսի զատիկ չէին արել, ինչպէս արեց Յոսիա թագաւորը, նաեւ քահանաները, դէտացիները, հրեաներն ու բոլոր իսրայելացիները, որոնք այն ժամանակ ապրում էին Երուսաղէմում:
22. Այդ զատիկը Յոսիան կատարեց իր թագաւորութեան տասնութերորդ տարում:
23. Յոսիա թագաւորի գործերը ուղիղ էին իր Տէր Աստծու առաջ, եւ նա Տիրոջը ծառայում էր իր ամբողջ սրտով ու մտքով:
24. Բայց նրանից առաջ եղել են ուրիշ թագաւորներ, որոնց մասին ստոյգ գրուած է, թէ նրանք մեղանչել, անօրէնութիւն են գործել բոլոր ազգերի մէջ, վշտացրել են Տիրոջը եւ Իսրայելի մէջ դէմ են կանգնել Նրա խօսքին:
25. Յոսիա թագաւորի այս բոլոր առաքիւնի գործերից յետոյ եգիպտացիների Փարաւոն թագաւորը եկաւ պատերազմելու Կարքամուսում Եփրատի կողմերում, եւ Յոսիան ելաւ պատերազմելու նրա դէմ:
26. Եգիպտացիների թագաւորը բանագնաց ուղարկեց նրա մօտ եւ ասաց. Ի՞նչ կայ իմ եւ քո միջեւ, ո՛վ Հրեաստանի թագաւոր,
27. չէ՞ որ Տէր Աստուածն ինձ չի ուղարկել քեզ մօտ, այլ ես գնում եմ պատերազմելու Եփրատի կողմերում: Այժմ Տէրը ինձ հետ է, եւ դու մի՛ խանգարիր ինձ, քանի որ Տէրը ստիպում է ինձ գնալ ու պատերազմել Եփրատի կողմերում. դու հեռո՛ւ կաց ինձնից եւ մի՛ հակառակուիր Տիրոջը:
28. Բայց Յոսիան յետ չդարձրեց իր մարտակառքը, այլ ձեռնամուխ եղաւ նրա դէմ պատերազմելու, չլսեց Երեմիա մարգարէի խօսքերը, որ նա ասում էր նրան Տիրոջ բերանով:
29. Նա համախմբեց զօրքը, իջաւ Եդդաւուսի դաշտ՝ այնտեղ ճակատամարտ տալու Փարաւոնի դէմ. եւ իշխաններն էլ իջան Յոսիա թագաւորի մօտ:
30. Յոսիա թագաւորն ասաց իր ծառաներին. Ինձ դո՛ւրս տարեք ռազմադաշտից, ես խիստ թուլացել եմ: Ծառաներն անմիջապէս նրան դուրս հանեցին մարտադաշտից:
31. Յոսիան բարձրացաւ իր երկրորդ կառքը եւ հասնելով Երուսաղէմ՝ վախճանուեց: Նրան թաղեցին իր հայրերի գերեզմանատանը:
32. Ամբողջ ժողովուրդը ողբաց եւ սգաց Յոսիայի վրայ, իսկ Երեմիա մարգարէն ողբ հիւսեց Յոսիայի մասին: Մինչեւ այսօր կանայք նստում եւ ողբում են Երեմիայի այդ ողբը: Դրանից յետոյ հրաման տուեցին, որ միշտ իրենց ազգերի մէջ այդպէս ողբան Իսրայելում:
33. Այս բոլորի մասին գրուած է Իսրայելի թագաւորների պատմութիւնների գրքում, նաեւ նրա կատարած գործերի, նրա բարեմասնութիւնների, առաքիւնութեան, նրա մեծ արդարութեան ու փառքի մասին, եւ թէ ինչպիսի իմաստուն հոգատարութիւն ուներ նա Տիրոջ Օրէնքի նկատմամբ: Այս բոլորի մասին մինչեւ այժմ պատմում են Իսրայելի եւ Յուդայի երկրի թագաւորների գրքերը:
34. Յոսիայի մահից յետոյ նրա տոհմից թագաւոր դարձրին Յեքոնիային՝ Յոսիայի որդուն: Յեքոնիան քսաներեք տարեկան էր, երբ թագաւորեց իր հօր՝ Յոսիայի փոխարէն:
35. Նա Հրեաստանի եւ Երուսաղէմի վրայ թագաւորեց երեք ամիս: Եգիպտացիների թագաւորը արգելեց, որ նա թագաւորէր Երուսաղէմում
36. եւ, իբրեւ ծախս, հրեաներից պահանջեց հարիւր տաղանդ արծաթ եւ մէկ տաղանդ ոսկի:
37. Եգիպտացիների թագաւորը նրանց վրայ թագաւոր կարգեց Յովակիմին՝ Յեքոնիայի եղբօրը, եւ Յովակիմը թագաւորեց Հրեաստանի եւ Երուսաղէմի վրայ:
38. Յովակիմը կալանաւորեց Իսրայելի տան մեծամեծներին ու իշխաններին, եւ իր եղբօրը՝ Չարային, հանեց Եգիպտացիների երկրից եւ բերեց իր մօտ:
39. Յովակիմը քսանհինգ տարեկան էր, երբ թագաւորեց Հրեաստանի ու Երուսաղէմի վրայ եւ չարիքներ գործեց Տիրոջ առաջ:
40. Բաբելացիների արքայ Նաբուքոդոնոսորը յարձակուեց նրա վրայ, նրան կապեց պղնձէ կապանքներով եւ տարաւ Բաբելոն:

41. Նաբուքոդոնոսորը վերցրեց Նաեւ Տիրոջ տան սպասքից, տարաւ ու Բաբելոնում դրեց իրենց կուռքերի տանը՝ պահելու համար:
42. Նրա այս բոլոր գործերի՝ Նրա պղծութիւնների եւ անօրէնութիւնների մասին գրուած է թագաւորների ժամանակագրութիւնների գրքում:
43. Նրա փոխարէն թագաւորեց Յովակիմը՝ Նրա որդին, որ տասնութ տարեկան էր:
44. Նա թագաւորեց երեք ամիս եւ տասն օր Երուսաղէմում եւ չարիք գործեց Տիրոջ առաջ:
45. Մէկ տարի յետոյ Նաբուքոդոնոսորը վերցրեց ու տարաւ Նրան Բաբելոն՝ Տիրոջ տան գանձերով հանդերձ:
46. Նաբուքոդոնոսորը Հրեաստանի եւ Երուսաղէմի թագաւոր կարգեց Սեդեկիային: Սեդեկիան քսանմէկ տարեկան էր եւ թագաւորեց տասնմէկ տարի:
47. Նա եւս չարիք գործեց Տիրոջ առաջ եւ յետ չկանգնեց իր չարիքներից, չլսեց Երեմիա մարգարէի խօսքերը, որ Նա ասել էր Նրան Տիրոջ բերանով:
48. Նա հաւատարիմ չմնաց իր երդմանը, որ Տիրոջ անունով տուել էր Նաբուքոդոնոսոր արքային, այլ դրժեց երդումը եւ հեռացաւ Նաբուքոդոնոսորից, խստացրեց պարանոցը եւ սիրտը փակեց Իսրայէլի Տէր Աստծու օրէնքների հանդէպ:
49. Ժողովրդի իշխաններն ու քահանաներն էլ ամբարշտութիւններ արեցին, անօրէն եղան, բազմացրին իրենց պղծութիւններն աւելի, քան բոլոր հեթանոսները եւ Նոյնիսկ պղծեցին Տիրոջ սուրբ տաճարը Երուսաղէմում:
50. Նրանց հայրերի Աստուածն իր հրեշտակներին ու մարգարէներին ուղարկեց Նրանց մօտ, որպէսզի դարձի գան, որովհետեւ խնայում էր թէ՛ Նրանց եւ թէ՛ իր սուրբ տաճարը,
51. բայց Նրանք արհամարհեցին Տիրոջ հրեշտակներին. այն օրը, երբ Տէրը խօսում էր Նրանց հետ, Նրանք ձեռ էին առնում եւ ծաղրում Նրա մարգարէներին:
52. Տէրը բարկացաւ Նրանց ազգի վրայ եւ Նրանց ամբարշտութեան պատճառով Նրանց դէմ բերեց քաղղեացիների թագաւորներին,
53. որոնք սրով սպանեցին Նրանց երիտասարդներին, Նրանց արիւնը թափեցին սուրբ տաճարի շուրջը, չխնայեցին Նրանց մանուկներին, կոյսերին, ծերերին ու Նրանց երիտասարդներին:
54. Աստուած Նրանց ձեռքը յանձնեց այս բոլորը՝ թէ՛ Տիրոջ տան բոլոր մեծ ու փոքր անօթները, թէ՛ Տիրոջ տապանակի կայքն ու սպասքը եւ թէ՛ Իսրայէլի թագաւորի գանձերը. այս ամէնը Նրանք վերցրին ու տարան Բաբելոն:
55. Նրանք հրկիզեցին Տիրոջ տաճարը, քարուքանդ արեցին Երուսաղէմի պարիսպը, կրակի մատնեցին Նրա աշտարակները, եւ հասաւ Նրա բոլոր փառքերի վախճանը:
56. Իսկ մնացածներին, սրի առաջ գցած, գերի տարան Բաբելոն:
57. Սրանց եւ իրենց որդիները մնացին ստրկութեան մէջ մինչեւ պարսիկների թագաւորների ժամանակը, մինչեւ որ կատարուեց Տիրոջ այն խօսքը, որ Նա ասել էր Երեմիա մարգարէի բերանով.
58. Մինչեւ Տէրը բարեհաճի, որ թափուր այս երկիրը տօնի իր շաբաթները, ամբողջ ժամանակ այն պիտի լինի անապատ, պիտի լրանայ եօթանասուն տարին, որպէսզի շաբաթը տօն լինի Նրա համար: Կիւրոսի թագաւորութեան առաջին տարում լրանում էր Յուդայի եւ Բենիամինի ցեղերի գերութեան եօթանասուն տարին: Կիւրոսը ընդամենը թագաւորեց երեսուն տարի:



1. Պարսկաստանի թագաւոր Կիւրոսի թագաւորութեան առաջին տարում կատարուեց Տիրոջ այն խօսքը, որ նա ասել էր Երեմիա մարգարէի բերանով:
2. Տէրն արթնացրեց Կիւրոս թագաւորի ոգին, եւ Կիւրոսը հրամայեց իր ամբողջ թագաւորութեան մէջ ազդարարել եւ ասել.
3. Այսպէս ասաց Պարսկաստանի Կիւրոս թագաւորը. ինձ յայտնեց Իսրայէլի Տէր Աստուածը, որ բովանդակ տիեզերքի թագաւորն է եւ բարձրեալ Տէրը,
4. կանխանշանով ցոյց տուեց ինձ, որ ես նրա համար տաճար կառուցեմ Հրեաստանի Երուսաղէմ քաղաքում:
5. Արդ, ով էլ որ լինի, ում մօտ էլ որ մարդ լինի հրեաների ցեղերից, - թող Տէր Աստուածը լինի նրա հետ, - նա կարող է ելնել եւ հրեաների հետ գնալ Երուսաղէմ, որպէսզի կառուցի Իսրայէլի Տէր Աստծու տաճարը: Սա այն Տէրն է, որ բնակւում է Երուսաղէմում:
6. Եւ բոլոր նրանք, ովքեր կը մնան իրենց բնակավայրում, թող օգնեն նրանց ոսկով ու արծաթով, ձիերով ու այլ անասուններով
7. եւ թող իրենց ունեցուածքից նուէրներ տան Տիրոջ տաճարին, որը գտնւում է Երուսաղէմում:
8. Թող իշխաններ նշանակուեն ըստ ազգերի, ըստ Յուդայի ազգի եւ Բենիամինի ցեղի տոհմապետերի, քահանաների եւ ղեկաւորների ու բոլոր նրանց վրայ, ում ոգին արթնացրեց Տէրը՝ գնալու եւ կառուցելու Տիրոջ տունը Երուսաղէմում ու նրա շուրջը,
9. եւ թող բոլորն օգնեն արծաթով, ոսկով, ձիերով, անասուններով եւ նուիրեն Տիրոջը, ում սիրտն ինչքան կը կամենայ:
10. Եւ Կիւրոսը բերել տուեց Տիրոջ սուրբ սպասքը, որը Նաբուքոդոնոսորը բերել էր Երուսաղէմից եւ դրել էր իրենց կուռքերի տանը պահելու համար:
11. Պարսկաստանի Կիւրոս թագաւորը բերել տուեց այն եւ հրամայեց սպասքը տալ իր գանձապետ Միթրիդատին:
12. Միթրիդատը հաշուեց եւ տուեց Յուդայի հանդերձապետ Սամանասարին:
13. Ահա Տիրոջ սպասքի թիւը. ոսկեղէն սպասք՝ հազար, արծաթե սպասք՝ նոյնպէս հազար, արծաթե դանակներ՝ քսանինը, ոսկե ափսեներ՝ երեսուն, արծաթե ափսեներ՝ երկու հազար չորս հարիւր քսան, եւ այլ անօթներ՝ հազար:
14. Ոսկէ եւ արծաթէ այդ ամբողջ կայքն ու սպասքը, որ բերեցին, հինգ հազար չորս հարիւր վաթսուսինն էր:
15. Այդ ամէնը տուեցին Սամանասարի ձեռքը, եւ նա բոլոր գերիների հետ դրանք վերցրեց եւ Բաբելոնից բերեց Երուսաղէմ:
16. Պարսկաստանի Արտաշէս արքայի թագաւորութեան ժամանակ Հրեաստանի եւ Երուսաղէմի շրջակայ բնակիչները ամբաստանութեան մի նամակ գրեցին նրան: Այդ թուղթը գրել էին Բաաղսամուսը, Միթրիդատը, Բելլիոսը, Ռաթիմոսը, Բելտեթմոսը եւ գրագիր Սամելիոսը, նրանց հետ նաեւ շատ ուրիշներ, որոնք բնակւում էին ծովեզերքում քանանացիներ, տիւրոսացիներ, ամոնացիներ, մովաբացիներ, սամարացիներ եւ այլ տեղերում ապրող բազմաթիւ ուրիշներ:
17. Նամակը գրուած էր այսպէս. Արտաշէս թագաւոր, տէ՛ր մեր, քո ծառաները՝ Ռաթիմոսը, որ երկրպագում է քեզ, Սամելիոս գրագիրը, մեր բոլոր խորհրդականները եւ Ասորիքի ու քանանացիների կողմերի դատաւորները ողջունում են քեզ:
18. Արդ, տէ՛ր մեր եւ թագաւո՛ր, թող քեզ յայտնի լինի հրեաների մասին, որ երբ նրանք քեզից հեռացան եւ եկան մեզ մօտ, գնացին Երուսաղէմ՝ ապստամբող եւ խռովարար մի քաղաք: Այնտեղ նրանք վերաշինում են նրա հրապարակները, ուզում են ամրացնել նրա պարիսպները, կամենում են կառուցել նրա բարձր տաճարը:
19. Արդ, եթէ նրանք շինեն այս քաղաքը եւ աւարտեն նրա պարիսպը, ապա նրանք ոչ միայն հարկ չեն տայ ոչ մէկին, այլեւ ոտքի կը կանգնեն թագաւորների դէմ,
20. որովհետեւ, պարծենալով, նրանք յոյսը կը դնեն իրենց տաճարի վրայ:
21. Այժմ մեզ թւում է լաւ կը լինի, որ դու նկատի ունենաս այս բաները, տէ՛ր մեր

- թագաւոր, քննես եւ տեսնես, թէ ինչ են գրել քո հայրերն ու նախնիները,
22. գտնես նրանց յիշատակարանների մատեանը եւ իմանաս, որ այս քաղաքը ապստամբների քաղաք է,
23. որ սրա թագաւորներն ու հրեաներն ապստամբներ են, սրա բնակիչները միշտ սուտ են երդուել, եւ հենց դրա համար էլ աւերուել ու անապատ է դարձել այս քաղաքը:
24. Արդ, ծանուցում ենք քեզ՝ մեր տիրոջն ու թագաւորիդ, որ եթէ այս քաղաքը վերաշինուի, եւ սրա պարիսպները վերականգնուեն, ապա դու այլեւս իշխանութիւն չես ունենայ սրանց վրայ եւ ոչ էլ ճանապարհ՝ դէպի Ասորիքի ու քանանացիների կողմերը:
25. Այն ժամանակ Արտաշէս թագաւորը գրեց Ռաթիմոսին, Բելտեթմոսին, գրագիր Սամելիոսին եւ բոլոր նրանց, որոնք բնակւում էին Սամարիայի, Ասորիքի ու քանանացիների կողմերում եւ որոնք թուղթ էին գրել իրեն:
26. Կարդացի, - ասում է, - ձեր թուղթը, որ գրեցիք ինձ: Ես հրամայեցի, որ նայեն յիշատակարանների մատեանները, եւ իմացայ, որ այդ քաղաքը թէ՛ սկզբից իսկ եւ թէ՛ մշտապէս դէմ է կանգնել բոլոր թագաւորներին,
27. որ զօրաւոր պատերազմողներ են եղել, որոնք բնակուել են այդ բոլոր կողմերում եւ դրա մէջ, որ հզօր ու խիստ թագաւորներ են ապրել Երուսաղէմում, որոնք տիրել եւ հարկեր են գանձել Ասորիքի եւ քանանացիների կողմերից:
28. Այժմ, ահա, ես հրամայեցի, որ դուք այդ մարդկանց արգելէք վերաշինել այդ քաղաքը,
29. իսկ դուք յանձն առէք ջանք չինայել, որպէսզի էլ աւելի չշատանայ դրանց չարութիւնը՝ մեզ ընդդիմանալու եւ մեր թագաւորութեանը նեղութիւն պատճառելու համար:
30. Երբ Արտաշէս թագաւորի թուղթը կարդացին Ռաթիմոսի, գրագիր Սամելիոսի եւ նրանց հետ ուրիշ շատերի համար, սրանք անմիջապէս յարձակուեցին Երուսաղէմի վրայ, ձիերով եւ զօրքով հանդերձ, եւ արգելեցին հրեաներին վերաշինել քաղաքը:
31. Եւ այսպէս խափանուեց Տիրոջ տաճարի շինարարութիւնը Երուսաղէմում մինչեւ Պարսկաստանի Դարեհ արքայի թագաւորութեան երկրորդ տարին:

1. Դարեհ թագաւորը մեծ խրախճանք սարքեց, հրաւիրեց իր բոլոր իշխաններին եւ իր գերդաստանի ընդօժիւններին, մարերի, պարսիկների եւ քաղդէացիների բոլոր մեծամեծներին,
2. եւ այն բոլոր նախարարներին, զօրապետներին եւ նրանց հետ նաեւ կառավարիչներին, որոնք գտնուում էին Հնդկաստանից մինչեւ Եթովպիայի շրջանները. այդ նախարարները հարիւր քսանեօթն էին:
3. Նրանք կերան, խմեցին, յագեցան եւ ուրախացան: Երբ խրախճանքն աւարտուեց, Դարեհ թագաւորը մտաւ իր սենեակը, բազմեց իր գահին եւ քնեց:
4. Այն ժամանակ, երեք պատանիներ, որ նրա սենեկապաններն էին, մինչ թագաւորը դեռ քնած էր, սենեակի ներսում կանգնել էին նրան սպասաւորելու համար եւ պահպանում էին նրան: Նրանք սկսեցին իրար հետ խօսել եւ ասացին.
5. Եկե՛ք իւրաքանչիւրս մի բան ասենք. եւ ով իր ընկերոջից աւելի իմաստուն եւ ուժեղ բան ասի, թող Դարեհ թագաւորը մեծամեծ պարգէւներ տայ նրան, թող նա մեծ ու անուանի լինի բոլորից,
6. թող նրան ծիրանի զգեստներ հագցնի, խմելու եւ ուտելու համար ոսկի սպասք տայ, նստելու եւ քնելու համար՝ ոսկեղէն գահաւորակ, թող նա ոսկեսանձ նժոյգ հեծնի, բեհեզեայ խոյրով թագ կապի նրա գլխին եւ ոսկէ մանեակ՝ նրա պարանոցին:
7. Թող նա իր իմաստութեան համար նստի Դարեհի երկրորդ աթոռին եւ կոչուի Դարեհի ազգական:
8. Այդ ժամանակ նրանցից իւրաքանչիւրը գրեց իր խօսքը: Նրանք կնքեցին եւ դրեցին Դարեհ արքայի սնարին ու ասացին.
9. Երբ արթնանայ, այդ գրութիւնները կը տանք նրան. թող թագաւորն ու պարսիկ երեք մեծամեծ իշխաններ ընտրեն եւ ում խօսքը գտնեն առաւել իմաստուն, յաղթողի պարգէւը թող տան նրան:
10. Առաջինը գրեց եւ ասաց. Գինին է բոլորից յաղթողն ու զօրաւորը:
11. Երկրորդը գրեց եւ ասաց. Թագաւորն է բոլորից յաղթողն ու զօրաւորը:
12. Երրորդը գրեց եւ ասաց. Կանայք են բոլորից յաղթողն ու զօրաւորը, բայց ճշմարտութիւնը յաղթում է բոլորին:
13. Երբ թագաւորը արթնացաւ, վերցրեց գրութիւնները, որ տուեցին նրան, կարդաց
14. եւ մարդ ուղարկեց կանչելու պարսիկների ու մարերի բոլոր մեծամեծներին՝ նախարարներին, սպարապետներին, կառավարիչներին եւ իշխաններին:
15. Նստեցին մի դահլիճում եւ բոլորի առաջ կարդացին գրութիւնները:
16. Թագաւորն ասաց. Այստե՛ղ կանչեցեք պատանիներին, թող մեկնաբանեն իրենց խօսքերը:
17. Երբ կանչուած պատանիները եկան նրանց առաջ, բոլորը նրանց ասացին. Բացատրեցե՛ք մեզ ձեր այս գրածները:
18. Առաջինը, որ գինու զօրութեան մասին էր գրել, սկսեց խօսել եւ այսպէս ասաց. Ո՛վ մարդիկ, մի՞թէ ամենից զօրաւորը գինին չէ. բոլոր մարդիկ, ովքեր խմում են այն, գինին յիմարեցնում է նրանց մտքերը.
19. թագաւորների ու տառապեալների միտքը նա դարձնում է նոյնը, այդպէս էլ տիրոջն ու ծառայինը, հարուստներին ու աղքատներինը:
20. Գինին շեղում է բոլորի միտքը եւ դարձնում դէպի ուրախութիւն: Նրանք երբեք չեն յիշում տրտմութիւն եւ որեւէ ցաւ,
21. քանզի գինին բոլորի սրտերը լցնում է զուարթութեամբ եւ մեծութեամբ.
22. երբ խմում են, էլ չեն յիշում թագաւորներին կամ իշխաններին եւ դառնում մեծախօս: Մարդ երբ խմում է, չի յիշում անգամ սիրելիներին, եղբայրներին կամ թշնամիներին, շատ յաճախ սուր է հանում,
23. եւ երբ անցնում է գինու ազդեցութիւնը, չի էլ յիշում, թէ ինչ է արել:
24. Ո՛վ մարդիկ, մի՞թէ զօրաւորը գինին չէ, որ ստիպում է այս բոլորն անել: Եւ այս

ասելով՝ նա լռեց:

1. Երկրորդը, որ գրել էր թագաւորի զօրութեան մասին, սկսեց խօսել եւ ասաց.
2. Ո՛վ մարդիկ, մի՞թէ ճիշտ է, որ մարդիկ հզօրացել են, տիրել ծովին ու ցամաքին եւ այն ամենին, ինչ կայ նրանց մէջ:
3. Իսկ հզօր թագաւորը տիրում է ամբողջ երկրին եւ մարդկանց. ինչ որ նա ասում կամ հրամայում է, կատարում են անմիջապէս. նոյնիսկ եթէ հրամայի, որ ընկերը պատերազմի ընկերոջ դէմ, նրանք չեն համարձակուի զանց առնել թագաւորի խօսքը:
4. Իսկ եթէ նրանց ուղարկի պատերազմելու թշնամիների դէմ, ապա նրանք իսկոյն կը գնան, կը պատրաստեն մարտական մեքենաներ, ամրութիւններ, պարիսպներ եւ աշտարակներ,
5. կը սպանեն եւ կը մեռնեն, բայց չեն կարող զանց առնել թագաւորի հրամանը. իսկ եթէ յաղթեն, բոլոր բարիքները կը բերեն թագաւորի համար:
6. Ոչ միայն պատերազմող զօրականները, այլեւ այն մշակները, որ հող են հերկում, ցանում են եւ հնձում, նրանք եւս իրենց բերքից բերում են թագաւորի համար. նաեւ հարկահանները, որոնք ստիպում են երկրի բնակիչներին, դարձեալ հարկ են հաւաքում թագաւորի համար:
7. Թագաւորն է միայն, որ հզօր իշխան է բոլորի վրայ. եթէ հրամայում է սպանել, կը սպանեն, ապրեցնել՝ կ'ապրեցնեն,
8. կառուցել՝ կը կառուցեն, քանդել՝ կը քանդեն,
9. եթէ հրամայում է տնկել՝ կը տնկեն:
10. Չէ՞ որ ամբողջ երկիրը ենթակայ է թագաւորի ուժին եւ լսում է նրա հրամանը. արքան ինքը ինչ որ կամենում է, այն է անում. ինքը հանգիստ բազմում է, ուտում, խմում, քնում,
11. մինչդեռ միւս բոլորը նրա շուրջը պատրաստ՝ պահպանում են նրան, լսում նրա հրամանները եւ չեն համարձակում ըստ իրենց կամքի գնալ մի տեղ կամ մի բան անել, սիրտ չեն անում զանց առնել թագաւորի հրամանը:
12. Արդ, ո՛վ մարդիկ, մի՞թէ զօրաւորը թագաւորը չէ, որի հրամանի խօսքը լինում է այսքան հզօր, եւ նա իշխում է բոլորի վրայ: Այս ասաց եւ լռեց:
13. Երրորդը, որ ասել էր կանանց զօրութեան եւ ճշմարտութեան մասին, Չորրորդէլն էր: Նա սկսեց խօսել եւ ասաց.
14. Ո՛վ մարդիկ, եթէ մեծագօր է թագաւորը կամ բազմաթիւ այլ մարդիկ, կամ թէ զօրաւոր է գինին, ապա ո՛վ է, որ յաղթում եւ տիրում է բոլորին. կանայք չե՞ն արդեօք,
15. քանզի նրանք են, որ ծնում են թագաւորներին. բոլոր այն մարդիկ, որոնք տիրում են ծովին ու ցամաքին, ծնուել են նրանցից:
16. Կանայք են, որ ծնել եւ սնել են նաեւ այն մշակներին, որոնք այգիներ են տնկում եւ գինի ստանում դրանցից:
17. Նրանք են, որ հագուստներ են պատրաստում տղամարդկանց համար, որոնցով զարդարւում եւ փառաւորւում են նրանք. տղամարդիկ էլ, առանց նրանց, չեն կարող լինել:
18. Եթէ տղամարդիկ ոսկի, արծաթ եւ ամեն տեսակ բարիքներ էլ հաւաքելիս լինեն, տեսնելով մի գեղեցիկ կին՝ շրջւում են դէպի նա,
19. բերանները բաց նայում եւ ամբողջ սրտով սիրում են նրան՝ ոսկուց, արծաթից եւ բոլոր բարիքներից առաւել:
20. Տղամարդը թողնելով իր հօրն ու մօրը, որ ծնել ու սնել են իրեն, նաեւ իր երկիրը, գնում է կնոջ հետ,
21. եւ հոգով այնպէս է միանում նրան, որ մինչեւ իսկ չի յիշում ո՛չ հօրը, ո՛չ մօրը եւ ո՛չ էլ իր երկիրը:
22. Հենց սրանից էլ արժէ, որ դուք իմանաք, թէ ձեր կանայք սիրում են ձեզ, քանզի այն ամէնը, ինչ դուք անում էք եւ վաստակում, բերում եւ տալիս էք ձեր կանանց:
23. Եթէ մարդ իր սուրը վերցնելով՝ գնայ հեռու ճանապարհ, եւ ինչ-որ բան ձեռք բերի՝

աւագակութիւն անի կամ գողանայ, նաւարկի ծովով կամ գետերով,

24. գազանների պատահի կամ անցնի խաւար տեղերով, երբ գողանայ, յափշտակի, անցնի բոլոր նեղութիւններից, ապա պիտի գայ եւ իր ամբողջ վաստակը պիտի բերի կնոջ համար,

25. որովհետեւ մարդ կնոջն աւելի է սիրում, քան իր հօրն ու մօրը:

26. Շատերն են իրենց խելքը կորցրել եւ իրենց կանանց պատճառով դարձել ծառաներ,

27. շատերն են մատնուել կորստի, մեռել ու սպանուել, սխալուել ու ընկել մեծ մեղքերի մէջ՝ կանանց պատճառով:

28. Հիմա դուք ինձ չէք հաւատում. ահա այդ մեծ թագաւորը. անձնիշխան է չէ՞ ինքը. մարդկանցից ամեն մէկը չի համարձակում մօտենալ նրան:

29. Բայց ես տեսել եմ, թէ ինչպէս թագաւորի հարճի աղջիկը, որ նստել էր թագաւորի աջ կողմում,

30. թագաւորի գլխից վերցնելով թագը՝ դնում էր իր գլխին,

31. ապտակում թագաւորին, բայց թագաւորը դրա համար չէր բարկանում, այլ բերանը բացած՝ նայում էր նրան. եթէ աղջիկը ծիծաղում էր, ինքն էլ էր ծիծաղում նրա հետ, եթէ նա տխրում էր, թագաւորը փաղաքշում էր, մինչեւ որ սփոփեր նրան:

32. Արդ, ո՛վ մարդիկ, մի՞թէ զօրաւորը կանայք չեն, որ անում են այս բոլորը:

33. Թագաւորն ու նրա մեծամեծները այդ ժամանակ սկսեցին նայել մէկը միւսին, ընկերն՝ ընկերոջը: Չորոքաբէլն սկսեց խօսել ճշմարտութեան մասին եւ ասաց.

34. Ո՛վ մարդիկ, ճիշտ չէ՞, որ կանայք են զօրաւոր. մեծ է երկիրը, բարձր է երկինքը, արագընթաց է արեգակը, քանզի արշաւելով երկնքի կամարածեւ խորանի միջով՝ մի օրուայ մէջ դարձեալ արագ սլանում եւ հասնում է իր տեղը:

35. Արդեօ՞ք մեծ չէ՞ նա, որ ստեղծել է այս բոլորը: Արդարեւ, մեծ է ճշմարտութիւնը եւ ամեն ինչից զօրաւոր:

36. Ամբողջ երկիրը ապաւինում է ճշմարտութեանը, երկինքը օրհնում է ճշմարտութիւնը, ամեն ինչ սասանում եւ դողում է նրա առաջ. ճշմարտութեան մէջ անիրաւութիւն չկայ, ոչ մի անիրաւութիւն:

37. Անիրաւ է գինին, անիրաւ է թագաւորը, անիրաւ են նաեւ կանայք, անիրաւ են բոլոր մարդկանց որդիները, անիրաւ են նաեւ նրանց բոլոր գործերը, ճշմարտութիւն չկայ նրանց մէջ, եւ իրենց անիրաւութեան մէջ էլ կը կորչեն իրենք:

38. Իսկ ճշմարտութիւնը կայ, մնում է եւ զօրաւոր է յաւիտենապէս, կենդանի է նա, եւ նրա իշխանութիւնը՝ յաւիտենական:

39. Աջառութիւն չկայ նրա մէջ, նա չի փոփոխում երբեք, այլ միշտ հաստատում է արդարութիւնը, մերժում չարութիւնն ու անիրաւութիւնը. ճշմարտութեան բոլոր գործերը հաճելի են ամենքին:

40. Անիրաւութիւն չկայ նրա դատաստանի մէջ. ճշմարտութիւնն է թագաւորների հզօրութիւնը, նրանց իշխանութիւնն ու նրանց մեծութիւնը: Օրհնեալ է ճշմարտութեան Տէր Աստուածը:

41. Այս խօսքն ասաց եւ լռեց: Այդ ժամանակ բոլոր հաւաքուածները բարձրաձայն աղաղակեցին եւ ասացին. Մեծ է ճշմարտութիւնը, ե՛ւ յաղթող, ե՛ւ զօրաւոր:

42. Իսկ թագաւորն ասաց նրան. Խնդրի՛ր, ինչ որ ուզում ես, եւ ես կը տամ գրուածից աւելին, քանզի դու բոլորից իմաստուն գտնուեցիր. դու կը նստես իմ երկրորդ աթոռին եւ կը կոչուես իմ ազգականը:

43. Այն ժամանակ Չորոքաբէլն ասաց թագաւորին. Յիշի՛ր այն ուխտը, որ արեցիր Երուսաղէմը վերաշինելու մասին այն օրը, երբ թագաւոր դարձար:

44. Դու ասացիր. Երբ Կիւրոսը գրաւեց Բաբելոնը, գնաց եւ առանձնացրեց այնտեղ Երուսաղէմի կայքն ու սպասքը եւ ուխտ արեց վերադարձնելու Տիրոջ սպասքը:

45. Նոյնպէս եւ դու, ո՛վ թագաւոր, ուխտեցիր շինել Տիրոջ տաճարը, որ այրեցին եղոմայեցիները, երբ քաղդէացիները Հրեաստանը անապատ դարձրին:

46. Այժմ, ահա, աղաչում եմ քեզ, տէ՛ր իմ եւ թագաւո՛ր, խնդրում եմ քեզանից. այս մեծ պարգեւը շնորհի՛ր դու ինձ. սրա համար աղաչում եմ քեզ. կատարի՛ր այն ուխտը, որ

ուխտեցիր երկնային թագաւորին, արա՛ այնպէս, ինչպէս խոստացար քո բերանով:  
 47. Այն ժամանակ Դարեհ թագաւորը վեր կացաւ եւ համբուրեց Չորոբաբէին: Նրա համար թղթեր գրեց բոլոր գաւառապետներին, տեղերի կառավարիչներին, զօրապետներին եւ նախարարներին, որպէսզի նրանք ճանապարհ տան նրան, ինչպէս եւ նրանց, ովքեր նրա հետ էին՝ վերադառնալու եւ վերաշինելու Երուսաղէմը:  
 48. Թագաւորը թուղթ գրեց նաեւ Ասորիքի, Փիւնիկի եւ Լիբանանի կողմերի կառավարիչներին, որպէսզի նրանք Լիբանանից մայրի շինափայտ առաքեն Երուսաղէմ եւ Չորոբաբէի հետ վերաշինեն քաղաքը:  
 49. Գրեց նաեւ բոլոր հրեաներին, որոնք Հրեաստան էին վերադառնում իր թագաւորութիւնից, նրանց ազատեց հարկերից եւ բոլոր զօրապետներին, նախարարներին, կառավարիչներին ու գաւառապետներին ասաց, որ ոչ ոք հարկի համար չմօտենայ նրանց դռներին,  
 50. որ բոլոր այն վայրերում, ուր բնակւում են նրանք, հարկ չտան եւ լինեն ազատ, որ բոլոր եղոմացիները հրեաներին տան այն բոլոր գիւղերն ու վայրերը, որ վերցրել էին նրանցից,  
 51. որ տաճարի շինութեան համար արքունիքից տան տարեկան քսան տաղանդ, մինչեւ որ տաճարը կառուցուի:  
 52. Նաեւ ողջակէզների զոհասեղանի համար զոհեր տան բոլոր այն օրերին, ինչպէս գրուած է Օրէնքում, եւ անխափան մատուցեն եօթնորդներն ու տասանորդները, ինչպէս նաեւ՝ տարեկան տասը տաղանդ:  
 53. Բոլոր նրանք, ովքեր վերադառնում են Երուսաղէմ, թող վերաշինեն քաղաքը, ազատ լինեն եւ հարկ չվճարեն՝ թէ՛ իրենք ու իրենց տոհմերը եւ թէ՛ բոլոր քահանաները:  
 54. Նաեւ հրամայեց գրել, որ ամէն տեսակ մթերք եւ պատմութեան տան քահանաներին՝ Տիրոջ պաշտամունքը կատարելու համար:  
 55. Գրեց, որ ղեւտացիներին ռոճիկ տան, մինչեւ որ աւարտուի Տիրոջ տաճարի շինութիւնը, եւ Երուսաղէմը վերաշինուի:  
 56. Գրեց նաեւ, որ բոլոր նրանց, ովքեր պահպանում են քաղաքը, հողաբաժիններ տան եւ ռոճիկ:  
 57. Նա Բաբելոնից ուղարկեց տաճարի այն ամբողջ կայքն ու սպասքը, որ առանձնացրել էր Կիւրոսը. եւ ամէն բան, որ ասել էր Կիւրոսը, Դարեհը նոյնն արեց եւ կատարեց ճշտութեամբ. Տիրոջ ամբողջ սպասքը տուեց, որ տանեն:  
 58. Երբ Չորոբաբէն դուրս եկաւ թագաւորի մօտից, ձեռքերը բարձրացրեց դէպի երկինք, դէպի Երուսաղէմի կողմը, օրհնեց երկնքի Տէր թագաւորին եւ ասաց.  
 59. Քեզանից է յաղթութիւնը, քեզանից է իմաստութիւնը եւ քեզ է վայել փառքը.  
 60. Ես քո ծառան եմ եւ օրհնում եմ քեզ, որ իմաստութիւն տուեցիր ինձ, ես գոհութիւն եմ մատուցում քեզ՝ մեր հայրերի Աստծուն:  
 61. Նա վերցրեց թղթերն ու գնաց: Եկաւ Բաբելոն, ամէն ինչ պատմեց իր եղբայրներին:  
 62. Նրանք օրհնեցին իրենց հայրերի Աստծուն, քանի որ Տէրը նրանց ազատութիւն շնորհեց:  
 63. Թոյլ տուեց գերութիւնից վերադառնալ եւ վերաշինել Երուսաղէմն ու Տիրոջ տաճարը, որն այդ քաղաքում կոչուեց իր անունով: Եւ եօթը օր նրանք մեծ ուրախութիւն արեցին ամէն տեսակ նուագարաններով:

1. Այս բոլորից յետոյ նրանք ընտրեցին տոհմերի, ազգերի ու ցեղերի նահապետներ ու առաջնորդներ, որպեսզի իրենց կանանց, տղաների, աղջիկների ու ծառաների հետ եւ իրենց ամբողջ կայքով ու ունեցուածքով վերադառնան Երուսաղէմ:
2. Դարեհը նրանց հետ ուղարկեց հազար ծիաւոր, որպեսզի նրանք ապահով հասնեն Երուսաղէմ,
3. յետոյ թմբուկների, փողերի եւ այլ նուագարանների նուագով, պարով եւ մեծ ուրախութեամբ նրանց ճանապարհեց Երուսաղէմ:
4. Ըստ իրենց հայրերի անունների եւ ըստ իրենց ազգատոհմերի, ահա սրանք են անուններն այն մարդկանց, որ վերադարձան Երուսաղէմ.
5. Քահանաներից՝ Ահարոնի որդի Փենեւսի որդիները, Յոսեդեկի որդի Յեսուն, Յուդայի ցեղից, Փարեսի տոհմից, Դաւթի ազգից՝ Յովակիմը, որ Սաղաթիէլի որդի նոյն Չորոբաբէլն էր,
6. հէնց նա, որ Դարեհ արքայի առաջ իմաստուն խօսքեր ասաց Նիսան ամսին՝ նրա թագաւորութեան երկրորդ տարուայ առաջին ամսին:
7. Սրանք բոլորը իրեաներ էին, որոնց թոյլ տրուեց գերութիւնից վերադառնալ Երուսաղէմ. սրանց գերի էր տարել Բաբելոնի Նաբուքոդոնոսոր արքան:
8. Սրանք վերադարձան Երուսաղէմ եւ բնակութիւն հաստատեցին Հրեաստանում՝ իւրաքանչիւրն իր քաղաքում: Նրանց առաջնորդներն էին Չորոբաբէլը եւ Յոսեդեկի որդի Յեսուն. քահանաների ազգատոհմից՝ Նէեմիին, Չարեհը, Ռեսէն, Անանիան, Մուրդքէն, Բեելսարը, Ասփարասը, Բորսէլը, Ռուիբը եւ Բաանան:
9. Ահա եւ նրանց ազգերի տոհմապետների եւ իշխանների անուններն ու թիվը. Փորոսի որդիները՝ երկու հազար հարիւր եօթանասուններկու մարդ. Սափատիայի որդիները՝ չորս հարիւր եօթանասուններկու.
10. Արեսի որդիները՝ եօթը հարիւր եօթանասունվեց.
11. Նեփթաղիմ Սովաբացու որդիները, Յեսուի եւ Ռովաբի որդիները՝ երկու հազար ութ հարիւր տասներկու.
12. Ելամի որդիները՝ երկու հազար երկու հարիւր յիսունչորս. Չատուայի որդիները՝ ինը հարիւր քառասունհինգ. Բորքիայի որդիները՝ եօթը հարիւր յիսուն.
13. Բանիայի որդիները՝ վեց հարիւր քառասունութ. Բերիայի որդիները՝ վեց հարիւր քսաներեք. Արդիայի որդիները՝ երեք հազար երեք հարիւր քսաներկու.
14. Ադոնիկամի որդիները՝ վեց հարիւր եօթանասունեօթը. Բոսորիայի որդիները՝ երկու հազար վեց հարիւր վեց. Ադինայի որդիները՝ չորս հարիւր յիսունչորս.
15. Ազերեդեկիայի որդիները՝ ինսուններկու. Իլանայի որդիները եւ Չեսայի որդիները՝ վաթսունեօթը. Ազարիայի որդիները՝ չորս հարիւր երեսուններկու.
16. Գերդալի որդիները՝ վեց հարիւր երեսուններկու. Անանիայի որդիները՝ հարիւր քսան. Արոմի որդիները՝ երեք հարիւր քսաներեք.
17. Արսիփուրի որդիները՝ հարիւր տասներկու. Բետերի որդիները՝ երեք հազար ինսունհինգ. Բեթլոմի որդիները՝ հարիւր քսաներեք:
18. Նատոբի մարդիկ յիսունհինգ հոգի էին, Նատտայինը՝ հարիւր յիսունութ, Բեթսամոթինը՝ քառասուններկու,
19. Կարիաթարիմինը՝ քսանհինգ, Քափիրինը եւ Թերոնինը՝ եօթը հարիւր քառասունութ, Քադիասիայինը եւ Ամիդայինը՝ չորս հարիւր քսաներկու,
20. Կիմարինը եւ Կաբեսինը՝ վեց հարիւր քսանմէկ, Մակալոնինը՝ հարիւր քսաներկու,
21. Բետոլիամայինը՝ յիսուններկու:
22. Նեփիսայի որդիները՝ հարիւր յիսունվեց մարդ. Կալամոլի որդիները եւ Օնիայի որդիները՝ եօթը հարիւր քսանհինգ.
23. Երեքոյի որդիները՝ երեք հարիւր քառասունհինգ, Սանասսի որդիները՝ երեք հազար երեք հարիւր երեսունմէկ:
24. Քահանաների որդիները. Յեսուի որդի Յեդոդուտի որդիները՝ ինը հարիւր



երեսուններկու. Եմների որդիները՝ հազար յիսուններկու.

25. Փասորի որդիները՝ հազար երկու հարիւր քառասունհինգ. Քարմիայի որդիները՝ հազար տասնեօթը:

26. Իսկ ղեւտացիների որդիների թիւը այս էր. Յեսուինը՝ մէկ, Կողովիայինը՝ Բանիայինը եւ Սուդիայինը՝ եօթանասունչորս:

27. Քահանաների ազգատոհմից կային սաղմոս երգողներ. Ասափի որդիները՝ հարիւր քառասունութ մարդ:

28. Դռնապաններից՝ Սալումիայի որդիները, Ատերի որդիները, Տուլմանիայի որդիները, Գակուբիայի որդիները, Ատերի որդիները, Սաբէի որդիները, բոլորը միասին՝ հարիւր երեսունինը մարդ:

29. Քահանաների ծառաները. Ասիփի որդիները, Տաբալի որդիները, Կերի որդիները, Սուի որդիները, Փալիայի որդիները, Լաբանիայի որդիները, Ադաբի որդիները,

30. Ակուդի որդիները, Ուտի որդիները, Կեդաբի որդիները, Ադաբի որդիները, Սուբայիմի որդիները, Աստանի որդիները, Կաթուի որդիները, Գելլուրի որդիները,

31. Յաբուի որդիները, Դեսանի որդիները, Նորի որդիները, Ասէբի որդիները, Գազերի որդիները, Օքոզիայի որդիները, Փանիայի որդիները, Ասարի որդիները, Բասիայի որդիները, Ասանի որդիները, Մաանի որդիները, Նափիսի որդիները, Ակուամի որդիները, Աքիփի որդիները, Ասուրի որդիները, Փարակի որդիները,

32. Փասալոթի որդիները, Դեդանի որդիները, Կուբի որդիները, Քարեսի որդիները, Բարքուսի որդիները, Սեսարի որդիները, Թումայի որդիները, Նասի որդիները, Ատեփի որդիները:

33. Սողոմոնի ծառաների որդիները. Սափփիոթի որդիները, Փարիդի որդիները, Յեւլի որդիները, Լոզոնի որդիները, Սաելի որդիները, Սափիայի որդիները,

34. Ազիայի որդիները, Փաքարիայի որդիները, Սաբիայի որդիները, Սարոթի որդիները, Մասսիայի որդիները, Գասայի որդիները, Ադուսի որդիները, Սուբասի որդիները, Ափփերի որդիները, Բարոդիայի որդիները, Սափատի որդիները, Ալունիայի որդիները:

35. Քահանաների եւ Սողոմոնի բոլոր ծառաները միասին՝ երեք հարիւր եօթանասուններկու մարդ:

36. Բաբելոնից էին վերադարձել թէ՛ սրանք եւ թէ՛ սրանց իշխանները՝ Թերմալէթը, Թելեսիասը, Քարաթալան եւ Ալլաարը:

37. Կային նաեւ ուրիշներ, որ չկարողացան ցոյց տալ ո՛չ իրենց հայրերի տոհմը եւ ո՛չ էլ իրենց սերունդը, թէ իրենք իսրայելացիներ են: Դրանք էին՝ Դալանի որդիները, Տուբանի որդիները, Նեկոդանի որդիները՝ վեց հարիւր եօթանասուններկու մարդ:

38. Քահանաներից, որոնք քահանայական ծառայութեան մէջ էին, իրենց նախնիների տոհմերը չկարողացան ցոյց տալ նաեւ Նորդիայի որդիները, Ակբուսի որդիները, Յոգուսի որդիները, որոնք կին էին առել Բերգելիայի աղջիկներից եւ կոչւում էին նրանց անունով:

39. Նրանց անունները փնտռեցին մատեաններում՝ ըստ իրենց տոհմերի եւ ըստ իրենց բնակավայրերի, բայց չգտան. նրանց հեռացրին ծառայութիւնից եւ արգելեցին մօտենալ քահանայութեանը:

40. Նեմիան եւ Ատթարիան նրանց ասացին, որ նրանք սուրբ բաներին չմօտենան այնքան ժամանակ, քանի դեռ որեւէ քահանայապետ չի պարգաբանել ճշմարտութիւնը նրանց տոհմերի մասին:

41. Բոլոր իսրայելացիները, ներառեալ տասներկու եւ անելի բարձր տարիք ունեցողները, չհաշուած ծառաներին եւ աղախիկներին, քառասուներեք հազար երեք հարիւր վաթսուն մարդ էին.

42. Նրանց ծառաներն ու աղախիկները՝ եօթը հազար երեք հարիւր երեսունեօթը մարդ. սաղմոս երգողներն ու պաշտամունքի սպասաւորները՝ երկու հարիւր քառասունհինգ մարդ:

43. Նրանց հետ կար չորս հարիւր երեսունհինգ ուղտ, եօթը հազար քառասունվեց ձի, երկու հարիւր քառասունհինգ ջորի եւ հինգ հազար հինգ հարիւր քսանհինգ էշ:

44. Նրանց իշխաններն ու տոհմապետները եկան, մտան Աստծու տաճարի տեղը, որ

գտնուում է Երուսաղեմում, ուխտ արեցին, որ տաճարը նորից կը կանգնեցնեն իր տեղում, եւ

45. ի նպաստ գործի, իւրաքանչիւրն ըստ իր կարողութեան, տաճարի գանձանակին տալիս էր ոսկի՝ հազար մասս, արծաթ՝ հինգ հազար մասս եւ քահանայական հարիւր պատմունճան:

46. Քահանաները, ղեւտացիները եւ ժողովուրդը բնակուեցին Երուսաղեմում եւ մօտիկ վայրերում, իսկ սաղմոսասաց պաշտօնեաները, դռնապաններն եւ բոլոր իսրայելացիները՝ իրենց գիւղերում եւ ագարակներում:

47. Եօթներորդ ամսին բոլոր իսրայելացիները իրենց բնակավայրերից վեր կացան եւ միահամուռ հաւաքուեցին Երուսաղեմում, ընդարձակ մի տեղ, արեւելեան կողմի դռան առջեւ:

48. Յոսեփէկի որդի Յեսուն ու նրա եղբայրները, քահանաների ամբողջ բազմութիւնը, Սաղաթիէի որդի Չորոբաբէլն ու նրա եղբայրները պատրաստեցին Իսրայէլի Տէր Աստծու զոհասեղանը

49. նրա վրայ ողջակէզներ մատուցելու համար ըստ այն կարգի, ինչպէս գրուած է Աստծու մարդու՝ Մովսէսի գրքում:

50. Հրեաները հաւաքուեցին, զատուեցին երկրի հեթանոս այլազգիներից, կանգնեցին զոհասեղանին իր նախկին տեղում, ու թէեւ հեթանոսներն իրենց թշնամիներն էին, սակայն երկրի բոլոր այլազգիներն էլ օգնում էին իրենց: Նրանք ժամանակ առ ժամանակ ընծաներ եւ զոհեր էին բերում, իսկ իրենք մատուցում էին Տիրոջ թէ՛ առաւօտեան եւ թէ՛ երեկոյեան ողջակէզները:

51. Նրանք կատարեցին Տաղաւարահարաց տօնն այն կարգով, ինչպէս գրուած էր Մովսէսի օրէնքներում եւ մատուցում էին ամենօրեայ զոհերը՝ ըստ ընդունուած կարգի:

52. Նրանք մատուցում էին նաեւ ըստ ժամանակների սահմանուած ողջակէզները՝ շաբաթ օրերի եւ ամէն ամսամտի ողջակէզները եւ, ըստ կարգի, կատարում էին բոլոր սուրբ տօները:

53. Եւ բոլոր նրանք, որ ուխտ էին արել Աստծուն, Եօթներորդ ամսի ամսամտին սկսեցին ողջակէզներ մատուցել Տէր Աստծուն, մինչդեռ Տէր Աստծու տաճարը դեռեւս կառուցուած չէր:

54. Նրանք քարհատներին ու հիւսններին փող ու մթերք տուեցին,

55. սիդոնացիներին եւ տիւրոսացիներին՝ նոյնպէս, որպէսզի նրանք Լիբանանից մայրի շինափայտ բերեն, նաւերով հասցնեն Յոպպէ նաւահանգիստը, ինչպէս ժամանակին նրանց հրամայել եւ կարգադրել էր Պարսկաստանի Կիւրոս թագաւորը:

56. Սաղաթիէի որդի Չորոբաբէլը, Յոսեփէկի որդի Յեսուն եւ նրանց եղբայրները, քահանաներն ու ղեւտացիները, նաեւ բոլոր նրանք, որ Երուսաղեմ էին վերադարձել գերութիւնից, Երուսաղեմ գալու իրենց երկրորդ տարուայ երկրորդ ամսին սկսեցին կառուցել տաճարը:

57. Նրանք Տէր Աստծու տան հիմքերը գցեցին գերութիւնից Հրեաստան եւ Երուսաղեմ վերադառնալու երկրորդ տարուայ երկրորդ ամսի ամսամտին:

58. Քսան տարեկանից բարձր ղեւտացիներին նրանք յանձնարարեցին Տիրոջը սպասաւորելու գործը, իսկ Յեսուն, նրա որդիներն ու եղբայրները, նրա եղբայր Կադմիէլը, Բաբունի որդի Յեբուհեմի որդիները, Ելիադիայի որդի Յովիդէի որդիները՝ իրենց եղբայրների հետ, եւ բոլոր ղեւտացիները միահամուռ աշխատում էին Տիրոջ տաճարի գործի վրայ, իսկ վարպետները կառուցում էին Տիրոջ տաճարը:

59. Քահանայապետները, երկար զգեստներ հագած, դասաւորուել էին նուագարաններ ու շէփորներ ձեռքերին, իսկ ղեւտացիները՝ Ասափի որդիները ծնծղաներ էին բռնել,

60. սաղմոսներ էին երգում եւ օրհնում Աստծուն՝ ըստ նուագարանների ու երգերի այն կարգի, որ սահմանել էր Իսրայէլի Դաւիթ թագաւորը:

61. Նրանք բարձրաձայն օրհնում եւ զոհութիւն էին մատուցում Տէր Աստծուն, որ նրա բարերարութիւնը եւ փառքը յաւիտենական է ամբողջ Իսրայէլի համար:

62. Եւ ամբողջ ժողովուրդը լիաշունչ շէփորներ էր փչում, բարձրաբարբառ գոչում եւ

օրինում էր Տիրոջը, որ նա կանգնեցնում է իր սուրբ տաճարը:

63. Եկան եւ շինարարութեան վայր մտան ղեւտացի այն քահանայապետները, որոնք, ըստ իրենց հայրերի նահապետութեան, գահերեցներ եւ առաջնորդներ էին եւ որոնք տեսել էին նախկին տաճարը, որը կառուցուած էր սրանից առաջ:

64. Ոմանք բարձրաձայն լալիս էին, ոմանք շեփորներ էին փչում, ոմանք արձակում ուրախութեան կանչեր, եւ այդ ձայները խառնուել էին այնպէս,

65. որ բազմութիւնը, ժողովրդի լացի ձայներից, չէր կարողանում լսել շեփորների ձայնը, թէեւ բազմաթիւ շեփորներ էին փչում, եւ նրանց ձայնը հասնում էր հեռու, հեռաւոր վայրեր:

66. Յուդայի ու Բենիամինի ազգի թշնամիները լսեցին, եկան տեսնելու եւ իմանալու, թէ ինչ էր նշանակում շեփորների այդ ձայնը,

67. եւ իմացան, որ Բաբելոնի գերութիւնից վերադարձած հրեաները կառուցում են Իսրայէլի Տէր Աստծու տաճարը:

68. Նրանք մօտեցան Չորոբաբելին, Յոսեփէկի որդի Յեսուին եւ այլ իշխանների ու տոհմապետների եւ ասացին նրանց. Թողէ՛ք մենք էլ ձեզ հետ կառուցենք տաճարը,

69. որովհետեւ ինչպէս դուք, այնպէս էլ մենք ենք լսում ձեր Տէր Աստծուն, մենք էլ ենք նրան զոհեր մատուցում այստեղից ձեր գերեվարուելուց յետոյ, այն օրից ի վեր, երբ մեզ Ասորեստանի Սալմանասար թագաւորը գերի վերցրեց, բերեց եւ բնակեցրեց այստեղ:

70. Չորոբաբելը, Յոսեփէկի որդի Յեսուն եւ Իսրայէլի միւս իշխաններն ու տոհմապետները նրանց ասացին. Մեզ վայել չէ, որ մենք ձեզ հետ կառուցենք մեր Տէր Աստծու տունը,

71. միայն մենք պիտի կառուցենք մեր Աստծու տաճարը, ինչպէս որ հրամայել է մեզ Պարսկաստանի Կիւրոս թագաւորը:

72. Սրանք հենց այն ազգերն էին, որ միացել էին Յուդայի երկրի թշնամիներին

73. եւ արգելք եղել Կիւրոս թագաւորի ժամանակ տաճարը կառուցելուն, քանի որ նա հրամայել էր տաճարը կառուցել իր կենդանութեան ժամանակ. իսկ նրա մահից յետոյ էլ արգելեցին տասներկու տարի՝ մինչեւ Դարեհ թագաւորի թագաւորութեան երկրորդ տարին:

1. Դարեհ արքայի երկրորդ տարում Անգե եւ Չաքարիա մարգարէները Իսրայէլի Տէր Աստծու անունով մարգարեութիւն էին անում Հրեաստանի եւ Երուսաղէմի մասին:
2. Այդ ժամանակ էլ Սաղաթիէի որդի Չորոբաբէլը եւ Յոսեդեկի որդի Յեսուն սկսեցին կառուցել Տիրոջ տաճարը Երուսաղէմում՝ Տիրոջ մարգարէների հետ միասին, որոնք օգնում էին նրանց:
3. Նոյն ժամանակ նրանց մօտ եկան Սիսինը՝ Ասորիքի կողմերի եւ փիւնիկեցիների իշխանը, Սաթրուբազանն ու նրանց ընկերները եւ ասացին նրանց.
4. Ո՞ւմ հրամանով էք կառուցում այդ տաճարը եւ նրա գաւիթները, կամ այդ ուլքե՞ր են կամեցել այդ տաճարը կառուցել եւ աւարտել:
5. Տիրոջ կողմից, սակայն, շնորհ էր իջել քահանաների եւ հրեաների վրայ,
6. եւ նրանք չարգելեցին նրանց կառուցել, մինչեւ որ գրէին Դարեհ թագաւորին եւ հրաման առնէին նրանից:
7. Ահա այն նամակի պատճենը, որ նրանք գրեցին եւ ուղարկեցին Դարեհ արքային.
8. Սիսինը՝ Ասորիքի եւ փիւնիկեցիների իշխանը, Սաթրուբազանը եւ նրանց հետ միասին Ասորիքի եւ փիւնիկեցիների գործակալներն ու կառավարիչները ողջունում են Դարեհ թագաւորին:
9. Թող յայտնի լինի քեզ, տէ՛ր մեր եւ թագաւո՛ր, որ մենք գնացինք, հասանք Հրեաստան երկիրը, մտանք Երուսաղէմ քաղաքը, այնտեղ գտանք գերութիւնից վերադարձած հրեաներին եւ Երուսաղէմ քաղաքի նրանց քահանայապետներին,
10. տեսանք, որ նրանք կառուցում են Տիրոջ մեծաշուք եւ սքանչելի տաճարը կոփածոյ եւ խոշոր քարերով, որոնք պատերի մէջ կապում են փայտե պահանգներով. գործը յաջողութեամբ առաջ է գնում նրանց ձեռքով, եւ նրանք ուզում են փառք ու պատուով արագ վերջացնել այն:
11. Այն ժամանակ մենք հարցրինք աւագներին եւ ասացինք. Ո՞ւմ հրամանով էք կառուցում այդ տունը, կամ ո՞ւմ խօսքով էք գցում նրա հիմքերը:
12. Հարցնում էինք, որպէսզի քեզ յայտնենք այդ մասին, մատնանշենք նրանց առաջնորդներին, գրենք այն մարդկանց անունները, որոնք այդ գործի գլխաւորներն են:
13. Նրանք մեզ պատասխանեցին ու ասացին. Մենք Տէր Աստծու ծառաներն ենք, Նրա, որ ստեղծել է երկինքն ու երկիրը:
14. Այս տաճարը շատ տարիներ առաջ կառուցուած է եղել Իսրայէլի մի հզօր ու մեծ թագաւորի ձեռքով,
15. բայց երբ մեր հայրերը դառնացրին Իսրայէլի Տէր Աստծուն եւ մեղք գործեցին նրա առաջ, Նրա, որ ստեղծել է երկինքն ու երկիրը, Տէրն էլ նրանց մատնեց բաբելացիների արքայի՝ քաղդէացիների թագաւոր Նաբուքոդոնոսորի ձեռքը:
16. Բայց Բաբելոնում Կիւրոսի թագաւորութեան հաստատուելու առաջին տարում, Կիւրոս արքան հրովարտակ գրեց եւ հրամայեց կառուցել այս տաճարը,
17. եւ ամբողջ կայքը, ոսկէ եւ արծաթէ այն սպասքը, որ Նաբուքոդոնոսոր արքան վերցրել էր Երուսաղէմի Տիրոջ տաճարից եւ տարել ու տուել էր պահելու իր կուռքերի գանձատանը, Կիւրոսը դարձեալ հանեց բաբելացիների կուռքերի գանձատանից եւ դրանք տուեց Չորոբաբէլին ու Սամանասարին:
18. Արքան պատուիրեց նրանց, որ այդ կայքն ու սպասքը բերեն Երուսաղէմ, դնեն Տիրոջ տաճարում եւ հրաման տուեց այս տաճարը կառուցել իր նախկին տեղում:
19. Երբ Սամանասարը վերադարձաւ Երուսաղէմ, այդ ժամանակ էլ գցեց այս տաճարի հիմքերը, եւ մենք այդ օրից մինչեւ այժմ կառուցում ենք այն ու դեռ չենք աւարտել:
20. Արդ, տէ՛ր մեր եւ թագաւո՛ր Դարեհ, հրամայի՛ր, որ մատենադարաններում, ուր պահւում են Կիւրոս թագաւորի յիշատակարանների գրքերը, փնտռեն
21. եւ գտնեն, որ Կիւրոս թագաւորի հրամանով եւ նրա խօսքով են Տիրոջ տունը կառուցում Երուսաղէմում, ապա վերահասու եղիր Կիւրոս թագաւորի հրամանին եւ այս բոլորի մասին տեղեկութիւն ուղարկիր մեզ:

22. Այն ժամանակ Դարեհ թագաւորը հրամայեց փնտռել թագաւորական մատենադարաններում, որոնք գտնուում էին Բաբելոնում: Մարաստանի Բատանբարիտէն քաղաքում, ուր յիշատակարանների գրքեր կային, գտնուեց մի հրովարտակ, ուր գրուած էր այսպէս:
23. Կիւրոսի թագաւորութեան առաջին տարի. Կիւրոս արքան հրամայեց կառուցել Տիրոջ տունը Երուսաղէմում, ուր բաց կրակի վրայ զոհեր են մատուցում:
24. Նա հրամայեց տաճարը կառուցել այս չափերով. բարձրութիւնը՝ վաթսուն կանգուն, լայնութիւնը՝ վաթսուն կանգուն. երեք շարք կոփածոյ քարեր դնել, մի շարք նոր շինափայտ, եւ ծախսերը տալ արքունիքից:
25. Իսկ այն կայքը, ոսկեղէն եւ արծաթեղէն սպասքը, որ Նաբուքոդոնոսորը Բաբելոն էր բերել Տիրոջ տանից, որ գտնուում էր Երուսաղէմում, Կիւրոս թագաւորը հրամայեց տանել եւ դնել այնտեղ՝ իրենց առաջուայ տեղը:
26. Ի յաւելումն այս հրամանի, Դարեհ արքան գրում է այսպէս. Սիսինին՝ ամբողջ Ասորիքի եւ փիւնիկեցիների իշխանին, Սաթրուբազանին եւ ձեր միւս ընկերներին, որոնք Ասորիքի եւ փիւնիկեցիների գործակալներ են Նշանակուած. հեռո՛ւ մնացեք այդ տեղից եւ մի՛ մօտեցեք Տիրոջ ծառայ այդ Չորոբաբելին՝ հրեաների իշխանին, ինչպէս նաեւ հրեաների քահանայապետներին, որոնք միաբանուած կառուցում են Տիրոջ տունը իր տեղում:
27. Ես հրամայեցի, որ այդ տունը կառուցուի ամբողջապէս, եւ դուք օգնեք Երուսաղէմ վերադարձած հրեաներին, որպէսզի նրանք աւարտեն իրենց Տէր Աստծու տաճարը:
28. Ես հրամայեցի, եւ իմ պատուէրն է, որ այդ մարդկանց նպաստ տաք Ասորիքի կողմերի եւ փիւնիկեցիների հարկերից՝ Տիրոջ տան զոհաբերութիւնների համար, եւ թող իշխան Չորոբաբելը ձեզնից վերցնի արջառներ, խոյեր եւ գառներ:
29. Նմանապէս նաեւ՝ ցորեն, աղ, գինի ու ձէթ, եւ այդ բոլորը թող ճշտօրէն կատարուի տարեցտարի՝ ըստ այն չափերի եւ ժամկետների, ինչպէս կը հրամայեն Երուսաղէմի քահանաները Տիրոջն սպասաւորելու ծախսերի համար:
30. Թող այդ ամէնը տրուի օր ըստ օրէ, անխափան, որպէսզի դարձեալ Տէր Աստծուն զոհեր մատուցեն յանուն թագաւորի ու նրա զօրքերի եւ աղօթեն թագաւորի կեանքի համար:
31. Ես հրամայեցի, որ նա, ով կը խուսափի կամ զանց կ'առնի իմ հրամանը, թող պատժուի, անձամբ տանջանքների ենթարկուի, թող կախեն ու խոշտանգեն նրան եւ նրա ամբողջ ունեցուածքը դարձնեն արքունական սեփականութիւն,
32. քանի որ այն տեղի համար, որ կոչուում է Տիրոջ անունով, իմ թագաւորութեան մէջ բոլոր ազգերին հրամայուած էր տալ ամէն բան, իսկ նա համարձակուել է արգելել եւ չար խորհուրդներ է խորհել Տիրոջ տաճարի մասին, որ գտնուում էր Երուսաղէմում:
33. Ես՝ Դարեհ թագաւորը, հրամայեցի այս բոլորը կատարել մեծագոյն ճշտութեամբ եւ խստութեամբ:

1. Այն ժամանակ Սիսինը՝ Ասորիքի կողմերի եւ փիւնիկեցիների մեծ իշխանը, Սաթուբագանը եւ նրանց ընկերները, որոնք արգելել էին տաճարի շինարարութիւնը, երբ ստացան Դարեհ թագաւորի հրամանը,
2. սկսեցին վերահսկել եւ հոգ տանել գործի համար՝ գործակցելով հրեաների աւագների եւ քահանայապետների հետ:
3. Գործը յաջողութեամբ առաջ էր ընթանում, մանաւանդ որ նրանց օգնում էին Անգէ եւ Չաքարիա մարգարէները:
4. Եւ, ըստ Իսրայէլի Տէր Աստծու հրամանի եւ ըստ Կիւրոսի ու Դարեհի կամքի, աւարտուեց տաճարը:
5. Դարեհ թագաւորի վեցերորդ տարում աւարտուեց սուրբ տաճարը, ադար ամսի քսանին, Դարեհի թագաւորութեան վեցերորդ տարում:
6. Իսրայէլացիները, քահանաներն ու ղեւտացիները եւ բոլոր նրանք, որ վերադարձել էին գերութիւնից, կատարեցին այդ գործը այնպէս, ինչպէս սահմանուած եւ հրամայուած էր Մովսէսի օրէնքների գրքում:
7. Նրանք մատուցեցին Տիրոջ տան նաւակատիքի զոհերը. հարիւր արջառ, երկու հարիւր խոյ, չորս հարիւր գառ եւ
8. ամբողջ Իսրայէլի մեղքերի համար՝ տասներկու նոխազ, ըստ Իսրայէլի տասներկու ցեղերի թուի:
9. Եւ, ըստ ազգերի, նշանակուեցին քահանաներ եւ ղեւտացիներ, որոնք երկար պարեգօտներ էին կրում Իսրայէլի Տէր Աստծու առաջ ծառայելու համար, ինչպէս հրամայուած էր Մովսէսի գրքում. եւ, ըստ իւրաքանչիւր դռան, նշանակեցին դռնապաններ:
10. Իսրայէլացիները, որոնք վերադարձել էին գերութիւնից, Տիրոջ գատկի տօնը կատարեցին առաջին ամսի տասնչորսերորդ օրը, որովհետեւ քահանաներն ու ղեւտացիները մաքրուել էին միասին,
11. ինչպէս եւ բոլոր նրանք, որ վերադարձել էին գերութիւնից:
12. Մաքրուած ղեւտացիները մորթեցին Տիրոջ գատկի գառը գերութիւնից վերադարձած բոլոր իսրայէլացիների համար, իրենց եղբայրների, իրենց եւ քահանաների համար:
13. Կերան գերութիւնից վերադարձած իսրայէլացիները եւ բոլոր նրանք, որ գատուել էին հեթանոսների պղծութիւններից՝ փնտռելով իրենց Տէր Աստծուն:
14. Նրանք Բաղարջակերաց գատիկը կատարեցին եօթը օր եւ ուրախ եղան Տիրոջ առաջ,
15. որովհետեւ Տէրը դէպի իրենց դարձրեց Ասորեստանի թագաւորի սիրտը եւ հզօրացրեց իրենց ձեռքը՝ Իսրայէլի Տէր Աստծու գործի համար:

1. Այս բոլոր դեպքերը կատարուելուց յետոյ Պարսկաստանում թագաւորեց Արտաշէս արքան: Նրա մօտ գնաց Եզրասը, որը որդին էր Ազարիայի, սա՝ Եզեկիայի, սա՝ Զեդկիայի, սա՝ Սաղէմի,
2. սա՝ Ադուկի, սա՝ Աքիտոբի, սա՝ Ամարթի, սա՝ Ազեկի, սա՝ Մարերոթի, սա՝ Չարիայի, սա՝ Սեուկիայի, սա՝ Բուկիայի, սա՝ Աբասիայի, սա՝ Փենէեսի, սա՝ Եղիազարի, եւ սա՝ Ահարոնի, որը առաջին քահանայապետն էր:
3. Ահա այս Եզրասը, որ Իսրայէլի Աստծու կողմից Մովսէսին տրուած օրէնքների հմուտ օրէնագետ էր, վերադարձաւ Բաբելոնից:
4. Թագաւորը մեծ պատուի արժանացրեց նրան: Եզրասը շնորհ գտաւ նրա առաջ, եւ թագաւորը մեծ բարեհաճութեամբ յարգեց նրա խնդրանքը:
5. Եզրասի հետ Երուսաղէմ վերադարձան իսրայէլացիները՝ քահանայապետների եւ դէստացիների, սաղմոսասաց սպասաւորների, դռնապանների եւ քահանաների ծառաների որդիները:
6. Նրանք վերադարձան Արտաշէս արքայի թագաւորութեան եօթներորդ տարուայ հինգերորդ ամսին, իսկ Բաբելոնից դուրս էին եկել թագաւորի եօթներորդ տարուայ առաջին ամսի ամսամտին:
7. Նոյն տարուայ հինգերորդ ամսի ամսամտին էլ նրանք մտան Երուսաղէմ, եւ Տէրը յաջողութիւն տուեց Եզրասին ու նրանց ճանապարհին:
8. Եզրասը, որ ամբողջապէս լցուած էր իմաստութեամբ եւ անքերի գիտեր Տիրոջ բոլոր պատուիրանները, Իսրայէլի ժողովրդին ուսուցանում էր, ըստ Տիրոջ օրէնքների, ամեն դատ ու դատաստան եւ իրաւունք:
9. Այդ ժամանակ Եզրաս քահանային՝ Տիրոջ Օրէնքի մատենագրին, հասաւ Արտաշէս թագաւորի հրովարտակը, ուր գրուած էր այսպէս.
10. Արտաշէս թագաւորը ողջունում է Եզրաս քահանային՝ Տիրոջ Օրէնքի մատենագրին:
11. Մարդասիրական ցանկութեամբ կշռադատելով ամեն բան՝ ես հրամայեցի Հրեաստանի ցեղերի բոլոր մարդկանց, ովքեր կամաւոր ուզում են գնալ Երուսաղէմ, նաեւ քահանայապետներին եւ դէստացիներին, որ քեզ հետ միասին վերադառնան Երուսաղէմ.
12. թող գնան բոլոր նրանք, ովքեր փափագում են մեկնել Հրեաստան եւ Երուսաղէմ, ինչպէս հրամայեցինք մենք՝ ես եւ իմ եօթը խորհրդականները:
13. Թող նրանք վերադառնան եւ կատարեն այն ամենը, ինչ պահանջում է Օրէնքը.
14. Երուսաղէմում թող զոհեր մատուցեն Իսրայէլի Տէր Աստծուն, ինչպէս խոստացանք մենք՝ ես եւ իմ սիրելիները: Այն ամբողջ ոսկին եւ արծաթը, որ նրանք ունեն բաբելացիների այս երկրում, թող տանեն եւ Երուսաղէմում զոհեր մատուցեն իրենց Տէր Աստծուն:
15. Թող բաբելացիների այս երկրից Տէր Աստծու քահանաները վերցնեն նուիրաբերութիւնները եւ տանեն Երուսաղէմ. ոսկի ու արծաթ, արջառներ, խոյեր, գառներ
16. եւ ընծայուած միւս բոլոր զոհերը, եւ Երուսաղէմում Տիրոջ սեղանի վրայ մատուցեն Աստծուն:
17. Այն ամենը, ինչ դու կամենում ես անել քո եղբայրների հետ միասին, արա՛. ըստ քո Տէր Աստծու կամքի էլ վարուի՛ր թէ՛ ոսկու եւ արծաթի
18. եւ թէ՛ քահանայական կայքի ու Տիրոջ այն սպասքի հետ, որ կը տանեք Երուսաղէմ՝ Տէր Աստծու տաճարի կարիքների համար.
19. այդ ամենը դի՛ր քո Տէր Աստծու առաջ, Երուսաղէմում,
20. իսկ աւելորդ եւ տաճարի այլ կարիքների համար եղած բաները թող դնեն թագաւորական գանձատանը:
21. Ես՝ Արտաշէս թագաւորը, հրամայեցի Ասորեստանի եւ քանանացիների կողմերի գանձապահներին, որ նրանք Եզրաս քահանային՝ բարձրեալ Տէր Աստծու Օրէնքի

մատենագիրն անխափան տան այն ամենը, ինչ կկամենայ վերցնել նա. հարիւր տաղանդ արծաթ,

22. նոյն ձեւով՝ հարիւր քոռ ցորեն, հարիւր մար գինի եւ նոյնքան ձէթ.

23. նաեւ օրինական միւս բաները՝ բարձրեալ Տէր Աստծու պաշտամունքը կատարելու համար, որպէսզի նրա ցասումը չգայ իմ թագաւորութեան եւ իմ որդու վրայ:

24. Ձեր քահանաների ու ղեւտացիների, սաղմոսասաց պաշտօնեաների ու դռնապանների, քահանաների ծառաների եւ Տիրոջ տան սպասաւորների վերաբերեալ հրամայեցի,

25. որ ոչ ոք իշխանութիւն չունենայ նրանցից հարկ կամ այլ տուրք պահանջելու:

26. Իսկ դու, Եզրա՛ս, ըստ քո իմաստութեան, որ Աստուած տուել է քեզ, Ասորիքի եւ փիւնիկեցիների կողմերում դատելու եւ կառավարելու համար վերակացուներ եւ դատաւորներ նշանակիր բոլոր նրանց, որ սովորել են քո Տէր Աստծու Օրէնքը, իսկ նրանց, որ դեռեւս չգիտեն, սովորեցրո՛ւ:

27. Իսկ բոլոր նրանց, որ զանց կ'առնեն քո Տէր Աստծու Օրէնքը եւ չեն հնազանդուի մեր թագաւորական օրէնքներին, քեզ իշխանութիւն է տրուում նրանց պատժելու եւ խոշտանգելու. եթէ մահապարտ են՝ սպանելու, եթէ պատժի են արժանի՝ պատժելու, եթէ տուգանքի՝ տուգանք պահանջելու:

28. Այն ժամանակ Եզրասը՝ Տիրոջ Օրէնքի մատենագիրն ասաց. Օրհնուած է մեր հայրերի Տէր Աստուածը, որ այս ամենի համար շնորհ տուեց թագաւորի սրտին՝ փառաւորելու Տիրոջ տաճարը, որ գտնուում է Երուսաղէմում:

29. Իսկ ինձ մեծապէս պատուի արժանացրեց թագաւորի առաջ, նրա բոլոր խորհրդականների եւ սիրելիների առաջ, նրա բոլոր մեծամեծների առաջ,

30. եւ ես լցուեցի անբաւ հրճուանքով՝ իմ Տէր Աստծու օգնութեամբ: Դրանից յետոյ Եզրասը հաւաքեց իսրայէլացի այն բոլոր մարդկանց, որոնք իր հետ վերադարձան Երուսաղէմ:

31. Ըստ իրենց հայրերի նահապետութեան եւ ըստ իրենց ցեղերի բաժանման, սրանք են ահա այն իշխանները, որոնք Եզրասի հետ ելան Բաբելոնից Արտաշէս արքայի թագաւորութեան ժամանակ.

32. Փենէսի որդիներից՝ Գերսոնը, Իթամարի որդիներից՝ Գամայէլը,

33. Դաւթի որդիներից՝ Փարէսը, Փորոսիայի որդիներից՝ Չաքարիասը եւ նրա հետ գերի տարուածներից հարիւր յիսուն մարդ.

34. Փաաթի որդիներից՝ Մովաբը, Ելիան, Օնիասը, Չարեան եւ նրա հետ երկու հարիւր մարդ.

35. Չաթսէսի որդիներից՝ Յեզոնիասը, Յեթելեան եւ նրա հետ երեք հարիւր մարդ.

36. Ադինոբի որդիներից՝ Յովնաթանը եւ նրա հետ երեք հարիւր յիսուն մարդ.

Ելամեսիայի որդիներից՝ Գողոդիան եւ նրա հետ եօթանասուն մարդ.

37. Սափատիայի որդիներից՝ Միքայէլի որդի Չաքարիասը եւ նրա հետ եօթանասուն մարդ.

38. Յովաբի որդիներից՝ Եզելիայի որդի Աբադիսերը եւ նրա հետ երկու հարիւր տասներկու մարդ.

39. Բանիայի որդիներից՝ Յոսափի որդի Ասալիմոթը եւ նրա հետ հարիւր վաթսուն մարդ.

40. Բէերի որդիներից՝ Բերիայի որդի Չաքարիան եւ նրա հետ քսանութ մարդ.

41. Ուստաթի որդիներից՝ Կատանի որդի Յովհաննէսը եւ նրա հետ հարիւր տասը մարդ.

42. Ադոնիկամի որդիներից՝ Եսփատայի որդիները, որոնց անուններն են՝ Ելիփալատ, Դեւուէլ, Սամեաս եւ նրանց հետ եօթանասուն մարդ. Բանիայի որդիներից՝ Տաւկուրիայի որդի Ութիան եւ նրա հետ եօթանասուն մարդ:

43. Եզրասը նրանց հաւաքեց Թերա կոչուած գետի եզերքին, ուր օթեւանեցին երեք օր, ազգահամար կատարեց,

44. բայց քահանաների որդիներից եւ ղեւտացիներից ոչ մէկին չգտաւ նրանց մէջ:

45. Ես մարդ ուղարկեցի Եղիազարի մօտ, եւ ինձ մօտ եկան Սամեասը, Օրիբոնը, Նաթանը, Եննատանը, Չաքարիան եւ Մոսուլաբոնը.



46. սրանք իշխաններ էին եւ օրէնքի վարդապետներ: Ես նրանց ասացի, որ գնան գանձապահների պետի՝ Լոգէոնի մօտ,
47. պատուիրեցի նրանց, որ Լոգէոնին, նրա եղբայրներին եւ տեղում գտնուող միւս գանձապահներին ասեն, որ նրանք Տիրոջ տան համար քահանաներ ուղարկեն մեզ մօտ:
48. Եւ նրանք բերեցին այնպիսի մարդիկ, որոնք զօրաւոր էին Տիրոջ խօսքը քարոզելու գործում եւ լաւ գիտէին Տիրոջ օրէնքը: Դրանք Իսրայելի որդի Ղեւի որդի Մոողիայի որդիներից էին՝ Ասերեւանը եւ նրա տասնութ եղբայրները.
49. Քանուկիայի որդիներից՝ Ասեբիան, Անուկոնը եւ նրա եղբայր Օսետանը իր որդիների հետ՝ քսան մարդ.
50. քահանաների այն ծառաներից, որոնց Դաւիթ թագաւորը նշանակել էր ղեւտացիներին սպասաւորելու համար գլխաւորներ, նրանց որդիներից՝ քսան մարդ, որոնցից նշանաւորներին գրեցին անուանապէս:
51. Մենք ծոմ պահեցինք այնտեղ, աղօթք մատուցեցինք մեր Տէր Աստծուն, խնդրեցինք, որ նա դիւրութիւն եւ յաջողութիւն տայ մեզ, մեր որդիներին եւ բոլորին, ովքեր մեզ հետ էին,
52. քանի որ մենք ծանր էինք համարել թագաւորից հետեւակ կամ հեծեալ ուղեկիցներ խնդրել՝ մեր թշնամիներից զգուշանալու համար:
53. Մենք թագաւորին ասացինք, որ մեր Տէր Աստծու զօրութիւնը մեզ հետ է եւ բոլոր նրանց հետ, ովքեր խնդրում են նրան:
54. Այս բոլորի համար էր, ահա, որ ծոմ պահեցինք եւ աղաչեցինք, որ Տէրը պահպանի մեզ, յաջողութիւն տայ մեզ՝ մեր ճանապարհին:
55. Ցեղերի քահանաների գլխաւորներից ընտրեցինք տասներկու մարդ՝ Եսեբիային, Ասեմիային՝ իրենց տասը եղբայրների հետ միասին:
56. Կշռեցինք ու նրանց տուեցինք արծաթն ու ոսկին, Տիրոջ տան համար քահանայական կայքն ու սպասքը, որ մեզ էին նուիրել թագաւորն ու նրա խորհրդականները, իշխաններն ու բոլոր իսրայելացիները:
57. Ես կշռեցի եւ նրանց տուեցի վեց հարիւր յիսուն տաղանդ արծաթ, հարիւր տաղանդ արծաթէ սպասք, հարիւր տաղանդ ոսկէ սպասք,
58. ոսկէ այլ անօթներ՝ քսան, նաեւ մաքուր, ոսկեգոյն եւ զուտ պղնձէ անօթներ՝ տասներկու:
59. Ես նրանց ասացի. Ե՛ւ դուք էք սուրբ Տիրոջ համար, Ե՛ւ այս ամբողջ սպասքն է սուրբ Տիրոջ համար, լինի ոսկեղէն թէ արծաթեղէն: Աղօթեցէ՛ք Տիրոջը, եւ մեր հայրերի Տէր Աստուածը դրանք կը պահպանի եւ խաղաղութեամբ կը հասցնի իր սրբութեան տեղը:
60. Արթո՛ւն կացէք եւ պահպանեցէ՛ք դրանք, մինչեւ որ հասցնէք քահանաների ու ղեւտացիների գլխաւորներին, Իսրայելի տոհմապետներին եւ իշխաններին, որոնք գտնուում են Երուսաղէմում:
61. Թող Տիրոջ տաճարի պահապանները՝ քահանայապետներն ու ղեւտացիները, վերցնեն արծաթը, ոսկին, սպասքն ու անօթները եւ տանեն, դնեն Տիրոջ տաճարում, որը գտնուում է Երուսաղէմում:
62. Յետոյ վեր կացանք եւ Թերա գետի մօտից ճանապարհ ընկանք. դա առաջին ամսի տասներկուերորդ օրն էր: Մենք, Տիրոջ ձեռքով պահպանուած, վեր բարձրացած ու զօրացած, եկանք հասանք Երուսաղէմ: Մեր Տէր Աստուածը մեզ փրկեց մեր բոլոր թշնամիներից, եւ մենք ողջ, անկորուստ եւ խաղաղութեամբ հասանք Երուսաղէմ:
63. Երբ երեք օր հանգստացանք Երուսաղէմում, չորրորդ օրը կշռեցինք արծաթն ու ոսկին եւ մեր Տէր Աստծու տանը տուեցինք Ուրիայի որդի Մարմութ քահանային,
64. որի հետ էին Փենեւսի որդի Եղիազարը, Յեսուվի որդի Յոսաբոդոսը, Սաբանիայի որդի Մեթորը եւ այլ ղեւտացիներ:
65. Մենք կշռով ու հաշուով դրանք տուեցինք նրանց՝ նոյն օրն էլ գրանցելով կշիռն ու հաշիւը:
66. Նրանք, որ ինձ հետ գերութիւնից վերադարձել էին բաբելացիների մօտից, զոհեր

մատուցեցին Իսրայելի Տէր Աստծուն, տասներկու արջառ՝ բովանդակ Իսրայելի համար, 67. ինստուն խոյ, եօթանասուններկու գառ, տասներկու նոխազ՝ Իսրայելի փրկութեան համար, եւ այս բոլոր զոհերը մատուցեցին Իսրայելի Տէր Աստծու առաջ:

68. Թագաւորի գրաւոր հրամանը տուեցին թագաւորի գործակալներին՝ Ասորիքի եւ փիւնիկեցիների իշխաններին եւ գաւառապետներին, եւ մեր ազգն ու Տիրոջ տաճարն արժանացան մեծ փառքի ու պատուի:

69. Այս ամէնը կատարուելուց յետոյ իսրայլացիների նահապետներն ու իշխանները եկան իմ առաջ եւ ասացին. Իսրայելացիների ամբողջ ազգը, նրանց իշխանները, քահանաներն ու ղեկուացիները, առանց խտրականութիւն դնելու,

70. խառնակուեցին հեթանոսների, այլազգիների եւ ամէն տեսակ անհաւատների պղծութիւնների հետ, քանանացիների եւ քետացիների, փերեզացիների եւ յեբուսացիների, մովաբացիների եւ ամոնացիների, եգիպտացիների եւ եդոմացիների հետ,

71. քանզի ամուսնացան նրանց աղջիկների հետ՝ թէ՛ իրենք եւ թէ՛ իրենց որդիները: Խառնակուեց իրենց սուրբ սերմը երկրի այլազգիների եւ հեթանոսների հետ, քանի որ այս անօրէնութիւններն ընդունեցին եւ յանձն առան թէ՛ իշխանները եւ թէ՛ մեծամեծները՝ իրենք իսկ դառնալով այդ չարաղետ խառնակութիւնների առաջնորդներ:

72. Երբ ես լսեցի այս խօսքերը, պատառոտեցի հագուստներս, սկսեցի ողբալ եւ փետել գլխիս ու մօրուքիս մագերը, եւ այդպէս տրտմաբեկ նստեցի մեծ սգի մէջ:

73. Բոլորը, ովքեր լսեցին իմ ողբերի ծայնը, որ Իսրայելի Տէր Աստծու համար էր, եւ տեսնելով այն, ինչ ես արեցի նրանց անօրէնութեան պատճառով (որովհետեւ այդպէս տրտմահեծ նստեցի մինչեւ երեկոյ, մինչեւ որ հասաւ երեկոյեան զոհերի մատուցման ժամը),

74. նոր միայն ես վեր կացայ, հագուստներս այդպէս պատառոտուած, ողբալով ծնկի իջայ եւ, ձեռքերս տարածելով դէպի Տէր Աստուած, աղաղակեցի եւ ասացի.

75. Տէ՛ր, մենք ամաչում եւ դողում ենք քո երեսի առաջ,

76. քանզի մեր մեղքերը մեր գլուխներից էլ աւելի վեր բարձրացան,

77. մեր անօրէնութիւնները, սկսած մեր հայրերի տարիներից ու ժամանակներից, բարձրացան երկնքից էլ վեր, եւ մենք մեծ մեղքերի մէջ ենք մինչեւ այսօր, մինչեւ այժմ:

78. Մեր մեղքերի ու մեր հայրերի յանցանքների համար էր, որ մենք մատնուեցինք գերութեան մեր եղբայրների հետ, մեր թագաւորների ու քահանայապետների հետ: Երկրի բոլոր թագաւորները մեզ սրի ու սուսերի քաշեցին, գերեվարեցին մեզ, աւերեցին մեր բնակավայրերը, եւ մենք ամօթահար եղանք մինչեւ այսօր:

79. Եւ հիմա որքա՛ն մեծ է քո ողորմածութիւնը մեր նկատմամբ, Տէ՛ր, որ մեզնից արմատ, սերունդ եւ անուն թողեցիր քո սրբութեան այս վայրում,

80. մեզ համար յայտնի դարձրիր մեր Տէր Աստծու տաճարի լոյսը եւ մեզ, մեր ստրկութեան մէջ, կերակուր տուեցիր:

81. Մեր գերութեան մէջ քո ձեռքը չլքեց մեզ, դու օգնական Տէր եղար մեզ եւ արեցիր այնպէս, որ մենք շնորհ գտնենք Պարսկաստանի թագաւորի առաջ: Նա պատուի արժանացրեց մեզ, հոգաց մեր բոլոր կարիքները,

82. փառաւորեց մեր Տէր Աստծու տաճարը, վերականգնեց եւ վերաշինեց Սիոնը, որ անապատ էր, եւ մեզ վերստին հաստատեց Հրէաստանում եւ Երուսաղէմում:

83. Եւ հիմա, այս ամենից յետոյ, քո առաջ ի՞նչ պատասխան տանք քեզ, Տէ՛ր, քանզի մենք անտեսեցինք քո օրէնքն ու հրամանները, Տէ՛ր, որ տուել էիր մեզ քո ծառաների՝ մարգարէների միջոցով, ասելով այսպէս.

84. Այն երկիրը, որը գնում ես դու ժառանգելու, պղծուած է այդ երկրի ազգերի պղծութիւններով եւ լեցուն է նրանց աղտեղութիւններով:

85. Արդ, նրանց աղջիկներից դու կանայք չառնես քո որդիների համար, ոչ էլ քո աղջիկներին կնութեան կը տաս նրանց որդիներին

86. եւ ոչ էլ ամէն ժամանակ խաղաղութիւն փնտռիր նրանց հետ. դու զօրաւոր կը լինես այդ երկրի բարիքները ուտելով, եւ քո որդիներն այդ երկիրը կը ժառանգեն

յաւիտենական ժամանակների համար:

87. Թէեւ այն դէպքերը, որ մէկ անգամ կատարուեցին մեզ հետ մեր չար գործերի եւ մեղքերի պատճառով, բայց դու, Տէ՛ր, բազում անգամ ներեցիր մեր մեղքերը,

88. եւ մեզ այսպիսի սերունդ ու արմատ տուեցիր, մինչդեռ մենք դարձեալ շեղուեցինք քո օրէնքից եւ խառնակուեցինք այս երկրի հեթանոսների հետ,

89. բայց դու մեզ վրայ չբարկացար այն աստիճան, որ մեզնից այսպիսի սերունդ ու արմատ չմնար եւ ոչ էլ՝ մեր անունը:

90. Դու, Տէ՛ր Աստուած Իսրայէլի, արդար ես եւ ճշմարիտ, դու իսպառ չոչնչացրիր մեր սերունդը, եւ մեր սերունդն ու արմատը մնացին մինչեւ այսօր:

91. Արդ, ահաւասիկ մենք, մեր անօրէնութիւններով, կանգնած ենք քո առաջ եւ այլեւս չենք կարող կանգնել քո երեսի դէմ, որովհետեւ բազմացան մեր անօրէնութիւնները, եւ մեր չարիքները բարձրացան մեր գլուխներից էլ վեր:

92. Երբ Եզրասը աղօթում էր այս խոստովանութիւններով եւ սաստիկ ողբերով, նա երեսնիվայր ընկած էր գետնին, Տիրոջ տաճարի առջեւ: Բոլորը, ովքեր կային Երուսաղէմում, հաւաքուեցին նրա մօտ, բազմամարդ մի ամբոխ՝ տղամարդիկ ու կանայք, երիտասարդներ ու կոյսեր. շատերը մեծապէս ողբում էին բազմութեան մէջ:

93. Այդ ժամանակ իսրայէլացիներից Իելուի որդի Յեքոնիան ձայն տուեց եւ ասաց Եզրասին. Մենք մեղանչել ենք մեր Տէր Աստծու դէմ՝ կին ենք առել այս երկրի այլազգիներից.

94. այժմ, այսօր էլ, անօրէնութիւնները մեր մէջ են. եկե՛ք երդուենք Տիրոջ առաջ, դուրս հանենք եւ հեռացնենք այլազգիներից մեր առած կանանց իրենց զաւակների հետ,

95. ինչպէս որ հրամայում է մեր Տէր Աստծու օրէնքը:

96. Շո՛ւտ, վե՛ր կաց, կատարի՛ր այդ գործը, քանզի քո ձեռքին են մեր բոլոր գործերը. մենք քեզ հետ ենք, եւ ինչ որ դու հրամայես, մենք կ'անենք:

97. Եզրասը վեր կացաւ, երդուել տուեց ցեղերի իշխաններին, քահանաներին, ղեւտացիներին եւ ամբողջ Իսրայէլին, որ վարուեն ըստ այդ վճռի: Եւ նրանք երդուեցին:

1. Եզրասը վեր կացաւ Տիրոջ տաճարի գաւթից, գնաց Ելիասիբի որդի Յովհաննայի տունը, գիշերեց այնտեղ,
2. բայց ո՛չ հաց կերաւ եւ ո՛չ էլ ջուր խմեց, այլ միայն ողբաց ժողովրդի գործած անօրէնութիւնների եւ մեծ մեղքերի համար:
3. Ամբողջ Հրեաստանում եւ Երուսաղէմում մուկետիկն ազդարարում էր, որ բոլոր նրանք, ովքեր վերադարձել են գերութիւնից, գան հաւաքուեն Երուսաղէմում,
4. իսկ նրանք, ովքեր երկու, երեք օրուայ ընթացքում չեն ներկայանայ, նրանք պիտի դատուեն առաջնորդների եւ ծերերի կողմից, պիտի առգրաւուի նրանց ունեցուածքը, եւ նրանց, իբրեւ օտարների, պիտի արտաքսեն գերեդարձների բազմութիւնից:
5. Եւ երեք օրուայ ընթացքում Երուսաղէմում հաւաքուեցին Յուդայի ազգի ու Բենիամինի ցեղի բոլոր մարդիկ, իններորդ ամսին, ամսի քսաներորդ օրը:
6. Ամբողջ բազմութիւնը, Եզրասի հետ միասին, նստեց Տիրոջ տան ընդարձակ գաւթում սարսռալով եւ դողալով ձմռան ցրտից:
7. Եզրասը կանգնեց եւ ասաց նրանց. Դուք մեղք էք գործել, կին էք առել այլազգիների աղջիկներից եւ անօրէնութիւն էք աւելացրել Իսրայէլի վրայ:
8. Արդ, խոստովանեցէ՛ք եւ փա՛ռք տուէ՛ք մեր հայրերի Տէր Աստծուն,
9. կատարեցէ՛ք նրա կամքը, զատուեցէ՛ք եւ բաժանուեցէ՛ք երկրի բոլոր հեթանոսներից եւ ձեր այլազգի կանանցից:
10. Ամբողջ բազմութիւնը միասին բարձրաձայն աղաղակեց եւ ասաց.
11. Ինչպէս որ դու ասացիր, այնպէս էլ կ'անենք. բայց մենք մեծ բազմութիւն ենք, ժամանակն էլ ձմեռ է, եւ մենք չենք կարող դիմանալ այս ցաւին ու նեղութիւններին, գործն էլ մէկ կամ երկու օրուայ բան չէ, մանաւանդ որ մեր մեղքերն էլ այս գործում մեծ են ու ծանր:
12. Դրա համար գործը յանձնարարեցէ՛ք իշխաններին եւ առաջնորդներին, թող ամեն տեղ ում տանն այլազգի կին կայ, ժամանակին գնան ու պահանջեն նրանից,
13. թող իւրաքանչիւր տեղի ծերերն ու դատաւորները վճռեն գործը եւ Տիրոջ բարկութիւնը հեռացնեն մեզից մեր գործած այս մեծ չարիքների պատճառով:
14. Այս գործը յանձն առան Ազայէլի որդի Յովնաթանը եւ Թոկիայի որդի Եզեկիան, իսկ Մոսլամիսը, Ղեւին ու Սաբատեոսը միացան նրանց,
15. եւ նրանք ամեն ինչ արեցին այնպէս, ինչպէս հրամայեցին գերութիւնից վերադարձածները:
16. Եզրասն անուն առ անուն ընտրեց քահանայ, իշխան եւ տոհմապետ մարդիկ. նրանք տասներորդ ամսի ամսամտին նստեցին խորհրդի՝ գործը քննելու եւ աւարտելու համար:
17. Մինչեւ առաջին ամիսը նրանք հաւաքեցին եւ բերեցին այն տղամարդկանց, որոնք ամուսնացած էին այլազգի կանանց հետ. բերեցին նաեւ նրանց կանանց:
18. Հաւաքուածների մէջ գտնուեցին քահանաներ, որոնք ունէին այլազգի կանայք եւ խառնակուել էին ամբարիշտների հետ.
19. դրանք Յոսեդեկի որդի Յեսուվի եւ նրա եղբօր որդիներից էին. Մաթելան, Եղիազարոսը, Յորիբոսը եւ Յովադանը,
20. որոնք սկսեցին դուրս հանել իրենց այլազգի կանանց եւ մէկական խոյեր մատուցել առանց գիտութեան գործած իրենց մեղքերի թողութեան համար:
21. Յետոյ Եմմորի որդիներից՝ Անանիան, Բադդեոսը, Մանասը, Սամաէասը, Յերիելը եւ Ազարիասը.
22. Փասուրի որդիներից՝ Ելիանասը, Մասսիասը, Իսմայելը, Նաթանայելը, Սկեթլեդոսը եւ Սալթոսը.
23. Ղեւտացիների որդիներից՝ Յոզապատոսը, Սեմիսը եւ Կոնոսը, որ նոյն ինքը Սալիտասն է, Փաթէասը, որ նոյն ինքը Յուդասն է, եւ Յոնասը:
24. Սաղմոսասաց պաշտօնեաներից՝ Ելիասիբոսը եւ Բաքուրոսը:
25. Դռնապաններից՝ Սալիմոսը եւ Տոլբանէսը:

26. Իսրայելացիներից՝ Փորոսի որդիներից՝ Յերամասը, Յեդդիասը, Մելքիասը, Միալեւը, Եդիագարոսը, Ասաբիասը եւ Բանեասը:
27. Եդիակիմի որդիներից՝ Մատթանիասը, Չաքարիասը, Յեզորիելը, Յովադիոսը, Յերիմոթը եւ Այեդիասը:
28. Չաթոմի որդիներից՝ Ելիադասը, Ելիասիմոսը, Օթոնիասը, Արիմոթը, Սաբաթոսը եւ Չարգեասը:
29. Բեբէի որդիներից՝ Յովհաննէսը, Անանիասը, Յոզաբոսը եւ Եմաթոսը:
30. Մանիի որդիներից՝ Ելամոսը, Սամումոսը, Յեդէոսը, Յասուլբոսը, Յաստելոսը եւ Յերեմոթը:
31. Ադդիի որդիներից՝ Նաթոսը, Մոոսիասը, Չակունոսը, Նաիդասը, Մատաթիասը, Եսթելը, Բալունոսը եւ Մանասէն:
32. Աննասի որդիներից՝ Ելիոնասը, Ասսեասը, Մելքիասը, Սաբէոսը, Սիմոնը եւ Քոսամէոսը:
33. Ասոմատի որդիներից՝ Աննէոսը, Մատաթիասը, Բանէուսը, Ելիփալատը, Մանասէն եւ Սեմէին:
34. Բաանի որդիներից՝ Երեմիասը, Մոմդիոսը, Իսմաէրոսը, Յուէլը, Մամբդէն, Պեդիասը, Անոսը, Բաբասիոնը, Անասիբոսը, Մամսիտանեմոսը, Ելիասիսը, Բանուսը, Ելիալին, Սոմէիան, Սելեմիասը եւ Նաթանիասը: Եզորի որդիներից՝ Այեմը, Եզրիելը, Ազայելը, Սամատոսը, Չամբրին եւ Յովսեփը:
35. Նաումի որդիներից՝ Չագիկեասը, Լաբադիասը, Եդեսիուէլը եւ Բենեսիասը:
36. Սրանք էին բոլոր այն տղամարդիկ, որոնք կին էին առել այլազգիներից եւ որոնք էլ ազատ արձակեցին իրենց կանանց եւ իրենց որդիներին:
37. Իսրայելացի քահանաներն ու ղեւտացիները բնակուեցին Երուսաղէմում եւ նրա գաւառում եօթներորդ ամսի ամսամտին, իսկ իսրայելացիները գնացին իրենց բնակութեան վայրերը:
38. Ամբողջ բազմութիւնը, միաբանուած, հաւաքուեց տաճարի դռան առջեւ, արեւելեան կողմը, ընդարձակ մի տեղ:
39. Նրանք ասացին Եզրաս քահանայապետին՝ Օրէնքի մեկնիչին, որ նա բերի Իսրայելի Տէր Աստծու կողմից Մովսէսին տրուած օրէնքների գիրքը:
40. Եզրասը մէջտեղ բերեց օրէնքների գիրքը, ցոյց տուեց բոլոր տղամարդկանց ու կանանց եւ բոլոր քահանաներին:
41. Տաճարի դռան առջեւ, ընդարձակ հրապարակում, առաւօտից մինչեւ կէսօր նա կարդում էր Տիրոջ օրէնքները, բոլոր տղամարդկանց եւ կանանց համար, եօթներորդ ամսի ամսամտի օրերին, եւ ամբողջ բազմութիւնը լսում ու սովորում էր Տէր Աստծու Օրէնքը:
42. Եզրաս քահանան՝ Տիրոջ Օրէնքի մեկնիչը, կանգնում էր փայտակերտ բեմի վրայ, որ պատրաստել էին նրա համար:
43. Նրա մօտ, աջ կողմից, կանգնում էին Մատաթին, Սամուսը, Անանիասը, Ազարիասը, Ուրիասը, Եզեկիասը եւ Բաալսամոսը,
44. իսկ ձախ կողմից՝ Փալթեոսը, Միսայելը, Մելքիասը, Լոթասը, Ուբոսը, Նաբարիասը եւ Չաքարիասը:
45. Եզրասը, Օրէնքի գիրքը ձեռքին, մեծ պատուով բազմում էր բոլորի առաջ, իսկ ամբողջ բազմութիւնը նստում էր նրա դիմաց:
46. Երբ նա բացեց Օրէնքի գիրքը, ամբողջ բազմութիւնը ոտքի կանգնեց: Եզրասն օրհնեց բարձրեալ Տէր Աստծուն, զօրութիւնների Աստծուն եւ Ամենակալին,
47. իսկ ամբողջ բազմութիւնը միաձայն բացականչում էր՝ ամէն: Բոլորն իրենց ձեռքերը բարձրացրած դէպի վեր՝ երեսնվայր ընկնում էին գետին եւ երկրպագում Տէր Աստծուն:
48. Տիրոջ Օրէնքը ժողովրդին ուսուցանում էին նաեւ ղեւտացիները՝ Յեսուսը, Աննուսը, Ասրաբիասը, Յադինոսը, Յակուբոսը, Սաբատէոսը, Աղէասը, Մաննէասը, Կալիտասը, Ազարիասը, Յոզաբոսը, Անանիասը եւ Փիլաթասը:
49. Սրանք ժողովրդի համար կարդում եւ բացատրում էին Տիրոջ Օրէնքը:

50. Ատտարատեւը դիմելով Եգրաս քահանային՝ Տիրոջ Օրէնքի մեկնիչին եւ ղեւտացիներին, որոնք Օրէնքը սովորեցնում էին ժողովրդին, բոլորի առաջ ասաց նրանց.
51. Այս օրը սրբութեան օր է Տիրոջ համար, եւ դուք ազատ էք Տիրոջ Օրէնքը լսելուց.
52. ցրուեցէ՛ք, գնացէ՛ք եւ պարարտ մի՛ս կերէք, քաղցր ըմպելիքներ խմեցէ՛ք եւ ուղարկեցէ՛ք նաեւ նրանց համար, ովքեր չունեն.
53. եւ որովհետեւ Տիրոջ համար սուրբ է այս օրը, թող ոչ ոք տխուր չդարձնի այն, քանզի Տէր Աստուածն է, որ մեզ արժանացրեց փառքի:
54. Ղեւտացիները նոյնպէս ամբողջ ժողովրդին հրամայեցին եւ ասացին. Այս օրը սուրբ է, եւ թող ոչ ոք տխուր չդարձնի այն:
55. Ապա ասացին ժողովրդին. Ով ունի, թող ուտի, խմի, ուրախ լինի եւ տայ նաեւ նրան, ով չունի. թող բոլորն էլ այսօր շատ ուրախ լինեն, որովհետեւ դուք լսեցիք եւ սովորեցիք Տիրոջ Օրէնքը, դուք հաւաքուեցիք ժողովի, եւ մենք սովորեցրինք ձեզ:

ህደህደ

1. Արտաշէս արքայի քսաներորդ տարուայ Քասղէւ ամսին այնպէս եղաւ, որ ես Աբիրայի մայրաքաղաք Սուսայում էի:
2. Ինձ մօտ եկան իմ եղբայրներից մէկը եւ Յուդայի երկրի մի քանի մարդիկ: Ես նրանց հարցրի Երուսաղէմի եւ կենդանի մնացածների մասին, որոնք փրկուել ու վերադարձել էին գերութիւնից:
3. Նրանք ասացին ինձ. Գերութիւնից փրկուածներն այնտեղ՝ իրենց աշխարհում, մեծ նեղութեան ու նախատինքների մէջ են. իսկ Երուսաղէմի պարիսպները մնում են նոյն ձեւով քանդուած ու աներուած, նրա դռներն էլ՝ հրկիզուած:
4. Երբ ես լսեցի այս խօսքերը, նստեցի, լալիս էի, օրեր շարունակ սուգ արեցի ու ծով պահեցի, աղօթքի կանգնեցի երկնքի Տէր Աստծու առջեւ:
5. ու ասացի. Տէ՛ր Աստուած երկնքի եւ երկրի, որ զօրաւոր ես, մեծ եւ անարկու, պահում ես նրանց ուխտերն ու ողորմութիւնները, ովքեր սիրում են քեզ եւ ենթարկւում քո օրէնքներին:
6. Թող քո ականջները լսեն, եւ քո աչքերը՝ տեսնեն: Այժմ լսի՛ր եւ տե՛ս քո ծառայի աղօթքները, որ այսօր ես մատուցում եմ քեզ քո ծառաների՝ իսրայէլացիների համար, մեզ համար, որ մենք, մեր գործած մեղքերի պատճառով մատնուեցինք նեղութեան. ես եւ իմ հօր տունը մեղք գործեցինք,
7. որովհետեւ անիրաւօրէն յանցանք գործեցինք եւ չպահեցինք քո օրէնքները, հրամաններն ու հրահանգները, որ քո ծառայ Մովսէսի միջոցով պատուիրեցիր մեզ:
8. Տէ՛ր, յիշի՛ր քո խօսքը, որ պատուիրեցիր քո ծառայ Մովսէսին եւ ասացիր. Եթէ դուք չպահէք իմ օրէնքները, ես էլ ձեզ կը ցրեմ հեթանոսների մէջ,
9. իսկ եթէ դառնաք եւ պահէք իմ օրէնքներն ու կատարէք դրանք, եթէ դուք մինչեւ երկրի ծագերն էլ ցրուած լինէք, ես այնտեղի՛ց էլ ձեզ կը ժողովեմ եւ կը բերեմ այն տեղը, որ ընտրել եմ եւ որի մէջ ապրում է իմ անունը:
10. Եւ արդ, սրանք քո ծառաներն ու ժողովուրդն են, որոնց փրկեցիր քո մեծ զօրութեամբ եւ բարձր բազկով:
11. Բաց մի՛ թող նրանց քո ձեռքից, այլ քո ականջները թող բաց լինեն քո ծառաների աղօթքների համար եւ անսան նրանց աղաչանքներին, ովքեր երկնչում են քո անունից: Եւ այսօր յաջողութի՛ւն տուր քո ծառայի խնդրանքներին, եւ թող ես գթութիւն գտնեմ այս մարդու առջեւ: Այդ ժամանակ ես թագաւորի տակառապետն էի:



1. Արտաշէս արքայի քսաներորդ տարուայ Նիսան ամսին այնպէս եղաւ, որ արքան ինձնից գինի խնդրեց: Ես գինին վերցրի եւ տուեցի թագաւորին. թագաւորը մենակ էր:
2. Երբ նա գինին խմեց, ասաց ինձ. Ինչո՞ւ է քո դէմքը տխուր եւ տրտում. դրա պատճառը այլ բան չէ, եթէ ոչ քո սրտի չարութիւնը:
3. Ես խիստ վախեցայ ու թագաւորին ասացի. Արքա՛յ, դու յաւիտեան ապրած կենաս, ինչո՞ւ իմ դէմքը տխուր եւ տրտում չիլի, որովհետեւ իմ հօր տունն ու քաղաքն անապատ է դարձել, եւ նրա դռներն այրուել են կրակից:
4. Թագաւորն ինձ ասաց. Դրա համար ի՞նչ ես ուզում խնդրել ինձնից: Ես աղօթքի կանգնեցի ու միտքս ուղղելով երկնքի Տէր Աստծուն՝ ասացի թագաւորին.
5. Թո՛ղ քո թագաւորութեան վրայ բարութիւն լինի. եթէ քո ծառան քո առջեւ շնորհ գտաւ, եւ եթէ դու կամենում ես, ուղարկի՛ր ինձ Հրեաստան՝ իմ հայրերի յիշատակների քաղաքը, եւ ես, ըստ քո հրամանի խօսքի, կը վերաշինեմ այն:
6. Թագաւորը, որի հարճը նստած էր նրա մօտ, ասաց ինձ. Դու ե՞րբ տեղ կը հասնես եւ կամ ե՞րբ կը վերադառնաս: Թագաւորը բարի գտնուեց եւ ինձ արձակեց:
7. Ես նրանից ժամկէտ խնդրեցի եւ ասացի թագաւորին. Եթէ քո առջեւ շնորհ գտայ, տո՛ւր ինձ գետի կողմերի իշխաններին ուղղուած մի թուղթ, եւ թող ինձ տանեն՝ մինչեւ հասնեմ Հրեաստան:
8. Մի թուղթ էլ տո՛ւր Ասափին, որ արքունի անտառի պահապանն է, որպէսզի ինձ շինափայտ տայ քաղաքի դռների, պարիսպների եւ տան պատրաստման համար, որի մէջ ես պէտք է մտնեմ: Թագաւորն այդ թղթերը տուեց ինձ, որովհետեւ իմ Աստծու ձեռքն իմ նկատմամբ բարի էր:
9. Ես եկայ գետի կողմերի իշխանների մօտ ու նրանց տուեցի թագաւորի թղթերը: Թագաւորն ինձ հետ ուղարկել էր զօրաւոր առաջնորդներ ու ձիեր:
10. Երբ Սանաբալատ իշխանն ու Ամոնի ծառայ Տուբիան լսեցին այս, նրանք իրենց վատ զգացին, որ Իսրայէլի բարօրութեան եւ կարիքների համար ես մարդիկ եմ փնտռել:
11. Եկայ Երուսաղէմ ու այնտեղ մնացի երեք օր:
12. Գիշերը ես վեր կացայ, ինձ հետ նաեւ՝ սակաւաթիւ մարդիկ: Ես մարդկանց չպատմեցի, թէ Աստուած ինչ դրեց իմ սրտում, որ անեմ Իսրայէլի համար: Ինձ հետ չկար ուրիշ գրաստ, բացի այն գրաստից, որի վրայ նստած էի:
13. Ես դուրս եկայ Հեղեղատի դռնով, անցայ Թգնու հողամասի եզրով եւ գնացի մինչեւ Աղբանոցի դուռը: Ես ճնշում էի, որ Երուսաղէմի պարսպի մէջ կային ճեղքեր, որ նրանք մաքրել էին, եւ որ նրա դռներն այրուած էին կրակից:
14. Ես անցայ Աղբիւրի դռնով՝ Թագաւորի ջրաւազանի մօտով: Այնտեղ տեղ չկար, որ ես իմ գրաստին հեծած՝ կարողանայի անցնել:
15. Հեղեղատի մօտով, գիշերը ելայ դէպի վեր՝ պարսպի կողմը՝ ճնշուելով պարսպի ճեղքերից, հասայ Ձորի դռան մօտ, ապա վերադարձայ:
16. Պահապանները չիմացան, թէ ինչու էի գնացել կամ ինչ էի անում. ես ոչինչ չէի ասել նաեւ հրեաներին, քահանաներին, անուանի մարդկանց, զօրապետներին եւ ուրիշներին, որոնք այդ ժամանակ գլխաւորում էին գործերը:
17. Նրանց ասացի. Տեսէ՛ք այն չարիքները, որոնց մէջ ենք այժմ, տեսէ՛ք, ինչպէ՛ս Երուսաղէմն անապատ է դարձել, եւ հրկիզուել են նրա դռները: Եկէ՛ք շինենք Երուսաղէմի պարիսպները, եւ այլեւս նախատինքի մէջ չլինենք:
18. Ես նրանց պատմեցի, որ Տիրոջ ձեռքն իմ նկատմամբ բարի էր, ասացի նաեւ թագաւորի խօսքերը, որ նա ասել էր ինձ: Նրանց ասացի. Այժմ եկէ՛ք ելնենք եւ վերաշինենք պարիսպը:
19. Եւ նրանց ձեռքերը զօրացան այդ բարի գործերի համար: Լսելով այդ մասին՝ Սանաբալատը, Ամոնի ծառայ Տուբիան եւ Գեսամ Արաբացին ծաղրում էին մեզ. նրանք եկան մեզ մօտ ու մեզ ասացին. Ի՞նչ են այդ բաները, որ դուք անում էք: Ի՞նչ է, դուք ուզում էք թագաւորի դէմ ապստամբե՞լ:

20. Ես նրանց պատասխանեցի ու ասացի. Երկնքի եւ երկրի Աստուածը յաջողութիւն տուեց մեզ, մենք նրա սուրբ ծառաներն ենք ու վերաշինում ենք այս քաղաքը, բայց ձեզ համար Երուսաղէմում չկայ բաժին, յիշատակ ու արդարութիւն:

1. Ելիասիբ մեծ քահանան եւ նրա եղբայր քահանաները ելան եւ շինեցին Ջրմուղի ակազանների դուռը, մաքրեցին այն ու նորոգեցին նրա փեղկերը եւ պարիսպը կանգնեցրին մինչեւ Անամայելի աշտարակը՝
2. Երիցովի մարդկանց եւ Չաքուրի ու Ամարի որդիների օգնութեամբ:
3. Եքթերան դուռը շինեցին Ասանի որդիները. նրանք յարդարելով պատրաստեցին այն իր փականքներով եւ նիգերով: Նրանց հետ ձեռք-ձեռքի աշխատում էին Ռամոթը եւ Օրիայի որդիները, Ակոսի որդիները,
4. սրանց կողքին՝ Մասիգեբելի որդի Բարաքի որդի Մոսուլամը, սրա կողքին՝ Բասնի որդի Սադուկը,
5. սրա կողքին՝ Թեկումադորեմի բնակիչները, բայց սրանց անուանի մարդիկ իրենց պարանոցը նրանց ծառայութեան տակ չդրեցին:
6. Հին դուռը նորոգեցին Յուդան՝ Փասեկի որդին, եւ Մեսուլամը՝ Բասողիայի որդին. սրանք պատրաստեցին այն ու դրեցին նրա փեղկերը՝ իրենց փականքներով ու նիգերով:
7. Նրանց կողքին, ըստ հերթականութեան, աշխատում էր Ռոսեկեիմի որդի Անանիան, որը երուսաղեմացիներին թողեց նորոգման աշխատանքը մինչեւ հրապարակների պարիսպը:
8. Նրանից յետոյ աշխատում էր Երուսաղեմի շրջանի իշխան Ռափիան,
9. նրա կողքին՝ Յերոմաքի որդի Յերադիան, իսկ իր տան կողմից, սրա կողքին՝ Սաբանեի որդի Ատտուսը:
10. Պարսպի երկրորդ հատուածի վրայ աշխատում էին Երամի որդի Ելքիասը եւ Փաադմովաբի որդի Ասուբը՝ մինչեւ Թանուրիմի աշտարակը:
11. Սրանց կողքին աշխատում էր Ալոհեմի որդի Սալումը՝ Երուսաղեմի միւս կեսի իշխանը, ինքը եւ իր դուստրերը:
12. Ձորի դռան աշխատանքը յանձն առան Անուն եւ Չանուի բնակիչները. նրանք շինեցին եւ կանգնեցրին դուռը, դրեցին դռնափակերն եւ նիգերը. նրանք վերաշինեցին նաեւ պարիսպը հազար կանգուն երկարութեամբ՝ մինչեւ Մոխրոցի դուռը:
13. Իսկ Մոխրոցի դռան աշխատանքը յանձն առաւ Բեթքարամի շրջանի իշխան՝ Ռեքաբի որդի Մելքիան տեղացիների հետ, որոնք շինեցին, կանգնեցրին դուռը եւ դրեցին նրա փակերն ու նիգերը:
14. Ջրակազանի աղբիւրի պարսպի նորոգման աշխատանքը յանձն առաւ թագաւորի իշխան Ադիոնը՝ մինչեւ այնտեղ, ուր աստիճաններն իջնում են Դաւթի քաղաքից:
15. Նրանից յետոյ աշխատում էր Ազբուքի որդի Նեեմասը՝ Բեթսուրի կողմի իշխանը՝ մինչեւ Դաւթի գերեզմանի պարտեզը, մինչեւ Ջրակազանի առաջացման տեղը, մինչեւ Բեթազաբարին:
16. Նրանից յետոյ աշխատում էին ղեւտացիները՝ Բանեի որդի Ռայումը, նրանց կողքին Կեիլի կողմերի իշխան Ասաբիան.
17. սրանից յետոյ՝ նրա եղբայրները եւ Կեիլի կողմի իշխան՝ Ադադի որդի Բենային:
18. Սրանից յետոյ Մասփեի իշխան՝ Յեսուի որդի Ազուրը աշխատում էր պարսպի երկրորդ հատուածի վրայ, որ գնում եւ միանում էր աշտարակի անկիւններին:
19. Նրանից յետոյ երկրորդ հատուածի անկիւնից մինչեւ Բեթելիասուբի դուռը, ուր նստում էր քահանայապետը, պարսպի նորոգման աշխատանքը յանձն առաւ Չաբուի որդի Բարուքը:
20. Նրանից յետոյ, երկրորդ հատուածում, աշխատում էր Ակոմի որդի Ուրիայի որդին՝ Մերամոթը, Բեթելիասուբի դռնից մինչեւ պարսպի վերջը:
21. Նրանից յետոյ աշխատում էին Աքերի քահանաները: Սրանցից յետոյ, իրենց տների առջեւ, վերանորոգման աշխատանքը յանձն առան Բենիամինն ու Ասուբը,
22. եւ սրանցից յետոյ՝ Ազարիան՝ Անանիայի որդի Մասեայի որդին, իր տան մօտ:
23. Սրանից յետոյ Ենդադի որդի Բանին յանձն առաւ նորոգել պարսպի երկրորդ

հատուածը՝ Բեթագարից մինչեւ անկիւնը:

24. Իսկ Ուզայի որդի Փալաքը յանձն առաւ նորոգել շրջադարձի մասը՝ անկեան դիմացը եւ աշտարակը, որ գտնուում էր թագաւորի ապարանքից դուրս՝ գաւթի բանտից վերեւ: Նրանից յետոյ աշխատում էր Փորոնէի որդի Փաթաւան:

25. Նաթանայիմները, որ բնակւում էին Օփալում, նորոգում էին պարիսպը արեւելեան կողմի Ջրի դռան պարտեզից մինչեւ դրսի կողմի աշտարակը:

26. Սրանցից յետոյ աշխատանքը յանձն էին առել թէկուացիները՝ մեծ աշտարակի դիմացի երկրորդ հատուածից մինչեւ Սոփելի պարիսպը:

27. Ձիերի դռան վերելի հատուածից սկսած աշխատում էին քահանաները՝ ամեն մարդ իր տան դիմաց:

28. Նրանից յետոյ աշխատանքը յանձն առաւ Եմերի որդի Սադոկը՝ իր տան դիմաց, նրանից յետոյ՝ Սեքենիայի որդի Սամէիան, որը արեւելեան դռան պահապանն էր, նրանից յետոյ՝ Սելեմիայի որդի Անանիան եւ Սելեփի որդի Անոնը, որոնք աշխատում էին երկրորդ հատուածում: Անոնից յետոյ աշխատում էր Բարաքայի որդի Մեսուլամը՝ իր գանձատան դիմաց:

29. Նրանից յետոյ պարսպի նորոգման աշխատանքը մինչեւ Բեթանաթան յանձն առաւ Սարեփի որդի Մելքիան: Իսկ քաղաքի միւս մեծատունները նորոգում էին Մափկաթ դռան դիմացից մինչեւ անկիւնային ելքերը:

30. Ջրաւազանի եւ անկիւնի դռան միջեւ ընկած հատուածի նորոգումը յանձն առան Քելկիան եւ քաղաքի մեծատունները:

1. Երբ Սանաբալաթը լսեց, թե շինում են պարիսպը եւ կանգնեցնում նրա աշտարակները, վատ զգաց իրեն, գայրացաւ եւ սաստիկ ծաղրում էր հրեաներին:
2. Նա ասում իր եղբայրների առաջ. Մ'յս է ձեր զօրութիւնը, ո՛վ սամարացիներ, այդ ինչպէ՞ս են հրեաները շինում ու ամրացնում իրենց քաղաքը:
3. Նրանց տեսութեան եկած Տուբիա Ամանացին ասում էր. Ո՛չ, չեն կարող շինել, զոհեր մատուցել կամ ուտել զոհաբերուած ընծաներն իրենց տեղում. միթէ այժմ աղուէսները չե՞ն ելնի ու քանդի նրանց պարսպի քարերը:
4. Այն ժամանակ մենք ասացինք. Լսի՛ր մեզ, Տէ՛ր Աստուած մեր, քանզի մենք արժանացանք արհամարհանքի ու թշնամանքի. նրանց նախատինքները շո՛ւռ տուր իրենց գլխին, մատնի՛ր նրանց իրենց գերեվարողների թշնամանքին,
5. եւ թող չծածկուեն նրանց անօրէնութիւնները:
6. Երբ Սանաբալաթն ու Տուբիան, արաբացիներն ու ամոնացիները լսեցին, թէ յաջողուեց Երուսաղէմի պարսպի շինարարութիւնը, եւ թէ մենք սկսեցինք ամեն տեղ գործը երեւացնել, դա վատ թուաց նրանց,
7. եւ բոլորը հաւաքուեցին՝ միասին գալու եւ պատերազմելու Երուսաղէմի դէմ:
8. Մենք աղօթքի կանգնեցինք մեր Տէր Աստծու առջեւ եւ, թշնամիների պատճառով, մեզ վրայ պահակներ նշանակեցինք ցերեկն ու գիշերը:
9. Հրեաստանի մարդիկ ասացին. Այսպէս չենք կարողանայ պատերազմել եւ միաժամանակ կառուցել. թող ոմանք զինուած կանգնեն պատրաստ, իսկ ոմանք՝ կառուցեն:
10. Իսկ մեզ նեղողներն ասում էին. Չենք թողնի, որ նրանք իմանան, ոչ էլ՝ տեսնեն, թէ ինչպէս ամեն տեղից ելնելով կը մտնենք նրանց մէջ, կը կոտորենք նրանց ու կը խափանենք նրանց գործը:
11. Երբ տարբեր տեղերում բնակուող հրեաներն եկան եւ մեզ ասացին, թէ ամեն տեղից յարձակուելու են մեզ վրայ,
12. ես ցածր տեղերում, պարսպի ետեւում, յարկերի ներքոյ կանգնեցրի մարդկանց՝ իրենց զենքով, գեղարդով ու աղեղով հանդերձ:
13. Ես վեր կենալով՝ ասացի կազմ ու պատրաստ կանգնած մարդկանց, նրանց զօրապետներին եւ նրանց, որ տարբեր տեղերի պահապաններն էին. Նրանցից մի՛ վախեցէք, յիշեցէ՛ք մեր մեծագոր եւ ահարկու Աստծուն եւ պատերազմեցէ՛ք ձեր եղբայրների, կանանց ու որդիների, դուստրերի եւ ձեր տների համար:
14. Երբ մեր թշնամիները լսեցին, թէ մենք իմացել եւ զինուել ու պատրաստուել ենք, Աստուած ցրեց նրանց մտադրութիւնը, եւ մենք բոլորս վերադարձանք պարսպի նորոգման աշխատանքին, եւ ամեն մարդ անցաւ իր գործին:
15. Եւ այդ օրից սկսած մարդկանց կեսը աշխատանք էր կատարում, իսկ միւս կեսը զինուած էր թշնամու դէմ. ամեն մարդ գեղարդը, վահանն ու աղեղն իր ձեռքին՝ պատրաստ կանգնած էր իր եղբոր թիկունքին, որը շինում էր պարիսպը:
16. Լինում էր ժամանակ, երբ, զենքը մի ձեռքին, օգնում էր իր եղբօրը, իսկ միւս ձեռքով եղբօրը տալիս էր խիճը կամ շաղախը:
17. Ամեն շինարար իր մէջքին ուներ սուներ եւ իր ազդրի վրայ՝ միասայրի սուր. եւ այդպէս շինում էին Երուսաղէմի պարիսպը: Եղջերափող փչողը կանգնած էր նրանց մօտ:
18. Ես ասացի զինուած ու պատրաստ կանգնած մարդկանց եւ նրանց իշխաններին. Այս գործը մեծ եւ ընդարձակ է, իսկ մենք ցրուած ենք պարսպի երկարութեամբ,
19. հեռու ենք իրարից՝ ամեն մէկն իր եղբօրից: Արդ, տարբեր տեղերում փողհարներ նշանակենք, եւ երբ մէկը որեւէ տեղից լսի եղջերափողի ձայնը, թող բոլորն այնտեղ հաւաքուեն, եւ մեր Աստուածը մեր թշնամիների դէմ կը պատերազմի մեզ համար:
20. Եւ այդպէս մարդկանց կեսն աշխատում էր, իսկ միւս կեսը զենքերը պատրաստ բռնած՝ հսկում էր առաւօտը բացուելուց մինչեւ աստղերի երեւալը:

21. Ես ասացի ժողովրդին. Եկե՛ք բնակուենք այս Երուսաղեմ քաղաքի մեջ եւ գիշերը պահակներ դնենք մեր շուրջը, իսկ ցերեկը աշխատենք:

22. Ես կանգնեցի, եւ ինձ պահպանող մարդիկ կանգնեցին իմ շուրջը: Մեզանից որեւէ մէկը չէր հանում իր զգեստները եւ ոչ էլ ձեռքից ցած դնում իր զէնքը:

1. Այն ժամանակ մեծ աղաղակ սկսուեց ժողովրդի մեջ, կանանց ու տղամարդկանց միջեւ՝ ամեն մարդ իր եղբոր դեմ:
2. Նրանք ասում էին. Մեր որդիների եւ մեր դուստրերի կերակուրը վերջացաւ, գնանք, մի բան գնենք, որ ապրենք:
3. Իսկ ոմանք ասում էին. Մեր դաշտերն ու մեր այգիները գրաւի դնենք, ցորեն առնենք եւ ուտենք:
4. Կային ոմանք, որ ասում էին. Մեր ունեցուածքը ծախեցինք, ոսկի ու արծաթ առանք եւ տուեցինք թագաւորի հարկը:
5. Հիմա մեր մարմիններն այնպիսին են, ինչպիսին մեր եղբայրների մարմիններն են, եւ մեր որդիները՝ ինչպէս նրանց որդիներն են: Արդ, ինչո՞ւ մեր որդիներին տուեցինք ստրկութեան, մեր դուստրերը տարուած են բռնութեան, եւ մեր ձեռքին չկայ ճար, որով փրկենք նրանց:
6. Երբ ես լսեցի աղաղակն ու նրանց խօսքերը, խիստ նեղսրտեցի:
7. Ինքս ինձ խորհեցի, նախատեցի նրանց անուանի մարդկանց ու իշխաններին եւ ասացի նրանց. Դո՞ւք էք ձեր եղբայրներից հարկ պահանջում: Նրանց հրամայեցի մեծ ժողովի հաւաքուել:
8. ու ասացի նրանց. Մենք կը փրկենք մեր եղբայր հրեաներին, որոնք վաճառուեցին հեթանոսներին, բայց դա մենք չիմացանք. հիմա՞ էլ էք դուք վաճառում նրանց: Նրանք լռեցին ու պատասխան տալ չկարողացան: Ես ասացի.
9. Լաւ չէ այդ գործը, որ դուք անում էք, որովհետեւ Աստծուց չէք վախենում. այդ է պատճառը, որ մենք չազատուեցինք հեթանոսների ու մեր թշնամիների նախատինքից:
10. Ես ասում եմ իմ եղբայրներին ու ծանօթներին. Թե՛ ես եւ թե՛ դուք փրկանքի համար կը տանք արծաթ ու բերք, որ ուզում են հարկահանները,
11. եւ կը վերադարձնենք դրանց դաշտերը, այգիները, ձիթենիներն ու տները. թող մեր արծաթով գնեն ու դրանց համար բերեն ցորեն, գինի եւ ձէթ:
12. Եւ իշխաններն ու այլ մեծամեծներն ասացին. Կը վերադարձնենք եւ դրանցից ոչինչ չենք պահանջի, կ'անենք այդպէս, ինչպէս հրամայում ես: Ես կանչեցի քահանաներին ու նրանց երդուեցրի, որ անեն այս բանը.
13. ես իմ վերարկուն ուժգին թափ տուեցի ու ասացի. Թո՛ղ Աստուած այսպէս թափ տայ ամեն մարդու, որ չի պահի այս խօսքը. թո՛ղ այսպէս նա իր տնից ու իր կալուածքներից դատարկուած եւ իր կեանքից թօթափուած լինի: Եւ հաւաքուած ամբողջ ժողովուրդն ասաց՝ Ամէն: Նրանք օրհնեցին Տիրոջը, եւ ամբողջ ժողովուրդը կատարեց այս ասուած խօսքերը:
14. Այն օրից սկսած, երբ ես պատուիրեցի, որ Յուդայի իշխանները չիշխեն նրանց, - դա Արտաշէս արքայի քսաներորդ տարուց մինչեւ երեսուներկուերորդ տարին էր, - տասներկու տարի ես եւ իմ եղբայրները եղանք իշխաններ. մենք որեւէ մէկի ունեցուածքը բռնի չկերանք եւ չխմեցինք:
15. Իսկ նախկինում բռնութիւն գործադրած իշխանների հարկը ծանրացրի եւ նրանցից առայ հաց, գինի եւ այլ բաներ, ինչպէս նաեւ՝ քառասուն դիդրաքմա արծաթ, որը վերադարձրի իրենց տերերին, նրանց հեռացրի ժողովրդի իշխանութիւնից ու Աստծու երկիւղի պատճառով ես չեղայ նրանց նման:
16. Իսկ պարսպի գործը յաջող էր ընթանում, եւ ես որեւէ մէկի վրայ չբռնացայ՝ դաշտեր կամ այգիներ առնելով. բոլորն էլ անխափան աշխատում էին պարսպի շինութեան վրայ:
17. Հրեաներից հարիւր մարդու եւ մեր շրջակայքում գտնուող այլազգիներից նրանց համար, ովքեր մեզ մօտ էին գալիս, ես ծախսեր էի անում ու նրանց մասնակից դարձնում իմ ճաշին:
18. Օրական մի արջառ, վեց ընտիր ոչխար ու մի ուլ. այս էր իմ մէկ օրուայ ծախսը. տասն օրը մէկ անգամ բոլորին անխնայ գինի էի տալիս ըմպելու. ես ոչ ոքից բռնի հաց չառայ, քանզի գիտէի, որ ժողովրդի գործը ծանր է:

19. Թող Աստուած ինձ բարի յիշի այն ամենի համար, ինչ ես արեցի իմ ամբողջ ժողովրդին:



1. Երբ Սանաբալատն ու Տուբիան եւ արաբացիների երկիրն ու մեր թշնամիներից ուրիշ շատերը լսեցին, թէ շինեցի պարիսպը, եւ նրա մէջ քանդուած տեղ չմնաց, թէեւ այն ժամանակ դռները դեռեւս պատրաստուած չէին,
2. Սանաբալատն ու Գեսամը մարդ ուղարկեցին ինձ մօտ եւ ասացին. Ե՛կ եւ միասին հաւաքուենք Օնոյի դաշտավայրի մի գիւղում:
3. Նրանք ուզում էին չարիք նիւթել իմ դէմ: Ես նրանց մօտ պատգամաւորներ ուղարկեցի ու ասացի. Այս գործը, որ ես անում եմ, մեծ գործ է, եւ չեմ հասցնում իջնելու ձեզ մօտ, որպէսզի գործս չընդհատուի. ձեզ մօտ կ'իջնեմ, երբ աւարտեմ:
4. Նրանք բազում անգամ մարդ ուղարկեցին ինձ մօտ, իսկ ես նրանց տուեցի նոյն պատասխանը:
5. Սանաբալատն ինձ մօտ ուղարկեց իր ծառաներից մի պատանու, որն իր ձեռքին բռնել էր մի բաց նամակ,
6. որի մէջ գրուած էր այսպէս. Բոլոր ժողովուրդների մէջ լուր է տարածուել, որ դու եւ բոլոր հրեաները ուզում էք ապստամբել թագաւորի դէմ. եւ դու դրա համար ես շինում այդ պարիսպն ու ամրացնում նրա աշտարակները, որովհետեւ ուզում ես թագաւոր դառնալ.
7. այդ պատճառով դու քեզ համար մարգարէներ կարգեցիր, որովհետեւ ուզում ես Երուսաղէմում թագադրուել եւ թագաւորել Հրեաստանի վրայ: Արդ, գուցէ այս խօսքերը պատմեն թագաւորին. արի՛ եւ երկուսս էլ մտածենք սրա մասին:
8. Ես մարդ ուղարկեցի նրա մօտ ու ասացի. Այդ խօսքերը, որ դու ասում ես, ոչ թէ ուրիշ տեղից են, այլ՝ քեզանից, քո սրտից ես ասում այդ:
9. Արդարեւ, բոլորը զարհուրեցնում էին մեզ ու ասում. Նրանց ձեռքերը կը թուլանան, եւ իրենց գործը չեն կատարի: Արդ, ես զօրացրի իմ ձեռքերը, եւ գործը գլխովին պիտի աւարտեմ:
10. Ես մտայ Մետաբելի որդի Գալայիայի որդու՝ Սեմէի տունը: Նա փակուել էր իր տանը եւ ինձ ասաց. Հաւաքուենք Տիրոջ Տունը, ամրանանք նրա մէջ, փակենք նրա դռները, գուցէ թշնամիները գիշերը գալով սպանեն մեզ:
11. Ես ասացի. Ո՞վ է այն մարդը, որից ես փախչեմ, եւ կամ կա՞յ ինձ նման մի մարդ, որ Տիրոջ Տուն մտնի եւ կարողանայ ապրել:
12. Ես հասկացայ, որ նա Աստծու ուղարկածը չէ, եւ մարգարէի խօսքը իմ մասին չէր:
13. Տուբիան եւ Սանաբալատը վարձկաններ ու բազում այլ մարդիկ հանեցին իմ դէմ, որպէսզի վախենամ եւ մտնեմ Տիրոջ Տուն, մեղք գործեմ, եւ իմ անունն արատաւորեն:
14. Թող Աստուած ըստ իրենց նենգութեան յիշի Տուբիային ու Սանաբալատին, որոնք չար բան մտածեցին իմ մասին եւ ստիպում էին սուտ մարգարեանալ, որպէսզի զարհուրեցնեն ու վախեցնեն ինձ:
15. Պարիսպն աւարտուեց Իլով ամսի քսանհինգին՝ յիսուներկու օրուայ ընթացքում:
16. Երբ մեր բոլոր թշնամիները եւ մեր շուրջը եղած բոլոր ժողովուրդները լսեցին այդ, զարհուրեցին, եւ նրանց վրայ ահ ու մեծ երկիւղ ընկաւ. նրանք իմացան, որ մեր գործի կատարումն Աստծուց էր:
17. Այն օրերին հրեաների կողմից մեծ պատուով նամակ է ուղարկում Տուբիային. Տուբիան գալիս է նրանց մօտ,
18. քանզի նրանք իրար հետ ընտանեկան մեծ կապեր ունէին: Տուբիան Երայի որդի Սեքենիայի փեսան էր, իսկ նրա որդի Յովնաթանը կին առաւ Բարաքիայի որդի Մեսուլոմի դստերը:
19. Նրա խօսքերն ինձ էին բերում, իսկ իմ խօսքերը յայտնում էին նրան: Տուբիան ինձ վախեցնելու համար բազմաթիւ նամակներ էր տուել:

1. Երբ պարսպի շինութիւնն աւարտուեց, եւ ես դրեցի նրա դռները, նշանակուեցին դռնապաններ, սաղմոսասացներ եւ ղեւտացիներ:
2. Ես պատուիրեցի իմ եղբայրներին ու Երուսաղեմի իշխան Անանիային (նա հաւատարիմ մարդ էր եւ աւելի երկիւղած Աստծուց, քան շատերը)
3. Եւ ասացի նրանց. Դռները շուտ չբացէք մինչեւ արեւի ծագելը, եւ քանի դեռ բոլորն արթուն կը լինեն, թող դռները ծածկուած մնան, փակ գցելով ամրացուեն դրանք, դռների վրայ պահապաններ կանգնեն, հսկեն Երուսաղեմի բնակիչներին՝ ամեն մարդ իր ժամին եւ ամեն մարդ իր տանը,
4. որովհետեւ այս քաղաքը մեծ է եւ ընդարձակ, իսկ ժողովուրդը՝ քիչ, եւ բոլոր ապարանքները դեռեւս շինուած չեն:
5. Աստուած շնորհ գցեց իմ սիրտը, ես հաւաքեցի անուանի մարդկանց, իշխաններին ու ժողովրդին, գտայ ազգահամարի գիրքն այն մարդկանց, ովքեր աւելի առաջ էին վերադարձել գերութիւնից: Նրա մէջ գրուած էր այսպէս.
6. Սրանք են անուններն այն իսրայելացիների, որոնք ելան գերութիւնից, որոնց պանդխտեցրել էր Բաբելոնի թագաւոր Նաբուքոդոնոսորը, եւ որոնք վերադարձան Երուսաղեմ եւ Հրեաստան՝ ամեն մարդ իր քաղաքը:
7. Նրանք եկան Չորոբաբելի, Յեսուի, Ազարիայի որդի Նեեմիի, Դայելմիայի, Նայեմանի, Մարտեքուի, Բելմանի, Մատատփարաթի, Եզրի, Բադուիէի, Նաւումի, Բարանայի եւ Մոփրայի հետ: Սրանք են Իսրայելի ժողովրդի այրերը.
8. Փարոսի որդիները՝ երկու հազար հարիւր եօթանասուներկու մարդ.
9. Սափատիայի որդիները՝ երեք հարիւր եօթանասուներկու.
10. Արեսի որդիները՝ վեց հարիւր յիսունվեց.
11. Փաաթմովաբի որդիները՝ Յեսուի եւ Յովաբի որդիներից՝ երկու հազար երկու հարիւր տասնութ.
12. Ելամի որդիները՝ հազար երկու հարիւր յիսունչորս.
13. Չաթուի ողիները՝ ութ հարիւր քառասունհինգ.
14. Չաքուի որդիները՝ եօթը հարիւր վաթսուն,
15. Բանուի որդիները՝ վեց հարիւր քառասունութ.
16. Բիբէի որդիները՝ վեց հարիւր քառասունութ.
17. Ազիայի որդիները՝ երկու հազար երեք հարիւր քսաներկու.
18. Ադոնիկամի որդիները՝ վեց հարիւր յիսունեօթը.
19. Բալուէի որդիները՝ երկու հազար վաթսունեօթը.
20. Ադինի որդիները՝ վեց հարիւր յիսունչորս.
21. Ատտերեզիայի որդիները՝ ինսունութ.
22. Բեասի որդիները՝ երեք հարիւր քսանչորս.
23. Արիբի որդիները՝ հարիւր տասներկու.
24. Բեթլահեմի որդիները՝ հարիւր քսաներեք.
25. Նետոփի որդիները՝ յիսունվեց.
26. Անաթոթի որդիները՝ հարիւր քսանութ.
27. Բեթազմայի որդիները՝ քառասուներկու.
28. Կարիաթարիմ Զաբիրի եւ Բերոթի որդիները՝ ութ հարիւր քառասուներեք.
29. Արամի եւ Գաբի որդիները՝ վեց հարիւր քսանմէկ.
30. Մաքեմարի որդիները՝ հարիւր քսաներկու.
31. Բեթելի եւ Արիի որդիները՝ հարիւր քսաներեք.
32. Նաբիի ողիները՝ հարիւր յիսուներկու. Մակեբոսի որդիները՝ հարիւր յիսունվեց.
33. Ելամի որդիները՝ հազար յիսունչորս.
34. Երամի որդիները՝ երեք հարիւր քսան.
35. Երեքովի որդիները՝ երեք հարիւր քառասունհինգ.
36. Լոդադիդի եւ Անոնի որդիները՝ եօթը հարիւր քսաներեք.

37. Անանի որդիները՝ երեք հազար հարիւր երեսուն:
38. Յեսուի տան քահանաներից. Յովդիայի որդիները՝ ինը հարիւր եօթանասուններեք.
39. Եմերի որդիները՝ հազար յիսուներկու.
40. Փասեուրի որդիները՝ հազար երկու հարիւր քառասունեօթը.
41. Երամի որդիները՝ հազար տասնեօթը:
42. Ղեւտացիներից. Յեսուի որդիներից՝ Կադմիելը,
43. Ուդայիդի որդիներից՝ եօթանասունչորս:
44. Սաղմոսասաց երգիչներից. Ասափի որդիները՝ հարիւր քառասունուօթ:
45. Դռնապաններից. Ելումի որդիները, Ատտերի որդիները, Տեմիոնի որդիները, Ակուբի որդիները, Ատիտի որդիները, Սաբէի որդիները՝ հարիւր երեսունուօթ:
46. Նաթանիմացիներից. Սիլի որդիները, Ասիփի որդիները, Տաբթի որդիները,
47. Սարիասի որդիները, Սիայի որդիները, Փասոնի որդիները, Լաբանի որդիները, Ագաբի որդիները, Ակուդի որդիները, Ուտայի որդիները, Կետարի որդիները, Ագաբի որդիները, Սելեմի որդիները,
48. Անանի որդիները, Գադէլի որդիները, Գայարի որդիները,
49. Ռէի որդիները, Ռասոնի որդիները, Նեկողի որդիները.
50. Գեւլամի որդիները, Օզի որդիները, Փեսէի որդիները.
51. Բեսէի որդիները, Մէինոսի որդիները, Նեփովայիսի որդիները, Բաբուկի որդիները, Աքիբի որդիները, Արուրի որդիները,
52. Բասալոթի որդիները, Մէիդի որդիները, Ադասանի որդիները.
53. Բարկուէի որդիները, Սիսարայի որդիները, Թեմայի որդիները.
54. Նեսէի որդիները, Սարիփայի որդիները:
55. Սողոմոնի ծառաների որդիներից՝
56. Սուտի որդիները, Սափարաթի որդիները, Փարեդի որդիները,
57. Յեալէի որդիները, Դորկոնի որդիները, Գադէլի որդիները.
58. Սափատիայի որդիները, Ետեմի որդիները, Փաքարաթի որդիները, Սաբայիմի որդիները, Հեմիմի որդիները:
59. Բոլոր նաթանայիմներն ու Սողոմոնի ծառաների որդիները՝ երեք հարիւր իննսուներկու մարդ:
60. Իսկ Թելան, Օրսան, Քերուբը, Երոնը, Եմերը, որոնք դուրս էին եկել Թեմելիքից, չկարողացան ցոյց տալ իրենց հայրերի տոհմը եւ ոչ էլ իրենց ցեղը, թէ իրենք Իսրայէլից են:
61. Դալայի որդիները, Բուայի որդիները, Տուբիայի որդիները, Նեկողի որդիները՝ վեց հարիւր քառասուներկու մարդ:
62. Քահանաներից. Եբէրի որդիները, Ակոմի որդիները, Ելիսէի որդիները: Նա կին էր առել Բերգելիա Գաղաադացու աղջիկներից եւ կոչուեց ըստ նրա անունան:
63. Սրանք փնտռեցին իրենց ազգահամարը մատեաններում, բայց չգտնուեց, եւ հեռացուեցին քահանայութիւնից:
64. Աթարսաթան ասաց նրանց. Թող չուտեն սրբութիւն սրբոցից, մինչեւ որ չյայտնուի մի քահանայապետ՝ պարզաբանելու այս գործը:
65. Հաւաքուած ամբողջ ժողովրդի թիւը քառասուն երկու հազար երեք հարիւր վաթսուն մարդ էր,
66. բացի իրենց ծառաներից ու աղախիկներից, որոնք եօթը հազար երեք հարիւր երեսունեօթը մարդ էին, իսկ երգիչներն ու սաղմոսասացները՝ տղամարդիկ ու կանայք, երկու հարիւր քառասունհինգ մարդ:
67. Ձիերը՝ եօթը հարիւր երեսունվեց, ջորիները՝ երկու հարիւր քառասունհինգ,
68. ուղտերը՝ չորս հարիւր երեսունհինգ, էշերը՝ վեց հազար քսանեօթը:
69. Իշխանները, ըստ իրենց նախնիների անունան, գործի համար նուէրներ տուեցին. Աթարսաթան գանձատանը տուեց յիսուն ոսկի սկաւառակ եւ քահանայական երեսուն պատմունճան:
70. Տոհմերի իշխանները գործի համար տուեցին քսան հազար ոսկի եւ տասներկու

հազար երկու հարիւր մնաս արծաթ:

71. Մնացած ժողովուրդը տուեց քսան հազար դահեկան, երկու հազար մնասի արծաթէ սպասք եւ քահանայական վաթսուներօթը պատմուճան:

72. Եւ այսպէս քահանաներն ու դռնապանները, սաղմոսասաց երգիչները, ժողովուրդը, նաթանիմացիները եւ ամբողջ Իսրայէլը հաստատուեցին իրենց քաղաքներում: Արդէն եօթներորդ ամիսն էր, որ իսրայելացիներն իրենց քաղաքներում էին:

1. Ամբողջ ժողովուրդը մի մարդու նման հաւաքուեց հրապարակում՝ Ջրերի դռան դիմաց: Տիրոջ օրէնքների մեկնիչ Եզրասին ասացին, որ բերի Մովսէսի օրէնքների գիրքը, որ նրան հրահանգել էր Իսրայէլի Տէր Աստուածը:
2. Եզրաս քահանան օրէնքների գիրքը բերեց ժողովի առջեւ. դա եօթներորդ ամսի ամսամտի օրն էր, երբ հաւաքուել էին տղամարդիկ ու կանայք եւ բոլոր նրանք, ովքեր ուզում էին լսել:
3. Նա տղամարդկանց ու կանանց առջեւ սկսեց կարդալ օրէնքը՝ առաւօտից, երբ ծագում էր արեգակը, մինչեւ կեսօր. բոլորը հասկանում էին, եւ ամբողջ ժողովուրդն ականջ էր դնում լսելու գրուած բոլոր օրէնքները:
4. Եզրաս քահանան՝ մեկիչը, կանգնած էր փայտաշէն բեմի վրայ. նրա մօտ, նրա աջ կողմից կանգնած էին Մատաթիասը, Սամէասը, Անանիասը, Ուրիասը, Քելկիան եւ Մասիան, իսկ նրա ձախից՝ Փագիասը, Միսայէլը, Մելքիասը, Ասամը, Սարդանան, Չաքարիան եւ Մոսոլամը:
5. Երբ Եզրաս քահանան ամբողջ ժողովրդի առջեւ բացեց գիրքը (նա ամբողջ ժողովրդի վերակացուն էր), գիրքը բանալու ժամանակ ժողովուրդը ոտքի կանգնեց նրա առջեւ:
6. Եզրասն օրինեց մեծագոր Տէր Աստծուն, իսկ ամբողջ ժողովուրդն ասաց՝ Ամէն: Նրանք բարձրացրին իրենց ձեռքերը, իսկ երեսները մինչեւ գետին խոնարհելով՝ երկրպագեցին Տէր Աստծուն:
7. Յեսուսը, Բանեասն ու Սարարիասը օրէնքները բացատրում էին ժողովրդին, եւ ժողովուրդը կանգնած էր ըստ մարդկանց կարգի:
8. Նէեմիին, որ նոյն Աթերսասթան է, Եզրաս քահանան՝ մեկիչը, եւ ղեւտացիները, որ բացատրում էին բազմութեանը,
9. ասացին ամբողջ ժողովրդին. Այս օրը մեր Տէր Աստծու սուրբ օրն է, մի՛ սգացէք եւ մի՛ լացէք: Արդարեւ, երբ ժողովուրդը լսում էր օրէնքների խօսքերը, լաց էր լինում: Նրանց ասացին. Գնացէ՛ք իւղալի ճաշեր կերէ՛ք, քաղցր խմիչքներ խմեցէ՛ք, եւ մի բաժին էլ ուղարկեցէ՛ք նրանց, ովքեր չունեն, որովհետեւ սա մեր Տէր Աստծու սուրբ օրն է: Արդ, զօրացէ՛ք եւ տխուր մի՛ դարձրէք այս օրը:
10. Իսկ ղեւտացիները լռեցնում էին ժողովրդին ու ասում. Լո՛ւռ եղէք եւ մի՛ տրտմէ՛ք, որովհետեւ սա սուրբ օր է:
11. Ժողովուրդը գնաց ուտելու եւ ըմպելու, եւ մի բաժին էլ ուղարկեցին նրանց, ովքեր չունէին: Նրանք մեծապէս ուրախ էին, որովհետեւ հասկացան օրէնքների խօսքերը՝ որ Եզրասը կարդաց նրանց համար:
12. Երկրորդ օրը օրէնքների մեկնիչ Եզրասի մօտ հաւաքուեցին ամբողջ ժողովրդի իշխանները, տոհմապետները, քահանաներն ու ղեւտացիները, որպէսզի նրանից իմանան եւ սովորեն օրէնքների բոլոր խօսքերը:
13. Եւ օրէնքների մէջ գտան, որ գրուած էր, թէ Տէր Աստուած հրամայել էր Մովսէսին, որ իսրայէլացիներին արժան է եօթներորդ ամսի տօնին բնակուել տաղաւարների մէջ
14. եւ այդ մասին փողեր փչելով ազդարարել իրենց բոլոր քաղաքներում ու Երուսաղէմում: Այդ ժամանակ Եզրասն ասաց. Ելէ՛ք լեռը եւ բերէ՛ք ձիթենիների, սօսի ծառերի, մրտենիների, խնկենիների, արմաւենիների եւ այլ ծառերի տերեւախիտ ճիւղեր եւ, ըստ գրուածի, ձեզ համար տաղաւարներ շինեցէ՛ք:
15. Ժողովրդի մարդիկ ելան, ճիւղեր բերին եւ իրենց համար տաղաւարներ շինեցին, մէկը՝ իր տան տանիքին, մէկը՝ իր տան բակում, ոմանք էլ՝ Աստծու Տան գաւթում ու քաղաքի հրապարակներում, մինչեւ Եփրեմի դարպասները:
16. Գերութիւնից վերադարձած ամբողջ ժողովուրդը տաղաւարներ շինեց ու նստեց տաղաւարների մէջ, որովհետեւ Նաւէի որդի Յեսուի օրերից մինչեւ այն օրը իսրայէլացիները երբեւէ այդպիսի մեծ ուրախութիւն չէին արել:
17. Եւ Եզրասն օր-օրի, առաջին օրից մինչեւ եօթներորդ օրը, կարդում էր օրէնքների գիրքը: Նրանք եօթն օր տօն կատարեցին եւ ութներորդ օրը, ըստ օրէնքի, աւարտեցին

այլն:

1. Նոյն ամսի քսանչորսին խորայելացիները հաւաքուեցին ու սկսեցին ծով պահել, քուրձ հագան ու մոխիր լցրին իրենց գլուխներին:
2. Խորայելացիները զատուեցին բոլոր այլազգիներից ու քաւեցին իրենց եւ իրենց հայրերի մեղքերը:
3. Նրանք կանգնած էին իրենց տեղերում՝ ըստ սահմանուած կարգի: Եզրասը կարդում էր Տէր Աստծու Օրէնքի գիրքը, եւ ամբողջ ժողովուրդը երկրպագում էր իր Տէր Աստծուն:
4. Նրանք կանգնած էին բարձրադիր մի տեղում: Եզրասը, ղեւտացիները, Յոսեդեկի որդի Յեսուն, Կադմիելի որդիները, Սարեբիայի որդի Սաքանիան եւ Անանիայի որդիները բարձրաձայն գոչեցին իրենց Տէր Աստծուն:
5. Ղեւտացի Յեսուն եւ Կադմիելն ասացին. Եղբայրներ՝, օրհնեցէ՛ք մեր Տէր Աստծուն յաւիտեանս յաւիտենից. թո՛ղ օրհնեալ լինի Տիրոջ փառքը, թո՛ղ բարձրանայ նրա օրհնութիւնն ու գոհութիւնը: Եզրասն սկսեց օրհնաբանել Տէր Աստծուն եւ ասաց.
6. Դու ես միակ Նոյն Տէր Աստուածը, դու ես, որ ստեղծեցիր երկինքը, երկինքների երկինքները եւ նրա բոլոր գորութիւնները, երկիրը եւ այն ամէնը, ինչ նրա վրայ է, ծովը եւ այն ամէնը, ինչ նրա մէջ է: Դու ես, որ կենդանութիւն տուեցիր բոլորին, եւ քեզ եւս երկրպագում երկնքի գորքերը, քեզ եւս փառաբանում երկինքների երկինքները,
7. որովհետեւ դու ես մեր միակ Տէր Աստուածը: Դու ընտրեցիր Աբրամին, նրան հանեցիր քաղդէացիների երկրից ու նրա անունը դրիր Աբրահամ:
8. Նրա սիրտը գտար հաւատարիմ քո առջեւ եւ նրա հետ ուխտ դրեցիր՝ յաւիտենապէս տալու նրան եւ նրա զաւակին քանանացիների, ամորիացիների, փերեզացիների, յեբուսացիների եւ գերգեսացիների երկիրը: Դու հաստատեցիր քո խօսքը, որովհետեւ արդար ես:
9. Դու տեսար մեր հայրերի նեղութիւնները Եգիպտոսում, լսեցիր նրանց աղաղակը Կարմիր ծովի վրայ,
10. նրանց համար հրաշքներ գործեցիր Եգիպտոսում՝ Փարաոնի, նրա բոլոր ծառաների ու նրա երկրի ամբողջ ժողովրդի վրայ, քանզի իմացար, որ նա յոխորտաց քո ժողովրդի վրայ, եւ դու քեզ համար մեծ անուն ստեղծեցիր մինչեւ այսօր:
11. Դու Կարմիր ծովը ճեղքեցիր նրանց առջեւ, եւ նրանք անցան ծովի միջով, ինչպէս ցամաքով. նրանց հալածիչներին քարերի նման ընկղմեցիր խոր ջրերի մէջ:
12. ցերեկը նրանց առաջնորդեցիր ամպի սիւնով, իսկ գիշերը՝ կրակի սիւնով, որպէսզի լուսաւորես նրանց ճանապարհը, որով գնում էին:
13. Դու իջար Սինայի լեռան վրայ ու երկնքից խօսեցիր նրանց հետ, նրանց տուեցիր արդար դատաստաններ ու ճշմարիտ օրէնքներ, հրամաններ եւ բարի պատուիրաններ,
14. քո սուրբ շաբաթները ծանուցեցիր նրանց եւ քո ծառայ Մովսէսի միջոցով նրանց տուեցիր պատուիրաններ, հրամաններ եւ օրէնքներ:
15. Դու երկնքի հացը տուեցիր նրանց՝ կերակրուելու համար, ժայռից ջուր բխեցրիր ու խմեցրիր նրանց, ճանապարհ բացեցիր նրանց համար՝ մտնելու եւ ժառանգելու այն երկիրը, դէպի ուր բարձրացրիր քո ձեռքը, որպէսզի այն տաս նրանց:
16. Բայց իրենք իսկ՝ մեր հայրերը, գոռոզացան ու անօրինացան, խստացրին իրենց պարանոցները, չլսեցին քո պատուիրանները,
17. իրենց աչքերը շեղեցին քո օրէնքներից, չիշեցին քո հրաշքները, որ դու արեցիր նրանց համար, այլ խստացրին իրենց պարանոցները, իրենց թիկունքները դարձրին դէպի քեզ եւ ուզեցին նորից ստրկութեան վերադառնալ Եգիպտոս: Բայց դու, Տէ՛ր Աստուած մեր, որ գթած ես եւ ողորմած, համբերատար եւ բազումողորմ, իսպառ չլքեցիր նրանց:
18. Նրանք դարձեալ իրենց համար ծովածոյ հորթ պատրաստեցին ու ասացին. Սրա՛նք եւս այն աստուածները, որ մեզ հանեցին Եգիպտացիների երկրից: Նրանք մեծամեծ վիրաւորանքներ հասցրին քեզ,
19. բայց դու, ըստ քո բազում գթութեան ու ողորմութեան, նրանց չթողեցիր

անապատում ու չցրեցիր, նրանցից չհեռացրիր ամպի սիւնը, որ նրանց առաջնորդում էր ցերեկը, նաեւ՝ կրակի սիւնը, որ գիշերը լուսաւորում էր նրանց ճանապարհը, որով գնում էին:

20. Դու քո բարերար Սուրբ Հոգին տուեցիր նրանց՝ իմանալու օրէնքները, մանանան չհեռացրիր նրանց բերանից, ժայռից ջուր տուեցիր նրանց՝ ծարաւը յագեցնելու,

21. քառասուն տարի նրանց թափառել տուեցիր անապատում, նրանց հագուստները չմաշուեցին, նրանց կօշիկները չհնացան:

22. Դու նրանց առջեւ հարուածեցիր թագաւորներ ու ժողովուրդներ, եւ նրանք բաժանեցին ու ժառանգութիւն առան նրանց երկիրը՝ Եսեբոն թագաւորի Սեփոն երկիրը եւ Բասանի թագաւոր Օգի երկիրը:

23. Դու նրանց որդիներին բազմացրիր ինչպէս երկնքի աստղերը եւ բերեցիր նրանց այն երկիրը, որ խոստացել էիր նրանց հայրերին. նրանք ժառանգեցին այն:

24. Դու նրանց առջեւ կոտորեցիր քանանացիների երկրի բնակիչներին ու նրանց երկիրը տուեցիր սրանց ձեռքը, կոտորեցիր նրանց թագաւորներին ու երկրի ժողովուրդին, ինչպէս որ նրանք էին ցանկացել:

25. Նրանք առան բարձրաբերձ քաղաքներ ու պարիսպներ, ժառանգեցին ամէն տեսակ բարիքներով լի տներ, փորուած եւ պատրաստուած ջրհորներ, այգիներ, ձիթենիներ եւ ամէն տեսակ պտղատու ծառեր՝ որպէս լիառատ կերակուր նրանց համար: Նրանք կերան եւ յագեցան, գիրացան ու մեղկացան մեծամեծ բարիքների մէջ, որ դու տուեցիր նրանց:

26. Նրանք հեռացան ու հրաժարուեցին քեզանից, ետ դարձան քո օրէնքներից ու կոտորեցին քո մարգարէներին, որոնք քարոզում էին նրանց, որ դառնան դէպի քեզ, բայց նրանք մեծ չարիքներ գործեցին քո առջեւ:

27. Դրա համար էլ դու նրանց մատնեցիր իրենց թշնամիների ձեռքը, որոնք նեղեցին նրանց. նրանք իրենց նեղութեան ժամանակ աղաղակեցին դէպի քեզ, եւ դու երկնքից լսեցիր նրանց, բազում գթութեամբ եւ ողորմութեամբ փրկեցիր նրանց ու նրանց հանեցիր իրենց նեղողների ձեռքերից:

28. Բայց երբ նրանք հանգստացան, նորից սկսեցին քո առջեւ չարիքներ գործել: Դու նրանց թողեցիր իրենց թշնամիների ձեռքը, որոնք չարչարեցին նրանց: Նրանք կրկին աղաղակեցին դէպի քեզ, եւ դու երկնքից լսեցիր նրանց, քո բազում ողորմութեամբ փրկեցիր նրանց:

29. Եւ դարձեալ նրանց պատուիրեցիր դառնալ քո օրէնքներին: Իսկ նրանք, յիմարացած, անմտութեամբ չհնազանդուեցին քո օրէնքներին եւ մեղանչեցին քո այն հրամանների ու պատուիրանների դէմ, որ դու ասել ու հրամայել էիր, թէ՛ մարդկանցից ով որ կատարի քո պատուիրանների պահանջները, կ'ապրի նրանցով: Բայց նրանք դարձրին իրենց թիկունքները դէպի քեզ, եղան խստապարանոց ու չլսեցին քո խօսքը:

30. Դու նորից համբերատար եղար նրանց նկատմամբ, եւ քո Սուրբ Հոգով ուղարկեցիր մարգարէներին՝ վկայութեան, սակայն նրանք այդպէս էլ չլսեցին: Դու նրանց մատնեցիր օտար երկրների ժողովուրդների ձեռքը, որոնք շատ տառապանքներ պատճառեցին նրանց:

31. Դու, ըստ քո բազում գթութեան ու ողորմութեան, նրանց խապառ չթողեցիր եւ մերժելով չհեռացրիր քեզանից, քանզի դու հզօր ես, գթած եւ ողորմած, համբերատար ու բազումողորմ:

32. Այժմ, Տէ՛ր Աստուած մեր, դու, որ զօրաւոր ես ու մեծ, ամենակալ եւ ահարկու, արդար եւ ճշմարիտ, պահի՛ր քո ուխտն ու ողորմութիւնը եւ նայի՛ր մեր եւ մեր թագաւորների, մեր իշխանների, մեր քահանաների, մարգարէների եւ մեր բոլոր հայրերի տառապանքներին ու նեղութիւններին, նայի՛ր քո ժողովուրդին, որին տառապեցրին, եւ մինչեւ այսօր մեզ վրայ բռնանում են Ասորեստանի թագաւորները:

33. Դու արդար ես ամէն ինչում, որ մեզ վրայ բերեցիր մեր մեղքերի պատճառով, որովհետեւ ճշմարտութեամբ արեցիր այդ բոլորը,

34. քանի որ մեղանչեցինք թէ՛ մենք, թէ՛ մեր իշխանները, թէ՛ մեր քահանաներն ու մեր



հայրերը, եւ քո պատուիրանները չկատարեցինք, չանսացինք քո օրէնքներին ու վկայութիւններին, որ յիշեցնում էիր մեզ:

35. Դու մեզ տուեցիր քո գթութիւնները եւ բազում բարութիւնները, տուեցիր մեզ այս լայն, ընդարձակ ու պարարտ երկիրը, բայց մենք քեզ ծառայել չիմացանք, մեր սիրտը շրջեցինք քո օրէնքներից եւ մեր մեղքերի պատճառով մատնուեցինք գերութեան:

36. Եւ ահա այսօր ստրկութեան մէջ ենք, մենք եւ այս երկիրը, որ տուեցիր մեր հայրերին՝ ազատօրէն ուտելու նրա բերքն ու բարիքները:

37. Արդ, այսօր օտար թագաւորներ են տիրում մեզ վրայ եւ ուտում են այս երկրի բարիքները մեր մեղքերի պատճառով, իսկ մենք, ստրկութեան մէջ ընկած, հարկ ենք տալիս. նրանք մեզ ու մեր անասունների հետ վարում են այնպէս, ինչպէս որ կամենում են: Այսօր մենք նեղութեան ու մեծ վշտերի մէջ ենք մեր մեղքերի պատճառով:

38. Արդ, այս ամենի համար մենք ուխտ ենք դնում եւ հաւատարիմ կը մնանք մեր ուխտին. հաւատում ենք քո օրէնքներին ու կատարում ենք դրանք: Այս խօսքերը գրով հաստատում ու կնքում ենք մենք, մեր բոլոր իշխանները, մեր ղեւտացիները եւ մեր քահանաները:

1. Ահա սրանք են, որ կնքում են քեզ ուղղուած այս հաւատարմութեան գիրը. Աքալիայի որդի Նէմիան եւ Սեդեկիայի որդի Սարերան.
2. Ազարիան, Երեմիան,
3. Փասուրը, Ամարիան, Միքիան,
4. Ատտուսը, Ասաբանիան, Մալուքը,
5. Եմաթը, Մերամոթը, Աբդիան,
6. Դանիէլը, Կանաթոնը, Բարուքը.
7. Մեսուլամը, Աբիան, Միամինը,
8. Մադիան, Բելզեէն, Սեմէին: Սրանք բոլորը քահանաներ են:
9. Ղեւտացիները. Ազանիայի որդի Յեսուսը, Ենադադի որդիներից Բանիան, Գալմիէլը
10. եւ Նրա եղբայրներ Սեբանիան, Օգուիան, Կալիտանը, Փելիմանը,
11. Միքան, Ռոբան, Սեբին,
12. Չաքուրը, Սարաբիան, Սատանիան, Սեբանիան,
13. Օդուիան, Բանուէի որդիները:
14. Ժողովրդի իշխանները. Փորիսը, Փարադմովաբը, Ելամը եւ Չատթուրան:
15. Բանիայի որդիները.
16. Ազուրաթը, Բերային, Ադոնիան,
17. Բագուն, Եդինատերը,
18. Եզեկիան, Ազուրայիդան,
19. Ասամը, Բեսէին,
20. Արիփը, Անաթոթը, Նորան,
21. Մադափէսը, Մեսուլամը, Եզրը,
22. Մենոգաբէլը, Չադուկը, Եդոթը,
23. Փալիտան, Անանը, Անիան,
24. Ասէէն, Անանիասը,
25. Ռայումը, Էսաբանանը, Մայալուան,
26. Այիան, Էնանը, Աւանը.
27. Մալուսը եւ Ռէումը:
28. Նաեւ մնացեալ ժողովուրդը, քահանաներն ու ղեւտացիները, դռնապանները, երգիչները, նաթանացիները եւ մենք բոլորս, որ լսում ենք մեր Տէր Աստծու օրէնքները, այսօր քո առջեւ վկայութիւն ենք տալիս հաւատարմութեան այս գրին՝ տղամարդիկ եւ կանայք, իրենց որդիներն ու դուստրերը:
29. Եւ նա, ով երբեւէ զանց կ'առնի քո օրէնքները, այսօր քո առջեւ երդմամբ հաստատում ենք, որ նա նզովքների եւ անէծքների կ'ենթարկուի, նա, ով չի պահի քո օրէնքները, որ տրուեցին քո ծառայ Մովսէսի միջոցով: Իսկ մենք մեր ամբողջ կամքով կը պահենք եւ կը կատարենք Տէր Աստծու բոլոր պատուիրանները եւ Նրա օրէնքներն ու հրամանները:
30. Մեր դուստրերին կնութեան չենք տայ օտար ժողովուրդների տղաներին, եւ հեթանոսների դուստրերին էլ չենք բերի մեր որդիների համար:
31. Այս երկրի ժողովուրդները շաբաթ օրը մեզ մօտ վաճառելու ապրանք չեն բերի. շաբաթ օրը բան չենք գնի Նրանցից, որովհետեւ դա սուրբ օր է, եւ սուրբ կը պահենք եօթներորդ օրը:
32. Տարեցտարի ողորմութիւն կը տանք երկդրամեանի երրորդ մասը, որպէս Աստծու Տան հարկ.
33. Նաեւ՝ սուրբ սեղանի առաջաւորաց հացը, ժամանակ առ ժամանակ տրուող զոհերն ու ողջակէզները, տարեկան տօներին, շաբաթ օրերին, ամսամուտներին, նաւակատիքներին ու սրբութիւններին եւ մեղքի համար տրուող բոլոր ընծաները, որ Իսրայէլի քաւութեան եւ մեր Տէր Աստծու տաճարի գործերի համար են:
34. Վիճակ կը գցենք նաեւ փայտ ընծայելու համար, որ տրուում է քահանաներին ու

ղեւտացիներին: Ժամանակ առ ժամանակ, ամէն տարի ժողովուրդը մեր Աստծու Տուն՝ մեր հայրերի Տուն կը բերի այդ փայտը՝ վառելու համար մեր մեր Տէր Աստծու զոհերի սեղանի վրայ, ինչպէս որ գրուած է Մովսէսի օրէնքների մէջ:

35. Ամէն տարի մեր Տէր Աստծու Տան համար կը տանք մեր երկրի առաջին բերքն ու մեր ծառերի պտուղները,

36. մեր անդրանիկ որդիների երկդրամեաններն ու մեր անասունների առաջնածինները, ինչպէս որ գրուած է Մովսէսի օրէնքների մէջ. մեր արջառների ու մեր հօտերի առաջնածինները կը բերենք մեր Աստծու Տուն՝ մեր քահանաների ու ղեւտացիների համար, որոնք սպասաւորում են Տիրոջ Տանը:

37. Կը բերենք նաեւ ցորենի առաջին բերքը եւ ծառերի առաջին պտուղները, գինին ու ձեթը Աստծու Տան գանձատուն, քահանաների մօտ, իսկ ղեւտացիները կը շրջեն ու լիովին կ'առնեն մեր երկրի բոլոր տասանորդները:

38. Ահարոնի որդիներից մի քահանայ կը լինի, որը կը վերցնի տասանորդը ղեւտացիներից, իսկ ղեւտացիներն էլ կը վերցնեն այդ տասանորդների տասանորդը եւ կը տան քահանայապետին մեր Աստծու Տան՝ Տիրոջ տաճարի գանձատան համար.

39. որովհետեւ ղեւտացիների որդիներն ու սպասաւորները դրանք պէտք է մուծեն ամբարների մէջ, այն տեղերում, ուր գտնուում է սրբարանի սպասքը: Այդ բոլորը կը լինի քահանաներինը, դռնապաններինը եւ սաղմոսների երգիչներինը. նրանց ուտելիքը երբեք չի պակասի մեր Աստծու Տնից. եւ նրանք չեն խափանի Տիրոջ Տան սպասաւորութիւնը:

1. Ժողովրդի իշխանները նստեցին Երուսաղեմում ու վիճակ գցեցին, որ տասից մեկը, ում էլ ընկնի վիճակը, մնայ սուրբ քաղաք Երուսաղեմում, իսկ մնացեալ իննը գնան միւս քաղաքները:
2. Ժողովուրդն օրհնեց այն մարդկանց, ում վիճակուեց մնալ Երուսաղեմում:
3. Սրանք են երկրի իշխանները, քահանաները, ղեւտացիները, նաթանացիները եւ Սողոմոնի ծառաների որդիները, որոնք բնակուեցին Երուսաղեմում:
4. Ովքեր մնացին Երուսաղեմում, Յուդայի ազգից եւ Բենիամինի ազգից էին: Յուդայի որդիներից սրանք են. Օգիայի որդի Աթեն, Չաքարիայի որդին, Սամարիայի որդին, Սափատիայի որդին, Մանէելի որդին:
5. Փարեսի ու Մալասիայի որդիներից՝ Բարուքի որդին, Ալազի որդին, Օգիայի որդին, Ադիայի որդին, Յովարիբի որդին, Չաքարիայի որդին, Ելոնի որդին:
6. Փարեսի բոլոր որդիները, որոնք մնացին Երուսաղեմում, չորս հարիւր վաթսուևութ զօրաւոր այրեր էին:
7. Սրանք են Բենիամինի որդիները. Մեսելոմի որդի Սելոնը, Յովադի որդին, Փադայի որդին, Կոլիի որդին, Մաասայի որդին, Աթիելի որդին, Յեսուի որդին:
8. Ապա՝ Դեբէին, Սելէին. բոլորը՝ ինը հարիւր քառասուևութ մարդ:
9. Չեքրիի որդի Յովէսը առաջնորդ եւ վերակացու էր նրանց վրայ, իսկ Ասանի որդի Յուդան քաղաքի երկրորդն էր:
10. Քահանաներից սրանք են. Յովարիբի որդի Ազդիդը, Իաքինը,
11. Սարիան, Ելքիայի որդին, Մեսուլամի որդին, Սադոկի որդին, Մարաւոթի որդին եւ Ետոբի որդին: Սրանց տները Տիրոջ տաճարի մօտ էին:
12. Սրանց եղբայրներն էին, որ անում էին Տիրոջ Տան սպասաւորութեան գործը. բոլորը՝ ութ հարիւր քսաներկու մարդ: Նաեւ՝ Ամասիայի որդի Փալայիայի որդի Երոմի որդի Ադային, Չաքարիայի որդին, Փասեուրի որդին, Մելքիայի որդին
13. եւ նրանց եղբայրները՝ տոհմերի իշխանները, բոլորը՝ երկու հարիւր քառասուևներկու մարդ: Նաեւ՝ Եզրիելի որդի Ամասիան
14. եւ ամէն ինչով զօրաւոր նրա եղբայրները քսանութ հոգի էին: Նրանց առաջնորդն ու վերակացուն էր Չեքրիէլը, որ մեծ իշխաններից էր:
15. Ղեւտացիներից՝ Ասուբի որդի Սամէիան եւ Եզրոմի որդին:
16. Մաթանացիներից՝ Միքայի որդին, Յորեբի որդին եւ Սամուի որդիները՝ երկու հարիւր եօթանասուևչորս մարդ:
17. Դռնապաններից՝ Ակուբը, Տելամին եւ նրա եղբայրները՝ հարիւր եօթանասուևներկու մարդ:
18. Ղեւտացիների առաջնորդներն ու վերակացուները, որոնք մնացին Երուսաղեմում, սրանք են. Բանիի որդի Ազան, Ասաբիայի որդին, Մատթանի որդին եւ Միքայի որդին, որոնք Ասափի որդիներից էին: Սրանք երգիչներ էին եւ մնացին Տիրոջ Տան մօտ,
19. որովհետեւ թագաւորը հրաման էր տուել նրանց այնտեղ լինել եւ անխափան սպասաւորել:
20. Իսկ Մեսիգաբիւլի որդի Փաթաւան, որը Յուդայի որդի Չարեիի որդիներից էր եւ թագաւորի մօտ ամէն ինչում վստահուած պաշտօնեայ,
21. բնակւում էր իր ազարակում: Յուդայի որդիներից, որոնք հաստատուեցին Կարիաթարբայում, Յեսուն եւ Բերսաբէէն էին: Իսկ միւսները բնակւում էին Լաքիսում
22. եւ իրենց ազարակներն ունէին Բերսաբէէի շրջակայքում:
23. Բենիամինի որդիները հաստատուեցին Գաբայից մինչեւ Մաքմաս:
24. Ղեւտացիների բաժինը Յուդայի եւ Բենիամինի գաւառներում էր:

1. Սրանք են այն քահանաներն ու ղեկավարները, որոնք եկան Սաղաթիելի որդի Չորոբաբելի եւ Յովսեփեկի որդի Յեսուի հետ. Սարայիան, Երեմիան, Եզրան
2. Ամարիան, Մալուքը, Ատտուսը եւ Սեքենիան:
3. Սրանք էին քահանաների եւ նրանց եղբայրների առաջնորդները Յեսուի օրերին:
4. Իսկ Յեսուի օրերի ղեկավարները սրանք էին. Յեսուն, Բանուին, Կադմիելը, Սարաբիան, Յուդան, Մաթանիան եւ նրանց եղբայրները, որոնք սպասաւորում էին տաճարում ըստ նշանակուած օրերի: Յովակիմի որդին էր Ելիասիբը,
5. Ելիասիբի որդին՝ Յովադէն, Յովադէի որդին՝ Յովնաթանը, եւ Յովնաթանի որդին՝ Յատողուսը: Յովակիմի օրերին իր եղբայրները տոհմերի իշխաններ եւ քահանաներ էին. դրանք էին՝ Սարիան, Եմարիան, Երեմիան, Անանիան, Ազարիան, Եզրան, Մեսուլամը, Ամարիան, Յովնանը եւ Մալուքը:
6. Ելիասիբի օրերի ղեկավարներն էին՝ Յոդան, Յովան, Յովնանը եւ Իդուան, որոնք գրուած էին որպէս տոհմերի իշխաններ: Այս բոլորը քահանաներ էին Դարեհի թագաւորութեան ժամանակ:
7. Դեկի որդիները տոհմերի իշխաններ էին՝ գրուած ազգահամարի մատեանում մինչեւ Ելիասիբի որդի Յովնանը:
8. Դեկավարների իշխաններն էին՝ Ասաբիան, Արաբիան եւ Յեսուն: Կադմիելի որդիները եւ նրա եղբայրները նշանակուած էին նրա մօտ, օրհնելու եւ սաղմոս ասելու,
9. ըստ հերթական օրերի, ամբողջ օրը, իրենց ժողովների ժամանակ՝ դռնապանների հետ միասին, ինչպէս հրամայել էր Աստծու մարդ Դաւիթը:
10. Սրանք սպասաւորում էին Յոսեփեկի որդի Յեսուի որդի Յովակիմի օրերին եւ Նեեմիի ու Եզրաս քահանայի՝ Տիրոջ օրէնքների մեկնիչի օրերին:
11. Երուսաղէմի պարսպի նաւակատիքի ժամանակ ղեկավարներին փնտռեցին իրենց բնակութեան տեղերում, որպէսզի նրանց բերեն Երուսաղէմ եւ նաւակատիքն անեն ուրախութեամբ ու գոհութեամբ, երգերով ու նուագարաններով, ծնծղաներով ու թմբուկներով, սաղմոսարաններով ու եղջերափողի ձայնով:
12. Բոլոր նրանք, ովքեր պիտի երգէին եւ սաղմոս ասէին, Երուսաղէմի շրջակայ բոլոր կողմերից՝
13. քաղաքներից, գիւղերից եւ իրենց բնակութեան վայրերից հաւաքուեցին՝ Երուսաղէմ գալու եւ պաշտամունքին սպասաւորելու համար:
14. Բոլոր քահանաներն ու ղեկավարները մաքրուեցին եւ մաքրեցին ժողովրդին ու մեծ պարսպի դռների դռնապաններին:
15. Պարսպի վրայ բարձրացրին Յուդայի երկրի իշխաններին: Նրանց յետեւից երգերով ու նուագարաններով երկշարք գնում էին
16. Յոսիան եւ Օզիան, Յուդայի երկրի իշխանների կէսը,
17. Ազարիասը, Եզրան, Մոսուլամը, Յուդան, Բենիամինը, Սամեասը եւ Երեմիասը:
18. Քահանաների որդիներից փող էին փչում Յովնանի որդի Չաքարիասը,
19. Սամայի որդին, Մաթանիայի որդին, Միքայի որդին, Չաքուրի որդին եւ Ասափի որդին:
20. Իսկ նրանց եղբայրներ Սամեիան եւ Եզրիելը երգում էին Աստծու մարդ Դաւթի նուագած երգերն ու սաղմոսները: Եզրասը՝ մեկնիչը, գնում էր նրանց առջեւից՝ պարսպի դռների մօտից:
21. Ովքեր երգում էին՝ գնում էին նրա դիմացից: Նրանք բարձրացան Դաւթի քաղաքի աստիճաններով, այն սանդուղքով, որը տանում էր Դաւթի ապարանքից վեր, դէպի պարիսպը՝ մինչեւ Եփրեմի Ջրի դուռը, որը արեւելեան կողմն էր:
22. Նրանք գնում էին դէպի Եքթերան դուռը, դէպի Անամայելի աշտարակը, մինչեւ Ջրաւազանի դուռը: Երգերի ձայնը լսում էր ամենուր՝ մինչեւ հեռաւոր վայրերը, որովհետեւ Եզրասը հրամայել էր կանգնել պարսպի բոլոր դռների վրայ եւ երգել:
23. Այն օրը մեծամեծ զոհեր մատուցեցին եւ շատ ուրախ եղան, որովհետեւ Աստուած

Նրանց մեծ ուրախառություն էր տուել: Ուրախ էին նաեւ նրանց կանայք ու նրանց  
 որդիները: Նրանց ուրախությունը լսելի եղաւ Երուսաղէմից մինչեւ հեռաւոր տեղեր:  
 24. Այդ օրը գանձատան վրայ մարդիկ նշանակուեցին, որպէսզի վերցնեն առաջին  
 բերքի բաժինն ու տասանորդները եւ այն ընծաները, որ հաւաքել էին քաղաքի  
 իշխանաւորներն այնտեղ քահանաների եւ ղեւտացիների համար, ինչպէս հրամայուած  
 էր Մովսէսի օրէնքով: Արդարեւ, մեծ ուրախություն էր Յուդայի երկրում եւ քահանաների  
 ու ղեւտացիների մէջ, որոնք հոգ էին տանում Աստծու ծառայութեան եւ նրա  
 սրբությունների պահպանման համար: Երգիչները, սաղմոսասացները եւ դմնապանները  
 եւս անում էին այնպէս, ինչպէս սահմանել էին Դաւիթն ու նրա որդի Սողոմոնը,  
 25. որովհետեւ այս մարդիկ էին սաղմոսներ երգում, նուագում եւ Աստծուն  
 փառաբանում Դաւթի օրերից, երբ երգիչների իշխանն ու առաջնորդն էր Ասափը:  
 26. Չորոքաբելի ու Նէեմիի օրերին ամբողջ Իսրայէլը, ըստ սահմանուած կարգի, մաս եւ  
 բաժին էր տալիս երգիչներին եւ դմնապաններին, իսկ սուրբ ընծաները՝ ղեւտացիներին.  
 ղեւտացիներն էլ Ահարոնի որդիներին էին տալիս իրենց բաժինը:

1. Այն օրերին Մովսեսի գիրքը կարդացին ի լուր ժողովրդի: Նրա մէջ այսպէս էր գրուած. Թող ամոնացին եւ մովաբացին յաւիտեան չմտնեն Աստծու ժողովարան,
2. որովհետեւ նրանք հացով եւ ջրով ընդառաջ չեյան իսրայէացիներին, այլ վարձեցին Բաղամ գուշակին՝ նրանց անիծելու համար, իսկ մեր Աստուածն անեծքը դարձրեց օրհնութիւն:
3. Երբ լսեցին այս օրէնքը, հեռացին իսրայէացիներին խառնուած բոլոր այլազգիներին:
4. Սրանից առաջ Ելիասիբ քահանան էր նշանակուած մեր Աստծու Տան գանձատան վրայ: Նա Տուբիային տեղ տուեց
5. եւ այնտեղ նրա համար մեծ գանձատուն շինեց: Դա նախկինում այն տունն էր, ուր դնում էին ընծաները, կնդրուկն ու սրբարանի սպասքը եւ դեւտացիների, երգիչների ու դռնապանների համար որոշուած ցորենի, գինու, ձէթի ու իւղի տասանորդները, ինչպէս նաեւ առաջին բերքի այն բաժինը, որ քահանաների համար էր:
6. Երբ այս ամէնն արուել էր, եւ Երուսաղէմում չէի, քանի որ Բաբելոնի Արտաշէս թագաւորի երեսներկուերորդ տարում գնացել էի թագաւորի մօտ: Շատ օրեր անց եւ թագաւորից խնդրեցի
7. ու վերադարձայ Երուսաղէմ: Ես իմացայ այն բոլոր չարութիւնները, որ Ելիասիբն արել էր Տուբիայի պատճառով, որովհետեւ նրան թոյլ էր տուել, որ գանձատուն շինի Տիրոջ տաճարի գաւթում:
8. Այդ բանն ինձ խիստ վրդովեց: Ես Տուբիայի ամբողջ գոյքը դուրս նետեցի գանձատնից
9. եւ հրամայեցի մաքրել Տիրոջ գանձատունը, այնտեղ վերադարձրի Տիրոջ Տան կայքն ու սպասքը, ընծաներն ու կնդրուկը:
10. Իմացայ նաեւ ու վերահասու եղայ, որ դեւտացիների բաժինն իրենց չէր տրուել, եւ նրանք գնացել էին իրենց ագարակները: Դեւտացիներն ու երգիչները այնտեղ մշակութիւն էին անում:
11. Ես կռուեցի իշխանաւորների հետ ու ասացի. Ինչո՞ւ Տիրոջ Տնից պակասեցին ուտելիքները: Ես հաւաքեցի տաճարի բոլոր սպասաւորներին ու նրանց կարգեցի իրենց տեղերում:
12. Դրանից յետոյ բոլոր հրեաները Տիրոջ տաճարի գանձատուն էին բերում ցորենի, գինու եւ ձէթի տասանորդները:
13. Ես հրամայեցի դրանք տալ Ելիմ քահանային, Սադոկ գրագրին եւ դեւտացիներից մէկին՝ Փաղայիային, եւ նրանց հետ՝ Չաքուրի որդի Անանին, Մաթանայի որդուն, որովհետեւ նրանք վստահելի էին մթերքներն իրենց եղբայրներին բաժանելու եւ տալու գործում:
14. Թող Աստուած ինձ յիշի այս ամենի համար եւ ինձնից չհեռացնի իր ողորմութիւնը, որովհետեւ ես այս բոլորն արեցի Իսրայէլի Տէր Աստծու Տան համար:
15. Այն օրերին տեսայ, որ Հրեաստանում շաբաթ օրով հնձաններ էին տրորում, հնձած խրճեր էին բերում Երուսաղէմի դռներով. գրաստներին բարձել էին գինու, խաղողի եւ թգի բեռներ եւ շաբաթ օրով բեռները բերում էին Երուսաղէմ: Ես վկաներ բռնեցի, որ նրանք շաբաթ օրը վաճառք են անում:
16. Ովքեր ծուկ եւ ամեն տեսակ ապրանք էին բերում, նստում էին վաճառքի տեղերում, եւ հրեաները շաբաթ օրը Երուսաղէմի մէջ գնումներ էին կատարում:
17. Ես նախատեցի Երուսաղէմում եղած հրեաներին ու Յուդայի երկրի իշխանաւորներին եւ ասացի նրանց. Այս ի՞նչ անօրէնութիւն էք գործում դուք. պղծում էք սուրբ շաբաթի օրերը:
18. Մի՞թէ այսպէս չարեցին ձեր հայրերը, եւ Աստուած նրանց եւ այս քաղաքի վրայ բերեց այս բոլոր չարիքները: Արդ, դուք ինչո՞ւ եք անելացնում Տիրոջ բարկութիւնն Իսրայէլի վրայ եւ պղծում սուրբ շաբաթի օրը:
19. Երբ ես կանգնեցրի Երուսաղէմի դռները, շաբաթ օրից առաջ հրամայում էի փակել

դռները եւ թոյլ չէի տալիս բացել, մինչեւ որ անցներ շաբաթ օրը: Նաեւ պահապան գինուորներ նշանակեցի, որպէսզի շաբաթ օրը որեւէ մէկը չկարողանայ բեռով մտնել Երուսաղէմի դռներով:

20. Մէկ-երկու անգամ բոլոր վաճառողները գիշերեցին Երուսաղէմից դուրս:

21. Ես ասացի նրանց. Ինչո՞ւ եք դուք քնում պարսպից դուրս. եթէ էլի տեսնեմ այդ անօրէնութիւնը, հրաման կը տամ, որ դուք չգաք մեր շաբաթներին եւ չմտնէք այս քաղաքը:

22. Ղեւտացիներին, որոնք մաքրուած էին, ասացի, որ գան ու պահպանեն դռները եւ սրբագործեն շաբաթ օրը: Դրանից յետոյ շաբաթ օրերը չպղծեցին: Այս բոլորի համար էլ թող Աստուած յիշի ինձ եւ խնայի ինձ ըստ իր մեծ ողորմութեան:

23. Այդ օրերին էր դարձեալ, որ ես տեսայ հրեաների, որոնք ազոտացի, ամոնացի եւ մովաբացի կանայք էին առել:

24. Նրանց որդիներն ու կանանցից ոմանք խօսում էին ազոտերէն, իսկ հրէերէն խօսել չգիտէին:

25. Ես նրանց նախատեցի, նզովեցի ու նրանցից շատերին ծեծեցի: Աստծու անունով նրանց երդուեցրի, որ իրենց դուստրերին կնութեան չտան նրանց որդիներին եւ նրանց դուստրերին էլ չբերեն իրենց որդիների համար: Նրանց ասացի.

26. Միթէ այդ պատճառով չէ՞ր, որ մեղանչեց Սողոմոն թագաւորը: Մեր բոլոր թագաւորներից ո՞վ էր նրա նման իմաստուն. նա սիրելի էր Աստծուն, եւ Աստուած նրան դրեց թագաւոր ամբողջ Իսրայէլի վրայ: Բայց Աստծուն սիրելի եւ իմաստուն այսպիսի մեծ թագաւորին այլազգի կանայք խոտորեցրին ու գցեցին մեղքի մէջ:

27. Արդ, չլսե՛մ, թէ ձեզանից մէկն այսպիսի մեծ չարիք գործի՝ Աստծու առջեւ մեղանչի եւ այլազգի կին առնի:

28. Յովիդիայի եւ Ելիասիբ մեծ քահանայի որդիների մասին լսեցի, թէ նրանցից մէկի կինը Սանաբալատի դուստրն է, եւ նրան հալածելով՝ հեռացրի ինձանից:

29. Թող Աստուած նրանց յիշի իրենց ժառանգութեան եւ քահանայական ուխտի մէջ:

30. Ես ղեւտացիներին մաքրեցի բոլոր այլազգիներից եւ, ըստ ծառայութեան օրերի ու կարգի, նշանակեցի նրանց՝ քահանաներին եւ ղեւտացիներին, իւրաքանչիւրին իր գործին:

31. Նաեւ կարգադրեցի, որ իր ժամանակին բերեն ողջակէզների համար պատրաստի ամբողջ փայտը եւ առաջին բերքի իրենց բաժինը: Թող մեր Աստուածն ինձ յիշի արդարութեամբ արած իմ բոլոր բարի գործերի համար, Նա, որ օրհնուած է յաւիտեան. ամէն:



ԵՍԹԵՐ

## Գլուխ 1

1. Այս դեպքերից յետոյ, Արտաշեսի օրօք, -
2. այս Արտաշեսը տիրում էր Հնդկաստանից մինչեւ Եթովպիա՝ հարիւր քսանեօթը գաւառի, -
3. երբ նա Սուսա քաղաքում նստեց գահին,
4. իր թագաւորութեան երրորդ տարում խնջոյքի հրաւիրեց իր սիրելիներին ու մեծամեծներին, նաեւ այլ ազգերի՝ պարսիկների ու մարերի բոլոր նախարարներին եւ իշխաններին:
5. Նա հարիւր ութսուն օր նրանց ցոյց տուեց իր թագաւորութեան հարստութիւնը՝ իր ուրախութեան ու վայելչութեան փառքը:
6. Երբ խնջոյքի օրերն աւարտուեցին, յաջորդ անգամ կրկին հրաման տուեց խնջոյքի կանչելու իր ռամիկ քաղաքացիներին արքունի տան գաւթում:
7. Գաւթը զարդարուած էր բեհեզներով ու կերպասներով, որոնք շարուած ու կապուած էին ծիրանի ու բեհեզի հիւսածոյ թելերով՝ ամրացուած ոսկէ խոյակներին: Կային նաեւ ծիրանագոյն պաստառներ գեղեցիկ սիւների ու ոսկեղէն խարիսխների վրայ: Գաւթի վարդագոյն յատակի վրայ կային մարգարիտներով ու թանկարժէք քարերով ընդելուզուած բազում ոսկէ եւ արծաթ գահաւորակներ՝ ծածկուած նկարազարդ երփներանգ պաստառներով եւ պատուական զարդանախշերով:
8. Այնտեղ կային թագաւորի ոսկէ ու արծաթ սափորներ եւ գաւաթներ, որոնք ունէին երեսուն հազար քանքարի գին:
9. Գինին առատ էր եւ արքայավայել: Բայց այս խնջոյքը չեղաւ այնպէս, ինչպէս կարգն էր, որովհետեւ թագաւորը ցանկացել էր, որ իր սպասաւորները կատարեն հիւրերի կամքը:
10. Իսկ թագաւորի կինը՝ Ասթինէն, Արտաշես թագաւորի ապարանքում խնջոյք արեց կանանց համար:
11. Եօթներորդ օրը թագաւորը, որի սիրտը լցուած էր ուրախութեամբ, ասաց Ամանին, Բազանին, Թառային, Բուրազէին, Աթելթային, Բատենգային եւ Թառաբբային՝ իր եօթը ներքինիներին,
12. որ կնոջը կանչեն արքունիք, որպէսզի թագաւորի նրան եւ բոլոր իշխաններին ու ազգերին ցոյց տայ նրա գեղեցկութիւնը, որովհետեւ նա շատ գեղեցիկ էր:
13. Իսկ Ասթինէն չուզեց լսել հրամանը՝ ներքինիների հետ գալու նրա մօտ: Թագաւորը տրտմեց, խիստ բարկացաւ
14. եւ իր սիրելիներին պատմեց Ասթինէի վարմունքը: Թագաւորն ասաց. Այժմ դատ ու դատաստան արե՛ք:
15. Եւ նրա մօտ մտան Արքինէոսը, Առնաթելը եւ Մալիսեարը՝ պարսիկների եւ մարերի այն իշխանները, որ արքայի մերձաւորներն ու աթոռակիցներն էին.
16. սրանք յայտնեցին, թէ օրէնքով ինչ պէտք անել թագաւորի կին Ասթինէին, քանի որ չէր կատարել ներքինիների միջոցով իրեն տրուած արքայական հրամանը:
17. Այն ժամանակ Սուրթբէն ասաց արքային. Տիկնանց տիկին Ասթինէն հակառակուեց ոչ թէ միայն արքային, այլեւ՝ արքայի բոլոր իշխաններին եւ կուսակալներին:
18. Այսպէս անհնազանդ կը լինեն նաեւ պարսիկների ու մարերի իշխանների բոլոր կանայք.
19. երբ նրանք լսեն թագաւորի կնոջ այս արհամարհանքը, համարձակ կարող են անարգել իրենց ամուսիններին:
20. Արդ, եթէ արքան կամենայ եւ հաճելի թուայ նրան, թող այդ կինն այլեւս չմտնի արքայի մօտ, եւ թող արքան նրա տիկնութիւնը տայ այն կնոջը, որը նրանից աւելի լաւը կը լինի:
21. Եւ երբ այս օրէնքը կը հրապարակես քո թագաւորութեան մէջ, կանայք՝ աղքատներից մինչեւ մեծամեծները, մեծ յարգանքով կը պատուեն իրենց ամուսիններին:

22. Այս խօսքը հաճելի թուաց արքային եւ նրա բոլոր իշխաններին, եւ թագաւորն արեց այնպէս, ինչպէս ասաց Մուրթքէն:
23. Նա հրովարտակ ուղարկեց իր ամբողջ թագաւորութեան բոլոր գաւառները, որ այդ հրամանը դրուի բոլոր կանանց վրայ:

1. Այս դեպքերից յետոյ թագաւորի բարկութիւնը հանդարտուեց, եւ Նա Ասթինէին այլեւս չիշեց իսկ, որովհետեւ մտքում պահում էր այն, թէ ինչ էր խօսել Նա: Այսպէս մերժուելով՝ կինը շնորհագրկուեց:
2. Թագաւորի սպասաւորներն ասացին. Թող արքայի համար փնտռեն տեսքով գեղեցիկ կոյս աղջիկներ:
3. Թող արքան հրամայի իր թագաւորութեան բոլոր երկրներում նշանակել գաւառապետներ, որոնք կ'ընտրեն կոյս աղջիկներ եւ բերել կը տան Սուսա քաղաք՝ մի կուսանոց: Նրանց կը յանձնեն արքունի ներքինուն, որը կանանց պահապանն է, եւ արքան կը հրամայի նրանց տալ իւր, օճառ եւ այն ամէնը, ինչ պէտք է նրանց:
4. Թող Ասթինէ փոխարէն թագաւորի այն կինը, որ հաճելի կը լինի արքային: Արքային հաճելի թուացին այս խօսքերը, եւ Նա այդպէս էլ արեց:
5. Սուսա քաղաքում կար Բենիամինի ցեղից մի հրեայ մարդ. նրա անունն էր Մուրթէ. սա որդին էր Յայիրի, սա՝ Սեմէի, եւ սա՝ Կիսէի:
6. Մուրթէն գերի էր բերուել Երուսաղէմից այն գերիների հետ, որոնց գերեվարել էր Բաբելոնի Նաբուքոդոնոսոր արքան:
7. Նա դաստիարակել էր մի մանկան՝ իր հօրեղբայր Ամինադաբի դստերը, որի անունը Եսթեր էր: Նրան վերցնելով իր հօրից ու մօրից՝ Մուրթէն ուզում էր իրեն կնութեան առնել:
8. Աղջիկը տեսքով շատ գեղեցիկ էր: Երբ թագաւորի հրամանը տարածուեց, Սուսա քաղաքում հաւաքուեցին բազմաթիւ աղջիկներ, որոնք Օգէի ձեռքի տակ էին: Եսթերին տարան կանանց վրայ նշանակուած ներքինի Օգէի մօտ:
9. Աղջիկը նրան հաճելի թուաց եւ շնորհ գտաւ նրա առաջ: Օգէն շտապեց նրան տալ իր բաժին օճառն ու այլ պարագաներ, նաեւ եօթը աղջիկներին, որոնք արքունիքից նրան նաժիշտ էին տրուած: Նա Եսթերին, Նոյնպէս եւ նաժիշտներին, անելի էր խնամում, քան նրա միւս ընկերուհիներին:
10. Եսթերը չյայտնեց իր ազգութիւնն ու գաւառը, որովհետեւ Մուրթէն նրան պատուիրել էր չյայտնել:
11. Մուրթէն ամէն օր գնում էր շրջելու կանանց տան մօտ ու տեսնելու, թէ ինչ է պատահելու Եսթերին,
12. քանզի մօտեցել էր աղջկայ՝ թագաւորի մօտ մտնելու ժամանակը: Արդէն լրանում էր տասներկու ամիսը, որովհետեւ աղջիկների մարմնական խնամքի ընթացքն այսպէս էր արւում. նրանք վեց ամիս օժուում էին անուշահոտ իւղերով, վեց ամիս էլ՝ անուշաբոյր խնկերով եւ կանանց լուացուելու օճառներով:
13. Եւ աղջիկը նոր միայն մտնում էր արքայի մօտ: Ում որ ներքինին կամենում էր տալ արքայի ձեռքը, Նա նրա հետ մտնում էր սենեակ՝ թագաւորի մօտ:
14. Երեկոյեան աղջիկը մտնում էր թագաւորի մօտ, իսկ ցերեկը վերադառնում իր ընկերուհիների եւ կանանց պահապան ներքինի Օգէի մօտ. Նա մնում էր այնտեղ, մինչեւ որ նրան անունով կանչէին թագաւորի սենեակ:
15. Երբ լրացաւ Մուրթէի հօրեղբայր Ամինադաբի դուստր Եսթերի՝ արքայի մօտ մտնելու ժամանակը, աղջիկը զանց չարեց ոչ մի բան, որ երբեւէ պատուիրել էր նրան կանանց պահապան ներքինին, որովհետեւ Եսթերը շնորհ էր գտնում բոլոր նրանց առաջ, ովքեր թէկուզ մի անգամ տեսնում էին նրան:
16. Եսթերն արքայի մօտ մտաւ տասներկուերորդ՝ Ադար ամսին, որ հայերէն Արեգ ամիսն է, նրա թագաւորութեան եօթներորդ տարում:
17. Եսթերն արքային շատ հաճելի թուաց, Նա բոլոր կանանցից անելի շնորհների արժանացաւ, եւ արքան նրա գլխին դրեց կանանց թագը:
18. Ապա թագաւորն իր բոլոր սիրելիների եւ իր զօրականների համար խնջոյք արեց եւ պատուեց Եսթերի հարսանիքը: Նա հրամայեց թեթեւացնել բոլոր նրանց հարկերը, ովքեր իր թագաւորութեան ներքոյ էին: Մուրթէն խնամում ու կարգաւորում էր

Թագաւորի տունը:

19. Իսկ Եսթերը ջայտնեց իր հայրենի գաւառն ու երկիրը, որովհետեւ Մուրթքէն այսպէս էր պատուիրել. երկնչել Աստծուց եւ կատարել նրա հրամաններն այնպէս, ինչպէս նա անում էր առաջ, երբ իր մօտ էր: Եւ Եսթերը չփոխեց իր սովորութիւնը:

20. Այդ ժամանակ տրտմեցին արքայի երկու ներքինիները, որոնք նրա դռան պահապաններն էին, որովհետեւ նրանք Մուրթքէին նախանձում էին, որ Թագաւորը իրենցից առաւել պատուում էր նրան, եւ ցանկանում էին սպանել Արտաշէս արքային:

21. Այս բանը յայտնի եղաւ Մուրթքէին. նա յայտնեց Եսթերին, իսկ Եսթերն էլ յայտնեց արքային սպանութեան այդ մտադրութիւնը:

22. Արքան կշտամբեց երկու ներքինիներին ու նրանց կախաղան հանեց: Թագաւորը հրամայեց ճշտութեամբ արձանագրել այս դէպքերը, եւ թէ ինչպէս իր նկատմամբ հաւատարիմ եղաւ Մուրթքէն:

1. Սրանից յետոյ այնպէս եղաւ, որ Արտաշէս արքան փառաւորեց Համանին՝ Դաթուրէի եւ նրա ընկերների հետ միասին. նրան բարձրացրեց առաջին աթոռին՝ իր բոլոր սիրելիներից աւելի:
2. Բոլորը, ովքեր թագաւորի տանն էին, երկրպագում էին Համանին, որովհետեւ թագաւորը հրամայել էր այդպէս անել: Բայց Սուրթքէն նրան չէր երկրպագում:
3. Թագաւորի մեծամեծները խօսեցին Սուրթքէի հետ ու ասացին. Սուրթքէ՛, ինչո՞ւ ըստ թագաւորի հրամանի, չես երկրպագում Համանին:
4. Թէեւ նրանք ամէն օր այդ մասին խօսում էին նրա հետ, բայց նա չէր լսում նրանց. նրանք Համանի առջեւ ամբաստանեցին Սուրթքէին, թէ Սուրթքէն չի հնազանդւում արքայի հրամանին, որովհետեւ հրեայ է:
5. Երբ Համանն իմացաւ, որ նա չի երկրպագում իրեն, շատ զայրացաւ.
6. նա մտածեց, թէ ինչպէս կորստեան մատնի Արտաշէս արքայի թագաւորութեան տակ եղած հրեաներին:
7. Արտաշէսի թագաւորութեան տասներկուերորդ տարում խորհուրդ արեցին թուահամարի վիճակ գցելու. նա օրից օր ու ամսից ամիս վիճակ էր գցում, թէ ինչպէս մի օրում կորստեան մատնի Սուրթքէի ազգը. եւ վիճակն ընկաւ Ադար ամսի տասնչորսին:
8. Նա խօսեց արքայի հետ ու ասաց. Կայ մի ազգ, որ ցրուած է ժողովուրդների եւ քո ամբողջ թագաւորութեան մէջ: Այդ ազգը բոլոր ազգերից աւելի ապիրատ ու խորամանկ է եւ արքունի օրէնքներին չի հնազանդուում. արքայի համար օգուտ չէ, եթէ դու թողնես, որ նրանք մնան:
9. Արդ, եթէ արքան կամենայ, նրանց կորստեան մատնելու հրաման կը տայ, իսկ ես արքունի գանձերին կ'աւելացնեմ տասը հազար արծաթ քանքար:
10. Եւ արքան հանեց իր մատանին ու այն տուեց Համանի ձեռքը, որպէսզի նա գրի ու կնքի հրաման՝ հրեաներին կոտորելու մասին:
11. Թագաւորն ասաց Համանին. Արծաթդ պահի՛ր քեզ, իսկ այդ ազգի հետ արա՛, ինչպէս որ կամենում ես:
12. Եւ առաջին ամսին, տասներեքերորդ օրը կանչեցին արքունի գրագիրներին, որոնք, ինչպէս նրանց հրամայել էր Համանը, Արտաշէսի հրամանով գիր գրեցին բոլոր գաւառների զօրավարներին եւ իշխաններին, Հնդկաստանից մինչեւ Եթովպիա՝ հարիւր քսանեօթը գաւառներին եւ նրանց ազգերի իշխաններին՝ իւրաքանչիւրին իր լեզուով:
13. Սուրհանդակների միջոցով հրովարտականերն ուղարկուեցին Արտաշէսի իշխանութեան բոլոր կողմերը՝ տասներկուերորդ ամսին, որ Ադարն է, որպէսզի մի օրում հրեաների ազգը կոտորեն եւ նրանց ամբողջ ունեցուածքն ու հարստութիւնը յափշտակեն:
14. Հրովարտակի հրամանն այսպէս էր.

1. Երբ Մուրթքեն իմացաւ կատարուած դէպքերի մասին, պատռեց իր պատմութեանը, քուրծ հագաւ եւ իր գլխին մոխիր ցանեց ու ընթացաւ քաղաքի հրապարակով: Նա բարձր ձայնով աղաղակում էր եւ ասում. Ինչո՞ւ եք իզուր եւ անտեղի վերացնում իմ ազգը, որ որեւէ չարիք չի գործել:
2. Նա եկաւ մինչեւ արքունի տան դռներն ու կանգնեց. եւ որովհետեւ նա քուրծ էր հագել եւ մոխիր ցանել գլխին, արժանի չէր արքունի գաւիթ իսկ մտնելու:
3. Բոլոր գաւառներում, ուր որ կարդում էին հրովարտակը, հրեաները աղաղակ էին բարձրացնում, մեծ սուգ ու կոծ անում, քուրծ էին հագնում ու մոխիր լցնում իրենց վրայ:
4. Տիկնանց տիկնոջ ներքինիներն ու նաժիշտները մտան ու այդ մասին պատմեցին Եսթերին: Երբ նա իմացաւ թագաւորի տուած հրամանի մասին, սաստիկ յուզուեց, ապա հագուստ ուղարկեց՝ Մուրթքէին հագցնելու եւ քուրծը նրա վրայից հանելու համար, բայց նա չհամաձայնեց:
5. Եսթերը կանչեց իր ներքինի Առնաթելին, որ մշտապէս լինում էր նրա մօտ, եւ նրան ուղարկեց Մուրթքէից ճշմարտութիւնն իմանալու, թէ իսկապէս դա այդպէ՞ս է:
6. Մուրթքէն իրազեկ դարձրեց նրան կատարուած դէպքերի մասին, ինչպէս որ դրանք եղել էին, նաեւ այն մասին, որ Համանը խոստացել էր տասը հազար քանքարի գանձ տալ արքային, որպէսզի կոտորի հրեաներին:
7. Եւ նա Սուսա քաղաքում նրանց կոտորելու մասին կարդացուած հրովարտակի պատճենը տուեց ներքինուն, որպէսզի ցոյց տայ Եսթերին:
9. Առնաթելը Մուրթքէին պատմեց Եսթերի բոլոր խօսքերը:
10. Մուրթքէն ասաց Առնաթելին. Դու գնա՛ եւ ասա՛ նրան. Եսթե՛ր, դու մտքումդ մի՛ ասա, թէ այս թագաւորութեան մէջ բոլոր հրեաներից միայն ես կը փրկուեմ:
11. Եթէ դու այս ժամանակ չլսես ու լռես, ապա այլ տեղից հրեաներին օգնութիւն եւ փրկութիւն կը լինի, իսկ դու եւ քո հօր տունը կը կորչէք. եւ, ո՛վ գիտէ, գուցէ հենց այսպիսի ժամանակի համար դու թագադրուեցիր:
12. Եւ Եսթերը ներքինուն կրկին ուղարկեց Մուրթքէի մօտ եւ ասաց.
13. Դու գնա՛ եւ հաւաքի՛ր Սուսա քաղաքում եղած հրեաներին, ինձ համար ծո՛մ պահեցէք եւ երեք օր՝ ո՛չ ցերեկը, ո՛չ գիշերը չուտէք ու չխմէք, իսկ ես եւ իմ նաժիշտները նոյնպէս ծոմ կը պահենք: Ապա ես կը մտնեմ արքայի մօտ, թէեւ այդ բանն անելն արքայի օրէնքներից դուրս է. սակայն ես կ'անեմ դա. եթէ մեռնելու իսկ լինեմ, չեմ յապաղի:
14. Եւ Մուրթքէն գնաց ու արեց՝ ինչպէս իրեն պատուիրել էր Եսթերը:

1. Եսթերն ասաց. Իմ այս օրը նշանաւոր է. եթէ արքան կամենայ, դու եւ Համանը կը գաք իմ խնջոյքին, որ տալու եմ այսօր:
2. Թագաւորն ասաց. Շտապ կանչեցէ՛ք Համանին, եւ կատարենք Եսթերի ասածը: Նրանք երկուսով եկան Եսթերի ասած խնջոյքին:
3. Եւ մինչ նրանք գինի էին խմում, արքան ասաց Եսթերին. Ի՞նչ ես կամենում, Եսթէ՛ր տիկին, ինչ էլ խնդրես՝ կը տամ քեզ:
4. Եսթերն ասաց. Իմ աղաչանքն ու խնդրանքն այս է.
5. եթէ ես շնորհ գտայ արքայի առջեւ, թող գան արքան եւ Համանը խնջոյքին, որ ձեզ համար կրկին տալու եմ վաղը:
6. Համանն արքայի մօտից ելաւ մեծ ուրախութեամբ: Երբ Համանը թագաւորի տանը տեսաւ Մուրթքէին՝ հրեայ մարդուն, շատ բարկացաւ:
7. Ապա նա մտաւ իր տունը, կանչեց իր սիրելիներին ու իր կին Չոսարրային
8. Եւ նրանց պատմեց իր մեծութեան ու փառքի մասին, որ իրեն տուել էր թագաւորը, եւ թէ ինչպէս իրեն դարձրել էր իր թագաւորութեան մէջ առաջինը:
9. Համանն ասաց. Եսթեր տիկինն իր խնջոյքին արքայի հետ չկանչեց ուրիշ մէկին, բացի ինձանից. եւ վաղը կրկին հրաւիրեց ինձ:
10. Բայց ինձ համար հաճելի չէ, երբ թագաւորի տանը տեսնում եմ Մուրթքէին՝ հրեայ մարդուն:
11. Իր կին Չոսարրան եւ իր սիրելիներն ասացին նրան. Հրամա՛ն տուր, որ յիսուն կանգուն բարձրութեամբ մի կախաղան պատրաստեն. առաւօտեան կ'ասես արքային, որ Մուրթքէն կախաղան հանուի, իսկ դու արքայի հետ կը մտնես խնջոյքի եւ ուրախ կը լինես նրա հետ: Այս խօսքը հաճելի թուաց Համանին, եւ կախաղանը պատրաստեցին:



1. Այդ գիշեր Տէր Աստուած փախցրեց արքայի քունը: Արքան ասաց իր ատենադպրին, որ նա իր առջեւ բերի եւ կարդայ հրովարտակի գիրը:
2. Սա գտաւ հրովարտակը, որ գրուած էր Մուրթքէի մասին, թէ նա ինչպէս թագաւորին յայտնել էր այն երկու ներքինիների մասին, որոնք հսկում էին թագաւորի ապարանքը, եւ թէ ինչպէս ուզում էին սպանել Արտաշէս արքային:
3. Թագաւորն ասաց. Իսկ ի՞նչ շնորհ կամ պատիւ տուեցինք Մուրթքէին: Արքայի սպասաւորներն ասացին. Երբ իմացար քո նկատմամբ նրա հաւատարմութիւնն ու հոգածութիւնը, նրա համար ոչինչ չարեցիր: Առաւօտեան եկան թագաւորի գաւիթը:
4. Արքան ասաց. Ո՞վ է իմ գաւթում: Համանը եկել էր թագաւորից հրաման առնելու, որ Մուրթքէին կախի այն կախաղանից, որ պատրաստել էր տուել նրա համար:
5. Արքայի սպասաւորներն ասացին. Ահա Համանը դրսում է: Արքան ասաց. Թող ներս գայ:
6. Ապա թագաւորն ասաց Համանին. Ի՞նչ անեմ ես այն մարդուն, որին կամենում եմ մեծարել: Համանը մտածեց ու իր մտքում ասաց. Ո՞ւմ է կամենում արքան մեծարել, եթէ ոչ՝ ինձ:
7. Եւ ասաց արքային. Այն մարդուն, որին արքան կամենում է մեծարել, թող նրա համար բերեն արքայական պատմուճանը
8. Եւ այն նժոյգը, որին հեծնում է արքան, եւ թող դրանք տան արքայի սիրելիներից պատուարժան մէկին,
9. որպէսզի նա պատմուճանը հագցնի այն մարդուն, որին սիրում է արքան, եւ նրան նստեցնի արքայական նժոյգին. թող քաղաքի հրապարակներում յայտարարեն ու ասեն. Ա՛յսպէս կը լինի ամէն մարդու հետ, որին արքան կը մեծարի:
10. Եւ արքան ասաց Համանին. Լա՛ւ ասացիր. այդ կ'անես իմ տան խնամակալի՝ հրեայ Մուրթքէի համար. թող քո ասած խօսքերից որեւէ բան չվրիպի:
11. Համանն առաւ պատմուճանն ու արքայական նժոյգը, հագցրեց Մուրթքէին, նրան նստեցրեց նժոյգին եւ տարաւ քաղաքի փողոցներով. նա յայտարարում էր ու ասում. Ա՛յսպէս կը լինի ամէն մարդու հետ, որին արքան կը կամենայ մեծարել:
12. Ապա Մուրթքէն վերադարձաւ արքունի ապարանք, իսկ Համանը գնաց իր տունը՝ գլուխը կախած եւ տրտմութեամբ լի:
13. Համանն իր կին Չոսարային պատմեց, թէ ինչ էր պատահել իր հետ: Նրա սիրելիներն ու կիսն ասացին նրան. Եթէ Մուրթքէն հրեաների ազգից էր եւ իշխան դարձաւ, հնազանդուի՛ր նրան, որովհետեւ դու չես կարող նրան չարիք հասցնել, քանի որ Տէր Աստուած նրա հետ է, եւ Տէ՛րն է փառաւորել նրան:
14. Եւ մինչ նրանք դեռ խօսում էին, երկու ներքինիներն եկան Համանին կանչելու տիկնոջ ճաշին:

## Գլուխ 7

1. Թագաւորն ու Համանը եկան տիկնոջ գինարբուքին:
2. Երկրորդ օրն էլ, մինչ գինի էին ըմպում, արքան ասաց Եսթերին. Ի՞նչ է պետք քեզ, Եսթեր՝ տիկին, եւ ի՞նչ է քո խնդրանքը կամ աղաչանքը. քո՞նը կը լինի մինչեւ իմ թագաւորութեան կէսը:
3. Եսթերը պատասխանեց ու ասաց. Եթէ քո առջեւ շնորհ գտայ, արքայ՝, իմ խնդրանքը մի անձ է միայն, եւ թող իմ աղաչական խօսքն ընդունելի լինի:
4. Արդարեւ, ես եւ իմ ժողովուրդը վաճառուեցինք կորստեան, ստրկութեան ու յափշտակութեան համար, թէ՛ մենք եւ թէ՛ մեր որդիները. բայց ես չհաւատացի: Արդ, բանսարկու մարդն արժանի չէ թագաւորի տանը լինելու:
5. Արքան ասաց. Ո՞վ է եւ ո՞ր է նա, ով համարձակուեց անել այս բաները:
6. Եսթերն ասաց. Այդ թշնամի մարդը Համանն է, որ չար է, նա՛ արեց: Համանն ահաբեկուեց եւ խիստ վախեցաւ արքայից ու տիկնոջից:
7. Թագաւորը վեր կացաւ ճաշից ու մտաւ արքունի ծաղկանոցը, իսկ Համանը ցանկանում էր հրաժեշտ տալ տիկնոջը, քանզի մեծ վախի մէջ էր:
8. Թագաւորը վերադարձաւ ծաղկանոցից ու տեսաւ, որ Համանն ընկած էր տիկնոջ գահոյքի առջեւ եւ նրան աղաչում էր իր փրկութեան համար: Թագաւորն ասաց. Արդ, հասար այն աստիճանի, որ ուզում ես իմ տանն իմ կնոջը բռնաբարել: Երբ Համանը լսեց այդ, ահաբեկուելով ու ամօթահար, ընկաւ երեսի վրայ:
9. Ներքինիներից մէկը՝ Բուգաթանը, ասաց արքային. Ահա Համանն արքայի սիրելի Մուրթքէի համար նաեւ յիսուն կանգուն մի կախաղան է պատրաստել եւ դրել իր տանը: Թագաւորն ասաց. Թող նա խաչուի դրա վրայ:
10. Եւ Համանին կախեցին այն կախաղանից, որ նա պատրաստել էր Մուրթքէի համար: Ապա թագաւորը հանդարտուեց իր բարկութիւնից:

1. Այդ նոյն օրը թագաւորը եսթերին նուիրեց քսու Համանի գանձը: Թագաւորը կանչեց Մուրթէին, քանզի եսթերը նրան յայտնեց, որ նա իր ազգականն է:
2. Թագաւորը վերցրեց այն մատանին, որ հանել էր Համանի մատից, եւ այն տուեց Մուրթէին. իսկ եսթերը Մուրթէին նշանակեց Համանի ամբողջ ունեցուածքի կառավարիչ:
3. Նա շարունակեց խօսել արքայի հետ, ընկաւ նրա ոտքերի առջեւ եւ աղաչում էր, որ վերացուի այն պատուհասը, որ ծրագրել էր Համանը հրեաների դէմ:
4. Եւ արքան ոսկի գաւազանը մեկնեց եսթերին: Եսթերը վեր կացաւ, որ գնայ արքայի սենեակը:
5. Եսթերն ասաց. Եթէ դու կամենաս, եւ եթէ ես շնորհ եմ գտել քո առաջ, թող արքան սուրհանդակներ ուղարկի եւ վերադարձնի հրովարտակաները, որ գրուեցին Համանի կողմից քո թագաւորութեան մէջ եղած հրեաներին կոտորելու մասին:
6. Ես ինչպէ՞ս կարող եմ տեսնել իմ ժողովրդին հասած չարիքը եւ կամ ինչպէ՞ս կարող եմ միայն ե՛ս ապրել իմ հայրենի գաւառի բնակիչներից:
7. Թագաւորն ասաց եսթերին. Եթէ Համանի ամբողջ գոյքն ու հարստութիւնը քեզ նուէր տուեցի եւ նրան էլ կախաղան հանեցի, որովհետեւ նա հրեաների վրայ ձեռք էր բարձրացրել, այլեւս ի՞նչ ես խնդրում:
8. Արդ, դուք գրեցէ՛ք իմ խօսքով եւ իմ հրամանով, ինչպէս դուք կը ցանկանաք, եւ թող այն կնքուի իմ մատանիով, որովհետեւ ինչ որ գրեք, դա իմ արքայիս տուած համանն է, եւ չի գտնուի մէկը, որ ընդդիմանայ այդ հրամաններին:
9. Արտաշէսի թագաւորութեան քսաներեքերորդ տարուայ Նիսան ամսի, որ Արեգն ամիսն է, առաջին օրը կանչեցին գրագիրներին եւ, ինչպէս հրաման էր տրուած, աշխարհագիր անող գրագիրների կողմից թագաւորի անունով հրովարտականեր գրուեցին բոլոր գաւառների բոլոր իշխաններին եւ կուսակալներին, նախարարներին եւ սատրապներին, Հնդկաստանից մինչեւ Եթովպիա՝ հարիւր քսանեօթը կուսակալներին, ըստ գաւառների՝ նրանց իւրաքանչիւրի լեզուով:
10. Հրովարտակաները կնքուեցին թագաւորի մատանիով եւ մէկ օրում, Ադար ամսի տասներեքին, սուրհանդակների միջոցով ուղարկուեցին թագաւորութեան բոլոր վայրերը, որպէսզի հրեաները ողջ մնան բոլոր քաղաքներում իրենց անփոփոխ օրէնքներով,
11. օգնական եւ թիկունք լինելու միմեանց՝ հատուցելու համար իրենց թշնամիներին, ինչպէս որ կը կամենան:
12. Այս հրովարտակի պատճենները թող ցոյց տրուելով կարդացուեն իմ թագաւորութեան մէջ՝ բոլորի աչքի առաջ. ովքեր պատրաստուել էին կոտորելու հրեաներին, թող այս օրը կոտորեն նրանց թշնամիներին: Ողջ լինեք:
13. Սուրհանդակները ելան փութով կատարելու թագաւորի կարգադրութիւնը: Հրամանը գրուեց եւ դրուեց Սուսա քաղաքում: Եւ այն օրերին, երբ տեղի ունեցաւ այս բանը,
14. Մուրթէն դուրս ելաւ թագաւորի մօտից: Նա հագել էր արքայական պատմունճանը, գլխին ոսկի պսակ ուներ եւ բեհեզից ու ծիրանուց թագ: Ովքեր Սուսա քաղաքում էին, տեսան եւ շատ ուրախացան:
15. Հրեաների համար մեծ լոյս ծագեց, եւ նրանք շատ ուրախացան:
16. Բոլոր քաղաքներում ու գաւառներում, ուր կարդում էին արքունի հրամանները, խնդութիւն եւ ուրախութիւն էր լինում նրանց համար: Հեթանոսներից շատերը հրեութիւն էին ընդունում եւ թլփատում հրեաների ահի պատճառով:

1. Տասներկուերորդ ամսին, որ Ադարն ամիսն է, նրա տասներեքերորդ օրը եկաւ հասաւ արքունիքից գրուած հրովարտակը: Այդ նոյն օրը կոտորուում էին նրանք, որոնք միահամուռ հակառակուել էին հրեաներին:
2. Նրանցից ոչ մէկը ամենեւին չէր ընդդիմանում հրեաներին, քանզի վախենում էին նրանցից
3. այն պատճառով, որ նրանց նախարարների վրայ կարգուած իշխանները, կուսակալները եւ արքունի պաշտօնեաները պատուում էին հրեաներին, քանի որ Մուրթքէի ահը կար նրանց վրայ:
4. Արքայի հրովարտակով իր ամբողջ թագաւորութեան մէջ Մուրթքէի անունը յիշատակելու հրաման էր տրուած:
5. Սուսա քաղաքում հրեաները կոտորեցին մօտ հինգ հարիւր մարդ.
6. Փարակնին եւ Նեստենին, Դոփոնին եւ Փազգային,
7. Փարդաթային եւ Բարեային, Սարաբաքային եւ Մարմասիսին,
8. Արուփեսնին, Արսեսնին եւ Արբուբեթանին,
9. որոնք որդիներն էին հրեաների թշնամի Համանի, որը Բերգէի որդի Ամադոթի որդին էր:
10. Այն օրը նրանք ոչինչ չյափշտակեցին: Արքային ներկայացրին Սուսա քաղաքում կոտորուածների թիւը:
11. Արքան ասաց Եսթերին. Հրեաները Սուսա քաղաքում հինգ հարիւր մարդ են կոտորել. իսկ ի՞նչ ես կարծում, քաղաքից դուրս ինչքա՞ն անելի շատ մարդ կոտորած կը լինեն: Արդ, Է՞լ ինչ ես կամենում, որ անեմ քեզ համար:
12. Եսթերն ասաց արքային. Թո՛ղ արքան հրեաներին թոյլ տայ, որ վաղն էլ այդպէս անեն, որ նրանք կախեն Համանի որդիներին:
13. Արքան հրաման տուեց այդպէս անել. Համանի որդիների մարմինները դուրս բերել եւ քաղաքում գտնուող հրեաների մօտ կախաղան հանել:
14. Ադար ամսի տասնչորսերորդ օրը հրեաները հաւաքուեցին Սուսայում ու կոտորեցին երեք հարիւր մարդ, բայց որեւէ բան չյափշտակեցին:
15. Իսկ նրա թագաւորութեան այլ վայրերում մնացած հրեաները հաւաքուեցին ու օգնում էին միմեանց: Նրանք իրենց հանգիստ ու ապահով զգացին իրենց դէմ պատերազմողներից, որովհետեւ նրանցից կոտորեցին մօտ հինգ հազար հոգու
16. Ադար ամսի տասներեքին եւ ոչինչ չյափշտակեցին: Նոյն ամսի տասներեքերորդ օրը նրանք հանգստացան եւ այդ օրը հռչակեցին հանգստեան օր, խնդութեան եւ ուրախութեան օր:
17. Սուսա քաղաքի հրեաները հաւաքուեցին տասնչորսերորդ օրը, բայց չհանգստացան. նրանք տասնհինգերորդ օրը հռչակեցին ցնծութեան եւ ուրախութեան օր:
18. Այս պատճառով էլ ամբողջ երկրում եւ բոլոր գաւառներում հրեաներն ուրախութեան տօն են անում Ադար ամսի տասնչորսերորդ օրը, որպէս բարութեան եւ ուրախութեան օր: Նրանք նուէրներ են ուղարկում իրար՝ ամեն մարդ իր ընկերոջը: Իսկ մայրաքաղաքներում ապրող բնակիչներն Ադար ամսի տասնհինգերորդ օրը նոյնպէս տօնում են, որպէս բարութեան եւ ուրախութեան օր:
19. Մուրթքէն այս դէպքերը գրի առաւ յիշատակարանների մատեաններում եւ ուղարկեց Արտաշէս արքայի իշխանութեան տակ գտնուող մօտիկ ու հեռաւոր հրեաներին,
20. որպէսզի այս օրերը՝ Ադար ամսի տասնչորսը եւ տասնհինգը, իբրեւ կարգ, հաստատեն ուրախութեան տօնի օրեր,
21. որովհետեւ այս երկու օրերին հրեաները հանգիստ գտան իրենց թշնամիներից: Դա Ադար ամսին էր, երբ նրանց սուգը դարձաւ ուրախութիւն, եւ վշտերը փոխուեցին խնդութեան: Այդ օրերը դարձնել են խնջոյքի օրեր,

22. ինչպէս նրանց գրել է Մուրթըն,
23. թէ ինչպէս Ամադոթի որդի Համան Մակեդոնացին պատերազմ էր տուել իրենց դէմ, թէ ինչքան նա վիճակ էր գցել եւ օր նշանակել կոտորելու համար,
24. կամ ինչպէս էր մտել արքայի մօտ եւ ուզում էր Մուրթընին կախաղան հանել տալ, թէ ինչքան չար գործեր էր ձեռնարկել հրեաների դէմ, թէ ինչքան չարիքներ եկան լցուեցին ու բազմացան նրա մէջ, եւ թէ ինչպէս ինքն ու իր որդիները հանուեցին կախաղան:
25. Սրա համար էլ ահա այս օրերը կոչուեցին փոլրիմի օրեր, որովհետեւ, ըստ այս հրովարտակի խօսքերի, ժամանակը իրենց բարբառով կոչւում է փոլրիմ: Այն, ինչ որ այդ ժամանակ կատարուեց նրանց հետ, եւ ինչ որ եղաւ նրանց, Մուրթըն հաստատեց որպէս կարգ:
26. Հրեաները դա ընդունեցին եւ յանձն առան. նրանք սովորեցնում էին նաեւ իրենց որդիներին ու նրանց յետնորդներին,
27. որպէսզի նրանք սերնդից սերունդ չփոխեն յիշատակի այդ ամիսն ու օրերը, քաղաքներում եւ գաւառներում տօնեն պահոց այդ օրերը, եւ նրանց յիշատակը չպակասի սերնդից սերունդ:
28. Ամինադաբի դուստր Եսթերը, նաեւ հրեայ Մուրթըն գրեցին եւ հաստատեցին այս հրովարտակը, որպէսզի միշտ պահպանուի այդ տօնը:
29. Մուրթըն ու Եսթերն առանձին-առանձին ընդունեցին այս կարգը, ուխտ արեցին եւ կատարեցին իրենց խորհուրդը:
30. Եսթերը երդումով հաստատեց այդ կարգը յաւիտենական ժամանակների համար, եւ այն գրուեց յիշատակարանների մատենանում:

1. Արտաշէս թագաւորը գրեց ծովի եւ ցամաքի վրայ իր ունեցած իշխանութեան,
2. իր հզօրութեան, իր քաջութեան, իր մեծութեան եւ իր թագաւորական փառքի մասին: Ահա այդ բոլորը գրուած է պարսիկների եւ մարերի յիշատակարանների մատենաներում:
3. Այնտեղ գրուած է նաեւ, որ Մուրթէն Արտաշէսից իշխանութիւն էր ստացել, մեծ էր նրա թագաւորութեան մէջ, հրեաներից փառաւորուած ու սիրուած եւ կատարուած դէպքերը պատմում էր իր ամբողջ ազգատոհմին:
4. Նա ասում էր, թէ՝
5. Աստծուց եղաւ այս բանը՝ յիշելով այս դէպքերի մասին իր տեսած երազը, քանի որ դրանից մի բան անգամ զանց չեղաւ:
6. Նա տեսել էր մի փոքրիկ աղբիւր, որ մեծ գետ էր դարձել, տեսել էր լոյս, արեւ եւ շատ ջուր: Գետը եսթերն է, որի հետ ամուսնացաւ թագաւորը եւ նրան դարձրեց տիկին:
7. Իսկ երկու վիշապները, - ասում էր, - ես եմ եւ Համանն ու այն ազգերը,
8. որ ժողովուել էին՝ կորստեան մատնելու հրեաների անունը, որ Իսրայէլ է:
9. Նրանք կանչեցին Աստծուն ու ապրեցին. Տէրը ապրեցրեց իր ժողովրդին. Տէրը մեզ փրկեց մեր բոլոր չարիքներից: Աստուած հրաշքներ գործեց ու ցոյց տուեց իր մեծամեծ հնարքները, որպիսիք երբեք չեն եղել հեթանոսների մէջ:
10. Այսպէս, Աստուած ստեղծեց երկու վիճակ՝ մէկն իր ժողովրդի, միւսը բոլոր հեթանոսների համար:
11. Այս երկու վիճակներն էլ իրենց ժամին ու ժամանակին, դատաստանի օրը եկան Աստծու առջեւ՝ բոլոր հեթանոսների մէջ:
12. Յիշեց Աստուած իր ժողովրդին եւ արդարացրեց իր ժառանգութիւնը:
13. Ադար ամսի այս օրերը՝ տասնչորսերորդ օրը եւ նոյն ամսի տասնհինգերորդ օրը թող տօն լինեն նրանց համար, թող ժողովուրդը լինի ցնծութեան եւ ուրախութեան մէջ՝ Աստծու առջեւ, եւ թող այդպէս լինի յաւիտեան, սերնդից սերունդ, Իսրայէլի ժողովրդի մէջ:

1. Պտղոմէոսի եւ Կլեոպատրայի թագաւորութեան չորրորդ տարում ղեւտացի քահանայ Դոսիթեոսը եւ Նրա որդի Պտղոմէոսը տօների կարգի մէջ մուծեցին այս տօնը՝ փոխիմեանը, որը գրուած է ազնուական հրովարտակում եւ կոչւում է Պտղոմէոսի որդի Լուսիմաքոսի անունով, այն, որ Երուսաղէմում է:
2. Արտաշէս մեծ արքայի թագաւորութեան երկրորդ տարում, առաջին օրն Ադար ամսի, որ հայերէն Արեգ ամիսն է, երազ տեսաւ Մուրթքէն՝ Բենիամինի ցեղից մի հրեայ մարդ, որ որդին էր Յայիրի, սա՝ Սեմէի, եւ սա՝ Կիսէի:
3. Մուրթքէն բնակւում էր Սուսա քաղաքում, մեծ մարդ էր եւ հաւատարիմ պաշտօնեայ թագաւորի տան բոլոր գործերի վրայ:
4. Նա այն գերինից էր, որոնց Բաբելոնի Նաբուքոդոնոսոր արքան Երուսաղէմից գերեվարել էր Հրեաստանի արքայ Յեքոնիայի հետ միասին:
5. Այս է այն երազը, որ Նա տեսաւ. երազում Նա լսում էր ալեկոծութեան, որոտի եւ երկրաշարժի ձայն. երկրի վրայ մեծ խառնաշփոթութիւն էր:
6. Եւ ահա երկու շատ մեծ վիշապներ ելնում էին իրար դէմ՝ պատրաստ կռուելու:
7. Նրանցից լսուեց մի բարձր ձայն, եւ նրանց այդ ձայնից բոլոր ազգերը պատրաստուեցին պատերազմի, որպէսզի կռուեն մի արդար ազգի դէմ:
8. Դա խաւարի ու մթի օր էր, տառապանքի ու նեղութիւնների օր, իսկ երկրի վրայ մեծ խառնաշփոթութիւն էր:
9. Խռովքի մատնուեց ամբողջ արդար ազգը՝ իր վրայ հասնող չարիքների պատճառով եւ պատրաստուեց կործանման: Նրանք կանչեցին Աստծուն:
10. Նրանց ձայնից՝ ինչպէս փոքրիկ աղբիւրից, առաջացաւ մի մեծ ու յստակ գետ:
11. Արեգակը ծագեց, խոնարի մարդիկ բարձրացան եւ ոչնչացրին սևափառներին:
12. Մուրթքէն զարթնեց այս երազից, մտածեց, թէ ինչ էր խորհել Աստուած անել. Նա երազը պահում էր իր սրտում, եւ իր ամբողջ հոգով ցանկանում էր իմանալ, թէ ինչ կը լինի երազը, որ ինքը տեսաւ այդ գիշեր:

1. Մուրթքեն մնաց ապարանքում թագաւորի երկու ներքինիների՝ թագաւորի պալատի պահապաններ Դաբիթի ու Թառայի հետ միասին:
2. Երբ Մուրթքեն իմացաւ ներքինիների միտքը եւ պարզեց նրանց սրտի ցանկութիւնը, թէ նրանք պատրաստուել են ձեռք բարձրացնել Արտաշէս թագաւորի վրայ, արքային զեկուցեց նրանց մտադրութիւնների մասին:
3. Թագաւորը հարցաքննեց երկու ներքինիներին, եւ նրանք ամէն ինչ խոստովանեցին նրան:
4. Թագաւորն այս դէպքերի մասին գրեց յիշատակարաններում. Մուրթքեն եւս գրեց այս դէպքի մասին:
5. Թագաւորը Մուրթքէին հրամայեց մեծ զգուշութեամբ առաւել եւս հոգատար լինել թագաւորի տան նկատմամբ եւ նրան պարգեւներ տուեց: Ամադոթի որդի Բոկեցի Համանը, որը պատիւ ուներ արքայի առաջ, կամեցաւ ներքինիների համար չարչարել Մուրթքէին ու նրա ժողովրդին:



1. Ես՝ մեծ արքայ Արտաշեսը, գրում եմ այս հրամանը ձեզ, որ Հնդկաստանից մինչեւ Եթովպիայի կողմերում եք, իշխաններիդ եւ պետերիդ, ձեր հպատակներին եւ իմ այս ամբողջ երկրին:
2. Կամենալով ո՛չ թե իմ իշխանության յարուցած ահով հպարտանալ, այլ քաղցրութեամբ ու խոնարհութեամբ կառավարել, որպէսզի նրանք, որ հնազանդ են, աներկիւղ եւ միշտ ապահով կեանք ունենան, եւ իմ թագաւորութիւնը խաղաղութեամբ մնայ մինչեւ իմ երկրի ծայրամասերը, ինչպէս նաեւ վերահաստատելու համար բոլոր մարդկանց ցանկալի խաղաղութիւնը,
3. Ես հարցրի իմ խորհրդակիցներին, թե ինչպէս կարելի է գլուխ բերել այս ամենը: Եւ Համանը, որի իմաստութիւնը, անփոփոխ հոգածութիւնը, հաստատուն հաւատարմութիւնը յայտնի է, եւ որով նա արժանացել է իմ երկրորդ աթոռակցութեանը,
4. մեզ ցոյց տուեց, որ ամբողջ աշխարհի ազգերին խառնուած է մի դժնդակ, օրինազանց ժողովուրդ, որ ընդդիմանում է թագաւորներին, չի լսում նրանց, մերժում է նրանց հրամանները, որոնք մեր կողմից սահմանուած ու հաստատուած են եւ պարտադիր են մեր իշխանութեան համար:
5. Արդ, միայն այս ազգն է, որ իր բոլոր ցեղերով հակառակ է միւս ազգերին, բոլոր մարդկանց եւ մերժում է օտար օրէնքներն ու կարգերը: Նրանք վատ մարդիկ են ու մեր օրէնքներին հակառակ, նրանց ձեռքով են կատարւում բոլոր չարիքները, նրանք մեր թագաւորութեան թշնամիներն են:
6. Այժմ որոշում եւ այդ մասին ազդարարում ենք մեր այս գրով՝ հաստատուած մեր եւ մեր գործերի կառավարիչ ու թագաւորութեան երկրորդ հայր Համանի կողմից, այս տարուայ տասներկուերորդ ամսի՝ Ադար ամսի չորրորդ օրը թշնամու սրով խապառ ոչնչացնել բոլոր հրեաներին, կանանցով ու որդիներով հանդերձ, առանց գթալու եւ խնայելու:
7. Թող նրանք այս տարի չարաչար մահով մե՛կ օրում դժոխք իջնեն: Միայն այդ ժամանակից, այդ գործերը կատարելուց յետոյ խաղաղութիւն կը լինի մեզ:
8. Հրովարտակի պատճենները գրուեցին եւ տարածուեցին բոլոր գաւառներում: Երբ հրապարակուեց այս հրամանը, բոլորն սկսեցին պատրաստուել այդ օրուան: Այդ լուրերն արագ հասան նաեւ Սուսա քաղաք: Մինչ թագաւորն ու Համանը իրենց մագերը յարդարած զուարճանում էին, ամբողջ քաղաքը խռովութեան մեջ էր: Մուրթքէն թախանձագին աղաչեց Տիրոջը՝ մտաբերելով եւ յիշելով Տիրոջ փառաւոր գործերը: Նա ասաց.
9. Տէ՛ր Աստուած, Թագաւո՛ր Ամենակալ, քո հրամանին է սպասում ամեն ոք, ոչ ոք չի կարող ընդդիմանալ քեզ, եթէ դու կամենում ես ապրեցնել քո ժողովրդին՝ Իսրայէլին,
10. որովհետեւ դու, Տէ՛ր, ստեղծեցիր երկինքն ու երկիրը եւ բոլոր սքանչելիքները.
11. դու տիրում ես ամեն բանի վրայ, եւ ոչ ոք չի կարող հակառակ լինել քո տէրութեանը. դու գիտես ամեն ինչ.
12. որովհետեւ ես ո՛չ հպարտութիւնից, ո՛չ ամբարտաւանութիւնից եւ ո՛չ էլ թշնամանքից ելնելով չերկրպագեցի ամբարտաւան Համանին:
13. Մինչդեռ ես հաճոյքով կը կամենայի համբուրել նրա ոտքերի գարշապարները Իսրայէլի այս տան փրկութեան համար:
14. Բայց ես այս բանն արեցի, որպէսզի փառք չտամ մարդ արարածին, այլ միայն քեզ՝ ճշմարիտ Աստծուդ. ես չեմ երկրպագի որեւէ մէկին, այլ միայն քեզ՝ իմ Տիրոջը. ես դա չարեցի ամբարտաւանութեամբ:
15. Արդ, Աբրահամի Տէ՛ր Աստուած, դու խնայի՛ր քո ժողովրդին, քանզի մեր դեմ բարձրացել են ապականիչները, որովհետեւ ցանկանում են կորստի մատնել քո սկզբնական ժառանգութիւնը:
16. Մի՛ անտեսիր քո բաժինը, որ դու ինքդ փրկեցիր Եգիպտացիների երկրից:
17. Լսի՛ր, Տէ՛ր, իմ աղօթքի ձայնը եւ քաւի՛չ եղիր քո ժառանգութեանը, մեր սուգն

ուրախութեան փոխիր, որպէսզի մենք՝ ապրողներս, օրհնենք քո մեծ անունը, Տէ՛ր: Մի՛  
ապականիր այն բերանը, որ օրհնում է քեզ:

18. Եւ բոլոր իսրայէլացիները, իրենց ամբողջ զօրութեամբ, կանչեցին Տիրոջը, քանի որ  
մահը նրանց առջեւ էր:

1. Եսթեր տիկինը մեծ նեղութիւնների մէջ ապաւինել էր Տիրոջը:
2. Նա վրայից հանեց թագաւորութեան փառքի զգեստները եւ հագաւ նեղութեան ու սգի քուրծ, զանազան թանկարժէք իւղերի ու խնկերի փոխարէն մոխիր ու աղբ լցրեց իր գլխին, իր մարմինը ենթարկեց ծանր չարչարանքների եւ իր մարմնի այն բոլոր մասերը, որ զարդարում էր ցնծութեան ժամանակ, ծածկեց իր մազերի գիսակներով:
3. Նա բազում թախանձագին աղօթքներ մատուցելով՝ Իսրայէլի Տէր Աստծուն խնդրում էր եւ ասում. Տէ՛ր իմ եւ Թագաւո՛ր մեր, դո՛ւ միայն կարող ես օգնել ինձ՝ միայնակիս, ես քեզանից բացի ուրիշ օգնական չունեմ ինձ, քանզի իմ առջեւ մեծ վտանգ կայ:
4. Ես իմ ծննդից ի վեր լսում էի իմ հայրենի ազգից,
5. թէ դու, Տէ՛ր, բոլոր ազգերից ընտրեցիր Իսրայէլին եւ նրանց ազգատոհմից՝ մեր հայրերին, իբրեւ յաւիտենական ժառանգութիւն քեզ, եւ նրանց համար արեցիր այն ամենը, ինչ ասացիր: Նա կրկին շարունակելով իր աղօթքը՝ այսպէս էր ասում. Աստուա՛ծ Աբրահամի, Աստուա՛ծ Իսահակի եւ Աստուա՛ծ Յակոբի, դու օրհնեալ ես յաւիտեան. հայրենի գրքերից ես լսեցի, Տէ՛ր, թէ դու Ենոքին այս երկրից տարար երկինք, ապաշխարութիւնից՝ դէպի յաւիտենական կեանք: Հայրենի գրքերից ես լսեցի, Տէ՛ր, թէ դու Նոյին փրկեցիր ջրհեղեղից: Հայրենի գրքերից ես լսեցի, Տէ՛ր, թէ դու Աբրահամին իր մարդկանց առջեւ թագաւորների մէջ փառք տուեցիր: Հայրենի գրքերից ես լսեցի, Տէ՛ր, թէ դու Յովսանին կէտ ձկան մէջ կենդանի պահեցիր: Իմ հայրենի գրքերից ես լսեցի, Տէ՛ր, թէ դու երեք մանուկներին հնոցի կրակից փրկեցիր, իսկ Դանիէլին ապրեցրիր առիւծների գբի մէջ: Իմ հայրենի գրքերից ես լսեցի, Տէ՛ր, թէ դու Հրէաստանի Եգեկիա արքային, որ մահուան էր դատապարտուած, փրկեցիր, եւ երբ նա իր կեանքի համար աղօթում էր քեզ, ողորմեցիր նրան, շնորհ տուիր ու նրա կեանքին աւելացրիր տասնհինգ տարի: Իմ հայրենի գրքերից ես լսեցի, Տէ՛ր, թէ դու, երբ Աննան աղօթքներով ու պաղատանքով զաւակ էր խնդրում քեզանից, դու նրան, Տէ՛ր, շնորհեցիր մեծն Սամուէլին:
6. Եւ այժմ, Տէ՛ր, մենք մեղք գործեցինք քո առջեւ, եւ դու մեզ մատնեցիր մեր թշնամիների ձեռքը
7. այն բանի փոխարէն, որ մենք փառաւորեցինք նրանց աստուածներին: Արդար ես դու, Տէ՛ր:
8. Բայց նրանք չբաւարարուեցին նրանով, որ մենք ծառայում ենք իրենց, այլ իրենց ձեռքերը դրին իրենց կուռքերի վրայ՝
9. երդուելով վերացնել այն, ինչ սահմանել է քո բերանը, եղծանել քո ժառանգութիւնը, փակել քեզ օրհնող բերանները, մարել քո Տան եւ քո սուրբ սեղանի փառքը,
10. բացել ազգերի բերանները՝ փառաւորելու համար իրենց աստուածներին, որ ոչնչութիւն են, փառաւորելու համար այս ժամանակի մարմնաւոր թագաւորներին:
11. Արդ, Տէ՛ր Աստուած, քո ժառանգութեան վիճակը մի՛ մատնիր նրանց ձեռքը, որ ոչինչ են, որպէսզի մեր կործանման վրայ ուրախութեամբ չցնծան, այլ շրջի՛ր նրանց մտադրութիւնը իրե՛նց իսկ վրայ եւ խայտառակի՛ր նրան, ով ելել է մեր դէմ:
12. Յիշի՛ր, Տէ՛ր, եւ մի՛ անտեսիր մեզ մեր նեղութեան ժամանակ: Դու, որ բոլոր թագաւորների Թագաւորն ես եւ տերերի Տէրը, համարձակութիւն տուր ինձ
13. եւ իմ բերանում դի՛ր դիւրին խօսքեր, որ շնորհ գտնեմ թագաւորի առաջ, շրջի՛ր նրա սիրտը ատելութեամբ դէպի մեր թշնամին՝ կոտորելու համար նրան եւ նրա կամակիցներին:
14. Իսկ մեզ փրկի՛ր քո բարձր բազկով եւ օգնի՛ր ինձ՝ միայնակիս, որը, բացի քեզանից, ուրիշ օգնական չունի, Տէ՛ր:
15. Տէ՛ր, դու բոլորի սիրտը գիտես եւ ճանաչում ես. ես ատեցի այս անօրէնների փառքը, զգուած եմ այս անթլփատների անկողնուց եւ այս բոլոր օտար ստացուածքներից:
16. Դու գիտես, Տէ՛ր, իմ կարիքները, քանզի ինձ համար զարշելի է այս թագը, որ իմ գլխին է. սրանից զարշում եմ ինչպէս կանանց ամսականի արնոտ լաթից, եւ չեմ կրում

այն, երբ ներսում հանգստանում եմ:

17. Քո աղախինը չկերաւ Համանի սեղանից, ես չփառաւորեցի թագաւորի գինարբուքը եւ չխմեցի կուռքերին զոհաբերուած նրանց գինուց:

18. Այն օրից, ինչ քո աղախինը մտել է թագաւորի մօտ, մինչեւ այժմ, ուրախացել է միայն քեզանով, Տէ՛ր, Տէ՛ր Աստուած Աբրահամի:

19. Աստուա՛ծ, որ հզօր ես բոլորի վրայ, լսի՛ր մեր՝ անյոյսներիս ծայնը, փրկի՛ր մեզ այն ձեռքերից, որ չարչարում են մեզ, ազատի՛ր ինձ իմ երկիւղից եւ ապրեցրո՛ւ քո ժողովրդին՝ Իսրայէլին:

1. Մուրթքէն, պատուիրելով, ասաց նրան, որ Եսթերը մտնի արքայի մօտ, խնդրի նրանից եւ աղաչի ժողովրդի համար:
2. Յիշիր, - ասաց, - քո տառապանքի օրերը եւ թէ ինչպէս մեծացար իմ ձեռքերի մէջ, որովհետեւ Համանը՝ արքայի երկրորդը, նրա հետ խօսել է մեզ մահուան մատնելու մասին:
3. Արդ, Տէր Աստծուն կ'աղաչես պաղատանքով եւ թագաւորիդ հետ կը խօսես մեր մասին, որպէսզի մեզ փրկես այս մահուանից:
4. Առնաթելը մտաւ Եսթերի մօտ եւ նրան ասաց այս բոլոր բաները:
5. Եսթերն ասաց Առնաթելին.
6. Դու գնա՛ Մուրթքէի մօտ եւ ասա՛ նրան, թէ թագաւորութեան բոլոր ազգերը գիտեն, որ եթէ որեւէ տղամարդ կամ կին մտնի արքայի մօտ՝ ներքին սենեակը, առանց նրա կանչելու, փրկութիւն չկայ նրան. բայց ապրում է միայն նա, ում արքան մեկնում է իր ոսկի գաւազանը: Իսկ ես կանչուած չեմ մտնելու արքայի մօտ՝ ահա արդէն այս երեսուն օր է:
7. Երրորդ օրը, երբ նա վերջացրեց իր աղօթքը, հանեց իր վրայից սգոյ հանդերձը, հագաւ իր ծիրանի զգեստները եւ շատ գեղեցիկ դարձաւ:
8. Նա կանչեց իր ամենատես եւ բոլորի փրկիչ Աստծուն, իր հետ վերցրեց իր սիրելի երկու նաժիշտներին,
9. որոնցից մէկը վեր էր բռնել նրա զգեստի քղանցքը,
10. իսկ միւսի ուսով նա գցել էր իր թելը:
11. Նա ամօթահար՝ վախճնում էր իր երիտասարդական գեղեցկութեան համար: Նրա երեսը զուարթ էր՝ սիրելիւ համար, բայց նրա սիրտը նեղուած էր ահից:
12. Նա անցաւ ապարանքի բոլոր դռներով ու կանգնեց թագաւորի առջեւ: Թագաւորը նստել էր իր արքայական աթոռին ու հագել էր իր փառքի պատմութեանը, որն ընդելուզուած էր ոսկով, մարգարտով ու թանկարժեք քարերով, իսկ տեսքը խիստ ահաւոր էր:
13. Թագաւորը վեր բարձրացրեց իր դէմքը, որ վառոււմ էր փառքով, եւ նայեց: Տիկինը շփոթուեց, փոխեց իր գոյնը, թուլացաւ եւ թեքուեց իր առջեւից գնացող նաժշտի վրայ:
14. Աստուած թագաւորի հոգին շրջեց դէպի հեզութիւն. թագաւորը շտապ վեր կացաւ, մեծ երկիւղով արագ իջաւ իր աթոռից եւ տիկնոջն առաւ իր գիրկը, կանգնեցրեց նրան: Նա աղաչում, մխիթարում էր նրան մեղմ խօսքերով եւ ասում.
15. Քեզ ի՞նչ է եղել, Եսթէ՛ր տիկին, ես քո եղբայրն եմ, համարձակ եղի՛ր, չե՛ս մեռնի.
16. քանի որ իմ եւ քո հրամանները նոյնն են. մօտեցիր,
17. վերցրո՛ւ ոսկի գաւազանն ու դիր քո՝ տիկնոջդ պարանոցի վրայ: Ապա նա համբուրեց նրան ու ասաց.
18. Խօսիր ինձ հետ:
19. Եսթերն ասաց նրան. Ես քեզ տեսայ, տէ՛ր, ինչպէս Աստծու հրեշտակ, եւ իմ սիրտը խռովուեց քո փառքի ահից,
20. քանզի սքանչելի ես, տէ՛ր իմ, եւ քո երեսը լի է շնորհով:
21. Եւ մինչ նա խօսում էր նրա հետ, երկրորդ անգամ թուլացած ընկաւ թագաւորի ահից:
22. Թագաւորն ու նրա բոլոր ծառաները շատ անհանգիստ էին. թագաւորի սպասաւորներն աղաչում էին տիկնոջը: Թագաւորն ասաց. Ի՞նչ ես կամենում, Եսթէ՛ր, եւ ի՞նչ է քո խնդրանքը. ճշմարիտ եմ ասում քեզ, եթէ խնդրես նոյնիսկ իմ թագաւորութեան կէսը, կը տամ քեզ:

1. Այս էր պատճենն այն հրովարտակի, որ կնքուած էր թագաւորի մատանիով.
2. Ես՝ մեծ թագաւոր Արտաշէսը, ողջունում եմ ձեզ, որ Հնդկաստանից մինչեւ Եթովպիայի կողմերում էք, հարիւր քսանեօթը գաւառների նախարարներիդ եւ իշխաններիդ, ձեզ, որ մեր մտքի եւ մեր սրտի մէջ էք:
3. Շատերը, որ շատ անգամ իրենց բարերարների քաղցր վերաբերմունքի շնորհիւ յաճախակի պատիւների են արժանացել, չափից աւելի մեծամտացան իրենց խորհուրդներով:
4. Նրանք ոչ միայն աշխատում են մեր հպատակներին չարչարել, այլ իրենց յանդգնութեամբ չեն կարողանում հանդուրժել նաեւ մեծերին եւ մեքենայութիւններ են նկերում իրենց բարերարների հանդէպ:
5. Այդպիսով նրանք ոչ միայն վերացնում են մարդկանցից երախտագիտութիւն ստանալու հնարաւորութիւնը, այլեւ յղփանալով ու գոռոզամտանալով՝ ուզում են անհնարին գովասանքներ ստանալ: Նրանք չգիտեն, որ այդ ամենի վերատեսուչը յաւերժական Աստուածն է: Նրանք ատելի չարութեամբ կարծում են, թէ կը խուսափեն դատաստանից:
6. Շատ անգամ շատերը, որ իշխանութեան են նշանակուած եւ որոնց գործ է վստահուած, իրենց համար հանգստութիւն ու մխիթարութիւն են համարում անմեղ արին թափելը:
7. Դրա համար էլ այդպիսի մէկը կրեց իր արժանի պատիժը, որը, չարակամութեամբ եւ ատելութեամբ, առանց խորհելու մեզ մօտ ամբաստանեց նրանց, ովքեր պատուի են արժանացել մեր կողմից:
8. Իսկ այժմ պետք է առաւել զգոյշ լինել, քան նախորդ անգամ, ինչպէս սովորեցրինք ձեզ, որովհետեւ այն անգամ գրուեց միայն այդպիսի մարդկանց մասին եւ ոչ թէ նրանց արած գործերի, մարդիկ, որոնք անարժանաբար հզօրացել էին իրենց ժառանգած իշխանութեամբ:
9. Արդ, նայելով թագաւորութեանս, այնպէս արեք, որ այն լինի առանց խռովութեան, քանի որ մենք բոլոր մարդկանց շնորհեցինք ապրել խաղաղութեամբ:
10. Այժմ վերադարձէ՛ք Նոյն վիճակին. թող մերժուի նախորդ հրամանը. հարկաւոր է հեզութեամբ ու խաղաղութեամբ ընդառաջել
11. Եւ ոչ ինչպէս Ամադոթի որդի Համան Մակեդոնացին, որը իսկապէս օտար լինելով պարսից զարմին եւ այն քաղցր վերաբերմունքին
12. ու մարդասիրութեանը, որ ունենք բոլոր ազգերի նկատմամբ, եւ որոնք խիստ ատելի, մերժելի եւ խորթ էին նրա համար այն աստիճան, որ, թէեւ նա կոչուեց մեր աթոռակիցը, որին երկրպագում էին բոլորը, որ մեր իշխանութեան տակ են, եւ որին պատուեցինք մեր երկրորդ աթոռին նստեցնելով,
13. բայց նա իր ամբարտաւանութեան մէջ չհանդարտուեց, ջանաց մեքենայութիւն նկերել՝ հեռացնելու մեզ այս իշխանութիւնից եւ զրկելու հոգուց:
14. Մեր փրկիչ ու երախտաւոր Մուրթքէին եւ իմ թագաւորութեանը հաւասար չքնաղ ու անարատ Եսթեր տիկնանց տիկնոջը, իր ամբողջ ազգով հանդերձ, բազում զուր եւ դատարկ մեղքեր վերագրելով, նա ցանկացաւ առանց պատճառի կործանել:
15. Այս եղանակով նա մտածում էր իմ պարսկական թագաւորութիւնը վերածել աւերի ու անապատի եւ այն կրկին վերադարձնել մակեդոնացիներին:
16. Իսկ մենք տեսնում ենք, որ բազմահնար այդ սատակչի կողմից կոտորուելու մատնուած հրեաների մէջ չարութեան որեւէ գործ չկայ, եւ նրանք արդար օրէնքներով ընթացող մարդիկ են:
17. Սրանք որդիներն են բարձրեալ, մեծ ու կենդանի Աստծու, որ մեր եւ մեր ազգի թագաւորութիւնը վարում է իր բարութեան եւ սիրոյ առատութեամբ:
18. Արդ, լաւ կ'անեք, որ ոչինչ չձեռնարկեք ըստ այն հրովարտակի, որ Համանի հրամանն է եւ ուղարկուած է ձեզ:

19. Նա ինքնագլուխ է արել այդ բանը, դրա համար էլ Նա Սուսա քաղաքի դռների մօտ իր ամբողջ ընտանիքով հանդերձ կախաղան է հանուել՝ վրեժի արժանի հատուցումն իր վրայ ընդունելով Ամենակալ Աստծուց, որը Նրան արագ հատուցեց իր դատաստանը:
20. Այս հրովարտակի պատճենը հանեցէ՛ք, դրե՛ք տեսանելի տեղերում, տարածեցէ՛ք ամենայն հոգածութեամբ, որպեսզի հրեաները կատարեն իրենց օրենքները:
21. Արդ, թող Նրանք քաջալերուեն, որովհետեւ ինչպես Նեղութեան ժամանակ Նրանց չարչարում էին, թող Նրանք այդպես էլ հատուցեն իրենց թշնամիներին Ադար ամսի Նոյն՝ տասներկուերորդ եւ տասներեքերորդ օրը.
22. քանզի Ամենագոր Աստուած հենց ինքը այդ ընտրեալ ազգի կործանման փոխարեն Նրանց ուրախութիւն տուեց:
23. Եւ դուք այժմ ձեր օրենքով՝ ձեր տարեկան տօներին եւ Նշանաւոր օրերին ուրախութիւն կ'անեք,
24. որպեսզի, ինչպես մինչեւ հիմա, այնպես էլ սրանից յետոյ եւս փրկութիւն լինի մեզ եւ պարսիկներին համար վաստակածներին, իսկ կորստեան յիշատակ Նրանց, ովքեր մեզ համար մահ էին Նիւթում:
25. Բոլոր այն քաղաքներն ու գաւառները, որոնք չեն գործի ըստ մեր այս խօսքերի, սրով, հրով եւ ցասումով պիտի աւերուեն եւ դատարկուեն ոչ միայն մարդկանցից, այլեւ երկրի գազաններից եւ թռչուններից, որոնք յաւիտեան պիտի թողնեն եւ հեռանան դրանցից:

309



## Գլուխ 1

1. Աւսիդ քաղաքում մի մարդ կար, որի անունը Յոբ էր: Այդ մարդը ճշմարտախօս էր ու անարատ, արդար էր ու աստուածապաշտ, ամեն տեսակի չար ու մեղաւոր գործերից հեռու:
2. Եօթը տղաներ ու երեք աղջիկներ ունեցաւ նա:
3. Նրա հօտի մէջ եօթը հազար ոչխարներ կային, երեք հազար ուղտեր, հինգ հարիւր լուծ եզներ եւ արածող հինգ հարիւր մատակ էշեր. ուներ եւ բազմաթիւ սպասաւորներ: Մեծամեծ գործեր ուներ նա երկրի վրայ: Այդ մարդը բոլոր արեւելաբնակներից ամենաազնուականն էր:
4. Նրա որդիները, համաձայնելով, իրենց հետ իրենց երեք քոյրերին վերցնելով, իրար մօտ էին գալիս, խրախճանքներ սարքում, նրանց հետ ուտում-խմում:
5. Եւ երբ աւարտում էին խրախճանքի օրերը, Յոբը նրանց յետեւից մարդիկ էր ուղարկում եւ սրբագործում էր նրանց. առաւօտեան վեր կենալով՝ նրանց համար, ըստ նրանց թուի, զոհեր էր մատուցում մէկական զուարակ, նրանց մեղքերի համար: Յոբն ասում էր. Գուցէ իմ զաւակներն իրենց մտքում չար բան մտածեցին Աստծու մասին: Այսպէս էր անում Յոբը՝ նրանց խրախճանքների բոլոր օրերին:
6. Եւ մի օր ահա Աստծու իրեշտակները եկան կանգնեցին Տիրոջ առաջ. նրանց հետ սատանան էլ եկաւ՝ ման գալով երկրի երեսին, շրջելով նրա վրայ:
7. Եւ Տէրն ասաց սատանային. Որտեղի՞ց ես գալիս դու: Պատասխան տուեց սատանան Տիրոջն ու ասաց. Երկրի երեսին շրջելով ու երկնքի տակ ման գալով եմ եկել:
8. Եւ Տէրն ասաց նրան. Ուշադրութիւն դարձրի՞ր իմ ծառայ Յոբին, որի նման անարատ, ճշմարտախօս, աստուածապաշտ, ամեն տեսակի չար գործերից հեռու մնացող մարդ չկայ երկրի վրայ:
9. Պատասխան տուեց սատանան՝ ընդդիմանալով Տիրոջը. Միթէ Յոբը ձրի՞ է պաշտում Տիրոջը.
10. չէ՞ որ դու ես պաշտպանել նրան արտաքուստ ու նրա տունը՝ ներքուստ, եւ ամեն ինչ, որ կայ նրա շուրջը. նրա ձեռքի գործերը դու ես օրհնել, երկրի վրայ նրա անասունները դու ես բազմացրել:
11. Բայց դէ փորձի՛ր մէկնել ու զցել քո ձեռքը նրա ամբողջ ունեցուածքին, ու կը տեսնես, որ նա դժմառդէմ կ'անիծի քեզ:
12. Այն ժամանակ Տէրն ասաց սատանային. Ահա նրա ամբողջ ունեցուածքը քո ձեռքն եմ տալիս, պայմանով որ նրա անձին ձեռք չտաս: Եւ սատանան հեռացաւ Տիրոջ առաջից:
13. Եւ այդ այն օրն էր, երբ Յոբի տղաներն ու աղջիկները իրենց աւագ եղբօր տանը ուտում ու գինի էին խմում:
14. Եւ ահա մի պատգամաբեր եկաւ Յոբի մօտ ու ասաց նրան. Լծկան եզները վար էին անում, մատակ էշերն էլ՝ արածում նրանց մօտերը:
15. գերեվարողները եկան ու տարան նրանց, իսկ քո ծառաներին սրով կոտորեցին: Միայն ես ազատուելով՝ եկայ քեզ պատմելու:
16. Եւ մինչ նա խօսում էր, մի ուրիշ պատգամաբեր եկաւ ու Յոբին ասաց. Երկնքից կրակ թափուեց ու այրեց հօտերը, հովիւներին էլ նոյն ձեւով ճարակեց: Միայն ես մնացի ու եկայ քեզ պատմելու:
17. Եւ մինչ նա խօսում էր, մի ուրիշ պատգամաբեր եկաւ ու Յոբին ասաց. Ասպատակներ ասպատակեցին մեզ երեք խմբերով, շրջապատեցին ուղտերն ու տարան դրանք, իսկ քո ծառաներին սրով կոտորեցին: Միայն ես ազատուելով՝ եկայ քեզ պատմելու:
18. Եւ մինչ նա խօսում էր, մի ուրիշ պատգամաբեր եկաւ ու Յոբին ասաց. Մինչ քո տղաներն ու աղջիկներն իրենց աւագ եղբօր մօտ ուտում-խմում էին,
19. անապատից յանկարծակի սաստիկ հողմ փչեց ու խփեց տան չորս անկիւններին. տունը փլուեց քո զաւակների վրայ, ու նրանք վախճանուեցին: Միայն ես ազատուելով՝

Եկայ քեզ պատմելու:

20. Ապա Յոբը վեր կացաւ, պատառոտեց իր հագուստները, կտրեց իր գլխի մազերը եւ գետին փռուելով՝ երկրպագեց Տիրոջն ու ասաց.

21. Իմ մօր որովայնից ես մերկ դուրս եկայ, մերկ էլ կը վերադառնամ:

22. Տերը տուեց, Տերն էլ յետ առաւ: Ինչպէս որ հաճելի էր Տիրոջը, այնպէս էլ եղաւ: Թող օրհնեալ լինի Տիրոջ անունը:

23. Եւ նրան պատահած այս բոլոր դէպքերի ժամանակ Յոբը չմեղանչեց Տիրոջ առաջ, ոչ էլ անզգամութիւն հանդես բերեց Աստծու հանդէպ:

## Գլուխ 2

1. Մի օր Աստծու հրեշտակները եկան կանգնեցին Աստծու առաջ. նրանց մեջ էր ու նրանց հետ Տիրոջ առաջ եկաւ կանգնեց նաեւ սատանան:
2. Եւ Տէրն ասաց սատանային. Որտեղի՞ց ես գալիս: Այն ժամանակ սատանան Տիրոջն ասաց. Եկել եմ թափառելով անցնելով երկնքի ներքոյ եւ շրջելով ամէն տեղ:
3. Եւ Տէրն ասաց սատանային. Տեսա՞ր արդեօք իմ ծառայ Յոբին, որի նման ճշմարտախօս, անարատ, աստուածապաշտ, ամէն չար գործից հեռու մնացող մարդ չկայ երկրի վրայ. դեռ հաստատուն էլ մնում է նա իր անմեղութեան մէջ: Իսկ դու իզուր էիր ասում, որ կորստեան մատնեմ նրա ունեցուածքը:
4. Պատասխան տուեց սատանան ու ասաց Տիրոջը. Մորթի դեմ մորթ. մարդն ինչ որ ունի՝ իր կեանքի համար կը տայ:
5. Բայց ահա մեկնի՛ր ձեռքդ, ձե՛ռք տուր նրա ոսկորին ու մարմնին, ու կը տեսնես, որ նա դեմառդեմ կ'անիծի քեզ:
6. Տէրն ասաց սատանային. Ահա նրան քո ձեռքն եմ մատնում, պայմանով որ նրա կեանքը պահես:
7. Եւ սատանան հեռացաւ Տիրոջ առաջից եւ ոտից գլուխ չարորակ վերքերով պատեց Յոբին:
8. Եւ Յոբը խեցու մի կտոր առնելով՝ քերում էր թարախը. նստում էր աղբիւսում, քաղաքից դուրս:
9. Ու երբ այս դէպքից շատ ժամանակ անցաւ, կինն ասաց նրան. Մինչեւ ե՞րբ, դիմանալով, պիտի ասես, որ համբերելու ես դեռ մի որոշ ժամանակ՝ փրկութեան յոյս ակնկալելով: Ահա ջնջուած է յիշատակդ երկրի երեսից, ոչնչացուած են տղաներդ ու աղջիկներդ՝ իմ որովայնի ծնունդները, որոնց ես իզուր վաստակեցի տառապանքով: Դու ինքդ էլ զագրելի որդերի մէջ նստած ես բացօթեայ, իսկ ես, մոլորուած, ծառայի պէս տնից տուն, տեղից տեղ ընկած՝ սպասում եմ, թէ ե՛րբ է արեգակը մայր մտնելու, որ հանգստանամ իմ տառապանքներից ու ցաւերից, որոնք այժմ պատել են ինձ: Արդ, մի խօսք ասա Տիրոջն ու մեռի՛ր:
10. Եւ Յոբը նրան նայելով՝ ասաց. Խօսեցիր ինչպէս մի անզգամ կին. եթէ Տիրոջ ձեռքից բարիքներն ընդունեցինք, չարիքներին չհամբերե՞նք: Եւ իր հետ պատահած այս բոլոր դէպքերի ժամանակ Յոբն իր շրթունքներով չմեղանչեց Տիրոջ առաջ, ոչ էլ անզգամութիւն հանդես բերեց Աստծու հանդէպ:
11. Երեք բարեկամներ՝ թեմնացիների արքայ Եղիփազը, սոքեցիների բռնակալ Բաղդատը եւ մինեցիների արքայ Սոփարը, լսելով այն բոլոր չարիքների մասին, որ հասել էին Յոբի վրայ, համաձայնելով եկան նրա մօտ, իւրաքանչիւրն իր աշխարհից՝ մխիթարելու եւ ամոքելու նրան:
12. Նրան հեռուից տեսնելով՝ չճանաչեցին. բարձրադադակ լաց եղան. իւրաքանչիւրն իր պատմութեանը պատառոտեց. երկինք նայելով՝ հող ցանեցին գլխներին:
13. Եօթն օր ու եօթը գիշեր նստեցին նրա շուրջը. նրանցից ոչ ոք մի բան չխօսեց հետը, որովհետեւ տեսնում էին նրան հասած սաստիկ մեծ հարուածները:

1. Ապա Յոբը դժուարութեամբ բաց արեց բերանը, անիծեց իր ծնունդ օրը,
2. խօսեց ու ասաց.
3. Կորչի թող օրն այն, երբ ես ծնուեցի, ու գիշերն էլ, երբ ասացին ինձ, թէ՛արու մի գաւակ է սաղմաւորուել:
4. Խաւար թող դառնայ այն գիշերը, եւ Տէրը վերելից չփնտռի թող այն:
5. Նրա վրայ է՛լ լոյսը չծագի. թող պատեն խաւարն, ստուերները մահուան, ու մեզը իջնի թող նրա վրայ:
6. Անիծեալ լինի այն օրն, գիշերն էլ. խաւարը տանի: Չլինի թող այն՝ տարուայ օրերում, ու չթուարկուի նաեւ օրերում այն ամիսների:
7. Այլ գիշերը այն լինի ցաւերում, եւ թող չայցելեն նրան խնդութիւն, ոչ էլ ցնծութիւն:
8. Նզովի թող նա, ով պիտ անիծի օրն այն, ով ձեռքն իր գցի վիշապին:
9. Խաւարեն թող այն աստղերն գիշերուայ. գիշերն սպասի, բայց լոյս չգայ թող, ու չտեսնի թող երբեք ծագելը վառ արուսեակի.
10. քանզի չփակեց իմ մօր արգանդի դռները, որով գուցէ եւ վաներ ցաւերն իմ աչքից:
11. Ինչո՞ւ չմեռայ ես էլ արգանդում, դուրս եկայ այսպէս եւ տեղնուտեղը չքացայ գէթ:
12. Ինչո՞ւ ծնուեցի, ինչո՞ւ ծծեցի ստինքներն իմ մօր:
13. Մինչ հիմա հանգչած ես կը լինէի,
14. կը ննջէի ու կը հանգչէի ես արքաների հետ, երկրի իմաստնոց, որ յոխորտում են սրերով իրենց,
15. կամ իշխանների, որ բազում ոսկի ունեն եւ որոնք լցրել են իրենց տներն արծաթով,
16. կամ ինչպէս վիժուածք, որ դուրս է ընկնում արգանդից իր մօր, կամ գերթ մանուկներ, որոնք որ լոյսը չտեսան երբեք:
17. Այնտեղ են հիմա ամբարիշտները, որ բորբոքեցին զայրոյթը Տիրոջ: Այնտեղ հանգչեցին մարմնով տանջուածներ,
18. անցեալի մարդիկ, որ չեն լսում էլ ձայնն հարկահանի:
19. Այնտեղ են փոքրն ու մեծը միասին, նոյնպէս եւ ծառան, որ չունի երբեքտիրոջից երկիւղ:
20. Ինչո՞ւ է տրուում լոյսը այն անձանց, որ դառնացած են, կեանքը՝ ցաւագնած այն հոգիներին,
21. որ մահ են տեսչում՝ չեն հասնում դրան, փորում են, ինչպէս գանձ կը փորէին, կ'ուրախանային, թէ մահ գտնէին:
22. Մահն մարդու համար հանգիստ է,
23. սակայն ճամփան դէպի այն ծածկուեց նրանից. փակեց նրա շուրջը ինքը Աստուած:
24. Կերակրից առաջ՝ հեծութիւնն հասաւ. արցունքներով ու ահով եմ ընկճուած,
25. քանզի ինչ բանի երկիւղն ունէի՝ հասաւ ինձ վրայ. ինչից որ վախ կար՝ հենց ի՛նձ պատահեց:
26. Չխաղաղուեցի, դադար չառայ ես, ոչ էլ հանգչեցի, քանի որ վրաս բարկութիւնն իջաւ:

#### Գլուխ 4

1. Եղիփազ Թեմնացին ասաց.
2. Մի՞թե շատ անգամներ են ասուել քեզ խօսքեր տանջալից. եւ ո՞վ կը դիմանայ խօսքերիդ զօրութեան:
3. Որովհետեւ եթէ խրատել ես դու շատերին, բռնել ես ձեռքը տկարի ու մխիթարել,
4. խօսքովդ կանգնեցրել ոտքի անգորին, եղել քաջալեր ծնկին կթոտած, -
5. արդ քեզ վրայ են հասել տանջանքներ: Բայց տաճնապել ես:
6. Չէ՞ որ երկիւղդ անզգամութիւն է, ինչպէս կասկածո՞ճամփի վրայ անչար:
7. Յիշի՛ր դու արդ. այն ո՞ր անմեղն է կորել-զնացել, կամ երբեւէ արդարները եղե՞լ են արմատախիլ:
8. Ինչպէս որ ես եմ տեսել միշտ. ով որ վարել է ու անպատշաճ սերմեր ցանել, փոխարէնը ցաւ է հնձելու:
9. Կորչելու են Տիրոջ հրամանով, ոչնչացուելու զայրալից շնչից:
10. Հանգել են զօրութիւնն առիւծի, գոչիւնը էգ առիւծի եւ պերճութիւնը վիշապների:
11. Սատկել է մրջնառիւծը՝ կեր չլինելուց. իրար են լքել կորիւններն առիւծի:
12. Եթէ քո խօսքերում դեռ ճշմարիտ բան գոյութիւն ունենար, այդպիսի չար բաներ քեզ չէին պատահի: Ուրեմն ականջն իմ չի՞ ընդունելու իրաշակերտ բաներ նրանից:
13. Գիշերային արհաւիրքներ ու դողդիւններահ են գցել մարդկանց սրտում.
14. դողումն ու սոսկումն են պատել ինձ եւ սաստիկ ցնցել ոսկորներն իմ:
15. Մի շունչ դիպաւ իմ երեսին. քստմեցին մազերս ու մարմինն իմ:
16. Կանգնեցի, բայց չհասկացայ. տեսայ, բայց կերպարանք չկար աչքերիս առաջ: Միայն շունչ ու մի շշնջիւն էի լսում:
17. Մահկանացուն միթէ Տիրոջ մօտ աւելի մաքո՞ւր է, կամ մի մարդ աւելի անարա՞տ է քան գործերը Նրա,
18. եթէ չի հաւատում իր ծառաներին, իսկ հրեշտակների վրայ խոտոր բաներ է նկատում:
19. Արդ, գալով կաւէ տներում բնակուածներին (մենք էլ միեւնոյն կաւից ենք), ցեցի պէս կերաւ նրանց,
20. եւ առաւօտից մինչեւ երեկոյ նրանք գոյութիւն չեն ունենայ: Քանի որ իրենք իրենց չէին կարող օգնել՝ կորան:
21. Փչեց նրանց վրայ, ու չորացան, ոչնչացան նրանք,զի չունէին իմաստութիւն:

1. Արդ, կանչի՛ր, եթե մեկը քեզ ծայն է տալու, կամ եթե տեսնելու ես սուրբ հրեշտակներից որեւէ մեկին:
2. Յիրաւի, բարկութիւնն անզգամին սպանում է, մոլորեալին մեռցնում:
3. Ես տեսել եմ ահա անզգամներին արմատ գցելիս, բայց իսկոյն խորտակուել են տները նրանց:
4. Հեռու լինեն թող նրանց գաւակները փրկութիւնից, եւ խղճուկ քարշ գան թող վատթարների դռներին. բայց ոչ ոք չի գտնուելու, որ փրկի նրանց:
5. Ինչ որ նրանք ժողովել են՝ արդարներն են ուտելու, իսկ իրենք չեն ազատուելու պատուհասներից. քամուելու է զօրութիւնը նրանց:
6. Արդարեւ, հողից չէ որ ելնում է տառապանքը, ոչ էլ լեռներից են բուսնում ցաւերը:
7. Այլ մարդը տանջանքով է ծնւում. արծիւների ձագերը բարձունքներում են ճախրում:
8. Սակայն ես Տիրոջից եմ խնդրելու, Տիրոջը՝ բոլորի իշխանին եմ ծայն տալու,
9. որ կատարում է մեծ ու անքննելի, փառաւոր ու հրաշակերտ գործեր, որոնք թիւ ու համար չունեն,
10. որ տալիս է անձրեւ՝ երկրի վրայ, ուղարկում ջրեր՝ երկնքի ներքոյ,
11. որ բարձրացնում է խոնարհներին եւ ոտքի է կանգնեցնում կորուսեալներին,
12. որ փոխում է մտադրութիւնները խորամանկների, որոնց ձեռքերը ճշմարիտ գործեր չեն կատարում,
13. որ վրայ է հասնում իմաստուններին՝ հանճարով, ջախջախում մտադրութիւնները բազմադաւների:
14. Ցերեկը խաւարն է նրանց վրայ հասնելու, իսկ կեսօրին խարխափելու են ինչպէս գիշեր ժամանակ:
15. Պատերազմով են ոչնչանալու, եւ աղքատն ազատուելու է հզօրի ձեռքից:
16. Յոյս է ունենալու տկարը, եւ փակուելու է անիրաւի բերանը:
17. Երանելի է այն մարդը, որին Տէրն ուղղում է երկրի վրայ. ուստի, Յո՛ւբ, չիրաժարուես Ամենակալի խրատից:
18. Տէրն է, որ ցաւ է պատճառում, բայց յետոյ նորից ամոքում, խփում է, բայց նրա ձեռքն է բժշկում:
19. Վեց անգամ փրկելու է քեզ վշտերից, իսկ եօթներորդին չարը քեզ չի մօտենալու:
20. Սովի ժամանակ քեզ մահից է փրկելու, պատերազմի ժամանակ կապանքներից է ազատելու քեզ:
21. Պահելու է քեզ լեզուի հասցրած տառապանքներից, ու չես սարսափելու քեզ վրայ եկած չարիքներից:
22. Արհամարհելու ես անիրաւներին ու անօրէններին եւ երկիւղ չես կրելու վայրի գազաններից,
23. որովհետեւ դաշտի քարերի հետ ես դաշինք կնքելու, վայրի գազանների հետ խաղաղութեան մէջ ես լինելու:
24. Ապա իմանալու ես, որ խաղաղութիւն կայ քո տան մէջ, եւ քո յարկի տակ բան չի պակասելու:
25. Իմանալու ես, որ բազում են քո սերունդները, եւ քո որդիները դաշտի խոտի պէս են լինելու:
26. Գերեզման ես իջնելու ժամանակին հնձուած հասուն ցորենի պէս, կամ ինչպէս ժամանակին մէկտեղուած կալի շեղջը:
27. Ահա սա այսպէս քննեցինք, սա է, ինչ որ լսեցինք. բայց դու ինքդ իմացիր, թէ ի՛նչ ես արել:

1. Յոբը խօսեց ու ասաց.
2. Թե որ կշռելով կշռեր մեկը իմ սրտմտութիւնը, ցաւերս էլ բարձեր նժարին կշռի, ծովի աւազներից էլ ծանր կը լինէին դրանք:
3. Խօսքերս կարծես խենթ-խելառ լինեն,
4. զի նետերն Տիրոջ մէջն են իմ մարմնի, զայրոյթը նրա արիւնս է ծծում. բերան բացելիս կտրտում են ինձ:
5. Արդ, մի՞թէ զուր է էշն վայրի գոում, եթէ չի խնդրում իր համար նա կեր: Կամ թէ կը գոռա՞յ եզը մսւրում, եթէ ունենայ առատ կերակուր:
6. Կամ կ'ուտուի՞ առանց աղի հաց: Կամ համ կը լինի՞ դատարկ խօսքերում:
7. Չի կարող հանդարտուել իմ հոգին, քանի որ շարաւոտ եմ տեսնում կերակուրս, ինչպէս հոտն առիւծի:
8. Երանի կատարուի խնդիրքն իմ, եւ յոյսս լիացնի Տերը:
9. Սկսեց Տերը ինձ խոցոտել, սակայն թող չսպանի ինձ իսպառ:
10. Գերեզմանս թող լինի քաղաքն իմ, որի պարսպի վրայ ճեմում էի. չպիտի խնայեմ ես նրան, որպէսզի սուտ չելնեն խօսքերը սուրբ Աստծուս:
11. Չօրութիւնս ի՞նչ է, որ համբերեմ. ժամանակս ի՞նչ է, որ դիմանայ իմ հոգին:
12. Մի՞թէ քար զօրութիւն է ուժն իմ. մարմինս պղնձի՞ց է միթէ: Կամ չէի վստահում ես դրան:
13. Չրկուեցի ինքս իմ նեցուկից. Օգնութիւնն հեռացաւ արդ ինձնից. Տիրոջ այցն անտեսեց ինձ լրիւ:
14. Մերձաւոր չնայեց երբեք ինձ. նուազած առուի պէս, ալիքի պէս անցան իմ կողքով:
15. Ովքեր դողում էին ինձանից,
16. այժմ ահա եկել են ինձ վրայ:
17. Ձիւնն ինչպէս կամ ինչպէս քարացած սառոյցը, որ իսկոյն հալւում է ջերմոյթից, չի յիշում, թէ ինչ էր ինքն առաջ, -
18. նոյն ձեւով լքուեցի բոլորից նաեւ ես, կորստեան մատնուեցի ու դարձայ ես տնանկ:
19. Եւ դուք, որ նայում էք Սաբայի շաւիղին, տեսէք եւ ճամփաներն թեմնացւոց.
20. ամօթով կը մնան, ովքեր որ յոյս դրին քաղաքի, ինչքերի վրայ այս:
21. Դէ ահա դուք նոյնպէս անողորմ հասել էք ինձ վրայ. գեթ վերքիս նայելով դուք երկիւղ կրեցէք:
22. Այժմ բան խնդրեցի՞ ես ձեզնից,
23. կամ միթէ ձե՞ր ուժով կարող եմ փրկել ինձ թշնամուց, կամ փրկել հզօրաց ձեռքերից:
24. Ուսուցէք դուք էլ ինձ՝ կը լռեմ: Իսկ եթէ մոլորուած ես լինեմ, ինձ խելքի՞ բերէք դուք:
25. Բայց կարծէք իզուր են խօսքերն այս ճշմարիտ. չէ՞ որ ես ձեզանից զօրութիւն չեմ խնդրում:
26. Ոչ էլ ձեր կշտամբանքի բառերն են կարող լռեցնել. պիտ չանսամ նաեւ ձեր բարբառած խօսքերին:
27. Բայց քանի հասել էք ինձ վրայ, իբրեւ մի որբուկի, շարժուել էք բարեկամի վրայ ձեր, -
28. էլի ես նայելով ձեր դէմքին՝ պիտ երբեք չստեմ:
29. Նստեցէ՛ք. դատի մէջ անիրաւ բան չլինի. եւ դարձեալ արդարին հետեւե՛ք,
30. քանի որ իմ լեզուին անիրաւ բան չկայ, քիմքս էլ չի ձգտում երբեք իմաստութեան:

1. Փորձութիւն չէ՞ միթէ երկրի վրայ կեանքն մարդու. վարձկանի օրական վարձը չէ՞ կեանքը իր:
2. Ինչպէս որ ծառան է վախենում տիրոջից ու պահում ստուերում, կամ ինչպէս վարձկանն է սպասում իր վարձին, -
3. այնպէս էլ ես զուր եմ սպասել ամիսներ: Ցաւագին գիշերներ են բաժին ընկել ինձ.
4. թէ քնեմ ասում եմ. Ե՞րբ պիտի բացուի լոյս, արթնանամ դարձեալ թէ՞ Ե՞րբ կը լինի երեկոյ: Ցաւով եմ լեցուն ես իրիկուն-առաւօտ:
5. Ծածկուած է մարմինս զագրելի որդերով. խեցեր եմ մաշել ես թարախոտ վերքերն իմ քերելու:
6. Եւ կեանքս խօսքից էլ թեթեւ է. կորել է նա ունայն յոյսերում:
7. Յիշի՛ր, որ քամի է կեանքը իմ. աչքերս է՛լ չեն տեսնի բարի բան.
8. չեն նայի այլեւս ինձ աչքերն տեսնողի: Աչքերդ ինձ վրայ ես յառում. այլեւս չեմ լինի՝ երկնքից ջնջուած ամպի պէս:
9. Չի եթէ իջնի մարդ գերեզման,
10. չի ելնի այլեւս, չի դառնայ՝ իր տունը. իր տեղն էլ նրան չի ճանաչի:
11. Այսուհետ չպիտի զսպեմ ես բերանս. պիտ խօսեմ, քանի դեռ վիշտ ունեմ, տագնապով պիտ բացեմ դառնութիւնն իմ հոգու:
12. Ծո՞ւկ եմ ես, թէ՞ կէտ ծուկ, որ շուրջս պահակ ես դու կարգել:
13. Ասացի՝ ամոքեն պիտի ինձ մահիճներս. եւ ինքս պիտ քննեմ անկողնում իմ բոլոր գործերը:
14. Երագով վախեցնում, տեսիլքով հարուածում ես դու ինձ:
15. Իմ հոգին հանում ես դու ինձնից, մարմնիցս՝ շունչը իմ, մահուանից՝ կեանքը իմ:
16. Քանի որ յաւիտեան չեմ ապրի, թող որ ես համբերող միշտ լինեմ: Հեռո՛ւ կաց դու ինձնից, քանի որ իզուր է կեանքը իմ:
17. Եւ ի՞նչ է մարդը, որ դու այդքան մեծարել ես նրան, կամ էլ՝ որ միտքդ ես սեւեռում իր վրայ,
18. կամ էլ՝ որ քննում ես նրան մինչ առաւօտ, հանգստի ժամերին, փորձում միշտ:
19. Մինչեւ Ե՞րբ դու ինձ չես թողնելու, արձակելու չես ինձ, մինչեւ որ ցաւերով կուլ տամ ես լորձունքս:
20. Թէ ես մեղք գործեցի՝ ի՞նչ կարող եմ անել քեզ, որ միտքն ես մարդկանց քննում միշտ: Ինչո՞ւ ես ինձ դարձրել քեզ ոսոխ, որ լինեմ քեզ համար ես մի բեռ:
21. Ինչո՞ւ չես ներել դու յանցանքներս, չես թողել մեղքերն իմ: Եւ ահա երկիր եմ դառնում ես շատ կանուխ. այլեւս չեմ լինի:



1. Բաղդատ Սոքեցին խօսեց ու ասաց.
2. Մինչեւ ե՞րբ ես այդպէս խօսելու: Մեծաբանութեան հովեր կան քո բերանում:
3. Միթէ անիրա՞ւ դատաստան կը տեսնի Տէրը, կամ նա, որ ամէն ինչ ստեղծեց, իրաւունքը կ'աղաւաղի՞:
4. Եթէ քո գաւազները մեղանչեցին նրա առաջ, ինքն էլ պատիժներ ուղարկեց անօրէնութիւնների համար:
5. Բայց դու աղօթքներով վաղ առաւօտեան դիմի՛ր Ամենակալ Տիրոջը.
6. եթէ սուրբ ու ճշմարիտ լինես՝ քո աղօթքներին ականջ կը դնի, քեզ կը վերադարձնի արդար յարկը քո:
7. Եթէ սկզբում քոնը քիչ էր, վերջում այն անբաւ կը լինի:
8. Բայց դու տեղեկացի՛ր հին ազգերից եւ քննի՛ր տոհմերի գլխաւորներին:
9. Քանի որ մենք երեկուան ենք պատկանում, բան չենք իմանում. ստուեր է երկրի վրայ կեանքը մեր:
10. Միթէ նրանք պիտի չսովորեցնե՞ն քեզ ու պատմեն, իրենց իմաստութիւնից պիտի չբխեցնե՞ն խօսքերն իրենց:
11. Միթէ պրտուն կը կանաչի՞ առանց ջրի, կամ կը բարձրանա՞յ կնիւնն առանց ջրուելու:
12. Չի՞ հնձուելու այն, մինչ իր արմատների վրայ է. եթէ ամէն խոտ մինչեւ յագեցում չռոզգուի՝ չի՞ չորանայ:
13. Արդ, բոլորի վախճանն այնպիսին կը լինի, որ կը մոռանան Տիրոջը, այդպէս էլ ամբարշտի յոյսը կը կորչի:
14. Շէն չի լինի տունը նրա. սարդոստայնի պէս կ'անհետանայ յարկը նրա:
15. Թէկուզ եւ հաստատի տունն իր՝ այն չի մնայ կանգուն. հէնց իր ձեռքը գցի դրան՝ այն չի խարխլի:
16. Արեգակից է խոնաւութիւնը, եւ նրա նեխուածքից է դուրս գալու իր շիւր:
17. Քարակարկառի վրայ է ննջելու ու մանրախիճ քարերի վրայ ապրելու. իսկ եթէ արմատախիլ արուի իր տեղից, նրա տեղն էլ ուրանալու է նրան:
18. Այսպիսի բան չե՞ս տեսել միթէ.
19. ամբարշտի կործանումն այսպիսին է լինելու, իսկ հողից ուրիշն է բուսնելու:
20. Տէրը չի մերժում անմեղին՝ ամբարշտի ամէն ընծայ ընդունելի չի լինելու:
21. Ճշմարիտ մարդկանց բերանները ծիծաղով են լցուելու, նրանց շրթունքները՝ գոհութեամբ:
22. Նրանց թշնամիներն ամօթով են ծածկուելու. ամբարշտի բնակավայրերն այլեւս չեն մնալու:

1. Յոբը խօսեց ու ասաց.
2. Ճշմարտապես գիտեմ, որ այդ այդպես կը լինի. ինչպէ՞ս կարող է մարդ արդար լինել Աստծու առաջ:
3. Եթէ Աստուած ուզի դատ տեսնել իր հետ՝ նրան չի լսելու, որովհետեւ հազար խօսքին մի խօսքով իսկ պատասխան չի տալու:
4. Աստուած մտքով իմաստուն է, զօրաւոր ու մեծ. այդ ո՞վ է նրա դէմ յամառել ու յաջողութիւն գտել:
5. Չեն իմանում, թէ Նա, որ մաշեցնում է լեռները, բարկութեամբ կը տապալի էլ դրանք:
6. Նա է, որ երկնքի ներքոյ շարժում է գետինը հիմքերից, եւ նրա սիւները դողում են:
7. Նա է, որ հրամայում է արեգակին, ու սա չի ծագում, փակում է աստղերի դէմը:
8. Նա է, որ մենակը տարածել է երկինքը եւ ծովի վրայ այնպես է շրջում, ինչպես ցամաքի վրայ:
9. Նա է, որ ստեղծել է Բազմաստղն ու Գիշերաստղը, Սայլն ու Մագարոթը:
10. Նա է, որ արարում է մեծամեծ ու անքննելի, փառաւոր ու հրաշակերտ բաները, որոնց թիւ ու համար չկայ:
11. Եթէ ինձանից վեր բարձրանայ՝ չեմ տեսնի, իսկ եթէ կողքովս անցնի՝ այդպես էլ չեմ իմանայ:
12. Եթէ ոչնչացնի՝ ո՞վ յետ կը պահի նրան, կամ ո՞վ նրան կ'ասի՝ ի՞նչ արեցիր:
13. Ետ դարձաւ Նա բարկութիւնից, եւ նրանից սարսեցին կէտերը, որ երկնքի ներքոյ են:
14. Երանի՜ թէ լսի ինձ եւ իրաւացի համարի իմ խօսքերը:
15. Եթէ արդար լինեմ, ու ինձ չլսի՝ նրա դատաստանն եմ աղերսելու:
16. Իսկ եթէ աղաղակեմ իրեն, ու լսի՝ հաւատալս էլ չի գալու, որ հէնց լսել է ինձ:
17. Փոթորիկով չի ոչնչացնելու ինձ: Բազում են հարուածները, որ ինձ զուր տեղը հասցրել է. ինձ հանգիստ էլ չի տալիս:
18. Դառնութեամբ է լցրել ինձ.
19. քանի որ հզօր է՝ բռնանում է: Եւ հիմա այն ո՞վ է, որ նրա դատաստանին հակառակ կը կանգնի:
20. Եթէ արդար լինեմ, բերանս ինձ ամբարիշտ կը դարձնի, անարատ լինեմ՝ կամակոր կը դառնամ:
21. Իսկ եթէ հոգով մեղանշել եմ՝ չգիտեմ. գիտեմ միայն, որ կեանքս խլում են ինձանից:
22. Դրա համար եմ ասել. Բարկութիւնը կործանում է մեծին ու հզօրին:
23. Չարերը սաստիկ մահով են կորչելու. արդարներն էլ ծաղրի են ենթարկւում, քանի որ մատնւում են ամբարշտի ձեռքը:
24. Նա դատաւորների երեսն է ծածկում. եթէ Նա չէ ծածկողը, ապա ո՞վ է:
25. Սակայն սուրհանդակից էլ արագ անցաւ իմ կեանքը. փախաւ այն ու չերեւաց:
26. Կը գտնուի՞ Նաւերի ճանապարհի կամ թռչող, կեր փնտռող արծուի հետքը:
27. Եթէ ասեմ, թէ մոռանալու եմ գանգատուելը, երեսս գետին խոնարհելով՝ հեծեծեմ,
28. դողը կը պատի իմ բոլոր անդամները, քանզի գիտեմ, որ ինձ անմեղ չես համարելու:
29. Եթէ ամբարշտութիւն էի անում՝ ինչո՞ւ չմեռայ:
30. Եթէ ձիւնով իսկ լուացուէի ու ձեռքերս էլ օշնանով մաքրէի,
31. դարձեալ սաստիկ աղտեղութեամբ կը ներկէիր ինձ՝ պատմութեանս իմ աչքերին զազրելի դարձնելով.
32. քանզի դու մարդ չես ինձ նման, որի հետ դատ անէի ես, եւ որպէս հաւասար դատաստանի գայինք:
33. Ո՛ր է թէ մի միջնորդ լինէր, դիմացս գար ու դատ անէր երկուսիս միջեւ:
34. Նա անպայման կը հեռացնէր ինձանից խարազանը, եւ դրա ահն ինձ չէր սարսափեցնի.
35. էլ չէի վախենայ, այլ կը խօսէի. բայց գիտեմ, որ այդպես չէ. որ ինքս մենակ եմ տանջւում:



1. Հծծիւնով կը հասցնեմ նրան իմ խօսքերը. կը խօսեմ թախծոտած իմ հոգու դառնութեամբ:
2. Ու կ'ասեմ. Տէ՛ր, մի՛ սովորեցրու ինձ, որ լինեմ ամբարիշտ. եւ ինչո՞ւ դատեցիր այսպէս ինձ:
3. Բարւո՞ք է քեզ թւում անիրաւուած լինելս. մերժել ես քո ձեռքի գործերը, նայել պիղծերի խորհրդին:
4. Մի՞թէ դու նայում ես, ինչպէս մարդն է նայում, կամ տեսնում, ինչպէս մահկանացուն է տեսնում:
5. Տարիներդ մարդու տարիներո՞ր են միթէ,
6. որ փնտռում ես կրկին յանցանքներս ու քննում մեղքերս:
7. Գիտես, որ երբեք չեմ մեղանչել, բայց ո՞վ ինձ կ'ազատի քո ձեռքից:
8. Թո՛ ձեռքն է արարել ու ինձ ձեւ է տուել, բայց յետոյ դարձել ես, զարկել ինձ:
9. Յիշի՛ր, որ կաւից ես ստեղծել. վերստին դու հող ես ինձ դարձնում:
10. Մի՞թէ չես կաթի պէս կթել ինձ, պանրի պէս մակարդել:
11. Մորթ ու միս հագցրել, ոսկրերով, ջիւերով ես օծտել:
12. Կեանք ու կարեկցանք ես դրել ինձ վրայ. հոգատարութեամբ ես պահել իմ ոգին:
13. Եւ քանի այս բոլորն ունես դու՝ գիտեմ, որ ամէն բան կարող ես. քեզ համար չի լինի ոչ մի բան ուժից վեր:
14. Մեղանչեմ թէկուզ ես՝ կը պահես. չես պահել զերծ դու ինձ՝ մեղքերից:
15. Ամբարիշտ թէ եղայ՝ օ՛ր, վա՛յ ինձ. արդար էլ թէ լինեմ՝ չեմ կարող հայեացքս բարձրացնել, զի մէջս անարգանք կայ լեցուն:
16. Որսուած եմ իբր առիւծ, որին պիտ սպանեն: Ինձ դարձեալ չարաչար ջնջում ես,
17. նորոգում հարուածներս իմ գլխին: Բարկութեամբ ես ձեռքդ իջեցրել ինձ վրայ, փորձիչներ ես բերել դու իմ դէմ:
18. Ինչո՞ւ ինձ հանեցիր արգանդից, ու տեղում չմեռայ: Ոչ մի աչք չէր տեսնի ինձ այնժամ, ու կարծես թէ եղած էլ չէի լինի ես:
19. Եւ ինչո՞ւ արգանդից ուղղակի գերեզման չիջայ ես,
20. կամ մի՞թէ շատ կարճ չէ ժամանակն իմ կեանքի: Թո՛յլ տուր ինձ, որ փոքր-ինչ հանգչեմ ես,
21. մինչեւ այնտեղ գնամ, որտեղից երբեք չեմ դառնալու՝ երկիրն այն խաւարին ու մթին,
22. երկիրը, ուր յաւերժ աղջամուղջ է տիրում, եւ որտեղ լոյս չկայ, ու ոչ ոք չի կարող տեսնել կեանք մարդկային:

1. Սոփար Մինեցին ասաց.
2. Ով շատ է խօսում, պարտաւոր է նոյն ձեւով էլ լսել. խօսողը կարո՞ղ է խօսքերով արդարանալ:
3. Օրհնեալ է սակաւակեաց կանանց ծնունդը: Շատ էլ մի՛ շաղակրատիր, որովհետեւ մէկը չկայ, որ քեզ պատասխան տայ:
4. Մի՛ ասա՝ Գործերովս մաքուր ու անարատ եմ Տիրոջ առաջ:
5. Այլ մտածի՛ր, թէ ինչպէ՛ս է Տէրը շրթունքները բաց անելու եւ հետո՞ խօսելու:
6. Քեզ կը հասկացնի իմաստութեան գորութիւնը, որ կը լինի կրկնակի, քան քոնը: Ապա կ'իմանաս, թէ ինչ որ գլխիդ բերել է Տէրը՝ արժանի էր քո գործած մեղքերին:
7. Կը գտնե՞ս Տիրոջ ճանապարհը, կամ վերահասու կը լինե՞ս այն դէպքերին, որ սահմանել է քեզ համար Ամենակալը:
8. Բարձր է երկինքը. ի՞նչ կարող ես անել: Խորն է դժոխքը. ի՞նչ կ'իմանաս:
9. Երկար են երկրի չափերը. լայն է ծովը:
10. Եւ եթէ Աստուած կործանի այդ բոլորը, ո՞վ կ'ասի նրան՝ այդ ի՞նչ արեցիր:
11. Ինքը գիտէ անօրէնների գործերը. անարժան բաներ տեսնելով՝ անտես չի առնի:
12. Դատարկաբան մարդը խօսքերի մէջ է թաքնւում: Կնոջից ծնուած մարդը նման է անապատի վայրի էշի:
13. Իսկ եթէ դու մաքուր ես պահել քո սիրտը՝ ձեռքդ մեկնի՛ր դէպի Աստուած:
14. Եւ եթէ քո մէջ անօրէնութիւն կայ՝ հեռո՛ւ վանիր այն քեզանից, եւ անօրէնութիւնը քո յարկի տակ թող չիջեւանի:
15. Եւ ահա քո դէմքը կը փայլի վճիտ ջրի պէս, կը մերկանաս աղտեղութիւնից ու երկիւղ չես կրի,
16. կը մոռանաս նեղութիւններդ, ինչպէս անցած ալիքը, ու չես զարհուրի:
17. Աղօթքդ քեզ համար արուսեակի պէս կը լինի. կէսօրին կը ծագի կեանքը քո, ու վստահ կը լինես, որ յոյս ունես. հոգսերի ու տարակուսանքների միջից խաղաղութիւնը կ'երեւայ քեզ:
18. Անդորր կը գտնես, եւ ոչ ոք չի պատերազմի քեզ հետ:
19. Շատերը շուռ կը գան ու քո հաճութիւնը կը փնտռեն. փրկութիւնը կը վրիպի նրանցից,
20. որովհետեւ նրանց յոյսն իրենց իսկ կորուստն է: Ամբարիշտների տեսողութիւնը կը սպառուի:

1. Յոբը նորից խօսեց ու ասաց.
2. Արդ դո՞ւք էք լոկ մարդիկ. հանճարը ձեզ հե՞տ է մեռնելու:
3. Ես նոյնպէս ձեզ նման սիրտ ունեմ:
4. Արդար ու անարատ մի մարդ է ենթարկուել ծաղրանքի:
5. Սահմանուած ժամանակ պատրաստուեց. տեսաւ իր տները՝ կործանուած օտարից, անօրէնների ձեռքով ւաւերուած:
6. Բայց ով որ չար լինի՝ թող երբեք չուսայ, թէ անպարտ կը լինի: Եւ ով որ բարկացնի Տիրոջը, Նրանից մի՞թէ չի պահանջուի պատասխան:
7. Բայց դէ ե՛կ ու հարցրո՛ւ գազանին՝ թէ կը տայ պատասխան, երկնքի թռչունին՝ թէ մի՛ բան կ'ասի քեզ.
8. ու պատմի՛ր դու երկրին՝ թէ մի բան հասկացնի. կամ ձկները ծովի կը պատմե՞ն մի բան քեզ:
9. Եւ սակայն ո՞վ է, որ չիմացաւ, թէ Տիրոջ ձեռքն է ստեղծել ամէն ինչ:
10. Եւ մի՞թէ իր Տիրոջ ձեռքին չէ կեանքը կենդանի շնչերի ու հոգին ամէն մարդ էակի:
11. Չի միտքն է քննում խօսքն, ու քիմքն է համտեսում կերակուր:
12. Ժամանակի երկարութեան մէջ կայ իմաստութիւն, եւ կեանքի երկարութեան մէջ՝ միտքը հանճարեղ:
13. Նրանի՛ց գալիս են ուժ, իմաստութիւն, Նրա՛նն են խորհուրդներն ու հանճար:
14. Թէ Նա կործանի՝ ո՞վ կը շինի այն, թէ Նա փակ դնի մարդկանց առաջ՝ ո՞վ բաց կ'անի այն:
15. Թէ Նա արգելք դնի ջրերի առաջ՝ կը չորանայ հողը, իսկ թէ որ թոյլ տայ՝ կը կործանի երկիրը:
16. Նրանի՛ց գալիս են ուժ ու զօրութիւն, Նրա՛նն են հանճար եւ իմաստութիւն:
17. Գերի է քշում խորհրդականներին, յիմարացնում է երկրի դատաւորներին,
18. գահերին է նստեցնում արքաներին եւ գօտի կապում Նրանց մէջքին:
19. Գերութեան է ուղարկում քահանաներին ու կործանում է երկրի հզօրներին:
20. Փոխում է խօսքը հաւատարիմի, ծերունիների խելքը ճանաչում:
21. Անարգանք թափում իշխանի գլխին եւ խոնարհներին բժշկում է Նա:
22. Երեւան հանում խորքը խաւարի եւ լոյսի բերում ստուերը մահի:
23. Թափառական է դարձնում ազգերին, կործանում Նրանց. սփռում է Նրանց, եւ՝ առաջնորդում:
24. Երկրի իշխանաց սիրտն է շուռ տալիս, մոլորեցնում է ճանապարհներին, որոնց ծանօթ չեն:
25. Խաւարի միջին միշտ կը խարխափեն ու չեն տեսնի լոյս եւ հարբածի պէս միշտ կը մոլորուեն:

1. Ահա այս բոլորն են տեսել աչքերն իմ, լսել ականջներս:
2. Ես այնքան գիտեմ, որքան ինքներդ տեղեակ եք լինում. անմիտ չեմ ձեզնից:
3. Սակայն Տիրոջ հետ պիտի խօսեի, ես նրա առաջ պիտի կանգնեի, թե որ կամենար:
4. Բայց բժիշկներ եք դուք խիստ չարագործ. ողջացնում եք դուք ամենքդ էլ չարիքներ միայն:
5. Սակայն համրանաք՝ իմաստութիւնն էլ ի վերջոյ կը գայ ձեզ այցելութեան:
6. Լսեցէ՛ք բերնիս գանգատները դուք եւ շրթունքներիս դատաստանին էլ ականջ դրեցէք:
7. Չէ՞ որ մեր Տիրոջ առաջ եք խօսում, նրա յանդիման նենգ բարբառում եք:
8. Ետ պիտի քաշուէ՞ք: Ո՛չ, ինքներդ ձեզ եղէք դատաւոր:
9. Բայց բարուք է, որ ինքը քննի ձեզ: Չի թէ արուածը իրեն վերագրէք՝ նա էլ ձեզ նուազ չի կշտամբելու:
10. Իսկ եթէ ծածուկ՝ աչառու լինէք մարդկանց նկատմամբ,
11. Իր արհաւիրքը ահի կը մատնի, նրա երկիւղը կը թափուի ձեզ վրայ:
12. Պերճանքը ձեր մոխրի պէս կը լինի, մարմինը՝ կաւի:
13. Լռեցէ՛ք, զի ես եմ խօսելու, գտնելու անդորր իմ գայրոյթից:
14. Մարմինս ամենմ ատամներիս մէջ, հոգիս ամփոփեմ ձեռքերի մէջ իմ:
15. Թէ որ իջեցնի Ամենագորը ձեռքը ինձ վրայ (սկսել էլ է)՝ չե՞մ խօսելու ես Նրա առաջին եւ պաշտպանուելու փորձեր անելու:
16. Կը դառնայ դա ինձ իբրեւ փրկութիւն, զի նրա առաջ նենգ բան չի կանգնի:
17. Լսեցէ՛ք, անսացէ՛ք խօսքերիս. ի լուր ամենքիդ եմ ասում ես սա:
18. Մօտ եմ ես ահա իմ դատաստանին. գիտեմ, արդար եմ երեւալու ես:
19. Ո՞վ է ոսոխն իմ, որ դեմ կանգնի ինձ. ինչո՞ւ կաշկանդուեմ եւ կամ էլ մեռնեմ:
20. Երկու բաներ են լոկ անհրաժեշտ ինձ. այն ժամանակ է՛լ հո չե՞մ թաքնուի ես Զո երեսից:
21. Ե՛տ քաշիր ինձնից ձեռքդ. եւ ահդ թող ինձ չսարսափեցնի:
22. Յետոյ դիմի՛ր ինձ, ու Զեզ կը լսեմ, թէ խօսես ինձ հետ՝ պատասխան կը տամ:
23. Որքա՞ն մեղք ունեմ, անօրէնութիւն, հասկացրո՛ւ Դու ինձ՝ որքա՞ն եմ դրանք:
24. Ինչո՞ւ ես պահում դրանք ինձանից: Ինձ Զեզ թշնամի՞ ես հաշուում արդեօք,
25. թէ՞ քամուց շարժուող տերեւից ես Դու վախենում այդպէս, կամ թէ հակառա՞կ ես կանգնում Դու ինձ՝ հողմավար խոտիս:
26. Իմ դեմ չար վճիռներ գրեցիր ու վրաս գցեցիր ջահելի մեղքերս:
27. Ոտքերս դրեցիր կոճղի մէջ, խուզարկու դարձար իմ գործերին, քննեցիր նոյնիսկ ոտնահետքերս,
28. մինչդեռ մարմինս է հին տիկի պէս, կամ էլ ցեցակեր՝ ձործի պէս:

1. Կնոջածին մարդն է սակաւակեաց ու լի դառնութեամբ:
2. Ով որ ծաղկել էր որպէս մի ծաղիկ՝ թափուէց ու ընկաւ, փախաւ իբր ստուեր.  
հաստատ չի մնայ:
3. Մի՞թէ նրան ես հաշուի առնելու եւ ներս տանելու Քո դատաստանին:
4. Իսկ այն ո՞վ է, որ մաքուր է աղտից. ո՛չ ոք. թէկուզ եւ կեանքն երկրի վրայ մեկօրեայ լինի:
5. Արդ, հաշուուած են օրերը նրա. ժամ ես դրել Դու, խոյս չի տայ երբեք:
6. Հեռո՛ւ նրանից, որ հանգչի մի քիչ, հաճոյք ստանայ իր կեանքից գէթ իբր մի վարձկան:
7. Ծառի համար իսկ գտնուում է յոյս. թէեւ կտրոււմ են, նորից է ծաղկում: Ճիւղերը նրա դեռ չեն պակասում:
8. Անգամ արմատը թէ որ ծերանայ խորքի մէջ հողի, քարերի մէջ էլ խեղդուի բունը, -
9. ջրի հոտից իսկ կը ծաղկի իսկոյն, նորատունկի պէս պտուղներ կը տայ:
10. Բայց մահկանացուն՝ վախճանուած մարդը գնում է եւ է՛լ գոյութիւն չունի:
11. Ծանծաղում է ծովն իր ժամանակին. սպառած գետերը ցամաքում են.
12. նոյնպէս մարդիկ թէ ննջեն՝ է՛լ վեր չեն կենայ: Մինչեւ երկինքը իսպառ չլուծուի՝ չեն զարթնի քնից:
13. Ու երանի թէ գերեզմաններում պահէիր դու ինձ, մինչեւ որ անցներ բարկութիւնը քո, եւ ժամանակ ինձ նշանակէիր, յիշէիր դու ինձ:
14. Մարդը թէ մեռնի՝ կ'ապրի՞ նա դարձեալ՝ ամբողջացնելով օրերն իր կեանքի: Պիտի սպասեմ, մինչեւ որ կրկին գոյութիւն առնեմ:
15. Դու ձայն կը տաս ինձ՝ կը պատասխանեմ: Մի՛ մերժիր գործը քո սուրբ ձեռքերի:
16. Նկատել ես վարքը իմ. չի վրիպի քեզանից մեղքերիցս ոչ մին:
17. Յանցանքներս կնքել ես քսակի մէջ.նշել, թէ ի՞նչ յանցանք եմ գործել ականայ:
18. Փլուելու ենթակայ լեռը պէտք է փլուի. եւ վեմն էլ պիտ շարժուի իր տեղից:
19. Եւ ինչպէս ջրերն են քարերը ողորկում,հեղեղում դաշտերը կոշտ հողի,այնպէս էլ դու մարդու յոյսերն ես չքացրել:
20. Մերժել ես նրան իսպառ. նա անցել գնացել է: Դու նրա երեսն ես աւերել ու այդպէս արձակել:
21. Թեպէտեւ նա բազում որդիներ ունենայ, նա այդ չի իմանայ, իսկ եթէ սակաւ էլ լինեն, չի ճանաչի:
22. Բայց անդամներն իր ախտահարուած են, իսկ հոգին նրա սգում է իր մէջ:



1. Եղիփազ Թեմնացին նորից խօսեց ու ասաց.
2. Հոգով հանճարեղն իմաստութեամբ պատասխան կը տա՞յ արդեօք, կ'անցկացնի՞ր որովայնի ցաւը,
3. Եթէ յանդիմանի արտայայտութիւններով, որոնք արժանի չեն, եւ խօսքերով, որոնցից օգուտ չկայ:
4. Դրանց երկիւղը դու ել մերժեցիր ու Տիրոջ առաջ չարաշահեցիր այսպիսի խօսքեր:
5. Յանցաւոր եղար բերանիդ խօսքերով, իսկ հզօրների խօսքերը չքննեցիր:
6. Քո իսկ բերանն է կշտամբելու քեզ, ոչ թէ ես. շրթունքներդ քո դէմ վկայութիւն են տալու:
7. Ի՞նչ է, բոլոր մարդկանցից առաջ ես ծնուել, թե՞ բոլոր բլուրներից վաղ ես հաստատուել:
8. Դո՞ւ ես լսել Տիրոջ հրամանը, թե՞ քեզ է օժտել նա իմաստութեամբ:
9. Այն ի՞նչ է, որ դու գիտես, իսկ մենք՝ ոչ, կամ ի՞նչն է, որ դու կ'իմանաս, իսկ մենք՝ ոչ:
10. Մեր մէջ ել կան ծերեր, ալեհեր մարդիկ, տարիքով շատ աւելի մեծեր, քան քո հայրը:
11. Մեղքերիդ համեմատ շատ քիչ տանջանքներ ես կրել ու աւելի շատ ես մեծաբանել:
12. Ինչո՞ւ յանդուգն դարձաւ քո սիրտը, ինչո՞ւ լկտի նայեցին քո աչքերը.
13. սրտմտութիւնդ դուրս թափեցիր Տիրոջ առաջ եւ այդպիսի բառեր հանեցիր քո բերանից:
14. Այն ո՞ր մահկանացուն է անարատ եղել, կամ այն ո՞ր կնոջածինն է արդար լինելու:
15. Եթէ Աստուած սրբերին չի հաւատում, ու երկինքը նրա առաջ անարատ չէ,
16. առաւել եւս գարշելի ու պիղծ է այն մարդը, որ անօրէնութիւններն ըմպելիքի նման է խմում:
17. Պատմելու եմ քեզ, Յո՛ր, լսի՛ր ինձ: Ինչ որ տեսել եմ,
18. ինչ որ իմաստուններն են ասում, ինչ որ չեն թաքցրել նրանց հայրերը, - պատմելու եմ քեզ:
19. Նրանց է միայն տրուել երկիրը, եւ ոչ մի օտարածին չի խառնուել նրանց:
20. Ամբարշտի ամբողջ կեանքը հոգսերով է անցնում, ու տարիները բռնակալ մարդուն հաշուով են տրուած:
21. Նրա ահի ծայնն իր ականջում է: Երբ նա կարծի, թէ խաղաղութեան մէջ է՝ նրա վրայ կործանում է գալու:
22. Թող չհաւատայ, թէ կը վերադառնայ խաւարից, որովհետեւ արդէն սրի է դատապարտուած:
23. Սահմանուած է իբրեւ անգղերին կեր. իր ներսում ինքն էլ գիտէ, որ հաստատ կործանուելու է:
24. Մթին օրը զարհուրեցնելու է նրան. անձկութիւնն ու նեղութիւնն են նրա վրայ հասնելու. կործանուելու է իբրեւ առաջին գծի զօրավար,
25. որովհետեւ ձեռք է բարձրացրել Տիրոջ դէմ ու ընդվզել է Ամենակալ Տիրոջ դէմ:
26. Գոռոզութեամբ, իր վիթխարի վահանով է յարձակուել նրա վրայ:
27. Երեսը ծածկել է իր ճարպով ու երկսայրի սուր դրել ազդրին:
28. Աւերակ քաղաքներում է բնակուելու եւ անմարդաբնակ տներ մտնելու. ինչ որ իրենք պատրաստել էին, ուրիշներն են տանելու:
29. Չի հարստանալու, ունեցուածքը չի մնալու, երկրի վրայ ստուեր չի գցելու, խաւարից էլ չի փրկուելու:
30. Նրա բողբոջը հողմն է թառամացնելու. թափուելու է ծաղիկը նրա:
31. Թող չհաւատայ, որ հանգիստ է գտնելու. վախճանը փուչ է լինելու:
32. Վաղաժամ են կտրուելու ճիւղերը նրա, շիւերն էլ չեն ծաղկելու:
33. Խակ պտուղի պէս վաղաժամ է քաղուելու. ձիթենու ծաղկի պէս ցած է թափուելու,
34. քանզի մահն է ամբարշտի վկան. հուրն է այրելու կաշառակերների տները:
35. Իր մէջ ցաւեր է սաղմնաւորելու. վախճանը փուչ է լինելու. նրա արգանդը

ՆԵՆՁՈՒԹՅՈՒՆ Է ԾՆԵՂՈՒ:

1. Յոբը նորից խօսեց ու ասաց.
2. Շատ եմ լսել ես այդպիսի բաներ. խեղճ ամոքիչներ էք դուք բոլորդ էլ:
3. Բայց հիմա ի՞նչ ժամանակն է դատարկ խօսքերի, կամ մեկը խնդրո՞ւմ է քեզ, որ պատասխանես:
4. Ես էլ ձեզ պես կը խօսեի, եթե ձեր հոգին էլ իմի պես լիներ:
5. Ձեզ պես ես էլ կարող էի գլուխս շարժել, ձեզ կսկիծ պատճառել խօսքերով:
6. Գուցե իմ բերանում ուժ ունենայի, ու ես չզլանայի շրթունքներս շարժել,
7. քանզի թե խօսեմ՝ չի փարատուելու ցաւը վերքերիս, իսկ եթե լռեմ՝ անելի՞ քիչ եմ խոցոտուելու ես:
8. Արդ, դարձրել է ինձ ջարդուած, փտած ու ընդարմացած:
9. Ձեռքը գցել է ահա ինձ վրայ. մարտիրոսուել եմ: Դեմս է կանգնեցրել իմ ստուգիւնը, երեսովս տուել պատասխաններս:
10. Բարկութեամբ մղուած՝ կործանել է ինձ, ատամ կրճտացրել իմ անձի վրայ: Նրա հէների նետերն են վրաս տեղացել ուժգին, աչքերի տեգով շարժուել ինձ վրայ:
11. Իրար յետեւից խփել է ծնկիս. բոլորը մեկտեղ խուժել են վրաս:
12. Տերն ինձ մատնել է ձեռքն անիրաւի, ամբարիշտների մէջ է գցել ինձ:
13. Մինչ խաղաղ էի՝ քայքայել է ինձ, քաշել մագերիցս ու փետել դրանք:
14. Թիրախ կանգնեցրել, տեգեր են պատել: Երիկամներս են խոցել անխնայ, գետին են թափել մաղձն իմ.
15. ինձ կործանել են՝ հարուած հարուածի վրայ իջեցնելով: Վրաս են թափուել գորաւորները,
16. եւ քուրճ են կարել մորթիս վրայ նրանք:
17. Հանգել է գետնին գորութիւնը իմ. լալուց խաշուել են աղիքները իմ. մահուան ստուերն է իջել կոպերիս:
18. Անիրաւութիւն չկար իմ ձեռքին, եւ անարատ էր աղօթքն իմ հոգու:
19. Երկի՛ր, մի՛ ծածկիր արիւնն իմ մարմնի. թող աղաղակս կանգ չառնի բնաւ:
20. Եւ ահա հիմա վկաս երկնքում, դատապաշտպանս այն բարձունքում եմ:
21. Խնդիրքս թող որ Տիրոջը հասնի, ու նրա առաջ աչքերս արտասուեն:
22. Երանի մեկը պաշտպան կանգնի ինձ Տիրոջ յանդիման, ինչպէս որ մարդը՝ իր ընկերոջը:
23. Իմ տարիները հաշուուած են արդ. բռնել եմ արդէն անդարձի ուղին:

1. Կորչում եմ հողմավար. կարօտ եմ շիրիմի, բայց դրան չեմ հասնում:
2. Նեղում, տանջում եմ. ի՞նչ եմ անելու: Գողացան օտարներն ինչքերս:
3. Այն ո՞վ է, որ ձեռքն իր իմ ձեռքի մեջ դնի:
4. Քանի որ սրտները հեռու է դատումից, ուստի չես բարձրացնի Դու նրանց:
5. Նրանց փոխարեն են պատմելու չարիքները բիւր: Աչքերս որդոցս համար հալուեցին:
6. Ողջ սերունդների չարախօսութեան ենթարկեցիր ինձ. նրանց ծաղրանքի առարկան դարձայ:
7. Բարկութիւնից իմ մթնեցին աչքերս. խիստ պաշարուած եմ բոլորի կողմից:
8. Ճշմարիտ մարդիկ զարմացած են այս ամենի վրայ. արդարը հիմա վեր է կենալու անիրաւի դեմ:
9. Հաւատարիմը թող հաստատ մնայ իր ճանապարհին, իր մաքուր ձեռքով քաջալերութիւն ստանայ թող միշտ:
10. Բայց դուք էլ, ամենքդ, վե՛ր կացէք, եկե՛ք. ձեր մէջ չեմ գտնում ճշմարտութիւն ես:
11. Իմ օրերը խիստ շարաւոտ եղան. սրտիս երակներն ամեն պայթեցին:
12. Գիշերս ցերեկուայ տեղ դրին նրանք. լոյսը մերժուեց մութի երեսից:
13. Թէ համբերեմ ես՝ դժոխք կը դառնայ ինձ համար տունս: Խաւարի մէջ է փռուած մահիճս:
14. Մահը ինձ համար ես հայր կոչեցի, նեխուածքը՝ մայր, քոյր:
15. Ո՞ւր է յոյսը իմ, կամ բարիքներս պիտի տեսնե՞մ ես:
16. Թե՞ այդ բոլորը պիտի գերեզման իջեցնեմ հետս. բոլորս իրար հետ հո՞ղն ենք իջնելու:

1. Բաղդատ Սոքեցին նորից խօսեց ու ասաց.
2. Մինչեւ ե՞րբ դադար չես առնելու. հանդարտուի՛ր, որ մենք էլ խօսենք:
3. Ինչո՞ւ ենք մենք չորքոտանիների պես լռել քո առաջ,
4. իսկ դու համակ բարկութիւն ես: Հիմա եթէ դու մեռնես՝ երկնքի ներքոյ ամայութի՞ւն է տիրելու, թէ՞ լեռներն են հիմնայատակ կործանուելու:
5. Հանգելու է ամբարիշտների լոյսը. նրանց բոցը չի փայլելու:
6. Նրա լոյսը խաւարելու է իր յարկի տակ, եւ ճրագը հանգելու է նրա վրայ:
7. Յետին մարդիկ յափշտակելու են նրա ունեցուածքը. սխալ են դուրս եկել նրա խորհուրդները:
8. Ոտքը ծուղակն է ընկնելու, եւ նա թաքտալու է ուռկանում:
9. Դարաններ են վրան թափուելու. ծարաւիներին զօրացնելու է նրա դէմ:
10. Նրա համար հողում թակարդ է թաքցուած, իսկ ճանապարհին՝ որոգայթներ:
11. Ցաւերը բոլոր կողմերից ոչնչացնելու են նրան. շատեր նրա ձեռքն ու ոտքն են կապելու տանջահարող սովով:
12. Նրա համար ահաւոր կործանում է պատրաստուած. ոտքի ներբանները մաշուելու են:
13. Տարածամ մահը ուտելու է գեղեցկութիւնը նրա.
14. առողջութիւնը դուրս է քշուելու նրա յարկից: Տագնապով նրան է հասնելու Մահ-արքայի պատուհասը:
15. Գիշերը նա բնակուելու է նրա յարկի տակ. նրա վայելչութիւնը ծծումբի բոցով է փչանալու:
16. Նրա արմատները խորքից են ցամաքելու, հունձն էլ վերելից է թափուելու:
17. Յիշատակը նրա կորչելու է երկրի երեսից, անունն էլ ջնջուելու է հրապարակաւ:
18. Լոյսից խաւար են քշելու նրան, եւ իր ժողովրդի մէջ ծանօթ չի ունենալու:
19. Երկնքի ներքոյ նրա տունը չի փրկուելու, այլ այնտեղ օտարներ են բնակութիւն հաստատելու:
20. Յետին մարդիկ հեծեծելու են նրա վրայ, առաջիկները զարմանքով են համակուելու,
21. թէ սրա՞նք են անիրաւների տները, սրա՞նք են այն մարդկանց տեղերը, ովքեր Տիրոջը չճանաչեցին:

1. Յոբը խօսեց ու ասաց.
2. Մինչեւ ե՞րբ պիտ տանջէք իմ հոգին, խօսքերով պիտ ընկճէք իմ անձը:
3. Իմացէ՛ք, որ Տէրը ինձ հետ այսպէս վարուեց: Բամբասում էք ինձ, յարձակւում վրաս, չէք էլ ամաչում:
4. Այո՛, արդարեւ ես մոլորուեցի (մոլորութիւնս իմ ներսում է հանգուցուել)՝ ասելով բաներ, որոնք արժան չեն: Խօսքերս եւս մոլորութիւն են ու չեն պատշաճում մեր ժամանակին:
5. Մի կողմ թողնենք այն, որ դուք ինձ վրայ մեծ-մեծ խօսում էք, յարձակւում վրաս նախատինքներով:
6. Արդ, իմացէ՛ք դուք, որ իմ Տէրն է ինձ տակնուվրայ արել, վրաս անխնայ պատնէշ բարձրացրել:
7. Ահա ծաղրւում եմ նախատինքներով՝ բերան չեմ բացում. աղաղակեմ էլ՝ եւ ոչ մի տեղից ինձ համար արդար դատաստան չկայ:
8. Շրջապատուած եմ՝ չեմ կարող խոյս տալ: Խաւարն է չոքել համակ ինձ վրայ:
9. Մերկացրել է ինձ փառքերից բոլոր, հանել իմ գլխից պսակը նաեւ:
10. Պաշարել է ինձ բոլոր կողմերից, ու կործանուած եմ. յոյսս կտրել է յաւետ՝ ծառի պէս:
11. Սաստիկ բարկութեամբ է վարուել ինձ հետ ու իր թշնամին է համարել ինձ:
12. Գնդերը նրա, բոլորը մէկտեղ, հասել են վրաս. դարանակալներ կտրել են բոլոր ճանապարհներս:
13. Ինձնից հեռացել են եղբայրներս. ինձնից առաւել՝ օտարներին են ճանաչել նրանք:
14. Բարեկամներս անողորմ դարձել, անգոսնել են ինձ մերձաւորներս, իսկ ծանօթներս անունս անգամ արդ մոռացել են:
15. Հիւրընկալուածներն իմ յարկի ներքոյ, աղախիններն իմ համարել են ինձ լիովին օտար. մի այլազգի եմ թուացել նրանց:
16. Ծառա՛յ եմ կանչել, բայց նա չի լսել.
17. Ես իմ բերանով կնոջս աղաչում, աղերսում էի: Պաղատանքներով կանչում էի ես որդիներին իմ բոլոր հարճերի,
18. յաւետ ուրացել են նրանք էլ ինձ. հէնց վեր եմ կենում՝ բամբասում են ինձ:
19. Չգուել են ինձնից իմ ծանօթները. ում սիրում էի՝ իմ դէմ են ելել:
20. Իմ այս մորթի տակ մսերս են փտել. ատամներիս մէջ իմ ոսկորներն եմ պահում սեղմելով:
21. Ո՛վ բարեկամներ, ողորմեցէ՛ք ինձ, ողորմեցէ՛ք ինձ, զի Տիրոջ ձեռքն է բարձրացել վրաս:
22. Տիրոջ պէս ինչո՞ւ էք ինձ հալածում. մի՞թէ իմ մարմնով չէք յագեցել դուք:
23. Ի՛նչ կը լինէր, որ կարողանայի ես գրել խօսքերս, յաւիտենական մի մատեանի մէջ գրանցել դրանք՝
24. երկաթէ գրչով կապարի կամ թէ վէմերի վրայ փորագրելով,
25. քանի որ գիտեմ՝ յաւերժական է Նա, ով երկրի վրայ պիտի փրկի ինձ՝
26. յարութիւն տալով մարմնիս, որ այս բոլորը համբերեց, տարաւ: Տիրոջ կողմից են հասել բոլորը,
27. որ ինքս անձամբ քաջ գիտակցում եմ, ինչ որ տեսել եմ ես իմ աչքերով, ոչ թէ ուրիշը: Այդպէս ամէն ինչ իմ ծոցում հանգաւ:
28. Իսկ թէ հարցնէք՝ Ինչի՞ մասին մենք խօսենք իր առաջ, ինչպե՞ս գտնենք մենք արմատը գործի, -
29. դո՛ւք էլ վախեցէք մթին գործերից: Չի բարկութիւնս է անօրէնների վրայ հասնելու. ապա կ'իմանան, թէ ո՛ւր է իրենց բուն ետեւինը:

1. Սոփար Մինեցին նորից խօսեց ու ասաց.
2. Չէի կարծում, թե դու մեր դիմաց այդպես կը խօսես: Մի՞թե դու ինձնից ավելի իմաստուն ես:
3. Ես ունկնդրելու եմ իմ ակնածալից խրատին, եւ իմ բանականութեան ոգին է, որ պատասխան է տալու ինձ:
4. Մի՞թե դու դա հիմա ես իմացել եւ ոչ թէ այն ժամանակուանից, երբ երկրի վրայ մարդն է ստեղծուել:
5. Ամբարիշտների ուրախութիւնը չարաչար կործանման նշան է, անօրէնների խնդութիւնը՝ կորուստ:
6. Եթէ անգամ երկինք բարձրանան նրա ընծաները, ողջակէզներն էլ ամպերին հասնեն, -
7. երբ թուայ, թէ հաստատուած է՝ այն ժամանակ իսպառ կորչելու է. իսկ ովքեր որ նրան ճանաչում էին, ասելու են՝ ո՞ւր է:
8. Երազի պէս է թռչելու եւ չի գտնուելու. գիշերային տեսիլքի պէս է թռչելու նա:
9. Այն աչքը, որ նայել է նրան, այլեւս չի տեսնելու, ոչ էլ նրա բնակավայրն է նրան ընդունելու:
10. Նրա որդիներին վատ մարդիկ են սպանելու. ձեռքերը ախտերից են բորբոքուելու:
11. Ոսկորներն իր, որ երիտասարդական ուժով էին յագեցած, իր հետ էլ հողում են ննջելու:
12. Եթէ անգամ քաղցրանայ չարութիւնը նրա բերանում, թաքցնի այն իր լեզուի տակ, -
13. չի՛ խնայելու նրան, թողութիւն չի՛ շնորհելու:
14. Կուտակելու է այն իր կոկորդում, ու ինքն էլ չի կարողանալու իրեն օգնութեան հասնել. իժի թոյն կայ նրա փորում:
15. Անիրաւութեամբ հաւաքուած նրա հարստութիւնը դուրս է փսխուելու. հրեշտակը նրան քաշել հանելու է տնից:
16. Վիշապների զայրոյթն է նա ծծելու, եւ նրան օծի լեզուն է սպանելու:
17. Չի տեսնելու նա արածող կենդանիների կիթը, ոչ էլ մեղրի ու կարագի պաշարներ:
18. Չուր ու պարապ տեղն է նա հարստութիւն վաստակել, ուստի չի վայելելու այն ու չի կարողանալու կուլ տալ, ինչպէս չճամուռող ու չկտրտուող կարծր բան,
19. որովհետեւ շատ տկարների տներ է խորտակել, բնակարաններ խլել, բայց չի կառուցել:
20. Նրա ունեցուածքին փրկութիւն չկայ. իր ցանկացած ձեւով չի ազատուելու:
21. Ուտելու մթերք չի ունենալու: Դրա համար նրա բողբոջները չեն ծաղկելու:
22. Երբ իրեն թուայ, թէ ահա առատութեան մէջ է՝ նեղութիւն է կրելու: Ամէն անգամ տազնապի մէջ է լինելու,
23. թէ ինչպէ՛ս է լցուելու իր որովայնը: Աստուած նրա վրայ է ուղարկելու իր սրտմտութիւնն ու զայրոյթը, վրան ցաւեր է թափելու,
24. եւ նա սրի ձեռքից չի ազատուելու:
25. Պղնձե աղեղն է խոցոտելու նրան. նետն է թափ անցնելու նրա մարմնով: Նրա յարկի տակ աստղեր են շուռ գալու, եւ արհաւիրքներ են թափուելու գլխին:
26. Համակ խաւարն է սպասում նրան, եւ անշեշ հուրն է ճարակելու նրան: Եկուորն է չարչարելու նրա ընտանիքը:
27. Երկինքը մէջտեղ է հանելու նրա անօրէնութիւնները, եւ աշխարհն է վեր կենալու նրա դէմ:
28. Կործանումն է իսպառ քանդելու նրա տունը. հասնելու է նրա վրայ ցասման օրը:
29. Տիրոջից այս է բաժին հասնելու ամբարիշտ մարդուն, եւ այս է լինելու նրա ունեցուածքը՝ Վերակացուից սահմանուած:

1. Յոբը նորից խօսեց ու ասաց.
2. Ականջ դրեք, ականջ դրեք խօսքերիս: Երանի չլինե՛ր ձեզանից եկած մխիթարանքը:
3. Թո՛ղ տուե՛ք դուք ինձ, ու ես կը խօսեմ. գուցե չայպանեք խօսքերիս համար:
4. Իմ կշտամբանքը մարդկա՞նց կողմից է. եւ ինչո՞ւ պետք չէ, որ բարկանամ ես:
5. Չարմանում եք դուք՝ նայելով վրաս, ձեռքներդ դրած ծնօտներին ձեր:
6. Հէնց որ յիշում եմ՝ տագնապում եմ ես, քանզի ցաւերն են պատել մարմինս:
7. Այդ ինչպե՞ս է, որ ամբարիշտները միշտ ողջ են մնում, տարիքը առնում, նոյնիսկ լողում են հարստութեան մէջ:
8. Նրանց սերունդը ըստ ցանկութեան է, եւ զաւակները՝ աչքների առաջ:
9. Նրանց տները՝ երջանկութեան մէջ, եւ ոչ մի տեղից՝ դոյզն ինչ երկիւղ: Տիրոջից տանջանք չի հասնում նրանց:
10. Նրանց կովերը հաստատ ծնում են, յղիութիւնը երբեք չի վիժում.
11. հորթերը նրանց յաւերժական են, ինչպէս գառնուկներ: Երեխաները խաղում են նրանց աչքերի առաջ՝
12. ձեռքներին քնար ու սաղմոսարան, ուրախանում են երգերի ձայնից:
13. Ամբարիշտները կեանքները ահա բարիքների մէջ են աւարտել դեռ, գերեզմաններում հանգիստ ննջել են:
14. Եւ Տիրոջ կ'ասեն. Հեռո՛ւ ինձանից. քո ուղիները չեմ կամենում ես ճանաչել հիմա:
15. Ի՞նչ շահ ունենք, որ ծառայենք նրան, ի՞նչ օգուտ կայ, որ նրան մօտենանք:
16. Չի նայում բնաւ ամբարիշտների արարքներին Նա. սրանց ձեռքին են բարիքները բիր:
17. Սակայն կը մարի ամբարիշտների ճրագը նոյնպէս. նրանց կը հասնի կործանումը մեծ. գայրոյթից վրեժի երկունքը կը բռնի նրանց:
18. Ու կը լինեն յարդ՝ հողմի բերանին, կամ թէ չէ փոշի՝ մորիկից քշուող:
19. Իր ունեցուածքը վերջ կը տայ մի օր իր որդիներին. կը հատուցի եւ ճանաչել կը տայ Տէրը հէնց իրեն:
20. Նրա աչքերը կը տեսնեն անշուշտ իր սպանուելը, ու Տիրոջ ձեռքից չի ազատուի Նա:
21. Չուարճութիւնը իր տան մէջ է միշտ, իր հետ. կեանքի ամիսներն արդ կը կտրուեն:
22. Չե՞ որ Տէրն է, որ ուսուցանում է հանճար, գիտութիւն, քանի որ ինքն է քննում ու դատում իմաստուններին:
23. Խիստ բարեկեցիկն ու երջանիկը ստոյգ կը մեռնի սաստիկ անզգամ լինելու համար:
24. Իր որովայնը ճարպակալած է. ու քամուելու է իր ուղն ու ծուծը:
25. Դառնութիւնն հոգու կը սպանի նրան, ու չի ճաշակի իր բարիքներից:
26. Կը ննջեն նրանք, բոլորը մէկտեղ, երկրի ընդերքում. ծածկել է նրանց փտութիւնն համակ:
27. Եւ հիմա գիտեմ, որ յանդգնութեամբ հասել եք վրաս:
28. Հիմա դուք կ'ասեք, Իշխանի տունը այն որտե՞ղ է որ. ո՞ր յարկի տակ են ամբարիշտները բնակւում հիմա:
29. Դուք դա հարցրե՛ք լոկ անցորդներին ճանապարհների. նրանց նշաններն օտար ցոյց մի՛ տաք:
30. Չարն շտապում է դէպի այն օրը անդարձ կորստեան. քշւում է դէպի օրը հատուցման:
31. Ո՞վ է պատմելու նրա առաջին՝ իր վարքի մասին, արածի համար ո՞վ է, որ պիտի հատուցի նրան:
32. Եւ ինքը դէպի գերեզման ուղղուեց. անքուն անցկացրեց-մնաց տապալնում. ձորի խիճերը քաղցր թուացին:
33. Նրա յետեւից կ'երթան բոլորը, իսկ առջեւից էլ՝ մարդիկ բիւրաւոր:
34. Եւ ինչո՞ւ եք դուք զուր տեղը ջանում ինձ մխիթարել. ձեզանից կեանքում հանգիստ օր բնաւ չեմ ունենայ ես:





1. Եղիփազ Թեմնացին նորից խօսեց ու ասաց.
2. Չէ՞ որ Տերն է, որ ուսուցանում է իմաստութիւն եւ գիտութիւն:
3. Արդ, Տիրոջն ի՞նչ փոյթ, թէ դու անարատ ես քո գործերով, կամ ի՞նչ օգուտ, որ դու ուղղես վարքդ:
4. Կամ բանի տեղ դնելով՝ կը յանդիմանի՞ քեզ, քեզ հետ դատաստանի՞ կը նստի:
5. Չէ՞ որ քո չար արարքները բազմաթիւ են, մեղքերդ՝ անթիւ:
6. Առանց պատճառի քո եղբայրներին գրաւ ես վերցրել, մերկերի զգեստները յափշտակել:
7. Ծարաւածներին ջուր չես խմեցրել, նաեւ քաղցածների հացը կտրել:
8. Ոմանց աչքի տակ ես առել ու նրանց բնակեցրել երկրի վրայ:
9. Այրիներին ձեռնուկնայն ես արծակել եւ որբերին չարչարել:
10. Հիմա քո շուրջը որոգայթներ են դրուած, եւ սաստիկ պատերազմն է քեզ տագնապի մէջ գցել:
11. Լոյսդ քեզ խաւար թուաց. քնի մէջ քեզ ջրերը ծածկեցին:
12. Միթէ՞ Նա, ով բարձունքում է ու նայում է՝ չի՞ տեսնելու. Նա չէ՞ր, որ ահա ամբարտաւանութեամբ զգեստաւորուածներին խոնարհեցրեց:
13. Եւ ասացիր. Ի՞նչ գիտե Հօգորը, կամ թէ՛ Ամպի մէջ է դատ անելու:
14. Ամպն է նրա ծածկոյթը, ու երբ շրջում է նա երկնի ծիրի մէջ, ոչինչ տեսանելի չէ:
15. Չե՞ս պահելու այն յաւիտենական շաւիղները, որոնց վրայ կոխեցին տարածամ յափշտակուած արդար այրերը:
16. Նրանց հիմքերը յորդաբուխ գետ են:
17. Նրանք ասում էին. Տերը մեզ ի՞նչ կ'անի, կամ՝ Ամենակալն ի՞նչ կը թափի մեր գլխին:
18. Նա սրանց տները բարիքներով լցրեց: Բայց ամբարիշտների մտադրութիւնը հեռու է նրանից:
19. Արդարները տեսան ամբարիշտների կործանումը ու ծիծաղեցին. անարատն էլ տեսաւ ու արհամարհեց՝ ասելով.
20. Արդարեւ, Նա չքանդե՞ց դրանց նեցուկը: Դրանց ունեցուածքների մնացորդները հուրն է ճարակելու:
21. Բայց եկ խստակեա՛ց եղիր, թէ կարող ես համբերել. եւ քո պտուղը կը փարթամանայ:
22. Ուսմո՛ւնք ընդունիր նրա բերանից, նրա խօսքերը սրտիդ մէջ վերցրու:
23. Եւ եթէ դարձի գաս ու քո անձը խոնարհեցնես Տիրոջ առաջ, անիրաւութիւնը հեռացրած կը լինես քո յարկից:
24. Կը բազմես ամուր վեմի վրայ, ինչպէս Սոփերի ծորի ժայռի վրայ:
25. Եւ Ամենակալը քեզ օգնական կը լինի թշնամիներիդ դէմ ու յայտնապէս կը վարձատրի քեզ, ինչպէս զտած արծաթ:
26. Ապա համարձակ կը կանգնես Տիրոջ առաջ ու զուարթ կը նայես դէպի երկինք:
27. Երբ նրան աղերսես՝ կը լսի քեզ ու կատարել կը տայ քեզ՝ քո ուխտը:
28. Քեզ կը վերադարձնի արդար բնակարանդ: Քո ճանապարհներին լոյս կը լինի,
29. որովհետեւ ինքդ քեզ խոնարի պահած կը լինես ու կ'ասես, թէ ամբարտաւանութիւն ես արել:
30. Կ'ապրեցնի նրանց, ում աչքերը խոնարի են. կը փրկի անարատին: Քո մաքուր ձեռքերով կ'ազատես քեզ:

1. Յոբը նորից խօսեց ու ասաց.
2. Ես էլ գիտեմ, որ իմ երեսից եմ յանդիմանում ես. իմ հեծութեան մեջ ծանրացել է այդ ձեռքը ինձ վրայ:
3. Իսկ ո՞վ կ'իմացնի՝ կը գտնե՞մ Նրան, եւ ես վերջապէս կը հասնե՞մ Նրան:
4. Կը ներկայացնեմ ես Նրա առաջ դատու ու փաստեր:
5. Ու կ'իմանամ ես բուժիչ խօսքերը, որ ինձ կ'ասի Նա. լաւ կը հասկանամ, ինչ որ խօսի ինձ:
6. Թէկուզ մեծ ուժով գայ Նա ինձ վրայ՝ իր պատուհասներն ի գործ չի դնի:
7. Ճշմարտութիւնն էլ, յանդիմանանքն էլ գալիս են նոյնից, ուստի վերջապէս իրաւունքներս մեջտեղ կը հանի:
8. Թէ առաջ գնայ, ու ես չլինեմ ինչպէ՞ս կ'իմանամ դէպքերը վերջին:
9. Իր ձախ ձեռքը, որ ստեղծեց Նրան, ես չբռնեցի: Թէ որ իջեցնի աջն էլ ի՞նձ վրայ՝ դա, միեւնոյնն է, չեմ նկատի ես,
10. քանի որ ինքը գիտէ իմ վարքը, քննել-կշռել է, կարծես թէ ոսկի:
11. Կ'ըմբռնեմ Նրա պատուիրանները, կ'ընթանամ Նրա ճանապարհներով ու էլ չեմ շեղուի:
12. Պատուիրաններից դուրս չեմ գայ բնաւ, որ չմեռնեմ ես: Խօսքերը Նրա ծոցումս կը պահեմ:
13. Հապա եթէ Նա այսպէս դատ անի՝ էլ ո՞վ կը լինի, որ դիմադարձի, որովհետեւ Նա ինչ որ կամեցել՝ այն էլ արել է:
14. Ահա թէ ինչու կը փութամ մօտը ու խրատուելով՝ կը մտմտամ ես միայն իր մասին:
15. Ի լրումն սրանց՝ տագնապ կ'ապրեմ ես Նրա առաջին ու խելքի գալով՝ ես կը զարհուրեմ:
16. Սիրտս Տէրն էր, որ հիւանդացրեց, Ամենակալը նեղը լծեց ինձ:
17. Չէի իմանում, թէ իջնելու էր խաւարը վրաս. թանձր մեզով է ծածկուել դիմացս:

1. Ինչո՞ւ մոռացան ամբարտաւանները մեր Տիրոջը. ամբարիշտները սահմանը անցան:
2. Հօտը հովուի հետ յափշտակեցին,
3. որբուկի էջը քշեցին տարան ու իւրացրին այրու եզն անգամ:
4. Շեղեցին խեղճին ուղիղ շաւիղից. երկրի հեգերին, բոլորին մէկտեղ, ընկճեցին նրանք, ու սրանք դարձան մի-մի վայրի էջ դաշտերի վրայ:
5. Վատնեցին իրենց գործերն ինձ համար. քաղցր եղաւ հացը լկտի մանկանց հետ:
6. Չհասած արտը, որ իրենցը չէր, հնձեցին նրանք. ամբարիշտների այգին խեղճերը մշակեցին, բայց չստացան հաց, վարձ:
7. Բագում մերկերի քնեցրին նրանք առանց հագուստի, զգեստն հանեցին նրանց վրայից:
8. Նրանք թրջւում են լեռների ցողից. քանի որ չունեն բնակուելու տեղ՝ ժայռերի տակ են ապաստան գտնում:
9. Յափշտակեցին ստինքից որբին եւ տնանկներին տառապեցրին:
10. Իզուր քնեցրին մերկին անհագուստ, սովահարի էլ հացը կտրեցին:
11. Դարան սարքեցին կիրճերում իզուր. ճանապարհն ուղիղ՝ չիմացան երբեք:
12. Մարդիկ զրկուեցին քաղաքից, տնից. հոգիներն մանկանց խիստ հեծեծեցին: Իսկ Նա ինչո՞ւ չի այցելում սրանց:
13. Երկրում ապրեցին, սակայն չիմացան. ճանապարհն արդար չճանաչեցին. Աստծու շաւիղով երբեք չընթացան:
14. Տեղեկանալով նրանց գործերին՝ խաւարի մատնեց Տէր Աստուած նրանց. ու կը նմանուեն գիշերուայ գողի:
15. Շնացողն աչքը խաւարին է լոկ յառում-սեւեռում: Եւ կ'ասի՝ Թող ոչ մէկի աչքը չտեսնի իրեն. քոլ է գցել նա հիմա երեսին:
16. Մութի միջով է փորել իր տունը. ցերեկի դիմաց փակել են իրենց ու չեն իմացել՝ ի՞նչ բան է լոյսը:
17. Այգն իրենց համար մահուան ստուեր է, եւ ըմբռնում են նրանք տագնապը մահուան ստուերի:
18. Ամբարիշտները աւելի թեթեւ են ջրի երեսին: Նրանց մի մասը երկրի վրայ կը կործանուի. եւ նրանց տունները կը լինեն ցամաքած հողի վրայ.
19. Խլեցին որբից խուրճը ցորենի: Նրանց մեղքերը երեսով տուին: Ու ցողի մշուշի նման նա անյայտ էլ կը մնայ:
20. Եւ թող նա ստանայ արածի համեմատ. անիրաւ ամէն մարդ թող ջարդուի քայքայուած ծառի պէս,
21. քանի որ ամուլ կնոջ բարի բան չի արել,
22. որբեւայրուն չի ողորմել, աղքատին կործանել է բարկութեամբ: Ու անգամ թէ ոտքի կանգնի նա՝ հաւատ չի ունենայ իր կեանքի հանդէպ մարդ:
23. Հիւանդանալիս չի ակնկալի, որ կ'առողջանայ, այլ կը խրուի նա հիւանդութեան մէջ. իր յոխորտանքով շատ-շատերի է նա տառապեցրել:
24. Կը թառամի նա տօթ եղանակին, ինչպէս որ խոտը կամ ինչպէս հասկը՝ ընկած ցողունից:
25. Թէ լինի մէկը, որ ասի, թէ ես ստե՛ր եմ խօսում, թող որ բանի տեղ չդնի նա էլ իմ ասածները:

1. Բաղդատ Սոքեցին նորից խօսեց ու ասաց.
2. Արդ, մի՞թե առասպել է, որ երկիւղում են նրանից, ով բարձունքներում ամեն ինչ անում է:
3. Ոչ ոք թող չկարծի, թէ նրա գնդերը կը յապաղեն պատժել. ո՞ւմ վրայ չի իջնի նրա որոգայթը:
4. Մահկանացուն ինչպէ՞ս արդար կը լինի Տիրոջ առաջ, կամ կնոջից ծնուածներից ո՞վ կը մաքրի իր հոգին,
5. որովհետեւ եթէ լուսնին հրամայի Նա՝ չի ծագի: Աստղերն իսկ մաքուր չեն Նրա առաջ,
6. ուր մնաց մարդը, որ ապականուած է, եւ մարդու որդին, որ որդ է:

1. Յոբը նորից խօսեց ու ասաց.
2. Ո՞ւմ ես մերձենում կամ ո՞ւմ օգնականն ես լինելու դու. արդեօք ո՞չ նրա, ում ուժն անբաւ է, ու բազուկն՝ հզօր:
3. Ո՞ւմ խորհրդակից ես լինելու դու. արդեօք ո՞չ նրան, ով ամբողջապէս իմաստութիւն է:
4. Ո՞ւմ յետեւից ես արդ գնալու դու. արդեօք ո՞չ նրա, որի զօրութիւնը այնքա՛ն մեծ է: Ո՞ւմ ես բան ասել, եւ կամ ո՞ւմ շունչն է դուրս եկել քեզնից:
5. Միթէ երբեւէ կը ծնունեն ջրի խորքից հսկաներ, կամ էլ այնտեղի բնակիչներից:
6. Մերկ է դժոխքը Աստծու առաջ, եւ կործանումը չունի վրան քօղ:
7. Ոչնչի շուրջը փռեց երկինքը, կախեց երկիրը ոչնչի վրայ:
8. Իր ամպերի մէջ ջուրն է ծրարում, եւ չի պատռուի մեզը նրանց տակ:
9. Նա, ով պահում է երեսն իր գահի, փռում է վրան իր մառախուղը:
10. Իր հրամանով սահման է քաշել ջրի երեսին, մինչեւ վախճանը լոյսի ու մութի:
11. Երկնի սիւները սարսուել են այնպե՛ս ու զարհուրել են նրա սաստումից:
12. Հանդարտեցրել է ծովն իր զօրութեամբ, եւ ովկիանոսը իր իմաստութեամբ տարածուել-փռուել:
13. Սարսուել են նրանից փականքներն երկնի. սպանել է նա իր հրամանով վիշապն ապստամբ:
14. Ահա այս է մասն իր ճանապարհի, եւ դեռ պիտ լսենք խօսքերը նրա, մինչեւ վերջին շիթ: Եւ ո՞վ կ'իմանայ նրա որոտման զօրութիւնը մեծ, երբ այն արձակուի:

1. Յոբը նորից խօսեց ու ասաց.
2. Կենդանի է Տերն, որ ինձ հետ այսպես դատաստան տեսաւ, Ամենակալը դառնացրեց հոգիս:
3. Եթէ տակաւին իմ մէջ է հոգիս, եւ աստուածային շունչը ապրում է իմ ռունգերի մէջ, -
4. իմ շրթունքները անօրէնութիւն չեն արտասանի, եւ ոչ էլ հոգիս անիրաւութեան մասին կը խորհի:
5. Մինչեւ մեռնելս էլ չի լինի, որ ես ձեզ արդար կոչեմ, քանզի չեմ փոխի անմեղութիւնս իմ:
6. Եւ արդարութեան ծայնին անսալով՝ չեմ հրաժարուի, քանզի չգիտեմ, որ ինքս անպատեհ բան արած լինեմ:
7. Առաւել եւս՝ թող թշնամիներս լինեն կործանուող ամբարիշտները, իմ դէմ դուրս եկած, կորստի մատնուած անօրէնները:
8. Եւ ի՞նչ յոյս ունի ամբարիշտը, որ հաստատ կը մնայ. գուցէ Տիրոջը ապաւինելով կարենայ փրկուե՞լ,
9. կամ թէ Տեր Աստուածն ականջ կը դնի՞ իր խնդրանքներին:
10. Եթէ մի տազնապ երբ հասնի իր վրայ, նա վստահութիւն պիտի չունենայ Աստծու առաջ: Դիմի էլ Նրան՝ ունկն կը դնի՞ արդեօք Նա իրեն:
11. Կ'ասեմ հիմա ձեզ, թէ այն ի՞նչն է, որ Տիրոջ ձեռքին է, ու չեմ ծածկի ես ձեզնից այն բանը, ինչ որ ձեռքին է Ամենակալի:
12. Ահա բոլորդ հէնց քաջ գիտեք, որ ունայն բաներին ունայնութիւն էք աւելացնում դուք:
13. Այս է բաժինը ամբարիշտ մարդու՝ Տիրոջից գծուած. Ամենակալի կամքով անպայման զօրաւորների ունեցուածքը հէնց իրենց դէմ կ'ելնի:
14. Ու եթէ անգամ բազում զաւակներ ունենան նրանք՝ պիտի սպանուեն, իսկ թէ պատահի՝ չափահաս դառնան, մուրացկանութեամբ պիտի դեգերեն:
15. Ովքեր որ նրա շուրջը կը լինեն՝ մահով կը մեռնեն. նրանց այրիներին մե՛կը չի գթայ:
16. Ու եթէ անգամ հողի պէս արծաթ հաւաքեն նրանք կամ կաւի նման պատրաստեն ոսկի՝
17. դրանք բոլորը արդարներին լոկ բաժին կը դառնան, ու արդար մարդիկ կը տիրեն նրանց ունեցուածքներին:
18. Դարձել է նրանց տունը ցեցի կեր, սարդոստայնի բոյն:
19. Թնում է հարուստ, բայց արթնանում է ոչ իբր մեծատուն, աչքերն է բացում, տեսում ամէն բան չքացած ընդմիշտ:
20. Ցաւեր պիտի գան վրան՝ ջրի պէս, գիշերուայ խաւարն պիտ ծածկի նրան:
21. Պիտ խլի նրան խորշակն ու գնայ,
22. պիտ քշի նրան տեղից հարազատ, շարտի նրան ու չխնայի: Փախչելով պիտի փախչի խորշակից:
23. Ծափ պիտի զարնի սա նրա դիմաց, եւ քարշ պիտի տայ տեղից հարազատ:

1. Յայտնի է տեղը արծաթի, որտեղից այն հանւում է, եւ տեղը ոսկու, ուր այն գտւում է:
2. Երկաթը հողից է դուրս գալիս, պղինձն էլ քարի պէս տաշւում է:
3. Կարգ է սահմանել խաւարի համար. ինքն է ճշգրտում բոլոր ծիրերը՝
4. քարի, խաւարի, մահուան ստուերի, ինչպէս փոշուց է կտրում-բաժանում խրամն հեղեղատի: Ով մոռանում է ճամփան ճշմարիտ, մարդկանց մէջ տկար պիտի լինի Նա:
5. Գալով այս հողին՝ ապա այնտեղից է ելնում հացը. իսկ իր ընդերքը շուռ-մուռ է տրուած, ինչպէս կրակից:
6. Նրա քարերը շափիւղայ ունեն, իսկ հողը՝ ոսկի:
7. Շաւիղ կայ՝ երբեք ծանօթ չէ թռչնին, եւ ոչ էլ անգղի աչքն է այն տեսել,
8. ուր ոտք չի դրել մարդն ամբարտաւան, որտեղով առիւծ չի անցել անգամ:
9. Մարդ ձեռքն է գցել ապառաժներին, հիմքից սասանել բարձրաբերձ լեռներ:
10. Պատառոտել է գետի յորձանքներ: Բոլոր պատուական այս բաները ես աչքովս եմ տեսել:
11. Գետերի խորքն է երեւան հանել, իր զօրութիւնը ցոյց տուել լոյսին:
12. Այդ որտեղի՞ց է իմաստութիւնը, եւ ո՞րն է տեղը խելք ու հանճարի:
13. Բայց մահկանացուն չգիտէ ուղին դեպ իմաստութիւն. չի էլ երեւում սա մարդկանց միջին:
14. Անդունդը ասաց. Ինձ մօտ դա չկայ, իսկ ծովը ասաց. Իմ խորքում չէ դա:
15. Դրա փոխարէն գրաւ չի դրում, ու չի կշռում դրա գնով մէկ՝ որեւէ արծաթ:
16. Սոփերի ոսկու հետ չի դրուի այն նժարի վրայ, ոչ էլ պատուական եղնգաքարի ու շափիւղայի:
17. Չեն համեմատ նրա հետ ոսկի, ոչ էլ ապակի, ու չի ճարուի նրա գնով անօթ ոսկեղէն:
18. Բարձրութիւններ, խորութիւններ թող չյիշուեն է՛լ. խորքում է փռել Նա ճշմարտութիւնն:
19. Չի չափուի հետը եւ տպագիտնը այն եթովպացւոց, ոսկիների հետ չի դրուի երբեք նժարի վրայ:
20. Այդ որտեղի՞ց է իմաստութիւնը, եւ ո՞րն է տեղը խելք ու հանճարի:
21. Թաքնուած է այն բոլոր մարդկանցից, ծածկուած՝ երկնի ամէն թռչունից:
22. Կորուստը, մահը ասացին. Շատ ենք մենք լսել նրա համբաւի մասին:
23. Տերը հեշտութեամբ պատրաստեց նրա ճանապարհները, քանզի նրա տեղն Ինքը լոկ գիտէ.
24. Ինքը ամէն բան երկնքի ներքոյ տեսնում է անձամբ: Գիտէ ամէն ինչ, որ ստեղծել է աշխարհի վրայ՝
25. կշիռը հողմի, չափը ջրերի, որ Ինքն է կարգել:
26. Նա Ինքն է տեսել ու մէկ-մէկ հաշուել: Եւ ճանապարհ է սահմանել ամպի որոտման ձայնով:
27. Այն ժամանակ էլ տեսել է Ինքը իմաստութիւնը ու նրա մասին յայտնել է մարդուն.:
28. Պատրաստել, քննել ու ասել է Նա. Աստուածապաշտութիւնն է իմաստութիւն, ու չարիքներից հեռու մնալը՝ խելացիութիւն:



1. Յոբը նորից խօսեց ու ասաց.
2. Ո՞վ ինձ կը դարձնէր նախկին օրերիս, ամիսներին իմ, երբ պաշտպանում էր ինձ ինքը Աստուած,
3. երբ լուսաւոր էր նրա ճրագը իմ գլխի վերեւ, երբ նրա լոյսով էի ընթանում խաւարի միջով,
4. երբ գուարճութեան ճամփի մէջ էի, երբ Տէրն այցի էր գալիս իմ տունը,
5. երբ լողում էի հարստութեան մէջ, շուրջս՝ ծառաներ,
6. երբ կարագով էր ճամփաս ողողուած, լեռներս կաթով էին ոռոգում,
7. երբ առաւօտեան քաղաք դուրս գալիս՝ հրապարակում էր դրում աթոռս:
8. Տեսնում էին ինձ երիտասարդներ եւ քաշւում էին, ու կանգնում էին ծերերը ոտքի:
9. Ընդհատում էին իրենց խօսքն անգամ մեծատունները, մատները դնում իրենց բերանին:
10. Ովքեր բան էին լսում իմ մասին՝ երանի տալիս, ու նրանց լեզուն քիմքին էր կպչում:
11. Չի ականջը, որ ունկնդրում էր ինձ, երևէկ էր տալիս, ինձ տեսնող աչքը մի կողմ էր շրջւում:
12. Չի աղքատին ես հզօրի ձեռքից էի ազատել ու օժանդակել անօգ որբուկին:
13. Կեանքից հեռացող մարդկանց օրինանքը տեղում էր վրաս, այրու բերանը օրինաբանում ինձ:
14. Արդարութեամբ էի զգեստաւորուել եւ իրաւունքը թիկնոցի նման գցել ինձ վրայ:
15. Կոյրին աչք էի եւ կաղ մարդուն՝ ոտք ու խեղճերին՝ հայր:
16. Դատ էի անում նրան, ում բնաւ չէի ճանաչում:
17. Անիրաւների ծնօտը ջարդում, յափշտակուածը խլում էի ես նրանց ժանիքից:
18. Ասում էի, թէ գուցէ տարիքս ծերութեան հասնի, արմաւենու պէս երկար ժամանակ կարենամ ապրել:
19. Ջրերի վրայ իմ արմատները լայն տարածուէին, ու ցօղն էլ հանգչէր իմ հնձի վրայ:
20. Ակնկալիքս ընդունայն եղաւ. իմ գործիքն, աղեղն իր ձեռքին՝ անցաւ նա:
21. Մարդիկ ինձ լսում ու անսում էին, խորհուրդներս տալիս՝ միշտ լռում էին,
22. խօսքերիս չէին բան աւելացնում:
23. Խնդակցում էին, երբ որ հետները խօսում էի ես. սպասում էին նրանք իմ խօսքին, ինչպէս ծարաւ հողն՝ անձրեւի գալուն:
24. Երբ ես նրանց հետ ծիծաղում էի, չէին հաւատում, բայց չէր նուազում լոյսը իմ դէմքից:
25. Ինքս էի ընտրում բոլորի ուղին, զերթ իշխան նստում, զօրքի մէջ բազմում իբրեւ թագաւոր:

1. Ես, որ գրգանքով ամոքում էի, արդ յետին մարդիկ քամահրում են ինձ: Խրատում են ինձ բոլորը մեկտեղ, որոնց հայրերին նախատում էի, որոնց հաւասար չէի համարի շներին անգամ ես իմ հովուական:
2. Իմ ինչի՞ն էր պետք նրանց ձեռքերի զօրութիւնը փուչ:
3. Եկել է նրանց կեանքի վախճանը. կարօտութեան ու սովամահութեան մէջ են, անձնունդ: Նրանք, որ երէկ անձկութիւնից ու թշուառութիւնից հէնց փախչում էին անջրդի վայրեր:
4. Նաեւ նրանք, որ խշխշան խոտով էին փաթաթւում, որոնց կերակուրն հէնց խոտն էր, որ կար:
5. Անարգներ նրանք, արհամարհուածներ, կարօտ մնացած ամեն բարիքի, նրանք, որ սովից ծառի արմատներ էին ծամծմում:
6. Գողերն են հիմա վեր կացել իմ դէմ, որոնց տները քարայրներն էին,
7. ձայն էին տալիս արծազանքի մէջեւ ապրում էին չոր ճիւղերի տակ:
8. Չաւակներն էին անզգամների, որոնց անունը, ինչպէս եւ փառքը մարել են երկրում:
9. Հիմա քնար եմ դարձել ձեռքներին, եւ իմ մասին են նրանք բամբասում:
10. Հեռու մնացին՝ զգուելով ինձնից, եւ չքաշուեցին դէմքիս թքելուց,
11. քանի որ Տէրն էլ կապարճը բացել, խոցոտել էր ինձ, սանձ գցել դէմքիս:
12. Վեր են կացել արդ ողջ սերունդներով, ոտքերն են պարզել ու ճամփայ ելել՝ յարձակուեն վրաս:
13. Ու խաչուել են ճամփաներս կորստաբեր ուղիների հետ նրանց:
14. Մերկացրեց Տէրն ինձ իմ պատմութեանից, խոցոտեց անձս իր սուր նետերով՝ մօտենալով ինձ, ինչպէս կամեցաւ:
15. Ախտերով եմ վարակուած. ցաւերս յետ են դարձել: Քամու պէս անցաւ յոյսը ինձանից, եւ մշուշի պէս՝ իմ փրկութիւնը:
16. Հոգիս է լցուել բերնէ ի բերան: Ինձ համակել են ցաւալից օրեր:
17. Գիշերը ոսկորներս են խաշւում. ջղերս են քայքայուել:
18. Տէրն իր զօրութեամբ ձեռքը գցել է իմ պատմութեանին ու պատմութեանիս ժապաւենի պէս պատել է շուրջս:
19. Մի կաւի տեղ է ընդունում նա ինձ. հողն ու մոխիրն են բաժինս դարձել:
20. Քեզ դիմեցի ես, բայց չլսեցիր. կանգնեցին նրանք ու դիտեցին ինձ:
21. Իմ նկատմամբ դու անողորմ եղար. ինձ հզօր ձեռքովդ հարուածեցիր դու:
22. Ցաւի մէջ դրիր ինձ, զրկեցիր փրկութեան միջոցից:
23. Գիտեմ, որ մահը ինձ պիտի ջնջի, քանզի երկիրն է տունը ամենայն մահկանացուի:
24. Ու երանի թէ կարողանայի իմ հոգին կրթել եւ կամ ուրիշին խնդրել, աղաչել, որ նոյնը աներ:
25. Ես, որ հեծեծում ու ողբում էի դժբախտի վրայ, երբ տեսնում էի մարդուն վշտի մէջ:
26. Ես յոյս ունէի բարութիւն տեսնել, մինչդեռ չար օրեր են ինձ պատահել:
27. Իմ որովայնը եռելեփում է ու չի հանդարտւում. թշուառ օրերն են հասել ինձ վրայ:
28. Պիտի շրջեմ ես նեղացած սրտով, անսանձ բերանով. ու հաւաքոյթի մէջտեղում կանգնած՝ ձայնս բարձրացնեմ:
29. Համբարունների եղբայր եմ դարձել, ջայլամին՝ ընկեր:
30. Սաստիկ սեւացել է մորթս հիմա, ու ոսկորներս այրուել են տօթից:
31. Քնարս է սուգ դարձել, սիրտս եւ երգս՝ լացուկոծի մէջ

1. Դաշինք կնքեցի աչքերիս հետ ես, ու չնայեցին նրանք մի կոյսի:
2. Աստուած բաժին է հանել ինձ վերուստեւ բաւականին մեծ ժառանգութիւն՝ իր այն բարձունքից:
3. Անիրաւ մարդու կործանումը չէ՞ միթէ դա հենց կամ վտարումը այն մարդկանց, ովքեր անօրէնութիւն են գործում կեանքում:
4. Ինքը չէ՞ միթէ, որ պարզ տեսնում է իմ ճանապարհը ու հաշուի առնում քայլերս բոլոր:
5. Թէ ծաղրողի հետ գնացած լինեմ, թէ իմ ոտքերը նենգութեան ճամփով շտապած լինեմ
6. (բայց կշռուել եմ արդար կշեռքով, եւ գիտէ Տէրն իմ անմեղութիւնը),
7. թէ շեղուած լինի ոտքս ճիշտ ուղուց, սիրտս՝ ընթացած աչքիս յետեւից, թէ կպած լինեմ ձեռքով՝ կաշառքի, -
8. ապա թող որ ես սերմանեմ, սակայն ուրիշներն ուտեն, ու ես անարմատ լինեմ երկրի վրայ:
9. Թէ գնացել է սիրտս ուրիշի կնոջ յետեւից, թէ դարանակալ եմ եղել իր տան դարպասների մօտ, -
10. ապա թող կինս նոյնպէս հաճելի լինի ուրիշի, ու թող տառապեն իմ մանուկները.
11. քանզի այլ մարդու կնոջ պղծելը անգուսպ բարկութեան է լոկ արժանի.
12. կրակ կը վառուի իր մարմնի բոլոր անդամների մէջ. ո՛ր կողմն էլ հասնի՝ հիմքից կը ջնջի:
13. Իրաւունքն արդար թէ անտեսել եմ ես իմ ծառայի կամ իմ աղախնի, որ մօտ է եկել իմ դատաստանին, -
14. Ի՞նչ եմ անելու, եթէ հարցուփորձ անի ինձ Տէրը, կամ թէ դատ անի՝ ի՞նչ պատասխան եմ ես տալու նրան:
15. Չէ՞ որ ինձ նման նրանք էլ մի օր պտղաւորուել են ինչ-որ արգանդում. նոյն որովայնում ենք գոյացել մենք:
16. Իսկ այն խեղճին, որ կարիքի մէջ էր, արդեօք երբեւէ օգնութեան չեկա՞յ: Թողեցի՞ արդեօք, որ այրու աչքերն ողբալուց մաշուեն:
17. Կամ թէ պատառս մենա՞յկ կերայ ես ու չհանեցի՞ բաժին որբերին:
18. Իմ երիտասարդ օրերից հօր պէս սնունդ տուեցի, մօրս արգանդից ուղի ցոյց տուի:
19. Կորած մերկերին անտեսեցի՞ ես ու չհագցրի՞:
20. Չքաւորներն ինձ չօրհնեցի՞ն միթէ, նրանց թիկունքը խաշներիս բրդով էլ չտաքացա՞ւ:
21. Թէ որբի վրայ ձեռք եմ բարձրացրել՝ հաշուելով, թէ շատ են օգնականներս,
22. ապա թող ուսս թափուի անրակից, իսկ բազուկս էլ պոկուի արմուկից.
23. քանզի ինձ Տիրոջ սարսափն է պատել, ու նրա առաջ չեմ կարող կանգնել:
24. Եթէ հողիս մէջ ոսկի պահեցի, յոյս դրի ես թանկ քարերի վրայ,
25. թէ ուրախացայ հարստութեանս վրայ անսահման, թէ անթիւ գանձի վրայ ձեռք դրի
26. (չե՞նք տեսնում միթէ, որ լուսաւորող արեգակն անգամ հիւժւում է մի օր, լուսինը՝ մաշւում. այդ նրանցից չէ),
27. եթէ գաղտնաբար սիրտս հրապուրուեց, թէ ձեռքս դրի բերանիս վրայ ու համբուրեցի, -
28. թող այս բոլորն մեծ անօրէնութիւն դիտուեն ինձ համար, որ սուտ եմ եղել Բարձրեալ Աստծո՛ւ Տիրոջ առաջին: Ուժ, կարողութիւն, խելք, իմաստութիւն նրանից են լոկ:
29. Թէ ուրախացայ գետնին թաւալուող թշնամուս վրայ, եւ վա՛շ ասացի իմ սրտի խորքում, -
30. թող ականջներս լսեն անեծքն իմ, թող արհամարհուեմ ու քամահրուեմ իմ ժողովրդից:
31. Եթէ իմ մասին աղախիներն բազմութիւնն ասի՝ Երանի՛ նրա մտով յագենանք, քանզի քաղցր էի ես նրանց համար
32. (օտարը դրսում չէր օթեւանում. իմ դուռը բաց էր եկուորի առաջ),

33. թէ թաքցրեցի ականայ գործած ես իմ մեղքերը
34. (չէի ամաչում ես բազմութիւնից, որ նրա առաջ չասէի դրանք), եթէ աղքատին ես դատարկ ձեռքով դուրս արի դռնից
35. (երևէ՛կ լսէի, թէ Տիրոջ ձեռքը չի զարհուրեցրել), կամ եթէ մէկից առած մուրհակը,
36. իբրեւ մի պսակ ուսերիս դրած՝ կարդալով
37. պատառ-պատառ չարեցի, յետ չդարձրի այն՝ ոչինչ չառնելով իմ պարտապանից,
38. թէ իմ պատճառով հեծեծեց հողը, թէ ակօսները նրա լաց եղան,
39. եթէ կերայ ես արդիւնքը նրա առանց վճարի, կամ տակնուվրայ արեցի հոգին հողի տերերի, -
40. ապա ցորենի փոխարէն եղինք թող բուսնի այնտեղ, գարու փոխարէն՝ մորենի միայն:

1. Յոբը դադարեց խօսելուց: Այնուհետեւ նրա երեք բարեկամներն էլ լռեցին ու չխօսեցին Յոբի դեմ, որովհետեւ Յոբն արդար էր նրանց աչքին:
2. Բարկացաւ Բարաքիէլի որդի Եղիուս Բուզացին, Օստացիների աշխարհից, Արամի արենակիցներից. սաստիկ զայրացաւ Յոբի վրայ, քանի որ սա իրեն արդար էր ցոյց տալիս Տիրոջ առաջ:
3. Նա սաստիկ բարկացաւ նաեւ նրա երեք բարեկամների վրայ, քանի որ Յոբի պատասխանը չէին կարողացել տալ, նրա ամբարիշտ լինելը ցոյց չէին տուել:
4. Սակայն Եղիուսը յապաղեց Յոբի պատասխանը տալու, քանի որ միւսներն իրենից աւելի տարեց էին:
5. Տեսաւ Եղիուսը, որ այն երեք մարդկանց բերանում պատասխան չկայ, ու նրա բարկութիւնը բորբոքուեց:
6. Բարաքիէլի որդի Եղիուս Բուզացին նորից խօսեց ու ասաց. Ես երիտասարդ եմ տարիքով, իսկ դուք՝ աւելի երեց: Դրա համար ես լուռ եմ մնացել՝ վախենալով ինքս իմ իմաստութիւնն յայտնելուց:
7. Ասացի, թէ շատ տարեց մարդիկ են նրանք, որ խօսում են, ու տարիներից ի վեր ճանաչել են իմաստութիւնը:
8. Սակայն այդպէս էլ չէ. մարդիկ հոգի ունեն. Ամենակալի շունչն է, որ ուսուցանում է դրանք:
9. Միայն տարեց մարդիկ չէ, որ իմաստուն են, ոչ էլ ծերերն են միայն, որ ճշմարիտը գիտեն:
10. Դրա համար էլ ասացի. Լսեցէ՛ք ինձ, ու ես կը յայտնեմ ձեզ, ինչ որ գիտեմ, ականջ դրէք իմ խօսքերին:
11. Կ'ասեմ ի լուր ամենքիդ, մինչեւ որ քննէք խօսքերս, թէ ձեր չափ բան գիտեմ:
12. Ահա ձեր մէջ ոչ ոք չկար, որ յանդիմանէր Յոբին, նրա խօսքերի պատասխանը տար:
13. Չլինի, թէ ասեք՝ Տիրոջ իմաստութեանը բան ենք աւելացրել:
14. Դուք էք մի մարդու համարձակութիւն տուել այսպիսի խօսքեր ասելու:
15. Չարիւորեցին ու պատասխան չտուին այլեւս: Բառերը պակասեցին նրանց:
16. Համբերեցին ու չխօսեցին, որովհետեւ մնացին առանց պատասխանի:
17. Եղիուսը նորից խօսեց ու ասաց.
18. Դարձեալ խօսելու եմ, որովհետեւ լեցուն եմ խօսքերով, որովհետեւ շունչս իմ ներսում ինձ սպանում է,
19. որովայնս տիկի մէջ դրուած ու կապուած նոր գինու պէս եռում է, կամ դարբինների փուքսի պէս ուռել է:
20. Շրթներս բաց անելով՝ խօսելու եմ, որ հանգստանամ.
21. ոչ մէկից չեմ ամաչելու, մարդկանցից էլ չեմ պատկառելու,
22. քանզի երեսպաշտութիւն անել չգիտեմ, այլապէս ցեցն ինձ կ'ուտի:

1. Բայց դու, Յո՛ւբ, լսի՛ր խօսքերս, ականջ դիր իմ խօսքերին:
2. Ահա բաց եմ արել բերանս, ու խօսում է իմ լեզուն:
3. Սրտիս խօսքերն անարատ են, եւ իմ շուրթերի իմաստութիւնը յստակօրէն կ'իմացուի:
4. Աստուածային հոգին է, որ ստեղծել է ինձ, եւ Ամենակալի շունչն է, որ ուսուցանում է ինձ:
5. Եթէ կարող ես՝ այս մասին տո՛ւր քո պատասխանը, ապա թէ ոչ համբերո՛ղ եղիր,
6. դու ի՛մ դիմաց կանգնիր, ես էլ՝ քո: Դու էլ, ինձ պէս, կաւից ես ստեղծուած. նոյն նիւթից ենք ստեղծուած մենք:
7. Արդ, թող իմ ահը չհամակի քեզ, ոչ էլ ձեռքս ծանրանայ թող քեզ վրայ:
8. Սակայն դու խօսեցիր իմ ականջին, ու քո խօսքի ծայնը լսեցի ես:
9. Ասացիր. Մաքուր եմ ու չեմ մեղանջել, անարատ եմ, որովհետեւ անօրէնութիւն չեմ արել:
10. Մեղադրանքներ է բարդել ինձ վրայ Աստուած ու ինձ հակառակորդ համարել:
11. Կոճղի մէջ է դրել ոտքերս ու կապել բոլոր ճանապարհներս:
12. Ինչպէ՞ս ես ասում, թէ արդար ես, ու Տէրը չի լսել քեզ: Մինչդեռ յաւիտենական է Նա, որ մարդկանց վերելում է:
13. Նաեւ ասում ես, թէ ինչո՞ւ իր ատեանում դեռ ականջ չի դրել քո բոլոր խօսքերին:
14. Մի անգամ է խօսում Տէրը, կամ երկրորդ անգամ՝ երազի միջոցով, կամ էլ գիշերային այցելութեամբ
15. (Երբ սաստիկ արհաւիրքներ են վրայ հասնում մարդկանց՝ անկողնում նիրհելիս,
16. այն ժամանակ են մտքերը յայտնւում նրանց):
17. Այդպիսի ահաւոր տեսիլքով է ահա, որ զարհուրեցրեց Աստուած նրանց՝ մարդուն անիրաւութիւնից յետ կանգնեցնելու եւ նրա մարմինը կործանումից փրկելու համար:
18. Նրա հոգին գերծ պահեց մահուանից, որպէսզի նա պատերազմում չընկնի:
19. Նաեւ կշտամբեց նրան անկողնային հիւանդութեամբ, ընդարմացում բերեց նրա բազմակոյտ ոսկորներին:
20. Թէեւ հոգին կերակուր պիտի տենչայ, բայց ինքը պիտի չկարողանայ ուտելու սնունդ ականկալել,
21. մինչեւ որ մաշուեն նրա մսերը, ու սոսկ ոսկորները երեւան:
22. Նրա մարմինը մօտեցել է մահուան, կեանքը՝ գերեզմանին:
23. Եթէ մահաբեր հազար հրեշտակներ էլ լինեն, նրանցից ոչ մէկը նրան չի խոցի,
24. թէ որ գիտակցի ու իր սրտով դառնայ դէպի Տէրը, խոստովանի մարդն իր մեղքերը, ցոյց տայ իր անմտութիւնը: Այն ժամանակ Տէրը կը պաշտպանի նրան, որ մահուան գիրկը չընկնի:
25. Կը նորոգի մարմինը նրա, ինչպէս ծեփը պատի, ու ոսկորները նրա ծուծով կը լցունեն: Կը փափկացնի մարմինը նրա, ինչպէս մարմինը մանկան, ու մարդկանց մէջ կը հաստատի նրան՝ երիտասարդացած:
26. Երբ Տիրոջն աղերսի, կ'ընդունուի նրա կողմից, լուրջ դեմքով կը մտնի խոստովանութեան, քանի որ Աստուած արդարութեան համար կը հատուցի մարդկանց:
27. Ապա կը մեղադրի մարդն ինքն իրեն ու կ'ասի. Այդ ինչե՛ր էի անում ես, եւ իմ մեղանջումների համեմատ ըստ արժանւոյն Նա չպատժեց ինձ:
28. Փրկեց հոգիս, որպէսզի այն ապականութեան մէջ չմտնի, եւ որպէսզի կեանքս լոյսը տեսնի:
29. Այս ամենն ահա կատարում է մարդու նկատմամբ Ամենագօրը՝ երեք ճանապարհներով:
30. Հոգիս փրկել է մահից, եւ կեանքս լոյսի մէջ օրհնելու է նրան:
31. Ականջ դիր, Յո՛ւբ, լսի՛ր ինձ, կտրի՛ր ծայնդ, ու ես կը խօսեմ:
32. Եթէ բան ունես՝ պատասխա՛ն տուր ինձ, քանի որ ուզում եմ, որ արդարանաս:
33. Ապա թէ ոչ, դու ինձ լսի՛ր, կտրի՛ր ծայնդ, եւ քեզ իմաստութիւնը կ'ուսուցանեմ:



1. Եղիուսը նորից խօսեց ու ասաց.
2. Ո՛վ իմաստուններ, լսեցէ՛ք ինձ, եւ դուք՝ հանճարեղներ, ականջ դրեք.
3. քանզի ականջն է քննում խօսքերը, իսկ կոկորդը կերակուրներ է ճաշակում:
4. Արդ, մենք մեզ համար ատեան ընտրենք ու մեր մէջ իմանանք, թէ ի՞նչն է բարի:
5. Յոբն ասաց. Ես արդար եմ, բայց Տէրը մի կողմ նետեց իմ իրաւունքները,
6. արդար դատաստան չարեց իմ հանդէպ. սաստիկ է նետի յարուցած վերքը, եւ ես անիրաւութիւն չեմ գործել:
7. Արդ, կա՞յ մարդ, որ, Յոբի պէս, արհամարհանքն իբրեւ ջուր խմի,
8. չմեղանչելով, ամբարշտութիւն չանելով, անօրէնութիւն անող մարդկանց գործերին չմասնակցելով՝ ընթանայ ամբարիշտների հետ:
9. Չասես՝ Ոչ մէկին պատիժ վրայ չի հասնի, մինչդեռ այցը Տիրոջ կողմից է լինելու:
10. Դրա համար էլ, սրտո՛վ հանճարեղներ, ի՛նձ լսեցեք: Այնպէս չլինի թող, որ ես ամբարշտութիւն անեմ Տիրոջ հանդէպ ու Ամենակալի առաջ աղմկեմ, թէ արդար եմ ես:
11. Յուրաքանչիւր մարդու, ըստ նրա արարքների, կը հատուցի Նա, ըստ նրա վարքի կը փոխադարձի նրան:
12. Գուցէ Տիրոջ մասին մտածում ես, որ կարող է անկարգ բանե՞ր անել, կամ կը պղծի՞ իրաւունքն Ամենակալը, նա, որ երկիրն է ստեղծել:
13. Այն ո՞վ է, որ ստեղծել է երկնքի ներքոյ ու միջոցի մէջ եղած ամէն բան:
14. Եթէ կամենար սահմանափակել եւ հոգին յետ իր մէջ պահել,
15. առհասարակ ամէն մարմին վերջ կը գտներ, ամէն մարմին կը դառնար հող, որից որ ստեղծուել էր:
16. Իսկ եթէ չես խրատուել, սա՛ էլ լսիր, ականջ դիր խօսքիս ու բառերիս:
17. Չե՞ս մտածում, որ նա, ով ատել է անիրաւութիւնը, խորտակել է նաեւ չարիքը. արդարները յաւիտեան են ապրում:
18. Ամբարիշտ է նա, ով թագաւորին ասում է՝ անիրաւ ես դու, իսկ իշխաններին համարում է Է՛լ անելի ամբարիշտ:
19. Նա չի պատկառել մեծապատիւ մարդկանցից, անելի պատիւ չի ընծայել երեւելի մարդկանց, քան աղքատներին:
20. Ի գուր կը լինի նրանց՝ ուրիշներին ծայն տալն ու աղերսելը, որովհետեւ անօրէնութեամբ են շարժուել՝ խեղճերին էլ խոտորեցնելու համար.
21. քանզի Տէրն ինքը տեսնում է մարդկանց արարքները, ինչ որ սրանք արել են. նրանից ոչինչ ծածուկ չի մնում:
22. Եւ թաքնուելու տեղ չեն ունենայ նրանք, ովքեր անօրէնութիւն են գործում,
23. որովհետեւ մարդու վրայ ոչինչ չի դնելու բացի իրաւունքից, որովհետեւ Տէրը տեսնում է ամէն ինչ,
24. քննում, վերահասու է լինում անքննելի, փառաւոր ու հրաշակերտ բաների, որ թիւ ու համար չունեն:
25. Ինքն է, որ ճանաչում է նրանց գործերը եւ մի գիշերում տապալելու նրանց, ու խորտակուելու են:
26. Խաւարեցրել է ամբարիշտներին, եւ սրանք մատնուել են իրենց թշնամիների ձեռքը:
27. Արդարեւ, նրանք շեղուել են Աստծու արդար օրէնքից, նրա կարգն ու կանոնը չեն ճանաչել:
28. Չեն հասցրել նրան աղաղակը տնանկի, բայց աղքատի բողոքը նա լսելու է:
29. Թէ ինքը լռութիւն պահի՝ ո՞վ է դատապարտելու, թէ դեմքը ծածկի՝ ո՞վ է նրան տեսնելու:
30. Ժողովրդի խստասրտութեան պատճառով ազգերի ու մարդկանց վրայ կեղծաւորին է թագաւոր կարգելու:
31. Մէկն ասելու է Ամենագորին. Առել ու գրաւել եմ առանց քեզ.
32. թէ անիրաւութիւնս տեսել ես՝ ցո՛յց տուր ինձ, իսկ եթէ անօրէնութիւն եմ արել՝ այլեւս



չեմ անի:

33. Մի՞թե մեկը քեզնից դա պահանջելու է, որ դու մերժում ես: Դու ես ընտրել, ոչ թե ես, իսկ եթե մի բան գիտես՝ ասա՛:

34. Դրա համար սրտով իմաստունները, նոյնպես եւ ամեն խելացի մարդ, որ լսում է դա, պիտի ասի.

35. Բայց Յոբն իմաստութեամբ չիօսեց, եւ նրա խօսքերը խելացի չեն:

36. Բայց հաշուի՛ առ, Յո՛բ, եւ անգգամի պես մի՛ պատասխանիր դեռ,

37. որպեսզի ձեր մեղքերը չաւելացնէք. Տիրոջ առաջ շատ բան խօսելն անօրէնութիւն է համարուելու ձեզ համար:

1. Եղիուսը նորից խօսեց ու ասաց.
2. Այդ ի՞նչն ես իրաւունք համարել,
3. դու ո՞վ ես, որ ասում ես. Արդար եմ Տիրոջ առաջ, կամ Մեղանչեցի, ի՞նչ անեմ:
4. Կը պատասխանեմ քեզ ու երեք բարեկամներիդ.
5. Երկնքի՞ն նայիր ու տե՛ս, նկատի՛ր ամպերը. քեզնից որքա՞ն բարձր են:
6. Եթէ մեղք ես գործել, ի՞նչ ես անելու, ու եթէ բազում անիրաւութիւններ ես կատարել, ի՞նչ կարող ես անել:
7. Արդ, եթէ արդար ես, ի՞նչ ես տալու Նրան, կամ ինքն ի՞նչ է ստանալու քո ձեռքից:
8. Ամբարշտութիւնդ՝ քեզ նման մարդկանց, արդարութիւնդ էլ՝ մարդու որդիների համար օգուտ չունեն:
9. Շատերի կողմից զրպարտուածները կ'աղաղակեն, ձայն կը բարձրացնեն շատերի բռնացքի պատճառով:
10. Սակայն մէկը չի ասել. Ո՞ր է Աստուած, որ այս ամէնն ստեղծել է, որ կարգում է գիշերային պահակութեան ժամերը,
11. որ ինձ զատում է երկրի չորքոտանիներից ու երկնքի թռչուններից:
12. Այն ժամանակ ձայն կը տան, բայց չես լսի, որովհետեւ ինչ որ պատահում է, տեղի է ունենում չարերի ամբարտաւանութիւնից:
13. Տէրը չի ուզում անկարգութիւններ տեսնել, որովհետեւ Ամենակալն ինքը տեսնում է բոլորին, ովքեր անօրէնութիւն են գործում. իսկ ինձ կը փրկի:
14. Խնդիրքդ ներկայացրո՛ւ Նրան, եթէ կարող ես գովել Նրան այնպէս, ինչպէս որ նա կայ:
15. Եւ արդ, քանի որ չկայ մէկը, որ կրել է Նրա բարկութիւնը, մէկը, որ գիտակցել է իր ծանր մեղքերը, -
16. ապա ուրեմն Յօբն էլ զուր է բացում բերանը եւ իր անգիտութեամբ ծանրացնում խօսքերը:

1. Եղիուսը նորից խօսեց ու ասաց.
2. Ինձ դեռ մի փոքր բան է մնում, որ քեզ սովորեցնեմ այն, ինչ դու չգիտես, քանի որ մեջս դեռ ունեմ խօսքեր,
3. որ միտքս ընկալել է հեռուից-հեռու:
4. Արդարօրեն ասելու եմ ճշմարիտ բաներ եւ ոչ թե լսուած անիրական ու դատարկ խօսքեր:
5. Իմացի՛ր, որ Տերը չի մերժում անմեղին. հզօր է իր զօրութեամբ.
6. ամբարշտի կեանքը չի խնայելու եւ պաշտպանելու է աղքատի իրաւունքը:
7. Իր աչքը չի դարձնելու արդարից, եւ ով որ իր առաջ գտնուի՝ թագաւորների հետ գահի վրայ է լինելու. նրանց հաստատապէս նստեցնելու է, եւ նրանք բարձրանալու են:
8. Իսկ չարերը, ձեռնակապերով կաշկանդուած, թշուառութեան պարաններով են կապկպուելու:
9. Նրանց յայտնելու է իրենց արարքները, նաեւ յանցանքները, որ սաստկացել են:
10. Լսելու է արդարին ու ասելու է, որ յետ կանգնեն անիրաւութիւնից:
11. Եթէ լսեն ու իրեն ծառայեն, իրենց օրերը բարիքների մէջ են աւարտելու, տարիները՝ շքեղութեան մէջ:
12. Բայց ամբարիշտներին չի ապրեցնելու, որովհետեւ նրանք չուզեցին Տիրոջը ճանաչել, որովհետեւ խրատուել էին, բայց չէին հնազանդուել:
13. Սրտով կեղծաւորներն իրենց հանդէպ զայրոյթ են գրգռելու, ճիշդ ու աղաղակ չեն բարձրացնելու, որովհետեւ Տերը կապել է նրանց:
14. Նրանք երիտասարդ տարիքում են մեռնելու, նրանց կեանքը խոցոտուելու է մահուան հրեշտակների կողմից
15. այն բանի համար, որ խեղճին ու անզօրին են նեղել: Տերը բարձրացնելու է հեգերի իրաւունքները.
16. քեզ էլ փրկեց թշնամու երախից: Քո տակ գտնուող անդնդից ազատեց քեզ ու առաջդ պարարտութեամբ լի սեղան դրեց:
17. Չի պակասելու արդարների ուղիղ դատաստանը, բայց զայրոյթ է իջնելու ամբարիշտների վրայ
18. անօրէն կաշառքի համար, որ ընդունում էին անիրաւութեամբ:
19. Թող քո միտքը կամովին երես չդարձնի խնդրանքներից, երբ տկարները ցաւի մէջ են: Չօրութեամբ բոլոր օժտուածներին առաջ չտանես գիշերը,
20. որպէսզի ժողովուրդը նրանց փոխարէն դուրս չգայ:
21. Այլ զգո՛յշ եղիր, գուցէ անպատեհ բաներ անես, որովհետեւ նրան փրկել ես աղքատութիւնից:
22. Ահա Ամենազօրը կը զօրացնի իր զօրութեամբ, որովհետեւ այն ո՞վ է, որ նրա պէս ուժեղ է,
23. կամ այն ո՞վ է, որ քննում է նրա գործերը, կամ այն ո՞վ է, որ կ'ասի. Ինչ որ արել է, անիրաւութեամբ է արել:
24. Յիշի՛ր, շա՛տ մեծ են նրա գործերը, որ սկսել են գովերգել արդար մարդիկ:
25. Ամէն մարդ անձամբ է տեսել, թէ որքա՛ն են մարդիկ խոցոտուած:
26. Ահա, Ամենազօրը շատ մեծ է, բայց մենք չենք իմանայ. նրա տարիների համրանքն անսպառ է:
27. Նա հաշուել է անձրեւի շիթերը, եւ սրանք անձրեւի տեսքով կը լցունեն ամպերի մէջ:
28. Երկնքի ամպերը կը յորդեն: Ամպերը հովանի է դարձրել անթիւ մարդկանց. դրանք մեզ են դարձել մարդկանց վրայ: Ժամանակ է սահմանել անասունների համար, եւ դրանք գիտեն ծնելու կարգը: Այս բոլորի վրայ զարմացած չէ՞ քո միտքը, չի՞ դողում սիրտդ կրծքիդ տակ, քանի որ Նա կատարել է մեծ-մեծ բաներ, որ մենք չգիտէինք: Հրամայում է ձիւնին՝ Իջի՛ր լեռան վրայ, նաեւ ձմեռային անձրեւներին, որ ցոյց տան իրենց զօրութիւնը: Ամէն մարդու միջոցով է վկայում այս բոլորը, որպէսզի իւրաքանչիւր

ոք իմանայ իր թոյլ լինելը:

29. Իսկ դու կ'իմանա՞ս ամպերի սփռուելը կամ նրա վրանի չափերը:

30. Ահա ճանապարհով մեկ լոյս է գցել դրա վրայ եւ ծովի խորքերն է ծածկել,

31. որպեսզի դրանցով դատի ժողովուրդներին, կերակուր պարգեւի զօրացածին:

32. Ձեռքերով լոյսն է ծածկել ու հրահանգ տուել, թէ ե՛րբ պետք է դա լինի:

33. Իր բարեկամներին կը պատմի դրա, ինչպես նաեւ ինչքերի ու անիրաւութեան մասին:

1. Ու դրա վրայ խռովուել է սիրտս, շարժուել իր տեղից:
2. Լսի՛ր Տիրոջ սրտմտութեան ու գայրոյթի լուրը. նրա բերանից խորհուրդ է դուրս գալու:
3. Ամէն ինչ նրա երկնային իշխանութեան տակ է, իսկ նրա լոյսը՝ երկրի ծագերի վրայ:
4. Նրա յետեւից մի ձայն է գոչելու, որոտալու է իր բարձր ձայնով եւ դրանք ուրիշներով չի փոխանակելու, որ լսելի դարձնի ի՛ր ձայնը:
5. Ամենագործ որոտալու է սքանչելի ձայնով, քանի որ կատարել է մեծամեծ բաներ, որ մենք չգիտենք:
6. Հրամայել է ձիւնին՝ Իջի՛ր լեռան վրայ, նաեւ ձմեռային անձրեւներին, որ ցոյց տան իրենց զօրութիւնը:
7. Խափանում է ամէն մարդու ձեռքի գործը, որպէսզի իւրաքանչիւր ոք իմանայ իր թոյլ լինելը:
8. Գազաններն իրենց որջերն են մտել, խշտիներով ծածկուել:
9. Հարաւային քամու շտեմարաններից խորշակ է դուրս գալիս, բարձրաւանդակներից՝ ցուրտ,
10. Եւ Ամենագործի շնչից սառնամանիք է սփռուելու:
11. Ուղղութիւն է տալիս ջրերին, ինչպէս կամենայ, խիտ ամպերը ցիրուցան է անելու:
12. Մեզը ցրելու է նրա լոյսը, իսկ ինքը դարձնելու է շրջանակները: Ուր որ կամեցել՝ տնօրինել է դրանց գործը եւ այն ամէնը, ինչ կը հրամայի նրանց: Սրանք երկրի վրայ կարգուած են իր կողմից՝
13. Խրատի համար լինի թէ երկիւղ գցելու կամ ողորմութեան համար, եւ բոլորը կը գտնեն նրան:
14. Ականջ դիր սրան, Յո՛ւբ, եկ խրատուի՛ր Տիրոջ զօրութեամբ:
15. Գիտենք, որ Աստուած տնօրինել է իր գործերը. լոյսն է ստեղծել խաւարի մէջ:
16. Գիտէ ամպերի էութիւնը: Չարագործների յանցանքներն արհաւիրք են:
17. Ինչո՞ւ է պատմութեանդ տաքանում, երբ երկիրը հանգստանում է հարաւային հողմից:
18. Այդ Տէրն է հաստատել երկինքը եւ նրա մէջ գտնուող ջրալի ամպերը, որոնք իր զօրութեամբ ցած է թափում:
19. Բայց հէնց ինչո՞ւ, դէ հասկացրո՛ւ ինձ, ի՞նչ ենք ասելու նրան, ու ապա դադարենք շատ բաների մասին խօսելուց:
20. Միթէ մօտս մատեա՞ն կայ, կամ դպի՞ր է կանգնած, որ մարդկանց գրածը լինելով՝ լռեցնեմ:
21. Ամէն մարդու չէ, որ լոյսը տեսանելի է. փայլածուն ամպերի մէջ է, ինչպէս որ լոյսը՝ ամպերի վերելում:
22. Հիւսիսից ոսկեճաճանչ ամպերն են. սրանց համեմատութեամբ մեծ են Ամենակալի փառքն ու պատիւը:
23. Չգիտենք մենք նրա զօրութեանը նմանուող ուրիշ ոչ ոքի, որ արդար դատելիս լինի, եւ դու պետք չէ՞ որ լսես նրան:
24. Դրա համար են մարդիկ նրանից երկիւղ կրում. նրանից վախենում են նաեւ սրտով իմաստունները:

1. Երբ Եղիուսը դադարեց խօսելուց, Տերն ասաց Յոբին՝ փոթորկի ու ամպի միջից.
2. Այդ ո՞վ է, որ իր խորհուրդները թաքցնում է ինձնից, խօսքերը հաւաքելով իր սրտում կարծում է, թէ ինձնից պահում է դրանք:
3. Տղամարդու պէս պնդացրո՞ւ մէջքդ. հարցեր եմ տալու քեզ, ու պատասխա՞ն տուր ինձ:
4. Որտե՞ղ էիր դու, երբ ես երկրի հիմքերն էի գցում: Ասա՛ ինձ, եթէ խելամիտ ես ու իմաստուն:
5. Ո՞վ է սահմանել դրա չափը, եթէ գիտես, կամ ո՞վ է լար գցել դրա վրայ:
6. Ինչի՞ վրայ է հաստատուել օդակը դրա, ո՞վ է դրել անկիւնաքարը դրա:
7. Երբ աստղերը ցիրուցան եղան, աստղերի բոլոր հրեշտակները մեծածայն օրհնեցին ինձ, իմ բոլոր հրեշտակներն էլ գովեցին:
8. Ծովը փակեցի դարպասներով, երբ այն իր մօր որովայնից ծնուեց դուրս եկաւ:
9. Մեզը նրան իբրեւ հանդերձ սահմանեցի, մառախուղը՝ իբրեւ խանձարուր:
10. Սահմաններ դրեցի նրա համար՝ փականքներ ու դարպասներ, եւ ասացի.
11. Կը գաս մինչեւ այդ վայրն ու այլեւս առաջ չես անցնի. այդտեղ, քո մէջ կը խորտակուեն ալիքները քո:
12. Թէ քո՞ կողքին կարգեցի լոյսն առաւօտեան:
13. Արուեսակը տեսաւ իր համար սահմանուածը՝ հասնել երկրի թեւերի վրայ, թափ տալ ամբարիշտներին դրա վրայից:
14. Կամ թէ դո՞ւ ես, որ կաւն առնելով ստեղծեցիր կենդանի արարածին եւ, խօսուն, գետեղեցիր երկրի վրայ:
15. Մերժեցի՞ր լոյսն ամբարիշտներին, խորտակեցի՞ր բազուկներն ամբարտաւանների:
16. Հասա՞ր ծովի ակունքին, շրջեցի՞ր խորքերն անդունդների:
17. Քո առաջ ահով բացուելո՞ւ են դռները մահուան. դժոխքի դռնապանները սարսելո՞ւ են քեզ տեսնելով:
18. Վերահասու լինելո՞ւ ես երկնքի ներքոյ եղած տարածութեան. ասա՛ ինձ տեսնեմ որքա՞ն է այն:
19. Ո՞րն է այն երկիրը, ուր լոյսն է օթեւանում, կամ ո՞րն է տեղը խաւարի:
20. Տանելո՞ւ ես ինձ նրա սահմաններին, եթէ գիտես ճանապարհները դրանց:
21. Գուցէ գիտե՞ս կամ ա՞յն ժամանակներում ես ծնուել. քո օրերը բազո՞ւմ են:
22. Գնացե՞լ ես շտեմարանները ձեան, կամ տեսե՞լ ես պահեստները կարկտի:
23. Կուտակե՞լ ես դրանցից՝ քո թշնամիների վրայ հասնելու, մարտի ու պատերազմի օրուայ համար:
24. Որտեղի՞ց է դուրս գալու եղեամբ, կամ տարածուելու է հարաւային հողմը երկնքի ներքոյ:
25. Ո՞վ է պատրաստել սաստիկ անձրեւների հոսանքները
26. Եւ ճանապարհներն ամպրոպների, որ տեղան երկրի վրայ,
27. ուր անմարդաբնակ անապատում ոչ ոք չկայ, որ յագեցնի անկոխ ու անշէն հողը, այնտեղ բխեցնի բոյսը դալար:
28. Ո՞վ է հայրն անձրեւի, եւ ո՞վ է, որ ծնունդ է տուել ցօղի շաղերին:
29. Ո՞ւմ արգանդից է դուրս գալիս սառոյցը,
30. եւ ո՞վ է երկնքում եղեամ ծնել, որ ջրի պէս հոսելով իջնում է. ո՞վ է հալեցնում երկնքի երեսը:
31. Վերահասու եղե՞լ ես Բազմաստեղեանի կարգին, բացե՞լ ես քօղը Հայկ համաստեղութեան:
32. Կամ Մագարոթը կարո՞ղ ես բացել իր ժամանակին, Գիշերավարն իր շառաւիղներով հանդերձ կարո՞ղ ես տանել նրանց հետ:
33. Կ'իմանա՞ս երկնքի բարեշրջութիւնները կամ առհասարակ երկնքի ներքոյ տեղի ունեցածները:

34. Ձայնովդ կը կանչե՞ս մեզը. նա էլ, սարսուռով համակուած, ջրի յորդութեամբ կը լսի՞ քեզ:
35. Շանթեր կ'արծակե՞ս, ու կը սլանա՞ն դրանք. եւ կ'ասե՞ն քեզ՝ թէ ինչ է սա:
36. Ո՞վ է կանանց տուել ոստայնանկութեան հմտութիւն ու երփներանգ գործուածքներ ստեղծելու շնորհ:
37. Ո՞վ է հաշոււմ ամպերն իմաստութեամբ: Ո՞վ է խոնարհեցրել երկինքը երկրի վրայ,
38. հողը փոշու պէս թափել: Ես եմ կպցրել դա, ինչպէս խորանարդ քարերը՝ իրար:
39. Կերակուր կ'որսա՞ս առիւծների համար, վիշապների մարմինը կը կշտացնե՞ս, երբ դրանք կուչ են եկած:
40. Սարսելու են իրենց խշտիներում ու դարանակալ նստելու մայրիների անտառում:
41. Ո՞վ է ագռաւների համար կեր պատրաստել, որ նրանց ձագերը ծայները Տիրոջն ուղղեն, մոլորուած՝ ուտելիք խնդրեն:

1. Գիտես քարայծների ծննդաբերութեան ժամանակը կամ լաւ հետե՞լ ես եղնիկների երկունքին:
2. Կարո՞ղ ես լրիւ թուել նրանց ծնելու ամիսները, կարո՞ղ ես մեղմացնել երկունքը նրանց:
3. Առանց երկիւղի կարո՞ղ ես կերակրել նրանց ձագերին, նրանց գերծ պահել երկունքի ցաւերից:
4. Ազատութիւն կ'ունենան նրանց ձագերը, ծնելով՝ կը բազմանան, դուրս կը գան ու այլեւս չեն վերադառնայ:
5. Ո՞վ է վայրի էշին բաց թողել ազատ, ո՞վ է արծակել կապանքները նրա:
6. Նրան իբրեւ կայան սահմանել եմ առապարները, իբրեւ բնակավայր՝ աղուտները:
7. Ծաղրում է նա քաղաքների խաժամուժին ու չի լսում մեղադրանքներն հարկահանների:
8. Դիտում է իր լեռնոտ արօտավայրերը ու շրջում է՝ ամեն դալարիք փնտռելու:
9. Միեղջերուն յօժար կը լինի՞ ծառայելու քեզ կամ հանգստանալու քո մտլրի մէջ:
10. Չուանով նրան լուծ կը կապե՞ս, կամ նա ակօս կը քաշի՞ քո դաշտում:
11. Յոյսդ կը դնե՞ս նրա վրայ, քանի որ նրա զօրութիւնը մեծ է, եւ նրան կը թողնե՞ս գործերդ քո բոլոր:
12. Կը հաւատա՞ս, որ սերմանուէլիքներդ հատուցելու է ու հաւաքելու քո կալում:
13. Գեղեցիկ են թռչող նեղասների թւերը. եթէ ասիղն ու նեեսանել բեղմնաւորում են, արժէ տեսնել,
14. որովհետեւ նեեսան իր ձուերը գետին է դնում, հողով տաքացնում է
15. ու մոռանում, թէ ոտքի տակ ցրիւ կը գան, եւ անապատի գազանները կը կոխտեն դրանք:
16. Հեռանում է նա իր ձագերից, կարծես իրենը չլինեն դրանք. իր վաստակի կորստեան վախը չունի նա,
17. որովհետեւ Աստուած նրանից վերցրել է իմաստութիւնը եւ խելքի բաժին չի տուել նրան:
18. Բայց երբ դեպի վեր ու բարձունքներ բարձրանայ, կը ծիծաղի երիվարի ու հեծեալի վրայ:
19. Դո՞ւ ես միթէ օժտել ձիուն զօրութեամբ,
20. պարանոցին զրահ հագցրել, վրան սպառազիւնութիւն գցել, նրա լանջը փառաւոր դարձրելու խիզախութիւն տուել նրան:
21. Որոտում է դաշտում ու դոփում, զօրութեամբ դուրս է գալիս դաշտ:
22. Երբ նետերի է հանդիպում, արհամարհում է, թրի առաջ էլ չի նահանջում նա:
23. Նրա վերելում շողշողում են աղեղն ու սուրը, շարժում վահանն ու նիզակը:
24. Իսկ ինքը բարկութեամբ գետինն է փորփորում: Չի հաւատում մինչեւ փողը չհնչի:
25. Իսկ երբ հնչում է փողը, վա՛շ-վա՛շ է կանչում: Հեռուից է առնում պատերազմի հոտը՝ սուրալով ու փնչացնելով:
26. Քո խելքի՞ց է որ բազէն թւերը տարածելով կանգնած է մնում օդում՝ անշարժ դիտելով հարաւի կողմը,
27. կամ քո՞ հրամանով է արծիւը բարձրանում, իսկ անգղն էլ քարանձաւներում ու ծածուկ տեղերում նստում հանգստանում է իր բոյնի վրայ,
28. մնում է այնտեղ ու կեր է փնտռում:
29. Նրա աչքերը դիտում են հեռուից,
30. իսկ նրա ձագերը զոհի արեան մէջ են թաթախուած: Ուր որ դիակ գտնեն՝ իսկոյն այնտեղ են յայտնւում:
31. Եւ Տէր Աստուած խօսեց ու Յոբին ասաց.
32. Միթէ մէկը պիտի կարողանա՞յ իմ դատաստանը ծռել, պիտի յանդիմանի՞ Աստծուն ու նրա առաջ պատասխա՞ն պիտի տայ:



33. Յոբը նորից խօսեց ու Տիրոջն ասաց.

34. Էլ ինչո՞ւ դատ անեմ դեռ, կշտամբեմ ու յանդիմանեմ: Տիրոջից եմ լսում այդ բաները ես: Ոչնչութիւն եմ, ի՞նչ պատասխան պիտի տամ ես այդ մասին. միայն պիտի պապանձուեմ:

35. Բերանս բացի մի անգամ արդէն, Էլ երկրորդ անգամ բան չեմ անելացնի:

1. Տերը ամպերի միջից նորից խօսեց ու ասաց Յոբին.
2. Այդպես չէ. տղամարդու պես պնդացրո՛ւ մեջքդ. հարցեր եմ տալու քեզ, ու պատասխա՛ն տուր ինձ:
3. Մի կողմ մի՛ նետիր իմ դատաստանը ու մի՛ մտածիր, թե ես քեզ այլ ազդարարութեամբ չեմ յայտնուել, քան այնպես, որ դու արդար երեւաս:
4. Թե՞ կարծում ես, որ Տիրոջ հետ նոյն բազուկն ունես կամ նրա հետ նոյն ծայնով ես որոտում:
5. Դե ուրեմն, բարձր կեցուածք ընդունի՛ր, զօրութիւն, փառք ու պատիւ ա՛ռ վրայ:
6. Սուրհանդակնե՛ր ուղարկիր բարկութեամբ, խոնարհեցրո՛ւ բոլոր գոռոզներին, խոնարհեցրո՛ւ-սառեցրո՛ւ ամբարտաւաններին:
7. Անմիջապէս խորտակի՛ր ամբարիշտներին,
8. առհասարակ բոլորին հողի մէջ ծածկի՛ր իսպառ, նրանց երեսներն անարգանքով ողողիր:
9. Համաձայնուե՛մ արդեօք, որ աջդ կարող է փրկել:
10. Իսկ ահա քո առաջն է, որովհետեւ գազաններն արջառի պէս խոտ են ճարակում:
11. Ահա նրա ուժը մեջքին է, զօրութիւնը՝ որովայնի պորտի շուրջ:
12. Իր պոչը նոճու պէս տնկել է,
13. ջլերն իրար են հիւսուած, կողերը պղնձից են, ողնաշարը՝ ծոյլ երկաթից:
14. Տիրոջ արարածների սկիզբը նա է՝ խաղալիք դարձած հրեշտակների ձեռքին:
15. Ապառաժ լերան վրայ հասնելով՝ տարտարոսում չորքոտանիների խրախճանք է սարքել:
16. Տեսակ-տեսակ ծառերի տակ է քուն մտնում՝ շամբի, եղեգի ու կնիւնի տակ:
17. Նրա գլխաւերեւում հովանի են դառնում մեծամեծ ծառեր՝ անտառով մէկ, եւ բարդու սիւները:
18. Հեղեղ էլ լինի՝ նա չի զգայ: Անձնապաստան է. եթէ Յորդանան գետն էլ դեպի իր բերանը դիմի՝
19. իր ակնակապիճների մէջ կ'առնի այն:
20. Եթէ վիշապը խոյս տայ, կը ծակե՞ս նրա ռունգերը: Կարո՞ղ ես կարթով բարձրացնել նրան, նրա դնչին պախուրց կը դնե՞ս:
21. Թե՞ շղթայ կը կապես նրա քթին: Սանձ կ'անցկացնե՞ս նրա կզակին:
22. Քեզ հետ կը խօսի՞ հեզութեամբ, քաղցր լեզուով: Հետդ ուխտ կը դնի՞:
23. Նրան քեզ իբրեւ յաւիտենական ծառայ կը նուաճե՞ս:
24. Նրա հետ կը խաղա՞ս, ինչպէս թռչնի հետ, կամ ձագի պէս թելով կը կապե՞ս նրան:
25. Ազգեր կը կերակրուեն նրանով, եւ փիւնիկեցիների տոհմերը նրան իրենց մէջ կը բաժանեն:
26. Բոլոր նաւաստիները, մի տեղ հաւաքուելով, նրա պոչից մի թեփ անգամ չեն վերցնի. նրա գանգը ձկնորսների նաւերում է:
27. Հենց որ ձեռքդ վրան դնես՝ կը մտաբերես այն պայքարը, որ տեղի է ունենալու նրա մարմնի մէջ. ու այլեւս չես անի:
28. Չես տեսել դու նրան, ոչ էլ կը զարմանաս իմ ասած այս խօսքերի վրայ:

1. Չես երկնչի, որովհետեւ ես եմ այդ բոլորը պատրաստել: Բայց ո՞վ է, որ ինձ պիտի հակառակուի, կամ ո՞վ է, որ ինձ պիտի դիմադարձի ու դիմանայ,
2. երբ այն ամենը, ինչ որ կայ երկնքի ներքոյ, իմն է:
3. Յանուն նրա՝ վիշապի, ես չեմ լռելու: Նրա գործն ուժեղ լինելով՝ խղճալու են նրա զուգընկերոջը:
4. Ո՞վ կը մերկացնի նրա երեսի քողը, եւ ո՞վ կը մտնի նրա փակ պատեանից ներս,
5. ո՞վ բաց կ'անի նրա երախի դռները: Ահն է իշխում նրա ատամների շուրջ-բոլորը.
6. փորը պղնձէ վահան է, յօդերը՝ սուր-սուր քարեր, մէկը միւսի յետեւից կպած են,
7. նրա միջով օդ չի անցնի:
8. Ասես եղբայրն իր եղբօր հետ գնայ. իրարից կը բռնեն ու չեն բաժանուի:
9. Նրա փռնչոցից փայլակներ են դուրս թռչում. նրա աչքերը փայլածուի տեսք ունեն:
10. Նրա բերանից վառուած լապտերներ են դուրս ժայթքում, եւ հրեղէն շանթեր են արձակում:
11. Նրա ռունգերից, ինչպէս հնոցի կրակից, ծուխ է ելնում:
12. Նրա շնչից կայծեր են դուրս թռչում, եւ բերանից բոց է դուրս գալիս:
13. Նրա պարանոցում զօրութիւնն է հաստատուած. նրա առջեւից կործանումն է ընթանում:
14. Նրա մարմնի անդամները ամուր կպած են իրար. եթէ մէկը վրան ընկնի, նա չի էլ խլրտայ,
15. որովհետեւ նրա սիրտն ապառաժ քար է կտրել եւ դարբնի սալի նման անշարժ, հաստատուն է:
16. Երբ խլրտայ՝ ահլը կը համակի երկրի գագաւններին, չորքոտանիներին ու գեռուններին:
17. Թէ նրան տեգեր, գէնքեր ու նիզակներ հանդիպեն, վնաս չեն հասցնի,
18. որովհետեւ նա երկաթը յարդ է համարում, պղինձը՝ փտած փայտ:
19. Նրան չի խոցում պղնձէ աղեղը:
20. Ռմբաքարը նա խոտի տեղ է ընդունում, լախտը՝ եղեգի: Ծիծաղում է իր դիմաց ճօճուող կրակի վրայ:
21. Սուր-սուր տեգերը նրա անկողինն են: Ծովի ամբողջ ոսկին նրա տակ՝ անբաւ կաւի պէս է:
22. Անդունդները կաթսայի պէս է եռացնում: Ծովը ոչնչութիւն է համարում, անդնդային տարտարոսը՝ մի գերի,
23. անդունդները՝ զբօսավայր:
24. Երկրի վրայ չկայ բան, որ նման լինի նրան: Նա ստեղծուել է իբրեւ խաղալիք իմ հրեշտակների համար:
25. Արհամարհանքով է նայում ամեն բարձր բանի, եւ ջրերում եղած ամեն ինչի թագաւորն ինքն է:

1. Յոբը նորից խօսեց ու Տիրոջն ասաց.
2. Գիտեմ, պատում է ուժդ ամեն ինչի, ու չի թուլանում քո մեջ ոչ մի բան:
3. Այն ո՞վ կը ծածկի քեզնից իր միտքը, խօսք կը խնայի ու կը կարծի, թե կարող է պահել: Այն ո՞վ կ'ասի ինձ, ինչ որ չգիտեմ, մեծ ու ապշելի բաներ, որոնց ես իրազեկ չեի:
4. Արդ, լսիր ինձ, Տէ՛ր. ես եմ խօսելու, հարցնելու բաներ. սովորեցրո՛ւ ինձ:
5. Սրանից առաջ ես ականջներովս էի լուր լսել, բայց հիմա աչքերս էլ տեսան հենց քեզ:
6. Այդ պատճառով նուաստ համարեցի ինձ ու հալուեցի ես: Ինքս ինձ հող ու մոխիր եմ դիտում:
7. Երբ Տէրը Յոբի հետ այս բաները խօսեց, Աստուած ասաց Եղիփազ Թեմնացուն. Մեղք գործեցիր դու, նաեւ քո երկու բարեկամները, քանի որ իմ առաջ ճշմարիտ բան չասացիք, ինչպէս իմ ծառայ Յոբը:
8. Բայց հիմա եօթը զուարակ առէ՛ք ու եօթը խոյ, գնացէ՛ք իմ ծառայ Յոբի մօտ, ու թող նա ողջակէզ անի ձեզ համար, իմ ծառայ Յոբը թող նաեւ աղօթի ձեզ համար, քանի որ, եթէ ես նկատի ունեցած չլիներ նրան, ու նրա համար չլիներ այս, ես արդարեւ կորստի մատնած կը լիներ ձեզ, որովհետեւ իմ ծառայ Յոբի մասին ճշմարիտ բաներ չասացիք:
9. Եղիփազ Թեմնացին, Բաղդատ Սոքեցին ու Սոփար Մինեցին գնացին ու արեցին այնպէս, ինչպէս Տէրն էր հրամայել իրենց: Եւ թողութիւն շնորհեց նրանց մեղքերին՝ յանուն Յոբի:
10. Ու Տէրը ճոխացրեց Յոբին, եւ երբ սա աղօթեց իր բարեկամների համար, Տէրը թողութիւն շնորհեց նրանց մեղքերին: Տէրը կրկնակի ակելի շատ տուեց, քան այն հարստութիւնը, որ առաջ Յոբն ուներ:
11. Նրա բոլոր եղբայրներն ու քոյրերը լսեցին այն բոլոր դէպքերի մասին, որ պատահել էին նրան, եկան մօտը, եկան նաեւ բոլոր նրանք, ովքեր առաջ ճանաչում էին նրան: Կերան-խմեցին նրա մօտ, սփռփեցին նրան ու զարմացան այն բոլոր բաների վրայ, որ նրա գլխին բերել էր Տէրը: Իւրաքանչիւրը նրան մի գառ տուեց ու չորսդրեմանոց անդրոշմ ոսկի:
12. Ու Տէրը Յոբի կեանքի վերջին շրջանն ակելի օրհնեց, քան առաջին շրջանը. նրա հօտի մէջ կային տասնչորս հազար ոչխարներ, վեց հազար ուղտեր, հազար լուծ եզներ, հազար արածող մատակ էշեր:
13. Նա ունեցաւ եօթը տղայ եւ երեք աղջիկ:
14. Առաջին աղջկան Տիւ կոչեց, երկրորդին՝ Կասիա, իսկ երրորդին՝ Ամաղթեղջիւր:
15. Եւ երկնքի ներքոյ Յոբի դուստրերի պէս ու նրանցից ակելի գեղեցիկներ չգտնուեցին: Յոբն իր աղջիկներին ժառանգութեան բաժին տուեց նրանց եղբայրների հետ:
16. Յոբը, այն հարուածներից յետոյ, ապրեց հարիւր եօթանասուն տարի (նա ապրեց ընդամենը երկու հարիւր քառասուն եւ ութ տարի): Յոբը տեսաւ իր զաւակներին, որդիների որդիներին, մինչեւ չորրորդ սերունդը: Ու վախճանուեց Յոբը զառամեալ հասակում, տարիների բեռան տակ կքած: Նաեւ գրուած է, որ նա էլ յարութիւն է առնելու նրանց հետ, ում Տէրը յարութիւն պիտի տայ:
17. Սա թարգմանուած է ասորերէն գրքից: Յոբը բնակւում էր Աստայ երկրում, եղոմայեցիների ու արաբների սահմաններում: Առաջ նրա անունը Յոբաբ էր: Արաբ կին առնելով՝ որդի ունեցաւ, որի անունն էր Եննով: Նրա հայրը Չարեհն էր՝ Եսաւի որդու որդին: Նրա մայրը բոսորացի էր: Այնպէս որ նա Աբրահամից սկսած՝ հինգերորդ սերունդն էր: Սրանք են այն թագաւորները, որ թագաւորեցին Եդոմում. առաջինը՝ Բեորայ Բաղակը (սրա քաղաքի անունն էր Դենաբայ), Բաղակից յետոյ՝ Յոբաբը (որ Յոբ կոչուեց), սրանից յետոյ՝ Ասոմը (որ թեմնացիների երկրի զօրավարն էր), սրանից յետոյ՝ Բարադի որդի Ադադը (որ Մադիամին ջարդեց Մովաբի դաշտում. նրա քաղաքի անունն էր Գեթեմ): Իսկ այն բարեկամները, որ նրա մօտ եկան, սրանք էին. Եղիփազը՝ թեմնացիների արքան (Եսաւի որդիներից), Սոքեցիների բռնակալ Բաղդատը, մինեցիների արքայ Սոփարը:



පදාර්ථය

## Սաղմոս 1

1. Երանելի է այն մարդը, որն ամբարիշտների խորհրդով չի շարժւում, մեղաւորների ճանապարհին ոտք չի դնում եւ յանցագործների հետ համախոհ չի լինում,
2. այլ հաճոյք է ստանում Տիրոջ օրէնքներից եւ գիշեր-ցերեկ խորհում է Նրա պատուիրանների մասին:
3. Նա նման է ջրերի հոսանքի վրայ տնկուած ծառի, որն իր պտուղը ժամանակին կը տայ, իսկ Նրա տերեւը չի թափուի, ու ամէն բան, ինչ էլ որ անի, կը յաջողուի Նրան:
4. Այսպէս չեն ամբարիշտները, այսպէս չեն, այլ նման են հողմափոշու, որ հոսում է երկրի երեսին:
5. Ուստի ամբարիշտները չեն դիմանայ դատաստանին, ոչ էլ մեղաւորները կը լինեն արդարների հաւաքի մէջ,
6. քանզի Տէրը գիտէ արդարների ճանապարհները, իսկ ամբարիշտների ճանապարհները կորստեան են տանում:

## Սաղմոս 2

1. Ինչո՞ւ խռովութիւն արեցին հեթանոսները, եւ ժողովուրդները դատարկ բաներ խորհեցին:
2. Հաւաքուեցին երկրի թագաւորները, եւ միաւորուեցին իշխաններն ընդդէմ Տիրոջ ու Նրա օծեալի՝ ասելով.
3. Քանդենք Նրանց կապանքները եւ թօթափենք Նրանց լուծը մեզանից:
4. Երկնքում բնակուողը կը ծիծաղի Նրանց վրայ, եւ Տէրը կ'արհամարհի Նրանց:
5. Այնժամ կը խօսի Նրանց հետ իր բարկութեամբ, եւ իր զայրոյթով կը սարսափեցնի Նրանց:
6. Ես թագաւոր կարգուեցի Նրանից իր սուրբ լեռան՝ Սիոնի վրայ, որ հռչակեմ Տիրոջ հրամանները:
7. Տէրն ասաց ինձ. Դու իմ որդին ես, ես այսօր ծնեցի քեզ:
8. Խնդրի՛ր ինձնից՝ եւ հեթանոսներին քեզ կը տամորպէս ժառանգութիւն, ու իշխանութիւն՝ երկրի բոլոր ծագերում:
9. Նրանց կը հովուես երկաթեայ գաւազանով եւ բրուտի անօթի պէս կը փշրես Նրանց:
10. Արդ, թագաւորներ, ո՛րչ դարձրէք սրան, եւ խրատուեցէ՛ք ամենքդ, որ մարդկանց էք դատում:
11. Ծառայեցէ՛ք Տիրոջը երկիւղով եւ ցնծացէ՛ք Նրա առջեւ դողալով:
12. Ընդունեցէ՛ք Նրա խրատը, որ Տէրը չբարկանայ, որ դուք չկորչէք արդարութեան ճանապարհից, երբ Նրա զայրոյթը բորբոքուած լինի:
13. Երանի բոլոր Նրանց, ովքեր յոյսը դրել են Տիրոջ վրայ:



### Սաղմոս 3

1. Սաղմոս Դաւթի, երբ նա փախել էր իր որդուն՝ Աբիսողոմի երեսից
2. Տէ՛ր, ինչո՞ւ բազմացան ինձ հալածողները, եւ շատերը ելան իմ դէմ:
3. Շատերն էին ասում իմ մասին՝ Սա փրկութիւն չունի իր Աստծուց:
4. Բայց դու, Տէ՛ր, իմ օգնականն ես, իմ փառքը եւ գլուխս բարձր պահողը:
5. Իմ ձայնով ես Տիրոջը դիմեցի, եւ նա լսեց ինձ իր սուրբ լերան վրայից:
6. Ես ննջեցի ու քուն մտայ. զարթնեցի, եւ Տէրն իմ ապաւենն է:
7. Չեմ սոսկայ ես նրանց բիւրաւոր զօրքերից, որոնք ամեն կողմից պատել ու պաշարել էին ինձ:
8. Արի՛, Տէ՛ր, փրկի՛ր ինձ, Աստուած իմ, քանզի կործանեցիր բոլորին, ովքեր իզուր թշնամացել էին ինձ հետ. դու մեղաւորների ատամները կը փշրես:
9. Տիրոջից է փրկութիւնը, Զո օրհնութիւնը ժողովրդիդ վրայ թող լինի:

#### Սաղմոս 4

1. Դպրապետին. Դաւթի օրհնութեան սաղմոսերգութիւնը
2. Երբ ձայն տուի, իմ արդարութեան համար լսեցիր ինձ, Աստուած, նեղութեան մէջ ինձ անդորր տուիր. ողորմի՛ր ինձ եւ ակա՛նջ դիր իմ աղօթքին:
3. Մարդկանց որդիներ, մինչեւ ե՞րբ պիտի խստասիրտ լինեք. ինչո՞ւ եք ունայնութիւն սիրում եւ ստութիւն փնտռում:
4. Իմացե՛ք, որ Տէրը զարմանահրաշ գործեր արեց իր սրբի համար, եւ Տէրը կը լսի ինձ, երբ օգնութեան կանչեմ նրան:
5. Եթէ բարկանաք՝ մի՛ մեղանչեք, ձեր անկողնու մէջ ինչ էլ որ ասեք ձեր սրտում՝ զղջացե՛ք:
6. Արդարութեան զոհե՛ր մատուցեցեք եւ Տիրոջ վրայ յո՛յս դրեք:
7. Շատերն ասացին՝ Ո՞վ ցոյց կը տայ մեզ Տիրոջ բարութիւնը: Զո երեսի լոյսը ծագեց մեր վրայ,
8. եւ ուրախութիւն տուիր մեր սրտերին, ցորենի, գինու, ձէթի բարիքով յագեցրիր նրանց:
9. Այսուհետեւ մենք խաղաղութեամբ կը ննջենք ու կ'արթնանանք,
10. քանզի դու միայն, Տէ՛ր, ապահովութեան մէջ բնակեցրիր մեզ:

## Սաղմոս 5

1. Դպրապետին. ժառանգորդների մասին, սաղմոս
2. Ակա՛նջ դիր իմ խօսքերին, Տէ՛ր, եւ ո՛ւշ դարձրու աղաղակիս,
3. ընդունի՛ր ձայնն աղօթքներիս, Թագաւո՛ր իմ եւ Աստուա՛ծ իմ:
4. Աղաչում եմ քեզ, Տէ՛ր, որ առաւօտեան լսես ձայնն իմ. առաւօտեան պատրաստ կը լինեմ քո առջեւ կանգնելու:
5. Դու անօրէնութիւն կամեցող Աստուած չես, եւ քեզ մօտ չարամիտներ չեն բնակում:
6. Թող յանցագործները չապրեն աչքիդ առջեւ:
7. Դու ատեցիր անօրէնութիւն գործողներին, կործանում ես բոլոր ստախօսներին, արիւնահեղ ու նենգ մարդուց զարշում ես, Տէ՛ր:
8. Իսկ ես քո ամենառատ ողորմութեան շնորհիւ կը մտնեմ տունդ, եւ քե՛զ վայել ակնածանքով կ'երկրպագեմ սուրբ տաճարիդ մէջ:
9. Տէ՛ր, արդարութեամբ քո առաջնորդի՛ր ինձ, իմ թշնամիների պատճառով ուղղի՛ր իմ առջեւ ճանապարհները քո,
10. քանզի նրանց բերանում ճշմարտութիւն չկայ, եւ նրանց սրտերն ունայնացած են:
11. Գերեզմանի պէս բաց են կոկորդները նրանց, իսկ լեզուները՝ լի նենգութեամբ: Դատի՛ր նրանց, Աստուած, որ ետ կանգնեն իրենց մտքերից. իրենց անչափ ամբարշտութեան համար վանի՛ր նրանց, քանզի դառնացրին քեզ:
12. Թող ուրախանան բոլոր նրանք, որ յոյս են դնում քեզ վրայ, յաւիտեան թող ցնծան, եւ դու ապրես նրանց մէջ. թող պարծենան քեզնով քո անունը սիրողները,
13. քանզի դու պիտի օրհնես արդարին. Տէ՛ր, քո սպառազինութեամբ պաշտպանեցիր մեզ:

## Սաղմոս 6

1. Դպրապետին. ութերորդական եղանակով, Դաւթի օրհնութեան սաղմոս
2. Տէ՛ր, զայրոյթով քո մի՛ յանդիմանիր ինձ, եւ քո բարկութեամբ ինձ մի՛ խրատիր:
3. Ողորմի՛ր ինձ, Տէ՛ր, քանզի հիւանդ եմ ես, բժշկի՛ր ինձ, քանզի ոսկորներս խախտուել են:
4. Անձն իմ յոյժ խռոված է, եւ դու, Տէ՛ր, մինչեւ ե՞րբ...:
5. Դարձի՛ր, Տէ՛ր, փրկի՛ր ինձ, ազատի՛ր ինձ, Տէ՛ր, քո ողորմութեամբ
6. քանզի չկայ մէկը, որ մահուան մէջ յիշի քեզ, կամ դժոխքում գոհանայ քեզանից:
7. Ես յոգնեցի իմ հառաչանքներից, ամէն գիշեր հեծեծանքով լուացի մահիճն իմ եւ իմ արտասուքով անկողինս թրջեցի:
8. Սրտնեղութիւնից այլայլուեց աչքն իմ, ես հիւժուեցի բոլոր թշնամիներիս ձեռքից:
9. Հեռացէ՛ք ինձնից ամէնքդ, որ անօրէնութիւն էք գործում:
10. Տէրը լսեց իմ լացի ձայնը, Տէրն ականջ դրեց իմ աղօթքներին, Տէրն ընդունեց իմ խնդրանքները:
11. Բոլոր թշնամիներս թող ամաչեն ու խիստ խռովուեն, թող ետ դառնան եւ իսկոյն խիստ ամաչեն ու զարհուրեն:

## Սաղմոս 7

1. Սաղմոս Դաւթի, որ Տիրոջն ասաց Յեմինի որդի Քուսի խօսքերի առթիւ
2. Տէ՛ր իմ Աստուած, քեզ վրայ դրեցի յոյսն իմ, փրկի՛ր ինձ եւ իմ բոլոր հալածիչներից ազատի՛ր ինձ:
3. Չի՛նի թէ առիւծի նման յօշոտեն ինձ, եւ չգտնուի մէկը, որ փրկի ինձ եւ պահպանի:
4. Տէ՛ր իմ Աստուած, եթէ արել եմ այս բանը, եթէ իմ ձեռքով անօրէնութիւն եմ գործել,
5. եթէ երբեւէ իմ չարականներին չարութեամբ եմ հատուցել, թող ես էլ իսպառ կորչեմ թշնամիներիս ձեռքով:
6. Թող ուրեմն թշնամին հալածի ինձ, թող վրայ հասնի եւ խորտակի կեանքն իմ՝ կոխտելով ինձ, իսկ փառքս հողին թող հաւասարեցնի:
7. Ելի՛ր, Տէ՛ր, բարկութեամբ քո եւ բարձրացի՛ր իսպառ վերացնելու իմ թշնամիներին: Արթնացի՛ր, Տէ՛ր իմ Աստուած, յանուն քո սահմանուած կարգի:
8. Ժողովուրդների բազմութիւնները շուրջդ կը հաւաքուեն, իսկ դու, Տէ՛ր, բազմի՛ր բարձունքում
9. (Տէրն է դատում իր ժողովրդին): Դատի՛ր ինձ, Տէ՛ր, իմ մէջ եղած արդարութեան եւ անմեղութեան համեմատ:
10. Մեղաւորների վրայ չարիք կը գայ, իսկ արդարին յաջողութիւն կը տաս, սրտերի ու երիկամների քննիչ արդա՛ր Աստուած:
11. Յիրաւի, օգնողն Աստուած է, որ փրկում է նրանց, ովքեր շիտակ են սրտով:
12. Արդար, հզօր եւ համբերատար դատաւոր է Աստուած, որն իր զայրոյթը չի թափում հանապազ:
13. Սակայն եթէ չդառնաք դէպի Նա, սուրն իր սրած է եւ աղեղն իր՝ լարած:
14. Նա պատրաստել է մահուան գործիքները, իսկ նետերն իր հրանիւթով է սարքել:
15. Ահաւասիկ, ով որ անօրէնութիւն երկնեց, չարիք յղացաւ եւ անիրաւութիւն ծնեց,
16. նա փոս փորեց, խորացրեց, հէնց ինքն էլ ընկաւ այն փոսը, որ նա պատրաստեց:
17. Նրա գլխին կը թափուեն իր չարագործութիւնները, նրա գագաթին կ'իջնեն իր անօրէնութիւնները:
18. Գոհութիւն կը մատուցեմ Տիրոջն իր արդարութեան համար, սաղմոս կ'երգեմ Բարձրեալ Տիրոջ համար:

## Սաղմոս 8

1. Այսուհետեւ՝ հնձանների մասին, սաղմոս Դավթի
2. Տէ՛ր, ո՛վ մեր Տէր, ի՛նչ հրաշալի է քո անունը ողջ աշխարհում: Քո փառքը բարձրացաւ երկնքից վեր:
3. Մանկահասակ եւ ծծկեր երեխաների բերանից թող օրհնութիւն ելնի ընդդէմ քո թշնամիների, Տէ՛ր, որպէսզի ոսոխն ու հակառակորդը կործանուեն:
4. Տեսնեմ երկինքը՝ քո մատների գործը, լուսինն ու աստղերը, որոնք դու հաստատեցիր:
5. Մարդն ի՞նչ է, որ յիշում ես նրան, կամ մարդու որդին՝ որ այցի գաս նրան:
6. Քո հրեշտակներից փոքր-ինչ ցածր դրիր նրան եւ փառք ու պատուով պսակեցիր նրան:
7. Նրան կարգեցիր քո բոլոր ձեռակերտների վրայ:
8. Ամէն ինչ դրիր նրա ոտքերի ներքոյ՝ ոչխար, արջառ եւ ամէն ինչ,
9. Նաեւ վայրի երէ, երկնքի թռչուններ, ծովի ձկներ, որ շրջում են ծովերի հոսանքներում:
10. Տէ՛ր, ո՛վ մեր Տէր, ի՛նչ հրաշալի է քո անունը ողջ աշխարհում:

1. Այսուհետեւ՝ որդու գաղտնիքների մասին, սաղմոս Դաւթի
2. Իմ ամբողջ սրտով գոհութիւն կը մատուցեմ քեզ, Տէ՛ր, կը պատմեմ բոլոր  
հրաշագործութիւններդ:
3. Կ'ուրախանամ ու կը ցնծամ քեզնով, սաղմոս կ'երգեմ քո անուանը, ո՛վ Բարձրեալ:
4. Թշնամիներս ետ դառնալով՝ կը թուլանան ու կը կորչեն քո առաջից:
5. Դատաստանս եւ իրաւունքս դու տեսար, բազմեցիր աթոռին, ո՛վ դատաւոր արդար:
6. Սաստեցիր հեթանոսներին, եւ ամբարիշտն անհետացաւ. նրանց անունները ջնջեցիր  
յաւիտեանս յաւիտենից:
7. Եւ թշնամու զէնքը իսպառ վերացաւ. դու քաղաքներ աւերեցիր, եւ յիշատակը դրանց  
կորաւ աղաղակով:
8. Բայց Աստուած մնում է յաւիտեան, նա պատրաստեց իր աթոռը դատաստանի  
համար:
9. Ինքն է դատում աշխարհն այս արդարութեամբ, եւ իր ժողովրդին՝ ուղղամտութեամբ:
10. Տէրն եղաւ տնանկի ապաւէնը եւ նեղութեան ժամանակ օգնականը:
11. Քեզ վրայ թող յոյս դնեն բոլոր նրանք, ովքեր գիտեն անունը քո, քանզի դու չես լքի  
նրանց, ովքեր փնտռում են քեզ, Տէ՛ր:
12. Սաղմո՛ս երգեցէք Տիրոջը, որ բնակւում է Սիոնում. հեթանոսների մէջ պատմեցէ՛ք  
գործերը նրա:
13. Տնանկների արեան համար վրեժխնդիր լինելիս՝ Տէրը յիշեց եւ չմոռացաւ աղօթքը  
նրանց:
14. Ողորմի՛ր ինձ, Տէ՛ր, եւ տե՛ս իմ նուաստացումն իմ թշնամիներից:
15. Դու բարձրացրիր ինձ մահուան դռներից, որ պատմեմ քո բոլոր օրհներգութիւնները  
Սիոնի քաղաքի դռներին, եւ ցնծամ քո փրկագործութեամբ:
16. Հեթանոսներն ընկղմուեցին իրենց գործած ապականութեան մէջ, եւ իրենց լարած  
թակարդն իրենց իսկ ոտքերն է բռնելու:
17. Տէրն իրեն ճանաչեցրեց դատաստան անելով, եւ մեղաւորները կը պատժուեն ըստ  
իրենց ձեռքի գործերի:
18. Մեղաւորները կրկին դժոխք կ'ընկնեն, նաեւ բոլոր հեթանոսները, որոնք մոռացան  
Աստծուն:
19. Տէրն ամենեւին չի մոռանայ աղքատին, եւ տնանկների համբերութիւնը երբեք չի  
սպառուի:
20. Ելի՛ր, Տէ՛ր, եւ թող մարդը չգօրանայ, թող հեթանոսները դատուեն քո առջեւ:
21. Նրանց վրայ օրէնսդի՛ր կարգիր, Տէ՛ր, եւ թող հեթանոսներն իմանան, թէ իրենք  
մարդիկ են:
22. Ինչո՞ւ, Տէ՛ր, հեռու մնացիր, անտարբեր եղար նեղութեան ժամանակ:
23. Ամբարշտի յոխորտալուց տոչորում է աղքատը. թող խափանուեն այն հնարքները,  
որ խորհեցին նրանք,
24. քանզի գովաբանւում է մեղաւորն իր ցանկութիւնների համար, գովաբանւում է եւ  
նա, ով զրկւում է:
25. Իսկ մեղաւորն ինչո՞ւ բազում դառնութեամբ զայրացրեց Աստծուն, թէ չի ստանայ  
հատուցում:
26. Չկայ Աստուած նրա աչքերի առջեւ, մշտապէս պիղծ են նրա ճանապարհները:  
Իրաւունք ասուածը վերացել է նրա մտքից, նա կը տիրի իր բոլոր հակառակորդներին:
27. Նա ասում է իր սրտում, թէ չի սասանուի, դարեղար կ'ապրի առանց փորձանքի:
28. Անէծքով, դառնութեամբ ու նենգութեամբ լի է բերանը նրա, իսկ լեզուի տակ ցաւ է ու  
տառապանք:
29. Մեծամեծների հետ դարան է մտնում, որ գաղտնաբար սպանի անմեղին:
30. Նրա աչքն աղքատի վրայ է, դարանակալւում է թաքստոցում՝ ինչպէս առիւծն իր  
որջում, դարանակալւում է յափշտակելու աղքատին, յափշտակելու աղքատին եւ

ճանկելու նրան:

31. Նրան կը գցի իր որոգայթը, բայց տիրելով տնանկներին՝ նա կը խոնարհուի ու կ'ընկնի:

32. Նա ասում է իր սրտում, թե Աստուած մոռացել է, շրջել է երեսն իր՝ բնաւ չտեսնելու համար:

33. Ելի՛ր, Տէ՛ր իմ Աստուած, թող բարձրանայ քո ձեռքը, եւ մի՛ մոռացիր տնանկներին:

34. Իսկ ամբարիշտն ինչո՞ւ բարկացրեց Աստծուն՝ ասելով իր սրտում, թե ինքը չի քննուի:

35. Տէ՛ր, տեսնում ես դու աղքատին՝ նայելով նրա ցաւին ու սրտմտութեանը՝ նրան քո ձեռքը վերցնելու համար: Քեզ է ապաւինել աղքատը, եւ դու ես որբի օգնականը:

36. Թող խորտակուի մեղաւորի ու չարագործի բազուկը, թող փնտռուեն նրա մեղքերն ու այլեւս չգտնուեն:

37. Տէրը թագաւոր է յաւիտեանս յաւիտենից. թող կորչեն հեթանոսները նրա երկրից:

38. Տնանկների ցանկութիւնը լսեցիր, Տէ՛ր, քո ականջը ուշ դարձրեց նրանց սրտի պատրաստակամութեանը՝

39. տեսնելու որբի ու տնանկի դատաստանը, որպէսզի մարդը չշարունակի իր յոխորտանքը երկրի երեսին:



1. Այսուհետեւ՝ սաղմոս Դավթի
2. Յոյսս դրի Տիրոջ վրայ. ինչո՞ւ էք ասում ինձ, որ ճնճողուկի պէս լեռները թռչեմ:
3. Չէ՞ որ մեղաւորներն ահա լարել են աղեղներն իրենց, պատրաստել են նետերը կապարճներում, որ մուժն ընկնելիս ձգեն ուղղամիտների վրայ:
4. Ինչ դու շինեցիր՝ ակերեցին նրանք, իսկ արդարն ի՞նչ արեց:
5. Տէրն իր սուրբ տաճարում է, Տէրը երկնքում է՝ իր գահի վրայ: Նրա աչքերը նայում են տնանկներին, իսկ արտեւանունքները զննում են մարդկանց որդիներին:
6. Տէրը քննում է արդարին եւ ամբարշտին. ով սիրում է մեղքը՝ ատում է անձն իր:
7. Մեղաւորների վրայ որոգայթ, հուր եւ ծծումբ կը տեղայ, փոթորկի շունչն է նրանց բաժակի բաժինը:
8. Արդար է Տէրը, արդարութիւն է սիրում, ճշմարտութեանն է նայում երեսը նրա:

## Սաղմոս 11

1. Այսուհետեւ՝ ութերորդականների մասին, սաղմոս Դավթի
2. Փրկի՛ր ինձ, Տէ՛ր, քանզի սուրբ չմնաց, նուազեց ճշմարտութիւնը մարդկանց որդիների մէջ:
3. Ստուգեամբ խօսեց մարդը մարդու հետ, սրտերը հաղորդակցուեցին նենգ շրթունքներով:
4. Տէրը կ'ոչնչացնի բոլոր նենգ շրթունքներն ու լեզուները մեծախօս,
5. որոնք ասացին. Երկարեցնենք մեր լեզուները, մենք շրթունք ունենք, արդ՝ ո՞վ է մեր տէրը:
6. Աղքատի տառապանքին եւ տնանկի հեծութեան համար այժմ ես կ'ելնեմ, - ասում է Տէրը, - կը բերեմ իմ փրկութիւնը եւ վստահ կը լինեմ նրանց վրայ:
7. Տիրոջ խօսքերը սուրբ խօսքեր են, ինչպէս ընտիր ու փորձուած արծաթ՝ եօթնապատիկ մաքրուած եւ զտուած հողից:
8. Դու, Տէ՛ր, պահպանեցիր մեզ եւ փրկեցիր այս ազգից մինչեւ յաւիտենութիւն:
9. Ամէն կողմ ամբարիշտներ են շրջում. քո բարձրութեան համեմատ դու մեծութի՛ւն տուր մարդկանց որդիներին:

## Սաղմոս 12

1. Մինչեւ ե՞րբ, Տէ՛ր, պիտի մոռանաս ինձ իսպառ, մինչեւ ե՞րբ պիտի շրջես երեսդ ինձնից:
2. Մինչեւ ե՞րբ խռովք ունենամ իմ հոգում եւ ամենօրեայ ցաւ՝ իմ սրտում:
3. Մինչեւ ե՞րբ թշնամիս պիտի բռնանայ ինձ վրայ:
4. Նայի՛ր եւ լսի՛ր ինձ, Տէ՛ր իմ Աստուած, լո՛յս տուր, Տէ՛ր, իմ աչքերին, որ երբեք մահուան քուն չմտնեմ:
5. Թշնամիս թող չասի, թե՛ յաղթեցի նրան, կամ հալածիչներս ցնծան, եթե սասանուեմ:
6. Ես ողորմութեանդ վրայ յոյս դրի, Տէ՛ր, սիրտս հրճուեց քո փրկագործութեամբ. կ'օրհներգեմ քեզ, Տէ՛ր, բարերա՛րդ իմ:

1. Անզգամն ասաց իր սրտում, թե՝ չկայ Աստուած. ապականուեցին ու պղծուեցին իրենց անօրէնութեան մէջ, եւ չկայ մէկը, որ բարութիւն գործի:
2. Տէրն երկնքից նայեց բոլոր մարդկանց որդիներին՝ տեսնելու, թէ կա՞յ մի իմաստուն, որ Աստծուն փնտռի:
3. Բոլորը խոտորուեցին, միասին անպիտան դարձան. բարութիւն անող չկայ, ոչ իսկ մէկ հոգի:
4. Ինչպէ՞ս չեն գիտակցում բոլոր նրանք, ովքեր անօրէնութիւն են գործում, ովքեր խժռում են իմ ժողովրդին իբրեւ կերակուր ու հաց եւ Տիրոջը չեն դիմում:
5. Այնտե՛ղ են երկիւղից սարսում, ուր երկիւղ չկայ, քանզի Տէրը արդարների ազգի մէջ է:
6. Աղքատի մտածմունքը ամօթ համարեցին, Տէրն է յոյսը նրա:
7. Ո՞վ կը տայ Սիոնից փրկութիւնն Իսրայէլի: Երբ Տէրն իր ժողովրդին վերադարձնի գերութիւնից, Յակոբը կը ցնծայ, եւ Իսրայէլն ուրախ կը լինի:

#### Սաղմոս 14

1. Տէր, ո՞վ պիտի ապրի քո վրանում, կամ ո՞վ պիտի բնակուի քո սուրբ լերան վրայ.
2. Նա, ով անբասիր է ընթանում, արդար գործ է կատարում, ճշմարտութիւն խօսում իր սրտում:
3. Ով չի նենգել իր լեզուով եւ ընկերոջը վատութիւն չի արել,
4. Մերձաւորներից նախատինք նա չի ստանում, եւ չարագործն անարգուած է նրա աչքում: Այդպիսին փառաբանում է նրանց, ովքեր երկիւղ ունեն Տիրոջից, երդւում է իր բարեկամին չի դրժում:
5. Իր արծաթը վաշխով չի տալիս, իրաւունքի դէմ կաշառք չի վերցնում: Ով անում է այս, նա յաւիտեան չի սասանուի:

1. Սաղմոս Դաւթի, արձանագիր
2. Պահպանի՛ր ինձ, Աստուա՛ծ, քանզի քեզ վրայ դրի յոյսն իմ: Տիրոջն ասացի. Իմ Տէրն ես դու, ինձ արուած բարիքները քեզնից են:
3. Քո սրբերին, որոնք քո երկրում են, սքանչելագործութեամբ ցոյց տուիր իմ բոլոր ցանկութիւնները:
4. Շատացան նրանց հիւանդութիւնները, որ այսուհետեւ յաճախակի են դառնալու: Չեմ մասնակցի նրանց արիւնալի հաւաքներին եւ նրանց անունը չեմ յիշատակի իմ շրթունքներով:
5. Տէ՛ր, իմ ժառանգութեան եւ իմ բաժակի բաժին, ժառանգութիւնս դու ես կրկին ինձ վերադարձնելու:
6. Ինձ վիճակ ընկաւ ընտրեալների մէջ լինելու, եւ իմ բաժին ժառանգութիւնն հաճելի եղաւ ինձ:
7. Պիտի օրհներգեմ Տիրոջը, որ իմաստուն դարձրեց ինձ, եւ գիշերն անգամ երկամներս ինձ խրատում էին:
8. Սկզբից եւեթ Տիրոջը մշտապէս տեսնում էի իմ առջեւ. նա իմ աջ կողմում է, որպէսզի չսասանուեմ:
9. Դրա համար ուրախ եղաւ սիրտն իմ, եւ ցնծաց լեզուն իմ, իսկ մարմինն իմ կը հանգստանայ յոյսով:
10. քանզի դժոխքում չես թողնի դու ինձ, եւ քո սրբին ապականութիւն տեսնել չես տայ:
11. Ինձ ցոյց տուիր կեանքի քո ճանապարհները, քո աջի քաղցրութիւնից ու վայելչութիւնից լիովին յագեցրիր ինձ երեսիդ ուրախութեամբ:

1. Աղօթք Դաւթի. Արդարութեանն ակա՛նջ դիր, Տէ՛ր, նայի՛ր իմ խնդրանքին եւ լսի՛ր աղօթքս, որ նենգ շրթներով չէ:
2. Դատաստանս քեզնից թող չլինի, եւ աչքերն իմ ճշմարտութիւնը թող տեսնեն:
3. Փորձեցիր սիրտն իմ եւ քննեցիր գիշերով, փորձեցիր ինձ, եւ իմ մէջ անիրաւութիւն չգտնուեց:
4. Բերանն իմ չի պատմի մարդկանց որդիների գործերը. քո շրթների խօսքերի շնորհիւ ես հաստատ կը մնամ դժուարին ճանապարհներին:
5. Հաստատո՛ւն պահիր շաւիղն իմ քո ճանապարհին, որ ընթացքս չխոտորուի:
6. Ես քե՛զ կանչեցի, Տէ՛ր, քանի որ լսեցիր ինձ, Աստուա՛ծ. դէպի ի՛նձ խոնարհեցրու ականջդ եւ լսի՛ր իմ խօսքերը:
7. Սքանչելի դարձրիր քո ողորմութիւնները, դու, որ աջիդ գտնուող հակառակորդներից փրկում ես նրանց, որոնք իրենց յոյսը դրել են քեզ վրայ:
8. Պահպանի՛ր ինձ աչքի բբի պէս, քո թելերի հովանու տակ ծածկի՛ր ինձ
9. ամբարիշտների երեսից, որոնք տառապեցրին ինձ: Թշնամիներն ինձ պաշարեցին՝
10. խիստ պարարտացան եւ նրանց բերանն ամբարտաւանութիւն բարբառեց:
11. Վռնդեցին ինձ, եւ արդ դարձեալ շուրջս պատելով, մտադրուեցին ինձ գետին տապալել:
12. Ինձ թուացին իբրեւ առիւծ, որ պատրաստ է որսի վրայ նետուելու, իբրեւ կորիւն առիւծի՝ նստած դարանում:
13. Ելի՛ր, Տէ՛ր, հասի՛ր եւ արգելի՛ր նրանց, փրկի՛ր ինձ ամբարիշտների սրից ու թշնամու ձեռքից:
14. Տէ՛ր, վերացրո՛ւ նրանց աշխարհից, ցրի՛ր նրանց եւ խորտակի՛ր կեանքը նրանց: Քո պահեստներից լցուեց որովայնը նրանց, յագեցան նրանք կերակուրներով եւ մնացածը թողեցին իրենց երեխաներին:
15. Իսկ ես արդարութեամբ կ'երեւամ քո առաջ, կը յագենամ՝ տեսնելով փառքը քո:

1. Այսուհետեւ՝ Տիրոջ ծառայ Դաւթի՝ քաջամարտիկի մասին, որն օրհնութեան այս խօսքերը Տիրոջն ուղղեց այն օրը, երբ Տէրը փրկեց Նրան բոլոր թշնամիների ու Սաւուղի ձեռքից. եւ ասաց.
2. Սիրում եմ քեզ, Տէ՛ր, զօրութի՛ւն իմ. ո՛վ Տէր, պահպանի՛չ իմ, ապաւէ՛ն իմ եւ փրկի՛չ:
3. Աստուած օգնականս է, ես յոյսս դրել եմ Նրա վրայ. իմ ապաւէնն է, փրկութեանս եղջիւրը, ինձ ընդունողը:
4. Օրհնելով կը կանչեմ Տիրոջը, եւ իմ թշնամիներից կ'ազատուեմ:
5. Մահուան տառապանքը շրջապատեց ինձ, եւ անօրէնութեան հեղեղն ինձ վրդովեց:
6. Դժոխքի ցաւերը պաշարեցին ինձ, եւ մահացու վտանգներն ինձ հասան:
7. Նեղութեանս մէջ ես Տիրոջը դիմեցի եւ իմ Աստծուն աղաղակեցի. Նա լսեց ինձ եւ իմ աղօթքի ձայնն իր սուրբ տաճարից, Նրան ուղղուած աղաղակս Նրա ականջին է հասնելու:
8. Տնցուեց ու դողաց երկիրը, եւ լեռների հիմքերը սասանուեցին ու խախտուեցին, քանզի բարկացաւ Նրանց վրայ Աստուած:
9. Նրա բարկութիւնից ծուխ բարձրացաւ, երեսից հուր բորբոքուեց, եւ կայծակներ ճարճատեցին Նրանից:
10. Ցածրացրեց Նա երկինքն ու իջաւ, եւ Նրա ոտքերի տակ մառախուղ էր:
11. Ելաւ Նա քերովքների վրայ ու թռաւ, սլացաւ հողմի թելերով:
12. Խաւարն իր համար ծածկոյթ դարձրեց, եւ շուրջբոլորն իր տունը եղաւ՝ օդի ամպերի թանձր ջրերով:
13. Նա փայլատակեց Նրանց առջեւ, ամպերը կարկուտ եւ հրեղէն կայծակներ արձակեցին:
14. Որոտաց Տէրն երկնքից, եւ Բարձրեալն իր ձայնը լսել տուեց կարկտով ու հուր կայծակներով:
15. Ուղարկեց իր Նետերն ու ցրեց դրանք, շատացրեց իր կայծակները եւ սփռեց դրանք:
16. Քո զայրոյթից, Տէ՛ր, եւ քո բարկութեան հողմի շառաչից երեւացին ջրերի ակունքները, եւ յայտնուեցին հիմքերն աշխարհի:
17. Վերից փութալով՝ Տէրը վերցրեց ինձ, վերցրեց ինձ ջրերի հեղեղից:
18. Տէրը կը փրկի ինձ իմ զօրեղ թշնամիներից ու ինձ ատողներից, որոնք ակելի հզօր են, քան ես:
19. Նրանք ինձ վրայ հասան չարչարանքներիս օրերին, բայց Տէրն ինձ զօրութիւն տուեց
20. ու անդորրութիւն պարգեւեց: Եւ Տէրը կը փրկի ինձ, քանզի Նա ինձ հաւանեց:
21. Տէրն ինձ կը հատուցի ըստ իմ արդարութեան, ըստ իմ անբծութեան կը հատուցի ինձ:
22. Ես կը պահեմ Տիրոջ ճանապարհը եւ իմ Աստծու դեմ ամբարշտութիւն չեմ անի:
23. Նրա բոլոր օրէնքներն իմ առջեւ են, Նա արդարութիւնն իր չիեռացրեց ինձնից:
24. Եւ ես անբասիր կը լինեմ Նրա հանդէպ, կը զգուշանամ իմ անօրէնութիւնից:
25. Տէրն ինձ կը հատուցի ըստ իմ արդարութեան, ըստ իմ ձեռքերի մաքրութեան, որ Նրա աչքի առջեւ է:
26. Սրբի հետ սուրբ կը լինես, Տէ՛ր, անարատ մարդու հետ՝ անարատ:
27. Ընտրեալների հետ ընտրեալ կը լինես եւ խոտորուածներին կը կործանես:
28. Դու փրկում ես հեզ ժողովուրդներին, իսկ ամբարտաւանների աչքերը խոնարհեցնում:
29. Դու յոյս ես տալիս իմ ճրագին, Տէ՛ր. Աստուա՛ծ իմ, լուսաւորի՛ր ինձ խաւարում:
30. Թեզնով կը փրկուեմ ես փորձութիւնից, Աստծուս շնորհիւ պարիսպներ կը յաղթահարեմ:
31. Աստուա՛ծ իմ, անթերի են քո ճանապարհները, ընտիր են խօսքերը Տիրոջ, Նա ապաւէնն է բոլոր Նրանց, ովքեր յոյսը դրել են Նրա վրայ.
32. քանզի Տիրոջից բացի ո՛վ է Աստուած, կամ ո՛վ է Աստուած մեր Աստծուց բացի:



33. Աստուած, դու ինձ ուժ պարգեւեցիր եւ իմ ճանապարհն անբիծ դարձրիր:
34. Ինձ ոտքեր տուիր եղջերուի ոտքերի նման, եւ բարձր տեղերի վրայ կանգնեցրիր ինձ:
35. Ձեռքերս վարժեցրիր պատերազմի, իսկ բազուկն իմ դարձրիր ինչպէս հաստ աղեղ:
36. Տուիր ինձ նաեւ քո փրկարար պաշտպանութիւնը: Աջդ զօրավիգ եղաւ ինձ, իսկ խրատդ միշտ կանգուն պահեց. քո խրատն իմաստուն կը դարձնի ինձ:
37. Ընդարձակեցիր ուղիս իմ ոտքերի տակ, եւ ընթացքն իմ չտկարացաւ:
38. Հալածելով թշնամիներս՝ ես կը հասնեմ նրանց ու ետ չեմ դառնայ, մինչեւ չոչնչացնեմ նրանց:
39. Ես կ'ընկճեմ նրանց, որ այլեւս չկարողանան կանգնել, եւ նրանք կ'ընկնեն իմ ոտքերի տակ:
40. Դու ինձ պատերազմելու զօրութիւն տուիր, դեմս ելնողներին ոտքերիս տակ գցեցիր:
41. Թշնամիներս դու հալածեցիր, իսկ ինձ ատողներին ոչնչացրիր:
42. Աղաղակեցին նրանք, բայց չկար մէկը, որ փրկէր նրանց, կանչեցին Տիրոջը, բայց նա չլսեց նրանց:
43. Ես կը փշրեմ, հողմափոշի կը դարձնեմ նրանց, փողոցների ցեխի պէս կը տրորեմ նրանց:
44. Տէրն ինձ կը փրկի ժողովրդի ըմբոստութիւնից եւ ինձ հեթանոսների գլուխ կը կարգի:
45. Իմ չճանաչած ժողովուրդն ինձ ծառայեց եւ համակ ականջ դարձած՝ լսեց ինձ:
46. Օտարների որդիներն ինձ ստեցին, օտարների որդիները մաշուեցին՝ խոտորուելով իրենց շաւղից:
47. Կենդանի է Տէրն ու օրհնեալ է Աստուած, եւ թող բարձր լինի Աստուածն իմ փրկութեան:
48. Աստուածն իմ, որ լուծում է վրեժն իմ եւ ժողովուրդներին ինձ է հնազանդեցնում,
49. որ փրկում է ինձ իմ գազազած թշնամիներից. դու բարձր դասեցիր ինձ իմ հակառակորդներից, անհրաւ մարդուց ազատեցիր ինձ:
50. Դրա համար գոհութիւն պիտի մատուցեմ քեզ հեթանոսների մէջ եւ քո անուանը սաղմոս պիտի երգեմ:
51. Դու փրկութեամբ մեծարեցիր թագաւորիդ՝ ողորմելով քո օծեալ Դաւթին ու նրա սերնդին յաւիտեանս յաւիտենից:

1. Այսուհետեւ՝ սաղմոս Դավթի
2. Երկինքը պատմում է Աստծու փառքը, եւ երկնքի հաստատութիւնը յայտնում է նրա ձեռքի գործերը:
3. Օրը օրուան միտք է հաղորդում, եւ գիշերը գիշերուան գիտութիւն է ցոյց տալիս:
4. Չկան բառեր, ոչ էլ խօսքեր, դրանց հնչիւնները լսելի չեն:
5. Ողջ երկիրն է բռնել ծայնը նրանց, եւ մինչեւ աշխարհի ծայրն են հասել խօսքերը նրանց:
6. Արեւի մէջ նա վրանն իր խփեց, իսկ ինքն ասես փեսայ լինի, որ ելնում է իր առագաստից. ցնծում է նա որպէս հսկայ՝ ընթանալով իր ճանապարհով:
7. Երկնքի ծայրերից է նրա ծագումը, իսկ դադարը՝ մինչեւ ծայրերը նրա, ու չկայ մէկը, որ թաքնուի նրա տապից:
8. Տիրոջ օրէնքն անբիծ է եւ վերափոխում է հոգիները. Տիրոջ վկայութիւնն ստոյգ է եւ իմաստուն է դարձնում տիասներին:
9. Տիրոջ արդարութիւնն ուղիղ է եւ զուարճացնում է սրտերը. Տիրոջ պատուիրանները լոյս են ու լոյս են տալիս աչքերին:
10. Տիրոջ երկիւղը սուրբ է եւ սուրբ է մնում յաւիտեան: Տիրոջ դատաստանները ճշմարիտ են եւ ինքնին՝ արդար:
11. Ոսկուց ու շատ թանկագին քարերից ցանկալի են դրանք, նոյնպէս եւ քաղցր՝ մեղրից ու խորիսխից աւելի:
12. Եւ քանի որ քո ծառան պահպանում է դրանք, պահպանելու վարձը մեծ կը լինի:
13. Նրա յանցանքներն ո՞վ կարող է մտքում պահել. իմ գաղտնիքներից մաքրի՛ր ինձ, Տէ՛ր:
14. Օտարներից պահպանի՛ր քո ծառային, որ նրանք ինձ չտիրեն. այնժամ ես անբիծ կը լինեմ ու կը մաքրուեմ մեծ մեղքերից:
15. Թող քեզ հաճելի լինեն բերանիս խօսքերը, եւ սրտիս խորհուրդներն յարաժամ քո առջեւ լինեն, Տէ՛ր, օգնական իմ եւ փրկի՛չ իմ:

1. Այսուհետեւ՝ սաղմոս Դաւթի
2. Անձկութեան օրը կը լսի քեզ Տէրը, եւ օգնական կը լինի քեզ Յակոբի Աստծու անունը:
3. Տէրն իր սուրբ Սիոնից քեզ օգնութիւն կ'ուղարկի եւ կ'ընդունի քեզ:
4. Թող յիշի Տէրը քո բոլոր ընծաները եւ ողջակէզներդ ընդունելի թող համարի:
5. Տէրը քեզ կը տայ, ինչ որ ուզի քո սիրտը, եւ քո բոլոր մտադրութիւնները նա կը կատարի:
6. Մենք կը ցնծանք քո փրկութեամբ, Աստծու անունով մենք կը մեծարուենք: Տէրը կը կատարի քո բոլոր խնդրանքները:
7. Այժմ հասկացանք, որ Տէրը փրկեց իր օծեալին:Նա կը լսի նրան իր սուրբ երկնքիցիւր փրկարար աջի զօրութեամբ:
8. Ոմանց աչքը ռազմականքերին է, ուրիշներինը՝ երիվարներին: Իսկ մենք մեր Աստծու անունն ենք կանչում:
9. Նրանք կործանուեցին ու ընկան, իսկ մենք ոտքի կանգնեցինք եւ ուղղուեցինք:
10. Տէ՛ր, պահպանի՛ր թագաւորին եւ լսի՛ր մեզ այն օրը, երբ ձայն տանք քեզ:

1. Այսուհետեւ՝ սաղմոս Դաւթի
2. Տէ՛ր, զօրութեամբ քո պիտի ուրախանայ թագաւորը, եւ յոյժ ցնծայ քո փրկութեամբ:
3. Նրա սրտի ուզածը տուիր նրան եւ նրա շրթունքների ցանկութիւնը չմերժեցիր:
4. Թո քաղցր օրհնութեամբ այցելեցիր նրան եւ թանկագին քարերով ընդելուզուած պսակ դրիր նրա գլխին:
5. Կեանք խնդրեց քեզնից, եւ նրան տուիր երկար օրեր՝ յաւիտեանս յաւիտենից:
6. Մեծ է նրա փառքը քեզնից եղած փրկութեամբ, փառք ու պարծանք կը դնես նրա վրայ:
7. Օրհնութեան մէջ կը հաստատես նրան յաւիտեանս յաւիտենից, կ'ուրախացնես նրան քո երեսի խնդութեամբ:
8. Թագաւորն իր յոյսը դրեց Տիրոջ վրայ, եւ Բարձրեալի ողորմութեամբ նա չի սասանուի:
9. Թող ձեռքդ անպակաս լինի քո թշնամիների վրայ, եւ աջդ հասնի բոլոր քեզ ատողներին:
10. Երբ դու երեւաս, նրանց հրաբորբոք հնոց կը դարձնես. Տէրն իր զայրոյթով կը խռովի նրանց, եւ հուրը նրանց կը լափի:
11. Երկրից կը կորչի պտուղը նրանց, իսկ մարդկանց որդիներից՝ սերունդը նրանց:
12. Չարամտութեամբ խոտորուեցին քեզնից, դաւեր նիւթեցին, բայց չեն կարող իրագործել դրանք:
13. Դու նրանց հալածական կ'անես, եւ նրանց երեսը կ'ուղղես քո հաւատարիմների կողմը:
14. Բա՛րձր եղիր, Տէ՛ր, քո զօրութեամբ. օրհնենք եւ սաղմոս երգենք քո զօրութեանը:

1. Այսուհետեւ՝ առաւօտեան օգնութեան մասին.սաղմոս Դաւթի
2. Աստուած իմ, Աստուած, Նայի՛ր ինձ, ինչո՞ւ լքեցիր ինձ, յանցանքներիս պատճառով հեռու մնացիր իմ փրկութիւնից:
3. Աստուած իմ, քեզ կանչեցի ցերեկով, բայց չլսեցիր ինձ, կանչեցի գիշերով՝ բայց չանսացիր ինձ:
4. Դու ապրում ես սրբերի մէջ եւ գովերգում Իսրայէլում:
5. Քեզ վրայ յոյս դրին հայրերը մեր, յոյս դրին քեզ վրայ, եւ դու փրկեցիր նրանց:
6. Առ քեզ աղաղակեցին ու ապրեցին,քեզ վրայ յոյս դրին եւ ամօթով չմնացին:
7. Բայց ես որդի եմ եւ ոչ թէ մարդ, մարդկանց համար Նախատինք եմ եւ անարգանք՝ ժողովուրդներին:
8. Բոլոր ինձ տեսնողներն արհամարհում էին ինձ, խօսում շրթունքներով եւ շարժում գլուխներն իրենց՝ ասելով.
9. Յոյսը դրել է Տիրոջ վրայ, դէ թող փրկի ու ազատի նրան, եթէ սիրում է նրան:
10. Դո՛ւ հանեցիր ինձ արգանդից, իմ յոյսը դարձար մօրս կաթով սնուելու օրից:
11. Քե՛զ յանձնուեցի ես արգանդից, մօրս որովայնից սկսած՝ դու ես Աստուածն իմ:
12. Մի՛ հեռացիր ինձնից, քանզի մօտ եմ վտանգները, եւ չկայ մէկը, որ օգնի ինձ:
13. Բազում եզներ շրջապատեցին ինձ, եւ պարարտ ցուերը պաշարեցին ինձ:
14. Մոնչացող ու յափշտակող առիւծների պէս ինձ վրայ բացին բերաններն իրենց:
15. Հոսեցի ես ինչպէս ջուր, խախտուեցին իմ բոլոր ոսկորները, եւ սիրտս հալած մոմ դարձաւ որովայնիս մէջ:
16. Զօրութիւնն իմ չորացաւ խեցու նման, լեզուս կպաւ քիմքիս, եւ ինձ իջեցրին մահուան հողի մէջ:
17. Չորս կողմս բազում շներ հաւաքուեցին, եւ չարագործների ամբոխն ինձ պաշարեց:
18. Ծակեցին ձեռքերն ու ոտքերն իմ, հաշուեցին բոլոր ոսկորներս, նրանք Նայեցին ու տեսան ինձ:
19. Հագուստներս բաժանեցին իրար մէջ, եւ պատմունճանիս վրայ վիճակ գցեցին:
20. Դու, Տէ՛ր, օգնութիւնդ ինձնից հեռու մի՛ պահիր, այլ օգնի՛ր ինձ, Տէ՛ր:
21. Փրկի՛ր ինձ սրից, փրկի՛ր միամօրիկիս շների ձեռքից:
22. Ազատի՛ր ինձ առիւծի բերանից, եւ խեղճ անձն իմ միեղջերուի եղջիւրից:
23. Անունդ պիտի հռչակեմ իմ եղբայրներին, ժողովատեղում պիտի օրհնեմ քեզ:
24. Աստուածավախներ, օրհնեցե՛ք Տիրոջը, եւ թող Յակոբի բոլոր զաւակները փառաբանեն նրան:
25. Իսրայէլի ողջ սերունդը երկիւղ պիտի կրի Տիրոջից, քանզի Տէրը չարհամարիեց ու չանարգեց աղօթքն աղքատիս երեսն ինձնից չշրջեց, այլ երբ ծայն տուի նրան՝ լսեց ինձ:
26. Զո մասին է գովքն իմ, մեծ հաւաքներում պիտի օրհնեմ քեզ: Ուխտս պիտի կատարեմ նրա բոլոր երկիւղածների առջեւ:
27. Տնանկները պիտի ուտեն ու յագենան, Տիրոջը փնտռողները պիտի օրհնեն նրան: Նրանց սրտերը կ'ապրեն յաւիտեանս յաւիտենից:
28. Աշխարհի բոլոր ծայրերից մարդիկ կը վերյիշեն ու կը դառնան Տիրոջը: Բոլոր ազգատոհմերը կ'երկրպագեն նրան,
29. քանզի Տիրոջն է արքայութիւնը, եւ նա է տիրում բոլոր հեթանոսների վրայ:
30. Լիացան եւ երկրպագեցին նրան երկրի բոլոր մեծամեծները, եւ ամէն ոք, որ գերեզման է իջնում, նրա առջեւ պիտի ընկնի:
31. Նրանով է ապրում անձն իմ, եւ իմ սերունդը պիտի ծառայի նրան:
32. Գալիք սերունդներին պիտի պատմեմ Տիրոջ մասին, Տիրոջ գործած արդարութիւնը պիտի աւանդուի այն ժողովրդին, որ ծնուելու է:

1. Այսուհետեւ՝ սաղմոս Դավթի
2. Տէրն իմ հովիւն է, եւ ինձ ոչինչ չի պակասի:
3. Դաւար վայրերում նա ինձ բնակեցրեց եւ հանդարտ ջրերի մօտ ինձ սնուցեց:
4. Նա կենդանացրեց ինձ, յանուն իր անուան առաջնորդեց ինձ արդարութեան ճանապարհներով:
5. Եթէ նոյնիսկ անցնեմ մահուան ստուերների միջով, չեմ վախենայ չարից, քանզի դու, Տէ՛ր, ինձ հետ ես: Քո ցուպն ու գաւազանն ինձ կը մխիթարեն:
6. Իմ առջեւ սեղան պատրաստեցիր հալածիչներիս աչքերի դիմաց: Գլուխս իւղով օծեցիր, եւ քո բաժակն ինձ արբեցրեց անխառն գինու պէս:
7. Ողորմութիւնը քո, Տէ՛ր, պիտի հետեւի ինձ կեանքիս բոլոր օրերին, երկար օրեր ես Տիրոջ տանը պիտի բնակուեմ:

1. Դաւթի կիրակնօրեայ սաղմոսը
2. Տիրոջն է երկիրն իր ամբողջութեամբ, աշխարհն իր բոլոր բնակիչներով:
3. Նրա հիմքերն անձամբ գցեց ծովի վրայ, եւ գետերի վրայ հաստատեց նրան:
4. Ո՞վ կը բարձրանայ Տիրոջ լեռը, կամ ո՞վ կը կանգնի նրա սրբավայրում:
5. Նա, ով մաքուր ձեռքեր եւ անբիծ սիրտ ունի, ով յանձն չի առել ունայնութիւն ու նենգութեամբ չի երդուել իր ընկերոջը:
6. Նա՛ է, որ օրհնութիւն կը ստանայ Տիրոջից, եւ ողորմութիւն իր փրկարար Աստծուց:
7. Այս սերունդն է, որ փնտռում է Տիրոջը, որ ուզում է տեսնել համար երեսը Յակոբի Աստծու:
8. Վե՛ր քաշեցէք, իշխաններ, դռները ձեր, թող բացուեն յաւիտենական դռները, եւ փառքի արքան թող ներս մտնի: Հանգիստ:
9. Ո՞վ է այս փառքի արքան, - կարողութեամբ հզօր Տէրն է նա, պատերազմում զօրեղ Տէրը:
10. Վե՛ր քաշեցէք, իշխաններ, դռները ձեր, թող բացուեն յաւիտենական դռները, եւ փառքի արքան թող ներս մտնի:
11. Ո՞վ է այս փառքի արքան, - զօրութիւնների Տէրը՝ նա ինքն է փառքի արքան:

1. Այսուհետեւ՝ Սաղմոս Դաւթի
2. Դէպի քեզ, Տէ՛ր, բարձրացրի հոգիս:
3. Աստուա՛ծ իմ, քեզ վրայ դրի յոյսն իմ, թող ամօթով չմնամ, եւ թշնամիներս չծիծաղեն ինձ վրայ:
4. Բոլոր նրանք, ովքեր յոյսով սպասում են քեզ, ամօթով պիտի չմնան, այլ ամօթով պիտի մնան անօրէններն իրենց ունայնութեան մէջ: Տէ՛ր, ցո՛յց տուր ինձ քո ճանապարհները եւ քո շաւիղները սովորեցրո՛ւ ինձ:
5. Ինձ առաջնորդի՛ր քո ճշմարտութեան մէջ եւ ուսուցանի՛ր ինձ, քանզի դու ես փրկիչ Աստուածն իմ, ու ես հանապազ քեզ եմ սպասում:
6. Յիշի՛ր, Տէ՛ր, քո գթութիւններն ու ողորմութիւնները, որոնք յաւիտենական են:
7. Իմ մանկութեան եւ տիասութեան մեղքերը մի՛ յիշիր, այլ յիշի՛ր ինձ, Տէ՛ր, քո ողորմութեամբ՝ ըստ քո բարութեան,
8. քանզի դու քաղցր եւ ուղիղ ես, Տէ՛ր: Դրա համար էլ մեղաւորներին դնում ես օրէնքի գիտութեան ճանապարհի վրայ:
9. Հեգերին առաջնորդում ես դատաստանի մէջ, հեգերին սովորեցնում քո ճանապարհները:
10. Տիրոջ բոլոր ուղիները ողորմութիւն ու ճշմարտութիւն են նրանց համար, ովքեր պահում են նրա ուխտն ու վկայութիւնը:
11. Յանուն քո անուան, Տէ՛ր, քաւութի՛ւն տուր իմ մեղքերին, քանզի շատացան դրանք:
12. Ո՞վ է այն մարդը, որ վախենում է Տիրոջ ից, Տէրը նրան սովորեցնելու է Իր ընտրած ուղին:
13. Նա բարութեան մէջ պիտի հանգչի, եւ նրա սերունդը երկիրը պիտի ժառանգի:
14. Տէրը զօրացուցիչն է իր երկիւղածների եւ իր ուխտը նրանց է սովորեցնում:
15. Աչքերն իմ մշտապէս Տիրոջն են ուղղուած, եւ նա՛ պիտի հանի ոտքերս թակարդից:
16. Նայի՛ր ինձ եւ ողորմի՛ր ինձ, քանզի միամօրիկ եմ ես եւ աղքատ:
17. Սրտիս նեղութիւնները խիստ շատացան, ազատի՛ր ինձ իմ վշտերից:
18. Տե՛ս իմ նուաստացումն ու տառապանքը եւ թողութի՛ւն արա իմ բոլոր մեղքերին:
19. Տե՛ս՝ թշնամիներս որքա՛ն բազմացան եւ անիրաւ ատելութեամբ ինձ ատեցին:
20. Պահպանի՛ր ինձ ու փրկի՛ր ինձ, եւ թող ամօթով չմնամ, որ յոյսս դրի քեզ վրայ:
21. Անբիծներն ու արդարներն ինձ կցորդ եղան, եւ ես սպասեցի քեզ:
22. Փրկի՛ր, Աստուա՛ծ, Իսրայէլն իր բոլոր նեղութիւններից:



1. Այսուհետեւ՝ սաղմոս ԴաւթիԴա՛տ արա ինձ, Տէ՛ր, քանզի անբասիր ընթացայ, յոյսս դրի Տիրոջ վրայ, որ չլինեմ տկար:
2. Փորձի՛ր ինձ, Տէ՛ր, եւ քննի՛ր ինձ, փորձի՛ր երիկամներս ու սիրտս:
3. Ողորմութիւնդ, Տէ՛ր, աչքիս առջեւ է, եւ ճշմարտութիւնդ հաճելի է ինձ:
4. Ունայնամիտների աթոռին ես չեմ նստի եւ անօրէնների մօտ ես չեմ գնայ:
5. Չարագործների ամբոխը ես ատեցի եւ ամբարիշտների կողքին չեմ բազմի:
6. Սրբութեամբ կը լուամ ձեռքերն իմ եւ սեղանիդ շուրջը կը նստեմ, Տէ՛ր.
7. թող լսեմ քո օրհնութեան ձայնը եւ պատմեմ քո բոլոր հրաշալիքները:
8. Տէ՛ր, սիրեցի քո տան վայելչութիւնը եւ քո փառքի բնակութեան վայրը:
9. Մի՛ կործանիր ինձ ամբարիշտների հետ եւ ոչ էլ կեանքս՝ արիւնահեղների հետ,
10. որոնց ձեռքերն անօրէնութեան մէջ են, եւ աջը նրանց լի է կաշառքով:
11. Ես անբասիր ընթացայ, փրկի՛ր ինձ, Տէ՛ր, եւ ողորմի՛ր ինձ:
12. Ոտքն իմ ուղիղ ճանապարհների վրայ թող լինի, մեծ հաւաքներում քեզ պիտի օրհնեմ:

1. Տէրն իմ լոյսն է ու կեանքը, ո՞ւմից վախենամ. Տէրն իմ կեանքի ապաւենն է, ո՞ւմից ես դողամ:
2. Երբ չարագործ նեղիչներս ու թշնամիներս մօտեցան ինձ՝ մարմինս ուտելու, նրանք թուլացան ու ընկան:
3. Եթէ իմ դէմ պատերազմ պատրաստուի, սիրտս չի սոսկայ. եթէ իմ դէմ ճակատամարտի ելնեն, միեւնոյն է, Տէ՛ր, յոյսս քեզ վրայ եմ դնելու:
4. Մի բան եմ խնդրել Տիրոջից, եւ նոյնն եմ աղաչում, որ կեանքիս բոլոր օրերին բնակուեմ Տիրոջ տանը, տեսնեմ Տիրոջ վայելչութիւնը եւ վերահսկեմ նրա տաճարում:
5. Չար օրերին նա ինձ թաքցրեց իր վրանում, պատսպարեց ինձ իր վրանի ծածկի տակ:
6. Ժայռից բարձր պահեցիր ինձ, այժմ էլ գլուխն իմ բարձրացրո՛ւ թշնամիներիս վրայ: Շրջեմ եւ օրհնութեան պատարագ մատուցեմ նրա վրանում, օրհներգեմ եւ սաղմոս երգեմ Տիրոջը:
7. Լսի՛ր ձայնն իմ, Տէ՛ր, քանզի քեզ կանչեցի, ողորմի՛ր ինձ եւ ակա՛նջ դիր,
8. քանզի սիրտն իմ քեզ դիմեց, եւ հայեացքն իմ փնտռեց, փնտռեց քո երեսը, Տէ՛ր:
9. Մի՛ դարձրու երեսդ ինձնից եւ բարկութեամբ մի՛ շրջուիր քո ծառայից: Իմ օգնականն եղիր, Տէ՛ր, եւ մի՛ անարգիր ինձ ու մի՛ քիչ Աստուա՛ծ իմ:
10. Իմ հայրն ու մայրը քեցին ինձ, բայց Տէրն ինձ ընդունեց:
11. Սովորեցրո՛ւ ինձ, Տէ՛ր, քո ճանապարհը եւ առաջնորդի՛ր ինձ քո ուղիղ շաւիղներով:
12. Իմ թշնամիների պատճառով ինձ նեղողների ձեռքը մի՛ մատնիր. Իմ դէմ մեղսագործ վկաներ ելան եւ չարախօսեցին ինձ իրենց անիրաւութեամբ:
13. Հաւատում եմ, որ կը տեսնեմ Տիրոջ բարութիւնը ողջերի երկրում:
14. Սպասի՛ր Տիրոջն ու քաջալերուի՛ր, սիրտդ թող ամրապնդուի, Տիրո՛ջն սպասիր:

1. Քեզ կանչեցի, Տէ՛ր, անարձագանք մի՛ թողնիր ինձ, Աստուա՛ծ իմ. եթէ երբեւէ լուռ մնաս, կը նմանուեմ նրանց, ովքեր գերեզման են իջնում:
2. Լսի՛ր, Տէ՛ր, պաղատանքիս ձայնը, երբ ես աղաչեմ քեզ, երբ ձեռքերս դեպի սուրբ տաճարդ պարզեմ:
3. Ամբարիշտների շարքը մի՛ դասիր ինձ եւ մի՛ կործանիր ինձ նրանց հետ, որ անօրէնութիւն են գործում, որ հաշտութեան մասին են խօսում իրենց ընկերների հետ, բայց սրտներում չարութիւն կայ:
4. Վարձատրի՛ր նրանց, Տէ՛ր, ըստ իրենց արարքների, իրենց անօրէն վարքի համեմատ հատուցի՛ր նրանց, նրանց ձեռքերի գործին նայելով՝ տո՛ւր իրենց հատուցումն իրենց:
5. Նրանք ուշ չդարձրին Տիրոջ արածներին, ոչ էլ նայեցին նրա ձեռքի գործերին: Դու կը կործանես նրանց, եւ այլեւս նրանք ոտքի չեն կանգնի:
6. Օրհնեալ է Տէրը, քանզի լսեց ձայնն իմ աղօթքի:
7. Տէրն իմ օգնականն է ու պաշտպանը. նրա վրայ դրեց իր յոյսը սիրտն իմ, եւ մարմինս գոհացաւ ու զուարճացաւ. ես յօժարակամ պիտի փառաբանեմ նրան:
8. Տէրը զօրութիւնն է իմ ժողովրդի, ապաւենն իր օծեալի փրկութեան:
9. Փրկի՛ր քո ժողովրդին, եւ օրհնի՛ր քո ժառանգորդներին, հովուի՛ր ու յաւէտ բարձրացրո՛ւ նրանց:

1. Աստծո՛ւ որդիներ, մատուցեցե՛ք Տիրոջը, մատուցեցե՛ք Տիրոջը խոյերի ձագեր:
2. Մատուցեցե՛ք Տիրոջը փառք ու պատիւ, տուե՛ք Տիրոջը փառքն իր անուան եւ երկրպագեցե՛ք Տիրոջն իր սուրբ սրահում:
3. Տիրոջ ձայնը ջրերի վրայ է. փառքի Աստուածը որոտաց, Տէրն ինքն է անսպառ ջրերի վրայ:
4. Տիրոջ ձայնը ահարկու է, Տիրոջ ձայնը փառահեղ է:
5. Տիրոջ ձայնը փշրում է մայրիները, Տէրը կոտրատում է մայրիները Լիբանանի:
6. Տէրը կոտրատում է դրանք ինչպէս Լիբանանի մատաղ տունկերը, որոնք սիրասուն եւ միեղջերուի ձագերի պէս:
7. Տիրոջ ձայնը ճեղքում է կրակի բոցը:
8. Տիրոջ ձայնը ցնցում է անապատը, Տէրը դողացնում է Կադէսի անապատը:
9. Տիրոջ ձայնը ոտքի է կանգնեցնում եղնիկներին եւ մերկացնում անտառները: Նրա տաճարում բոլորը թող գովեն փառքը Նրա:
10. Տէրը զսպում եւ ցածրացնում է ջրհեղեղները, Տէրը յաւիտեան պիտի թագաւորի:
11. Տէրն իր ժողովրդին զօրութիւն պիտի տայ, իր ժողովրդին պիտի օրհնի խաղաղութիւն պարգեւելով:

1. Պանծացնում եմ քեզ, Տէ՛ր, քանզի ընդունեցիր ինձ եւ չթողիր, որ թշնամիներս չարախնդան վրաս:
2. Տէր Աստուա՛ծ իմ,
3. կանչեցի քեզ, եւ բուժեցիր ինձ:
4. Տէ՛ր, հոգիս դժոխքից հանեցիր եւ փոսն իջնողների միջից փրկեցիր ինձ:
5. Սաղմո՛ւս երգեցէք Տիրոջը, ո՛վ նրա սրբեր, գոհութի՛ւն մատուցեցէք նրա սուրբ յիշատակին:
6. Նրա բարկութեան մէջ ցատում կայ, իսկ նրա կամեցողութեան մէջ՝ կեանք: Երեկոյեան լացը կը դադարի, իսկ առաւօտեան ուրախութիւն կը լինի:
7. Իմ բարկութեան մէջ ես ասացի, թէ յաւետ չեմ սասանուի:
8. Տէ՛ր, քո կամքով ուժ տուիր իմ վայելչութեանը, բայց երբ երեսդ դարձրիր ինձնից, ես խռովայոյզ եղայ:
9. Թե՛զ կանչեցի, Տէ՛ր, աղաչեցի իմ Աստծուն:
10. Ի՞նչ օգուտ ունես իմ արիւնից, եթէ ապականութեան գբի մէջ թաղուեմ: Միթէ հողը գոհութի՛ւն կը մատուցի քեզ կամ կը պատմի՞ քո ճշմարտութիւնը:
11. Լսեց ինձ Տէրն ու ողորմեց, Տէրը եղաւ իմ օգնականը:
12. Սուգս դարձրեց ուրախութիւն, հանեց քուրձն իմ եւ խնդութիւն հագցրեց ինձ,
13. փառքս սաղմոս պիտի երգի քեզ, որպէսզի այլեւս չզղջամ ես: Տէ՛ր իմ Աստուած, յաւիտեան գոհութիւն պիտի մատուցեմ քեզ:

1. Այսուհետեւ՝ Դաւթի հերոսութեան գովքի սաղմոսը
2. Յոյսս դրի քեզ վրայ, Տէ՛ր, թող յաւետ ամօթով չմնամ. քո արդարութեամբ փրկի՛ր եւ ազատի՛ր ինձ:
3. Դեպի ի՞նձ խոնարհիր ականջը քո, փութա՛ ինձ պաշտպանելու: Եղի՛ր իմ պահապանը, Աստուա՛ծ, եւ իմ փրկութեան ապաստարանը, քանզի իմ ուժն ու ապաւենն ես դու:
4. Քո անուան համար ինձ առաջնորդ եղար եւ սնուցեցիր ինձ:
5. Ինձ կը հանես այն որոգայթից, որ լարեցին իմ դէմ:
6. Դու ես պաշտպանն իմ, Տէ՛ր, եւ քո ձեռքն եմ յանձնում իմ հոգին: Տէ՛ր Աստուած, փրկեցիր ինձ քո ճշմարտութեամբ:
7. Ատեցիր նրանց, ովքեր երկիւղ են կրում սնոտիաբար:
8. Ես յոյսս դրի Տիրոջ վրայ, պիտի ցնծամ եւ ուրախանամ քո տուած փրկութեամբ: Տեսար իմ նուաստացումն ու ինձ փրկեցիր վշտերից:
9. Ինձ չմատնեցիր նեղիչներիս ձեռքը եւ ոտքերս լայնարձակ վայրում հաստատեցիր:
10. Ողորմի՛ր ինձ, Տէ՛ր, քանզի ճնշուած եմ ես. սրտնեղութիւնից խռոված եմ իմ աչքը, հոգին ու որովայնը:
11. Կեանքս սպառուեց վիշտ ու ցաւերով, եւ տարիներս՝ հոգոց հանելով:  
Թշուառութիւնից տկարացաւ ուժն իմ, եւ ոսկորներս մաշուեցին:
12. Իմ բոլոր թշնամիներից աւելի ես դրացիների՛ս համար նախատինք եղայ եւ ծանօթներիս համար՝ սոսկալի ահ ու սարսափ: Բոլոր նրանք, ովքեր տեսնում էին ինձ, հեռու էին փախչում ինձնից:
13. Սրտերից մոռացուեցի ես ինչպէս մեռեալ եւ նմանուեցի անպետք անօթի,
14. քանզի բամբասանք լսեցի շատերից, որոնք իմ շուրջն էին: Հաւաքուած իրար գլխի՝ նրանք ուզում էին առնել իմ հոգին:
15. Բայց ես, Տէ՛ր, յոյսս դրի քե՛զ վրայ՝ ասելով. Դո՛ւ ես Աստուածն իմ,
16. եւ քո ձեռքում է իմ ժառանգութիւնը: Փրկի՛ր ինձ թշնամիներիս ձեռքից եւ իմ հալածիչներից:
17. Յո՛յց տուր երեսդ քո այս ծառային, պահպանի՛ր ինձ, Տէ՛ր, քո ողորմութեամբ:
18. Տէ՛ր, ամօթով թող չմնամ, որ քեզ դիմեցի. թող ամբարիշտներն ամաչեն ու դժոխք իջնեն:
19. Եւ թող պապանձուեն նենգ շրթունքները, որոնք ամբարտաւանութեամբ եւ արհամարհանքով չարախօսում են արդարի մասին:
20. Որքա՛ն շատ է քո ողորմութեան քաղցրութիւնը, Տէ՛ր, որ պահեցիր երկիւղածներիդ համար: Դու այն շնորհեցիր նրանց, որոնք իրենց յոյսը դրել են քեզ վրայմարդկանց որդիների առջեւ:
21. Մարդկանց խռովութիւնից պաշտպանեցիր նրանց քո երեսի ծածկոյթով, լեզուների հակառակութիւնից թաքցրիր նրանց քո վրանում:
22. Օրհնեալ է Տերը, քանզի ողորմութիւնն իր հրաշագործեց ամուր քաղաքում:
23. Շփոթութեան մէջ ես ասացի, թէ այլեւս հեռու մնացի աչքերիդ առջեւից: Սակայն դու լսեցիր ձայնն իմ աղօթքի, երբ աղաղակեցի քեզ:
24. Սիրեցէ՛ք Տիրոջը, բոլոր սրբե՛րդ նրա, քանզի Տերը ճշմարտութիւն է փնտռում եւ խստութեամբ հատուցում նրանց, ովքեր շատ են ամբարտաւանանում:
25. Քաջալերուեցէ՛ք ամէքդ, որ յոյս էք դրել Տիրոջ վրայ, եւ ձեր սրտերը թող զօրանան:

1. Երանի նրան, ում մեղքերին թողութիւն տրուեց եւ ում բոլոր յանցանքները ծածկուեցին:
2. Երանի այն մարդուն, որին Տէրն այլեւս մեղաւոր չի համարում, եւ որի բերանում նենգութիւն չկայ:
3. Ես լռեցի, եւ իմ բոլոր ոսկորները մաշուեցին՝ ամէն օր գիշեր-ցերեկ Տիրոջը կանչելուց:
4. Քո ձեռքը ծանրացաւ ինձ վրայ. ես կրկին ընկայ թշուառութեան մէջ, քանզի փշերն ինձ ծակեցին:
5. Մեղքերս քեզ ցոյց կը տամ, եւ անօրէնութիւնս չեմ ծածկի քեզնից: Ասացի, թէ կը խոստովանեմ մեղքերն իմ, եւ դու թողութիւն կը տաս իմ մեղքերի ամբողջ ամբարշտութեանը: Հանգիստ:
6. Դրա համար բոլոր սրբերն յարմար ժամին աղօթքի կը կանգնեն քո առջեւ, եւ սաստիկ ջրիեղէղների ժամանակ նրանց ոչինչ չի պատահի:
7. Դու ես իմ յենարանն այն նեղութեան մէջ, որը շուրջս պատեց: Ո՛վ ցնծութիւն իմ, փրկի՛ր ինձ նրանցից, ովքեր պաշարեցին ինձ:
8. Քեզ կ'իմաստնացնեմ ու խելամիտ կը դարձնեմ քո ընթացած ճանապարհին եւ աչքերս վրադ կը պահեմ, ասում է Տէրը:
9. Մի՛ եղէք ձիերի եւ ջորիների պէս, որոնք գիտակցութիւն չունեն. սանձով ու պախուրցով պէտք է նրանց կգակը ճմլել, որ քեզ չմօտենան:
10. Շատ են մեղաւորների տանջանքները, բայց ովքեր իրենց յոյսը դրել են Տիրոջ վրայ, Տիրոջ ողորմութիւնը կը պարուրի նրանց:
11. Ուրա՛խ եղէք եւ ցնծացե՛ք Տիրոջով, ո՛վ արդարներ. պարծեցե՛ք բոլորդ, որ ուղիղ էք սրտով:

1. Ցնծացէ՛ք, արդարնե՛ր, Տիրոջով. արդարներին է վայել օրհնութիւնը:
2. Գոհութի՛ւն յայտնեցէ՛ք Տիրոջը օրհներգութեամբ, տասլարանի նուագարանով սաղմո՛ւս երգեցէ՛ք նրան:
3. Օրհներգեցէ՛ք Տիրոջը նոր օրհներգով, քանգի հաճելի է այն: Սաղմո՛ւս երգեցէ՛ք նրան օրհնութեամբ:
4. Ճշմարիտ են Տիրոջ պատգամները, եւ յուսալի՝ նրա բոլոր գործերը:
5. Տէրը ողորմութիւն եւ իրաւունք է սիրում, Տիրոջ ողորմութեամբ է լցուած երկիրը:
6. Տիրոջ խօսքով ստեղծուեց երկինքը, եւ իր բերանի շնչով՝ նրա բոլոր գորութիւնները:
7. Ինչպէս մի տիկի մէջ՝ հաւաքեց ծովի ջրերը եւ իր գանձը դրեց անդունդների յատակը:
8. Թող երկիւղ կրի Տիրոջից ողջ երկիրը, եւ նրանից թող դողան բոլոր բնակիչներն աշխարհի,
9. քանգի Նա ասաց՝ եւ ստեղծուեցին, Նա հրամայեց՝ եւ հաստատուեցին:
10. Տէրը խափանում է հեթանոսների մտադրութիւնները, Տէրն անարգում է ժողովուրդների դիտաւորութիւնները, Տէրն արհամարհում է իշխանների խորհուրդները:
11. Տիրոջ մտածումը յաւիտեան կը մնայ, եւ նրա սրտի խորհուրդը՝ սերնդից սերունդ:
12. Երանի այն ազգին, որի օգնականը Տէր Աստուած է, երանի այն ժողովրդին, որին իր համար Նա ժառանգութիւն ընտրեց:
13. Տէրը երկնքից նայեց բոլոր մարդկանց որդիներին:
14. Իր պատրաստած բնակատեղից դիտեց աշխարհի բոլոր բնակիչներին:
15. Նա, որ ստեղծել է նրանցից իւրաքանչիւրի սիրտը, հաշուի է առնում նրանց բոլոր գործերը:
16. Թագաւորն իր գօրքի բազմութեամբ չի փրկուի, եւ ոչ էլ հսկան՝ իր մեծ ուժով:
17. Ձին անօգուտ է փրկութեան համար, իր մեծ ուժով հանդերձ չի փրկի հեծեալին:
18. Տիրոջ աչքն իր երկիւղածների եւ իր ողորմութեանը յուսացողների վրայ է՝
19. մահից փրկելու նրանց անձը եւ սովի ժամանակ կերակրելու համար նրանց:
20. Մեր հոգիներն սպասում են Տիրոջը, քանգի Նա մեր օգնականն է ու պաշտպանը:
21. Նրանով թող ուրախանան մեր սրտերը, եւ մենք նրա սուրբ անուան վրայ յոյս դնենք:
22. Թող ողորմութիւնդ, Տէ՛ր, լինի մեզ վրայ, ինչպէս որ մեր յոյսը դրինք քեզ վրայ:



1. Սաղմոս Դաւթի, երբ նա կերպարանափոխեց իր դէմքը Աբիմելեքի առջեւ, եւ սա բաց թողեց նրան, որ գնայ:
2. Ամէն ժամ Տիրոջն օրհներգեմ, նրա օրհնութիւնն ամէն ժամ բերանումս լինի:
3. Անձս Տիրոջով թող պարծենայ, հեգերը թող լսեն եւ ուրախանան:
4. Մեծարեցէ՛ք Տիրոջն ինձ հետ մէկտեղ, բարձրացնենք նրա անունը միասին:
5. Խնդրեցի Տիրոջն, ու նա լսեց ինձ եւ իմ բոլոր նեղութիւններից փրկեց ինձ:
6. Սօսեցէ՛ք Տիրոջն ու լո՛յս առէք, եւ թող ձեր երեսը չամաչի:
7. Աղքատն այս Տիրոջը դիմեց, եւ Տէրը նրան լսեց ու իր բոլոր նեղութիւններից փրկեց նրան:
8. Տիրոջ հրեշտակների բանակն իր երկիւղածների շուրջն է եւ պահպանում է նրանց:
9. Ճաշակեցէ՛ք եւ տեսէ՛ք, թէ որքան քաղցր է Տէրը. երանելի է այն մարդը, որ յոյսը դրել է նրա վրայ:
10. Վախեցէ՛ք Տիրոջից, բոլոր սրբե՛րդ նրա, քանզի նրանից վախեցողները ոչ մի պակասութիւն չեն ունենայ:
11. Մեծամեծներն աղքատացան ու սովի մատնուեցին, բայց ովքեր Տիրոջն են փնտռում, նրանցից ոչ մի բարիք չի պակասելու:
12. Եկէ՛ք, իմ որդիներ, եւ լսեցէ՛ք ինձ. ես կը սովորեցնեմ ձեզ Տիրոջ երկիւղը:
13. Ո՞վ է մարդն այն, որ սիրում է կեանքը, եւ ուզում է իր օրերը բարութեան մէջ տեսնել:
14. Լեզուդ պահի՛ր չարութիւնից, եւ շրթներդ թող նենգութիւն չխօսեն:
15. Խուսափի՛ր չարից ու բարի՛ք գործիր, խաղաղութիւն փնտռիր եւ դրա՛ն հետեւիր:
16. Տիրոջ աչքերն ուղղուած են արդարներին, իսկ ականջները՝ նրանց աղօթքին:
17. Տիրոջ հայեացքը չարագործների վրայ է՝ նրանց յիշատակն աշխարհից ջնջելու համար:
18. Արդարները Տիրոջը աղօթեցին, եւ Տէրը լսեց նրանց ու փրկեց նրանց իրենց բոլոր նեղութիւններից:
19. Տէրը նրանց կողքին է, ովքեր սրտամաշ են եղել, եւ նա փրկում է հոգով խոնարհներին:
20. Արդարների նեղութիւնները շատ են, Տէրն ազատում է նրանց այդ բոլորից:
21. Պահպանում է նրանց բոլոր ոսկորները, եւ դրանցից ոչ մէկը չի փշրուելու:
22. Մեղաւորի մահը չարաչար է, իսկ արդարին ատողը կը գոջայ:
23. Տէրը փրկում է իր ծառաներին, եւ բոլոր նրանք, որ յոյս են դնում նրա վրայ, չպիտի զղջան:

1. Տէ՛ր, դատի՛ր նրանց, ովքեր դատում են ինձ, մարտնչի՛ր նրանց դէմ, ովքեր մարտնչում են իմ դէմ:
2. Ա՛ռ զէնքն ու զրահը քո եւ հասի՛ր ինձ օգնութեան:
3. Սուրդ հանի՛ր ընդդէմ իմ հաւածիչների, վանի՛ր նրանց եւ ասա՛ ինձ, թէ՛ Քո փրկութիւնը ես եմ:
4. Թող խայտառակուեն ու ամօթով մնան ինձ հետապնդողները, թող ընկրկեն եւ ամօթահար լինեն ինձ չար կամեցողները:
5. Նրանք թող վերածուեն հողմից քշուող փոշու, եւ թող Տիրոջ հրեշտակը չարչարի նրանց:
6. Նրանց ճանապարհը թող խաւար լինի ու սայթաքուն, եւ Աստծու հրեշտակը թող հաւածի նրանց:
7. Իզուր որոգայթ լարեցին իմ դէմ իրենց ապականութեամբ, եւ իզուր նախատեցին ինձ:
8. Նրանց վրայ կը հասնի մի որոգայթ, որի մասին չգիտեն նրանք. իրենց թաքցրած թակարդը կը բռնի ոտքը նրանց, եւ նրանք կ'ընկնեն այդ որոգայթի մէջ:
9. Իսկ հոգիս կը ցնծայ Տիրոջով, ուրախ կը լինի նրա տուած փրկութեամբ:
10. Իմ բոլոր ոսկորները կ'ասեն. Տէ՛ր, ո՞վ է քեզ նման: Նա փրկեց աղքատին բռնակալի ձեռքից, եւ խեղճին ու տնանկին՝ իրենց յափշտակողներից:
11. Իմ դէմ բարձրացան վկաները չար, հարցաքննեցին ինձ մինչ ես անտեղեակ էի:
12. Բարու փոխարէն չար հատուցեցին ինձ, խորհուրդ արին ինձ անժառանգ թողնել մարդկանց մէջ:
13. Նրանց հաւածանքի ժամանակ ես քուրձ էի հագնում, ծոմով խղճալի էի դարձնում ինձ, եւ իմ աղօթքներն ինձ վերադարձան:
14. Եղբօր ու ընկերոջ նման սիրալիլ էի, սգաւորի ու վշտացեալի պէս՝ խոնարհ:
15. Հաւաքուեցին ու չարախնդացին ինձ վրայ. տանջանքներ կուտակուեցին իմ դէմ, եւ ես չիմացայ. նրանք ցրուեցին, բայց չզոջացին.
16. Փորձեցին ինձ ու անարգեցին, ատամներն իրենց արհամարհանքով կրճտեցրին իմ դէմ:
17. Տէ՛ր, մինչեւ ե՞րբ պիտի տեսնես: Հեռո՛ւ պահիր ինձ նրանց խորամանկութիւնից, եւ միամօրիկիս՝ առիւծներից:
18. Գոհութիւն պիտի մատուցեմ քեզ, Տէ՛ր, մեծ հաւաքներում եւ ժողովրդի բազմութեան մէջ պիտի օրհներգեմ քեզ:
19. Թշնամիներն իմ թող վրաս չխնդան, նրանք, որ ատում էին ինձ առանց պատճառի եւ իրար աչք էին անում ինձ համար:
20. Հետս խաղաղութիւնից էին խօսում, բայց իրենք զայրացած՝ նենգութիւն էին խորհում:
21. Բացին ինձ վրայ բերաններն իրենց եւ ասացին. Այո՛, այո՛, մեր աչքերը տեսան:
22. Տէ՛ր, ինքդ տեսար, մի՛ լռիր. Տէ՛ր, մի հեռացի՛ր ինձանից:
23. Չարթնի՛ր, Տէ՛ր, նայի՛ր իմ իրաւունքին ու արդարութեանը, Աստուած իմ եւ Տէ՛ր իմ:
24. Իմ դատն արա՛, արդարացրո՛ւ ինձ ըստ քո արդարութեան, ո՛վ Տէր իմ Աստուած: Թշնամիներն իմ թող չուրախանան ինձանով:
25. Եւ չասեն իրենց մտքում. Երևէ՛կ, երևէ՛կ մեզ, քանզի խորտակեցինք նրան:
26. Թող խայտառակուեն ու ամօթով մնան ինձ հասած չարիքի համար ուրախացողները. թող նախատինք ու անարգանք կրեն իմ դէմ մեծախօսողները:
27. Բոլոր նրանք, ովքեր իմ արդարութիւնն են կամենում եւ քո ծառային խաղաղութիւն ցանկանում, թող ուրախութեամբ ցնծան քեզնով եւ միշտ ասեն՝ Մեծ է Աստուած:
28. Լեզուս պիտի քո արդարութիւնը պատմի եւ հանապազ քեզ գովաբանի:

1. Այսուհետեւ՝ Տիրոջ ծառայ Դաւթի սաղմոսը
2. Անօրէնն ասում է իր մտքում մեղանչելիս, թէ իր աչքերի առջեւ Աստծու վախ չկայ:
3. Նա խորամանկութիւն է գործում նրա իսկ հանդէպ, որ չտեսնի իր անօրէնութիւնն ու չատի այն:
4. Նրա բերանի խօսքերն անարդար ու նենգամիտ են, նա չկամեցաւ հասկանալ բարին:
5. Անօրէնութիւն խորիեց իր անկողնում, կանգնեց այն բոլոր ուղիների վրայ, որոնք բարի չեն, եւ չարից չձանձրացաւ:
6. Տէ՛ր, երկնքում է քո ողորմութիւնը, իսկ ճշմարտութիւնդ՝ մինչեւ ամպերը:
7. Արդարութիւնդ, Աստուա՛ծ, լեռների պէս է, իրաւունքդ՝ խոր անդունդի պէս. մարդ ու անասուն դու ես ապրեցնում, Տէ՛ր:
8. Որքա՛ն առատ է քո ողորմութիւնն, Աստուա՛ծ, մարդկանց որդիները թեւերիդ հովանուն պիտի ապաւինեն:
9. Նրանք պիտի յագենան քո տան լիութիւնից, եւ նրանց պիտի խմեցնես քո գրգանքի գետերից:
10. Տէ՛ր, քեզնից է կեանքի աղբիւրը, եւ երեսիդ լոյսով ենք լոյսը տեսնում:
11. Ողորմութիւնդ շնորհի՛ր քեզ ճանաչողներին, եւ արդարութիւնդ՝ սրտով ուղիղներին:
12. Թող ամբարտաւանների ոտքը մեզ չհասնի, եւ մեղաւորների ձեռքը չդողացնի մեզ:
13. Այնտեղ բոլոր անօրէնութիւն գործողները պիտի ընկնեն, մերժուեն ու չկարողանան այլեւս ոտքի կանգնել:

1. Սաղմոս Դաւթի
2. Մի՛ նախանձիր չարամիտներին եւ ոչ էլ նրանց, ովքեր անօրէնութիւն են գործում,
3. քանզի նրանք խոտի պէս իսկոյն կը չորանան, դալար խոտի պէս արագ կ'անցնեն:
4. Յոյսդ դի՛ր Տիրոջ վրայ ու բարութի՛ւն գործիր, բնակուի՛ր երկրում եւ արածի՛ր նրա ընդարձակութեան մէջ:
5. Պաղատի՛ր Տիրոջը, եւ նա քեզ կը տայ սրտիդ ուզածները:
6. Յայտնի՛ դարձրու քո ճանապարհները Տիրոջը եւ դի՛ր յոյսդ նրա վրայ:
7. Նա այնպէս կ'անի, որ արդարութիւնդ երեւայ ինչպէս լոյս, եւ իրաւունքդ՝ ինչպէս ցերեկ:
8. Հնազա՛նդ եղիր Տիրոջն ու ծառայի՛ր նրան. մի՛ նախանձիր նրանց, որոնց ճանապարհը նշաւակելի է, ոչ էլ այն մարդուն, որ անօրէնութիւն է գործում:
9. Դադարի՛ր բարկանալուց, հանդարտուի՛ր սրտմտութիւնից եւ մի՛ նախանձիր չարամիտներին:
10. Չարագործները շուտով կը վերանան, իսկ Տիրոջն սպասողները կը ժառանգեն երկիրը:
11. Եւս մի փոքր ժամանակ, եւ այլեւս ամբարիշտ չի մնայ, կը փնտռես նրա տեղն ու չես գտնի:
12. Իսկ ովքեր հեզ են, նրանք կը ժառանգեն երկիրը եւ կը զուարճանան մեծ խաղաղութեան մէջ:
13. Մեղաւորը հետապնդում է արդարին եւ իր ատամներն է կրճտացնում նրա վրայ:
14. Բայց Տէրը կը ծիծաղի նրա վրայ, քանզի նախապէս գիտէ, որ հասել է նրա օրը:
15. Մեղաւորները սուր քաշեցին եւ լարեցին իրենց աղեղները՝ աղքատին ու տնանկին հարուածելու, սրտով խոնարհներին սպանելու համար:
16. Նրանց սրերը կը մխուեն իրենց սրտերը, եւ նրանց աղեղները կը փշրուեն:
17. Արդարի քիչն անելի լաւ է, քան մեղաւորների մեծ հարստութիւնը:
18. Ամբարիշտների բազուկները կը խորտակուեն, եւ Տէրն արդարներին հաստատ կը պահի:
19. Նա գիտէ անմեղների օրերը, նրանց ժառանգութիւնը յաւիտեան կը լինի:
20. Փորձանքի ժամանակ նրանք ամօթով չեն մնայ, իսկ սովի օրերին կը յագենան:
21. Արդ, մեղաւորները կորստեան կը մատնուեն, եւ Տիրոջ թշնամիներն իրենց փառքի ու վերելքի ժամին կը սպառռուեն, ինչպէս ծուխն է սպառում:
22. Մեղաւորը փոխ է առնում ու չի վճարում, իսկ արդարը ողորմում է ու տալիս:
23. Ովքեր օրհնում են Տիրոջը, կը ժառանգեն երկիրը, իսկ ովքեր անիծում են, կը ջնջուեն Տիրոջ ձեռքով:
24. Տէրն ուղղում է այն մարդու ընթացքը, ով շատ է սիրում իր ճանապարհը:
25. Եթէ անգամ նա սայթաքի, չի կործանուի, քանզի Տէրը բռնել է նրա ձեռքը:
26. Մանուկ էի ես եւ ծերացայ, բայց արդարին արհամարհուած չտեսայ կամ նրա զաւակին՝ հաց մուրալիս:
27. Ամէն օր նա ողորմում ու փոխ է տալիս, նրա սերունդը յաւիտեան օրհնեալ կը լինի:
28. Խուսափի՛ր չարից ու բարութի՛ւն արա եւ յաւիտեան կ'ապրես երկրի վրայ:
29. Տէրը սիրում է իրաւունքը, եւ իր սրբերին երեսի վրայ չի թողնում, այլ յաւիտեան պահպանում է նրանց: Անօրէնները կը քշուեն կը գնան միասին, եւ ամբարիշտների սերունդը կ'ոչնչանայ:
30. Իսկ արդարները կը ժառանգեն երկիրը եւ յաւիտեանս յաւիտենից կը բնակուեն նրա մէջ:
31. Արդարի բերանն իմաստութիւն է բարբառում, իսկ լեզուն արդարութիւն է խօսում:
32. Նրա սրտում իր Աստծու օրէնքն է, ուստի նրա երթն անսայթաք կը լինի:
33. Մեղաւորը նայում է արդարին եւ ձգտում սպանել նրան:
34. Սակայն Տէրը նրա ձեռքում չի թողնի նրան եւ դատաստանի ժամանակ նրան չի

դատապարտի:

35. Սպասի՛ր Տիրոջն ու պահի՛ր նրա ճանապարհները, նա քեզ կը բարձրացնի՝ երկիրը ժառանգելու, եւ դու կը տեսնես մեղաւորների կործանումը:

36. Տեսայ ամբարշտին մեծացած ու բարձրացած, ինչպէս Լիբանանի մայրիները:

37. Ես մօտով անցայ, եւ ահա նա չկար, փնտռեցի՝ ու նրա տեղը չերեւաց:

38. Անարա՛տ ապրիր եւ նայի՛ր արդարութեանը, քանզի խաղաղասէր մարդը ժառանգութիւն կ'ունենայ:

39. Անօրէնները կը քշուեն կը գնան գլխովին, եւ ամբարիշտների սերունդը կորստեան կը մատնուի:

40. Արդարների փրկութիւնը Տիրոջից է, նեղութեան ժամանակ նա է նրանց օգնականը:

41. Տէրը կ'օգնի ու կը փրկի նրանց, կ'ազատի մեղաւորներից ու կը պահպանի նրանց, քանզի նրանք իրենց յոյսը դրել են Նրա վրայ:

1. Սաղմոս Դաւթի՝ շաբաթօրեայ յիշատակի առթիւ
2. Տէ՛ր, քո զայրոյթով մի՛ յանդիմանիր ինձ եւ քո բարկութեամբ ինձ մի՛ խրատիր,
3. քանզի քո նետերն ինձ հարուածեցին, եւ քո ձեռքն ինձ վրայ ծանրացաւ:
4. Մարմնիս համար բուժում չկայ քո բարկութեան դէմ, ոսկորներս հանգստութիւն չունեն իմ մեղքերի պատճառով:
5. Անօրէնութիւններս գլխիցս վեր բարձրացան, սաստիկ բեռան պէս ծանրացան վրաս:
6. Վերքերն իմ նեխեցին ու փտեցին անզգամութեանս հետեւանքով:
7. Տառապեցի եւ խիստ նուաստացայ, գիշեր-ցերեկ շրջեցի վշտացած,
8. քանզի հոգիս լցուեց տանջանքներով, եւ մարմնիս համար բուժում չկայ:
9. Չարչարուեցի եւ սաստիկ կորացայ, մռնչացի սրտիս հեծութիւնից:
10. Տէ՛ր, ամբողջ ցանկութիւնս առջեւդ է, եւ հառաջանքս չծածկուեց քեզնից:
11. Սիրտս պղտորուեց իմ մէջ, եւ ուժս լքեց ինձ, աչքերիս մէջ լոյսի նշոյլ իսկ չմնաց:
12. Բարեկամներս եւ ընկերներս մօտեցան ու կանգնեցին իմ առջեւ, եւ մերձաւորներս ինձնից հեռու մնացին:
13. Ինձ հետապնդողները բռնադատեցին ինձ, իմ դէմ չարիք նկրողները անօրէնութիւն խօսեցին, եւ գիշեր-ցերեկ նենգութիւն մտածեցին:
14. Իսկ ես դարձայ ինչպէս խուլ, որ չի լսում, ինչպէս համր, որ բերանն իր չի բացում:
15. Ես դարձայ ինչպէս մարդ, որ չի լսում, եւ որի բերանում խօսք չկայ:
16. Ես յոյսս քեզ վրայ դրի, ո՛վ Տէր, ու դու կը լսես ինձ, Տէ՛ր իմ Աստուած:
17. Ասացի՝ Թող թշնամիներս չծիծաղեն վրաս. երբ ոտքս սայթաքեց, նրանք յոխորտացին իմ դէմ:
18. Ես պատրաստ եմ տանջանքների, եւ իմ ցաւերը միշտ առջեւս են:
19. Կը պատմեմ իմ անօրէնութիւնները եւ կը հոգամ իմ մեղքերի մասին:
20. Բայց թշնամիներն իմ ողջ են ու ակելի հզօր, քան ես, եւ բազմացել են նրանք, ովքեր յանիրաւի ատում են ինձ,
21. ովքեր ինձ չարութեամբ հատուցեցին բարու փոխարէն եւ չարախօսեցին իմ մասին, քանզի ես արդարութեամբ էի ընթանում:
22. Մի՛ լքիր ինձ, Տէ՛ր իմ Աստուած, եւ մի՛ հեռացիր ինձնից:
23. Ո՛ւշ դարձրու, որ ինձ օգնես, ո՛վ իմ փրկիչ Տէր:

1. Այսուհետեւ՝ օրհնութիւն Իդիթովին
2. Ասացի՝ Չգուշանամ իմ ճանապարհին, որ լեզուովս չմեղանչեմ: Բերանիս պահպանակ դրի, երբ մեղաւորը հակառակուեց ինձ:
3. Խուլ եղայ եւ խոնարի դարձայ, բարիքս լռութեան մատնեցի, եւ ցաւերս նորոգուեցին իմ մէջ:
4. Սիրտս կրակ կտրեց իմ ներսում, եւ մտքիս մէջ հուր բորբոքուեց:
5. Խօսեցի լեզուովս եւ ասացի. Տէր, ցոյց տուր ինձ, թէ ե՞րբ է իմ վախճանը, եւ որքան է կեանքիս օրերի թիւը, որպէսզի իմանամ, թէ ինչքան կորուստ եմ ունեցել:
6. Ահա սահման դրիր իմ օրերին, եւ կարողութիւնս ոչինչ է իմ աչքում, բոլորովին ոչնչութիւն է ամէն մարդ, որ մարմին ունի:
7. Արդարեւ, մարդ շրջում է ինչպէս մի ուրուական. բայց իզուր է նա տագնապում, գանձ կուտակում՝ չիմանալով, թէ ում համար:
8. Իսկ արդ, ո՞վ է իմ համբերութիւնը, եթէ ոչ դու, Տէ՛ր, կամ իմ ուժն ու կարողութիւնը քեզնից չէ՞ միթէ:
9. Բոլոր յանցանքներիցս փրկեցիր եւ անզգամների համար նախատիկք դարձրիր ինձ:
10. Ես խուլ եղայ եւ չբացեցի բերանս իմ, քանզի դու էիր գործում:
11. Հեռացրո՛ւ ինձնից իմ տանջանքները, որովհետեւ քո ձեռքի զօրութիւնից հիւծուեցի ես:
12. Մեղքերի համար կշտամբելով՝ խրատեցիր դու մարդուն, սարդոստայնի պէս մաշեցիր նրան, բայց սուտ է ամէն մարդ: Հանգիստ:
13. Տէ՛ր, լսի՛ր իմ աղօթքը, ակա՛նջ դիր խնդրանքներիս եւ արտասուքս լռութեան մի՛ մատնիր: Պանդուխտ եմ ես քո առաջ, օտարական եւ անցորդ, ինչպէս իմ բոլոր նախնիները:
14. Թո՛յլ տուր ինձ, որ հանգստանամ, մինչեւ իմ գնալն այնտեղ, ուր այլեւս չեմ լինի:

1. Այսուհետեւ՝ սաղմոս Դաւթի
2. Համբերութեամբ սպասեցի Տիրոջը, եւ նա նայեց ինձ ու լսեց իմ աղօթքը:
3. Նա ինձ հանեց տառապանքի փոսից, ցեխից ու տիղմից. ոտքերս ժայռի վրայ հաստատեց եւ ուղղեց իմ քայլերը:
4. Բերանս դրեց մի նոր օրհներգ՝ օրհներգը մեր Տէր Աստծու: Շատերը պիտի տեսնեն ու վախենան եւ իրենց յոյսը դնեն Տիրոջ վրայ:
5. Երանի այն մարդուն, որի յոյսը Տիրոջ անունն է, եւ որը ունայնութեանն ու սուտ մոլորութեանն ուշ չի դարձրել:
6. Բազում են քո սքանչելիքները, Տէ՛ր իմ Աստուած, քո խորհուրդներում ոչ ոք նման չէ քեզ: Պատմեցի ու խօսեցի դրանց մասին, բայց դրանք անթիւ են:
7. Չոհերն ու ընծաները հաճելի չեղան քեզ, ինձ լսողութիւն տուիր եւ ողջակէզ ու մեղայագին չպահանջեցիր:
8. Այն ժամանակ ասացի, թէ՛ Ահա գալիս եմ ես, գրքի գլուխներում գրուած է իմ մասին:
9. Ուզեցի կամքդ կատարել, Աստուա՛ծ իմ, եւ օրէնքդ, որ իմ ներսում է:
10. Մեծ հաւաքներում ես քո արդարութիւնն ակետեցի, եւ արդ շրթունքներս չեմ կտրում քեզից:
11. Տէ՛ր, դու գիտես, որ քո արդարութիւնը, քո ճշմարտութիւնն ու փրկութիւնը ծածուկ չեմ պահել իմ սրտում, պատմել եմ եւ մեծ հաւաքներից չեմ թաքցրել քո ողորմութիւնն ու ճշմարտութիւնը:
12. Իսկ դու, Տէ՛ր, գթութիւնդ հեռու մի՛ պահիր ինձնից, քո ողորմութիւնն ու ճշմարտութիւնը միշտ պահապան լինի ինձ:
13. Ինձ պաշարեցին չարիքներ, որոնք անթիւ էին. անօրէնութիւններս ինձ վրայ հասան, եւ ես չկարողացայ նկատել. գլխիս մագերից ակելի շատ եղան դրանք, եւ սիրտս ինձ լքեց:
14. Կամեցի՛ր փրկել ինձ, Տէ՛ր, նայի՛ր, որ օգնես ինձ, Տէ՛ր:
15. Թող խայտառակուեն ու ամօթահար լինեն նրանք, որ ուզում էին կործանել ինձ. թող ետ դառնան ու ամօթով մնան ինձ չար կամեցողները:
16. Թող շուտափոյթ անարգանք կրեն նրանք, որ չարախնդում էին իմ դէմ:
17. Թող քեզանով ցնծան ու ուրախանան բոլոր նրանք, որ փնտռում են քեզ, Տէ՛ր: Քո տուած փրկութիւնը սիրողներն ամէն ժամ թող ասեն՝ Մեծ է Աստուած:
18. Ես աղքատ եմ եւ տնանկ, Աստուա՛ծ, հո՛գ տար իմ մասին. իմ օգնականն ու պաշտպանը դու ես. Աստուած իմ, մի՛ ուշացիր:



1. Այսուհետեւ՝ սաղմոս Դաւթի
2. Երանի նրան, ով մտածում է աղքատի ու տնանկի մասին. փորձանքի օրը Տէրը կը փրկի նրան:
3. Տէրը կը փրկի ու կը պահպանի նրան, երանելի կը դարձնի երկրի երեսին եւ չի մատնի նրան իր թշնամիների ձեռքը:
4. Տէրը նրան կ'օգնի տառապանքի մահճում եւ նրա անկողինն ամբողջովին կը մաքրի իր հիւանդութիւնից:
5. Ես ասացի. Տէ՛ր, ողորմի՛ր ինձ եւ բուժի՛ր անձն իմ, ես մեղանչեցի քո դէմ:
6. Թշնամիներս չարութեամբ ասացին իմ մասին. Ե՞րբ պիտի մեռնի նա, եւ նրա անունը ջնջուի:
7. Ինձ այցելութեան եկողը դատարկ բաներ էր խօսում իր սրտում, անօրէնութիւն կուտակում իր մէջ, դուրս էր գալիս եւ նոյն բանն էր պատմում:
8. Բոլոր թշնամիներս քրթմնջեցին իմ մասին եւ չարիք նիւթեցին իմ դէմ:
9. Նրանք անօրէն խօսքեր բարդեցին ինձ վրայ. Ով ննջում է, մի՞թէ այլեւս յարութիւն չի՞ առնի:
10. Անգամ իմ բարեկամ մարդը, որին ես վստահում էի, եւ որն ուտում էր հացն իմ, յաճախակի իմ դէմ խաբէութիւն գործեց:
11. Բայց դու, Տէ՛ր, ողորմի՛ր եւ ոտքի՛ կանգնեցրու ինձ, որ հատուցեմ նրանց:
12. Եթէ թշնամիներս չչարախնդան վրաս, դրանից ես կ'իմանամ, որ բարեհաճ ես իմ հանդէպ:
13. Դու իմ անմեղութեան համար ընդունեցիր ինձ եւ յաւիտեան հաստատեցիր քո առջեւ:
14. Օրհնեալ լինի Տէր Աստուածն Իսրայէլի յաւիտեանս յաւիտենից. ամէն, ամէն:

1. Այսուհետեւ՝ Կորիսի որդիների իմաստութիւնը
2. Ինչպէս եղջերուն ջրի ակունքներին է փափագում, այնպէս էլ ես քեզ եմ փափագում, ո՛վ Աստուած.
3. Իոգիս ծարաւ է քեզ, Աստուած իզօր եւ կենդանի. ե՞րբ պիտի գամ ու երեւամ Աստծու առաջ:
4. Գիշեր-ցերեկ իմ արցունքներով սնուեցի, քանզի ամէն օր ինձ ասում էին. Քո Աստուածն ո՞ւր է:
5. Դա յիշելիս՝ իոգիս տառապում էր իմ ներսում, բայց քաջալերում էի, որ պիտի մտնեմ Աստծու տան սքանչելի յարկի տակ, ցնծութեան ու օրհնութեան ծայնով եւ ծայնով բարեբանութեան:
6. Արդ, ինչո՞ւ ես տրտմում, իոգի՛ իմ, կամ ինչո՞ւ ես խռովեցնում ինձ. յոյսդ դի՛ր Աստծու վրայ, օրհներգի՛ր նրան, իմ անձը փրկողն Աստուած է:
7. Հոգին իմ խիստ խռովուեց, դրա համար քեզ յիշեցի Յորդանանի երկրից ու Հերմոնի փոքր սարից:
8. Անդունդից քեզ կանչեցին քո յորձանքների ծայնով: Քո բոլոր կոհակներն ու ալիքներն անցան իմ վրայով:
9. Ցերեկը Տէրն իր ողորմութիւնը հաստատեց. գիշերը՝ նոր օրհներգութիւն. ես աղօթում եմ Աստծուն իմ կեանքի համար:
10. Աստծուն ասացի. Ինձ ընդունողը դու ես, ինչո՞ւ մերժեցիր ինձ, ինչո՞ւ տխուր լինեմ թշնամուս հալածանքի ժամանակ:
11. Երբ ոսկորներս փշրուեցին, թշնամիներն իմ նախատեցին ինձ՝ ամէն օր ասելով. Քո Աստուածն ո՞ւր է:
12. Արդ, ինչո՞ւ ես տրտմում, իոգի՛ իմ, կամ ինչո՞ւ ես ինձ խռովեցնում. յոյսդ դի՛ր Աստծու վրայ, օրհներգի՛ր նրան, իմ անձը փրկողն Աստուած է:

1. Դատի՛ր ինձ, Աստուա՛ծ, եւ դատաստանիս ժամին արդարացրո՛ւ ինձ: Անսուրբ ազգից, մեղսագործ ու նենգ մարդուց փրկի՛ր ինձ:
2. Դու ինձ ուժ տուողն ես, Աստուա՛ծ, ինչո՞ւ ինձ մոռացար, ինչո՞ւ տխուր լինեմ,երբ թշնամիս ինձ հալածի:
3. Առաքի՛ր, Տէ՛ր, քո լոյսն ու ճշմարտութիւնը, որ ինձ առաջնորդեն եւ հասցնեն քո սուրբ լեռն ու օթեւանը:
4. Ես կը մօտենամ Աստծու սեղանին, Աստծուն, որ երջանկացնում է իմ երիտասարդութիւնը: Գոհութիւն կը մատուցեմ քեզ օրհներգերով, Աստուա՛ծ, Աստուա՛ծ իմ:
5. Արդ, ինչո՞ւ ես տրտմում, հոգի՛ իմ, կամ ինչո՞ւ ես ինձ խռովեցնում, յոյսդ դի՛ր Աստծու վրայ, օրհներգի՛ր նրան, նա իմ փրկիչ Աստուածն է:

1. Այսուհետեւ՝ Կորնիսի որդիների իմաստութիւնը.սաղմոս Դաւթի
2. Աստուած, մեր ականջներով լսեցինք, մեր հայրերը մեզ պատմեցին այն գործը, որ կատարեցիր նրանց օրերում՝ հին օրերում:
3. Քո ձեռքն արմատախիլ արեց հեթանոսներին,եւ նրանց փոխարէն մե՛զ տնկեցիր, հաստատեցիր. չարչարեցիր ժողովուրդներին ու արտաքսեցիր նրանց:
4. Նրանք երկիրն իրենց սրով չժառանգեցին, ոչ էլ իրենց բազուկն էր, որ նրանց փրկեց, այլ՝ քո աջը, քո բազուկը եւ քո երեսի լոյսը, քանզի դու բարեհաճ եղար նրանց հանդէպ:
5. Դու ինքդ ես իմ թագաւորն ու իմ Աստուածը, որ Յակոբի փրկութեան հրամանն արձակեց:
6. Քեզնո՛վ պիտի կործանենք մեր թշնամիներին, եւ քո անուամբ արհամարհենք մեր դէմ ելնողներին:
7. Յոյսս չեմ դրել իմ աղեղի վրայ, եւ ոչ էլ սուրս պիտի փրկի ինձ:
8. Այլ դու փրկեցիր մեզ մեր թշնամիներից եւ մեզ ատողներին ամօթահար արեցիր:
9. Հանապազ Աստուծով պարծենանք եւ յաւիտեան գոհութիւն մատուցենք նրա անուանը:
10. Սակայն դու մերժեցիր ու խայտառակեցիր մեզ եւ մեր զօրքերի հետ մարտի չելար, ո՛վ Աստուած:
11. Մեզ յետ մղեցիր մեր թշնամիներից, եւ մեզ ատողները մեզ կողոպտեցին:
12. Մեզ ոչխարի պէս մորթելու յանձնեցիր եւ մեզ ցրեցիր հեթանոսների մէջ:
13. Քո ժողովրդին վաճառեցիր ոչինչ գնով, եւ մեր աղաղակը չափ չունեցաւ:
14. Մեր հարեւանների նախատինքին արժանացրիր մեզ եւ մեր շուրջը գտնուողների խայտառակ ծաղրութեանակին:
15. Մեզ խաղք դարձրիր հեթանոսների մէջ, եւ ժողովուրդները գլուխ թափ տուեցին:
16. Ամէն օր իմ նախատինքն առջեւս է, եւ երեսիս ամօթը պատել է ինձ՝
17. նախատողի ու չարախօսի ձայնից, թշնամու եւ հալածողի երեսից:
18. Այս ամէնը մեզ վրայ եկաւ, բայց մենք քեզ չմոռացանք,չդրժեցինք քո ուխտը,
19. եւ մեր սրտերով յետ չդարձանք քեզանից. դու շեղեցիր մեր շաւիղը քո ճանապարհից:
20. Տաժանավայրում մեզ ծնկի բերիր, եւ մահուան ստուերները պատեցին մեզ:
21. Միթէ մոռացե՞լ ենք մեր Աստծու անունը կամ ձե՞ռք ենք մեկնել օտար աստուածների.
22. չէ՞ որ Աստուած դա կ'իմանայ, քանի որ նա քննում է գաղտնիքները մեր սրտի: Մենք ամէն օր գոհում ենք քեզ համար, կարծես մորթելու ոչխարներ լինենք:
23. Չարթնի՛ր, ինչո՞ւ ես ննջում, Տէ՛ր. ելիր եւ մի՛ մերժիր մեզ իսպառ:
24. Ինչո՞ւ ես երեսդ շրջում մեզանից, մոռանում մեր աղքատութիւնն ու նեղութիւնները:
25. Մեր անձերը մինչեւ գետին կորացան, եւ մեր մէջքը դիպաւ հողին:
26. Ելի՛ր, Տէ՛ր, օգնի՛ր եւ փրկի՛ր մեզ յանուն քո անուան:

1. Այսուհետեւ՝ անցած ժամանակի մասին. Կորիսի որդիների իմաստութիւնը. օրհնութեան սաղմոս սիրելիի մասին
2. Սրտիցս քո բարի պատգամներն են բխում, եւ իմ գործերը պատմում եմ թագաւորին: Լեզուս նման է արագ գրող դպրի գրչի:
3. Տեսքով գեղեցիկ ես բոլոր մարդկանց որդիներից, շրթուքներիցդ շնորհք է թափւում. դրա համար Աստուած օրհնեց քեզ յաւիտեան:
4. Մէջքիդ սո՛ւր կապիր, ո՛վ հզօր, քո վայելչութեամբ ու գեղեցկութեամբ:
5. Լարի՛ր աղեղդ, ուղղի՛ր եւ թագաւորի՛ր յանուն ճշմարտութեան, հեզութեան ու արդարութեան, եւ քո աջը թող սքանչելապէս առաջնորդի քեզ:
6. Քո նետերը սրուած են, ո՛վ հզօր, ընդդէմ թագաւորի թշնամիների. եւ ժողովուրդները պիտի ընկնեն ոտքերիդ տակ:
7. Քո գահը յաւիտեանս յաւիտենից է, Աստուա՛ծ. քո արքայական գաւազանն արդարութեան գաւազան է:
8. Սիրեցիր արդարութիւնն ու ատեցիր անօրէնութիւնը, դրա համար Աստուած՝ քո՛ Աստուածն օծեց քեզ ուրախութեան իւղով՝ աւելի, քան քո ընկերներին:
9. Քո զգեստներից ու փղոսկրեայ պալատներից զմուռս, հալուէ եւ կինամոն է բուրում:
10. Արքայադուստրերն ուրախացնում ու պատւում են քեզ: Թագուհին կանգնած է քո աջից՝ զարդարուած ու պաճուճուած ոսկեհուռ զգեստներով:
11. Դո՛ւստր, լսի՛ր ու տե՛ս, մօտեցրո՛ւ ականջը քո, մոռացի՛ր քո ժողովրդին եւ քո հօր տունը, քանզի թագաւորը ցանկացաւ քո գեղեցկութիւնը:
12. Նա ինքն է քո Տէրը, որին պիտի երկրպագես. նրան պիտի երկրպագի եւ դուստրը Տիւրոսի,
13. եւ ժողովրդի մեծամեծները պիտի պաշտեն նրան ընծաներով:
14. Արքայադստեր ողջ փառքը իր մէջ է՝ ոսկեհուռ զգեստների զարդարանքի ու պաճուճանքի տակ:
15. Թագաւորի մօտ նրա հետ կոյսեր պիտի տարուեն, իր ընկերուհիները պիտի տարուեն նրա մօտ:
16. Տնծութեամբ եւ ուրախութեամբ պիտի բերեն նրանց, եւ պիտի տարուեն թագաւորի պալատը:
17. Եւ քո հայրերի փոխարէն որդիներ պիտի լինեն քեզ, որոնց իշխան պիտի կարգես ողջ երկրի վրայ:
18. Քո անունը պիտի յիշուի սերնդից սերունդ. դրա համար ժողովուրդները քեզ պիտի գովեն յաւիտեան, եւ յաւիտեանս յաւիտենից:

1. Այսուհետեւ՝ Կորիսի որդիների գաղտնիքների մասին
2. Աստուած ապաւենն ու զօրութիւնն է մեր եւ մեր օգնականը մեզ հասած խիստ նեղութիւնների մէջ:
3. Ուստի մենք չենք վախենայ, երբ երկիրը ցնցուի, եւ լեռները ծովի խորքը տեղափոխուեն:
4. Դողդացին ու ալեկոծուեցին ջրերը նրա, լեռները դողացին նրա սաստկութիւնից:
5. Գետերի յորձանքները զուարճացնում են Աստծու քաղաքը. եւ Բարձրեալը սրբացրել է իր օթեւանը:
6. Աստուած դրա մէջ է, եւ այն չի սասանուի. Աստուած կ'օգնի դրան վաղորդայնից վաղորդայն:
7. Հեթանոսները խռովուեցին, ու թագաւորութիւնները հնազանդ եղան. Բարձրեալը ձայն տուեց, եւ երկիրը երերաց:
8. Մեզ հետ է Զօրութիւնների տէրը, Յակոբի Աստուածն ապաւենն է մեր:
9. Եկեք տեսէ՛ք գործերն Աստծու, որ նշաններ ու զարմանահրաշ գործեր արեց երկրի վրայ:
10. Դադարեցրեց պատերազմը երկրի մի ծայրից մինչեւ միւսը, աղեղներ փշրեց, զէնքեր խորտակեց եւ վահանները մատնեց հրի:
11. Շտապեցէ՛ք ու իմացէ՛ք, որ ես Աստուածն եմ. ես պիտի բարձրացուեմ հեթանոսների մէջ, պիտի բարձրացուեմ երկրի երեսին:
12. Մեզ հետ է Զօրութիւնների Տէրը, Յակոբի Աստուածն ապաւենն է մեր:

1. Այսուհետեւ՝ Կորիսի որդիների մասին.սաղմոս Դաւթի
2. Բոլոր հեթանոսներ, ծափ զարկէք, ցնծութեան աղաղակով դիմեցէ՛ք Աստծուն:
3. Տէրը բարձրեալ եւ ահարկու է, մեծ թագաւոր է ամբողջ երկրի վրայ:
4. Ժողովուրդներին մեզ հնազանդեցրեց, եւ հեթանոսներին մեր ոտքերի տակ դրեց:
5. Ընտրեց մեզ համար որպէս ժառանգութիւն իրեն՝ Յակոբի վայելչութիւնը, որին նա սիրեց:
6. Աստուած բարձրացաւ օրհնութեամբ, եւ մեր Տէրը՝ շեփորի ձայնով:
7. Սաղմո՛ւ երգեցէք մեր Աստծուն, սաղմո՛ւ երգեցէք մեր թագաւորին, սաղմո՛ւ երգեցէք:
8. Ամբողջ երկրի մեծ թագաւորն Աստուած է, սաղմո՛ւ երգեցէք նրան իմաստութեամբ:
9. Աստուած թագաւորեց հեթանոսների վրայ, Աստուած բազմեց իր սրբութեան գահին:
10. Ժողովուրդների իշխանները հաւաքուեցին Աբրահամի Աստծու մօտ, քանզի Աստծու զօրութիւնները շատ բարձրացան երկրից:

1. Կորիսի որդիների երկուշաբթի օրուայ օրհնութեան սաղմոսը
2. Մեծ է Տէրը եւ յոյժ օրհնեալ մեր Աստծու քաղաքում, իր սուրբ լեռան վրայ:
3. Մեծ ցնծութեամբ ցնծում է ամբողջ երկիրն հաստատարմատ, ցնծում են Սիոնի լեռները, հիւսիսային կողմերը, մեծ թագաւորի քաղաքը:
4. Աստուած յայտնւում է իր տաճարում, երբ օգնական է դառնում նրանց:
5. Ահա երկրի թագաւորութիւնները հաւաքուեցին ու միասին եկան անցան:
6. Անձամբ տեսնելով այդ բանը՝ նրանք զարմացան, խռովուեցին ու սասանուեցին:
7. Այնտեղ դողը բռնեց նրանց եւ երկունքը, ինչպէս ծննդաբերութեան ժամանակ:
8. Սաստիկ հողմով նա պիտի փշրի նաւերը Թարսիսում:
9. Ինչ որ լսեցինք, այն էլ տեսանք Չօրութիւնների Տիրոջ քաղաքում՝ մեր Աստծու քաղաքում. Աստուած դրա հիմքերը գցեց յաւիտեան:
10. Ստացանք ողորմութիւնդ, Աստուած, քո ժողովրդի մէջ:
11. Ինչպէս որ անունդ է, այնպէս էլ օրհնութիւնդ է ողջ տիեզերքում, եւ քո աջը լի է արդարութեամբ:
12. Տէ՛ր, քո արդարադատութեամբ թող ուրախանայ լեռը Սիոնի եւ ցնծան դուստրերը Յուդայի երկրի:
13. Պատուեցէ՛ք Սիոնի շուրջը, շրջանն արեք նրա եւ պատեցէ՛ք նրա աշտարակները:
14. Թող ձեր սրտերը կապուեն նրա ամրութիւններին, զննեցէ՛ք նրա բերդերը, որ պատմել կարողանաք մէկ ուրիշ սերնդի:
15. Սա է Աստուածը, մեր Աստուածը յաւիտեանս յաւիտենից, եւ սա պիտի հովուի մեզ մինչեւ յաւիտենութիւն:



1. Այսուհետեւ՝ Կորիսի որդիների սաղմոսը
2. Լսեցէ՛ք այս, համա՛յն ազգեր, ալա՛նջ դրե՛ք բոլորդ, որ բնակւում էք աշխարհում,
3. երկրածիններ եւ մարդկանց որդիներ, ե՛ւ մեծամեծներ, ե՛ւ տնանկներ:
4. Բերանս իմաստութիւն պիտի խօսի, եւ սրտիս խորհուրդը՝ խոհեմութիւն:
5. Առականերին պիտի ալանջ դնեմ եւ օրհներգով պիտի մեկնեմ առակաները սկզբից:
6. Ինչո՞ւ արդեօք վախենամ չար օրերին, երբ կեանքիս անօրէնութիւններն ինձ պաշարեցին:
7. Իրենց կարողութեան վրայ յոյս դնողները պարծենում են իրենց մեծ հարստութեամբ:
8. Եղբայրն իր եղբօրը չի փրկի, ոչ էլ մարդը կը փրկի նրան. նա փրկանք չի տայ Աստծուն,
9. ոչ էլ իր հոգու փրկանքը:
10. Յաւիտեան ջանք թափի՛ր, եւ դու կ'ապրես անվերջ ու ապականութիւն չես տեսնի:
11. Երբ տեսնես, որ իմաստունները մեռնում են, նրանց հետ կը կորչեն նաեւ անզգամներն ու անմիտները՝ իրենց հարստութիւնը թողնելով օտարներին:
12. Նրանց գերեզմանը յաւիտեան իրենց տունը կը լինի, եւ սերնդից սերունդ՝ իրենց օթեանը. նրանց հողերը կը կոչուեն իրենց անունով:
13. Մարդը պատիւ ունէր՝ եւ չհասկացաւ, հաւասարուեց անբան անասուններին ու նմանուեց նրանց:
14. Այս է ճանապարհը նրանց գայթակղութեան, որին յետոյ իրենց բերանով հաւանութիւն պիտի տան:
15. Ոչխարների պէս դժոխքի պիտի մատնուեն, ու մահը պիտի հովուի նրանց, եւ առաւօտեան արդարները պիտի նրանց տիրեն: Նրանց օգնութիւնը կը սպառուի դժոխքում, եւ նրանք իրենց փառքը կը կորցնեն:
16. Սակայն երբ դժոխքն ինձ ընդունելու լինի, Աստուած կը փրկի իմ հոգին:
17. Մի՛ վախեցիր, երբ մարդ հարստանում է, եւ մեծանում է փառքը նրա տան,
18. քանզի մեռնելիս հետը ոչինչ չի տանի, եւ նրա տան փառքն իր հետ չի թաղուի:
19. Նրա անձը կ'օրհնուի իր կենդանութեան ժամանակ, եւ քեզ շնորհակալ կը լինի, երբ բարիք գործես նրան:
20. Նա կը միանայ իր նախնիների սերնդին, մինչեւ յաւիտենութիւն լոյսը չի տեսնի:
21. Մարդը պատիւ ունէր՝ եւ չհասկացաւ, հաւասարուեց անբան անասուններին ու նմանուեց նրանց:

1. Աստուածների Աստուած Տերը խօսեց, ձայն տուեց երկրին արեւելքից մինչեւ արեւմուտք:
2. Սիփնից է նրա մեծ վայելչութիւնն ու փրկութեան գեղեցկութիւնը:
3. Մեր Աստուածը պիտի գայ յայտնապէս, եւ մեր Աստուածը պիտի չլռի, նրա առջեւ հուր պիտի բորբոքուի, եւ նրա շուրջը՝ սաստիկ մորիկ:
4. Նա վերելից ձայն պիտի տայ երկնքին ու երկրին՝ իր ժողովրդին դատելու համար:
5. Մօտն է հաւաքելու իր սրբերին եւ նրանց, ովքեր ուխտի զոհ են մատուցում իր սեղանին:
6. Երկինքը պատմելու է նրա արդարութիւնը, քանզի Աստուած դատաւոր է: Հանգիստ:
7. Լսի՛ր, իմ ժողովուրդ, ու ես քեզ կ'ասեմ, եւ Իսրայէլ՝ քեզ կը վկայեմ, որ Աստուածը, քո Աստուածը ես եմ:
8. Քո զոհաբերութիւնների համար չէ, որ կշտամբում եմ քեզ, քանզի ողջակեզների միշտ առջեւ եմ:
9. Քո տնից հորթեր չեմ ընդունում, ոչ էլ քո հօտից՝ նոխազներ:
10. Իմն են անտառի բոլոր գազանները, լեռների երէները եւ բոլոր անասունները:
11. Գիտեմ ես երկնքի բոլոր թռչուններին, եւ դաշտի գեղեցկութիւնն իմն է:
12. Եթէ քաղց զգամ, քեզ բան չեմ ասի, քանզի իմն է աշխարհն իր ամբողջութեամբ:
13. Ես չեմ ուտում քո հորթերի միսը, եւ քո նոխազների արիւնը չեմ խմում:
14. Աստծուն օրհնութեան պատարագ մատուցի՛ր եւ Բարձրեալի առջեւ ուխտդ կատարի՛ր:
15. Քո նեղութեան օրը կանչի՛ր ինձ, ես կը փրկեմ քեզ, ու դու կը փառաբանես ինձ: Հանգիստ:
16. Սակայն մեղաւորին Աստուած ասում է. Իսկ դու ինչո՞ւ ես պատմում իմ արդարութիւնը, կամ բերանդ չես առնում իմ ուխտը:
17. Չէ որ դու ասեցիր իմ խրատը, մերժեցիր ու անտեսեցիր բերանիս բոլոր խօսքերը:
18. Երբ գողեր էիր տեսնում, նրանց հետ էիր ընթանում եւ ընկերակցում շնացողներին:
19. Բերանդ չարութիւն էր տարածում, եւ լեզուդ նենգութիւն էր նիւթում:
20. Նստած չարախօսում էիր եղբօրդ մասին եւ մօրդ որդու վրայ զրպարտութիւն բարդում:
21. Այս բոլորն արեցիր, ու ես լուռ մնացի. դու՝ անօրէնդ, կարծեցիր քո մտքում, թէ ես էլ կը նմանուեմ քեզ: Արդ, պիտի յանդիմանեմ քեզ եւ այս ամէնը առջեւդ դնեմ:
22. Իմացէ՛ք բոլորդ, որ մոռացել էք Աստծուն. գուցէ երբեւէ յափշտակուէք տարուէք, եւ ձեզ փրկող չգտնուի:
23. Օրհնութեան պատարագն ինձ կը փառաւորի. եւ ճանապարհն այնտեղ է, ուր ես նրան ցոյց պիտի տամ Աստծու փրկութիւնը:

1. Այսուհետեւ՝ սաղմոս Դաւթի.
2. այն ժամանակ, երբ նրա մօտ եկաւ Նաթան մարգարէն, երբ ինքը մերձեցել էր Բերսաբէին
3. Ողորմի՛ր ինձ, Աստուա՛ծ, քո մեծ ողորմութեամբ եւ քո գթառատութեամբ ջնջի՛ր իմ յանցանքները:
4. Առաւել եւս լուա՛ ինձ իմ անօրէնութիւնից եւ իմ մեղքերից մաքրի՛ր ինձ:
5. Իմ անօրէնութիւններն ես ինքս գիտեմ, եւ մեղքերն իմ միշտ առջեւ եմ:
6. Քո դէմ միայն մեղանչեցի, Տէ՛ր, եւ չարիք գործեցի քո առջեւ, որպէսզի արդար լինես քո խօսքերում, եւ յաղթող՝ քո դատաստանի մէջ:
7. Անօրէնութեամբ յղիացաւ եւ մեղքերի մէջ ծնեց ինձ մայրն իմ:
8. Դու, Տէ՛ր, ճշմարտութիւնը սիրեցիր եւ քո իմաստութեան անյայտն ու ծածուկն ինձ յայտնեցիր:
9. Ցօղի՛ր ինձ սպունգով՝ եւ ես կը մաքրուեմ, լուա՛ ու ձիւնից ճերմակ կը լինեմ:
10. Ինձ ցնծութիւն եւ ուրախութիւն լսել տո՛ւր, եւ թող տառապեալ ոսկորներս ցնծան:
11. Երեսդ շո՛ւռ տուր իմ մեղքերից եւ իմ բոլոր յանցանքները ջնջի՛ր ինձնից:
12. Իմ մէջ մաքուր սիրտ հաստատի՛ր, Աստուա՛ծ, եւ արդար հոգի նորոգի՛ր իմ որովայնում:
13. Մի՛ գցիր ինձ, Տէ՛ր, քո երեսից եւ սուրբ Հոգիդ մի՛ հանիր ինձնից:
14. Ինձ փրկութեան ցնծութի՛ւն տուր, եւ քո տիրական Հոգով հաստատի՛ր ինձ:
15. Անօրէններին կը սովորեցնեմ քո ճանապարհը, եւ ամբարիշտները քո կողմը կը դառնան:
16. Փրկի՛ր ինձ արիւնից, Աստուա՛ծ, իմ փրկութեա՛ն Աստուած. լեզուս թող ցնծայ քո արդարութեամբ:
17. Տէ՛ր, եթէ շրթներս բացես, բերանն իմ կ'երգի օրհնութիւնը քո:
18. Եթէ ուզէիր՝ պատարագ կը մատուցէինք, բայց դու ողջակէզներ չես սիրում:
19. Խոնարհ հոգին է պատարագն Աստծու, մաքուր սիրտն ու խոնարհ հոգին Աստուած չի արհամարհում:
20. Քո բարեհաճութեամբ բարի՛ք գործիր Սիոնին, Տէ՛ր, եւ Երուսաղէմի պարիսպները թող կառուցուեն:
21. Այնժամ դու կը հաւանես արդարութեան պատարագները, եւ, իբրեւ ուխտի զոհեր, քո սեղանին հորթեր կը մատուցեն:

1. Այսուհետեւ՝ սաղմոս Դաւթի,
2. այն ժամանակ, երբ Դովեկ Եդոմայեցին եկաւ պատմեց Սաւուղին, թէ ահա Դաւիթն Աքիմելեքի տանն է:
3. Ինչո՞ւ է հզօրը պարծենում չարութեամբ ու անօրէնութեամբ:
4. Գիշեր-ցերեկ նա անիրաւութիւն նիւթեց իր լեզուով, սուր ածելու նման նենգութիւն գործեց:
5. Բարութիւնից աւելի չարութիւն սիրեց եւ արդար խօսքից աւելի՝ անօրէնութիւն:
6. Սիրեց նա ամէն տեսակ կործանարար խօսքեր եւ նենգ լեզուներ:
7. Դրա համար Աստուած կը կործանի նրան իսպառ, կը խլի ու կը հանի նրան իր օթեւանից, եւ նրա արմատները՝ ողջերի երկրից:
8. Արդարները կը տեսնեն ու կը վախենան եւ կը ծաղրեն նրան՝ ասելով.
9. Սա է այն մարդը, որն Աստծու օգնութեանը չապաւինեց, այլ յոյսը դրեց իր մեծ հարստութեան վրայ եւ զօրացաւ իր ունայնութեամբ:
10. Իսկ ես Աստծու տան պտղաբեր ձիթենու նման եմ. յաւիտեան եւ յաւիտեանս յաւիտենից յոյսս դրի Աստծու ողորմութեան վրայ:
11. Քեզ յաւիտեան գոհութիւն պիտի մատուցեմ արածիդ համար եւ յոյսս պիտի դնեմ քո անուան վրայ, քանզի բարի ես սրբերիդ հանդէպ:

1. Անզգամն ասաց իր սրտում, թե՛ Աստուած չկայ:
2. Ապականուեցին ու պղծուեցին իրենց անօրէնութեան մէջ, եւ չկայ մէկը, որ բարութիւն գործի:
3. Աստուած երկնքից նայեց բոլոր մարդկանց որդիներին՝ տեսնելու, թէ կա՞յ մի իմաստուն, որ Աստծուն է փնտռում:
4. Բոլորը միասին խոտորուեցին եւ անպէտք դարձան: Բարութիւն անող չկայ, չկայ նոյնիսկ մէկ հոգի:
5. Ինչպէ՞ս չեն գիտակցում բոլոր նրանք, որ անօրէնութիւն են գործում, նրանք, որ խժռում են իմ ժողովրդին իբրեւ կերակրահաց եւ չեն դիմում Աստծուն:
6. Այնտեղ, ուր երկիւղ չկայ, երկիւղից սարսում են նրանք, քանզի Աստուած ցրելու է երեսպաշտների ոսկորները: Նրանք պիտի խայտառակուեն ու ամօթահար լինեն, քանզի Աստուած անարգեց նրանց:
7. Ո՞վ կը տայ Սիոնից Իսրայէլի փրկութիւնը: Երբ Տէրն իր ժողովրդին վերադարձնի գերութիւնից, Յակոբը կը ցնծայ, եւ Իսրայէլն ուրախ կը լինի:

1. Այսուհետեւ՝ Դաւթի իմաստութեան օրհնութիւնը,
2. այն ժամանակ, երբ Չիփացիները եկան եւ ասացին Սաւուղին. Ահա Դաւիթը թաքուն նստած է մեզ մօտ:
3. Աստուած, քո անուամբ փրկի՛ր ինձ եւ քո զօրութեամբ արդա՛ր հանի՛ր ինձ:
4. Աստուած, լսի՛ր իմ աղօթքները, ակա՛նջ դի՛ր բերանիս խօսքերին:
5. Օտարներն ելան իմ դէմ, հզօրներն իմ կեանքն ուզեցին եւ քեզ իրենց աչքում Աստուած չհամարեցին:
6. Ահա Աստուած իմ օգնականն է, եւ Տէրը՝ իմ հոգու ապաւէնը:
7. Չարիքը շրջելով թշնամիներիս դէմքո ճշմարտութեամբ կործանի՛ր նրանց:
8. Ես իմ բարի կամքով զոհ պիտի մատուցեմ քեզ, Տէ՛ր, եւ գոհանամ քո անուամբ, քանի որ այն բարի է:
9. Իմ ողջ նեղութիւնից փրկեցի՛ր ինձ, եւ աչքս տեսաւ կորուստը թշնամիներիս:

1. Այսուհետեւ՝ իմաստութեան օրհնութիւնը, սաղմոս Դաւթի
2. Ակա՛նջ դիր, Աստուա՛ծ, իմ աղօթքին, եւ խնդրանքներս մի՛ անտեսիր:
3. Նայի՛ր ինձ ու լսի՛ր ինձ, քանզի անձկութեամբ տրտմեցի ու խռովուեցի:
4. Թշնամու ձայնից եւ մեղսագործի հալածանքից նրանք անիրաւութեամբ դէպի ինձ շրջուեցին, բարկութեամբ ոխ պահեցին իմ դէմ:
5. Սիրտս խռովուեց իմ մէջ, եւ մահուան երկիւղն ինձ համակեց:
6. Ահ ու դող ընկաւ վրաս, եւ խաւարը ծածկեց ինձ:
7. Ասացի. Մէկն ինձ աղաւնու թելեր տար, որ թռչելով բարձրանայի
8. Եւ հեռանալով հանգիստ առնէի անապատում:
9. Յոյս ունէի, որ Աստուած ինձ կը փրկէր կարճամիտ զայրոյթից եւ փոթորկուող նեղսրտութիւնից:
10. Կորստեան մատնի՛ր, Տէ՛ր, եւ թող նրանք իրար լեզու չհասկանան, քանզի անիրաւութիւն եւ հակառակութիւն տեսայ քաղաքում:
11. Գիշեր-ցերեկ նրա պարիսպների շուրջը անօրէնութիւն է գործւում, իսկ դրա ներսում չարիք ու մեղք:
12. Եւ վաշխառութիւնն ու նենգութիւնը չվերացան նրա հրապարակներից:
13. Եթէ թշնամին լինէր ինձ նախատողը, կը համբերէի, կամ իմ ատելին լինէր իմ դէմ մեծախօսողը, կը թաքնուէի նրանից:
14. Այլ դու, մա՛րդ, իմ հաւասարն ես, իմ առաջնորդն ու ծանօթը:
15. Չէ՞ որ դու էիր քաղցրացնում իմ ու քո կերակուրը, եւ միաբանութեամբ էինք գործում Աստծու տանը:
16. Մահը նրանց վրայ կը հասնի, եւ նրանք ողջ-ողջ դժոխք կ'իջնեն, քանզի իրենց բնակարանում ու իրենց մէջ չարութիւն կայ:
17. Ես Աստծուն ձայն տուի, եւ Տէրն ինձ լսեց:
18. Երեկոյեան, առաւօտեան ու կէսօրին պատմեցի ու խօսեցի, եւ նա իմ ձայնը կը լսի:
19. Նա ինձ խաղաղութեամբ կը փրկի ինձ մերձեցողներից, քանզի ուժով յարձակուեցին ինձ վրայ:
20. Կը լսի եւ կ'ընկճի նրանց Աստուած, որ կար յաւիտենութիւնից առաջ, քանզի չեն փոխւում նրանք, եւ չեն վախճնում Աստծուց:
21. Նա մեկնեց իր ձեռքը՝ պատժելու նրանց. նրանք պղծել էին Նրա օրէնքները:
22. Բաժանուեցին Նրա երեսի զայրոյթից, բայց Նա հասաւ նրանց սրտերին: Ձեթից փափուկ էին նրանց խօսքերը, բայց իրենք կարծես նետեր լինէին:
23. Հոգսդ դի՛ր Տիրոջ վրայ, ու նա քեզ կը կերակրի եւ չի թողնի, որ արդարը յաւիտեան սասանուի:
24. Դու, Աստուա՛ծ, նրանց կ'իջեցնես ապականութեան փոսը. արիւնահեղ ու նենգ մարդիկ իրենց կեանքի օրերի կեսին չեն հասնի. իսկ ես, Տէ՛ր, յոյսս դրի քեզ վրայ:

1. Այսուհետեւ՝ ժողովրդի մասին, որը հեռացել էր սրբերից. արձանագիր սաղմոս Դավթի, երբ այլազգիները նրան բռնել էին Գեթում:
2. Ողորմի՛ր ինձ, Աստուա՛ծ, քանզի մարդն ինձ կոխոտեց, ամենօրեայ պատերազմներն ինձ նեղեցին:
3. Թշնամիներս գիշեր-ցերեկ ինձ ոտնատակ արին, եւ շատերն իմ դէմ մարտնչեցին բարձունքից:
4. Օրը ցերեկով չեմ վախենայ, քանզի յոյսս դրել եմ Տիրոջ վրայ:
5. Աստծու խօսքով պիտի կատարեմ իմ գովաբանութիւնը. Աստծու վրայ դրի իմ յոյսը ու չեմ սոսկալու. մարդն ինձ ի՞նչ կարող է անել:
6. Ամէն օր խօսքերս անարգեցին, նրանց չար խորհուրդներն իմ դէմ եղան:
7. Նրանք պանդուխտ կը լինեն ու գաղտագողի կը շրջեն: Նրանք հետապնդում են ինձ, ինչպէս իմ մահը ցանկացող մարդիկ:
8. Որպէս ոչնչութիւն դու կը մերժես նրանց, քո բարկութեամբ հնազանդ կը դարձնես ժողովուրդներին:
9. Աստուա՛ծ, կեանքս քեզ կը պատմեմ, արցունքներս առջեւդ կը դնեմ, ինչպէս դու ինձ խոստացար:
10. Թշնամիներս ետ կը դառնան այն օրը, երբ օգնութեան կանչեմ քեզ. ահա իմացայ, որ դու իմ Աստուածն ես:
11. Աստծուն պիտի օրհնեմ իմ բերանով եւ բառերովս Տիրոջը պիտի գովեմ իմ խօսքերով: Աստծու վրայ դրի իմ յոյսը եւ վախ չունեմ. մարդն ինձ ի՞նչ կարող է անել:
12. Ինձնից է ուխտն իմ, որ օրհնութեամբ քեզ պիտի մատուցեմ, Աստուա՛ծ:
13. Ինձ փրկեցիր մահուանից, աչքս՝ արտասուքից, եւ ոտքս՝ գայթակղութիւնից. ողջերի երկրում ես հաճելի կ'երեւամ Տիրոջ առջեւ:



1. Այսուհետեւ՝ մի՛ ապականիր. արձանագիր Դաւթի, երբ Նա Սաւուղի երեսից փախել թաքնուել էր քարայրում
2. Ողորմի՛ր ինձ, Աստուա՛ծ, ողորմի՛ր ինձ, քանզի յոյսս դրի քեզ վրայ. քո թեւերի հովանուն պիտի ապաւինեմ, մինչեւ անօրէնութիւնն անցնի:
3. Աղաղակեցի բարձրեալ Աստծուն՝ իմ բարերար Աստծուն:
4. Նա օգնութիւն ուղարկեց երկնքից եւ փրկեց ինձ, Նախատելի դարձրեց ինձ ոտնահարողներին: Աստուած իր ողորմութիւնն ու ճշմարտութիւնն ուղարկեց:
5. Գազանների միջից ազատեց ինձ, քանզի ես խռովուած ննջում էի: Մարդկանց որդիների ատամները գէնք եւ նետ են, իսկ նրանց լեզուները՝ ինչպէս սուր սուսեր:
6. Դու երկինք ես բարձրացել, Աստուա՛ծ, եւ ողջ աշխարհն է բռնել փառքը քո:
7. Որոգայթ պատրաստեցին ոտքերիս համար, ընկճեցին ինձ, առջեւս փոս փորեցին, բայց նրա մէջ իրե՛նք ընկան:
8. Պատրաստ է սիրտն իմ, Աստուա՛ծ, պատրաստ է սիրտն իմ՝ օրհնելու եւ սաղմոսերգելու քեզ իմ փառաբանութեամբ:
9. Արթնացի՛ր, փա՛ռք իմ, արթնացի՛ր սաղմոսներով եւ օրհներգութեամբ, եւ ես կ'արթնանամ առաւօտեան:
10. Գոհութիւն կը մատուցեմ քեզ ժողովուրդների մէջ, Տէ՛ր, եւ ազգերի մէջ քեզ սաղմոս կ'երգեմ:
11. Զո ողորմութեան մեծութիւնը հասաւ մինչեւ երկինք, եւ քո ճշմարտութիւնը՝ մինչեւ ամպերը:
12. Դու երկինք ես բարձրացել, Աստուա՛ծ, եւ ողջ աշխարհն է բռնել փառքը քո:

1. Այսուհետեւ՝ մի՛ ապականիր. արձանագիր Դաւթի
2. Եթէ դուք արդարութեամբ խօսէիք, ուղիղ կը լինէին ձեր դատաստանները, մարդկանց որդիներ:
3. Չէ՞ որ այժմ իսկ ձեր սրտում անօրէնութիւն էք գործում երկրի երեսին, եւ ձեր ձեռքերն անիրաւութիւն են նիւթում:
4. Մեղաւորներն իրենց ծննդեան օրից իսկ խոտորուեցին, արգանդից մոլորուեցին եւ սուտ խօսեցին:
5. Նրանց կատաղութիւնը նման է օձի թոյնի, վիշապ օձի թոյնի, որ խցել է իր ականջները,
6. որպէսզի ճարտար օձահմայի ձայնը չլսի եւ դեղ չառնի իմաստուն դեղատուից:
7. Աստուած պիտի փշրի նրանց ատամներն իրենց բերանում. Տէրը կոտրատեց ժանիքներն առիւծների:
8. Թող նրանք թափուող ջրի պէս անպիտան լինեն: Երբ նրանք իրենց աղեղները լարեն,
9. թող հալուեն մոմի նման ու սպառուեն: Հուր թափուեց, եւ նրանք արեւ չտեսան:
10. Դեռ իրենց փշերը չզգացած՝ Աստուած նրանց դժնիկի պէս ողջ-ողջ պիտի այրի բարկութեամբ:
11. Արդարը պիտի ուրախանայ՝ տեսնելով հատուցումը, եւ ձեռքերն իր պիտի լուայ մեղաւորի արեան մէջ:
12. Ու մարդ պիտի ասի, թէ իսկապէս արդարի համար վարձատրութիւն կայ, եւ կայ Աստուած, որ երկրի վրայ դատում է նրանց:

1. Այսուհետեւ՝ մի՛ ապականիր. արձանագիր Դաւթի, երբ Սաւուղը զօրք ուղարկեց պաշարելու Նրա տունը եւ սպանելու Նրան. սաղմոս Դաւթի
2. Աստուած, թշնամիներիցս փրկի՛ր ինձ, ազատի՛ր Նրանցից, ովքեր ելել են իմ դէմ:
3. Ինձ փրկի՛ր անօրէնութիւն գործողներից, արիւնահեղ մարդկանցից պահպանի՛ր ինձ:
4. Որսալ ուզեցին ինձ, եւ հզօր մարդիկ ինձ վրայ յարձակուեցին:
5. Ո՛չ մեղք ունեմ եւ ո՛չ յանցանք, առանց մեղքի ընթացայ ու արդար եղայ:
6. Ինձ ընդառաջ ե՛լ եւ տե՛ս դո՛ւ, Զօրութիւնների՛ Տէր, Աստուած Իսրայէլի: Նայի՛ր ու այցելի՛ր բոլոր հեթանոսներին եւ մի՛ ողորմիր բոլոր Նրանց, ովքեր անօրէնութիւն են գործում:
7. Նրանք ետ կը դառնան երեկոյեան, քաղց կը զգան շների պէս եւ քաղաքի շուրջը կը պտտուեն:
8. Նրանք կը վայրահաչեն իրենց բերանով ու կը սրեն շրթերն իրենց:
9. Իսկ արդ, ո՞վ կը լսի դա. դու, Տէ՛ր, կը ծիծաղես Նրանց վրայ եւ կ'արհամարհես բոլոր հեթանոսներին:
10. Զօրութիւնս քեզնո՛վ կը պահեմ, քանզի Աստուած իմ օգնականն է:
11. Իմ Աստծու ողորմութիւնը կը հասնի ինձ, եւ իմ Աստուածն ինձ համար ի ցոյց կը հանի թշնամիներին:
12. Մի՛ սպանիր Նրանց, որ չմոռանան քո ժողովրդին: Տրի՛ր եւ ընկճի՛ր Նրանց քո զօրութեամբ, քանզի դու իմ պաշտպանն ես, Տէ՛ր:
13. Իրենց բերանի մեղքերի եւ շրթունքների խօսքերի համար թող Նրանք ընկղմուեն իրենց ամբարտաւանութեան մէջ եւ անէծքի ու ստութեան մատնուեն:
14. Բարկութեան ներգործութեամբ թող սպառնուեն ու անհետանան: Թող իմանան, որ Աստուած տիրում է Յակոբին ու երկրի բոլոր ծագերին:
15. Նրանք ետ կը դառնան երեկոյեան, քաղց կը զգան շների պէս եւ քաղաքի շուրջը կը պտտուեն:
16. Նրանք կը թափառեն ուտելու համար եւ, եթէ չկշտանան, կը տրտնջան:
17. Ես պիտի օրհնաբանեմ քեզ, Տէ՛ր, պիտի ցնծամ առաւօտեան քո ողորմութեամբ,
18. քանզի դո՛ւ եղար իմ պաշտպանն ու ապաստանը եւ նեղութեանս օրերի օգնականը:
19. Զեզ սաղմոս պիտի երգեմ, իմ ապաւէ՛ն Աստուած, իմ ողորմութեա՛ն Աստուած:

1. Այսուհետեւ անցած ժամանակների մասին ուսանելու համար.
2. արձանագիր սաղմոս Դաւթի, երբ նա հրի մատնեց Միջագետքն ու Սորոդի Ասորեստանը, իսկ ետ դառնալիս Յովաբն Աղի ձորում կոտորեց տասներկու հազար մարդ:
3. Աստուած, մեզ լքեցիր ու քարուքանդ արիր, բարկացար, բայց պիտի գթաս մեզ:
4. Տնեցցիր երկիրն ու խռովութեան մատնեցիր այն, բուժի՛ր նրա ստացած հարուածները, քանզի նա սասանուեց:
5. Զո ժողովրդին խստութիւն ցոյց տուիր եւ մեզ թմրութեան գինի խմեցրիր:
6. Երկիւղածներիդ նշան դու տուիր, որ փրկութիւն գտնեն աղեղից:
7. Ինչպէս որ քո սիրելիները փրկուեցին, այնպէս էլ քո աջով պահպանի՛ր եւ լսի՛ր մեզ:
8. Աստուած խօսեց իր սրբարանից. Ես պիտի ցնծամ ու բարձրանալով՝ բաժանեմ Սիւքեմը եւ վրանների հովիտը չափեմ:
9. Իմն է Գաղաադն ու իմն է Մանասէն, Եփրեմն իմ գլխի սաղաւարտն է:
10. Յուդան թագաւորս է, Մովաբը՝ յոյսիս աւազանը: Դեպի Եդոմէ պիտի ուղղեմ երթն իմ, քանզի այլազգիներն ինձ հնազանդուեցին:
11. Ո՞վ ինձ կը տանի բերդաքաղաք, կամ ո՞վ ինձ կ'առաջնորդի մինչեւ Եդոմէ,
12. եթէ ոչ դու, Աստուած, որ լքեցիր մեզ եւ մեր զօրքերի հետ չելար, Աստուած:
13. Նեղութեան մէջ օգնութիւն ցոյց տուր մեզ, քանզի ունայն է փրկութիւնը մարդու:
14. Աստուծով քաջութիւն կը գործենք, եւ նա կ'արհամարհի մեզ նեղողներին:

1. Այսուհետեւ՝ օրհնութեամբ սաղմոս Դաւթի
2. Լսի՛ր, Աստուա՛ծ, աղօթքն իմ, եւ ո՛ւշ դարձրու, Տէ՛ր, աղօթքիս:
3. Երկրի ծայրերից ես քեզ կանչեցի, երբ սիրտս յոգնեց:
4. Ժայռից բարձր պահեցիր ինձ, առաջնորդեցիր ինձ ու եղար իմ յոյսը, եւ թշնամու դէմ հզօր աշտարակ դարձար ինձ համար:
5. Ես յաւիտեան պիտի բնակուեմ քո խորանում ու թեւերիդ հովանու տակ պատսպարուեմ:
6. Դու, Աստուա՛ծ, աղօթքս լսեցիր եւ ժառանգութիւն տուիր քո անունից ակնածողներին:
7. Թագաւորի կեանքի տարիներին օրեր ակելացրիր, օրեր սերնդէ սերունդ:
8. Նա կայ եւ յաւիտեան կը մնայ Աստծու առջեւ. նաեւ նրանք, որոնք ողորմութիւն ու ճշմարտութիւն կը խնդրեն նրանից:
9. Այսպէս սաղմոս պիտի երգեմ քեզ յաւիտեանս յաւիտենից եւ օրըստօրէ աղօթք պիտի մատուցեմ:

1. Այսուհետեւ՝ Իդիթոմի մասին սաղմոս Դավթի
2. Միայն Աստծո՛ւն հնազանդ եղիր, հոգի՛ իմ, քանզի նրանից է փրկութիւնս:
3. Նա է Աստուածն իմ ու փրկիչն իմ, ապաւենն իմ, որ էլ չսասանուեմ:
4. Մինչեւ ե՞րբ ամենքդ պիտի յարձակուէք մարդու վրայ՝ կործանելու նրան թեքուած պարսպի ու խախտուած ցանկապատի պէս:
5. Նրանք ինձ պատուից զրկելու մասին էին մտածում միայն՝ տոչորուելով նախանձից: Իրենց բերանով օրհնում էին, բայց իրենց սրտով անիծում:
6. Սակայն իմ հոգին հնազանդ կը մնայ Աստծուն, քանզի նրանի՛ց է իմ համբերութիւնը:
7. Նա է Աստուածն իմ ու փրկիչն իմ, ապաւենն իմ, որ չսասանուեմ:
8. Աստծուց է զօրութիւնն ու փառքն իմ, Աստուած է օգնականն իմ եւ Աստծու վրայ է յոյսն իմ:
9. Ձեր յոյսը դրէ՛ք նրա վրայ, ժողովուրդների ո՛ղջ բազմութիւններ, բացէ՛ք նրա առջեւ սրտերը ձեր, քանզի Աստուած օգնականն է մեր յաւիտեանս յաւիտենից:
10. Հանգիստ
11. Սակայն ունայն են մարդկանց որդիները, սուտ են որդիները մարդկանց, իրենց կշռով անարդար ենեւ իրենք ամենքն էլ ունայնութեան մէջ են:
12. Յոյս մի՛ դրէք անիրաւութեան վրայ, յափշտակութիւն մի՛ ցանկանաք, եթէ հարստութիւնն առուի պէս իսկ հոսի, թող ձեր սրտերը չցանկանան:
13. Մի անգամ խօսեց Աստուած, եւ երկու անգամ լսեցինք այս բանը:
14. Աստծունն է զօրութիւնը, եւ քունն է, Տէ՛ր, ողորմութիւնը, դու ես հատուցում իւրաքանչիւրին ըստ իր գործերի:

1. Սաղմոս Դաւթի, մինչ նա գտնուում էր Հրեաստանի անապատում
2. Աստուած, Աստուած իմ, ես առաւօտից քեզ եմ դիմում. հոգիս ծարաւ է քեզ, առաւել եւս մարմինն իմ,
3. ինչպէս մի անապատ եւ անջուր երկիր, ուր ճամփայ չկայ: Այդպէս էլ պիտի երեւամ քո սրբարանում տեսնելու փառքդ եւ զօրութիւնդ,
4. քանզի ինձ համար քո ողորմութիւնն ակելի լաւ է, քան կեանքս, եւ շրթուքներն իմ պիտի գովեն քեզ:
5. Այսպէս իմ կեանքում քեզ պիտի օրհնեմ եւ քո անունով ձեռքս բարձրացնեմ:
6. Ասես պարարտ ճարպով պիտի յագենայ իմ հոգին, եւ բերանս ցնծալից շրթուքներով քե՛զ պիտի օրհնի:
7. Երբ քեզ յիշում էի իմ անկողնում, առաւօտեան կանուխ խօսում էի քեզ հետ:
8. Քանի որ դո՛ւ եղար իմ օգնականը, քո թելերի հովանու տակ ես պիտի ցնծամ:
9. Քեզ հետեւեց իմ հոգին, եւ աջդ ընդունեց ինձ:
10. Նրանք, որ ինձ իգուր հետապնդեցին, թող երկրի անդունդների խորքը մտնեն:
11. Թող սրի մատնուեն նրանք եւ աղուէսների բաժին դառնան:
12. Թագաւորը յոյսը դրեց Տիրոջ վրայ. թող պարծենան բոլոր նրանք, որ երդուում են նրանով. թող խցուեն բերանները նրանց, ովքեր անիրաւութիւն են խօսում:

1. Այսուհետեւ՝ սաղմոս Դաւթի
2. Աստուա՛ծ, երբ աղաչեմ քեզ, աղօթքս լսի՛ր, թշնամու սարսափից փրկի՛ր ինձ:
3. Թաքցրո՛ւ ինձ չարագործների ամբոխից եւ անօրէնութիւն գործողների բազմութիւնից:
4. Նրանք սուսերի պէս սրեցին իրենց լեզուները եւ իրենց աղեղները լարեցին դառն գործի համար,
5. որպէսզի գաղտագողի նետահարէն սրտով շիտակներին, յանկարծակի նետահարէն նրանց առանց երկիւղի:
6. Նրանք զօրացան իրենց չարախօսութեամբ, մտածեցին իմ դէմ որոգայթ լարել եւ ասացին. Տերը դա չի տեսնի:
7. Անօրէնութիւն փնտռեցին, յոգնեցին փնտռելուց ու քննելուց:
8. Թող մարդ մերձենայ իր սրտի խորութեամբ, եւ Աստուած թող բարձր լինի:
9. Մանուկների նետարձակումները խոցեցին նրանց, նրանց լեզուները տկարացան, եւ բոլոր նրանց տեսնողները պիտի խռովուեն:
10. Բոլոր մարդիկ վախեցան ու պատմեցին Աստծու գործերը եւ հասու եղան նրա արածներին:
11. Արդարը պիտի ուրախանայ Տիրոջով՝ յոյսը դնելով նրա վրայ. սրտով շիտակ բոլոր մարդիկ պիտի պարծենան նրանով:



1. Այսուհետեւ՝ սաղմոս Դաւթի. Երեմիայի, Եզեկիելի եւ Ժողովրդի օրհնութիւնը, երբ ուզում էին վերադառնալ պաւստոսութիւնից
2. Աստուած, քեզ վայել է օրհնութիւն Սիոնում, եւ քեզ աղօթք պիտի մատուցուի Երուսաղէմում:
3. Լսի՛ր աղօթքս, քանզի քեզ մօտ է գալու ամէն մարմին:
4. Անօրէնների խօսքերը ծանրացան մեզ վրայ, դո՛ւ պիտի քաւութիւն տաս մեր ամբարշտութիւններին:
5. Երանի նրանց, որոնց ընտրեցիր ու ընդունեցիր, որ բնակուեն քո գաւիթներում: Մենք պիտի յագենանք քո տան բարիքներից, սուրբ է քո տաճարը:
6. Սքանչելի արդարութեամբ լսի՛ր մեզ, Աստուած, փրկի՛չ մեր՝ յոյսը երկրի բոլոր ծագերի եւ հեռաւոր ծովաբնակների:
7. Նա, որ իր կարողութեամբ լեռներ է հաստատում եւ զօրութիւն է հագել:
8. Նա, որ ալեկոծում է ծովի ընդարձակութիւնը եւ ցածրացնում նրա ալիքների ձայնը:
9. Հեթանոսները պիտի խռովուեն, եւ երկրի բնակիչները պիտի սարսափեն քո նշաններից, այգաբացին ու երեկոյեան պիտի զուարճանան:
10. Նայեցիր երկրին, ջրով յագեցրիր այն եւ բազմացրիր նրա հարստութիւնը: Աստծու գէտը լցուեց ջրով. դու պատրաստեցիր նրա կերակուրը, քանզի այսպէս է պատրաստութիւնը.
11. դու ոռոգեցիր նրա ակօսն ու բազմացրիր նրա արմտիքը, քո ցօղը զուարթ պիտի դարձնի նրա բոյսը:
12. Տարուայ պսակը պիտի օրհնուի քո քաղցրութեամբ, դաշտերդ պարարտութեամբ պիտի լցուեն:
13. Անապատի գեղեցկութիւնները պիտի փթեն, բլուրները ցնծութեամբ պիտի զգեստաւորուեն:
14. Մաքիների խոյերը պիտի զուգուեն, հովիտներն առատ ցորեն պիտի բերեն, պիտի ցնծան ու օրհներգեն:

1. Այսուհետեւ՝ սաղմոս Դաւթի. յարութեան մասին
2. Աղաղակեցէ՛ք Աստծուն, բոլո՛ր երկրներ, սաղմո՛ս երգեցէ՛ք Նրա անուանը եւ փա՛ռք տուէ՛ք Նրա օրհնութեանը:
3. Ասացէ՛ք Աստծուն. Որքա՛ն ահեղ են քո գործերը. ի տես քո մեծ զօրութեանքո թշնամիները ստեցին քո դէմ:
4. Ողջ աշխարհը պիտի երկրպագի քեզ, սաղմոս պիտի երգի քեզ ու քո անուանը սաղմոս ձօնի:
5. Եկէ՛ք եւ տեսէ՛ք գործերն Աստծու, թէ որքան ահեղ են խորհուրդներով՝ քան գործերը մարդկանց բոլոր որդիների:
6. Նա էր, որ ծովը ցամաք դարձրեց, եւ մարդիկ ոտքով անցան գետի միջով:
7. Ահա պիտի ցնծանք Նրանով, որ յաւէտ տիրում է իր զօրութեամբ: Նրա աչքերը Նայում են հեթանոսներին, որոնք դառնացրին իրեն. թող Նրանք չպարծենան իրենց հոգում:
8. Օրհնեցէ՛ք, հեթանոսնե՛ր, մեր Աստծուն եւ լսելի՛ դարձրէ՛ք Նրա օրհնութեան ձայնը:
9. Նա իմ հոգին դարձրեց կեանքին եւ թոյլ չտուեց, որ ոտքերս դողան:
10. Զննեցիր մեզ, Աստուա՛ծ, ու փորձեցիր, ինչպէս արծաթն է փորձւում:
11. Մեզ որոգայթի մէջ գցեցիր, նեղութիւն դրիր մեր թիկունքին,
12. եւ մարդկանց անցկացրիր մեր գլխի վրայով: Մենք անցանք հրի ու ջրի միջով, բայց դու մեզ անդորր տուիր:
13. Չոհաբերութիւններով պիտի մտնեմ տունը քո եւ քեզ պիտի հատուցեմ իմ ուխտերը,
14. որ խոստացան քեզ իմ շրթունքները, եւ բերանն իմ խօսեց նեղութեան մէջ:
15. Պարարտ ողջակէզներ պիտի մատուցեմ քեզ՝ խոյներով ու խնկերով, քեզ պիտի մատուցեմ արջառներ ու նոխազներ:
16. Եկէ՛ք ու լսեցէ՛ք ինձ, Աստծու բոլո՛ր երկիւղածներ, որ ձեզ պատմեմ, թէ ինչ արեց Նա իմ անձի համար:
17. Ես Նրան դիմեցի իմ բերանով, եւ լեզուովս մեծարեցի Նրան:
18. Եթէ սրտումս մեղք տեսնէի, Տէրն ինձ չէր ունկնդրի:
19. Դրա համար Աստուած լսեց ինձ եւ ուշ դարձրեց իմ խնդրանքի ձայնին:
20. Օրհնեալ է Աստուած, որ չվանեց աղօթքն իմ, ոչ էլ ողորմութիւնն իր՝ ինձնից:

1. Այսուհետեւ՝ Դաւթի օրհնութեան սաղմոսը.
2. Աստուած, ողորմի՛ր մեզ եւ օրհնի՛ր, ցո՛յց տուր երեսդ եւ գթա՛ մեզ,
3. որպէսզի երկրի վրայ ճանաչեն ճանապարհը քո, եւ բոլոր ազգերի մէջ՝ փրկութիւնը քո:
4. Ժողովուրդները քեզ գոհութիւն պիտի մատուցեն, Աստուած,գոհութիւն պիտի մատուցեն քեզ բոլոր ժողովուրդները:
5. Պիտի ուրախանան ու ցնծան ազգերը, քանզի դու արդարութեամբ ես դատում ժողովուրդներին եւ երկրի ազգերին դու ես առաջնորդում:
6. Թող ժողովուրդները քեզ օրհնաբանեն, Աստուած, թող գոհութիւն մատուցեն քեզ բոլոր ժողովուրդները:
7. Երկիրը տունեց իր պտուղը, եւ Աստուած, Աստուածը մեր, օրհնեց մեզ:
8. Մեր Աստուածը պիտի օրհնի մեզ, եւ երկրի բոլոր ծագերում պիտի սոսկան նրանից:

1. Այսուհետեւ՝ սաղմոս Դաւթի
2. Թող ելի Աստուած, նրա բոլոր թշնամիները թող ցրուեն, ու նրան ատողները փախչեն իր առջեւից:
3. Ինչպէս ծուխն է ցնդում, այնպէս պիտի անհետանան նրանք. ինչպէս մոմն է հալում կրակի դիմաց, այնպէս էլ մեղաւորները պիտի կորչեն Աստծու երեսից:
4. Արդարները թող ուրախ լինեն, թող ցնծան նրա առջեւ եւ զուարճանան իրենց ուրախութեամբ:
5. Օրհնեցէ՛ք Աստծուն, սաղմո՛ւս երգեցէ՛ք նրա անուանը, ճանապարհի տուէ՛ք նրան, ով նստում է արեւմուտքում. եւ Տէր է անունը նրա: Թող մարդիկ ցնծան նրա առջեւ, եւ թող խոռովուեն նրա երեսից,
6. որ հայրն է որբերի ու դատաւորն այրիների՝ Աստուած իր սուրբ բնակարանում:
7. Աստուած բնակեցնում է միայնակներին տան մէջեւ իր քաջութեամբ ազատում գերեալներին ու դառնացած գերեզմանաբնակներին:
8. Աստուա՛ծ, երբ քայլեցիր քո ժողովրդի առջեւից, երբ անցար անապատով,
9. ցնցուեց երկիրը, եւ երկինքը ցոլ թափեց Սիւնայում՝ Աստծու շնորհիւ, Իսրայէլի Աստծու առջեւ:
10. Ցանկալի անձրեւ պատրաստեցիր, Աստուա՛ծ, քո ժառանգութեան համար, որը թէւ տկարացաւ, բայց դու ոտքի կանգնեցիր նրան:
11. Եւ քո ժողովուրդը պիտի բնակուի նրա մէջ: Աստուա՛ծ, քո քաղցրութեամբ պատրաստութիւն տեսար աղքատի համար:
12. Տէրը պատգամ պիտի տայ նրանց, ովքեր մեծ զօրութեամբ աւետիս են տալիս:
13. Սիրելիիդ զօրքերի թագաւո՛ր, քո տան գեղեցկութիւնը մատնուեց աւարի:
14. Թէկուզեւ ննջէ՛ք կալուածքների մէջ, արծաթապատ թելերով եւ ոսկեգոյն թիկնամէջով աղանի կը լինէ՛ք:
15. Երբ երկնաւորը թագաւորներին հաւաքի այնտեղ, նրանք ձեան պէս կը թափուեն Սաղմոնի լեռան վրայ:
16. Աստծու լեռը պարարտ լեռ է, հաստատուն լեռ եւ պարարտ լեռ:
17. Ո՛վ հպարտ լեռներ, ի՞նչ էք նախանձում այն լեռանը, որտեղ բարեհաճեց բնակուել Աստուած, եւ Տէրն իսկ բնակուելու է այնտեղ յաւիտեան:
18. Աստծու կառքերը բիւրապատիկ են՝ հազարաւոր կառավարներով, որոնց մէջ է Տէրն իր սուրբ Սիւնայից:
19. Նա ելաւ բարձունքներն ու գերեվարեց գերիներին. աւար առաւ, պարգեւներ բաշխեց ու տուեց մարդկանց որդիներին, որ թերահաւատներն անգամ բնակուեն այնտեղ:
20. Օրհնեալ է Տէր Աստուածը, օրհնեալ է Տէրն ամէն օր. Աստուած՝ փրկիչը մեր, պիտի առաջնորդի մեզ:
21. Աստուած մեր կենարար Աստուածն է, եւ Տիրոջ ձեռքում է ելքը մահուան:
22. Սակայն Աստուած պիտի փշրի մեր թշնամիների գլուխը եւ կարճամազ պիտի պահի նրանց, ովքեր ընթանում են իրենց անօրէնութեամբ:
23. Տէրն ասաց. Անդունդների խորքից ես պիտի վերադարձնեմ եւ ժանիքների միջից դուրս կորզեմ նրան:
24. Այնպէս որ ոտքդ արեան մէջ թրջուի, եւ քո շների լեզուները թրջուեն թշնամիներիդ արիւնից:
25. Երեւաց քո երթն, Աստուա՛ծ, Աստծու՝ մեր սուրբ թագաւորի երթը:
26. Իշխաններն առաջ անցան օրհնութիւն մատուցելու կոյսերի եւ գովերգուների մէջ:
27. Խմբովին օրհնեցէ՛ք Աստծուն, Տիրոջը՝ Իսրայէլի աղբիւրների կողմից:
28. Այնտեղ են Բենիամին զարմանահրաշ մանուկը, Յուդայի երկրի առաջնորդ իշխանները եւ Չաբուղոնի ու Նեփթաղիմի իշխանները:
29. Հրամայի՛ր, Աստուա՛ծ, քո զօրութեամբ, զօրացրո՛ւ այն, ինչ հաստատեցիր մեր մէջ:

30. Երուսաղէմի քո տաճարից թագաւորները թող ընծաներ մատուցեն:
31. Սաստի՛ր եղեգնուտի գազանին՝ ցուլերի ու երինջների երամակներով հանդերձ: Թող արհամարհուեն նրանք, ովքեր ընտրուել են արծաթով: Տրի՛ր հեթանոսներին ու պատերազմ կամեցողներին:
32. Եգիպտոսից պատգամաւորներ պիտի գան, եւ հնդիկներն աւելի առաջ ձեռք պիտի մեկնեն Աստծուն:
33. Աշխարհի՛ թագաւորութիւններ, օրհնեցէ՛ք Աստծուն, եւ սաղմո՛ս երգեցէք Տիրոջը:
34. Ճանապա՛րհ բացէք նրա համար, ով նստում է երկինքների երկնքում, արեւելեան կողմում: Ահա նա ձայն պիտի տայ, ձայնն իր զօրութեան:
35. Փա՛ռք տուէք Աստծուն. նրա մեծ վայելչութիւնն Իսրայէլի վրայ է, իսկ զօրութիւնը հասնում է մինչեւ երկնքի ամպերը:
36. Սքանչելի է Աստուած իր սրբերի մէջ. նա Աստուածն է Իսրայէլի, որ իր ժողովրդին հաստատ զօրութիւն պիտի տայ. օրհնեալ է Աստուած:

1. Այսուհետեւ՝ անցած ժամանակների մասին սաղմոս Դավթի
2. Փրկի՛ր ինձ, Աստուա՛ծ, քանզի ջրերը հասան իմ անձին, ես ընկղմուեցի խոր անդնդի մեջ, որտեղ ինձ համար հանգիստ չկայ:
3. Մտայ ես խորքերը ծովի, եւ յորձանքներն ինձ ընկղմեցին:
4. Ես յոգնեցի աղաղակելուց, կոկորդն իմ կերկերաց, եւ աչքերս նուաղեցին քեզ վրայ յոյս դնելուց, Տէ՛ր իմ Աստուած:
5. Գլխիս մազերից շատ եղան նրանք, ովքեր յանիրաւի ատում էին ինձ, թշնամիներս եւ ինձ իզուր ատողները զօրացան ինձնից աւելի, իմ չափշտակած բաների համար ես վճարեցի նրանց:
6. Աստուա՛ծ, դու իմացար անմտութիւնն իմ, եւ յանցանքներս չծածկուեցին քեզնից:
7. Թող իմ պատճառով չամաչեն քեզ սպասողները, Տէ՛ր, զօրութիւնների՝ Տեր. թող իմ պատճառով չամաչեն քեզ փնտռողները, Աստուա՛ծ Իսրայելի:
8. Քեզ համար նախատինք հանդուրժեցի, եւ ամօթը ծածկեց երեսն իմ:
9. Եղբայրներիս համար ես օտար եղայ, եւ մօրս որդիների համար՝ հիւր:
10. Զո տան նախանձախնդրութիւնն ինձ կերաւ, եւ նախատողներիդ նախատինքն ընկաւ ինձ վրայ:
11. Ծոմապահութեամբ խոնարհեցրի ինձ, եւ դա ինձ համար նախատինք եղաւ:
12. Զուրծն ինձ հագուստ դարձրի, եւ նրանց համար ծաղրութեանակի առարկայ եղայ:
13. Ինձ չարախօսում էին դռանը նստողները, գինի խմողները ծաղրում էին ինձ: Ընդունելի ժամին ես աղօթում էի քեզ, Տէ՛ր: Լսի՛ր ինձ, Աստուա՛ծ, քո առատ ողորմութեամբ, քո փրկութեան ճշմարտութեամբ:
14. Ազատի՛ր ինձ ցեխից, որ չխրուեմ եւ փրկուեմ իմ ատելիներից ու խոր ջրերից:
15. Ջրերի յորձանքները թող չկլանեն ինձ, եւ անդունդներն ինձ թող չընկղմեն, ոչ էլ ջրհորն ինձ վրայ բերանն իր փակի:
16. Լսի՛ր ինձ, Տէ՛ր, քանզի քաղցր է ողորմութիւնը քո, նայի՛ր ինձ քո գթառատութեամբ:
17. Եւ մի՛ շրջիր երեսդ քո ծառայից, փութով լսի՛ր ինձ, քանզի նեղութեան մեջ եմ ես:
18. Հայեացքդ դարձրո՛ւ ինձ վրայ ու փրկի՛ր ինձ, եւ իմ թշնամիներից ինձ պահպանի՛ր:
19. Դու գիտես իմ կրած նախատինքն ու ամօթը եւ խայտառակութիւնն իմ:
20. Զո առջեւ են բոլոր ինձ նեղողները: Սիրտս համբերեց նախատինքների եւ թշուառութեան: Սպասում էի, թէ ո՞վ ինձ արդեօք պիտի վշտակցեր, բայց ոչ ոք չկար, եւ ինձ համար մխիթարիչ չգտնուեց:
21. Կերակրի տեղ ինձ լեղի տուին, եւ ծարաւելիս քացախ խմեցրին:
22. Թող նրանց սեղաններն իրենց առջեւ դառնան որոգայթ, պատիժ ու գայթակղութիւն:
23. Թող նրանց աչքերը խաւարեն, որպէսզի չտեսնեն, եւ նրանց թիկունքը միշտ ծռա՛ծ պահիր:
24. Նրանց վրայ թափի՛ր քո գայրոյթը, եւ քո բարկութեան սաստկութիւնը թող հարուածի նրանց:
25. Նրանց բնակավայրերը թող աւերակ դառնան, եւ նրանց յարկերի տակ ոչ ոք չապրի:
26. Եւ քանզի ում որ դու հարուածեցիր՝ նրանք հալածեցին, եւ իմ վերքերին ցաւեր աւելացրին:
27. Նրանց մեղքերին մեղքե՛ր գումարիր, որպէսզի մուտք չունենան քո արդարութեան մեջ:
28. Թող նրանք ջնջուեն կեանքի քո մատեանից, եւ քո արդարների շարքում չարձանագրուեն:
29. Աղքատ ու վշտացած եմ ես. թող քո պարգեւած փրկութիւնն, Աստուա՛ծ, ինձ բռնած պահի:
30. Օրինութեամբ պիտի օրհնեմ անունն իմ Աստծու, եւ գովաբանութեամբ պիտի մեծարեմ նրան:
31. Դա հաճելի կը լինի Աստծուն՝ մատաղացու հորթից աւելի, որ եղջիւրներ ու

կճղակներ ունի:

32. Աղքատները կը տեսնեն ու կ'ուրախանան. փնտռեցէ՛ք Աստծուն, եւ ձեր հոգիները կը փրկուեն,

33. քանզի Տէրը լսեց տնանկներին, եւ իր գերեալներին չարհամարիեց:

34. Թող նրան օրհնեն երկինքն ու երկիրը եւ ծովն իր մէջ վխտացող բոլոր կենդանի էակներով:

35. Աստուած կը փրկի Սիոնը, եւ Հրեաստանի քաղաքները կը ծաղկեն: Մարդիկ կը կառուցեն, կը բնակեցնեն ու կը ժառանգեն այն:

36. Քո ծառաների սերունդները կը հաստատուեն այնտեղ, եւ քո անունը սիրողները կը բնակուեն նրա մէջ:

1. Այսուհետեւ՝ սաղմոս Դաւթի ի յիշատակ այն բանի, որ Տէրը փրկեց Նրան
2. Աստուած, ինձ օգնութեան հասիր. Տէ՛ր, փութա՛ւ ընկերակցել ինձ:
3. Թող խայտառակուեն ու ամօթահար լինեն ինձ հետապնդողները, թող ետ դառնան ու անարգուեն իմ մասին չար խորհողները:
4. Թող խայտառակուած ընկրկեն Նրանք, ովքեր ինձ վա՛շ վա՛շ էին ասում:
5. Թող ցնծան եւ քեզնով ուրախանան բոլոր Նրանք, ովքեր փնտռում են քեզ, Տէ՛ր: Քո պարգեւած փրկութիւնը սիրողները թող միշտ ասեն. Մե՛ծ է Աստուած:
6. Ես աղքատ եւ տնանկ եմ, Աստուած, օգնի՛ր ինձ. օգնականն ու փրկիչն իմ դո՛ւ ես. Տէ՛ր իմ, մի՛ ուշացիր:



1. Այսուհետեւ՝ սաղմոս Դաւթի, Յոնադաբի որդիներից եւ առաջին գերութիւնից
2. Տէ՛ր, յոյս քեզ վրայ դրի, թող յաւետ ամօթով չմնամ, քո արդարութեամբ ինձ փրկի՛ր ու պահպանի՛ր: Ականջդ մօտեցրո՛ւ ինձ եւ ազատի՛ր ինձ:
3. Ինձ համար ապաւեն եւ ամուր վա՛յր եղիր, Աստուա՛ծ, որ ինձ փրկես, քանզի իմ հիմքն ու յենարանը դու ես:
4. Աստուա՛ծ իմ, փրկի՛ր ինձ մեղաւորի ձեռքից, անօրէնի եւ անիրաւի ձեռքից:
5. Դու ես իմ ակնկալութիւնը, Տէ՛ր. Տէ՛ր, դո՛ւ ես իմ յոյսը մանկութիւնիցս ի վեր:
6. Քե՛զ կռուան ունեցայ ես արգանդից, մօրս որովայնից դո՛ւ ես իմ ապաւենը, եւ յարաժամ քեզնի՛ց է իմ օգնութիւնը:
7. Ես շատերի համար ծաղր դարձայ, բայց դու իմ օգնականն ու քաջալերողը եղար:
8. Բերանս թող գովաբանութեամբ լցուի, որ օրհնեմ փառքը քո եւ յաւիտեան՝ քո մեծ վայելչութիւնը:
9. Ծերութեան ժամանակ ինձ մի՛ վանիր, Տէ՛ր. երբ ուժս պակասի՝ դու ինձ մի՛ լքիր:
10. Թշնամիներս իմ մասին խօսեցինեւ ինձ պաշարողները միասին խորհուրդ արեցին ու ասացին.
11. Աստուած լքել է նրան, հալածենք նրան ու հասնենք նրա վրայ, քանզի չկայ մէկը, որ նրան փրկի:
12. Աստուա՛ծ իմ, հեռու մի՛ մնա ինձնից, եւ ինձ օգնութեա՛ն հասիր, Աստուա՛ծ:
13. Թող ամաչեն ու կորստեան մատնուեն ինձ չարախօսողները, թող ամօթանք ու խայտառակութիւն կրեն իմ դէմ չար խորհողները:
14. Ես յարաժամ պիտի յուսամ եւ աւելի ու աւելի պիտի օրհնեմ քեզ:
15. Բերանս պիտի պատմի քո արդարութիւնն ու ամեն օր՝ քո գովքը, եւ ես մատենաւում արձանագրուած դրանց թիւը չպիտի խարդախեմ:
16. Ես պիտի մտնեմ Տիրոջ զօրութեան տակեւ պիտի յիշեմ քո արդարութիւնը միայն, Տէ՛ր:
17. Աստուա՛ծ իմ, ինձ սովորեցրիր մանկութիւնից ի վեր, եւ այժմ էլ քո արդարութիւնը պիտի պատմեմ:
18. Մինչեւ իմ ալեւորութիւնն ու ծերութիւնը ինձ մի՛ լքիր, Աստուա՛ծ իմ, մինչեւ որ գալիք բոլոր սերունդներին պատմուի ուժը քո բազկի: Քո զօրութիւնն ու արդարութիւնը հասնում են մինչեւ բարձունքները,
19. Նոյնպէս եւ քո մեծամեծ գործերը, ո՛վ Աստուած. ո՞վ է քեզ նման:
20. Որքան էլ որ բազում նեղութիւն եւ չարչարանք ցոյց տուիր ինձ, դարձեալ մխիթարեցիր ինձ եւ հանեցիր երկրի խոր անդունդներից:
21. Բազմապատկեցիր քո զօրութիւնը, դարձեալ մխիթարեցիր ինձ եւ մի անգամ եւս հանեցիր երկրի խոր անդունդներից:
22. Եւ արդ, սաղմոսերգութեամբ գոհութիւն պիտի մատուցեմ քեզ, ճշմարիտդ Աստուած. պիտի օրհնութեամբ սաղմոս երգեմ քեզ, ո՛վ սուրբդ Իսրայէլի:
23. Երբ քեզ սաղմոս երգեմ, պիտի ցնծան շրթունքներն իմ, եւ իմ հոգին, որը դո՛ւ փրկեցիր:
24. Ու լեզուս ամեն օր քո արդարութունից պիտի խօսի: Իր ժամանակին պիտի խայտառակուեն ու ամօթահար լինեն իմ մասին չար խորհողները:

1. Սաղմոս Սողոմոնի համար.
2. Աստուած, դատաստանդ արքայի՛ն տուր, եւ արդարութիւնդ՝ թագաւորի որդո՛ւն, որ քո ժողովրդին արդարութեամբ դատի ու քո աղքատների իրաւունքը պահի:
3. Լեռները խաղաղութիւն կը բերեն ժողովրդին, եւ բլուրներն՝ արդարութիւն:
4. Թող արքան իրաւունք տայ ժողովրդի աղքատներին, պահպանի տնանկների որդիներին, եւ ընկճի ամբարտաւաններին:
5. Նա թող ապրի ու մնայ որքան որ արեւը լինի, լուսնից առաջ, սերնդից սերունդ:
6. Նա թող իջնի որպէս անձրեւ հնձած խոտի վրայեւ որպէս ցօղ՝ երկրի վրայ:
7. Նրա օրօք արդարութիւն եւ մեծ խաղաղութիւն թող տիրի, մինչեւ լուսնի վախճանը:
8. Նա թող իշխի ծովից մինչեւ ծով, եւ գետերից մինչեւ ծագերն աշխարհի:
9. Հնդիկները ծնկի թող գան նրա առջեւ, եւ նրա թշնամիները հող ուտեն:
10. Թարսիսի եւ կղզիների թագաւորները նուէրներ թող մատուցեն նրան, Արաբիայի եւ Սաբայի արքաներն ընծաներ թող բերեն նրան:
11. Աշխարհի բոլոր թագաւորները թող խոնարհուեն նրա առաջ, եւ բոլոր ազգերը թող ծառայեն նրան,
12. քանզի հզօրի ձեռքից նա փրկեց աղքատին՝ աղքատին ու տնանկին, որոնք օգնական չունեն:
13. Նա կը խղճայ աղքատին ու տնանկին, եւ տնանկների հոգին կը փրկի:
14. Չար վաշխառուներից կ'ազատի նրանց: Նրա անունը փառաւոր է նրանց առաջ:
15. Նա կ'ապրի, եւ արաբների ոսկին նրան պիտի տրուի: Ամէն ժամ աղօթքի կը կանգնեն նրա առջեւ եւ գիշեր-ցերեկ կ'օրհնեն նրան:
16. Ամբողջ երկրում եւ լեռների գագաթներին հաստատութիւն կը տիրի: Նրա բերքի առատութիւնը Լիբանանից աւելի բարձր կը լինի, Տիրոջ քաղաքում նա կը ծաղկի երկրի խոտի նման:
17. Տիրոջ անունը կ'օրհնուի յաւիտեան, քանզի արեւից հին է անունը նրա: Աշխարհի բոլոր ազգերը կ'օրհնեն նրան, եւ բոլոր ժողովուրդները երանի կը տան նրան:
18. Օրհնեալ է Իսրայէլի Տէր Աստուածը, որ միայն ինքն է սքանչելիքներ գործում:
19. Եւ օրհնեալ է յաւիտեան սուրբ անունը նրա փառքի, թող նրա փառքով ողջ երկիրը լցուի. թող լինի, թող լինի:

1. Որքա՛ն բարի է Աստուած Իսրայելի համարեւ սրտով շիտակների համար:
2. Բայց ոտքերս քիչ մնաց, որ սասանուէին, մի փոքր եւս՝ եւ քայլերս պիտի մոլորուէին:
3. Նախանձեցի ես անօրէններին՝ մեղաւորների խաղաղութիւնը տեսնելով:
4. Նրանք մահուան տագնապ չունեն: Սովորական են տանջանքները նրանց:
5. Մարդկանց տքնութիւնը չեն կրում նրանք, եւ մարդկանց պէս չեն տանջւում:
6. Դրա համար ամբարտաւանութիւնը պատեց նրանց, եւ նրանք համակուեցին իրենց ամբարշտութեամբ ու անիրաւութեամբ:
7. Նրանց անիրաւութիւնները կարծես ճարպից են դուրս գալիս, քանզի նրանք իրենց սրտի խորհրդով են շարժւում:
8. Չարամտօրէն մտածեցին ու խօսեցին եւ մեծամտութեամբ ապիրատութիւն խորհեցին:
9. Բերաններն իրենց ուղղեցին երկնքին, եւ լեզուները երկրով մէկ քարշ տուին:
10. Դրա համար ժողովուրդն իմ պիտի վերադառնայ այստեղ, եւ իմ օրերը լեցուն պիտի անցնեն նրանց հետ:
11. Ասացին՝ Ինչպէ՞ս իմացաւ Աստուած, կամ Կա՞յ արդեօք իմացութիւն Բարձրեալի մօտ:
12. Ահա մեղաւոր են, եւ սակայն բարգաւաճում են նրանք, կան եւ ունեն հարստութիւնն աշխարհի:
13. Ասացի՝ Իզուր ուրեմն արդար դարձրի սիրտն իմ, եւ ձեռքերս սրբութեամբ լուացի:
14. Գիշեր-ցերեկ ես խոշտանգուած էի, եւ առաւօտները կշտամբանք կրեցի:
15. Թեպէտ ես ասում էի, թե՛ եթէ այսպէս պատմեմ, դիմացս պիտի գտնեմ քո որդիների սերնդին, որոնց ուխտ արեցի:
16. Բայց հասկացայ, որ սա եւս դժուար է ինձ համար,
17. մինչեւ մտնեմ Աստծու սրբարանը եւ իմանամ նրանց վախճանը:
18. Բայց դու նրանց տարագիր կ'անես իրենց նենգութեան համարեւ կը կործանես նրանց իրենց ամբարտաւանութեան մէջ:
19. Իսկ ինչպէ՞ս նրանք յանկարծակի աւերակ դարձան, կործանուեցին, սպառուեցին ու անհետացան իրենց անօրէնութեան համար
20. եւ եղան ինչպէս քնից արթնացող մարդու երագ: Տէ՛ր, դու, արթնանալով, պիտի անարգես նրանց երագի պատկերը:
21. քանզի հուր բորբոքուեց իմ սրտում, եւ երիկամներս գունափոխուեցին:
22. Ես արհամարհուած եղայ ու չիմացայ այդ, քո առջեւ անասուն համարուեցի:
23. Բայց ես միշտ քեզ հետ եմ. դու բռնեցիր իմ աջ ձեռքից,
24. քո խորհուրդներով ինձ առաջնորդեցիր եւ փառքով ընդունեցիր ինձ:
25. Արդարեւ, ինձ համար ի՞նչ կայ երկնքում, կամ քեզնից բացի ի՞նչ փնտռեմ երկրի վրայ:
26. Սիրտս ու մարմինս մաշուեցին, իմ սրտի՛ Աստուած, յաւիտեան ինձ բաժի՛ն ընկած Աստուած:
27. Ահաւասիկ իրենց անձը քեզնից հեռացնողները պիտի կորչեն, դու պիտի կործանես բոլոր նրանց, ովքեր ապստամբեցին քո դէմ:
28. Ինձ համար բարիք է մերձենալ Աստծուն, յոյսս դնել Տիրոջ վրայ եւ աւետել քո ամբողջ օրհնութիւնը Սիոնի դստեր դռների առաջ:

1. Աստուած, ինչո՞ւ մերժեցիր ընդմիշտ, եւ զայրոյթդ սաստկացաւ քո արօտի ոչխարների վրայ:
2. Յիշի՛ր քո ժողովրդին, որ սկզբից ստացար, եւ փրկեցիր քեզ վիճակուած ժառանգութիւնը՝ լեռն այս Սիոնի, որտեղ դու բնակուեցիր:
3. Նրանց ամբարտաւանութեան վրայ բարձրացրո՛ւ քո ձեռքն ընդմիշտ, քանզի թշնամին անիրաւութիւն գործեց քո սրբարանում:
4. Թեզ ատողները պարծեցան իրենց բարօրութեամբ, նշաններն իրենց իբրեւ զինանշան դրին մուտքին,
5. բայց իրենք չհասկացան, որ վերից է ելլը:
6. Ինչպէս անտառի փայտահատներ, կացիներով ջարդեցին դռները նրա, տապարներով ու մուրճերով կործանեցին այն:
7. Հրի մատներին քո սրբարանը, եւ հողին հաւասարեցրին քո անուան խորանը:
8. Նրանց ազգակիցներն իրենց սրտում միասնաբար ասացին. Եկեք վերացնենք Աստծու բոլոր տօներն երկրի երեսից:
9. Նշաններ մենք չտեսանք, այլեւս մարգարէ չմնաց, եւ ոչ ոք մեզ չի ճանաչում:
10. Մինչեւ ե՞րբ, Աստուած, թշնամին պիտի նախատի եւ հակառակորդն անարգի սուրբ անունդ:
11. Ինչո՞ւ ես ետ քաշում քո ձեռքը, եւ քո աջը ծոցիդ մէջ է ընդմիշտ:
12. Աստուած, դու մեր թագաւորն ես յաւիտենութիւնից ի վեր, դու, որ փրկութիւն գործեցիր երկրի վրայ:
13. Դու քո գօրութեամբ ծովը հաստատեցիր, եւ վիշապների գլուխը խորտակեցիր ջրերում:
14. Դու վիշապի գլուխը փշրեցիր եւ որպէս կերակուր տուիր հնդիկների գօրքերին:
15. Դու աղբիւրներ ու վտակներ բխեցրիր, եւ անցամաքելի գետեր ցամաքեցրիր:
16. Քոնն է ցերեկը, եւ քոնն է գիշերը, լոյսն ու արեւը դո՛ւ հաստատեցիր:
17. Դո՛ւ հաստատեցիր երկրի բոլոր սահմանները, գարունն ու ամառը դո՛ւ ստեղծեցիր:
18. Յիշի՛ր այս. թշնամին նախատեց Տիրոջը, անզգամ ժողովուրդն անարգեց քո սուրբ անունը:
19. Թեզ խոստովանողին մի՛ մատնիր գազաններին, եւ քո տնանկներին մի՛ մոռացիր երբեք:
20. Նայի՛ր քո ուխտին, քանզի ապշահարների տները երկրի վրայ լցուեցին անիրաւութեամբ:
21. Թող խեղճն ամօթով ետ չդառնայ, եւ աղքատն ու տնանկը թող օրհնեն սուրբ անունդ:
22. Ելի՛ր, Աստուած, եւ կատարի՛ր դատաստանդ, յիշի՛ր անզգամի ամենօրեայ նախատիկքը:
23. Մի՛ մոռացիր պաշտօնեաներիդ ձայնը. քեզ ատողների ամբարտաւանութիւնն անընդհատ պիտի աճի:

1. Այսուհետեւ՝ մի՛ ապականիր. Ասափի օրհներգութեան սաղմոսը
2. Գոհութիւն մատուցենք քեզ, Աստուած, գոհութիւն մատուցենք եւ տանք քո անունը:
3. Ես պիտի պատմեմ քո բոլոր հրաշագործութիւնները. երբ ժամը հասնի՝ ճշմարիտ դատաստան պիտի տեսնեմ:
4. Մաշուեցին երկիրն ու նրա բոլոր բնակիչները, ես հաստատեցի նրա սիւները:
5. Անօրէններին ասացի, թէ՛ անօրէնութիւն մի՛ գործէք, մեղաւորներին, թէ՛ մի՛ ցցէք ձեր կոտորները:
6. Ձեր կոտորները վեր մի՛ տնկէք, եւ Աստծու մասին անիրաւաբար մի՛ խօսէք:
7. Մեծութիւնը գալիս է ո՛չ արեւելքից, ո՛չ արեւմուտքից, ո՛չ էլ լեռների անապատից,
8. այլ Աստուած է դատաւոր, որ ցածրացնում է մէկին եւ միւսին՝ բարձրացնում:
9. Տիրոջ ձեռքի բաժակը լի է անապակ գինով, որ մատուցում է սրան ու նրան: Սակայն նրա մրուրը չի պակասի, եւ երկրի բոլոր մեղաւորները կը խմեն այն:
10. Ես պիտի ցնծամ յաւիտեան, սաղմոս պիտի երգեմ Յակոբի Աստծուն:
11. Մեղաւորների բոլոր եղջիւրները դու պիտի փշրես, եւ արդարի եղջիւրը պիտի բարձրանայ:

1. Այսուհետեւ՝ Ասափի օրհնութեան սաղմոսը. երգ ասորեստանցիների մասին
2. Աստուած յայտնի է Հրեաստանում, եւ Իսրայէլում մեծ է անունը Նրա:
3. Նրա տեղը խաղաղութեան մէջ է, եւ Նրա բնակութիւնը՝ Սիոնում:
4. Այնտեղ խորտակեց Տէրն աղեղի զօրութիւնը եւ զէնքը, սուրն ու ճակատամարտը:
5. Դու սքանչելի լուսատուն ես յաւերժական լեռների:
6. Բոլոր անմիտ սիրտ ունեցողները պիտի խռովուեն, պիտի ննջեն եւ ոչինչ պիտի չգտնեն. բոլոր մարդիկ, որոնց ձեռքում հարստութիւն կար, ննջեցին եւ ոչինչ չգտան:
7. Յակոբի Աստուած, քո սաստից քուն մտան Նաեւ ծի հեծնողները:
8. Դու ահաւոր ես, եւ ո՞վ կարող է կանգնել քո առջեւ:
9. Երբ երեւացիր դու երկնքից՝ յայտնուեց քո բարկութիւնը:
10. Երկիրը սարսափեց ու դողաց, երբ Աստուած ելաւ դատաստան տեսնելու, փրկելու աշխարհի բոլոր հեզերին:
11. Մարդկանց խորհուրդները պիտի խոստովանեն քեզ, եւ իմաստութեամբ ծածկուածները պիտի օրհնեն քեզ:
12. Ո՛ւխտ դրեք եւ կատարեցէ՛ք այն մեր Տէր Աստծու համար, ամէնքդ՝ որ շուրջն էք Նրա:
13. Ընծանե՛ր մատուցեցէք Ահաւորին, Նրան, որ քաղում է հոգիներն իշխանների. ահաւոր է Նա աշխարհի բոլոր թագաւորներից աւելի:

1. Այսուհետեւ՝ Իդիթումի մասին. սաղմոս Ասափի
2. Իմ ձայնով ես Տիրոջը դիմեցի, իմ ձայնով դիմեցի Աստծուն, եւ նա նայեց ինձ:
3. Նեղութեանս օրերին Աստծուն փնտռեցի՝ ձեռքերս գիշերով պարզած նրա առջեւ, եւ չխաբուեցի:
4. Հոգիս չէր ուզում մխիթարուել: Յիշեցի Աստծուն եւ ուրախացայ, իսկ երբ հառաչում էի, նուազում էր հոգիս իմ մէջ: Հանգիստ:
5. Աչքերն իմ բաց մնացին գիշերուայ պահին, խռովուեցի ու չխօսեցի:
6. Խորհեցի հին օրերի մասին, եւ վաղնջական տարիները յիշեցի:
7. Գիշերը սրտիս հետ խօսեցի, հառաչելիս տառապում էր հոգիս իմ մէջ:
8. Միթէ յաւետ մերժելո՞ւ է Տէրն ինձ, եւ այլեւս չի՞ շարունակելու բարեհաճ լինել:
9. Կամ ընդմիջտ գրկելու է ինձ իր ողորմութիւնից, եւ դադարեցնելո՞ւ է խօսքն իր սերնդից սերունդ:
10. Կամ այլեւս մոռանալո՞ւ է Աստուած գթալ ինձ, եւ բարկութեամբ մերժելո՞ւ է գթութիւնն իր: Հանգիստ:
11. Ասացի. Այժմ հասկացայ. սա է նորացած աջը Բարձրեալի:
12. Յիշեցի գործերը Տիրոջ, սկզբից յիշեցի սքանչելագործութիւնները նրա:
13. Մտաբերեցի գործերը քո բոլոր, եւ քո ձեռակերտների մասին խորհեցի:
14. Աստուա՛ծ, քո ճանապարհները սրբութեան մէջ են. ո՞ր աստուածն է մեծ՝ մեր Աստծու նման:
15. Դու ես հրաշագործ Աստուածը. զօրութիւնդ ցոյց տուիր քո ժողովրդին:
16. Բազկովդ փրկեցիր քո ժողովրդին՝ Յակոբի եւ Յովսէփի որդիներին: Հանգիստ:
17. Զեզ տեսան ջրերն, Աստուա՛ծ, տեսան քեզ ջրերն ու սոսկացին, եւ անդունդները խռովուեցին յորդառատ ջրերի ձայնից:
18. Ամպերը ձայն տուին, ուստի եւ քո նետերը սլացան քո անուի որոտման ձայնից:
19. Երեւացին քո փայլակները տիեզերքի, եւ երկիրը խռովուեց ու դողաց:
20. Զո ճանապարհները ծովում են, շաւիղներդ՝ յորդառատ ջրերում, եւ քո հետքերը չեն երեւում:
21. Զո ժողովրդին ոչխարների պէս առաջնորդեցիր Մովսէսի եւ Ահարոնի ձեռքով:

1. Ժողովուրդներ, ո՛ւնչ դարձրեք իմ օրենքներին, եւ մօտեցրե՛ք ձեր ականջները բերանիս խօսքերին:
2. Առական պիտի բացեմ բերանս իմ, սկզբից եւեթ առականերով պիտի խօսեմ,
3. ինչպէս լսեցինք ու իմացանք դրանք, եւ ինչպէս մեր հայրերը պատմեցին մեզ:
4. Մենք ոչինչ չթաքցրինք նրանց որդիներից, միւս սերնդին պատմեցինք օրհնութիւնն ու զօրութիւնը Տիրոջեւ այն սքանչելագործութիւնները, որ նա արեց:
5. Յակոբի համար հաստատեց իր վկայութիւնը, եւ օրենքներ դրեց Իսրայելի վրայ, մէկ անգամ ընդմիշտ պատուիրելով մեր հայրերին, որ նրանք այդ բոլորը ցոյց տան իրենց որդիներին, որ սովորեցնեն միւս սերնդին:
6. Որդիները, որ ծնուելու են, պիտի ելնեն եւ պատմեն դա իրենց զաւակներին,
7. որպէսզի իրենց յոյսը դնեն Աստծու վրայեւ չմոռանան Աստծու գործերը՝ հետեւելով նրա պատուիրաններին,
8. որ իրենց հայրերի պէս չար եւ դառնացող ազգ չլինեն, ազգ՝ որ չուղղեց սիրտն իր, եւ իր հոգին չհաստատեց Աստծու վրայ:
9. Եփրեմի որդիները ուժեղ աղեղնաւորներ էին, բայց պատերազմի օրը իրենց կապարճները ետ դարձրին. նրանք չմնացին Տիրոջ ուխտի մէջեւ չուզեցին ընթանալ ըստ նրա օրենքների:
10. Մոռացան նրա երախտիքներն ու այն սքանչելագործութիւնները,
11. որ գործեց նրանց հայրերի առջեւ, եգիպտացիների երկրում եւ Տայանի դաշտում:
12. Նա ճեղքեց ծովը եւ անցկացրեց նրանց, ջրերը պահեց ինչպէս տիկերի մէջ:
13. Ցերեկն ամպով առաջնորդեց նրանց, իսկ ողջ գիշեր՝ հրեղէն լոյսով:
14. Պատռեց ժայռն անապատում, եւ նրանց խմեցրեց ինչպէս մեծ անդնդից:
15. Ժայռից ջուր բխեցրեց, եւ ջրերն հոսեցրեց գետերի պէս:
16. Սակայն նրանք շարունակեցին մեղանչել, եւ անլի եւս բարկացրին Բարձրեալին անապատում:
17. Փորձեցին Աստծուն իրենց սրտերում՝ կերակուր խնդրելով իրենց համար:
18. Տրտնջացին Աստծուց ու ասացին. Միթէ Աստուած կարո՞ղ է սեղան պատրաստել անապատում:
19. Ճիշտ է, որ նա հարուածեց ժայռին, եւ ջրեր հոսեցին ու վտակներ բխեցին դրանից: Բայց կարո՞ղ է նաեւ հաց տալ մեզ կամ իր ժողովրդի համար սեղան պատրաստել:
20. Դրա համար էլ Տէրը լսեց այս ու յապաղեց. հուր բորբոքուեց Յակոբի սերնդի մէջ, եւ բարկութիւն իջաւ Իսրայելի վրայ:
21. Նրանք Աստծուն չհաւատացին ու յոյս չդրին նրա փրկութեան վրայ:
22. Տէրը վերելից հրաման տուեց ամպերին ու բացեց դռները երկնքի:
23. Եւ մանանայ տեղացրեց նրանց վրայ որպէս կերակուր:
24. Երկնքի հացը տուեց նրանց, մարդիկ հրեշտակների հացը կերան. եւ նա լիովի ուտելիք իջեցրեց նրանց համար:
25. Հանեց հարաւի հողմը, եւ իր զօրութեամբ բերեց հիւսիսի կողմը:
26. Նրանց վրայ հողի պէս միս տեղացրեց, եւ ծովի աւազի պէս՝ թելաւոր թռչուններ:
27. Նա դրանք նետեց նրանց բանակատեղիի մէջ եւ նրանց վրանների շուրջը:
28. Կերան եւ լիապէս յագեցան, իրենց ցանկացածը տուեց նրանց:
29. Եւ նրանք իրենց ցանկութիւնից ոչնչով զուրկ չմնացին: Մինչ դեռ կերակուրն իրենց բերանում էր,
30. Աստծու բարկութիւնն իջաւ նրանց վրայ. նրանցից շատերին նա սպանեց եւ Իսրայելի ընտրեալներին ոչնչացրեց:
31. Հակառակ այս բոլորի, նրանք նորից մեղանչեցին ու չհաւատացին նրա հրաշագործութիւններին:
32. Նրանց օրերն ունայնաբար սպառուեցին, եւ նրանց տարիներն արագ անցան:
33. Երբ Տէրն սպանում էր նրանց, նրանք փնտռում էին իրեն, դարձի էին գալիս եւ



փութով դիմում էին Աստծուն:

34. Նրանք յիշեցին, որ Աստուած իրենց օգնականն էր, Բարձրեալն Աստուած փրկիչն էր իրենց:

35. Սիրեցին նրան իրենց բերաններով, բայց իրենց լեզուներով ստեցին նրան:

36. Նրանց սրտերը շիտակ չէին նրա հանդէպ, եւ նրանք չհաւատացին նրա ուխտին:

37. Բայց ինքը գթասիրտ էր, քաւութիւն էր տալիս նրանց մեղքերին ու չէր կործանում նրանց: Յաճախ զսպում էր իր բարկութիւնը եւ չէր թափում իր ողջ զայրոյթը:

38. Յիշում էր, որ նրանք մարմին են՝ շունչ, որ, դուրս ելնելով, այլեւս ետ չի դառնում:

39. Քանի՜-քանի՜ անգամ դառնացրին նրան անապատում, բարկացրին Բարձրեալին անջրդի վայրում,

40. վերադարձան փորձեցին Աստծուն, եւ Իսրայելի սրբին զայրացրին:

41. Չյիշեցին նրա ձեռքը, ձեռք, որ մի օր փրկեց նրանց իրենց նեղողներից:

42. Չյիշեցին, թէ նա ինչպէս սքանչելիքներ ու զարմանահրաշ գործներ արեց եգիպտացիների երկրում եւ Տայանի դաշտում:

43. Նրանց գետերն ու անձրեւներն արիւն դարձրեց, որ չխմեն:

44. Նրանց վրայ շնաճանճեր ուղարկեց, որոնք յօշոտեցին նրանց, եւ գորտերով նրանց ապականեց:

45. Նրանց բերքը որդնոտութեան մատնեց, եւ նրանց վաստակը բաժին դարձրեց մարախի:

46. Նրանց այգիները կարկտահար արեց, եւ նրանց թգնիները ծածկեց եղեամով:

47. Նրանց անասուններին կարկտահար արեց, եւ նրանց ունեցուածքը հրոյ ճարակ դարձրեց:

48. Նրանց դէմ ուղղեց իր սաստիկ բարկութիւնը՝ բարկութիւնը, զայրոյթն ու նեղուածութիւնը, չար հրեշտակի ձեռքով տանջանքներ ուղարկեց նրանց վրայ:

49. Նրանց վրայ թափեց իր զայրալից բարկութիւնը, նրանց հոգին գերծ չպահեց մահուանից, եւ կոտորեց նրանց անասունները:

50. Նա հարուածեց եգիպտոսի բոլոր անդրանիկ ծնունդներին՝ իրենց վաստակի առաջնեկներին Քամի վրանների տակ: Հանգիստ:

51. Իր ժողովրդին քշեց ոչխարների պէս, եւ ինչպէս հօտ նրանց հանեց անապատ:

52. Նրանց առաջնորդեց յոյսով՝ եւ նրանք չվախեցան, եւ ծովը ծածկեց նրանց թշնամիներին:

53. Նրանց բարձրացրեց իր սուրբ լեռը՝ լեռն այն, որ իր Աջն էր նուաճել:

54. Նրանց առջեւից վանեց հեթանոսներին, իր ժառանգութիւնից բաժին բաշխեց նրանց եւ Իսրայելի ցեղերին բնակեցրեց նրանց վրաններում:

55. Նրանք փորձեցին, դառնացրին Բարձրեալ Աստծուն ու նրա վկայութիւնը չպահեցին:

56. Դարձեալ խոտորուեցին ինչպէս իրենց հայրերը, դարձեալ նմանուեցին ծուռ աղեղի:

57. Դարձեալ բարկացրին նրան իրենց բազիններով, եւ իրենց կուռքերով շարժեցին նախանձը նրա:

58. Լսեց Աստուած ու զայրացաւ նրանց վրայ, եւ խիստ անարգեց Իսրայելը:

59. Մերժեց նա խորանը Սելովի, խորանն այն, որ հաստատել էր մարդկանց մէջ:

60. Նրանց զօրութիւնը գերութեան մատնեց, իսկ նրանց գեղեցկութիւնն՝ իրենց թշնամիների ձեռքը:

61. Իր ժողովրդին սրի մատնեց եւ անտեսեց իր իսկ ժառանգութիւնը:

62. Նրանց երիտասարդներին հուրը լափեց, եւ նրանց կոյսերի համար ոչ ոք չսգաց:

63. Նրանց քահանաները սրի քաշուեցին, եւ նրանց այրիներին ոչ ոք չվշտակեց:

64. Տէրը կարծես քնից արթնացաւ, ինչպէս գիտուց սթափուող հսկայ:

65. Նա թշնամիներին ետ շարտեց՝ յաւիտենական նախատինք տալով նրանց:

66. Մերժեց նա խորանը Յովսեփի, եւ Եփրեմի ցեղին նա չընտրեց,

67. այլ նա ընտրեց Յուդայի ցեղին, լեռը Սիոնի, որը եւ սիրեց:

68. Նրա սրբարանը շինեց միեղջերուի նմանութեամբ՝ յաւիտեան գետնի վրայ հաստատելով այն:

69. Ընտրեց Դաւթին՝ իր ծառային, եւ նրան դուրս քաշեց ոչխարների հօտից:
70. Նորածին գառների միջից վերցրեց նրան, որ հովուի իր ծառայ Յակոբի ցեղին եւ իր ժառանգութիւնը՝ Իսրայէլը:
71. Նա արածեցնում էր նրանց իր սրտի իմաստութեամբ, իր անմեղունակ ձեռքերով առաջնորդում էր նրանց:

1. Աստուած, հեթանոսները մտան քո ժառանգութեան մէջ, պղծեցին քո սուրբ տաճարը, Երուսաղէմը դարձրին ինչպէս մրգապահի հիւղակ:
2. Քո ծառաների դիակները որպէս կեր նետեցին երկնքի թռչուններին, եւ քո սրբերի մարմինները՝ երկրի գազաններին:
3. Նրանց արիւնը ջրի պէս Երուսաղէմի շուրջը թափեցին, եւ չկար մէկը, որ թաղէր նրանց:
4. Մենք դարձանք մեր դրացիների նախատինքը եւ մեր շուրջը եղողների ծաղրուծանակը:
5. Մինչեւ ե՞րբ, Տէ՛ր, պիտի բարկանաս դու անվերջ, եւ քո նախանձը պիտի բորբոքուի հրի պէս:
6. Բարկութիւնդ թափի՛ր այն ազգերի վրայ, որոնք քեզ չեն ճանաչում, այն թագաւորների վրայ, որոնք անունդ չեն ոգեկոչում:
7. Նրանք յօշոտեցին Յակոբի ցեղին, եւ նրա տեղն ակերեցին:
8. Մի՛ յիշիր հին մեղքերը մեր, թող ողորմութիւնդ շուտով հասնի մեզ, Տէ՛ր, քանզի սաստիկ աղքատացանք:
9. Օգնի՛ր մեզ, Աստուած, փրկի՛չ մեր, քո անուան փառքի համար. Տէ՛ր, յանուն քո անուան փրկի՛ր մեզ ու թողութի՛ւն տուր մեր մեղքերին:
10. Թող հեթանոսների մէջ երբեք չասեն՝ Ո՞ւր է նրանց Աստուածը. այլ հեթանոսների մէջ, մեր աչքի առջեւ, թող յայտնուի քո ծառաների թափած արեան վրեժխնդրութիւնը:
11. Բանտարկեալների հեծեծանքը թող հասնի քեզ. դու քո բազկի զօրութեամբ փրկի՛ր սպանուածների որդիներին:
12. Մեր դրացիների նախատինքը, որով անարգեցին մեզ, եօթնապատիկ իրենց գիրկը վերադարձրու, Տէ՛ր:
13. Մենք՝ քո ժողովուրդն ու քո արօտի ոչխարները, յաւիտեան քեզ գոհութիւն պիտի մատուցենք, սերնդից սերունդ պիտի պատմենք քո օրհնութիւնը:

1. Այսուհետեւ՝ անցած ժամանակների մասին Ասափի վկայութիւնը. սաղմոս եթովպացիների մասին
2. Դու, որ հովւում ես Իսրայելին՝ ո՛ւշ դարձրու, դու, որ առաջնորդում ես Յովսեփի ցեղին ինչպէս հօտ, դո՛ւ, որ քերովբէների վրայ ես նստում՝ յայտնուի՛ր
3. Եփրեմի, Բենիամինի ու Մանասէի առջեւ, արթնացրո՛ւ քո զօրութիւնը եւ արի՛ մեզ փրկելու:
4. Զօրութիւնների՛ Աստուած, մեզ ե՛տ դարձրու, ցո՛յց տուր մեզ երեսը քո, որ ապրենք:
5. Զօրութիւնների ՏԷ՛ր Աստուած, մինչեւ ե՞րբ պիտի բարկանաս քո ծառաների աղօթքի վրայ:
6. Մեզ արտասուախառն հացով սնեցիր, եւ անչափ արտասուք խմեցրիր մեզ:
7. Մեզ դարձրիր նախատինքը մեր հարեւաններիեւ ծաղրուծանակը մեր թշնամիների:
8. Զօրութիւնների՛ Աստուած, մեզ ե՛տ դարձրու, ցո՛յց տուր մեզ երեսը քո, որ ապրենք:
9. Դու Եգիպտոսից Իսրայել-որթատունկը հանեցիր, վռնդեցիր հեթանոսներին եւ այդ որթատունկը տնկեցիր:
10. Առաջնորդեցիր նրան, հաստատուն դարձրիր նրա արմատները, եւ այն լցրեց երկիրը:
11. Նրա ստուերը ծածկեց լեռները, եւ նրա ճիւղը՝ Աստծու մայրիները:
12. Որթատունկ իր ճիւղերը ձգեց մինչեւ ծով, իսկ բողբոջները՝ մինչեւ Եփրատ գետը:
13. Ինչո՞ւ քանդեցիր ցանկապատը նրա, ճանապարհի անցորդները պոկոտում էին այն:
14. Ապականեց նրան խոզն անտառի, եւ վայրի երէն արածեց նրա մէջ:
15. Զօրութիւնների՛ Աստուած, դարձի՛ր, նայի՛ր երկնքից ու տե՛ս, այցելի՛ր այս որթատունկին,
16. եւ խնա՛մք տար նրան, որին տնկեց Աջը քո, նաեւ մարդու որդուն, որին դու զօրացրիր քեզնով:
17. Այլապէս, հրով վառուած ու աւերուած, պիտի կորչեն քո խստութիւնից:
18. Քո ձեռքը թող լինի մարդու վրայ, քո աջը՝ այն մարդու որդու վրայ, որին դու զօրացրիր քեզնով:
19. Մենք այլեւս չենք հեռանայ քեզանից, դու պիտի փրկես մեզ, եւ մենք քո անունը պիտի ոգեկոչենք, ՏԷ՛ր:
20. Զօրութիւնների ՏԷ՛ր Աստուած, մեզ ե՛տ դարձրու, ցո՛յց տուր մեզ երեսը քո, որ ապրենք:

1. Այսուհետեւ՝ հնձանների մասին. Ասափի հինգշաբթի օրուայ սաղմոսը
2. Ցնծացէ՛ք Աստծու առջեւ, որ օգնականն է մեր, աղաղակեցէ՛ք Յակոբի Աստծուն:
3. Սաղմո՛ս ասացէք եւ օրհնութի՛նն տուէք, նրան քաղցրաճայն սաղմո՛ս երգեցէք:
4. Փո՛ղ հնչեցրէք ամսագլխին՝ մեր նշանաւոր օրուայ տարեդարձին:
5. Դա հրաման է Իսրայելի համար, եւ օրէնք՝ Յակոբի Աստծու համար:
6. Յովսէփի ուխտն է դա, որը կնքեց Նրա հետ, երբ նա դուրս էր գալիս եգիպտացիների երկրից: Նա լսեց մի լեզու, որ չգիտէր.
7. Նրանց թիկունքներն ազատի՛ր բեռներիցեւ նրանց ձեռքերը՝ այգու ու բահի ծառայութիւնից:
8. Նեղութեան մէջ ինձ ձայն տուիր՝ եւ փրկեցի քեզ. քեզ լսեցի մրրիկի ծածկոյթի տակ ու փորձեցի քեզ Հակառակութեան ջրերի վրայ:
9. Լսի՛ր, իմ ժողովո՛ւրդ, ու ես վկայ կը լինեմ քեզ, եւ Իսրայէ՛լ, եթէ ինձ լսում ես:
10. Ժամանակաւորապէս պաշտուող աստուածներ չես ունենայ ու չես երկրպագի օտար աստծու:
11. Ես եմ քո Տէր Աստուածը, որ հանեցի քեզ եգիպտացիների երկրից. բա՛ց բերանդ, եւ ես պիտի լցնեմ այն:
12. Իմ ժողովուրդը չունկնդրեց ձայնիս, եւ Իսրայէլն ինձ չնայեց:
13. Բարձիթողի մատնեցի նրան, որ գնան իրենց սրտի թելադրանքով, քանզի շարժուեցին իրենց կամքով:
14. Եթէ իմ ժողովուրդը լսէր ինձ, կամ Իսրայէլն ընթանար իմ ճանապարհով,
15. ապա որպէս ոչնչութիւն կ'ընկճէի նրա թշնամիներինեւ ձեռքս կ'իջեցնէի նրան նեղողների վրայ:
16. Տիրոջ թշնամիները ստեցին նրան, ուստի նրանց ժամանակն աշխարհում կը սպառուի:
17. Նրանց կերակրեց ցորենի առատութեամբ, ժայռից հոսող մեղրով յագեցրեց նրանց:

1. Աստուած կանգնեց աստուածների ժողովում, եւ նրանց մէջ դատապարտեց նրանց՝ ասելով.
2. Մինչեւ ե՞րբ պիտի անիրաւութեամբ դատեք. եւ աչառութիւն անեք մեղաւորներին:
3. Տեսէ՞ք դատաստանը որբի եւ այրու, արդա՛ր դատեցէք աղքատին ու խեղճին:
4. Փրկեցէ՞ք աղքատին ու տնանկին, մեղաւորի ձեռքից փրկեցէ՞ք նրանց:
5. Չհասկացան, չըմբռնեցին, խարխափեցին խաւարի մէջ, եւ երկրի բոլոր հիմքերը  
ցնցունեցին:
6. Ես ասացի՝ Աստուածներ էք դուք, կամ բոլորդ էլ որդիներն էք Բարձրեալի:
7. Բայց ահա մեռնում էք դուք որպէս մարդեւ ընկնում էք ինչպէս մի իշխան:
8. Ելի՛ր, Աստուա՛ծ, ու դատի՛ր աշխարհը, քանզի դո՛ւ պիտի ժառանգես բոլոր  
հեթանոսներին:

1. Ասափի օրհնութեան սաղմոսը
2. Աստուած, ո՞վ է քեզ նման. մի՛ լռիր ու կանգ մի՛ առ, Աստուած:
3. Ահա թշնամիներդ աղաղակեցին, եւ ատելիներդ բարձրացրին իրենց գլուխները:
4. Զո ժողովրդի դէմ խորամանկութիւն մտածեցին, խորհուրդ արեցին քո սրբերի դէմ ասելով.
5. Եկեք ազգերի միջից վերացնենք Նրանց, որ այլեւս Իսրայէլի անունը չիշուի:
6. Միաբանած՝ խորհեցին համատեղ, դաշինք կնքեցին քո դէմ
7. Եդոմայեցիների բանակներն ու իսմայելացիները, մովաբացիներն ու հագարացիները,
8. Գեբադի, Ամոնի, Ամաղեկի բնակիչներն ու բոլոր այլազգիները՝ Տիւրոսի բնակիչներով հանդերձ:
9. Նաեւ Ասուրի բանակն էր եկել Նրանց հետ. սրանք բոլորը զօրավիգ էին Ղովտի որդիներին:
10. Նրանց արա այնպէս, ինչպէս արեցիր Մադիամին, Սիսարային ու Յաքինին՝ Կիսունի հեղեղատներում:
11. Նրանք կոտորուեցին Դորի ակունքներում եղան ինչպէս գետնի աղբ:
12. Նրանց իշխաններին արա՛ այնպէս, ինչպէս արեցիր Չեբէէին, Սաղմանային ու Նրանց բոլոր իշխաններին,
13. որոնք ասացին. Մեր ժառանգութիւնը դարձնենք Աստծու սրբարանը:
14. Աստուած իմ, Նրանց արա՛ ինչպէս անիւ, ինչպէս եղեգ՝ քամու հանդէպ,
15. ինչպէս հուր, որ անտառն է այրում, ինչպէս բոց, որ լեռներն է խանձում:
16. Այսպէս հալածի՛ր Նրանց քո մրրիկով, ու քո բարկութեամբ խռովեցրո՛ւ Նրանց:
17. Նրանց երեսն անարգանքո՛վ պատիր, որ քո անունը փնտռեն, Տէ՛ր:
18. Թող ամաչեն ու խռովուեն յաւիտեանս յաւիտենից, եւ ամօթահար թող կորստեան մատնուեն:
19. Թող իմանան, որ քո անունը Տէր է, եւ դու միակ Բարձրեալն ես ամբողջ երկրի վրայ:

1. Այսուհետեւ՝ հնձանների մասին. սաղմոս Կորնի որդիներին
2. Որքա՞ն հաճելի է քո յարկի տակ, զօրութիւնների՝ Տէր. իմ հոգին քո գաւիթն է ցանկանում ու փափագում:
3. Սիրտս ու մարմինս ցնծում են կենդանի Աստուծով.
4. քանզի ճնճողւկը գտաւ տունն իր, տատրակն իր բոյնը, որտեղ ձագեր պիտի դնի.գտաւ քո սեղանը, զօրութիւնների՝ Տէր, թագաւոր իմ եւ Աստուած իմ:
5. Երանի բոլոր նրանց, ովքեր բնակւում են Տիրոջ տանը, նրանք յաւիտեանս յաւիտենից պիտի օրհնեն քեզ:
6. Երանի այն մարդուն, որի օգնութիւնը քեզնից է, եւ որը մտքում դրեց ելնել
7. տրտմութեան հովտից այն վայրը, ուր ուխտ արեց: Նա օրհնութիւն պիտի մատուցի օրէնսդրին:
8. Զօրութիւնից զօրութիւն պիտի ընթանայ, եւ Աստուած պիտի երեւայ Սիոնում:
9. Զօրութիւնների Տէր Աստուած, լսի՛ր իմ աղօթքը, ականջ դիր, Յակոբի՛ Աստուած:
10. Դու ապաւեն ես մեր. տե՛ս, Աստուած, ու նայի՛ր քո օծեալի երեսին,
11. քանզի ինձ համար քո գաւթում լինելու մէկ օրը հազար օր արժէ: Ես նախընտրեցի ընկեցիկ լինել Աստծու տան մէջ, քան մեղաւորների յարկի տակ բնակուել:
12. Ողորմութիւն ու ճշմարտութիւն է սիրում Տէր Աստուածը մեր, որը շնորհք ու փառք պիտի տայ:
13. Տէրն իր ողորմութիւնը չի զլանայ նրանց, ովքեր անմեղութեամբ են ընթանում: Զօրութիւնների՝ Տէր Աստուած, երանելի է այն մարդը, ով յոյսը քեզ վրայ է դրել:



1. Այսուհետեւ՝ սաղմոս Կորնի որդիներին
2. Տէ՛ր, հաւանեցիր քո երկիրը ու ե՛տ դարձրիր Յակոբին գերութիւնից:
3. Ներեցիր ժողովրդիդ անիրաւութիւնը, ջնջեցիր նրա բոլոր մեղքերը:
4. Չսպեցիր ողջ սրտնեղութիւնդ, ետ դարձար քո սաստիկ բարկութիւնից:
5. Դեպի մե՛զ դարձիր, Աստուա՛ծ, փրկի՛չ մեր, ու ե՛տ պահիր զայրոյթդ մեզնից:
6. Մեզ վրայ յաւիտեան մի՛ բարկացիր, Տէ՛ր, եւ բարկութիւնդ սերնդից սերունդ թող չձգուի:
7. Աստուա՛ծ, դու դարձեալ մեզ պիտի փրկես, եւ ժողովուրդդ պիտի ուրախանայ քեզնով:
8. Տո՛յց տուր մեզ քո ողորմութիւնը, Տէ՛ր, եւ քո փրկութիւնը շնորհի՛ր մեզ:
9. Լսեցինք, թէ ինչ է խօսում Տէր Աստուածը մեր. խաղաղութեան մասին պիտի խօսի իր ժողովրդի, իր սրբերի եւ սրտով դեպի իրեն դարձողների հետ:
10. Արդարեւ, մօտ է նրա շնորհելիք փրկութիւնն իր երկիւղն ունեցողների համար, որպէսզի մեր երկրում նրա փառքը հաստատուի:
11. Ողորմութիւնն ու ճշմարտութիւնը պիտի հանդիպեն, արդարութիւնն ու խաղաղութիւնը պիտի համբուրուեն:
12. Ճշմարտութիւնը երկրից բուսաւ, արդարութիւնը երկնքից երեւաց:
13. Տէրը բարութիւն պիտի գործի, իսկ մեր երկիրն իր պտուղը պիտի տայ:
14. Արդարութիւնը նրա առջեւից պիտի գնայ, ճանապարհ տալով նրա ընթացքին:

1. Մօտեցրո՛ւ, Տէ՛ր, ականջը քո եւ լսի՛ր ինձ, քանզի աղքատ ու տնանկ եմ ես:
2. Հոգիս իմ սո՛ւրբ պահիր, Տէ՛ր. փրկի՛ր, Աստուա՛ծ իմ, քո ծառային, որ յոյսը դրել է քեզ վրայ:
3. Որորմի՛ր ինձ, Տէ՛ր, քանզի գիշեր-ցերեկ քե՛զ կանչեցի:
4. Ուրախացրո՛ւ ծառայիդ հոգին, Տէ՛ր, քանզի հոգիս դէպի քեզ բարձրացրի.
5. որովհետեւ դու, Տէ՛ր, բարի ու շիտակ ես, գթառատ ես նրանց հանդէպ, ովքեր կանչում են քեզ:
6. Ակա՛նջ դիր, Տէ՛ր, իմ աղօթքներին եւ ո՛ւշ դարձրու խնդրանքիս ձայնին:
7. Իմ նեղութեան օրը ես կանչեցի քեզ, եւ դու լսեցիր ինձ:
8. Աստուածների մէջ քեզ նմանը չկայ, Տէ՛ր, եւ ոչինչ չկայ, որ նմանուի քո գործերին:
9. Բոլոր ազգերը, որոնց ստեղծեցիր, պիտի գան երկրպագեն քո առջեւ, յաւիտեան փառք պիտի տան քո անուանը:
10. Մե՛ծ ես դու, Տէ՛ր, եւ հրաշագործութիւններ ես անում, եւ միայն դո՛ւ ես Աստուած:
11. Առաջնորդի՛ր ինձ քո ճանապարհով, որ ընթանամ քո ճշմարտութեամբ, եւ սիրտս ուրախանայ՝ ակնածելով քո անունից:
12. Ամբողջ սրտովս գոհութիւն պիտի մատուցեմ քեզ, Տէ՛ր Աստուած իմ, յաւիտեան փառք պիտի տամ քո անուանը:
13. Մե՛ծ եղաւ քո ողորմութիւնն իմ հանդէպ, հոգիս փրկեցիր խոր դժոխքից:
14. Աստուա՛ծ, անօրէններն յարձակուեցին ինձ վրայ, բռնակալների ամբոխներն հետապնդեցին ինձ, եւ քեզ իրենց առջեւ Աստուած չհամարեցին:
15. Բայց դու, Տէ՛ր Աստուած իմ, գթասիրտ ու ողորմած ես, համբերատար, ողորմաշատ ու ճշմարիտ:
16. Նայի՛ր ու ողորմի՛ր ինձ, զօրութիւն տուր քո ծառային, պահպանի՛ր աղախնիդ որդուն:
17. Եւ ինձ բարութեան նշա՛ն ցոյց տուր. թող ատելիներն իմ տեսնեն ու ամօթահար լինեն, որ դու, Տէ՛ր, օգնեցիր ու մխիթարեցիր ինձ:

1. Կորիսի որդիներին օրհնութեան սաղմոս
2. Նրա հիմքերն իր սուրբ լեռան վրայ են. Տէրը սիրում է Սիոնի դարպասներն աւելի, քան Յակոբի բոլոր վրանները:
3. Ահաւասիկ փառաւորեալը խօսեց քո մասին, քաղա՛քդ Աստծու:
4. Յիշեցի Ռահաբն ու Բաբելոնը, որոնք ճանաչում են ինձ. ահա եւ այլազգիներն ու Տիրոսը, եւ Հնդկաստանի ժողովուրդները, որոնք գոյացան այնտեղ:
5. Սիոնը պիտի մայր կոչուի, որտեղ մարդը ծնուեց, եւ նրա հիմքերը Բարձրեալն անձամբ գցեց:
6. Տէրը գրքերում պիտի պատմի այն ժողովուրդների եւ իշխանների մասին, որոնք գոյացան այնտեղ:
7. Որքա՛ն պիտի ուրախանան քեզնով բոլոր նրանք, որոնց բնակութիւնը քեզնից է:

1. Այսուհետեւ՝ Մալալէթի իմաստութեան մասին. իմաստութիւն, որով պատասխան տուեց Եման Եգրայելացին.
2. Իմ փրկութեան Տէր Աստուած, գիշեր-ցերեկ քե՛զ կանչեցի:
3. Թող աղօթքս հասնի քե՛զ, Տէ՛ր, ականջդ թող մօտենայ խնդրանքիս,
4. քանզի հոգիս չարչարանքով լցուեց, եւ կեանքս դժոխքին մերձեցաւ:
5. Ես համարուեցի նրանցից, ովքեր մահուան փոսն են իջնում, եղայ անօգնական մի մարդ, լքուած՝ մեռելների մէջ,
6. գերեզմանում պառկած սպանուածների պէս, որոնց դու չես յիշում, եւ որոնք մերժուած են քեզնից:
7. Ինձ խորախոր փոսի մէջ դրին, խաւարի եւ մահուան ստուերների մէջ:
8. Բարկութիւնդ ծանրացաւ ինձ վրայ, ողջ յորձանքներդ իմ դէմ ուղղեցիր:
9. Իմ ծանօթներին ինձնից հեռացրիր, եւ նրանք ինձ նշաւակ դարձրին. ես մատնուած էի դժբախտութեան ու դուրս չէի գալիս:
10. Աչքերս տկարացան թշուառութիւնից, գիշեր-ցերեկ առ Տէր աղաղակեցի եւ դէպի քեզ կարկառեցի ձեռքերն իմ:
11. Միթէ մեռելների՞ համար պիտի հրաշագործութիւններ անես, կամ բժիշկները պիտի կենդանացնե՞ն նրանց, եւ նրանք գոհութի՞ւն պիտի մատուցեն քեզ:
12. Մի՞թէ որեւէ մէկը երբեւէ պիտի պատմի քո ողորմութիւնը գերեզմանում, կամ քո ճշմարտութիւնը՝ կորստեան մէջ:
13. Թո՛ւ հրաշալի գործերը միթէ խաւարի՞ մէջ պիտի ճանաչուեն, կամ քո արդարութիւնը՝ մոռացուած երկրում:
14. Ես, Տէ՛ր, առ քեզ աղաղակեցի, առաւօտեան իմ աղօթքը քեզ պիտի հասնի:
15. Ինչո՞ւ, Տէ՛ր, մերժում ես իմ հոգին, կամ շրջում երեսդ ինձնից:
16. Տեսնկ եւ չարքաշ եմ ես մանկութիւնից ի վեր, բարձրութիւնից ընկայ ու շուարեցի:
17. Թո՛ւ բարկութիւնը ծանրացաւ ինձ վրայ, քո արհաւիրքները խռովեցրին ինձ:
18. Ջրի պէս օրնիբուն շրջապատեցին ինձ, պաշարեցին ինձ բոլորը միասին:
19. Իմ թշուառութեան պատճառով բարեկամներիս ու ծանօթներիս հեռացրիր ինձնից:

1. Եման եզրայելացու իմաստութիւնը
2. Քո ողորմութիւնները, Տէ՛ր, յաւիտեան պիտի օրհնեմ, սերնդից սերունդ պիտի պատմեմ իմ բերանով:
3. Ասացիր՝ Աշխարհս ողորմութեամբ պիտի շինուի. քո ճշմարտութիւնը երկնքում պիտի հաստատուի:
4. Ուխտ կնքեցի իմ ընտրեալների հետ, երդուեցի իմ Դաւիթ ծառային՝
5. որ իր սերունդը յաւիտեան պիտի հաստատեմ եւ նրա աթոռը դարեդար պիտի կառուցեմ:
6. Երկինքը պիտի պատմի քո հրաշագործութիւնը, Տէ՛ր, եւ քո ճշմարտութիւնը՝ սրբերի ժողովում:
7. Ամպերի մէջ ո՞վ է քեզ հաւասար, կամ Աստծու որդիների մէջ ո՞վ է Տիրոջը նման:
8. Աստուած փառաւորուած է իր սրբերի խորհրդում, մեծ եւ ահաւոր է նա իր շուրջը եղողների համար:
9. Չօրութիւնների՝ Տէր Աստուած, ո՞վ է քեզ նման. հզօր ես դու, Տէ՛ր, եւ ճշմարտութիւնը քո շուրջն է:
10. Դու տիրում ես ծովի զօրութիւններին, եւ նրա ալիքների խռովքը դու ես հանդարտեցնում:
11. Դու վիրաւորների պէս խոնարհեցրիր ամբարտաւաններին եւ բազկիդ ուժով ցրեցիր քո թշնամիներին:
12. Քոնն է երկինքը եւ քոնն է երկիրը, աշխարհն իր մէջ եղածով դո՛ւ հաստատեցիր:
13. Հիւսիսն ու Հարաւը դո՛ւ ստեղծեցիր, Թաբօրն ու Հերմոնը քո անուամբ պիտի ցնծան:
14. Քոնն է բազուկը եւ քոնն է կարողութիւնը, թող զօրանայ քո աջը, եւ բարձր լինի քո ձեռքը:
15. Քո աթոռը հաստատուած է արդարութեան ու իրաւունքի վրայ, ողորմութիւնն ու ճշմարտութիւնը քո առաջից պիտի ընթանան:
16. Երանի այն ժողովրդին, որը գիտակցում է քո օրհնութիւնը, Տէ՛ր, նա քո երեսի լոյսով պիտի ընթանայ:
17. Նա քո անուամբ պիտի ցնծայ գիշեր-ցերեկ, ու քո արդարութեամբ բարձր պիտի լինի:
18. Դու ես պարծանքը մեր զօրութեան, եւ մեր եղջիւրը քո կամքով պիտի բարձրանայ:
19. Տիրոջից է Իսրայէլի սրբի՝ մեր թագաւորի օգնութիւնը:
20. Այնժամ դու տեսիլքի մէջ խօսեցիր որդիներիդ հետ՝ ասելով. Օգնութի՛ւն ցոյց կը տամ հզօրին, եւ կը բարձրացնեմ ժողովրդիս ընտրեալին:
21. Գտայ իմ Դաւիթ ծառային, սուրբ իւղովս օծեցի նրան:
22. Ձեռքս կ'ընդունի նրան, եւ բազուկս նրան կը զօրացնի:
23. Թշնամին չի վնասի նրան, եւ անօրէնութեան որդին նրան չի չարչարի:
24. Նրա թշնամիներին կը հարուածեմ նրա առաջ, եւ նրան ատողներին պարտութեան կը մատնեմ:
25. Իմ ճշմարտութիւնն ու ողորմութիւնը նրա հետ են, եւ նրա եղջիւրն իմ անուամբ բարձր կը լինի:
26. Նրա ձեռքը կը հաստատեմ ծովի վրայ, եւ նրա աջը՝ գետերի վրայ:
27. Նա ծայն կը տայ ինձ. Իմ հայրն ես դու, Աստուա՛ծ, հաճեցնողն իմ փրկութեան:
28. Ես իմ անդրանիկ որդին կը դարձնեմ նրան, եւ բարձր՝ քան երկրի բոլոր թագաւորները:
29. Յաւիտեան կը պահեմ նրա համար իմ ողորմութիւնը, եւ ուխտս նրա հանդէպ հաւատարիմ կը մնայ:
30. Նրա սերունդը կը հաստատեմ յաւիտեանս յաւիտենից, եւ նրա գահն՝ ինչպէս օրերը երկնքի:
31. Եթէ նրա որդիները լքեն իմ օրէնքը եւ իմ դատաստանով չկամենան ընթանալ,

32. եթէ անարգեն իմ արդարութիւնը եւ իմ պատուիրանները չպահեն,
33. գաւազանով կը հարուածեմ նրանց անօրէնութիւններին, եւ տանջանքներով՝ նրանց անիրաւութիւններին:
34. Բայց իմ ողորմութիւնից չեմ գրկի նրանց, եւ ճշմարտութեանս չեմ դաւաճանի:
35. Ոչ էլ իմ ուխտը կ'անարգեմ, կամ կ'արհամարհեմ այն, ինչ դուրս է գալիս իմ շրթուքներից:
36. Մէկ անգամ ընդմիշտ ես երդուեցի իմ սրբութեամբ, որ Դաւթին չեմ խաբի:
37. Նրա սերունդը յաւիտեան կը մնայ, եւ ինչպէս արեւ,
38. ինչպէս լուսին, նրա աթոռն իմ առջեւ յաւերժ հաստատուած կը մնայ երկնքում, որպէս հաւատարիմ վկայ:
39. Բայց արդ, դու մերժեցիր, անարգեցիր ու գետին տապալեցիր քո օծեալին:
40. Հրաժարուեցիր քո ծառայի ուխտից, նրա սրբութիւնը հողին հաւասարեցրիր:
41. Թանդեցիր նրա բոլոր պարիսպները, եւ նրա բերդերը խարխուլեցիր:
42. Ճանապարհի անցորդները կողոպտեցին նրան, եւ նա իր հարեւաններին նախատինքը դարձաւ:
43. Բարձրացրիր նրան նեղողների աջը, ուրախացրիր նրա բոլոր թշնամիներին:
44. Նրա սրից ետ դարձրիր քո օգնութիւնը, եւ պատերազմի մէջ նրան չհովանաւորեցիր:
45. Անարգեցիր նրա սրբութիւնը, եւ նրա գահը գետին տապալեցիր:
46. Նրա կեանքի օրերը նուազեցրիր, եւ նրան ամօթով ծածկեցիր:
47. Մինչեւ ե՞րբ պիտի երեսդ շրջես իսպառ, եւ բարկութիւնդ պիտի բորբոքուի՞ հրի պէս:
48. Իսկ արդ, յիշի՛ր ու տե՛ս, թէ ո՛րն է իմ հանգիստը. միթէ իզո՞ւր ստեղծեցիր մարդկանց բոլոր որդիներին:
49. Ո՞վ է այն մարդը, որ պիտի ապրի ու մահ չտեսնի, կամ իր հոգին պիտի փրկի դժոխքից:
50. Ո՞ր էն քո նախկին ողորմութիւնները, Տէ՛ր, որոնք քո ճշմարտութեամբ խոստացար Դաւթին:
51. Յիշի՛ր ծառայիդ նախատինքները, որ ծոցումս կրեցի բազում ազգերից:
52. Տէ՛ր, քո թշնամիները նախատեցին նրան, նախատելով հատուցեցին քո օծեալին:
53. Օրինեալ է Տէր Աստուածը յաւիտեանս յաւիտենից. թող լինի, թող լինի:

1. Տէ՛ր, սերնդից սերունդ մեր ապաւենը եղար:
2. Դու կայիր, երբ դեռ չէին հաստատուել լեռները եւ չէին ստեղծուել երկիրն ու ողջ տիեզերքը, յաւիտենութիւնից մինչեւ յաւիտենութիւն:
3. Մարդուն մի՛ մատնիր տառապանքի, քանզի ասացիր. Մարդկանց որդիներ, վերադարձէ՛ք ինձ:
4. Հազար տարին Տիրոջ աչքում երեկուայ օրուայ պէս է, որ անցաւ, կամ գիշերուայ մի պահի պէս:
5. Նրանց տարիները տառապալից պիտի լինեն. առաւօտեան խոտի պէս պիտի բուսնեն,
6. առաւօտեան խոտի պէս պիտի դալարեն ու ծաղկեն. երեկոյեան պիտի թոռոմեն, չորանան ու ընկնեն:
7. Մենք մաշուեցինք քո բարկութիւնից, եւ քո զայրոյթից մենք խռովուեցինք:
8. Մեր մեղքերը առջեւդ դիր, իսկ մեր կեանքը՝ երեսիդ լոյսի տակ:
9. Մեր օրերը բոլորովին նուազեցին, եւ մենք խռովուեցինք քո բարկութիւնից: Մեր կեանքի ժամանակը դադար չունի սարդի նման:
10. Մեր կեանքի օրերի թիւն է եօթանասուն տարի, կամ առաւելագոյնը՝ ութսուն տարի, որոնց մեծ մասն անցնում է ցաւով ու հեծութեամբ: Մեզ վրայ հեզութիւն իջաւ, եւ մենք խրատուեցինք:
11. Իսկ ո՞վ գիտէ քո բարկութեան ուժը, կամ քո պատճառած ահից ո՞վ կը չափի քո զայրոյթը:
12. Այսպէս, ինձ ցոյց տուր քո աչքը, եւ սրտով խոնարհներին՝ քո իմաստութիւնը:
13. Դարձի՛ր, Տէ՛ր: Մինչեւ ե՞րբ... Մխիթարի՛ր քո ծառաներին:
14. Առաւօտեան լիացանք քո ողորմութեամբ, ցնծացինք եւ ուրախ եղանք մեր կեանքի բոլոր օրերին:
15. Ուրախացանք այն օրերի փոխարէն, երբ հնազանդեցիր մեզ, եւ այն տարիների, երբ չարչարանք տեսանք:
16. Նայի՛ր, Տէ՛ր, քո ծառաներին ու քո ձեռակերտներին, եւ առաջնորդի՛ր նրանց որդիներին:
17. Տէր Աստծու լոյսը թող մեզ վրայ իջնի. ուղղի՛ր մեր ձեռքի գործերը, Տէ՛ր, մեր ձեռքի գործերը յաջողեցրո՛ւ մեզ:

1. Ով ապրում է Բարձրեալի աջակցութեամբ, երկնքում կը հանգչի Աստծու հովանու տակ:
2. Տիրոջը կ'ասի. Դու ես ինձ ընդունողը, ապաւէ՛ն իմ Աստուած, որի վրայ եմ դրել իմ յոյսը:
3. Նա ինձ կը փրկի որսորդի թակարդից ու խռովեցուցիչ խօսքերից:
4. Իր ծոցում կը պահի կը պաշտպանի քեզ, եւ դու ապահովութիւն կ'ունենաս նրա թեւերի հովանու տակ:
5. Նրա ճշմարտութիւնը որպէս զէնք քո շուրջը կը լինի:
6. Դու չես վախենայ գիշերուայ զարհուրանքիցեւ ոչ էլ ցերեկուայ սլացող նետից, խաւարում շրջող բանից, եւ կէսօրին դելի գայթակղութիւնից:
7. Քո կողքին հազարներ կ'ընկնեն, եւ քո աջին՝ տասնեակ հազարներ, բայց քեզ ոչինչ չի մերձեցայ:
8. Բաւական է, որ քո աչքով նայես, եւ դու կը տեսնես մեղաւորների ստացած հատուցումը:
9. Դու, Տէ՛ր, իմ յոյսն ես: Բարձրեալին քեզ ապաւէն դարձրիր:
10. Չարիքը չի հասնի քեզ, եւ տանջանքները չեն մօտենայ քո տան յարկին:
11. Իր հրեշտակներին հրամայուած է քո մասին, որ պահպանեն քեզ քո բոլոր ճանապարհներին:
12. Իրենց բազուկների վրայ պիտի վերցնեն քեզ, որ երբեք ոտքդ քարի չխփես:
13. Դու կը քայլես իժերի ու քարբերի վրայով, ոտքով կը կոխոտես առիւծին ու վիշապին:
14. Քանի որ յոյսն ինձ վրայ դրեց, ես կը փրկեմ նրան, նրան հովանի կը լինեմ, քանզի անունս ճանաչեց:
15. Ինձ ձայն կը տայ՝ ու կը լսեմ նրան, եւ նրա հետ կը լինեմ նեղութեան մէջ. կը փրկեմ ու կը փառաւորեմ նրան:
16. Բազում օրերով նրան կը լիացնեմ ու ցոյց կը տամ նրան իմ փրկութիւնը:



1. Շաբաթօրեայ օրհնութեան սաղմոսը
2. Բարի է զոհաբանել Տիրոջը, սաղմոս երգել քո անուանը, ո՛վ Բարձրեալ:
3. Առաւօտեան պատմել քո ողորմութիւնը, եւ գիշերը՝ քո ճշմարտութիւնը,
4. տասնալար սաղմոսարանով, օրհնութեան ձայնով գովաբանել:
5. Ուրախացրիր ինձ, Տէ՛ր, քո արարումներով, եւ պիտի ցնծամ ձեռքիդ գործերով:
6. Որքա՛ն մեծ են քո գործերը, Տէ՛ր, եւ չափազանց խոր են խորհուրդները քո:
7. Անզգամ մարդը չի ըմբռնի, եւ անմիտը չի հասկանայ այս:
8. Մեղաւորները՝ բռնանելով ինչպէս խոտ, եւ անօրէնութիւն գործողները՝ ծաղկելով, կը կործանուեն յաւիտեանս յաւիտենից:
9. Բայց դու, Տէ՛ր, Բարձրեալ ես յաւիտեան:
10. Ահա քո թշնամիները, Տէ՛ր, ահա քո թշնամիները կը կորչեն, կը ցրուեն բոլոր նրանք, ովքեր անօրէնութիւն են գործում:
11. Միեղջերուի պէս բարձր կը լինի եղջիւրն իմ, իսկ ծերութիւնն իմ՝ առատ օծանելիքով:
12. Աչքս դիպաւ թշնամիներիս, որոնք չարութեամբ յարձակուել են վրաս: Ականջս կը լսի նրանց:
13. Արդարներն արմաւենու պէս կը ծաղկեն, Լիբանանի մայրիների պէս կը բազմանան:
14. Դրանք կը տնկուեն Տիրոջ տանը, ու կը ծաղկեն մեր Աստծու գաւիթներում:
15. Դրանք պտղաբեր կը լինեն նաեւ ծերութեան ժամանակ՝ գիրգ ու փափուկ,
16. որպէսզի աւետեն, թէ ճշմարիտ է Տէրը, եւ նրա մէջ անիրաւութիւն չկայ:

1. Առաջին շաբաթուայ օրը, երբ հաստատուեց երկիրը. Դաւթի օրհներգը
2. Տէրը թագաւորեց, վայելչութիւն հագաւ, զօրութիւն հագաւ Տէրն ու զօտելորուեց, հաստատեց աշխարհը, որ չսասանուի:
3. Սկզբից է պատրաստուած գահը քո, եւ յաւերժ ես դու:
4. Բարձրացան գետերը, Տէ՛ր, գետերը բարձրացրին ձայնն իրենց. գետերը պիտի յորդեն իրենց հունից դուրս:
5. Առատ ջրի ձայնից ծովի ալիքներն սքանչելի դարձան. սքանչելի ես դու բարձունքներում, Տէ՛ր:
6. Մենք անչափ հաւատացինք քո վկայութիւններին. սրբութիւնը վայել է քո տանը, Տէ՛ր, երկար օրեր:

1. Աստուած՝ վրեժխնդի՛ր Տէր, Աստուած՝ վրեժխնդիր, դու յայտնուեցիր:
2. Բա՛րձր եղիր, որ երկիրը դատես, հատուցո՛ւմ տուր ամբարտաւաններին:
3. Մինչեւ ե՞րբ մեղաւորները, Տէ՛ր, մինչեւ ե՞րբ մեղաւորները պիտի պարծենան,
4. յոխորտալով անիրաւութիւն բարբառեն, բարբառեն բոլոր նրանք, ովքեր անօրէնութիւն են գործում:
5. Քո ժողովրդին, Տէ՛ր, ճնշեցին, եւ քո ժառանգութիւնը չարչարեցին:
6. Այրուն ու պանդխտին սպանեցին, որբերին կոտորեցին ու ասացին.
7. Տերը դա չի տեսնում, եւ Յակոբի Աստուածն ուշ չի դարձնում:
8. Ուշքի՛ եկէք, ժողովրդի անզգամներ՝ ու անմիտներ, մինչեւ ե՞րբ պիտի չըմբռնէք:
9. Միթէ ականջ ստեղծողն՝ ինքը չի՞ լսի, կամ աչք ստեղծողն՝ ինքը չի՞ տեսնի:
10. Ազգերին խրատողն ու մարդուն գիտութիւն ուսուցանողը միթէ չի՞ յանդիմանի:
11. Տերը գիտէ մարդկանց խորհուրդները, որոնք ունայն են:
12. Երանի այն մարդուն, որին խրատում ես դու, Տէ՛ր, եւ օրէնքներդ նրան սովորեցնում:
13. Դու նրան հանդարտեցնում ես չար օրերին, մինչեւ որ մեղաւորի համար խոր փոս փորուի:
14. Տերը չի մերժի իր ժողովրդին, եւ իր ժառանգութիւնը չի անտեսի,
15. մինչեւ որ դատաստանն արդար դառնայ, եւ բոլոր նրանք, որ սրտով ուղիղ են, ընդունեն այն:
16. Ո՞վ ինձ հետ պիտի ելնի չարամիտների դէմ, կամ ո՞վ ինձ հետ պիտի միաբանի ընդդէմ նրանց, ովքեր անօրէնութիւն են գործում:
17. Եթէ Տէրն ինձ չաջակցեր, մի փոքր եւս՝ եւ հոգիս կը բնակուէր դժոխքում:
18. Երբ ասում էի, թէ՛ ահա ոտքերս սասանուեցին, քո ողորմութիւնը, Տէ՛ր, օգնում էր ինձ:
19. Սրտիս ցաւերի բազմանալու ժամինքո մխիթարութիւնը հրճուեցնում էր իմ հոգին:
20. Թող չհաւասարուի քեզ աթոռն անօրէնութեան, որ վնաս է պատճառում օրէնքին:
21. Արդարի հոգին որսացին, եւ անմեղի արիւնն էին դատապարտում:
22. Տէրն եղաւ իմ ապաւենը, իմ յոյսի օգնական Աստուածը:
23. Տերը նրանց պիտի հատուցի իրենց անօրէնութեան համեմատ, իրենց չարութեան համեմատ պիտի կործանի նրանց Տէր Աստուածը մեր:

1. Եկէ՛ք ցնծանք Տիրոջ առջեւ, աղաղակենք մեր փրկիչ Աստծուն:
2. Փութանք Նրա մօտ խոստովանութեամբ, սաղմոսերգութիւններով աղաղակենք առ Աստուած:
3. Մեծ է Աստուած, Տէր, մեծ թագաւոր ողջ աշխարհում:
4. Նրա ձեռքում են բոլոր եզերքները երկրի, եւ Նրանն են բարձունքները լեռների:
5. Նրանն է ծովը, եւ Նա՛ր արարեց այն, ու ցամաքը Նրա ձեռքերն ստեղծեցին:
6. Եկէ՛ք երկրպագենք Նրան, խոնարհուենք ու լաց լինենք մեր Արարչի՝ Տիրոջ առջեւ:
7. Տէր Աստուածն է Նա մեր, մենք՝ Նրա ձեռքի տակի ժողովուրդը եւ Նրա արօտի ոչխարները:
8. Այսօր, երբ լսեք ձայնը Նրա, մի՛ խստացրէք սրտերը ձեր դառնութեամբ, ինչպէս փորձութեան օրն անապատում,
9. որտեղ ինձ փորձեցին ձեր հայրերը, քննեցին ինձ ու տեսան իմ գործերը:
10. Քառասուն տարի տքնեցի այդ ազգի համար եւ ասացի. Նրանք միշտ մոլորուած են սրտով, ու ճանապարհներս չճանաչեցին:
11. Ուստի երդուեցի զայրոյթիս պահին, որ Նրանք չեն մտնի իմ հանգստի մէջ:

1. Օրհնեցէ՛ք Տիրոջը նոր օրհներգով, օրհնեցէ՛ք Տիրոջը, համայն աշխարհի մարդիկ:
2. Օրհնեցէ՛ք Տիրոջն ու օրհնեցէ՛ք անունը նրա, օրըստօրէ աւետեցէ՛ք փրկութիւնը նրա:
3. Հեթանոսների մէջ փառքը պատմեցէ՛ք նրա, եւ բոլոր ժողովուրդների մէջ՝ սքանչելագործութիւնները նրա:
4. Մեծ է Տէրն ու անչափ օրհնեալ, ահարկու է նա բոլոր կուռքերից աւելի:
5. Հեթանոսների բոլոր կուռքերը դէւեր են, իսկ Տէրն արարիչն է երկնքի:
6. Խոստովանութիւն եւ վայելչութիւն կայ նրա առջեւ, սրբութիւն եւ մեծափառութիւն՝ նրա սրբարանում:
7. Մատուցեցէ՛ք Տիրոջը, ազգատոհմե՛ր, մատուցեցէ՛ք Տիրոջը փառք ու պատիւ:
8. Մատուցեցէ՛ք Տիրոջը փառքն իր անուան, ընծանե՛ր վերցրէք ու մտէ՛ք սրահները նրա:
9. Երկրպագեցէ՛ք Տիրոջն իր սրբարանի գաւիթներում, քանզի ամբողջ երկիրը պիտի խռովուի նրա ներկայութիւնից:
10. Հեթանոսների մէջ ասացէ՛ք, թե՛ Տէրը թագաւորեց, նա աշխարհն հաստատեց, որ չսասանուի, եւ նա իր ժողովրդին արդարութեամբ պիտի դատի:
11. Թող ուրախ լինի երկինքն ու ցնծայ երկիրը, թող զուարճանայ ծովն իր մէջ եղած բոլոր կենդանի էակներով:
12. Թող հրճուեն դաշտերը եւ նրանցում եղած ամեն ինչ, թող այնժամ ցնծան անտառի բոլոր ծառերը
13. Տիրոջ առջեւ, որ գալիս է, գալիս է դատելու երկիրը: Նա պիտի դատի տիեզերքն արդարութեամբ, եւ բոլոր ժողովուրդներին՝ իր ճշմարտութեամբ:

1. Տէրը թագաւորեց, թող երկիրը ցնծայ, թող ուրախ լինեն բազում կողմերը:
2. Ամպ եւ մեզ է շուրջը նրա, իրաւունքով ու արդարութեամբ է հաստատուած արօռը նրա:
3. Նրա առջեւից հուր պիտի ընթանայ, այրելով իր շուրջն եղող թշնամիներին:
4. Նրա կայծակները երեւացին տիեզերքում, երկիրը տեսաւ դրանք ու սասանուեց:
5. Լեռները մոմի պէս պիտի հալուեն Տիրոջ ներկայութիւնից, ամբողջ երկիրը՝ Տիրոջ ներկայութիւնից:
6. Երկինքը պիտի պատմի արդարութիւնը նրա, բոլոր ժողովուրդները տեսան փառքը նրա:
7. Թող խայտառակուեն բոլոր նրանք, ովքեր երկրպագում են կուռքերին, եւ պարծենում իրենց արձաններով: Նրա բոլոր հրեշտակները պիտի երկրպագեն իրեն,
8. քանզի լսեց եւ ուրախ եղաւ Սիոնը. Յուդայի երկրի դուստրերը պիտի ցնծան քո դատաստանների համար, Տէ՛ր:
9. Դու Բարձրեալ ես ողջ երկրի վրայ, անչափ վեր եղար բոլոր կուռքերից:
10. Տիրոջը սիրողներ, ատեցէ՛ք չարութիւնը. Տէրը պահպանում է իր սրբերի հոգիները, մեղաւորների ձեռքից փրկում է նրանց:
11. Արդարների համար լոյս ծագեց, եւ սրտով շիտակների համար ուրախութիւն եղաւ:
12. Ցնծացէ՛ք, արդարնե՛ր, Տիրոջով, գոհաբանեցէ՛ք յիշատակը նրա սրբութեան:

1. Օրհնեցէ՛ք Տիրոջը նոր օրհներգով, քանզի սքանչելագործութիւններ արեց նա: Իր Աջն ու իր սուրբ բազուկը փրկեցին նրան:
2. Տէրը ցոյց տուեց իրենից եկող փրկութիւնը, ազգերի առջեւ յայտնեց իր արդարութիւնը:
3. Իր ողորմութեամբ յիշեց Յակոբին, իր ճշմարտութեամբ՝ տունն Իսրայէլի. եւ երկրի բոլոր ծայրերը տեսան մեր Աստծու շնորհած փրկութիւնը:
4. Աղաղակի՛ր Տիրոջ առջեւ, ո՛ղջ երկիր. օրհնեցէ՛ք, ցնծացէ՛ք ու սաղմո՛ս երգեցէք:
5. Սաղմո՛ս երգեցէք մեր Աստծուն օրհնութեամբ, օրհնութեամբ ու սաղմոսերգութեամբ:
6. Կոփածոյ շեփորի օրհնութեան ձայնով, օրհնութեամբ, ցնծութեամբ ու եղջերափողի ձայնով աղաղակեցէ՛ք Տիրոջ՝ թագաւորի առջեւ:
7. Թող խռովուի ծովն իր մէջ եղած բոլոր կենդանի էակներով, տիեզերքն իր ամբողջ բնակիչներով:
8. Եւ գետերը թող ծափ տան միասին իրենց ձեռքերով, ու լեռները ցնծան Տիրոջ առջեւ,
9. քանզի Տէրը եկել հասել է՝ երկիրը դատելու: Նա պիտի դատի աշխարհն արդարութեամբ, եւ իր ժողովուրդներին՝ ճշմարտութեամբ:

1. Տէրը թագաւորեց, ժողովուրդները բարկացան: Ո՛վ քերովբէների վրայ նստողդ, երկիրը սասանուեց:
2. Տէրը մեծ է Սիոնում ու բարձր, քան ժողովուրդները բոլոր:
3. Գոհութիւն մատուցենք քո մեծ անուանը, քանզի ահաւոր ու սուրբ է նա:
4. Իրաւունք սիրելը պատիւ է բերում թագաւորին. դո՛ւ հաստատեցիր իրաւունքն ու արդարութիւնը Յակոբի մէջ:
5. Մեծարեցէ՛ք մեր Տէր Աստծուն, երկրպագեցէ՛ք նրա ոտքերի պատուանդանին, քանզի նա սուրբ է:
6. Մովսէսն ու Ահարոնը՝ երեցները նրա, Սամուէլը, որ նրա անունը կանչողների մէջ էր, ծայն էին տալիս Տիրոջն, ու նա լսում էր նրանց
7. Եւ ամպի սիւնով խօսում նրանց հետ: Նրանք պահպանում էին վկայութիւնը նրաեւ հրամանները, որ տուեց իրենց:
8. Տէ՛ր Աստուած մեր, դու լսում էիր նրանց. Աստուա՛ծ, դու քաւիչ եւ վրեժխնդիր էիր լինում նրանց բոլոր գործերի համար:
9. Մեծարեցէ՛ք մեր Տէր Աստծուն, երկրպագեցէ՛ք նրա սուրբ լերանը, քանզի սուրբ է Տէր Աստուածը մեր:



1. Դաւթի խոստովանութեան սաղմոսը
2. Աղաղակեցէ՛ք Տիրոջ առջեւ, երկրի բոլո՛ր բնակիչներ, ծառայեցէ՛ք Տիրոջն ուրախութեամբ:
3. Նրա առջեւ ելէ՛ք ցնծութեամբ. իմացէ՛ք, որ Նա է Տէր Աստուածը մեր. Նա ստեղծեց մեզ, եւ ոչ թէ մենք եղանք. նրա ժողովուրդն ենք մենք ու ոչխարները նրա արօտի:
4. Մտէ՛ք նրա դռներով խոստովանութեամբ, եւ մտէ՛ք նրա սրահները՝ օրհնութեամբ. գոհութի՛ն մատուցեցէ՛ք Տիրոջն ու օրհնեցէ՛ք անունը նրա:
5. Քաղցր է Տէրը, նրա ողորմութիւնը յաւերժ է, նրա ճշմարտութիւնը՝ սերնդից սերունդ:

1. Ողորմութեանդ ու արդարութեանդ մէջ պիտի օրհնեմ քեզ, Տէ՛ր, սաղմոս պիտի երգեմ,
2. եւ ի մտի պիտի ունենամ անբիծ ճանապարհով ընթանալ, մինչեւ որ նա գայ ինձ մօտ.  
քանզի ես իմ տան մէջ սրտիս անարատութեամբ էի ընթանում:
3. Աչքերիս առջեւ անիրաւ բան չդրի, եւ ուրացութիւն անողներին ատեցի:
4. Ծուռ սիրտ ունեցողն ինձ չմօտեցաւ. անզգամն ինձնից խոտորուեց, բայց ես հոգ  
չարեցի:
5. Ով ծածուկ խօսեց իր ընկերոջ դէմ, նրան բացէիբաց հալածեցի, ով ամբարտաւան էր  
աչքով եւ ագահ՝ սրտով, նրա հետ հաց իսկ չկերայ:
6. Աչքերս սեւեռուած էին երկրի հաւատացեալներին, որպէսզի նրանք ինձ հետ նստեն.  
ով գնում էր անբիծ ճանապարհով, նա՛ էր ինձ ծառայում:
7. Ամբարտաւանութիւն անողն իմ տան մէջ չէր բնակւում, անիրաւութիւն խօսողն  
աչքերիս առջեւ յաջողութիւն չունէր:
8. Առաւօտներն սպանում էի երկրի բոլոր մեղաւորներին, որ Տիրոջ քաղաքից վերացնեմ  
բոլոր նրանց, ովքեր անօրէնութիւն են գործում:

1. Բորոտի աղօթքը, երբ նա իր անձկութեան մէջ Տիրոջ առաջ դրեց իր խնդրանքները
2. Տէ՛ր, լսի՛ր իմ աղօթքը, աղաղակս թող հասնի քեզ:
3. Մի՛ շրջիր երեսդ ինձնից, նեղութեանս օրը ի՛նձ մօտեցրու ականջը քո. երբ ձայն տամ քեզ՝ իսկոյն լսի՛ր ինձ:
4. Ծխի պէս սպառուեցին օրերն իմ, եւ ոսկորներս չորացան ինչպէս խռիւ:
5. Սիրտս խոցուեց եւ ցամաքեց խոտի պէս, հեծութեանս ձայնից հաց ուտելու մոռացայ:
6. Ոսկորս մարմնիս կպաւ, եւ նմանուեցի անապատի հաւալունսին:
7. Եղայ ինչպէս բու ակերակներում, տքնեցի ու դարձայ ինչպէս մենաւոր ճնճղուկ տանիքում:
8. Թշնամիներս ամէն օր նախատեցին ինձ, եւ ինձ գովողներն ինձնով երդուեցին:
9. Մոխիր կերայ հացի տեղ, եւ ըմպելիքս արտասուքով խառնեցի
10. քո բարկութեան ու զայրոյթի պատճառով, քանզի դու ինձ բարձրացրիր եւ վայր զցեցիր:
11. Օրերս անցան ստուերի պէս, եւ ես ցամաքեցի ինչպէս խոտ:
12. Դու, Տէ՛ր, յաւերժ ես, եւ սերնդից սերունդ է յիշատակը քո:
13. Դու պիտի ելնես, որ գթաս Սիոնին. ժամանակն է գթալու նրան, հասել է ժամը:
14. Ծառաներդ նրա քարերը հաւանեցին, ու գթացին նրա հողին:
15. Հեթանոսները պիտի սոսկան քո անունից, եւ երկրի բոլոր թագաւորները՝ քո փառքից:
16. Տերը պիտի Սիոնը վերաշինի, եւ իր փառքով երեւայ այնտեղ:
17. Ուշ դարձրեց նա խեղճերի աղօթքին, եւ չարիամարիեց խնդրանքը նրանց:
18. Սա պիտի գրուի այլ սերնդի համար, որպէս ժառանգութիւն ստացած նրա ժողովուրդը պիտի օրհնի Տիրոջը:
19. Նայեց նա իր սրբութեան բարձրութիւնից, Տէրն երկնքից երկիր նայեց՝
20. բանտարկեալների հառաչանքը լսելու եւ մահապարտների որդիներին ազատ արձակելու համար,
21. որ Սիոնում պատմեն անունը Տիրոջ, եւ Երուսաղէմում՝ գովքը նրա,
22. որ ժողովուրդներն իրար մօտ հաւաքուեն, եւ թագաւորները Տիրոջը ծառայեն:
23. Նա պատասխանեց նրան իր հզօրութեան ճանապարհին. Ասա՛ ինձ սակաւութիւնս իմ օրերի,
24. եւ ինձ մի՛ վերցրու օրերիս կեսին, քանզի յաւերժ ես տարիները քո:
25. Ի սկզբանէ, Տէ՛ր, երկրի հիմքերն հաստատեցիր, եւ երկինքն էլ գործն է քո ձեռքերի:
26. Կ'անցնեն դրանք, բայց դու կաս եւ կը մնաս յաւիտեան. ամէն ինչ ձորձի պէս կը մաշուի, դու վերարկուի պէս կը փոխես դրանք, ու դրանք կը փոխուեն:
27. Բայց դու նոյնը կը մնաս, եւ քո տարիները չեն անցնի:
28. Զո ծառաների որդիները կը բնակուեն այնտեղ, եւ նրանց սերնդին յաւիտեան յաջողութիւնը կ'ուղեկցի:

1. Օրհնի՛ր Տիրոջը, ո՛վ իմ անձ, եւ իմ բոլոր ոսկորները թող օրհնեն սուրբ անունը նրա:
2. Օրհնի՛ր Տիրոջը, ո՛վ իմ անձ, եւ մի՛ մոռացիր բոլոր պարգեւները նրա,
3. ով քաւութիւն է տալիս քո մեղքերին, բժշկում ախտերը քո բոլոր:
4. Նա, որ քո կեանքը փրկում է ապականութիւնից, քեզ պսակում է ողորմութեամբ ու գթութեամբ,
5. որ բարութեամբ յագեցնում է ցանկութիւնը քո, եւ քո երիտասարդութիւնը նորոգւում է արծուի պէս:
6. Ողորմութիւն ու արդարութիւն է շնորհում Տէրը բոլոր գրկեալներին:
7. Տէրն իր ուղիները ցոյց տուեց Մովսէսին, եւ իր կամքը՝ Իսրայէլի որդիներին:
8. Գթասիրտ, ողորմած է Տէրը, համբերատար ու ողորմաշատ:
9. Տէրն իսպառ չի բարկանում եւ յաւիտեան ո՛ր չի պահում:
10. Մեր մեղքերի համեմատ չվարուեց մեզ հետ, ոչ էլ մեր անօրէնութեան համեմատ հատուցեց մեզ:
11. Այլ որքան բարձր է երկինքը երկրից, այնքան զօրեղ է Տիրոջ ողորմութիւնն իրենից երկիւղ կրողների վրայ:
12. Որքան հեռու է արեւելքն արեւմուտքից, այնքան հեռացրեց նա մեր անօրէնութիւնները մեզից:
13. Ինչպէս որ մի հայր գթում է իր որդիներին, այնպէս Տէրը պիտի գթայ իրենից երկիւղ կրողներին:
14. Նա գիտէ կազմուածքը մեր եւ յիշում է, որ հող ենք մենք:
15. Մարդու օրերը խոտի պէս են. նա ծաղկում է ինչպէս վայրի ծաղիկ:
16. Երբ փչի քամին, նա կ'անհետանայ, եւ նրա տեղն իսկ չի երեւայ:
17. Բայց Տիրոջ ողորմութիւնը յաւիտեանս յաւիտենից իրենից երկիւղ կրողների վրայ է, եւ նրա արդարութիւնը՝ որդոց որդի նրանց հանդէպ,
18. որոնք պահում են ուխտը նրա, յիշում նրա պատուիրաններն ու կատարում դրանք:
19. Տէրն երկնքում հաստատեց իր աթոռը, նրա թագաւորութիւնը տիրում է բոլորին:
20. Օրհնեցէ՛ք Տիրոջը, նրա բոլո՛ր հրեշտակներ, որ հզօր էք ուժով, կատարում էք խօսքը նրա, լսում ձայնը նրա պատգամների:
21. Օրհնեցէ՛ք Տիրոջը, նրա բոլո՛ր զօրքեր, սպասաւորնե՛ր եւ նրա կամքը կատարողնե՛ր:
22. Օրհնեցէ՛ք Տիրոջը, նրա բոլոր գործերը, ամենուրեք է տէրութիւնը նրա: Հոգի՛դ իմ, օրհնի՛ր Տիրոջը:

1. Օրհնիր Տիրոջը, ո՛վ իմ անձ. Տէ՛ր իմ Աստուած, անչափ մեծ ես, գովաբանութեամբ ու մեծափառութեամբ զգեստաւորուեցիր:
2. Լոյսը կրեցիր ինչպէս վերարկու, երկինքը փռեցիր վրանի պէս,
3. քո վերնայարկը հաստատեցիր ջրերի վրայ: Երթեւեկում է Նա ամպերի մէջ եւ շրջում հողմերի թելերին:
4. Նա քամիները հրեշտակներ դարձրեց իրեն, եւ կիզիչ հուրը՝ սպասաւորների:
5. Երկիրն հաստատեց իր հիմերի վրայ, որ յաւիտեան չսասանուի:
6. Խոր ծովերն ասես նրա զգեցած վերարկուն լինեն: Ջրերը կանգնած են լեռների վրայ:
7. Նրանք պիտի փախչեն քո սաստից, եւ քո որոտի ձայնից պիտի սարսափեն:
8. Լեռները պիտի ելնեն ու դաշտերն իջնեն այնտեղ, ուր դու հաստատեցիր դրանք:
9. Սահման դրիր, որպէսզի չանցնեն եւ չողողեն երկիրը նորից:
10. Աղբիւրները դէպի ձորերն ուղղեցիր, եւ ջրերը լեռների միջով պիտի հոսեն՝
11. յագեցնելու ծարաւը բոլոր գազանների ու վայրի էջերի:
12. Այնտեղ երկնքի թռչունները բոյն պիտի դնեն եւ ժայռերի միջից ձայն պիտի տան:
13. Նա ջուր պիտի խմեցնի լեռներին իր շտեմարաններից, նրա գործերի պտուղներով պիտի երկիրը լցուի:
14. Մարդկանց կարիքների համար լեռներում խոտ աճեցրիր ու բանջար, եւ հողից հաց հանեցիր:
15. Գինին ուրախացնում է մարդուն, իւրը՝ զուարթացնում, եւ հացն ամրացնում է մարդու սիրտը:
16. Թող յագենան Տիրոջ ծառերն ու մայրիկները Լիբանանի, որ դու տնկեցիր:
17. Այնտեղ երկնքի թռչունները ձագ կը հանեն, եւ արագիլի բոյնը նրանց ապաստան կը լինի:
18. Բարձր լեռներն եղջերուների համար են, իսկ ժայռերը ապաստան են նապաստակների համար:
19. Դու հաստատեցիր լուսինը ժամանակը չափելու համար, արեգակն իմացաւ պահն իր մայրամուտի:
20. Դու խաւարն ստեղծեցիր, ու գիշեր եղաւ, որի մէջ շրջում են բոլոր գազաններն անտառի:
21. Առիւծների կորիւնները մոնչում են ու յօշոտում Աստծուց իրենց ուտելիքը խնդրելով:
22. Արեւածագին նրանք հաւաքւում են եւ հանգչում իրենց որջերում:
23. Մարդ մինչեւ երեկոյ գնում է իր գործին ու վաստակին իր ձեռքերի:
24. Որքա՛ն մեծ են գործերը քո, Տէ՛ր, ամէն ինչ իմաստութեամբ ստեղծեցիր դու, եւ աշխարհը լցուեց քո ստեղծածներով:
25. Ահա ծովը՝ մեծ եւ լայնատարած, որի մէջ վիստացող կենդանիներին թիւ չկայ. այնտեղ կան մեծամեծ ու փոքր գազաններ.
26. այնտեղ նաեւ նաւերն են լողում: Այնտեղ է վիշապը, որ դու ստեղծեցիր, որ խաղ անի ծովի հետ:
27. Բոլորը քեզ են սպասում, որ նրանց ուտելիքը ժամանակին տաս:
28. Տալիս ես նրանց, ու նրանք կերակրւում են, բացում ես ձեռքդ եւ քո հաճութեամբ սնում բոլորին:
29. Երբ շրջում ես երեսդ նրանցից, խռովւում են նրանք, երբ նրանցից հանում ես նրանց շունչը, սպառւում եւ հող են դառնում:
30. Ուղարկում ես քո շունչը եւ վերստեղծում նրանց, ու նորոգում երեսն երկրի:
31. Թող Տիրոջ փառքը յաւիտեան լինի, եւ Տէրն ուրախանայ իր արարածներով:
32. Նա նայում է երկրին ու դող պատճառում նրան, մերձենում լեռներին՝ եւ նրանք ծովի են արձակում:
33. Պիտի օրհնեմ Տիրոջն իմ կեանքում, սաղմոս պիտի երգեմ իմ Աստծուն՝ քանի դեռ կամ:

34. Օրհնութիւնն իմ քաղցր կը լինի նրան, եւ ես կ'ուրախանամ Տիրոջով:
35. Թող մեղաւորները պակասեն աշխարհից, եւ ամբարիշտներ թող չգտնուեն նրա մէջ: Հոգի՛դ իմ, օրհնի՛ր Տիրոջը: Ալելուիա:

1. Գոհութի՛ւն մատուցեցէք Տիրոջն ու նրա անո՛ւնը կանչեցէք, հեթանոսների մէջ պատմեցէ՛ք գործերը նրա:
2. Օրհնեցէ՛ք ու սաղմո՛ս երգեցէք նրան, պատմեցէ՛ք բոլոր հրաշագործութիւնները նրա:
3. Պարծեցէ՛ք նրա սուրբ անունով, թող ուրախ լինի սիրտը նրանց, ովքեր փնտռում են Տիրոջը:
4. Փնտռեցէ՛ք Տիրոջն ու հզօրացէ՛ք, փնտռեցէ՛ք նրա երեսն ամէն ժամ:
5. Յիշեցէ՛ք հրաշագործութիւնները նրա, սքանչելիքներն ու բերանի պատուիրանները նրա:
6. Աբրահամի՛ սերունդներ, դուք ծառաներն էք նրա, ընտրեալներն էք նրա, դուք՝ Յակոբի՛ որդիներ:
7. Նա ինքը Տէր Աստուածն է մեր, եւ ողջ աշխարհում են դատաստանները նրա:
8. Իր ուխտը նա յաւիտեան յիշեցել իր պատուիրած խօսքը՝ մինչեւ հազար տարի:
9. Ուխտ, որ Աբրահամի հետ կնքեց, եւ երդումն իր՝ Իսահակի հետ:
10. Յակոբի համար իր հրամանն հաստատեց, եւ Իսրայէլի համար՝ ուխտն իր յաւիտեանական:
11. Ասաց. Ձեզ պիտի տամ երկիրը Քանանի՝ բաժինը ձեր ժառանգութեան:
12. Երբ սակաւ էին նրանք թուով, տկար էին եւ օտար այդ երկրում,
13. դեգերում էին սերնդից սերունդ, մի թագաւորութիւնից դէպի մի այլ ժողովուրդ,
14. նա թոյլ չտուեց մարդկանց, որ վնասեն նրանց, կշտամբեց թագաւորներին նրանց համար:
15. Մի՛ մօտեցէք, - ասաց, - իմ օծեալներին, եւ մարգարէներիս վնաս մի՛ հասցրէք:
16. Սովի մատնեց երկիրը նրանց, հացի ամբողջ զօրութիւնը կոտրեց:
17. Նրանց առաջից մարդ ուղարկեց՝ Յովսէփին, որ վաճառուեց որպէս ստրուկ:
18. Նրա ոտքերը ցաւեցրին շղթաների մէջ, եւ նրա մարմինը երկաթով պնդեցրին,
19. մինչեւ որ նրա խօսքը կատարուեց, եւ Տիրոջ խօսքը փորձեց նրան:
20. Թագաւորը մարդ ուղարկեց ու կապանքներից արձակեց նրան, ժողովրդի իշխանը բաց թողեց նրան,
21. իր տան վրայ նրան տեր կարգեցել իր ողջ ունեցուածքի տնօրինող,
22. որպէսզի իր ուզածի պէս խրատի նրանց իշխաններին, եւ նրանց ծերերին իմաստուն դարձնի:
23. Իսրայէլը մտաւ Եգիպտոս, Յակոբը պանդխտութեան գնաց երկիրը Քամի:
24. Խիստ բազմացրեց Տէրն իր ժողովրդին, եւ նրան իր թշնամիներից զօրեղ դարձրեց:
25. Թշնամիների սիրտը շրջեց, որ ատեն իր ժողովրդին, եւ իր ծառաների դէմ նենգութիւն գործեն:
26. Տէրն ուղարկեց իր ծառայ Մովսէսին եւ իր ընտրեալ Ահարոնին՝
27. տալով նրանց իր նշանների ու սքանչելիքների խօսքը Քամի երկրում:
28. Խաւար ուղարկեց ու խաւարի մէջ թողեց նրանց, քանզի դառնացրին իր խօսքը:
29. Նրանց գետերն արիւն դարձրեց, եւ ոչնչացրեց բոլոր ձկները նրանց:
30. Նրանց երկիրն ու նրանց թագաւորների շտեմարանները լցրեց գորտերով:
31. Հրամայեց՝ եւ շնաճանճ ու մժեղ թափուեց նրանց երկրի բոլոր սահմաններում:
32. Նրանց անձրեւները կարկտի վերածեց, եւ նրանց երկրում հուր բորբոքուեց:
33. Հարուածեց այգիներն ու թզենիները նրանց, եւ փշրեց նրանց երկրի սահմաններում եղած ծառերը բոլոր:
34. Ասաց՝ եւ եկաւ մարախ ու խառնիճ, որոնց թիւ չկար:
35. Մարախը կերաւ նրանց երկրի ամբողջ խոտը, սպառեց նրանց դաշտի ամբողջ բերքը:
36. Տէրը հարուածեց Եգիպտացիների բոլոր անդրանիկ ծնունդներին՝ իրենց ամբողջ վաստակի առաջնեկներին:
37. Նրանց հանեց Եգիպտոսից ոսկով ու արծաթով, եւ նրանց ցեղի մէջ հիւանդ չկար:

38. Եգիպտոսն ուրախացաւ, որ Նրանք դուրս եկան, քանզի Տիրոջ ան ընկել էր իրենց վրայ:
39. Տերեկն ամպ սփռեց Նրանց ստուերելու համար, եւ գիշերն հրով լուսաւորեց Նրանց:
40. Նրանք խնդրեցին՝ ու լորամարգիներ իջան, եւ Տերը երկնային հացով կշտացրեց Նրանց:
41. Հարուածեց ժայռին՝ ու ջրեր բխեցին, եւ գետեր հոսեցին անապատով:
42. Յիշեց խօսքն իր սուրբ, որ տուել էր իր Աբրահամ ծառային:
43. Հանեց իր ժողովրդին ցնծութեամբ, եւ իր ընտրեալներին՝ ուրախութեամբ:
44. Նրանց տուեց գաւառներն հեթանոսների, եւ ժողովուրդների վաստակի ժառանգ դարձրեց Նրանց,
45. որ պահեն պատուիրաններն իր, ու հետեւեն իր օրէնքներին:



1. Գոհութիւն մատուցեցէք Տիրոջը, քանզի քաղցր է նա, քանզի յաւերժ է նրա ողորմութիւնը:
2. Ո՞վ պիտի պատմի զօրութիւնը Տիրոջ, լսելի դարձնի նրա ամբողջ օրհնութիւնը:
3. Երանի նրանց, ովքեր իրաւունքն են պահում եւ ամէն ժամ արդարութիւն գործում:
4. Յիշի՛ր մեզ, Տէ՛ր, ի հաճութիւն քո ժողովրդի, եւ այցելի՛ր մեզ քո շնորհելիք փրկութեամբ:
5. Տեսնենք բարութիւնը քո ընտրեալների, ուրախանանք քո ազգի ուրախութեամբ, ու պարծենանք քո ժառանգութեամբ:
6. Մենք մեր հայրերի հետ մեղանչեցինք, անօրէնութիւն եւ յանցանք գործեցինք:
7. Հայրերը մեր Եգիպտոսում չհասկացան քո հրաշագործութիւնները, չիշեցին քո ողորմութեան առատութիւնը, քեզ բարկացրին Կարմիր ծովն անցնելիս:
8. Նա փրկեց նրանց իր անուան համար, որ ճանաչեն իր զօրութիւնը:
9. Սաստեց Կարմիր ծովին՝ եւ այն ցամաքեց, նրանց առաջնորդեց անդնդի միջով ինչպէս անապատով:
10. Նրանց ազատեց իրենց ատողներից եւ նրանց փրկեց իրենց թշնամիների ձեռքից:
11. Ծովը ծածկեց նրանց հալածողներին, եւ սրանցից ոչ ոք չփրկուեց:
12. Հաւատացին նրա խօսքերին եւ օրհներգեցին նրան:
13. Բայց շուտով մոռացան գործերը նրա, եւ չանսացին նրա խորհուրդներին:
14. Անապատում ցանկութեամբ վառուեցին, ու փորձեցին Աստծուն անջրդի վայրում:
15. Իրենց խնդրածը նա տուեց նրանց, եւ լիութիւն ուղարկեց նրանց:
16. Բանակատեղիում բարկացրին Մովսէսին եւ Տիրոջ սրբին՝ Ահարոնին:
17. Գետինը բացուեց ու կլանեց Դադանին, ծածկեց բանակն Աբիրոնի:
18. Հուր բորբոքուեց նրանց հաւաքավայրերում, եւ բոցը լափեց մեղաւորներին:
19. Զորեքում մի հորթ շինեցին, եւ երկրպագեցին արձանին:
20. Իրենց Փառքը փոխարինեցին խոտակեր հորթի պատկերով:
21. Մոռացան իրենց կեանք տուած Աստծուն, որը մեծ գործեր կատարեց Եգիպտոսում,
22. սքանչելագործութիւններ՝ Քամի երկրում, եւ ահաւոր բաներ՝ Կարմիր ծովի վրայ:
23. Ասաց, թէ պիտի ոչնչացնի նրանց, եթէ նրա ընտրեալ Մովսէսն առջեւ կանգնած չլինէր: Նա դիմեց Տիրոջն ու վերացրեց բարկութիւնը նրա, որ նրանք չկոտորուեն:
24. Անարգեցին երկիրը ցանկալի, ու չհաւատացին Տիրոջ խօսքին:
25. Տրտնջացին իրենց բանակատեղիում, ու չլսեցին ձայնը Տիրոջ:
26. Տէրն իր ձեռքը բարձրացրեց նրանց վրայ, որ նրանց հարուածի անապատում,
27. որ նրանց սերունդը ցրուի հեթանոսների մէջ, նրանց սերունդը ցրուի գաւառներում:
28. Նրանք Բելփեգորին յարեցին, զոհի միս կերան ու մեռելոտի:
29. Բարկացրին Տիրոջն իրենց գործերով, եւ նրանց վրայ կոտորած իջաւ:
30. Ապա Փենէէսն եկաւ մէջտեղ, քաւութիւն տուեց, ու մահը վերջ գտաւ:
31. Նա արդարացի համարուեց սերնդից սերունդ՝ մինչեւ յաւիտենութիւն:
32. Նրան բարկացրին Հակառակութեան ջրերի մօտ, եւ Մովսէսը տանջուեց նրանց պատճառով,
33. քանզի դառնացրել էին նրա հոգին: Նա հրամայեց իր շրթունքներով,
34. եւ չկոտորուեցին այն ազգերը, որոնց մասին ասել էր Տէրը:
35. Խառնուեցին հեթանոսների մէջ, ու սովորեցին գործերը նրանց:
36. Ծառայեցին նրանց կուռքերին, որոնք իրենց գայթակղութիւնը դարձան:
37. Իրենց որդիներին ու դուստրերին զոհեցին դէւերին,
38. եւ անմեղ արին թափեցին՝ արիւնն իրենց որդիների ու դուստրերի, որ զոհեցին Քանանի կուռքերին:
39. Երկիրը շաղախուեց նրանց արեամբ, ու պղծուեց նրանց գործերից, քանզի պոռնկացան իրենց ընթացքով:
40. Սրտնեղած բարկացաւ Տէրն իր ժողովրդի վրայ, եւ խիստ զգուեց իր

Ժառանգութիւնից:

41. Նրանց մատնեց հեթանոսների ձեռքը, եւ իրենց ատողները տիրեցին նրանց:

42. Իրենց թշնամիները նեղեցին նրանց, եւ նրանք խեղճացան նրանց ձեռքի տակ:

43. Տէրը շատ անգամ փրկեց նրանց, բայց նրանք դառնացրին նրան իրենց չար խորհուրդներով, եւ ընկղմուեցին իրենց անօրէնութեան մէջ:

44. Տէրը նայեց նրանց նեղութեանը՝ լսելով ծայնը նրանց աղօթքի:

45. Յիշեց ուխտն իր, եւ իր առատ ողորմածութեամբ զղջաց:

46. Նրանց գթութեան արժանացրեց իրենց բոլոր գերեվարողների դիմաց:

47. Փրկի՛ր մեզ, Տէ՛ր Աստուած մեր, եւ հաւաքի՛ր մեզ հեթանոսների միջից: Մենք գոհութիւն պիտի մատուցենք քո սուրբ անուանը եւ պիտի պարծենանք քո օրհնութիւններով:

48. Օրհնեալ է Տէր Աստուածն Իսրայելի յաւիտեանս յաւիտենից. ողջ ժողովուրդը թող ասի՝ Թող լինի, թող լինի:

1. Գոհութիւն մատուցեցէք Տիրոջը, քանզի քաղցր է նա, քանզի յաւերժ է ողորմութիւնը նրա:
2. Այսպէս թող ասեն Տիրոջից փրկուածները, որոնց նա ազատեց թշնամու ձեռքից:
3. Բոլոր գաւառներից հաւաքեց նրանց՝ արեւելքից եւ արեւմուտքից, հիւսիսից եւ ծովի կողմից:
4. Մոլորուեցին նրանք անապատում, անջրդի ճանապարհին, եւ բնակուելու քաղաք չգտան:
5. Քաղց զգացին ու ծարաւեցին, եւ նրանց հոգիները նուաղեցին իրենց ներսում:
6. Աղաղակեցին Տիրոջն իրենց նեղութեան մէջ, եւ նա փրկեց նրանց իրենց վշտերից:
7. Առաջնորդեց նրանց ուղիղ ճանապարհով, որ գնան քաղաքն իրենց բնակութեան:
8. Թող մարդկանց որդիները գոհութիւն մատուցեն Տիրոջը նրա ողորմութիւնների եւ հրաշագործութիւնների համար,
9. քանզի նա յագեցրեց քաղցած հոգիները, եւ բարութեամբ լիացրեց կարօտեալ անձանց,
10. որոնք նստած էին խաւարում ու մահուան ստուերների մէջ՝ գամուած աղքատութեանն ինչպէս երկաթին,
11. քանի որ դառնացրին խօսքն Աստծու, եւ անարգեցին խորհուրդները Բարձրեալի:
12. Ցաւից սեղմուեցին սրտերը նրանց, տկարացան նրանք ու օգնող չունեցան:
13. Աղաղակեցին Տիրոջն իրենց նեղութեան մէջ, եւ նա ազատեց նրանց իրենց վշտերից:
14. Նրանց փրկեց խաւարից ու մահուան ստուերներից եւ փշրեց շղթաները նրանց:
15. Թող մարդկանց որդիները գոհութիւն մատուցեն Տիրոջը նրա ողորմութիւնների եւ հրաշագործութիւնների համար,
16. քանզի նա փշրեց դռները պղնձեայ եւ երկաթեայ սիգերը խորտակեց:
17. Օգնեց նրանց, երբ իրենց անօրէնութեան ճանապարհին էին, քանզի սաստիկ խեղճացել էին իրենց մեղքերից:
18. Ամեն տեսակ կերակուրից զարշեց սիրտը նրանց, եւ նրանք մօտեցան մահուան դռներին:
19. Աղաղակեցին Տիրոջն իրենց նեղութեան մէջ, եւ նա ազատեց նրանց իրենց վշտերից:
20. Առաքեց իր խօսքն ու բուժեց նրանց, եւ փրկեց նրանց իրենց ապականութիւնից:
21. Թող մարդկանց որդիները գոհութիւն մատուցեն Տիրոջը նրա ողորմութիւնների եւ հրաշագործութիւնների համար:
22. Թող նրան օրհնութեան պատարագ մատուցեն, եւ ցնծութեամբ նրա գործերը պատմեն:
23. Ովքեր ծով էին իջնում նաւերով եւ մեծ ջրերում գործեր կատարում,
24. նրանք տեսան Տիրոջ արարքները եւ նրա հրաշագործութիւններն անդնդի խորքերում:
25. Հրամայեց՝ եւ հողմ ու մրրիկ ելաւ, եւ բարձրացան ալիքները նրա:
26. Մարդիկ բարձրացան երկինք ու անդունդ իջան, եւ նրանց հոգիները մաշուեցին իրենց ներսում,
27. խռովուեցին նրանք, երերացին հարթածի պէս, եւ նրանց ողջ իմաստութիւնը կուզ գնաց:
28. Աղաղակեցին Տիրոջն իրենց նեղութեան մէջ, եւ նա փրկեց նրանց իրենց վշտերից:
29. Մրրիկը վերածեց խաղաղ օդի, եւ ալիքները դադարեցին:
30. Նրանք ուրախացան, որ ալիքները հանդարտուեցին, եւ նա նրանց իրենց ուզած նաւահանգիստն առաջնորդեց:
31. Թող մարդկանց որդիները գոհութիւն մատուցեն Տիրոջը նրա ողորմութիւնների եւ հրաշագործութիւնների համար:
32. Թող պանծացնեն նրան ժողովուրդների հաւաքներում, եւ ծերերի ատեաններում օրհնեն նրան,

33. քանզի գետերը ցամաքի վերածեց,եւ ջրերի ընթացքը՝ ծարաւած հողի:
34. Պտղաբեր երկիրն աղուտ դարձրեց՝ նրա բնակիչների չարութեան դիմաց:
35. Անապատը վերածեց ջրառատ վայրի, եւ ծարաւած հողը՝ հոսող ջրերի:
36. Այնտեղ բնակեցրեց քաղցեալներին, որոնք իրենց համար բնակութեան քաղաք չինեցին:
37. Վարեցին արտերը, այգիներ տնկեցին,եւ բերք աճեցրին իրենց համար:
38. Տէրն օրինեց նրանց՝ ու խիստ բազմացան, եւ նրանց անասունները չպակասեցին:
39. Նուազեցին նրանք եւ տանջուեցին չարիքների նեղութիւնից ու վշտերից:
40. Անարգանք թափուեց նրանց իշխանների վրայ, Տէրը մոլորեցրեց նրանց ճանապարհագուրկ անապատներում:
41. Տնանկներին օգնեց աղքատութեան մէջ, ոչխարների պէս առաջնորդեց նրանց, որ ազգ դառնան:
42. Թող արդարները տեսնեն եւ ուրախանան, եւ բոլոր անօրէնները փակեն բերաններն իրենց:
43. Ո՞վ է իմաստունն այն, որ պիտի պահպանի սա,եւ հասկանայ ողորմութիւնը Տիրոջ:

1. Դաւթի օրհնութեան սաղմոսը
2. Պատրաստ է սիրտն իմ, Աստուած, պատրաստ է սիրտն իմ օրհնելու եւ սաղմոսերգելու քեզ իմ փառաբանութեամբ:
3. Արթնացի՛ր փառք իմ, արթնացի՛ր սաղմոսով եւ օրհնութեամբ, եւ ես կ'արթնանամ առաւօտեան:
4. Գոհութիւն կը մատուցեմ քեզ ժողովուրդների մէջ, Տէ՛ր, եւ ազգերի մէջ սաղմոս կ'երգեմ քեզ:
5. Մեծ է քո ողորմութիւնը եւ երկնքից բարձր, եւ քո ճշմարտութիւնը հասնում է ամպերին:
6. Դու երկինք ես բարձրացած, Աստուած, եւ ողջ աշխարհն է բռնել փառքը քո:
7. Որպեսզի սիրելիներդ փրկուեն, պահպանի՛ր քո աջով եւ լսի՛ր մեզ:
8. Աստուած խօսեց իր սրբարանից. ես պիտի բարձրանամ, բաժանեմ Սիւքեմը եւ վրանների հովիտը պիտի չափեմ:
9. Իմն է Գաղաադն ու իմն է Մանասէն, Եփրեմն իմ գլխի սաղաւարտն է:
10. Յուդան թագաւորս է, Մովաբը՝ աւազանը յոյսիս: Դեպի Եդոմէ պիտի ուղղեմ երթն իմ. եւ այլազգիներն ինձ հնազանդուեցին:
11. Ո՞վ ինձ կը տանի բերդաքաղաք, կամ ո՞վ ինձ կ'առաջնորդի մինչեւ Եդոմէ,
12. եթէ ոչ դու, Աստուած, որ լքեցիր մեզ եւ մեր զօրքերի հետ դուրս չելար, Աստուած:
13. Նեղութեան մէջ օգնութի՛ւն տուր մեզ, քանզի ունայն է փրկութիւնը մարդու:
14. Աստուծով զօրութիւն կը ստեղծենք, եւ նա ամօթահար կ'անի մեր թշնամիներին:

1. Այսուհետեւ՝ սաղմոս Դաւթի
2. Ո՛վ իմ օրհնութեան Աստուած, մի՛ լռիր, քանզի մեղաւորի բերանը՝ բերանը  
նենգաւորի, բացուեց ինձ վրայ: Խօսեցին իմ մասին նենգամիտ լեզուով
3. Եւ ատելութեան խօսքերով պաշարեցին ինձ՝ յանիրաւի մարտնչելով իմ դէմ:
4. Սիրուս փոխարէն մեղադրեցին ինձ, բայց ես աղօթքի կանգնեցի:
5. Հատուցեցին ինձ չար՝ բարու փոխարէն, եւ իմ սիրոյ դիմաց՝ ատելութիւն:
6. Նրա դէմ մի չարագործ հանի՛ր, եւ սատանան թող կանգնի նրա աջ կողմում:
7. Իր դատաստանից թող նա յանցապարտ դուրս գայ, եւ նրա աղօթքը մեղք թող  
համարուի:
8. Թող նուազեն օրերը նրա, եւ նրա պաշտօնը թող ուրիշն առնի:
9. Նրա որդիները թող որբ դառնան, իսկ նրա կինն՝ այրի:
10. Նրա որդիները թող թափառական շրջեն ու մուրացիկ լինեն, եւ թող նրանք  
հեռանան իրենց բնակավայրից:
11. Պարտատէրը թող խուզարկի ողջ ունեցուածքը նրա, օտարները թող յափշտակեն  
վաստակը նրա:
12. Թող ոչ ոք աջակից չլինի նրան, եւ նրա որբերին ոչ ոք չգթայ:
13. Թող նրա որդիները կոտորուեն, եւ նրա անունը թող ջնջուի սերնդի միջից:
14. Թող Տիրոջ առջեւ յիշուեն նրա հօր մեղքերը, եւ նրա մօր մեղքերը չսրբուեն:
15. Թող նրանք ամեն ժամ Տիրոջ առջեւ լինեն, եւ նրանց յիշատակը թող վերանայ  
երկրից,
16. քանզի նա ողորմութիւն անելը չիշեց, հալածեց աղքատ ու տնանկ մարդուն, որ  
կործանի նրան, ով խոնարհ է սրտով:
17. Նա, որ անէծք սիրեց, թող այն իրեն դիպչի, նա, որ չուզեց օրհնութիւն, թող այն հեռու  
լինի նրանից:
18. Անէծքը, որ նա հագաւ ինչպէս հանդերձ, թող ջրի պէս լցուի նրա փորը, եւ ձեթի պէս՝  
նրա ոսկորների մէջ:
19. Թող նրա համար հազնելու զգեստ լինի այն, եւ մէջքին կապելու մշտական գօտի:
20. Այս է վարձը նրանց, ովքեր բամբասում էին ինձ Տիրոջ առջեւ, եւ ովքեր չարախօսում  
էին իմ մասին:
21. Բայց դու, Տէ՛ր, Տէ՛ր, ինձ հետ վարուի՛ր ինչպէս վայել է անուանդ, քանզի քաղցր է  
ողորմութիւնը քո:
22. Եւ փրկի՛ր ինձ, քանզի աղքատ ու տնանկ եմ ես, եւ սիրտս խռովուած է իմ ներսում:
23. Ստուերի պէս երկարելով սպառուեցի, եւ թափ տրուեցի ինչպէս մարախ:
24. Ծնկներս թուլացան ծոմապահութիւնից, եւ գունաթափուեց մարմինս իւղի  
պակասից:
25. Ես նրանց նախատինքը դարձայ, տեսան ինձ ու շարժեցին գլուխներն իրենց:
26. Օգնի՛ր ինձ, Տէ՛ր Աստուած իմ, եւ փրկի՛ր ինձ քո ողորմութեամբ:
27. Թող իմանան, որ քո ձեռքն այս է, եւ որ, Տէ՛ր, դո՛ւ արեցիր այս:
28. Թող նրանք անիծեն, բայց դու օրհնի՛ր. ինձ վրայ յարձակուողները թող ամօթահար  
լինեն, բայց քո ծառան թող ուրախանայ քեզնով:
29. Իմ մասին չարախօսողները թող ամօթ հազնենել իրենց ամօթը թիկնոցի պէս կրեն  
իրենց վրայ:
30. Իսկ ես մեծ գոհութիւն պիտի մատուցեմ Տիրոջն իմ բերանով, բազմութիւնների մէջ  
պիտի օրհնեմ քեզ,
31. քանզի նա կանգնեց տնանկիս աջ կողմը, որ փրկի ինձ նրանցից, ովքեր հալածում  
են ինձ:

1. Տէրն իմ Տիրոջն ասաց. Նստի՛ր իմ աջ կողմում, մինչեւ որ քո թշնամիներին ոտքերիդ պատուանդան դարձնեմ:
2. Տէրը քեզ իշխանութեան գաւազան կ'ուղարկի Սիոնից, եւ դու կ'իշխես քո թշնամիների մէջ:
3. Թեզևով է սկսւում զօրացումն իմ օրերի,քո սրբերի վայելչութեամբ. քեզ արշալոյսից առաջ ծնեցի արգանդից:
4. Երդուեց Տէրը եւ չի զղջայ, որ դու յաւիտենական քահանայ ես ըստ Մելքիսեդեկի կարգի:
5. Եւ Տէրը, որ քո աջ կողմում է, բարկութեան օրը կը կործանի թագաւորներին:
6. Կը դատի հեթանոսներին ու կը բազմացնի իր հարուածները,եւ շատերի գլուխը կը ջախջախի երկրի վրայ:
7. Ճանապարհին նա կը խմեցնի հեղեղատի ջրերից,եւ դրա համար էլ գլուխները վեր կը պահի:

1. Ամբողջ սրտովս քեզ պիտի գոհութիւն մատուցեմ, Տէ՛ր, արդարների ժողովում, հաւաքոյթի մէջ:
2. Մեծ են գործերը Տիրոջ, եւ քննուած է նրա կամքը ամէն ինչում:
3. Փառաւոր եւ վայելուչ են նրա գործերը, նրա արդարութիւնը կը տեւի յաւիտեանս յաւիտենից:
4. Արդարներին նա յիշեցրեց իր հրաշագործութիւնները. ողորմած եւ գթասիրտ է Տէրը:
5. Կերակուր է տալիս իրենից երկիւղ կրողերին, յաւիտեան յիշում իր ուխտը:
6. Իր գործերի զօրութիւնը յայտնեց նա իր ժողովրդին՝ նրանց տալով ժառանգութիւնը հեթանոսների:
7. Նրա ձեռքի գործերն արդար են ու իրաւացի, նրա բոլոր պատուիրանները՝ վստահելի:
8. Հաստատուած են դրանք յաւիտեանս յաւիտենից, ստեղծուած ճշմարտութեամբ եւ արդարութեամբ:
9. Տէրը փրկութիւն ուղարկեց իր ժողովրդին, յաւիտեանս պատգամեց իր ուխտը. սուրբ եւ ահեղ է նրա անունը:
10. Չգօնութեան սկիզբն երկիւղն է Տիրոջ հանդէպ, բարեմիտ են բոլոր նրանք, որ գործադրում են այն. նրա օրհնութիւնը կը մնայ յաւիտեանս յաւիտենից:



1. Երանի այն մարդուն, որ վախենում է Տիրոջից, եւ խիստ կամեցող է նրա պատուիրանների:
2. Նրա սերունդը հզօր կը լինի երկրի վրայ, եւ ուղղամիտների ազգը կ'օրհնուի:
3. Փառք եւ հարստութիւն կը լինի նրա տան մէջ, նրա արդարութիւնը կը մնայ յաւիտեանս յաւիտենից:
4. Արդարների համար լոյս ծագեց խաւարում. ողորմած, գթասիրտ եւ արդար է Տէրը:
5. Բարի մարդը ողորմած է եւ փոխ է տալիս, խօսքն իր կատարում արդարութեամբ,
6. որպէսզի յաւետ նա չսասանուի, յաւիտեան մնայ յիշատակն արդարի:
7. Չար լուրից նա չի վախենայ, նրա սիրտը պատրաստ է յոյս դնելու Աստծու վրայ:
8. Հաստատուն է սիրտը նրա եւ չի սոսկայ, մինչեւ իր թշնամիների վերջը չտեսնի:
9. Բաժանեց նա ու տուեց աղքատներին. նրա արդարութիւնը կը մնայ յաւիտեանս յաւիտենից, եւ նրա եղջիւրը բարձր կը լինի փառքով:
10. Մեղաւորը, տեսնելով, կը բարկանայ, կը կրճտեցնի ատամներն իր ու հալումաշ կը լինի, եւ մեղաւորների ցանկութիւնը կը կորչի:

1. Օրհնեցէ՛ք Տիրոջը, երիտասարդնե՛ր, օրհնեցէ՛ք անունը Տիրոջ:
2. Թող Տիրոջ անունն օրհնեալ լինի այսուհետեւ մինչեւ յաւիտեան:
3. Արեւելքից մինչեւ արեւմուտք օրհնեալ լինի անունը Տիրոջ:
4. Բարձր է Տերը բոլոր ազգերից վեր, եւ երկնքում է փառքը նրա:
5. Ո՞վ է նման մեր Տեր Աստծուն, որ բնակւում է բարձունքներում:
6. Նա տեսնում է հեզերին երկնքում ու երկրի վրայ:
7. Բարձրացնում է աղքատներին գետնից, եւ տառապեալներին վեր քաշում աղբաւոցից:
8. Նրանց որպէս իշխան նստեցնում է իր ժողովրդի իշխանների կողքին:
9. Ամուլ կնոջը բնակեցնում է ցնծալից տան մէջ՝ իբրեւ մայր, որ հրճւում է զաւակներով:

1. Երբ իսրայելացիներն ելան Եգիպտոսից, Յակոբի տունը՝ օտար ժողովրդի միջից,
2. Հրեաստանն եղաւ սրբարանը նրա, եւ Իսրայելը՝ իշխանութիւնը նրա:
3. Ծովը տեսաւ ու փախաւ, եւ Յորդանան գետը ետ դարձաւ:
4. Լեռները ցնծացին խոյերի պէս, եւ բլուրները՝ ինչպէս մաքիների գառներ:
5. Ինչ եղաւ քեզ, ծո՛վ, ո՞ւմ տեսար ու փախար, կամ դո՛ւ, գե՛տ Յորդանանի, ինչո՞ւ ետ դարձար:
6. Լեռներ, ցնծացի՞ք ինչպէս խոյեր, եւ բլուրներ՝ ինչպէս մաքիների գառներ:
7. Երկիրը սասանուեց Տիրոջ դիմաց՝ Յակոբի Աստծու դիմաց, նրա՛ դիմաց,
8. ով ժայռը դարձրեց ջրի վտակ, եւ ապառաժն՝ աղբիւրի ակունք:
9. Ոչ թէ մեզ, Տէ՛ր, ոչ թէ մեզ, այլ քո անուա՛նը փառք տուր քո ողորմութեան եւ ճշմարտութեան համար:
10. Թող երբեք հեթանոսների մէջ չասեն, թէ՛ Նրանց Աստուածն ո՞ւր է:
11. Մեր Աստուածը երկնքում է եւ երկրի վրայ. ինչ որ նա ուզեց՝ արեց:
12. Հեթանոսների կուռքերը ոսկի եւ արծաթ են, ձեռքի գործն են մարդկանց որդիների:
13. Բերան ունեն՝ բայց չեն խօսում, աչքեր ունեն՝ բայց չեն տեսնում:
14. Ականջներ ունեն՝ բայց չեն լսում, քիթ ունեն՝ բայց չեն հոտոտում:
15. Ձեռքեր ունեն՝ բայց չեն շօշափում, ոտքեր ունեն՝ բայց չեն քայլում, եւ նրանց կոկորդում ձայն չկայ:
16. Նրանց նման կը լինեն դրանք ստեղծողները եւ բոլոր նրանք, որ իրենց յոյսը դնում են դրանց վրայ:
17. Իսրայելի տունը յոյսը դրեց Տիրոջ վրայ, որը նրա օգնականն ու ապաւենն է:
18. Ահարոնի տունը յոյսը դրեց Տիրոջ վրայ, որը նրա օգնականն ու ընկերակիցն է:
19. Տիրոջից երկիւղ կրողները յոյսը դրին Տիրոջ վրայ, որը նրանց օգնականն ու փրկիչն է:
20. Յիշեց մեզ Տէրն ու օրհնեց մեզ, Տէրն օրհնեց տունն Իսրայելի, Տէրն օրհնեց տունն Ահարոնի:
21. Տէրն օրհնեց իրենից երկիւղ կրողներին՝ փոքրերին ու մեծերին:
22. Տէրը պիտի լիացնի ձեզ՝ ձեզ եւ ձեր որդիներին:
23. Օրհնուած էք դուք Տիրոջից, որ երկինքն ու երկիրն ստեղծեց:
24. Երկինքների երկինքը Տիրոջն է, բայց երկիրը նա տուեց մարդկանց որդիներին:
25. Մեռելները չէ, որ պիտի օրհնեն քեզ, ոչ էլ բոլոր նրանք, ովքեր դժոխք են իջնում,
26. այլ ողջերս Տիրոջը պիտի օրհնենք՝ այսուհետեւ մինչեւ յաւիտեան:

1. Հաճելի է ինձ, որ Տերը լսեց ձայնն իմ աղօթքի:
2. Ականջն իր մօտեցրեց ինձ, եւ ես իմ օրերում նրա՛ն դիմեցի:
3. Ինձ պատեց երկունքը մահուան, եւ դժոխքի վշտերն ինձ բռնեցին: Նեղութիւն եւ անձկութիւն գտայ
4. Եւ Տիրոջ անունը կանչեցի՝ ասելով. Ո՛վ Տէր, փրկի՛ր ինձ:
5. Գթառատ եւ արդար է մեր Տէր Աստուածը:
6. Տերը ողորմում եւ պահպանում է մանուկներին. ես խոնարհ եղայ, եւ Տէրն ինձ փրկեց:
7. Դարձի՛ր, հոգի՛դ իմ, դէպի հանգիստը քո, քանզի Տէրն օգնեց քեզ:
8. Նա ինձ փրկեց մահուանից, աչքերս՝ արտասուքից եւ ոտքերս՝ սայթաքումից:
9. Թող ողջերի երկրում հաճելի լինեմ Տիրոջ առջեւ:

1. Ինչ որ խօսեցի՝ հաւատացի դրան, եւ չափազանց խղճալի եղայ:
2. Չարմանքիս մէջ ասացի. Ամէն մարդ սուտ է:
3. Ինչ հատուցում պիտի անեմ Տիրոջն այն ամենի համար, որ ինձ տուեց:
4. Փրկութեան բաժակը պիտի վերցնեմ, եւ Տիրոջ անունը կանչեմ:
5. Աղօթքս Տիրոջը պիտի մատուցեմ իր ամբողջ ժողովրդի առջեւ:
6. Տիրոջ աչքում յարգելի է մահն իր սրբերի:
7. Ո՛վ Տէր, ես քո ծառան եմ, քո ծառան եւ քո աղախնի որդին:
8. Դու քանդեցիր իմ կապերը, ես քեզ օրհնութեան պատարագ պիտի մատուցեմ, եւ Տիրոջ անունը կանչեմ:
9. Աղօթքս Տիրոջը պիտի նուիրեմ իր ամբողջ ժողովրդի առջեւ,
10. Տիրոջ տան սրահներում եւ քո մէջ, Երուսաղէմ:

1. Օրհնեցէ՛ք Տիրոջը, բոլո՛ր ազգեր, գովեցէ՛ք նրան, բոլո՛ր ժողովուրդներ:
2. Թող նրա ողորմութիւնը հաստատուի մեզ վրայ, Տիրոջ ճշմարտութիւնը յաւիտեան թող մնայ:

1. Գոհութիւն մատուցեցէք Տիրոջը, քանզի բարի է նա, քանզի յաւերժ է ողորմութիւնը նրա:
2. Տունն Իսրայէլի թող ասի, որ բարի է նա, որ յաւերժ է ողորմութիւնը նրա:
3. Տունն Ահարոնի թող ասի, որ բարի է նա, որ յաւերժ է ողորմութիւնը նրա:
4. Տիրոջից երկիւղ կրողները թող ասեն, որ բարի է նա, որ յաւերժ է ողորմութիւնը նրա:
5. Նեղութեան ժամանակ ես Տիրոջը կանչեցի, նա լսեց ինձ եւ հանդարտութեան առաջնորդեց:
6. Տէրն օգնականն է իմ, եւ ես չեմ երկնչի. մարդն ինձ ի՞նչ կարող է անել:
7. Տէրն օգնականն է իմ, եւ ես կը տեսնեմ վախճանն իմ թշնամիների:
8. Լաւ է յոյսը դնել Տիրոջ վրայ, քան յոյսը դնել մարդկանց վրայ:
9. Լաւ է յոյսը դնել Տիրոջ վրայ, քան յոյսը դնել իշխանների վրայ:
10. Բոլոր ազգերը շրջապատեցին ինձ, բայց Տիրոջ անուամբ յաղթեցի նրանց:
11. Շուրջբոլորս բռնեցին, միահամուռ պաշարեցին ինձ, բայց Տիրոջ անուամբ վանեցի նրանց:
12. Մեղուների պէս շուրջս լցուեցին, վառուեցին բորբոքուեցին ինչպէս հրաճարակ փուշ, բայց Տիրոջ անուամբ վանեցի նրանց:
13. Երբ ինձ հրեցին, ես սասանուեցի եւ մօտ էի գլորուելու, բայց Տէրը բռնեց ինձ:
14. Իմ զօրութիւնն ու օգնութիւնն է Տէրը, նա իմ փրկութիւնը եղաւ:
15. Ցնծութեան եւ փրկութեան ծայն կայ արդարների սրահներում:
16. Տիրոջ աջը զօրութիւն գործեց, Տիրոջ աջը բարձրացրեց ինձ, եւ Տիրոջ աջը զօրութիւն գործեց:
17. Չպիտի մեռնեմ, այլ պիտի ապրեմ եւ Տիրոջ գործերը պիտի պատմեմ:
18. Տէրն ինձ խրատելով պատժեց, բայց չմատնեց մահուան:
19. Բացէ՛ք արդարութեան դռներն իմ առաջ, որ մտնեմ ներս ու Տիրոջը գոհութիւն մատուցեմ:
20. Տիրոջ դուռն է սա, եւ արդարները այս դռնով պիտի մտնեն:
21. Գոհութիւն պիտի մատուցեմ քեզ, Տէ՛ր, քանզի լսեցիր ինձ, եւ ինձ համար փրկութիւն եղար:
22. Զարն այն, որ շինարարներն արհամարհեցին, ա՛յն դարձաւ անկիւնաքար:
23. Տիրոջից եղաւ այս բանը, եւ սքանչելի է մեր աչքերին:
24. Սա է օրն այն, որ Տէրն ստեղծեց. եկէ՛ք ցնծանք եւ ուրախանանք այսօր:
25. Ո՛վ Տէր, փրկի՛ր, ո՛վ Տէր, առաջնորդի՛ր:
26. Օրհնեալ ես դու, որ պիտի գաս Տիրոջ անունով, մենք օրհնեցինք քեզ Տիրոջ տնից:
27. Մե՛ր Տէր Աստուածը երեւաց մեզ, կատարեցէ՛ք տօնն ուրախութեան մատղաշ ճիւղերով՝ մուտքից մինչեւ անկիւնները սեղանի:
28. Դու իմ Աստուածն ես, պիտի գոհութիւն մատուցեմ քեզ, դու իմ Աստուածն ես, պիտի մեծարեմ քեզ: Գոհութիւն պիտի մատուցեմ քեզ, Տէ՛ր, քանզի լսեցիր ինձ, եւ ինձ համար փրկութիւն եղար:
29. Գոհութիւն մատուցենք Տիրոջը, քանզի բարի է նա, քանզի յաւերժ է նրա ողորմութիւնը նրա:

1. Երանի նրանց, ովքեր անբիժ ուղի են բռնել,եւ ընթանում են Տիրոջ օրէնքով:
2. Երանի նրանց, ովքեր հետեւում են նրա պատուիրաններին, իրենց ամբողջ սրտով փնտռում են նրան:
3. Անօրէնութիւն գործողները չեն, որ պիտի ընթանան նրա ճանապարհներով:
4. Դու հրամայեցիր, որ քո պատուիրանները խստօրէն պահեմ:
5. Իմ ճանապարհները յաջող կը լինեն, եթէ քո պատուիրանները պահեմ:
6. Այն ժամանակ ես չէի ամաչում՝երբ զգոյշ էի քո պատուիրանների հանդէպ:
7. Ես գոհութիւն պիտի մատուցեմ քեզ, Տէ՛ր, ուղիղ սրտով, սովորելով քո արդար դատաստանները:
8. Պահեցի ես քո օրէնքները, իսպառ մի՛ լքիր ինձ:
9. Երիտասարդն ի՞նչ միջոցով ուղղի ճանապարհն իր,եթէ ոչ քո խօսքերը պահելով:
10. Իմ ամբողջ սրտով քեզ փնտռեցի, մի՛ զրկիր ինձ քո պատուիրաններից:
11. Զո խօսքերը սրտումս թաքցրի, որ չմեղանչեմ քո դէմ:
12. Օրհնեալ ես դու, Տէ՛ր, սովորեցրո՛ւ ինձ քո օրէնքները,
13. որ շրթուներով իմ պատմեմ բերանիդ բոլոր դատաստանները:
14. Զո պատուիրանների ճանապարհին եմ գտնում ես իմ ուրախութիւնը,աւելի քան ամէն տեսակ հարստութեան մէջ:
15. Զո պատուիրանների մասին խորհեցի, հետեւեցի քո ճանապարհներին:
16. Զո օրէնքները կատարեցի եւ չմոռացայ խօսքերը քո:
17. Հատուցի՛ր քո ծառային, որ ապրեմ ու պահեմ խօսքերը քո:
18. Բա՛ց իմ աչքերը, որ տեսնեմ քո օրէնքի հրաշալիքները:
19. Պանդուխտ եմ ես երկրի երեսին, պատուիրաններդ մի՛ թաքցրու ինձնից:
20. Ես փափագեցի ամէն ժամ ցանկանալ քո դատաստանները:
21. Դու սաստեցիր ամբարտաւաններին. անիծեալ են նրանք, ովքեր խոտորուեցին քո պատուիրաններից:
22. Հեռացրո՛ւ ինձնից նախատինքն ու արհամարհանքը, քանզի ես նախանձախնդիր եղայ քո վկայութիւններին:
23. Թէեւ իշխանները նստած չարախօսում էին իմ մասին, բայց քո ծառան խորհում էր քո օրէնքների մասին:
24. Զո վկայութիւններն իմ խօսքերն էին, եւ քո արդարութիւնն՝ իմ խորհուրդը:
25. Հոգիս մերձեցաւ հողին. Տէ՛ր, ըստ քո խոստման՝ փրկի՛ր ինձ:
26. Իմ ճանապարհների մասին պատմեցի քեզ, ու դու ինձ լսեցիր.դատաստաներդ սովորեցրո՛ւ ինձ:
27. Ինձ ճանաչե՛լ տուր քո արդարութիւնների ճանապարհը, որ խորհեմ քո հրաշագործութիւնների մասին:
28. Հոգիս անքուն մնաց ձանձրոյթից, ըստ քո խոստման՝ ամրապնդի՛ր ինձ:
29. Մեղքի ճանապարհները հեռացրո՛ւ ինձնից,եւ քո օրէնքով ողորմի՛ր ինձ:
30. Զո ճշմարտութեան ճանապարհն ընտրեցի,եւ քո օրէնքները ես չմոռացայ:
31. Մերձեցայ քո պատուիրաններին. Տէ՛ր, մի՛ ամաչեցրու ինձ:
32. Զո պատուիրանների ճանապարհով ընթացայ, քանզի անդորրութիւն տուիր իմ սրտին:
33. Տէ՛ր, իրաւունքիդ ճանապարհի օրէնսգէտն ի՛նձ դարձրու, որ ամէն ժամ հետեւեմ դրան:
34. Իմաստո՛ւն դարձրու ինձ, որ քննեմ քո օրէնքը եւ ամբողջ սրտովս պահպանեմ այն:
35. Առաջնորդի՛ր ինձ քո պատուիրանների շաւիղներով, քանզի հաճելի են դրանք ինձ:
36. Սիրտս հակի՛ր դէպի քո պատուիրանները, եւ ոչ թէ դէպի ազահութիւն:
37. Շրջի՛ր աչքերս, որ ունայնութիւն չտեսնեմ, ինձ պահպանի՛ր քո ճանապարհին:
38. Զո ծառայի համար հաստատի՛ր քո խօսքը,որ քո երկիւղի մէջ մնամ:
39. Ազատի՛ր ինձ նախատինքներից, որոնցից կասկածում էի, քանզի քաղցր են



դատաստանները քո:

40. Ահա ցանկացայ քո պատուիրանները, քո արդարութեամբ պահպանի՛ր ինձ:

41. Ողորմութիւնդ ինձ վրայ թող գայ, Տէ՛ր, եւ փրկութիւնդ՝ ըստ քո խոստման:

42. Ես խօսքով պատասխան կը տամ ինձ նախատողներին, քանզի յոյսս դրի քո խօսքերի վրայ:

43. Ճշմարտութեան խօսքը բնաւ մի՛ հեռացրու իմ բերանից, քանզի յոյսս դրի քո դատաստանների վրայ:

44. Քո օրէնքը պահեցի ամէն ժամ, յաւիտեան եւ յաւիտեանս յաւիտենից:

45. Ես ընթացայ անդորրութեան մէջ, քանզի քո պատուիրանները փնտռեցի:

46. Թագաւորների առաջ խօսեցի քո պատուիրանների մասին ու չամաչեցի:

47. Խորհեցի քո պատուիրանների մասին, որոնք սիրեցի:

48. Ձեռքս պարզեցի դէպի պատուիրանները քո, որոնք սիրեցի, եւ խորհեցի քո արդարութեան մասին:

49. Յիշի՛ր քո ծառային տրուած խօսքը, որի վրայ էլ դրիր իմ յոյսը:

50. Դա է թշուառութեանս մէջ ինձ մխիթարողը, քանզի քո խօսքն ինձ պահպանեց:

51. Ամբարտաւանները շատ անիրաւութիւն գործեցին իմ դէմ, բայց ես քո օրէնքից չխոտորուեցի:

52. Քո յաւերժական օրէնքները յիշեցի, Տէ՛ր, ու մխիթարուեցի:

53. Տրտմութիւն իջաւ ինձ վրայ մեղաւորների ու քո օրէնքը լքողների երեսից:

54. Պատուիրաններդ գովասանքի արժանի են ինձ համար իմ պանդխտավայրում:

55. Գիշերն յիշեցի քո անունը, Տէ՛ր, եւ քո օրէնքը պահեցի:

56. Դա՛ եղաւ կեանքիս ուղին, քանզի քո արդարութիւնը փնտռեցի:

57. Բաժինս դո՛ւ ես, Տէ՛ր, ասացի որ օրէնքիդ պիտի հետեւեմ:

58. Ամբողջ սրտովս աղօթեցի քո դիմաց, ողորմի՛ր ինձ ըստ քո խոստման:

59. Իմ ճանապարհի մասին խորհեցի, եւ քայլերս դէպի քո պատուիրանները շրջեցի:

60. Պատրաստուեցի եւ չվախեցայ պահել քո պատուիրանները:

61. Մեղքի ցանցերը պատեցին ինձ, բայց քո օրէնքը ես չմոռացայ:

62. Կեսգիշերին ելնում էի գոհութիւն մատուցելու քեզ քո արդար դատաստանների համար:

63. Հաղորդակցւում էի քեզնից երկիւղ կրող բոլոր մարդկանց հետ, ովքեր պահում են պատուիրանները քո:

64. Երկիրը լցուել է Տիրոջ ողորմութեամբ, սովորեցրո՛ւ ինձ արդարադատութիւնը քո:

65. Զաղցրութեամբ վարուեցիր ծառայիդ հետ, Տէ՛ր, քո խօսքի համաձայն:

66. Զաղցրութիւն, խրատ եւ գիտութիւն սովորեցրո՛ւ ինձ, քանզի հաւատացի քո պատուիրաններին:

67. Քանի դեռ չէի խեղճացել՝ մեղանջում էի, դրա համար խստօրէն հետեւեցի քո խօսքերին:

68. Զաղցր ես դու, Տէ՛ր, եւ քո քաղցրութեամբ քո արդարադատութիւնը սովորեցրո՛ւ ինձ:

69. Ամբարտաւանների անիրաւութիւններն իմ դէմ շատացան, բայց ես ամբողջ սրտովս քո պատուիրանները քննեցի:

70. Կաթի պէս թանձրացաւ սիրտը նրանց, բայց ես քո օրէնքներով խօսեցի:

71. Լաւ է, որ դու խոնարհ դարձրիր ինձ, որպէսզի քո արդարադատութիւնը սովորեմ:

72. Քո բերանից ելած օրէնքն ինձ համար աւելին է, քան հազարներով արծաթ ու ոսկի:

73. Քո ձեռքերն արարեցին ու ստեղծեցին ինձ, ինձ իմաստո՛ւն դարձրու, որ սովորեմ պատուիրանները քո:

74. Քեզնից երկիւղ կրողները պիտի տեսնեն ինձ եւ ուրախանան, քանզի յոյսս դրի քո խօսքերի վրայ:

75. Հասկացայ, Տէ՛ր, որ քո դատաստանն արդար է, եւ իրաւացիօրէն խոնարհ դարձրիր ինձ:

76. Ողորմութիւնդ թող ինձ մխիթարութիւն լինի՝ ծառայիդ տրուած խօսքիդ համաձայն:

77. Գթութիւններդ թող ինձ վրայ գան, որպէսզի փրկուեմ, քանզի քո օրէնքներն են իմ խօսքերը:
78. Ամբարտաւանները պիտի ամաչեն, որ իզուր անիրաւութիւն գործեցին իմ դէմ, իսկ ես քո պատուիրանների մասին պիտի խորհեմ:
79. Թող ինձ խրատեն քեզնից երկիւղ կրողները եւ քո վկայութիւնները ճանաչողները:
80. Թող սիրտս անբիժ լինի քո արդարութեան մէջ, որպէսզի չամաչեմ:
81. Հոգիս կարօտեց քո փրկութեանը, քանզի յոյսս դրի քո խօսքի վրայ:
82. Աչքերս սպասեցին քո խօսքին, ասացի՝ Ե՞րբ պիտի մխիթարես ինձ:
83. Եղայ ես ինչպէս տիկը սառնամանիքում, քանի որ քո արդարադատութիւնը չմոռացայ:
84. Որքա՞ն են քո ծառայի օրերը, Ե՞րբ պիտի տեսնես դատաստանն ինձ հալածողների:
85. Անօրէններն ինձ խորհուրդներ տուին, բայց ոչ քո օրէնքի համեմատ:
86. Զոհող պատուիրանները ճշմարիտ են, իզուր ինձ հալածեցին, օգնի՛ր ինձ:
87. Մի փոքր եւս՝ եւ նրանք կորստեան կը մատնէին ինձ երկրի երեսին, բայց ես չլքեցի քո պատուիրանները:
88. Զոհողութեամբ կեանք տուր ինձ, եւ ես կը պահպանեմ քո բերանի վկայութիւնները:
89. Զոհ խօսքը, Տէ՛ր, յաւիտեան երկնքում է:
90. Սերնդից սերունդ մնում է քո ճշմարտութիւնը, դու հաստատեցիր երկիրը, որ կայ:
91. Զոհրամանին է սպասում ցերեկը, քանզի բոլորը քո ծառաներն են:
92. Եթէ քո օրէնքն իմ խօսքը չլինէր, վաղուց ես կործանուած կը լինէի իմ թշուառութեան մէջ:
93. Յաւիտեան չպիտի մոռանամ քո արդարութիւնները, քանզի դրանցո՛վ ինձ պահպանեցիր:
94. Զոհն եմ ես՝ փրկի՛ր ինձ, քանզի արդարադատութիւնդ փնտռեցի:
95. Մեղաւորները հետամտեցին, որ կործանեն ինձ, քանզի մտքումս քո վկայութիւնները դրի:
96. Ամէն կատարելութեան վախճանը տեսայ, քո պատուիրանները խիստ ընդարձակ էին ինձ համար:
97. Որքա՞ն սիրեցի օրէնքները քո, նրանք գիշեր-ցերեկ իմ խոհերն էին:
98. Թշնամիներիցս աւելի խելացի դարձրիր ինձ քո պատուիրաններով, քանզի նրանք իմն էին միշտ:
99. Բոլոր ուսուցիչներիցս աւելի իմաստուն եղայ, քանզի քո վկայութիւններն իմ խոհերն էին:
100. Ծերունիներից աւելի իմաստուն դարձայ, քանզի քո պատուիրանները քննեցի:
101. Ոտքերս ետ պահեցի չարիքի բոլոր ճանապարհներից, որպէսզի պահեմ քո խօսքերը:
102. Զոհ իրաւունքից չխտորուցի, քանզի դու ինձ օրէնսգետ դարձրիր:
103. Որքա՞ն քաղցր են քո խօսքերն իմ քիմքին՝ աւելի քաղցր, քան մեղրն իմ բերանին:
104. Զոհ պատուիրաններով իմաստնանալով՝ ատեցի չարիքի բոլոր ճանապարհները, քանզի դու ինձ օրէնսգետ դարձրիր:
105. Զոհ խօսքը ճրագ է իմ ոտքերի համար, եւ լուսաւորում է իմ շաւիղները:
106. Երդուցի ու որոշեցի, որ պիտի պահեմ քո բոլոր արդար դատաստանները:
107. Սաստիկ թշուառ եղայ. Տէ՛ր, կեանք տուր ինձ ըստ քո խոստման:
108. Բարեհաճի՛ր ընդունել ընծան իմ բերանի, Տէ՛ր, եւ քո իրաւունքն ինձ սովորեցրո՛ւ:
109. Հոգիս ամէն ժամ քո ձեռքում է, եւ ես քո օրէնքը չմոռացայ:
110. Մեղաւորները որոգայթ լարեցին իմ դէմ, ես քո պատուիրաններից չխտորուցի:
111. Յաւիտեան ժառանգեցի քո վկայութիւնները, քանզի նրանք իմ սրտի ցնծութիւնն են:
112. Սիրտս առյաւէտ խոնարհեցրի, որ հատուցման համար քո օրէնքները կատարեմ:
113. Ատեցի անօրէններին, եւ քո օրէնքը սիրեցի:

114. Օգնականն ու փրկիչն իմ դու ես, եւ ես յոյսս դրի քո խօսքի վրայ:
115. Հեռացէ՛ք ինձնից, չարագործներ, որ ես իմ Աստծու պատուիրանները քննեմ:
116. Օգնի՛ր ինձ ըստ քո խօսքի ու պահպանի՛ր ինձ, եւ իմ յոյսի մէջ ինձ մի՛ ամաչեցրու:
117. Օգնի՛ր ու փրկի՛ր ինձ, որ շարունակ քո դատաստանի մասին մտածեմ:
118. Անարգեցիր բոլոր նրանց, ովքեր ընդվզեցին քո արդարադատութեան դէմ, քանզի անիրաւ էին նրանց խորհուրդները:
119. Յանցաւոր համարեցի աշխարհի բոլոր մեղսագործներին, դրա համար սիրեցի պատուիրանները քո:
120. Մարմինս իմ գամի՛ր քո երկիւղին, քանզի սաստիկ վախեցայ քո դատաստաններից:
121. Դատաստան եւ արդարութիւն գործեցի, ինձ մի՛ մատնիր ինձ նեղողների ձեռքը:
122. Ծառայիդ բարութեամբ ընդունիր, որ ամբարտաւանները չչարչարեն ինձ:
123. Աչքերն իմ սպասեցին քո շնորհելիք փրկութեանը, Տէ՛ր, եւ քո արդարութեան խօսքին:
124. Ծառայիդ հետ վարուի՛ր քո ողորմութեան համեմատ, քո արդարադատութիւնն ինձ սովորեցրո՛ւ:
125. Ես քո ծառան եմ, ինձ իմաստո՛ւն դարձրու, որ ճանաչեմ քո վկայութիւնները:
126. Ժամն է, որ Տէրը վեր կենայ, քանզի խափանեցին քո օրէնքը:
127. Յիրաւի, սիրեցի քո պատուիրանները ոսկուց ու տպագիտից աւելի:
128. Զո բոլոր պատուիրաններն ինձ յաջողութիւն բերին, քանզի ատեցի ճանապարհը չարիքի:
129. Սքանչելի են քո վկայութիւնները, դրա համար հոգիս սիրեց դրանք:
130. Զո խօսքերի յայտնութիւնը լուսաւորում եւ իմաստնացնում է պարզամիտներին:
131. Բերանս բացեցի ու շունչ առայ, հոգիս փափագեց պատուիրանները քո:
132. Նայիր ի՛նձ եւ ողորմի՛ր ինձ քո անունը սիրողների իրաւունքի համեմատ:
133. Ճանապարհն իմ ուղղի՛ր քո խօսքի համաձայն, որ զանազան մեղքեր չտիրեն ինձ:
134. Փրկի՛ր ինձ մարդկանց զրպարտութիւնից, եւ ես քո պատուիրանները կը պահեմ:
135. Երեսդ ցո՛յց տուր քո ծառային, եւ քո արդարադատութիւնը սովորեցրո՛ւ ինձ:
136. Ջրերի վտակներ իջան իմ աչքերից, քանզի մարդիկ չհետեւեցին քո օրէնքներին:
137. Արդար ես դու, Տէ՛ր, եւ շիտակ են քո դատաստանները:
138. Դու պատուիրեցիր քո վկայութիւնները, որոնք արդարեւ շատ ճշմարիտ են:
139. Նախանձախնդրութիւնը քո հանդէպ մաշեց ինձ, քանզի թշնամիներն իմ մոռացան խօսքերը քո:
140. Խիստ ընտիր են խօսքերը քո, եւ քո ծառան սիրեց դրանք:
141. Մանուկ եմ ես եւ արհամարհուած, բայց քո արդարութիւնը չմոռացայ:
142. Զո արդարութիւնը յաւերժական արդարութիւն է, եւ քո օրէնքը՝ ճշմարիտ:
143. Նեղութիւնն ու վիշտն ինձ պատեցին, բայց քո պատուիրաններն իմ խօսքերն եղան:
144. Զո վկայութիւններն արդար են յաւիտեան, իմաստո՛ւն դարձրու եւ պահպանի՛ր ինձ:
145. Ամբողջ սրտովս քեզ ձայն տուի, լսի՛ր ինձ, Տէ՛ր, քանզի քո արդարութիւնը փնտռեցի:
146. Աղաղակեցի քո առջեւ՝ փրկի՛ր ինձ, եւ ես քո վկայութիւնները կը պահեմ:
147. Ես վաղ առաւօտեան արթնացայ ու աղաղակեցի եւ իմ յոյսը դրի քո խօսքերի վրայ:
148. Առաւօտից շուտ բացուեցին աչքերն իմ, որ քո խօսքերն արտասանեմ:
149. Լսի՛ր իմ ձայնը, Տէ՛ր, ըստ քո ողորմութեան. Տէ՛ր, քո դատաստանով փրկի՛ր ինձ:
150. Հալածիչներս անօրէնութիւնը մօտեցրին ինձ, քանզի նրանք հեռու եղան քո օրէնքից:
151. Մօտ ես դու, Տէ՛ր, եւ քո բոլոր պատուիրանները ճշմարիտ են:
152. Սկզբից եւեթ ճանաչեցի քո վկայութիւնները, որոնք դու յաւիտեա՛ն հաստատեցիր:
153. Տե՛ս իմ թշուառութիւնը եւ փրկի՛ր ինձ, քանզի քո օրէնքը ես չմոռացայ:

154. Տե՛ս իմ դատաստանը եւ ազատի՛ր ինձ, ու քո խօսքի համաձայն պահպանի՛ր ինձ:
155. Փրկութիւնը հեռու է մեղաւորներից, քանզի նրանք քո օրէնքները չպահեցին:
156. Զո գթութիւնները շատ են, Տե՛ր, եւ քո դատաստանի համաձայն պահպանի՛ր ինձ:
157. Բազմաթիւ եղան իմ հալածիչներն ու ինձ նեղողները, բայց քո վկայութիւններից ես չխոտորուեցի:
158. Մաշու՛մ էի նայելով անողորմներին, քանզի քո պատուիրանները չպահեցին նրանք:
159. Տե՛ս, թէ որքա՛ն սիրեցի քո պատուիրանները. Տե՛ր, քո ողորմութեամբ կեա՛նք տուր ինձ:
160. Զո խօսքի սկիզբը ճշմարտութիւնն է, յաւերժ են քո բոլոր արդար դատաստանները:
161. Իշխաններն իզուր հալածեցին ինձ. սիրտս միայն քո խօսքերից սարսափեց:
162. Ես ցնծացի քո խօսքերով ինչպէս մէկը, որ մեծ աւար է գտնու՛մ:
163. Ատեցի ու արհամարհեցի մեղքը, եւ քո օրէնքը սիրեցի:
164. Օրուայ մէջ եօթն անգամ քեզ պիտի օրհնեմ քո արդար դատաստանի համար:
165. Զո օրէնքը սիրողները մեծ խաղաղութեան մէջ են, եւ նրանց համար չկայ գայթակղութիւն:
166. Սպասեցի քո փրկութեանը, Տե՛ր, եւ քո պատուիրանները սիրեցի:
167. Հոգիս պահեց քո վկայութիւնները, եւ ես շատ սիրեցի դրանք:
168. Հետեւեցի քո պատուիրաններին եւ վկայութիւններին, քանզի իմ բոլոր ուղիներն առջեւդ են:
169. Իմ խնդրանքները թող մօտենան քեզ, Տե՛ր, քո խօսքի համաձայն իմաստո՛ւն դարձրու ինձ:
170. Իմ աղօթքը թող հասնի քեզ, Տե՛ր, եւ քո խօսքով փրկի՛ր ինձ:
171. Իմ շրթունքները քեզ օրհնութիւն կը բխեցնեն, երբ ինձ սովորեցնես քո արդարադատութիւնը:
172. Իմ լեզուն քո խօսքերը կ'արտասանի, քանզի քո բոլոր պատուիրաններն արդար են:
173. Զո ձեռքն իմ պահապանը թող լինի, քանզի քո պատուիրաններն ընտրեցի:
174. Զո շնորհելիք փրկութիւնը ցանկացայ, Տե՛ր, եւ քո օրէնքներն իմ խօսքերն եղան:
175. Թող ես ապրեմ, որ օրհնեմ քեզ, եւ քո արդարադատութիւնն ինձ թող օգնի:
176. Մոլորուեցի կորուսեալ ոչխարի պէս, փնտռի՛ր ծառայիդ, քանզի պատուիրաններդ չեմ մոռացել:

1. Օրհներգութիւններ բարձունքի աստիճանների վրայ
2. Նեղութեանս մէջ ես Տիրոջը ձայն տուի, եւ նա լսեց ինձ:
3. Տէ՛ր, փրկի՛ր ինձ նենգ շրթունքներից ու չար լեզուից:
4. Ի՞նչ պիտի տրուի քեզ, կամ ի՞նչ պիտի աւելանայ, նե՛նգ լեզու. -
5. դրանք հսկայի նետեր են, որոնք կայծակներով մխւում են կաղնու մէջ:
6. Վա՛յ ինձ, քանզի երկար տեւեց պանդխտութիւնս իմ, ես բնակուեցի Կեդարի վրաններում:
7. Շատ ժամանակ հոգիս բնակուեց նրանց հետ, ովքեր ատում են խաղաղութիւնը:
8. Ես խաղաղասեր էի. երբ խօսում էի, նրանք մարտնչում էին իմ դէմ:

1. Օրհներգութիւններ Բարձունքի աստիճանների վրայ
2. Աչքերս դէպի լեռները բարձրացրի, որտեղից ինձ օգնութիւն պիտի գայ:
3. Ինձ օգնութիւն պիտի գայ Տիրոջից, որ ստեղծեց երկինքն ու երկիրը:
4. Թող քո ոտքը չսասանուի, եւ քո Պահապանը թող չննջի,
5. ինչպէս չի ննջում եւ քուն չի մտնում Պահապանն Իսրայէլի:
6. Տէրը քեզ կը պահպանի, Տէրը քեզ կ'ընդունի իր աջ ձեռքով:
7. Ցերեկն արեգակը քեզ չի վնասի, ոչ էլ լուսինը՝ գիշեր ժամանակ:
8. Տէրը քեզ կը պահպանի ամէն չարիքից, Տէրը կը պահպանի քեզ:
9. Տէրը կը հսկի քո մուտքն ու ելքը՝ այսուհետեւ մինչեւ յաւիտեան:

1. Օրհներգութիւններ Բարձունքի աստիճանների վրայ
2. Ուրախանում էի, երբ ասում էին՝ Գնանք Տիրոջ տուն:
3. Մեր ոտքերը հասել կանգնել էին քո դռներին, ո՛վ Երուսաղէմ:
4. Երուսաղէմը բարեշէն է որպէս քաղաք, եւ նրա բնակիչներն իր շուրջն են:
5. Ցեղերն այնտեղ բարձրացան՝ ցեղերը Տիրոջ, որ Իսրայէլի վկայութեամբ գոհութիւն մատուցեն Տիրոջ անուանը:
6. Այնտեղ են դրուած դատաստանի աթոռները՝ աթոռներ դրուած Դաւթի տան մէջ:
7. Հարցրէ՛ք Երուսաղէմի խաղաղութեան ու շէնութեան մասին, դուք՝ բոլորդ, որ սիրում եք այն:
8. Զո ամբողջութեամբ թող խաղաղութիւն լինի, եւ քո բերդերի աշտարակներում շէնութիւն:
9. Ի սէր իմ եղբայրների եւ ընկերների քեզ խաղաղութիւն մաղթեցի:
10. Եւ մեր Տէր Աստծու համար քեզ բարութիւն ցանկացանք:

1. Օրհներգութիւններ Բարձունքի աստիճանների վրայ
2. Աչքերս դէպի քեզ բարձրացրի, Տէ՛ր, դու, որ բնակւում ես երկնքում:
3. Ինչպէս ծառաների աչքերն իրենց տերերի ձեռքին, ինչպէս աղախնի աչքերն իր տիրուհու ձեռքին, այնպէս էլ մեր աչքերն ուղղուած են քեզ, Տէ՛ր Աստուած մեր, մինչեւ որ գթաս մեզ:
4. Գթա՛ մեզ, Տէ՛ր, գթա՛ մեզ, քանզի բազում արհամարհանքներ կրեցինք:
5. Մեր հոգիներն անչափ լցուեցին մեզ անպատուողների նախատինքներով եւ ամբարտաւանների անարգանքով:



1. Օրհներգութիւններ Բարձունքի աստիճանների վրայ
2. Եթէ Տէրը մեզ հետ չլինէր, - թող ասի Իսրայէլը, -
3. Եթէ Տէրը մեզ հետ չլինէր, մարդիկ մեզ վրայ յարձակուելով՝
4. մեզ ողջ-ողջ կուլ կը տային, երբ նրանց զայրոյթը բորբոքուած էր մեզ վրայ:
5. Եւ ջրերն անգամ մեզ կ'ընկղմէին, երբ մեր հոգիներն անցան հեղեղի միջով:
6. Մեր հոգիներն անցան անհանգիստ ջրերի միջով:
7. Օրհնեալ է Տէրը, որ մեզ նրանց ատամների որսը չդարձրեց:
8. Մեր հոգիները փրկուեցին ինչպէս ճնճղուկը որսորդի թակարդից: Նրանց թակարդները փշրուեցին, եւ մենք ազատուեցինք:
9. Մեր օգնութիւնը Տիրոջ անունից է, նա, որ երկինքն ու երկիրն ստեղծեց:

1. Օրհներգութիւններ Բարձունքի աստիճանների վրայ
2. Ով յոյսը դրել է Տիրոջ վրայ, յաւիտեան չի սասանուի ինչպէս լեռը Սիոնի, որ գտնուում է Երուսաղէմում:
3. Ինչպէս որ նա շրջապատուած է լեռներով, այնպէս Տէրն իր ժողովրդի շուրջն է՝ այսուհետեւ մինչեւ յաւիտեան:
4. Տէրը չի թողնի, որ մեղաւորների գաւազանն որոշի արդարների վիճակը, եւ արդարներն իրենց ձեռքերը պիտի չերկարեն անօրէնութեան:
5. Տէրը բարիք է գործում բարիներին եւ նրանց, որ ուղիղ են սրտով:
6. Իսկ յափշտակութեամբ համակուածներին Տէրը կը կործանի նրանց հետ, ովքեր անօրէնութիւն են գործում: Խաղաղութիւն խորայելին:

1. Օրհներգութիւններ Բարձունքի աստիճանների վրայ
2. Երբ Տէրը Սիօնը վերադարձրեց գերութիւնից, մենք մխիթարուեցինք:
3. Այնժամ մեր բերանները խնդութեամբ լցուեցին եւ մեր լեզուները՝ ցնծութեամբ:  
Այնժամ հեթանոսների մէջ ասացին. Տէրը մեծ բաներ գործեց սրանց համար:
4. Մեծ բաներ գործեց Տէրը մեզ համար, եւ մենք ցնծացինք:
5. Տէ՛ր, ե՛տ դարձրու մեզ գերութիւնից՝ հարաւի հեղեղների պէս:
6. Ովքեր ցանում էին արտասուքով, ցնծութեամբ պիտի հնձեն:
7. Ովքեր շալակած տանում էին սերմերն իրենց ու լաց լինում գնալիս, յետ պիտի գան ցնծալով եւ բարձած պիտի բերեն խրճերն իրենց:

1. Օրհներգութիւններ Բարձունքի աստիճանների վրայ
2. Եթէ Տէրը տունը չշինի, իգուր են չարչարում այն շինողները, եթէ Տէրը քաղաքը չպահպանի, իգուր են հսկում պահապանները նրա:
3. Իգուր էք վաղ արթնանում. արդ, վե՛ր կացէք՝ քանի դեռ չէք ննջել: Դուք տառապանքի հացն էք ուտում, մինչ Նա քուն է տալիս իր սիրելիներին:
4. Տիրոջ ժառանգութիւնը նրա որդիներն են, որոնք նրա վարձն են, պտուղը նրա որովայնի:
5. Ինչպէս նետերը հզօրի ձեռքում, այնպէս են որդիներն անկեալների:
6. Երանի՛ նրան, ով իր ուզածի չափ կ'առնի այդ նետերից. երբ դարպասի մօտ իր թշնամիների հետ խօսելու լինի, նա ամօթով չի մնայ:

1. Օրհներգութիւններ Բարձունքի աստիճանների վրայ
2. Երանի՛ բոլոր նրանց, ովքեր վախենում են Տիրոջից և ընթանում նրա ճանապարհներով:
3. Դու քո ձեռքի վաստակը պիտի ուտես. երանի՛ քեզ, դա լաւ պիտի լինի քեզ համար:
4. Կինդ պիտի լինի վայելուչ որթատունկի պէս քո տան անկիւնում, որդիներդ՝ նորատունկ ձիթենու պէս քո սեղանի շուրջը:
5. Ահա այսպէ՛ս պիտի օրհնուի ամէն մարդ, որ վախենում է Տիրոջից:
6. Քեզ պիտի օրհնի Տէրը Սիոնից կեանքիդ բոլոր օրերին դու պիտի տեսնես բարութիւնը Երուսաղէմի:
7. Դու պիտի տեսնես քո որդիների որդիներին: Խաղաղութի՛ւն Իսրայէլին:

1. Օրհներգութիւններ Բարձունքի աստիճանների վրայ
2. Մանկութիւնիցս ի վեր բազում անգամ մարտնչեցին իմ դէմ, - թող Իսրայէլն ասի այդ, -
3. մանկութիւնիցս ի վեր բազում անգամ մարտնչեցին իմ դէմ, բայց չաղթեցին ինձ:
4. Մեղաւորներն հարուածեցին իմ թիկունքին, երկար ժամանակ գործեցին անօրէնութիւնն իրենց:
5. Տէրն արդար է, մեղաւորների պարանոցը նա կը խորտակի:
6. Ամօթահար կը լինեն ու ետ կը դառնան բոլոր նրանք, ովքեր աստում են Սիոնը:
7. Նրանք կը լինեն տանիքի խոտի պէս, որ չորանում է դեռ չհնձած:
8. Դրանով հնձուորն իր բուռը չի լցնի, ոչ էլ խուրձ կապողն՝ իր գիրկը:
9. Նրանց կողքից անցնողները չեն ասի՝ Տիրոջ օրհնութիւնը ձեզ վրայ լինի, եւ օրհնեալ լինեք Տիրոջ անունով:

1. Օրհներգութիւններ Բարձունքի աստիճանների վրայխորութիւններից քեզ կանչեցի, Տէ՛ր:
2. Տէ՛ր, լսի՛ր իմ ձայնը, թող քո ականջները լսեն ձայնս իմ աղօթքի:
3. Եթէ անօրէնութիւններս քննես, Տէ՛ր, ո՞վ կարող է կանգնել քո առջեւ, Տէ՛ր,
4. քանզի քեզնից է գալիս քաւութիւնը:
5. Քո անուան համար համբերեցի, Տէ՛ր, հոգիս սպասեց քո խօսքին:
6. Հոգիս յոյսը դրեց Տիրոջ վրայ: Առաւօտեան պահից մինչեւ երեկոյ, առաւօտեան պահից Իսրայէլը յոյսը դրեց Տիրոջ վրայ:
7. Տիրոջից է ողորմութիւնը, ու նրանից են բոլոր փրկութիւնները:
8. Եւ նա պիտի փրկի Իսրայէլն իր բոլոր նեղութիւններից:

1. Տէ՛ր, սիրտս չգոռոզացաւ, եւ աչքերս վերելից չնայեցին. ես մեծամեծների հետ ոտք չդրի, ոչ էլ նրանց հետ, ովքեր բարձր են ինձնից.
2. այլ խոնարհ եղայ մօր կրծքից կտրուած մանկան նման, որի փափագը նոյն բանին դառնալն է. իսկ եթէ հպարտացրի իմ հոգին, այդպէս թող լինի հատուցումն անձիս:
3. Իսրայելը յոյսը դրեց Տիրոջ վրայ՝ այսուհետեւ մինչեւ յաւիտեան:



1. Տէ՛ր, յիշի՛ր Դաւթին եւ Նրա ամբողջ հեգութիւնը,
2. թէ ինչպէս Նա երդուեց Տիրոջը, եւ ուխտ արեց Յակոբի Աստծուն՝ ասելով.
3. Չեմ մտնի իմ տան յարկից Ներս, չեմ մտնի իմ անկողինը,
4. իմ աչքերին քուն չեմ տայ, կամ Նինջ՝ իմ թարթիչներին, եւ կամ հանգիստ՝ իմ մարմնին,
5. մինչեւ Յակոբի Տէր Աստծու համար խորանի տեղ չգտնեմ:
6. Ահա, խորանի մասին լսեցինք Եփրաթայում, եւ այն գտանք մայրիների դաշտերում:
7. Մտնենք կացարանը Նրա, երկրպագենք այն տեղին, ուր կանգնած են ոտքերը Նրա:
8. Ելի՛ր քո հանգստավայրը, Տէ՛ր, դու եւ տապանակը քո սուրբ Կտակի:
9. Քո երեցները թող արդարութիւն հագնեն, եւ քո սրբերը խնդութեամբ ցնծան:
10. Յանուն քո սիրելի Դաւթի, մի՛ շրջիր երեսդ քո օծեալից:
11. Տերը ճշմարտութեամբ երդուեց Դաւթին ու չստեց Նրան. Քո որովայնի պտղից պիտի Նստեցնեմ քո գահին:
12. Եթէ որդիներդ պահեն իմ օրէնքն ու իմ վկայութիւնները, որոնք Նրանց պիտի սովորեցնեմ, ապա որդիները Նրանց յաւիտեանս յաւիտենից կը Նստեն քո գահին:
13. Տերը սիրեց Սիոնը եւ Նախընտրեց բնակուել այնտեղ:
14. Ասաց. Այս է հանգստավայրն իմ յաւիտեանս յաւիտենից, այստեղ պիտի բնակուեմ, քանզի հաւանեցի սա:
15. Սրա բերքը պիտի շարունակ օրինեմ, եւ սրա աղքատներին կշտացնեմ հացով:
16. Սրա երեցներին փրկութիւն պիտի հազցնեմ, եւ սրա սրբերը խնդութեամբ պիտի ցնծան:
17. Այնտեղ պիտի Դաւթին եղջիրներ ծլեցնեմ, իմ օծեալի համար ճրագ պատրաստեմ:
18. Նրա թշնամիներին ամօթ պիտի հազցնեմ, իսկ Նրա վրայ պիտի ծաղկի սրբութիւնն իմ:

1. Որքա՛ն բարի, որքա՛ն վայելուչ է, որ եղբայրները բնակւում են միասին,
2. ինչպէս ազնիւ իւղ, որ իջնում է Ահարոնի գլխին ու մօրուքին, եւ մօրուքից սահում դէպի նրա զգեստի քղանցքները,
3. ինչպէս ցօղ, որ Հերմոնից ցօղւում է Սիոն լեռան վրայ: Այնտեղ պատրաստեց Տէրն օրհնութիւնն ու կեանքը յաւիտենական:

1. Այստեղ օրհնեցէ՛ք Տիրոջը, Տիրոջ բոլո՛ր ծառաներ, որ գտնուում էք Տիրոջ տանը եւ մեր Աստծու գաւիթներում:
2. Գիշերը դէպի սրբութի՛ւն պարգեցէք ձեռքերը ձեր,եւ օրհնեցէ՛ք Տիրոջը:
3. Թող Տէրն օրհնի մեզ Սիոնից, Նա, որ երկինքն ու երկիրը ստեղծեց:

1. Օրհնեցէ՛ք Տիրոջ անունը, օրհնեցէ՛ք Տիրոջը, Տիրո՛ջ ծառաներ,
2. որ գտնուում էք Տիրոջ տանը, մեր Աստծու տան գաւիթներում:
3. Օրհնեցէ՛ք Տիրոջը, քանզի բարի է Տերը. սաղմո՛ւս երգեցէք նրա անուանը, քանզի քաղցր է նա:
4. Տերն իր ընտրեալը դարձրեց Յակոբին, եւ Իսրայելը՝ ժառանգութիւնս իր:
5. Ես հասկացայ, որ մեծ է Տերը, եւ Տերը մեծ է բոլոր կուռքերից:
6. Տերն ինչ որ ցանկացաւ, կատարեց երկնքում ու երկրի վրայ, ծովում եւ բոլոր անդունդներում:
7. Ամպեր հանելով երկրի ծայրերից՝ իր կայծակներն անձրեւի վերածեց, եւ իր պահեստներից հողմեր դուրս բերեց:
8. Նա հարուածեց եգիպտացիների բոլոր անդրանիկ ծնունդներին,ինչպէս մարդկանց, այնպէս էլ անասուններին:
9. Իր նշաններն ու զարմանահրաշ գործերն ուղարկեց քեզ, ո՛վ Եգիպտոս, քո Փարաւոնին եւ նրա ամբողջ զօրքին:
10. Նա հարուածեց բազում ազգերի,եւ սպանեց հզօր թագաւորների.
11. ամորհացիների թագաւոր Սեհոնին, Բասանի թագաւոր Օգինու բոլոր թագաւորութիւնները Քանանի:
12. Նրանց երկիրը որպէս ժառանգութիւն տուեց,որպէս ժառանգութիւն Իսրայելի իր ժողովրդին:
13. Տէ՛ր, քո անունը յաւերժ է, Տէ՛ր, քո յիշատակը՝ սերնդից սերունդ:
14. Տերը դատում է իր ժողովրդին,եւ մխիթարում իր ծառաներով:
15. Հեթանոսների կուռքերը ոսկի ու արծաթ են, ձեռքի գործն են մարդկանց որդիների:
16. Բերան ունեն, բայց չեն խօսում, աչքեր ունեն, բայց չեն տեսնում:
17. Ականջներ ունեն, բայց չեն լսում, եւ նրանց բերանում շունչ չկայ:
18. Նրանց նման կը լինեն դրանք ստեղծողները եւ բոլոր նրանք, որ յոյսը դրել են նրանց վրայ:
19. Օրհնի՛ր Տիրոջը, տո՛ւն Իսրայելի, օրհնի՛ր Տիրոջը, տո՛ւն Ահարոնի:
20. Օրհնի՛ր Տիրոջը, տո՛ւն Ղեւիի. Տիրոջից երկի՛ւղ կրողներ, օրհնեցէ՛ք Տիրոջը:
21. Օրհնութի՛ւն Տիրոջը Սիոնից, Նրան, որ բնակւում է Երուսաղէմում:

1. Գոհութի՛ւն մատուցեցէք Տիրոջը, քանզի բարի է Նա, քանզի յաւերժ է Նրա ողորմութիւնը:
2. Գոհութի՛ւն մատուցեցէք աստուածների Աստծուն, քանզի յաւերժ է Նրա ողորմութիւնը:
3. Գոհութի՛ւն մատուցեցէք տերերի Տիրոջը, քանզի յաւերժ է Նրա ողորմութիւնը:
4. Միայնակ Նա մեծ հրաշագործութիւններ արեց, քանզի յաւերժ է Նրա ողորմութիւնը:
5. Երկինքն ստեղծեց իր իմաստութեամբ, քանզի յաւերժ է Նրա ողորմութիւնը:
6. Երկիրը հաստատեց ջրերի վրայ, քանզի յաւերժ է Նրա ողորմութիւնը:
7. Միայնակ ստեղծեց լուսատուները մեծ, քանզի յաւերժ է Նրա ողորմութիւնը:
8. Արեգակը կարգեց ցերեկուայ տիրակալ, քանզի յաւերժ է Նրա ողորմութիւնը,
9. լուսինն ու աստղերը՝ գիշերուայ տիրակալ, քանզի յաւերժ է Նրա ողորմութիւնը:
10. Կործանեց եգիպտացիների երկիրն իր անդրանիկ ծնունդներով հանդերձ, քանզի յաւերժ է Նրա ողորմութիւնը:
11. Իսրայէլացիներին հանեց Եգիպտոսից, քանզի յաւերժ է Նրա ողորմութիւնը,
12. արեց այդ՝ բարձր ձեռքով եւ իր հզօր բազկով, քանզի յաւերժ է Նրա ողորմութիւնը:
13. Պատռեց մեծ ծովն ու բաժանեց երկու մասի, քանզի յաւերժ է Նրա ողորմութիւնը:
14. Իսրայէլացիներին անցկացրեց ծովի միջով, քանզի յաւերժ է Նրա ողորմութիւնը:
15. Փարաւոնին իր զօրքով ընկղմեց Կարմիր ծովում, քանզի յաւերժ է Նրա ողորմութիւնը:
16. Իր ժողովրդին հանեց դէպի անապատ, քանզի յաւերժ է Նրա ողորմութիւնը:
17. Հարուածեց մեծամեծ ազգերի, քանզի յաւերժ է Նրա ողորմութիւնը:
18. Սպանեց հզօր թագաւորների, քանզի յաւերժ է Նրա ողորմութիւնը:
19. սպանեց ամորհացիների թագաւոր Սեհոնին, քանզի յաւերժ է Նրա ողորմութիւնը,
20. Բասանի թագաւոր Օգին, քանզի յաւերժ է Նրա ողորմութիւնը:
21. Նրանց երկիրը որպէս ժառանգութիւն տուեց, քանզի յաւերժ է Նրա ողորմութիւնը,
22. տուեց որպէս ժառանգութիւն Իսրայէլին՝ իր ծառային, քանզի յաւերժ է Նրա ողորմութիւնը:
23. Տերը մեզ յիշեց մեր թշուառութեան մէջ, քանզի յաւերժ է Նրա ողորմութիւնը:
24. Նա փրկեց մեզ մեր թշնամիների ձեռքից, քանզի յաւերժ է Նրա ողորմութիւնը:
25. Նա կերակուր է տալիս բոլոր ապրող էակներին, քանզի յաւերժ է Նրա ողորմութիւնը:
26. Գոհութի՛ւն մատուցեցէք երկնաւոր Աստծուն, քանզի յաւերժ է Նրա ողորմութիւնը:

1. Բաբելոնի գետերի մօտ՝ այնտեղ նստած լալիս էինք, երբ յիշում էինք Սիոնը:
2. Նրանց ուռիներից էինք կախել մեր կտակարանները:
3. Այնտեղ մեզ գերեվարողները օրհնութեան խօսք էին պահանջում մեզնից, մեզ տարագրողներն ստիպում էին՝ ասելով. Երգեցե՛ք մեզ համար Սիոնի օրհներգերից:
4. Իսկ մենք ինչպե՞ս երգենք Տիրոջ օրհներգերը օտար երկրում:
5. Եթե մոռանամ քեզ, Երուսաղէ՛մ, թող իմ աջը մոռանայ ինձ:
6. Թող լեզուս քիմքիս կաշի, թե քեզ չիշեմ, եթե իմ ուրախութեան սկզբում նախ քե՛զ, Երուսաղէ՛մ, չգովաբանեմ:
7. Յիշի՛ր, Տէ՛ր, թե ինչ էին ասում եղոմացիները Երուսաղեմի օրերին. Քանդեցե՛ք, քանդեցե՛ք, հիմնայատա՛կ արեք:
8. Ո՛վ Բաբելոնի թշուառ դուստր, երանի՛ նրան, ով քեզ պիտի հատուցի այնպես, ինչպես դու մեզ հատուցեցի՛ր:
9. Երանի՛ նրան, ով կը բռնի քո մանուկներին ու կը խփի քարին:

1. Գոհութիւն պիտի մատուցեմ քեզ, Տէ՛ր, իմ ամբողջ սրտով, հրեշտակների առջեւ  
սաղմոս պիտի երգեմ քեզ, քանզի լսեցիր խօսքը բերանիս:
2. Պիտի երկրպագեմ սուրբ տաճարիդեւ անուանդ գոհութիւն պիտի մատուցեմ քո  
ողորմութեան ու ճշմարտութեան համար, քանզի ամէն ինչում մեծ ցոյց տուիր սուրբ  
անունդ:
3. Որ օրը որ քեզ ձայն տամ, իսկոյն լսի՛ր ինձ, եւ բազմապատկի՛ր զօրութիւններն հոգուս  
մէջ:
4. Գոհութիւն պիտի մատուցեն քեզ աշխարհի բոլոր թագաւորները, քանզի լսեցին  
բերանիդ խօսքերը:
5. Նրանք պիտի փառաբանեն քո ճանապարհները, քանզի մեծ է փառքը Տիրոջ:
6. Բարձր է Տէրը, նա տեսնում է խոնարհներին, իսկ բարձրամիտներին հեռուից  
ճանաչում:
7. Երբ անցնեմ նեղութիւնների միջով, դու կը փրկես ինձ թշնամու զայրոյթից: Ձեռքդ կը  
մեկնես, եւ քո աջը կը փրկի ինձ:
8. Տէրը կը հատուցի իմ փոխարէն. Տէ՛ր, քո ողորմութիւնը յաւերժ է, ձեռքիդ գործերը մի՛  
անտեսիր:

1. Տէ՛ր, ինձ փորձեցիր ու ճանաչեցիր ինձ:
2. Դու իմացար իմ նիստուկացը, հեռուից հասկացար իմ մտածումները:
3. Իմ շաւիղներն ու վիճակը դու քննեցիր, եւ բոլոր ճանապարհներս նախապէս տեսար:
4. Իմացար, որ լեզուիս տակ նենգութիւն չկայ:
5. Ահա դու, Տէ՛ր, իմացար իմ սկիզբն ու վերջը, դու ինձ ստեղծեցիր եւ ձեռքդ դրիր ինձ վրայ:
6. Չարմանալի է քո իմացութիւնն իմ մասին, այնքան զօրեղ, որ չեմ կարող հասու լինել դրան:
7. Ո՞ւր գնամ ես քո հոգուց, կամ քո դէմքից ո՞ւր փախչեմ:
8. Եթէ երկինք ելնեմ, այնտեղ ես դու, եթէ դժոխք իջնեմ, դրան էլ մօտ ես:
9. Եթէ առաւօտեան թելեր առնեմ ու բնակուեմ ծովի եզերքին,
10. այնտեղ էլ քո ձեռքն ինձ կ'առաջնորդի, եւ աջդ ինձ կ'ընդունի:
11. Ասացի՝ գուցէ խաւարն ինձ ծածկի, կամ գիշերը պատի ինձիմ վայելքի լոյսի փոխարէն:
12. Խաւարը քեզ համար խաւար չի լինի, եւ գիշերը լուսաւոր ցերեկ կը դառնայ, ու նրա մթութիւնն ինչպէս լոյս կ'երեւայ:
13. Դո՛ւ ստեղծեցիր երկկամներն իմ, եւ մօրս որովայնից ինձ ընդունեցիր:
14. Գոհութիւն պիտի մատուցեմ քեզ, Տէ՛ր, քանզի ահեղ ու սքանչելի ես դու, սքանչելի են գործերը քո, որոնք ես շատ սիրեցի:
15. Չծածկուեց քեզնից իմ ոսկորը, որն ստեղծեցիր դու թաքուն, ոչ էլ ծածկուեց կարողութիւնն իմ երկրի խորքերում:
16. Իմ անկատարութիւնները տեսան քո աչքերը, եւ այդ բոլորը գրուեցին քո գրքում: Ցերեկը դրանք մոլորուեցին, ու չկար մէկը, որ առաջնորդէր դրանք:
17. Ինձ համար խիստ պատուական եղան քո բարեկամներն, Աստուա՛ծ, եւ շատ զօրացան նրանց իշխանները:
18. Հաշուեցի նրանց, եւ աւագից շատ դուրս եկան. արթնացայ՝ եւ ահա քեզ հետ եմ:
19. Դու, Աստուա՛ծ, պիտի սպանես մեղաւորներին. արիւնարբո՛ւ մարդիկ, հեռացէ՛ք ինձնից:
20. Հակառակութեամբ ու նախանձով նրանք իզուր պիտի տիրեն քո քաղաքներին:
21. Քեզ ատողներին ատեցի, Տէ՛ր, եւ քո թշնամիների պատճառով մաշուեցի:
22. Կատարեալ ատելութեամբ ատեցի նրանց, եւ նրանք թշնամի դարձան ինձ:
23. Փորձի՛ր ինձ, Աստուա՛ծ, ու ճանաչի՛ր իմ սիրտը, քննի՛ր ինձ ու ճանաչի՛ր իմ շաւիղները,
24. եւ տե՛ս, եթէ իմ ճանապարհին անօրէնութիւններ կան, առաջնորդի՛ր ինձ քո յաւիտենական ճանապարհներով:



1. Այսուհետեւ՝ սաղմոս Դաւթի
2. Ազատի՛ր ինձ, Տէ՛ր, չար մարդուց, անիրաւ մարդուց փրկի՛ր ինձ:
3. Իրենց սրտում նրանք անօրէնութիւն խորհեցին, եւ գիշեր-ցերեկ պատերազմի պատրաստուեցին:
4. Օձի պէս սրեցին լեզուներն իրենց, եւ նրանց շրթների տակ թոյն կայ իժի:
5. Պահպանի՛ր ինձ, Տէ՛ր, մեղաւորի ձեռքից, եւ չար մարդուց փրկի՛ր ինձ. նրանք խորհեցին խափանել ընթացքն իմ:
6. Ամբարտաւաններն իրենց որոգայթը թաքցրին ինձնից, թակարդի լարեր ձգեցին ոտքերիս առջեւ, եւ իմ շաւղի շուրջը գայթակողութիւններ դրին:
7. Ասացի. Դու իմ Տէր Աստուածն ես, ակա՛նջ դիր, Տէ՛ր, աղօթքիս ձայնին:
8. Տէ՛ր, Տէ՛ր, իմ փրկութեան գօրութի՛ն, գլխիս հովանի՛ն պատերազմի մէջ:
9. Մի՛ մատնիր ինձ, Տէ՛ր, մեղաւորների կամքին, որոնք նենգամտեցին իմ դէմ: Ինձ երեսի վրայ մի՛ թող, որ նրանք երբեք չբարձրանան, եւ նրանց մտադրութիւնները չկատարուեն:
10. Թող նրանց կատարածի վախճանն այս լինի. իրենց շրթուներէ վաստակը թող ծածկի նրանց:
11. Դու նրանց վրայ կրակի կայծեր թափի՛ր ու կործանի՛ր նրանց, որ տառապանքներից չկարողանան փրկուել:
12. Չարալեզու մարդը յաջողութիւն չի ունենայ երկրի վրայ. մեղաւոր մարդուն իր չարագործութիւնները կորստեան կը մատնեն:
13. Գիտեմ, Տէ՛ր, որ դու աղքատին արդար դատաստան ես անում եւ տնանկի իրաւունքն ես պաշտպանում:
14. Արդարները գոհութիւն պիտի մատուցեն քո անուանը, ուղղամիտները պիտի բնակուեն քո դիմաց:

1. Տէր, ձայն տուի քեզ, լսի՛ր ինձ եւ ո՛ւշ դարձրու աղօթքիս ձայնին, երբ քեզ եմ կանչում:
2. Տէ՛ր, թող աղօթքս քեզ ուղղուի որպէս խունկ, ձեռքերիս կարկառումն՝ իբրեւ երեկոյեան պատարագ:
3. Պահապա՛ն դիր, Տէ՛ր, իմ բերանին, եւ ամուր դուռ՝ իմ շրթներին,
4. որ սիրտս չհակուի չարութեան խօսքին՝ մեղքի պատճառ դառնալով անօրէնութիւն գործող մարդկանց նման. ես նրանց հաճելի բաներին չեմ հաղորդակցուի:
5. Թող արդարը խրատի ինձ ողորմութեամբ ու յանդիմանի, բայց մեղաւորի իւրը թող գլուխս չօծի, աղօթքս պիտի հակադրեմ նրա կամքին:
6. Նրանց դատաւորները կուլ գնացին ժայռի մօտ, թող լսեն խօսքերն իմ, որ քաղցր են.
7. Ինչպէս թանձր հողը, որ սփռուած է երկրի վրայ, այնպէս պիտի ցրուեն նրանց ոսկորները դժոխքի մօտերքում:
8. Տէ՛ր, Տէ՛ր, քեզ եւ ուղղուած աչքերն իմ, յոյսս դրի քեզ վրայ, մի՛ հանիր ինձնից իմ հոգին:
9. Պահպանի՛ր ինձ իմ դէմ լարուած թակարդից եւ անօրէնութիւն գործողների գայթակղութիւնից: Թող մեղաւորները նրա ցանցերն ընկնեն, եւ միայն ես անցնեմ գնամ:

1. Դաւթի իմաստութիւնը. աղօթք, երբ նա քարայրում էր
2. Իմ ձայնով ես Տիրոջը կանչեցի, իմ ձայնով Տիրոջն աղաչեցի:
3. Տիրոջ դիմաց պիտի սփռեմ աղօթքն իմել նրա առջեւ նեղութիւնս պիտի պատմեմ:
4. Երբ շունչս պակասեց իմ ներսում, դու, Տէ՛ր, իմացար շաւիղներն իմ. այն ճանապարհին, որով գնում էի, ծածուկ որոգայթ լարուեց իմ դէմ:
5. Նայում էի աջ ու տեսնում, որ ոչ ոք ինձ չի ճանաչում. փախչելն ինձ համար անհնար դարձաւ, եւ չկար մէկը, որ փնտռեր ինձ:
6. Թե՛՛գ կանչեցի, Տէ՛ր, ու ասացի. Դու ես իմ յոյսը եւ իմ բաժինը ողջերի երկրում:
7. Ո՛ւշ դարձրու, Տէ՛ր, իմ աղօթքին, քանզի ես թաղուած եմ թշուառութեան մէջ. ազատի՛ր ինձ իմ հալածիչներից, քանզի նրանք ինձանից հզօր եղան:
8. Տէ՛ր, բանտից հանի՛ր ինձ, որ գոհութիւն մատուցեմ քո անուանը: Արդարները պիտի սպասեն, մինչեւ որ հատուցման արժանացնես ինձ:

1. Տէ՛ր, լսի՛ր աղօթքն իմ, քո ճշմարտութեամբ ակա՛նջ դիր իմ խնդրանքին, քո արդարութեամբ լսի՛ր ինձ:
2. Ծառայիդ հետ դատաստան մի՛ տես, քանզի ոչ մի կենդանի մարդ չի արդարանայ քո առջեւ:
3. Թշնամին հալածեց ինձ, կեանքս հողին հաւասարեցրեցել ինձ նստեցրեց խաւարի մէջ յաւիտեան մեռածի պէս:
4. Հոգիս տաղտկացաւ իմ ներսում, եւ սիրտս խռովուեց իմ մէջ:
5. Յիշեցի օրերն առաջուայ, մտաբերեցի բոլոր գործերը քո, ձեռքերիդ ստեղծածների մասին խորհեցի:
6. Դէպի քեզ կարկառեցի ձեռքերն իմ. հոգիս հողի պէս ծարաւի է քեզ:
7. Լսի՛ր ինձ փութով, Տէ՛ր, քանզի շունչս պակասեց իմ ներսում, մի՛ շրջիր երեսդ ինձնից, որ չնմանուեմ գերեզման իջնողներին:
8. Առաւօտեան քո ողորմութիւնն ինձ լսելի՛ դարձրու, քանզի, Տէ՛ր, յոյսս քեզ վրայ դրի. ցո՛յց տուր ինձ ճանապարհն այն, որով պիտի գնամ, քանզի դէպի քեզ, Տէ՛ր, բարձրացրի հոգիս:
9. Իմ թշնամիներից փրկի՛ր ինձ, Տէ՛ր, քանզի քեզ իմ ապաւէնը դարձրի:
10. Սովորեցրո՛ւ ինձ կատարել կամքը քո, քանզի դու ես Աստուածն իմ, քո բարի հոգին ինձ պիտի առաջնորդի դէպի արդար երկիր:
11. Յանուն քո անուան, կեա՛նք տուր ինձ, Տէ՛ր, քո արդարութեամբ նեղութիւնից հանի՛ր հոգին իմ:
12. Քո ողորմութեամբ կործանի՛ր իմ թշնամիներին, կորստեա՛ն մատնիր բոլոր ինձ նեղողներին, քանզի ես ծառան եմ քո:

1. Օրհնեալ է Տէր Աստուածն իմ, որ ձեռքս վարժեցրեց պատերազմի եւ մատներս՝ ճակատամարտի:
2. Նա ողորմութիւնն ու ապաւենն է իմ, օգնականը, փրկիչն ու պահպանիչն իմ: Ես յոյսս դրել եմ նրա վրայ: Նա է, որ ժողովուրդներին հնազանդեցնում է ինձ:
3. Տէ՛ր, մարդն ի՞նչ է, որ յայտնուեցիր նրան, կամ մարդու որդին՝ որ բանի տեղ ես դնում նրան:
4. Մարդը նման է ունայնութեան, եւ նրա օրերն անցնում են ստուերի պէս:
5. Տէ՛ր, ցածրացրո՛ւ երկինքն ու իջի՛ր, մօտեցի՛ր լեռներին՝ եւ թող ծխեն դրանք:
6. Արձակի՛ր կայծակները քո եւ խռովի՛ր նրանց, առաքի՛ր նետերը քո եւ ցրի՛ր նրանց:
7. Ձեռքդ մեկնի՛ր վերից ու փրկի՛ր ինձ յորդացող ջրերից եւ օտարների որդիների ձեռքից,
8. որոնց բերաններն ունայնութիւն են խօսում, եւ որոնց աջը մեղսագործ աջ է:
9. Աստուա՛ծ, քե՛զ նոր օրհներգով պիտի օրհնեմ, տասնալար նուագարանով սաղմոս պիտի երգեմ քեզ:
10. Նա ազատութիւն պիտի տայ մեր թագաւորներին, եւ չար սրից պիտի փրկի իր Դաւիթ ծառային:
11. Փրկի՛ր եւ ազատի՛ր ինձ օտարների որդիների ձեռքից, որոնց բերաններն ունայնութիւն են խօսում, եւ որոնց աջը մեղսագործ աջ է:
12. Նրանց որդիները նոր տունկի պէս հաստատուած են իրենց մանկութիւնից, նրանց դուստրերը զարդարուած ու պճնուած են ինչպէս տաճար:
13. Նրանց շտեմարանները լիքն են եւ մէկից միւսն են հոսում, նրանց ոչխարները բազմածին են եւ բազմանում են իրենց ճամփի վրայ:
14. Նրանց արջառները պարարտ են, նրանց ցանկապատերը խրամատներ չունեն, եւ նրանց հրապարակներում աղմուկ չկայ:
15. Ես երանի եմ տալիս այն ժողովրդին, որն այս վիճակում է. նաեւ երանի՛ այն ժողովրդին, որի Տէրն Աստուած է:

1. ալեփ. Պիտի փառաբանեմ քեզ, Աստուած իմ եւ Թագաւոր իմ, ու յաւիտեան եւ յաւիտեանս յաւիտենից քո անունն օրհնեմ:
2. բէթ. Գիշեր-ցերեկ քեզ օրհնութիւն պիտի մատուցեմ, ու յաւիտեանս յաւիտենից պիտի գովաբանեմ անունը քո:
3. գամէլ. Մեծ է Տէրն ու անչափ օրհնեալ, եւ նրա մեծութիւնը սահման չունի:
4. դալէթ. Սերնդից սերունդ պիտի գովեն գործերը քո, եւ պիտի պատմեն զօրութիւնները քո:
5. հէ. Քո սուրբ փառքի մեծ վայելչութեան մասին պիտի խօսեն, եւ քո հրաշագործութիւնները պիտի պատմեն:
6. վաւ. Քո ահաւոր զօրութիւնը պիտի նկարագրեն, եւ քո մեծութիւնը պատմեն:
7. զէ. Քո մեծ բարութեան յիշատակը պիտի աւետեն, եւ պիտի ցնծան քո արդարութեամբ:
8. խէթ. Գթասիրտ եւ ողորմած է Տէրը, համբերատար եւ ողորմաշատ:
9. թէթ. Տէրը քաղցր է բոլորի հանդէպ, եւ նրա գթութիւնը տարածուում է նրա բոլոր արարածների վրայ:
10. եօդ. Քո բոլոր գործերը, Տէ՛ր, քեզ գոհութիւն պիտի մատուցեն, եւ քո սրբերը պիտի օրհնեն քեզ:
11. քափ. Քո արքայական փառքի մասին պիտի խօսեն, եւ քո զօրութիւնները պիտի պատմեն,
12. լամէք. որ մարդկանց որդիները ճանաչեն զօրութիւնները քո, եւ մեծ վայելչութիւնը արքայական քո փառքի:
13. մէմ. Քո արքայութիւնը ողջ յաւիտենութեան արքայութիւնն է, եւ քո տէրութիւնը՝ սերնդից սերունդ: Նուն. Հաւատարիմ է Տէրն իր բոլոր խօսքերում, եւ արդար է նա իր բոլոր գործերում:
14. սամքաթ. Տէրն ամուր է պահում բոլոր սայթաքողներին, եւ ոտքի կանգնեցնում բոլոր գլորուածներին:
15. էյ. Բոլորի աչքերը քեզ վրայ են յառած յուսով, եւ դու ես տալիս նրանց կերակուրը ժամանակին. տալիս ես դու նրանց, եւ սնում ես նրանք:
16. փէ. Բացում ես ձեռքը քո, եւ քո քաղցր կամքով յագեցնում ես բոլորին:
17. ծադէ. Արդար է Տէրն իր բոլոր ճանապարհներին, եւ սուրբ է նա իր բոլոր գործերում:
18. կոփ. Տէրը մօտ է բոլոր նրանց, ովքեր կանչում են իրեն, բոլոր նրանց, ովքեր կանչում են իրեն ճշմարտապէս:
19. րէշ. Իրենից ակնածողների կամքը կատարում է Տէրը, լսում է նրանց աղօթքն ու փրկում նրանց:
20. շին. Տէրը պահպանում է բոլոր նրանց, ովքեր սիրում են իրեն, եւ Տէրը կործանում է բոլոր մեղաւորներին:
21. թաւ. Բերանս Տիրոջ օրհնութիւնը պիտի խօսի. ամէն կենդանի էակ պիտի օրհնի սուրբ անունը նրա յաւիտեան եւ յաւիտեանս յաւիտենից:

1. Ալելուիա՝ Անգեոսի եւ Չաքարիայի
2. Օրհնի՛ր Տիրոջը, հոգիդ իմ. պիտի օրհնեմ Տիրոջն իմ կեանքում, սաղմոս պիտի երգեմ իմ Աստծուն, քանի կամ:
3. Յոյս մի՛ դրեք իշխանների՝ մարդկանց որդիների վրայ, որովհետեւ նրանցից փրկութիւն չկայ:
4. Երբ դուրս գայ նրանց հոգին, նրանք կրկին հող կը դառնան, եւ նոյն օրը նրանց բոլոր մտածումները կ'անհետանան:
5. Երանի՛ նրան, ում օգնականը Յակոբի Տէր Աստուածն է, եւ ում յոյսը Տէր Աստծու վրայ է,
6. Նա, որ ստեղծեց երկինքն ու երկիրը, ծովն ու դրանց մէջ եղած ամեն ինչ,
7. Նա, որ յաւիտեան պահպանում է ճշմարտութիւնը, եւ զրկեալներին արդարութիւն շնորհում. Տէրը հաց է տալիս քաղցածներին եւ արծակում բանտարկեալներին:
8. Տէրը բացում է կոյրերի աչքերը, Տէրը ոտքի է կանգնեցնում գլորուածներին: Սիրում է Տէրն արդարներին:
9. Տէրը պահպանում է պանդուխտներին, Տէրն ընդունում է որբերին ու այրիներին, եւ կործանում ճանապարհներն ամբարիշտների:
10. Յաւետ պիտի թագաւորի Տէրը, քո Աստուածը, Սիոն, սերնդից սերունդ:

1. Օրհնեցէ՛ք Տիրոջը, քանզի քաղցր են սաղմոսները. հաճելի է օրհնութիւնը մեր Աստծուն:
2. Տէրը կառուցում է Երուսաղէմը, եւ հաւաքում Իսրայէլի ցրուածներին:
3. Բժշկում է բեկեալ սրտերը, եւ կապում բոլոր վերքերը նրանց:
4. Նա հաշւում է աստղերի բազմութիւնը, եւ կոչում բոլորն իրենց անուններով:
5. Մեծ է մեր Տէրը, եւ մեծ է նրա զօրութիւնը, նրա իմաստութիւնը սահման չունի:
6. Տէրն ընդունում է հեգերին, եւ մինչեւ գետին խոնարհեցնում ամբարտաւաններին:
7. Օրհնեցէ՛ք Տիրոջը գոհաբանութեամբ, սաղմո՛ւ երգեցէ՛ք նրան օրհնութեամբ:
8. Երկինքը նա պատեց ամպերով, երկրի համար պատրաստեց անձրեւն իր, լեռներում խոտ աճեցրեցեւ բանջար՝ մարդկանց կարիքների համար:
9. Նա ուտելիք է տալիս անասուններին եւ ագռաւի ձագերին, որոնք դիմում են իրեն:
10. Տէրը ձիու զօրութիւն չէ, որ կամենում է, ոչ էլ հսկայի կազմուածքն է հաւանում,
11. այլ Տէրն իրենից երկիւղ կրողներին է հաւանում եւ նրանց, որ իրենց յոյսը դրել են իր ողորմութեան վրայ:



1. Գովաբանի՛ր Տիրոջը, ո՛վ Երուսաղեմ, եւ օրհներգի՛ր քո Աստծուն, Սիոն,
2. քանզի նա դռներիդ նիգերն ամրացրեց, եւ որդիներիդ օրհնեց քո մէջ:
3. Քո սահմանները խաղաղութեան մէջ պահեց, եւ ցորենի առատութեամբ լիացրեց քեզ:
4. Նա երկիր է ուղարկում խօսքերն իր, եւ արագ սլանում են պատգամները նրա:
5. Նա ձին է տեղացնում ինչպէս բուրդ, եւ մառախուղը ցանում փոշու պէս:
6. Նա սառոյցներն արծակում է ինչպէս պատառներ. ո՞վ կարող է դիմանալ նրա ցրտին:
7. Ուղարկում է խօսքն իր ու հալեցնում դրանք. փչում են հողմերը, եւ հոսում ջրերը:
8. Իր խօսքը յայտնում է Յակոբին, իր օրէնքներն ու դատաստանները՝ Իսրայէլին:
9. Տէրն այսպէս չվարուեց բոլոր ազգերի հետ, եւ իր դատաստանները նրանց չյայտնեց:

1. Օրհնեցէ՛ք Տիրոջը երկնքից, օրհնեցէ՛ք նրան բարձունքներից:
2. Օրհնեցէ՛ք նրան, նրա բոլոր հրեշտակներ, օրհնեցէ՛ք նրան, նրա բոլոր զօրութիւններ:
3. Օրհնեցէ՛ք նրան, արեգա՛կ եւ լուսի՛ն, օրհնեցէ՛ք նրան, բոլոր աստղեր եւ լոյս:
4. Օրհնեցէ՛ք նրան, երկինքների՛ երկինքներ, եւ ջրե՛ր՝ որ վեր էք երկնքից:
5. Օրհնեցէ՛ք անունը Տիրոջ, քանզի նա ասաց՝ եւ դրանք ստեղծուեցին, նա հրամայեց՝ եւ դրանք հաստատուեցին:
6. Նա կարգեց դրանք յաւիտեանս յաւիտենից. կարգ սահմանեց, եւ այն չի խախտոււմ:
7. Օրհնեցէ՛ք Տիրոջը երկրի վրայից, վիշապներ եւ բոլոր անդունդներ:
8. Հուր եւ կարկուտ, ձիւն եւ սառնամանիք, հողմ ու մրրիկ, դուք, որ նրա խօսքն էք կատարում,
9. լեռներ եւ բոլոր բլուրներ, պտղաբեր ծառեր եւ բոլոր մայրիներ,
10. գազաններ եւ ամեն տեսակ անասուններ, սողուններ եւ ամեն տեսակ թռչուններ,
11. երկրի թագաւորներ՝ զօրքերով հանդերձ, իշխաններ եւ երկրի բոլոր դատաւորներ,
12. երիտասարդներ ու կոյսեր, ծերեր ու մանուկներ, օրհնեցէ՛ք անունը Տիրոջ:
13. Փառաւորուեց միայն նրա՛ անունը. երկնքում ու երկրի վրայ է վեհութիւնը նրա:
14. Տերը բարձրացնում է եղջիւրն իր ժողովրդի. օրհնութի՛ւն նրա բոլոր սրբերին՝ որդիներին իսրայելի, այն ժողովրդին, որ մօտ է Տիրոջը:

1. Օրհնեցէ՛ք Տիրոջը նոր օրհնութեամբ, սրբերի ժողովում է օրհնութիւնը նրա:
2. Իսրայէլն ուրախացաւ իր Արարչով, Սիոնի որդիները թող ցնծան իրենց Թագաւորով:
3. Թող գովեն նրա անունը օրհնութեամբ, նուագարանով ու օրհներգով սաղմոս ասեն նրան:
4. Տէրը սիրում է իր սուրբ ժողովրդին, եւ փառաւորում հեգերին փրկութեամբ:
5. Թող սրբերը պարծենան փառքով, եւ ցնծան իրենց հանգստի մէջ:
6. Թող նրանք փառաբանեն Աստծուն իրենց բերաններով. նրանց ձեռքերում երկսայրի սրեր կան,
7. որ վրէժ լուծեն հեթանոսներից եւ պատժեն բոլոր ժողովուրդներին,
8. որ նրանց թագաւորներին կապեն շղթաներով, եւ նրանց մեծամեծներին՝ երկաթեայ ձեռնակապերով,
9. որ գրուած դատաստանն իրագործեն նրանց հանդէպ: Այս է փառքը նրա բոլոր սրբերի:

1. Օրհնեցէ՛ք Աստծուն իր սրբարանում, օրհնեցէ՛ք նրան իր զօրութեան երկնային հաստատութեան մէջ:
2. Օրհնեցէ՛ք նրան իր զօրութեան մէջ, օրհնեցէ՛ք նրան իր անչափ մեծութեան մէջ:
3. Գովաբանեցէ՛ք նրան օրհնութեան ծայնով, գովաբանեցէ՛ք նրան սաղմոսով եւ օրհներգութեամբ:
4. Օրհնեցէ՛ք նրան ցնծութեամբ, գովաբանեցէ՛ք նրան ուրախութեամբ:
5. Օրհնեցէ՛ք նրան քաղցր խօսքերով, օրհնեցէ՛ք նրան լսելի բառերով, օրհնեցէ՛ք նրան գոհութեան ծայնով:
6. Բոլո՛ր հոգիներ, օրհնեցէ՛ք Տիրոջը: Հաշուից դուրս այս սաղմոսը Դաւթի ինքնագիրն է, երբ նա մարտնչելու ելաւ Գողիադի դէմ, Սաւուղի առջեւ:
7. Փոքրն էի ես իմ եղբայրների մէջ. եւ կրտսերն՝ իմ հօր տանը. հօրս ոչխարներն էի արածեցնում:
8. Ձեռքերն իմ նուագարան ստեղծեցին, եւ մատներս օրհներգութեան գործիք պատրաստեցին:
9. Իսկ արդ, ո՞վ պիտի պատմի այս բանն իմ Տիրոջը. ամէն բանի Տէրն ինքը կը լսի այս ամէնը:
10. Նա ուղարկեց իր հրեշտակին, ինձ վերցրեց հօրս ոչխարների հօտից, եւ օծեց ինձ իր իւղի օծումով:
11. Գեղեցիկ ու մեծ էին եղբայրներն իմ, բայց Տէրը չհաւանեց նրանց:
12. Ես ելայ այլազգու դէմ, եւ նզովեցի կուռքերը նրա:
13. Առայ նրա սուրն իրենից, կտրեցի գլուխը նրա, եւ վերացրի նախատինքը Իսրայէլի որդիներից:

ԱՌԱԿՆԵՐ

## Գլուխ 1

1. Երուսաղեմում Իսրայելի թագաւոր Դաւթի որդուն՝ Սողոմոնի առակները
2. Ճանաչել իմաստութիւնն ու խրատը, իմանալ հանճարի խօսքերը,
3. ընկալել խօսքի բարոյ դարձուածքները, հասկանալ ճշմարիտ արդարութիւնը եւ ուղղել իրաւունքը՝
4. պարզամիտներին խորագիտութիւն եւ երիտասարդներին միտք ու հանճար տալու համար,
5. որպէսզի, դրանք լսելով, իմաստունն աւելի իմաստուն լինի, իսկ հանճարեղը առաջնորդութիւն ստանայ,
6. թափանցի առակների եւ խորին ասոյթների մէջ, իմաստունների ճառերի եւ նրանց այլաբանութիւնների մէջ:
7. Իմաստութեան սկիզբը Տիրոջ երկիւղն է, որ բարի հանճար է բոլոր նրանց համար, ովքեր առաջնորդուում են նրանով, իսկ զգոնութեան սկիզբը բարի աստուածապաշտութիւնն է, բայց ամբարիշտներն արհամարհում են իմաստութիւնն ու խրատը:
8. Լսի՛ր, որդեա՛կ, հօրդ խրատը եւ մի՛ մերժիր մօրդ պատուիրանը,
9. որպէսզի շնորհի պսակ կրես քո գլխին եւ ոսկի մանեակ՝ քո պարանոցին:
10. Որդեա՛կ, թող քեզ չխաբեն ամբարիշտ մարդիկ,
11. եւ հաւանութիւն չտաս, եթէ քեզ կանչեն ու ասեն. Արի՛ մեզ հետ, մասնակի՛ց եղիր արիւնահեղութեան, անմեղ տեղը սպանենք եւ հողի տակ ծածկենք արդար մարդուն,
12. գերեզմանի պէս նրան ողջ-ողջ կուլ տանք եւ նրա յիշատակը վերացնենք երկրից,
13. յափշտակենք նրա տեսակ-տեսակ ունեցուածքը եւ մեր տները լցնենք աւարով:
14. Ե՛կ մեզ բաժնեկի՛ց դարձիր, բոլորս մի ընդհանուր քսակ կ'ունենանք, եւ միեւնոյն տեղը կը լինի մեր գանձարանը:
15. Որդեա՛կ, ճանապարհ մի՛ գնա նրանց հետ, ոտքդ շեղի՛ր նրանց շաւիղներից,
16. քանզի նրանց ոտքերը դէպի չարիք են ընթանում, եւ նրանք շտապում են արիւն հեղելու:
17. Արդարեւ, իզուր թակարդ չեն լարում թռչունների համար:
18. Նրանք, որ սպանութեան մասնակից են դառնում, չարիք են գանձում իրենց անձի համար. չար է լինելու անիրաւ մարդկանց կործանումը:
19. Դա է ճանապարհը բոլոր նրանց, որ անիրաւութիւն են գործում, որովհետեւ ամբարտաւանութեամբ նրանք սպանում են իրենց հոգին:
20. Իմաստութիւնը գովաբանում է ճանապարհների վրայ, բարձր ձայնով հռչակում հրապարակներում,
21. քարոզում պարիսպների գլխից, ազդարարում հզօրների դռների առջեւ եւ համարձակ խօսում քաղաքների դարպասների մօտ:
22. Այնքան ժամանակ, քանի դեռ անմեղները հետամուտ կը լինեն արդարութեան, չեն ամաչելու: Բայց ամբարիշտները, որ թշնամութիւն են ցանկանում եւ ամբարշտանալով ատում են իմաստութիւնը, պիտի դատապարտուեն յանդիմանութեան:
23. Ահաւասիկ ես ձեր առջեւ կը բացեմ իմ հոգու պատգամները եւ իմ խօսքերը կը սովորեցնեմ ձեզ.
24. որովհետեւ ես կանչում էի, բայց դուք չէիք լսում, երկար թախանձում էի, բայց դուք չէիք ունկնդրում ինձ,
25. այլեւ զանց էիք առնում իմ խորհուրդները եւ չէիք ուզում անսալ իմ յանդիմանութիւններին:
26. Ես այսուհետեւ պիտի ծիծաղեմ ձեր կորստեան վրայ եւ խնդամ, երբ ձեր նեղութիւնն ու տագնապը պաշարեն ձեզ:
27. Եւ երբ յանկարծակի խռովութիւն հասնի ձեզ վրայ, եւ, ինչպէս մրրիկ, կործանում գայ, կամ երբ ձեր վախճանը հասնի,
28. գուցէ դուք կանչէք ինձ, բայց ես ձեզ չեմ լսելու. չարերը պիտի փնտռեն ինձ, բայց չեն

գտնելու,

29. քանզի ատեցին իմաստութիւնը եւ Տիրոջ երկիւղը չընտրեցին,

30. չկամեցան անսալ իմ խորհուրդներին, արհամարհեցին իմ յանդիմանութիւնները:

31. Այսուհետեւ նրանք կ'ուտեն իրենց ճանապարհների պտուղները եւ կը յագենան իրենց ամբարշտութեամբ:

32. Քանի որ զրկում էին երեխաներին, պիտի կոտորուեն, եւ կշտամբանքը պիտի սպանի ամբարիշտներին:

33. Իսկ նա, ով ինձ լսի, կ'ապրի ապահով եւ երկիւղ չի ունենայ ոչ մի չարիքից:

1. Որդեա՛կ, եթե իմ պատգամներն ու պատուիրաններն ընդունես եւ պահես դրանք հոգուդ մէջ,
2. իմաստութիւնը պիտի հաճելի լինի քո ականջին, սիրտդ պիտի հաճոյք գտնի գիտութեան մէջ, եւ դրանք, իբրեւ խրատ, պիտի աւանդես որդուդ:
3. Արդարեւ, եթե իմաստութիւնը քեզ մօտ կանչես եւ ձայնդ մտքի հանճարին ուղղես,
4. փնտռես այն ընտիր արծաթի նման եւ, ինչպէս գանձ, որոնես այն,
5. այն ժամանակ կը հասկանաս Տիրոջ երկիւղը, եւ դու կը գտնես Աստծու գիտութիւնը:
6. Տէրն է տալիս իմաստութիւնը, եւ նրանից են բխում գիտութիւնն ու հանճարը.
7. նա է արդարների համար փրկութիւն վերապահում եւ հովանի լինում նրանց ընթացքին,
8. նա է պահպանում արդարների ճանապարհը եւ հաստատ դարձնում իրենից երկիւղ կրողների ուղին:
9. Այն ժամանակ կը հասկանաս արդարութիւնն ու իրաւունքը եւ բոլոր շաւիղների կ'ուղղես դէպի բարին:
10. Եւ երբ իմաստութիւնը մտնի սրտիդ մէջ, եւ գիտութիւնը ախորժելի լինի հոգուդ,
11. այն ժամանակ բարի խոհերը պիտի զգուշացնեն քեզ, եւ արդար մտքերը քեզ պիտի պահպանեն,
12. որպէսզի փրկութիւն գտնես չար ճանապարհից եւ նենգախօս մարդուց:
13. Վա՛յ նրանց, ովքեր ուղիղ ճանապարհը թողած՝ կը գնան խաւարի ճանապարհով,
14. ովքեր կ'ուրախանան չարիքներ գործելով եւ կը խնդան դէպի չարը խոտորուելով.
15. Ճուռ են լինելու նրանց ճանապարհները, եւ շաւիղները՝ խոտորնակ,
16. նրանք պիտի փորձեն քեզ հեռացնել ուղիղ ճանապարհից եւ օտարացնել արդար խորհուրդներից:
17. Որդեա՛կ իմ, թող քեզ չհասնեն չար խորհուրդներն այն մարդու, որ երիտասարդ ժամանակ թողել է ուսումը եւ մոռացել Աստծու ուխտը:
18. Այդպիսին իր տունը դրել է մահուան մօտիկ, իր շաւիղները՝ դժոխքի մօտ, երկրածինների հետ:
19. Բոլոր նրանք, ովքեր գնում են այդպիսիների հետ, յետ չեն դառնալու եւ եթե մինչեւ իսկ զոջան էլ՝ չեն հասնելու ուղիղ ճանապարհի եւ չեն ապրելու իրենց կեանքի տարիները:
20. Եթե նրանք բարի ճանապարհներով գնացած լինէին, դիւրին կը գտնէին արդարութեան շաւիղները. քաղցրաբարոյ մարդիկ պիտի լինեն երկրի բնակիչները, եւ արդարները պիտի ապրեն այնտեղ:
21. Իսկ ամբարիշտների ճանապարհները պիտի ջնջուեն երկրից, եւ անօրէնները պիտի վտարուեն դրանից:



1. Որդեա՛կ, մի՛ մոռացիր իմ խրատները եւ իմ խօսքերը պահի՛ր քո սրտում,
2. որպէսզի երկարեն քո կեանքի օրերն ու կենդանութեանդ տարիները եւ խաղաղութիւն աւելացնեն:
3. Թող ողորմութիւնն ու հաւատարմութիւնը չպակասեն քեզնից. կապի՛ր դրանք քո պարանոցին, գրի՛ր դրանք քո սրտի լայն տախտակի վրայ, եւ դու շնորհ կը գտնես:
4. Տիրոջ ու մարդկանց առջեւ խորհի՛ր բարու մասին:
5. Ամբողջ սրտով յոյսդ դի՛ր Աստծու վրայ եւ մի՛ հպարտացիր քո իմաստութեամբ:
6. Քո բոլոր ճանապարհներին ճանաչի՛ր Նրան, որպէսզի Նա ուղղի քո ճանապարհները, եւ ոտքդ չսայթաքի:
7. Դու քո աչքին իմաստուն մի՛ թուա, այլ վախեցի՛ր Տիրոջից եւ խուսափի՛ր ամենայն չարից:
8. Դա քո մարմնի համար՝ բուժում եւ քո ոսկորների համար՝ դարման կը լինի:
9. Պատուի՛ր Տիրոջը քո արդար վաստակից եւ քո արդար բերքից պտո՛ւղ յատկացրու Նրան,
10. որպէսզի քո շտեմարանները լցուն առատ ցորենով, եւ քո հնձաններն աւելի յորդ գինի բխեն:
11. Որդեա՛կ, մի՛ անարգիր Տիրոջ խրատը եւ մի՛ դժգոհիր Նրա յանդիմանութիւնից,
12. քանզի Տէրը ում սիրում՝ Նրան խրատում է եւ պատժում Նրան, ում ընդունում է որպէս որդի:
13. Երանի այն մարդուն, որ իմաստութիւն կը գտնի, եւ այն մահկանացուն, որ հանճար կը ստանայ,
14. քանզի իմաստութիւնն աւելի թանկ արժէ, քան ոսկու եւ արծաթի գանձերը:
15. Այն առաւել յարգի է, քան անգին քարերը, եւ չկայ ոչ մի չար բան, որ հակառակ կանգնի Նրան: Իւրաքանչիւրին, ով մերժեցել է իմաստութեանը, յայտնի է, որ այն ամէնը, ինչ յարգի է համարում, չունի դրա արժէքը.
16. քանզի Նրա աջ ձեռքում երկար օրեր ու կեանքի տարիներ, Նրա ձախ ձեռքում փառք եւ հարստութիւն կայ: Նրա բերանից բխում է արդարութիւն, իսկ իր լեզուի վրայ Նա կրում է օրէնք ու ողորմութիւն
17. Նրա ճանապարհները բարու ճանապարհներ են, եւ Նրա բոլոր շաւիղները՝ խաղաղութեան:
18. Նա կենաց ծառ է բոլոր Նրանց համար, ովքեր ապաւինում են Նրան եւ վստահութեամբ յենում Նրա վրայ, ինչպէս Տիրոջ վրայ:
19. Աստուած իմաստութեամբ դրեց երկրի հիմքերը եւ իմացականութեամբ հաստատեց երկինքը,
20. իր հանճարով անդունդներ բացեց, եւ ամպերն անձրեւներ տեղացին:
21. Որդեա՛կ, մի՛ անտեսիր, այլ պահի՛ր իմ խորհուրդներն ու իմաստութիւնը,
22. որպէսզի ապրի քո հոգին, եւ դրանք քո պարանոցի վրայ զարդ լինեն, բուժում լինեն մարմնիդ համար եւ ոսկորներիդ համար՝ դարման:
23. Եւ դու ապահով կը գնաս քո բոլոր ճանապարհներով, ու ոտքդ չի սայթաքի:
24. Եթէ նստես, աներկիւղ կը լինես, եթէ քնես, քունդ անուշ կը լինի,
25. եւ չես երկնչի յանկարծահաս սարսափներից, ոչ էլ ամբարիշտների վերահաս յարձակումներից,
26. որովհետեւ Տէրը կը լինի քո բոլոր ճանապարհների վրայ եւ ոտքդ հաստատուն կը պահի, որ չսայթաքես:
27. Մի՛ յապաղիր կարօտեալին բարութիւն անել, երբ քո ձեռքը կարող է օգնել Նրան:
28. Չասես թէ՛ Գնա՛, կը գաս՝ վաղը կը տամ, մինչդեռ կարող ես բարութիւնդ անել, քանի որ չգիտես, թէ վաղն ինչ է բերելու քեզ:
29. Չարիք մի՛ նիւթի բարեկամիդ դէմ, որը քեզ վստահում է եւ յոյս է դրել քեզ վրայ:
30. Չուր տեղը մի՛ թշնամացիր մարդու հետ վիճելով, որ Նա քեզ չարիք չպատճառի:

31. Չգուշացի՛ր չարագործ մարդկանց նախատինքներից եւ մի՛ նախանձիր նրանց ճանապարհներին,
32. քանզի անօրէնը պիղծ է Տիրոջ առջեւ եւ չի հաղորդակցում արդարների հետ:
33. Տիրոջ անէծքն ամբարիշտների տներում է, մինչդեռ արդարների տներն օրհնւում են:
34. Տերը հակառակ է ամբարտաւաններին. նա շնորհ է տալիս խոնարհներին: Փառքը պիտի ժառանգեն իմաստունները, իսկ ամբարիշտները պիտի բազմացնեն իրենց անարգանքը:

1. Որդիներ, լսեցէ՛ք ձեր հօր խրատը եւ անսացէ՛ք ճանաչելու իմաստութիւնը,
2. քանզի ձեզ բարի պարգեւներ պիտի տամ. մի՛ թողէք իմ պատուիրանները,
3. որովհետեւ ես եւս հնազանդ որդի էի հօրս համար եւ սիրելի էի մօրս աչքին:
4. Նրանք սովորեցնում էին ինձ եւ ասում. Թող մեր խօսքը հաստատուի քո սրտում, պահի՛ր մեր պատուիրանները եւ ապրի՛ր,
5. իմաստութիւն ձեռք բեր, խեղճ ձեռք բեր եւ մի՛ մոռացիր: Մի՛ արհամարհիր իմ բերանի պատգամները եւ մի՛ շեղուիր իմ շուրթերի խօսքերից:
6. Մի՛ թող իմաստութիւնը, եւ նա կը պաշտպանի քեզ
7. , սիրի՛ր այն, եւ նա կը պահպանի քեզ:
8. Իմաստութիւն ձեռք բեր, - ահա զգոնութեան սկիզբը, - եւ խելացի՛ եղիր քո կեանքի բոլոր ճանապարհներին:
9. Պարփակուի՛ր իմաստութեամբ, եւ նա պիտի բարձրացնի քեզ, մեծարի՛ր այն, եւ նա քեզ կ'առնի իր գիրկը:
10. Նա շնորհի պսակ կը դնի քո գլխին եւ փառքի պսակով կը պահպանի քեզ:
11. Լսի՛ր, որդեա՛կ, եւ ընդունի՛ր իմ խօսքերը, եւ քո կեանքի տարիները պիտի շատանան, եւ պիտի աւելանան քո կեանքի ճանապարհները:
12. Ես իմաստութեան ուղիներն եմ ուսուցանում քեզ, ես քեզ սովորեցնում եմ ընթանալ ուղիղ շաւիղներով,
13. որպէսզի, եթէ գնաս, ընթացքդ չխափանուի, եթէ վազես, երբեք չյոգնես:
14. Ամո՛ւր բռնիր իմ խրատը եւ բաց չթողնես այն, այլ պահի՛ր, որովհետեւ քո կեանքն է այն:
15. Մի՛ գնա ամբարիշտների ճանապարհով եւ մի՛ նախանձիր անօրէնների ճանապարհներին:
16. Մի՛ անցիր այն վայրով, ուր բնակւում են նրանք:
17. Խուսափի՛ր նրանցից եւ խորշի՛ր այդ վայրից, քանզի նրանք մինչեւ չարիք չգործեն, չեն քնում: Զուկը փախչում է նրանց աչքից եւ չեն քնում,
18. քանի որ նրանք ամբարշտութեան հաց են ուտում եւ հարբում են անօրէնութեան գինով:
19. Արդարների ճանապարհները նման են ծագող լոյսի, որ առաջնորդում եւ լուսաւորում է նրանց, մինչեւ որ օրը լրիւ լուսաւորի:
20. Ամբարիշտների ճանապարհները նման են խաւարի, եւ նրանք չգիտեն, թէ ինչպէս պիտի սայթաքեն:
21. Որդեա՛կ, անսա՛՛ր իմ իմաստութեանը եւ ակա՛նջ դիր իմ խօսքերին, որ քո աղբիւրները չպակասեն:
22. Պահի՛ր իմ խօսքերը քո սրտի մէջ,
23. քանզի դրանք կեանք են գտնողների համար եւ բժշկութիւն՝ ամբողջ մարմնի համար:
24. Ամենայն զգուշութեամբ պահի՛ր եւ պահպանի՛ր քո սիրտը, որովհետեւ նրանից է բխում կեանքի աղբիւրը:
25. Հեռո՛ւ վանիր ստախօսութիւնը քո բերանից եւ անիրաւ շրթունքները հեռացրո՛ւ քեզանից:
26. Թող քո աչքերը նայեն ուղիղ, եւ քո թարթիչները արդարութեամբ շարժուեն:
27. Զո ոտքերին ուղիղ շաւիղներ արա՛, եւ քո ճանապարհները ուղղի՛ր:
28. Մի՛ խոտորուիր ո՛չ դէպի աջ եւ ո՛չ էլ դէպի ձախ. ոտքդ ե՛տ դարձրու չար ճանապարհից: Դէպի աջ տանող ճանապարհները գիտե՛ Աստուած, բայց դէպի ձախ տանող ճանապարհները մոլոր են, եւ Աստուած ինքն էլ կ'ուղղի քո շաւիղները եւ խաղաղութեամբ քեզ կ'առաջնորդի քո ճանապարհներով:

1. Որդեա՛կ, անսա՛ իմ իմաստութեանը եւ ակա՛նջ դիր իմ խօսքերին,
2. որպէսզի բարի խորհուրդներ պահես. ես պատուիրան եմ թողնում քեզ իմ շուրթերի իմաստութիւնը:
3. Մի՛ նայիր չար կնոջը, որովհետեւ պոռնիկ կնոջ շուրթերից մեղր է ծորում, որ առժամանակ պարուրում է քիմքդ,
4. բայց յետոյ զգում ես, որ ակելի դառն է, քան լեղին, եւ ակելի սուր, քան երկսայրի սուրը:
5. Անզգամի ոտքերը դէպի մահ են տանում նրա մերձաւորներին եւ դէպի դժոխք են իջեցնում նրանց. հաստատուն չեն նրա ոտնահետքերը,
6. որովհետեւ նրա ոտքերը չեն գնում կեանքի ճանապարհներով, սայթաքուն եւ անյայտ են նրա ճանապարհները:
7. Արդ, որդեա՛կ, լսի՛ր ինձ եւ մի՛ արհամարհիր իմ խօսքերը.
8. քո ճանապարհները հեռացրո՛ւ նրանից եւ մի՛ մօտեցիր նրա տան դռներին,
9. որպէսզի քո կեանքն օտարներին չմատնես, եւ քո ունեցուածքը՝ անողորմ մարդկանց:
10. Մի՛ թող, որ օտարները լցուեն քո ուժով, եւ քո վաստակը մտնի ուրիշների տունը:
11. Թող յետոյ այնպէս չլինի, որ երբ մարմնիդ անդամները մաշուեն, զոջաս եւ ասես, թե՛ հնչո՞ւ ես ատեցի խրատը,
12. ինչո՞ւ իմ սիրտն անարգեց յանդիմանութիւնը:
13. Ես չէի լսում ո՛չ իմ խրատատուի ծայնը, ո՛չ էլ ականջ էի դնում իմ ուսուցչի խօսքերին.
14. քիչ էր մնացել, որ ժողովի ու ժողովրդի մէջ մասնակից դառնայի ամէն չարիքի:
15. Զուրը խմի՛ր քո ամանից եւ քո ջրհորի աղբիւրից:
16. Թող քո ջրերը բխեն քո աղբիւրից, եւ քո փողոցով թող հոսեն դրանք:
17. Թող դրանք միայն քոնը լինեն, եւ օտար ոչ ոք չբաժանի դրանք քեզ հետ:
18. Զո ջրի աղբիւրը թող առանձին լինի, եւ ուրա՛խ եղիր քո երիտասարդ օրերի կնոջ հետ:
19. Թող քեզ համար եղնիկի պէս սիրով եւ այծեամի նման շնորհագեղ լինի նա, հաճելի լինի քո իմաստութեանը եւ քեզ հետ լինի ամէն ժամ. եւ եթէ նրա սիրով գնաս, դու մեծարժէք պիտի լինես:
20. Մի՛ այցելիր օտար կանանց եւ մի՛ փարուիր ուրիշի կրծքին, որ քոնը չէ.
21. քանզի տղամարդու ճանապարհներն Աստծու աչքի առջեւ են, եւ Նա գիտէ նրա բոլոր շաւիղները:
22. Չարագործին պիտի որսան նրա անօրէնութիւնները, եւ իւրաքանչիւրը պիտի կապկպուի իր մեղքի թելերով:
23. Խրատ չլսելու պատճառով պիտի մեռնի նա խրատի չանսացողների հետ, պիտի գրկուի իր կեանքի երկարութիւնից եւ պիտի կորչի անզգամութեան պատճառով:

1. Որդեա՛կ, եթե բարեկամիդ համար երաշխաւոր լինես,դու քեզ կը մատնես քո թշնամուն.
2. քանզի մարդուս շրթունքները խիստ որոգայթ են իր համար, եւ մարդ բռնուում է իր բերանի խօսքով:
3. Արդ, որդեա՛կ, վարուի՛ր այնպէս, ինչպէս պատուիրում եմ քեզ, եւ դու կ'ապրես, որովհետեւ բարեկամիդ համար չար մարդկանց ձեռքն ընկար: Սրտապնդուի՛ր եւ մի՛ յուսալքուի՛ր եւ նո՛յնը հաղորդիր քո բարեկամին, որի համար երաշխաւոր ես եղել:
4. Աչքերիդ քուն մի՛ տուր եւ թարթիչներիդ՝ նինջ,
5. որպէսզի փրկուես, ինչպէս այծեամը թակարդից եւ թռչունը՝ ծուղակից:
6. Մրջիւնի մօտ գնա, ո՛վ ծոյլ, նախանձի՛ր նրա գործերին եւ իմաստո՛ւն եղիր նրանից անելի.
7. քանզի նա ո՛չ հողագործ է, ո՛չ վերակացու եւ ո՛չ էլ գլխին տէր ունի,
8. բայց ամռանը նա պատրաստում է իր ուտելիքը եւ հնձի ժամանակ ամբարում է իր առատ պաշարը: Կամ մեղուի մօտ գնա, տե՛ս, թէ ինչպե՛ս գործունեայ է նա եւ թէ ինչպիսի ջանասիրութեամբ է գործում, որի վաստակը մատուցում են թագաւորներին եւ տնանկներին՝ բժշկութեան համար: Թեպէտեւ թոյլ է ուժով, բայց սիրելի է ու մեծարելի բոլորի համար, որովհետեւ ինքը յարգեց իմաստութիւնը եւ արժանի եղաւ յարգանքի:
9. Մինչեւ ե՞րբ պիտի գամուած մնաս, ո՛վ ծոյլ, կամ ե՞րբ պիտի զարթնես քնից:
10. Մի քիչ քնով ընկնես, մի քիչ նստես, մի քիչ ննջես, մի քիչ էլ ձեռքերդ հանգչեցնես կրծքիդ,
11. եւ, ահա, աղքատութիւնը, ինչպէս չար ուղեւոր, կը հասնի քեզ, եւ կարիքը, իբրեւ ժիր սուրհանդակ, կը կանգնի դռանդ: Բայց եթէ ծոյլ չլինես, ապա քո ամառը պիտի հասնի աղբիւրի նման, եւ կարիքը, ինչպէս ինքնահալած չարամիտ այր, պիտի փախչի հեռու:
12. Անօրէն եւ անզգամ մարդը ծուռ ճանապարհներով է գնում,
13. որովհետեւ հենց ինքն է աչքերը թարթում, ոտքերով ցոյց տալիս եւ նշանացի սովորեցնում մատներով:
14. Խոտորուած սիրտը չարիքներ է նիւթում եւ ամեն ժամանակ սերմանում է խռովութիւն քաղաքում:
15. Այդ պատճառով էլ նրա կորուստը պիտի յանկարծակի գայ, նա պիտի հաշմուկի ու մաշուկի առանց բուժումի:
16. Նա ծիծաղում է այն ամենի վրայ, ինչ ատում է Տէրը, եւ իր հոգու պղծութեան երեսից էլ պիտի կործանուի:
17. Այն աչքերը, որ թշնամանքով են նայում,այն լեզուն, որ սուտ է խօսում,
18. այն ձեռքերը, որ արդար արին են թափում, այն սիրտը, որ չար խորհուրդներ է նիւթում, այն ոտքերը, որ շտապում են չարիքներ գործել, պիտի ոչնչանան:
19. Անիրաւ վկան բորբոքում է ստութիւնը եւ գրգռութիւն է գցում եղբայրների միջեւ:
20. Որդեա՛կ, պահի՛ր հօրդ օրէնքը եւ մի՛ մերժիր մօրդ խրատը:
21. Ընդունի՛ր դրանք հոգուդ մէջ,մշտապէս պահի՛ր քո գլխում եւ, իբրեւ մանեակ, գցի՛ր քո պարանոցին:
22. Երբ ճանապարհ գնաս, հե՛տդ տար, եւ թող դրանք քեզ հետ լինեն. երբ քնած լինես, պիտի քեզ պահպանեն, երբ արթնանաս, պիտի գրուցակից լինեն քեզ:
23. Օրէնքի պատուիրանը ճրագ է, յանդիմանութիւնը եւ խրատը լոյս են եւ կեանքի ճանապարհ:
24. Նրանք քեզ հեռու կը պահեն ամուսնացած կնոջից եւ օտար կնոջ չար լեզուից:
25. Որդեա՛կ, թող քեզ չաղթի կնոջ գեղեցկութեան ցանկութիւնը, թող չբռնուեն քո աչքերը նրանով, մի՛ հրապուրուիր նրա թարթիչներով,
26. քանզի պոռնիկ կնոջ պատճառով կարող ես մի նկանակ հացի կարօտ մնալ, որովհետեւ չար կինը որսում է պատուական մարդկանց հոգին:
27. Հնարաւո՞ր է արդեօք, որ մէկը կրակը պահի իր գոգի մէջ եւ շորը չայրի,

28. կամ որեւէ մէկը բոքիկ քայլի կայծ ու կրակի միջով եւ իր ոտքերը չայրի, -
29. այդպէս էլ անհնարին է որեւէ մէկին մտնել ամուսնացած կնոջ ծոցը եւ առանց պատժի մնալ. ով էլ որ մերձենայ նրան, չի արդարացուելու:
30. Չարմանալու ոչինչ չկայ, եթէ մէկը բռնուի գողութեան մէջ. գողանում է, որպէսզի յագեցնի իր քաղցած անձը,
31. բայց եթէ բռնուեց, պիտի եօթնապատիկ տուժի եւ անձը փրկելու համար պիտի տայ իր ողջ ունեցուածքը:
32. Իսկ եթէ մէկը շնանում է խելքի պակասութեան պատճառով, նա կորստի է մատնում ինքն իրեն,
33. նա ցաւ ու անարգանք պիտի կրի, եւ երբեք չի ջնջուելու նրա նախատինքը:
34. Կնոջ ամուսինը պիտի բորբոքուի խանդով լցուած եւ չի խնայելու վրէժխնդրութեան օրը,
35. ոչ մի փրկագնի հետ չի փոխանակելու իր թշնամութիւնը, ոչ իսկ առատ կաշառքով:

1. Որդեա՛կ, պահի՛ր իմ խօսքերը եւ իմ պատուիրանները պահպանի՛ր քո մէջ: Որդեա՛կ, պատուի՛ր Տիրոջը եւ զօրացի՛ր, եւ բացի նրանից ուրիշ ոչ ոքից մի՛ երկնչիր:
2. Որդեա՛կ, պահի՛ր իմ պատուիրանները եւ դու կ'ապրես, պահպանի՛ր իմ խօսքերը, ինչպէս աչքի բիբը:
3. Կապի՛ր դրանք քո մատներին եւ գրի՛ր սրտիդ տախտակի վրայ:
4. Իմաստութեանն ասա՛, որ քեզ քոյր լինի, եւ խելքը թող դառնայ քո մտերիմը,
5. որպէսզի դրանք քեզ պահպանեն օտար ու չար կնոջից, երբ նա իր խօսքերով հրապուրի քեզ:
6. Իր տան պատուհանից աչքը ճանապարհին յառած՝
7. նա նայում է անմիտ պատանիներին եւ թեթեւամիտ երիտասարդներին,
8. որոնք գնում են փողոցներով, անցնում նրա տան անկեան մօտով:
9. Նա խօսում է երեկոյի խաւարի միջից, երբ գիշերը մթնում, եւ դադարում է անցուդարձը:
10. Այդ կինը, պոռնիկի կերպարանքով, ընդառաջ է գալիս երիտասարդներին, որ բռնն հրայրքով ու պագշոտութեամբ խելքահան անի նրանց:
11. Նրա ոտքերը տանը դադար չեն առնում, եւ նա մերթ թափառում է դուրսը,
12. մերթ անցնում է փողոց ու հրապարակ եւ դարանամուտ է լինում ամեն պատահած անկիւնում:
13. Ահա նա որսում է մեկին, գրկում եւ համբուրում նրան եւ լրբենի երեսով ասում է նրան.
14. Ես խաղաղութեան ուխտ էի արել, այսօր ուխտս կատարեցի,
15. դրա համար էլ ընդառաջ ելայ քեզ՝ երեսդ տեսնելու համար, եւ ահա գտայ քեզ:
16. Ես գահաւորակս պատել եմ ծածկոցներով, զարդարել եգիպտական ճոխ կտաններով,
17. անկողինս պատրաստել եմ ու քրքում ցանել վրան, բնակարանս խնկել եմ կինամոնով,
18. ե՛կ մինչեւ առաւօտ սեր վայելենք եւ հեշտանքի յանձնուենք.
19. իմ ամուսինը տանը չէ, հեռու ճանապարհ է գնացել,
20. իր փողի քսակն էլ վերցրել է հետը եւ շատ օրեր անց, թերեւս, տուն գայ:
21. Եւ այսպիսի բազում խօսքերով մոլորեցնում է նրան, խեղդող շուրթերով կաշկանդում նրան,
22. եւ նա յիմարացած գնում է կնոջ յետեւից, ինչպէս արջառը՝ սպանդանոց, կամ շունը՝ թոկը վզին,
23. կամ ինչպէս լեարդը նետով խոցուած եղջերուն. թռչնի նման նա շտապում է դէպի ծուղակը եւ չի գիտակցում, որ կորստի է մատնում իր հոգին:
24. Արդ, լսի՛ր ինձ, որդեա՛կ, եւ հնազանդ եղիր իմ խօսքերին:
25. Սիրտդ մի՛ շեղիր դէպի նրա տան ճանապարհները եւ մի՛ մոլորուիր նրա շաւիղներում,
26. որովհետեւ խոցոտելով՝ նա շատերին է դիտապաստ արել, եւ անթիւ են նրա կողմից սպանուածները:
27. Դժոխքի ուղիներն են նրա տունը, որոնք իջեցնում են դէպի մահուան շտեմարանները:

1. Դրա համար էլ դու քարոզի՜ր իմաստութիւնը, որ հանճարը արձագանքի քեզ:
2. Այն գտնուում է բարձր լեռների գլխին եւ շաւիղների վրայ,
3. այն սպասում է նաեւ հզօրների դռան առջեւ, եւ օրինւում է նրանց մուտքերին:
4. Ձեզ եմ աղաչում, ո՛վ մարդիկ, եւ մարդու որդիներին եմ ես բաշխում իմ խօսքը:
5. Ո՛վ պարզամիտներ, խորագիտութի՛ւն իմացեք, խրա՛տ դրեք ձեր սրտերում, ո՛վ անխրատներ,
6. ունկնդրեցէ՛ք ինձ, քանզի պարկեշտ խօսքեր պիտի ասեմ, եւ շուրթերս պիտի բանամ ուղիղ բան խօսելու համար,
7. քանզի իմ կոկորդը միշտ ճշմարտութիւն է բարբառում, եւ պիղծ են ինձ համար ստախօս շուրթերը:
8. Արդար են իմ բերանի բոլոր պատգամները, եւ ոչ մի ծուռ ու թիւր բան չկայ նրանց մէջ,
9. բոլորն էլ ուղիղ են նրանց համար, որ իմաստուն են,եւ հաճելի են նրանց համար, որ ձգտում են գիտութիւն ձեռք բերելու:
10. Խրա՛տ ձեռք բերեք եւ ոչ թէ արծաթ, գիտութիւն, քան թէ ընտիր ոսկի:
11. Իմաստութիւնը լաւ է անգին քարերից, եւ թանկարժէք ոչ մի բան չի հաւասարուի նրան:
12. Ես՝ իմաստութիւնս, բնակուեցի խորագիտութեան մէջ, եւ միշտ ինձ հետ են խորհուրդն ու գիտութիւնը:
13. Տիրոջ հանդէպ զգացուած երկիւղն ատում է անիրաւութիւնը, թշնամանքն ու հպարտութիւնը եւ չարի ճանապարհը:
14. Իմն է խորհուրդը, իմն է զգուշութիւնը, իմն են հանճարը եւ զօրութիւնը:
15. Թագաւորներն ինձնով են թագաւորում, եւ հզօրները՝ օրինադրում արդարութիւնը:
16. Ինձնով են բարձրանում մեծամեծները, եւ տիրակալներն ինձնով են տիրում երկրին:
17. Ես սիրում եմ նրանց, ովքեր սիրում են ինձ, եւ ով փնտռում է ինձ, շնորհ կը գտնի:
18. Իմն են հարստութիւնն ու փառքը, կայուն ունեցուածքն ու արդարութիւնը:
19. Լաւ է ի՛նձ ունենալ, քան ոսկի եւ անգին քարեր, ունենալ ի՛մ արդիւնքը, քան ոսկի եւ ընտիր արծաթ:
20. Ես քայլում եմ արդարութեան ճանապարհներով եւ շրջում արդարութեան շաւիղներով,
21. որ բարիք բաշխեմ իմ սիրելիներին եւ նրանց գանձարանները լցնեմ բարիքներով: Սակայն որպէսզի ես ձեզ պատմեմ, թէ ինչ է լինելու ամէն օր, ապա պիտի յիշեցնեմ նաեւ, թէ ինչ է եղել յաւիտենութեան սկզբից:
22. Տէրն ինձ ստեղծեց իր ճանապարհի սկզբին՝ իր գործերի համար. յաւիտենութիւնից էլ առաջ հաստատեց ինձ:
23. Նա ծնեց ինձ հէնց սկզբին, դեռ երկիրն արարելուց առաջ,
24. աւելի առաջ, քան անդունդներ կը բացէր,
25. աւելի առաջ, քան աղբիւրների ջրեր կը բխեցներ, եւ էլ աւելի առաջ, քան կը հաստատէր լեռներն ու բոլոր բլուրները:
26. Տէրն ստեղծեց շէն ու անշէն վայրեր եւ բնակելի աշխարհները երկնքի ներքոյ:
27. Ես նրա հետ էի, երբ նա պատրաստում էր երկինքը,երբ նա իր աթոռն էր հաստատում հողմերի վրայ,
28. երբ նա զօրութիւն էր տալիս վերին ամպերինեւ երբ նա աղբիւրներ էր հաստատում երկնքի ներքոյ:
29. Այն ժամանակ, երբ նա դնում էր ծովի հաստատութիւնը, - որ ջրերը նրա ափերը չանցնեն, -այն ժամանակ, երբ նա դնում էր երկրի ամուր հիմքերը,եւ նրա մօտ էի որպէս գործավար:
30. Ինձնով էր, որ Տէրն ուրախանում էր մշտապէս,եւ ես ամէն ժամ ցնծում էի նրա առաջ.



31. բովանդակ տիեզերքը հրճուում էր, եւ ուրախ էի մարդկանց որդիների հետ:
32. Արդ, որդեա՛կ, լսի՛ր ինձ. երանի նրանց, որ պահում են իմ ճանապարհները:
33. Լսեցէ՛ք իմաստութիւնը, եւ դուք կը լինէք իմաստուն. մի՛ շեղուէք դրանից:
34. Երանի այն մարդուն, որ կը լսի ինձ, եւ այն մարդուն, որ կը պահի իմ ճանապարհները, մշտապէս կը տքնի իմ դռների առջեւ եւ կը պահպանի իմ դռների շեմերը:
35. Իմ ուղիները կեանքի ուղիներ են, եւ Տէրն է սահմանել իմ կամքը:
36. Բայց ովքեր մեղանջում են իմ դէմ, նրանք ամբարշտանում են իրենց հոգու մէջ, եւ ովքեր ասում են ինձ, նրանք սիրում են մահը:

1. Իմաստութիւնը շինեց իր տունը եւ կանգնեցրեց եօթը սիւներ,
2. մորթեց իր անասունները, խառնեց պատրաստեց գինին, պատրաստեց նաեւ իր սեղանը:
3. Նա ուղարկեց իր ծառաներին, որ բարձր ծայնով հրաւիրեն իր հացկերոյթին, եւ ասաց.
4. Ով անգգամ է, թող գայ ինձ մօտ:
5. Իսկ պակասամիտներին ասաց. Եկեք կերէ՛ք իմ հացից եւ խմեցէ՛ք իմ գինուց, որ պատրաստել եմ ձեզ համար:
6. Թողէ՛ք յիմարութիւնը, եւ դուք կ'ապրեք, իմաստութիւն փնտռեցէք, եւ դուք կը փրկուէք, իմացութեամբ ուղղեցէք ձեր խոհեմութիւնը եւ ճիշտ իմաստով հասկացէք խրատը:
7. Ով խրատ է տալիս չարերին, նա անարգանք է ստանում, եւ ով յանդիմանում է ամբարիշտներին, նա ատելութիւն է վաստակում:
8. Մի՛ յանդիմանիր չարերին, որ քեզ չատեն, յանդիմանի՛ր իմաստունին, եւ նա կը սիրի քեզ, խրատի՛ր յիմարին, եւ նա անելի շատ կ'ատի քեզ:
9. Իմաստունին բացատրի՛ր պատճառը, եւ նա անելի՛ իմաստուն կը լինի, սովորեցրո՛ւ արդարին, եւ նա կ'անելացնի իր ընկալումը:
10. Իմաստութեան սկիզբը Տիրոջ երկիւղն է, արդարների խորհուրդը՝ խոհեմութիւն, օրէնքի իմացութիւնը մտքի հարստութիւն է:
11. Օրինա՛կ առ սրանք, եւ դու կ'ապրես երկար, ու կ'անելանան քո կեանքի տարիները:
12. Որդեա՛կ, եթէ իմաստուն լինես, պիտի լինես քե՛զ համար եւ քո ընկերների. եթէ անգգամ լինես, միայն դո՛ւ չարիք պիտի գտնես: Ով հաստատում է ստի վրայ, նոյնն է, թէ հողմեր է արածեցնում կամ հալածում է թեւաւոր թռչուններ. քանզի այդպիսին իր այգու ճանապարհը թողած՝ մոլոր թափառում է իր հանդի շաւիղներում, անջրդի դաշտ ու անապատ է գնում եւ իր ձեռքով ոչ մի պտուղ չի հաւաքում ծարաւակեզ հողից:
13. Անգգամ եւ յանդուգն կիկնը հացի կարօտ պիտի մնայ, նոյնպէս եւ նա, ով ամօթ չի գգում:
14. Իր տան դռանը նստած աթոռին, որ երեւում է փողոցից,
15. նա դիմում է անցորդներին, որոնք գնում են իրենց ուղիղ ճամփով.
16. Ով ձեր մէջ առաւել յիմար է, թող գայ ինձ մօտ,
17. իսկ պակասամիտներին հրամայում եմ ու ասում. Թաքցրած հացը համով է ուտում, եւ քաղցր է խմում գողացուած ջուրը:
18. Եւ նա չգիտէ, թէ երկրածինները պիտի կորչեն իր մօտ, եւ պիտի հասնեն խորքերը դժոխքի: Բայց դու հեռո՛ւ թռիր եւ մի՛ դանդաղիր այդտեղ, հայեացքդ մի՛ յառիր նրան, որպէսզի այդպէս անցնես օտար ջրից, անցնես օտար գետից, հեռու մնաս օտար ջրից եւ ջուր չխմես օտար աղբիւրից. որպէսզի դու երկար ապրես, եւ անելանան քո կեանքի տարիները:

1. Իմաստուն որդին ուրախացնում է հորը, անմիտ որդին տրտմութիւն է մօր համար:
2. Գանձերը չեն օգնի անօրէններին, մինչդեռ արդարութիւնը փրկում է մահից:
3. Տէրը սովամահ չի անում արդարին, բայց ամբարիշտների կեանքը պիտի կործանի:
4. Աղքատութիւնը խեղճացնում է մարդուն, ժրաջան ձեռքերը հարստացնում են նրան:
5. Խրատուած որդին իմաստուն կը լինի, իսկ անմիտը ծառայ կը դառնայ: Իմաստուն որդին ազատւում է խորշակից, անօրէն որդին խորշակահար է լինում ամռանը:
6. Տիրոջ օրհնութիւնն արդարների գլխին է, բայց տարածամ սուգը պիտի փակի ամբարիշտների բերանը:
7. Արդարների յիշատակը մնալու է գոհաբանութեամբ, բայց ամբարիշտների անունը պիտի ջնջուի:
8. Իմաստուն սիրտն ընդունում է պատուիրանները, բայց զազրախօսը պիտի կործանուի իր գայթակղող շուրթերի պատճառով:
9. Ողջամտութեամբ ընթացողը գնում է ապահով, իսկ ով ծռում է իր ճանապարհները, թաքուն պիտի չմնայ:
10. Ով նենգ աչքով ականարկ է անում, նա տրտմութիւն պիտի կրի մարդկանցից, բայց համարձակ յանդիմանողը խաղաղութիւն է բերում:
11. Արդարի ձեռքին է կեանքի աղբիւրը, բայց ամբարշտի կորուստը կը փակի նրա բերանը:
12. Հակառակութիւնն ատելութիւն է գրգռում, բայց սէրը ծածկում է ամէն մի ներհակութիւն:
13. Ում շուրթերից իմաստութիւն է բխում, նա, ինչպէս գաւազան, հարուածում է անմիտ մարդուն:
14. Իմաստունները իմաստութիւն են հաւաքում, բայց յանդուգն մարդու բերանը մօտ է կործանման:
15. Մեծատունների հարստութիւնն իրենց ամուր քաղաքն է, աղքատութիւնը կորստեան պատճառ է ամբարիշտների համար:
16. Արդարների գործերը կեանք են տալիս, ամբարիշտների բերքը՝ մեղքեր: Կեանքի ճանապարհները պահպանում է Տէրը:
17. Առանց յանդիմանութեան խրատը սխալ է:
18. Արդար շուրթերը լռեցնում են թշնամանքը, իսկ բամբասանք տարածողները անզգամներ են:
19. Շատախօսութեամբ չես խուսափի մեղքից. շուրթերդ եթէ զսպես, իմաստուն կը լինես:
20. Արդար լեզուն ընտիր արծաթ է, ամբարշտի սիրտը պիտի նուաղի:
21. Արդարների շուրթերը ճանաչում են բարձր մարդկանց, իսկ անզգամները պիտի կործանուեն խեղճի պակասութիւնից:
22. Տիրոջ օրհնութիւնն արդարների գլխին է, եւ նա էլ հարստացնում է նրանցեւ չի աւելացնում նրանց սրտի տրտմութիւնը:
23. Անզգամը ծիծաղելով չարիք է գործում, բայց խոհեմ մարդը իմաստութիւն հաւաքում:
24. Ամբարիշտը շրջում է կորուստը իր հետ, բայց արդարի ցանկութիւնը պիտի կատարուի:
25. Ամբարիշտը պիտի ջնջուի ինչպէս անցնող մրրիկ, բայց արդարը խուսափելով՝ կ'ապրի յաւիտեան:
26. Ինչպէս ազոխը վնասակար է ատամներին, իսկ ծուխը՝ աչքերին, այդպէս էլ անօրէնութիւնը վնասակար է նրանց համար, ովքեր առաջնորդում են նրանով:
27. Տիրոջ երկիւղն աւելացնում է կեանքի օրերը, բայց ամբարիշտների տարիները պիտի կրճատուեն:
28. Արդարների ուրախութիւնը պիտի երկարի, իսկ ամբարիշտների յոյսը պիտի կորչի:
29. Տիրոջ երկիւղը ոգու ամրութիւն է մաքուր մարդկանց համար, բայց սրտաբեկութիւն

Է նրանց համար, ովքեր չարիք են գործում:

30. Արդարը երբեք չպիտի դողայ, ամբարիշտները չպիտի բնակուեն երկրի վրայ:

31. Արդարի բերանն իմաստութիւն է բխեցնում, բայց անիրաւի լեզուն պիտի կտրուի:

32. Արդար մարդկանց շուրթերը շնորհներ պիտի բխեցնեն,բայց ամբարիշտների բերանը պիտի կործանուի:

1. Խարդախ կշեռքը պիղծ է Տիրոջ առջեւ, բայց արդար կշեռքը հաճելի է Նրան:
2. Ուր թշնամանք է մտնում, այնտեղ կայ նաեւ անարգանք: Խոնարհների բերանն իմաստութիւն է խորհում:
3. Ուղղամիտներին առաջնորդելու է իրենց կատարելութիւնը, բայց անօրէններին կործանելու է իրենց գայթակղութիւնը:
4. Հարստութիւնը չի օգնի բարկութեան օրը, բայց արդարութիւնը կը փրկի մահից: Արդարը մեռնում է եւ մեծ ափսոսանք թողնում, ամբարիշտների կորուստը պիտի լինի բիրտ ու անարգ:
5. Անբիծ մարդու արդարութիւնը ուղղում է նրա ճանապարհները, բայց ամբարիշտ մարդուն կորստի է մատնում անիրաւութիւնը:
6. Ուղղամիտ մարդկանց արդարութիւնը փրկում է իրենց, բայց անօրէնները պիտի կորչեն անմտութիւնից:
7. Երբ արդար մարդը վախճանուի, նրա յոյսը չի կորչում, բայց ամբարիշտների սնափառութիւնը պիտի կորչի:
8. Արդարը պիտի խոյս տայ որսացողներից, իսկ նրա փոխարէն ամբարիշտը պիտի մատնուի կորստի:
9. Անօրէնների բերանը որոգայթ է ընկերների համար, իսկ արդարների իմաստութիւնը երաշխիք է յաջողութեան:
10. Արդարների բարութեամբ բարեկարգում է քաղաքը, իսկ ամբարիշտների կորստեամբ ուրախութեան հանդէս է լինում:
11. Ուղղամիտների օրհնութեամբ բարձրանում է քաղաքը, բայց կը կործանուի ամբարիշտների բերանով:
12. Պակասամիտ մարդն արհամարհում է ընկերներին, իմաստուն մարդը լռութիւն է սիրում:
13. Նենգամիտ մարդը գաղտնիքը յայտնում է ատեանում, բայց հոգով հաւատարիմը ծածկում է գործը:
14. Նրանք, որ առաջնորդ չունեն, պիտի ցած թափուեն տերեւների պէս, բայց երբ շատ են խորհրդականները, փրկութիւն կը գտնուի:
15. Անզգամը չարիք է նիւթում, երբ գործ է ունենում արդարի հետ եւ ատում է զգուշութեան ձայնը:
16. Շնորհալի կինը բարձրացնում է ամուսնու փառքը, մինչդեռ անարգանքի աթոռ է իրաւունքն ատող կինը: Ծոյլերը կարօտ պիտի մնան մեծութեան, բայց ժրաջանները կը հասնեն մեծութեան:
17. Ողորմած մարդը բարութիւն է անում իր հոգուն, բայց անողորմ մարդը խորտակում է իր մարմինը:
18. Ամբարիշտն անիրաւ գործեր է կատարում, բայց արդարների զաւակը ճշմարտութեան վարձկան է:
19. Արդար որդին ծնւում է կեանքի համար, ամբարիշտը՝ հալածանքի ու մահուան:
20. Թիւր ճանապարհները պիղծ են Աստծու համար, ուղիղ ճանապարհով գնացողները հաճելի են Նրան:
21. Ով որ զուր տեղը վնաս է հասցնում մեկին, նա անպատիժ չի մնայ: Իսկ ով արդարութիւն է սերմանում, արժանի վարձ կը ստանայ:
22. Ինչպէս ոսկէ գինդը խոզի դնչին, նոյնպէս էլ գեղեցկութիւնն է չարաբարոյ կնոջ համար:
23. Արդարների ցանկութիւնը կատարում է ամենայն բարութեամբ, բայց ամբարշտի յոյսը պիտի կորչի:
24. Կան մարդիկ, որոնք ցանում են իրենց ունեցածը եւ ստանում բազմապատիկը, կան էլ, որ անիրաւօրէն են հաւաքում, բայց մնում են կարօտեալ:
25. Ամէն օրհնուած մարդ պարգամիտ է, բայց բարկացող մարդը տգեղ է

կերպարանքով:

26. Ով ցորենը խնայի ժողովրդից, այն պիտի թողնի օտարներին. ով ագահօրէն կուտակի, պիտի արժանանայ ընդհանուրի անէծքին, բայց ով բաշխի առատօրէն՝ օրհնուած կը լինի:

27. Ով բարիք է անում, նա բարութեան շնորհ կը գտնի, իսկ ով չարիք է նիւթում, չարիք կը հասնի նրան:

28. Ով յոյսը դնում է հարստութեան վրայ, պիտի կործանուի, իսկ ով հովանաւորում է արդարներին, պիտի բարգաւաճի:

29. Ով չի մտածում իր տան մասին, նա հողմ է ժառանգելու, եւ անմիտը պիտի ծառայի իմաստունին:

30. Կեանքի ծառը բուսնում է արդարութեան պտղից, իսկ անօրէն անձինք տարածամ պիտի վերանան:

31. Եթէ արդարը հազիւ է ապրում, ապա ի՞նչ կը լինի մեղաւորի եւ ամբարշտի կեանքը:

1. Ով խրատ է սիրում, նա իմաստութիւն է սիրում. ով ատում է յանդիմանութիւնը, նա անմիտ է:
2. լաւ է, որ մարդ Տիրոջից շնորհ է գտնում, իսկ անօրէն մարդու բերանը պիտի կարկամի:
3. Մարդ անօրէնութեամբ յաջողութեան չի հասնի. արդարների արմատները չպիտի կտրուեն:
4. Ժրաջան կինն իր ամուսնու պսակն է. ինչպէս փայտի համար վնասակար է որդը, այնպէս էլ չարագործ կինը կորստի կը մատնի ամուսնուն:
5. Արդարների խորհուրդները իրաւացի են, իսկ ամբարիշտները նենգութիւնների առաջնորդներ են:
6. Ամբարիշտների բերանները նենգաւոր են. ուղղամիտների բերանը կը փրկի իրենց:
7. Ամբարիշտը որ կողմ էլ դառնայ, պիտի բնաջնջուի, բայց արդարների տները պիտի յարատեւեն:
8. Իմաստունի բերանը պիտի գովաբանուի մարդկանցից, բայց ծուռ սիրտ ունեցողը պիտի արհամարհուի:
9. Լաւ է խոնարհ ծառայ լինել իր անձի համար, քան իր անձը մեծարել եւ հաց մուրալ:
10. Արդարը խղճում է իր անասունին, բայց ամբարիշտները անողորմ են:
11. Ով մշակում է իր հողը, պիտի կշտանայ հացով, իսկ ով դատարկ բաների յետեւից է գնում, նա պակասամիտ է: Ով ժամանակը վատնում է գինարբուքի մէջ, նա անարգանք է թողնելու իր շրջապատի վրայ:
12. Ամբարիշտների ցանկութիւնները չար են, իսկ բարեպաշտների արմատները՝ հաստատուն:
13. Մեղաւորն իր լեզուի պատճառով որոգայթի մէջ կ'ընկնի, բայց արդարը գերծ կը մնայ դրանից: Քաղցրահայեաց մարդը գթութիւն է գտնում, բայց ով դռների արանքում է պատահում մարդկանց, նեղութիւն է պատճառում հոգուն:
14. Մարդ պիտի լցուի բարիքներով իր բերանի պտղից, եւ իր շուրթերի տուածի համեմատ՝ ստանայ հատուցում:
15. Անմիտներին իրենց ճանապարհները թւում են ուղիղ:
16. Իմաստունն ունկնդիր է լինում խրատին, իսկ անմիտն իսկոյն յայտնի է դարձնում իր բարկութիւնը:
17. Խորագետ մարդը թաքցնում է իր անարգանքը. արդարը հաւատարմօրէն յայտնում է ճշմարտութիւնը. նենգամիտ է անօրէնի վկայութիւնը:
18. Մարդիկ կան, որ իրենց խօսքով խոցում են թրի պէս, բայց իմաստունների լեզուները բուժում են:
19. Ճշմարտախօս շուրթերը հաստատում են վկայութիւնը, բայց շտապող վկան անիրաւ լեզու ունի:
20. Չարամիտների սրտում նենգութիւն կայ, բայց ովքեր խաղաղութիւն են ուզում, ուրախ պիտի լինեն:
21. Անիրաւացի ոչ մի բան հաճելի չէ արդարին, բայց ամբարիշտները լցուած են չարութեամբ:
22. Ստախօս շուրթերը պիղծ են Տիրոջ առջեւ, ճշմարտութեան հաւատարիմ բերանը հաճելի է նրան:
23. Հանճարի աթոռը իմաստուն մարդն է, բայց անզգամների սիրտը պիտի ենթարկուի նզովքի:
24. Ընտրեալների ձեռքը պիտի հեշտ յաղթի, բայց նենգաւորները պիտի գերութեան մատնուեն:
25. Ահեղ խօսքը խռովում է արդարի սիրտը, բարի խօսքը ուրախացնում է նրան: Արդարը սիրում է իրաւադատ անձը, բայց ամբարիշտների մտքերը կեղծ են:
26. Չարիքները հալածում են յանցաւորներին, բայց բարիքները պիտի հասնեն

արդարներին:

27. Ամբարիշտների ճանապարհները մոլորեցնում են նրանց. որսը չի հանդիպում  
նենգաւորին:

28. Անարատ մարդու ունեցուածքը պատուական է եւ առատ: Արդարութեան  
ճանապարհը տանում է դէպի կեանք, ռիսակալների ճանապարհը՝ դէպի մահ:



1. Խելացի որդին հնազանդ է հորը, բայց անհնազանդ որդին կորստեան պիտի մատնուի:
2. Մարդ առատօրէն պիտի ճաշակի արդարութեան պտղից, բայց անօրէն անձինք տարածամ պիտի կործանուեն:
3. Իր լեզուն զսպողը պիտի պահպանի իր անձը, բայց ում բերանը յանդուգն է, պիտի խռովի իր հոգին:
4. Ծոյը միշտ կարիքի մէջ պիտի լինի, բայց ժրաջան ձեռքը ճար կը գտնի:
5. Արդարն ատում է անիրաւ գործը, բայց ամբարիշտը պիտի ամաչի եւ համարձակութիւն պիտի չգտնի:
6. Արդարութիւնն անմեղներին պահպանում է իրենց ճանապարհներին, բայց մեղքերն անզգամ են դարձնում ամբարիշտներին:
7. Մարդիկ կան, որ իրենց հարուստ են ձեւացնում, բայց ոչինչ չունեն, կան էլ, որ իրենց խեղճ են ձեւացնում, բայց լի են մեծ հարստութեամբ:
8. Մարդս իր հարստութեամբ փրկագնում է իր անձը, բայց աղքատը չի հանգստանում պատուհասներից:
9. Արդարի լոյսը պիտի վառ լինի յարածամ, բայց ամբարիշտների լոյսը պիտի հանգչի: Նենգամիտ հոգիները պիտի մոլորուեն մեղքերի մէջ, բայց արդարները գթութիւն եւ ողորմութիւն պիտի գտնեն:
10. Անզգամն ամբարտաւանութեամբ չարիք է գործում, բայց իրաւախոհ մարդը իմաստուն է:
11. Անիրաւութեամբ դիզուած հարստութիւնը պիտի պակասի, բայց աստուածապաշտութեամբ ձեռք բերուած ունեցուածքը պիտի բազմապատկուի:
12. Լաւ է սկզբից եւեթ սրտով օգնել, քան շուտափոյթ խոստանալ եւ երկար ժամանակ յոյսով թողնել: Արդարը ողորմում եւ փոխ է տալիս. բարի ցանկութիւնը կեանքի ծառ է:
13. Ով ինչ արհամարհի, դրանից էլ պիտի արհամարհուի. ով երկիւղ է կրում պատուիրանից, առողջ պիտի լինի: Նենգամիտ որդին բարիք չի գտնի, բայց խելացի ծառայի գործերը պիտի յաջողուեն, եւ ուղիղ պիտի լինեն նրա ճանապարհները:
14. Իմաստունի համար օրէնքը կեանքի աղբիւր է, բայց անմիտը պիտի մեռնի որոգայթի մէջ ընկնելով:
15. Բարւոք խոհեմութիւնը շնորհ է պարգեւում, եւ օրէնքի իմացութիւնը մտքի բարիք է. կորստաբեր է օրէնքն արհամարհողների ճանապարհը:
16. Խորագետ անձն իմաստութեամբ է գործում, բայց անմիտն ինքնակամ չարիքներ է տարածում:
17. Յանդուգն թագաւորը չարիքի մէջ պիտի ընկնի, բայց հաւատարիմ պատգամաւորը կը փրկի նրան:
18. Խրատը հեռու է վանում աղքատութիւնն ու անարգանքը, իսկ յանդիմանութեան անսացողը պիտի փառաւորուի:
19. Բարեպաշտների ցանկութիւնները քաղցրացնում են հոգին. ամբարիշտների գործերը հեռու են իմաստութիւնից:
20. Իմաստուններին ընկերացողը իմաստուն կը լինի, բայց անզգամներին ընկերացողը թաքուն պիտի չմնայ:
21. Չարիքները հալածում են մեղաւորներին, բայց բարիքները պիտի հասնեն արդարներին:
22. Առատաձեռն մարդը ճոխ ժառանգութիւն պիտի թողնի որդիների որդիներին, բայց ամբարիշտների հարստութիւնը արդարները պիտի ստանան:
23. Արդարները երկար տարիներ պիտի վայելեն իրենց հարստութիւնը, բայց անիրաւները շուտով պիտի կործանուեն:
24. Ով չի գործադրում խրատի գաւազանը, նա ատում է որդուն. իսկ ով սիրում է իր որդուն, նրան խրատում է հոգածութեամբ:

25. Արդարն իր անձը յագեցնում է ուտելու ժամանակ, բայց ամբարշտի որկորը միշտ անկուշտ է լինում:

1. Իմաստուն կանայք շինում են իրենց տները, իսկ անզգամ կանայք կործանում են դրանք իրենց ձեռքով:
2. Ուղիղ ընթացողը երկիւղ է կրում Տիրոջից, բայց ով ծռմռում է իր ճանապարհը՝ պիտի անարգուի:
3. Յիմարների բերանները թշնամանքի գաւազաններ են, բայց իմաստունների լեզուները պահպանում են դրանցից:
4. Ուր որ եզներ չկան, մաքուր են մսուրները, բայց ուր որ շատ արդիւնք կայ, այնտեղ երեւում է եզան զօրութիւնը:
5. Հաւատարիմ վկան չի ստում, բայց անիրաւ վկան ստերի կրակ է թափում:
6. Չարերի մօտ եթէ իմաստութիւն փնտռես, չես գտնի, բայց հեշտութեամբ իմաստութիւն կը գտնես իմաստունների մօտ:
7. Անզգամը հակառակ է ամէն ինչի, բայց իմաստուն շրթները հանճարի զէնքն են:
8. Խելացի մարդու իմաստութիւնը երեւում է նրա ճանապարհից, իսկ անզգամների անմտութիւնը՝ իրենց մոլորութիւնից:
9. Անօրէնների տները պիտի դատապարտուեն արդարութեան կողմից, բայց արդարների տները հաճելի են դրան:
10. Չգայուն մարդու սիրտը տրտմութիւն է իր համար, բայց ուրախութեան ժամանակ նա թշնամանքի չի խառնուում:
11. Ամբարիշտների տները պիտի կործանուեն, բայց արդարների բնակարանները պիտի հաստատ լինեն:
12. Ճանապարհներ կան, որ մարդկանց թւում են ուղիղ, բայց դրանց վերջաւորութիւնը դժոխքի յատակն է գնում:
13. Տրտմութիւնը չի խառնուում ուրախութեան հետ, բայց ուրախութիւնը յետոյ վերածւում է սգի:
14. Խստասիրտը պիտի յագենայ իր ճանապարհներից, իսկ բարերար մարդը ուղղուելու է իր խոհերի շնորհիւ:
15. Անմեղը հաւատում է ամէն բանի, բայց խորագետը պիտի զոջայ:
16. Իմաստունը զարհուրելով՝ իր ճամփան շեղում է չարից, իսկ անզգամը ինքնավստահ ընկերանում է անօրէնի հետ:
17. Չայրացկոտ մարդը գործում է առանց մտածելու, իսկ իմաստուն մարդը խիստ համբերատար է:
18. Ամբարիշտները պիտի բաժանեն չարիքները, բայց խորագետները պիտի զօրանան իրենց իմաստութեամբ:
19. Չարերը ծնկի պիտի գան բարիների առջեւ, եւ ամբարիշտները պիտի պաղատեն արդարների դռների մօտ:
20. Աղքատներին ատում են նոյնիսկ իր բարեկամները, մինչդեռ հարուստներին շատերն են դառնում բարեկամ:
21. Ով անարգում է տնանկին, մեղք է գործում, բայց ով ողորմում է աղքատին, արժանի է երանութեան:
22. Մոլորեալները չարիքներ են նիւթում, բարիք խորհողները՝ ողորմութիւն եւ ճշմարտութիւն արարում: Չարիքներ նիւթողները չեն ճանաչում ողորմութիւնն ու հաւատը, բայց բարիք արարողները կը ժառանգեն ողորմութիւնն ու հաւատը:
23. Իմաստութիւն է, որ մարդ աշխատում եւ մի բան է աւելացնում, բայց անհոգ դատարկապորտը միշտ կարիքի մէջ պիտի լինի:
24. Իմաստունների պսակը իրենց խորագիտութիւնն է, իսկ անմիտների ուղին՝ իրենց չարութիւնը:
25. Հաւատարիմ վկան մարդ է փրկում, բայց նենգամիտը բորբոքում է ստերի կրակը:
26. Տիրոջից երկիւղ կրելու մէջ վստահ յոյս կայ, որովհետեւ Աստուած իր որդիների համար խաղաղ ապաւէն է:

27. Տիրոջ հրամանը կեանքի աղբիւր է, որը խուսափել է տալիս մահուան որոգայթներից:
28. Թագաւորի փառքն իր զօրքերի բազմութեան մէջ է, հզօրների կործանումը՝ իրենց ժողովրդի նուազելու մէջ:
29. Համբերատար մարդն օժտուած է մեծ խոհեմութեամբ, բայց կարճամիտը շատ է անխելք:
30. Հեզաբարոյ մարդը սրտի բժիշկ է, հոգս անող սիրտը՝ ոսկորների փտութիւն:
31. Տնանկին զրպարտողը բարկացնում է նրա Արարչին, բայց ով պատւում է Աստծուն, նա ողորմում է աղքատին:
32. Ամբարիշտը պիտի մերժուի իր չարիքի պատճառով, բայց իր անձի համար մաքրութիւն ցանկացողը արդար կը լինի:
33. Իմաստութիւնը հանգիստ է գտնում բարի սրտում, բայց անմիտների սիրտը չի ճանաչում այն:
34. Արդարութիւնը բարձրացնում է ազգը, բայց մեղքը ազգեր է նուազեցնում:
35. Խելացի սպասաւորը հաճելի է թագաւորին. իր փութաջանութեամբ նա թօթափում է անարգանքը: Բարկութիւնը կործանում է նոյնիսկ իմաստուններին:

1. Սիրավիր պատասխանը մեղմացնում է զայրոյթը, բայց խիստ խօսքը բարկութիւն է յարուցում:
2. Իմաստունների լեզուն գիտէ բարիքը, իսկ անզգամների բերանը խօսում է չարիքների մասին:
3. Տիրոջ աչքը ամէն տեղ դիտում է չարերին եւ բարիներին:
4. Բուժող լեզուն կեանքի ծառ է, եւ ով պահում է այն՝ նրա հոգին պիտի լցուի:
5. Անզգամ անարգում է հօր խրատը, բայց յանդիմանութեանը հնազանդ որդին ողջախոհ է: Արդարութեան անելացումով՝ անելանում է զօրութիւնը, բայց ամբարիշտները արմատախիլ պիտի լինեն երկրից:
6. Արդարների տները պիտի մնան մեծ զօրութեամբ, բայց ամբարիշտների պտուղները պիտի ոչնչանան:
7. Իմաստունների շուրթերը իմաստութիւն են հաստատում, անմիտների սրտերը անսխալ լինել չեն կարող:
8. Ամբարիշտների զոհագործութիւնները պիղծ են Տիրոջ առջեւ, բայց ուղղամիտների ուխտը հաճելի է նրան:
9. Ամբարիշտների ճանապարհները պիղծ են Տիրոջ առջեւ, բայց ով հետեւում է արդարութեանը, Տերը սիրում է նրան:
10. Անմեղի խրատն ընդունելի է մերձաւորների համար, բայց ով ատում է յանդիմանութիւնը, պիտի վախճանուի անարգանքով:
11. Դժոխքն ու կորուստը յայտնի են Տիրոջ առջեւ, էլ ուր մնաց՝ մարդկանց սրտերը:
12. Մեծամիտը չի սիրում իրեն յանդիմանողին եւ չի հաղորդում իմաստունների հետ:
13. Սրտի բերկրանքից ծաղկում է դեմքը, իսկ տրտում հոգին շրջում է թախծոտ:
14. Ուղիղ սիրտը իմաստութիւն է որոնում, բայց անզուսպ բերանը ծանօթ է չարիքներին:
15. Չարի աչքն ամէն ժամանակ սպասում է չարիքի, բայց բարի աչքը պիտի խաղաղուի ամէն ժամ:
16. Լաւ է քիչ բաժինը՝ Տիրոջ երկիւղով, քան թէ շատ գանձը՝ առանց երկիւղածութեան:
17. Լաւ է բանջարեղէնի ճաշ ուտել՝ սիրով ու շնորհքով, քան թէ մսւրի արջառի միս՝ թշնամութեամբ:
18. Չայրացկոտ մարդը կռիւ է յարուցում, բայց համբերատարը խաղաղեցնում է այն: Համբերատար մարդը մեղմում է դատաստանը, բայց ամբարիշտն անելի է գրգռում այն:
19. Ծոյլի ճանապարհը ծածկուած է փշերով, բայց հարթ ու բաց է ջանասերի ճամփան:
20. Իմաստուն որդին ուրախացնում է հօրը, իսկ անմիտ որդին արհամարհում է մօրը:
21. Անմիտ մարդու սիրտը կարօտ է խելացի խորհրդի, բայց խելացի մարդն ինքն է ուղղում իր ընթացքը:
22. Իրենց խորհուրդը յապաղում են յայտնել նրանք, որ չեն յարգում իրենց խորհրդակիցներին: Խորհուրդները հաստատ են մնում խոհեմների սրտում,
23. բայց անզգամը չի հետեւում նրանց եւ չի ասում պատշաճ բան, որ բարի լինի ընդհանուրի համար:
24. Իմաստունի խորհուրդը կեանքի ճանապարհ է, եւ մարդ դրանով դժոխքից խորշելով՝ կը փրկուի:
25. Տերը կործանում է ոխակալների տները, բայց որբերի եւ այրիների սահմանը հաստատ է պահում:
26. Անիրաւ խորհուրդը պիղծ է Տիրոջ առջեւ, բայց սրբերի խօսքերը պարկեշտ են:
27. Կաշառակերը սպանում է իր հոգին, բայց կաշառք ատողը պիտի ապրի: Ողորմութեամբ ու հաւատով մաքրում է մեղքը, եւ Տիրոջ երկիւղով ամէն ոք խորշում է չարից:
28. Արդարների սրտերը խորհում են հաւատի մասին, բայց ամբարշտի բերանը իբրեւ պատասխան ունի չարիքը: Տիրոջը հաճելի են արդար մարդկանց ճանապարհները:

Նրանց շնորհիւ թշնամիները դառնում են բարեկամներ:

29. Աստուած հեռու է ամբարիշտներից, բայց նա լսում է արդարների աղօթքը: Լաւ է քիչ վերցնել՝ արդարութեամբ, քան թէ շատ արդիւնք ստանալ՝ առանց երկիւղածութեան:

30. Մարդու սիրտը պիտի խորի իրաւունքի մասին, որպէսզի Աստուած ուղղի նրա ընթացքը:

31. Բարին տեսնող աչքը ուրախացնում է սիրտը, իսկ բարի լուրը պարարում է ոսկորները:

32. Խրատ մերժողն ատում է իր հոգին, բայց յանդիմանութիւն լսողը խոհեմութիւն պիտի ստանայ:

33. Տիրոջ երկիւղը խրատ է եւ իմաստութիւն, եւ փառքը ծագում է դրանից:

1. Ինչ որ մարդ դրել է սրտում՝ վերաբերում է իրեն, բայց Տիրոջից է նրա լեզուի պատասխանը:
2. Խոնարհ մարդու բոլոր գործերը յայտնի են Տիրոջը, եւ Տերն է դատում հոգիները:
3. Քո գործերը յանձնիր Տիրոջ ձեռքը, եւ քո մտադրութիւնները պիտի կատարուեն: Ինչպիսի մեծութեան էլ հասնես, դու քեզ խոնարհ պահիր, եւ դու շնորհ կը գտնես Տիրոջ առջեւ:
4. Տերն ամէն ինչ արել է մի նպատակի համար. ամբարիշտները չար օրը պիտի մատնուեն կորստեան:
5. Ամէն մեծամիտ պիղծ է Տիրոջ առջեւ, եւ ով զուր տեղը ձեռնամուխ է լինում չարիքի, չի արդարացուելու: Բարու ճանապարհի սկիզբը արդարութիւն գործելն է, եւ Աստծուն անելի հաճելի է աղօթքը, քան զո՞հ մատուցելը:
6. Ով փնտռում է Տիրոջը, նա գիտութիւն կը գտնի՝ արդարութեամբ հանդերձ, եւ ովքեր ուղիղ սրտով փնտռեն նրան, խաղաղութիւն կը գտնեն:
7. Աստծու բոլոր գործերը արդարութեամբ են արուած, ամբարիշտն էլ պահւում է չար օրուայ համար:
8. Լաւ է քիչ վերցնել՝ Տիրոջ երկիւղով, քան թէ մեծ գանձեր՝ ամբարշտութեամբ:
9. Մարդու սիրտը պիտի խորհի իրաւունքի մասին, որպէսզի Աստուած էլ ուղղի նրա ընթացքը:
10. Թագաւորի շուրթերին մարգարեական պատգամ կայ, եւ նրա բերանը չի սխալուի դատաստանի ժամանակ:
11. Կշռաքարի արդարութիւնը Տիրոջից է. արդար նժարներ են նրա գործերը:
12. Ով չարիք է գործում, նա գարշելի է թագաւորի համար, քանի որ նրա իշխանութեան աթոռը հաստատ է մնում արդարութեան շնորհիւ:
13. Արդար շուրթերը հաճելի են թագաւորին, քանի որ Տերը սիրում է ուղիղ խօսքը:
14. Թագաւորի զայրոյթը մահուան պատգամաբեր է, բայց իմաստունը մեղմացնում է այն:
15. Թագաւորի որդու երեսի լոյսը կեանք է, եւ նրա բարեհաճութիւնը սպասուող անձրեւաբեր ամպի պէս է:
16. Առաւել ցանկալի է իմաստութիւն ստանալ, քան ոսկի. եւ առաւել բաղձալի է խոհեմութիւն ձեռք բերել, քան արծաթ:
17. Կեանքի շաւիղները հեռացնում են չարիքներից, եւ արդարութեան ճանապարհների վրայ է գտնւում կեանքի երկարութիւնը: Խրատ ընդունողը բարիքների մէջ կը լինի, եւ յանդիմանութիւն պահողը կ'իմաստնանայ: Տիրոջ ճանապարհից զգոյշ գնացողը պահպանում է իր անձը, կեանքը սիրողը զսպում է իր լեզուն:
18. Կործանմանը նախորդում է թշնամանքը, անկմանը՝ չար բարքը:
19. Լաւ է հեզասիրտ լինել խոնարհների հետ, քան ավար բաժանել ամբարտաւանների հետ:
20. Գործի մէջ խելացի մարդը բարիքներ կը գտնի, եւ երանելի է նա, ով յոյսը դնում է Տիրոջ վրայ:
21. Իմաստուններին եւ հանճարներին անմիտ են կոչում, բայց նրանց, որ քաղցր-մեղցր խօսքեր ունեն, անելի շատ են լւում:
22. Միտքը կեանքի աղբիւր է այն ունեցողի համար, բայց անմիտների խրատը չար է:
23. Իմաստունի սիրտը գիտէ իր բերանի խօսքը, եւ նա իր շուրթերով իրաւադատութիւն է խորհում:
24. Բարի խօսքը մեղրի խորիսխ է, եւ հոգու բժշկութիւն է նրա քաղցրութիւնը:
25. Ճանապարհներ կան, որ մարդու աչքին ուղիղ են թւում, բայց նրանց վերջաւորութիւնը տանում է դէպի դժոխքի յատակ:
26. Աշխատողը վաստակում է իր անձի համար՝ իր կորուստը հեռու վանելով իրենից, բայց անմիտը կորուստը կրում է իր բերանի մէջ:

27. Անգգամ մարդն իր հոգում չարիքներ է յղանում եւ կրակ է կուտակում իր շուրթերի վրայ:
28. Խորամանկ մարդը չարիքներ է նիւթում, չարութեամբ բորբոքում է նենգութեան լապտերը եւ բարեկամներին բաժանում է իրարից:
29. Անօրէն մարդը փորձութեան է ենթարկում իր բարեկամներին եւ նրանց տանում է վատ ճանապարհներով:
30. Նա, որ իր աչքերը փակում եւ ծուռ բաներ է խորհում, որ շուրթերը փակ ամէն տեսակ չարիքներ է մտորում՝ այդպիսին չարի հնոց է:
31. Ծերութիւնը պարծանքի պսակ է, որ մարդ գտնում է միայն արդարութեան ճանապարհին:
32. Համբերատար մարդը լաւ է հզօրից, իմաստութիւն ունեցողը՝ մեծատարած հանդեր ունեցողից, իր բարկութիւնը զսպողը՝ մեծագօր քաղաք գրաւողից:
33. Անիրաւների չարիքները նորից իրենց ծոցն են դառնալու, քանզի Տէրն է սահմանում բոլորի իրաւունքը:



1. Լաւ է մի պատառ համով հացը՝ խաղաղութեամբ, քան միս ու բարիքով լի տունը՝ թշնամութեամբ:
2. Խելացի ծառան պիտի իշխի անմիտ տերերի վրայ եւ ժառանգութիւնը պիտի բաժանի եղբայրների հետ:
3. Ինչպէս արծաթը եւ ոսկին փորձուում են քուրայի մէջ, այնպէս էլ Աստուած ընտրում է սրտերը:
4. Չարագործը հնազանդուում է անօրէնի լեզուին, բայց արդարը չի նայում ստախօս շուրթերին: Հաւատարիմ մարդու համար ամբողջ աշխարհը լի է հարստութեամբ, բայց անհաւատարիմը մէկ գրոշ իսկ չունի:
5. Ով ծաղրում է աղքատին, նա զայրացնում է նրա Արարչին, եւ ով հարուածում է ընկածին, նա չի արդարացուելու, բայց ով խղճում է՝ ողորմութիւն պիտի գտնի:
6. Ծերերի պսակն իրենց որդիների որդիներն են, որդիների պարծանքը՝ իրենց հայրերը:
7. Անզգամներին վայել չեն ճշմարտախօս շուրթերը, եւ ոչ էլ արդարներին՝ ստախօս շուրթերը:
8. Խրատը այն ունեցողի համար նրա շնորհի վարձն է, եւ նա դէպի որ կողմն էլ դառնայ՝ յաջողութիւն պիտի գտնի:
9. Յանցանքը ծածկողը բարեկամութիւն է փնտռում, բայց այն բացայայտողը բարեկամներին եւ ընտանիքը բաժանում է իրարից:
10. Սպառնալիքները փշրում են իմաստունների սրտերը, բայց անմիտը թէկուզ եւ բազում հարուածներ ուտի՝ չի ազդուում:
11. Ամեն չարական հակառակութիւն է յարուցում, բայց Տէրն էլ անողորմ հրեշտակ է ուղարկում նրա դէմ:
12. Հոգսը ծանրանում է իմաստունի սրտին, իսկ անմիտները մտածում են չարիքների մասին:
13. Ով բարիքի փոխարէն չարիք է հատուցում, չարը չի պակասի նրա տնից:
14. Արդարութեան սկիզբը խօսքին իշխանութիւն է տալիս, իսկ հակառակութիւնը եւ կռիւը տանում են դէպի ջքաւորութիւն:
15. Ովքեր անիրաւին համարում են արդար ու արդարին՝ անիրաւ, նրանք պիղծ ու գարշելի են Տիրոջ առջեւ:
16. Ինչպէ՞ս է անմիտը հարստութիւն գտնում, քանի որ չգիտէ, թէ ինչ բան է իմաստութիւնը: Նա, որ շատ վեր է բարձրացնում իր տունը, պատճառ է դառնում նրա կործանման, իսկ ով խուսափում է ուսումից, պիտի ընկնի չարիքի մէջ:
17. Բարեկամներ կարող են ունենալ ամեն ժամանակ, բայց եղբայրներդ քեզ պետք են վշտի ժամանակ, քանզի հէնց դրա համար էլ ծնուել են նրանք:
18. Անմիտ մարդը պարում եւ ցնծում է բարեկամների համար երաշխաւոր լինելիս, վնասասերը ուրախանում է նրանց վեճ ու կռուի ժամանակ:
19. Նա, որ շատ վեր է բարձրացնում իր տունը, պատճառ է դառնում նրա կործանման, եւ խստասիրտն էլ բարիք չի գտնի:
20. Լեզուով յեղեղուկ մարդը պիտի ընկնի չարիքի մէջ,
21. եւ անզգամի սիրտը ցաւ է իր մարմնի անդամների համար: Հայրը չի կարող ուրախ լինել անխելք որդու համար, բայց խելացի որդին ուրախացնում է մօրը:
22. Ուրախ սիրտը առողջարար է. հոգսերի մէջ ընկած մարդու ոսկորները ցամաքում են:
23. Կաշառքի համար գիրկը բացողը յաջողութիւն չի գտնի իր ճամփին, ամբարիշտը խոտորւում է արդարութեան ճանապարհներից:
24. Հանճարեղ մարդու երեսն իմաստուն է, իսկ անմիտ մարդու աչքերը այս ու այն կողմ են նայում:
25. Անմիտ որդին հօր տրտմութիւնն է եւ դառն ցաւ է իր ծնողների համար:
26. Արդար մարդուն տոյժի ենթարկելը բարի գործ չէ, եւ ոչ էլ իրաւունքի մէջ իշխանի նենգելը՝ արդարի նկատմամբ:

27. Իր խիստ խօսքը զսպողն իմաստունն է, համբերատարը՝ խելացի:

28. Անմիտ մարդուն հարցրին, թե ի՞նչ է իմաստութիւնը, եւ նա գտնո՞ւմ է արդեօք, որ իմաստութիւն կայ. նա պապանձուեց, եւ կարծեցին, թե իմաստունն է:

1. Ով ցանկանում է բարեկամներից հրաժարուել, պատճառներ է փնտռում. այդպիսին ամեն ժամանակ նախատինք պիտի կրի:
2. Իմաստութիւնը պակասամիտի համար ոչ մի բանի պետք չէ, քանի որ նա կը վարուի առանել անզգամութեամբ:
3. Ամբարիշտն արհամարհում է չարիքները, երբ հասնում է դրանց խորքերը, բայց իր վրայ էլ անարգանք ու նախատինք են հասնում:
4. Խորհուրդը խոր ջուր է մարդու սրտում, բխող գետ է եւ կեանքի աղբիւր:
5. Վայել չէ աչառու լինել ամբարշտի նկատմամբ, եւ ոչ էլ դատաստանի ժամանակ արհամարհել արդարի իրաւունքը:
6. Անզգամի շուրթերը նրան հասցնում են չարիքների, եւ նրա յանդուգն բերանը մահ է հրաւիրում իր վրայ:
7. Անզգամի բերանը կործանում է նրա համար, եւ նրա շուրթերը որոգայթ են իր հոգու համար:
8. Վատին կործանում է վախը, իսկ կնաբարոյ անձինք պիտի քաղցի մատնուեն:
9. Ով իր հոգին չի բուժում իր գործով, նա իրեն ապականողի եղբայրն է:
10. Տիրոջ անունը յայտնի է նրա զօրութեան մեծութիւնից, եւ դեպի նա ընթացող արդարները բարձրանում են:
11. Մեծատուն մարդու հարստութիւնն ամուր քաղաք է նրա համար, եւ նրա փառքը մեծ հովանի ունի:
12. Տղամարդու սիրտը գոռոզանում է կործանումից առաջ եւ խոնարհւում է փառքի հասնելուց առաջ:
13. Ով առանց բան լսելու պատասխան է տալիս, դա անզգամութիւն է նրա համար եւ նախատինք:
14. Իմաստուն ծառան մեղմացնում է մարդու ցասումը, բայց ո՞վ կարող է դիմանալ մարդու նեղսրտութեանը:
15. Խելացի սիրտը ձեռք է բերում ճանաչում, իմաստունների ականջները փնտռում են ուսանելի խորհուրդներ:
16. Ընծաներն ընդլայնում են մարդու շրջապատը եւ նրան նստեցնում իշխանների հետ:
17. Արդարն ինքն իր մասին չարախօսում է իր խօսքի սկզբին, երբ սկսում է յանդիմանուել ոսոխի կողմից:
18. Լուռումունջ մնալը մեղմացնում է հակառակութիւնները եւ զօրեղների միջեւ վճռում է հարցը:
19. Եղբորից օգնութիւն ստացած եղբայրը նման է ամուր քաղաքի. նա հզօր ու բարձր է ինչպէս հաստատուն թագաւորութիւնը:
20. Մարդ իր բերանի պտղով պիտի կշտացնի իր փորը եւ իր շուրթերի պտղով պիտի յագենայ:
21. Մահն ու կեանքը լեզուի ձեռքին են, եւ ով յաղթահարում է այն, պիտի վայելի նրա պտուղը:
22. Ով բարի կին է գտել՝ շնորհք է գտել եւ ուրախութիւն է ստացել Աստծուց: Ով հեռացնում է բարեբարոյ կնոջը, նա հեռացնում է բարիքը, իսկ ով շնաբարոյ կին ունի, նա անմիտ է եւ ամբարիշտ:
23. Աղքատն աղաչում է ողորձի խօսքով, բայց հարուստը յանդուգն պատասխան է տալիս:
24. Տղամարդը լկտիութեան պատճառով է բոզանոց գնում: Մօտիկ բարեկամը լաւ է հեռաւոր եղբորից:

1. Լաւ է տգէտ լինել, բայց միամիտ, քան թէ անզգամ ու շաղակրատ:
2. Տգիտութիւնն էլ, սակայն, լաւ չէ հոգու համար, եւ ով իր ոտքերին ստիպում է շտապել՝ սխալներ է գործում:
3. Մարդու անզգամութիւնը ապականում է նրա ճանապարհները, բայց իր սրտում նա մեղքը գցում է Աստծու վրայ:
4. Հարստութիւնը աւելացնում է շատ բարեկամներ, բայց աղքատը բաժանում է նոյնիսկ հարազատ բարեկամից:
5. Ստախօս վկան առանց պատժի չի մնայ, եւ չի փրկուի նա, ով զուր տեղն է մեղադրում:
6. Շատերն են հաճոյախօսում թագաւորի դիմաց, բայց ամէն մի չարական պիտի նախատուի մարդկանցից:
7. Ով ասում է իր աղքատ եղբօրը, ինքն էլ հեռու պիտի լինի նրա սիրուց: Բարի խորհուրդը մերձենում է իրեն ճանաչողին, եւ իմաստուն մարդը կը գտնի այն: Ով խիստ բան է անում չարամտօրէն, նա չարիք է գործում, եւ ով վեճեր է յարուցում, փրկութիւն չի գտնի, մանաւանդ որ այնպիսի բան է անում, որ չի վերաբերում իրեն:
8. Խելք ձեռք բերողը սիրում է իր հոգին, եւ իմաստութիւն պահողը բարիք է պահում:
9. Ստախօս վկան առանց պատժի չի մնայ, եւ ով թշնամանք է բորբոքում, ով չարութիւն է գրգռում, պիտի կործանուի:
10. Անզգամին վայել չէ փափկակեցութիւնը, եւ ոչ էլ գոռոզութիւնը՝ ծառային, երբ նա սկսի իշխել:
11. Գթասիրտ մարդը համբերատար կը լինի, եւ նրա համար պարծանք է բարձր լինել անզգամներից:
12. Թագաւորի սպառնալիքը նման է առիւծի մռնչիւնի, իսկ նրա զուարթութիւնը՝ դալարիքի վրայ կաթած ցօղի:
13. Անմիտ որդին ամօթանք է հօր համար. ընդունելի չէ բոզերի վարձով կատարուած ուխտը:
14. Տներն ու ստացուածքը հայրերը բաժանում են որդիներին, բայց առաքինի կին՝ Աստուած է տալիս տղամարդուն:
15. Ծովութիւնը յատուկ է թուլամորթին, եւ գործ անել չսիրող մարդը քաղցած կը մնայ:
16. Պատուիրաններ պահողը պահպանում է իր անձը, բայց նա, ով արհամարհում է իր ճանապարհը, պիտի կործանուի:
17. Աղքատին ողորմութիւն տուողը փոխ է տալիս Աստծուն, եւ ըստ նրա տուածի էլ Աստուած պիտի հատուցի նրան:
18. Խրատի՛ր որդուդ, որպէսզի այդպէս բարի յոյս լինի քեզ համար, եւ մի՛ նայիր նրա թշնամական վերաբերմունքին. եթէ դու բրածե՞ծ անես նրան, նա չի մեռնի, բայց նրա հոգին կը փրկես մահից:
19. Չարաբարոյ մարդը շատ է տուժելու, եւ եթէ աւելի դաժան վարուի, հոգին էլ վրայ կը տայ:
20. Լսի՛ր, որդեա՛կ, հօրդ խրատը, որպէսզի իմաստուն դառնաս յետագայում:
21. Բազմաթիւ խորհուրդներ կան մարդու սրտում, բայց Աստծու խորհուրդը մնում է յաւիտեան:
22. Մարդու ողորմածութիւնը նրա հոգու պտուղն է, եւ արդար աղքատը լաւ է, քան ստախօս հարուստը:
23. Տիրոջ երկիւղը կեանք է մարդու համար. ով չունի այդ երկիւղը, մոլորուած շրջում է դռներին, ապրում է այն տեղերում, ուր յաւիտեան այցելու չի ունենայ:
24. Ով անգործութեամբ ձեռքերը թաքցնում է ծոցում, նա իր ձեռքը նոյնիսկ իր բերանն էլ չի տանի:
25. Անզգամի պատիժը տեսնելով՝ անմեղն աւելի խելացի է դառնում, իսկ եթէ յանդիմանես իմաստունին, նա առաւել իմաստութիւն կ'ունենայ:

26. Այն որդին, որ անարգում է հօրը եւ հեռացնում մօրը, պիտի ամօթ կրի եւ  
նախատինք:
27. Հօր խրատը չպահող որդին չար խորհուրդներ է խորհում:
28. Անմիտ երիտասարդին երաշխաւոր եղողը ծաղրում է  
արդարութիւնը. ամբարիշտների բերանը կուլ է տալիս դատ ու դատաստան:
29. Տանջանքները պատրաստուած են անխելք մարդկանց համար, պատիժները՝  
անզգամների:

1. Գինին անառակութեան է մղում, հարբեցողութիւնը՝ թշնամութեան, եւ ով անձնատուր է լինում դրանց՝ խելացի չէ:
2. Թագաւորի պատուհասը պակաս վնասաբեր չէ առիւծի ցասումից, եւ ով զայրացնում է նրան, վնաս է պատճառում ինքն իրեն:
3. Մարդու համար փառք է հեռու մնալ հայիոյանքներից, բայց ամէն մի անգամ խառնւում է այդպիսի բաների:
4. Ծոյը թէւ նախատւում է, բայց չի ամաչում, ինչպէս մէկը, որ ցորեն է փոխ առնում ամռանը:
5. Մարդու սրտի խորհուրդը խոր ջրի պէս է, բայց իմաստուն մարդը երես է հանում այն:
6. Մեծանուն եւ պատուական է գթասիրտ մարդը, բայց դժուար է գտնել հաւատարիմ մարդ:
7. Ով անարատ է քայլում արդարութեան ճամփով, նա իրենից յետոյ երանութեան արժանի որդիներ պիտի թողնի:
8. Երբ արդար մի թագաւոր նստի գահին, ոչ մի չարագործ չի վրիպի նրա աչքից:
9. Ո՞վ կարող է պարծենալ, թէ ինքը սուրբ սիրտ ունի, կամ ո՞վ կը համարձակուի ասել, թէ ինքը զերծ է մեղքերից:
10. Թե՛ մեծ, թե՛ փոքր ծուռ կշեռքը եւ թե՛ երկակի չափը, երկունս էլ պիղծ են Տիրոջ առջեւ. պիտի խափանուեն թե՛ դրանք եւ թե՛ դրանք գործադրողները. այդպէս էլ պիտի խափանուի իր կեանքի մէջ նոյն կերպ վարուող մարդը:
11. Ուղիղ են այն երիտասարդի ճամփաները, որ մաքրութեամբ է ընթանում:
12. Ականջը լսում է, աչքը՝ տեսնում. եւ երկունս էլ Տէրն է ստեղծել:
13. Մի՛ սիրիւ չարախօսել, որպէսզի չգրկուես կեանքից. աչքերդ բա՛ց արա եւ կշտացի՛ր հացով:
14. Վատ է, վատ է, ասում է գնորդը, իսկ հեռանալիս պարծենում է իր գնումով:
15. Կայ ոսկի էլ, հանդերի հարստութիւն էլ, բայց գիտուն շուրթերն են թանկարժէք անօթ:
16. Հանի՛ր ու վերցրո՛ւ նրա հանդերձանքը, քանզի նա երաշխաւոր եղաւ մի օտարականի եւ հիւրընկալեց նրան:
17. Խաբէութեան հացը քաղցր է թւում մարդու, բայց յետոյ նրա բերանը պիտի լցուի խիճով:
18. Դիտաւորութիւնը հաստատւում է մտքի խորհուրդներով. պատերազմը մղւում է խելամտութեամբ:
19. Գաղտնիք յայտնողը նենգամտութեամբ է վարւում. մի՛ հաղորդակցիր շողոքորթ լեզու ունեցողի հետ:
20. Ով հայիոյում է իր հօրն ու մօրը, նրա լոյսը պիտի հանգչի. նրա աչքերի բիբերը պիտի զգան խաւարը:
21. Այն ժառանգութիւնը, որ սկզբից շուտ է ձեռք բերուել վերջաւորութեան չի կարող օրհնուած լինել:
22. Մի՛ ասա, թե՛ վրեժ պիտի առնեմ թշնամուց, այլ համբերութիւն ունեցիւ Տիրոջ հանդէպ, որ նա օգնական լինի քեզ:
23. Տիրոջ առջեւ պիղծ է երկու տեսակի չափը, եւ խարդախ կշեռքը մերժելի է նրա համար:
24. Տէրն է, որ ուղղում է մարդու քայլերը, էլ ինչպէ՞ս մահկանացուն խելամուտ լինի իր ճամփաներին:
25. Որոգայթ է մարդու համար շտապելը եւ իր ունեցուածքից բան նուիրելը, հապճեպ ուխտ անելը եւ յետոյ զոջալը:
26. Իմաստուն թագաւորը ցրում է ամբարիշտներին եւ անուի տակ է զգում նրանց:
27. Մարդու հոգին Տիրոջ լոյսն է, որը քննում է սրտի շտեմարանները:
28. Ողորմածութիւնը եւ ճշմարտութիւնը թագաւորի պահապաններն են, եւ նրանք

արդարութեամբ են շրջապատում նրա գահը:

29. Երիտասարդների զարդը իմաստութիւնն է, ծերերի փառքը՝ նրանց ալեհերութիւնը:

30. Չարագործների համար են թէ՛ վերքերն ու հարուածները եւ թէ՛ տանջանքները  
նրանց որովայնի խորքերում:

1. Ինչպէս ջրի հոսանքը, այնպէս էլ թագաւորի սիրտը Աստծու ձեռքին է. Նա ո՛ր կողմ կամենայ, այն կողմն էլ կը դարձնի այն:
2. Ամէն մարդ ինքն իր աչքին արդար է թւում, բայց Տէրն է դատում սրտերը:
3. Արդարութիւն գործելը եւ ճշմարտութիւն խօսելը աւելի հաճելի է Տիրոջը, քան զոհերի արիւնը:
4. Ամբարտաւանը մեծամիտ է իր յոխորտանքի մէջ. ամբարիշտների լապտերը մեղքն է:
5. Կարճ խորհրդածութիւնն էլ կարող է առատութիւն բերել, սակայն ամէն մի հապճեպութիւն կարօտութիւն է բերում:
6. Ով հարստութիւն է կուտակում լեզուի ստութեամբ, նա գնում է սնոտի բաների յետեւից եւ պիտի հասնի մահուան որոգայթների:
7. Ամբարիշտները պիտի կործանուեն, քանզի չեն ուզում գործադրել իրաւունքը:
8. Խոտորնակին Աստուած խոտոր ճանապարհ է առաքում, քանզի Տիրոջ գործերը սուրբ են եւ ուղիղ:
9. Լաւ է բաց օդի մէջ մի անկիւնում ապրել, քան անիրաւութեամբ ծեփուած եւ խառնակ տան մէջ:
10. Ամբարշտի հոգին չարիքներ է ցանկանում, եւ նա ողորմածութիւն չի գտնի ոչ ոքից:
11. Անխելքի պատիժը տեսնելով՝ անմեղն աւելի խորագետ է դառնում, իմաստունն էլ խորիւնով՝ դառնում է առաւել գիտուն:
12. Արդարին մտահոգում է ամբարիշտների սիրտը, բայց չարիքներն էլ ապականում են ամբարիշտներին:
13. Ով իր ականջը փակում է տնանկին չլսելու համար, ինքն էլ երբ կանչի Տիրոջը, Տէրն էլ իրեն չի լսի:
14. Գաղտնի պարգեւը մեղմացնում է բարկութիւնը, իսկ ով խնայում է պարգեւ տալ, զայրոյթ է յարուցում:
15. Իրաւունքի գործադրումը ուրախութիւն է արդարի համար, բայց սուրբ գործը պիղծ է թւում չարագործներին:
16. Արդարութեան ճանապարհից մոլորուած մարդը հանգրուան է գտնում հսկաների ժողովում:
17. Ով ուրախութիւն է սիրում, կարիքի մէջ կ'ընկնի, ով գինի ու ձեթ է սիրում, չի հարստանայ:
18. Անօրէնն արդար մարդու համար փրկանք պիտի լինի, երդմնազանցը՝ ուղղամիտ մարդկանց համար:
19. Լաւ է բնակուել անապատում, քան թէ անզգամ, լեզուանի եւ բարկացկոտ կնոջ հետ:
20. Իմաստունի բերանը ցանկալի գանձ է պահում, բայց տգէտները կուլ են տալիս այն:
21. Նա, ով հետեւում է արդարութեան եւ ողորմածութեան ճանապարհին, կեանք, արդարութիւն եւ փառք պիտի գտնի:
22. Իմաստութիւնը հասաւ ամուր քաղաքներին եւ քանդեց այն ամրոցները, որոնց վրայ յոյս էին դրել ամբարիշտները:
23. Ով զսպում է իր բերանն ու լեզուն, իր անձը պահպանում է նեղութիւնից:
24. Դաժանը, յանդուգնը եւ գոռոզը կոչւում են չարագործ, իսկ ով ոխ է պահում, անօրէն է:
25. Ծոյլին սպանում են ցանկութիւնները, որովհետեւ նրա ձեռքերը յօժար չեն որեւէ բան անելու:
26. Ամբարիշտն ամէն օր չարիքների ցանկութիւն է յղանում, իսկ արդարն առանց խնայելու ողորմութիւն է տալիս:
27. Ամբարիշտների զոհաբերումները պիղծ են Տիրոջ առջեւ, որովհետեւ մատուցւում են անօրէն խորհրդով:
28. Ստախօս վկան կորստեան պիտի մատնուի. խոնարհ մարդը խօսում է զգուշութեամբ:



29. Ամբարիշտ մարդը դեմդ է ելնում յանդուգն երեսով, բայց արդարն ինքը գիտի իր ճանապարհը:

30. Աստծու համեմատութեամբ՝ մարդ ո՛չ իմաստութիւն ունի, ո՛չ արիութիւն եւ ո՛չ էլ խորհուրդ:

31. Երիվարը պատրաստուում է պատերազմի օրուայ համար, բայց Տիրոջից է գալիս յաղթանակի օգնութիւնը:

1. Բարի անունը լաւ է մեծ հարստութիւնից, ընտիր շնորհքը՝ արծաթից ու ոսկուց:
2. Հարուստն ու աղքատը հանդիպում են իրար. երկուսին էլ այցելում է Տէրը:
3. Չարագործին պատժուած տեսնելով՝ խորագետն անելի հաստատութեամբ է խրատում իրեն, բայց անմիտները զանց առնելով այն՝ անելի են վնասում:
4. Տիրոջ երկիւղն իմաստութեան սկիզբն է. դա է ե՛լ հարստութիւնը, ե՛լ փառքը, ե՛լ կեանքը:
5. Թիւրամիտ մարդկանց ճանապարհներին տատասկ կայ եւ որոգայթ, բայց ով զգուշանում է իր հոգու համար, հեռանում է նրանցից:
6. Երիտասարդը դաստիարակում է ըստ իր ընտրած ճանապարհի եւ ծերութեան ժամանակ էլ չի հեռանում դրանից:
7. Աղքատները պիտի տիրեն հարուստներին, եւ ծառաները պիտի փոխ տան իրենց տներին:
8. Ով անզգամութիւն է ցանում, չարիքներ է հնձելու եւ պատուհաս է կրելու իր գործերին համապատասխան:
9. Աստուած սիրում է ուրախ եւ առատաձեռն մարդուն. աղքատին ողորմութիւն անողն ինքն էլ պիտի կերակրուի, որովհետեւ տնանկին իր հացից է բաժին հանել: Կաշառք տուողը յաղթութիւն եւ պատիւ է ձեռք բերում, բայց կաշառքը սպանում է առնողների հոգին:
10. Ժանտ մարդուն դո՛ւրս վռնդիր ատեանից, եւ հակառակութիւնը կը վերանայ նրա հետ, որովհետեւ երբ նա նստած է լինում ատեանում, անարգում է բոլորին:
11. Տէրը սիրում է մաքուր սիրտը, եւ բոլոր անարատ մարդիկ ընդունելի են նրան:
12. Թագաւորը հովում է շուրթերով, Տիրոջ աչքերը պահպանում են գիտութիւնը, բայց Տէրն արհամարհում է անօրէն խօսքերը:
13. Ծոյլը պատճառ է բռնում եւ ասում. Ճամփին առիւծ կայ, փողոցների մատոյցներում՝ մարդասպաններ:
14. Անօրէնի բերանը խոր հոր է, եւ Տիրոջն ատելի անձը նրա մէջ պիտի ընկնի: Վատ ճանապարհներ կան մարդու առջեւ, եւ նա չի ուզում յետ դառնալ դրանցից, բայց հարկաւոր է յետ դառնալ ծուռ ու վատ ճանապարհից:
15. Անմտութիւնը բորբոքուած է երիտասարդի սրտում. ուրեմն՝ գաւազանը եւ խրատը հեռու են նրանից:
16. Աղքատին զրպարտողը բազմացնում է իր չարիքները. եւ նա, ով զրկում է նրան եւ տալիս է հարստին, կարօտութեան մէջ պիտի մնայ:
17. Ականջդ մօ՛տ պահիր իմաստունների խօսքերին. լսի՛ր իմ խօսքերը, հաստատի՛ր սրտիդ մէջ եւ կ'իմանաս, որ դրանք բարի են:
18. Եւ եթէ դրանք պահես սրտիդ մէջ, կ'ուրախացնեն քեզ եւ միշտ կը մնան շուրթերիդ վրայ:
19. Որպէսզի քո յոյսը Տիրոջ վրայ լինի, ես քեզ ցոյց կը տամ նրա ճանապարհները:
20. Եւ դու այդ խօսքերը երի՛ցս գրիր հոգուդ մէջ, քո մտքի, գիտութեան եւ բանականութեան մէջ:
21. Ահաւասիկ ես քեզ սովորեցնում եմ ճշմարիտ խօսքեր եւ գիտութիւն, որպէսզի քեզ հարցնողներին յօժարութեամբ ճշմարտութեան խօսքերով պատասխաններ տաս:
22. Մի՛ բռնացիր աղքատի վրայ, որովհետեւ նա խեղճ է, եւ մի՛ անարգիր տնանկին դատարանի մէջ,
23. որովհետեւ Տէրն է նրա դատն ու դատաստանն անելու, եւ Տէրն է, որ անկորուստ պիտի փրկի քո հոգին:
24. Ընկեր մի՛ լինիր բարկացկոտ մարդուն եւ մի՛ առնչուիր դիւրաբորբոք բարեկամի հետ,
25. որ չլինի թէ սովորես նրա ճանապարհները եւ ծուղակն ընկնելով՝ խեղդամահ լինես:
26. Որեւէ մէկից ակնածելով՝ պարտքի համար անձդ երաշխաւոր մի՛ դարձրու,

27. որովհետեւ եթէ չունես, որտեղի՞ց պիտի վճարես, եւ ինչո՞ւ առնեն տանեն քո անկողինը, որի վրայ հանգստանում են կողերդ:
28. Մի՛ փոփոխիր քո հայրերի դրած յաւիտենական սահմանները:
29. Իր գործի մէջ փութկոտ եւ խելամիտ մարդուն պէտք է կանգնեցնել թագաւորների եւ ոչ թէ ծոյլ ու անպէտք մարդկանց առջեւ:

1. Երբ հզորների հետ սեղան նստես՝ ընթրիքի, ուտելուց առաջ լա՛ւ իմացիր, թե ինչ ես դրել քո առաջ, եւ նոր միայն ձեռքդ մեկնի՛ր:
2. Իմացի՛ր նաեւ, որ դու եւս պարտաւոր ես նոյնը պատրաստել:
3. Եւ եթե ազահ էլ լինես, մի՛ ցանկացիր նրա խորտիկները, քանի որ դրանք էլ կ'անցնեն կը գնան սուտ կեանքի հետ:
4. Եթե ունենոր չես, մի՛ ձգտիր հասնել հարստին, այլ քո իմաստութեամբ հեռացի՛ր նրանից:
5. Հէնց որ աչքդ տնկես մի բանի վրայ, այն իսկոյն կը չքանայ. հարստութիւնն արծուի թելեր է շինում իր համար եւ վերադառնում է իր նախնիների տունը:
6. Չարաչք մարդու հետ հաց մի՛ կեր եւ մի՛ ցանկացիր նրա կերակուրը,
7. քանզի նա ուտում եւ խմում է այնպէս, ինչպէս մէկը մազ կուլ տար:
8. Նրան մի՛ ընդունիր քո տունը եւ քո հացը մի՛ կեր նրա հետ, քանի որ նա նողկանք կը պատճառի քեզէլ կ'ապականի քո բարի խօսքերը.
9. Ամենեւին բան մի՛ ասա անզգամի ականջին, որ նա չանարգի քո իմաստուն խօսքերը:
10. Մի՛ փոփոխիր վաղեմի սահմանների նշանները. եւ ձեռք մի՛ տուր որբերի ունեցուածքին,
11. որովհետեւ հզոր է նրանց պաշտպանը՝ Տէրը, եւ նրանց դատը նա կը պաշտպանի քո դէմ:
12. Սիրտդ տո՛ւր խրատին, եւ ականջներդ պատրաստ պահի՛ր իմաստութեան խօսքերը լսելու համար:
13. Քո խրատը մի՛ խնայիր երեխային, որովհետեւ եթե գաւազանով էլ խփես նրան՝ չի մեռնի,
14. դու նրան կը հարուածես գաւազանով, բայց նրա հոգին կը փրկես մահից:
15. Որդեա՛կ, եթե քո սիրտն իմաստուն լինի, ապա կ'ուրախացնես եւ իմ սիրտը:
16. Իմ շուրթերը պիտի ձուլուեն քո շուրթերին, միայն թե դու ուղիղ խօսես:
17. Թող քո սիրտը չնախանձի մեղաւորներին, այլ միշտ Տիրոջ երկիւղը պահի՛ր սրտիդ մէջ:
18. Եւ եթե պահես, դու գաւազ կ'ունենաս, եւ քո յոյսը չի կտրուի:
19. Լսի՛ր, որդեա՛կ, իմաստո՛ւն եղիր եւ ուղղի՛ր քո սրտի խորհուրդները:
20. Մի՛ լինիր հարբեցող եւ մի՛ նախանձիր իրենց մարմինը մտով պարարտացնողներին,
21. որովհետեւ գինեմոլն ու բոզարածը պիտի աղքատանան, եւ քնի մէջ թմրած ամեն մարդ պիտի քրջոտ հանդերձ հագնի:
22. Լսի՛ր, որդեա՛կ, քեզ ծնող հօրը եւ մի՛ արհամարհիր քո մօր ծերութիւնը:
23. Ճշմարտութի՛ւն ձեռք բեր եւ չթողնես իմաստութիւնը, խրատը եւ խոհեմութիւնը:
24. Արդար հայրը բարութեամբ է կրթում գաւակին, եւ նրա սիրտը պիտի ուրախ լինի իմաստուն որդու համար:
25. Թող քո հայրն ու մայրն ուրախ լինեն քեզ համար, եւ թող ուրախանայ նա, ով ծնել է քեզ:
26. Տո՛ւր ինձ, որդեա՛կ, քո սիրտը, եւ թող աչքերդ սպասեն ինձ՝ իմ ճանապարհին:
27. Օտար տունը ծակ կարաս է, օտար բանը՝ նեղ ջրհոր:
28. Եւ ով այնտեղ է շտապում, շուտով պիտի կործանուի, եւ ամէն մի անօրէն պիտի ջնջուի իսպառ:
29. Ո՞ւմ համար է վայը, ո՞ւմ համար է խռովութիւնը, ո՞ւմ համար են դատաստանները, ո՞ւմ համար են դաժանութիւններն ու տարակուսանքները, ո՞ւմն են աջ ու ձախ տրուած հարուածները, եւ ո՞ւմն են հարուածից կապտած աչքերը,
30. - ո՞չ արդեօք նրանցը, ովքեր տարւում են գինով, ովքեր նայում են, թե որտեղ գինարբուք կայ:
31. Մի՛ հարբէք գինով, այլ գրուցեցէ՛ք արդար մարդկանց հետ, եւ խօսեցէ՛ք միմեանց հետ հրապարակներում: Իսկ եթե աչքդ զգես թաս ու բաժակի, յետոյ պիտի սանդի կոթի

պէս տկլոր ման գաս,

32. վերջն էլ օձից խայթուածի պէս պիտի ցած ընկնես, եւ գինին, ինչպէս իժի թոյն,  
պիտի տարածուի քո մէջ:

33. Եւ երբ աչքերդ օտար կին տեսնեն, բերանդ խառն ու շփոթ պիտի խօսի,

34. եւ պիտի ծփաս՝ ասես ծովի մէջ, ինչպէս նաւաւարը՝ սաստիկ մրրիկի մէջ:

35. Եւ պիտի ասես. Ինձ ծեծում էին, բայց ես ցաւ չէի զգում, ինձ ծաղրում էին, բայց ես  
չէի գիտակցում, ե՞րբ է բացուելու առաւօտը, որ վեր կենամ գտնեմ, թէ ո՞ւմ հետ պիտի  
էլի շրջեմ:

1. Որդեա՛կ իմ, մի՛ նախանձիր չար մարդկանց եւ մի՛ ցանկացիր ապրել նրանց հետ,
2. որովհետեւ նրանց սիրտը խաբէութիւն է խորհում, եւ նրանց շուրթերը խօսում են ցաւեր պատճառելու մասին:
3. Տունը շինւում է իմաստութեամբ, հաստատւում է խելացիութեամբ,
4. եւ շտեմարաններն ամեն տեսակ հարստութեամբ ու բարիքներով լցւում են գիտութեամբ:
5. Իմաստունը լաւ է հզօր մարդուց, եւ խոհեմ մարդը՝ մեծամեծ դաստակերտներ ունեցողից:
6. Պատերազմը մղւում է ռազմավարութեամբ, եւ յաջողութիւնը կախուած է սրտի խորհուրդներից:
7. Իմաստութիւնն ու բարի խորհուրդները գտնւում են իմաստունների դռների:
8. Իմաստունները չեն խոտորւում Տիրոջ խօսքից, այլ խորհուրդ են անում իրենց հաւաքոյթներում:
9. Մահը պատահում է խրատ չլսողներին, իսկ անզգամը մեռնում է մեղքերի մէջ:
10. Պղծութիւնը խայտառակում է ժանտագործին՝ նրա չար եւ նեղ օրերին, քանի նա դեռ չի մեռել:
11. Փրկի՛ր նրանց, ում մահուան են տանում, եւ ոչինչ մի՛ խնայիր մահապարտներին փրկագնելու համար:
12. Բայց եթէ ասես, թե՛ ես նրան չեմ ճանաչում, ոչ էլ նա՛ ինձ, - ապա իմացի՛ր, որ Տերը ճանաչում է բոլորի սրտերը. եւ նա, որ ստեղծեց բոլորի շունչը, ճանաչում է բոլորին եւ իւրաքանչիւրին հատուցելու է ըստ նրա գործերի:
13. Մե՛ղր կեր, որդեա՛կ, որովհետեւ հաճելի է, եւ խորիսխ, որպէսզի կոկորդո քաղցրանայ:
14. Այդպէս էլ իմաստութեան գիտութիւնը քաղցր պիտի լինի քո հոգու համար, որովհետեւ եթէ գտնես այն, քո վախճանը լինելու է բարի, եւ չի կտրուելու քո յոյսը:
15. Ամբարշտին մի՛ մօտեցրու արդարների արօտին, եւ մի՛ խաբուիր, որ նրա որովայնը լիքն է:
16. Բայց եթէ արդարը եօթն անգամ էլ ընկնի, պիտի կանգնի, մինչդեռ ամբարիշտները պիտի տկարանան չարիքների մէջ:
17. Եթէ թշնամիդ ցած գլորուի, մի՛ տրորիր նրան, եւ եթէ սայթաքի, ամբարտաւանութեամբ մի՛ վարուիր նրա հետ,
18. քանզի Տերը կը տեսնի, եւ դա հաճոյ չի լինի նրան, եւ իր բարկութիւնը կը հեռացնի նրանից:
19. Մի՛ ուրախացիր չարագործների հետ եւ մի՛ նախանձիր մեղաւորներին,
20. որովհետեւ չարերը ժառանգորդ չեն ունենայ, եւ ամբարիշտների ճրագը պիտի հանգչի:
21. Որդեա՛կ, վախեցի՛ր Աստծուց ու թագաւորից, եւ նրանցից ոչ մէկի դէմ մի՛ ապստամբիր,
22. որովհետեւ ամբարիշտների կործանումը յանկարծահաս է լինելու, եւ ո՞վ է ճանաչելու թե՛ մէկի, թե՛ միւսի պատուհասը:
23. Ձեզ՝ իմաստուններիդ, այս էլ ասեմ. Մի՛ ամաչէք խելամուտ լինել իրաւունքի մէջ, քանզի լաւ չէ աչառու լինել դատաստանի ժամանակ:
24. Ամբարշտին արդար ասողը պիտի արժանանայ ժողովուրդների անեծքին եւ ատելի պիտի լինի ազգերից:
25. Իսկ նրանք, որ կը յանդիմանեն ամբարիշտներին, պիտի բարի համարուեն, եւ բարի օրհնութիւն պիտի գայ նրանց վրայ:
26. Շուրթերը սիրում են բարի խօսքերի պատասխաններ, իսկ ով պատասխան է տալիս դիմադարձ խօսքերով, նա իր վրայ հրաւիրում է հեռացման խօսքեր:
27. Հո՛գ տար դրսի գործերիդ համար, վերջացրո՛ւ դաստակերտիդ աշխատանքը, ապա

Ե՛կ իմ յետեւից եւ նորի՛ց շինիր քո տունը:

28. Սուտ վկայ մի՛ լինիր քո ընկերոջ հանդէպ, եւ քո շուրթերով մի՛ խաբիր նրան:

29. Մի՛ ասա, թէ՛ Ինչպէս նա վարուեց ինձ հետ, այնպէս էլ ես եմ վարուելու նրա հետ, եւ թէ՛ Այնպէս պիտի հատուցեմ նրան, ինչպէս ինքն ինձ գրկեց:

30. Անզգամ մարդը նման է արտի, թերամիտը՝ այգու:

31. Եթէ անխնամ թողնես, խոպան կը դառնայ արտը, ամենուր մոլախոտ կը բուսնի, այն կը մնայ լքուած, գետին կը թափուեն նրա ցանկապատի քարերը,

32. բայց նա յետոյ միայն կ'ասի. Ես գղջացի, տեսայ եւ ընտրեցի բարի խրատը: Մինչեւ ե՞րբ պիտի պառկես, ո՛վ ծոյլ, ե՞րբ պիտի զարթնես քնից:

33. Մի քիչ էլ որ ննջես, մի քիչ էլ նիրհես, մի քիչ էլ հանգստանաս, մի քիչ էլ ձեռքերդ դնես կրծքիդ,

34. եթէ այդպէս անես, ապա քեզ վրայ պիտի հասնի աղքատութիւնը ինչպէս ուղեւոր, եւ կարիքը՝ արագընթաց սուրհանդակի նման:

35. Խօսքից զգուշացող որդին կորստեան չի մատնուի, քանի որ նա խնամքով է ընդունում այն:

36. Թագաւորի լեզուից թող ոչ մի սուտ բան դուրս չգայ. թող նրա լեզուից խաբէութիւն էլ դուրս չգայ:

37. Սուր սուսեր է թագաւորի լեզուն եւ ոչ մարմնեղէն մի բան. ով որ մօտենայ դրան, կը խորտակուի:

38. Եթէ նրա բարկութիւնը բորբոքուի, մարդկանց կը կործանի իրենց յօդերով հանդերձ, մարդկանց ոսկորները կը փշրի եւ դրանք կ'այրի ինչպէս բոց: Մարդկանց մարմինը կը նմանուի արծիւների բոյներում եղած լէշի:

39. Որդեա՛կ, վախեցի՛ր իմ խօսքերից, եւ եթէ դրանք ընդունես, զգոյշ կը լինես:

1. Առակներ, որ յայտնի չեն Սողոմոնի անունով եւ որոնք գրել են Հրեաստանի արքայ Եզեկիայի բարեկամները:
2. Աստծու փառքը ծածկում է նրա խօսքերը, թագաւորի փառքը երեւում է նրա հրամանները պատուելու մէջ:
3. Անքննելի են երկնքի բարձրութիւնները, երկրի խորութիւնները, թագաւորի սիրտը:
4. Կրակի բովից անցկացրո՛ւ չմշակուած արծաթը, եւ կը տեսնես, որ այն կը մաքրուի ամէն խառնուրդից:
5. Ամբարիշտներին հեռացրո՛ւ թագաւորի երեսից, եւ նրա գահը պիտի հաստատուի արդարութեան վրայ:
6. Մի՛ պարծեցիր թագաւորի մօտ, մի՛ մօտեցիր մեծամեծների տեղերին,
7. որովհետեւ լաւ է, որ մէկը քեզ ասի՝ Արի՛ վեր, ինձ մօտ, քան թէ գլխահակ խոնարհուես իշխանի առաջ:
8. Խօսի՛ր քո աչքով տեսածի մասին. յանդգնօրէն կռուի մէջ մի՛ նետուիր, որ յետոյ չգոջաս: Եթէ բարեկամդ նախատի քեզ, խո՛յս տուր, մի՛ արհամարհիր:
9. Գուցէ բարեկամդ քեզ նախատի,
10. եւ դու էլ շարունակես քո թշնամութիւնն ու կռիւը, եւ մահուան պէս ծանր լինի քեզ համար: Շնորհն ու բարեկամութիւնն ազատ են. քո սրտի մէջ հաստատի՛ր դրանք եւ չես նախատուի, այլ հաշտ ու խաղաղ կ'անցնի կեանքդ:
11. Պատշաճ ասուած իմաստուն խօսքերը նման են սարդիոնով շարուած ոսկի խնձորի:
12. Պայծառ շարուած սարդիոն եւ ոսկի գինդեր են իմաստուն խօսքերը լսող ականջների համար:
13. Ինչպէս ամռան տօթից տանջուողի համար օգնութիւն է ձիւն գալը, այնպէս էլ հաւատարիմ պատգամատարը օգնութիւն է իրեն ուղարկողների համար, որոնք իրենց յոյսը կապել են նրա հետ:
14. Սուտ խոստումներով պարծեցող մարդիկ նման են սաստիկ քամիների, ամպերի ու անձրեւների:
15. Համբերատարութեամբ թագաւորը յաջողութիւն է գտնում, մեղմ լեզուն փշրում է ոսկորները:
16. Երբ մեղր գտնես, որդեա՛կ, կե՛ր չափով. չլինի թէ յագենաս եւ փսխես:
17. Քո ոտքով շատ մի՛ յաճախիր բարեկամիդ մօտ, գուցէ թէ քեզից կշտանայ եւ քեզ ատի:
18. Սրած սուներ եւ սուր նետ է սուտ վկայութիւն տուող մարդը իր բարեկամի մասին:
19. Չարի ճանապարհները եւ անօրէնի ոտքերը պիտի կորչեն նրանց չար օրում:
20. Ինչպէս քացախն է անօգուտ վերքին, այնպէս էլ մարմնին հասած ցաւերից տրտմում է սիրտը: Ինչպէս ցեցը վնասում է հագուստին, եւ որդը՝ փայտին, այնպէս էլ տրտմութիւնն է վնասակար մարդու սրտին:
21. Եթէ թշնամիդ քաղցած է, կերակրի՛ր նրան, եթէ ծարաւ է, ջո՛ւր տուր խմելու,
22. քանզի այդպէս անելով՝ դու նրա գլխին կրակի կայծեր կը դիզես, եւ Տէրը քեզ պիտի բարութիւն հատուցի:
23. Հիւսիսային քամին ամպեր է յարուցում, լիբէ երեսը գրգռում է լեզուն:
24. Լաւ է մենակ ապրել կտուրի տակ՝ անկիւնում, քան թէ բամբասող կնոջ հետ բնակուել մի տան մէջ:
25. Ինչպէս պաղ ջուրն ախորժելի է ծարաւած մարդուն, այնպէս էլ ախորժելի է հեռու երկրից եկած բարի ակետիքը:
26. Ինչպէս որ մէկը խցանելով աղբիւրի ակը՝ խափանում է ջրերի հոսանքը, այնպէս էլ տգեղ է արդարի խոնարհուելը ամբարիշտ մարդու առաջ:
27. Ինչպէս որ լաւ չէ շատ մեղր ուտելը, այնպէս էլ հարկաւոր է յարգել միայն պատուական խօսքերը:
28. Առանց խորհրդի գործ անող մարդը նման է պարիսպները կործանուած քաղաքի:





1. Ինչպես ցօղը՝ ամռանը, եւ անձրեւը՝ հնձի ժամանակ, այնպես էլ պատիւը անտեղի է անգգամին:
2. Ինչպես թռչուններն ու ճնճողուկները զուր տեղը չեն թռչում, այնպես էլ ոչ մէկն իզուր անէծքներ չի տալիս:
3. Ինչպես մտրակը ձիու համար է, խթանը՝ էշի, այնպես էլ գաւազանն է անմիտների համար:
4. Անգգամին մի՛ պատասխանիր ըստ նրա անգգամութեան, որ չլինի թէ նմանուես նրան:
5. Բայց անգգամին նրա անգգամութեանն արժանի պատասխան տուր, որպէսզի ինքն իրեն աւելի իմաստուն չկարծի:
6. Իր բռնած ճամփի համար նախատինք պիտի ստանայ այն մարդը, որն անմիտ լրատարի հետ խօսք կ'ուղարկի:
7. Խափանի՛ր անգգամի գնալ-գալը եւ նրա բերանի խօսքն ու առակը:
8. Ով պատիւ է տալիս անգգամին, նման է այն մարդուն, որ թանկարժէք քար է դնում պարսատիկի մէջ:
9. Հարբեցողի ձեռքերը փշերն են ծակծկում, անմիտ մարդու ձեռքերը ծառայում են անգգամին:
10. Բոլոր անգգամների մարմիններն էլ պիտի ալեկոծուեն շատ խռովքներից, որպէսզի խորտակուեն նրանց յիմարութիւնները:
11. Ինչպես շունը դառնում է ատելի, երբ վերադառնում է իր փսխածին, այնպես էլ անգգամն է իր չարութեամբ, երբ վերադառնում է դէպի իր մեղքերը: Ամօթ կայ, որ մեղքերի մէջ է գցում մարդուն, ամօթ էլ կայ, որ նրան պարգեւում է փառք ու շնորհ:
12. Մարդ եմ տեսել, որ պարծեցել է, թէ ինքն իմաստուն է, բայց անգգամից աւելի շատ բան կարելի է յուսալ, քան նրանից:
13. Երբ ծոյլին ուզում ես մի տեղ ուղարկել, ասում է. Ճանապարհին առիւծ կայ, հրապարակում՝ մարդասպաններ:
14. Ինչպես դուռը շուռ է գալիս իր ծխնիի վրայ, այնպես էլ ծոյլն է թաւալւում իր մահճում:
15. Ծոյլն իր ձեռքերը թաքցնում է ծոցում եւ ալարում է նոյնիսկ իր բերանը տանել:
16. Ծոյլն իր աչքին աւելի իմաստուն է թւում, քան այն անձը, որ հարստութեան բարի լուր է աւետում:
17. Ուրիշի դատ ու վեճին խառնուող մարդը նման է նրան, ով ձեռքը գցում է շան պոչը բռնելու:
18. Փորձող անձեր կան, որ առարկում են մարդկանց, բայց երբ որեւէ մէկը շտապում է կանխել՝ հակադրուելով նրանց, ընկճում են,
19. այդպես էլ վարում են այն բոլոր մարդիկ, որ դարանամուտ են լինում իրենց բարեկամների հանդէպ, բայց երբ կշտամբանքի են ենթարկւում, ասում են՝ Մենք կատակ էինք անում:
20. Շատ փայտ աւելացնելուց բորբոքում է կրակը, բայց ուր երկմիտ մարդ չկայ, այնտեղ դադարում է վեճը:
21. Կրակարանը շիկանում է ածուխից, փայտը բորբոքում է կրակը, բանսարկուն էլ հրահրում է կռիւը:
22. Ծողոքորթների խօսքերը փաղաքշող են, բայց դառնում են կռուի բուն:
23. Նենգամտութեամբ տրուած արծաթը նման է խեցու. ողորկ շուրթերը թաքցնում են տրտում սրտերը:
24. Ով լաց է լինում թշնամու վրայ, շուրթերով յայտնում է ամեն ինչ, մինչդեռ իր սրտում նենգութիւն է նիւթում:
25. Եթէ քո թշնամին քեզ աղաչի եւ բարձր ծայնով աղերսի, մի՛ հաւատա նրան, քանզի եօթը չարիք կայ նրա սրտում:
26. Ով թաքցնում է ատելութիւնը, նա յայտնի է դարձնում նենգութիւնը. բանիմաց մարդն

ատեանում իր վնասը հեռու է վանում:

27. Ընկերոջ համար հոր փորողն ինքն է ընկնելու նրա մէջ. ով քար է գլորում ուրիշի վրայ, ինքն իր վրայ է գլորում այն:

28. Ստախոս լեզուն ատում է ճշմարտութիւնը. շաղակրատ բերանը խռովութիւն է ստեղծում:

1. Մի՛ պարծեցիր վաղուայ օրով, որովհետեւ չգիտես, թե վաղն ինչ է բերելու քեզ:
2. Թող քեզ քո ընկե՛րը գովի եւ ոչ թէ քո բերանը, օտա՛րը եւ ոչ թէ քո շուրթերը:
3. Քարը ծանր է, աւազը դժուար է բարձրացնել, բայց երկուսից էլ առաւել ծանր է անզգամի բարկութիւնը:
4. Անողորմ է զայրոյթը, բարկութիւնը՝ սաստիկ, բայց ոչ մէկից էլ պակաս չէ նախանձը:
5. Բացայայտ յանդիմանութիւնը լաւ է սքօղուած բարեկամութիւնից:
6. Լաւ է բարեկամի ապտակը, քան թշնամու նենգ համբոյրը:
7. Կուշտ մարդն արհամարհում է խորիսխն ու մեղրը, բայց քաղցածի համար դառն բանն էլ քաղցր է թւում:
8. Իր բոյնը լքած թռչունի նման՝ իր տեղից օտար վայր գնացած մարդն իրեն ստրուկ է զգում:
9. Իւղով, խնկով եւ գինով զուարճանում է սիրտը, եւ հոգին թօթափւում է տրտմութիւնից:
10. Քո բարեկամին, ինչպէս նաեւ հօրդ բարեկամին, մի՛ քիչ, եւ թշուառացած մի՛ մտնիր եղբօրդ տունը. մօտիկ բարեկամը լաւ է հեռու տեղ բնակուող եղբօրից:
11. Իմաստո՛ւն եղիր, որդեա՛կ, որ քո սիրտն ուրախ լինի, քեզնից հեռո՛ւ վանիր նախատինքի խօսքերը:
12. Խորագետը տեսնում է գալիք չարիքը եւ խոյս է տալիս, բայց անզգամներն ընդառաջ են գնում եւ տուժում:
13. Հագից հանի՛ր հանդերձանքը նրա, ով չափից անց է թշնամանք տաժում, որովհետեւ նա ուրիշին էլ է ապականում:
14. Ով առաւօտ կանուխ բարձր ծայնով գովում է բարեկամին, նա ակելի լաւ չէ, քան նրան անիծողը:
15. Ինչպէս կաթոցը ձմեռային օրը մարդուն հանում է իր տնից, այնպէս էլ անզգամ կինն է իր տնից դուրս հանում ամուսնուն:
16. Խստաշունչ է հիւսիսային քամին, բայց յաջողութեան նշան է համարւում:
17. Երկաթը երկաթ է խարտում, մարդն էլ՝ ընկերոջ երեսը:
18. Թզենի տնկողը պիտի ուտի նրա պտուղը, իր տիրոջը պահողը պիտի պատիւ գտնի:
19. Ինչպէս մարդկանց դէմքերը նման չեն իրար, այնպէս էլ նման չեն նրանց սրտերը:
20. Ինչպէս անյագ են դժոխքն ու կորուստը, այնպէս էլ անյագ են ազահ մարդու աչքերը: Տիրոջ առջեւ պիղծ են յանդուգն աչքերով, խրատ չլսող եւ ցոփ լեզու ունեցող մարդիկ:
21. Արծաթն ու ոսկին փորձում է հալոցը, իսկ մարդուն՝ նրան գովաբանողների բերանը: Անօրէնի սիրտը չարիքներ է որոնում, ուղիղ սիրտը փնտռում է գիտութիւն:
22. Անզգամին կարող ես ծեծ տալ եւ անարգել ատեանում, բայց նրա անզգամութիւնը չես հեռացնի նրանից:
23. Խելամտօրէն հոգատա՛ր եղիր քո հօտերի անասունների նկատմամբ, սրտացա՛ւ եղիր քո երամակների համար,
24. որովհետեւ մարդու ուժը, զօրութիւնն ու իշխանութիւնը յաւիտենական չեն, եւ դրանք չեն տրւում սերնդից սերունդ:
25. Խնամքո՛վ վարուի՛ր դաշտի կանաչի հետ, որ խոտ հնձես,
26. դալար խո՛տ հաւաքի՛ր, որ ոչխարներդ գեղմաբեր լինեն, եւ դաշտերը լա՛ւ պահիր, որ գառներ ունենաս:
27. Որդեա՛կ, սովորի՛ր ինձնից այս զօրաւոր պատգամները քո տան ապրուստի եւ քո բարեկամների ապրուստի համար:

1. Ամբարիշտը փախչում է առանց որեւէ մէկից հալածուած լինելու, բայց արդարն անձնապաստան է լինում, ինչպէս առիւծ:
2. Ամբարիշտների յանցանքների մասին վեճերը յուզում են դատական ատեանները, բայց խորագետ մարդը հանգցնում է դրանք:
3. Հզօրը, որ ամբարտաւանութեամբ ընկճում է տնանկին, նման է սաստիկ անձրեւի, որից օգուտ չկայ:
4. Նոյնպէս էլ նրանք, որ մերժում են օրէնքը, գովում են ամբարշտութիւնը. բայց նրանք, ովքեր սիրում են օրէնքը, իրենց շրջապատում են պարսպով:
5. Չար մարդիկ չեն հասկանում իրաւունքը, բայց Տիրոջը փնտռողները խելամուտ են ամէն բանի:
6. Ճշմարտութեան հետ գնացող աղքատն ակելի լաւ է ստի հետ ընթացող հարստից:
7. Իմաստուն որդին պահում է օրէնքը, բայց որկրամուկներին ընկերացողը անարգում է իր հօրը:
8. Ով իր տունը լցնում է տոկոսներով ու վաշխով, նա կուտակում է այն մարդու համար, ով ողորմում է աղքատին:
9. Ով իր ականջը շեղում է, որ չլսի օրէնքը, նա ինքն է պղծում իր ուխտը:
10. Ով ուղիղներին մոլորեցնում է չարի ճանապարհով, ինքն է ընկնելու ապականութեան մէջ: Անարատ մարդիկ պիտի բաժանեն բարիքները, բայց անօրէնները պիտի անցնեն բարիքների մօտով եւ չեն մտնելու դրանց մէջ:
11. Հարուստն իր աչքին իմաստուն է թւում, բայց խելացի աղքատը դատապարտում է նրան:
12. Արդարներին օգնական դառնալուց մեծ փառք է ձեռք բերում, բայց ամբարիշտների շրջանում կոտորում են մարդիկ:
13. Իր ամբարշտութիւնը ծածկողը յաջողութիւն չի ունենայ, բայց բացայայտողը եւ իրեն պախարակողը կը դառնայ սիրելի:
14. Երանի այն մարդուն, որ Աստծու հանդէպ երկիւղածութեան պատճառով արհամարհում է ամէն բան, բայց խստասիրտը չարիքների մէջ կ'ընկնի:
15. Նա, ով աղքատ է, քաղցած առիւծի եւ ծարաւած գայլի պէս դաժան կը լինի թշուառ ժողովրդի նկատմամբ:
16. Խոհեմութիւնից զուրկ թագաւորը մեծ անիրաւութիւն անող է, բայց անիրաւութիւնն ատողը երկար կեանք կ'ունենայ:
17. Մահապարտի համար երաշխաւոր եղած մարդը փախստական է դառնում եւ չի հաստատում ոչ մի տեղ: Խրատի՛ր որդուդ, եւ նա հանգստութիւն կը տայ քեզ, զարդ կը լինի քո հոգու համար եւ չի հնազանդուի անօրէն ազգի:
18. Ով գնում է արդարութեան ճանապարհով, օգնութիւն է գտնելու, իսկ ով ծուռ ճանապարհ է ելնում, նրա ոտքը պիտի կապուի:
19. Ով մշակում է իր հողը, կը կշտանայ հացով, իսկ ով հետեւում է դատարկ բաների, տնանկ կը մնայ:
20. Հաւատարիմ մարդը շատ օրինութիւն պիտի գտնի, բայց չարագործը չի փրկուելու պատուհասից: Գովասանքի արժանի չէ այն անձը, ով չի պատկառում արդարներից:
21. Բարի չէ նա, ով երեսպաշտօրէն խուսափում է անօրէններից յանդիմանելուց. նա պատրաստ է մարդ վաճառել մի կտոր հացով:
22. Չարաչք մարդը շտապում է հարստանալ, բայց չգիտի, որ ողորմած մարդը պիտի յաղթի իրեն:
23. Մարդուն՝ նրա ճանապարհի համար յանդիմանողը ակելի շնորհ պիտի գտնի, քան նրան լեզուով շողոքորթողը:
24. Ով մերժում է իր հօրը կամ մօրը եւ դա մեղք չի համարում, նա համախոհ է ամբարիշտ մարդկանց:
25. Ազգահ մարդը հակառակութիւն է գրգռում, բայց յոյսը Տիրոջ վրայ դնողը

հոգածութիւն կը գտնի:

26. Ով յոյսը դնում է իր սրտի յանդգնութեան վրայ, նա անզգամ է, բայց իմաստութեամբ վարուողը կը փրկուի:

27. Աղքատներին բաժին տուողը չի աղքատանայ, բայց ով իր աչքը թեքում է նրանցից, նա շատ բանի կարօտ կը մնայ:

28. Ամբարիշտների շատանալուց հեծում են արդարները, բայց նրանց կորստեամբ բազմանում են արդարները:

1. Լաւ է յանդիմանող, քան յամառ մարդը, որովհետեւ եթէ սրան կրակը յանկարծակի հարուածի, փրկութիւն չի լինի:
2. Երբ արդարները գովասանքի են արժանանում, ուրախանում են ժողովուրդները. արդարները հեծում են ամբարիշտների իշխանութեան տակ:
3. Իմաստութիւն սիրողը ուրախացնում է իր հօրը, մինչդեռ բոզարածը վատնում է նրա հարստութիւնը:
4. Արդար թագաւորը բարձրացնում է իր երկիրը, իսկ անօրէնը կործանում է այն:
5. Ով կռիւ է փնտռում բարեկամի դէմ, նա թակարդ է լարում իր ոտքերի համար:
6. Մեղաւոր մարդու համար խիստ որոգայթ կը լարուի, բայց արդարը պիտի լինի ուրախութեան եւ խնդութեան մէջ:
7. Արդարը գիտէ տնանկներին իրաւունքով դատել, բայց ամբարիշտը խելամուտ չի լինում այն գիտենալու մէջ, իսկ աղքատն էլ իրաւախոհ միտք չունի:
8. Անօրէն մարդիկ քաղաքը մատնում են կրակի, բայց իմաստունները վանում են բարկութիւնը:
9. Իմաստուն մարդը դատում է ազգերին, բայց անզգամ մարդն իր բարկութեան մէջ ծաղրելի է դառնում եւ չի պատկառում:
10. Արիւնարբու մարդիկ ատում են արդարին, իսկ ուղղամիտները համակրանք են տածում նրա անձի նկատմամբ:
11. Անզգամն իր ողջ բարկութիւնը թափում է միանգամից, բայց իմաստունը համբերում է մեղմութեամբ:
12. Այն թագաւորը եւ նրա հետ բոլոր նրանք, որ ականջ են դնում անիրաւութեան խօսքերին, անօրէններ են:
13. Փոխ տուողը եւ փոխ առնողը հասնելու են նոյն տեղը, եւ երկուսին էլ առերեսելու է Տէրը:
14. Տնանկներին արդարութեամբ դատող թագաւորի աթոռը միշտ հաստատուն պիտի մնայ:
15. Ծեծն ու կշտամբանքն իմաստութիւն են տալիս. ճամփից շեղուած երեխան ամօթահար է անելու իր ծնողներին:
16. Ամբարիշտների բազմանալու դէպքում բազմապատկւում են յանցանքները, բայց արդարները ահով պիտի համակուեն նրանց կործանման ժամանակ:
17. Խրատի՛ր որդուդ, եւ նա քեզ հանգիստ պիտի պարգեւի եւ զարդ պիտի լինի հոգուդ համար:
18. Անօրէն ազգն առաջնորդ չի գտնի, իսկ ով պահում է օրէնքը, նա երանելի է:
19. Խօսքով չի խրատում կամակոր ծառան, որ թէեւ հասկանում, բայց բանի տեղ չի դնում այն:
20. Երբ յանդգնութեամբ խօսող մարդ տեսնես, իմացի՛ր, որ անելի յոյս կայ անզգամի, քան նրա համար:
21. Ով փափկասուն է լինում մանկուց, պիտի ծառայ դառնայ եւ յետոյ մորմոքի ինքն իր մէջ:
22. Անզգամ մարդը հակառակութիւն է գրգռում, հեզաբարոյ մարդը դադարեցնում է մեղքերը, իսկ բարկասիրտ մարդը խորացնում է դրանք:
23. Ամբարտաւանութիւնը պիտի նուաստացնի մարդուն, բայց Տէրը խոնարհներին պիտի արժանացնի փառքի:
24. Ով բաժնեկից է դառնում գողերին, նա ատում է իր հոգին. նրանք երդում են տալիս, որ իմացածի մասին չպատմեն,
25. Բայց մարդկանցից ունեցած վախի եւ ամօթի պատճառով պիտի յայտնեն եւ կործանուեն. իսկ ով յոյսը դրել է Տիրոջ վրայ, պիտի ուրախ լինի: Ամբարշտութիւնը մարդուն զցում է գայթակղութեան մէջ, բայց ով ապաւինում է Տիրոջը, պիտի փրկուի:
26. Շատերն են հաճոյախօսում իշխաններին, բայց մարդուս իրաւունքը բխում է

Տիրոջից:

27. Արդարի համար պիղծ է անօրէն մարդը, իսկ անօրէնի համար պիղծ է ուղիղ ճանապարհը:



1. Մարդս Աստծու հաւատացեալներին պիտի ասի այսպէս. Լաւ է լռեմ, որովհետեւ բոլոր մարդկանցից աւելի անմիտ եմ,
2. եւ իմ մէջ մարդկային իմաստութիւն չկայ:
3. Աստուած իմաստութիւն սովորեցրեց ինձ, եւ ես խելամուտ եղայ սրբերի գիտութեանը եւ ճանաչեցի սրբութիւնները.
4. ո՞վ ելաւ երկինք եւ իջաւ, ո՞վ հաւաքեց հողմերը իր գոգի մէջ, ո՞վ ամփոփեց ջրերը իր հանդերձանքի մէջ, ո՞վ հաստատեց երկրի ծագերը: Ի՞նչ է նրա անունը, կամ ի՞նչ է նրա որդու անունը:
5. Իմացի՛ր, որ Աստծու բոլոր գործերն էլ ընտրեալ են, եւ նա ինքն է իրենից երկիւղ կրողների վերակացուն:
6. Ոչինչ մի՛ աւելացրու նրա խօսքերին, որ քեզ չյանդիմանի, եւ դու ստախօս չերեւաս:
7. Երկու բան եմ խնդրում քեզանից. մինչեւ մեռնելս ինձ չգրկես քո շնորհներից:
8. Չուր եւ սուտ խօսքը հեռո՛ւ վանիր ինձանից: Հարստութիւն եւ աղքատութիւն մի՛ տուր ինձ, այլ ինձ համար կշռի՛ր արժանին, որ բաւական է:
9. Չլինի թէ հարստանամ եւ ուրանամ քեզ ու ասեմ. Ո՞վ է ինձ տեսնում. կամ աղքատանամ ու բան գողանամ եւ երդում ուտեմ իմ Աստծու անունով:
10. Մի՛ մատնիր ծառային իր տիրոջ ձեռքը, որ երբեք քեզ չանիծի, եւ դու ապականուած չմնաս:
11. Չար ծնունդն անիծում է իր հօրը եւ իր մօրը չի օրհնում:
12. Չար ծնունդն իր աչքին արդար է երեւում, բայց նա չի լուացել իր հոգու կեղտը:
13. Չար ծնունդն ամբարտաւան աչքեր ունի, եւ գոռոզ են նրա թարթիչները:
14. Չար ծննդի ատամները սուսեր են, եւ ժանիքները՝ դանակներ, երկրիս խոնարհներին եւ աղքատ մարդկանց կեղեքելու եւ ուտելու համար:
15. Տգրուկը սրտով սիրած երեք դուստր ուներ, եւ սրանք երեքն էլ չկշտացրին նրան, չորրորդն էլ չկարողացաւ կշտացնել, որպէսզի նա ասեր. Բաւական է:
16. Գերեզմանն ու մահը, կանանց սերն ու տարտարոսը, հողը, որ չի յագենում ջրով, ջուրը եւ կրակը երբեք չեն ասում. Բաւական է:
17. Այն աչքը, որ արհամարհում է հօրը եւ անարգում է մօր ծերութիւնը, ձորերի ագռաւները պիտի հանեն, եւ արծիւների ծագերը պիտի յօշոտեն այն:
18. Երեք բան կայ, որ ինձ անհնարին է իմանալ, եւ մի չորրորդն էլ, որ չեմ ճանաչում.
19. թռչող արծուի ուղին՝ օդում, օձի ճամփան՝ ապառաժի վրայ, ծովով անցնող նաւի ծիրը եւ երիտասարդ տղամարդու ճանապարհները:
20. Այդպէս է նաեւ շնացող կնոջ ճանապարհը. երբ նա որեւէ վատ բան է անում, լուացւում է եւ ասում. Ես ոչինչ չեմ արել:
21. Երեք բան կայ, որոնցից դողում է երկիրը, եւ մի չորրորդն էլ կայ, որից չի կարողանում հանդարտուել.
22. ծառան, եթէ թագաւոր է դառնում, անմիտը, եթէ կշտանում է հացով,
23. աղախինը, եթէ վնդդում է իր տիրուհուն, եւ ատելի կինը, որ ամուսնանում է բարի մարդու հետ:
24. Չորս բան կայ, որ մանր են երկրի վրայ, բայց իմաստուններից աւելի իմաստուն են.
25. մրջիւնը, որ զօրութիւն չունի, բայց իր կերակուրը պատրաստում է ամռանը,
26. ճագարը, անզօր մի կենդանի, բայց իր բոյնը շինում է քարերի մէջ,
27. մորեխը, որ թագաւոր չունի, բայց կարծես մէկի հրամանով հաւաքւում է զօրաժողովի,
28. եւ ճանկերով պատից կառչող սարդը, որին թէեւ հեշտ է որսալ, բայց բնակւում է թագաւորների յարկերի տակ:
29. Երեք բան կայ, որ շրջում են սիգապանծ, եւ մի չորրորդն էլ, որ ճեմում է գեղեցիկ.
30. առիւծի կորիւնը, որ հզօր է բոլոր կենդանիներից, որ երբեք չի վախենում եւ թիկունք չի դարձնում անասուններին,

31. արաղաղը, որ սիգալով շրջում է հաւերի մէջ, նոխագը, որ առաջնորդում է հօտը, եւ թագաւորը, որ ժողովրդի առաջ խօսում է հրապարակաւ:
32. Եթէ դու քեզ անհոգութեան մատնես եւ ձեռքդ դժուարութեամբ տանես բերանդ, պիտի արհամարհուես:
33. Կա՛թ կթիր, եւ իւղ կը լինի, բայց եթէ պտուկները շատ ճմլես, արիւն կը գայ: Այդպէս է՝ եթէ խօսքը ձգձգես, դատաստան ու կռիւ դուրս կը գայ:

1. Իմ խօսքերն ասուած են Աստծու կողմից, իբրեւ թագաւորին ուղղուած պատգամ, որով նրան խրատել է իր մայրը:
2. Դէ ինչ, որդեա՛կ, Աստծու խօսքեր են, անդրանիկդ իմ, քեզ եմ ասում, որդի՛. դէ ինչ, որդեա՛կ, իմ որովայնի պտուղն ես. դէ ինչ, որդեա՛կ, իմ ուխտերի գաւակն ես:
3. Քո հարստութիւնը մի՛ տուր կանանց եւ ոչ էլ քո միտքն ու կեանքը՝ յետին խորհուրդների. մտածուած գործիւր ամէն բան եւ խոհեմութեամբ խմիր գինի:
4. Մեծամեծները բարկասիրտ են, թող գինի չիմեն,
5. որպէսզի չհարբեն ու մոռանան իմաստութիւնը եւ չկարողանան տկարին ուղիղ դատել:
6. Ըմպելի՛ք մատուցեցէք վշտացածներին, գինի՛ տուէք ըմպելու տառապեալներին,
7. թող խմեն ու մոռանան իրենց աղքատութիւնը եւ թող չիշեն իրենց ցաւերը:
8. Աստծու խօսքով բաց քո բերանը եւ ողջամտութեամբ դատիր բոլորին,
9. քննի՛ր եւ տարբերի՛ր աղքատին ու խեղճին:
10. Թէ առաքինի կին գտնուի, այդպիսին թանկ է բոլոր գոհարներից:
11. Ամուսնու սիրտը վստահ է նրա հանդէպ, եւ իր ունեցածը երբեք քամուն չի տրուի:
12. Ողջ կեանքում նման կինը գործակից է լինում ամուսնուն բարիքների եւ ոչ թէ չարիքների մէջ:
13. Բուրդ եւ կտաւ ձեռք բերելով՝ նա իր ձեռքով պիտանի հանդերձներ է պատրաստում
14. եւ, ինչպէս շահութաբեր նաւ, նա հեռուից ժողովում է գանձերը:
15. Նա ոտքի է ելնում արշալոյսին, տնեցիներին կերակուր է տալիս եւ գործի է դնում նաժիշտներին:
16. Թէ գեղեցիկ հանդ է տեսնում, գնում է այն եւ իր ձեռքի վաստակով մշակում է հողը:
17. Իր մէջքին պինդ գօտի կապած՝ նա թելերը մխրճում է գործի մէջ
18. եւ ճաշակում է աշխատանքի քաղցր հաճոյքը, եւ ողջ գիշերն էլ չի հանգչում նրա ճրագը:
19. Ձեռքը միշտ իր օգուտին մեկնած՝ նա առանց ձանձրոյթի իր մատներով իլիկ է մանում:
20. Նրա ձեռքը բաց է աղքատների համար, եւ նա բաժին է տալիս խեղճերին:
21. Նրա ամուսինը, եթէ ինչ-որ պատճառով ուշանայ էլ, չի մտահոգւում տան համար, որովհետեւ գիտէ, որ, եթէ տանը ցուրտ է, կինը կրկնակի հագուստ է հագրել բոլորին:
22. Նա բեռեզ եւ ծիրանի է գործել ամուսնու համար եւ իր համար՝ ծածկոցներ:
23. Նրա ամուսինը յայտնի մարդ է դրսում, երբ նստում է ժողովրդի մէջ՝ երկրի բնակիչների ու ծերերի մէջ:
24. Կինը կտաւ է գործում ու վաճառում, եւ ծածկոցներ է ծախում քանանացիներին:
25. Ուժ ու վայելչութիւն զգեցած՝ նա պիտի ուրախ լինի իր վերջին օրերին:
26. Նա չափով եւ իմաստութեամբ է բացում իր բերանը եւ սահման է դնում իր լեզուին:
27. Պարկեշտ են նրա տան ճանապարհները, եւ նա դատարկապորտութեամբ հաց չի կերել:
28. Իր ողորմածութիւնները ոտքի են կանգնեցնում իր որդիներին եւ մեծացնում:
29. Նրա ամուսինը գովում է նրան՝ ասելով. Շատ դուստրեր հարստութիւն ձեռք բերին, շատերն էլ սխրագործութիւններ կատարեցին, բայց դու գերազանցեցիր նրանց եւ անցար բոլորից:
30. Քո մէջ կանացի կեղծ բարեհաճութիւն չկայել ոչ էլ սին գեղեցկութիւն: Արդարեւ, իմաստուն եւ բարեպաշտ կինը պիտի օրհնուի:
31. Նա պատիւ է տալիս Աստծուց երկիւղ կրողներին, դուք էլ նրա շուրթերի պտղից պատի՛ւ տուէք նրան, եւ թող նրա ամուսինը գովաբանուի դրսում. քանզի եթէ մարդուս ճամփան բաց է նրա հայեացքի առջեւ, ապա նա յաջողութիւն պիտի գտնի յաւիտեանս յաւիտենից:

ԺՈՂՈՎՈՐ

## Գլուխ 1

1. Դաւթի որդուն՝ Երուսաղէմում Իսրայէլի թագաւոր Ժողովողի խօսքերը
2. Ունայնութիւն ունայնութեանց, - ասաց Ժողովողը, - ունայնութիւն ունայնութեանց. ամէն ինչ ունայն է:
3. Ի՞նչ օգուտ ունի մարդ իր ողջ չարչարանքից, որ տանջւում է արեգակի ներքոյ:
4. Սերունդ է գնում, սերունդ է գալիս, բայց երկիրը մնում է յաւերժ:
5. Արեգակը ծագում, արեգակը մայր է մտնում եւ վերադառնում է իր տեղը, որտեղից ծագել է:
6. Հողմը ելնում է դէպի հարաւ եւ դառնում է դէպի հիւսիս, պտտուելով պտտւում՝ փչում է հողմը եւ վերադառնում նորից իր շրջապատոյտին:
7. Բոլոր գետերը գնում են դէպի ծով, բայց ծովը չի լցւում, եւ նորից գետերը վերադառնում են այնտեղ, որտեղով հոսել են:
8. Ամէն ինչ ջանք ու տքնանքով է լինում, եւ չի կարող մարդ այն պատմել. աչքը տեսնելով չի յագենում, եւ ականջը լսելով չի լցւում:
9. Այն, ինչ եղել է, նոյնն էլ պիտի լինի, եւ այն, ինչ կատարուել է, նոյնն էլ պիտի կատարուի:
10. Եւ ոչ մի նոր բան չկայ արեգակի ներքոյ. որովհետեւ ոչ ոք չի կարող ասել՝ Ահա սա նոր է, քանի որ դա եղել է վաղուց, յաւիտենապէս՝ մեզնից առաջ եղածների մէջ:
11. Նախկինների յիշատակը չկայ, չի լինելու նաեւ դրանցից յետոյ գալիքների յիշատակը՝ ամենավերջում եկողների մէջ:
12. Ես՝ Ժողովողս, Իսրայէլի թագաւոր եղայ Երուսաղէմում.
13. Եւ սիրտս տուի իմաստութեամբ քննելու եւ խորհելու այն ամենի մասին, ինչ եղել է արեգակի ներքոյ: Աստուած դաժան զբաղմունք է տուել մարդու որդիներին, որ զբաղուեն արեգակի ներքոյ:
14. Ես տեսայ այն բոլոր գործերը, որ կատարուել են արեգակի ներքոյ, եւ, ահա, ամէն ինչ ունայնութիւն է եւ հոգու տանջանք:
15. Ծումն ուղղել չի լինի, եւ չեղածը՝ հաշուել:
16. Սրտիս մէջ ինքս ինձ ասացի, թե՛ Ահա ես աւելի մեծ եղայ, քան բոլոր նրանք, որ ինձնից առաջ եղել են Երուսաղէմում. եւ ես իմ սիրտը տուի ճանաչելու իմաստութիւնն ու գիտութիւնը եւ աւելի շատ իմաստութիւն ստացայ, քան բոլոր նրանք, որ ինձնից առաջ եղել են Երուսաղէմում:
17. Իմ սիրտը ճանաչեց բազում իմաստութիւն եւ գիտութիւն, առակներ եւ խորհուրդներ: Ես հասկացայ, սակայն, որ դա եւս հոգու տանջանք է,
18. քանզի շատ իմաստութեան մէջ շատ գիտութիւն կայ, եւ իր գիտութիւնն աւելացնողը իր ցան է աւելացնում:

1. Սրտիս մէջ ասացի. Արի՛ քեզ փորձեմ նաեւ վայելքի տալով, տեսնեմ՝ ինչ ես դու բարիքների մէջ. եւ ահա դա էլ ունայնութիւն է:
2. Տեսայ, որ ծիծաղը յիմար բան է, եւ ուրախութիւնը՝ անօգուտ:
3. Եւ ես խորհեցի, որ սիրտս զուարթացնեմ, ինչպէս գինին զուարթացնում է մարմինս. եւ ես ինձ հաճոյքի տուի. սիրտս, սակայն, իմաստութեամբ առաջնորդեց ինձ մինչեւ որ տեսնէի, թէ որն է բարին մարդու որդիների համար, որպէսզի նրանք այն անեն արեգակի ներքոյ՝ իրենց պարգեւուած կեանքի օրերին:
4. Ես շատ գործերի ձեռնամուխ եղայ, ինձ համար ապարանքներ շինեցի, ինձ համար այգիներ տնկեցի,
5. ինձ համար պարտեզներ եւ ծաղկանոցներ շինեցի եւ ամէն տեսակ պտղաբեր ծառեր տնկեցի նրանց մէջ:
6. Ջրաւազաններ շինեցի ինձ համար, որ ջրերը ոռոգեն մայրիկների խիտ անտառները:
7. Ծառաներ եւ աղախիկներ ունեցայ, եւ նրանք ընդօրիններ ունեցան ինձ համար, եւ ակելի շատ նախիրներ ու հօտեր ունեցայ, քան բոլոր նրանք, որ եղել են ինձնից առաջ Երուսաղէմում:
8. Ինձ համար արծաթ ու ոսկի կուտակեցի եւ թագաւորներից ու գաւառներից մեծ գանձեր դիզեցի: Գուսաններ եւ երգիչներ ու երգչուհիներ ունեցայ եւ մարդու որդու համար՝ ամէն մեղկութիւն: Տղամարդ եւ կին մատակարարներ բերեցի ինձ համար,
9. եւ ես ակելի մեծ եղայ, քան բոլոր նրանք, որ ինձնից առաջ եղել են Երուսաղէմում. եւ ակելացաւ նաեւ իմ իմաստութիւնը:
10. Ինչ որ աչքս ուզեց, ինձ չգրկեցի դրանից, եւ ոչ մի ուրախութեան համար սրտիս վրայ արգելք չդրի: Իմ սիրտն ուրախ եղաւ, որովհետեւ վայելեց իմ աշխատանքի պտուղները, եւ դա էլ իմ բաժինը եղաւ իմ բոլոր վաստակներից:
11. Ես նայեցի իմ ձեռքերի արած բոլոր գործերին եւ դրանք անելու համար իմ քաշած չարչարանքներին, եւ, ահա՛ ամէն ինչ ունայնութիւն է եւ հոգու տանջանք, եւ ոչ մի օգուտ չկայ արեգակի ներքոյ:
12. Ես դարձայ տեսնելու իմաստութիւնը, նաեւ յիմարութիւնն ու անմտութիւնը, թէ այն ո՞ր մարդն է, որ իր գործն անելիս միշտ հետեւում է իմաստութեան:
13. Եւ տեսայ, որ իմաստութիւնն ակելի օգտակար է անմտութիւնից, ինչպէս լոյսը՝ խաւարից:
14. Իմաստունի աչքերն իր գլխի մէջ են, իսկ անմիտը գնում է խաւարի միջով. բայց ես հասկացայ, որ նրանց բոլորին միեւնոյն դիպուածն է սպասում:
15. Եւ սրտիս մէջ ասացի. Եթէ նոյն դիպուածն է պատահելու ինչպէս անզգամին, այնպէս էլ ինձ, էլ ինչո՞ւ ես ակելի իմաստուն դարձայ: Եւ մէկ անգամ եւս ասացի սրտիս մէջ, թէ սա նոյնպէս ունայնութիւն է, քանի որ անմիտն է ակելորդ խօսում,
16. որովհետեւ թէ՛ յիմարի եւ թէ՛ իմաստունի համար յաւիտենական յիշատակ չկայ: Արդարեւ, գալիք օրերին մոռացուելու է ամէն բան, եւ իմաստունը եւս պիտի մեռնի ինչպէս յիմարը:
17. Ես ատեցի իմ կեանքը, որովհետեւ ինձ համար չար էին այն գործերը, որ կատարուել են արեգակի ներքոյ, քանի որ ամէն ինչ ունայնութիւն է եւ հոգու տանջանք:
18. Ես ատեցի իմ ամբողջ վաստակը, որ արել էի արեգակի տակ, քանի որ ես այն թողնելու եմ մի մարդու, որ գալու է ինձնից յետոյ:
19. Եւ ո՞վ գիտէ, իմաստո՞ւն է լինելու նա, թէ՞ յիմար, կամ տիրելո՞ւ է արդեօք իմ բոլոր վաստակին, որ ես վաստակեցի եւ որի շնորհիւ էլ իմաստուն դարձայ արեգակի ներքոյ. սակայն սա եւս ունայնութիւն է:
20. Ի սրտէ ես հրաժարուեցի իմ բոլոր վաստակներից, որ վաստակեցի արեգակի ներքոյ.
21. որովհետեւ մարդ կայ, որի վաստակը իմաստութեամբ, գիտութեամբ եւ առաքինութեամբ է լինում, մարդ էլ կայ, որ ոչինչ չի արել, բայց այդ վաստակը բաժին է

ընկնում նրան: Սակայն սա եւս ունայնութիւն է եւ մեծ չարիք:

22. Ուստի ի՞նչ է մնում մարդուն իր բոլոր չարչարանքից եւ սրտի տանջանքից, որ ջանք է թափել արեգակի ներքոյ,

23. որովհետեւ նրա բոլոր օրերը ցաւերով են լի եւ հաճոյքը՝ տրտմութեամբ, եւ գիշերն էլ նրա սիրտը չի ննջում: Սակայն սա եւս ունայնութիւն է:

24. Մարդուն համար չկայ ուրիշ լաւ բան, բացի ուտելուց, խմելուց եւ իր վաստակով իր հոգուն հաճոյք պատճառելուց: Բայց ես տեսայ, որ այդ եւս լինում է Աստծուց,

25. քանզի ո՞վ կարող է ուտել եւ խմել առանց Նրա:

26. Աստուած իմաստութիւնը, գիտութիւնը եւ ուրախութիւնը տալիս է այն մարդուն, որը հաճելի է իր առջեւ, իսկ մեղաւորին տալիս է հաւաքելու եւ դիզելու հոգս, որպէսզի նա ձեռք բերածը տայ այն մարդուն, որը հաճելի է Աստծու առջեւ: Բայց սա եւս ունայնութիւն է եւ հոգու տանջանք:

1. Ամեն բանի ժամանակը կայ, եւ աշխարհում ամեն գործ ունի իր ժամանակը.
2. ծնուելու ժամանակը եւ մեռնելու ժամանակը, տնկելու ժամանակը եւ տնկածը հանելու ժամանակը,
3. սպանելու ժամանակը եւ բժշկելու ժամանակը, քանդելու ժամանակը եւ շինելու ժամանակը,
4. լալու ժամանակը եւ ծիծաղելու ժամանակը, ողբալու ժամանակը եւ պարելու ժամանակը,
5. քարեր կտրելու ժամանակը եւ քարերը հաւաքելու ժամանակը, գրկելու ժամանակը եւ գրկից հեռանալու ժամանակը,
6. փնտռելու ժամանակը եւ կորցնելու ժամանակը, պահելու ժամանակը եւ դուրս նետելու ժամանակը,
7. պատռելու ժամանակը եւ կարկատելու ժամանակը, լռելու ժամանակը եւ խօսելու ժամանակը,
8. սիրելու ժամանակը եւ ատելու ժամանակը, պատերազմի ժամանակը եւ խաղաղութեան ժամանակը:
9. Արդ, ի՞նչ օգուտ կայ մարդուն իր աշխատանքից, որի համար նա ջանք է թափում:
10. Ես տեսայ այն բոլոր զբաղմունքները, որ Աստուած տուել է մարդու որդիներին, որ զբաղուեն:
11. Նա ամեն ինչ լաւ է արել իր ժամանակի համար, մինչեւ իսկ յաւիտենութիւնը ճանաչելու իղձ տուեց նրանց սրտերին, բայց եւ այնպէս մարդս չի կարող հասկանալ Աստծու արած գործը՝ սկզբից մինչեւ վերջ:
12. Ես հասկացայ, որ մարդկանց համար չկայ ուրիշ լաւ բան, քան ուրախ լինել եւ բարիք գործել իրենց կեանքում,
13. քանի որ ով որ ուտում, խմում եւ իր աշխատանքի բարիքն է վայելում, Աստծու պարգէնն է դա:
14. Ես իմացայ, որ այն ամենը, ինչ Աստուած է արել, պիտի մնայ յաւիտեան, որ ոչինչ չի կարելի աւելացնել դրանց վրայ եւ ոչինչ չի կարելի պակասեցնել դրանցից: Եւ Աստուած այդպէս է արել, որ իրենից երկիւղ ունենան:
15. Ինչ որ եղել է, հիմա էլ կայ, եւ ինչ որ պիտի լինէր, եղել է արդէն, եւ Աստուած կը փնտռի հալածուածին:
16. Արեգակի ներքոյ, ես տեսայ դարձեալ, որ, ուր դատ ու դատաստան կար, ամբարիշտն այնտեղ էր, եւ ուր արդարութիւն կար, այնտեղ էր բարեպաշտը:
17. Եւ սրտիս մէջ ասացի, թէ՛ Աստուած պիտի դատի արդարին եւ ամբարշտին, քանի որ ամեն բանի ժամանակը կայ, եւ ժամ ու ժամանակ կայ բոլոր գործերի համար:
18. Եւ սրտիս մէջ մարդու որդիների խօսքերի համար ասացի, որ Աստուած պիտի դատի նրանց, որպէսզի ցոյց տայ, թէ իրենք էլ անասուններ են:
19. Արդարեւ, նոյն դիպուածն է պահուած թէ՛ մարդու որդիների եւ թէ՛ անասունների համար, նոյն պատահարն է լինելու նրանց բոլորի համար: Ինչպէս որ մէկի մահն է, նոյնպէս եւ՝ միւսի մահը, եւ բոլորի մէջ նոյն շունչը կայ. էլ ի՞նչ առաւելութիւն ունի մարդն անասունից. ո՛չ մի, քանի որ ամեն ինչ ունայնութիւն է:
20. Ամեն բան մի տեղ է գնում, ամեն ինչ հողից է եղել, եւ ամեն ինչ հող է դառնում:
21. Եւ ո՞վ գիտէ, թէ մարդու որդիների հոգին ելնում է վեր, իսկ անասունների շունչը իջնում է ցած՝ հողի մէջ:
22. Տեսայ նաեւ, որ մարդուս համար չկայ ուրիշ աւելի լաւ բան, քան ուրախ լինել իր վաստակով, որովհետեւ դա է նրա բաժինը, քանի որ ո՞վ պիտի նրան նորից բերի, որ նա տեսնի, թէ ինչ է լինելու իրենից յետոյ:



1. Ես դարձայ ու տեսայ այն բոլոր զրկանքները, որ լինում են արեգակի ներքոյ. եւ ահա զրկուածներն արցունքների մէջ են, եւ ոչ ոք չկար, որ մխիթարէր նրանց, եւ ուժը նրանց զրկողների ձեռքին էր:
2. Եւ ես երանի տուի բոլոր նրանց, որ արդէն մահացել են, քան կենդանի մարդկանց, որ ապրում են մինչեւ այժմ:
3. Բայց այդ երկուսից էլ ակելի լաւ է նա, որ բնաւ չի եղել եւ չի տեսել այն բոլոր չար գործերը, որ կատարւում են արեգակի ներքոյ:
4. Ես տեսայ նաեւ, որ ամէն վաստակի եւ յաջողութեան համար մարդուս նախանձում է իր մերձաւորը. սակայն սա եւս ունայնութիւն է եւ հոգու տանջանք:
5. Յիմարը ձեռնաձալ նստում եւ ինքն իրեն է ուտում:
6. Լաւ է հանգիստ վաստակել մի բուռ, քան չարչարանքով ու տանջանքով՝ երկու բուռ:
7. Դարձայ եւ ես մի ունայնութիւն էլ տեսայ արեգակի ներքոյ.
8. մարդ կայ, որ մենակ է եւ ոչ ոք չունի՝ ո՛չ որդի եւ ո՛չ էլ եղբայր, բայց նրա աշխատանքն էլ վերջ չունի, եւ աչքն էլ չի կշտանում հարստութեամբ. նա չի ասում, թէ՛ Ո՞ւմ համար եմ ջանք թափում եւ ինչո՞ւ եմ հոգիս զրկում բարիքից. սա եւս ունայնութիւն է եւ դաժան զբաղմունք:
9. Երկու հոգով ակելի լաւ է, քան մենակ, որովհետեւ ակելի վարձ կայ նրանց վաստակի համար,
10. քանի որ եթէ մէկն ընկնի, նրա ընկերը կը կանգնեցնի նրան, բայց վա՛յ մենակին, որ ընկնի, երբ ուրիշ մէկը չկայ, որ բարձրացնի նրան:
11. Եւ եթէ երկուսը միասին քնեն, կը տաքացնեն միմեանց, բայց միայնակ մարդն ինչպէ՞ս պիտի տաքանայ:
12. Եւ եթէ մէկի վրայ բռնանան, երկուսը դեմ կը կանգնեն. չէ՞ որ երեքտակ թելն էլ հեշտ չի կտրւում:
13. Լաւ է աղքատ եւ իմաստուն տղան, քան թէ ծեր եւ անմիտ թագաւորը, որ էլ չի կարող խորհուրդներ ընկալել,
14. որովհետեւ տղան կարող է կալանատնից դուրս գալ եւ թագաւորել, հակառակ որ իր թագաւորութեան մէջ ծնուել էր աղքատ:
15. Ես տեսայ, որ արեգակի ներքոյ բոլոր ապրողները գնում են այն տղայի՝ այն երկրորդի հետ, որ պիտի փոխարինի նրան:
16. Վերջ չկար ամբողջ ժողովրդին, բոլորին, որ եղել էին նրանցից առաջ, բայց յետոյ եկողներն էլ պիտի չուրախանան նոր թագաւորով. բայց դա եւս ունայնութիւն է եւ հոգու տանջանք:
17. Չգո՛յշ եղիր քայլիդ համար, երբ Աստծու տունն ես գնում,
18. եւ մօտեցի՛ր լսելու համար. որովհետեւ քո զոհն ակելի յարգի է, քան ընծաներն անզգամների, որոնք չգիտեն բարիք գործել:

1. Թող քո բերանը չշտապի, եւ ոչ էլ սիրտդ հապճեա խօսք ասի Աստծու առջեւ, որովհետեւ Աստուած երկնքում է, իսկ դու՝ երկրի վրայ. դրա համար էլ թող քո խօսքերը սակաւ լինեն:
2. Երազը հոգւերի շատութիւնից է առաջ գալիս, իսկ յիմարի ծայրը՝ շատախօսութիւնից:
3. Եւ ինչ ուխտ որ արել ես Աստծուն՝ մի՛ դանդաղիր այն կատարել, քանի որ անգամները հաճելի չեն նրան:
4. Որքան որ ուխտ անես՝ կատարի՛ր, քանի որ լաւ է ուխտ չանել, քան թէ ուխտ անել եւ չկատարել:
5. Մի՛ թոյլ տուր, որ բերանդ մարմնիդ դրդի մեղքեր գործելու, եւ Աստծու առջեւ մի՛ ասա, թէ անգիտութիւնից էր, որպէսզի խօսքիդ համար Աստուած չբարկանայ եւ չաւերի ձեռքիդ գործերը,
6. որովհետեւ, ինչպէս երազների առատութեան, այնպէս էլ խօսքերի շատութեան մէջ եւս ունայնութիւն կայ. եւ դու վախեցի՛ր Աստծուց:
7. Եթէ դու երկրի վրայ աղքատի գրկանք տեսնես եւ իրաւունքի ու արդարութեան յափշտակութիւն, մի՛ զարմացիր այդ բաների վրայ, որովհետեւ բարձր դիրքի մի պաշտօնեայ պաշտպանուած է մէկ այլ բարձր դիրքի պաշտօնեայի կողմից, իսկ դրանցից էլ աւելի բարձր մի երրորդ պաշտօնեայ կայ:
8. Բայց հողի բարիքը բոլորի համար է, եւ բոլորի վրայ թագաւորն է, որը օգտուում է մշակուած հողից: Եւ դու հաւատարի՛մ եղիր այն ամենին, ինչ ծանր աշխատանքով վերցնում են հողից:
9. Արծաթ սիրողը չի կշտանայ արծաթից, ոչ էլ հարստութիւն սիրողը՝ իր եկամուտներից. ուստի դա եւս ունայնութիւն է:
10. Արդար բարիքները բազմանալու հետ շատանում են նաեւ ուտողները. եւ ի՞նչ օգուտ ունի տերն իր ունեցուածքից, եթէ ոչ այն, որ իր աչքով է տեսնում իր ունեցուածքն սկզբից:
11. Քաղցր է աշխատաւորի քունը, քիչ ուտի նա, թէ շատ: Բայց կուշտ լինելը չի թողնում, որ հարուստը հանգիստ քնի:
12. Մի բան էլ տեսայ արեգակի ներքոյ. դա այն հարստութիւնն է, որ մարդ պահում է իր սեւ օրուայ համար,
13. բայց մի չար դիպուածով կորչում է նրա հարստութիւնը. որդի է ծնուել նրան, բայց նրա ձեռքին ոչինչ, ոչ մի բան չկայ:
14. Ինչպէս որ իր մօր որովայնից նա մերկ է ելել, մերկ էլ ետ կը դառնայ. ինչպէս եկել է, այնպէս էլ կը գնայ, եւ երբ գնայ՝ ոչինչ չի վերցնելու իր վաստակից, որպէսզի տանի իր հետ:
15. Սա էլ մի ծանր ցաւ է, ինչպէս որ եկել է, այնպէս էլ կը գնայ. Էլ ի՞նչ օգուտ ունի մարդն իր վաստակից, որ ջանք է թափում... քամու համար:
16. Եւ յետոյ նրա բոլոր օրերը խաւար են ու սուգ եւ անցնում են շատ հոգւերի, հիւանդութիւնների եւ բարկութեան մէջ:
17. Ահաւասիկ եւ այն լաւը, որ ես տեսայ. դա ուտելն ու խմելը եւ բարիք տեսնելն է իր ամբողջ վաստակից, որի համար նա ջանք է թափել արեգակի ներքոյ՝ Աստծու կողմից նրան տրուած իր կեանքի բոլոր օրերին, որովհետեւ դա է նրա բաժինը:
18. Աստուած ամէն մարդու հարստութիւն եւ ունեցուածք ու դրանից ուտելու, իր բաժինը վերցնելու եւ իր աշխատանքից ուրախ լինելու իշխանութիւն է տուել: Դա եւս Աստծու պարգէնն է:
19. Նա իր կեանքի շատ օրերը չի յիշելու, որովհետեւ Աստուած նրա սրտի ուրախութեան համար հաճոյք է տուել նրան:

1. Մի չարիք էլ տեսայ արեգակի ներքոյ, որ շատ յաճախ է պատահում մարդկանց:
2. Մարդ կայ, որին Աստուած թէ՛ հարստութիւն եւ թէ՛ ունեցուածք ու փառք է տուել, եւ ինչ ցանկանայ նրա հոգին՝ ոչ մի բանի պակաս չի զգում, բայց Աստուած դրանցից ուտելու իշխանութիւն չի տուել նրան, այլ օտար մարդ է վայելում դրանք. եւ սա եւս ունայնութիւն է եւ ծանր ցաւ:
3. Եթէ մի մարդ հարիւր զաւակ էլ ծնի եւ բազում տարիներ էլ ապրի, եւ կամ է՛լ առաւել շատանան նրա տարիների օրերը, բայց եթէ նրա հոգին չի կշտացել բարիքներից, եւ մի գերեզման իսկ չի գտնուել նրա համար, ապա ես կ'ասեմ, որ վիժածն անելի լաւ է նրանից,
4. որովհետեւ վիժածն ունայնութեամբ գալիս եւ գնում է խաւարով, եւ խաւարում էլ ծածկւում է նրա անունը,
5. որովհետեւ նա ոչ արեւ տեսաւ եւ ոչ էլ իմացաւ, թէ ինչ է հանգիստը իր կամ մէկ ուրիշի համար:
6. Իսկ եթէ մէկ ուրիշն էլ ապրել է հազար տարի, բայց ոչ մի բարիք չի վայելել, մի՞թէ բոլորի նման նա էլ նոյն տեղը չի գնալու:
7. Մարդու բոլոր աշխատանքներն իր բերանի համար են, բայց նրա հոգին չի յագենում:
8. Ի՞նչ առաւելութիւն ունի իմաստունը յիմարից, քանի որ տնանկը գիտէ ընթանալ իր կեանքի առջեւից:
9. Լաւ է աչքով տեսնել, քան հոգով ցանկալ. սակայն սա եւս ունայնութիւն է եւ հոգու տանջանք:
10. Ինչ որ գոյութիւն ունի, կանխաւ սահմանուած է եղել. եւ սկզբից արդէն յայտնի է, թէ ինչ է մարդը, եւ որ երբեք նա չի կարող չափուել իրենից Հօգոյի հետ,
11. որովհետեւ շատ բաներ կան, որ բազմապատկում են ունայնութիւնը:

1. Ի՞նչ է մարդու առաւելութիւնը, եւ ո՞վ գիտէ, թէ ինչն է լաւ նրա ունայն կեանքի սակաւաթիւ օրերին, որ անցնում են ստուերի նման, որովհետեւ ո՞վ պիտի պատմի մարդուն, թէ ինչ է լինելու նրանից յետոյ արեգակի ներքոյ:
2. Բարի անունը լաւ է հոտաւետ իւղից, եւ մահուան օրը՝ ծննդեան օրից:
3. Խնջոյքի տուն գնալուց լաւ է սգոյ տուն գնալը, որովհետեւ դա է ամէն մարդու վախճանը, եւ դա կենդանի մարդու սրտին բարութիւն է տալիս:
4. Տխրութիւնը լաւ է ծիծաղից, որովհետեւ դեմքի վշտալի տեսքից զուարթանում է սիրտը:
5. Իմաստունի սիրտը սգոյ տանն է, իսկ յիմարի սիրտը՝ ուրախութեան տանը:
6. Աւելի լաւ է մարդ լսի իմաստունի յանդիմանութիւնը, քան թէ յիմարի երգը:
7. Արդարեւ, յիմարի ծիծաղը նման է կաթսայի տակ կրակի մէջ ճարճատող փշերի ձայնին: Բայց սա եւս ունայնութիւն է:
8. Չրպարտութիւնը խռովում է իմաստունին եւ կործանում նրա ազնիւ սիրտը:
9. Գործի վախճանը լաւ է նրա սկզբից, համբերատար հոգին՝ գոռոզամիտ հոգուց:
10. Մի՛ շտապիր հոգուդ մէջ բարկանալ, որովհետեւ բարկութիւնը հանգչում է յիմարների ծոցում:
11. Մի՛ ասա, թէ ի՞նչ կատարուեց, թէ ինչո՞ւ առաջուայ օրերն այս օրերից լաւ էին, որովհետեւ իմաստութեամբ չէ, որ հարցնում ես այդ մասին:
12. Իմաստութիւնը ժառանգութեան պէս լաւ բան է եւ առաւելութիւն արեգակը տեսնողների համար:
13. Արեգակի հովանու ներքոյ իմաստութիւնը նման է արծաթի հովանու ներքոյ լինելուն, բայց գիտութեան օգուտն այն է, որ նա ապրեցնում է իմաստութիւն ստացողին:
14. Նայի՛ր Աստծու գործերին. ո՞վ կարող է ուղղել այն, ինչ խախտել է Աստուած:
15. Քո լաւ օրը բարիքների մէջ ապրիր, բայց յիշի՛ր, որ վատ օր էլ կայ: Եւ տե՛ս, որ Աստուած դրանք միահիւսեց իրար, որպէսզի մարդ այնուհետեւ խօսելու բան չունենայ:
16. Ես իմ ունայնութեան օրերին տեսայ ամէն ինչ. արդար կայ, որ իր արդարութեան մէջ կորչում է, ամբարիշտ էլ կայ, որ ապրում է իր չարութեամբ:
17. Չափազանց արդար մի՛ լինիր եւ ոչ էլ շատ ճարտար, որ չլինի թէ սխալուես:
18. Շատ ամբարիշտ մի՛ լինիր եւ մի՛ լինիր խստաբարոյ, որ չլինի, թէ տարաժամ մեռնես:
19. Լաւ է, որ մէկը բռնես եւ միւսից էլ ձեռքդ չքաշես, որովհետեւ ով երկնչում է Աստծուց, նա կ'ազատուի ամէն բանից:
20. Իմաստութիւնն անելի շատ է օգնում իմաստունին, քան քաղաքում գտնուող տասը իշխան:
21. Երկրի վրայ չկայ արդար մի մարդ, որ բարի գործ անի եւ չմեղանչի:
22. Բայց դու ամբարիշտների ասած ամէն խօսք սրտիդ շատ մօտ մի՛ ընդունիր, որ ծառայիդ անէծքը չլսես, երբ նա քեզ անիծի:
23. Ծառան շատ անգամ քեզ կարող է վատութիւն անել եւ շատ անգամ սրտիդ տանջանք պատճառել, սակայն դու էլ ուրիշներին չանիծես:
24. Այս ամէնը փորձեցի իմաստութեամբ եւ ասացի. Ահա իմաստուն դարձայ. բայց իմաստութիւնը հեռու էր ինձնից:
25. Եւ ո՞վ կարող է իմանալ նրա խորութեան չափը:
26. Ես սրտով շրջեցի ամէն տեղ, որ իմանամ, քննեմ եւ որոնեմ իմաստութիւնն ու հանճարը, հասկանամ ամբարիշտների ուրախութիւնը, նրանց խռովքներն ու յուզմունքները:
27. Եւ ես գտայ ու պիտի ասեմ, որ մահից անելի դառն է այն կինը, որի սրտում որոգայթ ու թակարդ կայ, իսկ ձեռքերի մէջ՝ կապանքներ: Ով հաճելի է Աստծու առջեւ, նա պիտի ազատուի այդ կնոջից, իսկ ով մեղաւոր է, պիտի նրանից բռնուած լինի:
28. Ահա այս բոլորը գտայ, - ասում է Ժողովողը, - մէկ առ մէկ հաշուելով՝ գտնելու համար

խորհուրդները. հոգիս փնտռեց, բայց չգտայ. հազարի մեջ մի տղամարդ գտայ, բայց կին ամենեւին չգտայ:

29. Բայց ահա գտայ այն, որ Աստուած մարդուն ուղղամիտ է ստեղծել, բայց մարդիկ չար խորհուրդներ փնտռեցին: Ո՞վ է ճանաչում իմաստուններին, եւ ո՞վ կարող է այս հարցերի մեկնութիւնը տալ:

1. Մարդու իմաստութիւնը լոյս է տալիս նրա երեսին, բայց անամօթի երեսը ատելի է լինում:
2. Թագաւորի բերանից ելած խօսքից զգո՛յշ եղիր եւ մի՛ շտապիր երդման խօսք ասել Աստծուն:
3. Մի՛ շտապիր հեռանալ նրա աջքից եւ ոչ էլ մնա չար գործի մէջ, որովհետեւ նա ինչ որ կամենայ, կարող է անել:
4. Որպէս թագաւոր նա խօսում է իշխանութեամբ, եւ ո՞վ կարող է նրան ասել, թէ՛ ի՞նչ արեցիր:
5. Այն մարդը, որ պատուիրան է պահում, չարիքի չի հանդիպի. իմաստուն սիրտը գիտէ պատուիրանը կատարելու ժամանակն ու եղանակը:
6. Ամէն բանի ժամանակը կայ եւ կայ ճիշտ կատարելու եղանակը. բայց շատ բան էլ կայ, որ մարդ չգիտէ,
7. որովհետեւ չգիտէ, թէ ինչ է լինելու, եւ ինչ էլ որ լինի՝ ո՞վ պիտի պատմի նրան:
8. Մարդս չի կարող իշխել իր հոգուն եւ ոչ էլ իր հոգուն արգելք հանդիսանալ. եւ ոչ էլ նա իշխանութիւն ունի իր մահուան օրուայ հանդէպ. ոչ կարող է խոյս տալ հոգեվարքի պայքարից, եւ ոչ էլ ամբարշտութիւնը կարող է փրկել ամբարշտին:
9. Ես տեսայ այս բոլորը եւ սրտով քննեցի այն բոլոր գործերը, որ կատարուել են արեգակի ներքոյ, եւ այն, որ մարդն իշխում է մարդու վրայ ու չարչարում է նրան:
10. Տեսայ, որ ամբարիշտներին թաղեցին գերեզմանների մէջ. գնացին նրանք սուրբ տեղից, եւ նրանց համար սուգ արեցին քաղաքում: Սակայն սա եւս ունայնութիւն է:
11. Չարի դատաստանն անմիջապէս չի կատարում, այդ պատճառով էլ մարդկանց որդիների սրտերը համարձակում են չարիք գործել:
12. Մեղաւորը չարիք է գործում լինի այժմ, աւելի առաջ թէ յետոյ. իսկ ես գիտեմ, որ բարիքը հասնում է միայն նրանց, ովքեր երկիւղ են կրում Աստծուց եւ երկնչում են նրա առջեւ:
13. Բայց ամբարշտի համար բարութիւն պիտի չլինի. նա իր օրերը պիտի չերկարեցնի, այլ դրանք պիտի լինեն ստուերի նման, քանի որ նա երկիւղ է կրում Աստծու ներկայութիւնից:
15. Մի ունայնութիւն էլ կայ երկրի վրայ. արդարներ կան, որոնց հետ պատահում են գործեր, որ արժանի են ամբարիշտներին, եւ ամբարիշտներ կան, որոնց հետ պատահում է այն, ինչ արժանի է արդարների գործերին: Եւ ես ասացի. Սակայն դա եւս ունայնութիւն է:
16. Եւ ես գովեցի ուրախութիւնը, որովհետեւ արեգակի ներքոյ մարդու համար ուտելուց, խմելուց եւ ուրախ լինելուց բացի ուրիշ աւելի լաւ բան չկայ, քանի որ նրա ողջ կեանքում, որ Աստուած տուել է նրան արեգակի ներքոյ, դա է մնալու միայն նրա վաստակից:
17. Մի անգամ որ ես սիրտս տուի ճանաչելու իմաստութիւնը եւ տեսնելու այն զբաղմունքները, որ կատարում են երկրի վրայ (որովհետեւ մարդ կայ, որի աջքին գիշեր թէ ցերեկ քուն չի գալիս),
18. Աստծու բոլոր գործերից ես հասկացայ, որ մարդ չի կարող գտնել այն գործը, որ կատարուել է արեգակի ներքոյ. որքան էլ մարդ աշխատի որոնել այն, չի գտնելու, եւ մինչեւ իսկ իմաստունն էլ ինչքան էլ ասի, թէ գիտէ, դարձեալ չի կարող գտնել:

1. Արդ, այս բոլորը ես դրի սրտիս մեջ, սիրտս էլ քննեց այս բոլորը. թե՛ արդարներն ու իմաստունները եւ թե՛ նրանց գործերը Աստծու ձեռքին են, քանզի մարդ սերն ու ատելութիւնն էլ չգիտէ:
2. Ամէն ինչ մարդու առջեւ է, եւ ունայնութիւն կայ ամէն ինչի մէջ: Նոյն դիպուածն է վերապահուած արդարի եւ ամբարշտի, բարու եւ չարի, մաքուրի եւ անմաքուրի, զոհ մատուցողի եւ չմատուցողի, ինչպէս բարեգործի, այնպէս էլ մեղսագործի, ինչպէս երդում տուողի, այնպէս էլ երդումից վախեցողի համար:
3. Բայց արեգակի տակ եղած բոլոր բաների մէջ ամենից վատթարը սա է, որ Նոյն դիպուածն է վիճակուած բոլորին: Արդարեւ, մարդկանց որդիների սրտերը լի են չարութեամբ եւ իրենց կենդանութեան ժամանակ՝ հոգս կայ նրանց սրտերում, բայց յետոյ իրենք էլ պիտի մեռնեն:
4. Նրանցից ո՞վ կարող է հաւասարուել ողջերին. մարդ յոյս է տածում, թէ կենդանի շունը լաւ է, քան սատկած առիւծը:
5. Նրանք, որ կենդանի են, գիտեն, թէ իրենք մեռնելու են, իսկ մեռածները ոչինչ չգիտեն, եւ այլեւս վարձ չկայ նրանց համար, որովհետեւ մոռացուել է նրանց յիշատակը,
6. եւ կորել է, ահա, թե՛ նրանց սերն ու թշնամանքը եւ թե՛ նախանձը, եւ նրանք յաւիտեան բաժին էլ չունեն այն բոլորի մէջ, ինչ ստեղծուած է արեգակի ներքոյ:
7. Արի ուրախութեամբ կե՛ր քո հացը եւ զուարթ սրտով խմի՛ր քո գինին, քանզի Աստուած արդէն իսկ հաւանել է քո արած գործերը:
8. Թող հագուստներդ միշտ սպիտակ լինեն, եւ օծման իւղը չպակասի քո գլխից:
9. Կեանքդ վայելի՛ր քո կնոջ հետ, որին սիրեցիր քո ունայն կեանքի այն բոլոր օրերին, որոնք արեգակի ներքոյ տրուած են քեզ մինչեւ քո օրերի վախճանը, որովհետեւ դա է քո բաժինը քո կեանքի եւ քո վաստակի մէջ, որ ձեռք ես բերել արեգակի ներքոյ:
10. Այն ամէնը, ինչ քո ձեռքից կը գայ անելու, արա՛ քո կարողութեան չափով, որովհետեւ գերեզմանի մէջ, ուր պիտի գնաս, ո՛չ գործ կայ, ո՛չ խորհուրդ, ո՛չ գիտութիւն եւ ո՛չ էլ իմաստութիւն:
11. Դարձեալ տեսայ արեգակի ներքոյ, որ ասպարեզը վագոռներինը չէ, ոչ էլ պատերազմը՝ քաջերինը, ոչ էլ հացը՝ իմաստուններինը, ոչ էլ հարստութիւնը՝ հանճարներինը եւ ոչ էլ շնորհը՝ գիտուններինը, որովհետեւ կը գայ ժամանակ, երբ բոլորին էլ կը պատահի Նոյն դիպուածը:
12. Բայց մարդն իր ժամանակն անգամ չգիտէ եւ, ինչպէս ձկները, որ որսւում են նենգ ցանցերից, եւ թռչունները, որ բռնւում են ծուղակների մէջ, այնպէս էլ մարդկանց որդիներն են ընկնում չար ժամանակի որոգայթների մէջ, որ յանկարծակի բռնում է նրանց:
13. Այս մի իմաստութիւնն էլ տեսայ արեգակի ներքոյ, որ մեծ է թւում ինձ.
14. փոքրիկ մի քաղաք կար եւ նրա մէջ՝ սակաւաթիւ մարդիկ. մեծագոր մի թագաւոր յարձակուեց դրա վրայ, պաշարեց այն եւ մեծամեծ պատնէշներ շինեց նրա դէմ:
15. Իսկ այնտեղ աղքատ եւ իմաստուն մի մարդ կար, եւ նա իր իմաստութեամբ փրկեց քաղաքը, բայց յետոյ ոչ ոք չիշեց այդ տնանկ մարդուն:
16. Եւ ես ասացի. Իմաստութիւնը լաւ է ուժից, մինչեւ իսկ եթէ աղքատի իմաստութիւնը արհամարհուած լինի, եւ չուզենան լսել նրա խօսքերը:
17. Իմաստունների մեղմ խօսքերն անելի լաւ են լսւում, քան անզգամ իշխանների աղաղակը:
18. Իմաստութիւնը լաւ է պատերազմի գործիքներից, բայց մե՛կ մեղաւորը շատ զօրութիւններ կարող է կորստեան մատնել:

1. Սատկած ճանճերը ապականում են անուշ իւղերը: Սակաւ-ինչ իմաստութիւնն աւելի յարգի է, քան մեծ ու անմիտ փառքը:
2. Իմաստունի սիրտը իր աջ կողմն է, յիմարի սիրտը՝ իր ձախ կողմը:
3. Երբ յիմարը ճանապարհ գնայ, պիտի երեւայ, որ խելքը պակաս է, եւ ինչի մասին էլ նա մտածի՝ ամբողջն անմտութիւն է:
4. Եթէ իշխանի զայրոյթը բռնկուի քո դէմ, դու մի՛ լքիր քո տեղը. քաղցր աղաչանքը կարող է կանխել մեծ մեղքերը:
5. Մի չարիք էլ տեսայ արեգակի ներքոյ, որ ակամայ լինում է իշխանի պատճառով:
6. Յիմարին բարձր դիրք է տրուում, իսկ հարուստներին ցածր տեղ են նստեցնում:
7. Ես ծառաներ եմ տեսել, որ ձի հեծած են շրջել, եւ իշխաններ, որոնք երկրի վրայ քայլել են ծառաների նման:
8. Հոր փորողն ինքը կ'ընկնի հորի մէջ, ցանկապատ քանդողին կը խայթի օձը:
9. Քար հանողին քարը վնաս կը տայ, փայտ ճեղքողին՝ փայտից վտանգ կը գայ:
10. Եթէ կացինը բթանայ, եւ մարդը չսրի նրա բերանը, ապա պիտի աւելի շատ ուժեր վատնի, մինչդեռ յաջողութեան մեծ օգուտը իմաստութիւնն է:
11. Եթէ հմայելիս օձը պիտի խայթի, դա առաւելութիւն չէ հմայողի համար:
12. Իմաստունի բերանում խօսքերը շնորհ են, իսկ յիմարի շրթները կործանում են իրեն:
13. Նրա խօսքերի սկիզբը յիմարութիւն է, եւ նրա խօսքի վախճանը՝ կատարեալ խենթութիւն:
14. Յիմարը միայն խօսքերն է շատացնում: Մարդը չգիտէ, թէ ինչ է եղել եւ ոչ էլ իմանալու է, թէ ինչ է լինելու, քանի որ նրանից յետոյ ո՞վ կարող է պատմել նրան:
15. Յիմարի աշխատանքը տանջում է իրեն, ինչպէս քաղաքի ճամփան՝ չիմացողին:
16. Վա՛յ քեզ, քաղա՛ք, որ թագաւորդ մանուկ է, եւ իշխաններդ կերուխում են անում մինչեւ առաւօտ:
17. Երանի՛ քեզ, երկի՛ր, որ թագաւորդ ազատորդի է, եւ իշխաններդ էլ ուտում են ժամանակին՝ ուժի համար եւ չեն ամաչելու:
18. Ծովութեան պատճառով շէնքի գերանները կ'ընկնեն ցած, եւ ձեռքերի պարապութիւնից տունը կը կաթի:
19. Հացը տալիս են խնդութեան համար, գինին եւ իւղն ուրախացնում են ապրողներին, բայց արծաթն է լուծում ամեն բան:
20. Սակայն դու քո մտքում անգամ մի՛ նզովիր թագաւորին եւ քո ննջարանում էլ մի՛ անիծիր մեծաւորին, որովհետեւ երկնքի թռչունները ձայնդ կը տանեն, եւ թեւաւորները կը յայտնեն քո խօսքը:



1. Հացդ ջրի՞ն տուր՝ թող տանի, շատ օրեր անց պիտի նորից գտնես այն:
2. Բաժի՞ն տուր եօթին էլ, ութին էլ, որովհետեւ ի՞նչ իմանաս, թե ի՞նչ չարիք պիտի լինի երկրի վրայ:
3. Երբ ամպերը լցում են անձրեւով, այն թափում են երկրի վրայ, բայց երբ ծառն ընկնում է դեպի հարաւ կամ դեպի հիւսիս, ուր էլ ընկնի՝ այնտեղ էլ պիտի մնայ:
4. Քամուն նայողը սերմ չի ցանի, ամպին նայողը հունձ չի անի:
5. Ի՞նչ իմանաս՝ ո՞րն է քամու ճանապարհը: Ինչպէս որ չգիտես, թե ինչպէս են յդի կնոջ արգանդում ոսկորներ գոյանում, այնպէս էլ չես կարող իմանալ Աստծու բոլոր գործերը:
6. Առաւօտեան քո սերմը կը ցանես, բայց երեկոյեան էլ ձեռքդ պարապ չթողնես, որովհետեւ չգիտես, թե ո՞րը յաջող կը լինի՝ սա՞, թե՞ նա, կամ գուցէ երկուսն էլ լաւ լինեն միասին:
7. Քաղցր է լոյսը, եւ աչքի համար հաճելի է արեգակը տեսնել,
8. որովհետեւ եթէ մարդ բազում տարիներ էլ ապրի եւ այդ բոլոր տարիներին էլ ուրախ լինի, պիտի յիշի նաեւ խաւարի այն օրերը, որոնք խիստ շատ են լինելու, քանզի այն ամէնը, որ յետոյ է գալու, ունայնութիւն է:
9. Ուրախացի՛ր, երիտասա՛րդ, քո երիտասարդութեամբ, թող սիրտդ քեզ զուարճացնի քո երիտասարդ օրերին: Գնա՛ քո սրտի անբիծ ճանապարհով եւ քո աչքերի տենչանքով, բայց եւ իմացի՛ր, որ այս բոլորի համար Աստուած պիտի քեզ դատաստանի ենթարկի:
10. Եւ քո սրտից հեռո՛ւ վանիր տրտմութիւնը եւ չարութիւնը հանի՛ր քո մարմնից, որովհետեւ թե՛ երիտասարդութիւնը եւ թե՛ յիմարութիւնը ունայնութիւն են:

1. Յիշի՛ր քո Արարչին քո երիտասարդության օրերին, քանի դեռ չեն եկել դառնության օրերը, եւ չեն հասել այն տարիները, որոնց մասին պիտի ասես. Կեանքից այլեւս հաճոյք չեմ գգում,
2. քանի դեռ քեզ համար չեն խաւարել արեգակն ու լոյսը եւ լուսինն ու աստղերը, քանի դեռ ամպերը չեն վերադարձել անձրեւից յետոյ,
3. որովհետեւ քեզ համար էլ է գալու այն օրը, երբ քո տան պահապանները պիտի երերան, պիտի կքեն զօրաւոր այրերը, պիտի պակասեն եւ դատարկ մնան աղօրիքները, պիտի խաւարեն անցքերից նայողները,
4. ու երբ աղօրիքի ձայնը
5. տկարանայ, պիտի փակուեն փողոցների դռները, պիտի զարթնես աքլորականչից առաջ, եւ պիտի նկուռ լինեն երգող աղջիկները,
6. պիտի նայեն բարձունքներին եւ սարսափեն ճանապարհից: Պիտի ծաղկի նշենին, ու մորեխը պիտի բազմանայ, կապարը պիտի տարածուի, որովհետեւ մարդը գնաց իր յաւիտենական տունը. հրապարակներում պիտի բոլորուեն նրա շուրջը լացուկոծ անողները:
7. եւ մինչ արծաթի լարը կը կտրուի, եւ կը քանդուի ոսկի մանեակը, մինչ սափորը կը փշրուի աղբիւրի ճանապարհին, եւ կը կոտրուի ջրհորի անիւը,
8. նրա աճիւնը, ինչպէս որ հող էր, հող պիտի դառնայ, եւ հողին, որ Աստուած էր տուել, պիտի վերստին նրա մօտ գնայ:
9. Ունայնութիւն ունայնութեանց, - ասաց Ժողովողը, - ամէն ինչ ունայն է:
10. եւ այսպիսով Ժողովողը ոչ միայն դարձաւ աւելի իմաստուն,
11. այլեւ նա գիտութիւն սովորեցրեց Ժողովրդին, քանի որ ականջի համար հաճելի է խրատի գեղեցկութիւնը:
12. Ժողովողը շատ որոնեց, որ ցանկալի խօսքեր գտնի, գրի ճշմարիտ խօսքերի ուսանելի մի գիրք:
13. Իմաստունների խօսքերը նման են եգետի խթանի կամ մեծաւորի տուած մուրհակի վրայ խփած կնիքի:
14. Մի խօսք եւս, որդեա՛կ իմ. զգուշացի՛ր շատ գրքեր ունենալուց, որովհետեւ նրանք վերջ չունեն, եւ շատ կարդալը մարմնի համար յոգնութիւն է:
15. եւ ահա լսի՛ր իմ բոլոր խօսքերի վերջաբանը. վախեցի՛ր Աստծուց եւ պահի՛ր նրա պատուիրանները. ահա այս է մարդն ամբողջովին,
16. որովհետեւ Աստուած պիտի բոլոր արարածների դատաստանն անի նրանց կատարած բոլոր թաքուն գործերի համար՝ լինեն դրանք չար թէ բարի:

ԵՐԳ ԵՐԳՈՅ

## Գլուխ 1

1. Թող ինձ համբուրի իր բերանի համբոյրներով:
2. Քո ստիկներն աւելի լաւ են գինուց, եւ քո օծման իւղերի հոտը՝ բոլոր խնկերից: Քո անունը թափուած իւղ է անուշ. սրա համար էլ օրհորդները սիրեցին քեզ,
3. եւ դէպի իրենց ձգեցին քեզ: Մենք կը գանք քո օծման իւղերի հոտի յետեւից: Արքան ինձ իր սենեակը տարաւ: Մենք պիտի ցնծանք եւ ուրախ լինենք քեզնով, եւ պիտի սիրենք քո ստիկները գինուց աւելի: Արժանին սիրեց քեզ:
4. Ես սեւ եմ եւ գեղեցիկ, ո՛վ Երուսաղէմի դուստրեր, Կեդարի վրանների պէս եւ Սողոմոնի խորանի նման:
5. Մի՛ նայեք ինձ, որ թխացել եմ ու սեւացել, քանզի խեթ նայեց արեգակն ինձ: Իմ մօր որդիները կռուեցին ինձ հետ, ինձ այգեստանի պահապան դրին, բայց ես իմ այգին չպահպանեցի:
6. Պատմի՛ր ինձ, իմ հոգո՛ւ սիրած, ու՞ր ես քո հօտը հովուում,
7. ո՞ւր ես հանգստի տանում միջօրէին, որ չմոլորուեմ քո ընկերների երամակների մէջ:
8. Եթէ չգիտես, ո՛վ գեղեցիկդ կանանց մէջ, թէ որտեղ կը գտնես ինձ, գնա՛ հօտերի ոտնահետքերով եւ քո ուլերն արածեցրո՛ւ հովիւների վրանների մօտ:
9. Ո՛վ իմ սիրելի, ես քեզ նմանցրի փարաւոնի կառքին լծուած իմ երիվարներին:
10. Գեղեցիկ եմ քո ծնօտները տատրակի ծնօտների նման, եւ գեղեցիկ է քո պարանոցը, ասես մանեակներով զարդարուած լինի:
11. Մենք քեզ կը զուգենք ոսկէ զարդի պէս, որ ընդելուզուած է արծաթէ կիտուածքներով,
12. մինչեւ որ արքան քեզ իր գիրկն առնի:
13. Իմ նարդոսը իր հոտը բուրեց. ստաշխի փունջ է իմ սիրեցեալն ինձ համար, որ պիտի հանգստանայ իմ ստիկների միջեւ:
14. Նոճու ողկոյզ է իմ սիրեցեալն ինձ համար՝ Ենգադդի այգիների մէջ:
15. Ահաւասիկ, ի՛նչ գեղեցիկ ես, ո՛վ իմ սիրելի, ի՛նչ գեղեցիկ ես. քո աչքերը նման են աղանիկների:
16. Ի՛նչ բարետես ես, ահա, ո՛վ իմ սիրեցեալ, եւ որքա՛ն գեղեցիկ ես գահաւորակի վրայ՝ հովանու ներքոյ:
17. Մեր տան գերանները մայրիներ են, եւ նոճիներ են մեր առաստաղները:

## Գլուխ 2

1. Ես դաշտերի ծաղիկ եմ, հովիտների շուշան:
2. Ինչպես շուշանն է փշերի մեջ, այնպես էլ իմ սիրելին է դուստրերի մեջ:
3. Ինչպես խնձորենին է անտառի ծառերի մեջ, այնպես էլ իմ սիրեցեալն է տղաների մեջ: Ցանկացայ նստել նրա հովանու տակ եւ նստեցի. եւ քաղցր է նրա պտուղն իմ կոկորդում: Հարսն ասում է օրիորդներին.
4. Դուք ինձ խնջոյքի սենեա՛կը տարեք, եւ թողե՛ք մնամ ես իմ սիրոյ հետ:
5. Չօրացրե՛ք ինձ իւղերով եւ խնձո՛ր դիզեցեք վրաս, քանզի այրում եմ խանդակաթ սիրով:
6. Թող նրա ձախը լինի գլխիս տակ, եւ աջը նրա թող գրկի ինձ:
7. Երդուեցե՛ք, ո՛վ Երուսաղէմի դուստրեր, հողի եւ հանդի զօրութեան վրայ, որ երբ վեր կենաք, դուք իմ սիրածին չեք արթնացնի, մինչեւ որ ինքը չկամենայ:
8. Իմ սիրեցեալի ձայնն է. ահա գալիս է նա, վազքով անցնում է լեռների վրայով եւ ցատկոտում բլուրների վրայ:
9. Իմ սիրեցեալը նման է այծեամի կամ եղնիկի հորթերի, որ լինում են Բեթելի լեռներում: Ահա նա կանգնած է մեր պատի յետեւում, եւ ձգուելով դեպի պատուհանները՝ նայում է ճաղերից:
10. Ինձ պատասխան է տալիս իմ սիրեցեալը եւ ասում՝ Վե՛ր կաց, իմ սիրելի, իմ գեղեցիկ, իմ աղաւնի:
11. Ահա ձմեռն անցաւ, անձրեւները անցան-գնացին, ծաղիկները երեւացին մեր երկրում,
12. Էտելու ժամանակը հասաւ, տատրակի ձայնը լսուեց մեր երկրում:
13. Թզենին իր բողբոջն արծակեց, ծաղկած որթերը տարածեցին իրենց հոտը:
14. Վե՛ր կաց, իմ սիրելի, իմ գեղեցիկ, իմ աղաւնի: Ո՛վ իմ աղաւնեակ, դու, որ պատսպարուել ես վեմի հովանու տակ, ցո՛յց տուր քո երեսն ինձ եւ լսելի՛ դարձրու ինձ քո ձայնը, քանզի քաղցր է քո ձայնը, եւ գեղեցիկ է երեսը քո:
15. Բռնեցե՛ք փոքրիկ աղուէսներին, որ ապականում են այգիները, որպէսզի ծաղկեն մեր որթերը:
16. Իմ սիրեցեալն իմն է, իսկ ես՝ նրանը. նա, որ հովուում է հօտը շուշանների մեջ,
17. քանի դեռ ցերեկը կը լուսաւորի, եւ դեռ կը շարժուեն ստուերները: Վերադարձի՛ր, ո՛վ իմ սիրեցեալ, այծեամի պէս կամ եղնիկների հորթերի նման, որ լինում են խնկաբեր լեռների վրայ:

1. Գիշերն անկողնուս մէջ փնտռեցի իմ հոգու սիրածին, փնտռեցի նրան, բայց չգտայ, կանչեցի, բայց ինձ ձայն չտուեց:
2. Վեր կենամ, շրջեմ քաղաքում, անցնեմ փողոցներ ու հրապարակներ եւ փնտռեմ նրան՝ իմ հոգու սիրածին: Փնտռեցի նրան, բայց չգտայ, կանչեցի նրան, բայց ինձ ձայն չտուեց:
3. Քաղաքում շրջող պահապանները հանդիպեցին ինձ: Արդեօք չէ՞ք տեսել իմ հոգու սիրածին:
4. Երբ նրանցից փոքր-ինչ անցայ, ես գտայ իմ հոգու սիրածին: Բռնեցի նրան եւ բաց չթողեցի, մինչեւ որ նրան իմ մօր տունը չտարայ եւ այն սենեակը, ուր իմ մայրն յղիացել է ինձնով:
5. Երդուեցէ՛ք, ո՛վ Երուսաղէմի դուստրեր, հողի եւ հանդի զօրութեան վրայ, որ երբ վեր կենաք, դուք իմ սիրածին չէք արթնացնի, մինչեւ որ ինքը չկամենայ:
6. Ո՞վ է սա, որ ելել գալիս է անապատից, բարձրանալով, ինչպէս ծառացած ծուխ, ինչպէս զմուռսի եւ կնդրուկի եւ ամեն տեսակ իւղերի փոշու սիւն:
7. Ահա Սողոմոնի գահաւորակը. նրա շուրջը Իսրայէլի վաթսուն սպառազէն քաջեր են կանգնած,
8. բոլորն էլ սուսերաւորներ եւ հմուտ պատերազմողներ, եւ իւրաքանչիւրը սուր ունի ազդրին՝ գիշերուայ արհաւիրքների համար:
9. Սողոմոն արքան իր համար գահաւորակ պատրաստեց Լիբանանի մայրի փայտերից.
10. նրա սիւները շինեց արծաթից, նրա սնարները՝ ոսկուց, իսկ ձեղունը՝ ծիրանի կերպասից: Նրա ներսը ակնազարդ է, Երուսաղէմի դուստրերի սերն է սփռուած:
11. Ելէ՛ք, ո՛վ Սիոնի դուստրեր, եւ նայեցէ՛ք Սողոմոն արքային ու նրա պսակին, որով մայրը նրա հարսանիքի օրը՝ իր որդու սրտի ուրախութեան օրը պսակեց նրան:

1. Ահա դու, ի՞նչ գեղեցիկ ես, ո՛վ իմ սիրելի, ի՞նչ գեղեցիկ ես. քո աչքերը նման են աղանիների՝ հարսնաքողիդ տակ: Քո վարսերը նման են այծերի հոտերի, որոնք իջնում են Գաղաադից:
2. Քո ատամները նման են խուզած ոչխարների հոտերի, որոնք ելնում են լողալազանից. բոլորն էլ զուգաշար են, եւ ոչ մի ստերջ չկայ նրանց մէջ:
3. Քո շուրթերը նման են որդան կարմիր թելի, եւ գեղեցիկ է քո խօսքը՝ քո շուրթերին: Քո այտերը նման են կիսած նռան՝ հարսնաքողիդ տակ:
4. Քո պարանոցը նման է Դաւթի աշտարակին, որ շինուած է Թալպիորում. հազար վահան է կախուած նրանից, նաեւ՝ ռազմիկների բոլոր նետերը:
5. Քո երկու ստիկները նման են այծեամի երկուորեակ ուլերի, որոնք արածում են շուշանների մէջ,
6. մինչեւ ցերեկն անցնի, եւ ստուերները շարժուեն: Ես էլ առանձին գնամ զմուռսի սարը եւ կնդրուկի բլուրը:
7. Դու բոլորովին գեղեցիկ ես, ո՛վ իմ սիրելի, եւ ոչ մի արատ չկայ քո մէջ:
8. Ե՛կ Լիբանանից, ո՛վ հարս, այստե՛ղ եկ Լիբանանից. արի անցի՛ր Հաւատքի գագաթից, Սանիրի եւ Հերմոնի կատարներից, առիւծների որջերից եւ ինձերի լեռներից:
9. Կարօտով լցրի՛ր մեր սիրտը, ո՛վ մեր քոյր հարս, քո մի հայեացքով, քո պարանոցի մի մանեակով կարօտով լցրի՛ր սիրտը մեր:
10. Գեղեցկացան քո ստիկները, ո՛վ մեր քոյր հարս, գինուց գեղեցկացան քո ստիկները, եւ քո զգեստների հոտը քաղցր է բոլոր խնկերից:
11. Մեղր է կաթում քո շուրթերից, քո՛յր իմ հարս, մեղր ու կաթ կայ քո լեզուի տակ. եւ քո զգեստների հոտը նման է կնդրուկի հոտի:
12. Փակուած պարտեզ ես, քո՛յր իմ հարս, փակուած պարտեզ եւ կնքուած աղբիւր:
13. Քո տնկիները նռնենիների դրախտ են՝ մրգատու ծառերի պտուղներով, նոճով ու նարդոսով,
14. նարդոս են ու քրքում, խնկեղեզն ու կինամոն՝ Լիբանանի ամեն տեսակ ծառերով, զմուռս ու հալուէ՝ բոլոր լաւագոյն խնկերով հանդերձ,
15. բուրաստանների աղբիւր են եւ կենդանի ջրի ակունք, որ բխում է Լիբանանից:
16. Վե՛ր կաց, հիւսիսի՛ քամի, եւ ե՛կ, հարաւի՛ հով, փչի՛ր իմ պարտեզի մէջ, եւ թող իմ խնկերն իրենց բոյրը տարածեն:

1. Թող իմ սիրեցեալն իջնի իր պարտեզը, եւ իր ծառերի պտուղներն ուտի: Ես իմ պարտեզը մտայ, քո՛յր իմ հարս, զմուռս քաղեցի իմ խնկերի հետ, հացս կերայ իմ մեղրով, իմ կաթի հետ խմեցի գինիս: Կերէ՛ք, ո՛վ իմ սիրելիներ, խմեցէ՛ք եւ հարբեցէ՛ք, ո՛վ իմ սիրելիներ:
2. Ես քնած եմ, բայց իմ սիրտն արթուն է: Իմ սիրեցեալն է, նրա ձայնն է. դուռն է բախում:
3. Բա՛ց, քո՛յր իմ, ո՛վ իմ սիրելի, իմ աղաւնի՛, իմ կատարեա՛լ. գլուխս, ահա, թրջուել է ցօղով, մազերս՝ գիշերուայ շաղով:
4. Ես հանել եմ իմ պատմութեանը, ինչպէ՞ս հազնեմ այն. ես լուացել եմ իմ ոտքերը, ինչպէ՞ս կեղտոտեմ դրանք:
5. Իմ սիրեցեալը ձեռքը ձգեց պատուհանից, եւ որովայնս սարսռաց նրա համար:
6. Վեր կացայ դուռը բացելու իմ սիրեցեալի համար. իմ ձեռքերից զմուռս կաթեց, եւ իմ մատներից զմուռսը լցուեց փականի բռնակի վրայ:
7. Ես բացեցի դուռն իմ սիրեցեալի համար, բայց նա գնացել էր արդէն, եւ խելքս մաղուեց նրա խօսքի համար: Փստռեցի նրան, բայց չգտայ, կանչեցի նրան, բայց ձայն չտուեց ինձ:
8. Ինձ գտան քաղաքում շրջող պահապանները, խփեցին եւ վիրաւորեցին ինձ, իսկ պարիսպների պահակները քօղս հանեցին իմ վրայից:
9. Երդուեցէ՛ք, ո՛վ Երուսաղէմի դուստրեր, հողի ու հանդի զօրութեան վրայ, եթէ դուք գտնէք իմ սիրեցեալին, կը պատմէք նրան, որ ես այրւում եմ նրա սիրուց:
10. Ինչո՞վ է առաւել քո սիրելին միւս տղաներից, ո՛վ գեղեցիկդ կանանց մէջ, ինչո՞վ է նա առաւել, որ այդպէս երդուեցնում ես մեզ:
11. Իմ սիրեցեալը սպիտակ է եւ կարմիր, ընտրեալ է՝ տասը հազարից:
12. Նրա գլուխը ոսկի է ազնիւ, նրա մազերը գանգուր են, սեւ, ինչպէս ագռաւ:
13. Նրա աչքերը նման են աղաւնիների՝ հակուած առատ ջրերի վրայ, կաթով լուացուած եւ թառած՝ առատ ջրերի վրայ:
14. Նրա ծնօտները նման են խնկէ անօթների, որոնք, ինչպէս օծման իւղեր, անուշահոտութիւն են բուրում. նրա շուրթերը շուշաններ են, որոնցից առատ զմուռս է բխում:
15. Նրա ձեռքերը ճախարակուած ոսկի են՝ Թարսիսի ակնաքարերով պատուած: Նրա որովայնը փղոսկրեայ տախտակ է՝ շափիւղայ քարերով ընդելուզուած:
16. Նրա սրունքները մարմարեայ սիւներ են՝ հաստատուած ոսկէ խարիսխների վրայ: Նրա տեսքն ասես Լիբանանի ընտիր եղեւնափայտ լինի:
17. Նրա կոկորդը լի է քաղցրութեամբ, եւ ամբողջովին հաճելի է նա: Այսպիսին է, ահա, իմ սիրեցեալը, ո՛վ Երուսաղէմի դուստրեր, այսպիսին է իմ հոգու սիրածը:
18. Ու՛ր գնաց քո սիրեցեալը, ո՛վ գեղեցիկդ կանանց մէջ, ո՞ր կողմը գնաց քո սիրեցեալը, որ մենք էլ քեզ հետ որոնենք նրան:



1. Իմ սիրեցեալն իջաւ իր պարտեզը՝ խնկածաղիկների մարգերի մէջ, որ հօտն արածեցնի բուրաստաններում եւ շուշաններ քաղի:
2. Իմ սիրեցեալն իմն է, իսկ ես՝ նրանը. նա, որ հովուում է հօտը շուշանների մէջ:
3. Դու բարեկազմ ես, ի՛մ սիրելի, ամբողջովին հաճելի ես եւ Երուսաղէմի պէս գեղեցիկ՝ զարմանալի յօրինուած:
4. Թեքի՛ր աչքերդ ինձնից, քանզի դրանք սիրով արբեցրին ինձ. քո վարսերը նման են այծերի հօտերի, որոնք իջնում են Գաղաադից:
5. Քո ատամները նման են խուզած ոչխարների հօտերի, որոնք ելնում են լողաւազանից. բոլորն էլ զուգաշար են, ոչ մի ստերջ չկայ նրանց մէջ:
6. Քո շուրթերը նման են որդան կարմիր թելի, եւ գեղեցիկ է քո խօսքը՝ քո շուրթերին: Քո այտերը նման են կիսուած նռան՝ հարսնաքօղիդ տակ:
7. Թող վաթսուն թագուհի եւ ութսուն հարճ լինեն, թող ազնիւ օրիորդներ ունենայ արքան,
8. մինչդեռ մե՛կն է իմ աղաւսին, իմ կատարեալը. իր մօր միա՛կն է նա, իր ծնողի ընտրեա՛լը: Դուատրերը տեսան նրան եւ երանի տուին, թագուհիները եւ հարճերը գովեցին նրան:
9. Ո՞վ է սա, որ ելնում է ինչպէս առաւօտ, եւ գեղեցիկ է, ինչպէս լուսին, ընտիր, ինչպէս արեգակ՝ զարմանալի յօրինուած:
10. Ես ընկուզենիների պարտեզն իջայ՝ նայելու, թէ առուններն ինչպէս են ջրում, տեսնելու, թէ արդեօք ծաղկե՞լ է որթատունկը, ծաղկե՞լ է արդեօք նոճին, ծաղկե՞լ է արդեօք նռնենին: Հարսն ասում է Փեսային.
11. Այնտեղ քեզ կը տամ իմ ստինքները. հոգիս չիմացաւ, բայց ցանկութիւնս տանում է ինձ, ինչպէս Ամինադաբի կառքը:
12. Վերադարձի՛ր, վերադարձի՛ր, ո՛վ սոմնացիդ, վերադարձի՛ր, որ մենք տեսնենք քեզ:

1. Ի՞նչ էք տեսնում այդ սոմնացու վրայ, որ գալիս է դեպի մեզ զօրաբանակի գնդերի նման: Որքա՞ն գեղեցիկ է քո քայլքը կօշիկներով, ո՛վ Ամինադաբի դուստր: Քո ազդրերի ձեւը նման է ճարտար վարպետի յղկած ուլունքների:
2. Քո պորտը ճախարակուած ըմպանակ է, որից անպակաս է անխառն գինին: Քո որովայնը ցորենի շեղջ է՝ ծածկուած շուշանով:
3. Քո երկու ստիկները ասես այծեամի երկուորեակ ուլեր են,
4. քո պարանոցը՝ փղոսկրեայ աշտարակ: Քո աչքերը նման են Եսեբոնի ծովակին՝ Բագում դուստրերի դարպասների մօտ: Քո քիթը նման է Լիբանանի աշտարակին, որ նայում է դեպի Դամասկոս:
5. Գլուխդ քո վրայ նման է Կարմելոսին, մազերիդ հիւսերը կարծես ծիրանի լինեն, ասես թագաւոր ես՝ թագը գլխիդ, հանդիսարանների մէջ:
6. Որքա՞ն գեղեցիկ, որքա՞ն քաղցր ես դու, սէ՛ր իմ, քո քնքշութեան մէջ:
7. Քո հասակը նման է արմաւենու, իսկ ստիկներդ՝ ողկոյգների:
8. Ասացի. Բարձրանամ արմաւենու վրայ, ձեռքս ձգեմ նրա ճիւղերին, եւ թող քո ստիկները լինեն խաղողի ողկոյգների պէս, քո ռունգերի շունչը՝ խնձորի հոտի նման, եւ քո կոկորդը՝ ազնիւ գինու պէս:
9. Այն ուղիղ գնում է իմ սիրեցեալին՝ հոսելով ննջողների շրթների ատամների վրայ:
10. Ես իմ սիրեցեալինն եմ, եւ նա պիտի վերադառնայ ինձ մօտ:
11. Ե՛կ, իմ սիրեցեա՛լ, ելնենք ագարակները, գիշերենք շէների ու պարտեզների մէջ, վաղ առաւօտեան այգիները գնանք:
12. Տեսնենք, թէ արդեօք ծաղկե՞լ է որթատունկը, ծաղկե՞լ է արդեօք նոճին, ծաղկե՞լ է արդեօք նռնենին: Այնտեղ քեզ կը տամ իմ ստիկները:
13. Մանրագորներն իրենց հոտն են բուրում, մեր դռների մօտ ամէն տեսակ հին ու նոր մրգատու ծառեր կան, որ իմ մայրն է տուել ինձ, ես պահել եմ քե՛զ համար, իմ սիրեցեա՛լ:

1. Ո՛վ իմ սիրեցեալ, երանի՛ր թէ իմ եղբայրը լինէիր՝ մօրս կաթով սնուած, եւ երբ հանդիպէի քեզ դրսում, համբուրէի քեզ, եւ ոչ ոք չնախատէրինձ:
2. Վերցնէի քեզ, բերէի իմ մօր տունը, այն սենեակը, ուր նա յղիացել է ինձնով, քեզ ազնիւ գինի տայի խմելու, օշարակ տայի իմ նռնենիներից:
3. Թող նրա ձախը լինի գլխիս տակ, եւ նրա աջը թող գրկի ինձ:
4. Երդուեցէ՛ք, ո՛վ Երուսաղէմի դուստրեր, հողի ու հանդի զօրութեան վրայ, որ երբ վեր կենաք, դուք իմ սիրածին չէք արթնացնի, մինչեւ որ ինքը չկամենայ:
5. Ո՞վ է սա, որ գալիս է սպիտակ հագած, գալիս է՝ յենած իր սիրեցեալին: Ես քեզ արթնացրի խնձորենու տակ. այնտեղ քո մայրը երկնել է քեզ, այնտեղ քո ծնողը ծնել է քեզ:
6. Ինձ իբրեւ կնիք դի՛ր քո սրտի վրայ, իբրեւ մատանի դի՛ր քո աջ ձեռքին, քանզի հզօր է սերը մահուան պէս, խանդը դաժան է դժոխքի նման, նրա թռիչքը նման է հրի բոցի թռիչքին:
7. Առատ ջրերը չեն կարող սերը մարել, եւ ոչ էլ գետերը կարող են արգելել այն: Եթէ մի մարդ իր ողջ հարստութիւնը տար սեր գնելու համար, նրան արհամարհելով կ'արհամարհէին մարդիկ:
8. Մեր քոյրը փոքրիկ է եւ դեռ չունի ստիւնքներ. ի՞նչ պիտի անենք այն օրը, երբ գան նրան ուզելու:
9. Եթէ պարիսպ լինէր նա, վրան արծաթէ աշտարակներ կը կանգնեցնէինք, եթէ դուռ լինէր նա, եղենափայտի տախտակներ կը շինէինք վրան:
10. Ես պարիսպ եմ, եւ իմ ստիւնքները նման են աշտարակների. նրա աչքին ես երեւում եմ ինչպէս մէկը, որ իր խաղաղութիւնն է գտել:
11. Սողոմոնը մի այգի ուներ Բեելմառնում. իր այգին նա տուեց պահապաններին: Նրանցից իւրաքանչիւրը հազար արծաթ պիտի բերէր պտղի փոխարէն:
12. Իմ այգին իմ առջեւն է. հազարը Սողոմոնին, եւ երկու հարիւրը՝ պահապաններին, որ պահում են նրա պտուղը: Հարսն ասում է.
13. Դու՛, որ նստել ես պարտեզների մէջ, եւ ուրիշները լսում են քեզ, քո ձայնը լսելի՛ դարձրու նաեւ ինձ:
14. Փախի՛ր, իմ սիրեցեալ, այծեամի պէս, կամ եղնիկների հորթերի նման, որ լինում են խնկաբեր լեռների վրայ:

ᑲᑦᑭᑦᑭᑦ

## Գլուխ 1

1. Ամուսի որդի Եսայու տեսիլքը, որ նա տեսաւ Հրեաստանի եւ Երուսաղէմի վրայ, երբ Հրեաստանում թագաւորում էին Օզիան, Յովաթամը, Աքազը եւ Եզեկիան:
2. Լսի՛ր, երկի՛նք, եւ ականջ դիր, երկի՛ր, քանզի Տէրն է խօսում. Չաւակներ ունեցայ եւ մեծացրի, իսկ նրանք ինձ անարգեցին:
3. Եզն իր տիրոջն է ճանաչում, եւ էշը՝ իր տիրոջ մսուրը, բայց Իսրայէլն ինձ չճանաչեց, իմ ժողովուրդն ինձ չհասկացաւ:
4. Վա՛յ մեղաւոր ազգին. մեղքերով լի ժողովո՛ւրդ, չարագործ սերունդ, անօրէ՛ն ծնունդներ, թողեցիք Տիրոջը, բարկացրիք Իսրայէլի սրբին: Նրանք օտարացան ու յետ քաշուեցին:
5. Ինչո՞ւ էք անօրէնութիւնների վրայ նոր վերքեր անելացնում: Ամէն գլուխ ցաւի մէջ է, ամէն սիրտ՝ տրտմութեան:
6. Ոտքերից մինչեւ գլուխ նրա վրայ առողջ տեղ չկայ. վերքերի, այտուցների եւ շարաւոտ խոցերի վրայ դնելու ո՛չ սպեղանի կայ, ո՛չ ձեթ եւ ո՛չ էլ վիրակապ:
7. Ձեր երկիրն աներակ է, ձեր քաղաքները՝ հրոյ ճարակ. թշնամի ցեղերից աներուած ու ամայացած ձեր հողի բարիքները ձեր իսկ աչքի առաջ օտարներն են ուտում:
8. Սիոնի դուստր Երուսաղէմը պիտի մնայ լքուած, ինչպէս տաղաւարը՝ այգում, մրգապահների հիւղակը՝ սեխի պարտեզում, ինչպէս պաշարման մէջ գտնուող քաղաքը:
9. Եթէ Չօրութիւնների Տէրը մեզ սերունդ թողած չլինէր, կը դառնայինք Սոդոմի պէս, կը նմանուէինք Գոմորին:
10. Լսեցէ՛ք Տիրոջ խօսքը, ո՛վ Սոդոմի իշխաններ, ականջ դրէք Աստծու օրէնքներին, ո՛վ Գոմորի մարդիկ:
11. Իմ ինչի՞ն են պետք ձեր բազմաթիւ զոհերը, -ասում է Տէրը,-ես կշտացել եմ ձեր խոյերի ողջակէզներից. ձեր գառների ճարպը, ցուլերի ու նոխազների արիւնը չէ, որ ուզում եմ,
12. եւ ոչ էլ այն, որ գաք ու կանգնէք իմ առաջ: Ո՞վ խնդրեց դա ձեզնից. մի՛ շարունակէք կոխոտել իմ գաւիթները:
13. Եթէ ազնիւ ալիւրի հաց մատուցէք ինձ՝ զուր է լինելու. ձեր խնկերն էլ են պիղծ են ինձ համար. ձեր ամսամուտները, շաբաթները եւ տօնական մեծ օրը եւս անընդունելի են ինձ.
14. ձեր պահեցողութիւնն ու հանգիստը, ձեր ամսամուտներն ու տօները ատեց իմ հոգին: Կշտացել եմ ձեզնից, այլեւս չեմ ների ձեր մեղքերը:
15. Երբ աղօթքի համար դէպի վեր բարձրացնէք ձեր ձեռքերը, երես եմ դարձնելու ձեզանից, եւ եթէ բազմապատկէք ձեր աղօթքները, չեմ լսելու ձեզ, որովհետեւ ձեր ձեռքերը լի են արիւնով:
16. Լուացուեցէ՛ք, մաքրուեցէ՛ք, իմ աչքի առաջ ձեր չար արարքները թօթափեցէ՛ք ձեզնից, վե՛րջ տուէք ձեր չարագործութիւններին:
17. Սովորեցէք բարի՛ք գործել, արդարութի՛ւն փնտռեցէք, փրկեցէ՛ք զրկուածի՛ն, արդարադա՛տ եղէք որբի հանդէպ, իրաւո՛ւնք տուէք այրուն:
18. Եկէ՛ք խօսենք իրար հետ, -ասում է Տէրը.-եթէ ձեր մեղքերը արեան պէս կարմիր են, ապա ես ձեան պէս ճերմակ կը դարձնեմ, եթէ որդան կարմիր լինեն, կը սպիտակեցնեմ ինչպէս բուրդ:
19. Եւ եթէ յօժար լինէք ու լսէք ինձ, դուք կը ճաշակէք երկրի բարիքները.
20. իսկ եթէ չկամենաք ինձ լսել, սո՛ւրը պիտի ուտի ձեզ, քանզի Տիրոջ շուրթերն ասացին այս:
21. Ինչպէ՛ս պոռնիկ դարձաւ հաւատարիմ քաղաք Սիոնը, որը լի էր հաւատով, ուր արդարութիւնն էր բնակւում, իսկ այժմ՝ մարդասպանները:
22. Ձեր արծաթը փորձուած չէ, ձեր վաճառականները գինուն ջուր են խառնում,
23. ձեր իշխաններն ապստամբներ են եւ զողերին զողակից, կաշառք սիրող են եւ վրէժխնդիր, որբերի իրաւունքը չեն պաշտպանում եւ ուշադրութիւն չեն դարձնում

այրիների դատին:

24. Դրա համար էլ այսպես է ասում Չորութիւնների Տէրը՝ Իսրայէլի ամենագոր Աստուածը. Վա՛յ ձեզ, Իսրայէլի հզօրնե՛ր, բարկութիւնս իմ այլեւս չի դադարելու իմ հակառակորդների հանդէպ, դատ ու դատաստանով պիտի պատժեմ իմ թշնամիներին:
25. Ձեռքս պիտի ձգեմ քեզ վրայ, մաքրելու համար քեզ քուրայում պիտի այրեմ, կորստեան պիտի մատնեմ ապստամբներիդ, քո միջից պիտի վերացնեմ բոլոր անօրէններին, բոլոր ամբարտաւաններին պիտի խոնարհեցնեմ:
26. Քեզ վրայ, ինչպէս առաջ, դատաւորներ պիտի կարգեմ ու խորհրդականներ՝ ինչպէս նախկինում, եւ այն ժամանակ դու կը կոչուես Քաղաք արդարութեան՝ քաղաքների մայր հաւատարիմ Սիօն:
27. Արդարեւ, նա գերութիւնից պիտի փրկուի իրաւունքով, արդարութեամբ եւ ողորմածութեամբ:
28. Բայց անօրէններն ու մեղաւորները պիտի խորտակուեն միասին, եւ նրանք, որ լքեցին Տիրոջը, պիտի բնաջնջուեն միասին:
29. Նրանք ամաչելու են այն կուռքերի համար, որոնց հանդէպ սեր էին տածում, ամօթահար են լինելու այն դիւապատկերների համար, որ իրենք կերտեցին, խայտառակուելու են այն պարտեզների համար, որոնց ցանկանում էին:
30. Լինելու են ինչպէս տերեւաթափ բեւեկնի, նմանուելու են այգու, որը ջուր չունի:
31. Նրանց զօրութիւնը վերածուելու է ծեծուած վուշի խռիւի, իսկ նրանց գործերը՝ կրակի կայծերի, եւ անօրէններն ու մեղաւորները այրուելու են միասին. եւ չի լինելու ոչ ոք, որ հանգցնի կրակը:

1. Ամուսի որդի եսայուն ուղղուած խօսքը Հրեաստանի եւ Երուսաղէմի մասին
2. Վերջին օրերին պիտի յայտնուի Տիրոջ լեռը, Աստծու տունը՝ լեռների գագաթներին, պիտի բարձրանայ բլուրների վրայ, եւ բոլոր հեթանոսները պիտի շարժուեն դէպի նա:
3. Գալու են բազում ժողովուրդներ՝ ասելով. Եկէ՛ք ելնենք Տիրոջ լեռն ու Յակոբի Աստծու տունը: Նա մեզ կը սովորեցնի իր ճանապարհները, որոնցով եւ կը գնանք: Օրէնքները Սիոնից են դուրս գալիս, եւ Տիրոջ խօսքը՝ Երուսաղէմից:
4. Նա դատաստան պիտի տեսնի հեթանոսների մէջ ու պիտի յանդիմանի բազում ժողովուրդների: Նրանք իրենց սուսերներից խոփեր պիտի ծուլեն, եւ իրենց սուկիներից՝ մանգաղներ. ազգ ազգի վրայ սուր չպիտի բարձրացնի, եւ նրանք այլեւս չեն սովորելու պատերազմել:
5. Արդ, ո՛վ տունդ Յակոբի, եկէ՛ք քայլենք Տիրոջ լոյսի մէջ:
6. Նա երես դարձրեց իր ժողովրդից՝ Յակոբի տնից, որովհետեւ նրանց երկիրը, ինչպէս այլազգիներինը, առաջուայ պէս լցուեց կախարդներով, եւ նրանք բազում այլազգի որդիներ ունեցան:
7. Նրանց երկիրը լցուեց ոսկով ու արծաթով, նրանց գանձերին թիւ չկար. նրանց երկիրը լցուեց երիվարներով, նրանց ռազմակառքերին թիւ չկար:
8. Նրանց երկիրը լցուեց իրենց իսկ ձեռքերով կերուտած գարշելի կուռքերով, եւ նրանք երկրպագեցին նրա՛նց, որ իրենց մատներն էին ստեղծել:
9. Ստորացաւ մարդը, գետնամած խոնարհուեց տղամարդը, ես չեմ ների նրանց:
10. Արդ, Տիրոջ սարսափից ու նրա փառքի զօրութիւնից գնացէք քարերի տա՛կ մտեք, հողի մէ՛ջ թաքնեցուէք, երբ նա կը յառնի երկիրը պատուհասելու:
11. Տէրը նայում է բարձունքից, իսկ մարդը խեղճ ու ողորմելի է. մարդկանց ամբարտաւանութիւնը պիտի խոնարհուի, ու այդ օրը միայն Տէրը պիտի բարձրանայ,
12. քանզի Չօրութիւնների Տիրոջ օրը բոլոր հպարտների ու ամբարտաւանների վրայ է, բոլոր մեծամիտների ու գոռոզների վրայ, որոնք պիտի խոնարհուեն,
13. նաեւ Լիբանանի բոլոր բարձր ու սլացիկ մայրիների վրայ եւ Բասանի բոլոր կաղնի ծառերի վրայ,
14. բոլոր բարձր լեռների եւ բարձրիկ բլուրների վրայ,
15. բոլոր վերասլաց աշտարակների եւ բարձր պարիսպների վրայ,
16. ծովի բոլոր նաւերի վրայ, բոլոր վեհաշուք նաւերի վրայ:
17. Ամէն մարդ պիտի խոնարհուի, մարդկանց հպարտութիւնը պիտի իջնի, եւ միայն Տէրը պիտի բարձրանայ այդ օրը:
18. Նրանք իրենց բոլոր ձեռակերտ կուռքերը պիտի տանեն թաքցնեն
19. քարայրներում, ժայռերի ծերպերում ու գետնի խոռոչներում՝ սարսափած Տիրոջից ու նրա փառքի զօրութիւնից, երբ նա կը յառնի՝ երկիրը պատուհասելու:
20. Այն օրը մարդ իր արծաթէ ու ոսկէ գարշելի կուռքերը, որ պատրաստել էր սնտոյի բաներին ու չղջիկներին երկրպագելու համար, պիտի հանի՝
21. Տիրոջ սարսափից եւ նրա փառքի զօրութիւնից մտնելով ամրակուռ ապառաժների խոռոչներն ու ծերպերը, երբ Տէրը կը յառնի՝ երկիրը պատուհասելու:
22. Դադարեցէ՛ք յոյս դնել այն մարդու վրայ, որի շունչը ռունգերի մէջ է, որովհետեւ ի՞նչ վստահութիւն կարող է ներշնչել նա:

1. Ահաւասիկ Չօրութիւնների Տէր Աստուածը Հրեաստանից եւ Երուսաղէմից պիտի վերացնի հզօր տղամարդուն եւ զօրաւոր կնոջը, հացի զօրութիւնը եւ ջրի զօրութիւնը,
2. հսկային, զօրեղին եւ քաջամարտիկին, դատաւորին, մարգարէին, քննիչին եւ ծերին,
3. յիսնապետին եւ սքանչելի խորհրդականին, իմաստուն ճարտարապետին եւ խելամիտ ատենակալին:
4. Նրանց վրայ իշխան պիտի կարգեմ մանուկներին, խաբէբաները պիտի տիրեն նրանց:
5. Ժողովուրդն իրար պիտի անցնի, տղամարդը տղամարդու դէմ պիտի ելնի, ընկերն՝ ընկերոջ դէմ, մանուկը ծերի հետ պիտի ընդհարուի, անարժանն՝ արժանաւորի հետ:
6. Ու մարդ պիտի բռնի իր եղբօրը կամ իր հօր ընտանիքից մէկին եւ ասի. Դու վերարկու ունես, մեզ իշխան դարձիր, թող մեր կերակուրը քո հրամանով լինի:
7. Այն ժամանակ պատասխան է տալու՝ ասելով. Իշխան չեմ լինի, որովհետեւ իմ տանը ո՛չ հաց կայ եւ ո՛չ էլ հագուստ. ես այս ժողովրդի վրայ իշխան չեմ դառնայ:
8. Եւ այսպէս, Երուսաղէմը լքուեց, Հրեաստանը կործանուեց, եւ նրանց լեզուները անօրէնութեամբ ապստամբեցին Տիրոջ դէմ:
9. Ահա թէ ինչու նրանց փառքը նսեմացաւ, ամօթը ծածկեց նրանց երեսը, եւ նրանք, սողոմայեցիների նման, իրենց մեղքերը պատմեցին ու յայտնի դարձրին: Վա՛յ նրանց հոգիներին, որովհետեւ իրենք իրենց համար չար խորհուրդներ խորհեցին
10. եւ ասացին. Կապենք արդարին, քանի որ նա մեզ անհաճոյ է: Այսուհետեւ նրանք իրենց արարքների պտուղները պիտի ուտեն:
11. Վա՛յ անօրէնին, չարիքներ պիտի գան նրա վրայ՝ ըստ իրենց կատարած չար գործերի:
12. Ո՛վ իմ ժողովուրդ, ձեր հարկահանները ձեզ ճռաքաղ են անում, հարկապահանջները տիրում են ձեզ. ո՛վ իմ ժողովուրդ, նրանք, ովքեր երանի են տալիս ձեզ, խաբում են ձեզ եւ խտորում ձեր շաւիղները:
13. Բայց ահա ներկայանալու է Տէրը, որ դատաստան անի, եւ իր ժողովրդին կանգնեցնելու է ատենանում:
14. Տէրն ինքը դատելու է իր ժողովրդի ծերերին եւ նրանց իշխաններին. Դուք ինչո՞ւ հրկիզեցիք իմ այգին. տնանկից յափշտակուածը ձեր տներում է:
15. Դուք ինչո՞ւ եք զրկում իմ ժողովրդին եւ ամօթահար անում տնանկների, ասում է Տէրը, Չօրութիւնների Տէրը:
16. Այսպէս է ասում Տէրը. Սիոնի դուստրերը հպարտացան, քայլում էին բարձրապարանոց, աչքով-ունքով էին անում, շարժուելիս իրենց քղանցքներն էին քարշ տալիս ու ոտքերով կաքաւում:
17. Դրա համար էլ Աստուած պիտի խոնարհեցնի Սիոնի իշխանուհի դուստրերին, այն օրը Տէրը պսակագերծ պիտի անի նրանց:
18. Տէրը նրանց վրայից պիտի հանի նրանց վայելուչ զգեստները եւ պատմունճանները,
19. պիտի քանդի նրանց հիւսերը, վերացնի նրանց ծամակալները,
20. նրանց պսակակալներն ու մահիկաձեւ վզնոցները, նրանց դէմքի քղազարդերն ու վայելուչ պաճուճազարդերը, քղեքներն ու ապարանջանները, մեհեւանդներն ու գինդերը,
21. նրանց մատանիներն ու ոսկեշար մանեակները, դիպակներն ու թելաւոր զարդերը,
22. եզրածիրանին ու միջնածիրանին, առտնին հագուստն ու պերճաշուք լակոնականը,
23. բեհեզն ու երկնագոյնը, կարմիր շղարշաքօղը, բանուածոյ, ոսկեճամուկ ու ոսկեծոպ զգեստներն ու գօտիները:
24. Եւ քո արարքների պատճառով անուշահոտութիւնների փոխարէն փոշի պիտի լինի, զարդանախշ զգեստների փոխարէն՝ չուան գօտի, ոսկեայ գլխազարդի փոխարէն՝ ճաղատութիւն, իսկ ոսկեհիւս դիպակի փոխարէն քուրճ պիտի հագնես:
25. Քո գեղեցիկ զաւակը, որին դու սիրում ես, սրով պիտի մեռնի, ձեր իշխանները եւս



սրով պիտի ընկնեն:

26. Ձեր զարդատուփերը դատարկ պիտի մնան,պիտի մատնուեն սգի,իսկ դու պիտի մնաս մեն-մենակ ու տապալուես գետին:

#### Գլուխ 4

1. Այն օրը եօթը կին պիտի բռնեն մի տղամարդու եւ ասեն. Մեր հացը կ'ուտենք եւ մեր զգեստը կը հագնենք, միայն թէ քո անունը լինի մեզ վրայ. մեր այրիութեան նախատինքը վերացրո՛ւ մեզնից:
2. Այն օրն Աստուած իր խորհրդաւորութեամբ ու փառքով պիտի ճառագի երկրի վրայ՝ բարձրացնելու եւ փառաւորելու համար Իսրայէլի մնացորդացին:
3. Թէ՛ Սիոնից մնացածները եւ թէ՛ Երուսաղէմից մնացածները, բոլորը, որոնք Երուսաղէմի կենաց գրքի մէջ են գրուած, սուրբ պիտի կոչուեն,
4. քանզի Տէրը Սիոնի եւ Երուսաղէմի տղաների ու աղջիկների աղտեղութիւնը պիտի լուանայ, դատաստանի հոգով եւ այրման հոգով արիւնը նրանց միջից պիտի սրբի:
5. Նա պիտի գայ, եւ Սիոն լեռան բոլոր տեղերը ու նրա շուրջն եղած ամէն ինչ ցերեկն ամպհովանի պիտի ունենան, իսկ գիշերը պիտի ծածկուեն ամենայն փառաւորութեամբ, կարծես բորբոքուած կրակի լոյսով ու ծխով:
6. Հովանի պիտի լինի տօթի դէմ, եւ ապաստարան ու ծածկ՝ սաստկաշունչ եղանակի ու անձրեւի դէմ:

1. Իմ սիրեցեալի համար պիտի երգեմ նրա սիրելի այգու երգը. Մի անկիւնում, արգաւանդ մի տեղում, այգի ունէր իմ սիրելին:
2. Ցանկապատեցի, բարձր ձողեր կանգնեցրի եւ ընտիր որթատունկ տնկեցի: Աշտարակ շինեցի նրա մէջ, նաեւ հնձան փորեցի այնտեղ եւ սպասեցի, որ խաղող բերի, բայց փուշ բերեց:
3. Այժմ, Յուդայի երկրի մարդի՛կ եւ Երուսաղեմի բնակիչնե՛ր, իմ ու իմ այգու դա՛տն արեք:
4. Էլ ի՞նչ պիտի անէի իմ այգու համար, որ չարեցի:
5. Սպասեցի, որ խաղող բերի, բայց փուշ բերեց: Հիմա ես ինքս կ'ասեմ, թէ ինչպէս եմ վարուելու իմ այգու հետ. կը քանդեմ նրա ցանկապատը, եւ թող յափշտակութեան ենթարկուի այն. կը կործանեմ նրա պարիսպները, եւ թող ոտքի կոխան լինի այն:
6. Կը քնեմ իմ այգին, թող չէտուի ու չփորուի, թող նրա մէջ փուշ բուսնի, ինչպէս խոպան տեղում, եւ կը պատուիրեմ իմ ամպերին, որ չանձրեւեն իմ այգում:
7. Զօրութիւնների Տիրոջ այգին Իսրայելի տունն է, Յուդայի երկրի մարդը՝ նրա սիրած դալար որթատունկը. սպասեցի, որ նա իրաւունքը պահի, առաջ տանի, բայց նա անիրաւութիւն արեց, արդարութեան փոխարէն՝ ողբ ու աղաղակ:
8. Վա՛յ նրանց, որոնք տանը տուն են կցում եւ ագարակին ագարակ միացնում, որպէսզի ընկերոջն արտաքսեն. բայց մի՞թէ երկրի վրայ մենակ դուք էք ապրելու:
9. Ահաւասիկ այդ ամէնը հասաւ Զօրութիւնների Տիրոջ ականջին: Եւ թէկուզ տները բազմաթիւ լինեն, նրանք աւերակ են դառնալու. եթէ մեծ ու գեղեցիկ էլ լինեն, մարդ չի գտնուելու, որ բնակուի նրանց մէջ:
10. Տասը լուծ եզան վարատեղը տալու է մէկ սափոր արդիւնք, տասը արդու սերմանողը երեք գրիւ է հաւաքելու:
11. Վա՛յ նրանց, ովքեր առաւօտեան վեր կենալով՝ ընկնում են օդու յետեւիցեւ օրն անցկացնում դրանով, եւ հէնց գինին նորից բորբոքում է նրանց:
12. Փողով ու թմբուկով, քնարով ու երգով գինին խմում, բայց չեն նայում Տիրոջ գործերին, նրա ձեռքի կատարածներին ուշադրութիւն չեն դարձնում:
13. Իմ ժողովուրդն այսուհետեւ գերութեան է մատնուելու այն պատճառով, որ չի ճանաչում Տիրոջը. հացի սովից եւ ջրի ծարաւից բազմանալու են նրանց դիակները:
14. Դժոխքն էլ ինքն իրեն լայնացրել եւ բացել է իր երախները, որպէսզի դադար չունենայ. փառաւորութիւնները, մեծամեծներն ու հարուստները, չարագործներն ու զուարճամոլները նրա մէջ պիտի իջնեն:
15. Մարդը պիտի ստորացուի, անուանի տղամարդը պիտի անարգուի, ամբարտաւան աչքերը պիտի խոնարհուեն,
16. եւ Զօրութիւնների Տէրն արդարութեամբ պիտի բարձրանայ, սուրբ Աստուածն արդարութեամբ պիտի փառաւորուի:
17. Յափշտակութիւնները պիտի արածեն ինչպէս ցուլեր, եւ մնացածների աւերակների վրայ գառները պիտի ճարակեն:
18. Վա՛յ նրանց, ովքեր կարծես երկար պարանով իրենց մեղքերն են քարշ տալիս եւ ասես երինջների լծափոկով՝ իրենց անօրէնութիւնները:
19. Նրանք ասում են. Այն, ինչ որ կատարելու է, թող շուտ վրայ հասնի, որ տեսնենք. թող ժամանի Իսրայելի սրբի խորհուրդը, որ իմանանք:
20. Վա՛յ նրանց, որոնք չարը բարի կ'անուանեն եւ բարին՝ չար, որոնք լոյսը խաւար կը համարեն եւ խաւարը՝ լոյս, որոնք դառնը քաղցր կը համարեն եւ քաղցրը՝ դառնը:
21. Վա՛յ նրանց, որոնք իրենք իրենց իմաստունի տեղ կը դնեն, իրենք իրենց աչքին խորագետ կ'երեւան:
22. Վա՛յ ձեր այդ հզօրներին, որոնք գինի են ըմպում, եւ ձեր իշխաններին, որոնք խառնուած թունդ օդի են խմում,
23. որոնք կաշառքի համար արդարացնում են ամբարշտին եւ արդարի իրաւունքն են

գողանում:

24. Դրա համար էլ, ինչպես եղեգն է վառւում կրակի կայծերից, այնպես էլ նրանք են այրուելու բորբոքուած բոցից, նրանց արմատը դառնալու է մղեղի նման, նրանց ծաղիկը փոշու պէս վեր է ելնելու, որովհետեւ նրանք մերժեցին Զօրութիւնների Տիրոջ օրէնքը, առաւել եւս անարգեցին Իսրայէլի սրբի խօսքը:

25. Եւ սաստկացաւ Զօրութիւնների Տիրոջ զայրոյթը իր ժողովրդի դէմ. Նա ձեռքը ձգեց նրանց վրայ եւ ոչնչացրեց՝ իր բարկութիւնը տարածելով նաեւ լեռների վրայ, եւ նրանց դիակները, իբրեւ աղբ, թափուած են ճանապարհներին: Բայց այս բոլորով հանդերձ՝ նրա բարկութիւնը չիջաւ. տակաւին նրա ձեռքը մնում է բարձրացած:

26. Այսուհետեւ ազդանշան կը տայ հեռաւոր ազգերին ու նրանց կը բերի երկրի ծայրերից. եւ ահա նրանք առանց յապաղելու արագ կ'ընթանան եւ թեթեւօրէն տեղ կը հասնեն:

27. Ո՛չ քաղց են զգալու եւ ո՛չ էլ յոգնելու, ո՛չ նիհիւելու են եւ ո՛չ էլ ննջելու, ո՛չ իրենց մէջքի գօտիներն են արձակելու, ո՛չ էլ իրենց կօշիկների կապերն են քանդուելու:

28. Նրանց նետերը սուր են, աղեղները՝ լարուած, նրանց երիվարների սմբակները կարծր ապառաժի նման են, մարտակառքերի անիւները՝ մրրիկի պէս:

29. Նրանք յարձակուելու են ինչպէս առիւծներ, վրայ են հասնելու ինչպէս առիւծի կորիւններ. գոչիւն են հանելու, յարձակուելու են եւ գազանաբար կոտորելու. եւ չի լինելու ոչ ոք, որ փրկի նրանց:

30. Այն օրը, ինչպէս ալեծուփ ծովի ձայնը, աղաղակ պիտի բարձրացնեն նրանց վրայ: Դիտի նայեն դէպի վեր՝ երկնքին, եւ դէպի վար՝ երկրին, բայց ահա նրանց տագնապին ի պատասխան լինելու է դաժան խաւար:

1. Այն տարին, երբ մեռաւ Օգիա արքան, տեսայ Տիրոջը, որ նստած էր բարձր ու վերացած աթոռին, իսկ տաճարը լի էր նրա փառքով:
2. Նրա շուրջը սերովբէներ կային, որոնցից իւրաքանչիւրը վեց թել ունէր. երկուսով իրենց երեսներն էին ծածկում, երկուսով՝ իրենց ոտքերը եւ երկուսով էլ թռչում էին:
3. Ձայնակցում էին իրար եւ ասում. Սո՛ւրբ, սո՛ւրբ, սո՛ւրբ է Չօրութիւնների Տէրը, եւ ամբողջ երկիրը լի է նրա փառքով:
4. Կանչողների ծայնից դռան բարաւորը վեր բարձրացաւ, ու տունը լցուեց ծխով:
5. Եւ ես ասում եմ. Վա՛յ ինձ. ես մի տառապած մարդ եմ. ինչո՞ւ եմ ապշած կանգնել մնացել. չէ՞ որ ես մարդ եմ, պիղծ շուրթեր ունեմ եւ պղծաշուրթ ժողովրդի մէջ եմ ապրում, բայց ահա իմ աչքերով տեսայ Չօրութիւնների Տիրոջը:
6. Եւ ահա ինձ ներկայացաւ սերովբէներից մէկը՝ ձեռքին կայծ բռնած, որ ունելիով վերցրել էր զոհասեղանից:
7. Բերեց մօտեցրեց իմ բերանին եւ ասաց. Ահա մօտեցրի քո շուրթերին. դա կը հանի քո անօրէնութիւնները, եւ քո մեղքերը կը սրբի քեզնից:
8. Եւ լսեցի Տիրոջ ծայնը, որն ասում էր. Ո՞ւմ ուղարկեմ, եւ կամ ո՞վ կը գնայ այդ ժողովրդի մօտ: Ու ես ասացի. Ահաւասիկ ես, ի՛նձ ուղարկիր:
9. Նա ասաց. Գնա՛ եւ յայտնի՛ր այդ ժողովրդին. Լսելով պիտի լսեք, բայց չիմանաք, տեսնելով պիտի տեսնեք, բայց չճանաչեք.
10. քանզի այդ ժողովրդի սիրտը կարծրացել է, ծանր են լսում իրենց ականջներով, իրենց աչքերն էլ փակել են, որպէսզի չլինի թէ երբեւէ աչքերով տեսնեն ու ականջներով լսեն, սրտով իմանան ու դարձի գան, եւ ես էլ բժշկեմ նրանց:
11. Եւ ես ասացի. Մինչեւ ե՞րբ, Տէ՛ր: Իսկ նա պատասխանեց. Մինչեւ որ քաղաքներն աւերուեն բնակիչ չլինելու եւ տները՝ մարդ չլինելու պատճառով, եւ այդ երկիրը մնայ ամայի:
12. Դրանից յետոյ Աստուած կը հանդուրժի մարդկանց, եւ կենդանի մնացածները կը բազմանան երկրի վրայ:
13. Սակայն սրանցից էլ մէկ տասներորդը կը պահպանուի. նորից կ'ենթարկուեն գերութեան ու յափշտակութեան, եւ սուրբ սերունդը, ինչպէս իրենց պատեանը թօթափած բեւեկն ու կաղին, նրա հաստատութիւնը կը դառնայ:

1. Այնպես պատահեց, որ Հրեաստանի թագաւոր Օգիայի որդի Յովաթամի որդուն՝ Աքազի օրօք Ասորիքի արքայ Ռասիմը եւ Իսրայէլի արքայ Ռոմելայի որդի Փակէէն յարձակուեցին Երուսաղէմի վրայ, որպէսզի պատերազմեն նրա դէմ, բայց չկարողացան պաշարել այն:
2. Դաւթի տանը լուր հասաւ, թէ Ասորիքը դաշնակցել է Եփրեմի երկրի հետ, ու դողն ընկաւ նրա սիրտը, նրա ժողովրդի սիրտը. կարծես անտառում ծառը շարժուէր հողմից:
3. Տէրն ասաց Եսայուն. Դու քո փրկուած որդուն՝ Յասուբի հետ Կտաւ սպիտակեցնողի ազարակի ճանապարհի վրայ, վերելի ջրաւազանի դիմաց, ընդառաջ ել Աքազին
4. եւ ասա՛ նրան. Չգո՛յշ եղիր եւ հանդարտուի՛ր. մի՛ վախեցիր, եւ թող քո անձը չզարհուրի ծխացող այդ երկու կիսախանձ փայտերից, քանզի երբ վրայ հասնեն իմ բարկութիւնն ու զայրոյթը, ձեզ դարձեալ պիտի ոտքի կանգնեցնեմ: Արամի որդին եւ Ռոմելայի որդին
5. քո դէմ չար խորհուրդ խորհեցին: Եփրեմը եւ Ռոմելայի որդին ոխով ասացին.
6. 'Գնանք Հրեաստանի վրայ, խօսենք նրանց հետ, նրանց մեզ ենթարկենք եւ նրանց վրայ թագաւոր կարգենք Տաբէլի որդուն:
7. Այսպէս է ասում Զօրութիւնների Տէրը. ' Այդ խորհուրդը չի կատարուելու եւ չի լինելու.
8. քանզի Ասորիքի գլուխը Դամասկոսն է, իսկ Դամասկոսի գլուխը՝ Ռասիմը: Ե՛ւս վաթսուհինգ տարի, եւ Եփրեմի թագաւորութիւնն իբրեւ ժողովուրդ պիտի դադարի:
9. Եփրեմի գլուխը Սոմորոնն է, իսկ Սոմորոնի գլուխը՝ Ռոմելայի որդին. եթէ չհաւատաք, չէք էլ հասկանայ:
10. Տէրը նորից շարունակեց խօսել Աքազի հետ՝ ասելով.
11. Խորխորատում լինի թէ բարձունքում՝ քեզ համար նշա՛ն խնդրիր քո Տէր Աստծուց:
12. Իսկ Աքազը պատասխանեց. Չեմ խնդրի եւ Տիրոջը չեմ փորձի:
13. Եւ նա ասաց. Արդ, լսեցէ՛ք դուք, որ Դաւթի տնից էք. ձեզ թեթե՛ւ բան է թուում մարդկանց նեղութիւն պատճառելը, ինչո՞ւ էք ուզում Տիրոջը եւս նեղացնել:
14. Դրա համար էլ Տէրն ինքը ձեզ նշան է տալու: Ահա կոյսը պիտի յղիանայ ու որդի ծնի, եւ նրա անունը պիտի լինի Էմմանուէլ.
15. իւր ու մեղր պիտի ուտի նա. նախքան չարը ճանաչելը կամ այն ցանկանալը նա պիտի ընտրի բարին:
16. Դրա համար մանուկը բարին կամ չարը ճանաչելուց առաջ պիտի անարգի չարը եւ ընտրի բարին, եւ այն երկիրը, որից դու վախենում ես, պիտի քուի երկու թագաւորների պատճառով:
17. Աստուած քեզ վրայ, քո ժողովրդի եւ քո հօր տան վրայ այնպիսի օրեր պիտի բերի, որ չեն եկել այն ժամանակից ի վեր, երբ Եփրեմն անջատուեց Հրեաստանից. -պիտի բերի Ասորեստանի արքային:
18. Այդ օրը Տէրը պիտի շարժի ճանճերին, որոնք Եգիպտոսի գետի միւս կողմն են գտնուում, եւ գոռեխներին, որոնք Ասորեստանի երկրում են:
19. Բոլորը պիտի գան ու նստեն քո երկրի ձորերում, ժայռերի ծերպերում ու քարայրներում, բոլոր փապարներում ու ամեն ծառի վրայ:
20. Այդ օրը Տէրը մեծ եւ արիւնով հարբած սրով՝ գետի այն կողմում եղած Ասորեստանի թագաւորի ձեռքով պիտի սափրի նրանց գլուխն ու ոտքի մազերը, խուզի նրանց մօրուքները:
21. Եւ այդ օրն այնպէս պիտի լինի, որ ամեն մարդ, մի երինջ եւ երկու ոչխար պահելով,
22. կաթի առատութիւնից իւր պիտի ուտի. իւր ու մեղր պիտի ուտի ամեն ոք, ով կենդանի կը մնայ այդ երկրում:
23. Այդ օրն այնպէս պիտի լինի, որ ամեն տեղ, ուր հազար որթատունկ էր աճում՝ հազար սիկլ արծաթի արժէքով, խոպան պիտի դառնայ եւ փշով լցուի:
24. Նետածիգներ եւ աղեղնաւորներ պիտի մտնեն այնտեղ: Ողջ երկիրը խոպան պիտի դառնայ ու փուշ բերի, եւ ամեն սարալանջ, ուր արօրն էր վարում, այլեւս ակօս չի

ունենալու: Երկիւղը չի հասնելու այնտեղ,որովհետեւ այդ խոպան ու փշոտ վայրերը  
պիտի դառնան գառան արօտավայր եւ եզան ոտքի կոխան պիտի լինեն:

1. Տերն ինձ ասաց. Ահա քեզ մի նոր մեծադիր մատեան. նրա մէջ ճարտար մարդու գրչով գրի՛ր՝ արագօրէն աւարառութեան ենթարկել, շուտափոյթ կողոպտ՛ւտ կուտակել, քանզի ժամը հասել է:
2. Ինձ համար վկաներ կը կարգես հաւատարիմ մարդկանց՝ Ուրիա քահանային եւ Բարաքիայի որդի Չաքարիային:
3. Եւ ես մերձեցայ իմ մարգարէուհի կնոջը. նա յղիացաւ ու մի որդի ծնեց: Տերն ինձ ասաց. Նրա անունը դի՛ր Արագ-արագ կողոպտի՛ր եւ շուտ-շուտ աւար ա՛ռ,
4. քանզի մինչ մանուկը կը սովորի հայր կամ մայր ասել, Դամասկոսի հարստութիւնը եւ Սամարիայի աւարը կը բերուեն Ասորեստանի թագաւորի առաջ:
5. Ապա Տերը նորից խօսեց ինձ հետ եւ ասաց.
6. Քանի որ այդ ժողովուրդը արհամարհեց Սելովայի հանդարտահոս ջուրը եւ ուզեց իր համար թագաւոր ընտրել Ռասիմին եւ Ռոմելայի որդուն,
7. դրա համար էլ Տերը ձեզ վրայ պիտի թափի յորդ ու հզօր գետի ջուրը՝ Ասորեստանի արքային ու նրա զօրութիւնը: Նա պիտի գայ հասնի ձեր բոլոր ձորերը եւ շարժուի ձեր պարիսպների վրայով.
8. այն մարդուն, որ ի վիճակի կը լինի բարձրացնել իր գլուխը, եւ այն զօրաւորին, որ ունակ կը լինի որեւէ բան անելու, պիտի վերացնի Հրեաստանի երկրից. նրա բանակը պիտի լցուի ձեր լայնարձակ երկիրը:
9. Գիտցէ՛ք, հեթանոսնե՛ր, Աստուած մեզ հետ է, պիտի պարտուէք. լուրը հասցրէք աշխարհի չորս կողմնե՛րը. դուք, որ հզօրացել էք, պիտի պարտուէք: Թէեւ դուք դարձեալ ուժեղանալու էք, բայց էլի պարտութեան էք մատնուելու:
10. Ինչ խորհուրդ էլ անէք՝ Տերը խափանելու է այն, եւ ինչ էլ ասելու լինէք՝ չի հաստատուելու, քանզի Տեր Աստուած մեզ հետ է:
11. Այսպէս է ասում Տերը նրանց, ովքեր ընդդիմանում են նրա ձեռքի զօրութեանը՝ հետեւելով այս ժողովրդի ճանապարհին.
12. Ասում են, թէ երբեք չար բան չեն խօսում. բայց չէ՞ որ ինչ խօսում է այդ ժողովուրդը՝ չարութիւն է: Մի՛ սարսափէք այն բանից, ինչից նրանք են վախենում, եւ մի՛ անհանգստացէք:
13. Իրեն՝ Չօրութիւնների Տիրո՛ջը սրբացրէք, թող ձեր վախը Նա՛ լինի: Եթէ յոյսդ նրա վրայ դնես,
14. նա քեզ համար սրբութիւն կը լինի, եւ քո ոտքը քարի չի դիպչի, դու չես սայթաքի: Բայց Յակոբի տունը որոգայթի եւ Երուսաղէմի դարանակալ ծործորների մէջ է:
15. Դրա համար էլ այնտեղ շատերը պիտի ուժասպառ լինեն, ընկնեն ու խորտակուեն. մարդիկ, որոնք ապահովութեան մէջ էին, պիտի ենթարկուեն պաշարման:
16. Այն ժամանակ պիտի յայտնուեն նրանք, ովքեր փակի տակ են դնելու օրէնքները,
17. որպէսզի որեւէ մէկը չկարողանայ սովորել եւ ասել. Կը մնամ ու կը սպասեմ Աստծուն, որն իր երեսը դարձրեց Յակոբի տնից, յոյս կը դնեմ նրա վրայ:
18. Ահաւասիկ ես եւ իմ զաւակները, որ Աստուած ինձ պարգեւեց. եւ Իսրայէլի տան վրայ թող նշաններ ու հրաշքներ լինեն Չօրութիւնների Տիրոջից, որ բնակւում է Սիոն լեռան վրայ:
19. Եւ եթէ ձեզ ասեն, թէ՛ Հարցրէ՛ք վիուկներին ու մեռելահարցուկներին, նանրախօսներին ու որովայնախօսներին, այն ժամանակ ասացէ՛ք. Մի՞թէ որեւէ ժողովուրդ իր Աստծուն չպիտի դիմի, ողջերի համար մեռածների՞ն պիտի հարցնեն:
20. Չէ՞ որ օրէնքը տուեց՝ օգնութեան համար, որպէսզի ասեն, թէ սրանք այն խօսքերը չեն, որոնց համար պետք է կաշառք տալ:
21. Սոսկալի սովը պիտի սպառնայ ձեզ, եւ երբ քաղցած լինէք, պիտի վշտանաք, հայիոյանք թափէք իշխանի ու աշխարհի հասցէին:
22. Ձեր հայեացքը պիտի ուղղէք դէպի վեր՝ երկնքին, պիտի նայէք դէպի վար՝ երկրին, եւ կարիքը, տառապանքն ու խաւարը, նեղութիւնը, անձկութիւնն ու մթութիւնը պիտի



դիմաւորեն ձեզ: Ոչ ոք չպիտի կարողանայ տեսնել: Եւ նա, ով նեղութեան մէջ լինի,չի տկարանալու, մինչեւ որ գայ ժամանակը:

1. Նախ դուք ա՛յդ նեղութիւնները տարեք եւ շո՛ւտ թօթափեցեք, Չաբուղոնի՛ երկիր, երկի՛ր Նեփթաղիմի, ճանապա՛րհ ծովի, նաեւ միւսներդ, որ բնակւում էք ծովեզերքին եւ Յորդանան գետի այն կողմում, հեթանոսների՛ Գալիլիա եւ Հրեաստանի՛ կողմեր:
2. Այն ժողովուրդը, որն ընթանում էր խաւարի միջով, տեսաւ մեծ լոյս. ձեզ համար էլ, որ բնակւում էք աշխարհում եւ մահուան ստուերների մէջ, լոյս պիտի ծագի:
3. Ժողովրդի մեծ մասը, որին մասնակից դարձրիր քո ուրախութեանը, ուրախանալու է քո առաջ, ինչպէս հնձի ժամանակ են ուրախանում եւ կամ աւարը բաժանելիս,
4. որովհետեւ վերացաւ այն մեծ լուծը, որ նրանց վրայ էր դրուած, եւ գաւազանը, որ նրանց պարանոցին էր: Ինչպէս Մադիամի օրերին, նա մերժեց հարկապահանջների գաւազանը:
5. Ամէն մի պատմութեանի եւ հանդերձի համար, որ նենգութեամբ էին հաւաքել, տուգանքով պիտի հատուցեն, նոյնիսկ եթէ դրանք այրուած լինէին, նրանք պիտի յօժարէին հատուցել,
6. քանզի մեզ համար մանուկ ծնուեց, մի որդի տրուեց մեզ, որի իշխանութիւնն իր ուսերի վրայ պիտի լինի. նա պիտի կոչուի Մեծ խորհրդի հրեշտակ, Սքանչելի խորհրդակից, Աստուած հզօր, Իշխան, Հայր հանդերձեալ աշխարհի:
7. Ես խաղաղութիւն կը բերեմ նրա իշխաններին, իսկ իրեն՝ առողջութիւն: Մեծ է նրա իշխանութիւնը, եւ նրա խաղաղութիւնը սահման չունի: Նա պիտի նստի Դաւթի աթոռին, առաջ պիտի տանի նրա թագաւորութիւնը, իրաւունքով ու արդարութեամբ պիտի զօրացնի այն այսուհետեւ եւ յաւիտեանս յաւիտենից: Չօրութիւնների Տիրոջ նախանձախնդրութեամբ պիտի կատարուի դա:
8. Տէրը Յակոբի տան վրայ մահ արձակեց, բայց այն եկաւ հասաւ Իսրայէլի վրայ:
9. Թող Եփրեմի ողջ ժողովուրդը եւ Սամարիայում ապրողներն իմանան, որ հպարտութեամբ եւ ամբարտաւան սրտով խօսեցին՝ ասելով.
10. Աղիւսները թափուեցին, բայց եկեք քար տաշենք, մայրիներ ու եղեւնու ծառեր կտրենք եւ մեզ համար աշտարակ կառուցենք:
11. Աստուած պիտի կործանի Սիոնի լերան վրայ բարձրացածներին եւ ցիրուցան պիտի անի Յուդայի երկրի թշնամիներին,
12. արեւելքից՝ ասորեստանցիներին եւ արեւմուտքից՝ յոյներին, որոնք լիաբերան կերան Իսրայէլին: Այնուամենայնիւ, նրա բարկութիւնը տեղի չտուեց, տակաւին նրա ձեռքը բարձրացած է:
13. Ժողովուրդն էլ դարձի չեկաւ, մինչեւ չենթարկուեց հարուածի: Չօրութիւնների Տիրոջը փնտռող չեղաւ:
14. Եւ Տէրը մէկ օրում վերացրեց Իսրայէլի գլուխն ու պոչը, մեծին ու փոքրին:
15. Ծերն ու ականաւորը գլուխն են, իսկ մարգարէն, որ անօրէնութիւն էր ուսուցանում, պոչն է:
16. Եւ պիտի այնպէս լինի, որ երանի պիտի տան այս ժողովրդին, բայց մոլորեալները պիտի մոլորեցնեն նրան, որպէսզի կուլ տան:
17. Դրա համար էլ Տէրը բարեհաճ չի լինելու նրանց երիտասարդների հանդէպ, նրանց որբերին ու այրիներին չի գթալու, որովհետեւ նրանք ամենքն էլ անօրէն են ու չար, ամեն բերան անարդարութիւն է խօսում: Այս ամենի հետեւանքով Տիրոջ զայրոյթը չի իջել, տակաւին նրա ձեռքը մնում է բարձրացած:
18. Անօրէնութիւնը պիտի վառուի ինչպէս կրակ, չորացած սիզախոտի պէս պիտի այրուի կրակից, պիտի վառուի մայրիների անտառում, որոնց շուրջը, բոլոր բլուրների վրայ, հուրը պիտի ճարակի նրանց:
19. Տիրոջ զայրոյթի ու բարկութեան հետեւանքով համայն երկիրը կրակի պիտի մատնուի, եւ ժողովուրդն էլ հրով կիզուածի պէս պիտի լինի: Մարդ իր եղբօրը չի խղճալու,
20. քաղցից նա պիտի շրջուի դէպի աջ, պիտի շրջուի դէպի ձախ, պիտի ուտի, բայց

չագենայ՝ մինչեւ իսկ իր բազուկների միսն ուտելով:

21. Մանասէն Եփրեմին պիտի ուտի, եւ Եփրեմը՝ Մանասէին, ապա միասին պիտի պաշարեն Յուդայի երկիրը: Այս ամենի հետեւանքով Տիրոջ զայրոյթը չի իջել, տակաւին նրա ձեռքը մնում է բարձրացած:

1. Վա՛յ նրանց, ովքեր չար գործեր են արձանագրում, անընդհատ գրի են առնում իրենց չարութիւնը,
2. խեղաթիւրում են աղքատների դատն ու դատաստանը, խլում իմ ժողովրդի տնանկների իրաւունքը, որպէսզի որբեւայրին յափշտակութեան ենթարկուի, որբը՝ աւարի:
3. Բայց նրանք ի՞նչ պիտի անեն դատաստանի օրը: Ձեր նեղութիւնը հեռուներից պիտի գայ. ո՞ւմ մօտ պիտի փախչէք օգնութեան համար, ո՞ւր պիտի թողնէք ձեր հարստութիւնը:
4. Գերութեան չմատուելու համար նրանք սպանուածների տակ պիտի թաքնուեն: Այս ամենի հետեւանքով Տիրոջ զայրոյթը չի իջել, տակաւին նրա ձեռքը մնում է բարձրացած:
5. Վա՛յ ասորեստանցիներին, որոնց ձեռքին է իմ բարկութեան ու զայրոյթի գաւազանը.
6. քանզի իմ բարկութիւնն անօրէն ազգի վրայ պիտի արձակեմ, պիտի կարգադրեմ, որ իմ ժողովրդին ենթարկեն աւարի ու յափշտակութեան, ոտքի կոխան անեն նրանց քաղաքները եւ թաղեն նրանց փոշու տակ:
7. Իսկ Ասորեստանի իշխանն այդպէս չմտածեց, ինքն իր մտքում այդպէս չխորհեց, այլ մտադրուեց բնաջնջել ոչ քիչ ազգերի:
8. Եւ եթէ նրան ասեն, թէ՛ Միայն դո՞ւ ես լինելու իշխան,
9. կը պատասխանի. Մի՞թէ ես չնուաճեցի այն աշխարհը, որ բարձր է Բաբելոնից, եւ Քաղանէն, ուր աշտարակը կառուցուեց: Ես գրաւեցի Նաեւ Արաբիան, Դամասկոսն ու Սամարիան:
10. Ինչպէս որ դրանք իմ ձեռքով գրաւեցի, այնպէս էլ պիտի նուաճեմ բոլոր իշխանութիւնները: Ողբացէ՛ք, ո՛վ կուռքեր, որ Երուսաղէմում եւ Սամարիայում էք,
11. քանզի ինչպէս որ վարուեցի Սամարիայի եւ նրա ձեռակերտների հետ, նոյն կերպ էլ վարուելու եմ Երուսաղէմի եւ նրա կուռքերի հետ:
12. Այնպէս պիտի լինի, որ, երբ Տէրը վերջացնի ամեն ինչ, որ կատարելու է Սիոնի բարձունքի վրայ եւ Երուսաղէմում, իր բարկութիւնը պիտի թափի Նաեւ մեծամտացողի վրայ, Ասորեստանի իշխանի եւ գոռոզութեամբ փայլող նրա աչքերի վրայ:
13. Արդարեւ, Նա ասաց. Իմ զօրութեամբ կը կատարեմ եւ իմ իմաստութեամբ ու խելքով կը վերացնեմ ազգերի սահմանները, կը յափշտակեմ նրանց հարստութիւնները, կը ցնցեմ շէն քաղաքները,
14. իմ բազկով կը յարձակուեմ բոլոր երկրների վրայ՝ ինչպէս հաւաքնի վրայ, եւ բոլորին կը վերցնեմ ինչպէս մնացած ձուեր. ոչ ոք իմ ձեռքից չի փրկուի, ոչ ոք ինձ չի ընդդիմանայ, բերանը չի բացի եւ ծպտուն չի հանի:
15. Այսպէս ասաց Տէրը. Միթէ կացինը կը բարձրանա՞յ առանց փայտահատի, կամ սղոցը վերեւ կ'ելնի՞ առանց որ մէկը ձգի այն. այնպէս էլ՝ գաւազանը կամ ցուպը, եթէ մէկը չբռնի այն: Այդպէս չի կարող լինել:
16. Զօրութիւնների Տէրը քո պատուի վրայ անարգանք է ուղարկելու, եւ քո փառքի վրայ բոցավառ հուրն է բորբոքուելու:
17. Լոյսն Իսրայէլի կրակ պիտի դառնայ եւ նրան սրբի բորբոքուն հրով, խոտի պէս պիտի լափի անտառը:
18. Այն օրը լեռները, բլուրներն ու անտառները պիտի մոխրանան, կրակը հոգի ու մարմին պիտի լափի, եւ փրկուողը նման պիտի լինի բորբոքուած բոցից ազատուածի:
19. Կենդանի մնացածները թուով այնքան պիտի լինեն, որ մանուկ երեխան էլ կարողանայ հաշուել նրանց:
20. Այն օրը Իսրայէլից մնացածները եւ Յակոբի տնից փրկուածներն այլեւս մեղքի մէջ չեն ընկնելու եւ ոչ էլ ապաւինելու են իրենց զրկողներին, այլ արդար սրտով ապաւինելու են Աստծուն՝ Իսրայէլի Սրբին:
21. Յակոբի տնից մնացածները պիտի շուռ գան դէպի զօրաւոր Աստուածը:

22. Եւ եթէ Իսրայէլի ժողովուրդը ծովի աւազի չափ էլ լինի, Նրանից սակաւաթիւ մարդիկ են միայն մնալու: Դա կատարուելու է կարճ ու կտրուկ եւ արդարութեամբ,
23. այդ բանը Չօրութիւնների Տէրը վճռականօրէն է կատարելու համայն աշխարհում:
24. Դրա համար էլ այսպէս է ասում Աստուած՝ Չօրութիւնների Տէրը. Ո՛վ իմ ժողովուրդ, որ բնակւում ես Սիոնում, մի՛ վախեցիր ասորեստանցիներից, երբ Նրանք քեզ հարուածեն գաւազանով, քանզի այդ հարուածները ես եմ բերում քեզ վրայ, որպէսզի ճանաչես Եգիպտացիների ճանապարհը:
25. Բայց փոքր-ինչ անց իմ բարկութիւնը պիտի իջնի, եւ իմ գայրոյթը պիտի ուղղուի Նրանց դիտաւորութիւնների դէմ:
26. Տէր Աստուած հարուածներ պիտի յարուցի Նրանց դէմ, նման այն հարուածներին, որոնք հասան Մադիամին՝ չարչարանքների տեղում. Նրա գայրոյթը պիտի երեւայ, ինչպէս Եգիպտոսից դուրս գալու ժամանակ՝ ծովն անցնելիս:
27. Այն օրը Նրա երկիւղը պիտի վերանայ քո վրայից, Նրա լուծը՝ քո պարանոցից. եւ ձեր ուսերից պիտի խորտակուի Նրա լուծը:
28. Նա պիտի գայ հասնի Անգէ քաղաքը, անցնի Մակեդոնով եւ իր բեռը վայր դնի Մաքմասում:
29. Պիտի անցնի ձորերով, յարձակուի գաբաւոնացիների վրայ, ահաբեկի Ռաման՝ Սաւուդի քաղաքը. Գալիմի դուստրը պիտի փախչի:
30. Խրխի՛նջ բարձրացրու քո ձայնով. թող լուրը հասնի Լաիս, թող լուրը հասնի Անաթոթ.
31. թող զարհուրի Մադեբէնան, Նաեւ Նրանք, որ բնակւում են Գեբիմում:
32. Նա պիտի մխիթարուի այսօր՝ գիշերելով ճանապարհին, ձեռքով պիտի մխիթարի Սիոնի դուստր լեռանը եւ այն բլուրներին, որոնք Երուսաղէմում են:
33. Ահաւասիկ Չօրութիւնների Տէրը՝ Աստուած, իր ուժով ահուսարսափի պիտի մատնի փառաւորութեան, եւ ամբարտաւանութեամբ բարձրացածները պիտի խորտակուեն ու խոնարհուեն.
34. բարձրադիր սրով պիտի ընկնեն, եւ Լիբանանն իր բարձունքներով պիտի կործանուի:

1. Յեսսէի արմատից գաւազան պիտի ընծիւղուի, ծաղիկ պիտի բուսնի այդ արմատից:
2. Նրա վրայ պիտի իջնի Աստծու հոգին, իմաստութեան եւ հանճարի հոգին, խորհրդի ու զօրութեան հոգին, գիտութեան եւ աստուածաշտութեան հոգին:
3. Աստծու երկիւղի հոգին պիտի լցնի այն: Ո՛չ ըստ կարծիքի պիտի դատի նա եւ ո՛չ էլ ըստ խօսքերի յանդիմանի:
4. Նա տնանկի իրաւունքը պիտի պաշտպանի եւ արդարութեամբ պիտի դատի երկրի տառապեալներին. իր բերանի խօսքով հարուածի երկրին եւ իր շուրթերի շնչով ոչնչացնի ամբարիշտներին:
5. Արդարութեամբ պիտի գօտեւորի իր մէջքը եւ ճշմարտութեամբ կապի իր կողերը:
6. Գայլն ու գառը միասին պիտի ուտեն, ընձառիւծը ուլի հետ պիտի մակաղի, հորթը, ցուլն ու առիւծը միասին պիտի սնուեն, եւ մատաղատի մանուկը պիտի հովուի նրանց:
7. Եզն ու արջը միասին պիտի ուտեն, նրանց ձագերը խառը պիտի շրջեն, եւ առիւծը, ինչպէս եզը, յարդ պիտի ուտի:
8. Մատաղատի մանուկն իր ձեռքը պիտի մտցնի իժերի բունը եւ իժերի ձագերի բունը,
9. ու նրանք ոչ ոքի չպիտի կարողանան վնասել եւ խայթել իմ սուրբ լերան վրայ, քանզի ամբողջ երկիրը լցուելու է Տիրոջ գիտութեամբ, նման առատ ջրերին, որոնք ծածկում են ծովերը:
10. Այն օրը հեթանոսներն իրենց յոյսը դնելու են Յեսսէի արմատի վրայ, որն իշխան է կանգնելու հեթանոսներին, եւ նրա հանգիստը փառահեղ է լինելու:
11. Այն օրը Տէրը նորից պիտի ցոյց տայ իր ձեռքը՝ նախանձելի դարձնելու համար իր ժողովրդի մնացորդներին, որոնք պահպանուած են լինելու Ասորեստանում եւ Եգիպտոսում, Բաբելոնում եւ Եթովպիայում, Էլամում եւ Արեւելքում, Արաբիայում եւ ծովի կղզիներում:
12. Հեթանոսներին դրօշ պիտի պարզի եւ հաւաքի Իսրայէլի կորուսեալներին, Յուդայի տնից ցրուածներին պիտի հաւաքի աշխարհի չորս անկիւններից:
13. Եփրեմի նախանձը պիտի վերանայ, եւ Յուդայի թշնամիները կորստեան պիտի մատնուեն. Եփրեմը չպիտի նախանձի Յուդային, եւ Յուդան էլ չպիտի նախանձի Եփրեմին:
14. Այլազգիների նաւերը պիտի չուեն, միանգամից աւարի պիտի ենթարկեն ծովակողմը, թէ՛ արեւելիցիներին եւ թէ՛ եղոմայեցիներին. իրենց ձեռքը պիտի բարձրացնեն նախ Մովաբի վրայ, եւ ամենից առաջ ամոնացիներին եւ հնազանդուելու:
15. Տէրը պիտի ցամաքեցնի Եգիպտոսի ծովը, իր շնչի սաստկութեամբ իր ձեռքը պիտի երկարի գետի վրայ ու հարուածի եօթը գետաբերաններին, որպէսզի կօշկով համարձակ կարողանան անցնել այնտեղով:
16. Մի անցուղի պիտի լինի Եգիպտոսում պահպանուած իմ ժողովրդի համար, եւ Իսրայէլը պիտի լինի այնպէս, ինչպէս այն օրը, երբ Էլաւ Եգիպտացիների երկրից:

1. Այն օրը պիտի ասես. Օրհներգում եմ քեզ, Տէ՛ր, որ բարկացար ինձ վրայ, բայց քո զայրոյթը հեռացրիր ինձնից եւ ողորմեցիր ինձ:
2. Ահա Աստուածն իմ եւ փրկիչ Տէրն իմ. ես յոյսս դրեցի նրա վրայ եւ երկիւղ չեմ կրելու, քանզի Տէրն իմ փառքն է ու իմ օրհնութիւնը, եւ փրկութիւն եղաւ ինձ համար:
3. Ուրախութեան ջո՛ւր առէք փրկութեան աղբիւրներից:
4. Եւ այն օրը պիտի ասես. Օրհներգեցէ՛ք Տիրոջը, հնչեցրէ՛ք նրա անունը, նրա փառքը տարածեցէ՛ք հեթանոսների մէջ, յիշեցէ՛ք, որ բարձր է նրա անունը:
5. Օրհնեցէ՛ք Տիրոջ անունը, քանզի նա մեծամեծ գործեր կատարեց, պատմեցէ՛ք այդ մասին արար աշխարհում:
6. Տնծացէ՛ք եւ ուրա՛խ եղէք, Սիոնի՛ բնակիչներ, քանզի Իսրայէլի սուրբը վեր բարձրացաւ նրա մէջ:

1. Ամուսի որդի Եսայու տեսիլքը բաբելացիների մասին
2. Լերան բարձունքին, սարահարթի վրայ դո՛շ կանգնեցրեք, ձեր ձայնը բարձրացրե՛ք նրանց վրայ, մի՛ վախեցեք, ձեռքով նշա՛ն արեք, դո՛ւրս եկեք, իշխաննե՛ր, որ ես հրաման տամ:
3. Իմ նուիրեալներն են նրանք, որոնց ես եմ բերել. ելել գալիս են հսկաները, որպեսզի գոհացում տան իմ բարկութեանը. միահամուռ գալիս են խինդով ու նախատինք թափում:
4. Լեռների վրայ բազում ցեղերի ձայնն է հնչում, կարծես անհամար ժողովուրդներ լինեն. միահամուռ հաւաքուած թագաւորների ու ցեղերի ձայնն է հնչում: Զօրութիւնների Տէրը հրաման է արձակել սպառազէն ազգերին,
5. որ գան հեռու երկրներից. երկնային հաստատութեան ծայրերից հասել է Տէրն իր սպառազէններով՝ բնաջնջելու ամբողջ աշխարհը:
6. Ողբացե՛ք, քանզի մօտ է Տիրոջ օրը, եւ հասել է Աստծու պատուհասը:
7. Ահա թէ ինչու բոլորի ձեռքերը պիտի թուլանան, ամեն մարդու սիրտը պիտի դողայ:
8. Պատգամախօսները տագնապի մէջ պիտի ընկնեն, երկունքի ցաւը պիտի բռնի նրանց, ինչպէս ծննդաբերող կանանց: Տրտնջալով մէկը միւսին պիտի նայի, պիտի զայրանան, եւ զայրոյթից պիտի կարմրեն իրենց դէմքերը,
9. քանզի Տիրոջ օրն ահաւասիկ հասել է՝ի անսահման բարկութեամբ, ռիսակալութեամբ ու զայրոյթով, որպէսզի աշխարհն անապատ դարձնի եւ մեղաւորներին վերացնի այնտեղից:
10. Արդարեւ, երկնքի աստղերը, Հայկի համաստեղութեան եւ երկնային բոլոր լուսատուների հետ միասին, լոյս չեն տալու, արեգակն իր ծագման պահին պիտի խաւարի, լուսինը նոյնպէս իր լոյսը չպիտի տայ:
11. Չարիքի համար, ամբարիշտների մեղքերի համար վճիռ պիտի արձակեմ համայն աշխարհին, պիտի կործանեմ անիրաւների հպարտութիւնը, ամբարտաւանների մեծամտութիւնը պիտի խոնարհեցնեմ:
12. Իսկ մնացածներն աւելի յարգի պիտի լինեն, քան մաքուր ոսկին, մարդն աւելի յարգանքի պիտի արժանանայ, քան սոփերական թանկագին քարերը:
13. Այն օրը, երբ Զօրութիւնների Տիրոջ բարկութիւնը վրայ հասնի, նրա զայրոյթից ու ցասումից երկինքը պիտի մոլեգնի, եւ երկիրն իր հիմքերից պիտի սասանուի:
14. Կենդանի մնացածները պիտի լինեն ինչպէս սարսափից փախած այծեամ եւ մոլորեալ ոչխար, նրանց հաւաքող չի լինելու, ամեն մարդ իր ժողովրդի մօտ պիտի վերադառնայ, իւրաքանչիւր մարդ իր երկիրը պիտի փախչի:
15. Ով որ բռնուի, պարտութեան պիտի մատնուի, իսկ մի տեղ հաւաքուածները սրով պիտի ընկնեն:
16. Նրանց որդիներին նրանց աչքերի առաջ պիտի սպանեն, նրանց տները պիտի կողոպտեն, իսկ նրանց կանանց պիտի խայտառակեն:
17. Ահա նրանց վրայ պիտի հանեմ մարերին, որոնք արհամարհում են արծաթն ու ոսկին:
18. Նրանք երիտասարդների աղեղները պիտի ջարդեն, ձեր որդիներին չեն գթալու, նրանց աչքը չի խնայելու ձեր մանուկներին:
19. Եւ Բաբելոնը, որ քաղղեացի թագաւորից փառապանծ է կոչւում, պիտի դառնայ այնպէս, ինչպէս Սոդոմն ու Գոմորը, որոնց Աստուած կործանեց:
20. Այնտեղ յաւիտեանս յաւիտենից բնակուող չպիտի լինի, բազմաթիւ ցեղեր այլեւս այնտեղ մուտք չպիտի գործեն, արաբացիներն այլեւս այնտեղով չպիտի անցնեն, հովիւներն այնտեղ այլեւս հանգիստ չպիտի առնեն:
21. Այնտեղ կայան են գտնելու վայրի գազանները, նրանց տները լցուելու են աղաղակով, այնտեղ բուն են դնելու համբարուները, դեւերն են կաքաւելու այնտեղ, յուշկապարիկներն են բնակուելու նրա մէջ, ոգիներն են ձագ հանելու նրա



ապարանքներում:

1. Պիտի գայ ժամանակը, շտապ հասնի, չի յապաղելու, օրերը երկար սպասել չեն տալու: Տերը գթալու է Յակոբին, Իսրայելին դարձեալ իր ընտրեալն է դարձնելու: Նրանք հանգիստ են գտնելու իրենց երկրում, եւ պանդուխտներն աւելանալու են Յակոբի տանը:
2. Նրանց ընդունելու են հեթանոսները եւ բերելու են իրենց տեղերը, որ ժառանգեն եւ բազմանան Աստծու երկրում ծառաներով ու աղախիկներով: Նրանց գերեվարողները գերիներ են դառնալու, նրանց տիրողները նրանց ծառայութեան տակ են ընկնելու:
3. Այն օրը Տերը հանգստացնելու է քեզ քո ցաւերից ու նեղութիւններից եւ այն դաժան ծառայութիւնից, որ նրանց համար կատարեցիր:
4. Ու այս ողբը պիտի յօրինես Բաբելոնի թագաւորի վրայ եւ ասես այն օրը. Ինչպե՛ս այլեւս չկայ հարկապահանջը, ինչպե՛ս լռեց կողոպտիչը:
5. Տերը խորտակեց մեղաւորների լուծը, իշխանների լուծը,
6. զայրոյթով, սոսկալի հարուածներով ու անողոք բարկութեամբ ոչնչացրեց նրանց ցեղերին:
7. Ողջ երկիրը յոյսով խաղաղուեց եւ կանչում է ցնծութեամբ:
8. Անգամ Լիբանանի ծառերը ցնծում են քեզ համար, Լիբանանի մայրիկներն ասում են. Այն օրից, երբ դու ընկար, անտառահատները մեզ չեն դիպել:
9. Այդ բանը երբ պատահեց քեզ հետ, դժոխքն ալեկոծուեց ներքեւում, միանգամից ոտքի կանգնեցին բոլոր հսկաները, որոնք երկրի իշխաններն էին եղել, եւ բոլոր ազգերի թագաւորներին վերացրին իրենց գահերից:
10. Ամենքը դիմեցին քեզ՝ ասելով. Դու էլ մեզ նման բռնուեցիր եւ դարձար մեզ պէս:
11. Քո փառքը, քո մեծ ուրախութիւնը դժոխք իջան. ցեցը պիտի տարածուի քո տակ, իսկ վրադ որդը պիտի պատի:
12. Արդ, ինչպե՛ս երկնքից ընկաւ արուսեակը, որ ծագում էր առաւօտեան. նա, որ ուղարկւում էր բոլոր ազգերին, ընկաւ գետին ու խորտակուեց:
13. Մտքիդ մէջ ասում էիր. Երկինք կը բարձրանամ, իմ գահը կը դնեմ երկնային աստղերից աւելի վեր. կը նստեմ բարձր լեռան վրայ, հիւսիսի բարձր լեռների վրայ:
14. Կը բարձրանամ ամպերից էլ վեր, կը նմանուեմ Բարձրեալին:
15. Բայց ահաւասիկ դժոխք ես իջնելու եւ երկրի խորքերը:
16. Ու վքեր տեսնեն քեզ, պիտի զարմանան քեզ վրայ եւ ասեն. Սա այն մարդն է, որ ահաբեկում էր երկիրը, ցնցում թագաւորներին,
17. աւերակ էր դարձնում աշխարհներ, քանդում նրանց քաղաքները, գերիներին չէր թողնում վերադառնալ:
18. Բոլոր ազգերի թագաւորները պատուով ննջեցին՝ ամէն մէկն իր տանը,
19. իսկ դու պիտի ընկնես լեռան վրայ՝ իբրեւ մեռել գարշելի՝ սրակոտոր բազում դիակների մէջ, որոնք դժոխք են իջնելու: Ինչպէս արնաթաթախ անմաքուր ձորձը, այնպէս էլ դու չպիտի մաքրուես,
20. որովհետեւ ապականեցիր իմ երկիրը եւ կոտորեցիր իմ ժողովրդին. յաւիտեանս յաւիտենից դու չպիտի յիշուես:
21. Չա՛ր զաւակ, պատրաստի՛ր քո որդիներին՝ իրենց հայրերի մեղքերի պատճառով սպանուելու համար, որպէսզի ոտքի չելնեն նրանք, չնուաճեն երկիրը եւ այն չլցնեն պատերազմներով:
22. Պիտի ելնեմ նրանց դէմ, -ասում է Չօրութիւնների Տերը,-պիտի կորցնեմ նրանց անունը, նրանց զարմն ու զաւակը: Այսպէս է ասում Չօրութիւնների Տերը. Բաբելոնն աւերակ պիտի դարձնեմ,
23. որ այնտեղ ոգնիները բնակուեն, եւ նա ոչնչութեան վերածուի. այն պիտի դարձնեմ տիղմի ու կորստեան խորխորատ:
24. Այսպէս է ասում Չօրութիւնների Տերը. Ինչպէս ասացի, այնպէս պիտի լինի,
25. եւ ինչպէս մտածել եմ, այնպէս էլ պիտի կատարուի. ասորեստանցիներին իմ երկրի

- մէջ եւ իմ լեռների վրայ պիտի կոտորեմ, թող նրանք ոտքի տակ գնան, եւ նրանց լուծն ընկնի ձեր վրայից, նրանց բռնութիւնը վերանայ ձեր պարանոցից:
26. Այս է այն խորհուրդը, որ խորհեց Տէրը համայն աշխարհի մասին, եւ այս ձեռքն է, որ բարձրացել է հանուր ազգերի վրայ:
27. Արդարեւ, այն, ինչ սուրբ Աստուած խորհեց, ո՞վ կարող է խափանել, եւ ո՞վ կարող է նրա բարձրացած ձեռքը կասեցնել:
28. Այլազգիներին ուղղուած այս պատգամը եղաւ այն տարում, երբ մեռաւ Աքազ արքան.
29. Մի՛ ուրախացէք, ո՛վ դուք, բոլո՛ր այլազգիներ, թէ ձեզ հարուածողների լուծը խորտակուեց, որովհետեւ օձի գարմից դուրս են գալիս իժի ծնունդներ, իսկ սրանց ծնունդներից էլ՝ թեւաւոր օձեր:
30. Աղքատները պիտի կերակրուեն Տիրոջ շնորհիւ, տկար մարդիկ պիտի ապրեն խաղաղութեան մէջ, իսկ քո գաւակին Նա քաղցով պիտի սպանի, քո մնացորդներին էլ պիտի կոտորի:
31. Ողբացէ՛ք, քաղաքների՛ դարպասներ, ծա՛յն բարձրացրէք, տագնապա՛ծ քաղաքներ եւ բոլո՛ր այլազգիներ, ծուխ ելաւ հիւսիսից, եւ այլեւս ոչ ոք չի լինի:
32. Իսկ ի՞նչ պատասխան են տալու ազգերի թագաւորները, քանզի Տէրը հաստատեց Սիոնի հիմքերը, եւ նրա շնորհիւ պիտի փրկուեն ժողովրդի թշուառները:

1. Պատգամ մովաբացիների մասին
2. Գիշերով պիտի կոտորուի մովաբացին, գիշերով պիտի կործանուի Մովաբի պարիսպը: Սգացէ՛ք ձեզ, որովհետեւ կործանուելու է Գեղեթունը՝ ձեր մեհեանի տեղը: Այնտեղ պիտի բարձրանաք՝ մովաբացիների Նաբաւի վրայ լաց լինելու: Ողբացէ՛ք, քանզի ամեն գլուխ ճաղատ է դարձել, բոլոր բազուկները՝ խորտակուել:
3. Նրա հրապարակներում քո՛ւրձ հագէք, նրա տանիքների վրայ լաց ու կո՛ծ արեք եւ նրա փողոցներում ամենքդ ողբացէ՛ք ու լացէ՛ք:
4. Եսերոնն ու Ելէիլան գոյժ բարձրացրին, նրանց ձայները մինչեւ Յասսա հասան, ահա թէ ինչու մովաբացու ձայնը հնչում է երկար,եւ նա ճանաչում է իրեն:
5. Մովաբացու սիրտն իր մէջ գոչում է մինչեւ Սեգոր, որովհետեւ նա երեք տարեկան երինջ է: Լուիթի գառիվերով նրանք լաց լինելով պիտի բարձրանան քեզ մօտ, Արոնիիմի ճանապարհին կոտորածի վայնասուն եւ իրարանցում պիտի ընկնի:
6. Նեմերիմի ջուրը պիտի պակասի ու ցամաքի, նրա խոտը պիտի չորանայ, եւ այնտեղ դալար բոյս չպիտի ճարուի. մի՞թէ այդպէս հնարաւոր կը լինի ապրել:
7. Նրա ծորերի վրայ պիտի բերեմ արաբացիներին, որ գրաւեն,
8. քանզի մովաբացու սահմանների բողոքը միացաւ գալիմացու բողոքին, նրա ողբը, նրա հեծեծանքը հասաւ մինչեւ Ելիմի ջրհորը:
9. Եւ Ռեմոնի ջուրը պիտի լցուի արեամբ, քանզի Ռեմոնի վրա՛յ պիտի բերեմ արաբացիներին, սողունների պէս պիտի ուղարկեմ երկրի վրայ ու վերացնեմ Մովաբի զաւակին, Արիելին եւ Ադեմի մնացորդներին:

1. Մի՞թե Սիոնի դստեր լեռը ակերակ ապառաժ է լինելու:
2. Մովաբացիների դո՛ւստր, դու պիտի լինես ինչպես թռած թռչնի անտեր մնացած ձագը:
3. Սակայն դու էլ, Առնո՛ն, փոքր-ինչ երկա՛ր մտածիր՝ նրանց համար սգոյ տներ կառուցելու, որոնք, կարծես խաւարի մէջ, միջօրէի ժամին հանապազ փախչում են:
4. Նրանք զարհուրած են, բայց դու չես առաջնորդում. Մովաբի փախստականները քեզ մօտ են պանդխտելու, հալածողից քեզ մօտ են ապաւինելու, քանզի ընկաւ քո մարտակից ընկերը, կորաւ իշխանը, որ ոտքի տակ էր տալիս երկիրը:
5. Ողորմածութեամբ պիտի հաստատուի աթոռը, ու նրա վրայ, Դաւթի խորանի մէջ, ճշմարտութեամբ պիտի բազմի նա, ով դատելիս իրաւունքին հետամուտ պիտի լինի, պիտի ջանայ արդարութիւն անել:
6. Լսեցինք Մովաբի ամբարտաւանութեան մասին, քանզի նա խիստ հպարտացել էր, գոռոգացել ու ոխակալ դարձել. քո ամբարտաւանութիւնը ես վերացրի քեզնից,
7. բայց ոչ այնպէս, ինչպէս քո կախարդութիւնը, եւ ոչ էլ այնպէս, ինչպէս նրանք, որ Մովաբի ողբն են անում: Մովաբի վրայ պիտի ողբան բոլոր նրանք, որոնք բնակւում են Դեսեթում, պիտի մրմնջան ու չամաչեն,
8. քանզի Եսեթոնի դաշտերն ու Սեբիմայի այգիները նուազեցին, ազգերի իշխանները կոտորեցին նրա ընտիր-ընտիր որթատունկերը, որոնք հասնում էին մինչեւ Յազեր, տարածւում անապատում, եւ նրանց շառաւիղները ձգուելով անցնում ծովից այն կողմ:
9. Դրա համար էլ Յազերի լացով պիտի լամ Սեբիմայի այգիների վրայ: Ո՛վ Եսեթոն եւ Ելէիլա, ձեր ծառերը կոտորուեցին, որպէսզի ձեր հունձն ու այգեկութը վերանան, եւ ամէն ինչ կործանուի:
10. Ուրախութիւնն ու ցնծութիւնը պիտի վերանան այգիներից, ձեր այգեստանում ուրախութիւն չի լինելու, ձեր հնձաններում գինի չեն քամելու, որովհետեւ է՛լ այգեկութ չի լինի:
11. Ահա թէ ինչու իմ աղիքները քնարի նման պիտի ինչեն Մովաբի համար, իսկ իմ փորը, իբրեւ պարիսպ, նորոգեցիր:
12. Եւ դա քեզ համար պիտի լինի ամօթանք, որովհետեւ Մովաբը տանջուեց իր մեհեաններում եւ ուխտաւորի նման պիտի մտնի իր ձեռակերտ կռատների մէջ, որոնք չպիտի կարողանան փրկել նրան:
13. Սա է այն խօսքը, որ Տէրը մի ժամանակ ասաց Մովաբի մասին
14. եւ այժմ նորից խօսեց՝ ասելով. Երեք տարուայ ընթացքում, վարձկանի տարիների պէս, պիտի անարգուի Մովաբի փառքը՝ իր ողջ անսահման մեծութեամբ, եւ նա պիտի դառնայ սակաւամարդ ու աննշան:

1. Պատգամ Դամասկոսի մասին: Դամասկոսն ահաւասիկ պիտի վերանայ քաղաքների միջից, պիտի կործանուի:
2. յաւիտեան լքուած՝ պիտի դառնայ հօտերի մակադատեղի եւ նախիրների հանգրուան, եւ ոչ ոք չի լինելու, որ քշի նրանց:
3. Այլեւս Եփրեմի համար այն չի դառնալու ամուր ապաստան, այլեւս թագաւորութիւն չի մնալու Դամասկոսում, եւ ոչ էլ ասորիներից կենդանի մնացածներն են այնտեղ ապրելու, որովհետեւ նա աւելի լաւ չէ, քան իսրայէլացիներն ու նրանց փառքը, - այսպէս է ասում Չօրութիւնների Տէրը:
4. Այն օրը Յակոբի փառքը պիտի նսեմանայ, նրա փառքի մեծութիւնը պիտի սասանուի:
5. Այնպէս պիտի լինի, ինչպէս եթէ մէկը կանգնած ցորենը խուրձ-խուրձ հաւաքի իր գիրկը, ապա նրա յետեւից ընթանայ հասկաքաղը, կամ եթէ մէկը Հաստատութեան հովտում հասկ քաղի, ապա այնտեղ մնայ խոզանը:
6. կամ էլ նմանուելու է այն ձիթենուն, որի բարձր ճիւղերին մնացել է երկու-երեք պտուղ, չորս-հինգ հատ էլ՝ նրա ոստերին, - այսպէս է ասում Տէր Աստուած:
7. Այն օրը մարդն իր յոյսը դնելու է իր Արարչի վրայ, եւ նրա աչքերը պիտի նայեն Իսրայէլի սրբին:
8. Այլեւս չպիտի ապաւինեն մեհեաններին եւ ոչ էլ իրենց ձեռակերտ կուռքերին, որ իրենց իսկ մատները պատրաստեցին, այլ ապաւինելու են Իսրայէլի սրբին. ո՛չ իրենց սրբազան կոթողներին են նայելու, ո՛չ էլ իրենց գարշելի կուռքերին:
9. Այն օրը քո քաղաքները պիտի լքուեն ու աւերակ դառնան, ինչպէս որ Իսրայէլի գաւակների երեսից անհետացան ամորհացիներն ու խեւացիները:
10. Քանի որ դու թողեցիր քո փրկիչ Աստծուն եւ չիշեցիր Տիրոջը՝ քո օգնականին, դրա համար էլ անհաւատ տունկ եւ անհաւատ սերմ պիտի տնկես:
11. Այն օրը, երբ տնկես, պիտի մոլորուես: Եթէ անգամ կանուխ սերմանես, պիտի ծաղկի ամռանը, այն օրը,
12. երբ կտակելու ես, ինչպէս հայրն է ժառանգութիւն թողնում իր որդիներին:
13. Վա՛յ ձեզ, բիւրաւոր ազգերի բազմութիւննե՛ր, այնպէս պիտի խռովուէք, ինչպէս ալեկուտակ ծովը. բիւրաւոր ազգերի ալիքները պիտի շառաչեն ջրերի նման:
14. Բիւրաւոր ազգերը նման են յորդառատ ջրերի, առատաբուխ ջրերի բուռն հոսանքների, բայց Տէրը նրանց պիտի խեղճացնի եւ հալածի հեռու, հեռու: Յարդի մղեղի պէս նրանք պիտի քշուեն քամուց, անիւի փոշու նման փոթորկից հողմացրիւ պիտի արուեն:
15. Երեկոյեան դեմ սուգ պիտի անեն, առաւօտը չբացուած այլեւս գոյութիւն չեն ունենալու: Այս է ձեր աւարառուների բաժինը, եւ ժառանգութիւնը նրանց, որոնք կողոպտում էին ձեզ:

1. Վա՛յ եթովպացիների գետի այն կողմում առագաստներին ապաւինած երկրին,
2. որ ընծաներ էր ուղարկում ծովով եւ մագաղաթեայ հրովարտականեր՝ ջրերի կոհակների վրայով, որպէսզի արագընթաց սուրհանդակները գնան գոռոզացած ազգի մօտ, ազգ, որ օտար է ու չար, եւ դրանից ակելին ոչ ոք չի կարող լինել, ազգ, որ անյոյս է ու ոտքի տակ տրուած:
3. Եւ այժմ ամբողջ երկրի գետերը, ինչպէս աշխարհ, բնակեցուած են. պիտի բնակեցուի նրանց աշխարհը, երբ նշանը լերան վրայից վերանայ, եւ լսելի լինի փողի ձայնը,
4. քանզի այսպէս ասաց ինձ Տէրը. Չգոյշ պիտի լինեն իմ քաղաքում, ինչպէս միջօրեի տօթ արեւից կամ ամառային օրերի անձրեւաբեր ամպից:
5. Նախքան հունձը, երբ ծաղիկը բողբոջելու լինի, երբ խաղողի ծաղիկը բացուի ու ազդիս դառնայ, մանր-մուր ողկոյզները պիտի կտրեն մանգաղով, ճիւղերը պիտի հատեն ու դէն նետեն:
6. Ամէն ինչ պիտի թողնեն երկնքի թռչուններին
7. եւ երկրի գազաններին. նրանց վրայ պիտի հաւաքուեն երկնքի թռչունները, երկրի բոլոր գազանները պիտի հասնեն նրանց վրայ:
8. Այն ժամանակ Չօրուփիւնների Տիրոջն ընծաներ պիտի մատուցուեն տանջուած ու խոնարհ ժողովրդի կողմից, այդ օրերից յետոյ եւ յաւիտենական ժամանակներում՝ մեծ ժողովրդի կողմից, մի ազգից, որ ոտնատակ է տրուել, բայց յոյսով է մնացել եւ ապրում է իր աշխարհում, գետի այն կողմում, այն տեղում, ուր կոչուեց Չօրուփիւնների Տիրոջ անունը Սիոն լերան վրայ:

1. Տեսիլք եգիպտացիների վրայ
2. Ահաւասիկ Տէրը, բազմած թեթեւասահ ամպերի վրայ, գալու է Եգիպտոս.  
Եգիպտացիների կուռքերը նրա ահից պիտի դողան, նրանց սրտերը պիտի յուսալքուեն:
3. Եգիպտացիները ելնելու են Եգիպտացիների դէմ, պատերազմելու են եղբայրը՝ եղբոր, ընկերը՝ ընկերոջ, քաղաքը՝ քաղաքի, գաւառը՝ գաւառի դէմ:
4. Եգիպտացիների հոգիները պիտի խռովուեն, նրանց խորհուրդը պիտի ցրեմ, եւ նրանք հարցում պիտի անեն իրենց աստուածներին ու կուռքերին, իրենց մեռելախարցուկներին ու վիուկներին:
5. Եգիպտացիներին պիտի մատնեմ խստասիրտ մարդկանց ու տերերի ձեռքը, դաժան թագաւորները պիտի տիրեն նրանց, - այսպէս է ասում ահա Չօրուփիւնների Տէրը:
6. Եգիպտացիները ծովափնեայ ջրակոյտերից են խմելու, որովհետեւ գետը նուազելու է եւ ցամաքելու:
7. Գետերն ու գետերի ջրադարձները քաշուելու են, հաւաքուած բոլոր ջրերը ցամաքելու են, եւ բոլոր մարգագետինները, եղեգի ու կնիւնի բոլոր խիտ թաւուտներն ու լոռամարգերը,
8. գետի եզերքներին եղած ողջ կանաչը եւ բոլոր հերկերը, որոնք գետի ջրով են մշակոււմ, խորշակահար չորանալու են:
9. Ձկնորսները տրտմելու են, գետի մէջ բոլոր կարթ գցողները հոգոց են հանելու, ցանց եւ ուռկան գցողները սուգ են անելու:
10. Ամաչելու են նաեւ բարակ կտաւ մանող կտաւագործները, եւ նրանք, որ բեհեզ են գործում:
11. Բոլոր արհեստաւորները տրտմութեամբ են համակուելու, բոլոր տարագագործները տխրելու են, եւ նրանց սրտերը ցաւելու են:
12. Տայանի իշխանները՝ թագաւորի իմաստուն խորհրդականները, յիմարանալու են, նրանց ժողովը դառնալու է անմիտ: Էլ ինչպէ՞ս կ'ասեք արքային. Իմաստունների գաւակներ ենք մենք, նախկին թագաւորների գաւակներ:
13. Արդ, ո՞ր եմ քո իմաստունները, թող պատմեն քեզ եւ ասեն, թէ ինչ խորհուրդ խորհեց Չօրուփիւնների Տէրը Եգիպտոսի մասին:
14. Տայանի իշխանները յիմարացան, մեմփացիների իշխանները մեծամտացան, որոնք մոլորեցնելու են Եգիպտացիներին՝ իրենց բոլոր ցեղերով:
15. Տէրը մոլորութեան ոգի խառնեց նրանց, եւ նրանք Եգիպտոսն ամեն բանի մէջ մոլորեցրին այնպէս, ինչպէս մոլորուում է այն հարբածը, որ փսխում է:
16. Եւ թող Եգիպտացիներն այլեւս գործ չունենան՝ ո՛չ յետոյ եւ ո՛չ էլ առաջ, ո՛չ սկզբում եւ ո՛չ էլ վերջում:
17. Այն օրը Եգիպտացիները պիտի դառնան կանանց նման՝ դողալով եւ զարհուրելով Չօրուփիւնների տիրոջ ձեռքից, որ երկարելու է նրանց վրայ:
18. Իսկ Հրեաստան երկիրը պիտի ահի մատնի Եգիպտացիներին, եւ ամենքն էլ, ովքեր այդ երկրի անունը տալու լինեն նրանց մօտ, պիտի սարսափեն այն խորհրդից, որ Չօրուփիւնների Տէրը խորհեց իրենց մասին:
19. Այն ժամանակ Եգիպտացիների երկրում պիտի լինի հինգ քաղաք, որտեղ մարդիկ խօսելու են քանանացիների լեզուով եւ երդուելու են Չօրուփիւնների Տիրոջ անունով: Մի քաղաքը կոչուելու է Ասեդեկ քաղաք:
20. Այն օրը Տիրոջ զոհասեղանը լինելու է Եգիպտացիների երկրում, նրանց սահմաններում Տիրոջ պատուին կանգնեցուելու է յուշակոթող,
21. որը Եգիպտացիների երկրում Տիրոջ համար յաւիտենական նշան է լինելու: Իրենց նեղութիւնների պատճառով նրանք պիտի աղաղակեն Տիրոջը, եւ Տէրը նրանց մօտ պիտի ուղարկի մի մարդու, որը պիտի փրկի նրանց, դատաստանով է փրկելու նրանց:
22. Տէրը յայտնի պիտի դառնայ Եգիպտացիներին, ու այն օրը Եգիպտացիները պիտի ճանաչեն Տիրոջը եւ մատուցեն զոհեր ու ընծաներ, ուխտ պիտի դնեն Աստծուն եւ



կատարեն այն:

23. Տերը մեծամեծ հարուածներ պիտի հասցնի եգիպտացիներին, բայց եւ պիտի լսի ու բժշկի նրանց, ու նրանք պիտի դառնան դէպի Տերը, որը պիտի լսի ու բժշկի նրանց:

24. Այն օրը Եգիպտոսից դէպի Ասորեստան ճանապարհի պիտի լինի, ասորեստանցիները պիտի մտնեն Եգիպտոս, եգիպտացիներն էլ պիտի գնան ասորեստանցիների մօտ. եգիպտացիները պիտի ծառայեն ասորեստանցիներին:

25. Այն օրն Իսրայելը եգիպտացիների ու ասորեստանցիների շարքում երրորդը պիտի լինի՝

26. օրհնութեան արժանանալով այն երկրում, որն օրհնելու է Չօրութիւնների Տերը՝ ասելով. Օրհնեալ լինի իմ ժողովուրդը, որը Եգիպտոսում է եւ Ասորեստանում, օրհնեալ լինի իմ ժառանգութիւնը՝ Իսրայելը:

1. Այն տարին, երբ Տանաթանը, Ասորեստանի Առան արքայի կողմից ուղարկուելով, եկաւ Ազոտոս, պատերազմ մղեց Ազոտոսի դէմ եւ գրաւեց այն,
2. ահա այդ ժամանակ Տէրը խօսեց Ամոսի որդի Եսայու հետ եւ ասաց. Գնա՛ ու քուրձդ հանի՛ր քո մէջքից եւ հողաթափերդ արձակի՛ր քո ոտքերից: Այդպէս էլ արեց՝ քայլելով մերկ ու բոկոտն:
3. Եւ Տէրն ասաց. Ինչպէս որ իմ ծառայ Եսային քայլեց մերկ ու բոկոտն, այդպէս երեք տարի եգիպտացիների եւ եթովպացիների համար հրաշքներ ու նշաններ պիտի լինեն:
4. Թող հասկանան, որ այդպէս Ասորեստանի արքան գերի է տանելու եգիպտացիներին ու եթովպացիներին, երիտասարդներին ու ծերերին՝ մերկ ու ամօթոյքը բաց, խայտառակելով եգիպտացիներին:
5. Եւ պարտութեան մատնուած եգիպտացիները պիտի ամաչեն եթովպացիների պատճառով, որոնց վրայ յոյս էին դրել, եւ որոնք նրանց համար զօրութիւն էին:
6. Ապա այն օրը այդ կղզու բնակիչները պիտի ասեն. Ահաւասիկ մենք մեր յոյսը դրել էինք սրանց վրայ, ապաւինել սրանց օգնութեանը, բայց սրանք իրենց անձն անգամ չկարողացան փրկել Ասորեստանի արքայից, իսկ մենք ինչպէ՞ս պիտի փրկուենք:

1. Տեսիլք ծովափնեայ անապատի վրայ: Ինչպէս անապատով անցնող մրրիկ, այդպէս նա եկաւ անապատային երկրից:
2. Ահաւոր էր եւ սարսափելի այն տեսիլքը, որ երեւաց ինձ: Անարգողն անարգում է, անիրաւը՝ անիրաւութիւն գործում: Ինձ վրայ յարձակուեցին էլամացիք, ինձ վրայ եկան պարսից պատգամաւորները: Հեծեծում եմ ու ինքս ինձ քաջալերում:
3. Ահա թէ ինչու մէջս սարսուռ ընկաւ, ցաւերը բռնեցին ինձ, ինչպէս ծննդկան կնոջը: Փախայ, որպէսզի չլսեմ, շտապեցի, որպէսզի չտեսնեմ:
4. Միտքս շուարեց, յանցանքի զգացումը պատեց ինձ, մարմինս դող ընկաւ: Նայի՛ր, թէ ինչ դիտաւորութիւն ունես.
5. սեղան պատրաստիր, կէ՛ր, խմի՛ր: Եկէ՛ք, իշխաններ, պատրաստեցէ՛ք ձեր վահանները,
6. քանզի այսպէս ասաց ինձ Տէրը. Ինքդ անձամբ գնա դէ՛տ եղիր, ինչ որ տեսնես՝ կը պատմես:
7. Եւ ես տեսայ երկու հեծեալ, մի հեծեալը՝ էշի վրայ, միւս հեծեալը՝ ուղտի: Մեծ ուշադրութեամբ ականջ դրեցի: Ուրիային կանչիր քո դիտանո՛ցը, -ասաց Տէրը:
8. Ու ամբողջ ցերեկը եւ ողջ գիշերը հետեւեցի բանակին
9. ու տեսայ, որ գալիս է նոյն հեծեալ զոյգը՝ ձայն տալով եւ ասելով. Ընկաւ, կործանուեց Բաբելոնը, նրա բոլոր արձաններն ու կոռքերը գետին տապալուեցին:
10. Լսեցէ՛ք, կենդանի մնացածներ եւ տանջուածներ, լսեցէ՛ք այն, ինչ ես լսեցի Չորուհիւնների Տիրոջից, ինչ մեզ պատմեց Իսրայէլի Աստուածը:
11. Տեսիլք եղովայեցիների վրայ: Մի ձայն ինձ կանչում է Սէիր լեռան վրայից. Պահպանեցէ՛ք պարսպաբուրգերը:
12. Ես կը պահպանեմ առաւօտ ու գիշեր: Եթէ դու ինձ հարցնես, հարցրո՛ւ եւ եկ ինձ մօ՛տ բնակուիր:
13. Պատգամ արաբացիների մասին: Գիշերները կը ննջես անտառում, Դոդանիմի ճանապարհին:
14. Ընդառա՛ջ եկէք եւ ջո՛ւր բերէք ծարաւածներին, ո՛վ Թեմանի բնակիչներ, հացո՛վ ընդառաջ ելէք փախստականներին,
15. որովհետեւ անթիւ են սպանուածները եւ բազում մոլորեալները, անթիւ են սրերը եւ բազում լարուած աղեղները, որովհետեւ բազմաթիւ են պատերազմում ընկածները:
16. Այսպէս ասաց ինձ Տէրը. Եւս մի տարի՝ նման վարձկանի տարուան, եւ կը վերանայ Կեդարի որդիների փառքը:
17. Կեդարի աղեղնաւոր ու զօրաւոր որդիներից մնացածները եւս սակաւաթիւ կը լինեն, -քանզի Իսրայէլի Տէր Աստուա՛ծը խօսեց:

1. Պատգամ Սիոնի հովտի մասին՝հօնք եղար, ի՞նչ պատահեց քեզ, այժմ ինչո՞ւ դուք բոլորդ իզուր տանիք բարձրացաք:
2. Ձեր քաղաքը լցուեց գուժկաններով: Ո՛վ պերճացեալ քաղաք, քո վիրաւորները սուսերով վիրաւորուածներ չեն, եւ քո դիակներն էլ պատերազմում ընկած դիակներ չեն:
3. Բոլոր իշխաններդ փախստական են դարձել, գերեալներդ խստօրէն կալանաւորուած են, քո հզօրները, որոնք հեռու էին փախել, անխտիր կապանքների մէջ են:
4. Դրա համար էլ ասացի. Թո՛յլ տուէք ինձ՝ դառնօրէն լաց լինեմ, մի՛ աշխատեք ինձ մխիթարելիմ ժողովրդի դստեր կործանման առիթով:
5. Արդարեւ, Սիոնի հովտում Զօրութիւնների Տիրոջ կողմից խռովութեան, ոտնատակ տալու եւ շփոթութեան օր է. մեծ ու փոքր առհասարակ մոլորուած՝ տարուբերում են լեռների վրայ:
6. Իսկ էլամացիները, կապարճներ առած,ձի հեծած եւ յարձակուող գնդերով պիտի գան,
7. եւ քո ընտիր-ընտիր հովիտները պիտի լցուեն կառքերով, հեծեալները երիվարներով պիտի խցանեն քո դռները:
8. Նրանք պիտի կործանեն Յուդայի երկրի դարպասները եւ այն ժամանակ պիտի տեսնեն քաղաքի ընտիր-ընտիր ապարանքները,
9. ի յայտ պիտի բերեն Դաւթի բարձր ապարանքի գաղտնի անցքերը: Եւ պիտի տեսնեն, որ դրանք շատ են: Հին ջրմուղը պիտի շուռ տան դէպի քաղաք,
10. պիտի քանդեն Երուսաղէմի ապարանքները՝ քաղաքի պարիսպներն ամրացնելու նպատակով:
11. Իսկ դուք երկու պարիսպների մէջտեղը, հին ջրմուղից աւելի ներս, պիտի ջուր հանեք ձեզ համար,առանց ձեր հայեացքն ուղղելու նրան, որ առաջուց շինել էր այն, առանց նրա հիմնադրողին հեռուից-հեռու ճանաչելու:
12. Այն օրը Զօրութիւնների Տէրը կանչեց լաց ու կոծ անելու, ողբալու, մազերը պոկոտելու եւ քուրձ հագնելու:
13. Իսկ նրանք ուրախութիւն ու ցնծութիւն արեցին. արջառներ էին սպանում,ոչխարներ էին մորթում, որպէսզի միս ուտեն, գինի խմեն եւ ասեն. Ուտենք ու խմենք, որովհետեւ վաղը մեռնելու ենք:
14. Բայց դա հասնելու է Զօրութիւնների Տիրոջ ականջին: Եւ ձեր այդ մեղքերին մինչեւ ձեր մահը թողութիւն չի տրուելու, -ասում է Զօրութիւնների Տէրը:
15. Այսպէս է ասում Զօրութիւնների Տէրը. Դու գնա՛, մտի՛ր դիւան, Սոմասս հանդերձապետի մօտ, եւ ասա՛ նրան.
16. Ինչո՞ւ ես եկել այստեղ, ի՞նչն է բերել քեզ այստեղ. դու քեզ համար գերեզման ես փորել այստեղ, ժայռի մէջ քեզ համար օթեւան ես շինել:
17. Ահաւասիկ Զօրութիւնների Տէրը դուրս պիտի հանի ու սպանի քեզ, ո՛վ մարդ, պիտի մերկացնի քեզ քո պատմութեանից եւ փառապսակից:
18. Քեզ պիտի նետի մեծ ու անսահման երկիրը, եւ այնտեղ դու պիտի մեռնես. քո շքեղ կառքերը անարգանքի առարկայ պիտի դարձնի, քո իշխանական տունը ոտնատակ պիտի տայ:
19. Քո դիրքից ու աստիճանից պիտի զրկուես:
20. Այն օրը պիտի կանչեմ իմ ծառայ Եղիակիմին՝ Քեղկիայի որդուն,
21. նրան պիտի հազցնեմ քո պատմութեանը, պիտի տամ նրան քո պսակն իր ճոխութեամբ, քո հազարապետութիւնը նրա ձեռքը պիտի տամ, եւ թող նա հայր դառնայ Երուսաղէմի ու Յուդայի երկրի բնակիչների համար:
22. Դաւթի բանալիները պիտի տամ նրան. նա պիտի իշխի, եւ ոչ ոք չի կարողանալու նրան հակառակ կանգնել:
23. Նրան իշխան պիտի կարգեմ հաստատուն մի տեղ, եւ թող նա բազմի իր հօր տան փառքի աթոռին:
24. Թող նրան ապաւինեն իր հօր տան բոլոր պատուաւոր մարդիկ՝ փոքրից մինչեւ մեծը:

Բոլոր անօթները, մանր թէ մեծ, մինչեւ կարասները, նա պիտի բացի, եւ ոչ ոք չի կարողանալու փակել, պիտի փակի, եւ ոչ ոք չի կարողանալու բացել: Այն ժամանակ ամէն ինչ կախուած է լինելու նրանից:

25. Այսպէս է ասում Չորուքիւնների Տէրը. Աներեր մարդը պիտի շարժուի իր հաստատուն տեղից, պիտի ընկնի ու կործանուի, եւ նրա փառքը պիտի վերանայ նրանից, - քանզի Տէ՛րը խօսեց:

1. Պատգամ Տիւրոսի մասին Ողբացէ՛ք, Կարքեդոնի՛ նաւեր, քանզի կարքեդոնացիները կործանուեցին եւ այլեւս չեն վերադառնայ Կիտացիների երկրից, ուր գերութեան քշուեցին:
2. Ո՞ւմ են նման այդ կղզու բնակիչները. նման են փիւնիկեցի վաճառականներին, որոնք անցնում են ծովով ու մեծ ջրերով:
3. Վաճառականների սերունդ են. ինչպէս ամռանը հունձն է հաւաքւում, այդպէս են այդ վաճառականները ազգերի համար:
4. Ամաչի՛ր, Սիդոն՛, -ասում է ծովը: Ծովի զօրութիւնն էլ ասում է. Միթէ ես երկունքի ցաւով չե՞մ բռնուել, չե՞մ ծնել, երիտասարդներ չե՞մ սնել, կոյսեր չե՞մ մեծացրել:
5. Երբ լուրը Եգիպտոսի երկիրը հասնի, վիշտը պիտի պատի նրան Տիւրոսի համար:
6. Գնացէ՛ք Կարքեդոն, դուք, որ այդ կղզու բնակիչներն էք, ողբացէ՛ք:
7. Արդեօք սկզբից իսկ ձեր այդ ամբարտաւանութիւնը չէ՞ր, որ նրա մատնութեան պատճառ դարձաւ. նա իր իսկ ոտքերով հեռաւոր պանդխտութեան պիտի քշուի:
8. Իսկ այդ բանն ո՞վ մտածեց Տիւրոսի մասին. միթէ նա յետին մե՞կն էր կամ տկար մի ոք: Նա, նրա վաճառականները քանանացիների պատուաւոր մարդիկ էին, նրա առետրականները երկրի իշխաններն էին:
9. Զօրութիւնների Տէրը մտածեց վերջ տալ ականաւոր մարդկանց ողջ ամբարտաւանութեանը եւ երկրի երեսին անարգանքի ենթարկել բոլոր պատուաւորներին:
10. Քո հո՛ղը մշակիր, որովհետեւ այսուհետեւ նաւերը չեն գալու Կարքեդոնից,
11. քո ձեռքի զօրութիւնը այլեւս չի երեւալու ծովի վրայ, դու, որ սարսեցնում էիր թագաւորներին: Զօրութիւնների Տէրը Քանանի համար հրամայեց՝ կործանել նրա հզօրութիւնը:
12. Պիտի ասեն, թէ՛ Էլ չշարունակենք թշնամանքը եւ չզրկենք Սիոնի կոյս դստերը: Ոտքի՛ կանգնիր եւ ծովո՛վ անցիր: Սակայն թէկուզեւ դիմես դէպի Կիտիիս, այնտեղ Էլ քեզ համար հանգիստ չի լինելու:
13. Եւ եթէ քաղդեացիների երկիրը գնաս, որը, սակայն, նոյնպէս աւերուած է ասորեստանցիներից, այնտեղ եւս քեզ համար դուլ ու դադար չի լինելու: Սիհիմը նրա հիմքը գցեց, կանգնեցրեց նրա պարսպաբուրգերը, բարձրացրեց նրա աշտարակները, բայց ահա նրա պարիսպը տապալուեց ու կործանուեց:
14. Ողբացէ՛ք, Կարքեդոնի՛ նաւեր, քանզի կործանուեց ձեր ամրութիւնը:
15. Եւ պիտի գայ մի օր, երբ Տիւրոսը եօթանասուն տարի լքուած պիտի լինի, այնքան, որքան մի թագաւորի իշխանութեան ժամանակն է լինում, որքան մի մարդու կեանքի ժամանակը: Ու եօթանասուն տարի յետոյ Տիւրոսը պիտի դառնայ այնպիսին, ինչպէս ասում է պոռնիկի երգում.
16. Քնա՛ր վերցրու, շրջի՛ր ու կոծի՛ր, ո՛վ դու պոռնկութեան լքուա՛ծ քաղաք, լա՛ւ նուագիր, նորից ու նորից երգիր, որ քո յիշատակը մնայ:
17. Ու եօթանասուն տարի յետոյ Տէրը պիտի այցելի Տիւրոսին, որը նորից նոյն կարգով պիտի վերահաստատուի, ինչպէս առաջ էր, եւ այնտեղ պիտի կատարուի աշխարհի երեսին գոյութիւն ունեցող բոլոր երկրների թագաւորների առետուրը:
18. Նրա վաճառքի շահը Տիրոջը պիտի նուիրաբերուի. ոչ թէ առանձին մարդկանց համար պիտի հաւաքեն, այլ նրա վաճառքի շահը պիտի պատկանի Տիրոջ առջեւ բնակուողներին, որպէսզի ուտեն, խմեն եւ, ի նշան Տիրոջ հանդէպ իրենց երախտագիտութեան, ուրախ լինեն:

1. Ահաւասիկ Տէրը ամայացնելու է աշխարհը, աւերելու է այն, խորտակելու է նրա հիմքերը եւ ցանուցիր է անելու նրա բնակիչներին:
2. Նոյն բախտին պիտի արժանանան ժողովուրդը եւ քահանան, ծառան եւ տէրը, աղախինը եւ տիրուհին, միմեանցից չպիտի տարբերուեն գնողն ու վաճառողը, փոխատուն եւ փոխառուն, պարտապանը եւ պարտատէրը:
3. Ամբողջովին պիտի աւերուի երկիրը, լրիւ պիտի կողոպտուի երկիրը, քանզի Տէրն իր բերանով ասաց այդ.
4. Սո՛ւգ արա, որովհետեւ երկիրը կործանուեց, աշխարհն աւերուեց ու ամայացաւ, երկրի բարձունքները սուգ մտան:
5. Երկիրն իր բնակիչներով մեղանչեց, քանզի զանց առան Տիրոջ օրէնքները, խեղաթիւրեցին նրա պատուիրանները եւ դրժեցին յաւիտենական ուխտը:
6. Նզովքը պիտի ճարակի երկիրը, որովհետեւ նրա բնակիչները մեղք գործեցին: Դրա համար էլ նրա բնակիչները տնանկ պիտի դառնան, եւ սակաւաթիւ մարդիկ են կենդանի մնալու:
7. Պիտի սգայ գինին, պիտի սգայ այգին, խրախճանքով տարուածները բոլորը հոգոց պիտի հանեն:
8. Թմբուկների ցնծութիւնը դադարեց, ամբարիշտների հպարտութիւնն ու մեծութիւնը տեղի տուեցին, քնարների ծայները լռեցին:
9. Խմողներն ամօթահար եղան ու այլեւս գինի չէին խմում, օղին դառնութեան փոխուեց նրանց համար:
10. Բոլոր քաղաքներն աւերակ դարձան, ապարանքների դռները գոց մնացին, որովհետեւ ներս մտնող չկար:
11. Ամէն, ամէն տեղ գինու վրա՛յ ողբացէք. ամէն ուրախութիւն լռեց, վերացաւ ողջ երկրի ցնծութիւնը:
12. Աւերակ քաղաքները պիտի լքուեն, կանգուն մնացած ապարանքները պիտի կործանուեն: Այս ամէնը պիտի կատարուի երկրի վրայ, հեթանոսների մէջ:
13. Ինչպէս վերջին պտուղը քաղելու համար ճռաքաղ են անում ձիթենին, այդպէս ճռաքաղ պիտի անեն եւ նրանց: Եւ երբ այգեկութը դադարի, նրանք բարձրաձայն պիտի աղաղակեն:
14. Իսկ երկրի վրայ կենդանի մնացածները միահամուռ պիտի ուրախանան Տիրոջ փառքով, եւ ծովի ջրերը պիտի յուզուեն:
15. Դրա համար էլ Տիրոջ փառքը պիտի պարուրի ծովի կղզիները, եւ Տիրոջ անունը պիտի փառաւորուի: Ո՛վ Տէր Աստուած Իսրայէլի,
16. երկրի ծայրերից հրաշալի օրհնութիւն լսեցինք. Յո՛յս բարեպաշտին. եւ թող ասեն. Ինձ համար է իմ խորհուրդը, իմ խորհուրդն ինձ եւ իւրայիններիս համար է: Վա՛յ նրանց, որոնք արհամարհում են, արհամարհելով արհամարհում են օրէնքները:
17. Ահը, գուբը եւ որոգայթը թող սպառնան ձեզ, ո՛վ երկրի բնակիչներ:
18. Ով որ ահից փախչի՝ թող ընկնի գուբը, եւ ով որ ելնի գբից՝ թող բռնուի որոգայթի մէջ: Ահա բացուեցին երկնքի պատուհանները, եւ երկրի հիմքերը ցնցուեցին:
19. Երկիրը շփոթի ու խռովութեան մէջ պիտի ընկնի, երկիրը պիտի տագնապի, տարակուսի եւ խոնարհուի:
20. Երկիրը պիտի շարժուի ու ցնցուի ինչպէս այգու պահապանի տնակ, հարբածի ու երերուողի պէս պիտի գլորուի եւ պիտի չկարողանայ ոտքի կանգնել, որովհետեւ նրա վրայ ծանրացել է անօրէնութիւնը:
21. Այն օրը Աստուած իր ձեռքը պիտի տարածի երկնային լուսատուների վրայ, իսկ երկրում՝ երկրի թագաւորների վրայ:
22. Եւ պիտի հաւաքեն նրա ժողովրդին ու դնեն կապանքների մէջ, պիտի պաշարեն ամրոցները եւ շատ սերունդներ անց պիտի պատժեն նրանց:
23. Ու պիտի հալուի աղիւսը, կործանուի պարիսպը, քանզի Սիոնի լեռան վրայ եւ

Երոսադեմում Տէրն Է թագաւորելու եւ փառաւորուելու ծերերի առաջ:



1. ՏԷ՛ր Աստուած իմ, ես պիտի փառաբանեմ քեզ, պիտի օրհնեմ քո անունը, քանզի սքանչելի գործեր կատարեցիր՝ առաջին խորհուրդը ճշմարիտ:
2. Այո՛, ՏԷ՛ր, քաղաքները վերածեցիր հողաբլուրների, բերդաքաղաքներն իրենց հիմքերից կործանեցիր. թող ամբարիշտների քաղաքը յաւիտենապէս չվերաշինուի:
3. Դրա համար էլ աղքատ ժողովուրդը պիտի օրհնի քեզ, զրկուած մարդկանց քաղաքները պիտի օրհնեն քեզ,
4. որովհետեւ բոլոր խոնարի քաղաքներին օգնական դարձար, իսկ թշուառութիւնից տանջուածին՝ ապաւինութեան յարկ, չար մարդկանցից փրկելով նրանց:
5. Դու ծարաւածների համար ապաւեն ես եւ զրկուած մարդկանց համար՝ ոգի այն ամբարիշտների դէմ, որոնց ձեռքը մատնեցիր մեզ՝ իբրեւ Սիոնին ծարաւի տոչորուած մարդկանց:
6. Զօրութիւնների Տէրն այնպէս պիտի անի, որ բոլոր հեթանոսներն այս լեռներում ուրախութիւն վայելեն, գինի խմեն, օծուեն մրուրից մաքրուած իւղով եւ հանգչեն այս լեռների վրայ:
7. Պատմի՛ր սա բոլոր հեթանոսներին, քանզի բոլոր ազգերի համար Տէրն այս խորհուրդն ունի:
8. Մահը զօրացաւ եւ կուլ տուեց, բայց Աստուած բոլորի երեսից արցունքն իսպառ պիտի կտրի, ժողովրդի նախատինքը պիտի վերացնի ամբողջ աշխարհից, քանզի սա Տիրոջ բերանը խօսեց. ինչպէս ամպի հովանին յաղթահարում է տապը, այնպէս էլ Նա պիտի ընկճի հզօրների բազուկները:
9. Ու այն օրը պիտի ասեն. Ահա մեր Տէր Աստուածը, որի վրայ յոյս էինք դրել մենք, նա փրկեց մեզ, քանզի նա է Տէրը, որին սպասում էինք. եկե՛ք ցնծանք եւ ուրախանանք մեր փրկութեամբ:
10. Աստուած մեզ հանգիստ է պարգեւելու այս լեռներում, իսկ մովաբացին ոտքի կոխան պիտի լինի, ինչպէս որ օրանն է ճգմում կամնասայլի տակ:
11. Տէրն իր ձեռքերը պիտի երկարի այնտեղեւ այդպէս նրան պիտի թշուառացնի ու կործանի, հողին պիտի հաւասարեցնի նրա հպարտութիւնը՝ նրա վրայ տարածելով իր ձեռքերը:
12. Զո բարձր պարիսպների ամրութիւնը պիտի խոնարհեցնի՝ գետնին հաւասարեցնելով այն:

1. Այն օրը Հրեաստան երկրում այս երգն են երգելու. Ահա մեր զօրաւոր քաղաքը եւ մեր փրկութիւնը, որ կանգնելու է ինչպէս պարիսպ ու պատուար:
2. Բացէ՛ք ձեր դռները. թող մտնի ժողովուրդը, որ յարգում է արդարութիւնը, պահպանում ճշմարտութիւնը,
3. որ հոգում է ճշմարտութեան մասին եւ ապահովում խաղաղութիւնը:
4. Յոյսով ապաւինեցինք քեզ յաւիտենապէս, ո՛վ Տէր:
5. Դու, որ խոնարհեցիր եւ ներքեւ իջեցիր բարձունքների բնակիչներին, հզօր քաղաքներն եւ կործանում եւ գետնին հաւասարեցնում դրանք:
6. Հեզ ու խոնարհ մարդիկ՝ կոխոտում, եւ աղքատները ոտքի տակ են տալիս դրանք:
7. Բարեպաշտների ճանապարհներն ուղիղ են, հարթ ու դիւրին են աստուածապաշտների ճանապարհները:
8. Տիրոջ ճանապարհներն արդար են: Քո անուանն ենք ապաւինել մենք եւ քո յիշատակին, որին տեսչում է մեր հոգին:
9. Գիշերով իմ հոգին դէպի քեզ է շտապում, Աստուա՛ծ, քանզի քո հրամանները լոյս են երկրի վրայ: Արդարութի՛ւն սովորեցէք, ո՛վ երկրի բնակիչներ,
10. որովհետեւ ամբարիշտը պապանծուեց: Ով երկրի վրայ արդարութիւն չի ուսանում, նա ճշմարիտ բան չի կատարի: Թող կորչի ամբարիշտը, որպէսզի չտեսնի փառքը Տիրոջ:
11. Տէ՛ր, բարձր է քո բազուկը, բայց նրանք դա չգիտեն. պիտի գիտենան ու ամաչեն, վրէժխնդրութիւնը պիտի սպառնայ չխրատուող ժողովուրդին, եւ այժմ էլ թող կրակը լափի հակառակորդներին:
12. Տէ՛ր Աստուած մեր, տո՛ւր մեզ խաղաղութիւն, դու, որ ամեն ինչով վարձատրել ես մեզ:
13. Տէ՛ր Աստուած մեր, թող քոնը լինենք մենք. քեզնից բացի ուրիշ ոչ ոքի չգիտենք, ո՛վ Տէր, եւ քո անունն ենք տալիս:
14. Իսկ մեռածները կեանքը չեն տեսնելու. բժիշկները յարութիւն չեն կարող տալ: Դրա համար էլ ոչնչացիր ու կորստեան մատնեցիր նրանց բոլոր արուներին.
15. դու նրանց գլխին չարիք կուտակեցիր, ո՛վ Տէր, չարիք անելացրիր երկրի փառաւորուածների վրայ, տարածեցիր աշխարհի բոլոր կողմերում:
16. Տէ՛ր, նեղութեան մէջ յիշեցինք քեզ, որովհետեւ քո տուած փօքը նեղութիւնը խրատ է մեզ համար:
17. Ինչպէս որ երկունքի մէջ գտնուողը, որ մօտ է ծննդաբերելու, ճչում է իր ցաւերից, այդպէս եղանք նաեւ մենք քո երկիւղից, Տէ՛ր, մենք, որ քո սիրելին ենք.
18. յիիացանք, երկունքով բռնուեցինք, ծնեցինք ու երկրի վրայ ստեղծեցինք փրկութեան քո ոգին: Այլեւս մենք չենք կործանուի, կը կործանուեն աշխարհի բնակիչները:
19. Պիտի յառնեն ու կանգնեն մեռածները, որոնք գերեզմաններում են, եւ ուրախանալու են երկրի վրայ, որովհետեւ այն ցօղը, որ քեզնից է, բժշկութիւն է նրանց համար, իսկ ամբարիշտների երկիրը պիտի կործանուի:
20. Գնա՛, ո՛վ իմ ժողովուրդ, մտի՛ր քո շտեմարանները, փակի՛ր քո դռները, թաքնուի՛ր միառժամանակ, մինչեւ որ անցնի Տիրոջ բարկութիւնը,
21. քանզի Տէրն ահաւասիկ իր սրբարանից բարկութիւն է բերում երկրի բնակիչների վրայ, իսկ երկիրը պիտի ցոյց տայ իր արիւնը եւ չպիտի թաքցնի սպանուածներին:

1. Այն օրը Տերը պիտի քաշի սուրբ, մեծ ու հզօր սուրը փախչող վիշապ օձի վրայ, գալարուող վիշապ օձի վրայ՝ ծովի մէջ սպանելով վիշապին:
2. Այն ժամանակ մի սքանչելի այգի է լինելու, որին տիրանալը ցանկալի պիտի լինի:
3. Ես մի անառիկ քաղաք եմ, քաղաք, որին պաշարելը զուր է: Ես պիտի հարբեցնեմ նրան, որ գիշերը գրաւուի, իսկ ցերեկը խորտակուի նրա պարիսպը:
4. Չեղաւ մէկը, որ ձեռք չտար նրան: Ո՞վ է, որ կ'օգնի ինձ ագարակի մէջ պահպանելու արտի հունձը: Սրա համար պատերազմողին այսուհետեւ պիտի անարգեմ: Ահա թէ ինչու Տերը կատարեց այն ամէնը, ինչ որ կարգադրեց: Այրուեցինք, -ասում են ու բողոքում նրա բնակիչները. -
5. Եկե՛ք նրա հետ խաղաղութիւն պահենք:
6. Յակոբի հաւաքուած որդիները նոր տունկի նման պիտի ընծիւղներ տան. Պիտի ծաղկի Իսրայէլը, եւ աշխարհը պիտի լցուի նրա պտղով:
7. Մի՞թէ սա այնպէս պիտի վիրաւորուի, ինչպէս որ Նա հարուածեց նրան, կամ այնպէս պիտի սպանուի, ինչպէս որ սպանեց նրան:
8. Նա պատերազմով ու նախատիկնքով է արձակելու նրանց. Դու չէի՞ր, արդեօք, որ խստասրտօրէն եւ բարկացած հոգով մտածում էիր սպանել նրանց:
9. Ուստի Յակոբի անօրէնութիւնը պետք է վերանայ, եւ այս է լինելու նրա օրհնութիւնը, երբ ազատեմ նրան իր մեղքերից: Այն ժամանակ նրա մեհեանների բոլոր քարերը մանր փոշու պէս պիտի փշրեն, այլեւս չեն պահպանուելու նրանց պաշտամունքի կուռքերը,
10. այլ կտոր-կտոր պիտի արուեն, ինչպէս մայրի ծառը՝ փայտահատի ձեռքով: Եթէ մի շէն վայր մնայ, ապա պիտի վերածուի այնպիսի տեղի, ուր հօտն է մակաղելու կամ ուր լքուած ոչխարներ են լինելու, երկար ժամանակ անասունների արօտավայր է դառնալու այն, որտեղ եւ նրանք հանգրուանելու են:
11. Երկար ժամանակ անց այնտեղ դալար բոյս չի գտնուելու, որովհետեւ այդ տեղը պիտի չորանայ: Ո՞վ կանայք, որ ահա գալիս եք հանդեսից, առա՛ջ եկեք, դուք, որ այն ժողովուրդը չէք, որն իմաստուն է: Ահա թէ ինչու ձեզ չի գթալու Աստուած, նա, որ ստեղծել է ձեզ: Ձեր Արարիչը ձեզ չի ողորմելու:
12. Այն օրը Տերն արգելք պիտի դնի գետի փոսից մինչեւ Ռինկոորուրի կողմերը, բայց դուք մէկ առ մէկ հաւաքեցե՛ք իսրայէլացիներին:
13. Այն օրը պիտի հնչեցնեն մեծ փողը, եւ նրանք, ովքեր ցրուած են Ասորեստանի երկրում եւ կորած՝ Եգիպտոսի երկրում, պիտի վերադառնան ու Երուսաղէմի սուրբ լեռան վրայ երկրպագեն Տիրոջը:

1. Վա՛յ Եփրեմի վարձկաններիդ հպարտութեան պսակին, փառքից թառամած մի ծաղիկ՝ փարթամ լեռան գագաթին. դուք հարբած էք, բայց ոչ գինուց:
2. Ահաւասիկ Տիրոջ ահաւոր ու խիստ բարկութիւնը, որ թափում է ինչպէս կարկուտ, եւ ապաստանելու ոչ մի տեղ չկայ. նա նման է բուռն հեղեղներին ու յորդառատ ջրերին, որ ողողում են երկիրը, եւ երկրին հանգստութիւն է բերելու:
3. Եփրեմի վարձկաններիդ հպարտութեան պսակը ոտքի կոխան պիտի լինի,
4. եւ բարձր լեռան գագաթին յուսոյ ծաղիկը փառքից պիտի թառամի ինչպէս վաղահաս թուզ, որ, երբ որեւէ մէկը նկատում է, դեռ ձեռքը չառած՝ ուզում է կով տալ:
5. Այն օրը Չօրութիւնների Տէրը յոյսի նրբահիւս պսակ պիտի դառնայ՝ պատրաստուած ի փառս ժողովրդի մնացորդների,
6. որպէսզի նրանք լինեն հոգով արդար ու դատաստանի երկիւղով յետ կանգնեն ծովութիւնից:
7. Արդարեւ, նրանք մոլորուած են գինիով, նրանք իրենց կորցրին օղու համար. քահանան ու մարգարէն օղու համար յիմարացան, գինու համար ցնորուեցին. օղով հարբած՝ նրանք դանդաղեցին ու մոլորուեցին, որովհետեւ դա ինքնին յիմարութիւն է:
8. Թող այդ մոլութիւնն անեծքի բաժին դառնայ, որովհետեւ այդ մոլութիւնը ազահութիւնից է:
9. Ո՞ւմ պատմենք չարիքների մասին, ո՞ւմ գումենք այդ, կաթից բաժանուածների՞ն, կրծքից կտրուածների՞ն:
10. Ո՛չ, ընդունի՛ր նեղութիւններ նեղութիւնների վրայ. ընդունի՛ր կասկածներ կասկածների վրայ: Մի քիչ էլ, մի քիչ էլ ընդունիր շրթունքներիդ անզգամութեան համար.
11. այդ ժողովրդի հետ խորթ լեզուով պիտի խօսեն
12. եւ ասեն դրանց, թէ քաղցածի հանգիստը դա է, եւ դա է աղետը. բայց նրանք չեն կամենում լսել:
13. Հետեւապէս նրանց է ուղղուած Տիրոջ խօսքը. Ընդունի՛ր նեղութիւններ նեղութիւնների վրայ. ընդունի՛ր կասկածներ կասկածների վրայ: Մի քիչ էլ, մի քիչ էլ ընդունիր, մինչեւ որ գնան, թիկունքի վրայ տապալուեն, խորտակուեն, տանջուեն ու մեռնեն:
14. Ուրեմն լսեցէ՛ք Տիրոջ խօսքը, ո՛վ նեղուած մարդիկ եւ Երուսաղէմի ժողովրդի իշխաններ:
15. Դուք ասացիք. Ուխտ կնքեցինք դժոխքի հետ եւ դաշինք կռցինք մահուան հետ. եթէ փոթորկուող մրրիկ էլ բարձրանայ, մեզ վրայ չի գայ, քանզի սուտը մեզ համար յոյս դարձրինք, ուրեմն ստութեամբ էլ կը պաշտպանուենք:
16. Դրա համար էլ այսպէս է ասում Տէր Աստուած. Ահա ես Սիոնի հիմքում մեծագին քար եմ դնում, պատուական ու ազնիւ անկիւնաքար՝ նրա հիմքում, եւ ով որ հաւատայ նրան՝ չի ամաչի:
17. Յոյսով պիտի հաստատեմ իմ իրաւունքը եւ կշեռքով՝ իմ ողորմութիւնը, եւ իզուր իրենց յոյսը պիտի դնեն ստութեան վրայ՝ ասելով, թէ՛ Մեզ չի հասնի մրրիկը,
18. չի վերացնի մահուան հետ կնքած մեր ուխտը: Ձեր յոյսը, որ դժոխքի վրայ է, չի հաստատուելու, որովհետեւ եթէ փոթորկուող մրրիկը սպառնայ, ոտքի տակ պիտի գնաք:
19. Իսկ երբ այն գայ անցնի, պիտի վերցնի ու տանի ձեզ, առաւօտից առաւօտ, օր ու գիշեր պիտի անցնի, եւ դուք պիտի լինեք չարիքների կասկածի մէջ: Ո՛վ դուք նեղեալներ, սովորեցէ՛ք լսել:
20. Մարտնչել եւս չենք կարող, որովհետեւ երբ հաւաքուեցինք, տկարացանք ինչպէս ամբարիշտների լեռը:
21. Տէրը, բարկութեամբ լի, յառնելու է Գաբաւոնացիների հովտում եւ կատարելու է իր գործը, դառն գործը, քանզի նրա բարկութիւնը օտարի պէս է դատելու, եւ օտարի պէս է

վրայ հասնելու նրա դառնութիւնը:

22. Իսկ դուք մի՛ ցնծացէք, որ չամբանան ձեր կապանքները, քանզի Տիրոջից, Չօրութիւնների Տիրոջից լսեցի այնպիսի հաստատուն ու կտրուկ բաներ, որ Նա կատարելու է ողջ երկրի վրայ:

23. Ունկնդի՛ր եղէք եւ անսացէ՛ք իմ ձայնին, ո՛ւշ դրէք եւ լսեցէ՛ք իմ խօսքերը:

24. Մի՞թէ հերկուորն ամբողջ օրը կը հերկի, կամ մի՞թէ սերմը նախապէս կը ցանի, քանի դեռ նա հողը չի հերկել:

25. Մի՞թէ նախ նրա երեսը չի փխրեցնի, յետոյ մի փոքր արջնդեղ եւ չաման չի ցանի, ապա սահմանուած տեղում ցորեն ու գարի, կորեկ ու հաճար չի սերմանի:

26. Իսկ դու պիտի սովորես դա քո Աստծու արդարութեամբ, որով եւ ուրախ ես լինելու:

27. Արջնդեղը կալսելով չի մաքրուի, եւ կամասայլի անիւը չամանի վրայ չեն պտտեցնի. արջնդեղը թակիչով է ծեծւում-անջատւում, իսկ չամանը հացով է ուտւում:

28. Բայց ես ձեզ վրայ յաւիտեան չպիտի բարկանամ, եւ ոչ էլ իմ դառնութեան ձայնն է ձեզ ճնշելու:

29. Այս իմաստուն գործերը եղան Չօրութիւնների Տիրոջից: Արդ, մտածեցէ՛ք, վերացրէ՛ք ձեզնից ձեր ունայն միսիթարութիւնը:

1. Վա՛յ քեզ, Արիէ՛լ քաղաք, Արիէլ, որը Դաւիթը պաշարեց, քանզի տօները խառնուեցին իրար: Արմտի՛ք հաւաքեցէք եւ տարեցտարի կերէ՛ք, կերէ՛ք Մովաբի հետ միասին:
2. Ես նեղը պիտի գցեմ Արիէլին, որ նրա գօրութիւնն ու մեծութիւնը իմը լինեն:
3. Ես Դաւթի պէս պիտի պաշարեմ քեզ, պատնէշեմ քեզ շուրջանակի եւ քո շուրջբոլորը աշտարակներ պիտի կանգնեցնեմ:
4. Եւ քո խօսքերը դէպի հողը պիտի խոնարհուեն, քո պատգամները գետնի մէջ մտնեն. քո կանչը պիտի լինի ինչպէս վիժակներինը, եւ հողի ընդերքում քո ձայնը պիտի տկարանայ:
5. Ամբարիշտների մեծութիւնը պիտի դառնայ անուի փոշու նման, քեզ գրկողների բազմութիւնը՝ մաղուած խնկի պէս:
6. Եւ մի ակնթարթում այցելութեան պիտի գայ Չօրութիւնների Տէրը՝ թնդիւնով, որոտումով ու բարձրաբարբառ կանչով, փոթորկուած մրրկով եւ լափող կրակի բոցով:
7. Ինչպէս գիշերուայ երազի մէջ յայտնուած տեսիլքում, բոլոր հեթանոսների բազմութիւնը յարձակուելու է Երուսաղէմի ու այնտեղ հաւաքուածների վրայ, նաեւ նրանց վրայ, որոնք նեղում են նրան:
8. Բայց ինչպէս որ երազի մէջ քաղց են գգում եւ ուտում ու արթնանալով տեսնում, որ դա սին երազ էր, եւ կամ ինչպէս մէկը, որ երազում ծարաւում է եւ խմում ու արթնանալով նորից ծարաւ է մնում, եւ իզուր է անցնում հոգու այդ ցանկութիւնը, - այդպէս պիտի լինի նաեւ բոլոր հեթանոսների մեծութիւնը, որոնք զօրքով հաւաքուեցին եւ ելանընդդէմ Երուսաղէմի եւ Սիոն լեռան:
9. Ապշահար եղաք, յիմարացաք, թմրեցիք, է՛լ աւելի թմրեցիք, հարբեցիք, բայց ո՛չ գիտուց եւ ո՛չ էլ օղուց.
10. քանզի Տէրը ձեզ յիմարութեան ոգի խմեցրեց եւ խցանեց ձեր, ձեր մարգարէների, ձեր իշխանների ու ձեր տեսանողների աչքերը:
11. Թող այս բոլոր պատգամները ձեզ համար լինեն ինչպէս կնքուած նամակի խօսքեր, որը երբ տան որեւէ գրագետ մարդու եւ ասեն նրան՝ ընթերցի՛ր այդ, պիտի ասի. Չեմ կարող ընթերցել, որովհետեւ կնքուած է:
12. Եւ նոյն գիրը պիտի տան մի մարդու ձեռքը, որը տառեր չի ճանաչում, ու ասեն նրան՝ ընթերցի՛ր այդ, նա պիտի պատասխանի՝ կարդալ չգիտեմ:
13. Տէրն ասում է. Այս ժողովուրդը մօտ է ինձ իր բերանով, իր շրթունքներով է մեծարում ինձ, բայց սրտով հեռացել ու մեկուսացել է ինձնից. զուր է ինձ պաշտում, մարդկանց պատուիրաններն ու վարդապետութիւններն է ուսուցանում:
14. Դրա համար ես էլ պիտի փոխեմ այդ ժողովրդին, պիտի այլափոխեմ նրան, պիտի կորցնեմ իմաստունների իմաստութիւնը եւ արհամարհեմ խորհրդականների խորհուրդները:
15. Վա՛յ նրանց, ովքեր խորին խորհուրդներ են խորհում, բայց առանց Տիրոջ. վա՛յ նրանց, ովքեր թաքուն խորհուրդներ են խորհում, ու նրանց գործերը խաւարի հետ են: Նրանք ասում են. Ո՞վ կը տեսնի մեզ, ո՞վ պիտի իմանայ, թէ ինչ ենք անում:
16. Բայց չէ՞ որ դուք բրուտի կաւ էք. մի՞թէ ստեղծուածն իր ստեղծողին կ'ասի, թէ՛ դո՛ւ չես ինձ ստեղծել, կամ արարածն՝ Արարչին, թէ՛ իմաստութեամբ չես արարել ինձ:
17. Շատ չէ՞ քիչ ժամանակ կ'անցնի, եւ Լիբանանը կը դառնայ ինչպէս Քերմէլ լեռը, իսկ Քերմէլն անտառ կը համարուի:
18. Այն ժամանակ խուլերը պիտի լսեն այդ գրուածքի խօսքերը, եւ խաւարի ու մեզի մէջ գտնուող կոյրերի աչքերը պիտի տեսնեն.
19. աղքատներն ուրախութեամբ պիտի ցնծան Տիրոջ համար, եւ յոյսը կորցրած մարդիկ պիտի լցուեն խնդութեամբ:
20. Անօրէնը պիտի վերանայ, ամբարտաւանը պիտի անհետ կորչի, անիրաւները պիտի ոչնչանան չարիքների մէջ,
21. նրանց հետ՝ նաեւ նրանք, ովքեր խօսքով ստիպում էին մարդկանց մեղանչել, իրենց

յանդիմանողների բոլորի դռներին թակարդ էին լարում եւ անարդարութեամբ ծռում իրաւունքը:

22. Ուստի եւ Տէրն այսպէս է ասում Յակոբի տան մասին, որ նա ընտրեց Աբրահամից.  
Հիմա Յակոբը չի ամաչելու, Իսրայելը հիմա երեսի գոյնը չի փոխելու,

23. բայց երբ նրանց որդիները տեսնեն իմ գործերը, պիտի սրբացնեն իմ անունը, պիտի սրբացնեն Յակոբի սրբին ու պիտի երկնչեն Իսրայելի Աստծուց:

24. Հոգով մոլորուածները պիտի ճանաչեն իմաստութիւնը, տրտնջացողները պիտի սովորեն հնազանդուել, թոթովախօս լեզուները պիտի սովորեն բարբառել  
խաղաղութիւն:

1. Այսպէս է ասում Տէրը. Վա՛յ ձեզ, ապստա՛մբ որդիներ, քանզի խորհուրդ էք անում, բայց ոչ իմ կամքով, դաշինք էք կռում, բայց ոչ իմ հոգով, մեղքերի վրայ մեղքեր էք բարդում:
2. Առանց ինձ հարցնելու գնում իջնում էք եգիպտացիների երկիրը՝ Փարաւոնից օգնութիւն գտնելու եւ եգիպտացիներին ձեզ թիկունք դարձնելու:
3. Բայց Փարաւոնի պաշտպանութիւնը ձեզ համար ամօթ է լինելու, իսկ եգիպտացիներին ապաւինելը՝ նախատինք:
4. քանզի Տայանիս երկրում իշխանները չար պատգամաբերներ են.
5. զուր տեղը ջանք կը թափե՞ն մի ժողովրդի համար, որից ո՛չ շահ եւ ո՛չ էլ օժանդակութիւն ու օգուտ է լինելու իրենց, այլ՝ ամօթ ու նախատինք:
6. Տեսիլք անապատում նեղութեան եւ տառապանքի մէջ գտնուող չորքոտանիների մասին:
7. Առիւծն ու առիւծի կորիւնը եւ իծերն ու թռչող իծերի ձագերը, իրենց գանձերը բարձած էշերին եւ իրենց հարստութիւնը դրած ուղտերի վրայ, գնում են մի ազգի մօտ, որից իրենց օգուտ ու օժանդակութիւն չի լինելու, այլ՝ ամօթ ու նախատինք:
8. Եգիպտացիներին, որոնք իզուր եւ ապարդիւն են օգնում ձեզ, յայտնի՛ր. Չուր է ձեզնից ստացած մեր մխիթարանքը:
9. Արդ, նստի՛ր ու գրի՛ր տախտակի վրայ եւ գրքի մէջ, որպէսզի դա պահպանուի իր ժամանակի համար եւ յաւիտեանս յաւիտենից,
10. քանզի ժողովուրդն անհաւատ է, որդիները՝ սուտ, որոնք չկամեցան հետեւել Աստծու օրէնքին:
11. Նրանք մարգարէներին ասում էին. Մի՛ մարգարեացէք, այլ խօսեցէ՛ք մեզ հետու մեզ պատմեցէ՛ք մի այլ մոլորութեան մասին.
12. մեզ յե՛տ դարձրէք այդ ճանապարհից, հեռացրէ՛ք մեզ այդ շաւղից, մեր միջից հանեցէ՛ք Իսրայէլի Աստծու օրէնքները:
13. Դրա համար էլ այսպէս է ասում Տէրը՝ Իսրայէլի սուրբը. Որովհետեւ դուք անարգեցիք այդ խօսքերը եւ ապաւինեցիք սնտոի ստին, տրտնջացիք եւ յոյս դրիք դրա վրայ,
14. այդ պատճառով էլ ձեր մեղքերը ձեզ համար պիտի դառնան այն անառիկ քաղաքի՝ իսկոյն խորտակուած պարսպի պէս, որը գրաւուած է, եւ որին հասել է յանկարծակի կործանում:
15. Նրա կործանումը նման է լինելու բրուտի խեցե անօթի ջարդուելուն, այնքան մանր փշրուած, որ որեւէ մէկը դրանից մի կտոր էլ չգտնի, որպէսզի դրանով կրակ վերցնի եւ կամ կարողանայ մի քիչ ջուր առնել:
16. Այսպէս է ասում Տէրը՝ Իսրայէլի սուրբ Աստուածը. Երբ դարձի գաս եւ հոգոց հանես, այն ժամանակ կ'ապրես եւ կ'իմանաս, թե որտեղ ես գտնուում: Որովհետեւ յոյսդ դրել էիր սնտոի բաների վրայ, դրա համար էլ սնտոի դարձաւ եւ ձեր զօրութիւնը: Դուք չէիք կամենում լսել,
17. այլ ասում էիք. Մենք կը փախչենք մեր երիվարներով: Դրա համար էլ փախստական պիտի դառնաք: Ասում էիք. Մենք կը փախչենք մեր արագընթաց երիվարներով: Դրա համար առաւել արագընթաց պիտի լինեն նրանք, որոնք ձեզ հալածելու են.
18. քանզի մէկի աղաղակից հազարը պիտի փախչի, հինգի աղաղակից՝ տասը հազարը, մինչեւ որ մնաք լեռան վրայ ցցուած ձողի նման եւ կամ ինչպէս բլրի վրայ կանգնեցուած քարակոթող:
19. Սակայն շուտով Աստուած նորից գթալու է ձեզ, վեր է կենալու, որպէսզի ողորմի ձեզ: Տէր Աստուած մեր դատաւորն է: Երանի՛ բոլոր նրանց, ովքեր սպասում են նրան,
20. որովհետեւ արդար ժողովուրդը պիտի բնակուի Սիոնում: Եւ Երուսաղէմը լալով պիտի պաղատի, թե՛ ողորմի՛ր ինձ: Պիտի ողորմի քեզ, պիտի գթայ քո ձայնին ու աղաղակին, հէնց որ տեսնի ու լսի քեզ:
21. Տէրը նեղութեան մէջ քեզ՝ հաց եւ թշուառութեան մէջ ջուր պիտի տայ. էլ քեզ չեն



մօտենալու նրանք, ովքեր մոլորեցնում էին քեզ, որովհետեւ աչքերդ բացուելու են քեզ մոլորեցնողների հանդէպ,

22. Եւ ականջներդ քեզ մոլորեցնողների յետեւից լսելու են նրանց ասած խօսքերը, թէ՛ Սա է ճանապարհը, այստեղով գնանք, եւ կամ թէ՛ Դէպի աճ, կամ դէպի ձա՛խ:

23. Դու պիտի պղծես արծաթապատ եւ ոսկեպատ կոռքերը, պիտի փշրես դրանք եւ թափես ինչպէս դաշտանի ջուր, ինչպէս աղբ՝ պիտի հեռացնես դրանք:

24. Այն ժամանակ քո հողի սերմերի համար անձրեւ պիտի լինի, քո հողի հացն ու բերքը պիտի լինեն առատ ու յուռթի, եւ այն օրը քո հօտերը պիտի արածեն փարթամ ու ընդարձակ վայրում:

25. Ձեր արջառներն ու եզները, որոնք հողն են վարում, պիտի ուտեն յարդ՝ խառնուած գարու հետ, որ բերելու են կալից:

26. Այն օրը բոլոր բարձր լեռների եւ բոլոր բարձրաբերձ բլուրների վրայ ջուր պիտի բխի, երբ ոչնչանան շատերը, եւ կործանուեն աշտարակները:

27. Այն օրը լուսնի լոյսն արեգակի լոյսի պէս պիտի լինի, իսկ արեգակի լոյսը պիտի լինի եօթնապատիկ շատ, պիտի դառնայ եօթը օրուայ լոյսի չափ, ու Տէրը պիտի բուժի իր ժողովրդի կրած հարուածը, պիտի բուժի քո վերքերի ցաւերը:

28. Ահաւասիկ, երկար տարիներ ու բազում ժամանակներ անց պիտի գայ Տիրոջ անունը՝ բարկութեամբ վառուած եւ փառքով լի. բարկութեամբ լի են լինելու նրա շուրթերի ու բերանի խօսքերը: Նրա բարկութիւնն ու ցասումը կրակի պէս պիտի լափեն,

29. իսկ նրա հոգին, ինչպէս ձորը լցուող յորդահոս հեղեղ, պիտի հասնի մինչեւ պարանոցը: Եւ պիտի բաժանի ու խռովութեան մատնի ազգերին՝ իրենց սնոտի

մոլորութեան համար, պիտի հալածի նրանց մոլորութիւնը եւ նրանց հանի միմեանց դէմ:

30. Մի՞թէ դուք հանապազ ուրախութեամբ պիտի մտնէք իմ սրբութիւնները, մի՞թէ ամեն ժամ տօնախմբութիւններով, ցնծութեամբ ու փողերով պիտի մուտք գործէք Տիրոջ լեռը՝ Իսրայէլի սուրբ Աստծու մօտ:

31. Տէրը լսելի պիտի դարձնի իր փառաւոր ծայնը, ցոյց պիտի տայ իր բազկի զայրոյթը՝ սրտմտութեամբ ու ցասման ամենակուլ բոցով, կրակ սփռող իր ահաւոր բարկութեամբ, ինչպէս եւ ջրհեղեղով ու սաստկատարափ կարկուտով:

32. Ասորեստանցիները պիտի ընկճուեն Տիրոջ ծայնից եւ այն հարուածներից, որ Նա հասցնելու է նրանց:

33. Եւ իրենց օգնականները, որոնց վրայ յոյս էին դրել, ամեն կողմից շրջապատման մէջ են առնելու նրան. փողերով ու թմբուկով նրանք շատ անգամ փոխնիփոխ պիտի կռուեն նրանց դէմ ու ոչ թէ վաղօրօք, այլ հենց ժամանակին վրէժխնդիր պիտի լինեն նրանցից:

34. Եւ արդ, մի՞թէ ձեզ համար եւս նախատեսուած է թագաւորել: Խոր ձորի մէջ փայտ է դիզուած, մեծ փայտակոյտն է բորբոքուել հրով. Տիրոջ զայրոյթն է բորբոքուած, ինչպէս ծծմբով լի ձոր:

1. Վա՛յ նրանց, ովքեր օգնութիւն գտնելու համար իջնում են Եգիպտոս, ովքեր հեծեալներին ու մարտակառքերին են ապաւինում, թէ շատ են, եւ ձիերի մեծ բազմութեանը. նրանք Իսրայելի սրբի վրայ յոյս չեն դնում, Աստծուն չեն փնտռում:
2. Բայց Տէրն իմաստուն է, նրանց վրայ չարիք է բերելու, եւ նրա խօսքը չի անարգուի. նա կը կանգնի չար մարդկանց տների, նրանց սնտոի յոյսի վրայ:
3. Եգիպտացի մարդուն են ապաւինում եւ ոչ թէ Աստծուն, ձիերի մարմիններին, բայց օգնութիւն չի լինի. Տէրը իր ձեռքը կ'երկարի նրանց վրայ, եւ օգնողները տանջանքի կ'ենթարկուեն, իսկ նրանցից օգնութիւն սպասողները կը կործանուեն, ամենքն անխտիր կ'ոչնչանան:
4. Այսպէս ասաց ինձ Տէրը. Ինչպէս որ առիւծը եւ առիւծի կորիւնը մռնչում են դէպի այն որսը, որի վրայ են յարձակում, այնպէս էլ ինքը պիտի բացականչի, լեռները լցնի իր ձայնով, եւ նրանք պարտութեան պիտի մատնուեն, նրա բարկութեան սաստկութիւնից պիտի հալուեն. այդպէս է իջնելու Զօրութիւնների Տէրը Սիոն լեռան եւ նրա բլուրների վրայ:
5. Ինչպէս թեւածող թռչունները, այդպէս էլ Զօրութիւնների Տէրը պիտի հովանի լինի Երուսաղէմին, նրա թիկունքին կանգնի, օգնի, փրկի եւ ապրեցնի:
6. Դարձե՛ք դէպի Տէրը, ո՛վ Իսրայելի որդիներ, որ գաղտնի ու չար խորհուրդներ եք խորհում.
7. քանզի այն օրը մարդիկ պիտի վերացնեն իրենց արծաթ եւ ոսկէ կուռքերը՝ իրենց ձեռքերի գործած մեղքերը:
8. Եւ ասորեստանցին պիտի ընկնի, բայց ոչ մարդու սրով. մարդու սուրը չի ուտելու նրան, նա փախուստի պիտի մատնուի, բայց ոչ սուների պատճառով. նրա երիտասարդները եւս պարտութեան պիտի մատնուեն:
9. Նրանք, ովքեր բանտարկուածների պէս թաքնուած են լինելու ժայռերի մէջ,
10. նոյնպէս պարտութեան են մատնուելու. փախչողն էլ պիտի բռնուի: Այսպէս է ասում Տէրը. Երանի՛ նրան, ով զաւակ ունի Սիոնում, եւ ում տանեցիները Երուսաղէմում են:

1. Ահա մի թագաւոր, որ արդարութեամբ պիտի թագաւորի, եւ իշխաններ, որոնք իրաւունքով պիտի իշխեն:
2. Եւ այն մարդը, որն իր մտքերն է թաքցնում, այնպէս պիտի լինի, ինչպէս յորդ ջրերի մէջ թաքնուած մէկը: Իսկ Սիոնը նմանուելու է մի փառաւոր գետի, որ յորդել է տոչորուած երկրում:
3. Այլեւս յոյս չեն դնելու մարդկանց վրայ, այլ իրենց ականջները պահելու են լսելու համար.
4. տկարների սրտերը պիտի անսան ու հնազանդուեն, թոթովախօս լեզուներն արագօրէն պիտի սովորեն բարբառել խաղաղութիւն:
5. Ել չեն դիմելու յիմարին, որ լինի իրենց իշխան, եւ ոչ էլ քո պաշտօնեաներն են ասելու, թէ՛ լո՛ւռ կաց.
6. քանզի յիմարը յիմարութիւն դուրս կը տայել իր սրտում փուչ բաներ կը մտածի՝ անօրէնութիւն անելով, Աստծու մասին մոլորութիւններ խօսելով, հալածելով քաղցած հոգիներին եւ ծարաւած մարդկանց դատարկ արծակելով:
7. Չարագործերն անօրէն խորհուրդներ են խորհում՝ անիրաւ խօսքերով ապականելով խեղճերին եւ դատի ժամանակ արհամարհելով աղքատների խօսքը.
8. իսկ արդարները իմաստուն բաներ են խորհում, եւ այդ խորհուրդը կայ ու կը մնայ:
9. Ո՛վ բարեկեցիկ կանայք, եկէք ականջ դրէք իմ ձայնին, եւ դուք, դուստրե՛ր, խոհե՛մ եղէք ու լսեցե՛ք իմ խօսքերը:
10. Ցաւով ու տագնապով պիտի յիշէք տարեկան տօների օրերը, քանզի այգեկուրծ նուազեց, ցանքսը դադարեց, եւ այլեւս յետ չեն գալու:
11. Չարիւրեցե՛ք, բարեկեցիկնե՛ր, տրտմեցե՛ք, մեծամիտնե՛ր, հանուեցե՛ք, մերկացե՛ք, քո՛ւրձ հագէք,
12. լա՛ց եղէք եւ կո՛ւրծք ծեծեցէք սիրելի հանդերի համար եւ այգիների բերքի համար:
13. Իմ ժողովրդի հողում փուշ ու մուխոտ պիտի բուսնի, եւ բոլոր ապարանքների միջից ուրախութիւնը պիտի վերանայ. փարթամ քաղաքի ապարանքները պիտի լքուեն:
14. Պիտի լքեն այդ քաղաքի հարստութիւնը եւ ցանկալի տները, քո ականները յաւիտենապէս քարանձանների պիտի վերածուեն, ցիռերը պիտի զուարճանան այնտեղ, եւ հօտերը պիտի արածեն,
15. մինչեւ որ բարձրից ձեզ վրայ գայ Հոգին, եւ Քերմէլն անապատ դառնայ, Քերմէլ լեռն անտառ համարուի,
16. եւ իրաւունքը հանգրուանի անապատում, արդարութիւնը բնակուի Քերմէլում:
17. Արդարութեան գործերը խաղաղութեամբ պիտի կատարուեն, արդարութիւնը անդորրութիւն պիտի հաստատի, յոյս ունեցողները յաւիտեան պիտի մնան:
18. Եւ իմ ժողովուրդը պիտի բնակուի խաղաղութեան քաղաքում, պիտի բնակուի յոյսով եւ լինի ապահով ու հանգիստ:
19. Եթէ կարկուտ էլ թափուի, նրանց վրայ չի գալու: Անտառում բնակուողները նոյնպէս պիտի լինեն այնպէս ապահով, ինչպէս նրանք, որոնք դաշտում են:
20. Երանի՛ նրանց, ովքեր սերմ են ցանում այն բոլոր ջրերի մօտ, ուր ոտք են դնում եզն ու էշը:

1. Վա՛յ նրանց, ովքեր թշուառացնում են ձեզ: Սակայն ձեզ ոչ ոք չի կարող թշուառութեան մատնել. ով որ արհամարհում է, ձե՛զ չէ, որ արհամարհում է, քանզի ձեզ արհամարհողները պարտութեան պիտի մատնուեն. ինչպես որ ձորձերի վրայի ցեցը, այնպես էլ նրանք պարտութեան պիտի մատնուեն:
2. Տե՛ր, ողորմի՛ր մեզ, քանզի մենք մեր յոյսը դրել ենք քեզ վրայ: Անհաւատների սերունդը կործանուեց, իսկ մեր փրկութիւնը նեղութեան ժամին քեզնից է գալու:
3. Քո ձայնի ահից ժողովուրդները յիմարացան, եւ քո երկիւղից հեթանոսները ցրուեցին:
4. Ահա ձեր մեծ ու փոքրի կողոպուտը պիտի հաւաքուի այնպես, ինչպես մէկը, որ մորեխ է հաւաքում փոսից. այդպես էլ ծաղրելու են ձեզ:
5. Սուրբ է մեր Տեր Աստուածը, որ բարձունքներում է բնակւում, որի շնորհիւ Սիոնն իրաւունքով ու արդարութեամբ է լցուել:
6. Նրանք իրաւացիօրէն պարտութեան մատնուեցին, իսկ մեր փրկութիւնը պիտի լինի մեր գանձերի շնորհիւ: Մեզ հասան Տիրոջ իմաստութիւնը, հանճարը եւ աստուածապաշտութիւնը. ահա դրանք են արդարութեան գանձերը:
7. Ահաւասիկ նրանք սարսափում են ձեր ահից. ումից որ վախենում էիք, իրե՛նք են ձեզնից վախենում. պատգամաւորներ են ուղարկում, որպէսզի դառնօրէն լաց լինելով՝ խաղաղութիւն աղերսեն:
8. Նրանց ճանապարհները կտրուեցին, հեթանոսների ահը հանդարտուեց, եւ վերացաւ նրանց հետ կնքուած ուխտը. այլեւս նրանց մարդ մի՛ համարէք:
9. Սուգ արեց եւ տկարացաւ երկիրը, Լիբանանն ամօթահար եղաւ, Սարունը մարգագետնի դաշտի վերածուեց, Գալիլիան եւ Կարմելոսը մերկացան:
10. Այժմ ելնելու եմ ես, -ասում է Տերը, -այժմ փառաւորուելու եմ, այժմ բարձրանալու եմ:
11. Ահա պիտի տեսնէք, ահա ամօթահար պիտի լինէք, զուր պիտի լինի ձեր հոգու զօրութիւնը, եւ կրակը ձեզ պիտի ճարակի:
12. Հեթանոսները ագարակի մէջ խանձուած փշի նման պիտի դառնան՝ այրուած ու լքուած:
13. Թող հեռում գտնուողները լսեն՝ ինչ որ կատարեցի, եւ մօտ եղողները ճանաչեն իմ զօրութիւնը:
14. Անօրէնները մերժուեցին Սիոնից. դողն է բռնել ամբարիշտներին: Եւ արդ, ո՞վ պիտի պատմի ձեզ, թէ կրակը բորբոքուել է, կամ ո՞վ պիտի յայտնի ձեզ յաւիտենական կայանի մասին:
15. Ով արդարութեամբ է ընթանում, խօսում ճշմարիտ ուղու մասին, ատում անօրէնութիւնն ու անիրաւութիւնը, իր ձեռքերը հեռու պահում կաշառքից, ծանրացնում ականջները, որպէսզի չլսի արեան վրիժառութեան մասին, փակում աչքերը, որպէսզի անարդարութիւնը չտեսնի,
16. նա հաստատուն ապառաժի բարձր անձաւի մէջ է բնակուելու. հաց պիտի տրուի նրան, ջրով եւս ապահովուած պիտի լինի նա:
17. Դուք տեսնելու էք թագաւորին իր փառքի մէջ, ձեր աչքերը հեռուից դիտելու են երկիրը,
18. ու ձեր հոգին խորհելու է Աստծու երկիւղի մասին: Ո՞ր են գրագիրները, ո՞ր են խրատատուները, ո՞ր է նա, որի ձեռքին է ժողովրդի մեծ ու փոքրին սնուցողների հաշիւը.
19. նա խորհրդի չնստեց ժողովրդի հետ, որն անտեղեակ էր ու ծանրալեզու, որովհետեւ չէր լսում. վատթարացած մի ժողովուրդ, որ լսածի մասին չէր ուզում մտածել:
20. Ահա մեր փրկութեան քաղաք Սիոնը. ձեր աչքերը պիտի տեսնեն Երուսաղէմ քաղաքը՝ մեծացած, այնպիսի վրաններով, որոնք չեն տեղաշարժուելու, յաւիտեանս յաւիտենից չեն շարժուելու նրա վրանների ցցերը, չեն խզուելու եւ դրանց պարանները,
21. քանզի ձեզ համար մեծ է Տիրոջ անունը: Ձերն է լինելու այն երկիրը, ուր գետերը եւ ջրանցքները լայնահուն են ու ջրառատ. այն ճանապարհով դու այլեւս չես գնալու, չես

գնալու եւ քո վարած նաւերը, որովհետեւ մեծ է մեր Աստուածը եւ մեզ չի անտեսի:

22. Տէրն է մեր հայրը, Տէրն է մեր դատաւորը, Տէրն է մեր իշխանը, Տէրն է մեր թագաւորը, Տէրն է մեր փրկիչը, նա է փրկելու մեզ:

23. Կտրուեցին քո պարանները, որովհետեւ չդիմացան, կայմն էլ թեքուեց եւ չի բացելու առագաստը ու չի պարզելու դռօշը մինչեւ կորստեան մատնուելը?

24. Այնուհետեւ բազում կաղեր աւարառութիւն պիտի կատարեն: Ժողովուրդը, որ բնակւում է դրանց մէջ, չպիտի ասի, թէ՛ տանջուեցինք, որովհետեւ նրա մեղքերին թողութիւն է լինելու:

1. Մօ՛տ եկեք ու լսեցէ՛ք, ո՛վ հեթանոսներ, ականջ դրեք, ո՛վ իշխաններ. թող լսի երկիրը՝ իր մէջ գտնուողների հետ, աշխարհը՝ իր մէջ ապրող ժողովուրդների հետ:
2. Տիրոջ զայրոյթը բոլոր ազգերին է ուղղուած, բարկութիւնը նրանց բոլոր բազմութիւնների դէմ է, որպէսզի ոչնչացնի նրանց՝ մատնելով սպանութեան.
3. Իսկ նրանց վիրաւորները պիտի ընկնեն դիտապաստ, նրանցից նեխահոտ պիտի փչի, լեռները պիտի թրջուեն նրանց արեամբ:
4. Երկնային բոլոր զօրութիւնները պիտի հալուեն, երկինքը մագաղաթի պէս պիտի գալարուի, բոլոր աստղերը ցած պիտի թափուեն ինչպէս որթատունկի տերեւ կամ ինչպէս թգենուց վայր ընկնող տերեւ:
5. Սուրն իմ, որ հարբել է երկնքում, այժմ իջնելու է եդոմայեցիների վրայ եւ կորստեան դատապարտուած ժողովրդի վրայ՝ դատաստանի համար:
6. Տիրոջ սուրը յագեցել է արեամբ, ուռել է գառների, ցուլերի ու խոյերի ճարպով, քանզի Տիրոջ համար Բոսորայում՝ զոհաբերութիւն, իսկ եդոմայեցիների երկրում մեծ սպանդ է լինելու:
7. Նրանց հետ պիտի ճգմուեն մեծամեծները, նաեւ խոյերն ու ցուլերը. երկիրը պիտի հարբի նրանց արեամբ, եւ հողը նրանց ճարպով պիտի լցուի:
8. Արդարեւ, Տիրոջ դատաստանի օրն է, Սիոնի դատաստանի հատուցման տարին.
9. Եւ նրա ձորերը ծիւթ պիտի դառնան, իսկ նրա հողը՝ ծծումբ.
10. Նրա հողը, ինչպէս ծիւթ, զօր ու գիշեր պիտի վառուի եւ յաւիտենապէս չի հանգչելու: Նրա ծուխը վեր պիտի բարձրանայ, եւ նա սերնդից սերունդ պիտի աւերուի, շատ ու շատ ժամանակներ պիտի աւերուի, եւ չի լինելու ոչ ոք, որ անցնի այնտեղով:
11. Այնտեղ բնակութիւն պիտի հաստատեն թռչուններն ու ոգնիները, ցիւներն ու ագռաւները, նրա մէջ պիտի ջնջուեն ու աւերակ դառնան չափուած սահմանները, յուշկապարիկները պիտի բնակուեն այնտեղ:
12. Նրա իշխանները պիտի դադարեն գոյութիւն ունենալուց, նրա թագաւորներն ու մեծամեծները պիտի կործանուեն:
13. Նրա քաղաքներում եւ ամրոցներում փշաբեր ծառ պիտի բուսնի: Համբարուների բնակատեղի եւ ջայլամների հանգրուան պիտի դառնայ նա,
14. ուր դեւերն ու յուշկապարիկներն են հանդիպելու եւ միմեանց ծայն տալու: Այնտեղ պիտի հանգրուանեն յուշկապարիկները, որովհետեւ իրենց համար հանգիստ են գտնելու:
15. Այնտեղ ոգնին ծագեր պիտի հանի, եւ երկիրը զգուշութեամբ սնուցելու է նրա ծագերին: Այնտեղ միմեանց են հանդիպելու եղջերուները եւ իրար երես են տեսնելու.
16. Նրանք թուով պիտի բազմապատկուեն, նրանցից մէկն անգամ չի նուազելու, ընկերն ընկերոջ պակաս չի զգալու, քանզի Տէրն է այդպէս հրամայել նրանց, Նրա Հոգին է նրանց հաւաքել:
17. Նա է նրանց այդ վիճակին արժանացրել, նրա ձեռքն է նրանց կեր բաժանել՝ յաւիտեանս յաւիտենից: Նրանք պիտի ժառանգեն սերնդից սերունդ եւ հանգրուան գտնեն այնտեղ:

1. Թող ուրախանայ ծարաւած անապատը, թող ցնծայ անապատը ու ծաղկի ինչպէս շուշանը:
2. Թող ծաղկի ու ցնծայ Յորդանանի անապատը. նրան պիտի տրուի ե՛լ փառքը Լիբանանի, ե՛լ պատիւը Կարմելոսի, ու իմ ժողովուրդը պիտի տեսնի փառքը Տիրոջ ու վեհութիւնը մեր Աստծու:
3. Ո՛ւժ առէք, լքուա՛ծ ձեռքեր ու տկարացած ծնկներ,
4. մխիթարուեցէ՛ք, թուլասի՛րտ մարդիկ, գօտեպնդուեցէ՛ք եւ մի՛ երկնչէք: Ահաւասիկ մեր Աստուածը դատաստանով պիտի հատուցի եւ վրեժխնդիր լինի, նա ինքը պիտի գայ ու փրկի մեզ:
5. Այն ժամանակ կոյրերի աչքերը պիտի բացուեն, եւ խուլերի ականջները լսեն:
6. Այն ժամանակ կաղը եղջերուի պէս պիտի վազի, եւ ծանրախօսների լեզուն պարզ պիտի դառնայ, քանզի շուր պիտի բխի անապատում, եւ գետ՝ ծարաւած հողում:
7. Ջրագուրկ տեղերը լճակների պիտի վերածուեն, եւ տոչորուած հողում աղբիւրի ջրեր պիտի բխեն: Այնտեղ թռչուններն ուրախ պիտի ճռուողեն, եւ հօտերը մակաղատեղ պիտի գտնեն, այնտեղ մարգագետիններ են լինելու եւ ճահճուտներ:
8. Այնտեղ մաքուր ճանապարհ պիտի լինի, եւ ճանապարհը սուրբ պիտի կոչուի, այդ տեղով պիղծը չպիտի անցնի, պիղծ մարդկանց համար այնտեղ ճանապարհ չի լինելու, - մտամոլոր մարդիկ անգամ, այդ տեղով ընթանալով, չպիտի մոլորուեն:
9. Այնտեղ առիւծ չի լինելու, ու չար գազաններից ոչ մէկն այնտեղով չի անցնելու եւ այնտեղ ամենեւին չի լինելու. այդ տեղով պիտի գնան փրկուածները եւ Տիրոջ համար հաւաքուածները:
10. Պիտի վերադառնան ու ցնծութեամբ գան Սիոն, եւ նրանց գլխի վրայ յաւիտենական ուրախութիւն պիտի լինի, օրհնութիւն ու ցնծութիւն պիտի լինի նրանց գլխի վրայ, ուրախութիւնը պիտի դիմաւորի նրանց, ցաւը, տրտմութիւնն ու հեծութիւնը պիտի անհետանան:

1. Այնպես պատահեց, որ Եզեկիայի թագաւորութեան տասնչորսերորդ տարում Ասորեստանի Սենեքերիմ արքան յարձակուեց Հրեաստանի ամուր քաղաքների վրայ եւ գրաւեց:
2. Ասորեստանի արքան Լաքիսից մեծ զօրքով Երուսաղէմ, Եզեկիա արքայի մօտ ուղարկեց Ռափսակին, որը եկաւ կանգ առաւ Կտաւ սպիտակեցնողների ագարակի ճանապարհի վերեւի աւազանի ջրմուղի մօտ:
3. Նրան ներկայացան Քեղկիայի որդի Եղիակիմը, որը հազարապետն էր, գրագիր Սոմասը, որ հրովարտական էր գրում, եւ Ասափի որդի Յովաքը, որը ատենադպիրն էր:
4. Ռափսակը նրանց ասաց. «Նացեք յայտնեցէ՛ք Եզեկիային, որ այսպէս է ասում Ասորեստանի մեծ արքան. Ո՞ւմ վրայ ես յոյս դրել:
5. Խորհրդով կամ բերանի խօսքերով պատերազմի հարց կը լուծուի՞. իսկ հիմա ո՞ւմ վրայ ես յոյս դրել, որ չես հնազանդուում ինձ:
6. Ահա դու յոյսդ դրել ես ջախջախուած եղեգնեայ ցուպի՝ Եգիպտացու վրայ, որին եթէ որեւէ մէկը յենուի՝ պիտի խորտակուի, եւ այն պիտի ընկնի ձեռքից. ահա այդպիսին է Եգիպտոսի Փարաւոն արքան ամենքի համար, որոնք ապաւինել են նրան:
7. Իսկ եթէ ասեք, թէ՛ մեր Տէր Աստծուն ենք ապաւինել, ապա մի՞թէ դա նա չէ, որի բարձրադիր մեհեաններն ու զոհասեղանները Եզեկիան քանդեց եւ Հրեաստանին ու Երուսաղէմին հրաման տուեց, որ միայն իր առջեւ գտնուող զոհասեղանին երկրպագութիւն մատուցեն:
8. Դէ ուրեմն եկեք միացէ՛ք իմ տիրոջը՝ Ասորեստանի արքային, եւ ես ձեզ երկու հազար երիվար կը տամ, եթէ դուք կարողանաք դրանց համար հեծեալներ տալ:
9. Եւ դուք, որ յոյս էք դրել Եգիպտոսի վրայ, նրանց հեծեալների ու երիվարների վրայ, ինչպէ՞ս պիտի կարողանաք կռուել իմ տիրոջ աշխարհակալ զօրապետներից որեւէ մէկի հետ:
10. Արդ, ի՞նչ է, առանց Տիրոջ հրամանի՞ ենք եկել այս երկիրը՝ նրա հետ պատերազմելու համար: Տէրն ինձ ասաց. «Նա՛ւ այդ երկիրը եւ աւերի՛ր այն:
11. Ապա Եղիակիմը, Սոմասը եւ Յովաքը ասացին նրան. Մեզ՝ քո ծառաների հետ խօսի՛ր ասորերէն, որովհետեւ մենք այն հասկանում ենք, մեզ հետ հրէերէն մի՛ խօսիր. ինչո՞ւ ես այդպէս խօսում, որ հասնի այն մարդկանց ականջին, որոնք պարիսպների վրայ են:
12. Ռափսակը նրանց ասաց. Մի՞թէ միայն ձեր տիրոջ մօտ կամ ձեզ մօտ է ուղարկել ինձ իմ տերը, որ խօսեմ այս բաները, եւ ո՞չ արդեօք այն մարդկանց մօտ, որոնք նստում են այդ պարսպի վրայ, որպէսզի ձեզ հետ միասին չուտեն իրենց աղբը եւ չխմեն իրենց մէզը:
13. Ռափսակը ոտքի ելաւ եւ բարձր ձայնով հրէերէն կանչեց ու ասաց. Լսեցէ՛ք Ասորեստանի մեծ արքայի թագաւորական պատգամները:
14. Այսպէս է ասում արքան. Թող Եզեկիան ձեզ չմոլորեցնի այնպիսի խօսքերով, որոնցով չի կարող փրկել ձեզ:
15. Եւ թող չխաբի ձեզ Եզեկիան, թէ Աստուած փրկելու է ձեզ, եւ այս քաղաքը Ասորեստանի թագաւորի ձեռքը չի մատնուելու: Մի՛ լսեք Եզեկիային:
16. Այսպէս է ասում Ասորեստանի արքան. Եթէ դուք ձեր բարին էք կամենում, եկեք ի՛նձ յանձնուեք, եւ իւրաքանչիւրդ կ'ուտեք ձեր այգու եւ թզենու պտուղը ու կը խմեք ձեր ջրհորի ջուրը,
17. մինչեւ որ գամ եւ տանեմ ձեզ մի երկիր, որ նման է ձեր երկրին, երկիր ցորենի ու գինու, հացառատ ու այգեշատ:
18. Թող ձեզ չխաբի Եզեկիան՝ ասելով, թէ՛ Աստուած պիտի փրկի ձեզ. արդեօք ազգերի աստուածները կարողացա՞ն Ասորեստանի արքայի ձեռքից փրկել իրենց այս կամ այն երկիրը:
19. Ո՞ւր են Եմաթի ու Արփաթի աստուածները, ո՞ւր է Սեփարուիմ քաղաքի աստուածը.



միթէ իմ ձեռքից կարողացա՞ն փրկել Սամարիան:

20. Այդ բոլոր ազգերի աստուածներից արդեօք ո՞ր մէկն էր, որ կարողացաւ իմ ձեռքից փրկել իր երկիրը, որ ձեր Աստուածն էլ կարողանայ իմ ձեռքից փրկել Երուսաղէմը:

21. Լուռ մնացին նրանք եւ ոչ մի պատասխան չտուին, որովհետեւ թագաւորը հրամայել էր պատասխան չտալ:

22. Ապա Քեղկիայի որդի Եղիակիմը, որը հազարապետն էր, գրագիր Սոմնասը, որը հրովարտական էր գրում, Ասափի որդի Յովաքը, որը ատենադպիրն էր, օձիքները պատռելով, վերադարձան Եզեկիայի մօտ եւ նրան հաղորդեցին Ռափսակի խօսքերը:

1. Եզեկիա արքան, լսելով այս խօսքերը, պատռեց իր պատմուճանը, քուրճ հագաւ եւ մտաւ Տիրոջ տունը:
2. Այնուհետեւ Եղիակիմ հազարապետին, գրագիր Սոմնասին եւ ծեր քահանաներին, որոնք քուրճ էին հագել, ուղարկեց Ամոսի որդու՝ Եսայի մարգարէի մօտ,
3. որ ասէն նրան. Այսպէս է ասում Եզեկիան. Այսօր նեղութեան ու նախատինքի, կշտամբանքի ու բարկութեան օր է, մի օր, երբ ծննդկանի երկունքի ժամն է հասել, բայց նա չի կարողանում ծննդաբերել:
4. Թող քո Տէր Աստուածը լսի Ռափսակի խօսքերը, որին ուղարկեց իր տերը՝ Ասորեստանի արքան, որպէսզի նա նախատի կենդանի Աստծուն, նախատի այնպիսի խօսքերով, որոնք լսեց քո Տէր Աստուածը: Արդ, աղերսի՛ր քո Տէր Աստծուն մնացածներին համար:
5. Եզեկիա արքայի պաշտօնեաները ներկայացան Եսայուն:
6. Եւ Եսային ասաց նրանց. Այս բանը կը հաղորդէք ձեր տիրոջը: Այսպէս է ասում Տէրը. Զվախենաս այն խօսքերից, որ լսեցիր, եւ որոնցով նախատեցին ինձ Ասորեստանի արքայի պատգամաւորները:
7. Ահա ես արքայի մէջ խռովութեան ոգի կը սերմանեմ. լուր առնելով՝ նա կը վերադառնայ իր աշխարհը եւ իր երկրում սրի բաժին կը դառնայ:
8. Ռափսակը իմանալով, որ Ասորեստանի արքան հեռացել է Լաքիսից, քանի որ պաշարել է Լոբնան, վերադարձաւ ու հասաւ Ասորեստանի արքայի մօտ:
9. Եւ երբ եթովպացիների Թարակ արքան դուրս եկաւ սրան պաշարելու, նա յետ եկաւ այնտեղից եւ պատգամաւորներ յղեց Եզեկիայի մօտ՝ յայտնելով.
10. Այսպէ՛ս ասացեք Հրեաստանի Եզեկիա արքային. Թող քեզ չմոլորեցնի Աստուած, որին դու ապաւինել ես՝ ասելով, թէ Երուսաղէմը չի մատնուի Ասորեստանի արքայի ձեռքը:
11. Բայց մի՞թէ դու չես լսել, թէ Ասորեստանի թագաւորներն ի՞նչ օրը գցեցին բոլոր երկրներին, ինչպէ՛ս կործանեցին նրանց: Իսկ, ի՞նչ է, դու փրկուելո՞ւ ես:
12. Մի՞թէ աստուածները փրկեցին իմ այն ազգերին, որոնց իմ հայրերը կորստեան մատնեցին. Գոգանը, Խառանը, Ռափեթը, որոնք գտնուում են Եմաթի երկրում:
13. Ո՞ր են Եմաթի եւ Արփաթի թագաւորները, ո՞ր են Սեփարուիմ քաղաքի, Անայի եւ Գաւայի թագաւորները:
14. Եզեկիան, պատգամաւորների ձեռքից վերցնելով հրովարտակը, կարդաց, մտաւ Տիրոջ տունն ու այն փռեց Տիրոջ առաջ:
15. Եզեկիան աղօթքի կանգնեց Տիրոջ առաջ եւ ասաց.
16. Զօրութիւնների՛ Տէր, Աստուած Իսրայէլի, որ բազմում ես քերովքների վրայ, դու ես աշխարհի բոլոր թագաւորութիւնների միա՛կ Աստուածը, դո՛ւ արարեցիր երկինքն ու երկիրը:
17. Խոնարհի՛ր քո ականջը, ո՛վ Տէր, եւ լսի՛ր. Տէ՛ր, բա՛ց քո աչքերը եւ նայի՛ր, ո՛վ Տէր. լսի՛ր, Տէ՛ր, եւ իմացի՛ր այն պատգամները, որ ուղարկեց Ասորեստանի Սենեքերիմ արքան՝ նախատելու համար կենդանի Աստծուն:
18. Արդարեւ, Ասորեստանի թագաւորներն աներեցին համայն աշխարհն իր երկրներով,
19. հրոյ ճարակ դարձրին նրանց կուռքերը եւ կործանեցին, քանի որ նրանք աստուածներ չէին, այլ՝ մարդու ձեռքով կերտուած փայտե ու քարե կուռքեր:
20. Բայց արդ, Տէ՛ր Աստուած մեր, ազատի՛ր մեզ նրանց ձեռքից, որպէսզի աշխարհի բոլոր թագաւորութիւնները գիտակցեն, որ դու ես միակ Աստուածը:
21. Ապա Ամոսի որդի Եսային ուղարկուեց Եզեկիայի մօտ ու ասաց նրան. Այսպէս է ասում Իսրայէլի Տէր Աստուածը. Լսեցի այն աղօթքները, որոնցով պաղատեցիր ինձ՝ ընդդէմ Ասորեստանի Սենեքերիմ արքայի:
22. Ահա այս է այն պատգամը, որ յայտնեց Աստուած նրա մասին. Ծաղրեց ու արհամարհեց քեզ, ո՛վ Սիոնի կոյս դուստրը,քո յետեւից հեզնանքով նայեց Երուսաղէմի

դուստրը:

23. Ո՞ւմ վրայ թափեցիր քո նախատինքն ու չարութիւնը, ո՞ւմ վրայ ես բարձրացրել ծայնդ, ինչո՞ւ հայեացքդ չես յառում բարձունքին՝ դէպի Իսրայէլի սուրբը:

24. Ինչո՞ւ պատգամաւորների միջոցով նախատինք հասցրիր Տիրոջը: Դու ասում էիր, թէ՛ Իմ կառքերի բազմութեամբ լեռների բարձունքը, Լիբանանի ծայրերը ելայ, կոտորեցի նրա բարձր մայրիկները, նրա գեղեցիկ նոճիկները եւ մտայ նրա անտառի ամենաբարձր կողմերը,

25. կամուրջ գցեցի եւ ցամաքեցրի ջրերն ու բոլոր ջրամբարները:

26. Մի՞թէ դու չես լսել, թէ ակելի առաջ, հին ժամանակ, ինչ եմ արել ես. կանխատեսել եմ եւ այժմ էլ յայտնում եմ, որ կործանելու եմ հեթանոսներին իրենց ամրոցների մէջ,

27. նաեւ բոլոր բերդաքաղաքների բնակիչներին: Ձեռքից բաց թողի, եւ նրանք չորացան, դարձան ինչպէս տանիքի վրայ այրուած խոտ, ինչպէս չորացած սեզ:

28. Արդ, ես գիտեմ քո տեղն ու հանգրուանը, գիտեմ, թէ որ ճամփով ես գնում ու գալիս:

29. Զո գայրոյթն ու բարկութիւնը, քո մաղձոտութիւնն ինձ համար ակներեւ են, դրա համար էլ լկամ պիտի հազցնեմ քո մոռութիւն ու սանձ՝ քո կզակին եւ յետ պիտի դարձնեմ քեզ նոյն ճանապարհով, որով եկար:

30. Իսկ քեզ համար, Եզեկիա՛, թող սա նշան լինի. այս տարի պիտի ուտեք սերմանուածը, միւս տարին պիտի ուտեք մնացորդները, իսկ երրորդ տարին պիտի ցանեք ու հնձեք, այգիներ տնկեք եւ ուտեք նրանց պտուղը:

31. Հրեաստանում մնացածները արմատներ պիտի արձակեն դէպի ներքեւ եւ պտուղ պիտի տան վերելում,

32. որովհետեւ նրանք Երուսաղէմում պիտի լինեն, եւ փրկուածները՝ Սիոն լեռան վրայ. Չորութիւնների Տիրոջ նախանձախանդութեամբ է այդպէս լինելու:

33. Դրա համար էլ Տէրն այսպէս է ասում Ասորեստանի թագաւորի մասին. Նա չպիտի մտնի այդ քաղաքը, նետեր չպիտի արձակի դրա վրայ, դա չպիտի փակի վահաններով եւ ոչ էլ պատնէշներով պիտի պաշարի դա,

34. այլ պիտի վերադառնայ այն նոյն ճանապարհով, որով եկել է, եւ չպիտի մտնի այդ քաղաքը:

35. Այսպէս է ասում Տէրը. Պիտի պահպանեմ այդ քաղաքը, որպէսզի փրկեմ դա՝ ինձ եւ իմ ծառայ Դաւթի համար:

36. Ապա Տիրոջ հրեշտակը ելաւ եւ Ասորեստանի բանակից հարիւր ութսունհինգ հազարին սպանեց: Առաւօտեան վեր կենալով՝ գտան բոլորի անշունչ դիակները:

37. Եւ Ասորեստանի Սենեքերիմ արքան նորից դարձաւ, գնաց ու բնակուեց Նինուէում:

38. Եւ մինչ նա իր Նասրաք աստծու տաճարի մէջ երկրպագում էր իր կուռքին, նրա որդիները՝ Ադրամէլէքը եւ Սարասարը, սրով սպանեցին նրան եւ իրենք փախստական գնացին Հայաստան: Իսկ նրա փոխարէն թագաւորեց նրա որդին՝ Ասորդանը:

1. Այն ժամանակ Եզեկիան հիւանդացաւ մահացու հիւանդութեամբ. Ամոսի որդի Եսային եկաւ նրա մօտ ու ասաց. Այսպէս է ասում Տէրը. Պատուէ՛ր տուր տանդ համար, որովհետեւ մեռնելու ես, չես ապրելու:
2. Եւ Եզեկիան երեսը շրջեց դէպի պատը, աղօթք արեց ու ասաց.
3. Ո՛վ Տէր. յիշի՛ր ինձ, Տէ՛ր, քանզի քո առաջ արդարութեամբ ու ճշմարիտ սրտով ընթացայ եւ քեզ համար հաճելի գործեր կատարեցի: Ապա մեծ ցաւով լաց եղաւ Եզեկիան:
4. Եւ Տէրը, խօսքն ուղղելով Եսայուն, ասաց.
5. Գնա՛ եւ ասա՛ Եզեկիային, թէ այսպէս է ասում քո հօր՝ Դաւթի Տէր Աստուածը. Լսեցի քո աղօթքի ձայնը եւ տեսայ քո արցունքները. ահաւասիկ քո կեանքի ժամանակի վրայ աւելացնում եմ տասնհինգ տարի.
6. Ասորեստանի արքայի ձեռքից պիտի փրկեմ քեզ ու այս քաղաքը, պիտի պահապան լինեմ այս քաղաքին:
7. Եւ Տիրոջ կողմից թող սա նշան լինի քեզ, թէ Աստուած կատարելու է այն խօսքը, որ ասաց.
8. Ահաւասիկ ես յետ եմ դարձնելու քո աստիճաններին ընկած ստուերը. քո տան տասը աստիճաններով ներքեւ իջած շողքը ես տասը աստիճանով յետ եմ շրջելու: Եւ շողքը բարձրացաւ տասը աստիճան, հասաւ այնտեղ, ուր ստուերն էր իջել:
9. Հրեաստանի արքայ Եզեկիայի աղօթքը այն ժամանակ, երբ նա հիւանդացաւ եւ ապաքինուեց հիւանդութիւնից.
10. Ես ասում էի, թէ երբ իմ օրերն սպառուեն, մնացած տարիներս թողած՝ ընկնելու եմ գերեզմանի դռները:
11. Ասում էի, թէ երկրի վրայ այլեւս չեմ տեսնի Աստծու փրկութիւնը, Էլ չեմ տեսնի մարդ ու բնակիչ:
12. Չրկուեցի ես իմ ազգատոհմից, թողի իմ մնացած կեանքը, որը ելաւ ու հեռացաւ ինձնից, ինչպէս քանդուում է կանգուն տաղաւարը: Իմ հոգին ինձնից ահա ուր որ է պիտի անջատուի, ինչպէս ջուլիակի ոստայնը, որ մօտ է կտրուելու:
13. Այն օրը դատապարտուած մնացի մինչեւ առաւօտ. ասես առիւծը ջարդէր իմ բոլոր ոսկորները, զօր ու գիշեր դատապարտուած մնացի:
14. Ճչում էի ինչպէս ծիծեռնակը եւ աղաւնու նման մնչում, որովհետեւ աչքերս տկարացան նայելուց դէպի երկնքի բարձունքը՝ դէպի Տէրը, որը փրկեց ինձ, փարատեց իմ հոգու ցաւերը
15. Եւ ինքն Էլ սահմանեց իմ բոլոր տարիները՝ ի դառնութիւն իմ անձի:
16. Այդ մասին քեզ պատմուեց, Տէ՛ր, եւ դու արթնացրիր իմ հոգին, ես մխիթարուեցի եւ ապրեցի:
17. Ահաւասիկ խաղաղութեան փոխուեց իմ դառնութիւնը. դու փրկեցիր իմ հոգին, որ չկործանուեմ, ինձնից յետ վանեցիր իմ բոլոր մեղքերը:
18. Գերեզմանում գտնուողները չէ, որ պիտի խոստովանեն քեզ, մեռածները չեն, որ պիտի օրհնեն քեզ, եւ ոչ Էլ քո ողորմութեանն են յուսալու նրանք, ովքեր գերեզման են իջնում:
19. Ապրողները պիտի օրհնեն քեզ, ինչպէս ես այժմ: Այսուհետեւ մանուկներ պիտի ծնեմ, որ պատմեն քո արդարութեան մասին,
20. ո՛վ փրկիչ իմ Տէր: Եւ իմ կեանքի բոլոր օրերին քո աստուածային տաճարի առաջ չեմ դադարելու սաղմոսարանով օրհներգելու քեզ:
21. Ապա Եսային Եզեկիային ասաց. Թզի չի՛ր վերցրու, մանրի՛ր եւ դի՛ր վերքիդ վրայ, եւ պիտի առողջանաս:
22. Իսկ նա պատասխանեց. Դա նշան է, որ Աստծու տաճա՞րը պիտի մտնեմ:

1. Այն ժամանակ Բաբելոնի արքան Մարոդաք Բաղդանը՝ Բաղդանի որդին, պատգամաւորներ ուղարկեց Եգեկիայի մօտ՝ հրովարտականերով ու նուէրներով, որովհետեւ լսել էր, թէ նա հիւանդացել է մերձիմահ եւ առողջացել:
2. Նրանք ուրախութիւն պատճառեցին Եգեկիային, որը ցոյց տուեց նրանց իր գանձերի տները, խնկերի ու օծանելիքների, ոսկու եւ արծաթի, զէնքերի բոլոր պահեստները, ամէն բան, ինչ կար իր գանձարաններում: Իր տանը, իր ամբողջ տէրութեան սահմաններում բան չմնաց, որ Եգեկիան նրանց ցոյց չտար:
3. Եւ ահա Եսայի մարգարէն ներկայացաւ Եգեկիա արքային եւ ասաց նրան. Ի՞նչ են ասում այդ մարդիկ, ո՞ր կողմերից են եկել մօտդ: Իսկ Եգեկիան պատասխանեց. **Հեռաւոր աշխարհից են եկել մօտս, Բաբելոնից:**
4. Եսային ասաց. Ի՞նչ տեսան քո տան մէջ: Եգեկիան պատասխանեց. Ամէն բան, ինչ որ կայ իմ տանը, տեսան: Բան չկայ իմ տան մէջ, որ չտեսնէին, տեսան նաեւ իմ գանձերը:
5. Եսային ասաց նրան. Հիմա դու լսի՛ր Չօրութիւնների Տիրոջ պատգամները.
6. Ահա գալու են օրեր, երբ պիտի խլեն ամէն բան, ինչ որ կայ քո տան մէջ, ինչ որ հաւաքել են քո հայրերը մինչեւ այսօր: Դրանք Բաբելոն պիտի տարուեն, ոչ մի բան չեն թողնելու: Աստուած ասաց,
7. թէ պիտի տարուեն նաեւ քո որդիներից շատերը, որոնք քեզից են լինելու, որոնց դու ես ծնելու, տանելու եւ ներքինիներ են դարձնելու Բաբելոնի թագաւորի պալատում:
8. Իսկ Եգեկիան ասաց Եսայուն. Տիրոջ այդ խօսքը, որ դու յայտնեցիր, բարի է. թող արդարութիւն ու խաղաղութիւն լինի իմ օրերում:

1. Մխիթարեցէ՛ք, մխիթարեցէ՛ք իմ ժողովրդին, - ասում է Աստուած, -
2. դուք՝ քահանաներդ, Երուսաղէմի սրտո՛վ խօսեցէք եւ մխիթարեցէ՛ք նրան, որովհետեւ նա լի է տառապանքով: Թող նրա մեղքերին թողութիւն լինի, քանզի իր մեղքերի համար նա Տիրոջ կողմից կրկնակի հատուցում ստացաւ:
3. Անապատում կանչողի ձայնն է. Պատրաստեցէ՛ք Տիրոջ ճանապարհը եւ հարթեցէ՛ք մեր Աստծու շաւիղները:
4. Բոլոր ձորերը պիտի լցուեն, եւ բոլոր լեռներն ու բլուրները պիտի ցածրանան, դժուարին տեղերը պիտի դիւրին դառնան, եւ առապարները՝ դաշտեր:
5. Պիտի յայտնուի Տիրոջ փառքը, եւ ամէն մի մարմնաւոր պիտի տեսնի Աստծու փրկութիւնը, քանզի Տէ՛րը խօսեց:
6. Մի ձայն ասում է՝ կանչի՛ր: Ասում եմ՝ ի՞նչ կանչեմ: Իմացի՛ր, ամէն մարմին նման է խոտի, եւ մարդու ամբողջ փառքը նման է խոտածաղկի:
7. Խոտը չորանում է, նրա ծաղիկը թափւում, որովհետեւ նրա վրայ փչում է Տիրոջ շունչը: Արդարեւ, իմ այս ժողովուրդը նման է խոտի:
8. Խոտը չորանում է, ծաղիկը թափւում, բայց Տիրոջ խօսքը մնում է յաւիտեան:
9. Ե՛լ այդ բարձր լեռան վրայ, ո՛վ ակետաբերդ Սիոնի, ո՛ւժ տուր քո ձայնին, ո՛վ ակետաբերդ Երուսաղէմի, ո՛ւժ տուր, մի՛ վախեցիր եւ յայտնի՛ր Յուդայի երկրի այդ քաղաքներին.
10. Ահաւասիկ ձեր Աստուածը. ահա Տէրը, որ գալիս է գորութեամբ եւ իր բազկի իշխանութեամբ. ահաւասիկ իր վարձն իր հետ է, ու գործերն էլ իր աչքի առաջ են:
11. Հովուի նման հովուելու է իր հօտերը, իր բազկով հաւաքելու է գառներին, կրելու է նրանց իր ծոցում, մխիթարիչ է լինելու յղիներին:
12. Ո՞վ կարողացաւ իր ափով չափել ջրերը, թզով՝ երկինքը եւ քլով՝ համայն երկիրը. ո՞վ կարողացաւ լեռները կշռել կշեռքով եւ դաշտերը՝ նժարով:
13. Ո՞վ իմացաւ Տիրոջ մտքերը, ո՞վ խորհրդատու դարձաւ նրան՝ իբրեւ թէ նրան խելամիտ դարձնելու համար:
14. Կամ թէ ո՞ւմ հետ խորհրդակցեց նա, որ իրեն խելամիտ դարձնի, եւ կամ ո՞վ նրան ցոյց տուեց արդարադատութիւնն ու իմաստութեան ճանապարհը, կամ անցեալում ո՞վ փոխ տուեց իրեն, որ հատուցի նրան:
15. Բոլոր հեթանոսները նման են դոյլի մի կաթիլին, նոյնն են, ինչ փոշեհատիկը՝ կշեռքի վրայ եւ կամ ինչպէս բերանից ցայտող շիթը:
16. Այրելու համար Լիբանանը բաւական չէ, բոլոր չորքոտանիները ողջակէզի համար բաւական չեն,
17. եւ բոլոր հեթանոսները նրա համար ոչինչ են, ոչնչութիւն են համարւում:
18. Արդ, ո՞ւմ նմանեցրիք Տիրոջը, ո՞ւմ նման համարեցիք նրան:
19. Միթէ կո՞ւռք է նա, որին կերտել է արուեստաւորը, եւ կամ ոսկերիչը, ծովելով ոսկին, պատել է նրան ոսկով՝ պատկերի նմանութիւն ու կերպարանք տալով նրան:
20. Հիւսնն էլ անփտելի փայտն է ընտրել եւ խելք ու հնարքի դիմել, թէ ինչպէս կանգնեցնի այն, որ չշարժուի:
21. Միթէ չլսեցի՞ք ու չիմացա՞ք, ի սկզբանէ ձեզ չպատմուե՞ց, չհասկացա՞ք, թէ ով հաստատեց երկրի հիմքերը:
22. Նա է, որ նստած է երկրի շրջածիրից վերեւ, եւ բնակիչները նրան մորեխի չափ են երեւում: Նա է կանգնեցրել երկինքն ինչպէս կամար, ձգել՝ ինչպէս վարագոյր եւ հիմնել երկիրը՝ նրա մէջ բնակուելու համար:
23. Նա է, որ իշխաններին անիշխանութեան է դատապարտում եւ երկիրն ամայացնում,
24. որպէսզի չսերմանեն ու տունկեր չտնկեն, եւ նրանց արմատը հողի մէջ չհաստատուի: Նա կը փչի նրանց վրայ, եւ կը չորանան, ու փոթորիկը խռիւի նման կը քշի դրանք:
25. Արդ, ո՞ւմ կ'ուզենայիք նմանեցնել ինձ, որին զուգահաւասար լինեի, ասում է

Իսրայելի սուրբը:

26. Աչքներդ դեպի երկի՛նք բարձրացրեք եւ տեսե՛ք՝ ո՞վ հաստատեց այս ամէնը, ո՞վ ստեղծեց նրա համակարգութիւնը՝ մեծ փառքով եւ անհնարին ուժով ամէն ինչի տալով իր անունը. ոչ մի բան ծածուկ չի մնում նրանից:

27. Մի՛ ասա, Յակո՛բ, կամ՝ ի՞նչ ես խօսում, Իսրայէ՛լ, թե՛ Իմ ճանապարհները գաղտնի մնացին Աստծուց, եւ իմ Աստուածը վերացրեց իմ իրաւունքներն ու հեռացաւ:

28. Արդ, չիմացա՞ր, չլսեցի՞ր, որ յաւիտենական Աստուածը, երկրի սահմանները հաստատող Աստուածը ո՛չ քաղց է զգում եւ ո՛չ էլ յոգնում, նրա իմաստութիւնն անքննելի է:

29. Նա քաղցածներին ուժ է տալիս, բայց ցաւ չունեցողներին էլ՝ տրտմութիւն:

30. Երիտասարդները քաղց պիտի զգան, մանուկները պիտի յոգնեն, քաջընտիր մարդիկ անզօր պիտի դառնան,

31. իսկ նրանք, որոնք Տիրոջն են ապաւինում, նոր ուժ պիտի ստանան եւ նոր փետուրներով զարդարուեն ինչպէս արծիւներ, պիտի վազեն, բայց չպիտի յոգնեն, պիտի գնան, բայց քաղց չպիտի զգան:

1. Նորոգուեցէ՛ք իմ առաջ, ո՛վ կղզիներ, քանզի իշխանները նորոգուելու են զօրութեամբ, մօտենալու են ու միասին խօսելու եւ պատմելու են արդար դատաստանի մասին:
2. Ո՞վ արթնացրեց արդարին Արեւելքից եւ կանչեց իր յետեւից. նա գնալու է եւ հեթանոսների յանդիման հատուցում է տալու, սարսափահար է անելու թագաւորներին, հողին է յանձնելու նրանց սրերը, խռիւի պէս վանելու է նրանց նետերը,
3. Նրանց փախստական է դարձնելու եւ խաղաղութեամբ անցնելու է այն ճանապարհները, որոնք իր ոտքերի համար են:
4. Արդ, կ'ասէ՞ք, թէ նա չի գալու. ո՞վ արեց ու կատարեց այս ամենը, ո՞վ կանչեց նրան, որ կանչուում էր առաջին ցեղերից: Ես եմ Տէրն առաջին, նոյնն եմ լինելու եւ յաւիտեան:
5. Տեսան ինձ հեթանոսները եւ վախեցան, երկրի բոլոր ծագերը սարսափեցին. իրար մօտեցան եւ միասին եկան:
6. Ամեն մէկը մտքում դրեց ընկերոջն ու եղբօրն օգնական լինել՝ ասելով.
7. Թող հիւսնը քաջալերի դարբնին՝ կռելու, կոփելու եւ մուրճով հարուածելու, եւ ասի՝ ինձ համար լաւ օգնութիւն եղաւ: Գամերով գամում են կուռքերը, դնում գետնի վրայ, որպէսզի չշարժուեն:
8. Բայց դու, ո՛վ իմ ծառայ Իսրայէլ, ո՛վ Յակոբ, որին ընտրեցի, ո՛վ դու Աբրահամի զաւակ, որին սիրեցի,
9. որին օգնական եղայ՝ երկրի ծայրերից ու նրա եզերքներից կանչելով նրան եւ ասելով, թէ՛ Դու իմ ծառան ես, քեզ ընտրեցի ես եւ չեմ լքի քեզ, -
10. դու մի՛ վախեցիր, քանզի ես քեզ հետ եմ, մի՛ խաբուիր, քանզի ես եմ քո Աստուածը, ես, որ զօրացրի քեզ, օգնեցի քեզ ու պահպանեցի քեզ իմ արդար աջով:
11. Ահա պիտի ամաչեն ու պատկառեն քո բոլոր հակառակորդները, չեղածի նման պիտի լինեն նրանք, եւ բոլոր քեզ ամբաստանողները պիտի կորչեն:
12. Եթէ փնտռես էլ, չես գտնելու այն մարդկանց, որոնք քո դէմ թշնամութիւն էին անում, քեզ հետ պատերազմողներն ի չիք պիտի դառնան:
13. Արդարեւ, ես եմ քո Տէր Աստուածը, որ բռնել եմ քո աջ ձեռքից, որ ասում եմ քեզ, թէ՛ Մի՛ վախեցիր, ես կ'օգնեմ քեզ:
14. Չվախենաս, Յակոբ, որ որդ ես հիմա, եւ դու, Իսրայէլ, որ սակաւամարդ ես այժմ, ես օգնեցի քեզ, - ասում է Աստուած՝ Իսրայէլի սուրբը, որը փրկելու է քեզ: -
15. Ահա քեզ դարձրի սղոցատամ կամնասայլի նոր անիւների պէս. լեռները պիտի կախես, բլուրները պիտի մանրես, փոշու պիտի վերածես դրանք ու քշես տանես:
16. Հողմերը պիտի տանեն դրանք, եւ մրրիկները պիտի ցրեն: Բայց դու ուրախ պիտի լինես Տիրոջով՝ Իսրայէլի սրբով:
17. Պիտի ցնծան տնանկներն ու չքաւորները, որոնք ջուր էին փնտռում ու չէին գտնում, եւ նրանց լեզուները ծարաւից ցամաքում էին: Ես՝ Տէր Աստուածս, Իսրայէլի Աստուածս, կը լսեմ նրանց եւ չեմ լքի նրանց:
18. Գետեր կը բխեցնեմ լեռների վրայ եւ դաշտերի մէջ՝ աղբիւրներ, անապատը կը վերածեմ ջրերի լճակների եւ տոչորուած երկիրը՝ վտակների:
19. Անջրդի հողում մայրի ու տօսախ, մրտենի ու նոճի, սօսի ու դափնի, սոճի ու կաղամախի, գիհի ու ձիթենի կ'աճեցնեմ,
20. որպէսզի տեսնեն ու գիտենան, ճանաչեն ու իմանան բոլորը, թէ Տիրոջ ձեռքը կատարեց այդ ամենը, եւ Իսրայէլի սուրբը հաստատեց:
21. Մօտեցել է ձեր արդար դատաստանը, - ասում է Տէր Աստուած, - Մօտեցել է ձեր արդար դատաստանը, - ասում է Յակոբի թագաւորը:
22. Թող մօտենան ու պատմեն ձեզ, թէ ի՞նչ դէպքեր են կատարուելու: Եւ կամ առաջներում կատարուածներն էլ թող մեզ պատմեն, որպէսզի մտքներս պահենք եւ գիտենանք, թէ ի՞նչ եղաւ առաջ, եւ ի՞նչ է լինելու յետոյ:
23. Ասացէ՛ք, պատմեցէ՛ք մեզ, թէ վերջում ի՞նչ է լինելու, որ իմանանք. եթէ աստուածներ եք՝ բարին կատարեցէք, չարը կատարեցէք, որպէսզի տեղնուտեղը տեսնենք ու



զարմանանք, թե ո՛րտեղից էք դուք, եւ ո՛րտեղից է գալիս ձեր արածը,

24. որովհետեւ պիղծ են նրանք, որ երկրից ընտրել են ձեզ:

25. Բայց ես պիտի արթնացնեմ հիւսիսային մարդուն եւ արեւելեանին, նրանք պիտի կանչուեն իմ անունից, պիտի գան իշխանները, եւ բրուտի կաւի նման դուք պիտի տրորուէք այնպէս, ինչպէս բրուտն է տրորում:

26. Ո՞վ կը պատմի սկզբում եղածի մասին, որ գիտենանք, եւ կամ աւելի առաջ կատարուածի մասին, որ ասենք, թե ճշմարիտ է. ո՛չ առաջներում եղածի մասին պատմող կայ, եւ ո՛չ էլ մէկը, որ լսի ձեր խօսքերը:

27. Սկսեմ Սիոնից եւ ճանապարհին մխիթարեմ Երուսաղէմին:

28. Ահաւասիկ ոչ մի հեթանոս չկայ, չկայ նաեւ նրանց կուռքերից ոչ մէկը, որ պատմի, ու եթէ հարցնեմ իսկ նրանց, թե՝ որտեղի՞ց էք, ինձ պատասխան չեն տայ:

29. Ունայն են նրանք, որ կերտել են ձեզ, սնոտի են նրանք, որ ստեղծել են ձեզ:

1. Յակոբն իմ ծառան է. օգնական պիտի լինեմ նրան: Իմ ընտրեալն է Իսրայելը, որը հաճելի եղաւ իմ հոգուն: Իմ շունչը կը տարածեմ նրա վրայ, եւ նա հեթանոսների դատաստանը կը տեսնի:
2. Նա չի աղաղակելու եւ չի վիճելու, ոչ ոք դրսում նրա ձայնը չի լսելու,
3. անգամ ջախջախուած եղէզը նա չի ջարդելու եւ առկայծող պատրոյգը չի մարելու, այլ արդարութեամբ դատաստան է տեսնելու:
4. Նա պիտի ծագի եւ չպիտի խորտակուի, քանի դեռ երկրի վրայ չի հաստատել դատաստանը. եւ հեթանոսները իրենց յոյսը պիտի դնեն նրա անուան վրայ:
5. Այսպէս է ասում Տէր Աստուած, որ ստեղծեց երկինքը եւ կանգնեցրեց այն, հաստատեց երկիրն ու ամեն բան, ինչ կայ նրա վրայ, շունչ տուեց այնտեղ գտնուող մարդկանց, հոգի՝ բոլոր նրանց, ովքեր ոտք են դնում երկրի վրայ.
6. Ես՝ Տէր Աստուածս, արդարութեամբ կանչեցի քեզ, բռնեցի քո աչ ձեռքից եւ զօրաւոր դարձրի քեզ, իբրեւ ուխտ տուեցի քեզ ժողովրդին եւ իբրեւ լոյս՝ հեթանոսներին,
7. որպէսզի կոյրերի աչքերը բանաս եւ խաւարի մէջ նստած կալանաւորներին հանես բանտից ու զնդանից:
8. Ես եմ Տէր Աստուածը, սա է իմ անունը, իմ փառքը ուրիշին չեմ տայ, ոչ էլ իմ քաջութիւնը՝ կուռքերին:
9. Ինչ որ նախասահմանուած էր, այն էլ կատարուեց, իսկ ինչ որ նոր պիտի կատարուի, ե՛ս կը պատմեմ ձեզ, մինչեւ պատմուելն էլ այն յայտնի կը դառնայ ձեզ:
10. Օրհնեցէ՛ք Տիրոջը նոր օրհներգութեամբ, քանզի նրա իշխանութիւնը բարձունքներում է փառաբանում, եւ նրա անունը՝ երկրի ծագերից, ծովերում նաւարկողներից, կղզիներից ու նրանց բնակիչներից:
11. Թող ուրախ լինեն անապատն ու նրա աւանները, Կեդարի բանակատեղիներն ու բնակիչները, թող ուրախանան Վեմի բնակիչները, լեռների գագաթներից կանչեն,
12. փառք տան Աստծուն, իսկ կղզիները պատմեն նրա քաջութեան մասին:
13. Չօրութիւնների Տէր Աստուածը պիտի գայ ու պատերազմ մղի, նախանձ պիտի յարուցի եւ բարձրաձայն պիտի գոչի իր թշնամիների վրայ:
14. Սկզբից իսկ լուռ եմ եղել. մի՞թէ պիտի լսեմ ու միշտ լուռ մնամ. համբերող եղայ ինչպէս ծննդկան, հիմա պիտի սարսափեցնեմ ու միանգամից ցամաքեցնեմ:
15. Լեռներն ու բլուրները պիտի հարթեցնեմ եւ նրանց ամբողջ խոտը չորացնեմ, գետերը պիտի վերածեմ կղզիների եւ ճահճուտները ցամաքեցնեմ:
16. Կոյրերին պիտի առաջնորդեմ մի ճանապարհով, որ նրանք չգիտեն, պիտի քայլել տամ այնպիսի շաւիղներով, որոնք ծանօթ չեն նրանց. խաւարը լոյս պիտի դարձնեմ նրանց համար եւ դժուարանցանելին՝ դիւրին: Այս բաները պիտի անեմ նրանց համար եւ չեմ լքելու նրանց:
17. Բայց նրանք երես դարձրին ինձնից: Ամօթ ու պատկառա՛նք ունեցէք դուք, որ ապաւինել էք կուռքերին եւ ասում էք ծովածոններին, թէ՛ Մեր աստուածներն էք դուք:
18. Խուլե՛ր, լսեցէ՛ք, կոյրե՛ր, նայեցէ՛ք ու տեսէ՛ք.
19. ո՞վ է կոյրը, եթէ ոչ իմ ծառաները, ովքե՞ր են խուլերը, եթէ ոչ այն մարդիկ, որ տիրում են նրանց: Ո՞վ է կոյրը, եթէ ոչ ուծացածը: Կուրացան Աստծու ծառաները:
20. Շատ անգամ տեսաք, բայց չզգուշացաք, բաց էին ձեր ականջները, բայց չլսեցիք:
21. Տէր Աստուած կամենում էր, որ արդարութիւն լինի, գոհութիւն մատուցեն,
22. բայց տեսայ, որ ժողովուրդը կողոպտուեց ու աւարի մատնուեց. բոլոր շտեմարաններում, միաժամանակ եւ բոլոր ապարանքներում, ուր եւ թաքցրին նրանց, որոգայթներ կային. նրանք յափշտակութեան մատնուեցին, եւ ոչ ոք չկար, որ նրանց փրկեր, աւարառութեան ենթարկուեցին, եւ չգտնուեց մէկը, որ ասեր, թէ՛ ե՛տ տուր:
23. Ձեզնից ո՞վ է նա, որ ականջ կը դնի այս ամենին եւ կը մտածի այն մասին, թէ ինչ է կատարուելու յետագայում:
24. Ո՞վ մատնեց Յակոբին յափշտակութեան, Իսրայելը՝ աւարառութեան. ո՞չ արդեօք

Աստուած, որի հանդէպ մեղք գործեցին, չկամեցան ընթանալ նրա ճանապարհներով եւ չլսեցին նրա օրէնքները:

25. Նա նրանց վրայ թափեց իր զայրոյթն ու բարկութիւնը, պատերազմի դատապարտեց նրանց, բոլոր կողմերից կրակի մէջ առաւ նրանց, բայց նրանցից ոչ մէկը չգիտակցեց, խեղճի չեկաւ:

1. Արդ, այսպես է ասում Տէր Աստուածը, որ արարեց քեզ, Յակոբ, եւ ստեղծեց քեզ, Իսրայէլ։ Մի՛ վախեցիր, որովհետեւ փրկեցի քեզ եւ կոչեցի քեզ քո անունով, թէ իմն ես։
2. Եթէ ջրերի միջով անցնես՝ քեզ հետ կը լինեմ, եւ գետերը քեզ չեն խեղդի։ Եթէ կրակի միջով անցնես՝ չես այրուի, եւ նրա բոցը քեզ չի կիզի։
3. Ըանգի ես եմ քո Տէր Աստուածը՝ Իսրայէլի սուրբը, որ պիտի փրկեմ քեզ։ Եգիպտոսն ու Եթովպիան որպէս փրկագին տուի քեզ համար եւ Սուհէնը քեզ հետ փոխանակեցի։
4. Ուստի թանկ եղար ինձ համար, իմ առաջ փառաւորուեցիր, ու ես սիրեցի քեզ։ մարդիկ կը տամ քո փոխարէն, իշխաններ՝ քո գլխի դիմաց։
5. Մի՛ վախեցիր, որովհետեւ քեզ հետ եմ։ արեւելքից կը բերեմ քո սերունդը եւ արեւմուտքից կը հաւաքեմ քեզ։
6. Հիւսիսին կ'ասեմ բեր, եւ հարաւին, թէ՛ մի՛ արգելիր։ բերե՛ք իմ որդիներին հեռաւոր երկրից եւ իմ դուստրերին՝ երկրի ծագերից,
7. բոլորի՛ն, որոնք երբեւէ կոչուել են իմ անունով։ որովհետեւ իմ փառքով հաստատեցի նրան, ստեղծեցի եւ արարեցի նրան։
8. Բարձրացրի կոյր ժողովրդին։ եւ թեպէտ աչքեր ունեն, սակայն կուրացած են նրանք, եւ խցանուած են նրանց ականջները։
9. Թող բոլոր ազգերը հաւաքուեն միասին, թող նրանց իշխանները ժողովուեն, բայց ո՞վ կարող է պատմել այս, եւ կամ ո՞վ կարող է ձեզ ազդարարել այն, ինչ առաջ է կատարուել։ թող բերեն իրենց վկաներին եւ արդարանան, թող լսեն եւ ասեն ճշմարտութիւնը։
10. Եղե՛ք ինձ համար վկաներ, ես էլ ձեզ համար վկայ լինեմ, -ասում է Տէր Աստուած. - ծառայ ընտրեցի ձեզ, որ հասկանաք ու հաւատաք ինձ եւ գիտակցեք, թէ ո՞վ եմ ես։ Ինձնից առաջ ուրիշ Աստուած չի եղել, ինձնից յետոյ եւս չի լինի։
11. Ե՛ս եմ Աստուած, ինձնից բացի չկայ մէկը, որ փրկութիւն տայ։
12. Յայտնեցի եւ փրկեցի։ նախատեցի, ու ձեր մէջ օտար չկար։ դուք ինքներդ կարող էք վկայ լինել ինձ համար։
13. Ես եմ Տէր Աստուածը ի սկզբանէ եւ միշտ։ չկայ մէկը, որ իմ ձեռքից կարողանայ ազատուել։ ինչ որ ես անեմ, ոչ ոք չի կարող հակառակն անել։
14. Այսպես է ասում Տէր Աստուածը՝ Իսրայէլի սուրբը, որ փրկելու է ձեզ։ Ձեզ համար Բաբելոն կ'ուղարկեմ, բոլորին տեղահան կ'անեմ ու փախստական կը դարձնեմ, եւ քաղղեացիները նաւերով պաշարման մէջ կ'առնուեն։
15. Ե՛ս եմ Տէր Աստուածը՝ ձեր սուրբը, որ ցոյց տուի ձեզ Իսրայէլի թագաւորին։
16. Այսպես է ասում Տէրը, որ ճանապարհ է բացում ծովում եւ շաւիղներ՝ յորդահոս ջրերի մէջ,
17. Նա, որ կառքեր ու նժոյգներ է հանում եւ բազմահամար զօրքեր։ բայց նրանք կարող են քնել ու վեր չկենալ, մարել ինչպէս հանգած պատրոյգ։
18. Առաջուայ բաները մի՛ յիշեք, հիւնը մտքներդ մի՛ բերեք,
19. ընկճի ես նորն եմ անելու, որ հիմա յայտնուելու է, եւ դուք պիտի ճանաչեք։ ճամփայ պիտի բացեմ անապատով եւ անջրդի հողում գետեր պիտի բխեցնեմ։
20. Ինձ պիտի օրհնեն անապատի գազանները, համբարուներն ու ջայլամների ձագերը, որովհետեւ ես ջուր եմ տալու անապատին եւ անջրդի երկրին՝ գետեր, խմեցնելու համար իմ ընտրեալ ազգին։
21. Եւ իմ ժողովուրդը, որին ստեղծեցի, պիտի պատմի իմ սխրանքների մասին։
22. Հիմա չէ, որ կանչեցի քեզ, Յակոբ, եւ ոչ էլ չարչարեցի քեզ, Իսրայէլ։
23. Ողջակէզներիցդ ոչխարներ չմատուցեցիր ինձ եւ ոչ էլ քո զոհերով փառաւորեցիր ինձ. քո ընծաներով չծառայեցիր ինձ, եւ ոչ էլ ես նեղութիւն պատճառեցի քեզ՝ ծախսել տալով քո կնդրուկները։
24. Ինձ համար արծաթով խուսկ չգնեցիր, եւ ոչ էլ քո զոհերի ճարպին ես ցանկացող եղայ, բայց քո մեղքերի ու անօրէնութիւնների մէջ քեզ վերակացու եմ լինելու։

25. Ե՛ս եմ, ե՛ս եմ այն նոյնը, որ ջնջում եմ իմ հանդեպ կատարած քո անօրէնութիւնները եւ քո մեղքերն այլեւս չեմ յիշելու:
26. Բայց դու յիշի՛ր, որ իրար հետ դատ ենք ունենալու. նախ դու խոստովանի՛ր քո անօրէնութիւնները, որ արդարացուես:
27. Նախ ձեր հայրերը մեղք գործեցին, եւ ձեր իշխանները օրինազանց եղան իմ հանդեպ:
28. Իշխանները պղծեցին իմ սրբութիւնները, ուստի Յակոբին կորստեան մատնեցի եւ Իսրայէլը՝ նախատինքի:

1. Իսկ այժմ լսի՛ր, ո՛վ իմ ծառայ Յակոբ, եւ դու, Իսրայէ՛լ, ում ընտրել եմ:
2. Այսպէս է ասում Տէր Աստուած, որ արարեց քեզ, ստեղծեց քեզ որովայնից, եւ տակաւին օգնութիւն պիտի գտնես. Մի՛ վախեցիր, ծառայ՝ իմ Յակոբ, եւ դու, սիրեցեա՛լ իմ Իսրայել, ում ընտրել եմ:
3. Ես ջուր պիտի տամ ծարաւածներին, որոնք ընթանում են անջրդի տեղերով. իմ հոգին պիտի դնեմ քո գաւակի վրայ եւ իմ օրհնանքները՝ քո որդիների վրայ:
4. Նրանք պիտի ծլեն ու ծաղկեն ինչպէս ջրարբի խոտը, ինչպէս ուռնին՝ հոսող ջրերի մօտ:
5. Մէկը պիտի ասի՝ Աստծուն եմ ես, մէկ ուրիշը խրախոյս պիտի բարձրացնի յանուն Յակոբի Աստծու, իսկ միւսը գիր պիտի գրի իր ձեռքով, թէ՛ ես Աստծուն եմ պատկանում, եւ յանուն Իսրայելի քաջալերութեան կոչ պիտի անի:
6. Այսպէս է ասում Աստուած՝ Իսրայելի թագաւորը եւ նրա փրկիչ Չորութիւնների Տէրը. Ես եմ առաջինը եւ ես եմ վերջինը, ինձնից բացի ուրիշ Աստուած չկայ:
7. Ո՞վ է ինձ նման, թող առաջ գայ, ձայն հանի, պատմի ու ամէն ինչ ներկայացնի ինձ այն ժամանակից սկսած, երբ ես արարեցի մարդուն, նաեւ այն, ինչ գալու է. մինչեւ գալը թող պատմեն ձեզ:
8. Մի՛ զարմացէք եւ մի՛ շփոթուէք. չէ՞ որ դուք սկզբից լսեցիք, եւ ես ձեզ ասացի, որ դուք ինքներդ իսկ կարող էք վկայ լինել ինձ համար, թէ կա՞յ այլ Աստուած, բացի ինձնից:
9. Բոլոր նրանք, որ ստեղծում ու կերտում էին սնտոյի աստուածներ, այն ժամանակ իսկ ոչնչութիւն էին: Նրանք այդ անում էին ըստ իրենց ցանկութեան, սակայն դրանք չեն օգնելու նրանց, քանզի ո՛չ տեսնում են եւ ո՛չ էլ ըմբռնում, եւ դուք էլ կարող էք վկայել այդ մասին:
10. Թող ամաչի նա, ով ստեղծում է ստեղծուածը եւ անօգուտ կերպով կուռք է ձուլում, նաեւ բոլոր նրանք, որ հաղորդակից են դառնում նրան:
11. Բայց ամօթահար պիտի լինեն բոլոր նրանք, որ կուռքեր են ստեղծում եւ կերտում անօգուտ բաներ, որոնք, ինչից էլ պատրաստուած լինեն, բոլորովին պիտի չորանան եւ անտեսուեն մարդկանցից: Պիտի հաւաքուեն ամէնքը, դեմառդեմ կանգնեն միասին, պիտի ամաչեն եւ առհասարակ ամօթահար լինեն:
12. Երկաթագործը իր համար գործիք կռեց, ուրագը սրեց եւ տաշեց նրանով, դուրը գործի դրեց ու յղկեցեւ իր բազկի ուժով կանգնեցրեց այն: Իսկ ինքը քաղց է զգալու, տկարանալու, ջուր իսկ չի խմելու:
13. Հիւսնը փայտ ընտրեց, չափեց այն ու գծեց, պատկերի ձեւ ու նմանութիւն տուեց, դուրով յղկեց այն, սոսնձապատեց, նրան տուեց տղամարդու կերպարանք, մարդու դէմքի ձեւ ու գեղեցկութիւն եւ կանգնեցրեց իր տան մէջ:
14. Այն փայտը, որ կտրեց, սոճին կամ սօսին, կաղնին կամ թեղօշը, որոնք տնկեց Տէրը, եւ անձրեւը աճեցրեց,
15. որպէսզի մարդու համար վառելիք լինեն, ահա դրանից վերցրեց, վառեց ու տաքացաւ, մի կէսից հաց եփեց, իսկ մի կէսն էլ արծան շինեց եւ երկրպագեց նրան. իր իսկ շինած արծանի առաջն ընկած՝ երկրպագեց նրան:
16. Նրա կէսն այրեց խարոյկի վրայ, որի կրակով հաց եփեց եւ միս խորովեց, կերաւ, կշտացաւ ու տաքացաւ՝ ասելով, թէ՛ Երանի՛ ինձ, որ տաքացայ եւ կրակը տեսայ:
17. Իսկ կէսից քանդակուած աստուած շինեց եւ, խոնարհուելով, երկրպագեց նրան, աղօթեց նրա առաջ եւ ասաց՝ Փրկի՛ր ինձ, քանզի դու իմ աստուածն ես:
18. Նրանք անկարող եղան մտածել եւ իմանալ, որովհետեւ նրանց աչքերը՝ տեսնելու համար եւ նրանց սրտերը՝ հասկանալու համար բթացան:
19. Նրանք չմտածեցին, չգիտակցեցին ու չհասկացան, որ փայտի կէսը կրակով այրեցին եւ նրա կրակի վրայ հաց եփեցին, միս խորովեցին ու կերան, իսկ նրա կէսից կուռք պատրաստեցին եւ երկրպագում են նրան:
20. Իմացի՛ր, նրանց սիրտը մոխիր է, եւ նրանք մոլորուած են, նրանցից ոչ ոք չի կարող

փրկել նրանց հոգիները. դուք տեսնում էք, բայց չէք ասում, թե՛ Խաբեութիւն է մեր ձեռքերի մէջ:

21. Յիշիր դա, Յակոբ, նաեւ դու, Իսրայէլ, քանզի իմ ծառան ես դու. քեզ ստեղծեցի ինձ ծառայելու համար, եւ դու, Իսրայէլ, մի՛ մոռացիր ինձ:

22. Ահաւասիկ ջնջեցի քո անօրէնութիւնները ինչպէս ամպ եւ քո մեղքերը՝ ինչպէս մեզ. ինձ մօտ դարձիր, որպէսզի փրկեմ քեզ:

23. Ուրախացի՛ր, երկի՛նք, քանզի Աստուած ողորմեց Իսրայելին, փո՛ղ փչեցէք, երկրի հիմքե՛ր, ուրախութեան կանչե՛ր արձակեցէք, լեռնե՛ր, բլուրնե՛ր եւ նրանց վրայ գտնուող բոլո՛ր ծառեր, որովհետեւ Աստուած փրկեց Յակոբին, եւ Իսրայելը պիտի փառաւորուի:

24. Տէրը, որ փրկեց քեզ, ստեղծեց քեզ որովայնից, այսպէս է ասում. ես եմ Տէրը, որ անում, կատարում եմ ամէն ինչ, միայնակ տարածեցի երկինքը եւ հաստատեցի երկիրը:

25. Էլ ո՞վ է, որ ի չիք դարձրեց վիուկների կախարդութիւնները եւ դիւթութիւնները՝ սրտերից, ո՞վ է, որ իմաստուններին յետ է դարձնում եւ նրանց խորհուրդները յիմարութեան վերածում,

26. իր ծառաների խօսքերն է հաստատում եւ արդարացնում իր պատգամաբերների խորհուրդները: Ե՛ս եմ, որ ասում եմ Երուսաղէմին, թե՛ բնակելի՛ դարձիր, եւ Հրեաստանի քաղաքներին, թե՛ վերստի՛ն կառուցուեցէք. եւ ես պիտի վերականգնեմ նրանց աւերակները:

27. Ես ասում եմ անդունդին, թե՛ աւերուի՛ր. եւ ես պիտի ցամաքեցնեմ նրա գետերը:

28. Ես ասում եմ Կիւրոսին, թե՛ իմաստնացի՛ր, որ կատարես իմ բոլոր ցանկութիւնները: Ես ասում եմ Երուսաղէմին, թե՛ կառուցուի՛ր, եւ ես պիտի հաստատեմ իմ սուրբ տաճարը:

1. Այսպես է ասում Տէր Աստուած իր օծեալ Կիւրոսին. Ես բռնեցի քո աջ ձեռքը, որպէսզի ազգերին հնազանդեցնեմ քեզ, խորտակեմ թագաւորների գօրութիւնը, բացեմ քո առաջ դռները, եւ քաղաքները չփակուեն:
2. Ես կ'ընթանամ քո առջեւից, կը հարթեցնեմ լեռները, կը խորտակեմ պղնձե դռները եւ կը փշրեմ երկաթե սիգերը:
3. Ես քեզ կը տամ խաւարի մէջ պահուող գանձերը եւ քեզ համար կը բացեմ աներեւոյթ հարստութիւնները, որպէսզի իմանաս, որ ես եմ Տէր Աստուածը, Իսրայէլի Աստուածը, որը կանչեց քո անունը:
4. Իմ Յակոբի համար եւ իմ ընտրեալ Իսրայէլի համար ես քո անունով կանչեցի քեզ եւ ընդունեցի, բայց դու ինձ չճանաչեցիր,
5. որ ես եմ Տէր Աստուածը, եւ չկայ մէկ ուրիշը:
6. Թող իմանան արեւելքից ու արեւմուտքից, որ ինձնից բացի մէկ ուրիշը չկայ:
7. Ես եմ, որ հաստատեցի լոյսը եւ ստեղծեցի խաւարը, ես եմ, որ խաղաղութիւն եմ անում եւ հաստատում չարը, ես եմ Տէր Աստուածը, որ կատարում եմ այս ամէնը:
8. Երկինքը թող ուրախ լինի վերուստ, եւ ամպերը արդարութիւն ցօղեն, թող երկիրը ողորմութիւն բխեցնի, լիովին արդարութիւն թող բխեցնի: Ես եմ Տէրը, որ հաստատեցի քեզ որպէս մի լաւ բան, ստեղծեցի քեզ իբրեւ բրոստի կաւ:
9. Մի՞թէ նա, որ հողն է հերկում, ամէն օր հերկ կ'անի. մի՞թէ կաւը բրոստին կարող է ասել, թէ՛ ի՞նչ ես անում, ինչո՞ւ չես աշխատում, ձեռքեր չունե՞ս. մի՞թէ ստեղծուածն իր ստեղծողին կարող է ասել, թէ՛ ինչո՞ւ այսպէս ստեղծեցիր ինձ:
10. Վա՛յ նրան, որ իր հօրը կ'ասի, թէ՛ ինչո՞ւ ծնեցիր ինձ, եւ մօրը, թէ՛ ինչո՞ւ ծննդաբերեցիր ինձ:
11. Այսպէս է ասում Տէր Աստուած՝ Իսրայէլի սուրբը, որ արարեց նրանց, ովքեր յետոյ են գալու. Դուք ինձ հարցնում էք իմ որդիների ու դուստրերի մասին եւ իմ ձեռքի գործերի համար պատուէր էք տալիս ինձ:
12. Ես ստեղծեցի երկիրը, եւ մարդուն՝ նրա վրայ. ես իմ ձեռքով հաստատեցի երկինքը, ես հրաման տուեցի բոլոր աստղերին:
13. Ես արդարութեամբ նրան թագաւոր հաստատեցի, եւ նրա բոլոր ճանապարհներն ուղիղ են. նա կը կառուցի իմ քաղաքը եւ իմ գերուած ժողովրդին յետ կը բերի՝ առանց կաշառքի եւ առանց ընծաների, ասում է Զօրութիւնների Տէրը:
14. Այսպէս է ասում Զօրութիւնների Տէրը. Եգիպտացիների երկրի վաստակը, եթովպացիների առեւտուրը եւ սաբայեցի մեծամեծ այրերը քո ձեռքը պիտի անցնեն եւ քեզ ծառայեն, ձեռնակապերով շղթայուած՝ քո յետեւից պիտի շրջեն եւ քեզ պիտի ներկայանան, քեզ պիտի երկրպագեն եւ ուխտ պիտի դնեն քեզ հետ, որովհետեւ Աստուած քո մէջ է, ու պիտի ասեն, թէ՛ ուրիշ Աստուած չկայ, բացի քեզնից:
15. Դու ես Աստուածը, իսկ մենք չգիտեինք, ո՛վ Աստուած՝ փրկիչդ Իսրայէլի:
16. Պիտի ամաչեն, ամօթահար պիտի լինեն նրա բոլոր հակառակորդները, ամօթով պիտի հեռանան:
17. Նորոգուեցէ՛ք իմ առաջ, ո՛վ կղզիներ, քանզի Իսրայէլը փրկուեց յաւիտենական փրկութեամբ: Դուք չէք ամաչելու, այլեւս ամօթահար չէք լինելու մինչեւ յաւիտենութիւն:
18. Արդարեւ, այսպէս է ասում Տէրը, որ ստեղծեց երկինքը, Աստուած, որ արարեց ու հաստատեց երկիրը, նա, որ կարգաւորեց այն. զուր տեղը չստեղծեց այն, այլ ստեղծեց բնակութեան համար. Ես եմ Տէրը, ուրիշը չկայ:
19. Ո՛չ գաղտնի խօսեցի եւ ո՛չ էլ երկրի մութ տեղում. Յակոբի սերնդին չասացի, թէ՛ սնտոյի բաներ էք փնտռում: Ես եմ, ես եմ Տէրը, որ խօսում եմ արդարութիւնը եւ յայտնում ճշմարտութիւնը:
20. Հաւաքուեցէ՛ք եւ եկէք միասին խորհեցէ՛ք, ո՛վ դուք հեթանոսներից փրկուածներ: Ովքեր վերցրել, բերում էին փայտե կուռքը եւ աղօթում էին աստուածներին, չգիտակցեցին, որ նրանք չէին կարող փրկել իրենց:



21. Երբ նրանց յայտնեն, թող մօտ գան, որպեսզի միասին իմանան, թե այդ ամենի մասին սկզբից ո՛վ լուր տուեց. եւ այժմ էլ ասուով է ձեզ. Ես եմ Աստուածը, ինձնից բացի ուրիշը չկայ, արդար ու փրկող Աստուածը, ինձնից բացի մէկ ուրիշը չկայ:
22. Դարձէ՞ք ինձ մօտ, եւ կը փրկուէք, դուք, որ եկել էք Երկրի չորս ծագերից: Ես եմ Աստուածը, ուրիշը չկայ:
23. Անձովս եմ երդուում, որ ինչ էլ դուրս գայ իմ բերանից՝ արդարութիւն է, եւ իմ խօսքերը չեն եղծուելու: Ամէն ծունկ ինձ է խոնարհուելու, ամէն լեզու Աստծուն է խոստովանելու:
24. Եւ ասելու, թէ արդարութիւնն ու փառքը նրա միջոցով են գալու: Եւ բոլոր նրանք, ովքեր իրենց անձը բաժանելու են Աստծուց, ամօթով են մնալու:
25. Աստուծով պիտի արդարանայ եւ փառաւորուի իսրայէլացիների ամէն մի սերունդ:

1. Ընկալ Բելը, խորտակուեց Դագոնը. նրանց կուռքերը յայտնուեցին կենդանիների եւ անասունների վրայ: Իբրեւ բեռ դրանք կապեցիք ու բարձեցիք տանջուած ու քաղցած կենդանիների վրայ.
2. անգոր լինելով փրկուելու պատերազմից՝ գրաստների հետ միասին գերութեան քշուեցին լքուած ու խեղճ կուռքերը:
3. Լսեցէ՛ք ինձ, ո՛վ դու Յակոբի տուն եւ դուք, Իսրայելի բոլոր կենդանի մնացածներդ, դուք, որ որովայնից իսկ ընտրեալ էք եւ մանկութիւնից մինչեւ ծերութիւն՝ խրատուած,
4. քանզի ես նոյնն եմ: Դուք մինչեւ խոր ծերութիւն ել որ հասնէք, ես նոյնն եմ. ես համբերութեամբ պիտի տանեմ ձեզ, ե՛ս ստեղծեցի եւ ե՛ս ել պիտի հանդուրժեմ, ե՛ս պիտի ընդունեմ ու փրկեմ ձեզ:
5. Ո՞ւմ կը նմանեցնէիք ինձ, հապա մտածեցէ՛ք, ո՛վ դուք մոլորեալներ,
6. որ ոսկու մեծ բաժին էք գցում քսակից, արծաթ էք կշռում կշեռքով եւ ոսկերիչներ վարձում, որպէսզի ձեռակերտ կուռքեր պատրաստեն, եւ խոնարհուելով երկրպագում էք դրանց:
7. Վերցնում, ուսերիդ վրայ դրած՝ բերում էք, եւ երբ գետնին էք դնում, այդպէս մնում են տեղում ու չեն շարժոււմ. եթէ որեւէ մէկը կանչի դրանց, չեն լսի եւ չար փորձանքներից չեն փրկի նրան:
8. Յիշեցէ՛ք այս եւ հոգո՛ց հանեցէք, զղջացէ՛ք դուք, մոլորեալնե՛րդ, սրտա՛նց դարձի եկէք,
9. մտաբերեցէ՛ք առաջին գործերը՝ վաղուց ի վեր կատարուածները, քանզի ե՛ս եմ Աստուածը, եւ ինձնից բացի մէկ ուրիշը չկայ,
10. որ առաջուց պատմի վերջում կատարուելիք բաների մասին, երբ դեռ չեն եղել, բայց անպայման կատարուելու են: Ես ասացի, որ իմ բոլոր խորհուրդներն իրականանալու են, եւ ամէն բան, ինչ որ ցանկանամ, կատարելու եմ:
11. Ես արեւելքից կանչեցի թռչուններին, իսկ հեռաւոր երկրից՝ նրան, ում մասին մտածեցի. խօսեցի ու բերի, հաստատեցի եւ կատարեցի, բերի նրան եւ դրի յաջող ճանապարհի վրայ:
12. Լսեցէ՛ք ինձ դուք, սրտով մոլորուածնե՛րդ եւ արդարութիւնից հեռացածներդ.
13. մօտեցրի իմ արդարութիւնը, եւ այն այլեւս չի հեռանայ, իմ ճշմարտութիւնն ու փրկութիւնը չեմ ուշացնի. ես Սիոնում տուեցի Իսրայելի փրկութիւնը՝ յանուն իմ փառքի:

1. Իջի՛ր ու նստի՛ր հողին, ո՛վ Բաբելոնի կոյս օրիորդ, նստի՛ր գետնին, որովհետեւ աթոռ չկայ, խաւարի մէջ մտիր, քաղդեացիների՝ դուստր, դու, որ այլեւս չես շարունակելու կոչուել քնքուշ ու փափկասուն:
2. Երկա՛նք առ, ալի՛ւր աղա, դէ՛ն նետիր քօղդ, քաշի՛ր մազերդ.
3. Մերկացրո՛ւ սրունքներդ եւ անցի՛ր գետի միջով, ու թող յայտնուի քո ամօթը, թող երեւայ քո նախատինքը, քանզի քեզնից վերցնելու եմ քո իրաւունքները: Նա, որ փրկեց քեզ, այլեւս չի մատնի քեզ մարդկանց.
4. Նրա անունը Չօրութիւնների Տէր է, Իսրայէլի սուրբ:
5. Նստի՛ր թախծոտ ու զղջացած, մտի՛ր խաւարի մէջ, ո՛վ քաղդեացիների դուստր, էլ չես կոչուի թագաւորութիւնների զօրութիւն:
6. Ես բարկացել էի իմ ժողովրդի վրայ, որովհետեւ պղծեցին իմ ժառանգութիւնը: Ես նրանց մատնեցի քո ձեռքը, իսկ դու ողորմածութիւն չարեցիր նրանց նկատմամբ:
7. Ծերերի լուծը սաստիկ ծանրացրիր եւ ասացիր. Ես յաւիտեան իշխան կը մնամ: Երբեք չմտածեցիր ու չիշեցիր վախճանի մասին:
8. Արդ, լսի՛ր այս, ո՛վ դու փափկասուն, որ նստել էիր ինքնագոհ եւ սրտիդ մէջ ասում էիր, թե՛ Ե՛ս եմ, եւ ինձ հաւասար ոչ ոք չկայ, որբեւայրութիւն չեմ քաշելու եւ որբութիւն չեմ ճանաչելու:
9. Սակայն դրանք երկուսն էլ՝ որբեւայրութիւնն ու անգաւակութիւնը, մէկ օրուայ մէջ յանկարծակի քեզ վրայ են հասնելու, անսպասելի քեզ վրայ են գալու քո դիւթութիւնների, քո սաստկացող կախարդութիւնների պատճառով,
10. քո ինքնավստահութեան ու չարութեան պատճառով, որովհետեւ ասում էիր, թե՛ Ե՛ս եմ, եւ ինձ հաւասար ոչ ոք չկայ: Դո՛ւ, որ այդպէս ես մտածում, իմացի՛ր, որ քո պոռնկութիւնը ամօթանք պիտի լինի քեզ համար, քանզի քո սրտի մէջ ասացիր. Ե՛ս եմ, եւ ինձ հաւասար ոչ ոք չկայ:
11. Քեզ այնպիսի կորուստ է վրայ հասնելու, որ չես իմանալու, այնպիսի խորխորատ, որ ընկնելու ես նրա մէջ. քեզ վրայ մի թշուառութիւն է գալու, որ չես կարողանալու յետ մղել, քեզ վրայ յանկարծակի աներում է գալու, որ դու չես գիտակցելու:
12. Դէ հիմա մնա՛ քո դիւթութիւնների ու քո բազում կախարդութիւնների մէջ, որոնք քո մանկութիւնից սկսած սովորեցիր. գուցէ կարողանաս օգո՞ւտ քաղել, գուցէ կարողանաս ո՞ւժ առնել:
13. Չարչարուեցիր քո խորհուրդներով: Թող վեր կենան ու քեզ փրկեն աստղագուշակները, որոնք դիտում են երկնքի աստղերը, թող պատմեն քեզ, թէ ի՞նչ է գալու քո գլխին:
14. Ահաւասիկ նրանք բոլորը, ինչպէս խռիւ, պիտի այրուեն կրակի մէջ եւ իրենց հոգիները չպիտի կարողանան փրկել բոցից. նստած ես կրակի կայծերի վրայ. դրանք քեզ համար օգնութիւն պիտի լինեն:
15. Քո վաստակն այն վաճառականները եղան, որոնց հետ առեւտուր արեցիր քո մանկութիւնից. նրանք բոլորն էլ իրար յետեւից մոլորուեցին, եւ դու փրկութիւն չունես:

1. Լսեցէ՛ք այս, ո՛վ Յակոբի տուն, Իսրայէլի անունով կոչուածներդ եւ Յուդայի սերնդից ծնուածներդ, որ երդուում էք Իսրայէլի Աստծու անունով եւ յիշում նրան, բայց ո՛չ ճշմարտութեամբ, ո՛չ արդարութեամբ:
2. Դուք ձեզ խրախուսում էք սուրբ քաղաքի անունով եւ ձեզ հաստատում էք համարում Իսրայէլի Աստծու շնորհիւ, որի անունը Չօրութիւնների Տէր է:
3. Մինչեւ հիմա պատմում էի առաջին եղելութիւնների մասին. դրանք իմ բերանից ելան եւ լսելի դարձան. ես յանկարծակի կատարեցի, եւ դրանք վրայ հասան:
4. Գիտէի, որ դու խիստ ես, քո պարանոցը երկաթէ ջղերից է, ու քո ճակատը՝ պղնձից:
5. Քեզ պատմուեց մինչեւ այժմ կատարուածը, դեռ չեղած՝ դրանց մասին լուր տուի քեզ, որպէսզի երբեք չասես, թէ՛ Դրանք իմ կուռքերը կատարեցին, չասես, թէ՛ Քանդակուածները եւ ծովածոյ կուռքերը պատմեցին ինձ:
6. Լսեցիք ամէն ինչ եւ մտքներդ չպահեցիք, սակայն քեզ լուր պիտի տամ այն նորի մասին, որ այսուհետեւ պիտի լինի:
7. Բայց չես ասում, որ՝ հիմա պիտի լինի եւ ոչ թէ վաղուց է եղել, հին ժամանակներում, ու դու չես լսել այդ մասին:
8. Մի՛ ասա, թէ՛ Այո՛, գիտեմ դա, որովհետեւ ո՛չ գիտես եւ ո՛չ էլ իմացել ես, եւ սկզբից իսկ քո ականջները չբացեցիր. քանզի գիտեմ, որ չափազանց արհամարհող ես եւ դեռ որովայնից անօրէն ես կոչում:
9. Իմ անուան համար ես քեզ պետք է ցոյց տամ իմ բարկութիւնը եւ իմ փառքը, որ բերել եմ քեզ վրայ, բայց քեզ չեմ ոչնչացնելու:
10. Ահաւասիկ վաճառեցի քեզ, բայց ոչ յանուն արծաթի, եւ փրկեցի քեզ աղքատութեան հնոցից:
11. Իմ անուան համար արեցի այդ, որպէսզի իմ անունը չհայհոյուի. ես իմ փառքը ուրիշին չեմ տայ:
12. Լսի՛ր ինձ, Յակոբ՛, եւ դու, Իսրայէ՛լ, ում ես կանչում եմ. ե՛ս եմ առաջինը, ե՛ս եմ եւ յաւիտենականը:
13. Իմ ձեռքը դրեց երկրի հիմքերը, եւ իմ ա՛ջը հաստատեց երկինքը. կը կանչեմ նրանց բոլորին, եւ նրանք միասին կը գան:
14. Կը հաւաքուեն ամէնքը եւ կը լսեն, թէ սա ո՞վ պատմեց նրանց: Յանուն քո սիրոյ կատարեցի կամքդ Բաբելոնի նկատմամբ՝ վերացնելու համար քաղղեացիների սերունդը:
15. Ե՛ս կանչեցի եւ ե՛ս խօսեցի, ե՛ս բերի նրան եւ յաջողեցրի նրա ճանապարհը:
16. Մօտեցէ՛ք ինձ եւ լսեցէ՛ք այս. սկզբից իսկ ես ո՛չ գաղտնի խօսեցի եւ ո՛չ էլ ինչ-որ խաւար տեղում. երբ դրանք կատարուում էին, ես այնտեղ էի: Եւ այժմ Տէրն ինձ ուղարկեց, Տէրը եւ նրա Հոգին:
17. Այսպէս է ասում Տէրը՝ Իսրայէլի սուրբը, որ փրկեց քեզ. ես եմ քո Աստուածը, ե՛ս քեզ ճանապարհ ցոյց տուի, որով դու գնացիր:
18. Եւ եթէ դու հետեւէիր իմ պատուիրաններին, ապա քո խաղաղութիւնը գետի նման կը լինէր, եւ քո արդարութիւնը՝ ծովի ալիքների նման:
19. Քո սերունդը աւազի չափ կը լինէր, եւ քո որովայնից ծնուածները՝ երկրի հողի չափ: Եւ սակայն դու այժմ չես ոչնչանալու, եւ քո անունը չի կորչելու իմ առաջ:
20. Դո՛ւրս եկէք Բաբելոնից, փախէ՛ք քաղղեացիներից, ուրա՛խ ձայնով պատմեցէք, թող լսելի լինի այն, մինչեւ աշխարհի ծագերը յայտնեցէ՛ք ու ասացէ՛ք, թէ՛ Տէրը փրկեց իր ծառայ Յակոբին:
21. Եւ եթէ անապատում ծարաւեն նրանք, նրանց համար նա քարից ջուր պիտի հանի: Քարը պիտի պատռուի, ջրերը պիտի բխեն, եւ իմ ժողովուրդը պիտի խմի: Ամբարիշտներն ուրախութիւն չեն տեսնելու, -ասում է Տէրը:

1. Լսեցէ՛ք ինձ, կղզիների՝ բնակիչներ, ականջ դրե՛ք, հեթանոսներ. շատ ժամանակներ անց պիտի հաստատուի դա, -ասում է Տէրը: Ինձ կանչեց, երբ ես դեռ արգանդում էի, իմ անունը տուեց, երբ ես դեռ իմ մօր որովայնում էի:
2. Իմ բերանը հաստատեց ինչպէս սուր սուներ եւ ինձ թաքցրեց իր ձեռքի հովանու տակ, ինձ դարձրեց ինչպէս մի ընտիր նետ եւ թաքցրեց իր կապարճում:
3. Նա ինձ ասաց. Դու իմ ծառան ես, Իսրայէ՛լ, քեզնով պիտի ես փառաւորուեմ:
4. Իսկ ես ասացի. Ուրեմն զուր տեղը չարչարուեցի, իմ ուժն անմիտ բաների վրայ ծախսեցի, բայց իմ իրաւունքը Տիրոջից է, եւ իմ վաստակն իմ Աստծու առաջ է:
5. Արդ, Տէրը, որն ինձ որովայնից իր համար ծառայ ստեղծեց, ասաց, որ Յակոբին եւ Իսրայէլին իր շուրջը հաւաքեմ: Պիտի հաւաքուեմ ու փառաւորուեմ Տիրոջ առաջ, եւ իմ Աստուածը ինձ համար զօրութիւն է լինելու:
6. Այա ասաց ինձ. Մեծ բան է քեզ համար այն, որ քեզ իմ ծառան եմ կոչում, որպէսզի հաստատես Յակոբի ազգը եւ Իսրայէլի ցրուածներին վերադարձնես: Ահաւասիկ ազգի համար քեզ իբրեւ ուխտ հաստատեցի եւ հեթանոսների համար՝ իբրեւ լոյս, որպէսզի փրկութիւն լինես մինչեւ աշխարհի չորս ծագերը:
7. Այսպէս է ասում Տէրը՝ Իսրայէլի Աստուածը, որ փրկեց քեզ. Սրբացրէ՛ք նրան, ով անարգում է իր անձը, ով արհամարհուած է ազգերի կողմից եւ իշխանների ծառաներից, թագաւորները պիտի տեսնեն նրան եւ ոտքի ելնեն, իշխանները պիտի երկրպագեն նրան յանուն Տիրոջ, որը հաւատարիմ է, եւ յանուն Իսրայէլի սրբի, որն ընտրեց քեզ:
8. Այսպէս է ասում Տէրն Իսրայէլին. Պատեհ ժամանակ քեզ լսեցի եւ փրկութեան օրը օգնեցի. ես քեզ ստեղծեցի եւ ուխտի նպատակով հեթանոսներին տուեցի քեզ՝ երկիրը վերականգնելու եւ աւերակ ժառանգութիւնները ժառանգներին վերադարձնելու համար,
9. շղթայուածներին ասելու, թե՛ ելէ՛ք, իսկ խաւարի մէջ գտնուողներին, թե՛ յայտնուեցէ՛ք: Նրանք պիտի արածեն բոլոր ճանապարհներին, նրանց արօտը պիտի լինի բոլոր շաւիղների վրայ:
10. Նրանք ո՛չ քաղց են զգալու, ո՛չ ծարաւելու, ո՛չ էլ արեւից խորշակահար են լինելու, եւ նա, որ ողորմելու է, պիտի մխիթարի նրանց, աղբիւրների ակունքների մօտ պիտի տանի նրանց:
11. Իմ բոլոր լեռները նրանց համար ճանապարհ պիտի դարձնեմ եւ բոլոր շաւիղներս արօտների վերածեմ:
12. Ահա ոմանք պիտի գան հեռաստանից, ոմանք՝ հիւսիսից եւ ծովից, եւ ոմանք՝ Պարսից երկրից:
13. Ուրախացի՛ր, երկի՛նք, եւ ցնծա՛, երկի՛ր, թող լեռները ցնծութիւն կանչեն, եւ բլուրները՝ արդարութիւն, քանզի Աստուած ողորմեց իր ժողովրդին, մխիթարեց իր ժողովրդի տառապեալներին:
14. Բայց Սիոնն ասաց. Տէրն ինձ թողեց, Աստուած ինձ մոռացաւ:
15. Մի՞թէ կինը կը մոռանայ իր մանկանը կամ չի գթայ իր որովայնի ծնունդներին, եւ եթէ կինը մոռանալու էլ լինի այդ, ես, սակայն, քեզ չեմ մոռանայ, -ասում է Տէրը: -
16. Ահա իմ ձեռքերի ափերի մէջ գծագրեցի քո պարիսպը, եւ ամեն ժամ դու իմ առաջ ես:
17. Դու արագօրէն պիտի վերաշինուես նրանց ձեռքով, որոնք քանդեցին քեզ: Քեզ աւերողները քո միջից պիտի վտարուեն:
18. Բարձրացրո՛ւ քո աչքերը, նայի՛ր շուրջդ եւ տե՛ս բոլորին. ահա հաւաքուել ու գալիս են դէպի քեզ: Կենդանի եմ ես, -ասում է Տէրը: Նրանց բոլորին պիտի հազնես ինչպէս պատմուճան, նրանց քո վրայ պիտի կրես ինչպէս հարսի զարդ:
19. Արդարեւ, քո աւերակները, ամայացած ու կործանուած երկիրը նեղուածք պիտի լինեն իրենց բնակիչների համար, եւ քեզ կուլ տուողները քեզնից պիտի հեռանան:
20. Քո որդիները, որոնց դու կորցրիր, քո ականջին պիտի ասեն. Այս տեղը նեղ է մեզ

համար. ընդարձակիր, որ բնակուենք:

21. Եւ քո մտքում պիտի ասես. Ո՞վ ինձ համար ծնեց սրանց. չէ՞ որ ես անգաւակ ու այրի էի, պանդուխտ ու արգելափակուած. ո՞վ սրանց սնեց ինձ համար, չէ՞ որ ես միայնակ էի մնացել, ո՞ր էին սրանք:

22. Այսպէս է ասում Տէր Աստուածն. Ահա իմ ձեռքը պիտի բարձրացնեմ ազգերի վրայ եւ իմ դոշը կանգնեցնեմ կղզիներում, ու քո որդիներին, իրենց գիրկն առած, եւ քո դուստրերին, իրենց ուսերին դրած, պիտի բերեն:

23. Թագաւորները քո խնամակալներն են դառնալու, իսկ նրանց կանայք՝ քո ծծմայրերը, երկրի երեսին քեզ են երկրպագելու եւ լիզելու քո ոտքերի փոշին. պիտի գիտակցես, որ ես եմ Տէրը, ու ինձ ապաւինողները չպիտի ամաչեն:

24. Որեւէ մէկը կարո՞ղ է միթէ խլել հսկայի կողոպուտը կամ կարո՞ղ է յանիրաւի գերեվարել ու ազատուել:

25. Այսպէս է ասում Տէրը. Եթէ որեւէ մէկը հսկային գերեվարի, կ'առնի նրա աւարը. նա, ով հսկայի աւարը կը վերցնի, շատ լաւ էլ կ'ազատուի: Բայց ես իմ դատաստանն եմ անելու եւ փրկելու եմ իմ որդիներին:

26. Մեզ նեղողներն իրենց մարմինը պիտի ուտեն եւ, ինչպէս նոր գինի, պիտի խմեն իրենց արիւնն ու հարբեն: Եւ ամէն մարմին պիտի իմանայ, թէ ես եմ Տէրը, որ փրկեցի ու օգնեցի քեզ եւ զօրաւոր դարձրի Յակոբին:

1. Այսպէս է ասում Տէրը. Ո՞ր է ապահարգանի թուղթը, որով արձակեցի ձեր մօրը, կամ ո՞ր է վաճառականների մուրհակը, որով վաճառեցի ձեզ: Դուք ձեր մեղքերով վաճառուեցիք, եւ ձեր անօրէնութիւնների պատճառով արձակեցի ձեր մօրը:
2. Եկայ, եւ մարդ չկար. կանչեցի, բայց ոչ ոք չկար, որ լսէր. մի՞թէ իմ ձեռքը չի կարող փրկել, կամ մի՞թէ ես ի զօրու չեմ ազատելու: Ահա իմ կշտամբանքով կը ցամաքեցնեմ ծովը, կը չորացնեմ գետերը, եւ նրանց ջրերի պակասութիւնից կը չորանան նրանց ձկները ու կը սատկեն ծարաւից:
3. Խաւար կը հագցնեմ երկնքին, նրա համար քուրծը կ'անեմ հագուստ:
4. Տէր Աստուած ինձ խրատող լեզու տուեց, որ կարողանամ ճիշտ ժամանակին խօսք ասել, ամէն առաւօտ ինձ զգուշացրեց, սրեց իմ լսելիքը, որ ունկնդիր լինեմ:
5. Տիրոջ խրատը կը բացի իմ ականջները, եւ ես խստասիրտ չեմ դառնայ ու չեմ ընդդիմանայ:
6. Թիկունքս հարուածների տուեցի, ծնօտներս՝ ապտակի, եւ երեսս շուռ չտուի նախատինքից ու թքից:
7. Տէր Աստուած եղաւ ինձ օգնական, դրա համար էլ ամօթ չզգացի, այլ իմ երեսը դարձրի ինչպէս կարծր քար: Գիտեմ, որ չեմ ամաչելու,
8. քանզի մօտ է նա, ով արդարացնելու է ինձ: Ո՞վ է իմ ոսիւրը, թող գայ եւ կանգնի մէջտեղը. ո՞վ է նա, որ դատապարտելու է ինձ, թող մօտենայ ինձ.
9. քանզի ահաւասիկ Տէրը, Տէրն է ինձ օգնական, եւ ո՞վ է, որ չարչարելու է ինձ: Ահա դուք բոլորդ, ինչպէս ձորձեր, պիտի հնանաք, ցեցն ու որդը պիտի ուտեն ձեզ:
10. Ձեր մէջ ո՞վ է, որ վախենում է Տիրոջից, լսում է նրա ծառայի ձայնը: Ովքեր գնում էին դէպի խաւարը, եւ լոյս չկար նրանց համար, թող իրենց յոյսը դնեն Տիրոջ անուան վրայ եւ խրախուսուեն Աստուծով:
11. Ահա դուք ամենքդ, որ վառուած էք հրով, պիտի պարտուէք բոցից, պիտի ընթանաք ձեր իսկ կրակի լոյսի միջով
12. ու պիտի բորբոքուէք բոցով: Դա իմ պատճառով պիտի հասնի ձեզ, եւ դուք տրտմութեան մէջ պիտի մեռնէք:

1. Լսեցէ՛ք ինձ, դուք, որ արդարութեան էք հետամուտ եւ փնտռում էք Տիրոջը, նայեցէ՛ք այն հաստատուն վեմին, որից կերտուել էք, եւ այն հորի փոսին, որից հանուել էք:
2. Ձեր հայր Աբրահամին նայեցէք եւ Սառային, որ ծնեց ձեզ. քանզի ում ես կանչեցի, նա մեկն էր, օրհնեցի նրան, սիրեցի նրան եւ բազմացրի նրան:
3. Արդ, ես մխիթարելու եմ քեզ, Սիոն, մխիթարելու եմ քո բոլոր աւերակները. քո բոլոր աւերակները դրախտի եմ վերածելու, արեւմտեան կողմն էլ՝ Տիրոջ դրախտի. ուրախութիւն ու ցնծութիւն են նրա մէջ տեղ գտնելու, փառաբանութիւն ու օրհնութեան ձայն:
4. Լսի՛ր ինձ, լսի՛ր ինձ, ո՛վ ժողովուրդ, ակա՛նջ դրէք ինձ, ո՛վ թագաւորներ, քանզի ինձնից է դուրս գալիս օրէնքը, եւ իմ դատաստանը լոյս է հեթանոսների համար:
5. Արագ, արագ պիտի մօտենայ իմ արդարութիւնը, եւ իմ փրկութիւնը պիտի ելնի ինչպէս լոյս. հեթանոսներն իմ բազկին պիտի ապաւինեն, կղզիները պիտի սպասեն ինձ եւ յոյս դնեն իմ բազկի վրայ:
6. Դեպի երկի՛նք բարձրացրէք ձեր աչքերը եւ նայեցէ՛ք դեպի ցած՝ երկրին. երկինքը պիտի անցնի ինչպէս ծովիւր, եւ երկիրը պիտի մաշուի ինչպէս ծործերը, նրա բնակիչները եւս նոյն կերպ պիտի կորչեն, բայց իմ փրկութիւնը յաւիտենապէս պիտի մնայ, եւ իմ արդարութիւնը չի պակասելու:
7. Դուք, որ ճանաչում էք իրաւունքը, եւ դու, իմ ժողովուրդ, որ սրտիդ մէջ իմ օրէնքն ես կրում, լսեցէ՛ք ինձ. մի՛ վախեցէք մարդկանց նախատինքից, եւ նրանց բամբասանքը թող ձեզ ամօթանք չպատճառի,
8. քանզի ժամանակի ընթացքում դրանք պիտի մաշուեն ինչպէս ծործեր եւ ինչպէս բուրդ, որին ուտում է ցեցը, բայց իմ արդարութիւնը պիտի մնայ յաւիտեան, եւ իմ փրկութիւնը՝ սերնդից սերունդ:
9. Չարթնի՛ր, զարթնի՛ր, Երուսաղէ՛մ, եւ հագի՛ր քո բազկի զօրութիւնը, զարթնի՛ր, ինչպէս հին օրերում, ինչպէս վաղեմի ժամանակներում: Մի՞թէ դու նա չես, որ հատեցիր ովկիանոսի լայնութիւնը, վանեցիր վիշապին.
10. Դու այն չե՞ս, որ ցամաքեցրեց ծովը, անդունդների ջրերի յորդութիւնը եւ ծովերի խորութիւնները ճանապարհ դարձրեց, որպէսզի այնտեղով անցնեն փրկուողներն ու ազատուողները:
11. Տիրոջ շնորհիւ պիտի լինի վերադարձը, եւ նրանք Սիոն են գալու ցնծութեամբ ու յաւիտենական ուրախութեամբ. նրանց գլխի վրայ օրհնութիւն պիտի լինի, եւ ուրախութիւնը պիտի հասնի նրանց. ցաւը, տրտմութիւնն ու հեծութիւնը պիտի հեռանան:
12. Ես եմ, ես այն նոյնն եմ, որ մխիթարեցի ձեզ: Իմացի՛ր, թէ դու ո՛վ էիր, որ վախեցար մահկանացու մարդուց եւ ադամորդուց, որոնք չորացան ինչպէս խոտ:
13. Դու մոռացար Աստծուն՝ քո Արարչին, որ ստեղծեց երկինքը եւ հաստատեց երկիրը, ու դու միշտ, ամէն օր վախենում էիր քեզ նեղողի բարկութիւնից՝ մտածելով, թէ նա կը բնաջնջի քեզ: Բայց ո՞ւր է քեզ նեղողի բարկութիւնը:
14. Քո փրկութիւնը նա չի կարող կասեցնել, չի կարող ուշացնել, ոչ էլ կարող է քեզ ոչնչացնելով սպանել. եւ քո հացը չի պակասելու:
15. Ես եմ քո Տէր Աստուածը, որ ալեկոծում եմ ծովը եւ նրա ալիքներին ստիպում մռնչալ. Չօրութիւնների Տէր է իմ անունը:
16. Իմ խօսքերը քո բերանը դրեցի եւ իմ ձեռքի հովանու տակ առայ քեզ, որպէսզի երկինքը կանգնեցնեմ, երկրի հիմքերը հաստատեմ եւ ասեմ Սիոնին. Դու իմ ժողովուրդն ես:
17. Չարթնի՛ր, զարթնի՛ր, եւ կանգնի՛ր, Երուսաղէ՛մ, դու, որ Տիրոջ ձեռքից խմեցիր նրա բարկութեան բաժակը, կործանման բաժակը, ցասման բաժակը, որ խմեցիր ու դատարկեցիր:
18. Եւ քո բոլոր որդիների մէջ, որոնց դու ծնեցիր, մեկը չեղաւ, որ մխիթարէր քեզ. քո



բոլոր որդիների մէջ, որոնց դու մեծացրիր, մէկը չեղաւ, որ զօրավիգ դառնար քեզ:

19. Երկու բան կայ քեզ հակառակ. եւ ո՞վ է, որ ցաւակից է լինելու քեզ. կործանում եւ կոտորած, սով եւ սուր է լինելու, եւ ո՞վ է, որ մխիթարելու է քեզ:

20. Քո որդիները, տարակուսած, քուն են մտել բոլոր ճանապարհների խաչմերուկներում: Նրանք կարծես կիսեփ ճակնդեղ լինեն: Նրանց մէջ Տիրոջ բարկութիւնն է լցուած, նրանք խոտորուած են Տէր Աստծուց:

21. Դրա համար էլ լսի՛ր, ո՛վ տառապեալդ, որ հարբած ես, բայց ոչ գինուց:

22. Այսպէս է ասում Տէր Աստուած, որ դատում է իր ժողովրդին. Ահա քո ձեռքից հեռացրի կործանման բաժակը, իմ բարկութեան բաժակը, եւ դու այլեւս չես խմելու այն:

23. Այն տալիս եմ քեզ վնասողների ձեռքը, նրանց ձեռքը, ովքեր տառապանքի դատապարտեցին քեզ, ովքեր քեզ ասում էին. Խոնարհուի՛ր, որ անցնենք: Եւ քո մէջքը գետնին հաւասար դարձրին քո վրայով անցնողների համար:

1. Չարթնի՛ր, զարթնի՛ր, Սիո՛ն, հագի՛ր քո զօրութիւնը, Սիո՛ն. դու ել քո փա՛ռքը հագիր, ո՛վ սուրբ քաղաքդ Երուսաղէմ, որովհետեւ պիղծերն ու անթլիատներն այլեւս չեն անցնելու քո միջով:
2. Թօթափի՛ր քո փոշին, ոտքի՛ ել ու նստի՛ր, ո՛վ Երուսաղէմ, քանդի՛ր քո պարանոցի կապը, ո՛վ դու Սիոնի գերի դուստր.
3. Արդարեւ, այսպէս է ասում Տէրը. Դուք ծրի վաճառուեցիք եւ արծաթով չէք փրկուելու:
4. Այսպէս է ասում Տէրը. Իմ ժողովուրդը նախ Եգիպտացիների երկիրն իջաւ, որպէսզի իբրեւ նժդեհ ապրի այնտեղ, ապա բռնութեամբ Ասորեստան քշուեց:
5. Բայց այժմ ինչո՞ւ եք այստեղ: Այսպէս է ասում Տէրը. Իմ ժողովուրդը գուր տեղը քշուեց. նրանք ապշահար էին մնացել եւ լաց էին լինում: Այսպէս է ասում Տէրը. Ձեր պատճառով իմ անունը մշտապէս հայիոյում է հեթանոսների մէջ:
6. Դրա համար իմ ժողովուրդն այդ օրը պիտի ճանաչի իմ անունը, գիտենայ, որ ես նոյնն եմ, որի մասին խօսում էին, եւ ահա եկել հասել եմ:
7. Լեռների վրայ ի՛նչ գեղեցիկ են ոտքերը նրա, ով խաղաղութեան լուրն է ււետում, ով բարութեան ււետիսն է բերում եւ քո փրկութեան մասին յայտնում՝ ասելով Սիոնին, թե՛ Քեզ վրայ թագաւորելու է Աստուած:
8. Քո պահապանների ծայնն է հնչելու, բոլորն առհասարակ ցնծալով ծայն են տալու, որովհետեւ իրենց աչքերով են տեսնելու այն ժամանակը, երբ Տէրը ողորմելու է Սիոնին:
9. Լեռները Երուսաղէմի ււերակների հետ միասին ցնծութեան կոչ պիտի արձակեն, քանզի Տէրը ողորմեց նրանց եւ փրկեց Երուսաղէմը:
10. Տէրն իր սուրբ բազուկը պիտի ցոյց տայ ի տես բոլոր ազգերի, եւ երկրի բոլոր կողմերը պիտի տեսնեն մեր Աստծու փրկութիւնը:
11. Հեռացէ՛ք, հեռացէ՛ք, ելէ՛ք այդտեղից եւ պիղծերին մի՛ մօտեցեք. ելէ՛ք այդ երկրի միջից եւ հեռացէ՛ք, դուք, որ վերցրել բերում էք Տիրոջ սպասքը:
12. Ո՛չ խռովութեամբ պիտի ելնեք եւ ո՛չ էլ փախչելով գնաք, քանզի ձեր առջեւից Տէրն ինքն է ընթանալու, եւ ձեզ հաւաքելու է նա, որ Աստուածն է Իսրայէլի:
13. Ահաւասիկ խելահաս պիտի դառնայ իմ ծառան, պիտի յառնի, բարձրանայ ու մեծապէս փառաւորուի:
14. Ինչպէս որ շատերը քեզ վրայ պիտի զարմանան, երբ անշքանա մարդկային քո տեսքը եւ քո փառքը, որ մարդկանց որդիներից է,
15. այդպէս էլ բազում ազգեր զարմանալու են քեզ վրայ, եւ թագաւորների բերանները պապանծուելու են, որովհետեւ տեսնելու են այն, ինչի մասին նրանց չի պատմուել, եւ իմանալու են այն, ինչի մասին չեն լսել:

1. Ո՞վ հաւատաց Տիրոջ մասին մեր տուած լուրին, եւ ո՞ւմ յայտնի դարձաւ Տիրոջ բազուկը:
2. Նրա առաջ մենք յայտնուեցինք որպէս մանուկ, որպէս արմատ՝ ելած անջրդի հողից. ո՛չ տեսք ունէր նա եւ ո՛չ էլ վեհութիւն: Նայեցինք մենք նրան, բայց նա ո՛չ տեսք ունէր եւ ո՛չ էլ գեղեցկութիւն:
3. Նրա տեսքն անելի անարգ էր ու նսեմ, քան բոլոր մարդկանց որդիներինը: Նա հարուածների ենթակայ մի մարդ եղաւ, որ ցաւերին համբերել գիտէ. իր երեսը դարձնելով՝ արհամարհուեց ու բանի տեղ չդրուեց:
4. Նա մեր մեղքերն էր վերցնում եւ մեզ համար չարչարուում, սակայն մենք նրա ցաւերը, հարուածներն ու չարչարանքները համարեցինք իբրեւ Աստծուց եկած բան:
5. Բայց նա խոցուեց մեր մեղքերի համար եւ մեր անօրէնութիւնների համար դատապարտուեց. մեր խաղաղութեան համար նա՝ պատիժ կրեց, եւ նրա՝ վերքերով մենք բժշկուեցինք:
6. Ամենքն էլ մոլորուած ոչխարներ են. մարդն իր ճանապարհին մոլորուեց, բայց Տէրը նրա՛ն մատնեց մեր մեղքերի համար:
7. Ու նա վշտից իր բերանն անգամ չի բացում: Ինչպէս ոչխար՝ նա մորթուելու տարուեց, եւ ինչպէս գառ՝ անմոռնչ կանգնած է խուզողի առաջեւ նրա նման իր բերանը չի բացում:
8. Խոնարհութեան շնորհիւ նրա դատաստանը վերացաւ, եւ նրա ազգատոհմի մասին ո՞վ պիտի պատմի: Երկրի վրայ վերջ տուին նրա կեանքին. իմ ժողովրդի անօրէնութիւնների պատճառով նա մահուան մատնուեց:
9. Նրա գերեզմանի համար՝ չարութեամբ, իսկ նրա մահուան համար մեծամեծ հարուածներով պիտի վրէժխնդիր լինեմ, որովհետեւ նա անօրէնութիւն չգործեց, եւ նենգութիւնը տեղ չգտաւ նրա բերանում:
10. Տէրը կամենում է մաքրել նրան վերքերից: Եթէ մեղքերի համար հատուցում տաք, ապա երկարակեաց սերնդի կ'արժանանաք, որի միջոցով Տէրը կը ցանկանայ ազատել նրան իր ցաւերից,
11. ցոյց տալ նրան լոյս եւ օժտել իմաստութեամբ, արդարացնել արդարին, որը յօժարակամ ծառայեց շատերին եւ իր վրայ է վերցնելու նրանց մեղքերը:
12. Ահա թէ ինչու նա շատ բան պիտի ժառանգի եւ հզօրների աւարը պիտի բաժանի, որովհետեւ նրա անձը մահուան մատնուեց, եւ նա յանցաւորներին հաւասար համարուեց: Նա շատերի մեղքերը կրեց եւ նրանց անօրէնութիւնների համար դատապարտուեց:

1. Ուրախացի՛ր, ո՛վ ամուլ, որ չծնեցիր, կանչի՛ր ու աղաղա՛կ բարձրացրու, որ երկունքի ցաւով չբռնուեցիր, քանզի բազում են ամուսնուց լքուածիդ որդիները, աւելի շատ, քան որդիները արամբի կնոջ: Չէ՞ որ Տէրն ասաց:
2. Ընդարձակի՛ր քո վրանի եւ քո սրահների տեղը, կանգնեցրո՛ւ եւ խնայողութիւն մի՛ արա. երկարացրո՛ւ քո պարանները, հաստատի՛ր քո ցցերը:
3. Աջ ու ձա՛խ տարածուի, եւ քո սերունդը պիտի ժառանգի հեթանոսներին եւ պիտի կառուցի աւերուած քաղաքները:
4. Մի՛ վախեցիր, որ քեզ ամօթահար արին, մի՛ նեղուի, որ քեզ նախատեցին, որովհետեւ վաղնջական ամօթը պիտի մոռանաս եւ որբեւայրութեանդ նախատինքն այլեւս չպիտի յիշես:
5. Տէրն է, որ քեզ համար անելու է այդ, Չօրութիւնների Տէր է նրա անունը, եւ նա, որ փրկեց քեզ, Իսրայէլի նոյն Աստուածն է, որ համայն երկրինը պիտի համարուի:
6. Տէրը քեզ չկանչեց որպէս լքուած ու վարանած կնոջ եւ ոչ էլ իբրեւ մի կնոջ, որ մանկուց ատելի է եղել, այլ Աստուած ասաց:
7. Միառժամանակ լքեցի քեզ, բայց մեծ գթութեամբ պիտի ողորմեմ քեզ:
8. Փոքր-ինչ բարկանալու պատճառով երեսս շրջեցի քեզնից, բայց յաւիտենական կարեկցութեամբ պիտի ողորմեմ քեզ: Այդպէս ասաց Տէրը, որ փրկեց քեզ:
9. Սա ինձ համար նոյնն է, ինչ Նոյի օրօք, ջրհեղեղի ժամանակ. ինչպէս որ այն ժամանակ նրան երդուեցի, որ չեմ բարկանայ երկրի վրայ, այնպէս էլ երդուեցի, որ չեմ բարկանայ քեզ վրայ:
10. Իմ սպառնալիքով չեմ շարժելու լեռները, չեմ փոփոխելու բլուրները. ո՛չ իմ ողորմութիւնն է պակասելու քեզնից, եւ ո՛չ էլ քո խաղաղութեան ուխտը պիտի վերանայ, -ասաց Տէրը:
11. Ո՛վ դու, որ տառապեալ ես եւ խախտուած, ես հաշտուել եմ քեզ հետ, մինչեւ որ դու մխիթարուես: Ահա ես քո քարերը՝ սուտակից եւ քո հիմքերը շափիւղայից պիտի պատրաստեմ:
12. քո աշտարակները յասպիսից պիտի կանգնեցնեմ, դռներդ՝ բիւրեղից եւ քո շուրջը պարիսպ պիտի քաշեմ թանկագին եւ ընտիր-ընտիր քարերից:
13. Աստծուց խրատուած որդիներ պիտի ունենաս, քո մանուկները մեծ խաղաղութեան մէջ պիտի լինեն:
14. Արդարութեամբ պիտի շէնանաս: Հեռո՛ւ կանգնիր անիրաւից, որ ահ չունենաս, եւ դողը քեզ չբռնի:
15. Ահա եկողները իմ անունով պիտի մօտենան քեզ, քեզ մօտ պիտի պանդխտեն եւ քեզ ապաստան դարձնեն:
16. Ահաւասիկ ես քեզ հաստատեցի, բայց ոչ որպէս մի դարբին, որ փուքսով կայծեր է արծարծում եւ գործիքներ է շինում իր համար. ես քեզ հաստատեցի ոչ կորստի ու ոչնչացման համար:
17. Ոչ մի վնասակար գործիք քո դէմ յաջողութիւն չպիտի ունենայ, եւ դու քո դէմ դատաստանի ելնող ամեն մի լեզու պարտութեան ես մատնելու, նրա հետ՝ եւ քո բոլոր դատախազներին: Դա է Տիրոջ ծառաների ժառանգութիւնը, եւ ինձ համար դուք էք լինելու իրաւացի, -ասում է Տէրը:

1. Ո՛վ դուք, որ ծարաւած էք, գնացէ՛ք ջրի, եւ դուք, որ բոլորովին արծաթ չունէք, գնացէք գնեցէ՛ք ու կերէ՛ք առանց արծաթի եւ առանց գինու համար վճարելու:
2. Բայց ինչո՞ւ արծաթով ճարպ էք գնում եւ ոչ թէ հաց, ձեր վաստակն ինչո՞ւ կշտանալու համար չէք ծախսում: Լսեցէ՛ք ինձ եւ բարիքնե՛ր ճաշակեցէք, ու բարութեան մէջ ձեր հոգիները վայելք պիտի գգան:
3. Ակա՛նջ դրէք ինձ եւ հետեւեցէ՛ք իմ ճանապարհին: Լսեցէ՛ք ինձ, եւ ձեր հոգիները կ'ապրեն բարութեան մէջ, ու ես ձեզ հետ յաւիտենական ուխտ կը կնքեմ՝ շնորհելով ձեզ Դաւթին խոստացուած անանց սրբութիւնները:
4. Ահա նրան տուեցի որպէս հեթանոսների վկայ, որպէս ազգերի իշխան եւ հրամանատար:
5. Քեզ չիմացող ազգերը պիտի դիմեն քեզ, եւ քեզ չճանաչող ժողովուրդներն ապաւեն պիտի դարձնեն քեզ յանուն քո Տէր Աստծո՛ւ՝ Իսրայելի սրբի, որը փառաւորեց քեզ:
6. Փստռեցէ՛ք Տիրոջը եւ, երբ գտնէք, կանչեցէ՛ք նրան. երբ նա ձեզ մօտենայ,
7. ամբարիշտը թող հրաժարուի իր ընթացքից, անօրէն մարդը՝ իր խորհուրդներից, թող նա վերադառնայ Տիրոջ մօտ՝ եւ ողորմութիւն կը գտնի, մեր Աստծո՛ւ մօտ, որը բազմապատիկ թողութիւն պիտի շնորհի ձեր անօրէնութիւններին:
8. Իմ խորհուրդները նման չեն ձեր խորհուրդներին, եւ ոչ էլ իմ ճանապարհները՝ ձեր ճանապարհներին, -ասում է Տէրը, -
9. այլ, ինչպէս երկինքն է հեռու երկրից, այնպէս էլ իմ ճանապարհներն են հեռու ձեր ճանապարհներից, եւ իմ խորհուրդները՝ ձեր խորհուրդներից:
10. Ինչպէս որ, ասենք, երբ անձրեւ կամ ձիւն է իջնում երկնքից եւ կրկին այնտեղ չի վերադառնում, քանի դեռ չի ոռոգել երկիրը, չի ծլեցրել ու պտղաբերել այն, սերմանողին սերմ եւ ուտելու հաց չի տուել,
11. այդպէս էլ պիտի լինի իմ խօսքը, որ ելնում է իմ բերանից. նա դատարկ չի վերադառնալու, մինչեւ որ չկատարի այն, ինչ կամենում եմ ես: Պիտի հեշտացնեմ քո ճանապարհները, որպէսզի իմ ճանապարհներն էլ դու պահպանես:
12. Ուրախութեամբ պիտի ելնէք եւ ցնծութեամբ պիտի սովորէք. լեռներն ու բլուրները պիտի խայտան, խնդութեամբ ընդունեն ձեզ, եւ անտառի բոլոր ծառերը պիտի ծափահարեն ձեզ:
13. Գիհու փոխարէն նոճի պիտի բուսնի, դժնիկի փոխարէն մրտենի պիտի աճի. եւ դա պիտի լինի յանուն Տիրոջ եւ ի նշան յաւիտենականութեան ու չի նուազելու:

1. Այսպէս է ասում Տէրը. Պահպանեցէ՛ք իրաւունքը եւ կատարեցէ՛ք արդարութիւնը, քանզի եկել հասել է իմ փրկութիւնը, եւ յայտնուելու է իմ ողորմութիւնը:
2. Երանի՛ այն մարդուն, որ կ'անի այդ, եւ նրան, որ հաւատարիմ կը մնայ դրան, կը պահի իմ շաբաթներն ու չի պղծի եւ իր ձեռքը ետ կը քաշի անիրաւութիւն անելուց:
3. Օտարազգին, որ եկել յարել է Տիրոջը, թող չասի, թէ՛ Տէրը մերժեց ու վանեց ինձ իր ժողովրդից, եւ ներքինին էլ թող չասի, թէ՛ ես չոր փայտ եմ:
4. Այսպէս է ասում Տէրը ներքինիներին. Ովքեր կը պահեն իմ պատուիրանները, կը նախընտրեն այն, ինչ ես եմ կամենում, եւ իմ ուխտի մէջ կը մնան,
5. նրանց իմ Տան մէջ եւ իմ պարսպի ներսում աւելի անուանի տեղ կը տամ, քան որդիներին ու դուստրերին, կը տամ նրանց յաւիտենական մի անուն, որ չի կորչելու:
6. Իսկ այն այլազգիներին, որոնք եկել յարել են Տիրոջը, որպէսզի ծառայեն նրան եւ սիրեն նրա անունը, լինեն նրա համար ծառաներ եւ աղախիներ, ու բոլոր նրանց, որոնք կը պահեն իմ շաբաթները եւ չեն պղծի, ու կը մնան իմ ուխտի մէջ, -
7. նրանց կը տանեմ իմ սուրբ լեռը, կ'ուրախացնեմ նրանց իմ աղօթքի Տան մէջ, նրանց ողջակէզներն ու ընծաներն ընդունելի կը լինեն իմ սեղանի վրայ, քանզի իմ Տունը բոլոր հեթանոսների համար աղօթքի Տուն պիտի կոչուի:
8. Այսպէս է ասում Տէր Աստուած, որ հաւաքում է Իսրայէլի բոլոր ցրուածներին. Նրանց վրայ ես պիտի հաւաքեմ անապատի բոլոր գազանների բազմութիւնները:
9. Եկէք կերէ՛ք, ո՛վ դուք անտառի բոլոր գազաններ:
10. Տեսէ՛ք, ամենքն էլ կուրացել են եւ չգիտեն, թէ ի՞նչ է իմաստութիւնը. ամենքն էլ կարծես համրացած շներ են, որ չեն կարողանում հաչել, իրենց անկողիներում երազներով են տարուած, սիրում են նիրհել:
11. Իրենց հոգով լիբր եղան շների նման, որ անկուշտ են, չար են եւ չգիտեն, թէ ի՞նչ է իմաստութիւնը. ամենքն իրենց ճանապարհներով գնացին:
12. Եկէ՛ք, -ասում են, -գինի առնենք եւ հարբենք գինով. այդպիսի օրը մեզ համար ամենամեծ զոհաբերութիւնը կը լինի:

1. Տեսէ՛ք, ինչպէ՛ս կորաւ արդարը, եւ չկայ մէկը, որ սրտով կարեկցի. արդար մարդիկ վերանում են, եւ ոչ ոք ուշադրութիւն չի դարձնում, որ արդարն անիրաւութեան պատճառով է վերանում:
2. Թող խաղաղ լինի նրա գերեզմանը, ով վերացաւ մէջտեղից:
3. Բայց դուք մօտեցէ՛ք, առա՛ջ եկէք, անօրէ՛ն որդիներ, պոռնկածի՛ն որդիներ, շնուբեա՛ն որդիներ:
4. Ինչո՞վ էք պարծենում, ո՞ւմ վրայ էք բացում ձեր բերանները եւ կամ ո՞ւմ վրայ էք հանում ձեր լեզուները. մի՞թէ դուք կորստեան որդիներ չէք, անօրէնութեան սերունդ,
5. որ անտառախիտ ծառերի տակ ընկած՝ աղաչում էիք ձեր կուռքերին, անդունդներում ժայռերի կատարներին եւ խոր ձորերում զոհում էիք ձեր որդիներին:
6. Այդ է քո բաժինը, այդ ևոյնն է քո վիճակը. նրանց առաջ նուէրներ թափեցիր, նրանց զոհեր մատուցեցիր, եւ այս ամենի վրայ միթէ չե՞մ բարկանալու, -ասում է Տէրը:
7. Այնտեղ, բարձր ու մեծ լեռան վրայ է քո անկողինը, եւ դու այնտեղ ելար զոհեր մատուցելու:
8. Ապա դռների դրանդիների վրայ հաստատեցիր քո յիշատակները: Կարծում էիր՝ եթէ ինձնից հեռանաս, աւելի՞ բան պիտի գտնես: Քո անկողինները լայնացրիր եւ փռուեցիր դրանց վրայ. սիրեցիր քո հոմանիներին
9. եւ յաճախակի դարձրիր քո պոռնկութիւնը նրանց հետ: Հեռաւորներից շատերին քե՛զ կապեցիր եւ պատգամաւորներ ուղարկեցիր քո սահմաններից դուրս:
10. Նկուն դարձար ու իջար գերեզման, յոգնատանջ եղար քո բազում ճանապարհորդութիւններից եւ չասացիր, թե՛ Այժմ հանգստանամ, որովհետեւ ուժիդ համեմատ էիր գործում, դրա համար էլ չհնազանդուեցիր ինձ:
11. Ո՞ւմից վախեցար ու զարհուրեցիր, որ ստեցիր եւ չիշեցիր ինձ, միտքդ չբերիր, սրտիդ մէջ չդրիր, իսկ ես քեզ տեսայ ու անտեսեցի: Ես այն եմ, որ յաւիտենական եմ, իսկ դու ինձնից չվախեցար:
12. Արդ, ես պիտի պատմեմ իմ արդարութեան եւ քո չարիքների մասին,
13. որոնք քեզ չեն օգնելու, երբ աղաղակես, եւ քեզ չեն փրկելու քո նեղութիւնից. դրանց բոլորին հողմերը պիտի տանեն եւ մորիկները բաժան-բաժան պիտի անեն: Իսկ նրանք, ովքեր ինձ վրայ են յոյս դրել, պիտի ստանան երկիրը եւ ժառանգեն իմ սուրբ լեռը:
14. Նրանք պիտի ասեն. Բացէ՛ք նրա առաջ ճանապարհները, խոչ ու խութերը հեռացրէ՛ք իմ ժողովրդի ճանապարհից:
15. Այսպէս է ասում Բարձրեալը, որ յաւիտենապէս բնակւում է բարձունքներում, սուրբը սրբերի մէջ. նրա անունը Բարձրեալ է, եւ նա սրբերի մէջ է մնում, համբերութիւն է տալիս տարակուսանքի մէջ ընկածներին եւ կեանք՝ նրանց, որոնք սրտամաշ են եղել:
16. Ես յաւիտեան վրեժխնդիր չեմ լինելու ձեզանից եւ ոչ էլ մշտապէս բարկանալու եմ ձեզ վրայ, քանզի հոգին ինձնից է բխում, եւ ամէն շունչ ես եմ ստեղծել:
17. Մեղքի պատճառով սակաւ ժամանակ տրտմութիւն հասցրի նրան, հարուածեցի նրան ու իմ երեսը շրջեցի նրանից, եւ նա տրտմեց ու իմ առաջ թախծոտ՝ անցաւ իր ճանապարհները:
18. Ես տեսայ նրա սրտի ճանապարհները եւ բժշկեցի նրան, սփոփեցի ու ճշմարիտ մխիթարութիւն տուի նրան: Նրա սգաւորների համար պտուղ ստեղծեցի:
19. Թող խաղաղութիւն, խաղաղութիւն լինի հեռաւորներին եւ մերձաւորներին, -ասում է Տէրը, -ու ես պիտի բժշկեմ նրանց:
20. Իսկ անօրէնները պիտի ծփան ծովի նման եւ հանգիստ չգտնեն, ու նրա ջրերը պիտի անհետանան՝ կաւի հետ խառնուելով: Ամբարիշտների համար խաղաղութիւն չկայ, -ասում է Տէրը:

1. Ուժգին կանչիր եւ մի՛ խնայիր, շեփորի պէս բարձրացրո՛ւ ձայնդ, պատմի՛ր իմ ժողովրդին իր մեղքերի եւ Յակոբի տանը՝ իր անօրէնութիւնների մասին:
2. Օր օրի ինձ եւ փնտռում եւ ցանկանում ճանաչել իմ ճանապարհները, իբրեւ մի ժողովուրդ, որ արդարութիւն է գործել եւ իր Աստծու իրաւունքը զանց չի առել. ահա նրանք եկել եւ իրաւունք ու արդարութիւն են որոնում: Փափագում են մերձենալ Աստծուն
3. Եւ ասում են. Այդ ինչպե՞ս է, որ մենք ծով պահեցինք, եւ դու չտեսար, զրկանքների ենթարկեցինք մեզ, եւ դու չիմացար: Արդ, ձեր ծոմապահութեան օրերին ձեր ցանկութիւններն էք կատարում եւ կսկիծ պատճառում բոլոր նրանց, ովքեր ենթակայ են ձեզ:
4. Հակառակութեան եւ կռիւների մէջ էք պահում եւ բռնցքահարում տկարին: Իսկ իմ ինչի՞ն է պետք այդպիսի ծոմապահութեան օրը. դուք պիտի գաք բողոքէք ինձ, եւ ես չպիտի լսեմ ձեզ:
5. Այդպիսի ծոմապահութիւնը չէ, որ ես ընտրեցի, եւ ոչ էլ այնպիսի օրը, երբ մարդ իր անձն է տանջում: Եթէ պարանոցդ կորացնես օղակի նման ու տակդ քուրձ ու մոխիր տարածես, այդ էլ, սակայն, չեմ համարի ծոմ եւ ընդունելի օր. այդպիսի ծոմապահութիւնը չէ, որ ես ընտրեցի, -ասում է Տէրը: -
6. Քանդի՛ր անիրաւութեան հանգոյցը, խորտակի՛ր քո վաճառականական խարդախութիւնն ու բռնութիւնը, ների՛ր ու արձակի՛ր նեղեալներին եւ պատռի՛ր բոլոր անիրաւ մուրհակները:
7. Քաղցածների՛ն բաժանիր քո հացը եւ անօթեւան աղքատների՛ն տար քո տունը. եթէ մերկ մարդ տեսնես՝ հագցրո՛ւ նրան, բայց քո ընտանիքի զաւակին մի՛ անտեսիր:
8. Այն ժամանակ այգաբացի պէս պիտի ծաւալուի քո լոյսը, եւ արագօրէն պիտի հասնի քո ապաքինումը, քո առջեւից պիտի ընթանայ քո արդարութիւնը, եւ Աստծու փառքը պիտի պահպանի քեզ:
9. Այն ժամանակ պիտի կանչես, եւ Աստուած պիտի լսի քեզ. մինչեւ դու խօսես, նա պիտի ասի, թե՛ Ահա հասել եմ: Եթէ դու քո միջից հեռացնես խարդախութիւնը, ձեռնձգութիւնն ու տրտունջի խօսքերը,
10. քո հացը յօժար սրտով քաղցածներին տաս եւ չքաւոր մարդկանց կշտացնես, այն ժամանակ խաւարի մէջ կը ծագի քո լոյսը, քո խաւարը կը վերածուի միջօրէի:
11. Քո Աստուածը ամէն ժամ քեզ հետ կը լինի, քո անձն ըստ ցանկութեան յագեցում կը ստանայ, եւ քո ոսկորները կը լիանան ու կը լինեն ինչպէս ջրաբքի պարտեզ, ինչպէս աղբիւր, որից ջուրը չի պակասի:
12. Քո դարաւոր աւերակները կը վերաշինուեն, եւ քո հիմքերը մշտնջենական կը լինեն սերնդից սերունդ. դու պիտի յառնես ու կոչուես պարսպապատերի փլատակները վերականգնող եւ նրանց ճամփամիջեան դարուփոսերը վերացնող:
13. Եթէ ոտքդ յետ քաշես եւ սրբութեան օրը քո ուզածը չկատարես, զուարճութեան շաբաթները համարես Աստծուն նուիրուած եւ փառաւոր, ոտքդ դուրս չդնես գործի համար ու քո բերանով բարկութեան ոչ մի խօսք չասես, այն ժամանակ կարող ես ապաւինել Տիրոջը:
14. Նա քեզ կ'առաջնորդի դէպի երկրի բարիքները եւ իբրեւ սնունդ քեզ կը տայ քո հայր Յակոբի ժառանգութիւնը, քանզի Տիրոջ բերանը խօսեց այս:



1. Մի՞թե Տիրոջ ձեռքն անկարող է փրկել, կամ նա ծանրացրել է իր ականջը, որ չլսի.
2. ո՛չ, ձեր մեղքերն են պատնեշ դարձել ձեր եւ Աստծու միջեւ, ձեր անօրէնութիւնների պատճառով է նա իր երեսը շրջել ձեզնից, որ չգթայ:
3. Արդարեւ, ձեր ձեռքերը պղծուած են արեամբ, եւ ձեր մատները՝ մեղքով. ձեր շուրթերն անօրէնութիւն խօսեցին, եւ ձեր լեզուները խորհում են անիրաւութիւն:
4. Չկայ մէկը, որ արդարութիւն խօսի, եւ բացակայում է ճշմարտութեան իրաւունքը. յոյս են դրել սնտոի բաների վրայ եւ ունայնութիւն են խօսում, յղանում են ցաւեր եւ ծնում անօրէնութիւն:
5. Զարբ օծի ձուեր են ծակում եւ սարդերի ոստայն հիւսում. եթէ որեւէ մէկը կամենայ ունել դրանցից, ծակ բացելով՝ նրա մէջ կը գտնի ջուր եւ քարբ օծ:
6. Նրանց ոստայնները հագուստ չեն դառնայ, եւ ոչ էլ նրանք կարող են զգեստաւորուել իրենց ձեռքի գործերով, քանզի նրանց գործերն անօրէնութեան գործեր են, նրանց ձեռքերի մէջ անիրաւութեան գործեր կան:
7. Նրանց ոտքերը դէպի չարն են ընթանում, շտապում են անմեղ արիւն թափել. նրանց խորհուրդներն անզգամների խորհուրդներ են, նրանց ճանապարհներին կործանում է ու թշուառութիւն:
8. Նրանք չճանաչեցին խաղաղութեան ճանապարհը, ու նրանց ուղիներում արդարութիւն չկայ, որովհետեւ նրանց շաւիղները, որոնցով ընթանում են, խոտորուած են, եւ նրանք խաղաղութիւնը չեն ճանաչում:
9. Ահա թէ ինչու իրաւունքը հեռացաւ նրանցից, եւ արդարութիւնը չի հասնելու նրանց. մինչ նրանք լոյս էին ակնկալում՝ խաւար եղաւ նրանց համար, մինչ լոյսի էին սպասում՝ շուռ եկան դէպի մութը:
10. Կոյրերի պէս նրանք պատերն են շօշափելու, խարխափելու են աչքերից զրկուածների պէս, կեսօրին գլորուելու են, ինչպէս կեսգիշերին, օրհասական մարդկանց պէս հոգեվարքի տանջանքներ են տանելու:
11. Եւ առհասարակ թափառելու են արջերի ու աղաւնիների նման: Մենք երկար սպասեցինք դատաստանի, բայց չեղաւ, սպասեցինք փրկութեան, բայց այն հեռացաւ մեզնից,
12. քանզի բազում են մեր անօրէնութիւնները քո առաջ, եւ մեր մեղքերը հակառակ կանգնեցին մեզ. մեր անօրէնութիւնները մե՛ր մէջ են, մենք ինքնե՛րս գիտենք մեր անիրաւութիւնները:
13. Ամբարիշտ դարձանք եւ ստեցինք Տիրոջ առաջ, յետ կանգնեցինք մեր Աստծուց, անիրաւութիւն խօսեցինք եւ ապստամբեցինք, մեր սրտերում անիրաւութեան խօսքեր յղացանք ու որոճացինք:
14. Յետ վանեցինք իրաւունքը, եւ արդարութիւնը հեռացաւ մեզնից: Ճշմարտութիւնը սայթաքեց նրանց ճանապարհներից. նրանք ուղիղ ճանապարհով չկարողացան գնալ,
15. եւ արդարութիւնը վերացաւ նրանց միջից. արգելք դրեցին իրենց սրտերին, որ չիմանան:
16. Տեսաւ Տէրը եւ չհաւանեց, որովհետեւ իրաւունքը բացակայում էր:
17. Նայեց, բայց մարդ չկար, դիտեց, բայց չկար մէկը, որ օգնական լիներ. եւ իր բազկով հատուցեց ու ըստ իր ողորմութեան հաստատեց նրանց:
18. Իբրեւ զրահ հագաւ արդարութիւնը, իբրեւ սաղաւարտ՝ գլխին դրեց փրկութիւնը, իբրեւ հանդերձ ու պատմուճան՝ իր վրայ գցեց վրեժխնդրութիւնը, որ հատուցում տայ նրանց:
19. Նա նախատինք ու հատուցում պիտի տայ հակառակորդներին ու կղզիների բնակիչներին:
20. Արեւմուտքում Տիրոջ անուսից պիտի սարսափեն, արեւելքում՝ նրա փառքից ու համբաւից: Բարկութիւնն, ինչպէս գետ, ուժգնօրէն պիտի գայ Տիրոջից, կատաղօրէն վրայ պիտի հասնի:

21. Մի փրկիչ պիտի գայ Սիոնից ու պիտի վանի Յակոբի ամբարշտութիւնները, -ասում է Տէրը:
22. Այս է իմ ուխտը նրանց հետ, -ասում է Տէրը: -Իմ հոգին, որ քեզ վրայ է, եւ իմ խօսքերը, որ քո բերանը դրեցի, այսուհետեւ մինչեւ յաւիտենութիւն չպիտի պակասեն քո բերանից, քո զաւակի բերանից եւ քո զաւակի զաւակի բերանից, -ասում է Տէրը:

1. Լուսաւորուի՛ր, լուսաւորուի՛ր, Երուսաղէ՛մ, քանզի հասել է քո լոյսը, եւ Տիրոջ փառքը քեզ վրայ է ծագելու:
2. Ահա խաւարը ծածկեց երկիրը, մառախուղը՝ հեթանոսներին, բայց քո մէջ է յայտնուելու Տէրը, եւ նրա փառքը քո մէջ է երեւալու:
3. Թագաւորները գալու են դէպի քո լոյսը, հեթանոսները՝ դէպի քո լոյսի փայլը:
4. Աչքերդ բարձրացրո՛ւ եւ շո՛ւրջդ նայիր ու տե՛ս մօտդ հաւաքուած քո բոլոր մանուկներին. քանզի որդիներդ եկան հասան հեռուներից եւ, իրենց ուսերին առած, բերում են քո դուստրերին:
5. Ահա դու պիտի տեսնես ու խնդաս, զարմանաս ու ապշես քո մտքում, որովհետեւ ծովերի, ազգերի ու ժողովուրդների հարստութիւնը քո կողմը պիտի դառնայ:
6. Դէպի քեզ են գալու ուղտերի երամակները, քեզ ծածկելու են Մադիամի եւ Գեփայի ուղտերի երամակները. բոլորը Սաբայից պիտի գան՝ բերելով ոսկի, կնդրուկ ու թանկագին քարեր եւ տալու են Տիրոջ փրկութեան աւետիսը:
7. Կեդարի ոչխարների բոլոր հօտերը քեզ մօտ պիտի հաւաքուեն, Նաբեթի խոյերը պիտի բերուեն ու իմ սեղանի վրայ պիտի մատուցուեն իբրեւ ընդունելի զոհ, եւ իմ աղօթքի Տունը պիտի փառաւորուի:
8. Ովքե՛ր են սրանք, որ թռել են ինչպէս ամպ եւ ինչպէս ձագերի հետ խառնուած աղաւնիներ՝ երամով գալիս են ինձ մօտ:
9. Ինձ են սպասում կղզիները եւ Թարսիսի նաւերը, որպէսզի նախօրօք հեռուներից բերեն քո որդիներին եւ նրանց հետ՝ արծաթն ու ոսկին, Տիրոջ սուրբ անուան համար, Իսրայէլի փառաւորեալ սրբի համար:
10. Օտարազգիների որդիները պիտի շինեն քո պարիսպները, ու նրանց թագաւորները պիտի ծառայեն քեզ, որովհետեւ իմ բարկութեան պատճառով հարուածեցի քեզ եւ իմ գթասրտութեան համար սիրեցի քեզ:
11. Քո դռներն օր ու գիշեր միշտ բաց պիտի լինեն եւ չպիտի փակուեն, որպէսզի քո մէջ տեղափոխեն ազգերի հարստութիւնը եւ նրանց թագաւորներին բերեն քեզ մօտ:
12. Իսկ այն ազգերն ու թագաւորները, որոնք քեզ չեն ծառայելու, կորչելու են. ազգերը բոլորովին պիտի կործանուեն:
13. Լիբանանի փառքը դէպի քեզ է գալու՝ դափնիով, սօսիով, նոճիով ու մայրիով, որպէսզի լիապէս փառաւորեն իմ սրբարանի տեղը, եւ ես փառաւորեմ իմ ոտքերի տեղը:
14. Քեզ մօտ պիտի գան քեզ նեղողների եւ զայրացնողների զարհուրած որդիները, քո ոտնահետքերին երկրպագութիւն պիտի անեն բոլոր նրանք, որոնք զարհուրեցնում էին քեզ, ու դու պիտի կոչուես Տիրոջ քաղաք, Իսրայէլի սրբի Սիոն:
15. Դու եղար լքուած ու ատելի, եւ ոչ ոք չկար, որ օգնէր քեզ, ես քեզ կը դարձնեմ յաւիտենական ուրախութիւն, ցնծութիւն՝ սերնդից սերունդ:
16. Դու պիտի ծծես հեթանոսների կաթը եւ ուտես թագաւորների հարստութիւնը, պիտի գիտակցես, որ ես եմ Տէրը՝ Իսրայէլի Աստուածը, որ ազատում ու փրկում եմ քեզ:
17. Պղնձի փոխարէն ոսկի եմ բերելու քեզ, երկաթի փոխարէն արծաթ եմ բերելու քեզ, փայտի փոխարէն պղինձ եմ բերելու քեզ, քարի փոխարէն երկաթ եմ տալու քեզ, խաղաղութիւն եմ տալու քո իշխաններին, եւ քո վերակացուներին՝ արդարութիւն:
18. Քո երկրում անիրաւութեան մասին այլեւս չի լսուելու եւ ոչ էլ քո սահմաններում՝ կոտորածի ու թշուառութեան մասին. քո պարիսպները պիտի անուանուեն փրկութիւն, եւ քո դռները՝ ցնծութիւն:
19. Այլեւս արեգակը չէ, որ քեզ համար ցերեկուայ լոյս է լինելու, եւ ոչ էլ լուսնի ծագումն է, որ քեզ գիշերը լոյս է տալու, այլ քեզ համար Տէրն է յաւիտենական լոյս լինելու, եւ Աստուած՝ քո փառքը:
20. Արեգակը քեզ համար մայր չի մտնելու, եւ լուսինը քեզից չի պակասելու, որովհետեւ Տէրը քեզ համար յաւիտենական լոյս է լինելու: Քո սգոյ օրերը պիտի վերջանան:

21. Քո ժողովուրդը բոլորովին արդար պիտի լինի եւ յաւիտենապէս պիտի ժառանգի երկիրը՝ պահպանելով իր նոր տունկը՝ իր ձեռքի գործը յանուն իմ փառքի:
22. Սակաւաթիւը հազարաւոր պիտի դառնայ, փոքրը՝ մեծ ազգ, քանզի ես՝ Տէրս, ժամանակ առ ժամանակ պիտի հաւաքեմ նրանց:

1. Տիրոջ Հոգին ինձ վրայ է, դրա համար իսկ նա օծեց ինձ, ուղարկեց ինձ՝ աւետարանելու աղքատներին, բժշկելու սրտով բեկուածներին, գերիներին ազատութիւն քարոզելու եւ կոյրերին՝ տեսողութիւն,
2. հռչակելու Տիրոջ ընդունելի տարին եւ մեր Աստծու վրեժխնդրութեան օրը, մխիթարելու բոլոր սգաւորներին,
3. փառաւորելու Սիոնի սգաւորներին, որ մոխրի փոխարէն ուրախութեան օծման իւղի պիտի արժանանան, իսկ սգաւորները վիատ հոգու փոխարէն՝ փառքի զգեստի: Եւ նրանք պիտի կոչուեն ազգ արդարութեան, տունկ՝ ի փառս Տիրոջ:
4. Պիտի վերաշինեն դարաւոր աւերակները, նախկինում աւերուածները պիտի վերականգնեն եւ նորոգեն դարերից ի վեր փլատակուած քաղաքները:
5. Օտարածիւնները պիտի գան ու լինեն քո ոչխարների հօտերի հովիւները, այլազգիները՝ քո մաճկալներն ու այգեգործները:
6. Իսկ դուք Տիրոջ քահանաներ պիտի կոչուէք, մեր Աստծու պաշտօնեաներ պիտի անուանուէք, ազգերի հարստութիւնը պիտի ուտէք եւ նրանց մեծութեամբ պիտի փառաւորուէք:
7. Ձեր ամօթի փոխարէն՝ կրկնակի ուրախութիւն, ձեր անարգանքի փոխարէն ցնծութիւն պիտի վայելէք եւ ապա դարձեալ պիտի ժառանգէք երկիրը, եւ յաւիտենական ուրախութիւն պիտի լինի ձեզ համար:
8. Ես՝ Տէրս, սիրում եմ արդարութիւնը եւ ատում յափշտակութիւնն ու անիրաւութիւնը, արդարներին պիտի տամ իրենց վաստակը եւ յաւիտենական ուխտ պիտի անեմ նրանց հետ:
9. Պիտի ճանաչուեն նրանց սերունդը ազգերի մէջ եւ նրանց զաւակները՝ ժողովուրդների մէջ. ամէնքն էլ, երբ տեսնեն, պիտի ճանաչեն նրանց եւ ասեն, թէ՝ Սրանք Աստծու օրհնեալ զաւակներն են, ու ցնծութեամբ պիտի ուրախ լինեն ի Տէր:
10. Ես պիտի հրճուեմ Տիրոջով, որովհետեւ նա ինձ փրկութեան զգեստ եւ ուրախութեան պատմութեան հագցրեց, որպէս փեսայի՝ պսակ դրեց իմ գլխին եւ որպէս հարսի՝ զուգեց ինձ զարդով:
11. Ինչպէս երկիրը, որ աճեցնում է իր ծաղիկները, եւ ինչպէս պարտեզը, որ ծլեցնում է իր սերմերը, այնպէս էլ Տէրն է ի յայտ բերելու իր արդարութիւնն ու ցնծութիւնը բոլոր ազգերի առաջ:

1. Չեմ լռի յանուն Սիոնի եւ չեմ ների յանուն Երուսաղէմի, մինչեւ չծագի նրա արդարութիւնը՝ ինչպէս լոյս, եւ չբոցավառուի նրա փրկութիւնը՝ ինչպէս փայլակ:
2. Հեթանոսները պիտի տեսնեն քո արդարութիւնը, թագաւորները՝ քո փառքը, եւ դու նոր անունով ես կոչուելու, որ Տէրն է անուանելու:
3. Տիրոջ ձեռքին վայելչութեան պսակ պիտի դառնաս եւ քո Աստծու ձեռքին՝ արքայական թագ:
4. Այլեւս չես կոչուելու Լքեալ, ոչ էլ քո երկիրն է կոչուելու Աւերակ: Քեզ պիտի կոչեն՝ Իմ կամքը, իսկ քո երկիրը՝ Շէն բնակութիւն, որովհետեւ Տէրը սեր է տածում քո նկատմամբ, եւ քո երկիրը բնակութեամբ պիտի լցուի:
5. Ինչպէս որ երիտասարդն է ամուսնանում կոյսի հետ, այնպէս էլ քո որդիները պիտի ապրեն քեզ հետ, եւ ինչպէս որ, օրինակ, փեսան է ուրախանում հարսի համար, այնպէս էլ Տէրն է ուրախ լինելու քեզ համար:
6. Քո պարիսպների վրայ, ո՛վ Երուսաղէմ, ամբողջ օրն ու ողջ գիշերը պահապաններ պիտի կարգեմ, որ մինչեւ վերջ չդադարեն յիշել Տիրոջը:
7. Ձեր նմանը չի լինի, երբ նա վերստին ուղղի եւ Երուսաղէմը դարձնի պարծանք երկրի վրայ:
8. Տէրը երդուեց իր փառքով եւ իր բազկի զօրութեամբ, որ քո ցորենն ու կերակուրը չի տայ քո թշնամիների ձեռքը, եւ օտարների որդիները չեն խմի քո գինին, որի համար դու ջանք թափեցիր,
9. այլ ովքեր այդ ամբարեցին՝ նրա՛նք պիտի ուտեն եւ օրհնեն Տիրոջը, եւ ովքեր այդ հաւաքեցին՝ նրա՛նք պիտի խմեն իմ սրբարանի սրահներում:
10. Գնացէք նե՛րս մտէք իմ դռներով, պատրաստեցէ՛ք ճանապարհները, շտկեցէ՛ք շաւիղները, ճամփա՛յ բացէք իմ ժողովրդի համար, հեռացրէ՛ք քարերը ճանապարհից եւ դրօշա՛կ բարձրացրէք հեթանոսների համար:
11. Ահա թէ ինչ ազդարարեց Տէրը մինչեւ երկրի ծագերը. Ասացէ՛ք Սիոնի դստերը. ահաւասիկ գալիս է քո Փրկիչը, եւ իր վարձն իր հետ է, գործը՝ իր աչքի առաջ:
12. Տիրոջ ձեռքով փրկուած Սուրբ ժողովուրդ է կոչելու նրան, իսկ դու կոչուելու ես Փնտռուած քաղաք եւ ոչ թէ Լքուած:

1. Ո՞վ է սա, որ ելել գալիս է Եդոմից. նրա հագուստների կարմիրը Բոսորայից է, նա գեղեցիկ պատմութեամբ է եւ հուժկու զօրութեամբ: Ես խօսում եմ արդարութեան եւ փրկութեան իրաւունքի մասին:
2. Քո հագուստներն ինչո՞ւ են կարմիր, քո հագուստներն, ասես, հնձանահարի հագուստներ լինեն, որ տրորում է լեցուն հնձանը:
3. Ես մենակ ճմլեցի հնձանը, հեթանոսներից ոչ ոք ինձ հետ չէր. զայրոյթով տրորեցի նրանց, բարկութեամբ ճմլեցի նրանց եւ գետնին հաւասարեցրի ու իմ բոլոր զգեստներն արիւնաթաթախ արի:
4. քանզի հասել էր նրանց հատուցման օրը, փրկութեան տարին եկել հասել էր:
5. Նայեցի, բայց օգնող չկար, մտածեցի, թէ ինչու ոչ ոք չկար, որ թիկունք դառնար ինձ: Իմ բազուկը փրկեց նրանց, եւ միայն իմ բարկութիւնն ինձ զօրավիգ եղաւ:
6. Իմ բարկութեամբ տրորեցի եւ իմ զայրոյթով մորթեցի նրանց, գետնին հաւասարեցրի նրանց:
7. Տիրոջ ողորմութիւնը պիտի յիշեմ, Տիրոջ մեծագործութիւնը միտքս պիտի բերեմ այն բարիքների համար, որ Տէրն է հատուցելու մեզ: Տէրն Իսրայելի տան բարերար դատաւորն է, որ իր ողորմածութեամբ եւ իր մեծ արդարութեամբ վարձատրելու է մեզ:
8. Նա էր, որ ասաց. Իմ ժողովուրդն իմ որդիներն են, որոնք չեն անարգի ինձ.եւ նա նրանց փրկութիւն բերեց իրենց բոլոր նեղութիւններից:
9. Ոչ թէ ինչ-որ պատգամաւոր կամ հրեշտակ փրկեց նրանց, այլ՝ Տէրն ինքը. եւ որովհետեւ նա սիրում ու խնայում էր նրանց, ինքն էլ փրկեց նրանց, ոտքի կանգնեցրեց եւ բարձրացրեց նրանց յար ու յաւիտեան:
10. Բայց նրանք ըմբոստացան ու բարկացրին նրա Սուրբ Հոգին, եւ Տէրը նրանց թշնամի դարձաւ, ինքն իսկ պատերազմեց նրանց դէմ:
11. Այնժամ նրանք հին ժամանակները յիշեցին՝ ասելով. Ո՞ր են Մովսէսը եւ նրա ժողովուրդը, ո՞ր է նա, որ երկրից դուրս բերեց հօտերի հովուին, ո՞ր է նա, որ նրանց մէջ դրեց Սուրբ Հոգին:
12. ո՞վ էր, որ իր աջով բարձրացրեց Մովսէսին եւ որի առաջ իր փառաւոր բազկով կասեցրեց ջրերը՝ իր անունը յաւերժացնելու համար:
13. Նրանց անցկացրեց անդունդներով, ինչպէս ձին է անցնում անապատով, կամ ինչպէս գրաստը՝ դաշտով, ու նրանք չյոգնեցին:
14. Տիրոջ Հոգին իջաւ եւ առաջնորդեց նրանց: Քո ժողովրդին դու այնպէս առաջնորդեցիր, որ քո անունը փառաւորեն:
15. Արդ, դարձի՛ր երկնքից եւ քո սուրբ ու փառաւոր տաճարից նայիր, թէ ո՛ր են քո նախանձախնդրութիւնն ու զօրութիւնը, ո՛ր են քո մեծ ողորմութիւնն ու գթութիւնը, որոնցով ներում էիր մեզ:
16. Դու ես մեր հայրը: Աբրահամը չգիտեր մեզ, Իսրայելը մեզ չէր ճանաչում, բայց դու, Տէ՛ր, Հա՛յր մեր, փրկի՛ր մեզ, որովհետեւ սկզբից ի վեր մեզ վրայ է քո անունը:
17. Ինչո՞ւ մեզ թողեցիր, որ մոլորուենք քո ճանապարհներից, ո՛վ Տէր, ինչո՞ւ կարծրացրիր մեր սրտերը, որ քեզնից չվախենանք. դարձի՛ր ի սեր քո ծառաների, դարձի՛ր ի սեր քո ժողովրդի, որ քո ժառանգութիւնն է:
18. Գուցէ քո սուրբ լեռը չկարողանանք ժառանգել: Մեր թշնամիները նեղեցին մեզ եւ ոտնակոխ արին քո սրբութիւնը:
19. Եղանք ինչպէս առաջ էինք, երբ դու մեզ չէիր տիրում, եւ մենք քեզ չէինք պատկանում:

1. Եթե բացես երկինքը, քո ահից լեռները կը սասանուեն եւ կը հալուեն, ինչպէս մօմը՝ կրակի դիմաց:
2. Կրակը կ'այրի քո հակառակորդներին, եւ քո անունը յայտնի կը դառնայ թշնամիներիդ. քո պատճառով հեթանոսները խռովութեան կը մատնուեն:
3. Երբ հրաշալի գործեր կատարես, քո ահից լեռները կը սասանուեն:
4. Հնուց ի վեր չլսեցինք, եւ ոչ էլ մեր աչքերը քեզից բացի տեսան մէկ այլ Աստուած, որ իր ողորմութեան վրայ յոյս դնողների համար այսպիսի բաներ աներ,
5. ընդառաջ գևար Նրանց, որոնք արդարութիւն են գործում եւ յիշում քո ճանապարհները: Եւ ահա դու բարկացար, որովհետեւ մենք մեղք գործեցինք եւ դրա համար էլ մոլորուեցինք:
6. Մենք ամենքս պիղծ դարձանք, եւ մեր ամբողջ արդարութիւնը դաշտանի շորերի նմանուեց, մեր անօրէնութիւնների պատճառով մենք ամենքս ցած թափուեցինք ինչպէս տերեւ. հողմերը քշեցին մեզ:
7. Ոչ մէկը չի կանչում քո անունը, ոչ ոք չի մտածում քեզ ապաստան դարձնել. ահա թէ ինչու քո երեսը մեզից շրջեցիր եւ մեր մեղքերի համար մեզ դատապարտեցիր:
8. Տէ՛ր, մեր Հայրն ես դու. մենք կաւ ենք, իսկ դու՝ մեր ստեղծիչը, մենք ամենքս քո ձեռքի գործն ենք:
9. Տէ՛ր, սաստիկ մի՛ բարկացիր մեզ վրայ եւ մեր մեղքերը յաւիտեան մի՛ յիշիր: Եւ հիմա նայի՛ր, Տէ՛ր, մենք ամենքս քո ժողովուրդն ենք:
10. Քո սուրբ քաղաք Սիոնն աւերակ դարձաւ, Երուսաղէմը՝ անապատ:
11. Անէծքի մատնուեց մեր սուրբ ու փառաւոր տաճարը, որտեղ մեր հայրերն օրհներգում էին քեզ, հրոյ ճարակ դարձաւ, եւ մեր ամբողջ փառաւորութիւնը կործանուեց:
12. Եւ այս ամենի վրայ դու աչք ես փակում, Տէ՛ր, լռութիւն ես պահում ու սաստիկ ստորացնում մեզ:



1. Յայտնուեցի նրանց, որոնք իմ մասին չէին հարցնում, ինձ գտան նրանք, որոնք ինձ չէին փնտռում: Ահաւասիկ ես կամ, ասացի այն ազգին, որն իմ անունը չկանչեց:
2. Ամեն օր իմ ձեռքը երկարեցի դէպի անհնազանդ ու թշնամի ժողովուրդը, որ ընթանում էր ոչ թէ բարի ճանապարհով, այլ իր մեղքերի յետեւից:
3. Այս ժողովուրդը բարկացնում էր ինձ. իմ առաջ միշտ զոհեր էին մատուցում իրենց պարտեզներում եւ իրենց աղիւսների վրայ խունկ ծխում դեւերին, որոնք նրանց համար յիշատակ դառնալ չէին կարող:
4. Զարայրներում էին պառկում ու քնում, որպէսզի երազ տեսնէին. խոզի միս էին ուտում ու զոհերի մսաջուր, եւ նրանց բոլոր ամանները պղծուած էին:
5. Ասում էին. Հեռո՛ւ կաց ինձնից, մի՛ մօտեցիր ինձ, որովհետեւ ես սուրբ եմ: Դա ծուխն է իմ բարկութեան, որի մէջ ամեն օր բորբոքւում է կրակը:
6. Ահա իմ առջեւ գրուած է. Չեմ լռելու, մինչեւ որ չհատուցեմ նրանց մեղքերը՝ վերադարձնելով իրենց ծոցը:
7. Նրանց հետ միասին՝ նաեւ նրանց հայրերի մեղքերը, -ասում է Տէրը,-որոնք խնկարկում էին լեռների վրայ եւ բլուրների վրայ նախատում էին ինձ. հատուցելու եմ նրանց առաջուայ արարքները՝ վերադարձնելով իրենց ծոցը:
8. Այսպէս է ասում Տէրը. Ճիշտ այնպէս, ինչպէս ողկոյզների մէջ մի ճուղ է գտնւում, եւ ասում են՝ Մի՛ փչացնիր դա, որովհետեւ Տիրոջ օրհնութիւնը կայ դրա մէջ, այնպէս էլ ես նոյն կերպ պիտի վարուեմ իմ ծառայի համար.յանուն նրա չեմ կործանելու բոլորին:
9. Յակոբի եւ Յուդայի սերնդին պիտի բարձրացնեմ, որպէսզի ժառանգեն իմ սուրբ լեռը. իմ ընտրեալներն ու ծառաները պիտի ժառանգեն այնեւ բնակուեն այնտեղ:
10. Անտառի մէջ պիտի լինեն հովիւների մակաղատեղերը, եւ Աքորի ձորը պիտի դառնայ նախիրների հանգստավայրն իմ ժողովրդի, որն ինձ է փնտռել:
11. Դուք թողեցիք ինձ, մոռացաք իմ սուրբ լեռը եւ սեղան գցեցիք դեւերին՝ բաժակ բարձրացնելով Բախտի աստծու պատուին:
12. Ես էլ ձեզ սրի եմ մատնելու, եւ ամենքդ կոտորուելու էք, որովհետեւ կանչեցի ձեզ, բայց չլսեցիք, խօսեցի, բայց դուք ականջ չդրեցիք, իմ առաջ չարութիւն կատարեցիք եւ, ինչ չէի ցանկանում, ա՛յն ընտրեցիք:
13. Դրա համար էլ Տէրն այսպէս է ասում. Ահաւասիկ նրանք, որ ինձ են ծառայում, պիտի ուտեն, իսկ դուք քաղցած էք մնալու. ահաւասիկ նրանք, որ ինձ են ծառայում, պիտի խմեն, իսկ դուք ծարաւ էք մնալու. ահաւասիկ նրանք, որ ինձ են ծառայում, ուրախ պիտի լինեն, իսկ դուք ամօթով էք մնալու:
14. Ահաւասիկ նրանք, որ ինձ են ծառայում, սրտի ուրախութեամբ պիտի ցնծան, իսկ դուք ձեր սրտի ցաւից աղաղակելու էք, ձեր հոգու կսկծից ողբալու էք:
15. Ձեր անունն իմ ընտրեալների նողկանքի համար պիտի թողնեք, եւ Տէրը ձեզ պիտի մեռցնի: Իմ ծառաներին նոր անուն պիտի տրուի, որը պիտի օրհնաբանուի երկրի վրայ:
16. Որպէսզի օրհնեն ճշմարիտ Աստծուն, երկրի վրայ երդուողները պիտի երդուեն ճշմարիտ Աստուծով, առաջուայ նեղութիւնը պիտի մոռանան, այլեւս իրենց միտքը չպիտի բերեն:
17. Զանի որ նոր երկինք ու նոր երկիր պիտի ստեղծեմ, առաջուաններն այլեւս չպիտի յիշենեւ այլեւս իրենց միտքը չպիտի բերեն:
18. Ուրախութիւն ու ցնծութիւն են գտնելու այն բանի մէջ, ինչ ես հաստատելու եմ: Ահա ես Երուսաղէմն ստեղծում եմ ցնծութեան համար եւ իմ ժողովրդին՝ ուրախութեան համար:
19. Պիտի ցնծամ Երուսաղէմով, պիտի ուրախանամ իմ ժողովրդով. նրա մէջ այլեւս լացի ձայն եւ կամ բօթի ձայն չպիտի հնչի:
20. Այնտեղ չի լինելու մանկահասակ եւ կամ ծեր, որ լցրած չլինի իր կեանքի ժամանակը, քանզի կրտսեր որդին հարիւր տարեկան պիտի լինի, իսկ հարիւր տարեկանում մեռնողը մեղաւոր եւ անիծեալ պիտի համարուի:

21. Տներ պիտի շինեն եւ իրենք պիտի բնակուեն, այգիներ պիտի տնկեն եւ նրանց պտուղն իրենք պիտի ուտեն:
22. Այլեւս նրանք չպիտի շինեն, որ ուրիշները բնակուեն, նրանք չպիտի տնկեն, որ ուրիշներն ուտեն: Իմ ժողովրդի օրերը կենաց ծառի օրերի չափ պիտի լինեն, նրանք երկար պիտի վայելեն իրենց ձեռքի գործերը:
23. Իմ ընտրեալներն այլեւս զուր տեղը չպիտի չարչարուեն եւ անեծքի համար որդիներ չպիտի ծնեն, որովհետեւ նրանք իրենց զաւակների հետ միասին Աստծուց օրհնուած սերունդ են:
24. Այնպէս պիտի լինի, որ դեռ նրանք ծայն չտուած՝ պիտի լսեմ նրանց, դեռ նրանք չխօսած՝ պիտի ասեմ, թէ՛ ի՞նչ էք ուզում:
25. Այն ժամանակ գայլերն ու գառները միասին պիտի արածեն, եւ առիւծը, ինչպէս եզը, յարդ պիտի ուտի, օձը հող պիտի ուտի իբրեւ հաց: Մարդիկ չեն մեղանջելու եւ չեն վնասելու իմ սուրբ լեռան վրայ, -ասում է Տէրը:

1. Այսպես է ասում Տերը. Երկինքն իմ աթոռն է, եւ երկիրը՝ իմ ոտքերի պատուանդանը: Ի՞նչ տուն պիտի շինեք ինձ համար, -ասում է Տերը, -եւ կամ իմ հանգստեան տեղն ինչպիսի՞ն պիտի լինի:
2. Չէ՞ որ այդ ամենն իմ ձեռքը պատրաստեց, եւ ամեն ինչ իմն է, -ասում է Տերը. -ու ես ո՞ւմ եմ նայելու, եթե ոչ հեգերին ու խոնարհներին եւ նրանց, ովքեր դողում են իմ խօսքից:
3. Բայց անօրէնը, որ ինձ եզ է զոհաբերում, նոյնն է, թէ մարդու գանգ է ջախջախում, իսկ նա, որ ոչխար է զոհաբերում, նոյնն է, թէ շուն է մորթում, իսկ նա, որ ընտիր ալիւր է ընծայաբերում, նոյնն է, թէ խոզի արիւն է թափում, իսկ նա, որ յիշատակների ինկարկման համար կնդրուկ է մատուցում, նոյնն է, թէ հայիոյում է: Նրանք ընտրեցին իրենց ճանապարհները եւ իրենց այն գարշելի բաները, որոնք ախորժելի էին իրենց հոգիներին:
4. Ու ես պիտի բռնեմ նրանց խաբէութիւնները եւ հատուցեմ նրանց ըստ իրենց մեղքերի, որովհետեւ կանչեցի, բայց ինձ չլսեցին, խօսեցի, բայց ականջ չդրին, չարիք գործեցին իմ առաջ եւ ընտրեցին այն, ինչ ես չէի կամենում:
5. Տիրոջ պատգամները լսեցէք դուք, որ դողում էք նրա խօսքերից: Ո՛վ մեր եղբայրներ, խօսեցէ՛ք ձեր ատելիների եւ ձեզ զգուանք պատճառողների հետ, որպէսզի փառաւորուի Տիրոջ անունն ու այն յայտնուի ձեր ուրախութեան ժամին, եւ նրանք ամաչեն:
6. Աղաղակի ձայն է հնչում քաղաքից, ձայն՝ տաճարից. Տիրոջ ձայնն է դա, որ պատժով է հատուցելու թշնամիներին:
7. Քանի դեռ յղին չէր ծնել, քանի դեռ երկունքի ցաւերը չէին հասել, նա ազատուեց, եւ ծնուեց մի արու գաւակ:
8. Ո՞վ է լսել, ո՞վ է տեսել այսպիսի բան, որ երկիրը մէկ օրում ծննդաբերի, եւ միանգամից մի ամբողջ ազգ ծնուի. քանզի Սիօնը երկունքի ցաւով բռնուեց եւ ծնեց իր մանուկներին:
9. Ե՛ս տուեցի քեզ այդ յոյսը, բայց դու ինձ չիշեցիր, -ասում է Տերը. -մի՞թէ ես չստեղծեցի ամուլին եւ ծննդկանին, -ասում է քո Աստուածը:
10. Ուրախացի՛ր, Երուսաղէ՛մ, եւ դուք էլ հաւաքուեցէ՛ք, որպէսզի ցնծաք նրա մէջ. ամենքդ էլ, որ սիրում էք նրան եւ սուգ էք մտել նրա համար, խնդացէ՛ք եւ ուրախացէ՛ք միասին:
11. Պիտի սնուէք ու յագենաք նրա մխիթարող ստիւքներից եւ կուշտ ու պինդ վայելք պիտի առնէք նրա գալիք փառքից:
12. Այսպես է ասում Տերը. Ահա ես դեպի նրանց պիտի դարձնեմ խաղաղութիւնը՝ ինչպէս գետ եւ հեթանոսների փառքը՝ ինչպէս յորդահոս հեղեղ. իրենց ուսերին առած՝ նրանք պիտի բերեն դրանց մանուկներին եւ, իրենց ծնկներին դրած, պիտի գգուեն նրանց:
13. Ինչպէս որ մայրն է գգում իր մանկանը, այնպէս էլ ես պիտի գգուեմ ձեզ, եւ դուք պիտի մխիթարուէք Երուսաղէմում:
14. Պիտի տեսնէք, ու պիտի խնդան ձեր ծաղկեն, ձեր ոսկորները դալար խոտի պէս պիտի խայտան: Տիրոջ ձեռքը պիտի յայտնուի իր բարեպաշտներին եւ սպառնայ անհաւատներին:
15. Ահա գալու է Տերը ինչպէս կրակ, եւ նրա կառքը՝ ինչպէս մրրիկ, որպէսզի բարկութեամբ տայ իր հատուցումը եւ կրակի բոցով՝ իր արհամարհանքը,
16. քանզի համայն երկիրը պիտի դատուի Տիրոջ կրակով, եւ ամեն մի մարմին՝ նրա սրով. շատերը պիտի վիրաւորուեն Տիրոջ ձեռքից:
17. Նրանք, որ իրենց սրբում եւ մաքրում են իրենց պարտեզների ու սրահների մէջ, որ ուտում են խոզի միս, պիղծ բաներ եւ մուկ, միասին պիտի բնաջնջուեն, -ասում է Տերը: -
18. Ես նրանց գործերն ու խորհուրդները գիտեմ. պիտի գամ, որպէսզի հաւաքեմ բոլոր ազգերին ու բոլոր լեզուները. թող գան ու տեսնեն իմ փառքը:
19. Նրանց վրայ նշան պիտի թողնեմ: Նրանց միջից փրկուածներին պիտի ուղարկեմ

- ազգերի մէջ՝ դէպի Թարսիս ու Փուր, դէպի Լուդ, Մոսոք եւ Թոբէլ, դէպի Հելլադա եւ հեռաւոր կղզիները, որոնք չեն լսել իմ անունը եւ ոչ էլ իմ փառքն են տեսել. նրանք պիտի պատմեն իմ փառքն ու իմ անունը ազգերի մէջ:
20. Եւ ինչպէս որ Տիրոջ Տանն Իսրայէլի որդիները սաղմոսներով մատուցեցին ինձ իրենց նուէրները, նրանք բոլոր ազգերից Երուսաղէմ սուրբ քաղաքը Տիրոջն ընծայ պիտի բերեն իրենց եղբայրներին՝ կառքերի վրայ հեծած, շքեղագարդ ձիերով ու հովանոցներով հանդերձ, -ասում է Տէրը: -
21. Եւ նրանցից եմ վերցնելու ինձ համար քահանաներ ու դէւտացիներ, -ասում է Տէրը: -
22. Ինչպէս որ նոր երկինքն ու նոր երկիրը, որ ես եմ ստեղծում, մնալու են իմ առաջ, -ասում է Տէրը, -այդպէս մնալու է եւ ձեր սերունդը:
23. Եւ այնպէս պիտի լինի, որ ամսից ամիս ու շաբաթից շաբաթ իւրաքանչիւր անձ պիտի գայ Երուսաղէմում իմ առաջ երկրպագելու, - ասում է Տէր Աստուածը: -
24. Պիտի ելնեն ու տեսնեն իմ հանդէպ յանցանք կատարած մարդկանց ոսկորները, քանզի նրանց որդը չի մեռնելու, նրանց կրակը չի հանգչելու, նրանք յայտնի պիտի լինեն բոլոր մարմնաւորներին:

ԵՐԵՄԻԱ

## Գլուխ 1

1. Աստծու պատգամը, ուղղուած Քեղկիայի որդի Երեմիային, որը Բենիամինի երկրում, Անաթթում ապրող քահանաներից էր:
2. Տէրը նրա հետ խօսեց Հրեաստանի արքայ Ամոնի որդի Օսիայի օրօք, վերջինիս թագաւորութեան տասներեքերորդ տարում,
3. Նաեւ Հրեաստանի արքայ Օսիայի որդի Յովակիմի օրօք, մինչեւ Յուդայի երկրի արքայ Օսիայի որդի Սեդեկիայի տասնմէկերորդ տարուայ վերջը, մինչեւ Երուսաղէմի բնակչութեան գերութիւնը, որ տեղի ունեցաւ նոյն տարուայ հինգերորդ ամսին:
4. Տէրը խօսքն ուղղեց ինձ եւ ասաց.
5. Դեռ քեզ որովայնում չստեղծած՝ ես ընտրեցի քեզ, եւ դեռ արգանդից դուրս չեկած՝ սրբացրի քեզ ու հեթանոսների վրայ մարգարէ կարգեցի:
6. Իսկ ես ասացի. Տէ՛ր, ո՛վ դու Տէր, ահա ես նոյնիսկ խօսել չգիտեմ, քանզի մանուկ եմ:
7. Տէրն ինձ ասաց. Մի՛ ասա, թե՛ Մանուկ եմ ես. ում մօտ որ ուղարկեմ քեզ, բոլորի մօտ էլ պիտի գնաս, ու այն ամէնը, ինչ որ պատուիրեմ քեզ, պիտի խօսես:
8. Չվախենաս նրանցից, - ասում է Տէրը, - քանզի ես քեզ հետ եմ քեզ փրկելու համար:
9. Եւ Տէրը, ձեռքն ինձ երկարելով, հպեց բերանիս ու ասաց. Ահա իմ խօսքը քո բերանը դրեցի:
10. Ահա քեզ այսօր իշխանութիւն տուի ազգերի ու թագաւորութիւնների վրայ, որպէսզի դրանք քանդես ու խորտակես, կործանես ու աւերես, կառուցես ու հաստատես:
11. Տէրը, խօսքն ինձ ուղղելով, ասաց. Ի՞նչ ես տեսնում, Երեմիա՛: Ես ասացի. Ընկուզենու գաւազան եմ տեսնում:
12. Տէրն ինձ ասաց. Ճիշտ ես տեսնում. Ես արթուն հետեւում եմ, որպէսզի իմ ասածները կատարուեն:
13. Եւ Տէրը նորից խօսքն ինձ ուղղեց՝ ասելով. Ի՞նչ ես տեսնում: Ասացի. Եռացող կաթսայ եմ տեսնում՝ բերանը հիւսիսից դեպի այս կողմ:
14. Տէրն ինձ ասաց. Այս երկրի բնակիչների վրայ չարիքները հիւսիսից են բորբոքուելու:
15. Ահա ես բոլոր թագաւորութիւններին միասին կանչելու եմ հիւսիսի երկրից, - ասում է Տէրը. - գալու են, եւ ամէն մէկն իր գահն է հաստատելու Երուսաղէմի դարպասների շէմերին, նրա շրջակայ բոլոր պարիսպների վրայ եւ Հրեաստանի բոլոր քաղաքների վրայ:
16. Ես դատ ու դատաստանով եմ խօսելու նրանց հետ՝ իրենց գործած բոլոր չարիքների համար, քանզի նրանք լքեցին ինձ եւ զոհեր մատուցեցին օտար աստուածներին, երկրպագեցին իրենց ձեռակերտ կուռքերին:
17. Դու էլ գօտեպնդուի՛ր, գնա՛ եւ ասա՛ նրանց այն ամէնը, ինչ որ պատուիրելու եմ քեզ: Չվախենաս նրանցից եւ քեզ չկորցնես նրանց առաջ, քանզի ես քեզ հետ եմ քեզ փրկելու համար, - ասում է Տէրը:
18. Ահաւասիկ ես այսօր կանգնեցրի քեզ ինչպէս ամուր քաղաք, եւ ինչպէս երկաթե սիւն եւ կամ ինչպէս պղնձե հզօր պարիսպ՝ ընդդէմ Հրեաստանի բոլոր թագաւորների, նրա իշխանների, նրա քահանաների ու երկրի ժողովրդի:
19. Նրանք պիտի կռուեն քեզ հետ, բայց քեզ ոչ մի բան չպիտի կարողանան անել, քանզի ես քեզ հետ եմ քեզ փրկելու համար, - ասում է Տէրը:

1. Տերը խօսքն ուղղեց ինձ եւ ասաց. Գնա՛ երուսաղէմացիների ականջներին ձա՛յն տուր ու ասա՛.
2. Տերն այսպէս է ասում. Քե՛զ յիշեցի, քո պատանութեան խանդաղատանքն ու քո հարսնութեան սերը, երբ դու ընթանում էիր Իսրայէլի սրբի յետեւից:
3. Այսպէս է ասում Տերը՝ Իսրայէլի սուրբը. Տիրոջ համար իր պտուղներից առաջինն է նա: Բոլոր նրանք, ովքեր ուտելու են այն, գոջալու են. չարիքներ են հասնելու նրանց վրայ, - ասում է Տերը:
4. Լսեցէ՛ք Տիրոջ խօսքը, ո՛վ Յակոբի տուն եւ Իսրայէլի բոլո՛ր տոհմեր:
5. Այսպէս է ասում Տերը. Ձեր հայրերն ի՞նչ վնասակար բան գտան իմ մէջ, որ հեռացան ինձնից եւ, սնոտի աստուածների յետեւից գնալով, սնահաւատ դարձան:
6. Չասացին էլ՝ Ո՞ր է Տերը, որ մեզ հանեց եգիպտացիների երկրից եւ առաջնորդեց մեզ անապատում, անծայր ու անուղի, անջուր ու անպտուղ երկրում, մահուան ստուերների մէջ, այն երկրում, որտեղով մարդ չէր անցել, եւ ուր չէր բնակուել մարդու որդին:
7. Տարաւ մեզ Քերմէլ՝ ուտելու նրա պտուղն ու բարիքները. իսկ դուք մտաք ու ապականեցիք իմ երկիրը, իմ ժառանգութիւնը պղծութեան մատնեցիք:
8. Եւ քահանաները չհարցրին՝ Ո՞ր է Տերը: Իմ օրէնսգետներն ինձ չուզեցին ճանաչել, առաջնորդներն ապստամբեցին իմ դէմ, եւ մարգարէները Բահաղի անունով մարգարէութիւն արին ու անօգուտ աստուածների յետեւից գնացին:
9. Դրա համար էլ դեռ պիտի դատեմ ձեզ, - ասում է Տերը, - պիտի դատեմ նաեւ ձեր որդոց որդիներին:
10. Արդ, անցէ՛ք քետիմացիների կղզիներն ու նայեցէ՛ք, մա՛րդ ուղարկեցեք նաեւ Կեդար ու լա՛ւ տեղեկացեք, տեսե՛ք՝ եղե՞լ է այդպիսի բան.
11. ազգերն իրենց աստուածներին փոխե՞լ են, թէեւ նրանք աստուածներ էլ չեն, բայց իմ ժողովուրդն իր փառքը փոխանակեց նրանց հետ, որոնցից օգուտ չի ունենալու:
12. Այդ բանի վրայ ապշեց երկինքը եւ խիստ սոսկաց, - ասում է Տերը, -
13. քանզի երկու չարիք գործեց իմ ժողովուրդը. ինձ՝ կենաց ջրի աղբիւրիս, լքեց եւ իր համար ծակ փոսեր փորեց, որոնք ջուր չեն կարող պահել:
14. Միթէ Իսրայէլը ծառա՞յ է, կամ Յակոբը՝ ստրո՞կ, որ աւարի մատնուեցին:
15. Նրա վրայ մռնչացին եւ իրենց ձայներն արձակեցին առիւծները, որոնք աւերակ դարձրին նրա երկիրը: Նրա քաղաքները, բնակիչներից թափուր դառնալով, կործանուեցին:
16. Մեմփացիներն ու տափնացիները ճանաչեցին քեզ ու ծաղրեցին:
17. Միթէ դրա պատճառն այն չէ՞ր, - ասում է քո Տէր Աստուածը, - որ դու լքեցիր ինձ այն ժամանակ, երբ քեզ բերում էի անապատի ճանապարհով:
18. Եւ հիմա դու ո՛ր, եգիպտացիների ճանապարհն ուր. ուզում ես Գեհոնի ջո՞ւրը խմել. եւ կամ՝ դու ո՛ր, ասորեստանցիների ճանապարհն ուր. ուզում ես գետերի ջո՞ւրը խմել:
19. Քո ապստամբութիւնը քեզ խրատ է լինելու, եւ քո չարութիւնները կշտամբելու են քեզ: Խելքի կը գաս ու կը տեսնես, որ քեզ համար դառնաղետ է ինձ լքելը, - ասում է քո Տէր Աստուածը:
20. Ես չհաւանեցի քեզ, - ասում է քո Տէր Աստուածը: Վաղուց խորտակեցիր քո լուծը, խզեցիր քո կապանքներն ու ասացիր, թէ՝ Չեմ ծառայի, այլ կը գնամ այնտեղ, բոլոր բարձր բլուրների վրայ եւ բոլոր ստուերախիտ ծառերի տակ, կը զեխանամ պոռնկութեան մէջ:
21. Ես քեզ տնկեցի իբրեւ համակ ագնիւ եւ պտղաբեր որթատունկ. ինչո՞ւ ինձ համար դառնութեան փոխուեցիր, ո՛վ դու, որթատո՛ւնկդ օտարացեալ:
22. Եթէ բորակով էլ լուացուես եւ կամ օճառը ձեռքիցդ վար չգցես, դարձեալ իմ առաջ քո անիրաւութիւնների մէջ շաղախուած կը մնաս, - ասում է Տէր Աստուածը:
23. Ինչպէ՞ս ես ասում, թէ՝ Չեմ պղծուել եւ չեմ գնացել Բահաղի յետեւից: Տե՛ս քո ընթացքը գերեզմաններում եւ իմացի՛ր, թէ ի՞նչ ես արել:

24. Ամեն երեկոյ նրա տոժիանքի ծայնը տարածուեց իր ճանապարհներին. յաճախ նա այցելեց անապատի ջրերին. իր մարմնական ցանկութեան պատճառով այսահար դարձաւ: Անձնատուր եղաւ իր կրքերին, եւ ո՞վ է, որ յետ պիտի դարձնի նրան: Բոլոր նրանք, ովքեր կը փնտռեն նրան, նեղութիւն չեն կրի. իր ամսականի տառապանքների մէջ կը գտնեն նրան:
25. Դարձրո՛ւ քո սիրտը ծուռ ճանապարհից եւ քո կոկորդը՝ ծարաւից: Իսկ նա ասում է՝ Ուժ տեղն է, որովհետեւ նա սիրում էր օտար աստուածներին եւ գնում նրանց յետեւից:
26. Ինչպէս որ կ'ամաչի գողը, երբ բռնուի, այնպէս էլ պիտի ամաչեն իսրայելացիները, իրենք, իրենց թագաւորներն ու իրենց իշխանները, իրենց քահանաներն ու իրենց մարգարէները:
27. Նրանք փայտին ասացին, թէ՛ Իմ հայրն ես դու, եւ քարին, թէ՛ Դո՛ւ ծնեցիր ինձ: Եւ նրանք ոչ թէ իրենց երեսները, այլ թիկունքները դարձրին ինձ, բայց իրենց փորձութեան ժամին պիտի ասեն՝ Արի փրկի՛ր մեզ:
28. Հապա ո՞ր եմ քո այն աստուածները, որոնց քեզ համար կերտեցիր. քո թշուառութեան ժամանակ նրանք թող ելնեն ու փրկեն քեզ: Չէ՞ որ քո աստուածները նոյնքան էին, որքան քո քաղաքների թիւը, ո՞վ Յուդայի երկիր: Չէ՞ որ Երուսաղէմի ճանապարհների թուով զոհեր էին մատուցում Բահաղին:
29. Այժմ ինչո՞ւ եք խօսում ինձ հետ, որովհետեւ դուք բոլորդ ամբարշտացաք, բոլորդ անօրէն եղաք իմ դէմ,- ասում է Տէրը:
30. Չուր ծեծեցի ձեր որդիներին. դուք խրատ չառաք: Սուրը կերաւ ձեր մարգարէներին, առիւծի պէս յօշոտեց, բայց դուք չգարհուրեցիք:
31. Լսեցէ՛ք Տիրոջ պատգամը, այսպէս է ասում Տէրը. Միթէ ես Իսրայէլի համար անապա՞տ եղայ կամ անէր ու խոպանացեալ երկի՞ր, որ իմ ժողովուրդն ասաց. Անտերունչ կը շրջենք, բայց քեզ մօտ չենք գայ:
32. Միթէ հարսը կը մոռանա՞յ իր զարդը, եւ կոյսն՝ իր լանջագեղ գօտին. իսկ իմ ժողովուրդն երկար ժամանակ մոռացաւ ինձ:
33. Թո՛ ճանապարհին ուրիշ ի՞նչ միջոցների պիտի դիմես՝ սիրոյ հաճոյք գտնելու համար. բայց դու ոչ միայն այդպէս արեցիր, այլեւ նոյնիսկ անզգամացար եւ պղծեցիր քո ճանապարհները:
34. Թո՛ ձեռքերի մէջ յայտնաբերուեց թշուառ ու անմեղ մարդկանց արիւնը. ոչ թէ վիհերում գտայ նրանց, այլ բոլոր կաղնիների մօտ:
35. Դու ասացիր, թէ՛ Անմեղ եմ, թող նրա բարկութիւնն ինձնից հեռանայ: Ահաւասիկ ես դատաստան եմ տեսնելու քեզ հետ, որովհետեւ դու ասացիր, թէ՛ չմեղանչեցի:
36. Դու արհամարհեցիր ինձ՝ միշտ կրկնելով քո ընթացքը, բայց դու Եգիպտոսի՛ց էլ պիտի ամաչես, ինչպէս Ասորեստանից ամաչեցիր:
37. Այնտեղի՛ց էլ պիտի դուրս գաս՝ ձեռքերդ գլխիդ վրայ բռնած, քանզի Տէրը մերժեց այն, որ քո յոյսն էր, եւ նրանով այլեւս յաջողութիւն չպիտի գտնես:



1. Եթե մարդն արձակի իր կնոջը, եւ սա հեռանայ նրանից ու ամուսնանայ ուրիշ տղամարդու հետ, ապա նորից յետ գայ նախկին մարդու մօտ, արդեօք այդ կինը ամբողջապէս պղծուած չի՞ լինի: Իսկ դու պոռնկացար բազում առաջնորդների հետ եւ վերադարձար ինձ մօտ, - ասում է Տէրը: -
2. Բարձրացրո՛ւ աչքերդ, ուղիղ դէպի առաջ նայիր եւ տե՛ս, թէ քո ճանապարհներին ո՛րն ասես որ պղծութեամբ չթաթախուեցիր: Ագռաւի պէս մենակ ու անօգնական՝ նստեցիր այդ ճանապարհներին եւ քո պոռնկութիւններով ու չարութիւններով երկիրը պղծեցիր:
3. Ի գայթակղութիւն քեզ՝ բազում առաջնորդներ ունեցար, պոռնիկ կնոջ կերպարանք առար եւ բոլորի մօտ կորցրիր քո ամօթը:
4. Չընդունեցիր ինձ իբրեւ տաճար, իբրեւ Հայր եւ Իշխան քո կուսութեան:
5. Միթէ Տէրը յաւիտեան բարկացա՞ծ պիտի մնայ եւ բարկութիւնն ընդմիշտ պիտի պահի՞.- ահա այսպէս ասացիր դու,գործեցիր այդ բոլոր չարիքները եւ զօրացար:
6. Օսիա արքայի օրօք Տէրն ինձ ասաց. Տեսա՞ր, թէ ինչ արեց Իսրայէլի այդ բնակչութիւնը. գաղտնի գնաց եւ այնտեղ, բոլոր բարձր լեռների վրայ ու բոլոր սաղարթախիտ ծառերի տակ, պոռնկացաւ:
7. Այդքան պոռնկանալուց յետոյ ես նրան ասացի՝ Ինձ մօտ դարձիր, բայց չդարձաւ: Նրա ցոփութեանն ականատես եղաւ ուխտադրուժ Յուդայի երկիրը:
8. Երբ Իսրայէլի բնակչութիւնն ամբողջովին տարուեց շնութեամբ եւ բռնուեց դրա մէջ, արձակեցի նրան, ապահարգանի թուղթ տուի ձեռքը, ու ես տեսայ, որ նրա ուխտադրուժ քոյրը՝ Յուդան, չզարհուրեց, այլ գնաց ու ինքն էլ պոռնկացաւ:
9. Նա իր պոռնկութեամբ, որ չնչին բան էր համարում, երկիրը պղծեց՝ քարի ու փայտի հետ շնանալով:
10. Այս ամենից յետոյ, - ասում է Տէրը, - նրա ուխտադրուժ քոյր Յուդան չդարձաւ դէպի ինձ ամբողջ սրտով, այլ՝ դարձաւ ստութեամբ:
11. Իսրայէլը, - ասում է ինձ Տէրը, - արդարացրեց իր ապստամբութիւնը՝ ուխտագանգ Յուդայի համեմատութեամբ:
12. Ահաւասիկ գնա՛ եւ այս պատգամները հռչակի՛ր հիւսիսի կողմերում՝ ասելով. Ինձ մօտ դարձիր, ո՛վ դու Իսրայէլի բնակիչ, - ասում է Տէրը: - Ես ձեզ վրայ չեմ բարկանայ, քանզի ես ողորմած եմ, - ասում է Տէրը, ձեր դէմ յաւիտեան ոիս չեմ պահի:
13. Բայց դու գիտակցի՛ր քո անօրէնութիւնները, որովհետեւ դու ամբարշտացար քո Տէր Աստծու դէմ եւ օտարների համար քո ճանապարհները տարածեցիր բոլոր սաղարթախիտ ծառերի տակ, իսկ իմ ձայնը չլսեցիր, - ասում է Տէրը: -
14. Ինձնից հեռացա՛ծ որդիներ, դարձե՛ք ինձ մօտ, որպէսզի ես ձեզ տիրեմ, - ասում է Տէրը: - Կ'առնեմ ձեզ, ամեն քաղաքից՝ մէկին եւ ամեն ցեղից՝ երկուսին, ու կը տանեմ ձեզ Սիոն:
15. Իմ սրտին հաճելի առաջնորդներ կը տամ ձեզ. թող նրանք իմաստութեամբ հովուութիւն անեն ձեզ:
16. Ու երբ երկրի վրայ այն օրերին դուք բազմանաք ու աճեք, - ասում է Տէրը, - այլեւս չեն ասելու՝ Իսրայէլի Սուրբ Ուխտի տապանակը, չի յիշուելու այն, նրա անունն այնտեղ չի տրուելու, այլեւս չի փնտռուելու այն եւ չի վերաշինուելու:
17. Այն օրերին ու այն ժամանակ Երուսաղէմը Տիրոջ աթոռ են կոչելու. բոլոր ազգերը հաւաքուելու են Երուսաղէմում՝ Տիրոջ անունը մեծարելու եւ այլեւս չեն հետեւելու իրենց չար սրտերի խորհուրդներին:
18. Այն օրերին Իսրայէլի տունը միանալու է Յուդայի տանը, եւ հիւսիսից ու բոլոր գաւառներից միասին գալու են այն երկիրը, որն իբրեւ ժառանգութիւն տուի նրանց հայրերին:
19. Ես ասացի՝ թող լինի՛, Տէ՛ր: Ձեզ որդիներիս մէջ կարգել կամեցայ՝ ձեզ տալու համար ընտիր երկիրը՝ իբրեւ ազգերի Ամենակալ Աստծու մեծահռչակ ժառանգութիւն. ասացի, որ հայր կոչես ինձ եւ այլեւս երես չթեքես ինձնից:

20. Բայց ինչպես կհնն է անարգում իր ամուսնուն, այնպես էլ դու ինձ անարգեցիր, ո՛վ Իսրայելի տուն, - ասում է Տերը: -
21. Լացի ու պաղատանքի ձայնը գուժեց իսրայելացիների շուրթերից, քանզի անիրաւութիւն գործեցին իրենց ճանապարհներին եւ մոռացան իրենց սուրբ Աստծուն:
22. Դարձէ՛ք, որդիներ, եւ ես կը փարատեմ ձեր ցաւը: Նրանք ասացին. Ահա մենք կանք, քանզի դու ես մեր Տէր Աստուածը:
23. Արդարեւ, ունայն էին բլուրների եւ բարձունքների բագիւնները եւ նրանց զօրութիւնը. Իսրայելի տան փրկութիւնը մեր Տէր Աստծու ձեռքին է:
24. Մեր մանկութիւնից ի վեր խայտառակութիւնը սպառեց մեր հայրերի վաստակը՝ նրանց հօտերն ու նախիրները, նրանց տղաներին ու աղջիկներին:
25. Մենք մեր ամօթով քուն մտանք, եւ մեր անարգանքները մեզ ծածկոց եղան, քանզի մենք եւ մեր հայրերը մանկութիւնից մինչեւ այսօր մեր Աստծու առաջ մեղք գործեցինք եւ մեր Տէր Աստծու ձայնը չլսեցինք:

1. Եթե Իսրայելը դառնալու է դեպի ինձ, թող դառնայ, - ասում է Տեր Աստուած, - եթե յանուն Երուսաղեմի Աստծու նա իր բերանից դուրս թափի գարշելի աստուածների անունները, վախենայ ինձնից
2. Եւ ճշմարտութեամբ, իրաւամբ ու արդարութեամբ երդուի, թէ՛ Տերը կենդանի է, նրա կողմից պիտի օրհնուեն ազգերը եւ նրանով արժանանան պարծանքի:
3. Այսպէս է ասում Տերը ձեզ՝ Յուդայի երկրի մարդկանց եւ Երուսաղեմի բնակիչներին. Հերկէ՛ր հերկեցէք ձեզ համար, փշերի մէջ մի՛ սերմանէք:
4. Յուդայի երկրի մարդի՛կ եւ Երուսաղեմի բնակիչնե՛ր, ձեր Աստծո՛ւ համար թլփատուեցէք, ձեր սրտի անթլփատութի՛ւնը թլփատեցէք, որովհետեւ գուցէ ձեր չար գործերի պատճառով իմ բարկութիւնն իբրեւ հուր ելնի ու բորբոքուի, եւ մէկը չգտնուի, որ հանգցնի այն:
5. Գուժեցէ՛ք Հրեաստանի մէջ, լուրը թող հասնի Երուսաղեմ, ասացէ՛ք, փո՛ղ հնչեցրէք երկրով մէկ, աղաղա՛կ բարձրացրէք, գոչեցէ՛ք, հաւաքուեցէ՛ք եւ մտէ՛ք պարսպապատ քաղաքները:
6. Ելէք փախէ՛ք դեպի Սիոն, շտապեցէ՛ք, մի՛ դանդաղէք, որովհետեւ ես չարիք ու մեծ կոտորած եմ բերելու հիւսիսից:
7. Առի՛ծն իր որջից դուրս եկաւ, որպէսզի յօշոտի ազգերին, շարժուեց ու ելաւ իր տեղից, որպէսզի քո երկիրն աւերակ դարձնի: Քո քաղաքները քանդուելու են՝ այնտեղ բնակիչ չլինելու պատճառով:
8. Դրա համար էլ քո՛ւրձ հագէք, կոծեցէ՛ք ու ճի՛չ բարձրացրէք, քանզի Տիրոջ ցասումն ու բարկութիւնը յետ չդարձաւ ձեզնից:
9. Եւ այն օրը, - ասում է Տերը, - թագաւորն ու իշխանները սրտաբեկ պիտի լինեն, քահանաները պիտի յիմարանան, մարգարէներն ապշեն:
10. Ու ես ասում եմ. Ո՛վ Տեր Աստուած, ուրեմն խաբելով խաբեցիր այդ ժողովրդին ու Երուսաղեմին, քանի որ ասացիր, թէ՛ Խաղաղութիւն պիտի լինի ձեզ, մինչդեռ սուրը նրանց հոգուն դեմ է առել:
11. Այն ժամանակ դու պիտի ասես այդ ժողովրդին ու Երուսաղեմին. Սա անապատում քո մոլորութեան համար է: Իմ ժողովրդի դստեր ճանապարհը ո՛չ մաքրութեան եւ ո՛չ էլ սրբութեան համար էր:
12. Նրանց այդ յորդաբուխ շունչն է, որ ողջ սաստկութեամբ գալու է դեպի ինձ. այսուհետեւ ես էլ նրանց հետ իմ դատաստաններով եմ խօսելու:
13. Ահա նա ելնելու է ինչպէս ամպ. նրա կառքը նման է մրկի, նրա երիվարներն աւելի արագընթաց են, քան արծիւները: Վա՛յ մեզ, որ թշուառացանք:
14. Երուսաղեմ, լուա՛ քո սրտի չարութիւնները, որ փրկուես. քո ցաւալի խորհուրդները մինչեւ ե՞րբ պիտի մնան քո մէջ:
15. Բօթաբեր ձայն է հնչում դրանից, թշուառութեան աղաղակներ են լսուելու Եփրեմի լեռից:
16. Ա՛յս բանը գուժեցէք ազգերին. իմա՛ց տուէք, թէ գնդեր են գալիս հեռաւոր երկրից. ահա հասել են Երուսաղեմ. նրանք իրենց ձայնն են արձակում Հրեաստանի քաղաքների դեմ
17. Եւ, ինչպէս ագարակի պահապաններ, շրջապատել են Հրեաստանը:
18. Դու անտեսեցիր ինձ, - ասում է Տերը. - քո ճանապարհներն ու քո ընթա՛ցքը քեզ հասցրին այդ ամէնը: Դա է քո չարութիւնը, ինչպէս եւ դառնութիւնը, որ հասաւ սրտիդ:
19. Որովա՛յնս, որովայնս ցաւ է ընկել, եւ հեծում են սրտիս զգայարանները: Սիրտս ճմլում է, եւ հոգիս հանգստութիւն չունի, որովհետեւ ես շեփորի ձայն լսեցի եւ պատերազմի ու թշուառութեան գոյժ:
20. Հարուած հարուածի վրայ եկաւ. բողո՛ք բարձրացրէք, քանզի ողջ երկիրն աւերակ դարձաւ, վրանս յանկարծակի խորտակուեց, եւ քանդուեցին վրանիս վարագոյրները:
21. Մինչեւ ե՞րբ պիտի փախստականներ տեսնեմ, շեփորի ձայն լսեմ:

22. Իմ ժողովրդի իշխաններն ինձ չճանաչեցին, որովհետեւ նրանք ոչ թե խելացի, այլ անմիտ որդիներ են. չարութիւն անելիս իմաստուն են, իսկ բարի բան կատարել չգիտեն:
23. Նայեցի երկրին՝ ամայի էր, ոչինչ չկար, նայեցի դէպի երկինք՝ եւ չկար նրա լոյսը:
24. Նայեցի եւ տեսայ, որ լեռները երերում էին, եւ բոլոր բլուրները՝ սասանւում:
25. Նայեցի, բայց ահա մարդ չկար, եւ երկնքի բոլոր թռչունները սարսափահար էին եղել:
26. Նայեցի եւ տեսայ, որ Կարմելոսն աւերակ էր, իսկ նրա բոլոր քաղաքները՝ հրի մատնուած: Տիրոջ պատճառով, նրա բարկութեան ու ցասման պատճառով դրանք ամայացան:
27. Այսպէս է ասում Տէրը. Աւերուելու է համայն երկիրը, բայց ես չեմ բերելու նրա վախճանը:
28. Այս ամենի համար երկիրը սուգ պիտի անի, եւ վերից երկինքը պիտի խաւարի, որովհետեւ ե՛ս ասացի՝ եւ չեմ զոջալու, ե՛ս ձեռնարկեցի՝ եւ յետ չեմ կանգնելու դրանից:
29. Հեծեալների ծայնից եւ լարուած աղեղներից ամբողջ երկիրը խոյս տուեց, մարդիկ սողոսկեցին քարայրները, թաքնուեցին անտառներում, բարձրացան քարանձաւները. բոլոր քաղաքները լքուեցին, ու նրանց մէջ մարդ չի բնակւում:
30. Իսկ դու, թշուառակա՛ն, ի՞նչ ես անելու: Եթէ կարմիր հագնես, ոսկի զարդով զարդարուես ու քո աչքերին ծարիր քսես, քո զարդարանքները զուր են լինելու: Հոմանիներդ քեզ մերժեցին եւ հոգիդ առնել են ուզում:
31. Լսեցի քո հեծեճանքը, որը կարծես իր անդրանիկ որդուն ծնելու երկունքով բռնուած կնոջ ծայնը լինէր: Սիրնի դստեր ծայնը պիտի նուաղի, յուսահատ՝ նա պիտի տարածի իր ձեռքերն ու ասի. Վա՛յ ինձ, որ հոգիս մահու չափ խոցուեց սպանուածների համար:

1. Երուսաղեմի փողոցներով այս ու այն կողմ շարժուեցեք, նայեցե՛ք, իմացե՛ք եւ փնտռեցե՛ք նրա հրապարակներում. եթե այնտեղ գտնեք մի մարդ, որ արդար գործ անի եւ լինի ճշմարտութեանը հետամուտ, ապա ես թողութիւն կը տամ նրա բնակիչներին, - ասում է Տէրը: -
2. Եթե նրանք նոյնիսկ ասեն, թէ կենդանի է Տէրը, իրաւ որ սուտ երդուած կը լինեն:
3. Տէ՛ր, աչքերդ յառած ճշմարտութեանը՝ տանջեցիր նրանց, բայց նրանք ցաւ չզգացին, ոչնչացրիր նրանց, բայց խրատ ընդունել չկամեցան, իրենց երեսներն ապառաժից աւելի կարծրացրին եւ չուզեցին դարձի գալ:
4. Եւ ես ասացի՝ թերեւս աղքատ լինելով՝ անկարող եղան ճանաչելու Տիրոջ ճանապարհներն ու Աստծու օրէնքները:
5. գնամ հարուստների մօտ եւ նրանց հետ խօսեմ. գուցէ նրանք գիտենան Տիրոջ ճանապարհն ու Աստծու օրէնքները: Բայց ահաւասիկ նրանք էլ առհասարակ խորտակեցին լուծն ու խզեցին կապերը:
6. Դրա համար էլ անտառի առիւծը կոտորեց նրանց, եւ գայլը ոչնչացրեց նրանց՝ հասնելով մինչեւ տները. նրանց քաղաքներին սպառնաց ընծառիւծը, եւ բոլորը, ովքեր այնտեղից դուրս կը գան՝ կ'ընկնեն իբրեւ դիակ, քանզի իրենց ամբարշտութիւնները բազմացրին եւ իրենց անհնազանդութեան մէջ զօրացան:
7. Սրանցից որի՞ համար հաշտուեմ քեզ հետ. քո որդիներն ինձ ւրեցին եւ չաստուածներով երդուեցին. ես կշտացրի նրանց, բայց նրանք շնացան ու պոռնկանոցներում օթեւանեցին:
8. Նրանք դարձան իգամով ձիեր, եւ ամէն մէկն իր ընկերոջ կնոջ վրայ էր վրնջում:
9. Այս ամենից յետոյ, - ասում է Տէրը, - միթէ ես չե՞մ պատժելու, կամ այդպիսի ազգից ես վրեժ չե՞մ լուծելու:
10. Բարձրացե՛ք քաղաքի աշտարակների վրայ եւ կործանեցե՛ք, բայց իսպառ մի՛ աւերեք. թողե՛ք մնան նրա հիմքերը, որովհետեւ դրանք Տիրոջն են:
11. Յիրաւի, Իսրայելի տունը եւ Յուդայի տունը չափազանց արհամարհեցին ինձ, - ասում է Տէրը:
12. Նրանք ստեցին իրենց Տիրոջը եւ ասացին. Բան չկայ, մեզ վրայ չարիքներ չեն գայ, սուր ու սով չենք տեսնի:
13. Մեր մարգարէները քամի էին, նրանք չունէին Տիրոջ պատգամը: Այդպէս էլ թող լինի նրանց:
14. Դրա համար էլ այսպէս է ասում Ամենակալ Տէր Աստուածը. Քանի որ այդ բանը բարբառեցին, ահաւասիկ իմ խօսքը քո բերանն եմ դնում իբրեւ կրակ, թող լափի նրանց՝ այդ ժողովրդին ինչպէս փայտ:
15. Ո՛վ Իսրայելի տուն, - ասում է Տէրը, - ահա հեռուից ես ձեզ վրայ պիտի բերեմ մի ազգ, որ ուժեղ է ու հին, ազգ, որի լեզուն լսած չէք լինի եւ խօսքը չէք հասկանայ:
16. Նրա կապարճները նման են բաց գերեզմանների: Ամենքն էլ զօրաւոր են.
17. ուտելու են ձեր հունձն ու հացը, ուտելու են ձեր տղաներին ու աղջիկներին, ուտելու են ձեր ոչխարն ու արջառը, ուտելու են ձեր այգիները, թզենիներն ու ձիթենիները, աւերելու են ձեր անառիկ քաղաքները. ինչով որ դուք պարծենում էք, սրով հիմնիվեր կործանելու են:
18. Բայց այն օրն էլ, - ասում է քո Տէր Աստուածը, - ձեզ ձեր վախճանին չեմ հասցնելու.
19. եւ երբ ասելու լինեն՝ Մեր Տէր Աստուածն այս ամէնն ինչո՞ւ արեց մեզ, կ'ասես նրանց. Քանի որ ինձ ւրեցիք եւ ձեր երկրում ծառայեցիք օտար աստուածներին, այդպէս էլ օտարներին էք ծառայելու մի երկրում, որը ձերը չի լինելու:
20. Այդ մասին իմա՛ց տուէք Յակոբի տանը, թող լսելի դառնայ նաեւ Յուդայի տանը. ասացե՛ք.
21. Լսեցե՛ք այս բանը, յիմա՛ր եւ անմի՛տ ժողովուրդ, որ աչքեր ունէք, բայց չէք տեսնում, ականջներ ունէք բայց չէք լսում:

22. Միթե ինձնից չէ՞ք երկնչում, - ասում է Տերը, - իմ երեսից չէ՞ք դողում, ես, որ աւագը ծովին սահման կարգեցի յաւիտենական հրամանով, որ նա չանցնի դրանից, ալեկոծուի, բայց չկարողանայ դուրս գալ, նրա ալիքները մռնչան, բայց չկարողանան անցնել դրանից:
23. Այս ժողովուրդն անհնազանդ ու ըմբոստ սիրտ ունի. խոտորուեցին ու անցան գնացին:
24. Իրենց մտքում իսկ չասացին. Վախեցէ՛ք մեր Տէր Աստծուց, որը, ըստ մեր հնձի ժամանակի, նրանից առաջ եւ յետոյ, անձրեւ է տալիս մեզ եւ պահպանում է մեզ:
25. Մեր անօրէնութիւնները խախտեցին այդ կարգը, եւ մեր մեղքերը մեզնից հեռացրին բարիքները:
26. Արդարեւ, իմ ժողովրդի մէջ գտնուեցին ամբարիշտներ եւ, մարդկանց ոչնչացնելու համար, թռչնորսների թակարդների պէս որոգայթներ ու ցանցեր լարեցին եւ որսում էին:
27. Ինչպէս որոգայթներն են լի թռչուններով, այնպէս էլ նրանց տներն են լեցուն նենգութեամբ:
28. Դրա համար էլ նրանք հարստացան, մեծացան, գիրացան ու պարարտացան եւ չարութեամբ զանց առան իմ խօսքերը. արդար դատաստան չարին, որբի իրաւունքը չպաշտպանեցին, այրուն արդար դատով չդատեցին:
29. Այս ամենից յետոյ, - ասում է Տերը, - միթե ես չե՞մ պատժելու, կամ այդպիսի ազգից ես վրեժ չե՞մ լուծելու:
30. Յիմարութիւններ ու արհաւիրքներ կատարուեցին երկրի վրայ:
31. Մարգարէները սուտ մարգարէութիւն են անում, քահանաները ծափահարում են նրանց, եւ իմ ժողովուրդը սիրեց այդ: Իսկ ի՞նչ էք անելու դրանից յետոյ:

1. Բենիամինի՝ որդիներ, արիացե՛ք Երուսաղեմում, փո՛ղ հնչեցրե՛ք Թեկուեում եւ ազդանշա՛ն դրե՛ք Բեթաքարմայի վրայ, որովհետեւ հիւսիսից յայտնուել են չարիքներ,
2. մեծ վնաս է լինելու քեզ՝ գեղեցկիդ եւ փափկացեալիդ, վերանալու է քո փառքը, դո՛ւստր Սիոնի:
3. Հովիւներն իրենց հօտերով նրա մօտ են գալու եւ իրենց վրաններն են խփելու նրա շուրջը, իւրաքանչիւրը հովուելու է իր ձեռքով:
4. Պատերազմի՝ պատրաստուեցե՛ք նրա դէմ, եկե՛ք նրա դէմ ելնենք կեսօրին. վա՛յ մեզ, որովհետեւ ցերեկն անցաւ, եւ մեզ վրայ հասան երեկոյի ստուերները:
5. Եկե՛ք գիշերով ելնենք եւ խորտակենք նրա հիմքերը:
6. Այսպէս է ասում Զօրութիւնների Տէրը. Ջարդեցե՛ք նրա փայտաշէն տները, զօ՛րք հանեցե՛ք Երուսաղեմի դէմ, որովհետեւ նա ամբողջապէս սուտ քաղաք է, բռնութիւնն է իշխում նրա մէջ:
7. Ինչպէս գութն է իր ջուրը պաղեցնում, այնպէս էլ նա է պաղեցնում իր չարութիւնները. այնտեղ, նրա յանդիման, մշտապէս ամբարշտութիւն ու չարութիւն է լսում: Ցաւերով ու տանջանքներով պիտի խրատուես, Երուսաղեմ:
8. Թող այնպէս չլինի, որ ես բաժանուեմ քեզից, չլինի, որ քեզ դարձնեմ մի անապատ երկիր, ուր ոչ ոք երբեք չի բնակուել:
9. Այսպէս է ասում Զօրութիւնների Տէրը. Զաղեցե՛ք, քաղեցե՛ք, Իսրայելի այդ մնացորդներին ճռաքա՛ղ արե՛ք եւ նորից նոյն գործին դարձե՛ք, ինչպէս այգին քաղողն է դառնում դէպի իր գործը:
10. Արդ, ո՞ւմ հետ խօսեմ եւ ո՞ւմ մօտ վկայութիւն անեմ, որ լսի. ահաւասիկ նրանց ականջներն անթլիատ են, եւ նրանք չեն կարողանում լսել: Ահա Տիրոջ խօսքը նրանց համար նախատինք եղաւ, եւ այլեւս նրանց ախորժելի չի լինելու այն:
11. Ես լցուեցի բարկութեամբ ու զսպեցի այն իմ մէջ, բայց նրանց չմեռցրի: Ես այն դուրս պիտի թափեմ տղաների վրայ, նաեւ՝ երիտասարդների բազմութեան վրայ. այր ու կին առհասարակ գերեվարուելու են, ծերը եւ հասուն տարիք ունեցողները քշուելու են:
12. Նրանց տները, նրանց արտերի ու կանանց հետ միասին, ընկնելու են օտարների ձեռքը, քանգի, - ասում է Տէրը, - պետք է պատժեմ այդ երկրի բնակիչներին:
13. Նրանք, փոքրերից մինչեւ մեծերը, բոլորն էլ անօրէնութիւններ գործեցին, քահանայից մինչեւ սուտ մարգարէն բոլորն էլ սուտ խօսեցին:
14. Իմ ժողովրդի դստեր վերքերը նրանք բուժում էին արհամարհանքով ու ասում՝ Խաղաղութի՛ւն է, խաղաղութի՛ւն. բայց ո՞ւր է խաղաղութիւնը:
15. Խայտառակ եղան, որովհետեւ ձախողուեցին, բայց ամօթի զգացում ունեցողների պէս չպատկառեցին եւ իրենց կրած անարգանքի մասին չմտածեցին, դրա համար էլ իրենց կործանումն են գտնելու, եւ երբ իրենց պատժելու լինեմ՝ բնաջնջուելու են, - ասում է Տէրը:
16. Այսպէս է ասում Տէրը. Կանգնեցե՛ք ճանապարհներին եւ դիտեցե՛ք, հարցրե՛ք Տիրոջ յաւիտենական ճանապարհների մասին, տեսե՛ք, թէ ո՛րն է բարի ճանապարհը՝ գնացե՛ք դրանով, եւ քաւութիւն կը գտնե՛ք ձեր հոգիների համար: Իսկ նրանք ասացին, թէ՛ չե՛նք գնայ:
17. Ձեզ վրայ հսկիչներ կարգեցի, լսեցե՛ք փողի ձայնը: Իսկ նրանք ասում են՝ չե՛նք լսի:
18. Այդ մասին իմացան ազգերը, նաեւ նրանք, որ նրանց մէջ հովուութիւն էին անում հօտերին:
19. Լսի՛ր, երկի՛ր, ահաւասիկ ես այդ ժողովրդի վրայ չարիքներ եմ բերելու՝ իբրեւ իրենց ապստամբութեան պտուղ, որովհետեւ իմ խօսքերին չանսացին եւ իմ օրէնքը մերժեցին:
20. Ինչի՞ համար է խուսկն այդ, որ բերում ես ինձ Սաբայից, եւ կինամոնը՝ հեռաւոր երկրից. ձեր ողջակեզներն ընդունելի չեն, եւ ձեր զոհերն ինձ հաճելի չեն:
21. Դրա համար էլ Տէրն այսպէս է ասում. Ահաւասիկ ես հիւանդութիւն կը բերեմ այդ ժողովրդի վրայ, հայրերն ու զաւակները միասին կը վարակուեն նրանով, հարեւան ու

ընկեր կը կորչեն միասին:

22. Այսպէս է ասում Տէրը. Ահաւասիկ զօրք է գալիս հիւսիսից, մի մեծ ազգ: Երկրի ծագերից յառնելու են բազում թագաւորներ,

23. աղեղնաւորներ ու նիզակակիրներ, մի յանդուգն ու անողորմ ազգ: Նրա ձայնը նման է ալեկոծ ծովի ձայնի: Կառքերով ու երիվարներով ճակատամարտ պիտի տայ, ինչպէս կրակ՝ կազմ ու պատրաստ պիտի պատերազմի քո դէմ, ո՛վ Սիոնի դուստր:

24. Նրանց լուրն առանք, եւ մեր ձեռքերը թուլացան. ծննդկանի երկունքի պէս մեզ պաշարեցին նեղութիւնները:

25. Դուրս մի՛ գաք դէպի հանդերը եւ մի՛ գնացէք ճանապարհներով, որովհետեւ ամենուր թշնամիների սուրն է շրջապատել:

26. Իմ ժողովրդի դո՛ւստր, քո՛ւրձ հագիր, մոխի՛ր ցանիր, սո՛ւգ արա սիրելիի համար, աղիողորմ լաց ու կո՛ծ արա, որովհետեւ ձեզ վրայ թշուառութիւնը յանկարծակի է գալու:

27. Ես քեզ, Երեմիա՛, կարգեցի պաշարուած ժողովուրդների համար որպէս փորձիչ, եւ դու պիտի իմանաս, երբ ես փորձեմ նրանց ճանապարհները:

28. Բոլորն անհնազանդ են եւ գնում են կամակորուրեամբ. ինչպէս պղինձ եւ երկաթ՝ բոլորն էլ ապականուած են:

29. Փութերը ոչնչացան կրակից, կապարն սպառուեց, արծաթագործը զուր է չարչարում: Նրանց չարիքները չհալուեցին:

30. Խոտան արծաթ կոչեցէք նրանց, որովհետեւ Տէրը նրանց խոտանեց: Լսի՛ր Տիրոջ պատգամները, համա՛յն Հրեաստան:



1. Ահա այն պատգամը, որ Տերը տուեց Երեմիային՝ ասելով.
2. Կանգնիր Տիրոջ Տան դռան մօտ եւ այնտեղ յայտարարի՝ այս խօսքերը. կ'ասես. Լսի՛ր Տիրոջ խօսքը, ո՛րչ **Հրեաստան**, դու, որ մտնում ես այս դռներով՝ երկրպագելու Տիրոջը:
3. Այսպես է ասում **Զօրութիւնների Տերը՝ Աստուածն Իսրայելի**. Ուղղեցէ՛ք ձեր ընթացքն ու վարքը, եւ ես կը բնակեցնեմ ձեզ այս վայրում:
4. Մի՛ ապաւինեք սուտ խօսքերին. նրանք, որ ասում են՝ Տիրոջ տաճարն է, Տիրոջ տաճարը, Տիրոջ տաճարը, բոլորովին ձեզ չեն օգնի:
5. Եթէ իսկապես ուղղեք ձեր ընթացքն ու վարքը, եթէ այդ մարդու եւ նրա ընկերոջ միջեւ օրէնք ու արդարութիւն պահեք,
6. օտարականին, որբին ու այրուն չնեղեք, անմեղ արիւն չթափեք այդտեղ եւ չարութեան չհանդիպելու համար օտար աստուածներին չհետեւեք,
7. ապա ձեզ կը բնակեցնեմ այդ վայրում, այն երկրում, որ յաւիտեանս յաւիտենից տուեցի ձեր հայրերին:
8. Իսկ եթէ դուք սուտ խօսքերին ապաւինեք, ինչից ոչ մի օգուտ չէք ունենալու,
9. եւ գողանաք, սպանեք, շնութիւն անեք, սուտ երդում տաք, խնկարկեք **Բահադին**, հետեւեք օտար սուտ աստուածներին, որոնց չէք ճանաչում, ապա ձեզ բաժին կը հասնի չարիքը:
10. Ու դուք կը գաք, կը կանգնեք իմ առաջ, այս **Տան մէջ**, որի վրայ իմ անունն է դրուած, եւ կ'ասեք՝ **Հրաժարուեցինք բոլոր այն գարշելի գործերը կատարելուց**:
11. Միթէ ձեր աչքին աւագակների քարա՞յր է դարձել իմ այս **Տունը**, որի վրայ իմ անունն է դրուած: Ահաւասիկ ես տեսայ, - ասում է Տերը: -
12. Գնացէ՛ք Սելով՝ իմ այն տեղը, ուր առաջ հաստատել էի իմ անունը, տեսեք, թէ ինչպէ՛ս վարուեցի նրա հետ **Իսրայելի** իմ ժողովրդի չարութիւնների պատճառով:
13. Եւ հիմա, - ասում է Տերը, - քանի որ դուք այդ բոլոր գործերը կատարեցիք, իսկ ես խօսեցի ձեզ հետ՝ կանխաւ իսկ ասելով այդ մասին, բայց դուք ականջ չդրիք ինձ, կանչեցի ձեզ, բայց պատասխան չտուիք ինձ,
14. ապա այդ **Տան** հետ, որի վրայ դրուած է իմ անունը, եւ որտեղ դուք ապաստան եք գտել, նոյնն եմ անելու, ինչ արեցի Սելովի հետ, նաեւ այն երկրի հետ, որ տուեցի ձեզ եւ ձեր հայրերին:
15. Ձեզ իմ աչքից գցելու եմ, ինչպես գցեցի ձեր եղբայրներին՝ **Եփրեմի** ամբողջ սերնդին:
16. Իսկ դու մի՛ աղօթիր այդ ժողովրդի համար, դրանց համար ողորմութիւն մի՛ խնդիր եւ մի՛ աղաչիր, իմ առաջ մի՛ խոնարհուիր դրանց համար, որովհետեւ քեզ չեմ լսելու:
17. Չե՞ս տեսնում, թէ ինչե՛ր են կատարում դրանք **Յուդայի** երկրի քաղաքներում եւ Երուսաղեմի ճանապարհներին.
18. նրանց որդիները փայտ են հաւաքում, նրանց հայրերը կրակ են վառում, իսկ նրանց կանայք խմոր են հունցում, որպէսզի երկնքի զօրութիւնների համար կարկանդակ թխեն. ընծաներ են նուիրում օտար աստուածներին, որպէսզի բարկացնեն ինձ:
19. Բայց միթէ ի՞նձ են բարկացնում, - ասում է Տերը, - թե՞ իրենք իրենց, եթէ երեսի ամօթ ունենան:
20. Դրա համար էլ Տերն այսպես է ասում. Ահա իմ ցասումն ու բարկութիւնը կը թափեմ այդ տեղի վրայ, մարդու եւ անասունի վրայ, ագարակի ծառի վրայ, հողի բարիքների վրայ. թող կրակը բորբոքուի ու չմարի:
21. Այսպես է ասում **Զօրութիւնների Տերը՝ Իսրայելի Աստուածը**. Ձեր ողջակէզները ձեր զոհերի հետ միասին հաւաքեցէ՛ք եւ մի՛ս կերեք:
22. Ձեր հայրերի հետ ոչինչ չխօսեցի եւ ոչ էլ պատուէր տուեցի նրանց ողջակէզների եւ զոհերի մասին այն օրը, երբ նրանց հանեցի Եգիպտացիների երկրից:
23. Բայց ա՛յս բանը պատուիրեցի նրանց՝ ասելով. Ակա՛նջ դրեք իմ ձայնին, եւ ես ձեզ համար Աստուած կը լինեմ, իսկ դուք ինձ համար կը լինեք ժողովուրդ եւ կը գնաք իմ այն

բոլոր ճանապարհներով, որ ձեզ պատուիրեցի, որպէսզի լաւ լինի ձեզ համար:

24. Սակայն նրանք ինձ չլսեցին, նրանց ականջը չանսաց. հետեւեցին իրենց չար սրտերի խորհուրդներին:

25. Եւ այն օրից սկսած, երբ նրանց հայրերը դուրս եկան Եգիպտացիների երկրից, այն օրից մինչեւ այսօր նրանք յետ գնացին եւ ոչ թէ առաջ: Ու ես ձեզ մօտ ուղարկեցի իմ բոլոր ծառաներին՝ մարգարէներին, ուղարկեցի ամէն օր, առաւօտ կանուխ:

26. Սակայն նրանք չլսեցին ինձ, նրանց ականջը չանսաց, եւ նրանք աւելի անհնազանդ դարձան, քան իրենց հայրերը:

27. Այս խօսքերը դու կ'ասես նրանց, բայց քեզ չեն լսի, դու կը կանչես նրանց, բայց քեզ պատասխան չեն տայ:

28. Ու դու կ'ասես նրանց. Սա այն ազգն է, որ չանսաց իր Տէր Աստծու ձայնին, ոչ էլ խրատ ընդունեց: Հաւատքը նուազեց, եւ ճշմարտութիւնը վերացաւ նրա բերանից:

29. Կտրի՛ր մազերդ ու դէ՛ն նետիր, շրթունքներդ թող ողբան, որովհետեւ Տէրը խոտանեց ու մերժեց այն ազգին, որ այս բաներն էր անում:

30. Արդարեւ, - ասում է Տէրը, - Յուդայի որդիները չարութիւն արին իմ առաջ. իրենց գարշելի աստուածներին կարգեցին իմ անունը կրող Տան մէջ, որպէսզի պղծեն այն:

31. Նաեւ Ենոմացիների ձորում Տափեթին բազին կանգնեցրին՝ իրենց տղաներին ու աղջիկներին կրակի մէջ այրելու համար, մինչդեռ այդպիսի հրաման ես նրանց չտուեցի եւ ոչ էլ մտքովս անցկացրի:

32. Ահա թէ ինչու գալու են օրեր, - ասում է Տէրը, - երբ այլեւս չեն ասի Տափեթի բազին կամ Ենոմացիների ձոր, այլ՝ Սպանուածների ձոր եւ, տեղը չբաւականացնելու պատճառով, թաղում են կատարելու հէնց Տափեթում:

33. Այդ ժողովրդի դիերը կերակուր պիտի դառնան երկնքի թռչունների եւ երկրի գազանների համար, եւ մարդ չի լինելու, որ հալածի նրանց:

34. Յուդայի երկրի քաղաքներից եւ Երուսաղէմի փողոցներից վերացնելու եմ խրախճանքի ձայնը եւ ցնծացողների ձայնը, հարսի ձայնը եւ փեսայի ձայնը, որպէսզի երկիրը դառնայ անապատ:

1. Այն ժամանակ, - ասում է Տերը, - Յուդայի երկրի թագաւորների ոսկորները եւ նրանց իշխանների ոսկորները, քահանաների ոսկորները եւ մարգարէների ոսկորները, նաեւ երուսաղէմի բնակիչների ոսկորները պիտի հանեն իրենց գերեզմաններից,
2. պիտի չորացնեն արեւի տակ, լուսնի եւ բոլոր աստղերի տակ, երկնքի այն բոլոր զօրութիւնների առաջ, որոնց սիրեցին ու ծառայեցին, որոնց յետեւից ընթացան եւ որոնց ապաւինեցին ու երկրպագեցին: Նրանք լաց ու կոծի չեն արժանանալու, այլ երկրի երեսին նշաւակ են լինելու,
3. քանի որ մահը նախընտրեցին եւ ոչ թէ կեանքը, իսկ այս չար ազգի մնացորդներին, որոնք պահպանուել են, ամեն տեղ մնացածների հետ միասին պիտի արտաքսւեն, - ասում է Զօրութիւնների Տերը:
4. Ու դու կ'ասես նրանց՝ այսպէս է ասում Տերը. Նա, որ գլորւում է, միթէ չի՞ ելնում, կամ նա, որ շեղւում է, յետ չի՞ դառնում:
5. Արդ, երուսաղէմն այդ ժողովրդի հետ ինչո՞ւ խոտորուեց ժպիրի խոտորումով. իրենց կամակորութեան մէջ յամառեցին ու չցանկացան դարձի գալ:
6. Ականջ դրեք եւ լսեցէ՛ք. այդ բանը չեն ուզում խոստովանել, մարդ չկայ, որ զոջայ իր չարութիւնների համար եւ ասի, թէ՛ ի՛նչ գործեցի: Արշաւողը կասեցրեց իր ընթացքը, ինչպէս քրտինք մտած ծին է կանգնում խրիսնջալիս:
7. Արդ, արսին թռչունը երկնքում ժամանակի իր զգացողութիւնն ունի, վայրի թռչուններ տատրակն ու ծիծեռնակը չեն մոռանում իրենց վերադարձի ժամանակը, իսկ իմ ժողովուրդը չգիտակցեց Տիրոջ օրէնքները:
8. Ինչո՞ւ եք ասում, թէ՛ Մենք իմաստուն ենք, եւ Աստծու օրէնքները մեր մէջ են. ահա դրա համար էլ սուտ դուրս եկաւ օրէնագետների կարգը,
9. իմաստուններն ամօթահար եղան, զարհուրեցին ու պարտուեցին, որովհետեւ անարգեցին Տիրոջ խօսքը: Նրանց մէջ ի՞նչ իմաստութիւն կայ որ:
10. Դրա համար էլ նրանց կանանց ուրիշներին պիտի տամ, իսկ նրանց ագարակները՝ օտար ժառանգներին, որովհետեւ նրանցից ամեն ոք, փոքրից մինչեւ մեծերը, չափից աւելի ագահութիւն է անում, իւրաքանչիւրը, մարգարէից մինչեւ քահանան՝ անիրաւութիւն:
11. Իմ ժողովրդի դստեր վերքը նրանք բուժում էին արհամարհանքով եւ ասում. Խաղաղութի՛ւն է, խաղաղութի՛ւն, մինչդեռ խաղաղութիւն չկար:
12. Պիտի ամաչե՞ն, որ պղծութիւն գործեցին: Սակայն այդպէս էլ ամօթ ու ամաչել չիմացան եւ մտքներում պատկառանք չզգացին, դրա համար էլ երբ իրենց պատժելու լինեմ, ընկածների հետ պիտի ընկնեն եւ ուժասպառ լինեն, - ասում է Տերը:
13. Նրանք հաւաքելու են իրենց բերքը, - ասում է Տերը, - բայց խաղող չի լինի նրանց այգիներում, ոչ էլ թուզ՝ նրանց թգնիների վրայ, որոնց տերեւն անգամ պիտի թափուի. ինչ տուել եմ նրանց՝ պիտի գնայ նրանցից:
14. Իսկ հիմա մենք ինչո՞ւ նստենք. հաւաքուեցէ՛ք՝ գնանք մտնենք ամուր քաղաքները եւ այնտեղ մեռնենք, քանզի մեր Տեր Աստուածը լքեց մեզ եւ դառնութեան ջուր խմեցրեց մեզ. արդարեւ, մեղք գործեցինք նրա հանդէպ:
15. Հաւաքուեցինք խաղաղութեան համար, բայց բարութիւն չկար, հաւաքուեցինք բժշկութեան համար, բայց ահա տագնապ է:
16. Դանից մեզ հասաւ նրա արագընթաց երիվարների ծայնը. նրա նժոյգների խրիսնջոցի ծայնից ցնցուեց ողջ երկիրը: Թող գայ եւ ուտի երկիրն իր ամեն ինչով, նրա քաղաքներն ու բնակիչներին:
17. Ես ահաւասիկ ձեզ վրայ սպանիչ օձեր եմ արձակելու, որոնց վրայ թովչութիւնները չեն ներգործելու, - ասում է Տերը, - եւ որոնք պիտի խայթեն ձեզ՝
18. անբուժելի ցաւեր պատճառելով ձեր տարակուսած սրտերին:
19. Ահա եւ իմ ժողովրդի դստեր գոյժի ծայնը լսում է հեռաւոր երկրից. Միթէ Տերը Սիոնում չէ՞, կամ այնտեղ թագաւոր չկա՞: Ինչո՞ւ ինձ բարկացրին իրենց կուռքերով ու

սնոտի աստուածներով:

20. Հնձի ժամանակն անցաւ, ամառն անցաւ, բայց մենք չփրկուեցինք:

21. Իմ ժողովրդի դստեր վերքն ինձ խորտակեց, խաւարեցի անյուսութեամբ, հալումաշ եղայ, ինչպէս ծննդկանը՝ երկունքից:

22. Միթէ Գաղաադում դեղ չի՞ ճարւում, կամ այնտեղ բժիշկ չկա՞յ. իմ ժողովրդի դստեր համար ինչո՞ւ բժշկութիւն չեղաւ:

1. Ո՞վ կը տար իմ գլխին ջուր եւ իմ աչքերին՝ արտասուքի աղբիւրներ, որ ես զօր ու գիշեր ողբայի այս ժողովրդին եւ իմ ժողովրդի դստեր վիրաւորներին:
2. Ո՞վ կը տար ինձ անապատում մի խղճուկ օթեւան, որ ես թողնեի իմ ժողովրդին, հեռանայի նրանից, քանզի բոլորն էլ անխտիր շնացող ենեւ անարգների բազմութիւն:
3. Նրանք լարեցին իրենց լեզուներն ինչպէս աղեղ. ստութիւնը եւ ոչ թէ հաւատքը զօրացաւ երկրի վրայ, որովհետեւ նրանք չարութիւնից չարութիւն գնացին եւ ինձ չճանաչեցին, - ասում է Տէրը:
4. Իւրաքանչիւր ձեր ընկերոջից զգո՛յշ եղէք եւ յոյս մի՛ դրէք ձեր եղբայրների վրայ, որովհետեւ ամէն եղբայր խաբելով խաբում է, եւ ամէն բարեկամ ընթանում է նենգութեամբ:
5. Իւրաքանչիւրն այսպանում է իր բարեկամին, ճշմարտութիւն չեն խօսում. նրանց լեզուն սովորեց սուտ խօսել:
6. Նրանք գրկանքներ են պարգեւել եւ չեն դադարել կուտակելուց վաշխ վաշխի վրայ եւ նենգութիւն նենգութեան վրայ. նրանք չկամեցան ճանաչել ինձ, - ասում է Տէրը:
7. Դրա համար էլ այսպէս է ասում Աստուած՝ Զօրութիւնների Տէրը. Ահաւասիկ ես կրակով պիտի հալեմ նրանց եւ պիտի փորձեմ նրանց, որովհետեւ չարութիւնների պատճառով ուրիշ ինչպէ՞ս վարուեմ իմ ժողովրդի դստեր հետ:
8. Նրանց նենգաւոր լեզուները խոցոտող նետ են: Նրանց բերանի խօսքերը իրենց ընկերոջ հետ խաղաղութեան մասին են խօսում, իսկ նրանք իրենց սրտում թշնամութիւն ունեն:
9. Միթէ սրանց համար չե՞մ պատժելու նրանց, - ասում է Տէրը, -կամ այդպիսի ազգից ես վրէժխնդիր չե՞մ լինելու:
10. Կոծեցէ՛ք լեռների վրայ եւ ձա՛յն բարձրացրէք անապատի բլուրների վրայ, ողբացէ՛ք, որովհետեւ անցորդ մարդկանց բացակայութեան պատճառով դրանք ամայացան եւ չեն լսում անասունների ձայները: Երկնային թռչուններից մինչեւ անասունները բոլորը ցրուեցին ու գնացին:
11. Երուսաղէմը գերութեան եմ մատնելու եւ այն տալու եմ վիշապներին բնակութեան համար, իսկ Յուդայի երկրի քաղաքներն աւերածութեան եմ ենթարկելու, այնպէս որ բնակիչներ չլինեն:
12. Ով իմաստուն այր է, թող հասկանայ այս բանը, եւ ում տրուած է Տիրոջ բերանի խօսքը, թող նա մեզ պատմի, թէ ինչի՛ համար կորստեան դատապարտուեց երկիրը: Լքուեց ինչպէս անապատ՝ անցորդներ չլինելու պատճառով:
13. Եւ Տէրն ինձ ասում է. Քանի որ դրանք թողեցին իմ օրէնքը, որ դրել էի նրանց աչքի առաջ, եւ ականջ չդրեցին իմ ձայնին,
14. հետեւեցին իրենց չար սրտերի հաճոյքներին ու այն կուռքերին, որոնց հետեւել սովորեցրին իրենց հայրերը,
15. դրա համար էլ այսպէս է ասում Զօրութիւնների Տէրը՝ Իսրայէլի Աստուածը. Ահաւասիկ այդ ժողովրդին կերակրելու եմ վտանգով եւ խմեցնելու եմ դառնութեան ջուր:
16. Դրանց ցրելու եմ այն ազգերի մէջ, որոնց չէին ճանաչում ո՛չ իրենց հայրերը եւ ո՛չ էլ իրենք: Դրանց վրայ սուր եմ արձակելու, մինչեւ որ սրով կոտորեմ դրանց, - ասում է Զօրութիւնների Տէրը:
17. Մտածեցէ՛ք եւ կանչեցէ՛ք լալական կանանց, որ գան,եւ մարդ ուղարկեցէ՛ք՝ կանչելու վարժ եղերամայրերի.թող նրանք գուժեն,
18. թող ստիպեն, թող ողբան ձեզ վրայ: Թող ձեր աչքերն արտասուք թափեն, իսկ ձեր արտեւանուկները ջուր հոսեցնեն:
19. Սիոնում տարածուեց տխուր մի ձայն. Ինչպէ՛ս թշուառացանք ու խիստ ամաչեցինք, որովհետեւ քեցինք երկիրը, թողեցինք մեր բնակավայրերը:
20. Կանա՛յք, լսեցէ՛ք Տէր Աստծու պատգամները, եւ թող ձեր ականջներն ընկալեն նրա

բերանի խօսքերը: Ձեր դուստրերին կոծե՛լ սովորեցրեք, իսկ կինն իր ընկերոջը թող սովորեցնի ողբալ,

21. քանզի մահը ձեր պատուհաններով բարձրացաւ եւ մտաւ ձեր երկիրը՝ տներից դուրս՝ մանուկներին, իսկ երիտասարդներին հրապարակներից ջնջելու համար:

22. Այսպէս է ասում Տէրը. Թող մարդկանց դիակները խայտառակութեան օրինակ դառնան ձեր երկրի դաշտերի երեսին. թող լինեն ինչպէս խոտն է մտում հնձողից յետոյ, եւ չի լինի մէկը, որ այն հաւաքի:

23. Այսպէս է ասում Տէրը. Թող իմաստունն իր իմաստութեամբ չպարծենայ, թող հզօրն իր զօրութեամբ չպարծենայ,

24. եւ թող մեծն իր մեծութեամբ չպարծենայ, այլ պարծեցողը թող այս բանով պարծենայ՝ իմանալ եւ ճանաչել ինձ, թէ ես եմ Տէր Աստուածը, որ երկրի վրայ իրաւ դատաստան, ողորմութիւն ու արդարութիւն եմ անում, որոնք հաճելի են ինձ, - ասում է Տէրը:

25. Ահա գալու են օրեր, - ասում է Տէրը, - երբ ես պատժելու եմ անթլփատ մնացած բոլոր թլփատուածներին՝

26. Եգիպտոսին եւ Յուդայի երկրին, եղմացիներին ու ամոնացիներին, մովաբացիներին եւ երեսներն ածիլած բոլոր անապատաբնակներին: Եթէ բոլոր ազգերն անթլփատ են մարմնով, ապա Իսրայէլի ողջ տունն անթլփատ է իր սրտով:

1. Ո՛վ Իսրայելի տուն, լսի՛ր Տիրոջ պատգամները, որ քեզ են ուղղում:
2. Այսպես է ասում Տերը. Մի՛ սովորեք գնալ հեթանոսների ճանապարհներով եւ մի՛ զարհուրեք երկնքի նշաններից, որոնցից նրանք են վախենում:
3. Հեթանոսների բոլոր կուռքերը սնոտի բաներ են՝ անտառից կտրուած փայտ, հիւսների ձեռքի գործեր,
4. արծաթով եւ ոսկով զարդարուած ծուլածոյ բաներ: Սուրճերով եւ գամերով ամրացրել են դրանք, որ չշարժուեն. յղկուած արծաթ են, Թարսիսի բանուած արծաթ եւ ոսկի՝ բերուած Մեմփաթայից:
5. Ոսկերչի ձեռքը ճարտար վարպետի գործ է կատարել. կապոյտ ու ծիրանի են հագցնում նրանց, բայց նրանք չեն կարող գնալ, այլ պետք է բարձուելով տարուեն. ոտքով մի քայլ էլ չեն փոխի, ոչ էլ իրենք իրենց կարող են բարձրանալ այն բանի վրայ, որով տանում են: Մի՛ վախեցեք նրանցից, որովհետեւ չարութիւն չեն անում, բայց բարութիւն էլ չկայ նրանց մէջ:
6. Քեզ նման ոչ ոք չկայ, Տէ՛ր, մեծ ես դու եւ մեծ է քո անունը զօրութեամբ:
7. Ո՞վ չի երկնչի քեզնից, ազգերի՛ Թագաւոր, դա քեզ է միայն վայել, քանզի բոլոր հեթանոս իմաստունների եւ նրանց բոլորը թագաւորների մէջ ո՞վ է քեզ նման:
8. Թող միանգամից այրուեն, թող սատակեն սրտերը սնոտի աստուածների,
9. որովհետեւ դրանք փայտ են, Թարսիսից բերուած ընտիր արծաթ եւ ոսկի՝ Սոփաթայից: Դրանք բոլոր վարպետների եւ ոսկերիչների ձեռքի գործն են. դրանց կապուտակ ու ծիրանի զգեստները բոլորը հնարամիտ վարպետների գործն են:
10. Իսկ մեր Տեր Աստուածը ճշմարիտ է, կենդանի Աստուած է եւ յաւիտենական Թագաւոր: Նրա բարկութիւնից երկիրը կը շարժուի, ազգերը չեն դիմանայ նրա բարկութեանը:
11. Այսպես կ'ասեք նրանց. Այն աստուածները, որոնք երկինքն ու երկիրը չեն ստեղծել, կորչելու են երկրից եւ այս երկնքի տակից:
12. Տերն է, որ իր զօրութեամբ ստեղծեց երկիրը, իր իմաստութեամբ հաստատեց տիեզերքը եւ իր հանճարով տարածեց երկինքը:
13. Իր ձայնն արձակելիս՝ Նա երկինքը լցնում է ջրերի առատութեամբ, երկրի ծայրերից ամպեր է բարձրացնում, իր փայլատակումներն անձրեւների վերածում, հողմեր է հանում իր շտեմարաններից:
14. Ամեն մարդ, գիտութիւնից զրկուած, ապուշ դարձաւ, իրենց արձանների պատճառով բոլոր ոսկերիչներն ամօթահար եղան, որովհետեւ սուտ բաներ ծուլեցին, եւ նրանց մէջ շունչ չկայ.
15. սնոտի ու խաբէական գործեր են դրանք: Երբ նրանց այցելութեան գնան, նրանք կորստեան են մատնուելու:
16. Սակայն այդպիսին չէ Յակոբի բաժինը. նրա բաժինը Նա է, ով ստեղծեց ամենայն ինչ, որի ժառանգութեան շառաւիղն է Իսրայելը, եւ նրա անունը Զօրութիւնների Տեր է:
17. Ո՛վ դու, որ բնակւում ես ընտրեալների մէջ, հեռուներից հաւաքի՛ր քո զօրութիւնը:
18. Այսպես է ասում Տերը. Ահա ես նեղութիւնն իբրեւ խոչընդոտ քար եմ դնելու այդ երկրի բնակիչների ոտքերի տակ եւ հալածելու եմ նրանց, որ չգտնուեն:
19. Վա՛յ քո կործանումին, քանզի ցաւալի են քո վերքերը. իսկ ես ասում եմ. Արդարեւ հենց դրանք են իմ վերքերը, որ վիճակուեցին ինձ.
20. խորանն իմ խորտակուեց, վերացաւ, իմ վրանի բոլոր վարագոյրները քանդուեցին, իմ որդիներն ու հօտերը ոչ մի տեղ չեն երեւում. այլեւս չկայ իմ խորանի տեղը, չկայ եւ իմ վարագոյրների տեղը:
21. Հովիւները խելքի չեկան եւ Տիրոջը չփնտռեցին, դրա համար էլ բոլոր հօտերը չճանաչեցին նրանց ու ցիրուցան եղան:
22. Բօթաբեր ձայն է գալու եւ մեծ դղրդում՝ հիւսիսի երկրից, որպէսզի Յուդայի երկրի քաղաքներն աւերածութեան ենթարկի եւ դարձնի ջայլամների կայան:

23. Գիտեմ, ՏԷ՛ր, որ մարդու ուղին իրենից կախուած չէ, այր մարդն ի վիճակի չէ տնօրինելու իր ճանապարհի յաջողութիւնը:

24. Խրատի՛ր մեզ, ՏԷ՛ր, բայց արդարութեամբ եւ ոչ թէ ցասմամբ, որ մեզ սակաւաթիւ չդարձնես:

25. Քո բարկութիւնը թափիր հեթանոսների՛ վրայ, որոնք չեն ճանաչում քեզ, եւ այն ազգերի վրայ, որոնք չճանաչեցին քո անունը, որովհետեւ նրանք յօշոտեցին Յակոբին, սպառնեցին նրան, վախճանի հասցրին նրանեւ աւերեցին նրա արօտավայրերը:



1. Երեմիային ուղղելով իր խօսքը՝ Տէրն ասում է.
2. Լսեցէ՛ք այս ուխտի պայմանը եւ յայտնեցէ՛ք Յուդայի երկրի մարդկանց ու Երուսաղեմի բնակիչներին:
3. Եւ կ'ասես նրանց. այսպես է ասում Տէր Աստուածն Իսրայելի. Թող անիծեալ լինի այն մարդը, որը չի ընդունի այս ուխտի պայմանը,
4. որ ականդել եմ ձեր հայրերին այն օրը, երբ նրանց հանում էի Եգիպտացիների երկրից՝ երկաթե հնոցից. ասում եմ. ' Ականջ դրեք իմ ձայնին եւ, ինչ որ պատուիրեմ ձեզ, կատարեցէ՛ք ըստ ամենայնի, ու դուք իմ ժողովուրդը կը լինեք, իսկ ես՝ ձեր Աստուածը:
5. Կը հաստատեմ իմ երդումը, որ երդուեցի ձեր հայրերին՝ տալու նրանց այն երկիրը, որը, ինչպես եւ այսօր, մեղր ու կաթ է բխեցնում: Պատասխանեցի եւ ասացի. Այո՛, Տէ՛ր, թող այդպես լինի:
6. Եւ Տէրն ինձ ասաց. Այդ բոլոր խօսքերը յայտարարի՛ր այդտեղ, Յուդայի երկրի քաղաքներում ու Երուսաղեմից դուրս եւ ասա՛. Լսեցէ՛ք այս ուխտի պատգամները եւ կատարեցէ՛ք դրանք:
7. Չէ՞ որ այն օրը, երբ ես նրանց հանեցի Եգիպտացիների երկրից, ու մինչեւ այսօր, ամեն առաւօտ կանուխ, ձեր հայրերին խստագոյնս խրատեցի եւ ասացի. ' Ականջ դրեք իմ ձայնին, բայց նրանք չլսեցին:
8. Ականջները շուռ տուեցին եւ բոլորը, իրենց յօժար սրտով, գնացին դէպի չարիքը: Եւ որովհետեւ ինչ որ պատուիրեցի նրանց անել՝ չարեցին, իմ այս ուխտի բոլոր խօսքերը կը կատարեմ նրանց նկատմամբ:
9. Եւ Տէրն ինձ ասաց. Յուդայի երկրի մարդկանց եւ Երուսաղեմի այդ բնակիչների մէջ տեղ է գտել չարամտութիւնը:
10. Նրանք դարձ կատարեցին դէպի իրենց նախահայրերի մեղքերը, որոնք չէին կամենում հետեւել իմ խօսքերին: Ահաւասիկ նրանք գնում են օտար աստուածների յետեւից, որպէսզի ծառայեն նրանց: Իսրայելի տունը եւ Յուդայի տունը խախտեցին իմ ուխտը, որ կապել էի նրանց հայրերի հետ:
11. Դրա համար էլ Տէրն այսպես է ասում. Ահաւասիկ ես չարիք կը բերեմ նրանց վրայ, որից չպիտի կարողանան դուրս գալ: Ինձ են կանչելու, բայց չեմ լսելու նրանց:
12. Յուդայի երկրի քաղաքներն ու Երուսաղեմի բնակիչները կը գնան, կը կանչեն իրենց աստուածներին, որոնց խունկ էին ծխում, բայց նրանցից փրկութիւն չի լինելու իրենց դժբախտութեան ժամանակ:
13. Զո աւստուածները, Յուդայի՛ երկիր, թուով այնքան էին, որքան քո քաղաքները, եւ ըստ Երուսաղեմի փողոցների թուի, ամօթի բազիններ ու սեղաններ կանգնեցրիք՝ Բահադին խունկ ծխելու համար:
14. Իսկ դու մի՛ աղօթիր այդ ժողովրդի համար, ինդրանքներով մի՛ աղաչիր ու պաղատիր դրանց համար, որովհետեւ երբ իրենց դժբախտութեան ժամանակ կանչեն ինձ՝ ես չպիտի լսեմ:
15. Իմ սիրելի ժողովրդի մասին եմ ասում, քանզի նա իմ տաճարի ներսում պղծութիւն գործեց: Միթէ աղօթքը եւ գոհերի միսը քեզնից կը վերացնե՞ն քո չարիքները, կամ թէ դրանցով դու կը փրկուե՞ս:
16. Տերը քո անունը գեղատես ու վարսաւոր ծիծենի կոչեց: Նրանց թլփատութեան ձայնից դու մեծ նեղութեան մէջ ես. անպէտքացան քո ուստերը:
17. Չօրութիւնների Տէր Աստուածը, որ քեզ տնկեց, Իսրայելի տան եւ Յուդայի տան չարութիւնների պատճառով սպառնաց պատժել քեզ. նրանք իրենք իրենց արեցին դա, որովհետեւ ինձ բարկացնելու համար Բահադի՛ն խնկարկեցին:
18. Տէ՛ր, ճանաչե՛լ տուր ինձ, եւ ես կը ճանաչեմ. այն ժամանակ կը տեսնեմ նրանց գործերը:
19. Ես, իբրեւ անմեղ մի գառ, որին մորթելու են տանում, չիմացայ, որ իմ մասին չար խորհուրդ են արել եւ ասում են. Եկեք ոչնչացնենք ծառն իր պտղով եւ նրան ջնջենք

ողջերի երկրից, թող նրա անունն այլեւս չիշուի:

20. Զօրութիւնների՝ Տէր, դու, որ արդար ես վարուում, քննում ես երիկամներն ու սրտերը, թող ես տեսնեմ, որ վրեժխնդիր ես լինում նրանցից, քանզի քե՛զ յանձնեցի իմ դատը:

21. Դրա համար էլ Տէրն այսպէս է ասում Անաթօթի մարդկանց մասին, որոնք քո անձն են փնտռում՝ ասելով. Մեզ համար մի՛ մարգարեացիր, ապա թէ ոչ կը մեռնես մեր ձեռքով:

22. Ահա թէ ինչու այսպէս է ասում Զօրութիւնների Տէրը. Ահաւասիկ ես պիտի պատժեմ նրանց. նրանց երիտասարդները սրով պիտի սպանուեն, եւ տղաներն ու աղջիկները սովից պիտի վախճանուեն:

23. Նրանցից ոչ ոք չի մնալու, որովհետեւ Անաթօթի բնակիչներին չարիք եմ բերելու այն տարին, երբ գամ նրանց պատժելու:

1. Արդար ես դու, Տէ՛ր, բայց ես իմ դատը պետք է պաշտպանեմ ու իմ իրաւունքի մասին խօսեմ. ինչպէ՞ս է, որ ամբարիշտների բռնած գործերը յաջողւում են, եւ բոլոր նրանք, ովքեր արհամարհում են ու անարգում, երջանիկ դարձան:
2. Տնկեցիր նրանց, եւ նրանք արմատ գցեցին, որդիներ ունեցան, պտուղ տուեցին: Դու, Տէ՛ր, նրանց շուրթերին ես, սակայն հեռու ես նրանց սրտերից:
3. Դու, ո՛վ Տէր, գիտես ինձ, տեսար ինձ եւ քո առաջ փորձեցիր իմ սիրտը. հաւաքի՛ր նրանց ինչպէս մորթելու ոչխար եւ, երբ նրանց սպանութեան օրը գայ, զոհաբերի՛ր նրանց:
4. Երկիրը մինչեւ ե՞րբ պետք է սուգ պահի, ու խոտն ամենուրեք չորանայ: Անասուն ու թռչուն կոտորուեցին երկրի բնակիչների չարութիւնների պատճառով, որովհետեւ ասացին, թէ՛ Աստուած չի տեսնի մեր արարքները:
5. Քո ոտքերը վազում են, բայց քեզ պիտի լքեն, էլ ինչպէ՞ս պիտի մրցես ձիաւորների հետ: Եւ հիմա այս խաղաղ երկրի՞ վրայ ես յոյսդ դրել. իսկ ի՞նչ ես անելու, երբ Յորդանան գետը բարձրանայ,
6. քանի որ քո եղբայրներն ու քո հօր տունը՝ նրա՛նք անգամ դաւ նկւթեցին քո դէմ, նրա՛նք էլ աղաղակ բարձրացրին քո յետեւից եւ կուտակուեցին քո գլխին: Մի՛ հաւատա նրանց, որովհետեւ չարախօսում են քո մասին:
7. Ես լքեցի իմ տունը, թողեցի իմ ժառանգութիւնը եւ իմ հոգու սիրելիին տուեցի իր թշնամիների ձեռքը:
8. Իմ ժառանգութիւնն ինձ համար դարձաւ անապատի առիւծ, իր ծայնն ինձ վրայ բարձրացրեց, դրա համար էլ ատեցի նրան:
9. Միթէ իմ ժառանգութիւնն ինձ համար բորենու ո՞րչ է լինելու կամ նրան շրջապատող քարանձա՞ւ. շրջեցէ՛ք, հաւաքեցէ՛ք անապատի բոլոր գազաններին, որ գան այն ուտելու:
10. Բազում հովիւներ ապականեցին իմ այգին, ոտնատակ տուին իմ բաժինը, իմ ցանկալի դաշտը խոպան անապատ դարձրին.
11. այն ենթարկուեց աւերի ու ապականութեան: Ողջ երկիրն իմ պատճառով քայքայուեց ու քանդուեց, որովհետեւ իմ սրտին մօտ չհամարեցի պարտահատոյց լինել, եւ չկայ մէկը, որի սիրտը ցաւի դրա համար:
12. Թշուառացած՝ մարդիկ անցան անապատի բոլոր ճանապարհներով, քանզի երկրի մի ծայրից մինչեւ միւսը Տիրոջ սուրն է մաշում, ոչ մի մարմնի համար հանգիստ չկայ:
13. Տորեն ցանեցիք, սակայն փուշ էք հնձելու, եւ ձեր անդաստանները օգուտ չեն տալու ձեզ: Ձեր հպարտութիւնն ամօթանքի է փոխուելու այն նախատինքից, որ կրելու էք Տիրոջ առաջ:
14. Այսպէս է ասում Տէրը բոլոր չար հարեւանների մասին, որոնք ձեռք են մեկնում իմ ժառանգութեանը, որ բաշխեցի Իսրայէլի իմ ժողովրդին. Ահաւասիկ ես նրանց հեռացնելու եմ իրենց երկրից, Յուդայի տունը եւս հանելու եմ նրանց միջից:
15. Բայց նրանց արտաքսելուց յետոյ ես նորից պիտի դառնամ ու գթամ նրանց եւ իւրաքանչիւրին բնակեցնեմ իր ժառանգութեան մէջ, ամէն մէկին՝ իր երկրում:
16. Եւ եթէ նրանք լաւ սովորեն իմ ժողովրդի ճանապարհը, երդուեն իմ անունով, թէ կենդանի է Տէրը, ինչպէս որ սովորեցրին իմ ժողովրդին երդուել Բահաղին, ապա նրանք կը հաստատուեն իմ ժողովրդի մէջ:
17. Իսկ եթէ դարձի չգան, ես կը ջնջեմ այդ ազգին, կորստեան մատնելով՝ կը վերացնեմ նրանց, - ասում է Տէրը:

1. Այսպէս է ասում Տէրը. «Ո՞րք քեզ համար ձեռք բեր կտաւէ գօտի, փաթաթի՛ր մէջքիդ, բայց ջրի միջով չանցնես:
2. Հետեւելով Տիրոջ խօսքին՝ ես ձեռք բերի մի գօտի ու փաթաթեցի մէջքիս:
3. Տէրը, կրկին խօսքն ինձ ուղղելով, ասաց.
4. Այդ գօտին, որ ձեռք բերեցիր, հանի՛ր քո մէջքից, վեր կաց գնա՛ Եփրատի ափը եւ դա թաքցրո՛ւ այնտեղ՝ ժայռի մի քարի խոռոչում:
5. Ու ես գնացի եւ այն թաքցրի Եփրատի ափին, ինչպէս պատուիրել էր ինձ Տէրը:
6. Եւ ահա շատ օրեր անց Տէրն ինձ ասաց. «Վեր կաց գնա՛ Եփրատի ափը եւ վերցրո՛ւ այն գօտին, որը հրամայեցի քեզ այնտեղ թաքցնել:
7. «Գնացի Եփրատ գետի ափը, փորեցի եւ վերցրի գօտին այնտեղից, ուր այն թաղել էի. բայց, ահա, գօտին փտել էր եւ ոչ մի բանի պիտանի չէր:
8. Տէրը, խօսքն ինձ ուղղելով, ասաց.
9. այսպէս է ասում Տէրը. Այդպէս էլ ապականելու եմ Յուդայի երկրի հպարտութիւնը եւ Երուսաղէմի հպարտութիւնը,
10. քաղաքն ու իմ չար ժողովրդին, որոնք չէին ուզում ականջ դնել իմ խօսքերին, որոնք գնում են իրենց չար սրտերի ցանկութեամբ, ընթանում են օտար աստուածների յետեւից, որպէսզի ծառայեն նրանց եւ երկրպագեն. նրանք պիտի դառնան այդ գօտու պէս, որը ոչ մի բանի պիտանի չէ:
11. Ինչպէս որ գօտին պատում է մարդու մէջքը, այդպէս իմ շուրջը պատեցի Իսրայէլի այդ ամբողջ տունը եւ Յուդայի ամբողջ տունը, - ասում է Տէրը, - որպէսզի նրանք ինձ համար դառնան անուանի ժողովուրդ եւ պարծանք ու փառք. բայց նրանք չլսեցին ինձ:
12. Այդ ժողովրդին կը յայտնես նաեւ հետեւեալ պատգամը. այսպէս է ասում Իսրայէլի Տէր Աստուածը. Ամէն մի տիկ գինով պէտք է լցուի: Եւ եթէ այնպէս լինի, որ քեզ ասեն, թէ՛՝ Միթէ մենք չե՞նք հասկանում ու չգիտե՞նք, որ ամէն մի տիկ գինով պիտի լցուի,
13. ապա կ'ասես նրանց. այսպէս է ասում Տէրը. Ահա ես այդպէս պիտի լցնեմ ու հարբեցնեմ այդ երկրի բոլոր բնակիչներին եւ թագաւորներին՝ Դաւթի որդիներին, որոնք նստում են նրա աթոռին, քահանաներին ու մարգարէներին, Յուդայի երկրի ու Երուսաղէմի բոլոր բնակիչներին:
14. Տրելու եմ դրանց՝ մարդն իր եղբօր, հայրն իր զաւակների հետ միասին, - ասում է Տէրը. - չեմ գթալու եւ չեմ խնայելու, առանց ողորմելու՝ դրանց բնաջնջելու եմ:
15. Լսեցէ՛ք, ունկնդի՛ր եղէք եւ մի՛ հպարտացէք, քանզի Տէրը խօսեց:
16. Ձեր Տէր Աստծուն փառք տուէք, քանի դեռ խաւարը չի պատել, եւ ձեր ոտքերը խաւար լեռների վրայ չեն սայթաքել: Լոյս պիտի ակնկալէք, իսկ այնտեղ մահուան ստուերներ են. ձեզ դնելու են խաւարի մէջ:
17. Եւ եթէ չլսէք նրան, դառնութիւնից ձեր հոգու խորքում լաց պիտի լինէք, արցունքը պիտի խեղդի ձեզ, ձեր աչքերից արտասուք պիտի թափուի, քանզի կործանուեց Տիրոջ հօտը:
18. Թագաւորին ու բռնակալներին ասացէ՛ք. Խոնարհուէ՛ք ու գետնի՛ն նստեցէք, քանզի ձեր փառքի պսակն ընկաւ ձեր գլուխներից:
19. Հարաւի կողմի քաղաքները փակուեցին, եւ ոչ ոք չկայ, որ բաց անի. Յուդայի երկիրն ամբողջապէս գերուեց, սպառուեց լիովին:
20. Բարձրացրո՛ւ քո աչքերը, Երուսաղէմ, եւ նայի՛ր հիւսիսից յարձակուողներին. ո՞ր է այն հօտը, որ տրուեց քեզ, քո փառաւոր ոչխարներն ո՞ր էն:
21. Երբ քեզնից պահանջեն, այն ժամանակ ի՞նչ պատասխան ես տալու. դու ինքդ սովորեցրիր նրանց, որ իշխեն քեզ վրայ: Միթէ քեզ երկունքի ցաւերը չե՞ն բռնելու, ինչպէս ծննդկան կնոջը:
22. Եւ եթէ քո սրտում ասես՝ Ինչո՞ւ պատահեց այս բանը ինձ հետ, ապա դա եղաւ քո բազում անիրաւութիւնների պատճառով, քանի որ քո քղանցքները բացուեցին քո յետեւից՝ խայտառակելով քեզ:

23. Թե որ հնդիկը փոխի իր մաշկը, ընծառիւծը՝ իր խայտուցները, դուք էլ կը կարողանաք բարութիւն անել, դուք, որ սովորել էք չարիք գործել:
24. Ես ցրելու եմ նրանց՝ անապատում հողմակոծ խռիւի նման:
25. Ինձ չհաւանելուդ համար այդ է քո մասն ու բաժինը, քանզի մոռացար ինձ եւ յոյսդ դրեցիր սուտ աստուածների վրայ:
26. Ես պիտի մերկացնեմ քո յետելը՝ փեշդ քաշելով քո գլխին ու երեսին, որ երեւան քո ամօթոյքը,
27. քո շնութիւնն ու վրնջիւնը, դու, որ քո պոռնկութեամբ խորթացար ինձնից: Ես տեսայ քո գարշելի արարքները բազիններում ու անդաստաններում: Վա՛յ քեզ, Երուսաղէ՛մ, որ իմ յետելից գալով՝ չես մաքրուելու: Մինչեւ ե՞րբ ես այդպէս մնալու:

1. Տիրոջ խօսքը, որ նա ասաց Երեմիային երաշտի մասին:
2. Սուգ մտաւ Հրեաստանը, նրա դռները մնացին թափուր, խաւարը պատեց երկիրը, եւ Երուսաղէմն աղաղակ բարձրացրեց:
3. Նրանց մեծամեծներն իրենց երիտասարդներին ջրի ուղարկեցին. նրանք եկան ջրհորները եւ ջուր չգտան. իրենց ամանները դատարկ յետ բերեցին: Ամաչեցին ու ամօթահար ծածկեցին իրենց գլուխները:
4. Երկրագործութիւնը դադարեց, որովհետեւ հողն առանց անձրեւի մնաց. մշակներն ամօթահար եղան, ծածկեցին իրենց գլուխները:
5. Հանդում եղնիկները ձագ ծնեցին, սակայն թողեցին իրենց ձագերին, որովհետեւ բուսականութիւն չկար:
6. ցիւռերը դաշտերում վիշապների պէս օդ ծծեցին, նրանց աչքերը դուրս ընկան, որովհետեւ խոտ չկար:
7. Թէպէտ մեր մեղքերը կանգնեցին մեր դէմ, բայց դու, Տէ՛ր, վարուի՛ր յանուն քո անուան: Բազում են մեր մեղքերը քո առաջ:
8. Մեղք ենք գործել քո հանդէպ, ո՛վ յոյսդ Իսրայէլի: Տէ՛ր, նեղութեան ժամին փրկի՛ր մեզ: Ինչո՞ւ երկրի վրայ պանդխտի պէս եղար կամ երկրի մի բնակչի պէս, որ իր իջեւանն է վերադառնում:
9. Միթէ դու քնած մի մա՞րդ ես, կամ մի ա՞յր, որ գուրկ է փրկելու կարողութիւնից: Բայց դու, Տէ՛ր, մեր մէջ ես, եւ քո անունը դրուած է մեզ վրայ, մի՛ մոռացիր մեզ:
10. Այսպէս է ասում Տէրն այդ ժողովրդին. Այդպէս սիրեցին նրանք թափառել ու իրենք իրենց չխնայեցին. եւ Աստուած բարեհաճ չեղաւ նրանց հանդէպ. այժմ պիտի յիշի նրանց անիրաւութիւնները եւ պիտի պատժի նրանց իրենց մեղքերի համար:
11. Տէրն ինձ ասում է. Այն ժողովրդին բարիք անելու համար մի՛ աղօթիր:
12. Եթէ ծոմ էլ պահեն, ես չեմ լսելու նրանց խնդրանքները. եթէ ողջակէզներ ու զոհեր մատուցեն, դրան էլ հաճութիւն ցոյց չեմ տալու. սրով, սովով ու մահով պիտի սպառեմ նրանց:
13. Իսկ ես ասում եմ. Ո՛վ դու, որ Տէր Աստուած ես, ահա մարգարէներն ասում են նրանց, թէ՛ Սուր չէք տեսնելու, սով չի լինելու ձեր մէջ, քանզի ճշմարտութիւն ու խաղաղութիւն պիտի շնորհուեն երկրի եւ այդ տեղի վրայ:
14. Տէրն ինձ ասում է. Մարգարէներն իմ անունով սուտ մարգարէութիւն են անում. ես ո՛չ ուղարկել եմ նրանց, ո՛չ պատուէր եմ տուել նրանց եւ ո՛չ էլ խօսել եմ նրանց հետ. նրանք ձեզ մարգարէանում են սուտ տեսիլներ, սնտոյի գուշակութիւններ ու հմայութիւններ եւ իրենց սրտի ցանկութիւնները:
15. Դրա համար Տէրն այսպէս է ասում մարգարէների մասին. Նրանք մարգարէութիւն են անում իմ անունով, բայց ես չեմ ուղարկել նրանց, ոչ էլ պատուիրել եմ նրանց, որ ասեն, թէ՛ Սուր ու սով չպիտի լինի այս երկրում: Մահուան քայքայիչ հիւանդութեամբ եւ սրով ու սովով պիտի ոչնչանան այդ մարգարէները,
16. նաեւ այն ժողովուրդը, որի համար նրանք մարգարէանում են. նրանք սրից ու սովից ընկած պիտի մնան Երուսաղէմի ճանապարհներին, թէ՛ նրանք, թէ՛ նրանց կանայք եւ թէ՛ նրանց որդիներն ու դուստրերը. եւ նրանց թաղող չպիտի լինի. իրենց չարութիւնն իրենց վրայ պիտի թափեմ:
17. Կ'ասես նրանց նաեւ այս խօսքը. Չօր ու գիշեր ձեր աչքերից արտասո՛ւք թափեցէք, եւ թող վերջ չլինի դրան, քանզի իմ ժողովրդի կոյս աղջիկը մեծ կոտորածի, ամենացաւազին հարուածների ենթարկուեց:
18. Դաշտ եմ դուրս գալիս՝ եւ ահա սրից վիրաւորուածներ, քաղաք եմ մտնում՝ եւ ահա սովից տանջուողներ, որովհետեւ մարգարէն ու քահանան գնացին իրենց չճանաչած երկիրը:
19. Միթէ իսպառ երե՞ս թեքեցիր Յուդայի երկրից, կամ նրանից բոլորովին հեռացա՞ւ քո հոգին. ինչո՞ւ այնպէս հարուածեցիր մեզ, բժշկութիւն չլինի մեզ համար: Խաղաղութիւն

ակնկալեցինք, բայց բարի բան չկատարուեց, սպասեցինք բժշկութեան ժամին, բայց ահա խռովութիւն եղաւ:

20. Տէ՛ր, գիտակցեցինք մեր մեղքերը եւ մեր հայրերի անիրաւութիւնները, քանզի մեղք գործեցինք քո առաջ:

21. Քո անուան համար մեղմի՛ր բարկութիւնդ, կորստեան մի՛ մատնիր քո փառքի աթոռը. յիշի՛ր, մի՛ խզիր քո ուխտը, որ կապել ես մեզ հետ:

22. Հեթանոսական կուռքերի մէջ կա՞յ արդեօք մի կուռք, որ անձրեւ բերի, կամ թէ կարո՞ղ է երկինքը ինքն իրեն հեղեղ տեղալ. այդ անողը միթէ դու ինքդ չե՞ս, ո՛վ Տէր Աստուած մեր, եւ մենք քեզ վրայ ենք դնում մեր յոյսը, քանզի դու ես այդ ամէնը կատարում:

1. Տերն ինձ ասում է. եթե Մովսեսն ու Սամուէլն իսկ իմ դիմաց կանգնեն, ես հոգով այդ ժողովրդի հետ չեմ լինի. այդ ժողովրդին հեռո՛ւ վանիր ինձնից, թող հեռանա՛:
2. Եւ եթե պատահի, որ հարցնեն քեզ՝ ո՞ւր գնանք, կ'ասես նրանց. այսպէս է ասում Տերը. Ովքեր մահուան համար են՝ թող գնան դէպի մահ, ովքեր սրի համար են՝ դէպի սուր, ովքեր սովի համար են՝ դէպի սով, իսկ ովքեր գերութեան համար են՝ դէպի գերութիւն:
3. Ես նրանցից վրեժ լուծելու համար պիտի դիմեմ չորս միջոցի, - ասում է Տերը. - սրին՝ սպանելու համար, շներին՝ պատառոտելու համար, երկնքի թռչուններին եւ երկրի գազաններին՝ յօշոտելու եւ ոչնչացնելու համար:
4. Յուդայի երկրի թագաւոր Եզեկիայի որդի Մանասէի պատճառով եւ այն ամենի պատճառով, որ նա կատարեց Երուսաղէմում, նրանց պիտի մատնեմ աշխարհի բոլոր թագաւորութիւնների տանջանքին:
5. Ո՞վ կը խնայի քեզ, Երուսաղէ՛մ, կամ ո՞վ կը տրտմի քեզ համար, եւ կամ ո՞վ կը դառնայ դէպի քեզ՝ հարցնելու քո խաղաղութեան մասին,
6. քանզի դու երես թեքեցիր ինձնից, - ասում է Տերը, - եւ յետ ես գնալու: Իմ ձեռքը պիտի երկարեմ քեզ վրայ եւ պիտի կործանեմ քեզ:
7. Այլեւս նրանց չեմ լսի, պիտի ցրեմ ու սփռեմ նրանց. իմ ժողովուրդն անգաւաւկ մնաց դռներին, որովհետեւ ես կորցրի իմ ժողովրդին՝ նրանց չարութեան պատճառով, քանի որ նրանք չուղղուեցին:
8. Նրա չարիքներն աւելի բազմացան իմ շուրջը, քան ծովի աւազը: Ե՛ւ նրանց վրայ, ե՛ւ իրենց մօր վրայ շարժեցի երիտասարդներին: Միջօրէին նրանց շուրջը թշնամութիւն գցեցի. յանկարծակի դող ու տազնապ եկաւ:
9. Նա, որ եօթը գաւաւկ էր ծնել, զրկանքների մատնուեց, նրա հոգին նուաղեց. միջօրէին նրա արեւը մայր մտաւ. ամօթն ու նախատինքն են պատել նրան: Նրանց մնացորդներին իրենց թշնամիների աչքի առաջ սրի պիտի մատնեմ, - ասում է Տերը:
10. Վա՛յ ինձ, վա՛յ ինձ, մա՛յր իմ. իբրեւ ո՞ւմ ծնեցիր ինձ. իբրեւ մի մարդո՞ւ, որին երկրում ամենուրեք դատաւիտել են,
11. քաշքշել դատարան: Ո՛չ ես եմ ինչ-որ բան պարտք, ո՛չ էլ ուրիշն է ինձ որեւէ բան պարտք, բայց ինձ անիծողներից իմ ուժն սպառուեց:
12. Թող որ նրանք յաջողութիւն գտնեն բարի բաների մէջ, Տէ՛ր, թեպէտ նրանց փորձութեան ժամին կամ նրանց նեղութեան ժամանակ ես իմ թշնամիների հանդէպ բարիք չեմ գործել:
13. Երկաթի զօրութիւնը կարո՞ղ է ճանաչուել, իսկ քո զօրութիւնը քաղաքի պղնձէ պարսպի զօրութեան պէս է:
14. Բոլոր մեղքերիդ պատճառով քո երկրի բոլոր սահմաններում քո գանձերը, իբրեւ փրկանք, տալու եմ օտարներին:
15. Զեզ ծառայեցնելու եմ քո թշնամիներին մի երկրում, որ դու չգիտես, քանզի իմ բարկութիւնից կրակ է վառւում, որ բորբոքուելու է ձեզ վրայ:
16. Դու գիտես, Տէ՛ր, յիշի՛ր ինձ, Տէ՛ր, այցելի՛ր ինձ, փրկի՛ր ինձ իմ թշնամիներից. ինձ համար մի՛ ուշացիր, գիտցի՛ր, քեզ համար որքա՛ն նախատինք կրեցի քո խօսքերն արհամարհողներից:
17. Մեռցրո՛ւ նրանց, եւ քո խօսքն ինձ՝ ուրախութիւն եւ իմ սրտի համար ցնծութիւն կը լինի, քանզի քո անունը ինձ վրայ է դրուած, ո՛վ Ամենակալ Տէր Աստուած:
18. Ծաղր անողների հետ ատեան չնստեցի, այլ երկիւղ կրելով քեզնից՝ նստում էի առանձին, որովհետեւ դառնութեամբ էի լցուած:
19. Ինչո՞ւ նրանք, որ ինձ տրտմութիւն են պատճառում, զօրանում են, իսկ իմ վերքերն ահաւոր են. ինչպէ՞ս պիտի բժշկուեմ: Փոխուեցի ու վերածուեցի անհամ ջրի, որի նկատմամբ չկայ հաւատ:
20. Դրա համար էլ այսպէս է ասում Տերը. Եթէ նորից դարձի գաս,քեզ կը պատսպարեմ, եւ իմ աչքի առաջ կ'ապրես. ու եթէ անարգի միջից դուրս հանես պատուականը,կը լինես



ինչպես իմ բերանը, ու եթե նրանք վերադառնան դեպի քեզ, եւ ոչ թէ դու նորից դառնաս դեպի նրանց,

21. Ես քեզ կը տամ այդ ժողովրդին իբրեւ պղնձե ամուր պարիսպ. նրանք պիտի կռուեն քեզ հետ, բայց չեն կարողանայ սասանել քեզ, քանզի ես քեզ հետ եմ՝ քեզ փրկելու եւ պահպանելու համար, - ասում է Տէրը, -

22. Ես քեզ կ'ազատեմ չար ձեռքերից, քեզ կը փրկեմ ժանտ ձեռքերից, - ասում է Տէր Աստուածն Իսրայելի:

1. Տերը խոսեց ինձ հետ ասելով՝
2. Քեզ համար կին մի՛ առնիր, եւ այդտեղ թող քեզ տղաներ ու աղջիկներ չծնունեն,
3. քանզի Տերն այսպէս է ասում այն որդիների ու դուստրերի մասին, որ պիտի ծնունեն այդտեղ, նաեւ նրանց մայրերի մասին, որ պիտի ծնեն նրանց, ինչպէս եւ նրանց հայրերի մասին, որ այդ երկրում պիտի ունենան նրանց:
4. Նրանք հիւանդութեամբ պիտի հիւժուեն ու մեռնեն. լաց ու կոծի չեն արժանանալու եւ ոչ էլ թաղման, այլ երկրի երեսին պիտի խայտառակուեն. սրով պիտի ընկնեն ու սովից սպառուեն, իսկ նրանց դիակները երկնքի թռչուններին եւ երկրի գազաններին կեր պիտի դառնան:
5. Այսպէս է ասում Տերը. Նրանց համար լաց մի՛ լինիր, նրանց համար ողբ ու կոծի մի՛ գնա եւ ոչ էլ նրանց վրայ սուգ պահիր, որովհետեւ իմ խաղաղութիւնը, ողորմութիւնն ու գթութիւնը յետ եմ վերցրել այդ ժողովրդից, - ասում է Տերը:
6. Թէ՛ մեծերը եւ թէ՛ փոքրերը պիտի մեռնեն այդ երկրում. նրանց համար չեն կոծելու, նրանց համար արիւնքի չեն լինելու եւ մազերը չեն փետելու. նրանք լացի չեն արժանանալու եւ ոչ էլ թաղման:
7. Նրանց սգոյ հացը մեռնողի վրայ մխիթարութեան համար կտրող չի լինելու, եւ ոչ էլ նրա հօր ու մօր յիշատակին մխիթարութեան բաժակ են խմելու:
8. Նրանց հետ կերուխումի նստելու համար խնջոյքի տուն մի՛ մտնիր.
9. քանզի այսպէս է ասում Զօրութիւնների Տերը՝ Իսրայէլի Աստուածը. Ահաւասիկ իմ աչքի առաջ եւ ձեր իսկ օրերում այդտեղից կը վերացնեմ ձայնը ցնծութեան եւ ձայնն ուրախութեան, ձայնը փեսայի եւ ձայնը հարսի:
10. Եւ երբ պատահի, որ այն ժողովրդին պատմես այս բոլոր պատգամների մասին, ու քեզ ասեն՝ Այդ բոլոր մեծ չարիքների համար Տերն ինչո՞ւ խօսեց մեր դէմ, ի՞նչ անիրաւութիւն կայ մեր մէջ կամ ի՞նչ մեղք, որ մեղանշած լինեինք մեր Տէր Աստծու առաջ, - ապա կ'ասես նրանց. Որովհետեւ ձեր հայրերը քեցին ինձ, - ասում է Տերը, - եւ գնացին օտար աստուածների յետեւից, ծառայեցին նրանց, երկրպագեցին նրանց, իսկ ինձ թողին եւ իմ օրէնքը չպահեցին:
11. Բայց դուք այնքան անզգամ եղաք՝ կատարեցիք աւելին, քան ձեր հայրերը. ահաւասիկ դուք իւրաքանչիւրդ ինձ չլսելու համար ընթանում էք ձեր չար սրտերի հաճոյքների յետեւից:
12. Այս երկրից ես ձեզ կը նետեմ մի երկիր, որը չգիտեք ո՛չ դուք եւ ո՛չ էլ ձեր հայրերը. այնտեղ օր ու գիշեր կը ծառայեք օտար աստուածներին, բայց ձեզ ողորմածութիւն չեն անի:
13. Ահա այս պատճառով էլ օրեր են գալու, - ասում է Տերը, - եւ այլեւս չեն ասի՝ Կենդանի է Տերը, որ իսրայէլացիներին հանեց Եգիպտացիների երկրից,
14. այլ կ'ասեն թէ՛ Կենդանի է Տերը, որ իսրայէլացիներին հանեց հիւսիսի երկրից եւ այն բոլոր երկրներից, ուր արտաքսուել էին, ու նրանց վերստին կը պատսպարի իրենց երկրում, որը տուել էր նրանց հայրերին:
15. Ահաւասիկ ես կ'ուղարկեմ բազում ձկնորսների, - ասում է Տերը, - եւ նրանք կ'որսան նրանց. այնուհետեւ կ'ուղարկեմ բազում որսորդների, եւ նրանք կ'որսան նրանց բոլոր լեռների վրայ, բոլոր բլուրների վրայ ու ժայռերի ծերպերից:
16. Իմ աչքը նրանց բոլոր ճանապարհներին է. նրանք իմ տեսողութիւնից չեն թաքնուել, ոչ էլ նրանց անիրաւութիւններն են ծածկուել իմ աչքերի առաջ:
17. Ես նախ նրանց կրկնակի կը հատուցեմ իրենց անիրաւութիւնների դիմաց, նաեւ նրանց մեղքերի դիմաց, որոնցով պղծեցին իմ երկիրը, իրենց գարշելի մեռելոտիներով եւ իրենց անօրէնութիւններով լցրին իմ ժառանգութիւնը:
18. Տէ՛ր, ո՛վ իմ զօրութիւն, իմ օգնութիւն եւ չար օրերի իմ ապաւեն. աշխարհի ծայրերից հեթանոսները քեզ մօտ են գալու եւ ասելու. Ինչպէ՛ս էին սուտ կուռքեր ստեղծում մեր հայրերը, իսկ նրանցից օգուտ չկար:

19. Մի՞թե մարդ ինքն իր համար աստուածներ կը շինի, բայց չէ՞ որ նրանք աստուածներ չեն:
20. Դրա համար էլ այժմ ես նրանց ցոյց կը տամ իմ ձեռքը, ճանաչել կը տամ նրանց նաեւ իմ զօրութիւնը, ու թող գիտենան, որ իմ անունը Տէր է:

1. Յուդայի երկրի մեղքերը գրուած են երկաթ գրչով, ադամանդ գրչածայրով, որոնք փորագրուած պիտի լինեն նրանց սրտերի տախտակներին եւ նրանց գոհասեղանների եղջիրներին, մինչեւ այն ժամանակ,
2. քանի դեռ նրանց որդիները կը յիշեն իրենց մեղքերը եւ իրենց պաշտամունքի անտառները՝ վարսաւոր ծառերի տակ, բարձր բլուրների եւ ամայի լեռների վրայ:
3. Զո գորութիւնը, քո բոլոր գանձերը եւ քո մեղսառիթ բարձունքները, քո բոլոր սահմանների մէջ, աւարի պիտի մատնեն:
4. Թող նկուսն լինես ու զրկուես քո ժառանգութիւնից, որ քեզ տուեցի: Զո թշնամիների ձեռքով քեզ պիտի արտաքսեմ մի երկիր, որը չգիտես դու, քանզի իմ բարկութեան մէջ կրակ է վառուել եւ այն յաւիտեան պիտի բորբոքուի:
5. Այսպէս է ասում Տէրը. Թող անիծեալ լինի այն մարդը, որ իր յոյսը կը դնի մարդու վրայ՝ ապաւինելով նրա մարմնին ու բազկին, իսկ նրա սիրտը կ'ապստամբի Տիրոջ դէմ:
6. Նա կը լինի ինչպէս վայրի մոշին անապատում եւ, երբ բարիքը գայ, չի նկատի. կը բնակուի անապատի աղուտներում, մի աղտաղտուկ երկրում, ուր երբեք չեն ապրի:
7. Բայց թող օրհնեալ լինի այն մարդը, որ յոյսը Տիրոջ վրայ կը դնի, որ Տէրը նրա յոյսը կը դառնայ:
8. Նա կը լինի ինչպէս հոսող ջրերի մօտ աճած ծառ եւ իր արմատները կը ձգի դէպի ջրերի հոսանքը. երբ տօթը հասնի՝ չի վախենայ. նրա սաղարթն անտառի պէս կը տարածուի իր շուրջը. երաշտ տարուց չի վախենայ եւ չի դադարի պտուղ տալուց:
9. Սիրտը խոր է, քան ամեն բան. մարդ արարած է, ո՞վ կարող է ճանաչել նրան:
10. Ես՝ Տէրս, քննում եմ սրտերը եւ փորձում երիկամները, որպէսզի իւրաքանչիւրին հատուցեմ ըստ իր ընթացքի եւ ըստ իր գործերի արդիւնքի:
11. Կաքաւը ծայն տուեց, հաւաքեց նրանց, որոնց ինքը չէր ծնել. այնպէս էլ նա, ով անարդար ճանապարհով հարստութիւն է դիզում, իր օրերի կեսին պիտի թողնի այն ու իր վախճանի ժամին պիտի զգայ իր անմտութիւնը:
12. Ո՞վ Տէր, ակնկալութիւն խորայելի, դու, որ ի սկզբանէ բարձրացած ես մեր սրբարանի փառքի աթոռը,
13. բոլոր նրանք, որ քեզ թողեցին, պիտի ամաչեն: Զեզնից հեռացածները պիտի կորչեն երկրի խորքում, որովհետեւ քեցին Տիրոջը՝ կենաց ջրի աղբիւրը:
14. Բժշկի՛ր ինձ, Տէ՛ր, եւ ես բուժուած կը լինեմ, փրկի՛ր ինձ, Տէ՛ր, եւ ես փրկուած կը լինեմ, քանզի դու ես իմ պարծանքը:
15. Ահաւասիկ նրանք ինձ ասում են. Ո՞ւր է Տիրոջ խօսքը, թող այստեղ հասնի:
16. Իսկ ես չձանձրացայ գալ քո յետեւից եւ չցանկացայ մարդու համար աղետալի օր: Դու ինքդ իսկ գիտես, որ ինչ իմ շուրթերից ելնում է, այդ լինում է քո ներկայութեամբ:
17. Ինձնից մի՛ օտարացիր, չար օրը խնայի՛ր դու ինձ:
18. Իմ հալածիչները թող ամօթահար լինեն, եւ ոչ թէ ես ամաչեմ, նրա՛նք թող զարհուրեն, եւ ոչ թէ ես զարհուրեմ. սեւ օ՛ր բեր նրանց գլխին, կրկնակի հարուածի ենթարկելով՝ կոտորի՛ր նրանց:
19. Այսպէս է ասում Տէրը. Գնա կանգնի՛ր քո ժողովրդի դռներին, որտեղով մտնում ու ելնում են Յուդայի երկրի թագաւորները, նաեւ՝ Երուսաղեմի բոլոր դռներին.
20. ու կ'ասես նրանց. Լսեցէ՛ք Տիրոջ պատգամները, Յուդայի երկրի թագաւորնե՛ր, համա՛յն Հրեաստան եւ դուք, Երուսաղեմի բոլո՛ր բնակիչներ, որ մտնում էք այդ դռներով:
21. Այսպէս է ասում Տէրը. Զգո՛յշ եղէք ձեր հոգիների համար. բեռներ մի՛ բարձեք շաբաթ օրը, Երուսաղեմի դռներով դուրս մի՛ ելնէք,
22. շաբաթ օրը ձեր տներից բեռներ մի՛ հանէք, ոչ մի գործ մի՛ արեք եւ շաբաթ օրը սո՛ւրբ պահեցէք, ինչպէս պատուիրեցի ձեր հայրերին:
23. Բայց նրանք չլսեցին, չխոնարհեցրին իրենց ականջները եւ աւելի խստապարանոց դարձան, քան իրենց հայրերը, որպէսզի չլսեն ինձ եւ խրատ չընդունեն:

24. Եւ եթէ լինի այնպէս, - ասում է Տէրը, - որ լաւ լսէք ինձ՝ շաբաթ օրը բեռ չբերէք այդ քաղաքի դռներով, շաբաթ օրը սուրբ պահէք, այդ օրը ոչ մի գործ չանէք,
25. ապա այդ քաղաքի դռներով ներս պիտի մտնեն թագաւորներ ու իշխաններ, որպէսզի նստեն Դաւթի աթոռին. նրանք պիտի բարձրանան իրենց կառքերն ու հեծնեն իրենց երիվարները, նրանք ու նրանց իշխանները, Յուդայի երկրի մարդիկ եւ Երուսաղէմի բնակիչները. եւ այդ քաղաքը յաւիտեան բնակուած պիտի լինի:
26. Ու ամէն կողմից Յուդայի երկրի քաղաքներից պիտի գան Երուսաղէմ, պիտի գան նաեւ Բենիամինի երկրից, դաշտերից, լեռնավայրերից եւ հարաւի կողմերից՝ բերելով ողջակէզներ, խունկ, ընծայ ու կնդրուկ եւ օրհնութիւն պիտի մատուցեն Տիրոջ Տան մէջ:
27. Իսկ եթէ ինձ չլսէք՝ շաբաթ օրը սուրբ չպահէք, շաբաթ օրը բեռներ բարձէք եւ մտնէք Երուսաղէմի դռներով, ապա կրակ կը վառեմ նրա դռներին, որն ամէն կողմից կը լափի Երուսաղէմն ու չի հանգչի:

1. Երեմիային ուղղելով իր խօսքը՝ Տէրն ասաց.
2. Գնա իջի՛ր բրուտի տունը եւ այնտեղ կը լսես իմ խօսքերը:
3. Ես իջայ բրուտի տունը, եւ ահա նա գործ էր անում քարերի վրայ:
4. Ու մի աման, որը նա պատրաստում էր կաւից, ընկաւ նրա ձեռքից, բայց նա դարձեալ այն վերածեց մի ուրիշ ամանի, ինչպէս որ իր աչքին հաճելի թուաց անել:
5. Եւ Տէրը, խօսքն ինձ ուղղելով, ասաց.
6. Միթէ այդ բրուտի պէս չե՞մ կարող անել քեզ, ո՛վ Իսրայելի տուն: Ահաւասիկ, - ասում է Տէրը, - ինչպէս այդ կան է բրուտի ձեռքին, այդպէս էլ դու ես իմ ձեռքին, ո՛վ դու Իսրայելի տուն:
7. Եթէ վճիռ կարդամ մի ազգի կամ թագաւորութեան վախճանի մասին՝ նրանց վերացնելու, քանդելու եւ կործանելու համար,
8. Եւ եթէ այն ազգը դարձի գայ իր չարութիւններից, որոնց մասին խօսեցի, - ես եւս կը զոջամ այն չարիքների համար, որ մտածեցի անել նրանց նկատմամբ:
9. Իսկ եթէ վճիռ կարդամ մի ազգի կամ թագաւորութեան մասին՝ նրան շենացնելու եւ կանգուն պահելու համար,
10. Բայց նրանք չարութիւն անեն իմ առաջ՝ ականջ չդնելով իմ ձայնին, - ես եւս կը զոջամ այն բարիքների համար, որ ասացի, թէ կ'անեմ նրանց:
11. Արդ, խօսի՛ր Յուդայի երկրի տղամարդկանց եւ Երուսաղեմի բնակիչների հետ. կ'ասես նրանց. Այսպէս է ասում Տէրը. ահաւասիկ ձեր դէմ ես չարիքներ կը նիւթեմ, ձեր մասին չար խորհուրդներ կը խորհեմ. ամէն ոք թող դառնայ իր չար ընթացքից. ուղղեցէ՛ք ձեր ընթացքն ու ձեր ճանապարհները:
12. Բայց նրանք ասում են. Մենք պիտի քաջ լինենք, պիտի հետեւենք մեր ապստամբութիւններին, եւ իւրաքանչիւր ոք իր չար սրտի հաճոյքները պիտի կատարի:
13. Դրա համար էլ Տէրն այսպէս է ասում. Այժմ հարցո՛ւմ արեք ազգերի մէջ՝ ո՞վ է լսել այնպիսի զարհուրելի բան, որ իրօք կատարեց Իսրայելի կոյսը:
14. Միթէ կը ցամաքի՞ ջուրը ժայռի ստինքներից, կամ ձիւնը՝ Լիբանանից, կամ թէ հողմի սաստկութիւնից ջրերը բռնութեամբ յետ կը շրջուէ՞ն:
15. Մոռացաւ ինձ ժողովուրդն իմ. զուր տեղը խունկ ծխեցին: Իրենց վաղեմի ճանապարհներից դուրս գալով՝ նրանք պիտի տկարանան՝ մտնելով այն շաւիղները, որոնցից ելք չկայ.
16. Իրենց երկիրը պիտի ենթարկուի յաւիտենական ապականութեան ու սուլոցի: Ամէնքն էլ, որ անցնելու են նրա միջով, պիտի զարմանան եւ շարժեն իրենց գլուխները:
17. Ինչպէս տապախառն հողմ՝ ես նրանց ցրիւ եմ տալու իրենց թշնամիների առաջ, ծոծրա՛կս եւ ոչ թէ երեսս պիտի ցոյց տամ նրանց իրենց կորստեան օրը:
18. Իսկ նրանք ասացին. Եկեք մի բան մտածենք Երեմիայի դէմ, քանզի օրէնքը չի կորչի քահանայից, խորհուրդը՝ իմաստուններից եւ խօսքը՝ մարգարէից: Եկե՛ք նրան լեզուով ջախջախենք եւ նրա բոլոր խօսքերին ականջ չդնենք:
19. Լսի՛ր ինձ, Տէ՛ր, անսա՛ իմ արդար ձայնին.
20. արդեօք կարելի՞ է բարու փոխարէն չար հատուցել. նրանք միասին իմ անձի դէմ չար բաներ խորհեցին՝ ծածուկ պահելով իրենց մտատանջութիւնները: Յիշի՛ր, թէ ինչպէս ես քո առաջ կանգնեցի, նրանց համար բարեխօսութիւն արեցի՝ քո բարկութիւնը նրանցից դարձնելու համար:
21. Դրա համար էլ նրանց որդիներին սովի՛ մատնիր, հաւաքի՛ր ու սրի ձե՛ռքը տուր նրանց. թող նրանց կանայք որդեգուրկ այրիներ դառնան, նրանց տղամարդիկ մահուամբ կոտորուեն, իսկ նրանց երիտասարդները սրով ընկնեն պատերազմի մէջ:
22. Նրանց տներում թող գոյժ լսուի, երբ նրանց վրայ յանկարծակի աւազակներ բերես, որովհետեւ նրանք մտադրուեցին բռնել ինձ եւ իմ դէմ գաղտնի որոգայթներ լարեցին:
23. Ո՛վ Տէր, դու, որ իմացար ինձ մահ բերելու մասին նրանց բոլոր դիտաւորութիւնները, քաւութիւն չտա՛ս նրանց անիրաւութիւններին, քո աչքի առաջ նրանց մեղքերը չընջե՛ս,

թող նրանք հիւանդութեամբ տառապեն քո առաջ, նրանց հետ վարուի՛ր ինչպէս քո բարկութեան ժամին:

1. Այն ժամանակ Տէրն ինձ ասաց. Գնա քեզ համար ձեռք բեր կաւից շինուած մի կուժ, ժողովրդի աւագներից եւ քահանաների աւագներից մարդի՛կ վերցրու քեզ հետ,
2. բարձրացի՛ր նրանց որդիների գերեզմանոցը, որը գտնուում է Քարսիդի դռների մուտքի առաջ, եւ յայտնի՛ր այնտեղ այն բոլոր բաները, որ պիտի խօսեմ քեզ հետ:
3. Կ'ասես նրանց. Ո՛վ Յուդայի երկրի թագաւորներ, Հրեաստանի մարդիկ եւ Իսրայէլի բնակիչներ, լսեցէ՛ք Տիրոջ պատգամը: Այսպէս է ասում Չորութիւնների Տէրը՝ Իսրայէլի Աստուածը. ահաւասիկ այդ վայրի վրայ ես այնպիսի չարիքներ եմ բերելու, որ ով որ լսի՝ ականջները դժժան,
4. որովհետեւ նրանք լքեցին ինձ, այս վայրն ինձ համար օտար դարձրին, այստեղ խունկ ծխեցին օտար աստուածներին, որոնց իրենք եւ իրենց հայրերը չէին ճանաչում: Յուդայի երկրի թագաւորներն այս վայրը լցրին անմեղների արեամբ:
5. Բահաղին բագիններ կանգնեցրին, որպէսզի իրենց որդիներին, որպէս Բահաղի ողջակէզների, հրով այրեն, մի բան, որ ես չեմ պատուիրել եւ չեմ ասել, ոչ էլ անցել է իմ մտքով:
6. Դրա համար էլ, ահա, օրեր են գալու, - ասում է Տէրը, - երբ այդ վայրի անունն այլեւս չի կոչուելու Գլորման վայր կամ Ենոմացիների գերեզման, այլ՝ Կոտորածի ձոր:
7. Այդտե՛ղ պիտի խափանեմ Յուդայի երկրի խորհուրդը եւ խորհուրդը Երուսաղէմի. սրով, ինչպէս եւ նրանց հոգիները փնտռողների ձեռքով նրանց դիտապաստ պիտի գցեմ իրենց թշնամիների առաջ: Նրանց դիակներն իբրեւ կերակուր պիտի տամ երկնքի թռչուններին ու երկրի գազաններին:
8. Այդ քաղաքն էլ պիտի մատնեմ ապականութեան ու ենթարկեմ սուլոցի. ամէն ոք, ով անցնի նրա միջով, պիտի տրտմի եւ սուլի նրա կրած բոլոր հարուածների համար:
9. Նեղութեան ու պաշարման մէջ՝ նրանք ուտելու են իրենց որդիների մարմինները եւ մարմինները դուստրերի, իւրաքանչիւրը՝ իր ընկերոջ մարմինը: Նրանց պաշարելու են իրենց թշնամիները, որոնք ցանկանում էին տիրել նրանց հոգիներին:
10. Կը փշրես կուժն այն մարդկանց առաջ, որ բարձրանալու են քեզ հետ,
11. ու կ'ասես նրանց. այսպէս է ասում ինձ Չորութիւնների Տէրը. "Նոյն կերպ էլ պիտի խորտակեմ այդ ժողովրդին ու այդ քաղաքը, ինչպէս որ փշրւում է խեցեղէն ամանը, որն այլեւս չի կարող վերականգնուել: Եւ թող նրանք թաղուեն Տափեթում՝ թաղելու տեղ չիւնելու պատճառով:
12. Այդպէս պիտի վարուեմ այդ վայրի հետ, - ասում է Տէրը, - նաեւ բնակչութեան հետ, որ դրա մէջ է՝ այդ քաղաքը մատնելով կործանման:
13. Ու թող Երուսաղէմի տներն ու Յուդայի երկրի թագաւորների տները դառնան սպանութեան վայր այն պղծութիւնների պատճառով, որ կատարեցին բոլոր տներում, որտեղ, նրանց տանիքների վրայ, խունկ էին ծխում երկնքի բոլոր զօրութիւններին եւ նուէրներ ընծայաբերում օտար աստուածներին:
14. Երեմիան եկաւ Տափեթից, այն է՝ Գլորման վայրից, ուր ուղարկել էր նրան Տէրը՝ մարգարեանալու այնտեղ: Նա կանգնեց Տիրոջ Տան սրահում եւ ասաց ամբողջ ժողովրդին.
15. Այսպէս է ասում Չորութիւնների Տէրը՝ Իսրայէլի Աստուածը. Ահաւասիկ այս քաղաքի վրայ բերելու եմ ամենայն չարիք, ինչպէս ասացի նրա մասին, նաեւ սրա միւս բոլոր քաղաքների ու աւանների վրայ, քանզի նրանք խստապարանոց դարձան, որպէսզի չլսեն իմ խօսքերը:



1. Եմմերի որդին՝ Պասքոր քահանան, որ Տիրոջ Տան հրամանատարն էր եւ իշխանը, լսեց այդ խօսքերը Երեմիայից, երբ սա մարգարեանում էր:
2. Պասքորը հարուածեց Երեմիա մարգարէին եւ արգելափակեց նրան բանտում, Բեկիամիսի դարպասի մօտ, Տիրոջ Տան վերնայարկում:
3. Իսկ երբ յաջորդ օրը Պասքորը Երեմիային հանեց բանտից, Երեմիան նրան ասաց. Տերը քո անունը կոչեց ոչ թէ Պասքոր, այլ՝ Թափառական գերի:
4. Արդարեւ, այսպէս է ասում Տերը. Ահաւասիկ քեզ քո բոլոր բարեկամներով հանդերձ պիտի մատնեմ գերութեան. նրանք պիտի ընկնեն իրենց թշնամիների սրով, եւ քո աչքերը պիտի տեսնեն դա: Քեզ եւ Յուդայի այդ ամբողջ տունը պիտի տամ բաբելացիների թագաւորի ձեռքը. թող գերի՝ տանեն նրանց Բաբելոն, թող կոտորեն նրանց սրով:
5. Այս քաղաքի ամբողջ հարստութիւնը, նրա բոլոր վաստակները, նրա ողջ թանկարժէք անօթներն ու Յուդայի երկրի թագաւորի բոլոր գանձերը պիտի տամ իրենց թշնամիների ձեռքը, նրանք պիտի յափշտակեն, առնեն դրանք ու տանեն Բաբելոն:
6. Իսկ դու, Պասքոր՝, դու եւ քո տան բոլոր բնակիչները պիտի գերի գնաք Բաբելոն, պիտի գնաք եւ այնտեղ մեռնէք ու այնտեղ էլ թաղուէք, դու եւ քո բոլոր բարեկամները, որոնց համար դու սուտ մարգարեութիւն արեցիր:
7. Տէ՛ր, խաբեցիր ինձ, ու ես խաբուեցի. յաղթեցիր ու զօրացար: Ծաղր ու ծանակի առարկայ դարձայ, օրս մթնեցրի ծաղրի մէջ,
8. որովհետեւ իմ դառն խօսքերով այլ ու արհամարհանք վաստակեցի: Իմ թշուառութեան պատճառով ես բողոք եմ բարձրացնելու, քանզի Տիրոջ խօսքն ինձ բերեց նախատիւն եւ հանապազօրեայ ծաղրութեան:
9. Ես ասացի. Չեմ տայ Տիրոջ անունը, այլեւս չեմ խօսի նրա անունից: Սակայն իմ սրտում կարծես կրակ վառուեց, բորբոքուեց ոսկորներիս մէջ, ու ես ամէն կողմից լքուած մնացի, չկարողացայ հանդարտուել:
10. Լսեցի շատերի պարսաւանքը, որոնք հաւաքուել խռնուել էին իմ շուրջը, թէ՛ Ո՛վ դուք բոլորդ, որ դրա բարեկամներն էք, եկեք յարձակուենք դրա վրայ, մի հնարք հնարենք դրա դէմ, գուցէ խաբուի, եւ մենք յաղթենք ու մեր վրէժը լուծենք դրանից:
11. Բայց Տերն ինձ հետ էր որպէս պատերազմող եւ ուժ էր տալիս: Դրա համար էլ նրանք հալածեցին ինձ, բայց ոչ մի հնարք չկարողացան գտնել, խիստ ամօթով մնացին, որովհետեւ անմիտ վարուեցին: Նրանց անարգանքը թող յաւիտեանս չմոռացուի:
12. Ո՛վ Զօրութիւնների Տեր, որ արդար ես կշռում, քննում ես սրտերն ու երիկամները, այնպէս արա, որ տեսնեմ քո վրէժխնդրութիւնը նրանցից. չէ՞ որ իմ աղերսանքը ես քեզ յայտնեցի:
13. Օրհնեցէ՛ք Տիրոջը, գովեցէ՛ք նրան, քանզի նա տնանկի հոգին փրկեց չարագործների ձեռքից:
14. Անիծեալ լինի այն օրը, երբ ես ծնուեցի. թող ուխտի օր չլինի այն օրը, երբ իմ մայրը ծնեց ինձ:
15. Անիծեալ լինի այն մարդը, որն աւետիս տուեց իմ հօրը եւ ասաց, թէ՛ Քեզ արու մանուկ ծնուեց, եւ ցնծութեամբ ուրախացրեց նրան:
16. Թող այդ մարդը դառնայ այն քաղաքների պէս, որոնք Տերը բարկութեամբ կործանեց եւ չզոյճաց. թող նա առաւօտները բօթ լսի, իսկ միջօրէի ժամին՝ աղաղակ,
17. որովհետեւ Տերը հէնց արգանդի մէջ չսպանեց ինձ, որպէսզի մայրն իմ ինձ համար դառնար գերեզման ու արգանդ յաւիտենական յղութեան:
18. Ինչո՞ւ այսպէս պատահեց, որ ես դուրս ելայ արգանդից՝ տեսնելու վշտեր ու տառապանքներ, եւ իմ օրերն ամօթալի վախճան ունեցան:

1. Սա է Տիրոջ խօսքը, ուղղուած Երեմիային, երբ Սեդեկիան վերջինիս մօտ ուղարկեց Մեքիայի որդի Պասքորին եւ Մասիայի որդի Սոփոնիա քահանային՝ յայտնելով.
2. Մեր մասին հարցրո՛ւ Տիրոջը, որովհետեւ բաբելացիների Նաբուքոդոնոսոր արքան յարձակուեց մեզ վրայ. գուցէ Տէրն ըստ իր բոլոր հրաշքների՝ մի բան անի մեզ համար եւ վանի նրան մեզնից:
3. Իսկ Երեմիան նրանց ասաց. Այսպէ՛ս ասացէք Սեդեկիային.
4. Այսպէս է ասում Տէր Աստուածն Իսրայելի. ահաւասիկ ես շուռ եմ տալու ձեր պատերազմական զէնքերը, որ բռնել էք ձեռքներիդ եւ նրանցով կռուում էք բաբելացիների արքայի ու քաղդէացիների դէմ, որոնք պարսպի դրսից պաշարել են ձեզ: Այդ զէնքերը հաւաքելու եմ քաղաքի մէջ:
5. Ես էլ պիտի պատերազմեմ ձեր դէմ՝ ձեռքս երկարած, բազուկս բարձրացրած, սրտմտութեամբ, բարկութեամբ ու մեծ ցասմամբ:
6. Այդ քաղաքի բնակիչներին, մարդ թէ անասուն, պիտի կոտորեմ սոսկալի մահով, ու նրանք պիտի մեռնեն:
7. Իսկ դրանից յետոյ, - ասում է Տէրը, - Յուդայի երկրի արքայ Սեդեկիային, իր ծառաներին ու ժողովրդին, որ այդ քաղաքի մէջ փրկուած կը լինեն մահից, սրից ու սովից, պիտի մատնեմ բաբելացիների Նաբուքոդոնոսոր արքայի ձեռքը, իրենց թշնամիների ձեռքը, այն մարդկանց ձեռքը, ովքեր հետամուտ էին սպանելու նրանց. նրանք սրի սայրով պիտի կոտորեն դրանց: Ես չեմ խնայելու դրանց, չեմ ողորմելու դրանց եւ չեմ գթալու դրանց:
8. Ու ժողովրդին կը յայտնես. Այսպէս է ասում Տէրը. ' Ահաւասիկ ես ձեր դիմաց դրել եմ կեանքի ճանապարհը եւ մահուան ճանապարհը:
9. Ով որ նստի այդ քաղաքում, սրով, սովով ու մահով պիտի մեռնի, իսկ նա, ով ելնի ու կանգնի քաղդէացիների առաջ, որոնք պաշարել են ձեզ, պիտի ապրի. նրա հոգին իրեն պարգեւ պիտի լինի, եւ նա ողջ պիտի մնայ:
10. Երեսս դէպի այդ քաղաքը դարձրի չարութի՛նն անելու համար եւ ոչ թէ բարութիւն, - ասում է Տէրը. - այդ քաղաքը պիտի մատնուի բաբելացիների թագաւորի ձեռքը, որը հրով պիտի այրի դա:
11. Ո՛վ Յուդայի երկրի թագաւորի տուն եւ Դաւթի տուն, լսեցէ՛ք Տիրոջ պատգամը:
12. Այսպէս է ասում Տէրը. Առաւօտից սկսած արդա՛ր դատաստան արեք, իրաւապա՛հ եղեք, զրկուածին փրկեցէ՛ք նրան զրկողի ձեռքից, որպէսզի իմ բարկութիւնը չբորբոքուի որպէս կրակ. թէ չէ այն կը վառուի, եւ ձեր անիրաւ ընթացքի պատճառով ոչ ոք չի լինի, որ հանգցնի:
13. Ահա ես կանգնած եմ քո դէմ, ո՛վ դու, որ բնակւում ես Տիւրոսի ծործորներում ու դաշտերում, - ասում է Տէրը. - դուք էիք, որ ասում էիք. Ո՞վ կը զարհուրեցնի մեզ, կամ ո՞վ կը մտնի մեր բնակատեղին:
14. Ըստ ձեր չար ընթացքի՝ ես կը պատժեմ ձեզ, - ասում է Տէրը, - կրակ կը վառեմ ձեր անտառներում, եւ նա ամէն ինչ կը լափի իր շուրջը:

1. Այսպես է ասում Տէրը. «Ո՞րքա իշխի՜ր Յուդայի երկրի թագաւորի տունը եւ այս խօսքը յայտնի՜ր այնտեղ՝ ասելով.
2. Լսի՜ր Տիրոջ պատգամները, ո՛վ թագաւորդ Յուդայի երկրի, որ բազմում ես Դաւթի աթոռին, դո՛ւ, նաեւ քո ծառաներն ու քո ժողովուրդը, որոնք ներս ես մտնում այս դռներով:
3. Այսպես է ասում Տէրը. Իրաւունք ու արդարութի՛ւն արեք, կողոպտուածին փրկեցէ՛ք իրեն զրկողի ձեռքից, պանդխտին, որբին ու այրուն մի՛ բռնադատեք եւ ամբարիշտ մի՛ լինեք, այդտեղ անմեղ արին մի՛ թափեք:
4. Եթէ այս բանը կատարեք, ապա այդ տան դռներով ներս կը մտնեն թագաւորներ, որոնք կը բազմեն Դաւթի աթոռին եւ կը նստեն կառքեր ու կը հեծնեն երիվարներ, թէ՛ իրենք եւ թէ՛ իրենց ծառաներն ու իրենց ժողովուրդը:
5. Իսկ եթէ չկատարեք այս բաները, ապա ինքս ինձ երդում եմ, - ասում է Տէրը, - որ աւերակ պիտի դառնայ այդ տունը:
6. Ահա այսպես է ասում Տէրը Յուդայի երկրի թագաւորի քո տան մասին. Գաղաա՛դ, դու ես ինձ համար Լիբանանի բարձունքը, բայց քեզ աւերակի ու անբնակ քաղաքների պիտի վերածեմ:
7. Քո դէմ կը հանեմ աւերողներ՝ իւրաքանչիւրին իր տապարով, որոնք կը կոտորեն քո ընտիր-ընտիր մայրիկները եւ կը նետեն կրակի մէջ:
8. Բազում ազգեր կ'անցնեն այդ քաղաքի միջով, եւ իւրաքանչիւրն իր ընկերոջը կ'ասի. Այդ մեծ քաղաքի հետ Տէրն ինչո՞ւ այդպես վարուեց:
9. Ու կը պատասխանեն. Որովհետեւ թողեցին իրենց Աստծու ուխտը, երկրպագեցին օտար աստուածներին ու ծառայեցին նրանց:
10. Լաց մի՛ լինեք մեռածի վրայ, մի՛ ողբացեք նրան, այլ լացելով լացեք նրա՛ վրայ, ով կը հեռանայ եւ այլեւս չի դառնայ ու չի տեսնի իր ժողովրդի երկիրը:
11. Այսպես է ասում Տէրը Յոսիայի որդի Յովակիմի մասին, որը թագաւորեց՝ յաջորդելով իր հայր Յոսիային եւ որը այդտեղից դուրս էր եկել. Նա այլեւս չի վերադառնայ,
12. կը մեռնի այնտեղ, որտեղ գերեցին նրան, այլեւս այս երկիրը չի տեսնի:
13. Վա՛յ նրան, ով կը կառուցի իր տունը, բայց ոչ արդարութեամբ, եւ իր վերնայարկերը, բայց անիրաւ կերպով: Նրա մերձաւորը նրա համար ձրի գործ կ'անի, բայց նրա վարձը նա չի հատուցի նրան:
14. Քեզ համար յարմարաւետ տուն չիկեցիր՝ կառուցելով լուսամուտներով հովասուն վերնատուն, պատելով մայրի փայտի տախտակներով եւ ծեփելով ձիւթով:
15. Եթէ դու մայրի փայտից կերտուած քո հօր այս տան մէջ զայրացար, ի՞նչ է, կարծում ես թագաւորելո՞ւ ես: Թող ո՛չ ուտեն եւ ո՛չ խմեն, որովհետեւ իրաւունքը, արդարութիւնն ու բարութիւնը չճանաչեցին,
16. տնանկի իրաւունքը չպահեցին եւ աղքատին չարդարացրին: Իսկ դա հենց ինձ չճանաչել չի՞ նշանակում, - ասում է Տէրը:
17. Ահաւասիկ քո աչքերը եւ քո սիրտը հակուած են ոչ թէ դէպի բարութիւն, այլ՝ դէպի ազահուութիւն, դէպի անպարտ արիւնահեղութիւն, դէպի անիրաւութիւն ու սպանութիւն:
18. Դրա համար էլ Տէրը Յուդայի երկրի թագաւոր Յոսիայի որդի Յովակիմի մասին այսպես է ասում. Թող այդ մարդու վրայ չողբան եւ չասեն՝ վա՛յ, վա՛յ եղբայր, թող չկոծեն ու չասեն՝ վա՛յ, վա՛յ տեր, վա՛յ, վա՛յ սիրելի:
19. Թող նա էշի թաղումով թաղուի, թող նեխուի ու գցուի Երուսաղէմի դարպասից այն կողմ:
20. Ե՛լ դէպի Լիբանան ու գուժի՜ր, ձայնդ արձակի՜ր դէպի Բասան, աղաղա՛կ բարձրացրու ծովի այն կողմը, որովհետեւ քո բոլոր հոմանիւները միասին խորտակուեցին:
21. Խօսեցի քեզ հետ, երբ դու սխալուեցիր եւ ասացիր, թէ՛ քեզ չեմ լսի: Քո մանկութիւնից սկսած դա է եղել քո ճանապարհը, քանզի ականջ չդրեցիր իմ ձայնին:

22. Զո բոլոր հովիւներին քամիները պիտի քշեն, ու քո բոլոր հոմանիւները գերութեան պիտի գնան, որպէսզի այն ժամանակ ամաչես եւ անարգուես քո բոլոր սիրելիներից:
23. Ո՛վ դու, որ Լիբանանում ես բնակւում եւ ամրացել ես մայրիների մէջ, պիտի հեծեճես, երբ քեզ հասնեն ցաւերն ու երկունքը, ինչպէս ծննդկան կնոջը:
24. Կենդանի եմ ես, - ասում է Տէրը: - Եթէ դու, Յուդայի երկրի արքայ Յովակիմի որդի Յեքոնիա՛, իմ աջ ձեռքին կնիք էլ դառնալու լինես, այդտեղից էլ կը կորգեմ քեզ,
25. կը մատնեմ քեզ քո անձը փնտռողների ձեռքը, նրա՛նց ձեռքը, որոնց երեսից զարհուրում էիր, բաբելացիների արքայ Նաբուքոդոնոսորի ձեռքը եւ քաղդէացիների ձեռքը.
26. քեզ ու քո մօրը կը նետեմ օտար երկիր, ուր դու չես եղել, եւ դուք կը մեռնէք այնտեղ:
27. Նրանք չեն վերադառնայ այն երկիրը, ուր իրենք հոգով ուխտած կը լինեն վերադառնալ,
28. քանզի ինքն ու իր զաւակը ընկան օտար երկիր, արհամարհուած բերանը տարագիր դարձաւ, շարտուելով անարգուեց Յեքոնիա ասուած մարդը ինչպէս անպէտք աման, շարտուեց մի երկիր, որը չէր ճանաչում:
29. Երկի՛ր, երկի՛ր, ո՛վ երկիր, լսի՛ր Տիրոջ պատգամները:
30. Այսպէս է ասում Տէրը. Այդ մարդուն համարի՛ր տարագիր այր, թող նա իր տարիներին սերունդ չտայ, թող նրա զաւակից տղամարդ չաճի, որ նստի Դաւթի աթոռին՝ իբրեւ Յուդայի երկրի տան իշխան:

1. Վա՛յ հովիւներին, որ կորցրին ու ցրեցին քո արօտի ոչխարներին, - ասում է Տէրը:
2. Ահա թէ ինչու Իսրայէլի Տէր Աստուածն այսպէս է ասում այդ հովիւների մասին, որ հովուում են իմ ժողովրդին. Դուք ցրեցիք իմ ոչխարներին, հեռացրիք նրանց, չխնամեցիք նրանց: Այժմ ահա ես վրէժ եմ լուծելու ձեզնից՝ ըստ ձեր չար ընթացքի, - ասում է Տէրը:
3. Ես կ'ընդունեմ իմ ժողովրդի բոլոր մնացորդներին ամեն մի երկրից, ուր նրանց վտարել եմ, եւ նրանց կը հաստատեմ իրենց արօտներում:
4. Թող աճեն ու բազմանան: Հովիւներ կը կարգեմ, որ հովուեն նրանց, եւ նրանք այլեւս չեն վախենայ, չեն զարհուրի, արհամարհուած չեն լինի, - ասում է Տէրը:
5. Ահա օրեր են գալու, - ասում է Տէրը, -ու ես Դաւթի համար ծնունդ եմ տալու մի արդար շառաւիղի, որ թագաւորելու է որպէս արքայ. նա խելամիտ է լինելու, իրաւունք ու արդարութիւն է պաշտպանելու երկրի վրայ:
6. Նրա ժամանակ փրկուելու է Յուդայի երկիրը, Իսրայէլը յոյսով է ապրելու: Եւ նրա անունը, որով կոչելու է նրան Տէրը, այս է՝ Յոսեփեկ, այսինքն՝ մարգարէների մէջ մեր արդարութիւնը:
7. Ահա թէ ինչու օրեր են գալու, - ասում է Տէրը, - երբ այլեւս չեն ասի, թէ՛ Կենդանի է Տէրը, որն Իսրայէլի ժողովրդին դուրս հանեց Եգիպտացիների երկրից,
8. այլ թէ՛ Կենդանի է Տէրը, որն Իսրայէլի բոլոր զաւակներին դուրս հանեց հիւսիսի երկրից եւ այն բոլոր երկրներից, ուր նրանց վտարել էր, եւ վերստին պատսպարեց նրանց իրենց երկրում:
9. Մարգարէների համար սիրտս մէջս կտոր-կտոր եղաւ, ցնցուեցին բոլոր ոսկորներս. ես դարձել եմ մի խեղուած մարդ, մի մարդ, որ գլուխը կորցրել է գինուց՝ Աստծու եւ նրա մեծավայելուչ փառքի պատճառով,
10. քանզի երկիրը լցուել է շնացողներով, նզովքից երկիրը սուգ է բռնել, անապատի արօտավայրերը չորացել են. չար է նրանց ընթացքը, նրանց ուժն էլ այն չէ, ինչ պետք է լինի:
11. Արդարեւ, մարգարէ ու քահանայ պիղծ են դարձել. իմ Տան մէջ անգամ ես տեսայ նրանց չարութիւնները, - ասում է Տէրը: -
12. Ահա թէ ինչու նրանց ճանապարհը իրենց համար սայթաքուն պիտի դառնայ. խաւարի մէջ պիտի գայթեն ու կործանուեն, որովհետեւ այն տարին, երբ պատժելու լինեմ, չարիք պիտի բերեմ նրանց վրայ, - ասում է Տէրը:
13. Նաեւ Շամրիսի մարգարէների մէջ տեսայ անօրէնութիւն, քանզի Բահաղի անունից մարգարէացան եւ մոլորեցրին իմ ժողովրդին՝ Իսրայէլի երկիրը:
14. Երուսաղէմի մարգարէների մէջ աւելի զարհուրելի բաներ տեսայ, քանզի նրանք շնանում ու գնում էին սուտ աստուածների յետեւից եւ զօրավիգ դառնում չար ձեռքերին, որպէսզի ոչ մէկը յետ չդառնայ իր չար ճանապարհից: Ամենքն ինձ համար Սողոմ եղան, իսկ նրա բնակիչները՝ Գոմոր:
15. Դրա համար էլ Չօրութիւնների Տէրն այսպէս է ասում մարգարէների մասին. Ահաւասիկ ես դրանց ցաւեր եմ տալու իբրեւ կերակուր, դրանց խմեցնելու եմ լեղի ջուր, որովհետեւ պղծութիւնն արար աշխարհում տարածուեց Երուսաղէմի մարգարէներից:
16. Այսպէս է ասում Չօրութիւնների Տէրը. Մի՛ լսեք այն մարգարէների խօսքերը, որ ձեզ համար մարգարէութիւն են անում. դրանք փուչ բաներ են ասում ձեզ, իրենց սրտի ցնորքներից են խօսում եւ ոչ թէ Տիրոջ բերանից:
17. Տիրոջ խօսքի դէմ ըմբոստացածներին նրանք ասում են՝ Խաղաղութի՛ւն լինի ձեզ. բոլոր նրանց, ովքեր ընթանում են ըստ իրենց կամակորուրեան, կամ իւրաքանչիւրին, ով ընթանում է ըստ իր սրտի մոլորութեան, ասում են՝ Քո գլխին չարիք չի գալու:
18. Իսկ ո՞վ հաւատարիմ մնաց Տիրոջ խորհրդին եւ անսաց ու հետեւեց նրա խօսքին: Ո՞վ լսեց ու ականջ դրեց իմ խօսքին:
19. Ահա մի դրոյդոց, որ գալիս է Տիրոջից, նրա բարկութիւնը մորկաշարժ պիտի բարձրանայ ամբարիշտների վրայ,

20. պիտի գայ Տիրոջ ցասումը եւ չնահանջի, մինչեւ որ նա ի կատար ածի եւ հաստատի իր սրտի փափագը. եւ դա պիտի իմանան ու գիտակցեն վերջին ժամանակներում:
21. Ե՛ւ չուղարկեցի այդ մարգարէներին, սակայն նրանք գնում էին, չխօսեցի նրանց հետ, սակայն նրանք մարգարէութիւն էին անում:
22. Եթէ իմ խորհրդին հաւատարիմ մնային, ապա իմ խօսքերը լսելի կը դարձնէին իմ ժողովրդին, յետ կը պահէին նրան իր ճանապարհներից, իր չար վարքից:
23. Ես մերձաւոր Աստուած եմ եւ ոչ թէ հեռաւոր Աստուած, - ասում է Տէրը:
24. Եթէ մարդը թաքնուի թաքստոցում,
25. մի՞թէ ես նրան չեմ տեսնի, - ասում է Տէրը: Միթէ երկինքն ու երկիրը ես չե՞մ լցնում, - ասում է Տէրը:
26. Ես լսեցի, թէ ինչ են խօսում մարգարէները, որոնք սուտ մարգարէութիւններ էին անում իմ անունով եւ ասում՝ Ես մի երագ, մի տեսիլ տեսայ:
27. Մինչեւ ե՞րբ պետք է ստութիւնը տեղ գտնի այդ մարգարէների սրտում, որոնք մարգարէանում են. նրանք իրենց սրտի ցանկութիւնն են մարգարէանում,
28. մտածում են իրենց երագների միջոցով, որ նրանցից ամէն մէկը պատմում է իր ընկերոջը, մոռացութեան տալ իմ ժողովրդին իմ օրէնքները, ինչպէս նրանց հայրերը Բահադի միջոցով մոռացութեան տուին իմ անունը:
29. Այն մարգարէն, որը երագ ունի, թող պատմի իր երագը, իսկ ով որ իմ խօսքն ունի, թող յայտնի իմ խօսքը ճշմարտութեամբ: Յորեւի մօտ ի՞նչ է յարդը, - ասում է Տէրը:
30. Իմ խօսքերն արդեօք կրակի նման չե՞ն կամ մուրճի, որ քար է կտրում:
31. Ահա դրա համար էլ ես դեմ եմ այդ մարգարէներին, - ասում է Տէրը, - նրանցից ամէն մէկն իմ խօսքերն է գողանում:
32. Ահա ես դեմ եմ այդ մարգարէներին, - ասում է Տէրը, - որոնք իրենց լեզուից վանում են իմ մարգարէութիւնը եւ իրենց քունն են քնում:
33. Ահա ես դեմ եմ այդ մարգարէներին, որոնք մարգարէանում են սուտ երագներ, - ասում է Տէրը, - պատմում են դրանց մասին եւ իրենց ստութեամբ ու իրենց խաբէութեամբ մոլորեցնում իմ ժողովրդին. բայց ես նրանց չեմ ուղարկել, պատուէր չեմ տուել նրանց, եւ նրանք որեւէ օգուտ չեն կարող տալ այդ ժողովրդին, - ասում է Տէրը:
34. Եւ եթէ այդ ժողովուրդը կամ որեւէ մարգարէ եւ կամ քահանայ քեզ հարց տան ու ասեն, թէ՛ Ի՞նչ պատգամ է դա Տիրոջ կողմից, ապա կ'ասես նրանց. Պատգամը ձեզ է վերաբերում, եւ ես կործանելու եմ ձեզ, - ասում է Տէրը:
35. Մարգարէ լինի, քահանայ թէ ժողովուրդ, ով որ ասի՝ Տիրոջ պատգամը, այդ մարդուց եւ նրա ընտանիքից վրեժխնդիր եմ լինելու:
36. Հապա ինչո՞ւ ամէն ոք իր ընկերոջը եւ կամ ամէն մէկն իր եղբօրը չի ասում նաեւ, թէ՛ Ի՞նչ պատասխան տուեց Տէրը, ի՞նչ խօսեց Տէրը:
37. Այլեւս մի՛ անուանեք Տիրոջ պատգամ, քանզի մարդու համար Տիրոջ պատգամ է դառնում իր իսկ խօսքը: Դուք աղաւաղել էք տուել կենդանի Աստծու՝ Չօրութիւնների Տէր մեր Աստծու պատգամները:
38. Այսպէ՛ս ասացեք մարգարէին. Ի՞նչ պատասխան տուեց քեզ Տէրը, ի՞նչ խօսեց Տէրը:
39. Եթէ Տիրոջ պատգամ էք ասելու, ապա դրա համար Տէրն այսպէս է ասում. Քանի որ ասացիք այդ խօսքը՝ Տիրոջ պատգամ, ես էլ ուղարկեցի ձեզ մօտ պատուիրելու՝ Մի՛ ասեք Տիրոջ պատգամ:
40. Ահա թէ ինչու ես ձեզ վերցնելու եմ իբրեւ աւար, իմ աչքի առաջ կործանելու եմ ե՛ւ ձեզ, ե՛ւ այդ քաղաքը, որ տուեցի ձեզ ու ձեր հայրերին:
41. Ձեզ վրայ յաւիտենական նախատիկք եմ դնելու եւ յաւիտենական անարգանք, որ չեն մոռացուելու:

1. Տէրն ինձ ցոյց տուեց թուզով լի երկու կողով, որոնք դրուած էին Տիրոջ տաճարի առաջ այն բանից յետոյ, երբ բաբելացիների արքայ Նաբուքոդոնոսորը Երուսաղէմից գերեց Յուդայի երկրի արքայ Յովակիմի որդի Յեքոնիային, Յուդայի երկրի իշխաններին, արհեստաւորներին, դարբիններին ու մեծամեծներին եւ տարաւ նրանց Բաբելոն:
2. Կողովներից մէկը լցուած էր անչափ քաղցր թուզով, ինչպիսին լինում է վաղահաս թուզը, իսկ երկրորդ կողովը՝ ժանտահամ թուզով, որն իր դառնութեան պատճառով չի ուտւում: Տէրն ինձ ասաց. Ի՞նչ ես տեսնում, Երեմիա՛:
3. Ասացի. Թուզ, քաղցր թուզ, շատ քաղցր թուզ, նաեւ՝ ժանտ թուզ, անչափ ժանտ, որ իր դառնութեան պատճառով չի ուտւում:
4. Տէրը, խօսքն ուղղելով Երեմիային, ասաց.
5. Այսպէս է ասում Տէր Աստուածն Իսրայէլի. ինչպէս այդ քաղցր թուզն է, այդպէս են ինձ համար Յուդայի երկրի գերեալները, որոնց այդտեղից ուղարկեցի Քաղդէացիների երկիրը բարիք անելու համար.
6. եւ իմ աչքը պիտի պահեմ նրանց վրայ բարութեան համար, նրանց պիտի պատսպարեմ այս երկրում. պիտի կառուցեմ նրանց եւ ոչ թէ քանդեմ, պիտի տնկեմ նրանց եւ ոչ թէ արմատախիլ անեմ:
7. Ես նրանց այնպիսի սիրտ եմ տալու, որ ճանաչեն ինձ, թէ ես եմ Տէրը. թող նրանք ինձ համար ժողովուրդ լինեն, իսկ ես նրանց համար կը լինեմ Աստուած, որպէսզի նրանք իրենց ամբողջ սրտով ի՞նձ դառնան:
8. Իսկ ինչպէս այդ ժանտ թուզը, որն իր դառնութեան պատճառով չի ուտւում, այդ վիճակին պիտի մատնեմ Յուդայի երկրի արքայ Սեդեկիային, նրա մեծամեծներին, Երուսաղէմում մնացածներին, այդ երկրում մնացածներին եւ Եգիպտոսում բնակուողներին:
9. Դրանց պիտի ցրեմ աշխարհի բոլոր թագաւորութիւնների մէջ՝ նախատինքի, անարգանքի, ատելութեան ու անեծքի արժանացնելով ամենուրեք, ուր էլ որ վտարեմ դրանց:
10. Դրանց վրայ պիտի ուղարկեմ սուր, սով ու մահ, մինչեւ որ անհետանան այն երկրից, որը տուեցի իրենց եւ իրենց հայրերին:

1. Այս է Երեմիային ուղղուած խօսքը՝ Յուդայի երկրի ժողովրդի մասին, ասուած Յուդայի արքայ Յոսիայի որդի Յովակիմի չորրորդ տարում, որ համապատասխանում է բաբելացիների Նաբուքոդոնոսոր արքայի առաջին տարուն, -
2. այն խօսքը, որ յայտնեց Երեմիա մարգարէն Յուդայի երկրի համայն ժողովրդին եւ Երուսաղէմի բնակիչներին՝ ասելով.
3. Յուդայի երկրի արքայ Ամոնի որդի Յոսիայի տասներեքերորդ տարուց մինչեւ այսօր, այսինքն՝ քսաներեք տարի, Տէրը խօսեց ինձ հետ, ու ես վաղ առաւօտից իսկ խօսում էի ձեզ հետ, ասում, բայց դուք չլսեցիք:
4. Վաղօրօք արձակեցի ու ձեզ մօտ ուղարկեցի իմ ծառաներին՝ մարգարէներին, բայց դուք չլսեցիք, չանսացիք ու ձեր ականջներով չլսեցիք:
5. Ասում էի. Ամէնքդ դարձէ՛ք ձեր չար ճանապարհից, ձեր չար ընթացքից, որպէսզի բնակուէք այդ երկրում, որ յաւիտեանս յաւիտենից տուել եմ ձեզ ու ձեր հայրերին:
6. Զգնա՛ք օտար աստուածների յետեւից՝ նրանց ծառայելու եւ երկրպագելու համար, չբարկացնէ՛ք ինձ ձեր ձեռքի գործերով, որպէսզի չչարչարեմ ձեզ:
7. Բայց դուք ինձ չլսեցիք, - ասում է Տէրը, - քանզի բարկացրիք ինձ ձեր ձեռքի գործերով, որպէսզի չարչարեմ ձեզ:
8. Դրա համար էլ այսպէս է ասում Զօրութիւնների Տէրը. Քանի որ չհաւատացիք իմ խօսքերին,
9. ահա ես կ'ուղարկեմ, կ'առնեմ հիւսիսի բոլոր ցեղերին, - ասում է Տէրը, - նաեւ բաբելացիների Նաբուքոդոնոսոր արքային՝ իմ ծառային, եւ նրանց կը բերեմ այդ երկրի վրայ, դրա բնակիչների վրայ, այն բոլոր ցեղերի վրայ, որ դրա շուրջն են, կը բնաջնջեմ դրանց, կը մատնեմ աւարի ու ապականութեան, սուլոցի ու յաւիտենական նախատիքի:
10. Դրանց միջից կը վերացնեմ ուրախութեան ձայնը եւ ձայնը ցնծութեան, փեսայի ձայնը եւ ձայնը հարսի, երկանքի ձայնը եւ լոյսը ճրագի:
11. Այդ ողջ երկիրը կը վերածուի աւերի ու ապականութեան, նրա բնակիչները եօթնասուն տարի կը ծառայեն այդ ցեղերին եւ բաբելացիների արքային:
12. Իսկ երբ լրանայ եօթնասուն տարին, վրեժխնդիր կը լինեմ բաբելացիների արքայից եւ այդ ազգից՝ իրենց անօրէնութիւնների համար, - ասում է Տէրը, - ինչպէս եւ Քաղդէացիների երկրից. դրանք կը դարձնեմ յաւիտենապէս ամայի:
13. Այդ ամբողջ երկրի վրայ կը բերեմ այն ամենը, ինչ ասել եմ նրա մասին ըստ այն ամենի, ինչ գրուած է այս գրքում, որ մարգարեացել է Երեմիան բոլոր ազգերի մասին, որոնց ծառայել են նրանք:
14. Դրանք բազում ցեղեր են եւ մեծամեծ թագաւորութիւններ. նրանց ես պիտի հատուցեմ ըստ իրենց անօրէնութիւնների, ըստ իրենց ձեռքի գործերի:
15. Այսպէս է ասում ինձ Տէր Աստուածն Իսրայելի. Անխառն գինու այս բաժակը վերցրո՛ւ իմ ձեռքից եւ խմեցրու բոլոր ազգերին, որոնց մօտ կ'ուղարկեմ քեզ.
16. նրանք կը խմեն այն ցմրուր եւ խելքները կը թռցնեն այն սրի ահից, որ ես նրանց վրայ եմ ուղարկելու:
17. Ես վերցրի բաժակը Տիրոջ ձեռքից եւ խմեցրի այն բոլոր ազգերին, որոնց մօտ ուղարկեց ինձ Տէրը՝
18. Երուսաղէմին եւ Յուդայի երկրի քաղաքներին, նրա թագաւորներին եւ նրա իշխաններին՝ մատնելու դրանք աւերի ու անապատի, սուլոցի ու անեծքի, ինչպէս որ այս օրերում են,
19. նաեւ եգիպտացիների արքայ Փարաւոնին, նրա պաշտօնեաներին եւ նրա մեծամեծներին, նրա ամբողջ ազգին եւ ամբողջ խառնիճաղանջ զօրքին,
20. նաեւ կղզու բոլոր թագաւորներին եւ այլազգիների երկրի բոլոր թագաւորներին՝ Ասկաղոնին ու Գազային, Ակկարոնին ու Ազոտոսի մնացորդներին,
21. Եդոմացիներին, մովաբացիներին եւ ամոնացիներին,



22. նաեւ Տիւրոսի բոլոր թագաւորներին, սիդոնացիների բոլոր թագաւորներին եւ այն կղզու թագաւորներին, որ գտնուում է ծովի միւս կողմում,
23. Դեդանին, Թեմանին, Բոկին եւ բոլոր նրանց, ովքեր երեսներն են ածիւում,
24. նաեւ արաբացիների բոլոր թագաւորներին եւ անապատում ապրող խառնիճաղանջ ցեղերի բոլոր թագաւորներին.
25. նաեւ Չամբրիի բոլոր թագաւորներին, Ելամի բոլոր թագաւորներին ու պարսից բոլոր թագաւորներին.
26. նաեւ միմեանցից հեռու կամ իրար մօտ հիւսիս-արեւելքի բոլոր թագաւորներին, ինչպէս նաեւ երկրի բոլոր թագաւորներին, որոնք կան աշխարհի երեսին: Իսկ ամենավերջում պիտի խմի Սիսակ թագաւորը:
27. Ապա կ'ասես նրանց. այսպէս է ասում Իսրայելի Ամենակալ Տէր Աստուածը. Պիտի խմէք ու հարբէք, յիմարանաք ու կործանուէք եւ ոտքի չէք կանգնելու այն սրի պատճառով, որ ես ուղարկելու եմ ձեզ վրայ:
28. Իսկ երբ այնպէս լինի, որ խմելու համար քո ձեռքից չկամենան ընդունել բաժակը, կ'ասես նրանց. այսպէս է ասում Չօրութիւնների Տէրը. Խմելով պիտի հարբէք,
29. որովհետեւ չարչարանքի սկիզբը դնելու եմ այն քաղաքից, որի վրայ դրուած է իմ անունը: Իսկ դուք մաքր՞ւր պիտի դուրս գաք: Ո՛չ, մաքուր չէք դուրս գալու, քանզի ես սրի կոչ արձակեցի ամենքի դէմ, ովքեր բնակւում են երկրի վրայ, - ասում է Չօրութիւնների Տէրը:
30. Դու էլ նրանց համար կը մարգարեանաս իմ այս բոլոր պատգամները եւ կ'ասես նրանց. Տէրն իր սուրբ բարձունքից հրաման պիտի տայ, իր ձայնը, հրամանի իր խօսքը պիտի արձակի իր տեղից, եւ նրանք, այգեկութ անողների պէս, երկրի բոլոր բնակիչներին պատասխան պիտի տան, թէ մահը վրայ հասաւ երկրից,
31. քանզի Տէրն ազգերի մէջ դատաստան պիտի տեսնի, պիտի դատի ամէն մարդու, եւ ամբարիշտները սրի են մատնուելու, - ասում է Տէրը:
32. Այսպէս է ասում Չօրութիւնների Տէրը. Ահա չարիքները պիտի անցնեն մի ազգից միւսին, երկրի ծագերից մեծ մրրիկ պիտի բարձրանայ,
33. եւ Աստծու ամէն օր աշխարհի մի ծայրից մինչեւ միւսը պիտի գտնուեն Տիրոջ կողմից խոցուածներ: Նրանք կոծի չեն արժանանալու, չեն հաւաքուելու, ինչպէս աղբ՝ թափուած են մնալու դաշտի երեսին:
34. Գո՛յժ բարձրացրէք եւ աղաղակեցէ՛ք, ո՛վ հովիւներ, ողբացէ՛ք, ոչխարների հօտի խոյե՛ր, որովհետեւ հասան ձեր մորթուելու եւ ցիրուցան լինելու օրերը. պիտի զոհ գնաք ինչպէս ընտիր խոյեր:
35. Հովիւները փախչելու տեղ չեն գտնելու, իսկ ոչխարների հօտի խոյերը՝ փրկութիւն:
36. Ահա լսում է հովիւների գոյժի ձայնը, ոչխարների հօտի խոյերի աղաղակը, քանզի Տէրը ոչնչացրեց նրանց արօտները:
37. Տիրոջ բարկութեան ու ցասման պատճառով վերացաւ խաղաղութեան գեղեցկութիւնը:
38. Նրանք լքեցին երկիրը, ինչպէս առիւծն՝ իր որջը, եւ նրանց երկիրն անապատ դարձաւահեղ սրի բարկութիւնից ու ցասումից, Տիրոջ բարկութիւնից ու ցասումից:

1. Այս է Տիրոջ խօսքը՝ ասուած Յուդայի երկրի արքայ Յոսիայի որդի Յովակիմի թագաւորութեան սկզբում.
2. այսպէս է ասում Տէրը. Կանգնի՛ր Տիրոջ Տան գաւթում եւ Յուդայի երկրի ողջ ժողովրդին, որ երկրպագելու է գալիս Տիրոջ տունը, յայտնի՛ր այն բոլոր բաները, որ պատուիրեցի քեզ մարգարեանալու նրանց համար:
3. Ոչ մի բան չպակասեցնես:
4. Թերեւս լսեն, ու ամէն մէկը յետ կանգնի իր չար ճանապարհից, ես էլ յետ կանգնեմ այն չարութիւններից, որ մտածում եմ անել նրանց՝ ի պատասխան իրենց չար ընթացքի:
5. Ապա կ'ասես նրանց. այսպէս է ասում Տէրը. եթէ ինձ չլսեք, չընթանաք ձեզ համար կարգած իմ օրէնքով,
6. ականջ չդնեք իմ ծառայ մարգարէների խօսքերին, որոնց ես կանխաւ ուղարկեցի ձեզ մօտ, - ուղարկեցի, բայց դուք չլսեցիք, -
7. ապա այդ Տունը կը դարձնեմ Սելոմի նման, իսկ այս քաղաքն աշխարհի բոլոր ցեղերի անեծքին կը դատապարտեմ:
8. Տիրոջ Տան մէջ այս խօսքերն ասելիս՝ քահանաները, սուտ մարգարէներն ու ողջ ժողովուրդը լսեցին Երեմիային:
9. Իսկ երբ Երեմիան դադարեց խօսելուց՝ ամբողջ ժողովրդին ասելով ամէն բան այնպէս, ինչպէս նրան հրամայել էր Տէրը, նրան բռնեցին քահանաները, սուտ մարգարէներն ու ողջ ժողովուրդը եւ ասացին.
10. Դու մահ պիտի գտնես, որովհետեւ Տիրոջ անունից մարգարեացար եւ ասացիր, թէ այս Տունը պիտի դառնայ Սելոմի նման, եւ այս քաղաքը պիտի ամայանայ բնակիչներից: Ժողովուրդը Տիրոջ Տան մէջ կուտակուեց Երեմիայի շուրջը:
11. Յուդայի երկրի իշխանները, լսելով այս բաները, թագաւորի պալատից եկան Տիրոջ Տունը եւ նստեցին Տիրոջ Տան նոր դարպասի առաջ:
12. Քահանաներն ու սուտ մարգարէներն իշխաններին եւ ողջ ժողովրդին ասացին. Այդ մարդը մահուան դատաւճռի է արժանի, որովհետեւ, ինչպէս ձեր իսկ ականջներով լսեցիք, մարգարեացաւ այս քաղաքի մասին:
13. Իսկ Երեմիան բոլոր իշխաններին եւ ողջ ժողովրդին ասաց. Տերն ինձ ուղարկեց այս Տան եւ քաղաքի վերաբերեալ մարգարեանալու այն բոլոր խօսքերը, որ լսեցիք.
14. ուրեմն ձեր ճանապարհներին ու ձեր գործերին ուղիղ ընթացք տուէք եւ ականջ դրէք ձեր Տէր Աստծու ձայնին, որպէսզի Տէրը յետ կանգնի այն չարութիւններից, որոնց մասին յայտնեց ձեզ:
15. Ես ահաւասիկ ձեր ձեռքին եմ. վարուեցէ՛ք ինձ հետ, ինչպէս ձեզ համար օգտակար կամ լաւ կը համարէք:
16. Բայց լա՛ւ իմացեք, որ եթէ դուք ինձ սպանեք, անմեղ արեան տակ պիտի ընկնէք դուք եւ այս քաղաքն ու իր բնակիչները, քանզի արդարեւ Տէրն ինձ ուղարկեց ձեզ մօտ՝ ձեր ականջին ասելու այս բոլոր խօսքերը:
17. Այն ժամանակ իշխաններն ու ողջ ժողովուրդն ասացին քահանաներին եւ սուտ մարգարէներին. Այդ մարդը մահուան դատաւճռի ենթակայ չէ, որովհետեւ Տէր Աստծու անունից խօսեց մեզ հետ:
18. Երկրի ծերերից մի քանի մարդիկ ոտքի ելան եւ ասացին հաւաքուած ողջ ժողովրդին.
19. Յուդայի երկրի արքայ Եզեկիայի ժամանակ Միքիէ Մորստացին մարգարեացել է եւ ասել Յուդայի երկրի ամբողջ ժողովրդին. Այսպէս է ասում Զօրութիւնների Տէրը. ' Սիոնն, ինչպէս ագարակ, արօրով պիտի հերկուի, Երուսաղէմը պիտի վերածուի այգեպանների հիւղակների, իսկ այդ Տան լեռը՝ մայրու անտառի:
20. Բայց արդեօք Յուդայի երկրի Եզեկիա արքան եւ համայն Հրեաստանը դրա համար նրան սպանեցի՞ն. միթէ չվախեցա՞ն Տիրոջից ու չխնդրեցի՞ն Տիրոջը. եւ Տէրը հրաժարուեց այն բոլոր չարութիւններից, որ ասել էր նրանց դէմ: Իսկ մենք ինքներս մեծ

չարիք ենք բերելու մեզ:

21. Մի մարդ էլ կար՝ կարիաթարիմցի Սամէայի որդի Ուրիան, որ մարգարեութիւն արեց Տիրոջ անունից. մարգարեութիւն արեց այս քաղաքի ու այս երկրի վերաբերեալ՝ յար եւ նման Երեմիայի բոլոր ասածներին:

22. Նրա բոլոր խօսքերը լսեցին Յովակիմ արքան, նրա բոլոր մեծամեծները եւ բոլոր իշխանները: Նրանք ուզում էին սպանել նրան: Ուրիան, լսելով, վախեցաւ ու փախաւ գնաց Եգիպտացիների երկիրը:

23. Իսկ Յովակիմ արքան մարդիկ ուղարկեց Եգիպտոս. նա Աքոբորի որդի Եղնաթանին մի քանի մարդկանց հետ ուղարկեց Եգիպտոս:

24. Նրանք հանեցին նրան այնտեղից եւ բերին Յովակիմ արքայի մօտ. սա սրով սպանեց նրան եւ գցեց հասարակաց գերեզմանոցը:

25. Բայց Սափանի որդի Աքիկամի բազուկը Երեմիայի հետ էր, որ չլինի թէ նա ժողովրդի ձեռքը մատնուի, ու սպանեն նրան:

1. Այս է Տիրոջ խօսքը՝ ասուած Երեմիային Յուդայի երկրի արքայ Յովսիայի որդի Յովակիմի թագաւորութեան սկզբում:
2. Տէրն այսպէս է ասում ինձ. Զեզ համար կապանքներ ու լո՛ւծ պատրաստիր եւ գցի՛ր պարանոցդ:
3. Դրանցից ուղարկի՛ր նաեւ եղոմայեցիների թագաւորին եւ մովաբացիների թագաւորին, ամոնացիների թագաւորին, Տիւրոսի թագաւորին եւ սիդոնացիների թագաւորին՝ նրանց դեսպանների միջոցով, որոնք գալիս են Երուսաղէմ Յուդայի երկրի արքայ Սեդեկիայի մօտ:
4. Նրանց կը պատուիրես յայտնելու իրենց տէրերին, թէ այսպէս է ասում Զօրութիւնների Տէրը՝ Իսրայէլի Աստուածը. այսպէս կ'ասէք ձեր տէրերին.
5. Ես իմ մեծ գօրութեամբ եւ յաղթ բազկով ստեղծեցի երկիրը, մարդկանց, անասուններին ու այն ամէնը, ինչ կայ երկրի երեսին. ես այն կը տամ նրան, ով հաճելի է իմ աչքին:
6. Արդ, ես ինքս բաբելացիների Նաբուքոդոնոսոր արքայի՝ իմ ծառայի ձեռքը տուեցի ամբողջ երկիրը, տուեցի նաեւ տափաստանների գազաններին, որ ծառայեն նրան:
7. Ու բոլոր ազգերը պիտի ծառայեն նրան, նաեւ նրա որդիներին եւ նրա որդոց որդիներին, մինչեւ որ գայ նրա եւ նրա երկրի վրայ իմ բարկանալու ժամանակը: Նրան պիտի ծառայեն բազում ազգեր եւ մեծամեծ թագաւորներ:
8. Իսկ եթէ լինեն ազգեր ու թագաւորութիւններ, որոնք չենթարկուեն բաբելացիների արքայ Նաբուքոդոնոսորին, անմիջապէս իրենց պարանոցները չդնեն բաբելացիների արքայի լծի տակ, այդպիսի ազգերին սրով, սովով ու մահուամբ պիտի պատժեմ, - ասում է Տէրը, - մինչեւ որ ոչնչացուեն նրա ձեռքով:
9. Եւ դուք մի՛ լսէք ձեր մարգարէներին ու ձեր գուշակներին, ձեր երագատեսներին ու ձեր վիուկներին, ձեր հաւահմաններին եւ ձեր կախարդներին, որոնք ձեզ ասում են, թէ՝ Զենթարկուէ՛ք բաբելացիների արքային,
10. քանզի դրանք ձեզ համար սուտ մարգարեութիւն են անում, որպէսզի հեռացնեն ձեզ ձեր երկրից, որպէսզի ցրիւ տամ ձեզ, ու դուք կորչէք:
11. Իսկ այն ազգը, որն իր պարանոցը կը դնի բաբելացիների արքայի լծի տակ եւ կ'ենթարկուի նրան, կը թողնեմ իր երկրում, - ասում է Տէրը. - կը մշակի այն եւ կը բնակուի այնտեղ:
12. Այս բոլոր բաները մէկ առ մէկ յայտնեցի նաեւ Յուդայի երկրի արքայ Սեդեկիային՝ ասելով. Զեր պարանոցները դրէ՛ք բաբելացիների արքայի լծի տակ, ծառայեցէ՛ք նրան ու նրա ազգին, որպէսզի ապրէք:
13. Ինչի՞ համար սրով, սովով ու մահով մեռնէք դու եւ քո ժողովուրդը, ինչպէս այն ազգը, որը չի ուզի ծառայել բաբելացիների արքային, եւ որի մասին խօսեց Տէրը:
14. Մի՛ լսէք այն մարգարէների խօսքերը, որոնք ձեզ ասում են, թէ՝ Զենթարկուէ՛ք բաբելացիների արքային. նրանք սուտ մարգարեութիւն են անում ձեզ համար:
15. Ե՛ս չեմ ուղարկել նրանց, - ասում է Տէրը, - իսկ նրանք իմ անունից սուտ մարգարեութիւն են անում, միայն թէ կորստի մատնեն ձեզ: Դուք էլ, ձեր մարգարէներն էլ, որ ձեզ համար անտեղի ու սուտ մարգարեութիւն են անում, կորստեան էք դատապարտուելու:
16. Ինչ որ խօսեցի, կը յայտնես նաեւ քահանաներին ու համայն ժողովրդին, թէ այսպէս է ասում Տէրը. Ականջ մի՛ դնէք այն մարգարէների խօսքերին, որ մարգարեութիւն են անում ձեզ համար եւ ասում. Ահա Տիրոջ Տան սպասքը այժմ եւեթ Բաբելոնից պիտի վերադարձուի: Բայց դա զուր են մարգարեանում ձեզ համար. Ե՛ս չեմ ուղարկել նրանց:
17. Մի՛ լսէք նրանց, այլ ծառայեցէ՛ք բաբելացիների արքային, որպէսզի ապրէք: Ինչո՞ւ այս քաղաքն աներակ դառնայ:
18. Եթէ մարգարէներ են, ու նրանց մէջ կայ Տիրոջ խօսքը, թող գան դեմս կանգնեն: Տէրն այսպէս է ասում. Եւ մնացած սպասքը, որ չլափշտակեց բաբելացիների արքան, երբ

Յեքոնիային գերի վարեց Երուսաղեմից, պիտի Բաբելոն տարուի, - ասում է  
Զօրութիւնների Տէրը: Իսկ այն սպասքի մասին, որոնք, - ասում է Զօրութիւնների Տէրը, -  
մնացին Տիրոջ Տանը եւ Յուդայի երկրի թագաւորի տանը, Երուսաղեմից Բաբելոն նրանց  
չտարուելու մասին,  
19. սիւների մասին, մեծ աւագանի մասին, խարիսիսների ու անօթների մասունքների  
մասին, որ մնացին այս քաղաքում,  
20. որոնք չլափշտակեց բաբելացիների Նաբուքոդոնոսոր արքան, երբ ինքը Յուդայի  
երկրի արքայ Յովակիմի որդի Յեքոնիային եւ Յուդայի երկրի ու Երուսաղեմի ողջ  
ազատանուն գերի տարաւ Երուսաղեմից Բաբելոն, -  
21. ահա այսպէս է ասում Զօրութիւնների Տէրը՝ Իսրայելի Աստուածը, Տիրոջ Տանը,  
Յուդայի երկրի թագաւորի տանը եւ Երուսաղեմում մնացած այդ սպասքի մասին.  
22. Թող դրանք Բաբելոն տարուեն ու այնտեղ մասն մինչեւ այն օրը, երբ այցելութիւն կը  
տամ նրանց: Այսպէս է ասում Տէրը. Դուրս կը հանեմ դրանք եւ կը վերադարձնեմ  
այստեղ:

1. Այդ նոյն տարում, Յուդայի երկրի արքայ Սեդեկիայի թագաւորութեան սկզբում, չորրորդ տարուայ հինգերորդ ամսին, Ազորի որդին՝ սուտ մարգարէ Անանիան, որ Գաբաւոնից էր, Տիրոջ Տանը, քահանաների եւ ողջ ժողովրդի առաջ, ասաց ինձ, թէ
2. այսպէս է ասում Չորութիւնների Տէրը՝ Իսրայելի Աստուածը. Բաբելացիների արքայի լուծը պիտի խորտակուի.
3. երկու տարուց յետոյ ես այստեղ պիտի վերադարձնեմ Տիրոջ Տան այն ամբողջ սպասքը, որ մի ժամանակ բաբելացիների Նաբուքոդոնոսոր արքան յափշտակել էր այստեղից եւ տարել Բաբելոն.
4. նաեւ Յուդայի երկրի արքայ Յովակիմի որդի Յեքոնիային եւ Հրեաստանի բոլոր գերիներին, որոնք տարուեցին Բաբելոն, ես պիտի վերադարձնեմ այս վայրերը, - ասում է Տէրը, - թէ՛ Յեքոնիային եւ թէ՛ Յուդայի երկրի գերեալներին, քանզի պիտի խորտակեմ բաբելացիների արքայի լուծը:
5. Իսկ Երեմիա մարգարէն Տիրոջ Տանը գտնուող քահանաների ներկայութեամբ ամբողջ ժողովրդի առաջ ասաց սուտ մարգարէ Անանիային:
6. Արդարեւ, թող այդպէս անի Տէրը. թող հաստատի քո խօսքը, որ մարգարեացար այս Տան սպասքը եւ բոլոր գերիներին Բաբելոնից այստեղ վերադարձնելու մասին:
7. Սակայն լսեցէ՛ք Տիրոջ պատգամները, որ ես կ'ասեմ ձեր ականջներին եւ ամբողջ ժողովրդի ականջներին:
8. Այն մարգարէները, որոնք ինձնից ու քեզնից առաջ միշտ էլ եղել են, բազում երկրների եւ մեծամեծ թագաւորութիւնների համար գուշակել են պատերազմ, չարիք ու մահ:
9. Իսկ այն մարգարէն, որ խաղաղութիւն է գուշակում, եւ այդ մարգարէի խօսքը կատարւում է, ապա այդ մարգարէին ընդունում են իբրեւ մէկին, որին իսկապէս Տէրն է ուղարկել նրանց մօտ:
10. Այն ժամանակ Անանիա մարգարէն ողջ ժողովրդի առաջ Երեմիայի պարանոցից վերցրեց լուծը եւ խորտակեց:
11. Անանիան համայն ժողովրդի ներկայութեամբ ասաց. Այսպէս է ասում Տէրը. Երկու տարուց յետոյ այսպէս պիտի խորտակուի բաբելացիների արքայ Նաբուքոդոնոսորի լուծը բոլոր ազգերի պարանոցներից:
12. Եւ Երեմիա մարգարէն գնաց իր ճանապարհով:
13. Այն բանից յետոյ, երբ Անանիա մարգարէն Երեմիա մարգարէի պարանոցից խորտակեց լուծը, Տէրը խօսքն ուղղեց Երեմիային՝ ասելով. Գնա խօսի՛ր Անանիայի հետ եւ ասա՛, թէ այսպէս է ասում Տէրը. Փայտէ լուծը դու խորտակեցիր, բայց նրա փոխարէն ես երկաթէ լուծ պիտի շինեմ:
14. Այսպէս է ասում Չորութիւնների Տէրը՝ Իսրայելի Աստուածը. Երկաթէ լուծ դրի այդ բոլոր ազգերի պարանոցին՝ հպատակուելու բաբելացիների Նաբուքոդոնոսոր արքային. եւ նրանք պիտի ծառայեն նրան. նաեւ տափաստանների գազաններին ենթարկեցի նրան:
15. Իսկ Երեմիա մարգարէն ասաց Անանիա մարգարէին. Այժմ լսի՛ր, Անանիա՛. Տէրը քեզ չի ուղարկել, եւ դու իզուր փուչ բաների համար յոյս տուիր այդ ժողովրդին:
16. Դրա համար էլ Տէրն այսպէս է ասում. Ահա ես վռնդելու եմ քեզ երկրի երեսից: Այս տարուայ մէջ իսկ պիտի մեռնես դու, որովհետեւ հակառակ բաներ խօսեցիր Տիրոջ անունից:
17. Եւ Անանիա մարգարէն նոյն այդ տարուայ մէջ, եօթներորդ ամսին, մեռաւ:

1. Սրանք են այն նամակի խօսքերը, որ Երեմիա մարգարեն Երուսաղեմից ուղարկեց գերութեան մէջ գտնուող ծերերին, քահանաներին եւ սուտ մարգարէներին: Սոյն նամակը յղուած էր Բաբելոն՝ գերիներին եւ առհասարակ ժողովրդին, որոնց Նաբուքոդոնոսորը գերեվարեց Երուսաղեմից Բաբելոն,
2. Յեքոնիա արքային եւ տիկնոջը, ներքինիներին ու Յուդայի երկրի իշխաններին, ինչպէս եւ ողջ ազատանուն, արհեստաւորներին ու դարբիններին Երուսաղեմից տանելուց յետոյ:
3. Նամակն ուղարկուած էր Սափանի որդի Ելարիայի եւ Զեդկիայի որդի Գամարիայի ձեռքով, որոնց Սեդեկիա արքան Բաբելոն ուղարկեց բաբելացիների արքայ Նաբուքոդոնոսորի մօտ՝ յայտնելով.
4. Այսպէս է ասում Զօրութիւնների Տէրը՝ Իսրայելի Աստուածը, գերիներիդ մասին, որ Երուսաղեմից գերեվարուեցիք Բաբելոն.
5. Տնէ՛ր շինեցէք եւ բնակուեցէ՛ք, այգիներ՝ տնկեցէք եւ կերէ՛ք դրանց պտուղները,
6. կի՛ն առէք, եւ թող ծնունեն տղաներ ու աղջիկներ, ձեր տղաների համար կի՛ն առէք, իսկ ձեր աղջիկներին մարդո՛ւ տուէք, եւ թող ծնունեն տղաներ ու աղջիկներ, բազմացէ՛ք այդտեղ եւ մի՛ նուագէք:
7. Խաղաղութեա՛մբ ապրեցէք այդ երկրում, ուր գերեվարել տուեցի ձեզ, այդ երկրի համար աղօ՛թք արէք Տիրոջը, որովհետեւ նրա խաղաղութեամբ ձեզ համար եւս խաղաղութիւն կը լինի:
8. Այսպէս է ասում Զօրութիւնների Տէրը՝ Իսրայելի Աստուածը. Թող ձեզ չհրապուրեն ձեր սուտ մարգարէները, որոնք ձեր մէջ են, նաեւ ձեր գուշակները, ուշք մի՛ դարձրէք ձեր երազներին, որ դուք տեսնում էք,
9. որովհետեւ նրանք սուտ մարգարէութիւն են անում իմ անունից, իսկ ես նրանց չեմ ուղարկել, - ասում է Տէրը:
10. Այսպէս է ասում Տէրը. Երբ որ մօտենայ Բաբելոնի եօթանասուն տարին լրանալու ժամանակը, ես այցի կը գամ ձեզ եւ կը հաստատեմ ձեր մասին իմ բարի խօսքերը՝ վերադարձնելու ձեզ այս վայրերը,
11. քանզի ե՛ս միայն գիտեմ իմ մտադրութիւնները, որ խորհում եմ եւ պիտի խորհեմ ձեր մասին, - ասում է Տէրը. - խաղաղութեա՛ն մտադրութիւն, եւ ոչ թէ չարութեան: Դրանից յետոյ ես յոյս կը տամ ձեզ,
12. եւ դուք կը կանչէք ինձ, կը գնաք եւ կ'աղօթէք ինձ, ու ես կը լսեմ ձեզ:
13. Կը փնտռէք ինձ եւ կը գտնէք, որովհետեւ ինձ փնտռելու էք ձեր ամբողջ սրտով:
14. Ես կ'երեւամ ձեզ, - ասում է Տէրը, - եւ կը վերացնեմ ձեր գերութիւնը. կը հաւաքեմ ձեզ բոլոր ազգերի միջից եւ բոլոր վայրերից, ուր ցրեցի ձեզ, - ասում է Տէրը, - եւ կը վերադարձնեմ ձեզ այնտեղ, որտեղից գերեվարել տուեցի ձեզ,
15. քանի որ դուք ասելու էք, թէ՝ Տէրը մեզ համար մարգարէներ կարգեց նաեւ Բաբելոնում:
16. Այսպէս է ասում Տէրը թագաւորի մասին, որ նստում է Դաւթի աթոռին, ամբողջ ժողովրդի մասին, որ բնակւում է այդ քաղաքում, ձեր եղբայրների մասին, որոնք ձեզ հետ գերութեան չգնացին:
17. Այսպէս է ասում Զօրութիւնների Տէրը. Ահաւասիկ ես նրանց մէջ ուղարկում եմ սով, սուր եւ մահ: Նրանց պիտի դարձնեմ գարշ ու ժանտ թուզի պէս, որ իր դառնութեան պատճառով չի ուտում:
18. Նրանց պիտի հալածեմ սրով, սովով ու մահով, նրանց պիտի մատնեմ աշխարհի բոլոր թագաւորութիւնների ցասումին, նզովքին, ապականութեանը, սուլոցի ու նախատիկնի՝ այն բոլոր ազգերի մէջ, ուր պիտի ցրեմ նրանց,
19. որովհետեւ նրանք չանսացին իմ խօսքերին, - ասում է Տէրը. - ես նրանց մօտ ուղարկեցի իմ ծառաներին՝ մարգարէներին, կանխապէ՛ս ուղարկեցի, բայց դուք չլսեցիք, - ասում է Տէրը: -

20. Իսկ դուք, բոլոր գերիներդ, որոնց ուղարկել եմ Երուսաղեմից Բաբելոն, լսեցե՛ք Տիրոջ խօսքը.
21. այսպես է ասում Չորուքիւնների Տէրը՝ Իսրայելի Աստուածը, Ուլկիի որդի Աքիաբի եւ Մաասի որդի Սեդեկիայի մասին, որոնք սուտ մարգարեացան իմ անունից. Ահաւասիկ ես նրանց կը յանձնեմ բաբելացիների Նաբուքոդոնոսոր արքայի ձեռքը, որը նրանց կը սպանի ձեր աչքի առաջ:
22. Եւ նրանցից այս անեծքը կը մնայ Յուդայի երկրի բոլոր գերիների մէջ, որոնք գտնուում են Բաբելոնում: Նրանք պիտի ասեն՝ Թող Տէրը քեզ անի այնպես, ինչպես արեց Սեդեկիային եւ Աքիաբին, որոնց բաբելացիների արքան կրակի վրայ խորովեց:
23. Արդարեւ, նրանք անօրէնութիւններ գործեցին Իսրայելում. շնութիւն էին անում համաքաղաքացիների կանանց հետ, իմ անունից սուտ պատգամներ էին ասում, որը նրանց չէի հրամայել. ես ինքս դրան իրազեկ եւ վկայ եմ, - ասում է Տէրը:
24. Կը յայտնես նաեւ ելիմացի Սամէային, թէ այսպես է ասում Չորուքիւնների Տէրը՝ Իսրայելի Աստուածը.
25. Դու իմ անունից նամակներ ես ուղարկել Երուսաղեմ՝ ամբողջ ժողովրդին, - մինչդեռ իմ կողմից ես քեզ չեմ ուղարկել, - նաեւ Մաաս քահանայի որդի Սոփոնիային, ինչպես եւ բոլոր քահանաներին եւ ասել,
26. Տէրը քեզ քահանայ կարգեց Յովիդիա քահանայի փոխարէն, որպէսզի Տիրոջ Տանը վերակացու լինես ամեն մարդու վրայ, որ կը մարգարեանայ, եւ ամեն մէկի վրայ, որ գուշակութիւն կ'անի, ու նրանց բանտի մէջ շղթայի զարնես:
27. Արդ, ինչո՞ւ չպատուհասեցիք անաթոթացի Երեմիային, որ մարգարեութիւն է անում ձեզ համար:
28. Նա մեզ լուր է ուղարկել Բաբելոն՝ ասելով, թէ՝ ' Հեռու է ժամանակը. տներ կառուցեցեք եւ բնակուեցե՛ք, այգիներ տնկեցեք եւ կերե՛ք նրանց պտուղները''':
29. Սոփոնիա քահանան Երեմիա մարգարէի ականջին ընթերցեց նամակը:
30. Եւ Տէրը, խօսքն ուղղելով Երեմիային, ասաց.
31. Լո՛ւր ուղարկիր բոլոր գերուածներին եւ յայտնի՛ր. այսպես է ասում Տէրը ելիմացի Սամէայի մասին. Քանի որ Սամէան, որին ես չեմ ուղարկել, մարգարեացաւ եւ ձեզ փուչ բաների յոյս տուեց,
32. դրա համար էլ Տէրն այսպես է ասում. "Ահաւասիկ ես դատաստան պիտի տեսնեմ ելիմացի Սամէայի եւ նրա սերնդի հետ. նրանից չի լինելու որեւէ մէկը, որ նստի ձեր մէջ՝ տեսնելու այն բարիքը, որ ես անելու եմ ձեզ, - ասում է Տէրը, - քանզի նա Աստծուն հակառակ խօսքեր ասաց:



1. Այս է այն խօսքը, որ Տերն ուղղեց Երեմիային՝ ասելով.
2. Այսպես է ասում Տեր Աստուածն Իսրայելի. այն բոլոր բաները, որ քեզ հրամայեցի, քեզ համար գրի՝ առ մատենանի մէջ:
3. Ահա օրեր են գալու, - ասում է Տերը, - երբ Իսրայելի իմ գերեալ ժողովրդին, նաեւ Յուդայի երկրի ժողովրդին վերադարձնելու եմ. վերադարձնելու եմ այն երկիրը, - ասում է Տերը, - որ տուեցի նրանց հայրերին, որպէսզի տիրեն նրան:
4. Սրանք են այն խօսքերը, որ խօսեց Տերը Իսրայելի եւ Յուդայի երկրի մասին.
5. այսպես է ասում Տերը. Սարսափի ձայն պիտի լսեք, ձայնը ահեղ գոյժի, որից մարդկանց մէջքերը պիտի դողան, եւ փրկութիւն ու հանգստութիւն չպիտի լինի:
6. Հարցրէ՛ք ու տեսէ՛ք, թէ երբեւէ արուն ծնէ՞լ է. հապա ինչո՞ւ ամէն տղամարդու տեսնում եմ իր ձեռքերը մէջքին պահած, ինչպես ծննդկան կինը, եւ բոլորի դէմքի գոյնը դալուկ դարձած.
7. քանզի մեծ է այն օրը, եւ նրա նմանը չկայ: Դա Յակոբի համար սարսափելի նեղութեան ժամանակ է լինելու, բայց նա փրկուելու է դրանից:
8. Այն օրը, - ասում է Զօրութիւնների Տերը, - նրանց պարանոցից խորտակելու եմ լուծը, խզելու եմ նրանց կապանքները. նրանք այլեւս օտարներին հարկատու չեն մնալու,
9. այլ ծառայելու են իրենց Տեր Աստծուն. նրանց համար վերականգնելու եմ իրենց Դաւիթ արքային:
10. Սակայն դու մի՛ երկնջիր, ո՛վ իմ ծառայ Յակոբ, - ասում է Տերը, - չգարհուրես, ո՛վ Իսրայել, որովհետեւ ահաւասիկ քեզ ազատելու եմ հեռաստանից, իսկ քո սերնդին՝ իր գերութեան երկրից: Պիտի վերադառնայ Յակոբը, հանգստութիւն պիտի գտնի ու բարեկեցիկ կեանք ունենայ, ոչ ոք չի լինի, որ զարհուրեցնի նրան:
11. Ահա ես քեզ հետ եմ, - ասում է Տերը, - որպէսզի փրկեմ քեզ եւ կործանեմ այն ազգերին, որոնց մէջ ցրեցի քեզ: Բայց քեզ չեմ ոչնչացնելու. քեզ արդարութեամբ եմ պատժելու եւ քաւութիւն տալով՝ անմեղ չեմ համարելու քեզ:
12. Այսպես է ասում Տերը. Սաստկացրի քո տառապանքը. քո կրած հարուածները ցաւագին են,
13. քո դատը պաշտպանող չկայ: Դու բժշկուեցիր քո ցաւերից, բայց դա քեզ օգուտ չբերեց:
14. Քո բոլոր բարեկամները քեզ մոռացան եւ չեն հարցնում քո մասին: Իբրեւ սոսկալի խրատ՝ ես թշնամական հարուածներ հասցրի քեզ: Քո բոլոր անօրէնութիւնների պատճառով բազմացան մեղքերդ:
15. Քո կրած հարուածների համար ի՞նչ ես աղաղակ բարձրացրել: Բայց ես քեզ չեմ ոչնչացնելու: Բոլո՞ն են քո ցաւերը. դրանք սաստկացան քո բազում անօրէնութիւնների պատճառով, դրանք քո մեղքերի՝ հետեւանքն են:
16. Սակայն ամէնքը, որ յօշոտում էին քեզ, իրե՛նք պետք է յօշոտուեն, քո բոլոր թշնամիները պիտի յօշոտեն իրենց մարմինները: Քո անօրէնութիւնները բազմացան ու յաճախակի դարձան. դրանք քո մեղքերի՝ հետեւանքն են: Քեզ աւերողներն իրե՛նք պիտի աւերի ենթարկուեն, քո բոլոր աւարառուներին ես աւարի պիտի մատնեմ:
17. Քո ցաւագին վերքերին բժշկութիւն պիտի բերեմ, պիտի բժշկեմ քեզ, - ասում է Տերը, - որովհետեւ, Սիոն, դու աստանդական կոչուեցիր. ասացին՝ Դա է ձեր որսը, բայց ով որ փնտռի՝ չի գտնի նրան:
18. Այսպես է ասում Տերը. Ահաւասիկ ես Յակոբի վտարանդի վրանները կը վերադարձնեմ, ողորմած կը լինեմ նրա գերեալների նկատմամբ. քաղաքը կը վերաշինուի իր բարձունքի վրայ, տաճարն իր կարգ ու կանոնով կը վերականգնուի:
19. Այնտեղից կը ծաւալուի երգիչների ու պարողների ձայնը: Պիտի բազմացնեմ նրանց, եւ նրանք չպիտի նուազեն, պիտի տարածեմ նրանց, եւ նրանք չպիտի թուլանան:
20. Նրանք առաջուայ պէս ելումուտ պիտի անեն. նրանց օրէնքներն իմ աչքին հաստատուն պիտի դառնան: Դատաստան պիտի կարդամ նրանց նեղողների գլխին,

21. որոնց հանդեպ նրանք աւելի զօրաւոր պիտի լինեն: Իրենց իշխանը իրենց միջի՛ց պիտի ելնի: Պիտի հաւաքեմ նրանց, ու նրանք պիտի վերադառնան ինձ մօտ, քանզի ո՞վ ինքն իրեն սիրտ կ'անի դառնալ Տիրոջ մօտ, - ասում է Տէրը: -
22. Դուք ինձ համար ժողովուրդ կը լինեք, իսկ ես ձեզ համար կը լինեմ Աստուած:
23. Ահա Տիրոջ բարկութիւնը ցասմամբ բորբոքուեց, մորիկի պէս բորբոքուեց նրա բարկութիւնն ամբարիշտների վրայ:
24. Տիրոջ բարկութիւնն ու զայրոյթը կը գան ու յետ չեն շրջուի, մինչեւ որ նա կատարի իր սրտի կամքը: Վերջին օրերին դուք կը հասկանաք դա:

1. Այն ժամանակ, - ասում է Տէրը, - ես Իսրայելի ժողովրդի համար Աստուած կը լինեմ, իսկ նա ինձ համար՝ ժողովուրդ:
2. Այսպէս է ասում Տէրը. Այնտեղ, անապատում, նրանք հանդիպեցին տապի եւ սուսերով սպանողների: Հեռացէ՛ք, մի՛ սպանեք Իսրայելը:
3. Հեռու-հեռուից նրան երեւաց Տէրը. Յաւիտենական սիրով սիրեցի քեզ, դրա համար էլ քեզ գթութեան արժանացրի:
4. Նորից պիտի շէնացնեմ քեզ, ու դու վերստին պիտի բարգաւաճես, ո՛վ կոյսդ Իսրայելի: Դարձեալ պիտի առնես քո թմբուկը եւ խառնուես պարողների խմբերին:
5. Դարձեալ այգիներ պիտի տնկեք Սամարիա լեռան վրայ, տունկեր պիտի տնկեք եւ փառաբանեք,
6. քանզի հասել է օրը, երբ Եփրեմի լեռներում պահակները ձայնելու են. Եկեք ելնե՛նք Սիոն՝ մեր Տէր Աստծու մօտ:
7. Այսպէս է ասում Տէրը. Տնձացէ՛ք Յակոբի համար, ուրա՛խ եղեք եւ կանչեցէ՛ք նրան, որ ազգերի մէջ գլխաւորն է, իմա՛ց տուեք, օրհնեցէ՛ք ու ասացէ՛ք. Տէրը փրկեց իր ժողովրդին՝ Իսրայելի մնացորդներին:
8. Ահա նրանց պիտի բերեմ ես հիւսիսի երկրից, աշխարհի ծագերից պիտի հաւաքեմ նրանց՝ պասեքի տօնին. նրանց մէջ մեծ բազմութեամբ որդիներ պիտի ծնունեն, կոյրն ու կաղը, յոյն եւ ծննդաբերուածը միահամուռ, իբրեւ մեծ ժողովուրդ, պիտի վերադառնան այստեղ:
9. Նրանք լալով հեռացան, բայց ես մխիթարելով պիտի բերեմ նրանց՝ հանգիստ պարգեւելով ջրերի վտակների մօտ, ուղիղ ճանապարհով, որպէսզի չմոլորուեն նրա վրայ, քանզի Իսրայելի համար ես հայր եղայ, եւ Եփրեմն իմ անդրանիկն է:
10. Ո՛վ ազգեր, լսեցէ՛ք Տիրոջ պատգամները, պատմեցէ՛ք հեռաւոր կղզիներում եւ ասացէ՛ք. Ով ցրեց Իսրայելը, նա էլ կը հաւաքի նրան եւ կը պահպանի, ինչպէս նախրապանը՝ իր հօտը:
11. Տէրն ազատեց Յակոբին եւ փրկեց նրան նրա վրայ բռնացողների ձեռքից:
12. Պիտի գան եւ ուրախանան, պիտի ցնծան Սիոնի լեռան վրայ, պիտի գան դէպի Տիրոջ բարիքները՝ ցորենի ու գինու, բերքի ու հօտերի, արջառի ու ոչխարի երկիրը. նրանց անձերը պիտի լինեն պտղալից ծառի պէս, այլեւս քաղց չպիտի զգան:
13. Այն ժամանակ կոյսերը պիտի ցնծան երիտասարդների շուրջապարի մէջ, ծերերը պիտի խնդան: Նրանց սուգը խնդութեան պիտի վերածեմ, տրտմութիւնից ուրախութեան պիտի հասցնեմ նրանց:
14. Ղեւի որդի քահանաների հոգիները զմայլանքով պիտի լցնեմ ու արբեցնեմ, եւ իմ ժողովուրդը պիտի լիանայ իմ բարիքներով, - ասում է Տէրը:
15. Այսպէս է ասում Տէրը. Մի ձայն էր լսում Ռամայում, ողբ, լաց ու գոյժ. Ռաքելը ողբում էր իր որդիներին, որդիների պատճառով չէր ուզում մխիթարուել, քանի որ նրանք չկային:
16. Այսպէս է ասում Տէրը. Թող քո անձը դադարի լաց լինելուց, իսկ քո աչքերը՝ արտասուքից, որովհետեւ քո գործերի համար վարձ կայ, - ասում է Տէրը: Նրանք կը վերադառնան թշնամիների երկրից,
17. եւ վերջում քո յոյսը կ'իրականանայ, - ասում է Տէրը. - քո որդիները կը վերաբնակուեն իրենց սահմաններում:
18. Լսեցի Եփրեմի այս ողբը. Խրատեցիր ինձ, Տէ՛ր, ու ես խրատուեցի, բայց չսովորեցի, ինչպէս անվարժ արջառ: Դարձրո՛ւ ինձ, եւ ես կը դառնամ, քանզի դու իմ Տէր Աստուածն ես:
19. Իմ գերութիւնից յետոյ զղջացի. երբ խելքի եկայ, իմ ամօթալի օրերի համար հոգոց հանեցի եւ քեզ ցոյց տուի, թէ իմ տղայութեան պատճառով նախատինք կրեցի:
20. Եփրեմն իմ սիրելի որդին է, գուրգուրելի մանուկը. հէնց որ իմ խօսքը նրա մասին է լինում, նորից յիշում եմ նրան: Ահա թէ ինչու շտապում եմ նրա համար, անչափ պիտի

ողորմեմ նրան, - ասում է Տէրը:

21. Ճանաչի՛ր ինքդ քեզ, ո՛վ Սիոն, արդարութեան վրէժ խնդրիր, թիկո՛ւնք դարձրու քո ցանկութիւնից, անցի՛ր քո ճանապարհը, դարձի՛ր, ո՛վ կոյսդ Իսրայէլի, նորի՛ց դարձիր դէպի քո սգաւոր քաղաքները:

22. Մինչեւ ե՞րբ պիտի թափառես, ո՛վ անարգուած դուստր. չե՞ որ Տէրը փրկութիւն է հաստատել նոր ստեղծած վայրում, որպէսզի մարդիկ ազատագրուած՝ շրջեն այնտեղ:

23. Այսպէս է ասում Չօրութիւնների Տէրը՝ Իսրայէլի Աստուածը. Յուդայի երկրում եւ նրա քաղաքներում, երբ վերադարձնեմ նրա գերեալներին, պիտի կրկնեն այս խօսքը.

Օրինեալ է Տէրն իր արդար ու սուրբ լեռան վրայ:

24. Եւ Հրեաստանի բնակիչները, իրենց քաղաքներով ու գործաւորներով հանդերձ, պիտի փարթամանան հօտերով,

25. քանզի ես արբեցրի բոլոր ծարաւ հոգիներին, բոլոր քաղցած հոգիներին լիացրի:

26. Ահա թէ ինչու արթնացայ ու նայեցի, եւ իմ քունն ինձ համար քաղցրացաւ:

27. Ահա օրեր են գալու, - ասում է Տէրը, - ու Իսրայէլի տունը եւ Յուդայի տունը սերմանելու եմ մարդու սերնդով եւ անասունի սերնդով:

28. Ու ինչպէս որ աչքերս բաց արի նրանց վրայ՝ խլելու եւ կործանելու, քանդելու, կորստեան մատնելու եւ չարչարելու համար, այդպէս էլ աչքերս պիտի բաց անեմ նրանց վրայ, - ասում է Տէրը, - կառուցելու եւ տնկելու համար:

29. Այն օրերին այլեւս չեն ասելու, թէ՝ Հայրերն ազդիս կերան՝ որդիների ատամներն առան,

30. այլ իւրաքանչիւրն իր մեղքով պիտի մեռնի, եւ ով ազդիս է ուտելու՝ նրա՛ ատամներն են առնելու:

31. Ահաւասիկ օրեր են գալու, - ասում է Տէրը, - երբ նոր ուխտ եմ կապելու Իսրայէլի տան հետ եւ Յուդայի երկրի տան հետ:

32. Ոչ թէ ըստ այն ուխտի, որ մի օր ես ուխտեցի նրանց հայրերի հետ, երբ բռնեցի նրանց ձեռքից՝ դուրս հանելու համար նրանց Եգիպտացիների երկրից, բայց նրանք իմ ուխտին հաւատարիմ չմնացին, ու ես նրանց մասին հոգ չտարայ, - ասում է Տէրը, -

33. այլ ա՛յս ուխտն է, որ ուխտելու եմ Իսրայէլի տան հետ այն օրերից յետոյ, - ասում է Տէրը, - իմ օրէնքները նրանց մտքի մէջ եմ դրոշմելու, դրանք նրանց սրտերի մէջ եմ գրելու, նրանց համար Աստուած եմ լինելու, իսկ նրանք ինձ համար լինելու են ժողովուրդ:

34. Եւ այլեւս ամէն մէկն իր ընկերոջը չի սովորեցնելու, կամ ամէն մէկն իր եղբօրը չի ասելու, թէ՝ Ճանաչի՛ր Տիրոջը, քանզի ամէնքը՝ նրանց փոքրերից մինչեւ մեծերը, ճանաչելու են ինձ, - ասում է Տէրը, - որովհետեւ նրանց անիրաւութիւնները պիտի ներեմ եւ նրանց մեղքերն այլեւս չպիտի յիշեմ:

35. Տէրը, որ արեւը հաստատեց ցերեկուայ լուսաւորութեան, իսկ լուսինն ու աստղերը՝ գիշերուայ լուսաւորութեան համար, աղաղակ տուեց ծովին, ու նրա ալիքները շառաչում են. նա, որի անունը Տէր Ամենակալ է, այսպէս է ասում.

36. Եթէ իմ աչքի առաջ այս օրէնքները դադարեն գործելուց, ապա Իսրայէլի ազգն էլ, - ասում է Տէրը, - իմ աչքի առաջ ընդմիշտ պիտի դադարի ազգ լինելուց:

37. Այսպէս է ասում Տէրը. Եթէ անգամ երկինքը դէպի վեր բարձրանայ, իսկ երկրի յատակները դէպի վար խոնարհուեն, ես դարձեալ չեմ անտեսի համայն Իսրայէլի ազգին այն ամենի համար, որ նա կատարեց:

38. Ահա օրեր պիտի գան, - ասում է Տէրը, - երբ Անամայէլի աշտարակից մինչեւ Անկեան դուռը Տիրոջ համար քաղաք պիտի շինուի:

39. Եւ դեռ պիտի ձգուի չափալարը եւ նրանց առջեւով պիտի երկարի մինչեւ Գարեբի բլուրը՝ այն բլուրներով ընտիր քարերից շինուած պատով:

40. Եւ Փաքադիմի ու Մոխիրների ողջ ծօրը, ողջ Սարեմօթը, մինչեւ Կեդրոնի ծօրը, մինչեւ արեւելեան կողմի Ձիերի դռան անկիւնը, պետք է դառնան Տիրոջ սրբութիւնը. եւ այս բոլորը այլեւս չեն յափշտակուելու եւ չեն աներուելու մինչեւ յաւիտենութիւն:

1. Այս է այն խօսքը, որ Յուդայի երկրի Սեդեկիա արքայի տասներորդ տարին, այն է՝ բաբելացիների Նաբուքոդոնոսոր արքայի տասնութերորդ տարին, Տերն ուղղեց Երեմիային:
2. Այն ժամանակ բաբելացիների արքայի զօրքը պաշարել էր Երուսաղեմը, իսկ Երեմիա մարգարեն կալանաւորուած էր Յուդայի երկրի թագաւորի ապարանքի բանտի սրահում, որտեղ արգելափակել էր Նրան Սեդեկիա արքան՝ ասելով:
3. Ինչո՞ւ դու մարգարեութիւն ես անում եւ ասում, թէ այսպէս է ասում Տէրը՝ Ահաւասիկ ես այս քաղաքը բաբելացիների թագաւորի ձեռքը պիտի յանձնեմ, նա պիտի վերցնի դա,
4. եւ Յուդայի երկրի Սեդեկիա արքան չպիտի փրկուի քաղղեացիների ձեռքից, պիտի մատնուի բաբելացիների թագաւորի ձեռքը, դեմառդեմ պիտի խօսի Նրա հետ, եւ իր աչքերը պիտի տեսնեն Նրա աչքերը:
5. Սեդեկիան պիտի մտնի Բաբելոն եւ պիտի Նստի այնտեղ, մինչեւ որ այցելութեան գամ իրեն, - ասում է Տէրը. - Ինչո՞ւ եք մարտնչում քաղղեացիների դէմ, որից ոչ մի յաջողութիւն չէք ունենալու:
6. Եւ Տէրը, խօսքն ուղղելով Երեմիային, ասում է.
7. Ահա քո հօրեղբայր Սելումի որդի Անամայէլը քեզ մօտ է գալու եւ ասելու. Դու քեզ համար գնի՛ր իմ ագարակը, որը գտնուում է Անաթոթում, որովհետեւ ազգակցութեան կարգով պատշաճ է, որ դո՛ւ առնես այն որպէս սեփականութիւն:
8. Եւ իմ հօրեղբայր Սելումի որդի Անամայէլը, ըստ Տիրոջ խօսքի, ինձ մօտ բանտի սրահը եկաւ եւ ասաց ինձ. Գնի՛ր իմ ագարակը, որը գտնուում է Անաթոթում, Բենիամինի երկրում, որովհետեւ քեզ է յարմար ձեռք բերել այդ ժառանգութիւնը, քանզի աւագը դու ես: Այն ժամանակ ես հասկացայ, որ դա Տիրոջ խօսքն է,
9. եւ իմ հօրեղբոր որդի Անամայէլից գնեցի ագարակը, որն Անաթոթում է: Նրա համար կշռեցի արծաթը՝ տասնետօթը սիկլ:
10. մուրհակ գրեցի ու կնքեցի, վկաներ դրեցի եւ արծաթը կշեռքով կշռեցի:
11. Ապա, ըստ հրամանի ու իրաւունքի, վերցրի սեփականութեան մասին կնքուած մուրհակն ու չկնքուածը
12. եւ սեփականութեան մասին մուրհակը իմ հօրեղբոր որդի Անամայէլի Ներկայութեամբ այնտեղ գտնուողների աչքի առաջ տուեցի Մաասի որդի Ներիայի որդի Բարուքին: Բանտի սրահում Նստած բոլոր հրեաների առաջ Նրանք ստորագրեցին սեփականութեան մասին մուրհակը:
13. Ու Նրանց առաջ պատուիրեցի Բարուքին՝ ասելով.
14. Այսպէս է ասում Ամենակալ Տէրը, Իսրայէլի Աստուածը. Վերցրո՛ւ այդ մուրհակները, սեփականութեան մասին կնքուած մուրհակը ու չկնքուած մուրհակը եւ դի՛ր խեցե ամանի մէջ, որ պահպանուեն բազում օրեր:
15. Այսպէս է ասում Ամենակալ Տէրը, Իսրայէլի Աստուածը. Այս երկրի մէջ տները, ագարակներն ու այգիները Նորից պիտի գնուեն:
16. Երբ սեփականութեան մասին մուրհակը յանձնեցի Ներիայի որդի Բարուքին, աղօթեցի Տիրոջը եւ ասացի.
17. Տէ՛ր, ո՛վ դու Տէր, քո մեծ գորութեամբ եւ քո յաղթ բազկով դու ստեղծեցիր երկինքն ու երկիրը. չկայ ոչ մի բան, որ կարողանայ թաքնուել քեզից:
18. Հազարաւոր սերունդների ողորմածութիւն ես անում եւ հայրերի մեղքերի պատիժը Նրանցից յետոյ հատուցում ես Նրանց որդիներին: Մե՛ծ եւ հզօ՛ր Աստուած, քո անունը Զօրութիւնների Տէր է,
19. խորհուրդներով մեծ ես եւ գործերով՝ զօրաւոր: Ո՛վ դու Ամենակալ մեծանուն Տէր, քո աչքերը բաց են մարդկանց որդիների բոլոր ճանապարհների վրայ՝ իւրաքանչիւրին հատուցելու համար ըստ իր ճանապարհի եւ ըստ իր գործերի արդիւնքի:
20. Դու հրաշքներ ու սքանչելիքներ կատարեցիր Եգիպտացիների երկրում, նաեւ մինչեւ

- այժմ Իսրայելում ու ողջ աշխարհի մարդկանց մէջ, քեզ համար ստեղծեցիր մի անուն, որ կայ առ այսօր.
21. Իսրայելի քո ժողովրդին դու դուրս հանեցիր Եգիպտացիների երկրից հրաշքներով ու սքանչելիքներով, հզօր ձեռքով ու յաղթ բազկով եւ մեծամեծ տեսիլքներով:
22. Նրանց տուեցիր այս երկիրը, ինչպէս երդուել էիր իրենց հայրերին՝ տալ նրանց մի երկիր, որ կաթ ու մեղր է բխեցնում:
23. Նրանք մտան եւ ժառանգեցին այն, բայց ականջ չդրին քո ձայնին եւ չընթացան ըստ քո հրամանների, եւ այն ամէնը, ինչ պատուիրեցիր նրանց անել, չկատարեցին, այլ արեցին այնպէս, որ այս բոլոր չարիքները եկան նրանց գլխին:
24. Եւ ահա զօրքն այս քաղաքի վրայ է հասել, որպէսզի այն գրաւի, ու քաղաքը մատնուել է քաղղեացիների ձեռքը, որոնք պատերազմում են նրա հետ սրի, սովի ու մահուան միջոցով: Ինչպէս ասել էիր, այդպէս էլ եղաւ. դու ինքդ էլ տեսնում ես:
25. Իսկ դու, Տէ՛ր, ասում ես ինձ, թէ՛ Արծաթով քեզ համար ագարակ գնիր: Ես մուրհակ գրեցի ու կնքեցի եւ վկաներ դրեցի, բայց քաղաքը մատնուեց քաղղեացիների ձեռքը:
26. Եւ Տէրը խօսքն ինձ ուղղեց՝ ասելով.
27. Ահա ես բոլոր մարմնաւորների Տէր Աստուածն եմ. միթէ որեւէ բան ինձնից կարո՞ղ է թաքուն մնալ:
28. Դրա համար էլ Տէրն այսպէս է ասում. Այդ քաղաքը պիտի մատնուի քաղղեացիների ձեռքը եւ բաբելացիների Նաբուքոդոնոսոր արքայի ձեռքը, որը պիտի գրաւի դա:
29. Պիտի գան քաղղեացիները, որպէսզի պատերազմեն այդ քաղաքի դէմ եւ հրով այրեն դա. պիտի կրակի մատնեն այն տները, որոնց տանիքներին խունկ էին ծխում Բահաղին ու զոհեր մատուցում օտար աստուածներին, որպէսզի ինձ դառնութիւն պատճառէին:
30. Իսրայելացիներն ու Յուդայի երկրի մարդիկ իրենց մանկութիւնից սկսած իմ աչքերի առաջ միմիայն չարիք էին գործում: Իսրայելացիներն իրենց ձեռքի գործերով բարկացրին ինձ, - ասում է Տէրը: -
31. Այն օրից, ինչ շինեցի այդ քաղաքը, մինչեւ այսօր այն գոյութիւն ունեցաւ ինձ բարկացնելու եւ զայրացնելու համար.
32. իմ աչքի առաջ պետք է ջնջել դա այն բոլոր չարիքների համար, որ ինձ դառնացնելու նպատակով կատարեցին իսրայելացիներն ու Յուդայի երկրի մարդիկ, իրենք, իրենց թագաւորներն ու իրենց մեծամեծները, իրենց քահանաներն ու իրենց մարգարէները, Յուդայի երկրի տղամարդիկ եւ երուսաղէմի բնակիչները:
33. Նրանք իրենց թկոււնքները դարձրին ինձ եւ ոչ թէ երեսները: Սկզբից եւեթ ես սովորեցրի նրանց, սովորեցրի, բայց չուզեցին խրատ ընդունել:
34. Իրենց պղծութիւնները դրեցին այն Տան մէջ, որը կրում է իմ անունը:
35. Իրենց աղտեղութիւնների համար Ենոմացիների ձորում Բահաղին բազիններ կանգնեցրին, որպէսզի իրենց տղաներին ու աղջիկներին նուիրաբերեն Մողոքին, մի բան, որ ես չէի պատուիրել նրանց, եւ ոչ էլ մտքովս անցել էր կատարել տալ նրանց այդ պղծութիւնը՝ Յուդայի երկիրը յանցանքի մէջ մեղադրելու համար:
36. Արդ, այսպէս է ասում Տէր Աստուած Իսրայելի այդ քաղաքի վերաբերմամբ, որի մասին դու ասացիր, թէ մատնուեց բաբելացիների Նաբուքոդոնոսոր արքայի ձեռքը՝ սրի, սովի ու գերութեան:
37. Ահա ես նրանց կը հաւաքեմ այն բոլոր երկրներից, ուր ցրիւ տուեցի նրանց իմ բարկութեամբ, զայրոյթով ու մեծ ցասումով. նրանց կը վերադարձնեմ այս վայրերը, յոյսով կը բնակեցնեմ նրանց,
38. նրանք ինձ համար ժողովուրդ կը լինեն, իսկ ես նրանց համար կը լինեմ Աստուած:
39. Եւ ես կը տամ նրանց մի այլ սիրտ ու ճանապարհ՝ հանապազ երկնչելու ինձնից ի բարօրութիւն իրենց, իսկ իրենցից յետոյ՝ ի բարօրութիւն իրենց որդիների:
40. Նրանց հետ կը կնքեմ յաւիտենական ուխտ, որից չեմ հրաժարուի՝ բարութիւն անելով նրանց, եւ իմ երկիւղը կը դնեմ նրանց սրտերի մէջ, որպէսզի նրանք չապստամբեն իմ դէմ:
41. Բարութիւն անելու համար այցի կը գնամ նրանց, հաւատով, իմ ամբողջ սրտով եւ իմ

ամբողջ հոգով նրանց կը տնկեմ այս երկրում:

42. Արդարեւ, այսպէս է ասում Տէրը. Ինչպէս որ այդ ժողովրդի վրայ բերեցի այս բոլոր մեծամեծ չարիքները, այնպէս էլ նրա համար կը բերեմ բարիքներ, ինչպէս ասել էի դրանց մասին:

43. Նորից ագարակներ պիտի առնեն այդ երկրում, որի մասին դու ինքդ ասացիր, թէ թափուր է դարձել մարդ ու անասունից, որոնք մատնուել են քաղդէացիների ձեռքը:

44. Նրանք արծաթով ագարակներ պիտի գնեն, մուրհակներ պիտի գրեն եւ վկաներ կարգեն Բենիամինի երկրում եւ Երուսաղէմի շրջակայքում, Յուդայի երկրի քաղաքներում եւ լեւան քաղաքներում, Սեփելայի քաղաքներում եւ Նազեթի քաղաքներում, որովհետեւ նրանց պիտի վերադարձնեմ գերութիւնից, - ասում է Տէրը:

1. Աստուած երկրորդ անգամ իր խօսքն ուղղեց Երեմիային, որ տակաւին փակուած էր բանտի սրահում, եւ ասաց.
2. այսպէս է ասում Տէրը, որ արարեց երկիրը, ստեղծեց եւ հաստատեց այն. Տէր է նրա անունը:
3. Կանչի՛ր ինձ, եւ ես պատասխան կը տամ քեզ, կը պատմեմ քեզ մեծամեծ ու զօրաւոր բաների մասին, որ դու չգիտես:
4. Այո՛, այսպէս է ասում Տէր Աստուածն Իսրայելի այս քաղաքի տների մասին եւ Յուդայի երկրի արքայի ապարանքի մասին, որոնք քանդուել են պատնէշներ եւ մարտկոցներ կառուցելու նպատակով,
5. որպէսզի եկողները մարտնչեն քաղղեացիների դէմ եւ դրանք լցնեն այն մարդկանց դիակներով, որոնց հարուածեցի իմ բարկութեամբ ու զայրոյթով եւ իմ երեսը շուռ տուի նրանցից նրանց բոլոր չարութիւնների պատճառով:
6. Ահա ես պիտի բուժեմ նրանց վերքերը, պիտի բժշկեմ նրանց. խաղաղութեան ձայնը եւ ապահովութիւն պիտի բերեմ նրանց:
7. Պիտի վերադարձնեմ Յուդայի երկրի եւ Երուսաղէմի գերեալներին ու վերականգնեմ նրանց իրենց նախկին վիճակի մէջ:
8. Նրանց պիտի մաքրեմ այն բոլոր անիրաւութիւններից, որ գործեցին իմ նկատմամբ, ու այլեւս չպիտի յիշեմ նրանց յանցանքները, որ կատարեցին իմ հանդէպ՝ ապստամբելով իմ դէմ:
9. Նրանք ինձ համար ուրախութիւն, օրհնանք ու պարծանք պիտի դառնան երկրի բոլոր ժողովուրդների առաջ, որոնք, իմանալով այն բոլոր բաների մասին, որ ես անելու եմ Երուսաղէմի եւ Յուդայի երկրի համար, երկիւղ պիտի կրեն ու դառնաւոր դրանց համար կատարած իմ բոլոր բարիքների եւ խաղաղութեան գործերի շնորհիւ:
10. Այսպէս է ասում Տէրը. Այդ տեղում, որի մասին դուք ինքներդ ասում էք, թէ մարդկանցից ու անասուններից թափուր է, Յուդայի երկրի քաղաքներում եւ Երուսաղէմից դուրս, որոնք աներակների են վերածուել, որովհետեւ չկան մարդիկ, չկան բնակիչներ, չկան անասուններ, այդ նոյն տեղում դարձեալ պիտի հնչեն
11. ձայնն ուրախութեան եւ ձայնը ցնծութեան, ձայնը փեսայի եւ ձայնը հարսի, որոնք պիտի ասեն՝ Գոհութի՛ւն մատուցեցէք Ամենակալ Տիրոջը, քանզի քաղցր է նա, եւ յաւիտենական է նրա ողորմութիւնը: Օրհնութեան նուէրներ պիտի բերեն Տիրոջ Տունը, քանզի այդ երկրի գերեալներին առաջուայ վիճակին պիտի վերադարձնեմ, - ասում է Տէրը:
12. Այսպէս է ասում Չօրութիւնների Տէրը. Մարդ ու անասունից զուրկ այդ աներակ վայրում եւ դրա բոլոր քաղաքներում դարձեալ պիտի լինեն հովուական իջեւաններ ու ոչխարների հօտերի մակադատեղիներ:
13. Լեռնային քաղաքներում, Սեփելայի քաղաքներում ու Նազեբի քաղաքներում, Բենիամինի երկրում, Երուսաղէմի շրջակայքում եւ Յուդայի քաղաքներում դարձեալ ոչխարների հօտեր են անցնելու դրանք հաշուողի ձեռքի տակով, - ասում է Տէրը: -
14. Ահա օրեր են գալու, - ասում է Տէրը, - եւ ես հաստատ կատարելու եմ իմ բարի խօսքերը, որ յայտնեցի Իսրայելի տան մասին եւ Յուդայի տան մասին:
15. Այն օրերում եւ այն ժամանակ Դաւթի համար մի արդար շառաւիղ պիտի ծնեմ, որն իրաւունք ու արդարութիւն պիտի պաշտպանի երկրի վրայ:
16. Այն օրերում Յուդայի երկիրը պիտի փրկուի, եւ Երուսաղէմը յոյսով պիտի ապրի: Այս է այն անունը, որով նա պիտի կոչուի՝ Տէրն է մեր արդարութիւնը:
17. Տէրն այսպէս է ասում. Դաւթի սերնդից Իսրայելի տան գահին նստող մարդ չպիտի պակասի,
18. եւ դէտացի քահանաներից իմ առաջ ամէն օր ողջակէզ մատուցող, զոհաբերութիւն անող եւ խունկ ծխող մարդ չպիտի պակասի:
19. Տէրն իր խօսքն ուղղեց Երեմիա մարգարէին՝ ասելով.



20. այսպես է ասում Տէրը. եթէ կարողանաք խափանել ցերեկուայ իմ ուխտը եւ գիշերուայ իմ ուխտը այնպես, որ ցերեկն ու գիշերը իրենց ժամանակին չլինեն,
21. ապա կը խափանուի նաեւ իմ ուխտը, որ կ'ընքել եմ իմ ծառայ Դաւթի հետ, նաեւ իմ պաշտօնեաների՝ ղեւտացի քահանաների հետ, թէ՛ չի ունենայ նա որդի, որ թագաւորի նրա գահի վրայ:
22. Ինչպէս որ անթուելի են երկնքի աստղերը, եւ անչափելի ծովի աւազը, այդպէս էլ պիտի բազմացնեմ իմ ծառայ Դաւթի սերունդը եւ ղեւտացիներին՝ իմ պաշտօնեաներին:
23. Տէրը, իր խօսքն ուղղելով Երեմիա մարգարէին, ասում է.
24. Չե՞ս տեսնում ի՞նչ է խօսում այդ ժողովուրդը՝ ասելով, թէ՛ Աստուած, որ ընտրել էր երկու ազգատոհմերի, աչքից գցեց նրանց: Այդպիսով նրանք զայրացնում են իմ ժողովրդին, կարծես թէ նրանց համար նա այլեւս ազգ չէ:
25. Այսպէս է ասում Տէրը. եթէ ցերեկուայ ու գիշերուայ, երկնքի ու երկրի մասին իմ ուխտը չեմ հաստատել,
26. ապա Յակոբի եւ իմ ծառայ Դաւթի սերունդը կ'անարգե՞մ, Աբրահամի, Իսահակի եւ Յակոբի սերնդի վրայ նրա սերնդից իշխան չե՞մ դնի. ո՛չ, ես նրանց գերեալներին պիտի վերադարձնեմ, պիտի ողորմեմ նրանց:

1. Երբ բաբելացիների Նաբուքոդոնոսոր արքան իր բոլոր զորքերով, իր իշխանութեանը ենթակայ բոլոր թագաւորութիւններով ու բոլոր ժողովուրդներով պատերազմի ելաւ Երուսաղեմի եւ Յուդայի երկրի բոլոր քաղաքների դէմ, Տէրը խօսքն ուղղեց Երեմիային՝ ասելով.
2. Այսպէս է ասում Տէր Աստուածն Իսրայելի. գնա՛ Յուդայի երկրի Սեդեկիա արքայի մօտ եւ ասա՛ նրան. այսպէս է ասում Տէրը. Այդ քաղաքն անպայման պիտի մատնուի բաբելացիների արքայի ձեռքը, որը պիտի գրաւի ու հրով այրի այն:
3. Դու ել նրա ձեռքից չպիտի փրկուես, անպայման պիտի բռնուես ու մատնուես նրա ձեռքը: Քո աչքերը պիտի տեսնեն նրա աչքերը, դէմառդէմ պիտի խօսես նրա հետ եւ գնաս Բաբելոն:
4. Բայց լսի՛ր Տիրոջ պատգամները, ո՛վ Յուդայի երկրի Սեդեկիա արքայ. այսպէս է ասում Տէրը քո մասին.
5. Սրով չպիտի մեռնես, այլ խաղաղութեան մէջ պիտի մեռնես, եւ ինչպէս որ ողբացին քո հայրերին՝ առաջին թագաւորներին, որոնք Նախորդեցին քեզ, այնպէս ել պիտի ողբան քեզ, թէ՛ Վա՛յ, վա՛յ տեր: Պիտի լացուկոծ անեն քեզ համար, քանզի շատ խիստ խօսեցի, - ասում է Տէրը:
6. Երեմիա մարգարէն այս բոլոր բաները Երուսաղեմում յայտնեց Յուդայի Սեդեկիա արքային:
7. Իսկ բաբելացիների թագաւորի զօրքը կռուում էր Երուսաղեմի եւ Յուդայի երկրի մնացած բոլոր քաղաքների դէմ, Լաքիսի եւ Ազեկայի դէմ, որովհետեւ Յուդայի երկրի քաղաքների մէջ միայն սրանք էին մնացել որպէս ամուր քաղաքներ:
8. Տէրն իր խօսքն ուղղեց Երեմիային այն բանից յետոյ, երբ Սեդեկիա արքան, ազատութեան կոչով, ուխտ կնքեց Երուսաղեմում եղած ամբողջ ժողովրդի հետ,
9. որպէսզի իւրաքանչիւր ոք՝ իր ծառային, եւ ամէն մէկն՝ իր աղախինն, լինի եբրայեցի տղամարդ կամ եբրայեցի կին, ազատութիւն տայ եւ արծակի նրանց, որպէսզի Յուդայի ազգատոհմից ոչ մի մարդ իր եղբօրը ծառայ չդառնայ:
10. Եւ բոլոր մեծամեծներն ու ամբողջ ժողովուրդը, որոնք ուխտ էին դրել ազատ արծակելու իւրաքանչիւրն՝ իր ծառային, եւ ամէն մէկն՝ իր աղախինն, լինի եբրայեցի տղամարդ կամ եբրայեցի կին, արծակեցին նրանց, որպէսզի նրանք այլեւս իրենց չծառայեն:
11. Լսեցին ու արծակեցին, իսկ յետոյ յետ կանգնեցին եւ նորից բերեցին իրենց ծառաներին ու աղախիններին, որոնց ազատ էին արծակել, եւ նրանց դարձրին ծառաներ ու աղախիններ:
12. Տէր Աստուած, խօսքն ուղղելով Երեմիային, ասաց.
13. Այսպէս է ասում Տէր Աստուածն Իսրայելի. ես ուխտ կնքեցի ձեր հայրերի հետ այն օրը, երբ նրանց փրկեցի Եգիպտացիների երկրից՝ ստրկութեան տնից եւ ասացի, թէ՛
14. Երբ վեց տարին լրանայ, քո եբրայեցի եղբօրը, որ քեզ կը վաճառուի եւ վեց տարի քեզ համար կ'աշխատի, քեզնից ազա՛տ արծակիր, բայց ձեր հայրերը չլսեցին ինձ, չխոնարհեցրին իրենց ականջները:
15. Այսօր նրանք յետ են դարձել, որպէսզի իմ աչքի առաջ անեն այն, ինչ հաճելի է ինձ, որ իւրաքանչիւրն ազատ յայտարարի իր ընկերոջը, իմ աչքի առաջ կատարեն ուխտն այն Տան մէջ, որի վրայ դրուած է իմ անունը:
16. Բայց դուք շրջուեցիք ու պղծեցիք իմ անունը, իւրաքանչիւրը դարձաւ իր ծառայի մօտ, ամէն մէկն՝ իր աղախինի մօտ, որոնց ձեր հոգու համար ազատ էիք արծակել, եւ ստիպեցիք, որ վերադառնան եւ ծառայ ու աղախին լինեն ձեզ:
17. Դրա համար ել Տէրն այսպէս է ասում. Դուք չլսեցիք ինձ, իւրաքանչիւրն՝ իր եղբօրը, եւ ամէն մէկն իր մերձաւորին ազատ չյայտարարեց. ահա ես ել ձեզ համար ազատութիւն պիտի հռչակեմ սրի, սովի ու մահուան միջոցով, - ասում է Տէրը. -
18. ձեզ պիտի ցրեմ աշխարհի բոլոր թագաւորութիւնների մէջ: Այն մարդկանց, որոնք

խախտեցին իմ ուխտը եւ իմ առաջ կատարած իրենց ուխտի պատգամներին հաւատարիմ չմնացին, հորթը երկու մասի բաժանեցին եւ անցան նրա երկու մասերի միջով,

19. Յուդայի երկրի իշխաններին եւ Երուսաղէմի իշխաններին, ներքինիներին ու քահանաներին, նաեւ երկրի ամբողջ ժողովրդին, որոնք անցան հորթի երկու մասերի միջով,

20. այդ մարդկանց եւ տալու եմ իրենց թշնամիների ձեռքը, նրանց հոգիները պահանջողների ձեռքը, նրանց դիակներն իբրեւ կերակուր պիտի նետեմ երկնքի թռչուններին ու երկրի գազաններին:

21. Իսկ Հրեաստանի Սեդեկիա արքային ու նրա իշխաններին պիտի մատնեմ իրենց թշնամիների ձեռքը, նրանց հոգիները պահանջողների ձեռքը, բաբելացիների արքայի զօրքի ձեռքը, որ եկել հասել են նրանց վրայ:

22. Ահաւասիկ եւ հրաման եմ տալու, - ասում է Տէրը, - եւ նրանց նորից արձակելու եմ այդ քաղաքի վրայ. նրանք պիտի պատերազմեն դրա դէմ, գրաւեն ու հրով այրեն այն: Յուդայի երկրի քաղաքներն իրենց բնակիչներից թափուր եմ դարձնելու:

1. Յուդայի երկրի արքայ Յոսիայի որդի Յովակիմի օրերին Տերը իր խօսքն ուղղեց Երեմիային՝ ասելով.
2. Գևա՛ Ռաքաբիմների տունը, կանչի՛ր նրանց, բե՛ր Տիրոջ Տան սրահներից մեկը եւ գինի՛ խմեցրու նրանց:
3. Ու ես Քաբասինիայի որդի Երեմի որդի Յեքոնիային, նրա եղբայրներին ու նրա բոլոր որդիներին՝ Ռաքաբիմի ամբողջ գերդաստանը,
4. բերի Տիրոջ Տունը, Աստծու մարդ Գողոզիայի որդի Անանի որդու սրահը, որը գտնուում էր իշխանների սրահի մօտ, մուտքի պահապան Սելումի որդի Մաասի սրահի վերելում:
5. Ռաքաբիմի որդիների առաջ դրեցի մի աման լիքը գինի ու բաժակներ եւ ասացի նրանց. խմեցէ՛ք այդ գինին:
6. Նրանք ասացին. Գինի չենք խմում, որովհետեւ մեր հայր Յոնադաբը՝ Ռեքաբի որդին, մեզ պատուիրել է ու ասել. Դուք եւ ձեր որդիները յաւիտեանս գինի մի՛ խմեք,
7. նաեւ տներ չշինէ՛ք, սերմ չցանէ՛ք եւ այգիներ չտնկէ՛ք, այլ ձեր բոլոր օրերում բնակուեցէ՛ք վրանների մէջ, որպեսզի այդ երկրում, ուր դուք պանդուխտ էք, բազմապատկուեն ձեր կեանքի օրերը:
8. Եւ մենք ամեն բանում, ինչ պատուիրել էր մեզ, ականջ դրինք մեր հայր Յոնադաբի՝ Ռեքաբի որդու ձայնին, թե՛ մենք եւ թե՛ մեր կանայք, թե՛ մեր տղաներն ու աղջիկերը, որ մեր բոլոր օրերում չխմենք գինի,
9. տներ չշինենք եւ չբնակուենք նրանց մէջ. մենք չունեցանք նաեւ այգիներ, հանդեր ու ցանքեր.
10. բնակուեցինք վրանների տակ եւ լսեցինք ու կատարեցինք այն ամենը, ինչ պատուիրել էր մեզ մեր հայր Յոնադաբը:
11. Բայց երբ բաբելացիների Նաբուքոդոնոսոր արքան մտաւ այս երկիրը, ասացինք՝ Քաղդեացիների զօրքի պատճառով, ասորեստանցիների զօրքի պատճառով վեր կենանք գևանք Երուսաղէմ եւ այնտեղ ապրենք:
12. Եւ Տերը խօսքն ինձ ուղղեց՝ ասելով.
13. Այսպէս է ասում Զօրութիւնների Տերը՝ Իսրայելի Աստուածը. գևա՛ եւ յայտնի՛ր Յուդայի երկրի մարդկանց ու Երուսաղէմի բնակիչներին. Խրատ չէ՞ք առնում հետեւելու համար իմ խօսքերին, - ասում է Տերը:
14. Ռեքաբի որդի Յոնադաբի որդիները հաւատարիմ մնացին այն պատուիրանին, որ նա տուել էր իր որդիներին՝ գինի չխմել: Եւ նրանք չխմեցին մինչեւ օրս, որովհետեւ իրենց հօր պատուիրանը լսող եղան: Իսկ ես սկզբից եւեթ խօսեցի ձեզ հետ, բայց դուք չլսեցիք ինձ:
15. Ձեզ մօտ ուղարկեցի իմ բոլոր ծառաներին՝ մարգարէներին, կանխաւ ուղարկեցի, որ ամենքդ յետ դառնաք ձեր չար ճանապարհից, անելի բարի գործեր կատարեք, չհետեւեք օտար աստուածներին ու չծառայեք նրանց, որպեսզի բնակուեք այդ երկրում, որ տուեցի ձեզ ու ձեր հայրերին: Բայց դուք չխոնարհեցրիք ձեր ականջները եւ չլսեցիք ինձ:
16. Ռեքաբի որդի Յոնադաբի որդիները պահեցին իրենց հօր տուած պատուիրանը, իսկ այդ ժողովուրդը չլսեց ինձ:
17. Դրա համար էլ այսպէս է ասում Զօրութիւնների Տերը՝ Իսրայելի Աստուածը. Ահաւասիկ ես Յուդայի երկրի եւ Երուսաղէմի բոլոր բնակիչների վրայ պիտի բերեմ այն բոլոր չարիքները, որոնց մասին խօսել էի, որովհետեւ ասացի նրանց, բայց չլսեցին, կանչեցի նրանց, բայց ինձ պատաասխան չտուին:
18. Իսկ Ռեքաբի տան մարդկանց այսպէս ասաց Երեմիան. Այսպէս է ասում Զօրութիւնների Տերը՝ Իսրայելի Աստուածը. Քանի որ Ռեքաբի որդի Յոնադաբի որդիները հետեւեցին իրենց հօր պատուիրանին, հաւատարիմ մնացին նրա բոլոր հրամաններին՝ կատարելով այն ամենը, ինչ որ նրանց պատուիրել էր իրենց հայրը,
19. դրա համար էլ այսպէս է ասում Զօրութիւնների Տերը՝ Իսրայելի Աստուածը. այս երկրի ողջ գոյութեան ընթացքում թող Ռեքաբի որդի Յոնադաբի որդիներից այր մարդ

չպակասի՝ իմ առաջ կանգնելու համար:

1. Յուդայի երկրի արքայ Յոսիայի որդի Յովակիմի չորրորդ տարում Տերը խօսեց ինձ հետ՝ ասելով.
2. Քեզ համար մատեան վերցրու եւ նրա մէջ գրի՛ր այն ամենը, ինչ ասել եմ քեզ Իսրայելի, Յուդայի երկրի եւ բոլոր ազգերի մասին՝ սկսած այն օրից, երբ խօսեցի քեզ հետ՝ Յուդայի երկրի արքայ Յոսիայի օրերից մինչեւ այժմ.
3. Թերեւս Յուդայի տունն իմանայ այն բոլոր չարիքների մասին, որ մտածել եմ կատարել նրա նկատմամբ, որպէսզի իւրաքանչիւրը յետ դառնայ իր չար ճանապարհից, եւ ես քաւիչ լինեմ նրա անօրէնութիւններին ու նրա մեղքերին:
4. Երեմիան կանչեց Ներիայի որդի Բարուքին, եւ Բարուքը Երեմիայի բերանից մատեանում գրի առաւ այն բոլոր խօսքերը, որ Տերը յայտնել էր նրան:
5. Երեմիան Բարուքին պատուիրեց ու ասաց. Ես կալանքի մէջ եմ եւ չեմ կարող մտնել Տիրոջ Տունը.
6. դու կը գնաս եւ այն, ինչ գրի առար իմ բերանից՝ Տիրոջ խօսքերը, պահեցողութեան օրը Տիրոջ Տանը այդ մատեանից կ'ընթերցես ի լուր ժողովրդի, կ'ընթերցես նաեւ ի լուր Յուդայի երկրի բոլոր մարդկանց, որոնք եկած կը լինեն իրենց քաղաքներից:
7. Թերեւս Տիրոջ առաջ նրանց սիրտը գութ ընկնի, եւ ամենքն իրենց չար ճանապարհներից յետ դառնան, քանզի սաստիկ են զայրոյթն ու բարկութիւնը, որ Տերն արտայայտեց այդ ժողովրդի դէմ:
8. Եւ Ներիայի որդի Բարուքն ամէն ինչ կատարեց այնպէս, ինչպէս պատուիրել էր նրան Երեմիա մարգարէն՝ Տիրոջ Տան մէջ մատեանից ընթերցել Տիրոջ պատգամները:
9. Յուդայի երկրի արքայ Յոսիայի որդի Յովակիմի հինգերորդ տարում, իններորդ ամսին, Երուսաղէմի ամբողջ բնակչութիւնը, Յուդայի երկրի քաղաքներից Երուսաղէմ եկած համայն ժողովուրդը եւ Յուդայի տունը հաւաքուեցին Տիրոջ առաջ պահեցողութեան համար:
10. Իսկ Բարուքը Տիրոջ Տանը, Սափանիա ատենադարի որդի Գամարիայի գաւթում, Տիրոջ Տան Նոր դարպասի մուտքի մօտ, ի լուր ամբողջ ժողովրդի՝ մատեանից կարդաց Երեմիայի խօսքերը:
12. Երբ Սափանիայի որդի Գամարիայի որդի Միքիան այդ մատեանից լսեց Տիրոջ բոլոր պատգամները,
13. իջաւ թագաւորի տունը, ատենադարի դիւանը, ուր նստած էին բոլոր իշխանները՝ Եղիսամա ատենադպիրը, Սամէայի որդի Դալիան, Աքոբորի որդի Եղնաթանը, Սափանիայի որդի Գամարիան, Անանիայի որդի Սեդեկիան եւ շատ ուրիշ իշխանաւորներ:
14. Միքիան նրանց հաղորդեց իր լսած այն բոլոր խօսքերը, որ մատեանից ընթերցել էր Բարուքը՝ ի լուր ամբողջ ժողովրդի:
15. Այն ժամանակ բոլոր իշխանները Քուսիի որդի Սելումի որդի Նաթանի որդի Յուդիին ուղարկեցին Բարուքի մօտ եւ յայտնեցին. Այն մատեանը, որ ընթերցում էիր ի լուր ժողովրդի, ա՛յն քո ձեռքը եւ ե՛կ այստեղ: Ներիայի որդի Բարուքը մատեանն իր ձեռքն առաւ ու գնաց նրանց մօտ:
16. Նրան ասացին. Հապա նորի՛ց կարդա, որ մենք էլ լսենք: Եւ Բարուքը կարդաց, որ լսեն:
17. Իսկ երբ նրանք բոլոր պատգամները լսեցին, միմեանց հետ խորհուրդ արին ու ասացին Բարուքին. Մենք այդ բոլոր բաները կը հաղորդենք արքային:
18. Բարուքին հարց տուին՝ ասելով. Դէ մեզ պատմի՛ր՝ ո՞րտեղից գրեցիր այդ բոլոր խօսքերը, ո՞ւմ բերանից:
19. Բարուքը նրանց պատասխանեց. Երեմիայի՛ բերանից. Նա՛ է ինձ պատմել այդ բոլոր բաները, իսկ ես թանաքով գրել եմ այս մատեանի մէջ:
20. Իշխանները Բարուքին ասացին. Գնա թաքնուի՛ր Երեմիայի հետ. թող ոչ ոք չիմանայ, թէ որտեղ եք գտնուում:

21. Մատենանը պահ տալով Եղիսամա ատենադպրի տանը՝ նրանք գնացին սրահ, արքայի մօտ, եւ արքային պատմեցին ամէն բան:
22. Իսկ արքան մատենանը բերելու ուղարկեց Յուդիին, որն այն բերեց Եղիսամա ատենադպրի տնից: Յուդին, ի լուր թագաւորի եւ ի լուր թագաւորի շուրջը գտնուող բոլոր իշխանների, ընթերցեց մատենանը:
23. Թագաւորը, որովհետեւ իններորդ ամիսն էր, նստած էր ձմեռային պալատում, իսկ նրա դիմաց գտնուում էր վառուող կրակարանը:
24. Ու երբ Յուդին ընթերցում էր երեք կամ չորս էջ, թագաւորը ատենադպրի զմելիով կտրում էր այն ու նետում կրակարանի կրակի մէջ, մինչեւ որ ամբողջ մատենանը կրակարանի բոցի մէջ ոչնչացաւ:
25. Թագաւորն ու նրա բոլոր պաշտօնեաները, որ լսեցին այդ բոլոր խօսքերը, չաղաչեցին եւ չպատառոտեցին իրենց պատմութեանները:
26. Եղնաթանը, Դաւիան եւ Գամարիան թեպէտ յուշեցին արքային չայրել մատենանը, բայց նա նրանց չլսեց:
27. Արքան հրաման տուեց արքայորդի Յերեմիէլին, Եսրիէլի որդի Սարեային եւ Աբդիէլի որդի Սեղեմիային, որ բռնեն Բարուք ատենադպրին եւ Երեմիա մարգարէին, սակայն սրանք հեռացան ու թաքնուեցին:
28. Այն բանից յետոյ, երբ թագաւորն այրեց մատենանը, ուր Բարուքը Երեմիայի բերանից գրի էր առել նրա բոլոր խօսքերը, Տէրը խօսեց Երեմիայի հետ՝ ասելով.
29. Նորից դու մի այլ մատենան վերցրո՛ւ եւ նրա մէջ գրի՛ր նախորդ բոլոր խօսքերը, որոնք տեղ էին գտել առաջին մատենանում, որ այրեց Յուդայի երկրի Յովակիմ արքան:
30. Իսկ Յուդայի երկրի Յովակիմ արքային էլ կ'ասես, թէ այսպէս է ասում Տէրը. Դու վառեցիր մատենանն այն եւ ասացիր՝ ' Ինչո՞ւ նրա մէջ գրեցիր ու յայտնեցիր, թէ բաբելացիների արքան պիտի ներխուժի ու ջնջի այս երկիրը, պիտի գրկի այն մարդ ու անասունից''':
31. Դրա համար էլ Տէրն այսպէս է ասում Յուդայի երկրի Յովակիմ արքայի մասին. Նրա սերնդից մարդ չի մնալու, որ նստի Դաւթի աթոռին, եւ նրանց դիակները ցերեկն ընկած պիտի մնան տօթի, իսկ գիշերը՝ ցրտի մէջ:
32. Իր անօրէնութիւնների համար պատժելու եմ նրան, նրա ցեղին ու նրա պաշտօնեաներին, նրանց վրայ, Երուսաղեմի բնակչութեան վրայ եւ Յուդայի երկրի վրայ բերելու եմ այն բոլոր չարիքները, որոնց մասին յայտնեցի նրանց, բայց նրանք չլսեցին:
33. Եւ Երեմիան մի այլ մատենան վերցրեց ու յանձնեց Ներիայի որդուն՝ Բարուք ատենադպրին, որը նրա մէջ Երեմիայի բերանից գրի առաւ այն մատենանի բոլոր խօսքերը, որ կրակի մէջ այրել էր Յուդայի երկրի արքայ Յովակիմը: Այդ մատենանի մէջ ուրիշ խօսքեր եւս անելացան, առաւել, քան նախորդ խօսքերը:

1. Յովակիմի որդի Յեքոնիայի փոխարեն թագաւորեց Յոսիայի որդի Սեդեկիան, որին Յուդայի երկրի վրայ թագաւոր կարգեց բաբելացիների Նաբուքոդոնոսոր արքան:
2. Սա, իր ծառաներն ու երկրի ժողովուրդը եւս ականջ չդրին Տիրոջ խօսքերին, որ նա յայտնել էր Երեմիա մարգարէի միջոցով:
3. Սեդեմիայի որդի Յովաքաղին եւ Մաասիայի որդի Սոփոնիային, որոնք քահանաներ էին, Սեդեկիա արքան ուղարկեց Երեմիա մարգարէի մօտ՝ ասելով. Դու մեզ համար աղօթի՛ր մեր Տէր Աստծուն:
4. Իսկ Երեմիան գնում գալիս էր ամբոխի մէջ, եկաւ ու նրան բանտ չէին գցել: Այն ժամանակ Փարաւոնի զօրքը ելաւ Եգիպտացիների երկրից, որի մասին լսելով՝ քաղդէացիները, որոնք պաշարել էին Երուսաղէմը, հեռացան Երուսաղէմից:
5. Տէրը խօսեց Երեմիա մարգարէի հետ եւ ասաց.
6. Այսպէս է ասում Տէր Աստուածն Իսրայելի. այսպէս կ'ասեք Յուդայի երկրի արքային, որն ինձ մօտ է ուղարկել ձեզ՝ խնդրելու այս բանը. ահա Փարաւոնի զօրքը, որը եկել է ձեզ օգնութեան, նորից պիտի վերադառնայ Եգիպտոս,
7. իսկ քաղդէացիները կրկին պիտի վերադառնան այստեղ. պիտի պատերազմեն այս քաղաքի դէմ, պիտի գրաւեն եւ հրով պիտի այրեն այն:
8. Այսպէս է ասում Տէրը. Դուք ձեզ մի՛ խաբէք այն բանով, թէ՛ Քաղդէացիները ելան հեռացան մեզնից: Նրանք ձեզնից ձեռք չեն քաշելու:
9. Անգամ եթէ ձեզ հետ կռուող քաղդէացիների ամբողջ զօրքը կոտորեք, այն վիրաւորները, որոնք մնալու են նրանցից, ամեն կողմից պիտի բորբոքուեն ու հրով այրեն այս քաղաքը:
10. Երբ քաղդէացիների բանակը Եգիպտացիների զօրքերի ահից հեռացաւ Երուսաղէմից,
11. Երեմիան դուրս եկաւ Երուսաղէմից, որպէսզի գնայ Բենիամինի երկիրը եւ այնտեղ, ժողովրդի մէջ, գնի իր բաժին հողը:
12. Նա եկաւ հասաւ Բենիամինի դուռը: Այդտեղ մի մարդ կար, որին հանդիպեց նա, անունը՝ Սարու, Անանիայի որդի Սեդեմիայի տղան: Սա բռնեց Երեմիա մարգարէին՝ ասելով. Դու փախել ես եւ ուզում ես քաղդէացիների մօտ գնալ:
13. Իսկ Երեմիան ասաց. Սուտ ես ասում, ես չեմ փախչում քաղդէացիների մօտ: Բայց նա չլսեց նրան: Սարուն Երեմիային ձեռքակալեց եւ բերեց իշխանների մօտ:
14. Իշխանները զայրացան Երեմիայի վրայ, գանահարեցին ու բանտարկեցին նրան Յովնաթան ատենադպրի ապարանքում, քանի որ սրա ապարանքը բանտի էին վերածել:
15. Երեմիան ընկաւ Այերինոթ, այն տունը, որտեղ գուբն էր: Այդտեղ Երեմիան անցկացրեց երկար օրեր:
16. Սեդեկիա արքան մարդ ուղարկեց ու կանչեց նրան: Իր տան մէջ թագաւորը ծածուկ հարցրեց նրան՝ ասելով. Տիրոջ կողմից որեւէ պատգամ չկա՞յ արդեօք: Իսկ Երեմիան ասաց՝ այո՛, կայ: Ապա ասաց. Բաբելացիների թագաւորի ձեռքը պիտի մատնուես:
17. Զո եւ քո պաշտօնեաների ու ժողովրդի հանդէպ ի՞նչ մեղք գործեցի, - ասաց Երեմիան Սեդեկիա թագաւորին, - որ դու ինձ բանտ ես նստեցրել:
18. Իսկ ո՞ւր են ձեր այն մարգարէները, որոնք մարգարէութիւն էին անում ու ասում, թէ Բաբելացիների արքան չի գալու այս երկիրը՝ ձեզ վրայ:
19. Արդ, լսի՛ր, աղաչում եմ, տէ՛ր իմ արքայ, թող աղերսանքս հասնի քո սրտին. ինչո՞ւ ես ինձ նորից յետ դարձնում Յովնաթան ատենադպրի տունը, որ այնտեղ մեռնեմ:
20. Սեդեկիա արքան հրաման արձակեց, եւ նրան գցեցին բանտի գաւիթը: Նրան դրսից հացագործներն օրը մի նկանակ հաց էին տալիս, մինչեւ որ հացը քաղաքից բոլորովին կտրուէր: Եւ Երեմիան մնաց բանտի գաւթում:



1. Մատթանի որդի Սափատիան, Պասքորի որդի Գողողիան, Սեղեմիայի որդի Յովաքաղը եւ Մելքիայի որդի Պասքորը լսեցին Երեմիայի խօսքերը, որ նա ասում էր ամբողջ ժողովրդին, թե՝
2. այսպես է ասում Տէրը. Ով որ մնայ այս քաղաքում, սրով, սովով ու ժանտախտով պիտի մեռնի, իսկ ով գնայ քաղղեացիների մօտ, պիտի ապրի. նրա համար իր հոգին վերագտնուածի պէս պիտի լինի, նա պիտի փրկուի:
3. Այսպես է ասում Տէրը. Այդ քաղաքը պիտի մատնուի բաբելացիների թագաւորի զօրքի ձեռքը, պիտի գրաւեն դա:
4. Եւ իշխաններն ասացին թագաւորին. Թող սպանուի այս մարդը, որովհետեւ այդպիսով նա թուլացնում է բազուկները կռուող մարդկանց, որոնք մնացել են այս քաղաքում, եւ բազուկները ամբողջ ժողովրդի՝ այդպիսի խօսքեր ասելով նրան. այս մարդը ոչ թէ օգուտի եւ խաղաղութեան խօսքեր է ասում ժողովրդին, այլ՝ չարութեան:
5. Իսկ Սեղեկիա արքան, ամենեւին ձեռնհաս չլինելով նրանց դէմ որեւէ բան անելու, ասաց. Ահա նա ձեր ձեռքում է:
6. Առան Երեմիային եւ նրան գցեցին թագաւորի որդի Մելքիայի գուբը, որ գտնուում էր բանտի գաւթում: Երեմիային պարաններով իջեցրին գուբը: Իսկ գբի մէջ բոլորովին ջուր չկար, այլ լոկ տիղմ էր: Երեմիան մնաց տիղմի մէջ:
7. Եթովպացի Աբդիմէլէքը, ներքինի մի մարդ, որը թագաւորի ապարանքում էր, լսեց, որ Երեմիային գցել էին գուբը: Արքան նստած էր Բենիամինի դռանը,
8. երբ թագաւորական ապարանքից նրա մօտ գնաց Աբդիմէլէքը, խօսեց թագաւորի հետ ու ասաց.
9. Տէ՛ր արքայ, այդպես վարուելով Երեմիա մարգարէի հետ՝ այդ մարդիկ, ըստ ամենայնի, չարիք գործեցին, որովհետեւ նրան նետեցին գուբը, որի ներսում նա մեռնելու է: Դու չարիք գործեցիր՝ սովի միջոցով մահուան մատնելով Աստծու մարդուն, քանզի այս քաղաքում հաց չկայ:
10. Թագաւորը եթովպացի Աբդիմէլէքին հրաման տուեց ու ասաց. Այստեղից դու քեզ հետ վերցրո՛ւ երեսուն մարդ, մարգարէին հանեցէ՛ք այն գբից, որպէսզի չմեռնի:
11. Աբդիմէլէքն իր հետ վերցրեց մարդկանց, գնաց թագաւորի ապարանքը, գետնափոր գանձատունը, այնտեղից առաւ հին կապերտներ ու հին պարաններ եւ դրանք իջեցրեց Երեմիայի մօտ, գբի մէջ:
12. Աբդիմէլէք եթովպացին Երեմիային ասաց. Հին կապերտներն ու բրդերը դի՛ր քո թւատակերին, պարանների տակ:
13. Երեմիան այդպես էլ արեց: Նրան պարաններով քաշեցին եւ հանեցին գբից: Երեմիան նստեց բանտի գաւթի մէջ:
14. Սեղեկիա արքան մարդ ուղարկեց եւ մարգարէին կանչեց իր մօտ, Ասսալիսայի կացարանը, որը գտնուում էր Տիրոջ տաճարի մէջ: Արքան նրան ասաց. Մի բան պիտի հարցնեմ քեզ, բայց չլինի թէ ինձնից պահես:
15. Իսկ Երեմիան թագաւորին ասաց. Եթէ պատմեմ քեզ, արդեօք ինձ մահով չե՞ս մեռցնի, իսկ եթէ քեզ որեւէ խրատ տամ, ինձ չե՞ս լսի:
16. Սեղեկիա արքան գաղտնի երդում տուեց նրան եւ ասաց. Կենդանի է Տէրը, որ մեր մէջ այս շունչն է արարել. քեզ չեմ սպանելու եւ չեմ մատնելու այն մարդկանց ձեռքը, որոնք քո հոգին են պահանջում:
17. Երեմիան նրան ասաց. այսպես է ասում Զօրութիւնների Տէրը՝ Իսրայելի Աստուածը. Եթէ ելնես գնաս բաբելացիների արքայի զօրավարի մօտ, ապա քո անձը ողջ կը մնայ, եւ այս քաղաքը հրով չի այրուի, կ'ապրէք դու էլ, քո տունն էլ:
18. Իսկ եթէ չգնաս բաբելացիների արքայի իշխանների մօտ, այս քաղաքը կը մատնուի քաղղեացիների ձեռքը, հրով կ'այրեն դա, ու դու նրանց ձեռքից չես փրկուի:
19. Սեղեկիա արքան Երեմիային ասաց. Ես կասկած ունեմ քաղղեացիների մօտ փախած հրեաների նկատմամբ. գուցէ ինձ մատնեն նրանց ձեռքը, եւ նրանք

ծաղրուծանակի ենթարկեն ինձ:

20. Իսկ Երեմիան ասաց. Չեն մատնի քեզ, սակայն լսի՛ր Տիրոջ խօսքերը, որ ես յայտնում եմ քեզ. քեզ համար լաւ կը լինի, եւ քո անձը կը փրկուի:

21. Իսկ եթէ չկամենաս գնալ, ապա արդիւնքը կը լինի այն բանը, ինչ Տէրն ինձ ցոյց է տուել:

22. Ահաւասիկ այն բոլոր կանայք, որոնք մնացել են քո՝ Յուդայի երկրի թագաւորիդ տանը, պիտի տարուեն բաբելացիների արքայի իշխանների մօտ: Նրանք պիտի ասեն.

Մարդիկ, որոնք քեզ հետ հաշտութեան մէջ էին, քեզ խաբեցին եւ յաղթեցին, մոլորութեան մէջ գցեցին քո ոտքերը եւ երես դարձրին քեզնից:

23. Զո բոլոր կանանց ու որդիներին պիտի հանեն տանեն քաղդէացիների մօտ, եւ դու ել նրանց ձեռքից չես փրկուելու, որովհետեւ բաբելացիների թագաւորի ձեռքով պիտի բռնուես, իսկ այս քաղաքը պիտի այրուի հրով:

24. Եւ թագաւորը նրան ասաց. Ո՛վ դու մարդ, թող ոչ ոք չիմանայ այդ բաների մասին, թէ չէ կը մեռնես:

25. Իսկ եթէ իշխանները լսեն, որ խօսեցի քեզ հետ, եւ գան քեզ մօտ ու ասեն. Պատմի՛ր մեզ՝ ի՞նչ խօսեցիր արքայի հետ, մեզնից մի՛ թաքցրու, մենք քեզ չենք սպանի կամ թէ՛ Արքան քեզ ի՞նչ ասաց, -

26. ապա նրանց կ'ասես. ' Ես գութ աղերսեցի արքայի առաջ, որ ինձ նորից յետ չդարձնի Յովնաթանի տունը, որ այնտեղ մեռնեմ:

27. Եւ բոլոր իշխանները եկան Երեմիայի մօտ ու հարցուփորձ արին նրան. Նա պատմեց նրանց այն ամենը, ինչ պատուիրել էր նրան թագաւորը, ու նրան հանգիստ թողին, որովհետեւ ոչինչ յայտնի չդարձաւ:

28. Ու Երեմիան նստեց բանտի գաւթում մինչեւ այն ժամանակ, երբ Երուսաղէմը գրաւուեց:

1. Իսկ Երուսաղեմը գրաւուելու ժամանակ, Յուդայի երկրի Սեդեկիա արքայի իններորդ տարում, տասներորդ ամսին, բաբելացիների Նաբուքոդոնոսոր արքան ինքը իր ամբողջ զօրքով եկաւ հասաւ Երուսաղեմ եւ պաշարեց այն:
2. Սեդեկիայի տասնմէկերորդ տարում, չորրորդ ամսին, ամսի իններորդ օրը, քաղաքը ճեղք տուեց,
3. եւ բաբելացիների արքայի բոլոր զօրավարները՝ Ներգէլը, Սարասարը, Սարմագադը, Նաբուսարսեքիմը, Ռափսարիսը եւ Ներգէլը, Սարասարը, Ռաբմագը ու բաբելացիների արքայի այլ իշխաններ, մտան եւ բազմեցին միջին դռան առաջ:
4. Իսկ երբ Յուդայի երկրի Սեդեկիա արքան եւ բոլոր կռուող մարդիկ տեսան նրանց, գիշերով փախան եւ արքունի այգու ճանապարհով, պարիսպների միջեւ գտնուող դարպասով ելան քաղաքից, դուրս եկան Արաբիայի ճանապարհը:
5. Նրանց հետապնդեցին քաղդէացիների զօրքերը եւ Երիքովի Արաբոթում հասան Սեդեկիային, բռնեցին նրան ու բերին Եմաթի երկիրը՝ Դեբլաթա, բաբելացիների Նաբուքոդոնոսոր արքայի առաջ, որը նրա հետ դատաստան տեսաւ:
6. Բաբելացիների արքան Դեբլաթայում Սեդեկիայի առաջ սպանեց նրա որդիներին: Բաբելացիների արքան նաեւ կոտորեց Յուդայի երկրի ողջ ազատանուն,
7. իսկ Սեդեկիայի աչքերը կուրացրեց, կապեց նրան պղնձէ շղթաներով, որպէսզի նրան տանեն Բաբելոն:
8. Քաղդէացիները հրով այրեցին թագաւորի տունն ու ժողովրդի տները, քանդեցին Երուսաղեմի պարիսպները:
9. Ժողովրդի մնացած մասին, քաղաքում մնացածներին եւ իրենց կողմն անցածներին, ինչպէս եւ ժողովրդի թափափուկներին Նաբուզարդան դահճապետը քշեց Բաբելոն:
10. Աղքատ ու ընչազուրկ ժողովրդին Նաբուզարդան դահճապետը թողեց դարձեալ Յուդայի երկրում եւ նոյն օրն իսկ նրանց տուեց այգիներ ու ջրարբի հողեր:
11. Իսկ Երեմիային բաբելացիների Նաբուքոդոնոսոր արքան յանձնելով Նաբուզարդան դահճապետի ձեռքը՝ պատուիրեց նրան ու ասաց.
12. Վերցրո՛ւ դրան, աչքդ պահի՛ր դրա վրայ. ոչ մի վատ բան չանես դրան, այլ ինչ որ քեզ ասի՝ կ'անես դրա համար:
13. Ապա Նաբուզարդան դահճապետին ու Նաբուսագաբան ներքինապետին, Ներգէլին, Սարասարին, Ռոբոգոմին ու բաբելացիների արքայի բոլոր մեծամեծներին ուղարկեցին Երեմիայի մօտ,
14. նրան հանեցին բանտից եւ յանձնեցին Սափանի որդի Աքիկամի որդի Գողոդիային. նրան տարան մի տուն, եւ նա ապրում էր ժողովրդի մէջ:
15. Մինչ Երեմիան բանտի գաւթում նեղութեան մէջ էր, Տէրը խօսեց նրա հետ եւ ասաց.
16. Գնա յայտնի՛ր Աբդիմէլէք Եթովպացուն, թէ այսպէս է ասում Զօրութիւնների Տէրը՝ Իսրայէլի Աստուածը. Ահա ես այդ քաղաքի մասին ասած իմ խօսքը պիտի գործադրեմ չարիքի եւ ոչ թէ բարիքի համար. դա պիտի կատարուի այն օրը, քո աչքի առաջ:
17. Իսկ քեզ այդ օրը պիտի փրկեմ, - ասում է Տէրը: - Քեզ ոչ թէ պիտի տամ այն մարդկանց ձեռքը, որոնցից դու երկնչում ես,
18. այլ անապայման պիտի ազատեմ քեզ. դու սրով չպիտի ընկնես, եւ քո անձը քեզ համար պիտի լինի վերստին գտնուած, քանզի դու յոյսդ ինձ վրայ դրիր, - ասում է Տէրը:

1. Սա է այն խօսքը, որ Տերն ուղղեց Երեմիային այն բանից յետոյ, երբ Նաբուգարդան դահճապետը նրան ազատ արձակեց Ռամայում: Նրան, ձեռքերը շղթայակապ, վերցրին Երուսաղեմի եւ Յուդայի երկրի բոլոր գերիների միջից, որոնց քշում էին Բաբելոն:
2. Առաւ նրան դահճապետն ու ասաց. Զո Տեր Աստուածն հենց այն տեղի համար բարբառեց այդ չարութիւնների մասին:
3. Տերն սպառնաց եւ կատարեց այնպէս, ինչպէս խօսել էր, քանզի մեղանշեցիք Տիրոջ հանդէպ եւ ականջ չդրիք նրա ձայնին, որի համար էլ այդ բանը պատահեց ձեզ հետ:
4. Եւ ահա այժմ արձակեցի քեզ այն կապանքներից, որոնք քո ձեռքերին էին. եթէ քեզ համար հաճելի ես գտնում ինձ հետ գալ Բաբելոն՝ արի՛, աչք կը պահեմ քեզ վրայ, իսկ եթէ քո աչքին վատ է թւում ինձ հետ գալ Բաբելոն՝ մնա՛ այստեղ: Ահա այս ամբողջ երկիրը բարիքներով քո առաջ է. ուր որ հաճելի է քեզ՝ այնտեղ էլ գնա՛:
5. Զանի դեռ ես այստեղ եմ, գնա՛ ու մօտ որ կամենում ես: Վերադարձի՛ր Սափանի որդի Աքիկամի որդի Գողողիայի մօտ, որին բաբելացիների արքան Հրեաստանի՝ քո երկրի վրայ իշխան կարգեց. նրա հետ կը բնակուես ժողովրդի մէջ: Իսկ եթէ չես ուզում, քո աչքին ուր որ դուր է գալիս գնալ՝ գնա՛: Ապա դահճապետը նրան պաշար ու պարգեւներ տուեց եւ արձակեց:
6. Երեմիան գնաց Մասեփա, Աքիկամի որդի Գողողիայի մօտ, եւ բնակուեց այնտեղ երկրում մնացած ժողովրդի մէջ:
7. Բոլոր զօրքերի հրամանատարները, որոնք գտնուում էին դաշտում, իրենք ու իրենց զօրքերը լսեցին, որ բաբելացիների արքան երկրին վերակացու է կարգել Աքիկամի որդի Գողողիային՝ նրան յանձնելով տղամարդկանց ու կանանց եւ մեծաթիւ ժողովրդի, ինչպէս եւ երկրի բնակչութեան աղքատ մասին, որոնց չէր գաղթեցրել Բաբելոն:
8. Իրենց հետ եղած մարդկանցով Գողողիայի մօտ Մասեփա եկան Նաթանի որդի Իսմայէլը, Կարեի որդիներ Յովնանն ու Յովնաթանը, Թանաթեմի որդի Սարեան, Նետոփատի որդի Օփերի որդիներն ու Մաքաթիի որդի Յեզոնիան:
9. Սափանի որդի Աքիկամի որդի Գողողիան նրանց ու նրանց հետ եղած մարդկանց երդում տուեց ու ասաց. Մի՛ վախեցէք քաղղեացի պաշտօնեաներից, ապրեցէ՛ք այս երկրում, հարկատո՛ւ դարձէք բաբելացիների արքային, եւ ձեզ համար լաւ կը լինի:
10. Ես էլ ահաւասիկ մնում եմ Մասեփայում, որպէսզի դեմ կանգնեմ այն քաղղեացիներին, որոնք կը յարձակուեն ձեզ վրայ: Իսկ դուք գինի ու միրգ մթերեցէ՛ք, ձեր ամանների մէջ իւղ կուտակեցէ՛ք եւ բնակուեցէ՛ք ձեր քաղաքներում, որոնք դուք քաջութեամբ պահեցիք:
11. Եւ բոլոր իրեաները, որոնք մովաբացիների երկրում էին եւ ամոնացիների մէջ, որոնք Եդոմում էին, ոմանք էլ՝ տարբեր երկրներում, լսեցին, որ բաբելացիների արքան ժողովրդի մի մասը թողել է Հրեաստանում եւ նրանց վրայ վերակացու է դրել Սափանի որդի Աքիկամի որդի Գողողիային,
12. այդ բոլոր իրեաներն ամեն տեղից, ուր ցրուած էին, եկան Յուդայի երկիրը, Մասեփա, Գողողիայի մօտ, եւ չափազանց շատ գինի ու միրգ մթերեցին:
13. Կարեի որդի Յովնանն ու զօրքերի բոլոր հրամանատարները եւս, որոնք ուրիշ տեղ էին գտնուում, Մասեփայում ներկայացան Գողողիային եւ ասացին նրան.
14. Գիտե՞ս այն մասին, որ ամոնացիների Բայաելիս թագաւորը Նաթանի որդի Իսմայէլին ուղարկել է քեզ մօտ, որպէսզի սպանի քեզ: Բայց Աքիկամի որդի Գողողիան չհաւատաց նրանց:
15. Ապա Կարեի որդի Յովնանը Մասեփայում Գողողիային զաղտնի ասաց. Թո՛յլ տուր գնամ սպանեմ Նաթանի որդի Իսմայէլին, ու ոչ ոք թող չիմանայ. գուցէ մի օր նա սպանի քեզ, եւ իրեաները, որոնք հաւաքուած են քեզ մօտ, ցրուեն, ու Յուդայի երկրի մնացորդներն էլ կորչեն:
16. Իսկ Աքիկամի որդի Գողողիան Կարեի որդի Յովնանին ասաց. Մի՛ արա ինչպէս ասացիր, քանզի Իսմայէլի մասին դու տուտ խօսեցիր:



1. Պատահեց այնպես, որ եօթներորդ ամսին թագաւորազարմ Եղիսամայի որդի Նաթանի որդի Իսմայէլը թագաւորի պաշտօնեաների եւ տասը մարդու ուղեկցութեամբ եկաւ Մասեփա՝ Աքիկամի որդի Գողողիայի մօտ, եւ նրանք միասին հաց կերան Մասեփայում:
2. Ապա Նաթանի որդի Իսմայէլն իր հետ եղած տասը տղամարդկանցով վեր կացաւ, սրով հարուածեց Սափանի որդի Աքիկամի որդի Գողողիային եւ սպանեց նրան, որին բաբելացիների արքան երկրի վրայ վերակացու էր դրել:
3. Բոլոր հրեաներին եւս, որոնք Գողողիայի հետ Մասեփայում էին, ինչպես նաեւ այնտեղ գտնուած բոլոր քաղղեացիներին, որոնք պատերազմող մարդիկ էին, Իսմայէլը կոտորեց:
4. Իսկ Գողողիայի սպանութեան յաջորդ օրը, երբ դեռ ոչ ոք այդ մասին չգիտեր,
5. Սիւքեմից, Սաղեմից եւ Շամրինից մարդիկ եկան, ութսուն տղամարդ, մօրուքները սափրած, զգեստները պատառոտած, կոծ անելով, ձեռքներին՝ ընծաներ եւ կնդրուկ, որպէսզի տանեն Տիրոջ Տունը:
6. Մասեփայում նրանց ընդառաջ ելաւ Նաթանի որդի Իսմայէլը. նա գնում էր ու լաց լինում: Իսկ երբ մօտեցաւ նրանց, ասաց. Մտէ՛ք Աքիկամի որդի Գողողիայի մօտ:
7. Հէնց որ քաղաքամէջ հասան, Նաթանի որդի Իսմայէլն իր հետ եղած մարդկանցով քաղաքի մէջ կոտորեց նրանց եւ լցրեց ջրհորը:
8. Այնտեղ տասը մարդ կար, որոնք ասացին Իսմայէլին. Մեզ մի՛ սպանիր, որովհետեւ մենք դաշտում գանձեր ունենք՝ ցորեն ու գարի, մեղր ու իւղ: Նա զիջեց, ընկերների միջից միայն նրանց չսպանեց:
9. Իսկ ջրհորը, որի մէջ Իսմայէլը լցրել էր այն բոլոր մարդկանց դիակները, որոնց կոտորել էր Գողողիայի պատճառով, մի մեծ ջրհոր էր, որը Իսրայէլի Բաասա արքայի վախից շինել էր Ասա արքան. Նաթանի որդի Իսմայէլն այն լցրեց սպանուածներով:
10. Իսմայէլը գերեվարեց Մասեփայում մնացած ամբողջ ժողովրդին եւ թագաւորի դուստրերին՝ Մասեփայում եղած ժողովրդի թափթփուկների հետ միասին, որոնց Նաբուզարդան դահճապետը յանձնել էր Աքիկամի որդի Գողողիային: Նաթանի որդի Իսմայէլը առաւօտ կանուխ ելաւ գնաց միւս կողմը՝ ամոնացիների մօտ:
11. Երբ Կարէի որդի Յովնանը եւ զօրքերի բոլոր հրամանատարները, որոնք նրա հետ էին, լսեցին այն բոլոր չարիքների մասին, որ գործել էր Նաթանի որդի Իսմայէլը, հաւաքեցին իրենց բոլոր զինուորներին:
12. Եւ շարժուեցին, որպէսզի գնան պատերազմ մղեն Նաթանի որդի Իսմայէլի դէմ: Նրան հանդիպեցին Գաբաւոնում, յորդ ջրերի մօտ:
13. Իսկ երբ Իսմայէլի հետ եղած ամբողջ ժողովուրդը նկատեց Կարէի որդի Յովնանին եւ բոլոր զօրապետներին, որ նրա հետ էին, ուրախացաւ:
14. Ամբողջ ժողովուրդը, որին Իսմայէլը գերել էր Մասեփայում, անցաւ նրանց կողմը, եկաւ Կարէի որդի Յովնանի մօտ:
15. Բայց Նաթանի որդի Իսմայէլը ութ տղամարդու հետ փրկուեց Յովնանի ձեռքից եւ ընկաւ ամոնացիների մօտ:
16. Ապա Կարէի որդի Յովնանն ու բոլոր զօրապետները, որ նրա հետ էին, Մասեփայից վերցրին ժողովրդի այն մասը, որ մնացել էր, ազատեցին նրանց Նաթանի որդի Իսմայէլի ձեռքից այն բանից յետոյ, երբ սա սպանեց Աքիկամի որդի Գողողիային, գաբաւոնացիների երկրից առան հզօր ու պատերազմող մարդկանց, կանանց, տղամարդկանց ու ներքինիներին,
17. գնացին ու կանգ առան Բերուքքամամ երկրում, Բեթղահեմի դիմաց, որպէսզի քաղղեացիների երկիւղից անցնեն գնան Եգիպտացիների երկիրը:
18. Նրանք վախենում էին նրանցից, քանի որ Իսմայէլն սպանել էր Աքիկամի որդի Գողողիային, որին բաբելացիների արքան երկրի վրայ կառավարիչ էր կարգել:

1. Բոլոր զօրապետները, Կարէի որդի Յովնանը, Օսէի որդի Յեզոնիան եւ ամբողջ ժողովուրդը, փոքրից մինչեւ մեծերը, մօտեցան ու ասացին Երեմիա մարգարէին.
2. Թող մեր աղերսն ընդունելի լինի քո առաջ. մեզ համար, այս մնացորդացիս համար, աղօթի՛ր քո Տէր Աստծուն: Շատերից այս քչերս ենք մնացել, ինչպէս դու տեսնում ես մեզ քո աչքերով:
3. Թող քո Տէր Աստուածը մեզ ցոյց տայ ճանապարհը, որով ընթանանք, կամ այն բանը, որ կատարենք:
4. Իսկ Երեմիա մարգարէն նրանց ասաց. Լսեցի. ձեր խնդրանքի համար այժմ ես աղօթքի կը կանգնեմ մեր Տէր Աստծու առաջ, եւ Տէրն ինչ պատասխան որ տայ՝ կը յայտնեմ ձեզ, ոչ մի բան ձեզնից չեմ պահի:
5. Իսկ նրանք Երեմիային ասացին. Թող Տէրը մեզ համար արդար ու ճշմարիտ վկայ լինի, եթէ ամեն բան չանենք ըստ այն խօսքի, որ Տէրը կ'ուղարկի քեզ մեզ համար: Մենք այնպէս կ'անենք:
6. Մենք կ'անսանք մեր Տէր Աստծու ձայնին, որի մօտ ենք ուղարկում քեզ, այն բարի լինի թէ չար, որպէսզի մեզ համար լաւ լինի: Մենք կ'անսանք մեր Տէր Աստծու ձայնին:
7. Երբ անցել էր տասը օր, Աստուած խօսեց Երեմիայի հետ,
8. որը կանչեց Կարէի որդի Յովնանին, բոլոր զօրապետներին, որոնք նրա հետ էին, եւ ամբողջ ժողովուրդին, փոքրից մինչեւ մեծերը,
9. ու ասաց նրանց. Այսպէս է ասում Տէր Աստուածն Իսրայէլի, որի մօտ ուղարկեցիք ինձ, որպէսզի գուժ աղերսեմ նրա առաջ.
10. Եթէ մնաք այս երկրում, ձեզ կը շէնացնեմ եւ ոչ թէ կը քանդեմ, ձեզ կը տնկեմ եւ ոչ թէ արմատախիլ կ'անեմ, որովհետեւ մեղմացել եմ այն չարութիւնից, որ ասացի, թէ ձեր նկատմամբ պիտի անեմ:
11. Մի՛ վախեցէք բաբելացիների արքայից, որից զարիուրած էիք, չվախենաք նրանից, - ասում է Տէրը, - քանզի ես ձեզ հետ եմ, որպէսզի փրկեմ ձեզ եւ ազատեմ նրանց ձեռքից:
12. Կը գթամ ձեզ, կ'ողորմեմ ձեզ ու կը վերադարձնեմ ձեզ ձեր երկիրը:
13. Իսկ եթէ ասեք՝ Չենք բնակուի այս երկրում եւ չենք անսայ մեր Տէր Աստծու ձայնին,
14. այլ կը գնանք Եգիպտացիների երկիրը, որտեղ պատերազմ չենք տեսնի, շեփորի ձայն չենք լսի, հացից քաղցած չենք մնայ, եւ այնտեղ կ'ապրենք,
15. ապա այդ մասին լսեցէ՛ք Տիրոջ պատգամները, ո՛վ Հրեաստանի մնացորդներ: Այսպէս է ասում Չօրութիւնների Տէրը՝ Իսրայէլի Աստուածը. Եթէ դուք երեսներդ շուռ տաք ու մտնէք Եգիպտոս, որպէսզի այնտեղ բնակուէք,
16. ապա այն սուրը, որից դուք վախենում էք, այնտեղ, Եգիպտացիների երկրում, պիտի գտնի ձեզ, եւ այն սովը, որից տազնապում էք, այնտեղ, Եգիպտացիների երկրում, պիտի հասնի ձեզ, եւ այնտեղ պիտի մեռնէք:
17. Բոլոր մարդիկ, որոնք կը դիմեն ու կ'անցնեն Եգիպտացիների երկիրը, որպէսզի բնակուեն այնտեղ, սրով, սովով ու ժանտախտով պիտի մեռնեն, նրանցից ոչ ոք չպիտի կարողանայ փրկուել այն չարիքներից, որ բերելու եմ նրանց գլխին:
18. Այսպէս է ասում Չօրութիւնների Տէրը՝ Իսրայէլի Աստուածը. Ինչպէս որ իմ զայրոյթն ու բարկութիւնը թափուեց Երուսաղեմի բնակիչների վրայ, նոյնպէս էլ իմ զայրոյթը պիտի թափուի ձեզ վրայ, երբ դուք մտնէք Եգիպտոս: Պիտի լինէք անապատում, վտարանդի, նզովուած ու նախատուած, այլեւս չպիտի տեսնէք այս վայրերը,
19. ինչպէս ասաց Տէրը ձեզ՝ Յուդայի երկրի մնացորդներիդ, թէ՛ Չմտնէ՛ք Եգիպտոս: Բայց այժմ լա՛ւ իմացէք, այսօր ձեր առաջ վկայում եմ,
20. որ մեղք գործեցիք ձեր հոգու դէմ, քանի որ ինձ ուղարկեցիք ձեր Տէր Աստծու մօտ՝ ասելով. Մեզ համար աղօթի՛ր մեր Տէր Աստծուն, եւ այն ամենը, ինչ որ մեր Տէր Աստուածը խօսի քեզ հետ՝ նոյն ձեւով յայտնի՛ր մեզ, ու մենք կը կատարենք:
21. Եւ ես յայտնեցի ձեզ այսօր, բայց դուք ձեր Տէր Աստծու ձայնին չանսացիք, որի համար նա ինձ ձեզ մօտ էր ուղարկել:

22. Արդ, իմացէ՛ք, որ սրով, սովով ու ժանտախտով պիտի մեռնէք նոյն այն տեղում, ուր դուք կամենում էք գնալ ու բնակուել:



1. Երբ Երեմիան վերջացրեց ամբողջ ժողովրդին յայտնել նրա Տէր Աստծու բոլոր խօսքերը, որոնք նրան էր յղել Տէր Աստուած,
2. այն ժամանակ Օսէի որդի Յեզոնիան, Կարէի որդի Յովնանը եւ բոլոր ամբարտաւան մարդիկ Երեմիային ասացին. Դու սուտ ես խօսում. մեր Տէր Աստուած քեզ չի ուղարկել մեզ մօտ ասելու, թէ՛ Մի՛ մտնէք Եգիպտոս՝ այնտեղ բնակուելու համար,
3. այլ քեզ մեր դէմ է գրգռում Ներիայի որդի Բարուքը, որպէսզի մեզ մատնեն քաղղեացիների ձեռքը, որ կոտորեն եւ գերի տանեն մեզ Բաբելոն:
4. Կարէի որդի Յովնանը, բոլոր զօրապետներն ու ամբողջ ժողովուրդը չանսացին Տիրոջ ծայնին՝ բնակուելու Յուդայի երկրում:
5. Կարէի որդի Յովնանը եւ բոլոր զօրապետներն առան Յուդայի երկրի բոլոր մնացորդներին, որոնք Յուդայի երկրում ապրելու համար վերադարձել էին այն բոլոր ազգերի մօտից, ուր ցրուած էին նրանք,
6. տղամարդկանց, կանանց ու մանուկներին, թագաւորի դուստրերին եւ այն անձանց, որոնց Նաբուգարդան դահճապետը թողել էր Սափանի որդի Աքիկամի որդի Գողոդիայի մօտ, ինչպէս եւ Երեմիա մարգարէին ու Ներիայի որդի Բարուքին,
7. եւ գնացին Եգիպտացիների երկիրը, որովհետեւ չանսացին Տիրոջ ծայնին, եւ հասան Տափնաս:
8. Տափնասում Տէրն իր խօսքն ուղղեց Երեմիային եւ ասաց.
9. Դու մեծ մեծ քարե՛ր վերցրու, թաղի՛ր Տափնասում, աղիւսատան թաքստոցի մէջ, Փարաւոնի ապարանքի մուտքի մօտ՝ ի տես Յուդայի երկրի մարդկանց,
10. եւ ասա՛ նրանց. այսպէս է ասում Զօրութիւնների Տէրը՝ Իսրայելի Աստուածը. ահաւասիկ ես կ'ուղարկեմ ու կը բերեմ բաբելացիների Նաբուքոդոնոսոր արքային՝ իմ ծառային, որն իր գահը պիտի կանգնեցնի այդ քարերի վրայ, որոնք դու թաքցրիր: Դրանց վրայ կանգնած՝ նա պիտի կապի իր զէնքերը,
11. պիտի գայ ու հարուած հասցնի Եգիպտացիների երկրին, ում մահ է վիճակուած՝ պիտի դատապարտի մահուան, ում գերութիւն՝ գերութեան, ում սուր՝ սրի:
12. Նրանց աստուածների տան մէջ կրակ պիտի գցի, պիտի այրի նրանց ու գերի տանի: Պիտի քրքրի Եգիպտացիների երկիրը, ինչպէս հովիւն է քրքրում իր հագուստները, եւ այդտեղից հանգիստ պիտի դուրս գայ:
13. Պիտի խորտակի Եգիպտացիների երկրում գտնուող Արեգ քաղաքի սիւները եւ նրանց աստուածների մեհեաններն այրի հրով:

1. Տերը Երեմիայի միջոցով խօսեց բոլոր հրեաների մասին, որոնք բնակվում էին Եգիպտացիների երկրում, գտնվում էին Մագդոդում, Տափնասում, Մեմփիսում եւ Պաթուրես երկրում, ու ասաց.
2. այսպես է ասում Զորութիւնների Տերը՝ Իսրայելի Աստուածը. Դուք ինքներդ գիտեք այն բոլոր չարիքները, որ բերեցի Երուսաղեմի վրայ եւ ամբողջ Հրեաստանի քաղաքների վրայ:
3. Ահա դրանք այսօր ամայի են բնակիչներից այն չարութիւնների պատճառով, որ նրանք կատարեցին ինձ դառնացնելու համար, քանզի գնացին խունկ ծխելու եւ պաշտելու օտար աստուածներին, որոնց դուք եւ ձեր հայրերը չէիք ճանաչում:
4. Ու ես միշտ էլ կանխաւ ձեզ մօտ ուղարկեցի իմ բոլոր ծառաներին՝ մարգարէներին եւ ասացի, թէ՛ Մի՛ անեք այդ պիղծ բաները, որ ես ատում եմ:
5. Բայց նրանք չլսեցին ինձ եւ չհնազանդուեցին, որ դարձի գան իրենց չարութիւններից, խունկ չծխեն օտար աստուածներին:
6. Եւ իմ բարկութիւնն ու զայրոյթը թափուեց ու բորբոքուեց Յուդայի երկրի քաղաքներում եւ Երուսաղեմի հրապարակներում, որոնք աներ ու անապատ դարձան, ինչպես այսօր են:
7. Արդ, այսպես է ասում Զորութիւնների Տերը՝ Իսրայելի Աստուած. Ինչո՞ւ ձեր հոգիների առաջ մեծամեծ մեղքեր եք գործում, որ Յուդայի երկրի միջից ջնջեք ձեր տղամարդուն, կնոջն ու ծծկեր մանկանը, որ ձեզնից որեւէ մէկը չմնայ,
8. ձեր ձեռքի գործերով ինձ դառնութիւն պատճառեք եւ Եգիպտացիների երկրում, ուր դուք գնացել եք բնակուելու, խնկարկեք օտար աստուածներին, որ բնաջնջուեք եւ անեծքի ու նախատիւնքի առարկայ դառնաք աշխարհի բոլոր ազգերի մէջ,
9. որովհետեւ դուք մոռացութեան չտուեցիք ձեր հայրերի չար գործերը, Յուդայի երկրի թագաւորների չարութիւնները, նրանց կանանց չարութիւնները, ձեր չարութիւնները եւ ձեր կանանց չարութիւնները, որ նրանք կատարեցին Յուդայի երկրում եւ Երուսաղեմի հրապարակներում:
10. Մինչեւ այսօր նրանք յետ չկանգնեցին, չվախեցան եւ ոչ էլ հաւատարիմ մնացին իմ օրէնքին ու պատուիրաններին, որ դրեցի ձեր աչքի առաջ եւ ձեր հայրերի աչքի առաջ:
11. Դրա համար էլ այսպես է ասում Զորութիւնների Տերը՝ Իսրայելի Աստուածը. Ահա ես իմ երեսը դարձնում եմ դեպի ձեզ՝ չարութեան համար, ոչնչացնելու համար ամբողջ Յուդայի երկիրը:
12. Պիտի առնեն Յուդայի երկրի մնացորդներին, որոնք դիմեցին ու եկան Եգիպտացիների երկիրը՝ այստեղ բնակուելու համար, Եգիպտոսում եղած բոլոր մնացորդներին պիտի կորստեան մատնեն. պիտի սրի քաշուեն եւ սովից բնաջնջուեն, փոքրից մինչեւ մեծերը սրից պիտի ընկնեն ու սովից մեռնեն, պիտի մատնուեն նզովքի ու կորստեան, անեծքի ու նախատիւնքի:
13. Եւ նրանց, որ Եգիպտոսում են բնակւում, պիտի պատժեմ սրով, սովով ու մահով, ինչպես պատժեցի Երուսաղեմին.
14. եւ Յուդայի երկրի մնացորդներից, որոնք բնակւում են Եգիպտացիների երկրում, ոչ ոք չպիտի փրկուի, որ վերադառնայ Յուդայի երկիրը, ուր նրանք վերադառնալու եւ այնտեղ բնակուելու յոյսն էին փայփայում իրենց հոգում: Չպիտի վերադառնան, բացի միայն փրկուածներից:
15. Այն ժամանակ այն բոլոր տղամարդիկ, որոնք գիտէին, որ իրենց կանայք խունկ են ծխում օտար աստուածներին, նաեւ այնտեղ եղած բոլոր կանանց մեծ բազմութիւնն ու ամբողջ ժողովուրդը, որ բնակւում էր Եգիպտացիների երկրում, Պաթուրեսում, պատասխան տուին Երեմիային եւ ասացին.
16. Մենք չենք լսի քո այդ խօսքը, որ Տիրոջ անունից ասացիր մեզ,
17. բայց անպայման կը կատարենք ամեն բան, ինչ ելաւ մեր բերանից. խունկ կը ծխենք երկնքի թագուիուն, նրան նուէրներ կ'ընծայենք, ինչպես արել ենք մենք ու մեր հայրերը,

մեր թագաւորներն ու մեր իշխանները Յուդայի երկրի քաղաքներում ու Երուսաղէմի հրապարակներում, երբ առատ էինք հացով, վայելքի մէջ էինք ու չարիք չէինք տեսնում:

18. Իսկ երբ դադարեցինք երկնքի թագուհուն խունկ ծխելուց եւ նրան նուէրներ ընծայելուց, ամէն ինչի կարօտ մնացինք եւ սրով ու սովով կոտորուեցինք:

19. Երբ մենք, - անելացրին կանայք, - երկնքի թագուհուն խունկ էինք ծխում եւ նրան նուէրներ ընծայում, ինչ է, առանց մեր ամուսինների իմացութեա՞ն էինք թխուածք ու կարկանդակներ պատրաստում կամ նուէրներ ընծայում նրան:

20. Ժողովրդի բոլոր զօրաւոր մարդկանց ու նրանց կանանց եւ ամբողջ ժողովրդին, որոնք իրեն այդպիսի պատասխան խօսք ասացին, Երեմիան պատասխանեց ու ասաց.

21. Արդեօք Տէրը չիշէ՞ց, նրա միտքը չընկա՞ւ այդ խունկը, որ դուք ու ձեր հայրերը, ձեր թագաւորները, ձեր իշխաններն ու երկրի ժողովուրդը ծխում էիք Յուդայի երկրի քաղաքներում ու Երուսաղէմի հրապարակներում:

22. Ձեր չար արարքների եւ ձեր արած գարշելի գործերի պատճառով Տէրը չկարողացաւ համբերել, եւ ձեր երկիրը, բնակիչներից զրկուած, դարձաւ աներակ ու անապատ եւ նզովքի առարկայ, ինչպէս այսօր է:

23. Այն բանի համար, որ դուք դրանց խնկարկում էք եւ դրանով իսկ մեղանշում Տիրոջ հանդէպ, չէք լսում Տիրոջ ձայնը եւ չէք ընթանում ըստ նրա օրէնքների, ըստ նրա ցուցումների եւ հրամանների, դրա համար էլ ձեզ վիճակուեցին այդ չարիքները, ինչպիսիք այսօր էլ կան:

24. Եւ Երեմիան ամբողջ ժողովրդին ու բոլոր կանանց ասաց. Լսեցէ՛ք Տիրոջ պատգամները, Յուդայի երկրի բոլոր մարդիկ, որ գտնուում էք Եգիպտացիների երկրում.

25. այսպէս է ասում Զօրութիւնների Տէրը՝ Իսրայէլի Աստուածը. Դուք եւ ձեր կանայք ինչ որ ասացիք ձեր բերաններով, այն էլ արեցիք ձեր ձեռքերով. ասում էք թէ՝ Մեր դաւանածը պիտի դաւանենք, խունկ պիտի ծխենք երկնքի թագուհուն եւ նուէրներ ընծայենք: Եւ դուք հաստատ մնացիք ձեր դաւանութեանը եւ ճշտօրէն կատարեցիք ձեր ուխտը:

26. Դրա համար էլ լսեցէ՛ք Տիրոջ պատգամը, Յուդայի երկրի բոլոր մարդիկ, որ բնակւում էք Եգիպտացիների երկրում. Ահա ես երդուեցի իմ մեծ հոգով, - ասում է Տէր Աստուած, - որ եթէ իմ անունը նորից ինչի Յուդայի երկրի որեւէ մարդու բերանից, եթէ ասեն, թէ՝ Տէրը կենդանի է Եգիպտացիների այս ամբողջ երկրում,

27. ապա ես կը ծառանամ դրանց դէմ՝ դրանց չարչարելու եւ ոչ թէ բարութիւն անելու համար: Եւ Յուդայի երկրի բոլոր մարդիկ, որ ապրում են Եգիպտացիների երկրում, պիտի կոտորուեն սրով ու սովով, մինչեւ որ նուազեն:

28. Իսկ սրից ազատուածները՝ սակաւաթիւ մարդիկ, Եգիպտացիների երկրից պիտի վերադառնան Յուդայի երկիրը: Եւ Յուդայի երկրի բոլոր մնացորդները, որ բնակւում են Եգիպտացիների երկրում, պիտի իմանան, թէ ում խօսքն է հաստատուելու՝ ի՞մը, թէ՞ իրենցը:

29. Եւ սա թող ձեզ նշան լինի, - ասում է Տէրը, - որ այստեղ ես ձեզ պատժելու պիտի գամ, որպէսզի գիտենաք, որ իմ խօսքերը ձեր նկատմամբ ի չարը պիտի կատարուեն:

30. Այսպէս է ասում Տէրը. Ահա ես Եգիպտացիների արքայ Վափառ փարաւոնին կը յանձնեմ իր թշնամիների ձեռքը, իր հոգին պահանջողների ձեռքը, ինչպէս որ Սեդեկիա արքային տուեցի իր թշնամու եւ իր հոգին պահանջողի՝ բաբելացիների Նաբուքոդոնոսոր արքայի ձեռքը:

1. Ահա այն խօսքը, որ Յուդայի երկրի արքայ Յոսիայի որդի Յովակիմի չորրորդ տարում Երեմիա մարգարեն յայտնեց Ներիայի որդի Բարուքին, որն այն ժամանակ սոյն մատենանում Երեմիայի բերանից գրի առաւ այս բաները:
2. Այսպէս է ասում քո մասին Տէր Աստուածն Իսրայելի. Ո՛վ Բարուք,
3. դու, որ ասացիր, թէ՛ Վա՛յ ինձ, վա՛յ ինձ, քանզի Տէրն իմ ցաւերի վրայ տառապանք անելացրեց, ես հեծեճանքով քուն մտայ եւ հանգստութիւն չգտայ,
4. այսպէս կ'ասես նրան, թէ այսպէս է ասում Տէրը.
5. Ահա ինչ որ ես շինեցի, ինքս քանդում եմ, եւ ինչ որ ես տնկեցի, ինքս եմ արմատախիլ անում՝ այս ամբողջ երկիրը:
6. Իսկ դու քեզ համար մեծ-մեծ բաներ ես խնդրում. մի՛ խնդիր, որովհետեւ, - ասում է Տէրը, - ահա իւրաքանչիւր մարմնի ես չարիք եմ բերելու, իսկ քո անձը ամենուրեք, ուր էլ որ գնալու լինես, քեզ եմ պարգեւելու իբրեւ փրկութիւն:

1. Եգիպտոսի մասին
2. Ահա Երեմիա մարգարէին ուղղուած Տիրոջ խօսքը եգիպտական բոլոր ազգատոհմերի
3. Եւ եգիպտացիների արքայ Նեքաւով փարաւոնի զօրաբանակի մասին, որը գտնոււմ էր Եփրատ գետի մօտ, Զարքամիսում, եւ որին Հրեաստանի Յոսիա արքայի որդի Յովակիմի չորրորդ տարում ջախջախեց բաբելացիների Նաբուքոդոնոսոր արքան:
4. Չէնք ու վահան վերցրէք, մտէ՛ք մարտի մէջ,
5. պատրաստեցէ՛ք երիվարները, ձի՛ հեծէք, ո՛վ սպառազինուածներ, դրէ՛ք սաղաւարտները, առա՛ջ ուղղեցէք գեղարդները, հագէ՛ք ձեր զրահները:
6. Բայց այդ ի՞նչ է կատարոււմ. դրանք, ահաւասիկ, զարհուրածներն են, որ դէպի յետ են շարժոււմ, որովհետեւ նրանց զօրաւոր մարդիկ ջախջախուեցին, եւ իրենք փախուստի են դիմել, իսկ դրանցից նրանք, որ շրջապատման մէջ ընկան, չպիտի վերադառնան, - ասում է Տէրը: -
7. Ո՛չ արագաշարժը պիտի փախչի, ո՛չ էլ հզօրը փրկուի. հիւսիսի կողմերում, Եփրատ գետի մօտ, նրանք ուժասպառ եղան ու կործանուեցին:
8. Ո՞վ է սա, որ բարձրացել է գետի պէս, եւ ջրեր կուտակած գետերի պէս յորձանք է տալիս:
9. Եգիպտոսի ջրերը գետի պէս յորդել են, գետի պէս ալեկոծուած են նրա ջրերը: Դա եգիպտոսն է, որ ասում է.Ես կ'ելնեմ ու կը ծածկեմ երկիրը, կը կործանեմ քաղաքներն ու նրանց բնակիչներին:
10. Երիվարներ՝ հեծէք, կառքեր՝ լծեցէք, ելէ՛ք, ո՛վ եթովպացի մարտիկներ եւ զինավառ լիբիացիներ, վեր կացէք, աղեղներդ լարեցէ՛ք, ո՛վ լիդացիներ:
11. Այս օրը, ահա, մեր Տէր Աստծու վրեժխնդրութեան օրն է՝ իր թշնամիներից վրեժ առնելու համար: Սուրը պիտի ուտի եւ յագենայ, պիտի հարբի նրանց արիւնից, որովհետեւ Չօրութիւնների Տիրոջ զօհը հիւսիսի երկրից պիտի լինի, Եփրատ գետի ափին:
12. Գնա՛ Գաղաադ եւ դեղ ու բալասա՛ն առ եգիպտացիների կոյս դստեր համար. իզուր ես շատացնում դեղորայքը. ոչ մի տեղից քեզ օգուտ չկայ:
13. Ազգերը լսեցին քո գոյժը, եւ երկիրը լցուեց քո աղաղակով. պատերազմողը պատերազմողի հետ բախուեց ու թուլացաւ, եւ երկունս էլ միասին ընկան:
14. Ահա այն խօսքը, որ Տէրը յայտնեց Երեմիա մարգարէի միջոցով, երբ բաբելացիների Նաբուքոդոնոսոր արքան եկաւ հարուած հասցնելու Եգիպտացիների երկրին.
15. Գուժեցէ՛ք Եգիպտոսում, ձա՛յն արձակեցէք Մագդողում, իմա՛ց տուէ՛ք Մեմփիսին, ազդարարէ՛ք Տափնասին, թէ՛ Արի պատրա՛ստ եղիր, որովհետեւ սուրը կերաւ քո ճիւղերը,
16. քո ընտիր ցուլը փախուստ տուեց, չմնաց, քանի որ Տէրը լքեց նրան:
17. Եւ բազմութիւնը տկարացաւ. ամէն մէկն իր ընկերոջ մօտ ընկաւ: Ապա ասացին. Եկէ՛ք հեթանոսի սրից իւրաքանչիւրս դառնանք դէպի մեր ժողովուրդը,գնանք ամէն մէկս՝ իր երկիրը:
18. Եգիպտացիների Փարաւոն արքայի անունը կոչեցէ՛ք Սաոն, Եբիր եւ Մովեդ:
19. Կենդանի եմ ես, - ասում է Տէրը, - Չօրութիւնների թագաւոր է նրա անունը: Ինչպէս գահաւանդակն է լեռների մէջ, կամ ինչպէս Կարմելոսը՝ ծովում, նա պետք է գայ:
20. Գերութեան պատրաստութի՛ւն տես, ո՛վ դուստր, բնակի՛չդ Եգիպտոսի, քանզի Մեմփիսն աւերակ պիտի դառնայ, եւ վայ պիտի տան նրան՝ այնտեղ բնակիչներ չլինելու պատճառով:
21. Եգիպտոսը զարդարուած ու գեղեցիկ երինջ է. նրա կործանումը հիւսիսից պիտի գայ:
22. Նրա վարձկանները նրա մէջ նման են պարարտ եզների, ու նրանք էլ առհասարակ փախուստի պիտի դիմեն եւ չպիտի հանդարտուեն, որովհետեւ նրանց վրայ եկաւ կործանման օրը, եւ հասաւ վրեժխնդրութեան ժամանակը:

23. Նրանց ձայնը լինելու է ինչպես օձի շչիւնը, քանի որ նրանք աւագի միջով են գնալու: Տապարակիրները նրա վրայ են գալու որպէս անտառահատներ:
24. Կտրեցէ՛ք նրա ծառերը, - ասում է Տէր Աստուած, - քանզի նրանց հաշիւը ոչ ոք չի կարող անել. նրանք մորեխից աւելի են բազմացել, նրանց թիւ չկայ:
25. Ամօթով մնաց եգիպտոսի դուստրը, նա պիտի մատնուի հիւսիսի զօրքերի ձեռքը:
26. Չօրութիւնների Տէրը՝ Իսրայէլի Աստուածն ասում է. Ահա ես վրէժխնդիր եմ լինելու նրա որդի Ամոնից, Փարաւոնից ու եգիպտացիներից, նրանց աստուածներից ու նրա թագաւորներից, Փարաւոնից ու նրան ապաւինողներից.
27. Նրանց մատնելու եմ նրանց հոգիները պահանջողների ձեռքը, բաբելացիների Նաբուքոդոնոսոր արքայի ձեռքը ու նրա պաշտօնեաների ձեռքը, եւ այնուհետեւ նրանք կ'ապրեն ինչպէս առաջ, - ասում է Տէրը:
28. Բայց դու մի՛ վախեցիր, ո՛վ իմ ծառայ Յակոբ, դու չպետք է զարհուրես, ո՛վ Իսրայէլ, քանզի ես ահա փրկելու եմ քեզ հեռաստանից, իսկ քո սերունդը՝ նրանց գերութիւնից: Պիտի վերադառնայ Յակոբը, դադար պիտի առնի ու հանգիստ լինի, եւ չի լինելու որեւէ մէկը, որ լլկի նրան:
29. Իսկ դու մի՛ վախեցիր, ո՛վ իմ ծառայ Յակոբ, - ասում է Տէրը, - որովհետեւ ես քեզ հետ եմ. եթէ ես բնաջնջեմ այն բոլոր ազգերին, որոնց մէջ ցրեցի քեզ, քե՛զ, սակայն, չեմ բնաջնջելու: Զեզ արդարութեամբ պիտի խրատեմ, թէեւ լրիւ չպիտի արդարացնեմ:

1. Այլազգիների մասին
2. Տիրոջ խօսքը այլազգիների մասին՝ ուղղուած Երեմիա մարգարէին, երբ Փարաւոնը դեռ չէր աւերել Գազան:
3. Այսպէս է ասում Տէրը. Ահաւասիկ ջրեր են բարձրանում հիւսիսից, որոնք յորդահոս հեղեղների վերածուելով՝ պիտի ողողեն երկիրն ամբողջութեամբ, քաղաքն իր բնակիչներով: Լաց ու կոծ պիտի անեն մարդիկ, եւ երկրի բոլոր բնակիչները աղաղակ պիտի բարձրացնեն
4. ասպատակող հեծելազօրի զէնքերի ու ոտքերի ձայնից, նրա կառքերի շաչիւնից եւ դրանց անիւների շառաչից: Հայրերը չպիտի համարձակուեն շրջուել դէպի իրենց որդիները, որովհետեւ նրանց ձեռքերը պիտի թուլանան
5. այն օրը, որը վրայ է հասնելու բոլոր այլազգիներին կորստեան մատնելու համար: Կորստեան պիտի մատնեմ նաեւ Տուրն ու Տայդանը եւ նրանց միւս բոլոր օգնականներին: Տէրը ոչնչացնելու է կղզիներում եւ Գամիրքում մնացած այլազգիներին:
6. Գազայում այնպիսի սուգ պիտի լինի, որ մարդիկ խուզեն իրենց գլուխները, Ասկաղոնը պիտի ոչնչանայ, ինչպէս եւ Ենակիմի մնացորդները:
7. Ո՛վ դու Տիրոջ սուր, մինչեւ ե՞րբ պիտի կոտորես, մինչեւ ե՞րբ դադար պիտի չառնես, վերադարձի՛ր քո պատեանը, հանգի՛ստ առ, յե՛տ կանգնիր:
8. Ինչպէ՞ս դադար առնի նա. չէ՞ որ Տէրը հրամայեց նրան յարձակուել Ասկաղոնի եւ նրանց վրայ, ովքեր մնացել էին ծովեզերքին:

1. Մովաբի մասին
2. Այսպէս է ասում Զօրութիւնների Տէրը՝ Իսրայէլի Աստուածը. Վա՛յ Նաբաւին, որ կործանուեց, Կարիաթիմն ամօթահար եղաւ, գրաւուեց. ամօթահար եղաւ Մոսոգամբն ու պարտութեան մատնուեց:
3. Մովաբն այլեւս եստերնում պարծենալու բան չունի: Նրա մասին չարիք են որոճում, թէ՛ եկեք ազգի միջից նրան ոչնչացնենք, թող լռի ու պապանծուի: Հուրն է շրջում քո յետեւից:
4. Օրոնայիմից լսում է գուժկանների բօթը. Մովաբն ակերուեց ու մեծ կոտորածի ենթարկուեց:
5. Գոյժ տուեք Չոգորին, քանգի Ալոթը ողբով լցուեց,
6. եւ լացով են բարձրանում Օրոնայիմի ճանապարհով: Տագնապ ու կոտորածի բօթ լսեցի.
7. փախե՛ք ու փրկեցե՛ք ձեր անձերը ու կը լինեք ինչպէս անապատի ցիռ:
8. Յոյսդ դրել էիր քո ամրոցների վրայ, բայց պիտի վրայ հասնեն նեղութիւնները, ու դու պիտի բռնուես: Քամոսը գերի պիտի գնայ իր քուրմերի ու իր իշխանների հետ:
9. Միանգամից կործանում պիտի հասնի բոլոր քաղաքներին, մի քաղաք իսկ չպիտի փրկուի, բնակիչը պիտի ոչնչանայ, դաշտեցին՝ բնաջնջուի:
10. Այսպէս է ասում Տէրը. Մի ծաղիկ տուեք Մովաբին որպէս նշան, որը տոչորուելով պիտի տոչորուի, իսկ նրա բոլոր քաղաքները անապատի պիտի վերածուեն բնակիչներ չլինելու պատճառով:
11. Թող անիծեալ լինի նա, ով Տիրոջ գործը ծուլութեամբ կը կատարի, թող անիծեալ լինի նաեւ նա, ով Տիրոջ սուրը արիւնից յետ կը պահի:
12. Իր մանկութիւնից ի վեր Մովաբը հանգի՛ստ էր, իր փառքին էր ապաւինել, ամանից աման չէր թափուել եւ գերութեան չէր գնացել, դրա համար էլ նրա համն իր մէջ էր մնացել, եւ բոյրը չէր չքացել:
13. Ահա թէ ինչու օրեր պիտի գան, - ասում է Տէրը, - ու ես մարդիկ պիտի ուղարկեմ նրա մօտ, որոնք պիտի կռացնեն նրան, նրա անօթները պիտի մանրեն ու նրա ամանները փշրեն:
14. Մովաբը պիտի ամաչի Քամոսից, ինչպէս Իսրայէլի տունն ամաչեց Բեթելից՝ իր ապաւենից:
15. Ինչո՞ւ էք ասում, թէ՛ Հզօր ենք, կռուի մէջ զօրեղ տղամարդ ենք:
16. Կորստեան մատնուեց Մովաբն իր քաղաքներով, եւ նրա ընտիր-ընտիր երիտասարդները գնացին մեռնելու, - ասում է արքան, որի անունը Զօրութիւնների Տէր է:
17. Մովաբի օրհասը մօտ է, եւ ձախորդութիւնները մեծ արագութեամբ նրա վրայ են գալիս:
18. Խղճացե՛ք նրան ամեն կողմից. ամենքդ, որ գիտեք նրա անունը, ասացե՛ք. Ինչո՞ւ խորտակուեց գեղեցիկ ցուպը՝ մեծարանքի գաւազանը:
19. Խոնարհուի՛ր քո փառքից եւ նստի՛ր խոնաւութեան մէջ, ո՛վ դու դուստր, որ բազմել ես Դեբնում, քանգի Մովաբը կորստեան մատնուեց, վրայ հասաւ քո ամրոցները կործանողը:
20. Դու, որ նստում ես Արովէրում, կանգնի՛ր ճանապարհներին, նայի՛ր եւ հարցրո՛ւ փախստականներին ու փրկուածներին, ասա՛՜ Ի՞նչ տեղի ունեցաւ:
21. Ամօթահար եղաւ Մովաբը, որովհետեւ կործանուեց: Ճչա՛ եւ աղաղակի՛ր, գո՛յժ տուր Առնոնին, թէ Մովաբը կործանուեց:
22. Դատաստանն է սպառնում Միսորի երկրին՝
23. Զիլոնին, Յասսային, Մոփաթին, Դեբոնին եւ Նաբաւին, Դեբլաթեմի տանն
24. ու Կարիաթիմին, Գամողի տանը եւ Մաւոնի տանը,
25. Կարիաւթին, Բոսորին եւ Մովաբի երկրի հեռաւոր ու մօտիկ բոլոր քաղաքներին:



26. Ջարդուեց Մովսէսի եղբիւրը, եւ նրա յանգնութիւնը խորտակուեց, - ասում է Տէրը:

27. Հարբեցրէ՛ք նրան, որովհետեւ նա յոխորտաց Տիրոջ դէմ. Մովսէսը թող ծափ տայ, որպէսզի ինքն էլ խայտառակ լինի:

28. Արդեօք Իսրայէլը քեզ համար ծաղրի առարկայ չէ՞ր՝ գողութեան մէջ բռնուած, երբ մարտնչում էիր նրա դէմ. նրա կողմից դու պիտի գերուես:

29. Մովսէսի բնակիչները թողեցին քաղաքները եւ բնակուեցին քարերի ծերպերում. նմանուեցին քարերի ծերպերում եւ խռոչների ճեղքերում բոյն դրած աղաւնիներին:

30. Լսեցի Մովսէսի գոռոզութեան մասին, քանզի նա խիստ գոռոզացաւ իր վէսութեամբ, խրոխտութեամբ ու ամբարտաւանութեամբ, մեծամիտ դարձաւ նա:

31. Ես էլ իմացայ նրա արած գործերը, - ասում է Տէրը: - Միթէ ըստ նրա կարողութեան չէի՞ն նրա բազուկները, բայց նա այդպէս չգործեց:

32. Ահա թէ ինչու ճի՛շ բարձրացրէք Մովսէսի համար, ամէն կողմից ողբացէ՛ք Մովսէսին, այն մարդկանց, որոնք խզում, փետում ու մրում են իրենց մագերը:

33. Պիտի հառաչեմ Յագերի լացով, պիտի լաց լինենք քեզ համար, ո՛վ դու Սաբեմի այգի: Զո ճիւղերը տարածուեցին դէպի ծով, հասան մինչեւ Յագեր, քո մրգերին եւ քո այգեքաղին սպառնաց մահը:

34. Կարմելոսից եւ մովսէսացիների երկրից վերացան ուրախութիւնն ու ցնծութիւնը: Գինի կար քո հնձաններում. այսուհետեւ առաւօտները խաղող չպիտի ճմլեն, եւ երեկոները հնձանահարների ձայն չպիտի լսուի:

35. Եսեբոնի աղաղակը հասաւ մինչեւ Ելեւա եւ մինչեւ Յասսա. նրանց քաղաքները, Սեգորից մինչեւ Օրոնայիմ, իրենց ձայնը բարձրացրին եւ գուժեցին մինչեւ Սալէս, որովհետեւ Եբերիմի ջուրն անգամ տաքանալով ցամաքեց:

36. Կորստեան պիտի մատնեմ Մովսէսը, - ասում է Տէրը, - որ բազիններն էր բարձրանում եւ խնկարկում օտար աստուածներին:

37. Դրա համար էլ սիրտն իմ սրնգի պէս կանչ է արձակում Մովսէսի վրայ, սիրտն իմ, իբրեւ շեփորի ձայն, ուղղուած է այն մարդկանց, որոնք ընկած են պատերի տակ: Դրա համար էլ ինչ հարստութիւն որ ունէր, մարդկանց ձեռքով պիտի կորչի:

38. Բոլոր գլուխներն ամենուրեք պիտի սափրուեն, բոլոր մօրուքները կտրուեն, բոլոր ձեռքերին կտրուածքներ պիտի լինեն, բոլոր մարմինները պիտի լինեն քրձագգեաց:

39. Մովսէսի բոլոր տանիքներին ու նրա հրապարակներում ամբողջովին լաց ու կոծ է լինելու: Ես փշրեցի Մովսէսը ինչպէս մի աման, որ ոչ մի բանի պիտանի չէ, - ասում է Տէրը:

40. Ինչպէ՛ս կործանուեց, ողբացէ՛ք, ինչպէ՛ս դարձրեց նա իր թիկունքը. ամաչեց, ծաղրելի դարձաւ, եւ նրան քինախնդիր եղան իրեն շրջապատողները:

41. Այսպէս է ասում Տէրը. Ահա արծուի նման թշնամին առաջ պիտի սլանայ եւ իր թելերը տարածի Մովսէսի վրայ:

42. Պիտի գրաւուի Կարիաւորը, պիտի նուաճուեն նրա ամրոցները, եւ այն օրը Մովսէսի զօրաւոր մարդկանց սիրտը պիտի դառնայ երկունքի մէջ գտնուող կանանց սրտի պէս:

43. Մովսէսը, իբրեւ ժողովուրդ, պիտի կորչի, որովհետեւ նա յոխորտաց Տիրոջ դէմ:

44. Վիհ, սարսափ ու որոգայթ պիտի լինի քեզ համար, ո՛վ դու, որ բնակում ես Մովսէսում.

45. ու նա, որ փախուստ է տալու սարսափից, պիտի ընկնի վիհը, իսկ վիհից ելնողը պիտի բռնուի որոգայթի մէջ, քանզի այն տարին, երբ պատժելու լինեմ Մովսէսին, ամէն ինչ նրա գլխին պիտի բերեմ, - ասում է Տէրը:

46. Որոգայթից փախչողները հասան Եսեբոնի տանիքների տակ, բայց Եսեբոնից կրակ դուրս եկաւ, ու Սեհոն քաղաքից՝ բոց, լափեց Մովսէսի իշխաններին եւ փորձութեան ենթարկեց ամոնացիներին:

47. Վա՛յ քեզ, Մովսէ՛ս, որ կորցրիր Քամոսի ժողովրդին, քանզի նրա որդիներն ու դուստրերը գերեվարուեցին:

48. Բայց վերջին օրերը, - ասում է Տէրը, - Մովսէսի գերեալներին պիտի վերադարձնեմ: Մովսէսի դատաստանը մինչեւ այստեղ է լինելու:

1. Ամոնացիների մասին
2. Այսպես է ասում Տերը. Միթե Իսրայելը որդիներ չունի՞ եւ կամ միթե ժառանգորդ չունի՞: Ինչո՞ւ Մեղքումը տիրեց Գադի հողերին, ու Մեղքումի ժողովուրդը նրա քաղաքներում է բնակւում:
3. Դրա համար էլ, - ասում է Տերը, - օրեր են գալու, երբ Ռաբոթում ամոնացիներին գոյժ պիտի տամ քաղաքների մասին, որոնք անապատի պիտի վերածուեն ու անհետանան, նրանց բագիները հրով պիտի այրուեն, եւ Իսրայելը պիտի ստանայ իր իշխանութիւնը, - ասում է Տերը:
4. Աղաղակի՛ր, Եսեբո՛ն, որովհետեւ Գեհը կործանուեց, բողո՛ք բարձրացրէք, ո՛վ Ռաբայի դուստրեր, քո՛ւրձ հագէք, մոլեգնեցէ՛ք, սգացէ՛ք եւ ցանկապատերի շուրջն այս ու այն կո՛ղմ թափառեցէք, որովհետեւ Մեղքումն իր քրմերի ու իշխանների հետ միասին գերի է գնում:
5. Ինչո՞ւ ես ցնծում քո խորանների մէջ, ո՛վ Չեփ, եւ քո դաշտերում, ո՛վ անգգամ դուստր, որ ապաւինել էիր քո գանձերին եւ ասում էիր, թե՛ Ո՞վ պիտի գայ ինձ վրայ:
6. Ահա ամէն կողմից սարսափ պիտի բերեմ քեզ՝ քո շուրջը բնակուողներից, - ասում է Չօրութիւնների Տերը. - դուք ցրուելու եք ամէն կողմ, ու ոչ ոք չի լինելու, որ հաւաքի թափառականներին:
7. Դրանից յետոյ եմ վերադարձնելու գերեալ ամոնացիներին, - ասում է Տերը:
8. Եդոմի մասին Այսպես է ասում Չօրութիւնների Տերը. Այլեւս իմաստութիւն չկայ Թեմանում, հանճարեղները խելակորոյս եղան. գնաց նրա իմաստութիւնը, ծաղրի առարկայ դարձաւ նրա երկիրը:
9. Գնացէ՛ք ապրելու թաքուն եւ դժուարին տեղերում, ո՛վ Դեդանի բնակիչներ, որովհետեւ նրանց վրայ պիտի բերեմ մի ժամանակ, երբ գամ պատժելու նրանց:
10. Այգեկուժ անողները վրայ հասան եւ մնացորդներ չեն թողնելու քո մէջ, ինչպէս գիշերուայ գողեր՝ իրենց ձեռքերը դնելու են նրանց վրայ:
11. Ես կործանեցի Եսաւին եւ նրա թաքստեան տեղերը յայտնի դարձրի. այլեւս նրանք չեն կարող թաքնուել: Նրա գաւակը կորստեան մատնուեց իր եղբօր եւ դրացու ձեռքով:
12. չկայ քո որբը, որ ապրի, իսկ նրանց այրիներն ինձ վրայ էին յոյս դրել:
13. Այսպես է ասում Տերը. Ահա նրանք, որոնք պետք չէ որ խմէին բաժակը, բայց խմելով հարբեցին, իսկ դու բոլորովին անպատիժ պիտի մնաս. դու չե՛ս արդարանայ, այլ խմելով պիտի հարբե՛ս,
14. քանզի ես իմ անձով երդուեցի, - ասում է Տերը, - որ Եդոմի ժառանգութեան մէջ դու ապականութեան, նախատիքի, անապատի ու անէծքի պիտի վերածուես, իսկ քո բոլոր քաղաքները յաւիտեանս աւերակ պիտի դառնան:
15. Լուր առայ Տիրոջից, որ սուրհանդակներ ուղարկեց ազգերի մօտ, թե՛ Հաւաքուեցէ՛ք ու գնացէ՛ք նրա վրայ, պատերազմի՞ դուրս ելէք,
16. որովհետեւ ահա մի փոքր ժամանակ եւս՝ եւ ես ազգերի մէջ, մարդկանց մէջ քեզ կը դարձնեմ արհամարհուած:
17. Այդ բանը քո գլխին բերեց քո խայտառակութիւնը, քո սրտի լրբութիւնը քեզ ստիպեց ժայռերի մէջ ծակամուտ լինել եւ խլեց քո բարձրացած բլրի զօրութիւնը. բայց եթէ արծուի պէս բարձրացնես քո բոյնը, այնտեղից էլ կ'իջեցնեմ քեզ, - ասում է Տերը:
18. Եդոմն անապատ պիտի դառնայ, ամէն ոք, ով անցնի նրա միջով, պիտի զարմանայ ու սուլի նրա կրած բոլոր աղէտների համար:
19. Ինչպէս Սոդոմն ու Գոմորը եւ նրանց բնակիչները կործանուեցին, - ասում է Տերը, - այնպէս էլ մարդ չպիտի նստի նրա մէջ, մարդու որդի չպիտի բնակուի նրա մէջ:
20. Ահա, իբրեւ առիւծ, թշնամին Յորդանանի միջից դուրս պիտի գայ դէպի Եթեմմա վայրը, որպէսզի արագօրէն հալածական դարձնեմ նրան այնտեղից: Ո՞վ է այնտեղ ընտրեալը, որ այցի գամ նրան, կամ ո՞վ կը համարձակուի ելնել իմ դէմ, ո՞վ է այն հովիւը, որ կը կանգնի իմ առջեւ:

21. Լսեցէ՛ք, ուրեմն, Տիրոջ խորհուրդը, որ նա խորհել է եղոմայեցիների մասին, եւ նրա խորհուրդը, որ խորհել է Թեմանի բնակիչների մասին. Միթէ չե՞ն խփում հօտի վերջին ոչխարներին, որ գնան, կանգնած չմնան, եւ հօտը չցրուի:
22. Նրա կործանման ձայնից երկիրը ցնցուեց, բոթը հասաւ Կարմիր ծով, լսուեց նրա աղաղակը:
23. Ահաւասիկ թշնամին պիտի երեւայ ինչպէս արծիւ, պիտի սլանայ ու տարածի իր թեւերը նրա ամրոցների վրայ, եւ այդ օրը Եղոմի զօրաւոր մարդկանց սիրտը պիտի դառնայ երկունքի մէջ գտնուող կանանց սրտի պէս:
24. Դամասկոսի մասին
25. Ամաչեցին Եմաթն ու Արփաթը, որովհետեւ չար լուր լսեցին, տազնապի մատնուեցին ծովում, գայրացան եւ չեն կարողանում հանգստանալ:
26. Դամասկոսը վիատուեց, փախուստի դիմեց եւ կործանուեց. դողը բռնեց նրան, ցաւերն են այրում նրան, ինչպէս ծննդկանին:
27. Ինչպէ՞ս է, որ նա չխնայեց իմ քաղաքը, այն աւանը, որը ես սիրեցի:
28. Զո հրապարակներում պիտի ընկնեն երիտասարդները, բոլոր կռուող մարդիկ պիտի զոհուեն այն օրը, - ասում է Զօրութիւնների Տէրը: -
29. Ես կրակ պիտի վառեմ Դամասկոսի պարսպի վրայ, որը պիտի ճարակի Ադերի որդիների ապարանքները:
30. Կեդարի մասին
31. Այսպէս է ասում Տէրը թագուհու ապարանքի մասին, որին հարուած հասցրեց բաբելացիների Նաբուքոդոնոսոր արքան. Եկեք յարձակուեցէ՛ք Կեդարի վրայ եւ սպանեցէ՛ք Կեդեմի որդիներին:
32. Նրանց վրանները, նրանց ոչխարները պիտի խլեն, նրանց շորերը, նրանց ամբողջ կահկարասին, նրանց ուղտերի երամակները պիտի վերցնեն իրենց համար: Աղաղա՛կ բարձրացրէք, որ չորս կողմից նրանց կորուստ է սպառնում:
33. Արա՛գ փախէք, ապրելու համար թաքստոցնե՛րը մտէք, ո՛վ ապարանքի բնակիչներ, որովհետեւ բաբելացիների Նաբուքոդոնոսոր արքան ձեր մասին խորհուրդ է խորհել, վճիռ է կայացրել ձեր դէմ:
34. Վե՛ր կաց, - ասում է Տէրը, - գնա՛ այն ազգի վրայ, որը խաղաղ ապրում է հանգստութեան մէջ, որը ո՛չ դռներ ունի եւ ո՛չ էլ նիգեր, ապրում է առանձին:
35. Թող նրանց ուղտերի երամակներն աւար դառնան, նրանց ոչխարների բազմութիւնները ձեռքից գնան, պիտի քշեմ, քամու բերանը պիտի տամ երեսները ածիլածներին, բոլոր կողմերից նրանց կործանում պիտի բերեմ, - ասում է Տէրը: -
36. Ապարանքը յաւիտեան պիտի վերածուի ջայլամների բնակավայրի եւ անապատի, մարդ չպիտի բնակուի այնտեղ, հողածնի որդին այնտեղ չպիտի ապրի:
37. Ելամի մասին
38. Յուդայի երկրի արքայ Սեդեկիայի թագաւորութեան սկզբում Տէրը Երեմիա մարգարէի միջոցով խօսեց Ելամի մասին եւ ասաց.
39. այսպէս է ասում Զօրութիւնների Տէրը՝ Իսրայելի Աստուածը. Ահա խորտակուեց Ելամի աղեղը՝ նրանց բռնապետութիւնը:
40. Երկրի չորս ծագերից չորս հողմ եմ բերելու Ելամի վրայ եւ նրանց ցրիւ եմ տալու այդ չորս հողմերին: Չի լինելու մի ազգ, որի մօտ չհասնեն Ելամի թափառականները:
41. Նրանց պիտի սարսափեցնեմ իրենց թշնամիների առաջ, որոնք պահանջում էին նրանց հողիները: Նրանց վրայ պիտի բերեմ իմ բարկութիւնն ու ցասումը, - ասում է Տէրը, - եւ իմ սուրը պիտի արծակեմ նրանց յետեւից, մինչեւ որ այն սպառի նրանց:
42. Իմ աթոռը Ելամում պիտի դնեմ եւ այնտեղից պիտի վերացնեմ թագաւորներին ու մեծամեծներին, - ասում է Տէրը: -
43. Բայց ես վերջին օրերին Ելամի գերեալներին պիտի վերադարձնեմ, - ասում է Տէրը: Ելամի մասին այս խօսքը յայտնուել է Սեդեկիայի թագաւորութեան սկզբին:

1. Բաբելացիների մասին Ահա այն խօսքը, որ Տերը Երեմիա մարգարեի միջոցով ասաց Բաբելոնի՝ քաղղեացիների երկրի մասին:
2. Պատմեցէ՛ք ազգերին, լո՛ւր տուէք, նշա՛ն արեք, լսելի՛ դարձրեք, մի՛ ծածկեք, ասացէ՛ք. Բաբելոնը գրաւուեց, Բելը՝ այդ փափկասունն ու անվախը, ամօթով մնաց, Մերոդաքը մատնուեց, խայտառակուեցին նրա կուռքերը, ամօթահար եղան նրա աստուածները:
3. Արդարեւ, հիւսիսից նրա վրայ յարձակուեց մի ազգ, որը նրա երկիրն աներակ պիտի դարձնի, եւ ոչ ոք չպիտի բնակուի այնտեղ՝ մարդուց մինչեւ անասուն, որովհետեւ բոլորը պիտի քանդուեն ու գնան:
4. Այն օրերին եւ այն ժամանակ, - ասում է Տերը, - պիտի գան Իսրայելի որդիները, նրանք եւ Յուդայի երկրի որդիները՝ միասին, պիտի շրջեն ու լալով գան դեպի իրենց Տեր Աստուածը, պիտի փնտռեն նրան,
5. մինչեւ Սիոն պիտի հարցնեն նրա ճանապարհի մասին, դեպի այստեղ պիտի ուղղուեն, պիտի գան ու ապաւինեն Տիրոջը. չէ՞ որ ուխտը յաւիտենական է, եւ դրանք չպիտի մոռացուեն:
6. Իմ ժողովուրդը նմանուեց կորած ոչխարների. հովիւները լեռները քշեցին նրանց, մոլորեցրին նրանց լեռ ու բլրի վրայ: Նրանք գնացին ու մոռացան իրենց մակաղելու տեղերը,
7. եւ բոլոր նրանք, ովքեր գտնում էին, սպանում էին նրանց: Նրանց թշնամիներն ասացին. Չպիտի ներենք նրանց, որովհետեւ մեղք գործեցինք Տիրոջ առաջ: Արդարութեան արօտ է Տերը, որ հաւաքեց նրանց հայրերին:
8. Հեռացէ՛ք Բաբելոնի միջից, Քաղղեացիների երկրից դո՛ւրս ելեք եւ եղէ՛ք ինչպես վիշապներ՝ ոչխարների հօտի առաջ:
9. Ահա ես ոտքի պիտի հանեմ եւ հիւսիսի երկրից բաբելացիների վրայ պիտի բերեմ մեծամեծ ազգերի բազմութիւններ, որոնք ճակատ պիտի կազմեն նրա շուրջը, եւ նա պիտի գրաւուի նոյնքան հաստատ, որքան հմուտ պատերազմողի նետը, որ չի վրիպում:
10. Քաղղեացիների երկիրն անարառութեան պիտի ենթարկուի, եւ նրա բոլոր անարառուները պիտի յագենան, - ասում է Տերը. - դուք ուրախանում էիք եւ պարծենում յափշտակելով իմ ժառանգութիւնը.
11. խայտում էիք, ինչպես հորթերը՝ դալարիքի վրայ, եւ ցուլերի պէս ոգորում իրար դէմ:
12. Ձեր քաղաքը՝ ձեր մայրը, խիստ ամօթահար եղաւ, մայր, որ բարութեան մէջ էր: Ահա նա Տիրոջ բարկութեան պատճառով ազգերի մէջ յետինը եղաւ՝ դարձաւ աներ, անջուր երկիր եւ անապատ:
13. Նա բնակելի չպիտի լինի, այլ ամբողջովին ապականութեան պիտի վերածուի, եւ իւրաքանչիւր ոք, ով անցնի Բաբելոնով, պիտի վշտանայ ու սուլի նրա բոլոր աղետների համար:
14. Ճակա՛տ կազմեցէք Բաբելոնի շուրջը, ո՛վ դուք բոլոր աղեղնաւորներ, նետահարեցէ՛ք նրան, մի՛ խնայեք ձեր նետերը, որովհետեւ նա Տիրոջ դէմ մեղք գործեց:
15. Ցնծութեան աղաղա՛կ բարձրացրեք նրա շուրջը, որովհետեւ թուլացան նրա ձեռքերը, տապալուեցին աշտարակները, եւ կործանուեցին նրա պարիսպները, քանզի վրեժխնդրութիւնն Աստծուց է: Վրեժխնդի՛ր եղեք դրանից. ինչպես ինքն արեց՝ իրե՛ն արեք:
16. Բաբելացի այն զաւակին, որը հնձի ժամանակ մանգաղ կ'առնի իր ձեռքը, սպանեցէ՛ք. հեթանոսի սրից իւրաքանչիւրը թող վերադառնայ դեպի իր ժողովուրդը, ամէն մէկը թող փախչի դեպի իր երկիրը:
17. Իսրայելը մոլորեալ ոչխար է, առիւծներն են փախցրել նրան. նախ՝ նրան կերաւ ասորեստանցիների թագաւորը, իսկ ապա բաբելացիների արքան կերաւ նրա ոսկորները:
18. Դրա համար էլ այսպէս է ասում Չօրութիւնների Տերը՝ Իսրայելի Աստուածը. Ահաւասիկ ես վրեժխնդիր եմ լինելու բաբելացիների արքայից եւ նրա երկրից, ինչպես

վրեժխնդիր եղայ ասորեստանցիների արքայից:

19. Իսկ Իսրայելին նորից պատսպարելու եմ իր արօտավայրերում, նա պիտի արածի Կարմելոսում, Բասանում, Եփրեմի լեռան վրայ եւ Գաղաադում, ու նրանց հոգիները պիտի յագուրդ ստանան:

20. Այն օրերին ու այն ժամանակ,

21. - ասում է Տերը, - Իսրայելի մօտ անօրենություն պիտի փնտռեն, բայց այլեւս այն չի լինելու, պիտի փնտռեն նաեւ Յուդայի երկրի մեղքերը, բայց չեն գտնելու, քանզի ես երկրի վրայ պիտի լինեմ՝ քառութիւն տալու համար նրանց անիրաւութիւններին:

22. Դառն զայրոյթով յարձակուի՛ր նրա վրայ եւ վրեժխնդի՛ր եղիր նրա բնակիչներից: Սուրն ու ակերածութիւնը թող հետապնդեն նրան, - ասում է Տերը. - ամէն ինչ արա՛ այնպէս, ինչպէս պատուիրեցի քեզ:

23. Քաղդէացիների երկրից պատերազմի ձայն է լսում. մեծ կոտորած է:

24. Ինչպե՛ս խորտակուեց ու փշրուեց ամբողջ երկրի մուրճը, ինչպե՛ս Բաբելոնը ազգերի մէջ ակեր դարձաւ:

25. Ասացի՛ Կը յարձակուեն քեզ վրայ, դու կը բռնուես, ո՛վ Բաբելոն, եւ չես իմանայ. ահա գտնուեցիր ու բռնուեցիր, որովհետեւ Տիրոջ դէմ կանգնեցիր:

26. Տերը բաց արեց իր զինանոցը եւ հանեց իր բարկութեան գէնքերը, քանզի Չօրութիւնների Տերն անելիք ունի քաղդէացիների երկրում:

27. Հասել է նրա ժամանակը, բացե՛ք նրա շտեմարանները, խուզարկեցե՛ք նրան քարայրների պէս եւ սպանեցե՛ք նրան. թող նրանից մնացորդներ չլինեն:

28. Այրեցե՛ք նրա բոլոր զաւակներին. թող իջնեն սպանուելու համար. վա՛յ նրանց, որովհետեւ հասել է նրանց օրը, նրանցից վրեժխնդիր լինելու ժամը:

29. Բաբելոնի երկրից փախածների ու փրկուածների ձայնն է հնչում, որ Սիոնում իմաց տայ մեր Տեր Աստծու վրեժխնդրութեան մասին, նրա տաճարի վրեժխնդրութեան մասին:

30. Հրամա՛ն տուեք ամենքին գնալու Բաբելոնի վրայ, բոլոր աղեղնաւորներին, թե՛ Բանա՛կ դրեք դրա շուրջը, որպէսզի ոչ ոք այդտեղից չփրկուի: Հատուցեցե՛ք դրան ըստ իր գործերի, իր ամբողջ կատարածի համեմա՛տ դրան արեք, որովհետեւ ընդդիմացաւ Տիրոջը՝ Իսրայելի սուրբ Աստծուն:

31. Ահա թէ ինչու նրա երիտասարդները պիտի ընկնեն նրա հրապարակներում, նրա բոլոր կռուող մարդիկ պիտի կոտորուեն այն օրը, - ասում է Տերը: -

32. Ահա ես քեզ վրայ եմ գալու, - ասում է Չօրութիւնների Տերը, - քե՛զ վրայ, ո՛վ դու ամբարտաւան, որովհետեւ հասել է քո օրը, քեզնից վրեժխնդիր լինելու ժամանակը:

33. Հպարտութիւնդ տեղի պիտի տայ, եւ դու պիտի կործանուես. ոչ ոք քեզ չի բարձրացնելու: Կրակ պիտի վառեմ քո անտառներում, որ իր շուրջն եղած ամէն բան պիտի լափի:

34. Այսպէս է ասում Չօրութիւնների Տերը. Բռնութեան ենթարկուեցին իսրայելացիները, ինչպէս եւ Յուդայի երկրի որդիները, բոլո՛րն էլ, ովքեր գերեցին նրանց, բռնութեամբ պահեցին ու չկամեցան արձակել նրանց:

35. Նրանց հզօր փրկիչը, որի անունը Տեր Ամենակալ է, նրա ոսոխների հետ դատաստան պիտի տեսնի, որպէսզի վերացնի երկիրը եւ զայրանայ Բաբելոնի բնակիչների վրայ:

36. Սուրը թող բարձրանայ քաղդէացիների վրայ, - ասում է Տերը, - Բաբելոնի բնակիչների վրայ, նրա բոլոր մեծամեծների վրայ ու նրա խորհրդականների վրայ:

37. Սուրը թող բարձրանայ նրա գուշակների վրայ, եւ թող վերանան նրանք. թող բարձրանայ սուրը նրա պատերազմողների վրայ, եւ թող լքուեն նրանք:

38. Թող բարձրանայ սուրը նրա երիվարների ու կառքերի վրայ, թող բարձրանայ սուրը նրանց քաջամարտիկների վրայ, այդտեղ եղած համայն խառնամբօխի վրայ, եւ թող նրանք դառնան կանանց նման:

39. Թող բարձրանայ սուրը նրա գանձերի վրայ, եւ թող յափշտակուեն դրանք: Թող բարձրանայ սուրը նրա ջրերի վրայ, եւ թող ամաչեն, որովհետեւ իրենց երկիրը կուռքերի

երկիր է, նաեւ թող բարձրանայ կղզիների՝ վրայ, որոնցով նրանք պարծենում էին.

40. դրա համար էլ թող ճիւղները բնակուեն կղզիներում, թող յուշկապարիկների դուստրերն ապրեն այնտեղ, թող այդ երկիրն այլեւս իսպառ չվերաշինուի, թող այնտեղ յաւիտեան այլեւս բնակուող չլինի:

41. Ինչպէս Աստուած բնաջնջեց սողոմացիների ու գոմորացիների երկիրը եւ նրանց դրացիներին, - ասում է Տէրը, - այդպէս էլ թող այնտեղ մարդ չբնակուի, թող մարդու որդին չպանդխտի այնտեղ:

42. Ահա հիւսիսից մի զօրագունդ է գալիս, մի մեծ ազգ, նաեւ բազում թագաւորներ ոտքի են ելնելու երկրի ծայրերից՝

43. աղեղն ու նիզակը ձեռքներին: Նրանք յանդուգն են ու անողորմ, նրանց ձայնը որոտում է ինչպէս ծով, ձիեր հեծած՝ նրանք պատրաստ են կրակի պէս կռուի նետուելու քեզ վրայ, ո՛վ Բաբելացիների դուստր:

44. Բաբելացիների արքան երբ նրանց լուրն առաւ, նրա ձեռքերը թուլացան, նեղութիւնը ծննդկան կնոջ երկունքի պէս տազնապի մէջ գցեց նրան:

45. Ահա, իբրեւ առիւծ, Յորդանան գետի յորձանքներից դուրս պիտի գայ դէպի Եթամա վայրը, որպէսզի արագօրէն հալածեմ նրան այնտեղից ու բոլոր երիտասարդներին ոտքի հանեմ նրա դէմ: Ո՞վ է ինձ նման, ո՞վ կը համարձակուի ելնել իմ դէմ, ո՞վ է այն հովիւը, որ կը կանգնի ինձ հակառակ:

46. Լսեցէ՛ք, ուրեմն, Տիրոջ խորհուրդը, որ նա խորհել է Բաբելոնի մասին, նրա խորհուրդը, որ խորհել է քաղդէացի բնակչութեան մասին: Միթէ չպիտի՞ ոչնչացնէք նրանց հօտի գառներին, միթէ նրանց արօտները չպիտի՞ ամայանան,

47. որովհետեւ Բաբելոնի կործանման ձայնից երկիրը պիտի ցնցուի, նրա բօթը պիտի լսուի հեթանոսների մէջ:

1. Այսպես է ասում Տէրը. Ահա ես Բաբելոնի վրայ եւ նրա բնակիչների վրայ պիտի բերեմ զայրոյթով լցուած մի սիրտ,կործանարար հողմ ու խորշակ:
2. Անարգողներ պիտի ուղարկեմ Բաբելոն. թող նախատես նրան եւ ապականեն նրա երկիրը, քանզի Բաբելոնի վրայ նրա չարչարանքի օրը ամեն կողմից վայն է գալու:
3. Ով լարելու է, թող լարի իր աղեղը, եւ ով զենք ունի, թող վերցնի այն: Մի՛ խնայէք նրա երիտասարդներին, ոչնչացրէ՛ք նրա ողջ զօրութիւնը:
4. Վիրաւորները պիտի թափուեն քաղղեացիների երկրում, իսկ նրա շուրջը՝ խոցուածները,
5. քանզի Իսրայելը եւ Յուդայի երկիրը իրենց Աստծուց եւ Տէր Ամենակալից չայրիացան, թէեւ նրանց երկիրն Իսրայելի սրբերի դէմ անօրէնութիւններով լցուեց:
6. Փախէ՛ք Բաբելոնի միջից, թող ամեն մէկն իրեն փրկի, որպէսզի չկործանուէք նրա անիրաւութիւնների պատճառով, քանզի հասել է ժամանակը, երբ Տէրը նրանից վրէժխնդիր է լինելու, ինքն է հատուցելու նրա պատիժը:
7. Բաբելոնը Տիրոջ ձեռքին ոսկի բաժակ է, որն իր գինուց արբեցնում է ամբողջ երկիրը. խմեցին հեթանոսները, դրա համար էլ շարժուեցին ազգերը,
8. եւ Բաբելոնը յանկարծակի վայր ընկաւ ու փշրուեց: Ողբացէ՛ք նրա վրայ, նրա վերքերին դե՛ղ արեք. թերեւս բժշկուի:
9. Բժշկեցինք Բաբելոնին, բայց նա չբժշկուեց,թողնենք նրան եւ իւրաքանչիւրս գնանք մեր երկիրը, որովհետեւ նրա դատաստանը մինչեւ երկինք հասաւ, բարձրացաւ մինչեւ աստղերը,
10. եւ Տէրը նրա գլխին պատիժ բերեց: Եկէ՛ք Սիոնում պատմենք մեր Տէր Աստծու գործերը:
11. Պատրաստեցէ՛ք աղեղները, լցրէ՛ք կապարճները, քանի որ Տէրն արթնացրեց մարերի թագաւորի հոգին, քանի որ նրա բարկութիւնը Բաբելոնի վրայ է, պիտի ջնջի նրան, քանզի Տիրոջ վրէժխնդրութիւնն է դա, նրա տաճարի վրէժխնդրութիւնը:
12. Բաբելոնի պարիսպների վրայ դրո՛շ կանգնեցրէք, պահապաննե՛ր կարգեցէք, արթնացրէ՛ք առաջապահներին, զենքերը պատրաստեցէ՛ք, քանզի Տէրը ձեռնամուխ եղաւ անելու այն, ինչ ասել է Բաբելոնի բնակիչների մասին,
13. որոնք ապրում են յորդառատ ջրերի մօտ եւ նստում անթիւ գանձերի վրայ: Հասել է քո վախճանը, արդարեւ այն ստուգապէս քո փորն է մտել:
14. Զօրութիւնների Տէրը երդուեց իր բազկով, թէ՛ Քեզ լցնելու եմ զօրքով, ինչպէս մորեխով, եւ նրանք, որ քո մէջ են իջնելու, աղաղակ են բարձրացնելու քեզ վրայ:
15. Նա իր զօրութեամբ ստեղծեց երկիրը, իր իմաստութեամբ հիմնեց տիեզերքը, իր հանճարով տարածեց երկինքը,
16. իր հրամանով երկնքում տեղաւորեց շառաչող ջրերի առատութիւնը. նա երկրի ծագերից ամպեր է հանում վեր, փայլատակումներ առաջացնում անձրեւների ժամանակ, լոյս է հանում իր շտեմարաններից:
17. Իւրաքանչիւր մարդ խելակորոյս դարձաւ, բոլոր ոսկերիչներն իրենց կուռքերի պատճառով ամօթահար եղան, որովհետեւ սուտ բաներ ծուլեցին, նրանց մէջ հոգի չկայ.
18. սնտի ու խայտառակ գործեր են. երբ ես իրենց այցելութեան գնամ.կորստեան են մատնուելու:
19. Այդպիսին չէ Յակոբի բաժինը. նրա բաժինը նա է, ով ստեղծեց ամենայն ինչ, եւ նրա անունը Զօրութիւնների Տէր է:
20. Դու ինձ համար ցիրուցան պիտի անես պատերազմական զենքերը, իսկ ես քո միջոցով ցիրուցան պիտի անեմ ազգերին, քեզնով վերացնեմ թագաւորներին,
21. ոչնչացնեմ նրանց այրուծին, քեզնով պիտի ոչնչացնեմ նրանց կառքերն ու հեծեալներին:
22. Զո միջոցով պիտի ոչնչացնեմ տղամարդուն ու կնոջը, քեզնով ծերին ու երիտասարդին պիտի ոչնչացնեմ, քեզնով պիտի ոչնչացնեմ կտրիճին ու կոյսին:

23. Զո միջոցով պիտի ոչնչացնեմ հովուին ու նրա հօտը, քեզնով հողագործին ու նրա հողագործութիւնը պիտի ոչնչացնեմ,
24. քեզնով պիտի ոչնչացնեմ քո զօրավարներին ու զօրագլուխներին:
25. Բաբելոնին եւ քաղղեացի բնակիչներին պիտի պատժեմ այն բոլոր չարիքների համար, որ ձեր աչքի առաջ գործեցին Սիոնի նկատմամբ, - ասում է Տէրը: -
26. Ահա ես քո դէմ եմ, ո՛վ դու ապականիչ լեռ, - ասում է Տէրը, - դու, որ ապականում էիր ամբողջ երկիրը. իմ ձեռքը քեզ վրայ եմ երկարելու եւ քեզ ժայռերից ներքեւ եմ գլորելու, քեզ վերածելու եմ խանձուած լեռան:
27. Եւ այլեւս քեզից չեն վերցնելու՛նք անկիւնաքար, ո՛չ էլ հիմքի քար, որովհետեւ դու յաւիտեան պիտի լինես ապականութեան մէջ, - ասում է Տէրը:
28. Դո՛ւ՛ բարձրացրէք երկրի վրայ, փո՛ղ փչեցէք բոլոր ազգերի մէջ, զօրագնդե՛ր կանչեցէք նրա դէմ: Իմ կողմից հրամա՛ն տուէք Այրարատեան թագաւորութիւններին եւ ասքանագեան գնդին, նրա շուրջը նետաձիգ սարքե՛ր կանգնեցրէք, յարձակուեցե՛ք նրանց վրայ: Շարժուեց ու տանջուեց երկիրը, որովհետեւ Բաբելոնի վրայ հասաւ Տիրոջ խորհուրդը, եւ երկվարները հասան ինչպէս մորեխի բազմութիւն:
29. Նրա վրա՛յ հրաւիրեցէք ազգերին եւ մարերի թագաւորին, նրանց զօրավարներին ու նրանց բոլոր զօրագլուխներին, երկրի բոլոր իշխանութիւններին՝
30. աւերածութեան ենթարկելու համար բաբելացիների երկիրը, որպէսզի այնտեղ բնակութիւն չլինի:
31. Բաբելոնի քաջամարտիկները պատերազմից յետ կանգնեցին, մնացին պաշարման մէջ, բեկուեց նրանց զօրութիւնը, նրանք դարձան կանանց նման, հրդեհի մատնուեցին նրանց տները, ջարդուեցին դրանց փականքները:
32. Փախչողը փախչողի պիտի պատահի, գուժկանը պիտի հանդիպի գուժկանի՝ բօթը տալու բաբելացիների թագաւորին, թէ նրա քաղաքը գրաւուած է,
33. ելքերը բռնուած են չորս կողմից, բնակիչները կրակի մէջ այրուել են, իսկ պատերազմող մարդիկ խոյս են տուել դէպի դարպասները:
34. Այսպէս է ասում Չօրութիւնների Տէրը՝ Իսրայէլի Աստուածը. Բաբելացիների տունը պիտի կախուի հասած օրանի նման, մի քիչ եւս՝ եւ կը գայ նրա հնձի ժամանակը:
35. Կերաւ ինձ, հասաւ ինձ վրայ, բաժանեց ինձ բաբելացիների Նաբուքոդոնոսոր արքան, ինձ դարձրեց կարծես մի դատարկ աման, վիշապի նման ինձ կուլ տուեց, իր փորը լցրեց իմ փափկութիւններով:
36. Թող հեռանան իմ տանջանքները, եւ ինձ հասած տառապանքները հասնեն Բաբելոնին. այսպէս պիտի ասի Սիոնի բնակիչը: Իմ արիւնը քաղղեացի բնակիչների վրա՛յ թող լինի. - այսպէս պիտի ասի Երուսաղէմը:
37. Դրա համար էլ այսպէս է ասում Տէրը. Ահա ես պիտի դատեմ քո ոսոխին եւ պիտի առնեմ քո վրէժը, պիտի աւերեմ նրա ծովը եւ ցամաքեցնեմ նրա աղբիւրները:
38. Բաբելոնը բլուրների պիտի վերածուի, վիշապների բնակավայրի, աւերածութեան ու սուլոցի պիտի ենթարկուի, բնակելի չպիտի լինի:
39. Նրանց բոլոր որդիները պատրաստուեցին իբրեւ առիւծներ, իբրեւ առիւծի կորիւններ.
40. իրենց տաք խշտիների մէջ՝ նրանց արհաւիրք եմ բերելու, հարբեցնելու եմ նրանց, որ թմրեն ու ննջեն յաւիտենական քնով եւ չարթնանան, - ասում է Տէրը: -
41. Իջեցրո՛ւ, մորթելո՛ւ տար նրանց ինչպէս ոչխարների, ինչպէս խոյերի ու այծերի:
42. Ինչպէ՛ս պարտութեան մատնուեցիր, ո՛վ Սիսակ, ինչպէ՛ս որսի պէս բռնուեցիր, ո՛վ դու պարծանքդ ամենայն երկրի: Ինչպէ՛ս Բաբելոնն ամայացաւ հանուր ազգերի մէջ:
43. Իր ալիքների գոչիւնով ծովը բարձրացաւ Բաբելոնի վրայ, եւ նա ծածկուեց:
44. Նրա քաղաքները դարձան աւեր, անջուր երկիր ու անապատ, ուր ոչ ոք չի բնակուի, ուր մարդու որդին կանգ չի առնի:
45. Բաբելոնում վրէժխնդիր պիտի լինեմ Բելից, եւ ինչ որ նա կուլ տուեց, նրա բերանի՛ց պիտի հանեմ: Ազգերն այլեւս նրա մօտ չեն հաւաքուի: Բաբելոնի պարիսպներն էլ պիտի խորտակուեն:



46. Դո՛ւրս արի նրա միջից, ո՛վ իմ ժողովուրդ, ամեն մեկդ ձեր անձը փրկեցեք Տիրոջ ցասումից ու բարկութիւնից:
47. Թող երբեք չահաբեկուեն ձեր սրտերը, մի՛ վախեցեք այն լուրերից, որ կը լսեք երկրում, որովհետեւ նոյն տարում պիտի գայ մի լուր, իսկ յաջորդ տարում՝ այլ լուր, եւ անիրաւութիւն պիտի լինի երկրում, խայտառակութիւն՝ խայտառակութեան վրայ:
48. Դրա համար էլ, ահա, օրեր պիտի գան, - ասում է Տէրը, - երբ ես պիտի պատժեմ բաբելացիների կուռքերին, եւ նրա ողջ երկիրն ամօթով պիտի մնայ, նրա բոլոր վիրաւորները պիտի ընկնեն նրա մէջ:
49. Այն ժամանակ Բաբելոնի վրայ պիտի ցնծան երկինք ու երկիր եւ նրանցում եղած ամեն ինչ, քանի որ հիւսիսից պիտի գան նրան թշուառացնողները, - ասում է Տէրը, -
50. եւ ամբողջ երկրի վիրաւորները պիտի ընկնեն Բաբելոնում:
51. Ելե՛ք այդ երկրից, ո՛վ փրկուածներ, մի՛ մնացեք, յիշեցե՛ք Տիրոջը, ո՛վ դուք հեռաւորներ, եւ թող Երուսաղէմը ձեր միտքը գայ:
52. Ամօթահար եղանք, որովհետեւ լսեցինք մեր նախատիկները, մեր անարգանքը ծածկեց մեր երեսը, այլազգիները Տիրոջ Տան մէջ մեր սրբարանները ներխուժեցին:
53. Դրա համար էլ, ահա, օրեր են գալու, - ասում է Տէրը, - ու ես վրէժխնդիր եմ լինելու նրա կուռքերից, ամբողջ երկրում ընկնելու են վիրաւորները:
54. Եւ եթէ Բաբելոնը երկնքի պէս վեր բարձրանայեւ ամրացնի իր բարձր գօրութիւնը, միեւնոյն է, իմ կողմից կործանողներ պիտի գան նրա համար, - ասում է Տէրը:
55. Բօթն է հնչում Բաբելոնում, մեծ կոտորած է քաղղեացիների երկրում,
56. քանզի Տէրն աներեց Բաբելոնը եւ այնտեղից չքացրեց նրա բարձր ձայնը՝ նրա ալիքների գոչիւնը, կարծես բազում ջրեր ձայնեցին նրա կործանման մասին:
57. Բաբելոնի վրայ հասաւ թշուառութիւնը, նրա սպառազէնները բռնուեցին, նրա աղեղնաւորները զարհուրեցին: Չէ՞ որ Աստուած հատուցանող է, Տէրն ինքը պիտի հատուցի նրա պատիժը
58. եւ սաստիկ հարբեցնի նրա զօրավարներին ու նրա իմաստուններին, նրա իշխաններին, նրա զօրագլուխներին ու նրա զօրաւոր մարդկանց. նրանք պիտի ննջեն յաւիտենական քնով եւ չարթնանան, - ասում է արքան, որի անունը Տէր Ամենակալ է: -
59. Այսպէս է ասում Չօրութիւնների Տէրը. Լայն էր Բաբելոնի պարիսպը, բայց նա կործանուելով պիտի կործանուի, նրա բարձր դարպասները հրով պիտի այրուեն, ժողովուրդները զուր չարչարուեցին, եւ ազգերն սկզբից եւեթ պիտի ոչնչանային:
60. Այն խօսքը, որ Տէրը պատուիրեց Երեմիա մարգարէին՝ ասելու Մաասիայի որդի Ներիայի որդի Սարեային, երբ սա Յուդայի երկրի Սեդեկիա արքայի կողմից, նրա թագաւորութեան չորրորդ տարում, գնում էր Բաբելոն: Սարեան նրա գանձապետն էր:
61. Երեմիան մի մատեանի մէջ նկարագրեց այն բոլոր չարիքները, որ գալու էին Բաբելոնի վրայ, այսինքն՝ Բաբելոնի մասին գրուած այս բոլոր բաները:
62. Երեմիան ասաց Սարեային. Երբ Բաբելոն գնաս եւ նայես ու կարդաս այս բոլոր բաները,
63. կ'ասես. Տէ՛ր, դու խօսեցիր այս վայրի մասին, որ բնաջինջ անես սա, որ այստեղ այլեւս բնակիչ չմնայ՝ մարդուց մինչեւ անասուն, որ յաւիտեան ամայութիւն լինի:
64. Իսկ երբ վերջացնես այդ մատեանի ընթերցումը, քար կը կապես դրան, կը գցես Եփրատի մէջ
65. ու կ'ասես. Թող Բաբելոնն այսպէս ընկղմուի ու չբարձրանայ այն չարիքներից, որ ես բերելու եմ նրա վրայ: Երեմիա մարգարէի խօսքերը մինչեւ այստեղ են հասնում:

1. Այս խօսքերը Թագաւորութիւնների չորրորդ գրքից են.
2. Քսանմէկ տարեկան էր Սեդեկիա արքան, երբ թագաւոր դարձաւ: Տասնմէկ տարի թագաւորեց Երուսաղէմում: Նրա մօր անունն Ամիտաալ էր. սա դուստրն էր Երեմիայի, որը Լուբենայից էր:
3. Սեդեկիան Տիրոջ առաջ չարիք գործեց, ինչպէս Յովակիմն էր գործել:
4. Տէրը զայրացել էր Երուսաղէմի եւ Յուդայի երկրի վրայ այն աստիճան, որ նրանց իր աչքից գցեց, եւ Սեդեկիան ապստամբեց բաբելացիների արքայի դէմ:
5. Իսկ նրա թագաւորութեան իններորդ տարում, տասներորդ ամսին, ամսի տասին, բաբելացիների Նաբուքոդոնոսոր արքան իր ամբողջ զօրքով եկաւ Երուսաղէմ եւ պաշարեց այն: Նրա շուրջը քառակուսի քարերից պատնէշ պատնէշի վրայ կանգնեցրեց:
6. Մինչեւ Սեդեկիա արքայի տասնմէկերորդ տարին քաղաքն ընկաւ նեղութեան մէջ:
7. Իսկ չորրորդ ամսին, երբ ամսի ինն էր, քաղաքում սաստկացաւ սովը. հաց չկար, որ երկրի բնակչութիւնն ուտէր:
8. Քաղաքի պարիսպը ճեղք տուեց, բոլոր կռուող մարդիկ փախուստի դիմեցին եւ գիշերով, երբ քաղդէացիները քաղաքի շուրջն էին, ներքին եւ արտաքին պարիսպների մէջ ընկած դարպասի ճանապարհով, արքունի պարտեզի կողմով դուրս եկան քաղաքից եւ շարժուեցին արաբացիների ճանապարհով:
9. Քաղդէացիների թագաւորի զօրքերը հետապնդեցին եւ Երիքովից այն կողմ հասան Սեդեկիա արքային, իսկ նրա բոլոր ծառաները թողեցին հեռացան նրանից:
10. Բռնեցին թագաւորին եւ բերին Դելլաթա, Եմաթի երկիրը, բաբելացիների արքայի մօտ, որը նրա հետ դատաստան տեսաւ:
11. Բաբելացիների արքան Սեդեկիայի առաջ կոտորեց նրա որդիներին, Դելլաթայում կոտորեց նաեւ Յուդայի երկրի բոլոր իշխաններին,
12. Սեդեկիայի աչքերը կտրացրեց եւ ձեռքերը կապեց շղթաներով: Բաբելացիների արքան տարաւ նրան Բաբելոն եւ մինչեւ նրա մահուան օրը պահեց նրան ջրաղացի մէջ:
13. Հինգերորդ ամսին, ամսի տասին, դա բաբելացիների Նաբուքոդոնոսոր արքայի տասնիններորդ տարին էր, բաբելացիների արքայի առջեւ նրա սպասին կանգնող Նաբուզարդան դահճապետը եկաւ,
14. կրակի մատնեց Տիրոջ Տունը եւ արքունի ապարանքները, քաղաքի բոլոր տներն ու բոլոր մեծամեծ դղեակները հրով այրեց,
15. իսկ քաղդէացի բոլոր զօրքերը, որոնք եկել էին դահճապետի հետ, Երուսաղէմի պարիսպներն ամբողջապէս շուրջանակի քանդեցին:
16. Բայց ժողովրդի չքաւոր մասին ու թափափուկներին, որոնք մնացել էին քաղաքում, ինչպէս եւ փախստականներին, որոնք փախել էին բաբելացիների արքայի մօտ, եւ մնացած բազմութեանը Նաբուզարդան դահճապետը ձեռք չտուեց:
17. Երկրի աղքատների մի մասին Նաբուզարդան դահճապետը թողեց՝ այգեգործներ ու հողագործներ լինելու համար:
18. Տիրոջ Տան պղնձե սիւներն ու խարիսխները եւ պղնձե մեծ աւազանը, որ Տիրոջ Տան մէջ էր, քաղդէացիները ջարդեցին եւ ամբողջ պղինձը տարան Բաբելոն:
19. Դահճապետն առաւ նաեւ եռոտանիներն ու վերնախարիսխները, պսակներն ու տաշտերը, մսի պատառաքաղներն ու պղնձե ամանեղէնը, որոնցով սպասարկում էին:
20. Դահճապետն առաւ նաեւ կոնքերն ու թաղարները, քամիչներն ու աշտանակները, խնկամաններն ու տուփերը. ո՛րը ոսկի էր՝ վերցրեց իբրեւ ոսկի, ո՛րն արծաթ էր՝ իբրեւ արծաթ:
21. Սիւները երկուսն էին, պղնձե մեծ աւազանը՝ մէկը. իսկ աւազանի տակ տասներկու ցուլեր կային, որոնք Տիրոջ Տան մէջ շինել էր Սողոմոն արքան: Եւ պղնձին ու պղնձե բոլոր անօթներին հաշիւ չկար:
22. Սիւներից ամեն մէկի բարձրութիւնը երեսունհինգ կանգուն էր, որոնցից

իւրաքանչիւրի շուրջը տարածւում էր տասներկու կանգուն երկարութեամբ շղթայ՝ չորս մատ հաստութեամբ:

23. Նրանց գլխին պղնձէ խոյակներ կային, ամէն մի խոյակի բարձրութիւնը՝ հինգ կանգուն. մի խոյակի մակերեսը շուրջանակի բոլորում էին ցանցակերպ եւ նռնաձեւ զարդերը՝ համակ պղնձից: Նոյն ձեւի էր եւ երկրորդ սիւնինը, տասներկու կանգուններից ամէն մի կանգունը՝ ութ նռնազարդով:

24. Նռնազարդերի թիւը մի կողմի վրայ իննսունվեց էր, իսկ բոլոր նռնազարդերը շուրջանակի ցանցի վրայ հարիւր հատ էին:

25. Դահճապետը բռնեց Սարեային՝ գլխաւոր քահանային, Սոփոնիային՝ երկրորդ քահանային, ու երեք դռնապանների:

26. Այդ քաղաքից ձերբակալեց նաեւ մի ներքինու, որ պատերազմող մարդկանց զօրապետն էր, եւ եօթը անուանի մարդկանց, որոնք թագաւորի առջեւ նրա սպասին էին կանգնում եւ որոնց գտան քաղաքում, ինչպէս եւ ատենադարին՝ զօրքի իշխանին, երկրի ժողովրդի ատենադարին ու երկրի բնակչութիւնից վաթսուն մարդու, որոնց գտան քաղաքում:

27. Նաբուզարդան դահճապետն առաւ նրանց ու տարաւ բաբելացիների արքայի մօտ, Դեբլաթա:

28. Բաբելացիների արքան մահուան դատապարտեց նրանց ու սպանեց Դեբլաթայում, Եմաթի երկրում: Յուդայի երկրի ժողովուրդը իր երկրից գերեվարուեց:

29. Սա է այն ժողովուրդը, որին գերեց Նաբուքոդոնոսոր արքան. եօթներորդ տարում՝ երեք հազար քսաներեք հրեայ,

30. Նաբուքոդոնոսորի տասնութերորդ տարում Երուսաղէմից տարան ութ հարիւր երեսուներկու հոգի,

31. Նաբուքոդոնոսորի քսաներեքերորդ տարում Նաբուզարդան դահճապետը հրեաներից գերի տարաւ եօթը հարիւր քառասունհինգ հոգի, բոլորը միասին՝ չորս հազար վեց հարիւր հոգի:

32. Յուդայի երկրի արքայ Յովակիմի գերութեան երեսունեօթներորդ տարին էր, տասներկուերորդ ամիսը, ամսի քսանչորսը, երբ բաբելացիների Ուլմարոդաք արքան իր թագաւոր դարձած տարին պատուի արժանացրեց Յուդայի երկրի արքայ Յովակիմին. հանեց նրան այն տնից, որտեղ նա գտնւում էր հսկողութեան տակ,

33. նրա հետ քաղցրութեամբ խօսեց եւ նրա բարձն ակելի վեր դրեց, քան այն թագաւորների բարձերը, որոնք Բաբելոնում նրա մօտ էին:

34. Փոխեց բանտի նրա պատմութեանը, եւ նա ինչքան ժամանակ որ ապրեց՝ ամէն օր միշտ արքայի մօտ էր հաց ուտում:

35. Նրա համար սահմանուեց մշտական ռոճիկ, որը նրա կեանքի ամբողջ ընթացքում, բաբելացիների արքայի կողմից, տալիս էին նրան օրըստօրէ՝ մինչեւ նրա մահուան օրը:

၈၇၄

1. Իսրայելի գերութիւնից եւ Երուսաղէմի աւերածութիւնից յետոյ էր, երբ Երեմիան նստել լաց էր լինում եւ այս ողբերն ասում Երուսաղէմի վրայ. Ինչպէ՛ս զատուեց ու նստեց մենաւորիկ՝ քաղաքը բազմամարդ, տրտմութեամբ լցուած որբեւայրի մի կին դարձաւ հեթանոսների մէջ. երկրի իշխանը հարկատու դարձաւ:
2. Նա գիշերը դառնօրէն լաց եղաւ. արցունքներ կան նրա ծնօտներին: Այդ օրը նրա սիրելիների մէջ չգտնուեց մէկը, որ մխիթարիչ լիներ նրան. բոլոր բարեկամներն անարգեցին նրան ու դարձան թշնամիներ:
3. Յուդայի երկիրը մատնուեց գերութեան, բազում տառապանքների, նեղութեան, ստրկութեան ու ծառայութեան. նա նստեց հեթանոսների մէջ եւ հանգիստ չգտաւ. թշնամական պաշարման մէջ՝ բոլոր հալածիչները նրա վրայ հասան:
4. Սիոնի ճանապարհները սուգ բռնեցին, որովհետեւ նրա տարեկան տօներին եկողներ չկան: Նրա դարպասներն ամայացան, նրա քահանաները հեծում, հառաչում ու հոգոց են հանում: Նրա կոյսերը գերեվարուեցին, իսկ ինքն էլ դառնացած է իր հոգում:
5. Նրան նեղողները՝ կանգնեցին նրա գլխին, նրա թշնամիներն ուրախութեան մէջ են, քանի որ Տէրը խոնարհեցրեց նրան ծանր ամբարշտութեան համար. նրա մանուկները, նեղողների առաջն ընկած, գերի քշուեցին:
6. Սիոնի դուստրերի ամբողջ վայելչութիւնը վերացաւ. նրանց իշխանները նմանուեցին այն խոյերին, որոնք կեր չեն գտնում. նրանք իրենց այնքան ցանկալի իրերը տուեցին կերակուրների համար, որպէսզի յագեցնեն իրենց մարմինները: Գնում էին նրանք մտամոլոր, նեղողների առաջն ընկած, հալածիչներից քշուած:
7. Երուսաղէմը յիշեց իր տառապանքի օրը եւ օրն իր բաժանումի, թախծեց այն բոլոր փափագելի բաների համար, որոնց արժանացել էր սկզբում: Երբ ժողովուրդը թշնամիների ձեռքն ընկաւ, ոչ ոք չկար, որ օգնէր նրան, տեսան դա նրա ատելիները, քամահրեցին ու ծաղրի առան նրա գերութիւնը:
8. Մեղք գործեց Երուսաղէմը, դրա համար էլ նրան մեծարողները խայտառակեցին նրան, քանզի տեսան նրա անարգանքը, եւ նա ինքն էլ, շրջուելով, հոգոց էր հանում:
9. Նրա պղծութիւնն իր ոտքերի առաջ էր, սակայն նա իր վախճանի մասին չմտածեց. առատօրէն արցունք թափեց, բայց ոչ ոք չկար, որ մխիթարէր նրան: Նայի՛ր տառապանքներին, ո՛վ Տէր, քանզի թշնամիներս հպարտացան իմ դէմ:
10. Թշնամին իր ձեռքը երկարեց իմ գանձերին: Ես տեսայ հեթանոսներին, որոնք մտան քո սրբարանը, մինչդէռ նրանց հրամայել էիր, որ քո ժողովրդի սրբավայրը չմտնեն:
11. Ամբողջ ժողովուրդը հաց էր փնտռում ու հառաչում. ամէն բան, ինչ թանկ էր նրան, ծախսեց հացի համար, որպէսզի պահի ինքն իրեն: Նայի՛ր, ո՛վ Տէր, եւ տե՛ս, որ ես դարձայ անարգուած ու արհամարհուած:
12. Ձե՛զ եմ ասում, ձե՛զ, ո՛վ անցորդներ, յե՛տ դարձէք, նայեցէ՛ք, տեսէ՛ք՝ ինձ հասած ցաւերի նման ցաւեր եղե՞լ են արդեօք. Տէրը ձայնը բարձրացրեց ինձ վրայ եւ իր բարկութեան ու ցասման ժամին խոնարհեցրեց ինձ:
13. Իր բարձունքից կրակ ուղարկեց իմ ոսկորներին, ցանց գցեց իմ ոտքերին եւ ինձ յետ չպրտեց, կործանեց իմ անձը՝ հանապազօրեայ տառապանքի ու տրտմութեան մէջ:
14. Տէրը կանխաւ ասաց ինձ իմ ամբարշտութեան մասին, իր ձեռքը գցեց եւ իմ պարանոցին ծանրացրեց իր լուծը. իմ զօրութիւնը տկարացաւ: Տէրն ինձ մատնեց իմ ցաւերին, ու ես չեմ կարողանում հանդարտուել:
15. Նա ջնջեց իմ միջից իմ ընտիր-ընտիր զօրաւորներին, իմ ընտրեալների կոտորածի ժամն ազդարարեց. Տէրը, ինչպէս հնձանում, ճզմեց կոյսին՝ Յուդայի երկրի դստերը:
16. Ահա թէ ինչու ես ինձ տուել եմ լացի: Աչքն իմ արցունք թափեց, քանզի նրանք, ովքեր իմ մխիթարիչներն էին եւ իմ հոգին ինձ էին վերադարձնում, հեռու են ինձնից: Իմ որդիները մատնուեցին կործանման, որովհետեւ թշնամիներս զօրացան:
17. Սիոնն իր բազուկները տարածեց առ Աստուած, բայց չկար ոչ ոք, որ մխիթարէր նրան: Նրա շուրջը նրան նեղողներն են. նրանց մէջ Երուսաղէմը դարձաւ մի նողկալի

կին:

18. Արդար է Տէր Աստուած, ես դառնացրի նրան: Ո՛վ ժողովուրդներ, բոլորդ լսեցէ՛ք այս եւ տեսէ՛ք իմ ցաւերը. իմ օրիորդներն ու երիտասարդները քշուեցին գերութեան:

19. Ես կանչեցի իմ սիրեկաններին, բայց նրանք արհամարհեցին ինձ. իմ քահանաներն ու երեցներն այստեղ, քաղաքի մէջ, մեռան. կերակուր փնտռեցին, կենդանի մնալու համար, սակայն չգտնուեց:

20. Նայի՛ր, Տէ՛ր, ես նեղութեան մէջ եմ. ոսկորներս հալումաշ եղան, սիրտս մէջս տրորուեց, դառնացած եմ: Դրսից սուրն ինձ անժառանգ դարձրեց, ինչպէս մահը՝ ներսից:

21. Լսեցէ՛ք, լսեցէ՛ք այս. ես հեծում ու հառաչում եմ, եւ ոչ ոք չկայ, որ մխիթարի ինձ: Իմ բոլոր թշնամիներն իմացան իմ վրայ եկած չարիքների մասին եւ ոտնահարեցին ինձ, քանզի դո՛ւ ստեղծեցիր այդ օրը, դո՛ւ կանչեցիր այդ ժամանակը, որ վայր գայ ինձ վրայ:

22. Բոլոր չար գործերը թող կանգնեն քո առաջ, եւ դու ճռաքա՛ղ արա նրանց այնպէս, ինչպէս ճռաքաղ արիր ինձ իմ բոլոր մեղքերի համար, քանզի անթիւ են իմ հառաչանքները, եւ սիրտն իմ լի է տրտմութեամբ:

1. Ինչպե՞ս խաւարեցրեց Տէրը Սիոնի դստերը իր ցասումով ու բարկութեամբ, Իսրայէլի փառքը երկնքից երկիր նետեց եւ չիշեց իր ոտների պատուանդանը:
2. Իր ցասման ու բարկութեան օրը Տէրն անխնայ խորտակեց Յակոբի տան գեղեցկութիւնը, քանդեց ու չինայեց, կործանեց Յուդայի երկրի դստեր ամրոցները երկրի վրայ, անարգեց նրանց իշխաններին ու թագաւորներին:
3. Տէրն իր ցասման ու բարկութեան օրը փշրեց Իսրայէլի բոլոր եղջիւրները եւ նրան յետ շարտեց իր թշնամիների առաջ: Կրակը պատեց Յակոբի երկիրը, լափեց ու ոչնչացրեց ամէն բան, ինչ կար նրա շուրջը:
4. Նրա գիրկը մտաւ իբրեւ թշնամի, իր աջը հաստատեց նրա վրայ եւ սպանեց Սիոնի դստեր բոլոր սիրելիներին, իր ցասումն ու բարկութիւնը կրակի պէս թափեց նրա վրայ:
5. Տէրը, իբրեւ թշնամի, կործանեց Իսրայէլը, կործանեց նրա թագաւորներին, կործանեց նրա բոլոր ամրոցները եւ Յուդայի երկրի դստեր տառապանքների վրայ տառապանքներ աւելացրեց:
6. Այգու պէս հատեց նրա խորանները, վերացրեց նրա տարեկան տօները. Տէրը մոռացութեան տուեց այն տարեկան տօներն ու շաբաթները, որ կատարում էր Սիոնը. իր բարկութեան պահին մոնչալիս՝ տագնապի մատնեց թագաւորներին, իշխաններին ու քահանաներին:
7. Տէրը մերժեց իր զոհասեղանը, հեռու վանեց իր սրբարանները, կործանեց իր տաճարների պարիսպներն ու աշտարակները. Տիրոջ Տան մէջ թշնամիները աղմկեցին ու գոչեցին, ինչպէս նրա տարեկան տօների օրերին:
8. Սիոնի դստեր պարիսպն ընկաւ ու կործանուեց. լարը քաշեցին եւ բաց չթողեցին իրենց ձեռքերից. աշտարակները սուգ մտան, եւ բոլոր պարիսպները ցնցուեցին ու կործանուեցին:
9. Նրա դռները գետին տապալեցին, խորտակեցին նրա նիգերը: Նրանց թագաւորներն ու իշխանները հեթանոսների մէջ էին. օրէնք ու մարգարէներ չկային, չկային եւ նրանք, ովքեր տեսիլքներ էին տեսնում Տիրոջ կողմից:
10. Ամէն ինչ իջաւ ու գետնին հաւասարուեց: Սիոնի դստեր ծերերը պապանձուեցին, հող ցանեցին իրենց գլխին, քուրձ հագան: Երուսաղէմի իշխաններին գետին տապալեցին:
11. Իմ ժողովրդի դստեր կործանման համար արցունք թափելուց աչքերիս լոյսը խաւարեց, որովայնս տակնուվրայ եղաւ, փառքս լուծուեց հողի մէջ, քանգի քաղաքի բոլոր փողոցներում մեռնում են ծծկեր մանուկները:
12. Նրանք հաց ու գինի էին խնդրում իրենց մայրերից, մինչ քաղաքի մէջ ընկած ու ցրուած՝ մեռնում, իրենց հոգիներն էին աւանդում:
13. Քո մասին ի՞նչ վկայութիւն բերեմ կամ քեզ ո՞ւմ նմանեցնեմ, դո՛ւստր Երուսաղէմի. ո՞վ պիտի մխիթարի քեզ, Սիոնի կո՛յս աղջիկ. ծանրացաւ քո վշտի բաժակը, ո՞վ է, որ պիտի կարողանայ բժշկել քեզ:
14. Մարգարէները զուր, խաբուսիկ ու անշահ տեսիլքներ տեսան քեզ համար եւ քեզ չյայտնեցին քո անիրաւութիւնները, որ կարողանայիր վերադառնալ քո գերութիւնից, այլ քեզ տուեցին սնտոյի առասպելներ քո բնակավայրից հեռանալու մասին:
15. Բոլոր անցորդները ծափ զարկին, սուլում էին ու շարժում իրենց գլուխները Սիոնի դստեր վրայ. Ա՛յս է այն քաղաքը, - ասում էին, - որ ամբողջ երկրի փառքի պսակն էր եւ ուրախութիւնը:
16. Քո բոլոր թշնամիներն իրենց բերանները բացեցին քեզ վրայ, սուլում էին [ կրճտում եւ իրենց ատամները՝ ասելով. Եկեք կո՛ւլ տանք սրան. չէ՞ որ սա այն օրն է, որին սպասում էինք. ահաւասիկ տեսանք, գտանք ու հասանք մենք նրան:
17. Տէրն ինչ խօսել էր՝ արեց, կատարեց իր ասածները, ինչ պատուիրել էր հին օրերում. քանդեց ու չինայեց, քո թշնամիներին քեզ վրայ ծիծաղել տուեց եւ բարձրացրեց քեզ նեղողների եղջիւրը:

18. Նրանց սրտերը պիտի աղաղակեն դեպի Սիոնի դստեր պարիսպները, գիշեր ու ցերեկ հեղեղի պես արցունք պիտի թափեն. մի՛ լռիր, մի՛ դադարիր, աչքդ արտասուքից թող հանգիստ չառնի:

19. Վե՛ր կաց խոստովանութեան, գիշերը, քո պահեցողութեան սկզբին, քո սիրտը, ինչպէս ջուր, թափի՛ր Տիրոջ առաջ, ձեռքդ վե՛ր կարկառիր քո մանուկների հոգիների համար, որոնք սովամահ էին լինում քո երթելակութեան բոլոր ճանապարհներին:

20. Տե՛ս, ո՛վ Տէր, նայի՛ր՝ ո՞ւմ այսպէս ճռաքաղ արիր, որ կանայք ուտեն իրենց որովայնի պտուղը, ճռաքաղ արիր, ներս տարար, տուիր խոհարարներին, որ ներսում, Տիրոջ սրբարանի մէջ, մորթեն ծծկեր մանուկներին, քահանային ու մարգարէին:

21. Ծերն ու տղան միասին վախճանուեցին ճանապարհների գլխին, կոյսն ու երիտասարդը քշուեցին գերութեան. քո բարկութեան օրը սրի քաշեցիր, կոտորեցիր, մորթեցիր, կերակուր դարձրիր ու չխնայեցիր:

22. Պանդխտութեանս օրը, ինչպէս տարեկան տօներին, հրաւիրեցիր, որ նրանք իմ շուրջը հաւաքուեն, բայց ոչ ոք չգտնուեց, որ Տիրոջ ցասման ու բարկութեան ժամին փրկուած կամ կենդանի մնացած լինէր, մինչդեռ իմ բոլոր թշնամիներն ապրեցին ու բազմացան:



1. Ո՛վ զօրաւոր Աստուած, Նայի՛ր իմ թշուառութեանը: Իր ցաւման գաւազանով Նա տիրեց ինձ
2. ու ինձ վրայ խաւար բերեց եւ ոչ թէ լոյս,
3. Նաեւ իր ձեռքն հանապազ իմ դէմ դարձրեց:
4. Նա մաշեց իմ մորթն ու մարմինը, իմ բոլոր ոսկորները փշրեց,
5. կուտակեց վրաս եւ պատեց իմ գլխի շուրջը,
6. առանց յապաղելու ինձ խաւարի մէջ Նստեցրեց, ինչպէս յաւիտենական մի մեռելի:
7. Կուտակեց դրանք ինձ վրայ, եւ ես այլեւս չեմ կարող խլրտալ, պղնձի նման ծանրացրեց ինձ վրայ,
8. ու թէեւ ասացի, թէ պիտի կանչեմ ու աղաղակեմ, սակայն Նա փակել ու կապանք է դրել, որ աղօթքներս իրեն չհասնեն:
9. Իմ ճանապարհներին արգելքներ կանգնեցրեց, խցանեց իմ շարժուելու շաւիղները, ինձ խրտնեցրեց.
10. ինձ համար դարանակալ արջ եւ թաքնուած առիւծ դարձաւ.
11. հետապնդեց ինձ, հասաւ ու հալածեց, ուժասպառ արեց ինձ, կործանեց ինձ:
12. Մտաւ իմ գիրկը, ինձ թիրախ դարձրեց ու լցրեց Նետերով.
13. երիկամներս մէջտեղից կիսեց, Նետահարեց ինձ,
14. ծաղր դարձրեց իմ ժողովրդի համարեւ խաղք ու խայտառակ յաւիտենապէս:
15. Ինձ լեղի տուեց ուտելու եւ հարբեցրեց դառնութեամբ,
16. իմ ատամները քարերով փշրեց եւ մոխիր տուեց ինձ ուտելու.
17. զրկեց իմ անձը հանգստութիւնից. ես մոռացայ բարութիւնը.
18. կորաւ իմ արիութիւնը, եւ իմ յոյսը՝ առ Տէր:
19. Յիշեցի իմ թշուառութեան ու հալածանքի մասին.
20. միտքս եկան միայն դառնութիւնն ու բարկութիւնը, հոգիս մէջս թուլացաւ.
21. այդ եմ մտաբերում եւ դրա համար էլ համբերում եմ:
22. Անսպառ են Տիրոջ ողորմութիւնները, Նրա գթութիւնները չեն Նուազում:
23. Ամէն Նոր առաւօտի հետ բազմանում է քո ճշմարտութիւնը, Տէ՛ր:
24. Իմ հոգին ասաց, թէ՛ Նա իմ բաժինն է, ահա թէ ինչու յոյսս պէտք է դնեմ Նրա վրայ:
25. Աստուած բարերար է Նրանց հանդէպ, ովքեր իրենց յոյսը դնում են Նրա վրայ,
26. քանզի այն անձը, ով փնտռում եւ ճշմարտութեամբ ապաւինում է Նրան, բարի է եւ Տիրոջ փրկութեամբ հանգստութիւն կը գտնի:
27. Մարդու համար լաւ է, եթէ իր մանկութիւնից կրի խոնարհութեան լուծը:
28. Միայնակ ու լռիկ Նա կը Նստի իր տանը, որովհետեւ ինքն անձամբ յանձն առաւ քո լուծը:
29. Նա կը խոնարհուի՝ իր բերանով համբուրելու հողը, որովհետեւ Նրա համար յոյս կայ.
30. իր ծնօտները դէմ կը տայ հարուածողներին, կը կրի շատ Նախատիւնքներ,
31. բայց Տէրը Նրան ընդմիշտ չի մերժի:
32. Նա, ով տառապանքներ տուեց Նրան, ինքն էլ իր անսահման ողորմածութեամբ կ'ողորմի Նրան.
33. Տէրը սրտով չի կամենում մարդկանց պատժելու Նուաստացնել մարդու որդիներին:
34. Երբ մէկը երկրի բոլոր կալանաւորներին իր ոտքերի տակ ստորացնում է եւ մարդուն մատնում Տիրոջ դատաստանին,
35. երբ Բարձրեալի առաջ խեղաթիւրում է մարդու իրաւունքները,
36. երբ դատարանում անիրաւում է մարդուն, Տէրը չի՞ տեսնում:
37. Նա չասա՞՞ց, թէ՛ Այսպէս է ասում Տէրը, եւ կատարուեց: Բարձրեալի բերանը չէ՞ր, որ պատուիրեց, թէ՛
38. Այնտեղից ո՛չ չարիք պիտի դուրս գայ եւ ո՛չ էլ բարիք:
39. Մարդը, կենդանի մարդը ինչո՞ւ է տրտնջում իր մեղքերի համար:
40. Մեր ընթացքը քննութեան առնուեց ու յանդիմանուեց. դառնանք դէպի Տէրը,

41. մեր ձեռքերը մեր սրտերի հետ, կարկառենք դեպի երկնքի բարձունքները:
42. Մեղք գործեցինք, ամբարիշտ դարձանք, դրա համար էլ մեր հանդեպ, բարեհաճ չեղար:
43. Պատժելու եկար ցասումով ու բարկութեամբ եւ հալածեցիր մեզ, կոտորեցիր ու չինայեցիր.
44. երկինքն ամպերով ծածկեցիր, որ մեր աղօթքները քեզ չհասնեն.
45. քամահրեցիր ու հեռացրիր մեզ, հեթանոսների ամբոխի մէջ արհամարհուած ու անարգուած դարձրիր մեզ:
46. Մեր բոլոր թշնամիների բերանները բացել տուիր մեր դէմ:
47. Ահ ու սարսափ եկաւ մեզ վրայ, աւեր ու կոտորած:
48. Իմ ժողովրդի դստեր կործանման պատճառով մեր աչքերը ջրի հեղեղներ թափեցին:
49. Իմ աչքերը լցուեցին արցունքով,
50. բայց ես չեմ լռի եւ ականջ չեմ դնի, մինչեւ որ երկնքից ջայտնուի եւ չտեսնի Տէրը:
51. Իմ քաղաքների բոլոր դուռտերի չափ աչքս արցունք է թափում իմ հոգու համար:
52. Ինչպէս թռչնորսներ, իմ թշնամիները գուր տեղը ինձ որսացին,
53. իմ կեանքը գբի մէջ խեղդեցին, քար դրին ինձ վրայ,
54. գլուխս ջրով հեղեղեցին, ու ես ասացի, թէ՛ Ահա կործանուեցի:
55. Տառապանքի գբից քո անունը կանչեցի, Տէ՛ր,
56. եւ դու լսեցիր իմ ձայնը: Զո ականջն իմ աղաչանքներից մի՛ ծածկիր, ազատութի՛ւն տուր ինձ, փրկի՛ր ինձ:
57. Դու մօտեցար, որպէսզի ինձ օգնես, եւ ասացիր, թէ՛ Այն օրը, երբ ինձ կանչես, չվախենաս:
58. Դա՛տ արա, ո՛վ Տէր, իմ հոգու դա՛տն արա: Փրկեցիր իմ կեանքը,
59. տեսար իմ խռովքը, իմ դատաստանն արիր, Տէ՛ր:
60. Տեսար իմ ողջ արդարութիւնը, իմացար իմ բոլոր խորհուրդները:
61. Տէ՛ր, լսեցիր նախատիկներն ու իմ նկատմամբ ունեցած բոլոր դիտաւորութիւններն այն մարդկանց,
62. ովքեր իրենց շուրթերը հանապազ իմ դէմ են շարժում:
63. Իրենց խորհուրդներից ես հասկացայ, թէ ինչու են նրանք նստում ու վեր կենում:
64. Նայի՛ր նրանց ամբարտաւան աչքերին, ո՛վ Տէր, եւ նրանց արժանի հատուցումը նրանց գլխի՛ն բեր,
65. հատուցի՛ր նրանց ըստ իրենց սրտերի կարծրութեան,
66. քո ցասմամբ հալածի՛ր նրանց, քո բարկութեամբ ոչնչացրո՛ւ նրանց երկնքի ներքոյ:

1. Ինչպե՛ս խամրեց ոսկին, գունաթափուեց, սպիտակ արծաթը, նրանց թանկագին քարերը հալուեցին ու ցրիւ եկան իրենց ճանապարհների խաչմերուկներում:
2. Սիոնի պատուական որդիները, աւելի պատուական, քան թանկագին քարերը, ինչպե՛ս համարուեցին խեցեղէն ամաններ՝ բրուտների ձեռքի աշխատանք:
3. Ինչպէս վիշապներ, նրանք մերկացրին իրենց ստիկները եւ կաթ տուեցին իրենց կորիւններին. իմ ժողովրդի որդիները տանջահար եղան, եւ չկայ բժշկութիւն նրանց համար. անապատի ջայլամների պէս տառապեցին նրանք:
4. Ծարաւից կաթնակեր մանուկների լեզուներն իրենց քիմքերին կպան. երեխաները հաց խնդրեցին, բայց նրանց հաց կտրող չեղաւ:
5. Ովքեր կերակրով էին սնուել, ճանապարհների վրայ սովամահ եղան, ովքեր գրկերի մէջ գուրգուրանք ու գգուանք էին վայելել, աղբանոցները գրկած՝ թաթաւեցին ու թաւալուեցին:
6. Իմ ժողովրդի դստեր մեղքերն աւելի շատացան, քան կործանուած Սողոմի անօրէնութիւնները. նրանք փութով վեր էին կենում, բայց նրանց ձեռքերի վաստակը ոչ մի տեղ չէր երեւում:
7. Նրանց ազնուական իշխանները, որոնք մաքուր էին, ձեան պէս սպիտակ, կաթի պէս անարատ, փայլուն ինչպէս շափիւղայ, ակնեղէն.
8. այժմ նրանց տեսքն ածուխի նման սեւացաւ, ու ոչ ոք չէր ճանաչում նրանց. նրանց դրել էին ճանապարհների խաչմերուկներում: Նրանց կաշին ոսկորներին էր կպել. նրանք կոշտացել ու չորացած փայտ էին դարձել:
9. Սրից հասած վերքերից դիտապաստ ընկածներն աւելի բախտաւոր էին, քան սովից մեռածները: Խումբ-խումբ շարժւում էին վիրաւոր մարդիկ:
10. Գթասիրտ կանանց ձեռքերը եփեցին իրենց մանուկներին, որոնք իմ ժողովրդի դստեր կործանման ժամանակ նրանց համար կերակուր դարձան:
11. Տէրն ի կատար ածեց իր ցասումն ու բարկութիւնը, թափեց իր ցասումն ու բարկութիւնը եւ կրակ բորբոքեց Սիոնում, որը լափեց նրա հիմքերը:
12. Աշխարհում գոյութիւն ունեցող բոլոր երկրների թագաւորները չհաւատացին, թէ թշնամին կարող է ներս մտնել Երուսաղէմի դարպասներից:
13. Բայց դա տեղի ունեցաւ նրանց մարգարէների մեղքով, նրանց քահանաների մեղքով, քանզի նրանք այնտեղ թափում էին արդար մարդկանց արիւնը:
14. Ճանապարհների գլխին ցնցուեց ու սասանուեց նրանց զօրութիւնը, մեռածների արեամբ պղծուեցին ու թաթախուեցին այնպէս, որ նրանց հագուստները հնարաւոր չէր մաքուր վիճակում նրանց վրայից հանել:
15. Հեռո՛ւ կացէք, պի՛ղծ անուանեցէք նրանց, հեռո՛ւ մնացէք, հեռո՛ւ մնացէք, մի՛ մօտեցէք: Եւ նրանք շարժուեցին ու բարկացած հեռացան: Ասացէ՛ք հեթանոսներին, որ նրանք այլեւս չշարունակեն ապրել նրանց մէջ:
16. Մեր կենդանութեան ժամանակ իսկ նուաղեցին մեր աչքերը իզուր օգնութիւն սպասելուց, որովհետեւ զուր տեղը մենք նրանց հսկիչ էինք կարգել սնոտի բաների վրայ:
17. Տէրն իր երեսը շրջել է նրանցից եւ այլեւս չի նայելու նրանց: Քահանաները չլսեցին ձերերին, նրանց որդիների նկատմամբ անողորմ եղան: Աչքներս պահած՝ նայում էինք այն ազգերին, որոնք մեզ չէին կարող փրկել:
18. Որսացին մեզ. մի փոքր ժամանակ եւս, եւ մեզ սպանած-բնաջնջած կը լինեն մեր քաղաքներից: Հասել է ժամը, հասել է ժամանակը, լրացան մեր օրերը, լրացան ժամանակները:
19. Լեռների վրայ մեզ հալածողները թերթւաշարժ են. նրանք, ինչպէս երկնային արծիւներ, ճախրեցին բարձր լեռների վրայ եւ, անապատում դարան մտած, պաշարեցին մեզ:
20. Տէր Զրիստոսը մեր անձի շունչն է. իրենց ապականութեամբ նրանք պաշարեցին

նրան, մինչդեռ մենք մտածում էինք, թե կը նստենք նրա հովանու տակ եւ կ'ապրենք հեթանոսների մէջ:

21. Տնծա՛ եւ ուրախացի՛ր, ո՛վ եղոմայեցիների դուստր, որ բնակւում ես օստացիների այդ երկրում, քեզ էլ կը հասնի այս բաժակը. կը կանգնես ու կը խմես, կը խմես ու նորից կը վերադարձնես:

22. Զո անօրէնութիւնները պիտի վերջ գտնեն, Սիո՛ն, եւ այլեւս դու չպիտի պատժուես. բայց քեզ, ո՛վ եղոմի դուստր, քո մեղքերի համար Տէրը պատժելու եկաւ՝ յայտնի դարձնելով քո բոլոր ամբարշտութիւնները:

## Գլուխ 5

1. Յիշի՛ր, Տէ՛ր, թէ ինչե՛ր կատարուեցին մեզ հետ, նայի՛ր եւ տե՛ս մեր կրած նախատիքները:
2. Մեր ժառանգութիւնն անցաւ օտար ազգերին, մեր տները՝ օտարականներին:
3. Որք մնացինք մենք, հայր չկար մեզ համար, մեր մայրերը մեր աչքի առաջ այրիացան:
4. Մեր ջուրը փողով խմեցինք, եւ մեր փայտը գնելու հոգսը միշտ մեր վզին է ծանրացած:
5. Հալածական եղանք եւ հանգստութիւն չգտանք:
6. Եգիպտացիներն ու ասորաստանցիները ձեռք մեկնեցին՝ մեզ հացով կշտացնելու համար:
7. Մեր հայրերը մեղք գործեցին, նրանցից ոչ ոք հիմա չկայ, եւ հայրերի մեղքը մենք ենք քաշում:
8. Մեզ վրայ տիրեցին ծառաները, եւ այլեւս նրանց ձեռքից մեզ փրկող չկայ:
9. Անապատի սրի ահից եկէք մեր պաշարները ներս տանենք:
10. Սոսկալի սովի երեսից մեր կաշին հնացած թռնի նման ճաք է տուել:
11. Կանանց խայտառակեցին Սիոնում, իսկ կոյսերին՝ Յուդայի երկրի քաղաքներում:
12. Ծերերին կախեցին իրենց բութ մատներից, չինայեցին նաեւ պառաւներին:
13. Ընտիր ու պատուական մարդիկ ողբում էին բարձրաձայն, իսկ երիտասարդները, փայտածեծ արուելով, ուժասպառ եղան:
14. Ծերերն այլեւս չէին նստում դարպասների մօտ, իսկ ընտրեալ մարդիկ դադարեցին օրհնութիւններ երգելուց:
15. Մեր սրտերը զրկուեցին ուրախութիւնից, եւ մեր օրհներգութիւններն ու պարերը փոխուեցին սգի:
16. Պսակը վայր ընկաւ մեր գլուխներից. վա՛յ մեզ, վա՛յ մեզ, քանզի մենք մեղք գործեցինք:
17. Ահա թէ ինչու ցաւն առաւ մեր սրտերը, ահա թէ ինչու մեր աչքերին խաւարը պատեց Սիոնի լեռան վրայ,
18. որն աւերակ է դարձել, եւ աղուէսներն են ելումուտ անում նրա սրահներում:
19. Տէ՛ր, դու կաս յաւիտեան, եւ քո աթոռը մնում է սերնդից սերունդ:
20. Ինչո՞ւ իսպառ մոռացար մեզ, պատժեցիր, թողեցիր ու երկար ժամանակով լքեցիր մեզ:
21. Ե՛տ դարձրու մեզ, ո՛վ Տէր, եւ մենք կը վերադառնանք, նորոգի՛ր մեզ, Տէ՛ր, ինչպէս վաղնջական ժամանակներում:
22. Դու մերժելով մերժեցիր մեզ, քո ցասումն ու բարկութիւնն անչափ բորբոքուեց մեզ վրայ:

ቴጊቴሃኮፒሊ

1. Բուզիի որդի Եգեկիէլ քահանայի տեսիլքը, որ նա տեսաւ քաղղեացիների երկրում, Քոբար գետի ափին:
2. Երեսուներորդ տարում, չորրորդ ամսին, ամսուայ հինգերորդ օրը, ես Քոբար գետի ափին գերեվարուածների մէջ էի: Երկինքը բացուեց, եւ ես Աստծուն տեսայ մի տեսիլքի մէջ:
3. Ամսուայ հինգերորդ օրն էր. դա Յովակիմ արքայի գերութեան հինգերորդ տարին էր:
4. Աստուած խօսեց Բուզիի որդուն՝ Եգեկիէլ քահանայի հետ, քաղղեացիների երկրում, Քոբար գետի ափին:
5. Եւ այնտեղ Տիրոջ ձեռքը հանգչեց ինձ վրայ, ու տեսայ, որ ահա հիւսիսից մի հողմ բարձրացած գալիս էր, մի մեծ ամպ էլ՝ նրա հետ: Շուրջը լոյս էր, որից հուր էր փայլատակում: Նրա մէջ թանկարժեք քարերի տեսքը կար, միջից՝ ճառագայթներ:
6. Դրա մէջ չորս կենդանի էակների կերպարանքներ կային: Եւ այս էր դրանց տեսքը. դրանք մարդու կերպարանք ունէին:
7. Ամեն մէկը չորս դէմք ուներ, ամեն մէկը՝ չորս թել:
8. Նրանց ազդրերն ուղիղ էին, ոտքերը՝ թելաւոր. կճղակները նման էին հորթերի կճղակների, եւ դրանցից կայծեր էին թափւում, ինչպէս պղնձի փայլատակումներից: Նրանց թելերն արագաշարժ էին:
9. Նրանց թելերի տակ, չորս կողմերում, մարդկային ձեռքեր կային: Նրանց երեսները չորսն էին: Չորսի թելերն էլ կցուած էին միմեանց:
10. Գնալիս երեսները յետ էին դարձնում. իւրաքանչիւրն իր դէմքի ուղղութեամբ էր ընթանում:
11. Նրանց չորսի էլ դէմքի տեսքը աջից մարդու եւ առիւծի կերպարանք ուներ, իսկ ձախից՝ եզան եւ արծուի կերպարանք. այս էր նրանց տեսքը:
12. Նրանց չորսի թելերը տարածուած էին վերեւից. իւրաքանչիւր երկուսն իրար էին կցուած ու վերեւից զոյգ-զոյգ ծածկում էին նրանց մարմինները:
13. Եւ իւրաքանչիւրն իր դէմքի ուղղութեամբ էր ընթանում. դէպի ո՛ր կողմը որ հողմը փչում էր՝ նրանք այն կողմն էին գնում եւ ընթանալիս յետ շուռ չէին գալիս:
14. Կենդանի էակների մէջ բորբոքուած հրի պէս մի պատկեր կար, ասես շարժուող լապտերների պատկեր լինէր. կրակի լոյս կար, եւ այն կրակից փայլատակումներ էին սփռւում:
15. Եւ կենդանի էակներն արագ էին ընթանում ու թեթել պտտւում էին, արեգակի պէս:
16. Եւ ահա երկրի վրայ, չորս կենդանի էակների յետեւից մի անիւ էի տեսնում. անիւների կերպարանքն ու դրանց կառուցուածքը ոսկեքարի տեսքն ունէին:
17. Թե՛ չորսի տեսքը, թե՛ նրանց պատկերն ու կառուցուածքը այնպէս էին, որ կարծես թէ անուի մէջ անիւ էր պտտւում:
18. Նրանք իրենց դէմքերի չորս ուղղութեամբ էլ ընթանում էին ու յետ շուռ չէին գալիս: Բարձր էին:
19. Նայում էի նրանց ու տեսնում, որ նրանց թիկունքները, չորս կողմերում էլ, լիքն էին աչքերով:
20. Կենդանի էակներն ընթանալիս՝ անիւներն էլ նրանց հետ էին գնում, իսկ երբ երկրից բարձրանում էին, անիւներն էլ էին բարձրանում:
21. Դէպի ո՛ր կողմը որ գնում էին ամպն ու հողմը՝ կենդանի էակներն էլ էին ընթանում, եւ անիւները նրանց հետ բարձրանում էին, որովհետեւ այն անիւների մէջ կենդանի ոգի կար:
22. Երբ նրանք ընթանում էին, անիւներն էլ էին գնում, կանգնելիս կանգ առնում, երբ երկրից նրանք բարձրանում էին, անիւներն էլ էին նրանց հետ բարձրանում, որովհետեւ այն անիւների մէջ կենդանի ոգի կար:
23. Եւ կենդանի էակների գլխավերելում երկնակամարի նման մի բան կար, որ բիւրեղի տեսք ուներ ու վերեւից տարածւում էր նրանց թելերի վրայ:

24. Իսկ երկնականարի ներքեւում նրանց թելերը պարզուած սաւառնում էին իրար հետ. իւրաքանչիւրը երկուական թել, որ ծածկում էր իրենց մարմինները:
25. Երբ նրանք սաւառնում էին, լսում էի նրանց թելերի ձայնը, ինչպէս յորդ ջրերի ձայն, ինչպէս Սադայ Աստծու ձայնը: Իսկ երբ շարժւում էին, լսում էր նրանց խօսքը, ինչպէս բանակի ձայնը: Երբ նրանք կանգ էին առնում, թելերն էլ դադար էին առնում:
26. Եւ ահա, երբ նրանք կանգ էին առնում ու իրենց թելերը բարձրացնում, նրանց գլխավերելի երկնականարից մի ձայն էր լսւում:
27. Նրանց գլխավերելի երկնականարից է՛լ աւելի վեր կար գահի պէս մի բան, որ շափիւղայ ակի էր նմանւում, իսկ գահի վրայ՝ մարդու կերպարանքով մի բան:
28. Այդ կերպարանքի մէջ բազմագոյն ակի պէս մի պատկեր էի տեսնում, նրանից աւելի ներքեւ՝ շուրջանակի կրակի պատկեր, մէջքից վեր՝ արեգակի նմանութեամբ, իսկ մէջքից ներքեւ՝ կրակի: Եւ լոյսը, որ նրա շուրջը բոլորակ էր կազմել, ունէր ծիածանի տեսք, որ անձրեւային օրերին ամպերի մէջ է ձգւում:
29. Եւ այսպէս նրա շուրջը լոյսի ահագին մի տեսիլք կար:



1. Այս տեսիլքը նման էր Տիրոջ փառքին: Երբ այն տեսայ՝ երեսս ի վայր ընկայ եւ լսեցի մի ձայն, որ խօսում էր ինձ հետ ու ասում. Մարդո՛ւ որդի, ոտքի՛ կանգնիր, խօսելու եմ հետդ:
2. Եւ Հոգին եկաւ վրաս, բարձրացրեց ինձ ու կանգնեցրեց ոտքերիս վրայ:
3. Ու լսում էի, որ նա խօսում էր հետս ու ասում. Մարդո՛ւ որդի, ես քեզ ուղարկելու եմ այդ դառնացուցիչ Իսրայելի տունը. նրանք իրենք եւ նրանց հայրերը դառնացրել են ինձ, անարգել են ինձ մինչեւ այսօր:
4. Ում մօտ որ ես քեզ ուղարկում եմ՝ պնդերես ու խստասիրտ որդիներ են. կ'ասես նրանց. Այսպես է ասում Տէր Աստուածը:
5. Եթէ պատահի, որ լսեն կամ սարսափեն (քանի որ դառնացնողների տուն են) եւ կամ ամբողջովին ընդունեն, որ դու նրանց մարգարեն ես, -
6. դո՛ւ էլ, մարդո՛ւ որդի, նրանցից չվախենաս ու նրանց տեսքից չսարսափես, որովհետեւ զայրանալով պիտի զայրանան ու քեզ վրայ պիտի յարձակունեն, քանի որ կարիճների մէջ բնակուելիս պիտի լինես դու: Նրանց խօսքերից չվախենաս ու նրանց տեսքից չսարսափես, որովհետեւ դառնացնողների տուն են:
7. Նրանց իմ խօսքերը կ'ասես. արդեօք պիտի լինի՞, որ լսեն կամ սարսափեն, քանի որ դառնացնողների տուն են, -
8. դու էլ, մարդո՛ւ որդի, անսա՛ այն խօսքերին, որ ասում եմ քեզ. դառնացնողների տան պես դառնացնող մի՛ լինի, բա՛ց բերանդ ու կե՛ր, ինչ որ իբրեւ կերակուր տալիս եմ քեզ:
9. Եւ տեսայ, որ ահա մի ձեռք էր երկարել դեպի ինձ ու դրա մէջ մի մագաղաթ կար: Բացեց այն իմ առաջ, ու դրա վրայ, ներքեւում ու վերեւում, գրուած էին ողբեր, աղաղակներ ու վայեր:

1. Եւ ասում էր ինձ. Մարդո՛ւ որդի, ինչ որ դրա մէջ գտնես՝ կե՛ր. մանր-մանր կե՛ր այդ մագաղաթը եւ գնա՛ որ խօսի՛ր իսրայելացիների հետ:
2. Բաց արեց բերանս ու իբրեւ կերակուր դրեց այդ մագաղաթը եւ ասաց ինձ.
3. Մարդո՛ւ որդի, բերանդ թող ուտի, ու որովայնդ լցուի այդ մագաղաթով, որ քեզ տրուեց: Կերայ այն, եւ բերանիս մեղրի քաղցրութիւն տուեց:
4. Եւ ասաց ինձ. Մարդո՛ւ որդի, դու գնա՛ որ մտի՛ր Իսրայելի տուն. նրանց մօտ իմ պատգամները պիտի հաղորդես,
5. որովհետեւ դու խրթնախօս եւ ծանրալեզու մի ժողովրդի մօտ չէ, որ ուղարկւում ես, այլ Իսրայելի տուն,
6. ո՛չ բազում օտար կամ այլալեզու ժողովուրդների մօտ, ո՛չ էլ խրթին լեզու ունեցողների, որոնց խօսքը չես էլ լսում: Եթէ այդպիսիների մօտ էլ ուղարկէի քեզ, նրա՛նք անգամ պիտի լսէին քեզ:
7. Սակայն Իսրայելի տունը պիտի չուզի քեզ լսել, որովհետեւ չի ուզում ինձ անսալ. ամբողջ Իսրայելի ցեղը հակառակորդներ ու խստասիրտներ են:
8. Եւ ահա ես քո դէմքը կարծրացրել եմ նրանց դէմ. քո յաղթանակն էլ պիտի զօրացնեմ ընդդէմ նրանց հակառակութեան:
9. Եւ քո յաղթանակն ամէն ժամ վեմի պէս հաստատուն պիտի լինի: Մի՛ վախեցիր նրանցից ու մի՛ սարսափիր նրանց ներկայութիւնից, որովհետեւ նրանք դառնացնողների տուն են:
10. Եւ Տէրն ասաց ինձ. Մարդո՛ւ որդի, այն բոլոր խօսքերը, որ ասացի քեզ, ականջներո՛վդ լսիր ու սրտիդ մէ՛ջ պահիր:
11. Եւ գնա՛ որ մտի՛ր քո ժողովրդի գերեալ զաւակների մէջ: Նրանց հետ կը խօսես ու կ'ասես. Այսպէս է ասում Տէր Աստուածը, լսեն նրանք, թէ չլսեն:
12. Եւ Հոգին ինձ բարձրացրեց, ու ետեւիցս մեծ շարժման ձայն լսեցի. ասում էին. Օրհնեալ է Տիրոջ փառքը՝ իր բնակատեղիում:
13. Ու տեսայ, որ դա ձայնն էր միմեանց հետ սաւառնող կենդանի էակների թելերի, ձայնը նրանց հետ պտտողուղ անիւների եւ ձայնը շարժման:
14. Տիրոջ Հոգին բարձրացրեց, բարձրացրեց ինձ, ու համբառնալով գնում էի՝ հետեւելով իմ հոգու մղումին:
15. Տիրոջ ձեռքն ինձ վրայ զօրաւոր եղաւ: Վերացած՝ մտայ գերեալների մէջ ու շրջեցի Քոբար գետի բնակիչների մօտ, որոնք այնտեղ էին: Ու դադար առնելով եօթը օր նստեցի նրանց մէջ:
16. Եօթը օր յետոյ Տէրը խօսեց ինձ հետ ու ասաց.
17. Մարդո՛ւ որդի, ես քեզ դէտ կարգեցի Իսրայելի այդ տանը. դու ինձնից պատգամներ ես լսելու եւ իմ անունից սպառնալու ես նրանց:
18. Երբ անօրէնին ասեմ՝ ստոյգ պիտի մեռնես, դու այլեւս չես զգուշացնելու նրան, ոչ էլ ասելու ես անօրէնին, որ զգուշանայ, յետ դառնայ իր չար ճանապարհից ու ապրի: Այդ անօրէնն իր անօրէնութեան մէջ է մեռնելու, եւ նրա արիւնը քեզնից եմ պահանջելու:
19. Իսկ եթէ դու անօրէնին զգուշացնես, ու նա յետ չդառնայ իր անօրէնութիւնից եւ իր ճանապարհից, - այդ անօրէնն իր անօրէնութեան մէջ է մեռնելու, իսկ դու քեզ փրկելու ես:
20. Եւ երբ արդարն էլ իր արդար գործերից շեղուի ու յանցանքներ գործի, նրա գլխին տանջանքներ եմ բերելու. ինքը մեռնելու է, որովհետեւ նրա կատարած արդար գործերը չեն յիշուելու: Բայց քանի որ դու նրան չես զգուշացրել, նրա արիւնը քեզնից եմ պահանջելու:
21. Ապա եթէ դու զգուշացնես արդարին, որ նա մեղք չգործի, արդարն ապրելով պիտի ապրի, որովհետեւ զգուշացրել ես նրան. դու էլ քեզ պիտի փրկես:
22. Այնտեղ Տիրոջ ձեռքն ինձ վրայ հանգչեց, ու նա ասաց ինձ. Վե՛ր կաց, դու էլ այն դաշտը ելի՛ր, այնտեղ քեզ հետ խօսելու եմ:

23. Վեր կացայ ելայ այն դաշտը: Ահա այնտեղ էր իջել Տիրոջ փառքը, ինչպես այն տեսիլքն ու փառքը, որ տեսել էի Քոբար գետի ափին: Երեսս ի վայր ընկայ:
24. Եւ Հոգին եկաւ վրաս ու ինձ ոտքերիս վրայ կանգնեցրեց: Խօսեց հետս ու ասաց.
25. Մտի՛ր ու փակուի՛ր քո տանը: Մարդո՛ւ որդի, ահա քեզ վրայ կապանքներ են դրուած, ու քեզ դեռ կապելու են դրանցով. եւ դու դուրս չես գալու դրանց միջից:
26. Լեզուդ էլ կապելու եմ քո քիմքին, ու համր ես լինելու: Դու նրանց համար յանդիմանող մի մարդ չես լինելու, որովհետեւ նրանք դառնացնողների տուն են:
27. Ու երբ հետդ խօսեմ, բաց եմ անելու քո բերանը, եւ դու ասելու ես նրանց. Այսպես է ասում Ամենակալ Տէր Աստուածը: Ով որ լսելու է, թող լսի, իսկ ով որ արհամարհելու է, թող արհամարհի, քանի որ նրանք դառնացնողների տուն են:

1. Դո՛ւ ել, մարդո՛ւ որդի, քեզ համար մի աղի՛ւս առ, այն դի՛ր քո առաջ: Դրա վրայ կը նկարես Երուսաղեմ քաղաքը,
2. շուրջը կը հաստատես Նրա պաշարումը: Նրա շուրջը մարտական աշտարակներ կը շինես, կը շրջապատես պատնէշներով, շուրջը բանակներ կը կանգնեցնես ու նետաձիգներ կը դնես չորս կողմը:
3. Քեզ համար երկաթէ մի վահան կ'առնես եւ այն, իբրեւ երկաթէ պարիսպ, կը կանգնեցնես քո ու քաղաքի միջեւ: Դեմքդ ել կ'ուղղես դէպի այն, կը պաշարես այն, ու սա պաշարման մէջ կը լինի: Իսրայելի զաւակների նշանն է դա:
4. Դու կը ննջես քո ձախ կողքի վրայ ու Իսրայելի տան անիրաւութիւններն ել կը դնես վրադ, ըստ այն օրերի թուի, որ ննջելու ես դրա վրայ. հարիւր իննսուն օր կը կրես նրանց անիրաւութիւնները:
5. Ես քեզ եմ տուել նրանց երկու անիրաւութիւնները, օրերի թուով՝ հարիւր իննսուն օր: Եւ դու կը կրես Իսրայելի տան անիրաւութիւնները,
6. կ'ամբողջացնես բոլորը միասին: Դարձեալ կը ննջես, աջ կողքիդ վրայ, եւ Յուդայի տան անիրաւութիւնները կը կրես քառասուն օր. իւրաքանչիւր տարուայ դիմաց մէկ օր եմ սահմանել քեզ:
7. Դեմքդ կ'ուղղես դէպի Երուսաղեմի պաշարումը, կը զօրացնես բազուկներդ եւ Նրա վրայ մարգարէութիւններ կ'անես:
8. Իսկ ես ահա քեզ վրայ կապանքներ եմ դրել, ու դու մի կողքիցդ միւսին չես դառնալու, մինչեւ չվերջանան արգելափակմանդ օրերը:
9. Իսկ դու քեզ համար ցորեն ու գարի ա՛ռ, ոսպ ու ոլոռ, կորեկ ու հաճար, դրանք դի՛ր խեցե մի ամանի մէջ եւ քեզ համար հա՛ց պատրաստիր: Ու ըստ կողքիդ վրայ քո քնելու օրերի թուի՝ հարիւր իննսուն օր կ'ուտես այն:
10. Կերակուրդ կշռով կ'ուտես. օրը քսան սիկլ որոշուած ժամերին կ'ուտես դրանից:
11. Ջուրն ել չափով կը խմես. մի փարչի վեցերորդ մասը որոշուած ժամերին կը խմես:
12. Կերակուրդ գարուց պատրաստուած նկանակի ձեւով կ'ուտես. մարդկանց կղկղանքի վրայ կ'եփես այն, նրանց աչքի առաջ:
13. Ու կ'ասես. Այսպէս է ասում Իսրայելի Տէր Աստուածը. Իսրայելացիներն այսպէս են ուտելու իրենց հացը՝ իրենց պղծութեամբ, այն այլազգիների մէջ, ուր ցրելու եմ նրանց:
14. Եւ ես ասում եմ. Քա՛ւ լիցի, Իսրայելի Տէ՛ր Աստուած, եթէ հոգիս երբեւէ ապականուի պղծութիւնների մէջ. ես մեռելոտի կամ գազանից յօշոտուած անասունի միս ծննդիցս ի վեր մինչեւ այժմ երբեք չեմ կերել, ու բերանս ել որեւէ պիղծ միս չի մտել:
15. Եւ ասաց ինձ. Ահա քեզ մարդու կղկղանքի փոխարէն արջառի քակոր եմ տուել. դրա վրայ կ'եփես հացդ:
16. Եւ Տէրն ինձ ասաց. Մարդո՛ւ որդի, ահա ես վերացնում եմ Երուսաղեմում հացի պաշարը. թող հացը կշռով ու կարօտով ուտեն, ջուրն ել չափով ու կարօտութեամբ խմեն,
17. որպէսզի կարօտ մնան հացի ու ջրի: Ու թող կործանուեն մարդն ու իր եղբայրը, հալումաշ լինեն իրենց անիրաւութիւնների մէջ:

1. Դո՛ւ էլ, մարդո՛ւ որդի, յեսանով սրուած սուսեր ա՛ռ՝ վարսավիրների ածելուց անելի սուր, ձե՛ռքդ առ այն, քաշի՛ր գլխիդ ու մօրուքիդ վրայով, ապա կշեռքն ա՛ռ ու կշռի՛ր այդ մագերը:
2. Մագի մէկ չորրորդ մասը հրով կ'այրես քաղաքի մէջ, երբ լրանան արգելափակմանդ օրերը, մէկ չորրորդ մասն էլ սրով կը կտրատես կը փռես քաղաքի շուրջը, իսկ մէկ չորրորդ մասն էլ քամուն կը տաս. ես սուր կը քաշեմ դրանց յետեւից:
3. Դրանցից մի փոքր մաս կ'առնես, կը ծրարես ու կը դնես թիկնոցիդ մէջ:
4. Դրանցից էլի կը վերցնես կը գցես կրակի մէջ, կ'այրես դրանք կրակի մէջ, եւ այնտեղից կրակ դուրս կը գայ:
5. Ու կ'ասես բոլոր իսրայելացիներին. Այսպէս է ասում Ամենակալ Տէրը. այս այն Երուսաղէմն է, որ դրել եմ հեթանոսների եւ նրանց շուրջը գտնուող երկրների մէջ:
6. Քանի որ իմ դրած կանոնները փոխեցին հեթանոսների անիրաւութեան հետ, իմ հրամանները՝ իրենց շուրջը գտնուող երկրների օրէնքների հետ, մերժեցին իմ օրէնքներն ու իմ օրէնքներով չշարժուեցին, -
7. դրա համար այսպէս է ասում Ամենակալ Տէրը. Քանի որ պատճառները գալիս են այն ազգերից, որոնք ձեր շուրջն են, եւ դուք իմ օրէնքներով չշարժուեցիք, իմ դրած կանոնները չկատարեցիք, չգործեցիք նաեւ ըստ ձեր շուրջը գտնուող հեթանոսների օրէնքների, -
8. ուստի Ամենակալ Տէրն այսպէս է ասում. ահա ես ձեզ դեմ եմ ու ձեր դատաստանը պիտի անեմ ազգերի առաջ
9. եւ ձեր պղծութիւնների պատճառով ձեզ պիտի անեմ այն, ինչ երբեք չեմ արել ու այլեւս դրա պէս ոչինչ չեմ անելու:
10. Դրա համար, Երուսաղէ՛մ, քո մէջ հայրերը պիտի ուտեն որդիներին, որդիներն էլ՝ հայրերին: Քո դատաստանն եմ անելու եւ չորս հողմերին եմ ցրելու քո բոլոր մնացորդներին:
11. Քանի ես կենդանի եմ, - ասում է Ամենակալ Տէրը, - եւ նրա համար, որ իմ սրբութիւնները պղծեցիք ձեր բոլոր գարշելի կուռքերով ու պիղծ պաշտամունքներով, - ես մերժելու եմ ձեզ, աչքս էլ ձեզ չի խնայելու, ոչ էլ ողորմելու եմ ձեզ:
12. Ձեր մէկ չորրորդ մասը համաճարակից է սպառուելու, քո մէջ մէկ չորրորդ մասը սովից է մեռնելու, միւս չորրորդ մասը չորս հողմերին եմ ցրելու, իսկ մէկ չորրորդ մասն էլ ձեր շուրջը սրից է ընկնելու. սուր եմ քաշելու նրանց յետեւից:
13. Եւ այսպէս նրանց վրայ իմ բարկութիւնը յագուրդ է ստանալու, ու ես մխիթարուելու եմ: Եւ պետք է իմանան, որ ես՝ Տէրս, խօսեցի իմ վրեժխնդրութեամբ՝ յագուրդ տալու համար իրենց վրայ իմ բարկութեան:
14. Երուսաղէ՛մ, ես քեզ անապատի եմ վերածելու, քեզ դարձնելու եմ քո շուրջը գտնուող հեթանոսների նախատիկքի առարկան, քո շուրջը եղող գիւղերն էլ աներակների եմ վերածելու բոլոր անցորդների աչքերի առաջ,
15. եւ դուք ողբալի ու եղկելի էք լինելու, ծաղր ու ցուցանք՝ ձեր շուրջը եղող ազգերի մէջ, երբ ես սրտմտութեամբ ու վրեժխնդրութեան ցասումով ձեզ հետ դատաստան տեսնեմ:
16. Ես՝ Տէրս եմ ասում սա. երբ ես սովի չար նետերս արձակեմ ձեզ վրայ՝ կ'ոչնչանաք: Դրանք կ'արձակեմ ձեզ վրայ, սով կը բերեմ ձեր գլխին, կը վերացնեմ ձեր հացի պաշարը,
17. ձեր դեմ սով ու վայրի գազաններ կ'ուղարկեմ եւ կը պատժեմ ձեզ. մահն ու արիւնը կ'անցնեն ձեր վրայով, ձեր շուրջն էլ սրածութիւն կ'անեմ, որովհետեւ ես՝ Տէրս եմ ասում դա:

1. Տերը խօսեց ինձ հետ ու ասաց.
2. Մարդո՛ւ որդի, դեմքդ ուղղի՛ր դեպի Իսրայելի այդ լեռները, մարգարեութի՛ւն արա դրանց վրայ եւ ասա՛.
3. Իսրայելի՛ լեռներ, լսեցե՛ք Ամենակալ Տիրոջ պատգամները: Այսպէս է ասում Ամենակալ Տերը լեռներին ու բլուրներին, ձորերին ու դաշտերին. ' Ահա սուր եմ քաշում ձեզ վրայ, ու ոչնչանալու են ձեր բարձրադիր սրբավայրերը,
4. կործանուելու են ձեր խորանները, խորտակուելու են ձեր մեհեանները. ու գետին եմ փռելու ձեր սպանուածներին ձեր կուռքերի առաջ:
5. Ձեր կուռքերի առաջ վիրաւոր դիաթաւալ եմ անելու իսրայելացիներիդ ու ձեր ոսկորները փռելու եմ ձեր խորանների շուրջը,
6. ձեր բոլոր բնակավայրերում: Քաղաքներն ակերուելու են, բարձրադիր սրբավայրերը՝ ոչնչանալու, որպէսզի ջնջուեն ու պակասեն ձեր խորանները, խորտակուեն ու վերջ գտնեն ձեր կուռքերը, վերանան ձեր մեհեանները, ջնջուեն ձեր ձեռքերի գործերը,
7. ու ձեր մէջ սպանուածներ ընկնեն: Պէտք է իմանաք, որ ես եմ Տերը:
8. Սակայն ազգերի մէջ ձեզանից սրից ազատուածներ եմ թողնելու՝ օտար երկրներում ցիր ու ցան:
9. Ու ազգերի մէջ, ո՛ւր էլ որ գերուած լինեն նրանք, ձեր ազատուածները պիտի յիշեն ինձ, որ երդուեցի վրեժխնդիր լինել շնացած ու իմ դէմ ապստամբած նրանց սրտին, պոռնկացած աչքերին՝ նրանց չար վարքի համար: Նրանք պիտի ծեծեն իրենց երեսները այն չարիքների համար, որ արել են իրենց բոլոր կռատներում, իրենց ողջ կեանքի ընթացքում:
10. Ու պէտք է իմանան, որ ես եմ Տերը, եւ իզուր չէ որ ասել եմ, թէ այս բոլոր չարիքները նրանց հատուցելո՛ւ եմ:
11. Այսպէս է ասում Ամենակալ Տերը. Ձեռքերով ծա՛փ զարկ, ոտքերով դոփի՛ր ու վա՛շ-վա՛շ ասա Իսրայելի տան զարշելի գործերի ու չարիքների համար, որովհետեւ սրից, համաճարակից ու սովից են ընկնելու:
12. Ով որ հեռու է՝ համաճարակից է մեռնելու, իսկ ով մօտ է՝ սրից է ընկնելու. մնացածն ու պաշարուածը սովից են մեռնելու: Այսպիսով ես յագուրդ եմ տալու բարկութեանս:
13. Ու պէտք է իմանան, որ ես եմ Տերը, երբ ձեր սպանուածներն ընկնեն ձեր կուռքերի առաջ, ձեր խորանների շուրջը, բոլոր բլուրների ու լեռների գագաթների վրայ, ինչպէս նաեւ բոլոր սաղարթախիտ ծառերի, հաստատուն կաղնիների տակ գտնուող կռատներում, ուր խունկ էիք ծխում ձեր բոլոր կուռքերին:
14. Ես ձեռքս իջեցնելու եմ բոլորի վրայ եւ երկիրը մատնելու եմ կործանման ու ոչնչացման, Դեբլաթի անապատից մինչեւ ձեր բոլոր բնակավայրերը: Պէտք է իմանաք, որ ես եմ Տերը:

1. Տերը խօսեց ինձ հետ ու ասաց. Դո՛ւ ել, մարդո՛ւ որդի, կ'ասես.
2. այսպես է ասում Ամենակալ Տերը. Իսրայելացիների երկրիդ վախճանը հասել է, վախճան է հասել երկրիդ չորս կողմերին ել.
3. ահա հասել է քո վախճանը: Բարկությունս ուղարկելու եմ քեզ վրայ ու քո բռնած ճանապարհին համապատասխան՝ վրեժ եմ լուծելու քեզնից, հատուցել եմ տալու քեզ՝ քո բոլոր գարշելի արարքների համար:
4. Աչքս չի խնայելու քեզ, ոչ էլ ողորմելու եմ, որովհետեւ քո վարքին համապատասխան հատուցել եմ տալու քեզ, եւ քո գարշելի գործերը երեւալու են քո մէջ: Պետք է իմանաս, որ ես եմ Տերը:
5. Այսպես է ասում Տեր Աստուած. Ահա մի չարիք, մի չարիք է վրայ հասել.
6. եկել է վախճանը, թելածում է քեզ վրայ:
7. Ահա տագնապն է համակել քեզ, դու որ բնակուել ես այդ երկրում: Հասել է ժամանակը, մօտեցել՝ օրը, սակայն ոչ իրարանցումով, ոչ երկունքով:
8. Այլ այժմ, շուտով թափելու եմ քեզ վրայ զայրոյթս, ի կատար եմ ածելու սրտմտութիւնս, դատաստան եմ տեսնելու քեզ հետ՝ ըստ քո բռնած ճանապարհի, հաշիւ եմ պահանջելու քո բոլոր պիղծ պաշտամունքների համար:
9. Աչքս չի խնայելու քեզ, ոչ էլ ողորմելու եմ, որովհետեւ ըստ քո բռնած ճանապարհի հատուցել եմ տալու քեզ, ու քո գարշելի գործերը երեւալու են քո մէջ: Պետք է իմանաս, որ ես եմ Տերը, որ հարուածում եմ քեզ:
10. Ահա եւ Տիրոջ օրը. ահա հասել է վերջը: Եկել է տագնապը, դալարել է գաւազանը. գլուխ է բարձրացրել ամբարտաւանութիւնը:
11. Խորտակելու եմ անօրէնի չարութիւնը, սակայն ոչ իրարանցումով ու փութով: Նրանց խելքը գլուխներին չէ, ոչ էլ գեղեցկութիւն կայ նրանց մէջ:
12. Հասել է ժամանակը, ահա եկել է օրը: Գնողը թող չուրախանայ, ոչ էլ վաճառողը ողբայ, որովհետեւ Իսրայելի ամբողջ բազմութեան վրայ բարկութիւնն է տիրում:
13. Ով որ գնելու է, վաճառողին այլեւս չի դառնալու, ոչ էլ նրանք կենդանի կեանքով են ապրելու, որովհետեւ այս տեսիլքը նրանց ողջ բազմութեանը չի վերադառնալու, եւ ոչ մի մարդ իր կեանքի յոյսի մէջ չի հաստատուելու:
14. Փող զարկեցիք ու ամեն ինչ պատրաստեցիք: Սակայն ոչ ոք չի լինելու, որ պատերազմի գնայ, որովհետեւ բարկութիւնս իջել է Իսրայելի բազմութեան վրայ:
15. Սրով պատերազմը՝ դրսից, սովն ու համաճարակը՝ ներսից: Ովքեր դրսում են լինելու՝ սրով են վերջ գտնելու, իսկ ովքեր քաղաքում՝ սովից ու համաճարակից են մեռնելու:
16. Բայց դրանցից փրկուելու են միայն նրանք, որ փրկուելու էին, ու լեռների վրայ աղանիսների պէս անձանձրոյթ պիտի մնչեն-հեծեծեն: Բոլորին էլ կոտորելու եմ, իւրաքանչիւրին՝ ըստ իր անիրաւութեան:
17. Ամեն ձեռք թուլանալու է, ամեն երանք՝ խոնաւութեամբ ապականուելու:
18. Քուրծեր են առնելու իրենց վրայ. մղձաւանջներ են համակելու նրանց: Ամեն երեսի վրայ ամօթ պիտի լինի, ամեն գլուխ՝ սափրուած:
19. Նրանց արծաթն ընկած է մնալու հրապարակներում, իսկ ոսկին արհամարհուելու է: Տիրոջ բարկութեան օրը նրանց արծաթն ու ոսկին չեն կարողանալու փրկել նրանց: Նրանց հոգիները չեն յագենալու, ոչ էլ որովայնները՝ լցուելու են, որովհետեւ տանջանքները նրանց են տրուել անիրաւութիւնների պատճառով:
20. Ընտիր-ընտիր զարդեր են դրել՝ գոռոզութեամբ, եւ դրանցից սարքել են գարշելի պաշտամունքի կուռքեր: Դրա համար էլ պղծութեան առարկայ եմ դարձնելու դրանք
21. ու մատնելու եմ դրանք օտարների ձեռքը՝ յափշտակելու, չարագործների ձեռքը՝ աւարի ենթարկելու:
22. Եւ պղծելու են դրանք: Երեսս շուռ եմ տալու նրանցից: Պղծելու են իմ սրբարանը, անխտիր մտնելու են այնտեղ, պղծելու են այն, խառնակութիւն են անելու,
23. որովհետեւ երկիրը լցուել է նրանց արիւնալի դատաստաններով, քաղաքներն էլ լի

են անօրէնութիւններով:

24. Չար ազգեր եմ բերելու, եւ սրանք ժառանգելու են նրանց տները: Ջախջախելու եմ բռնութիւն գործած նրանց ամբարտաւանութիւնը: Պղծուելու են նրանց սրբավայրերը:

25. Քաւութեան գոհ մատուցելով՝ խաղաղութիւն են փնտռելու, բայց չեն գտնելու:

26. Դժբախտութիւնը դժբախտութեան վրայ է գումարուելու, գոյժը՝ գոյժի:

Մարգարէների մօտ տեսիլքներ են փնտռելու, քահանայի մօտ՝ ցանկալի օրէնքներ, ծերերի մօտ՝ խորհուրդներ, բայց չեն գտնելու:

27. Սգալու է թագաւորը, վիշտ է կրելու իշխանը, թուլանալու են երկրի ժողովրդի ձեռքերը. ըստ նրանց բռնած ճանապարհի վարուելու եմ նրանց հետ եւ ըստ նրանց չարիքների պատժելու եմ նրանց: Պետք է իմանան, որ ես եմ Տէրը:



1. Վեցերորդ տարում, հինգերորդ ամսին, ամսուայ հինգերորդ օրը, ես նստած էի իմ տանը, Յուդայի երկրի տան ավագներն էլ նստած էին իմ առաջ: Ամենակալ Տիրոջ ձեռքը հանգչեց վրաս,
2. ու տեսնում էի մարդու նման մի կերպարանք, մեջքից ներքեւ՝ կրակ, մեջքից վեր՝ ասես օդի մեջ տեսիլք, ասես երփներանգ ակ:
3. Ձեռքի պես մի բան պարզեց գցեց իմ գլխի գագաթին. Հոգին բարձրացրեց ինձ երկնքի ու երկրի միջեւ, տարաւ ինձ Երուսաղէմ՝ Աստծու տեսութեան, ու կանգնեցրեց Տիրոջ տան ներքին նախադռան մօտ, որ դէպի հիւսիս է նայում, եւ ուր գտնուում էր նախանձ գրգռող կուռքը:
4. Այնտեղ էր եւ Իսրայէլի Աստծու փառքը, ճիշտ այն տեսիլքի պէս, որ տեսել էի դաշտում:
5. Եւ ասաց ինձ. Մարդո՛ւ որդի, նայի՛ր աչքերովդ դէպի հիւսիս: Աչքերս բարձրացրի դէպի հիւսիս, եւ ահա հիւսիսային կողմում, խորանի դռան վերելում, մուտքի մօտ, որ դէպի արեւելք էր նայում, կար նախանձի կուռքը:
6. Եւ ասաց ինձ. Մարդո՛ւ որդի, տեսնո՞ւմ ես, թէ ի՛նչ մեծ անօրէնութիւններ է գործում այստեղ Իսրայէլի այդ տունը, որպէսզի հեռանամ իմ սրբավայրերից: Սրանցից Է՛լ ավելի մեծ անօրէնութիւններ դարձեալ կը տեսնես:
7. Եւ ինձ տարաւ գաւթի դռների առաջ. ահա պատի մէջ մի ծակ տեսայ:
8. Եւ ասաց ինձ. Մարդո՛ւ որդի, փորի՛ր այդ պատը: Փորեցի պատը: Եւ ահա մի դուռ:
9. Ասաց ինձ. Մարդո՛ւ որդի, մտի՛ր, տե՛ս անօրէնութիւններն ու չարիքները, որ դրանք այստեղ գործում են:
10. Մտայ ու տեսայ ամէն տեսակ սողուն ու անասուն, սնոտի գարշանքներ: Տեսայ եւ դրանց շուրջը քանդակուած՝ Իսրայէլի տան բոլոր կուռքերը:
11. Իսրայէլի տան նախնիներից եօթանասուն տղամարդիկ, որոնց մէջ էր նաեւ Սափանի որդի Յեզոնիան, որ կանգնած էր նրանց առջեւ: Իւրաքանչիւրի ձեռքում բուրվառ: Խնկի ծուխն էլ ամպի պէս բարձրանում դիզւում էր:
12. Եւ Տէրն ինձ ասաց. Մարդո՛ւ որդի, տեսնո՞ւմ ես, թէ Իսրայէլի այդ տան նախնիներն ինչե՛ր են անում այստեղ, խաւարի մէջ, իւրաքանչիւրն իր ծածուկ սենեակում: Նրանք ասում են, թէ Տէրը լքել է երկիրը, չի նայում երկրին:
13. Եւ ասաց ինձ. Էլի ուրիշ ավելի մեծ անօրէնութիւններ կը տեսնես, որ գործում են դրանք:
14. Ու ինձ տարաւ Տիրոջ տան դռան առաջ, որ դէպի հիւսիս է նայում: Ահա այնտեղ նստած էին կանայք ու ողբում էին Թամուզին:
15. Եւ ասաց ինձ. Տեսնո՞ւմ ես այդ, մարդո՛ւ որդի. բայց դեռ սրանից Է՛լ ավելի մեծ չարագործութիւններ կը տեսնես:
16. Եւ ինձ մտցրեց Տիրոջ տան ներքնասրահը: Ահա Տիրոջ տաճարի դռների վերելում, խորանի ու պատշգամբի միջեւ, կային մօտաւորապէս քսանհինգ մարդիկ, որոնք թիկունքները շուռ էին տուել Տիրոջ տաճարի կողմը, երեսները՝ դէպի արեւելք ու երկրպագում էին արեւին:
17. Նա ասաց ինձ. Տեսա՞ր այդ, մարդո՛ւ որդի: Մի՞թէ փոքր բան է Իսրայէլի այդ տան անօրէնութիւնը, որ դրանք այստեղ գործում են, որպէսզի այդ երկիրը լցուի անօրէնութիւններով, ու դրանք բարկացնեն ինձ: Ահա որթատունկի ճիւղն էլ քաշում են որպէս արհամարհանքի նշան:
18. Ես էլ դրանց հետ բարկութեամբ եմ վարուելու. գթասիրտ աչքով չեմ նայելու, ոչ էլ ողորմելու եմ: Ականջիս գոռան էլ, չեմ լսելու դրանց:

1. Նա ականջիս բարձր ձայնով աղաղակեց ու ասաց. Մօտեցել է այդ քաղաքը պատժելու ժամը: Ամեն մարդ սպանութեան գործիք ուներ ձեռքին:
2. Ահա վեց մարդ էր գալիս դեպի հիւսիս նայող բարձր դռան ճանապարհով՝ իւրաքանչիւրի ձեռքին տապար: Դրանց մէջ էր նաեւ սքեմով մի մարդ՝ մէջքին շափիւղաներով ականակապ գօտի: Մտան կանգնեցին պղնձե զոհասեղանի առաջ:
3. Եւ Իսրայէլի Աստծու փառքը, որ տաճարում էր, քերովբէներից վեր օդ բարձրացաւ: Կանչեց այն մարդուն, որ սքեմ էր հագել ու մէջքին գօտի ուներ:
4. Տէրն ասաց նրան. Անցի՛ր Երուսաղէմ քաղաքի միջով ու նշա՛ն դիր այն մարդկանց ճակատին, որ հեծում են ու հոգոց հանում այդ վայրերում կատարուած անօրէնութիւնների վրայ:
5. Միւսներին էլ ինձ լսելի ձեւով ասաց. Նրա յետեւից քաղա՛ք գնացէք ու կոտորեցէ՛ք:
6. Գթասիրտ աչքով մի՛ նայէք. մի՛ խղճաք ծերին ու մանկան, կոյսին ու երիտասարդին: Կանանց էլ կոտորեցէ՛ք-ջնջեցէ՛ք: Բայց ում վրայ որ նշան կայ՝ չմօտենա՛ք: Սկսեցէ՛ք իմ սրբարանից: Եւ սկսեցին ծեր մարդկանցից, որոնք տաճարի ներսում էին:
7. Եւ ասաց նրանց. Պի՛ղձ համարեցէք այդ տունը, լցրէ՛ք այդ տունը դիակներով, ելէ՛ք, հարուածեցէ՛ք, կոտորեցէ՛ք այդ քաղաքը:
8. Եւ ես նայեցի ու տեսայ, որ կոտորում էին նրանց: Երեսս ի վայր ընկայ, աղաղակեցի ու ասացի. Վա՛յ ինձ, Ամենակա՛լ Տէր. ահա դու ջնջում ես Իսրայէլի այդ տան մնացորդներին՝ քո զայրոյթը Երուսաղէմի վրայ թափելով:
9. Եւ Տէրն ասաց ինձ. Իսրայէլի ու Յուդայի երկրի այդ տան անիրաւութիւնները սաստիկ շատացան, որովհետեւ այդ երկիրը լցուեց ժողովուրդների բազմութեամբ, այդ քաղաքն էլ՝ անօրէնութեամբ ու պղծութեամբ, որովհետեւ ասացին, թե՛ Տէրը լքել է երկիրը, այլեւս չի նայում երկրին:
10. Արդ, գթասիրտ աչքով չեմ նայելու, ոչ էլ ողորմելու եմ, այլ ըստ նրանց ընթացած ճանապարհի էլ պիտի հատուցեմ նրանց:
11. Եւ ահա այն մարդը, որ սքեմ էր հագել ու մէջքին գօտի ուներ, պատասխանեց ու ասաց. Արեցի, ինչպէս որ հրամայել էիր ինձ:

1. Ու ահա տեսնում էի, որ երկնքում, որ քերովբեների գլխավերելում էր, շափիւղայ քարից շինուած գահի նմանուող մի բան կար:
2. Եւ ասաց սքեմ հագած մարդուն. Մտի՛ր այդ անիւների մէջտեղը, քերովբեների տակ, բուռդ լցո՛ւ՛ այդ քերովբեների մէջտեղում եղող շիկացած ածուխներով ու դրանք ցանի՛ր քաղաքի վրայ:
3. Եւ նա մտաւ իմ աչքի առաջ: Երբ մարդը մտնում էր, քերովբեները կանգնած էին տաճարի աջ կողմում. ծխի ամպն էլ լցրել էր ներքնասրահը:
4. Եւ այն քերովբեների վրայից օդի մէջ վեր բարձրացաւ Տիրոջ փառքը, որ տաճարում էր. տաճարը լցուեց ծխի ամպով, սրահն էլ լցուեց Տիրոջ փառքի լոյսով:
5. Եւ քերովբեների թելերի ձայնը լսելի էր լինում մինչեւ արտաքին գաւիթը, ինչպէս Սադայի Աստծու ձայնը, երբ նա խօսում էր:
6. Մինչ Աստուած հրահանգ էր տալիս սուրբ սքեմ հագած մարդուն ու ասում էր՝ Կրա՛կ առ քերովբեների մէջտեղում եղող այդ անիւների միջից, -
7. սա մտաւ ու կանգնեց անիւների մէջտեղը: Եւ քերովբեներից մէկը ձեռքը մեկնեց կրակի մէջ, որ քերովբեների մէջտեղում էր, առաւ այն ու տուեց նրա ձեռքը: Եւ նա, որ սուրբ սքեմ էր հագել, առաւ այն ու այնտեղից դուրս եկաւ:
8. Նայում էի քերովբեներին ու նրանց թելերի տակ տեսնում մարդու ձեռքի պէս մի բան:
9. Տեսնում էի նաեւ, որ ահա չորս անիւներ կային քերովբեների մօտ, ամեն մի քերովբէի ետեւում՝ մի անիւ: Եւ անիւների տեսքը նման էր կարկեհան ակի տեսքին:
10. Չորս անիւների տեսքն էլ այնպիսին էր, որ կարծես մի անիւը միւսի մէջ անցած լինէր:
11. Եւ երբ դրանք շարժւում էին, չորս կողմերից մէկի ուղղութեամբ էին ընթանում ու յետ շուռ չէին գալիս, որովհետեւ դէպի առաջ ո՛ր կողմ որ նայում էր գլուխը՝ նրա յետեւից էին ընթանում եւ միւսները ու յետ շուռ չէին գալիս:
12. Եւ նրանց բոլորի մարմինները՝ թե՛ ձեռքերը, թե՛ թելերը, ինչպէս նաեւ անիւները, չորս կողմից լիքն էին աչքերով:
13. Հէնց ինքս լսեցի, որ անիւներին դիւրաթաւալ անունն էին տալիս:
14. Եւ քերովբեներից ամեն մէկը չորս դէմք ուներ. մէկը քերովբէի դէմք էր, երկրորդը՝ մարդու, երրորդը՝ առիւծի, իսկ չորրորդը՝ արծուի:
15. Ու քերովբեները վեր բարձրացան: Սա այն գագանն էր, որ տեսել էի Քոբար գետի ափին:
16. Երբ քերովբեները գնում էին, անիւներն էլ էին ընթանում նրանց յետեւից, իսկ երբ քերովբեները իրենց թելերը բարձրացնում էին՝ երկրից վերանալու համար, անիւները յետ չէին դառնում, որովհետեւ նրանց հետ էին:
17. Երբ քերովբեները կանգ էին առնում, անիւներն էլ կանգ էին առնում, իսկ երբ քերովբեները վեր էին բարձրանում, անիւներն էլ էին վեր բարձրանում, որովհետեւ նրանց մէջ կենդանի ոգի կար:
18. Եւ Տիրոջ փառքը տաճարի մուտքի գաւթից բարձրացաւ ու նստեց քերովբեների վրայ:
19. Քերովբեներն էլ բարձրացրին իրենց թելերը, աչքերիս առաջ համբարձան երկրից, անիւներն էլ՝ նրանց յետեւից: Եւ կանգնեցին Տիրոջ տան շեմին, որ նայում էր դէպի արեւելք. Իսրայէլի Աստծու փառքն էլ նրանց վերելում էր:
20. Այս այն կենդանի էակն էր, որին ես տեսել էի Քոբար գետի ափին Իսրայէլի Աստծու ներքեւ ու իմացայ, որ դրանք քերովբեներ են:
21. Ամեն մէկը չորսական դէմք ուներ, ամեն մէկը՝ ութական թել, թելերի տակ՝ մարդու ձեռքերի նմանութեամբ ձեռքեր: Երեսներն էլ նման էին մարդու երեսի:
22. Սրանք այն երեսներն էին, որ ես տեսել էի Քոբար գետի ափին, Իսրայէլի Աստծու փառքի ներքեւ. հէնց նրանց տեսիլքն էր, նրանք էին. իւրաքանչիւրն իր դէմքի ուղղութեամբ էր ընթանում:



1. Հոգին բարձրացրեց ինձ ու բերեց Տիրոջ տան դռան դիմաց, որ նայում էր դեպի արեւելք: Եւ ահա սրահի դռան առաջ մօտաւորապէս քսանհինգ մարդ կար: Նրանց մէջ տեսայ Յազերի որդի Յեզոնիային եւ Բանեայի որդի Փալտիային՝ ժողովրդի առաջնորդներին:
2. Տէրն ասաց ինձ. Մարդո՛ւ որդի, սրանք են այն մարդիկ, որոնք սնտոյի բաներ են մտածում ու չար խրատներ տալիս այդ քաղաքում:
3. Եւ ասում են. Այս տները նոր շինուած չեն, այլ այս քաղաքը մի կաթսայ է, մենք էլ՝ միս:
4. Դրա համար էլ մարգարեութի՛ւն արա դրանց վրայ, մարգարեութի՛ւն արա, մարդո՛ւ որդի:
5. Տիրոջ Հոգին իջաւ վրաս ու ասաց ինձ. Այսպէս է ասում Ամենակալ Տէրը. Այսպէ՛ս ասացիք, Իսրայելի՛ տուն, ու ես գիտեմ ձեր հոգու խորհուրդը:
6. Դուք բազմապատկեցիք ձեր դիակներն այդ քաղաքում ու դրա ճանապարհները լցրիք սպանուածներով:
7. Դրա համար էլ այսպէս է ասում Ամենակալ Տէրը. Ձեր դիակները, որ փռել էք այդտեղ, քաղաքում, դրանք միսն են, իսկ դա էլ՝ կաթսան: Ձեզ դուրս եմ բերելու դրա միջից:
8. Դուք վախճնում էիք սրից, սուր եմ բերելու ձեզ վրայ, - ասում է Ամենակալ Տէրը: -
9. Ձեզ դուրս եմ բերելու դրա միջից ու մատնելու եմ օտարների ձեռքը,
10. դատաստան եմ տեսնելու ձեզ հետ, որպէսզի սրով էլ ընկնէք: Իսրայելի լեռների վրայ եմ ձեզ դատելու, եւ դուք պետք է իմանաք, որ ես եմ Տէրը:
11. Դա ձեզ համար կաթսայ չի լինելու, ոչ էլ դուք դրա մէջ՝ միս: Իսրայելի լեռների վրայ եմ ձեզ դատելու, եւ պետք է իմանաք, որ ես եմ Տէրը:
12. Դուք իմ արդարութեան ճանապարհով չընթացաք, հրամաններս չգործադրեցիք, այլ ձեր շուրջը գտնուող ազգերի սովորութիւններով շարժուեցիք:
13. Մինչ ես մարգարեութիւն էի անում, մեռաւ Բանեայի որդի Փալտիան: Երեսս ի վայր ընկայ ու բարձրաձայն աղաղակեցի՝ ասելով. Վա՛յ ինձ, վա՛յ ինձ, Ամենակալ Տէր, Իսրայելի մնացորդների վախճանը հասցրիր:
14. Տէրը խօսեց ինձ հետ ու ասաց.
15. Մարդո՛ւ որդի, քո եղբայրների, քո գերուած հարազատների, Իսրայելի ամբողջ տան վախճանը հասել է: Երուսաղէմի բնակիչները նրանց ասել են, թե՛ Հեռացե՛ք Տիրոջից, որովհետեւ այս երկիրը մեզ է տրուած որպէս ժառանգութիւն:
16. Դրա համար ասա՛՛ նրանց. Այսպէս է ասում Ամենակալ Տէրը. Նրանց գցելու եմ ազգերի մէջ, սփռելու եմ ամբողջ երկրով մէկ: Մի փոքր ժամանակ սրբութիւն եմ լինելու նրանց մտած երկրում:
17. Ուստի ասա՛՛ նրանց. Այսպէս է ասում Ամենակալ Տէրը. Նրանց հաւաքելու եմ ազգերի միջից, մէկտեղելու եմ նրանց ա՛յն երկրներից, ուր սփռել էի նրանց, եւ նրանց եմ տալու Իսրայելի երկիրը:
18. Նրանք մտնելու են այնտեղ, վերացնելու են այնտեղի բոլոր զարշելի կուռքերը, ինչպէս նաեւ բոլոր անօրէնութիւնները նրա միջից:
19. Եւ ուրիշ սիրտ եմ տալու նրանց, նոր հոգի եմ պարգեւելու նրանց, հանելու եմ քարեղէն սիրտը նրանց մարմիններից
20. Եւ տալու եմ մարմնեղէն սիրտ, որպէսզի պատուիրաններին համաձայն ընթանան, օրէնքներս պահեն ու կատարեն, ինձ համար ժողովուրդ լինեն, ես էլ իրենց համար՝ Աստուած:
21. Բայց զարշելի կուռքերին նուիրուած նրանց սրտի համար, նաեւ ա՛յն անօրէնութիւնների համար, որ գործել են, ա՛յն ընթացքի համար, որ ցոյց են տուել, պատիժ եմ բերելու նրանց գլխին, - ասում է Ամենակալ Տէրը:
22. Զերովբէները բարձրացրին իրենց թելերը, անիւներն էլ նրանց յետեւից բարձրացան, Իսրայելի Աստծու փառքն էլ նրանց բոլորի վրայ էր, վերելում:
23. Ու Տիրոջ փառքը քաղաքի միջից վեր բարձրացաւ, կանգ առաւ այն լեռան վրայ, որ

քաղաքի դիմացն էր:

24. Ու Հոգին ինձ բարձրացրեց, բերեց քաղղեացիների երկիրը, գերիների մեջ՝ Աստծու Հոգու ցոյց տուած տեսիլքով:

25. Այսպիսով ես սթափուեցի այն տեսիլքից, որ տեսել էի, ու խօսեցի գերիների առաջ այն բոլոր բաների մասին, որ Տէրն ինձ ցոյց էր տուել:

1. Տերը խօսեց ինձ հետ ու ասաց.
2. Մարդո՛ւ որդի, դրանց անօրէնութիւնների մէջ ես դու բնակւում. աչքեր ունեն տեսնելու, բայց չեն տեսնում, ականջներ ունեն լսելու, բայց չեն լսում, քանի որ դառնացնողների տուն են:
3. Դո՛ւ էլ, մարդո՛ւ որդի, քո գերութեան պատրաստութի՛ւնը տես, ցերեկը գերութեա՛ն գնա նրանց աչքի առաջ, քո տեղից ուրիշ տե՛ղ քոչիր նրանց աչքի առաջ, որ տեսնեն, քանի որ նրանք դառնացնողների տուն են:
4. Նրանց աչքի առաջ մէջտե՛ղ հանիր պատրաստութիւնդ, որ տեսել ես գերութեան համար:
5. Երեկոյեան նրանց առա՛ջ ելիր, ինչպէս գերին է ելնում, նրանց աչքի առաջ պատը ծակի՛ր ու դրա միջով սրանց առա՛ջ ելիր:
6. Կուգէկուգ կը գնաս ու գաղտագողի դուրս կ'ելնես. գլխիդ շոր կը գցես, որ շուրջդ չտեսնես: Քեզ խորհրդանշան դարձրի Իսրայէլի տան համար:
7. Եւ ամէն բան այնպէս արեցի, ինչպէս որ պատուիրել էր ինձ Տերը. ցերեկը գերու հագուստ գցեցի վրաս, երեկոյեան իմ ձեռքով պատը փորեցի. ու նրանց աչքի առաջ գաղտագողի, կուգէկուգ էի գնում:
8. Իսկ առաւօտեան Տերը խօսեց ինձ հետ ու ասաց.
9. Մարդո՛ւ որդի, Իսրայէլի տան՝ դառնացնողների տան զաւակները չասացի՞նք քեզ, թե՛ Այդ ի՛նչ ես անում:
10. Արդ, ասա՛ նրանց. Այսպէս է ասում Տէր Աստուածը Երուսաղէմի իշխաններիդ ու առաջնորդներիդ, Իսրայէլի բոլոր զաւակներին, որ այնտեղ են բնակւում.
11. ես խորհրդանշան եմ ձեզ համար Երուսաղէմի մէջ. ինչպէս որ արել եմ քեզ՝ այնպէս էլ լինելու է նրանց հետ, որովհետեւ պանդխտութեան ու գերութեան են գնալու:
12. Իշխանն էլ նրանց մէջ կուգէկուգ է գնալու, գաղտագողի է շրջելու, պատը փորելով է դուրս գալու, դէմքը ծածկելով է գնալու եւ շուրջը չի տեսնելու:
13. Ցանցս գցելու եմ նրա շուրջ, եւ նա բռնուելու է ուռկանիս մէջ: Տանելու եմ նրան Բաբելոն՝ քաղղեացիների երկիրը, բայց նա այդ երկիրը չի տեսնելու եւ այնտեղ էլ մեռնելու է:
14. Եւ նրա բոլոր օգնականներին, որոնք նրա շուրջն են, նրա բոլոր պաշտպաններին ցրելու եմ բոլոր հողմերին ու սուր եմ քաշելու նրանց յետեւից:
15. Եւ երբ ես նրանց ցրեմ ազգերի մէջ, սփռեմ երկրներով մէկ, պետք է իմանան, որ ես եմ Տերը:
16. Սակայն նրանցից սակաւաթիւ մարդկանց գերծ եմ թողնելու սովից, սրից ու համաճարակից, որպէսզի պատմեն իրենց բոլոր անօրէնութիւնները ա՛յն ազգերի մէջ, ուր որ մտնեն: Ու պետք է իմանան, որ ես եմ Տերը:
17. Տերը խօսեց ինձ հետ ու ասաց.
18. Մարդո՛ւ որդի, հացդ կարօտութեամբ կեր եւ ջուրդ տանջանքներով ու նեղութեամբ խմիր:
19. Եւ ասա՛ այդ երկրի ժողովրդին. Այսպէս է ասում Ամենակալ Տերը Երուսաղէմի բնակիչներին. Իսրայէլի երկրում իրենց հացը կարօտութեամբ են ուտելու, իրենց ջուրը զարշանքով են խմելու, որպէսզի իրենց երկիրն ամբողջութեամբ կործանուի, որովհետեւ նրա բոլոր բնակիչներն ամբարշտութեան մէջ են:
20. Նրանց մարդաբնակ քաղաքներն էլ ւաւերուելու են, նրանց երկիրն էլ ապականութեան մէջ է լինելու: Պետք է իմանան, որ ես եմ Տերը:
21. Տերը խօսեց ինձ հետ ու ասաց.
22. Մարդո՛ւ որդի, այդ ի՛նչ ասացուածք է, որ ասւում է Իսրայէլի այդ երկրում, թե՛ Հեռու են օրերը, ու չքացել են բոլոր տեսիլքները:
23. Ուստի ասա՛ նրանց. Այսպէս է ասում Ամենակալ Տերը. խափանելու եմ այդ առակը, եւ Իսրայէլի զաւակներն այլեւս այդ առակը չեն արտասանելու, որովհետեւ պիտի ասես

նրանց, որ մօտ են օրերն ու կատարուելու են բոլոր տեսիլքների պատգամները:

24. Այլեւս ոչ մի սուտ տեսիլք չի լինելու Իսրայելում, ոչ էլ հաճոյական գուշակութիւններ՝ Իսրայելի զաւակների համար:

25. Արդարեւ, ես՝ Տէրս ասացի այս խօսքերը, ասացի ու իրագործելու եմ դրանք, չեմ յետաձգելու, որովհետեւ, ո՛վ դառնացնողների տուն, ձեր օրերին է, որ ասել եմ այդ խօսքերը եւ իրագործելու եմ դրանք, - ասում է Ամենակալ Տէրը:

26. Տէրը խօսեց ինձ հետ ու ասաց.

27. Մարդո՛ւ որդի, ահա Իսրայելի այդ տունը՝ դառնացնողների տունն ասում է. Դրա՝ եզեկիւնի տեսած տեսիլքը, ինչ որ դա մարգարեանում է, բազմաթիւ օրեր յետոյ, հեռաւոր ժամանակներում է կատարուելու:

28. Դրա համար էլ ասա՛ դրանց. Այսպէս է ասում Ամենակալ Տէրը. իմ ասած խօսքերից շատ չի անցնելու, եւ ինչ որ ասել եմ՝ իրագործելու եմ, - ասում է Ամենակալ Տէրը:



1. Տերը խօսեց ինձ հետ ու ասաց.
2. Մարդո՛ւ որդի, մարգարեութի՛ւն արա Իսրայելի այդ մարգարեների դեմ, որ մարգարեանում են այնտեղ, եւ ասա՛ այդ մարգարեներին, որոնք իրենց սրտի ուզածի պէս են մարգարեանում. մարգարեացի՛ր ու ասա՛ նրանց. Լսեցէ՛ք Տիրոջ պատգամները:
3. Այսպէս է ասում Ամենակալ Տերը. վա՛յ նրանց, որ այդպէս քմահաճօրէն են մարգարեանում, որ գնում են իրենց քմահաճոյքի յետեւից ու ոչինչ չեն տեսնում:
4. Ո՛վ Իսրայել, քո մարգարեներն այնպէս էին, ինչպէս աղուեսները՝ աւերակներում. նրանք հաստատուն չմնացին:
5. Հօտեր ժողովեցին Իսրայելի քո տան վրայ, ու չհաստատուեցին այն խօսքերը, որ նրանք խօսում էին Տիրոջ անունից,
6. սուտ տեսիլքներ էին տեսնում, սնոտի գուշակութիւններ անում ու ասում էին՝ ‘ Այսպէս է ասում Տերը: Բայց ես՝ Տէրս, չէի ուղարկել նրանց: Եւ սկսեցին ուրիշ խօսքեր էլ մեջտեղ գցել:
7. Չէ՞ որ սուտ տեսիլքներ էիք տեսել, սնոտի գուշակութիւններ արել, երբ ասում էիք, թէ այսպէս է ասել Տերը: Բայց ես՝ Տէրս, չէի ասել:
8. Ուստի ասա՛. Այսպէս է ասում Ամենակալ Տերը. այն բանի համար, որ ձեր խօսքերը սուտ են, ձեր գուշակութիւնները՝ սնոտի,
9. ահա դրա համար ես իմ ձեռքը, - ասում է Ամենակալ Տերը, - իջեցնելու եմ ձեզ վրայ, նաեւ ձեր մարգարեների վրայ, որոնք սուտ տեսիլքներ էին տեսնում ու սնոտի բաներ խօսում: Իմ ժողովրդի ժողովատեղիներում չպետք է լինեն դրանք, ո՛չ պիտի յիշուեն Իսրայելի տան գրքերում, ո՛չ էլ պիտի մտնեն Իսրայելի երկիրը: Եւ պետք է իմանան, որ ես եմ Ամենակալ Տերը:
10. Եւ իմ ժողովրդին մոլորեցնելու համար ասում էին՝ խաղաղութի՛ւն է, խաղաղութի՛ւն է. բայց խաղաղութիւն չէր լինում: Ժողովուրդը պատ էր կանգնեցնում, իսկ նրանք ծեփ էին քսում, որ փլուի:
11. Տերն ասում է այդ ծեփողներին. Դա անզգամութիւն է, քանի որ փուլ կը գայ. անձրեւ կը գայ ու կ’ողողի: Դրա որմնակալերը ռմբաքարերով կը քարկոծեն, ու կը խորտակուեն: Հողմ կը բարձրանայ ու կը տապալի:
12. Եւ Ահա խորտակուած է պատը. այն ժամանակ ձեզ չե՞ն ասի, թէ՛ ‘ Ո՛ւր է ձեր ծեփը, որով այն ծեփեցիք:
13. Արդ, այսպէս է ասում Ամենակալ Տերը. Իմ սրտմտութեամբ հողմ եմ արձակելու, որ ամէն ինչ մեջտեղից վերացնի: Իմ բարկութեամբ անձրեւ է գալու՝ ողողելու համար: Ցասումով ռմբաքար ժայռեր եմ արձակելու դրա վրայ, որ կործանուի:
14. Գետնին եմ հաւասարեցնելու այն պատը, որ ծեփում էիք, եւ այն պիտի խորտակուի: Գետին եմ տապալելու այն, ու նրա հիմքերն են երեւալու: Ընկնելու եւ վերջ է գտնելու այն՝ մեղադրուելով: Պետք է իմանաք, որ ես եմ Տերը:
15. Սրտմտութիւնս եմ թափելու թէ՛ պատի, թէ՛ այն ծեփողների վրայ: Եւ այն պիտի խորտակուի: Եւ ասելու եմ ձեզ, որ պատն այլեւս չկայ, ոչ էլ այն ծեփող Իսրայելի մարգարեները,
16. որոնք մարգարեանում էին Երուսաղեմի մասին, նրա համար խաղաղութիւն էին գուշակում, բայց խաղաղութիւն չկար, - ասում է Ամենակալ Տերը:
17. Դո՛ւ էլ, մարդո՛ւ որդի, դարձո՛ւ դեմքդ քո ժողովրդի դուստրերի կողմը, որոնք իրենց սրտի ուզածի պէս էին մարգարեանում: Դու էլ մարգարեութի՛ւն արա նրանց մասին ու ասա՛.
18. Այսպէս է ասում Ամենակալ Տերը. վա՛յ նրանց, որ մոգական բարձիկներ են կարում-կարկատում թեւի արմունկի տակի համար եւ գլխաշորեր են սարքում ամէն հասակի մարդկանց գլխի համար՝ մոլորեցնելու նրանց հոգիները, որովհետեւ մոլորուել են իմ ժողովրդի հոգիները:
19. Խելքահան էին անում նրանց, ինձ բամբասում էին իմ ժողովրդի առաջ՝ մի բուռ

գարու կամ մի պատառ հացի համար, որպեսզի սպանեն մարդկանց, որոնք մահապարտ չէին, եւ կենդանի պահեն նրանց, ովքեր պետք չէ որ ապրէին: Խօսում էին ժողովրդի ականջին, որ ախորժում է սին խօսքերից:

20. Ուստի այսպէս է ասում Տէր Աստուածը. Ահա ես մոգական բարձիկների դեմ եմ, որոնց մէջ ամփոփում էիք ձեր հոգիները, եւ պատռել-պոկելու եմ դրանք ձեր թելերից, առաքելու եմ այն մարդկանց, ում դուք մոլորեցնում էիք՝ կործանելու համար:

21. Պատառոտելու եմ ձեր գլխաշորերը: Ազատելու եմ իմ ժողովրդին ձեր ձեռքից, ու նրանք ձեր բուռը հաւաքուած չեն լինելու: Պետք է իմանաք, որ ես եմ Տէրը:

22. Այն բանի համար, որ անիրաւութեամբ խոտորում էիք արդարի սիրտը (ե՛ս չէի մոլորեցնում), ինչպէս նաեւ նրա համար, որ զօրացնում էիք անօրէնի բազուկը, որպէսզի նա երբեք յետ չդառնայ իր անօրէնութիւնից, իր չար ճանապարհից ու ապրի, -

23. դրա համար այլեւս ունայնութիւններ չէք գուշակելու, հաճոյական գուշակութիւններ չէք անելու: Փրկելու եմ իմ ժողովրդին ձեր ձեռքից, ու պետք է իմանաք, որ ես եմ Տէրը:

1. Իսրայելի ակազներից ոմանք եկան ինձ մօտ ու առաջս նստեցին:
2. Եւ Տէրը խօսեց ինձ հետ ու ասաց.
3. Մարդո՛ւ որդի, այդ մարդիկ իրենց մտադրութիւնները իրենց սրտի մէջ են դրել, իրենց անիրաւութիւնների պատճառած տանջանքները դրել են իրենց առջեւ: Ե՞ս եմ տալու դրանց պատասխանը:
4. Ուստի դո՛ւ խօսիր դրանց հետ ու ասա՛. Այսպէս է ասում Ամենակալ Տէրը. Իսրայելի տնից ամէն ոք, ով իր կռապաշտական մտադրութիւնները սրտի մէջ դնի, իր անիրաւութիւնների պատճառած տանջանքներն էլ՝ աչքի առաջ եւ գայ մարգարէի մօտ՝ նրա միջոցով ինձնից պատգամ հարցնելու, - ես՝ Տէրս եմ նրան պատասխան տալու, ըստ այն բանի, թէ ի՞նչ ունի իր մտքում,
5. որպէսզի իրենց վարքով, օտարացած սրտով Իսրայելի այդ տունը չխոտորեցնեն ինձնից:
6. Ուստի ասա՛ Իսրայելի այդ տանը. Այսպէս է ասում Տէրը, Ամենակալն Աստուած. դարձէ՛ք, յե՛տ դարձէք ձեր ճանապարհից, ձեր բոլոր ամբարշտութիւններից, դարձրէ՛ք ձեր երեսները դէպի ինձ:
7. Իսրայելի այդ տնից կամ եկուորներից ու պանդուխտներից ամէն ոք, ով ինձնից օտարանայ եւ կռապաշտական մտադրութիւնները սրտի մէջ դնի, իր անիրաւութիւնների պատճառած տանջանքները դնի իր առջեւ ու գայ մարգարէի մօտ՝ նրա միջոցով ինձնից պատգամ հարցնելու, - ես՝ Տէրս եմ նրան պատասխան տալու, ըստ այն բանի, թէ ի՞նչ ունի իր մտքում:
8. Երեսս դարձնելու եմ այդ մարդու դէմ, խայտառակելու եմ նրան եւ վերացնելու եմ իմ ժողովրդի միջից, որպէսզի իմանաք, որ ես եմ Տէրը:
9. Եւ եթէ մի՛ մարգարէ խաբուի ու մի բան խօսի, թէ իբր ես՝ Տէրս եմ մոլորեցրել այդ մարգարէին, - ձեռքս իջեցնելու եմ նրա վրայ ու ոչնչացնելու եմ նրան Իսրայելի իմ ժողովրդի միջից:
10. Եւ պատիժ են ստանալու ինչպէս անիրաւութեան մասին հարցնողը, այնպէս էլ մարգարէն,
11. որպէսզի Իսրայելի տունն ինձնից չմոլորուի, այլեւս չպղծուեն իրենց բոլոր յանցանքներով, իրենք ինձ համար ժողովուրդ լինեն, ես էլ նրանց համար՝ Աստուած, - ասում է Ամենակալ Տէրը:
12. Աստուած խօսեց ինձ հետ ու ասաց.
13. Մարդո՛ւ որդի, եթէ մի երկիր մեղանչելով մեղանչի իմ դէմ, ձեռքս իջեցնելու եմ նրա վրայ, խորտակելու եմ նրա հացի պաշարը, նրա վրայ սով եմ արձակելու եւ նրա միջից վերացնելու եմ մարդ ու անասուն:
14. Եւ եթէ այնտեղ լինեն այն երեք մարդիկ՝ Նոյը, Յոբն ու Դանիէլը, նրանք իրենց արդարութեան համար փրկուելու են, - ասում է Ամենակալ Տէրը: -
15. Եւ եթէ չար գազաններ արձակեմ երկրի վրայ ու պատժեմ նրա բնակիչներին, եւ այն աստիճան ապականութիւն լինի, որ գազանների պատճառով այնտեղից անցնել էլ չլինի,
16. բայց այդ մարդիկ այնտեղ լինեն, - վկայ եմ ես, - ասում է Ամենակալ Տէրը, - թէ տղաներ ու աղջիկներ էլ ունենան՝ բոլորն էլ չեն փրկուելու, միայն նրանք երեքն են փրկուելու, բայց երկիրը ոչնչանալու է:
17. Եւ եթէ սրածեմ այն երկիրն ու սրին ասեմ՝ Անցի՛ր երկրի միջով, նրանից վերացնեմ մարդ ու անասուն,
18. բայց այդ երեք մարդիկ այնտեղ լինեն, - վկայ եմ ես, - ասում է Ամենակալ Տէրը, - նրանք չեն փրկուելու իրենց տղաներին ու աղջիկներին, այլ իրենք երեքն են միայն փրկուելու:
19. Եւ եթէ համաճարակ ուղարկեմ այն երկիրը, սրտմտութիւնս թափեմ նրա վրայ արիւնով՝ նրա միջից վերացնելու համար մարդ ու անասուն,

20. բայց Նոյը, Յոբն ու Դանիելը այնտեղ լինեն, - վկայ եմ ես, - ասում է Ամենակալ Տերը, - թե տղաներ ու աղջիկներ էլ ունենան նրանք՝ չեն փրկուելու, այլ նրանք երեքը միայն իրենց արդարութեամբ փրկելու են իրենց հոգիները:

21. Այսպես է ասում Ամենակալ Տերը. Եթե Երուսաղեմի վրայ Նոյնիսկ չորս սաստիկ վրեժներս արձակեմ՝ սուրն ու սովը, չար գազաններն ու համաճարակը՝ նրա միջից վերացնելու համար մարդ ու անասուն, -

22. նրանում ողջ մնացածները դուրս են բերելու իրենց տղաներերին ու աղջիկներին: Ահա նրանք նրանց հետ դուրս են գալու ձեզ մօտ, եւ դուք տեսնելու էք նրանց ընթացքը, նրանց մտադրութիւնները: Չղջալու էք այն չարիքի համար, որ ես բերել եմ Երուսաղեմի վրայ, բոլոր չարիքների համար, որ ես բերել եմ նրա վրայ:

23. Ու նրանք մխիթարութիւն են պատճառելու ձեզ, որովհետեւ տեսնելու էք նրանց ընթացքը, նրանց մտադրութիւնները եւ վերահասու էք լինելու, որ զուր տեղը չեմ արել այն ամենը, ինչ արել եմ նրանց հետ, - ասում է Ամենակալ Տերը:

1. Տէրը խօսեց ինձ հետ ու ասաց.
2. Մարդո՛ւ որդի, ինչի՞ կը ծառայի որթատունկի փայտը այն բոլոր ծառերի ու ճիւղերի մէջ, որ կան անտառում:
3. Միթէ նրանից մի փայտ կ'առնե՞ն՝ որեւէ գործիք սարքելու համար, կամ նրանից մի ցից կ'առնե՞ն՝ դրանից մի աման կախելու համար:
4. Բայց քանի որ այն հրոյ ճարակ է դառնում, քանի որ տարեցտարի կրակը նրա արգատն սպառում է, եւ որթատունկն իսպառ վերանում է, - մի՞թէ այն որեւէ գործի համար պիտանի կը լինի:
5. Թէկու՞զ եթէ որթատունկը ձեռք չտուած՝ ամբողջական լինի, դարձեալ ոչ մի բանի պիտանի չէ, ուր մնաց երբ իսպառ հրոյ ճարակ է դառնում. բոլորովին ոչ մի բանի պիտանի չէ:
6. Ուստի ասա՛. Այսպէս է ասում Ամենակալ Տէրը. ինչպէս որ անտառի փայտերի միջից որթատունկի փայտը հրոյ ճարակ եմ դարձրել, այնպէս էլ Երուսաղէմի բնակիչներիդ հետ եմ վարուելու:
7. Երեսս ուղղելու եմ նրանց դէմ: Կրակից դուրս են գալու, բայց ուրիշ կրակի ճարակ են դառնալու: Ու երբ երեսս ուղղեմ նրանց դէմ, պետք է իմանան, որ ես եմ Տէրը:
8. Եւ երկիրը կործանման եմ ենթարկելու այն բանի համար, որ յանցանքներ գործեցին, - ասում է Ամենակալ Տէրը:

1. Տերը խօսեց ինձ հետ ու ասաց.
2. Մարդո՛ւ որդի, իրազե՛կ դարձրու Երուսաղէմին իր անօրէնութիւնների մասին եւ ասա՛ւ.
3. Այսպէս է ասում Ամենակալ Տերը Երուսաղէմին. քո արմատն ու ծնունդը քանանացիների երկրից են. հայրդ ամորհացի է, մայրդ՝ քետացի հիթիթ:
4. Քո ծննդի ժամանակ, այն օրը, երբ ծնուեցիր, ոչ ոք պորտոյ չկտրեց. քեզ սնուցող ստինքը չամրացրին. ջրով չլուացուեցիր՝ փրկուելու համար, ոչ էլ աղով աղուեցիր. խանձարուրների մէջ չփաթաթուեցիր:
5. Աչքս էլ քեզ չիւնայեց. քեզ չզգուշացրի այն ամենից, որ կարող են քեզ պատահել:
6. Դաշտում շարտուած էիր քո խոտորնակ մտքերի համար: Այն օրը, երբ դու ծնուեցիր, մօտովդ անցայ ու քեզ արեան մէջ թաթախուած տեսայ: Ասացի քեզ՝ ' Կենդանացի՛ր արեանդ միջից. կեանքդ արիւնից է:
7. Աճի՛ր, քանի որ դաշտի բոյսի պէս աճեցրի քեզ: Աճեցիր եւ ուռճացար, եկար մտար քաղաքների այս քաղաքը: Ստինքներդ կազմաւորուեցին, մազերդ փարթամացան, բայց դու խայտառակ կերպով մերկ էիր:
8. Եւ եկայ հասայ քեզ ու տեսայ, որ ժամանակդ եկել է, ինչպէս նաեւ քեզ գաղթեցնողների ժամանակը: Թեւերս տարածեցի վրադ ու ծածկեցի խայտառակ մերկութիւնդ: Երդում արեցի եւ ուխտ կապեցի հետդ, - ասում է Ամենակալ Տերը, - եւ դու իմը եղար:
9. Լուացի քեզ ջրով, մաքրեցի քեզ արիւնից ու օճեցի քեզ իւղով:
10. Պէսպէս հագուստներ հագցրի քեզ. երկնագոյնով զգեստաւորեցի, մէջքիդ բեհեզ գօտի կապեցի, վրադ սնդուս գցեցի:
11. Չարդեղէնով զարդարեցի քեզ. ձեռքիդ ապարանջաններ դրեցի, պարանոցիդ՝ քառամանեակ:
12. Զթիդ գինդեր ու ականջներիդ օղեր դրեցի, գլխիդ՝ փառապսակ:
13. Եւ դու զարդարուեցիր ոսկե ու արծաթէ զարդերով: Հագուստդ բեհեզ էր, ընտիր կերպաս՝ ասեղնագործուած: Նաշիի կերար, իւղ ու մեղր, չափազանց գեղեցիկ եղար, փայփայլուեցիր արքայական գուրգուրանքով:
14. Քո գեղեցկութեան համբաւը տարածուեց բոլոր ազգերի մէջ, որովհետեւ այն գեղեցկութիւնը, որով ստեղծել էի քեզ, կատարելապէս վայելուչ էր, - ասում է Ամենակալ Տերը:
15. Եւ դու քո գեղեցկութեամբ պանծալի եղար, շնացար քո հոմանիսների հետ ու պոռնկութիւնդ տարածեցիր բոլոր անցորդների վրայ, որոնց հետ առաջ այդպիսի բաներ չէին պատահել:
16. Առար քո հագուստներից եւ դրանցից քեզ համար շինծու կուռքեր պատրաստեցիր: Պոռնկացար դրանց հետ, բայց այնտեղ չե՛ս մտնելու, որովհետեւ առաջ դրանք չկային ու այլեւս չեն լինելու:
17. Արծաթից ու ոսկուց զարդեղէնը, որ քեզ էի տուել, առար ու դրանից տղամարդու արձաններ պատրաստեցիր, պոռնկացար դրանց հետ:
18. Քո գեղեցիկ հագուստն առար ու նրանց վրայ գցեցիր, իմ իւղն ու խունկն էլ նրանց առաջ դրեցիր:
19. Հացն էլ, որ տուել էի քեզ, նաշիիը, իւղն ու մեղրը, որոնցով սնել էի քեզ, - որպէս անուշահոտութիւն նրանց առաջ դրեցիր:
20. Եւ դրանից յետոյ, - ասում է Ամենակալ Տերը, - վերցրիր տղաներիդ ու դուստրերիդ, որոնց դու ինձ համար էիր ծնել, սպանեցիր ու զոհ մատուցեցիր:
21. Իբր թէ քիչ համարեցիր քո պոռնկանալը, գաւակներիս էլ նրանց քաւութեան զոհ դարձրիր, ընծայաբերեցիր:
22. Իսկ դա անելի սաստիկ մի բան եղաւ, քան քո բոլոր պոռնկութիւններն ու պղծութիւնները: Ու չիշեցիր քո մանկութեան օրերը, երբ մերկ էիր ու խայտառակ,

արեանդ մէջ թաթախուած. այդ վիճակից էիր կենդանացել:

23. Եւ այդ բոլոր չարիքները եկան քո գլխին. վա՛՛՛, վա՛՛՛ քեզ, - ասում է Ամենակալ Տէրը: -
24. Քեզ համար պոռնկութեան տուն չիւնցիր, բազիններ կանգնեցրիր բոլոր հրապարակներում,
25. բոլոր ճանապարհների գլխին բարձրացրիր քո պոռնկատները, ապականեցիր դէմքիդ գեղեցկութիւնը, երանքդ բաց արիր ճանապարհի ամէն անցորդի առաջ ու սաստկացրիր պոռնկութիւնդ:
26. Պոռնկացար նաեւ քեզ սահմանակից Եգիպտոսի մեծ առնանդամ ունեցող զաւակների հետ, պոռնկացար բազմապատիկ, որպէսզի ինձ զայրացնես:
27. Արդ, ես ձեռքս իջեցնելու եմ քեզ վրայ եւ քո սննդի վրայ, քեզ մատնելու եմ քեզ ատելի այլազգիների դուստրերի ձեռքը, որոնք շեղում էին քեզ քո ճանապարհից:
28. Ամբարշտութիւն արեցիր ու պոռնկացար նաեւ Ասորեստանի զաւակների հետ, սակայն չյագեցար: Խրուեցիր պոռնկութեանդ մէջ, բայց եւ այնպէս չյագեցար:
29. Շատացրիր դաշինքներդ՝ պոռնկանալով նաեւ քանանացիների ու քաղդէացիների երկրների հետ, սակայն եւ այնպէս դարձեալ չյագեցար:
30. Ինչպէ՞ս վարուեմ քո դուստրերի հետ, - ասում է Ամենակալ Տէրը, - այնքան բաներից յետոյ, որ արեցիր պոռնիկ կնոջ պէս. բազմիցս պոռնկացար անգամ դուստրերիդ հետ:
31. Պոռնկատներ կառուցեցիր բոլոր ճանապարհների գլուխներին եւ կոթողներ էիր կանգնեցնում բոլոր հրապարակներում: Դու մի պարզ պոռնիկ կին չեղար, որ վարձ է հաւաքում,
32. որովհետեւ ամէն պոռնիկ կին չէ, որ քեզ նման շնանում է իր ամուսնու հետ, ամուսնուց դրամ առնում ու վարձ տալիս իր հոմանիներին:
33. Բոլոր պոռնիկները վարձ են առնում իրենց համար, մինչդեռ դու ինքդ էիր վարձ տալիս տարփածուներիդ եւ նուէրներով հրապուրում էիր նրանց, որ գային քեզ մօտ բոլոր կողմերից՝ քեզ հետ շնանալու:
34. Եւ քեզ հետ, բոլոր պոռնկացող կանանց համեմատութեամբ, հակառակը տեղի ունեցաւ, ու ոչ ոք քեզ չհետեւեց, քանի որ նրանք իրենք էին տղամարդկանցից վարձ առնում, մինչդեռ դու ինքդ էիր տարփածուներիդ վարձ տալիս: Ու քեզ հետ հակառակը տեղի ունեցաւ:
35. Ուստի, պոռնի՛կ, լսի՛ր, Տիրոջ պատգամները:
36. Այսպէս է ասում Ամենակալ Տէրը. այն բանի համար, որ այլասերութեամբ թափեցիր քո դրամները, ու հոմանիներիդ առաջ բացայայտուեցին պոռնկութեանդ ամօթանքը, բոլոր պիղծ մտադրութիւններդ, ինչպէս նաեւ զաւակներիդ արեան համար, որ հոմանիներիդ էիր տալիս նրանց, -
37. ահա սրանց համար ես քո դէմ եմ հաւաքելու բոլոր հոմանիներիդ, որոնց հետ խառնակուել ես, քո դէմ եմ հանելու քո բոլոր սիրելիներին ու ատելիներին, հաւաքելու եմ նրանց եւ շրջապատել եմ տալու քեզ, յայտնելու եմ նրանց առաջ քո բոլոր չարագործութիւնները, ու նրանք տեսնելու են քո բոլոր խայտառակութիւնները:
38. Քեզնից վրեժ եմ լուծելու իբրեւ շնացողի ու արիւն թափողի. քո առաջ եմ դնելու քո թափած արիւնը, քո առաջ եմ դնելու զայրոյթի ու նախանձի արիւնը:
39. Քեզ նրանց ձեռքն եմ մատնելու, եւ նրանք կործանելու են քո պոռնկատները, քանդելու են քո կոթողները, մերկացնելու են քեզ քո զգեստներից, առնելու են քո փառապսակը եւ թողնելու են քեզ մերկ ու խայտառակուած:
40. Եւ ամբոխին քո դէմ եմ հանելու, քարերով քարկոծելու են քեզ ու քեզ կտոր-կտոր են անելու իրենց սրերով:
41. Հրով են այրելու տներդ, դատաստանդ են տեսնելու կանանց բազմութեան առաջ: Վերջ եմ տալու քո պոռնկութեանը, եւ դու այլեւս վարձ չես տալու տարփածուներիդ:
42. Բարկութիւնս թափելու եմ քեզ վրայ, ու այդպիսով քո հանդէպ վրեժխնդրութիւնս վերջ է գտնելու. հանգստանալու եմ եւ այլեւս հոգ չեմ անելու:
43. Այն բանի համար, որ չիջեցիր մանկութեանդ օրերը, այդ ամենի համար տրտմեցնում էիր ինձ, - ես էլ ահա քո բռնած ճանապարհի համար գլխիդ բերի այս

բաները, - ասում է Ամենակալ Տէրը: - Այսպէս է որ ամբարշտութիւն եւ անօրէնութիւններ գործեցիր:

44. Այս բոլորի համար է որ քո մասին առակներ են փսփսում ու ասում, թէ՛ ' Ինչպիսին որ մայրն է, այնպիսին էլ աղջիկն է:

45. Արդ, դու այն աղջկայ մայրն ես, որ վռնդեց ամուսնուն ու զաւակներին, եւ քոյրն ես քո այն քոյրերի, որոնք վռնդեցին ամուսիններին ու զաւակներին: Ձեր մայրը քետացի էր, եւ ձեր հայրը՝ ամորհացի:

46. Ձեր աւագ քոյրը Շամրինն է, որ իր դուստրերի հետ բնակւում է քո ձախ կողմում, իսկ կրտսեր քոյրը՝ Սողոմը, որ իր դուստրերի հետ բնակւում է քո աջ կողմում:

47. Սակայն դու նրանց ճանապարհով չընթացար, ոչ էլ նրանց անօրէնութիւններին հետեւեցիր, այլ դու քո ընթացքի մէջ փոքր-ինչ աւելի առաջ գնացիր:

48. Վկայ եմ, - ասում է Ամենակալ Տէրը, - որ քո քոյրը՝ Սողոմը, եւ նրա դուստրերը հազիւ թէ աւելին արեցին, քան դու եւ քո դուստրերը:

49. Զոք քրոջ՝ Սողոմի անօրէնութիւնն այս էր՝ ամբարտաւանութիւն, հացով լիացածութիւն, գինու մէջ յփացածութիւն: Մեղկ կեանք էին վարում ինքն էլ, դուստրերն էլ: Դրա մէջ էին խրուած ինքն էլ, դուստրերն էլ: Ձեռք չէին մեկնում աղքատին ու տնանկին,

50. մեծամտանում էին ու իմ առաջ անօրէնութիւններ անում: Ու երբ դա տեսայ՝ մէջտեղից վերացրի նրանց:

51. Շամրինն անգամ քո մեղքերի կեսը չգործեց: Իսկ դու բազմապատկեցիր քո անօրէնութիւնները աւելի, քան նրանք, նաեւ արդարացրիր քո քոյրերին այն անօրէնութեան մէջ, որ ինքդ էլ էիր գործել:

52. Արդ, կրի՛ր տանջանքներն այն բանի համար, որ փչացրիր քոյրերիդ, որ անօրէնութիւններ գործեցիր աւելի շատ, քան նրանք, որ աւելի արդարացրիր նրանց, քան քեզ: Արդ, ամաչի՛ր եւ կրի՛ր քո անարգանքն այն բանի համար, որ քո քոյրերին աւելի արդարացրիր, քան քեզ:

53. Գերութիւնից յետ եմ դարձնելու նրանց՝ քո քոյր Սողոմին ու նրա դուստրերին, յետ եմ դարձնելու քո քոյր Շամրինին ու նրա դուստրերին. նրանց հետ քեզ էլ եմ յետ դարձնելու,

54. որպէսզի կրես քո տանջանքները եւ անարգուես այն ամենի համար, ինչ կատարել ես, որ ինձ բարկացնես:

55. Զոք քոյրը՝ Սողոմն ու նրա դուստրերը վերստին հաստատուելու են այն վիճակի մէջ, որ էին ի սկզբանէ. Շամրինն ու նրա դուստրերն էլ վերստին հաստատուելու են այն վիճակի մէջ, որ էին ի սկզբանէ. դու եւ քո դուստրերն էլ հաստատուելու եք նոյն վիճակի մէջ, որ էիք ի սկզբանէ:

56. Եւ քանի որ քո քոյր Սողոմը չէր յիշում քո բերանում քո հպարտութեան օրերին,

57. քանի դեռ չէին բացայայտուել չարագործութիւններդ, ինչպէս որ հիմա ես նախատում Ասորիքի ու նրա շուրջ գտնուող բոլոր այլազգիների դուստրերի առաջ, -

58. ուրեմն քաղի՛ր քո ամբարշտութիւնների ու անօրէնութիւնների պտուղները, - ասում է Տէրը:

59. Ամենակալ Տէրն այսպէս է ասում. Թեզ հետ վարուելու եմ այնպէս, ինչպէս դու ես վարուել, ինչպէս որ անարգել ես ամեն բան ու զանց առել իմ ուխտը:

60. Բայց ես յիշելու եմ ուխտս, որ երիտասարդութեանդ օրերին կապել էի քեզ հետ, յաւիտեան հաստատ եմ պահելու այդ ուխտը:

61. Յիշելու եմ նաեւ քո ընթացած ճանապարհը, եւ դու ամօթահար ես լինելու, երբ միտքդ բերես քոյրերիդ՝ աւագներին ու կրտսերներին: Նրանց տալու եմ քեզ փորձութեան համար եւ ոչ թէ որպէս դաշնակից:

62. Հաստատ եմ պահելու քեզ հետ իմ ուխտը, եւ պետք է իմանաս, որ ես եմ Տէրը:

63. Որպէսզի յիշես ու ամաչես ու քո կրած անարգանքների պատճառով այլեւս չհամարձակուես բերանդ բաց անել, քաւութիւն պիտի տամ այն բոլոր չարագործութիւններիդ, որ կատարել ես, - ասում է Ամենակալ Տէրը:



1. Տերը խօսեց ինձ հետ ու ասաց.
2. Մարդո՛ւ որդի, մի պատմութի՛ւն պատմիր, մի առա՛կ բեր Իսրայելի այդ տան մասին եւ ասա՛.
3. Այսպէս է ասում Ամենակալ Տերը. Մի արծիւ կար, մեծ, լայնատարած թելերով, մագիլներով լեցուն: Մտածեց Լիբանան մտնել, ընտիր-ընտիր մայրիներից մատաղ տունկեր վերցրեց
4. ու քանանացիների երկիրը տարաւ, դրանք տնկեց պարսպապատ քաղաքում:
5. Վերցրեց նաեւ երկրի սերմից, մանր-մանր ցանեց դաշտի երեսին, կարգադրեց, որ առատօրէն ջրեն այդ դաշտը:
6. Բուսաւ ու եղաւ վտիտ, տեսքով փոքր որթատունկ. վրան ոստեր երեւացին: Նրա արմատները տակն էին: Որթատունկը մեծացաւ, ողկոյզներ տուեց, իր շիւերն արձակեց:
7. Ապա երեւաց մի ուրիշ մեծ արծիւ՝ մեծաթել ու բազմամագիլ: Եւ ահա այս որթատունկը սրան փաթաթուեց, արմատները սրա կողմը ձգուեցին, ճիւղերն էլ՝ սրա տակ: Ուղարկեց, որ այդ ամբողջ տունկը ջրեն:
8. Գեղեցիկ դաշտում առատ ջրով պիտի ուռճացուէր՝ ոստեր արձակելու, պտղաբերելու եւ մեծ որթատունկ դառնալու համար:
9. Այս մասին ասա՛. Այսպէս է ասում Ամենակալ Տերը. Արդեօք որթատունկն ուռճանալո՞ւ է: Չէ՞ որ նրա նուրբ արմատներն ու պտուղները նեխելու են, ու նրա ոստերը՝ չորանալու: Ո՛չ մեծ բազուկ է պետք գալու եւ ո՛չ էլ շատ մարդ՝ ձեռք զցելու եւ այն արմատախիլ անելու համար:
10. Արդ, որթատունկն ուռճանալո՞ւ է: Չի՛ փարթամանալու: Չէ՞ որ խորշակը երբ մօտենայ, չորանալու է ամբողջ բոյսը՝ իր ոստերով:
11. Տերը խօսեց ինձ հետ ու ասաց.
12. Մարդո՛ւ որդի, ասա Իսրայելի այդ տանը՝ դառնացնողների տանը. չգիտե՞ք, թե այդ ի՞նչ բան էր, որ ձեզ ասացի: Երբ բաբելացիների թագաւորը Երուսաղէմ գայ, սրա թագաւորին ու իշխաններին պիտի վերցնի ու տանի նրանց իր մօտ՝ Բաբելոն:
13. Թագաւորի զաւակներից մէկին պիտի առնի, ուխտ պիտի դնի նրա հետ եւ նրան հաւատարմութեան երդում անել պիտի տայ: Երկրի իշխաններին էլ պիտի վերացնի, որպէսզի թագաւորութիւնը տկարանայ,
14. բոլորովին ոտքի չկանգնի, նրա ուխտը պահի ու հաւատարիմ մնայ դրան:
15. Պիտի ապստամբի նրա դէմ սուրհանդակներ ուղարկելով Եգիպտոս, որպէսզի իրեն ձիեր ու բազում զօրք տան: Բայց յաջողութիւն ունենալո՞ւ է: Փրկուելո՞ւ է նա, ով այսպիսի հակառակ բաներ է անում, դրժում է ուխտը: Փրկուելո՞ւ է:
16. Վկայ եմ ես, - ասում է Ամենակալ Տերը, - որ ճիշտ այն տեղում, ուր թագաւորը նրան թագաւոր դարձրեց, ուր անարգեց ինձ տուած հաւատարմութեան երդումը եւ դրժեց նրա հետ իմ կնքած ուխտը՝ հենց Բաբելոնում մեռնելու է:
17. Ոչ էլ Փարաւոնն իր մեծ զօրութեամբ, բազում գնդերով պատերազմելու է նրա դէմ: Բաբելոնի թագաւորը պատնէշներ ու մարտկոցներ է սարքելու, որպէսզի ոչնչացնի շատերին այն բանի համար,
18. որ անարգեց երդումը, դրժեց ուխտը: Եւ ահա մատնել եմ նրա՝ Բաբելոնի թագաւորի ձեռքը, այս բոլորը բերել եմ նրա գլխին: Մի՞թէ փրկուելու է:
19. Այս մասին ասա՛. Այսպէս է ասում Ամենակալ Տերը. Վկայ եմ ես, - ասում է Ամենակալ Տերը, - ըստ իմ ուխտի, որ դրժել է, եւ ըստ իմ երդման, որ անարգել է, հատուցել եմ տալու նրան:
20. Նետելու եմ նրա վրայ ուռկանս, եւ նա բռնուելու պաշարուելու է իմ կողմից: Բերելու եմ նրան Բաբելոն, այնտեղ էլ դատաստան եմ տեսնելու հետը այն անիրաւութիւնների համար, որ գործել է իմ նկատմամբ:
21. Նաեւ բոլոր խուսափածները նրա բոլոր պատերազմներում սրով են ընկնելու, իսկ բոլոր մնացորդներին չորս հողմերին եմ ցրելու: Եւ պետք է իմանաք, որ ես՝ Տէրս եմ

ասել:

22. Այս մասին այսպես է ասում Ամենակալ Տէրը. Բարձրաւանդակի ընտիր-ընտիր մայրիներից մէկն առնելու եմ, դրա կատարի ճիւղերից վերցնելու եւ խորն եմ տնկելու բարձր լեռան վրայ

23. Եւ այն կախելու եմ Իսրայէլի բարձր, երեւացող լեռից: Տնկելու եմ, եւ ոստեր է արձակելու այն, պտուղ է տալու, դառնալու է մի մեծ մայրի: Նրա տակ հանգստանալու, նրա հովանու տակ օթեւանելու են բոլոր գազաններն ու թռչունները: Նրա ճիւղերը հաստատ են մնալու նրա վրայ:

24. Եւ դաշտի բոլոր ծառերը պետք է իմանան, որ ես` Տէրս եմ որ խոնարհեցնում եմ բարձրացած ծառը կամ բարձրացնում խոնարհուած ծառը, չորացնում եմ դալար ծառը կամ դալարեցնում չորացած ծառը: Ես` Տէրս եմ ասել սա, եւ անելու եմ:

1. Տերը խօսեց ինձ հետ ու ասաց.
2. Մարդո՛ւ որդի, ի՞նչ է նշանակում այն առածը, որ ասում են իսրայելացիներիդ մեջ, թե՛ Հայրերն ազդի են կերել, զաւակների ատամներն է առել:
3. Վկայ եմ ես, - ասում է Ամենակալ Տերը, - Իսրայելում այդ առածն այլևս չի ասուելու,
4. որովհետեւ բոլորի հոգիներն էլ իմն են՝ ինչպէս հօրը, այնպէս էլ զաւակինը. ով որ մեղանջի, նա էլ պիտի մեռնի:
5. Բայց եթէ մէկն արդար է, գործադրում է օրէնքներս ու արդարութիւնը,
6. լեռների վրայ զոհաբերուածը չի ուտում, աչքը չի գցում Իսրայելի տան կուռքերին, չի պղծում իր ընկերոջ կնոջը, իր կնոջն էլ դաշտանի ժամանակ չի մօտենում, ոչ մի մարդու հանդէպ բռնութիւն չի գործադրում,
7. պարտապանի աւանդը վերադարձնում է, յափշտակութիւն չի կատարում, իր հացը տալիս է քաղցածներին ու մերկին հագցնում է,
8. իր դրամը փոխ չի տալիս ու տոկոսով յետ չի պահանջում, ձեռք է քաշում անիրաւութիւնից, արդար դատաստան է տեսնում մարդու եւ նրա ընկերոջ միջեւ,
9. իմ հրամաններով է շարժւում, որպէսզի օրէնքներս պահի ու գործադրի, - այդպիսին արդար է, ապրելով պիտի ապրի, - ասում է Ամենակալ Տերը:
10. Իսկ եթէ մէկը այլասերուած, արիւն թափող զաւակ է ծնել, մեղքեր է գործել,
11. իր արդար հօր ճանապարհով չի ընթացել, լեռների վրայ զոհաբերուածն է կերել,
12. պղծել է իր ընկերոջ կնոջը, բռնադատել աղքատին ու տնանկին, յափշտակութիւն կատարել, աւանդը չի վերադարձրել, աչքը գցել է չաստուածների պաշտամունքին,
13. անօրէնութիւն է գործել, իր դրամը փոխ է տուել եւ վաշխով ու տոկոսով յետ պահանջել, - այդպիսին, որ այս բոլոր անօրէնութիւններն է գործել, անշուշտ մեռնելու է, եւ նրա արիւնն իր գլխին է գալու:
14. Եւ եթէ զաւակը ծնուի, տեսնի իր հօր գործած բոլոր մեղքերը, վախենայ եւ նոյն բաները չանի՝
15. լեռների վրայ զոհաբերուածը չուտի, աչքը Իսրայելի տան կուռքերին չգցի,
16. իր ընկերոջ կնոջը չպղծի, ոչ ոքի չբռնադատի, աւանդը չհրացնի, յափշտակութիւն չկատարի, իր հացը տայ քաղցածներին ու մերկերին հագցնի,
17. անիրաւութիւնից ձեռք քաշի, վաշխ ու տոկոս չառնի, արդարութիւն գործի, իմ հրամաններով շարժուի, - այդպիսին իր հօր անիրաւութիւնների համար չի՛ մեռնելու, այլ ապրելով ապրելու է:
18. Բայց նրա հայրը, եթէ սաստիկ նեղել է, յափշտակել է ու կողոպտել եղբօրը, հակառակ գործեր կատարել իմ ժողովրդի մէջ, - մեռնելու է իր անիրաւութեան համար:
19. Ասում եմ, թե՛ Ինչպէ՞ս է որ հօր անիրաւութիւնը որդուն չի պարտաւորեցնում: Քանի որ որդին ողորմածութիւն է արել ու արդարութիւն գործել, իմ բոլոր օրէնքները պահել ու գործադրել է, - ապրելով պիտի ապրի:
20. Ով որ մեղանջի, նա էլ պիտի մեռնի, իսկ որդին հօր մեղքը չպիտի կրի, ոչ էլ հայրը՝ իր որդու անիրաւութիւնները: Արդարի արդարութիւնն է իր վրայ ընկնելու, անօրէնի անօրէնութիւնը՝ իր վրայ:
21. Անօրէնը եթէ յետ կանգնի իր գործած անօրէնութիւններից ու պահի իմ բոլոր պատուիրանները, արդարութիւն գործի ու ողորմածութիւն անի, - ապրելով ապրելու է ու չի մեռնելու:
22. Նրա գործած բոլոր մեղքերը, կատարած բոլոր անիրաւութիւնները չեն յիշուելու, այլ իր գործած արդարութեան համար նա ապրելու է:
23. Մի՞թէ ես մեղաւորի մահն եմ տեսչում, - ասում է Տեր Աստուածը, - եւ ոչ թէ այն, որ նա չար ճանապարհից յետ դառնայ ու ապրի:
24. Իսկ եթէ արդարն իր արդարութիւնից շեղուի, անարդարութիւն գործի, ըստ անօրէն մարդու կատարած բոլոր անօրէնութիւնների՝ նրա կատարած բոլոր արդար գործերն էլ չեն յիշուելու: Այն մեղքերի համար, որոնց մէջ նա ընկել է, եւ այն յանցանքների համար,

որ գործել է, - դրանց մէջ էլ մեռնելու է:

25. Ասում էք, թէ Տիրոջ ճանապարհը ճիշտ չէ: Արդ, լսեցէ՛ք, ո՛վ Իսրայէլացիներ: Մի՞թէ իմ ճանապարհն է, որ ճիշտ չէ: Չէ՞ որ ձեր ճանապարհները ճիշտ չեն:

26. Եթէ արդարն իր ճանապարհից շեղուի ու անիրաւութիւն գործի, մեռնելու է իր գործած անօրէնութեան մէջ:

27. Իսկ եթէ անօրէնը յետ կանգնի իր անօրէնութիւնից, օրէնքներս կատարի, արդարութիւն անի, - ինքն իր հոգին փրկելու է,

28. որովհետեւ տեսել ու յետ է դարձել իր կատարած բոլոր ամբարշտութիւններից: Ապրելով ապրելու է ու չի մեռնելու:

29. Բայց Իսրայէլի այդ տունն ասում է, թէ Տիրոջ ճանապարհը ճիշտ չէ: Մի՞թէ իմ ճանապարհն է, որ ճիշտ չէ, ո՛վ տունդ Իսրայէլի: Չէ՞ որ քո ճանապարհները ճիշտ չեն:

30. Ուստի Իսրայէլի այդ տանը, իւրաքանչիւրին ըստ իր բռնած ճանապարհի եմ դատաստան անելու, - ասում է Ամենակալ Տէրը: - Դարձէ՛ք, յե՛տ կանգնեցէք ձեր բոլոր ամբարշտութիւններից, եւ անիրաւութեան համար տանջանքների չէք մատնուի:

31. Դէ՛ն նետեցէք ձեզնից ձեր բոլոր ամբարշտութիւնները, որ կատարել էք իմ հանդէպ. ձեր մէջ նոր սիրտ ու նոր հոգի դրէք, կատարեցէ՛ք իմ բոլոր պատուիրանները: Ինչո՞ւ մեռնես, ո՛վ տունդ Իսրայէլի, - ասում է Տէրը:

32. Յիրաւի, ես մեղանչածի մահը չեմ տեսչում, - ասում է Ամենակալ Տէրը, - այլ նա թող յետ կանգնի իր չար ճանապարհներից ու փրկի իր հոգին: Արդ, եկէք ե՛տ դարձէք եւ ապրեցէ՛ք:

33. Ողբ Իսրայէլի իշխանի վրայ

1. Դո՛ւ ել, մարդո՛ւ որդի, ո՛ղբ ասա Իսրայելի իշխանի վրայ: Ասա՛.
2. Ինչպե՞ս եղաւ, որ մայրդ յայտնուեց առիւծների մէջ, կորիւնդ առիւծների մէջ բազմացրեց իր կորիւններին:
3. Նրա կորիւնների մէջ մի կորիւն հասակ նետեց, առիւծ դարձաւ, սովորեց յափշտակել ու խլել, եղաւ մարդախողխող:
4. Նրա մասին լսեցին ազգեր, բռնեցին նրան՝ սպանելու համար, դնչակալով տարան Եգիպտացիների երկիրը:
5. Մայր առիւծը տեսաւ, որ կորիւնը բաժանուեց իրենից, յոյսը կտրեց եւ իր կորիւններից մի ուրիշ կորիւն առիւծ դարձրեց:
6. Սա շրջում էր առիւծների մէջ: Առիւծ դարձաւ, սովորեց յափշտակել ու խլել, եղաւ մարդախողխող:
7. Յանդգնութեամբ որս էր անում, քաղաքներ կործանում, իր մռնչոցով երկիրն ամբողջովին ակերում:
8. Շրջակայ երկրներից ազգեր ելան նրա դէմ, թակարդներ լարեցին նրա շուրջ՝ սպանելու համար,
9. դնչակալ հազցրին, վանդակի մէջ տարան բաբելացիների թագաւորի մօտ ու բանտ դրեցին, որպէսզի Իսրայելի լեռների վրայ նրա ձայնն այլեւս չլսուի:
10. Քո մայրը մի որթատունկ էր, նռնենու մի ծաղիկ՝ տնկուած հոսող ջրերի վրայ: Նրա տունկն ու պտուղն ուռճացան շնորհիւ առատ ջրերի:
11. Նրա հզօր մականն իշխեց ազգի իշխանների վրայ. իր հասակով նա բարձրացաւ ծառաստանների մէջ: Տեսաւ իր մեծութիւնը բազմաթիւ ճիւղերի մէջ,
12. բարկութիւնից ջարդուեց ու գետին տապալուեց: Խորշակը չորացրեց նրա ճիւղերը: Այսպիսով նրանից վրեժ լուծուեց, ու չորացաւ նրա հզօր մականը: Կրակն էլ ճարակեց այն:
13. Եւ հիմա այն տնկեցին անապատում, անջրդի հողի վրայ:
14. Կրակ ելաւ նրա ընտիր-ընտիր բներից ու ճարակեց այն: Եւ նրանում հզօր մական չմնաց: Ազգը ողբի առակ է դարձել, ողբ էլ պիտի լինի:
15. Իսրայելի տան աւագներին

1. Եօթներորդ տարում, հինգերորդ ամսին, ամսուայ տասներորդ օրը, Իսրայելի տան աւագներից մարդիկ եկան՝ հարցում անելու Տիրոջը, ու նստեցին իմ առաջ:
2. Տերը խօսեց ինձ հետ ու ասաց.
3. Մարդո՛ւ որդի, խօսի՛ր Իսրայելի այդ տան աւագների հետ ու ասա՛ դրանց. Այսպէս է ասում Ամենակալ Տերը. հարցում անելո՛ւ էք գալիս ինձ մօտ: Վկայ եմ ես, ձեզ չեմ պատասխանելու, - ասում է Ամենակալ Տերը:
4. Պատժե՛մ դրանց, մարդո՛ւ որդի. դրանց հայրերի մեղքերի վկայութիւնը դի՛ր դրանց առաջ:
5. Եւ ասա՛ դրանց. Այսպէս է ասում Տեր Աստուածը. այն օրից, երբ աչքս քաղցրացաւ Իսրայելի այդ տան վրայ, երբ յայտնուեցի Յակոբի այդ տան գաւակին, երբ յայտնուեցի Եգիպտացիների նրանց երկրում, ձեռք մեկնեցի նրանց ու ասացի. “Ես եմ ձեր Տեր Աստուածը”, -
6. այն օրը ձեռք պարզեցի նրանց՝ դուրս բերելու համար Եգիպտացիների երկրից դէպի այն երկիրը, որ նրանց համար էի պատրաստել, մի երկիր, ուր կաթ եւ մեղր է բխում, որ աւելի քաղցր է, քան ուրիշ որեւէ երկրինը:
7. Եւ ասացի նրանց. Իւրաքանչիւրը թող դէ՛ն նետի իր աչքերից գարշելի կուռքերը. Եգիպտացիների ճանապարհով ընթանալով՝ մի՛ պղծուէք: Ես եմ ձեր Տեր Աստուածը:
8. Սակայն նրանք ապստամբեցին իմ դէմ, չուզեցին ինձ անսալ: Իւրաքանչիւր ոք իր աչքերից գարշելի կուռքերը դէն չնետեց: Եգիպտացիների ճանապարհը չթողեցին: Ես էլ ասացի, որ սրտմտութիւնս եմ թափելու նրանց վրայ՝ Եգիպտացիների մէջ յագեցնելու համար նրանց դէմ զայրոյթս:
9. Բայց դա արեցի, որպէսզի անուսս երբեք չպղծուի այն ազգերի մէջ, որոնց մէջ էին գտնուում դրանք: Յայտնուեցի նրանց մէջ՝ Եգիպտացիների երկրից դուրս բերելու համար նրանց:
10. Եւ նրանց դուրս բերեցի Եգիպտացիների երկրից, բերեցի անապատ,
11. տուեցի նրանց պատուիրաններս, ցոյց տուեցի նրանց օրէնքներս, որոնք գործադրելու դէպքում մարդ դրանցով կ’ապրի:
12. Շաբաթ օրերս էլ տուեցի նրանց, որպէսզի նշան լինեն իմ ու նրանց միջեւ, եւ որպէսզի նրանք իմանան, որ ես եմ Տերը, որ սրբագործում եմ նրանց: Եւ այն անապատում ասացի Իսրայելի տանը. Իմ հրամաններո՛վ շարժուեցէք, բայց չշարժուեցին: Ասացի. Պահեցէ՛ք ու գործադրեցէ՛ք օրէնքներս, որոնք գործադրելու դէպքում մարդ դրանցով կ’ապրի:
13. Սակայն Իսրայելի տունն ինձ դառնացրեց անապատում: Իմ հրամաններով չշարժուեցին, զանց առան օրէնքներս, որոնք եթէ մէկը գործադրէ՝ դրանցով կ’ապրէր: Շաբաթ օրերս սաստիկ պղծեցին: Ու ասացի, որ անապատում սրտմտութիւնս թափելու եմ նրանց վրայ՝ ոչնչացնելու համար նրանց:
14. Եւ դա արեցի, որպէսզի անուսս երբեք չպղծուի այն ազգերի առաջ, որոնց միջից, նրանց աչքերի առջեւ, դուրս բերեցի սրանց:
15. Եւ անապատում ձեռքս բարձրացրի նրանց վրայ՝ ամենեւին չտանելու համար նրանց այն երկիրը, որ յատկացրել էի նրանց, մի երկիր, ուր կաթ ու մեղր է բխում, որ աւելի քաղցր է, քան ուրիշ որեւէ երկրինը:
16. Այն բանի համար, որ զանց առան օրէնքներս, իմ հրամաններով չշարժուեցին, շաբաթներս պղծեցին եւ իրենց սրտի մտադրութիւնների յետեւից գնացին, -
17. աչքս ինայեց նրանց ու չնշեց նրանց, անապատում վերջ չտուեցի նրանց:
18. Ու ասացի նրանց անապատում. Ձեր հայրերի կրօնով մի՛ առաջնորդուէք, նրանց օրէնքները մի՛ պահէք, նրանց վարքով մի՛ խառնակուէք ու մի՛ պղծուէք:
19. Ես եմ ձեր Տեր Աստուածը, իմ հրամաններո՛վ շարժուեցէք, իմ օրէնքնե՛րը պահեցէք ու գործադրեցէ՛ք դրանք, շաբաթներս սո՛ւրբ պահեցէք,
20. եւ դա նշան կը լինի իմ ու ձեր միջեւ: Կ’իմանաք, որ ես եմ ձեր Տեր Աստուածը:

21. Նրանց զաւակներն էլ դառնացրին ինձ, իմ հրամաններով չշարժուեցին, հոգ չտարան գործադրելու օրէնքներս, որոնք գործադրելու դէպքում մարդ դրանցով կ'ապրի: Շաբաթներս էլ էին պղծում: Ես էլ ասացի, որ սրտմտութիւնս եմ թափելու Նրանց վրայ անապատում յագեցնելու համար Նրանց դէմ գայրոյթս:
22. Բայց ես Նրանց վրայից յետ քաշեցի ձեռքս, եւ դա արեցի, որպէսզի անուսն երբեք չպղծուի այն ազգերի մէջ, որոնց միջից, Նրանց աչքերի առջեւ, դուրս բերեցի սրանց:
23. Այն անապատում ես ձեռքս Նրանց վրայ բարձրացրի՝ ազգերի մէջ Նրանց սփռելու, երկրներով մէկ ցիրուցան անելու համար, քանի որ
24. օրէնքներս չգործադրեցին, պատուէրներս զանց առան, շաբաթներս պղծեցին, եւ իրենց աչքներն էլ իրենց հայրերի մտադրութիւնների վրայ էր:
25. Այդ էր պատճառը, որ Նրանց տուեցի հրամաններ, որ բարի չէին, եւ օրէնքներ, որոնցով չէին կարող ապրել:
26. Նզովելու եմ Նրանց՝ իրենց ընծաներով հանդերձ, այնպէս եմ անելու, որ ոչնչացնեմ Նրանց բոլոր անդրանիկ ծնունդներին: Եւ պետք է իմանան, որ ես եմ Տէրը:
27. Ուստի խօսի՛ր Իսրայէլի այդ տան հետ, մարդո՛ւ որդի, ու ասա՛ դրանց. Այսպէս է ասում Ամենակալ Տէրը. ձեր հայրերը սաստիկ բարկացրին ինձ իմ հանդէպ իրենց գործած մեղքերով.
28. Նրանց տարայ այն երկիրը, որ երդուել էի Նրանց տալ: Այնտեղ տեսան Նրանք բոլոր բարձր բլուրները, սաղարթախիտ ծառերը, զոհեր մատուցեցին իրենց աստուածներին, իրենց զոհաբերութիւնների կարգը կատարեցին, ծխեցին իրենց անուշահոտ խունկը, ընծայաբերեցին իրենց նուէրները:
29. Եւ ասացի Նրանց. Այդ ի՞նչ արբանա՝ բարձրադիր սրբավայր է, ուր դուք մտնում էք: Եւ այն կոչուեց արբանա: Ու այդպէս է կոչում մինչեւ այսօր:
30. Դրա համար էլ ասա՛ Իսրայէլի տանը. Այսպէս է ասում Տէր Աստուածը. ձեր հայրերի անօրէնութեամբ ապականում էք, Նրանց զարշելի կուռքերի հետ պոռնկանում,
31. նուէրներ մատուցում, ձեր որդիներին ընծայաբերում էք աստուածներին՝ կրակի միջով անցկացնելով Նրանց: Մինչեւ օրս պղծում էք ձեր բոլոր մտածումների մէջ: Եւ ես ձեզ պատասխա՞ն եմ տալու, ո՛վ տունդ Իսրայէլի: Վկայ եմ ես, - ասում է Ամենակալ Տէրը, - ես ձեզ պատասխան չեմ տալու:
32. Եւ եթէ այդ բանը ձեր մտքով անցնում է, չի լինելու այնպէս, ինչպէս դուք էք ասում, թէ՛ Մենք կը լինենք հեթանոսների կամ երկրի այն ազգերի նման, ովքեր ծառեր ու քարեր են պաշտում:
33. Ուստի վկայ եմ ես, - ասում է Ամենակալ Տէրը, - հզօր ձեռքով, բարձրացած բազկով ու յորդացող ցասումով եմ թագաւորելու ձեզ վրայ:
34. Հանելու եմ ձեզ ազգերի միջից, դուրս եմ բերելու այն երկրներից, ուր դուք ցրուած էք, - հզօր ձեռքով, բարձրացած բազկով ու յորդացող ցասումով:
35. Բերելու եմ ձեզ ազգերի անապատը, դատի եմ նստելու ձեզ հետ երես առ երես,
36. ինչպէս որ այն անապատում դատի նստեցի ձեր հայրերի հետ, երբ Նրանց դուրս հանեցի Եգիպտացիների երկրից: Այդպէս եմ դատելու ձեզ, - ասում է Տէրը, Ամենակալն Աստուած:
37. Ձեզ անց եմ կացնելու մականիս տակով, մտցնելու եմ իմ հետ ուխտ կապածների թուի մէջ
38. ու զատորոշելու եմ ձեր միջից ամբարիշտներին եւ ապստամբներին, որպէսզի Նրանց հանեմ իրենց բնակած վայրերից, ու Նրանք չմտնեն Իսրայէլի երկիրը: Պետք է իմանաք, որ ես եմ Տէր Աստուածը:
39. Իսկ դուք, ո՛վ տունդ Իսրայէլի, այսպէս է ասում Տէրը, Ամենակալն Աստուած. Նախ իւրաքանչիւրդ մի կո՛ղմ նետեցէք ձեր ընթացքը, ապա եւ լսեցէ՛ք ինձ, իմ սուրբ անունը մի՛ պղծէք ձեր նուէրներով, ձեր վարք ու բարքով,
40. որովհետեւ իմ սուրբ լերան վրայ, Իսրայէլի բարձր լերան վրայ, - ասում է Տէր Աստուած, - իսպառ ինձ է ծառայելու Իսրայէլի այդ ամբողջ տունը, այնտեղ եմ ընդունելու, այնտեղ եմ ուշադիր նայելու ձեր ընծաներին, ձեր բոլոր երախայրիքներն

ընդունելու եմ ձեր սուրբ ընծաներով հանդերձ, նաեւ անուշահոտութիւնները՝

41. ձեզ դուրս բերելու համար ժողովուրդների միջից եւ ընդունելու համար ձեզ այն երկրներից, ուր սփռուած էիք: Ու ձեր մէջ, ժողովուրդների դէմ յանդիման, սրբանալու եմ:

42. Պետք է իմանաք, որ ես եմ Տէրը, երբ ձեզ տանեմ Իսրայէլի երկիրը, մի երկիր, որը երդուել եմ տալ ձեր հայրերին:

43. Եւ այնտեղ յիշելու էք ձեր բռնած ճանապարհն ու վարք ու բարքը, որոնցով պղծուեցիք դուք: Ձեր երեսներն էք ծեծելու ձեր գործած բոլոր անիրաւութիւնների համար:

44. Պետք է իմանաք, որ ես եմ Տէրը. այդպէս եմ անում, որպէսզի անունս չպղծուի ձեր չար ճանապարհների, ձեր ապականուած վարք ու բարքի պատճառով, - ասում է Ամենակալ Տէրը:

45. Տէրը խօսեց ինձ հետ ու ասաց.

46. Մարդո՛ւ որդի, դէմքդ ուղղի՛ր դէպի Թեման, նայի՛ր Դադոնի կողմը եւ մարգարեութի՛ւն արա Նազեբ իշխանի անտառի մասին:

47. Եւ կ'ասե՛ս Նազեբի անտառին. Լսի՛ր Տիրոջ պատգամները, այսպէս է ասում Տէրը, Ամենակալն Աստուած. ահա ես քեզ վրայ կրակ եմ թափելու, եւ քեզանում ամէն ծառ՝ դալարն էլ, չորն էլ, նրան ճարակ է դառնալու. բոբբոքուած բոցը չի հանգչելու, եւ նրա մէջ այրուելու են բոլոր մարդիկ՝ արեւելքից մինչեւ հիւսիս:

48. Եւ ամէն ոք պետք է իմանայ, որ ես՝ Տէրս եմ վառել այն. եւ դա չի հանգչելու:

49. Ու ասում եմ. Քա՛ւ լիցի, Տէ՛ր Աստուած: Նրանք ինձ ասում են. Չէ՞ որ դա առակ է, որ դու պատմում ես:



1. Տերը խօսեց ինձ հետ ու ասաց.
2. Դրա համար մարգարեացի՛ր, մարդո՛ւ որդի, ու դեմքդ ուղղի՛ր Երուսաղեմի վրայ, նայի՛ր նրանց սրբավայրերին: Մարգարեութիւն կ'անես Իսրայելի երկրի վրայ
3. Եւ կ'անես Իսրայելի երկրին. Այսպէս է ասում Տերը, Ամենակալն Աստուած. ահա ես քո դեմ եմ: Մերկացնելու եմ սուրս իր պատեանից եւ քո միջից ոչնչացնելու եմ անիրաւին ու անօրէնին:
4. Եւ քանի որ քո միջից ոչնչացնելու եմ անիրաւին ու անօրէնին, ուստի իմ սուրն իր պատեանից դուրս է գալու բոլոր մարդկանց վրայ՝ արեւելքից մինչեւ հիւսիս:
5. Եւ ամէն մարդ պետք է իմանայ, որ ես՝ Տէրս եմ մերկացրել սուրս իր պատեանից, ու յետ տեղը չի դրուելու:
6. Դո՛ւ էլ, մարդո՛ւ որդի, մէջքդ խոնարհած՝ հեծեծի՛ր, ցաւագի՛ն հեծեծի՛ր նրանց առաջ:
7. Եւ եթէ քեզ հարցնեն՝ Ինչո՞ւ ես հեծեծում, կ'ասես. Որովհետեւ մի բօթ լսեցի, եւ այն վրայ է հասնելու. բոլոր սրտերը կոտրուելու են, բոլոր ձեռքերը՝ թուլանալու, բոլոր անդամները՝ չորանալու, բոլոր շնչերը՝ կտրուելու, բոլոր զիստերը՝ խոնաւութեամբ ապականուելու: Ահա վրայ է հասնում, եւ այդպէս էլ լինելու է, - ասում է Տերը, Ամենակալն Աստուած:
8. Աստուած դարձեալ խօսեց ինձ հետ ու ասաց.
9. Մարդո՛ւ որդի, կը մարգարեանաս ու կ'ասես. Այսպէս է ասում Ամենակալ Տերը. Սո՛ւր, սո՛ւր, սրուի՛ր ու զայրացի՛ր,
10. որպէսզի մեծ կոտորած անես: Սրուի՛ր ու սրբուի՛ր, պատրաստուի՛ր կոտորելու, կոտորի՛ր, արհամարհի՛ր, որդեա՛կ իմ, կտրի՛ր ամէն ծառ:
11. Եւ Տերը տուեց սուրը՝ ձեռքում պատրաստ բռնելու: Սուրը սրուած է եւ պատրաստ՝ ջարդարարի ձեռքը տալու համար:
12. Աղաղակի՛ր, ճի՛շ բարձրացրու, մարդո՛ւ որդի, որովհետեւ այն սուրը կախուել է իմ ժողովրդի, Իսրայելի իշանների վրայ: Նրանք պանդուխտ են լինելու, քանի որ սուրը կախուել է իմ ժողովրդի վրայ: Ուստի ձեռքերովդ ծա՛փ զարկ, որովհետեւ արդարացաւ ասածս:
13. Եւ ի՞նչ է, փրկուելո՞ւ է ազգը: Դա չի՛ լինելու, - ասում է Տէր Աստուածը:
14. Դո՛ւ էլ, մարդո՛ւ որդի, մարգարեացի՛ր, ձեռքերովդ ծա՛փ զարկ: Դո՛ւ էլ սուր վերցրու, որովհետեւ երրորդ սուրն սպանուածներինն է լինելու. սուրը ծանրացել է սպանուածների վրայ ու զարհուրեցնելու է նրանց,
15. որպէսզի նրանց սրտերը թուլանան, նրանց բոլոր դռներին տկարները բազմանան, որովհետեւ մատնուած են սրի քաշուելու: Սուրը գեղեցկացել է փայլով ու սպանելու համար պիտանի դարձել:
16. Շրջի՛ր, աջ ու ձա՛խ պտտուի՛ր, միեւնոյնն է, ո՛ւր էլ որ շուռ գաս՝
17. ես էլ այնտեղ եմ լինելու, ծափ եմ զարնելու եւ թռչկոտնելու եմ, բարձրացնելու եմ ձայնս. ես՝ Տէրս խօսեցի:
18. Տերը խօսեց ինձ հետ ու ասաց.
19. Մարդո՛ւ որդի, քեզ համար երկո՛ւ ճանապարհ ընտրի՛ր, ուր պիտի մտնի բաբելացիների արքայի սուրը, որովհետեւ երկուսն էլ նոյն աշխարհից են դուրս գալիս: Քաղաք տանող ճանապարհի գլխին ուղեցոյց նշա՛ն պատրաստի՛ր:
20. Ճանապարհի սկզբին հաստատուի՛ր, պատրաստի՛ր, ճանապա՛րհ հարթի՛ր, որ սուրը հասնի Ռաբոթ, ամոնացիներին, նաեւ Հրեաստանի վրայ, նաեւ Երուսաղեմի վրայ, որ նրա մէջ է:
21. Բաբելացիների արքան գալու կանգնելու է հին ճանապարհի վրայ, երկու ճանապարհների գլխին՝ գաւազան գցելու, կուռքերին հարցեր տալու, լեարդի վրայ գուշակութիւն անելու:
22. Նրա աջ ձեռքից հմայութիւններ են դուրս եկել՝ Երուսաղեմի դեմ պատնէշներ կանգնեցնելու, լիաբերան գոչելու, աղաղակ բարձրացնելու, դարպասները

խոյահարելու, հող թափելու եւ մարտկոցներ շինելու:

23. Եւ դա երուսաղէմացիներին այնպէս է երեւալու, կարծես մէկն իրենց առաջ հմայութիւններ է անում. շաբաթուայ ընթացքում եօթն անգամ կրկնուելու է: Սակայն Նա՝ բաբելացիների թագաւորն զգուշացնելու է սրանց, որ յիշեն իրենց անօրէնութիւնները:

24. Ուստի այսպէս է ասում Տէրը, Ամենակալն Աստուած. Նրա համար, որ սպառնացել էք ձեր անիրաւութիւններով, յայտնի են դարձել ձեր ամբարշտութիւնները, երեւան են եկել ձեր մեղքերը ձեր բոլոր ամբարշտութիւններով եւ ձեր ընթացքով, - այն բանի համար, որ դուք ինքներդ էք յիշեցրել, դրանց պատճառով էլ ոչնչանալու էք:

25. Դու էլ, Իսրայէլի պիղծ ու անօրէն իշխանդ, որի վախճանը եկել է անիրաւութեան ժամանակ, -

26. այսպէս է ասում քեզ Տէր Աստուած. Վերցրո՛ւ խոյրդ, հանի՛ր պսակդ, որովհետեւ այդ այդպէս չի վերջանալու: Դու բարձրացածին խոնարհեցրել ես, խոնարհին՝ բարձրացրել:

27. Եւ հիմա ես անիրաւութիւնը միւս անիրաւութիւնների վրայ եմ բարդելու: Այդ այդպէս չի մնալու, մինչեւ որ գայ Նա, ում վայել է, եւ ես տալու եմ նրա ձեռքը

28. Ամոնացիներին: Դո՛ւ էլ, մարդո՛ւ որդի, մարգարեացի՛ր ու ասա՛. Այսպէս է ասում Տէրը, Ամենակալն Աստուած ամոնացիներին՝ նրանց Նախատինքների համար. Սուր սուները հանուած է սպանելու համար, մերկացուած՝ վերջ տալու համար:

29. Չարթնի՛ր, որովհետեւ փայլում ես սին տեսիլքով, սուտ հմայութիւններ ես անում՝ նրանց դէպի քեզ, անօրէն վիրաւորների վզին քաշելու համար. սրանց վախճանը հասել է՝ անիրաւութեան ժամանակի վախճանը:

30. Յե՛տ դարձիր, մի՛ իջեւանիր այնտեղ, ուր ծնուել ես. դարձեալ քո երկրում եմ քեզ դատելու,

31. քեզ վրայ թափելու եմ բարկութիւնս: Իմ զայրոյթի հուրը փչելու եմ քեզ վրայ, մատնելու եմ քեզ ձեռքը բարբարոս մարդկանց, որոնք պղծութիւն են գործում:

32. Եւ հրոյ ճարակ ես դառնալու, արիւնդ թափուելու է քո երկրում, յիշատակդ էլ չի գտնուելու: Ես՝ Տէրս խօսեցի:

33. Իսրայէլացիներին

1. Տերը խօսեց ինձ հետ ու ասաց.
2. Դո՛ւ էլ, մարդո՛ւ որդի, եթե դատելու ես, դատի՛ր արիւնահեղութեան քաղաքը,
3. խայտառակի՛ր նրա բոլոր անօրէնութիւնները եւ ասա՛. Այսպէս է ասում Տերը, Ամենակալն Աստուած. ո՛վ քաղաք, որ արիւն է թափում իր մէջ, երբ իր ժամանակն է հասնում, իր ներսում խորհուրդներ է որոճում ինքն իրեն ապականելու համար նրանց արիւնով:
4. Իզուր արիւն թափեցիր ու թաթախուեցիր, քո որոճացած խորհուրդներով ապականուեցիր: Զո օրերը մօտեցրիր եւ քո կեանքի վախճանին մօտեցար: Դրա համար է որ քեզ յանձնեցի նախատինքին ազգերի, ամօթանքներին բոլոր աշխարհների,
5. որոնք մօտ էին քեզ կամ քեզնից հեռու, որպէսզի այսպանեն քեզ ու ասեն. Դու՝ անուանի քաղաքդ, պղծութեան մատնուեցիր, որովհետեւ յաճախակի անօրէնութիւններ գործեցիր:
6. Ահա Իսրայելի այդ տան իշխանները. քո մէջ իւրաքանչիւրն իր ազգի մերձաւորների հետ էր խառնակում, որ արիւն թափէր.
7. քո մէջ հօրն ու մօրն էին անարգում, եկուորի ու պանդխտի հետ անիրաւութեամբ էին վարում, որբին ու այրուն բռնադատում,
8. սրբութիւններս արհամարհում էին ու շաբաթներս պղծում քո մէջ:
9. Աւազակ մարդիկ կային քո մէջ, որ արիւն թափէին քո մէջ, լեռների վրայ էլ զոհեր մատուցէին քո մէջ եւ անմաքուր գործեր անէին:
10. Իրենց հօր ամօթն էին մէջտեղ հանում քո մէջ եւ պղծութեամբ դաշտանաւոր կնոջ էին բռնաբարում քո մէջ:
11. Իւրաքանչիւրն իր ընկերոջ կնոջն էր պղծում, իւրաքանչիւրն ամբարշտութեամբ իր հարսին էր պղծում, իւրաքանչիւրն իր քրոջը՝ իր հօր դստերն էր բռնաբարում քո մէջ:
12. Կաշառք էին վերցնում քո մէջ, որպէսզի արիւն թափէին, վաշխ ու տոկոս էին առնում քո մէջ: Եւ ես վերջ եմ տալու քո չարագործութիւններին՝ ըստ քո գործած բռնութեան, որովհետեւ մոռացել ես ինձ, - ասում է Տեր Աստուած:
13. Ահա ծափ եմ զարնելու քո կատարած գործերին ի տես եւ ի տես քո մէջ կատարուած արիւնահեղութեան:
14. Պիտի դիմանա՞յ քո սիրտը, պիտի զօրանա՞ն քո ձեռքերն այն օրերին, երբ դրանք գլխիդ բերեմ: Ես՝ Տերս եմ ասում, եւ անելու եմ:
15. Սփռելու եմ քեզ ազգերի մէջ, ցիր ու ցան եմ անելու երկրներով մէկ, եւ քո միջից պղծութիւնը պակասելու է:
16. Դա եմ ժառանգութիւն թողնելու քեզ ազգերի մէջ, եւ պետք է իմանաք, որ ես եմ Տերը:
17. Տերը խօսեց ինձ հետ ու ասաց.
18. Մարդո՛ւ որդի, ահա Իսրայելի այդ տունն ինձ համար խառնուեց, ինչպէս հալոցում խառնում են պղինձն ու երկաթը, անագը, կապարն ու արծաթը:
19. Ուստի ասա՛. Այսպէս է ասում Տեր Աստուած. այն բանի համար, որ դուք բոլորդ էլ միախառնուեցիք, դրա համար ես ձեզ հաւաքելու եմ Երուսաղէմում,
20. ինչպէս որ մէկը հալոցում արծաթն ու պղինձը, երկաթն ու կապարը կը հաւաքի՝ նրա վրայ կրակ փչելու եւ ձուլելու համար: Նոյն ձեւով էլ ձեզ եմ հաւաքելու իմ բարկութեամբ
21. հաւաքելու եւ ձուլելու եմ ձեզ. ձեզ վրայ իմ բարկութեամբ հուր եմ փչելու, ու դուք ձուլուելու էք նրա մէջ.
22. ինչպէս որ արծաթն է ձուլում քուրայում, այնպէս էլ դուք էք ձուլուելու դրա մէջ: Եւ պիտի իմանաք, որ ես՝ Տերս եմ սրտմտութիւնս թափել ձեր վրայ:
23. Տերը խօսեց ինձ հետ ու ասաց.
24. Մարդո՛ւ որդի, ասա՛ դրան. Դու այն երկիրն ես, որ չես թրջւում. քեզ վրայ անձրեւ չի կաթել զայրոյթի օրը:
25. Դու այն երկիրն ես, որի իշխաններն այնտեղ յափշտակելիս ու կողոպտելիս առիժների պէս էին մոնջում. բռնութեամբ տնանկների մարմիններն էին յօշոտում եւ

անիրաւութեամբ պատիւներ խլում: Եւ այրիները բազմացան քո մէջ:

26. Նրա քահանաներն անարգում էին օրէնքներս ու պղծում սրբութիւններս. սուրբը պիղծից չէին տարբերում, արատաւորը անարատից չէին ջոկում. իմ շաբաթներին աչք էին փակում եւ պղծում էին շաբաթներս իրենց մէջ:

27. Նրա իշխանները յափշտակիչ գայլերի պէս էին նրա մէջ՝ յափշտակելու եւ կողոպտելու, արիւն թափելու եւ մարդկանց կորստի մատնելու համար, որպէսզի իրենց սաստիկ ագահութեանը յագուրդ տային:

28. Նրա մարգարէները, որոնք կոծկում էին այդ մեղքերը, ընկնելու են, նրանք, որ սնոտի բաներ էին գուշակում, ստութիւններ տենչում եւ ասում էին, թէ այսպէս է ասում Ամենակալ Տէրը, մինչդեռ Տէրը նման բան չէր կարող խօսել:

29. Երկրի ժողովրդին տառապեցնում էին անիրաւութեամբ, յափշտակում ու կողոպտում. աղքատին ու տնանկին բռնադատում էին. պանդխտի հետ անիրաւութեամբ էին վարում:

30. Նրանց միջից մի մարդ փնտռեցի, որ ուղիղ ընթանար, զայրոյթիս պահին առջեւս յօժարակամ կանգներ, որպէսզի չջնջէի նրանց, բայց չգտայ:

31. Եւ նրանց վրայ թափեցի սրտմտութիւնս իմ զայրոյթի հրով՝ նրանց վրայ բարկութիւնս ի կատար ածելու համար: Ըստ նրանց բռնած ճանապարհի էլ նրանց գլխին բերեցի, - ասում է Տէր Աստուած:

1. Տերը խօսեց ինձ հետ ու ասաց.
2. Մարդո՛ւ որդի, երկու կանայք կային՝ մի մօր դուստրեր.
3. իրենց երիտասարդ հասակում պոռնկացան Եգիպտոսում: Այնտեղ ճմռթուեցին նրանց ստիկները, այնտեղ նրանք զրկուեցին իրենց կուսութիւնից:
4. Աւագ դստեր անունը Ոոդա էր, քրոջ անունը՝ Ոոդիբա: Նրանք իմը եղան եւ տղաներ ու աղջիկներ ծնեցին. սրանց անուններն էին, Շամրիսինը՝ Ոոդա, Երուսաղէմինը՝ Ոոդիբա:
5. Ոոդան, իմը լինելով, պոռնկացաւ, աչքը գցեց իր հոմանիւների՝ ասորեստանցիների վրայ, որոնք նրա մօտ էին.
6. դրանք ծիրանի ու կարմիր հագածներ, իշխաններ ու զօրագլուխներ, երիտասարդներ, ամէն ինչով ընտրեալներ, երիվարներ հեծած սպառազէններ էին:
7. Ոոդան իր պոռնկութիւնը տարածեց նրանց վրայ, Ասորեստանի բոլոր ընտրեալ զաւակների վրայ, բոլոր նրանց վրայ, որոնց յետեւից գնացել էր իր բոլոր մտածումներով, ու պղծութիւն արեց:
8. Եգիպտացիների երկրից բերած իր պոռնկութիւնը չթողեց նա, որովհետեւ նրանց հետ խառնակոււմ էր իր երիտասարդ ժամանակից. նրանք էին սրան զրկել կուսութիւնից, իրենց պոռնկութիւնը թափել նրա վրայ:
9. Դրա համար նրան մատնեցին իր հոմանիւների ձեռքը, ասորեստանցիների ձեռքը, որոնց յետեւից էր գնում նա:
10. Նրանք մէջտեղ հանեցին սրա խայտառակութիւնը, վերցրին նրա տղաներին ու աղջիկներին, իրեն սրով սպանեցին: Եւ կատարուեց կանանց խօսքը. նրանից վրէժ լուծեցին նրա դուստրերի միջոցով:
11. Այս բանը տեսաւ նրա քոյր Ոոդիբան, իր ապականուած ցանկասիրութեան մէջ աւելի առաջ գնաց, քան քոյրը, նաեւ պոռնկութեան մէջ աւելի առաջ, քան քոյրը:
12. Գնաց ասորեստանցի իշխանների ու զօրավարների յետեւից, որոնք նրա մօտ էին. դրանք ազնիւ ծիրանիներ հագածներ, երիվարներ հեծած սպառազէններ, ամէն ինչով ընտրեալ երիտասարդներ էին:
13. Տեսայ, որ պղծութիւն էին անում. երկուսի էլ ճանապարհը նոյնն էր:
14. Սա խրուեց իր պոռնկութեան մէջ: Երբ պատերին քաղդէացի տղամարդկանց պատկերներ էր տեսնում՝ նկարուած քերիչներով,
15. մէջքներին տեսակ-տեսակ գօտիներ, գլուխներին՝ ներկուած խոյրեր (խայտաբղետ գոյներ էին ցոլանում բոլորից էլ, ինչպէս լինում են Բաբելոնի զաւակները քաղդէացիների երկրում, իրենց երկրում), -
16. աչք էր դնում նրանց վրայ՝ իր աչքերի հայեացքով, սուրհանդակներ ուղարկում քաղդէացիների երկիրը, նրանց մօտ:
17. Նրա մօտ եկան Բաբելոնի զաւակները նրա անկողնում հանգչելու, պղծեցին նրան իր պոռնկութեան մէջ: Նա խառնակուեց նրանց հետ. մարմինը յագեցաւ նրանցից:
18. Բացայայտեց իր պոռնկութիւնը եւ պատմեց իր ամօթը: Եւ ես հեռացայ նրանից, ինչպէս հեռացել էի նրա քրոջից:
19. Բայց դու սաստկացրիր պոռնկութիւնդ, որ յիշեցնում էր երիտասարդութեանդ օրերը, երբ պոռնկութիւն էիր անում Եգիպտոսում:
20. Աչքդ գցեցիր էշերի ու ձիերի անդամներ ունեցող քաղդէացիների վրայ:
21. Պատժելու եմ քեզ այն անիրաւութիւնների համար, որոնք գործեցիր երիտասարդութեանդ օրերին քո օթեւանում, Եգիպտացիների երկրում, ուր ճմռթուեցին ստիկներդ, ու խախտուեց կուսութիւնդ:
22. Ուստի, ո՛վ Ոոդիբա, այսպէս է ասում Տէր Աստուածը. Ահա քեզ վրայ ոտքի եմ հանելու հոմանիւներիդ, որոնցից յագեցաւ ու զգուեց մարմինդ,
23. նրանց բերելու եմ, շրջապատել եմ տալու քեզ, բերելու եմ նրանց՝ Բաբելոնի զաւակներին ու բոլոր քաղդէացիներին, Փակուդին, Սուէին ու Կուէին, Ասորեստանի

բոլոր գաւազներին էլ նրանց հետ՝ ընտիր երիտասարդներին, իշխաններին, զօրավարներին, երիվարներ հեծած անուանի սպառազէններին:

24. Բոլորն էլ քեզ վրայ են գալու հիւսիսից, ազգերի մի բազմութիւն՝ կառքերով ու անիւներով, սաղաւարտաւորներ ու վահանաւորներ: Շուրջդ պահակներ են դնելու: Քեզ դատելու եմ նրանց առաջ, եւ նրանք վրեժ են լուծելու քեզից իրենց դատաստանով:

25. Զո դեմ պիտի ուղղեմ նաեւ քո հանդէպ ունեցած իմ վրեժխնդրութիւնը. նրանք քեզ հետ վարուելու են իմ զայրոյթի չափով. կտրելու են քիթդ ու ականջներդ եւ ինչ որ մնայ քեզից, սրով կտորրելու են. վերցնելու են տղաներիդ ու աղջիկներիդ, իսկ մնացածներին հրով են ոչնչացնելու:

26. Վրայիցդ հանելու են հագուստներիդ ու քեզանից վերցնելու են պարծանքիդ զարդերը:

27. Այսպիսով առջեւդ եմ դնելու ամբարշտութիւնդ ու պոռնկութիւնդ, որոնցով զբաղւում էիր Եգիպտացիների երկրում: Եւ աչքդ այլեւս չես բարձրացնելու դէպի նա, այլեւս չես յիշելու Եգիպտոսը:

28. Ուստի այսպէս է ասում Տէր Աստուածը. Ահա քեզ մատնելու եմ ատելիներիդ ձեռքը, որոնցից յագեցաւ ու զգուեց մարմինդ:

29. Քեզ հետ վարուելու են ատելութեամբ, վերցնելու են ամբողջ վաստակդ ու աշխատանքդ: Մերկ ես լինելու եւ խայտառակուած: Մեջտեղ է գալու պոռնկութեանդ ամօթը: Զո ամբարշտութիւնն ու պոռնկութիւնն են գլխիդ բերելու դա,

30. մինչ պոռնկութիւն էիր անում ազգերի հետ, պղծւում նրանց մտածումներում:

31. Զրոջդ ճանապարհով ընթացար, եւ նրա բաժակը քո ձեռքն եմ տալու: Այսպէս է ասում Տէր Աստուած.

32. Զրոջդ բաժակն ես ըմպելու, մի խոր ու լայն բաժակ: Ծաղր ու ծանակ ես դառնալու, կատարելապէս հարբելու ես:

33. Բոլորովին թուլանալու ես: Ըմպելու ես քո պոռնկութեան, Շամիրն քրոջդ բաժակը եւ քամելու ես ցմրուր:

34. Մագերդ ես փետելու եւ ստինքներիդ ծեծելու: Տօներն ու ամսագլուխները վերացնելու եմ քեզանից. այդ ե՛ս խօսեցի, - ասում է Ամենակալ Տէրը: -

35. Ուստի այսպէս է ասում Ամենակալ Տէրը. Այն բանի համար, որ ինձ մոռացար, յետեւդ գցեցիր, դո՛ւ էլ կրիր ամբարշտութեանդ ու պոռնկութեանդ պատիժը:

36. Տէրն ինձ ասաց. Մարդո՛ւ որդի, երբ դատես Ոռդային ու Ոռդիբային, նրանց կը պատմես իրենց անօրէնութիւնները:

37. Նրանք շնացան, եւ արին կայ նրանց ձեռքերին: Նրանք իրենց մտքում էլ էին շնանում: Իրենց ծնած գաւազներին բոցի միջով էին անցկացնում:

38. Այն աստիճան բաներ արեցին իմ դէմ, որ նոյն օրն իսկ սրբութիւններս էին պղծում, շաբաթներս ապականում՝

39. կուռքերին զոհաբերելու համար իրենց որդիներին: Նոյն օրը մտնում էին իմ սրբավայրերը եւ պղծում էին դրանք: Այսպէս էին վարւում իմ Տան մէջ:

40. Հեռուից եկած մարդիկ էլ, որոնց որպէս սուրհանդակներ էին ուղարկել, հէնց որ գալիս էին, բաղնիք էիր մտնում, ծարիրով ու սնգոյրով շպարւում էիր,

41. զարդեղէնով զարդարւում ու նստում էիր զարդարուած գահաւորակի վրայ: Սեղան էիր գցում նրանց առջեւ, իմ խունկն ու իւղը վերցնում էիր եւ զուարճանում նրանց հետ:

42. Նրանք ներդաշնակ ծայնով նուագում էին: Այդ մարդկանց կողքին՝ անապատից եկած ուրիշ բազմաթիւ գինեմոլ մարդիկ էլ կային: Ապարանջաններ էիր դնում նրանց ձեռքերին, պարծանքի պսակներ՝ նրանց գլխին:

43. Ես ասում էի՝ Պոռնկական գործերով թող նրանց հետ չշնանայ, բայց նա պոռնկանում էր.

44. եւ նրա մօտ էին մտնում, ինչպէս պոռնիկ մի կնոջ մօտ: Նոյն ձեւով մտնում էին նաեւ Ոռդայի ու Ոռդիբայի մօտ՝ անօրէնութիւն գործելու:

45. Նրանք, որ արդար մարդիկ էին, վրեժ են լուծելու սրանցից, շնացածների հանդէպ լուծուող վրեժ եւ արեան վրեժ, որովհետեւ սրանք շնացողներ էին, եւ իրենց ձեռքերն

արիւնոտ էին:

46. Այսպէս է ասում Տէր Աստուածը. Չօ՛րք արձակիր, նրանց մէջ խռովութի՛ւն գցիր ու յափշտակութիւն,

47. գօրքերի քարերով քարկոծի՛ր նրանց, խոցոտի՛ր նրանց իրենց սրերով: Նրանց տղաներն ու աղջիկները թող կոտորուեն: Իսկ նրանց տները թող հրդեհեն:

48. Ամբարշտութիւնը վերացնելու եմ երկրից, եւ բոլոր կանայք խրատուելու են ու այլեւս չեն հետեւելու սրանց ամբարշտութեան:

49. Ձեր ամբարշտութիւնը ձեր առջեւն է գալու, ապա պատիժ էք կրելու ըստ ձեր մեղքերի ու մտածումների: Ու պետք է իմանաք, որ ես եմ Տէր Աստուածը:

1. Տերը խօսեց ինձ հետ իններորդ տարում, տասներորդ ամսին, ամսուայ տասներորդ օրը եւ ասաց.
2. Մարդո՛ւ որդի, նշա՛ն արա, գրի՛ր քեզ մօտ այն օրը, երբ բաբելացիների թագաւորը յարձակուեց Երուսաղէմի վրայ.
3. Ճիշտ այդ օրից այս առակը կը պատմես դառնացնողների տանն ու կ'ասես նրանց. Այսպէս է ասում Տէր Աստուած. Մի կաթսայ՝ շինիր, շինի՛ր եւ մէջը ջո՛ւր լցրու:
4. Դի՛ր մէջը մսի բոլոր մասերը, բոլոր յօշուած գեղեցիկ կտորները՝ ազդրն ու գիստը:
5. Ընտիր-ընտիր անասունների կտրտուած ոսկորները կ'առնէք, կաթսայի տակ կ'այրէք: Թող եռայ, շատ եռայ, նրա մէջ թող եփուեն ոսկորները:
6. Ահա այսպէս է ասում Ամենակալ Տէրը. Ո՛վ արիւնահեղ քաղաք, կաթսայ՝ լի ժանգով. ժանգն էլ նրա վրայից դեռ չի անցել: Կտոր-կտոր մսեր դուրս է հանել դրանից. վիճակ էլ չի գցել նրա վրայ,
7. որովհետեւ նրա արիւնը դեռ նրա մէջ է: Սալաքարի վրայ եմ դրել այն, այլ ոչ թէ գետին թափել՝ հողով ծածկելու համար,
8. մինչեւ որ իմ զայրոյթն ելնի՝ վրեժխնդրութիւն պահանջելու: Արիւնն էլ դրել եմ սալաքարի վրայ, որ չծածկուի:
9. Դրա համար այսպէս է ասում Ամենակալ Տէրը. Վա՛յ քեզ, քաղա՛քդ արիւնների.
10. փայտն էլ եմ շատացնելու, այրողն էլ բազմացնելու, հուրն էլ բորբոքելու եմ, որ միսը հալուի, արգանակը թուլանայ, ոսկորները փխրուեն.
11. իր կրակի վրայ թող մնայ: Կրակը թող բորբոքուած լինի, որ վառուի ու տաքանայ, հալուի պղինձը, նրա պղծութիւնն էլ՝ նրա մէջ: Թող պակասի ու թուլանայ նրա ժանգը:
12. Բայց նրա ուժեղ ժանգը միջից թող դուրս չգայ, այլ իբրեւ ամօթանք մնայ արգանակի մէջ
13. այն բանի համար, որ պղծութեամբ էիր անում դու: Եւ դու չես մաքրուելու քո պղծութիւնից: Ինչպէ՞ս կարող ես մաքրուել, քանի դեռ չեմ յագեցրել քո հանդեպ իմ զայրոյթը:
14. Ես՝ Տէրս խօսեցի: Ու գալու է օրը, անելու եմ այդ ու չեմ խորշելու, ոչ էլ ողորմելու եմ կամ զղջալու, այլ ըստ քո բռնած ճանապարհի ու քո վարմունքի էլ պատժելու եմ քեզ, - ասում է Ամենակալ Տէրը: - Ուստի քեզ պատժելու եմ ըստ քո թափած արեան, ըստ քո մտածումների եմ պատժելու քեզ, ո՛վ պիղծո՞ւ ու անուանարկեալո՞ւ, որ սաստկացրել ես ինձ դառնացնելը:
15. Տերը խօսեց ինձ հետ ու ասաց.
16. Մարդո՛ւ որդի, ահա ես պատերազմով վերացնում եմ քո աչքին ցանկալի եղածը, իսկ դու չկոծես ու չողբաս, քեզից թող արցունք դուրս չգայ,
17. որովհետեւ հեծութիւնն արեան ու սուգի մէջ է: Թող վարսերդ չհիւսուեն, ոտքերդ կօշիկների մէջ լինեն, չմխիթարուես նրանց շուրթերի խօսքերով ու չուտես մարդկանց հացը:
18. Առաւօտեան խօսեցի ժողովրդի հետ, ինչպէս որ պատուիրել էր ինձ Տէրը: Իսկ երեկոյեան կիսս մեռաւ: Յաջորդ առաւօտեան այնպէս արեցի, ինչպէս որ Նա պատուիրել էր ինձ:
19. Եւ ժողովուրդն ասաց ինձ. Չես պատմում մեզ, թէ այդ ի՞նչ ես անում:
20. Ու ասացի նրանց. Տերը խօսեց ինձ հետ ու ասաց.
21. Ասա՛ Իսրայէլի տանը. այսպէս է ասում Տէր Աստուած. ահա ես աներելու եմ իմ սրբարանը՝ ձեր զօրութեան պարծանքը, ձեր աչքին ցանկալի եղածը, նաեւ այն, որին խնայում են ձեր հոգիները: Ձեզանից մնացած տղաներն ու աղջիկները սրով են ընկնելու:
22. Դուք էլ անելու էք այնպէս, ինչպէս ես եմ արել. նրանց բերանի խօսքերով չէք մխիթարուելու,
23. մարդկանց հացն էլ չէք ուտելու: Ձեր վարսերը լինելու են ձեր գլուխներին,



կօշիկները՝ ձեր ոտքերին: Չէք կոծելու եւ ողբալու, հալուելու-մաշուելու էք ձեր անհրաւութիւնների մէջ, եւ իւրաքանչիւրն իր եղբօրը չի մխիթարելու:

24. Եզեկիէլը ձեզ համար մի նշան է լինելու. ինչ որ ինքն անի, նրա օրինակով դուք էլ նոյնն էք անելու: Ու երբ դա կատարուի՝ պիտի իմանաք, որ ես եմ Ամենակալ Տէրը:

25. Դո՛ւ ել, մարդո՛ւ որդի. չէ՞ որ այն օրը, երբ դրանցից վերացնեմ իրենց զօրութիւնը, հպարտութիւնն ու պարծանքը, իրենց աչքին ցանկալի եղածը, հոգիների հպարտութիւնը, նրանց տղաներին ու աղջիկներին, -

26. չէ՞ որ այդ օրը փրկուածը քեզ մօտ է գալու՝ քո ականջներին գոյժը հաղորդելու:

27. Այն օրը փրկուածի առջեւ բացուելու է բերանդ, խօսելու ես ու այլեւս համր չես մնալու, նրանց համար նշան ես լինելու. եւ պէտք է իմանան, որ ես եմ Տէրը

28. Մարգարէութիւն ամոնացիների դէմ

1. Տերը խօսեց ինձ հետ ու ասաց.
2. Մարդո՛ւ որդի, դարձրո՛ւ երեսդ ամոնացիների դեմ, մարգարեացի՛ր նրանց մասին ու ասա՛ ամոնացիներին.
3. Լսեցէ՛ք Ամենակալ Տիրոջ պատգամները: Այսպես է ասում Ամենակալ Տերը. այն բանի համար, որ չարախնդացիք պղծուած սրբարանիս, ապականուած Իսրայելի երկրի, գերութեան գնացած Յուդայի տան վրայ, -
4. այդ պատճառով ահա ես ձեզ մատնում եմ Կեդեմի զաւակների ձեռքը որպէս ժառանգութիւն: Իրենց մեղքերով բնակուելու են քո մէջ, իրենց վրանները կանգնեցնելու են քո մէջ. նրանք ուտելու են քո միրգը, խմելու քո պարարտ հիւթը:
5. Ամոնացիների քաղաքը տալու եմ ուղտերին՝ արածելու, իսկ ամոնացիներին՝ արածող հօտերին: Պիտի իմանաք, որ ես եմ Տերը:
6. Այսպես է ասում Տեր Աստուած. Այն բանի համար, որ ձեռքերովդ ծափ զարկիր ու ոտքերովդ դոփեցիր, հոգով ուրախացար Իսրայելի երկրի վրայ, -
7. այդ պատճառով ահա ես ձեռքս զցելու եմ քեզ վրայ ու տալու եմ քեզ տարբեր ազգերի, որ քեզ յափշտակեն, ոչնչացնելու եմ քեզ ժողովուրդների միջից, կորստեան եմ մատնելու քեզ երկրների միջից: Ու պետք է իմանաս, որ ես եմ Տերը:
8. Մովաբի դեմ: Այսպես է ասում Ամենակալ Տերը. Այն բանի համար, որ Մովաբն ու Սէիրն ասացին, թէ ահա ինչպէս որ ազգերն են, այնպէս էլ Իսրայելի եւ Յուդայի տունն է, -
9. այդ պատճառով ահա ես թուլացնելու եմ Մովաբի թիկունքը քաղաքների բարձրաւանդակների կողմից, ընտրագոյն երկիրը՝ Բեթի ու Ասիմոթի տունը, որ քաղաքի աղբիւրից աւելի վերեւ է, ծովեզերքի մօտերքը:
10. Կեդեմի զաւակներին էլ, նրանց վրայ աւելացրած նաեւ ամոնացիներին, տուել եմ նրան որպէս ժառանգութիւն, որպէսզի ամոնացիների յիշատակն ազգերի մէջ չմնայ:
11. Մովաբն էլ եմ պատժելու: Պետք է իմանան, որ ես եմ Տերը:
12. Եդոմի դեմ: Այսպես է ասում Ամենակալ Տերը. Այն բանի համար, որ Եդոմը վրեժ լուծեց Յուդայի տնից, ոխակալ եղաւ ու վրեժ պահանջեց, -
13. այդ պատճառով այսպէս է ասում Ամենակալ Տերը. ձեռքս զցելու եմ Եդոմի վրայ, ոչնչացնելու եմ դրա մէջ մարդ ու անասուն, անապատի եմ վերածելու այն, իսկ Թեմանից սկսած հալածեալները սրից են ընկնելու:
14. Եւ Եդոմը պատժելու եմ Իսրայելի իմ ժողովրդի միջոցով. Եդոմի հետ վարուելու են իմ զայրոյթի ու սրտմտութեան համեմատ: Պիտի ճանաչեն իմ վրեժխնդրութիւնը, - ասում է Ամենակալ Տերը:
15. Փղշտացիների դեմ: Այդ մասին այսպէս է ասում Ամենակալ Տերը. Այն բանի համար, որ այլազգիները ոխակալ եղան, վրեժխնդիր եղան սրտմտութեամբ, դաժանութեամբ սպանեցին նրանց իսպառ, -
16. այդ պատճառով էլ այսպէս է ասում Ամենակալ Տերը. ահա ես ձեռքս զցելու եմ այդ այլազգիների վրայ, ոչնչացնելու եմ այդ կրետացիներին, կորստեան եմ մատնելու այդ ծովեզերաբնակներին
17. ու նրանց պատժելու եմ մեծամեծ կշտամբանքներով ու զայրոյթով: Եւ պետք է իմանան, որ ես եմ Ամենակալ Տերը, երբ նրանց հանդէպ վրեժխնդիր լինեմ:
18. Տիւրոսի դեմ

1. Տասնմեկերորդ տարում, ամսուայ առաջին օրը, Տերը խօսեց ինձ հետ ու ասաց.
2. Մարդո՛ւ որդի, այն բանի համար, որ Տիւրոսը չարախնդաց Երուսաղէմի վրայ ու ասաց. Վա՛շ-վա՛շ, քանի որ կոտորուեց, կորաւ Երուսաղէմը, դէպի ինձ են դառնալու ազգերը, որովհետեւ շէն քաղաքն աւերուեց, -
3. այդ պատճառով այսպէս է ասում Ամենակալ Տերը. Ահա ես քո դէմ եմ, Տիւրո՛ւս, քո դէմ եմ դուրս բերելու բազում ազգերի, ինչպէս որ ծովը դուրս է գալիս իր ալիքներով:
4. Նրանք կործանելու են Տիւրոսի պարիսպները, կործանելու են նրա աշտարակները: Հողն էլ հոսեցնելու եմ նրա վրայից ու այն դարձնելու եմ լերկ ապառաժ:
5. Ծովի մէջտեղում նա լինելու է ուռկաններ գցելու տեղ, որովհետեւ ե՛ս խօսեցի, - ասում է Տէր Աստուած: - Ազգերին նա աւար է դառնալու. նրա արուարձանների բնակիչները ցամաքում սրով են սպանուելու:
6. Եւ նրանք պիտի իմանան, որ ես եմ Տերը:
7. Այսպէս է ասում Ամենակալ Տերը. Ահա ես հիւսիսից քո դէմ եմ բերելու, Տիւրո՛ւս, բաբելացիների թագաւոր Նաբուքոդոնոսորին, որ արքայից արքայ է՝ կառքերով ու երիվարներով, շատ ու շատ ազգերի գունդագունդ հեծեալներով:
8. Նա քո արուարձանների բնակիչներին դաշտում սրով է կոտորելու, շուրջդ պահակ է դնելու եւ փոս փորելու, պատնէշ ու ռազմական ամրոցներ է կանգնեցնելու,
9. իր գեղարդները քո դէմ է պահելու, պարիսպներդ ու աշտարակներդ սրով է կործանելու:
10. Նրա հեծեալների բազմութիւնից դրանց փոշին ծածկելու է քեզ. հեծեալների եւ նրանց անիւների ու կառքերի ձայնից դղրդալու են պարիսպներդ, երբ նա ներս մտնի քո դարպասներից, ինչպէս որ մէկը դաշտից քաղաք կը մտնի:
11. Իրենց երիվարների սմբակներով կոխոտելու են հրապարակներդ, սրով կոտորելու են ժողովրդիդ, գետին են տապալելու զօրաւոր ամրոցներդ:
12. Աւարելու են ամրոցներդ, կողոպտելու՝ ունեցուածքդ, ինչքդ, կործանելու են պարիսպներդ, տապալելու՝ ցանկալի ապարանքներդ, ծովն են թափելու քարերդ, փայտերդ ու հողդ:
13. Նա քայքայելու է քո բազմաթիւ երգիչների խմբերը, եւ երգի ձայներ չեն լսուելու այլեւս քո մէջ:
14. Քեզ լերկ ժայռաստանի եմ վերածելու, եւ լինելու ես ուռկաններ գցելու տեղ: Այլեւս չես վերաշինուելու, որովհետեւ ես խօսեցի, - ասում է Ամենակալ Տերը: -
15. Այսպէս է ասում Տէր Աստուած Տիւրոսին. Չէ՞ որ քո կործանման ձայնից, քո վիրաւորների հեծեծելուց, քո մէջ սրի մերկանալուց դղրդալու են քո կղզիները,
16. եւ այդ ծովագնաց ազգերի բոլոր իշխաններն իջնելու են իրենց գահաւորակներից, հանելու են գլուխներից իրենց խոյրերը, մերկանալու են իրենց գոյնզգոյն հագուստներից, տագնապելով տագնապելու են, գետին են տապալուելու, զարհուրելու են իրենց կործանման ժամանակ,
17. հոգոց են հանելու քեզ վրայ, ողբալու եւ ասելու են. Ինչո՞ւ կորստեան մատնուեցիր, քանդուեցիր ծովի մէջ, ո՛վ հոյակապ քաղաք, որ զօրացել էիր ծովում, դու եւ քո բնակիչները, մինչ զարհուրեցնում էիր բոլոր բնակիչներիդ:
18. Կղզիներն իրենք են սարսափելու քո կործանման օրից. ծովիդ կղզիները խռովուելու են քո բնաջնջման համար:
19. Այսպէս է ասում Տէր Աստուած. Երբ քեզ՝ քաղաքդ աւերակ դարձնեմ, ինչպէս որ լինում են ամայաբնակ քաղաքները, երբ վիհերը բերեմ քեզ վրայ, ու քեզ առատ ջրեր ողողեն, -
20. քեզ էլ եմ իջեցնելու գերեզման իջածների մօտ, յաւիտենապէս ամբոխուածների մօտ: Քեզ բնակեցնելու եմ երկրի ընդերքներում, որպէս յաւիտենական աւերակ, յաւիտենապէս խորխորատ իջածների կողքին, որպէսզի այլեւս բնակելի չդառնաս, երկրի վրայ կենդանի չմնաս:

21. Կորստեան եմ մատնելու քեզ, եւ դու այլեւս գոյութիւն չես ունենալու: Փնտռուելու ես,  
բայց յաւիտեան չես գտնուելու:
22. Ողբ Տիւրոսի վրայ

1. Տերը խօսեց ինձ հետ ու ասաց.
2. Մարդո՛ւ որդի, ողբա՛ Տիւրոսի վրայ, ասա՛ Տիւրոսին.
3. Դու, որ բնակուել ես այդ ծովի մուտքին, վաճառաշահ ազգերի բազմաթիւ կղզիներով, այսպէս է ասում Տէր Աստուածը Տիւրոսին.
4. Դու ասում էիր՝ ' ես եմ ինձ զարդարել իմ գեղեցկութեան զարդով, Բէլէմ ծովի սրտում: Մինչդեռ քո զաւակներն են զարդարել քեզ:
5. Սանիր լեռից բերուած մայրիներն են դարձել քեզ ատաղձ, նոճու տախտակներ են առնուել Լիբանանից՝ քեզ համար եղեւնափայտ կայմեր պատրաստելու,
6. Բասանից բերուած կաղնուց են շինել նաւերիդ դեկերը եւ փղոսկրից՝ քո մեհեանները, քետիմացիների կղզիներից բերուած նիւթերից՝ հովանաւոր ծառերով շրջապատուած ապարանքներդ,
7. Եգիպտոսից բերուած պաստառներով են գործուել բեհեզն ու դիպակը որպէս փառաշուք թիկնոց, ելիմացիների կղզիներից բերուած ծիրանի ու կապուտակ հանդերձն է եղել քո պաճուճանքի զարդը:
8. Քո իշխանները սիդոնացիներն են եղել, քո նաւավարները՝ արադացիները: Քո իմաստունները, Տիւրո՛ս, որ ապրում էին քո մէջ, նրանք են եղել քեզ համար նաւապետներ,
9. ծեր մատենագետներն ու իմաստունները, որ ապրում էին քո մէջ, նրանք են զօրացրել քեզ քո խորհուրդներում: Ծովի բոլոր նաւերն ու դրանց նաւավարները են քեզ առաջնորդել մինչեւ ծայրագոյն արեւմուտք:
10. Լիւդացիք ու լիբիացիք են եղել քո զօրքն ու թիկունքը՝ պատերազմող ընտիր մարդիկ, որոնք իրենց վահաններն ու սաղաւարտները քեզ մօտ են կախել, եւ նրանք է, որ փառաւորել են քեզ:
11. Արադացիների զաւակներն է, որ իրենց զօրքերով շրջապատել են պարիսպների ու պահպանել աշտարակների, իրենց կապարճները շուրջանակի կախել պարիսպներիդ վրայ: Հէնց նրանք է, որ կատարեալ են դարձրել գեղեցկութիւնդ:
12. Կարկեդոնացի վաճառականներն է, որ քո ամբողջ հարստութիւնը՝ արծաթն ու ոսկին, պղինձն ու երկաթը, անագն ու կապարը բերել են քո շուկաները:
13. Յոյներն ու նրանց շուրջը գտնուող ազգերն է, որ եղել են քո ստրկավաճառները, պղնձէ անօթներ են բերել քո շուկաները:
14. Թորգոմայ տնից մարդիկ է, որ ձիերով, հեծեալներով ու ջորիներով լցրել են քո շուկաները:
15. Ռոդոսցիները՝ քո վաճառականները, կղզիներից բերուած փղոսկրեայ ժանիքներով աշխուժացրել են քո առեւտուրը, եւ դու երթեւեկողներին, իբրեւ գին, մարդկանցով ես վճարել:
16. Շուկաներդ ճոխացել են քո հակերով. Ափեկից է եկել անուշ խունկը, Թարսիսից՝ երփներանգ նարօտը: Ռամոթն ու Կարքովն են լցրել քո շուկաները:
17. Հրեաստանն ու Իսրայէլի զաւակները՝ քո վաճառականները, ցորենով ու խնկով, դարչինով ու ընտիր-ընտիր մեղրով, իւղով ու խեժով են լցրել քո շուկաների հակերը:
18. Դամասկոսից են քո բազմահարուստ վաճառականները, քո մեծ հարստութիւնը, Քելքոնից՝ գինին, Միլիտէից՝ բուրդը:
19. Դանը եւ Յաւանը Մեդէնից են գինի բերել քեզ՝ քո շուկաների համար, Ասելից են բերել երկաթապատ անիւներ՝ քո շուկաների համար:
20. Քո դեղանացի վաճառականներն են ընտիր կառքեր բերել քեզ՝ ջորիներով հանդերձ:
21. Արաբներն ու Կեդարի բոլոր իշխանները (նրանք էլ վաճառականներ քո ձեռքի տակ) ուղտեր, խոյեր ու գառներ են վաճառել քո մէջ:
22. Սաբան ու Ռեգման (նրանք էլ քո վաճառականները) անուշահոտ իւղեր, թանկարժէք քարեր ու ոսկի են բերել քո շուկաները:
23. Խառանը, Քանանն ու Դադանը (նոյնպէս քո վաճառականները), Սաբան, Ասուրն ու

Քալմանը (քո վաճառականները)

24. Մաքլիմի ու Գալիմի վրայով քեզ ապրանքներ են բերել՝ կարմիր ու կապուտակ պարեգօտ, երփներանգ նարօտներ, պարաններով հակաւորուած ընտիր գանձեր:

25. Քո ուժեղ նոճէ նաւերով (նաւեր վաճառականութեան), որոնցով կատարոււմ էր քո առեւտուրը, քո հակերի հարստութեամբ լցուեցիր դու, սաստիկ ծանրացար:

26. Ծովի սրտում, յորդ ջրերում են քշել քեզ նաւավարներդ, եւ հարաւային հողմն է խորտակել քեզ ծովի սրտում:

27. Բայց քո հարստութիւնն էլ, քո զօրքերն էլ, քո ու քո խառնիճաղանջ ամբոխների վաստակն էլ, քո նաւավարներն ու նաւապետներն էլ, քո ու քո խառնիճաղանջ ամբոխների խորհրդականներն էլ, քո մէջ եղած բոլոր պատերազմող մարդիկ էլ, քո մէջ բոլոր հաւաքուածներն էլ քո կործանման օրն ընկնելու են ծովի խորքը:

28. Քո աղաղակի ձայնից նաւավարներդ սաստիկ սարսափելու են եւ իջնելու են իրենց նաւերից:

29. Քո բոլոր նաւավարները, թիավար քո առաջապահները ծովափին են կանգնելու

30. եւ աղաղակելու են քեզ, կամ փոխելու են իրենց ձայները եւ գուժելու են դառնօրէն, հող են ածելու իրենց գլխին ու մոխիրների մէջ են թաւալուելու,

31. ածիլելու ճաղատացնելու են գլուխները, քուրճեր են հագնելու եւ դառնացած սրտով լաց են լինելու քեզ վրայ:

32. Նրանց որդիները քեզ վրայ դառնօրէն կոծելու են, ողբ են ասելու ու ողբ են երգելու՝ ասելով. ' Ո՞վ էր, որ Տիւրոսի պէս լռեց-հանգաւ ծովում:

33. Ինչքա՞ն քեզ վաստակ գտար այդ ծովից, լիացրիր ազգերին քո հարստութեամբ, փառաւորեցիր երկրի բոլոր թագաւորներին քո շուկաների հակերով:

34. Իսկ հիմա ջարդուեցիր այդ ծովում, ջրերի խորքերում ընկան խորտակուեցին քո շուկաներն ու քո մէջ բոլոր հաւաքուածները. ընկան քո բոլոր նաւավարները.

35. տխրեցին քեզ համար կղզիների բոլոր բնակիչները, եւ նրանց թագաւորները խիստ զարհուրեցին, երեսներն արցունքով ողողեցին քեզ համար.

36. ազգերի վաճառականները սարսափահար սուլելու են ի տես քեզ: Կորստեան մատնուեցիր ու այլեւս գոյութիւն չես ունենալու յաւիտեան, - ասում է Տէր Աստուած:

37. Տիւրոսի իշխանի դէմ

1. Տերը խօսեց ինձ հետ ու ասաց.
2. Դո՛ւ էլ, մարդո՛ւ որդի, ասա՛ Տիւրոսի իշխանին. Այսպէս է ասում Տէր Աստուած. հակառակ նրան, որ գոռոզացաւ քո սիրտն, ու ասացիր՝ ' Աստուած եմ ես, աստուածային բնակութեամբ ապրեցի ծովի սրտում, սակայն մարդ ես դու, ոչ թէ Աստուած, թէեւ սիրտդ ներկայացնում ես իբրեւ Աստծու սիրտ:
3. Մի՞թէ դու աւելի իմաստուն ես, քան Դանիէլը, կամ մի՞թէ իմաստուններ են քեզ խրատել իրենց հանճարով:
4. Մի՞թէ քո իմաստութեամբ կամ խելքով ես քեզ համար հարստութիւն դիզել եւ իբրեւ գանձ ստացել ոսկի ու արծաթ:
5. Կամ քո իմաստութեան եւ առեւտրիդ շատութեամբ ես մեծացրել հարստութիւնդ, ու սիրտդ քո հարստութեամբ է փառաւորուել:
6. Ուստի այսպէս է ասում Տէր Աստուածը. Քանի որ քո սիրտը որպէս Աստծու սիրտ ես ներկայացրել,
7. դրա համար ահա ես օտար դաժան ազգեր եմ բերելու քո դէմ, եւ նրանք իրենց թուրն են իջեցնելու քեզ վրայ, քո գեղեցիկ իմաստութեան վրայ եւ քո գեղեցկութիւնը կորստեան են մատնելու,
8. կործանելու են քեզ, ու մահացու խոցուածների մահով ես մեռնելու ծովի սրտում:
9. Մի՞թէ արիւնարբուներիդ առաջ ասելու եւ կրկնելու ես՝ Աստուած եմ ես: Բայց մարդ ես դու, ոչ թէ Աստուած:
10. Եւ քո սպանուածների ու անթափառ մեռելների առաջ ես մեռնելու օտարների ձեռքով, որովհետեւ ես խօսեցի, - ասում է Ամենակալ Տերը:
11. Տերը խօսեց ինձ հետ ու ասաց. Մարդո՛ւ որդի, ո՛րք ասա Տիւրոսի իշխանի վրայ եւ ասա՛ նրան.
12. Այսպէս է ասում Տէր Աստուած. դու կատարեալ իմաստութեան նմուշ ես եղել, գեղեցկութեան պսակ,
13. եղել ես Աստծու դրախտի գգուանքներում, քեզ վրայ կապել բոլոր թանկարժէք քարերը՝ սարդիոն ու տպագիոն, գմրուխտ ու կարկեհան, շափիւղայ ու յասպիս, արծաթ ու ոսկի, սուտակ, ակաթ, մեղեսիկ, ոսկեքար, բիւրեղ, եղնգաքար. ոսկով ես լցրել քո մէջ գտնուած գանձարաններն ու շտեմարանները:
14. Այն օրից, երբ ստեղծուել ես ու զգեստաւորուել՝ քերովբէին օծելիս, քեզ Աստծու սուրբ լերանն եմ յանձնել, եւ հրէ քարերի մէջ ես յայտնուել:
15. Անարատ ես եղել քո օրերում, ստեղծուելուցդ ի վեր, մինչեւ որ անիրաւութիւններ են երեւան եկել քո մէջ:
16. Քո առեւտրի շատութիւնից՝ անիրաւութիւններով ես լցրել շտեմարաններդ. մեղանչել ու խփուել ես: Վարսաւոր քերովբէն իջեցրել է քեզ Աստծու լեռից, հրէ քարերի միջից:
17. Քո գեղեցկութեան մէջ՝ սիրտդ գոռոզացել է, իմաստութիւնդ ապականուել՝ քո գեղեցկութեամբ հանդերձ: Քո մեղքերի շատութեան համար գետին եմ գցել քեզ, խայտառակել քեզ թագաւորների առաջ:
18. Քո մեղքերի շատութեամբ ու առեւտրիդ խարդախութեամբ պղծել ես սրբավայրերդ: Կրակ եմ հանելու քո միջից, նա էլ ճարակելու է քեզ. քո երկրում, բոլոր ականատեսների առաջ մոխիր եմ դարձնելու քեզ:
19. Ու բոլոր նրանք, որ քեզ ճանաչեն ազգերի մէջ, տրտմելու են քեզ համար, որովհետեւ կորստեան ես մատնուել ու այլեւս յաւիտեան գոյութիւն չես ունենալու:
20. Սիդոնի դէմ: Տերը խօսեց ինձ հետ ու ասաց.
21. Մարդո՛ւ որդի, երեսդ ուղղի՛ր Սիդոնի կողմը, մարգարեացի՛ր նրա մասին ու ասա՛. Այսպէս է ասում Ամենակալ Տերը. ահա ես քո դէմ եմ, Սիդո՛ն: Փառաւորուելու եմ քո մէջ: Պիտի իմանաս, որ ես եմ Տերը, երբ քո դատաստանն անեմ: Եւ ես սրբանալու եմ քո մէջ:
23. Քեզ վրայ համաճարակ եմ ուղարկելու, քո հրապարակներին՝ արիւն: Ու

սպանուածներ են ընկնելու քո մէջ, սրերով են շրջապատելու քեզ: Եւ պետք է իմանան, որ ես եմ Տէրը:

24. Իսրայէլի տանն այլեւս դառն տատասկներ չեն լինելու, ոչ էլ ցաւոտ փշեր այն բոլոր մարդկանց կողմից, որոնք չորս կողմից անարգեցին նրանց: Եւ պետք է իմանան, որ ես եմ Ամենակալ Տէրը:

25. Այսպէս է ասում Ամենակալ Տէրը. Հաւաքելու եմ Իսրայէլի տունն այն ազգերի միջից, ուր նրանք ցրուել էին: Սրբանալու եմ նրանց մէջ, ազգերի ու ժողովուրդների առաջ: Նրանք բնակուելու են իրենց երկրում, որ տուել եմ իմ ծառայ Յակոբին: Այնտեղ ապրելու են ապահով.

26. տներ են շինելու եւ այգիներ տնկելու, ապրելու են ապահով, երբ դատաստան տեսնեմ այն բոլորի հետ, որոնք չորս կողմից անարգեցին նրանց: Եւ պիտի իմանան, որ ես եմ նրանց Տէր Աստուածը, նրանց հայրերի Աստուածը:

27. Եգիպտոսի ու եգիպտացիների արքայ Փարաւոնի մասին



1. Տասներորդ տարում, տասներորդ ամսին, ամսուայ առաջին օրը, Տերը խօսեց ինձ հետ ու ասաց.
2. Մարդո՛ւ որդի, երեսդ ուղղի՛ր եգիպտացիների արքայ Փարաոնի դեմ, մարգարեացի՛ր նրա վրայ, ամբողջ եգիպտոսի վրայ, խօսի՛ր ու ասա՛.
3. Այսպես է ասում Տեր Աստուած. ահա ես քո դեմ եմ, եգիպտացիների արքայ՝ Փարաոն, ո՛վ վիշապ մեծ, որ նստում ես գետերի միջեւ, որ ասում ես՝ ' Իմն են այս գետերը, ես եմ ստեղծել սրանք:
4. Սանձ եմ դնելու քո ծնօտներին, այդ գետի ձկները կպցնելու եմ թելերիդ, միջիցդ քո այդ գետերը դուրս եմ բերելու, եւ գետիդ բոլոր ձկները կպչելու են թելերիդ:
5. Արագօրէն ոչնչացնելու եմ քեզ, նաեւ գետիդ բոլոր ձկները: Դու կ'ընկնես դաշտի երեսին ու չես հաւաքուի, այլեւս չես ժողովուի, քանի որ քեզ որպէս կերակուր եմ տուել երկրի գազաններին ու երկնքի թռչուններին:
6. Եգիպտոսի բոլոր բնակիչները պիտի իմանան, որ ես եմ Տերը, քանի որ Իսրայէլի այդ տան համար եղեգնեայ գաւազան եղար,
7. ու երբ քեզ վրայ յենում էին, նրանց ձեռքն էիր խրում, իսկ երբ մէկը ձեռքը քեզ էր մեկնում ու յենում էր քեզ վրայ, այն ժամանակ ջարդում էիր ու կոտորում նրանց բոլորի մէջքը:
8. Դրա համար այսպես է ասում Տեր Աստուած. Ահա ես քո վրայ սուր եմ բերելու, քո միջից կորցնելու եմ մարդ ու անասուն,
9. եւ եգիպտացիների այդ երկիրը լինելու է կորստեան մատնուած ու աներակ: Պետք է իմանաս, որ ես եմ Տերը: Այն բանի համար, որ ասում էիր՝ ' Այս գետերն իմն են, ես եմ սրանք ստեղծել,
10. դրա համար էլ ահա ես կանգնած եմ քո եւ քո բոլոր գետերի դեմ, եւ եգիպտացիների այդ երկիրն աներածութեան, սրի ու կորստի եմ մատնելու Մակդոդից ու Սուհէնից մինչեւ եթովպացիների սահմանները:
11. Եգիպտոսի վրայով մարդու ոտք չի անցնելու, ոչ էլ անասունի կծղակ է գնալու նրա վրայով, քառասուն տարի մարդ չի ապրելու այնտեղ:
12. Այդ երկիրը կորստեան եմ մատնելու աներակ երկրների մէջ, նրա քաղաքներն էլ՝ աներուած քաղաքների մէջ: Ու դրանք ապականութեան մէջ են լինելու քառասուն տարի: Եգիպտացիներին ցրելու եմ ազգերի մէջ, նրանց սփռելու եմ երկրներով մէկ:
13. Այսպես է ասում Տեր Աստուած. Քառասուն տարի յետոյ հաւաքելու եմ եգիպտացիներին այն ազգերի միջից, ուր ցրուած էին նրանք,
14. վերադարձնելու եմ եգիպտացիներին գերութիւնից ու բնակեցնելու եմ նրանց Պաթուրէսի երկրում, այն երկրում, որտեղից գերի էին քշուել: Եւ այնտեղ գոյութիւն է ունենալու մէկ իշխանութիւն, որ լինելու է բոլոր իշխանութիւններից անելի խեղճացած:
15. Այն լինելու է ամենանկունն ու չի իշխելու ազգերի վրայ: Նրանց սակաւաթիւ եմ դարձնելու, որպէսզի ազգերի մէջ այլեւս չբազմանան:
16. Իսրայէլի տան ապաւենը չեն լինելու այլեւս՝ յիշելով իրենց անօրէնութիւնը, ու չեն գնալու իրենց սրտի ուզածով: Պետք է իմանան, որ ես եմ Ամենակալ Տերը:
17. Դարձեալ եգիպտոսի մասին: Քսանեօթներորդ տարում, առաջին ամսին, առաջին օրը, Տերը խօսեց ինձ հետ ու ասաց.
18. Մարդո՛ւ որդի, բաբելացիների Նաբուքոդոնոսոր արքան չարչարեց իր զօրքերին եւ ուղարկեց Տիւրոսի վրայ: Բոլոր գլուխները ճաղատացել էին, բոլոր ուսերը՝ քերծուել: Տիւրոսի դեմ ինձ մատուցած ծառայութեան համար ինքն էլ, զօրքերն էլ վարձ չեն ստացել:
19. Ուստի այսպես է ասում Տեր Աստուած. Ահա ես բաբելացիների Նաբուքոդոնոսոր արքային եմ տալու եգիպտացիների երկիրը, եւ նա գերեվարելու է նրա մարդկանց բազմութիւնը, աւարի է մատնելու երկիրը, կողոպտելու նրա ունեցուածքը. եւ դա լինելու է նրա զօրքի վարձը:

20. Տիւրոսում ինձ մատուցած ծառայութեան փոխարէն նրան եմ տալու  
Եգիպտացիների երկիրը, տալու եմ այն ամենի դիմաց, ինչ արել է ինձ համար:
21. Այսպէս է ասում Տէր Աստուած. Այն օրը, երբ ամբողջ Իսրայէլի տան եղջիւրը  
բարձրանայ, քո բերանն եմ դնելու իմ խօսքը: Ու պետք է իմանան, որ ես եմ Տէրը:

1. Տէրը խօսեց ինձ հետ ու ասաց.
2. Մարդո՛ւ որդի, մարգարեացի՛ր ու ասա՛. Այսպէս է ասում Ամենակալ Տէր Աստուած.
3. վա՛յ, վա՛յ ձեր օրին, քանզի մօտ է Տիրոջ օրը՝ միգապատ օրը. հասել է ժողովուրդների վախճանը:
4. Սուր է գալու եգիպտացիների վրայ, ու խռովութիւն է լինելու եթովպիայի կողմերում: Վիրաւորներ են ընկնելու Եգիպտոսում, եւ գերեզարելու են նրա բազմութիւնները, տապալելու՝ նրա հիմքերը:
5. Պարսիկները, կրետացիները, լիւդիացիներն ու լիբեացիները, բոլոր խառնիճաղանջ ամբոխները, նաեւ նրանք, որ այնտեղ իմ ուխտի գաւակներից են, - սրով են կոտորուելու:
6. Այսպէս է ասում Ամենակալ Տէրը. Խորտակուելու են եգիպտացիների պահապանները, իջնելու է նրանց ամբարտաւան զօրութիւնը, Մակդոդից մինչեւ Սուհէն սրով են ընկնելու այնտեղ, - ասում է Ամենակալ Տէրը: -
7. Եւ աւերուելու է երկրիրը կործանուած երկրների մէջ, նրա քաղաքներն էլ՝ աւերուած քաղաքների մէջ:
8. Ու պետք է իմանան, որ եմ եմ Տէրը, երբ կրակ գցեմ Եգիպտացիների երկրի վրայ: Խորտակուելու են նրա բոլոր օգնականները:
9. Այն օրը տագնապով հրեշտակներ են ելնելու իմ կողմից՝ ոչնչացնելու եթովպացիների սին յոյսերը: Խռովութիւն է լինելու նրանց մէջ՝ եգիպտացիների վախճանի օրը, քանի որ ահա այն հասել է:
10. Այսպէս է ասում Տէր Աստուած. Եգիպտացիների զօրքերը կորստեան եմ մատնելու բաբելացիների արքայ Նաբուքոդոնոսորի ձեռքով, ե՛ւ իրեն, ե՛ւ իր ազգն էլ՝ հետը:
11. Հեթանոս ազգերից չարագործներ են ուղարկուելու երկիրը կործանելու համար եւ իջեցնելու են իրենց սրերը Եգիպտոսի վրայ. երկիրը լցուելու է սպանուածներով:
12. Նրանց գետերի տեղը չոր անապատ եմ դարձնելու, երկիրը մատնելու եմ չարագործների ձեռքը, ամբողջ երկիրը այլազգիների ձեռքով մատնելու եմ կորստի, որովհետեւ դա ես՝ Տէրս եմ խօսել:
13. Այսպէս է ասում Տէր Աստուած. Կործանելու եմ գարշելի կուռքերը, վերջ եմ տալու մեմփացիների միջից մեծամեծներին, Եգիպտացիների երկրից էլ՝ իշխաններին. նրանք այլեւս չեն լինի: Սարսափ եմ գցելու Եգիպտացիների երկրի վրայ:
14. Կորստի եմ մատնելու Պաթուրէս երկիրը, կրակ եմ գցելու Տայեանի երկիրը, վրէժխնդիր եմ լինելու դիոսպոլացիներից:
15. Չայրոյթս թափելու եմ Եգիպտացիների Սայիս ամրոցի վրայ ու կորստի եմ մատնելու մեմփացիների զօրագնդերը:
16. Կրակի եմ մատնելու Եգիպտոսը. խռովուելով խռովուելու է Սայիսը: Դիոսպոլացիների քաղաքը ճեղքուածք է տալու, եւ ջրեր են բխելու:
17. Արեգ քաղաքի ու Բուբաստի երիտասարդները սրով են ընկնելու, իսկ նրանց կանայք գերի են քշուելու:
18. Ցերեկը խաւարելու է Տափնասում, երբ այնտեղ փշրեմ ես Եգիպտացիների իշխանական մականը: Եւ այն ժամանակ կորչելու են նրա ամբարտաւան զօրքերը. մեզն է ծածկելու այն: Նրա դուստրերն էլ գերի են քշուելու:
19. Ես իմ դատաստանն եմ անելու Եգիպտոսում, ու պետք է իմանան, որ ես եմ Տէրը:
20. Դարձեալ Եգիպտոսի մասին: Տասնմէկերորդ տարում, առաջին ամսին, ամսուայ եօթներորդ օրը, Տէրը խօսեց ինձ հետ ու ասաց.
21. Մարդո՛ւ որդի, ես խորտակելու եմ Եգիպտացիների Փարաւոն արքայի բազուկները, եւ բուժուելու համար այլեւս չեն փաթաթուելու դրանք, ո՛չ դեղ են դնելու դրանց վրայ եւ ո՛չ էլ զօրանալու են ձեռքը սուր առնելու համար:
22. Ուստի այսպէս է ասում Տէր Աստուած. Ահա ես Եգիպտացիների Փարաւոն արքայի դեմ եմ. խորտակելու եմ նրա հզօր, ջղոտ ու պիրկ բազուկները, գցելու եմ սուրը նրա

ծեռքից:

23. Ցրելու եմ եգիպտացիներին ազգերի մեջ, սփռելու եմ նրանց աշխարհով մեկ:

24. Չօրացնելու եմ բաբելացիների արքայի բազուկները, եւ իմ սուրն էլ տալու եմ նրա ծեռքը: Եւ նա այն քաշելու է եգիպտացիների երկրի վրայ, աւարի է մատնելու այն եւ կողոպտելու:

25. Չօրացնելու եմ բաբելացիների արքայի բազուկները, իսկ Փարաւոնի բազուկները թուլանալու են: Պետք է իմանան, որ ես եմ Տէրը, երբ սուրս տամ բաբելացիների արքայի ծեռքն ու բաց թողնեմ նրան եգիպտացիների երկրի վրայ:

26. Ցրելու եմ եգիպտացիներին ազգերի մեջ, սփռելու եմ նրանց աշխարհով մեկ: Ու պետք է իմանան բոլոր եգիպտացիները, որ ես եմ Տէրը:

1. Տասնմեկերորդ տարում, երրորդ ամսին, ամսուայ առաջին օրը, Տէրը խօսեց ինձ հետ ու ասաց.
2. Մարդո՛ւ որդի, ասա՛ եգիպտացիների արքայ Փարաւոնին ու նրա զօրքին. Քո ամբարտաւանութեան մէջ՝ քեզ ո՞ւմ հետ ես համեմատում:
3. Ահա Ասուրը նման է մի նոճու Լիբանանում՝ գեղեցիկ ճիւղերով ու թաւ ոստերով, բարձրուղէ. ամպերի մէջ էր նրա կատարը:
4. Ջուրը սնել էր նրան, անդունդները՝ բարձրացրել, նրա գետերը բերել էին իր տունների շուրջը. նա իր ստուերախիտ ճիւղերը տարածել էր ամբողջ դաշտով մէկ:
5. Դրա համար էլ նա բարձրացաւ աւելի վեր, քան դաշտի բոլոր ծառերը. տարածուել էին նրա ոստերը, բարձրացել՝ ճիւղերը շնորհիւ առատ ջրերի:
6. Ու երբ նա տարածուել էր, ճիւղերին բնակութիւն էին հաստատել երկնքի բոլոր թռչունները, իսկ նրա ոստերի տակ ծագեր հանել դաշտի բոլոր գազանները. նրա հովանու ներքոյ բնակութիւն էին հաստատել բազմաթիւ ազգեր:
7. Ճիւղերի երկարութեան շնորհիւ նա գեղեցկացել էր իր վեհութեամբ, որովհետեւ նրա արմատներն էլ առատ ջրերի մէջ էին:
8. Աստծու դրախտի եղեւին, կաղնին ու նոճին չէին հաւասարում նրա ճիւղերին, մայրիկներն ու սօսիկները չէին նմանում նրա ոստերին:
9. Աստծու դրախտի ոչ մի ծառ գեղեցկութեամբ չէր նմանում նրան, որովհետեւ նա ստուարախիտ ոստեր ուներ: Աստծու բերկրալից դրախտի բոլոր ծառերը նախանձում էին նրան:
10. Ուստի այսպէս է ասում Տէր Աստուած. Այն բանի համար, որ խիստ շատ բարձրացար, ճիւղերի ծայրերը հասան ամպերին, ես տեսայ ամբարտաւանութիւնդ, -
11. քեզ մատնեցի ժողովուրդների իշխանի ձեռքը, եւ նրանք կորստեան մատնեցին:
12. Դուրս հանեցին նրան, ժողովուրդների միջից ոչնչացրին օտար չարագործները, տապալեցին լեռների վրայ: Նրա ոստերն ընկան բոլոր ձորերը, տապալուեց նրա բունը ամբողջ երկրի դաշտերով մէկ, նրա հովանուց իջան բոլոր ազգերն ու ցեղերը եւ գետնին հաւասարեցրին նրան:
13. Ու երբ այն տապալուեց, հանգիստ առան նրա վրայ երկնքի բոլոր թռչունները, նրա բնի վրայ տեղ գտան բոլոր վայրի գազանները,
14. որպէսզի այլեւս իրենց մեծութեամբ չոխորտան ջրասուն բոլոր ծառերը, ոչ էլ իրենց կատարներն արձակեն մինչեւ ամպերը, չման իրենց գոռոզութեան մէջ, ինչպէս նա, որ ջուր էր խմում: Բոլորն էլ մահուան մատնուեցին երկրի խորքերում, խորխորատ իջած մարդկանց որդիների մօտ:
15. Այսպէս է ասում Տէր Աստուած. Այն օրը, երբ նա գերեզման իջաւ, անդունդները նրա վրայ սգացին: Խափանեցի նրա գետերը, խցանեցի յորդ ջրերը, ու տխրեց նրա վրայ Լիբանանը. դաշտի բոլոր ծառերը նրա պատճառով լքուած մնացին:
16. Նրա կործանման ձայնից ցնցուեցին ազգերը, երբ գերեզման իջածների հետ նրան էլ իջեցրի գուբը: Եւ սանդարամետում միախառնեցին նրան բերկրալից դրախտի բոլոր ծառերը, Լիբանանի ընտիր ու գեղեցիկ ջրարբի ծառերը:
17. Նրանք գերեզման իջան հետը՝ սրից սպանուածներով հանդերձ: Իսկ նրա զաւակները, որ բնակութիւն էին հաստատել նրա հովանու ներքոյ, զրկուելով իրենց կեանքից՝ բնաջնջուեցին:
18. Ո՞ւմ հետ ես համեմատում քեզ քո զօրութեամբ, փառքով ու մեծութեամբ՝ բերկրալից ծառերի մէջ: Իջի՛ր, ցա՛ծ իջիր երկրի խորքը՝ քո դրախտի բերկրալից ծառերի եւ սրով սպանուածների հետ՝ անթափառ ննջեցեալների մէջ: Այսպէս են լինելու նաեւ Փարաւոնն ու նրա ամբողջ զօրքը, - ասում է Տէր Աստուածը:

1. Տասներկուերորդ տարում, տասներկուերորդ ամսին, ամսի առաջին օրը, Տերը խօսեց ինձ հետ ու ասաց.
2. Մարդո՛ւ որդի, ողբա՛ եգիպտացիների արքայ Փարաւոնի վրայ ու ասա՛ նրան. Առիժացար ազգերի մէջ եւ վիշապի նմանուեցիր ծովում: Մարտնչում էիր քո գետերի դէմ, սմբակիդ տակ պղտորում էիր ջրերը, ոտնակոխ էիր անում գետերը:
3. Այսպէս է ասում Տէր Աստուած. Զեզ շրջապատելու եմ իմ թակարդներով ու հաւաքուած բազմաթիւ զօրքերով: Զեզ դուրս եմ հանելու իմ կարթով, գետնահար փռելու եմ քեզ երկրի երեսին,
4. քեզնով լցուելու են դաշտերը: Զեզ վրայ եմ իջեցնելու երկնքի բոլոր թռչուններին, քեզնով յագեցնելու՝ երկրի բոլոր գազաններին:
5. Մարմինդ գցելու եմ լեռների վրայ ու ձորերը լցնելու եմ քո արիւնով:
6. Երկիրը ողողուելու է քո աղտեղութեամբ՝ լեռների վրայ քո զօրքերի բազմութեան պատճառով: Ձորերը լցուելու են քեզանով:
7. Երբ քո լոյսը հանգչի, երկինքը քօղով եմ ծածկելու, խաւարեցնելու եմ նրա աստղերը, արեգակը ծածկելու եմ ամպերով, եւ լուսինն իր լոյսը չի տալու:
8. Զո վերելում խաւարեցնելու եմ բոլոր լուսատուները եւ քեզ վրայ խաւար եմ բերելու, - ասում է Տէր Աստուած: -
9. Բազմաթիւ ժողովուրդների սիրտն եմ գայրացնելու քո դէմ այն ժամանակ, երբ ազգերի հետ քեզ գերութիւնից դուրս բերեմ դէպի այն երկիրը, որ դու չգիտես:
10. Զո պատճառով տրտմելու են բազմաթիւ ազգեր, իսկ նրանց թագաւորները սաստիկ զարհուրելու են, երբ սուրս թռչի նրանց դիմաց, ու քո կործանման օրից նրանք սպասելու են իրենց կործանման:
11. Ահա այսպէս է ասում Տէր Աստուած.
12. Բաբելացիների արքայի սուրը հսկաների սրով հանդերձ գալու է քեզ վրայ, եւ խորտակելու եմ քո զօրութիւնը: Ազգերի բոլոր չարագործները գալու են ջնջելու եգիպտացիների ամբարտաւանութիւնը. խորտակուելու է նրանց ամբողջ զօրութիւնը:
13. Ոչնչացնելու եմ նրա բոլոր կենդանիներին առատ ջրերի մէջ, եւ դրանք չի պղտորելու մարդու ոտքը, ոչ էլ կոխոտելու է անասունի կճղակը:
14. Ապա կանգ են առնելու նրա ջրերը, իսկ գետերը իւղի պէս են հոսելու, - ասում է Ամենակալ Տերը: -
15. Երբ Եգիպտոսը կորստեան մատնեմ, երկիրն էլ է ամբողջովին աներուելու: Երբ այնտեղից ցրեմ բոլոր բնակիչներին, պիտի իմանան, որ ես եմ Տէր Աստուածը:
16. Ողբ է սա, եւ ողբալու են նրան. ազգերի դուստրերն են ողբալու նրան, ողբալու են Եգիպտոսի ու նրա ամբողջ զօրութեան վրայ, - ասում է Տէր Աստուած:
17. Ողբ Փարաւոնի ու Եգիպտոսի վրայ: Տասներկուերորդ տարում, առաջին ամսին, ամսուայ տասնիինգերորդ օրը, Տերը խօսեց ինձ հետ ու ասաց.
18. Մարդո՛ւ որդի, ողբա՛ Եգիպտոսի զօրութեան վրայ: Ազգերը նրա դուստրերին, երկրի խորքում մեռածներին
19. վայելչութեան ջրերից իջեցնելու են խորխորատ իջածների մօտ:
20. Իջի՛ր, ննջի՛ր անթլփատների հետ, սպանուածների մէջ: Սրով ընկնելու են նրա հետ, եւ վերջ է գտնելու նրա ամբողջ զօրութիւնը:
21. Եւ հսկաներն ասելու են քեզ. Ե՛կ, իջի՛ր անդունդների խորքերը. ումի՞ց էիր դու լաւ: Իջի՛ր եւ հանգրուանի՛ր անթլփատների հետ, սրից սպանուածների մէջ:
22. Այնտեղ են Ասուրը եւ նրա ողջ ամբոխը, բոլորն էլ սպանուածներ:
23. Այնտեղ՝ խորխորատի խորքերում է նրանց գերեզման տրուել, ու բոլորը հաւաքուել են նրա շիրիմների շուրջը: Սրից էին ընկել բոլոր սպանուածներն էլ, որոնք անդունդների խորքերը դարձրին իրենց գերեզման: Բոլորը հաւաքուել են նրա շիրիմների շուրջը: Սրից էին ընկել բոլոր սպանուածներն էլ, որոնք իրենց սարսափն էին տարածել ողջերի աշխարհի վրայ:

24. Այնտեղ էր եղամը, նրա ողջ զօրքը նրա գերեզմանի շուրջն էր: Երկրի խորքերն անթլփատ են իջել բոլոր սրով սպանուածներն էլ, որոնք իրենց սարսափն էին տարածել ողջերի աշխարհի վրայ: Նրանք իրենց տանջանքներն ստացել են խորխորատ իջածների հետ, սպանուածների մէջ:
25. Այնտեղ, նրա գերեզմանի շուրջն են գցուել Մոսոքն ու Թոբէլը
26. ու նրանց ամբողջ զօրքը՝ նրա բոլոր սպանուածները (բոլորն էլ անթլփատներ, սրով սպանուած ընկածներ), որոնք իրենց սարսափն էին տարածել ողջերի աշխարհի վրայ:
27. Նրանք ննջել են յաւիտենապէս ընկած հսկաների հետ, որոնք գերեզման էին իջել իրենց պատերազմական գէնքերով. նրանց անիրաւութիւններն էլ դրուել են նրանց ոսկորների վրայ, որովհետեւ զարհուրեցրել էին հսկաներին իրենց կենդանութեան ժամանակ:
28. Դու էլ ես անթլփատների մէջ գլորուել ու ննջելու ես սրով սպանուածների մէջ:
29. Այնտեղ են եղումը, նրա բոլոր թագաւորներն ու իշխանները, որոնք իրենց զօրութեամբ հանդերձ ընկան սրի հարուածներից: Նրանք էլ են ննջել խորխորատ իջած սպանուածների հետ:
30. Այնտեղ են հիւսիսի բոլոր իշխանները (բոլորն էլ՝ Ասորեստանի զօրավարներ), որոնք, սպանուած, գերեզման են իջել իրենց ահաւոր զօրութեամբ հանդերձ: Նրանք եւս ամօթահար եւ անթլփատ ննջել են սրով սպանուածների հետ, կրել իրենց տանջանքները խորխորատ իջածների հետ:
31. Փարաւոնը տեսնելու է նրանց եւ մխիթարուելու է ի տես իր այն ողջ զօրքի, որ սպանուել է սրից. այդպէս էլ կը լինի փարաւոնի եւ ամբողջ զօրքի հետ, - ասում է Տէր Աստուած, -
32. քանզի նա իր սարսափն էր տարածել ողջերի աշխարհի վրայ: Եւ փարաւոնը, նրա ողջ բազմութիւնն էլ իր հետ, ննջելու է սրով սպանուած անթլփատների մէջ, - ասում է Տէր Աստուած:
33. Յակոբի որդիներին

1. Տերը խօսեց ինձ հետ ու ասաց.
2. Մարդո՛ւ որդի, խօսի՛ր քո ժողովրդի զաւակների հետ ու ասա՛ նրանց. Մի երկիր կայ, որի վրայ սուր եմ բերելու: Եւ այդ երկրի ժողովուրդն իր միջից մի մարդ է ընտրելու, նրան պահակ կարգելու:
3. Սա տեսնելու է երկրի վրայ հասած սուրը, փող է փչելու եւ ազդարարելու է ժողովրդին:
4. Ժողովուրդը լաւ է լսելու փողի ձայնը, բայց չի զգուշանալու: Եւ սուրը հասնելու, բռնելու է նրան. թող նրա արիւնն իր գլխին լինի,
5. քանի որ փողի ձայնը լսել էր, բայց չէր զգուշացել: Թող նրա արիւնն իր գլխին լինի: Իսկ նա, ով զգուշացրել էր, փրկելու է ինքն իրեն:
6. Իսկ եթէ պահակը տեսնի վրայ հասած սուրը, բայց փողով նշան չտայ, ժողովուրդն էլ չզգուշանայ, - վրայ հասած սուրը բռնելու է նրանցից մէկին: Սա իր անօրէնութեան պատճառով է բռնուած լինելու. բայց սրա արիւնը պահակից եմ պահանջելու:
7. Դո՛ւ էլ, մարդո՛ւ որդի. քեզ պահակ եմ կարգել Իսրայէլի այդ տան վրայ, եւ դու պիտի լսես իմ բերանի խօսքերը, իմ կողմից պիտի զգուշացնես նրանց:
8. Երբ ես մեղաւորին ասեմ՝ հաստատ կը մեռնես, իսկ դու չխօսես ու չզգուշացնես ամբարշտին իր ճանապարհից, ինքը՝ անօրէնն իր անօրէնութեան մէջ կը մեռնի, բայց նրա արիւնը քեզնից կը պահանջեմ:
9. Իսկ եթէ նախօրօք ասես ամբարշտին իր ճանապարհի մասին, որպէսզի յետ դառնայ դրանից, բայց նա յետ չկանգնի իր ճանապարհից, - ինքն իր ամբարշտութեան մէջ է մեռնելու, իսկ դու քո հոգին փրկելու ես:
10. Դո՛ւ էլ, մարդո՛ւ որդի, ասա՛ Իսրայէլի այդ տանը. Այսպէս խօսեցէ՛ք ու ասացէ՛ք՝ մեր մոլորութիւններն ու անօրէնութիւնները մեր մէջ են, եւ մենք դրանց մէջ մաշուում ենք, ինչպէ՛ս ազատուենք:
11. Ասա՛ նրանց. Ամենակալ Տէրն ասում է՝ կենդանի եմ ես եւ ամբարշտի մահը չեմ ուզում, այլ՝ նրա յետ կանգնելն իր չար ճանապարհից ու ապրելը: Դարձէ՛ք, յե՛տ դարձէ՛ք ձեր չար ճանապարհից, ինչո՞ւ մեռնէք, ո՛վ տունդ Իսրայէլի:
12. Դո՛ւ էլ, մարդո՛ւ որդի, ասա՛ քո ժողովրդի զաւակներին. Արդարի արդարութիւնը նրան չի փրկելու այն օրը, երբ մոլորուի, անօրէնի անօրէնութիւնն էլ նրան չի չարչարելու այն օրը, երբ յետ կանգնի իր բոլոր անօրէնութիւններից: Արդարը չի կարողանալու ազատուել իր մեղքերի օրը:
13. Երբ ես արդարին ասեմ՝ ապրելով ապրելու ես, իսկ նա էլ, յոյսը դնելով իր արդարութեան վրայ, անօրէնութիւն գործի, - նրա բոլոր արդար գործերը չեն յիշուելու, այլ իր կատարած անօրէնութեան համար մեռնելու է:
14. Իսկ երբ ես ամբարշտին ասեմ՝ հաստատ մեռնելու ես, բայց նա յետ կանգնի իր մեղքերից, իրաւ դատաստան եւ արդար գործ կատարի,
15. պարտապանին յետ տայ գրաւը, վերադարձնի յափշտակածը, ընթանայ կեանքի պատուիրաններով, անիրաւութիւններ չգործի, - հաստատ ապրելու է ու չի մեռնելու:
16. Նրա գործած բոլոր մեղքերը չեն յիշուելու, որովհետեւ իրաւ դատաստան ու արդար գործ է կատարել, դրա համար էլ ապրելու է:
17. Քո ժողովրդի զաւակներն ասում են՝ Տիրոջ ճանապարհն ուղիղ չէ: Բայց իրենց ճանապարհն է, որ ուղիղ չէ:
18. Երբ արդարն իր արդար ճանապարհից շեղուի եւ անիրաւութիւններ կատարի, դրանցից էլ մեռնելու է:
19. Իսկ երբ մեղաւորը յետ կանգնի իր անօրէնութիւնից, իրաւ դատաստան ու արդար գործ կատարի, դրանցով էլ ապրելու է:
20. Ա՞յս բանի համար է, որ ասում էք՝ Տիրոջ ճանապարհն ուղիղ չէ: Ամէն մէկիդ ըստ ձեր բռնած ճանապարհի եմ դատելու, ո՛վ տունդ Իսրայէլի:
21. Մեր գերութեան տասներկուերորդ տարում, տասներորդ ամսին, ամսուայ



հինգերորդ օրը, Երուսաղեմից ազատուած մէկն ինձ մօտ եկաւ ու ասաց. Զաղաքը գրաւուած է:

22. Եւ երեկոյեան, մինչեւ նրա գալը, Տիրոջ ձեռքը ինձ վրայ էր. նա բաց արեց բերանս, մինչ դեռ առաւօտ չէր եղել: Երբ բերանս բաց արեցի, այլեւս չէի կարող լուռ մնալ:

23. Տէրը խօսեց ինձ հետ ու ասաց.

24. Մարդո՛ւ որդի, Իսրայէլի երկրի աւերակների բնակիչներն ասում են. Աբրահամը մէկ հոգի էր ու երկիրը գրաւեց, իսկ հիմա մենք շատ ենք, երկիրը մեզ է ժառանգութիւն տրուել, չժառանգե՞նք այն:

25. Ուստի ասա՛ նրանց. Այսպէս է ասում Ամենակալ Տէրը. քանի որ արիւնով էք կերակրուում, աչքների գցում էք կուռքերին, արիւն էք թափում, - դեռ ուզում էք երկի՞րն էլ ժառանգել:

26. Դա ձեզ համար սուր կը լինի, որովհետեւ պղծութիւններ էք կատարել, իւրաքանչիւրն իր ընկերոջ կնոջն է պղծել: Եւ դեռ ուզում էք ժառանգե՞լ երկիրը:

27. Ուստի ասա՛ նրանց. Այսպէս է ասում Տէր Աստուած. Ես՝ Տէրս, կենդանի եմ, ովքեր որ աւերակներում են՝ սրով են ընկնելու, ովքեր որ դաշտերի երեսին են՝ անապատի գազաններին կեր են տրուելու, իսկ ովքեր որ պարիսպների տակ են կամ քարայրերում համաճարակից են կոտորուելու:

28. Երկիրն աւերակ եմ դարձնելու եւ կործանելու, եւ կորչելու է նրա գօրութիւնը, որով նա յոխորտում էր: Աւերուելու են Իսրայէլի լեռները, եւ ոչ ոք չի լինելու, որ գնայ դրանց վրայով:

29. Ու պետք է իմանան, որ ես եմ Տէրը: Նրանց երկիրն աւերակ եմ դարձնելու իրենց կատարած բոլոր գարշելի գործերի համար:

30. Դո՛ւ էլ, մարդո՛ւ որդի. քո ժողովրդի գաւակները շրջում են, քրթմնջում քո հասցէին պարիսպների մօտ, պալատների դռներին եւ մէկը միւսին, եղբայրն իր եղբօրն ասում է. Հաւաքուենք գնանք եւ լսենք Տիրոջ կողմից ասուած պատգամները:

31. Հիմա գալիս են քեզ մօտ, ինչպէս ժողովուրդն է հաւաքւում. եւ իմ ժողովուրդը նստելու է քո առաջ, լսելու է քո խօսքերը, սակայն չի կատարելու դրանք, որովհետեւ նրանց բերաններում ստութիւնն է, եւ նրանց սրտերն իրենց պղծութեանն են հետեւում:

32. Դու նրանց համար կը լինես ինչպէս քաղցրաբարբառ յօրինուած երգի ձայն. կը լսեն խօսքերդ, բայց չեն կատարի:

33. Իսկ երբ օրը գայ, ու ասեն՝ Ահա հասել է, կ'իմանան, որ մարգարէ կար իրենց մէջ:

34. Իսրայէլի հովիւներին

1. Տերը խօսեց ինձ հետ ու ասաց.
2. Մարդո՛ւ որդի, մարգարեացի՛ր Իսրայելի այդ հովիւների վրայ, մարգարեացի՛ր ու ասա՛ այդ հովիւներին. Այսպէս է ասում Տեր Աստուած. ո՛վ հովիւներդ Իսրայելի, մի՞թէ հովիւներն իրենք իրենց են արածացնում. չէ՞ որ հովիւները հօտեր են արածացնում:
3. Ահա կաթը խմում էք, բուրդը հագնում, պարարտներին մորթում: Բայց իմ հօտերը չէք արածացնում.
4. տկարացածին չէք զօրացրել, հիւանդացածին չէք բժշկել, չարչարուածին չէք փայփայել, վիրաւորուածին չէք փաթաթել, մոլորուածին յետ չէք դարձրել, կորածին չէք փնտռել, դիմացկունին տանջել էք:
5. Իմ հօտերը ցրուել են, քանի որ հովիւներ չունէին, եւ անապատի գազաններին կեր են դարձել:
6. Ցրուել են ու մոլորուել իմ հօտերը բոլոր լեռներով մէկ, բոլոր բարձր բլուրներով մէկ. երկրի երեսով մէկ ցրուել են իմ հօտերը: Եւ ոչ ոք չի փնտռել, ոչ էլ մէկը յետ է դարձրել նրանց:
7. Ուստի, հովիւնե՛ր, լսեցէ՛ք Տիրոջ պատգամները.
8. Կենդանի եմ ես, - ասում է Ամենակալ Տեր Աստուած, - այն բանի համար, որ իմ հօտերը աւարի մատնուեցին, իմ հօտերն անապատի գազաններին կեր դարձան, որովհետեւ հովիւներ չկային, հովիւներն իմ հօտերը չփնտռեցին, հովիւներն իրենք իրենց բռնեցին-պարարտացրին եւ իմ հօտերը չարածացրին, -
9. դրա համար էլ լսեցէ՛ք, հովիւնե՛ր, Տիրոջ պատգամները:
10. Այսպէս է ասում Տեր Աստուած. Ահաւասիկ ես այդ հովիւներին դեմ եմ ու հօտերս վերցնելու եմ դրանց ձեռքից, արգելելու եմ դրանց, որ արածացնեն հօտերս, եւ այլեւս դրանք չեն արածացնելու: Փրկելու եմ հօտերս դրանց ձեռքից. այլեւս նրանք կերակուր չեն լինելու դրանց համար:
11. Այսպէս է ասում Տեր Աստուած. Ահա ես ինքս եմ փնտռելու հօտերս, այցելելու եմ դրանց:
12. Ինչպէս որ հովիւն է իր հօտը փնտռում այն օրը, երբ մեզ ու մառախուղ է լինում իր ցրուած հօտերի վրայ, այնպէս էլ ես եմ փնտռելու հօտերս, հաւաքելու եմ դրանք այն բոլոր տեղերից, ուր ցրուած էին մեզ ու մառախուղի օրը:
13. Դրանք դուրս եմ բերելու ժողովուրդների միջից, դրանք հաւաքելու եմ երկրներից, դրանք տանելու եմ իրենց երկիրը,
14. դրանք արածացնելու եմ Իսրայելի լեռների վրայ, ձորերում ու երկրի բոլոր բնակավայրերում: Բերկրալից արօտավայրերում եմ արածացնելու դրանք, Իսրայելի բարձր լեռների վրայ: Այնտեղ էլ լինելու են դրանց մակադելու տեղերը. այնտեղ են դադար առնելու եւ հանգստանալու բարութեան ու գրգանքի մէջ: Փարթամ արօտավայրերում են արածելու դրանք, Իսրայելի լեռների վրայ:
15. Հօտերս ես եմ արածացնելու, ես եմ հանգիստ տալու դրանց, ու պիտի իմանան, որ ես եմ Տերը:
16. Այսպէս է ասում Տեր Աստուած. Կորածին փնտռելու եմ, մոլորուածին՝ յետ դարձնելու, վիրաւորուածին՝ փաթաթելու, հիւծուածին՝ զօրացնելու. գէրին ու հզօրին՝ պահելու: Բոլորին արածացնելու եմ արդարութեամբ:
17. Դուք էլ, ի՛մ հօտեր, - այսպէս է ասում ձեզ Տեր Աստուած, - ահա ես դատելու եմ ձեզ ոչխար առ ոչխար, խոյ առ խոյ:
18. Մի՞թէ ձեզ բաւարար չէին առաջներում ձեր արածած գեղեցիկ արօտավայրերը, որ ձեզանից մնացած կերը ոտքի տակ տրորում էիք. զուլալ ջուրը խմում էիք ու մնացածը ոտքի տակ պղտորում:
19. Իսկ իմ հօտերը ձեր ոտնակոխ արածն էին ճարակում, ձեր կճղակներից պղտորած ջրերը խմում:
20. Ուստի այսպէս է ասում Տեր Աստուած. ահա ես դատ եմ անելու գեր եւ նիհար

ոչխարների միջեւ

21. Նրա համար, որ ձեր կողերով եւ ուսերով հարուստում էիք, ձեր եղջիւրներով պոզահարում ու չարչարում բոլոր թոյլերին, քշում էիք Նրանց, մինչեւ որ հօտերս ցիրուցան եղան:

22. Ես փրկելու եմ հօտերս, ու այլեւս յափշտակութիւն չի լինելու:

23. Դատելու եմ խոյ առ խոյ ու Նրանց վրայ մի հովիւ եմ կարգելու՝ իմ ծառայ Դաւթին, եւ նա հովուելու է Նրանց: Նա է Նրանց համար հովիւ լինելու, իսկ ես՝ Տէրս, լինելու եմ Նրանց Աստուածը,

24. եւ իմ ծառայ Դաւիթն էլ՝ իշխան Նրանց մէջ: Սա ես՝ Տէրս խօսեցի:

25. Դաւթի հետ խաղաղութեան դաշինք եմ կնքելու. չար գազաններին վերացնելու եմ երկրից: Եւ իմ հօտերը ապահով բնակուելու են անապատում եւ ննջելու են անտառներում:

26. Իմ լեռան շուրջը Նրանց օրհնութիւն եմ տալու, ձեզ էլ անձրեւ եմ տալու. եւ անձրեւներն օրհնաբեր են լինելու:

27. Ագարակի ծառերն իրենց պտուղներն են տալու, իսկ հողը տալու է իր զօրութիւնը: Իրենց երկրներում Նրանք խաղաղ ու ապահով են բնակուելու: Եւ պետք է իմանան, որ ես եմ Տէրը, երբ խորտակեմ Նրանց վզի լուծը: Փրկելու եմ Նրանց իրենց ստրկացնողների ձեռքից,

28. ու այլեւս Նրանք աւար չեն դառնալու ժողովուրդների մէջ, այլեւս երկրի գազանները Նրանց չեն ուտելու: Ապրելու են ապահով: Ոչ ոք Նրանց չի սարսափեցնելու:

29. Նրանց համար խաղաղութեան տունկ եմ բարձրացնելու, ու երկրի վրայ Նրանք սովից չեն հիւժուելու այլեւս եւ ոչ էլ նախատինք են կրելու ժողովուրդներից:

30. Եւ պետք է իմանան, որ ես՝ Տէր Աստուածս, իրենց հետ եմ, եւ Նրանք՝ իրենք էլ՝ Խրայելի տունը, իմ ժողովուրդն է, - ասում է Տէր Աստուածը: -

31. Դուք էլ, ի՛մ հօտեր, իմ արօտի՛ ոչխարներ, մարդիկ էք, ես էլ՝ ձեր Տէր Աստուած, - ասում է Տէր Աստուած:

32. Եղովայեցիների մասին

1. Տէրը խօսեց ինձ հետ ու ասաց.
2. Մարդո՛ւ որդի, դարձրո՛ւ երեսդ դէպի այդ Սէիր լեռը, մարգարեացի՛ր դրա վրայ ու ասա՛ դրան.
3. Այսպէս է ասում Տէր Աստուած. ահա ես քեզ դէմ եմ, ո՛վ լեռդ Սէիր: Ձեռքս գցելու եմ քեզ վրայ, անապատի եմ վերածելու քեզ, աւերուելու ես դու,
4. քաղաքներդ էլ աւեր եմ դարձնելու: Դու աւերակ ես լինելու ու պիտի իմանաս, որ ես եմ Տէրը:
5. Այն բանի համար, որ յաւետ թշնամի եղար ու դարանակալը, նստում էիր նենգութեամբ Իսրայէլի տանը թշնամիների սրի միջոցով, երբ նա նեղութեան մէջ էր, եւ երբ անիրաւութիւնը հասել էր իր վախճանին, -
6. ահա դրա համար էլ վկայ եմ ես, - ասում է Տէր Աստուած. քանի որ դու արեամբ մեղանչեցիր, արիւնն էլ հալածելու է քեզ. այն արիւնը, որ դու ատեցիր, հէնց նոյն արիւնն էլ հալածելու է քեզ:
7. Աւերակի ու անապատի եմ վերածելու Սէիր լեռդ, դրա վրայից վերացնելու եմ մարդ ու անասուն:
8. Լեռների լցնելու եմ քո սպանուածներով, նաեւ բլուրների ու ձորերդ, եւ սրից սպանուածները ընկնելու են քո բլուր դաշտերում:
9. Քեզ յաւիտենապես աւերակ եմ դարձնելու, ու քո քաղաքներն այլեւս չեն վերաշինուելու: Պիտի իմանաս, որ ես եմ Տէրը:
10. Այն բանի համար, որ ասել ես, թէ երկու ազգերն ու երկու երկրներն էլ իմն են լինելու, ես ժառանգելու եմ դրանք (թէեւ Տէրն էլ այնտեղ էր), -
11. դրա համար վկայ եմ ես, - ասում է Տէր Աստուած, - եւ քեզ հետ վարուելու եմ ըստ քո թշնամութեան, ըստ քո նախանձի, որով ատել ես նրանց: Եւ դու կը ճանաչես ինձ, երբ դատեմ քեզ:
12. Պիտի իմանաս, որ ես եմ Տէրը: Լսել եմ քո հայիոյանքի ձայնը, որ ասում էիր՝ ' Իսրայէլի աւերակ լեռները մեզ կերակուր են տրուած:
13. Քո բերանով մեծաբանել ես իմ հասցէին, վայրախօսել իմ մասին, եւ ես լսել եմ դրանք:
14. Այսպէս է ասում Տէր Աստուած. երբ արար աշխարհի ուրախութեան մէջ լինի՝ քեզ աւերակ եմ դարձնելու
15. այն բանի համար, որ ոտնահարեցիր ժառանգութիւնն Իսրայէլի տան, որ կործանուեց:
16. Նոյնն էլ քեզ եմ անելու, եւ դու աւերակ ես դառնալու, ո՛վ լեռդ Սէիր, ամբողջ եղումս էլ ոչնչանալու է: Պէտք է իմանաս, որ ես եմ նրանց Տէր Աստուածը:
17. Իսրայէլի լեռների մասին

1. Դո՛ւ էլ, մարդո՛ւ որդի, մարգարեացի՛ր լեռների վրայ եւ ասա՛ Իսրայելի լեռներին.
2. Լսեցէ՛ք Տիրոջ պատգամները: Այսպէս է ասում Տէր Աստուած. ' Այն բանի համար, որ թշնամին ձեր մասին ասել է՝ վա՛շ-վա՛շ, յաւերժական աւերակները մեզ ժառանգութիւն եղան, -
3. դրա համար մարգարեացի՛ր ու ասա՛ այսպէս է ասում Տէր Աստուած. ' Այն բանի համար, որ ձեր շուրջը գտնուող բոլոր ազգերի անարգանքին ենթարկուեցիք, տարագրուեցիք բազում ազգերի կողմից, ծաղրանքի առարկայ ու ազգերի նախատինք եղաք, -
4. դրա համար, ո՛վ Իսրայելի լեռներ, լսեցէ՛ք Ամենակալ Տիրոջ պատգամները: Այսպէս է ասում Ամենակալ Տէր Աստուած լեռներին ու բլուրներին, անդունդներին ու ձորերին, կործանուած աւերակներին ու լքուած քաղաքներին, որոնք աւեր են դարձել ու ոտնակոխ եղել ձեր շուրջը գտնուող ժողովուրդների կողմից, - դրա համար այսպէս է ասում Տէր Աստուած.
5. ' Չեմ կարող իմ գայրոյթի հրով չխօսել այլազգիների մասին, նաեւ բոլոր եղոմայեցիների մասին, որովհետեւ երկիրս տարագրեցին, ոտնահարելով անարգեցին մարդկանց, աւերի ու աւարի մատնեցին նրանց:
6. Ուստի մարգարեացի՛ր Իսրայելի երկրի վրայ ու ասա՛ լեռներին ու բլուրներին, ձորերին ու դաշտերին. այսպէս է ասում Տէր Աստուած. "Ահա ես իմ նախանձով ու բարկութեամբ խօսեցի այն բանի համար, որ դուք հեթանոսներից նախատինք էք կրել":
7. Ուստի այսպէս է ասում Ամենակալ Տէրը. "Ձեռքս բարձրացնելու եմ ձեր շուրջը գտնուող ժողովուրդների վրայ. եւ նրանք իրենք իսկ կը կրեն իրենց անարգանքը":
8. Բայց, ո՛վ լեռներ Իսրայելի, ձեր խաղողն ու բերքը Իսրայելի իմ ժողովուրդն է ուտելու, որովհետեւ վերադառնալու ակնկալութիւն ունի:
9. Ահա ես նայելու եմ ձեզ. դուք մշակուելու եւ սերմանուելու էք:
10. Բազմացնելու եմ ձեր մէջ մարդ ու անասուն, առհասարակ Իսրայելի տունն ամբողջովին: Վերաբնակեցուելու են քաղաքները, վերաշինուելու՝ աւերակները:
11. Բազմացնելու եմ ձեր մէջ մարդ ու անասուն. բազմանալու եւ աճելու են նրանք: Ձեզ էլ բնակեցնելու եմ, ինչպէս սկզբից կայիք. բարիք եմ անելու ձեզ, ինչպէս առաջ, ու պիտի իմանաք, որ ես եմ Տէրը:
12. Այնպէս պիտի անեմ, որ մարդիկ՝ Իսրայելի իմ ժողովրդը, տիրեն ձեզ: Նրանք ժառանգելու են ձեզ. բնակավայր էք լինելու նրանց համար եւ այլեւս անգաւակ չէք մնալու նրանցից:
13. Այսպէս է ասում Տէր Աստուած. այն բանի համար, որ քեզ ասացի, թե՛ դու մարդակեր երկիր ես ու քո ցեղից անգաւակ ես մնացել, -
14. դրա համար այլեւս մարդակեր չես լինելու եւ քո ցեղն այլեւս անգաւակ չես դարձնելու, - ասում է Տէր Աստուած:
15. Եւ ձեր մէջ այլեւս ազգերից անարգուածներ չեն լինելու, ժողովուրդներից այլեւս նախատինք չէք կրելու, ձեր ցեղն էլ այլեւս անգաւակ չի մնալու, - ասում է Տէր Աստուած:
16. Տէրը խօսեց ինձ հետ ու ասաց.
17. Մարդո՛ւ որդի, Իսրայելի այդ տունը, որ բնակուել էր իր երկրում, իր ընթացքով, կուռքերով ու պղծութեամբ պղծել է այն. նրա ընթացքն իմ առաջն է եղել, ինչպէս դաշտանաւոր կնոջ պղծութիւնը:
18. Բարկութիւնս թափեցի դրանց վրայ այն արեան համար, որ թափել էին երկրում, նաեւ՝ որովհետեւ իրենց կուռքերով պղծել էին այն:
19. Նրանց ցրեցի ժողովուրդների մէջ, սփռեցի նրանց երկրից երկիր: Ըստ նրանց բռնած ճանապարհի ու մեղքերի էլ դատեցի նրանց:
20. Նրանք մտան հեթանոսների մէջ. ո՛ւր որ մտան, այնտեղ էլ պղծեցին իմ սուրբ անունը՝ ասելով նրանց, թէ Տիրոջ ժողովուրդն են իրենք, բայց ելան նրա երկրից:
21. Ես խնայեցի նրանց յանուն իմ սուրբ անունի, որ պղծեցին Իսրայելի տան

զաւակները այն ազգերի մէջ, ուր մտան իրենք:

22. Ուստի ասա՛ Իսրայէլի այդ տանը. այսպէս է ասում Տէր Աստուած. Ո՛վ տունդ Իսրայէլի, ձե՛զ համար չէ, որ անում եմ այս բոլորը, այլ՝ յանուն իմ սուրբ անուան, որ պղծեցիք այն ազգերի մէջ, ուր մտաք դուք:

23. Եւ ես մաքրելու եմ իմ մեծ անունը, որ պղծուել է այդ ազգերի մէջ, իմ անունը, որ դուք պղծեցիք դրանց մէջ: Եւ այդ ազգերը պիտի պիտի իմանան, որ ես եմ Տէրը, - ասում է Ամենակալ Տէրը, - երբ սրբագործուեմ ձեր մէջ, դրանց աչքի առաջ:

24. Ես վերցնելու եմ ձեզ հեթանոսների միջից, հաւաքելու եմ ձեզ բոլոր ազգերի միջից ու տանելու եմ ձեզ ձեր երկիրը:

25. Ձեզ վրայ սուրբ ջուր եմ ցանելու, եւ դուք մաքրուելու էք ձեր բոլոր պղծութիւններից. ձեր բոլոր կուռքերից մաքրելու եմ ձեզ:

26. Նոր սիրտ եմ տալու ձեզ, նոր հոգի եմ դնելու ձեր մէջ. ձեր մարմիններից հանելու եմ քարեղէն սիրտն ու մարմնեղէն սիրտ եմ տալու ձեզ. իմ հոգին եմ տալու ձեզ:

27. Եւ այնպէս եմ անելու, որ իմ արդարութեան ճանապարհով ընթանաք, օրէնքներս պահէք ու կատարէք դրանք,

28. բնակուէք այն երկրում, որ տուել էի ձեր հայրերին, ինձ համար ժողովուրդ լինէք, եւ ես ձեզ համար՝ Աստուած:

29. Ազատելու եմ ձեզ ձեր բոլոր պղծութիւններից: Դիմելու եմ ցորենին ու բազմացնելու եմ այն եւ ձեզ սովի չեմ մատնելու:

30. Շատացնելու եմ ծառերի պտուղներն ու հանդերի բերքը, որպէսզի ազգերի մէջ այլեւս սովի նախատինքը չստանաք:

31. Յիշելու եմ ձեր չար ճանապարհներն ու ձեր ոչ բարի ընթացքը, եւ դուք զգուելու էք ձեր բոլոր անօրէնութիւններից ու գարշելի արարքներից:

32. Ձե՛զ համար չէ, որ անում եմ այս բաները, - ասում է Տէր Աստուած, - այլ թող յայտնի լինի ձեզ. ամաչեցէ՛ք ու քաշուեցէ՛ք ձեր բռնած ճանապարհից, ո՛վ տունդ Իսրայէլի:

33. Այսպէս է ասում Տէր Աստուած. Այն օրը, երբ ձեզ մաքրեմ ձեր բոլոր անօրէնութիւններից, թե՛ վերաշինուելու են ակերակները, թե՛ վերաբնակեցնելու եմ քաղաքները,

34. եւ մշակուելու է ակերուած հողը, մինչ այն կործանուած էր անցորդների առաջ:

35. Եւ ասելու են. ' Աւերուած երկիրը բերկրալից պարտեզ է դարձել, ակերակ, կործանուած ու քանդուած քաղաքները, ամրացած, բազմել են:

36. Եւ ձեր շուրջը մնացած ժողովուրդները մէկընդմիջտ պիտի իմանան, որ ես եմ Տէրը, որ վերաշինել եմ ակերուած տեղերը, վերահաստատել կործանուածները: Ես՝ Տէրս ասացի սա, եւ անելու եմ:

37. Այսպէս է ասում Տէր Աստուած. Ես դարձեալ այցի եմ գալու Իսրայէլի տանը՝ իրագործելու համար դրանք. բազմացնելու եմ մարդկանց՝ ոչխարների հօտերի պէս:

38. Եւ ինչպէս սուրբ ոչխարները, ինչպէս երուսաղէմի ոչխարները՝ իրենց տօներին, այնպէս են լինելու ակերուած քաղաքները՝ հօտերով ու մարդկանցով լի: Ու պիտի իմանան, որ ես եմ Տէրը:

39. Յարութեան մասին

1. Տիրոջ ձեռքը հանգչեց ինձ վրայ. բարձրացրեց ինձ Տիրոջ Հոգով, դրեց ինձ մի դաշտի մեջ, որ լի էր մարդկանց ոսկորներով:
2. Պատեցրեց ինձ ոսկորների շուրջը: Դրանք շա՛տ-շատ էին դաշտի երեսին ու սաստիկ չորացած էին:
3. Նա ասաց ինձ. Մարդո՛ւ որդի, արդեօք կը կենդանանա՞ն այդ ոսկորները: Ես ասացի. Տե՛ր Աստուած, այդ դու գիտես:
4. Նա ասաց ինձ. Մարդո՛ւ որդի, մարգարեացի՛ր այդ ոսկորների վրայ եւ ասա՛ դրանց. Չորացա՛ծ ոսկորներ, լսեցե՛ք Տիրոջ պատգամները:
5. Այսպէս է ասում Տեր Աստուած այդ ոսկորներիդ. ' Ահա ես ձեզ վրայ կենդանի շունչ եմ բերելու,
6. ձեզ ջղեր եմ տալու, ձեզ վրայ միս եմ բերելու եւ մաշկ քաշելու, իմ հոգին եմ տալու ձեզ, եւ դուք կենդանանալու էք: Եւ պիտի իմանաք, որ ես եմ Տերը:
7. Ես մարգարեացայ, ինչպէս որ հրամայել էր ինձ Տերը: Ու երբ մարգարեացայ, մի ձայն լսեցի. յետոյ շարժում եղաւ. եւ ոսկորը ոսկորի հետ մօտեցաւ բոլոր յողերին:
8. Տեսայ, որ ջղերն ու մսերը պատում էին ոսկորները, նրանց վրայ մաշկ էր ձգւում, բայց դրանց մէջ դեռ շունչ չկար:
9. Նա ասաց ինձ. Մարգարեացի՛ր, մարդո՛ւ որդի, մարգարեացի՛ր շնչի վրայ եւ ասա՛ շնչին. Այսպէս է ասում Տեր Աստուած. ' Ե՛կ, ո՛վ շունչ, չորս հողմերից, ու փչի՛ր մեռելների վրայ, եւ նրանք կը կենդանանան՝:
10. Ես մարգարեացայ, ինչպէս որ հրամայել էր ինձ Տերը: Ու շունչ մտաւ նրանց մէջ, եւ կենդանացան: Ելան կանգնեցին իրենց ոտքերի վրայ. դա բազմախումբ մի ժողովուրդ էր:
11. Եւ Տերը խօսեց ինձ հետ ու ասաց. Մարդո՛ւ որդի, այդ ոսկորներն Իսրայելի ամբողջ տունն են: Դրանք ասում են. Չորացան մեր ոսկորները, մեր յոյսը կտրուեց, ու մենք մեռանք:
12. Ուստի մարգարեացի՛ր ու ասա՛ դրանց. Այսպէս է ասում Տեր Աստուած. ' Ահա ես բաց եմ անելու ձեր գերեզմանները եւ հանելու եմ ձեզ ձեր գերեզմաններից, ո՛վ իմ ժողովուրդ: Տանելու եմ ձեզ Իսրայելի երկիրը:
13. Ու պիտի իմանաք, որ ես եմ Տերը, երբ բաց անեմ ձեր գերեզմաններն ու հանեմ ձեզ ձեր գերեզմաններից, ո՛վ իմ ժողովուրդ:
14. Իմ հոգին տալու եմ ձեզ, եւ դուք կենդանանալու էք: Ձեզ դնելու եմ ձեր երկրում, եւ դուք պիտի իմանաք, որ ես եմ Տերը: Ասացի ու կատարելու եմ', - ասում է Տեր Աստուած:
15. Տերը խօսեց ինձ հետ ու ասաց.
16. Դո՛ւ էլ, մարդո՛ւ որդի, քեզ համար մի գաւազան՝ վերցրու եւ դրա վրայ գրի՛ր՝ Յուդային, Իսրայելի գաւազներին ու նրանց մերձաւորներին: Մի երկրորդ գաւազան էլ կը վերցնես ու վրան կը գրես՝ Յովսեփին, մի գաւազանի վրայ էլ՝ Եփրեմին եւ Իսրայելի բոլոր գաւազներին, որ աւելացել են նրանց վրայ:
17. Եւ կը կցես դրանք, իրար հետ կապելով, այնպէս որ լինեն մէկ գաւազան, որը քո ձեռքին կը լինի:
18. Եւ եթէ այնպէս լինի, որ քո ժողովրդի գաւազները քեզ ասեն. Չե՞ս ասի մեզ, թէ այդ ի՞նչ է քո ձեռքին, -
19. կ'ասես նրանց, թէ այսպէս է ասում Տեր Աստուած. Ահա ես վերցնելու եմ Յովսեփի այդ ազգին, որ Եփրեմի ձեռքին է, նաեւ Իսրայելի ազգին ու նրա մերձաւորներին եւ նրանց տալու եմ Յուդայի ազգին: Եւ նրանք լինելու են, ու դա լինելու է մէկ գաւազան Յուդայի ձեռքին:
20. Իսկ այն գաւազանները, որոնց վրայ դու գրեցիր, լինելու են քո ձեռքին, նրանց աչքի առաջ:
21. Կ'ասես նրանց, թէ այսպէս է ասում Տեր Աստուած. Ահա ես վերցնում եմ Իսրայելի այդ տան գաւազներին ժողովուրդների միջից, որոնց մէջ մտել էին, հաւաքելու եմ նրանց

իրենց շուրջը գտնուող բոլոր ազգերի միջից ու տանելու եմ Իսրայելի երկիրը:

22. Նրանց դարձնելու եմ մեկ ազգ՝ իմ երկրում, Իսրայելի լեռների վրայ. որպես թագաւոր՝ մեկ իշխան է լինելու նրանց վրայ: Այլեւս երկու ազգերի բաժանուած չեն լինելու, ոչ էլ երկու թագաւորութիւնների են բաժանուելու,

23. որպէսզի այլեւս չպղծուեն իրենց կուռքերով, իրենց գարշելի արարքներով, իրենց ամէն տեսակ ամբարշտութիւններով: Նրանց փրկելու եմ իրենց բոլոր անօրէնութիւններից, որոնց մէջ մեղանչեցին, մաքրելու եմ նրանց, եւ նրանք ինձ համար ժողովուրդ են լինելու, եւ ես իրենց համար՝ Աստուած:

24. Եւ իմ ծառայ Դաւիթն իշխելու է նրանց վրայ, լինելու է մեկ հովիւ նրանց բոլորի համար, որպէսզի նրանք իմ պատուիրաններով ընթանան, օրէնքներս պահեն ու դրանք գործադրեն:

25. Ապրելու են իրենց երկրում, որ ես եմ տուել իմ ծառայ Յակոբին, եւ ուր բնակուել են նրանց հայրերը: Նրանք էլ են բնակուելու այնտեղ, նրանց որդիներն ու որդոց որդիներն էլ՝ յաւիտեան: Իմ ծառայ Դաւիթն էլ իշխելու է նրանց վրայ՝ յաւիտեան:

26. Խաղաղութեան դաշինք եմ կնքելու նրանց հետ, եւ այդ ուխտը յաւիտենական է լինելու նրանց հետ: Հաստատելու եմ նրանց ու բազմացնելու, սրբարանս էլ դնելու եմ նրանց մէջ՝ յաւիտենապէս:

27. Բնակութեանս տեղն էլ է իրենց մէջ լինելու. ես նրանց համար Աստուած եմ լինելու, եւ նրանք ինձ համար՝ ժողովուրդ:

28. Ազգերն էլ պիտի իմանան, որ ես՝ Տէրս, կը մաքրեմ նրանց, երբ սրբարանս յաւիտենապէս լինի նրանց մէջ:

29. Գոգի ու Մագոգի մասին



1. Տերը խօսեց ինձ հետ ու ասաց.
2. Մարդո՛ւ որդի, երեսդ ուղղի՛ր Գոգի եւ Ռոսմեսոքի ու Թոբէլի իշխան Մագոգի երկրի դէմ եւ մարգարեացի՛ր նրա մասին, ասա՛ նրան.
3. Այսպէս է ասում Տեր Աստուած. ահա ես քո դէմ եմ, ո՛վ իշխանդ Ռոսմեսոքի ու Թոբէլի,
4. ես պաշարելու եմ քեզ, սանձ եմ գցելու քո ծնօտներին, հաւաքելու եմ քեզ ու քո բոլոր զօրքերը, հեծեալներին ու երիվարները, բազում ազգերի զինավառուածներին ու սպառազինուածներին, վահանաւորներին, սաղաւարտաւորներին ու սուսերաւորներին, բոլորին միասին՝
5. պարսիկներին ու եթովպացիներին, լիբիացիներին ու լիւդացիներին, բոլորին, որ սաղաւարտակիր են ու վահանաւոր,
6. Գոմերին ու բոլոր նրանց, որ նրա շուրջն են, Թորգոմայ տունը՝ հիւսիսի կողմերից, ու բոլոր նրանց, որ նրա շուրջն են, բազմաթիւ ազգերի էլ՝ քեզ հետ:
7. Պատրաստուի՛ր, պատրա՛ստ եղէք դու եւ քեզ մօտ հաւաքուած ամբողջ բազմութիւնը: Դու ինձ համար առաջապահ ես լինելու:
8. Պատրաստուի՛ր, որ բազում օրեր յետոյ, երբ գայ ժամանակների վախճանը, հասնեք սրից ապահով երկիրը՝ շատ ազգերի միջից հաւաքուելով Իսրայէլի երկրում, որ ամբողջովին աւերակ է դարձել: Նոյն ազգերի միջից հաւաքուելով՝ բոլորն էլ խաղաղութեամբ են ապրելու:
9. Ելնելու ես անձրեւի պէս, հասնելու ես ամպի պէս ու ծածկելու ես երկիրը: Դու եւ քո շուրջը գտնուող, քեզ հետ եղող բոլոր ազգերն էլ բազմամարդ էք լինելու:
10. Այսպէս է ասում Տեր Աստուած. Այն օրը խոհեր են միտքդ գալու,
11. չար խորհուրդներ ես մտածելու եւ ասելու ես. ' Վեր կենամ ապահով երկրի վրայ, հասնեմ անհոգութեամբ հանգստացածների, խաղաղ ապրողների, բոլոր նրանց վրայ, ովքեր բնակւում են այն երկրում, որ ո՛չ պարիսպներ ունի, ո՛չ նիգեր, ո՛չ էլ դռներ.
12. աւար առնեմ, կողոպտեմ նրանց ունեցուածքը, ձեռքս գցեմ աւերուած ու վերաբնակեցուած երկրի, բազում ժողովուրդների միջից հաւաքուած ազգի, ունեցուածք ու դաստակերտ ձեռք բերածների, երկրի սրտում ապրողների վրայ:
13. Սաբան ու Դեդան, կարկեդոնացիների վաճառականները, բոլոր աւաններն ասելու են քեզ. Արշաւում-գալիս ես աւար առնելու համար, ամբոխներ ես հաւաքել՝ արծաթն ու ոսկին վերցնելու, ունեցուածքները գերեվարելու, մեծ կողոպուտ կատարելու համար:
14. Ուստի մարգարեացի՛ր, մարդո՛ւ որդի, եւ ասա՛ Գոգին. Այսպէս է ասում Տեր Աստուած. ' Մի՞թէ այն օրը, երբ Իսրայէլի իմ ժողովուրդը խաղաղութեամբ ապրելիս լինի,
15. դու զարթնելու ու գալու ես քո տեղից՝ հիւսիսի կողմերից, դու եւ քեզ հետ՝ երիվարներ հեծած բազմաթիւ ժողովուրդներ, բոլորն էլ բազում եւ բազում զօրագնդեր կազմած:
16. Դու վեր ես կենալու Իսրայէլի իմ ժողովրդի դէմ՝ ամպի նման ծածկելու երկիրը: Եւ դա լինելու է վերջին ժամանակներում. ես քեզ բերելու եմ իմ երկիրը, որ բոլոր ազգերն ինձ ճանաչեն, երբ սրբանամ քո մէջ, նրանց առաջ՝
17. Այսպէս է ասում Տեր Աստուած Գոգին. Դու նա ես, ում մասին խօսել եմ հին օրերից, իմ ծառաներից՝ Իսրայէլի իմ մարգարէներից մէկի միջոցով, այն օրերին ու տարիներին, երբ քեզ նրանց դէմ էի բերելու:
18. Եւ այն օրը, երբ Գոգը գայ Իսրայէլի երկրի դէմ, - ասում է Տեր Աստուած, - սաստկանալու է զայրոյթս,
19. նաեւ նախանձս՝ իմ բարկութեան հրով: Ասել եմ, որ այն օրն Իսրայէլի երկրի վրայ մեծ երկրաշարժ է լինելու.
20. ծովի ձկները, երկնքի թռչունները, դաշտերի գազանները, երկրի բոլոր սողունները, նաեւ երկրի երեսին գտնուող բոլոր մարդիկ դողալու են իմ դիմաց: Ճեղքուելու են լեռները, տապալուելու են ձորերը, կործանուելու են երկրի բոլոր պարիսպները:

21. Սրի ահն եմ նրա վրայ բերելու, - ասում է Տէր Աստուած. - ամէն մարդու սուրն իր եղբոր դէմ է լինելու:

22. Նրա դատաստանն արիւնով ու համաճարակով եմ տեսնելու, անձրեւների հեղեղներով ու քարէ կարկուտներով. հուր ու ծծումբ եմ տեղալու նրա ու բոլոր նրանց վրայ, որ նրա հետ կը լինեն, բազմաթիւ ժողովուրդների վրայ, որ կը լինեն նրա հետ:

23. Այսպէս եմ ես ցոյց տալու իմ մեծութիւնը, սրբանալու եմ, փառաւորուելու ու ճանաչուելու ազգերի առաջ: Ու պիտի իմանան, որ ես եմ Տէրը:

1. Դո՛ւ էլ, մարդո՛ւ որդի, մարգարեացի՛ր Գոգի մասին ու ասա՛. Այսպես է ասում Տէր Աստուած. ահա ես քեզ դեմ եմ, Գո՛գ, իշխանդ Ռոսմեսոքի ու Թոբէլի:
2. Հաւաքելու եմ քեզ եւ առաջնորդելու եմ, հանելու եմ քեզ հիւսիսի կողմերից ու բերելու եմ քեզ Իսրայէլի լեռները:
3. Դէն եմ գցելու աղեղդ քո ձախ ձեռքից, նետերդ էլ՝ քո աջ ձեռքից:
4. Կործանելու եմ քեզ Իսրայէլի լեռների վրայ, եւ դու ու քո շուրջը բոլոր գտնուողներն էլ ընկնելու էք: Քեզ հետ եղած բոլոր ժողովուրդներն էլ կեր են դառնալու բոլոր գիշատիչ թռչուններին, կեր են դառնալու անապատի բոլոր գազաններին,
5. եւ դու ընկնելու ես դաշտերի երեսին, որովհետեւ ես եմ խօսել, - ասում է Տէր Աստուած: -
6. Հուր եմ ուղարկելու Մագոգի վրայ, եւ կղզիներն ապրելու են խաղաղութեամբ: Պիտի իմանան, որ ես եմ Տէր Աստուածը:
7. Անունս էլ սուրբ է ճանաչուելու Իսրայէլի իմ ժողովրդի մէջ ու այլեւս չի պղծուելու իմ սուրբ անունը: Երկրի բոլոր ազգերը պետք է իմանան, որ ես եմ Իսրայէլի սուրբ Տէրը:
8. Ահա հասել է օրը, ու պիտի իմանաս, որ դա լինելու է, - ասում է Տէր Աստուած. - այս է այն օրը, որի մասին խօսել էի:
9. Եւ պիտի ելնեն Իսրայէլի քաղաքների բնակիչները, պիտի այրեն իրենց զենքերը, նիզակներն ու ասպարները, նետերն ու աղեղների բեկորները, տեգերի բներն ու սուիների կոթերը.
10. եօթը տարի վառելու են իրենց կրակը. փայտ չեն վերցնելու դաշտերից, փայտ չեն կտրելու անտառներից, այլ զենքերն են այրելու կրակի մէջ: Աւարելու են իրենց անարառուններին, կողոպտելու՝ իրենց կողոպտիչներին, - ասում է Տէր Աստուած:
11. Այն օրը Գոգին ես Իսրայէլում տալու եմ գերեզմանի յայտնի տեղ, ծովի կողմերից եկածների շիրիմը. ձորափերի շուրջը գերեզման են շինելու ու այնտեղ թաղելու են Գոգին ու նրա բոլոր բազմութիւններին: Եւ շիրիմը կոչուելու է՝ Գոգի հօտի գերեզման:
12. Իսրայէլի տան գաւակներն են թաղելու նրանց, որպէսզի մաքրուի երկիրը:
13. Եօթը ամիս շարունակ թաղելու են նրանց երկրի բոլոր ժողովուրդները: Եւ նրանց համար նշանաւոր է լինելու այն օրը, երբ ես փառաւորուելու եմ, - ասում է Տէր Աստուած: -
14. Եւ նոյն գործով զբաղուող մարդիկ հաւաքուելու են, որ գնան շրջեն երկրով մէկ, թաղեն երկրի երեսին մնացածներին եւ եօթը ամիս յետոյ երկիրը մաքրեն:
15. Ամէն ոք, ով անցնի երկրով, երբ մարդու ոսկոր տեսնի, նրա մօտ մի նշան է անելու, մինչեւ որ նրանք, ովքեր թաղում են, թաղեն այն՝ Գոգի հօտի գերեզմանի մէջ:
16. Քաղաքի անունն էլ Գերեզման է կոչուելու. ու երկիրը մաքրուելու է:
17. Դո՛ւ էլ, մարդո՛ւ որդի, այսպես է ասում Տէր Աստուած. Ասա՛ բոլոր գիշատիչ թռչուններին, դաշտի բոլոր գազաններին.՝ Հաւաքուեցէ՛ք ու եկէ՛ք, հաւաքուեցէ՛ք երկրի բոլոր՝ կողմերից իմ ողջակէզի համար, որ ես եմ զոհել, մեծ ողջակէզի, որ կատարում եմ Իսրայէլի լեռների վրայ, մի՛ս կերէք ու արի՛ւն խմեցէք:
18. Կերէ՛ք միսը հսկաների, խմեցէ՛ք արիւնը երկրի իշխանների, կերէ՛ք խոյերը, եզներն ու նոխազները, որովհետեւ բոլոր եզներն էլ պարարտ են:
19. Իմ զոհած ողջակէզների ճարպը կերէ՛ք յագենալու եւ արիւնը խմեցէ՛ք հարբելո՛ւ աստիճան:
20. Դուք կը յագենաք իմ սեղանից, հեծեալներից, երիվարներից, հսկաներից ու պատերազմող բոլոր այրերից, - ասում է Տէր Աստուած:
21. Ես փառքս տալու եմ ձեզ, ու բոլոր ժողովուրդները տեսնելու են իմ արած դատաստանը, ձեռքս, որ դնելու եմ իրենց վրայ:
22. Եւ Իսրայէլի տան գաւակները պիտի իմանան, որ ես եմ իրենց Տէր Աստուածը՝ սկսած այն օրից եւ յետագայում:
23. Բոլոր ժողովուրդներն էլ պետք է իմանան, որ իրենց մեղքերի պատճառով

գերեվարուեցին Իսրայելի տան զաւակները: Այն բանի համար, որ անարգեցին ինձ, ես երես դարձրի նրանցից, նրանց մատնեցի իրենց թշնամիների ձեռքը, ու բոլորն էլ սրից ընկան:

24. Նրանց պղծութիւնների ու անօրէնութիւնների համար արեցի այդ բոլորը եւ երես դարձրի նրանցից:

25. Դրա համար էլ այսպէս է ասում Տէր Աստուած. Այժմ յետ եմ դարձնելու Յակոբի գերեվարուածներին, ողորմելու եմ Իսրայելի տանը, նախանձախնդիր եմ լինելու իմ սուրբ անուան համար:

26. Եւ երբ նրանք անարգանք, անիրաւութիւն ստանան իրենց կատարած անիրաւութիւնների դիմաց, նրանց խաղաղութեամբ վերաբնակեցնելու եմ իրենց երկրում. ոչ ոք չի զարհուրեցնելու նրանց:

27. Երբ նրանց վերադարձնեմ ազգերի միջից, հաւաքեմ հեթանոսների երկրներից, սուրբ եմ լինելու նրանց մէջ, ազգերի առաջ:

28. Եւ պիտի իմանան, որ ես եմ իրենց Տէր Աստուածը, երբ նրանց յայտնուեմ ժողովուրդների մէջ: Նրանց հաւաքելու եմ իրենց երկիրն ու այլեւս ոչ մի տեղ նրանցից մարդ չեմ թողնելու:

29. Ոչ էլ այլեւս երես եմ դարձնելու նրանցից, որ զայրոյթս թափեմ Իսրայելի տան վրայ, - ասում է Տէր Աստուած:

30. Տաճարի շինուածքի մասին

1. Մեր գերութեան քսանհինգերորդ տարում, առաջին ամսին, ամսուայ տասնմէկերորդ օրը, քաղաքի գրաւման տասնչորսերորդ տարում, Տիրոջ ձեռքը հանգչեց ինձ վրայ:
2. Աստուածային տեսիլքի մէջ նա ինձ բերեց Իսրայէլի երկիրն ու դրեց մի չափազանց բարձր լեռան վրայ, իսկ դրա վրայ, դէմ-յանդիման կար քաղաքի պէս մի շինուածք: Ինձ ներս տարաւ:
3. Ահա մի մարդ կար այնտեղ, որի տեսքը փայլուն պղնձի նման էր: Ձեռքին շինարարի լար ու չափածող ունէր: Ինքն էլ կանգնած էր դռան վրայ:
4. Մարդն ասաց ինձ. Տեսար դու, մարդո՛ւ որդի: Արդ, աչքերովդ նայի՛ր, ականջներովդ լսի՛ր եւ մտքումդ հաստա՛տ պահիր այն ամէնը, ինչ քեզ ցոյց եմ տալու, որովհետեւ քեզ ցոյց տալու համար եմ այստեղ եկել: Եւ ինչ որ ինքդ տեսնես՝ ցոյց եմ տալու Իսրայէլի տանը:
5. Ահա տաճարի շուրջը տեսայ փողոցներ: Մարդու ձեռքին կար մի չափածող վեց կանգուն ու մէկ թիզ երկարութեամբ: Պարսպի լայնութիւնը նա չափեց մէկ ձողի հաւասար, բարձրութիւնն էլ՝ մէկ ձողի հաւասար:
6. Մտաւ այն դռնից, որ արեւելք էր նայում եւ ուներ եօթը աստիճաններ: Չափեց դռան չորս կողմում եղած վեցական կամարների խուցերը. մէկ խուցի երկարութիւնը մէկ ձողի հաւասար էր, լայնութիւնն էլ՝ մէկ ձողի հաւասար. խուցերի միջի կամարները վեց կանգուն էին:
7. Երկրորդ խուցը լայնքով հաւասար էր մէկ ձողի, երկայնքով էլ՝ մէկ ձողի հաւասար. կամարը հինգ կանգուն էր:
8. Երրորդ խուցն էլ երկայնքով հաւասար էր մէկ ձողի, լայնքով էլ՝ հաւասար մէկ ձողի. դռան կամարը, գագաթի մօտ, ութ կանգուն էր:
9. Կամարներն էլ երկու կանգուն էին, եւ դրանք ներքին դռան կամարներն էին:
10. Դռան խուցերն իրար դիմաց էին, երեքն այս կողմից, երեքը՝ միւս: Երեքն էլ մի չափի էին, կամարներն էլ՝ մի չափի՝ այս եւ միւս կողմերից:
11. Դռան մուտքի լայնութիւնը չափեց տասը կանգուն, երկարութիւնը՝ տասներեք կանգուն:
12. Դէմ-դիմաց գտնուող խուցերի թռիչքը մի կանգուն էր. մի կանգուն՝ այս կողմից, մի կանգուն՝ միւս կողմից: Երկու կողմերի խուցերը վեցական կանգուն էին:
13. Դուռը չափեց խուցի մի պատից միւսը. լայնքով քսանհինգ կանգուն էր. դուռը դռան վրայ էր:
14. Դռան կամարի թռիչքը, դռան շուրջը գտնուող խուցերի հետ, վաթսուն կանգուն էր:
15. Արտաքին գաւթից մինչեւ ներքին դուռը կամարի թռիչքը յիսուն կանգուն էր:
16. Նեղ լուսամուտներ կային ինչպէս խուցերի վրայ, այնպէս էլ գաւթի ներքին դռան կամարներին՝ չորս կողմը: Նաեւ լուսամուտներ միւս կամարներին՝ ներսից ու դրսից: Կամարների վերելում, այս ու այն կողմերից, արմաւենիներ կային:
17. Նա ինձ ներքին գաւթը տարաւ: Ահա տեսայ դահլիճներ՝ սիւներով շրջանակուած, որոնք շինուած էին սրահների շուրջը: Շրջանակաձեւ սիւների միջեւ երեսուն դահլիճներ կային:
18. Սիւներն իրար դիմաց էին, դռների երկայնքով,
19. Նաեւ շրջանակաձեւ սիւներ կային ներսում: Նա չափեց գաւթի լայնքը արտաքին դռնից մինչեւ ներքին դուռը, որ արեւելք էր նայում. հարիւր կանգուն էր:
20. Նա ինձ հիւսիսային կողմը տարաւ: Ահա մի դուռ տեսայ, որ նայում էր արտաքին գաւթի հիւսիսին: Չափեց նրա երկարութիւնն ու լայնութիւնը,
21. Նրա այս ու այն կողմը գտնուող խուցերը, կամարը, սիւնազարդ սրահներն ու արմաւենիները. եւ այն արեւելք նայող դռան չափն ունէր. յիսուն կանգուն երկարութիւնն էր, քսանհինգ կանգուն՝ լայնութիւնը:
22. Նրա լուսամուտները, կամարներն ու արմաւենիները արեւելք նայող դռան համեմատ էին: Եօթը աստիճաններ էին ելնում դէպի նա. ներսից կամարակապ էր:

23. Ներքին գաւթի դուռը նայում էր հիւսիսային դռանը, արեւելք նայող դռան նման: Նա գաւթի չափեց դռնից դուռ. հարիւր կանգուն էր:
24. Նա ինձ հարաւային կողմը տարաւ: Ահա մի դուռ տեսայ, որ հարաւ էր նայում: Չափեց այն, նաեւ խուցերը, սիւնազարդ սրահները, կամարները, որոնք նոյն չափն ունէին, ինչպէս միւսները:
25. Նրա լուսամուտներն ու շրջանակաձեւ կամարներն էլ առաջինի լուսամուտների ու կամարների նման էին. երկարութիւնը՝ յիսուն կանգուն էր, լայնութիւնը՝ քսանհինգ կանգուն:
26. Դուռը եօթը աստիճաններ ուներ, ներսում՝ կամարներ եւ արմաւենիներ այս ու այն կողմերից՝ սիւնազարդ սրահների վրայ:
27. Ներքին դուռը գաւթի դռան դիմաց էր եւ դէպի հարաւ էր նայում: Գաւթի Նա դռնից դուռ չափեց. հարաւային կողմից լայնութիւնը հարիւր կանգուն էր:
28. Ինձ տարաւ ներքին դռան գաւթի, որ հարաւային կողմն էր նայում. չափեց հարաւ նայող դուռը, որ նոյն չափն ուներ:
29. Նոյն չափին էին նաեւ խուցերը, կամարներն ու սիւնազարդ սրահները: Նրա շրջանակաձեւ լուսամուտների ու կամարների երկարութիւնը յիսուն կանգուն էր, լայնութիւնը՝ քսանհինգ:
30. Նրա շուրջը կամարներ էին, յիսուն կանգուն երկարութեամբ ու քսանհինգ կանգուն լայնութեամբ:
31. Կամարներ կային եւ արտաքին գաւթում, կամարների վրայ՝ արմաւենիներ եւ սանդուղք եօթը աստիճաններով:
32. Ինձ տարաւ դէպի այն դուռը, որ արեւելեան ճանապարհին էր նայում: Այն ուներ նախորդի չափը:
33. Չափեց նաեւ խուցերն ու կամարները, լուսամուտներն ու չորս կողմի կամարները. երկարութիւնը յիսուն կանգուն էր, լայնութիւնը՝ քսանհինգ:
34. Կամարներ կային ներսի գաւթում, արմաւենիներ՝ կամարների վրայ, այս ու այն կողմերից, նաեւ եօթը աստիճաններ:
35. Ինձ տարաւ դէպի հիւսիսային դուռը: Նոյն չափով չափեց
36. խուցերը, կամարներն ու սիւնազարդ սրահները, չորս կողմի լուսամուտներն ու կամարները. երկարութիւնը յիսուն կանգուն էր, լայնութիւնը՝ քսանհինգ:
37. Կամարներ կային արտաքին դռան վրայ, արմաւենիներ՝ կամարների վրայ, այս ու այն կողմից, նաեւ ութ աստիճաններ:
38. Նրա թէ՛ սրահները, թէ՛ նրանց մուտքերն ու կամարները երկրորդ դռան դիմաց էին, ուր ողջակէզներն էին լուանում:
39. Դռան կամարի տակ սեղաններ կային, երկուսն այս կողմում, երկուսը՝ միւս, որպէսզի դռանց վրայ մորթէին թէ՛ մեղքերի եւ թէ՛ յանցանքների համար զոհագործուող ողջակէզները:
40. Ողջակէզները լուանալու ջրի խողովակի հարաւային կողմը, այն դռան մուտքին, որ հիւսիս էր նայում, երկու սեղաններ կային, որ արեւելք էին նայում: Իսկ երկրորդ դռան հարաւային կողմից, դռան կամարների դիմաց, նոյնպէս երկու սեղաններ կային:
41. Արեւելեան կողմում ութ սեղաններ, չորսը մի կողմում, չորսը՝ միւս, հարաւային դռան դիմաց: Այնտեղ՝ ողջակիզման ութ սեղանների վրայ էին մորթում զոհերն ու ողջակէզները:
42. Կոփածոյ քարերից էին ողջակիզման չորս սեղանները, կանգուն ու կէս երկարութեամբ, կանգուն ու կէս լայնութեամբ եւ կանգուն ու կէս բարձրութեամբ, որպէսզի դռանց վրայ դնէին գործիքը, որով մորթում էին զոհերն ու ողջակէզները:
43. Ներսից, չորսբոլորը, թզաչափ քանդակուած եզրեր կային եւ սեղանի վրայ ծածկ՝ անձրեւից ու տապից պատսպարելու համար:
44. Ինձ տարաւ ներքին գաւթի: Ներքին գաւթն ուներ երկու պատշգամբ, մէկը հարաւային դռան կողմը, որ հիւսիս էր նայում եւ հարաւ դուռն բերում, միւսը՝ հիւսիսային դռան կողմը, որ հարաւ էր նայում ու հիւսիս դուռն բերում:

45. Նա ասաց ինձ. Այս պատշգամբը, որ հարաւային կողմն է նայում, այն քահանաների համար է, որոնք տաճարի պահպանութիւնն են կատարում,
46. իսկ հիւսիս նայող պատշգամբը՝ այն քահանաների համար, որոնք խորանի ծառայութիւնն են կատարում: Դրանք Սաղոկի որդիներն են, ղեւտացիների ցեղից, որոնք կարող են մօտենալ՝ Տիրոջը պաշտամունք մատուցելու:
47. Նա չափեց գաւիթը. երկարութիւնը հարիւր կանգուն էր, լայնութիւնն էլ՝ հարիւր կանգուն. այն քառակողմ էր: Տաճարի դիմաց խորանն էր:
48. Ինձ տարաւ դէպի տաճարի սիւնազարդ սրահը: Չափեց սիւնազարդ սրահի լայնութիւնը. մի կողմից հինգ կանգուն էր, միւս կողմից՝ հինգ կանգուն, մուտքի լայնութիւնը՝ տասնչորս կանգուն, դռան գլխի խոյակներն այս ու այն կողմերից՝ երեքական կանգուն:
49. Սիւնազարդ սրահի բարձրութիւնը քսան կանգուն էր, նրա լայնութիւնը՝ տասնմէկ: Տասը աստիճաններով էին բարձրանում այնտեղ. այս ու այն կողմերից երկու սիւներ ունէր:

1. Նա ինձ տարաւ տաճար եւ չափեց նրա կամարը. լայնութիւնը մի կողմից վեց կանգուն էր, երկարութիւնը միւս կողմից՝ վեց կանգուն,
2. դռան լայնութիւնը՝ տասը կանգուն, իսկ դռան խոյակներն այս ու այն կողմերից՝ հինգական կանգուն: Չափեց նաեւ դռան երկարութիւնը. քառասուն կանգուն էր, լայնութիւնը՝ քսան կանգուն:
3. Մտաւ ներքին գաւիթը: Չափեց մուտքի կամարը. երկու կանգուն էր, մուտքը՝ վեց կանգուն, իսկ մուտքի գլխի խոյակներն այս ու այն կողմերից՝ եօթնական կանգուն:
4. Չափեց դռան երկարութիւնը. քառասուն կանգուն էր, լայնութիւնը՝ քսան կանգուն տաճարի առաջ: Եւ ասաց ինձ. Սա է սրբութիւն սրբոցը:
5. Նա չափեց տաճարի պատը. վեց կանգուն էր, տան կողքի տարածութիւնը, շուրջբոլորը՝ չորս կանգուն,
6. մի կողմից միւսը՝ երեսուներեք կանգուն: Տաճարի որմերի եւ բոլորածել կից շինութիւնների միջեւ կար մի անջրպետ, որպէսզի նրանք, ովքեր ուզենային նայել ցած, ընկնէին ու երբեք չմօտենային տաճարի որմին:
7. Վերին դռան կողմերին, պատերի կողքերի միջեւ, տան շուրջը, վերին կողմում, մի լայն տարածութիւն կար, որպէսզի տան մէջ, վերեւից ու ներքեւից ընդարձակ տեղ լինէր, որտեղով ներքին յարկերից բարձրանային միջնայարկերը, այնտեղից էլ՝ վերնայարկերը:
8. Տեսայ նաեւ տան ձեղունի բարձրութիւնը. բոլորածել մի անջրպետ կար, ձողին հաւասար, որը վեց կանգուն էր:
9. Արտաքին կողմի որմի հաստութիւնը հինգ կանգուն էր,
10. ամբողջ տաճարի եւ կից շինութիւնների պատշգամբների միջեւ ընկած բաց տարածութիւնը՝ քսան կանգուն:
11. Պատշգամբների մի դուռը հիւսիսային մի դռան միջանցքում էր, մի դուռն էլ՝ հարաւային կողմում: Ընդարձակ տեղի լայնութիւնը, միջանցքը լուսաւորելու համար, շուրջանակի հինգ կանգուն էր:
12. Բակի դիմաց գտնուող կից շինութիւնը, որ նայում էր դէպի ծովակողմ ճանապարհը, ուներ եօթնասուն կանգուն երկարութիւն. նրա պատի հաստութիւնը հինգ կանգուն էր, երկարութիւնը՝ իննսուն կանգուն:
13. Նա չափեց տաճարի առաջը. երկարութիւնը հարիւր կանգուն էր: Խորշերը, անջրպետները եւ պատերը հարիւր կանգուն երկարութիւն ունէին:
14. Տաճարի առջեւի տարածութեան լայնութիւնը, նրա դիմացի խորշերը հարիւր կանգուն էին:
15. Չափեց նաեւ խորշերի դիմաց, տաճարի յետեւում գտնուող բաց տարածութեան երկարութիւնը. այդ տարածութիւնը եւ այս ու այն կողմերի խորշերը հարիւր կանգուն երկարութիւն ունէին:
16. Արտաքին տաճարը, անկիւններն ու կամարները, առաստաղները, երեք կողմերից, վանդակապատ լուսամուտներ ու լուսանցոյցներ ունէին՝ նայելու համար: Թէ՛ տաճարը եւ թէ՛ առհասարակ նրա առաստաղները, յատակից մինչեւ լուսամուտները, տախտակապատ էին: Լուսամուտները երեքտակ էին՝ նայելու համար,
17. ինչպէս ներսից, այնպէս էլ դրսից: Ամբողջ տաճարի վրայ, շուրջբոլորը, ներսից ու դրսից,
18. քերովբէներ էին քանդակուած ու արմաւենիներ. մի արմաւենին քերովբէների արանքում էր, երկու քերովբէները՝ իրար դիմաց:
19. Արմաւենիների մի կողմում քերովբէներից մէկի դէմքը մարդու դէմք էր, միւս կողմում երկրորդինը՝ առիւծի: Եւ այդպէս էր քանդակուած ամբողջ տաճարը, բոլոր կողմերից:
20. Յատակից մինչեւ առաստաղները քերովբէներ ու արմաւենիներ էին քանդակուած:
21. Սրբերն ու տաճարը թելատարած էին ու քառանկիւնաձեւ բացուած:
22. Սրբերի դէմ-յանդիման մի պատկեր կար՝ փայտէ խորանի նմանութեամբ, երեք կանգուն բարձրութեամբ, երկու կանգուն երկարութեամբ եւ երկու կանգուն



լայնութեամբ, վրան՝ եղջիւրաձեւ զարդեր: Նրա թէ՛ յատակն ու թէ՛ պատերը փայտեայ էին: Նա ասաց ինձ. Սա է Տիրոջ առջեւ եղած սեղանը:

23. Տաճարն ուներ երկու դուռ, սրբարանն էլ՝ երկու մուտք: Երկու դռներն էլ երկուական փեղկ ունէին.

24. Երկու փեղկ՝ մէկ դուռը, երկու փեղկ՝ միւսը:

25. Նրանց վրայ, տաճարի մուտքերի վերեւում, քանդակուած էին քերովքներ ու արմաւենիներ՝ ըստ սրբարանի քանդակների: Ազնիւ փայտէ մի կերտուածք կար կամարի դէմ-յանդիման, արտաքին կողմից: Նաեւ նեղ լուսամուտներ:

26. Այս ու այն կողմերից նա չափեց կամարի առաստաղները, տան կողմերն էլ՝ իրար հետ վերցրած:

1. Նա դուրս բերեց ինձ արտաքին գաւիթը, դէպի արեւելք, հիւսիսի դռան դէմ-դիմաց, ու ներս տարաւ ինձ: Ես տեսայ հինգ պատշգամբներ՝ հիւսիսահայեաց միջանցքներով ու խորշերով,
2. հարիւր կանգուն երկարութեամբ ու յիսուն կանգուն լայնութեամբ,
3. նկարագարդուած ըստ ներքին սրահի դռան օրինակի: Դրանք չորս կողմը սիւներ ունեցող արտաքին բակի նման էին՝ երեք յարկերը դէմ առ դէմ դասաւորուած:
4. Պատշգամբների դէմ-յանդիման տասը կանգուն լայնութեամբ ու հարիւր կանգուն երկարութեամբ մի անցուղի կար, ճանապարհից մէկ կանգուն ակելի ներս. դրանց դռները դէպի հիւսիս էին նայում:
5. Անցուղիներ կային նաեւ վերնատներում, որովհետեւ սիւները չորս կողմում, ներքեւից վերեւ, խառն էին: Խառն էին նաեւ անջրպետները եւ շրջանաձեւ սիւները, անջրպետներն ու յենափայտերը, որովհետեւ եռայարկ էին:
6. Եւ պատշգամբների սիւների պէս սիւներ չկային. դրա համար ներքեւի կողմից միջանցքներ կային: Միջնայարկերն էլ գետնից յիսուն կանգուն բարձր էին:
7. Դրսից լոյս ունէին, ինչպէս որ արտաքին բակի պատշգամբները, որոնք նայում էին հիւսիսային պատշգամբների ճիշտ դիմացը, յիսուն կանգուն երկարութեամբ:
8. Արտաքին բակին նայող պատշգամբների երկարութիւնը յիսուն կանգուն էր, եւ դրանք իրար դիմաց էին, բոլորը միասին հարիւր կանգուն:
9. Արեւելեան մուտքի պատշգամբների դռները, որոնք արտաքին բակից մտնելու համար էին,
10. շինուած էին հարաւային կողմում առաջին անցուղու լուսամուտի համեմատ, հարաւին դէմ-յանդիման, միջանցքների ու հատուածների դիմաց:
11. Պատշգամբներն ու դրանց դիմացի անցուղիները հիւսիս տանող ճանապարհի պատշգամբի չափով էին, դրանց լայնութեամբ ու դրանց երկարութեամբ, դրանց ելքերի ու շրջանակների չափով,
12. նաեւ հիւսիսահայեաց պատշգամբների մուտքերի չափով, նաեւ հարաւահայեաց պատշգամբների մուտքերի չափով, նաեւ առաջին անցուղու մուտքի չափով, որպէսզի միջանցքներին ուղիղ լոյս տային, եւ հնարաւոր լինէր դրանց միջոցով գնալ դէպի արեւելք:
13. Նա ասաց ինձ. Այն պատշգամբները, որ հիւսիս են նայում, նաեւ այն պատշգամբները, որ հարաւ՝ բաց տարածութեան կողմն են նայում, - դրանք սուրբ պատշգամբներ են, ուր ուտում էին Սադոկի քահանայ որդիները, որոնք կարող են մերձենալ Տիրոջ ամենասուրբ տեղերին: Այնտեղ են դնում սրբութիւն սրբոցը, մատուցում զոհերը՝ իրենց մեղքերի ու յանցանքների համար, որովհետեւ սուրբ է այդ տեղը,
14. ու ոչ ոք, բացի քահանաներից, չի մտնելու այնտեղ: Սրանք էլ այն սուրբ տեղից պէտք չէ որ դուրս գան արտաքին գաւիթը, որպէսզի ամեն անգամ որ Տիրոջ մերձեան՝ սուրբ մնան, ժողովրդին մօտենան իրենց պատմութեաններով, որոնցով պաշտամունք են մատուցում, որովհետեւ սուրբ են դրանք, այլ ժողովրդին մօտենալիս ուրիշ հանդերձներ հագնեն:
15. Այսպէս ակարտուեց տաճարի ներսի չափումը: Նա հանեց ինձ արեւելք նայող դռնով, չափեց տաճարի շուրջբոլորը:
16. Եկաւ կանգ առաւ հարաւային դռան մօտ, որ արեւելք էր նայում, չափեց հինգ հարիւր ծողաչափ:
17. Դարձաւ հիւսիսային կողմը, հիւսիսի դիմաց, չափեց հինգ հարիւր ծողաչափ:
18. Դարձաւ արեւմուտք, ծովի դիմաց, չափեց հինգ հարիւր ծողաչափ:
19. Դարձաւ հարաւային կողմը, հարաւի դիմաց, չափեց հինգ հարիւր ծողաչափ:
20. Չափեց տաճարի չորս կողմերի եւ պարիսպների արանքը նոյն չափով: Տաճարը սրբավայրերից եւ պարիսպներից անջրպետելու համար թողեց մի արանք, որ հինգ

հարիւր կանգուն էր դէպի արեւելք եւ ուներ հինգ հարիւր կանգուն լայնութիւն

1. Նա ինձ դուրս բերեց եւ հանեց այն դռան մօտ, որ արեւելք էր նայում:
2. Եւ ահա Իսրայելի Աստծու փառքը գալիս էր արեւելքի ճանապարհով. բանակի ձայնը գալիս էր բազմութեան ձայնի արձագանքի պէս: Գետինը, չորս կողմից, լուսաւորուեց փառքի լոյսով:
3. Եւ տեսիլքը, որ ես էի տեսնում, նման էր այն տեսիլքին, որ ես տեսայ, երբ քաղաքն օծելու էի մտնում: Իմ տեսած կառքի տեսիլքն էլ նման էր այն տեսիլքին, որ ես տեսայ Քոբար գետի մօտ: Երեսս ի վայր ընկայ ու խոնարհուեալիս արեցի:
4. Տիրոջ փառքը արեւելք նայող դռնով տաճար մտաւ:
5. Հոգին ինձ բարձրացրեց ու տարաւ ներքին գաւիթը: Ահա տաճարը լի էր Տիրոջ փառքով: Ես էլ կանգնած էի այնտեղ:
6. Ահա մի ձայն այն տաճարից խօսում էր ինձ հետ:
7. Մի մարդ կար մօտս, որ ասաց ինձ. Մարդո՛ւ որդի, տեսա՞ր իմ գահաւորակի տեղը, իմ ոտնահետքերի տեղը. դրանցով է յաւիտեան ապրելու անունս Իսրայելի մէջ: Իսրայելի տան գաւազներն այլեւս չեն պղծելու իմ սուրբ անունը, ո՛չ իրենք, ո՛չ նրանց առաջնորդներն իրենց պոռնկութեամբ, ո՛չ էլ նրանց միջի իշխանները՝ իրենց սպանութիւններով,
8. երբ շեմս դնեմ նրանց շեմերի, սեմս՝ նրանց սեմերի մօտ: Նրանք պարիսպներ են կանգնեցրել իմ ու իրենց միջեւ, իրենց կատարած անօրէնութեամբ պղծել են իմ սուրբ անունը: Խորտակելու եմ նրանց իմ բարկութեամբ եւ սպանելով:
9. Գոնէ հիմա թող իրենց պոռնկութիւնը, իրենց իշխանների սպանութիւնն ինձնից հեռու պահեն: Եւ ես յաւիտեան բնակութիւն կը հաստատեմ նրանց մէջ:
10. Դո՛ւ էլ, մարդո՛ւ որդի, Իսրայելի տանը ցո՛յց տուր այդ տաճարը, ու թող յետ կանգնեն իրենց մեղքերից: Ցո՛յց տուր դրա պատկերը, ձեւն ու յօրինուածքը:
11. Եւ նրանք թող տանջանքներ ստանան իրենց կատարած ամէն ինչի համար: Նկարի՛ր այդ տաճարը, նրա կառուցուածքը, ելքը, մուտքն ու կահաւորանքը: Դրա բոլոր պատուիրաններն ու օրէնքները, կանոնները ցո՛յց տուր նրանց, գրի՛ր նրանց առաջ: Ու թող պահեն իմ բոլոր օրէնքներն ու պատուիրանները, կատարեն դրանք:
12. Լերան կատարի տան պատկերը, նրա չորս կողմերի սահմանները սրբութիւն սրբոց են: Այս է տաճարի օրէնքը:
13. Չոհասեղանի չափն այս է. մի կանգուն բարձրութիւնը, մի կանգուն ու չորս մատ՝ խորութիւնը, մի կանգուն՝ լայնութիւնը, մի թիզ՝ եզրերի շուրջ գտնուող պսակը:
14. Եւ այս է զոհասեղանի բարձրութիւնը. փորուածքի սկզբից մինչեւ մեծ քաւութիւնը՝ ներսից երկու կանգուն, մի կանգուն լայնութեամբ, փոքր քաւութիւնից մինչեւ մեծ քաւութիւնը՝ չորս կանգուն, մի կանգուն լայնութեամբ:
15. Չոհասեղանը՝ չորս կանգուն, բնից վեր մինչեւ եղջիւրները՝ մէկ կանգուն,
16. զոհասեղանը չորս կողմերից՝ տասներկուական կանգուն, լայնութեամբ ու երկարութեամբ քառակուսի:
17. Քաւութիւնը տասնչորս կանգուն երկարութեամբ էր, տասնչորս կանգուն լայնութեամբ, չորս կողմերից էլ հաւասար. նրան շրջապատող եզրերը՝ կէս կանգուն, շրջանակը՝ մէկ կանգուն: Աստիճաններն էլ արեւելեան էին:
18. Տէրն ինձ ասաց. Մարդո՛ւ որդի, այսպէս է ասում Տէր Աստուած. Չոհասեղանը գործածելու օրուայ հրահանգները սրանք են. նրա վրայ ողջակէզ մատուցել, շուրջը արիւն ցօղել:
19. Սաղոկի որդուց սերած դէտացի քահանաներին, որոնք պաշտամունք մատուցելու համար ինձ կը մօտենան, - ասում է Տէր Աստուած, - մեղքերի քաւութեան համար նախիրից մի զուարակ կը տաս ողջակիզելու:
20. Թող վերցնեն սրա արիւնից, դնեն զոհասեղանի չորս եղջիւրներին, քաւութեան չորս անկիւններին էլ, ցանեն յատակի շուրջը ու դրանով սրբագործեն:
21. Թող վերցնեն մեղքերի համար ողջակիզուող զուարակը եւ այրեն տաճարում

առանձնացուած մի տեղում, սրբարանից դուրս:

22. Երկրորդ օրը առանց արատի այծերից երկու նոխազ թող վերցնեն՝ իրենց մեղքերի համար, սրբագործեն զոհասեղանը, ինչպէս որ զուարակով սրբագործեցին:

23. Քաւութիւնը սրբագործելը վերջացնելուց յետոյ թող նախիրներից առանց արատի մի զուարակ մատուցեն, հօտից էլ՝ առանց արատի մի խոյ. դրանք մատուցեն Տիրոջ առաջ,

24. քահանաները դրանց վրայ աղ ցանեն ու տանեն ողջակիզելու Տիրոջ համար:

25. Թող եօթը օր անընդհատ իրենց մեղքերի համար մի նոխազ մատուցեն,

նախիրներից՝ մի զուարակ, հօտերից՝ առանց արատի մի խոյ,

26. ու եօթը օր սրբագործեն զոհասեղանը, մաքրեն այն: Թող մաքրեն նաեւ իրենց ձեռքերը:

27. Երբ օրերն աւարտուեն, եւ երբ ութերորդ օրը լինի, քահանաները թող սեղանի վրայ անեն ձեր ողջակեզը, եւ դա թող լինի ձեր փրկութեան համար: Ես էլ կ'ընդունեմ ձեզ, - ասում է Տէր Աստուածը:

1. Նա ինձ յետ դարձրեց սրբարանի արտաքին դռնով, որ նայում էր դեպի արեւելք: Այն փակուած էր:
2. Տէրն ինձ ասաց. Այդ դուռը փակ է մնալու ու չի բացուելու, նրանով ոչ ոք չի անցնելու, որպէսզի Իսրայէլի Տէր Աստուածը մտնի այդտեղով: Այն փակ է լինելու,
3. որովհետեւ առաջնորդ իշխանն է ներսում նստելու՝ Տիրոջ առաջ հաց ուտելու համար: Նա մտնելու է դռան կամարի տակի ճանապարհով եւ նոյն տեղով էլ դուրս է գալու:
4. Նա ինձ տարաւ մի դռնով, որ դեպի հիւսիս, տաճարի դիմաց էր նայում: Տեսնում էի՝ ահա Տիրոջ տունը լի էր Տիրոջ փառքով: Երեսս ի վայր ընկայ ու խոնարհութիւն արեցի:
5. Տէրն ինձ ասաց. Մարդո՛ւ որդի, սրտի՛դ մէջ դիր, աչքերո՛վդ տես ու ականջներո՛վդ լսիր այն ամենը, ինչ որ քեզ կ'ասեմ Տիրոջ տաճարի բոլոր հրահանգների ու նրա օրէնքների մասին: Դու սրտիդ մէջ կը պահես այդ տաճար մտնելու ու նրա սրբարանից ելնելու կարգը:
6. Կ'ասես Իսրայէլի տանը՝ խռովարարների այդ տանը. Այսպէս է ասում Տէր Աստուած. թող բաւական լինեն ձեր բոլոր անօրէնութիւնները, ո՛վ տունդ Իսրայէլի,
7. որ ձեր մէջ էք մտցրել այլազգիներին՝ սրտով անթլփատներին ու մարմնով անթլփատներին: Նրանք մտել են իմ սրբարանը եւ պղծել այն, մինչ դուք մատուցում էիք իմ հացը՝ ճարպով ու արիւնով: Դուք, որ զանց էք առնում ուխտս ձեր բոլոր անօրէնութիւններով,
8. չէք պահել ու պահպանել սրբավայրերս, այլազգիներին էք պահապան կարգել իմ սրբութիւնների սրբութեան վրայ:
9. Ուստի այսպէս է ասում Տէր Աստուած. Ոչ մի օտարածին զաւակ՝ սրտով անթլփատ ու մարմնով անթլփատ, չի մտնելու իմ սրբարանը, ոչ մէկն այն այլազգիների բոլոր որդիներից, որ կան Իսրայէլի այդ տանը:
10. Նաեւ դէտացիները, որոնք ինձնից հեռացել են, երբ ժողովուրդը մոլորուել էր, մոլորուել-հեռացել իմ ճանապարհից՝ հետեւելով իրենց խորհուրդներին, - նրանք էլ են պատժուելու ըստ իրենց անօրէնութիւնների:
11. Նրանք իմ սրբարանում, այդ տան դռներին դռնապան ծառաներ են լինելու եւ տաճարի սպասաւորներ: Նրանք են մորթելու ժողովրդի ողջակէզներն ու զոհաբերութիւնները. նրանք են կանգնելու ժողովրդի առաջ՝ լինելով նրա սպասաւորները:
12. Այն բանի համար, որ իրենք սպասաւորներ էին նրանց կուռքերի առաջ, այդ անիրաւութեան համար էլ Իսրայէլի տունը տանջանքների է մատնուել: Դրա համար է որ ձեռքս բարձրացրի նրանց վրայ, - ասում է Տէր Աստուած, - եւ ըստ իրենց անիրաւութիւնների էլ նրանք պատժուելու են:
13. Թող ինձ չմերձենան նրանք, ինձ համար քահանայ չլինեն ու չդիպչեն ո՛չ Իսրայէլի զաւակների սրբութիւններին, ո՛չ էլ իմ ամենասուրբ բոլոր սրբութիւններին: Նրանք կրելու են իրենց անարգանքը իրենց արած մոլորութեան համար:
14. Նրանց պահապան են կարգել այն տան, նրա բոլոր գործերի, այն ամենի վրայ, ինչ անելու են այնտեղ:
15. Իսկ դէտացի քահանաները՝ Սադոկի այն որդիները, որոնք պահպանել են իմ սրբութիւնները, երբ Իսրայէլի տունը մոլորուել-հեռացել էր իմ ճանապարհից, - նրանք մերձենալու են ինձ՝ պաշտամունք մատուցելու համար ինձ: Կանգնելու են իմ դիմաց եւ ինձ զոհեր, ճարպ ու արիւն են մատուցելու, - ասում է Տէր Աստուած: -
16. Նրանք մտնելու են իմ սրբարանը, մերձենալու են սեղանիս՝ ինձ պաշտամունք մատուցելու, եւ պահպանութիւն են անելու:
17. Երբ նրանք ներքին գաւթի դռնով մտնեն, պէտք է կտաւէ պատմուճաններ հագած լինեն եւ իրենց պաշտամունքը մատուցելու ժամանակ բրդեղէն հագած չպէտք է լինեն՝ սկսած ներքին գաւթի դռնից:
18. Գլուխներին կտաւէ խոյրեր են ունենալու, սրունքներին՝ կտաւէ անդրավարտիքներ:

Ծանր հազնուած չպետք է լինեն:

19. Ու երբ դուրս գան արտաքին գաւիթ՝ ժողովրդի մօտ, հանելու են իրենց պատմութեանները, որոնցով պաշտամունք են մատուցում, դնելու են դրանք սուրբ սենեակը եւ հազնելու են ուրիշ պատմութեաններ, որպէսզի ժողովրդին իրենց պատմութեաններով չսրբագործեն:

20. Գլուխները չեն ածիլելու, մազերը չեն նօսրացնելու. պինդ ծածկելու են իրենց գլուխները:

21. Ներքին գաւիթ մտնելիս ոչ մի քահանայ գինի թող չխմի:

22. Որբեւայրի կամ արծակուած կնոջն իրենց կին թող չառնեն, այլ՝ Իսրայէլի տան ծնունդ կոյսերի կամ քահանայից մնացած որբեւայրու:

23. Եւ իմ ժողովրդին թող սովորեցնեն ընտրութիւն կատարել սրբի ու պղծութեան, անարատի ու արատաւորութեան միջեւ:

24. Արեան դատաստանի ժամանակ նրանք քննիչ թող լինեն, ըստ իմ օրէնքների դատաստան անեն եւ ըստ իմ կանոնների իրաւունք գործադրեն: Բոլոր տօներին իմ օրէնքներն ու հրահանգները թող պահեն, շաբաթներս սուրբ պահեն:

25. Մարդու դիակի մօտ թող չգան, որ չպղծուեն, բացի հօր կամ մօր, որդու կամ դստեր, եղբոր կամ չամուսնացած քրոջ դիակից:

26. Եւ այն սրբագործելուց յետոյ պետք է հաշուել եօթը օր.

27. ո՛ր օրը որ ներքին գաւիթը, սրբավայրը մտնեն՝ պաշտամունք մատուցելու, քաւութեան զոհ թող մատուցեն, - ասում է Տէր Աստուած: -

28. Նրանք ուրիշ ժառանգութիւն չեն ունենալու, քանի որ ես եմ նրանց համար ժառանգութիւն. Իսրայէլի գաւակների մէջ նրանց կալուածք թող չտրուի, քանի որ ես եմ նրանց համար ժառանգութիւն:

29. Նրանք են ուտելու զոհերը՝ մեղքերի համար լինեն դրանք թէ յանցանքի, ու Իսրայէլի բոլոր նուէրները նրանցն են լինելու:

30. Բոլոր առաջին պտուղները, ձեր բոլոր պտուղների երախայրիքը քահանաներինն են լինելու: Ձեր առաջին բերքը քահանային էք տալու, որպէսզի ձեր տներն օրհնի:

31. Քահանաները չեն ուտելու որեւէ մեռելոտի, լինի գազան, յօշոտած թռչուն կամ անասուն:

1. Եւ երբ ձեր մէջ հողի, իբրեւ ժառանգութեան, համար վիճակ գցեք ու բաժանեք, այդ հողից Տիրոջ համար առանձնացնելու էք սուրբ նուէրը՝ քսանհինգ հազար ձողաչափ երկարութեամբ ու տասը հազար ձողաչափ լայնութեամբ, այնպէս որ բոլոր սահմաններում չորս կողմերից էլ նուիրագործուած լինի:
2. Դրանից սրբարանինն է լինելու հինգ հարիւրական ձողաչափ՝ չորս կողմերից, բաց տարածութիւնների շուրջն էլ՝ յիսունական կանգուն:
3. Այս տարածքից չափուելու է քսանհինգ հազար ձողաչափ երկարութեամբ, տասը հազար ձողաչափ լայնութեամբ մի բաժին. այնտեղ է լինելու սրբութիւն սրբոցը:
4. Նուիրուած հողից բաժին է լինելու նաեւ այն քահանաներին, որոնք սրբատեղիում պաշտամունք են մատուցում, նաեւ նրանց, ովքեր մօտենում են ինձ պաշտամունք մատուցելու: Նրանց համար, նրանց սուրբ տան համար տեղ է առանձնացուած լինելու՝
5. Երկարութիւնը քսանհինգ հազար ձողաչափ, լայնութիւնը՝ տասը հազար: Դեւտացիների համար էլ, որոնք ծառայութիւն են անում տաճարում, քաղաքում բնակութեան համար կալուածք է լինելու:
6. Բնակութեան համար քաղաքին տալու ես հինգ հազար ձողաչափ լայնութեամբ եւ քսանհինգ հազար ձողաչափ երկարութեամբ տարածութիւն՝ ըստ Իսրայելի ամբողջ տնից սրբարանին տրուած երախայրիքների:
7. Առաջնորդին էլ է տրուելու հող քաղաքի նստավայրում, սրբարանի դիմաց, քաղաքի բնակավայրերի դէմ-յանդիման, ծովի կողմը, ծովից էլ՝ դէպի արեւելք. երկարութիւնը՝ ըստ մէկ բաժնի սահմանների դէպի ծովակողմը, լայնութիւնը՝ ըստ հողի մէկ բաժնի սահմանների դէպի արեւելք:
8. Եւ դա նրա համար լինելու է իր կալուածքն Իսրայելում: Եւ իշխանները չեն բռնանալու այլեւս իսրայելացիների՝ իմ ժողովրդի վրայ. բաժանուած հողն էլ Իսրայելի տունն է ժառանգելու սերնդից սերունդ:
9. Այսպէս է ասում Տէր Աստուած. Բաւական է ձեզ, ո՛վ իշխաններդ Իսրայելի: Արդ, հեռո՛ւ վանեցեք անիրաւութիւնն ու զրկանքը, օրէնքով ու արդարութեամբ վարուեցեք, հեռո՛ւ տարեք բռնութիւնն իմ ժողովրդից, - ասում է Տէր Աստուած: -
10. Արդա՛ր չափով չափեցեք. ձեր կշեռքը թող լինի արդար, չափը՝ արդար, կապիճը՝ արդար:
11. Կապիճը թող նոյնը լինի՝ տալիս թէ առնելիս: Գրիւի մէկ տասներորդը մէկ կապիճ կը լինի. մէկ տասներորդ գրիւը՝ կապիճը, իր կշռով հաւասար կը լինի մէկ արդուի:
12. Քսան դանգը, հաւասար կը լինի մէկ սիկդի, իսկ քսանհինգ սիկդը՝ ձեր մէկ մնասին:
13. Եւ սա կը լինի այն նուէրը, որ դուք կը բաժանեք. գրիւի մէկ վեցերորդ մաս ցորեն, արդուի մէկ վեցերորդ մաս գարի:
14. Ձերի վերաբերեալ հրահանգն այս է. մի քսեստ՝ մէկ տասներորդ սափոր իւղ (քանի որ տասը քսեստը մէկ սափոր է):
15. Տասը ոչխարից մէկը նուէր կը լինի Իսրայելի բոլոր hoտերից՝ ձեր քաւութեան եւ փրկութեան զոհերի ու ողջակէզների համար, - ասում է Տէր Աստուած: -
16. Երկրիդ ամբողջ ժողովուրդը պետք է տայ այս նուէրները Իսրայելի առաջնորդներին:
17. Առաջնորդի ձեռքով պետք է կատարուեն ողջակէզները, զոհերն ու սպանդը՝ տօներին, ամսագլուխներին, շաբաթներին: Եւ Իսրայելի այդ տան բոլոր տօներին նա պետք է մատուցի զոհերն ու ողջակէզները՝ մեղքերի համար ու փրկութեան, սրբագործելու համար Իսրայելի այդ տունը:
18. Այսպէս է ասում Տէր Աստուած. Առաջին ամսին, ամսուայ առաջին օրը, նախրից առանց արատի մի զուարակ կ'առնեք՝ սրբարանը սրբագործելու համար:
19. Քահանան կ'առնի սրբագործման արիւնից, կը ցանի տան սեմերին, տաճարի չորս անկիւններին, զոհասեղանի վրայ, ներքին գաւթի դռան սեմերին:
20. Այսպէս կ'անի ամսուայ եօթներորդ օրը՝ տաճարը սրբագործելու համար բոլոր անգիտակցաբար եւ պարզամտօրէն մեղանշածներից:



21. Առաջին ամսին, ամսուայ տասնչորսերորդ օրը, ձեզ համար զատկի օր կը լինի. եօթը օր բաղարջ կ'ուտէք:
22. Առաջնորդն այդ օրը իր ու իր տան համար, երկրի ամբողջ ժողովրդի համար արջառներից մի զուարակ կը զոհաբերի մեղքերի թողութեան համար:
23. Տօնի եօթը օրերին ողջակէզներ կը մատուցեն Տիրոջը. եօթը զուարակ, առանց արատի եօթը խոյ՝ եօթը օր շարունակ, օր օրի, մեղքերի քաւութեան համար՝ այծերից էլ մէկ նոխազ օր օրի:
24. Չոհ մատուցուող իւրաքանչիւր զուարակի եւ խոյի հետ պէտք է բերել մէկ քսեստ ազնիւ ալիւր եւ մէկ քսեստ իւղ՝ հաց պատրաստելու համար:
25. Երրորդ ամսին, ամսուայ տասնհինգերորդ օրը, այն եօթը օրերի պէս տօն կը կատարեն մեղքերի քաւութեան համար՝ նոյնպիսի ողջակէզներով, ազնիւ ալիւրով ու ձերով:

1. Այսպես է ասում Տէր Աստուած. Ներքին գաւթի դուռը, որ արեւելք է նայում, վեց լուր օրերին փակ կը լինի, իսկ շաբաթ օրը կը բացուի: Ամսագլխի օրն էլ կը բացուի:
2. Առաջնորդը կը մտնի արտաքին կամարի դռնով ու կը կանգնի դռան սեմին: Քահանաները նրա համար ողջակիզում կը կատարեն, զոհ կը մատուցեն նրա փրկութեան համար: Ինքը կ'երկրպագի դռան սեմին ու դուրս կը գայ:
3. Մինչեւ երեկոյ դուռը չի փակուի: Երկրի ժողովուրդն էլ շաբաթ օրերն ու ամսագլուխներին կ'երկրպագի դռան մուտքի առաջ, Տիրոջ առաջ:
4. Եւ այն ողջակեզները, որ շաբաթ օրերը առաջնորդը կը մատուցի Տիրոջը, կը լինեն՝ առանց արատի վեց գառ,
5. Եփուած մաննա՝ խոյի ու գառների հետ, զոհեր ու նուէրներ՝ ըստ իր սրտի ուզածի, եւ մէկ քսեստ իւղ՝ հացի հետ:
6. Իսկ ամսամտի օրը կը մատուցի առանց արատի մի զուարակ, որ լինի հորթեր ծնած կովի ձագ (վեց գառներն ու խոյն էլ պետք է լինեն առանց արատի):
7. Կը մատուցի նաեւ ազնիւ ալիւր՝ զուարակի հետ, ազնիւ ալիւր ու մաննա՝ խոյի ու գառների հետ, ինչպէս որ ինքը կը կամենար տալ, ազնիւ ալիւրի հետ էլ՝ իւղ:
8. Առաջնորդը մտնելիս՝ կամարի դռնով կը մտնի, նոյն դռնով էլ դուրս կը գայ:
9. Իսկ երբ երկրի ժողովուրդը տօներին մտնի Տիրոջ առաջ երկրպագելու, ով հիւսիսային դռնով մտնի, հարաւային դռնով դուրս կը գայ, իսկ ով հարաւային դռնով մտնի, հիւսիսային դռնով դուրս կը գայ: Զի վերադառնայ այն դռնով, որով մտել էր, այլ հակառակ դռնով դուրս կը գայ:
10. Առաջնորդն էլ, նրանց մէջ, մտնելիս՝ նրանց հետ կը մտնի, ելնելիս էլ նրանց հետ դուրս կը գայ:
11. Տօներին ու հաւաքոյթներին կը լինի՝ Եփուած մաննա զուարակի հետ, մաննա՝ խոյի ու գառների հետ, ինչպէս ինքը կը կամենար տալ. մէկ քսեստ իւղ էլ՝ հացի հետ:
12. Ապա առաջնորդը Տիրոջը կը մատուցի խոստովանութեան ու կամաւոր փրկութեան ողջակեզները, իր համար բաց կ'անի արեւելք նայող դուռը եւ կը մատուցի փրկութեան համար իր ողջակեզները նոյն ձեւով, ինչպէս կատարում էր շաբաթ օրերին: Ապա դուրս կը գայ եւ իր ելնելուց յետոյ կը փակի դռները:
13. Նա Տիրոջը, որպէս ողջակեզ, կը մատուցի մէկ տարեկան առանց արատի մի ամլիկ գառ, եւ դա կ'անի ամէն օր վաղ առաւօտեան:
14. Դրա հետ, վաղ առաւօտեան, կը մատուցի նաեւ մաննա արդուի չափի մէկ վեցերորդ մասով եւ քսեստի մէկ երրորդի չափով իւղ՝ ազնիւ ալիւրին խառնելու համար: Մաննայի ընծայումը Տիրոջը յաւիտենական հրահանգ է.
15. ամէն օր վաղ առաւօտեան պետք է մատուցուի գառը, մաննան ու իւղը, որպէս մշտնջենական ողջակեզ:
16. Այսպէս է ասում Տէր Աստուած. Եթէ իշխանն իր որդիներից որեւէ մէկին պարգեւ տայ իր ժառանգութիւնից, դա նրա որդիների ժառանգական կալուածքը կը լինի:
17. Իսկ եթէ իր ժառանգութիւնից պարգեւ տայ իր ծառաներից մէկին, դա նրանը կը լինի մինչեւ թողութեան տարին, ապա նորից կը վերադարձուի իշխանին: Բայց նրա որդիների ժառանգութիւնը նրանցը կը լինի:
18. Առաջնորդը չպետք է իր ժողովրդի ժառանգութիւնից վերցնի՝ նրան բռնադատելով, այլ իր կալուածքներից ու իր ժառանգութիւնից պետք է աւանդ թողնի իր որդիներին, որպէսզի իմ ժողովուրդը չցրուի՝ իւրաքանչիւրն իր բնակավայրից:
19. Նա ինձ հարաւային դռնով տարաւ դէպի քահանաների սուրբ պատշգամբը, որ հիւսիս է նայում: Եւ ահա մի առանձնացուած ծ տեղ կար:
20. Նա ասաց ինձ. Սա է այն տեղը, ուր քահանաները եփելու են զոհերի միսը՝ յանցանքների ու մեղքերի թողութեան համար: Այնտեղ են եփելու նաեւ մաննան՝ ամենեւին դուրս չգալով արտաքին գաւիթը ժողովրդին սրբագործելու համար:
21. Նա ինձ դուրս բերեց արտաքին գաւիթը, պտտեցրեց գաւթի չորս բլուրը: Ահա

տեսայ գաւիթներ ու գաւիթներ՝ սրահի չորս կողմերին:

22. Փոքր գաւիթը քառասուն կանգուն երկարութիւն եւ երեսուն կանգուն լայնութիւն ունէր: Չորսն էլ մի չափի էին, չորսի շուրջն էլ պատշգամբներ կային:

23. Խոհանոցներ էլ կային պատշգամբի տակ, չորս կողմերին:

24. Նա ինձ ասաց. Սրանք խոհանոցներ են, ուր տաճարի սպասաւորները ժողովրդի մատուցած զոհերի միսն են եփում:

1. Նա ինձ բերեց տաճարի դռան առաջ: Ահա տաճարի արեւելեան կողմի վարագոյրների տակից ջուր էր դուրս գալիս եւ հոսում դէպի արեւելք, որովհետեւ տաճարի ճակատային մասը դէպի արեւելք էր նայում. իսկ ջուրը գալիս էր տաճարի հիւսիսային կողմից՝ աջից դէպի զոհասեղանի կողմը:
2. Ինձ դուրս բերեց հիւսիսային դռնով ու դրսից պտտեցրեց արտաքին դռան չորս կողմը, որ արեւելք էր նայում: Ահա ջուրը հոսում էր աջ կողմից:
3. Երբ դուրս եկայ, մարդը ելաւ իմ դիմաց. ձեռքին չափ ունէր: Իր չափով հազար ձողաչափ չափեց ու անցաւ ջրի, յորդ ջրի միջով:
4. Դարձեալ հազար ձողաչափ չափեց իր չափով ու անցաւ ջրի միջով: Ջուրը մինչեւ նրա երանքներն էր հասնում: Նա հազար ձողաչափ չափեց իր չափով ու անցաւ ջրի միջով: Ջուրը մինչեւ գօտկատեղն էր հասնում:
5. Իր չափով նա հազար ձողաչափ չափեց հոսանքը ու չէր կարողանում անցնել, որովհետեւ ջուրը հեղեղի յորձանք էր տալիս, որի միջով ոչ ոք չէր կարող անցնել:
6. Նա ասաց ինձ. Տեսա՞ր, մարդո՞ւ որդի: Ու ինձ յետ դարձրեց, տարաւ գետի ափը:
7. Երբ շրջում էի այնտեղ, ահա գետափին, այս ու այն կողմերին, բազմաթիւ տնկած ծառեր տեսայ:
8. Նա ասաց ինձ. Այս ջուրը, որ դէպի արեւելք՝ գալիլիացիների կողմն է դուրս գալիս, իջնում է Արաբիա ու գալիս է մինչեւ ծով՝ ջրերի ելքը, եւ ջրերը դարձնում բուժիչ:
9. Ամէն շնչաւոր էակ, բոլոր նրանք, որոնց վրայ այս գետը գայ, ապրելու են: Այնտեղ շատ ծուկ է բազմանալու, որովհետեւ այս ջուրը հասնելով այնտեղ՝ լինելու է բուժիչ: Կենդանանալու եւ ապրելու է ամէն ոք, ում վրայ հասնի այս գետը:
10. Նրա մէջ կանգնելու են ձկնորսներ՝ Ենգադիայից մինչեւ Ենգադիք: Ուռկանները գցելու տեղեր են լինելու. նրա ձկներն էլ մեծ ծովի ձկների պէս շատ, խիստ շատ են լինելու:
11. Բայց նրա դուրս գալու, ծանծաղելու եւ յորդելու տեղերում ջրերը առողջարար չեն լինելու, այլ թողնուելու են ադ ունենալու համար:
12. Գետի մօտերքը, ափերի այս ու այն կողմերում, պտղատու ծառեր են բուսնելու, որոնք չեն ծերանալու, պտուղն էլ նրանց վրայից չի պակասելու: Հէնց սկզբից էլ դալար ճիւղեր են արձակելու, որովհետեւ գետի ջրերը սուրբ վայրերից են դուրս գալիս: Նրանց պտուղը սնունդ է լինելու, տերեւը՝ բուժիչ:
13. Այսպէս է ասում Տէր Աստուած. Սրանք են երկիրը ժառանգելու այն սահմանները, նաեւ այն յաւելեալ բաժինը, որ ժառանգութիւն են թողնելու իսրայէլացիների տասներկու սերունդներին:
14. Այն ժառանգութիւն է ստանալու ամէն ոք, եղբօր պէս, որովհետեւ ես, ձեռքս բարձրացրած, երդուել էի ձեր հայրերին յանձնել այն: Եւ այժմ երկիրը ձեզ է հասնում որպէս ժառանգութեան բաժին:
15. Սրանք են երկրի սահմանները դէպի հիւսիս. Մեծ ծովից, որ իջնում
16. ու բաժանում է դէպի Հելլադայի, Եմաթի, Բերոթի, Սաբարսիմի ճանապարհը, Դամասկոսի ու Եմաթի սահմանների միջեւ, - լինելու են Աւանի բնակավայրերը, որ աւրանցիների սահմաններում են:
17. Սրանք են հիւսիսային սահմանները, որ գտնուում են ծովի կողմից, Աւանի հանգրուանից, Դամասկոսի սահմաններից եւ Եմաթից հիւսիս՝ արեւելքի դէմ-դիմաց:
18. Դրանք ընկած են աւրանցիների եւ Դամասկոսի միջեւ, գաղաադացիների եւ Իսրայէլի միջեւ, իսկ Յորդանան գետը արեւելեան կողմից սահման է ծովի եւ Արմաւաստանի միջեւ: Սա արեւելքն է:
19. Հարաւային սահմաններն անցնում են Թեմանի հարաւով, Արմաւաստանից մինչեւ Մարիբոթ Կադեսի ջրերը, որ թափւում են Մեծ ծովը: Սա հարաւային բաժինն է, հարաւի կողմից:
20. Եւ Մեծ ծովի այս բաժինը, որի սահմանը հասնում է մինչեւ Եմաթի ճանապարհի

դիմաց, մինչեւ նրա մուտքը, - հենց սա էլ Եմաթի արեւմուտքն է:

21. Դուք երկիրը բաժանելու էք նրանց միջեւ.

22. վիճակ կը գցէք Իսրայելի ցեղերի՝ ձեր եւ եկուորների ու ձեր մէջ գտնուող պանդուխտների միջեւ, որոնք ձեր մէջ զաւակներ են ունեցել: Իսրայելի զաւակների մէջ սրանք ձեզ համար երկրածինների պէս են լինելու. ձեզ հետ են ապրելու, ժառանգութիւնից են օգտուելու Իսրայելի ցեղերի մէջ:

23. Նրանք ձեր մէջ գտնուող պանդուխտների պէս պանդուխտներ են լինելու, եւ դուք նրանց ժառանգութիւն էք տալու, - ասում է Տէր Աստուած:

1. Սրանք են ցեղերի սահմանները. հիւսիսից սկսած, զառիթափի կողմով, որ բաժանում է Եմաթի ճանապարհը եւ Աւնանի հանգրուանը, Դամասկոսի հիւսիսային սահմանն է՝ Եմաթի կողմից: Դրանց արեւելեան կողմից մինչեւ արեւմուտք՝ մէկ բաժին կը լինի Դանի ցեղին:
2. Դանի սահմաններից դեպի արեւելք, մինչեւ արեւմուտք՝ մէկ բաժին կը լինի Ասերի ցեղին:
3. Ասերի սահմաններից, արեւելեան կողմից մինչեւ արեւմուտք՝ մէկ բաժին կը լինի Նեփթաղիմի ցեղին:
4. Նեփթաղիմի սահմաններից, արեւելեան կողմից մինչեւ արեւմուտք՝ մէկ բաժին կը լինի Մանասէի ցեղին:
5. Մանասէի սահմաններից, արեւելեան կողմից մինչեւ արեւմուտք՝ մէկ բաժին կը լինի Եփրեմի ցեղին:
6. Եփրեմի սահմաններից, արեւելեան կողմից մինչեւ արեւմուտք՝ մէկ բաժին կը լինի Ռուբէնի ցեղին:
7. Ռուբէնի սահմաններից, արեւելեան կողմից մինչեւ արեւմուտք՝ մէկ բաժին կը լինի Յուդայի ցեղին:
8. Յուդայի սահմաններից, արեւելեան կողմից մինչեւ արեւմուտք՝ քսանհինգ ձողաչափ երկարութեամբ եւ տասը հազար ձողաչափ լայնութեամբ, թող լինի ձեր սրբավայրի հողամասը՝ իբրեւ բաժիններից մէկը, որտեղ կը լինի սրբարանը,
9. մի ընծայ՝ նուիրուած Տիրոջը, քսանհինգ հազար ձողաչափ երկարութեամբ ու տասը հազար ձողաչափ լայնութեամբ:
10. Քահանաների սրբատեղիներին նուիրուած հողամասը կը լինի հարաւային կողմում քսանհինգ հազար ձողաչափ երկարութեամբ, արեւմուտքում՝ տասը հազար ձողաչափ լայնութեամբ, արեւելքում՝ տասը հազար ձողաչափ լայնութեամբ, իսկ հիւսիսում՝ քսանհինգ հազար ձողաչափ երկարութեամբ մի բաժին: Դրանց մէջտեղում կը լինի սրբարանը:
11. Այս բաժինը Սադոկի որդիներից՝ սրբագործուած քահանաներին կը լինի, որոնք Տիրոջ Տոան պահպանութիւնն են կատարում, որոնք չմոլորուեցին իսրայէլացիների մոլորութեամբ, ինչպէս մոլորուեցին ղեւտացիները:
12. Ղեւտացիների սահմաններից ընծայուած հողերի այս բաժինն ամենասուրբ մասը կը լինի:
13. Իսկ քահանաներին սահմանակից ղեւտացիների բաժինը, կը լինի քսանհինգ հազար ձողաչափ երկարութեամբ ու տասը հազար ձողաչափ լայնութեամբ:
14. Դա չի վաճառուի նրանց կողմից, ոչ էլ կը մասնատուի: Հողի առաջին բերքից չի վերցուի, որովհետեւ այն Տիրոջն է նուիրուած:
15. Բայց քսանհինգ հազարից մնացած հինգ հազար լայնութեամբ հողամասը քաղաքի դրսի պատուարը կը լինի, իբրեւ բնակավայր ու ազատ տարածութիւն: Քաղաքը դրա մէջտեղում կը լինի:
16. Սրանք են նրա չափերը. հիւսիսային կողմից՝ չորս հազար հինգ հարիւր ձողաչափ, հարաւային կողմից՝ չորս հազար հինգ հարիւր, արեւելեան կողմից՝ չորս հազար հինգ հարիւր եւ արեւմտեան կողմից՝ չորս հազար հինգ հարիւր:
17. Քաղաքի ազատ տարածքը կը լինի. հիւսիսի ուղղութեամբ՝ երկու հարիւր յիսուն ձողաչափ, հարաւի ուղղութեամբ՝ երկու հարիւր յիսուն, արեւելքի ուղղութեամբ՝ երկու հարիւր յիսուն եւ արեւմուտքի ուղղութեամբ՝ երկու հարիւր յիսուն:
18. Իսկ մնացած այն տարածութիւնը, որ մօտ է սրբատեղիներին նուիրուած հողամասին, կ'ունենայ արեւելքի ուղղութեամբ՝ տասը հազար ձողաչափ երկարութիւն, արեւմուտքի ուղղութեամբ՝ տասը հազար: Դա ընծայ կը լինի սրբատեղիներին: Նրա բերքը քաղաքի գործաւորի համար հաց կը լինի:
19. Իսրայէլի բոլոր ցեղերից քաղաքի գործաւորներն էլ կը մշակեն այն:

20. Եւ քաղաքի բնակելի վայրերից դուք, որպէս սրբավայրի ընծայ, կ'առանձնացնէք քառակուսի մի տարածութիւն՝ քսանհինգ հազար ձողաչափ քսանհինգ հազարի վրայ:
21. Դրանից աւելացածն էլ իշխանինը կը լինի: Նոյն տեղից, իբրեւ ընծայ սրբատեղիին, քաղաքավայրում, նրա դիմաց, քսանհինգ հազար ձողաչափ երկարութեամբ մի բաժին կը լինի մինչեւ արեւելեան կողմի սահմանները. իսկ դրա դիմաց, արեւմտեան կողմը, քսանհինգ հազար ձողաչափ երկարութեամբ մի բաժին էլ կը լինի իշխանի բաժնին մօտ: Եւ դա ընծայ կը լինի սրբատեղիներին. տաճարի սրբարանը կը լինի նրա մէջտեղում,
22. որպէս ղեւտացիների ժառանգութիւն: Քաղաքի բնակատեղիից մի տարածութիւն իշխաններինը կը լինի. Յուդայի երկրի սահմանների ու Բենիամինի երկրի սահմանների միջեւ բաժին կը յատկացուի իշխանին:
23. Ինչ վերաբերում է մնացած ցեղերին, ապա արեւելեան կողմերից մինչեւ արեւմուտք՝ մէկ բաժին կը լինի Բենիամինի ցեղին:
24. Բենիամինի սահմաններից, արեւելեան կողմերից մինչեւ արեւմուտք՝ մէկ բաժին կը լինի Շմաւոնի ցեղին:
25. Շմաւոնի սահմաններից, արեւելեան կողմերից մինչեւ արեւմուտք՝ մէկ բաժին կը լինի Իսաքարի ցեղին:
26. Իսաքարի սահմաններից, արեւելեան կողմերից մինչեւ արեւմուտք՝ մէկ բաժին կը լինի Չաբուլոնի ցեղին:
27. Չաբուլոնի սահմաններից, արեւելեան կողմերից մինչեւ արեւմուտք՝ մէկ բաժին կը լինի Գադի ցեղին:
28. Գադի սահմաններից մինչեւ հարաւ, Թեմանից ու Ռաբոթ Կադեսի ջրերից մինչեւ Մեծ ծովը կը լինի մէկ ժառանգութեան սահման:
29. Ահա սա է այն երկիրը, որ վիճակով բաժանելու էք Իսրայելի ցեղերին, եւ սրանք են նրանց բաժինները, - ասում է Տէր Աստուած: -
30. Այժմ քաղաքի ելքի ու մուտքի դռների մասին. դրանցից հիւսիսային կողմի դռները չորս հազար հինգ հարիւր ձողաչափ են:
31. Քաղաքի դռները կը լինեն Իսրայելի ցեղերի անուններով: Երեք դուռ հիւսիսային կողմում. մի դուռը՝ Ռուբէնի անունով, մի դուռը՝ Յուդայի եւ մի դուռը՝ Դեւիի:
32. Արեւելքի ուղղութեամբ էլ դռները չորս հազար հինգ հարիւր ձողաչափ են: Երեք դուռ. մի դուռը՝ Յովսէփի անունով, մի դուռը՝ Բենիամինի եւ մի դուռը՝ Դանի:
33. Հարաւի ուղղութեամբ էլ դռները չորս հազար հինգ հարիւր ձողաչափ են: Երեք դուռ. մի դուռը՝ Շմաւոնի անունով, մի դուռը՝ Իսաքարի եւ մի դուռը՝ Չաբուլոնի:
34. Արեւմուտքի ուղղութեամբ էլ դռները չորս հազար հինգ հարիւր ձողաչափ են: Երեք դուռ. մի դուռը՝ Գադի անունով, մի դուռը՝ Ասերի եւ մի դուռը՝ Նեփթալիմի:
35. Ընդհանուր շրջագիծը՝ տասնութ հազար ձողաչափ: Եւ այդ օրից քաղաքի անունը կը լինի Տէրն այնտեղ է:

ԴԱՆԻԷԼ



## Գլուխ 1

1. Բաբելոնում բնակուող մի մարդ կար. նրա անունը Յովակիմ էր.
2. նա ամուսնացաւ Շուշան անունով մի կնոջ՝ Քեդկիայի դստեր հետ, որը շատ գեղեցիկ էր եւ աստուածավախ:
3. Նրա ծնողները արդար էին եւ իրենց դստերը դաստիարակել էին Մովսէսի օրէնքներով:
4. Յովակիմը շատ հարուստ էր. նա մի այգի ուներ իր ապարանքի մօտ: Հրեաները հաւաքւում էին նրա տանը, որովհետեւ նա բոլորից աւելի անուանի էր:
5. Մի անգամ երեւացին այդ ժողովրդից երկու ծերունիներ, որոնք այդ տարուայ դատաւորներն էին, եւ որոնց մասին Տէրն ասաց. Անօրէնութիւնը սկիզբ առաւ Բաբելոնից՝ ծեր դատաւորներից, որոնք կոչուած էին ժողովրդին առաջնորդելու:
6. Նրանք մշտապէս լինում էին Յովակիմի տանը, եւ բոլորը գալիս էին նրանց մօտ՝ դատաստանի:
7. Եւ կէսօրին, երբ ժողովուրդը մեկնում էր, Շուշանը ներս էր մտնում եւ զբօսնում իր ամուսնու այգում:
8. Երկու ծերունիները միշտ տեսնում էին նրան, որ նա այգի էր մտնում ու զբօսնում, եւ ցանկացան նրան:
9. Նրանք շեղեցին իրենց միտքը ու թեքեցին իրենց աչքերը՝ երկինք չնայելու եւ չիշելու համար արդար դատաստանները:
10. Երկուսն էլ գրաւուել էին նրանով, բայց միմեանց չէին պատմում իրենց ցաւերը,
11. որովհետեւ ամաչում էին խոստովանել իրենց ցանկութիւնը, քանի որ ուզում էին լինել նրա հետ
12. եւ շատ յաճախ սպասում էին՝ նրան տեսնելու համար:
13. Նրանք ասացին միմեանց. Գնանք տուն, որովհետեւ ճաշի ժամ է: Ելան, բաժանուեցին իրարից
14. եւ նորից եկան նոյն տեղը միմեանց մօտ. իրար հարցնելով ետ գալու պատճառը՝ նրանք խոստովանեցին իրենց ցանկութիւնը: Ապա պայմանաւորուեցին, թէ ե՛րբ կարող են նրան մենակ գտնել:
15. Եւ մի օր, երբ սպասում էին նրան, նա եկաւ, մտաւ այգի ինչպէս երէկ եւ նախորդ օրը՝ միայն թէ երկու աղջիկների հետ: Նա ուզեց լողանալ այնտեղ, այգում, որովհետեւ տօթ էր.
16. այնտեղ ոչ ոք չկար, բացի երկու թաքնուած ծերունիներից, որոնք սպասում էին նրան:
17. Շուշանն ասաց աղջիկներին. Գնացէ՛ք, իւր եւ օճառ բերէ՛ք ինձ համար եւ փակեցէ՛ք այգու դռները, որպէսզի լողանամ:
18. Նրանք արեցին, ինչպէս ասաց նրանց. փակեցին այգու դռները եւ դուրս եկան՝ բերելու ինչ որ հրամայել էր նրանց: Ծերունիներին չտեսան, քանի որ թաքնուած էին:
19. Եւ այնպէս եղաւ, որ երբ աղջիկները դուրս եկան, երկու ծերունիները վեր կացան, գնացին դէպի Շուշանը եւ ասացին.
20. Ահա այգու դռները փակ են, եւ չկայ ոչ ոք, որ մեզ տեսնի, իսկ մենք ցանկանում ենք քեզ. ուստի եկ համաձայնուի՛ր ու եղի՛ր մեզ հետ,
21. ապա թէ ոչ քո մասին մենք կը վկայենք, որ մի պատանի կար քեզ հետ, եւ դրա համար էլ աղջիկներին հեռացրիք քեզանից:
22. Շուշանը հոգոց հանեց եւ ասաց. Տազնապ է պատել ինձ չորս կողմից. եթէ այդպէս վարուեմ, այդ մահ է ինձ համար, իսկ եթէ այդպէս չանեմ, չեմ փրկուի ձեր ձեռքից:
23. Բայց աւելի լաւ է, որ ես այդպէս չանեմ եւ չընկնեմ ձեր ձեռքը, քան թէ մեղք գործեմ Տիրոջ առաջ:
24. Եւ Շուշանը բարձրաձայն աղաղակեց, նրա հետ աղաղակեցին եւ երկու ծերունիները,
25. իսկ նրանցից մէկը գնաց ու բացեց այգու դռները:

26. Երբ տնեցիները այգուց լսեցին ճիչը, դռան կողմից ներս մտան՝ տեսնելու, թե ինչ է պատահել նրան:
27. Եւ երբ ծերունիներն ասացին իրենց խօսքը, ծառաները շատ ամաչեցին, որովհետեւ երբեք այդպիսի բաներ չէին ասուել Շուշանի մասին:
28. Երբ յաջորդ առաւօտեան ժողովուրդը եկաւ նրա ամուսնու՝ Յովակիմի մօտ, եկան նաեւ երկու ծերունիները Շուշանի նկատմամբ անօրէն մտադրութեամբ՝ սպանելու նրան,
29. եւ ասացին ժողովրդի առաջ. Մա՛րդ ուղարկեցէք կանչելու Քեղկիայի դստերը՝ Շուշանին, որ Յովակիմի կինն է: Եւ նրանք մարդ ուղարկեցին:
30. Եկաւ Շուշանը, եկան նաեւ նրա ծնողները, նրա որդիներն ու բոլոր ազգականները:
31. Շուշանը շատ նազելի էր եւ տեսքով գեղեցիկ:
32. Եւ քանի որ ծածկուած էր շղարշով, անօրէնները հրամայեցին մերկացնել նրան, որպէսզի յագենան նրա գեղեցկութեամբ:
33. Լաց էին լինում իւրայիններն ու բոլոր նրանք, ովքեր ճանաչում էին նրան:
34. Ժողովրդի միջից վեր կացան երկու ծերունիները եւ իրենց ձեռքերը դրին նրա գլխին.
35. նա լաց լինելով նայեց դէպի երկինք, որովհետեւ նրա սիրտը ապաւինել էր Տիրոջը:
36. Երկու ծերունիներն ասացին. Մինչ մենք մենակ գրօսնում էինք այգում, նա այնտեղ մտաւ երկու աղջիկների հետ, փակեց այգու դռներն ու արծակեց աղջիկներին:
37. Մի պատանի, որ թաքնուած էր, եկաւ նրա մօտ ու եղաւ նրա հետ,
38. իսկ մենք այգու անկիւնում էինք. երբ տեսանք անօրէնութիւնը, մօտեցանք նրանց եւ տեսանք նրանց իրար հետ լինելը:
39. Պատանուն չկարողացանք բռնել, որովհետեւ մեզանից ակելի ուժեղ էր. նա բացեց դուռը եւ դուրս փախաւ:
40. Սրան, որ բռնեցինք, հարցրինք, թե ո՞վ էր պատանին: Նա չուզեց պատմել մեզ: Ահա այս ենք վկայում:
41. Ատենաը հաւատաց նրանց՝ որպէս ժողովրդի աւագների եւ դատաւորների, եւ մահուան դատապարտեցին Շուշանին:
42. Շուշանը բարձրաձայն աղաղակեց եւ ասաց. Ո՛վ դու յաւիտենական, ծածկագէտ Աստուած, որ գիտես ամէն ինչ՝ նախքան դրանց տեղի ունենալը:
43. Դու գիտես, որ սուտ են վկայում իմ մասին. ահա ես մեռնում եմ, ես, որ չեմ արել այն, ինչով նրանք ամբաստանում են ինձ:
44. Եւ Տէրը լսեց նրա ձայնը:
45. Մինչ նրան տանում էին սպանելու, Աստուած Սուրբ Հոգին արթնացրեց մի պատանու մէջ, որի անունն էր Դանիէլ:
46. Սա բարձր ձայնով աղաղակեց եւ ասաց. Ես անպարտ եմ դրա արեան մեղքից:
47. Ամբողջ ժողովուրդը շրջուեց դէպի նա. ասացին. Այդ ի՞նչ խօսք է, որ դու ասացիր:
48. Եւ նա կանգնեց նրանց մէջ ու ասաց. Այդպէս անխեղք էք, Իսրայէլի՛ որդիներ. չէք քննում, ճշմարտութեանը հասու չէք լինում եւ դատապարտո՞ւմ էք Իսրայէլի դստերը:
49. Վերադարձէ՛ք ատենան, որովհետեւ դրանք սուտ վկայութիւն տուին նրա մասին:
50. Եւ ժողովուրդը անմիջապէս վերադարձաւ: Ծերունիներն ասացին պատանուն. Ե՛կ, նստի՛ր մեր մէջ եւ պատմի՛ր մեզ, որովհետեւ Աստուած աւագութիւն տուեց քեզ:
51. Դանիէլը ասաց նրանց. Բաժանեցէ՛ք դրանց իրարից եւ քննեցէ՛ք դրանց:
52. Երբ նրանք հեռացան իրարից, կանչեց նրանցից մէկին եւ ասաց նրան. Այ դո՛ւ, որ ծերացել ես չարութեան մէջ, այժմ քո մեղքերը, որ գործում էիր նախապէս, ահա եկան հասան իրենց վախճանին,
53. քանի որ դատերը անիրաւութեամբ էիր վարում, դատապարտում էիր անմեղներին եւ վնասարարներին ազատ արձակում, մինչդեռ Աստուած ասել էր, որ անմեղներին եւ արդարներին չսպանես:
54. Իսկ արդ, եթէ դրանց տեսար, ո՞ր ծառի տակ հասար դրանց, մինչ խօսում էին իրար հետ: Եւ նա ասաց. Հերձենու տակ:
55. Դանիէլն ասաց. Սուտդ գլխի՛դ դիպչի, լաւ ստեցիր: Ահա Աստծու հրեշտակը հրաման

ստանալով՝ քեզ կը հերձի մէջտեղից:

56. Եւ դուրս արեց նրան: Հրամայեց բերել միւսին եւ ասաց նրան. Չաւա՛կ Քանանի եւ ոչ Յուդայի. նրա գեղեցկութիւնը հրապուրեց քեզ, եւ քո սիրտը տենչաց նրան:

57. Դուք այդպէս էիք վարուում Իսրայէլի դուստրերի հետ, եւ նրանք վախից տրուում էին ձեզ. Յուդայի այդ դուստրը, սակայն, յանձն չառաւ ձեր անօրէնութիւնը:

58. Իսկ արդ, ճի՛շտն ասա, երբ նրանք խօսում էին միմեանց հետ, ո՞ր ծառի տակ հասար նրանց: Եւ նա ասաց. Սղոցենու տակ:

59. Դանիէլն ասաց նրան. Քո սուտն էլ քո գլխին դիպչի, լաւ սուտ խօսեցիր: Ահա մերկ սուրը ձեռքին կանգնած է Աստծու հրեշտակը՝ քեզ մէջտեղից սղոցելու համար, որպէսզի սատկեցնի քեզ:

60. Ամբողջ ժողովուրդը աղաղակեց բարձր ձայնով, օրհնեց Աստծուն, որ փրկում է իր վրայ յոյս դնողներին:

61. Եւ յարձակուեցին երկու ծերունիների վրայ, քանի որ Դանիէլը իրենց իսկ բերանով, որպէս սուտ վկաների, խայտառակեց նրանց: Եւ ըստ Մովսէսի օրէնքի նրանց հետ վարուեցին այնպէս, ինչպէս վարուում են նրանց հետ, ովքեր մտադրուում են չարութիւն անել իրենց ընկերոջը.

62. եւ սպանեցին նրանց: Այդ օրը արդար արիւնը փրկուեց:

63. Իսկ Քեղկիան եւ նրա կինը, Շուշանի ամուսին Յովակիմի եւ բոլոր ազգականների հետ, օրհնեցին Աստծուն իրենց դստեր՝ Շուշանի համար, քանի որ գարշելի ոչինչ չգտնուեց նրա մէջ:

64. Եւ Դանիէլը այդ օրը ու դրանից յետոյ մեծ եղաւ ժողովրդի առաջ:

1. Յուդայի երկրի Յովակիմ արքայի թագաւորութեան երրորդ տարում բաբելացիների Նաբուքոդոնոսոր արքան եկաւ Երուսաղէմ
2. Եւ պաշարեց այն: Տէրը Յուդայի երկրի Յովակիմ արքային եւ Աստծու Տան սպասքի մի մասը տուեց նրա ձեռքը: Նաբուքոդոնոսորը նրան տարաւ իր աստծու տունը՝ Սենաար, իսկ սպասքը դրեց իր աստծու գանձատունը:
3. Թագաւորը իր ներքինապետ Ասփանէզին ասաց, որ գերի խորայելացիների միջից, թագաւորական տոհմից եւ ազնուականներից
4. առանց արատի, դէմքով գեղեցիկ, ամէն իմաստութեան խելահաս, գիտութեանը հմուտ, խելացիութեամբ օժտուած եւ թագաւորական պալատում սպասաւորելու ունակ մանուկներ բերի եւ սովորեցնի նրանց քաղդէացիների լեզուն եւ դպրութիւնը:
5. Թագաւորը նրանց համար սահմանեց ամենօրեայ ուտելիքի բաժին արքայական սեղանից եւ այն գինուց, որ ինքն էր ըմպում, հրամայեց սնել նրանց երեք տարի եւ յետոյ կանգնեցնել թագաւորի առաջ:
6. Նրանց մէջ էին Յուդայի երկրի որդիներից Դանիէլը, Անանիան, Միսայէլը եւ Ազարիան:
7. Ներքինապետը Դանիէլին անուանեց Բաղդտասար, Անանիային՝ Սեդրակ, Միսայէլին՝ Միսակ եւ Ազարիային՝ Աբեղնագով:
8. Դանիէլը որոշեց չճաշակել թագաւորի սեղանից եւ ոչ էլ խմել այն գինուց, որ նա էր խմում, եւ խնդրեց ներքնապետին թոյլ տալ, որ ինքը չուտի:
9. Աստուած այնպէս արեց, որ Դանիէլը գուր չեւ շնորի գտաւ ներքինապետի մօտ:
10. Ներքինապետն ասաց Դանիէլին. Ես վախճնում եմ իմ տէր արքայից, որ այդ կերակուրն ու ըմպելիքը սահմանեց ձեզ համար. թերեւս ձեր դէմքը աւելի դալուկ տեսնի, քան ձեզ հասակակից ուրիշ մանուկներինը, եւ դուք ինձ գլխով պարտական կը դարձնէք թագաւորի առաջ:
11. Դանիէլն ասաց Ամելասադին, որին ներքինապետը վերակացու էր նշանակել Դանիէլի, Անանիայի, Միսայէլի եւ Ազարիայի վրայ.
12. Արի՛ տասը օր փորձի՛ր քո ծառաներին, եւ թող մեզ ընդեղէն տան, որ ուտենք, եւ ջուր, որ խմենք:
13. Եւ կ'երեւան քեզ մեր եւ այն մանուկների գոյները, որոնք ուտում են թագաւորի սեղանից: Եւ ինչպէս որ դու տեսնես, ըստ այնմ էլ վարուի՛ր քո ծառաների հետ:
14. Ամելասադն անսաց նրանց ու փորձեց նրանց տասն օր:
15. Երբ վերջացան տասը օրերը, նրանց դէմքերը նրան աւելի լաւ երեւացին, իսկ նրանք մարմնով աւելի հզօր, քան բոլոր այն մանուկները, որոնք ուտում էին թագաւորի սեղանից:
16. Ամելասադը վերցնում էր նրանց ընթրիքն ու խմելու գինին եւ չորս մանուկներին ընդեղէն էր տալիս:
17. Աստուած նրանց խելք եւ իմաստութիւն տուեց ամէն տեսակի դպրութեան եւ իմացութեան մէջ: Դանիէլը խելամուտ էր հասկանալու ամէն տեսակ տեսիլքներ ու երազներ:
18. Իսկ երբ ժամանակը լրացաւ, թագաւորը հրամայեց բերել նրանց: Ներքինապետը նրանց բերեց Նաբուքոդոնոսորի առաջ, եւ արքան խօսեց նրանց հետ:
19. Բոլորի մէջ չգտնուեց ոչ ոք, որ նման լինէր Դանիէլին, Անանիային, Միսայէլին եւ Ազարիային:
20. Եւ նրանք կանգնեցին թագաւորի առաջ: Իմաստութեան ու գիտութեան այն բոլոր բաների մասին, որ թագաւորը հարցնում էր նրանց, այդ բոլորի մէջ նրանց գտնում էր տասնապատիկ առաւել, քան բոլոր գիտուններին ու մոգերին, որ նրա թագաւորութեան մէջ էին:
21. Եւ Դանիէլը մնաց մինչեւ Կիւրոս արքայի տարիները:

1. Իր թագաւորութեան երկրորդ տարում Նաբուքոդոնոսորը երազ տեսաւ: Նրա հոգին խռովուեց, ու քունը փախաւ աչքերից:
2. Թագաւորն ասաց, որ կանչեն իմաստուններին, մոգերին, կախարդներին եւ աստղագուշակներին, որպէսզի թագաւորին յայտնեն Նրա երազը: Նրանք եկան, կանգնեցին թագաւորի առաջ,
3. եւ թագաւորն ասաց Նրանց. Երազ տեսայ, եւ հոգիս խռովուեց՝ երազս հասկանալու համար:
4. Աստղագուշակները ասորերէն լեզուով խօսեցին թագաւորի հետ եւ ասացին. Արքայ, թող քո կեանքը յաւիտեան լինի: Դու երազդ ասա՝ քո ծառաներին, եւ մենք կը մեկնենք այն:
5. Արքան պատասխանեց եւ ասաց աստղագուշակներին. Իմ խօսքը վճռական է. արդ, եթէ ինձ չյայտնէք երազն ու Նրա մեկնութիւնը, կորստի կը մատնուէք, եւ ձեր տները աւերակ կը դառնան,
6. իսկ եթէ երազն ու Նրա մեկնութիւնը յայտնէք ինձ, դուք պարգեւներ, բազում ընծաներ եւ մեծ պատիւ կը ստանաք ինձնից, միայն թէ յայտնեցէ՛ք ինձ երազն ու Նրա մեկնութիւնը:
7. Երկրորդ անգամ պատասխանեցին Նրան եւ ասացին. Թող արքան ասի երազը իր ծառաներին, եւ մենք կը յայտնենք Նրա մեկնութիւնը:
8. Արքան պատասխանեց եւ ասաց. Հաստատ գիտեմ, որ դուք ուզում էք ժամավաճառ լինել, որովհետեւ տեսնում էք, որ իմ խօսքը վճռական է:
9. Եթէ դուք երազը չյայտնէք ինձ, ուրեմն համաձայնուել էք սուտ եւ անճիշտ բաներ ասել ինձ, միւսին որ ժամանակն անցնի: Ասացէ՛ք ինձ իմ երազը, եւ կ'իմանամ, որ Նրա մեկնութիւնը նոյնպէս կը յայտնէք ինձ:
10. Աստղագուշակները նորից պատասխանեցին թագաւորին եւ ասացին. Երկրի վրայ չկայ մի մարդ, որ կարողանայ յայտնել թագաւորի ուզած բանը: Ոչ մի թագաւոր եւ իշխան այդպիսի բան չի հարցնի իմաստունին, մոգին եւ աստղագուշակին,
11. որովհետեւ այն բանը, որ թագաւորն է հարցնում, ծանր բան է, եւ բացի աստուածներից, որոնք մարմնաւորների մէջ չեն բնակւում, չկայ ոչ մէկը, որ այն յայտնի թագաւորի առաջ:
12. Այն ժամանակ թագաւորը մեծ բարկութեամբ ու զայրոյթով հրամայեց կոտորել բաբելացի բոլոր իմաստուններին:
13. Հրաման արձակուեց, եւ իմաստունները կոտորուում էին: Փնտռում էին Դանիէլին եւ Նրա ընկերներին՝ սպանելու համար Նրանց:
14. Այն ժամանակ Դանիէլը խոհեմ եւ իմաստուն կերպով խորհրդակցեց արքայի դահճապետի՝ թագաւորի իշխան Արիոքի հետ, որ ելել կոտորում էր բաբելացի իմաստուններին: Դանիէլը հարցրեց Նրան եւ ասաց.
15. Ինչո՞ւ արքայի կողմից արձակուեց այդ խիստ հրամանը: Եւ Արիոքը այդ բանը յայտնեց Դանիէլին:
16. Դանիէլը մտաւ արքայի մօտ եւ խնդրեց արքային, որ Նրան ժամանակ տայ, եւ ինքը դրա մեկնութիւնը կը յայտնի թագաւորին:
17. Դանիէլը մտաւ իր տունը եւ բանը յայտնեց իր ընկերներին՝ Անանիային, Ազարիային եւ Միսայէլին:
18. Նրանք գթութիւն էին խնդրում երկնքի Աստծուց, որպէսզի Նա Դանիէլին ու իր ընկերներին կորստի չմատնի բաբելացի այլ իմաստունների հետ:
19. Այն ժամանակ գաղտնիքը Դանիէլին յայտնուեց գիշերային տեսիլքում: Դանիէլը օրհնեց երկնքի Աստծուն եւ ասաց.
20. Թող օրհնեալ լինի Տիրոջ անունը յաւիտեանս յաւիտենից, որովհետեւ Նրանն է իմաստութիւնը, հանճարը եւ զօրութիւնը:
21. Նա է, որ փոփոխում է ժամերն ու ժամանակները: Թագաւորներ է կարգում եւ

փոփոխում, իմաստուններին իմաստութիւն է տալիս եւ խելամիտներին՝ իմացութիւն, բացայայտում է խորին եւ ծածուկ բաները,

22. գիտի, թէ ինչ կայ խաւարում, եւ լոյսը նրա հետ է:

23. Գոհութիւն քեզ, մեր հայրերի՝ Աստուած, օրինում եմ քեզ, որովհետեւ ուժ եւ իմաստութիւն տուեցիր ինձ եւ յայտնեցիր ինձ այն, ինչ որ մենք աղօթքներով խնդրեցինք քեզնից, եւ բացատրեցիր ինձ թագաւորի տեսիլքը:

24. Դանիէլը մտաւ Արիոքի մօտ, որին թագաւորը նշանակել էր՝ կոտորելու Բաբելոնի իմաստուններին, եւ ասաց նրան. Մի՛ կոտորիր Բաբելոնի իմաստուններին, այլ տա՛ր ինձ թագաւորի առաջ, եւ ես թագաւորին կը յայտնեմ երազի մեկնութիւնը:

25. Այն ժամանակ Արիոքը Դանիէլին շտապ տարաւ թագաւորի առաջ եւ ասաց նրան. Հրեաստանից գերի բերուածների մէջ գտայ մի մարդ, որ երազի մեկնութիւնը պիտի յայտնի արքային:

26. Թագաւորը պատասխանեց Դանիէլին, որի անունն էր Բաղդասար, եւ ասաց. Կարո՞ղ ես պատմել ինձ իմ տեսած երազն ու յայտնել նրա մեկնութիւնը:

27. Դանիէլը պատասխանեց թագաւորին եւ ասաց. Այդ գաղտնիքը, որի մասին հարցնում է արքան, իմաստունները, մոգերը, հմայողներն ու բախտագուշակները արքային պատմել չեն կարող,

28. այլ երկնքում կայ Աստուած, որ յայտնում է գաղտնիքները: Նա՛ ցոյց տուեց Նաբուքոդոնոսոր արքային, թէ ինչ պիտի լինի գալիք օրերում: Քո երազն ու քո գլխում ծագած տեսիլքը, որ դու տեսել ես անկողնում, այս է, արքայ.

29. քո մտածումները, թէ ինչ պիտի լինի սրանից յետոյ, քեզ մտատանջում էին քո անկողնում, եւ գաղտնիքները բացայայտողը ցոյց տուեց քեզ, թէ ինչ պիտի լինի այսուհետեւ:

30. Գաղտնիքը յայտնուեց ինձ ոչ այն պատճառով, որ իմ մէջ անելի իմաստութիւն կայ, քան բոլոր բանականների մէջ, այլ որպէսզի մեկնութիւնը ցոյց տրուի արքային, եւ դու իմանաս քո սրտի խորհուրդները:

31. Դու, արքայ, ահա թէ ինչ էիր տեսնում. քո առաջ կանգնած էր մի արձան, մի վիթխարի արձան, եւ նրա կերպարանքն ու տեսքը ահաւոր էր: Այդ արձանը շատ սարսափազդու էր:

32. Նրա գլուխը մաքուր ոսկուց էր, նրա ձեռքերը, կուրծքն ու բազուկները՝ արծաթից, նրա մէջքն ու ազդրերը՝ պղնձից,

33. սրունքները՝ երկաթից, ոտքերը՝ կէսը երկաթից եւ կէսը խեցուց:

34. Դու նայում էիր, երբ առանց ձեռք դիպչելու պոկուեց մի քար եւ հարուածեց արձանի երկաթեայ եւ խեցե ոտքերին ու ամբողջովին փշրեց դրանք:

35. Միաժամանակ բոլորովին փշրուեցին խեցին ու երկաթը, պղինձը, արծաթն ու ոսկին եւ դարձան ինչպէս ամառուայ կալի փոշի. սաստիկ քամին քշեց դրանք, ու տեղ չէր գտնուում դրանց համար: Իսկ այն քարը, որ հարուածեց արձանին, դարձաւ մեծ լեռ ու լցրեց ամբողջ երկիրը:

36. Սա է երազը: Իսկ այժմ թագաւորին ասենք երազի մեկնութիւնը:

37. Դո՛ւ, ո՛վ արքայ, արքայի՛ց արքայ, որին երկնքի Աստուածը հօգօր եւ փառաւոր թագաւորութիւն տուեց:

38. Դո՛ւ, որի ձեռքը տուեց մարդու որդիներին, վայրի գազաններին, երկնքի թռչուններին ու ծովի ձկներին, որտեղ էլ որ ապրում են նրանք, եւ քեզ տեր կարգեց բոլորին:

39. Դու ես ոսկեայ գլուխը: Քեզանից յետոյ ուրիշ թագաւորութիւն պիտի բարձրանայ, որ պիտի լինի քո թագաւորութիւնից ցածր: Ապա երրորդ՝ պղնձեայ թագաւորութիւնը պիտի տիրի ամբողջ երկրին:

40. Իսկ չորրորդ թագաւորութիւնը, որ երկաթի պէս ամուր պիտի լինի, պիտի փշրի եւ տրորի ամեն ինչ, ինչպէս երկաթն է փշրում եւ տրորում ամեն բան:

41. Եւ քանի որ ոտքերի մատների կէսը երկաթեայ եւ կէսը խեցուց էիր տեսնում դու, ապա այդ թագաւորութիւնը պիտի բաժանուի, բայց եւ նրա մէջ երկաթեայ ուժ պիտի

լինի, ինչպես որ երկաթը խեցու հետ խառնուած էիր տեսնում:

42. Ոտքերի մատների մի մասը երկաթ էր եւ մի մասը՝ խեցի. ուրեմն թագաւորութեան մի մասը հզօր պիտի լինի, իսկ միւս մասը՝ դիւրաբեկ:

43. Իսկ այն, որ դու երկաթը խեցուն խառնուած էիր տեսնում, ապա այդպէս էլ խառն են լինելու մարդկային սերունդները, բայց չեն միաձուլուելու իրար, ինչպէս երկաթը չի զօղում խեցուն:

44. Այդ թագաւորների ժամանակ երկնքի Աստուածը պիտի բարձրացնի մի թագաւորութիւն, որ յաւիտեանս չի կործանուելու, եւ այդ թագաւորութիւնը ուրիշ ազգի չի մնալու: Այն պիտի փոշիացնի ու վերացնի բոլոր թագաւորութիւնները եւ ինքը պիտի մնայ յաւիտեան:

45. Իսկ այն, որ դու տեսնում էիր, թէ լեռից առանց ձեռք դիպչելու քար պոկուեց եւ մանրեց խեցին, երկաթը, պղինձը, արծաթն ու ոսկին, ապա այդպէս էլ մեծն Աստուած ցոյց տուեց արքային, թէ ինչ պիտի լինի յետոյ: Ճշմարիտ է երազը եւ ճշգրիտ՝ Նրա մեկնութիւնը:

46. Այն ժամանակ Նաբուքոդոնոսոր արքան երեսի վրայ ընկաւ եւ երկրպագեց Դանիէլին, հրամայեց զոհեր ու անուշահոտ խնկեր մատուցել Նրան:

47. Թագաւորն ասաց Դանիէլին. Արդարեւ, ձեր Աստուածը աստուածների Աստուածն է, տերերի Տէրը եւ թագաւորների Թագաւորը, որ բացայայտում է գաղտնիքները, քանի որ դու կարողացար յայտնել այդ գաղտնիքը:

48. Եւ թագաւորը մեծարեց Դանիէլին, մեծամեծ ու բազում պարգեւներ տուեց Նրան, Բաբելոնի վրայ կառավարիչ նշանակեց Նրան եւ Նախարարների իշխան՝ Բաբելոնի բոլոր իմաստունների վրայ:

49. Դանիէլը արքային խնդրեց, եւ արքան Սեդրակին, Միսակին եւ Աբեղնագովին գործավարներ նշանակեց բաբելացիների երկրի վրայ: Իսկ Դանիէլը մնաց արքայի պալատում:

1. Իր թագաւորութեան տասնութերորդ տարում Նաբուքոդոնոսոր արքան պատրաստեց մի ոսկեայ արձան, որի բարձրութիւնը վաթսուն կանգուն էր, լայնութիւնը՝ վեց, եւ այն կանգնեցրեց Բաբելացիների երկրում, Դէերա դաշտում:
2. Նա հրամայեց հաւաքել զօրավարներին, զօրագլուխներին եւ կուսակալներին, պետերին, իշխանաւորներին, գործակալներին եւ գաւառների բոլոր իշխաններին՝ գալու այն արձանի նաւակատիքին, որ կանգնեցրել էր Նաբուքոդոնոսոր արքան:
3. Հաւաքուեցին կուսակալները, զօրավարներն ու զօրագլուխները, պետերը, իշխանաւորները, մեծամեծները, գործակալներն ու գաւառների բոլոր իշխանները, եկան այն արձանի նաւակատիքին, որ կանգնեցրել էր Նաբուքոդոնոսոր արքան: Նրանք կանգնած էին այն արձանի առաջ, որ կանգնեցրել էր Նաբուքոդոնոսոր արքան:
4. Եւ մունետիկը կանչում էր բարձրաձայն ու ասում. Ձեզ է ասւում, ազգե՛ր, ժողովուրդնե՛ր եւ լեզունե՛ր:
5. Երբ լսէք փողի, սրնգի, թմբուկի, քնարի, տաւղի եւ բոլոր տեսակի նուագարանների ձայնը, գետին ընկեք եւ երկրպագեցէ՛ք արձանին, որ կանգնեցրել է Նաբուքոդոնոսոր արքան:
6. Եւ նա, ով գետին չընկնի ու չերկրպագի, նոյն ժամին կը նետուի բորբոքուած կրակի հնոցը:
7. Եւ այնպէս եղաւ, որ երբ ազգերը լսեցին փողի, սրնգի, տաւղի, նուագարանների եւ այլ տեսակի գործիքների ձայնը, բոլոր ազգերը, ժողովուրդները եւ լեզուները գետին էին ընկնում եւ երկրպագում ոսկեայ արձանին, որ կանգնեցրել էր Նաբուքոդոնոսոր արքան:
8. Այն ժամանակ մօտեցան քաղղեացի մարդիկ, Նաբուքոդոնոսորին չարախօսեցին հրեաների մասին եւ ասացին.
9. Արքա՛յ, թող քո կեանքը յաւիտեան լինի,
10. դու հրամայեցիր, որ ամէն մարդ, երբ լսի փողի, սրնգի, քնարի, տաւղի, նուագարանների ու բոլոր տեսակի գործիքների ձայնը,
11. գետին ընկնի ու երկրպագի ոսկեայ արձանին, իսկ նա, ով այդպէս չի անի, պիտի նետուի բորբոքուած կրակի հնոցը:
12. Արդ, այստեղ կան հրեայ մարդիկ, որոնց դու նշանակեցիր Բաբելոնի գործերի վրայ՝ Սեդրակը, Միսակը եւ Աբեղնագովը, որոնք չհնազանդուեցին քո հրամանին, արքա՛յ. նրանք չեն պաշտում քո աստուածները, չեն երկրպագում քո կանգնեցրած այդ ոսկե արձանին:
13. Այն ժամանակ Նաբուքոդոնոսորը բարկութեամբ եւ ցասումով հրամայեց բերել Սեդրակին, Միսակին եւ Աբեղնագովին: Եւ նրանց բերեցին թագաւորի առաջ:
14. Նաբուքոդոնոսորը նրանց ասաց. Սեդրա՛կ, Միսա՛կ եւ Աբեղնագո՛վ, իսկապէ՞ս դուք իմ աստուածները չէք պաշտում եւ ոսկեայ արձանին, որ ես կանգնեցրի, չէք երկրպագում:
15. իսկ այժմ պատրա՛ստ եղէք, որ երբ լսէք փողի, սրնգի, թմբուկի, քնարի եւ ամէն տեսակ երաժիշտների ձայնակցութիւնը, գետին ընկնեք եւ երկրպագեք արձանին, որ ես կանգնեցրի. իսկ եթէ չերկրպագեք, նոյն ժամին կը նետուեք բորբոքուած կրակի հնոցը: Ո՞վ է այն աստուածը, որ կը փրկի ձեզ իմ ձեռքից:
16. Սեդրակը, Միսակը եւ Աբեղնագովը պատասխանեցին Նաբուքոդոնոսոր արքային եւ ասացին. Հարկ չկայ քեզ պատասխանել այդ բանի համար, արքա՛յ,
17. որովհետեւ մեր Աստուածը, որին մենք պաշտում ենք, երկնքում է, կարող է փրկել մեզ բորբոքուած կրակի հնոցից եւ ազատել մեզ քո ձեռքից:
18. Իսկ եթէ ոչ, թող քեզ յայտնի լինի, արքա՛յ, որ քո աստուածները մենք չենք պաշտում եւ չենք երկրպագում քո կանգնեցրած այդ ոսկե արձանին:
19. Այն ժամանակ Նաբուքոդոնոսորը զայրոյթով լցուեց, բարկացաւ Սեդրակի, Միսակի եւ Աբեղնագովի վրայ եւ ասաց. Եօթնապատիկ վառեցէ՛ք հնոցը, որպէսզի մինչեւ վերջ այրուեն սրանք:



20. Հինգ ուժեղ մարդիկ թող կապեն Սեդրակին, Միսակին եւ Աբեղնագովին եւ նետեն բորբոքուած կրակի հնոցը:
21. Այն ժամանակ այդ մարդկանց կապեցին իրենց պատմութեաններով, անդրավարտիքներով, գլխի ապարօշներով, զանկապաններով եւ նետեցին բորբոքուած կրակի հնոցը,
22. որովհետեւ թագաւորի հրամանը աւելի ու աւելի էր սաստկանում, եւ հնոցը բորբոքում էր եօթնապատիկ աւելի:
23. Իսկ նրանք երեքը՝ Սեդրակը, Միսակը եւ Աբեղնագովը կապուած ընկան հնոցի մէջ:
24. Նրանք քայլում էին կրակի մէջ, օրհնում եւ գովում էին Տէր Աստծուն:
25. Ազարիան ելաւ, աղօթքի կանգնեց, կրակի մէջ բացեց բերանը եւ այսպէս ասաց.
26. Օրհնեալ ես, Տէ՛ր, մեր հայրերի՝ Աստուած, յաւիտեանս գովեալ եւ փառաւորեալ է քո անունը,
27. որովհետեւ դու արդար ես այն ամենի մէջ, որ բերեցիր մեզ վրայ, քո բոլոր գործերը ճշմարիտ են, քո ճանապարհները՝ ուղիղ, եւ քո բոլոր դատաստանները՝ արդար.
28. դու ըստ ամենայնի արդար արեցիր այն, ինչ արեցիր մեր եւ մեր հայրերի սուրբ քաղաք Երուսաղէմի նկատմամբ, որովհետեւ ճշմարտութեամբ եւ արդար կերպով արեցիր այս բոլորը մեր մեղքերի պատճառով,
29. քանի որ քո դէմ ապստամբելով՝ մեղանչեցինք եւ անօրէնութիւն գործեցինք. մենք առաւել մեղանչեցինք նրանով, որ
30. քո պատուիրանները չլսեցինք: Չպահեցինք քո պատուիրանները եւ այնպէս չարեցինք, ինչպէս պատուիրեցիր մեզ, որպէսզի լաւ լինէր մեզ համար.
31. այն ամէնը ինչ բերեցիր մեզ վրայ եւ այն ամէնը, ինչ արեցիր մեր նկատմամբ, արդա՛ր դատաստանով արեցիր:
32. Մեզ մատնեցիր մեր անօրէն, խիստ եւ ապստամբ թշնամիների, բոլոր երկրների ամենից աւելի անիրաւ եւ չար թագաւորի ձեռքը:
33. Իսկ այժմ չենք կարող բանալ մեր բերանները, որովհետեւ մենք՝ քո պաշտօնեայ ծառաները, ամօթահար եղանք եւ նախատինք կրեցինք:
34. Բայց դու, յանուն քո անուան, մեզ իսպառ մի՛ քիր, մի՛ ցրիր քո ուխտը
35. եւ մի՛ հեռացրու քո ողորմութիւնը մեզանից յանուն քո սիրելի Աբրահամի, յանուն քո Իսահակ ծառայի եւ յանուն քո սուրբ Իսրայէլի,
36. որոնց ասացիր, թէ պիտի բազմացնես նրանց որդիները երկնքի աստղերի չափ եւ այնքան, որքան աւազը ծովի ափին:
37. Արդ, Տէ՛ր, բոլոր ազգերից աւելի տկարացանք մենք եւ այսօր տառապում ենք ամբողջ աշխարհում մեր մեղքերի պատճառով:
38. Այժմ, այս ժամանակներում չկայ իշխան, մարգարէ եւ առաջնորդ, ո՛չ ողջակէզ, ո՛չ զոհ, ո՛չ զոհաբերութիւն, ո՛չ խունկ
39. եւ ո՛չ էլ քեզ երախայրիք մատուցելու տեղ՝ ողորմութիւն գտնելու համար: Այլ կոտորուած սրտով եւ տառապած հոգով թող ընդունելի լինենք
40. խոյերի եւ արջառների, ինչպէս նաեւ բիւրաւոր պարարտ գառների ողջակէզների նման. այդպէս թող լինի մեր զոհաբերումը այսօր քո առաջ եւ կատարեալ լինենք քեզանից յետոյ, որովհետեւ քեզ վրայ յոյս դնողները ամօթով չեն մնայ:
41. Արդ, գալիս ենք դեպի քեզ մեր ամբողջ սրտով, վախենում ենք մենք քեզանից, քո բարեհաճութիւնն ենք խնդրում.
42. ամօթով մի՛ թող մեզ, այլ մեզ հետ վարուիր ըստ քո հեգութեան, ըստ քո մեծ ողորմութեան, Տէ՛ր,
43. փրկի՛ր մեզ ըստ քո հրաշալի գործերի եւ փա՛ռք բեր քո անուանը:
44. Թող ամօթով մնան բոլոր նրանք, ովքեր չարիք են պատճառում քո ծառաներին. թող ամաչեն իրենց բոլոր բռնութիւններից, նրանց զօրութիւնը թող խորտակուի,
45. եւ թող ճանաչեն, որ դու ես միակ Տէր Աստուածը եւ փառաւորեալը ողջ տիեզերքում:
46. Եւ նրանք՝ թագաւորի սպասաւորները, որ հնոց էին նետել նրանց, չէին դադարում բորբոքել այն նաւթով, ձէթով, վուշով եւ որթատունկի ճիւղերով:

47. Բոցը ելնում դիզում էր հնոցից քառասուն եւ ինը կանգուն վեր,
48. պտտում պատում էր հնոցի շուրջը եւ այրում էր, ում որ գտնում էր քաղդեացիներից:
49. Բայց Աստծու Հրեշտակը իջաւ կանգնեց հնոցի մէջ, Ագարիայի կողքին, կրակի բոցը թօթափեց հնոցից
50. եւ հնոցի մէջ դարձրեց այնպիսի հողմ, որ ցօղ է բերում, եւ կրակը ամենեւին չէր մօտենում նրանց, չէր տանջում եւ չէր նեղում նրանց:
51. Այն ժամանակ հնոցի մէջ երեքը, կարծես մէկ բերանով, օրհնում, գովում եւ փառաւորում էին Աստծուն ու ասում.
52. Օրհնեալ ես դու Տէ՛ր, Աստուա՛ծ մեր հայրերի, գովեալ ես եւ առաւել պանծալի յաւիտեան: Օրհնեալ է քո փառաւոր սուրբ անունը,գովեալ ես եւ առաւել պանծալի յաւիտեան:
53. Օրհնեալ ես քո փառքի սուրբ տաճարում, գովեալ ես եւ առաւել պանծալի յաւիտեան:
54. Օրհնեալ ես քո թագաւորութեան աթոռի վրայ, գովեալ ես եւ առաւել պանծալի յաւիտեան:
55. Օրհնեալ ես, որ նայում ես անդունդներին եւ նստում ես քերովքների վրայ, գովեալ ես եւ առաւել պանծալի յաւիտեան:
56. Օրհնեալ ես, որ նստում ես երկնքում,գովեալ ես եւ առաւել պանծալի յաւիտեան:
57. Օրհնեցէ՛ք Տիրոջ բոլոր գործերը, օրհնեցէ՛ք եւ պանծացրէ՛ք նրան յաւիտեան:
58. Երկինքնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
59. Տիրոջ հրեշտակնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
60. Ջրե՛ր, որ վեր էք երկնքից, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
61. Տիրոջ բոլո՛ր զօրութիւններ, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
62. Արե՛ւ եւ լուսի՛ն, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
63. Երկնքի բոլո՛ր աստղեր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
64. Անձրեւնե՛ր եւ ցօղե՛ր, բոլորդ օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
65. Հողմե՛ր, բոլորդ օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
66. Հո՛ւր եւ տա՛ւ, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
67. Ցո՛ւրտ եւ սառնամանի՛ք, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
68. Եղեա՛մ եւ ձի՛ւն, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
69. Ցերեկնե՛ր եւ գիշերնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
70. Լո՛յս եւ խաւա՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
71. Ամպե՛ր եւ կայծակնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
72. Թող երկիրն օրհնի՛ Տիրոջը, օրհնի եւ պանծացնի նրան յաւիտեան:
73. Լեռնե՛ր, բարձունքնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
74. Երկրի բոլոր բոյսեր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
75. Աղբիւրնե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
76. Ծովե՛ր ու գետե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
77. Կետե՛ր եւ ջրային բոլո՛ր կենդանիներ, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
78. Երկնի թռչուննե՛ր, օրհնեցէ՛ք Տիրոջը,օրհնեցէ՛ք եւ պանծացրէ՛ք նրան յաւիտեան:
79. Բոլո՛ր գազաններ եւ անասուններ, օրհնեցէ՛ք Տիրոջը,օրհնեցէ՛ք եւ պանծացրէ՛ք

Նրան յաւիտեան:

80. Մարդո՛ւ որդիներ, օրհնեցե՛ք Տիրոջը, օրհնեցե՛ք եւ պանծացրե՛ք Նրան յաւիտեան:

81. Իսրայէլը թող օրհնի Տիրոջը, թող օրհնի եւ պանծացնի Նրան յաւիտեան:

82. Քահանանե՛ր, օրհնեցե՛ք Տիրոջը, օրհնեցե՛ք եւ պանծացրե՛ք Նրան յաւիտեան:

83. Տիրոջ ծառանե՛ր, օրհնեցե՛ք Տիրոջը, օրհնեցե՛ք եւ պանծացրե՛ք Նրան յաւիտեան:

84. Արդարների շուկն ու հոգիներ, օրհնեցե՛ք Աստծուն, օրհնեցե՛ք եւ պանծացրե՛ք Նրան յաւիտեան:

85. Սրբե՛ր եւ սրտով խոնարհներ, օրհնեցե՛ք Տիրոջը, օրհնեցե՛ք եւ պանծացրե՛ք Նրան յաւիտեան:

86. Անանիա՛, Ազարիա՛ եւ Միսայէ՛լ, օրհնեցե՛ք Տիրոջը, օրհնեցե՛ք եւ պանծացրե՛ք Նրան յաւիտեան,

87. քանզի նա մեզ փրկեց դժոխքից, ազատեց մահուան ձեռքից,

88. փրկեց մեզ այս հնոցից, այս բորբոքուած բոցի միջից, փրկեց մեզ այս կրակի միջից:

89. Գոհութիւն մատուցենք Տիրոջը, քանզի քաղցր է նա, քանզի յաւիտեան է

ողորմութիւնը Նրա:

90. Տիրոջ բոլո՛ր պաշտօնեաներ, գոհութի՛ւն մատուցեցեք եւ օրհնեցե՛ք աստուածների Աստծուն, քանզի յաւիտեան է ողորմութիւնը Նրա:

91. Նաբուքոդոնոսորը երբ լսեց Նրանց օրհնութիւնը, զարմացաւ. նա տագնապահար վեր կացաւ եւ ասաց իր մեծամեծներին. Միթէ մենք կապուած երեք մարդ չնետեցի՞նք կրակի մէջ: Նրանք ասացին թագաւորին. Այո՛, ճիշտ ես ասում, արքայ:

92. Թագաւորն ասաց. Բայց ես տեսնում եմ կապերից արծակուած չորս մարդ, որոնք քայլում են կրակի մէջ, որեւէ վնաս չեն կրել, իսկ չորրորդի տեսքը Աստծու որդու նման է:

93. Այն ժամանակ Նաբուքոդոնոսորը մօտեցաւ հրաբորբոք հնոցի դռանը եւ ասաց.

Սեդրա՛կ, Միսա՛կ եւ Աբեղնագո՛վ, բարձրեալ Աստծու ծառանե՛ր, ելե՛ք եւ եկե՛ք:

Սեդրակը, Միսակն ու Աբեղնագովը դուրս ելան կրակի միջից:

94. Հաւաքուեցին նախարարները, կուսակալները, թագաւորի զօրավարներն ու զօրագլուխները, եւ տեսնում էին այն մարդկանց, որոնց մարմինն կրակը չէր վնասել, Նրանց գլխի մազերը չէին խանձուել, Նրանց անդրավարտիքները չէին գունաթափուել, եւ կրակի հոտ չկար Նրանց վրայ:

95. Նաբուքոդոնոսոր թագաւորը Նրանց առաջ երկրպագեց Տիրոջը, պատասխանեց եւ ասաց. Օրհնեալ է Սեդրակի, Միսակի եւ Աբեղնագովի Աստուածը, որ ուղարկեց իր Հրեշտակին եւ փրկեց իր ծառաներին, որովհետեւ Նրանք յոյս էին դրել Նրա վրայ, անարգել էին թագաւորի խօսքը եւ մատնել իրենց մարմինը կրակին, որպէսզի չպաշտեն եւ չերկրպագեն բոլոր աստուածներին, այլ՝ միայն իրենց Աստծուն:

96. Արդ, ես հրաման եմ տալիս. բոլոր ազգերը, ժողովուրդներն ու լեզուները, որոնք կը հայիոյն Սեդրակի, Միսակի եւ Աբեղնագովի Աստծուն, կորստի պիտի մատնուեն, իսկ Նրանց տները՝ յափշտակութեան, որովհետեւ չկայ այլ Աստուած, որ կարողանայ այսպէս փրկել:

97. Այն ժամանակ թագաւորը Բաբելոնում առաւել եւս մեծարեց Սեդրակին, Միսակին եւ Աբեղնագովին, բարձր պատուի արժանացրեց Նրանց եւ խնդրեց Նրանց, որ իշխան լինեն այն բոլոր հրեաների վրայ, որ իր թագաւորութեան մէջ էին:

1. Նաբուքոդոնոսոր արքան՝ բոլոր ազգերին եւ լեզուներին, որոնք բնակւում են ամբողջ աշխարհում. Թող բազմապատկուի՝ ձեր խաղաղութիւնը:
2. Հաճելի է ինձ պատմել, թէ որքան մեծ են եւ զօրաւոր այն նշաններն ու հրաշքները, որ Բարձրեալը ցոյց տուեց ինձ.
3. Նրա թագաւորութիւնը յաւիտենական թագաւորութիւն է, եւ նրա իշխանութիւնը՝ սերնդից սերունդ:
4. Ես՝ Նաբուքոդոնոսորս, ուրախ էի իմ տանը եւ զուարթ:
5. Երազ տեսայ, որ զարհուրեցրեց ինձ, եւ խռովուեցի իմ անկողնում: Իմ մտքի տեսիլքը տազնապեցրեց ինձ
6. Եւ ստիպեց, որ ես հրամայեմ իմ առաջ բերել բաբելացի բոլոր իմաստուններին, որպէսզի երազի մեկնութիւնը յայտնեն ինձ:
7. Եւ ինձ մօտ եկան գուշակներ, մոգեր, հմայողներ ու աստղագուշակներ: Ես իմ երազը պատմեցի նրանց, բայց նրանք չյայտնեցին ինձ նրա մեկնութիւնը,
8. մինչեւ որ եկաւ Դանիէլը, որի անունը Բաղդասար էր ըստ իմ աստծու անուան, որովհետեւ Աստծու Սուրբ Հոգին կայ նրա մէջ: Նրան ես ասացի.
9. Բաղդասար՝ իշխան, իմացի՛ր այն, ինչ ես տեսայ: Գիտեմ, որ Աստծու Սուրբ Հոգին կայ քո մէջ, եւ բոլոր գաղտնիքները յայտնի են քեզ: Արդ, լսի՛ր դու իմ տեսած երազի, իմ տեսիլքի մասին, եւ նրա մեկնութիւնը կ'ասես ինձ:
10. Իմ անկողնում տեսնում էի, որ ահա կար մի ծառ հողի մէջ, եւ նա շատ-շատ բարձր էր.
11. ծառը մեծացաւ, զօրացաւ. նրա բարձրութիւնը հասաւ մինչեւ երկինք, եւ նրա լայնութիւնը՝ աշխարհի բոլոր կողմերը:
12. Նրա տերեւը գեղեցիկ էր, եւ նրա պտուղը՝ առատ: Բոլորի կերակուրը նրանից էր: Վայրի գազաններ էին ապրում նրա տակ, ճիւղերին հանգստանում էին երկնքի թռչունները, եւ նրանից էր կերակրւում ամեն մարմնաւոր արարած:
13. Իմ անկողնում, գիշերային տեսիլքում տեսնում էի, որ ահա երկնքից իջնում էր մի սուրբ Հրեշտակ,
14. խօսում էր բարձրածայն եւ այսպէս ասում. Կտրեցէ՛ք այդ ծառը, հատեցէ՛ք նրա ճիւղերը, թօթափեցէ՛ք դրա տերեւները, շա՛ղ տուե՛ք դրա պտուղները, թող գազանները հեռանան նրա տակից, եւ թռչունները՝ նրա ճիւղերից:
15. Բայց նրա արմատի շառաւիղը թողէ՛ք հողում՝ երկաթե եւ պղնձե լարերով պատած, դալար մի վայրում. թող այն թրջուի երկնքի ցօղից, եւ նրա կենդանի մասը անապատի գազանների հետ երկրի խոտից բաժին ունենայ.
16. Նրա մարդկային սիրտը թող փոխուի, եւ նրան տրուի գազանների սիրտ, եւ եօթը ժամանակներ թող անցնեն նրա վրայից:
17. Իմ խօսքը Հրեշտակի կողմից տրուած խօսք է, եւ իմ հարցումը՝ սրբերի պատգամ, որպէսզի ապրողները իմանան, թէ Բարձրեալն է տիրում մարդկանց թագաւորութեան վրայ, այն տալիս է, ում որ կամենայ, եւ մարդկանցից ամենաանարգին բարձրացնում է դրա վրայ:
18. Այս է երազը, որ տեսայ ես՝ Նաբուքոդոնոսոր արքան: Եւ դու, Բաղդասար՝, ասա՛ ինձ նրա մեկնութիւնը, որովհետեւ իմ թագաւորութեան բոլոր իմաստունները չկարողացան յայտնել ինձ նրա մեկնութիւնը, իսկ դու, Դանիէ՛լ, կարող ես, որովհետեւ Աստծու Սուրբ Հոգին կայ քո մէջ:
19. Այն ժամանակ Դանիէլը, որի անունը Բաղդասար էր, ամփոփուեց մի պահ. նրա մտքերը խռովում էին նրան: Պատասխանեց նրան թագաւորը եւ ասաց. Բաղդասար՝, երազն ու նրա մեկնութիւնը թող չտազնապեցնեն քեզ: Բաղդասարը պատասխանեց եւ ասաց. Տէ՛ր իմ, երազը թող քեզ ատողների համար լինի, եւ նրա մեկնութիւնը՝ քո թշնամիների:
20. Այն ծառը, որ տեսնում էիր մեծացած եւ զօրացած, եւ որի բարձրութիւնը հասնում էր

մինչեւ երկինք, իսկ նրա լայնութիւնը՝ աշխարհի բոլոր կողմերը,

21. որի տերեւը գեղեցիկ էր, եւ պտուղը՝ առատ, բոլորի կերակուրը նրանից էր, որի տակ էին ապրում անապատի գազանները, եւ նրա ճիւղերին էին թառում երկնքի թռչունները, - այդ ծառը դո՛ւ ես, արքայ՝

22. Արդարեւ, դու մեծացար ու հզօրացար, քո մեծութիւնը բարձրացաւ, հասաւ մինչեւ երկինք, եւ քո տերութիւնը՝ աշխարհի բոլոր ծագերը:

23. Իսկ այն, որ տեսնում էիր, արքայ, թէ սուրբ Հրեշտակը իջնում էր երկնքից եւ ասում. Կտրեցէ՛ք այդ ծառը եւ խորտակեցէ՛ք այն, բայց նրա արմատի շառաւիղը թողէ՛ք հողում երկաթե եւ պղնձե լարերով պատած, դալար մի վայրում, թող այն թրջուի երկնքի ցօղից, եւ նրա կենդանի մասը լինի անապատի գազանների հետ, մինչեւ եօթը ժամանակներ անցնեն նրա վրայից: Սա՛ է նրա մեկնութիւնը, արքայ:

24. Բարձրեալի դատաստանը հասել է իմ տեր արքայի վրայ:

25. քեզ պիտի վտարեն մարդկանց միջից, անապատի գազանների հետ պիտի բնակուես, եւ քեզ, ինչպէս արջառի, խոտ պիտի տան, երկնքի ցօղից պիտի թրջուես, եւ եօթը ժամանակներ պիտի անցնեն քո վրայից, մինչեւ որ ընդունես, թէ Բարձրեալն է տիրում մարդկանց թագաւորութեանը եւ այն պիտի տայ, ում որ կ'ամենայ:

26. Իսկ այն, որ ասաց, թէ ծառի արմատի շառաւիղը թողէ՛ք, դա քո թագաւորութիւնն է, որ պիտի մնայ քեզ, մինչեւ ճանաչես երկնաւոր Աստծու իշխանութիւնը:

27. Դրա համար, արքայ, թող իմ խորհուրդը հաճելի թուայ քեզ, քո մեղքերը քաւի՛ր ողորմութեամբ, եւ քո անօրէնութիւնները՝ աղքատներին գթալով, թերեւս Աստուած համբերատար լինի քո յանցանքների նկատմամբ:

28. Այս բոլորը պատահեց Նաբուքոդոնոսոր արքային տասներկու ամիս յետոյ,

29. մինչ նա ճեմում էր իր թագաւորական պալատում, Բաբելոնում:

30. Թագաւորն սկսեց խօսել եւ ասաց. Սա այն մեծ Բաբելոնը չէ՞, որ ես կառուցեցի որպէս թագաւորութիւն իմ կամքով ու զօրութեամբ՝ ի պատիւ իմ փառքի:

31. Մինչ խօսքը թագաւորի բերանում էր, երկնքից ձայն լսուեց եւ ասաց. Քեզ եմ ասում, ո՛վ Նաբուքոդոնոսոր արքայ, քո թագաւորութիւնը խլուած է քեզանից:

32. Մարդկանց միջից պիտի հալածեն ու վտարեն քեզ: Դու պիտի բնակուես անապատի գազանների հետ, եւ որպէս արջառի՝ խոտով պիտի կերակրեն քեզ: Եօթը ժամանակներ պիտի անցնեն քո վրայից, մինչեւ ճանաչես, որ Բարձրեալն է տիրում մարդկանց թագաւորութեանը եւ այն պիտի տայ, ում որ կ'ամենայ:

33. Հէնց նոյն ժամին այդ բանը կատարուեց Նաբուքոդոնոսորի հետ. նա հալածուեց ու վտարուեց մարդկանց միջից, ինչպէս արջառ՝ նա խոտ էր ուտում, եւ նրա մարմինը թրջուեց երկնքի ցօղից, մինչեւ որ նրա մագերը երկարեցին առիւծի մագերի չափ, եւ նրա եղունգները՝ թռչունների մագիլների պէս:

34. Այդ օրերից յետոյ, ես՝ Նաբուքոդոնոսորս, իմ աչքերը բարձրացրի դէպի երկինք, իմ միտքը վերադարձաւ ինձ, օրհնեցի Բարձրեալին, գովեցի եւ փառաւորեցի յաւիտենապէս կենդանի Աստծուն, որովհետեւ նրա իշխանութիւնը յաւիտենական իշխանութիւն է, նրա տերութիւնը՝ սերնդից սերունդ:

35. Երկրի բոլոր բնակիչները ոչինչ են համարում: Նա ըստ իր կամքի է գործում երկնքի ուժերի եւ երկրի բնակիչների նկատմամբ, եւ չկայ մէկը, որ ընդդիմանայ նրա ձեռքին եւ ասի՝ Ի՞նչ արեցիր:

36. Այդ նոյն ժամանակ միտքս վերադարձաւ ինձ, ես վերադարձայ իմ թագաւորական պալատին, իմ կերպարանքը վերադարձաւ ինձ, իմ իշխաններն ու իմ մեծամեծները խնդրեցին ինձ, ես նորից իմ թագաւորութեան վրայ հաստատուեցի, եւ իմ մեծութիւնն աւելացաւ առաւել եւս:

37. Արդ, ես՝ Նաբուքոդոնոսորս, օրհնում եմ, փառաւորում եւ առաւել պանծացնում երկնքի արքային, որովհետեւ նրա բոլոր գործերը ճշմարիտ են, նրա ուղիները՝ արդար, եւ բոլորին, ովքեր կ'ամբարտաւանանան, նա կարող է խոնարհեցնել:

1. Բաղդասար արքան ընթրիք տուեց իր մեծամեծներին՝ թուով հազար հոգու, նաեւ գինի՝ հազար հոգու համար:
2. Երբ Բաղդասարը հարբեց, հրամայեց բերել արծաթեայ եւ ոսկեայ այն սպասքը, որ նրա հայր Նաբուքոդոնոսորը աւար էր առել Երուսաղէմի տաճարից, որպէսզի թագաւորը, նրա մեծամեծները, նրա հարճերն ու կանայք դրանցով խմեն:
3. Բերեցին ոսկեայ եւ արծաթեայ սպասքը, որ վերցուած էր Աստծու տաճարից, որ Երուսաղէմում էր, եւ թագաւորն ու նրա մեծամեծները, նրա հարճերն ու կանայք խմում էին դրանցով:
4. Գինի էին խմում եւ օրհնում էին ոսկեայ, արծաթեայ, պղնձեայ, երկաթեայ, փայտե եւ քարե աստուածներին, իսկ յաւիտենական Աստծուն, որ իշխանութիւն ունէր նրանց հոգիների վրայ, չօրհնեցին:
5. Նոյն ժամին երեւացին մարդու ձեռքի մատներ, որոնք գրում էին թագաւորի տաճարի ծեփած պատի վրայ՝ կանթեղի դիմաց: Թագաւորը տեսնում էր թաթն այն ձեռքի, որ գրում էր:
6. Այն ժամանակ թագաւորը գոյնը գցեց, նրա մտքերը խռովում էին նրան, նրա մէջքի յօդերը խախտում էին, եւ նրա ծնկերը միմեանց էին բախում:
7. Թագաւորը ուժգին աղաղակով հրամայեց բերել մոգերին, աստղագուշակներին, գիտուններին եւ ասաց բաբելացիների իմաստուններին. Ով որ կարդայ այդ գրութիւնը եւ նրա մեկնութիւնը յայտնի ինձ, ծիրանի պիտի հագնի, իր պարանոցին պիտի կրի ոսկեայ մանեակ եւ իմ թագաւորութեան երրորդ մարդը պիտի դառնայ:
8. Բաբելացիների բոլոր իմաստունները մտնում էին եւ չէին կարողանում գրութիւնը կարդալ եւ ոչ էլ նրա մեկնութիւնը յայտնել թագաւորին:
9. Բաղդասար արքան խռովուեց, եւ նրա երեսի գոյնը փոխուեց. նրա մեծամեծները նոյնպէս խռովուեցին նրա հետ:
10. Թագուհին մտաւ խրախճանքի ապարանքը եւ ասաց. Արքայ, ապրի՛ր յաւիտեան. թող քո մտքերը չխռովեն քեզ, եւ քո երեսի գոյնը չեղծուի,
11. որովհետեւ քո թագաւորութեան ներքոյ կայ մի մարդ, որի մէջ Աստծու Սուրբ Հոգին կայ. քո հօր ժամանակ ուժ եւ իմաստութիւն կար նրա մէջ եւ քո հայրը՝ Նաբուքոդոնոսոր արքան, նրան գուշակների, մոգերի, աստղագուշակների եւ հմայողների գլխաւոր կարգեց,
12. որովհետեւ նրա մէջ առաւել շատ է իմաստութեան եւ հանճարի ոգին. նա մեկնում է երազները, բացայայտում առեղծուածները եւ լուծում է խրթին բաները. դա Դանիէլն էր, եւ արքան նրա անունը Բաղդասար դրեց: Արդ, թող կանչեն նրան, եւ նա կը յայտնի դրա մեկնութիւնը:
13. Այն ժամանակ Դանիէլին ներս բերեցին թագաւորի առաջ, եւ թագաւորը ասաց Դանիէլին. Դո՞ւ ես Դանիէլը՝ Հրեաստանի գերեվարուածներից մէկը, որին բերեց իմ հայր Նաբուքոդոնոսորը:
14. Զո մասին լսեցի, որ Աստծու Սուրբ Հոգին կայ քո մէջ, եւ դու ունես անելի ուժ, հանճար եւ իմաստութիւն:
15. Արդ, ահա իմ առաջ եկան իմաստուններ, մոգեր եւ հմայողներ, որպէսզի այդ գրութիւնը կարդան եւ դրա մեկնութիւնը յայտնեն ինձ, բայց չկարողացան մեկնել ինձ համար:
16. Ես քո մասին լսեցի, թէ կարող ես մեկնութիւններ տալ. արդ, եթէ կարողանաս այդ գրութիւնը կարդալ եւ դրա մեկնութիւնը տալ ինձ, ծիրանի պիտի հագնես, ոսկեայ մանեակ պիտի կրես քո պարանոցին եւ իմ թագաւորութեան երրորդ մարդը պիտի դառնաս:
17. Եւ Դանիէլն ասաց թագաւորի առաջ. Զո պարգեւները թող քեզ մնան, եւ քո տան պատիւը դու ուրիշի՞ն տուր, իսկ ես այդ գրութիւնը կը կարդամ եւ դրա մեկնութիւնը կը յայտնեմ քեզ:

18. Արքայ, Բարձրեալը հզօրութիւն, թագաւորութիւն, պատիւ եւ փառք տուեց քո հօրը՝  
Նաբուքոդոնոսորին,
19. եւ այն հզօրութեան պատճառով, որ տուեց նրան, բոլոր ազգերը, ժողովուրդներն ու  
լեզուները զարհուրելով դողում էին նրանից. նա ում ուզում էր՝ հարուածում էր, ում  
ուզում էր՝ սպանում, ում ուզում էր՝ բարձրացնում եւ ում ուզում էր՝ խոնարհեցնում:
20. Երբ գոռոզացաւ նրա սիրտը, եւ նրա ոգին համարձակուեց ամբարտաւանանալ, նա  
ընկաւ իր թագաւորական աթոռից, պատիւը վերացաւ նրանից,
21. նա վտարուեց մարդկանց միջից, գազանների սիրտ տրուեց նրան, վայրի էշերի հետ  
էր նրա բնակութիւնը, ինչպէս արջառի՝ խոտ էին տալիս նրան, երկնքի ցօղից նրա  
մարմինը թրջուեց, մինչեւ որ նա ճանաչեց, թէ Բարձրեալն է տիրում մարդկանց  
թագաւորութեանը եւ այն կը տայ նրան, ում որ կամենայ:
22. Արդ, դու՝ նրա որդի՝ Բաղդասար, քո սիրտը չխոնարհեցրիր Աստծու առաջ, որից այդ  
բոլորը ստանում էիր,
23. երկնքի Աստծու դէմ գոռոզացար, նրա Տան սպասքը բերին քո առջեւ, եւ դու, քո  
մեծամեծները, քո հարճերն ու քո կանայք գինի էիք խմում դրանցով, օրհնում էիր  
ոսկեայ, արծաթեայ, պղնձեայ, երկաթեայ, փայտե եւ քարե աստուածներին, որոնք ո՛չ  
տեսնում են, ո՛չ լսում եւ ո՛չ էլ իմանում, իսկ Աստծուն, որի ձեռքում են քո շունչը եւ քո  
բոլոր ճանապարհները, չփառաւորեցիր:
24. Այդ պատճառով էլ նրա կողմից ուղարկուեց ձեռքի թաթը եւ գրեց այդ գրութիւնը.
25. ահա այս է այն գրութիւնը, որ գրուած է. ՄԱՆԷ, ԹԵԿԷՂ, ՓԱՐԵՍ:
26. Եւ սա է այդ բանի մեկնութիւնը. ՄԱՆԷ՝ Աստուած չափեց քո թագաւորութիւնը եւ  
վերջ տուեց դրան.
27. ԹԵԿԷՂ՝ կշեռքով կշռուեց եւ պակաս եղաւ.
28. ՓԱՐԵՍ՝ քո թագաւորութիւնը բաժանուեց եւ տրուեց մարերին ու պարսիկներին:
29. Բաղդասարը հրաման տուեց, եւ նրան ծիրանի հագցրին ու ոսկեայ մանեակ դրին  
պարանոցին: Ապա նրան հռչակեցին իշխան՝ լինելու թագաւորութեան երրորդ մարդը:
30. Հենց նոյն գիշերը սպանուեց քաղդէացիների Բաղդասար արքան:
31. Իսկ Դարեհ արքան, որ վաթսուներկու տարեկան էր, գրաւեց թագաւորութիւնը:

1. Հաճելի թուաց Դարեհին, եւ նա իր թագաւորութեան մէջ հարիւրքսան նախարար նշանակեց, որպէսզի իր ողջ թագաւորութեան մէջ նախարարներ լինեն.
2. նա նրանց վրայ կարգեց երեք հրամանատարներ, որոնցից մէկը Դանիէլն էր, որպէսզի նրանք նախարարներին հրաման տան, եւ թագաւորը չծանրաբեռնուի:
3. Դանիէլը առաւելութիւն ունէր նրանց վրայ, որովհետեւ նրա մէջ աւելի բարձր հոգի կար,
4. ուստի թագաւորը նրան նշանակեց կառավարիչ իր ողջ թագաւորութեան վրայ: Հրամանատարներն ու նախարարները նախանձում էին եւ առիթ էին փնտռում մեղադրելու Դանիէլին: Բայց ոչ մի առիթ, յանցանք եւ մեղք չէին գտնում, որովհետեւ նա հաւատարիմ էր:
5. Հրամանատարներն ասացին. Մենք Դանիէլի դէմ ոչ մի այլ բանում առիթ չենք գտնի, բացի նրա Աստծու օրէնքներից:
6. Այն ժամանակ հրամանատարներն ու նախարարները կանգնեցին թագաւորի առաջ եւ ասացին նրան. Դարեհ՝ արքայ, թող կեանքդ յաւիտեան լինի.
7. քո թագաւորութեան մէջ գտնուող բոլոր զօրավարներն ու նախարարները, իշխաններն ու կուսակալները խորհուրդ արին արքունական համաձայնութեամբ հաստատելու եւ ամրացնելու մի ուխտ, որ, եթէ մինչեւ երեսուն օր որեւէ մէկը որեւէ բան խնդրի որեւէ աստծուց կամ մարդուց, բացի քեզից, արքայ, կը նետուի առիւծների գուրը:
8. Արդ, արքայ, հաստատի՛ր ուխտը եւ հրամա՛ն գրիր, որպէսզի չանտեսուի մարերի եւ պարսիկների օրէնքը:
9. Այն ժամանակ Դարեհ արքան պատուիրեց գրել հրամանը:
10. Դանիէլը երբ իմացաւ, որ հրաման է եղել, մտաւ իր տունը, իսկ նրա վերնատան պատուհանները բացուած էին դէպի Երուսաղէմ: Օրական երեք անգամ նա ծնրադրում էր եւ աղօթում, զոհութիւն էր յայտնում իր Աստծուն, ինչպէս առաջ էր անում:
11. Այն ժամանակ այդ մարդիկ գաղտնի դիտեցին եւ տեսան Դանիէլին, որ աղօթում էր եւ աղաչում իր Աստծուն:
12. Եկան եւ ասացին թագաւորին. Արքայ, դու ուխտ չհաստատեցի՞ր, թէ իւրաքանչիւր մարդ, որ մինչեւ երեսուն օր բան խնդրի որեւէ աստծուց կամ մարդուց, բացի քեզից՝ արքայից, կը նետուի առիւծների գուրը: Եւ արքան ասաց. Ճշմարիտ է այդ խօսքը. մարերի ու պարսիկների հրամանը օրինական չէ խախտել:
13. Այն ժամանակ պատասխանեցին թագաւորին եւ ասացին. Դանիէլը, որ Հրեաստանի գերեվարուածներից մէկն է, չինազանդուեց քո հրամանին, արքայ, եւ օրական երեք անգամ բան է խնդրում իր Աստծուց:
14. Այն ժամանակ, երբ թագաւորը լսեց այս խօսքը, շատ վշտացաւ Դանիէլի համար եւ ջանում էր փրկել նրան: Մինչեւ երեկոյ մտածում էր փրկել նրան:
15. Այն ժամանակ այդ մարդիկ ասացին թագաւորին. Իմացի՛ր, արքայ, որ օրինական չէ խախտել պարսիկների ու մարերի հրամանը եւ ամէն ուխտ ու դաշինք, որ արքան է հաստատում:
16. Այն ժամանակ թագաւորը հրամայեց, եւ Դանիէլին բերին ու նրան նետեցին առիւծների գուրը: Արքան ասաց Դանիէլին. Այն Աստուածը, որին դու յաճախ աղօթում ես, նա կը փրկի քեզ:
17. Եւ բերեցին մի քար, դրեցին գբի վրայ, եւ թագաւորը կնքեց այն իր մատանիով եւ մեծամեծների մատանիներով, որպէսզի այլ բան չպատահի Դանիէլին:
18. Թագաւորը գնաց իր տուն, պառկեց առանց ընթրիքի, խորտիկ չմատուցեցին նրան, եւ նրա քունը փախաւ: Աստուած փակեց առիւծների բերանը, եւ նրանք չյօշոտեցին Դանիէլին:
19. Այն ժամանակ արքան առաւօտեան լուսաբացին ելաւ, շտապ եկաւ առիւծների գուրը



20. Եւ, երբ մօտեցաւ գբին, բարձրաձայն աղաղակեց եւ ասաց. Դանիէ՛լ, կենդանի Աստծու ծառայ, քո Աստուածը, որին դու յաճախ աղօթում էիր, կարողացա՞ւ արդեօք քեզ փրկել առիւծների բերանից:
21. Եւ Դանիէլը ասաց արքային. Արքայ, թող կեանքդ յաւիտեան լինի.
22. իմ Աստուածն ուղարկեց իր Հրեշտակին եւ փակեց այս առիւծների բերանները, եւ նրանք չօշոտեցին ինձ, որովհետեւ ես արդար գտնուեցի նրա առաջ, իսկ քո հանդէպ, արքայ, ոչ մի մեղք չեմ գործել:
23. Այն ժամանակ թագաւորը ներքնապէս ուրախացաւ, հրամայեց, որ Դանիէլին հանեն գբից: Դանիէլը հանուեց այդ գբից, եւ վերք բոլորովին չգտնուեց նրա վրայ, որովհետեւ նա հաւատաց իր Աստծուն:
24. Թագաւորը հրամայեց, եւ բերեցին Դանիէլի դէմ չարախօսող մարդկանց, եւ նրանք, նրանց որդիներն ու նրանց կանայք գցուեցին առիւծների գուբը. դեռ գբի յատակին չէին հասել, երբ առիւծները յափշտակեցին նրանց եւ մանրեցին նրանց բոլոր ոսկորները:
25. Այն ժամանակ Դարեհ արքան հետեւեալը գրեց բոլոր ազգերի, ժողովուրդների եւ լեզուների մարդկանց, որ բնակւում էին ամբողջ աշխարհում.
26. Թող շատանայ ձեր խաղաղութիւնը. իմ կողմից արուեց այս հրամանը իմ թագաւորութեան բոլոր իշխանութիւններին, որպէսզի երկնչեն եւ դողան Դանիէլի Աստծուց, որովհետեւ նա է կենդանի Աստուածը եւ կայ յաւիտեան. նրա արքայութիւնը չի կործանուի, եւ նրա տէրութիւնը կը մնայ մինչեւ վերջ:
27. Նա է, որ օգնական է լինում եւ փրկում, հրաշքներ է գործում երկնքում եւ երկրում, նա է, որ Դանիէլին փրկեց առիւծների բերանից:
28. Եւ Դանիէլը յաջողութիւն էր գտնում Դարեհի եւ պարսիկ Կիւրոսի թագաւորութեան մէջ:

1. Քաղղեացիների Բաղդասար արքայի առաջին տարում Դանիելը երազ տեսաւ. գլխում մի տեսիլք երեւաց, երբ իր անկողնում էր, եւ նա գրի առաւ իր երազը:
2. Ես՝ Դանիելս, գիշերային տեսիլքում տեսնում էի,
3. որ, ահա, երկնքի չորս հողմերը բախում էին մեծ ծովը, եւ ծովից դուրս էին գալիս տարբեր կերպարանքով չորս մեծամեծ գազաններ:
4. Առաջինը նման էր թեւաւոր մատակ առիւծի, եւ նրա թեւերը արծուի թեւերի նման էին. ես նայում էի, մինչեւ որ նրա թեւերը թափուեցին, նա պարզ երեւաց գետնին եւ կանգնեց ինչպէս մարդը ոտքերի վրայ, ու մարդու սիրտ տրուեց նրան:
5. Իսկ ահա երկրորդ գազանը նման էր արջի, մի կողմ էր կանգնած եւ երեք կողոսկրներ կային բերանում՝ ժանիքների մէջ: Այսպէս էին ասում նրան. Ելի՛ր, կե՛ր շատերի մարմինը:
6. Դրանից յետոյ նայում էի. եւ ահա տեսայ մի այլ գազան ընծի նման. նրա վրայ թռչունի չորս թեւեր կային. գազանը չորս գլուխ ուներ, եւ իշխանութիւն տրուեց նրան:
7. Դրանից յետոյ դարձեալ նայում էի. եւ ահա տեսայ չորրորդ գազանին, որ ահեղ, զարմանալի եւ առաւել հզօր էր. նրա ժանիքները երկաթեայ էին, ուտում-մանրում էր եւ մնացորդները ոտքի տակ կոտրատում: Սա ւաւելի այլակերպ էր, քան նրանից առաջ բոլոր գազանները. տասը եղջիւր ուներ:
8. Ապշած նայում էի նրա եղջիւրներին. եւ ահա մի ուրիշ փոքրիկ եղջիւր էր դուրս գալիս դրանց միջից. նախկիններից երեք եղջիւրներ թափւում էին նրա առաջ. եւ ահա մարդու աչքերի պէս աչքեր կային այդ եղջիւրի վրայ, նաեւ մի բերան, որ մեծ-մեծ բաներ էր խօսում:
9. Նայում էի, մինչեւ որ աթոռներ դրուեցին, եւ մի Ծերունի նստում էր այնտեղ. նրա հագուստը ձեան պէս սպիտակ էր, նրա գլխի մագերը մաքուր էին գեղմի նման, նրա աթոռը՝ կրակի բոցի նման, եւ նրա անիւները՝ ինչպէս բորբոքուած կրակ:
10. Նրա առաջից հոսում էր կրակէ յորդ մի գետ, հազար-հազարաւորներ պաշտում էին նրան, եւ բիւր-բիւրաւորներ կային նրա առջեւ: Նա ատեան նստեց, եւ գրքերը բացուեցին:
11. Այն ժամանակ ես շարունակում էի նայել այն մեծամեծ խօսքերի պատճառով, որ այդ եղջիւրն էր խօսում, մինչեւ որ գազանը վերացաւ ու կորաւ, եւ նրա մարմինը տրուեց կրակին՝ այրուելու:
12. Միւս գազանների իշխանութիւնը վերացուեց, եւ կեանքի երկարութեան որոշակի ժամանակ տրուեց նրանց:
13. Գիշերային տեսիլքում տեսնում էի, որ, ահա, երկնքի ամպերի միջից գալիս էր մէկը մարդու Որդու նման եւ հասնում Ծերունուն. նա բերուեց նրա առջեւ:
14. Նրան իշխանութիւն, պատիւ եւ արքայութիւն տրուեց. բոլոր ազգերը, ժողովուրդներն ու լեզուները պիտի ծառայեն նրան. նրա իշխանութիւնը յաւիտենական իշխանութիւն է, որ չի անցնի, եւ նրա թագաւորութիւնը չի կործանուի:
15. Իմ հոգին սոսկաց իմ մարմնում, իմ Դանիելիս մէջ, եւ իմ գլխի տեսիլքը խռովեց ինձ:
16. Մօտեցայ այնտեղ գտնուողներից մէկին եւ խնդրում էի ճշմարտութիւնն իմանալ այդ բոլորի մասին: Նա ասաց ինձ ճշմարտութիւնը եւ յայտնեց ինձ այդ խօսքերի մեկնութիւնը:
17. Այդ չորս մեծամեծ գազանները նշանակում են, որ չորս թագաւորութիւններ պիտի բարձրանան երկրի վրայ:
18. Ապա բարձրեալ Աստծու սրբերը պիտի ելնեն եւ առնեն թագաւորութիւնը եւ պահեն այն յաւիտեանս յաւիտենից:
19. Քննում էի ճշմարտութիւնը չորրորդ գազանի մասին, որովհետեւ նա առաւել այլակերպ էր, քան բոլոր գազաններն ու յոյժ ահազդու. նրա ժանիքները երկաթեայ էին, եւ նրա մագիլները պղնձեայ, նա ուտում էր ու մանրում եւ մնացորդները կոտրատում ոտքերի տակ:

20. Նաեւ քննում էի ճշմարտութիւնը նրա գլխի տասը եղջիւրների մասին եւ այն միւսի մասին, որ ելնում եւ թափում էր երեք եղջիւրները, որ աչքեր ուներ եւ բերան, որ մեծ-մեծ բաներ էր խօսում, եւ նրա տեսքը առաւել մեծ էր, քան միւսներինը:
21. Տեսնում էի, որ այդ եղջիւրը պատերազմում էր սրբերի դէմ եւ յաղթում էր նրանց,
22. մինչեւ որ եկաւ Ծերունին եւ իրաւունք տուեց Բարձրեալի սրբերին. ժամանակը հասաւ, եւ սրբերը տիրեցին թագաւորութեանը:
23. Նա ասաց. Չորրորդ գագանը նշանակում է, որ չորրորդ թագաւորութիւն պիտի լինի երկրում, որ այն անելի մեծ պիտի լինի, քան բոլոր թագաւորութիւնները, կուլ պիտի տայ ամբողջ երկիրը, պիտի կոխոտի եւ հարուածի այն:
24. Իսկ նրա տասը եղջիւրները նշանակում են, որ տասը թագաւորներ պիտի բարձրանան, եւ նրանցից յետոյ պիտի բարձրանայ մէկ ուրիշը, որ անելի չար պիտի լինի, քան բոլոր նախորդները, պիտի հպատակեցնի երեք թագաւորներին,
25. Բարձրեալի դէմ խօսքեր պիտի բարբառի, պիտի մոլորեցնի Բարձրեալի սրբերին, պիտի կարծի փոփոխել ժամանակներն ու օրէնքները, եւ դա պիտի յաջողուի նրան մինչեւ որոշ ժամանակ, ինչ-որ ժամանակներ եւ ժամանակների կէսը:
26. Ատեան պիտի հաւաքուի, պիտի փոխեն նրա իշխանութիւնը, պիտի ոչնչացնեն այն եւ իսպառ կորստի մատնեն:
27. Եւ երկնքի տակ գտնուող թագաւորութիւնն ու թագաւորների մեծութիւնը տրուեց Բարձրեալի սրբերին. Նրա արքայութիւնը յաւիտենական արքայութիւն է, եւ բոլոր իշխանութիւնները պիտի ծառայեն եւ հնազանդուեն նրան:
28. Մինչեւ այստեղ է խօսքի վախճանը: Ինձ՝ Դանիէլիս, շատ էին խռովեցնում իմ մտքերը, փոխուեց իմ երեսի գոյնը, եւ ես այս բանը պահում էի իմ սրտի մէջ:

1. Բաղդասար արքայի երրորդ տարում մի տեսիլք երեւաց ինձ:
2. Ես՝ Դանիէլս, առաջին տեսիլքից յետոյ, Էլամի երկրում գտնուող Շոշ ապարանքում էի, Ուբաղ գետի մօտ:
3. Բարձրացրի աչքերս եւ տեսայ, որ, ահա, մի խոյ կար Ուբաղ գետի դիմաց, եւ նրա եղջիրները բարձր էին. մէկը բարձր էր միւսից, եւ այն, որ բարձր էր, յետոյ էր դուրս գալիս:
4. Տեսնում էի, որ խոյը ոգորում էր ծովի արեւմուտքի, հիւսիսի եւ հարաւի դէմ, ոչ մի գազան չէր կարող նրա դիմաց կանգնել, չկար մէկը, որ փրկուէր նրանից, նա անում էր այն, ինչ ուզում էր եւ հզօրանում:
5. Ես հետեւում էի ու մտածում: Եւ ահա մի քօշ գալիս էր արեւմուտքից երկրի վրայով եւ գետնին չէր դիպչում. քօշը ուներ մի եղջիր իր աչքերի միջեւ:
6. Նա հասաւ եղջիրաւոր խոյին, որին ես տեսնում էի Ուբաղի դիմաց, եւ յարձակուեց նրա վրայ իր ամբողջ ուժով:
7. Ես տեսայ նրան, որ հասաւ մինչեւ խոյը: Նա կատաղեց, հարուածեց խոյին եւ խորտակեց նրա երկու եղջիրները, իսկ խոյը ուժ չունէր նրան դիմադրելու: Քօշը խոյին գետին գցեց, ոտքի կոխան արեց նրան, եւ չկար մէկը, որ խոյին ազատէր քօշից:
8. Քօշը մեծապէս հզօրացաւ, եւ հզօրանալիս խորտակուեց նրա մեծ եղջիրը, որի տակից չորս այլ եղջիրներ ելան՝ ուղղուած դէպի երկնքի չորս հողմերը:
9. Դրանցից մէկից ելաւ մի հզօր եղջիր, առաւել հզօրացաւ դէպի հիւսիս, ուժ ստացաւ,
10. բարձրացաւ մինչեւ երկնքի զօրութիւնները եւ երկնքի զօրութեան ու աստղերի մի մասը նետեց երկրի վրայ եւ կոխտտեց դրանք այնքան ժամանակ,
11. մինչեւ որ զօրավարը փրկի գերութիւնը. նրանով զոհաբերումները խանգարուեցին, եւ այդպէս եղաւ, ու դա յաջողուեց նրան. սրբութիւնը խաթարուեց,
12. մեղքեր բարդուեցին զոհաբերումների վրայ, եւ արդարութիւնը վերացաւ երկրից. այդպէս արեց, եւ դա յաջողուեց նրան:
13. Ես լսեցի մի սրբից, որ խօսում էր. եւ մի այլ սուրբ, որ խօսում էր նրա հետ, ասաց. մինչեւ ե՞րբ այդ տեսիլքը պիտի մնայ. զոհաբերումները վերացել են, մեղքերը ւաւերներ են գործել, եւ սրբութիւնն ու զօրութիւնը կոխտտուել:
14. Եւ ասաց նրան. Պիտի մնայ մինչեւ երեկոյ եւ մինչեւ վաղորդեան, մինչեւ հազար երկու հարիւր վաթսուսութ օր, ապա պիտի սրբանայ սրբարանը:
15. Եւ երբ ես՝ Դանիէլս, տեսիլքը տեսայ եւ փորձում էի խելամուտ լինել, ահա իմ առջեւ կանգնեց մի բան մարդու տեսքով,
16. եւ ես Ուբաղ գետի միջից մի մարդու ծայն լսեցի, որ կանչեց եւ ասաց. Գաբրիէ՛լ, բացատրի՛ր նրան այդ տեսիլքը:
17. Եւ նա եկաւ կանգնեց այնտեղ, ուր ես էի կանգնած: Նրա գալու ժամանակ ես ապշեցի եւ ընկայ երեսիս վրայ: Նա ասաց ինձ. Իմացի՛ր, մարդո՛ւ որդի, որ տեսիլքդ ժամանակի վախճանի մասին է:
18. Եւ մինչ նա խօսում էր ինձ հետ, յիմարացայ եւ երեսիս վրայ գետին ընկայ: Նա բռնեց ինձ, կանգնեցրեց ինձ ոտքերիս վրայ եւ ասաց ինձ.
19. Ահա ես ցոյց կը տամ քեզ, թէ վերջում ինչ է լինելու երկրի վրայ, քանի որ տակաւին հեռու է վախճանը:
20. Եղջիրաւոր այն խոյը, որ տեսնում էիր, պարսիկների եւ մարերի թագաւորն է.
21. եւ այն քօշը յոյների թագաւորն է, իսկ այն մեծ եղջիրը, որ նրա աչքերի միջեւ էր, նոյն ինքն առաջին թագաւորն է:
22. Երբ նա խորտակուի, նրա տակ գտնուող միւս եղջիրները՝ չորս թագաւորներ, կ'ելնեն նրա ազգից, բայց ոչ իրենց ուժով:
23. Նրանց թագաւորութիւնից յետոյ, երբ իրենց լրումին հասնեն նրանց մեղքերը, ժպիրի երեսով մի թագաւոր պիտի բարձրանայ: Այս առեղծուածը խորհրդաւոր է,
24. եւ հզօր է նրա զօրութիւնը: Նա սքանչելի բաներ պիտի կործանի, եւ դա պիտի

յաջողուի ու կատարուի, նա պիտի ոչնչացնի հզօրներին եւ սուրբ ժողովրդին.

25. Նրան յաջողուելու է լծի տակ դնել ուրիշներին, նենգութիւն սիւթել իր ձեռքով, նա պիտի մեծամտանայ իր սրտում, նենգութեամբ պիտի ապականի շատերին, շատերին կորստի պիտի մատնի եւ ծուերի պէս պիտի մանրի իր ձեռքում:

26. Երեկոյեան եւ առաւօտեան տեսիլքը, որի մասին ասուեց, ճշմարիտ է, եւ դու կնքի՛ր քո տեսիլքը, որովհետեւ այն շատ օրերի համար է:

27. Եւ ես` Դանիէլս, ննջեցի եւ հիւանդացայ: Ապա ելայ ու արքունի գործը կատարեցի: Ես զարմացած էի այդ տեսիլքից, եւ չկար մէկը, որ այն բացատրէր:

1. Մարերի սերնդից Արշալիրի որդու՝ Դարեհի առաջին տարում, որ թագաւորեց քաղղեացիների թագաւորութեան մէջ,
2. ես՝ Դանիէլս, խելամուտ եղայ այն տարիների թուագրութեանը, երբ Տիրոջ խօսքը հասաւ Երեմիա մարգարէին՝ Երուսաղէմի աւերման եօթանասուներորդ տարում:
3. Ես երեսս դարձրի դէպի իմ Տէր Աստուածը՝ խնդրելու համար աղօթքներով ու աղաչանքներով, պահեցողութեամբ ու քուրձ կրելով.
4. աղօթեցի Տէր Աստծուն, գոհութիւն յայտնեցի եւ ասացի. Ո՛վ Տէր Աստուած մեծ եւ սքանչելագործ, որ պահում ես քո սիրելիների ուխտն ու ողորմութիւնը, որոնք պահում են քո պատուիրանները:
5. Մեղք գործեցինք, անօրինացանք, անիրաւութիւն արեցինք, ապստամբեցինք եւ շեղուեցինք քո պատուիրաններից եւ քո օրէնքներից,
6. չլսեցինք քո ծառաներին՝ մարգարէներին, որոնք քո անունով խօսեցին մեր թագաւորների, մեր իշխանների, մեր հայրերի եւ երկրի ամբողջ ժողովրդի հետ:
7. Քոնն է, Տէ՛ր, արդարութիւնը, եւ մերն է ամօթն այսօր մեր երեսին, Յուդայի երկրի մարդկանց, Երուսաղէմի բնակիչների եւ Իսրայէլի բոլոր մերձաւորների ու հեռաւորների ամօթը ամբողջ երկրում, ուր ցրեցիր նրանց իրենց անհնազանդութեան համար, քանզի նրանք չհնազանդուեցին քեզ, Տէ՛ր:
8. Մերն է ամօթը մեր երեսին, մեր թագաւորների, մեր իշխանների եւ մեր հայրերի ամօթը, քանզի մեղք գործեցինք,
9. իսկ մեր Տէր Աստծունն է գթութիւնը եւ ներողամտութիւնը, որովհետեւ ապստամբեցինք Տիրոջ դէմ,
10. չլսեցինք մեր Տէր Աստծու ձայնը՝ հետեւելու համար նրա օրէնքներին, որ դրեց մեր առաջ իր ծառաների՝ մարգարէների միջոցով:
11. Ամբողջ Իսրայէլը զանց առաւ քո օրէնքները եւ շեղուեց, որ չլսի քո ձայնը, եւ անեծք ու երդում թափուեցին մեզ վրայ, գրուած քո ծառայի՝ Մովսէսի օրէնքում, Տէ՛ր, քանի որ մեղանչեցինք նրա դէմ:
12. Տերը հաստատեց իր խօսքերը, որ ասել էր մեր մասին եւ մեր դատաւորների մասին, որոնք դատում էին մեզ՝ բերելով մեզ վրայ այնպիսի մեծամեծ չարիքներ, որ չեն եղել ամբողջ երկնքի տակ, ինչպէս որ եղան Երուսաղէմում:
13. Ինչպէս որ գրուած է Մովսէսի օրէնքում, այդ բոլոր չարիքները եկան մեզ վրայ, իսկ մենք չաղաչեցինք մեր Տէր Աստծուն՝ յետ դառնալու մեր հայրերի անիրաւութիւններից եւ խելամուտ լինելու քո ամբողջ ճշմարտութեանը:
14. Մեր Տէր Աստուածը բացեց իր աչքը մեր չարիքների վրայ եւ դրանք բերեց մեզ վրայ, որովհետեւ արդար է մեր Տէր Աստուածը իր այն բոլոր գործերի մէջ, որ արեց մեր հանդէպ, քանի որ չլսեցինք նրա ձայնը:
15. Եւ արդ, Տէ՛ր Աստուած մեր, որ հզօր ձեռքով քո ժողովրդին հանեցիր Եգիպտացիների երկրից եւ քո անունը փառաւորեցիր, իսկ մենք այսօր մեղք գործեցինք եւ անօրինացանք:
16. Տէ՛ր, թող քո ողջ ողորմածութեամբ անցնի քո գայրոյթը եւ վերանայ քո բարկութիւնը քո քաղաքի՝ Երուսաղէմի եւ քո սուրբ լերան վրայից, քանզի մեղանչեցինք, եւ մեր հայրերի անօրինութեան պատճառով Երուսաղէմը եւ քո ամբողջ ժողովուրդը նախատինքի ենթարկուեց բոլորի կողմից, որոնք գտնուում են մեր շուրջը:
17. Արդ, Տէ՛ր Աստուած մեր, լսի՛ր քո ծառայի աղօթքներն ու խնդրանքները եւ ցոյց տուր քո երեսը՝ յանուն քեզ, այն սրբարանի մէջ, որ աւերուեց:
18. Խոնարհեցրո՛ւ, Աստուած իմ, քո ականջը եւ լսի՛ր ինձ. բա՛ց քո աչքերը եւ տե՛ս ապականութիւնը մեր եւ քո քաղաքի, որի վրայ դրուած է քո անունը, որովհետեւ մեր արդարութեան պատճառով չէ, որ գութ ենք հայցում քեզնից, այլ՝ քո անբաւ գթութեան պատճառով, Տէ՛ր:
19. Լսի՛ր, Տէ՛ր, ների՛ր, Տէ՛ր, ունկնդրի՛ր, Տէ՛ր, եւ մի՛ յապաղիր՝ յանուն քեզ, Աստուած իմ,

քանզի քո անունով է կոչուում քո քաղաքը:

20. Եւ մինչ ես խօսում էի ու աղօթում, խոստովանում էի իմ մեղքերը եւ Իսրայելի ժողովրդի մեղքերը եւ գուժ էի հայցում իմ Տէր Աստծուց սուրբ լերան համար,

21. մինչ ես խօսում էի աղօթքով, ահա Գաբրիէլը, մի մարդ, որին տեսել էի նախորդ տեսիլքում, թռաւ եւ մօտեցաւ ինձ՝ երեկոյեան զոհաբերութեան ժամին,

22. խելամուտ դարձրեց ինձ, խօսեց ինձ հետ եւ ասաց. Դանիէ՛լ, այժմ եկայ խելք սովորեցնելու քեզ:

23. Քո աղօթքի սկզբից մի պատգամ տրուեց, եւ ես եկայ այն յայտնելու քեզ, քանի որ դու սիրելի մարդ ես: Արդ, մտածի՛ր այդ խօսքի մասին եւ մի՛տքդ պահիր տեսիլքը:

24. Մէկ եօթանասունեօթնեակ է սահմանուած քո ժողովրդի եւ սուրբ քաղաքի վրայ, որպէսզի վերջ գտնեն մեղքերը, աւարտուեն անօրէնութիւնները, ջնջուեն անիրաւութիւնները, ներուեն ամբարշտութիւնները, եւ գայ յաւիտենական արդարութիւնը, որպէսզի իրականանայ տեսիլքն ու մարգարէութիւնը, օծուի Սրբութիւն սրբոցը,

25. եւ դու իմանաս ու խելամուտ լինես պատասխան տալու սկզբից ասուած խօսքերին: Երուսաղէմի շինուելուց մինչեւ առաջին օծումը կայ եօթը եօթնեակ եւ վաթսուներկու եօթնեակ, որպէսզի վերաշինուեն հրապարակներն ու պարիսպները եւ նորոգուեն ժամանակները:

26. Վաթսուներկու եօթնեակից յետոյ կը վերանայ օծումը, արդարութիւն չի լինի նրա մէջ, եւ քաղաքն ու սրբարանը կ'ապականուեն այն առաջնորդով հանդերձ, որ պիտի գայ, եւ դրանք պիտի ջնջուեն հեղեղով. մինչեւ պատերազմի վախճանը նա պիտի հաստատի ապականութիւնը եւ զօրացնի շատերի ուխտը:

27. Մէկ եւ կէս եօթնեակում պիտի դադարեցնի սեղաններն ու զոհաբերութիւնները. ապականութիւնը պիտի հասցնի մինչեւ վերջին ծայրը, մինչեւ որ վախճան եւ տագնապ բերի այդ ապականութեան եւ զօրացնի շատերի ուխտը: Մէկ եւ կէս եօթնեակում պիտի վերանան զոհերն ու ընծաները, աւերածութեան պղծութիւնը պիտի մնայ տաճարի վրայ, ու մինչեւ ժամանակի վախճանը վերջ պիտի տրուի աւերուածին:

1. Պարսից Կիւրոս արքայի երրորդ տարում պատգամ յայտնուեց Դանիելին, որը կոչուում էր Բաղդասար: Ճշմարիտ է պատգամը. մեծ ուժ եւ հանճար տրուեց նրան տեսիլքում:
2. Այդ օրերին ես՝ Դանիելս, երեք շաբաթ սուգի մէջ էի:
3. Լաւ հաց չկերայ, միս եւ գինի չմտաւ իմ բերանը, իւղով չօծուեցի, մինչեւ որ վերջացան երեք շաբաթները:
4. Առաջին ամսի քսանչորսերորդ օրը ես կանգնած էի Տիգրիս, այն է՝ Դկլաթ մեծ գետի ափին:
5. Բարձրացրի աչքերս, եւ ահա փառահեղ հազնուած մի մարդ՝ մէջքին Ոփագի ոսկուց մի գօտի կապած.
6. նրա մարմինը ծովագոյն էր, նրա դէմքը փայլակի տեսք ուներ, նրա աչքերը կրակի ճառագայթների պէս էին, նրա բազուկներն ու զիստերը փայլուն պղնձի տեսք ունէին, եւ նրա խօսակցութեան ձայնը կարծես զօրքի ձայն լինէր:
7. Միայն ես՝ Դանիելս տեսայ տեսիլքը. ինձ հետ եղող մարդիկ չտեսան տեսիլքը, այլ մեծ ահ տիրեց նրանց, եւ նրանք զարհուրած փախան:
8. Ես մենակ մնացի եւ տեսայ այդ մեծ տեսիլքը, բայց իմ մէջ էլ ուժ չմնաց, վայելչութիւնս ապականութիւն դարձաւ, եւ ուժս չվերագտայ:
9. Ես լսեցի նրա խօսքերի ձայնը եւ երբ լսում էի նրա խօսքերը, քարացել մնացել էի՝ դէմքս գետին խոնարհած:
10. Եւ ահա նա, ձեռքը ձգելով դէպի ինձ, կանգնեցրեց ինձ ծնկներիս եւ ձեռքիս թաթերի վրայ
11. եւ ասաց ինձ. Դանիէ՛լ, ա՛յր սիրելի, հասկացի՛ր խօսքերս, որ պիտի ասեմ քեզ եւ մնա՛ քո տեղում, որովհետեւ այժմ ես ուղարկուած եմ քեզ մօտ: Երբ նա այս բաներն էր ասում ինձ, ես դողալով ոտքի ելայ:
12. Նա ասաց ինձ. Մի՛ վախեցիր, Դանիէ՛լ, որովհետեւ այն օրուանից, որ դու սիրտդ բացեցիր՝ խելամուտ լինելու եւ վիշտդ յայտնելու քո Աստծու առաջ, քո խօսքերը լսելի դարձան, եւ ես եկայ քո խօսքերի պատճառով:
13. Պարսից թագաւորութեան մի իշխան հակառակուում էր ինձ քսանմէկ օր, եւ ահա Միքայէլը՝ աւագ իշխաններից մէկը, եկաւ օգնելու ինձ. թողեցի նրան այնտեղ պարսից թագաւորութեան իշխանի հետ
14. եւ եկայ քեզ հասկացնելու, թէ վերջին օրերին ինչ դէպքեր պիտի պատահեն քո ժողովրդին, որովհետեւ տեսիլքդ գալիք օրերի համար է:
15. Եւ երբ նա այսպէս խօսում էր ինձ հետ, գետին ընկայ իմ երեսի վրայ եւ քարացել էի:
16. Եւ ահա նա, ինչպէս մարդու որդի, մօտենում էր իմ շրթունքներին. ես բացեցի բերանս, խօսեցի ու ասացի այն մարդուն, որ իմ դիմացն էր. Տէ՛ր, երբ դու երեւացիր ինձ, աղիքներս գալարուեցին, ուժ չկար մէջս.
17. եւ ինչպէ՞ս կարող է քո ծառան, տէ՛ր, խօսել իմ Տիրոջ հետ: Ես այլեւս զօրութիւն չունեմ, եւ շունչ չմնաց իմ մէջ:
18. Նա էլ աւելի մօտեցաւ ինձ մարդու տեսքով, զօրացրեց ինձ եւ ասաց.
19. Մի վախեցիր, ա՛յր սիրելի, խաղաղութի՛ւն քեզ, զօրացի՛ր եւ քա՛ջ եղիր: Երբ նա խօսում էր ինձ հետ, ես զօրացայ եւ ասացի. Թող խօսի տերը, քանի որ դու զօրացրիր ինձ:
20. Նա ասաց. Գիտե՞ս թէ ինչու եկայ քեզ մօտ. այժմ վերադառնում եմ պատերազմելու պարսից իշխանի դէմ. ես գնում էի, իսկ յունաց իշխանը գալիս էր:
21. Բայց ես կը յայտնեմ քեզ, թէ ինչ է գրուած ճշմարիտ գրքերում. եւ նրանց դէմ ոչ մի այլ օգնական չունեմ, բացի ձեր Միքայէլ իշխանից:



1. Ես Կիւրոսի առաջին իսկ տարում ամուր էի եւ ուժեղ:
2. Այժմ ես քեզ կը յայտնեմ ճշմարտութիւնը: Ահա երեք թագաւորներ պիտի բարձրանան Պարսից երկրում, եւ չորրորդը իր հարստութեամբ բոլորից աւելի մեծ պիտի լինի. նա իր հարստութեամբ հզօրանալուց յետոյ պիտի յարձակուի յունաց թագաւորութեան վրայ:
3. Հզօր մի թագաւոր պիտի բարձրանայ, պիտի տիրի շատ տէրութիւնների եւ պիտի անի, ինչ որ կամենայ.
4. Եւ երբ բարձրանայ, նրա թագաւորութիւնը պիտի փշրուի, բաժանուի ու տրուի երկնքի չորս հողմերին: Եւ դա ոչ ըստ նրա վախճանի, ոչ իր տէրութեան պատճառով, որին տիրում էր, քանի որ պիտի խլուի նրա թագաւորութիւնը, իսկ ուրիշներինը պիտի մնայ իրենց:
5. Եւ պիտի զօրանայ Հարաւի թագաւորը, իշխաններից մէկը պիտի հզօրանայ նրանից աւելի եւ տիրի աւելի մեծ տէրութեան:
6. Տարիներ յետոյ նրանք պիտի մերձենան միմեանց: Հարաւի թագաւորի դուստրը պիտի գայ Հիւսիսի թագաւորի մօտ՝ նրա հետ դաշինք կնքելու, բայց չի պահպանուելու նրա բազկի զօրութիւնը, նրա սերունդը չի մնալու, եւ ինքն ու իրեն բերողները, նաեւ այն օրիորդն ու նա, որ ինսամուլ էր նրան այդ ժամանակ, մահուան պիտի մատնուեն:
7. Նրա արմատի ընծիւղից պիտի բարձրանայ մէկը, նա ուժ պիտի ստանայ, պիտի մտնի Հիւսիսի թագաւորութեան հաստատութեան մէջ, պիտի գործի նրանց դէմ եւ պիտի զօրանայ:
8. Նա պիտի կործանի նրանց աստուածները իրենց ծուլածոյ կուռքերով հանդերձ, եւ նրանց ամբողջ սպասքը՝ ոսկեայ եւ արծաթեայ, աւար առնելով պիտի բերի Եգիպտոս. եւ ինքն առաւել հաստատուն պիտի լինի, քան Հիւսիսի թագաւորը,
9. պիտի մտնի Հարաւի թագաւորութեան մէջ եւ այնտեղից նորից պիտի վերադառնայ իր երկիրը:
10. Նրա որդիները զօրքի մեծ բազմութիւն պիտի հաւաքեն. նրանցից մէկը հեղեղի նման պիտի յարձակուի, անցնի եւ մինչեւ նրա ամբողջ պիտի շարունակի պատերազմել:
11. Եւ Հարաւի թագաւորը պիտի գազանանայ, պիտի ելնի ու պատերազմ տայ Հիւսիսի թագաւորի դէմ. սա մեծ զօրք պիտի գումարի, բայց զօրքը պիտի յանձնուի հակառակորդին:
12. Հարաւի թագաւորը պիտի գրաւի այդ բազմութիւնը, նա պիտի գոռոզանայ իր սրտում, շատերին պիտի կործանի, բայց չի յաղթելու:
13. Հիւսիսի թագաւորը պիտի վերադառնայ, աւելի զօրք պիտի բերի, քան առաջին անգամ, եւ որոշ ժամանակ անց պիտի գայ մտնի մեծ զօրքով եւ բազում ունեցուածքով:
14. Այդ ժամանակ շատերը պիտի յարձակուեն հարաւի թագաւորի վրայ: Քո ժողովրդի մնացեալ որդիները ոտքի պիտի ելնեն՝ հաստատելու տեսիլքը, բայց պիտի տկարանան:
15. Հարաւի թագաւորը պիտի մտնի, հողապատնէշ պիտի բարձրացնի եւ պիտի գրաւի ամուր քաղաքներ, բայց հարաւի թագաւորի բազուկները չեն դիմանալու. նրա ընտրեալները պիտի ապստամբեն, եւ նա ուժ չի ունենալու դիմադրելու նրանց.
16. Եւ նա, ով կը մտնի նրա մօտ, կը կատարի նրա կամքը, եւ ոչ մէկը չի լինի, որ կանգնի նրա դէմ: Նա պիտի մնայ Սաբիւմի երկրում, եւ երկիրը պիտի տառապի նրա ձեռքից:
17. Նա պիտի մտադրուի իր ուժով մտնելու նրա ամբողջ թագաւորութեան մէջ եւ իբր թէ ուղիղ մտքով պիտի անի ամէն ինչ նրա հետ: Երկիրն աւերելու դիտաւորութեամբ իր կանանց դուստրը պիտի տայ նրան, բայց այդ խարդաւանքը չի յաջողուելու նրան.
18. Նա իր երեսը պիտի դարձնի դէպի կղզիները, պիտի գրաւի շատերը եւ պիտի այրի այն իշխաններին, որոնք նախատեսին նրանց բնակիչներին, եւ նրանց նախատինքը պիտի վերադարձնի հէնց իրենց:
19. Նա զօրութեամբ պիտի վերադառնայ իր երկիրը, պիտի տկարանայ, ընկնի, եւ հետք չի մնալու նրանցից:
20. Նրա արմատից թագաւորութեան տունկ պիտի բարձրանայ եւ բռնութեամբ պիտի

վերցնի թագաւորական փառքը, բայց այդ օրերին նա պիտի խորտակուի.

21. նա ո՛չ իր անձով եւ ո՛չ պատերազմով չի մնալու իր դիրքի վրայ, քանի որ արհամարհուեց: Նրան թագաւորական փառքի չարժանացրին, ոչ էլ յաջողութիւն եկաւ նրան. նա տարուեց թագաւորական գայթակղութիւններով:

22. Այն բազուկները, որոնք պիտի յարձակուեն, պիտի խորտակուեն նրա երեսից: Պիտի խորտակուի նաեւ ուխտի առաջնորդը.

23. նա նենգութիւն պիտի անի իր դաշնակիցների դէմ, պիտի ելնի եւ յաղթի նրանց քիչ մարդկանցով,

24. յաջողութեամբ շատ երկրներ պիտի գրաւի եւ անի այն, ինչ չարեցին նրա հայրերը, ոչ էլ նրա հայրերի հայրերը. աւարը, կողոպուտը եւ ունեցուածքը պիտի բաշխի նրանց եւ եգիպտացիների մասին էլ պիտի մտածի, մինչեւ ժամանակը գայ,

25. պիտի զարթնի նրա զօրութիւնը, եւ նրա սիրտը լցուի մեծ ուժով Հարաւի թագաւորութեան դէմ: Հարաւի թագաւորը պատերազմի պիտի ելնի մեծ եւ շատ հզօր զօրքով եւ չի կարողանալու դիմադրել, որովհետեւ նրա դէմ դաւ պիտի նկրթեն.

26. պիտի ուտեն ինչ որ նրան է պատկանում, պիտի խորտակեն նրան, նրա զօրքը պիտի այրեն, եւ շատ վիրաւորներ պիտի ընկնեն:

27. Երկու թագաւորների սրտերում էլ մնալու է չարութիւնը, նոյն սեղանի շուրջը նրանք սուտ պիտի խօսեն, բայց այդ չի յաջողուելու, որովհետեւ դեռ ժամանակի վախճանը հասած չէ:

28. Նա պիտի վերադառնայ իր երկիրը մեծ հարստութեամբ՝ թշնամացած սրտով սուրբ ուխտի դէմ. այդպէս պիտի անի եւ վերադառնայ իր երկիրը:

29. Պիտի վերադառնայ ժամանակին, պիտի գայ Հարաւի դէմ, բայց վերջինս առաջինի նման չի լինելու:

30. Նրա զօրքի մէջ պիտի մտնեն կիտացիների բանակները, եւ նա պիտի թուլանայ ու պիտի վերադառնայ՝ բարկութեամբ լցուած սուրբ ուխտի դէմ. այդպէս պիտի անի եւ վերադառնայ ու նորից պիտի զօրք գումարի նրանց դէմ, որոնք քեցին սուրբ ուխտը:

31. Սերունդներ պիտի ելնեն, պիտի բարձրանան նրանից, բռնութեամբ պիտի պղծեն սրբարանը, պիտի վերացնեն ամենօրեայ գոհաբերութիւնները, պղծութեամբ պիտի ապականեն այն,

32. եւ ուխտի այդ ապականիչները գայթակղութիւն պիտի բերեն իրենց վրայ: Բայց ժողովուրդը, որ ճանաչում է իր Աստծուն, պիտի զօրանայ եւ ուխտը կատարի.

33. եւ ժողովրդի խոհուն մարդիկ շատերին խելամուտ պիտի դարձնեն, թէեւ նրանք միառժամանակ պիտի տկարանան սրով ու հրով, գերութեամբ եւ յափշտակութեամբ:

34. Եւ երբ նրանք տկարանան, փոքր-ինչ օգնութիւն պիտի գտնեն, շատերը պիտի միանան նրանց իրենց գայթակղութիւններով:

35. Խոհուն մարդկանցից ոմանք պիտի տկարանան նրանց փորձելու եւ ընտրելու համար, եւ յայտնելու նրանց, որ այդպէս պիտի լինի մինչեւ ժամանակի վախճանը, որովհետեւ տակաւին ժամանակ կայ: Թագաւորը պիտի անի, ինչ որ կամենում է,

36. պիտի բարձրանայ եւ մեծամտանայ բոլոր աստուածների նկատմամբ, ամբարտաւան բաներ պիտի բարբառի աստուածների Աստծու մասին, եւ դա պիտի յաջողուի նրան, մինչեւ որ անցնի իր բարկութիւնը, քանի որ պիտի գայ բարկութեան վերջը:

37. Նա պիտի մտածի իրենց հայրերի աստուածների մասին, կանանց ցանկանալու մասին, չի մտածելու այլ աստուածների մասին:

38. Նա պիտի մեծամտանայ բոլորի նկատմամբ, պիտի փառաւորի հզօր աստծուն իր գտնուած տեղում եւ ա՛յն Աստծուն, որին չճանաչեցին իր հայրերը. պիտի փառաւորի նրան ոսկով, արծաթով, թանկարժեք եւ գեղեցիկ գոհարներով:

39. Նա պիտի մնայ փախստականների ամրոցներում օտար աստծու հետ, պիտի աւելացնի նրա փառքը, շատերին պիտի հնազանդեցնի նրան եւ երկիրը պիտի բաժանի իբրեւ պարգէւ:

40. Եւ երբ ժամանակի վախճանը գայ, նա պիտի կռուի Հարաւի թագաւորի դէմ:

Հիւսիսի թագաւորը կառքերով, հեծեալներով ու բազում նաւերով զօրք պիտի հաւաքի  
նրա դէմ, պիտի մտնի նրա երկիրը, պիտի կործանի այն,

41. անցնի եւ մտնի Սաբայիմ երկիրը, եւ շատերը պիտի տկարանան: Սրանք են ահա,  
որ պիտի փրկուեն նրա ձեռքից. եղովը, Մովաբը եւ ամոնացիների իշխանութիւնը:

42. Նա իր ձեռքը պիտի երկարի դէպի երկիրը, եւ Եգիպտացիների երկիրը չի փրկուելու:

43. Նա պիտի տիրի գաղտնի գանձարանների ոսկուն եւ արծաթին, Եգիպտացիների,  
լիբիացիների եւ եթովպացիների ամրոցներում պահուած ամբողջ թանկարժէք  
ակնեղէնին:

44. Բայց յետոյ արեւելքից եկող լուրերն ու տագնապները պիտի շտապեցնեն նրան, եւ  
նա հիւսիսից պիտի արշաւի մեծ բարկութեամբ սպանելու շատերին:

45. Նա իր վրանը պիտի խփի Եփադնոնում, ծովերի եւ Սաբա սուրբ լեռան միջեւ, պիտի  
արշաւի դէպի նրա մի կողմը, եւ ոչ ոք չի լինելու, որ փրկի նրան:

1. Այն ժամանակ պիտի ելնի Միքայել մեծ իշխանը, որ քո ժողովրդի որդիների գլխաւորն է: Պիտի լինի նեղութեան ժամանակ, նեղութիւն, որպիսին չի եղել այն օրից, երբ ժողովուրդն առաջացաւ երկրի վրայ: Եւ այն ժամանակ պիտի փրկուի քո ժողովուրդը, ինչպէս որ այս բոլորի մասին գրուած է գրքերում:
2. Երկրում, հողի մէջ ննջածներից շատերը յարութիւն պիտի առնեն, ոմանք յաւիտենական կեանքի համար, եւ ոմանք յաւիտենական նախատինքի ու ամօթի համար:
3. Իմաստուն մարդիկ պիտի ճառագեն իբրեւ երկնակամարի լուսատուներ, իսկ արդարներից շատերը առաւել եւս՝ իբրեւ յաւիտենական աստղեր:
4. Եւ դու, Դանիէլ, գաղտնի՝ պահիր այդ խօսքերը եւ կնքի՛ր այդ գիրքը մինչեւ ժամանակի վախճանը, մինչեւ շատերն ուսանեն, եւ շատանայ իմաստութիւնը:
5. Ես՝ Դանիէլս, տեսայ, որ ահա երկու հոգի կանգնած էին գետի այս եւ այն կողմը,
6. նրանցից մէկն ասաց այն մարդուն, որ սպիտակ կտաւից զգեստ էր հագել եւ գետերի ջրերի վրայ էր կանգնած. Ե՞րբ է լինելու այդ զարմանահրաշ բաների վախճանը, որ դու ասացիր:
7. Ես լսեցի այն մարդուց, որ կտաւից զգեստ էր հագել եւ կանգնած էր գետի ջրերի վրայ. նա բարձրացրեց իր աջ ու ձախ ձեռքերը դէպի երկինք, երդուեց յաւիտեան կենդանի Աստուծով, թէ ժամանակին, ժամանակներում եւ ժամանակի կեսին կ'իմանան այս բոլորը, երբ լիովին սպառուի սուրբ ժողովրդի ձեռքի զօրութիւնը:
8. Ես լսեցի, բայց չհասկացայ եւ ասացի. Տէ՛ր, ի՞նչ է դրանց վախճանը:
9. Նա ասաց. Գնա՛, Դանիէլ, քանի որ փակուած եւ կնքուած են խօսքերս մինչեւ ժամանակի վախճանը:
10. Շատերը պիտի ընտրուեն, սպիտականան, փորձուեն եւ մաքրուեն, անօրէնները պիտի անօրէնութիւն անեն, ամբարիշտները խելքի չպիտի գան,
11. բայց իմաստունները պիտի հասկանան ժամանակի յաճախակի փոփոխման շնորհիւ: Աւերածութեան պղծութիւնը պիտի տեւի հազար երկու հարիւր երեսունհինգ օր.
12. երանի նրան, ով կը համբերի եւ կը հասնի հազար երեք հարիւր երեսունհինգերորդ օրուան:
13. Իսկ դու արի հանգստացի՛ր, որովհետեւ տակաւին օրեր ու ժամեր կան մինչեւ վախճանի կատարումը. դու կը հանգչես եւ վեր կը կենաս քո ժամանակին, օրերի վերջում:

1. Աստիագէս թագաւորը յաջորդեց իր հայրերին, եւ պարսից Կիւրոս թագաւորը առաւ նրա թագաւորութիւնը:
2. Դանիէլը թագաւորի կեանքի ընկերն էր եւ անելի փառք էր վայելում, քան նրա բոլոր բարեկամները:
3. Բաբելացիները Բել անունով մի կուռք ունէին, եւ օրական նրան բաժին էր ընկնում տասներկու արդու ընտիր ալիւր, քառասուն ոչխար եւ վեց մար գինի:
4. Թագաւորը պաշտում էր նրան եւ միշտ գնում ու երկրպագում էր նրան: Բայց Դանիէլը իր Աստծուն էր երկրպագում: Թագաւորն ասաց նրան. Դու ինչո՞ւ չես երկրպագում Բելին:
5. Դանիէլն ասաց. Որովհետեւ ձեռակերտ կուռքեր չեմ պաշտում, այլ՝ կենդանի Աստծուն, երկնքի եւ երկրի Արարչին, որ իշխանութիւն ունի բոլոր մարմնաւոր էակների վրայ:
6. Թագաւորն ասաց նրան. Իսկ Բելը քեզ կենդանի Աստուած չի՞ թւում, չե՞ս տեսնում, թէ ամէն օր որքան է ուտում եւ խմում:
7. Դանիէլն ասաց ծիծաղելով. Մի՛ խաբուիր, արքայ՝, որովհետեւ նա ներսից կաւից է եւ դրսից պղնձից. նա երբեք ո՛չ կերել է, ո՛չ էլ խմել:
8. Եւ թագաւորը բարկանալով՝ կանչեց նրա քրմերին եւ ասաց նրանց. Եթէ չասեք ինձ, թէ ով է ուտում այս սեղանի ուտելիքները, մահով կը մեռնեք,
9. իսկ եթէ ապացուցեք, թէ Բելն է ուտում այդ բոլորը, ապա կը մեռնի Դանիէլը, քանի որ նա հայիոյեց Բելին: Դանիէլն ասաց թագաւորին. Թող լինի ըստ քո ասածի:
10. Բելի քրմերը եօթանասուն հոգի էին՝ չհաշուած կանանց եւ մանուկներին: Թագաւորը Դանիէլի հետ եկաւ Բելի կռատունը:
11. Բելի քրմերն ասացին. Ահաւասիկ մենք դուրս ենք գալիս. իսկ դու, արքայ՝, նրա առաջ դի՛ր այդ կերակուրները եւ այդ գինին. խառն կը դնես. փակի՛ր դռներն ու կնքի՛ր քո մատանիով:
12. Եւ երբ առաւօտեան գաս, եթէ այդ բոլորը կերուած չլինի Բելի կողմից, մենք կը մեռնենք, իսկ եթէ ոչ՝ Դանիէլը, որ սուտ խօսեց մեր մասին:
13. Նրանք վստահ էին, քանի որ սեղանի տակ գաղտնի մուտք էին շինել եւ միշտ նրանով մտնում եւ ուտում էին կերակուրները:
14. Եւ երբ նրանք դուրս ելան, թագաւորը կերակուրները դրեց Բելի առաջ: Դանիէլը հրամայեց իր սպասաւորին, մոխիր բերին եւ ցանեցին ամբողջ մեհեանում միայն թագաւորի ներկայութեամբ եւ դուրս գալով՝ փակեցին դուռը, կնքեցին թագաւորի մատանիով եւ գնացին:
15. Քրմերը, իրենց սովորութեան համաձայն, գիշերը ներս մտան իրենց կանանցով եւ երեխաներով, կերան ամէն ինչ, խմեցին եւ ոչինչ չթողեցին:
16. Թագաւորը առաւօտ կանուխ եկաւ Դանիէլի հետ եւ ասաց.
17. Կնիքներն անխա՞խտ են, Դանիէ՛լ: Դանիէլն ասաց. Անխախտ են, արքայ՝:
18. Եւ երբ դռները բացեցին, թագաւորը նայեց սեղանին, բարձրաձայն գոչեց եւ ասաց. Մեծ ես, ո՛վ Բել, եւ ոչ մի նենգութիւն չկայ քո մէջ:
19. Դանիէլը ծիծաղեց, բռնեց թագաւորին, որ ներս չմտնի, եւ ասաց. Լա՛ւ նայիր այդ յատակին եւ տե՛ս ո՞ւմ հետքերն են դրանք:
20. Թագաւորն ասաց. Տեսնում եմ տղամարդկանց, կանանց եւ մանուկների հետքեր:
21. Այն ժամանակ թագաւորը, բարկանալով, բռնեց քրմերին, նրանց կանանց եւ որդիներին. նրան ցոյց տուեցին գաղտնի դուռը, որով մտնում էին եւ ուտում սպառում սեղանը:
22. Թագաւորը կոտորեց նրանց, իսկ Բելին յանձնեց Դանիէլի ձեռքը, որը կործանեց նրան եւ նրա մեհեանը:
23. Կար նաեւ մի մեծ վիշապ, եւ բաբելացիները պաշտում էին նրան: Թագաւորն ասաց Դանիէլին.

24. Մի՞թե դրա մասին էլ կ'ասես, թե պղնձից է. ահա դա կենդանի է, ուտում է եւ խմում, եւ չես կարող ասել, թե դա կենդանի Աստուած չէ: Արդ, արի երկրպագի՛ր դրան:
25. Դանիելն ասաց Նրան. ես իմ Տէր Աստծուն եմ երկրպագում, որովհետեւ նա է կենդանի Աստուածը,
26. բայց դու, արքայ՝, իրաւո՛ւնք տուր ինձ, եւ ես առանց սրի ու գաւազանի կը սպանեմ այդ վիշապին: Թագաւորն ասաց. Թոյլ եմ տալիս քեզ:
27. Դանիելը վերցրեց իւղ, ձիւթ, ճարպ եւ մազ, եփեց միասին, գնդեր շինեց եւ գցեց վիշապի բերանը: Երբ վիշապը կերաւ՝ պայթեց: Դանիելն ասաց. Տեսէ՛ք, թե ո՞ւմ էք պաշտում:
28. Եւ երբ բաբելացիները լսեցին այդ, շատ բարկացան, եկան հաւաքուեցին թագաւորի մօտ եւ ասացին. Թագաւորը հրեայ է դարձել, կործանեց Բելին, սպանեց վիշապին, կոտորեց քրմերին:
29. Եւ երբ Նրանք եկան, ասացին թագաւորին. Դանիելին մեր ձեռքը տուր, ապա թե ոչ կը սպանենք քեզ եւ քո տոհմը:
30. Երբ թագաւորը տեսաւ, թե շատ են տագնապեցնում իրեն, ստիպուած Դանիելին տուեց Նրանց ձեռքը:
31. Եւ Նրանք Նրան նետեցին առիւծների փոսը. Դանիելն այնտեղ մնաց վեց օր:
32. Փոսի մէջ եօթը առիւծներ կային: Ամէն օր Նրանց երկու մարդ եւ երկու անասուն էին տալիս ուտելու, բայց այդ օրը Նրանց առջեւ ոչինչ չգցեցին, որպէսզի առիւծներն անմիջապէս ուտեն Դանիելին:
33. Հրեաստանում կար Ամբակում անունով մի մարգարէ. սա թան եփեց, հաց բրդեց կերակուրի մէջ եւ հանդ էր գնում՝ իր մշակներին տանելու:
34. Տիրոջ հրեշտակն ասաց Ամբակումին. Այդ ճաշը որ դու ունես, տա՛ր Բաբելոն՝ Դանիելին, որը առիւծների փոսի մէջ է:
35. Ամբակումն ասաց. Տէ՛ր, ես Բաբելոնը չեմ տեսել եւ չգիտեմ, թե ո՛ւր է փոսը:
36. Հրեշտակը ձեռքը գցեց Նրա գագաթին, բռնեց Նրա գլխի մազերից եւ իր հոգու ամբողջ ուժով Նրան տարաւ Բաբելոն, դրեց փոսի վրայ:
37. Ամբակումն աղաղակեց եւ ասաց. Դանիէ՛լ, Դանիէ՛լ, արի վերցրո՛ւ այդ ճաշը, որ Աստուած ուղարկեց քեզ համար:
38. Դանիելն ասաց. Յիշեցի՛ր ինձ, Աստուա՛ծ, եւ ամօթով չթողեցիր քո սիրելիներին:
39. Դանիելը վեր կացաւ եւ կերաւ: Եւ Աստծու հրեշտակը Նոյն ժամին Ամբակումին Նորից տարաւ իր տեղը:
40. Թագաւորը եօթներորդ օրը եկաւ ողբալու Դանիելի վրայ. եւ երբ եկաւ փոսի բերանի մօտ, Նայեց եւ տեսաւ, որ Դանիելը Նստած էր. աղաղակեց բարձր ձայնով եւ ասաց.
41. Մեծ ես, Դանիելի Տէ՛ր Աստուած, եւ չկայ այլ Աստուած քեզանից բացի:
42. Նա Դանիելին դուրս հանեց, իսկ վնասարարներին, որ ուզեցել էին կորստի մատնել Նրան, նետեցին փոսի մէջ, եւ իսկոյն Նրանք պատառոտուեցին թագաւորի առաջ:

OUTE

## Գլուխ 1

1. Տիրոջ խօսքը, որ հասաւ Երիի որդի Օսէին, Յուդայի երկրի թագաւորներ Օգիայի, Յովաթամի, Աքագի եւ Եգեկիայի օրերին եւ Իսրայելի թագաւոր Յովասի որդի Յերոբովամի ժամանակ:
2. Օսէին տրուած Տիրոջ խօսքի սկիզբը: Տէրը ասաց Օսէին. Դու գնա՛ եւ քեզ համար մի պոռնիկ կին ա՛ռ եւ պոռնկութեան որդիներ, որովհետեւ երկիրը չափից դուրս պիտի պոռնկանայ Տիրոջ դէմ:
3. Նա գնաց ու առաւ Գոմերին՝ Գաբելայիմի աղջկան, որը յղիացաւ եւ որդի ծնեց Նրա համար:
4. Եւ Տէրն ասաց Նրան. Նրա անունը Յեզրայէլ՝ դիր, որովհետեւ մի քիչ ժամանակ եւս, եւ ես Յեզրայելի արեան վրէժը պիտի պահանջեմ Յեուկի տնից եւ պիտի դադարեցնեմ Իսրայելի տան թագաւորութիւնը:
5. Այն օրը պիտի խորտակեմ Իսրայելի աղեղը Յեզրայելի հովտում:
6. Գոմերը երկրորդ անգամ յղիացաւ եւ մի աղջիկ ծնեց, ու Տէրը ասաց Նրան. Նրա անունը դի՛ր Զողորմած, որովհետեւ այլեւս պիտի չշարունակեմ ողորմել Իսրայելի տանը, այլ Նրանց դէ՛մ պիտի կանգնեմ հակառակութեամբ:
7. Բայց Յուդայի որդիներին պիտի ողորմեմ եւ պիտի փրկեմ Նրանց, ես՝ իրենց Տէր Աստուածը, բայց չեմ փրկելու Նրանց աղեղով, ո՛չ սրով, ո՛չ պատերազմով, ո՛չ կառքերով, ո՛չ ձիերով եւ ո՛չ հեծեալներով:
8. Եւ Զողորմածին կտրեց կաթից: Գոմերը դարձեալ յղիացաւ եւ մի որդի ծնեց:
9. Տէրը ասաց. Նրա անունը դի՛ր Ոչ Իմ Ժողովուրդ, քանի որ դուք իմ ժողովուրդը չէք, եւ ես ձեր ոչ մի բանը չեմ:
10. Բայց իսրայելացիների քանակը ծովի աւազի պէս անչափ ու անթիւ կը լինի. եւ այնտեղ, որտեղ ասուեց՝ Դուք իմ ժողովուրդը չէք, այնտեղ Կենդանի Աստծու որդիներ կը կոչուեն:
11. Եւ Յուդայի ու Իսրայելի որդիները միասին կը հաւաքուեն, իրենց համար մի իշխանութիւն կը հաստատեն եւ կ'ելնեն այն երկրից, քանի որ մեծ է Յեզրայելի օրը:



1. Ձեր եղբորն ասացէ՛ք՝ Իմ ժողովո՛ւրդ, եւ ձեր քրոջը՝ Ողորմած:
2. Դա՛տ արեք ձեր մօր հետ, դա՛տ արեք, քանի որ նա իմ կինը չէ, եւ ես նրա ամուսինը չեմ: Ես կը վերացնեմ նրա պոռնկութիւնը իմ ներկայութիւնից եւ շնութիւնը՝ իր ստինքների միջից,
3. որովհետեւ նրան կը մերկացնեմ եւ նրան կ'անեմ այնպէս, ինչպէս ծնուած օրը. նրան անբնական կը դարձնեմ, կը վերածեմ անջուր հողի
4. եւ կը սպանեմ նրան ծարաւից:
5. Նրա որդիներին չեմ գթայ, քանի որ պոռնկութեան որդիներ են,
6. քանի որ չափից դուրս պոռնկացաւ նրանց մայրը եւ ամօթի մէջ թողեց ում որ ծնեց, քանի որ ասաց. Կը գնամ իմ սիրածների յետեւից, որոնք կը տան ինձ իմ հացն ու ջուրը, իմ հագուստն ու ներքնագգեստը, իմ գինին ու իմ ձեթը եւ ամէն ինչ, որ պէտք է ինձ:
7. Դրա համար ես կը փակեմ նրա ճանապարհները, կը պատնէշեմ նրա ուղիները, եւ նա իր շաւիղները չի գտնի:
8. Նա կը գնայ իր սիրածների յետեւից եւ չի հասնի նրանց, կը փնտռի, բայց չի գտնի նրանց եւ կ'ասի. Կը գնամ եւ կը վերադառնամ իմ նախկին ամուսնու մօտ, որովհետեւ այն ժամանակ ատելի լաւ էր ինձ համար, քան հիմա:
9. Եւ նա չիմացաւ, որ ե՛ս տուեցի նրան ցորենը, գինին եւ ձեթը, բազմացրի նրա դրամը, իսկ նա շատ արծաթե եւ ոսկե արձաններ սարքեց Բահաղին:
10. Դրա համար ես կը դառնամ եւ յետ կ'առնեմ իմ ցորենն իր ժամանակին, իմ գինին եւ իմ ձեթն իրենց ժամանակին եւ կը հանեմ նրա վրայից իմ հագուստն ու ներքնագգեստը, որ չծածկի իր մերկութիւնը:
11. Եւ արդ, կը պարզեմ նրա պղծութիւնը իր սիրածների առաջ, եւ ոչ ոք չի ազատի նրան իմ ձեռքից:
12. Կը խափանեմ նրա բոլոր ուրախութիւնները, նրա տօները, ամսագլուխներն ու շաբաթները եւ նրա բոլոր տօնախմբութիւնները:
13. Կը կործանեմ նրա այգիներն ու թզենիները, որոնց համար մի անգամ ասաց, թե՛ Իմ վարձն են սրանք, որ տուեցին ինձ իմ սիրածները. նրան որպէս վկայութիւն կը դնեմ, կ'ուտեն նրան անապատի գազանները, երկնքի թռչուններն ու երկրի սողունները:
14. Կը պատժեմ նրան Բահաղիմի օրերի համար, երբ զոհ էր մատուցում նրանց, ականջօղեր էր դնում, իր քառամանեակներն էր գցում, գնում էր իր սիրածների հետ եւ մոռացել էր ինձ, - ասում է Տէրը:
15. Դրա համար ահա կը մոլորեցնեմ նրան եւ կը դարձնեմ նրան ինչպէս անապատ, կը խօսեմ նրա սրտին,
16. ապա կը տամ նրան իր ունեցուածքը եւ Աքորի հովիտը՝ բացելու նրա միտքը, եւ նա խոնարհ կը դառնայ այնտեղ, ինչպէս իր մանկութեան օրերին, եւ ինչպէս նրա՝ Եգիպտացիների երկրից ելնելու օրերին:
17. Այն օրը, - ասում է Տէրը, - ինձ կ'անուանի՝ Իմ ամուսին եւ Բահաղիմ չի կոչի ինձ:
18. Կը վերացնեմ Բահաղիմի անունները նրա բերանից, եւ այլեւս չեն յիշուի նրանց անունները:
19. Այն օրը ուխտ կը կնքեմ նրանց հետ՝ անապատի գազաններով, երկնքի թռչուններով եւ երկրի սողուններով հանդերձ. եւ աղեղը, սուրն ու ճակատամարտը կը վերացնեմ երկրից եւ կը բնակեցնեմ քեզ յոյսով:
20. Քեզ կը նշանեմ ինձ յաւիտեան, քեզ կը նշանեմ ինձ արդարութեամբ եւ իրաւունքով, ողորմութեամբ եւ գթութեամբ:
21. Քեզ կը նշանեմ ինձ հաւատով, եւ դու կը ճանաչես Տիրոջը:
22. Այն օրը, - ասում է Տէրը, - ես կ'ունկնդրեմ երկնքին, երկինքը կ'ունկնդրի երկրին,
23. երկիրը կ'ունկնդրի ցորենին, գինուն ու ձեթին, եւ նրանք կ'ունկնդրեն Յեզրայէին:
24. Ես նրան կը սերմանեմ երկրի վրայ ինձ համար, կը գթամ Զողորմածին, կ'ասեմ ինձ օտար ժողովրդին՝

25. Իմ ժողովուրդն ես դու, եւ նա կ'ասի՝ իմ Տէր Աստուածն ես դու:

### Գլուխ 3

1. Եւ Տէրն ասաց. Դարձեալ դու գնա՛ եւ սիրի՛ր մի կին, որ սիրի չարութիւնը եւ շնացող լինի, ինչպէս որ Աստուած սիրեց իսրայելացիներին, իսկ նրանք օտար աստուածներին էին նայում եւ սիրում էին չամիչով պատրաստուած բլիթներ:
2. Ես վարձեցի նրան ինձ համար տասնհինգ արծաթով, մի քոռ գարիով եւ մի մատնաչափ գինով:
3. Եւ ասացի նրան. Շատ օրեր կը նստես ինձ մօտ եւ այլեւս չես պոռնկանայ ու այլեւս ուրիշ տղամարդունը չես լինի:
4. Արդարեւ, շատ օրեր իսրայելացիները կը նստեն առանց թագաւորի, առանց իշխանի, առանց գոհաբերութեան, առանց սեղանի, առանց քահանայութեան եւ առանց յայտնութիւնների:
5. Դրանից յետոյ իսրայելացիները կը դառնան եւ կը փնտռեն իրենց Տէր Աստծուն ու իրենց Դաւիթ արքային. կը զօրանան Տիրոջով եւ նրա բարութիւններով՝ վերջին օրերին:

1. Լսեցէ՛ք Տիրոջ խօսքը, իսրայելացիներ՝, որովհետեւ Տէրը դատ ունի երկրի բնակիչների հետ. Չկայ ճշմարտութիւն, չկայ ողորմութիւն եւ չկայ Աստծու ճանաչում երկրի վրայ:
2. Անէծք, ստութիւն, սպանութիւն, գողութիւն եւ շնութիւն ողողել են երկիրը եւ արիւնը արեան են խառնում:
3. Դրա համար սուգը կը պատի երկիրը, եւ կը նուագեն նրա բոլոր բնակիչները՝
4. անապատի գազանները, գետնի սողունները եւ երկնքի թռչունները, կը պակասեն ծովի ձկները:
5. քանի որ չի լինելու մէկը, որ դատի, ոչ էլ մէկը, որ յանդիմանի:
6. Բայց իմ ժողովուրդը նման է քահանային հակաճառողի. նրանք կը տկարանան ցերեկով, եւ մարգարէն էլ կը տկարանայ քեզ հետ. քո մօրը նմանեցրի գիշերուան:
7. Իմ ժողովուրդը նմանուեց նրան, ով իմացութիւն չունի. քանի որ դու մերժեցիր իմացութիւնը, ես էլ քեզ կը մերժեմ, որպէսզի քահանայութիւն չանես ինձ համար. քանի որ մոռացար քո Աստծու օրէնքները, ես էլ կը մոռանամ քո որդիներին:
8. Քահանաները իրենց թուի աճի համեմատ մեղք գործեցին իմ նկատմամբ, նրանց փառքը անարգանքի կը վերածեմ:
9. Իմ ժողովրդի մեղքերով կ'ուռճանան եւ իրենց անիրաւութեամբ կը հարստացնեն իրենց անձերը:
10. Ինչպէս ժողովուրդը, այնպէս էլ քահանան կը լինի, եւ ես կը պատժեմ նրան, նրա ճանապարհների եւ նրա խորհուրդների համաձայն կը հատուցեմ նրան.
11. կ'ուտեն եւ չեն յագենայ, կը պոռնկանան, բայց յաջողութիւն չեն գտնի, քանի որ լքեցին Տիրոջը՝ ամբողջապէս պոռնկանալու համար:
12. Գինին եւ հարբեցողութիւնը գրաւեցին իմ ժողովրդի սիրտը:
13. Վիճակաքարեր գցելով խորհուրդ էին հարցնում, եւ քահանաներն իրենց փայտիկներով պատասխանում էին նրանց. պոռնկութեան սատանայից մոլորուեցին եւ պոռնկացան իրենց Աստծու նկատմամբ:
14. Լեռների գլխին զոհ էին մատուցում եւ բլուրների վրայ ողջակէզ էին անում կաղնիների, կաղամախիների եւ սաղարթախիտ ծառերի տակ, քանզի հովանին հաճելի էր նրանց. դրա համար ձեր դուստրերը կը պոռնկանան, եւ ձեր հարսները կը շնանան:
15. Ես չեմ պատժելու ձեր դուստրերին, երբ պոռնկանան, եւ ձեր հարսներին՝ երբ շնանան, քանի որ այրերն իրենք էին պոռնիկների հետ կենակցում, զոհ էին մատուցում մեհեաններին նուիրուածների հետ, եւ քո ժողովուրդը, որ չէր հասկանում այդ, խառնակում էր պոռնիկների հետ:
16. Բայց դո՛ւ, Իսրայէ՛լ, տգետ մի՛ լինիր, եւ Յուդայի՛ որդիներ, մի՛ մտեք Գաղգաղա, մի՛ բարձրացեք Ովնի տունէլ մի՛ երդուէք կենդանի Տիրոջ անունով,
17. քանի որ Իսրայէլն ինձ համար եղաւ ինչպէս լուծը թօթափած երինջ: Արդ, Տէրը նրանց որպէս գառ կ'արածացնի բաց դաշտում:
18. Եփրեմը յարեց կուռքերին, գայթակղութեան մատնեց իր անձը. բոլորը տենչացին քանանացիների կուռքերին, գինի սիրեցին. թողէ՛ք նրանց:
19. Չափից դուրս պոռնկացան, սիրեցին անպատուութիւնը իրենց հպարտութեան պատճառով:
20. Քամու մրրիկ կը փչի նրանց թելերի տակ, եւ կ'ամաչեն իրենց գոհասեղանների համար:

1. Լսեցէ՛ք սա, ո՛վ քահանաներ, մտի՛կ արեք, ո՛վ Իսրայելի տուն, թագաւորի՛ տուն, ականջ դրեք, քանի որ ձերն է դատաստանը.
2. Կը լինեք ինչպէս թակարդ դիտանոցումեւ ինչպէս մի ցանց՝ ձգուած բարձրադիր վայրում, որ որսորդները դրեցին որսի համար:
3. Ես եմ ձեր ուղղիչը. ես ճանաչեցի Եփրեմին, եւ Իսրայելը հեռու չէ ինձնից, քանի որ այժմ Եփրեմը պոռնկացաւ, եւ Իսրայելը պղծուեց:
4. Նրանք չմտածեցին վերադառնալ իրենց Աստծուն, որովհետեւ պոռնկութեան չար ոգին նրանց մէջ է, եւ Տիրոջը չճանաչեցին:
5. Իսրայելի հպարտութիւնը կը խոնարհուի նրա առաջ. ե՛ւ Իսրայելը, ե՛ւ Եփրեմը կը տկարանան իրենց անօրէնութեան մէջ, կը տկարանայ եւ Յուդան նրանց հետ:
6. Նրանք ոչխարներով եւ զոհերով կը գնան Տիրոջը որոնելու եւ չեն գտնի նրան, որովհետեւ նա խուսափեց նրանցից:
7. Նրանք Տիրոջը թողեցին, քանի որ օտար որդիներ ծնուեցին նրանց: Ահա այժմ թրթուրը կ'ուտի նրանց, նրանց եւ նրանց երկիրը:
8. Փո՛ղ հնչեցրեք բլուրների վրայ, գոռացէ՛ք բարձունքների վրայ, յայտարարեցէ՛ք Ովնի տանը, թէ յիմարացաւ Բենիամինը,
9. եւ Եփրեմը կործանուեց յանդիմանութեան օրերին. Իսրայելի ցեղերին հաւատարմութիւն ցոյց տուեցի:
10. Յուդայի երկրի իշխանները նմանուեցին սահմանները փոփոխողների. նրանց վրայ ջրի պէս կը թափեմ իմ կատաղութիւնը:
11. Եփրեմը զրկեց իր թշնամուն եւ ոտնակոխ արեց արդարադատութիւնը, քանի որ սկսեց սնոտի բաների յետեւից գնալ:
12. Ես Եփրեմի համար սարսափ կը լինեմեւ Յուդայի տան համար՝ ինչպէս խայթոց:
13. Եփրեմը տեսաւ իր ախտը, եւ Յուդան՝ իր ցաւերը. Եփրեմը գնաց ասորեստանցիների մօտ եւ պատգամաւորներ ուղարկեց Յարիմի արքային, բայց նա չկարողացաւ փրկել ձեզ եւ ոչ էլ հանգստացնել ձեզ ցաւերից:
14. Քանզի ես Եփրեմի համար յովազի պէս եմ եւ Յուդայի տան համար՝ առիւծի նման. կը յարձակուեմ, կը յափշտակեմ,
15. կ'առնեմ նրանց, ու ոչ ոք չի լինի, որ փրկի. կը գնամ եւ կը վերադառնամ իմ տեղը, մինչեւ որ նրանք կործանուեն եւ փնտռեն ինձ:

1. Իրենց նեղութիւնների մէջ կը շտապեն ինձ մօտ եւ կ'ասեն. Գնանք եւ վերադառնանք մեր Տէր Աստծուն.
2. որովհետեւ նա հարուածեց մեզ եւ ինքն էլ կը բժշկի, վիրաւորեց եւ կը կապի մեր վերքերը:
3. Երկու օր յետոյ նա կը կենդանացնի մեզ, եւ երրորդ օրը կ'ելնենք կը կանգնենք նրա առաջ, կը ճանաչենք Տիրոջը եւ հետամուտ կը լինենք ճանաչելու նրան: Մենք նրան պատրաստ կը գտնենք ինչպէս առաւօտը, եւ նա կը գայ դէպի մեզ՝ ինչպէս վաղ եւ ուշացած անձրեւը՝ դէպի հողը:
4. Ի՞նչ անեմ քեզ, Եփրեմ, կամ ի՞նչ պատճառեմ քեզ, Յուդա՛, որովհետեւ ձեր ողորմութիւնը վաղորդեան ամպի պէս է եւ առաւօտեան ցօղի պէս, որ անհետանում է:
5. Դրա համար հնձեցի ձեր մարգարէներին եւ կոտորեցի նրանց իմ բերանի խօսքով. իմ արդարադատութիւնը իբրեւ լոյս կը ծագի:
6. Քանզի ողորմութիւն եմ ցանկանում եւ ոչ թէ զոհաբերում, Աստծու ճանաչումն աւելի եմ ցանկանում, քան ողջակէզները.
7. բայց նրանք եղան ինչպէս մի մարդ, որ դրժում է ուխտը:
8. Գաղաադն այնտեղ արհամարհեց ինձ, քաղաք, որ սնոտի բաներ է անում եւ խառնում ջրերը:
9. Քո զօրութիւնը աւագակ մարդու զօրութեան պէս է: Քահանաները թաքցրին ճանապարհը, սպանեցին Սիկիմը, որովհետեւ անօրէնութիւն գործեցին:
10. Իսրայէլի տան մէջ տեսայ արհաւիրքներ. այնտեղ պոռնկացաւ Եփրեմը, եւ պղծուեց Իսրայէլը:
11. Յուդան սկսեց այգեկութիւն, երբ ես գերութիւնից վերադարձրի իմ ժողովրդին:

1. Իսրայելին բժշկելիսի յայտ կը գան Եփրեմի չարիքներն ու Սամարիայի չարիքները, քանի որ սխալ բաներ արեցին. գող կը մտնի նրա տուն, իսկ աւագակը կը թալանի նրա ճանապարհներին.
2. Նրանք միասին կը մրմնջեն, ինչպէս մրմնջում են մարդիկ իրենց մտքում. նրանց բոլոր չարիքները յիշեցի. նրանց խորհուրդները պաշարեցին նրանց, եւ նրանք յայտնուեցին իմ առաջ:
3. Իրենց չարիքներով ուրախացրին թագաւորին եւ իրենց ստերով՝ իշխաններին:
4. Բոլորը շնացան, ինչպէս թնիրն է վառում հաց թխելու համար բորբոքուած կրակից եւ ճարպի զանգուածից, մինչեւ այն խմորուի.
5. այդպէս ձեր թագաւորների օրերին իշխաններն սկսեցին վառուել գինուց եւ ձեռք մեկնեցին չարագործներին,
6. որովհետեւ սրտերն իրենց հնոցի պէս բորբոքուեցին՝ անիծելու նրանց: Գիշերն ամբողջ քնից յագեցաւ Եփրեմը. առաւօտ եղաւ, եւ բորբոքուեցին որպէս կրակի բոց:
7. Բոլորը տաքացան ինչպէս վառուած հնոց, եւ կրակը կերաւ նրանց դատաւորներին. նրանց բոլոր թագաւորներն ընկան, եւ նրանց մէջ չկար մէկը, որ կանչէր ինձ:
8. Եփրեմը խառնուում էր ժողովուրդներին, Եփրեմը նմանուեց շուռ չտուած հացիկի.
9. օտարները կերան նրա զօրութիւնը, եւ նա չիմացաւ. սպիտակեցին նրա մազերը, եւ նա չզգաց:
10. Իսրայելի հպարտութիւնը կը խոնարհուի նրա առաջ. նրանք չվերադարձան իրենց Տէր Աստծուն եւ չփնտռեցին նրան այս բոլորի մէջ:
11. Եփրեմը նման էր անմիտ աղաւնու, որ սիրտ չունի. Եգիպտոս էին կանչում, բայց գնացին Ասորեստան:
12. Ուր էլ որ գնան, նրանց վրայ կը գցեմ իմ ցանցը, երկնքի թռչունների նման ցած կը բերեմ նրանց եւ կը պատժեմ նրանց իրենց գլխին գալիք նեղութեան լուրով:
13. Վա՛յ նրանց, քանի որ նրանք խոյս տուեցին ինձնից, ողորմելի են, քանի որ ամբարշտացան իմ դէմ: Ես փրկեցի նրանց, իսկ նրանք ստութեամբ բամբասեցին ինձ:
14. Նրանց սրտերը չկանչեցին ինձ, այլ ողբում էին իրենց անկողիններում. նրանք ցորենի ու գինու համար ծուլատում էին իրենց:
15. Ես խրատեցի նրանց եւ զօրացրի նրանց բազուկները, բայց նրանք չարիք խորհեցին իմ դէմ:
16. Նրանք դարձան անգոյին եւ եղան ինչպէս լարուած աղեղ: Սրով կ'ընկնեն նրանց իշխանները իրենց լեզուի անսասն խստութեան պատճառով, եւ սա կը լինի նրանց նախատինքը Եգիպտոսում:

1. Կ'իջևի նա նրանց կենտրոնում ինչպես հողը եւ ինչպես արծիւ՝ Տիրոջ տան վրայ, որովհետեւ անտեսեցին իմ ուխտը եւ իմ օրէնքի դէմ ամբարշտացան:
2. Կ'աղաղակեն դէպի ինձ. Աստուա՛ծ, ճանաչեցինք քեզ.
3. քանի որ Իսրայէլը հեռացաւ բարիքներից նրանք հալածեցին թշնամուն:
4. Անձամբ թագաւորներ կարգեցին,բայց ոչ իմ միջոցով. տիրեցին, բայց ցոյց չտուեցին ինձ,իրենց արծաթից ու ոսկուց կուռքեր շինեցին իրենց, որպեսզի կործանուեն:
5. Խորտակի՛ր քո հորթը, Սամարիա՛. իմ բարկութիւնը բորբոքուեց նրանց դէմ. մինչեւ ե՞րբ պիտի չկարողանան մաքրուել Իսրայէլում:
6. Արհեստաւորը պատրաստեց այն, եւ նա Աստուած չէ, քանի որ քո հորթը մոլորեցուցիչ է, Սամարիա՛,
7. որովհետեւ խորշակահար սերմ սերմանեցին, եւ նա էլ կը կործանուի նրանց նման. նրանց ցորենի խուրճը ուժ չի ունենայ խիւս դառնալու. եթէ նոյնիսկ դառնայ, օտարները կ'ուտեն այն:
8. Իսրայէլն ընկղմուեց. այժմ նա ազգերի մէջ դարձաւ ինչպես անպիտան անօթ:
9. Քանի որ գնացին դէպի ասորեստանցիները,ուրախացաւ Եփրեմն առանձին, սիրեց կաշառքը.
10. դրա համար էլ կը մատնուի ազգերին: Բայց այժմ կ'ընդունեմ նրանց, եւ մի փոքր կը դադարեն թագաւորներ եւ իշխաններ օծելուց:
11. Եփրեմն առատացրեց զոհասեղանները, եւ նրա սիրելի զոհասեղանները մեղք դարձան նրան:
12. Բազմաթիւ պատգամներ կը գրեմ նրանց,բայց նրա կուռքերը օտարոտի կը համարուեն,նաեւ նրա սիրելի զոհասեղանները:
13. Թէպէտ եւ զոհեր կը մատուցեն եւ դրանց միսը կ'ուտեն, Տէրը չի ընդունի այն:Այժմ կը յիշի նրանց անիրաւութիւնները եւ վրեժ կը լուծի նրանց անօրէնութիւնների համար, քանի որ նրանք վերադարձան Եգիպտոս եւ պիղծ բաներ պիտի ուտեն ասորեստանցիների մէջ:
14. Իսրայէլը մոռացաւ իր Արարչին,եւ մեհեաններ շինեցին. Յուդան շատացրեց պարսպապատ քաղաքները, բայց ես կրակ կ'ուղարկեմ նրա քաղաքների վրայ, եւ այն կ'ուտի դրանց հիմքերը:



1. Մի՛ խնդար, Իսրայէ՛լ, եւ մի՛ ուրախացիր ինչպէս երկրի ժողովուրդները, որովհետեւ պոռնկացար քո Աստծու դէմ, սիրեցիր կաշառքը ցորենի բոլոր կալերի վրայ:
2. Կալերն ու հնձանները չճանաչեցին նրանց, եւ գինին խաբեց նրանց:
3. Նրանք չեն բնակուի Տիրոջ երկրում. Եփրեմը կը բնակուի Եգիպտոսում, եւ նրանք ասորեստանցիների մէջ պիտի բաներ պիտի ուտեն:
4. Տիրոջը գինի չնուիրեցին եւ նրա սիրտը չքաղցրացրին իրենց վրայ, նրանց զոհերը սգոյ հոգեճաշ կը դառնան նրանց, բոլոր նրանք, ովքեր կ'ուտեն նրանից, կը պղծուեն, քանի որ իրենց հացը միայն իրենց կը մնայ եւ չի մտնի Տիրոջ Տան մէջ:
5. Ի՞նչ պիտի անէք տարեկան հաւաքի օրը եւ Տիրոջ տօնի օրը:
6. Դրա համար ահա կը գնան դէպի Եգիպտացիների թշուառութիւնը. Մեմփիսը կ'ընդունի նրանց, եւ Մաքմասը կը թաղի նրանց, Կորստի կը մատնի նրանց արծաթը, եւ նրանց բնակարանում փուշ կը բուսնի:
7. Հասել են քո վրեժխնդրութեան օրերը, հասել են օրերը քո հատուցման, եւ Իսրայէլը կը չարչարուի ինչպէս յիմարացած մարգարէ, ինչպէս այսահար մի մարդ. քո անիրաւութիւնների շատութեան պատճառով վրայ հասաւ մոլորութիւնը:
8. Եփրեմը դիտորդ է Աստծու հետ, մարգարէն գայթակղութեան թակարդ է նրա բոլոր ճանապարհների վրայ. նրանք մոլորութիւն հաստատեցին Աստծու տան մէջ,
9. ապականուեցին ինչպէս բարձունքի օրերին. Տէրը կը յիշի նրանց անօրէնութիւնները եւ վրեժ կը լուծի նրանց մեղքերի համար:
10. Գտայ Իսրայէլին՝ ինչպէս խաղող անապատում, եւ տեսայ նրանց հայրերին՝ որպէս պահակ վաղահաս թզենու մէջ: Նրանք մտան Բելփեգոր եւ օտարացան ամօթահար լինելով. գարշելիները դարձան սիրելիներ:
11. Եփրեմը թռչունի պէս թռաւ, եւ փառք չի լինի նրանց ծնունդներից, երկունքից եւ յղութիւնից:
12. Թեպէտեւ կը մեծացնեն իրենց որդիներին, սակայն զուրկ կը մնան մարդկանցից: Արդարեւ, վայ է նրանց, թէեւ իմ մարմինը նրանցից է:
13. Ինչպէս Եփրեմին տեսայ, նրանք իրենց որդիներին որպէս զոհ կանգնեցրին, եւ Եփրեմն սկսեց իր որդիներին դուրս բերել սպանդի:
14. Տո՛ւր նրանց, Տէ՛ր, - ի՞նչ ես տալու նրանց, - տո՛ւր նրանց անորդի արգանդ եւ ցամաքած ստինքներ:
15. Նրանց ամբողջ չարութիւնը Գաղգաղայում է, ուստի եւ այնտեղ ատեցի նրանց. իրենց չար ընթացքի համար իմ տնից կը հեռացնեմ նրանց եւ այլեւս չեմ սիրի նրանց. նրանց բոլոր իշխանները ապստամբներ են:
16. Ախտահարուեցին Եփրեմի արմատները, չորացան եւ այլեւս պտուղ չեն տայ, որովհետեւ նոյնիսկ եթէ ծնեն, կ'ոչնչացնեմ նրանց որովայնների ցանկալի պտուղները:
17. Աստուած կը մերժի նրանց, քանի որ չլսեցին նրան, եւ նրանք մոլորուած կը լինեն ազգերի մէջ:

1. Ճիւղառատ պտղալից որթատունկ է Իսրայէլը. Նա իր պտուղների առատութեան չափ բազմացրեց իր զոհասեղանները, իր պարարտութեան չափ արծաններ կանգնեցրեց:
2. Նրանք բաժանեցին իրենց սրտերը, նրանք կ'ապականուեն: Նա կը կործանի նրանց զոհասեղանները,
3. ողբալի կը դառնան նրանց արծանները,
4. քանի որ հիմա կ'ասեն. Թագաւոր չունենք, որովհետեւ Տիրոջից չվախեցանք, բայց թագաւորը ի՞նչ կարող է անել մեզ համար:
5. Եթէ խօսքեր ասի՝ ստայօդ են. ուխտ կը կնքի, եւ արդարադատութիւնը որպէս սեզ կ'աճի ագարակի անմշակ հողում:
6. Ովնի տան հորթի պէս պանդուխտ կը դառնան Սամարիայի բնակիչները, որովհետեւ նրա ժողովուրդը սուգ արեց նրա վրայ. եւ ինչպէս որ դառնացրին նրան, ոտնակոխ կը լինեն նրա փառքի համար, քանի որ գերուեցին նրա կողմից:
7. Եւ նրան կապկպած Ասորեստան կը տանեն որպէս նուէր Յարիմ արքային: Նա կաշառքով կ'ընդունի Եփրեմին. Իսրայէլը կ'ամաչի իր խորհուրդներից:
8. Սամարիան մերժեց իր թագաւորին, ինչպէս տաշեղ ջրի երեսին:
9. Կը վերանան Ովնի մեհեանները՝ Իսրայէլի մեղքերը, փուշ ու տատասկ կը բուսնեն նրանց զոհասեղաններին, եւ լեռներին կ'ասեն, թէ՛ Ընկե՛ք մեզ վրայ եւ բլուրներին, թէ՛ Ծածկեցե՛ք մեզ:
10. Այն օրից, երբ բարձունքները գոյութիւն ունեն, Իսրայէլը մեղք գործեց: Այնտեղ տեղաւորուեցին նրանք: Եւ բարձունքի վրայ չի հասնի նրանց պատերազմը,
11. որ եկաւ խրատելու նրանց անօրէնութեան որդիների դեմ. ազգերը կը հաւաքուեն նրանց դեմ՝ խրատելու նրանց իրենց կրկնակի անիրաւութիւնների համար:
12. Եփրեմը մարգուած երինջ է, որ սիրում է հակառակութիւնը, բայց ես կը նետուեմ նրա գեղեցիկ պարանոցի վրայ, կը բարձրանամ Եփրեմի վրայ, կ'անտեսեմ Յուդային, եւ Յակոբը կը յաղթի նրան:
13. Ձեզ համար արդարութեան սերմեր ցանեցե՛ք եւ կենաց պտուղ քաղեցե՛ք. վառեցե՛ք ձեզ համար գիտութեան լոյսը, փնտռեցե՛ք Տիրոջը, մինչեւ որ արդարութեան պտուղները հասնեն ձեզ:
14. Ինչո՞ւ էք փորփրում ամբարշտութիւնը, փխրեցնում նրա անօրէնութիւնները եւ ուտում ստութեան պտուղը. որովհետեւ յոյս դրեցիր քո կառքերի վրայ, քո զօրքի բազմութեան վրայ:
15. Զո ժողովուրդը կորստեան կը մատնուի, եւ քո բոլոր պարսպապատ ամրոցները կը կործանուեն: Ինչպէս Յերոբովադի տնից Սաղաման իշխանի պատերազմի ժամանակ, երբ մայրերին սպանեցին որդիների կողքին,
16. այդպէս էլ կ'անեն ձեզ, ո՛վ Իսրայէլի տուն, ձեր չարիքների պատճառով:

1. Առաւօտեան նրանք ընկան, ընկաւ Իսրայելի թագաւորը: Քանի դեռ մանուկ էր Իսրայելը, եւ սիրեցի նրան եւ Եգիպտոսից կանչեցի նրա որդիներին:
2. Եւ ինչպէս կանչեցի նրանց, այնպէս էլ հեռացան իմ ներկայութիւնից: Նրանք Բահաղիմին էին գոհ մատուցում եւ խնկարկում էին կուռքերին:
3. Եւ խափանեցի Եփրեմի ընթացքը եւ նրան վերցրի իմ բազուկների վրայ:
4. չիմացան, որ եւ բժշկում եմ նրանց: Երբ մարդիկ ապականուեցին, եւ կապեցի նրանց իմ սիրոյ կապերով եւ նրանց համար դարձայ այնպիսին, որ ապտակում է ուրիշի ծնօտին: Եւ հոգ կը տանեմ եւ կը յաղթեմ նրան:
5. Եփրեմը բնակուեց Եգիպտոսում, իսկ ասորեստանցին նրա թագաւորն էր, քանի որ չուզեցին վերադառնալ:
6. Նա սրով տկարացաւ իր քաղաքներում եւ դադարեց կռիւ մղել իր ձեռքերով: Նրանք կը ճաշակեն իրենց խորհուրդների պտուղը:
7. Նրա ժողովուրդը կախուած կը մնայ իր բնակավայրից, եւ Աստուած կը բարկանայ նրա պատուական բաների վրայ ու չի մեծարի նրան:
8. Ինչպէ՞ս վարուեմ քեզ հետ, Եփրեմ, ինչպէ՞ս պաշտպան լինեմ քեզ, Իսրայէ՛լ, ինչպէ՞ս վարուեմ քեզ հետ. քեզ կը դարձնեմ ինչպէս Ադամ եւ ինչպէս Սեբոյիմ:
9. Սիրտս շուռ եկաւ, գութս շարժուեց, եւ իմ սաստիկ բարկութեան թելադրանքով չեմ վարուի ու չեմ թողնի, որ Եփրեմը ջնջուի, քանի որ եւ Աստուած եմ եւ ոչ թէ մարդ, Սուրբ եմ ձեր մէջ եւ քաղաք չեմ մտնի:
10. Տիրոջ յետեւից կը գնան: Նա առիւծի պէս կը մոնչայ. քանի որ նա կը մոնչայ եւ ջրերի որդիներին կ'ապշեցնի:
11. Որպէս թռչուն կը թռչեն, կը գան Եգիպտոսից, եւ որպէս աղանիներ՝ Ասորեստանից. Կը պատսպարեմ նրանց իրենց տներում, - ասում է Տէրը:
12. Եփրեմն ինձ ստուգեամբ պաշարեց, իսկ Իսրայելի եւ Յուդայի տունը՝ անբարշտութեամբ: Բայց այժմ Աստուած ճանաչեց նրանց, եւ նրանք կը կոչուեն Աստծու սուրբ ժողովուրդ:

1. Սակայն այս Եփրեմը չար է. հետեւեց խորշակին, ամբողջ օրը դատարկ եւ սնոտի բաներ շատացրեց, դաշինք կնքեց ասորեստանցիների հետ եւ իւղ էր տանում Եգիպտոս:
2. Տէրը վեճ ունեցաւ Յուդայի հետ եւ կը պատժի Յակոբին. ըստ նրա ճանապարհի եւ ընթացքի կը հատուցի նրան:
3. Արգանդում նա խաբեց իր եղբօրը եւ իր գործերով ուժ ցոյց տուեց Աստծու դէմ. նա չափուեց Հրեշտակի հետ եւ յաղթեց նրան:
4. Լաց եղան, աղաչեցին ինձ եւ գտան ինձ իմ տանը. այնտեղ խօսք ուղղուեց նրանց,
5. եւ Ամենակալ Տէր Աստուածը կը դառնայ յիշատակը նրանց:
6. Դու կը դառնաս քո Աստծուն, կը պահպանես ողորմութիւն եւ արդարութիւն եւ ամէն ժամ կը մերձենաս քո Տէր Աստծուն:
7. Անիրաւութեան կշեռքը Քանանի ձեռքում է, եւ նա սիրեց բռնանալ:
8. Եփրեմն ասաց. Հարստացայ, հանգիստ գտայ իմ անձի համար. նրա բոլոր վաստակները չեն մնայ նրան, քանի որ անօրէնութիւնների համար յանցանք գործեց:
9. Բայց ես՝ քո Տէր Աստուածը, որ հանեցի քեզ Եգիպտացիների երկրից, դարձեալ կը բնակեցնեմ քեզ վրանների տակ ինչպէս տօն օրերին:
10. Կը խօսեմ մարգարէների հետ, կը շատացնեմ տեսիլքները եւ մարգարէների միջոցով կը ներկայանամ:
11. Եթէ Գաղաադը չկար, ապա սուտ էին իշխանները, որ զոհ էին մատուցում Գաղաադայում, եւ նրանց զոհասեղանները նման էին կրիաների խոպան հողում:
12. Յակոբը գնաց ասորիների դաշտը, Իսրայէլը ծառայեց կնոջ համար եւ կնոջ համար պահակութիւն արեց:
13. Տէրը մարգարէի միջոցով Իսրայէլը հանեց Եգիպտոսից, եւ նա պահպանուեց մարգարէի միջոցով:
14. Իսրայէլը ինձ բարկացրեց ու զայրացրեց, նրա արիւնը իր վրայ կը թափուի, եւ Տէրը կը հատուցի նրան նրա նախատիկների համար:

1. Ըստ Եփրեմի խօսքի, Նա ստացաւ Իսրայէլի Աստծու վճիռը, Նրան հաստատեց Բահադի համար ու մեռաւ:
2. Այժմ դարձեալ շարունակեցին մեղանչել եւ իրենց համար կուռքերի պատկերների նման ծովածոյ արծաններ պատրաստեցին իրենց արծաթից՝ ճարտար արհեստաւորների գործ տալու նրանց: Նրանք ասացին. Մարդի՛կ, զո՛հ մատուցեցէք, որովհետեւ հորթերը նուազեցին:
3. Դրա համար կը լինեն ինչպէս առաւօտեան ամպ եւ վաղորդեան ցօղ, որ անցնում է, ինչպէս փոշի՝ կալից քշուած, եւ ինչպէս ծուխ՝ պատուհանից դուրս եկող:
4. Ես եմ քո Տէր Աստուածը, որ հաստատեցի երկինքը եւ հաստատեցի երկիրը, ես, որի ձեռքերը հաստատեցին երկնքի բոլոր գօրքերը, բայց քեզ ցոյց չեմ տայ, որ գնաս նրանց յետեւից. ես հանեցի քեզ Եգիպտացիների երկրից, ինձնից բացի Աստուած չես ճանաչի, եւ ինձնից բացի փրկիչ չկայ:
5. Ես էի քեզ հովուում անապատում՝ անշէն երկրում:
6. Նրանք իրենց արօտավայրերի չափ յագեցան եւ զմայլուեցին, գոռոզացան իրենց սրտերով, դրա համար էլ մոռացան ինձ:
7. Ես նրանց համար կը լինեմ ինչպէս յովազ եւ ինչպէս ընձառիւծ Ասորեստանի ճանապարհին:
8. Կը պատահեմ նրանց ինչպէս սոված արջ, կը պատառոտեմ նրանց սրտերի վարագոյրը. անտառի կորիւնները կ'ուտեն նրանց, եւ վայրի գազանները կը յօշոտեն նրանց:
9. Քո ապականութեան մեջ, Իսրայէ՛լ, ո՞վ է, որ պիտի օգնի քեզ:
10. Ո՞ր է քո թագաւորը, որ փրկի քեզ քո բոլոր քաղաքներում, որ դատի քեզ, եւ որի մասին ասացիր, թէ՛ Տո՛ւր ինձ թագաւոր եւ իշխան:
11. Ես քեզ թագաւոր տուեցի իմ բարկութեամբ եւ յետ վերցրի նրան իմ սրտմտութեամբ:
12. Եփրեմը անիրաւութիւնների կծիկ է, եւ նրա մեղքերը թաքնուած են:
13. Ծննդկանի պէս երկունք կը պատահի նրան. դա է քո իմաստուն որդին. դրա համար այժմ Նա չի կարող տոկալ քո որդիների կործանմանը:
14. Ես դժոխքից կ'ազատեմ նրանց եւ մահից կը փրկեմ նրանց: Որտե՞ղ է քո յաղթանակը, մա՛հ, որտե՞ղ է քո խայթոցը, դժո՛խք:
15. Մխիթարութիւնը ծածկուած է իմ աչքերից, քանի որ Նա խտրութիւն է դնում եղբայրների միջեւ: Տէրը նրա վրայ կը բերի խորշակի հողմ անապատից, կը ցամաքեցնի նրա երակները եւ կ'աւերի նրա աղբիւրները: Նա կը չորացնի նրա երկիրը եւ նրա բոլոր թանկագին անօթները:

1. Կը կործանուի Սամարիան, որովհետեւ նա իր Աստծու դէմ դուրս եկաւ. նրանք սրով կ'ընկնեն, նրանց ծծկեր երեխաները քարի կը գարնուեն, եւ նրանց յի կանայք կը պատռուեն:
2. Դարձի՛ր, Իսրայէ՛լ, դեպի քո Տէր Աստուածը, քանի որ տկարացար քո անօրէնութիւնների մէջ:
3. Առէ՛ք այս խօսքերը ձեզ հետ, դարձէ՛ք ձեր Տէր Աստծուն եւ ասացէ՛ք նրան. Դու կարո՞ղ ես ներել մեր մեղքերը, որ անիրաւութիւն չանենք, այլ բարին ընդունենք եւ հատուցենք քեզ մեր շրթունքների պտուղը. - եւ ձեր սրտերը բարութեան մէջ կը գտնեն:
- 
4. Ասորեստանը չի փրկի մեզ, եւ մենք ձի չենք հեծնի ու այլեւս մեր ձեռակերտներիս աստուած մեր չենք ասի, որովհետեւ նա, որ քո մէջ է, կը գթայ որբերին:
5. Կը վերականգնեմ նրանց բնակարանները եւ ամբողջ սրտով կը սիրեմ նրանց, որովհետեւ անցաւ նրանց դէմ ունեցած իմ բարկութիւնը:
6. Ես ցօղ կը դառնամ Իսրայելի համար, նա կը ծաղկի ինչպէս շուշան եւ իր արմատները կը կը տարածի ինչպէս լիբանոսը: Կ'ընդարձակուեն նրա ճիւղերը,
7. նա կը դառնայ ինչպէս պտղալից ձիթենի, եւ նրա հոտը կը բուրի ինչպէս կնդրուկի բոյր:
8. Կը դառնան եւ կը նստեն նրա յարկի տակ, կ'ապրեն եւ ապահով կը լինեն ցորենով, նա կը բողբոջի ինչպէս որթատունկ,
9. եւ նրա յիշատակը կը լինի ինչպէս Լիբանանի գինի Եփրեմի համար: Այլեւս ի՞նչ գործ ունի նա կուռքերի հետ. ե՛ս խոնարհեցրի նրան, ես էլ կը զօրացնեմ նրան. ես նման եմ պտղառատ այգու, ինձանից է քո պտուղը:
10. Ով իմաստուն է, կը հասկանայ այս բաները, ով հանճարեղ է, կ'իմանայ սրանք, քանի որ ուղիղ են Տիրոջ ճանապարհները. արդարները դրանցով կ'անցնեն, իսկ ամբարիշտները կը սայթաքեն դրանց մէջ:

3046L

## Գլուխ 1

1. Տիրոջ պատգամը, որ հասաւ Բաթուէի որդի Յովէլին Եգեկիայի ժամանակ:
2. Լսեցէ՛ք սա, ծերունիներ, ականջ դրէք, երկրի բոլոր բնակիչներ. եղե՛լ է արդեօք այսպիսի բան ձեր օրերում կամ ձեր հայրերի ժամանակ:
3. Պատմեցէ՛ք սա ձեր որդիներին, ձեր որդիները՝ իրենց որդիներին, եւ նրանց որդիները՝ յաջորդ սերնդին:
4. Թրթուրից մնացածները մորեխը կերաւ, մորեխից մնացածները կերաւ ջորեակը, եւ ջորեակից մնացածները կերաւ բուսակեր ճիճուն:
5. Սթափուեցէ՛ք գիւղացի հարբածներ, լացէ՛ք եւ ողբացէ՛ք բոլորդ, որ մինչեւ հարբելը գիւղի էք խմում, որովհետեւ չքացաւ ձեր բերանից ուրախութիւնն ու խնդութիւնը,
6. քանի որ մի ազգ յարձակուեց իմ երկրի վրայ՝ հզօր եւ անթիւ. նրա ատամները առիւծի ատամներ են, նրա ժանիքները՝ առիւծի կորիւնի ժանիքներ:
7. Նա ապականեց իմ որթատունկը եւ իմ թգենիները խորտակեց, ցնցելով ցնցեց, գցեց այն եւ կեղեւից մերկացրեց նրա ճիւղերը:
8. Ողբա՛ ինձ, ինչպէս քուրձ հագած հարսը՝ իր ամուսնու վրայ:
9. Վերացան զոհերն ու զենումը Տիրոջ տնից, սգացէ՛ք քահանաներ՝ խորանի պաշտօնեաներ,
10. քանի որ չորացան դաշտերը: Թող սգայ երկիրը, որովհետեւ չորացաւ ցորենը, ցամաքեց գիւղին, նուազեց ձէթը:
11. Ողբացէ՛ք, մշակներ, ձեր ունեցուածքի՝ ցորենի եւ գարու վրայ, որովհետեւ վերացաւ այգեկուղը ագարակից, ցամաքեց որթատունկը,
12. նուազեցին թուզը, նուռը, արմաւը եւ խնձորը, եւ ագարակի ամեն ծառ գօսացաւ, քանի որ ուրախութիւնը ամօթ համարեցին:
13. Մարդո՛ւ որդիներ, քուրձեր հագէք, ողբացէ՛ք քահանաներ, սգացէ՛ք, խորանի՝ պաշտօնեաներ, մտէ՛ք, ննջեցէ՛ք, քուրձ հագած Աստծո՛ւ պաշտօնեաներ, քանի որ ձեր Աստծու տնից պակասեցին զոհերն ու զենումը:
14. Ծովի օ՛ր նշանակեցէք, աղօ՞թք կազմակերպեցէք, հաւաքեցէ՛ք ծերերին, երկրի բոլոր բնակիչներին ձեր Աստծու Տանը եւ աղօթեցէ՛ք Տիրոջը անկեղծ սրտով:
15. Վա՛յ ինձ, վա՛յ ինձ, վա՛յ ինձ այն օրը, որովհետեւ մօտ է Տիրոջ օրը. թշուառութիւն թշուառութեան վրայ պիտի հասնի:
16. Ձեր աչքերի առաջ պակասեցին կերակուրները, ձեր Աստծու տնից՝ ուրախութիւնը եւ խնդութիւնը:
17. Խայտացին երինջները իրենց մսուրներում, ապականուեցին գանձերը, տապալուեցին շտեմարանները, քանի որ ցորենը խորշակահար եղաւ:
18. Ի՞նչ ամբարեմ նրանց մէջ: Լացեցին նախիրների խմբերը, որովհետեւ նրանք արօտ չունէին, եւ ոչխարների հօտերը սատկեցին:
19. Զեզ եմ աղօթում, Տէ՛ր, որովհետեւ հուրը սպանեց անապատի գեղեցկութիւնը, բոցը լափեց ագարակի իւրաքանչիւր ծառ,
20. վայրի կենդանին քեզ նայեց, քանի որ ցամաքեցին ջրի վտակները, եւ հուրը կերաւ անապատի գեղեցկութիւնը:



1. Փո՛ղ զարկէք Սիոնի մէջ, կո՛չ արձակեցէք իմ սուրբ լերան վրայ, թող հաւաքուեն երկրի բոլոր բնակիչները, քանի որ հասել է Տիրոջ օրը,
2. քանի որ մօտ է խաւարի եւ մեզի օրը, ամալի եւ մառախուղի օրը: Ինչպէս առաւօտ, լեռների վրայ կը տարածուի բազմամարդ եւ հզօր զօրքը. այդպիսին չի եղել յաւիտենական ժամանակներից եւ նրանից յետոյ այլեւս չի լինի սերնդից սերունդ:
3. Նրա առջեւից լափող կրակն է, նրա յետեւից՝ բորբոքեալ բոցը. նրանից առաջ երկիրը դրախտային այգի, իսկ նրանից յետոյ՝ ապականուած դաշտ. եւ փրկուող չի լինի նրանից:
4. Նրա տեսքը երիվարների նման է. նրանք կ'արշաւեն որպէս հեծեալներ.
5. որպէս կառքերի դրոշմն կ'ասպատակեն լեռների գագաթներին, որպէս ձայնը բոցակեզ կրակի, որ ուտում է եղեգը, որպէս պատերազմի պատրաստուած բազմամարդ ու հզօր զօրք:
6. Նրանց առաջ ազգեր կը խորտակուեն, եւ բոլոր դեմքերը կը դառնան ինչպէս սեւացած պուտուկ:
7. Նրանք կը յարձակուեն որպէս ախոյեաններ եւ որպէս ռազմիկներ կը բարձրանան պարիսպների վրայ. իւրաքանչիւրն իր ճանապարհով կը գնայ, եւ չեն շեղուի իրենց շաւիղներից,
8. Մարդն իր եղբօրից եւ ընկերոջից չի զատուի: Իրենց զենքերով ծանրացած կը գնան եւ իրենց նետերի վրայ կ'ընկնեն եւ չեն մեռնի:
9. Կը խուժեն քաղաք, կը քայլեն պարիսպների վրայ, կը մագլցեն տները եւ գողերի նման ներս կը մտնեն պատուհաններից:
10. Նրանց առաջ երկիրը կը խռովուի, երկինքը կը ցնցուի, արեգակն ու լուսինը կը խաւարեն, եւ աստղերը կը թաքցնեն իրենց լոյսը:
11. Եւ Տէրն իր ձայնը կը բարձրացնի իր զօրքի առաջ, քանի որ չափազանց շատ է նրա բանակը, եւ հզօր՝ նրա պատերազմական զործը, որովհետեւ մեծ է Տիրոջ օրը, մեծ եւ շատ նշանաւոր. ո՞վ կարող է դիմանալ դրան:
12. Եւ արդ, - ասում է ձեր Տէր Աստուածը, - դարձէ՛ք ինձ ձեր ամբողջ սրտով, ծոմապահու՞թեամբ, լալով ու կոծելով:
13. Ձեր սրտե՛րը պատռեցէք եւ ոչ թէ ձեր հագուստները: Այո՛, դարձէ՛ք ձեր Տէր Աստծուն, որովհետեւ նա ողորմած է եւ գթասիրտ, համբերատար եւ բազումողորմ եւ ափսոսում է մարդկանց չարիքների համար:
14. Ո՞վ գիտի, թերեւս դառնայ ու խղճայ, եւ իրենից յետոյ լինի օրհնութիւն, զոհ եւ զենում մեր Տէր Աստծուն:
15. Փո՛ղ զարկէք Սիոնի մէջ, ծոմի օ՛ր նշանակեցէք, պաղատա՛նք քարոզեցէք, հաւաքեցէ՛ք ժողովրդին,
16. սուրբ ժողո՛վ գումարեցէք, ընտրեցէ՛ք ծերերին, հաւաքեցէ՛ք կաթնակեր երեխաներին, թող փեսան դուրս գայ իր սենեակից եւ հարսը՝ առագաստից:
17. Աստիճանների ու խորանի միջեւ Տիրոջ քահանաներն ու պաշտօնեաները լաց կը լինեն եւ կ'ասեն. Խնայի՛ր, Տէ՛ր, քո ժողովրդին, եւ քո ժառանգութիւնը նախատինքի մի՛ ենթարկիր, որ ազգերը տիրեն նրան, որպէսզի հեթանոսները չասեն, թէ՛ Ո՞ւր է նրանց Աստուածը:
18. Տէրը նախանձախնդիր եղաւ իր երկրի համար ու խնայեց իր ժողովրդին:
19. Տէրը պատասխանեց իր ժողովրդին եւ ասաց. Ահա ես ուղարկում եմ ձեզ ցորեն, գինի եւ իւղ, եւ դուք կը կշտանաք դրանցով, ու այլեւս ձեզ չեմ յանձնի ազգերի նախատինքին:
20. Հիւսիսային բանակը կը հալածեմ ձեզնից, նրան կը վտարեմ դէպի անջուր երկիր, կը կործանեմ նրա առաջապահ գնդերը առաջին ծովում եւ նրա վերջապահ գունդը՝ վերջին ծովում. նրա թարախը կը հոսի, եւ նրա հոտը դուրս կը գայ, քանի որ նրա կատարած գործերը չափն անցան:

21. Քաջալերուի՛ր, երկի՛ր, ցնծա՛ եւ ուրախացի՛ր, որովհետեւ Տէրը մեծ գործեր կատարեց քեզ հետ:
22. Քաջալերուի՛ր, վայրի՛ կենդանի, որովհետեւ անապատի դաշտերը դալարեցին, որովհետեւ ծառը տուեց իր պտուղը, որթատունկն ու թզենին տուեցին իրենց բերքը:
23. Սիոնի՛ որդիներ, ցնծացէ՛ք եւ ուրախացէ՛ք ձեր Տէր Աստուծով, քանի որ Տէրը արդար կերակուր տուեց ձեզ եւ ձեզ համար կը տեղացնի գարնան առաջին եւ աշնան վերջին անձրեւը՝ ինչպէս առաջ:
24. Կը լցուն ցորենի կալերը, եւ կը յորդեն գինու եւ իւղի հնձանները:
25. Եւ այն տարիների դիմաց, ինչ որ մորեխը, ջորեակն ու թրթուրը կերան, կը հատուցեմ ձեզ իմ մեծ զօրքով, որ ուղարկեցի ձեզ վրայ:
26. առատօրէն կ'ուտեք, կը յագենաք եւ կ'օրհնեք ձեր Տէր Աստծու անունը, որ հրաշքներ գործեց ձեզ համար, եւ այլեւս իմ ժողովուրդը չի ամաչի յաւիտեան:
27. Եւ կը լինի այնպէս, որ սրանից յետոյ իմ Հոգուց կը հեղեմ ամեն մարմնի վրայ, կը մարգարեանան ձեր տղաներն ու աղջիկները, ձեր ծերերը երազներ կը տեսնեն, եւ ձեր երիտասարդները տեսիլքներ կ'ունենան:
28. Եւ կ'իմանաք, որ Իսրայելի մէջ եմ ես, որ ես եմ ձեր Տէր Աստուածը, ու չկայ ոչ ոք ինձնից բացի, եւ իմ ժողովուրդը չի ամաչի յաւիտեան:
29. Այն օրերին իմ Հոգուց կը հեղեմ իմ ծառաների վրայ, իմ աղախիներէրի վրայ, որոնք կը մարգարեանան:
30. Հրաշքներ ցոյց կը տամ երկնքում եւ երկրի վրայ՝ արիւն, հուր եւ ծխի մորիկ. արեգակը կը խաւարի, եւ լուսինը արիւն կը դառնայ, քանի դեռ չի եկել Տիրոջ մեծ ու երեւելի օրը:
31. Այո՛, կը լինի այնպէս, որ, ով որ կանչի Տիրոջ անունը՝ կ'ապրի: Սիոն լեռան վրայ եւ Երուսաղէմում փրկութիւն կը լինի, Տէրը կը կանչի իր մօտ, ինչպէս որ ասաց եւ ծանուցեց:

1. Ահա ես այն օրերին եւ այն ժամանակ կը վերադարձնեմ Հրեաստանին եւ Երուսաղէմին գերութիւնից,
2. կը հաւաքեմ բոլոր ազգերին, կ'իջեցնեմ նրանց Յոսափաթի ձորը եւ կը դատեմ նրանց այնտեղ՝ իմ ժողովրդի եւ իմ ժառանգութեան՝ Իսրայէլի համար, որին ցրուեցին բոլոր ազգերի մէջ:
3. Նրանք իմ երկիրը բաժանեցին, իմ ժողովրդի համար վիճակ էին գցում, պատանիներին տալիս էին որպէս պոռնիկների վարձ, աղջիկներին վաճառում էին գինու դիմաց եւ խմում էին:
4. Եւ դուք տակաւին ի՞նչ ունեք ինձ հետ, ո՛վ Ծուր եւ Ծայդան եւ այլազգիների ո՛ղջ Գալիլիա, մի՞թէ ինչ-որ հատուցում կը տաք ինձ կամ ոխ կը պահեք իմ դէմ. ես շուտով ձեր հատուցումը տազնապով կը բերեմ ձեր գլխին
5. այն քանի փոխարէն, որ իմ արծաթն ու ոսկին առաք իմ ընտիր-ընտիր ու գեղեցիկ անօթները տարաք ձեր մեհեանները
6. ու Յուդայի երկրի եւ Երուսաղէմի որդիներին վաճառեցիք յոյներին, որպէսզի նրանց հեռացնէք իրենց սահմաններից:
7. Արդ, ես ոտքի կը կանգնեցնեմ նրանց այնտեղ, որտեղ վաճառեցիք նրանց, եւ կը բերեմ ձեր հատուցումը ձեր գլխին:
8. Ձեր տղաներին եւ ձեր աղջիկներին կը մատնեմ Յուդայի երկրի որդիների ձեռքը, եւ նրանք գերի կը վաճառեն նրանց հեռու-հեռաւոր մի ազգի, քանի որ Տէ՛րը խօսեց:
9. Յայտարարեցէ՛ք ազգերին. Մարտի ժա՛մ նշանակեցէք, արթնացրէ՛ք պատերազմողներին, հաւաքուեցէ՛ք եւ ելէ՛ք, բոլո՛ր ռազմիկներ:
10. Ձեր խոփերից սրե՛ր կռեցէք եւ ձեր գերանդիներից՝ գեղարդներ:
11. Տկարը թող խրախուսի՝ ասելով, թէ՛ ես հզոր եմ. հաւաքուեցէ՛ք եւ նե՛րս մտեք, շրջակայ բոլո՛ր ազգեր, խմբուեցէք այստեղ. հանդարտ մարդն էլ պատերազմող թող դառնայ:
12. Թող ելնեն ու գնան բոլոր ազգերը Յոսափաթի ձորը, քանի որ այնտեղ պիտի նստեմ՝ դատելու բոլոր ազգերին:
13. Գործի՛ դրեք մանգաղը, որովհետեւ հասել է հունձը, եւ մտէ՛ք, կոխոտեցէ՛ք, որովհետեւ լցուել է հնձանը, եւ փոսերը յորդում են, քանի որ շատացան նրանց չար գործերը:
14. Ձայներ հնչեցին Դատաստանի ձորում, որովհետեւ մօտ է Տիրոջ օրը Դատաստանի ձորում:
15. Արեգակն ու լուսինը կը խաւարեն, եւ աստղերը կը թաքցնեն իրենց լոյսը:
16. Տերը Սիոնից կը կանչի, Երուսաղէմից ձայն կը տայ, եւ կը շարժուեն երկինքն ու երկիրը.
17. սակայն Տերը կը խնայի իր ժողովրդին, կը զօրացնի իսրայէլացիներին:
18. Դուք կը ճանաչէք, թէ ես եմ Տեր Աստուածը, որ բնակւում եմ իմ սուրբ Սիոն լեռան վրայ. Երուսաղէմը կը սրբանայ, եւ այլազգիները այլեւս չեն անցնի նրա միջով:
19. Այո՛, կը լինի այնպէս, որ այն օրը լեռները քաղցրութիւն կը բխեցնեն, բլուրները կաթ կը յորդեցնեն, Յուդայի երկրի բոլոր աղբիւրները ջուր կը բխեցնեն, Տիրոջ Տանից աղբիւր կը բխի եւ կ'ոռոգի շրջակայքի ձորը:
20. Եգիպտոսը եւ Եդոմը ամայի դաշտ կը դառնան Յուդայի երկրի որդիներին արուած անիրաւութիւնների պատճառով, քանի որ արդար արիւն թափեցին իրենց երկրում:
21. Սակայն Հրեաստանը յաւիտենապէս կը բնակեցուի, նաեւ Երուսաղէմը՝ սերնդից սերունդ:
22. Եւ ես - ասում է Տերը, - նրանց արեան վրեժը կը լուծեմ, անպարտ չեմ դարձնի նրանց եւ կը բնակուեմ Սիոնի մէջ:

ԱՄՈՍ

## Գլուխ 1

1. Ամուսի պատգամները թեկուս Ակկարիմում, որոնք նրան յայտնուեցին մի տեսիլքում Երուսաղեմի մասին, երկրաշարժից երկու տարի առաջ Հրեաստանի Օգիա արքայի եւ Իսրայելի արքայ Յովասի որդի Յերոբովամի ժամանակ:
2. Նա ասաց. Տերը խօսեց Սիոն լեռից, եւ ձայն տուեց Երուսաղեմից. չորացան հօտերի արօտները եւ ցամաքեցին Կարմելի բարձունքները:
3. Տերն ասում է. Դամասկոսի գործած երեք անօրէնութիւնների եւ մանաւանդ չորրորդի համար, քանի որ նրանք գաղաադացիների յղիներին կտրատում էին երկաթե սղոցներով, եւ պիտի պատժեմ նրանց:
4. Կրակ պիտի գցեմ Ազայելի տունը, եւ այն պիտի ոչնչացնի Ադերի որդու տան հիմքերը:
5. Պիտի խորտակեմ Դամասկոսի նիգերը: Պիտի ոչնչացնեմ Ովնի դաշտի բնակիչներին: Պիտի կոտորեմ Խառանի տոհմը: Գերի պիտի ընկնի ասորիների ընտիր ժողովուրդը, - ասում է Տերը:
6. Այսպէս է ասում Տերը. Գազայի երեք ամբարշտութիւնների եւ մանաւանդ չորրորդի համար, քանի որ գերեցին Սողոմոնի ամբողջ ժողովուրդը եւ արգելափակեցին Եդոմում, եւ պիտի պատժեմ նրանց:
7. Կրակ պիտի գցեմ Գազայի պարիսպները, եւ այն պիտի լափի նրա հիմքերը:
8. Պիտի ոչնչացնեմ Ազոտի բնակիչներին, եւ պիտի վերանայ ժողովուրդը Ասկաղոնից, պիտի հարուածեմ Ակկարոնը, եւ պիտի կորչեն այլազգիների մնացորդները, - ասում է Տերը:
9. Այսպէս է ասում Տերը. Տիւրոսի երեք ամբարշտութիւնների եւ մանաւանդ չորրորդի համար, քանի որ նրանք Եդոմի մէջ արգելափակեցին Սողոմոնի գերիներին եւ չիշեցին եղբայրների ուխտը, եւ պիտի պատժեմ նրանց:
10. Կրակ պիտի գցեմ Տիւրոսի պարիսպները, եւ այն պիտի լափի նրա հիմքերը:
11. Այսպէս է ասում Տերը. Եդոմի երեք ամբարշտութիւնների եւ մանաւանդ չորրորդի համար, քանի որ նա սրով հալածեց իր եղբօրը, անգութ գտնուեց եղբօր նկատմամբ երկրում, բորբոքեց իր բարկութիւնը եւ նրա հանդէպ պահեց իր թշնամանքի յանդգնութիւնը, եւ պիտի պատժեմ նրան:
12. Կրակ պիտի գցեմ Թեմանը եւ կրակը պիտի լափի նրա պարիսպների հիմքերը:
13. Այսպէս է ասում Տերը. Ամոնացիների երեք ամբարշտութիւնների եւ մանաւանդ չորրորդի համար, քանի որ նրանք ճեղքեցին գաղաադացիների յղի կանանց փորը, որպէսզի ընդարձակեն իրենց սահմանները, եւ պիտի պատժեմ նրանց:
14. Ռաբի պարիսպների վրայ կրակ պիտի բորբոքեմ, եւ այն պիտի լափի նրա հիմքերը պատերազմի օրուայ աղաղակի ձայնով: Եւ նա պիտի սասանուի իր վախճանի օրը:
15. Նրանց թագաւորները գերի պիտի տարուեն նրանց քրմերով ու իշխաններով հանդերձ, - ասում է Տեր Աստուածը:

1. Այսպես է ասում Տէրը. Մովաբի երեք ամբարշտութիւնների եւ մանաւանդ չորրորդի համար ես պիտի պատժեմ նրանց, քանի որ նրանք այրեցին եղոմայեցիների թագաւորների ոսկորները, մինչեւ որ դրանք մոխիր դարձան:
2. Կրակ պիտի գցեմ Մովաբի վրայ, եւ կրակը պիտի լափի նրանց քաղաքների հիմքերը. Մովաբը պիտի մեռնի տկարութեան մէջ՝ աղաղակով եւ փողի ծայնով:
3. Պիտի սպանեմ նրա դատաւորին եւ նրա հետ պիտի կոտորեմ բոլոր իշխաններին, - ասում է Տէրը:
4. Այսպես է ասում Տէրը. Յուդայի երկրի որդիների երեք ամբարշտութիւնների եւ մանաւանդ չորրորդի համար ես պիտի պատժեմ նրանց, քանի որ նրանք մերժեցին Տիրոջ օրէնքներն ու չկատարեցին նրա հրամանները, մոլորեցրին նրանց իրենց ստեղծած սնտոյի կուռքերով, որոնց յետեւից գնացին նրանց հայրերը:
5. Կրակ պիտի գցեմ Հրեաստանի վրայ, եւ այն պիտի լափի Երուսաղեմի հիմքերը:
6. Այսպես է ասում Տէրը. Իսրայէլի երեք ամբարշտութիւնների եւ մանաւանդ չորրորդի համար ես պիտի պատժեմ նրանց, քանի որ նրանք արդարին ծախեցին արծաթով եւ տնանկին՝ մի զոյգ կօշիկի դիմաց,
7. նրանց, որ տրորում են երկրի հողը, որ կռփահարում էին աղքատների գլուխները, շեղում խոնարհների ճանապարհը, եւ հայր ու որդի մի բոզի մօտ էին մտնում, որպէսզի պղծեն իրենց Աստծու անունը:
8. Նրանք իրենց զգեստները որպէս ծածկոց էին գցում իրենց վրայ եւ զոհասեղանին եւ բռնագրաւուած գինի էին խմում իրենց Աստծու տան մէջ:
9. Բայց ես նրանց առաջից վերացրի Ամորիացուն, որի հասակը մայրու բարձրութիւն ուներ, եւ նա հզօր էր կաղնու պէս, վերացրի նրա պտուղները՝ վերելից, եւ նրա արմատները՝ ներքեւից:
10. Ես հանեցի ձեզ Եգիպտացիների երկրից եւ քառասուն տարի շրջեցրի ձեզ անապատում՝ ժառանգել տալու համար ամորիացիների երկիրը:
11. Ես մարգարէներ վերցրի ձեր որդիներից եւ ուխտաւորներ՝ ձեր երիտասարդներից: Մի՞թէ դա այդպէս չի եղել, Իսրայէլի՝ որդիներ, - ասում է Տէրը: -
12. Դուք Իմ ուխտաւորներին գինի էիք խմեցնում եւ մարգարէներին պատուիրում, որ չմարգարէանան:
13. Դրա համար էլ ահա ես ձեզ պիտի ճգմեմ տեղում, ինչպէս ճգմում է օրանով լի սայլը իր անցած տեղը:
14. Փախչողին լքելու է նրա ուժը, զօրաւորը զօրեղ չի մնայ իր զօրութեամբ, եւ պատերազմողը չի փրկի ինքն իրեն:
15. Աղէղնաւորը չի կարող դէմ կանգնել, արագավազը չի փրկուի, հեծեալն էլ չի ազատի իր անձը:
16. Սիրտը չի գտնի իր զօրութիւնը, մերկն էլ կը հալածուի այն օրը, - ասում է Տէրը:

1. Լսեցէ՛ք այս պատգամը, որ Տէրը խօսեց Իսրայէլի ձեր այդ տանել բոլոր այն տոհմերի դէմ, որոնց հանեց Եգիպտացիների երկրից:
2. Երկրի բոլոր ազգերից միայն ձե՛զ ընտրեցի, այդ պատճառով էլ ձե՛զ պիտի պատժեմ ձեր բոլոր չարիքների համար:
3. Երկու մարդ միասին կը գնա՞ն երբեւէ, եթէ չճանաչեն իրար:
4. Առիւծը կը մոնչի՞ անտառում, եթէ նա որս չի արել, առիւծի կորիւնը ծայն կը տա՞յ իր որջից, եթէ նա ոչինչ յափշտակած չլինի:
5. Թռչունը գետին կ'ընկնի՞ առանց թռչնորսի, գետնի վրայ թակարդը կը շրխկա՞յ, եթէ ոչինչ չի բռնուել:
6. Կը լինի՞, որ քաղաքում փող հնչի, եւ ժողովուրդը չխռովուի. քաղաքում չարիք կը պատահի՞, եթէ Տէրը չի արել այն:
7. Դրա համար Տէրը ոչինչ չի անի, եթէ իր գաղտնի խորհուրդը չյայտնի իր ծառայ մարգարէներին:
8. Եթէ առիւծը մոնչայ, ո՞վ է որ չի սարսռայ: Եթէ Տէր Աստուածը խօսեց, ո՞վ է, որ չի մարգարէանայ:
9. Յայտնեցէ՛ք Ասորեստանի գաւառներում, Եգիպտացիների երկրի գաւառներում եւ ասացէ՛ք. Հաւաքուեցէ՛ք Սամարիայի լեռան վրայէլ տեսէ՛ք բազում զարմանալի գործերն ու բռնութիւնը, որ կատարոււմ են այնտեղ:
10. Նրանք չիմացան իրենց պատահելիք եղեռնը, - ասում է Տէրը, - քանի որ նրանք անօրէնութիւն եւ թշուառութիւն էին գանձում իրենց գաւառներում:
11. Դրա համար այսպէս է ասում Տէրը Տիւրոսին. Այն երկիրը, որ քո շուրջն է, կ'աւերուի, կը խորտակուի քո ամբողջ զօրութիւնը, եւ կը յափշտակուեն քո գաւառները:
12. Այսպէս է ասում Տէրը. Ինչպէս հովիւը կը կարողանայ առիւծի բերանից ազատել երկու սրունք կամ ականջի մի բլթակ, այնպէս պիտի փրկուեն իսրայէլացիները, որոնք ապրում են Սամարիայում՝ նրանց ազգի դէմ դիմաց եւ դամասկացիների մէջ:
13. Քահանանե՛ր, լսեցէ՛ք եւ վկայութիւն տուէք Յակոբի այդ տանը, - ասում է Ամենակալ Տէրը,
14. քանի որ այն օրը, երբ Իսրայէլի ամբարշտութեան պատճառով պիտի պատժեմ նրան, վրեժ պիտի առնեմ նաեւ Բեթէլի զոհասեղանից, պիտի փշրուեն զոհասեղանի եղջիրները եւ գետին ընկնեն:
15. Ես պիտի խորտակեմ ընդարձակ ապարանքներն ու ամարանոցները, պիտի անհետանան փղոսկրեայ ապարանքները, եւ շատ ուրիշ ապարանքներ պիտի ընկնեն, - ասում է Տէրը:

1. Լսեցէ՛ք Տիրոջ խօսքը, Բասանի՛ երիւնջներ, որ Սամարիայի լեռներում էք, որ գրկում էք աղքատներին եւ ոտքի տակ էք գցում տնանկին, դուք որ ասում էիք ձեր ամուսիններին՝ Գինի՛ մատուցեցէք մեզ, որ խմենք:
2. Տէրը երդում է իր սրբութեամբ, որ ահա օրեր պիտի գան ձեզ վրայ, եւ ձեզ գէնջով պիտի քշեն, եւ նրանց, որ ձեզ հետ են, պիտի նետեն եռացած կաթսաների մէջ:
3. Դուք մերկ դուրս պիտի գաք միմեանց դէմ եւ պիտի ընկնէք Ռեմանի լեռան վրայ, - ասում է Տէրը:
4. Մտե՛ք Բեթել, ամբարշտացէ՛ք, գնացէ՛ք Գաղգաղա եւ շատացրէ՛ք ամբարշտութիւնը, առաւօտեան մատուցեցէ՛ք ձեր զոհերը եւ երեք օրը մէկ՝ ձեր տասանորդները:
5. Ընթերցում էին արտաքին օրէնքները եւ հրաւիրում խոստովանութեան. յայտնեցէ՛ք, որ իսրայէլացիները սիրեցին սա, - ասում է Տէրը:
6. Ես ձեր բոլոր քաղաքներում ատամի ցաւ պատճառեցի ձեզ եւ հացի կարօտ թողեցի ձեր բոլոր բնակավայրերում, բայց դուք էլի չդարձաք դէպի ինձ, - ասում է Տէրը:
7. Եւ ձեզ անձրեւից զրկեցի բերքահաւաքից երեք ամիս առաջ. մի քաղաքում անձրեւ տեղացրի, իսկ միւս քաղաքում չտեղացրի. մի մասը, ուր անձրեւ տեղացրի, խոնաւ պիտի մնայ, իսկ միւսը, ուր չտեղացրի, պիտի ցամաքի:
8. Երկու ու երեք քաղաքներ պիտի հաւաքուեն մի քաղաքում ջուր խմելու, եւ չեն յագենալու, բայց դուք էլի չէք դառնայ դէպի ինձ, - ասում է Տէրը:
9. Հարուածեցի ձեզ տապով եւ դալկութիւն բերի ձեր բերքի վրայ: Գնացիք ձեր պարտեզները եւ այգիները, ձեր թգենիներն ու ձեր ծիթենիները. թրթուրը կերաւ, սակայն եւ այնպէս դուք չդարձաք դէպի ինձ, - ասում է Տէրը:
10. Եգիպտոսի ճանապարհին մահ ուղարկեցի ձեզ վրայ եւ կոտորեցի ձեր երիտասարդներին՝ գերի տարուած ձեր երիվարների հետ, սպառեցի ձեր բանակները իմ բարկութեան հրով, սակայն եւ այնպէս դուք չդարձաք դէպի ինձ, - ասում է Տէրը:
11. Կործանեցի ձեզ, ինչպէս Աստուած կործանեց Սոդոմն ու Գոմորը, եւ դուք կրակից փրկուած փայտի պէս եղաք, սակայն եւ այնպէս չդարձաք դէպի ինձ, - ասում է Տէրը:
12. Դրա համար էլ ես այսպէս պիտի անեմ քեզ, Իսրայէ՛լ, բայց քանի որ այսպէս պիտի անեմ քեզ, պատրա՛ստ եղիր կանչելու քո Աստծու անունը, Իսրայէ՛լ:
13. Ահաւասիկ ես եմ, որ հաստատում եմ երկինքը, հաստատում եմ հողմերը, ես եմ նա, որ իր օծեալին ի յայտ է բերում մարդկանց մէջ, ստեղծում է առաւօտն ու մեզը եւ ելնում է երկրի բարձունքների վրայ. Ամենակալ Տէր Աստուած է նրա անունը:



1. Լսեցէ՛ք Տէր Աստծու խօսքը, որով ես պիտի ողբամ ձեզ վրայ: Ընկա՛ւ Իսրայէլի տունը եւ այլեւս չի կարողանայ ոտքի կանգնել:
2. Իսրայէլի կոյսը կործանուեց իր երկրում, եւ չկայ մէկը, որ կանգնեցնի նրան:
3. Այսպէս է ասում Տէր Աստուածը. Այն քաղաքից, որից հազար մարդ էր դուրս գալիս, պիտի մնայ հարիւրը, եւ որից հարիւրն էր ելնում, պիտի մնայ տասը Իսրայէլի այդ տնից:
4. Ահա այսպէս է ասում Տէրը Իսրայէլի այդ տանը. Փնտռեցէ՛ք ինձ, եւ դուք կ'ապրեք.
5. մի՛ փնտռեք Բեթէլը եւ Գաղգադա մի՛ մտեք, Երդման ջրհորից մի՛ ելնեք, քանի որ Գաղգադան գերուելով պիտի գերուի, եւ Բեթէլը կարծես թէ չի եղել:
6. Փնտռեցէ՛ք Տիրոջը, եւ դուք կ'ապրեք, որպէսզի կրակի պէս չբորբոքուի Յովսէփի տունը, կրակը չուտի այն եւ ոչ ոք չի լինի, որ հանգցնի Իսրայէլի այդ տունը:
7. Նա, ով իրաւունք է հաստատում բարձունքներում արդարութիւն է դրել երկրում,
8. ով ստեղծում է ամեն ինչ եւ նորոգում, ով մահուան ստուերը այգ է դարձնում եւ ցերեկը մթնեցնում ինչպէս գիշեր, ով վերել է կանչում ծովի ջրերը եւ հեղում երկրի երեսին,
9. Ամենակալ Տէր է նրա անունը. Նա, որ կոտորում է ուժեղի զօրութիւնը եւ թշուառութիւն է բերում ամրոցների վրայ:
10. Դռների առաջ նրանք ատեցին յանդիմանողներին եւ սուրբ խօսքերը պիղծ դարձրին:
11. Դրա համար աղքատներին նեղելով եւ նրանցից ընտրութեամբ կաշառք առնելով՝ շքեղազարդ ապարանքներ պիտի շինեք, բայց չէք բնակուի նրանց մէջ, գեղեցիկ այգիներ պիտի տնկեք, սակայն նրանց գինին չէք խմի,
12. քանի որ ես իմացայ ձեր բազում ամբարշտութիւնները, եւ սարսափելի են ձեր մեղքերը: Արդարին ոտնակոխ էիք անում՝ կաշառք առնելով եւ աղքատին դռնէ դուռ էիք գցում:
13. Ահա թէ ինչու Նա, ով իմաստուն է, այդ ժամանակ կը լռի, քանի որ ժամանակը չար է:
14. Բարի՛ն փնտռեցեք եւ ոչ թէ չարը, որպէսզի ապրեք, եւ ձեզ հետ կը լինի Ամենակալ Տէր Աստուածը. ինչպէս որ ասում էիք, թէ՝ Ատեցինք չարը եւ սիրեցինք բարին:
15. Իրաւո՛ւնք հաստատեցեք ձեր դռանը, որպէսզի Տէր Աստուածը ողորմի Յովսէփի մնացորդներին:
16. Դրա համար այսպէս է ասում Ամենակալ Տէր Աստուածը. Բոլոր հրապարակներում կոծ կը լինի եւ բոլոր ճանապարհներին վա՛յ, վա՛յ կ'ասուի.
17. մշակը կը կանչուի սուգի ու կոծի եւ ձայնարկու կը դառնայ, բոլոր ճանապարհներին կոծ կը լինի, որովհետեւ ես պիտի անցնեմ քո միջով, - ասում է Տէրը:
18. Վա՛յ Տիրոջ օրը ցանկացողին. ձեր ինչի՞ն է պէտք Տիրոջ օրը, այն խաւար է եւ ոչ թէ լոյս:
19. Որպէս թէ մի մարդ փախչի առիւծից, մի արջ պատահի նրան, նա տուն փախչի, ձեռքը պատին յենի եւ օձը խայթի նրան:
20. Չէ՞ որ խաւար է Տիրոջ օրը եւ ոչ լուսաւոր, աղջամղջային է, եւ լոյսի ճաճանչ չկայ նրա մէջ:
21. Ատեցի, մերժեցի ձեր տօները եւ ձեր տարեկան հաւաքների հոտը չեմ շնչի.
22. եւ եթէ ձեր ողջակեզներն ու զոհերը մատուցեք, չեմ ընդունի դրանք եւ չեմ նայի ձեր փրկութեան նշաններին:
23. Հեռացրո՛ւ ինձնից քո երգերի ձայնը, քո սրիկների նուագը ես չեմ լսի:
24. Թող յորդի իրաւունքը ինչպէս ջուր, եւ արդարութիւնը՝ ինչպէս անհուն հեղեղ:
25. Միթէ ողջակեզ եւ զոհեր մատուցեցի՞ք ինձ այնտեղ, անապատում, քառասուն տարի, ո՛վ տունդ Իսրայէլի:
26. Սակայն դուք վերցրիք Մողոքի խորանը, ձեր Ռեմփա աստծու աստղը եւ նրանց պատկերները, որ պատրաստեցիք ձեզ համար:
27. Ես ձեզ պիտի փոխադրեմ Դամասկոսից այն կողմ, - ասում է Տէրը, որի անունն է

Աստուած Ամենակալ:

1. Վա՛յ նրանց, ովքեր արհամարհում են Սիոնը եւ յոյս են դրել Սամարիայի լեռան վրայ: Հաւաքեցին ազգերի իշխաններին, եւ Իսրայելի տունը մտաւ նրանց մէջ:
2. Բոլորդ անցէ՛ք Քաղանէից եւ տեսէ՛ք, այնտեղից անցէ՛ք մեծ Եմաթ Ռաբա եւ իջէ՛ք օտարազգիների Գէթ քաղաքը,որն աւելի զօրաւոր է, քան այդ բոլոր քաղաքները. միթէ նրանց սահմաններն աւելի մե՞ծ կը լինեն, քան ձեր սահմանները:
3. Դուք, որ գալիս էք դէպի չարիքների օրը, մօտենում էք հասնելու ստուրթիւնների շաբաթին,
4. դուք, որ ննջում էք փղոսկրեայ գահաւորակներում,մեղկանում ձեր անկողիներում, հօտերից ուլեր էք ուտում եւ նախիրներից՝ պարարտ հորթեր,
5. դուք, որ պարում էք սրինգների նուագի տակ, եւ դրանք մնայուն բան համարեցիք եւ ոչ՝ անցաւոր,
6. դուք, որ խմում էք անխառն գինի եւ օծւում անուշ իւղերովեւ ցաւ չէիք զգում Յովսէփի տան կործանման համար,
7. ահա դրա համար էլ այժմ այժմ գերի պիտի տարուէք բռնակալների իշխանութեան կողմից, եւ պիտի կտրուի Եփրեմի տան երիվարների խրխիւնջը:
8. Տերը երդուեց իր անձով եւ այսպէս է ասում Ամենակալ Տեր Աստուածը. Ես գարշելի պիտի դարձնեմ Յակոբի տան ամբողջ հպարտութիւնը, նրա երկիրը պիտի ատեմեւ պիտի վերացնեմ նրա քաղաքներն իրենց բոլոր բնակիչներով:
9. Եւ եթէ լինի, որ տասը մարդ էլ մնայ մի տանը, նրանք պիտի մեռնեն,
10. մնացողները պիտի վերցնեն իրենց հարազատներին եւ իջնեն հանելու նրանց ոսկորներն այդ տնից եւ ասեն տան առաջ կանգնածներին, թէ՛Ուրիշ մի բան մնա՞ց այնտեղ, քեզ մօտ: Նա կ'ասի, թէ՛ ոչ:
11. Չի ասի, թէ՛ լո՛ւռ կաց:Եւ դա նրա համար որ Տիրոջ անունը չէին տալիս:
12. Ահա Տերը հրաման պիտի տայ եւ հարուածի մեծ ապարանքները՝ կործանելով, եւ փոքր ապարանքները՝ աւերելով:
13. Միթէ երիվարները կ'արշաւէ՞ն ժայռերի վրայ, կամ կը հանդարտուէ՞ն մատակ ձիերի մէջ: Դուք, որ իրաւունքը ցասման փոխարկեցիք, արդարութեան պտուղը դարձրիք լեղի եւ ուրախանում էիք ոչինչ բաներով,
14. դուք, որ ասում էիք, թէ՛ Մեր ուժով չէ՞, որ մենք հզօր եղջիւրներ ունեցանք,
15. ահա դրա համար էլ, ո՛վ Իսրայելի տուն, ձեր դէմ մի ազգ պիտի հանեմ, որը պիտի նեղի ձեզ, որպէսզի այլեւս Եմաթ չմտնէք ու չհասնէք մինչեւ արեւմտեան հեղեղատը, - ասում է Չօրութիւնների Տերը:

1. Այսպիսի տեսիլք ցոյց տուեց ինձ Տէր Աստուածը, ահա մորեխի մի պարս էր գալիս արեւելքից առաւօտեան դէմ. եւ ահա մի ջորեակ՝ մի Գոգ արքայ:
2. Եւ երբ այնպէս եղաւ, որ դրանք ուտելով վերջացրին երկրի խոտը, եւ ասացի. Տէ՛ր, Տէ՛ր, ինչպի՛ր, որովհետեւ ո՞վ կը վերականգնի Յակոբի տունը, քանի որ նա սակաւաթիւ է:
3. Գթա՛ այդ բանի համար, Տէ՛ր: Դա այլեւս չի լինի, - ասում է Տէրը:
4. Այսպիսի մի տեսիլք ցոյց տուեց ինձ Տէր Աստուածը. ահա կրակով դատաստան արեց Տէր Աստուածը, կրակը լափեց շատ խորութիւններ եւ կերաւ երկրի մի մասը:
5. Եւ ասացի. Տէ՛ր Աստուած, դադարեցրո՛ւ դա, որովհետեւ ո՞վ է, որ ոտքի կը կանգնեցնի Յակոբի տունը, քանի որ նա սակաւաթիւ է:
6. Գթա՛ այդ բանի համար, Տէ՛ր: Դա այլեւս չի լինի, - ասում է Տէրը:
7. Այսպիսի մի տեսիլք ցոյց տուեց ինձ Տէր Աստուածը. ահա մի մարդ կանգնած էր ադամանդեայ պարսպի վրայ, ձեռքին՝ մի ադամանդ:
8. Եւ ասաց ինձ Տէրը. Ի՞նչ ես տեսնում, Ամո՛ս: Եւ ասացի՝ ադամանդ: Տէրն ասաց ինձ. Ահաւասիկ ես ադամանդ պիտի հաստատեմ Իսրայէլի իմ ժողովրդի մէջ եւ այլեւս ոչ մի յանցանք չեմ ներելու նրան:
9. Պիտի ապականուեն նրանց ուրախութեան բազինները, պիտի աւերուեն Իսրայէլի մեհեանները, եւ ես սուր պիտի բարձրացնեմ Յերոբովամի տան վրայ:
10. Բեթէլի քուրմ Ամասիան մարդ ուղարկեց Իսրայէլի Յերոբովամ արքայի մօտ եւ ասաց. Ամոսը քո դէմ խռովութիւններ է յարուցում Իսրայէլի տանը, եւ երկիրը չի կարող տանել նրա բոլոր խօսքերը,
11. քանի որ այսպէս է ասում Ամոսը. Յերոբովամը սրով պիտի վախճանուի, եւ Իսրայէլը գերուելով պիտի գերուի իր երկրից:
12. Իսկ Ամասիան ասաց Ամոսին. Ով դու գուշակդ, թո՛ղ այս տեղդ, գնա՛ Հրեաստան երկիրը, այնտե՛ղ ապրիր եւ այնտե՛ղ մարգարեացիր,
13. այլեւս չշարունակես մարգարեանալ Բեթէլում, որովհետեւ սա թագաւորի սրբութիւնն է եւ թագաւորութեան տաճարը:
14. Պատասխան տուեց Ամոսը եւ ասաց Ամասիային. Ես ո՛չ մարգարե էի եւ ո՛չ մարգարեի որդի, այլ հովիւ էի եւ թուր էի քաղում.
15. Տէրը վերցրեց ինձ հօտից եւ ասաց ինձ. Դու գնա՛ եւ մարգարեացի՛ր Իսրայէլի իմ ժողովրդի մասին:
16. Արդ, լսի՛ր Տիրոջ պատգամները. դու ասում ես՝ Մի՛ մարգարեացիր Իսրայէլի մասին, մարդ մի՛ հաւաքիր ու մի՛ խօսիր Յակոբի տան դէմ:
17. Դրա համար այսպէս է ասում Տէր Աստուածը. Քո կիներ այդ քաղաքում պիտի պռնկանայ, եւ քո որդիներն ու դուստրերը սրով պիտի ընկնեն, քո երկիրը լարերով պիտի բաժանուի, ինքդ պիտի վախճանուես պիղծ երկրում, եւ Իսրայէլը գերուելով պիտի գերուի իր երկրից:

1. Այսպիսի մի տեսիլք էլ ցոյց տուեց ինձ Տէր Աստուածը. թռչնորսների մի գործիք էր: Տէրն ասաց. Ի՞նչ ես տեսնում, Ամո՛ւ: Ես ասացի՝ թռչնորսների գործիք:
2. Եւ Տէրն ասաց ինձ. Հասել է Իսրայէլի իմ ժողովրդի վախճանը, եւ ես այլեւս ոչ մի յանցանք չեմ ներելու նրան:
3. Տաճարի յարկերի տակ այդ օրը ողբեր պիտի հնչեն, - ասում է Տէրը, - շատերը պիտի ընկնեն, եւ ամէն տեղ լռութիւն պիտի հաստատւում:
4. Լսեցէ՛ք սա, դուք, որ առաւօտեան նեղում էիք տնանկներին, երեկոյեան զրկում աղքատներին
5. եւ ասում էիք. Երբ պիտի անցնի այս ամիսը, որ շահ անենք, եւ այս շաբաթը, որ բացենք պահեստները, փոքրացնենք չափը եւ մեծացնենք կշիռը, սուտ կշռաքարեր սարքենք,
6. ծախու առնենք աղքատներին արծաթով, տնանկներին՝ մի զոյգ կօշիկով, եւ շահ ստանանք մեր բոլոր վաճառքներից:
7. Տէրը երդւում է Յակոբի հպարտութեամբ՝ ասելով, թէ ձեր գործերը իսպառ չեն մոռացուի,
8. եւ որ դրանց պատճառով երկիրը պիտի խռովուի, նրա բոլոր բնակիչները սուգ պիտի անեն, նրա վախճանը պիտի գայու եգիպտացիների գետի պէս ելնի ու իջնի:
9. Այդ օրը, - ասում է Տէր Աստուածը, - այնպէս պիտի լինի, որ արեգակը մայր պիտի մտնի միջօրէին, եւ երկրում լոյսը պիտի խաւարի ցերեկով,
10. ձեր տօնը սուգ պիտի դարձնեմ, ձեր բոլոր երգերը՝ ողբեր, ամէն տարիքի մարդկանց վրայ քուրձ պիտի գցեմ եւ կնտութիւն՝ բոլոր գլուխներին, այդ օրը պիտի դարձնեմ սիրելիի սգի օր, եւ բոլոր նրանց համար, որ նրա հետ կը լինեն՝ ցաւերի օր:
11. Ահա օրեր պիտի գան, - ասում է Տէր Աստուածը, - եւ ես սով պիտի ուղարկեմ այդ երկիրը, ոչ թէ հացի սով կամ ջրի ծարաւ, այլ Տիրոջ խօսքը լսելու սով:
12. Ջրերը պիտի յուզուեն ծովից մինչեւ ծով եւ հիւսիսից մինչեւ արեւելք. նրանք պիտի գնան Տիրոջ խօսքը փնտռելու եւ չեն գտնելու:
13. Այդ օրը գեղեցիկ կոյսերն ու երիտասարդները ծարաւից պիտի թուլանան:
14. Նրանք, որ երդւում էին Սամարիայի սրբութիւն սրբոցով եւ ասում էին՝ Կենդանի է քո Աստուածը՝ Դանը, կենդանի է քո Աստուածը՝ Բերսաբէէն, պիտի կործանուեն եւ այլեւս ոտքի չեն կանգնելու:

1. Տեսայ Տիրոջը. նա զոհասեղանի վրայ էր եւ ասաց. Հարուածի՛ր այդ զոհասեղանին, եւ թող շարժուեն դրանդիները. կտրիր զցի՛ր դրանք բոլորի գլուխներին, իսկ մնացածներին ես սրով պիտի կտտորեմ. նրանցից փախածը չի փրկուի, եւ չի ազատուի նրանցից ազատուածը:
2. Թէկուզ նրանք դժոխքում էլ թաքնուեն, իմ ձեռքը այնտեղից էլ դուրս կը բերի նրանց. եթէ երկինք բարձրանան, ես այնտեղից էլ կ'իջեցնեմ նրանց, իսկ եթէ թաքնուեն Կարմելի բարձունքներում, այնտեղ էլ կը փնտռեմ եւ կը բռնեմ նրանց:
3. Եթէ իմ աչքից խոյս տան եւ պահուեն ծովի խորքերում, այնտեղ էլ վիշապին կը հրամայեմ, որ խայթի նրանց:
4. Եթէ գերի տարուեն իրենց թշնամիների կողմից, ես այնտեղ հրաման կը տամ սրին, որ ոչնչացնի նրանց: Իմ աչքը նրանց վրայ կը լինի՝ չարութեան եւ ոչ թէ բարութեան համար:
5. Երբ Ամենակալ Տէր Աստուածը դիպչի երկրին եւ շարժի այն, պիտի սգան նրա բոլոր բնակիչները, նրա վախճանը պիտի գայու եգիպտացիների գետի պէս ելնի ու իջնի:
6. Նա, ով պատրաստում է իր համբառնալը դէպի երկինք, ով իր անետիսն է հաստատում երկրում, ով վերեւ է կանչում ծովի ջրերը եւ հեղում երկրի երեսին, Ամենակալ Տէր է նրա անունը:
7. Միթէ ինձ համար եթովպացիների որդիների պէս չէ՞ք դուք, Իսրայելի՛ որդիներ, - ասում է Տէրը. - իսրայելին չհանեցի եգիպտացիների երկրից, այլ ազգիներին՝ Գամրից եւ ասորիներին՝ Բոթորից:
8. Ահա Տիրոջ աչքը մեղաւորների այդ թագաւորութեան վրայ է. ես դա պիտի վերացնեմ երկրի երեսից, սակայն չեմ ջնջի Յակոբի տունը, - ասում է Տէրը: -
9. Ահա ես հրաման եմ տալիս ձեզ, ո՛վ Իսրայելի տուն, ես պիտի ցրեմ ձեզ բոլոր ազգերի մէջ այնպէս, ինչպէս հեծանոցով ցորենն են զատում, եւ ոչ մի մանրուքը գետին չի ընկնի:
10. Սրով պիտի վախճանուեն իմ ժողովրդի բոլոր մեղաւորները, որոնք ասում էին, թէ՝ չարիքները չեն մօտենայ մեզ, չեն հասնի մեզ վրայ:
11. Այդ օրը պիտի կանգնեցնեմ Դաւթի խորանը, պիտի վերականգնեմ նրա ակերակները, գետնին հաւասարուած նրա տեղերը վերստին պիտի կանգնեցնեմ եւ պիտի վերաշինեմ այն հին օրերի նման,
12. որպէսզի մնացած մարդիկ եւ բոլոր ազգերը, որոնց վրայ կայ իմ անունը, փնտռեն ինձ - ասում է Տէրը, որ անում է սա:
13. Ահա օրեր են գալիս, - ասում է Տէրը, - երբ կալերը պիտի հասնեն բերքահաւաքին, խաղողը պիտի հասնի հնձանների համար, լեռները քաղցրութիւն պիտի բխեցնեն, եւ բոլոր բլուրները անտառախիտ պիտի դառնան:
14. Ես պիտի վերադարձնեմ Իսրայելի իմ ժողովրդին գերութիւնից, նրանք պիտի շինեն ակերուած քաղաքներն ու պիտի բնակուեն այնտեղ, այգիներ պիտի տնկեն եւ պիտի խմեն դրանց գինին, պարտեզներ պիտի աճեցնեն եւ ուտեն դրանց պտուղները:
15. Ես նրանց պիտի հաստատեմ իրենց երկրում, եւ այլեւս նրանք չեն հեռացուի իրենց երկրից, որ ես տուեցի նրանց, - ասում է Ամենակալ Տէր Աստուածը:

ԱՐԴԻՈՒ

## Գլուխ 1

1. Սա է Աբդիուլի տեսիլքը: Այսպես է ասում Տերը Եդոմի մասին. լուր իմացայ Տիրոջից, որ պաշարման հրահանգ ուղարկեց հեթանոսներին. Ելե՛ք, պատերազմի դուրս գանք նրա դեմ:
2. Ահա ես քեզ փոքրաթիւ թողեցի ազգերի մէջ, եւ դու շատ ես անարգուած:
3. Թո՛ւ հպարտութիւնը քեզ վերեւ բարձրացրեց՝ բնակուելու ժայռերի ծմակներում, բարձրացնելու քո բնակատեղին եւ ասելու ինքդ քեզ. Ո՞վ ինձ գետին կ'իջեցնի:
4. Եթէ արծուի պէս էլ բարձրանաս, եւ եթէ աստղերի մէջ էլ դնես քո բոյնը, այնտեղից անգամ կ'իջեցնեմ քեզ, - ասում է Տերը:
5. Եթէ գողերն ու գիշերային աւազակները մտնէին քեզ մօտ, որտեղ էլ որ թաքնուէիր, իրենց բաւարարելու չափ բան չէի՞ն գողանայ: Եթէ քաղողները մտնէին քո մէջ, արդեօ՞ք վերջին ողկոյզն անգամ չէին քաղի:
6. Ինչպէ՞ս քննութեան ենթարկուեց Եսաւը, եւ բացայայտուեցին նրա թաքցրածները:
7. Թո՛ւ բոլոր դաշնակիցները քեզ մինչեւ սահմանները ուղարկեցին. նրանք քո դեմ ելան, քեզ հետ խաղաղութիւն կնքող մարդիկ իշխեցին քեզ վրայ, խաբեցին քեզ՝ ասելով. Նա խելք չունէր:
8. Տերն ասաց այդ օրը. Կը վերացնեմ իմաստութիւնը Եդոմի երկրից եւ հանճարը՝ Եսաւի լեռից:
9. Եւ Թեմանում գտնուող քո պատերազմողները խուճապահար կը լինեն, քանի որ պիտի վերանայ մարդը Եսաւի լեռից:
10. Թո՛ւ եղբօր՝ Յակոբի սպանութեան եւ ամբարշտութեան պատճառով ամօթը պիտի ծածկի քեզ, եւ դու պիտի ջնջուես յաւիտեան:
11. այն օրուանից, որ հակառակուեցիր, երբ օտարազգիները սպառնեցին նրա ուժը, օտարներ մտան նրա դռներից, վիճակ էին գցում Երուսաղէմի համար, եւ դուք նրանցից մէկն էիք:
12. Դու պետք չէ տեսնէիր քո եղբօր անկումը օտարների կողմից, պետք չէ ոտքով հարուածէիր Յուդայի երկրի որդիներին՝ նրանց կորստի պահին եւ պետք չէ գոռոզանայիւր նրա նեղութեան օրը:
13. Պետք չէ ներս մտնէիր ժողովրդի դռներից նրանց ցաւերի ժամանակ, պետք չէ տեսնէիր նրանց հաւաքը նրանց սպանութեան օրը եւ պետք չէ հարուած հասցնէիր նրանց զօրութեանը նրանց կորստի օրը:
14. Պետք չէ գրաւէիր նրանց կիրճերը նրանցից փրկուածներին սպանելու համար եւ պետք չէ պաշարէիր նրանց փախստականներին նրանց նեղութեան ժամանակ:
15. Արդարեւ, մօտ է Տիրոջ օրը բոլոր ազգերի վրայ: Ինչպէս որ դու արեցիր, այդպէս էլ քե՛զ կը պատահի, եւ քո հատուցումը կ'իջնի քո գլխին.
16. քանզի ինչպէս որ դու հարբեցիր իմ սուրբ լեռան վրայ, բոլոր ժողովուրդները գինի կը խմեն, կը հարբեն, կը թուլանան եւ կը դառնան այնպէս, կարծես թէ չեն եղել:
17. Բայց Սիոն լեռան վրայ փրկութիւն կը լինի, եւ այդ վայրը սուրբ կը դառնայ: Յակոբի տոհմը կը տիրանայ իր ժառանգութեանը:
18. Յակոբի տունը կրակ կը դառնայ, Յովսէփի տունը՝ բոց, իսկ Եսաւի տունը՝ եղեգ. նրանք կը վառուեն նրա շուրջը եւ կ'ուտեն այն, եւ Եսաւի տանը կրակ անող չի մնայ, քանի որ Տերը խօսեց:
19. Նագեբացիները կը ժառանգեն Եսաւի լեռը, Սեփելացիները՝ օտարազգիներինը, նրանք կը ժառանգեն Եփրեմի լեռը, Սամարիայի դաշտը, ինչպէս նաեւ Բենիամինի ու Գադաադի երկիրը:
20. Իսրայէլի առաջին աքսորեալները կը ժառանգեն Քանանացիների երկիրը մինչեւ Սարփաթ, իսկ Երուսաղէմի աքսորեալները, որոնք Եփրաթայում էին, կը ժառանգեն Նագեբի քաղաքները:
21. Փրկուածները Սիոնի լեռից ոտքի կը կանգնեն՝ վրեժ լուծելու Եսաւի լեռից, եւ կը հաստատուի Տիրոջ արքայութիւնը:





ՅՈՎՆԱՆ

## Գլուխ 1

1. Տերը խօսեց Ամաթի որդի Յովնանի հետ եւ ասաց.
2. Ելի՛ր եւ գնա՛ Նինուէ մեծ քաղաքը եւ քարոզի՛ր այնտեղ, քանի որ նրա չարութեան համբաւը հասաւ ինձ:
3. Սակայն Յովնանը ելաւ Տիրոջ ներկայութիւնից փախչելու Թարսիս: Իջաւ Յոպպէ, գտաւ մի նաւ, որը Թարսիս էր գնում, վճարեց գինը եւ մտաւ նաւ՝ նրանց հետ նաւարկելու դէպի Թարսիս՝ Տիրոջ ներկայութիւնից հեռու:
4. Տերը հողմ բարձրացրեց ծովում: Մեծ փոթորիկ եղաւ ծովում, եւ նաւը խորտակուելու վտանգի մէջ էր:
5. Նաւավարները խիստ վախեցան, եւ իւրաքանչիւրը օգնութեան էր կանչում իր աստծուն: Նաւի վրայ եղած կարասին գցեցին ծովը, որպէսզի նուազեցնեն վտանգն իրենցից: Իսկ Յովնանը իջել էր նաւի մի խորշը, ննջում էր եւ խռմփացնում:
6. Նաւապետը մօտեցաւ նրան եւ ասաց. Ի՞նչ ես խռմփացնում, վե՛ր կաց, աղաչի՛ր քո Տէր Աստծուն, թերեւս մեզ փրկի, եւ մենք կորստի չմատնուենք:
7. Եւ իւրաքանչիւրն ասաց իր ընկերոջը. Եկե՛ք վիճակ գցենք եւ իմանանք, թէ ում պատճառով են այս չարիքները պատահում մեզ: Վիճակ գցեցին, եւ վիճակն ընկաւ Յովնանին:
8. Ասացին նրան. Պատմի՛ր մեզ, թէ ի՞նչն է այս չարիքների պատճառը. ի՞նչ գործ ես անում, որտեղի՞ց ես գալիս եւ ո՞ւր ես գնում, ո՞ր երկրից ես կամ ո՞ր ժողովրդից:
9. Ասաց նրանց. Ես Տիրոջ ծառան եմ, պաշտում եմ երկնքի Տէր Աստծուն, որն ստեղծեց ծովն ու ցամաքը:
10. Մարդիկ շատ վախեցան եւ ասացին նրան. Այդ ի՞նչ ես արել (որովհետեւ իմացան, թէ փախել է Տիրոջից, քանի որ պատմեց նրանց):
11. Ասացին նրան. Ի՞նչ անենք քեզ, որ ծովը մեզ հանգիստ թողնի (քանի որ ծովն աւելի էր ալեկոծուել եւ փոթորիկ էր բարձրացնում նրանց վրայ):
12. Յովնանն ասաց նրանց. Ինձ ծովը գցեցէ՛ք, եւ ծովը կը խաղաղուի, որովհետեւ ես գիտեմ, որ ի՛մ պատճառով է այս փոթորիկը ձեզ վրայ հասել:
13. Մարդիկ ջանում էին նաւը ցամաք վերադարձնել եւ չէին կարողանում, քանի որ ծովն աւելի ու աւելի էր ալեկոծւում ու սաստկանում նրանց դէմ:
14. Աղաղակեցին Տիրոջը եւ ասացին. Ների՛ր, Տէ՛ր, մեզ կորստի մի՛ մատնիր այս մարդու պատճառով եւ անմեղ արիւն մի՛ բեր մեզ վրայ, քանի որ դո՛ւ, Տէ՛ր, արեցիր, ինչպէս որ կամեցար:
15. Եւ Յովնանին առան ու ծովը գցեցին: Ծովը դադարեց իր ալեկոծութիւնից:
16. Եւ մարդիկ շատ վախեցան Տիրոջից, զո՛հ մատուցեցին Տիրոջը եւ ուխտեցին ծառայել նրան:

## Գլուխ 2

1. Տերը խոշոր կետ ձկանը հրամայեց կուլ տալ Յովնանին: Երեք ցերեկ եւ երեք գիշեր Յովնանը կետի փորում էր:
2. Յովնանը կետի փորի միջից աղօթեց Տեր Աստծուն եւ ասաց.
3. Իմ նեղութեան մէջ ես աղօթեցի իմ Տեր Աստծուն, եւ նա լսեց իմ աղաչանքը դժոխքի խորքից: Տէ՛ր, լսի՛ր իմ ձայնը:
4. Ինձ գցեցիր ծովի խորքերը, եւ ջրի հոսանքները պաշարեցին ինձ:
5. Քո կոհակներն ու ալիքները թափուեցին ինձ վրայ, եւ ես մտածեցի, թէ մերժուել եմ քո ներկայութիւնից. արդեօք նորից պիտի տեսնե՞մ քո սուրբ տաճարը:
6. Ջրերը թափուեցին ինձ վրայ շունչս կտրելու աստիճան: Խորունկ անդունդներ պաշարեցին ինձ:
7. Գլուխս մտաւ լեռների փապարների մէջ, իջայ մի երկիր, որի նիգերը փակ են յաւիտեան: Ես կը փրկուեմ ապականութիւնից:
8. Երբ հոգիս տկարացաւ, քե՛զ դիմեցի, Տէ՛ր իմ Աստուած. մտաբերեցի Տիրոջը, եւ թող իմ աղօթքները հասնեն քո սուրբ տաճարը:
9. Նրանք, որ ունայն ու սուտ աստուածներ էին պաշտում,
10. թողեցին իրենց երկիւղածութիւնը:
11. Իսկ ես օրհնության եւ խոստովանանքի ձայնով քեզ պիտի մատուցեմ այն զոհը, որ ուխտեցի, եւ կ'արժանանամ Տիրոջ փրկութեան:
12. Եւ Տերը հրամայեց վիշապ ձկանը, եւ ձուկը նրան ցամաք նետեց:

1. Եւ Տէրը երկրորդ անգամ խօսեց Յովնանի հետ եւ ասաց.
2. Ելի՛ր, գնա՛ Նինուէ մեծ քաղաքը եւ այնտեղ քարոզի՛ր ըստ նախկին պատգամի, որ տուեցի քեզ:
3. Յովնանը ելաւ ու գնաց Նինուէ, ինչպէս Տէրն ասել էր նրան: Նինուէն շատ մեծ քաղաք էր՝ երեքօրեայ ճանապարհի չափ:
4. Յովնանն սկսեց մուտք գործել քաղաք: Երբ մի օրուայ ճանապարհ անցաւ, քարոզեց եւ ասաց. Եւս երեք օր, եւ Նինուէն պիտի կործանուի:
5. Նինուէացի մարդիկ հաւատացին Աստծու պատգամին, պահեցողութիւն յայտարարեցին եւ մեծից մինչեւ փոքրը քուրձ հագան:
6. Լուրը հասաւ Նինուէացիների թագաւորին: Սա ելաւ իր գահից, հանեց իր պատմուճանը, քուրձ հագաւ եւ նստեց մոխրի վրայ:
7. Թագաւորի ու նրա մեծամեծների կողմից Նինուէում յայտարարուեց ու ազդարարուեց, թէ մարդ եւ անասուն, հօտ եւ արջառ թող ոչինչ չուտեն, չճարակեն եւ ջուր չխմեն:
8. Եւ մարդ ու անասուն քուրձ հագան, ի սրտէ աղօթեցին Աստծուն, բոլորը յետ կանգնեցին իրենց չար ճանապարհներից եւ անօրէնութիւններից, որ իրենց ձեռքով էր կատարւում, եւ ասացին.
9. Ով գիտէ, թերեւս Աստուած միտքը փոխի եւ յետ կանգնի իր խիստ բարկութիւնից, եւ կորստի չմատնուենք:
10. Եւ Աստուած տեսաւ նրանց գործերը, քանի որ բոլորը յետ էին կանգնել իրենց չար ճանապարհներից. Աստուած զղջաց այն չարիքների համար, որ ասել էր, թէ կ'անի նրանց. եւ չարեց:

1. Յովնանը մեծապես տխրեց եւ ջղայնացաւ:
2. Աղօթեց Տէր Աստծուն եւ ասաց. Ո՛վ Տէր, ես այդ նոյն բանը չասացի՞, երբ տակաւին իմ երկրում էի: Այդ պատճառով էլ շտապեցի փախչել Թարսիս, քանի որ գիտէի, որ դու գթասիրտ ես ու ողորմած, համբերող ես ու բազումողորմ եւ զոջում ես չարիքների համար:
3. Արդ, Տէ՛ր, Տէ՛ր, ա՛ռ իմ հոգին ինձնից, որովհետեւ ինձ համար աւելի լաւ է մեռնել, քան կենդանի լինել:
4. Եւ Տէրն ասաց Յովնանին. Իսկապէս շա՛տ ես տխրել:
5. Յովնանը դուրս ելաւ այդ քաղաքից, նստեց քաղաքի դիմաց, իր համար ամպհովանի պատրաստեց եւ նստեց դրա տակ, մինչեւ որ տեսնի, թէ ինչ պիտի պատահի քաղաքին:
6. Եւ Աստուած հրամայեց դժմենուն, որը բարձրացաւ Յովնանի գլխի վրայ՝ նրան հովանի դառնալու, զովացնելու նրան եւ ազատելու իր տանջանքներից: Յովնանը չափից շատ ուրախացաւ դժմենու համար:
7. Եւ յաջորդ օրը վաղ առաւօտեան Աստուած հրամայեց որդին, որը կերաւ դժմենին, եւ այն չորացաւ:
8. Իսկ երբ արեւը ծագեց, Աստուած հրամայեց տապախառն խորշակ քամուն, եւ արեւն ընկաւ Յովնանի գլխին: Սա տանջւում, սրտնեղում էր եւ ասում. Ինձ համար աւելի լաւ է մահը, քան իմ այս կեանքը:
9. Եւ Աստուած ասաց Յովնանին. Իսկապէ՞ս խիստ ես տխրել դժմենու համար: Յովնանն ասաց. Մահու չափ տխրել եմ:
10. Տէրն ասաց. Դու ավստոացիր դժմենուն, որի համար ոչ մի ջանք չթափեցիր, չսնեցիր այն. նա գիշերը բուսնեց եւ միւս գիշեր կորաւ:
11. Իսկ ես չխնայե՞մ Նինուէ մեծ քաղաքին, որտեղ ապրում են աւելի քան հարիւր քսան հազար մարդ, որոնք իրենց լաւն ու վատը չիմացան, ինչպէս նաեւ շատ կենդանիներ:

ሆኖታላ

## Գլուխ 1

1. Յուդայի Յովաթամ, Աքազ եւ Եզեկիա թագաւորների ժամանակ Մորստացի Միքիային հասաւ Տիրոջ պատգամը, որ յայտնուեց նրան Սամարիայի եւ Երուսաղէմի մասին:
2. Լսեցէ՛ք, բոլո՛ր ժողովուրդներ, եւ թող երկիրն ու նրա բոլոր բնակիչները ունկնդրեն: Տէր Աստուածը թող լինի ձեր մէջ վկայութեան համար, Տէրը՝ իր սուրբ տնից:
3. Ահա նա առաջ կը շարժուի իր տեղից, կ'իջնի եւ կը հասնի երկրի բարձունքների վրայ:
4. Լեռները կը շարժուեն նրա ոտքերի տակ, ձորերը կը հալուեն, ինչպէս մոմը՝ կրակի առաջ, եւ ինչպէս զառիվայր հոսող ջուրը:
5. Այդ բոլորը Յակոբի ամբարշտութեան պատճառով է եւ Իսրայէլի տան մեղքերի համար: Իսկ արդ, ո՞վ է պատճառը Յակոբի ամբարշտութեան, ո՞չ Սամարիան, եւ ո՞վ է Յուդայի տան մեղքի պատճառը, եթէ ոչ Երուսաղէմը:
6. Ես Սամարիան կը դարձնեմ ագարակի մրգապահների տաղաւար, այգի հսկելու տեղ, խորիխորատ կը նետեմ նրա քարերը եւ կը մերկացնեմ նրա հիմքերը:
7. Նրա բոլոր քանդակները կը կոտորեն, նրա բոլոր արձանները կրակով կ'այրեն. ես կ'ապականեմ նրա բոլոր կուռքերը, քանի որ նա պոռնկութեան վարձից ժողովեց եւ պոռնկութեան վճարից հաւաքեց դրանք:
8. Այդ պատճառով նա լաց ու կոծ կ'անի եւ կ'ողբայ, մերկ ու բոբիկ կը քայլի, վիշապների պէս ողբ ու կոծ կ'անի եւ կը սգայ ինչպէս յաւերժահարսերի դուստրերը,
9. քանի որ սաստկացան նրա հարուածները, քանի որ մինչեւ Յուդայի երկիր հասան դրանք, մօտեցան մինչեւ իմ ժողովրդի դռները եւ Երուսաղէմ:
10. Դուք, որ Գէթում էք, մի՛ գոռոզաբանեք, եւ դուք, որ Ակկարիմում էք, մի՛ նորոգեք տան խայտառակութիւնը. ձեր խայտառակութեան պատճառով հո՛ղը ձեր գլխին:
11. Բարութեամբ բնակուողը չելա՞ւ իր քաղաքներից. Սենարի՛ բնակիչներ, ողբացէ՛ք նրան մօտիկ գտնուող տան վրայ, նա կը վերացնի ձեզնից ցաւի հարուածները:
12. Ո՞վ սկսեց բարիք անել ցաւի մէջ բնակուողին, քանի որ Տիրոջ կողմից չարիք իջաւ Երուսաղէմի դռների վրայ:
13. Կառքերի շաչիւն ու երիվարների դղրդիւն թող լինի, Լաքիսի՛ բնակիչներ, նա է Սիոնի դուստրերի մեղքերի սկիզբը, քանի որ քո մէջ կատարուեցին Իսրայէլի ամբարշտութիւնները:
14. Այդ պատճառով Գէթի տոհմից արձակուածներին կը տայ դատարկ տներ, որոնք Իսրայէլի թագաւորների համար ունայնութիւն դարձան:
15. Լաքիսի բնակիչները ժառանգութիւն կը բերեն մինչեւ քո ժառանգորդները, մինչեւ Ոդողամ կը հասնի Սիոնի դստեր փառքը:
16. Ածիլուի՛ր եւ կտրի՛ր մազերդ քո սիրասուն որդիների համար, գնտի՛ր քո գլուխը արծուի պէս, քանի որ նրանք գերի տարուեցին քեզանից հեռու:



1. Իրենց շահը մտածեցին, չարիք են խորհում իրենց անկողիններում եւ առաւօտ կանուխ կատարում են այն, քանի որ իրենց ձեռքը չբարձրացրին դէպի Աստուած:
2. Աչք էին տնկում հանդերին, յափշտակում որբերին, բռնագրաւում տները, յափշտակում էին մարդուն եւ նրա տունը, մարդուն եւ նրա ժառանգութիւնը:
3. Այդ պատճառով այսպէս է ասում Տէրը. Ահաւասիկ ես մտածում եմ չարիք բերել այդ ազգի վրայ, ուստի վեր մի՛ ցցէք ձեր վզերը եւ գլուխներդ բարձր մի՛ քայլէք, քանի որ վատ ժամանակ է:
4. Այն օրը ձեր մասին առակ կը յօրինեմ, ողբ կը հնչեցնեն, կ'ողբան եւ կ'ասեն. Ամբողջութեամբ թշուառացանք, իմ ժողովրդի բաժին հողը լարով չափուեց, եւ մէկը չկար, որ արգելէր այդպէս անել, մեր հանդերը բաժանուեցին:
5. Դրա համար չի գտնուի մէկը, որ վիճակով լարաբաժին գցի ժողովում:
6. Լաց մի՛ եղէք արցունքներով, եւ թող լաց չլինեն նրա վրայ, քանի որ նա չի մերժի նախատիքները:
7. Նա ասաց, թէ Իսրայէլի տունը բարկացրեց Տիրոջ հոգին. եթէ սա լինի նրա ընթացքը, լաւ չեն լինի Տիրոջ խօսքերը նրա հետ. իմ ժողովուրդը ուղիղ չի գնում ինձ հետ:
8. Թշնամութեամբ հակառակ կանգնեց իր խաղաղութեանը: Նրան մորթագերծ կ'անեն՝ բառնալու յոյսը եւ վերացնելու պատերազմի կսկիծը:
9. Այդ պատճառով իմ ժողովրդի առաջնորդները դուրս կ'ընկնեն իրենց ճոխ տներից. նրանք իրենց չար ընթացքի համար մերժուեցին: Մօտենանք յաւիտենական լեռներին:
10. Ոտքի՛ կանգնիր եւ գնա՛, քանի որ դու հանգիստ չունես այնտեղ, պղծութեան պատճառով սաստիկ ապականուեցիք, հալածուեցիք առանց որեւէ մէկի հալածանքի:
11. Սա սուտ դուրս եկաւ, քո մէջ գինի եւ արբեցութիւն կաթեց, եւ այդ կաթումից բաժին կ'ընկնի նաեւ այս ժողովրդին:
12. Կը հաւաքուի Յակոբը բոլորով հանդերձ, ամբողջովին կ'ընդունի Իսրայէլի մնացորդներին. ես նրանց միասին կը վերադարձնեմ ինչպէս նեղութեան մէջ գտնուող ոչխարներ, ինչպէս հօտերը իրենց մակաղատեղի մէջտեղում: Նրանք մարդկանց կողմից դէպի խրամատները կ'առաջնորդուեն,
13. քանի որ նրանց աչքի առաջ խրամատ բացեցին, նրանք անցան դռնով եւ դուրս ելան դրա միջից: Թագաւորը նրանց առաջ աջաւ, եւ Տէրը կ'առաջնորդի նրանց:

1. Նա կ'ասի. Լսեցէ՛ք, Յակոբի՛ տան իշխան եւ Իսրայէլի՛ տան մնացորդներ:
2. Դուք չէ՞, որ պիտի իմանաք իրաւունքը, դուք, որ ասում եք բարին եւ չարիք եք որոնում, մորթագերծ եք անում նրանց եւ պոկում եք նրանց մարմիններն իրենց ոսկորներից:
3. Նրանք, որ կերան իմ ժողովրդի մարմինը, նրանց մորթը հանեցին վրաներից, նրանց ոսկորները փշրեցին, կտրատեցին նրանց մարմինները, ինչպէս կտրատում են կաթսայում եփելու համար, եւ նրանց միսն այնպէս, ինչպէս պտուկի մէջ եփելու համար:
4. Այդպէս էլ կ'աղաղակեն Տիրոջը, եւ նա չի լսի նրանց, երես կը դարձնի նրանցից այդ ժամանակ, քանի որ նրանք իրենց արարքով չարիք գործեցին:
5. Այսպէս ասաց Տէրը մարգարէների մասին, որոնք մոլորեցնում են իմ ժողովրդին, որոնք խաճատում են նրան ատամներով եւ խաղաղութիւն են քարոզում նրան: Բայց ոչինչ չդրուեց նրանց բերանը, եւ նրա դէմ պատերազմ յարուցեցին:
6. Այդ պատճառով ձեր տեսիլքը խաւար գիշեր պիտի դառնայ, ձեր իղձը պիտի նսեմանայ, արեգակը մայր պիտի մտնի մարգարէների վրայ, եւ ցերեկը պիտի խաւարի նրանց վրայ:
7. Պիտի ամաչեն երազատեսները, ծաղրուեն գուշակները, եւ բոլորը պիտի բամբասեն նրանց, քանի որ ոչ ոք չի լսելու նրանց:
8. Բայց ես լցուեցի Տիրոջ Հոգու զօրութեամբ, արդարամտութեամբ եւ զօրութեամբ՝ պատմելու Յակոբին իր ամբարշտութիւնը եւ Իսրայէլին՝ իր մեղքերը:
9. Լսեցէ՛ք սա, Յակոբի՛ տան առաջնորդներ եւ Իսրայէլի՛ տան մնացորդներ, որ անարգում եք իրաւունքը եւ շեղում եք բոլոր ուղիղ ընթացողներին,
10. որ Սիոնը կառուցում եք արեան վրայ եւ Երուսաղէմը՝ անիրաւութեան:
11. Նրա առաջնորդները կաշառքներով էին դատում, նրա քահանաները վարձով էին պատասխան տալիս, նրա մարգարէները արծաթով էին գուշակութիւններ անում եւ Տիրոջն էին ապաւինում ու ասում. Արդարեւ, Տէրը մեզ հետ չէ՞. ո՛չ, մեզ վրայ չարիք չի գայ:
12. Դրա համար Սիոնը ձեր պատճառով պիտի հերկուի արօրով, Երուսաղէմը պիտի դառնայ ինչպէս մրգապահների տաղաւար, եւ Տիրոջ տաճարի լեռը՝ մայրիների անտառ:

1. Գալիք օրերում յայտնի կը դառնայ Տիրոջ տաճարի լեռը՝ հաստատուած լեռների գագաթների վրայ, կը բարձրանայ բլուրների վրայ, եւ շատ ժողովուրդներ կը շտապեն դէպի նա:
2. Եւ շատ ազգեր կը գնան եւ կ'ասեն. Եկե՛ք բարձրանանք Տիրոջ լեռը եւ Յակոբի Աստծու տունը. մեզ ցոյց կը տան նրա ճանապարհը, եւ մենք կը գնանք նրա շաւիղով: Արդարեւ, Սիոնից են դուրս գալիս օրէնքները, եւ Տիրոջ խօսքը՝ Երուսաղէմից:
3. Նա դատ կ'անի բազում ժողովուրդների մէջ եւ կը յանդիմանի հզօր ազգերին, մինչեւ իսկ հեռաւորներին, նրանք իրենց սրերից խոփ կը ծուլեն, գեղարդներից՝ մանգաղ, եւ այլեւս մի ազգ միւսի վրայ սուր չի բարձրացնի, եւ մարդիկ այլեւս չեն սովորի պատերազմել:
4. Իւրաքանչիւրը կը հանգստանայ իր որթատունկի եւ իր թգնու տակ, եւ չի լինի ոչ ոք, որ սարսափ ազդի, քանի որ Ամենակալ Տիրոջ բերանը խօսեց այս բանը:
5. Թող բոլոր ժողովուրդներից իւրաքանչիւրն իր ճանապարհով գնայ, սակայն մենք կը գնանք մեր Տէր Աստծու անուամբ մշտապէս:
6. Այն օրը, - ասում է Տէրը, - կը հաւաքեմ ցրուածներին եւ հեռացածներին, կ'ընդունեմ նաեւ մերժուածներին,
7. բեկուածին զօրեղ կը դարձնեմ եւ մանրացածին՝ հզօր ազգ, եւ Տէրը Սիոն լեռան վրայ կը թագաւորի այսուհետեւ մինչեւ յաւիտեան:
8. Եւ դու՝ ոչխարների հօտի՛ աշտարակ, Սիոնի անշքացա՛ծ դուստր, դէպի քեզ կը գայ ու կը մտնի Երուսաղէմի դստեր՝ Բաբելոնի թագաւորութեան նախկին իշխանութիւնը:
9. Իսկ արդ, ինչո՞ւ չար գործեցիր, միթէ դու թագաւոր չունէի՞ր, կամ կո՞րաւ քո խորհրդատուն, քանի որ սաստկացաւ քո երկունքը ծննդկանի պէս:
10. Սիոնի՛ դուստր, երկունքի մէջ ընկի՛ր, զօրացի՛ր եւ մօտեցի՛ր ինչպէս ծննդկան, որովհետեւ հիմա դուրս պիտի գաս քաղաքից, քեզ պիտի բնակեցնեմ դաշտում, դու պիտի հասնես մինչեւ Բաբելոն. եւ քո Տէր Աստուածը այնտեղ կը փրկի քեզ, այնտեղ կ'ազատի քեզ քո թշնամիների ձեռքից:
11. Ահա հաւաքուեցին քեզ վրայ բազում ժողովուրդներ, որոնք ասում էին. Եկե՛ք ոտնահարենք նրան, եւ մեր աչքերը թող տեսնեն Սիոնի անկումը:
12. Նրանք չիմացան Տիրոջ խորհուրդը, եւ նկատի չառան նրա կամքը, քանի որ Նա հաւաքեց նրանց ինչպէս հասկը կալում:
13. Կանգնի՛ր եւ կալսի՛ր նրանց, դո՛ւստր Սիոնի, որովհետեւ քո եղջիրները երկաթ կը դարձնեմ, քո կճղակները՝ պղինձ, եւ դու կը մանրես բազում ժողովուրդներ, դրանցով ազգեր կը փշրես, նրանց բազմութիւնը կ'ընծայես Տիրոջը եւ նրանց զօրութիւնը՝ ամբողջ աշխարհի Տիրոջը:

1. Արդ, դուստրը պիտի ցանկապատուի, քանի որ նեղութիւն բերեց ձեզ վրայ, գաւազանով պիտի հարուածեն Իսրայելի ազգի ծնօտներին:
2. Եւ դու, Բեթղեհէմ, Եփրաթայի սակաւամա՛րդ տուն, կը լինես Յուդայի երկրի հազարաւորների մէջ, քեզնից պիտի ելի ինձ համար Իսրայելի մի իշխան, եւ նրա ծագումը աշխարհի սկզբի օրերից է:
3. Այդ պատճառով Տէրը նրանց կը թողնի մինչեւ ծննդկանի ժամանակը. նա կը ծնի, եւ նրա մնացած եղբայրները կը վերադառնան իսրայելացիների մօտ:
4. Նա կը կանգնի, կը տեսնի եւ կը հովուի իր հօտը Տիրոջ զօրութեամբ, եւ նրանք կը հաստատուեն իրենց Տէր Աստծու անուան փառքի մէջ, քանի որ այժմուանից նրա հզօրութիւնը պիտի տարածուի մինչեւ երկրի ծագերը:
5. Եւ խաղաղութիւն կը լինի նրանով: Երբ ասորեստանցիները գան ձեր երկիրը, եւ երբ նրանք հասնեն ձեր աշխարհը, Տէրը կը բարձրացնի նրանց դէմ եօթը հովիւ եւ ութ դէկավար մարդիկ:
6. Նրանք կը հովուեն Ասորեստանը սրով եւ Նեբրոթի երկիրը, իր պարիսպների մէջ. նա կը փրկի քեզ Ասորեստանից, երբ գայ ձեր երկիրը եւ երբ յարձակուի ձեր սահմանների վրայ:
7. Յակոբի սերնդի մնացորդացը հեթանոս բազում ազգերի մէջ կը լինի ինչպէս Տիրոջից եկած ցօղ եւ ինչպէս գառները խոտի վրայ, որպէսզի չհաւաքուի առանձին-առանձին եւ չմնայ մարդկանց որդիների մէջ:
8. Յակոբի մնացորդները կը լինեն բազում ազգերի մէջ, ինչպէս առիւծը կենդանիների մէջ՝ անտառում, եւ ինչպէս առիւծի կորիւնը ոչխարների հօտի մէջ, որը եթէ անցնի, կը գատի եւ կը յափշտակի, եւ ոչ ոք չի լինի, որ յետ պահի նրան:
9. Քո ձեռքը թող բարձրանայ քեզ նեղողների վրայ, եւ քո բոլոր թշնամիները թող սատակեն:
10. Այդ օրը, - ասում է Տէրը, - կը սատկեցնեմ քո ձիերը քո միջից եւ կորստի կը մատնեմ քո կառքերը:
11. Կը կործանեմ քո երկրի քաղաքները, կը վերացնեմ քո բոլոր ամրոցները, կը խլեմ քո բոլոր կախարդութիւնները քո ձեռքից, եւ այլեւս գուշակներ չեն լինի քո մէջ:
12. Կը ջնջեմ քո քանդակներն ու քո արձանները, եւ այլեւս չես երկրպագի քո ձեռակերտներին:
13. Կը կոտորեմ անտառները քո միջից եւ կ'ապականեմ քո քաղաքները:
14. Բարկութեամբ ու ջղայնութեամբ վրեժ կը լուծեմ ազգերից, քանի որ նրանք չլսեցին ինձ:

1. Լսեցէ՛ք, ինչ որ ասաց Տէրը. Ե՛լ եւ դա՛տ արա լեռներում, եւ բլուրները թող լսեն քո ձայնը:
2. Լսեցէ՛ք Տիրոջ դատաստանը, բլուրնե՛ր, ձորե՛ր եւ երկրի ընդերք: Ահա Տէրը դատ ունի իր ժողովրդի հետ, Իսրայէլի հետ դէմ դիմաց կը կանգնի:
3. Ժողովո՛ւրդ իմ, ի՞նչ արեցի քեզ, ինչո՞վ տխրեցրի քեզ եւ կամ ինչո՞վ նեղեցի քեզ, պատասխա՛ն տուր ինձ
4. այն բանի փոխարէն, որ հանեցի քեզ Եգիպտացիների երկրից, փրկեցի քեզ ծառայութեան տնից եւ քեզ առաջնորդ ուղարկեցի Մովսէսին, Ահարոնին եւ Մարիամին:
5. Ժողովո՛ւրդ իմ, յիշի՛ր, թէ ինչ մտածեց քո մասին մովաբացիների Բաղակ թագաւորը, եւ թէ ինչ պատասխան տուեց նրան Բեորի որդի Բաղաամը այս շրջաններից միւնչեւ Գաղգադա, որպէսզի յայտնի դառնայ Տիրոջ արդարութիւնը:
6. Ինչո՞վ փութամ Տիրոջ մօտ, ապաւինեմ իմ բարձրեալ Աստծուն, ընդառաջ գնամ նրան ողջակէզներով եւ մէկ տարեկան հորթերով:
7. Տէրը կ'ընդունի՞ հազարաւոր խոյեր կամ բիւրաւոր պարարտ նոխազներ, տա՞մ իմ անդրանիկը ամբարշտութեան պատճառով եւ իմ որովայնի պտուղը՝ իմ անձնական մեղքերի համար:
8. Պատմուե՞ց քեզ, ո՛վ մարդ, թէ ի՞նչ է բարին եւ ի՞նչ է ուզում քեզնից Տէրը. իրաւունք հաստատել, ողորմութիւն սիրել եւ պատրաստ լինել քո Տէր Աստծու յետեւից գնալու:
9. Տիրոջ ձայնը քաղաքի վրայ կը հնչի եւ կը փրկի նրա անունից վախեցողներին: Լսի՛ր, ժողովո՛ւրդ, ո՞վ կը լցնի քաղաքը, եթէ ոչ հուրը
10. եւ անօրէն տունը, որ անօրէն գանձեր է գանձում հպարտութեամբ եւ անիրաւութեամբ:
11. Եւ կը լինի՞, որ անօրէնը կշեռքով արդարանայ կամ խարդախուած կշռի պայուսակով:
12. Դրա համար էլ իրենց տունը լցրին ամբարշտութեամբ, նրա բնակիչները անիրաւ բաներ խօսեցին, եւ նրանց լեզուները գոռոզաբանեցին իրենց բերաններում:
13. Ես քեզ ապականութեամբ հարուածեցի քո մեղքերի համար:
14. Դու կ'ուտես եւ չես յագենայ. ես մերժեցի քեզ. կը բռնուես եւ չես փրկուի, եւ նրանք, որ երբեմն փրկուեցին, սրի կը մատնուեն:
15. Դու կը սերմանես, բայց չես հնձի, դու ձեթ կը քամես, բայց չես օծուի իւղով, խաղող կը ճմռես, բայց գինի չես խմի:
16. Կ'ապականուեն իմ ժողովրդի անօրէնները եւ Աքաաբի տան բոլոր գործերը, դուք էլ շարժուեցէ՛ք ըստ նրա խորհուրդների, որովհետեւ ձեզ ապականութեան պիտի մատնեմ, քո բնակիչներին պիտի դարձնեմ սուլոցի արժանի, եւ դուք ժողովուրդների նախատինքը պիտի ստանաք:

1. Վա՛յ ինձ, որովհետեւ նմանուեցի հնձի ժամանակ մնացած հասկերը հաւաքողի եւ այգեկութի ժամանակ ճռաքաղ անողի, բայց ողկոյզ չկար առաջին բերքից, որից ուտում էի:
2. Վա՛յ ինձ, որովհետեւ երկիւղածութիւնը վերացաւ երկրից, եւ մարդկանց մէջ չկայ մէկը, որ ուղիղ լինի. բոլորը արեամբ են դատում, իւրաքանչիւրը սաստիկ նեղում է իր ընկերոջը, եւ իրենց ձեռքը չարիք անելու սովոր են դարձնում:
3. Իշխանը նուէր է խնդրում, իսկ դատաւորը խաղաղութեան խօսքեր է ասում իրեն պետք եղած ձեւով:
4. Ես կը հանեմ նրանց միջից այն բարութիւնը, որը ցեցի նման ուտում եւ պտտում է կանոնի վրայ դատաքննութեան օրը: Վա՛յ, վա՛յ, եկաւ հասաւ քո վրեժխնդրութիւնը. արդ, թող լաց լինեն նրանք:
5. Մի՛ հաւատացէք սիրելիներին, մի՛ ապաւինէք իշխաններին, զգո՛յշ եղիր քո անկողնակցից, որ որեւէ բան չպատմես նրան,
6. որովհետեւ որդին անարգում է հօրը, եւ դուստրը կը կանգնի իր մօր դէմ, հարսը՝ իր ընկերոջ դէմ, եւ մարդու թշնամին իր իսկ ընտանիքը կը լինի:
7. Սակայն ես Տիրոջը կը սպասեմ, կը սպասեմ իմ փրկիչ Աստծուն, եւ իմ Տէր Աստուածը կը լսի ինձ:
8. Մի՛ ոտնահարիր ինձ, ո՛վ իմ թշնամի. թէ գլորուեցի, նորի՛ց կը կանգնեմ, քանի որ, եթէ խաւարում նստեմ, Տէրն է իմ լոյսը:
9. Քանի որ մեղանչեցի Տիրոջ դէմ, համբերութեամբ կը տանեմ նրա բարկութիւնը, մինչեւ որ նա արդարացնի իմ դատաստանը, իրաւունք տայ ինձ, ինձ հանի դէպի լոյսը, եւ ես տեսնեմ նրա արդարութիւնը:
10. Ինձ կը տեսնի իմ թշնամին, եւ ամօթը կը պատի նրան, որ ասում էր ինձ. Ո՞ւր է քո Տէր Աստուածը: Իմ աչքերը կը տեսնեն նրան: Արդ, նա ոտքի կոխան կը դառնայ, ինչպէս ճանապարհի կաւը:
11. Աղիւսի ծեփի օր եւ քո ջնջման օր կը լինի այն օրը. այդ օրը կը մերժի քո իրաւունքները:
12. Քո քաղաքները կ'ենթարկուեն ասորեստանցիների պաշարման եւ աւարին: Քո ամուր քաղաքները կը բաժանուեն Տիւրոսից մինչեւ գետը, ծովից ծով եւ լեռից լեռ:
13. Եւ երկիրը ապականուի իր բնակիչներով հանդերձ՝ իր գործերի պտուղի պատճառով:
14. Արածացրո՛ւ քո ժողովրդին քո ցեղերի գաւազանով, նաեւ քո ժառանգութեան ոչխարի հօտերը, որոնք առանձին բնակւում են Կարմէլի անտառում, թող նրանք արածեն Բասանում եւ Գաղաադում մշտապէս:
15. Եւ ինչպէս Եգիպտացիների երկրից քո ելքի օրերին, ես հրաշքներ ցոյց պիտի տամ նրանց:
16. Պիտի տեսնեն հեթանոսներն ու պիտի ամաչեն իրենց ամբողջ զօրութիւնից, ձեռքները պիտի դնեն իրենց բերանների վրայ, եւ նրանց ականջները պիտի խլանան:
17. Նրանք պիտի լիզեն հողը ինչպէս օձերը, որ սողում են երկրի վրայ: Պիտի խռովուեն իրենց պաշարման մէջ, մեր Տէր Աստծուց պիտի սարսափեն եւ պիտի վախենան քեզից:
18. Ո՞վ է Աստուած քեզ նման, որ վերացնում է անօրէնութիւնը, զանց է առնում իր ժառանգութեան երկրի մնացորդների անիրաւութիւնը եւ գործի չի դնում իր բարկութիւնը, քանի որ ողորմութիւն է կամենում:
19. Նա պիտի դառնայ ու գթայ մեզ, պիտի թաղի մեր մեղքերը եւ ծովի խորքը պիտի նետի մեր բոլոր անօրէնութիւնները:
20. Ճշմարտութիւն պիտի տայ Յակոբին, ողորմածութիւն՝ Աբրահամին, ինչպէս որ երդումով խոստացել էր մեր հայրերին սկզբից ի վեր:

ՆԱԻՈՒՄ

## Գլուխ 1

1. Պատգամ Նիկուէին: Նաւում Ելկեսացու տեսիլքի գիրքը:
2. Տէր Աստուած նախանձոտ է եւ վրեժխնդիր, Տէրը վրեժխնդիր է բարկութեամբ, Տէրը վրեժ է լուծում իր հակառակորդներից, եւ ինքն է վերացնում իր թշնամիներին:
3. Համբերատար է Տէրը, մեծ է նրա զօրութիւնը, Տէրը ամենեւին չի արդարացնում մեղապարտին: Նրա ճանապարհը հողմապտոյտով է եւ կործանումով. քամին նրա ձին է, ամպերը՝ նրա ոտքերի փոշին:
4. Սաստում է ծովը, ցամաքեցնում այն, չորացնում բոլոր գետերը: Զորացան Բասանն ու Կարմելոսը, Լիբանանի բոլոր ծաղիկները թառամեցին:
5. Լեռները դողացին նրանից, բլուրները սասանուեցին, խախտուեց երկիրը նրա առաջ, ինչպէս նաեւ նրա բոլոր բնակիչները:
6. Նրա բարկութեանն ո՞վ կը դիմանայ, ո՞վ կը կանգնի նրա զայրոյթի եւ սրտմտութեան դէմ: Նրա զայրոյթը հալեցնում է իշխանութիւնները, ժայռերը խորտակւում են նրա առաջ:
7. Բարեհաճ է Տէրը նրանց նկատմամբ, ովքեր ապաւինում են նրան նեղ օրերին. Նա ճանաչում է իրենից երկիւղ կրողներին:
8. Հեղեղով վերջ կը տայ իր դէմ ըմբոստացածներին, եւ խաւարը կը հալածի նրա թշնամիներին:
9. Ի՞նչ էք խորհում Տիրոջ դէմ. ինքն է վերջ տալու եւ կրկին անգամ վրեժ չի լուծի նեղութեան մէջ:
10. Մինչեւ իրենց հիմքերը նրանք խոպան պիտի դառնան. բաղեղով պատուածի պէս պիտի սպառուեն եւ լինեն ինչպէս չորացած եղեգ:
11. Թեզնի՛ց պիտի դուրս գայ Տիրոջ դէմ չար խորհուրդը՝ հակառակութեամբ չարիք խորհելու միտքը:
12. Այսպէս ասաց Տէրը բազում ջրերի իշխանների մասին. Այսպէս պիտի բաժանուեն նրանք, եւ քո մասին այլեւս լուր չի լսուելու:
13. Հիմա պիտի խորտակեմ քո գլխին կախուած նրա գաւազանը եւ քո կապանքները պիտի խզեմ:
14. Տէրը կը հրամայի քեզ համար, եւ այլեւս չի հռչակուի քո անունը. Պիտի ջնջեմ քանդակուած եւ ծովածոյ կուռքերը քո աստծու տնից եւ այն գերեզման պիտի դարձնեմ քեզ համար:
15. Ահա արագընթաց են աւետաբերի ոտքերը լեռների վրայ, որ խաղաղութիւն է աւետում: Տօնի՛ր քո տօնը, Յուդայի՛ երկիր, կատարի՛ր քո ուխտը, քանի որ այլեւս քո միջով չի անցնելու անօրէնը քեզ հիւժեղու համար: Նա վախճանուեց, մաշուեց ու վերացաւ:



## Գլուխ 2

1. Ելաւ նա, ով փչում է քո դէմքին եւ քեզ փրկում նեղութիւնից. հսկի՛ր ճանապարհը, պնդացրո՛ւ մէջքդ, զօրացի՛ր մեծ ուժով.
2. քանզի Տէրը վերադարձրեց Յակոբի հպարտութիւնը Իսրայէլի հպարտութեան նման, քանի որ բոլորովին թօթափեցին նրանց եւ նրա ճիւղերը ապականեցին:
3. Նրա զօրեղ մարդկանց զենքը հզօր մարդիկ են, որոնք խաղում էին կրակի հետ. նրանց կառքերի սանձերը կը փայլեն պատերազմի նախօրեակին. հեծեալները իրար կ'անցնեն ճանապարհներին եւ հրապարակներում կը խառնուեն իրար:
4. Նրանց տեսքը կրակէ լամպերի նման է, եւ նրանք փայլակի պէս այս ու այն կողմ են գնում:
5. Նրա մեծամեծները կը յիշեն եւ ցերեկը կը փախչեն, կը տկարանան իրենց ճանապարհներին, կը շտապեն դէպի պարիսպները եւ կը պատրաստեն իրենց առաջապահներին:
6. Քաղաքների դռները բացուեցին, արքունիքները կործանուեցին, եւ նրանց հարստութիւնը յայտնի դարձաւ:
7. Ինքը ելնում էր, նաժիշտները գալիս էին նրա առաջ եւ, ինչպէս աղաւնիներ, հառաչում էին իրենց սրտերում:
8. Նինուէի ջրերը նման էին աւազանի ջրերի. նրանք փախան քեզից եւ տեղ չբռնեցին:
9. Չկար մէկը, որ հսկէր. յափշտակում էին արծաթը, յափշտակում էին ոսկին, եւ նրա զարդեղէնին չափ չկար: Ծանրացան աւելի քան նրա բոլոր ցանկալի սպասքները:
10. Սրտի սոսկում, թօթափում եւ ձգտում, ծնկների թուլացում, ցաւ ամեն մէջքի վրայ, եւ բոլորի երեսները սեւացան պուտուկի նման:
11. Ո՞ր եմ առիւծների որջերն ու նրանց կորիւնների որսերը, ո՞ր գնաց մտաւ առիւծը. չկար մէկը, որ վախեցներ առիւծի կորիւնին:
12. Առիւծը բաւական որս արեց իր կորիւնների համար, որս խեղդեց իր կորիւնների համար, իր բոյնը լցրեց որսով եւ իր որջը՝ յափշտակուած բաներով:
13. Ահա ես քո դէմ եմ, - ասում է Ամենակալ Տէրը, - ծխով կ'այրեմ քո զօրքերը, սուրը կ'ուտի քո առիւծներին, երկրից կը վերացնեմ քո որսը, եւ այլեւս չեն լսուի քո գործերը:

1. Ո՛վ արեան քաղաք, բոլորովին սուտ, անիրաւութեամբ լի, ուր որսը պէտք է փնտռուի:
2. Հարուածների ծայն, անուի շարժման ծայն, կառքերի շաչիւն, հեծեալների դոփիւն,
3. գէնքի փայլ, սուտերի շող, վիրաւորների թաւալգլոր անկում, հաշիւ չկար նրա ժողովուրդներին: Նրանք պիտի տկարանան իրենց մարմնով բազում պոռնկութեան պատճառով:
4. Գեղապանծ պոռնիկ, կախարդների գլխաւոր, որ վաճառում էր ազգը իր պոռնկութեամբ եւ տոհմերը՝ իր կախարդանքներով:
5. Ահա ես քեզ դեմ եմ, - ասում է Ամենակալ Տէր Աստուածը, - պիտի բացեմ քո յետնամասը, քո պիտի գցեմ քո դէմքին, ազգերին ցոյց պիտի տամ քո ամօթը եւ թագաւորութիւններին՝ քո անարգանքը:
6. Քեզ վրայ պիտի նետեմ քո պղծութիւններն ու աղտեղութիւնները եւ խայտառակ պիտի անեմ քեզ:
7. Եւ այնպէս պիտի լինի, որ ով տեսնի քեզ, պիտի իջնի եւ ասի. Խեղճ Նինուէ, ո՞վ կը լինի, որ հեծեծի քեզ համար, որտեղի՞ց մխիթարութիւն փնտռենք քեզ համար:
8. Բաժի՛ն պատրաստիր, քնա՛ր լարիր, ո՛վ Ամոնի Նահանգ, որ բնակւում ես գետերի միջեւ՝ ջրերով շրջապատուած, որի սկիզբը ծովն է, եւ ջրերը՝ նրա պարիսպը:
9. Եթովպացիներն ու Եգիպտոսը նրա զօրութիւնն են, եւ նա երբեք փախուստի չէր մատնուի. լիբիացիները նրան օգնական դարձան:
10. Սակայն նա էլ սասանուելով գերի կը գնայ, քարին կը խփեն նրա զաւակներին նրա ճանապարհների սկզբում, նրա բոլոր թանկարժէք իրերի վրայ վիճակ կը գցեն եւ նրա բոլոր մեծամեծները ձեռնակապերով կը կապուեն:
11. Եւ դու կը հարբես, կը յիմարանաս, թշնամիներից քեզ համար ոտքի տեղ կը խնդրես:
12. Քո բոլոր ամրոցները նման են ծառի վրայ երեւացող թգի, որ եթէ շարժուի, կ'ընկնի ուտողների բերանը:
13. Ահա քո ժողովուրդը կանանց նման կը լինի քո մէջ, քո թշնամիների համար անպայման կը բացուեն քո երկրի դռները, եւ կրակը կը լափի քո Նիգերը:
14. Պաշարման համար ջո՛ւր լցրու եւ ամրացրո՛ւ քո ամրոցները. մտի՛ր ցեխի մէջ, կոխոտի՛ր, շաղախի՛ր այն յարդի հետ եւ պնդացրո՛ւ աւելի քան աղիւսը:
15. Այնտեղ կրակը կը լափի քեզ, սուրը կը սպանի քեզ, կ'ուտի քեզ ինչպէս մորեխը եւ կը ծանրանայ ինչպէս ջորեակը:
16. Շատացրիր քո վաճառելիքը երկնքի աստղերի չափ, եկաւ ջորեակը, թռաւ,
17. առաջ գնաց ինչպէս փոքրիկ մորեխը. եւ քո խառնամբոխը նման էր մորեխի, որ ցուրտ օրերին կպչում է ցանկապատին. ծագեց արեւը, գնաց եւ չիմացուեց նրա տեղը:
18. Վա՛յ նրանց. քո հովիւները ննջեցին, Ասորեստանի թագաւորը կոտորեց քո զօրքերը, քո ժողովուրդը չուեց լեռները, չկար մէկը, որ մնար:
19. Թարախակալուեցին քո վերքերը, եւ քո անկումը բուժում չունի. բոլոր նրանք, ովքեր լսեցին քո գոյժը, ծափ կը գարնեն քեզ համար, քանի որ ո՞ւմ վրայ չեկաւ քո չարութիւնը մշտապէս:

QUPQYNU

## Գլուխ 1

1. Պատում, որ տեսաւ Ամբակում մարգարէն:
2. Մինչեւ ե՞րբ, Տէ՛ր, աղօթեմ, բայց դու չլսես, զրկուած՝ ձայն տամ քեզ, եւ դու չփրկես:
3. Ինչո՞ւ ինձ ջանք ու յոգնութիւն պատճառեցիր՝ թշուառութիւն եւ ամբարշտութիւն տեսնելու: Իմ առաջ եղաւ դատաստանը, եւ դատաւորը կաշառք էր առնում:
4. Այդ պատճառով օրէնքը խափանուեց, եւ արդարութիւնը գլուխ չի գալիս. քանի որ ամբարիշտը ճնշում է արդարին, դրա համար էլ սխալ դատաստան էր լինում:
5. Տեսէ՛ք, արհամարհողներ, նայեցէ՛ք, մեծապէ՛ս զարմացե՛ք եւ չքուեցէ՛ք, որովհետեւ մի բան պիտի անեմ ես ձեր օրերին, որին չէք հաւատայ, նոյնիսկ եթէ մէկը պատմի ձեզ:
6. Ահա ես կ'արթնացնեմ քաղղեացիներին՝ դաժան եւ արագընթաց մի ազգ, որ արշաւում է երկրի լայնքով մէկ՝ ժառանգելու այն բնակավայրերը, որոնք իրը չեն:
7. Նա ահեղ է ու սարսափելի, եւ նրա դատաստանը իր կողմից կը լինի, ինքն է վճռում իր դատաստանը, եւ իր իշխանութիւնը իրեն է պատկանում:
8. Ընձառիւծներից առաւել արագ կը վազեն նրանց ձիերը. աւելի արագ, քան արաբական գայլերը, նրանց զինեալները կ'ասպատակեն, կը գան հեռուներից եւ կը սլանան, ինչպէս արծիւն է հաճոյքով սլանում դէպի կերակուրը:
9. Նրանց դէմ կանգնող ամբարիշտների վերջը կը գայ: Գերիներ կը կուտակի աւազի չափ:
10. Նա թագաւորների հետ գեխութիւն կ'անի, բռնակալները նրան խաղալիք կը դառնան, բոլոր ամրոցների հետ խաղ կ'անի, հող կը կուտակի եւ կը գրաւի դրանք:
11. Այն ժամանակ կը փոխուի նրա միտքը, նա անց կը կենայ եւ կը դառնայ բարեհաճ. սա է իմ Աստծու զօրութիւնը:
12. Արդարեւ, դու չե՞ս մեր Տէր Աստուածը սկզբից, ուրեմն չենք մեռնի. Տէ՛ր, նրան դատաստանի ենթարկեցիր եւ ստեղծեցիր ինձ, որ յանդիմանեմ նրա խաղը:
13. Մաքուր է քո աչքը՝ չարիք տեսնելուց հեռու. կատարուածին նայել չես կարող. ինչո՞ւ նայեցիր արհամարհողներին եւ չնկատեցիր, երբ ամբարիշտը կուլ էր տալիս արդարին:
14. Մարդկանց ծովի ձկների՞ պէս ես դարձնում եւ սողունների՞ պէս, որոնք առաջնորդ չունեն:
15. Բաբելոնը նրանց կարթով հանեց, ձգեց իր ցանցով եւ հաւաքեց իր ուռկաններով:
16. Այդ պատճառով կ'ուրախանայ եւ կը ցնծայ նրա սիրտը, դրա համար զոհ կը մատուցի իր ուռկանին եւ խունկ կը ծխի իր ցանցին, քանի որ նա նրանցով ուռճացրեց իր բաժինը, եւ իր կերակուրը ընտիր եղաւ:
17. Այդ պատճառով նա կը տարածի իր ցանցը եւ երբեք չի խնայի կոտորելու ազգերին:

1. Իմ պահակակետում կը կանգնեմ, կը բարձրանամ ժայռի վրայ եւ կը տեսնեմ, թէ ինչ կը խօսի ինձ հետ եւ ինչ պատասխան կը տայ իմ յանդիմանութեան:
2. Պատասխանեց ինձ Տէրը եւ ասաց. Պարգորոշ գրի՛ր այդ տեսիլքդ տախտակի վրայ, որպէսզի ով որ կարդայ, համարձակ կարդայ.
3. որովհետեւ տեսիլքիդ կատարման համար տակաւին ժամանակ կայ,այն կը ծագի անպայման եւ ոչ իզուր տեղը: Բայց եթէ ուշանայ, համբերի՛ր, որովհետեւ ինչ որ պիտի գայ, կը գայ եւ չի ուշանայ:
4. Եւ եթէ որեւէ մէկը երկմտի, իմ անձը բարեհաճ չի լինի նրա նկատմամբ:
5. Արդարեւ արդարը հաւատքով կ'ապրի, իսկ կասկածողն ու արհամարհողը ամբարտաւան մարդ է եւ ոչինչ աւարտին չի հասցնի: Ով իր հոգին ընդարձակում է ինչպէս գերեզման եւ անյագ է ինչպէս մահը, իր շուրջը կը հաւաքի բոլոր հեթանոսներին եւ իր մէջ կ'ամփոփի բոլոր ազգերին:
6. Արդարեւ, սրանք, այս բոլորը նրա մասին պատմութիւններ չե՞ն յօրինի. նրան կը մտցնեն երգերի մէջ եւ կ'ասեն. Վա՛յ նրան, ով իւրացնում է այն, ինչ իրենը չէ. մինչեւ ե՞րբ նա այդքան շատ պիտի ծանրացնի իր տանջողակները,
7. որովհետեւ յանկարծ կ'ելնեն նրան ուտողները, կը զարթնեն նրա դաւաճանները, եւ դու աւար կը դառնաս նրանց համար:
8. Զանի որ դու կողոպտեցիր բազում ազգերի, ժողովուրդների ամբողջ մնացորդացը քե՛զ կը կողոպտի մարդկանց արեան, երկրի, քաղաքի եւ նրա բոլոր բնակիչների ամբարշտութեան համար:
9. Վա՛յ նրան, ով իր տան համար ազահուրթին կ'անի,իր բոյնը բարձր տեղ կը դնիչար ձեռքերից ազատելու համար:
10. Զո տան ամօթը հաստատեցիր.ոչնչացրիր բազում ազգերի եւ դու յանցանք գործեցիր.
11. քանի որ քարը հիմքից կ'աղաղակի, եւ որդը փայտի միջից այդ մասին ձայն կը տայ:
12. Վա՛յ նրան, ով քաղաքը արեան վրայ է կառուցումեւ քաղաք է հաստատում անիրաւութեամբ:
13. Այդ բոլորը Ամենակալ Տիրոջ կողմից չի՞ լինում. շատ ժողովուրդներ պակասեցին կրակի պատճառով, եւ շատ ազգեր նուազեցին,
14. որպէսզի երկիրը լցուի Տիրոջ փառքի գիտութեամբ, ինչպէս ծովերը ծածկող բազում ջրերն են:
15. Վա՛յ նրան, ով ընկերոջը պղտոր հրապոյրներով է արբեցնում, արբեցնում է, որպէսզի նայի նրանց մերկութեանը:
16. Փառքի փոխարէն անարգանքով լիացար. դու էլ խմի՛ր, շարժուի՛ր եւ դողա՛: Պաշարեց քեզ Տիրոջ Աջի բաժակը, եւ անարգութիւն կուտակուեց քո փառքի վրայ.
17. քանի որ Լիբանանի ամբարշտութիւնը կը ծածկի քեզ, գազանների թշուառութիւնը կը զարհուրեցնի քեզ՝ մարդկանց արեան, երկրի, քաղաքի ու նրա բոլոր բնակիչների ամբարշտութեան պատճառով:
18. Ինչ օգուտ ունի քանդակուած արձանը, երբ քանդակեցին, ձուլեցին այն.սուտ երեւոյթ. իսկ ստեղծողը յոյսը դրեց իր ստեղծածի վրայ՝ իր համար անօգուտ կուռքեր շինելով:
19. Վա՛յ նրան, ով փայտին ասում է՝ սթափուի՛ր եւ զարթնի՛ր, իսկ քարին՝ բարձրացի՛ր, մինչ դրանք աչքի առաջ գտնուող երեւոյթ են՝ արծաթից ու ոսկուց կռած, եւ բոլորովին շունչ չկայ դրանց մէջ:
20. Սակայն Տէրը իր սուրբ տաճարի մէջ է, եւ ամբողջ երկիրը թող վախենայ նրանից:

1. Ամբակում մարգարէի աղօթքը՝ երգով:
2. Տէ՛ր, քո լուրը լսեցի եւ վախեցայ, նայեցի քո գործերին եւ զարհուրեցի. դու կը ճանաչուես երկու գագանների միջեւ, երբ տարիները մօտենան՝ կը յայտնուես, երբ ժամանակը հասնի՝ կ'երեւաս, երբ իմ անձը բարկութիւնից խռովուի՝ ողորմութիւնս կը յիշես:
3. Աստուած Թեմանից կը գայ, սուրբը՝ զով եւ անտառախիտ լեռից. նրա փառքը ծածկեց երկինքը, նրա օրհնութեամբ լցուեց երկիրը (դադար):
4. Նրա ճառագայթները լոյսի պէս կը լինեն, եւ եղջիւրներ կային նրա ձեռքում: Նա ուժգին սէր հաստատեց իր զօրութեան նկատմամբ:
5. Նրա առջեւից լուրը կը գնայ եւ դաշտ դուրս կը գայ նրանից յետոյ:
6. Նա կանգնեց, եւ շարժուեց երկիրը. նայեց, եւ հալուեցին ազգերը, լեռները բռնութեամբ խորտակուեցին, եւ հալուեցին յաւերժական բլուրներ:
7. Նրա ընթացքը յաւիտենական տեսայ, զարհուրեցին եթովպացիների վրանները եւ Մադիամի երկրի վրանները:
8. Մի՞թէ գետերի դէմ ես բարկանում, Տէ՛ր, քո բարկութիւնը գետերի՞ վրայ է ընկնում, կամ քո ասպատակութիւնը՝ ծովերի՞ վրայ, որպէսզի բարձրանաս քո ձիւ վրայ, իսկ քո հեծնելը փրկութիւն է:
9. Շատ ձիգ կը լարես քո աղեղը իշխանութեան դէմ, - ասում է Տէրը, - երկիրը գետերով պատռուեց:
10. Քեզ կը տեսնեն ժողովուրդները եւ երկունքի ցաւեր կ'ունենան. դու ես հաստատում ջրերի ընթացքը: Անդունդները ձայն տուեցին սաստիկ բարձրութեամբ:
11. Բարձրացաւ արեգակը, եւ լուսինը կանգնեց իր տեղում: Քո նետերը կը թռչեն լոյսի մէջ, եւ քո գէնքերի փայլը կը լինի փայլատակումների պէս:
12. Սպառնալիքներով խոնարհեցրիր երկիրը եւ բարկութեամբ կը տկարացնես ազգերին:
13. Ելար քո ժողովրդի փրկութեան համար՝ փրկելու քո օծեալներին. մահ բերեցիր անօրէնների գլխին. կապանքներ բարձրացրիր ամբողջ պարանոցն ի վեր (դադար):
14. Ապուշ դարձնելով խորտակեցի բռնակալների գլուխը: Նրանք կը սասանուեն դրանից, կ'արձակեն իրենց երասանները ինչպէս գաղտագողի ուտող աղքատ:
15. Ծով հանեցի քո ձիերը՝ շատ ջրեր պղտորելու:
16. Նայեցի, եւ իմ սիրտը զարհուրեց իմ շրթների աղօթքների ձայնից, դող ընկաւ ոսկորներիս մէջ, եւ փորս անհանգստացաւ ներսից: Կը հանգստանամ նեղութեան օրը, որպէսզի ելնեմ գնամ դէպի իմ պանդուխտ ժողովուրդը:
17. քանզի եթէ անգամ թգենին իր պտուղը չտայ, որթատունկը ծնունդ չունենայ, ձիթենին բերք չտայ, դաշտերը կերակուր չտան, հօտերը դադարեն արածելուց, եւ մսուրների մէջ եզներ չլինեն,
18. ես պիտի ուրախանամ Տիրոջով, ուրախանամ իմ փրկիչ Աստուծով:
19. Տէր Աստուածն է իմ զօրութիւնը, նա կը հաստատի իմ ոտքերը մինչեւ վերջ եւ ինձ բարձունք կը հանի՝ յաղթելու իր երգով:

ՍՈՓՈՆԻԱ

## Գլուխ 1

1. Տիրոջ պատգամը, որ հասաւ Եգեկիայի որդի, Ամարիայի որդի, Գողողիայի որդի, Քուսիի որդի Սոփոնիային՝ Յուդայի երկրի արքայի՝ Ամոնի որդի Յոսիայի ժամանակ:
2. Ամէն ինչ կը պակասի երկրի երեսից, - ասում է Տէրը:
3. Կը պակասի մարդ եւ անասուն, կը պակասեն երկնքի թռչուններն ու ծովի ձկները, կը տկարանան ամբարիշտները, եւ ես կը վերացնեմ անօրէններին երկրի երեսից, - ասում է Տէրը:
4. Իմ ձեռքը կ'երկարեմ Յուդայի երկրի վրայ, Երուսաղէմի բոլոր բնակիչների վրայ եւ կը վերացնեմ այդտեղից Բահաղի անունն ու քրմերի անունները՝ քահանաներով հանդերձ,
5. որոնք տանիքի վրայ երկրպագում են երկնքի զօրութիւններին, նրանք, որ երդուում էին Տիրոջ՝ իրենց արքայի անունով, նրանք, որ խոտորւում էին Տիրոջից,
6. նրանք, որ չէին փնտռում Տիրոջը, եւ նրանք, որ Տիրոջ կողմը չէին:
7. Վախեցէ՛ք Տէր Աստծուց, քանի որ մօտիկ է Տիրոջ օրը, որովհետեւ Տէրը պատրաստեց իր զոհերը
8. եւ հրաւիրեց իր հրաւիրեալներին: Կը լինի այնպէս, որ Տիրոջ զոհի օրը կը պատժեմ իշխաններին, թագաւորի տունը եւ բոլորին, ովքեր օտար զգեստ են հագել:
9. Այն օրը յայտնապէս կը պատժեմ բոլորին դռների շեմքերի առաջ, նրանց, որոնք իրենց Տէր Աստծու Տունը լցնում էին ամբարշտութեամբ եւ նենգութեամբ:
10. Այն օրը, - ասում է Տէրը, - աղաղակների ձայն կը լինի վիրաւորների դռից, գոյժ՝ երկրորդ դռից եւ մեծ բեկում՝ բլուրներից:
11. Ողբացէ՛ք, Կոտորուածների թաղամասի բնակիչներ՝, քանի որ այդ ամբողջ ժողովուրդը նմանուէց քանանացիներին, բնաջնջուեցին բոլորը, ովքեր հպարտացել էին արծաթով:
12. Այն օրը ճրագով կը խուզարկեմ Երուսաղէմը եւ կը պատժեմ այն տղամարդկանց, որոնք արհամարհեցին իրենց պահպանութեանը յանձնուած իրերը եւ որոնք ասում էին իրենց սրտում. Տէրը ո՛չ բարի գործ է անում եւ ո՛չ՝ չար:
13. Կը խլուի նրանց զօրութիւնը, եւ նրանց տունը աւերակ կը դառնայ. տներ կը շինեն, բայց չեն բնակուի դրանց մէջ, այգիներ կը տնկեն, բայց չեն խմի դրանց գինին:
14. Մօտ է Տիրոջ մեծ օրը, մօտ է եւ շատ շուտով կը գայ, Տիրոջ օրուայ ձայնը խիստ է եւ դառն, ուժեղն էլ կը զգայ,
15. այն օրը բարկութեան օր է, նեղութեան եւ վտանգի օր, թշուառութեան եւ կործանումի օր,
16. խաւարի եւ մեզի օր, ամպի եւ մառախուղի օր, շեփորի եւ աղաղակի օրամուր քաղաքների եւ բարձր աշտարակների դէմ:
17. Մարդկանց նեղութեան կը մատնեմ, եւ նրանք կոյրերի պէս կ'ընթանան, քանի որ մեղանչեցին Տիրոջ դէմ եւ նրա անունը դրեցին սնոտիների վրայ, որոնք ոչնչով չկարողացան օգնել նրանց. կը թափուի նրանց արիւնը հողի նման եւ նրանց մարմինը՝ աղբի պէս:
18. Նրանց արծաթն ու ոսկին նրանց չի կարողանայ փրկել Տիրոջ բարկութեան օրը, եւ նրա վրեժխնդրութեան կրակով կը մաշուի ամբողջ երկիրը, որովհետեւ նա վախճան ու տագնապ կը բերի երկրի բոլոր բնակիչների վրայ:



## Գլուխ 2

1. Հաւաքուեցէ՛ք եւ քննեցէ՛ք ձեզ, ո՛վ անգամ ազգեր,
2. քանի դեռ չէք դարձել ինչպէս անցաւոր ծաղիկ, քանի դեռ չի եկել Տիրոջ բարկութեան եւ սրտմտութեան օրը:
3. Փստռեցէ՛ք Տիրոջը, երկրի բոլոր խոնարհներ, իրաւո՛ւնք արեք, արդարութի՛ւն որոնեցէք եւ պատասխա՛ն տուէք նրանց, որովհետեւ Տիրոջ բարկութեան օրը պիտի թաքնուէք:
4. Գազան յափշտակուած կը լինի, Ասկաղոնը կ'աւերուի, Ազոտոսը միջօրէին կը կործանուի, եւ Ակկարոնը արմատից կը խլուի:
5. Վա՛յ ձեզ, որ բնակոււմ էք ծովի եզերքում, Կրետէ կղզու բնակիչնե՛ր: Տիրոջ այս պատգամը քո դէմ է, Քանա՛ն՝ երկիրդ այլազգիների. ես կը գրկեմ քեզ բնակութիւնից,
6. եւ Կրետէն հօտերի արօտավայր կը դառնայ եւ ոչխարների գոմ:
7. Ծովեզերքը Յուդայի տան մնացորդներինը կը լինի, հօտերը այնտեղ կը ճարակեն, եւ Յուդայի երկրի որդիների սիրոյն նրանք գիշերը կ'իջեւանեն Ասկաղոնի տներում, քանի որ նրանց այցի է եկել իրենց Տէր Աստուածը, որ վերադարձրեց նրանց գերութիւնից:
8. Լսեցի Մովաբի նախատինքը եւ ամոնացիների թշնամանքը, որով նախատում էին իմ ժողովրդին եւ գոռոզաբանում էին իմ սահմանների վրայ:
9. Դրա համար եմ ես կենդանի, - ասում է Ամենակալ Տէրը՝ Իսրայէլի Աստուածը, - որ Մովաբը Սոդոմի պէս դառնայ, ամոնացիները՝ Գոմորի պէս, եւ Դամասկոսը՝ լքուած ինչպէս կալի շիւղը եւ ապականուած յաւիտեան: Իմ ժողովրդի մնացորդները կը յափշտակեն նրանց, եւ իմ ժողովրդի մնացորդները կը ժառանգեն դրանք:
10. Եւ դա կը պատահի նրանց՝ իրենց հպարտութեան փոխարէն, քանի որ նախատեցին եւ վատաբանեցին Ամենակալ Տիրոջը:
11. Տէրը սարսափազդու տեսքով կ'երեւայ նրանց, կը խորտակի ազգերի բոլոր աստուածներին, եւ ազգերը կ'երկրպագեն նրան՝ իւրաքանչիւրն իր տեղից՝ ազգերի բոլոր կղզիներից:
12. Դուք էլ՝ եթովպացիներ, իմ սրից էք հարուածուելու:
13. Իմ ձեռքը կ'երկարեմ հիւսիսի վրայ եւ կը բնաջնջեմ ասորեստանցուն, Նինուէն ապականութեան կ'ենթարկեմ՝ անապատի պէս անջրդի կը դարձնեմ,
14. կ'արածեն նրա մէջ հօտերն ու երկրի բոլոր գազանները, գետնառիւծներն ու ոգնիները կ'ապրեն նրա տներում, գազանները կ'ոռնան նրա նկուղներում, եւ հաւալուսիները՝ նրա դռների մէջ, քանի որ նրա գոռոզութիւնը մայրի ծառի պէս բարձր է:
15. Այսպէս է լինելու վրիժագործ քաղաքը, որ ապրում էր յոյսով, որ ասում էր իր մտքում. Ես եմ, եւ ոչ ոք չի լինի ինձնից յետոյ: Ինչո՞ւ գազանների ճարակ դարձաւ այն եւ ապականուեց: Իւրաքանչիւր ոք, որ պիտի անցնի նրա միջով, պիտի սուլի եւ իր գլուխը շարժի:

1. Ո՛վ երեւելիդ՝ փրկեա՛լ քաղաք, աղանի, որ ո՛չ ականջ դրեց Տիրոջ ծայնին եւ ո՛չ խրատն ընդունեց:
2. Յոյսը չդրեց Տիրոջ վրայ եւ Աստծուն չմօտեցաւ:
3. Նրա իշխանները առիւծի պէս պիտի մռնչեն, եւ նրա դատաւորները՝ արաբական գայլերի պէս, որոնք մինչեւ առաւօտ ոչինչ չեն թողնում:
4. Նրա մարգարէները այսահար են, արհամարհող: Նրա քահանաները պղծում են սրբութիւնները եւ ամբարշտանում օրէնքը խախտելով:
5. Սակայն արդար Տէրը նրա մէջ է եւ անիրաւութիւն չի անի. ամէն առաւօտ կանուխ իմ դատաստանը ի յայտ կը բերի եւ չի թաքցնի,
6. պահանջելիս չի ճանաչում անիրաւութիւն, երբեք անիրաւութիւն չի անի եւ ապականութեամբ կը կործանի ամբարտաւաններին: Քանդուեցին նրանց աշտարակները: Կ՛աւերեմ նրանց ճանապարհները, որպէսզի ոչ ոք այլեւս երբեք դրանցով չգնայ: Կը պակասեն նրանց քաղաքները բնակիչներ չլինելու պատճառով:
7. Ասացի, թէ՛ Վախեցէ՛ք ինձնից, խրա՛տ լսեցէք եւ չէք մեռնի երկրի երեսից ամբողջովին, քանի դեռ կը պատժեմ նրանց: Պատրաստուի՛ր, առաւօտեան վա՛ղ արթնացիր. ապականուեցին նրա բոլոր արդիւնքները:
8. Դրա համար սպասի՛ր ինձ, - ասում է Տէրը, - այն օրը, երբ ոտքի կանգնեմ վկայելու: Ազգերի դէմ իմ դատաստանը կը լինի՝ բռնել թագաւորներին, նրանց վրայ թափել իմ բարկութիւնը, իմ ամբողջ բարկութիւնն ու սրտմտութիւնը, քանի որ իմ վրէժխնդրութեան կրակով պիտի մաշուի ամբողջ երկիրը:
9. Այն ժամանակ ժողովուրդներին կը վերադարձնեմ իրենց լեզուն ըստ ազգի, որպէսզի բոլորը Տիրոջ անունը կանչեն, որպէսզի նրանք ծառայեն նրան մէկ լծի տակ:
10. Եթովպացիների գետերից այն կողմ իմ ցրուածներին կ'ընդունեմ, եւ նրանք զոհ կը մատուցեն ինձ:
11. Այն օրը չես ամաչի քո բոլոր գործերից, որով ամբարշտացար իմ դէմ, որովհետեւ այն ժամանակ քո միջից պիտի հանեմ քո ամբարտաւան չարութիւնը, եւ այլեւս չես շարունակելու գոռոզանալ իմ սուրբ լերան վրայ:
12. Քեզ կը թողնեմ հեզ եւ խոնարհ ժողովուրդ:
13. Իսրայէլի մնացորդները կը վախենան Տիրոջ անունից, անիրաւութիւն չեն անի, սնտոի բաներ չեն խօսի, եւ նրանց բերանում նենգ լեզու չի գտնուի, որովհետեւ նրանք կ'արածեն եւ կը մակաղեն, եւ ոչ մէկը չի լինի, որ վախեցնի նրանց:
14. Հրճուի՛ր, դո՛ւստր Սիոնի, բարձրաձայն աղաղակի՛ր, Երուսաղէ՛մ, ուրախացի՛ր եւ զուարճացի՛ր քո ամբողջ սրտով, դո՛ւստր Երուսաղէմի,
15. որովհետեւ Տէրը վերացրեց քեզնից քո անիրաւութիւնները, Տէրը քեզ փրկեց քո թշնամիների ձեռքից. Իսրայէլի թագաւորը՝ Տէրը, քո մէջ է, եւ դու այլեւս չարիք չես տեսնի:
16. Այն ժամանակ Տէրը կ'ասի Երուսաղէմին. Քաջալերուի՛ր, Սիոն, թող չթուլանան քո ձեռքերը:
17. Հզօրը՝ Տէր Աստուած, քո մէջ է եւ կը փրկի քեզ, ուրախութիւն կը բերի քեզ, կը նորոգի քեզ իր սիրով եւ ուրախ կը լինի քո մէջ զուարճութեամբ, ինչպէս տօնի օրը: Ես կը հաւաքեմ քո ցրուածներին:
18. Վա՛յ ով կը նախատի նրան:
19. Ահա թէ ինչ կ'անեմ քեզ համար այն ժամանակ. կը փրկեմ ճնշուածին, մերժուածին կ'ընդունեմ եւ նրանց պանծալի ու հռչակաւոր կը դարձնեմ ամբողջ աշխարհում:
20. Նրանք կ'ամաչեն ե՛ւ այն ժամանակ, երբ բարիք կ'անեմ ձեզ, ե՛ւ այն ժամանակ, երբ կ'ընդունեմ ձեզ, որովհետեւ անուանի եւ պանծալի կը դարձնեմ ձեզ երկրի բոլոր ազգերի մէջ՝ ձեր աչքերի առաջ փոխելով ձեր գերութեան վիճակը, - ասում է Տէրը:

QJ9E

## Գլուխ 1

1. Դարեհ արքայի երկրորդ տարում, վեցերորդ ամսուայ, որ ամսվա առաջին օրն էր, Տիրոջ պատգամը հասաւ Անգէ մարգարէի միջոցով եւ ասաց.
2. Խօսի՛ր Յուդայի ազգից Սաղաթիէլի որդուն՝ Չորոբաբէլի հետ, եւ մեծ քահանայ Յոսեդեկի որդուն՝ Յեսուի հետ եւ ասա՛. Այսպէս է ասում Ամենակալ Տէրը. այդ ժողովուրդն ասում է, թէ չի հասել Տիրոջ տունը շինելու ժամանակը:
3. Տիրոջ պատգամը հասաւ Անգէ մարգարէի միջոցով եւ ասաց.
4. Միայն ձե՞զ համար է եկել գմբեթաւոր տներում ապրելու ժամանակը, մինչ իմ տունը աւերակ է:
5. Արդ, այսպէս է ասում Ամենակալ Տէրը. դարձրե՛ք ձեր սիրտը ձեր ճանապարհները:
6. Շատ էիք վարում եւ քիչ էիք հաւաքում, ուտում էիք, բայց չէիք յագենում, խմում էիք, բայց յագուրդ չէիք ստանում, հագնում էիք, բայց չէիք տաքանում դրանցով, եւ ով իր վարձն էր հաւաքում, ծակ տոպրակների մէջ էր հաւաքում:
7. Այսպէս է ասում Ամենակալ Տէրը. դրե՛ք ձեր սիրտը ձեր ճանապարհների վրայ:
8. Բարձրացե՛ք լեռը, փա՛յտ կտրեցէք եւ շինեցէ՛ք տունը. ես հաճոյք կը զգամ նրանով եւ կը փառաւորուեմ, - ասում է Տէրը:
9. Շատին սպասեցիք, եւ քիչը եղաւ, եւ ինչ որ դուք տուն տարաք, ես դուրս թափեցի: Այդ պատճառով այսպէս է ասում Ամենակալ Տէրը. Քանի որ իմ տունը աւերակ է, եւ դուք շտապում եք իւրաքանչիւրդ իր տունը:
10. դրա համար երկինքը կը զլանայ քո անձրեւը, իսկ երկիրը չի տայ:
11. Ես սուր կը բերեմ երկրի վրայ, ցորենի ու գինու վրայ, իւղի ու երկրի բոլոր բոյսերի վրայ, մարդկանց ու անասունների վրայ եւ նրանց ձեռքերի բոլոր վաստակների վրայ:
12. Յուդայի ազգից Սաղաթիէլի որդի Չորոբաբէլը, եւ քահանայ Յոսեդեկի որդի Յեսուն եւ ժողովրդի բոլոր մնացածները լսեցին իրենց Տէր Աստծու ձայնը եւ Անգէ մարգարէի պատգամները, ինչպէս որ նրանց Տէր Աստուածը նրան ուղարկեց նրանց մօտ. եւ ժողովուրդը վախեցաւ Տիրոջից:
13. Եւ Տիրոջ պատգամաբեր Անգէն ասաց ժողովրդին. Տէրն ասում է, ես ձեզ հետ եմ:
14. Եւ Տէրն արթնացրեց Յուդայի ազգից Սաղաթիէլի որդի Չորոբաբէլի ոգին, մեծ քահանայ Յոսեդեկի որդուն՝ Յեսուի ոգին եւ ժողովրդի բոլոր մնացորդների ոգին. նրանք մտնում ու իրենց Ամենակալ Տէր Աստծու տան գործն էին անում:

1. Վեցերորդ ամսի քանչորսին Դարեհ արքայի երկրորդ տարում, եօթներորդ ամսում, ամսի քանամեկերորդ օրը,
2. Տերը խօսեց Անգե մարգարեի միջոցով եւ ասաց.
3. Ասա Յուդայի ազգից Սաղաթիելի որդի Չորոբաբելին, մեծ քահանայ Յոսեդեկի որդի Յեսուին եւ ժողովրդի բոլոր մնացորդներին.
4. Ո՞վ է ձեզանից տեսել այս Տունը իր նախկին փառքի մէջ եւ հիմա ինչպիսի՞ն էք տեսնում այն՝ կարծես ոչինչ չլինի ձեր առջեւ:
5. Իսկ արդ, զօրացի՛ր դու, Չորոբաբե՛լ, - ասում է Տերը, - զօրացի՛ր, մեծ քահանայ Յոսեդեկի որդի Յեսո՛ւ, եւ թող զօրանայ այդ երկրի ամբողջ ժողովուրդը, - ասաց Տերը. - գործի՛ անցէք, որովհետեւ ես ձեզ հետ եմ, - ասում է Ամենակալ Տերը:
6. Քաջալերուեցէ՛ք, - ասում է Ամենակալ Տերը, - այն խօսքով, որ ես կնքեցի ձեզ հետ եգիպտացիների երկրից դուրս գալիս, եւ իմ հոգով, որ կայ ձեր մէջ:
7. Դարձեալ պիտի սասանի երկինքն ու երկիրը, ծովն ու ցամաքը
8. միաժամանակ պիտի ցնցեմ բոլոր ազգերին, այստեղ պիտի գան բոլոր ազգերի ընտիր-ընտիր ինչքերը, եւ ես պիտի լցնեմ այդ տունը փառքով, - ասում է Ամենակալ Տերը: -
9. Իմն է արծաթը, իմն է ոսկին, - ասում է Ամենակալ Տերը, -
10. որպէսզի այդ Տան վերջին փառքը լինի անելի մեծ, քան նախկին փառքը, - ասում է Ամենակալ Տերը: - Ես այս տեղին խաղաղութիւն պիտի տամ, - ասում է Ամենակալ Տերը, - հոգո՛ւ խաղաղութիւն՝ որպէս փրկութիւն բոլոր նրանց, ովքեր կ'աշխատեն վերականգնել այդ տաճարը:
11. Իններորդ ամսի քանչորսին, Դարեհի երկրորդ տարում, Տիրոջ պատգամը հասաւ Անգե մարգարեին եւ ասաց.
12. Այսպէս է ասում Ամենակալ Տերը. հարցրու օրէնքը այդ քահանաներից եւ ասա՛.
13. Եթէ մի մարդ սրբագործուած միս տանի իր հագուստի քղանցքի մէջ, եւ իր հագուստը դիպչի հացին, կամ թանին, կամ գինուն, կամ իւղին, կամ բոլոր կերակուրներին, մի՞թէ դա կը սրբանայ: Քահանաները պատասխանեցին եւ ասացին. Ոչ:
14. Եւ Անգէն ասաց. Եթէ հոգով պիղծն ու անսուրբը մօտենայ բոլոր այդ բաներին, մի՞թէ դա կը պղծուի: Քահանաները պատասխանեցին եւ ասացին. Կը պղծուի:
15. Պատասխանեց Անգէն եւ ասաց. Այդպէս էլ այս ժողովուրդը, այդպէս էլ այս ազգը իմ առաջ, - ասում է Տերը, - այդպէս էլ նրանց ձեռքերի բոլոր գործերը. ինչ որ մօտենայ այնտեղ, կը պղծուի՝ նախկինում իրենց արած յափշտակութիւնների պատճառով. եւ նրանք կը մորմոքան իրենց չար գործերի պատճառով, քանի որ դուք հրապարակաւ ատում էիք յանդիմանողներին:
16. Եւ արդ, մտածեցէք, թէ այս օրուանից եւ անելի առաջ, երբ դեռ Տիրոջ այդ տաճարի քարը քարի վրայ չէր դրուել, ո՞վ էիք,
17. երբ ձեր ամանների մէջ քան քոռ գարի էիք լցնում, բայց տասը փոս էր լինում, ձեր հնձանների մէջ խաղող էիք լցնում՝ յիսուն մար գինի հանելու համար, բայց քան էր լինում:
18. Հարուածեցի ձեզ անպտղութեամբ, խորշակով ու կարկտով, խորտակեցի ձեր ձեռքերի բոլոր գործերը բայց դուք չդարձաք դեպի ինձ, - ասում է Տերը:
19. Մտածեցէ՛ք ձեր սրտում, թէ ինչ է լինելու այսօրուանից եւ յետոյ, իններորդ ամսուայ քանչորսերորդ օրից, եւ այն օրուանից, երբ դրուեց Տիրոջ այդ տաճարի հիմքը:
20. Մտածեցէ՛ք ձեր սրտում, գուցէ այնպէս լինի, որ ձեր կալի, որթատունկի, թզնու, նռնենու եւ ձիթենու վրայ, բերք չլինի. այսօրուանից եւեթ ես պիտի օրհնեմ, որ լինի:
21. Տիրոջ պատգամը հասաւ նորից Անգե մարգարեին ամսի քանչորսին եւ ասաց.
22. Ասա՛ Յուդայի ազգից Սաղաթիելի որդի Չորոբաբելին. դարձեալ պիտի սասանեմ երկինքն ու երկիրը, ծովն ու ցամաքը,

23. պիտի կործանեմ թագաւորների գահերը, պիտի խորտակեմ թագաւորների զօրութիւնը, պիտի կործանեմ կառքերն ու հեծեալներին: Երիվարներն ու նրանց հեծեալները պիտի ընկնեն իւրաքանչիւրն իր եղբօր սրով:

24. Այն օրը, - ասում է Ամենակալ Տէրը, - Սաղաթիւի որդի Չորոբաբէլ, ես քեզ՝ իմ ծառային, պիտի վերցնեմ եւ հաստատեմ որպէս կնիք, քանի որ դու հաճոյ եղար ինձ, - ասում է Ամենակալ Տէրը:

ՀԱՔԱՐԻԱ

## Գլուխ 1

1. Դարեհ արքայի երկրորդ տարուայ ութերորդ ամսին Տիրոջ խօսքը հասաւ Ադդովի որդի Բարաքէի որդուն՝ Չաքարիա մարգարէին եւ ասաց.
2. Տերը մեծ ցատկով բարկացաւ ձեր հայրերի վրայ:
3. Դու կ'ասես Նրանց. այսպէս է ասում Ամենակալ Տերը. Դարձէ՞ք դէպի ինձ, - ասում է Չօրութիւնների Տերը, - եւ ես պիտի դառնամ դէպի ձեզ, - ասում է Չօրութիւնների Տերը:
4. Մի՛ եղէք ձեր հայրերի նման, որոնց պախարակում էին առաջին մարգարէները՝ ասելով, թէ այսպէս է ասում Ամենակալ Տերը. Ե՛տ դարձէք ձեր բոլոր չար ճանապարհներից եւ ձեր չար ընթացքից: Բայց Նրանք չլսեցին, ականջ չդրեցին՝ լսելու ինձ, - ասում է Տերը:
5. Ո՞ր են ձեր հայրերը, մարգարէները, միթէ յաւիտեա՞ն ապրեցին:
6. Բայց իմ խօսքն ու իմ օրէնքը ընդունեցէ՛ք, որ ես իմ հոգով պատուիրում եմ իմ ծառաներին, որ այցելեցին ձեր հայրերին: Նրանք պատասխան տուեցին եւ ասացին. Ինչպէս որ Ամենակալ Տերը կարգադրեց անել ըստ մեր ճանապարհների եւ ըստ մեր ընթացքի, նոյնպէս արեց եւ մեզ:
7. Տասնմէկերորդ ամսի, որ նոյն ինքը Արաց ամիսն է, քսան եւ չորսին, Դարեհի երկրորդ տարում, Տիրոջ ձայնը հասաւ Ադդովի որդի Բարաքէի որդի Չաքարիա մարգարէին եւ ասաց.
8. Գիշերը ես մի տեսիլք ունեցայ. ահա մի մարդ, որ աշխետ ձի էր հեծած, կանգնած էր երկու անտառախիտ լեռների միջեւ, իսկ Նրա յետեւում կային աշխետ ձիեր՝ պուտաւոր եւ սպիտակ:
9. Ես ասացի. Ի՞նչ են դրանք Տէ՛ր: Եւ Հրեշտակը, որ խօսում էր ինձ հետ, ասաց. Ես քեզ ցոյց կը տամ, թէ ինչ են դրանք:
10. Պատասխանեց այն մարդը, որ կանգնած էր լեռների միջեւ, եւ ասաց ինձ. Դրանք այն են, որոնց Տէրն ուղարկեց՝ շրջելու երկրում:
11. Սրանք պատասխան տուեցին Տիրոջ Հրեշտակին, որ կանգնած էր լեռների միջեւ, եւ ասացին. Շրջեցինք ամբողջ երկիրը, եւ ահա երկիրն ամբողջ բնակեցուած է եւ հանդարտ:
12. Պատասխանեց Հրեշտակը եւ ասաց. Տէ՛ր Ամենակալ, մինչեւ ե՞րբ չես ողորմելու Երուսաղէմին եւ Յուդայի երկրի քաղաքներին, որոնց այս եօթանասուն տարի է, ինչ անտես ես արել:
13. Ամենակալ Տերը պատասխանեց Հրեշտակին, որ խօսում էր ինձ հետ, ասում բարութեան եւ միսիթարութեան խօսքեր:
14. Եւ Հրեշտակը, որ խօսում էր ինձ հետ, ասաց. Աղաղակի՛ր եւ ասա՛. այսպէս է ասում Ամենակալ Տերը. Ես խիստ նախանձախնդիր եմ Երուսաղէմի եւ առաւել եւս Սիոնի համար,
15. եւ սաստիկ բարկացած եմ այն ազգերի դէմ, որոնք միասին յարձակուեցին Նրանց վրայ: Այն բանի փոխարէն, որ ես փոքր-ինչ բարկացել էի Նրանց դէմ, Նրանք միասին յարձակուեցին չարիքներ գործելու համար:
16. Դրա համար այսպէս է ասում Տերը. Գթութեամբ կը դառնամ դէպի Երուսաղէմ, եւ իմ տունը վերստին կը շինուի, - ասում է Ամենակալ Տերը - վերստին սահման կը գծուի Երուսաղէմի շուրջ:
17. Եւ Հրեշտակը, որ խօսում էր ինձ հետ, ասաց. Աղաղակի՛ր եւ ասա՛. այսպէս է ասում Տերը. Դարձեալ քաղաքները կը լցուեն բարութեամբ, Տերը կ'ողորմի Սիոնին եւ Նորից բարեհաճ կը լինի Երուսաղէմի հանդէպ:
18. Ես բարձրացրի իմ աչքերը եւ տեսայ.
19. ահա չորս եղջիրներ. եւ ասացի Հրեշտակին, որ խօսում էր ինձ հետ. Ի՞նչ են դրանք, Տէ՛ր: Ասաց ինձ. Դրանք այն եղջիրներն են, որ ցիրուցան արին Յուդայի երկիրը եւ Իսրայէլը:
20. Եւ Տերը ցոյց տուեց ինձ չորս հիւսներ. Ես ասացի. Իսկ դրանք ի՞նչ անելու են գալիս:



Ասաց ինձ. Դրանք այն եղջիւրներն են, որոնք ցիրուցան արին Յուդայի երկիրը եւ  
խորտակեցին Իսրայելը. եւ նրանցից ոչ ոք չբարձրացրեց իր գլուխը: Իսկ սրանք եկել են  
սրելու իրար դէմ այդ չորս եղջիւրները՝ այն ազգերը, որոնք եղջիւր բարձրացրին Տիրոջ  
երկրի վրայ եւ ցիրուցան արին այն:

## Գլուխ 2

1. Բարձրացրի իմ աչքերը եւ տեսայ. ահա մի մարդ, որ իր ձեռքում ունէր երկրաչափի լար.
2. ասացի նրան. Ո՞ր ես գնում: Ասաց ինձ. Գնում եմ չափելու Երուսաղէմը եւ տեսնելու, թէ որքա՞ն է նրա լայնութիւնը եւ որքա՞ն՝ երկարութիւնը:
3. Եւ ահա Հրեշտակը, որ խօսում էր ինձ հետ, կանգնած էր այնտեղ. մի ուրիշ Հրեշտակ ելաւ նրան ընդառաջ
4. եւ ասաց նրան. Գնա՛, խօսի՛ր այդ երիտասարդի հետ եւ կ'ասես. Երուսաղէմը իր մէջ եղող մարդկանց եւ անասունների առատութիւնից կը դառնայ պտղալից:
5. Ես հրեղէն պարիսպ կը լինեմ նրա շուրջը եւ կ'ապրեմ նրա մէջ իր փառքի համար, - ասում է Տէրը:
6. Հէ՛յ, հէ՛յ, փախե՛ք հիւսիսի երկրից, - ասում է Տէրը, - քանզի երկնքի չորս կողմերից պիտի հաւաքեմ ձեզ, - ասում է Տէրը:
7. Դեպի Սիոն դիմելով՝ փրկեցէ՛ք ձեզ, Բաբելոնի դստեր բնակիչնե՛ր:
8. Այսպէս է ասում Ամենակալ Տէրը: Փառքի յետեւից նա ուղարկեց ինձ այն ազգերի մէջ, որոնք կողոպտեցին ձեզ, քանի որ, ով որ մօտենում է ձեզ, նման է նրան, ով հարուածում է իր աչքի բիբին:
9. Ահաւասիկ ես իմ ձեռքը կը տարածեմ նրանց վրայ, նրանց ծառայեցնողները աւար կը դառնան, եւ դուք կ'իմանաք, թէ Ամենակալ Տէ՛րն ուղարկեց ինձ:
10. Խնդա՛ եւ ուրախացիր, դո՛ւստր Սիոնի, քանի որ ահա ես կը գամ եւ կը բնակուեմ քո մէջ, - ասում է Տէրը, -
11. եւ այդ օրը շատ ազգեր կ'ապաւինեն Տիրոջը, նրա ժողովուրդը կը դառնան ու կը բնակուեն քո մէջ: Երբ դա պատահի, դու կ'իմանաս, թէ Ամենակալ Տէ՛րն ուղարկեց ինձ քեզ մօտ:
12. Տէրը կը ժառանգի Յուդայի երկիրը որպէս իր բաժինը սուրբ երկրում, նա նորից բարեհաճ կը լինի Երուսաղէմի հանդէպ,
13. եւ ամեն մարմին երկիւղ կը կրի Տիրոջից, քանի որ նա արթնացել է իր սուրբ ամպերի միջից:

1. Տերը ցոյց տուեց ինձ Յեսու մեծ քահանային, որ կանգնած էր Տիրոջ Հրեշտակի առաջ. եւ սատանան կանգնած էր նրա աջ կողմում՝ նրան հակառակուելու համար:
2. Տերն ասաց սատանային. Տերը կը սաստի քեզ, սատանայ՝, Տերը, որ ընտրեց Երուսաղէմը, կը սաստի քեզ. արդեօք նա կրակից փրկուած կիսախանձ մի փայտ չէ՞:
3. Եւ Յեսուն, որ կեղտոտ հագուստներ էր հագել, կանգնած էր Տիրոջ Հրեշտակի առաջ:
4. Հրեշտակը պատասխան տուեց եւ ասաց նրանց, որոնք կանգնած էին նրա առաջ. Հանեցէ՛ք կեղտոտ հագուստները նրա վրայից:
5. Եւ ասաց նրան. Ահա վերացրի քեզից քո անօրէնութիւնները: Պարեգօ՛տ հագցրեք նրան եւ սուրբ խո՛յր դրեք նրա գլխին: Սուրբ խոյր դրեցին նրա գլխին եւ հագուստ հագցրին նրան:
6. Տիրոջ Հրեշտակը կանգնած էր: Տիրոջ Հրեշտակը վկայութիւն տուեց Յեսուին եւ ասաց.
7. այսպէս ասաց Ամենակալ Տերը. Եթէ իմ ճանապարհներով գնաս եւ պահես իմ հրամանները, դու կը լինես դատաւորը իմ Տան. եւ եթէ պահես իմ գաւիթները, քեզ կը դարձնեմ մէկը նրանցից, որոնք ահա շրջում են դրանց մէջ:
8. Բայց լսի՛ր, Յեսու մե՛ծ քահանայ, դո՛ւ եւ քո մերձաւորները, որ նստած են քո առաջ, քանզի նրանք գիտակ կանխատես մարդիկ են:
9. Ահա ես բերում եմ իմ ծառային՝ Շառաւիղին, քանի որ այն քարի վրայ, որ դրեցի Յեսուի դիմաց, եօթը աչքեր կան. ահա ես խորխորատ պիտի փորեմ, -- ասում է Ամենակալ Տերը, - եւ պիտի շօշափեմ այդ երկրի ամբողջ անօրէնութիւնը մէկ օրում:
10. Այն օրը, - ասում է Ամենակալ Տերը, - բոլորդ պիտի կանչեք, իւրաքանչիւրն իր ընկերոջը, որթատունկի եւ թգենու տակ:

1. Եւ հրեշտակը, որ խօսում էր ինձ հետ, դարձաւ եւ արթնացրեց ինձ, ինչպէս մարդ արթնանում է իր քնից, եւ ասաց ինձ:
2. Ի՞նչ ես տեսնում դու: Ես ասացի. Ահա տեսնում եմ ոսկեճոյլ մի աշտանակ եւ նրա վրայ գունդ. գնդի վրայ՝ եօթը ճրագ, ճրագների վրայ՝ եօթը բերաններ:
3. Աշտանակի վրայ կային երկու ձիթենիներ, մէկը՝ վառուած գնդի աջ կողմում եւ մէկը՝ ձախ կողմում:
4. Հրեշտակին, որ խօսում էր ինձ հետ, ես հարցրի եւ ասացի. Ի՞նչ են դրանք, Տէ՛ր:
5. Հրեշտակը, որ խօսում էր ինձ հետ, պատասխան տուեց եւ ասաց ինձ. Չգիտե՞ս ինչ են դրանք: Ես ասացի. Ո՛չ, Տէ՛ր:
6. Պատասխան տուեց Հրեշտակը եւ ասաց ինձ. Սա Տիրոջ խօսքն է Զօրաբաբելին՝ասուած ոչ թէ մեծ գօրութեամբ եւ ուժգնութեամբ, այլ իմ հոգո՛վ, - ասում է Ամենակալ Տէրը: -
7. Ո՞վ ես դո՛ւ մե՛ծ լեռ, որ կանգնած ես Զօրաբաբելի առաջ, ես կը հանեմ ժառանգութեան քարը՝ շնորհների հաւասարութիւն շնորհելու նրան:
8. Տիրոջ խօսքը հասաւ ինձ եւ ասաց.
9. Զօրաբաբելի ձեռքերը հիմք գցեցին այս Տանը եւ նրա ձեռքերն էլ կը կանգնեցնեն դա: Երբ դա պատահի, դու կ'իմանաս, թէ Ամենակալ Տէ՛րն ուղարկեց ինձ քեզ մօտ:
10. Արդարեւ, ո՞վ է նա, որ արհամարհեց փոքր գործերը եւ պիտի խնդայ. պիտի տեսնեն անագէ քարը Զօրաբաբելի ձեռքին. սրանք են այն եօթը աչքերը, որ նայում են ամբողջ երկրին:
11. Պատասխանեցի եւ ասացի նրան. Իսկ ի՞նչ են երկու ձիթենիները, որ կան աշտանակի աջ եւ ձախ կողմերում:
12. Կրկին հարցրի եւ ասացի նրան. Ի՞նչ են ձիթենու այն երկու ոստերը, որոնք երկու ոսկեայ ճրագաբերանների՝ երկու խողովակների միջոցով հեղում են ոսկեգոյն իւղը:
13. Ասաց ինձ. Չգիտե՞ս ինչ են դրանք: Ես ասացի. Ո՛չ, Տէ՛ր: Եւ Նա ասաց ինձ. Դրանք պարարտութեան որդիներն են, որ կանգնած են ամբողջ աշխարհի Տիրոջ առաջ:

1. Դարձեալ բարձրացրի աչքերս եւ տեսայ. ահա մի թռչող գերանդի:
2. Հրեշտակն ասաց ինձ. Ի՞նչ ես տեսնում: Ասացի. Թռչող գերանդի եմ տեսնում՝ քսան կանգուն երկարությամբ եւ տասը կանգուն լայնութեամբ:
3. Ասաց ինձ. Դա այն անէծքն է, որ տարածւում է ամբողջ երկրի երեսին, որովհետեւ ամեն գողի մահացու պատիժը դրանով պիտի իրագործուի, եւ դրանով պիտի լինի բոլոր նրանց մահացու վրէժը, ովքեր սուտ են երդում:
4. Ես պիտի հանեմ դա, - ասում է Ամանակալ Տէրը, - եւ այն պիտի մտնի գողերի տունը եւ նրանց տունը, որոնք սուտ երդում են անում իմ անունով. պիտի մնայ նրանց տանը եւ պիտի սպառնայ, նրա փայտն ու քարերը:
5. Եւ Հրեշտակը, որ խօսում էր ինձ հետ, վեր կացաւ եւ ասաց ինձ. Նայի՛ր քո աչքով եւ տես՛ս այն, ինչ դուրս է գալիս:
6. Ես ասացի. Ի՞նչ է: Ասաց ինձ. Դա կշռաչափ է, որ ելնում է. եւ շարունակեց. Դա նրանց անիրաւութիւնն է ամբողջ երկրով մէկ:
7. Եւ ահա մի կապարէ կշեռք բարձրացաւ. մի կին նստած էր նրա մի թաթի մէջ:
8. Հրեշտակն ասաց. Դա է անիրաւութիւնը: Եւ նրան գցեց կշեռքի մէջ ու կապարէ քարը դրեց նրա բերանին:
9. Ես բարձրացրի իմ աչքերը եւ տեսայ. ահա երկու կանայք էին ելնում. հողմ կար նրանց թւերի մէջ, եւ նրանց թւերը յոպոպի թւերի պէս էին: Նրանք կշեռքը բարձրացրին երկնքի ու երկրի միջեւ:
10. Ես ասացի Հրեշտակին, որ խօսում էր ինձ հետ. Ո՞ր են տանում նրանք կշեռքը: Նա ասաց ինձ. Տանում են բաբելացիների երկիրը՝ նրանց համար տուն շինելու, տեղ պատրաստելու. եւ այն դնելու են այնտեղ՝ պատրաստուած իր տեղի վրայ:

1. Դարձեալ բարձրացրի աչքերս եւ տեսնում էի. ահա չորս կառքեր դուրս էին գալիս լեռների արանքից, եւ լեռները պղնձեայ լեռներ էին:
2. Առաջին կառքին լծուած էին աշխետ ձիեր, երկրորդ կառքին՝ սեւ ձիեր,
3. երրորդ կառքին՝ սպիտակ ձիեր, եւ չորրորդ կառքին՝ պէսպէս, պուտաւոր ձիեր:
4. Ես հարցրի եւ ասացի Հրեշտակին, որ խօսում էր ինձ հետ. Ի՞նչ են դրանք, Տէ՛ր:
5. Հրեշտակը, որ խօսում էր ինձ հետ, պատասխան տուեց եւ ասաց. Դրանք երկնքի չորս հողմերն են, որ ելնում են կանգնելու ամբողջ աշխարհի Տիրոջ առաջ:
6. Այն կառքը, որին սեւ ձիեր էին լծուած, գնում էր դէպի հիւսիսի երկիր, սպիտակ ձիերինը՝ նրա յետեւից,
7. աշխետ ձիերինը գնում էր դէպի հարաւի երկիր, իսկ պուտաւոր ձիերինը ելնում ու ձգտում էր շրջել ամբողջ երկրում: Եւ Տէրն ասաց. Գնացէ՛ք եւ շրջեցէ՛ք երկրով մէկ: Եւ նրանք շրջեցին երկրով մէկ:
8. Տէրը ձայն տուեց եւ ասաց ինձ. Ահա, նրանք, որ գնում են դէպի հիւսիսի երկիր, հանգցրին իմ բարկութիւնը հիւսիսի երկրի նկատմամբ:
9. Տիրոջ խօսքը հասաւ ինձ եւ ասաց. Դու ինձ համար կը վերցնես գերութեան մէջ գտնուող այդ իշխաններից, պիտանի մարդկանցից եւ գիտուններից
10. եւ այն օրը կը մտնես Սոփոնիայի որդի Յոսիայի տունը, որ եկել է Բաբելոնից:
11. Ոսկի եւ արծաթ կը վերցնես, պսակներ կը պատրաստես, կը դնես Յոսեդեկ մեծ քահանայի որդի Յեսուի գլխին
12. եւ կ'ասես նրան, թէ այսպէս ասաց Ամենակալ Տէրը. Ահա այն մարդը, որի անունը Շառաւիղ է, նա պիտի ծագի իր արմատից եւ պիտի շինի Տիրոջ տաճարը:
13. Նա քաջութիւն պիտի ստանայ, պիտի նստի եւ տիրի իր աթոռին: Նրա աջ կողմում պիտի լինի քահանայեւ խաղաղութեան խորհուրդ՝ երկուսի միջեւ:
14. Այդ պսակը պիտի լինի նրանց համար, ովքեր ապաւինում են նրան, արժանի են նրան, ովքեր ճանաչում են այն, նաեւ Սոփոնիայի որդու շնորհների համար եւ Տիրոջ տաճարի երգերի համար:
15. Եւ նրանք, ովքեր հեռու են, պիտի գան ու շինեն Տիրոջ տաճարը, եւ դուք պիտի իմանաք, թէ Ամենակալ Տէ՛րն ուղարկեց ինձ ձեզ մօտ: Այս բանը պիտի կատարուի, եթէ դուք ջանադիր ականջ դնէք ձեր Տէր Աստծու ձայնին:

1. Դարեհ թագաւորի չորրորդ տարում, իններորդ ամսի՝ Քասդէ ամսի չորրորդ օրը Տիրոջ խօսքը հասաւ Չաքարիային:
2. Բեթէլից Սարասար ու Աբուսադ թագաւորները եւ իրենց մարդիկ ուղարկուեցին աղաչելու Տիրոջը
3. եւ ասելու քահանաներին, որոնք Ամենակալ Տիրոջ տաճարում էին, նաեւ մարգարէներին, թէ մտա՞ւ այնտեղ հինգերորդ ամսում սրբութիւն անելու կարգը, որ անում էին շատ տարիներ:
4. Չօրութիւնների Տիրոջ խօսքը հասաւ ինձ եւ ասաց.
5. Խօսի՛ր այդ երկրի ժողովրդի եւ քահանաների հետ եւ կ'ասես. Երբ դուք ծոմ էիք պահում եւ ողբում ահա եօթանասուն տարի շարունակ, հինգերորդ կամ եօթներորդ ամիսներին, մի՞թէ ինձ համար էիք ծոմ պահում.
6. երբ ուտում էիք եւ խմում, մի՞թէ դուք ձեզ համար չէիք ուտում եւ խմում:
7. Սրանք չե՞ն այն խօսքերը, որ խօսեց Տէրը իր նախկին մարգարէների միջոցով, երբ դեռ շէն էր Երուսաղէմը, բարիքներով լի, եւ բնակեցուած էին նրա շուրջը գտնուող թէ՛ լեռնային եւ թէ՛ դաշտային քաղաքները:
8. Տիրոջ խօսքը հասաւ Չաքարիային եւ ասաց.
9. այսպէս է ասում Ամենակալ Տէրը. Արդար դատո՞ւմ դատեցէք, ողորմութի՛ւն եւ գթութի՛ւն արեք իւրաքանչիւրն իր եղբօրը:
10. Մի՛ կեղեքէք այրուն, որբին, պանդխտին եւ տնանկին: Թող ոչ ոք իր սրտում ոխ չպահի իր ընկերոջ դէմ՝ նրա գործած չարիքների համար:
11. Բայց նրանք լսել չուզեցին, այլ յիմարաբար իրենց թիկունքը շրջեցին եւ ծանրացրին իրենց ականջները՝ չլսելու համար:
12. Նրանք իրենց սրտերը անհնազանդ դարձրին՝ չլսելու համար իմ օրէնքներն ու խօսքերը, որ ուղարկեց Ամենակալ Տէրն իր Հոգով՝ նախորդ մարգարէների միջոցով, ուստի մեծ բարկութիւն եղաւ Ամենակալ Տիրոջ կողմից:
13. եւ այնպէս պիտի լինի, որ, օրինակ, ինչպէս մէկը խօսում, եւ նրան չեն լսում, այնպէս էլ նրանք պիտի կանչեն, եւ ես չեմ լսելու նրանց, -ասում է Ամենակալ Տէրը:
14. Նրանց պիտի ցրեմ բոլոր ազգերի մէջ, որոնց չեն ճանաչում, եւ երկիրը պիտի աւերուի նրանցից յետոյ, որովհետեւ ոչ ոք չի լինելու, որ դուրս ելնի եւ վերադառնայ: Նրանք ընտրեալ երկիրը ապականութիւն դարձրին:

1. Ամենակալ Տերը խօսքն ուղղեց ինձ եւ ասաց.
2. այսպէս է ասում Ամենակալ Տերը. ես նախանձով լցուեցի Երուսաղէմի համար, մեծ խանդով նախանձեցի Սիոնի համար, մեծ բարկութեամբ նախանձեցի նրա համար:
3. Այսպէս է ասում Տերը. ես պիտի վերադառնամ Սիոն եւ բնակուեմ Երուսաղէմում, Երուսաղէմը պիտի կոչեմ Ճշմարիտ քաղաք, եւ Ամենակալ Տիրոջ լեռը՝ Սուրբ լեռ:
4. Այսպէս է ասում Ամենակալ Տերը. Դարձեալ ծերունիներ եւ պառաններ պիտի նստեն Երուսաղէմի հրապարակներում, ապրած օրերի շատութիւնից՝ ամեն մէկը ցուպն իր ձեռքին:
5. Քաղաքի հրապարակները պիտի լցուն տղաներով ու աղջիկներով, որոնք պիտի խաղան նրա հրապարակներում:
6. Այսպէս է ասում Ամենակալ Տերը. եթէ այդ ժողովրդի մնացորդների համարայն օրերին դժուար որեւէ բան լինի, ապա մի՞թէ ինձ համար էլ պիտի դժուար լինի դա, - ասում է Ամենակալ Տերը:
7. Այսպէս է ասում Ամենակալ Տերը. Ահա ես պիտի փրկեմ իմ ժողովրդին արեւելեան երկրից եւ արեւմտեան երկրից,
8. Պիտի բերեմ նրանց եւ բնակեցնեմ Երուսաղէմում, նրանք ինձ համար ժողովուրդ պիտի լինեն, իսկ ես նրանց համար՝ Աստուած ճշմարտութեամբ եւ արդարութեամբ:
9. Այսպէս է ասում Ամենակալ Տերը. Ձեր ձեռքերը պիտի զօրանան, դուք, որ այժմ լսում եք մարգարէների այս խօսքերը այն օրից ի վեր, երբ նրանք եղել են Ամենակալ Տիրոջ տանը՝ նրա տաճարի հիմնարկէքը կատարելու եւ ապա այն կառուցելու ժամանակ:
10. Այդ օրերից առաջ վարձ չէին տալիս մարդու՝ իր աշխատանքի համար, եւ ոչ էլ յարգի էր վարձը անասունների համար, խաղաղութիւն էլ չկար եկողի ու գնացողի համար՝ թշնամու տուած նեղութիւնից, քանի որ ես թշնամացրել էի բոլոր մարդկանց՝ իւրաքանչիւրին հանելով իր ընկերոջ դէմ:
11. Բայց ես հիմա այդ ժողովրդի մնացորդների համար չեմ լինելու այնպէս, ինչպէս առաջին օրերին էի, - ասում է Ամենակալ Տերը, - այլ խաղաղութիւն եմ տալու նրան:
12. Այգին իր պտուղն է տալու, հողը տալու է իր բերքը, երկինքն իր ցօղն է տալու, եւ ես իմ ժողովրդի մնացորդներին եմ տալու այս բոլորը իբրեւ ժառանգութիւն:
13. Ո՛վ Յուդայի տունդ եւ Իսրայէլի տունդ, դուք, որ անեծք էիք ազգերի մէջ, պիտի այնպէս լինի, որ ես նոյնպէս ձեզ պիտի փրկեմ, եւ դուք օրինութիւն պիտի դառնաք. քաջալերուեցէ՛ք, եւ թող զօրանան ձեր ձեռքերը:
14. Այսպէս է ասում Ամենակալ Տերը. Ինչպէս խորհեցի ձեզ չարչարել (քանի որ ձեր հայրերը բարկացրին ինձ, - ասում է Ամենակալ Տերը, եւ ես չզղջացի),
15. այնպէս էլ ես վերստին մտածել ու վճռել եմ այս օրերին բարիք անել Երուսաղէմին եւ Յուդայի տանը: Քաջալերուեցէ՛ք:
16. Սրանք են այն բաները, որ պիտի անեք. թող ամեն մէկը ճշմարտութիւնն ասի իր ընկերոջը. խաղաղութեան դատաստան եւ արդա՛ր դատ արեք ձեր դռներին.
17. թող ամեն մէկը իր սրտում չարիք չխորհի ընկերոջ դէմ. մի՛ սիրեք սուտ երդումը, որովհետեւ ես ատեցի այս բոլորը, - ասում է Ամենակալ Տերը:
18. Ամենակալ Տերը խօսքն ուղղեց ինձ եւ ասաց.
19. այսպէս է ասում Ամենակալ Տերը. Զորրորդ ամսի պահեցողութիւնը, հինգերորդի պահեցողութիւնը, եօթներորդի պահեցողութիւնը, տասներորդի պահեցողութիւնը ինդութեան, ուրախութեան եւ բարութեան տօներ պիտի դառնան Յուդայի տան համար, բայց դուք ուրա՛խ եղէք եւ սիրեցէ՛ք ճշմարտութիւնն ու խաղաղութիւնը:
20. Այսպէս է ասում Ամենակալ Տերը. Դարձեալ շատ ժողովուրդներ եւ շատ քաղաքների բնակիչներ պիտի գան Երուսաղէմ.
21. մի քաղաքի բնակիչները պիտի հաւաքուենայլ քաղաքի բնակիչների մօտ եւ ասեն. Գնանք աղօթենք Տիրոջ առաջեւ խնդրենք Ամենակալ Աստծուն: Եւ այն ժամանակ



ամեն մէկը պիտի ասի. Ես էլ եմ գալիս:

22. Շատ ժողովուրդներ պիտի գան Երուսաղէմ՝ Ամենակալ Տիրոջը խնդրելու, որ իրենց հաշտեցնի Տիրոջ հետ:

23. Այսպէս է ասում Ամենակալ Տէրը. Այն օրերին եթէ տասը մարդ բռնեն տարբեր լեզուներով խօսող ազգերից, ապա նրանք էլ պիտի բռնեն մի հրեա տղամարդու փեշից եւ ասեն. Մենք գալիս ենք քեզ հետ, որովհետեւ լսել ենք, որ Աստուած քեզ հետ է:

1. Տիրոջ խօսքի պատգամը Սեդրաքի երկրի մասին, նրա զոհի՝ Դամասկոսի մասին: Արդարեւ, Տէրը տեսնում է բոլոր մարդկանց եւ Իսրայելի բոլոր ցեղերին,
2. Նաեւ Եմաթի երկիրը, որ սահմանակից է Նրան, Տիւրոսը եւ Սիդոնը, որոնք խիստ արհամարհեցին իրեն:
3. Տիւրոսն իր համար ամրոց շինեց, հողի պէս արծաթ գանձեց, ճանապարհի կաւի պէս՝ ոսկի:
4. Ահա դրա համար էլ Տէրը պիտի գրաւի այն, պիտի խորտակի նրա զօրութիւնը ծովի մէջ, եւ քաղաքը պիտի կործանուի հրով:
5. Ասկադոնը պիտի տեսնի դա եւ սարսափի, Գազան սաստիկ պիտի մորմոքուի, Իսկ Ակկարոնը, իր գործած յանցանքների պատճառով, պիտի տա գնապի ամօթահար: Գազայից վերանալու է թագաւորը, Ակկարոնը պիտի լինի անբնակ:
6. Ազոտոսում պիտի բնակուեն այլազգիներ, եւ ես պիտի ոչնչացնեմ նրանց գոռոզութիւնը:
7. Նրանց արիւնը պիտի դուրս հանեմ իրենց բերանից, նրանց զարշուքիւնները՝ իրենց ատամների միջից, Իսկ մնացածները պիտի լինեն իմ Աստծու բաժինը: Նրանք հազարապետներ պիտի դառնան Յուդայի երկրում, եւ Ակկարոնը պիտի լինի յեբուսացիների պէս:
8. Ես պարիսպ եմ դնելու իմ տան համար, որպէսզի անցնող ու դարձող չանցնի այն, ոչ մի բռնակալ չհալածի նրանց, քանի որ իմ աչքերն արդէն պիտի լինեն նրանց վրայ:
9. Ուրախացի՛ր խնդութեամբ, դո՛ւստրդ Սիոնի, կանչի՛ր ցնծութեամբ, դո՛ւստրդ Երուսաղէմի, ահա գալիս է քո թագաւորը քեզ մօտ, քո արդար, փրկագործ ու խոնարհ թագաւորը՝ հեծած էշի, էշի քուռակի վրայ:
10. Կառքերը պիտի ոչնչանան Եփրեմի երկրից, երիվարները՝ Երուսաղէմից, պատերազմողի աղեղը պիտի խորտակուի, եւ նա խաղաղութիւն պիտի բերի մարդկանց ու ազգերին, պիտի տիրի ջրերի վրայ՝ ծովից մինչեւ ծովեւ գետերից մինչեւ երկրի ծագերը:
11. Իսկ դու արեամբ կնքուած ուխտի համար պիտի արծակես քո գերիներին իրենց անջուր գբից,
12. դուք պիտի ապրէք այդ ժողովրդի ապահով վայրերում, եւ ես քո պանդխտութեան մէկ օրուայ փոխարէն պիտի հատուցեմ քեզ կրկնակին:
13. Ես քեզ, ո՛վ Յուդայի երկիր, ինձ համար պիտի լարեմ ինչպէս աղեղ, պիտի լցնեմ նաեւ Եփրեմի երկիրը, Իսկ քո որդիներին, ո՛վ Սիոն, ոտքի պիտի հանեմ Յուսաստանի դէմ, պիտի յեսանեմ քեզ ինչպէս ռազմիկի պողպատէ սուներ:
14. Տէրը վերակացու պիտի լինի նրանց վրայ, նրա նետը պիտի թռչի ինչպէս փայլակ: Տէրը, Ամենակալ Տէրը փող պիտի փչի եւ բարկութեամբ ու սպառնալիքներով պիտի գնայ նրանց դէմ:
15. Ամենակալ Տէրը պիտի պաշտպանի նրանց, պիտի ոչնչացնեն նրանց, պիտի թաղեն նրանց պարսատիկի քարերի տակ, պիտի խմեն նրանց արիւնը ինչպէս գինի, եւ դաշտերը, զոհասեղանների նման, պիտի լցուեն նրանցով:
16. Եւ այն օրը նրանց Տէր Աստուածը պիտի փրկի նրանց՝ իր ժողովրդին, ինչպէս ոչխարների, որովհետեւ նրանք սուրբ քարեր են՝ ընկած այդ երկրում,
17. որովհետեւ ինչ բարիք որ կայ այնտեղ այդ ժողովրդինն է, ինչ լաւ բան՝ նոյնպէս նրանն է. երիտասարդների համար՝ ցորենի հաց, կոյսերի համար՝ անուշաբար գինի:

1. Անձրե՛ւ խնդրեցէք Տիրոջից ըստ ժամանակի՝բերքից առաջ եւ յետոյ:Տէրը, որ հրաշքներ է գործում,ծմռանը անձրեւ կը տայ նրանց,եւ ամէն հանդում խոտ կը լինի:
2. Այն բանի համար, որ կախարդները անտեղի բաներ էին բարբառում,գուշակները սուտ տեսիլքների ու սին երազների մասին էին խօսումեւ իզուր մխիթարում, դրա համար էլ, ահա, նրանք ցրուեցին հօտերի նման,չարաչար ցաւերի դիպան,եւ բժշկութիւն չկար նրանց համար:
3. Իմ բարկութիւնը բորբոքուեց հովիւների վրայ,եւ ես պիտի նայեմ գառներին:Տէրը՝ Ամենակալ Աստուածը, պիտի այցելի Յուդայի տան իր հօտին,պիտի պատրաստի նրան,ինչպէս իր գեղեցիկ երիվարին՝ պատերազմի համար:
4. Նրանով է ճանաչուելու ինքը,նրանով է յարդարելու իր ճամփան,նրանով է բարձրացնելու իր աղեղըեւ նրանով են ելնելու բոլոր նրանք,որ հալածելու են իրեն:
5. Նրանք պիտի լինեն այնպիսի պատերազմողներ,որոնք պատերազմում, ճակատամարտի մէջ, ոտնակոխ պիտի անեն թշնամիներին այնպէս,ինչպէս տրորում են ճանապարհի կաւը,որովհետեւ Տէրը նրանց հետ է:Թշնամու հեծեալները պիտի ամաչեն իրենց երիվարների վրայ:
6. Ես պիտի զօրացնեմ Յուդայի տունը,պիտի փրկեմ նաեւ Յովսեփի տունը,պիտի բնակեցնեմ նրանց,որովհետեւ ես սիրեցի նրանց.նրանք պիտի դառնան այնպիսին,կարծես ես նրանցից երես չեմ դարձրել.եւ որովհետեւ ես եմ նրանց Տէր Աստուածը,եւ էլ պիտի լսեմ նրանց:
7. Եփրեմի տանը պիտի լինեն լաւ պատերազմողներ,նրանց սրտերը պիտի խնդան, ինչպէս գինուց,նրանց որդիները պիտի տեսնեն եւ ուրախ լինեն,նրանց սրտերը պիտի ցնծան Տիրոջ համար:
8. Ես լուր պիտի տամ նրանց,պիտի ընդունեմ նրանց,որովհետեւ պիտի փրկեմ նրանց,եւ նրանք պիտի բազմանան ինչպէս առաջ,երբ մեծաթիւ էին:
9. Ես սերմերի պէս նրանց պիտի ցրեմ ազգերի մէջ, եւ նրանք հեռաւոր վայրերում էլ պիտի յիշեն ինձ:Պիտի ապրեն իրենց որդիների հետեւ նրանց հետ էլ պիտի վերադառնան:
10. Ես նրանց պիտի վերադարձնեմ Եգիպտացիների երկրից,Ասորեստանից պիտի ընդունեմ նրանց,նրանց Գաղաադ եւ Լիբանան պիտի բերեմ,եւ ոչ մէկը չի պակասելու նրանցից:
11. Նրանք պիտի անցնեն նեղ ծովով,ծովի ալիքները պիտի զարկեն նրանց,պիտի ցամաքեն գետերի բոլոր խորքերը:Այն ժամանակ պիտի վերանայ ասորեստանցիների գոռոզութիւնը,եգիպտացիների իշխանութիւնը պիտի խորտակուի:
12. Իմ ժողովրդին ես պիտի զօրացնեմ յանուն իրենց Տէր Աստծու,եւ նրանք պիտի պարծենան նրա անունով, - ասում է Տէրը:

1. Բա՛ց արա քո դռները, ո՛վ Լիբանան, թող կրակը լափի քո մայրիները:
2. Թող ողբան և ողորդեն քանզի մայրիները տապալուեցին, եւ մեծապէս թշուառացան մեծամեծ ծառերը: Ողբացէ՛ք, ո՛վ Բասանի կաղնիներ, քանզի քանդուեց ծառախիտ անտառը:
3. Ահա հովիւների ողբալու ձայնը. նսեմացել է նրանց մեծութիւնը: Ահա առիւծների մոնչալու ձայնը. ամայացել է Յորդանան գետի վեհութիւնը:
4. Այսպէս է ասում Ամենակալ Տէրը. Արածացրո՛ւ քո հօտերը, որ մորթոտուելու համար են. նրանց գնողները կոտորում էին նրանց, վաճառում էին նրանց եւ ասում. Թող օրհնեալ լինի Տէրը. մենք հարստացանք: Իսկ նրանց հովիւները բնաւ չէին ցաւում ոչխարների համար:
5. Դրա համար էլ ես այլեւս չեմ խնայելու այդ երկրի բնակիչներին, - ասում է Տէրը. - ահա ես մատնելու եմ մարդկանց իւրաքանչիւրին իր ընկերոջ ձեռքը, նաեւ իր թագաւորի ձեռքը, նրանք պիտի զարկեն իրար, իսկ ես ոչ մէկին չեմ փրկելու նրանց ձեռքից:
6. Քանանացիների երկրում ես հովուութիւն պիտի անեմ այն հօտին, որ մորթոտուելու համար է, ինձ համար երկու գաւազան պիտի վերցնեմ, մէկը պիտի կոչեմ՝ Գեղեցկութիւն, իսկ երկրորդը՝ Վիճակ, եւ պիտի արածացնեմ հօտերը:
7. Մէկ ամսում ես վերացրի երեք հովիւներին, որովհետեւ իմ հոգին զգուել էր նրանցից, նրանց հոգիներն էլ զգուել էին ինձանից:
8. Ես, ահա, ասում եմ. Ձեզ չեմ հովուելու. ով մեռնելու է՝ թող մեռնի, ով սատկելու է՝ թող սատկի: Մնացածներից ամէն մէկն էլ թող ուտի իր ընկերոջ մարմինը:
9. Ես պիտի վերցնեմ իմ գաւազանը՝ Գեղեցկութիւնը, պիտի նետեմ ցած՝ խզելու համար այն ուխտը, որ դրել եմ բոլոր ժողովուրդների հետ:
10. Այդ ուխտը պիտի խզուի այն օրը, եւ քանանացիները պիտի ճանաչեն իմ պահպանած հօտերը, քանզի սա Տիրոջ խօսքն է:
11. Ես նրանց ասացի. Եթէ ձեր աչքին հաճելի է թւում, ապա տուէ՛ք իմ վարձը, իսկ եթէ՝ ոչ, ասացէ՛ք: Եւ նրանք կշռեցին իմ վարձը՝ երեսուն արծաթ:
12. Տէրն ինձ ասաց. Դու բովի մէջ գցիր դա, քննի՛ր, թէ այն փորձուա՞ծ է արդեօք այնպէս, ինչպէս ես, որ փորձուեցի նրանց կողմից իրենց համար: Ես վերցրի երեսուն արծաթը եւ Տիրոջ Տանը գցեցի բովի մէջ:
13. Ես դէն գցեցի իմ երկրորդ գաւազանը՝ Վիճակը, քանդելու համար այն ուխտը, որ դրել էի Յուդայի երկրի եւ Իսրայելի միջեւ:
14. Տէրը դարձեալ ինձ ասաց. Դու հովուութիւն անելու համար վերցրո՛ւ մի տգէտ հովուի գործիքներ,
15. որովհետեւ ահա ես մի տգէտ հովիւ եմ դնելու այս երկրի վրայ: Նա չի հոգալու նիհար ոչխարների համար, ցրուածին չի փնտռելու, վիրաւորուածին չի բուժելու, առողջին չի խնամելու, այլ ուտելու է ընտիր ոչխարների միսը եւ փշրելու նրանց ոտքերի ոսկորները:
16. Վա՛յ քեզ, ո՛վ անարժան հովիւ, որ աչքաթող ես անում քո հօտը: Թող սուրը կտրի նրա բազուկը, թող հանի նրա աջ աչքը: Թող անպատճառ չորանայ նրա բազուկը, թող անպայման կուրանայ նրա աջ աչքը:

1. Տիրոջ խօսքի պատգամը Իսրայելի մասին: Տերը, որ տարածեց երկինքը եւ գցեց երկրի հիմքերը, որ մարդու մէջ հաստատեց նրա հոգին, այսպէս է ասում.
2. Ահա ես Երուսաղէմը պիտի դարձնեմ երեւոյն մի շէմք այն բոլոր ժողովուրդների համար, որոնք գտնուում են նրա շուրջը. Հրեաստանում էլ այդպէս է լինելու Երուսաղէմի պաշարման ժամանակ:
3. Այն օրը ես Երուսաղէմը որպէս մի քար պիտի դնեմ բոլոր հեթանոսների ոտքերի տակ, նրանք բոլորն էլ պիտի կոխոտեն այն, խիստ պիտի ծաղրեն, եւ նրա վրայ պիտի հաւաքուեն բոլոր ազգերը:
4. Այն օրը ես, - ասում է Տերը, - կատաղութեան ախտով պիտի հարուածեմ նրանց երիվարներին, նրանց հեծեալներին էլ՝ խելագարութեամբ: Բայց ես իմ աչքերը պիտի բացեմ Յուդայի տան վրայ, իսկ բոլոր ազգերի երիվարներին պիտի հարուածեմ կուրութեամբ:
5. Յուդայի երկրի հազարապետները պիտի ասեն իրենց սրտում. Մենք Երուսաղէմի բնակիչներին կը գտնենք իրենց Ամենակալ Տէր Աստծու ձեռքում:
6. Այն օրը Յուդայի երկրի հազարապետներին իբրեւ կիսախանձ ծողեր ես պիտի դնեմ կրակի փայտերի մէջ, իբրեւ հրավառ ջահեր պիտի դնեմ եղեգնի մէջ, նրանք աջից ու ձախից պիտի ուտեն շրջակայ բոլոր ժողովուրդներին, եւ Երուսաղէմը դարձեալ բնակելի պիտի լինի իր տեղում Երուսաղէմում:
7. Տերը պիտի փրկի Յուդայի երկրի տոհմերը, ինչպէս առաջ, որպէսզի Դաւթի տան պարծանքը եւ Երուսաղէմի բնակիչների հպարտութիւնը բարձր չլինի Յուդայի երկրի համեմատ:
8. Այն օրը Ամենակալ Տերը պիտի պաշտպանի Երուսաղէմի բնակիչներին, եւ ամենատկարը նրանց մէջ պիտի լինի Դաւթի պէս, իսկ Դաւթի տունը՝ Աստծու տան նման, Տիրոջ հրեշտակի պէս՝ նրանց առաջ:
9. Այն օրը ես պիտի բնաջնջեմ այն բոլոր ազգերին, որոնք կը յարձակուեն Երուսաղէմի վրայ:
10. Շնորհի ու գթութեան հոգի պիտի հեղեմ Դաւթի տան եւ Երուսաղէմի բնակիչների վրայ. նրանք իրենց հայեացքը պիտի դարձնեն դէպի ինձ, պարելու փոխարէն լաց ու կոծ պիտի անեն, ինչպէս ողբում են սիրելի Էակի վրայ, սուգ պիտի անեն, ինչպէս սգում են անդրանիկ զաւակի վրայ:
11. Այն օրը չափազանց մեծ սուգ պիտի լինի Երուսաղէմում, ինչպէս դաշտում կտրտուած նռնենիների վրայ եղած սուգը:
12. Պիտի հեկեկայ երկիրը՝ ամէն մի ազգատոհմ՝ առանձին, եւ նրանց կանայք՝ առանձին, Դաւթի ազգատոհմը՝ առանձին, եւ նրանց կանայք՝ առանձին, Նաթանի ազգատոհմը՝ առանձին, եւ նրանց կանայք՝ առանձին,
13. Դեւիի ազգատոհմը՝ առանձին, եւ նրանց կանայք՝ առանձին, Սեմէիի ազգատոհմը՝ առանձին, եւ նրանց կանայք՝ առանձին:
14. Այդպէս էլ մնացած բոլոր ազգատոհմերը, ամէն մէկն՝ առանձին, եւ նրանց կանայք՝ առանձին:

1. Այն օրը Դավթի տան համար պիտի բացուի ամեն մի վայր՝ նրա փոփոխման ու մաքրման համար:
2. Այն օրը Տէրը պիտի վերացնի կուռքերի անունները երկրից, նրանք այլեւս չպիտի յիշուեն. պիտի վերացնի երկրից սուտ մարգարէներին եւ պիղծ ոգիներին, եւ եթէ որեւէ մէկը դեռեւս մարգարէութիւն անի, նրա հայրն ու մայրը, որ ծնել են նրան, թող ասեն՝ Դու չպիտի ապրես, որովհետեւ Տիրոջ անունից սուտ խօսեցիր: Նրա հայրն ու մայրը, որ ծնել են նրան, թող արգելեն մարգարէութիւն անել:
3. Այն օրը այդ մարգարէները պիտի ամաչեն իրենց մարգարէութիւն անելու ժամանակ՝ ամեն մէկն իր տեսիլքի համար, որովհետեւ նրանք սուտ խօսեցին եւ սուտ խօսելու պատճառով պիտի հազնեն մազեղէն քրծեր:
4. Նրանցից ամեն մէկը պիտի ասի. Ես մարգարէ չեմ, այլ հողագործ մարդ եմ, ինձ մարդ է ծնել, եւ ես մարդ եմ իմ մանկութիւնից ի վեր:
5. Եւ երբ ես նրան ասեմ՝ Այդ ի՞նչ վերքեր են քո ձեռքերի մէջ, նա կ'ասի՝ Դրանք այն վերքերն են, որ ես ստացել եմ իմ սիրելի ազգի տանը:
6. Արթնացի՛ր, ո՛վ սուր, իմ հովուի վրայ եւ նրա ընկեր տղամարդու վրայ, - ասում է Ամենակալ Տէրը. - Ես պիտի հարուածեմ իմ հովուին, եւ իմ հօտերը պիտի ցրուեն, ես իմ ձեռքը պիտի դնեմ իմ հովիւների վրայ:
7. Եւ այն օրը, - ասում է Տէրը, - երկրում պիտի պակասի ժողովրդի երկու երրորդը, իսկ մէկ երրորդը պիտի մնայ նրա մէջ:
8. Այդ մէկ երրորդն էլ ես պիտի անցկացնեմ հրի միջով, պիտի հալեմ նրանց, ինչպէս արծաթն են հալում, պիտի փորձեմ նրանց, ինչպէս փորձում են ոսկին. այն ժամանակ նրանք պիտի կանչեն իմ անունը, եւ ես պիտի լսեմ նրանց ու ասեմ՝ Սա է իմ ժողովուրդը, իսկ նրանք պիտի ասեն՝ Դու ես մեր Տէր Աստուածը:

1. Ահա գալիս է Տիրոջ օրը, եւ քո ականքը պիտի բաժանուի քո մէջ:
2. Պիտի հաւաքուեն բոլոր ազգերը Երուսաղէմի դէմ պատերազմելու համար, քաղաքը պիտի գրաւուի, տները պիտի կողոպտուեն, եւ կանայք՝ պղծուեն. քաղաքի կէսը գերութեան պիտի տարուի, բայց իմ ժողովրդի մի մասը պիտի մնայ այնտեղ եւ չի բնաջնջուելու:
3. Տէրը պիտի ելնի ու պատերազմի այդ բոլոր ազգերի դէմ, պիտի պատերազմի, ինչպէս իր համար ճակատամարտի օրը:
4. Այն օրը նրա ոտքերը պիտի կանգնեն Ձիթենեաց լեռան վրայ՝ Երուսաղէմի դիմաց, արեւելեան կողմը. Ձիթենեաց լեռը պիտի պատռուի, նրա մի կէսը՝ դէպի արեւելք, նրա միւս կէսը՝ դէպի ծով. նրանց միջեւ շատ մեծ վիհ պիտի լինի, եւ լեռան մի կէսը պիտի սահի դէպի հիւսիս, միւս կէսը՝ դէպի հարաւ:
5. Պիտի լցուի իմ լեռների ծորը, եւ լեռների այդ ծորը պիտի տարածուի մինչեւ Ասայել ու կցուի նրան, պիտի լցուի այնպէս, ինչպէս լցուեց երկրաշարժից՝ Յուդայի երկրի արքայ Օզիայի օրերին: Այն ժամանակ պիտի գայ ու հասնի իմ Տէր Աստուածը, եւ բոլոր սրբերը պիտի լինեն նրա հետ:
6. Այն օրը լոյս չի լինելու, այլ լինելու է ցուրտ ու պարզ օր:
7. Դա պիտի լինի միայն Տիրոջը յայտնի օր. ո՛չ ցերեկ պիտի լինի եւ ո՛չ էլ գիշեր, այլ լոյս պիտի լինի միայն երեկոյեան:
8. Այն օրը կենդանի ջուր է բխելու Երուսաղէմում, նրա մի կէսը պիտի հոսի դէպի առջեւի ծովը, նրա միւս կէսը՝ դէպի ետեւի ծովը, եւ այդպէս է լինելու ամառ ու գարուն:
9. Տէրը թագաւոր պիտի լինի ամբողջ երկրի վրայ. այն օրը Տէրը միա՛կը պիտի լինի, եւ նրա անունը պիտի լինի միա՛կը:
10. Ամբողջ երկիրը անապատից պիտի վերածուի դաշտի՝ Գաբայից մինչեւ Ռեմոն՝ Երուսաղէմի հարաւային կողմը, չո՛ւսով պիտի մնայ իր տեղը՝ Բենիամինի դռնից մինչեւ Առաջին դուռը, մինչեւ Անկիւնների դուռը, Անամայելի աշտարակից մինչեւ Թագաւորի հնձանները:
11. Նրա մէջ պիտի բնակուեն մարդիկ, այլեւս նզովք չի լինելու, եւ Երուսաղէմը պիտի դառնայ յուսալի:
12. Ահա սրանք են այն հարուածները, որ Տէրը հասցնելու է բոլոր ազգերին, որոնք պատերազմեցին Երուսաղէմի դէմ. նրանց մարմինները պիտի հալուեն իրենց ոտքերի վրայ կանգնած ժամանակ, նրանց աչքերը թարախի պէս պիտի ծորեն իրենց ակնակապիճների մէջ, եւ նրանց լեզուները պիտի նեխեն իրենց բերաններում:
13. Այն օրը նրանց համար մեծ ահ պիտի լինի Տիրոջից, ամէն մէկը ձեռքը պիտի գցի ընկերոջ ձեռքին, ընկերը իր ձեռքը պիտի բարձրացնի իր ընկերոջ վրայ:
14. Յուդայի երկիրը եւս պիտի պատերազմի Երուսաղէմի դէմ, պիտի կողոպտուի շրջակայ բոլոր ազգերի հարստութիւնը՝ ոսկին ու արծաթը եւ մեծ թուով հանդերձանք:
15. Այդպէս է լինելու նաեւ այն հարուածը, որով Տէրը հարուածելու է թե՛ ձիերին ու ջորիներին, թե՛ միւս բոլոր անասուններին, որոնք կը լինեն նրանց բանակների մէջ:
16. Բոլոր նրանք, ովքեր մնացած կը լինեն Երուսաղէմի դէմ պատերազմած ազգերից, ամէն տարի պիտի գան երկրպագելու թագաւորին՝ Չորութիւնների Տիրոջը, պիտի գան Տաղաւարահարաց տօնը տօնելու:
17. Եւ եթէ լինի այնպէս, որ երկրի ազգերից որեւէ մէկը չգնայ Երուսաղէմ՝ երկրպագելու թագաւորին՝ Չորութիւնների Տիրոջը, ապա նա եւս պիտի գնայ:
18. Եթէ եգիպտացիների ազգատոհմը նոյնպէս չգնայ, ապա նրանց եւս հասնելու է այն նոյն հարուածը, որը պիտի հասնի բոլոր այն ազգերին, որոնք չեն գնայ Տաղաւարահարաց տօնը տօնելու:
19. Սա՛ պիտի լինի եգիպտացիների պատիժը եւ պարտքն այն բոլոր ազգերի, որոնք չեն գնայ Տաղաւարահարաց տօնը տօնելու:
20. Այն օրը նոյնիսկ ձիերի սանձերի վրայ գրուած պիտի լինի՝ Սրբութիւն՝ նուիրուած

Տիրոջը:Տիրոջ տան կաթսաները պիտի լինեն ինչպես զոհասեղանի առջեւի տաշտերը,  
21. եւ երուսաղէմում ու Յուդայի երկրում ամէն մի կաթսայնուհորուած պիտի լինի  
Ամենակալ Տիրոջը:Բոլոր նրանք, ովքեր զոհ կը բերեն ընծայելու,պիտի վերցնեն այդ  
կաթսաներից`դրանց մէջ միսը եփելու համար.եւ այն օրը, Չօրութիւնների Տիրոջ տանը  
այլեւս չի լինի ոչ մի քանանացի:



ՄԱՂԱՔԻԱ

## Գլուխ 1

1. Դարեհ արքայի երկրորդ տարուայ ութերորդ ամսին Տիրոջ խօսքը հասաւ Ադդովի որդի Բարաքէի որդուն՝ Չաքարիա մարգարէին եւ ասաց.
2. Տերը մեծ ցատկով բարկացաւ ձեր հայրերի վրայ:
3. Դու կ'ասես Նրանց. այսպէս է ասում Ամենակալ Տերը. Դարձէ՞ք դէպի ինձ, - ասում է Չօրութիւնների Տերը, - եւ ես պիտի դառնամ դէպի ձեզ, - ասում է Չօրութիւնների Տերը:
4. Մի՛ եղէք ձեր հայրերի նման, որոնց պախարակում էին առաջին մարգարէները՝ ասելով, թէ այսպէս է ասում Ամենակալ Տերը. Ե՛տ դարձէք ձեր բոլոր չար ճանապարհներից եւ ձեր չար ընթացքից: Բայց Նրանք չլսեցին, ականջ չդրեցին՝ լսելու ինձ, - ասում է Տերը:
5. Ո՞ր են ձեր հայրերը, մարգարէները, միթէ յաւիտեա՞ն ապրեցին:
6. Բայց իմ խօսքն ու իմ օրէնքը ընդունեցէ՛ք, որ ես իմ հոգով պատուիրում եմ իմ ծառաներին, որ այցելեցին ձեր հայրերին: Նրանք պատասխան տուեցին եւ ասացին. Ինչպէս որ Ամենակալ Տերը կարգադրեց անել ըստ մեր ճանապարհների եւ ըստ մեր ընթացքի, նոյնպէս արեց եւ մեզ:
7. Տասնմէկերորդ ամսի, որ նոյն ինքը Արաց ամիսն է, քսան եւ չորսին, Դարեհի երկրորդ տարում, Տիրոջ ձայնը հասաւ Ադդովի որդի Բարաքէի որդի Չաքարիա մարգարէին եւ ասաց.
8. Գիշերը ես մի տեսիլք ունեցայ. ահա մի մարդ, որ աշխետ ձի էր հեծած, կանգնած էր երկու անտառախիտ լեռների միջեւ, իսկ Նրա յետեւում կային աշխետ ձիեր՝ պուտաւոր եւ սպիտակ:
9. Ես ասացի. Ի՞նչ են դրանք Տէ՛ր: Եւ Հրեշտակը, որ խօսում էր ինձ հետ, ասաց. Ես քեզ ցոյց կը տամ, թէ ինչ են դրանք:
10. Պատասխանեց այն մարդը, որ կանգնած էր լեռների միջեւ, եւ ասաց ինձ. Դրանք այն են, որոնց Տէրն ուղարկեց՝ շրջելու երկրում:
11. Սրանք պատասխան տուեցին Տիրոջ Հրեշտակին, որ կանգնած էր լեռների միջեւ, եւ ասացին. Շրջեցինք ամբողջ երկիրը, եւ ահա երկիրն ամբողջ բնակեցուած է եւ հանդարտ:
12. Պատասխանեց Հրեշտակը եւ ասաց. Տէ՛ր Ամենակալ, մինչեւ ե՞րբ չես ողորմելու Երուսաղէմին եւ Յուդայի երկրի քաղաքներին, որոնց այս եօթանասուն տարի է, ինչ անտես ես արել:
13. Ամենակալ Տերը պատասխանեց Հրեշտակին, որ խօսում էր ինձ հետ, ասում բարութեան եւ միսիթարութեան խօսքեր:
14. Եւ Հրեշտակը, որ խօսում էր ինձ հետ, ասաց. Աղաղակի՛ր եւ ասա՛. այսպէս է ասում Ամենակալ Տերը. Ես խիստ նախանձախնդիր եմ Երուսաղէմի եւ առաւել եւս Սիոնի համար,
15. եւ սաստիկ բարկացած եմ այն ազգերի դէմ, որոնք միասին յարձակուեցին Նրանց վրայ: Այն բանի փոխարէն, որ ես փոքր-ինչ բարկացել էի Նրանց դէմ, Նրանք միասին յարձակուեցին չարիքներ գործելու համար:
16. Դրա համար այսպէս է ասում Տերը. Գթութեամբ կը դառնամ դէպի Երուսաղէմ, եւ իմ տունը վերստին կը շինուի, - ասում է Ամենակալ Տերը - վերստին սահման կը գծուի Երուսաղէմի շուրջ:
17. Եւ Հրեշտակը, որ խօսում էր ինձ հետ, ասաց. Աղաղակի՛ր եւ ասա՛. այսպէս է ասում Տերը. Դարձեալ քաղաքները կը լցուեն բարութեամբ, Տերը կ'ողորմի Սիոնին եւ Նորից բարեհաճ կը լինի Երուսաղէմի հանդէպ:
18. Ես բարձրացրի իմ աչքերը եւ տեսայ.
19. ահա չորս եղջիրներ. եւ ասացի Հրեշտակին, որ խօսում էր ինձ հետ. Ի՞նչ են դրանք, Տէ՛ր: Ասաց ինձ. Դրանք այն եղջիրներն են, որ ցիրուցան արին Յուդայի երկիրը եւ Իսրայէլը:
20. Եւ Տերը ցոյց տուեց ինձ չորս հիւսներ. Ես ասացի. Իսկ դրանք ի՞նչ անելու են գալիս:

Ասաց ինձ. Դրանք այն եղջիւրներն են, որոնք ցիրուցան արին Յուդայի երկիրը եւ  
խորտակեցին Իսրայելը. եւ նրանցից ոչ ոք չբարձրացրեց իր գլուխը: Իսկ սրանք եկել են  
սրելու իրար դէմ այդ չորս եղջիւրները՝ այն ազգերը, որոնք եղջիւր բարձրացրին Տիրոջ  
երկրի վրայ եւ ցիրուցան արին այն:

## Գլուխ 2

1. Բարձրացրի իմ աչքերը եւ տեսայ. ահա մի մարդ, որ իր ձեռքում ունէր երկրաչափի լար.
2. ասացի նրան. Ո՞ր ես գնում: Ասաց ինձ. Գնում եմ չափելու Երուսաղէմը եւ տեսնելու, թէ որքա՞ն է նրա լայնութիւնը եւ որքա՞ն՝ երկարութիւնը:
3. Եւ ահա Հրեշտակը, որ խօսում էր ինձ հետ, կանգնած էր այնտեղ. մի ուրիշ Հրեշտակ ելաւ նրան ընդառաջ
4. եւ ասաց նրան. Գնա՛, խօսի՛ր այդ երիտասարդի հետ եւ կ'ասես. Երուսաղէմը իր մէջ եղող մարդկանց եւ անասունների առատութիւնից կը դառնայ պտղալից:
5. Ես հրեղէն պարիսպ կը լինեմ նրա շուրջը եւ կ'ապրեմ նրա մէջ իր փառքի համար, - ասում է Տէրը:
6. Հէ՛յ, հէ՛յ, փախե՛ք հիւսիսի երկրից, - ասում է Տէրը, - քանզի երկնքի չորս կողմերից պիտի հաւաքեմ ձեզ, - ասում է Տէրը:
7. Դեպի Սիոն դիմելով՝ փրկեցէ՛ք ձեզ, Բաբելոնի դստեր բնակիչնե՛ր:
8. Այսպէս է ասում Ամենակալ Տէրը: Փառքի յետեւից նա ուղարկեց ինձ այն ազգերի մէջ, որոնք կողոպտեցին ձեզ, քանի որ, ով որ մօտենում է ձեզ, նման է նրան, ով հարուածում է իր աչքի բիբին:
9. Ահաւասիկ ես իմ ձեռքը կը տարածեմ նրանց վրայ, նրանց ծառայեցնողները աւար կը դառնան, եւ դուք կ'իմանաք, թէ Ամենակալ Տէ՛րն ուղարկեց ինձ:
10. Խնդա՛ եւ ուրախացիր, դո՛ւստր Սիոնի, քանի որ ահա ես կը գամ եւ կը բնակուեմ քո մէջ, - ասում է Տէրը, -
11. եւ այդ օրը շատ ազգեր կ'ապաւինեն Տիրոջը, նրա ժողովուրդը կը դառնան ու կը բնակուեն քո մէջ: Երբ դա պատահի, դու կ'իմանաս, թէ Ամենակալ Տէ՛րն ուղարկեց ինձ քեզ մօտ:
12. Տէրը կը ժառանգի Յուդայի երկիրը որպէս իր բաժինը սուրբ երկրում, նա նորից բարեհաճ կը լինի Երուսաղէմի հանդէպ,
13. եւ ամէն մարմին երկիւղ կը կրի Տիրոջից, քանի որ նա արթնացել է իր սուրբ ամպերի միջից:

1. Տերը ցոյց տուեց ինձ Յեսու մեծ քահանային, որ կանգնած էր Տիրոջ Հրեշտակի առաջ. եւ սատանան կանգնած էր նրա աջ կողմում՝ նրան հակառակուելու համար:
2. Տերն ասաց սատանային. Տերը կը սաստի քեզ, սատանայ՝, Տերը, որ ընտրեց Երուսաղէմը, կը սաստի քեզ. արդեօք նա կրակից փրկուած կիսախանձ մի փայտ չէ՞:
3. Եւ Յեսուն, որ կեղտոտ հագուստներ էր հագել, կանգնած էր Տիրոջ Հրեշտակի առաջ:
4. Հրեշտակը պատասխան տուեց եւ ասաց նրանց, որոնք կանգնած էին նրա առաջ. Հանեցէ՛ք կեղտոտ հագուստները նրա վրայից:
5. Եւ ասաց նրան. Ահա վերացրի քեզից քո անօրէնութիւնները: Պարեգօ՛տ հագցրեք նրան եւ սուրբ խո՛յր դրեք նրա գլխին: Սուրբ խոյր դրեցին նրա գլխին եւ հագուստ հագցրին նրան:
6. Տիրոջ Հրեշտակը կանգնած էր: Տիրոջ Հրեշտակը վկայութիւն տուեց Յեսուին եւ ասաց.
7. այսպէս ասաց Ամենակալ Տերը. Եթէ իմ ճանապարհներով գնաս եւ պահես իմ հրամանները, դու կը լինես դատաւորը իմ Տան. եւ եթէ պահես իմ գաւիթները, քեզ կը դարձնեմ մէկը նրանցից, որոնք ահա շրջում են դրանց մէջ:
8. Բայց լսի՛ր, Յեսու մե՛ծ քահանայ, դո՛ւ եւ քո մերձաւորները, որ նստած են քո առաջ, քանզի նրանք գիտակ կանխատես մարդիկ են:
9. Ահա ես բերում եմ իմ ծառային՝ Շառաւիղին, քանի որ այն քարի վրայ, որ դրեցի Յեսուի դիմաց, եօթը աչքեր կան. ահա ես խորխորատ պիտի փորեմ, -- ասում է Ամենակալ Տերը, - եւ պիտի շօշափեմ այդ երկրի ամբողջ անօրէնութիւնը մէկ օրում:
10. Այն օրը, - ասում է Ամենակալ Տերը, - բոլորդ պիտի կանչեք, իւրաքանչիւրն իր ընկերոջը, որթատունկի եւ թգենու տակ:

1. Եւ հրեշտակը, որ խօսում էր ինձ հետ, դարձաւ եւ արթնացրեց ինձ, ինչպէս մարդ արթնանում է իր քնից, եւ ասաց ինձ:
2. Ի՞նչ ես տեսնում դու: Ես ասացի. Ահա տեսնում եմ ոսկեճոյլ մի աշտանակ եւ նրա վրայ գունդ. գնդի վրայ՝ եօթը ճրագ, ճրագների վրայ՝ եօթը բերաններ:
3. Աշտանակի վրայ կային երկու ձիթենիներ, մէկը՝ վառուած գնդի աջ կողմում եւ մէկը՝ ձախ կողմում:
4. Հրեշտակին, որ խօսում էր ինձ հետ, ես հարցրի եւ ասացի. Ի՞նչ են դրանք, Տէ՛ր:
5. Հրեշտակը, որ խօսում էր ինձ հետ, պատասխան տուեց եւ ասաց ինձ. Չգիտե՞ս ինչ են դրանք: Ես ասացի. Ո՛չ, Տէ՛ր:
6. Պատասխան տուեց Հրեշտակը եւ ասաց ինձ. Սա Տիրոջ խօսքն է Զօրաբաբելին՝ասուած ոչ թէ մեծ գօրութեամբ եւ ուժգնութեամբ, այլ իմ հոգո՛վ, - ասում է Ամենակալ Տէրը: -
7. Ո՞վ ես դո՛ւ մե՛ծ լեռ, որ կանգնած ես Զօրաբաբելի առաջ, ես կը հանեմ ժառանգութեան քարը՝ շնորհների հաւասարութիւն շնորհելու նրան:
8. Տիրոջ խօսքը հասաւ ինձ եւ ասաց.
9. Զօրաբաբելի ձեռքերը հիմք գցեցին այս Տանը եւ նրա ձեռքերն էլ կը կանգնեցնեն դա: Երբ դա պատահի, դու կ'իմանաս, թէ Ամենակալ Տէ՛րն ուղարկեց ինձ քեզ մօտ:
10. Արդարեւ, ո՞վ է նա, որ արհամարհեց փոքր գործերը եւ պիտի խնդայ. պիտի տեսնեն անագէ քարը Զօրաբաբելի ձեռքին. սրանք են այն եօթը աչքերը, որ նայում են ամբողջ երկրին:
11. Պատասխանեցի եւ ասացի նրան. Իսկ ի՞նչ են երկու ձիթենիները, որ կան աշտանակի աջ եւ ձախ կողմերում:
12. Կրկին հարցրի եւ ասացի նրան. Ի՞նչ են ձիթենու այն երկու ոստերը, որոնք երկու ոսկեայ ճրագաբերանների՝ երկու խողովակների միջոցով հեղում են ոսկեգոյն իւղը:
13. Ասաց ինձ. Չգիտե՞ս ինչ են դրանք: Ես ասացի. Ո՛չ, Տէ՛ր: Եւ նա ասաց ինձ. Դրանք պարարտութեան որդիներն են, որ կանգնած են ամբողջ աշխարհի Տիրոջ առաջ:

1. Դարձեալ բարձրացրի աչքերս եւ տեսայ. ահա մի թռչող գերանդի:
2. Հրեշտակն ասաց ինձ. Ի՞նչ ես տեսնում: Ասացի. Թռչող գերանդի եմ տեսնում՝ քսան կանգուն երկարությամբ եւ տասը կանգուն լայնութեամբ:
3. Ասաց ինձ. Դա այն անէծքն է, որ տարածւում է ամբողջ երկրի երեսին, որովհետեւ ամեն գողի մահացու պատիժը դրանով պիտի իրագործուի, եւ դրանով պիտի լինի բոլոր նրանց մահացու վրէժը, ովքեր սուտ են երդում:
4. Ես պիտի հանեմ դա, - ասում է Ամանակալ Տէրը, - եւ այն պիտի մտնի գողերի տունը եւ նրանց տունը, որոնք սուտ երդում են անում իմ անունով. պիտի մնայ նրանց տանը եւ պիտի սպառնայ, նրա փայտն ու քարերը:
5. Եւ Հրեշտակը, որ խօսում էր ինձ հետ, վեր կացաւ եւ ասաց ինձ. Նայի՛ր քո աչքով եւ տես՛ս այն, ինչ դուրս է գալիս:
6. Ես ասացի. Ի՞նչ է: Ասաց ինձ. Դա կշռաչափ է, որ ելնում է. եւ շարունակեց. Դա նրանց անիրաւութիւնն է ամբողջ երկրով մէկ:
7. Եւ ահա մի կապարէ կշեռք բարձրացաւ. մի կին նստած էր նրա մի թաթի մէջ:
8. Հրեշտակն ասաց. Դա է անիրաւութիւնը: Եւ նրան գցեց կշեռքի մէջ ու կապարէ քարը դրեց նրա բերանին:
9. Ես բարձրացրի իմ աչքերը եւ տեսայ. ահա երկու կանայք էին ելնում. հողմ կար նրանց թեւերի մէջ, եւ նրանց թեւերը յոպոպի թեւերի պէս էին: Նրանք կշեռքը բարձրացրին երկնքի ու երկրի միջեւ:
10. Ես ասացի Հրեշտակին, որ խօսում էր ինձ հետ. Ո՞ր են տանում նրանք կշեռքը: Նա ասաց ինձ. Տանում են բաբելացիների երկիրը՝ նրանց համար տուն շինելու, տեղ պատրաստելու. եւ այն դնելու են այնտեղ՝ պատրաստուած իր տեղի վրայ:

1. Դարձեալ բարձրացրի աչքերս եւ տեսնում էի. ահա չորս կառքեր դուրս էին գալիս լեռների արանքից, եւ լեռները պղնձեայ լեռներ էին:
2. Առաջին կառքին լծուած էին աշխետ ձիեր, երկրորդ կառքին՝ սեւ ձիեր,
3. երրորդ կառքին՝ սպիտակ ձիեր, եւ չորրորդ կառքին՝ պէսպէս, պուտաւոր ձիեր:
4. Ես հարցրի եւ ասացի Հրեշտակին, որ խօսում էր ինձ հետ. Ի՞նչ են դրանք, Տէ՛ր:
5. Հրեշտակը, որ խօսում էր ինձ հետ, պատասխան տուեց եւ ասաց. Դրանք երկնքի չորս հողմերն են, որ ելնում են կանգնելու ամբողջ աշխարհի Տիրոջ առաջ:
6. Այն կառքը, որին սեւ ձիեր էին լծուած, գնում էր դէպի հիւսիսի երկիր, սպիտակ ձիերինը՝ նրա յետեւից,
7. աշխետ ձիերինը գնում էր դէպի հարաւի երկիր, իսկ պուտաւոր ձիերինը ելնում ու ձգտում էր շրջել ամբողջ երկրում: Եւ Տէրն ասաց. Գնացէ՛ք եւ շրջեցէ՛ք երկրով մէկ: Եւ նրանք շրջեցին երկրով մէկ:
8. Տէրը ձայն տուեց եւ ասաց ինձ. Ահա, նրանք, որ գնում են դէպի հիւսիսի երկիր, հանգցրին իմ բարկութիւնը հիւսիսի երկրի նկատմամբ:
9. Տիրոջ խօսքը հասաւ ինձ եւ ասաց. Դու ինձ համար կը վերցնես գերութեան մէջ գտնուող այդ իշխաններից, պիտանի մարդկանցից եւ գիտուններից
10. եւ այն օրը կը մտնես Սոփոնիայի որդի Յոսիայի տունը, որ եկել է Բաբելոնից:
11. Ոսկի եւ արծաթ կը վերցնես, պսակներ կը պատրաստես, կը դնես Յոսեդեկ մեծ քահանայի որդի Յեսուի գլխին
12. եւ կ'ասես նրան, թէ այսպէս ասաց Ամենակալ Տէրը. Ահա այն մարդը, որի անունը Շառաւիղ Է, նա պիտի ծագի իր արմատից եւ պիտի շինի Տիրոջ տաճարը:
13. Նա քաջութիւն պիտի ստանայ, պիտի նստի եւ տիրի իր աթոռին: Նրա աջ կողմում պիտի լինի քահանայեւ խաղաղութեան խորհուրդ՝ երկուսի միջեւ:
14. Այդ պսակը պիտի լինի նրանց համար, ովքեր ապաւինում են նրան, արժանի են նրան, ովքեր ճանաչում են այն, նաեւ Սոփոնիայի որդու շնորհների համար եւ Տիրոջ տաճարի երգերի համար:
15. Եւ նրանք, ովքեր հեռու են, պիտի գան ու շինեն Տիրոջ տաճարը, եւ դուք պիտի իմանաք, թէ Ամենակալ Տէ՛րն ուղարկեց ինձ ձեզ մօտ: Այս բանը պիտի կատարուի, եթէ դուք ջանադիր ականջ դնէք ձեր Տէր Աստծու ձայնին:



1. Դարեհ թագաւորի չորրորդ տարում, իններորդ ամսի՝ Քասդէլ ամսի չորրորդ օրը Տիրոջ խօսքը հասաւ Չաքարիային:
2. Բեթէլից Սարասար ու Աբուսադ թագաւորները եւ իրենց մարդիկ ուղարկուեցին աղաչելու Տիրոջը
3. եւ ասելու քահանաներին, որոնք Ամենակալ Տիրոջ տաճարում էին, նաեւ մարգարէներին, թէ մտա՞ւ այնտեղ հինգերորդ ամսում սրբութիւն անելու կարգը, որ անում էին շատ տարիներ:
4. Չօրութիւնների Տիրոջ խօսքը հասաւ ինձ եւ ասաց.
5. Խօսի՛ր այդ երկրի ժողովրդի եւ քահանաների հետ եւ կ'ասես. Երբ դուք ծոմ էիք պահում եւ ողբում ահա եօթանասուն տարի շարունակ, հինգերորդ կամ եօթներորդ ամիսներին, մի՞թէ ինձ համար էիք ծոմ պահում.
6. երբ ուտում էիք եւ խմում, մի՞թէ դուք ձեզ համար չէիք ուտում եւ խմում:
7. Սրանք չե՞ն այն խօսքերը, որ խօսեց Տէրը իր նախկին մարգարէների միջոցով, երբ դեռ շէն էր Երուսաղէմը, բարիքներով լի, եւ բնակեցուած էին նրա շուրջը գտնուող թէ՛ լեռնային եւ թէ՛ դաշտային քաղաքները:
8. Տիրոջ խօսքը հասաւ Չաքարիային եւ ասաց.
9. այսպէս է ասում Ամենակալ Տէրը. Արդար դատո՞ւմ դատեցէք, ողորմութի՛ւն եւ գթութի՛ւն արեք իւրաքանչիւրն իր եղբօրը:
10. Մի՛ կեղեքէք այրուն, որբին, պանդխտին եւ տնանկին: Թող ոչ ոք իր սրտում ոխ չպահի իր ընկերոջ դէմ՝ նրա գործած չարիքների համար:
11. Բայց նրանք լսել չուզեցին, այլ յիմարաբար իրենց թիկունքը շրջեցին եւ ծանրացրին իրենց ականջները՝ չլսելու համար:
12. Նրանք իրենց սրտերը անհնազանդ դարձրին՝ չլսելու համար իմ օրէնքներն ու խօսքերը, որ ուղարկեց Ամենակալ Տէրն իր Հոգով՝ նախորդ մարգարէների միջոցով, ուստի մեծ բարկութիւն եղաւ Ամենակալ Տիրոջ կողմից:
13. եւ այնպէս պիտի լինի, որ, օրինակ, ինչպէս մէկը խօսում, եւ նրան չեն լսում, այնպէս էլ նրանք պիտի կանչեն, եւ ես չեմ լսելու նրանց, -ասում է Ամենակալ Տէրը:
14. Նրանց պիտի ցրեմ բոլոր ազգերի մէջ, որոնց չեն ճանաչում, եւ երկիրը պիտի աւերուի նրանցից յետոյ, որովհետեւ ոչ ոք չի լինելու, որ դուրս ելնի եւ վերադառնայ: Նրանք ընտրեալ երկիրը ապականութիւն դարձրին:

1. Ամենակալ Տերը խօսքն ուղղեց ինձ եւ ասաց.
2. այսպէս է ասում Ամենակալ Տերը. ես նախանձով լցուեցի Երուսաղէմի համար, մեծ խանդով նախանձեցի Սիոնի համար, մեծ բարկութեամբ նախանձեցի նրա համար:
3. Այսպէս է ասում Տերը. ես պիտի վերադառնամ Սիոն եւ բնակուեմ Երուսաղէմում, Երուսաղէմը պիտի կոչեմ Ճշմարիտ քաղաք, եւ Ամենակալ Տիրոջ լեռը՝ Սուրբ լեռ:
4. Այսպէս է ասում Ամենակալ Տերը. Դարձեալ ծերունիներ եւ պառաններ պիտի նստեն Երուսաղէմի հրապարակներում, ապրած օրերի շատութիւնից՝ ամեն մէկը ցուպն իր ձեռքին:
5. Քաղաքի հրապարակները պիտի լցուն տղաներով ու աղջիկներով, որոնք պիտի խաղան նրա հրապարակներում:
6. Այսպէս է ասում Ամենակալ Տերը. եթէ այդ ժողովրդի մնացորդների համարայն օրերին դժուար որեւէ բան լինի, ապա մի՞թէ ինձ համար էլ պիտի դժուար լինի դա, - ասում է Ամենակալ Տերը:
7. Այսպէս է ասում Ամենակալ Տերը. Ահա ես պիտի փրկեմ իմ ժողովրդին արեւելեան երկրից եւ արեւմտեան երկրից,
8. Պիտի բերեմ նրանց եւ բնակեցնեմ Երուսաղէմում, նրանք ինձ համար ժողովուրդ պիտի լինեն, իսկ ես նրանց համար՝ Աստուած ճշմարտութեամբ եւ արդարութեամբ:
9. Այսպէս է ասում Ամենակալ Տերը. Ձեր ձեռքերը պիտի զօրանան, դուք, որ այժմ լսում էք մարգարէների այս խօսքերը այն օրից ի վեր, երբ նրանք եղել են Ամենակալ Տիրոջ տանը՝ նրա տաճարի հիմնարկէքը կատարելու եւ ապա այն կառուցելու ժամանակ:
10. Այդ օրերից առաջ վարձ չէին տալիս մարդու՝ իր աշխատանքի համար, եւ ոչ էլ յարգի էր վարձը անասունների համար, խաղաղութիւն էլ չկար եկողի ու գնացողի համար՝ թշնամու տուած նեղութիւնից, քանի որ ես թշնամացրել էի բոլոր մարդկանց՝ իւրաքանչիւրին հանելով իր ընկերոջ դէմ:
11. Բայց ես հիմա այդ ժողովրդի մնացորդների համար չեմ լինելու այնպէս, ինչպէս առաջին օրերին էի, - ասում է Ամենակալ Տերը, - այլ խաղաղութիւն եմ տալու նրան:
12. Այգին իր պտուղն է տալու, հողը տալու է իր բերքը, երկինքն իր ցօղն է տալու, եւ ես իմ ժողովրդի մնացորդներին եմ տալու այս բոլորը իբրեւ ժառանգութիւն:
13. Ո՛վ Յուդայի տունդ եւ Իսրայէլի տունդ, դուք, որ անեծք էիք ազգերի մէջ, պիտի այնպէս լինի, որ ես նոյնպէս ձեզ պիտի փրկեմ, եւ դուք օրհնութիւն պիտի դառնաք. քաջալերուեցէ՛ք, եւ թող զօրանան ձեր ձեռքերը:
14. Այսպէս է ասում Ամենակալ Տերը. Ինչպէս խորհեցի ձեզ չարչարել (քանի որ ձեր հայրերը բարկացրին ինձ, - ասում է Ամենակալ Տերը, եւ ես չզղջացի),
15. այնպէս էլ ես վերստին մտածել ու վճռել եմ այս օրերին բարիք անել Երուսաղէմին եւ Յուդայի տանը: Քաջալերուեցէ՛ք:
16. Սրանք են այն բաները, որ պիտի անեք. թող ամեն մէկը ճշմարտութիւնն ասի իր ընկերոջը. խաղաղութեան դատաստան եւ արդա՛ր դատ արեք ձեր դռներին.
17. թող ամեն մէկը իր սրտում չարիք չխորհի ընկերոջ դէմ. մի՛ սիրեք սուտ երդումը, որովհետեւ ես ատեցի այս բոլորը, - ասում է Ամենակալ Տերը:
18. Ամենակալ Տերը խօսքն ուղղեց ինձ եւ ասաց.
19. այսպէս է ասում Ամենակալ Տերը. Չորրորդ ամսի պահեցողութիւնը, հինգերորդի պահեցողութիւնը, եօթներորդի պահեցողութիւնը, տասներորդի պահեցողութիւնը ինդութեան, ուրախութեան եւ բարութեան տօներ պիտի դառնան Յուդայի տան համար, բայց դուք ուրա՛խ եղեք եւ սիրեցէ՛ք ճշմարտութիւնն ու խաղաղութիւնը:
20. Այսպէս է ասում Ամենակալ Տերը. Դարձեալ շատ ժողովուրդներ եւ շատ քաղաքների բնակիչներ պիտի գան Երուսաղէմ.
21. մի քաղաքի բնակիչները պիտի հաւաքուենայլ քաղաքի բնակիչների մօտ եւ ասեն. Գնանք աղօթենք Տիրոջ առաջեւ ինդրենք Ամենակալ Աստծուն: Եւ այն ժամանակ

ամեն մէկը պիտի ասի. Ես էլ եմ գալիս:

22. Շատ ժողովուրդներ պիտի գան Երուսաղէմ՝ Ամենակալ Տիրոջը խնդրելու, որ իրենց հաշտեցնի Տիրոջ հետ:

23. Այսպէս է ասում Ամենակալ Տէրը. Այն օրերին եթէ տասը մարդ բռնեն տարբեր լեզուներով խօսող ազգերից, ապա նրանք էլ պիտի բռնեն մի հրեա տղամարդու փեշից եւ ասեն. Մենք գալիս ենք քեզ հետ, որովհետեւ լսել ենք, որ Աստուած քեզ հետ է:

1. Տիրոջ խօսքի պատգամը Սեդրաքի երկրի մասին, նրա զոհի՝ Դամասկոսի մասին: Արդարեւ, Տէրը տեսնում է բոլոր մարդկանց եւ Իսրայելի բոլոր ցեղերին,
2. նաեւ Եմաթի երկիրը, որ սահմանակից է նրան, Տիւրոսը եւ Սիդոնը, որոնք խիստ արհամարհեցին իրեն:
3. Տիւրոսն իր համար ամրոց շինեց, հողի պէս արծաթ գանձեց, ճանապարհի կաւի պէս՝ ոսկի:
4. Ահա դրա համար էլ Տէրը պիտի գրաւի այն, պիտի խորտակի նրա զօրութիւնը ծովի մէջ, եւ քաղաքը պիտի կործանուի հրով:
5. Ասկադոնը պիտի տեսնի դա եւ սարսափի, Գազան սաստիկ պիտի մորմոքուի, Իսկ Ակկարոնը, իր գործած յանցանքների պատճառով, պիտի տա գնաւապի ամօթահար: Գազայից վերանալու է թագաւորը, Ակկարոնը պիտի լինի անբնակ:
6. Ազոտոսում պիտի բնակուեն այլազգիներ, եւ ես պիտի ոչնչացնեմ նրանց գոռոզութիւնը:
7. Նրանց արիւնը պիտի դուրս հանեմ իրենց բերանից, նրանց զարշուքիւնները՝ իրենց ատամների միջից, Իսկ մնացածները պիտի լինեն իմ Աստծու բաժինը: Նրանք հազարապետներ պիտի դառնան Յուդայի երկրում, եւ Ակկարոնը պիտի լինի յեբուսացիների պէս:
8. Ես պարիսպ եմ դնելու իմ տան համար, որպէսզի անցնող ու դարձող չանցնի այն, ոչ մի բռնակալ չհալածի նրանց, քանի որ իմ աչքերն արդէն պիտի լինեն նրանց վրայ:
9. Ուրախացի՛ր խնդութեամբ, դո՛ւստրդ Սիոնի, կանչի՛ր ցնծութեամբ, դո՛ւստրդ Երուսաղէմի, ահա գալիս է քո թագաւորը քեզ մօտ, քո արդար, փրկագործ ու խոնարհ թագաւորը՝ հեծած էշի, էշի քուռակի վրայ:
10. Կառքերը պիտի ոչնչանան Եփրեմի երկրից, երիվարները՝ Երուսաղէմից, պատերազմողի աղեղը պիտի խորտակուի, եւ նա խաղաղութիւն պիտի բերի մարդկանց ու ազգերին, պիտի տիրի ջրերի վրայ՝ ծովից մինչեւ ծովեւ գետերից մինչեւ երկրի ծագերը:
11. Իսկ դու արեամբ կնքուած ուխտի համար պիտի արծակես քո գերիներին իրենց անջուր գբից,
12. դուք պիտի ապրէք այդ ժողովրդի ապահով վայրերում, եւ ես քո պանդխտութեան մէկ օրուայ փոխարէն պիտի հատուցեմ քեզ կրկնակին:
13. Ես քեզ, ո՛վ Յուդայի երկիր, ինձ համար պիտի լարեմ ինչպէս աղեղ, պիտի լցնեմ նաեւ Եփրեմի երկիրը, Իսկ քո որդիներին, ո՛վ Սիոն, ոտքի պիտի հանեմ Յուսաստանի դէմ, պիտի յեսանեմ քեզ ինչպէս ռազմիկի պողպատէ սուներ:
14. Տէրը վերակացու պիտի լինի նրանց վրայ, նրա նետը պիտի թռչի ինչպէս փայլակ: Տէրը, Ամենակալ Տէրը փող պիտի փչի եւ բարկութեամբ ու սպառնալիքներով պիտի գնայ նրանց դէմ:
15. Ամենակալ Տէրը պիտի պաշտպանի նրանց, պիտի ոչնչացնեն նրանց, պիտի թաղեն նրանց պարսատիկի քարերի տակ, պիտի խմեն նրանց արիւնը ինչպէս գինի, եւ դաշտերը, զոհասեղանների նման, պիտի լցուեն նրանցով:
16. Եւ այն օրը նրանց Տէր Աստուածը պիտի փրկի նրանց՝ իր ժողովրդին, ինչպէս ոչխարների, որովհետեւ նրանք սուրբ քարեր են՝ ընկած այդ երկրում,
17. որովհետեւ ինչ բարիք որ կայ այնտեղ այդ ժողովրդինն է, ինչ լաւ բան՝ նոյնպէս նրանն է. երիտասարդների համար՝ ցորենի հաց, կոյսերի համար՝ անուշաբար գինի:

1. Անձրե՛ւ խնդրեցէք Տիրոջից ըստ ժամանակի՝բերքից առաջ եւ յետոյ:Տէրը, որ հրաշքներ է գործում,ծմռանը անձրեւ կը տայ նրանց,եւ ամէն հանդում խոտ կը լինի:
2. Այն բանի համար, որ կախարդները անտեղի բաներ էին բարբառում,գուշակները սուտ տեսիլքների ու սին երազների մասին էին խօսումեւ իզուր մխիթարում, դրա համար էլ, ահա, նրանք ցրուեցին հօտերի նման,չարաչար ցաւերի դիպան,եւ բժշկութիւն չկար նրանց համար:
3. Իմ բարկութիւնը բորբոքուեց հովիւների վրայ,եւ ես պիտի նայեմ գառներին:Տէրը՝ Ամենակալ Աստուածը, պիտի այցելի Յուդայի տան իր հօտին,պիտի պատրաստի նրան,ինչպէս իր գեղեցիկ երիվարին՝ պատերազմի համար:
4. Նրանով է ճանաչուելու ինքը,նրանով է յարդարելու իր ճամփան,նրանով է բարձրացնելու իր աղեղըեւ նրանով են ելնելու բոլոր նրանք,որ հալածելու են իրեն:
5. Նրանք պիտի լինեն այնպիսի պատերազմողներ,որոնք պատերազմում, ճակատամարտի մէջ, ոտնակոխ պիտի անեն թշնամիներին այնպէս,ինչպէս տրորում են ճանապարհի կաւը,որովհետեւ Տէրը նրանց հետ է:Թշնամու հեծեալները պիտի ամաչեն իրենց երիվարների վրայ:
6. Ես պիտի զօրացնեմ Յուդայի տունը,պիտի փրկեմ նաեւ Յովսեփի տունը,պիտի բնակեցնեմ նրանց,որովհետեւ ես սիրեցի նրանց.նրանք պիտի դառնան այնպիսին,կարծես ես նրանցից երես չեմ դարձրել.եւ որովհետեւ ես եմ նրանց Տէր Աստուածը,ես էլ պիտի լսեմ նրանց:
7. Եփրեմի տանը պիտի լինեն լաւ պատերազմողներ,նրանց սրտերը պիտի խնդան, ինչպէս գինուց,նրանց որդիները պիտի տեսնեն եւ ուրախ լինեն,նրանց սրտերը պիտի ցնծան Տիրոջ համար:
8. Ես լուր պիտի տամ նրանց,պիտի ընդունեմ նրանց,որովհետեւ պիտի փրկեմ նրանց,եւ նրանք պիտի բազմանան ինչպէս առաջ,երբ մեծաթիւ էին:
9. Ես սերմերի պէս նրանց պիտի ցրեմ ազգերի մէջ, եւ նրանք հեռաւոր վայրերում էլ պիտի յիշեն ինձ:Պիտի ապրեն իրենց որդիների հետեւ նրանց հետ էլ պիտի վերադառնան:
10. Ես նրանց պիտի վերադարձնեմ Եգիպտացիների երկրից,Ասորեստանից պիտի ընդունեմ նրանց,նրանց Գադաադ եւ Լիբանան պիտի բերեմ,եւ ոչ մէկը չի պակասելու նրանցից:
11. Նրանք պիտի անցնեն նեղ ծովով,ծովի ալիքները պիտի զարկեն նրանց,պիտի ցամաքեն գետերի բոլոր խորքերը:Այն ժամանակ պիտի վերանայ ասորեստանցիների գոռոզութիւնը,եգիպտացիների իշխանութիւնը պիտի խորտակուի:
12. Իմ ժողովրդին ես պիտի զօրացնեմ յանուն իրենց Տէր Աստծու,եւ նրանք պիտի պարծենան նրա անունով, - ասում է Տէրը:

1. Բա՛ց արա քո դռները, ո՛վ Լիբանան, թող կրակը լափի քո մայրիները:
2. Թող ողբան և ողորդեն քանզի մայրիները տապալուեցին, եւ մեծապէս թշուառացան մեծամեծ ծառերը: Ողբացէ՛ք, ո՛վ Բասանի կաղնիներ, քանզի քանդուեց ծառախիտ անտառը:
3. Ահա հովիւների ողբալու ձայնը. նսեմացել է նրանց մեծութիւնը: Ահա առիւծների մոնչալու ձայնը. ամայացել է Յորդանան գետի վեհութիւնը:
4. Այսպէս է ասում Ամենակալ Տէրը. Արածացրո՛ւ քո հօտերը, որ մորթոտուելու համար են. նրանց գնողները կոտորում էին նրանց, վաճառում էին նրանց եւ ասում. Թող օրհնեալ լինի Տէրը. մենք հարստացանք: Իսկ նրանց հովիւները բնաւ չէին ցաւում ոչխարների համար:
5. Դրա համար էլ ես այլեւս չեմ խնայելու այդ երկրի բնակիչներին, - ասում է Տէրը. - ահա ես մատնելու եմ մարդկանց իւրաքանչիւրին իր ընկերոջ ձեռքը, նաեւ իր թագաւորի ձեռքը, նրանք պիտի զարկեն իրար, իսկ ես ոչ մէկին չեմ փրկելու նրանց ձեռքից:
6. Զանաւացիների երկրում ես հովուութիւն պիտի անեմ այն հօտին, որ մորթոտուելու համար է, ինձ համար երկու գաւազան պիտի վերցնեմ, մէկը պիտի կոչեմ՝ Գեղեցկութիւն, իսկ երկրորդը՝ Վիճակ, եւ պիտի արածացնեմ հօտերը:
7. Մէկ ամսում ես վերացրի երեք հովիւներին, որովհետեւ իմ հոգին զգուել էր նրանցից, նրանց հոգիներն էլ զգուել էին ինձանից:
8. Ես, ահա, ասում եմ. Ձեզ չեմ հովուելու. ով մեռնելու է՝ թող մեռնի, ով սատկելու է՝ թող սատկի: Մնացածներից ամէն մէկն էլ թող ուտի իր ընկերոջ մարմինը:
9. Ես պիտի վերցնեմ իմ գաւազանը՝ Գեղեցկութիւնը, պիտի նետեմ ցած՝ խզելու համար այն ուխտը, որ դրել եմ բոլոր ժողովուրդների հետ:
10. Այդ ուխտը պիտի խզուի այն օրը, եւ քանաւացիները պիտի ճանաչեն իմ պահպանած հօտերը, քանզի սա Տիրոջ խօսքն է:
11. Ես նրանց ասացի. Եթէ ձեր աչքին հաճելի է թւում, ապա տուէ՛ք իմ վարձը, իսկ եթէ՝ ոչ, ասացէ՛ք: Եւ նրանք կշռեցին իմ վարձը՝ երեսուն արծաթ:
12. Տէրն ինձ ասաց. Դու բովի մէջ գցիր դա, քննի՛ր, թէ այն փորձուա՞ծ է արդեօք այնպէս, ինչպէս ես, որ փորձուեցի նրանց կողմից իրենց համար: Ես վերցրի երեսուն արծաթը եւ Տիրոջ Տանը գցեցի բովի մէջ:
13. Ես դէն գցեցի իմ երկրորդ գաւազանը՝ Վիճակը, քանդելու համար այն ուխտը, որ դրել էի Յուդայի երկրի եւ Իսրայելի միջեւ:
14. Տէրը դարձեալ ինձ ասաց. Դու հովուութիւն անելու համար վերցրո՛ւ մի տգէտ հովուի գործիքներ,
15. որովհետեւ ահա ես մի տգէտ հովիւ եմ դնելու այս երկրի վրայ: Նա չի հոգալու նիհար ոչխարների համար, ցրուածին չի փնտռելու, վիրաւորուածին չի բուժելու, առողջին չի խնամելու, այլ ուտելու է ընտիր ոչխարների միսը եւ փշրելու նրանց ոտքերի ոսկորները:
16. Վա՛յ քեզ, ո՛վ անարժան հովիւ, որ աչքաթող ես անում քո հօտը: Թող սուրը կտրի նրա բազուկը, թող հանի նրա աջ աչքը: Թող անպատճառ չորանայ նրա բազուկը, թող անպայման կուրանայ նրա աջ աչքը:

1. Տիրոջ խօսքի պատգամը Իսրայելի մասին: Տերը, որ տարածեց երկինքը եւ գցեց երկրի հիմքերը, որ մարդու մէջ հաստատեց նրա հոգին, այսպէս է ասում.
2. Ահա ես Երուսաղէմը պիտի դարձնեմ երեւուն մի շէմք այն բոլոր ժողովուրդների համար, որոնք գտնուում են նրա շուրջը. Հրեաստանում էլ այդպէս է լինելու Երուսաղէմի պաշարման ժամանակ:
3. Այն օրը ես Երուսաղէմը որպէս մի քար պիտի դնեմ բոլոր հեթանոսների ոտքերի տակ, նրանք բոլորն էլ պիտի կոխոտեն այն, խիստ պիտի ծաղրեն, եւ նրա վրայ պիտի հաւաքուեն բոլոր ազգերը:
4. Այն օրը ես, - ասում է Տերը, - կատաղութեան ախտով պիտի հարուածեմ նրանց երիվարներին, նրանց հեծեալներին էլ՝ խելագարութեամբ: Բայց ես իմ աչքերը պիտի բացեմ Յուդայի տան վրայ, իսկ բոլոր ազգերի երիվարներին պիտի հարուածեմ կուրութեամբ:
5. Յուդայի երկրի հազարապետները պիտի ասեն իրենց սրտում. Մենք Երուսաղէմի բնակիչներին կը գտնենք իրենց Ամենակալ Տէր Աստծու ձեռքում:
6. Այն օրը Յուդայի երկրի հազարապետներին իբրեւ կիսախանձ ծողեր ես պիտի դնեմ կրակի փայտերի մէջ, իբրեւ հրավառ ջահեր պիտի դնեմ եղեգնի մէջ, նրանք աջից ու ձախից պիտի ուտեն շրջակայ բոլոր ժողովուրդներին, եւ Երուսաղէմը դարձեալ բնակելի պիտի լինի իր տեղում Երուսաղէմում:
7. Տերը պիտի փրկի Յուդայի երկրի տոհմերը, ինչպէս առաջ, որպէսզի Դաւթի տան պարծանքը եւ Երուսաղէմի բնակիչների հպարտութիւնը բարձր չլինի Յուդայի երկրի համեմատ:
8. Այն օրը Ամենակալ Տերը պիտի պաշտպանի Երուսաղէմի բնակիչներին, եւ ամենատկարը նրանց մէջ պիտի լինի Դաւթի պէս, իսկ Դաւթի տունը՝ Աստծու տան նման, Տիրոջ հրեշտակի պէս՝ նրանց առաջ:
9. Այն օրը ես պիտի բնաջնջեմ այն բոլոր ազգերին, որոնք կը յարձակուեն Երուսաղէմի վրայ:
10. Շնորհի ու գթութեան հոգի պիտի հեղեմ Դաւթի տան եւ Երուսաղէմի բնակիչների վրայ. նրանք իրենց հայեացքը պիտի դարձնեն դէպի ինձ, պարելու փոխարէն լաց ու կոծ պիտի անեն, ինչպէս ողբում են սիրելի Էակի վրայ, սուգ պիտի անեն, ինչպէս սգում են անդրանիկ զաւակի վրայ:
11. Այն օրը չափազանց մեծ սուգ պիտի լինի Երուսաղէմում, ինչպէս դաշտում կտրտուած նռնենիների վրայ եղած սուգը:
12. Պիտի հեկեկայ երկիրը՝ ամէն մի ազգատոհմ՝ առանձին, եւ նրանց կանայք՝ առանձին, Դաւթի ազգատոհմը՝ առանձին, եւ նրանց կանայք՝ առանձին, Նաթանի ազգատոհմը՝ առանձին, եւ նրանց կանայք՝ առանձին,
13. Դելիի ազգատոհմը՝ առանձին, եւ նրանց կանայք՝ առանձին, Սեմէիի ազգատոհմը՝ առանձին, եւ նրանց կանայք՝ առանձին:
14. Այդպէս էլ մնացած բոլոր ազգատոհմերը, ամէն մէկն՝ առանձին, եւ նրանց կանայք՝ առանձին:

1. Այն օրը Դավթի տան համար պիտի բացուի ամեն մի վայր՝ նրա փոփոխման ու մաքրման համար:
2. Այն օրը Տէրը պիտի վերացնի կուռքերի անունները երկրից, նրանք այլեւս չպիտի յիշուեն. պիտի վերացնի երկրից սուտ մարգարէներին եւ պիղծ ոգիներին, եւ եթէ որեւէ մէկը դեռեւս մարգարեութիւն անի, նրա հայրն ու մայրը, որ ծնել են նրան, թող ասեն՝ Դու չպիտի ապրես, որովհետեւ Տիրոջ անունից սուտ խօսեցիր: Նրա հայրն ու մայրը, որ ծնել են նրան, թող արգելեն մարգարեութիւն անել:
3. Այն օրը այդ մարգարէները պիտի ամաչեն իրենց մարգարեութիւն անելու ժամանակ՝ ամեն մէկն իր տեսիլքի համար, որովհետեւ նրանք սուտ խօսեցին եւ սուտ խօսելու պատճառով պիտի հազնեն մազեղէն քրծեր:
4. Նրանցից ամեն մէկը պիտի ասի. Ես մարգարէ չեմ, այլ հողագործ մարդ եմ, ինձ մարդ է ծնել, եւ ես մարդ եմ իմ մանկութիւնից ի վեր:
5. Եւ երբ ես նրան ասեմ՝ Այդ ի՞նչ վերքեր են քո ձեռքերի մէջ, նա կ'ասի՝ Դրանք այն վերքերն են, որ ես ստացել եմ իմ սիրելի ազգի տանը:
6. Արթնացի՛ր, ո՛վ սուր, իմ հովուի վրայ եւ նրա ընկեր տղամարդու վրայ, - ասում է Ամենակալ Տէրը. - Ես պիտի հարուածեմ իմ հովուին, եւ իմ հօտերը պիտի ցրուեն, ես իմ ձեռքը պիտի դնեմ իմ հովիւների վրայ:
7. Եւ այն օրը, - ասում է Տէրը, - երկրում պիտի պակասի ժողովրդի երկու երրորդը, իսկ մէկ երրորդը պիտի մնայ նրա մէջ:
8. Այդ մէկ երրորդն էլ ես պիտի անցկացնեմ հրի միջով, պիտի հալեմ նրանց, ինչպէս արծաթն են հալում, պիտի փորձեմ նրանց, ինչպէս փորձում են ոսկին. այն ժամանակ նրանք պիտի կանչեն իմ անունը, եւ ես պիտի լսեմ նրանց ու ասեմ՝ Սա է իմ ժողովուրդը, իսկ նրանք պիտի ասեն՝ Դու ես մեր Տէր Աստուածը:



1. Ահա գալիս է Տիրոջ օրը, եւ քո ականքը պիտի բաժանուի քո մէջ:
2. Պիտի հաւաքուեն բոլոր ազգերը Երուսաղէմի դէմ պատերազմելու համար, քաղաքը պիտի գրաւուի, տները պիտի կողոպտուեն, եւ կանայք՝ պղծուեն. քաղաքի կէսը գերութեան պիտի տարուի, բայց իմ ժողովրդի մի մասը պիտի մնայ այնտեղ եւ չի բնաջնջուելու:
3. Տէրը պիտի ելնի ու պատերազմի այդ բոլոր ազգերի դէմ, պիտի պատերազմի, ինչպէս իր համար ճակատամարտի օրը:
4. Այն օրը նրա ոտքերը պիտի կանգնեն Ձիթենեաց լեռան վրայ՝ Երուսաղէմի դիմաց, արեւելեան կողմը. Ձիթենեաց լեռը պիտի պատռուի, նրա մի կէսը՝ դէպի արեւելք, նրա միւս կէսը՝ դէպի ծով. նրանց միջեւ շատ մեծ վիհ պիտի լինի, եւ լեռան մի կէսը պիտի սահի դէպի հիւսիս, միւս կէսը՝ դէպի հարաւ:
5. Պիտի լցուի իմ լեռների ծորը, եւ լեռների այդ ծորը պիտի տարածուի մինչեւ Ասայել ու կցուի նրան, պիտի լցուի այնպէս, ինչպէս լցուեց երկրաշարժից՝ Յուդայի երկրի արքայ Օզիայի օրերին: Այն ժամանակ պիտի գայ ու հասնի իմ Տէր Աստուածը, եւ բոլոր սրբերը պիտի լինեն նրա հետ:
6. Այն օրը լոյս չի լինելու, այլ լինելու է ցուրտ ու պարզ օր:
7. Դա պիտի լինի միայն Տիրոջը յայտնի օր. ո՛չ ցերեկ պիտի լինի եւ ո՛չ էլ գիշեր, այլ լոյս պիտի լինի միայն երեկոյեան:
8. Այն օրը կենդանի ջուր է բխելու Երուսաղէմում, նրա մի կէսը պիտի հոսի դէպի առջեւի ծովը, նրա միւս կէսը՝ դէպի ետեւի ծովը, եւ այդպէս է լինելու ամառ ու գարուն:
9. Տէրը թագաւոր պիտի լինի ամբողջ երկրի վրայ. այն օրը Տէրը միա՛կը պիտի լինի, եւ նրա անունը պիտի լինի միա՛կը:
10. Ամբողջ երկիրը անապատից պիտի վերածուի դաշտի՝ Գաբայից մինչեւ Ռեմուն՝ Երուսաղէմի հարաւային կողմը, Հռամը պիտի մնայ իր տեղը՝ Բենիամինի դռնից մինչեւ Առաջին դուռը, մինչեւ Անկիւնների դուռը, Անամայելի աշտարակից մինչեւ Թագաւորի հնձանները:
11. Նրա մէջ պիտի բնակուեն մարդիկ, այլեւս նզովք չի լինելու, եւ Երուսաղէմը պիտի դառնայ յուսալի:
12. Ահա սրանք են այն հարուածները, որ Տէրը հասցնելու է բոլոր ազգերին, որոնք պատերազմեցին Երուսաղէմի դէմ. նրանց մարմինները պիտի հալուեն իրենց ոտքերի վրայ կանգնած ժամանակ, նրանց աչքերը թարախի պէս պիտի ծորեն իրենց ակնակապիճների մէջ, եւ նրանց լեզուները պիտի նեխեն իրենց բերաններում:
13. Այն օրը նրանց համար մեծ ահ պիտի լինի Տիրոջից, ամէն մէկը ձեռքը պիտի գցի ընկերոջ ձեռքին, ընկերը իր ձեռքը պիտի բարձրացնի իր ընկերոջ վրայ:
14. Յուդայի երկիրը եւս պիտի պատերազմի Երուսաղէմի դէմ, պիտի կողոպտուի շրջակայ բոլոր ազգերի հարստութիւնը՝ ոսկին ու արծաթը եւ մեծ թուով հանդերձանք:
15. Այդպէս է լինելու նաեւ այն հարուածը, որով Տէրը հարուածելու է թե՛ ձիերին ու ջորիներին, թե՛ միւս բոլոր անասուններին, որոնք կը լինեն նրանց բանակների մէջ:
16. Բոլոր նրանք, ովքեր մնացած կը լինեն Երուսաղէմի դէմ պատերազմած ազգերից, ամէն տարի պիտի գան երկրպագելու թագաւորին՝ Չորութիւնների Տիրոջը, պիտի գան Տաղաւարահարաց տօնը տօնելու:
17. Եւ եթէ լինի այնպէս, որ երկրի ազգերից որեւէ մէկը չգնայ Երուսաղէմ՝ երկրպագելու թագաւորին՝ Չորութիւնների Տիրոջը, ապա նա եւս պիտի գնայ:
18. Եթէ եգիպտացիների ազգատոհմը նոյնպէս չգնայ, ապա նրանց եւս հասնելու է այն նոյն հարուածը, որը պիտի հասնի բոլոր այն ազգերին, որոնք չեն գնայ Տաղաւարահարաց տօնը տօնելու:
19. Սա՛ պիտի լինի եգիպտացիների պատիժը եւ պարտքն այն բոլոր ազգերի, որոնք չեն գնայ Տաղաւարահարաց տօնը տօնելու:
20. Այն օրը նոյնիսկ ձիերի սանձերի վրայ գրուած պիտի լինի՝ Սրբութիւն՝ նուիրուած

Տիրոջը:Տիրոջ տան կաթսաները պիտի լինեն ինչպես զոհասեղանի առջեւի տաշտերը,  
21. եւ երուսաղէմում ու Յուդայի երկրում ամէն մի կաթսայնուհի ունի պիտի լինի  
Ամենակալ Տիրոջը:Բոլոր նրանք, ովքեր զոհ կը բերեն ընծայելու,պիտի վերցնեն այդ  
կաթսաներից`դրանց մէջ միսը եփելու համար.եւ այն օրը, Չօրութիւնների Տիրոջ տանը  
այլեւս չի լինի ոչ մի քանանացի:

ՆՈՐ ԿՏԱԿԱՐԱՆ

ԱՐԵՎԻԿԱՆ ԸՍՏ ՄԱՏԹԵՈՍԻ

## Գլուխ 1

1. Գիրք ազգաբանության Յիսուս Քրիստոսի՝ Դաւթի որդու, Աբրահամի որդու:
2. Աբրահամը ծնեց Իսահակին. Իսահակը՝ Յակոբին. Յակոբը ծնեց Յուդային եւ նրա եղբայրներին.
3. Յուդան ծնեց Փարեսին եւ Չարային՝ Թամարից. Փարեսը ծնեց Եզրոնին. Եզրոնը ծնեց Արամին.
4. Արամը ծնեց Ամինադաբին. Ամինադաբը ծնեց Նաասոնին. Նաասոնը ծնեց Սաղմոնին.
5. Սաղմոնը ծնեց Բոոսին՝ Ռաքաբից. Բոոսը ծնեց Օբեդին՝ Հռութից. Օբեդը ծնեց Յեսսէին.
6. Յեսսէն ծնեց Դաւիթ արքային: Դաւիթը ծնեց Սողոմոնին՝ Ուրիայի կնոջից.
7. Սողոմոնը՝ Րոբովամին.
8. Րոբովամը ծնեց Աբիային. Աբիան ծնեց Ասափին. Ասափը ծնեց Յոսափատին. Յոսափատը ծնեց Յորամին. Յորամը ծնեց Օզիային.
9. Օզիան ծնեց Յովաթամին. Յովաթամը ծնեց Աքազին. Աքազը ծնեց Եզեկիային.
10. Եզեկիան ծնեց Մանասէին. Մանասէն ծնեց Ամոսին.
11. Ամոսը ծնեց Յոսիային. Յոսիան ծնեց Յեքոնիային եւ նրա եղբայրներին՝ Բաբելոնում գերութեան ժամանակ:
12. Բաբելոնում գերութիւնից յետոյ Յեքոնիան ծնեց Սաղաթիէլին.
13. Սաղաթիէլը ծնեց Չորոբաբէլին. Չորոբաբէլը ծնեց Աբիուդին. Աբիուդը ծնեց Եղիակիմին.
14. Եղիակիմը ծնեց Ազորին. Ազորը ծնեց Սադոկին. Սադոկը ծնեց Աքիսին. Աքիսը ծնեց Եղիուդը.
15. Եղիուդը ծնեց Եղիազարին. Եղիազարը ծնեց Մատթանին.
16. Մատթանը ծնեց Յակոբին. Յակոբը ծնեց Յովսէփին՝ Մարիամի մարդուն, որի նշանաձն էր կոյս Մարիամը, որից ծնունդ Յիսուս, որ անուանուեց Քրիստոս:
17. Արդ, Աբրահամից մինչեւ Դաւիթը բոլոր սերունդները՝ տասնչորս սերունդ. եւ Դաւթից մինչեւ Բաբելոնի մէջ գերութիւնը՝ տասնչորս սերունդ. Բաբելոնի մէջ գերութիւնից մինչեւ Քրիստոս՝ տասնչորս սերունդ:
18. Յիսուս Քրիստոսի ծնունդը այսպէս եղաւ. նրա մայրը՝ Մարիամը, որ Յովսէփի նշանաձն էր, նախքան նրանց՝ իրար մօտենալը, Սուրբ Հոգուց յղիացած գտնուեց:
19. Եւ Յովսէփը՝ նրա մարդը, քանի որ արդար էր եւ չէր կամենում նրան խայտառակել, մտածեց առանց աղմուկի արձակել նրան:
20. Եւ մինչ նա այս բանի մասին էր մտածում, ահա Տիրոջ հրեշտակը երագի մէջ երեւաց նրան եւ ասաց. Յովսէփ, Դաւթի՝ որդի, մի՛ վախեցիր քեզ մօտ առնելու Մարիամին՝ քո կնոջը, որովհետեւ նրա մէջ ծնուածը Սուրբ Հոգուց է:
21. Նա մի որդի պիտի ծնի, եւ նրա անունը Յիսուս պիտի դնես, քանի որ նա պիտի փրկի իր ժողովրդին՝ իր մեղքերից:
22. Սակայն այս ամէնը եղաւ, որպէսզի կատարուի, ինչ որ Տիրոջ կողմից ասուել էր Եսայի մարգարէի բերանով.
23. Ահա կոյսը պիտի յղիանայ եւ մի որդի պիտի ծնի, եւ նրան պիտի կոչեն Էմմանուէլ, որ նշանակում է Աստուած մեզ հետ:
24. Եւ Յովսէփը քնից արթնանալով՝ արեց, ինչպէս հրամայել էր իրեն Տիրոջ հրեշտակը, եւ իր կնոջն առաւ իր մօտ:
25. Բայց նրա հետ չյարաբերուեց, մինչեւ Մարիամը ծնեց իր անդրանիկ որդուն եւ նրա անունը դրեց Յիսուս:

## Գլուխ 2

1. Երբ Յիսուս ծնունց Հրեաստանի Բեթղեհեմ քաղաքում, Հերովդես արքայի օրով, ահա արեւելքից մոգեր եկան Երուսաղեմ եւ ասացին.
2. Ո՞ր է հրեաների արքան, որ ծնունց, որովհետեւ նրա աստղը տեսանք արեւելքում եւ եկանք նրան երկրպագելու:
3. Եւ երբ Հերովդես արքան լսեց այս, խռովուեց, նրա հետ՝ եւ Երուսաղեմի ամբողջ ժողովուրդը:
4. Եւ հաւաքելով բոլոր քահանայապետներին ու ժողովրդի օրենսգետներին՝ հարցրեց նրանց, թե ո՞ր պիտի ծնուի Զրիստոսը:
5. Եւ նրանք ասացին նրան. Հրեաստանի Բեթղեհեմ քաղաքում, որովհետեւ մարգարէի միջոցով այսպէս է գրուած.
6. Եւ դու, Բեթղեհեմ, Յուդայի՝ երկիր, Յուդայի քաղաքների մէջ փոքրագոյնը չես. քեզնից մի իշխան պիտի ելնի ինձ համար, որ պիտի հովուի իմ ժողովրդին՝ Իսրայելին:
7. Այն ժամանակ Հերովդեսը գաղտնի կանչեց մոգերին եւ նրանցից ստուգեց աստղի երեւալու ժամանակը:
8. Եւ նրանց Բեթղեհեմ ուղարկելով՝ ասաց. Գնացէ՛ք ստոյգ իմացե՛ք մանկան մասին եւ երբ գտնե՛ք, տեղեկացրէ՛ք ինձ, որպէսզի ես էլ գնամ երկրպագեմ նրան:
9. Եւ նրանք երբ թագաւորից լսեցին այս, գնացին: Եւ ահա այն աստղը, որ տեսել էին արեւելքում, առաջնորդեց նրանց, մինչեւ որ եկաւ կանգնեց այն տեղի վրայ, ուր մանուկն էր:
10. Աստղը տեսնելուն պէս չափազանց ուրախացան:
11. Եւ երբ այն տունը մտան, տեսան մանկանը իր մօր՝ Մարիամի հետ միասին եւ ընկան ու երկրպագեցին նրան. Եւ բանալով իրենց գանձատուփերը՝ նրան նուէրներ մատուցեցին՝ ոսկի, կնդրուկ եւ զմուռս:
12. Եւ երազի մէջ Աստծուց հրաման առնելով չվերադառնալ Հերովդեսի մօտ, այլ ճանապարհով գնացին իրենց երկիրը:
13. Եւ երբ նրանք այնտեղից գնացին, ահա Տիրոջ հրեշտակը երազի մէջ երեւաց Յովսէփին ու ասաց. Վե՛ր կաց, վերցրո՛ւ այդ մանկանը եւ նրա մօրը ու փախի՛ր Եգիպտոս. Եւ այնտեղ մնա՛ մինչեւ որ քեզ ասեմ. քանի որ Հերովդեսը փնտռում է այդ մանկանը կորստեան մատնելու համար:
14. Եւ նա վեր կացաւ, առաւ մանկանն ու նրա մօրը, գիշերով, եւ գնաց Եգիպտոս ու այնտեղ մնաց մինչեւ Հերովդեսի մահը,
15. որպէսզի կատարուի մարգարէի բերանով Տիրոջ կողմից ասուածը, թե՛ Եգիպտոսի՛ց պիտի կանչեմ իմ Որդուն:
16. Այն ժամանակ, երբ Հերովդեսը տեսաւ, որ մոգերից խաբուեց, սաստիկ բարկացաւ եւ մարդ ուղարկեց ու կոտորեց այն բոլոր մանուկներին, որ Բեթղեհեմում եւ նրա սահմաններում էին գտնուում եւ երկու տարեկան ու դրանից ցած էին՝ ըստ այն ժամանակի, որն ստուգել էր մոգերից:
17. Այն ժամանակ կատարուեց Երեմիա մարգարէի բերանով ասուածը, թե՛ Ռամայում մի ձայն գոլժեց. ողբ ու լաց ու սաստիկ կոծ.
18. Ռաքելը լալիս էր իր զաւակների վրայ եւ չէր ուզում միխիթարուել, քանի որ նրանք այլեւս չկային:
19. Երբ Հերովդեսը վախճանուեց, ահա Տիրոջ հրեշտակը երազի մէջ երեւաց Յովսէփին Եգիպտոսում եւ ասաց.
20. Վե՛ր կաց, վերցրո՛ւ այդ մանկանն ու իր մօրը եւ վերադարձի՛ր Իսրայելի երկիրը, որովհետեւ մեռան նրանք, որ այդ մանկան մահն էին ուզում:
21. Եւ Յովսէփը վեր կացաւ, առաւ մանկանն ու մօրը եւ եկաւ Իսրայելի երկիրը:
22. Իսկ երբ լսեց, թե Արքեղայոսը թագաւորել է Հրեաստանի վրայ իր հօր՝ Հերովդեսի փոխարէն, վախեցաւ այնտեղ գնալ. Եւ երազի մէջ հրաման առնելով՝ գնաց Գալիլիայի կողմերը

23. ԵՆ ԵԿԱԼ ԲՆԱԿՈՒՆԵԳ ՆԱԳԱՐԵԹ ԿՈՇՈՒՈՂ ԶԱՊԱՑՈՒՄ, ՈՐԱԷՍԳԻ ԿԱՏԱՐՈՒԿ  
ՄԱՐԳԱՐԵՆԵՐԻ ԽՕՍԵՐԸ, ԹԷ՝ ՆԱԳՈՎՐԵԳԻ ԱԽՈՒԻ ԿՈՇՈՒԿ:

### Գլուխ 3

1. Այն օրերին Յովհաննես Մկրտիչը գալիս է քարոզելու Հրեաստանի անապատում եւ ասում.
2. Ապաշխարեցէ՛ք, որովհետեւ երկնքի արքայութիւնը մօտեցել է:
3. Սա՛ է այն մարդը, որի մասին Եսայի մարգարէի բերանով ասուեց. Անապատում կանչողի ծայնն է, պատրաստեցէ՛ք Տիրոջ ճանապարհը եւ հարթեցէ՛ք նրա շաւիղները:
4. Եւ ինքը՝ Յովհաննէսը, ուղտի մագից գգեստ ունէր եւ կաշուէ գօտի՝ իր մէջքին, իսկ նրա կերակուրն էր մորեխ ու վայրի մեղր:
5. Այն ժամանակ նրա մօտ էին գնում բոլոր երուսաղէմացիները, ամբողջ Հրեաստանն ու Յորդանանի շրջակայքի ժողովուրդը,
6. մկրտում էին նրանից Յորդանան գետում եւ խոստովանում էին իրենց մեղքերը:
7. Եւ նա տեսնելով սադուկեցիներից եւ փարիսեցիներից շատերին, որոնք եկել էին իր մկրտութեանը, ասաց նրանց. Իժե՛րի՛ ծնունդներ, ո՞վ ձեզ սովորեցրեց փախչել վերահաս բարկութիւնից:
8. Այսուհետեւ ապաշխարութեան արժանի գործեր կատարեցէ՛ք.
9. եւ մի՛ յաւակնեք ասել դուք ձեզ, թէ՛ Աբրահամը մեր հայրն է. ասում եմ ձեզ, որ Աստուած կարող է այս քարերից էլ Աբրահամի որդիներ դուրս բերել.
10. որովհետեւ կացինն ահա ծառերի արմատին է դրուած: Ամեն ծառ, որ բարի պտուղ չի տայ, կտրուում եւ կրակն է գցւում:
11. Ես ձեզ ջրով եմ մկրտում ապաշխարութեան համար, բայց ով գալիս է ինձնից յետոյ, ինձնից աւելի հզօր է, եւ ես արժանի չեմ հանելու նրա կօշիկները. նա կը մկրտի ձեզ Սուրբ Հոգով եւ հրով. նա,
12. որի քամհարը իր ձեռքում է, եւ կը մաքրի իր կալը, ցորենը կը հաւաքի իր շտեմարանում եւ յարդը կ'այրի անշէջ կրակով:
13. Այն ժամանակ Յիսուս Գալիլիայից Յորդանան եկաւ, Յովհաննէսի մօտ՝ նրանից մկրտուելու:
14. Իսկ Յովհաննէսն ընդդիմացաւ նրան ու ասաց. Ի՞նձ պետք է, որ քեզնից մկրտուեմ, եւ դու ի՞նձ մօտ ես գալիս:
15. Յիսուս պատասխանեց եւ ասաց նրան. Թո՛յլ տուր հիմա, որովհետեւ այսպէս վայել է, որ մենք կատարենք Աստծու ամեն արդարութիւն: Եւ ապա նրան թոյլ տուեց:
16. Եւ երբ Յիսուս մկրտուեց, իսկոյն ջրից դուրս ելաւ. եւ ահա երկինքը բացուեց նրան, եւ նա տեսաւ Աստծու Հոգին, որն իջնում էր ինչպէս աղանի եւ գալիս էր իր վրայ:
17. Եւ ահա՝ մի ձայն երկնքից, որ ասում էր. Դա՛ է իմ սիրելի Որդին, որն ունի իմ ամբողջ բարեհաճութիւնը:



1. Դրանից յետոյ Յիսուս անապատ տարուեց Հոգուց՝ սատանայից փորձուելու:
2. Եւ քառասուն օր ու քառասուն գիշեր ծոմ պահեց, ապա քաղց զգաց:
3. Եւ փորձիչը՝ սատանան, մօտենալով նրան՝ ասաց. եթէ Աստծու Որդին ես, ասա՛, որ այս քարերը հաց լինեն:
4. Նա պատասխանեց եւ ասաց. Գրուած է՝ միայն հացով չի ապրի մարդ, այլ՝ այն ամէն խօսքով, որ դուրս է գալիս Աստծու բերանից:
5. Ապա սատանան նրան տարաւ սուրբ քաղաքը եւ կանգնեցրեց նրան տաճարի աշտարակի վրայ ու ասաց նրան.
6. եթէ Աստծու Որդին ես, քեզ այստեղից ցա՛ծ գցիր, որովհետեւ գրուած է՝ իր հրեշտակներին պատուիրուած է քո մասին, եւ ձեռքերի վրայ պիտի վերցնեն քեզ, որպէսզի երբեք քո ոտքը քարին չխփես:
7. Յիսուս դարձեալ նրան ասաց. Գրուած է՝ քո Տէր Աստծուն պիտի չփորձես:
8. Սատանան նորից նրան առաւ տարաւ մի շատ բարձր լեռան վրայ եւ ցոյց տուեց նրան աշխարհի բոլոր թագաւորութիւններն ու դրանց փառքը եւ նրան ասաց.
9. Այս բոլորը քեզ կը տամ, եթէ գետին ընկնելով ինձ պաշտես:
10. Այն ժամանակ Յիսուս նրան ասաց. Ետե՛ն գնա, սատանա՛, որովհետեւ գրուած է՝ պիտի երկրպագես քո Տէր Աստծո՛ւն եւ միայն նրա՛ն պիտի պաշտես:
11. Ապա սատանան նրան թողեց. եւ ահա հրեշտակներ մօտեցան ու ծառայում էին նրան:
12. Եւ երբ Յիսուս լսեց, թէ Յովհաննէսը բանտարկուել է, մեկնեց գնաց Գալիլիա:
13. Եւ թողնելով Նազարէթը՝ եկաւ բնակուեց Կափառնայումում, ծովեզերքի մօտ, Չաբուղոնի եւ Նեփթաղիմի սահմաններում,
14. որպէսզի կատարուի Եսայի մարգարէի բերանով ասուած խօսքը.
15. Երկի՛ր Չաբուղոնի եւ երկի՛ր Նեփթաղիմի, ճանապարհի ծովի, միւս ա՛փը Յորդանանի, Գալիլիա՛ հեթանոսների,
16. խաւարի մէջ նստած ժողովուրդը մեծ լոյս տեսաւ. եւ լոյս ծագեց նրանց վրայ, որ նստում էին մահուան երկրի եւ ստուերների մէջ:
17. Դրանից յետոյ Յիսուս սկսեց քարոզել եւ ասել. Ապաշխարեցէ՛ք, որովհետեւ երկնքի արքայութիւնը մօտեցել է:
18. Մինչ Յիսուս Գալիլիայի ծովեզերքով քայլում էր, տեսաւ երկու եղբայրների՝ Սիմոնին, որ Պետրոս էր կոչւում, եւ նրա եղբայր Անդրեասին. ծովի մէջ ուռկան էին գցում, քանի որ ձկնորսներ էին:
19. Եւ նրանց ասաց. Իմ յետեւի՛ց եկէք, եւ ես ձեզ մարդկանց որսորդներ պիտի դարձնեմ:
20. Եւ նրանք իսկոյն թողնելով ուռկանները՝ գնացին նրա յետեւից:
21. Եւ այնտեղից առաջ գնալով, տեսաւ երկու այլ եղբայրների՝ Չեբեդէոսի որդի Յակոբոսին եւ նրա եղբայր Յովհաննէսին, մինչ նաւակի մէջ էին իրենց հօր՝ Չեբեդէոսի հետ միասին եւ իրենց ուռկանները կարգի էին բերում. եւ նրանց էլ կանչեց:
22. Նրանք իսկոյն թողնելով նաւակը եւ իրենց հօրը՝ գնացին նրա յետեւից:
23. Եւ Յիսուս շրջում էր Գալիլիայի բոլոր կողմերը, ուսուցանում էր նրանց ժողովարաններում, քարոզում էր արքայութեան Աւետարանը եւ բժշկում ժողովրդի մէջ եղած բոլոր հիւանդութիւններն ու բոլոր ախտերը:
24. Եւ նրա համբաւը տարածուեց ամբողջ Ասորիքում. եւ նրա մօտ բերեցին բոլոր հիւանդներին, որոնք տառապում էին պէսպէս ցաւերով ու տանջանքներով. եւ՛ դիւախարների, եւ՛ լուսնոտների, եւ՛ անդամալոյծների. եւ նրանց բժշկեց:
25. Եւ Գալիլիայից, Դեկապոլսից, Երուսաղէմից, Հրեաստանից եւ Յորդանանի միւս կողմից բազում ժողովուրդ նրա յետեւից էր գնում. եւ բժշկեց նրանց:

1. Եւ տեսնելով ժողովրդի բազմութիւնը՝ բարձրացաւ լերան վրայ: Եւ երբ այնտեղ նստեց, նրա մօտ եկան իր աշակերտները.
2. Եւ նա սկսեց նրանց ուսուցանել ու ասել.
3. - Երանի՛ր հոգով աղքատներին, որովհետեւ նրանցն է երկնքի արքայութիւնը:
4. - Երանի՛ր սգաւորներին, որովհետեւ նրանք պիտի մխիթարուեն:
5. - Երանի՛ր հեգերին, որովհետեւ նրանք երկիրը պիտի ժառանգեն:
6. - Երանի՛ր նրանց, որ քաղցն ու ծարաւն ունեն արդարութեան, որովհետեւ նրանք պիտի յագեցնան:
7. - Երանի՛ր ողորմածներին, որովհետեւ նրանք ողորմութիւն պիտի գտնեն:
8. - Երանի՛ր նրանց, որ սրտով մաքուր են, որովհետեւ նրանք Աստծուն պիտի տեսնեն:
9. - Երանի՛ր խաղաղարարներին, որովհետեւ նրանք Աստծու որդիներ պիտի կոչուեն:
10. - Երանի՛ր նրանց, որ հալածուում են արդարութեան համար, որովհետեւ նրանցն է երկնքի արքայութիւնը:
11. - Երանի՛ր էձեզ, երբ ձեզ նախատեն ու հալածեն եւ իմ պատճառով ձեր մասին ամեն տեսակ չար խօսք՝ սուտ ասեն:
12. Յնձացէ՛ք եւ ուրախացէ՛ք, որովհետեւ երկնքում ձեր վարձը շատ է, քանի որ այսպէս հալածեցին մարգարէներին, որոնք ձեզնից առաջ են եղել:
13. Դո՛ւք եք երկրի աղը. սակայն եթէ աղը անհամանայ, ինչո՞վ այն կ'աղուի. այնուհետեւ ոչ մի բանի պիտանի չի լինի, այլ միայն դուրս կը թափուի եւ մարդկանց ոտքի կոխան կը լինի:
14. Դո՛ւք եք աշխարհի լոյսը. մի քաղաք, որ լերան վրայ է կանգնած, չի կարող թաքնուել:
15. Եւ ճրագ վառելով կաթսայի տակ չեն դնում, այլ՝ աշտանակի վրայ, եւ նա լոյս է տալիս բոլոր նրանց, որ տան մէջ են:
16. Թող այդպէս փայլի ձեր լոյսը մարդկանց առաջ, որպէսզի տեսնեն ձեր բարի գործերն ու փառաւորեն ձեր Հօրը, որ երկնքում է:
17. Մի՛ կարծեք, թէ Օրէնքը կամ մարգարէներին ջնջելու եկայ. չեկայ ջնջելու, այլ՝ լրացնելու:
18. Ճշմարիտ եմ ասում ձեզ. մինչեւ որ երկինք ու երկիր անցնեն, մի յովտ իսկ, - որ մի նշանախեց է, - Օրէնքից եւ մարգարէներից չի անցնի, մինչեւ որ այս բոլորը կատարուի:
19. Ով որ այս պատուիրաններից, փոքրերի՛ց անգամ մի բան կը ջնջի եւ մարդկանց այդպէ՛ս կ'ուսուցանի, երկնքի արքայութեան մէջ փոքր պիտի համարուի. իսկ ով կը կատարի եւ կ'ուսուցանի, երկնքի արքայութեան մէջ նա մեծ պիտի համարուի:
20. Բայց ասում եմ ձեզ, որ, եթէ ձեր արդարութիւնը աւելի չլինի, քան օրէնսգետներինը եւ փարիսեցիներինը, երկնքի արքայութիւնը չէք մտնի:
21. Լսել էք, թէ ինչ ասուեց նախնիներին. Մի՛ սպանիր, որովհետեւ, ով որ սպանի, ենթակայ կը լինի դատաստանի:
22. Իսկ ես ձեզ ասում եմ, թէ՛ ամեն մարդ, որ զուր տեղը բարկանում է իր եղբոր վրայ, ենթակայ կը լինի դատաստանի, եւ ով որ իր եղբորն ասի՝ յիմար, ենթակայ կը լինի ատեանի, եւ ով որ իր եղբորն ասի՝ ապուշ, ենթակայ կը լինի գեհենի կրակին:
23. Եթէ սեղանի վրայ քո ընծան մատուցելու լինես եւ այնտեղ յիշես, թէ քո եղբայրը քո դէմ մի ոխ ունի,
24. քո ընծան թո՛ղ սեղանի առաջ եւ գնա՛ նախ հաշտուի՛ր քո եղբոր հետ եւ ապա ե՛կ քո ընծան մատուցի՛ր:
25. Եթէ մէկը քեզ հետ խնդիր ունի եւ քեզ դատի է կանչում, մինչ նրա հետ դեռ ճանապարհին ես, եղի՛ր իրաւախոհ կանխաւ. գուցէ նա քեզ դատաւորին յանձնի, եւ դատաւորը՝ դահճին, ու դու բանտ նետուես:
26. Ճշմարիտ եմ ասում քեզ, այնտեղից դուրս չես գայ, մինչեւ չվճարես վերջին դահեկանը:
27. Լսել էք, թէ ինչ ասուեց. Մի՛ շնանար.

28. Իսկ ես ձեզ ասում եմ. ամեն մարդ, որ կնոջ նայում է նրան ցանկանալու համար, արդեն շնացաւ նրա հետ իր սրտում:
29. Եթէ քո աջ աչքը քեզ գայթակղեցնում է, հանի՛ր այն եւ դէ՛ն գցիր քեզնից. որովհետեւ քեզ համար լաւ է, որ քո անդամներից մէկը կորչի, եւ քո ամբողջ մարմինը չընկնի գեհեն:
30. Եւ եթէ քո աջ ձեռքը քեզ գայթակղեցնում է, կտրի՛ր այն եւ դէ՛ն գցիր քեզնից. որովհետեւ քեզ համար լաւ է, որ քո անդամներից մէկը կորչի, եւ քո ամբողջ մարմինը չընկնի գեհեն:
31. Արդարեւ ասուել է. Ով որ արծակի իր կնոջը, թող նրան արծակման թուղթը տայ:
32. Իսկ ես ձեզ ասում եմ. ամեն մարդ, որ իր կնոջն արծակում է առանց պոռնկութեան պատճառի, նա՛ է, որ նրան շնութեան է մղում. եւ ով որ արծակուածին է առնում, շնանում է:
33. Լսել էք դարձեալ, թէ ինչ ասուեց նախնիներին. Երդմնագանց մի՛ լինիր, այլ արա՛ Տիրոջն այն, ինչ երդուել ես:
34. Իսկ ես ձեզ ասում եմ՝ ամենեւի՛ն չերդուել. ո՛չ երկնքի վրայ, որովհետեւ Աստծու աթոռն է,
35. ո՛չ երկրի վրայ, որովհետեւ նրա ոտքերին պատուանդան է, եւ ո՛չ Երուսաղէմի վրայ, որովհետեւ մեծ Արքայի քաղաքն է:
36. Եւ քո գլխով էլ չերդուես, որովհետեւ չես կարող մի մազ իսկ սպիտակ կամ սեւ դարձնել:
37. Այլ ձեր խօսքը լինի՝ այո՛ն՝ այո, եւ ոչը՝ ոչ. որովհետեւ դրանից աւելին չարից է:
38. Լսել էք՝ ինչ ասուեց. Աչքի փոխարէն՝ աչք եւ ատամի փոխարէն՝ ատամ:
39. Իսկ ես ձեզ ասում եմ. չարին հակառակ չկանգնե՛լ. այլ եթէ մէկը քո աջ ծնօտին ապտակ տայ, նրան մի՛ւսն էլ դարձրու:
40. Եւ եթէ մէկը կամենայ քեզ բռնադատել եւ քո շապիկն առնել, նրան քո բաճկո՛նն էլ թող:
41. Եւ եթէ մէկը քեզ հարկադրի մի մղոն ճանապարհ անցնել, նրա հետ երկո՛ւ էլ գնա:
42. Տո՛ւր նրան, ով քեզնից խնդրում է. եւ ով կամենում է քեզնից փոխ առնել, երես մի՛ դարձրու նրանից:
43. Լսել էք արդարեւ, թէ ինչ ասուեց. Պիտի սիրես ընկերոջդ եւ պիտի ատես քո թշնամուն:
44. Իսկ ես ձեզ ասում եմ. սիրեցե՛ք ձեր թշնամիներին, օրհնեցե՛ք ձեզ անիծողներին, բարութի՛ւն արեք ձեզ ատողներին եւ աղօթեցե՛ք նրանց համար, որ չարչարում են ձեզ եւ հալածում,
45. որպէսզի որդիները լինեք ձեր Հօր, որ երկնքում է. քանի որ նա իր արեգակը ծագեցնում է չարերի եւ բարիների վրայ եւ անձրեւ է թափում արդարների եւ մեղաւորների վրայ:
46. Եթէ սիրեք միայն նրանց, որոնք ձեզ սիրում են, ձեր վարձն ի՞նչ է. չէ՞ որ մաքսաւորներն էլ նոյնն են անում:
47. Եւ եթէ միայն ձեր բարեկամներին ողջոյն տաք, ի՞նչ աւելի բան էք անում. չէ՞ որ մաքսաւորներն ու մեղաւորները նոյնն են անում:
48. Արդ, կատարեա՛լ եղեք դուք, ինչպէս որ ձեր երկնաւոր Հայրն է կատարեալ:

1. Չգո՛յշ եղէք, որ ձեր ողորմութիւնը մարդկանց առջեւ չանէք, որպէս թէ այն լինէր ի ցոյց նրանց. այլապէս վարձ չէք ընդունի ձեր Հօրից, որ երկնքում է:
2. Այլ երբ ողորմութիւն անես, փող մի՛ հնչեցրու քո առջեւ, ինչպէս անում են կեղծաւորները ժողովարաններում եւ հրապարակներում, որպէսզի փառաւորուն մարդկանցից: Ճշմարիտ եմ ասում ձեզ, ա՛յդ իսկ է նրանց վարձը:
3. Այլ երբ դու ողորմութիւն անես, թող քո ձախ ձեռքը չիմանայ, թէ ինչ է անում քո աջը,
4. որպէսզի քո ողորմութիւնը ծածուկ լինի, եւ քո Հայրը, որ տեսնում է, ինչ որ ծածուկ է, կը հատուցի քեզ յայտնապէս:
5. Եւ երբ աղօթես, չլինե՛ս կեղծաւորների նման, որոնք սիրում են ժողովարաններում եւ հրապարակների անկիւններում աղօթքի կանգնել, որպէսզի մարդկանց երեւան. ճշմարիտ եմ ասում ձեզ, ա՛յդ իսկ է նրանց վարձը:
6. Այլ դու երբ աղօթես, մտի՛ր քո սենեակը, փակի՛ր քո դռները եւ ծածո՛ւկ աղօթիր քո Հօրը, եւ քո Հայրը, որ տեսնում է, ինչ որ ծածուկ է, կը հատուցի քեզ յայտնապէս:
7. Աղօթք անելիս շատախօս մի՛ լինէք ինչպէս հեթանոսները, որովհետեւ նրանք կարծում են, թէ իրենց շատ խօսքերի պատճառով լսելի կը լինեն:
8. Արդ, նրանց չնմանուե՛ք, որովհետեւ ձեր Հայրը գիտէ, թէ ինչ է ձեզ պետք, նախքան որ դուք նրանից մի բան ուզէք:
9. Եւ արդ, դուք այսպե՛ս աղօթեցէք.
10. Հա՛յր մեր, որ երկնքում ես. սո՛ւրբ թող լինի քո անունը.
11. քո թագաւորութի՛ւնը թող գայ. քո կա՛մքը թող լինի երկրի վրայ, ինչպէս որ երկնքում է՛.
12. մեր հանապազօրեայ հացը տո՛ւր մեզ այսօր.
13. եւ ների՛ր մեզ մեր յանցանքները, ինչպէս որ մենք ենք ներում նրանց, որ յանցանք են գործում մեր դէմ.
14. եւ մի՛ տար մեզ փորձութեան, այլ փրկի՛ր մեզ չարից. որովհետեւ քո՛նն է թագաւորութիւնը եւ զօրութիւնը եւ փառքը յաւիտեանս. ամէն:
15. Եթէ դուք մարդկանց ներէք իրենց յանցանքները, ձեր երկնաւոր Հայրն էլ ձեզ կը ների:
16. Իսկ եթէ դուք մարդկանց չներէք իրենց յանցանքները, ձեր Հայրն էլ ձե՛զ չի ների ձեր յանցանքները:
17. Երբ ծոմ պահէք, տրտմերես մի՛ լինէք կեղծաւորների նման, որոնք իրենց երեսները այլանդակում են, որպէսզի մարդկանց այնպէս երեւան, թէ ծոմ են պահում. ճշմարիտ եմ ասում ձեզ, ա՛յդ իսկ է նրանց վարձը:
18. Այլ երբ դու ծոմ պահես, օծի՛ր քո գլուխը եւ լուա՛ քո երեսը,
19. որպէսզի չերեւաս մարդկանց որպէս ծոմ պահող, այլ քո Հօրը՝ գաղտնաբար. եւ քո Հայրը, որ տեսնում է, ինչ որ ծածուկ է, կը հատուցի քեզ:
20. Գանձեր մի՛ դիզէք ձեզ համար երկրի վրայ, ուր ցեց եւ ժանգ ոչնչացնում են, եւ ուր գողեր պատերն են ծակում ու գողանում,
21. այլ գանձեր դիզեցէ՛ք ձեզ համար երկնքում, որտեղ ո՛չ ցեց եւ ո՛չ ժանգ չեն ոչնչացնում, եւ ո՛չ էլ գողերը պատերն են ծակում ու գողանում.
22. քանի որ, ուր ձեր գանձերն են, այնտեղ եւ ձեր սրտերը կը լինեն:
23. Մարմնի ճրագը աչքն է. եթէ քո աչքը պարզ է, քո ամբողջ մարմինը լուսաւոր կը լինի:
24. Իսկ եթէ քո աչքը պղտոր է, քո ամբողջ մարմինը խաւար կը լինի: Եւ արդ, եթէ քո մէջ եղած լոյսը խաւար է, ապա խաւարը՝ որչա՛փ եւս աւելի:
25. Ոչ ոք չի կարող երկու տիրոջ ծառայել. կա՛մ մէկին կ՛ատի եւ միւսին կը սիրի, կա՛մ մէկին կը մեծարի եւ միւսին կ՛արհամարհի. չէք կարող ծառայել Աստծուն եւ՝ մամոնային:
26. Դրա համար ասում եմ ձեզ. ձեր կեանքի համար հոգ մի՛ արէք, թէ ի՞նչ պիտի ուտէք կամ ի՞նչ պիտի խմէք, եւ ոչ էլ ձեր մարմնի համար, թէ ի՞նչ պիտի հագնէք. չէ՞ որ կեանքը

աւելին է, քան կերակուրը, եւ մարմինը՝ քան զգեստը:

27. Նայեցէ՛ք երկնքի թռչուններին. ո՛չ վարում են, ո՛չ հնձում եւ ո՛չ էլ շտեմարանների մէջ հաւաքում. եւ ձեր երկնաւոր Հայրը կերակրում է նրանց. չէ՞ որ դուք աւելին էք, քան նրանք:

28. Եւ արդ, ձեզնից ո՞վ կարող է հոգս անելով՝ իր հասակի վրայ մէկ կանգուն աւելացնել:

29. Եւ հագուստի համար ինչո՞ւ էք հոգս անում. նայեցէ՛ք վայրի շուշանին, ինչպէ՛ս է աճում. ո՛չ ջանք է թափում եւ ո՛չ հիւսում:

30. Ասում եմ ձեզ, որ Սողոմոնն իսկ, իր ամբողջ փառքի մէջ, չհագնուեց նրանցից մէկի նման:

31. Իսկ եթէ դաշտի միջի խոտին, որ այսօր կայ եւ վաղը հնոց կը նետուի, այդպէ՛ս է հազցնում Աստուած, որքա՛ն եւս առաւել՝ ձե՛զ, թերահաւատներ:

32. Այսուհետեւ հոգ մի՛ արեք ու մի՛ ասեք՝ ի՛նչ պիտի ուտենք կամ ի՛նչ պիտի խմենք կամ ի՛նչ պիտի հագնենք,

33. որովհետեւ հեթանոսներն են այդ բոլորը որոնում. քանի որ ձեր երկնաւոր Հայրը գիտէ, թէ այդ բոլորը ձեզ պէտք է:

34. Նախ խնդրեցէ՛ք Աստծու արքայութիւնը եւ նրա արդարութիւնը, եւ այդ բոլորը Աստուած ձեզ աւելիով կը տայ:

35. Այսուհետեւ հոգ մի՛ արեք վաղուայ մասին, որովհետեւ վաղուայ օրը իր մասին կը հոգայ. օրուայ հոգսը բաւ է օրուայ համար:

1. Մի՛ դատեք, որ Աստծուց չդատուեք.
2. որովհետեւ ինչ դատաստանով, որ դատեք, նրանով էք դատուելու. եւ ինչ չափով, որ չափում էք, նրանով պիտի չափուի ձեզ համար:
3. Ինչո՞ւ քո եղբոր աչքի մէջ շիւղը տեսնում ես, իսկ քո աչքի մէջ գերանը չես տեսնում.
4. կամ ինչպէ՞ս քո եղբորն ասում ես՝ թո՛ղ որ հանեմ այդ շիւղը քո աչքից, եւ ահա քո աչքում գերան կայ:
5. Կեղծաւոր, նախ հանի՛ր քո աչքից այդ գերանը եւ ապա յստակ կը տեսնես՝ քո եղբոր աչքից շիւղը հանելու համար:
6. Մի՛ տուեք սրբութիւնը շներին. եւ ձեր մարգարիտները խոզերի առաջ մի՛ գցեք, որպէսզի դրանք ոտքի կոխան չանեն եւ դառնալով ձեզ չապտառոտեն:
7. Խնդրեցէ՛ք Աստծուց, եւ նա կը տայ ձեզ, փնտռեցէ՛ք եւ կը գտնեք, բախեցէ՛ք, եւ կը բացուի ձեր առաջ.
8. որովհետեւ, ով որ ուզի, ստանում է, ով որ փնտռի, գտնում է, եւ ով որ բախի, նրա առաջ կը բացուի:
9. Ձեզնից ո՞վ է այն մարդը, որից իր որդին եթէ հաց ուզի, միթէ քա՞ր կը տայ նրան.
10. եւ կամ եթէ ծուկ ուզի, միթէ օ՞ճ կը տայ նրան:
11. Արդ, եթէ դուք, որ չար էք, գիտեք ձեր որդիներին բարի պարգեւներ տալ, որքա՞ն եւս առաւել ձեր Հայրը, որ երկնքում է, բարիքներ կը տայ նրանց, որ նրանից ուզում են:
12. Այն ամէնը, ինչ կը կամենաք, որ մարդիկ ձեզ անեն, այդպէս եւ դո՛ւք արեք նրանց, որովհետեւ այդ իսկ են Օրէնքն ու մարգարէները:
13. Մտե՛ք նեղ դռնով. ինչքա՞ն լայն է դուռը եւ ընդարձակ՝ ճանապարհը, որ դէպի կորուստ է տանում, եւ բազմաթիւ են նրանք, որ մտնում են դրանով:
14. Ինչքա՞ն անծուկ է դուռը եւ նեղ՝ ճանապարհը, որ տանում է դէպի կեանք, եւ սակաւաթիւ են նրանք, որ գտնում են այն:
15. Չգո՛յշ եղէք սուտ մարգարէներից, որոնք մօտենում են ձեզ ոչխարների զգեստներով, բայց ներսից յափշտակող գայլեր են:
16. Իրենց գործերի՛ց կը ճանաչեք նրանց. միթէ փշերից խաղող եւ տատասկից թուզ կը քաղե՞ն:
17. Այսպէս, ամէն բարի ծառ բարի պտուղ է տալիս, եւ չար ծառ չար պտուղ է տալիս:
18. Լաւ ծառը չի կարող վատ պտուղ տալ, ոչ էլ վատ ծառը՝ լաւ պտուղ տալ:
19. Ամէն ծառ, որ բարի պտուղ չի տալիս, կտրոււմ եւ կրակն է նետուում:
20. Ուրեմն՝ իրենց գործերի՛ց կը ճանաչեք նրանց:
21. Ոչ ամէն մարդ, որ ինձ Տէ՛ր, Տէ՛ր է ասում, երկնքի արքայութիւն կը մտնի, այլ նա՛, ով կատարում է կամքը իմ Հօր, որ երկնքում է:
22. Այն օրը շատերն ինձ պիտի ասեն. Տէ՛ր, Տէ՛ր, չէ՞ որ քո անունով մարգարեացանք եւ քո անունով դէւեր հանեցինք եւ քո անունով բազում զօրաւոր գործեր արեցինք:
23. Եւ այն ժամանակ ես նրանց պիտի ասեմ. Ես ձեզ երբեք չեմ ճանաչել, հեռո՛ւ կացեք ինձանից դուք ամէնքդ, որ անօրէնութիւն էք գործում:
24. Ով որ լսում է իմ այս խօսքերը եւ կատարում է դրանք, կը նմանուի մի իմաստուն մարդու, որ իր տունը շինեց ժայռի վրայ.
25. անձրեւները թափուեցին, եւ գետերը յորդեցին, հողմերը փչեցին եւ զարկեցին այդ տանը, բայց չկործանուեց, որովհետեւ ժայռի վրայ էր հաստատուած:
26. Իսկ ով որ լսում է իմ այս խօսքերը եւ դրանք չի կատարում, կը նմանուի մի յիմար մարդու, որ իր տունը շինեց ավազի վրայ.
27. անձրեւները թափուեցին, գետերը բարձրացան, հողմերը փչեցին եւ զարկեցին տանը, եւ նա ընկաւ. եւ նրա կործանումը շատ մեծ եղաւ:
28. Երբ Յիսուս այս բոլոր խօսքերն ավարտեց, ժողովուրդը զարմանում էր նրա վարդապետութեան վրայ.
29. որովհետեւ ուսուցանում էր ինչպէս մէկը, որ հեղինակութիւն ունի եւ ոչ թէ՛ ինչպէս

օրենսդետները:

1. Երբ Յիսուս իջաւ լեռից, նրա յետեւից շատ ժողովուրդ գնաց:
2. Եւ ահա մի բորոտ մօտենալով՝ նրան երկրպագում էր ու ասում. Տէ՛ր, եթէ կամենաս, կարող ես ինձ մաքրել:
3. Յիսուս իր ձեռքը երկարեց, դիպցրեց նրան եւ ասաց. Կամենում եմ, մաքրուի՛ր: Եւ իսկոյն բորոտութիւնը նրանից մաքրուեց:
4. Եւ Յիսուս նրան ասաց. Չգո՛յշ եղիր, ոչ ոքի չասես, այլ գնա՛ դու քեզ ցո՛յց տուր քահանային եւ մատուցի՛ր Մովսէսի հրամայած ընծան՝ նրանց իբրեւ վկայութիւն:
5. Կափառնայում մտնելիս նրան մօտեցաւ մի հարիւրապետ. աղաչում էր նրան
6. եւ ասում. Տէ՛ր, ծառաս տանը անդամալոյծ ընկած է եւ չարաչար տանջւում է:
7. Յիսուս նրան ասաց. Ես կը գամ եւ կը բժշկեմ նրան:
8. Հարիւրապետը պատասխանեց եւ ասաց. Տէ՛ր, ես արժանի չեմ, որ դու իմ յարկի տակ մտնես. այլ խօսքով ասա, եւ իմ ծառան կը բժշկուի.
9. քանի որ ես էլ իշխանութեան տակ եղող մարդ եմ, ինձ ենթակայ զինուորներ ունեմ. սրան ասում եմ՝ գնա՛, եւ գնում է, եւ մի ուրիշին, թէ՛ ե՛կ, եւ գալիս է. եւ իմ ծառային, թէ՛ արա՛ այս, եւ անում է:
10. Երբ Յիսուս այս լսեց, զարմացաւ եւ իր հետ գնացողներին ասաց. Ճշմարիտ եմ ասում ձեզ, Իսրայելի մէջ իսկ այսպիսի հաւատ չգտայ երբեք:
11. Բայց ասում եմ ձեզ, որ արեւելքից եւ արեւմուտքից շատերը պիտի գան ու երկնքի արքայութեան մէջ սեղան պիտի նստեն Աբրահամի, Իսահակի եւ Յակոբի հետ.
12. իսկ արքայութեան որդիները պիտի ելնեն արտաքին խաւարը. այնտեղ պիտի լինի լաց եւ ատամների կրճտում:
13. Եւ Յիսուս հարիւրապետին ասաց. Գնա՛, եւ ինչպէս հաւատացիր, այնպէս թող լինի քեզ: Եւ այդ նոյն ժամին նրա ծառան առողջացաւ:
14. Յիսուս Պետրոսի տունը գալով՝ տեսաւ, որ նրա զոքանչը տաքութեան մէջ պառկած էր:
15. Բռնեց նրա ձեռքից, եւ ջերմութիւնը նրան թողեց. ոտքի կանգնեց եւ ծառայում էր նրանց:
16. Երբ երեկոյ եղաւ, նրա մօտ բազում դիւահարներ բերեցին, եւ նա խօսքով դեւերին հանեց ու բոլոր հիւանդներին բժշկեց,
17. որպէսզի կատարուի Եսայի մարգարէի բերանով ասուած խօսքը. Նա մեր հիւանդութիւնները իր վրայ վերցրեց եւ մեր ցաւերը կրեց:
18. Յիսուս իր շուրջը բազում ժողովուրդ տեսնելով՝ հրամայեց միւս կողմ գնալ:
19. Եւ մի օրէնագետ, մօտենալով, ասաց նրան. Կարդապե՛տ, ես էլ քո յետեւից կը գամ, ուր էլ որ գնաս:
20. Յիսուս նրան ասաց. Աղուէսները որջ ունեն, եւ երկնքի թռչունները՝ բոյն. բայց մարդու Որդին մի տեղ չունի, որ իր գլուխը դնի:
21. Եւ իր աշակերտներից մէկն ասաց. Տէ՛ր, ինձ թո՛յլ տուր, որ գնամ նախ իմ հօրը թաղեմ:
22. Յիսուս նրան ասաց. Դու իմ յետեւի՛ց արի եւ թո՛յլ տուր, որ մեռեալնե՛րը թաղեն իրենց մեռելներին:
23. Երբ նա նաւակ մտաւ, նրա յետեւից գնացին իր աշակերտները:
24. Եւ ահա ծովի վրայ մեծ փոթորիկ առաջացաւ, այնքան, որ նաւակը ծածկուեց ալիքներից: Իսկ ինքը ննջում էր:
25. Եւ աշակերտները մօտենալով՝ վեր կացրին նրան ու ասացին. Տէ՛ր, փրկի՛ր մեզ, որովհետեւ կորչում ենք:
26. Նրանց ասաց. Ինչո՞ւ էք վախկոտ, թերահաւատնե՛ր: Այն ժամանակ, վեր կենալով, սաստեց հողմերին եւ ծովին, ու մեծ խաղաղութիւն եղաւ:
27. Եւ մարդիկ զարմացան ու ասում էին. Ինչպիսի՞ մէկն է սա, որ հողմերն ու ծովը հնազանդւում են սրան:



28. Եւ երբ այն կողմ, գերգեսացիների երկիրն անցաւ, նրան պատահեցին գերեզմաններից ելած երկու դիւահար, այնքան սաստիկ կատաղած, որ այդ ճանապարհով որեւէ մէկը չէր կարող անցնել:
29. Եւ ահա նրանք աղաղակեցին ու ասացին. Ի՞նչ կայ մեր եւ քո միջեւ, Յիսո՛ւս, Որդի՛ Աստծու, մեզ տարածամ տանջելո՞ւ եկար:
30. Եւ նրանցից քիչ հեռու արօտական խոզերի մի երամակ կար:
31. Եւ դեւերը աղչում էին նրան ու ասում. Թէ մեզ այստեղից հանես, մեզ թո՛յլ տուր գնալ խոզերի երամակը:
32. Եւ նա նրանց ասաց՝ գնացէ՛ք: Դեւերը դուրս ելնելով՝ գնացին խոզերի երամակ: Եւ ամբողջ երամակը դարաւանդից դիմեց դէպի ծով, ու ջրերի մէջ սատկեցին:
33. Իսկ խոզարածները փախան եւ քաղաք գնալով՝ պատմեցին ամէն ինչ, նաեւ՝ դիւահարների դէպքը:
34. Եւ ահա ամբողջ քաղաքը Յիսուսին ընդառաջ ելաւ. երբ նրան տեսան, աղաչեցին, որ իրենց սահմաններից հեռու գնայ:

1. Եւ նաւակ մտնելով՝ Յիսուս անցաւ ծովի միւս կողմը. եւ եկաւ իր քաղաքը:
2. Եւ ահա նրա մօտ բերեցին մի անդամալոյծ, որ պառկած էր մահճի մէջ: Յիսուս նրանց հաւատը տեսնելով՝ ասաց անդամալոյծին. Քո մեղքերը քեզ ներուած են:
3. Եւ ահա օրէնսգէտներից ոմանք իրենց մտքում ասացին՝ դա հայիոյում է:
4. Եւ Յիսուս իմանալով նրանց մտածումները՝ նրանց ասաց. Ինչո՞ւ դուք ձեր սրտերում չար բան եք խորհում:
5. Ի՞նչն է դիւրին. ասել՝ քեզ ներուած են քո մեղքերը, թե՞ ասել՝ վե՛ր կաց եւ քայլի՛ր:
6. Արդ, որպէսզի իմանաք, որ մարդու Որդին իշխանութիւն ունի երկրի վրայ մեղքերը ներելու, - ասաց նա այդ ժամանակ անդամալոյծին, - վե՛ր կաց, վերցրո՛ւ քո մահիճը եւ գնա՛ քո տունը:
7. Եւ նա վեր կենալով՝ իր տունը գնաց:
8. Երբ ժողովուրդը այս տեսաւ, զարմացաւ. եւ փառաւորում էր Աստծուն՝ մարդկանց այսպիսի իշխանութիւն տուողին:
9. Եւ Յիսուս այնտեղով անցնելով՝ տեսաւ Մատթէոս անունով մի մարդու, որ նստել էր մաքսատանը, ու նրան ասաց. Իմ յետեւի՛ց արի: Եւ նա վեր կենալով՝ գնաց նրա յետեւից:
10. Եւ երբ Յիսուս նրա տանը սեղան էր նստել, ահա բազմաթիւ մաքսաւորներ ու մեղաւորներ եկան բազմեցին Յիսուսի եւ նրա աշակերտների հետ:
11. Երբ փարիսեցիները այդ տեսան, ասացին նրա աշակերտներին. Ինչո՞ւ է ձեր վարդապետը մաքսաւորների ու մեղաւորների հետ ուտում:
12. Իսկ Յիսուս, երբ լսեց, նրանց ասաց. Առողջներին բժիշկ պետք չէ, այլ՝ հիւանդներին:
13. Գնացէ՛ք, սովորեցէ՛ք, թէ ինչ է նշանակում՝ ողորմութիւն եմ կամենում եւ ոչ՝ զոհ. քանզի ես արդարներին կանչելու չեմ եկել, այլ՝ մեղաւորներին:
14. Այն ժամանակ Յովհաննէսի աշակերտները մօտեցան նրան եւ ասացին. Ինչո՞ւ մենք եւ փարիսեցիները յաճախ ծոմ ենք պահում, իսկ քո աշակերտները չեն պահում:
15. Յիսուս նրանց ասաց. Միթէ կարելի՞ բան է, որ հարսանքաւորները սուգ պահեն, քանի փեսան նրանց հետ է. բայց կը գան օրեր, երբ փեսան նրանցից կը վերցուի, եւ ապա ծոմ կը պահեն:
16. Ոչ ոք չօգտագործուած կտաւի կտորը հնացած ձորճի վրայ չի կարկատի, քանի որ այն իր լրիւ չափով կը պատռի կը հանի զգեստից, եւ պատռուածքը աւելի վատ կը լինի:
17. Ոչ էլ նոր գինին հին տիկերի մէջ են դնում. ապա թէ ոչ տիկերը կը պատռուեն. Ե՛ւ գինին դուրս կը թափուի, Ե՛ւ տիկերը կը փչանան. այլ նոր գինին նոր տիկերի մէջ են լցնում, եւ երկուսն էլ պահւում են:
18. Մինչ Յիսուս նրանց այս բաներն էր ասում, ահա մի իշխանաւոր, մօտենալով, երկրպագեց նրան ու ասաց. Իմ դուստրը հէնց նոր մեռաւ, սակայն գայիր եւ քո ձեռքը նրա վրայ դնէիր, եւ նա կը կենդանանար:
19. Յիսուս վեր կացաւ եւ իր աշակերտների հետ միասին գնաց նրա յետեւից:
20. Եւ ահա տասներկու տարուց ի վեր արիւնահոսութիւն ունեցող մի կին, յետեւից մօտենալով Յիսուսին, դիպաւ նրա զգեստի քղանցքին,
21. քանի որ մտքում ասում էր. Եթէ միայն դիպչեմ նրա զգեստին, կը փրկուեմ:
22. Իսկ Յիսուս, երբ դարձաւ ու նրան տեսաւ, ասաց. Քաջալերուի՛ր, դո՛ւստր, քո հաւա՛տը քեզ փրկեց: Եւ նոյն ժամին կինը բժշկուեց:
23. Երբ Յիսուս իշխանաւորի տունը եկաւ եւ տեսաւ փողիարներին ու մեծ ամբոխ,
24. նրանց ասաց. Հեռո՛ւ գնացեք, որովհետեւ այդ աղջիկը ոչ թէ մեռած է, այլ ննջում է.
25. եւ նրանք ծաղրում էին նրան: Եւ երբ ամբոխը դուրս ելաւ, նա ներս մտաւ, բռնեց նրա ձեռքից, եւ աղջիկը վեր կացաւ:
26. Եւ այս լուրը ամբողջ այդ երկրով մէկ տարածուեց:
27. Եւ մինչ Յիսուս անցնում էր այն տեղով, երկու կոյրեր գնացին նրա յետեւից. նրանք աղաղակում էին ու ասում. Ողորմի՛ր մեզ, Դաւթի՛ Որդի:
28. Երբ նա տուն եկաւ, կոյրերը մօտեցան նրան: Յիսուս նրանց ասաց. Հաւատո՞ւմ եք,

- որ ես այդ բանը ձեզ կարող եմ անել: Նրանք ասացին նրան՝ այո՛, Տէ՛ր:
29. Այն ժամանակ դիպաւ նրանց աչքերին եւ ասաց. Ըստ ձեր հաւատի թող լինի ձեզ:
30. Եւ բացուեցին նրանց աչքերը: Եւ Յիսուս նրանց խստիւ պատուիրեց եւ ասաց. Չգո՛յշ կացե՞ք, ոչ ոք չիմանայ:
31. Իսկ նրանք ելան եւ նրա համբաւը տարածեցին ամբողջ այդ երկրում:
32. Եւ երբ նրանք դուրս եկան, ահա նրա մօտ բերեցին մի համր, դիւահար մարդ:
33. Եւ երբ դեւը դուրս եկաւ, համրը խօսեց. Եւ ժողովուրդը զարմացաւ ու ասաց. Այսպիսի բան Իսրայէլում երբեք տեսնուած չէ:
34. Իսկ փարիսեցիներն ասում էին. Դա դեւերի իշխանի միջոցով է հանում դեւերին:
35. Եւ Յիսուս շրջում էր բոլոր քաղաքներում եւ գիւղերում, ուսուցանում նրանց ժողովարաններում, քարոզում արքայութեան Աւետարանը եւ բժշկում էր ժողովրդի բոլոր ախտերն ու հիւանդութիւնները:
36. Եւ տեսնելով ժողովրդի բազմութիւնը՝ Յիսուս գթաց նրանց, որովհետեւ յոգնած էին եւ ցրուած, ինչպէս ոչխարներ, որոնք հովիւ չունեն:
37. Այն ժամանակ իր աշակերտներին ասաց. Հոռնձը առատ է, իսկ մշակները՝ սակաւ:
38. Արդ, աղաչեցէ՛ք հնձի Տիրոջը, որ մշակներ հանի իր հնձի համար:

1. Եւ նա իր մօտ կանչելով իր տասներկու աշակերտներին՝ նրանց իշխանութիւն տուեց պիղծ դեւերի վրայ՝ հանելու դրանք եւ բժշկելու ամէն ցաւ եւ ամէն հիւանդութիւն:
2. Եւ տասներկու առաքեալների անունները սրանք էին. առաջին՝ Սիմոն Պետրոս կոչուածը, եւ նրա եղբայրը Անդրեաս,
3. Չեբեդէոսի որդի Յակոբոս եւ նրա եղբայրը Յովհաննէս, Փիլիպպոս եւ Բարթողոմէոս, Թովմաս եւ Մատթէոս մաքսաւոր, Ալփէոսի որդի Յակոբոս եւ Ղեբէոս, որ Թադէոս կոչուեց,
4. Սիմոն Կանանացի եւ Յուդա Իսկարիովտացի, որ եւ մատնեց նրան:
5. Նրանց Տասներկուսին Յիսուս ուղարկեց, պատուիրեց նրանց ու ասաց. Հեթանոսների շրջաններով չգնաք եւ սամարացիների որեւէ քաղաքը չմտնեք,
6. այլ ակելի շուտ գնացէ՛ք Իսրայէլի տան կորած ոչխարների մօտ:
7. Եւ երբ գնաք, քարոզեցէ՛ք եւ ասացէ՛ք. Երկնքի արքայութիւնը մօտեցել է:
8. Հիւանդներին բժշկեցէ՛ք, բորոտներին մաքրեցէ՛ք, դեւերին հանեցէ՛ք, ձրի առաք, ձրի էլ տուէ՛ք:
9. Մի՛ ունեցէք ո՛չ ոսկի, ո՛չ արծաթ եւ ո՛չ էլ պղինձ դրամ՝ ձեր գօտիների մէջ.
10. ո՛չ պարկ՝ ճանապարհի համար. ո՛չ երկու զգեստ, ո՛չ կօշիկներ եւ ո՛չ էլ ցուպ. որովհետեւ մշակն արժանի է իր կերակրին:
11. Որ քաղաքը կամ գիւղը մտնեք, հարցրէ՛ք, թէ ո՛վ է այնտեղ արժանաւորը, եւ այնտեղ մնացէ՛ք, մինչեւ որ այդտեղից դուրս ելնեք:
12. Եւ երբ այն տունը մտնեք, ողջո՛յն տուէք նրան ու ասացէ՛ք. Ողջո՛յն այս տանը:
13. Եթէ տունն արժանի է, ձեր ողջոյնը նրա վրայ թող իջնի. իսկ եթէ արժանի չէ, ձեր ողջոյնը ձեզ թող վերադառնայ:
14. Եւ եթէ մի քաղաք չընդունի ձեզ եւ չլսի ձեր խօսքերը, այդ քաղաքից դուրս գնալիս՝ ձեր ոտքերից փոշին թօթափեցէ՛ք:
15. Ճշմարիտ եմ ասում ձեզ, սողոմացիների եւ գոմորացիների երկրի համար ակելի հեշտ պիտի լինի դատաստանի օրը, քան այդ քաղաքի համար:
16. Ահա ես ձեզ ուղարկում եմ որպէս ոչխարներ՝ գայլերի մէջ: Այսուհետեւ խորագէտ եղէք օձերի պէս եւ միամիտ՝ աղաւսիների նման:
17. Չգուշացէ՛ք մարդկանցից, որովհետեւ պիտի մատնեն ձեզ ատեանների եւ պիտի տանջեն ձեզ իրենց ժողովարաններում.
18. ձեզ պիտի տանեն կուսակալների ու թագաւորների առաջ իմ պատճառով, որ իմ մասին վկայութիւն տաք նրանց եւ հեթանոսներին:
19. Բայց երբ ձեզ մատնեն, հոգ մի՛ արեք, թէ ինչպէս կամ ինչ պիտի խօսեք, որովհետեւ այդ ժամին ձեզ կը տրուի այն, ինչ պիտի խօսեք.
20. քանի որ ոչ թէ դուք էք, որ պիտի խօսեք, այլ ձեր Հօր Հոգին, որ պիտի խօսի ձեր միջոցով:
21. Եղբայրն իր եղբօրը մահուան պիտի մատնի, եւ հայրը՝ որդուն: Եւ որդիները հայրերի դէմ պիտի ելնեն ու նրանց պիտի սպանեն:
22. Եւ իմ անուան համար բոլորից պիտի ատուէք. իսկ ով մինչեւ վերջ համբերի, նա պիտի փրկուի:
23. Եւ երբ ձեզ հալածեն այս քաղաքում, կը փախչէք դէպի մէկ ուրիշը. եւ եթէ ձեզ դրանից էլ հալածեն, կը փախչէք դէպի այն միւսը: Ճշմարիտ եմ ասում ձեզ, Իսրայէլի քաղաքները դեռ վերջացրած պիտի չլինեք, նախքան մարդու Որդու գալը:
24. Աշակերտը ակելին չէ, քան վարդապետը, եւ ոչ էլ ծառան՝ քան իր տէրը:
25. Աշակերտին հերիք է, եթէ լինի իր վարդապետի նման, եւ ծառային՝ իր տիրոջ նման. եթէ տանտիրոջը Բեեղզբուղ կոչեցին, որչա՛փ եւս առաւել՝ նրա ընտանիքը:
26. Այսուհետեւ նրանցից չվախենաք, որովհետեւ չկայ ծածուկ բան, որ չյայտնուի, եւ գաղտնի բան, որ չիմացուի:
27. Ինչ ձեզ ասում եմ խաւարի մէջ, դուք ասացեք լոյսի՛ մէջ. եւ ինչ լսում էք ականջի մէջ

փսփսուքով, հրապարակեցէ՛ք տանիքների վրայից:

28. Եւ մի՛ վախեցէք նրանցից, որ մարմինն են սպանում, բայց հոգին սպանել չեն կարող. այլ դուք առաւել վախեցէ՛ք նրանից, ով կարող է գեհենի մէջ կորստեան մատնել հոգին եւ մարմինը:

29. Չէ՞ որ երկու ճնճողուկ մէկ դահեկանի է վաճառում, բայց նրանցից մէկն անգամ առանց ձեր Հօր գետին չի ընկնում:

30. Եւ ձեր գլխի մազերը բոլորն իսկ հաշուուած են:

31. Արդ, մի՛ վախեցէք, քանի որ բազում ճնճողուկներից լաւ էք դուք:

32. Ով որ ինձ կը խոստովանի մարդկանց առաջ, ես էլ կը խոստովանեմ նրան իմ Հօր առաջ, որ երկնքում է:

33. Եւ ով ինձ կ'ուրանայ մարդկանց առաջ, ես էլ նրան կ'ուրանամ իմ Հօր առաջ, որ երկնքում է:

34. Մի՛ կարծէք, թէ եկայ խաղաղութիւն հաստատելու երկրի վրայ. չեկայ հաստատելու խաղաղութիւն, այլ՝ սուր:

35. քանի որ եկայ, որ բաժանեմ որդուն իր հօրից, եւ դստերը՝ իր մօրից, եւ հարսին՝ իր կնետրից:

36. Մարդու թշնամիները իր տնեցիները կը լինեն:

37. Ով իր հօրը եւ կամ մօրը ինձնից աւելի է սիրում, ինձ արժանի չէ. ով իր որդուն կամ դստերը ինձնից աւելի է սիրում, ինձ արժանի չէ:

38. Եւ ով իր խաչը չի վերցնում ու իմ յետեւից չի գալիս, ինձ արժանի չէ:

39. Ով որ իր անձը գտնում է, այն կը կորցնի. եւ ով իր անձը կորցրեց ինձ համար, այն կը գտնի:

40. Ով ձե՛զ է ընդունում, ի՛նձ է ընդունում, եւ ով ի՛նձ է ընդունում, ընդունում է ինձ ուղարկողի՛ն:

41. Ով մարգարէին ընդունում է իբրեւ մարգարէի, մարգարէի վարձ կը ստանայ. ով արդարին ընդունում է իբրեւ արդարի, արդարի վարձ կը ստանայ:

42. Եւ ով այս փոքրիկներից մէկին միայն մի բաժակ սառը ջուր կը տայ խմելու իբրեւ աշակերտ, ճշմարիտ եմ ասում ձեզ, իր վարձը չափտի կորցնի:

1. Եւ երբ Յիսուս վերջացրեց իր տասներկու աշակերտներին պատուեր տալը, այնտեղից գնաց՝ քարոզելու եւ ուսուցանելու շրջակայ քաղաքներում:
2. Իսկ Յովհաննէսը, երբ բանտում լսեց Քրիստոսի գործերի մասին, ուղարկեց իր աշակերտներին եւ նրանց միջոցով ասաց նրան.
3. Դո՛ւ ես, որ գալու էիր, թե՞ ուրիշին սպասենք:
4. Յիսուս պատասխան տուեց նրանց եւ ասաց. Գնացէ՛ք պատմեցէ՛ք Յովհաննէսին, ինչ որ դուք լսեցիք եւ տեսաք.
5. Կոյրերը տեսնում են, կաղերը՝ քայլում, բորոտները՝ մաքրում, խուլերը՝ լսում, մեռելները՝ յառնում, եւ աղքատներին քարոզում է Աւետարանը:
6. Եւ երանի՛ է նրան, ով իմ պատճառով չի գայթակղում:
7. Երբ Յովհաննէսի աշակերտները գնացին, Յիսուս սկսեց ժողովրդին ասել Յովհաննէսի մասին. Ի՞նչ տեսնելու ելաք անապատում. հողմից շարժուող եղէ՞գ:
8. Հապա ի՞նչ տեսնելու ելաք. փափուկ զգեստներով զարդարուած մա՞րդ. ահա նրանք, որ փափուկ բաներ են հագել, թագաւորների պալատներում են:
9. Ապա ի՞նչ տեսնելու ելաք. մի մարգարէ՞. այո՛, ասում եմ ձեզ. առաւել՛ քան մի մարգարէ,
10. որովհետեւ նա է, որի մասին գրուած է. Ահա ես կ'ուղարկեմ իմ պատգամաւորին քո առջեւից, որ քո առաջ քո ճանապարհը պատրաստի:
11. Ճշմարիտ եմ ասում ձեզ, կանանցից ծնուածների մէջ Յովհաննէս Մկրտչից աւելի մեծը չի ելել. բայց երկնքի արքայութեան մէջ ամենից յետինը նրանից մեծ է:
12. Յովհաննէս Մկրտչի օրերից մինչեւ այժմ երկնքի արքայութիւնը բռնադատում է. եւ հզօրներն են յափշտակում այն,
13. քանի որ ամբողջ Օրէնքը եւ մարգարէները մարգարեացան մինչեւ Յովհաննէսը:
14. Եւ եթէ ուզում էք ընդունել, Յովհաննէ՛սն է Եղիան, որ գալու է:
15. Ով լսելու ականջ ունի, թող լսի:
16. Ո՛ւմ նմանեցնեմ այս սերնդին. նման է նա մանուկների, որոնք նստած են հրապարակներում, կանչում են իրենց ընկերներին եւ ասում.
17. ձեզ համար փող հնչեցրինք, բայց չպարեցիք. ձեզ համար ողբ երգեցինք, բայց դուք լաց ու կոծ չարեցիք:
18. Եկաւ Յովհաննէսը. ո՛չ ուտում էր եւ ո՛չ խմում. եւ ասացին՝ նրա մէջ դեւ կայ:
19. Եկաւ մարդու Որդին. ուտում է եւ խմում. եւ ասում են՝ ահա ուտող եւ խմող մարդ, բարեկամ՝ մաքսաւորների եւ մեղաւորների. բայց իմաստութիւնը արդարացուեց իր որդիների կողմից :
20. Այն ժամանակ նա սկսեց պարսաւել այն քաղաքները, որոնց մէջ նրա բազում զօրաւոր գործերը տեղի ունեցան, բայց նրանք չապաշխարեցին:
21. Վա՛յ քեզ, Քորազին, վա՛յ քեզ, Բեթսայիդա. որովհետեւ եթէ Տիւրոսում եւ Սիդոնում տեղի ունեցած լինէին այն զօրաւոր գործերը, որ ձեր մէջ արուեցին, վաղուց արդէն քուրջով եւ մոխրով ապաշխարած կը լինէին:
22. Բայց ասում եմ ձեզ, Տիւրոսի եւ Սիդոնի երկրի համար աւելի տանելի կը լինի դատաստանի օրը, քան ձեզ համար:
23. Եւ դո՛ւ, Կափառնայո՛ւմ, միթէ մինչեւ երկի՞նք պիտի բարձրանաս. ո՛չ, պիտի իջնես մինչեւ դժոխք. որովհետեւ եթէ Սողոմոն եղած լինէին այս զօրաւոր գործերը, որ եղան քո մէջ, արդարեւ մինչեւ այսօր նրանք կանգուն կը լինէին:
24. Բայց ասում եմ ձեզ, որ սողոմացիների երկրի համար դատաստանի օրը աւելի տանելի կը լինի, քան քեզ համար:
25. Այն ժամանակ Յիսուս պատասխան տուեց եւ ասաց. Գոհութիւն եմ յայտնում քեզ, Հա՛յր, Տէ՛ր երկնքի եւ երկրի, որ ծածկեցիր այս բանը իմաստուններից եւ գիտուններից ու յայտնեցիր մանուկներին:
26. Այո՛, Հա՛յր, քանի որ այսպէս հաճելի եղաւ քեզ:

27. Ամենայն ինչ տրուեց ինձ իմ Հօրից. եւ ոչ ոք չի ճանաչում Որդուն, եթէ ոչ՝ Հայրը. եւ ոչ ոք չի ճանաչում Հօրը, եթէ ոչ՝ Որդին, եւ նա, ում Որդին ուզեցնայ յայտնել:
28. Եկէ՛ք ինձ մօտ, բոլոր յոգնածներդ ու բեռնաւորուածներդ, եւ ես ձեզ կը հանգստացնեմ:
29. Իմ լուծը ձեր վրայ վերցրէ՛ք եւ սովորեցէ՛ք ինձնից, որ հեզ եմ եւ սրտով խոնարհ. եւ ձեզ համար հանգիստ պիտի գտնեք,
30. որովհետեւ իմ լուծը քաղցր է եւ իմ բեռը՝ թեթեւ:

1. Յիսուս, շաբաթ օրով, անցաւ արտերի միջով. նրա աշակերտները քաղցած էին եւ սկսեցին հասկ պոկել եւ ուտել:
2. Փարիսեցիները երբ այս տեսան, Յիսուսին ասացին. Ահա քո աշակերտները անում են մի բան, որ շաբաթ օրն անել օրինաւոր չէ:
3. Եւ նա նրանց ասաց. Դուք չէ՞ք կարդացել, թէ ինչ արեց Դաւիթը, երբ քաղց զգաց նա եւ նրանք, որ նրա հետ էին:
4. Թէ ինչպէս մտաւ Աստծու տունը եւ կերաւ առաջաւորութեան հացը, որն ուտել օրէնք չէր ո՛չ նրա եւ ո՛չ էլ նրա հետ եղողների համար, այլ միայն՝ քահանաների համար:
5. Կամ թէ Օրէնքում չէ՞ք կարդացել, որ շաբաթ օրերը տաճարում քահանաները պղծում են շաբաթը եւ անմեղ են:
6. Բայց ասում եմ ձեզ, որ այստեղ տաճարից մեծ մէկը կայ:
7. Եւ եթէ իմանայիք, թէ ի՛նչ է՝ ողորմութիւն եմ կամենում եւ ոչ՝ զոհ, ապա դուք անպարտութիւն չէիք դատապարտի.
8. ուրեմն մարդու Որդին շաբաթ օրուայ տէրն է:
9. Յիսուս այստեղից մեկնելով՝ եկաւ նրանց ժողովարանը:
10. Այնտեղ կար մի մարդ, որի ձեռքը զօսացած էր: Յիսուսին հարցրին ու ասացին. Շաբաթ օրը թոյլատրելի՞ է բժշկել. որպէսզի նրան ամբաստանեն:
11. Եւ նա ասաց նրանց. Ո՞վ է ձեզնից այն մարդը, որ մի ոչխար ունենայ, եւ դա շաբաթ օրն ընկնի փոսի մէջ, միթէ չի՞ բռնի ու վեր հանի այն:
12. Իսկ արդ, մարդը ոչխարից որքա՞ն եւս առաւել է. ապա ուրեմն, պէտք է շաբաթ օրը բարիք գործել:
13. Այն ժամանակ մարդուն ասաց՝ ձեռքդ երկարի՛ր. եւ նա երկարեց. եւ առողջացաւ զօսացած ձեռքը, ինչպէս միւսը:
14. Իսկ փարիսեցիները դուրս գալով՝ նրա դէմ խորհուրդ արին, թէ ինչպէս կորստեան մատնեն նրան:
15. Երբ Յիսուս այդ իմացաւ, այդտեղից մեկնեց: Նրա յետեւից գնաց շատ ժողովուրդ, եւ նա բոլորին բժշկեց:
16. Եւ խստիւ պատուիրեց նրանց, որ իր մասին ոչ ոքի բան չասեն,
17. որպէսզի կատարուի այն, ինչ որ ասուեց Եսայի մարգարէի բերանով.
18. Այն ժամանակ նրա մօտ բերուեց կոյր ու համր մի դիւահար, եւ նա բժշկեց նրան, այնպէս որ համրն ու կոյրը խօսում էր ու տեսնում:
19. Ամբողջ ժողովուրդը զարմացաւ եւ ասում էր. Միթէ սա՞ է Քրիստոսը՝ Դաւթի Որդին:
20. Բայց երբ փարիսեցիները լսեցին, ասացին. Նա դեւերին այլ կերպ չի հանում, եթէ ոչ Բեեղզեբուղի՝ դեւերի իշխանի միջոցով:
21. Երբ Յիսուս նրանց մտածումներն իմացաւ, նրանց ասաց. Ինքն իր մէջ բաժանուած ամէն թագաւորութիւն ակերւում է, եւ ինքն իր մէջ բաժանուած ամէն քաղաք կամ տուն կանգուն չի մնայ.
22. եւ եթէ սատանան սատանային հանում է, ուրեմն՝ ինքն իր մէջ բաժանուեց. արդ, նրա թագաւորութիւնը ինչպէ՞ս կարող է կանգուն մնալ:
23. Եւ եթէ ես Բեեղզեբուղով եմ հանում դեւերին, ձեր որդիները ինչո՞վ կը հանեն. դրա համար էլ նրանք կը լինեն ձեր դատաւորները:
24. Իսկ եթէ Աստծու Հոգով եմ հանում դեւերին, ուրեմն Աստծու արքայութիւնը հասել է ձեր վրայ:
25. Կամ ինչպէ՞ս կարող է մէկը մտնել հզօր մի մարդու տունը եւ յափշտակել նրա գոյքերը, եթէ նախ չկապի հզօրին եւ ապա նրա տունը կողոպտի:
26. Ով ինձ հետ չէ՝ իմ դէմ է, եւ ով ինձ հետ չի հաւաքում՝ ցրում է:
27. Դրա համար ասում եմ ձեզ. ամէն մեղք եւ հայիոյանք կը ներուեն մարդկանց, բայց Հոգու դէմ հայիոյանքը չափտի ներուի:
28. Եւ ով որ մարդու Որդու դէմ խօսք ասի, նրան պիտի ներուի, բայց ով ասի Սուրբ



Հոգու դեմ, նրան չպիտի ներուկի ո՛չ այս աշխարհում եւ ո՛չ էլ հանդերձեալում:

29. Կա՛մ ծառը բարի արեք, եւ նրա պտուղն էլ բարի կը լինի, կա՛մ ծառը չար արեք, եւ նրա պտուղն էլ չար կը լինի. քանի որ իր պտղից է ծառը ճանաչում:

30. Իժերի՛ ծնունդներ, դուք, որ չար եք, ինչպե՞ս կը կարողանաք բարի բաներ խօսել, քանի որ բերանը սրտի լիութիւնից է, որ խօսում է:

31. Բարի մարդը իր սրտի բարի գանձերից հանում է բարի բաներ, իսկ չար մարդը իր սրտի չար գանձերից հանում է չար բաներ:

32. Բայց ասում եմ ձեզ, թէ մարդիկ իրենց խօսած ամէն դատարկ բանի համար դատաստանի օրը հաշիւ պիտի տան,

33. որովհետեւ՝ քո խօսքերով պիտի արդարանաս եւ քո խօսքերով պիտի դատապարտուես:

34. Այն ժամանակ օրէնսգետներից եւ փարիսեցիներից ոմանք նրան պատասխան տուեցին ու ասացին. Վարդապե՛տ, քեզնից մի նշան ենք կամենում տեսնել:

35. Նա պատասխան տուեց նրանց ու ասաց. Չար եւ շնացող ազգը նշան է փնտռում. այլ նշան չի տրուի նրան, բայց միայն Յովնան մարգարէի նշանը.

36. որովհետեւ, ինչպէս Յովնանը երեք օր ու երեք գիշեր կէտի փորի մէջ էր, նոյնպէս եւ մարդու Որդին երկրի ընդերքում երեք օր ու երեք գիշեր:

37. Նիւուէի մարդիկ դատաստանի ժամանակ այս ազգի դեմ պիտի դուրս գան եւ պիտի դատապարտեն նրան, քանի որ նրանք Յովնանի քարոզութեամբ ապաշխարեցին. եւ ահաւասիկ այստեղ Յովնանից մեծը կայ:

38. Հարաւի Դշխոն դատաստանի ժամանակ պիտի դուրս գայ այս ազգի դեմ եւ պիտի դատապարտի նրան, որովհետեւ նա երկրի ծագերից եկաւ լսելու Սողոմոնի իմաստութիւնը. եւ ահա այստեղ Սողոմոնից մեծը կայ:

39. Սակայն պիղծ ոգին դուրս է ելնում մարդուց, շրջում է անջրդի վայրերում, հանգիստ է որոնում եւ չի գտնում:

40. Այն ժամանակ ասում է՝ դառնամ իմ տունը, որտեղից դուրս եկայ. եւ գալիս է ու այն գտնում դատարկ՝ մաքրուած ու կարգի բերուած:

41. Այն ժամանակ գնում եւ վերցնում է իր հետ իրենից աւելի չար եօթը այլ ոգիներ եւ մտնում բնակւում է այնտեղ. եւ այդ մարդու վերջը լինում է աւելի վատ, քան առաջ էր. այսպէս պիտի լինի եւ այս չար սերնդին:

42. Մինչ Յիսուս դեռ խօսքն ուղղում էր բազմութեանը, ահա նրա մայրն ու նրա եղբայրները կանգնած էին դրսում եւ ուզում էին խօսել նրա հետ:

43. Եւ մէկն ասաց նրան. Ահա քո մայրն ու քո եղբայրները դրսում կանգնած են եւ ուզում են քեզ հետ խօսել:

44. Նա այդ ասողին պատասխանեց ու ասաց. Ո՞վ է իմ մայրը, կամ ովքե՞ր են իմ եղբայրները:

45. Եւ իր ձեռքը երկարելով դէպի իր աշակերտները՝ ասաց. Ահա՛ իմ մայրը եւ իմ եղբայրները.

46. որովհետեւ, ով կատարում է կամքը իմ Հօր, որ երկնքում է, նա՛ է ինձ եղբայր եւ քոյր եւ մայր:

1. Այդ օրը Յիսուս տնից դուրս գալով՝ նստեց ծովեզերքին:
2. Եւ նրա մօտ շատ ժողովուրդ հաւաքուեց, այնպէս որ նա նաւակ մտաւ ու նստեց. իսկ ամբողջ ժողովուրդը կանգնած էր ծովեզերքին:
3. Եւ նրանց հետ առակներով շատ բաներ էր խօսում եւ ասում:
4. Ահա մի սերմնացան ելաւ սերմանելու. եւ երբ նա սերմանում էր, մի մաս սերմ ընկաւ ճանապարհի եզերքին, եւ երկնքի թռչունը եկաւ եւ այն կերաւ:
5. Եւ ուրիշ մի մաս ընկաւ ապառաժի վրայ, ուր շատ հող չկար. եւ իսկոյն բուսաւ, քանի որ հողը խորութիւն չուներ:
6. Երբ արեւը ծագեց, խանձուեց. եւ քանի որ արմատներ չկային, չորացաւ:
7. Եւ ուրիշ մի մաս ընկաւ փշերի մէջ, ու փշերը բարձրացան եւ այն խեղդեցին:
8. Եւ մէկ ուրիշ մաս ընկաւ պարարտ հողի վրայ եւ պտուղ տուեց. կար որ մէկին՝ հարիւր. եւ կար որ մէկին՝ վաթսուն. եւ կար որ մէկին՝ երեսուն:
9. Ով լսելու ականջ ունի, թող լսի:
10. Եւ աշակերտները մօտենալով՝ նրան ասացին. Ինչո՞ւ ես առակներով խօսում նրանց հետ:
11. Նա պատասխանեց եւ ասաց նրանց. Քանի որ ձե՛զ է տրուած իմանալ երկնքի արքայութեան խորհուրդները, իսկ նրանց տրուած չէ:
12. որովհետեւ՝ ով ունի, նրան պիտի տրուի եւ պիտի ակելացուի, իսկ ով չունի, նրանից պիտի վերցուի ունեցածն էլ:
13. Նրանց հետ առակներով եմ խօսում նրա համար, որ նայում են եւ չեն տեսնում, լսում են եւ չեն իմանում ու չեն հասկանում:
14. Եւ նրանց վրայ կատարւում է Եսայու մարգարեութիւնը, որ ասում է՝ պիտի լսեք, պիտի լսեք ու պիտի չիմանաք, պիտի նայեք, պիտի նայեք ու պիտի չտեսնեք:
15. որովհետեւ այս ժողովրդի սիրտը կարծրացաւ, եւ իրենց ականջներով ծանր են լսում. եւ փակեցին իրենց աչքերը, որպէսզի երբեք աչքերով չտեսնեն ու ականջներով չլսեն եւ սրտով չիմանան եւ դարձի չգան, ու ես նրանց չբժշկեմ:
16. Բայց երանի՜ք ձեր աչքերին, որ տեսնում են, ու ձեր ականջներին, որ լսում են:
17. Ճշմարիտ եմ ասում ձեզ, որ շատ մարգարէներ ու արդարներ ցանկացան տեսնել, ինչ որ դուք տեսնում էք, բայց չտեսան, եւ լսել՝ ինչ որ դուք լսում էք, բայց չլսեցին:
18. Եւ արդ, լսեցէ՛ք դուք սերմնացանի առակը:
19. ամէն մէկից, ով լսում է արքայութեան խօսքը եւ չի հասկանում, չարը գալիս է եւ յափշտակում նրա սրտում սերմանուածը. դա այն է, որ ճանապարհի եզերքին սերմանուեց:
20. Եւ որ ապառաժի վրայ սերմանուեց, այն է, որ երբ լսում է խօսքը, իսկոյն ուրախութեամբ էլ ընդունում է այն:
21. Բայց քանի որ ինքն իր մէջ արմատներ չունի, այլ մի որոշ ժամանակի համար է հաւատում, երբ խօսքի համար նեղութիւն եւ հալածանքներ լինեն, իսկոյն սայթաքում ընկնում է:
22. Իսկ որ փշերի մէջ սերմանուեց, այն է, որ լսում է խօսքը, բայց աշխարհիս հոգսերը եւ հարստութեան պատրանքները խեղդում են խօսքը, եւ սա լինում է անպտուղ:
23. Իսկ որ լաւ հողի մէջ սերմանուեց, այն է, որ երբ լսում է խօսքը եւ հասկանում, պտուղ է տալիս. կայ որ մէկի դիմաց՝ հարիւր, կայ որ մէկի դիմաց՝ վաթսուն եւ կայ որ մէկի դիմաց՝ երեսուն:
24. Նա մէկ ուրիշ առակ էլ նրանց առաջ դրեց ու ասաց. Երկնքի արքայութիւնը նմանուեց մի մարդու, որ իր արտի մէջ բարի սերմ սերմանեց:
25. Եւ երբ մարդիկ քնի մէջ էին, նրա թշնամին եկաւ եւ ցանած ցորենի վրայ որոմ ցանեց ու գնաց:
26. Եւ երբ ցորենը բուսաւ ու պտուղ տուեց, ապա երեւաց եւ այն որոմը:
27. Տանտիրոջ ծառաները մօտեցան ու ասացին նրան. Տէ՛ր, չէ՞ որ քո արտի մէջ դու

բարի սերմ սերմանեցիր, ուրեմն որտեղի՞ց է այդ որոմը:

28. Եւ տէրն ասաց նրանց. Թշնամի մարդ է արել այդ: Ծառաները նրան ասացին. Կամենո՞ւմ ես, որ գնանք ու քաղենք հանենք այն:

29. Եւ տէրը նրանց ասաց. Ո՛չ, մի գուցէ որոմը քաղելիս, ցորենն էլ նրա հետ արմատախիլ անեք:

30. Թողէ՛ք, որ երկուսն էլ միասին աճեն մինչեւ հունձը, եւ հնձի ժամանակ ես հնձողներին կ'ասեմ՝ նախ այդ որոմը քաղեցէ՛ք եւ դրանից խուրձեր կապեցէ՛ք այրելու համար, իսկ ցորենը հաւաքեցէ՛ք իմ շտեմարանների մէջ:

31. Նրանց առաջ նա մէկ ուրիշ առակ էլ դրեց ու ասաց. Երկնքի արքայութիւնը նման է մանանեխի հատիկի, որ մի մարդ, առնելով, սերմանեց իր արտի մէջ:

32. Այն փոքր է, քան բոլոր սերմերը. սակայն երբ աճում է, բոլոր բանջարներից աւելի է մեծանում ու ծառ է լինում, այն աստիճան, որ երկնքի թռչունները գալիս են ու նրա ճիւղերի վրայ հանգստանում:

33. Նա մէկ ուրիշ առակ էլ պատմեց նրանց ու ասաց. Երկնքի արքայութիւնը նման է թթմորի, որ մի կին, առնելով, դրեց երեք չափ ալիւրի մէջ, մինչեւ որ ամբողջը խմորուեց:

34. Այս բոլորը Յիսուս առակներով պատմեց բազմութեանը եւ առանց առակի ոչինչ չէր ասում նրանց,

35. որպէսզի կատարուի մարգարէի կողմից ասուածը. Իմ բերանը առակներով պիտի բանամ եւ աշխարհի սկզբից ի վեր ծածկուած բաները պիտի յայտնեմ:

36. Այն ժամանակ Յիսուս արձակելով ժողովրդին՝ տուն եկաւ. աշակերտները մօտեցան նրան ու ասացին. Մեկնի՛ր մեզ համար արտի որոմների առակը:

37. Նա պատասխանեց եւ ասաց. Այն, որ սերմանում է բարի սերմը, մարդու Որդին է,

38. իսկ արտը այս աշխարհն է. բարի սերմը նրանք են, որ արքայութեան որդիներն են, իսկ որոմը չարի որդիներն են.

39. եւ թշնամին, որ այն ցանեց, սատանան է. իսկ հունձը այս աշխարհի վախճանն է, եւ հնձողները հրեշտակներ են:

40. Ինչպէս որոմը հաւաքւում է եւ կրակի մէջ այրւում, այնպէս կը լինի այս աշխարհի վախճանին:

41. Մարդու Որդին կ'ուղարկի իր հրեշտակներին, եւ նրանք կը հաւաքեն նրա արքայութիւնից բոլոր գայթակղութիւնները եւ նրանց, որոնք անօրինութիւն են գործում:

42. Եւ կը գցեն նրանց բոցավառ հնոցի մէջ. այնտեղ կը լինի լաց եւ ատամների կրճտում:

43. Այն ժամանակ արդարները երկնքի արքայութեան մէջ կը ծագեն ինչպէս արեգակը: Ով լսելու ականջ ունի, թող լսի:

44. Դարձեալ՝ երկնքի արքայութիւնը նման է արտի մէջ թաքցուած գանձի, որ մի մարդ, գտնելով, նորից թաքցնում է. եւ ուրախութիւնից գնում վաճառում է իր ամբողջ ունեցածը եւ այդ արտը գնում է:

45. Դարձեալ՝ երկնքի արքայութիւնը նման է մի վաճառականի, որ գեղեցիկ մարգարիտներ էր որոնում.

46. եւ գտնելով մի թանկարժէք մարգարիտ՝ գնաց վաճառեց իր ամբողջ ունեցածը եւ այդ մարգարիտը գնեց:

47. Դարձեալ՝ երկնքի արքայութիւնը նման է ծով նետուած ուռկանի, որ ամէն տեսակ բան է հաւաքել.

48. երբ լցուել էր, այն ցամաք հանելով եւ նստելով՝ լաւերը մի առ մի հաւաքեցին ամանների մէջ, իսկ անպետքը դուրս գցեցին:

49. Այնպէս էլ կը լինի այս աշխարհի վախճանին: Հրեշտակները կ'ելնեն եւ չարերին արդարների միջից կը բաժանեն

50. ու կը գցեն նրանց բոցավառ հնոցի մէջ. այնտեղ կը լինի լաց եւ ատամների կրճտում:

51. Յիսուս իր աշակերտներին ասաց. Այս բոլորը իմացա՞ք: Նրան ասացին՝ այո՛, Տէ՛ր:

52. Եւ Յիսուս նրանց ասաց. Դրա համար երկնքի արքայութեանն աշակերտած ամէն օրէնագետ նման է տանուտեր մարդու, որ իր գանձից հանում է նորը եւ հինը:

53. Երբ Յիսուս այս առակները վերջացրեց, այնտեղից մեկնեց:
54. Եւ գալով իր գաւառը՝ նրանց ուսուցանում էր իրենց ժողովարանում, այնպէս որ նրանք զարմանում ու ասում էին. Սրան որտեղի՞ց են այս իմաստութիւնը եւ զօրութեան գործերը:
55. Սա հիւսնի որդին չէ՞. սրա մայրը չէ՞, որ Մարիամ է կոչւում. եւ սրա եղբայրները՝ Յակոբոս, Յովսէս, Սիմոն եւ Յուդա:
56. Եւ սրա քոյրերը բոլորը մեզ մօտ չե՞ն. եւ արդ, որտեղի՞ց է սրան այս բոլորը:
57. Եւ նրանով գայթակղւում էին: Իսկ Յիսուս նրանց ասաց. Չկայ անարգուած մարգարէ, բայց միայն՝ իր գաւառում եւ իր տանը:
58. Եւ նրանց անհաւատութեան պատճառով այնտեղ զօրաւոր շատ գործեր չարեց:

1. Այն ժամանակ Հերովդես չորրորդապետը լսեց Յիսուսի համբաւը եւ իր ծառաներին ասաց.
2. Նա՛ւ է Յովհաննէս Մկրտիչը. մեռելներից յարութիւն է առել, եւ դրա համար նրա միջոցով զօրաւոր գործեր են լինում:
3. Արդարեւ Հերովդէսը ձերբակալել էր Յովհաննէսին, նրան կապել եւ բանտի մէջ էր դրել իր եղբօր՝ Փիլիպպոսի կնոջ՝ Հերովդիայի պատճառով.
4. որովհետեւ Յովհաննէսը նրան ասում էր. Օրինաւոր չէ, որ դու նրան իբրեւ կին ունենաս:
5. Եւ կամենում էր նրան սպանել, բայց վախենում էր ժողովրդից, քանի որ նրան որպէս մարգարէ էին ընդունում:
6. Եւ երբ Հերովդէսի ծննդեան տարեդարձը հասաւ, Հերովդիայի դուստրը հրաւիրեալների առաջ պարեց. եւ հաճելի թուաց Հերովդէսին.
7. ուստի եւ՝ Նա երդումով խոստացաւ նրան տալ, ինչ էլ որ ուզի:
8. Եւ Նա, առաջուց խրատուած լինելով իր մօրից, ասաց. Տո՛ւր ինձ այստեղ, սկուտեղի վրայ, Յովհաննէս Մկրտչի գլուխը:
9. Եւ թագաւորը տխրեց, բայց երդման եւ սեղանակիցների պատճառով հրամայեց նրան տալ այդ:
10. Եւ մարդ ուղարկեց, գլխատել տուեց Յովհաննէսին բանտի մէջ:
11. Եւ նրա գլուխը բերուեց սկուտեղով ու տրուեց աղջկան: Եւ սա տարաւ այն իր մօրը:
12. Իսկ Յովհաննէսի աշակերտները եկան վերցրին մարմինը եւ թաղեցին. եւ եկան պատմեցին Յիսուսին:
13. Երբ Յիսուս այդ լսեց, այնտեղից Նաւակով առանձին գնաց մի ամայի տեղ: Երբ ժողովրդի բազմութիւնը լսեց այս, քաղաքներից հետիոտն նրա յետեւից գնաց:
14. Եւ երբ Նա ցամաք ելաւ, տեսաւ բազում ժողովուրդ, գթաց նրանց եւ բժշկեց նրանց հիւանդներին:
15. Երեկոյեան դէմ, աշակերտները մօտեցան նրան եւ ասացին. Այս տեղը ամայի է, եւ օրը տարաժամել է. արձակի՛ր այդ ժողովրդի բազմութիւնը, որպէսզի գնալ շրջակայ գիւղերը իր համար ուտելիք գնի:
16. Եւ Յիսուս ասաց. Հարկ չկայ, որ նրանք գնան, դո՛ւք նրանց ուտելու բան տուէք:
17. Եւ նրանք ասացին նրան. Այստեղ ուրիշ բան չունենք, բացի հինգ Նկանակից եւ երկու ձկից:
18. Եւ նրանց ասաց. Այստե՛ղ բերէք այդ:
19. Եւ հրամայեց ժողովրդի բազմութիւնը Նստեցնել խոտի վրայ. եւ վերցնելով հինգ Նկանակն ու երկու ձկները՝ Նայեց դէպի երկինք, օրհնեց, կտրեց եւ Նկանակները աշակերտներին տուեց. իսկ աշակերտները՝ ժողովրդին:
20. Բոլորը կերան ու յագեցան: Եւ տասներկու սակառ լիքը կտորտանքների մնացորդներ վերցրին:
21. Եւ նրանք, որ կերան, մօտ հինգ հազար հոգի էին՝ չհաշուած կանանց եւ երեխաներին:
22. Եւ Նա իսկոյն իր աշակերտներին ստիպեց Նաւակ մտնել եւ առաջանալ դէպի միւս կողմը, մինչեւ որ ինքը ժողովրդի բազմութիւնն արձակի:
23. Եւ երբ ժողովրդի բազմութիւնն արձակեց, առանձին լեռ բարձրացաւ աղօթելու համար: Եւ երբ երեկոյ եղաւ, այնտեղ էր, մենակ:
24. Նաւակը ցամաքից մղոններով հեռացել էր՝ դէս ու դէն քշուելով ալիքներից, քանի որ քամին դիմացից էր:
25. Եւ գիշերուայ ուշ ժամին Յիսուս եկաւ նրանց մօտ՝ քայլելով ծովի վրայ:
26. Երբ աշակերտները նրան տեսան ծովի վրայ քայլելիս, տագնապահար եղան եւ ասացին. Ինչ-որ ուրուական է. ու սարսափից աղաղակեցին:
27. Յիսուս իսկոյն խօսեց նրանց հետ ու ասաց. Սրտապնդուեցէ՛ք, ես եմ, մի՛ վախեցեք:

28. Պետրոսը նրան պատասխանեց ու ասաց. Տէ՛ր, եթէ դու ես, հրամայի՛ր ինձ ջրի վրայով քեզ մօտ գալ:
29. Եւ նա ասաց՝ արի՛: Եւ Պետրոսը նաւակից իջնելով՝ քայլեց ջրի վրայով ու եկաւ Յիսուսի մօտ:
30. Սակայն տեսնելով ուժգին քամին՝ վախեցաւ: Եւ երբ սկսեց սուզուել, աղաղակեց ու ասաց. Տէ՛ր, փրկի՛ր ինձ:
31. Եւ իսկոյն Յիսուս երկարեց իր ձեռքը, բռնեց նրան ու ասաց. Թերահաւա՛տ, ինչո՞ւ երկմտեցիր:
32. Եւ երբ նրանք նաւակ բարձրացան, քամին հանդարտուեց:
33. Եւ նրանք, որ նաւակի մէջ էին, մօտեցան, երկրպագեցին նրան ու ասացին. Արդարեւ Աստծու Որդին ես դու:
34. Եւ կտրել անցնելով՝ ցամաք ելան Գեննեսարեթում:
35. Եւ երբ այդ տեղի մարդիկ նրան ճանաչեցին, մարդ ուղարկեցին ամբողջ գաւառով մէկ ու բոլոր հիւանդներին նրա մօտ բերեցին:
36. Եւ աղաչում էին նրան, որ գոնէ միայն նրա զգեստի քղանցքներին դիպչեն. Եւ նրանք, որ մի անգամ դիպան, բժշկուեցին:

1. Այն ժամանակ Յիսուսին մօտեցան փարիսեցիներ ու օրենսգետներ, որոնք երուսաղեմից էին, եւ ասացին.
2. Ինչո՞ւ քո աշակերտները նախնիների ավանդութիւնը զանց են անում, քանի որ, երբ հաց են ուտում, ձեռքները չեն լուանում:
3. Նա պատասխան տուեց եւ ասաց նրանց. Իսկ դուք ինչո՞ւ զանց էք անում Աստծու պատուիրանը՝ ձեր ավանդութեան պատճառով.
4. քանի որ Աստուած ասաց. Մեծարի՛ր քո հօրը եւ մօրը.
5. եւ ով վատաբանում է հօրը կամ մօրը, մահուամբ պիտի պատժուի:
6. Իսկ դուք ասում էք. ով իր հօրը կամ մօրը ասի, թէ՛ այն, ինչ ինձնից օգտուելու ես, Աստծուն ընծայ է, այլեւս չի մեծարի իր հօրը կամ իր մօրը. ուրեմն՝ Աստծու խօսքը արհամարհում էք ձեր ավանդութեան պատճառով:
7. Կեղծաւորներ, Եսային լաւ է մարգարեացել ձեր վրայ եւ ասել.
8. Այս ժողովուրդը շրթունքներով է ինձ մեծարում, բայց իրենց սիրտը հեռացած բաժանուած է ինձնից.
9. զուր են ինձ պաշտում. մարդկանց կողմից պատուիրուած վարդապետութիւններ են ուսուցանում:
10. Եւ Յիսուս իր մօտ կանչելով ժողովրդին՝ ասաց. Լսեցէ՛ք եւ իմացէ՛ք.
11. ոչ թէ՛ ինչ որ բերանով է մտնում, ա՛յն է պղծում մարդուն, այլ ինչ որ ելնում է բերանից՝ ա՛յն է պղծում մարդուն:
12. Այն ժամանակ նրա աշակերտները մօտեցան եւ ասացին նրան. Գիտե՞ս, որ փարիսեցիները, երբ այդ խօսքը լսեցին, գայթակղուեցին:
13. Նա պատասխանեց նրանց եւ ասաց. Ամէն տունկ, որ իմ երկնաւոր Հայրը չի տնկել, արմատախիլ պիտի արուի:
14. Թողէ՛ք նրանց. կոյրեր են, կոյրերի առաջնորդ. երբ կոյրն է առաջնորդում կոյրին, սխալւում է, եւ երկուսն էլ փոսն են ընկնում:
15. Պետրոսը պատասխան տուեց նրան եւ ասաց. Այս առակը բացատրի՛ր մեզ:
16. Յիսուս ասաց. Դեռեւս դո՞ւք էլ անհասկացող էք.
17. չէ՞ք իմանում, թէ ամէն ինչ, որ բերան է մտնում, որովայն է գնում եւ դուրս է ելնում:
18. Իսկ ինչ ելնում է բերանից, սրտից է գալիս, եւ ա՛յն է մարդուն պղծում,
19. քանի որ սրտից է, որ ելնում են չար խորհուրդներ, սպանութիւններ, շնութիւններ, պոռնկութիւններ, գողութիւններ, սուտ վկայութիւններ, հայիոյանքներ:
20. Այս բոլորն են, որ պղծում են մարդուն. իսկ անլուայ ձեռքերով ուտելը մարդուն չի պղծում:
21. Յիսուս այդտեղից ելնելով՝ գնաց Տիւրոսի եւ Սիդոնի կողմերը:
22. Եւ ահա, այդ շրջաններից եկած քանանացի մի կին աղաղակում էր ու ասում. Ողորմի՛ր ինձ, Տէ՛ր, Դաւթի՛ Որդի, աղջիկս չարաչար դիւահարւում է:
23. Բայց նա նրան պատասխան չտուեց, եւ նրա աշակերտները մօտենալով՝ աղաչում էին նրան ու ասում. Արձակի՛ր նրան, որովհետեւ մեր յետեւից աղաղակում է:
24. Նա պատասխան տուեց եւ ասաց. Այլ տեղ չեմ ուղարկուած, եթէ ոչ Իսրայէլի տան կորուսեալ ուղիւների մօտ:
25. Իսկ կինը մօտենալով՝ երկրպագում էր նրան ու ասում. Տէ՛ր, օգնի՛ր ինձ:
26. Նա պատասխանեց նրան եւ ասաց. Լաւ չէ մանուկների հացն առնել ու շներին գցել:
27. Եւ նա ասաց. Այո՛, Տէ՛ր, որովհետեւ շներն էլ կերակրւում են իրենց տիրոջ սեղանից ընկած փշրանքներով:
28. Այն ժամանակ նրան պատասխանեց եւ ասաց. Ո՛վ կին, մեծ է քո հաւատը, թող քեզ լինի՝ ինչպէս որ կամենում ես: Եւ նրա դուստրը նոյն ժամին բժշկուեց:
29. Եւ Յիսուս մեկնելով այդտեղից՝ եկաւ Գալիլիայի ծովեզերքը եւ, լեռը բարձրանալով, նստեց այնտեղ:
30. Նրան մօտեցաւ բազում ժողովուրդ. նրանց մէջ կային կաղեր, կոյրեր, համրեր,

հաշմուածներ եւ ուրիշ շատեր: Սրանց բերին գցեցին նրա ոտքերի առջեւ, եւ նա նրանց բժշկեց:

31. այնպէս որ, ժողովուրդը զարմանում էր՝ տեսնելով, որ համբերը խօսում են, կաղերը՝ քայլում, հաշմանդամները՝ բժշկւում, կոյրերը՝ տեսնում: Եւ փառք էին տալիս Իսրայելի Աստծուն:

32. Եւ Յիսուս իր մօտ կանչելով աշակերտներին՝ ասաց. Խղճում եմ այս ժողովրդին, որովհետեւ ահա երեք օր է, որ ինձ մօտ են եւ բան չունեն, որ ուտեն. եւ նրանց չեմ կամենում սոված արձակել. գուցէ ճանապարհին ուժասպառ լինեն:

33. Աշակերտները նրան ասացին. Իսկ այժմ, այս ամայութեան մէջ որտեղի՞ց է մեզ այնչափ հաց՝ այսքան ժողովուրդ կշտացնելու համար:

34. Եւ Յիսուս նրանց ասաց. Քանի՞ նկանակ ունեք: Եւ նրանք ասացին՝ եօթը, եւ մի քանի ձուկ:

35. Եւ նա հրամայեց ժողովրդին, որ նստեն գետնի վրայ:

36. Եւ վերցնելով եօթը նկանակն ու ձկները՝ գոհութիւն յայտնեց Աստծուն եւ կտրեց ու տուեց աշակերտներին, եւ նրանք էլ՝ ժողովրդին:

37. Բոլորը կերան ու յագեցան. եւ եօթը լիքը զամբիւղ կտորտանքների մնացորդներ վերցրին:

38. Եւ նրանք, որ կերան, մօտ չորս հազար հոգի էին՝ չհաշուած կանանց ու երեխաներին:

39. Երբ նա ժողովրդի բազմութիւնը արձակեց, նաւակ բարձրացաւ ու եկաւ Մագդաղիայի սահմանները:



1. Փարիսեցիներն ու սադուկեցիները մօտեցան ու փորձելով՝ նրանից ուզում էին, որ ցոյց տայ իրենց երկնային մի նշան:
2. Իսկ նա պատասխան տուեց եւ ասաց նրանց.
3. Չար եւ շնացող մի սերունդ նշան է ուզում, եւ սակայն նրան նշան չպիտի տրուի, բացի Յովնան մարգարէի նշանից: Եւ նրանց թողեց ու գնաց:
4. Աշակերտներն էլ գնացին ծովի այն կողմը, բայց մոռացան հաց վերցնել:
5. Յիսուս նրանց ասաց. Տեսէ՞ք, զգո՞յ՜ջ եղէք սադուկեցիների եւ փարիսեցիների խմորից:
6. Աշակերտները իրենց մէջ խորհում էին ու ասում. Որովհետեւ հաց չենք վերցրել:
7. Յիսուս այդ իմացաւ ու ասաց. Թերահաւատներ, ինչո՞ւ էք ձեր մտքում խորհում, թէ հաց չունեք:
8. Դեռեւս չէ՞ք իմանում եւ չէ՞ք յիշում հինգ նկանակը, որ կերակրեց հինգ հազարին. եւ քանի՞ սակառ վերցրիք.
9. ոչ էլ եօթը նկանակը՝ չորս հազարին. եւ քանի՞ սակառ վերցրիք:
10. Արդ, ինչպէ՞ս չէք իմանում, թէ հացի համար չէ, որ ձեզ ասացի՝ զգոյ՜ջ լինել փարիսեցիների եւ սադուկեցիների խմորից:
11. Այն ժամանակ իմացան, թէ չէր ասել, որ զգուշանան խմորից, այլ՝ փարիսեցիների եւ սադուկեցիների ուսուցումից:
12. Եւ Յիսուս Փիլիպպեան Կեսարիայի կողմերը գնալով՝ հարցրեց աշակերտներին ու ասաց. Մարդիկ իմ մասին ի՞նչ են ասում, ո՞վ է մարդու Որդին:
13. Եւ նրանք ասացին. Մէկը, թէ՝ Յովհաննէս Մկրտիչը, եւ ուրիշներ՝ Եղիան, իսկ ոմանք, թէ՝ Երեմիան, կամ մարգարէներից մէկը:
14. Յիսուս նրանց ասաց. Իսկ դուք իմ մասին ի՞նչ էք ասում, ո՞վ եմ ես:
15. Սիմոն Պետրոսը պատասխանեց ու ասաց. Դու ես Քրիստոսը՝ կենդանի Աստծու Որդին:
16. Յիսուս պատասխանեց եւ նրան ասաց. Երանի՜ քեզ, Սիմոն, Յովնանի՛ որդի, որովհետեւ մարմինը եւ արիւնը չէ, որ յայտնեց քեզ, այլ՝ իմ Հայրը, որ երկնքում է:
17. Եւ ես քեզ ասում եմ, որ դու վեմ ես, եւ այդ վեմի վրայ պիտի շինեմ իմ եկեղեցին, ու դժոխքի դռները այն չպիտի յաղթահարեն:
18. Եւ քեզ պիտի տամ երկնքի արքայութեան բանալիները, եւ ինչ որ մի անգամ կապես երկրի վրայ, կապուած պիտի լինի երկնքում: Եւ ինչ որ արձակես երկրի վրայ, արձակուած պիտի լինի երկնքում:
19. Այն ժամանակ խստիւ պատուիրեց աշակերտներին, որ ոչ ոքի չասեն, թէ ինքն է Քրիստոսը:
20. Դրանից յետոյ Յիսուս սկսեց յստակօրէն յայտնել աշակերտներին, թէ պետք է, որ ինքը Երուսաղէմ գնայ, բազում չարչարանքներ կրի եւ անարգուի քահանայապետներից, օրէնսգետներից, ժողովրդի ծերերից, սպանուի եւ երրորդ օրը յարուրիւն առնի:
21. Եւ Պետրոսը նրան մի կողմ տանելով՝ սկսեց վիճել նրա հետ ու ասել. Քա՛ւ լիցի քեզ, Տէ՛ր, այդ քեզ չի պատահի:
22. Եւ նա դառնալով Պետրոսին՝ ասաց. Ետե՛ւս գնա, սատանա՛յ, դու գայթակղութիւն ես ինձ համար. որովհետեւ քո խորհուրդը Աստծունը չէ, այլ՝ մարդկանցը:
23. Այն ժամանակ Յիսուս իր աշակերտներին ասաց. Եթէ մէկը կամենում է հետեւել ինձ, թող ուրանայ իր անձը, վերցնի իր խաչը եւ գայ իմ յետեւից.
24. որովհետեւ ով կամենայ իր անձը փրկել, այն կը կորցնի. եւ ով ինձ համար իր անձը կորցնի, կը գտնի այն:
25. Ի՞նչ օգուտ կ'ունենայ մարդ, եթէ այս ամբողջ աշխարհը շահի, բայց իր անձը կործանի: Կամ՝ մարդ իր անձի փոխարէն ի՞նչ փրկանք պիտի տայ.
26. քանի որ մարդու Որդին գալու է իր Հօր փառքով՝ իր հրեշտակների հետ միասին. եւ այն ժամանակ իւրաքանչիւրին կը հատուցի ըստ իր գործերի:

27. Ճշմարիտ եմ ասում ձեզ, որ այստեղ գտնուողների մեջ կան ոմանք, որոնք մահը չեն ճաշակի, մինչեւ որ չտեսնեն մարդու Որդուն՝ եկած իր արքայութեամբ:

1. Եւ վեց օր յետոյ Յիսուս իր հետ վերցրեց Պետրոսին, Յակոբոսին եւ նրա եղբօրը՝ Յովհաննէսին եւ նրանց հանեց, առանձին, մի բարձր լեռ
2. եւ նրանց առաջ պայծառակերպուեց. եւ նրա դէմքը փայլեց ինչպէս արեգակը. եւ նրա զգեստները դարձան սպիտակ ինչպէս լոյսը:
3. Եւ ահա նրանց երեւացին Մովսէսն ու Եղիան, որ խօսում էին նրա հետ:
4. Պետրոսը պատասխան տուեց եւ ասաց Յիսուսին. Տէ՛ր, լաւ է, որ մենք այստեղ ենք. եթէ կամենաս, երեք տաղաւարներ շինենք, մէկը՝ քեզ համար, մէկը՝ Մովսէսի, մէկն էլ՝ Եղիայի:
5. Եւ մինչ նա դեռ խօսում էր, ահա մի լուսաւոր ամպ նրանց վրայ հովանի եղաւ. ամպից մի ձայն եկաւ ու ասաց. Դա՛ է իմ սիրելի Որդին, որին հաւանեցի, դրա՛ն լսեցէք:
6. Երբ աշակերտները այս լսեցին, իրենց երեսի վրայ ընկան եւ սաստիկ վախեցան:
7. Եւ Յիսուս, մօտենալով, դիպաւ նրանց ու ասաց. Ոտքի՛ ելէք եւ մի՛ վախեցէք:
8. Նրանք աչքները բարձրացրին եւ Յիսուսից բացի ոչ ոքի չտեսան:
9. Եւ մինչ լեռից իջնում էին, Յիսուս նրանց պատուիրեց ու ասաց. Այդ տեսիլքը մարդու չասէք, մինչեւ որ մարդու Որդին մեռելներից յարուբիւն առնի:
10. Աշակերտները նրան հարցրին եւ ասացին. Հապա ինչո՞ւ օրէնսգետներն ասում են, թէ նախ Եղիան պիտի գայ:
11. Յիսուս պատասխանեց եւ ասաց նրանց. Եղիան կը գայ եւ կը վերահաստատի ամեն ինչ.
12. բայց ձեզ ասում եմ, որ Եղիան արդէն իսկ եկել է. բայց նրան չճանաչեցին, այլ, ինչ որ կամեցան, արեցին նրան. նոյնպէս եւ մարդու Որդին նրանց ձեռքով չարչարուելու է:
13. Այն ժամանակ աշակերտները հասկացան, թէ Յովհաննէս Մկրտչի մասին էր ասել իրենց:
14. Երբ ժողովրդի մէջ եկան, մի մարդ մօտեցաւ, ծնկի եկաւ եւ ասաց. Տէ՛ր, ողորմի՛ր իմ որդուն, որովհետեւ լուսնոտութիւնից է տառապում եւ չարաչար տանջւում է. շատ անգամ կրակի մէջ է ընկնում եւ երբեմն՝ ջրի մէջ:
15. Նրան քո աշակերտների մօտ տարայ, եւ չկարողացան բժշկել:
16. Յիսուս պատասխան տուեց ու ասաց. Ո՛վ անհաւատ եւ մոլորուած սերունդ, մինչեւ ե՞րբ ձեզ հետ պիտի լինեմ, մինչեւ ե՞րբ ձեզ պիտի հանդուրժեմ. նրան ինձ մօտ բեր:
17. Եւ Յիսուս նրան սաստեց, դէլը նրանից դուրս եկաւ, եւ մանուկը հենց այդ րոպէից բժշկուեց:
18. Այն ժամանակ աշակերտները, առանձին, մօտեցան եւ Յիսուսին ասացին. Մենք ինչո՞ւ այն հանել չկարողացանք:
19. Եւ Յիսուս նրանց ասաց. Ձեր թերահաւատութեան պատճառով. ճշմարիտ եմ ասում ձեզ, եթէ մանանեխի հատիկի չափ հաւատ ունենաք, այս լերանը կ'ասեք՝ տեղափոխուի՛ր այստեղից այնտեղ, եւ կը տեղափոխուի. եւ որեւէ բան ձեզ համար անհնարին չի լինի:
20. Բայց այս տեսակ դէլը այլ կերպ դուրս չի ելնում, եթէ ոչ աղօթքով ու ծոմապահութեամբ:
21. Եւ մինչ նրանք Գալիլիայում դեռ շրջում էին, Յիսուս իր աշակերտներին ասաց. Մարդու Որդին մատնուելու է մարդկանց ձեռքը,
22. ու նրան պիտի սպանեն, եւ նա երրորդ օրը յարուբիւն պիտի առնի: Եւ նրանք շատ տխրեցին:
23. Երբ նրանք Կափառնայում եկան, երկդրամեան տուրքը պահանջողները մօտեցան Պետրոսին եւ ասացին. Ձեր վարդապետը երկդրամեանը չի՞ տալիս: Եւ Պետրոսն ասաց՝ այո՛:
24. Եւ երբ տուն մտան, Յիսուս կանխեց նրան ու ասաց. Քեզ ինչպե՞ս է թւում, Սիմո՛ն. ազգերի թագաւորները հարկերը կամ տուրքը ումի՞ց են առնում, իրենց որդիների՞ց, թե՞ օտարներից:

25. Եւ երբ ասաց՝ օտարներից, Յիսուս նրան ասաց. Ապա ուրեմն որդիներն ազատ են:
26. Բայց որպէսզի նրանց չգայթակղեցնենք, գնա՛ ծով ու կարթ գցի՛ր, եւ առաջին ձուկը, որ դուրս կ'ելնի, վերցրո՛ւ ու բա՛ց նրա բերանը եւ մի արծաթ դրամ կը գտնես. այն ա՛ն եւ իմ ու քո տեղ նրանց կը տաս:

1. Այն օրը աշակերտները մօտեցան Յիսուսին եւ ասացին. Մեզնից ո՞վ է մեծ երկնքի արքայութեան մէջ:
2. Եւ Յիսուս իր մօտ կանչեց մի մանուկ, կանգնեցրեց նրան նրանց մէջ
3. ու ասաց. Ճշմարիտ եմ ասում ձեզ, եթէ չդառնաք ու չլինեք մանուկների պէս, երկնքի արքայութիւնը չէք մտնի:
4. Արդ, ով իր անձը խոնարհեցնում է ինչպէս այս մանուկը, երկնքի արքայութեան մէջ նա՛ է մեծ:
5. Եւ ով որ իմ անունով մի այսպիսի մանուկ ընդունելու լինի, ի՞նձ կ'ընդունի:
6. Եւ ով որ ինձ հաւատացող այս փոքրիկներից մէկին գայթակղեցնի, նրա համար լաւ կը լինի, որ նրա պարանոցից էշի երկանաքար կախուի, եւ նա սուգուի ծովի խորքը:
7. Վա՛յ աշխարհին՝ գայթակղութիւնների պատճառով. գայթակղութիւններ պետք է որ գան, բայց վա՛յ այն մարդուն, որի միջոցով կը գայ գայթակղութիւնը:
8. Եթէ քո ձեռքը կամ ոտքը քեզ գայթակղեցնում է, կտրի՛ր այն եւ դե՛ն գցիր քեզնից. լաւ է, որ դու մէկ ձեռքով կամ կաղ մտնես կեանք, քան երկու ձեռք ու երկու ոտք ունենաս եւ յաւիտենական կրակի մէջ ընկնես:
9. Եւ եթէ քո աչքն է գայթակղեցնում քեզ, հանի՛ր այն եւ դե՛ն գցիր քեզնից. լաւ է, որ դու միականի մտնես կեանք, քան երկու աչք ունենաս եւ ընկնես գեհենի կրակը:
10. Չգո՛յշ եղէք, որ այս փոքրիկներից մէկին չարհամարիէք. ասում եմ ձեզ, որ երկնքում նրանց հրեշտակները մշտապէս տեսնում են երեսն իմ Հօր, որ երկնքում է.
11. որովհետեւ մարդու Որդին եկաւ փրկելու կորածը:
12. Ձեզ ինչպէ՞ս է թւում. եթէ մի մարդ հարիւր ոչխար ունենայ, եւ նրանցից մէկը մոլորուի, իննսունինը ոչխարը լերան վրայ չի՞ թողնի ու գնայ որոնելու մոլորուածին:
13. Եւ եթէ պատահի, որ այն գտնի, ճշմարիտ եմ ասում ձեզ, թէ նրա վրայ աւելի կ'ուրախանայ, քան իննսունիննի վրայ, որ մոլորուած չեն:
14. Այսպէս՝ իմ երկնաւոր Հօր կամքը չէ, որ այս փոքրիկներից մէկը կորչի:
15. Եթէ եղբայրդ քո դէմ մեղանչի, գնա յանդիմանի՛ր նրան, երբ դու եւ նա մենակ էք. եթէ քեզ լսի, քո եղբօրը շահեցիր:
16. Իսկ եթէ քեզ չլսի, ա՛ռ քեզ հետ մէկին եւ կամ երկուսին, որպէսզի երկու կամ երեք վկաների բերանով հաստատուի ամէն ինչ:
17. Իսկ եթէ նրանց էլ չլսի, կ'ասես հաւատացեալների ժողովում. իսկ եթէ նրանց էլ չլսի, թող նա քեզ համար լինի ինչպէս հեթանոսը եւ մաքսաւորը:
18. Ճշմարիտ եմ ասում ձեզ, ինչ որ կապէք երկրի վրայ, կապուած պիտի լինի երկնքում: Եւ ինչ որ արձակէք երկրի վրայ, թող արձակուած լինի երկնքում:
19. Դարձեալ ձեզ ասում եմ. եթէ ձեզնից երկուսը միաբանուեն երկրի վրայ որեւէ խնդրանքի համար, ինչ էլ որ խնդրեն, կը կատարուի նրանց համար իմ Հօր կողմից, որ երկնքում է.
20. որովհետեւ ուր երկու կամ երեք հոգի հաւաքուած լինեն իմ անունով, այնտեղ եմ ես, նրանց մէջ:
21. Այն ժամանակ Պետրոսը մօտեցաւ նրան ու ասաց. Տէ՛ր, քանի՞ անգամ, եթէ եղբայրս իմ դէմ մեղանչի, պետք է ներեմ նրան. մինչեւ եօ՞թն անգամ:
22. Յիսուս նրան ասաց. Քեզ չեմ ասում, թէ՛ մինչեւ եօթն անգամ, այլ՝ մինչեւ եօթանասուն անգամ եօթը:
23. Այսպէս, երկնքի արքայութիւնը նմանում է մի թագաւորի, որ կամեցաւ ծառաների հետ իր հաշիւները կարգադրել:
24. Եւ երբ սկսեց հաշիւն ընդունել, նրա մօտ բերուեց տասը հազար քանքարի մի պարտապան:
25. Եւ քանի որ նա վճարելու բան չուներ, նրա տերը հրամայեց վաճառել նրան եւ նրա կնոջն ու որդիներին եւ այն ամէնը, ինչ նա ուներ, եւ պարտքը հատուցել:
26. Եւ ծառան գետին ընկնելով՝ երկրպագում էր նրան եւ ասում. Համբերո՛ղ եղիր իմ

հանդէպ, եւ բոլորը կը վճարեմ քեզ:

27. Այդ ծառայի տէրը, գթալով, արձակեց նրան եւ պարտքը նրան շնորհեց:

28. Իսկ ծառան դուրս ելնելով՝ գտաւ իր ծառայակիցներից մէկին, որ իրեն հարիւր դահեկան պարտք էր: Եւ նրան բռնելով՝ խեղդում էր ու ասում. Վճարի՛ր ինձ, ինչ որ պարտք ես:

29. Իսկ ծառայակիցը, ընկնելով նրա ոտքերը, աղաչում էր նրան եւ ասում. Համբերո՛ղ եղի՛ր իմ հանդէպ, եւ կը վճարեմ քեզ:

30. Իսկ սա չէր կամենում. գնաց նրան բանտ նետել տուեց, մինչեւ որ պարտքը վճարէր:

31. Նրա ծառայակիցները, երբ տեսան եղածը, շատ տրտմեցին եւ եկան ու իրենց տիրոջը պատմեցին այն ամէնը, ինչ եղել էր:

32. Այն ժամանակ տէրը կանչեց նրան եւ ասաց. Չա՛ր ծառայ, քո ամբողջ պարտքը քեզ շնորհեցի նրա համար, որ աղաչեցի՛ր ինձ.

33. Իսկ պէտք չէ՞ր, որ դու էլ գթայիր քո ծառայակցին, ինչպէս ես էլ քեզ գթացի:

34. Եւ նրա տէրը բարկանալով՝ նրան յանձնեց դահիճներին, մինչեւ որ հատուցէր բոլոր պարտքերը:

35. Նոյնը պիտի անի ձեզ եւ իմ Հայրը, որ երկնքում է, եթէ ձեզանից իւրաքանչիւրը սրտանց չների իր եղբօրը՝ նրա յանցանքները:

1. Եւ երբ Յիսուս աւարտեց այս խօսքերը, Գալիլիայից տեղափոխուեց եւ եկաւ Հրեաստանի սահմանները, Յորդանանի միւս կողմը:
2. Եւ նրա յետեւից բազում ժողովուրդ գնաց, եւ այնտեղ նրանց բժշկեց:
3. Եւ փարիսեցիները, մօտենալով նրան, փորձեցին եւ ասացին. Օրինաւոր է, որ մէկն իր կնոջը արձակի ամէն մի յանցանքի պատճառով:
4. Նա պատասխանեց նրանց եւ ասաց. Դուք չէ՞ք կարդացել, թէ նա, ով սկզբից ստեղծեց, արու եւ էգ արեց նրանց եւ ասաց.
5. դրա համար տղամարդը պիտի թողնի իւրը եւ մօրը ու պիտի գնայ իր կնոջ յետեւից. եւ երկուսը մէկ մարմին պիտի լինեն:
6. Ապա ուրեմն՝ ոչ թէ երկու, այլ մէկ մարմին են: Արդ, ինչ որ Աստուած միացրեց, մարդը թող չբաժանի:
7. Նրան ասացին. Իսկ Մովսէսը ինչո՞ւ մեզ պատուիրեց ապահարգանի թուղթ տալ ու արձակել:
8. Յիսուս նրանց ասաց. Մովսէսը ձեր խստասրտութեան պատճառով ձեզ թոյլ տուեց արձակել ձեր կանանց, բայց սկզբից այդպէս չի եղել:
9. Սակայն ասում եմ ձեզ, թէ ով իր կնոջն արձակում է, եւ դա պոռնկութեան պատճառով չէ, եւ ուրիշին է առնում, շնանում է. շնանում է եւ նա, ով արձակուածին է առնում:
10. Իր աշակերտները նրան ասացին. Եթէ այդպիսին է պարագան մարդու եւ կնոջ համար, լաւ է չամուսնանալ:
11. Եւ նա նրանց ասաց. Բոլորն ընդունակ չեն այդ բանին, այլ՝ նրանք, որոնց տրուած է.
12. որովհետեւ կան ներքինիներ, որոնք իրենց մօր որովայնից այդպէս են ծնուել. կան ներքինիներ էլ, որոնք մարդկանց կողմից են ներքինի դարձել. ներքինիներ էլ կան, որոնք երկնքի արքայութեան համար իրենք իրենց ներքինիներ են դարձրել. ով կարող է տանել, թող տանի:
13. Այն ժամանակ նրա մօտ մանուկներ բերուեցին, որ նրանց վրայ ձեռք դնի ու աղօթք անի. իսկ նրա աշակերտները սաստում էին բերողներին:
14. Յիսուս ասաց. Թո՛յլ տուէք այդ մանուկներին եւ մի՛ արգելէք, որ նրանք ինձ մօտ գան, որովհետեւ երկնքի արքայութիւնը այդպիսիներինն է:
15. Եւ նրանց վրայ ձեռք դրեց ու այդտեղից գնաց:
16. Եւ ահա մէկը մօտենալով նրան՝ ասաց. Բարի՛ վարդապետ, ի՞նչ բարիք գործեմ, որ յաւիտենական կեանքն ունենամ:
17. Եւ նա նրան ասաց. Ինչո՞ւ ես ինձ բարու մասին հարցնում. մե՛կ է բարին. եթէ կամենում ես յաւիտենական կեանքը մտնել, պահի՛ր պատուիրանները:
18. Նա ասաց. Որո՞նք: Յիսուս նրան ասաց. Մի սպանիր, մի շնանար, մի գողանար, սուտ մի վկայիր,
19. քո իւրն ու մօրը մեծարիրը եւ քո ընկերոջը քո անձի պէս պիտի սիրես:
20. Երիտասարդը նրան ասաց. Այդ բոլորը իմ մանկութիւնից ի վեր պահել եմ. արդ, էլ ի՞նչ բանով պակաս եմ դեռ:
21. Յիսուս նրան ասաց. Եթէ կամենում ես կատարեալ լինել, գնա վաճառի՛ր քո ունեցուածքը ու տո՛ւր աղքատներին. եւ երկնքում գանձեր կ'ունենաս. եւ դու արի՛ իմ յետեւից:
22. Երբ երիտասարդը այս խօսքը լսեց, տրտմած գնաց. որովհետեւ շատ հարստութիւն ուներ:
23. Յիսուս աշակերտներին ասաց. Ճշմարիտ եմ ասում ձեզ, որ հարուստը դժուարութեամբ կը մտնի երկնքի արքայութիւնը:
24. Դարձեալ ասում եմ ձեզ՝ աւելի հեշտ է, որ պարանը ասեղի ծակով մտնի, քան թէ հարուստը՝ Աստծու արքայութիւնը:
25. Երբ աշակերտները այս լսեցին, շատ զարմացան ու ասացին. Իսկ ո՞վ կը կարողանայ փրկուել:

26. Յիսուս նրանց նայեց եւ ասաց. Մարդկանց համար այդ անկարելի է, բայց Աստծու համար ամէն ինչ կարելի է:
27. Այն ժամանակ Պետրոսը պատասխան տուեց ու ասաց նրան. Ահա՛ւասիկ, մենք թողեցինք ամէն բան եւ եկանք քո յետեւից. արդ, մենք ի՞նչ կ'ունենանք:
28. Յիսուս նրանց ասաց. Ճշմարիտ եմ ասում ձեզ, թէ դուք, որ եկաք իմ յետեւից, երկրորդ գալստեան, երբ որ մարդու Որդին իր փառքի աթոռին կը նստի, դուք էլ կը նստեք տասներկու աթոռների վրայ՝ դատելու Իսրայելի տասներկու ցեղերին:
29. Եւ ամէն ոք, որ թողել է տուն կամ եղբայրներ, կամ քոյրեր, կամ հայր, կամ մայր, կամ կին, կամ որդիներ, կամ ազարակներ՝ իմ անուան համար, հարիւրապատիկ պիտի ստանայ եւ յաւիտենական կեանքը պիտի ժառանգի:
30. Շատ առաջիններ վերջին պիտի լինեն, եւ վերջիններ՝ առաջին:



1. Երկնքի արքայութիւնը նման է մի տանուտերի, որ առաւօտեան ելաւ իր այգու համար մշակներ վարձելու:
2. Եւ մշակների օրավարձը մէկ դահեկան սակարկելով՝ նրանց ուղարկեց իր այգին:
3. Եւ առաւօտեան ժամը իննի մօտ դուրս ելնելով՝ տեսաւ ուրիշների, որ պարապ կանգնել էին հրապարակում:
4. Նրանց էլ ասաց. Դո՛ւք էլ գնացեք իմ այգին, եւ ինչ որ արժան է, կը տամ ձեզ:
5. Նրանք եւս գնացին: Եւ դարձեալ դուրս ելնելով կեսօրին ու կեսօրից յետոյ ժամը երեքի մօտ՝ նոյն ձեւով արեց:
6. Եւ ժամը հինգի մօտ դուրս ելնելով՝ գտաւ ուրիշների, որ պարապ կանգնել էին. նրանց ասաց. Ինչո՞ւ էք այստեղ ամբողջ օրը պարապ կանգնել:
7. Նրան ասացին. Որովհետեւ մեզ ոչ ոք չվարձեց: Նրանց ասաց. Դո՛ւք էլ գնացեք այգին, եւ ինչ որ արժան է, կը ստանաք:
8. Եւ երբ երեկոյ եղաւ, այգու տերը իր գործավարին ասաց. Կանչի՛ր մշակներին եւ տո՛ւր նրանց վարձը՝ սկսած վերջիններից մինչեւ առաջինները:
9. Երբ եկան ժամը հինգի մօտ վարձուածները, իւրաքանչիւրը մէկ դահեկան ստացաւ:
10. Առաջիններն էլ գալով՝ կարծում էին, թէ աւելի կը ստանան, բայց նրանք էլ իւրաքանչիւրը մէկ դահեկան ստացան:
11. Երբ առան, տրտնջում էին տանտիրոջից ու ասում.
12. Դրանք՝ այդ վերջինները, մէկ ժամ գործ արեցին, իսկ դու դրանց հաւասար արեցիր մեզ, որ տարանք օրուայ ծանրութիւնը եւ տօթը:
13. Նա պատասխանեց նրանցից մէկին եւ ասաց. Ընկե՛ր, քեզ չեմ գրկում. չէ՞ որ ինձ հետ մէկ դահեկանի սակարկեցիր.
14. ստացի՛ր քոնը եւ գնա՛. այս վերջիններին կամենում եմ տալ որքան եւ քեզ.
15. միթէ իրաւունք չունե՞մ իմ ունեցածի հետ վարուելու, ինչպէս կամենում եմ: Կամ թէ՛ նախանձո՞ւմ ես, որ ես առատածեռն եմ:
16. Այսպէս, վերջինները առաջին պիտի լինեն, եւ առաջինները՝ վերջին. որովհետեւ բազում են կանչուածները, բայց սակաւ են ընտրեալները:
17. Երբ Յիսուս Երուսաղէմ էր բարձրանում, Տասներկուսին առանձին իր հետ վերցրեց եւ ճանապարհին ասաց նրանց.
18. Ահաւասիկ Երուսաղէմ ենք բարձրանում, եւ մարդու Որդին պիտի մատնուի քահանայապետերին ու օրէնսգետներին. եւ նրան մահուան պիտի դատապարտեն
19. ու նրան հեթանոսներին պիտի մատնեն՝ ծաղրուելու, ծեծուելու եւ խաչը հանուելու համար, սակայն նա երրորդ օրը յարութիւն պիտի առնի:
20. Այն ժամանակ նրան մօտեցաւ Չեբեդէոսի որդիների մայրը՝ իր որդիների հետ միասին. նա երկրպագում էր ու նրանից մի բան ուզում:
21. Եւ նա նրան ասաց. Ի՞նչ ես ուզում: Կինն ասաց նրան. Ասա՛, որ սրանք՝ իմ այս երկու որդիները, նստեն քո արքայութեան մէջ, մէկը՝ քո աջ կողմում եւ միւսը՝ ձախ կողմում:
22. Յիսուս պատասխանեց եւ ասաց. Չէք իմանում ինչ էք խնդրում. կարո՞ղ էք խմել այն բաժակը, որը ես խմելու եմ. կամ մկրտուել այն մկրտութեամբ, որով ես մկրտուելու եմ: Նրան ասացին՝ կարող ենք:
23. Յիսուս նրանց ասաց. Իմ բաժակը կը խմեք, եւ այն մկրտութեամբ, որով ես մկրտում եմ, կը մկրտուեք, բայց նստեցնել իմ աջ եւ ձախ կողմերում ես չէ, որ կը տամ, այլ այդ նրանց համար է, որոնց տրուած է իմ Հօրից:
24. Եւ տասը աշակերտները, այս լսելով, բարկացան երկու եղբայրների վրայ:
25. Յիսուս նրանց իր մօտ կանչեց ու ասաց. Գիտեք, որ ազգերի իշխանաւորները տիրում են ազգերի վրայ, եւ մեծամեծները իշխում են նրանց վրայ:
26. Ձեր մէջ եւս չպետք է այդպէս լինի. այլ ձեզնից ով կը կամենայ մեծ լինել, ձեր ծառան պիտի լինի.
27. եւ ձեզնից ով կը կամենայ առաջին լինել, ձեր ծառան պիտի լինի.

28. ինչպես որ մարդու Որդին չեկաւ ծառայութիւն ընդունելու, այլ ծառայելու եւ իր անձը տալու որպէս փրկանք շատերի փոխարէն:
29. Եւ երբ նրանք Երիցովից դուրս էին գալիս, Յիսուսի յետեւից բազում ժողովուրդ գնաց:
30. Եւ ահա երկու կոյրեր նստած էին ճանապարհի եզերքին: Երբ լսեցին, թէ Յիսուս անցնում է, աղաղակեցին ու ասացին. Ողորմի՛ր մեզ, Յիսո՛ւս, Դաւթի՛ Որդի:
31. Եւ ամբոխը յանդիմանեց նրանց, որ լռեն: Իսկ նրանք առաւել եւս աղաղակում էին ու ասում. Ողորմի՛ր մեզ, Տէ՛ր, Դաւթի՛ Որդի:
32. Յիսուս տեղում կանգ առաւ, կանչեց նրանց եւ ասաց. Ի՞նչ էք կամենում, որ ձեզ անեմ:
33. Նրան ասացին. Որ մեր աչքերը բացուեն, Տէ՛ր:
34. Եւ գթալով՝ Յիսուս դիպաւ նրանց աչքերին, եւ նրանք իսկոյն տեսան ու գնացին նրա յետեւից:

1. Երբ Երուսաղեմին մօտեցան եւ եկան Բեթփագէ, Ձիթենեաց լեռան մօտ, այն ժամանակ Յիսուս իր աշակերտներէից երկուսին ուղարկեց ու նրանց ասաց.
2. Գնացէ՛ք այդ գիւղը, որ ձեր դիմացն է, եւ այնտեղ կը գտնէք կապուած մի էշ եւ նրա հետ՝ մի քուռակ. արձակեցէ՛ք բերեք ինձ:
3. Եւ եթէ մէկը ձեզ բան ասի, կ'ասէք, որ Տիրոջը պետք են. եւ նա իսկոյն դրանք կ'ուղարկի:
4. Բայց այս բոլորը եղաւ, որպէսզի կատարուի մարգարէի խօսքը, որ ասում է.
5. Ասացէ՛ք Սիոնի դստերը, ահա դէպի քեզ է գալիս քո թագաւորը՝ հեզ եւ նստած էշի ու էշի քուռակի վրայ:
6. Աշակերտները գնացին եւ արեցին, ինչպէս Յիսուս իրենց հրամայել էր.
7. Եւ էշն ու քուռակը բերեցին, նրանց վրայ զգեստներ գցեցին. եւ նա նստեց դրանց վրայ:
8. Եւ բազում ժողովուրդ իրենց զգեստները փռեցին ճանապարհի վրայ, իսկ ուրիշներ ծառերից ճիւղեր էին կտրում ու սփռում ճանապարհի վրայ:
9. Առաջից եւ յետեւից գնացող ժողովրդի բազմութիւնը աղաղակում էր ու ասում. Օրհնութի՛ն Դաւթի Որդուն, օրհնեա՛լ է նա, որ գալիս է Տիրոջ անունով, օրհնութի՛ն՝ բարձունքներում:
10. Եւ երբ նա մտաւ Երուսաղեմ, ամբողջ քաղաքը դղրդաց, եւ ասում էին՝ ո՞վ է սա:
11. Իսկ ժողովրդի բազմութիւնն ասում էր. Սա Յիսուս մարգարէն է, որ Գալիլիայի Նազարէթ քաղաքից է:
12. Եւ Յիսուս մտաւ տաճար ու դուրս հանեց բոլոր նրանց, որ տաճարի մէջ վաճառում ու գնումներ էին անում. նա շուռ տուեց լումայափոխների սեղաններն ու աղանեվաճառների աթոռները:
13. Եւ նրանց ասաց. Գրուած է՝ իմ տունը աղօթքի տուն պիտի կոչուի, իսկ դուք աւազակների որջ էք արել այդ:
14. Տաճարի մէջ կոյրեր եւ կաղեր Յիսուսին մօտեցան, եւ նա բժշկեց նրանց:
15. Երբ քահանայապետներն ու օրէնսգետները տեսան այն սքանչելիքները, որ նա արեց, եւ մանուկներին, որ տաճարի մէջ աղաղակում էին ու ասում օրհնութի՛ն Դաւթի Որդուն, բարկացան.
16. Եւ ասացին նրան. Լսո՞ւմ ես՝ դրանք ինչ են ասում: Յիսուս նրանց ասաց. Այո՛, դուք չէ՞ք կարդացել, թէ՛ երեխաների ու ծծկերների բերանով օրհնութիւն կատարեցիր:
17. Եւ նրանց թողնելով՝ ելաւ քաղաքից դուրս, դէպի Բեթանիա. եւ այնտեղ գիշերեց:
18. Եւ առաւօտեան երբ քաղաք վերադարձաւ, քաղց զգաց:
19. Եւ ճանապարհի վրայ մի թզենի տեսնելով՝ եկաւ դէպի այն եւ նրա վրայ ոչինչ չգտաւ, այլ միայն՝ տերեւ: Եւ թզենուն ասաց. Այսուհետեւ քեզսից յաւիտեան պտուղ թող չլինի: Եւ նոյն պահին թզենին չորացաւ:
20. Երբ աշակերտները այս տեսան, զարմացան ու ասացին. Ինչպէ՞ս թզենին իսկոյն չորացաւ:
21. Յիսուս պատասխանեց եւ ասաց նրանց. Ճշմարիտ եմ ասում ձեզ, եթէ հաւատ ունենաք եւ չերկմտէք, ոչ միայն կ'անէք այդ թզենուն պատահածը, այլ թէկուզ եւ այդ լեռանն ասէք՝ ելի՛ր ու ծովն ընկիր, այն կը կատարուի:
22. Եւ ամէն ինչ, որ ուզէք աղօթքի մէջ հաւատով, կը ստանաք:
23. Եւ երբ տաճար եկաւ, մինչ ուսուցանում էր, նրան մօտեցան քահանայապետները, ժողովրդի ծերերը եւ ասացին. Ի՞նչ իշխանութեամբ ես այդ անում, եւ ո՞վ տուեց քեզ այդ իշխանութիւնը:
24. Յիսուս պատասխանեց եւ ասաց նրանց. Ես էլ ձեզ մի բան հարցնեմ. եթէ ինձ ասէք, ես էլ ձե՛զ կ'ասեմ, թէ ինչ իշխանութեամբ եմ այս անում:
25. Յովհաննէսի մկրտութիւնը որտեղի՞ց էր՝ երկնքի՞ց, թէ՞ մարդկանցից: Նրանք իրար մէջ խորհուրդ էին անում ու ասում. Եթէ ասենք՝ երկնքից, մեզ կ'ասի՝ իսկ ինչո՞ւ

չհաւատացիք նրան.

26. Իսկ եթէ ասենք՝ մարդկանցից, ժողովրդից վախենում ենք, որովհետեւ բոլորն էլ Յովհաննէսին որպէս մարգարէ են ընդունում:

27. Պատասխանեցին Յիսուսին ու ասացին՝ չգիտենք: Նա էլ նրանց ասաց. Ես էլ ձեզ չեմ ասի, թէ ինչ իշխանութեամբ եմ այս անում:

28. Բայց ինչպէ՞ս է ձեզ թւում. մի մարդ երկու որդի ունէր: Առաջինին մօտենալով՝ նա ասաց. Որդեա՛կ, գնա՛ այսօր աշխատի՛ր այգում:

29. Սա պատասխանեց ու ասաց. Գնում եմ, տէ՛ր. ու չգնաց:

30. Մօտեցաւ միւսին էլ եւ նոյնն ասաց: Սա պատասխանեց ու ասաց. Չեմ ուզում: Բայց յետոյ գոջաց եւ գնաց այգին:

31. Արդ, երկուսից ո՞վ կատարեց իօր կամքը: Նրանք ասացին՝ վերջինը: Յիսուս նրանց ասաց. Ճշմարիտ եմ ասում ձեզ, որ մաքսաւորներ ու պոռնիկներ ձեզնից առաջ պիտի հասնեն արքայութիւն,

32. որովհետեւ Յովհաննէսը արդարութեան ճանապարհով եկաւ, եւ նրան չհաւատացիք. իսկ մաքսաւորներ ու պոռնիկներ հաւատացին նրան. եւ դուք այդ տեսաք եւ յետոյ էլ չգոջացիք, որ նրան հաւատայիք:

33. Լսեցէ՛ք մի այլ առակ. մի տանուտէր կար, որ այգի տնկեց եւ այն ցանկապատեց ու նրա մէջ հնձան փորեց եւ աշտարակ շինեց. ապա այն վարձու տուեց մշակներին եւ գնաց հեռու երկիր:

34. Երբ պտղի ժամանակը մօտեցաւ, իր ծառաներին ուղարկեց այն մշակների մօտ, որպէսզի բերքից իր բաժինը առնեն:

35. Իսկ մշակները նրա ծառաներին բռնելով՝ մէկին տանջեցին, մէկին սպանեցին, մէկին քարկոծեցին:

36. Դարձեալ ուրիշ ծառաներ ուղարկեց՝ թուով անելի, քան առաջինները: Եւ սրանց էլ նոյնն արեցին:

37. Յետոյ նրանց մօտ ուղարկեց իր որդուն ու ասաց՝ թերեւս իմ այս որդուց ամաչեն:

38. Իսկ մշակները, երբ տեսան որդուն, իրենց մտքում ասացին՝ սա է ծառանգը, եկեք սպանենք սրան եւ սրա ծառանգութիւնը մենք սեփականացնենք:

39. Եւ նրան բռնեցին հանեցին այգուց դուրս եւ սպանեցին:

40. Արդ, երբ այգու տէրը գայ, այդ մշակներին ի՞նչ կ'անի:

41. Նրանք ասացին նրան. Չարերին չարաչար կ'ոչնչացնի եւ այգին կը տայ այլ մշակների, որոնք նրան կը տան պտուղներն իրենց ժամանակին:

42. Յիսուս նրանց ասաց. Սուրբ Գրքերում երբեւիցէ չէ՞ք կարդացել՝ այն վէմը, որ կառուցողները անարգեցին, նա՛ է, որ եղաւ անկիւնաքար. Տիրոջից եղաւ այս, եւ մեր աչքին սքանչելի է:

43. Դրա համար ասում եմ ձեզ, որ ձեզնից կը վերցուի Աստծու արքայութիւնը եւ կը տրուի այն ազգին, որ պտղաբեր կը դարձնի այն:

44. Եւ ով այս վէմի վրայ ընկնի, կը փշրուի, եւ ում վրայ այն ընկնի, նրան կը ճգմի:

45. Երբ քահանայապետները եւ օրէնսգետներ ու փարիսեցիներ նրա առակները լսեցին, իմացան, որ իրենց համար ասաց:

46. Եւ ուզում էին նրան բռնել, բայց վախեցան ժողովրդից, քանի որ իբրեւ մարգարէ էին ընդունում նրան:

1. Յիսուս դարձեալ պատասխանեց եւ առականերով ասաց նրանց.
2. Երկընքի արքայութիւնը նմանուեց մի թագաւորի, որ իր որդու համար հարսանիք արեց:
3. Եւ ուղարկեց իր ծառաներին՝ հրաւիրուածներին հարսանիքի կանչելու. ու նրանք չուզեցին գալ:
4. Դարձեալ ուրիշ ծառաներ ուղարկեց՝ ասելով. Հրաւիրուածներին ասացէ՛ք՝ ահա իմ ճաշկերոյթը պատրաստեցի. իմ զուարակները եւ իմ պարարտ անասունները մորթուած են, ու ամէն ինչ պատրաստ է, եկէ՛ք հարսանիքի:
5. Սակայն նրանք, բանի տեղ չդնելով, գնացին՝ մէկն իր ագարակը, մէկն իր առետրին.
6. ուրիշներ էլ բռնեցին նրա ծառաներին, անպատուեցին ու սպանեցին:
7. Իսկ թագաւորը երբ լսեց, բարկացաւ եւ իր զօրքն ուղարկեց ու բնաջնջեց սպանողներին եւ այրեց նրանց քաղաքը:
8. Ապա իր ծառաներին ասաց. Հարսանիքը պատրաստ է, բայց հրաւիրուածները արժանի չէին:
9. Արդ, գնացէ՛ք հրապարակները եւ ում որ գտնէք, կանչեցէ՛ք հարսանիքի:
10. Եւ ծառաները ճանապարհների վրայ ելնելով՝ հաւաքեցին բոլոր նրանց, ում գտան՝ ե՛ւ չարերին, ե՛ւ բարիներին. եւ հարսանիքը լցուեց հրաւիրուածներով:
11. Եւ երբ թագաւորը ներս մտաւ հրաւիրուածներին նայելու, այնտեղ տեսաւ մի մարդու, որ հարսանիքի զգեստ չէր հագել, ու նրան ասաց.
12. Ընկե՛ր, որ հարսանիքի զգեստ չունէիր, ինչպէ՞ս այստեղ մտար: Եւ նա պապանձուեց:
13. Այն ժամանակ թագաւորը ծառաներին ասաց. Կապեցէ՛ք դրա ոտքերն ու ձեռքերը եւ դո՛ւրս հանեցէք դրան, արտաքին խաւարը. այնտեղ կը լինի լաց եւ ատամների կրճտում.
14. որովհետեւ կանչուածները բազում են, իսկ ընտրեալները՝ սակաւ:
15. Այն ժամանակ փարիսեցիները գնացին խորհուրդ արեցին նրա մասին, թէ ինչպէս խօսքերով նրան որոգայթ լարեն:
16. Եւ նրա մօտ ուղարկեցին իրենց աշակերտներից ոմանց՝ հերովդեսականների հետ միասին եւ ասացին. Վարդապե՛տ, գիտենք, որ ճշմարտախօս ես եւ Աստծու ճանապարհը ճշմարտութեամբ ես ուսուցանում. եւ ոչ մէկից չես քաշոււմ ու ոչ մի մարդու աջառութիւն չես անում:
17. Արդ, ասա՛ մեզ, ինչպէ՞ս է քեզ թոււմ. պէ՞տք է հարկ տալ կայսրին, թէ՞ ոչ:
18. Յիսուս հասկացաւ նրանց խորամանկութիւնն ու ասաց. Ինչո՞ւ եք ինձ փորձում, կեղծաւորնե՛ր,
19. ինձ հարկի դահեկա՛ն ցոյց տուէք: Եւ նրանք մի դահեկան բերեցին:
20. Եւ նա ասաց նրանց. Այս պատկերը կամ գիրը ո՞ւմն է:
21. Նրանք ասացին՝ կայսրինը: Այն ժամանակ նրանց ասաց. Գնացէ՛ք, տուէ՛ք կայսրինը՝ կայսեր եւ Աստծունը՝ Աստծուն:
22. Երբ այս լսեցին, զարմացան եւ թողեցին նրան ու գնացին:
23. Նոյն օրը նրան մօտեցան սաղուկեցիները, որոնք ասում էին, թէ յարութիւն չկայ. հարց տուեցին նրան ու ասացին.
24. Վարդապե՛տ, Մովսէսն ասաց, որ՝ եթէ մէկն անժառանգ մեռնի, նրա եղբայրը նրա կնոջը պիտի առնի եւ իր եղբօրը զաւակ հասցնի:
25. Մեզ մօտ եօթը եղբայրներ կային. առաջինը կին առաւ ու ապա մեռաւ. եւ որովհետեւ զաւակ չունէր, կնոջն իր եղբօրը թողեց:
26. Նոյնպէս եւ երկրորդը եւ երրորդը, մինչեւ եօթներորդը:
27. Բոլորից յետոյ կինն էլ մեռաւ:
28. Արդ, յարութեան ժամանակ եօթից ո՞ւմ կին կը լինի նա, քանի որ բոլորն էլ նրան իբրեւ կին ունեցան:

29. Յիսուս պատասխանեց նրանց ու ասաց. Մոլորուածներ, ո՛չ Գրքերն էք հասկանում եւ ո՛չ էլ Աստծու զօրութիւնը.
30. որովհետեւ յարութեան ժամանակ ո՛չ կ'ին են առնում եւ ո՛չ էլ մարդու գնում, այլ կը լինեն՝ ինչպէս հրեշտակները երկնքում:
31. Բայց մեռելների յարութեան մասին չէ՞ք կարդացել Աստծուց ձեզ ասուածը.
32. ե՛ս եմ Աբրահամի Աստուածը, Իսահակի Աստուածը եւ Յակոբի Աստուածը. եւ Աստուած՝ մեռելների Աստուածը չէ, այլ՝ կենդանիների:
33. Երբ ժողովուրդը այս լսեց, զարմացաւ նրա ուսուցման վրայ:
34. Իսկ փարիսեցիները երբ լսեցին, թէ նա պապանծեցրեց սաղուկեցիներին, ի մի հաւաքուեցին.
35. եւ նրանցից մէկը նրան փորձելով՝ հարցրեց ու ասաց.
36. Վարդապետ, Օրէնքի մէջ ո՞ր պատուիրանն է մեծ:
37. Եւ Յիսուս նրան ասաց. Պիտի սիրես քո Տէր Աստծուն քո ամբողջ սրտով, քո ամբողջ հոգով ու քո ամբողջ մտքով:
38. Այս է մեծը եւ առաջին պատուիրանը.
39. եւ երկրորդը սրա նման է. պիտի սիրես քո ընկերոջը, ինչպէս քո անձը:
40. Այս երկու պատուիրաններից են կախուած ամբողջ Օրէնքը եւ մարգարէները:
41. Եւ երբ փարիսեցիները հաւաքուեցին, Յիսուս նրանց հարցրեց ու ասաց.
42. Ի՞նչ կարծիք ունէք Քրիստոսի մասին, ո՞ւմ որդին է: Նրան ասացին՝ Դաւթի:
43. Յիսուս նրանց ասաց. Իսկ Դաւիթն ինչպէ՞ս նրան Սուրբ Հոգով կոչում է Տէր եւ ասում է.
44. Տէրն իմ տիրոջն ասաց՝ Նստի՛ր իմ աջ կողմում, մինչեւ որ քո թշնամիներին դնեմ քո ոտքերի տակ իբրեւ պատուանդան:
45. Իսկ եթէ Դաւիթը նրան Տէր է կոչում, ինչպէ՞ս նրա որդին կը լինի:
46. Եւ ոչ ոք նրան մի բառ պատասխան չկարողացաւ տալ: Եւ այդ օրուանից ոչ ոք չէր համարձակւում նրան մի որեւէ բան հարցնել:

1. Այն ժամանակ Յիսուս խօսեց ժողովրդին եւ իր աշակերտներին ու ասաց.
2. Մովսէսի արձույտ վրայ նստեցին օրէնսգետներն ու փարիսեցիները.
3. ամէն ինչ, որ նրանք ձեզ ասեն, արէ՛ք եւ պահեցէ՛ք, բայց մի՛ արեք ըստ նրանց գործերի, քանի որ ասում են, բայց չեն անում:
4. Ծանր ու դժուարակիր բեռներ են կապում եւ դնում մարդկանց ուսերի վրայ, բայց իրենց մատով անգամ չեն կամենում շարժել դրանք:
5. Եւ իրենց բոլոր գործերն անում են՝ ի ցոյց մարդկանց. լայնացնում են իրենց գրապանակները եւ երկարացնում են իրենց զգեստների ծոպերը:
6. Սիրում են ընթրիքների ժամանակ պատուոյ տեղերը, ժողովարաններում՝ նախապատիւ արժուները եւ հրապարակներում ողջոյններ առնել
7. ու մարդկանցից կոչուել՝ ռաբբի, որ նշանակում է ուսուցիչ:
8. Բայց դուք որեւէ մէկին ուսուցիչ մի՛ կոչեք, որովհետեւ ձեր ուսուցիչը մէկ է, եւ դուք բոլորդ եղբայրներ էք:
9. Եւ երկրի վրայ ոչ մէկին ձեզ հայր մի՛ կոչեք, որովհետեւ մէկ է ձեր Հայրը, որ երկնքում է:
10. Եւ ուսուցիչներ չկոչուեք, որովհետեւ Քրիստոս է ձեր ուսուցիչը:
11. Եւ ձեզնից մեծը ձեր սպասաւորը պիտի լինի:
12. Ով իր անձը բարձրացնում է, կը խոնարհուի. եւ ով խոնարհեցնում է իր անձը, կը բարձրանայ:
13. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ երկնքի արքայութիւնը փակում էք մարդկանց առաջ. դուք չէք մտնում եւ մտնողներին էլ թոյլ չէք տալիս, որ մտնեն:
14. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ շրջում էք ծովի ու ցամաքի վրայ՝ անգամ մէկին նորահաւատ դարձնելու համար, եւ երբ նա այդպիսին է դառնում, նրան ձեզանից կրկնակի անգամ ակելի գեհենի որդի էք դարձնում:
15. Վա՛յ ձեզ, կո՛յր առաջնորդներ, որ ասում էք՝ ով որ երդուի տաճարի վրայ, այդ երդումը ոչինչ չի նշանակում. բայց ով որ երդուի տաճարի մէջ եղած ոսկու վրայ, պարտաւորւում է այն կատարել:
16. Յիմարնե՛ր եւ կոյրե՛ր, ի՞նչն է մեծ՝ ոսկի՞ն, թե՞ տաճարը, որ սրբացնում է ոսկին:
17. Եւ՝ ով որ երդուի սեղանի վրայ, այդ երդումը ոչինչ չի նշանակում. բայց ով որ երդուի նրա վրայ գտնուող ընծայի վրայ, պարտաւորւում է այն կատարել:
18. Յիմարնե՛ր եւ կոյրե՛ր, ի՞նչն է մեծ՝ ընծա՞ն, թե՞ սեղանը, որ սրբագործում է ընծան:
19. Իսկ արդ, ով որ երդուեց սեղանի վրայ, երդուած կը լինի նրա վրայ եւ այն ամենի վրայ, որ սեղանի վրայ է:
20. Եւ ով երդուեց տաճարի վրայ, երդուած կը լինի նրա եւ նրա մէջ բնակուող Աստծու վրայ:
21. Եւ ով երդուեց երկնքի վրայ, երդուած կը լինի Աստծու արձույտի եւ նրա վրայ նստողի վրայ:
22. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ տալիս էք անանուխի եւ սամիթի ու չամանի տասանորդը, բայց թողել էք օրէնքի ամենից կարեւորները՝ արդարադատութիւնը, ողորմութիւնը եւ հաւատը. հարկ էր այս անել եւ այն չթողնել:
23. Կո՛յր առաջնորդներ, որ մօղուկները քամում էք եւ ուղտերը կուլ էք տալիս:
24. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ բաժակի ու պնակի դուրսը մաքրում էք, մինչ ներսից նրանք լի են ձեր գողութեամբ եւ անժուժկալութեամբ:
25. Կո՛յր փարիսեցի, նախ մաքրի՛ր բաժակի եւ պնակի ներսը, որպէսզի դրանց դուրսն էլ մաքուր լինի:
26. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ նման էք

- սպիտակեցրած գերեզմանների, որոնք դրսից գեղեցիկ են երեւում, մինչ ներսից լի են մեռելների ոսկորներով եւ ամենայն ապականութեամբ:
27. Նոյնպէս եւ դուք, դրսից մարդկանց արդար էք երեւում, մինչ ներսից լի էք կեղծաւորութեամբ եւ անօրէնութեամբ:
28. Վա՛յ ձեզ կեղծաւորներիդ՝ օրէնսգետներիդ եւ փարիսեցիներիդ, որ մարգարէների շիրիմներն էք շինում եւ արդարների գերեզմաններն էք զարդարում ու ասում էք.
29. Եթէ մենք մեր հայրերի օրօք լինէինք, մարգարէների սպանութեանը մասնակից չէինք լինի:
30. Ապա ուրեմն դուք ինքներդ ձեր մասին վկայում էք, թէ որդիներն էք նրանց, որոնք կոտորում էին մարգարէներին:
31. Ուրեմն դուք էլ լրացրէ՛ք ձեր հայրերի արածը:
32. Օձե՛ր, իժե՛րի՛ ծնունդներ, ինչպէ՞ս պիտի փախչէք գեհենի դատապարտութիւնից:
33. Դրա համար ահա ես ձեզ մօտ ուղարկում եմ մարգարէներ, իմաստուններ ու օրէնսգետներ. նրանցից ոմանց դուք պիտի սպանէք եւ խաչը պիտի հանէք. նրանցից ոմանց էլ պիտի տանջէք ձեր ժողովարաններում ու քաղաքից քաղաք պիտի հալածէք,
34. որպէսզի ձեր վրայ ընկնի մեղքը երկրի վրայ թափուած ամեն արդար արեան՝ արդար Աբելի արիւնից մինչեւ արիւնը Բարաքիայի որդի Չաքարիայի, որին սպանեցիք տաճարի եւ զոհասեղանի միջեւ:
35. Ճշմարիտ եմ ասում ձեզ, այս բոլորը պիտի գայ այս սերնդի վրայ:
36. Երուսաղէ՛մ, Երուսաղէ՛մ, որ կոտորում էիր մարգարէներին եւ քարկոծում էիր քեզ մօտ ուղարկուածներին. քանի՞ անգամ կամեցայ հաւաքել քո մանուկներին, ինչպէս հաւն է հաւաքում իր ծագերին թեւերի տակ, բայց չկամեցաք:
37. Ահա ձեր տունը աւերակ կը թողնուի ձեզ.
38. բայց ձեզ ասում եմ, որ այսուհետեւ ինձ այլեւս չէք տեսնի, մինչեւ որ ասեք՝ օրհնեա՛լ է նա, որ գալիս է Տիրոջ անունով:



1. Յիսուս տաճարից դուրս ելած՝ գնում էր. եւ աշակերտները մօտեցան՝ նրան ցոյց տալու տաճարի շինութիւնները:
2. Եւ նա պատասխանեց ու նրանց ասաց. Տեսնո՞ւմ էք այդ ամենը. ճշմարիտ եմ ասում ձեզ, այդտեղ չպիտի մնայ քար քարի վրայ, որ չքանդուի:
3. Եւ մինչ դեռ նստած էր Ձիթենեաց լեռան վրայ, աշակերտները առանձին մօտեցան նրան ու ասացին. Ասա՛ մեզ, այդ ե՞րբ կը լինի, եւ կամ քո գալստեան ու այս աշխարհի վախճանի նշանն ի՞նչ կը լինի:
4. Յիսուս պատասխանեց եւ ասաց նրանց. Չգո՛յշ եղէք, գուցէ մէկը ձեզ խաբի.
5. որովհետեւ շատերը կը գան իմ անունով ու կ'ասեն, թէ՛ ես եմ Քրիստոսը. եւ շատերին կը մոլորեցնեն:
6. Լսելու էք պատերազմների ձայներ եւ պատերազմների լուրեր. զգո՛յշ եղէք, չխռովուէք, որովհետեւ պէտք է, որ այդ ամենը լինի, բայց դա դեռ վախճանը չէ:
7. Ազգ ազգի դէմ պիտի ելնի, եւ թագաւորութիւն՝ թագաւորութեան դէմ, եւ պիտի լինեն սով, համաճարակ ու տեղ-տեղ երկրաշարժներ:
8. Սակայն այս ամենը սկիզբն է երկանց:
9. Այն ժամանակ ձեզ նեղութեան պիտի մատնեն եւ պիտի սպանեն ձեզ. եւ իմ անուան պատճառով բոլոր ազգերի կողմից ատելի պիտի լինէք:
10. Եւ այն ժամանակ շատերը պիտի գայթակղուեն եւ միմեանց պիտի մատնեն ու միմեանց պիտի ատեն:
11. Եւ բազում սուտ մարգարէներ պիտի ելնեն ու շատերին պիտի մոլորեցնեն:
12. Եւ անօրինութեան շատանալուց՝ շատերի սերը պիտի ցամաքի:
13. Բայց ով մինչեւ վերջ համբերեց, նա պիտի փրկուի:
14. Եւ արքայութեան այս Աւետարանը պիտի քարոզուի ամբողջ աշխարհում ի վկայութիւն բոլոր հեթանոսների. եւ ապա պիտի գայ վախճանը:
15. Արդ, երբ տեսնէք սարսափելի սրբապղծութիւնը, - որի մասին ասուած է Դանիէլ մարգարէի միջոցով, - որ հաստատուած է սուրբ վայրում (ով ընթերցում է, թող հասկանայ),
16. այն ժամանակ, ովքեր Հրեաստանում կը լինեն, թող փախչեն լեռները.
17. եւ ով տանիքի վրայ կը լինի, իր տնից բան վերցնելու համար թող ցած չիջնի.
18. եւ ով հանդում կը լինի, իր վերնազգեստը վերցնելու համար թող յետ չդառնայ:
19. Բայց վա՛յ այդ օրերին յղիներին ու ստնտուներին:
20. Աղօթեցէ՛ք, որ ձեր փախուստը չլինի ձմրանը եւ ոչ էլ շաբաթ օրը.
21. որովհետեւ այդ ժամանակ մեծ նեղութիւն պիտի լինի, որպիսին չի եղել աշխարհի արարչագործութեան սկզբից մինչեւ այժմ եւ այլեւս չի էլ լինի:
22. Եւ եթէ այդ օրերը չկարճեցուէին, ոչ մի մարմին չէր ազատուի. բայց ընտրեալների պատճառով այդ օրերը պիտի կարճեցուեն:
23. Այն ժամանակ եթէ մէկը ձեզ ասի՝ ահա՛ Քրիստոսը այստեղ է կամ այնտեղ, չհաւատաք նրան.
24. որովհետեւ սուտ քրիստոսներ եւ սուտ մարգարէներ պիտի ելնեն եւ մեծամեծ նշաններ ու զարմանալի գործեր պիտի ցոյց տան՝ Աստծու ընտրեալներին անգամ մոլորեցնելու աստիճան, եթէ հնար լինի:
25. Ահա ձեզ առաջուց ասացի:
26. Ապա եթէ ձեզ ասեն՝ ահա՛ անապատի մէջ է, չելնէք, կամ թէ՛ ահա՛ մառանում է, չհաւատաք.
27. որովհետեւ ինչպէս փայլակը, որ ելնում է արեւելքից եւ երեւում է մինչեւ արեւմուտք, մարդու Որդու գալուստը այնպէս կը լինի:
28. Ուր որ դիակն է, այնտե՛ղ կը հաւաքուեն արծիւները:
29. Այդ օրերի նեղութիւնից անմիջապէս յետոյ, արեգակը պիտի խաւարի, եւ լուսինը իր լոյսը չպիտի տայ, եւ աստղերը երկնքից պիտի ընկնեն, ու երկնքի զօրութիւններ պիտի

շարժուեն:

30. Եւ ապա երկնքի վրայ մարդու Որդու նշանը պիտի երեւայ, ու այդ ժամանակ երկրի բոլոր ազգերը լացուկոծ պիտի անեն եւ պիտի տեսնեն մարդու Որդուն, որ գալիս է երկնքի ամպերի վրայով՝ զօրութեամբ եւ բազում փառքով:
31. Եւ նա պիտի ուղարկի իր հրեշտակներին մեծ շեփորով, ու պիտի հաւաքեն նրա ընտրեալներին չորս կողմերից՝ երկնքի ծագերից մինչեւ միւս ծագերը:
32. Թզենո՛ւց սովորեցէք առակը. որովհետեւ, երբ նրա ոստերը կակղեն, եւ տերեւը ցցուի, կ'իմանաք, որ ամառը մօտ է:
33. Նոյնպէս եւ դուք՝ երբ այս բոլորը տեսնէք, իմացէ՛ք, թէ մօտ է Նա, դռների առաջ:
34. Ճշմարիտ եմ ասում ձեզ, որ այս սերունդը չպիտի անցնի, մինչեւ որ այս ամենը կատարուի:
35. Երկինք եւ երկիր պիտի անցնեն, բայց իմ խօսքերը չպիտի անցնեն:
36. Բայց այդ օրուայ եւ ժամուայ մասին ոչ ոք չգիտէ. ո՛չ երկնքի հրեշտակները եւ ո՛չ էլ Որդին, այլ՝ միայն Հայրը:
37. Եւ ինչպէս Նոյի օրերն էին, այնպէս պիտի լինի մարդու Որդու գալստեանը.
38. որովհետեւ, ինչպէս որ ջրհեղեղից առաջ եղած օրերն էին, - երբ ուտում էին եւ խմում, կին էին առնում ու մարդու էին գնում, մինչեւ այն օրը, երբ Նոյը տապանը մտաւ,
39. ու նրանք բան չիմացան մինչեւ որ ջրհեղեղը եկաւ ու վերցրեց տարաւ բոլորին, - այնպէս պիտի լինի մարդու Որդու գալստեանն էլ:
40. Այն ժամանակ, եթէ դաշտի մէջ երկու հոգի լինեն, մէկը պիտի վերցուի, եւ միւսը պիտի թողնուի:
41. Եւ եթէ երկու կին աղան մի երկանքի վրայ, մէկը պիտի վերցուի, եւ միւսը պիտի թողնուի:
42. Արթո՛ւն կացէք, որովհետեւ չգիտէք, թէ ո՛ր ժամին կը գայ ձեր Տէրը:
43. Ա՛յս իմացէք. եթէ տանտերը գիտենար, թէ ո՛ր ժամին գող կը գայ, կը հսկեր եւ չէր թողնի, որ իր տունը ծակեն:
44. Դրա համար դուք էլ պատրա՛ստ եղէք, որովհետեւ այն ժամին, երբ չէք սպասում, մարդու Որդին կը գայ:
45. Իսկ ո՞վ է այն հաւատարիմ եւ իմաստուն ծառան, որին իր տերը իր ծառաների վրայ կարգեց՝ իր ժամին կերակուր տալու համար նրանց:
46. Երանի՛՜ք է այն ծառային, որին տերը, գալով, կը գտնի այդպէս արած:
47. Ճշմարիտ եմ ասում ձեզ, որ նրան կը կարգի իր ամբողջ ունեցուածքի վրայ:
48. Իսկ եթէ չար ծառան իր մտքում ասի՝ իմ տերը ուշանում է գալ,
49. եւ սկսի իր ծառայակիցներին հարուածել եւ հարբեցողների հետ ուտի եւ խմի,
50. եւ այդ ծառայի տերը գայ այն օրը, երբ չէր սպասում, եւ այն ժամին, երբ չէր իմանում,
51. նրան կը սպանի եւ կեղծաւորների վախճանին կ'արժանացնի. այնտեղ կը լինի լաց ու ատամների կրճտում:

1. Այն ժամանակ երկնքի արքայութիւնը պիտի նմանեցուի տասը կոյսերի, որոնք իրենց լապտերներն առած՝ փեսային եւ հարսին դիմաւորելու ելան:
2. Նրանցից հինգը յիմար էին, իսկ հինգը՝ իմաստուն:
3. Յիմարները լապտերներն առան, բայց իրենց հետ պահեստի ձեթ չվերցրին:
4. Իսկ իմաստունները իրենց լապտերների հետ միասին ամաններով ձեթ վերցրին:
5. Եւ երբ փեսան ուշացաւ, ամենքն էլ նիրհեցին եւ քուն մտան:
6. Եւ կեսգիշերին ծայն լսուեց՝ ահա՛ փեսան գալիս է, նրան դիմաւորելո՛ւ ելէք:
7. Այն ժամանակ բոլոր կոյսերը վեր կացան եւ իրենց լապտերները կարգի բերեցին:
8. Յիմարները իմաստուններին ասացին. Ձեր այդ իւղից տուէ՛ք մեզ, որովհետեւ ահա մեր լապտերները հանգչում են:
9. Իմաստունները պատասխան տուեցին եւ ասացին. Գուցէ թէ՛ մեզ եւ թէ՛ ձեզ չբաւականացնի, ուստի գնացէ՛ք վաճառողների մօտ եւ ձեզ համար գնեցէ՛ք:
10. Երբ նրանք գնացին, որ գնեն, փեսան եկաւ, եւ ովքեր պատրաստ էին, նրա հետ հարսանիքի սրահը մտան, ու դուռը փակուեց:
11. Յետոյ եկան միւս կոյսերն էլ ու ասացին. Տէ՛ր, տէ՛ր, բա՛ց արա:
12. Նա պատասխան տուեց ու ասաց. Ճշմարիտ եմ ասում ձեզ, որ ձեզ չեմ ճանաչում:
13. Արթո՛ւն կացեք, որովհետեւ չգիտեք ո՛չ օրը եւ ո՛չ էլ ժամը:
14. Նոյնպէս, մի մարդ, հեռու երկիր գնալիս, կանչեց իր ծառաներին եւ իր ունեցուածքը նրանց տուեց.
15. մէկին տուեց հինգ քանքար, միւսին՝ երկու եւ մի ուրիշին՝ մէկ. իւրաքանչիւրին ըստ իր կարողութեան. եւ գնաց:
16. Ով հինգն առաւ, իսկոյն գնաց, դրանով գործ արեց եւ հինգ եւս շահեց:
17. Նոյնպէս նա էլ, որ երկուսն առաւ, երկու եւս շահեց:
18. Իսկ ով մէկն առաւ, գնաց հողը փորեց եւ իր տիրոջ դրամը թաքցրեց:
19. Շատ ժամանակ անց, այն ծառաների տէրը եկաւ եւ նրանց հետ հաշիւ տեսաւ:
20. Ով հինգ քանքար էր առել, մօտենալով՝ հինգ քանքար եւս տուեց ու ասաց. Տէ՛ր, հինգ քանքար տուիր ինձ. արդ, ահաւասիկ վրան հինգ քանքար եւս շահեցի:
21. Իր տէրը նրան ասաց. Ապրե՛ս, բարի՛ եւ հաւատարիմ ծառայ, որովհետեւ այդ քչի մէջ հաւատարիմ եղար, շատի վրայ կը կարգեմ քեզ. մտի՛ր քո տիրոջ ուրախութեան մէջ:
22. Ով երկու քանքարն էր առել, նա էլ մօտեցաւ ու ասաց. Տէ՛ր, ինձ երկու քանքար տուիր, ահաւասիկ երկու այլ քանքար եւս, որ դրանց վրայ շահեցի:
23. Իր տէրը նրան ասաց. Ապրե՛ս, բարի՛ եւ հաւատարիմ ծառայ, որովհետեւ այդ քչի մէջ հաւատարիմ եղար, շատի վրայ կը կարգեմ քեզ. մտի՛ր քո տիրոջ ուրախութեան մէջ:
24. Մօտեցաւ նաեւ նա, որ մէկ քանքար էր առել, ու ասաց. Տէ՛ր, գիտեի, որ դու մի խիստ մարդ ես, հնձում ես, ինչ որ չես սերմանել, եւ հաւաքում ես այնտեղից, ուր չես ցանել:
25. վախեցայ. գնացի եւ թաքցրի քո այս քանքարը հողի մէջ: Արդ, ահաւասիկ, քոնը՝ քեզ:
26. Տէրը պատասխան տուեց եւ ասաց նրան. Զա՛ր եւ ծո՛յլ ծառայ, գիտեիր, որ հնձում եմ, ուր չեմ սերմանել, եւ հաւաքում այնտեղից, ուր չեմ ցանել:
27. դու պետք է իմ այդ դրամը լումայափոխների մօտ դնէիր, եւ ես, գալով, տոկոսով միասին պահանջէի այն, ինչ որ իմն է:
28. Արդ, դրանից առէ՛ք այդ քանքարը եւ տուէ՛ք նրան, ով տասը քանքար ունի.
29. քանի որ՝ ով ունի, նրան պիտի տրուի եւ ունեցածը պիտի աւելացուի, իսկ ով չունի, նրանից ունեցածն էլ պիտի վերցուի:
30. Իսկ այդ անպիտան ծառային հանեցէ՛ք դուրս, արտաքին խաւարը. այնտեղ կը լինի լաց եւ ատամների կրճտում:
31. Արդ, երբ որ մարդու Որդին գայ իր փառքով եւ բոլոր հրեշտակները՝ իր հետ, այն

ժամանակ նա պիտի նստի իր փառքի գահի վրայ,

32. ու նրա առաջ պիտի հաւաքուեն բոլոր ազգերը, եւ նա նրանց միմեանցից պիտի զատի, ինչպէս մի հովիւ, որ զատում է ոչխարները այծերից:

33. Եւ ոչխարները իր աջին պիտի կանգնեցնի, իսկ այծերը՝ ձախին:

34. Այն ժամանակ թագաւորը պիտի ասի նրանց, որ իր աջին են. Եկէ՛ք, իմ Հօր օրհնեալնե՛ր, ժառանգեցէ՛ք աշխարհի սկզբից ձեզ համար պատրաստուած արքայութիւնը.

35. որովհետեւ քաղցած էի, եւ ինձ ուտելիք տուիք, ծարաւ էի, եւ ինձ ջուր տուիք՝ խմելու. օտար էի, եւ ինձ ձեր մէջ առաք,

36. մերկ էի, եւ ինձ հագցրիք, հիւանդ էի, եւ ինձ տեսնելու եկաք, բանտում էի, եւ ինձ այցի եկաք:

37. Այն ժամանակ արդարները պիտի պատասխանեն նրան ու ասեն. Տէ՛ր, ե՞րբ տեսանք քեզ քաղցած ու կերակրեցինք, կամ՝ ծարաւ եւ ջուր տուեցինք.

38. ե՞րբ տեսանք քեզ օտար եւ մեր մէջ առանք, կամ՝ մերկ եւ հագցրինք.

39. ե՞րբ տեսանք քեզ հիւանդ կամ բանտի մէջ ու եկանք քեզ այցի:

40. Թագաւորը պիտի պատասխանի ու ասի նրանց. Ճշմարիտ եմ ասում ձեզ, քանի որ իմ այս փոքր եղբայրներից մէկին արեցիք այդ՝ ի՞նձ համար արեցիք:

41. Այն ժամանակ նա պիտի ասի նրանց, որ իր ձախին են. Անհծեալնե՛ր, գնացէ՛ք ինձնից յաւիտենական կրակը, որ պատրաստուած է սատանայի եւ իր հրեշտակների համար.

42. որովհետեւ քաղցած էի, եւ ինձ ուտելիք չտուիք, ծարաւ էի, եւ ինձ ջուր չտուիք,

43. օտար էի, եւ ինձ ձեր մէջ չառաք, մերկ էի, եւ ինձ չհագցրիք, հիւանդ էի ու բանտի մէջ, եւ ինձ տեսնելու չեկաք:

44. Այն ժամանակ նրանք էլ պիտի պատասխանեն ու ասեն. Տէ՛ր, ե՞րբ տեսանք քեզ քաղցած, կամ ծարաւ, կամ օտար, կամ մերկ, կամ հիւանդ, կամ բանտի մէջ ու քեզ չձառայեցինք:

45. Այն ժամանակ պիտի պատասխանի նրանց ու ասի. Ճշմարիտ եմ ասում ձեզ, որովհետեւ այս փոքրերից մէկին ա՛յդ չարեցիք, ինձ համար էլ չարեցիք:

46. Եւ նրանք պիտի գնան դէպի յաւիտենական տանջանք, իսկ արդարները՝ յաւիտենական կեանք:

1. Երբ Յիսուս այս բոլոր խօսքերը վերջացրեց, իր աշակերտներին ասաց.
2. Գիտե՞ք, որ երկու օր յետոյ գատիկ է, եւ մարդու Որդին պիտի մատնուի խաչը ելնելու համար:
3. Այն ժամանակ քահանայապետները եւ օրէնսգետներն ու ժողովրդի ծերերը հաւաքուեցին Կայիափա անունով քահանայապետի դահլիճը
4. եւ խորհուրդ արեցին, որպէսզի նենգութեամբ բռնեն Յիսուսին ու սպանեն:
5. Բայց ասում էին. Ո՛չ այս տօնին, որպէսզի ժողովրդի մէջ խռովութիւն չլինի:
6. Երբ Յիսուս եկաւ Բեթանիա, բորոտ Սիմոնի տունը,
7. նրան մօտեցաւ մի կին, որ մի շիշ թանկարժէք իւղ ուներ, եւ թափեց այն նրա գլխին, մինչ նա սեղան էր նստել:
8. Երբ աշակերտներն այս տեսան, բարկացան ու ասացին. Ինչի՞ համար է անուշահոտ իւղի այդ վատնումը,
9. քանի որ կարելի էր մեծ գնով վաճառել այդ եւ տալ աղքատներին:
10. Յիսուս իմացաւ ու նրանց ասաց. Ինչո՞ւ էք նեղութիւն տալիս այդ կնոջը. նա իմ հանդէպ մի բարի գործ կատարեց.
11. աղքատներին ամէն ժամ ձեզ հետ ունէք, բայց ինձ միշտ ձեզ հետ չէք ունենայ:
12. Իմ մարմնի վրայ այդ իւղը թափելով՝ նա իմ թաղուելը կանխանշեց:
13. Բայց ճշմարիտ եմ ասում ձեզ, որ ամբողջ աշխարհում, ուր էլ այս Աւետարանը քարոզուի, պիտի պատմուի դրա յիշատակին, նաեւ ինչ որ դա արեց:
14. Այն ժամանակ Տասներկուսից մէկը՝ Յուդա Իսկարիոտացի կոչուածը, գնաց քահանայապետների մօտ ու ասաց.
15. Ի՞նչ կը կամենաք ինձ տալ, որ ես նրան ձեզ մատնեմ: Եւ նրանք երեսուն արծաթ դրամ խոստացան նրան:
16. Դրանից յետոյ նա առիթ էր որոնում, որ նրան մատնի նրանց:
17. Եւ Բաղարջակերաց տօնի առաջին օրը աշակերտները մօտեցան Յիսուսին եւ ասացին. Ո՞ր ես կամենում պատրաստեմք քեզ համար զատկական ընթրիքը, որ ուտես:
18. Եւ Յիսուս նրանց ասաց. Գնացե՛ք քաղաք այսինչ անձի մօտ եւ նրան ասացե՛ք. Վարդապետն ասում է՝ իմ ժամանակը մօտեցել է, քեզ մօտ եմ անելու զատիկը իմ աշակերտների հետ միասին:
19. Եւ աշակերտները արեցին, ինչպէս Յիսուս իրենց հրամայեց, ու պատրաստեցին զատկական ընթրիքը:
20. Եւ երբ երեկոյ եղաւ, տասներկու աշակերտների հետ սեղան էր նստել:
21. Եւ մինչ նրանք դեռ ուտում էին, նա ասաց. Ճշմարիտ եմ ասում ձեզ, որ ձեզանից մէկն ինձ մատնելու է:
22. Եւ նրանք խիստ տխրեցին. նրանցից իւրաքանչիւրն սկսեց ասել նրան. Միթէ ե՞ս եմ, Տէ՛ր:
23. Նա պատասխան տուեց ու ասաց. Ով իր ձեռքն ինձ հետ պնակի մէջ մտցրեց, նա՛ է ինձ մատնելու:
24. Մարդու Որդին կը գնայ այս աշխարհից, ինչպէս նրա մասին գրուած է, բայց վա՛յ այն մարդուն, ում ձեռքով կը մատնուի մարդու Որդին: Աւելի լաւ կը լինէր նրա համար, եթէ այդ մարդը ծնուած չլիներ:
25. Յուդան, որ մատնելու էր նրան, պատասխանեց ու ասաց. Միթէ ե՞ս եմ, Վարդապետ: Նրան ասաց՝ դու ասացիր:
26. Եւ մինչ նրանք դեռ ուտում էին, Յիսուս հաց վերցրեց, օրհնեց ու կտրեց եւ տուեց աշակերտներին ու ասաց. Առե՛ք, կերե՛ք, այս է իմ մարմինը:
27. Եւ բաժակ վերցնելով՝ գոհութիւն յայտնեց, տուեց նրանց ու ասաց.
28. Խմեցե՛ք դրանից բոլորդ, որովհետեւ այդ է նոր ուխտի իմ արիւնը, որ թափուում է շատերի համար՝ իրենց մեղքերի թողութեան համար:

29. Բայց ասում եմ ձեզ, այսուհետեւ ես այլեւս որթատունկի բերքից չեմ խմի մինչեւ այն օրը, երբ ձեզ հետ կը խմեմ նորը իմ Հօր արքայութեան մէջ:
30. Եւ օրհներգեցին ու ելան Ձիթենեաց լեռը:
31. Այն ժամանակ Յիսուս նրանց ասաց. Դուք ամենքդ այս գիշեր իմ պատճառով գայթակղուելու եք. որովհետեւ գրուած է, թէ՝ հովուին պիտի հարուածեմ, եւ հօտի ոչխարները պիտի ցրուեն:
32. Եւ իմ յարութիւն առնելուց յետոյ, ձեզնից առաջ պիտի գնամ Գալիլիա:
33. Պետրոսը պատասխանեց եւ ասաց նրան. Թեպէտ եւ ամենքը քո պատճառով գայթակղուեն, սակայն ես չեմ գայթակղուի:
34. Յիսուս նրան ասաց. Ճշմարիտ եմ ասում քեզ, որ այս գիշեր, դեռ աքաղաղը չկանչած, երեք անգամ ինձ պիտի ուրանաս:
35. Պետրոսը նրան ասաց. Թէ քեզ հետ մեռնել իսկ ինձ հասնի, քեզ չեմ ուրանայ: Նոյնն ասացին բոլոր աշակերտներն էլ:
36. Այն ժամանակ Յիսուս նրանց հետ եկաւ մի տեղ, որի անունը Գեթսեմանի էր, եւ նրանց ասաց. Նստեցէ՛ք այդտեղ, մինչեւ որ գնամ աղօթեմ:
37. Եւ իր հետ վերցնելով Պետրոսին եւ Չեբեդեոսի երկու որդիներին՝ սկսեց տրտմել եւ տագնապել:
38. Այն ժամանակ նրանց ասաց. Հոգիս տխուր է մահու չափ. այստե՛ղ մնացեք եւ ինձ հետ հսկեցէ՛ք:
39. Եւ մի փոքր առաջ գնալով՝ ընկաւ իր երեսի վրայ, աղօթեց ու ասաց. Հա՛յր իմ, եթէ կարելի է, այս բաժակը թող ինձնից հեռու անցնի, բայց ոչ՝ ինչպէս ես եմ կամենում, այլ՝ ինչպէս դու:
40. Նա եկաւ աշակերտների մօտ եւ նրանց քնի մէջ գտաւ ու Պետրոսին ասաց. Այդպէ՛ս, չկարողացա՞ք մէկ ժամ արթուն մնալ ինձ հետ:
41. Արթո՛ւն մնացեք եւ աղօ՛թք արեք, որպէսզի փորձութեան մէջ չընկնեք. հոգիս յօժար է, բայց մարմինս՝ տկար:
42. Դարձեալ, երկրորդ անգամ, Յիսուս գնաց աղօթքի կանգնեց ու ասաց. Հա՛յր իմ, եթէ կարելի չէ, որ այս բաժակը ինձնից հեռու անցնի, ապա այն կը խմեմ. քո կա՛մքը թող լինի:
43. Եւ գալով՝ դարձեալ նրանց քնի մէջ գտաւ, որովհետեւ նրանց աչքերը ծանրացել էին:
44. Թողեց նրանց ու երրորդ անգամ գնաց աղօթքի կանգնեց. եւ դարձեալ նոյն խօսքն ասաց:
45. Այն ժամանակ եկաւ աշակերտների մօտ ու նրանց ասաց. Ննջեցէ՛ք այսուհետեւ ու հանգստացէ՛ք, քանի որ ահա ժամը հասել է, եւ մարդու Որդին մեղաւորների ձեռքն է մատնւում:
46. Վե՛ր կացեք գնանք այստեղից. որովհետեւ ահա հասաւ նա, ով ինձ մատնելու է:
47. Եւ մինչ նա դեռ այսպէս խօսում էր, ահա Յուդան՝ Տասներկուսից մէկը, եկաւ. ու նրա հետ՝ քահանայապետների եւ ժողովրդի ծերերի կողմից բազում ամբօխ՝ սրերով ու մահակներով:
48. Եւ նա, որ նրան մատնելու էր, նրանց նշան էր տուել ու ասել. Ում հետ ես համբուրուեմ, նա՛ է, նրան կը բռնեք:
49. Եւ սա իսկոյն մօտենալով Յիսուսին՝ ասաց. Ողջո՛յն, Վարդապե՛տ. ու նրա հետ համբուրուեց:
50. Իսկ Յիսուս նրան ասաց. Ընկե՛ր, սրա՞ համար դու եկար: Այն ժամանակ, մօտենալով, ձեռք բարձրացրին Յիսուսի վրայ ու նրան բռնեցին:
51. Եւ ահա Յիսուսի հետ գտնուողներից մէկը ձեռքը երկարեց եւ իր սուրը հանեց ու հարուածեց քահանայապետի ծառային եւ նրա ականջը կտրեց պոկեց:
52. Այն ժամանակ Յիսուս նրան ասաց. Քո սուրը ետ դիր իր տեղը, որովհետեւ, ովքեր սուր են վերցնում, սրով կ'ընկնեն:
53. Եւ կամ կարծո՞ւմ ես, թէ չեմ կարող իմ Հօրն աղաչել, որ նա հիմա ինձ համար այստեղ հասցնի հրեշտակների անելի քան տասներկու զնդեր:

54. Էլ ինչպէ՞ս պիտի կատարուէին Սուրբ Գրքերում գրուածները, թե՛ այսպէս պետք է լինի:
55. Այն ժամանակ Յիսուս ամբոխին ասաց. Սրերով եւ մահակներով իմ դէմ էք ելել՝ բռնելու ինձ իբրեւ մի աւագակի՞: Միշտ ձեզ մօտ, տաճարում նստում էի եւ ուսուցանում, ու ինձ չբռնեցիք:
56. Բայց այս բոլորը եղաւ, որպէսզի մարգարէների Գրուածքները կատարուեն: Այն ժամանակ աշակերտները բոլորն էլ թողեցին նրան ու փախան:
57. Իսկ նրանք բռնելով Յիսուսին՝ տարան Կայիափա քահանայապետի մօտ, ուր օրէնսգետներն ու ծերերը հաւաքուել էին:
58. Եւ Պետրոսը հեռուից նրան հետեւելով՝ գնաց մինչեւ քահանայապետի գաւիթը եւ ներս մտնելով՝ սպասաւորների հետ նստեց՝ տեսնելու համար վախճանը:
59. Իսկ քահանայապետներն ու ամբողջ ատենանք Յիսուսի մասին սուտ վկայութիւն էին փնտռում, որպէսզի նրան սպանեն,
60. Բայց ներկայացող բազում սուտ վկաների մէջ չէին գտնում այն: Յետոյ առաջ եկան երկու սուտ վկաներ.
61. ասացին. Սա ասում էր՝ Աստծու տաճարը կարող եմ քանդել եւ երեք օրում շինել:
62. Եւ քահանայապետը վեր կենալով՝ նրան ասաց. Պատասխան չե՞ս տալիս, քո մասին ի՞նչ ամբաստանութիւն են անում դրանք:
63. Եւ Յիսուս լուռ էր մնում: Քահանայապետը խօսեց եւ նրան ասաց. Երդուեցնում եմ քեզ կենդանի Աստուծով, որ մեզ ասես, թե դո՞ւ ես Քրիստոսը՝ Աստծու Որդին:
64. Յիսուս նրան ասաց. Դու ասացիր: Բայց ասում եմ ձեզ. այսուհետեւ մարդու Որդուն կը տեսնէք նստած ամենագօր Աստծու աջ կողմում եւ եկած երկնքի ամպերի վրայով:
65. Այն ժամանակ քահանայապետը պատռեց իր զգեստներն ու ասաց. Հայիոյեց, էլ ինչի՞ ես պետք մեզ վկաներ. ահա հիմա լսեցիք նրա հայիոյանքը:
66. Ի՞նչ է ձեր կամքը: Նրանք պատասխանեցին ու ասացին՝ մահապարտ է:
67. Այն ժամանակ թքեցին նրա երեսին, բռունցքով հարուածեցին նրան, եւ ոմանք էլ ապտակեցին նրան ու ասացին.
68. Մարգարեացի՛ր մեզ, դո՛ւ, Քրիստո՛ս, ո՞վ է, որ քեզ հարուածեց:
69. Իսկ Պետրոսը նստած էր դուրսը՝ գաւթում. մի աղախին մօտեցաւ նրան ու ասաց. Դո՛ւ էլ գալիլիացի Յիսուսի հետ էիր:
70. Նա ուրացաւ բոլորի առաջ ու ասաց. Չգիտեմ՝ դու ինչ ես խօսում:
71. Եւ երբ նա գաւթից դուրս ելաւ, նրան տեսաւ մի այլ կին եւ այնտեղ կանգնածներին ասաց. Սա էլ Յիսուս Նազովրեցու հետ էր:
72. Եւ դարձեալ նա երդումով ուրացաւ, թե՛ այդ մարդուն չեմ ճանաչում:
73. Եւ մի քիչ յետոյ այնտեղ գտնուողները, մօտենալով, Պետրոսին ասացին. Իրօք, դու էլ նրանցից ես, քանի որ քո խօսուածքն էլ քեզ յայտնի է անում:
74. Այն ժամանակ նա սկսեց նզովք կարդալ ու երդուել, թե՛ այդ մարդուն չեմ ճանաչում: Եւ իսկոյն աքաղաղը կանչեց:
75. Եւ Պետրոսը յիշեց Յիսուսի խօսքը, որ նա ասել էր, թե՛ դեռ աքաղաղը չկանչած՝ երեք անգամ ինձ պիտի ուրանաս: Եւ դուրս ելնելով՝ դառնապէս լաց եղաւ:

1. Երբ առաւօտ եղաւ, բոլոր քահանայապետները եւ ժողովրդի ծերերը խորհուրդ արեցին Յիսուսի դէմ՝ նրան սպանելու համար:
2. Նրան կապեցին, առան գնացին եւ յանձնեցին պոնտացի Պիղատոս կուսակալի ձեռքը:
3. Այն ժամանակ Յուդան, որ Յիսուսին մատնել էր, տեսնելով, որ Յիսուս դատապարտուեց, զոջաց, արծաթ դրամները վերադարձրեց քահանայապետներին եւ ժողովրդի ծերերին ու ասաց.
4. Մեղանչեցի, որովհետեւ արդար արիւն մատնեցի: Իսկ նրանք ասացին. Մեր հոգը չէ, դո՛ւ գիտես:
5. Եւ արծաթ դրամները նետեց տաճարի մէջ եւ հեռացաւ ու գնաց ինքն իրեն կախեց:
6. Իսկ քահանայապետները արծաթ դրամները վերցնելով՝ ասացին. Օրինաւոր չէ դրանք ընդունել տաճարի գանձանակի մէջ, քանի որ արեան գին են:
7. Եւ խորհուրդ անելով՝ դրանով գնեցին բրուտի ագարակը՝ որպէս գերեզման օտարների համար:
8. Այդ պատճառով այդ ագարակը կոչուել է Արեան ագարակ՝ մինչեւ այսօր:
9. Այն ժամանակ կատարուեց, ինչ ասուել էր Երեմիա մարգարէի բերանով. Եւ առան երեսուն կտոր արծաթը՝ վաճառուածի գինը, որ նշանակուել էր խրայելացիներից,
10. Եւ այն տուեցին բրուտի ագարակի համար, ինչպէս Տէրը ինձ հրամայել էր:
11. Եւ Յիսուս կանգնեց կուսակալի առաջ. կուսակալը հարցրեց նրան ու ասաց. Դո՞ւ ես հրեաների թագաւորը: Եւ Յիսուս ասաց. Դու ես ասում:
12. Իսկ երբ նա ամբաստանւում էր քահանայապետների ու ծերերի կողմից, ոչինչ չպատասխանեց:
13. Այն ժամանակ Պիղատոսը նրան ասաց. Չե՞ս լսում, ինչքան դրանք քո դէմ են վկայում:
14. Եւ նրան չպատասխանեց եւ ոչ մի բան, այնպէս որ կուսակալը շատ զարմացաւ:
15. Սակայն կուսակալը սովորութիւն ունէր տօնի առիթով ժողովրդի համար արձակել մի բանտարկեալ, ում նրանք կամենային:
16. Այն ժամանակ ունէին մի նշանաւոր բանտարկեալ, որի անունը Յեսու Բարաբբա էր:
17. Երբ հաւաքուեցին, Պիղատոսը նրանց ասաց. Այս երկուսից որի՞ն էք ուզում, որ ձեզ համար արձակեմ. Յեսու Բարաբբայի՞ն, թե՞ Յիսուսին՝ Քրիստոս կոչուածին:
18. Ընկնի որ Պիղատոսը գիտէր, որ նախանձից մատնել էին նրան:
19. Եւ մինչ նա ատեան էր նստում, իր կինը նրան լուր ուղարկեց ու ասաց. Քո եւ այդ արդարի միջեւ ոչինչ չկայ, որովհետեւ այսօր երազումս նրա պատճառով գլխովս շատ բաներ անցան:
20. Իսկ քահանայապետներն ու ծերերը համոզեցին ժողովրդին, որ Բարաբբային ուզեն եւ Յիսուսին կորստեան մատնեն:
21. Կուսակալը պատասխան տուեց ու ասաց նրանց. Այս երկուսից որի՞ն էք ուզում, որ ձեզ համար արձակեմ:
22. Եւ նրանք ասացին՝ Բարաբբային: Պիղատոսը նրանց ասաց. Իսկ ի՞նչ անեմ Յիսուսին՝ Քրիստոս կոչուածին:
23. Ամենքը ասացին՝ թող խաչուի: Եւ նա ասաց. Ի՞նչ չար բան արեց: Եւ նրանք առաւել եւս աղաղակում էին ու ասում՝ թող խաչուի:
24. Եւ Պիղատոսը տեսնելով, թէ ոչինչ չի օգնում, այլ է՛լ անելի խռովութիւն է լինում, ջուր վերցնելով՝ լուաց ձեռքերը ժողովրդի առաջ ու ասաց. Այդ արդարի արիւնից ես անմասն եմ. դո՛ւք գիտէք:
25. Ամբողջ ժողովուրդը պատասխանեց ու ասաց. Դրա արիւնը՝ մեր վրայ եւ մեր որդիների վրայ:
26. Այն ժամանակ Պիղատոսը նրանց համար արձակեց Բարաբբային եւ Յիսուսին գանակոծել տալով՝ տուեց նրանց ձեռքը, որ խաչուի:



27. Այն ժամանակ կուսակալի զինուորները Յիսուսին վերցրին տարան ապարանք եւ ամբողջ գունդը նրա գլխին հաւաքեցին:
28. Մերկացրին նրան եւ նրա վրայ կարմիր վերնագգեստ գցեցին:
29. Եւ փշերից պսակ պատրաստելով՝ դրեցին նրա գլխին եւ մի եղեգ՝ նրա աջ ձեռքին. նրա առաջ ծնկի գալով՝ ծաղրում էին ու ասում. Ողջո՛յն, հրեաների՛ թագաւոր:
30. Եւ թքելով նրա վրայ՝ եղեգն առնում էին ու խփում նրա գլխին:
31. Եւ երբ նրան ծաղրուծանակի ենթարկեցին, նրա վրայից հանեցին քղամիդը ու նրան հագցրին իր գգեստը. եւ տարան նրան խաչը հանելու:
32. Եւ դուրս ելնելով՝ գտան կիւրեւնացի մի մարդ՝ Սիմոն անունով, ու նրան ստիպեցին, որ նա խաչը կրի:
33. Եւ հասնելով Գողգոթա կոչուած տեղը, որ նշանակում է կառափնատեղի,
34. Յիսուսին լեղի խառնած գինի տուեցին խմելու, եւ երբ համտեսեց, չկամեցաւ խմել:
35. Եւ նրան խաչը հանելով՝ բաժանեցին նրա գգեստները՝ վիճակ գցելով, որպէսզի կատարուի այն խօսքը, որ ասուեց մարգարէի կողմից. Իմ գգեստները բաժանեցին իրենց մէջ եւ իմ պատմուճանի վրայ վիճակ էին գցում:
36. Ու նստած՝ նրան պահպանում էին:
37. Եւ նրա գլխի վերեւը դրեցին նրա յանցապարտութեան գիրը, թէ՛ սա՛ է Յիսուսը՝ հրեաների թագաւորը:
38. Միեւնոյն ժամանակ նրա հետ խաչը հանեցին երկու աւագակներ՝ մէկը նրա աջից, եւ միւսը՝ ձախից:
39. Եւ մօտով անցնողները հայիոյում էին նրան, շարժում էին գլուխներն ու ասում.
40. Վա՛հ, դու որ քանդում էիր տաճարը եւ երեք օրից այն շինում, փրկի՛ր քեզ. եթէ Աստծու Որդի ես, իջի՛ր այդ խաչից:
41. Նոյնպէս եւ քահանայապետները, օրէնսգետներով ու ծերերով հանդերձ, ծաղրում էին նրան ու ասում.
42. Ուրիշներին փրկեց, ինքն իրեն չի կարողանում փրկել. եթէ Իսրայէլի թագաւոր է, հիմա թող այդ խաչից իջնի. եւ դրան կը հաւատանք:
43. Եթէ դա յոյսը դրել էր Աստծու վրայ, թող նա այժմ դրան փրկի, եթէ ուզում է դրան. քանի որ ասաց, թէ՛ Աստծու Որդի եմ:
44. Նրա հետ խաչուած աւագակներն էլ էին նոյն ձեւով նախատում նրան:
45. Եւ կեսօրին ամբողջ երկրի վրայ խաւար եղաւ մինչեւ ժամը երեքը:
46. Ժամը երեքի մօտ Յիսուս բարձր ձայնով գոչեց ու ասաց. Էլի՛, Էլի՛, լա՛մա սաբաքթանի, այսինքն՝ Աստուա՛ծ իմ, Աստուա՛ծ իմ, ինչո՞ւ թողեցիր ինձ:
47. Այնտեղ կանգնածներից ոմանք, երբ լսեցին, ասացին. Դա Եղիային է կանչում:
48. Եւ նրանցից մէկը իսկոյն վազեց, քացախով թաթախուած սպունգ վերցրեց եւ մի եղեգի վրայ անցկացնելով՝ տուեց նրան, որ խմի:
49. Իսկ ուրիշներ ասում էին. Թո՛ղ, տեսնենք, թէ Եղիան կը գա՞յ, որ դրան փրկի:
50. Եւ Յիսուս դարձեալ բարձր ձայնով աղաղակեց եւ հոգին աւանդեց:
51. Եւ ահա տաճարի վարագոյրը վերելից մինչեւ ներքեւ երկուսի պատռուեց, եւ երկիրը շարժուեց, եւ ժայռեր ճեղքուեցին,
52. եւ գերեզմանները բացուեցին, եւ ննջեցեալ սրբերի բազում մարմիններ յարուրին առան
53. ու նրա յարուրիւնից յետոյ գերեզմաններից ելնելով մտան սուրբ քաղաքը եւ շատերին երեւացին:
54. Իսկ հարիւրապետը եւ նրանք, որ իր հետ Յիսուսին պահպանում էին, երբ տեսան երկրաշարժը եւ պատահածները, սաստիկ վախեցան ու ասացին. Արդարեւ, Աստծու Որդի էր սա:
55. Այնտեղ շատ կանայք կային, որոնք կանգնած հեռուից նայում էին եւ որոնք Գալիլիայից եկել էին Յիսուսի յետեւից՝ նրան ծառայելու համար.
56. նրանց մէջ էին Մարիամ Մագդաղենացին, Յակոբի եւ Յովսէի մայր Մարիամը եւ 2 երեղէնսի որդիների մայրը:

57. Երբ երեկոյ եղաւ, եկաւ Յովսէփ անունով արիմաթիացի մի մեծահարուստ մարդ, որ Յիսուսին աշակերտել էր:
58. Սա Պիղատոսի մօտ գնալով՝ Յիսուսի մարմինը խնդրեց: Այն ժամանակ Պիղատոսը հրամայեց, որ մարմինը տրուի:
59. Եւ Յովսէփը, մարմինն առնելով, պատեց մաքուր կտաւով
60. եւ դրեց նոր գերեզմանի մէջ, որ փորել էր տուել ժայռի մէջ: Եւ մի մեծ քար, որպէս կափարիչ, գերեզմանի դռան առաջ գլորեց ու գնաց:
61. Այնտեղ էր Մարիամ Մագդաղենացին եւ միւս Մարիամը. նրանք նստած էին գերեզմանի դիմաց:
62. Եւ հետեւեալ օրը, որ ուրբաթի յաջորդ օրն է, քահանայապետներն ու փարիսեցիները հաւաքուեցին Պիղատոսի մօտ ու ասացին.
63. Տէ՛ր, յիշեցինք, թէ այն մոլորեցնողը, քանի կենդանի էր, ասում էր, թէ՛ երեք օրից յարութիւն պիտի առնեմ:
64. Արդ, հրամայի՛ր, որ մինչեւ երեք օր գերեզմանի ապահովութեանը հոգ տարուի. գուցէ աշակերտները գիշերով գան եւ գողանան նրան ու ժողովրդին ասեն, թէ՛ մեռելներից յարութիւն առաւ. եւ վերջին մոլորութիւնը աւելի վատ լինի, քան առաջինը:
65. Պիղատոսը նրանց ասաց. Չիսուորներ ունեք. գնացէ՛ք ապահովութեանը հոգ տարեք, ինչպէս որ գիտեք:
66. Եւ նրանք գնացին գերեզմանի ապահովութեանը հոգ տանելու եւ վեմը կնքեցին՝ զինուորներ նշանակելով:

1. Շաբաթ օրուայ երեկոյեան, երբ կիրակին լուսանում էր, Մարիամ Մագդաղենացին եւ միւս Մարիամը եկան գերեզմանը տեսնելու:
2. Եւ ահա մեծ երկրաշարժ եղաւ, որովհետեւ Տիրոջ հրեշտակը երկնքից իջնելով՝ մօտեցաւ, դռնից վեմը մի կողմ գլորեց ու նստեց նրա վրայ:
3. Նրա տեսքը փայլակի նման էր, ու նրա զգեստը՝ սպիտակ, ինչպէս ձիւնը:
4. Նրա ահից պահապանները խռովուեցին եւ մեռելների պէս եղան:
5. Հրեշտակը խօսեց ու կանանց ասաց. Դուք մի՛ վախեցէք, գիտեմ, որ փնտռում էք Յիսուսին, որ խաչուեց:
6. այստեղ չէ նա, քանի որ յարութիւն առաւ, ինչպէս ինքն ասել էր. եկէ՛ք, տեսէ՛ք այն տեղը, ուր պառկած էր:
7. Եւ իսկոյն գնացէ՛ք, ասացէ՛ք նրա աշակերտներին, թէ յարութիւն առաւ. եւ ահա նա ձեզնից առաջ գնում է Գալիլիա. այնտեղ նրան կը տեսնէք: Ահա ասացի ձեզ:
8. Եւ իսկոյն, ահով եւ մեծ ուրախութեամբ, գերեզմանից դուրս ելնելով՝ վազեցին աշակերտներին պատմելու:
9. Եւ յանկարծ Յիսուս նրանց դիմացը ելաւ ու ասաց՝ ողջո՛յն ձեզ. եւ նրանք մօտենալով՝ նրա ոտքերին փարուեցին ու երկրպագեցին նրան:
10. Այն ժամանակ Յիսուս նրանց ասաց. Մի՛ վախեցէք. գնացէ՛ք ասացէք իմ եղբայրներին, որ գնան Գալիլիա եւ այնտեղ ինձ տեսնեն:
11. Երբ նրանք գնացին, ահա զինուորներից ոմանք քաղաք եկան ու
12. քահանայապետներին պատմեցին այն բոլորը, ինչ որ պատահել էր:
13. Եւ նրանք ծերերի հետ միասին հաւաքուելով՝ խորհուրդ արեցին, շատ դրամ տուեցին զինուորներին ու ասացին.
14. Կ'ասէք, թէ նրա աշակերտները, գիշերով գալով, գողացան նրան, մինչ մենք քնի մէջ էինք:
15. Եւ եթէ այդ լուրը կուսակալին հասնի, մենք նրան կը գոհացնենք եւ ձեզ հոգսից կ'ազատենք:
16. Եւ նրանք դրամն առնելով՝ արեցին այնպէս, ինչպէս որ իրենց սովորեցրել էին: Եւ այս գրոյցը տարածուած է հրեաների մէջ մինչեւ այսօր:
17. Իսկ տասնմէկ աշակերտները գնացին Գալիլիա, այն լեռը, ուր Յիսուս իրենց հետ ժամադրուել էր:
18. Երբ նրան տեսան, երկրպագեցին նրան, իսկ ոմանք երկմտեցին:
19. Եւ Յիսուս մօտենալով՝ խօսեց նրանց հետ ու ասաց. Ինձ է տրուած ամէն իշխանութիւն երկնքում եւ երկրի վրայ. ինչպէս Հայրը ինձ ուղարկեց, ես էլ ձեզ եմ ուղարկում:
20. Գնացէ՛ք ուրեմն աշակերտ դարձրէ՛ք բոլոր ազգերին, նրանց մկրտեցէ՛ք Հօր եւ Որդու եւ Սուրբ Հոգու անունով:
21. Ուսուցանեցէ՛ք նրանց պահել այն բոլորը, ինչ որ ձեզ պատուիրեցի: Եւ ահա ես ձեզ հետ եմ բոլոր օրերում՝ մինչեւ աշխարհի վախճանը:

ԱԲԵՏԱՐԱՆ ԸՍՏ ՄԱՐԿՈՍԻ

## Գլուխ 1

1. Յիսուս Զրիստոսի՝ Աստծու Որդու Աւետարանի սկիզբը:
2. Ինչպէս որ գրուած է մարգարէների գրքերում. Ահաւասիկ ես ուղարկում եմ իմ պատգամաւորին քո առաջից, որ կը պատրաստի քո ճանապարհը քո առաջ:
3. Անապատում կանչողի ծայնն է. Պատրաստեցէ՛ք Տիրոջ ճանապարհը եւ հարթեցէ՛ք նրա շաւիղները:
4. Յովհաննէսը մկրտում էր անապատում եւ քարոզում ապաշխարութեան մկրտութիւն՝ մեղքերի թողութեան համար:
5. Ամբողջ Հրեաստանը եւ բոլոր երուսաղէմացիները գնում էին նրա մօտ եւ մկրտում նրանից Յորդանան գետում՝ խոստովանելով իրենց մեղքերը:
6. Եւ Յովհաննէսը հագել էր ուղտի մազից զգեստ եւ մէջքին՝ կաշուէ գօտի. եւ նրա կերակուրն էր մորեխ եւ վայրի մեղր:
7. Նա քարոզում էր եւ ասում. Իմ յետեւից կը գայ ինձնից աւելի հզօրը, որի առաջ արժանի չեմ խոնարհուելու՝ նրա կօշիկների կապերն արձակելու համար:
8. Ես ձեզ մկրտեցի ջրով, իսկ նա ձեզ կը մկրտի Սուրբ Հոգով:
9. Այն օրերին Յիսուս եկաւ Գալիլիայի Նազարէթ քաղաքից եւ Յովհաննէսից մկրտուեց Յորդանանում:
10. Եւ նոյն ժամին, երբ ջրից դուրս էր գալիս, տեսաւ երկինքը՝ պատռուած, եւ Աստծու Հոգին, որպէս աղաւնի, որ իջնում էր իր վրայ:
11. Երկնքից մի ձայն եկաւ, որն ասում էր. Դո՛ւ ես իմ սիրելի Որդին, որ ունես իմ ամբողջ բարեհաճութիւնը:
12. Եւ անմիջապէս Հոգին նրան հանեց տարաւ դէպի անապատ:
13. Եւ նա այնտեղ էր քառասուն օր՝ փորձուելով սատանայից: Եւ նա գազանների հետ էր, իսկ հրեշտակները ծառայում էին նրան:
14. Յովհաննէսի բանտարկուելուց յետոյ Յիսուս Գալիլիա եկաւ. քարոզում էր Աստծու Աւետարանը եւ ասում.
15. Ժամանակը հասել է, եւ մօտեցել է Աստծու արքայութիւնը. ապաշխարեցէ՛ք եւ հաւատացէ՛ք Աւետարանին:
16. Երբ նա անցնում էր Գալիլիայի ծովեզրով, տեսաւ Սիմոնին եւ նրա եղբայր Անդրէասին, որոնք ուռկանները ծովն էին գցել, որովհետեւ ձկնորսներ էին:
17. Եւ Յիսուս նրանց ասաց. Իմ յետեւի՛ց եկե՛ք, եւ ես ձեզ կը դարձնեմ մարդկանց որսորդներ:
18. Եւ իսկոյն ուռկանները թողնելով՝ գնացին նրա հետ:
19. Այստեղից մի քիչ առաջ գնալով՝ տեսաւ Չեբեդէոսի որդի Յակոբոսին եւ նրա եղբայր Յովհաննէսին. սրանց էլ տեսաւ իրենց նաւակի մէջ, մինչ ուռկաններն էին կարգի բերում:
20. Եւ կանչեց նրանց. եւ նրանք իսկոյն նաւակի մէջ թողնելով իրենց հօրը՝ Չեբեդէոսին, վարձկան ձկնորսների հետ միասին, գնացին նրա յետեւից:
21. Եւ մտան Կափառնայում: Եւ Յիսուս նոյն շաբաթ օրն իսկ ժողովարան մտնելով՝ ուսուցանում էր նրանց:
22. Եւ նրանք զարմանում էին նրա քարոզութեան վրայ, որովհետեւ նրանց ուսուցանում էր իշխանութեամբ եւ ոչ՝ ինչպէս օրէնսգետները:
23. Արդ, նրանց ժողովարանում մի մարդ կար՝ պիղծ ոգուց բռնուած, որն աղաղակեց եւ ասաց.
24. Թո՛ղ տուր, ի՞նչ ես ուզում մեզնից, Յիսու՛ս Նազովրեցի. մեզ կորստեան մատնելո՞ւ եկար. գիտենք քեզ, թէ ով ես դու, Աստծու Սուրբն ես:
25. Յիսուս սաստեց նրան ու ասաց. Ձայնդ կտրի՛ր եւ դո՛ւրս ել դրանից:
26. Եւ պիղծ ոգին սաստիկ ցնցեց դիւահարին եւ բարձրաձայն աղաղակելով՝ դուրս ելաւ նրանից:
27. Եւ ամենքը զարմացան, այնպէս որ հարցնում էին իրար եւ ասում. Այս ի՞նչ նոր

վարդապետութիւն է, որ իշխանութեամբ պիղծ ոգիներին էլ է սաստում, եւ նրանք հնազանդում են նրան:

28. Եւ նրա համբաւը տարածուեց Գալիլիայի բոլոր կողմերում:

29. Եւ ժողովարանից դուրս ելնելով, անմիջապէս եկաւ Սիմոնի եւ Անդրեասի տունը՝ Յակոբոսի եւ Յովհաննէսի հետ:

30. Սիմոնի զոքանչը տաքութեան մէջ պառկած էր. իսկոյն ասացին նրա մասին Յիսուսին:

31. Եւ նա մօտենալով՝ նրա ձեռքը բռնեց եւ նրան ոտքի կանգնեցրեց. եւ տենդը նրան թողեց. եւ նա ծառայում էր նրանց:

32. Երբ երեկոյ եղաւ, արեւի մայր մտնելու ժամանակ, նրա մօտ էին բերում բոլոր հիւանդներին եւ դիւահարներին:

33. Եւ ամբողջ քաղաքը հաւաքուել էր դռների առաջ:

34. Եւ նա տեսակ-տեսակ հիւանդութիւններից բազում հիւանդներ բժշկեց եւ բազում դէւեր հանեց. եւ թոյլ չէր տալիս դէւերին խօսել, որովհետեւ գիտէին նրան, որ Քրիստոսն է:

35. Եւ առաւօտեան մօտ, լոյսը բացուելուց առաջ, վեր կացաւ եւ ելաւ գնաց ամայի մի տեղ ու այնտեղ աղօթում էր:

36. Նրա յետեւից նրան փնտռելու գնաց Սիմոնը եւ նրանք, որ նրա հետ էին:

37. Եւ երբ գտան նրան, ասացին. Ամենքը փնտռում են քեզ:

38. Եւ նրանց ասաց. Եկէ՛ք գնանք այլ մօտակայ գիւղաքաղաքներ եւս, որպէսզի այնտեղ էլ քարոզեմ, որովհետեւ հէնց դրա համար եմ եկել:

39. Եւ ամբողջ Գալիլիայում նրանց ժողովարաններում քարոզում եւ դէւեր էր հանում:

40. Նրա մօտ եկաւ մի բորոտ. նա ծնկի եկած աղաչում էր եւ ասում. Տէ՛ր, եթէ կամենաս, կարո՞ղ ես ինձ մաքրել:

41. Իսկ Յիսուս գթալով՝ ձեռքը երկարեց, դիպաւ նրան եւ ասաց. Կամենում եմ, մաքրուի՛ր:

42. Եւ երբ նրան այս ասաց, բորոտութիւնը նրանից իսկոյն գնաց, եւ նա մաքրուեց:

43. Եւ Յիսուս իսկոյն դուրս հանեց նրան եւ խստիւ պատուիրեց.

44. Չգո՛յշ եղիր, ոչ ոքի բան չասես, այլ գնա՛, քեզ քահանային ցո՛յց տուր եւ մաքրուելուդ համար ընծայ տուր այն, ինչ հրամայել էր Մովսէսը՝ նրանց համար իբրեւ վկայութիւն:

45. Բայց նա դուրս գնալով՝ սկսեց եռանդուն կերպով քարոզել եւ լուրը տարածել այն աստիճան, որ Յիսուս չէր կարողանում այլեւս յայտնապէս քաղաք մտնել, այլ դուրսը, ամայի տեղերում էր մնում. եւ բոլոր կողմերից ժողովուրդը նրա մօտ էր գալիս:

## Գլուխ 2

1. Մի քանի օր յետոյ, երբ նա դարձեալ Կափառնայում մտաւ, լուր տարածուեց, թէ տանն է.
2. Եւ շատեր հաւաքուեցին, այնպէս որ այլեւս տեղ չմնաց, ոչ իսկ դռան առջեւ: Եւ նրանց քարոզում էր Աստծու խօսքը:
3. Եւ եկան նրա մօտ՝ բերելով մի անդամալոյծի, որին տանում էին չորս հոգով:
4. Եւ երբ ամբոխի պատճառով Յիսուսին չկարողացան մօտենալ, քանդեցին երդիկը այն տան, ուր գտնուում էր նա. եւ բացելով առաստաղը, իջեցրին այն մահիճը, որի մէջ էր անդամալոյծը:
5. Եւ Յիսուս, տեսնելով նրանց հաւատը, անդամալոյծին ասաց. Որդեա՛կ, քո մեղքերը քեզ ներուած են:
6. Օրէնսգետներից մի քանիսը, որ նստած էին այնտեղ, իրենց մտքում խորհում էին.
7. Այս ի՞նչ է խօսում, սա հայիոյում է. ո՞վ կարող է մեղքերին թողութիւն տալ, եթէ ոչ՝ միայն Աստուած:
8. Եւ Յիսուս իր հոգում իմացաւ, որ այնպէս են խորհում իրենց մտքում. ուստի ասաց. Ինչո՞ւ ձեր մտքում այդ էք խորհում.
9. ո՞րն է աւելի դիւրին. անդամալոյծին ասե՞լ՝ քո մեղքերը քեզ ներուած են, թէ՞ ասել՝ վե՛ր կաց, ա՛ռ մահիճդ եւ գնա՛ քո տունը:
10. Բայց որպէսզի իմանաք, որ մարդու Որդին երկրի վրայ իշխանութիւն ունի ներելու մեղքերը, - ասաց նա անդամալոյծին, -
11. քե՛զ եմ ասում, վե՛ր կաց, ա՛ռ քո մահիճը եւ գնա՛ քո տունը:
12. Եւ վեր կացաւ ու անմիջապէս վերցնելով մահիճը՝ բոլորի առաջ դուրս ելաւ, այնպէս որ ամենքը զարմացան եւ փառք էին տալիս Աստծուն ու ասում. Այսպիսի բան երբեք չենք տեսել:
13. Եւ նա դարձեալ ծովեզերք գնաց. եւ ամբողջ ժողովուրդը նրա մօտ էր գալիս, եւ նա ուսուցանում էր նրանց:
14. Եւ մինչ նա անցնում էր, տեսաւ Ալփէոսի որդի Ղեւիին, որ մաքսատանը նստած գործի վրայ էր, ու նրան ասաց՝ արի՛ իմ յետեւից: Եւ Ղեւին վեր կացաւ գնաց նրա յետեւից:
15. Եւ երբ Յիսուս նրա տանը սեղան նստեց, բազում մաքսաւորներ եւ մեղաւորներ էլ Յիսուսի ու նրա աշակերտների հետ սեղան նստեցին, որովհետեւ շատերն էին նրա յետեւից գնում:
16. Իսկ օրէնսգետներն ու փարիսեցիները երբ տեսան, որ նա մաքսաւորների եւ մեղաւորների հետ է ուտում, նրա աշակերտներին ասացին. Ինչո՞ւ էք մեղաւորների ու մաքսաւորների հետ ուտում եւ խմում:
17. Երբ Յիսուս լսեց, նրանց ասաց. Առողջներին բժիշկ պէտք չէ, այլ՝ հիւանդներին. եւ ես չեմ եկել արդարներին կանչելու, այլ՝ մեղաւորներին:
18. Յովհաննէսի աշակերտները եւ փարիսեցիները ծոմ էին պահում. եկան եւ նրան ասացին. Ինչո՞ւ Յովհաննէսի աշակերտները եւ փարիսեցիները ծոմ են պահում, իսկ քո աշակերտները չեն պահում:
19. Եւ Յիսուս նրանց ասաց. Միթէ կարելի՞ է, որ հարսանքաւորները ծոմ պահեն, երբ փեսան նրանց հետ է. այնքան ժամանակ, որ փեսան իրենց հետ է, պէտք չէ, որ ծոմ պահեն:
20. Բայց կը գան օրեր, երբ փեսան նրանցից կը վերցուի, եւ ապա այն օրը նրանք էլ ծոմ կը պահեն:
21. Նոր, չօգտագործուած կտաւի կտորը ոչ ոք ինացած զգեստի վրայ չի կարկատի, ապա թէ ոչ նոր կտորը ամբողջութեամբ հին զգեստից կը պոկուի, եւ պատռուածքը աւելի վատ կը լինի:
22. Եւ ոչ ոք հին տիկերի մէջ նոր գինի չի լցնի, ապա թէ ոչ նոր գինին կը պայթեցնի տիկերը, գինին կը թափուի, եւ տիկերը կը փչանան: Այլ նո՛ր գինին նո՛ր տիկերի մէջ

պետք լցուի:

23. Մի շաբաթ օրով նա անցնում էր ցորենի արտերի միջով: Եւ նրա աշակերտները գնալու ժամանակ սկսեցին հասկ պոկել եւ ուտել:

24. Եւ փարիսեցիները նրան ասացին. Տե՛ս, քո աշակերտները շաբաթ օրով ի՛նչ են անում, մի բան, որ օրինաւոր չէ:

25. Յիսուս նրանց ասաց. Դուք երբեւիցէ չէ՞ք կարդացել, թէ ինչ արեց Դաւիթը, երբ կարիք ունեցաւ եւ քաղց զգաց ինքը եւ նրանք, որ իր հետ էին.

26. թէ ինչպէս Աբիաթար քահանայապետի օրով մտաւ Աստծու տունը եւ կերաւ առաջաւորութեան հացը՝ տալով նաեւ նրանց, որ իր հետ էին. մի բան, որ, բացի քահանաներից, ուրիշների համար օրինաւոր չէր ուտել:

27. Եւ ասաց նրանց. Շաբաթ օրը մարդո՛ւ համար է, եւ ոչ թէ մարդը՝ շաբաթ օրուայ համար.

28. ապա ուրեմն՝ մարդու Որդին տէրն է եւ շաբաթ օրուայ:



1. Եւ նա նորից ժողովարան մտաւ. այնտեղ կար մի մարդ, որի ձեռքը չորացած էր:
2. Եւ նրան ուշադրութեամբ դիտում էին՝ տեսնելու, թէ շաբաթ օրով նրան կը բժշկի՞, որպէսզի ամբաստանեն նրան:
3. Եւ Յիսուս ասաց այն մարդուն, որի ձեռքը չորացած էր. Վե՛ր կաց, մեջտե՛ղ արի:
4. Ապա ասաց նրանց. Շաբաթ օրով ի՞նչ բան է օրինաւոր անել. բարի գո՞րծ գործել, թե՞ չարիք անել. մի հոգի՞ ազատել, թե՞ կորստեան մատնել: Եւ նրանք լռեցին:
5. Եւ Յիսուս, ցատկով լցուած, նայելով նրանց եւ տրտմելով նրանց սրտի կուրուքեան համար, ասաց մարդուն. Երկարի՛ր ձեռքդ: Եւ նա երկարեց, ու նրա ձեռքը առողջացաւ:
6. Փարիսեցիները հերովդեսականների հետ իսկոյն դուրս ելան եւ խորհուրդ էին անում նրա դէմ, թէ ինչպէս նրան կորստեան մատնեն:
7. Իսկ Յիսուս իր աշակերտների հետ միասին գնաց ծովեզերք: Եւ Գալիլիայից բազում ժողովուրդ էր գնում նրա յետեւից.
8. նաեւ Հրեաստանից, Երուսաղէմից, Յորդանանի միւս կողմից, ինչպէս նաեւ Տիւրոսի եւ Սիդոնի շրջակայքից բազում ժողովուրդ, երբ լսում էր, թէ նա ինչքան բան է անում, գալիս էր նրա մօտ:
9. Եւ նա իր աշակերտներին ասաց, որ իր համար մի նաւակ պատրաստ լինի ամբոխի պատճառով, որպէսզի իրեն չնեղեն:
10. Քանի որ շատերին բժշկեց, ուստի ամեն տեսակ հիւանդութիւններ ունեցող մարդիկ գալիս էին, խռնւում նրա շուրջը, որպէսզի դիպչեն նրան:
11. Եւ պիղծ ոգիները, երբ տեսնում էին նրան, ընկնում էին նրա առաջ, աղաղակում էին ու ասում.
12. Դու Աստծու Որդի ես: Իսկ նա խստիւ պատուիրում էր նրանց, որ իր ինքնութիւնը չյայտնեն:
13. Յիսուս լեռը բարձրացաւ եւ իր մօտ կանչեց նրանց, որոնց ինքը կամեցաւ. եւ նրանք գնացին նրա մօտ:
14. Նա նշանակեց Տասներկուսին, որ իր շուրջը լինեն, եւ նրանց քարոզելու ուղարկի,
15. ու նրանք իշխանութիւն ունենան ցաւեր բուժելու եւ դէւեր հանելու:
16. Եւ Սիմոնի անունը Պետրոս դրեց
17. եւ Չեբեդէոսի որդու՝ Յակոբոսի ու նրա եղբօր՝ Յովհաննէսի անունները դրեց Բաներեզէս, որ նշանակում է՝ Որոտման որդիներ:
18. Նաեւ՝ Անդրեասին եւ Փիլիպպոսին եւ Բարթոլոմէոսին եւ մաքսաւոր Մատթէոսին եւ Թովմասին եւ Ալփէոսի որդի Յակոբոսին եւ Թադէոսին եւ Սիմոն Կանանացուն
19. եւ Յուդա Իսկարիովտացուն, որը եւ նրան մատնեց:
20. Նրանք տուն վերադարձան. եւ ժողովուրդը նորից եկաւ նրանց հետ, այնպէս որ նրանք հաց ուտելու անգամ ժամանակ չունեցան:
21. Եւ երբ Յիսուսի իւրայինները լսեցին, ելան եկան նրան բռնելու, որովհետեւ կարծում էին, թէ խելքը կորցրել է:
22. Իսկ Երուսաղէմից իջած օրէնագետներն ասում էին, թէ դրա մէջ Բեեղզեբուղ կայ, եւ դէւերի իշխանի ձեռքով է հանում դէւերին:
23. Եւ նա իր մօտ կանչելով նրանց՝ առակներով էր խօսում նրանց հետ. Ինչպէ՞ս կարող է սատանան սատանային դուրս հանել:
24. Եւ արդ, եթէ մի թագաւորութիւն ինքն իր մէջ բաժանուի, այդ թագաւորութիւնը չի կարող կանգուն մնալ:
25. Եւ եթէ մի տուն ինքն իր մէջ բաժանուի, այդ տունը չի կարող կանգուն մնալ:
26. Եւ եթէ սատանան ինքն իր դէմ դուրս գայ եւ բաժանուած լինի, չի կարող կանգուն մնալ, այլ նրա վախճանը հասել է:
27. Ոչ ոք չի կարող հզօրի տունը մտնելով՝ նրա ունեցածը կողոպտել, եթէ նախ չկապոտի հզօրին. եւ ապա միայն կը կողոպտի նրա տունը:
28. Ճշմարիտ եմ ասում ձեզ, որ մարդկանց որդիներին, որքան էլ հայիոյեն, ամեն մեղք եւ

հայիոյանք կը ներուի.

29. բայց ով որ հայիոյի Սուրբ Հոգուն, յաւիտեանս թողութիւն չի ունենայ, այլ նա յանցապարտ պիտի մնայ յաւիտենական մեղքով:

30. Այսպէս խօսեց, որովհետեւ ասում էին՝ նրա մէջ պիղծ դեւ կայ:

31. Եկան նրա եղբայրներն ու մայրը եւ դրսում կանգնած՝ մարդ ուղարկեցին ու կանչեցին նրան:

32. Եւ այնտեղ ժողովուրդը նստել էր նրա շուրջը: Եւ երբ ասացին նրան՝ ահա՛ւասիկ քո մայրն ու քո եղբայրները դրսում են եւ քեզ են ուզում,

33. նրանց պատասխանեց եւ ասաց. Ո՞վ է իմ մայրը կամ իմ եղբայրները:

34. Ապա նայեց իր շուրջը, իր աշակերտներին, որոնք նստած էին, եւ ասաց. Ահա՛ւասիկ իմ մայրը եւ իմ եղբայրները.

35. որովհետեւ, ով Աստծու կամքն է կատարում, նա՛ է իմ եղբայրը եւ քոյրը եւ մայրը:

1. Նորից նա սկսեց ուսուցանել ծովեզերքի մօտ, եւ նրա շուրջը խռնուեց բազում ժողովուրդ, այնպէս որ նա մտաւ ու նստեց մի նաւակի մէջ, ծովի վրայ, մինչ ամբողջ ժողովուրդը ծովեզերքին շուրջանակի բռնել էր ցամաքը:
2. Եւ նա առակներով նրանց շատ բան էր ուսուցանում եւ նրանց ասում իր քարոզութեան մէջ.
3. Լսեցէ՛ք, ահաւասիկ մի սերմանող սերմանելու ելաւ:
4. Եւ պատահեց, որ սերմանելու ժամանակ սերմի մի մասն ընկաւ ճանապարհի եզերքը, եւ թռչունները եկան ու կերան այն:
5. Ուրիշ մի մաս ընկաւ ապառաժի վրայ, որտեղ շատ հող չկար. եւ շուտով բուսաւ, որովհետեւ հողը խորը չէր.
6. բայց երբ արեւը ծագեց, խանձուեց. եւ քանի որ արմատներ չունէր, չորացաւ:
7. Մի ուրիշ մաս ընկաւ փշերի մէջ. փշերը բարձրացան եւ խեղդեցին այն, եւ պտուղ չտուեց:
8. Իսկ մի ուրիշ մաս էլ ընկաւ լաւ հողի վրայ, բուսնելով աճեց ու պտուղ տուեց. մէկի դիմաց՝ երեսուն, մէկի դիմաց՝ վաթսուն եւ մէկի դիմաց՝ հարիւր:
9. Եւ ասում էր. Ով որ լսելու ականջ ունի, թող լսի:
10. Եւ երբ առանձին մնաց, նրա շուրջը եղողները, աշակերտների հետ միասին, հարցրին նրան այս առակի մասին:
11. Եւ նրանց ասաց. Ձեզ է տրուած իմանալ Աստծու արքայութեան խորհուրդները, բայց նրանց համար, որ ձեզնից դուրս են, ամէն ինչ առակներով կը լինի,
12. որպէսզի նայելով հանդերձ չտեսնեն եւ լսելով հանդերձ չիմանան, որ մի գուցէ երբեւէ դարձի գան, եւ իրենց ներուի:
13. Եւ ասաց նրանց. Այս առակը չէ՞ք հասկանում, ապա ինչպէ՞ս պիտի հասկանաք բոլոր առակները:
14. Նա, որ սերմանում է, Աստծու խօսքն է սերմանում:
15. Ճանապարհի եզերքին սերմանուածները այն մարդիկ են, որոնք լսում են խօսքը, եւ սատանան գալիս է եւ դուրս է հանում նրանց սրտերի մէջ սերմանուած խօսքը:
16. Ապառաժի վրայ սերմանուածները այն մարդիկ են, որ, երբ լսում են խօսքը, իսկոյն ուրախութեամբ ընդունում են այն,
17. եւ որովհետեւ իրենց մէջ արմատներ չունեն, այլ մի որոշ ժամանակի համար են, երբ խօսքի պատճառով նեղութիւն կամ հալածանք է վրայ հասնում, իսկոյն գայթակղւում են:
18. Իսկ նրանք, որ սերմանուեցին փշերի մէջ, այն մարդիկ են, որ լսում են խօսքը,
19. սակայն այս աշխարհի հոգսերը եւ հարստութեան պատրանքները ներխուժում եւ խեղդում են խօսքը, եւ այն անպտուղ է լինում:
20. Եւ լաւ հողի մէջ սերմանուածները այն մարդիկ են, որ լսում են խօսքը եւ ընդունում ու պտուղ են տալիս. մէկի դիմաց՝ երեսուն, մէկի դիմաց՝ վաթսուն եւ մէկի դիմաց՝ հարիւր:
21. Եւ նրանց ասաց. Միթէ ճրագը բերւում է, որ կաթսայի կամ մահճի տա՞կ դրուի: Չէ՞ որ աշտանակի վրայ է դրւում:
22. Արդ, ծածուկ բան չկայ, որ չյայտնուի, եւ գաղտնի բան չի եղել, որ ի յայտ չգայ:
23. Թէ մէկը լսելու ականջ ունի, թող լսի:
24. Եւ նրանց ասաց. Չգո՛յշ եղէք, թէ ինչ էք լսում, եւ ինչ որ լսում էք, անելին կը տրուի ձեզ. ինչ չափով, որ չափում էք, նոյնով Աստուած պիտի չափի ձեզ համար:
25. Ով որ ունի, նրան պիտի տրուի. իսկ ով որ չունի, նրանից պիտի վերցուի, ինչ էլ որ նա ունի:
26. Եւ ասում էր. Այսպէ՛ս է Աստծու արքայութիւնը. որպէս թէ մի մարդ հողի մէջ սերմեր ցանի.
27. Եւ նա ննջի թէ վեր կենայ, գիշեր եւ ցերեկ, սերմերը կը բուսնեն ու կ'աճեն,

28. Եւ նա չի իմանայ, թէ հողը ինքն իրենից բերք է տալիս. նախ՝ խոտը, ապա՝ հասկը եւ ապա՝ ատոք ցորենը հասկի մէջ:
29. Սակայն երբ սերմը իր պտուղը տայ, իսկոյն մանգաղ է ուղարկում, որովհետեւ հնձի ժամանակը հասել է:
30. Եւ ասում էր. Ինչի՞ նմանեցնենք Աստծու արքայութիւնը կամ ի՞նչ օրինակով ներկայացնենք այն.
31. նման է մանանեխի հատիկին, որը, երբ սերմանում է հողի մէջ, աւելի մանր է լինում, քան երկրի վրայ եղող բոլոր սերմերը.
32. իսկ երբ սերմանուի, բուսնում եւ լինում է աւելի մեծ, քան ամեն տունկ, եւ արձակում է մեծ ճիւղեր, այնքան, որ երկնքի թռչունները նրա հովանու տակ կարող են բնակուել:
33. Եւ այնպիսի առակներով էր նրանց ասում խօսքը, որ կարողանային հասկանալ:
34. Եւ առանց առակի նրանց հետ ոչինչ չէր խօսում, բայց իր աշակերտների համար առանձին ամեն ինչ մեկնում էր:
35. Այդ նոյն օրը, երեկոյեան դէմ, աշակերտներին ասաց. Եկե՛ք անցնենք ծովի միւս կողմը:
36. Թողնելով ժողովրդին՝ նրան իրենց հետ տարան նաւակով, ինչպէս նաեւ՝ միւս նաւակները, որ նրա հետ էին:
37. Եւ մեծ հողմամբ իկ բարձրացաւ ու ալիքները նաւակի մէջ էր թափում, այնպէս որ նաւակը գրեթէ լցւում էր:
38. Իսկ ինքը նաւախելի կողմը բարձի վրայ ննջում էր. նրան արթնացրին եւ ասացին. Վարդապետ, քեզ համար բնաւ հոգ չէ՞, որ ահա մենք կորչում ենք:
39. Եւ նա, արթնանալով, սաստեց հողմին եւ ասաց ծովին. Դադարի՛ր, լռի՛ր: Եւ հողմը դադարեց, ու մեծ խաղաղութիւն եղաւ:
40. Եւ նրանց ասաց. Ինչո՞ւ այդպէս վախկոտ էք. դեռեւս հաւատ չունէ՞ք:
41. Եւ նրանք սաստիկ վախեցան եւ միմեանց ասում էին. Ո՞վ է արդեօք սա, որ թէ՛ հողմը, թէ՛ ծովը հնազանդւում են սրան:

1. Եւ Յիսուս եկաւ ծովի հանդիպակաց կողմը, գերգեսացիների երկիրը:
2. Եւ երբ նա նաւակից դուրս ելաւ, գերեզմաններից նրա դէմն ելաւ մի մարդ, որին բռնել էր մի պիղծ ոգի,
3. Եւ որի բնակութեան տեղն իսկ գերեզմանների մէջ էր: Եւ ոչ ոք նրան շղթաներով անգամ չէր կարող կապել,
4. որովհետեւ շատ անգամ ոտնակապերով եւ շղթաներով կապուած էր, բայց շղթաները փշրել էր ու ոտնակապերը՝ ջարդել: Ոչ ոք նրան չէր կարողանում զսպել,
5. որովհետեւ միշտ, գիշեր ու ցերեկ, գերեզմաններում եւ լեռներում, աղաղակում էր եւ ինքն իրեն քարերով ծեծում:
6. Երբ նա Յիսուսին հեռուից տեսաւ, առաջ վազեց ու երկրպագեց նրան.
7. բարձրաձայն աղաղակեց եւ ասաց. Ի՞նչ ես ուզում ինձնից, Յիսու՛ս, բարձրեալ Աստծո՛ւ Որդի: Երդուեցնում եմ քեզ Աստուծով, ինձ մի՛ տանջիր.
8. քանի որ Յիսուս նրան ասում էր. Պի՛ղծ ոգի, դո՛ւրս ելիր այդ մարդուց:
9. Եւ նրան հարցրեց. Անունդ ի՞նչ է: Եւ նա ասաց նրան. Իմ անունը Լեգեոն է, քանի որ բազում եմք:
10. Իսկ պիղծ ոգիները սաստիկ աղաչում էին նրան, որ այդ շրջանից դուրս չուղարկի իրենց:
11. Եւ այնտեղ, լեռան լանջին, խոզերի մի մեծ երամակ կար, որ արածում էր:
12. Բոլոր դէերը աղաչեցին նրան եւ ասացին. Մեզ խոզերի մէջ ուղարկիր, որ մտնենք նրանց մէջ:
13. Եւ նա հրամայեց նրանց: Երբ պիղծ ոգիները դուրս ելան, մտան խոզերի մէջ, եւ երամակը, թուով մօտ երկու հազար, դարաւանդից դիմեց դէպի ծովը. եւ խեղդուեցին ծովում:
14. Խոզարածները փախան եւ քաղաքում ու ագարակներում պատմեցին. եւ մարդիկ դուրս ելան տեսնելու, թէ ի՞նչ էր կատարուել:
15. Եկան Յիսուսի մօտ եւ տեսան դիւահարին, որ նստել էր՝ հագնուած եւ զգաստացած, նրան, որ լեգեոն ունէր. եւ զարհուրեցին:
16. Եւ ովքեր որ տեսել էին, պատմեցին նրանց, թէ ինչ պատահեց այսահարին եւ ինչ՝ խոզերին:
17. Եւ սկսեցին աղաչել Յիսուսին, որ հեռանայ իրենց սահմաններից:
18. Եւ երբ նաւակ մտաւ, դիւահարը նրան աղաչում էր, որ նրա հետ լինի:
19. Բայց Յիսուս նրան թոյլ չտուեց, այլ ասաց. Գնա՛ քո տունը հարազատներիդ մօտ եւ պատմի՛ր նրանց այն ամենը, ինչ Տէրը քեզ արեց եւ թէ ինչպէս խղճաց քեզ:
20. Եւ նա գնաց ու սկսեց տարածել Դեկապոլսում, ինչ որ Յիսուս իր համար արել էր: Եւ ամենքը զարմանում էին:
21. Եւ երբ Յիսուս նաւակով նորից ծովի միւս կողմն անցաւ, նրա մօտ հաւաքուեց բազում ժողովուրդ: Եւ ինքը ծովեզրին էր:
22. Ահա եկաւ ժողովրդապետներից մէկը, որի անունը Յայրոս էր. եւ երբ տեսաւ նրան, նրա ոտքերն ընկաւ.
23. սաստիկ աղաչում էր նրան ու ասում, որ իր դուստրը մահամերձ է, եւ որ նա գայ ու նրա վրայ իր ձեռքը դնի, որպէսզի առողջանայ եւ ապրի:
24. Եւ Յիսուս գնաց նրա հետ. նրա յետեւից գնում էր նաեւ բազում ժողովուրդ եւ նեղում էր նրան:
25. Եւ մի կին կար, որ տասներկու տարուց ի վեր արիւնահոսութիւն ունէր:
26. Նա շատ էր տառապել բազմաթիւ բժիշկների ձեռքից եւ իր ամբողջ ունեցուածքը ծախսել էր, բայց որեւէ օգուտ չէր գտել, այլ է՛լ ավելի վատացել էր:
27. Նա երբ լսեց Յիսուսի մասին, եկաւ ամբոխի մէջ նրա յետեւից եւ ձեռքը դիպրեց նրա զգեստին,
28. որովհետեւ մտքում խորհում էր. Եթէ միայն դիպչեմ նրա զգեստներին, կը բժշկուեմ:

29. Եւ իսկոյն նրա արեան աղբիւրը չորացաւ, եւ իր մարմնի մէջ զգաց, որ տանջանքներից բժշկուեց:
30. Եւ Յիսուս իսկոյն ինքն իր մէջ իմանալով իրենից դուրս ելած զօրութիւնը, դարձաւ դէպի ամբոխը եւ ասաց. Ո՞վ դիպաւ իմ զգեստներին:
31. Եւ աշակերտները նրան ասացին. Տեսնում ես, որ ամբոխը նեղում է քեզ, եւ ասում ես, թէ՛ ո՞վ դիպաւ իմ զգեստներին:
32. Եւ նա շուրջն էր նայում տեսնելու, թէ ո՞վ այդ արեց:
33. Եւ այդ կինը, զարհուրած ու դողալով նրա համար, որ գաղտնի էր արել, - որովհետեւ գիտէր, թէ ինչ կատարուեց իր հետ, - եկաւ ընկաւ նրա առաջ եւ ամեն ինչ ստուգութեամբ ասաց:
34. Եւ Յիսուս նրան ասաց. Դո՛ւստր, քո հաւատը քեզ փրկեց, գնա՛ խաղաղութեամբ եւ քո տանջանքներից բժշկուած եղիր:
35. Մինչ Յիսուս այս բանն էր խօսում, ժողովրդապետի տնից ոմանք եկան եւ ասացին. Զո դուստրը մեռաւ, էլ ի՞նչ ես նեղութիւն տալիս Վարդապետին:
36. Իսկ Յիսուս, երբ լսեց ասուած խօսքը, ժողովրդապետին ասաց. Մի՛ վախեցիր, այլ միայն հաւատա՛:
37. Եւ ոչ ոքի թոյլ չտուեց իր հետ գնալ, այլ միայն՝ Պետրոսին, Յակոբոսին եւ նրա եղբօրը՝ Յովհաննէսին:
38. Յիսուս ժողովրդապետի տունը եկաւ եւ տեսաւ մի մեծ ամբոխ, լացուկոծ անողներ եւ աղմուկ-աղաղակ:
39. Ապա ներս մտնելով՝ նրանց ասաց. Ինչո՞ւ էք խռովուած ու լաց էք լինում. մանուկը մեռած չէ, այլ ննջում է:
40. Սակայն նրանք ծաղրում էին նրան: Իսկ նա, ամենքին դուրս հանելով, վերցրեց իր հետ մանկան հօրն ու մօրը եւ նրանց, որ իր հետ էին, եւ մտաւ այնտեղ, ուր պառկած էր մանուկը:
41. Եւ բռնելով մանկան ձեռքից՝ ասաց նրան՝ Տալի՛թա, կո՛ւմի, որ նշանակում է՝ աղջի՛կ, դո՛ւ, քե՛զ եմ ասում, վե՛ր կաց:
42. Եւ աղջիկը իսկոյն վեր կացաւ ու քայլում էր, քանի որ մօտ տասներկու տարեկան էր: Եւ ամենքը մեծապէս զարմացան:
43. Իսկ նա նրանց խստիւ պատուիրեց, որ ոչ ոք այդ բանը չիմանայ. ու ասաց, որ նրան ուտելու բան տան:

1. Եւ այնտեղից ելաւ եկաւ իր գաւառը. եւ իր աշակերտները գնում էին նրա յետեւից:
2. Երբ շաբաթ օր եղաւ, սկսեց ժողովարանում ուսուցանել. եւ շատերը, երբ լսում էին նրան, զարմանում էին նրա վարդապետութեան վրայ եւ ասում. Այս բաները որտեղի՞ց են սրան, կամ ի՞նչ է այս իմաստութիւնը, որ տրուած է սրան, որ սրա ձեռքով այսպիսի զօրաւոր գործեր կատարուեն:
3. Սա հիւանդ տղան եւ Մարիամի որդին չէ՞ միթէ, Յակոբոսի եւ Յովսէփի ու Յուդայի եւ Սիմոնի եղբայրը. եւ սրա քոյրերը այստեղ մեզ մօտ չեն: Եւ նրանով գայթակղւում էին:
4. Եւ Յիսուս նրանց ասաց. Մարգարէն յարգուած անձ է, բայց ոչ իր գաւառում, իր ազգատոհմի եւ իր տան մէջ:
5. Եւ չէր կարողանում այնտեղ որեւէ զօրաւոր գործ կատարել, այլ քիչ թուով հիւանդների վրայ ձեռք դնելով՝ նրանց բժշկում էր:
6. Եւ նա զարմանում էր նրանց անհաւատութեան վրայ:
7. Եւ շրջում էր շրջակայ գիւղերում եւ ուսուցանում:
8. Նա իր մօտ կանչեց Տասներկուսին եւ սկսեց ուղարկել նրանց երկու-երկու ու պիղծ ոգիների վրայ նրանց իշխանութիւն տուեց:
9. Նրանց պատուիրեց, որ ճանապարհի համար գաւազանից բացի այլ բան չվերցնեն. ո՛չ պարկ, ո՛չ հաց, ո՛չ դրամ գօտիների մէջ,
10. այլ հագնեն հողաթափներ. եւ ասաց. Աւելորդ պարեգօտ մի՛ վերցրեք:
11. Եւ ասում էր նրանց. Ինչ տուն որ մտնեք, այնտեղ օթեւանեցէ՛ք, մինչեւ որ այնտեղից ելնեք:
12. Եւ ուր որ ձեզ չեն ընդունի ու ձեզ չեն լսի, երբ որ այնտեղից ելնեք, ձեր ոտքերի փոշին թա՛փ տուեք՝ իբրեւ նրանց դէմ վկայութիւն:
13. Եւ նրանք ելան ու քարոզում էին, որպէսզի մարդիկ ապաշխարեն:
14. Եւ բազում դէմեր էին հանում, բազում հիւանդների օծում էին իւղով ու նրանց բժշկում:
15. Եւ Հերովդէս արքան լսեց այս բաները, որովհետեւ Յիսուսի անունը յայտնի էր դարձել. եւ նա ասաց. Յովհաննէս Մկրտիչը յարութիւն է առել մեռելներից, եւ դրա համար զօրութիւններ են գործւում նրա միջոցով:
16. Ուրիշներ ասում էին, թէ՛ Եղիան է. իսկ միւսները, թէ՛ մարգարէ է կամ թէ՛ մարգարէների նման մէկը:
17. Երբ Հերովդէսը այս լսեց, ասաց. Յովհաննէսը, որի գլուխը կտրեցի ես, սա նա՛ է. մեռելներից յարութիւն է առել:
18. Արդարեւ, ինքը՝ Հերովդէսն էր մարդ ուղարկել, ձերբակալել էր Յովհաննէսին, կապել նրան ու բանտարկել՝ իր եղբօր՝ Փիլիպպոսի կնոջ՝ Հերովդիայի պատճառով, քանի որ Հերովդէսը նրան իրեն կին էր դարձրել,
19. եւ քանի որ Յովհաննէսը Հերովդէսին ասում էր. Քո եղբօր կնոջը քեզ կին առնելը օրինաւոր չէ:
20. Եւ Հերովդիան ո՞խ էր պահել նրա դէմ ու ուզում էր նրան սպանել տալ, բայց չէր կարողանում,
21. որովհետեւ Հերովդէսը վախենում էր Յովհաննէսից, քանի որ նրան գիտէր որպէս արդար եւ սուրբ մարդու, եւ նրան հովանաւորում էր ու նրան անսալով՝ շատ բաներ էր անում եւ քաղցրութեամբ լսում էր նրան:
22. Սակայն մի յարմար օր եկաւ, երբ Հերովդէսը իր ծննդեան տարեդարձի ընթրիքն էր տալիս իր նախարարներին, Գալիլիայի մեծամեծներին եւ հազարապետներին:
23. Եւ երբ Հերովդիայի դուստրը ներս մտաւ եւ սկսեց պարել, դուր եկաւ Հերովդէսին եւ սեղանակիցներին. թագաւորը աղջկան ասաց. Ուզի՞ր ինձնից, ինչ որ կամենում ես, եւ քեզ կը տամ:
24. Եւ երդուեց նրան շատ անգամ, թէ՛ դու ինձնից ինչ էլ որ ուզես, կը տամ քեզ, մինչեւ իսկ իմ թագաւորութեան կէսը:

25. Աղջիկը դուրս գնալով իր մօրն ասաց՝ ի՞նչ ուզեմ: Եւ սա ասաց՝ Յովհաննէս Մկրտչի գլուխը:
26. Եւ աղջիկը շտապով վերստին մտնելով թագաւորի մօտ՝ ասաց. Ուզում եմ, որ հիմա ինձ տաս սկուտեղի վրայ Յովհաննէս Մկրտչի գլուխը:
27. Եւ թագաւորը սաստիկ տրտմեց, բայց իր երդումների եւ հրաւիրեալների պատճառով չուզեց նրան մերժել:
28. Եւ թագաւորը իսկոյն դահիճ ուղարկեց ու հրամայեց բերել Յովհաննէսի գլուխը: Եւ սա գնաց գլխատեց նրան բանտում:
29. ու նրա գլուխը սկուտեղով բերեց եւ տուեց աղջկան, եւ աղջիկը տարաւ տուեց իր մօրը:
30. Երբ Յովհաննէսի աշակերտները լսեցին, եկան վերցրին մարմինը եւ դրեցին գերեզմանի մէջ:
31. Առաքեալները հաւաքուեցին Յիսուսի մօտ ու նրան պատմեցին այն ամենը, ինչ որ արել էին եւ ուսուցանել:
32. Եւ Յիսուս նրանց ասաց. Եկե՛ք դուք առանձին մի ամայի տեղ ու մի քիչ հանգստացե՛ք. որովհետեւ եկող-գնացողները շատ էին. եւ հաց ուտելու անգամ ժամանակ չունէին:
33. Եւ նաւակով գնացին մի ամայի տեղ՝ առանձին:
34. Սակայն մարդիկ տեսան նրանց, որ գնում էին, եւ շատերը ճանաչեցին նրանց ու բոլոր քաղաքներից հետիոտն, խուռներամ այնտեղ վազեցին եւ մօտեցան նրանց:
35. Եւ նա նաւակից դուրս ելնելով՝ մեծ ամբոխ տեսաւ ու գթաց նրանց, որովհետեւ նման էին ոչխարների, որոնք հովիւ չունեն. եւ սկսեց նրանց ուսուցանել շատ բաներ:
36. Երբ շատ ժամեր անցան, աշակերտները, մօտենալով, ասացին. Սա ամայի տեղ է, մինչ օրը դեռ չի վերջացել,
37. արձակի՛ր այս ժողովրդին, որպէսզի գնան շրջակայքի ագարակներում եւ գիւղերում իրենց համար ուտելիք գնեն, որովհետեւ այստեղ ուտելու բան չունեն:
38. Նա պատասխանեց նրանց եւ ասաց. Դո՛ւք նրանց ուտելիք տուէք: Ասացին նրան. Գնանք գնե՞նք երկու հարիւր դահեկանի հաց եւ նրանց տանք ուտելու:
39. Ասաց նրանց. Քանի՞ նկանակ ունեք, գնացեք տեսե՛ք: Երբ իմացան, նրան ասացին. Հինգ նկանակ եւ երկու ծուկ:
40. Եւ նա հրամայեց խումբ-խումբ նստեցնել նրանց դալար խոտի վրայ:
41. Եւ դաս-դաս նստեցին, տեղ-տեղ՝ հարիւր, տեղ-տեղ՝ յիսուն:
42. Եւ նա վերցնելով հինգ նկանակը եւ երկու ձկները՝ նայեց դէպի երկինք, օրհնեց, մանրեց նկանակները եւ տուեց աշակերտներին, որպէսզի դնեն նրանց առաջ: Եւ երկու ձկներն էլ բաժանեց բոլորին:
43. Կերան եւ յագեցան
44. Եւ տասներկու սակառ լիքը կտորտանքները վերցրին, ինչպէս նաեւ՝ ձկներից:
45. Եւ նրանք որ կերան, մօտ հինգ հազար հոգի էին:
46. Իսկոյն եւեթ Յիսուս շտապեցրեց աշակերտներին, որ նաւակ մտնեն եւ իրենից առաջ գնան հանդիպակաց կողմը՝ դէպի Բեթսայիդա, մինչեւ ինքը ժողովրդին արձակէր:
47. Եւ բաժանուելով նրանցից՝ լեռ բարձրացաւ աղօթք անելու:
48. Երբ երեկոյ եղաւ, նաւակը ծովի մէջտեղում էր, իսկ ինքը՝ ցամաքի վրայ:
49. Եւ տեսաւ նրանց, որ հողմակոծ էին լինում թիավարելիս, որովհետեւ քամին նրանց հակառակ կողմից էր. գիշերուայ ուշ ժամին նա գալիս էր նրանց մօտ՝ ծովի վրայ քայլելով, եւ ուզում էր նրանցից առաջ անցնել գնալ:
50. Երբ նրանք տեսան, որ քայլում է ծովի վրայ, կարծեցին, թէ մի ուրուական է, եւ աղաղակ բարձրացրին,
51. որովհետեւ ամենքը տեսան նրան եւ խռովուեցին: Եւ նա իսկոյն խօսեց նրանց հետ ու ասաց. Քաջալերուեցե՛ք, ե՛ս եմ, մի՛ վախեցեք:
52. Եւ նա նաւակ բարձրացաւ նրանց մօտ, եւ քամին դադարեց: Եւ նրանք առաւել եւս



ապշել էին իրենց մտքում ու սաստիկ զարմանում էին,

53. քանի որ մտքները բթացած լինելով՝ չէին հասկացել նաեւ այն, ինչ վերաբերում էր հացի բազմացմանը:

54. Երբ դիմացի կողմն անցան, Գեննեսարեթի ցամաքը ելան:

55. Եւ երբ նաւակից դուրս ելան, տեղի մարդիկ իսկոյն եւեթ նրան ճանաչեցին:

56. Եւ ամբողջ գաւառում այս ու այն կողմ վազելով՝ սկսեցին մահիճներով հիւանդներ բերել այնտեղ, ուր լսում էին, թէ նա գտնւում է:

57. Եւ ուր որ մտնում էր՝ գիւղեր, քաղաքներ թէ ագարակներ, հրապարակներում դնում էին ախտերով տառապողներին եւ աղաչում նրան, որ գոնէ իր զգեստի քղանցքներին դիպչեն: Եւ ովքեր մի անգամ դիպան, բժշկուեցին:

1. Եւ նրա մօտ հաւաքուեցին փարիսեցիներն ու օրէնսգետներից ոմանք, որոնք եկել էին Երուսաղէմից:
2. Նրանք տեսնելով, որ նրա աշակերտներից ոմանք անմաքուր ձեռքերով, այսինքն՝ անլուայ հաց էին ուտում, բամբասեցին,
3. որովհետեւ փարիսեցիները եւ բոլոր հրեաները, եթէ ձեռքները մի լաւ չլուանան, հաց չեն ուտում, քանի որ հների աւանդութիւնը պահում են:
4. Նաեւ՝ շուկայից տուն մտնելով՝ եթէ նախ չլուացուեն, չեն ուտում: Եւ ուրիշ շատ բաներ էլ կան, որ աւանդաբար պահում են. ինչպէս՝ բաժակների, սափորների, պղնձե ամանների ու մահիճների լուացումներ:
5. Ահա ինչու փարիսեցիները եւ օրէնսգետները հարց տուեցին նրան. Ինչո՞ւ քո աշակերտները նախնիների աւանդութեան համաձայն չեն շարժւում, այլ անմաքուր ձեռքերով են հաց ուտում:
6. Նա պատասխանեց եւ ասաց նրանց. Եսային լաւ մարգարեացաւ ձեր՝ կեղծաւորներիդ մասին՝ ասելով. Այս ժողովուրդը ինձ շրթներո՛ւ է մեծարում, բայց նրանց սրտերը ինձնից հեռու են.
7. ի գուր են ինձ պաշտում. ուսուցանում են վարդապետութիւններ, որ մարդկանց պատուիրածներն են:
8. Աստծու պատուիրանը թողած՝ մարդկանց աւանդութիւնն էք պահում:
9. Ապա անելացրեց. Աստծու պատուիրանը լաւ էք անարգում, որպէսզի ձե՛ր աւանդութիւնը հաստատէք.
10. որովհետեւ Մովսէսն ասում է. Պատուի՛ր քո հօրն ու մօրը. եւ ով որ չարախօսի իր հօր կամ մօր մասին, մահուամբ թող պատժուի:
11. Իսկ դուք ասում էք. Եթէ մէկը հօրը կամ մօրն ասի. 'Ինչ ինձնից պիտի օգտուես, Կորբան Է', (այսինքն՝ Աստծուն տալու ընծայ),
12. դրանով իսկ այլեւս թոյլ չէք տալիս, որ նա իր հօր կամ մօր համար որեւէ բան անի,
13. եւ այդպէս անարգում էք Աստծու խօսքը նոյն աւանդութեամբ, որ դուք փոխանցում էք միմեանց: Եւ սրա նման ուրիշ շատ բաներ էք անում:
14. Եւ նա ամբողջ ժողովրդին իր մօտ կանչելով՝ ասաց նրանց. Ամենքդ ինձ լսեցէ՛ք եւ իմացէ՛ք.
15. չկայ որեւէ բան, որ մարդու մէջ դրսից մտնելով կարողանայ նրան պղծել. այլ այն, ինչ ելնում է նրանից, ա՛յն է, որ պղծում է մարդուն:
16. Ով ականջներ ունի լսելու, թող լսի:
17. Եւ երբ ամբոխից բաժանուելով տուն մտաւ, աշակերտները այդ առակի մասին նրան հարցրին:
18. Եւ նրանց ասաց. Դո՞ւք էլ այդպէս անմիտ էք, չէ՞ք իմանում, թէ ամէն բան, որ դրսից մարդու մէջ է մտնում, չի կարող նրան պղծել,
19. որովհետեւ ոչ թէ նրա սիրտն է մտնում, այլ՝ որովայնը եւ դուրս է ելնում ու մաքրում բոլոր կերածները:
20. Եւ ասում էր. Ինչ որ մարդուց դուրս է գալիս, ա՛յն է, որ պղծում է մարդուն,
21. որովհետեւ ներսից, մարդկանց սրտից են ելնում չար խորհուրդները՝ շնութիւն, պոռնկութիւն,
22. գողութիւն, սպանութիւն, ագահութիւն, չարութիւն, նենգութիւն, գիշութիւն, չար նախանձ, հայիոյանք, ամբարտաւանութիւն, անզգամութիւն:
23. Այս բոլոր չարիքները ներսից են ելնում եւ պղծում մարդուն:
24. Եւ այնտեղից վեր կացաւ եկաւ Տիւրոսի ու Սիդոնի սահմանները. եւ մի տուն մտնելով՝ չէր ուզում, որ որեւէ մէկն իմանայ իր այնտեղ լինելը, սակայն չկարողացաւ թաքնուած մնալ:
25. Նրա մասին լսեց մի կին, որի դուստրը տառապում էր պիղծ ոգուց. սա եկաւ ընկաւ նրա ոտքերը:

26. Այս կինը հեթանոս էր, փիլնիկ-ասորի ազգից. աղաչում էր նրան, որ իր աղջկանից դեւը հանի:
27. Եւ Յիսուս նրան ասաց. Թո՛ղ տուր, որ նախ մանուկները կշտանան, քանի որ լաւ չէ մանուկների հացը առնել եւ շների առաջ գցել:
28. Կինը պատասխանեց եւ ասաց. Տէ՛ր, շներն էլ մանուկների սեղանի փշրանքներից են կերակրում:
29. Եւ նա ասաց նրան. Այդ խօսքիդ համար գնա՛, դեւը քո աղջկանից դուրս ելաւ:
30. Կինը գնաց իր տունը եւ դեւին ելած գտաւ, իսկ աղջկան՝ պառկած մահճի վրայ:
31. Եւ դարձեալ դուրս ելնելով Տիրոսի եւ Սիդոնի սահմաններից, եկաւ Գալիլիայի ծովեզրը, Դեկապոլսի սահմաններից ներս:
32. Նրա առաջ բերեցին մի խուլ ու համր մարդ եւ աղաչեցին, որ իր ձեռքը դնի նրա վրայ:
33. Եւ Յիսուս նրան ամբոխից մի կողմ տանելով՝ իր մատները դրեց նրա ականջների մէջ եւ այնտեղ թքեց. ապա բռնեց նրա լեզուից.
34. դէպի երկինք նայեց, հոգոց հանեց եւ ասաց՝ Եփփաթա, որ նշանակում է՝ բացուի՛ր:
35. Եւ իսկոյն նրա լսողութիւնը բացուեց, եւ լեզուի կապանքներն ընկան, եւ խօսում էր ուղիղ:
36. Եւ նա նրանց պատուիրեց, որ ոչ ոքի չասեն. բայց ինչքան էլ նա պատուիրում էր նրանց, նրանք է՛լ աւելի էին տարածում:
37. Եւ աւելի ու աւելի էին զարմանում եւ ասում. Սա ամէն ինչ լաւ արեց, որովհետեւ խուլերին լսել է տալիս եւ համբերին՝ խօսել:

1. Այդ օրերին ժողովուրդը դարձեալ շատ էր, եւ ուտելու բան չունէին: Յիսուս կանչեց իր աշակերտներին եւ ասաց նրանց.
2. Սիրտս ցաւում է այս ժողովրդի համար, որովհետեւ արդէն երեք օր է, որ ինձ մօտ են. եւ բան չունեն, որ ուտեն:
3. Եթէ նրանց իրենց տներն արձակեմ քաղցած, ճանապարհին ուշագնաց կը լինեն, որովհետեւ նրանցից ոմանք հեռուներից են եկել:
4. Աշակերտները նրան պատասխանեցին եւ ասացին. Որտեղի՞ց կարող ես նրանց հացով կշտացնել այս ամառի վայրում:
5. Եւ նա հարցրեց նրանց. Զանի՞՞ նկանակ հաց ունեք: Եւ նրանք ասացին՝ եօթը:
6. Եւ նա հրամայեց ժողովրդին նստել գետնի վրայ. եւ վերցնելով եօթը նկանակները՝ գոհութիւն յայտնեց Աստծուն, կտրեց եւ տուեց աշակերտներին, որ դնեն ժողովրդի առաջ. եւ նրանք հացը ժողովրդի առաջ դրեցին:
7. Եւ քիչ թուով ձկներ էլ ունէին. եւ նա այդ եւս օրհնեց ու հրամայեց նրանց առաջ դնել:
8. Կերան եւ կշտացան եւ եօթը զամբիւղ աւելացած կտորտանքներ վերցրին:
9. Եւ նրանք, որ կերան, մօտ չորս հազար հոգի էին. եւ նրանց արձակեց:
10. Եւ իսկոյն աշակերտների հետ նաւակ մտնելով՝ եկաւ Դաղմանունայի կողմերը:
11. Եկան փարիսեցիները եւ սկսեցին վիճել նրա հետ եւ նրան փորձելով՝ երկնքից նշան էին ուզում նրանից:
12. Եւ նա իր հոգում զայրացաւ եւ ասաց. Ինչո՞ւ է այս սերունդը նշան ուզում. ճշմարիտ եմ ասում ձեզ, որ այս սերնդին նշան չի տրուի:
13. Թողեց նրանց, նորից նաւակ մտաւ եւ գնաց ծովի միւս կողմը:
14. Եւ աշակերտները մոռացան հաց վերցնել. սակայն միայն մէկ նկանակ ունէին իրենց նաւակի մէջ:
15. Եւ նա պատուիրեց նրանց ու ասաց. Չգո՛յշ եղէք փարիսեցիների խմորից եւ հերովդեսականների խմորից:
16. Իսկ նրանք իրենց մէջ խորհում էին եւ ասում՝ հաց չունենք:
17. Յիսուս իմացաւ նրանց խորհուրդը եւ նրանց ասաց. Թերահաւատներ, ինչո՞ւ էք ձեր սրտերում խորհում, թէ հաց չունեք. դեռ չէ՞ք հասկանում եւ չէ՞ք յիշում. ապշուրթի՞ւնն է ձեր մտքերը պատել:
18. Աչքեր ունեք եւ չէ՞ք տեսնում, ականջներ ունեք եւ չէ՞ք լսում եւ դեռ չէ՞ք հասկանում ու չէ՞ք յիշում.
19. երբ հինգ նկանակը բաժանեցի հինգ հազար հոգու, կտորտանքներով լի քանի՞ սակառ վերցրիք: Եւ նրան պատասխանեցին՝ տասներկու:
20. Եւ երբ եօթը նկանակը չորս հազար հոգու բաժանեցի, կտորտանքների քանի՞ զամբիւղ լիքը վերցրիք: Եւ նրանք պատասխանեցին՝ եօթը:
21. Եւ նա նրանց ասաց. Ապա ուրեմն ինչպէ՞ս չէք հասկանում:
22. Եկան Բեթսայիդա. եւ նրա առաջ բերեցին մի կոյրի ու աղաչում էին, որ դիպչի նրան:
23. Եւ նա բռնելով կոյրի ձեռքից՝ գիւղից դուրս հանեց. նրա աչքերը թքով թրջեց եւ ձեռքը նրա վրայ դրեց. եւ հարցնում էր կոյրին, թէ բան տեսնո՞ւմ է:
24. Նա բացեց աչքերը եւ ասաց. Տեսնում եմ մարդկանց, որ շրջում են ինչպէս ծառեր:
25. Նա կրկին ձեռքերը դրեց նրա աչքերի վրայ. կոյրը իր աչքերը բացեց եւ տեսնում էր. բժշկուեց եւ ամէն ինչ յստակ տեսնում էր:
26. Նրան իր տունն արձակեց եւ ասաց. Գիւղ մի՛ մտիր, այլ գնա՛ քո տունը, իսկ երբ գիւղ մտնես, գիւղում ոչ ոքի չասես:
27. Եւ Յիսուս իր աշակերտների հետ միասին ելաւ գնաց Փիլիպպեան Կեսարիայի գիւղերը. եւ ճանապարհին աշակերտներին հարցնում էր եւ ասում. Մարդիկ ի՞նչ են ասում իմ մասին՝ ո՞վ եմ ես:
28. Նրանք պատասխան տուեցին եւ ասացին. Յովհաննէս Մկրտիչը, եւ ոմանք՝ Եղիան, իսկ ուրիշներ՝ մարգարէներից մէկը:

29. Նրանց ասաց. Իսկ դուք ի՞նչ էք ասում իմ մասին՝ ո՞վ եմ ես: Պետրոսը պատասխան տուեց եւ ասաց Նրան. Դու Քրիստոսն ես:
30. Եւ Նա խստիւ պատուիրեց Նրանց, որ իր մասին մարդու բան չասեն:
31. Եւ սկսեց ուսուցանել աշակերտներին, թե մարդու Որդին պետք է բազում չարչարանքներ կրի, անարգուի երեցներից ու քահանայապետներից եւ օրենսդետներից, մեռնի եւ երրորդ օրը յարութիւն առնի:
32. Եւ այս խօսքը ասաց բացայայտօրէն. եւ Պետրոսը Նրան մի կողմ տանելով՝ սկսեց յանդիմանել Նրան:
33. Իսկ Նա դարձաւ տեսաւ աշակերտներին, սաստեց Պետրոսին ու ասաց. Ետե՛ւս գնա, սատանա՛յ, որովհետեւ դու Աստծո՛ւ բաները չես խորհում, այլ՝ մարդկանցը:
34. Եւ Նա իր մօտ կանչելով ժողովրդին, աշակերտների հետ միասին, ասաց Նրանց. Եթէ մէկը կամենում է գալ իմ յետեւից, թող ուրանայ իր անձը, թող վերցնի իր խաչը եւ գայ իմ յետեւից,
35. որովհետեւ ով կամենում է ազատել իր անձը, այն պիտի կորցնի. իսկ ով կորցնի իր անձը Աւետարանի համար, պիտի ազատի այն:
36. Ի՞նչ օգուտ է մարդուն, եթէ ամբողջ աշխարհը շահի, բայց իր անձը կորցնի.
37. որովհետեւ մարդ ի՞նչ ունի տալու իր անձի փոխարէն:
38. Ով որ ամօթ համարի ինձ եւ իմ խօսքերը այս շնացող եւ մեղաւոր ազգի մէջ, մարդու Որդին էլ Նրան պիտի ամաչեցնի, երբ գայ փառքովն իր Հօր եւ սուրբ հրեշտակների:
39. Եւ Նրանց ասաց. Ճշմարիտ եմ ասում ձեզ, թէ Նրանցից, որ այստեղ են, կան ոմանք, որոնք մահ չպիտի ճաշակեն, մինչեւ որ տեսնեն Աստծու արքայութիւնը՝ զօրութեամբ եկած:

1. Վեց օր յետոյ Յիսուս իր հետ վերցրեց Պետրոսին, Յակոբոսին եւ Յովհաննէսին ու առանձին նրանց հանեց մի բարձր լեռան վրայ եւ նրանց առաջ պայծառակերպուեց:
2. Եւ նրա զգեստները փայլուն, խիստ սպիտակ դարձան, այնպէս որ երկրի վրայ ոչ մի լուացք անող չի կարող այդքան սպիտակեցնել:
3. Եւ նրանց երեւաց Եղիան՝ Մովսէսի հետ մէկտեղ, ու նրանք խօսում էին Յիսուսի հետ:
4. Պետրոսը Յիսուսին ասաց. Ռաբբի՛, լաւ է, որ մենք այստեղ լինենք եւ երեք տաղաւարներ շինենք, մէկը՝ քեզ, մէկը՝ Մովսէսի եւ մէկն էլ՝ Եղիայի համար:
5. Սակայն չգիտեր, թէ ինչ էր խօսում, որովհետեւ զարհուրած էին:
6. Եւ մի ամպ նրանց վրայ հովանի եղաւ. ամպից մի ձայն եկաւ, որ ասում էր. Դա՛ է իմ սիրելի Որդին, դրա՛ն լսեցէք:
7. Եւ յանկարծակի այս ու այն կողմ նայելով՝ այլեւս ոչ մի տեղ ոչ ոքի չտեսան, այլ միայն Յիսուսին՝ իրենց հետ:
8. Եւ մինչ լեռնից իջնում էին, նա պատուիրեց նրանց, որ իրենց տեսածը մարդու չպատմեն, մինչեւ որ մարդու Որդին մեռելներից յարութիւն առնի:
9. Նրանք այս խօսքը իրենց մտքում պահում էին եւ միմեանց հարցնում էին, թէ ի՞նչ է մեռելներից յարութիւն առնելը:
10. Ապա հարցրին նրան ու ասացին. Այն ի՞նչ է, որ օրէնսգետներն ասում են, թէ նախ Եղիան պէտք է գայ:
11. Նա պատասխանեց նրանց եւ ասաց. Եղիան նախ պիտի գայ եւ ամէն բան կարգի պիտի դնի. իսկ ինչո՞ւ մարդու Որդու մասին գրուած է, որ շատ չարչարանքներ պիտի կրի ու անարգուի:
12. Բայց ես ասում եմ ձեզ, որ Եղիան եկաւ, եւ նրան արեցին, ինչ որ կամեցան, ինչպէս որ գրուած է նրա մասին:
13. Եւ աշակերտների մօտ գալով՝ նրանց շուրջը տեսաւ մեծ բազմութիւն եւ օրէնսգետներ, որոնք վիճում էին նրանց հետ:
14. Եւ իսկոյն ամբողջ ժողովուրդը, երբ տեսաւ նրան, զարմացաւ եւ, ընդառաջ վազելով, ողջոյն էր տալիս նրան:
15. Յիսուս աշակերտներին հարցրեց. Ինչի՞ մասին էիք վիճում նրանց հետ:
16. Ժողովրդի միջից մէկը պատասխանեց եւ ասաց. Վարդապե՛տ, քեզ մօտ բերեցի որդու, որին մի համր չար ոգի բռնել է.
17. եւ ուր պատահում է, նրան գետին է զարկում. փրփրում է, ատամներն է կրճտացնում եւ ապա չորանում մնում է: Զո աշակերտներին ասացի, որ հանեն, բայց չկարողացան հանել այն:
18. Նա պատասխանեց նրանց եւ ասաց. Ո՛վ անհաւատ սերունդ, մինչեւ ե՞րբ ձեզ հետ պիտի լինեմ, մինչեւ ե՞րբ ձեզ պիտի հանդուրժեմ. բերե՛ք նրան ինձ մօտ:
19. Եւ նրան բերեցին իր մօտ: Երբ չար ոգին նրան տեսաւ, իսկոյն ուժգին ցնցեց տղային, որը, գետին ընկնելով, թաւալւում էր ու փրփրում:
20. Յիսուս հարցրեց նրա հօրը եւ ասաց. Ինչքա՞ն ժամանակ է անցել այն օրուանից, ինչ այդ նրան պատահել է: Եւ նա ասաց. Մանկութիւնից:
21. Շատ անգամ չար ոգին կրակի եւ ջրի մէջ է նետում նրան, որ կործանի. արդ, եթէ մի կերպ կարող ես, օգնի՛ր մեզ, Տէ՛ր, գթալով մեզ:
22. Եւ Յիսուս նրան ասաց. Ասացի՛ր՝ եթէ կարող ես. ամէն ինչ հնարաւոր է նրա համար, ով հաւատում է:
23. Երեխայի հայրը իսկոյն աղաղակեց եւ ասաց. Հաւատում եմ, օգնի՛ր իմ անհաւատութեանը:
24. Երբ Յիսուս տեսաւ, որ ժողովուրդը իրար վրայ է հաւաքւում, սաստեց պիղծ ոգուն եւ ասաց. Դո՛ւ, հա՛մր եւ խո՛ւլ ոգի, ես հրամայում եմ քեզ, դո՛ւրս ելի՛ր նրանից եւ այլեւս չմտնես դրա մէջ:
25. Եւ չար ոգին ճչաց, ուժգին ցնցեց նրան ու դուրս ելաւ. եւ պատանին մեռելի պէս

եղաւ, այն աստիճան, որ շատերը ասացին, թէ մեռաւ:

26. Յիսուս բռնեց նրա ձեռքից, բարձրացրեց նրան, եւ նա ոտքի կանգնեց:

27. Եւ երբ Յիսուս տուն մտաւ, աշակերտները, առանձին, հարցրին նրան. Ինչո՞ւ մենք չկարողացանք հանել դրան:

28. Եւ նա նրանց ասաց. Այդ տեսակը ուրիշ բանով չի ելնի, եթէ ոչ ծովապահուլթեամբ ու աղօթքով:

29. Այնտեղից ելնելով՝ նրանք անցնում էին Գալիլիայի միջով, եւ Յիսուս չէր կամենում, որ որեւէ մէկն իմանայ,

30. քանի որ իր աշակերտներին ուսուցանում էր եւ նրանց ասում. Մարդու Որդին մատնուելու է մարդկանց ձեռքը, նրանք պիտի սպանեն նրան. եւ երբ նա սպանուի, երրորդ օրը յարութիւն պիտի առնի:

31. Բայց նրանք չէին հասկանում այդ խօսքը եւ վախենում էին նրան հարցնել:

32. Եկաւ Կափառնայում եւ, երբ տուն մտաւ, աշակերտներին հարցրեց. Ճանապարհին իրար հետ ինչի՞ մասին էիք վիճում:

33. Եւ նրանք լուռ էին մնում, որովհետեւ ճանապարհին իրար հետ վիճում էին, թէ ո՞վ է մեծը:

34. Եւ երբ նստեց, կանչեց Տասներկուսին ու նրանց ասաց. Եթէ մէկն ուզում է առաջին լինել, բոլորից վերջինը եւ բոլորի սպասաւորը պիտի լինի:

35. Եւ մի մանուկ վերցնելով՝ կանգնեցրեց նրանց մէջ եւ նրան իր գիրկն առնելով՝ նրանց ասաց.

36. Ով այսպիսի մանուկներից մէկին ընդունում է իմ անունով, ինձ է ընդունում, եւ ով ինձ է ընդունում, ոչ թէ ինձ է ընդունում, այլ նրան, ով ինձ ուղարկեց:

37. Յովհաննէսը պատասխանեց եւ ասաց. Վարդապե՛տ, տեսանք մէկին, որը քո անունով դէւեր էր հանում, բայց մեզ հետ չէր շրջում, եւ արգելեցինք նրան:

38. Եւ նա ասաց. Արգելք մի՛ եղէք նրան, որովհետեւ չկայ մէկը, որ իմ անունով գորաւոր գործեր անի ու կարողանայ ինձ հայիոյել.

39. քանզի ով մեզ հակառակ չէ, նա մեր կողմն է:

40. Եւ ով որ ձեզ մի բաժակ ջուր խմեցնի յանուն այն բանի, որ դուք Քրիստոսին եք, ճշմարիտ եմ ասում ձեզ, իր վարձը չպիտի կորցնի:

41. Եւ ով որ ինձ հաւատացող այս փոքրիկներից մէկին գայթակղեցնի, նրա համար աւելի լաւ կը լինէր, եթէ նրա պարանոցից կախուած լինէր էշի մի երկանաքար, եւ ծով գցուէր:

42. Եւ եթէ քեզ գայթակղեցնում է քո ձեռքը, կտրիր դե՛ն գցիր քեզնից, որովհետեւ քեզ համար աւելի լաւ է խեղուած մտնել յաւիտենական կեանքը, քան թէ երկու ձեռք ունենալ ու գնալ գեհեն, անշէշ կրակի մէջ:

43. Եւ եթէ քո ոտքն է գայթակղեցնում քեզ, կտրի՛ր, քեզնից դե՛ն գցիր այն. լաւ է, որ դու կադ մտնես յաւիտենական կեանքը, քան թէ երկու ոտք ունենաս ու գեհեն ընկնես:

44. Եւ եթէ քո աչքն է գայթակղեցնում քեզ, քաշի՛ր հանի՛ր այն. լաւ է, որ դու մէկ աչքով մտնես Աստծու արքայութիւնը, քան թէ երկու աչք ունենաս ու ընկնես գեհեն,

45. ուր նրանց որդը չի մեռնում, եւ կրակը չի հանգչում,

46. որովհետեւ ամէն ինչ կրակով պիտի աղուի:

47. Աղը լաւ բան է. բայց եթէ աղը անհամանայ, ինչո՞վ պիտի համեմուի. արդ, դուք ձեր մէ՛ջ ունեցէք աղը եւ իրար հետ խաղաղութեա՛մբ ապրեցէք:

1. Յիսուս այնտեղից վեր կացաւ եկաւ Հրեաստանի սահմանները, Յորդանանի միւս կողմը. եւ ժողովուրդը դարձեալ գնում խնկում էր նրա շուրջը, եւ նա, ինչպէս սովոր էր, նորից ուսուցանում էր նրանց:
2. Իսկ փարիսեցիները մօտեցան եւ նրան փորձելով՝ հարց տուին ու ասացին. Օրինաւոր է, որ մարդ իր կնոջն արձակի:
3. Նա պատասխան տուեց նրանց եւ ասաց. Մովսէսը ձեզ ի՞նչ պատուիրեց:
4. Եւ նրանք ասացին. Մովսէսը հրաման տուեց արձակելու թուղթ գրել եւ արձակել:
5. Յիսուս պատասխանեց եւ ասաց նրանց. Ձեր խստասրտութեան պատճառով գրեց այդ պատուիրանը,
6. մինչդեռ արարչագործութեան սկզբից Աստուած արու եւ եգ ստեղծեց նրանց:
7. Եւ ասաց. Դրա համար տղամարդը պիտի թողնի իր հօրն ու մօրը եւ պիտի գնայ իր կնոջ յետեւից:
8. Եւ երկուսը մի մարմին պիտի լինեն, եւ այլեւս երկու չեն, այլ՝ մէկ մարմին:
9. Արդ, ինչ որ Աստուած միացրեց, մարդը թող չբաժանի:
10. Եւ աշակերտները տան մէջ դարձեալ նոյնը հարցրին նրան:
11. Եւ նրանց ասաց. Եթէ մի մարդ արձակի իր կնոջը եւ ուրիշին առնի, շնութիւն արած կը լինի:
12. Եւ մի կին եթէ թողնի իր ամուսնուն եւ ուրիշ մարդու կին լինի, շնութիւն արած կը լինի:
13. Եւ նրան մանուկներ էին բերում, որպէսզի ձեռքը դնի նրանց վրայ: Իսկ աշակերտները յանդիմանում էին նրանց, ովքեր բերում էին:
14. Երբ Յիսուս այս տեսաւ, բարկանալով սաստեց նրանց եւ ասաց. Թո՛ղ տուէք այդ մանուկներին գալ ինձ մօտ եւ արգելք մի՛ եղէք նրանց, որովհետեւ Աստծու արքայութիւնը այդպիսիներինն է:
15. Ճշմարիտ եմ ասում ձեզ, ով Աստծու արքայութիւնը չընդունի որպէս մանուկ, նրա մէջ չի մտնելու:
16. Եւ նա վերցնելով նրանց իր գիրկը՝ նրանց վրայ ձեռքը դրեց եւ օրհնեց նրանց:
17. Երբ նա այնտեղից ճանապարհ ընկաւ, ահա մեծահարուստ մէկը առաջ վազելով ծնկի իջաւ, հարցրեց նրան ու ասաց. Բարի՛ Վարդապետ, ի՞նչ պետք է անեմ, որ յաւիտենական կեանքը ժառանգեմ:
18. Եւ Յիսուս նրան ասաց. Ինչո՞ւ ես ինձ բարի կոչում. բարի չէ ոչ ոք, այլ միայն՝ Աստուած:
19. Պատուիրանները գիտես. մի՛ շնանար, մի՛ սպանիր, մի՛ գողանար, սուտ մի՛ վկայիր պատուի՛ր քո հօրն ու մօրը:
20. Նա պատասխանեց եւ ասաց նրան. Վարդապետ, այդ բոլորը իմ մանկութիւնից ի վեր արել եմ. արդ, ի՞նչ եմ պակաս թողել:
21. Եւ Յիսուս նրան նայելով՝ սիրեց նրան եւ ասաց. Քեզ մէկ բան է պակասում. եթէ կամենում ես կատարեալ լինել, գնա վաճառի՛ր ինչ որ ունես ու աղքատներին տուր եւ երկնքում գանձեր կ'ունենաս. եւ վերցրո՛ւ խաչդ եւ արի՛ իմ յետեւից:
22. Եւ մարդը այդ խօսքի վրայ խոժոռուած՝ գնաց տրտում, որովհետեւ շատ հարուստ էր:
23. Եւ Յիսուս այս կողմ, այն կողմ նայելով՝ ասաց իր աշակերտներին. Ինչքա՛ն դժուարին է Աստծու արքայութիւն մտնել նրանց համար, որ հարստութիւն ունեն:
24. Եւ աշակերտները զարմացած էին նրա խօսքերի վրայ. իսկ Յիսուս դարձեալ պատասխանեց նրանց եւ ասաց. Չաւակներս, ինչքա՛ն դժուար է Աստծու արքայութիւն մտնել նրանց համար, որ իրենց յոյսը դրել են հարստութեան վրայ:
25. Աւելի հեշտ է, որ պարանը ասեղի ծակից անցնի, քան թէ մի մեծահարուստ Աստծու արքայութիւնը մտնի:
26. Եւ աշակերտները առաւել էւս էին զարմանում ու միմեանց ասում. Ապա ուրեմն ո՞վ



կարող է փրկուել:

27. Նայելով նրանց՝ Յիսուս ասաց. Մարդկանց համար այդ անհնար է, բայց ո՛չ Աստծու համար:

28. Պետրոսն սկսեց նրան ասել. Ահաւասիկ մենք թողել ենք ամեն բան եւ եկել ենք քո յետեւից:

29. Յիսուս պատասխանեց եւ ասաց. Ճշմարիտ եմ ասում ձեզ, չկայ մէկը, որ թողած լինի տուն, կամ եղբայրներ, կամ քոյրեր, կամ հայր, կամ մայր, կամ որդիներ, կամ ազարակներ ինձ համար կամ Աւետարանի համար եւ այժմ,

30. այս ժամանակի մէջ հարիւրապատիկը չստանայ՝ տներ եւ եղբայրներ եւ քոյրեր եւ մայրեր եւ որդիներ եւ ազարակներ՝ հալածանքներ կրելով հանդերձ, եւ այն աշխարհում, որ գալու է՝ յաւիտենական կեանք:

31. Սակայն շատեր, որ առաջին են, պիտի լինեն վերջին, իսկ վերջիններ՝ առաջին:

32. Եւ Երուսաղէմ ելնելու ճանապարհի վրայ էին. Յիսուս աշակերտներից անելի առաջ էր գնում. իսկ նրանք, որ նրա յետեւից էին գնում, զարմացած էին ու վախենում էին: Եւ նա նորից վերցնելով Տասներկուսին՝ առանձին, սկսեց ասել նրանց, թէ ինչ բաներ պիտի պատահեն իրեն:

33. Ահա ելնում ենք Երուսաղէմ. եւ մարդու Որդին պիտի մատնուի քահանայապետներին ու օրէնսգետներին, եւ նրան մահուան պիտի դատապարտեն ու հեթանոսներին պիտի յանձնեն.

34. նրան պիտի ծաղրեն. նրան պիտի ծեծեն ու նրա վրայ պիտի թքեն. եւ պիտի սպանեն. եւ երրորդ օրը նա յարութիւն պիտի առնի:

35. Չեբեղէնսի որդիները՝ Յակոբոսը եւ Յովհաննէսը, գնացին նրա մօտ եւ ասացին նրան. Վարդապետ, ինչ որ քեզից պիտի խնդրենք, կամենում ենք, որ անես մեզ համար:

36. Եւ նա նրանց ասաց. Ի՞նչ էք կամենում ինձնից, որ անեմ ձեզ համար:

37. Եւ նրանք ասացին նրան. Շնորհ արա մեզ, որ նստենք մէկս՝ քո աջում եւ միւսս՝ ձախում, քո փառքի մէջ:

38. Յիսուս պատասխանեց նրանց եւ ասաց. Չէք իմանում, թէ ինչ էք խնդրում. կարո՞ղ էք իմել այն բաժակը, որ ես իմելու եմ, կամ մկրտուել այն մկրտութեամբ, որով ես մկրտուելու եմ:

39. Եւ նրանք ասացին նրան. Կարող ենք: Եւ Յիսուս նրանց ասաց. Այն բաժակը, որ ես իմելու եմ, կը իմեք, եւ այն մկրտութիւնը, որով ես մկրտուելու եմ, նրանով կը մկրտուեք,

40. բայց իմ աջում եւ ձախում նստեցնելը ես չէ, որ պիտի տամ, այլ տրուելու է նրանց, որոնց համար պատրաստուած է:

41. Այդ լսելով՝ տասը առաքեալները սկսեցին բարկանալ Յակոբոսի եւ Յովհաննէսի վրայ:

42. Յիսուս նրանց իր մօտ կանչեց եւ ասաց. Գիտեք, որ հեթանոսների մէջ իշխանաւորներ համարուածները տիրում են նրանց. եւ նրանց մեծամեծներն իշխում են նրանց վրայ.

43. ձեր մէջ այդպես չպետք է լինի. այլ ձեզնից ով կամենայ մեծ լինել, թող լինի ձեր սպասաւորը.

44. եւ ձեզնից ով կամենայ առաջին լինել, բոլորին ծառայ թող լինի.

45. որովհետեւ մարդու Որդին էլ չեկաւ ծառայութիւն ընդունելու, այլ՝ ծառայելու եւ տալու իր անձը որպէս փրկանք շատերի փոխարէն:

46. Եւ եկան Երիքով: Եւ մինչ նա Երիքովից դուրս էր գալիս իր աշակերտներով եւ բազում ժողովրդով, Տիմէի որդին՝ կոյր Բարտիմէոսը, նստել մուրում էր ճանապարհի եզրին:

47. Երբ լսեց, թէ անցնողը Յիսուս Նազովրեցին է, սկսեց աղաղակել եւ ասել. Դաւթի՛ Որդի, Յիսու՛ս, ողորմի՛ր ինձ:

48. Եւ շատերը նրան սաստում էին, որ լռի, իսկ նա առաւել եւս աղաղակում էր. Դաւթի՛ Որդի, ողորմի՛ր ինձ:

49. Յիսուս կանգնեց եւ հրամայեց, որ նրան կանչեն: Կոյրին կանչեցին եւ նրան ասացին. Քաջալերուի՛ր, վե՛ր կաց, կանչում է քեզ:
50. Եւ նա, դէն գցելով իր զգեստները, վեր կացաւ եկաւ Յիսուսի մօտ:
51. Յիսուս նրան ասաց. Ի՞նչ ես ուզում, որ քեզ անեմ: Կոյրը նրան ասաց. Վարդապե՛տ, աչքերս թող բացուեն:
52. Եւ Յիսուս նրան ասաց. Գնա՛, քո հաւատը քեզ փրկեց: Եւ իսկոյն նրա աչքերը բացուեցին, եւ ճանապարհին գնում էր նրա յետեւից:

1. Երբ մօտեցան Երուսաղէմին, Բեթփագէին եւ Բեթանիային, Ձիթենեաց լերան մօտ, նա ուղարկեց աշակերտներից երկուսին եւ նրանց ասաց.
2. Դուք գնացէ՛ք այդ գիւղը, որ ձեր դիմացն է. եւ հէնց որ այնտեղ մտնէք, կը գտնէք մի կապուած աւանակ, որի վրայ ոչ մի մարդ արարած չի նստել. արծակեցէ՛ք այն եւ բերէ՛ք:
3. Եւ եթէ մէկը ձեզ ասի. Այդ աւանակը ինչո՞ւ էք արծակում, կ'ասէք. Տիրոջը պետք է. եւ նա իսկոյն դրան այստեղ կ'ուղարկի:
4. Գնացին եւ գտան աւանակը՝ կապուած դռան մօտ, դրսում, փողոցի մէջ, եւ այն արծակեցին:
5. Եւ այնտեղ կանգնածներից ոմանք ասացին նրանց. Ի՞նչ էք անում, ինչո՞ւ էք այդ աւանակն արծակում:
6. Եւ նրանք նրանց ասացին, ինչպէս Յիսուս ասել էր. ու նրանց թոյլ տուին:
7. Աւանակը բերեցին Յիսուսի մօտ. եւ դրա վրայ զգեստներ գցեցին, եւ Յիսուս նստեց դրա վրայ:
8. Եւ շատեր իրենց զգեստները փռում էին ճանապարհին. եւ ուրիշներ ծառերից ճիւղեր էին կտրում ու գցում ճանապարհի վրայ:
9. Եւ նրանք, որ առաջից ու յետեւից էին գնում, աղաղակում էին եւ ասում. Ովսաննա՛ Բարձրեալին, օրհնեա՛լ լինի նա, որ գալիս է Տիրոջ անունով.
10. օրհնեա՛լ լինի մեր հօր՝ Դաւթի թագաւորութիւնը, որ գալիս է: Խաղաղութի՛ւն՝ երկնքում եւ փա՛ռք՝ բարձունքներում:
11. Եւ Յիսուս մտաւ Երուսաղէմ, գնաց տաճար ու նայեց իր շուրջը, ամէն ինչի վրայ. եւ որովհետեւ երեկոյի ժամ էր, բարձրացաւ Բեթանիա՝ Տասներկուսի հետ միասին:
12. Յաջորդ օրը, մինչ Բեթանիայից դուրս էին գալիս, Յիսուս քաղցած էր:
13. Եւ հեռուից մի տերեւալից թզնի տեսնելով՝ եկաւ, որ թերեւս նրա վրայ մի բան գտնի. եւ երբ նրան մօտեցաւ, ոչինչ չգտաւ, այլ միայն՝ տերեւ, որովհետեւ տակաւին թզի ժամանակը չէր:
14. Յիսուս խօսքը թզնուոն ուղղեց եւ ասաց. Էլ քեզնից ոչ ոք պտուղ չուտի յաւիտեան: Եւ նրա աշակերտները լսում էին:
15. Եկան Երուսաղէմ. եւ Յիսուս տաճար մտնելով՝ սկսեց դուրս հանել տաճարում գտնուող վաճառողներին ու գնորդներին եւ լումայափոխների սեղանները ցրեց ու աղանձվաճառների աթոռները շուռ տուեց.
16. եւ չէր թողնում, որ որեւէ մէկը տաճարի միջով նոյնիսկ որեւէ բան անցկացնի:
17. Եւ ուսուցանում էր նրանց ու ասում. Գրուած է՝ իմ տունը բոլոր ազգերի համար աղօթքի տուն է կոչուելու, իսկ դուք այն դարձրել էք աւազակների որջեր:
18. Քահանայապետներն ու օրէնսգետները լսեցին այս եւ մի միջոց էին փնտռում, թէ ինչպէս կորստեան մատնեն նրան, բայց վախճնում էին նրանից, որովհետեւ ամբողջ ժողովուրդը զարմացած էր նրա ուսուցման վրայ:
19. Երբ երեկոյ եղաւ, քաղաքից դուրս ելան:
20. Յաջորդ օրը, առաւօտեան, մինչ նոյն ճանապարհից էին անցնում, թզնին արմատից չորացած տեսան:
21. Պետրոսը յիշեց եւ ասաց նրան. Ռաբբի՛, ահաւասիկ թզնին, որին անիծեցիր, չորացել է:
22. Յիսուս պատասխանեց եւ ասաց նրան. Եթէ Աստծու հանդէպ հաւատ ունենաք,
23. ճշմարիտ եմ ասում ձեզ, ով որ այս լերանն ասի՝ Ե՛լ եւ ծո՛վն ընկիր, եւ իր սրտում չկասկածի, այլ հաւատայ, թէ ինչ որ ասում է, կը լինի, նա ինչ էլ ասի, կը կատարուի:
24. Դրա համար ասում եմ ձեզ. ամէն ինչ, որ աղօթք անելով խնդրէք եւ հաւատաք, թէ կը ստանաք, կը տրուի ձեզ:
25. Եւ երբ աղօթքի կանգնէք, թէ մէկի դէմ մի բան ունէք, ներեցէ՛ք, որպէսզի ձեր Հայրն Էլ, որ երկնքում է, ների ձեզ ձեր յանցանքները:
26. Դարձեալ Երուսաղէմ եկան. եւ մինչ նա այնտեղ, տաճարում շրջում էր, նրա մօտ

եկան քահանայապետները, օրենսգետները եւ ծերերը

27. ու ասացին նրան. Ի՞նչ իշխանութեամբ ես դու այդ անում, եւ ո՞վ տուեց քեզ այդ իշխանութիւնը:

28. Յիսուս պատասխան տուեց եւ ասաց նրանց. Ես էլ ձե՛զ մի բան հարցնեմ, պատասխանեցէ՛ք ինձ, եւ ես ձեզ կ'ասեմ, թէ ինչ իշխանութեամբ եմ այս անում:

29. Յովհաննէսի մկրտութիւնը երկնքի՞ց էր, թէ՞ մարդկանցից. պատասխանեցէ՛ք ինձ:

30. Նրանք իրար միջեւ խորհում էին ու ասում. Եթէ ասենք՝ երկնքից, մեզ կ'ասի՝ իսկ ինչո՞ւ նրան չհաւատացիք.

31. իսկ եթէ ասենք՝ մարդկանցից, ժողովրդից ենք վախենում. որովհետեւ բոլորը գիտէին, թէ Յովհաննէսը մարգարէ էր:

32. Պատասխան տուեցին եւ Յիսուսին ասացին՝ չգիտենք. եւ Յիսուս նրանց պատասխանեց ու ասաց. Ես էլ ձե՛զ չեմ ասի, թէ ինչ իշխանութեամբ եմ այս անում:

1. Եւ սկսեց նրանց հետ առակներով խօսել եւ ասել. Մի մարդ այգի տնկեց եւ նրա շուրջը ցանկապատ քաշեց, հնձանի փոս փորեց եւ աշտարակ շինեց. ու այն յանձնեց մշակներին եւ գնաց ուրիշ երկիր:
2. Երբ ժամանակը հասաւ, մշակների մօտ մի ծառայ ուղարկեց, որ այդ մշակներից վերցնի այգու պտղից:
3. Եւ մշակները նրան բռնելով՝ ծեծեցին ու ձեռնուճախն արձակեցին:
4. Դարձեալ նա մի ուրիշ ծառայ ուղարկեց, եւ նրա էլ գլխին հարուածեցին եւ անարգելով արձակեցին:
5. Եւ վերստին մէկ ուրիշին ուղարկեց. սրան էլ՝ սպանեցին. եւ ուրիշ շատերին ուղարկեց. ոմանց ծեծում էին, ոմանց՝ սպանում:
6. Դեռնաւ նա մի սիրելի որդի ունէր. վերջում նրան ուղարկեց նրանց մօտ՝ ասելով. Թերեւս իմ այս որդուց ամաչեն:
7. Իսկ մշակները երբ տեսան, որ նա գալիս է, իրար ասացին. Ժառանգը սա է, եկեք սպանենք սրան, եւ ժառանգութիւնը մերը թող լինի:
8. Եւ բռնելով նրան՝ սպանեցին ու հանեցին գցեցին այգուց դուրս:
9. Արդ, այգու տերը ի՞նչ կ'անի. կը գայ եւ կը սպանի մշակներին ու այգին ուրիշների ձեռքը կը յանձնի:
10. Դուք չէ՞ք կարդացել Գրքի այն խօսքը, թէ՛ Այն քարը, որ կառուցողները անարգեցին, նա՛ եղաւ անկիւնաքար:
11. Տիրոջ կողմից եղաւ այս, եւ մեր աչքին սքանչելի է:
12. Եւ նրանք միջոց էին փնտռում նրան ձերբակալելու, բայց ժողովրդից վախեցան, որովհետեւ հասկացան, թէ նա առակը իրենց մասին ասաց: Եւ թողեցին նրան ու գնացին:
13. Եւ նրա մօտ ուղարկեցին փարիսեցիներից եւ հերովդեսականներից ոմանց, որպէսզի նրան խօսքով որսան:
14. Եւ նրանք եկան ու նենգութեամբ հարց էին տալիս եւ ասում. Վարդապետ, գիտենք, որ դու ճշմարտասեր ես եւ չես քաշում ոչ ոքից, որովհետեւ մարդկանց աչառութիւն չես անում, այլ ճշմարտութեամբ Աստծու ճանապարհն ես ուսուցանում. արդ, ասա՛ մեզ, օրինաւո՞ր է հարկ տալ կայսրին, թէ՞ ոչ. տա՞նք, թէ՞ չտանք:
15. Յիսուս իմացաւ նրանց կեղծաւորութիւնը եւ ասաց. Ինչո՞ւ եք ինձ փորձում, կեղծաւորներ. ինձ մի դահեկա՞ն բերեք, որ տեսնեմ:
16. Եւ նրանք բերեցին: Եւ նրանց ասաց. Ո՞ւմն է այս պատկերը կամ գիրը: Եւ նրանք ասացին նրան՝ կայսրինը:
17. Յիսուս պատասխան տուեց եւ ասաց նրանց. Գնացե՛ք, տուէ՛ք կայսրինը՝ կայսեր եւ Աստծունը՝ Աստծուն: Եւ զարմացան նրա վրայ:
18. Նրա մօտ եկան սադուկեցիները, որոնք ասում են, թէ՛ յարութիւն չկայ. հարց էին տալիս եւ ասում.
19. Վարդապետ, Մովսէսը մեզ համար գրել է. Եթէ մէկի եղբայրը մեռնի եւ կին թողնի, բայց որդի չթողնի, թող նրա եղբայրը առնի նրա կնոջը եւ իր եղբօր համար զաւակ հասցնի:
20. Արդ, մեզ մօտ եօթը եղբայրներ կային. առաջինը կին առաւ եւ մեռաւ ու զաւակ չթողեց.
21. Եւ երկրորդը նոյն կնոջն առաւ ու մեռաւ. եւ նա էլ զաւակ չթողեց: Նոյն ձեւով նաեւ երրորդը առաւ նոյն կնոջը:
22. Եւ եօթն էլ զաւակ չթողեցին. ամենքից յետոյ մեռաւ նաեւ կինը:
23. Արդ, յարութեան ժամանակ, երբ յարութիւն առնեն, նրանցից ո՞ւմ կինը կը լինի. քանի որ եօթն էլ նրան կին առան:
24. Յիսուս պատասխան տուեց եւ ասաց նրանց. Հէնց դրա համար չէ՞, որ մոլորուած եք. քանի որ չգիտեք Գրքերը եւ ոչ էլ՝ Աստծու զօրութիւնը.

25. որովհետեւ, երբ մեռելներից յարուբիւն առնեն, ո՛չ տղամարդիկ կին կ'առնեն եւ ո՛չ էլ կանայք մարդու կը գնան, այլ կը լինեն հրեշտակների նման, որ երկնքում են:
26. Իսկ գալով մեռելներին, թէ յարուբիւն են առնում, դուք չէ՞ք կարդացել Մովսէսի գրքում, մորենու դրուագում, թէ ինչպէս Աստուած ասաց Նրան. Ե՛ս եմ, - ասում է, - Աբրահամի Աստուածը, Իսահակի Աստուածը եւ Յակոբի Աստուածը:
27. Իսկ Աստուած մեռելների Աստուածը չէ, այլ՝ ողջերի. ուստի, դուք խիստ մոլորուած էք:
28. Օրէնսդետներից մէկը, մօտենալով, լսում էր Նրանց, մինչ վիճում էին. երբ նա տեսաւ, թէ Յիսուս Նրանց պատասխանը լաւ տուեց, հարցրեց Նրան եւ ասաց. Ո՞ր պատուիրանն է առաջինը:
29. Եւ Յիսուս ասաց Նրան. Ամենից առաջինն է՝ Լսի՛ր, Իսրայէ՛լ, մեր Տէր Աստուածը միակ Տէրն է.
30. եւ դու պիտի սիրես քո Տէր Աստծուն քո ամբողջ սրտով, քո ամբողջ հոգով, քո ամբողջ մտքով եւ քո ամբողջ զօրութեամբ. սա՛ է առաջին պատուիրանը:
31. Եւ երկրորդը նման է սրան. Դու պիտի սիրես քո ընկերոջը քո անձի պէս. չկայ ուրիշ պատուիրան անելի մեծ, քան սրանք:
32. Եւ օրէնսդետը Նրան ասաց. Լաւ է, Վարդապե՛տ, ճշմարտութեամբ ասացիր, թէ Աստուած մէկ է, եւ բացի Նրանից, ուրիշ Աստուած չկայ.
33. եւ Նրան ամբողջ սրտով, ամբողջ զօրութեամբ, ամբողջ մտքով սիրելը, ինչպէս եւ ընկերոջն իր անձի պէս սիրելը առաւել է, քան ողջակէզները եւ զոհերը:
34. Եւ Յիսուս տեսնելով, թէ նա իմաստութեամբ պատասխան տուեց, Նրան ասաց. Հեռու չես Աստծու արքայութիւնից: Եւ այլեւս ոչ ոք չէր համարձակւում Նրան բան հարցնել:
35. Մինչ Յիսուս ուսուցանում էր տաճարում, հարց տուեց ժողովրդին ու ասաց. Ինչպէ՞ս են ասում օրէնսդետները, թէ Քրիստոս Դաւթի Որդի է,
36. մինչ Դաւիթն ինքը Սուրբ Հոգով ասում է. Տէրն իմ Տիրոջն ասաց. նստի՛ր իմ աջում, մինչեւ որ քո թշնամիներին քո ոտքերի համար պատուանդան դնեմ:
37. Արդ, եթէ Դաւիթն ինքն իսկ Նրան Տէր է կոչում, ինչպէ՞ս նրա Որդին կը լինի: Եւ շատ ժողովուրդ Նրան լսում էր սիրով:
38. Եւ սովորեցնելով՝ նա իր ուսուցման ընթացքում ասում էր. Չգո՛յ՛ջ եղէք այդ օրէնսդետներից, որ ուզում են աչքի զարնող զգեստներով ման գալ, հրապարակներում յարգանքի ողջոյններ որոնել,
39. ժողովարաններում՝ առաջին աթոռները եւ ընթրիքների ժամանակ՝ պատուոյ տեղերը:
40. Նրանք ուտում են այրիների տները, ցուցադրաբար երկարացնում են աղօթքները, որպէսզի անելի խիստ դատաստան ընդունեն:
41. Յիսուս կանգնած էր գանձանակի դիմաց. դիտում էր, թէ ինչպէս ժողովուրդը պղինձ դրամ է գցում գանձանակի մէջ: Եւ շատ մեծահարուստներ շատ բան գցեցին:
42. Մի այրի կին եկաւ եւ երկու լումայ գցեց, որ մի գրոշ է:
43. Եւ Յիսուս իր մօտ կանչելով իր աշակերտներին՝ Նրանց ասաց. Ճշմարիտ եմ ասում ձեզ, որ այդ չքաւոր այրին անելի շատ գցեց, քան գանձանակի մէջ միւս բոլոր դրամ գցողները,
44. քանի որ ամենքը իրենց անելորդից գցեցին, իսկ նա, իր չքաւորութիւնից, գցեց ամեն ինչ, որ ուներ՝ իր ամբողջ ապրուստը:

1. Երբ նա տաճարից դուրս էր գալիս, իր աշակերտներից մեկը նրան ասաց. Կարդապետ, տե՛ս ինչպիսի՜ քարեր են սրանք, եւ ինչպիսի՜ շինուածք:
2. Յիսուս նրան պատասխան տուեց եւ ասաց. Տեսնո՞ւմ ես այդ բոլոր շինութիւնները. ճշմարիտ եմ ասում ձեզ, որ դրանց քարը քարի վրայ չպիտի թողնուի, որ չքանդուի:
3. Եւ մինչ նստած էր նա Ձիթենեաց լերան վրայ, տաճարի դիմաց, Պետրոսն ու Յակոբոսը եւ Յովհաննէսն ու Անդրեասը, առանձին, հարցրին նրան.
4. Ասա՛ մեզ, ե՞րբ պիտի լինի այդ, եւ ի՞նչ կը լինի նշանը, երբ կատարուելու լինի այդ բոլորը:
5. Յիսուս պատասխանեց եւ ասաց նրանց. Չգո՛յշ կացեք, ոչ ոք ձեզ չխաբի,
6. որովհետեւ շատեր պիտի գան իմ անունով եւ պիտի ասեն՝ ե՛ս եմ Քրիստոսը, եւ շատերին պիտի մոլորեցնեն:
7. Սակայն երբ լսեք պատերազմների ձայներ կամ պատերազմների լուրեր, չխռովուեք, որովհետեւ այդ պէտք է որ լինի, բայց դեռ աշխարհի վախճանը չէ:
8. Ազգ ազգի դէմ պիտի ելնի եւ թագաւորութիւն՝ թագաւորութեան դէմ, եւ տեղ-տեղ երկրաշարժներ պիտի լինեն, սով եւ համաճարակ ու խռովութիւններ. բայց այդ բոլորը սկիզբն է երկանց:
9. Եւ դեռ ձեզ էլ պիտի մատնեն ատեանների, եւ ժողովարանների մէջ պիտի տանջուեք. եւ ինձ համար կուսակալների ու թագաւորների առաջ պիտի կանգնեք՝ ի վկայութիւն նրանց:
10. Բայց նախ պէտք է, որ Աւետարանը քարոզուի բոլոր հեթանոսների մէջ:
11. Եւ երբ ձեզ տանեն յանձնելու, առաջուց հոգ մի՛ արեք եւ մի՛ մտածեք, թէ ինչ պիտի խօսեք, այլ, ինչ որ ձեզ տրուի այդ նոյն ժամին, ա՛յն խօսեցեք, որովհետեւ դո՛ւք չէ, որ պիտի խօսեք, այլ՝ Սուրբ Հոգին:
12. Եղբայրն իր եղբօրը մահուան պիտի մատնի, եւ հայրը՝ որդուն. եւ որդիները հայրերի դէմ պիտի ելնեն ու պիտի սպանեն նրանց:
13. Եւ իմ անուան համար բոլորից պիտի ատուեք. բայց ով որ մինչեւ վերջ համբերի, նա կը փրկուի:
14. Եւ երբ տեսնեք սարսափելի պղծութիւնը՝ տեղ գտած այնտեղ, ուր չպէտք է լիներ (ով կարդում է, թող իմանայ), այն ժամանակ նրանք, որ Հրեաստանում են, լեռները թող փախչեն.
15. եւ ով տանիքի վրայ է, թող չիջնի եւ տուն չմտնի՝ այնտեղից բան վերցնելու.
16. եւ ով արտի մէջ է, թող ետ չդառնայ՝ իր զգեստները վերցնելու:
17. Բայց վա՛յ յղիներին եւ ստնտուներին այն օրերին:
18. Աղօթեցէ՛ք, որ ձմեռ ժամանակ չլինի դա:
19. Այդ օրերը պիտի լինեն օրեր այնպիսի նեղութիւնների, որոնց նմանը չի եղել երբեք արարչագործութեան սկզբից մինչեւ այժմ եւ չի էլ լինի:
20. Եւ եթէ Աստուած այդ օրերը իր ընտրեալների համար չկարճեր, ոչ մի մարդ չէր ազատուի. բայց նա իր ընտրեալների պատճառով, - որոնց ընտրեց, - կարճեց այդ օրերը:
21. Այն ժամանակ եթէ մեկը ձեզ ասի, թէ՛ Ահա՛ այստեղ է Քրիստոսը կամ այնտեղ, չհաւատաք.
22. որովհետեւ սուտ քրիստոսներ եւ սուտ մարգարէներ պիտի ելնեն եւ նշաններ ու զարմանալի գործեր պիտի ցոյց տան՝ մոլորեցնելու նպատակով, եթէ հնար լինի, նոյնիսկ ընտրեալներին:
23. Բայց դուք զգո՛յշ եղեք. ահա առաջուց ձեզ ամեն ինչ ասացի:
24. Բայց այդ օրերին, այդ նեղութիւնից յետոյ, արեգակը պիտի խաւարի, եւ լուսինն իր լոյսը չպիտի տայ:
25. Եւ աստղերը երկնքից վայր պիտի թափուեն, եւ երկնքում գորութիւնները պիտի շարժուեն:

26. Եւ այն ժամանակ պիտի տեսնեն մարդու Որդուն՝ եկած ամպերի վրայով՝  
զօրութեամբ եւ բազում փառքով:
27. Եւ այն ժամանակ պիտի ուղարկի իր հրեշտակներին ու պիտի հաւաքի իր  
ընտրեալներին չորս կողմերից, երկրի ծագերից մինչեւ երկնքի ծագերը:
28. Բայց դուք այդ թզենո՛ւց սովորեցէք առակը. հէնց որ նրա ոստերը կակղեն, եւ նրա  
վրայ տերեւ դուրս գայ, իմանում էք, որ ամառը մօտ է.
29. նոյնպէս եւ դուք. երբ այս բոլորը կատարուած տեսնէք, իմացէ՛ք, որ նա մօտ է,  
դռների առջեւ:
30. Ճշմարիտ եմ ասում ձեզ, որ չի անցնի այս սերունդը, մինչեւ որ այս բոլորը  
կատարուեն:
31. Երկինք ու երկիր կ'անցնեն, բայց իմ խօսքերը չեն անցնի:
32. Սակայն այդ օրուայ եւ ժամի մասին ոչ ոք չգիտէ. ո՛չ հրեշտակները երկնքում եւ ո՛չ էլ՝  
Որդին, այլ միայն՝ Հայրը:
33. Չգո՛յշ եղէք, հսկեցէ՛ք ու աղօթեցէ՛ք, քանի որ չգիտէք, թէ ե՛րբ է ժամանակը.
34. ինչպէս հեռու երկիր գնացած մի մարդ, որ կը թողնի իր տունը եւ իր ծառաներին  
իշխանութիւն կը տայ եւ իւրաքանչիւրին՝ իր գործը, եւ դռնապանին կը պատուիրի, որ  
արթուն լինի:
35. Արդ, արթո՛ւն կացէք, որովհետեւ չգիտէք, թէ տանտերը ե՛րբ կը գայ՝ երեկոյեա՞ն, թե՞  
կէսգիշերին, աքլորականչի՞ն, թե՞ առաւօտեան դէմ:
36. Գուցէ յանկարծակի գալով՝ ձեզ քնի մէջ գտնի:
37. Բայց ինչ որ ձեզ եմ ասում, ամենքին եմ ասում՝ արթո՛ւն կացէք:



1. Եւ երկու օր յետոյ զատիկ էր ու Բաղարջակերաց տօնը. քահանայապետները եւ օրէնսգետները հնար էին որոնում, թէ ինչպէս նրան նենգութեամբ բռնելով սպանեն:
2. Բայց ասում էին. Ո՛չ այս տօնին, որպէսզի ժողովրդի մէջ խռովութիւն չլինի:
3. Եւ մինչ նա Բեթանիայում էր, բորոտ Սիմոնի տանը սեղան նստած, եկաւ մի կին, որ հետն ուներ նարդոսի ազնիւ, մեծարժէք իւղի մի շիշ. եւ շիշը կոտրելով՝ իւղը թափեց Յիսուսի գլխին:
4. Աշակերտները զայրացան եւ ասացին. Այդ իւղը ինչո՞ւ այսպէս պիտի կորչէր.
5. կարելի էր այդ անուշահոտ իւղը վաճառել աւելի քան երեք հարիւր դահեկանի եւ տալ աղքատներին: Եւ խիստ զայրանում էին կնոջ վրայ:
6. Եւ Յիսուս նրանց ասաց. Թո՛յլ տուէք դրան. ինչո՞ւ էք նեղութիւն տալիս, որովհետեւ նա ինձ համար մի բարի գործ արեց:
7. Ամէն ժամ աղքատներին ձեզ հետ ունէք եւ երբ ուզենաք, կարող էք նրանց բարիք անել: Բայց ինձ ամէն ժամ ձեզ հետ չունէք:
8. Դա, ինչ որ կարող էր, արեց. առաջուց խնկաւետեց իմ մարմինը ի նշան պատանքուելու:
9. Ճշմարիտ եմ ասում ձեզ, ուր էլ քարոզուի այս Աւետարանը ամբողջ աշխարհում, ինչ որ նա արեց, այդ եւս պիտի պատմուի նրա յիշատակի համար:
10. Եւ Յուդա Իսկարիօվտացին՝ Տասներկուսից մէկը, գնաց քահանայապետների մօտ, որ Յիսուսին մատնի նրանց:
11. Երբ նրանք լսեցին, ուրախացան եւ խոստացան նրան դրամ տալ. եւ նա առիթ էր փնտռում, թէ ինչպէս յարմար ժամանակ մատնի նրան:
12. Եւ Բաղարջակերաց տօնի առաջին օրը, երբ զատկի գառն էին մորթում, աշակերտները նրան ասացին. Ո՞ր ես ուզում գնանք պատրաստենք, որ զատկական ընթրիքն ուտես:
13. Եւ նա աշակերտներից երկուսին ուղարկեց ու նրանց ասաց. Գնացէ՛ք այն քաղաքը եւ երբ այն քաղաքը մտնէք, կը պատահի ձեզ մի մարդ, որ ուսին ջրի սափոր ունի. գնացէ՛ք նրա յետեւից:
14. Եւ նա ո՛ր տունը որ մտնի, տանտիրոջը կ'ասէք. Վարդապետն ասում է՝ ո՞ր է այն իջեւանը, ուր իմ աշակերտների հետ զատկական ընթրիքը պիտի ուտեմ:
15. Եւ նա ձեզ ցոյց կը տայ զարդարուած մի վերնատուն. այնտե՛ղ պատարաստեցէք մեզ համար:
16. Եւ նրա աշակերտները գնացին պատրաստելու. եկան այն քաղաքը եւ գտան՝ ինչպէս որ նա իրենց ասել էր. ու զատկական ընթրիքը պատրաստեցին:
17. Երբ երեկոյ եղաւ, նա եկաւ Տասներկուսի հետ միասին:
18. Եւ երբ սեղան նստեցին ու դեռ ուտում էին, Յիսուս ասաց. Ճշմարիտ եմ ասում ձեզ, որ ձեզանից մէկը մատնելու է ինձ. նա, որ ինձ հետ իսկ ուտում է:
19. Եւ նրանք սկսեցին տրտմել ու ասել մէկը միւսի յետեւից՝ միթէ ե՞ս եմ. եւ միւսը՝ թէ՛ միթէ ե՞ս եմ:
20. Նա պատասխան տուեց եւ ասաց. Տասներկուսիցդ մէկը, որ ձեռքը ինձ հետ մտցրեց պնակի մէջ:
21. Ճիշտ է, մարդու Որդին կը գնայ այս աշխարհից, ինչպէս որ նրա մասին գրուած է. բայց վա՛յ այն մարդուն, որի ձեռքով մարդու Որդին կը մատնուի. լաւ կը լինէր նրան, եթէ այդ մարդը ծնուած անգամ չլիներ:
22. Եւ մինչ դեռ ուտում էին, Յիսուս հաց վերցնելով՝ օրհնեց եւ կտրեց, տուեց նրանց ու ասաց. Առէ՛ք, ա՛յս է իմ մարմինը:
23. Եւ բաժակը վերցնելով՝ զոհութիւն յայտնեց, տուեց նրանց, եւ բոլորն էլ նրանից խմեցին:
24. Եւ Յիսուս ասաց նրանց. Ա՛յս է Նոր Ուխտի իմ արիւնը, որ կը թափուի շատերի համար:

25. Ճշմարիտ եմ ասում ձեզ, որ այլևս որթատունկի բերքից չեմ խմելու մինչեւ այն օրը, երբ կը խմեմ նոր գինին Աստծու արքայութեան մէջ:
26. Եւ գոհութիւն մատուցելուց յետոյ ելան Ձիթենեաց լեռը:
27. Եւ Յիսուս նրանց ասաց. Այս գիշեր ամենքդ գայթակղուելու էք իմ պատճառով, որովհետեւ գրուած է. Պիտի հարուածեմ հովուին, եւ ոչխարները պիտի ցրուեն:
28. Բայց իմ յարութիւնից յետոյ ձեզնից առաջ Գալիլիա պիտի գնամ:
29. Պետրոսը պատասխանեց եւ ասաց նրան. Թէկուզ բոլորն էլ գայթակղուեն, բայց ես չեմ գայթակղուի:
30. Եւ Յիսուս նրան ասաց. Ճշմարիտ եմ ասում քեզ, որ դու այս գիշեր իսկ, դեռ աքաղաղը չկանչած, երեք անգամ պիտի ուրանաս ինձ:
31. Իսկ Պետրոսն առաւել եւս պնդում էր ու ասում. Թէ քեզ հետ մեռնել իսկ հարկ լինի, քեզ չեմ ուրանայ: Եւ ամենքն էլ նոյնն էին ասում:
32. Եկան այն տեղը, որը Գեթսեմանի էր կոչուում: Եւ նա աշակերտներին ասաց. Նստեցէ՛ք այստեղ, մինչեւ ես աղօթեմ:
33. Եւ նա իր հետ վերցրեց Պետրոսին, Յակոբոսին եւ Յովհաննէսին եւ սկսեց տխրել ու տազնապել:
34. Այն ժամանակ նրանց ասաց. Տխուր է հոգիս մեռնելու աստիճան. մնացէ՛ք այստեղ եւ արթո՛ւն կացէք:
35. Եւ փոքր-ինչ առաջ գնալով՝ երեսի վրայ ընկաւ գետին. եւ աղօթում էր, որ, եթէ կարելի է, այդ ժամը իրենից հեռանայ:
36. Եւ ասում էր. Աբբա՛, Հա՛յր, ամէն ինչ քեզ կարելի է. այս բաժակը ինձնից հեռացրո՛ւ, բայց ոչ թէ ինչպէս ե՛ս եմ կամենում, այլ՝ ինչպէս դո՛ւ ես կամենում:
37. Եւ Յիսուս եկաւ ու նրանց քնած գտաւ. եւ Պետրոսին ասաց. Սիմո՛ն, ննջո՞ւմ ես. չկարողացա՞ր մէկ ժամ արթուն մնալ:
38. Արթո՛ւն կացէք եւ աղօթեցէ՛ք, որպէսզի փորձութեան մէջ չընկնէք: Հոգին յօժար է, բայց մարմինը՝ տկար:
39. Եւ նորից գնաց, աղօթքի կանգնեց ու նոյն բաներն ասաց:
40. Կրկին անգամ դարձաւ այնտեղ եւ նրանց քնի մէջ գտաւ. որովհետեւ նրանց աչքերը ծանրացել էին, եւ չէին իմանում, թէ ինչ պատասխան տան նրան:
41. Երրորդ անգամ եկաւ եւ նրանց ասաց. Քնեցէ՛ք այսուհետեւ եւ հանգստացէ՛ք, քանի որ վախճանը հասել է. եկաւ ժամը, եւ ահա մարդու Որդին մատնուում է մեղաւորների ձեռքը:
42. Օ՛ն, վե՛ր կացէք գնանք, որովհետեւ ահա մօտեցաւ նա, ով ինձ մատնելու է:
43. Եւ մինչ նա դեռ խօսում էր այս բաները, եկաւ Յուդա Իսկարիօտացին՝ Տասներկուսից մէկը, եւ իր հետ՝ սրերով, մահակներով զինուած ամբոխ՝ ուղարկուած քահանայապետների, օրէնսգետների ու ծերերի կողմից:
44. Մատնիչը նրանց նշան էր տուել ասելով՝ ում հետ ես համբուրուեմ, նա՛ է, բռնեցէ՛ք նրան եւ տարէ՛ք զգուշութեամբ:
45. Եւ մօտենալով նրան՝ իսկոյն ասաց. Ռաբբի՛, Ռաբբի՛. եւ համբուրեց նրան:
46. Եւ նրանք ձեռք դրեցին նրա վրայ ու բռնեցին:
47. Ապա նրա շուրջը գտնուողներից մէկը սուրը քաշեց եւ զարկեց քահանայապետի ծառային ու նրա ականջը կտրեց:
48. Յիսուս դարձաւ եւ ասաց նրանց. Սրերով եւ մահակներով դուրս էք եկել ինձ բռնելու որպէս աւազակի՞:
49. Ես միշտ ձեզ մօտ էի եւ ուսուցանում էի տաճարում. եւ ինձ չբռնեցիք. բայց այս եղաւ, որպէսզի մարգարէների Գրուածքները կատարուեն:
50. Այն ժամանակ աշակերտները բոլորն էլ լքեցին նրան եւ փախան:
51. Եւ մի երիտասարդ գնում էր նրա յետեւից՝ իր մերկ մարմնի վրայ մի սաւան գցած: Երիտասարդները նրան բռնեցին,
52. եւ նա թողնելով հագի կտորը՝ մերկ փախաւ նրանցից:
53. Եւ Յիսուսին տարան Կայիափա քահանայապետի մօտ. եւ նրա հետ հաւաքուած

էին բոլոր քահանայապետները, օրէնսգետներն ու ծերերը:

54. Իսկ Պետրոսը հեռուից նրա յետեւից գնաց մինչեւ ներս, քահանայապետի գաւիթը: Եւ նստած էր սպասաւորների մօտ ու տաքանում էր կրակի բոցի առջեւ:

55. Իսկ քահանայապետներն ու ամբողջ ատենանք մի որեւէ վկայութիւն էին փնտռում Յիսուսի դէմ, որպէսզի նրան սպանեն, բայց չէին գտնում:

56. Ընկնի որ նրա դէմ շատեր սուտ վկայութիւն էին տալիս, բայց վկայութիւնները իրար նման չէին:

57. Ոմանք վեր կենալով՝ սուտ էին վկայում նրա դէմ ու ասում:

58. Մենք լսեցինք դրանից, երբ ասում էր. ես կը քանդեմ այս ձեռակերտ տաճարը եւ երեք օրում կը շինեմ մէկ ուրիշը՝ անձեռակերտ:

59. Բայց եւ այնպէս նրանց վկայութիւնը նոյնանման չէր:

60. Ապա քահանայապետը կանգնելով մէջտեղում Յիսուսին հարց տուեց ու ասաց.

Ոչինչ չե՞ս պատասխանում. այդ ինչե՛ր են վկայում դրանք քո դէմ:

61. Եւ նա միայն լուռ էր մնում ու պատասխան չէր տալիս: Քահանայապետը կրկին անգամ հարցրեց նրան ու ասաց. Դո՛ւ ես Քրիստոսը՝ օրհնեալ Աստծու Որդին:

62. Յիսուս պատասխանեց եւ ասաց նրան. Դու ասացիր, թէ ես եմ. բայց պիտի տեսնեք մարդու Որդուն՝ ամենագոր Աստծու աջ կողմում նստած եւ երկնքի ամպերի վրայով եկած:

63. Եւ քահանայապետը իսկոյն պատռեց իր պատմուճանը եւ ասաց. Էլ ի՞նչ պետք են մեզ վկաներ:

64. Ահա ամենքդ դրա բերանից լսեցիք հայհոյութիւնը. ձեզ ինչպե՞ս է թւում...: Եւ ամենքը դատապարտեցին նրան, թէ մահապարտ է:

65. Եւ ոմանք սկսեցին թքել նրա երեսին, շորով գլուխը ծածկել, բռունցքով խփել ու ասել. Մարգարեացի՛ր մեզ, Քրիստո՛սդ, այն ո՞վ է, որ քեզ խփեց: Եւ սպասաւորները ապտակում էին նրան:

66. Եւ մինչ Պետրոսը դեռ ներքեւում, գաւթում էր, քահանայապետի մի աղախիւնը եկաւ եւ տեսաւ նրան տաքանալիս:

67. Նայեց նրան ու ասաց. Դու էլ Յիսուս Նազովրեցու հետ էիր:

68. Նա ուրացաւ եւ ասաց. Չեմ ճանաչում նրան եւ չգիտեմ ինչ ես ասում դու: Եւ երբ նա դրսի գաւիթը ելաւ, աքաղաղը կանչեց:

69. Աղախիւնը նորից տեսաւ նրան եւ սկսեց իր շուրջը գտնուողներին ասել. Սա էլ նրանցից է:

70. Եւ Պետրոսը դարձեալ ուրացաւ. Փոքր-ինչ յետոյ, նորից, նրանք, որ շուրջը կանգնել էին, ասացին Պետրոսին. Իրօք, դու էլ նրանցից ես, քանի որ գալիլիացի ես, եւ քո խօսուածքն էլ նման է:

71. Եւ նա սկսեց նզովք կարդալ, երդուել եւ ասել. Չեմ ճանաչում այն մարդուն, որի մասին դուք խօսում էք:

72. Եւ հէնց նոյն ժամին աքաղաղը երկրորդ անգամ կանչեց: Եւ Պետրոսը յիշեց այն խօսքը, որ Յիսուս ասել էր իրեն, թէ՛ Աքաղաղը դեռ երկու անգամ չկանչած՝ դու երեք անգամ ինձ պիտի ուրանաս. եւ սկսեց լալ:

1. Եւ իսկոյն, վաղ առաւօտեան, ծերերի եւ օրէնսգէտների հետ միասին, քահանայապետները եւ ամբողջ ատեանը խորհուրդ անելով՝ կապեցին Յիսուսին եւ տարան յանձնեցին Պիղատոսին:
2. Պիղատոսը հարցրեց նրան եւ ասաց. Դո՞ւ ես հրեաների թագաւորը: Յիսուս պատասխան տուեց նրան եւ ասաց. Դու ասում ես:
3. Եւ քահանայապետները նրան շատ էին ամբաստանում, բայց նա ոչինչ չէր պատասխանում:
4. Իսկ Պիղատոսը դարձեալ հարցրեց նրան. Ոչ մի պատասխան չե՞ս տալիս. տե՛ս, ինչքա՛ն են քեզ ամբաստանում:
5. Եւ Յիսուս, այնուհետեւ, էլ ոչինչ չպատասխանեց, այնպէս որ Պիղատոսը շատ զարմացաւ:
6. Սակայն տօնի առիթով Պիղատոսը նրանց համար արձակում էր մի կալանաւոր, ում որ նրանք ուզում էին:
7. Եւ Բարաբբա անունով մէկը կար՝ բանտարկուած այն խռովարարների հետ, որոնք խռովութեան ժամանակ մի մարդ էին սպանել:
8. Ամբոխն սկսեց բարձր ձայնով աղաղակել եւ պահանջել, որ, ինչպէս սովորութիւն էր անել, Բարաբբայի՛ն արձակի:
9. Պիղատոսը պատասխանեց եւ ասաց նրանց. Ուզո՞ւմ եք, որ հրեաների արքային արձակեմ ձեզ համար:
10. քանի որ նա գիտէր, թէ նախանձի՛ց մատնեցին նրան քահանայապետները,
11. որոնք եւ ամբոխին համոզեցին, որ Բարաբբայի՛ն արձակի իրենց համար:
12. Պիղատոսը դարձեալ խօսք առաւ եւ ասաց նրանց. Իսկ ի՞նչ եք ուզում, որ անեմ հրեաների արքային:
13. Եւ նրանք, քահանայապետներից դրդուած, դարձեալ աղաղակեցին. Խա՛չը հանիր դրան:
14. Պիղատոսը նրանց ասաց. Ի՞նչ չար բան է արել նա: Եւ նրանք առաւել եւս աղաղակում էին ու ասում. Խա՛չը հանիր դրան:
15. Իսկ Պիղատոսը, որովհետեւ ուզեց ամբոխին գոհացնել, նրանց համար Բարաբբային արձակեց: Իսկ Յիսուսին ծեծել տալով՝ նրանց ձեռքը յանձնեց, որպէսզի խաչը հանուի:
16. Եւ զինուորները նրան ներսի գաւիթը տարան, ուր պալատի բակն էր. մէկտեղ կանչեցին ամբողջ գունդը,
17. եւ նրան հազգրին կարմիր քղամիդ եւ ծիրանի ու նրա գլխին փշերից պատրաստուած պսակ դրեցին
18. եւ սկսեցին նրան ողջոյն տալ ու ասել. Ողջո՛յն քեզ, հրեաների թագաւո՛րդ:
19. Եւ եղեգով հարուածում էին նրա գլխին, թքում էին երեսին ու ծնկի գալով՝ երկրպագում էին նրան:
20. Եւ նրան ծաղրուծանակի ենթարկելուց յետոյ, քղամիդն ու ծիրանին հանեցին եւ նրան իր զգեստները հազգրին ու դուրս տարան, որ խաչը հանեն նրան:
21. Եւ ստիպեցին Սիմոն Կիրենացուն՝ Ալեքսանդրի եւ Ռուփոսի հօրը, որը ագարակից էր գալիս ու այդ տեղով էր անցնում, որ Յիսուսի խաչափայտը կրի:
22. Եւ նրան տարան Գողգոթա, մի տեղ, որ թարգմանւում է կառափնատեղի:
23. Չմուռնով խառնուած գինի տուին նրան, բայց նա չվերցրեց:
24. Եւ նրան խաչը հանեցին: Եւ նրա հագուստները բաժանեցին՝ դրանց վրայ վիճակ գցելով, թէ ով ի՞նչ պիտի վերցնի:
25. Առաւօտեան ժամը ինն էր, երբ նրան խաչեցին:
26. Եւ կար նրա դատապարտութեան մասին գրութիւն՝ գրուած այսպէս. Հրեաների թագաւորն է:
27. Եւ նրա հետ խաչեցին երկու անազակներ, մէկը՝ նրա աջում եւ միւսը՝ ձախում:

28. Եւ կատարուեց գրուածը, թէ՛ Անօրէնների հետ դասուեց:
29. Եւ ովքեր անցնում էին, հայիոյում էին նրան, շարժում իրենց գլուխները եւ ասում.  
Վա՛հ, որ քանդում էիր տաճարը եւ երեք օրում շինում,  
30. ազատի՛ր ինքդ քեզ եւ իջի՛ր այդ խաչից:
31. Նոյնպէս եւ քահանայապետները, իրենք իրենց մէջ, օրէնսգետների հետ միասին, ծաղր էին անում ու ասում. Ուրիշներին ազատեց, ինքն իրեն չի կարողանում ազատել:
32. Այդ Քրիստոսը՝ Իսրայելի այդ թագաւորը, թող այժմ իջնի խաչից, որպէսզի տեսնենք եւ հաւատանք դրան: Եւ նրա հետ խաչուածներն էլ նախատում էին նրան:
33. Երբ կեսօր եղաւ, խաւար պատեց ամբողջ երկիրը, մինչեւ ժամը երեքը:
34. Եւ ժամը երեքին Յիսուս բարձրաձայն աղաղակեց եւ ասաց. Էլի՛, Էլի՛, լա՛մա սաբաքթանի, որ թարգմանում է՝ Աստուա՛ծ իմ, Աստուա՛ծ իմ, ինչո՞ւ թողեցիր ինձ:
35. Եւ նրանցից ոմանք, որ նրա շուրջն էին կանգնել, երբ լսեցին այդ, ասացին. Եղիային է կանչում:
36. Եւ մէկը առաջ վազելով՝ սպունգը թաթախեց քացախի մէջ, անցկացրեց եղեգի ծայրին, տուեց նրան, որ խմի, ու ասաց. Թողէ՛ք տեսնենք, արդեօք Եղիան կը գա՞յ նրան իջեցնելու:
37. Եւ Յիսուս բարձր ձայն արձակեց ու հոգին աւանդեց:
38. Եւ տաճարի վարագոյրը վերեւից մինչեւ ներքեւ երկուսի պատռուեց:
39. Եւ այնտեղ կանգնած հարիւրապետը տեսնելով, թէ ինչպէս նա աղաղակեց եւ հոգին աւանդեց, ասաց. Իրօք այս մարդը Աստծու Որդի էր:
40. Կային եւ կանայք, որոնք դիտում էին հեռուից: Նրանց մէջ էին Մարիամ Մագդաղենացին, Կրտսեր Յակոբոսի եւ Յովսէի մայրը՝ Մարիամը, ինչպէս եւ Սաղոմէն,
41. որոնք, երբ Յիսուս Գալիլիայում էր, նրա յետեւից էին գնում եւ ծառայում նրան. կային նաեւ շատ այլ կանայք, որոնք նրա հետ Երուսաղէմ էին ելել:
42. Եւ երբ երեկոյ եղաւ, - քանի որ ուրբաթ էր, եւ շաբաթամուտն էր սկսւում, -
43. արիմաթիացի Յովսէփը, որ մի պարկեշտ մարդ էր ու հրեաների ժողովի անդամ եւ որ ինքն էլ Աստծու արքայութեանն էր սպասում, համարձակուեց մտնել Պիղատոսի մօտ եւ ուզեց Յիսուսի մարմինը:
44. Եւ Պիղատոսը զարմացաւ, որ Յիսուս այդչափ շուտ էր մեռել. եւ իր մօտ կանչելով հարիւրապետին՝ հարցրեց նրան ու ասաց. Իրօք այդչափ շո՞ւտ մեռաւ:
45. Երբ այդ ստուգեց հարիւրապետից, մարմինը շնորհեց Յովսէփին:
46. Եւ Յովսէփը կտաւ գնեց ու նրան իջեցնելով՝ պատեց այդ կտաւով ու դրեց մի գերեզմանի մէջ, որ փորուած էր ժայռի մէջ: Եւ մի քար գլորեց գերեզմանի դռան առաջ:
47. Իսկ Մարիամ Մագդաղենացին եւ Յակոբոսի ու Յովսէի մայր Մարիամը տեսան այն տեղը, ուր նա դրուեց:

1. Եւ երբ շաբաթն անցաւ, Մարիամ Մագդաղենացին, Յակոբոսի մայր Մարիամը եւ Սաղոմէն գնացին ինկի պատրաստութիւն տեսան, որպէսզի գան եւ օծեն նրա մարմինը:
2. Եւ կիրակի օրը, առաւօտեան, արեւածագին եկան գերեզման:
3. Եւ ասում էին միմեանց. Քարը գերեզմանի դռնից մեզ համար ո՞վ պիտի գլորի:
4. Եւ նայեցին ու տեսան, որ գերեզմանից քարը գլորուած էր. եւ այն շատ մեծ էր:
5. Եւ ներս, գերեզման մտնելով՝ տեսան մի երիտասարդի, որ նստած էր աջ կողմը՝ սպիտակ պատմուճան հագած. եւ զարհուրեցին:
6. Եւ նա ասաց նրանց. Մի՛ վախեցէք, դուք Յիսուսին էք փնտռում խաչուած Նազովրեցուն. նա յարութիւն առաւ, այստեղ չէ: Ահաւասիկ այն տեղը, ուր նրան դրել էին:
7. Բայց գնացէք ասացէ՛ք նրա աշակերտներին եւ Պետրոսին, թէ՛ ահա նա ձեզնից առաջ գնում է Գալիլիա. այնտե՛ղ կը տեսնէք նրան, ինչպէս ձեզ ասել էր:
8. Եւ երբ այս լսեցին, ելան ու փախան գերեզմանից, քանի որ սարսափահար էին եղել. եւ ոչ ոքի բան չասացին, որովհետեւ վախենում էին:
9. Կիրակի առաւօտեան յարութիւն առած լինելով՝ Յիսուս նախ երեւաց Մարիամ Մագդաղենացուն, որից եօթը դէլ էր հանել:
10. Եւ սա գնաց ու պատմեց նրանց, որ Յիսուսի հետ էին եւ դեռեւս սգում ու լաց էին լինում:
11. Երբ նրանք լսեցին, թէ նա կենդանի է եւ երեւացել է Մարիամին, չհաւատացին:
12. Յետոյ Յիսուս այլ կերպարանքով երեւաց նրանց, որոնք հանդ էին գնում:
13. Սրանք էլ եկան ու պատմեցին ուրիշների. բայց նրանք էլ չհաւատացին:
14. Յետոյ, մինչ Տասնմէկը սեղան էին նստել, Յիսուս նրանց երեւաց եւ յանդիմանեց նրանց իրենց անհաւատութեան եւ խստասրտութեան համար, որովհետեւ չէին հաւատացել նրանց, որոնց ինքը երեւացել էր՝ մեռելներից յարութիւն առած:
15. Եւ նրանց ասաց. Գնացէ՛ք ամբողջ աշխարհով մէկ եւ քարոզեցէ՛ք Աւետարանը բոլոր մարդկանց:
16. Ով հաւատայ եւ մկրտուի, պիտի փրկուի, եւ ով չհաւատայ, պիտի դատապարտուի:
17. Սրանք են նշանները, որոնք պիտի ուղեկցեն նրանց, որոնք հաւատում են. իմ անունով դէւեր պիտի հանեն, լեզուներ պիտի խօսեն,
18. իրենց ձեռքերին օծեր պիտի բռնեն, եւ եթէ մահացու թոյն խմեն, դա նրանց չպիտի վնասի. հիւանդների վրայ ձեռք պիտի դնեն եւ բժշկեն:
19. Եւ ինքը Տէր Յիսուս, նրանց հետ խօսելուց յետոյ, դէպի երկինք վերացաւ եւ նստեց Հօր աջ կողմը:
20. Իսկ նրանք ելան ու քարոզեցին Աւետարանը ամբողջ աշխարհում՝ Տիրոջ գործակցութեամբ. եւ իրենց ուղեկցող բոլոր նշաններով հաստատում էին խօսքը:

ԱԲԵՏԱՐԱՆ ԸՍՏ ՂՈՒԿԱՍԻ

## Գլուխ 1

1. Քանի որ շատերը ձեռնարկեցին շարադրել մեզանում կատարուած դէպքերի պատմութիւնը,
2. ինչպէս մեզ աւանդեցին նրանք, որ սկզբից խօսքի ականատեսներն ու սպասաւորները եղան,
3. Ես էլ, որ սկզբից ստուգութեամբ հետամուտ էի եղել ամէն բանի, կամեցայ կարգով քեզ գրել, ո՛վ գերազանցո՞ւ Թեոփիլէ,
4. որպէսզի ճանաչես ճշմարտութիւնն այն խօսքերի, որոնց աշակերտեցիր:
5. Հրեաստանի Հերովդէս թագաւորի օրով, Աբիայի քահանայական ընտանիքից Չաքարիա անունով մի քահանայ կար, որի կինը Ահարոնի դստերից էր. նրա անունը Եղիսաբէթ էր:
6. Եւ երկուսն էլ Աստծու առաջ արդար էին ու անարատ կերպով ընթանում էին Տիրոջ բոլոր պատուիրանների եւ օրէնքների ճանապարհով:
7. Նրանք որդի չունէին, որովհետեւ Եղիսաբէթը ամուլ էր, եւ երկուսն էլ իրենց առաջացած տարիքում էին:
8. Եւ մինչ Չաքարիան Աստծու առջեւ իր քահանայական պաշտօնն էր կատարում, իր կարգի օրերը հասած լինելով՝
9. ըստ քահանայութեան օրէնքի նրան վիճակուեց մտնել Տիրոջ տաճարը եւ խնկարկել:
10. Եւ խնկարկութեան ժամին ժողովրդի ամբողջ բազմութիւնը դրսում աղօթքի էր կանգնած:
11. Եւ Տիրոջ հրեշտակը երեւաց նրան՝ խնկերի սեղանի աջ կողմում կանգնած:
12. Երբ Չաքարիան նրան տեսաւ, խռովուեց, եւ վախ ընկաւ նրա մէջ:
13. Տիրոջ հրեշտակը նրան ասաց. Մի՛ վախեցիր, Չաքարիա՛, որովհետեւ քո աղօթքը լսելի եղաւ. քո կինը՝ Եղիսաբէթը, մի որդի կը ծնի քեզ, եւ նրա անունը Յովիաննէս կը դնես:
14. Նա քեզ համար ուրախութիւն եւ ցնծութիւն կը լինի, եւ շատերը կ'ուրախանան իր ծննդով,
15. որովհետեւ նա Տիրոջ առաջ մեծ կը լինի, գինի եւ օղի չի խմի եւ մօր որովայնից սկսած Սուրբ Հոգով կը լցուի
16. Եւ Իսրայէլի որդիներից շատերին կը դարձնի դէպի իրենց Տէր Աստուածը:
17. Նա Եղիայի հոգով եւ զօրութեամբ պիտի գնայ նրա առաջից, որպէսզի հայրերի սրտերը որդիներին դարձնի ու անհնազանդներին՝ արդարների իմաստութեանը՝ Տիրոջ համար պատրաստ մի ժողովուրդ կազմելու:
18. Եւ Չաքարիան ասաց հրեշտակին. Ես ի՞նչ կերպ կ'իմանամ այդ, քանի որ ես ծեր եմ, եւ կինս էլ առաջացած տարիքում է:
19. Հրեշտակը նրան պատասխանեց եւ ասաց. Ես Գաբրիէլն եմ, որ կանգնում եմ Աստծու առաջ. ես ուղարկուեցի խօսելու քեզ հետ եւ այդ բանը քեզ աւետելու:
20. Եւ ահա՛, դու համր կը լինես եւ չես կարողանայ խօսել մինչեւ այն օրը, երբ այդ կատարուի, քանի որ դու չհաւատացիր իմ խօսքերին, որ կ'իրականան իրենց ժամանակին:
21. Իսկ ժողովուրդը սպասում էր Չաքարիային. զարմանում էին, որ տաճարում նա ուշանում է:
22. Եւ երբ նա դուրս եկաւ, չէր կարողանում խօսել նրանց հետ: Եւ նրանք իմացան, թէ տաճարում տեսիլք էր տեսել. եւ նա նշանացի էր խօսում նրանց հետ ու մնում էր պապանծուած:
23. Եւ երբ պաշտամունքի իր օրերը լրացան, գնաց իր տունը:
24. Այդ օրերից յետոյ նրա կինը՝ Եղիսաբէթը յղիացաւ: Հինգ ամիս նա թաքցնում էր ինքն իրեն եւ ասում.
25. Այս ի՞նչ բան արեց Տէրը ինձ իմ այս օրերին, երբ նայեց ինձ վրայ՝ վերացնելով իմ նախատիկքը մարդկանց միջից:



26. Վեցերորդ ամսին Գաբրիէլ հրեշտակը Աստծու կողմից ուղարկուեց Գալիլիայի մի քաղաքը, որի անունը Նազարէթ էր,
27. մի կոյսի մօտ, որ նշանուած էր Յովսէփի անունով մի մարդու հետ՝ Դաւթի տնից: Եւ այդ կոյսի անունը Մարիամ էր:
28. Եւ հրեշտակը, գալով նրա մօտ, ասաց. Ուրախացի՛ր, ո՛վ շնորհընկալ, Տէրը քեզ հետ է:
29. Իսկ նա այս խօսքերի վրայ խռովուեց եւ մտքում խորհում էր, թէ ինչ բան էր այս ողջոյնը:
30. Եւ հրեշտակը նրան ասաց. Մի՛ վախեցիր, Մարիա՛մ, որովհետեւ Աստծուց դու շնորհ գտար:
31. Եւ ահա՛ դու կը յղիանաս եւ կը ծնես մի որդի ու նրա անունը Յիսուս կը դնես:
32. Նա մեծ կը լինի եւ Բարձրեալի որդի կը կոչուի: Եւ Տէր Աստուած նրան կը տայ նրա հօր՝ Դաւթի աթոռը, եւ նա յաւիտեան կը թագաւորի Յակոբի տան վրայ,
33. ու նրա թագաւորութիւնը վախճան չի ունենայ:
34. Իսկ Մարիամը հրեշտակին ասաց. Ինչպէ՞ս այդ կը պատահի ինձ, քանի որ ես տղամարդ չեմ ճանաչում:
35. Հրեշտակը պատասխանեց եւ նրան ասաց. Սուրբ Հոգին կը գայ քո վրայ, եւ Բարձրեալի զօրութիւնը հովանի կը լինի քեզ, որովհետեւ նա, որ քեզնից է ծնուելու, սուրբ է եւ Աստծու որդի կը կոչուի:
36. Եւ ահա քո ազգական Եղիսաբեթը. նա եւս յղի է իր ծերութեան մէջ, եւ այս՝ յղիութեան վեցերորդ ամիսն է նրա, որ ամուլ էր կոչուած.
37. որովհետեւ Աստծու համար անկարելի բան չկայ:
38. Եւ Մարիամն ասաց. Ահաւասի՛կ ես մտում եմ Տիրոջ աղախինը, թող քո խօսքի համաձայն լինի ինձ: Եւ հրեշտակը հեռացաւ նրանից:
39. Այդ օրերին Մարիամը վեր կացաւ եւ շտապով գնաց Յուդայի լեռնային շրջանի քաղաքներից մէկը,
40. մտաւ Չաքարիայի տունը ու Եղիսաբեթին ողջոյն տուեց:
41. Եւ երբ Եղիսաբեթը Մարիամի ողջոյնը լսեց, մանուկը խաղաց նրա որովայնում, եւ Եղիսաբեթը լցուեց Սուրբ Հոգով
42. եւ բարձր ծայնով աղաղակեց ու ասաց. Օրհնեա՛լ ես դու կանանց մէջ, եւ օրհնեա՛լ է քո որովայնի պտուղը:
43. Որտեղի՞ց ինձ այս ուրախութիւնը, որ իմ Տիրոջ մայրը ինձ մօտ գայ.
44. որովհետեւ ահաւասիկ, երբ քո ողջոյնի ծայնը հասաւ իմ ականջին, մանուկը ցնծալով խաղաց իմ որովայնում:
45. Եւ երանի՛ նրան, որ կը հաւատայ, թէ Տիրոջ կողմից իրեն ասուածները կը կատարուեն:
46. Եւ Մարիամն ասաց.
47. Մարիամը գրեթէ երեք ամիս մնաց Եղիսաբեթի մօտ եւ դարձաւ իր տունը:
48. Եղիսաբեթի ծննդաբերելու ժամանակը լրացաւ, եւ նա մի որդի ծնեց.
49. եւ նրա շուրջը գտնուողներն ու նրա ազգատոհմը լսեցին, որ Տէրն իր մեծ ողորմութիւնը ցոյց տուեց նրա հանդէպ, եւ ուրախանում էին նրա հետ:
50. Եւ ութերորդ օրը եկան մանկանը թլփատելու. եւ նրան իր հօր անունով Չաքարիա էին կոչում:
51. Բայց նրա մայրը պատասխանեց եւ ասաց. Ո՛չ, այլ Յովհաննէս պէտք է կոչուի:
52. Նրան ասացին. Սակայն քո ազգատոհմի մէջ չկայ մէկը, որի անունը Յովհաննէս լինի:
53. Նշանացի ականարկեցին նրա հօրը, թէ ի՛նչ կը կամենայ նրան կոչել:
54. Իսկ նա մի տախտակ ուզեց եւ վրան գրեց. Դրա անունը Յովհաննէս է: Եւ բոլորը զարմացան:
55. Եւ իսկոյն նրա բերանը բացուեց ու նրա լեզուն՝ նոյնպէս. եւ խօսում էր ու օրհնում Աստծուն:

56. Եւ ահ ընկաւ բոլորի մէջ, որ լսեցին այս, եւ նրանց մէջ, որ բնակւում էին նրանց շուրջը: Եւ Հրեաստանի ամբողջ լեռնակողմում այս բոլոր բաները պատմւում էին:
57. Եւ բոլոր լսողները պահում էին իրենց սրտում այս ամենը եւ ասում էին. Արդեօք ի՞նչ կը լինի այս մանուկը: Եւ Տիրոջ ձեռքը նրա հետ էր:
58. Չաքարիան՝ նրա հայրը, Սուրբ Հոգով լցուեց, մարգարեացաւ եւ ասաց.
59. Եւ մանուկը աճում ու զօրանում էր հոգով եւ մտւում էր ամայի տեղերում՝ մինչեւ Իսրայէլում նրա երեւալու օրը:

1. Այն օրերին Օգոստոս կայսեր կողմից հրաման ելաւ՝ ամբողջ երկրում մարդահամար անելու համար:
2. Այս առաջին մարդահամարը տեղի ունեցաւ, երբ Կիւրենիոսը կուսակալ էր Ասորիքում:
3. Եւ բոլորը գնում էին արձանագրուելու մարդահամարի՝ իւրաքանչիւրն իր քաղաքում:
4. Յովսէփն էլ Դաւթի տնից եւ ազգատոհմից լինելով՝ Գալիլիայի Նազարէթ քաղաքից ելաւ գնաց դէպի Հրեաստան՝ Դաւթի քաղաքը, որը Բեթղեհէմ է կոչւում,
5. մարդահամարի մէջ արձանագրուելու Մարիամի հետ, որ Նրա հետ նշանուած էր եւ յղի էր:
6. Եւ երբ Նրանք այնտեղ հասան, Նրա ծննդաբերելու օրերը լրացան,
7. եւ Նա ծնեց իր անդրանիկ որդուն, խանձարուրի մէջ փաթաթեց Նրան ու դրեց մսուրի մէջ, որովհետեւ իջեւանում Նրանց համար տեղ չկար:
8. Եւ այդ շրջանում բացօթեայ բնակուող հովիւներ կային, որոնք իրենց հօտերի գիշերային պահպանութիւնն էին անում:
9. Եւ Տիրոջ հրեշտակը երեւաց Նրանց, Տիրոջ փառքը ծագեց Նրանց շուրջը, ու Նրանք սաստիկ վախեցան:
10. Եւ հրեշտակը ասաց Նրանց. Մի՛ վախեցէք, որովհետեւ ահա ձեզ մեծ ուրախութիւն եմ աւետում, որը ամբողջ ժողովրդինը կը լինի.
11. որովհետեւ այսօր Դաւթի քաղաքում ձեզ համար ծնուեց մի Փրկիչ, որ օծեալ Տէրն է:
12. Եւ սա՛ ձեզ համար նշան կը լինի. խանձարուրով փաթաթած եւ մսուրի մէջ դրուած մի մանուկ կը գտնէք:
13. Եւ յանկարծակի այդ հրեշտակի հետ երեւաց երկնային զօրքերի մի բազմութիւն, որ օրհնում էր Աստծուն ու ասում.
14. Փա՛ռք Աստծուն՝ բարձունքներում, եւ երկրի վրայ խաղաղութի՛ւն եւ հաճութի՛ւն՝ մարդկանց մէջ:
15. Եւ երբ հրեշտակները Նրանցից հեռանալով երկինք բարձրացան, հովիւներն ասացին միմեանց. Եկէ՛ք գնանք մինչեւ Բեթղեհէմ եւ տեսնենք, թէ ի՛նչ բան է այս եղածը, որ Տէրը մեզ ցոյց տուեց:
16. Եւ Նրանք շտապով եկան ու գտան Մարիամին ու Յովսէփին եւ մսուրի մէջ դրուած մանկանը:
17. Եւ ճանաչեցին Նրան այն խօսքից, որ իրենց ասուել էր մանկան մասին:
18. Եւ բոլոր լսողները զարմանում էին այն բաների վրայ, որ հովիւները ասացին իրենց:
19. Իսկ Մարիամը այս բոլոր ասուածները պահում էր իր մէջ եւ իր սրտում խորհում:
20. Եւ հովիւները վերադարձան. փառաւորում եւ օրհնում էին Աստծուն այն ամենի համար, որ լսեցին ու տեսան, ինչպէս իրենց պատմուել էր:
21. Եւ երբ ութ օրերը լրացան, եւ Նա թլփատուեց, Նրա անունը Յիսուս դրուեց, ինչպէս հրեշտակի կողմից կոչուել էր, երբ դեռ չէր յղացուել մօր որովայնում:
22. Երբոր Նրանց սրբագործման օրերը լրացան, Մովսէսի Օրէնքի համաձայն՝ Նրան Երուսաղէմ տարան՝ Տիրոջը ներկայացնելու համար,
23. ինչպէս գրուած էր Տիրոջ Օրէնքում. Ամէն արու զաւակ, որ արգանդ է բացում, Տիրոջ համար սուրբ պիտի կոչուի:
24. Եւ Տիրոջ Օրէնքում ասուածի համաձայն՝ ընծայ պետք է տալ մի զոյգ տատրակ կամ աղանու երկու ձագ:
25. Արդ, Երուսաղէմում Սիմէոն անունով մի մարդ կար, եւ այդ մարդը արդար ու աստուածավախ էր եւ ակնկալում էր Իսրայէլի միսիթարութիւնը. Եւ Սուրբ Հոգին էր Նրա մէջ:
26. Եւ Սուրբ Հոգուց հրամայուած էր իրեն մահ չտեսնել, մինչեւ որ տեսներ Տիրոջ Օծեալին:
27. Նա Հոգով առաջնորդուած՝ եկաւ տաճարը, եւ երբ ծնողները բերին Յիսուս

մանկանը՝ նրա վրայ կատարելու ինչ որ օրենքի սովորութեան համաձայն էր,  
 28. Սիմէոնը նրան իր գիրկն առաւ, օրհնեց Աստծուն եւ ասաց.  
 29. Եւ նրա հայրն ու մայրը զարմացած էին այն խօսքերի համար, որ ասում էին նրա մասին:  
 30. Սիմէոնը նրանց օրհնեց եւ ասաց նրա մօրը՝ Մարիամին. Ահա՛ սա նա է, որ պատճառ է դառնալու Իսրայէլի մէջ շատերի անկման ու բարձրացման եւ նշան՝  
 հակառակութեան:  
 31. Իսկ քո հոգու միջով էլ սուր պիտի անցնի, որպէսզի բազում սրտերի խորհուրդներ յայտնի դառնան:  
 32. Եւ այնտեղ կար մի մարգարէուհի՝ Աննա անունով՝ Փանուէլի դուստրը, Ասերի ազգատոհմից. սա տարիքով շատ առաջացած էր եւ ամուսնու հետ միայն եօթը տարի էր ապրել՝ սկսած իր կուսութիւնից:  
 33. Նա մօտ ութսունչորս տարեկան մի այրի էր, որ չէր հեռանում տաճարից, այլ ծոմապահութեամբ եւ աղօթքով գիշեր-ցերեկ ծառայում էր Աստծուն:  
 34. Սա եւս նոյն ժամին վեր կացաւ եկաւ, գոհութիւն էր մատուցում Տիրոջը եւ խօսում էր մանկան մասին բոլոր նրանց հետ, որոնք Երուսաղէմի փրկութեանն էին սպասում:  
 35. Եւ երբ ամէն ինչ կատարեցին Տիրոջ Օրենքի համաձայն, վերադարձան Գալիլիա, իրենց քաղաքը՝ Նազարէթ:  
 36. Եւ մանուկը աճում ու զօրանում էր՝ լի իմաստութեամբ. եւ Աստծու շնորհները նրա վրայ էին:  
 37. Արդ, նրա ծնողները ամէն տարի, Չատկի տօնին, Երուսաղէմ էին գնում:  
 38. Եւ երբ նա տասներկու տարեկան եղաւ, տօնի սովորութեան համաձայն՝ Երուսաղէմ ելան:  
 39. Եւ երբ տօնական օրերը լրացան, ու նրանք վերադարձան, մանուկ Յիսուսը մնաց Երուսաղէմում, եւ նրա ծնողները այդ չիմացան:  
 40. Կարծում էին, թէ նա իրենց ուղեկիցների հետ է. մի օրուայ չափ ճանապարհ եկան եւ նրան փնտռեցին ազգականների ու ծանօթների մէջ:  
 41. Ու երբ չգտան, Երուսաղէմ վերադարձան՝ նրան փնտռելու համար:  
 42. Եւ երեք օր յետոյ նրան գտան տաճարում. վարդապետների հետ նստած՝ նա լսում էր նրանց եւ հարցեր էր տալիս:  
 43. Եւ բոլորը, որ նրան լսում էին, զարմանում էին նրա իմաստութեան եւ պատասխանների վրայ:  
 44. Երբ ծնողները նրան տեսան, հիացան. իսկ մայրը նրան ասաց. Որդի՛, այս ի՞նչ արեցիր դու մեզ. ահաւասիկ հայրդ ու ես տագնապած քեզ էինք փնտռում:  
 45. Եւ նա պատասխանեց նրանց. Ինչո՞ւ էիք ինձ փնտռում, չգիտէի՞ք, թէ ես Հօրս տանը պետք է լինեմ:  
 46. Բայց նրանք չհասկացան այն խօսքը, որ նա իրենց ասաց:  
 47. Եւ Յիսուս նրանց հետ իջաւ ու Նազարէթ գնաց. եւ նա հնազանդ էր նրանց: Եւ նրա մայրը այս բոլոր բաները պահում էր իր սրտում:  
 48. Իսկ Յիսուս զարգանում էր իմաստութեամբ, հասակով եւ շնորհով Աստծու ու մարդկանց առջեւ:

1. Տիբերիոս կայսեր իշխանութեան տասնհինգերորդ տարում, երբ Պոնտացի Պիղատոսը կուսակալ էր Հրեաստանի, եւ Հերովդէսը՝ չորրորդապետ Գալիլիայի, եւ Նրա եղբայր Փիլիպոսը՝ չորրորդապետ Իսուրացիների ու Տրաքոնացիների աշխարհի, Լիւսանիասը՝ չորրորդապետ Աբիլենէի,
2. եւ Աննայի ու Կայիափայի քահանայապետութեան օրով, Աստծու խօսքը լսելի եղաւ Չաքարիայի որդի Յովհաննէսին անապատում:
3. եւ Նա եկաւ Յորդանանի կողմը ապաշխարութեան մկրտութիւն քարոզելու՝ մեղքերի թողութեան համար,
4. ինչպէս գրուած է Եսայի մարգարէի պատգամների գրքում.
5. եւ այն ժողովրդին, որ եկել էր իրենից մկրտուելու, ասում էր. Իժերի՛ ծնունդներ, ո՞վ ձեզ սովորեցրեց փախչել բարկութիւնից, որ գալու է:
6. Այսուհետեւ ապաշխարութեան արժանի պատուներ տուէ՛ք եւ մի՛ սկսեք ասել, թէ Աբրահամին ունենք իբրեւ հայր. այս ասեմ ձեզ, որ Աստուած կարող է այս քարերից անգամ դուրս բերել Աբրահամի որդիներ:
7. Բայց ահաւասիկ կացինը ծառերի արմատի վրայ է. ամէն ծառ, որ բարի պտուղ չի տալիս, կտրուում եւ կրակն է նետուում:
8. Ժողովուրդը նրան հարցնում էր եւ ասում. Իսկ արդ, ի՞նչ պիտի անենք:
9. Նա պատասխանեց նրանց եւ ասաց. Ով որ երկու զգեստ ունի, մէկը թող տայ նրան, որ չունի, եւ ով որ ուտելիք ունի, նոյն ձեւով թող անի:
10. Մաքսաւորներն էլ եկան մկրտուելու եւ հարցրին նրան. Վարդապետ՛, մենք ինչ անենք:
11. Նա ասաց նրանց. Ձեզ հրամայուածներից անելին մի՛ վերցրեք:
12. Չինուորները նոյնպէս հարցնում էին նրան. Իսկ մենք ինչ անենք: Նա ասաց նրանց. Ոչ ոքի մի՛ նեղեք, ոչ ոքի մի՛ զրպարտեք, ձեր ռոճիկը թող ձեզ բաւարար լինի:
13. Ժողովուրդը սպասման մէջ էր, եւ բոլորն իրենց սրտում Յովհաննէսի մասին հարց էին տալիս, թէ՛ միթէ սա՞ է Քրիստոսը:
14. Նա պատասխանեց բոլորին ու ասաց. Ես ձեզ մկրտում եմ ջրով, բայց գալիս է ինձնից անելի զօրաւորը, որի կօշիկները հանելու արժանի չեմ ես. Նա ձեզ կը մկրտի Սուրբ Հոգով եւ իրով.
15. նրա քամհարը իր ձեռքում է՝ մաքրելու իր կալը, հաւաքելու ցորենը իր շտեմարանում, իսկ յարդը կ'այրի անշէշ կրակով:
16. Նա շատ ուրիշ մխիթարիչ խօսքերով բարի լուրն էր անետում ժողովրդին:
17. Բայց Հերովդէս չորրորդապետը, յանդիմանուած լինելով Յովհաննէսի կողմից, իր եղբոր կնոջ՝ Հերովդիայի պատճառով եւ այն բոլոր չարիքների համար, որ Հերովդէսը գործել էր,
18. այդ բոլորի վրայ անելացրեց եւ այն, որ Յովհաննէսին բանտարկեց:
19. եւ ամբողջ ժողովրդի մկրտուելուց յետոյ, Յիսուս եւս մկրտուեց ու երբ աղօթքի կանգնեց, երկինքը բացուեց,
20. եւ Սուրբ Հոգին մարմնաւոր տեսքով, որպէս աղաւնի իջաւ նրա վրայ. եւ երկնքից ձայն եկաւ, որ ասում էր. Դո՛ւ ես իմ սիրելի Որդին, որ ունես իմ ամբողջ բարեհաճութիւնը:
21. եւ ինքը Յիսուս շուրջ երեսուն տարեկան էր, երբ սկսեց իր գործունեութիւնը: Եւ, ինչպէս կարծում էին, որդին էր Յովսէփի, եւ սա՝ Յակոբի, եւ սա՝ Հեղիի, եւ սա՝ Մատաթէի,
22. եւ սա՝ Դեւիի, եւ սա՝ Մեղքիի, եւ սա՝ Յաննէի, եւ սա՝ Յովսէփի,
23. եւ սա՝ Մատթէի, եւ սա՝ Ամոսի, եւ սա՝ Նաւումի, եւ սա՝ Էսդիի, եւ սա՝ Նանգէի,
24. եւ սա՝ Մաաթի, եւ սա՝ Մատաթէի, եւ սա՝ Սեմէիի, եւ սա՝ Յոսէքէի, եւ սա՝ Յողայի,
25. եւ սա՝ Յովնանէի, եւ սա՝ Բեսայի, եւ սա՝ Չորոբաբէի, եւ սա՝ Սաղաթիէի, եւ սա՝ Ներիի,

26. եւ սա՝ Մեղքիի, եւ սա՝ Աղդէի, եւ սա՝ Կոսամի, եւ սա՝ Ելմոդադի, եւ սա՝ Երէի,  
27. եւ սա՝ Յեսուի, եւ սա՝ Եղիազարի, եւ սա՝ Յորամի, եւ սա՝ Մատթէի, եւ սա՝ Ղեւիի,  
28. եւ սա՝ Սիմէոնի, եւ սա՝ Յուդայի, եւ սա՝ Յովսէփի, եւ սա՝ Յովնամի, եւ սա՝  
Եղիակիմի,  
29. եւ սա՝ Մելլէի, եւ սա՝ Մեննէի, եւ սա՝ Մատտաթայի, եւ սա՝ Նաթանի, եւ սա՝ Դաւթի,  
30. եւ սա՝ Յեսսէի, եւ սա՝ Օբէդի, եւ սա՝ Բոոսի, եւ սա՝ Սաղմանի, եւ սա՝ Նաասոնի,  
31. եւ սա՝ Ամինադաբի, եւ սա՝ Արամի, եւ սա՝ Ադմէի, եւ սա՝ Առնէի, եւ սա՝ Եսրոնի, եւ  
սա՝ Փարէսի, եւ սա՝ Յուդայի,  
32. եւ սա՝ Յակոբի, եւ սա՝ Իսահակի, եւ սա, Աբրահամի, եւ սա՝ Թարայի, եւ սա՝  
Նաքորի,  
33. եւ սա՝ Սերուգի, եւ սա՝ Ռազաւի, եւ սա՝ Փաղեկի, եւ սա՝ Եբերի, եւ սա՝ Սաղայի,  
34. եւ սա՝ Կայնանի, եւ սա՝ Արփաքսադի, եւ սա՝ Սէմի, եւ սա՝ Նոյի, եւ սա՝ Ղամէքի,  
35. եւ սա՝ Մաթուսաղայի, եւ սա՝ Ենոքի, եւ սա՝ Յարեդի, եւ սա՝ Մադաղայէլի, եւ սա՝  
Կայնանի,  
36. եւ սա՝ Ենոսի, եւ սա՝ Սէթի, եւ սա՝ Ադամի, եւ սա՝ Աստծու:

1. Եւ Յիսուս Սուրբ Հոգով լի վերադարձաւ Յորդանանից. եւ Հոգով անապատ առաջնորդուեց
2. ու քառասուն օր փորձուեց սատանայից: Չկերաւ եւ չխմեց այն օրերին. եւ երբ քառասուն օրերը լրացան, քաղց զգաց:
3. Եւ սատանան նրան ասաց. Եթէ Աստծու Որդի ես, այդ քարին ասա՛, որ հաց լինի:
4. Յիսուս նրան պատասխանեց եւ ասաց. Գրուած է. Միայն հացով չէ, որ կ'ապրի մարդ, այլ՝ Աստծու ամէն խօսքով:
5. Եւ սատանան տանելով նրան մի բարձր լեռ, մի վայրկեանում նրան ցոյց տուեց աշխարհի բոլոր թագաւորութիւնները:
6. Եւ սատանան նրան ասաց. Զեզ կը տամ այս ամբողջ իշխանութիւնը եւ սրանց փառքը, որովհետեւ ինձ է տրուած, եւ ում որ կամենամ, կը տամ այն:
7. Արդ, եթէ դու իմ առաջ ընկած երկրպագես, բոլորը քոնը կը լինի:
8. Յիսուս պատասխանեց նրան եւ ասաց. Գրուած է. Զո՛՛՛՛ Տէր Աստծո՛՛՛ն պիտի երկրպագես եւ նրա՛ն միայն պիտի պաշտես:
9. Եւ տարաւ նրան Երուսաղէմ, կանգնեցրեց տաճարի աշտարակի վրայ ու ասաց նրան. Եթէ Աստծու Որդի ես, քեզ այստեղից ցա՛ծ գցիր,
10. որովհետեւ գրուած է. Իր հրեշտակներին պատուիրուած է քո մասին, որ քեզ պահեն.
11. եւ իրենց ձեռքերի վրայ կը բռնեն քեզ, որ քո ոտքը երբեք քարին չխփես:
12. Յիսուս պատասխանեց նրան եւ ասաց. Ասուած է. Զո՛՛՛՛ Տէր Աստծուն պիտի չփորձես:
13. Եւ սատանան կատարած լինելով բոլոր փորձութիւնները՝ նրանից միառժամանակ հեռու մնաց:
14. Եւ Յիսուս Հոգու զօրութեամբ վերադարձաւ Գալիլիա, ու գաւառի բոլոր կողմերում նրա համբաւը տարածուեց:
15. Եւ նա ուսուցանում էր նրանց ժողովարաններում՝ փառաւորուելով բոլորից:
16. Եւ եկաւ Նազարեթ, ուր նա սնուել մեծացել էր. եւ ըստ իր սովորութեան՝ շաբաթ օրը ժողովարան մտաւ:
17. Եւ նրան տուին Եսայի մարգարէի գիրքը. եւ նա վեր կացաւ ընթերցելու. եւ երբ գիրքը բացեց, գտաւ այն տեղը, ուր գրուած էր.
18. Տիրոջ Հոգին իմ վրայ է, դրա համար իսկ օծեց ինձ, ինձ ուղարկեց աղքատներին աւետարանելու, սրտով բեկեալներին բժշկելու,
19. գերիներին ազատում քարոզելու եւ կոյրերին՝ տեսողութիւն, կեղեքուածներին ազատ արձակելու, Տիրոջը ընդունելի տարին հռչակելու:
20. Եւ փակելով գիրքը՝ տուեց պաշտօնեային ու նստեց. եւ ժողովարանում գտնուողների բոլորի աչքերը նրա վրայ էին սեւեռուած:
21. Սկսեց ասել նրանց. Այսօր այս գրուածքները կատարուեցին, երբ լսում էիք ձեր ականջներով:
22. Եւ բոլորը վկայում էին ու զարմանում նրա բերանից ելած շնորհալի խօսքերի վրայ ու ասում. Սա Յովսէփի որդին չէ՞:
23. Եւ նա ասաց նրանց. Անշուշտ, ինձ այս առածը կ'ասեք. Բժիշկ, բժշկի՛ր ինքդ քեզ: Այն ամէնը, ինչ արել ես Կափառնայում, որչափ որ լսեցինք, արա՛ եւ այստեղ, քո գաւառում:
24. Եւ նա ասաց. Ճշմարիտ եմ ասում ձեզ, որ մարգարէն ընդունելի չէ իր քաղաքում:
25. Արդարեւ, ասում եմ ձեզ, որ Եղիայի օրով Իսրայէլում բազում այրիներ կային, երբ երկինքը փակուեց երեք տարի ու վեց ամիս, եւ ամբողջ երկրի վրայ մեծ սով եղաւ:
26. Սակայն նրանցից ոչ մէկի մօտ Եղիան չուղարկուեց, այլ միայն՝ մի այրի կնոջ՝ սիդոնացիների Սարեփա քաղաքում:
27. Նաեւ՝ Իսրայէլում Եղիսէ մարգարէի օրով բազում բորոտներ կային, եւ սակայն նրանցից ոչ մէկը չմաքրուեց, այլ միայն՝ Նէեման ասորին:

28. Երբ այս լսեցին, ժողովարանում բոլորը լցունեցին բարկութեամբ.
29. Եւ վեր կենալով՝ նրան քաղաքից դուրս հանեցին ու տարան մինչեւ դարաւանդը այն լեռան, որի վրայ շինուած էր իրենց քաղաքը, որպէսզի նրան գահավեժ անեն:
30. Իսկ նա, անցնելով նրանց միջով, գնաց:
31. Եւ իջաւ Գալիլիայի Կափառնայում քաղաքը ու շաբաթ օրերը ուսուցանում էր նրանց:
32. Նրա ուսուցման վրայ զարմանում էին, որովհետեւ նրա խօսքը լի էր հեղինակութեամբ:
33. Եւ ժողովարանում մի մարդ կար, որին բռնել էր մի պիղծ դէկի չար ոգին. սա բարձր ծայնով աղաղակեց եւ ասաց.
34. Թո՛ղ տուր մեզ, Յիսո՛ւս Նազովրեցի, ի՞նչ ես ուզում մեզնից. մեզ կորստեան մատնելո՞ւ եկար. գիտենք, թէ ով ես, Աստծու Սուրբն ես դու:
35. Յիսուս սաստեց նրան եւ ասաց. Պապանծուի՛ր եւ դո՛ւրս ելիր դրանից: Դեւը մեջտեղում գետին զարկեց նրան եւ դուրս ելաւ նրանից ու որեւէ վնաս չտուեց նրան:
36. Եւ բոլորին զարմանք պատեց. իրար հետ խօսում էին ու ասում. Ի՞նչ խօսք է այս, որ իշխանութեամբ եւ զօրութեամբ սաստում է պիղծ ոգիներին, եւ դրանք դուրս են գալիս:
37. Եւ նրա հռչակը տարածւում էր գաւառի շրջակայքի բոլոր տեղերում:
38. Եւ նա ժողովարանից դուրս գալով՝ մտաւ Սիմոնի տունը:
39. Սիմոնի զոքանչը բարձր ջերմութեան մէջ տառապում էր: Նրա համար Յիսուսին աղաչեցին:
40. Նա կանգնեց նրա մօտ, սաստեց ջերմին, եւ ջերմը թողեց նրան: Հիւանդը անմիջապէս ոտքի ելաւ եւ սպասարկում էր նրանց:
41. Եւ երբ արեւը մայր էր մտնում, բոլոր նրանք, որոնք պէսպէս ցաւերով հիւանդներ ունէին, նրա մօտ էին բերում նրանց. եւ նա նրանցից իւրաքանչիւրի վրայ ձեռք էր դնում ու նրանց բժշկում:
42. Շատերի միջից դէւեր էլ էին ելնում, աղաղակում եւ ասում. Դո՛ւ ես Աստծու Որդին: Եւ նա սաստում էր ու թոյլ չէր տալիս նրանց խօսել. որովհետեւ գիտէին, թէ նա Քրիստոսն է:
43. Եւ երբ օրը լուսացաւ, նա ելաւ գնաց մի ամայի տեղ, իսկ ժողովուրդը փնտռում էր նրան. եկան մինչեւ նրա մօտ եւ չէին թողնում նրան, որ հեռանայ իրենցից:
44. Եւ նա նրանց ասաց. Աստծու արքայութիւնը ես ուրիշ քաղաքների էլ պիտի աւետարանեմ, որովհետեւ դրա համար իսկ ուղարկուեցի:
45. Եւ նա քարոզում էր գալիլիացիների ժողովարաններում:



1. Եւ մինչ ժողովուրդը խռնուում էր նրա շուրջը՝ լսելու Աստծու խօսքը, նա կանգնած էր Գեներալարեթի ծովակի ափին:
2. Եւ տեսաւ երկու նաւակներ, որ կանգնած էին ծովակի եզերքին. եւ ձկնորսները դրանց միջից դուրս եկած՝ ուռկաններն էին լուանում:
3. Նա մտաւ նաւակներից մէկի մէջ, որ Սիմոնինն էր, եւ խնդրեց նրան, որ ցամաքից փոքր-ինչ հեռացնի այն. նստեց ու նաւակի միջից ուսուցանում էր ժողովրդին:
4. Եւ երբ դադարեց խօսելուց, ասաց Սիմոնին. Քշիր տա՛ր դէպի խորերը, եւ ձեր ուռկանները գցեցէ՛ք որսալու համար:
5. Սիմոնը պատասխանեց եւ նրան ասաց. Վարդապե՛տ, ամբողջ այս գիշեր չարչարուեցինք եւ ոչինչ չբռնեցինք, բայց քո խօսքի համար ուռկանները կը գցենք:
6. Երբ այդ արեցին, մեծ քանակութեամբ ձկներ բռնեցին, այն աստիճան, որ նրանց ուռկանները պատռուում էին:
7. Նրանք նշան էին անում միւս նաւակի մէջ եղող իրենց որսակիցներին, որ գան իրենց օգնեն: Եւ նրանք եկան, եւ երկու նաւակներն էլ լցուեցին սուզուելու աստիճան:
8. Երբ Սիմոն Պետրոսն այս տեսաւ, Յիսուսի ծնկներին ընկաւ եւ ասաց. Ինձնից հեռո՛ւ գնա, Տէ՛ր, որովհետեւ ես մեղաւոր մարդ եմ.
9. քանի որ վախը պատել էր նրան եւ բոլորին, որ նրա հետ էին, իրենց բռնած ձկների քանակի պատճառով.
10. նոյնպէս եւ՝ Չեբեդեոսի որդիներին՝ Յակոբոսին եւ Յովհաննեսին, որոնք Սիմոնի որսակիցներն էին. եւ Յիսուս Սիմոնին ասաց. Մի՛ վախեցիր, այսուհետեւ դու մարդկա՛նց պիտի որսաս կեանքի համար:
11. Եւ նաւակը ցամաք հանելով՝ թողեցին ամեն ինչ ու նրան հետեւեցին:
12. Եւ երբ նա հասաւ քաղաքներից մէկը, բորոտութեամբ պատած մի մարդ, Յիսուսին տեսնելով, երեսի վրայ ընկած՝ աղաչեց նրան եւ ասաց. Տէ՛ր, եթէ կամենաս, կարո՞ղ ես ինձ մաքրել:
13. Նա մեկնեց իր ձեռքը, դիպաւ նրան եւ ասաց. Կամենում եմ, մաքրուի՛ր: Եւ իսկոյն բորոտութիւնը գնաց նրանից:
14. Յիսուս պատուիրեց նրան ոչ ոքի չասել, այլ՝ Գնա՛, - ասաց, - դու քեզ ցո՛յց տուր քահանային եւ ընծայ տուր քո մաքրուելու համար, ինչպէս որ հրամայել էր Մովսէսը՝ ի վկայութիւն նրանց:
15. Եւ նրա համբաւը աւելի ու աւելի էր տարածւում. եւ բազում ժողովուրդ էր հաւաքւում լսելու նրան ու իրենց հիւանդութիւնից բժշկուելու:
16. Իսկ նա խոյս էր տալիս դէպի ամայի տեղեր եւ աղօթքի էր կանգնում:
17. Մի օր ինքն ուսուցանում էր, իսկ փարիսեցիներն ու օրէնքի վարդապետները, որոնք հաւաքուել էին Գալիլիայի եւ Հրեաստանի բոլոր քաղաքներից ու Երուսաղէմից, նստած էին. եւ Տիրոջ զօրութիւնը նրա հետ էր ու նրա միջոցով բժշկում էր:
18. Եւ ահա մարդիկ մահիճով մի մարդ բերեցին, որ անդամալոյծ էր, եւ ուզում էին նրան ներս մտցնել ու դնել նրա առաջ:
19. Եւ երբ ամբոխի պատճառով նրան ներս մտցնելու միջոց չգտան, բարձրացան տանիք եւ կտուրի բացուածքից նրան վար կախեցին ու մահիճով հանդերձ իջեցրին մէջտեղ, Յիսուսի առաջ:
20. Տեսնելով նրանց հաւատը՝ Յիսուս ասաց նրան. Ո՛վ մարդ, թող քո մեղքերը քեզ ներուեն:
21. Օրէնսգետներն ու փարիսեցիները սկսեցին խորհել եւ ասացին. Ո՞վ է սա, որ հայիոյանքներ է ասում. ո՞վ կարող է ներել մեղքերը, եթէ ոչ՝ Աստուած միայն:
22. Յիսուս, գիտենալով նրանց մտածումները, պատասխանեց նրանց եւ ասաց. Ի՞նչ էք մտմտում ձեր սրտերում.
23. ո՞րն է աւելի հեշտ, ասել՝ քեզ ներուած լինեն քո մեղքե՞րը, թէ՞ ասել՝ վե՛ր կաց եւ քայլի՛ր:

24. Բայց որպէսզի իմանաք, թէ մարդու Որդին իշխանութիւն ունի երկրի վրայ մեղքերը ներելու (ասաց անդամալոյծին)՝ քեզ եմ ասում, վե՛ր կաց, վերցրո՛ւ քո մահիճը եւ գնա՛ քո տունը:
25. Եւ իսկոյն բոլորի առաջ վեր կենալով՝ իր վրայ առաւ այն, ինչի վրայ ինքը պառկել էր, գնաց իր տունը եւ փառաւորում էր Աստծուն:
26. Բոլորին զարմանք պատեց, եւ փառաւորում էին Աստծուն: Ահով լցուեցին եւ ասում էին. Այսօր արտասովոր բաներ տեսանք:
27. Դրանից յետոյ, դուրս ելաւ այնտեղից եւ տեսաւ մի մաքսաւորի, որի անունը Ղեւի էր, եւ որը մաքսատանը նստած՝ գործի վրայ էր: Յիսուս նրան ասաց. Իմ յետեւից արի՛:
28. Եւ նա թողնելով ամեն ինչ, վեր կացաւ գնաց նրա յետեւից:
29. Եւ Ղեւին իր տան մէջ նրան մեծ ընդունելութիւն տուեց, եւ մեծ թուով մաքսաւորներ եւ ուրիշներ նրանց հետ սեղան էին նստել:
30. Փարիսեցիները եւ օրէնսգետները տրտնջում էին Յիսուսի դէմ իր աշակերտների մօտ ու ասում. Ինչո՞ւ էք մաքսաւորների եւ մեղաւորների հետ ուտում եւ խմում:
31. Յիսուս պատասխանեց նրանց եւ ասաց. Առողջներին բժիշկներ պէտք չեն, այլ՝ հիւանդներին:
32. Ես չեմ եկել արդարներին կանչելու, այլ՝ մեղաւորներին՝ ապաշխարութեան:
33. Եւ նրանցից ոմանք ասացին նրան. Ինչո՞ւ Յովհաննէսի, ինչպէս եւ փարիսեցիների աշակերտները ծոմ են պահում յաճախ եւ աղօթք անում, իսկ քո աշակերտները ուտում են ու խմում:
34. Եւ նա ասաց նրանց. Միթէ կարո՞ղ էք հարսանքաւորներին հրամայել, որ ծոմ պահեն, որքան ժամանակ որ փեսան նրանց հետ է:
35. Կը գան օրեր, երբ որ փեսան նրանցից կը վերցուի, ապա այդ օրերին ծոմ կը պահեն:
36. Եւ նրանց մի առակ էլ ասաց. Ոչ ոք հնացած ձորձի վրայ նոր զգեստից կտոր չի դնի, ապա թէ ոչ՝ ե՛ւ նորը կը պատռուի, ե՛ւ նոր զգեստից վերցրած կտորը չի յարմարուի հին հետ:
37. Եւ ոչ ոք նոր գինին հին տիկերի մէջ չի լցնի, ապա թէ ոչ՝ նոր գինին հին տիկերը կը պայթեցնի. գինին կը թափուի, եւ տիկերը կը փչանան:
38. Այլ՝ նոր գինին նոր տիկերի մէջ պէտք է լցուի, եւ երկուսն էլ կը պահուեն:
39. Եւ ոչ ոք, երբ հինը խմի, նորը կ'ուզենայ, որովհետեւ կ'ասի, թէ՛ հինը անելի լաւն է:

1. Առաջին ամսուայ երկրորդ շաբաթ օրը, երբ նա անցնում էր արտերի միջով, նրա աշակերտները հասկ էին պոկում, շփում իրենց ափի մեջ եւ ուտում:
2. Եւ փարիսեցիներից ոմանք ասացին նրանց. Ինչո՞ւ էք անում այն, ինչ օրինաւոր չէ անել շաբաթ օրով:
3. Յիսուս նրանց պատասխանեց եւ ասաց. Դուք չէ՞ք կարդացել, թէ ինչ արեց Դաւիթը, երբ քաղց զգաց ինքը եւ նրանք, որ նրա հետ էին.
4. թէ ինչպէս նա մտաւ Աստծու տունը, կերաւ առաջաւորութեան հացը եւ տուեց նրանց, որ իր հետ էին. մինչդեռ, բացի քահանայապետներից, ոչ ոքի չէր թոյլատրուած ուտել այն:
5. Եւ Յիսուս նրանց ասաց. Մարդու Որդին նաեւ շաբա՛թ օրուայ տերն է:
6. Եւ մի ուրիշ շաբաթ օր նա մտաւ ժողովարան եւ ուսուցանում էր. եւ այնտեղ կար մի մարդ, որի աջ ձեռքը չորացած էր:
7. Օրէնսգետներն ու փարիսեցիները հետեւում էին՝ տեսնելու, թէ արդեօք շաբաթ օրը կը բժշկի՞. որպէսզի նրան ամբաստանելու համար բան գտնեն:
8. Եւ նա գիտէր նրանց մտածումները: Չորացած ձեռքով մարդուն ասաց. Վե՛ր կաց, մեջտե՛ղ արի: Նա վեր կացաւ կանգնեց:
9. Յիսուս նրանց ասաց. Ես ձեզ մի բան հարցնեմ. շաբաթ օրը ի՞նչ բան է օրինաւոր անել՝ բարի՞ գործ անել, թե՞ չար գործ, մի հոգի՞ փրկել, թե՞ կորստեան մատնել:
10. Եւ իր շուրջը բոլորի վրայ զայրագին նայելով՝ ասաց նրան. Ձեռքդ երկարի՛ր. եւ նա երկարեց, եւ նրա չորացած ձեռքը առողջացաւ միւսի նման:
11. Նրանք լցուեցին կատաղութեամբ եւ միմեանց հետ խօսում էին, թէ ի՞նչ անեն Յիսուսին:
12. Եւ այդ օրերին Յիսուս լեռ բարձրացաւ աղօթելու եւ ամբողջ գիշերն անցկացրեց Աստծուն աղօթելով:
13. Եւ երբ լոյսը բացուեց, կանչեց իր աշակերտներին եւ ընտրեց նրանցից տասներկուսին, որոնց եւ առաքեալներ անուանեց.
14. Սիմոնին, որին էլ Պետրոս կոչեց, եւ Անդրեասին՝ նրա եղբօրը, Յակոբոսին, Յովհաննէսին,
15. Փիլիպպոսին, Բարթողոմէոսին, Մատթէոսին, Թովմասին, Ալփիէոսի որդի Յակոբոսին, Սիմոնին՝ Նախանձայոյզ կոչուածին,
16. Յակոբի որդի Յուդային եւ Իսկարիովտացի Յուդային, որը եւ մատնիչ եղաւ:
17. Եւ նրանց հետ միասին իջաւ մի տափարակ տեղ, ուր նրա աշակերտների խումբը եւ ամբողջ Հրեաստանից ու Երուսաղէմից եւ այն կողմերից եւ Տիւրոսի ու Սիդոնի ծովեզրից
18. շատ մեծ բազմութիւն եկել էր լսելու նրան եւ բժշկուելու իրենց հիւանդութիւններից: Եւ պիղծ ոգիներից տառապողները բժշկում էին:
19. Եւ ամբողջ ժողովուրդն ուզում էր նրան դիպչել, որովհետեւ նրանից մեծ զօրութիւն էր դուրս գալիս եւ բժշկում բոլորին:
20. Եւ Յիսուս աչքերը բարձրացրեց իր աշակերտների վրայ ու ասաց.
21. - Երանի՛ հոգով աղքատներիդ, որովհետեւ Աստծու արքայութիւնը ձերն է:
22. - Երանի՛ նրանց, որ քաղցած են այժմ, որովհետեւ պիտի յագեցնան:
23. - Երանի՛ նրանց, որ այժմ լալիս են, որովհետեւ պիտի ծիծաղեն:
24. - Երանի՛ է ձեզ, երբ որ մարդիկ ձեզ ատեն եւ երբ որ ձեզ մերժեն եւ նախատեն ու մարդու Որդու պատճառով ձեր մասին չար անուն հանեն:
25. Ուրախացե՛ք այդ օրը եւ ցնծացե՛ք, որովհետեւ ձեր վարձը մեծ է երկնքում. նրանց հայրերը նոյն ձեւով էին վարում մարգարէների հանդէպ:
26. - Բայց վա՛յ ձեզ՝ հարուստներիդ, որովհետեւ դուք ձեր մխիթարութիւնը ստացել էք:
27. - Վա՛յ ձեզ, որ այժմ յագեցած էք, որովհետեւ քաղցած պիտի մնաք:
28. - Վա՛յ ձեզ, որ այժմ ծիծաղում էք, որովհետեւ պիտի սգաք ու պիտի լաք:

29. - Վա՛յ ձեզ, երբ որ բոլոր մարդիկ լաւ խօսեն ձեր մասին, որովհետեւ նրանց հայրերը սուտ մարգարէներին այդպէս էին անում:
30. Բայց ասում եմ ձեզ, դո՛ւք, որ լսում էք ինձ. սիրեցէ՛ք ձեր թշնամիներին, ձեզ ատողներին բարուօրին արեք:
31. օրհնեցէ՛ք ձեզ անիծողներին, ձեզ նեղողների համար աղօթեցէ՛ք:
32. Ով խփում է քո ծնօտին, նրան մի՛սն էլ մօտեցրու. եւ ով որ քեզնից քո բաճկոնը բռնի է վերցնում, նրան մի՛ արգելիր, որ վերցնի շապիկդ էլ:
33. Ամէն մարդու, որ քեզնից ուզում է, տո՛ւր, եւ ինչ որ մէկը քեզնից վերցնի, ետ մի՛ պահանջիր:
34. Եւ ինչպէս կամենում էք, որ անեն ձեզ մարդիկ, այնպէս արէ՛ք եւ դուք նրանց:
35. Եւ եթէ դուք ձեզ սիրողներին սիրեք, ո՞րն է ձեր արած շնորհը, որովհետեւ մեղաւորներն էլ են սիրում իրենց սիրողներին:
36. Եւ եթէ ձեր բարերարներին բարուօրին անեք, ո՞րն է ձեր արած շնորհը, որովհետեւ մեղաւորներն էլ նոյնն են անում:
37. Եւ եթէ փոխ էք տալիս նրանց, որոնցից յետ առնելու ակնկալութիւն ունեք, ո՞րն է ձեր արած շնորհը, որովհետեւ մեղաւորներն էլ են փոխ տալիս մեղաւորներին, որպէսզի նոյն չափով յետ առնեն:
38. Բայց դուք սիրեցէ՛ք ձեր թշնամիներին եւ բարուօրին արեք ձեզ ատողներին ու փո՛խ տուէք նրան, ումից յետ առնելու ակնկալութիւն չունեք: Եւ ձեր վարձը շատ կը լինի, եւ դուք Բարձրեալի որդիները կը լինեք, որովհետեւ նա բարեհաճ է չարերի եւ ապերախտների հանդէպ:
39. Գթասի՛րտ եղէք, ինչպէս որ ձեր Հայրը գթասիրտ է:
40. Մի՛ դատեք, որ Աստծուց չդատուէք, մի՛ դատապարտեք, եւ չպիտի դատապարտուէք, ներեցէ՛ք, եւ ներում պիտի գտնեք Աստծուց,
41. տուէ՛ք, եւ պիտի տրուի ձեզ. ձեր գոգը պիտի լցնեն առա՛տ չափով՝ թաթաղուն, շարժուն, զեղուն. այն չափով, որով չափում էք, նո՛ւյն չափով պիտի չափուի ձեզ համար:
42. Նրանց մի առակ էլ ասաց. Միթէ կարո՞ղ է կոյրը կոյրին առաջնորդել. չէ՞ որ երկուսն էլ փոսը կ'ընկնեն:
43. Աշակերտը մեծ չէ, քան իր վարդապետը. ամէն կատարեալ աշակերտ իր վարդապետի պէս կը լինի:
44. Ինչո՞ւ քո եղբօր աչքի միջի շիւղը տեսնում ես, իսկ քո աչքի միջի գերանը չես նշմարում:
45. Եւ կամ ինչպէ՞ս կարող ես եղբօրդ ասել՝ եղբա՛յր, թող որ քո աչքից այդ շիւղը հանեմ, իսկ դու քո աչքի միջի գերանը չես տեսնում: Կեղծաւո՛ր, նախ քո աչքից գերանը հանի՛ր եւ ապա լաւ կը տեսնես՝ քո եղբօր աչքից շիւղը հանելու համար:
46. Որովհետեւ չկայ բարի ծառ, որ չար պտուղ տայ. եւ դարձեալ՝ չկայ չար ծառ, որ բարի պտուղ տայ.
47. որովհետեւ իւրաքանչիւր ծառ իր պտղից է ճանաչւում: Փշերից թուզ չեն քաղում եւ ոչ էլ մորենուց՝ խաղող:
48. Բարի մարդը իր սրտի բարի գանձերից բարին է բխեցնում, իսկ չար մարդը՝ չարն է բխեցնում. որովհետեւ սրտի աւելցուկից է, որ խօսում է նրա բերանը:
49. Ինչո՞ւ ինձ Տէ՛ր, Տէ՛ր էք կոչում, իսկ ինչ ասում եմ՝ չէք անում:
50. Ամէն մարդ, որ ինձ է գալիս եւ լսում է իմ խօսքերն ու կատարում դրանք, ձեզ ցոյց տամ, թէ ում է նման:
51. Նման է տուն շինող այն մարդուն, որ հողը փորեց ու խորացրեց եւ հիմքը դրեց ժայռի վրայ. եւ երբ հեղեղ բարձրացաւ, գետը զարկեց տանը եւ չկարողացաւ շարժել այն, որովհետեւ նրա հիմքը ժայռի վրայ էր հաստատուած:
52. Իսկ ով իմ խօսքերը լսում է եւ չի կատարում, նման է այն մարդուն, որ հողի վրայ առանց հիմքի տուն է շինում. գետը զարկեց, եւ այն իսկոյն փուլ եկաւ, եւ այդ տան կործանումը մեծ եղաւ:

1. Եւ երբ Յիսուս վերջացրեց իր բոլոր խօսքերը, եւ ժողովուրդը նրան լսեց, Կափառնայում մտաւ:
2. Այնտեղ մի հարիւրապետի ծառայ, որ շատ սիրելի էր նրա համար, ծանր հիւանդացել էր եւ մեռնելու մօտ էր:
3. Երբ լսեց Յիսուսի մասին, հրեաներից աւագներին ուղարկեց, որ աղաչեն նրան, որպէսզի գայ եւ բժշկի իր ծառային:
4. Եւ նրանք Յիսուսի մօտ գալով՝ թախանձագին աղաչում էին նրան եւ ասում. Արժանի է նա, որին այս շնորհը պիտի անես,
5. որովհետեւ նա սիրում է մեր ազգը եւ ժողովարանը նա՛ շինեց մեզ համար:
6. Յիսուս գնաց նրանց հետ. երբ տնից շատ հեռու չէր, հարիւրապետը նրա մօտ բարեկամներ ուղարկեց՝ ասելով. Տէ՛ր, նեղութիւն մի՛ կրիր, որովհետեւ արժանի չեմ, որ իմ յարկի տակ մտնես.
7. դրա համար էլ ինձ արժանի չհամարեցի քեզ մօտ գալու. այլ՝ խօսքով ասա՛, եւ իմ ծառան կը բժշկուի.
8. որովհետեւ ինքս էլ իշխանութեան ենթակայ մարդ եմ, իմ ձեռքի տակ զինուորներ ունեմ. սրան ասում եմ՝ գնա՛, եւ գնում է, իսկ միւսին, թէ՛ արի՛, եւ գալիս է, եւ իմ ծառային, թէ՛ արա՛ այս բանը, եւ նա անում է:
9. Եւ երբ Յիսուս այս լսեց, զարմացաւ. դարձաւ ժողովրդին, որ հետեւում էր իրեն, եւ ասաց. Ճշմարիտ եմ ասում ձեզ, որ Իսրայելի մէջ անգամ այսչափ հաւատ չգտայ:
10. Պատգամաւորները տուն վերադարձան եւ հիւանդ ծառային գտան բժշկուած:
11. Հետեւեալ օրը Յիսուս գնում էր մի քաղաք, որ Նային էր կոչւում. նրա հետ էին գնում նաեւ իր աշակերտները եւ բազում ժողովուրդ:
12. Երբ քաղաքի դարպասին մօտեցաւ, ահա դուրս էր բերում մի մեռել, միակ որդին իր մօր, որ մի այրի կին էր. եւ քաղաքից բազում ժողովուրդ նրա հետ էր:
13. Երբ Տէրը կնոջը տեսաւ, խղճաց նրան եւ ասաց. Մի՛ լար:
14. Մօտենալով՝ դագաղին դիպաւ: Դագաղը տանողները կանգ առան: Եւ նա ասաց. Թե՛զ եմ ասում, ո՛վ պատանի, վե՛ր կաց:
15. Մեռելը վեր կացաւ, նստեց եւ սկսեց խօսել: Եւ Յիսուս նրան մօրը տուեց:
16. Եւ ահը պատեց բոլորին. փառաւորում էին Աստծուն եւ ասում. Մի մեծ մարգարէ է յայտնուել մեր մէջ, եւ՝ Աստուած այցելութիւն է տուել իր ժողովրդին բարութեամբ:
17. Եւ նրա մասին այս գրոյցը տարածուեց ամբողջ Հրեաստանում եւ երկրի բոլոր կողմերում:
18. Եւ Յովհաննէսին այս բոլորի մասին պատմեցին իր աշակերտները:
19. Եւ Յովհաննէսն իր աշակերտներից մի երկուսին իր մօտ կանչեց ու նրանց ուղարկեց Տիրոջ մօտ՝ ասելու. Դո՞ւ ես, որ գալու էիր, թե՞ ուրիշին սպասենք:
20. Եւ այդ մարդիկ գալով նրա մօտ՝ ասացին. Յովհաննէս Մկրտիչը մեզ ուղարկեց քեզ մօտ եւ ասում է. Դո՞ւ ես, որ գալու էիր, թե՞ ուրիշին սպասենք:
21. Եւ նոյն ժամին նա շատերին բժշկեց հիւանդութիւններից, ցաւերի հարուածներից, չար ոգիներից եւ բազմաթիւ կոյրերի տեսողութիւն շնորհեց:
22. Նա պատասխանեց նրանց եւ ասաց. Գնացէ՛ք պատմեցէ՛ք Յովհաննէսին, ինչ որ դուք տեսաք եւ լսեցիք. որ կոյրերը տեսնում են, կաղերը՝ քայլում, բորոտները մաքրւում են, խուլերը՝ լսում, մեռելները յարութիւն են առնում, աղքատները Բարի լուրն են լսում.
23. եւ երանի՛ նրան, որ իմ պատճառով չի գայթակղուի:
24. Եւ երբ Յովհաննէսի պատգամաւորները գնացին, նա սկսեց ժողովրդին խօսել Յովհաննէսի մասին. Ի՞նչ տեսնելու համար դուրս եկաք անապատ. քամուց շարժուող մի եղէ՞զ:
25. Հապա ի՞նչ տեսնելու համար դուրս եկաք. փափուկ զգեստներով զարդարուած մի մա՞րդ. ահաւասիկ նրանք, որ փառաւոր զգեստներով են եւ փափուկ կենցաղով են ապրում, արքունիքներում են լինում:

26. Հապա ի՞նչ տեսնելու համար դուրս եկաք. մի մարգարէ՞. այո՛, ասում եմ ձեզ, առաւել քան մի մարգարէ.
27. որովհետեւ Յովհաննէսը նա է, որի մասին գրուած է. Ահա քո առաջից ուղարկում եմ իմ պատգամաւորին, որպէսզի քո առաջ քո ճանապարհը պատրաստի:
28. Ճշմարիտ եմ ասում ձեզ, կանանցից ծնուածների մէջ չկայ աւելի մեծ մարգարէ, քան Յովհաննէսը. բայց Աստծու արքայութեան մէջ ամենափոքրը աւելի մեծ է, քան թէ նա:
29. Եւ երբ ամբողջ ժողովուրդը լսեց, նոյնպէս եւ մաքսաւորները, ընդունեցին Աստծու արդարութիւնը՝ մկրտուելով Յովհաննէսի մկրտութեամբ:
30. Իսկ փարիսեցիները եւ օրինականները իրենց հոգիներում Աստծու խորհուրդն անարգեցին նրանով, որ Յովհաննէսից չմկրտուեցին:
31. Արդ, ո՞ւմ նմանեցնեմ այս սերնդի մարդկանց, եւ ո՞ւմ են նման:
32. Նրանք նման են մանուկների, որոնք նստում են հրապարակներում, ձայն են տալիս միմեանց եւ ասում. Փող զարկեցինք ձեզ համար, եւ չպարեցիք. ողբ ասացինք, եւ դուք լաց չեղաք:
33. Եկաւ Յովհաննէս Մկրտիչը, չէր ուտում եւ չէր խմում. եւ դուք ասացիք՝ նրա մէջ դեւ կայ:
34. Եկաւ մարդու Որդին. ուտում է եւ խմում. եւ դուք ասում էք. Ահա ուտող եւ խմող մի մարդ, մաքսաւորների եւ մեղաւորների բարեկամ:
35. Եւ իմաստութիւնը արդարացուեց իր որդիներից:
36. Փարիսեցիներից մէկը աղաչում էր նրան, որ իր հետ ճաշ ուտի. եւ նա մտնելով փարիսեցու տունը՝ սեղան նստեց:
37. Եւ քաղաքում մի մեղաւոր կին կար. երբ նա իմացաւ, որ փարիսեցու տանը սեղան է նստել, մի շիշ ազնիւ իւղ բերելով,
38. կանգնեց Յիսուսի յետեւ, նրա ոտքերի մօտ. եւ լաց էր լինում ու սկսեց արտասուքներով թրջել նրա ոտքերը եւ իր գլխի մազերով սրբում էր. համբուրում էր նրա ոտքերը եւ այդ իւղով օծում:
39. Իսկ փարիսեցին, որ նրան հրաւիրել էր, տեսնելով այդ, իր մտքում ասում էր. Եթէ սա մարգարէ լինէր, ապա կ'իմանար, թէ ով կամ ինչպիսի մի կին է մօտենում իրեն, որովհետեւ նա մեղաւոր է:
40. Յիսուս պատասխանեց նրան եւ ասաց. Սիմո՛ն, քեզ ասելու բան ունեմ: Եւ սա ասաց. Ասա՛, Վարդապե՛տ: Եւ Յիսուս ասաց.
41. Մի փոխատու երկու պարտապաններ ուներ. մէկը հինգ հարիւր դահեկան պարտք ուներ, իսկ միւսը՝ յիսուն:
42. Եւ քանի որ նրանք հատուցելու ոչինչ չունէին, երկուսին էլ պարտքը շնորհեց. հիմա ասա՛, ո՞վ աւելի շատ կը սիրի նրան:
43. Սիմոն ասաց. Ինձ այնպէս է թւում, թէ նա՛ն ում աւելի շատը շնորհուեց: Եւ Յիսուս ասաց նրան. Ուղի՛ղ դատեցիր:
44. Եւ դառնալով կնոջ կողմը՝ Սիմոնին ասաց. Տեսնո՞ւմ ես այս կնոջը. մտայ քո տունը, ոտքերիս համար ջուր չտուիր, իսկ սա իր արտասուքներով թրջեց իմ ոտքերը եւ իր մազերով սրբեց:
45. Դու ինձ մի համբոյր էլ չտուիր, սակայն սա ահա տուն մտնելուցս ի վեր չի դադարում ոտքերս համբուրելուց:
46. Դու իւղով իմ գլուխը չօծեցիր, սա անուշ իւղով ոտքերս օծեց:
47. Դրա համար քեզ ասում եմ. իր անհամար մեղքերը կը ներուեն սրան, որովհետեւ ուժգին սիրեց. քանզի ում շատ է ներում, շատ է սիրում, եւ ում սակաւ՝ սակաւ:
48. Եւ ասաց այն կնոջը. Զո՛ւ մեղքերը քեզ ներուած են:
49. Եւ նրանք, որ նրա հետ սեղան էին նստել, սկսեցին ասել իրենց մտքում. Ո՞վ է սա, որ մեղքերին թողութիւն է տալիս:
50. Եւ նա ասաց այդ կնոջը. Զո՛ւ հաւա՛տը քեզ փրկեց, գնա՛ խաղաղութեամբ:

1. Դրանից յետոյ Յիսուս շրջում էր քաղաքներում եւ գիւղերում, քարոզում էր եւ աւետարանում Աստծու արքայութիւնը: Եւ նրա հետ էին Տասներկուսը
2. Եւ մի քանի կանայք, որոնք բժշկուել էին չար ոգիներից ու հիւանդութիւններից. Մարիամը, որ կոչւում էր Մագդաղենացի, եւ որից եօթը դեւ էր դուրս եկել,
3. Յովհաննան՝ Հերովդէսի վերակացուի՝ Քուզայի կինը, եւ Շուշանն ու շատ ուրիշներ, որոնք իրենց ունեցուածքից մատակարարում էին նրան:
4. Երբ շատ ժողովուրդ եւ բազմաթիւ քաղաքներից նրա մօտ եկածներ հաւաքուեցին, առակով նրանց ասաց.
5. Մի սերմնացան ելաւ սերմեր ցանելու: Եւ երբ նա սերմանում էր, մի մաս սերմ ընկաւ ճանապարհի եզերքը եւ ոտնակոխ եղաւ, եւ երկնքի թռչունները այն կերան:
6. Եւ ուրիշ մի մաս ընկաւ ապառաժի վրայ. երբ բուսաւ, չորացաւ՝ խոնաւութիւն չլինելու պատճառով:
7. Եւ ուրիշ մի մաս ընկաւ փշերի մէջ. եւ փշերը նրա հետ բուսնելով՝ այն խեղդեցին:
8. Եւ ուրիշ մի մաս ընկաւ լաւ ու պարարտ հողի վրայ եւ, բուսնելով, հարիւրապատիկ պտուղ տուեց: Երբ այս խօսեց, ասաց. Ով որ լսելու ականջ ունի, թող լսի:
9. Աշակերտները նրան հարցնում էին, թէ այդ առակն ի՞նչ է նշանակում:
10. Եւ նա ասաց. Ձեզ տրուած է գիտենալ Աստծու արքայութեան խորհուրդները, իսկ ուրիշներին՝ առակներով, որպէսզի նայեն, բայց չտեսնեն, լսեն, բայց չիմանան:
11. Իսկ առակը այս է նշանակում. սերմը Աստծու խօսքն է:
12. Որոնք որ ճանապարհի եզերքին են, այդ նրանք են, որ լսում են, եւ ապա սատանան գալիս հանում է խօսքը նրանց սրտից, որպէսզի չհաւատան եւ չփրկուեն:
13. Եւ որոնք որ ապառաժի վրայ են, այդ նրանք են, որ, երբ լսեն, խնդութեամբ են ընդունում խօսքը, բայց արմատ չեն բռնում. սրանք միառժամանակ հաւատում են, իսկ փորձութեան ժամանակ՝ հեռանում:
14. Իսկ այն, որ փշերի մէջ ընկաւ, այդ նրանք են, որ, երբ լսում են խօսքը, աշխարհի հոգսերով, հարստութեամբ եւ զուարճութեամբ զբաղուած լինելով՝ խեղդւում ու անպտուղ են լինում:
15. Իսկ այն, որ պարարտ հողի վրայ է, նրանք են, որ բարի եւ զուարթագին սրտով լսելով խօսքը՝ ընդունում են այն եւ յարատեւելով պտուղ են տալիս:
16. Ո՛չ ոք ճրագ չի վառի եւ կաթսայի տակ չի թաքցնի կամ մահճի տակ չի դնի, այլ կը դնի աշտանակի վրայ, որպէսզի, ովքեր մտնեն, լոյսը տեսնեն:
17. Ծածուկ ոչինչ չկայ, որ չյայտնուի, ոչ էլ գաղտնի բան, որ չիմացուի եւ ի յայտ չգայ:
18. Այսուհետեւ զգո՛յշ եղէք, թէ ինչպէս էք դուք լսում. որովհետեւ ով որ ունի, նրան կը տրուի, իսկ ով որ չունի, եւ այն, ինչ որ նա կարծում է, թէ ունի, կը վերցուի նրանից
19. Նրա մօտ եկան իր մայրն ու եղբայրները եւ չէին կարողանում նրան մօտենալ բազմութեան պատճառով:
20. Իմաց տուին նրան եւ ասացին. Քո մայրը եւ քո եղբայրները դրսում կանգնել են եւ ուզում են քեզ տեսնել:
21. Եւ նրանց ասաց. Իմ մայրը եւ եղբայրները սրանք են, որ Աստծու խօսքը լսում են եւ կատարում:
22. Մի օր ինքը նաւակ նստեց իր աշակերտների հետ եւ նրանց ասաց. Եկե՛ք ծովակի միւս կողմն անցնենք: Եւ գնացին:
23. Մինչ նաւարկում էին, նա քուն մտաւ: Եւ ծովակի վրայ քամու մի մրրիկ իջաւ. ծովը ուռչում էր, նաւակը ջրով լցնում. եւ նրանք տազնապի էին մատնուել:
24. Մօտեցան արթնացրին նրան եւ ասացին. Վարդապե՛տ, Վարդապե՛տ, ահա կորչում ենք: Եւ նա վեր կենալով՝ սաստեց քամուն ու աղմկայոյզ կոհակներին, եւ նրանք հանդարտուեցին, եւ խաղաղութիւն տիրեց:
25. Եւ նրանց ասաց. Ո՞րք է ձեր հաւատը: Եւ նրանք սարսափած՝ զարմացան եւ ասում էին միմեանց. Ո՞վ է արդեօք սա, որ հողմերին ու ջրերին անգամ հրաման է տալիս, եւ

դրանք հնազանդում են սրան:

26. Ապա նաւարկեցին իջան գերգեսացիների երկիրը, որը Գալիլիայի հանդիպակաց կողմն է:

27. Եւ երբ նա ցամաք ելաւ, նրան պատահեց քաղաքից մի մարդ, որի մէջ դէւեր կային. նա երկար ժամանակ հագուստ չէր հագել եւ ոչ էլ տան մէջ էր բնակուել, այլ՝ գերեզմանների:

28. Եւ տեսնելով Յիսուսին՝ աղաղակեց, ընկաւ նրա առաջ եւ բարձր ձայնով ասաց. Ի՞նչ ես ուզում ինձնից, Յիսու՛ս, բարձրեալ Աստծու Որդի, աղաչում եմ քեզ, ինձ մի՛ տանջիր.

29. որովհետեւ Յիսուս հրաման էր տալիս պիղծ ոգուն, որ դուրս գայ այդ մարդուց, քանի որ շատ անգամ տիրացել էր նրան, եւ նա կապւում էր շղթաներով, պահւում էր երկաթների մէջ, բայց կոտորում էր կապանքները եւ դէկից քշւում էր անբնակ վայրեր:

30. Յիսուս հարցրեց նրան եւ ասաց. Անունդ ի՞նչ է: Եւ նա ասաց. Լեգէոն. որովհետեւ նրա մէջ շատ դէւեր էին մտել.

31. աղաչում էին նրան, որ հրաման չտայ իրենց, որ անդունդ գնան:

32. Եւ այնտեղ մեծ թուով խոզերի մի երամակ կար, որ արածում էր լերան վրայ:

Աղաչեցին նրան, որ հրաման տայ իրենց՝ գնալ մտնել նրանց մէջ: Եւ նա թոյլատրեց նրանց,

33. եւ դէւերը դուրս եկան այդ մարդուց ու մտան խոզերի մէջ. եւ երամակը գահաւանդից դիմեց դէպի ծովակ ու խեղդուեց:

34. Երբ խոզարածները տեսան պատահածները, փախան եւ պատմեցին քաղաքում ու ագարակներում:

35. Եւ երբ մարդիկ դուրս եկան կատարուածները տեսնելու եւ եկան Յիսուսի մօտ ու գտան այն մարդուն, որից դէւերը ելել էին, - որը հագնուած եւ զգաստացած՝ նստած էր Յիսուսի ոտքերի մօտ, - վախեցան:

36. Նրանք, որ ականատես էին եղել, պատմեցին նրանց, թէ ինչպէս փրկուեց դիւահարը:

37. Եւ գերգեսացիների երկրի շրջակայքում գտնուող ամբողջ բնակչութիւնը աղաչում էր Յիսուսին՝ հեռու գնալ իրենց սահմաններից, որովհետեւ մեծ վախով տագնապում էին: Եւ նա նաւակ նստելով՝ վերադարձաւ:

38. Այն մարդը, որից դէւերը դուրս էին եկել, աղաչում էր նրան, որ ինքը նրա հետ շրջի: Բայց Յիսուս արձակեց նրան եւ ասաց.

39. Վերադարձի՛ր քո տունը եւ պատմի՛ր, ինչ որ Աստուած արեց քեզ համար: Նա գնաց քաղաք եւ տարածում էր այն, ինչ Յիսուս արեց իրեն:

40. Եւ երբ Յիսուս վերադարձաւ ծովի միւս կողմը, ժողովուրդը նրան լաւ ընդունեց, որովհետեւ ամենքը նրան սպասում էին:

41. Եւ ահա եկաւ մի մարդ, որի անունը Յայրոս էր, եւ որը ժողովրդապետ էր: Յիսուսի ոտքերն ընկնելով՝ նա աղաչում էր նրան, որ իր տունը մտնի,

42. որովհետեւ նա մօտ տասներկու տարեկան մի միամօրիկ դուստր ուներ, որ մահամերձ էր: Եւ երբ Յիսուս գնում էր, ժողովուրդը նրան նեղում էր:

43. Եւ մի կին, որ տասներկու տարուց ի վեր արիւնահոսութիւն ուներ եւ հնար չէր եղել նրան որեւէ մէկից բժշկուել,

44. յետեկից մօտեցաւ եւ դիպաւ նրա զգեստի քղանցքին, եւ նոյն ժամին նրա արիւնահոսութիւնը դադարեց:

45. Եւ Յիսուս ասաց. Ո՞վ էր, որ ինձ դիպաւ: Եւ երբ բոլորը ուրանում էին, Պետրոսը եւ նրա հետ եղողները ասացին. Վարդապե՛տ, ժողովուրդն է, որ սեղմում ու նեղում է քեզ:

46. Եւ Յիսուս ասաց. Մէկն ինձ դիպաւ, որովհետեւ զգացի, որ ինձնից զօրութիւն դուրս եկաւ:

47. Երբ կինը տեսաւ, որ այդ ծածուկ չմնաց նրանից, դողալով եկաւ եւ ընկաւ նրա առաջ ու ամբողջ ժողովրդի առջեւ պատմեց, թէ ինչ բանի համար դիպաւ նրան եւ թէ ինչպէս իսկոյն բժշկուեց:

48. Եւ նա ասաց. Քաջալերուի՛ր, դո՛ւստր, քո հաւատը փրկեց քեզ, գնա՛



խաղաղութեամբ:

49. Եւ մինչ նա խօսում էր, ժողովրդապետի տնից մէկն եկաւ եւ Յայրոսին ասաց.

Աղջիկդ մեռաւ, յոգնութիւն մի՛ պատճառիր դրան:

50. Իսկ երբ Յիսուս լսեց, նրան պատասխանեց եւ ասաց. Մի՛ վախեցիր, միայն հաւատա՛, եւ նա կ'ապրի:

51. Եւ նրա տունը մտնելով՝ ոչ ոքի չթողեց ներս մտնել, բացի Պետրոսից, Յակոբոսից, Յովհաննէսից եւ Երեմիայի հօրից ու մօրից:

52. Ամենքը լալիս եւ ողբում էին նրա վրայ: Եւ նա ասաց. Լաց մի՛ եղէք, որովհետեւ մեռած չէ, այլ ննջում է:

53. Իսկ նրանք ծաղրում էին նրան, որովհետեւ գիտէին, որ մեռած էր:

54. Եւ ամենքին դուրս հանելով՝ բռնեց նրա ձեռքից, գոչեց եւ ասաց. Վե՛ր կաց, կանգնի՛ր, ո՛վ մանուկ:

55. Եւ նրա հոգին վերադարձաւ, եւ մանուկը իսկոյն կանգնեց: Եւ Յիսուս հրամայեց, որ նրան ուտելու բան տան:

56. Եւ նրա ծնողները զարմացած մնացին, իսկ նա պատուիրեց, որ ոչ ոքի չասեն, ինչ որ եղել էր:

1. Եւ նա կանչելով տասներկու առաքեալներին՝ նրանց զօրութիւն եւ իշխանութիւն տուեց բոլոր դեւերի վրայ, նաեւ՝ բժշկելու հիւանդութիւնները:
2. Եւ ուղարկեց նրանց քարոզելու Աստուծոյ արքայութիւնը եւ բժշկելու ախտերով վարակուածներին:
3. Եւ ասաց նրանց. Ճանապարհի համար ոչինչ մի՛ վերցրէք. ո՛չ գաւազան եւ ո՛չ մախաղ, ո՛չ հաց եւ ո՛չ արծաթ դրամ. երկու հագուստ մի՛ ունեցէք.
4. որ տունն էլ մտնէք, այնտե՛ղ գիշերեցէք եւ ապա այնտեղից գնացէ՛ք:
5. Եւ նրանք, որ ձեզ չեն ընդունի, որպէս վկայութիւն նրանց դեմ՝ ձեր ոտքերի փոշին թօթափեցէ՛ք, երբ այդ քաղաքից դուրս ելնէք:
6. Եւ նրանք ելան եւ շրջում էին քաղաքներում ու գիւղերում, աւետարանում էին եւ բժշկում ամէն տեղ:
7. Հերովդես չորրորդապետը լսեց այս բոլոր գործերը եւ զարմանում էր ոմանց ասածի վրայ,
8. թէ՛ Յովհաննէսը մեռելներից յարութիւն է առել, իսկ ոմանց ասածի վրայ, թէ՛ Եղիան յայտնուեց, եւ ուրիշների՝ թէ՛ Նախկին մարգարէներից մէկը յարութիւն է առել:
9. Հերովդեսն ասաց. Յովհաննէսին ես գլխատեցի, իսկ սա ո՞վ է, որի մասին այսպիսի բաներ եմ լսում: Եւ ուզում էր նրան տեսնել:
10. Առաքեալները վերադարձան եւ Յիսուսին պատմեցին այն ամէնը, ինչ որ արեցին. եւ նա նրանց հետն առնելով՝ քաշուեց առանձնացաւ ամառի մի տեղ, մօտակայքը մի քաղաքի, որ Բեթսայիդա էր կոչւում:
11. Եւ երբ ժողովուրդը իմացաւ, գնաց նրա յետեւից. եւ նա ընդունելով նրանց՝ խօսում էր նրանց հետ Աստծու արքայութեան մասին. եւ որոնք որ բժշկուելու կարիք ունէին, բժշկում էր նրանց:
12. Եւ օրն սկսեց տարածամել: Տասներկուսը մօտեցան եւ նրան ասացին. Արձակի՛ր այս ժողովրդին, որպէսզի գնան շրջակայ գիւղերը եւ ագարակները, հանգստանան եւ կերակուր գտնեն, որովհետեւ այստեղ ամառի վայրում ենք:
13. Նա ասաց նրանց. Դո՛ւք տուէք նրանց ուտելու բան: Եւ նրանք ասացին. Մենք հինգ նկանակից եւ երկու ձկից աւելին չունենք, եթէ չգնանք եւ այս ժողովրդի համար բաւարար ուտելիք չգտնենք.
14. որովհետեւ շուրջ հինգ հազար մարդ կար: Նա աշակերտներին ասաց. Նստեցրէ՛ք դրանց խումբ-խումբ, յիսուն-յիսուն:
15. Եւ այդպէս արեցին ու ամենքին նստեցրին:
16. Եւ նա վերցնելով հինգ նկանակը եւ երկու ձուկը՝ նայեց դէպի երկինք, օրհնեց, կտրեց եւ աշակերտներին տուեց, որպէսզի ժողովրդի առաջ դնեն:
17. Ամէնքը կերան եւ յագեցան. իսկ կտորտանքները վերցրին՝ տասներկու սակառ լիքը:
18. Եւ երբ նա առանձին աղօթքի էր կանգնել, նրա հետ էին նաեւ իր աշակերտները: Նրանց հարցրեց եւ ասաց. Ժողովուրդը իմ մասին ի՞նչ է ասում. ո՞վ եմ:
19. Եւ նրանք պատասխանեցին եւ ասացին. Յովհաննէս Մկրտիչը. եւ ոմանք, թէ՛ Եղիան, իսկ ուրիշներ, թէ՛ Նախնիներից մի մարգարէ յարութիւն է առել:
20. Ասաց նրանց. Դո՛ւք իմ մասին ի՞նչ էք ասում. ո՞վ եմ: Պետրոսը պատասխանեց եւ ասաց. Աստծու Քրիստոսը:
21. Նա սաստեց նրանց եւ պատուիրեց ոչ ոքի չասել այդ:
22. Ապա ասաց. Մարդու Որդին պէտք է շատ չարչարուի եւ անարգուի քահանայապետներից եւ ծերերից ու օրէնսգէտներից. եւ սպանուի ու երրորդ օրը յարութիւն առնի:
23. Եւ ամենքին ասում էր. Եթէ մէկը կամենում է իմ յետեւից գալ, թող ուրանայ իր անձը եւ իր խաչը մշտապէս վերցնի եւ գալ իմ յետեւից.
24. որովհետեւ, ով որ կամենայ իր անձը փրկել, այն պիտի կորցնի, իսկ ով որ իր անձը ինձ համար կորցնի, այն պիտի փրկի:

25. Ի՞նչ օգուտ է մարդուն, եթե աշխարհը շահի, բայց իր անձը կորցնի ու տուժի.
26. որովհետեւ, ով որ ինձ եւ իմ խօսքերը ամօթ կը համարի, նրան մարդու Որդին էլ ամօթահար պիտի անի, երբ գայ իր եւ Հօր եւ սուրբ հրեշտակների փառքով:
27. Բայց, արդարեւ, ասում եմ ձեզ, թե այստեղ գտնուողների մէջ կան ոմանք, որոնք մահ չպիտի ճաշակեն, մինչեւ որ չտեսնեն Աստծու արքայութիւնը:
28. Եւ այս խօսքերից մօտ ուր օր յետոյ, իր հետ վերցնելով Պետրոսին, Յակոբոսին եւ Յովհաննէսին, նա լեռ ելաւ աղօթքի կանգնելու:
29. Եւ երբ աղօթքի էր կանգնած, նրա երեսի տեսքը այլակերպուեց, նրա զգեստը փոխուեց եւ փայլուն-սպիտակ դարձաւ:
30. Եւ ահա երկու մարդիկ խօսում էին նրա հետ: Նրանք Մովսէսն ու Եղիան էին,
31. որոնք փառքով երեւալով՝ խօսում էին նրա վախճանի մասին, որ տեղի պիտի ունենար Երուսաղէմում:
32. Իսկ Պետրոսը եւ նրա հետ գտնուողները քնի ծանրութեան տակ՝ արթնացան ու տեսան նրա փառքը եւ երկու մարդկանց, որոնք նրա մօտ կանգնած էին:
33. Եւ երբ դրանք նրանից հեռանում էին, Պետրոսը Յիսուսին ասաց. Վարդապէ՛տ, լաւ է, որ մենք այստեղ ենք. երեք տաղաւար շինենք, մէկը՝ քեզ, մէկը՝ Մովսէսի եւ մէկը՝ Եղիայի համար: Եւ չէր իմանում, թէ ինչ էր խօսում:
34. Եւ երբ այս ասում էր, մի ամպ եկաւ ու նրանց վրայ հովանի եղաւ. եւ երբ նրանք ամպի տակ ընկան, վախեցան:
35. Ամպից մի ձայն եկաւ, որ ասում էր. Դա՛ է իմ ընտրեալ Որդին, լսեցէ՛ք դրան:
36. Եւ մինչ խօսքի ձայնը դեռ գալիս էր, Յիսուս միայնակ գտնուեց. եւ նրանք լսեցին ու այդ օրերին ոչ ոքի չպատմեցին իրենց տեսածներից եւ ոչ մի բան:
37. Յաջորդ օրը, երբ նրանք իջնում էին լեռնից, Յիսուսին ընդառաջ գնաց մի մեծ բազմութիւն:
38. Եւ ահա ժողովրդի միջից մի մարդ աղաղակեց եւ ասաց. Վարդապէ՛տ, աղաչում եմ քեզ, նայի՛ր իմ որդուն, որովհետեւ իմ մէկ հատիկն է.
39. ահա չար ոգին դեսուղէն է զարնւում նրա մէջ եւ յանկարծ գոչում է. եւ նրան սաստիկ ցնցում է, թաւալեցնում, փրփրեցնում եւ, խորտակելով նրան, հազիւ է հեռանում նրանից:
40. Ես քո աշակերտներին աղաչեցի, որ հանեն չար ոգուն, բայց նրանք չկարողացան:
41. Յիսուս պատասխանեց եւ ասաց. Ո՛վ անհաւատ եւ մոլորուած սերունդ, մինչեւ ե՞րբ ձեզ հետ պիտի լինեմ եւ ձեզ հանդուրժեմ. բե՛ր այստեղ քո որդուն:
42. Եւ մինչդեռ նա մօտենում էր, դեւը գետին խփեց նրան ու ցնցեց:
43. Յիսուս սաստեց պիղծ ոգուն, բժշկեց մանկանը եւ տուեց նրան նրա հօրը:
44. Եւ ամենքը զարմանում էին Աստծու մեծագործութիւնների վրայ: Եւ մինչդեռ բոլորը զարմանում էին այն ամենի վրայ, որ նա կատարում էր, նա իր աշակերտներին ասաց. Ձեր ականջների մէջ պահեցէ՛ք դուք այս խօսքերը. որ մարդու Որդին մատնուելու է մարդկանց ձեռքը:
45. Սակայն նրանք չէին ըմբռնում այս խօսքը, եւ դա ծածկուած էր նրանցից, որ չիմանան. եւ վախենում էին այդ խօսքի մասին հարց տալ նրան:
46. Աշակերտների մէջ մի վեճ առաջ եկաւ, թէ արդեօք իրենցից ո՛վ է մեծ:
47. Երբ Յիսուս իմացաւ նրանց սրտի խորհուրդները, վերցրեց մի մանուկ, կանգնեցրեց նրանց մէջ իր մօտ
48. եւ ասաց նրանց. Ով որ այս մանկանը ընդունի իմ անունով, ինձ է ընդունում. իսկ ով որ ինձ ընդունի, ընդունում է ինձ ուղարկողին. որովհետեւ, ով որ ձեր մէջ փոքրագոյնն է, նա՛ է մեծ:
49. Յովհաննէսը պատասխանեց եւ ասաց. Վարդապէ՛տ, տեսանք մէկին, որ քո անունով դէւեր էր հանում, եւ արգելեցինք նրան, որովհետեւ մեզ հետ չի շրջում:
50. Յիսուս ասաց նրանց. Մի՛ արգելէք նրան, որովհետեւ, ով որ ձեր թշնամին չէ, ձեր կողմն է:
51. Եւ երբ աշխարհից նրա վերանալու օրերը լրանում էին, հաստատապէս որոշեց գնալ

Երուսաղէմ:

52. Եւ իրենից առաջ պատգամաւորներ ուղարկեց, որոնք, երբ գնացին, մտան սամարացիների մի գիւղ՝ նրա համար պատրաստութիւն տեսնելու:

53. Բայց սրանք չընդունեցին նրան, որովհետեւ նա ուղեւորւում էր դէպի Երուսաղէմ:

54. Երբ նրա աշակերտները՝ Յակոբոսը եւ Յովհաննէսը, այդ տեսան, ասացին. Տէ՛ր, կամենո՞ւմ ես, որ ասենք, եւ երկնքից կրակ իջնի ու բնաջինջ անի նրանց:

55. Նա դարձաւ սաստեց նրանց եւ ասաց. Չգիտէք ի՞նչ հոգուց էք դուք.

56. որովհետեւ մարդու Որդին չեկաւ մարդկանց հոգիները կորստեան մատնելու, այլ՝ փրկելու: Եւ մի ուրիշ գիւղ գնացին:

57. Եւ մինչդեռ նրանք գնում էին, ճանապարհի վրայ մէկը նրան ասաց. Կը գամ քո յետեւից, ինչ տեղ էլ գնաս:

58. Յիսուս նրան ասաց. Աղուէսները որջեր ունեն, եւ երկնքի թռչունները՝ հանգստանալու տեղ, բայց մարդու Որդին գլուխը դնելու տեղ չունի:

59. Մի ուրիշի էլ ասաց. Արի՛ իմ յետեւից: Եւ սա ասաց. Տէ՛ր, հրաման տուր ինձ՝ գնալ նախ թաղել իմ հօրը:

60. Յիսուս նրան ասաց. Թող որ մեռածները թաղեն իրենց մեռելներին, իսկ դու գնա՛ քարոզիր Աստծու արքայութիւնը:

61. Մէկ ուրիշն էլ ասաց. Քո յետեւից կը գամ, Տէ՛ր, բայց նախ թո՛յլ տուր ինձ, որ հրաժեշտ տամ իմ տանը:

62. Յիսուս նրան ասաց. Ո՛չ ոք իր ձեռքը մաճի վրայ կը դնի եւ ապա յետ կը նայի, եթէ յարմար է Աստծու արքայութեանը:

1. Այնուհետեւ Տէրը նշանակեց ուրիշ եօթնասուններկու հոգի եւս եւ նրանց իրենից առաջ երկու-երկու ուղարկեց այն բոլոր քաղաքներն ու վայրերը, ուր ինքը գնալու էր:
2. Եւ նրանց ասաց. Հունձն առատ է, իսկ մշակները՝ սակաւ: Արդ, խնդրեցէ՛ք հնձի տիրոջը, որ մշակներ ուղարկի իր հնձի համար:
3. Գնացէ՛ք, ահա ուղարկում եմ ձեզ իբրեւ գառներ գայլերի մէջ:
4. Մի՛ վերցրէք ո՛չ քսակ, ո՛չ մախաղ, ո՛չ կօշիկներ եւ ճանապարհին ոչ ոքի ողջոյն մի՛ տուէք:
5. Որ տունը մտնէք, նախ ասացէ՛ք. Խաղաղութի՛ւն այս տանը.
6. Եթէ այնտեղ կայ խաղաղասէր մարդ, ձեր խաղաղութիւնը նրա վրայ կը հանգչի. ապա թէ ոչ՝ ձե՛զ կը վերադառնայ:
7. Նոյն տանը գիշերեցէ՛ք, կերէ՛ք եւ խմեցէ՛ք նրանց ունեցածից, որովհետեւ մշակը արժանի է իր վարձին. տնից տուն մի՛ տեղափոխուէք:
8. Ո՛ր քաղաքը որ մտնէք եւ ձեզ ընդունեն, կերէ՛ք, ինչ որ ձեր առաջ դնեն:
9. Եւ բժշկեցէ՛ք դրա մէջ եղած հիւանդներին եւ նրանց ասացէ՛ք. Մօտեցել է ձեզ Աստծու արքայութիւնը:
10. Իսկ ո՛ր քաղաքը որ մտնէք եւ ձեզ չընդունեն, երբ դուրս գաք նրա հրապարակները, ասացէ՛ք.
11. Ձեր քաղաքից մեր ոտքերին կպած փոշին անգամ թօթափում ենք ձեր վրայ. բայց իմացէ՛ք, որ մօտեցել է Աստծու արքայութիւնը:
12. Ասում եմ ձեզ, որ սոդոմայեցիների համար դատաստանի օրը աւելի տանելի պիտի լինի, քան այն քաղաքի համար:
13. Վա՛յ քեզ, Քորազին, վա՛յ քեզ, Բեթսայիդա, որովհետեւ եթէ Տիւրոսում եւ Սիդոնում եղած լինէին այն զօրաւոր գործերը, որ կատարուեցին ձեր մէջ, արդարեւ վաղուց իսկ քուրճերի մէջ ու մոխրի վրայ նստած՝ ապաշխարած կը լինէին:
14. Բայց Տիւրոսի եւ Սիդոնի համար, դատաստանի ժամանակ, աւելի տանելի կը լինի, քան ձեզ համար:
15. Եւ դու, Կափառնայո՛ւմ, որ մինչեւ երկինք ես բարձրացել, պիտի իջնես մինչեւ դժոխք:
16. Ով որ ձեզ լսում է, ինձ է լսում, եւ ով որ ձեզ է մերժում, ինձ է մերժում, եւ ով որ ինձ է մերժում, ինձ ուղարկողին է մերժում, եւ ով որ ինձ է լսում, լսում է նրան, ով ինձ ուղարկեց:
17. Եօթնասուններկուսը վերադարձան խնդութեամբ եւ ասացին. Տէ՛ր, դեւերն էլ են մեզ հնազանդում քո անունով:
18. Եւ նրանց ասաց. Տեսնում էի սատանային երկնքից ընկնելիս, ինչպէս փայլակը:
19. Ահա ձեզ իշխանութիւն տուի կոխելու օձերի, կարիճների եւ թշնամու ամբողջ զօրութեան վրայ: Եւ ձեզ բոլորովին չեն վնասելու:
20. Բայց մի՛ ուրախացէք այն բանի համար, որ դեւերը ձեզ հնազանդում են, այլ ուրախացէ՛ք, որ ձեր անունները գրուած են երկնքում:
21. Նոյն ժամին Յիսուս ցնծաց Սուրբ Հոգով եւ ասաց. Գոհութի՛ւն քեզ, Հա՛յր, Տէ՛ր երկնքի եւ երկրի, որ ծածկեցիր այս բանը իմաստուններից ու գիտուններից եւ յայտնեցիր մանուկներին. այո՛, Հա՛յր, որովհետեւ այսպէս հաճելի եղաւ քեզ:
22. Ամէն ինչ ինձ տրուեց իմ Հօրից. եւ ոչ ոք չգիտէ, թէ ո՛վ է Որդին, եթէ ոչ՝ Հայրը, եւ թէ՛ ո՛վ է Հայրը, եթէ ոչ՝ Որդին եւ նա, ում կը կամենայ Որդին յայտնել:
23. Եւ դառնալով աշակերտներին՝ առանձին ասաց. Երանի՛ այն աչքերին, որ կը տեսնեն այն, ինչ դուք տեսնում էք:
24. Ասում եմ ձեզ, որ բազում մարգարէներ եւ թագաւորներ կամեցան տեսնել այն, ինչ դուք տեսնում էք, բայց չտեսան, եւ լսել՝ ինչ դուք լսում էք, բայց չլսեցին:
25. Եւ ահա օրինականներից մէկը վեր կացաւ, փորձում էր նրան եւ ասում. Վարդապե՛տ, ի՞նչ պետք է անեմ, որ յաւիտենական կեանքը ժառանգեմ:

26. Եւ նա նրան ասաց. Օրէնքում ի՞նչ է գրուած, ինչպէ՞ս ես ընթերցում:
27. Սա պատասխանեց եւ ասաց. Պիտի սիրես քո Տէր Աստծուն քո ամբողջ սրտով եւ քո ամբողջ հոգով եւ քո ամբողջ զօրութեամբ եւ քո ամբողջ մտքով. եւ պիտի սիրես քո ընկերոջը, ինչպէս քո անձը:
28. Եւ Յիսուս նրան ասաց. Ճիշտ պատասխան տուեցիր, այդ արա՛ւ եւ կը փրկուես:
29. Եւ նա կամենալով ինքն իրեն արդարացնել, ասաց Յիսուսին. Իսկ ո՞վ է իմ ընկերը:
30. Յիսուս պատասխանեց եւ ասաց. Մի մարդ Երուսաղէմից Երիքով էր իջնում եւ ընկաւ աւազակների ձեռքը, որոնք նրան մերկացրին, վիրաւորեցին եւ կիսամեռ թողեցին ու գնացին:
31. Պատահեց, որ մի քահանայ նոյն ճանապարհով իջնի. նրան տեսաւ եւ թողեց անցաւ.
32. նոյնպէս եւ մի ղեւտացի նոյն տեղով անցնելիս, տեսաւ եւ թողեց անցաւ:
33. Մի սամարացի, որ ճանապարհորդում էր, եկաւ նոյն տեղով նրա մօտ եւ տեսնելով նրան՝ գթաց:
34. Եւ մօտենալով՝ կապեց նրա վերքերը, վրան ձեթ ու գինի ածեց եւ դնելով նրան իր գրաստի վրայ՝ տարաւ մի իջեւան եւ խնամեց նրան:
35. Եւ յաջորդ օրը, երբ դուրս էր գալիս այնտեղից, իջեւանատիրոջը երկու դահեկան հանեց տուեց եւ ասաց. Խնամի՛ր նրան եւ ինչ որ ծախսես դրա վրայ, իմ միւս անգամ գալուն կը հատուցեմ քեզ:
36. Արդ, ըստ քեզ, այդ երեքից ո՞րը մերձաւորի պէս վերաբերուեց նրան, ով աւազակների ձեռքն էր ընկել:
37. Եւ սա ասաց. Նա, ով նրան բարիք արեց: Յիսուս նրան ասաց. Գնա՛ւ եւ դու նոյն ձեւով արա:
38. Եւ մինչ նրանք գալիս էին, Յիսուս մտաւ մի գիւղ, եւ Մարթա անունով մի կին նրան ընդունեց իր տան մէջ:
39. Եւ սա մի քոյր ունէր, որի անունը Մարիամ էր, որ եկաւ նստեց Տիրոջ ոտքերի առաջ եւ լսում էր նրա խօսքերը:
40. Իսկ Մարթան, որ զբաղուած էր տնային շատ գործերով, եկաւ կանգնեց նրա մօտ եւ ասաց. Տէ՛ր, քեզ փոյթ չէ՞, որ քոյրս ինձ մենակ է թողել ծառայութեան գործի մէջ. արդ, ասա՛ դրան, որ օգնի ինձ:
41. Յիսուս պատասխանեց ու ասաց. Մարթա՛, Մարթա՛, դու հոգս ես անում եւ շատ բաներով ես զբաղուած,
42. բայց այստեղ քիչ բան է պէտք. Մարիամը ընտրել է լաւ մասը, որ նրանից չպիտի վերցուի:

1. Եւ եղաւ որ Յիսուս մի տեղ աղօթքի էր կանգնած. եւ երբ վերջացրեց, նրա աշակերտներէից մէկն ասաց նրան. Տէ՛ր, մեզ աղօթել սովորեցրո՛ւ, ինչպէս Յովհաննէսը սովորեցրեց իր աշակերտներին:
2. Նա նրանց ասաց. Երբ աղօթքի կանգնեք, ասացէ՛ք.
3. Եւ Յիսուս նրանց ասաց. Ձեզնից ո՞վ է, որ բարեկամ ունենայ, գնայ նրա մօտ կէսգիշերին եւ ասի նրան. բարեկա՛մ, ինձ երեք նկանակ փո՛խ տուր,
4. որովհետեւ իմ բարեկամը ճանապարհից եկաւ ինձ մօտ, եւ ես նրա առաջ դնելու ոչինչ չունեմ:
5. Իսկ նա ներսից պատասխանի եւ ասի. Ինձ նեղութիւն մի՛ տուր, որովհետեւ դռները փակուած են, եւ երեխաներս ինձ հետ անկողնում են, չեմ կարող վեր կենալ եւ քեզ հաց տալ:
6. Ասում եմ ձեզ, եթէ բարեկամութեան համար էլ վեր չկենայ եւ հաց չտայ նրան, նրա թախանձանքի՛ պատճառով վեր կենալով կը տայ նրան, ինչ որ պէտք է:
7. Եւ ես ասում եմ ձեզ. խնդրեցէ՛ք, եւ Աստծուց կը տրուի ձեզ, փնտռեցէ՛ք, եւ կը գտնեք, բախեցէ՛ք, եւ կը բացուի ձեզ համար,
8. որովհետեւ, ով որ խնդրում է, առնում է, ով որ փնտռում է, գտնում է, եւ ով որ բախում է, բացւում է նրա առաջ:
9. Ձեզնից ո՞վ է այն հայրը, որի որդին եթէ ծուկ ուզի, միթէ ձկան փոխարէն օ՞ճ կը տայ նրան.
10. եւ կամ ծու ուզի, միթէ կարի՞ճ կը տայ նրան:
11. Իսկ եթէ դուք, որ չար եք, գիտեք բարի պարգեւներ տալ ձեր որդիներին, որչա՛փ եւս առաւել ձեր երկնաւոր Հայրը բարիքներ կը տայ նրանց, որոնք ուզում են իրենից:
12. Եւ Յիսուս մի համր դել էր հանում. եւ երբ դելը ելաւ, համրը խօսեց. եւ ամբողջ ժողովուրդը զարմացաւ:
13. Եւ նրանցից ոմանք ասացին. Դա դելերին հանում է դելերի իշխան Բեեղզեբուղի միջոցով:
14. Իսկ ուրիշներ փորձում էին նրան եւ երկնքից նշան էին ուզում նրանից:
15. Իսկ նա իմանալով նրանց մտածումները՝ ասաց նրանց. Ինքն իր մէջ բաժանուած ամէն թագաւորութիւն աներում է, եւ ինքն իր մէջ բաժանուած ամէն տուն՝ կործանւում:
16. Արդ, եթէ սատանան էլ ինքն իր մէջ բաժանուեց, նրա թագաւորութիւնը ինչպէ՞ս կարող է կանգուն մնալ. որովհետեւ իմ մասին ասում եք, թէ՝ Դա դելերին հանում է դելերի իշխան Բեեղզեբուղի միջոցով:
17. Եթէ ես դելերին հանում եմ Բեեղզեբուղի միջոցով, ձեր հետեւորդները ինչո՞վ պիտի հանեն. դրա համար նրա՛նք պիտի լինեն ձեր դատաւորները:
18. Իսկ եթէ Աստծու մատով եմ հանում դելերին, ապա Աստծու արքայութիւնը հասել է ձեր վրայ:
19. Երբոր զինուած հզօր մի մարդ պահպանում է իր տունը, նրա ինչքը ապահով է:
20. Բայց եթէ նրանից անելի հզօրը գայ նրա վրայ եւ յաղթի նրան, նրանից կը հանի այն զէնքերը, որոնց վրայ յոյս էր դրել, եւ նրա աւարը կը բաժանի:
21. Ով ինձ հետ չէ, հակառակ է ինձ, եւ ով ինձ հետ չի հաւաքում, ցրում է:
22. Երբ պիղծ դելը ելնում է մարդուց, շրջում է անջրդի տեղերում, հանգիստ է փնտռում. եւ երբ չի գտնում, ասում է՝ Վերադառնամ իմ տունը, որտեղից ելայ:
23. Եւ գալիս է ու գտնում այն՝ մաքրուած եւ կարգի բերուած:
24. Այն ժամանակ գնում եւ վերցնում է իրենից անելի չար եօթը այլ դելեր եւ մտնում, բնակւում է այնտեղ. եւ այն մարդու վերջին վիճակը լինում է անելի վատ, քան նախկինը:
25. Եւ մինչդեռ Յիսուս այս բանն էր խօսում, ժողովրդի միջից մի կին ձայն բարձրացրեց եւ ասաց. Երանի՛ է այն կնոջը, որ յղացաւ եւ դիեցրեց քեզ:
26. Եւ նա ասաց. Մանաւանդ երանի՛ է նրանց, որ լսում են Աստծու խօսքը եւ կը պահեն:
27. Եւ երբ ժողովուրդը նրա շուրջը խռնուեց, սկսեց ասել. Այս սերունդը չար սերունդ է.

նշան է ուզում, եւ նրան երկնքից այլ նշան չի տրուի, բացի Յովնանի նշանից.

28. որովհետեւ, ինչպէս Յովնանը նշան եղաւ նինուէացիների համար, նոյնպէս մարդու Որդին նշան կը լինի այս սերնդի համար:

29. Հարաւի դշխոն դատաստանի ժամանակ վեր պիտի կենայ այս սերնդի մարդկանց հետ եւ պիտի դատապարտի նրանց, որովհետեւ նա երկրի ծագերից եկաւ լսելու Սողոմոնի իմաստութիւնը. եւ ահա Սողոմոնից մեծը կայ այստեղ:

30. Նինուէի մարդիկ դատաստանի ժամանակ վեր պիտի կենան այս սերնդի հետ եւ պիտի դատապարտեն նրան, որովհետեւ Յովնանի քարոզութեան վրայ ապաշխարեցին. եւ ահա Յովնանից մեծը կայ այստեղ:

31. Ոչ ոք ճրագ վառելով ծածուկ տեղ չի դնի, այլ կը դնի աշտանակի վրայ, որպէսզի մտնողը լոյս տեսնի:

32. Մարմնի ճրագը աչքն է. երբ աչքը առողջ է, ամբողջ մարմինը լուսաւոր կը լինի, իսկ երբ աչքը պղտոր է, մարմինն էլ խաւար կը լինի:

33. Արդ, զգո՛յ՜ եղիր, գուցէ այն լոյսը, որ քո մէջ է, խաւար լինի:

34. Եթէ քո ամբողջ մարմինը լուսաւոր է, եւ նրա մէջ խաւարի մաս չկայ, ամէն ինչ այնպէս լուսաւոր կը լինի, ինչպէս երբ ճրագը իր շողերով լուսաւորի քեզ:

35. Եւ մինչդեռ նա խօսում էր այս բաները, մի փարիսեցի աղաչում էր նրան, որ իր մօտ ճաշի: Եւ նա մտնելով՝ սեղան նստեց:

36. Երբ փարիսեցին տեսաւ, զարմացաւ, որովհետեւ Յիսուս ճաշից առաջ չլուացուեց:

37. Տերը նրան ասաց. Այժմ դուք՝ փարիսեցիներդ, բաժակի եւ պնակի արտաքինն էք մաքրում, իսկ ձեր ներքինը լի է յափշտակութեամբ եւ չարութեամբ:

38. Անմիտնե՛ր, չէ՞ որ նա, ով արտաքինը ստեղծեց, նաեւ ներքինը ստեղծեց:

39. Բայց տեսե՛ք, թէ ինչն է իսկապէս արժան. ողորմութի՛ւն տուէք, եւ ահա ձեր ամէն ինչը մաքուր կը լինի:

40. Բայց վա՛յ ձեզ՝ փարիսեցիներիդ, որ տասանորդ էք տալիս անանուխի, փեղենայի եւ ամէն տեսակ բանջարեղէնի, բայց զանց էք անում Աստծու արդարութիւնն ու սերը. այս բաները պետք էր անել, բայց միւսները զանց չանել:

41. Վա՛յ ձեզ՝ փարիսեցիներիդ, որ ժողովարաններում բարձր գահերն էք սիրում եւ հրապարակներում՝ առաջին ողջոյնները ստանալ:

42. Վա՛յ ձեզ, որ անյայտ գերեզմանների պէս էք. մարդիկ քայլում են նրանց վրայով եւ չգիտեն:

43. Օրէնսդէտներից մէկը պատասխանեց եւ ասաց նրան. Վարդապե՛տ, այդ բաներն ասելով՝ մեզ էլ ես նախատում:

44. Եւ նա ասաց. Վա՛յ ձե՛զ եւս, օրէնսդէտնե՛ր, որ մարդկանց դժուարակիր բեռներ էք բարձում, բայց դուք ինքներդ մէկ մատով իսկ բեռներին չէք դիպչում:

45. Վա՛յ ձեզ, որ մարգարէներին շիրիմներ էք շինում, իսկ ձեր հայրերը նրանց սպանեցին:

46. Դրանով իսկ դուք վկայում էք, թէ կամակից էք ձեր հայրերի գործերին, որովհետեւ նրանք կոտորեցին մարգարէներին, իսկ դուք նրանց գերեզմաններ էք շինում:

47. Դրա համար Աստծու իմաստութիւնն ասաց. նրանց մէջ մարգարէներ եւ առաքեալներ կ'ուղարկեմ, եւ նրանցից ոմանց պիտի սպանեն եւ հալածեն,

48. որպէսզի այդ սերնդից պահանջուի արիւնը բոլոր մարգարէների՝ թափուած աշխարհի սկզբից՝

49. Աբելի արիւնից մինչեւ արիւնը Չաքարիայի, որը կորստեան մատնուեց խորանի եւ տաճարի միջեւ. այո՛, ասում եմ ձեզ, պիտի պահանջուի՝ այդ սերնդից:

50. Վա՛յ ձեզ՝ օրէնսդէտներիդ, որ թաքցնում էք գիտութեան բանալիները. դուք չէք մտնում եւ մտնողներին էլ արգելում էք:

51. Եւ երբ այս բոլորը նրանց ասաց ամբողջ ժողովրդի առաջ, ամօթահար եղան. եւ օրէնսդէտներն ու փարիսեցիները սկսեցին խիստ չարանալ եւ բանավեճի բռնուել նրա հետ՝ շատ բաների համար:

52. Եւ սպասում էին նրա բերանից ինչ-ինչ խօսքեր որսալ, որպէսզի չարախօսեն նրա



մասին:

1. Մինչ Յիսուսի շուրջը բիւրաւոր ժողովուրդ հաւաքուեց՝ իրար կոխոտելու աստիճան, նա սկսեց նախ իր աշակերտներին ասել. Նախ դուք ձեզ զգո՛յշ պահեցէք փարիսեցիների խմորից, որ կեղծաւորութիւնն է,
2. որովհետեւ չկայ ծածուկ բան, որ ջայտնուի, եւ գաղտնի բան, որ չիմացուի,
3. քանի որ, ինչ որ խաւարի մէջ ասեք, լսելի պիտի լինի լոյսի մէջ. եւ ինչ որ շտեմարաններում փսփսաք ականջների մէջ, պիտի քարոզուի տանիքների վրայ:
4. Բայց ասում եմ ձեզ՝ իմ սիրելիներին, մի՛ զարհուրեք նրանցից, որ մարմինն են սպանում եւ դրանից յետոյ անելի բան անել չեն կարող,
5. այլ ցոյց կը տամ ձեզ, թէ ումի՛ց պէտք է վախենաք: Վախեցէ՛ք նրանից, ով սպանելուց յետոյ գեհենն նետելու իշխանութիւն ունի: Այո՛, ասում եմ ձեզ, վախեցէ՛ք նրանից:
6. Չէ՞ որ հինգ ճնճողկը երկու դահեկանի է վաճառում, եւ նրանցից ոչ մէկը Աստծու առաջ մոռացուած չէ:
7. Նոյնիսկ ձեր գլխի բոլոր մազերը հաշուուած են. մի՛ վախեցէք, որովհետեւ դուք շատ անելի յարգի էք, քան ճնճողկները:
8. Ասում եմ ձեզ, ով որ մարդկանց առաջ խոստովանի ինձ, մարդու Որդին էլ նրան կը խոստովանի Աստծու հրեշտակների առաջ:
9. Իսկ ով որ մարդկանց առաջ ինձ կ'ուրանայ, Աստծու հրեշտակների առաջ պիտի ուրացուի:
10. Եւ ով որ մարդու Որդու դէմ բան ասի, նրան պիտի ներուի, բայց ով որ Սուրբ Հոգուն հայիոյի, նրան չպիտի ներուի:
11. Իսկ երբ ձեզ տանեն ժողովարանների, կառավարիչների եւ իշխանաւորների առաջ, մի՛ մտահոգուէք, թէ ինչպէս կամ ինչ պատասխան պիտի տաք եւ կամ ինչ պիտի ասեք,
12. որովհետեւ Սուրբ Հոգին Նոյն ժամին կը սովորեցնի ձեզ, թէ ինչ պէտք է խօսել:
13. Ժողովրդի միջից մէկը նրան ասաց. Վարդապե՛տ, ասա եղբօրս, որ ժառանգութիւնը ինձ հետ բաժանի:
14. Եւ նա նրան ասաց. Ո՛վ մարդ, ինձ ո՞վ դատաւոր կամ բաժանարար կարգեց ձեր վրայ:
15. Ապա ժողովրդին ասաց. Տեսէք, որ զգոյշ լինէք ամէն տեսակ ագահութիւնից, որովհետեւ մարդու կեանքը իր կուտակած հարստութեան մէջ չէ:
16. Եւ նրանց մի առակ պատմեց ու ասաց. Մի մեծահարուստի արտերը առատ բերք տուեցին.
17. եւ նա խորհեց իր մտքում ու ասաց. Տեսնեմ ինչ կարող եմ անել, քանի որ բերքս կուտակելու տեղ չկայ:
18. Գիտեմ, - ասաց նա, - թէ ինչ պէտք է անեմ. կը քանդեմ իմ շտեմարանները եւ անելի մեծերը կը շինեմ ու այնտեղ կը հաւաքեմ ցորենը եւ իմ ամբողջ բարիքները.
19. ու ինքս ինձ կ'ասեմ՝ ո՛վ մարդ, շատ տարիների համար ամբարուած բազում բարիքներ ունես, հանգիստ արա, կե՛ր, խմի՛ր եւ ուրա՛խ եղիր:
20. Աստուած նրան ասաց. Անմի՛տ, հէնց այս գիշեր հոգիդ քեզից պահանջելու են, իսկ ինչ որ պատրաստել ես, ո՞ւմն է լինելու:
21. Նոյնպէս է նաեւ նա, ով իր անձի համար գանձ կը հաւաքի եւ Աստուծով չի հարստանայ:
22. Եւ իր աշակերտներին ասաց. Դրա համար էլ ասում եմ ձեզ. հոգ մի՛ արեք ձեր հոգու համար, թէ ինչ էք ուտելու, ոչ էլ մարմնի համար, թէ ինչ էք հագնելու,
23. որովհետեւ հոգին առաւել է, քան կերակուրը, եւ մարմինը՝ քան հագուստը:
24. Նայեցէ՛ք ագռաւներին, որոնք ո՛չ սերմանում են եւ ո՛չ հնձում, որոնք ո՛չ շտեմարաններ ունեն եւ ո՛չ էլ ամբարներ, բայց Աստուած կերակրում է նրանց. որքա՛ն եւս առաւել ձեզ, որ շատ անելի յարգի էք, քան թռչունները:
25. Ձեզնից ո՞վ, հոգս անելով, կը կարողանայ իր հասակի վրայ մէկ կանգուն անելացնել:
26. Արդ, եթէ փոքր բանի մէջ անկարող էք, այլ բաների համար ինչո՞ւ էք հոգս անում:

27. Նայեցէ՛ք շուշանին՝ ինչպէս է աճում. ո՛չ աշխատում է եւ ո՛չ հիւսում: Ասում եմ ձեզ՝ Սողոմոնն իսկ իր ամբողջ փառքի մէջ նրանցից մէկի նման չհազնուեց:
28. Իսկ եթէ խոտը, որ այսօր բաց դաշտի մէջ է, իսկ վաղը հնոց է նետուելու, Աստուած այդպէ՛ս է հազնում, որչա՛փ եւս առաւել ձեզ պիտի հազցնի, թերահաւատներ:
29. Եւ դուք մի՛ մտահոգուէք, թէ ի՞նչ էք ուտելու կամ ի՞նչ էք խմելու, եւ մի՛ մտատանջուէք,
30. որովհետեւ այդ ամէնը աշխարհի հեթանոսներն են, որ փնտռում են: Իսկ ձեր Հայրը գիտէ, որ այդ ամէնը պետք է ձեզ:
31. Այլ դուք հետամո՛տ եղէք Աստծու արքայութեանը, եւ այդ ամէնը աւելիով կը տրուի ձեզ:
32. Մի՛ վախեցիր, փոքրի՛կ հօտ, որովհետեւ ձեր Հայրը հաճեց տալ ձեզ արքայութիւնը:
33. Վաճառեցէ՛ք ձեր ինչքերը եւ ողորմութիւն տուէք. եւ ձեզ համար շինեցէ՛ք չինացող քսակներ եւ անհատնում գանձեր երկնքում, ուր ո՛չ գողն է մօտենում, եւ ո՛չ ցեցը՝ փչացնում:
34. որովհետեւ, ուր որ ձեր գանձն է, այնտեղ եւ ձեր սրտերը կը լինեն:
35. Թող ձեր գօտիները մէջքներիդ պնդուած լինեն, եւ ճրագներդ՝ վառուած:
36. Եւ դուք նմանուեցէ՛ք այն ծառաներին, որոնք սպասում են իրենց տիրոջը, թէ ե՛րբ կը վերադառնայ հարսանիքից, որպէսզի, երբ գայ եւ բախի դուռը, իսկոյն բաց անեն:
37. Երանի՛ր այն ծառաներին, որոնց արթուն կը գտնի տէրը, երբ գայ: Հշմարիտ եմ ասում ձեզ, որ նա գօտի կը կապի մէջքին, սեղան կը նստեցնի նրանց եւ կ'անցնի նրանց սպասարկելու:
38. Եւ եթէ տէրը գայ կեսգիշերին եւ կամ աւելի ուշ ու գտնի նրանց այդպէս, երանելի են այդ ծառաները:
39. Բայց այն էլ իմացէ՛ք, որ եթէ տանտէրը գիտենար, թէ ո՛ր ժամին գող կը գայ, թոյլ չէր տայ, որ իր տունը կտրեն:
40. Դուք էլ պատրա՛ստ եղէք, որովհետեւ այն ժամին, երբ չէք սպասի, կը գայ մարդու Որդին:
41. Պետրոսն ասաց. Տէ՛ր, մե՞զ համար ասացիր այդ առակը, թե՞ բոլորի համար:
42. Եւ Տէրն ասաց. Ո՞վ է այն հաւատարիմ եւ իմաստուն տնտեսը, որին իր տէրը իր ծառաների վրայ վերակացու կարգեց՝ ժամանակի՛ն կերակուր տալու համար:
43. Երանի՛ր է այն ծառային, որին իր տէրը, երբ որ գայ, այդպէս արած կը գտնի:
44. Արդարեւ, ասում եմ ձեզ, որ նրան իր բոլոր ինչքերի վրայ վերակացու կը կարգի:
45. Իսկ եթէ այդ ծառան իր սրտում ասի՝ Իմ տէրը ուշանում է գալ, եւ սկսի ծեծել ծառաներին եւ աղախիսներին, ուտել, խմել եւ հարբել,
46. այդ ծառայի տէրը կը գայ այն օրը, երբ նա չէր սպասում, եւ այն ժամին, որ չէր իմանում. նրան մէջքից երկու կտոր կ'անի եւ նրա բաժինը անհաւատների հետ կը դնի:
47. Իսկ այն ծառան, որ գիտէ իր տիրոջ կամքը, բայց նրա կամքի համաձայն չի պատրաստի, շատ ծեծ կ'ուտի:
48. Եւ այն ծառան, որ չգիտէ իր տիրոջ կամքը եւ ծեծի արժանի գործ է կատարում, քիչ ծեծ կ'ուտի. նրան, ում շատ է տրուած, նրանից շատ էլ կ'ուզուի, եւ ում շատ է վստահուած, նրանից աւելին կը պահանջեն:
49. Երկրի վրայ կրակ գցելու եկայ. եւ ինչքա՛ն եմ կամենում, որ արդէն իսկ բորբոքուած լինի:
50. Եւ մի մկրտութիւն ունեմ մկրտուելու եւ ինչպէ՛ս եմ շտապում, որ կատարուի:
51. Կարծում էք, թէ երկրին խաղաղութի՞ւն տալու եկայ. ո՛չ, ասում եմ ձեզ, այլ՝ բաժանում:
52. որովհետեւ մէկ տան մէջ այսուհետեւ հինգ հոգի իրարից բաժանուած պիտի լինեն. երեքը՝ երկուսի դէմ, եւ երկուսը՝ երեքի:
53. Հայրը պիտի բաժանուի որդու դէմ, եւ որդին՝ Հօր, մայրը՝ աղջկայ դէմ, եւ աղջիկը՝ մօր, կեսուրը՝ հարսի դէմ, եւ հարսը՝ իր կեսրոջ:
54. Ժողովրդին էլ ասաց. Երբ տեսնէք, որ արեւմուտքից ամպ է ելնում, իսկոյն կ'ասէք, թէ՛

անձրեւ կը գայ: Այդպէս էլ լինում է:

55. Եւ երբ հարաւի քամին փչի, կ'ասեք, թէ՛ խորշակ կը լինի: Եւ այդպէս էլ լինում է:

56. Կեղծաւորնե՛ր, երկնքի եւ երկրի երեւոյթները քննել գիտեք, իսկ այս ներկայ ժամանակը ինչպէ՞ս չեք քննում:

57. Ինչո՞ւ դուք անձնապէս արժանին չեք ընտրում:

58. Երբ քո թշնամու հետ գնաս իշխանի մօտ, ճանապարհին հաշիւդ մաքրի՛ր, որ նրանից ազատուես, որովհետեւ գուցէ նա քեզ քարշ տայ դատաւորի մօտ, եւ դատաւորը քեզ բանտապահի ձեռքը յանձնի, եւ բանտապահն էլ՝ բանտ նետի:

59. Ասում եմ քեզ, այնտեղից դուրս չես գայ, մինչեւ որ չվճարես վերջին գրոշը:

1. Այդ նոյն ժամանակ ոմանք եկան եւ պատմեցին նրան այն գալիլիացիների մասին, որոնց արիւնը Պիղատոսը խառնեց իրենց զոհերի արեան հետ:
2. Նա պատասխանեց նրանց եւ ասաց. Կարծո՞ւմ էք, թէ այն գալիլիացիները, որոնք այդպիսի պատահարների ենթարկուեցին, աւելի մեղաւոր էին քան բոլոր գալիլիացիները:
3. Ո՛չ, ասում եմ ձեզ, սակայն, եթէ չապաշխարեք, ամենքդ էլ նոյնպէս պիտի կորչէք:
4. Կամ նրանք՝ այն տասնութ մարդիկ, որոնց վրայ Սիլովամում աշտարակը փուլ եկաւ եւ սպանեց նրանց, կարծում էք, թէ աւելի մեղապա՞րտ էին, քան Երուսաղէմում բնակուող բոլոր մարդիկ:
5. Ո՛չ, ասում եմ ձեզ, սակայն եթէ չապաշխարեք, ամենքդ էլ նոյնպէս պիտի կորչէք:
6. Պատմեց եւ այս առակը. Մի մարդ իր այգում մի թզենի էր տնկել. եւ երբ պտղի ժամանակը հասաւ, նա եկաւ նրա վրայ պտուղ փնտռելու ու չգտաւ:
7. Այգեգործին ասաց. Ահա երեք տարի է, որ գալիս եմ այդ թզենու վրայ պտուղ փնտռելու եւ չեմ գտնում. արդ, կտրի՛ր այդ. ինչո՞ւ է հողն զբաղեցնում:
8. Այգեգործը պատասխանեց եւ ասաց. Տէ՛ր իմ, նրան այս տարի էլ թո՛ղ, մինչեւ որ նրա ջուրջը փորեմ եւ աղբ գցեմ.
9. գուցէ թէ պտուղ տայ. ապա թէ ոչ՝ մի տարուց յետոյ կը կտրես այդ:
10. Եւ մի շաբաթ օր Յիսուս մի ժողովարանում ուսուցանում էր:
11. Եւ ահա այնտեղ կար մի կին, որին չար դեւը տասնութ տարի բռնած էր պահում. եւ կուչ էր եկած ու ամենեւին վեր նայել չէր կարողանում:
12. Եւ Յիսուս նրան տեսնելով՝ կանչեց իր մօտ եւ ասաց. Ո՛վ կին, բժշկուած ես քո հիւանդութիւնից:
13. Եւ ձեռքը դրեց նրա վրայ, ու նոյն ժամին հիւանդը ուղղուեց եւ Աստծուն փառք էր տալիս:
14. Ժողովրդապետը բարկացաւ, թէ ինչո՞ւ Յիսուս շաբաթ օրով բուժեց. եւ ասաց ժողովրդին. Վեց օր կայ, երբ արժան է գործել, ա՛յդ օրերին եկէք բուժուեցէք եւ ոչ թէ շաբաթ օրը:
15. Տերը նրան պատասխանեց եւ ասաց. Կեղծաւորնե՛ր, ձեզնից իւրաքանչիւր ոք շաբաթ օրով իր եզը կամ էշը մսուրից չի՞ արձակում եւ չի՞ տանում ջուր տալու:
16. Իսկ սա Աբրահամի դուստրն էր, որին սատանան ահա տասնութ տարի է, ինչ կապել էր, - արժանի չէ՞ր միթէ շաբաթ օրով արձակել նրան կապանքներից:
17. Եւ երբ այս ասաց, ամաչեցին նրանք, որոնք հակառակում էին նրան. իսկ ամբողջ ժողովուրդը ուրախանում էր այն բոլոր փառաւոր գործերի համար, որ կատարւում էին Յիսուսի կողմից:
18. Եւ ասաց. Ինչի՞ նման է Աստծու արքայութիւնը, եւ ինչի՞ նմանեցնեմ այն:
19. Նման է մանանեխի հատիկին, որ մի մարդ վերցրեց եւ նետեց իր պարտեզը: Սա աճեց եւ ծառ եղաւ, եւ երկնքի թռչունները ապրում էին նրա ճիւղերի վրայ:
20. Եւ դարձեալ ասաց. Ինչի՞ նմանեցնեմ Աստծու արքայութիւնը.
21. նման է այն խմորին, որ մի կին, վերցնելով, խառնեց երեք գրիւ ալիւրի մէջ, մինչեւ որ ամբողջը խմորուեց:
22. Եւ Յիսուս շրջում էր քաղաքներով ու գիւղերով եւ ուսուցանում էր: Երբ ճանապարհ էր ընկել դեպի Երուսաղէմ,
23. մէկը նրան ասաց. Տէ՛ր, սակաւաթի՞ւ են նրանք, որ փրկուելու են:
24. Եւ նա նրանց ասաց. Ջանացե՛ք մտնել նեղ դռնով. ասում եմ ձեզ, որ շատերը կ'ուզենան մտնել, բայց չեն կարողանայ:
25. Այն բանից յետոյ, երբ տանտէրը մտնի եւ դուռը փակի, դուք, դրսում կանգնած, կը սկսեք դուռը բախել եւ ասել. Տէ՛ր, տե՛ր, բա՛ց մեզ համար. իսկ նա պատասխանելով կ'ասի ձեզ. Զգիտեմ, թէ որտեղից էք:
26. Այն ժամանակ կը սկսեք ասել. Մենք քո առաջ կերանք եւ խմեցինք, եւ դու

հրապարակներում ուսուցանեցիր:

27. Եւ տանտերը կ'ասի. Ասում եմ՝ ձեզ չգիտեմ, թէ որտեղից էք. հեռացէ՛ք ինձնից դուք՝ բոլոր անիրաւ մշակներդ:

28. Այնտեղ կը լինի լաց եւ ատամների կրճտում, երբ տեսնէք Աբրահամին, Իսահակին, Յակոբին եւ բոլոր մարգարէներին Աստծու արքայութեան մէջ, իսկ ձեզ՝ դուրս հանուած:

29. Եւ կը գան մարդիկ արեւելքից եւ արեւմուտքից, հիւսիսից եւ հարաւից ու կը բազմեն Աստծու արքայութեան մէջ:

30. Եւ ահա վերջիններ կան, որ առաջին կը լինեն, եւ առաջիններ՝ որ կը լինեն վերջին:

31. Նոյն օրը մի քանի փարիսեցիներ մօտեցան եւ ասացին նրան. Վե՛ր կաց, գնա՛ այստեղից, որովհետեւ Հերովդէսն ուզում է քեզ սպանել:

32. Եւ Յիսուս նրանց ասաց. Գնացէ՛ք ասացէ՛ք այն աղուեսին, թէ ահա դելեր եմ հանում, բուժումներ եմ կատարում այսօր եւ վաղը, իսկ երրորդ օրը գործս կ'աւարտեմ:

33. Բայց պետք է այսօր, վաղը եւ միւս օրը գնալ. որովհետեւ մարգարէն պետք չէ, որ Երուսաղէմից դուրս կորստեան մատնուի:

34. Երուսաղէ՛մ, Երուսաղէ՛մ, որ կոտորում էիր մարգարէներին եւ քարկոծում էիր քեզ մօտ ուղարկուածներին. քանի՛ քանի՛ անգամ կամեցայ հաւաքել քո որդիներին, ինչպէս հաւը իր ձագերին՝ թելերի տակ, բայց դու չկամեցար:

35. Ահա ձեր տունը ձեզ պիտի թողնուի աւերակ. բայց ասում եմ ձեզ, որ ինձ այլեւս չէք տեսնի, մինչեւ որ չասէք՝ Օրինեա՛լ է նա, որ գալիս է Տիրոջ անունով:

1. Երբ մի շաբաթ օր նա մտաւ փարիսեցիների իշխանաւորներից մէկի տունը հաց ուտելու, նրանք դիտում էին նրան:
2. Եւ ահա այնտեղ, նրա առաջ ջրգողով հիւանդ մի մարդ կար:
3. Յիսուս պատասխանեց օրէնսգետներին ու փարիսեցիներին եւ ասաց. Շաբաթ օրով բժշկելը օրինաւոր է, թե՞ ոչ:
4. Նրանք լուռ մնացին: Յիսուս նրան բռնելով՝ բուժեց եւ արձակեց:
5. Եւ նրանց ասաց. Ձեզնից ո՞ւմ եզը կամ էշը ընկնի ջրհորի մէջ, նա իսկոյն այն չի հանի շաբաթ օրով:
6. Եւ այդ մասին նրան պատասխան տալ չկարողացան:
7. Հրաւիրուածներին էլ մի առակ ասաց՝ տեսնելով, թէ ինչպէս նրանք պատուոյ տեղերն էին ընտրում:
8. Նրանց ասաց. Երբ մէկը քեզ հարսանիքի կամ հրաւերքի կանչի, առաջին տեղը մի՛ նստիր, գուցէ քեզնից աւելի պատուական մէկը նրա կողմից կանչուած լինի:
9. Եւ քեզ ու նրան կանչողը գայ ու քեզ ասի՝ Սրան տե՛ղ տուր: Եւ ապա սկսես ամօթով վերջին տեղը գրաւել:
10. Այլ, երբ հրաւիրուես, գնա բազմի՛ր վերջին տեղը, որպէսզի, երբ քեզ կանչողը գայ եւ քեզ ասի՝ Բարեկա՛մ, աւելի վե՛ր մօտեցիր, այն ժամանակ քո սեղանակիցների առաջ դու փառաւորուես:
11. որովհետեւ նա, ով ինքն իրեն բարձրացնում է, պիտի խոնարհուի, եւ նա, ով ինքն իրեն խոնարհեցնում է, պիտի բարձրանայ:
12. Իրեն հրաւիրողին էլ ասաց. Երբ ճաշ կամ ընթրիք ես տալիս, մի՛ կանչիր ո՛չ քո բարեկամներին, ո՛չ քո եղբայրներին, ո՛չ քո ազգականներին եւ ո՛չ էլ քո հարուստ հարեւաններին, որպէսզի նրանք էլ փոխարէնը քեզ չհրաւիրեն, եւ քեզ հատուցում լինի:
13. Այլ, երբ ընդունելութիւն անես, կանչի՛ր աղքատներին, խեղանդամներին, կաղերին ու կոյրերին:
14. Եւ երանելի կը լինես, որովհետեւ փոխարէնը քեզ հատուցելու ոչինչ չունեն: Եւ դրա փոխարէն քեզ կը հատուցուի արդարների յարութեան օրը:
15. Երբ սեղանակիցներից մէկը այս լսեց, ասաց նրան. Երանի՛ նրան, ով ճաշ կ'ուտի Աստծու արքայութեան մէջ:
16. Եւ Յիսուս ասաց. Մի մարդ ընթրիք սարքեց եւ հրաւիրեց շատերին:
17. Եւ ընթրիքի ժամին իր ծառային ուղարկեց՝ կանչելու հրաւիրուածներին, թե՛ Եկե՛ք, որովհետեւ ահա ամեն ինչ պատրաստ է:
18. Եւ ամենքը մէկ-մէկ սկսեցին հրաժարուել: Առաջինն ասաց. Ազարակ գնեցի եւ պէտք է, որ գնամ տեսնեմ. խնդրում եմ քեզ, ինձ հրաժարուա՛ծ համարիր:
19. Եւ միւսն ասաց. Հինգ լուծ եզներ գնեցի. գնում եմ դրանք փորձելու. խնդրում եմ քեզ, ինձ հրաժարուա՛ծ համարիր:
20. Իսկ միւսն ասաց. Կին եմ առել, դրա համար էլ չեմ կարող գալ:
21. Եւ ծառան եկաւ ու իր տիրոջը պատմեց այս: Այդ ժամանակ, բարկանալով, տանտէրն իր ծառային ասաց. Իսկոյն դո՛ւրս եկ քաղաքի հրապարակներն ու փողոցները եւ աղքատներին, խեղանդամներին, կաղերին ու կոյրերին բեր մտցրո՛ւ այստեղ:
22. Եւ ծառան ասաց. Տե՛ր, ինչ հրամայեցիր՝ կատարուեց եւ էլի տեղ կայ:
23. Եւ տէրը ծառային ասաց. Դո՛ւրս եկ ճանապարհներն ու ցանկապատների առաջ եւ մարդկանց այստեղ մտցրո՛ւ, որպէսզի տունս լցուի:
24. Ասում եմ ձեզ, որ այդ հրաւիրուածներից ոչ ոք իմ ընթրիքից չի ճաշակի:
25. Եւ նրա հետ շատ ժողովուրդ էր գնում. նա դարձաւ եւ ասաց նրանց.
26. Եթէ մէկը ինձ մօտ գայ եւ չնախընտրի ինձ իր հօրից ու մօրից, կնոջից ու որդիներից, եղբայրներից ու քոյրերից, նոյնիսկ իր անձից անգամ, չի կարող իմ աշակերտը լինել:
27. որովհետեւ, ով որ չվերցնի իր խաչը եւ իմ յետեւից չգայ, չի կարող իմ աշակերտը

լինել:

28. Ձեզնից ո՞վ, եթե կամենայ աշտարակ շինել, նախ նստելով չի հաշուի իր ծախսերը, թե ավարտելու համար բաւական դրամ ունի՞,

29. որպէսզի, գուցէ, երբ հիմը դնի եւ չկարողանայ ավարտել, բոլոր նրանք, որ տեսնեն, չսկսեն նրան ծաղրել

30. եւ ասել, թէ՛ Այս մարդը սկսեց կառուցել եւ չկարողացաւ ավարտել:

31. Կամ ո՞ր թագաւորը, եթէ գնայ պատերազմելու մի այլ թագաւորի դէմ, նախ չի նստի եւ խորհի, թէ տասը հազարով կը կարողանա՞յ դիմադրել նրան, որ իր վրայ քսան հազարով է գալիս:

32. Ապա թէ ոչ, մինչ սա դեռ հեռու է, պատգամաւորութիւն ուղարկելով՝ խաղաղութիւն կը խնդրի:

33. Արդ, այսպէս էլ՝ ձեզնից ով որ իր ամբողջ ունեցուածքից չիրաժարուի, չի կարող իմ աշակերտը լինել:

34. Աղը լաւ բան է, բայց եթէ աղն էլ անհամանայ, ինչո՞վ այն պիտի համեմուի:

35. Ո՛չ հողի համար է պիտանի եւ ո՛չ էլ՝ պարարտանիւթի, այլ՝ դուրս թափելու: Ով որ ականջ ունի լսելու, թող լսի:



1. Եւ բոլոր մաքսաւորներն ու մեղաւորները նրա մօտն էին, որպէսզի լսեն նրան:
2. Փարիսեցիներն ու օրէնսագետները տրտնջում էին եւ ասում. Ինչո՞ւ է սա ընդունում մեղաւորներին եւ ուտում նրանց հետ:
3. Յիսուս նրանց այս առակն ասաց.
4. Ձեզնից ո՞վ է այն մարդը, որ, երբ հարիւր ոչխար ունենայ եւ կորցնի նրանցից մէկը, արօտավայրում չի թողնի իննսունիննին եւ չի գնայ կորածի յետեւից, մինչեւ որ այն գտնի:
5. Եւ երբ այն գտնի, կը դնի այն իր ուսերի վրայ խնդութեամբ
6. Եւ կը գնայ տուն, կը կանչի բարեկամներին եւ հարեւաններին ու նրանց կ'ասի. Ուրախացէ՛ք ինձ հետ, որովհետեւ գտայ իմ կորած ոչխարը:
7. Ասում եմ ձեզ, որ այսպէս ուրախութիւն կը լինի երկնքում մի մեղաւորի համար, որն ապաշխարում է, քան իննսունինը արդարների համար, որոնց ապաշխարութիւն պետք չէ:
8. Կամ ո՞վ է այն կինը, որ, երբ տասը դրամ ունենայ եւ մի դրամ կորցնի, ճրագ չի վառի եւ չի աւլի տունը փութով ու չի փնտռի, մինչեւ որ գտնի:
9. Եւ երբ գտնի, կը կանչի բարեկամներին եւ հարեւաններին ու կ'ասի. Ուրախացէ՛ք ինձ հետ, որովհետեւ գտայ իմ կորցրած դրամը:
10. Ասում եմ ձեզ, Աստծու հրեշտակների առաջ այսպէս ուրախութիւն կը լինի մէկ մեղաւորի համար, որն ապաշխարում է:
11. Եւ ասաց. Մի մարդ երկու որդի ուներ.
12. Նրանցից կրտսերը հօրն ասաց. Հա՛յր, տո՛ւր քո ունեցուածքից ինձ ընկնող բաժինը: Եւ նա ունեցուածքը բաժանեց նրանց:
13. Քիչ օրեր յետոյ, կրտսեր որդին, փողի վերածելով ամէն ինչ, գնաց հեռու աշխարհ եւ այնտեղ վատնեց իր ունեցուածքը, որովհետեւ անառակ կեանքով էր ապրում:
14. Եւ երբ ամէն ինչ սպառեց, այդ երկրում սաստիկ սով եղաւ, եւ նա սկսեց չքաւոր դառնալ:
15. Գնաց դիմեց այդ երկրի քաղաքացիներից մէկին, եւ սա ուղարկեց նրան իր ագարակը՝ խոզեր արածեցնելու:
16. Եւ նա ցանկանում էր իր որովայնը լցնել եղջերենու պտղով, որ խոզերն էին ուտում, բայց ոչ ոք այդ նրան չէր տալիս:
17. Ապա խելքի եկաւ եւ ասաց. Քանի՜ վարձու աշխատաւորներ կան իմ հօր տանը, որ առատ հաց ունեն, եւ ես այստեղ սովամահ կորչում եմ:
18. Վեր կենամ գնամ իմ հօր մօտ եւ նրան ասեմ. հա՛յր, մեղանչեցի երկնքի դէմ ու քո առաջ
19. Եւ այլեւս արժանի չեմ քո որդին կոչուելու, ինձ վերցրո՛ւ իբրեւ քո աշխատաւորներից մէկը:
20. Եւ վեր կացաւ եկաւ իր հօր մօտ. եւ մինչ դեռ հեռու էր, հայրը տեսաւ նրան եւ գթաց. վեր կացաւ եւ վազեց նրան ընդառաջ, ընկաւ նրա պարանոցով եւ համբուրեց նրան:
21. Եւ որդին ասաց նրան. Հա՛յր, մեղանչեցի երկնքի դէմ եւ քո առաջ, այլեւս արժանի չեմ քո որդին կոչուելու:
22. Հայրը իր ծառաներին ասաց. Անմիջապէս հանեցէ՛ք նրա նախկին պատմուճանը եւ հագցրէ՛ք նրան, մատանին նրա մատը դրէք եւ նրա ոտքերին՝ կօշիկներ.
23. Բերէ՛ք պարարտ եզը, մորթեցէ՛ք, ուտենք եւ ուրախ լինենք,
24. որովհետեւ իմ այս որդին մեռած էր եւ կենդանացաւ, կորած էր եւ գտնուեց. Եւ սկսեցին ուրախանալ:
25. Իսկ նրա աւագ որդին ագարակում էր. եւ մինչ գալիս էր եւ տանը մօտեցաւ, լսեց երգերի եւ պարերի ձայնը.
26. Եւ իր մօտ կանչելով ծառաներից մէկին՝ հարցրեց, թէ այդ ի՞նչ է:
27. Եւ սա նրան ասաց. Քո եղբայրը եկել է, եւ քո հայրը մորթեց պարարտ եզը,

որովհետեւ ողջ առողջ ընդունեց նրան:

28. Նա բարկացաւ եւ չէր ուզում ներս մտնել. իսկ հայրը դուրս ելնելով՝ աղաչում էր նրան:

29. Որդին պատասխանեց եւ ասաց հօրը. Այս քանի՜ տարի է, որ ծառայում եմ քեզ եւ երբեք քո հրամանները զանց չեմ արել. ինձ երբեք մի ուլ չտուիր, որ բարեկամներիս հետ ուրախութիւն անէի:

30. Երբ եկաւ քո այդ որդին, որը քո ունեցուածքը կերաւ պոռնիկների հետ, պարարտ եզը նրա համար մորթեցիր:

31. Հայրը նրան ասաց. Որդեա՛կ, դու միշտ ինձ հետ ես, եւ ամէն ինչ, որ իմն է, քոնն է.

32. բայց պետք էր ուրախ լինել եւ ցնծալ, որովհետեւ քո այս եղբայրը մեռած էր եւ կենդանացաւ, կորած էր եւ գտնուեց:

1. Եւ Յիսուս իր աշակերտներին ասաց. Մի մեծահարուստ մարդ կար, որ մի տնտես ուներ. եւ նրա մասին ամբաստանութիւն եղաւ, որպէս թէ վատնում է իր տիրոջ ունեցուածքը:
2. Տերը կանչեց նրան եւ ասաց. Այս ի՞նչ եմ լսում քո մասին. տո՛ւր քո տնտեսութեան հաշիւը, որովհետեւ այլեւս տնտես լինել չես կարող:
3. Տնտեսը իր մտքում ասաց. Ի՞նչ պետք է անեմ, քանի որ իմ տերը տնտեսութիւնս ինձնից վերցնում է. հողի վրայ աշխատել չեմ կարող, մուրալ ամաչում եմ:
4. Գիտեմ, թէ ինչ պիտի անեմ, որպէսզի, երբ տնտեսութիւնիցս հեռացունեմ, ընդունեն ինձ իրենց տները:
5. Եւ իր տիրոջ պարտապաններից իւրաքանչիւրին մէկ առ մէկ իր մօտ կանչելով՝ առաջինին ասում է՝ Իմ տիրոջը ինչքա՞ն պարտք ունես:
6. Եւ սա ասում է՝ Հարիւր տակառիկ ձեթ. եւ տնտեսը նրան ասում է՝ Ա՛ռ քո մուրհակը եւ նստի՛ր ու անմիջապէս գրի՛ր՝ յիսուն:
7. Ապա դարձեալ միւսին ասում է՝ Դու ինչքա՞ն պարտք ունես. եւ սա ասաց՝ Հինգ հարիւր պարկ ցորեն: Տնտեսը նրան ասաց՝ Ա՛ռ քո մուրհակը եւ նստի՛ր ու գրի՛ր՝ չորս հարիւր:
8. Եւ տերը գովեց անիրաւ տնտեսին, որովհետեւ հնարամտութեամբ գործեց, քանի որ այս աշխարհի որդիները աւելի հնարամիտ են, քան լոյսի որդիները իրենց սերնդի մէջ:
9. Եւ ես ձեզ ասում եմ. անիրաւ մամոնայից ձեզ համար բարեկամներ արեք, որպէսզի, երբ այն պակասի, յաւիտեական յարկերի տակ ընդունեն ձեզ:
10. Քիչ բանի մէջ հաւատարիմը շատի մէջ էլ հաւատարիմ է. իսկ քչի մէջ անիրաւը, շատի մէջ էլ անիրաւ է:
11. Արդ, եթէ անիրաւ մամոնայի մէջ հաւատարիմ չեղաք, ձեզ ո՞վ կը վստահի ճշմարիտը:
12. Եւ եթէ օտարինը եղող բանի մէջ հաւատարիմ չեղաք, ձերը ո՞վ կը տայ ձեզ:
13. Ոչ մի ծառայ երկու տիրոջ ծառայել չի կարող. որովհետեւ, եթէ մէկին ատի, միւսին կը սիրի. կամ եթէ մէկին մեծարի, միւսին էլ կ'արհամարհի: Չէք կարող ե՛ւ Աստծու ծառայել, ե՛ւ մամոնային:
14. Երբ փարիսեցիները լսում էին այս բոլորը, նրան պախարակում էին, քանի որ արծաթասեր էին:
15. Եւ նրանց ասաց. Դուք էք, որ մարդկանց առաջ ձեզ արդար էք ձեւացնում, սակայն Աստուած ձեր սրտերը գիտէ. որովհետեւ այն, որ մարդկանց առաջ բարձր է, Աստծու առաջ զազրելի է:
16. Օրէնքն ու մարգարէները մինչեւ Յովհաննէսն էին. այնուհետեւ աւետարանում է Աստծու արքայութիւնը, եւ ամէն ոք բռնի է ուզում ձեռք բերել այն:
17. Աւելի հեշտ է, որ երկինք ու երկիր անցնեն, քան թէ օրէնքից մէկ նշանախեց ընկնի:
18. Ով որ իր կնոջն արձակում է եւ մի ուրիշին առնում, շնանում է. իսկ ով որ արձակուածին է առնում, շնանում է:
19. Մի մեծահարուստ մարդ կար, որ բեհեզ ու ծիրանի էր հագնում եւ ամէն օր առատապէս ուրախութիւն էր անում:
20. Եւ Ղազարոս անունով մի աղքատ մարդ ընկած էր նրա դռան առաջ՝ վերքերով ծածկուած:
21. Եւ ցանկանում էր լցնել իր որովայնը այն փշրանքներով, որոնք թափւում էին մեծահարուստի սեղանից: Եւ դեռ շներն էլ գալիս էին ու լիզում նրա վերքերը:
22. Երբ աղքատը մեռաւ, հրեշտակները նրան տարան Աբրահամի գոգը. մեծահարուստն էլ մեռաւ եւ թաղուեց:
23. Եւ դժոխքում, մինչ սա տանջանքների մէջ էր, բարձրացրեց իր աչքերը, հեռուից տեսաւ Աբրահամին եւ Ղազարոսին էլ՝ նրա գրկում հանգստացած:
24. Եւ նա աղաղակեց ու ասաց. Հա՛յր Աբրահամ, ողորմի՛ր ինձ եւ ուղարկի՛ր

Ղազարոսին, որ իր մատի ծայրը թրջի ջրով եւ զովացնի լեզուս, որովհետեւ այս տապից պապականւմ եմ:

25. Եւ Աբրահամը նրան ասաց. Որդեա՛կ, յիշի՛ր, որ դու ստացար քո բարիքները այնտեղ, քո կեանքի ընթացքում, իսկ Ղազարոսն էլ՝ չարչարանքները. այժմ սա այստեղ մխիթարուում է, իսկ դու այդտեղ պապականւմ ես:

26. Եւ այս բոլորից բացի, մեծ վիհ կայ մեր եւ ձեր միջեւ. եթէ ուզենան այստեղից ձեզ մօտ անցնել, չեն կարողանայ. ոչ էլ այդտեղից մէկը կարող է մեզ մօտ անցնել:

27. Մեծահարուստն ասաց. Արդ, աղաչում եմ քեզ, հա՛յր, որ Ղազարոսին ուղարկես իմ հօր տունը, -

28. որտեղ ես հինգ եղբայրներ ունեմ, - որպէսզի նրանց վկայութիւն տայ, որ նրանք էլ չգան տանջանքների այս վայրը:

29. Եւ Աբրահամն ասաց. Նրանք ունեն Մովսէս եւ մարգարէներ, թող նրա՛նց լսեն:

30. Եւ նա ասաց. Ո՛չ, հա՛յր Աբրահամ. բայց եթէ մեռելներից մէկը նրանց մօտ գնայ, նրանք կ'ապաշխարեն:

31. Եւ Աբրահամը նրան ասաց. Եթէ Մովսէսին եւ մարգարէներին չեն լսում, մեռելներից մէկն էլ եթէ յարութիւն առնի, չափտի համոզուեն:

1. Յիսուս ասաց Նաեւ իր աշակերտներին. Անկարելի է, որ գայթակղութիւն չգայ, բայց վա՛յ նրան, որի ձեռքով կը գայ:
2. Նրա համար լաւ կը լինէր, եթէ իր պարանոցից երկանաքար վեմ կախուէր, եւ Նա ծովը գցուէր, քան թէ այս փոքրիկներից մէկին գայթակղեցնէր:
3. Չգո՛յշ եղէք ձեր անձերի համար:
4. Եթէ քո եղբայրը մեղանչի, սաստի՛ր նրան. եւ եթէ զղջայ, ների՛ր նրան:
5. Եւ եթէ եօթն անգամ մեղանչի քո դէմ եւ եօթն անգամ դառնայ քեզ եւ ասի՝ զղջում եմ, ների՛ր նրան:
6. Եւ առաքեալները Տիրոջն ասացին. Աւելացրո՛ւ մեր հաւատը:
7. Եւ Տէրն ասաց. Եթէ մանանեխի հատիկի չափ հաւատ ունենաք եւ այս թթնունն ասե՛ք՝ Արմատախի՛լ եղիր եւ տնկուի՛ր ծովի մէջ, Նա՛ իսկ կը հնազանդուի ձեզ:
8. Իսկ ձեզնից ո՞վ, որ հողագործ կամ հովիւ ծառայ ունի, երբ սա ագարակից տուն մտնի, նրան կ'ասի իսկոյն՝ Անցի՛ր սեղան Նստիր.
9. այլ նրան չի՞ ասի՝ Պատրաստի՛ր, ինչ ընթրելու եմ, եւ գօտի կապած՝ ծառայի՛ր ինձ, մինչեւ որ ուտեմ եւ խմեմ, եւ ապա կ'ուտես եւ կը խմես դու:
10. Միթէ տերը շնորհապա՞րտ կը լինի այդ ծառային, որ իր բոլոր հրամանները կատարեց:
11. Նոյնպէս եւ դուք, երբ կատարեք այն բոլորը, որ ձեզ հրամայուած է, ասացեք, թէ՝ Անպիտան ծառաներ ենք. ինչ որ պարտաւոր էինք անել, ա՛յն արեցինք:
12. Եւ մինչ Նա դէպի Երուսաղէմ էր գնում, անցնում էր Սամարիայի եւ Գալիլիայի միջով:
13. Եւ երբ մի գիւղ էր մտնում, նրան հանդիպեցին տասը բորոտներ, որոնք հեռու կանգնեցին,
14. բարձրացրին իրենց ձայնը եւ ասացին. Յիսու՛ս վարդապետ, ողորմի՛ր մեզ:
15. Եւ երբ նրանց տեսաւ, ասաց նրանց. Գնացե՛ք դուք ձեզ քահանաներին ցոյց տուէք: Երբ գնում էին, նոյն ժամին մաքրուեցին:
16. Նրանցից մէկը, երբ տեսաւ, թէ բժշկուեց, վերադարձաւ եւ բարձր ձայնով փառաւորում էր Աստծուն.
17. երեսի վրայ ընկաւ Յիսուսի ոտքերի առաջ եւ շնորհակալութիւն էր յայտնում նրան. եւ ինքը սամարացի էր:
18. Յիսուս պատասխանեց եւ ասաց. Սրանք տասն էլ չմաքրուեցի՞ն. իսկ արդ, իննը ո՞ր եւ,
19. որ չվերադարձան՝ փառք տալու համար Աստծուն, բացի միայն այս օտարազգի մարդուց:
20. Եւ ասաց նրան. Վե՛ր կաց գնա, որովհետեւ քո հաւատը քեզ փրկեց:
21. Երբ փարիսեցիների կողմից հարց տրուեց, թէ ե՞րբ պիտի գայ Աստծու արքայութիւնը, Նա պատասխանեց եւ ասաց. Աստծու արքայութիւնը դրսից տեսանելի կերպով չի գալիս,
22. եւ չեն ասի, թէ՝ ահաւասիկ այստեղ է կամ այնտեղ, որովհետեւ ահա Աստծու արքայութիւնը ներսում, ձեր մէջ է:
23. Իսկ իր աշակերտներին ասաց. Կը գան օրեր, երբ դուք կ'ուզենաք մարդու Որդու օրերից մէկը տեսնել, եւ չէք տեսնի:
24. Եւ եթէ ձեզ ասեն, թէ՝ Ահաւասիկ այստեղ է կամ այնտեղ, մի՛ շտապեք գնալու,
25. որովհետեւ, ինչպէս որ փայլակը երկնքի ներքեւից փայլատակելով՝ երկնքի երեսը լուսաւորում է, այնպէս էլ կը լինի մարդու Որդին՝ իր օրում:
26. Բայց Նախ Նա պետք է շատ չարչարուի եւ մերժուի այս սերնդից:
27. Եւ ինչպէս եղաւ Նոյի օրով, այնպէս կը լինի եւ մարդու Որդու օրով:
28. Ուտում էին, խմում, կին էին առնում եւ մարդու էին գնում, մինչեւ այն օրը, երբ Նոյը տապան մտաւ, եւ ջրհեղեղը եկաւ ու բոլորին կորստեան մատնեց:
29. Նոյնպէս, ինչպէս Ղովտի օրով էլ եղաւ. ուտում էին, խմում, առնում էին ու վաճառում,

տնկում էին, շինում:

30. Եւ այն օրը, երբ Ղովտը Սողոմից դուրս ելաւ, երկնքից կրակ եւ ծծումբ տեղաց ու բոլորին կորստեան մատնեց:

31. Նոյն ձեւով է լինելու այն օրն էլ, երբ մարդու Որդին է յայտնուելու:

32. Այն օրը, ով որ տանիքում է, եւ իր կարասին՝ տանը, թող չիջնի առնելու այն. եւ ով որ հանդում է, նոյնպէս թող յետ չդառնայ:

33. Յիշեցէ՛ք Ղովտի կնոջը:

34. Ով որ ուզի իր անձը փրկել, պիտի կորցնի այն, իսկ ով որ կորցնի իր անձը, պիտի փրկի այն:

35. Ասում եմ ձեզ, այն գիշերը, եթէ երկու հոգի լինեն մի մահճի մէջ, մէկը պիտի վերցուի, իսկ միւսը՝ թողնուի:

36. Եւ եթէ երկու կին միասին աղալիս լինեն, մէկը պիտի վերցուի, իսկ միւսը՝ թողնուի:

Եւ եթէ հանդում երկու հոգի լինեն, մէկը պիտի վերցուի, իսկ միւսը՝ թողնուի:

37. Պատասխան տուին եւ ասացին նրան. Որտե՞ղ, Տէ՛ր:

38. Եւ նա ասաց նրանց. Ուր որ մարմինն է, այնտեղ էլ կը հաւաքուեն արծիւները:

1. Մի առակ էլ ասաց Նրանց այն մասին, թե Նրանք ամեն ժամ պետք է աղօթեն ու չձանձրանան:
2. Ասաց. Մի քաղաքում մի դատաւոր կար. Աստծուց չէր վախենում եւ մարդկանցից չէր ամաչում:
3. Եւ նոյն քաղաքում մի այրի կար, որ գալիս էր Նրա մօտ եւ ասում. Իմ ոսոխի դէմ իմ դատը տես:
4. Եւ դատաւորը երկար ժամանակ չէր ուզում. դրանից յետոյ իր մտքում ասաց. Թեւ Աստծուց չեմ վախենում եւ մարդկանցից չեմ ամաչում,
5. բայց այն բանի համար, որ այրի կինը ինձ յոգնեցնում է, Նրա դատը տեսնեմ, որպէսզի անընդհատ չգայ եւ ինձ չանհանգստացնի:
6. Եւ Տէրն ասաց. Լսեցէ՛ք, թէ ինչ էր ասում անիրաւ դատաւորը:
7. Իսկ Աստուած արդարութիւն չի՞ անի իր այն ծառաներին, որոնք գիշեր եւ ցերեկ աղաղակում են. եւ Նրանց հանդէպ միայն համբերատա՞ր կը լինի:
8. Այո՛, ասում եմ ձեզ, Նրանց իսկոյն արդարութիւն կ'անի. իսկ երբ մարդու Որդին գայ, արդեօք երկրի վրայ հաւատ կը գտնի՞:
9. Այս առակն էլ ասաց ոմանց, որոնք իրենք իրենցով պարծենում էին, թէ արդար են, եւ արհամարհում էին ուրիշ շատերին:
10. Երկու մարդ տաճար ելան աղօթքի կանգնելու. մէկը՝ փարիսեցի, միւսը՝ մաքսաւոր:
11. Փարիսեցին կանգնած էր մեկուսի եւ, ինքն իրեն, այս աղօթքն էր ասում. Աստուած իմ, շնորհակալ եմ քեզից, որ ես նման չեմ ուրիշ մարդկանց, ինչպէս՝ յափշտակողները, անիրաւներն ու շնացողները, եւ կամ ինչպէս այս մաքսաւորը.
12. այլ շաբաթը երկու անգամ ծոմ եմ պահում եւ տասանորդ եմ տալիս իմ ամբողջ եկամտից:
13. Իսկ մաքսաւորը կանգնած էր մեկուսի եւ չէր իսկ կամենում իր աչքերը երկինք բարձրացնել, այլ ծեծում էր կուրծքը եւ ասում. Աստուած, Ների՛ր ինձ՝ մեղաւորիս:
14. Ասում եմ ձեզ, սա՛ իջաւ իր տունը արդարացած, ոչ թէ միւսը. որովհետեւ, ով որ բարձրացնում է իր անձը, կը խոնարհուի, եւ ով որ խոնարհեցնում է իր անձը, կը բարձրացուի:
15. Մանուկներին էլ մօտեցնում էին Նրան, որպէսզի Նրանց դիպչի. երբ աշակերտները այդ տեսան, սաստեցին բերողներին:
16. Իսկ Յիսուս կանչելով մանուկներին իր մօտ՝ ասաց. Թո՛յլ տուէք այդ մանուկներին, որ ինձ մօտ գան, եւ մի՛ արգելէք Նրանց, որովհետեւ այդպիսիներինն է Աստծու արքայութիւնը:
17. Ճշմարիտ եմ ասում ձեզ, ով որ Աստծու արքայութիւնը չընդունի ինչպէս մի մանուկ, այնտեղ չի մտնի:
18. Մի իշխանաւոր Նրան հարցրեց եւ ասաց. Բարի՛ Վարդապետ, ի՞նչ պիտի անեմ, որ յաւիտենական կեանքը ժառանգեմ:
19. Յիսուս Նրան ասաց. Ինչո՞ւ ինձ բարի ես կոչում. ոչ ոք բարի չէ, այլ միայն՝ Աստուած:
20. Պատուիրանները գիտես՝ մի՛ շնացիր, մի՛ սպանիր, մի՛ գողացիր, սուտ մի՛ վկայիր, մեծարի՛ր քո հօրը եւ մօրը:
21. Եւ նա ասաց. Այդ բոլորը պահել եմ իմ մանկութիւնից:
22. Երբ Յիսուս այս լսեց, ասաց Նրան. Դեռ մի բան պակաս է քեզ. ինչ որ ունես, վաճառի՛ր եւ տո՛ւր աղքատներին եւ երկնքում գանձեր կ'ունենաս, եւ արի՛ իմ յետեւից:
23. Երբ նա այս լսեց, տրտմեց, որովհետեւ չափազանց հարուստ էր:
24. Երբ Յիսուս Նրան տեսաւ տրտմած, ասաց. Ինչքա՛ն դժուարութեամբ Աստծու արքայութիւնը կը մտնեն Նրանք, որոնք հարստութիւն ունեն:
25. Աւելի հեշտ է, որ պարանը ասեղի ծակից անցնի, քան թէ մի մեծահարուստ Աստծու արքայութիւնը մտնի:
26. Եւ Նրանք, որ լսեցին, ասացին. Իսկ ո՞վ կարող է փրկուել:

27. Եւ նա ասաց. Ինչ որ անհնար է մարդկանց համար, Աստծու համար հնարաւոր է:
28. Եւ Պետրոսն ասաց. Ահա մենք մեր ամէն ինչը թողեցինք եւ եկանք քո յետեւից:
29. Եւ Յիսուս ասաց նրանց. Ճշմարիտ եմ ասում ձեզ, չկայ մէկը, որ թողած լինի տունը, կամ ծնողներին, կամ եղբայրներին, կամ կնոջը, կամ զաւակներին՝ Աստծու արքայութեան համար,
30. եւ այս ներկայ ժամանակում բազմապատիկ չստանայ ու յաւիտենական կեանքը չժառանգի այն աշխարհում, որ գալու է:
31. Եւ Տասներկուսին, առանձին, մի կողմ տանելով՝ նրանց ասաց. Ահաւասիկ ելնում ենք դէպի Երուսաղէմ, եւ մարգարէների միջոցով մարդու Որդու մասին բոլոր գրուածները պիտի կատարուեն.
32. որովհետեւ նա պիտի մատնուի հեթանոսներին եւ պիտի ծաղրուի.
33. նրան պիտի ծաղկեն ու սպանեն, եւ երրորդ օրը յարութիւն պիտի առնի:
34. Եւ առաքելները այս բոլորից ոչինչ չիմացան, այլ խօսքը նրանցից ծածկուած էր, եւ ասուածները չէին ըմբռնում:
35. Եւ երբ նա մօտենում էր Երիցովին, ճանապարհի վրայ նստել էր մի կոյր մուրացկան:
36. Երբ սա լսեց, որ ժողովուրդը անցնում է, հարցրեց, թե՛ այդ ի՞նչ է:
37. Եւ նրան պատմեցին, թէ անցնում է Յիսուս Նազովրեցին:
38. Նա աղաղակեց եւ ասաց. Յիսու՛ս, Դաւթի՛ Որդի, ողորմի՛ր ինձ:
39. Եւ առջեւից գնացողները սաստեցին նրան, որ լռի: Իսկ նա առաւել եւս աղաղակում էր. Դաւթի՛ Որդի, ողորմի՛ր ինձ:
40. Յիսուս տեղում կանգնեց եւ հրամայեց իր մօտ բերել նրան. եւ երբ կոյրը մօտեցաւ, նրան հարցրեց եւ ասաց.
41. Ի՞նչ ես կամենում դու, որ ես քեզ համար անեմ: Եւ սա ասաց. Որ բացուեն աչքերս, եւ տեսնեմ, Տէ՛ր:
42. Եւ Յիսուս նրան ասաց. Նայի՛ր. քո հաւատը քեզ փրկեց:
43. Եւ իսկոյն կոյրը տեսաւ. գնում էր Յիսուսի յետեւից եւ փառք էր տալիս Աստծուն: Եւ ամբողջ ժողովուրդը տեսնելով այս՝ Աստծուն գոհութիւն էր տալիս:



1. Եւ Յիսուս մտել էր Երիցով ու շրջում էր:
2. Եւ ահա մի մարդ, Չակքեոս անունով, որ մաքսապետ էր ու մեծահարուստ,
3. ուզում էր տեսնել, թէ ո՞վ է Յիսուս, բայց բազմութեան պատճառով չէր կարողանում, որովհետեւ կարճահասակ էր:
4. Եւ առաջ վազելով՝ բարձրացաւ ժանտաթզենու վրայ, որպէսզի տեսնի նրան, որովհետեւ նա հենց այդտեղով էր անցնելու:
5. Երբ այդ տեղը եկաւ, Յիսուս վեր նայեց եւ ասաց. Չակքեո՛ս, շտապիր իջի՛ր այդտեղից, որովհետեւ այսօր պետք է, որ ես քո տանը գիշերեմ:
6. Չակքեոսը շտապեց իջաւ եւ նրան ընդունեց ուրախութեամբ:
7. Երբ ամենքը այս տեսան, տրտնջում էին եւ ասում, թէ մեղաւոր մարդու մօտ մտաւ գիշերելու:
8. Իսկ Չակքեոսը եկաւ կանգնեց եւ ասաց Տիրոջը. Տէ՛ր, ահա իմ ինչքերի կեսը կը տամ աղքատներին, եւ եթէ որեւէ մէկին գրկել եմ, քառապատիկ կը հատուցեմ:
9. Եւ Յիսուս նրան ասաց. Այսօր այս տան համար փրկութիւն եղաւ, քանի որ սա եւս Աբրահամի որդի է,
10. որովհետեւ մարդու Որդին եկաւ փնտռելու եւ փրկելու կորածին:
11. Եւ մինչ նրանք լսում էին այս, Յիսուս մի առակ էլ անելացրեց նրա համար, որ ինքը մօտենում էր Երուսաղէմին, եւ նրանք կարծում էին, թէ Աստծու արքայութիւնը շուտով յայտնուելու է:
12. Նա ասաց. Մի ազնուական մարդ գնաց հեռու աշխարհ՝ իր թագաւորութիւնը ստանալու եւ վերադառնալու համար:
13. Եւ կանչելով իր ծառաներին՝ նրանց տասը մնաս տուեց եւ ասաց. Շահարկեցէ՛ք դրանք, մինչեւ որ գամ:
14. Բայց նրա համաքաղաքացիները ատում էին նրան. պատգամաւորներ ուղարկեցին նրա յետեւից եւ ասացին. Մենք չենք կամենում, որ դա մեր վրայ թագաւորի:
15. Եւ ազնուականը վերադարձաւ՝ իր թագաւորութիւնն ստացած, եւ կանչեց այն ծառաներին, որոնց տուել էր դրամը, որպէսզի իմանայ, թէ ով ինչ էր շահել:
16. Եկաւ առաջինը եւ ասաց. Տէ՛ր, քո մէկ մնասը տասը մնաս բերեց:
17. Եւ տերը նրան ասաց. Ազնիւ եւ բարի ծառայ, քանի որ այդ փոքր բանի մէջ հաւատարիմ եղար, իշխանութիւն ունեցիր տասը քաղաքների վրայ:
18. Եկաւ երկրորդը եւ ասաց. Քո մէկ մնասը հինգ մնաս բերեց:
19. Տերը նրան ասաց. Դու էլ՝ հինգ քաղաքների վրայ:
20. Միւսն էլ եկաւ եւ ասաց. Տէ՛ր, ահա քո մնասը, որ թաշկինակի մէջ ծրարած պահում էի.
21. վախճնում էի քեզից, որովհետեւ խիստ մարդ ես. վերցնում ես, ինչ որ չես դրել, եւ հնձում ես, ինչ որ չես սերմանել:
22. Եւ տերը նրան ասաց. Հենց քո բերանով քեզ պիտի դատեմ, անհաւատարիմ ծառայ. գիտէիր, որ ես մի խիստ մարդ եմ, վերցնում եմ, ինչ որ չեմ դրել եւ հնձում եմ՝ ուր չեմ սերմանել:
23. Հապա ինչո՞ւ իմ դրամը լումայափոխներին չտուիր, որպէսզի ես, գալով, տոկոսներով միասին պահանջէի այն:
24. Եւ սպասաւորներին ասաց. Վերցրէ՛ք դրանից մէկ մնասը եւ տարէ՛ք տուեք նրան, ով տասը մնաս ունի:
25. Եւ ծառաները ասացին նրան. Տէ՛ր, արդէն նա տասը մնաս ունի:
26. - Ասում եմ ձեզ, թէ՛ Ով որ ունի, նրան պիտի տրուի, իսկ նրանից, որ չունի, պիտի վերցուի եւ այն, ինչ որ ունի:
27. Բայց իմ այն թշնամիներին, որոնք չէին կամենում, որ ես թագաւորեմ իրենց վրայ, բերէ՛ք այստեղ եւ սպանեցէ՛ք իմ առաջ:
28. Եւ երբ այս ասաց, առաջ գնաց՝ Երուսաղէմ ելնելու համար:

29. Եւ երբ մօտեցաւ Բեթփագէին եւ Բեթանիային, այն լերան մօտ, որ կոչուում է Ձիթենեաց, ուղարկեց իր աշակերտներէից երկուսին
30. եւ ասաց. Գնացէ՛ք այն գիւղը, որ մեր դիմացն է. երբ այնտեղ մտնեք, կը գտնեք կապուած մի աւանակ, որի վրայ ոչ մի մարդ երբեք չի նստել. արձակեցէ՛ք այն եւ բերէ՛ք:
31. Եւ եթէ մէկը ձեզ հարցնի, թէ ինչու եք արձակում, նրան այսպէս ասացեք. Իր տիրոջը պէտք է:
32. Երբ գնացին նրանք, որ ուղարկուել էին, գտան այնպէս, ինչպէս ասել էր նրանց. աւանակը կար:
33. Եւ մինչ աւանակն արձակում էին, նրա տերերը ասացին նրանց. Աւանակն ինչո՞ւ եք արձակում:
34. Եւ աշակերտները ասացին. Իր տիրոջը պէտք է:
35. Եւ այն բերին Յիսուսի մօտ. զգեստներ գցեցին նրա վրայ եւ Յիսուսին նստեցրին:
36. Եւ մինչ նա առաջանում էր, մարդիկ իրենց զգեստները փռում էին ճանապարհի վրայ:
37. Եւ երբ նա մօտեցաւ Ձիթենեաց լերան զառիվայրին, աշակերտների ամբողջ բազմութիւնը ուրախութեամբ եւ բարձրաձայն սկսեց օրհնել Աստծուն՝ կատարուած բոլոր զօրութիւնների համար, որ տեսան:
38. Եւ ասում էին. Օրհնեա՛լ է այդ թագաւորը, որ գալիս է Տիրոջ անունով. խաղաղութի՛ւն երկնքում եւ փա՛ռք բարձունքներում:
39. Իսկ փարիսեցիներից ոմանք ամբոխի միջից ասացին նրան. Վարդապե՛տ, սաստի՛ր քո աշակերտներին:
40. Նա պատասխանեց եւ ասաց. Ասում եմ ձեզ, որ եթէ դրանք լռեն էլ, այդ քարերը կ'աղաղակեն:
41. Եւ երբ մօտեցաւ, տեսնելով քաղաքը՝ լաց եղաւ նրա վրայ եւ ասաց.
42. Գոնէ այս օրերին գիտենայի՛ր դու քո խաղաղութիւնը. բայց այժմ ծածկուեց քո տեսողութիւնից.
43. որովհետեւ օրեր պիտի գան վրադ, երբ թշնամիներդ քո շուրջը պատնէշ պիտի կանգնեն եւ պիտի պաշարեն քեզ, պիտի նեղեն քեզ բոլոր կողմերից
44. ու հիմնայատակ պիտի անեն քեզ եւ սպանեն քո մէջ քո որդիներին. եւ քարը քարի վրայ բնաւ չպիտի թողնեն, քանի որ քո այցելութեան ժամանակը չճանաչեցիր:
45. Եւ տաճար մտնելով՝ սկսեց դուրս հանել աղաւնեվաճառներին ու գնողներին եւ լումայափոխների սեղանները ցրեց
46. ու ասաց նրանց. Գրուած է՝ Իմ տունը պէտք է աղօթքի տուն լինի, իսկ դուք աւագակների որջերի եք վերածել այդ:
47. Եւ նա ամեն օր նրանց ուսուցանում էր տաճարում, իսկ քահանայապետները, օրէնսգետները եւ ժողովրդի գլխաւորները հնար էին փնտռում նրան կորստեան մատնելու,
48. բայց չէին գտնում, թէ ինչ անեն, որովհետեւ ամբողջ ժողովուրդը, նրանով տարուած, լսում էր նրան:

1. Եւ այն օրերից մէկում, մինչ տաճարում ուսուցանում էր ժողովրդին եւ աւետարանում, վրայ հասան քահանայապետներն ու օրէնսգէտները՝ ծերերով հանդերձ,
2. եւ ասացին նրան. Ասա՛ մեզ, ի՞նչ իշխանութեամբ ես դու անում այդ, կամ ո՞վ է, որ քեզ տուեց այդ իշխանութիւնը:
3. Յիսուս պատասխան տուեց նրանց եւ ասաց. Ես էլ ձեզ մի բան հարցնեմ, եւ դուք ինձ ասացէ՛ք.
4. Յովհաննէսի մկրտութիւնը երկնքի՞ց էր, թե՞ մարդկանցից:
5. Եւ նրանք իրենց մտքում խորհեցին եւ ասացին.
6. Եթէ ասենք՝ երկնքից էր, կ'ասի՝ իսկ ինչո՞ւ չհաւատացիք նրան. եւ եթէ ասենք՝ մարդկանցից, ամբողջ ժողովուրդը մեզ կը քարկոծի, որովհետեւ իրենց մտքում Յովհաննէսի մասին հաստատ համոզում կայ, թէ նա մարգարէ է:
7. Եւ պատասխան տուեցին, թէ չգիտեն որտեղից է:
8. Եւ Յիսուս նրանց ասաց. Ես էլ ձե՛զ չեմ ասի, թէ ինչ իշխանութեամբ եմ անում այս:
9. Եւ սկսեց ժողովրդին ասել այս առակը. Մի մարդ այգի տնկեց եւ այն յանձնեց մշակներին, իսկ ինքը երկար ժամանակով ճանապարհորդութեան գնաց:
10. Եւ յարմար ժամանակին մշակների մօտ մի ծառայ ուղարկեց, որպէսզի այգու պտղից իր բաժինը տան նրան. իսկ մշակները ծեծեցին նրան ու ձեռնուռնայն արձակեցին:
11. Տերը դարձեալ մէկ ուրիշ ծառայ եւս ուղարկեց. նրանք սրան եւս ծեծեցին, անարգեցին եւ ձեռնուռնայն ճամբու դրին:
12. Ապա ուղարկեց նաեւ մի երրորդի. նրանք սրան էլ վիրաւորեցին եւ այգուց դուրս հանեցին:
13. Այգու տէրն ասաց. Ի՞նչ անեմ. ուղարկեմ իմ սիրելի որդուն, թերեւս նրանից կը պատկառեն:
14. Երբ մշակները նրան տեսան, իրար հետ խորհուրդ արին եւ ասացին. Սա՛ է ժառանգը, սպանենք սրան, որպէսզի ժառանգութիւնը մերը լինի:
15. Եւ նրան այգուց դուրս հանեցին ու սպանեցին: Արդ, այգու տէրը նրանց ի՞նչ կ'անի:
16. Չե՞ որ կը գայ ու կորստեան կը մատնի այդ մշակներին եւ այգին ուրիշներին կը տայ:
17. Երբ այս լսեցին, ասացին. Քա՛ւ լիցի: Եւ Յիսուս նրանց նայելով՝ ասաց. Իսկ ի՞նչ է այն, որ գրուած է, թէ՛ Այն վեմը, որ անարգեցին շինողները, նա՛ է, որ անկիւնաքար եղաւ:
18. Ով որ այս վեմին բախուի, կը խորտակուի, եւ ում վրայ որ այն ընկնի, կը ճգմի նրան:
19. Եւ օրէնսգէտներն ու քահանայապետները նոյն պահին ուզում էին նրա վրայ ձեռք դնել, բայց ժողովրդից վախեցան, որովհետեւ հասկացան, թէ այն առակը իրենց մասին ասաց:
20. Եւ ապա յարմար առիթի սպասեցին եւ ուղարկեցին խաբէբաներ, որոնք իրենք իրենց, կեղծաւորութեամբ, արդար էին ձեւացնում, որպէսզի նրան խօսքերով բռնեն՝ մատնելու համար պետութեան եւ իշխանութեան կուսակալին:
21. Հարցրին նրան եւ ասացին. Վարդապե՛տ, գիտենք, որ ճիշտ ես խօսում ու ուսուցանում եւ աջառութիւն չես անում, այլ ճշմարտութեամբ Աստծու ճանապարհն ես սովորեցնում:
22. Օրինաւո՞ր է մեզ համար կայսրին հարկ տալ, թե՞ ոչ:
23. Եւ նկատելով նրանց խորամանկութիւնը՝ ասաց նրանց.
24. Տո՛յց տուէք ինձ դահեկանը: Եւ նրանք ցոյց տուին:
25. Եւ նա ասաց. Ո՞ւմ պատկերը եւ գիրը ունի դա: Պատասխանեցին եւ ասացին՝ կայսրինը: Եւ նա նրանց ասաց. Արդ, գնացէ՛ք տուէք կայսրինը՝ կայսեր, իսկ Աստծունը՝ Աստծուն:
26. Եւ չկարողացան նրան խօսքերով բռնել ժողովրդի առաջ ու զարմանալով նրա պատասխանի վրայ՝ լռեցին:
27. Սաղուկեցիներից ոմանք, որոնք հակառակում էին, թէ յարութիւն չկայ, մօտենալով

հարցրին նրան եւ ասացին.

28. Վարդապետ, Մովսէսը մեզ համար գրել է. եթէ մէկի եղբայրը, որը կին ունի, մեռնի, եւ նա անժառանգ լինի, թող նրա եղբայրը առնի այդ կնոջը եւ իր եղբոր համար զաւակ հասցնի:

29. Արդ, եօթը եղբայրներ կային. առաջինը կին առաւ եւ անժառանգ մեռաւ:

30. Նրան առաւ նաեւ երկրորդը. եւ նա էլ անժառանգ մեռաւ:

31. Նրան առաւ նաեւ երրորդը. եւ նոյն ձեւով՝ եօթն էլ... եւ ժառանգներ չթողեցին:

32. Մեռաւ եւ կինը:

33. Արդ, յարուբեան ժամանակ նրանցից ո՞ւմ կինը կը լինի, որովհետեւ եօթն էլ նրան կին առան:

34. Յիսուս պատասխանեց նրանց եւ ասաց. Այս աշխարհի որդիները կին են առնում եւ մարդու են գնում.

35. իսկ նրանք, որոնք արժանի կը լինեն այն աշխարհին հասնելու եւ մեռելներից յարուբիւն առնելու, ո՛չ կին են առնում եւ ո՛չ էլ մարդու են գնում,

36. քանի որ այլեւս մեռնել անգամ չեն կարող, որովհետեւ հրեշտակների նման են եւ Աստծու որդիներ, քանի որ յարուբեան որդիներ են:

37. Իսկ թէ մեռելները յարուբիւն են առնում, Մովսէսն էլ այդ գուշակեց մօրենու օրինակի մէջ, ինչպէս որ ասում է Տիրոջ մասին՝ Աստուած Աբրահամի, Աստուած Իսահակի եւ Աստուած Յակոբի:

38. Իսկ Աստուած մեռելների Աստուածը չէ, այլ՝ ողջերի, որովհետեւ բոլորը նրա համար կենդանի են:

39. Օրէնսդէտներից ոմանք նրան պատասխանեցին եւ ասացին. Վարդապետ, լա՛ւ ասացիր:

40. Եւ այլեւս ոչ ոք չէր համարձակւում նրան որեւէ բան հարցնել:

41. Յիսուս նրանց էլ ասաց. Քրիստոսի համար ինչպէ՞ս են ասում, թէ Դաւթի որդին է.

42. քանի որ Դաւիթն ինքը Սաղմոսների գրքում ասում է. Տէրն ասաց իմ Տիրոջը՝ Նստի՛ր իմ աջ կողմում,

43. մինչեւ որ քո թշնամիներին ոտքերիդ պատուանդան դնեմ:

44. Իսկ արդ, եթէ Դաւիթը նրան Տէր է կոչում, Նա ինչպէ՞ս նրա որդին կը լինի:

45. Եւ մինչ ամբողջ ժողովուրդը լսում էր, ասաց իր աշակերտներին.

46. Չգուշացէ՛ք օրէնսդէտներից, որոնք ուզում են պատմութեաններով շրջել եւ սիրում են ողջոյններ ընդունել հրապարակներում ու առաջին աթոռները գրաւել ժողովարաններում եւ պատուոյ տեղերը նստել ընթրիքների ժամանակ,

47. որոնք իւրացնում են այրիների տները եւ ձեւականօրէն երկարում են իրենց աղօթքները: Նրանք անելի խիստ դատավճիռ պիտի ստանան:

1. Եւ Յիսուս նայեց ու տեսաւ մեծահարուստներին, որոնք տաճարի գանձանակի մէջ իրենց նուէրներն էին գցում:
2. Տեսաւ եւ մի աղքատ այրի կնոջ, որ երկու լումայ գցեց այնտեղ:
3. Եւ ասաց. Ճշմարիտ եմ ասում ձեզ, որ այդ աղքատ այրին ավելի գցեց, քան բոլորը:
4. Նրանք ամենքը իրենց կուտակածներից գցեցին Աստծուն տրուած նուէրների մէջ, իսկ նա իր կարօտութեան մէջ իր ունեցած ամբողջ ապրուստը գցեց:
5. Եւ երբ ոմանք տաճարի մասին ասում էին, թէ գեղեցիկ քարերով եւ աշտարակներով է զարդարուած, նա ասաց.
6. Այդ բոլորը, որ տեսնում էք, պիտի գան օրեր, երբ այնտեղ չպիտի թողնուի քար քարի վրայ, որ չքանդուի:
7. Հարցրին նրան եւ ասացին. Վարդապետ, ե՞րբ կը լինի այդ, եւ ի՞նչ կը լինի նշանը, երբ այդ պատահելու լինի:
8. Եւ նա ասաց. Չգո՛յ՛ն կացէք, չխաբուէք. որովհետեւ շատերը պիտի գան իմ անունով եւ պիտի ասեն թէ՛ ես եմ Քրիստոսը, եւ թէ՛ ժամանակը մօտեցաւ. նրանց յետեւից չգնաք:
9. Եւ երբ լսէք պատերազմների եւ խռովութիւնների մասին, չգարհուրէք. որովհետեւ պէտք է, որ նախ այդ բաները պատահեն. բայց աշխարհի վախճանը շուտով չի լինելու:
10. Այն ժամանակ ասաց նրանց. Ազգ ազգի դէմ պիտի ելնի, եւ թագաւորութիւն՝ թագաւորութեան դէմ.
11. Եւ մեծ երկրաշարժներ ու տարբեր տեղերում սով ու ժանտախտ պիտի լինեն. պիտի լինեն արհաւիրքներ եւ մեծամեծ նշաններ երկնքից:
12. Բայց այս բոլորից առաջ ձեր վրայ ձեռք պիտի դնեն եւ պիտի հալածեն, ժողովարանների ու բանտերի պիտի մատնեն ձեզ եւ կուսակալների ու թագաւորների առաջ պիտի տանեն ձեզ իմ անուան համար:
13. Եւ ձեզ համար այդ պիտի լինի առիթ վկայութեան:
14. Արդ, ձեր մտքում դրէք սա. նախօրօք մի՛ մտահոգուէք պատասխան տալու համար,
15. որովհետեւ ես ձեզ կը տամ բերան եւ իմաստութիւն, որին չեն կարողանայ հակառակել կամ պատասխան տալ ձեր բոլոր հակառակորդները:
16. Դուք պիտի մատնուէք ե՛ւ ծնողներից, ե՛ւ եղբայրներից, ե՛ւ ազգականներից, ե՛ւ բարեկամներից, ու ձեզնից ոմանց պիտի սպանեն:
17. Եւ պիտի ատուէք բոլորից իմ անուան համար:
18. Բայց ձեր գլխից մի մազ անգամ չպիտի կորչի:
19. Եւ ձեր համբերութեամբ պիտի շահէք ձեր հոգիները:
20. Բայց երբ տեսնէք Երուսաղէմը՝ շրջապատուած զօրքերով, այն ժամանակ իմացե՛ք, որ նրա ավերումը մօտ է:
21. Այն ժամանակ նրանք, որ Հրեաստանում են, թող փախչեն լեռները, եւ նրանք, որ Երուսաղէմի մէջ են, թող խոյս տան, իսկ նրանք, որ գաւառներում են, թող քաղաք չմտնեն,
22. որովհետեւ դրանք վրեժխնդրութեան օրեր են, որպէսզի կատարուեն բոլոր գրուածները:
23. Բայց այն օրերին վա՛յ է յղիներին եւ ստնտուններին, որովհետեւ մեծ տագնապ պիտի լինի երկրի վրայ եւ բարկութիւն՝ այս ժողովրդի հանդէպ:
24. Նրանք սրի պիտի քաշուեն, գերի պիտի տարուեն բոլոր հեթանոսներից. եւ Երուսաղէմը ոտքի կոխան պիտի լինի ազգերից, մինչեւ որ լրանան հեթանոսների ժամանակները:
25. Եւ նշաններ պիտի լինեն արեգակի, լուսնի եւ աստղերի վրայ: Եւ երկրի վրայ պիտի լինի հեթանոսների տագնապ՝ ծովի եւ խռովութեան սման ահեղ ձայնի պատճառով,
26. աշխարհի վրայ գալիք պատահարների վախից եւ նախազգացումից մարդիկ պիտի մեռնեն, որովհետեւ երկնքի զօրութիւնները պիտի շարժուեն:
27. Եւ այն ժամանակ պիտի տեսնեն մարդու Որդուն եկած՝ ամպերի վրայ, զօրութեամբ

Եւ մեծ փառքով:

28. Եւ երբ սկսուի այս բանը լինել, վե՛ր կացէք եւ ձեր գլուխները բարձրացրէ՛ք, որովհետեւ մօտ է ձեր փրկութիւնը:

29. Եւ նրանց ասաց մի առակ. Նայեցէ՛ք թզենուն եւ ամէն մի ծառի.

30. երբ իրենց բողբոջը ցոյց են տալիս, տեսնում էք այն ու դրանից իմանում էք, որ մօտ է ամառը:

31. Նոյնպէս եւ դուք, երբ տեսնէք այս բոլորը կատարուած, իմացէ՛ք, որ Աստծու արքայութիւնը մօտ է:

32. Ճշմարիտ եմ ասում ձեզ, որ այս սերունդը չափտի անցնի, մինչեւ որ այս բոլորը կատարուի:

33. Երկինքը եւ երկիրը կ'անցնեն, բայց իմ խօսքերը չեն անցնի:

34. Չգո՛յշ եղէք ինքներդ ձեզնից. գուցէ ձեր սրտերը ծանրանան զեխութեամբ եւ հարբեցողութեամբ ու աշխարհիկ հոգսերով. եւ յանկարծակի հասնի ձեր վրայ այն օրը.

35. որովհետեւ այդ օրը որոգայթի նման պիտի հասնի այն ամենքի վրայ, որոնք բնակւում են երկրագնդի ամբողջ երեսին:

36. Արթո՛ւն կացէք այսուհետեւ, ամէն ժամ աղօ՛թք արէք, որպէսզի կարողանաք զերծ մնալ այն ամենից, որ լինելու է, եւ արժանի լինէք կանգնելու մարդու Որդու առաջ:

37. Եւ ցերեկը ուսուցանում էր տաճարի մէջ, իսկ գիշերները ելնում էր, մնում այն լերան վրայ, որը կոչւում էր Ձիթենեաց:

38. Եւ ամբողջ ժողովուրդը առաւօտները վաղ շտապում էր նրա մօտ՝ տաճարում նրան լսելու համար:

1. Մօտեցաւ Բաղարջակերաց տօնը, որը կոչուում էր Պասեք:
2. Իսկ քահանայապետներն ու օրէնսգետները հնար էին փնտռում, թէ ինչպէս սպանեն նրան, բայց վախճնում էին ժողովրդից:
3. Ապա սատանան մտաւ Իսկարիովտացի կոչուած Յուդայի մէջ, որ Տասներկուսի թւում էր:
4. Սա գնաց բանակցեց քահանայապետների, օրէնսգետների եւ ժողովրդի իշխանաւորների հետ, որ Յիսուսին նրանց մատնի:
5. Նրանք ուրախացան եւ խոստացան նրան արծաթ տալ:
6. Եւ նա յանձն առաւ ու պատեհ առիթ էր փնտռում նրան մատնելու նրանց՝ ամբոխից մեկուսի:
7. Եկաւ Բաղարջակերաց օրը, երբ օրէնք էր մորթել Պասեքը:
8. Եւ նա ուղարկեց Պետրոսին եւ Յովհաննէսին ու ասաց. «Գնացէ՛ք, պատրաստեցէ՛ք մեզ համար Պասեքի ընթրիքը, որ ուտենք»:
9. Եւ նրանք ասացին. Ո՞ր ես ուզում, որ պատրաստենք:
10. Եւ նրանց ասաց. Ահա՛, երբ քաղաք մտնէք, ձեզ կը հանդիպի մի մարդ՝ ջրի սափորը բարձած. գնացէ՛ք նրա յետեւից այն տունը, ուր նա կը մտնի:
11. Եւ կ'ասէք տանտիրոջը. Վարդապետը քեզ ասում է՝ ո՞ր է այն հիւրասրահը, որտեղ աշակերտներիս հետ պիտի ուտեմ Պասեքի ընթրիքը:
12. Եւ նա ձեզ ցոյց կը տայ զարդարուած մի մեծ վերնատուն, եւ այնտեղ կը պատրաստէք:
13. Եւ աշակերտները գնացին գտան, ինչպէս որ իրենց ասել էր. Եւ պատրաստեցին Պասեքը:
14. Եւ երբ ժամը հասաւ, սեղան նստեց, եւ տասներկու առաքեալներն էլ՝ իր հետ:
15. Եւ նրանց ասաց. Յոյժ ցանկացայ այս Պասեքի ընթրիքը ուտել ձեզ հետ, քանի դեռ չեմ չարչարուել:
16. Բայց ասում եմ ձեզ, թէ այլեւս չեմ ուտելու սրանից, մինչեւ որ Պասեքը կատարուի Աստծու արքայութեան մէջ:
17. Եւ, բաժակը վերցնելով, գոհութիւն յայտնեց Աստծուն եւ ասաց. Առէ՛ք այս եւ բաժանեցէ՛ք ձեր մէջ.
18. ասում եմ ձեզ, թէ այսուհետեւ որթատունկի բերքից չեմ խմելու, մինչեւ որ գայ Աստծու արքայութիւնը:
19. Եւ հաց վերցնելով՝ գոհութիւն յայտնեց Աստծուն, կտրեց, տուեց նրանց եւ ասաց. Այս է իմ մարմինը, որ շատերի համար է տրուած. այս արե՛ք իմ յիշատակի համար:
20. Նոյնպէս եւ բաժակը վերցրեց ընթրիքից յետոյ եւ ասաց. Այս բաժակը նոր Ուխտ է իմ արիւնով՝ ձեզ համար թափուած:
21. Բայց ահաւասիկ իմ մատնիչի ձեռքը ինձ հետ այս սեղանի վրայ է:
22. Եւ մարդու Որդին աշխարհից կը գնայ ըստ սահմանուածի, բայց վա՛յ այն մարդուն, ում ձեռքով կը մատնուի:
23. Եւ նրանք սկսեցին հարցնել իրար մէջ, թէ իրենցից ո՛վ է, որ այդ անելու է:
24. Եւ նրանց մէջ հակաճառութիւն առաջացաւ, թէ իրենցից ո՛վ պիտի մեծ համարուի:
25. Եւ նա նրանց ասաց. Ազգերի թագաւորները տիրում են իրենց ժողովուրդների վրայ, եւ նրանք, որ իշխում են նրանց վրայ, բարերարներ են կոչուում:
26. Բայց դուք այդպէս չլինէք, այլ՝ ով որ մեծ է ձեր մէջ, թող լինի ինչպէս կրտսերը, իսկ առաջնորդը՝ ինչպէս սպասաւորը:
27. Ո՞վ է մեծ. սեղան նստո՞ղը, թե՞ սպասաւորը: Չե՞ որ՝ սեղան նստողը: Բայց ես ձեր մէջ եմ իբրեւ սպասաւոր:
28. Եւ դուք էք, որ իմ փորձութիւնների մէջ ինձ հետ էիք մնում մինչեւ այժմ:
29. Եւ ես խոստանում եմ ձեզ, - ինչպէս եւ իմ Հայրը ինձ խոստացաւ տալու արքայութիւնը, -

30. որ ուտէք եւ խմէք իմ սեղանից իմ արքայութեան մէջ եւ նստէք տասներկու գահերի վրայ՝ դատելու Իսրայէլի տասներկու ցեղերը:
31. Եւ Տէրն ասաց. Սիմոն, Սիմոն, ահա սատանան ուզեց ձեզ ցորենի նման մաղել:
32. Բայց ես աղօթեցի քեզ համար, որպէսզի քո հաւատը չպակասի, եւ դու, երբ վերադառնաս ինձ, հաստատես քո եղբայրներին:
33. Եւ Պետրոսն ասաց. Տէ՛ր, պատրաստ եմ քեզ հետ գնալ ե՛ւ բանտ, ե՛ւ դէպի մահ:
34. Եւ նա նրան ասաց. Ասում եմ քեզ, Պետրո՛ս, այսօր դեռ արքադադը կանչած չպիտի լինի, մինչեւ որ դու երեք անգամ ուրանաս՝ ասելով, թէ ինձ չես ճանաչում:
35. Եւ նրանց ասաց. Երբ ուղարկեցի ձեզ առանց քսակի, մախաղի եւ կօշիկների, մի՞թէ որեւէ բանի կարօտ մնացիք:
36. Եւ նրանք ասացին՝ եւ ո՛չ մի բանի: Ապա ասաց. Իսկ այժմ ով որ քսակ ունի, թող վերցնի այն, նոյնպէս եւ՝ մախաղ. իսկ ով որ չունի, թող վաճառի իր վերարկուն եւ իր համար սուր գնի:
37. Բայց ասում եմ ձեզ, այս եւս, որ գրուած է, պէտք է, որ կատարուի իմ վրայ, թէ՛ Անօրէնների հետ դասուեց. որովհետեւ, ինչ որ ինձ համար է գրուած, կատարուելու վրայ է:
38. Եւ նրանք ասացին. Տէ՛ր, ահաւասիկ այստեղ երկու սուր կայ: Եւ նրանց ասաց. Բաւական են:
39. Եւ Յիսուս ըստ իր սովորութեան ելաւ գնաց Ձիթենեաց լեռը. նրա յետեւից գնացին եւ աշակերտները:
40. Երբ տեղ հասաւ, ասաց նրանց. Աղօթքի՛ կանգնեցէք, որ փորձութեան մէջ չընկնէք:
41. Եւ ինքը հեռացաւ նրանցից մօտ մի քարընկեց, ծնրադրեց, աղօթում էր եւ ասում.
42. Հա՛յր, եթէ կամենում ես, այս բաժակը ինձնից հեռացրո՛ւ, բայց ոչ թէ իմ կամքը, այլ քո՛նը թող լինի:
43. Եւ նրան երկնքից երեւաց մի հրեշտակ եւ ուժ էր տալիս նրան. նա տագնապի մէջ էր եւ ամբողջ հոգով էր աղօթում:
44. Եւ նրանից քրտինքը հոսում էր արեան կաթիլների նման՝ շիթ-շիթ գետին թափուելով:
45. Եւ վեր կենալով աղօթքից՝ եկաւ աշակերտների մօտ, նրանց քնած գտաւ տրտմութիւնից
46. Եւ նրանց ասաց. Ինչո՞ւ էք քնել. վե՛ր կացէք, աղօթեցէ՛ք, որպէսզի փորձութեան մէջ չընկնէք:
47. Եւ մինչ նա դեռ խօսում էր, ահա երեւաց մի ամբոխ. եւ նա, որ Յուդա էր կոչւում, Տասներկուսից մէկը, առաջնորդում էր նրանց. երբ Յուդան մօտեցաւ Յիսուսին, համբուրեց նրան, որովհետեւ այն նշանն էր տուել նրանց, թէ՛ Ում հետ ես համբուրուեմ, նա՛ է, նրա՛ն բռնեցէք:
48. Յիսուս նրան ասաց. Յուդա՛, համբուրելո՞վ ես մատնում մարդու Որդուն:
49. Երբ նրա շուրջը գտնուողները տեսան եղածը, նրան ասացին. Տէ՛ր, սրով նրանց հարուածե՛նք:
50. Եւ աշակերտներից մէկը հարուածեց քահանայապետի ծառային եւ կտրեց դէն գցեց նրա աջ ականջը:
51. Յիսուս պատասխանեց եւ ասաց. Թո՛յլ տուէք, բաւ է եղածը: Եւ դիպչելով ականջին՝ այն բժշկեց:
52. Եւ իր վրայ եկած քահանայապետներին, տաճարի իշխանաւորներին եւ ծերերին ասաց. Ինչպէս աւագակի՞ վրայ էք գալիս սրերով ու մահակներով.
53. միշտ ձեզ հետ էի տաճարում, եւ դուք ինձ վրայ ձեռք չերկարեցիք. սակայն ա՛յս է ձեր ժամը եւ խաւարի իշխանութեան զօրութիւնը:
54. Եւ բռնելով նրան՝ տարան եւ մտցրին քահանայապետի տունը. իսկ Պետրոսը հեռուից գնում էր նրա յետեւից:
55. Երբ գաւթի մէջ կրակ վառեցին եւ նստեցին շուրջը, Պետրոսն էլ նստեց նրանց մէջ:
56. Մի աղախին տեսաւ նրան կրակի լոյսի մօտ նստած, հայեացքը սեւեռեց նրան եւ



ասաց. Սա էլ էր նրանցից, որ նրա հետ էին

57. Իսկ Պետրոսն ուրացաւ ու ասաց. Ես նրան չեմ ճանաչում, ո՛վ կին:

58. Եւ քիչ յետոյ մէկ ուրիշը տեսաւ նրան եւ ասաց. Դո՛ւ էլ նրանցից ես: Պետրոսն ասաց. Ո՛վ մարդ, ես նրանցից չեմ:

59. Եւ երբ մի ժամ էլ անցաւ, մէկ ուրիշը վիճում էր եւ ասում. Ճիշտ որ սա էլ նրա հետ էր, որովհետեւ գալիլիացի է:

60. Պետրոսն ասաց. Ո՛վ մարդ, չգիտեմ այդ ի՛նչ ես խօսում: Եւ նոյն պահին, մինչ նա այս ասում էր, քաղաղը կանչեց:

61. Տերը դարձաւ եւ նայեց Պետրոսին. եւ Պետրոսը յիշեց Տիրոջ խօսքը, որ ասել էր իրեն. Դեռ քաղաղը չկանչած՝ երեք անգամ պիտի ուրանաս, թէ ինձ չես ճանաչում:

62. Եւ Պետրոսը դուրս ելնելով՝ դառնօրէն լաց եղաւ:

63. Եւ այն մարդիկ, որ նրան պահպանում էին, ծիծաղում էին նրա վրայ եւ խփում,

64. ծածկում էին նրա երեսը եւ տանջում, հարցնում էին նրան եւ ասում.

Մարգարեացի՛ր՝ ո՞վ է, որ քեզ խփեց:

65. Եւ հայիոյելով՝ ուրիշ շատ բաներ էլ էին ասում նրա երեսին:

66. Եւ երբ լոյսը բացուեց, հաւաքուեց ժողովրդի ծերակոյտը՝ քահանայապետներ եւ օրէնսգետներ, եւ Յիսուսին քաշեցին բերին իրենց ատեանի առաջ եւ ասացին. Եթէ դու ես Քրիստոսը, ասա՛ մեզ:

67. Նրանց ասաց. Եթէ ձեզ ասեմ իսկ, չէք հաւատայ:

68. Եւ եթէ ես ձեզ հարցնեմ, ինձ պատասխան չէք տայ կամ չէք արձակի ինձ:

69. Բայց սրանից յետոյ մարդու Որդին պիտի նստի Աստծու զօրութեան աջին:

70. Եւ ամենքը միասին ասացին. Ուրեմն դու Աստծու Որդի՞ն ես: Եւ նա նրանց ասաց.

Դուք ասում էք, թէ ես եմ:

71. Եւ նրանք ասացին. Էլ ի՞նչ վկայութիւն է պետք մեզ, որովհետեւ մենք ինքներս լսեցինք նրա բերանից:

1. Եւ նրանց ամբողջ բազմութիւնը, վեր կենալով, նրան տարաւ Պիղատոսի մօտ:
2. Եւ սկսեցին ամբաստանել նրան եւ ասել. Գտանք սրան, որ մոլորեցնում էր մեր ազգը, արգելում էր կայսրին հարկեր տալ եւ ինքն իր մասին ասում էր, թէ՝ Քրիստոսն է, թագաւոր:
3. Իսկ Պիղատոսը հարցրեց նրան եւ ասաց. Հրեաների թագաւորը դո՞ւ ես: Նա պատասխանեց նրան եւ ասաց. Դու ասացիր:
4. Պիղատոսը քահանայապետներին եւ ժողովրդին ասաց. Այս մարդու մէջ ես որեւէ յանցանք չեմ գտնում:
5. Իսկ նրանք պնդում էին եւ ասում, թէ ըմբոստութեան է մղում ժողովրդին, քարոզում է ամբողջ Հրեաստանում Գալիլիայից սկսած մինչեւ այստեղ:
6. Իսկ Պիղատոսը, երբ լսեց Գալիլիայի մասին, հարցրեց, թէ այդ մարդը գալիլիացի՞ է:
7. Եւ երբ իմացաւ, թէ Հերովդեսի իշխանութիւնից է, յանձնեց, որ նրան տանեն Հերովդեսի մօտ, որովհետեւ այդ օրերին նա էլ երուսաղէմում էր:
8. Եւ երբ Հերովդեսը տեսաւ Յիսուսին, շատ ուրախացաւ, որովհետեւ երկար ժամանակից ի վեր ցանկանում էր նրան տեսնել, քանի որ յաճախ լսում էր նրա մասին եւ ակնկալութիւն ունէր նրա ձեռքով կատարուած որեւէ նշան տեսնել:
9. Հերովդեսը նրան հարցաքննեց շատ խօսքերով, իսկ Յիսուս նրան ոչ մի պատասխան չտուեց:
10. Քահանայապետներն ու օրէնսգետները վեր էին կենում եւ նրան բուռն կերպով ամբաստանում:
11. Հերովդեսն էլ, իր զօրականներով հանդերձ, արհամարհեց նրան եւ ծիծաղելով նրա վրայ՝ սպիտակ զգեստներ հագցնել տուեց նրան ու վերստին յանձնեց, որ տանեն նրան Պիղատոսի մօտ:
12. Եւ Պիղատոսն ու Հերովդեսը այդ օրերին բարեկամներ եղան, որովհետեւ առաջ իրար թշնամիներ էին:
13. Պիղատոսը կանչեց քահանայապետներին, իշխանաւորներին եւ ժողովրդին ու ասաց.
14. Այս մարդուն բերեցիք ներկայացրիք ինձ, որպէս ժողովրդին մոլորեցնողի. եւ ահաւասիկ ձեր առաջ դատաքննութիւն արեցի եւ այս մարդու մէջ չգտայ մէկն այն յանցանքներից, որոնցով դուք ամբաստանում էք նրան:
15. Եւ ոչ էլ՝ Հերովդեսը, որի մօտ հրամայեցի, որ Յիսուսին տանեն:
16. Արդ, նա մահուան արժանի ոչինչ չի արել, նրան գանահարել կը տամ եւ կ'արձակեմ
17. (որովհետեւ հարկաւոր էր իւրաքանչիւր տօնի առթիւ մի բանտարկեալ արձակել նրանց համար):
18. Եւ նրանք ամբողջ բազմութեամբ աղաղակում էին եւ ասում. Նրան վերացրո՛ւ եւ արձակի՛ր մեզ համար Բարաբբային
19. (որը քաղաքում պատահած մի խռովութեան եւ սպանութեան համար բանտարկուել էր):
20. Պիղատոսը նորից սկսեց խօսել, որովհետեւ կամենում էր Յիսուսին արձակել:
21. Եւ նրանք կրկին աղաղակում էին ու ասում. Խա՛չը հանիր նրան:
22. Եւ նա երրորդ անգամ ասաց նրանց. Ի՞նչ չար բան է արել սա. նրա վրայ մահուան արժանի որեւէ յանցանք չգտայ. սրան գանահարել կը տամ եւ կ'արձակեմ:
23. Իսկ նրանք բարձրաձայն ստիպում էին եւ ուզում, որ նրան խաչը հանի: Եւ նրանց ու քահանայապետների ձայները աւելի ուժեղանում էին:
24. Եւ Պիղատոսը հաւանութիւն տուեց, որ նրանց պահանջը կատարուի:
25. Նա արձակեց Բարաբբային, որը խռովութեան եւ սպանութեան համար բանտ էր նետուած, եւ որին էլ հէնց ուզում էին. իսկ Յիսուսին յանձնեց նրանց կամքին:
26. Երբ նրան առան գնացին, բռնեցին Սիմոն Կիրենացի անունով մէկին, որը հանդից էր գալիս. նրա վրայ դրեցին խաչը, որ այն բերի Յիսուսի յետեւից:

27. Եւ նրա յետեւից գնում էր ժողովրդի մի մեծ բազմութիւն եւ կանայք, որոնք կոծում էին ու ողբում նրան:
28. Յիսուս դարձաւ եւ ասաց նրանց. Երուսաղէմի՛ դուստրեր, ինձ վրայ լաց մի՛ եղէք, այլ լա՛ց եղէք ձեր եւ ձեր որդիների վրայ,
29. որովհետեւ օրեր պիտի գան, երբ մարդիկ պիտի ասեն՝ Երանի՛ չբեր կանանց եւ նրանց, որոնք բնաւ չծնեցին եւ չդիեցրին:
30. Այն ժամանակ մարդիկ պիտի սկսեն ասել լեռներին, թէ՛ ընկէ՛ք մեր վրայ, եւ բլուրներին, թէ՛ ծածկեցէ՛ք մեզ,
31. որովհետեւ, երբ դալա՛ր փայտին այսպէս անեն, չորի՛ն ինչ կը պատահի:
32. Ուրիշ երկու չարագործներ էլ բերեցին՝ նրա հետ սպանելու համար:
33. Երբ հասան Գազաթ կոչուած տեղը, այնտեղ նրան խաչը հանեցին. եւ չարագործներին էլ՝ մէկին աջ կողմը, միւսին ձախ կողմը՝ խաչեցին:
34. Եւ Յիսուս ասաց. Հա՛յր, ների՛ր դրանց, որովհետեւ չգիտեն, թէ ինչ են անում: Եւ նրա զգեստները բաժանելու համար վիճակ գցեցին:
35. Իսկ ժողովուրդը դիտում էր. իշխանաւորները նրանց հետ միասին ծաղրում էին նրան եւ ասում. Ուրիշներին ազատեց, թող ինքն իրեն էլ ազատի, եթէ դա Է Քրիստոսը՝ Աստծու ընտրեալ Որդին:
36. Չինուորներն էլ ծաղրում էին նրան. առաջ էին գալիս, քացախ էին մատուցում նրան եւ ասում.
37. Եթէ դու ես հրեաների թագաւորը, փրկի՛ր ինքդ քեզ:
38. Եւ նրա խաչի վրայ մի գրութիւն կար՝ գրուած յունարէն, լատիներէն եւ եբրայերէն գրերով, թէ՛ սա՛ Է հրեաների արքան:
39. Իսկ կախուած չարագործներից մէկը հայիոյում էր նրան եւ ասում. Դու չե՞ս Քրիստոսը. փրկի՛ր ինքդ քեզ եւ մեզ:
40. Նրա ընկերը նրան սաստելով՝ պատասխան տուեց եւ ասաց. Աստծուց չե՞ս վախենում, դու, որ նոյն պատիժն ես կրում:
41. Եւ մենք իրաւացիօրէն արժանի հատուցումն ենք ստանում այն գործերի համար, որ կատարեցինք, իսկ սա որեւէ վատ բան չի արել:
42. Եւ ասաց Յիսուսին. Յիշի՛ր ինձ, Տէ՛ր, երբ գաս քո թագաւորութեամբ:
43. Եւ Յիսուս նրան ասաց. Ճշմարիտ եմ ասում քեզ, այսօր ինձ հետ դրախտում կը լինես:
44. Եւ համարեա կեսօր էր. եւ խաւար եղաւ ամբողջ երկրի վրայ մինչեւ ժամը երեքը. արեգակը խաւարեց:
45. Եւ տաճարի վարագոյրը մեջտեղից պատռուեց:
46. Եւ Յիսուս բարձրաձայն աղաղակեց եւ ասաց. Հա՛յր, քո ձեռքն եմ աւանդում իմ հոգին: Երբ այս ասաց, հոգին աւանդեց:
47. Եւ հարիւրապետը, տեսնելով ինչ որ պատահեց, փառաւորեց Աստծուն եւ ասաց. Իսկապէս այս մարդը արդար էր:
48. Եւ ամբողջ ժողովուրդը, որ եկել էր ու դիտում էր այս տեսարանն ու կատարուածը, ծեծում էր կուրծքը եւ վերադառնում:
49. Նրա բոլոր ծանօթներն էլ կանգնել էին հեռւում. եւ կանայք, որոնք Գալիլիայից նրա յետեւից էին եկել, տեսնում էին այս բաները:
50. Եւ ահա Յովսէփ անունով մի մարդ կար հրեաների Արիմաթէ քաղաքից: Նա հրեաների խորհրդի անդամ էր, բարեգործ եւ արդար մի մարդ:
51. (սա չէր միաբանել նրանց մտադրութիւններին ու գործերին): Եւ ինքն էլ էր սպասում Աստծու թագաւորութեանը:
52. Սա Պիղատոսի մօտ գալով՝ ուզեց Յիսուսի մարմինը:
53. Եւ նրան խաչից իջեցնելով՝ փաթաթեց պատանքով ու դրեց վիմափոր գերեզմանի մէջ, որտեղ բնաւ ոչ ոք չէր դրուած:
54. Եւ օրը ուրբաթ էր, ու լուսանում էր շաբաթը:
55. Եւ Յովսէփի յետեւից գնում էին կանայք, որոնք Գալիլիայից էին եկել Յիսուսի հետ.

Նրանք տեսան գերեզմանը, եւ թէ ինչպէս նրա մարմինը այնտեղ դրուեց:

56. Վերադարձան, խնկեր եւ իւղեր պատրաստեցին ու շաբաթ օրը, օրէնքի համաձայն, հանգիստ արեցին:

1. Բայց կիրակի օրը, առաւօտեան շատ վաղ, կանայք գերեզման եկան՝ բերելով իրենց պատրաստած խնկերը. նրանց հետ եւ ուրիշ կանայք:
2. Եւ քարը գերեզմանից գլորած գտան
3. ու ներս մտնելով՝ Տէր Յիսուսի մարմինը չգտան:
4. Եւ մինչ նրանք զարմացած էին այդ բանի վրայ, ահա լուսաւոր զգեստներով երկու մարդիկ հասան նրանց մօտ:
5. Եւ երբ կանայք զարհուրեցին ու իրենց երեսը գետին խոնարհեցրին, մարդիկ ասացին. Ինչո՞ւ ողջին մեռելների մէջ էք փնտռում:
6. Այստեղ չէ, այլ՝ յարեաւ: Յիշեցէ՛ք՝ ինչպէս խօսեց նա ձեզ հետ, երբ Գալիլիայում էր.
7. ասում էր, թէ պետք է, որ մարդու Որդին մեղաւոր մարդկանց ձեռքը մատնուի, խաչուի եւ երրորդ օրը յարուբիւն առնի:
8. Եւ նրանք յիշեցին նրա խօսքերը:
9. Եւ վերադարձան ու պատմեցին այս ամենը Տասնմէկին եւ բոլոր միւսներին:
10. Եւ Մարիամ Մագդաղենացին, Յովհաննան, Յակոբի մայր Մարիամը եւ նրանց հետ ուրիշ կանայք էին, որ այս բաները պատմեցին առաքեալներին:
11. Բայց նրանց խօսքերը բարբաջանք թուացին աշակերտներին, եւ չէին հաւատում նրանց:
12. Սակայն Պետրոսը վեր կացաւ եւ վազեց դէպի գերեզման, նայեց ու տեսաւ, որ կտանները միայն կային: Եւ գնաց՝ մտքում զարմացած, թէ ինչ էր եղել:
13. Եւ ահա նոյն օրը աշակերտներից երկուսը գնում էին մի գիւղ, որի անունը Էմմաւուս էր, եւ որը Երուսաղէմից հեռու էր մօտ տասնմէկ կիլոմետր:
14. Եւ նրանք միմեանց հետ խօսում էին կատարուած բոլոր անցուդարձերի մասին:
15. Եւ մինչ նրանք խօսում էին ու վիճում, ինքը՝ Յիսուս մօտեցաւ ու գնում էր նրանց հետ:
16. Բայց նրանց աչքերը բռնուած էին, որպէսզի նրան չճանաչեն:
17. Եւ նրանց ասաց. Այդ ի՞նչ բաներ են, որոնց համար քայլելիս վիճում էք միմեանց հետ եւ տրտմած էք:
18. Նրանցից մէկը, որի անունը Կղեոպաս էր, ասաց նրան. Երուսաղէմում միայն դո՛ւ ես, որ չես իմացել, թէ ինչեր կատարուեցին այս օրերին:
19. Եւ նրանց ասաց՝ ի՞նչ: Եւ նրանք ասացին Յիսուս Նազովրեցու մասին, որ եղաւ մարգարէ մարդ, հզօր՝ գործերով եւ խօսքերով, Աստծու եւ ամբողջ Ժողովրդի առաջ,
20. եւ թէ ինչպէս մեր քահանայապետները եւ իշխանաւորները նրան մատնեցին մահուան դատաստանի ու խաչը հանեցին նրան:
21. Մենք ակնկալում էինք, թէ նա է, որ փրկելու է Իսրայէլը. սակայն, այս բոլորով հանդերձ, այս երրորդ օրն է, որ այդ բաները կատարուեցին:
22. Այլ նաեւ մեզ զարմացրին մեր միջից մի քանի կանայք, որոնք վաղ առաւօտեան գերեզման էին գնացել
23. եւ նրա մարմինը չէին գտել. նրանք եկան եւ ասացին, թէ նաեւ մի տեսիլ էլ էին տեսել հրեշտակների, որոնք ասում էին նրա մասին, թէ կենդանի է:
24. Ապա մեզնից ոմանք էլ գերեզման գնացին եւ գտան այնպէս, ինչպէս կանայք ասել էին: Բայց նրան չտեսան:
25. Եւ նա ասաց նրանց. Ո՛վ անմիտ եւ թուլասիրտ մարդիկ, որ դժուարանում էք հաւատալ այն ամենին, որ ասացին մարգարէները:
26. Չէ՞ որ Քրիստոս պետք է նոյն այդ չարչարանքները կրեր եւ այնպէս մտներ իր փառքի մէջ:
27. Եւ սկսած Մովսէսից ու բոլոր մարգարէներից՝ մեկնում էր նրանց այն բոլորը, ինչ գրուած է իր մասին բոլոր Գրքերում:
28. Երբ մօտեցան այն գիւղին, ուր գնում էին, Յիսուս պատճառ բռնեց, թէ ինքը գնալու է աւելի հեռու տեղ:

29. Իսկ նրանք շատ ստիպեցին նրան ու ասացին. Մեզ մօտ գիշերիր, որովհետեւ երեկոյ է, եւ օրը տարաժամել է: Եւ նա ներս մտաւ՝ նրանց հետ այնտեղ գիշերելու:
30. Եւ երբ նա սեղան նստեց նրանց հետ, հաց վերցնելով՝ օրհնեց, կտրեց այն եւ տուեց նրանց:
31. Եւ նրանց աչքերը բացուեցին ու ճանաչեցին նրան, իսկ ինքը նրանց աչքին աներեւոյթ եղաւ:
32. Եւ նրանք ասացին միմեանց. Մեր սրտերն էլ միթէ չէի՞ն ճմլում մեր մէջ, մինչ նա ճանապարհին խօսում էր մեզ հետ. եւ ինչպէ՛ս էր մեզ բացատրում Գրքերը:
33. Ապա անմիջապէս վեր կացան ու Երուսաղէմ վերադարձան եւ հաւաքուած գտան Տասնմէկին եւ նրանց հետ եղածներին,
34. որոնք ասում էին, թէ՛ Իսկապէս յարեաւ Տէրը եւ երեւաց Սիմոնին:
35. Իսկ երկուսը պատմեցին այն, ինչ պատահել էր ճանապարհին, եւ թէ ինչպէ՛ս Յիսուս իրեն ճանաչել էր տուել նրանց՝ հաց կտրելու ժամանակ:
36. Մինչ դեռնէս նրանք այս էին խօսում, Յիսուս ինքը եկաւ կանգնեց նրանց մէջ եւ ասաց. Խաղաղութի՛ւն ձեզ, ես եմ, մի՛ վախեցէք:
37. Իսկ նրանք զարհուրած վախենում եւ կարծում էին, թէ մի ոգի են տեսնում:
38. Եւ նրանց ասաց. Ինչո՞ւ էք խռովուած, եւ ինչո՞ւ ձեր սրտերում կասկածներ են ծագում.
39. տեսէ՛ք իմ ձեռքերն ու ոտքերը, որովհետեւ նոյն ինքն ես եմ. շօշափեցէ՛ք ինձ եւ տեսէ՛ք, որովհետեւ ոգին մարմին եւ ոսկորներ չունի. ինչպէս տեսնում էք,
40. ես ունեմ:
41. Եւ այս ասելով՝ ցոյց տուեց նրանց իր ձեռքերն ու ոտքերը:
42. Եւ մինչ դեռնէս ուրախութիւնից չէին հաւատում եւ զարմացած էին, ասաց նրանց. Այստեղ ուտելու բան ունե՞ք:
43. Եւ նրանք տուին նրան խորոված ձկան մի կտոր եւ մեղրախորիսխ:
44. Եւ նա առաւ կերաւ նրանց առաջ, իսկ մնացածները տուեց նրանց ու ասաց.
45. Սրանք այն խօսքերն են, որ խօսեցի ձեզ հետ, մինչ ձեզ հետ էի, թէ՛ պետք է կատարուեն այն ամենը, որ գրուած են իմ մասին Մովսէսի օրէնքում, մարգարէների մէջ եւ սաղմոսներում:
46. Այն ժամանակ բացեց նրանց մտքերը, որ հասկանան Գրքերը:
47. Եւ ասաց նրանց. Այսպէս պետք է չարչարուէր Քրիստոս, յարութիւն առնէր մեռելներից երրորդ օրը,
48. եւ քարոզուէր նրա անունով ապաշխարութիւն եւ մեղքերի թողութիւն բոլոր ազգերի մէջ՝ Երուսաղէմից սկսած:
49. Եւ այս բաների վկաներ էք դուք:
50. Եւ ահա ես ուղարկում եմ Ձեզ իմ Հօր խոստումը, իսկ դուք նստեցէ՛ք Երուսաղէմ քաղաքում, մինչեւ որ երկնքից զօրութեամբ զգեստաւորուէք:
51. Ապա նրանց տարաւ հանեց մինչեւ Բեթանիա եւ, բարձրացնելով իր ձեռքերը, օրհնեց նրանց:
52. Եւ մինչ նա օրհնում էր նրանց, բաժանուեց նրանցից եւ դեպի երկինք էր վերանում:
53. Իսկ նրանք երկրպագեցին Յիսուսին եւ մեծ ուրախութեամբ վերադաձան Երուսաղէմ:
54. Եւ միշտ տաճարում էին, զովաբանում եւ օրհնաբանում էին Աստծուն:

ԱԲԵՏԱՐԱՆ ԸՍՏ ՅՈՎՀԱՆՆԵՍԻ

## Գլուխ 1

1. Սկզբից էր Բանը, եւ Բանը Աստծու մօտ էր, եւ Բանը Աստուած էր:
2. Նա սկզբից Աստծու մօտ էր:
3. Ամեն ինչ նրանով եղաւ. եւ առանց նրան չեղաւ ոչինչ, որ եղել է:
4. Կեանքը նրանով էր: Եւ այդ կեանքը մարդկանց համար լոյս էր:
5. Եւ լոյսը խաւարի մէջ լուսաւորում է, եւ խաւարը նրան չնուաճեց:
6. Կար մի մարդ՝ Աստծուց ուղարկուած. նրա անունը՝ Յովհաննէս:
7. Սա եկաւ որպէս վկայ, որպէսզի վկայի լոյսի մասին, որ բոլորը նրա միջոցով հաւատան:
8. Ինքը լոյսը չէր, այլ եկել էր, որ վկայի լոյսի մասին:
9. Այդ լոյսն էր ճշմարիտ լոյսը, որ լուսաւորում է ամեն մարդու, որ գալու է աշխարհ:
10. Նա աշխարհի մէջ էր, եւ աշխարհը նրանով եղաւ, սակայն աշխարհը նրան չճանաչեց:
11. Իւրայինների մօտ եկաւ, բայց իւրայինները նրան չընդունեցին:
12. Իսկ ովքեր նրան ընդունեցին, նրանց իշխանութիւն տուեց լինելու Աստծու որդիներ, նրանց, որոնք իր անուանը կը հաւատան:
13. Նրանք ո՛չ արիւնից, ո՛չ մարմնի կամքից եւ ոչ էլ մարդու կամքից, այլ Աստծուց ծնուեցին:
14. Եւ Բանը մարմին եղաւ ու բնակուեց մեր մէջ, եւ տեսանք նրա փառքը, նման այն փառքի, որ Հայրն է տալիս Միածնին՝ լի շնորհով ու ճշմարտութեամբ:
15. Յովհաննէսը վկայում էր նրա մասին, աղաղակում եւ ասում. Սա՛ է, որի մասին ասացի: Նա, որ իմ յետեւից էր գալու, ինձնից մեծ եղաւ, որովհետեւ ինձնից առաջ կար:
16. Մենք բոլորս նրա լրիւութիւնից ստացանք շնորհ՝ շնորհի փոխարէն.
17. որովհետեւ օրէնքը Մովսէսի միջոցով տրուեց, իսկ շնորհը եւ ճշմարտութիւնը Յիսուս Թրիստոսի միջոցով եղան:
18. Աստծուն ոչ ոք երբեք չի տեսել, բացի միայն միածին Որդուց, որ Հօր ծոցում է. նա՛ յայտնեց Նրան:
19. Եւ Յովհաննէսի վկայութիւնը այս է. երբ իրեաները Երուսաղէմից քահանաներ ու ղեւտացիներ ուղարկեցին նրա մօտ, որպէսզի հարցնեն նրան՝ դու ո՞վ ես,
20. նա խոստովանեց առանց վարանելու. խոստովանեց, թէ՛ ես Թրիստոսը չեմ:
21. Ու նրան հարցրին՝ իսկ դու ո՞վ ես, Եղիա՞ն ես: Եւ նա ասաց՝ ո՛չ, չեմ: Իսկ դու մարգարէ՞ն ես: Նա պատասխանեց՝ ո՛չ:
22. Իսկ ասա՛ մեզ՝ դու ո՞վ ես, որպէսզի պատասխան տանենք նրանց, որոնք մեզ ուղարկեցին. ի՞նչ ես ասում քո մասին:
23. Նա ասաց. Ես անապատում կանչողի ծայնն եմ, հարթեցէ՛ք Տիրոջ ճանապարհը, ինչպէս ասաց Եսայի մարգարէն:
24. Եւ եկողները փարիսեցիների կողմից էին:
25. Նրանք հարցրին նրան ու ասացին. Իսկ դու ինչո՞ւ ես մկրտում, եթէ դու չես Թրիստոսը, ոչ էլ Եղիան եւ ոչ էլ մարգարէն:
26. Յովհաննէսը պատասխան տուեց նրանց ու ասաց. Ես ձեզ մկրտում եմ ջրով. ձեր մէջ կայ մէկը, որին դուք չէք ճանաչում,
27. որ գալու է իմ յետեւից, եւ որի կօշիկների կապերը արձակելու արժանի չեմ ես:
28. Այս բանը պատահեց Բեթաբրիայում, Յորդանանի միւս կողմում, ուր գտնւում էր Յովհաննէսը եւ մկրտում:
29. Հետեւեալ օրը նա տեսաւ Յիսուսին, որ գալիս էր դէպի իրեն, ու ասաց. Ահա՛ Գառն Աստուծոյ, որ վերացնում է աշխարհի մեղքը:
30. Սա՛ է նա, որի մասին ես ասում էի՝ իմ յետեւից գալիս է մէկը, որ ինձնից մեծ եղաւ, որովհետեւ ինձնից առաջ կար:
31. Եւ ես չէի ճանաչում նրան, բայց որպէսզի յայտնի լինի Իսրայէլին, դրա համար ես եկայ ջրով մկրտելու:



32. Յովհաննէսը վկայեց եւ ասաց. Տեսայ Հոգին, որ իջնում էր երկնքից որպէս աղանձի եւ հանգչում նրա վրայ:
33. Եւ ես չէի ճանաչում նրան. սակայն նա, ով ինձ ուղարկեց ջրով մկրտելու, նա ինձ ասաց. Ում վրայ տեսնես, որ Հոգին իջնում եւ մնում է, նա՛ է, որ մկրտում է Սուրբ Հոգով:
34. Եւ ես տեսայ ու վկայեցի, թէ սա՛ է Աստծու Որդին:
35. Հետեւեալ օրը դարձեալ այնտեղ կանգնած էր Յովհաննէսը. նաեւ՝ իր աշակերտներից երկուսը:
36. Եւ նայելով Յիսուսին, որ անցնում գնում էր, ասաց. Ահաւասիկ Քրիստոսը՝ Գառն Աստուծոյ:
37. Երկու աշակերտները նրանից լսեցին, ինչ որ խօսեց, եւ գնացին Յիսուսի յետեւից:
38. Երբ Յիսուս յետ դարձաւ եւ տեսաւ նրանց, որ գալիս էին իր յետեւից, ասաց նրանց. Ի՞նչ եք ուզում: Նրանք ասացին նրան. Ռաբբի՛ (որ թարգմանւում է՝ վարդապետ), ո՞ր է քո օթեւանը:
39. Նա նրանց ասաց. Եկե՛ք եւ տեսե՛ք: Եկան եւ տեսան, թէ որտեղ էր նրա օթեւանը. եւ այն օրը նրա մօտ գիշերեցին, որովհետեւ մօտ ժամը չորսն էր:
40. Սիմոն Պետրոսի եղբայր Անդրեասը մէկն էր այն երկուսից, որոնք լսեցին Յովհաննէսի ասածը եւ գնացին Յիսուսի յետեւից:
41. Սա նախ գտնում է իր եղբայր Սիմոնին ու նրան ասում է. Գտանք Մեսիային (որ թարգմանւում է՝ Քրիստոս):
42. Սա նրան տարաւ Յիսուսի մօտ: Նայելով նրան՝ Յիսուս ասաց. Դու Յովնանի որդի Սիմոնն ես. դու պիտի կոչուես Կեփաս (որ թարգմանւում է՝ Պետրոս):
43. Յաջորդ օրը Յիսուս որոշեց Գալիլիա մեկնել. գտաւ Փիլիպպոսին ու նրան ասաց. Արի՛ իմ յետեւից:
44. Եւ Փիլիպպոսը Բեթսայիդայից էր, Անդրեասի եւ Պետրոսի քաղաքից:
45. Փիլիպպոսը գտնում է Նաթանայելին ու նրան ասում. Ում մասին որ Մովսէսը օրէնքի մէջ եւ մարգարէները գրել են, գտանք նրան՝ Յիսուսին՝ Յովսէփի որդուն, Նազարէթ քաղաքից:
46. Նաթանայելը նրան ասաց. Իսկ կարելի՞ է, որ Նազարէթից մի որեւիցէ լաւ բան դուրս գայ: Փիլիպպոսը նրան ասաց. Արի՛ եւ տե՛ս:
47. Երբ Յիսուս տեսաւ Նաթանայելին, որ իր մօտ էր գալիս, ասաց նրա մասին. Ահա՛ իսկական մի իսրայելացի, որի մէջ նենգութիւն չկայ:
48. Նաթանայելը նրան ասաց. Որտեղի՞ց ես ինձ ճանաչում: Յիսուս պատասխանեց եւ ասաց նրան. Փիլիպպոսը դեռ քեզ չկանչած, երբ թգնու տակ էիր, տեսայ քեզ:
49. Նաթանայելը պատասխան տուեց նրան ու ասաց. Ռաբբի՛, դո՛ւ ես Աստծու Որդին, դո՛ւ ես Իսրայելի թագաւորը:
50. Յիսուս պատասխան տուեց նրան ու ասաց. Նրա համա՞ր ես հաւատում, որ քեզ ասացի, թէ՛ թգնու տակ տեսայ քեզ. դրանից շատ աւելի մեծ բաներ պիտի տեսնես:
51. Եւ ասաց նրան. Ճշմարիտ, ճշմարիտ եմ ասում ձեզ, պիտի տեսնեք երկինքը բացուած եւ Աստծու հրեշտակներին՝ բարձրանալիս եւ իջնելիս մարդու Որդու վրայ:

## Գլուխ 2

1. Գալիլիա հասնելու երրորդ օրը Կանա քաղաքում հարսանիք կար: Եւ Յիսուսի մայրը այնտեղ էր:
2. Հարսանիքի հրավիրուեցին նաեւ Յիսուս եւ իր աշակերտները:
3. Եւ երբ գինին պակասեց, մայրը Յիսուսին ասաց. Գինի չունեն:
4. Եւ Յիսուս նրան ասաց. Ի՞նչ ես ուզում ինձնից, ո՛վ կին, իմ ժամանակը դեռ չի հասել:
5. Նրա մայրը սպասաւորներին ասաց. Ինչ որ ձեզ ասի, արէ՛ք:
6. Այնտեղ կային քարէ վեց թակոյկներ՝ հրեաների սովորութեան համաձայն մաքրուելու համար. նրանցից իւրաքանչիւրը շուրջ հարիւր լիտր տարողութիւն ունէր:
7. Յիսուս նրանց ասաց. Լցրէ՛ք այդ թակոյկները ջրով: Եւ լցրին բերնէբերան:
8. Եւ ասաց նրանց. Հիմա վերցրէ՛ք եւ տարէ՛ք սեղանապետին: Եւ նրանք տարան:
9. Եւ երբ սեղանապետը ճաշակեց գինի դարձած ջուրը ու չէր իմանում, թէ որտեղից է (բայց սպասաւորները, որոնք ջուր լցրին, գիտէին),
10. խօսեց փեսայի հետ ու ասաց. Ամէն մարդ նախ ընտիր գինին է մատուցում, եւ երբ հարբած են, այն ժամանակ՝ վատը: Իսկ դու ընտիր գինին մինչեւ հիմա պահել ես:
11. Յիսուս այս առաջին նշանն արեց Գալիլիայի Կանա քաղաքում որպէս սկիզբը նշանների եւ յայտնեց իր փառքը, ու նրա աշակերտները հաւատացին նրան:
12. Սրանից յետոյ Յիսուս Կափառնայում իջաւ իր մօր եւ իր եղբայրների հետ. եւ այնտեղ մնաց միայն մի քանի օր:
13. Հրեաների գատիկը մօտ էր, եւ Յիսուս Երուսաղէմ ելաւ:
14. Եւ տաճարի մէջ գտաւ նրանց, որ վաճառում էին արջառներ, ոչխարներ եւ աղանիւներ, ինչպէս նաեւ՝ լումայափոխներ, որ նստած էին:
15. Եւ չուանից խարազան շինեց ու բոլորին տաճարից դուրս հանեց. նաեւ՝ ոչխարներն ու արջառները. իսկ լումայափոխների պղնձադրամները ցիր ու ցան արեց եւ նրանց սեղանները շուռ տուեց:
16. Իսկ աղանի վաճառողներին ասաց. Դրանք այստեղից վերցրէ՛ք եւ իմ Հօր Տունը վաճառատան մի՛ վերածէք:
17. Նրա աշակերտները յետոյ յիշեցին, որ գրուած է. Զո՛ր Տան նկատմամբ իմ նախանձախնդրութիւնը ինձ պիտի ուտի:
18. Հրեաները նրան ասացին. Ի՞նչ նշան ցոյց կը տաս մեզ, թէ իրաւունք ունես այդ բանն անելու:
19. Պատասխանեց նրանց Յիսուս եւ ասաց. Քանդեցէ՛ք այդ տաճարը, եւ երեք օրուայ ընթացքում այն կը վերականգնեմ:
20. Հրեաները նրան ասացին. Քառասունվեց տարում շինուեց այս տաճարը, իսկ դու երե՞ք օրում այն վերականգնում ես:
21. Բայց նա իր մարմնի տաճարի մասին էր խօսում:
22. Իսկ երբ մեռելներից յարութիւն առաւ, նրա աշակերտները յիշեցին, թէ այդ է, որ ասել էր. եւ հաւատացին Գրքին ու այն խօսքին, որ Յիսուս ասել էր:
23. Եւ երբ Յիսուս գատկի տօնին Երուսաղէմում էր գտնուում, շատեր հաւատացին նրան, քանի որ տեսնում էին այն նշանները, որ կատարում էր:
24. Բայց Յիսուս անձամբ վստահութիւն չունէր նրանց նկատմամբ, որովհետեւ ինքն ամենքին ճանաչում էր
25. եւ կարիք չկար, որ որեւէ մէկը վկայեր մարդու մասին, քանի որ ինքն արդէն գիտէր, թէ ինչ կար մարդու հոգու մէջ:

1. Եւ փարիսեցիների մէջ Նիկողեմոս անունով մի մարդ կար, որ հրեաների իշխանաւոր էր:
2. Սա գիշերով եկաւ նրա մօտ ու նրան ասաց. Ռաբբի՛, գիտենք, որ Աստծուց ես եկել որպէս վարդապետ, որովհետեւ ոչ ոք չի կարող կատարել այն նշանները, որ դու ես անում, եթէ Աստուած նրա հետ չլինի:
3. Յիսուս պատասխանեց եւ ասաց նրան. Ճշմարիտ, ճշմարիտ եմ ասում քեզ, եթէ մէկը վերստին չծնուի, չի կարող Աստծու արքայութիւնը տեսնել:
4. Նիկողեմոսը նրան ասաց. Ինչպէ՞ս կարող է ծնուել մի մարդ, որ ծեր է. միթէ կարելի՞ է իր մօր որովայնը կրկին անգամ մտնել ու ծնուել:
5. Յիսուս պատասխան տուեց եւ ասաց. Ճշմարիտ, ճշմարիտ եմ ասում քեզ, եթէ մէկը ջրից ու Հոգուց չծնուի, չի կարող Աստծու արքայութիւնը մտնել:
6. որովհետեւ մարմնից ծնուածը մարմին է, իսկ Հոգուց ծնուածը՝ հոգի:
7. Դու մի՛ զարմացիր, որ քեզ ասացի՝ պետք է ձեզ վերստին ծնուել:
8. որովհետեւ քամին ուր ուզում է՝ փչում է, եւ նրա ձայնը լսում ես, բայց չգիտես որտեղից է գալիս կամ ուր է գնում. այսպէս է եւ ամէն ոք, որ Հոգուց է ծնուած:
9. Նիկողեմոսը հարցրեց նրան. Այդ ինչպէ՞ս կարող է լինել:
10. Յիսուս պատասխանեց եւ ասաց նրան. Դո՛ւ ես Իսրայէլի վարդապետ եւ այդ չգիտե՞ս:
11. Ճշմարիտ, ճշմարիտ եմ ասում քեզ, խօսում ենք, ինչ որ գիտենք, եւ վկայում ենք, ինչ որ տեսել ենք, եւ մեր վկայութիւնը չէք ընդունում:
12. Իսկ արդ, եթէ երկրաւոր բաներ ասացի ձեզ, եւ չէք հաւատում, ապա ինչպէ՞ս պիտի հաւատաք, եթէ երկնաւոր բաներ ասեմ:
13. Արդ, ոչ ոք երկինք չի ելել, եթէ ոչ Նա, որ իջաւ երկնքից՝ մարդու Որդին, որ երկնքից էր:
14. Եւ ինչպէս որ Մովսէսը անապատում բարձրացրեց օձը, այնպէս էլ մարդու Որդին պետք է բարձրանայ,
15. որպէսզի, ով նրան հաւատում է, յաւիտենական կեանքն ընդունի:
16. քանի որ Աստուած այնքան սիրեց աշխարհը, որ մինչեւ իսկ իր միածին Որդուն տուեց, որպէսզի, ով նրան հաւատում է, չկորչի, այլ ընդունի յաւիտենական կեանքը:
17. որովհետեւ Աստուած իր Որդուն չուղարկեց աշխարհ, որ դատապարտի աշխարհը, այլ՝ որպէսզի աշխարհը նրանով փրկուի:
18. Ով նրան հաւատում է, չպիտի դատապարտուի, եւ ով նրան չի հաւատում, արդէն իսկ դատապարտուած է, քանի որ Աստծու միածին Որդու անուանը չհաւատաց:
19. Եւ դատաստանը այսպէ՛ս իսկ է. որ լոյսը եկաւ աշխարհ, սակայն մարդիկ խաւարն աւելի սիրեցին, քան լոյսը, որովհետեւ իրենց գործերը չար էին:
20. որովհետեւ, ով չարիք է գործում, ատում է լոյսը եւ չի գալիս դեպի լոյսը, որպէսզի նրա գործերը իր երեսովը չտան:
21. Իսկ ով կատարում է այն, ինչ ճշմարիտ է, գալիս է դեպի լոյսը, որպէսզի նրա գործերը յայտնի լինեն, թէ Աստուծով կատարուեցին:
22. Այնուհետեւ Յիսուս եւ իր աշակերտները Հրեաստանի երկիրը եկան, եւ Նա այնտեղ շրջում էր նրանց հետ ու մկրտում:
23. Յովհաննէսն էլ մկրտում էր Այնտնում, Երուսաղէմի մօտ, որովհետեւ այնտեղ շատ ջրեր կային, եւ մարդիկ գալիս ու մկրտում էին,
24. քանի դեռ Յովհաննէսին չէին բանտարկել:
25. Եւ Յովհաննէսի աշակերտների ու մի հրեայի միջեւ մաքրութեան մասին մի հարց ծագեց:
26. Նրանք եկան Յովհաննէսի մօտ եւ նրան ասացին. Ռաբբի՛, Նա, որ Յորդանանի միւս կողմում քեզ հետ էր, եւ որի մասին դու վկայեցիր, ահաւասիկ Նա մկրտում է, եւ ամենքը գալիս են նրա մօտ:

27. Յովհաննէսը պատասխանեց եւ ասաց. Մարդն իրենից որեւէ բան անել չի կարող, եթէ նրան ի վերուստ՝ երկնքից այդ տրուած չէ:
28. Դուք ինքներդ էք վկայում ինձ, որ ձեզ ասացի. ես Քրիստոսը չեմ, այլ ուղարկուած եմ նրա առաջից:
29. Ով հարս ունի, նա՛ է փեսան. իսկ փեսայի բարեկամը, որ կանգնած լսում է նրան, մեծապէս ուրախանում է փեսայի ծայնի համար. արդ, այս ուրախութիւնը, որ իմն է, կատարեալ է:
30. Պէտք է, որ նա մեծանայ, իսկ ես՝ նուազեմ:
31. Նա, որ ի վերուստ է գալիս, վեր է ամենքից. նա, որ այս երկրից է, երկրաւոր է եւ երկրաւոր բաների մասին է խօսում:
32. Նա, որ երկնքից է գալիս, վկայում է, ինչ որ տեսել ու լսել է, սակայն նրա վկայութիւնը ոչ ոք չի ընդունում:
33. Ով ընդունում է նրա վկայութիւնը, հաստատած կը լինի, որ Աստուած ճշմարիտ է,
34. քանի որ նա, ում Աստուած ուղարկեց, Աստծու խօսքերն է խօսում. որովհետեւ Աստուած Հոգին տալիս է առանց չափի:
35. Հայրը սիրում է Որդուն եւ ամէն ինչ տուել է նրա ձեռքը:
36. Ով հաւատում է Որդուն, ընդունում է յաւիտենական կեանքը, իսկ ով չի հնազանդւում Որդուն, կեանք չի տեսնի, այլ նրա վրայ կը մնայ Աստծու բարկութիւնը:

1. Երբ Յիսուս իմացաւ, որ փարիսեցիները լսել են, թէ ինքն աւելի շատ աշակերտներ է դարձնում եւ մկրտում, քան Յովհաննէսը
2. (թպէտեւ ոչ թէ Յիսուս ինքն էր մկրտում, այլ՝ նրա աշակերտները),
3. թողեց Հրեաստան երկիրը եւ վերստին եկաւ Գալիլիա:
4. Եւ անհրաժեշտ էր, որ նա անցներ Սամարիայով:
5. Նա գալիս է Սամարիայի մի քաղաքը, որի անունն էր Սիւքար, մօտիկ այն գիւղին, որ Յակոբը տուել էր իր որդուն՝ Յովսէփին:
6. Եւ այնտեղ Յակոբի աղբիւրը կար: Եւ Յիսուս ճանապարհից յոգնած՝ նստեց աղբիւրի մօտ. կէսօր էր:
7. Սամարիայից մի կին է գալիս ջուր հանելու. Յիսուս նրան ասում է.
8. Ինձ խմելու ջուր տուր (քանի որ նրա աշակերտները գնացել էին քաղաք, որպէսզի ուտելիք գնեն):
9. Սամարացի կինը նրան ասում է. Դու, որ հրեայ ես, ինչպէ՞ս ինձնից՝ սամարացի կնոջից, խմելու ջուր ես ուզում (որովհետեւ հրեաները սամարացիների հետ երբեք շփում չեն ունենում):
10. Յիսուս նրան պատասխանեց եւ ասաց. Եթէ դու գիտենայի՜ր Աստծու պարգեւները, եւ թէ ով է, որ քեզ ասում է՝ Ինձ խմելու ջուր տուր, գուցէ ինքդ արդարեւ նրանից կ'ուզէիր, եւ նա քեզ կենդանի ջուր կը տար:
11. Կինը նրան ասաց. Տէ՛ր, սակայն դու դոյլ իսկ չունես, եւ այս ջրիորը խորն է. ուրեմն դու որտեղի՞ց կ'ունենաս կենդանի ջուր:
12. Միթէ դու աւելի մե՞ծ մեկն ես, քան մեր հայրը՝ Յակոբը, որ այս ջրիորը մեզ տուել է եւ ինքն էլ խմել է սրանից. նաեւ՝ իր որդիներն ու իր հօտերը:
13. Յիսուս նրան պատասխանեց եւ ասաց. Ով որ այս ջրից խմի, նորից կը ծարաւի, բայց ով որ խմի այն ջրից, որ ես եմ տալու նրան, յաւիտեան չպիտի ծարաւի:
14. Իսկ այն ջուրը, որ ես նրան տալու եմ, նրա մէջ կը լինի բխող ջրի աղբիւր յաւիտենական կեանքի համար:
15. Կինը ասաց նրան. Տէ՛ր, տո՛ւր ինձ այդ ջուրը, որպէսզի չծարաւեմ եւ այստեղ չգամ ջուր հանելու:
16. Յիսուս նրան ասաց. Գնա՛, ամուսնուդ կանչի՛ր եւ արի՛ այստեղ:
17. Կինը պատասխան տուեց նրան եւ ասաց. Ամուսին չունեմ: Յիսուս նրան ասաց. Լա՛ւ ասացիր, թէ՛ ամուսին չունեմ,
18. որովհետեւ հինգ մարդ ես փոխել եւ ում հետ, որ այժմ ապրում ես, քո ամուսինը չէ. այդ ճիշտ ասացիր:
19. Կինը նրան ասաց. Տէ՛ր, ինձ թուում է, թէ դու մարգարէ ես:
20. Մեր հայրերը այս լեռան վրայ երկրպագութիւն արեցին, իսկ դուք ասում էք, թէ միայն Երուսաղէմն է այն տեղը, ուր արժան է երկրպագել:
21. Յիսուս նրան ասաց. Ո՛վ կին, հաւատա՛ ինձ, որ կը գայ ժամանակը, երբ ո՛չ այս լեռան վրայ եւ ո՛չ էլ Երուսաղէմում կ'երկրպագեն Հօրը:
22. Դուք երկրպագում էք նրան, ում չգիտեք, իսկ մենք երկրպագում ենք նրան, ում գիտենք, որովհետեւ փրկութիւնը հրեաներից է:
23. Բայց կը գայ ժամանակը, եւ արդէն իսկ եկել է, երբ ճշմարիտ երկրպագուները կ'երկրպագեն Հօրը հոգով եւ ճշմարտութեամբ, քանի որ Հայրն էլ իրեն այդպիսի երկրպագուներ է ուզում:
24. Հոգի է Աստուած, եւ նրա երկրպագուները պետք է հոգով եւ ճշմարտութեամբ երկրպագեն:
25. Կինը ասաց նրան. Գիտեմ, որ Մեսիան՝ Քրիստոս կոչուածը, կը գայ. երբ նա գայ, մեզ ամեն ինչ կը պատմի:
26. Յիսուս նրան ասաց. Այդ ես եմ, որ խօսում եմ քեզ հետ:
27. Եւ այդ խօսքի վրայ նրա աշակերտները եկան եւ զարմանում էին, որ նա խօսում էր

այդ կնոջ հետ, բայց նրանցից ոչ ոք չասաց, թե՛ ի՞նչ ես ուզում կամ ի՞նչ ես խօսում նրա հետ:

28. Կինը թողեց իր սափորը եւ քաղաք գնաց ու ասաց մարդկանց:

29. Եկեք տեսե՛ք մի մարդու, որ ինձ ասաց այն բոլորը, ինչ արել եմ. արդեօք նա՞ է Զրիստոսը:

30. Նրանք ելան քաղաքից եւ գալիս էին նրա մօտ:

31. Եւ մինչ նրանք դեռ չէին եկել, աշակերտներն աղաչում էին նրան ու ասում. Ռաբբի՛, հա՛ց կեր:

32. Նա ասաց նրանց. Ես ունեմ ուտելու կերակուր, որ դուք չգիտեք:

33. Աշակերտները իրար մէջ ասում էին՝ արդեօք մէկը դրան ուտելու բա՞ն է բերել:

34. Յիսուս նրանց ասաց. Իմ կերակուրն այն է, որ կամքը կատարեմ նրա՛, ով ինձ ուղարկել է, եւ կատարեմ նրա գործը:

35. Չէ՞ որ դուք եք ասում, թե չորս ամիս եւս կայ, որ հունձը գայ. ահա ես ձեզ ասում եմ. բարձրացրե՛ք ձեր աչքերը եւ տեսե՛ք արտերը, որ սպիտակել են եւ հասել հնձի համար:

36. Եւ ով հնձում է, վարձ է ստանում ու յաւիտենական կեանքի համար պտուղ է կուտակում, որպէսզի սերմանողն ու հնձողը հաւասարապէս ցնծան:

37. Հէնց սրանով է ճշմարիտ այն խօսքը, թե՛ ա՛յլ է սերմանողը եւ ա՛յլ՝ հնձողը:

38. Ես ուղարկեցի ձեզ հնձելու այն, որի վրայ աշխատանք չէիք թափել. ուրիշներ աշխատանք թափեցին, իսկ դուք նրանց վաստակի մէջ մտաք:

39. Եւ սամարացիների այդ քաղաքից շատեր հաւատացին նրան այն կնոջ խօսքի համար, որ վկայեց, թե՛ ինձ ասաց այն բոլորը, ինչ ես արել էի:

40. Իսկ երբ սամարացիները նրա մօտ եկան, աղաչում էին, որ իրենց մօտ մնայ. եւ նա այնտեղ մնաց երկու օր:

41. Ուրիշ շատեր էլ նրան հաւատացին՝ իր խօսքի համար.

42. Եւ կնոջն ասում էին. Այսուհետեւ քո խօսքերի համար չէ, որ հաւատում ենք, որովհետեւ մենք ինքներս լսեցինք նրանից եւ գիտենք, թե նա՛ է ճշմարտապէս Փրկիչն աշխարհի:

43. Եւ երկու օր յետոյ նա ելաւ այնտեղից եւ գնաց Գալիլիա.

44. քանի որ Յիսուս ինքն իսկ վկայել էր, թե մարգարէն իր գաւառում պատիւ չունի:

45. Սակայն, երբ նա Գալիլիա եկաւ, գալիլիացիները նրան ընդունեցին, որովհետեւ նրանք եւս տեսել էին այն բոլոր նշանները, որ նա արեց Երուսաղէմում՝ տօնի ժամանակ, քանի որ նրանք էլ էին եկել տօնին:

46. Յիսուս դարձեալ եկաւ Գալիլիայի Կանա քաղաքը, ուր ջուրը գինու էր վերածել: Պալատական մի պաշտօնատար կար, որի որդին հիւանդ էր Կափառնայում:

47. Երբ նա լսեց, թե Յիսուս Հրեաստանից Գալիլիա է եկել, եկաւ նրա մօտ եւ աղաչում էր, որ Կափառնայում իջնի ու իր որդուն բժշկի, քանի որ մերձիմահ էր:

48. Յիսուս նրան ասաց. Եթէ նշաններ եւ զարմանալի գործեր չտեսնեք, չեք հաւատում:

49. Պաշտօնատարը նրան ասաց. Տէ՛ր, իջի՛ր, քանի դեռ իմ որդին չի մեռել:

50. Յիսուս նրան ասաց. Գնա՛, քո որդին կենդանի է: Եւ մարդը հաւատաց Յիսուսի ասած խօսքին ու գնաց:

51. Եւ մինչդեռ նա իջնում էր, նրա ծառաները ընդառաջ ելան նրան, աւետիս տուեցին եւ ասացին, թե նրա տղան կենդանի է:

52. Նա հարցրեց նրանց, թե ո՞ր ժամին ապաքինուեց: Նրան ասացին. Երէկ, յետմիջօրէի ժամը մէկին ջերմը նրան թողեց:

53. Հայրը գիտակցեց, որ այդ ժամին էր, երբ Յիսուս նրան ասաց՝ քո որդին կենդանի է: Եւ հաւատաց ինքը, ու իր ամբողջ ընտանիքը:

54. Այս դարձեալ երկրորդ նշանն է, որ արեց Յիսուս՝ Հրեաստանից Գալիլիա գալուց յետոյ:

1. Դրանից յետոյ հրեաների տօնն էր, եւ Յիսուս Երուսաղէմ ելաւ:
2. Եւ Երուսաղէմում, Ոչխարների աւազանի մօտ մի տեղ կար, որ երբայերէն անուանում էր Բեթհեզդա՝ հինգ սրահներով,
3. որոնց մէջ պառկած էր մի մեծ բազմութիւն հիւանդների, կոյրերի, կաղերի եւ գօսացածների, որոնք սպասում էին ջրերի խառնուելուն:
4. Եւ Տիրոջ հրեշտակը ժամանակ առ ժամանակ իջնում էր աւազանը եւ ջրերը խառնում. եւ ով ջրերի խառնուելու ժամանակ առաջինն էր իջնում, բժշկւում էր՝ հիւանդութիւնից նշան անգամ չպահելով:
5. Այնտեղ կար մի մարդ, որ երեսունութ տարուց ի վեր հիւանդ էր:
6. Երբ Յիսուս տեսաւ, որ նա պառկած ընկած է, եւ իմացաւ, որ դա շատ ժամանակից ի վեր էր, նրան ասաց. Կամենո՞ւմ ես առողջ լինել:
7. Հիւանդը պատասխանեց նրան. Տէ՛ր, ոչ ոք չունեմ, որ, երբ ջրերը խառնուեն, ինձ աւազանի մէջ իջեցնի. եւ մինչ ես դանդաղում եմ, մէկ ուրիշն ինձից աւելի առաջ է իջնում:
8. Յիսուս նրան ասաց. Վե՛ր կաց, վերցրո՛ւ քո մահիճը եւ գնա՛:
9. Եւ մարդը առողջացաւ, վեր կացաւ, վերցրեց իր մահիճը եւ ման էր գալիս. եւ այն օրը շաբաթ էր:
10. Հրեաները բժշկուած մարդուն ասացին. Շաբաթ օր է եւ օրինաւոր չէ, որ վերցնես մահիճդ:
11. Նա նրանց ասաց. Նա, որ ինձ բժշկեց, նա՛ ինձ ասաց՝ վերցրո՛ւ քո մահիճը եւ գնա՛:
12. Նրան հարցրին ու ասացին. Ո՞վ է այն մարդը, որ քեզ ասաց՝ վերցրո՛ւ քո մահիճը եւ շրջի՛ր:
13. Իսկ բժշկուածը չէր իմանում, թէ ո՞վ է նա, որովհետեւ Յիսուս այդտեղից ամբոխի պատճառով հեռացել էր:
14. Այնուհետեւ Յիսուս նրան գտաւ տաճարում ու ասաց նրան. Ահաւասիկ առողջացար, այլեւս մի՛ մեղանչիր, որպէսզի մի աւելի չար բան չպատահի քեզ:
15. Մարդը գնաց եւ հրեաներին պատմեց, թէ՛ Յիսուս էր, որ ինձ բժշկեց:
16. Եւ հրեաները Յիսուսին հալածում էին նրա համար, որ շաբաթ օրով էր անում այդ բաները:
17. Սակայն Յիսուս պատասխանեց նրանց եւ ասաց. Իմ Հայրը մինչեւ այժմ գործում է, ուրեմն ես եւս գործում եմ:
18. Դրա համար հրեաները առաւել եւս ուզում էին նրան սպանել, որովհետեւ ոչ միայն չէր պահում շաբաթը, այլ նաեւ Աստծուն կոչում էր իր Հայրը եւ իր անձը Աստծուն հաւասար էր դասում:
19. Յիսուս ասաց նրանց. Ճշմարիտ, ճշմարիտ եմ ասում ձեզ, մարդու Որդին ինքն իրենից ոչինչ չի կարող անել, այլ անում է այն, ինչ տեսնում է, թէ Հայրը կատարում է, որովհետեւ ինչ որ Հայրն է անում, նոյնը նրա նման եւ Որդին է գործում,
20. քանի որ Հայրը սիրում է Որդուն, եւ այն ամէնը, ինչ ինքն է անում, ցոյց է տալիս նրան. եւ նրան ցոյց կը տայ սրանից շատ աւելի մեծ գործեր, որոնց վրայ դուք կը զարմանաք.
21. որովհետեւ, ինչպէս որ Հայրը յարութիւն է տալիս մեռելներին եւ կենդանացնում է, նոյնպէս եւ Որդին կենդանացնում է՝ ում կամենայ:
22. Սակայն Հայրը ոչ մէկին չի դատում, այլ ամէն դատաստան տուել է իր Որդուն,
23. որպէսզի ամէնքը պատուեն Որդուն, ինչպէս պատուում են Հօրը: Ով Որդուն չի պատուում, չի պատուում եւ Հօրը՝ նրան առաքողին:
24. Ճշմարիտ, ճշմարիտ եմ ասում ձեզ, որ, ով իմ խօսքը լսում է ու հաւատում է նրան, ով ինձ առաքեց, ընդունում է յաւիտենական կեանքը եւ չի դատապարտւում, այլ մահուանից կեանք անցաւ:
25. Ճշմարիտ, ճշմարիտ եմ ասում ձեզ, որ կը գայ ժամանակ, եւ արդէն իսկ եկել է, երբ

- մեռելները կը լսեն Աստծու Որդու ծայնը, եւ նրանք, որ կը լսեն, կ'ապրեն,
26. որովհետեւ, ինչպէս Հայրն ինքն իր մէջ կեանք ունի եւ կեանք է տալիս, նոյնպէս եւ Որդուն տուեց ինքն իր մէջ կեանք ունենալ եւ տալ:
27. Եւ նրան իշխանութիւն տուեց դատաստան անելու, քանի որ մարդու Որդի է.
28. դրա վրայ ինչո՞ւ էք զարմանում, որովհետեւ կը գայ ժամանակ, երբ բոլոր նրանք, որ գերեզմաններում են, կը լսեն նրա ծայնը
29. եւ դուրս կը գան. ովքեր բարի գործեր են արել՝ կեանքի յարութեան համար, իսկ ովքեր չար գործեր են արել՝ դատաստանի յարութեան համար:
30. Ես ինքս ինձնից ոչինչ անել չեմ կարող, այլ, ինչպէս լսում եմ Հօրից՝ դատում եմ, եւ իմ դատաստանը արդար է, որովհետեւ ոչ թէ իմ կամքն եմ որոնում, այլ նրա կամքը, ով ինձ առաքեց:
31. Եթէ ես եմ վկայում իմ մասին, իմ վկայութիւնը հաւաստի չէ:
32. Ուրիշն է, որ վկայում է իմ մասին. եւ դուք գիտեք, որ հաւաստի է այն վկայութիւնը, որ նա վկայեց իմ մասին:
33. Յովհաննէսի մօտ դուք մարդ ուղարկեցիք, եւ նա վկայեց ճշմարտութիւնը:
34. Բայց ես մարդկանցից չէ, որ վկայութիւն եմ առնում, այլ այս ասում եմ, որ դուք փրկուէք:
35. Յովհաննէսն էր ճրագը, որ վառուած էր եւ լոյս էր տալիս, եւ դուք կամեցաք միառժամանակ ցնծալ նրա լոյսով:
36. Բայց ես անելի մեծ վկայութիւն ունեմ, քան Յովհաննէսինը. այն գործերը, որ Հայրն ինձ տուեց, որ կատարեմ, այդ նոյն գործերն իսկ, որ անում եմ, վկայում են իմ մասին, թէ Հայրն է ուղարկել ինձ:
37. Եւ Հայրը, որ ինձ ուղարկեց, նա՛ է վկայել իմ մասին. դուք ո՛չ նրա ծայնն էք երբեւէ լսել եւ ո՛չ էլ նրա երեսն էք տեսել:
38. Եւ ո՛չ էլ նրա խօսքն ունեք ձեր մէջ բնակուած, որովհետեւ, ում նա ուղարկեց, դուք նրան չէք հաւատում:
39. Թննեցէ՛ք Գրքերը, քանի որ կարծում էք, թէ նրանցով յաւիտենական կեանք կ'ունենաք: Բայց այդ Գրքերն իսկ վկայում են իմ մասին, որովհետեւ դուք կարծում էք, թէ յաւիտենական կեանք ունեք:
40. Եւ դուք չէք կամենում դէպի ինձ գալ, որպէսզի կեանք ունենաք:
41. Ես մարդկանցից փառք չեմ առնում:
42. Բայց գիտեմ ձեզ, որ Աստծու հանդէպ սեր չունեք ձեր մէջ:
43. Ես եկայ իմ Հօր անունով, եւ ինձ չէք ընդունում: Եթէ ուրիշ մէկը գայ իր անունով, նրան կ'ընդունէք:
44. Դուք ինչպէ՞ս կարող էք հաւատալ, քանի որ իրարից էք փառք առնում եւ չէք որոնում այն փառքը, որ միակ Աստծուց է գալիս:
45. Մի՛ կարծեք, որ ես Հօր մօտ ձեզ պիտի ամբաստանեմ. կայ մէկը, որ որպէս ամբաստանող կը կանգնի ձեր դէմ՝ Մովսէ՛սը, որի վրայ դուք յոյս էք դրել.
46. որովհետեւ, եթէ դուք հաւատայիք Մովսէսին, կը հաւատայիք այդ դէպքում ուրեմն եւ ինձ, քանի որ նա հէնց իմ մասին է գրել.
47. իսկ եթէ նրա գրածներին չէք հաւատում, իմ խօսքերին ինչպէ՞ս պիտի հաւատաք:



1. Այնուհետեւ Յիսուս Գալիլիայի՝ Տիբերական ծովի հանդիպակաց կողմն անցաւ.
2. եւ նրա յետեւից բազում ժողովուրդ էր գնում, որովհետեւ տեսնում էին այն նշանները, որ նա կատարում էր հիւանդների վրայ:
3. Յիսուս լեռ բարձրացաւ եւ նստեց այնտեղ իր աշակերտների հետ:
4. Եւ մօտ էր գատիկը՝ հրեաների տօնը:
5. Յիսուս իր աչքերը վեր բարձրացրեց եւ տեսաւ, որ բազում ժողովուրդ է գալիս իր մօտ: Փիլիպպոսին ասաց. Որտեղի՞ց հաց պիտի գնենք, որ դրանք ուտեն:
6. Այս ասում էր՝ նրան փորձելու համար, բայց ինքը գիտէր, թէ ինչ էր անելու:
7. Փիլիպպոսը նրան պատասխանեց. Երկու հարիւր դահեկանի հաց դրանց չի բաւարարի, թէկուզ եւ իւրաքանչիւր ոք մի կտոր վերցնի:
8. Նրա աշակերտներից մէկը՝ Անդրեասը, Սիմոն Պետրոսի եղբայրը, ասաց նրան.
9. Այստեղ մի պատանի կայ, որ հինգ գարեհաց ունի եւ երկու ծուկ. բայց այդքանն ի՞նչ է այսչափ մարդկանց համար:
10. Յիսուս ասաց. Նստեցրէ՛ք մարդկանց: Այնտեղ առատ խոտ կար: Եւ շուրջ հինգ հազար մարդիկ նստեցին:
11. Եւ Յիսուս հացն առաւ ու գոհուրթին յայտնեց Աստծուն եւ բաշխեց նստածներին: Նոյն ձեւով եւ ձկներից՝ որչափ որ կամեցան:
12. Եւ երբ կշտացան, աշակերտներին ասաց. Հաւաքեցէ՛ք այդ մնացած կտորները, որպէսզի ոչ մի բան չկորչի:
13. Հաւաքեցին եւ լցրին տասներկու սակառ այն հինգ գարեհացի կտորտանքով, որ ավելացել էր ուտողներից:
14. Իսկ մարդիկ, երբ տեսան այն նշանները, որ նա արեց, ասացին. Սա՛ է ճշմարիտ մարգարէն, որ աշխարհ էր գալու:
15. Երբ Յիսուս իմացաւ, որ գալու են իրեն բռնել տանելու, որպէսզի իրեն թագաւոր անեն, դարձեալ միայնակ դէպի լեռը գնաց:
16. Եւ երբ երեկոյ եղաւ, նրա աշակերտները ծովեզերք իջան:
17. Եւ նաւակ նստելով՝ գալիս էին դէպի ծովի միւս կողմը, դէպի Կափառնայում: Եւ երբ մութն ընկաւ, Յիսուս դեռ իրենց մօտ չէր եկել.
18. Եւ ծովը հողմի ուժգին փչելուց փոթորկում էր:
19. Երբ շուրջ հինգ կամ վեց կիլոմետր թիավարելուց յետոյ տեսան Յիսուսին, որ քայլում էր ծովի վրայով եւ նաւակին մօտեցել էր, սաստիկ վախեցան:
20. Եւ նա ասաց նրանց. Ես եմ, մի՛ վախեցէք:
21. Եւ ուզում էին նրան նաւակի մէջ առնել. եւ նաւակը շուտով հասաւ այն տեղը, ուր գնում էին:
22. Յաջորդ օրը, ժողովուրդը, որ մնացել էր ծովի այն կողմը, տեսաւ, որ այնտեղ այլ նաւակ չկայ, բացի միայն մէկից, որի մէջ մտել էին Յիսուսի աշակերտները, իսկ Յիսուս իր աշակերտների հետ նաւակ չէր մտել, այլ միայն իր աշակերտներն էին գնացել:
23. Սակայն Տիբերիայից ուրիշ նաւակներ էլ գալիս էին մօտ այն տեղին, ուր հացն էին կերել:
24. Ուրեմն, երբ ժողովուրդը տեսաւ, որ Յիսուս այդտեղ չէ եւ ոչ էլ՝ նրա աշակերտները, նաւակներ նստեցին եւ եկան Կափառնայում՝ Յիսուսին փնտռելու:
25. Եւ երբ նրան գտան ծովի միւս կողմում, ասացին նրան. Ռաբբի՛, ե՞րբ եկար այստեղ:
26. Յիսուս պատասխանեց նրանց եւ ասաց. Ճշմարիտ, ճշմարիտ եմ ասում ձեզ, դուք ինձ փնտռում էք ոչ թէ նրա համար, որ նշաններ տեսաք, այլ որովհետեւ կերաք այն հացից եւ կշտացաք:
27. Գնացէք աշխատեցէ՛ք ոչ թէ կորստեան ենթակայ կերակրի համար, այլ այն կերակրի, որը մնում է յաւիտենական կեանքի համար, եւ որը մարդու Որդին կը տայ ձեզ, քանի որ նրան իր կնիքով հաստատել է Հայրը՝ Աստուած:
28. Նրան ասացին. Ի՞նչ անենք, որ Աստծու ուզած գործերը գործենք:

29. Յիսուս պատասխանեց եւ ասաց նրանց. Աստծու ուզած գործը ա՛յս է. որ հաւատաք նրան, ում նա ուղարկեց:
30. Նրան ասացին. Ի՞նչ նշան կ'անես, որ տեսնենք եւ հաւատանք, ի՞նչ գործ կը գործես:
31. Մեր հայրերը անապատում մանանան կերան, ինչպես որ գրուած է. Երկնքից նրանց հաց տուեց ուտելու:
32. Յիսուս նրանց ասաց. Ճշմարիտ, ճշմարիտ եմ ասում ձեզ, Մովսէսը չէ, որ ձեզ երկնքից հաց տուեց, այլ իմ Հայրն է, որ տալիս է ձեզ ճշմարիտ հացը երկնքից.
33. որովհետեւ Աստծուց է այն հացը, որ իջնում է երկնքից եւ կեանք է տալիս աշխարհին:
34. Նրան ասացին. Տե՛ր, ամէն ժամ տո՛ւր մեզ այդ հացը:
35. Յիսուս նրանց ասաց. Ես եմ կենաց հացը. ով դէպի ինձ գայ, քաղց չի զգայ, եւ ով ինձ հաւատայ, երբեք չի ծարաւի:
36. Բայց ես ձեզ ասել եմ, թէ ինձ տեսաք եւ չէք հաւատում:
37. Բոլոր նրանք, ում Հայրն ինձ տալիս է, կը գան ինձ մօտ, եւ ով որ ինձ մօտ կը գայ, դուրս չեմ անի.
38. որովհետեւ ես երկնքից իջայ ոչ թէ իմ կամքը կատարելու համար, այլ՝ կամքը նրա, ով ինձ ուղարկեց:
39. Այս է կամքը իմ Հօր, որ ինձ ուղարկեց. բոլոր նրանք, ում Հայրն ինձ տուել է, նրանցից ոչ մէկին չկորցնեմ, այլ վերջին օրը յարութիւն առնել տամ նրանց:
40. Այս է իմ Հօր կամքը. ամէն ոք, ով տեսնի Որդուն եւ հաւատայ նրան, ունենայ յաւիտենական կեանք. եւ ես նրան վերջին օրը յարութիւն առնել տամ:
41. Հրեաները տրտնջում էին նրանից, որովհետեւ ասել էր՝ ե՛ս եմ երկնքից իջած հացը:
42. Եւ ասում էին. Սա Յիսուսը չէ՞ Յովսէփի որդին, որի հօրն ու մօրը մենք ճանաչում ենք: Իսկ արդ, ինչպէ՞ս է ասում ես երկնքից իջայ:
43. Յիսուս պատասխանեց եւ ասաց նրանց. Մի՛ քրթմնջեք իրար մէջ.
44. ոչ ոք չի կարող գալ դէպի ինձ, եթէ նրան չծագի Հայրը, որ ինձ ուղարկեց, եւ ես նրան վերջին օրը յարութիւն առնել կը տամ:
45. Մարգարէների գրքերում գրուած է. Եւ ամենքը Աստծուց ուսած կը լինեն: Ամէն ոք, որ լսում է Հօրից եւ ուսանում է, գալիս է դէպի ինձ:
46. Սակայն ոչ ոք Հօրը չի տեսել, այլ միայն նա, որ Աստծուց է, նա՛ է տեսել Հօրը:
47. Ճշմարիտ, ճշմարիտ եմ ասում ձեզ, որ, ով հաւատում է, ունենում է յաւիտենական կեանքը:
48. Ես եմ կենաց հացը:
49. Ձեր հայրերը անապատում մանանան կերան, սակայն մեռան:
50. Այս է երկնքից իջած հացը, որպէսզի, ով որ սրանից ուտի, չմեռնի:
51. Ես եմ կենդանի հացը, որ երկնքից է իջած.
52. թէ մէկն այս հացից ուտի, յաւիտենապէս կ'ապրի. եւ այն հացը, որ ես կը տամ, իմ մարմինն է, որը ես կը տամ, որպէսզի աշխարհը կեանք ունենայ:
53. Հրեաները իրար հետ բռնն կերպով վիճում էին եւ ասում. Սա ինչպէ՞ս կարող է իր մարմինը մեզ տալ՝ ուտելու:
54. Յիսուս նրանց ասաց. Ճշմարիտ, ճշմարիտ եմ ասում ձեզ, եթէ չուտեք մարդու Որդու մարմինը եւ չըմպեք նրա արիւնը, ձեր մէջ կեանք չէք ունենայ:
55. Ով ուտում է իմ մարմինը եւ ըմպում իմ արիւնը, յաւիտենական կեանք ունի. եւ ես նրան վերջին օրը յարութիւն առնել պիտի տամ,
56. քանի որ իմ մարմինը ճշմարիտ կերակուր է, եւ իմ արիւնը՝ ճշմարիտ ըմպելիք:
57. Ով ուտում է իմ մարմինը եւ ըմպում իմ արիւնը, կը բնակուի իմ մէջ, եւ ես՝ նրա մէջ:
58. Ինչպէս Հայրը, որ ինձ ուղարկեց, ապրում է, ես էլ ապրում եմ Հօր միջոցով. եւ ով ուտում է ինձ, նա էլ կ'ապրի իմ միջոցով:
59. Այս է հացը, որ երկնքից է իջած. ոչ այնպէս, ինչպէս մանանան, որը ձեր հայրերը կերան եւ մեռան. ով այս հացն ուտում է, կ'ապրի յաւիտեան:
60. Նա այս բաներն ասաց Կափառնայումի մէջ ժողովարանում ուսուցանելիս:

61. Եւ աշակերտներից շատերը, երբ լսեցին, ասացին. Խիստ է այդ խօսքը. ո՞վ կարող է այն լսել:
62. Յիսուս երբ ինքն իրենից իմացաւ, որ իր աշակերտները դրա համար տրտնջում են, նրանց ասաց. Այդ ձեզ գայթակղեցնո՞ւմ է.
63. իսկ արդ, եթէ տեսնէք մարդու Որդուն բարձրանալիս այնտեղ, ուր առաջ էր...:
64. Հոգին է կենդանարար. մարմինը ոչ մի բան չի կարող անել: Այն խօսքը, որ ես ձեզ ասացի, հոգի է եւ կեանք:
65. Բայց ձեր մէջ կան ոմանք, որ չեն հաւատում: Քանի որ Յիսուս սկզբից գիտեր, թէ ովքեր են նրանք, որ չեն հաւատում, եւ ով է նա, որ մատնելու է իրեն, ասաց.
66. Դրա համար ձեզ ասացի, թէ ոչ ոք չի կարող գալ ինձ մօտ, եթէ այդ իմ Հօրից տրուած չէ նրան:
67. Դրա վրայ՝ նրա աշակերտներից շատերը յետ քաշուեցին եւ այլեւս նրա հետ չէին շրջում:
68. Յիսուս տասներկու աշակերտներին ասաց. Միթէ դո՞ւք էլ ուզում էք գնալ:
69. Սիմոն Պետրոսը նրան պատասխանեց. Տէ՛ր, ո՞ւմ մօտ պիտի գնանք: Դու յաւիտենական կեանքի խօսքեր ունես:
70. Եւ մենք հաւատացինք եւ ճանաչեցինք, որ դու ես Քրիստոսը՝ Աստծու Որդին:
71. Յիսուս նրանց պատասխանեց. Չէ՞ որ ես եմ ընտրել ձեզ՝ Տասներկուսիդ. եւ ձեզանից մէկը սատանայ է:
72. Նա խօսում էր Իսկարիոթացու՝ Սիմոնի որդի Յուդայի մասին, որովհետեւ հէնց նա էր մատնելու նրան. եւ Տասներկուսից մէկն էր:

1. Դրանից յետոյ Յիսուս շրջում էր Գալիլիայում, քանի որ չէր կամենում Հրեաստանում շրջել, որովհետեւ հրեայ առաջնորդները ուզում էին սպանել նրան:
2. Հրեաների Տաղաւարահարաց տօնը մօտ էր:
3. Եւ նրա եղբայրներն ասացին նրան. Այստեղից անցիր գնա՛ Հրեաստան, որպէսզի քո աշակերտներն էլ տեսնեն այն գործերը, որ դու անում ես.
4. որովհետեւ չկայ մէկը, որ թաքուն գործի եւ դեռ ուզենայ իրեն համարձակ ներկայացնել. եթէ այդ գործերն անում ես, ուրեմն յայտնի՛ր քեզ աշխարհին.
5. քանի որ եղբայրներն իսկ դեռեւս չէին հաւատացել նրան:
6. Յիսուս նրանց ասաց. Իմ ժամանակը դեռ չի հասել, բայց ձեր ժամանակը միշտ պատրաստ է:
7. Աշխարհը չի կարող ձեզ ատել, բայց ինձ ատում է, որովհետեւ ես վկայում եմ աշխարհի մասին, թէ մարդկանց գործերը չար են:
8. Դուք գնացէ՛ք այդ տօնին, ես այդ տօնին չեմ գնում, որովհետեւ իմ ժամանակը դեռ չի լրացել:
9. Երբ այս ասաց, ինքը մնաց այնտեղ, Գալիլիայում:
10. Երբ նրա եղբայրները գնացին, ապա ինքն էլ գնաց տօնին, բայց ոչ յայտնապէս, այլ՝ թաքուն:
11. Իսկ հրեաները նրան փնտռում էին այդ տօնի ժամանակ եւ ասում էին՝ ո՞ւր է նա:
12. Եւ ժողովրդի բազմութեան մէջ նրա մասին քրթմնջին կար. ոմանք ասում էին՝ լաւն է, ուրիշներ ասում էին՝ չէ, ընդհակառակը, ժողովրդին մոլորեցնում է:
13. Եւ հրեայ առաջնորդների վախի պատճառով ոչ ոք նրա մասին համարձակ չէր խօսում:
14. Տօնակատարութեան կեսին Յիսուս տաճար ելաւ եւ ուսուցանում էր:
15. Հրեաները զարմանում էին ու ասում. Սա ինչպե՞ս գիտէ Գրուածքները, քանի որ բնաւ չի սովորել:
16. Յիսուս նրանց պատասխան տուեց ու ասաց. Իմ ուսուցումն իմը չէ, այլ՝ նրանը, ով ինձ ուղարկեց:
17. Եթէ մէկը ուզում է նրա կամքը կատարել, կ'իմանայ այս ուսուցման մասին, թէ Աստծո՞ւց է արդեօք, թէ՞ ես ինքս ինձնից եմ խօսում:
18. Ով ինքն իրենից է խօսում, իր համար է փառք փնտռում, իսկ ով փնտռում է նրա՛ փառքը, ով իրեն ուղարկել է, նա ճշմարիտ է, եւ նրա մէջ սուտ բան չկայ:
19. Օրէնքը ձեզ Մովսէսը չտուե՞ց, բայց ձեզնից ոչ ոք Օրէնքը չի կատարում:
20. Ինչո՞ւ էք ուզում ինձ սպանել: Ժողովուրդը պատասխան տուեց ու ասաց. Քո մէջ դեւ կայ, ո՞վ է ուզում քեզ սպանել:
21. Յիսուս պատասխան տուեց նրանց ու ասաց. Մի գործ արեցի, եւ ամենքդ զարմացել էք:
22. Մովսէսը դրա համար ձեզ տուեց թլփատութիւնը (թէեւ այդ ոչ թէ Մովսէսից էր, այլ՝ հայրերից):
23. Եւ շաբաթ օրով մարդ էք թլփատում: Իսկ արդ, եթէ մարդը շաբաթ օրով թլփատում է, որպէսզի Մովսէսի Օրէնքը չխախտուի, իմ վրա՞յ էք բարկացած, որ շաբաթ օրով մի ամբողջ մարդ բժշկեցի:
24. Աչքներիդ երեւացածի պէս մի՛ դատեք, այլ ուղի՛ղ դատաստան արեք:
25. Երուսաղէմացիներից ոմանք ասում էին. Սա չէ՞ նա, որին ուզում էին սպանել:
26. Իսկ ահա ես իսկ բացայայտօրէն խօսում է, եւ դրան բան չեն ասում. գուցէ արդարեւ իշխանաւորներն էլ ճանաչեցին, թէ սա՛ է Քրիստոսը:
27. Բայց մենք սրան գիտենք, թէ որտեղից է. իսկ Քրիստոս երբ որ գայ, ոչ ոք չի գիտենայ, թէ որտեղից է:
28. Յիսուս աղաղակեց տաճարի մէջ, ուսուցանում էր եւ ասում. Ե՛ւ ինձ գիտեք, ե՛ւ գիտեք որտեղից եմ. ինքս ինձ չեմ եկել, այլ ճշմարիտ է նա, ով ինձ ուղարկեց. նա, որին

դուք չգիտեք:

29. Ես գիտեմ նրան, որովհետեւ նրանից իսկ եմ, եւ նա՛ ուղարկեց ինձ:

30. Ուզում էին նրան բռնել, բայց ոչ ոք նրա վրայ ձեռք չդրեց, որովհետեւ նրա ժամանակը դեռ չէր հասել:

31. Սակայն բազմութեան միջից շատերը հաւատացին նրան եւ ասում էին. Երբ Թրիստոսը գայ, միթէ աւելի՞ նշաններ պիտի անի, քան սա է անում:

32. Եւ փարիսեցիները նրա մասին ժողովրդի մէջ եղած քրթմնջիւնները լսեցին. եւ քահանայապետներն ու փարիսեցիները սպասաւորներ ուղարկեցին, որպէսզի բռնեն նրան:

33. Յիսուս ասաց. Մի փոքր ժամանակ էլ ձեզ հետ եմ եւ ապա գնում եմ նրա մօտ, ով ինձ ուղարկեց:

34. Ինձ կը փնտռեք եւ չէք գտնի, եւ ուր ես եմ գնում, դուք չէք կարող գալ:

35. Հրեայ առաջնորդներն իրար ասում էին. Իսկ դա ո՞ր պիտի գնայ, որ մենք դրան չգտնենք. միթէ հեթանոսների մէջ ցրուած հրեաների՞ մօտ պիտի գնայ եւ հեթանոսների՞ն պիտի ուսուցանի:

36. Ի՞նչ է այն խօսքը, որ նա ասաց՝ կը փնտռեք ինձ եւ չէք գտնի, եւ ուր ես եմ գնում, դուք չէք կարող գալ:

37. Մեծ տօնի վերջին օրը Յիսուս կանգնած էր եւ աղաղակում էր՝ ասելով. Եթէ մէկը ծարաւ է, թող ինձ մօտ գայ եւ խմի:

38. Ով ինձ հաւատում է, - ինչպէս Գիրքն է ասում, - նրա ներսից կենդանի ջրերի գետեր պիտի բխեն:

39. Նա այս ասում էր Հոգու մասին, որին ընդունելու էին իրեն հաւատացողները. քանի որ Հոգին դեռեւս չկար, որովհետեւ Յիսուս դեռ փառաւորուած չէր:

40. Ժողովրդից ոմանք, երբ լսում էին այս խօսքերը, ասում էին՝ սա՛ է ճշմարիտ մարգարէն.

41. ուրիշներն ասում էին՝ սա՛ է Թրիստոսը. իսկ դեռ ուրիշներ ասում էին՝ միթէ Թրիստոս Գալիլիայի՞ց է գալու.

42. չէ՞ որ Գիրքն ասում է, թէ Թրիստոս գալու է Դաւթի սերնդից եւ Բեթղեհեմ գիւղից, որտեղից Դաւիթն էր:

43. Եւ ժողովրդի մէջ նրա պատճառով պառակտում եղաւ:

44. Եւ նրանցից ոմանք ուզեցին բռնել նրան, բայց ոչ ոք նրա վրայ ձեռք չդրեց:

45. Իսկ սպասաւորները վերադարձան քահանայապետների եւ փարիսեցիների մօտ. եւ սրանք նրանց ասացին. Ինչո՞ւ նրան այստեղ չբերեցիք:

46. Սպասաւորները պատասխանեցին ու ասացին. Ոչ մի մարդ երբեք այնպէս չի խօսել, ինչպէս այն մարդը:

47. Փարիսեցիները ասացին. Միթէ դո՞ւք էլ եք մոլորուել:

48. Միթէ իշխանաւորներից կամ փարիսեցիներից որեւէ մէկը հաւատա՞ց նրան,

49. բացի այն խաժամուժ ամբոխից, որ օրէնք չգիտէ եւ նզովեալ է:

50. Նիկողեմոսը, որ նախապէս գիշերով եկել էր նրա մօտ եւ նրանցից մէկն էր, նրանց ասաց.

51. Միթէ մեր օրէնքը դատապարտո՞ւմ է մարդուն, եթէ նախ նրանից լսած եւ կամ իմացած չլինի, թէ ինչ է գործել նա:

52. Նրան պատասխանեցին ու ասացին. Միթէ դո՞ւ էլ Գալիլիայից ես. քննի՛ր ու տե՛ս, որ Գալիլիայից մարգարէ դուրս չի գալիս:

1. Ապա ամեն ոք իր տունը գնաց: Իսկ Յիսուս գնաց Ձիթենեաց լեռը:
2. Առաւօտեան նորից տաճար եկաւ. ամբողջ ժողովուրդը գալիս էր նրա մօտ, եւ ինքն ուսուցանում էր նրանց:
3. Օրէնսգետներն ու փարիսեցիները բերեցին շնութեան մէջ բռնուած մի կին եւ նրան մէջտեղ կանգնեցնելով՝ ասացին Յիսուսին.
4. Յանցանքի մէջ բռնուած այս կինը յայտնապէս շնացել է,
5. իսկ Օրէնքում Մովսէսը մեզ պատուիրել է այսպիսիներին քարկոծել. արդ, դու դրա մասին ի՞նչ ես ասում:
6. Նրանք այս ասում էին՝ նրան փորձելու համար, որպէսզի նրան ամբաստանելու պատճառ ունենան: Իսկ Յիսուս, ցած նայելով, մատով գետնի վրայ գրում էր:
7. Իսկ երբ նրան ստիպեցին հարցնելով, վեր նայեց ու նրանց ասաց. Ձեր միջից անմեղը նախ թող քար գցի դրա վրայ:
8. Եւ դարձեալ ցած նայելով՝ գետնի վրայ գրում էր:
9. Եւ այս լսելով՝ մէկ առ մէկ ելնում գնում էին՝ տարիքաւորներից մինչեւ փոքրերը: Եւ Յիսուս միայն մնաց ու կինը՝ կանգնած նրա առաջ:
10. Յիսուս նրան ասաց. Ո՛վ կին, ո՞ւր ես. քեզ ոչ ոք չդատապարտե՞ց:
11. Եւ սա ասաց՝ ո՛չ, Տէ՛ր: Եւ Յիսուս ասաց. Ես էլ քեզ չեմ դատապարտում. գնա՛, այսուհետեւ մի՛ մեղանչիր:
12. Յիսուս դարձեալ խօսեց ժողովրդի հետ ու ասաց. Ես եմ աշխարհի լոյսը. ով իմ յետեւից է գալիս, խաւարի միջով չի քայլի, այլ կ'ընդունի կենաց լոյսը:
13. Փարիսեցիները նրան ասացին. Դու քո անձի մասին ես վկայում, եւ քո վկայութիւնը հաւաստի չէ:
14. Յիսուս պատասխանեց եւ ասաց նրանց. Թեպէտ ես վկայում եմ իմ անձի մասին, իմ վկայութիւնը ճշմարիտ է, որովհետեւ գիտեմ, թէ որտեղից եկայ եւ ուր եմ գնում: Բայց դուք չգիտեք՝ որտեղից եմ գալիս կամ ուր եմ գնում:
15. Դուք ըստ մարմնի էք դատում, ես ոչ ոքի չեմ դատում.
16. թելուզ եւ մէկին դատեմ էլ, իմ դատաստանը ճշմարիտ է, որովհետեւ մենակ չեմ, այլ՝ ես եմ եւ ինձ հետ է նաեւ իմ Հայրը, որ ինձ ուղարկեց:
17. Եւ ձեր օրէնքում իսկ գրուած է, թէ երկու մարդու վկայութիւնը ճշմարիտ է:
18. Ես նա եմ, որ վկայում եմ իմ մասին, եւ վկայում է իմ մասին Հայրը, որ ինձ ուղարկեց:
19. Նրան ասացին. Ո՞ւր է քո Հայրը: Յիսուս պատասխան տուեց եւ ասաց նրանց. Ո՛չ ինձ էք ճանաչում եւ ո՛չ էլ իմ Հօրը. եթէ ինձ ճանաչէիք, թերեւս իմ Հօրն էլ կը ճանաչէիք:
20. Յիսուս այս խօսքերը խօսեց գանձատանը, երբ ուսուցանում էր տաճարում. սակայն ոչ ոք նրան չբռնեց, որովհետեւ նրա ժամը դեռ չէր հասել:
21. Յիսուս դարձեալ նրանց ասաց. Ես գնում եմ, եւ դուք ինձ կը փնտռեք եւ ձեր մեղքերի մէջ կը մեռնէք, քանի որ, ուր ես եմ գնում, դուք չէք կարող գալ:
22. Հրեաները ասացին. Միթէ անձնասպանութեա՞ն կը դիմի, քանի որ ասում է, թէ՛ ուր ես եմ գնում, դուք չէք կարող գալ:
23. Եւ նրանց ասաց. Դուք այս ներքեւից էք, իսկ ես՝ այն վերեւից. դուք այս աշխարհից էք, ես այս աշխարհից չեմ:
24. Բայց ասացի ձեզ, որ ձեր մեղքերի մէջ կը մեռնէք. արդարեւ, եթէ չհաւատաք, որ ես եմ, կը մեռնէք ձեր մեղքերի մէջ:
25. Նրան ասացին՝ ո՞վ ես դու: Յիսուս նրանց ասաց. Նա, որ սկզբից եւեթ խօսում էր ձեզ հետ:
26. Շատ բաներ ունեմ ձեր մասին խօսելու եւ դատելու: Բայց նա, ով ինձ ուղարկեց, ճշմարիտ է. եւ ես, ինչ որ լսել եմ նրանից, ա՛յն եմ խօսում աշխարհում:
27. Եւ նրանք չիմացան, թէ Հօր մասին էր ասում իրենց:
28. Յիսուս նրանց ասաց. Երբ մարդու Որդուն բարձրացնէք, այն ժամանակ պիտի իմանաք, թէ ես եմ. եւ ես ինքս ինձնից ոչինչ չեմ անում, այլ՝ ինչպէս իմ Հայրն ինձ

սովորեցրեց, ա՛յն եմ խօսում:

29. Եւ ով ինձ ուղարկեց, ինձ հետ է. ինձ միայնակ չթողեց, որովհետեւ ես միշտ անում եմ, ինչ որ նրան է հաճելի:

30. Երբ այս բաները խօսեց, շատերը հաւատացին նրան:

31. Եւ Յիսուս հաւատացեալ հրեաներին ասաց. Եթէ դուք իմ ուսուցմանը հաւատարիմ մնաք, իմ ճշմարիտ աշակերտները կը լինեք:

32. Եւ կը ճանաչեք ճշմարտութիւնը, եւ ճշմարտութիւնը ձեզ կ'ազատի:

33. Նրան պատասխանեցին ու ասացին. Աբրահամի որդիներ ենք եւ երբեք ոչ ոքի չենք ծառայել. ինչպէ՞ս ես ասում, թէ՝ ազատ կը լինեք:

34. Յիսուս պատասխանեց նրանց. Ճշմարիտ, ճշմարիտ եմ ասում ձեզ, թէ ամէն ոք, որ մեղք է գործում, մեղքին ծառայ է:

35. Եւ ծառան յաւիտեան տան մէջ չի մնում, իսկ որդին յաւիտեան մնում է:

36. Իսկ արդ, եթէ Որդին ձեզ ազատի, ճշմարտապէս ազատ կը լինեք:

37. Գիտեմ, որ Աբրահամի որդիներ էք, բայց ուզում էք ինձ սպանել, որովհետեւ իմ խօսքը տեղ չունի ձեր մէջ:

38. Ես խօսում եմ այն, ինչ տեսայ իմ Հօր մօտ, իսկ դուք անում էք, ինչ ձեր հօրից էք լսել:

39. Նրան պատասխանեցին ու ասացին. Մեր հայրը Աբրահամն է: Յիսուս նրանց ասաց. Եթէ Աբրահամի որդիներ լինէիք, Աբրահամի գործերը կը գործէիք:

40. Իսկ այժմ ուզում էք սպանել մի մարդու՝ ինձ, որ ձեզ ասացի ճշմարտութիւնը, որը լսել եմ իմ Հօրից. այդպիսի բան Աբրահամը չարեց.

41. դուք ձեր հօր գործերն էք անում: Նրան ասացին. Մենք պոռնկութիւնից չենք ծնուել. մեր Հայրը մէկ է՝ Աստուած:

42. Յիսուս նրանց ասաց. Եթէ Աստուած ձեր Հայրը լիներ, ինձ իրապէս կը սիրէիք, որովհետեւ ես Աստծուց ելայ ու եկայ. եւ ոչ թէ ինքս ինձ եկայ, այլ նա՛ ուղարկեց ինձ:

43. Ինչո՞ւ դուք իմ խօսածը չէք հասկանում. որովհետեւ իմ խօսքը չէք կարող լսել:

44. Դուք հօր կողմից սատանայի զաւակներ էք, եւ ձեր հօր ցանկութիւններն էք ուզում կատարել, թէեւ նա ի սկզբանէ մարդասպան էր եւ ճշմարտութեան մէջ չմնաց, որովհետեւ նրա մէջ ճշմարտութիւն չկար: Երբ որ նա սուտ խօսի, ինքն իրենից է խօսում, քանի որ նա սուտ է եւ ստի հայր:

45. Իսկ ես, որ ճշմարտութիւնն եմ ասում, ինձ չէք հաւատում:

46. Ձեզնից ո՞վ կը յանդիմանի ինձ մեղքի համար. եթէ ճշմարիտ եմ ասում ձեզ, ինձ ինչո՞ւ չէք հաւատում:

47. Ով Աստծուց է, Աստծու խօսքերն է լսում, իսկ դուք չէք լսում նրա համար, որ Աստծուց չէք:

48. Հրեաները պատասխանեցին եւ ասացին նրան. Մենք լաւ չե՞նք ասում, թէ՛ սամարացի ես դու, եւ քո մէջ դէլ կայ:

49. Յիսուս պատասխանեց եւ ասաց. Իմ մէջ դէլ չկայ, այլ պատուում եմ իմ Հօրը, իսկ դուք անարգում էք ինձ:

50. Ես իմ փառքը չեմ փնտռում. կայ մէկը, որ այն փնտռում է եւ դատում:

51. Ճշմարիտ, ճշմարիտ եմ ասում ձեզ. եթէ մէկը իմ խօսքը պահի, մահ չի տեսնի յաւիտեան:

52. Հրեաները նրան ասացին. Այժմ իմացանք, որ քո մէջ դէլ կայ: Աբրահամը մեռաւ, նաեւ՝ մարգարէները, իսկ դու ասում ես, թէ՛ ով իմ խօսքը պահի, յաւիտեան մահ չի ճաշակի:

53. Միթէ դու անելի մե՞ծ ես, քան մեր հայրը՝ Աբրահամը, որ մեռաւ. մեռան եւ մարգարէները. արդ, դու քեզ ո՞ւմ տեղ ես դնում:

54. Յիսուս պատասխանեց. Եթէ ես փառաւորեմ իմ անձը, իմ փառքը ոչինչ է. Հայրն է, որ ինձ փառաւորում է, եւ որի մասին դուք ասում էք, թէ՛ մեր Աստուածն է.

55. ու չէք ճանաչում նրան: Բայց ես ճանաչում եմ նրան. եւ եթէ ասեմ, թէ նրան չեմ ճանաչում, ձեզ նման ստախօս կը լինեմ. բայց ես ճանաչում եմ նրան եւ նրա խօսքը պահում եմ:

56. Աբրահամը՝ ձեր հայրը, ցանկացաւ իմ աշխարհ գալու օրը տեսնել. տեսաւ եւ ուրախացաւ:

57. Հրեաները նրան ասացին. Դեռ յիսուն տարեկան չկաս դու եւ Աբրահամի՞ն ես տեսել:

58. Յիսուս նրանց ասաց. Ճշմարիտ, ճշմարիտ եմ ասում ձեզ, ես ե՛մ, նախքան Աբրահամի լինելը:

59. Նրանք քարեր վերցրին, որ գցեն նրա վրայ, բայց Յիսուս խոյս տուեց եւ տաճարից ելաւ գնաց:



1. Եւ մինչ անցնում էր, ի ծնէ կոյր մի մարդու տեսաւ.
2. իր աշակերտները հարցրին նրան եւ ասացին. Ռաբբի՛, մեղքը ո՞ւմն է, որ կոյր է ծնուել, սրա՞նն է, թե՞ հօրն ու մօրը:
3. Յիսուս պատասխանեց. Ո՛չ դրա մեղքն է եւ ոչ էլ իր հօր ու մօր, այլ՝ որպէսզի դրա վրայ Աստծու գործերը յայտնի լինեն:
4. Եւ քանի դեռ ցերեկ է, ես պետք է կատարեմ գործերը նրա, ով ինձ ուղարկեց. կը գայ գիշերը, երբ ոչ ոք չի կարող գործել:
5. Քանի դեռ աշխարհում եմ, աշխարհի լոյսն եմ:
6. Երբ այս ասաց, թքեց գետնին եւ թքով կաւ շինեց, եւ կաւը ծեփեց կոյրի աչքերի վրայ ու ասաց նրան.
7. Գնա՛ լուացուի՛ր Սիլովամի աւազանի մէջ (որ թարգմանւում է՝ առաքուած): Գնաց լուացուեց, եկաւ եւ տեսնում էր:
8. Իսկ հարեւանները եւ նրանք, որ նախապէս տեսել էին նրան, որ մուրացիկ էր, ասում էին. Սա չէ՞ր, որ նստում էր եւ մուրում:
9. Ոմանք ասում էին՝ նա է. ուրիշներ ասում էին՝ ո՛չ, բայց նման է նրան: Իսկ ինքն ասում էր՝ ես եմ:
10. Նրան ասացին. Իսկ ինչպէ՞ս բացուեցին քո աչքերը:
11. Նա պատասխանեց. Մի մարդ, որին ասում են՝ Յիսուսն է, կաւ շինեց եւ ծեփեց իմ աչքերը եւ ինձ ասաց. Գնա՛ Սիլովամ եւ լուացուի՛ր: Գնացի, լուացուեցի եւ տեսնում եմ:
12. Նրան ասացին՝ ո՞ւր է նա: Նրանց ասաց՝ չգիտեմ:
13. Նրան, որ մի ժամանակ կոյր էր, բերին փարիսեցիների մօտ
14. (օրը շաբաթ էր, երբ Յիսուս կաւ շինեց եւ կոյրի աչքերը բացեց):
15. Փարիսեցիներն էլ կրկին հարցրին նրան. Ինչպէ՞ս ես տեսնում: Եւ նա նրանց ասաց. Կաւ դրեց աչքերիս վրայ, եւ լուացուեցի ու տեսնում եմ:
16. Փարիսեցիներից ոմանք ասացին. Այդ մարդը Աստծուց չէ, քանի որ շաբաթ օրը չի պահում: Ոմանք ասում էին. Իսկ մեղաւոր մի մարդ ինչպէ՞ս կարող է այսպիսի նշաններ կատարել: Եւ նրանց մէջ պառակտում կար:
17. Դարձեալ կոյրին ասացին. Դո՛ւ ինչ ես ասում նրա մասին, քանի որ նա քո աչքերը բացեց: Եւ նա ասաց՝ մարգարէ է:
18. Եւ հրեաները չէին հաւատում, թէ նա կոյր էր, եւ բացուեց, մինչեւ որ կանչեցին աչքերը բացուածի ծնողներին,
19. հարցրին նրանց ու ասացին. Սա՞ է ձեր որդին, որի մասին ասում էիք, թէ՛ կոյր ծնուեց. իսկ այժմ ինչպէ՞ս է, որ տեսնում է:
20. Նրա ծնողները պատասխանեցին եւ ասացին. Գիտենք, որ սա մեր որդին է, եւ որ կոյր ծնուեց.
21. բայց թէ այժմ ինչպէ՛ս է, որ տեսնում է, չգիտենք, կամ թէ՛ ո՛վ բացեց դրա աչքերը, մենք չգիտենք. հէնց իրե՛ն հարցրէք. ինքն արդէն չափահաս է. իր մասին ինքը թող խօսի:
22. Նրա ծնողները այսպէս ասացին, որովհետեւ հրեաներից վախենում էին, քանի որ հրեաները երդուել էին, որ, եթէ մէկը նրան Քրիստոս խոստովանի, հեռացուի ժողովարանից:
23. Դրա համար է, որ նրա ծնողներն ասացին. Ինքն արդէն չափահաս է, հէնց իրե՛ն հարցրէք:
24. Նորից կրկին անգամ կանչեցին այդ մարդուն, որ կոյր էր, եւ նրան ասացին. Աստծուն փա՛ռք տուր. մենք գիտենք, որ այն մարդը մեղաւոր է:
25. Իսկ նա ասաց. Թէ մեղաւոր է, ես չգիտեմ, բայց այն գիտեմ, որ կոյր էի եւ հիմա տեսնում եմ:
26. Դարձեալ ասացին նրան. Քեզ ի՞նչ արեց, քո աչքերը ինչպէ՞ս բացեց:
27. Նրանց պատասխանեց. Նոր ձեզ ասացի, եւ չէք լսում, ինչո՞ւ էք ուզում նորից լսել.

միթէ դո՞ւք էլ էք կամենում նրան աշակերտել:

28. Նրանք նախատում էին նրան ու ասում. Դո՛ւ եղիր նրան աշակերտ. մենք Մովսէսի աշակերտներն ենք:

29. Մենք գիտենք, որ Աստուած Մովսէսի հետ խօսեց. իսկ սրան չգիտենք, թէ որտեղից է:

30. Մարդը պատասխանեց նրանց եւ ասաց. Չարմանալին էլ այն է, որ դուք չգիտեք, թէ նա որտեղից է, եւ սակայն իմ աչքերը բացեց:

31. Գիտենք, որ Աստուած մեղաւորներին չի լսում, բայց եթէ մէկը աստուածապաշտ է եւ նրա կամքը կատարում է, նրան լսում է:

32. Աշխարհի սկզբից ոչ ոք չի լսել, թէ մէկը ի ծնէ կոյր ծնուած կոյրի աչքերը բացած լինի:

33. Եթէ այդ մարդը Աստծուց չլինէր, որեւէ բան անել չէր կարող:

34. Պատասխանեցին եւ ասացին նրան. Ամբողջովին մեղքի մէջ ես ծնուած եւ դու մեր գլխին վարդապե՛տ ես դարձել: Եւ նրան դուրս հանեցին:

35. Յիսուս լսեց, թէ նրան դուրս են հանել. եւ երբ նրան գտաւ, ասաց. Դու Աստծու Որդուն հաւատո՞ւմ ես:

36. Նա պատասխան տուեց եւ ասաց. Տէ՛ր, ո՞վ է, որ նրան հաւատամ:

37. Յիսուս նրան ասաց. Ե՛ւ տեսար նրան, ե՛ւ նա է, ով խօսում է քեզ հետ:

38. Ու նա ասաց. Հաւատում եմ, Տէ՛ր: Եւ երկրպագեց նրան:

39. Եւ Յիսուս ասաց. Դատաստանի համար եկայ այս աշխարհը, որպէսզի, ովքեր չեն տեսնում, տեսնեն, եւ ովքեր տեսնում են, կուրանան:

40. Փարիսեցիներից ոմանք, որ Յիսուսի հետ էին, այդ լսեցին ու նրան ասացին. Միթէ մե՞նք էլ կոյր ենք:

41. Յիսուս նրանց ասաց. Եթէ կոյր լինէիք, դուք մեղք չէիք ունենայ, բայց հիմա ասում էք, թէ՛ տեսնում ենք. եւ ձեր մեղքը ձեր մէջ հաստատ է մնում:

1. Ճշմարիտ, ճշմարիտ եմ ասում ձեզ, ով ոչխարների փարախը դռնով չի մտնում, այլ ուրիշ տեղով է բարձրանում, նա գող է եւ ավագակ:
2. իսկ ով դռնով է մտնում, հովիւ է ոչխարների:
3. Դռնապանը նրա համար բացում է դուռը, եւ ոչխարները լսում են նրա ձայնը. նա իր ոչխարներին անուններով է կանչում եւ նրանց դուրս է հանում:
4. Եւ երբ իր բոլոր ոչխարներին հանի, նրանց առջեւից է գնում, եւ ոչխարները հետեւում են նրան, որովհետեւ ճանաչում են նրա ձայնը:
5. Օտարի յետեւից չեն գնայ, այլ կը փախչեն նրանից, որովհետեւ չեն ճանաչում օտարների ձայնը:
6. Յիսուս նրանց այս առակն ասաց, իսկ նրանք չէին իմանում, թէ ինչ էր այն, որ նա իրենց ասում էր:
7. Դարձեալ Յիսուս նրանց ասաց. Ճշմարիտ, ճշմարիտ եմ ասում ձեզ, որ ես եմ ոչխարների դուռը:
8. Բոլոր նրանք, որ ինձնից առաջ եկան, գողեր էին ու ավագակներ, ուստի ոչխարները նրանց չլսեցին:
9. Ես եմ դուռը. եթէ մէկը իմ միջով մտնի, կը փրկուի. կը մտնի ու կ'ելնի եւ ճարակելու բան կը գտնի:
10. Գողը գալիս է միայն, որպէսզի գողանայ, սպանի եւ կորստեան մատնի. ես եկայ, որպէսզի կեանք ունենան եւ՝ առաւել եւս ունենան:
11. Ես եմ լաւ հովիւը. լաւ հովիւը իր կեանքն է տալիս ոչխարների համար:
12. Իսկ վարձկանը, որ հովիւ չէ, եւ ոչխարներն էլ իրենը չեն, երբ տեսնում է, որ գայլը գալիս է, թողնում է ոչխարներին եւ փախչում է: Եւ գայլը յափշտակում է նրանց ու ցրում է.
13. քանի որ վարձկան է, եւ ոչխարների համար հոգ չի անում:
14. Ես եմ լաւ հովիւը. եւ ճանաչում եմ իմ ոչխարներին ու ճանաչում նրանցից:
15. Ինչպէս Հայրը ինձ ճանաչում է, ես էլ ճանաչում եմ Հօրը. եւ իմ կեանքը կը տամ իմ ոչխարների համար:
16. Ես ունեմ նաեւ այլ ոչխարներ, որոնք այս փարախից չեն. նրանց եւս պետք է այստեղ բերեմ. եւ իմ ձայնը պիտի լսեն. եւ պիտի լինի մի հօտ եւ մի հովիւ:
17. Նրա համար է իմ Հայրն ինձ սիրում, որ ես իմ կեանքն եմ տալիս, որպէսզի վերստին այն առնեմ:
18. Այն ինձնից ոչ ոք չի վերցնի, այլ ես ինքս եմ այն տալիս. իշխանութիւն ունեմ այն տալու եւ իշխանութիւն ունեմ վերստին այն առնելու. այս պատուերը իմ Հօրից ստացայ:
19. Այս խօսքերի պատճառով հրեաների մէջ դարձեալ պառակտում եղաւ:
20. Եւ նրանցից շատերն ասում էին. Նրա մէջ դեւ կայ եւ մոլեգնում է. ինչո՞ւ էք նրան լսում:
21. Ոմանք էլ ասում էին. Սրանք դիւահարի խօսքեր չեն, միթէ դեւը կարո՞ղ է կոյրի աչքերը բանալ:
22. Այն ժամանակ Երուսաղէմում տաճարի Նաւակատիքի տօն էր, եւ ծմեռ էր:
23. Եւ Յիսուս շրջում էր տաճարի մէջ, Սողոմոնի սրահում:
24. Հրեաները նրա շուրջը հաւաքուեցին ու ասացին. Մինչեւ ե՞րբ մեր հոգին պիտի հանես. եթէ դու ես Քրիստոսը, համարձակ ասա՛ մեզ:
25. Յիսուս պատասխանեց նրանց եւ ասաց. Ձեզ ասացի, եւ ինձ չէք հաւատում. այն գործերը, որ ես անում եմ իմ Հօր անունով, դրանք վկայում են իմ մասին:
26. Բայց դուք չէք հաւատում, որովհետեւ իմ ոչխարներից չէք.
27. իմ ոչխարներն իմ ձայնը լսում են, եւ ես ճանաչում եմ նրանց. եւ նրանք գալու են իմ յետեւից.
28. եւ ես նրանց կը տամ յաւիտեանական կեանք. եւ նրանք չեն կորչի յաւիտեան. եւ ոչ ոք նրանց իմ ձեռքից չի յափշտակի:

29. Իմ Հայրը, որ նրանց ինձ տուեց, ամենքից մեծ է. եւ իմ Հօր ձեռքից ոչ ոք չի կարող ոչինչ յափշտակել:
30. Ես եւ իմ Հայրը մի ենք:
31. Հրեաները քարեր վերցրին, որ նրան քարկոծեն:
32. Յիսուս պատասխանեց նրանց. Բազում բարի գործեր ցոյց տուի ձեզ իմ Հօրից. դրանցից ո՞ր գործի համար էք ինձ քարկոծում:
33. Հրեաները նրան պատասխանեցին. Քեզ բարի գործի համար չենք քարկոծում, այլ հայիոյութեան համար եւ նրա համար, որ դու մարդ ես, բայց ինքդ քեզ Աստծու տեղ ես դնում:
34. Յիսուս նրանց պատասխանեց. Ձեր օրէնքում չէ՞, որ գրուած է. Ես ասացի, թէ աստուածներ էք:
35. Իսկ եթէ աստուածներ է կոչում նրանց, որոնց ուղղուած էր Աստծու խօսքը (եւ հնարաւոր չէ, որ Գիրքը ջնջուի),
36. ուրեմն՝ ո՞ւմ Հայրը սրբացրեց եւ աշխարհի ուղարկեց, դուք ասում էք, թէ՛ հայիոյում ես, նրա համար, որ ասացի, թէ՛ Աստծու Որդի եմ:
37. Եթէ իմ Հօր գործերը չեմ անում, ինձ մի՛ հաւատացէք:
38. Իսկ եթէ անում եմ, թէ ինձ էլ չէք հաւատում, գործերի՞ն հաւատացէք, որպէսզի իմանաք եւ ճանաչէք, որ Հայրը իմ մէջ է, եւ ես՝ Հօր մէջ:
39. Դարձեալ ուզում էին նրան բռնել, բայց նա նրանց ձեռքից դուրս պրծաւ:
40. Եւ վերստին գնաց Յորդանանի միւս կողմը, այնտեղ, ուր Յովհաննէսն էր նախապէս գտնուում եւ մկրտում. եւ այնտեղ էր մնում:
41. Շատեր նրա մօտ եկան եւ ասում էին. Յովհաննէսը որեւէ նշան չարեց, բայց այն ամէնը, որ Յովհաննէսն ասել էր նրա մասին, ճշմարիտ էր:
42. Եւ այնտեղ շատերը հաւատացին նրան:

1. Եւ մի հիւանդ կար, Ղազարոս անունով, Բեթանիայից՝ Մարիամի եւ նրա քոյր Մարթայի գիւղից:
2. Սա այն Մարիամն էր, որ իւղով օծեց Տիրոջը եւ իր մազերով սրբեց նրա ոտքերը: Եւ սրա եղբայր Ղազարոսը հիւանդ էր:
3. Սրա քոյրերը նրա մօտ մարդ ուղարկեցին եւ ասացին. Տէ՛ր, ահաւասիկ նա, ում դու սիրում էիր, հիւանդացել է:
4. Երբ Յիսուս լսեց, ասաց. Այդ հիւանդութիւնը մահաբեր չէ, այլ Աստծու փառքի համար է, որպէսզի դրանով Աստծու Որդին փառաւորուի:
5. Յիսուս սիրում էր Մարիամին, նրա քրոջը՝ Մարթային, եւ Ղազարոսին:
6. Լսելուց յետոյ, թէ Ղազարոսը հիւանդացել է, նա տակաւին երկու օր մնաց այնտեղ, ուր գտնուում էր:
7. Ապա դրանից յետոյ իր աշակերտներին ասաց. Եկէ՛ք վերստին գնանք Հրեաստան:
8. Աշակերտները նրան ասացին. Ռաբբի՛, հրեաները դեռ նոր էին ուզում քեզ քարկոծել, եւ նորից այնտե՞ղ ես գնում:
9. Յիսուս պատասխանեց. Յերեկը տասներկու ժամ չունի՞. եթէ մէկը ցերեկն է քայլում, չի սայթաքում, որովհետեւ այս աշխարհի լոյսը տեսնում է,
10. իսկ եթէ մէկը գիշերն է քայլում, սայթաքում է, որովհետեւ հետը լոյս չունի:
11. Այս բաներն ասելուց յետոյ նորից ասաց նրանց. Մեր բարեկամ Ղազարոսը ննջել է, սակայն ես գնում եմ, որ նրան արթնացնեմ:
12. Աշակերտները նրան ասացին. Տէ՛ր, եթէ ննջել է, ապա կ'առողջանայ:
13. Բայց Յիսուս նրա մահուան մասին էր ասում, մինչդեռ նրանց այնպես թուաց, թէ նա քնով ննջելու մասին է խօսում:
14. Այն ժամանակ Յիսուս նրանց յայտնապես ասաց. Ղազարոսը մեռաւ.
15. բայց ես ուրախ եմ ձեզ համար, որ այնտեղ չէի. որպէսզի դուք ինձ հաւատաք: Արդ, եկէ՛ք գնանք նրա մօտ:
16. Թովմասը, որ Երկուորեակ էր կոչւում, աշակերտակիցներին ասաց. Եկէ՛ք մենք էլ գնանք, որ նրա հետ մեռնենք:
17. Յիսուս եկաւ, նրան գտաւ չորս օրից ի վեր գերեզմանի մէջ:
18. Եւ Բեթանիան Երուսաղէմի մօտ էր շուրջ երեք կիլոմետր:
19. Հրեաներից շատերը եկել էին Մարթայի եւ Մարիամի մօտ, որպէսզի նրանց մխիթարեն իրենց եղբոր մահուան համար:
20. Երբ Մարթան լսեց, որ Յիսուս գալիս է, նրան ընդառաջ գնաց. իսկ Մարիամը տանը նստած էր:
21. Մարթան Յիսուսին ասաց. Տէ՛ր, եթէ դու այստեղ եղած լինէիր, իմ եղբայրը մեռած չէր լինի.
22. բայց հիմա էլ գիտեմ, թէ ինչ էլ որ Աստծուց ուզես, Աստուած քեզ կը տայ:
23. Յիսուս նրան ասաց. Քո եղբայրը յարութիւն կ'առնի:
24. Մարթան նրան ասաց. Գիտեմ, որ յարութեան ժամանակ վերջին օրը յարութիւն կ'առնի:
25. Յիսուս նրան ասաց. Ես իսկ եմ յարութիւն եւ կեանք. ով հաւատում է ինձ, թեպէտ եւ մեռնի, կ'ապրի.
26. եւ ով կենդանի է ու ինձ հաւատում է, յաւիտեան չի մեռնի: Հաւատո՞ւմ ես այս բանին:
27. Նա ասաց նրան. Այո՛, Տէ՛ր, ես հաւատում եմ, որ դո՛ւ ես Քրիստոսը՝ Աստծու Որդին, որ աշխարհ էիր գալու:
28. Եւ այս ասելուց յետոյ, գնաց գաղտնաբար կանչեց իր քրոջը՝ Մարիամին եւ ասաց. Վարդապետն է եկել եւ քեզ է կանչում:
29. Երբ նա լսեց, իսկոյն վեր կացաւ եւ եկաւ նրա մօտ:
30. Յիսուս դեռ գիւղ չէր հասել, այլ դեռնէս այն տեղում էր, ուր Մարթան նրան ընդառաջ

եր ելել:

31. Իսկ այն հրեաները, որ նրա հետ տանն էին եւ նրան մխիթարում էին, երբ տեսան Մարիամին, որ վեր կացաւ իսկոյն ու գնաց, իրենք եւս նրա յետեւից գնացին. կարծում էին, թէ գերեզման է գնում, որ այնտեղ լաց լինի:

32. Իսկ Մարիամը, երբ եկաւ այնտեղ, ուր Յիսուս կանգնած էր, ու տեսաւ նրան, ընկաւ նրա ոտքերն ու ասաց. Տէ՛ր, եթէ այստեղ եղած լինէիր, իմ եղբայրը մեռած չէր լինի:

33. Երբ Յիսուս տեսաւ, որ նա լալիս է, եւ նրա հետ եղող հրեաներն էլ լալիս են, սաստիկ խռովուեց իր հոգում եւ ասաց.

34. Ո՞ւր դրիք նրան: Նրան ասացին. Տէ՛ր, արի՛ եւ տե՛ս:

35. Եւ Յիսուս արտասուեց:

36. Հրեաներն ասացին. Տեսէ՛ք ինչքան էր սիրում նրան:

37. Նրանցից ոմանք ասում էին. Սա, որ կոյրի աչքերը բացեց, չէ՞ր կարող նաեւ այնպէս անել, որ սա չմեռներ:

38. Յիսուս, դարձեալ խռովուելով ինքն իր մէջ, եկաւ գերեզմանը: Սա մի քարայր էր, որի վրայ մի քար էր դրուած:

39. Եւ Յիսուս ասաց. Այդ քարը մի կողմ դրեք: Մարթան՝ մեռածի քոյրը, նրան ասաց.

Տէ՛ր, հիմա արդէն նեխած կը լինի, քանի որ չորս օրուայ է:

40. Յիսուս նրան ասաց. Քեզ չասացի՞. եթէ հաւատաս, կը տեսնես Աստծու փառքը:

41. Երբ քարը վերցրին, Յիսուս աչքերը վեր բարձրացրեց ու ասաց. Հա՛յր, գոհութիւն եմ տալիս քեզ, որ ինձ լսեցիր.

42. եւ ես գիտեի, որ ամէն ժամ լսում ես ինձ, բայց այս անում եմ շուրջս կանգնած այս ժողովրդի համար, որպէսզի հաւատան, որ դո՛ւ ինձ ուղարկեցիր:

43. Երբ այս ասաց, բարձր ձայնով աղաղակեց եւ ասաց. Ղազարո՛ս, վե՛ր կաց, դո՛ւրս արի:

44. Եւ մեռելը ելաւ՝ կապուած ոտքերով, ձեռքերը երիզով ամրացուած եւ երեսը վարշամակով պատած: Եւ Յիսուս նրանց ասաց. Արձակեցէ՛ք դրան եւ թողէ՛ք, որ գնայ:

45. Հրեաներից շատերը, որոնք եկել էին Մարիամնեց մօտ, երբ տեսան, ինչ որ Յիսուս արեց, հաւատացին նրան:

46. Իսկ նրանցից ոմանք գնացին փարիսեցիների մօտ եւ պատմեցին նրանց, ինչ որ Յիսուս արեց:

47. Քահանայապետներն ու փարիսեցիները ատեան գումարեցին եւ ասացին. Ի՞նչ անենք, քանի որ այդ մարդը բազում նշաններ է անում:

48. Եթէ նրան այնպէս թողնենք, ամենքը կը հաւատան նրան, եւ հռոմեացիները կը գան ու կը վերացնեն մեր ազգն ու մեր սրբավայրը:

49. Նրանցից մէկը՝ Կայիափա անունով, որ այդ տարուայ քահանայապետն էր, նրանց ասաց.

50. Դուք ոչինչ չգիտեք, ոչ իսկ խորհել էք, թէ մեզ համար անելի լաւ է, որ մէկ մարդ մեռնի ժողովրդի համար, քան թէ ամբողջ ազգը կորչի:

51. Այս բանը նա ինքն իրենից չասաց, այլ, քանի որ այդ տարուայ քահանայապետն էր, մարգարեացաւ, որ Յիսուս մեռնելու էր ազգի համար:

52. Եւ ոչ միայն ազգի համար, այլ՝ որպէսզի նաեւ Աստծու ցրուած որդիներին ի մի հաւաքի:

53. Ապա այն օրուանից խորհուրդ արեցին, որ նրան սպանեն:

54. Եւ Յիսուս այնուհետեւ այլեւս համարձակ չէր շրջում հրեաների մէջ, այլ այնտեղից գնաց մի շրջան, որ մօտ էր անապատին. գնաց մի քաղաք, որի անունն էր Եփրայիմ, եւ իր աշակերտների հետ այդտեղ էր մնում:

55. Եւ հրեաների զատիկը մօտ էր. եւ այդ գաւառից շատերը Երուսաղէմ բարձրացան զատկից առաջ, որպէսզի իրենք իրենց մաքրեն:

56. Յիսուսին փնտռում էին. եւ մինչ տաճարի մէջ էին, միմեանց ասում էին. Ինչպէ՞ս է ձեզ թւում, արդեօք այս տօնին չի՞ գայ: Քահանայապետներն ու փարիսեցիները հրահանգել էին, որ, եթէ մէկն իմանայ, թէ նա որտեղ է, յայտնի, որպէսզի նրան

ծերբակալեն:

1. Իսկ Յիսուս զատկից վեց օր առաջ եկաւ Բեթանիա, ուր ապրում էր մեռած Ղազարոսը, որին մեռելներից վեր էր կացրել:
2. Եւ այնտեղ նրան ընթրիք տուին. սպասարկում էր Մարթան, իսկ Ղազարոսը նրա հետ սեղանի ստածներից մէկն էր:
3. Իսկ Մարիամը մի լիտր ազնիւ նարդոսի թանկարժէք իւղ վերցնելով՝ օծեց Յիսուսի ոտքերը. եւ իր մազերով էլ սրբում էր նրա ոտքերը. եւ տունը լցուեց իւղի բուրմունքով:
4. Աշակերտներից մէկը՝ Յուդա Իսկարիովտացին, որ մատնելու էր նրան, ասաց.
5. Ինչո՞ւ այդ իւղը չվաճառուեց երեք հարիւր արծաթ դահեկանի եւ չտրուեց աղքատներին:
6. Նա այս ասաց ոչ թէ նրա համար, որ աղքատների համար էր հոգում, այլ որովհետեւ գող էր եւ գանձարկող ինքն էր պահում, եւ ինչ որ այնտեղ դրում էր, ինքն էր վերցնում:
7. Յիսուս ասաց նրան. Թո՛յլ տուէք նրան, որպէսզի իմ թաղման օրուայ համար պահի այդ:
8. Աղքատներին ամէն ժամ ձեզ հետ ունէք: Ինձ միշտ ձեզ հետ չունէք:
9. Երբ հրեաներից բազում ժողովուրդ իմացաւ, որ նա այնտեղ է, եկաւ. ոչ միայն Յիսուսի պատճառով, այլ՝ որպէսզի տեսնի նաեւ Ղազարոսին, որին մեռելներից վեր էր կացրել:
10. Քահանայապետները խորհուրդ արեցին, որ Ղազարոսին էլ սպանեն,
11. քանի որ շատերը հեռանում էին հաւատում էին Յիսուսին:
12. Յաջորդ օրը, ժողովուրդի բազմութիւնը, որ զատկի տօնին էր եկել, երբ լսեց, թէ Յիսուս Երուսաղէմ է գալիս,
13. արմաւենիների ճիւղեր վերցրեց եւ Յիսուսին ընդառաջ ելաւ: Աղաղակում էին ու ասում. Ովսանա՛ւ, օրհնեա՛ւ լինես դու, որ գալիս ես Տիրոջ անունով, ո՛վ թագաւոր Խրայելի:
14. Եւ Յիսուս մի էշ գտնելով, նստեց նրա վրայ, ինչպէս որ գրուած է.
15. Մի՛ վախեցիր, ո՛վ դուստրդ Սիոնի, ահա քո թագաւորը գալիս է՝ նստած մի էշի քունակի վրայ:
16. Եւ նրա աշակերտները սկզբում այն չհասկացան, բայց երբ Յիսուս փառաւորուեց, այն ժամանակ յիշեցին, թէ այդ նրա մասին էր գրուած, եւ իրենք այդ էին արել նրան:
17. Իսկ ժողովուրդը, որ նրա հետ էր, վկայում էր, որ Ղազարոսին հէնց գերեզմանից կանչեց եւ նրան մեռելներից կենդանացրեց:
18. Եւ դրա համար էլ նրան ընդառաջ ելաւ ժողովուրդը, որովհետեւ լսել էին, որ այդ նշաններն էր արել:
19. Իսկ փարիսեցիները միմեանց ասում էին. Տեսնում էք, որ ոչ մի օգուտ չէք ստանում. ահաւասիկ ամբողջ աշխարհը նրա յետեւից գնաց:
20. Այնտեղ կային նաեւ որոշ թուով հեթանոսներ՝ նրանց մէջ, որ Երուսաղէմ էին եկել, որպէսզի տօնի ժամանակ երկրպագութիւն անեն:
21. Նրանք մօտեցան Փիլիպպոսին, որ Գալիլիայի Բեթսայիդա քաղաքից էր. աղաչում էին նրան ու ասում. Տէ՛ր, ուզում ենք Յիսուսին տեսնել:
22. Փիլիպպոսը եկաւ եւ Անդրեասին ասաց: Անդրեասը եւ Փիլիպպոսն էլ Յիսուսին ասացին:
23. Եւ Յիսուս նրանց պատասխանեց ու ասաց. Հասաւ ժամը, որ փառաւորուի մարդու Որդին:
24. Ճշմարիտ, ճշմարիտ եմ ասում ձեզ. եթէ ցորենի հատիկը հողի մէջ ընկնելով չմեռնի, միայն հատիկն ինքը կը մնայ, իսկ եթէ մեռնի, բազում արդիւնք կը տայ:
25. Ով սիրում է իր անձը, կը կորցնի այն, իսկ ով այս աշխարհում իր անձն ատում է, այն կը պահի յաւիտենական կեանքի համար:
26. Եթէ մէկն ինձ ծառայի, իմ յետեւից կը գայ. եւ ուր ես եմ, այնտեղ կը լինի եւ իմ ծառան. եթէ մէկը ինձ ծառայի, նրան կը պատուի իմ Հայրը:



27. Բայց այժմ հոգիս խռովուած է. եւ ի՞նչ ասեմ. Հա՛յր, փրկի՛ր ինձ այս ժամից: Բայց ես հենց այս բանի համար եմ եկել այս ժամին:
28. Հա՛յր, փառաւորի՛ր քո անունը: Երկնքից մի ձայն եկաւ. Ե՛ւ փառաւորեցի, եւ դարձեալ՝ պիտի փառաւորեմ:
29. Եւ ժողովուրդը, որ կանգնած էր ու լսում էր, ասում էր, թէ՛ որոտմունք է լինում: Ոմանք էլ ասացին. Նրա հետ մի հրեշտակ խօսեց:
30. Յիսուս պատասխանեց ու ասաց. Այս ձայնը ինձ համար չէ, որ եկաւ, այլ՝ ձեզ համար:
31. Հիմա՛ է այս աշխարհի դատաստանը, հիմա՛ է, որ այս աշխարհի իշխանը դուրս կը նետուի:
32. Եւ երբ ես բարձրանամ երկրից, ամենքին դէպի ինձ կը ձգեմ:
33. Այս ասում էր նշելու համար, թէ ի՞նչ մահով էր մեռնելու:
34. Ժողովուրդը նրան պատասխանեց. Օրէնքից մենք լսել ենք, թէ Քրիստոս յաւիտեան կը մնայ, իսկ դու ինչպե՞ս ես ասում, թէ մարդու Որդին պետք է բարձրանայ. ո՞վ է այդ մարդու Որդին:
35. Յիսուս նրանց ասաց. Մի փոքր ժամանակ եւս լոյսը ձեզ հետ է. քայլեցէ՛ք, քանի դեռ լոյսն ունէք, որպէսզի խաւարը ձեզ չկլանի, քանի որ, ով քայլում է խաւարի մէջ, չի իմանում, թէ ուր է գնում:
36. Քանի դեռ լոյսը ձեզ հետ ունէք, հաւատացէ՛ք լոյսին, որպէսզի լոյսի որդիներ լինէք: Յիսուս այս խօսեց եւ գնաց նրանցից թաքնուեց:
37. Թէպէտ եւ նա այնքան նշաններ էր արել նրանց առաջ, նրանք չէին հաւատում նրան,
38. որպէսզի կատարուէր Եսայի մարգարէի խօսքը, որ ասաց. Տէ՛ր, ո՞վ հաւատաց մեր տուած լուրին, եւ Տիրոջ բազուկը ո՞ւմ յայտնուեց:
39. Չէին կարողանում հաւատալ եւ այն բանի համար, որ Եսային վերստին ասում է.
40. Նրանց աչքերը կուրացրեց եւ նրանց սրտերը կարծրացրեց, որպէսզի աչքերով չտեսնեն ու սրտերով չիմանան եւ դարձի չգան, ու ես նրանց չբժշկեմ:
41. Եսային այս ասաց, որովհետեւ տեսաւ նրա փառքը եւ խօսեց նրա մասին:
42. Բայց մինչեւ անգամ հրեայ իշխանաւորներից շատեր հաւատացին նրան, բայց փարիսեցիների պատճառով չէին յայտնում, որպէսզի ժողովարանից դուրս չհանուեն.
43. քանի որ մարդկանցից տրուած փառքը աւելի սիրեցին, քան Աստծուց տրուած փառքը:
44. Յիսուս աղաղակում էր ու ասում. Ով ինձ է հաւատում, ինձ չէ, որ հաւատում է, այլ նրան, ով ինձ ուղարկեց:
45. Եւ ով ինձ է տեսնում, տեսնում է նրան, ով ինձ ուղարկեց:
46. Ես որպէս լոյս եկայ աշխարհի, որպէսզի ամէն ոք, որ ինձ հաւատում է, խաւարում չմնայ:
47. Եւ եթէ մէկը լսի իմ խօսքերը եւ չպահի դրանք, ես նրան չեմ դատապարտի, քանի որ չեկայ, որ աշխարհը դատապարտեմ, այլ՝ որպէսզի փրկեմ աշխարհը:
48. Ով անարգում է ինձ եւ իմ խօսքերը չի ընդունում, կայ մէկը, որ նրան դատում է. այն խօսքը, որ ես խօսեցի, դա՛ պիտի դատապարտի նրան վերջին օրը,
49. որովհետեւ ես ինքս ինձնից չխօսեցի, այլ Հայրը, որ ինձ ուղարկեց, նա՛ ինձ պատուիրեց, թէ ի՞նչ պիտի ասեմ եւ ի՞նչ պիտի խօսեմ:
50. Եւ գիտեմ, որ այն պատուիրանը յաւիտեանական կեանք է: Արդ, ինչ որ ես եմ խօսում, այնպէս եմ խօսում, ինչպէս Հայրն ինձ ասաց:

1. Չատկի տօնից առաջ Յիսուս իմացաւ, որ հասել է իր ժամը, որպէսզի այս աշխարհից Հօր մօտ փոխադրուի. սիրեց իւրայիններին, որ այս աշխարհում են, իսպառ սիրեց նրանց:
2. Եւ ընթրիքի ժամանակ, երբ սատանան արդէն իսկ Սիմոնի որդի Իսկարիօտացի Յուդայի սրտի մէջ դրել էր, որ մատնի նրան,
3. Յիսուս իմացաւ, որ Հայրը ամէն բան իր ձեռքն էր յանձնել, եւ որ ինքը Աստծուց էր ելել եւ Աստծու մօտ էր գնում:
4. Նա վեր կացաւ ընթրիքի սեղանից, մի կողմ դրեց զգեստները եւ մի սրբիչ վերցնելով՝ մէքքին կապեց:
5. Եւ ապա ջուր վերցնելով՝ ածեց կոնքի մէջ եւ սկսեց իր աշակերտների ոտքերը լուանալ եւ սրբել մէքքին կապած սրբիչով:
6. Մօտեցաւ Սիմոն Պետրոսին, եւ սա ասաց նրան. Տէ՛ր, դո՞ւ ես իմ ոտքերը լուանում:
7. Յիսուս պատասխանեց նրան ու ասաց. Ինչ որ ես անում եմ, դու հիմա չես իմանում, բայց յետոյ կ'իմանաս:
8. Պետրոսը նրան ասաց. Իմ ոտքերը յաւիտեան չես լուանայ: Յիսուս պատասխանեց. Եթէ քեզ չլուանամ, ինձ հետ մաս չունես:
9. Սիմոն Պետրոսն ասաց նրան. Տէ՛ր, ոչ թէ միայն իմ ոտքերը, այլեւ իմ ձեռքերն ու գլուխն էլ լուա՛:
10. Յիսուս նրան ասաց. Լուացուածին ուրիշ բան պետք չէ, բայց միայն ոտքերը լուանալ, քանի որ ամբողջութեամբ մաքուր է. եւ դուք մաքուր էք, բայց ոչ բոլորդ:
11. Քանի որ նա գիտէր նրան, ով իրեն մատնելու էր, դրա համար ասաց. Բոլորդ չէ, որ մաքուր էք:
12. Եւ երբ նրանց ոտքերը լուաց, վերցրեց իր զգեստները եւ դարձեալ սեղան նստեց ու ասաց նրանց. Գիտե՞ք, թէ այդ ինչ արեցի ձեզ:
13. Դուք ինձ Վարդապետ եւ Տէր էք կոչում. եւ լաւ էք անում, քանի որ իսկապէս ե՛մ.
14. իսկ արդ, եթէ ես՝ Տէրս եւ Վարդապետս, լուացի ձեր ոտքերը, դուք էլ պարտաւոր էք միմեանց ոտքերը լուանալ.
15. որովհետեւ մի օրինակ տուի ձեզ, որ, ինչպէս ես ձեզ արեցի, դուք էլ նոյն ձեւով անէք:
16. Ճշմարիտ, ճշմարիտ եմ ասում ձեզ, ծառան անելի մեծ չէ, քան իր տէրը, եւ ոչ էլ ուղարկուածը՝ անելի մեծ, քան նա, ով նրան ուղարկեց:
17. Եթէ այս բաները գիտէք, առաւել երանելի էք, եթէ դրանք կատարէք:
18. Ձեր բոլորի համար չէ, որ ասում եմ, որովհետեւ ես գիտեմ նրանց, որոնց ընտրել եմ, այլ որպէսզի կատարուի գրուածը, թէ՛ ով ինձ հետ հաց էր ուտում, իմ դէմ դարձաւ.
19. հէնց այժմուանից ասում եմ ձեզ, քանի դեռ չի եղել, որպէսզի, երբ որ լինի, հաւատաք, որ ես եմ:
20. Ճշմարիտ, ճշմարիտ եմ ասում ձեզ, ով որ ընդունի նրան, ում ես կ'ուղարկեմ, ինձ է ընդունում, եւ ով ինձ է ընդունում, ընդունում է նրան, ով ինձ ուղարկեց:
21. Երբ Յիսուս այս բաներն ասաց, խռովուեց իր հոգում, վկայեց ու ասաց. Ճշմարիտ, ճշմարիտ եմ ասում ձեզ, որ ձեզնից մէկն ինձ մատնելու է:
22. Աշակերտներն իրար էին նայում տարակուսելով, թէ ո՛ւմ մասին է ասում:
23. Եւ աշակերտներից մէկը, որին Յիսուս սիրում էր, նստել էր նրա մօտ:
24. Սիմոն Պետրոսը սրան ակնարկ արեց՝ հարցնելով, թէ այդ ո՛ւմ մասին է ասում:
25. Եւ սա Յիսուսի կրօնքովն ընկաւ ու ասաց նրան. Տէ՛ր, ո՞վ է:
26. Յիսուս պատասխանեց եւ ասաց. Նա է, որի համար ես այս պատառը կը թաթախեմ եւ կը տամ իրեն: Եւ թաթախելով պատառը՝ տալիս է Իսկարիօտացի Յուդային:
27. Եւ երբ նա պատառն առաւ, սատանան մտաւ նրա մէջ: Յիսուս նրան ասաց. Հիմա ինչ որ անելու ես, իսկոյն արա՛:
28. Եւ սեղանակիցներից ոչ ոք չիմացաւ, թէ նա ինչի՛ համար այդ նրան ասաց.
29. որովհետեւ ոմանք կարծում էին, թէ, քանի որ Յուդան էր գանձանակը պահում,

Յիսուս նրան ասաց. Գնի՛ր, ինչ որ մեզ տօնի ժամանակ պետք է եւ կամ որ մի բան տայ աղքատներին:

30. Իսկ նա պատառը վերցնելով՝ իսկոյն դուրս ելաւ: Եւ գիշեր էր...

31. Եւ երբ նա դուրս ելաւ, Յիսուս ասաց. Այժմ մարդու Որդին փառաւորուեց, եւ Աստուած փառաւորուեց նրանով,

32. քանի որ, եթէ Աստուած փառաւորուեց նրանով, Աստուած էլ նրան կը փառաւորի իրենով. եւ իսկոյն կը փառաւորի նրան:

33. Որդեակներս, մի քիչ ժամանակ դեռ ձեզ հետ եմ. ինձ պիտի փնտռէք, եւ ինչպէս ասացի հրեաներին՝ ուր ես եմ գնում, դուք չէք կարող գալ, - այժմ այդ ձեզ էլ եմ ասում:

34. Նոր պատուիրան եմ տալիս ձեզ, որ սիրէք միմեանց. ինչպէս ես ձեզ սիրեցի, դուք էլ միմեանց սիրեցէք:

35. Եթէ դուք միմեանց սիրէք, դրանով բոլորը պիտի իմանան, որ դուք իմ աշակերտներն եք:

36. Սիմոն Պետրոսը նրան ասաց. Տէ՛ր, ո՞ր ես գնում: Յիսուս պատասխանեց. Ուր ես եմ գնում, դու այժմ իմ յետեւից չես կարող գալ, բայց յետոյ կը գաս իմ յետեւից:

37. Պետրոսը նրան ասաց. Տէ՛ր, ինչո՞ւ այժմ չեմ կարող քո յետեւից գալ. այժմուանից իսկ իմ կեանքը քեզ համար կը տամ:

38. Յիսուս պատասխանեց. Ինձ համար կեանքդ կը տաս. ճշմարիտ, ճշմարիտ եմ ասում քեզ, աքաղաղը դեռ կանչած չի լինի, երբ դու երեք անգամ ինձ ուրացած կը լինես:

1. Ապա Յիսուս ասաց իր աշակերտներին. Թող ձեր սրտերը չխռովուեն. հաւատացէ՛ք Աստծուն, հաւատացէ՛ք եւ ինձ:
2. Իմ Հօր տան մէջ բազում օթեւաններ կան. թէ չէ ես ձեզ կ'ասեի, թէ գնում եմ ձեզ համար էլ տեղ պատրաստելու.
3. Եւ եթէ գնամ եւ ձեզ համար էլ տեղ պատրաստեմ, դարձեալ կը գամ եւ ձեզ կը վերցնեմ ինձ մօտ, որպէսզի, ուր ես լինեմ, դուք եւս այնտեղ լինէք:
4. Եւ թէ ուր եմ գնում, այդ գիտեք, գիտեք եւ ճանապարհը:
5. Թովմասը նրան ասաց. Տէ՛ր, չգիտենք՝ ուր ես գնում, ուրեմն ինչպէ՞ս կարող ենք գիտենալ ճանապարհը:
6. Յիսուս նրանց ասաց. Ես եմ Ճանապարհը եւ Ճշմարտութիւնը եւ Կեանքը: Ոչ ոք չի գայ Հօր մօտ, եթէ ոչ՝ ինձանով:
7. Եթէ ինձ ճանաչէիք, ապա կը ճանաչէիք եւ իմ Հօրը. այսուհետեւ կը ճանաչէք նրան. եւ տեսել էք նրան:
8. Փիլիպպոսն ասաց նրան. Տէ՛ր, Հօրը մեզ ցոյց տուր, եւ այդ բաւական է մեզ:
9. Յիսուս նրան ասաց. Այսքան ժամանակ ձեզ հետ եմ, Փիլիպպո՛ւս, եւ ինձ չճանաչեցի՞ր. ով ինձ տեսաւ, տեսաւ Հօրը. իսկ դու ինչպէ՞ս ես ասում, թէ՝ Հօրը մեզ ցոյց տուր:
10. Չե՞ս հաւատում, որ ես Հօր մէջ եմ, եւ Հայրը՝ իմ մէջ: Այն խօսքերը, որ ես ասում եմ ձեզ, ինքս ինձնից չեմ խօսում, այլ Հայրը, որ բնակւում է իմ մէջ, նա՛ է անում գործերը:
11. Հաւատացէ՛ք ինձ, որ ես Հօր մէջ եմ, եւ Հայրը՝ իմ մէջ. եթէ ոչ՝ գոնէ գործերի՛ համար հաւատացէք ինձ:
12. Ճշմարիտ, ճշմարիտ եմ ասում ձեզ, թէ ով հաւատում է ինձ, ինքն էլ կ'անի այն գործերը, որ ես եմ անում. եւ դրանցից անելի մեծերը կ'անի, որովհետեւ ես գնում եմ Հօր մօտ:
13. Եւ ինչ որ ուզէք իմ անունով, այն կ'անեմ, որպէսզի Հայրը փառաւորուի Որդու միջոցով:
14. Եթէ ինձ սիրում էք, կը պահէք իմ պատուիրանները.
15. Եւ ես պիտի աղաչեմ Հօրը, եւ նա մի այլ Միսիթարիչ պիտի տայ ձեզ, որպէսզի յաւիտեան ձեզ հետ բնակուի.
16. Ճշմարտութեան Հոգին, որին այս աշխարհը չի կարող ընդունել, որովհետեւ նրան չի տեսնում եւ նրան չի ճանաչում, բայց դուք ճանաչում էք նրան, որովհետեւ ձեզ մօտ պիտի բնակուի եւ ձեր մէջ պիտի լինի:
17. Ձեզ որբ չեմ թողնի, կը գամ ձեզ մօտ:
18. Մի փոքր ժամանակ եւս, եւ այս աշխարհը ինձ չի տեսնի, բայց դուք ինձ կը տեսնէք, որովհետեւ ես կենդանի եմ, եւ դուք կենդանի էք լինելու:
19. Այն օրը դուք պիտի իմանաք, որ ես իմ Հօր մէջ եմ, եւ դուք՝ իմ մէջ. ու ես՝ ձեր մէջ:
20. Ով իմ պատուիրաններն ընդունում եւ դրանք պահում է, նա՛ է, որ ինձ սիրում է. եւ ով ինձ սիրում է, պիտի սիրուի իմ Հօրից. ես էլ նրան պիտի սիրեմ եւ ինձ պիտի յայտնեմ նրան:
21. Յուդան (ոչ Իսկարիօվտացին) ասաց նրան. Տէ՛ր, ինչպէ՞ս եղաւ, որ քեզ պիտի յայտնես մեզ եւ ոչ թէ աշխարհին:
22. Յիսուս պատասխանեց եւ ասաց նրան. Եթէ մէկը սիրում է ինձ, իմ խօսքը կը պահի, եւ իմ Հայրը նրան կը սիրի. եւ մենք նրա մօտ կը գանք ու նրա մօտ կ'օթեւանենք:
23. Եւ ով ինձ չի սիրում, իմ խօսքերը չի պահում. եւ իմ խօսքը, որ լսում էք, իմը չէ, այլ՝ Հօրը, որ ինձ ուղարկեց:
24. Այս բաները ասացի ձեզ, մինչ ձեզ հետ եմ:
25. Իսկ Միսիթարիչը՝ Սուրբ Հոգին, որին Հայրը կ'ուղարկի իմ անունով, նա ձեզ ամեն բան կ'ուսուցանի եւ ձեզ կը յիշեցնի այն ամենը, ինչ ես ասացի ձեզ:
26. Խաղաղութիւն եմ թողնում ձեզ, իմ խաղաղութիւնն եմ տալիս ձեզ. ձեզ չեմ տալիս այնպէս, ինչպէս այս աշխարհն է տալիս. ձեր սրտերը թող չխռովուեն, եւ չվախենաք:

27. Լսեցիք, որ ձեզ ասացի, թե՛ գնում եմ եւ կը գամ ձեզ մօտ. եթէ ինձ սիրէիք, ապա դուք ուրախ պիտի լինէիք, որ ես Հօր մօտ եմ գնում, որովհետեւ իմ Հայրը մեծ է, քան ես:
28. Եւ հիմա ասացի ձեզ, երբ դեռ չի եղել, որպէսզի, երբ լինի, հաւատաք:
29. Այլեւս երկար չեմ խօսի ձեզ հետ. գալիս է աշխարհի իշխանը եւ իմ վրայ ոչ մի իշխանութիւն չունի:
30. Իսկ որպէսզի աշխարհը գիտենայ, որ ես սիրում եմ Հօրը, այնպէս եմ անում, ինչպէս որ Հայրը պատուիրեց ինձ. դե՛հ, վե՛ր կացէք գնանք այստեղից:

1. Ես եմ ճշմարիտ որթատունկը, եւ իմ Հայրը մշակն է:
2. Ամեն ճիւղ, որ իմ վրայ է եւ պտուղ չի տալիս, նա կտրոււմ է այն. եւ այն ամենը, որ պտուղ է տալիս, էտում է, որպէսզի առաւել եւս պտղաբեր լինի:
3. Դուք արդէն իսկ մաքուր էք այն խօսքի համար, որ ձեզ ասացի:
4. Մնացէ՛ք իմ մէջ, եւ ես՝ ձեր մէջ. ինչպէս ճիւղը, որ ինքն իրեն չի կարող պտուղ տալ, եթէ որթատունկի վրայ հաստատուած չլինի, նոյնպէս եւ դուք՝ եթէ իմ վրայ հաստատուած չլինէք:
5. Ես եմ որթատունկը, իսկ դուք՝ ճիւղերը: Ով բնակւում է իմ մէջ, եւ ես՝ նրա մէջ, նա շատ պտուղ է տալիս, որովհետեւ առանց ինձ ոչինչ անել չէք կարող:
6. Եթէ մէկը իմ վրայ հաստատուած չէ, նա ճիւղի նման դուրս կը նետուի եւ կը չորանայ, եւ այն կը հաւաքեն ու կրակը կը նետեն, եւ կ'այրուի:
7. Եթէ իմ մէջ մնաք, եւ իմ խօսքերն էլ մնան ձեր մէջ, ինչ որ ուզենաք, խնդրեցէ՛ք Աստծուց, եւ ձեզ կը տրուի:
8. Իմ Հայրը փառաւորուած կը լինի նրանով, որ դուք շատ պտուղ տաք եւ իմ աշակերտները լինէք:
9. Ինչպէս իմ Հայրն ինձ սիրեց, ես էլ ձեզ սիրեցի. իմ սիրոյ մէջ հաստատո՛ւն մնացէք:
10. Եթէ իմ պատուիրանները պահէք, կը մնաք իմ սիրոյ մէջ, ինչպէս ես իմ Հօր պատուիրանները պահեցի եւ մնում եմ նրա սիրոյ մէջ:
11. Այս բաները ձեզ ասացի, որպէսզի իմ ուրախութիւնը ձեր մէջ լինի, եւ ձեր ուրախութիւնը լիակատար լինի:
12. Այս է իմ պատուերը. որ սիրէք միմեանց, ինչպէս որ ես սիրեցի ձեզ:
13. Աւելի մեծ սեր ոչ ոք չունի, քան այն, որ մէկն իր կեանքը տայ իր բարեկամների համար:
14. Դուք իմ բարեկամներն էք, եթէ անէք այն, ինչ ես ձեզ պատուիրում եմ:
15. Այլեւս ձեզ ծառաներ չեմ կոչում, որովհետեւ ծառան չգիտէ, թէ տէրն ինչ է անում. այլ ձեզ բարեկամներ կոչեցի, որովհետեւ այն բոլորը, ինչ իմ Հօրից լսեցի, յայտնեցի ձեզ:
16. Ոչ թէ դուք ինձ ընտրեցիք, այլ ես ձեզ ընտրեցի եւ ձեզ կարգեցի, որ դուք գնաք եւ պտղաբեր լինէք, եւ ձեր պտուղը մնայ, եւ ինչ էլ որ իմ անունով Հօրիցս խնդրէք, ձեզ տայ:
17. Այս եմ ձեզ պատուիրում. որ սիրէք միմեանց:
18. Եթէ աշխարհը ձեզ ատում է, իմացէ՛ք, որ նախ ինձ է ատել:
19. Եթէ այս աշխարհից լինէիք, աշխարհն արդէն, որպէս իրենը, ձեզ սիրած կը լինէր. բայց որովհետեւ այս աշխարհից չէք, այլ ես ձեզ ընտրեցի աշխարհից, դրա համար աշխարհը ձեզ ատում է:
20. Յիշեցէ՛ք այն խօսքը, որ ես ձեզ ասացի, թէ՝ ծառան մեծ չէ, քան իր տէրը. եթէ ինձ հալածեցին, ապա ձեզ էլ կը հալածեն. եթէ իմ խօսքը պահեցին, ապա ձերն էլ կը պահեն:
21. Բայց նոյն բաները ձեզ պիտի անեն իմ անուան համար, որովհետեւ չեն ճանաչում նրան, ով ինձ ուղարկել է:
22. Եթէ ես եկած եւ նրանց հետ խօսած չլինէի, նրանք որեւէ մեղք ունեցած չէին լինի. բայց հիմա իրենց մեղքի համար ոչ մի արդարացում չկայ:
23. Ով ինձ է ատում, ատում է եւ իմ Հօրը:
24. Եթէ ես նրանց մէջ արած չլինէի այն գործերը, որ ուրիշ ոչ ոք չարեց, նրանք որեւէ մեղք չէին ունենայ. բայց այժմ տեսան գործերը եւ ատեցին թէ՛ ինձ, թէ՛ իմ Հօրը:
25. Եւ այդ նրա համար, որ կատարուի նրանց օրէնքում գրուած այն խօսքը, թէ՝ առանց պատճառի ինձ ատեցին:
26. Բայց երբ գայ Միսիթարիչը, որին ես ձեզ կ'ուղարկեմ Հօրից, ճշմարտութեան Հոգին, որ ելնում է Հօրից, նա՛ կը վկայի իմ մասին:
27. Կը վկայէք եւ դուք, որովհետեւ սկզբից ինձ հետ էք:



1. Այս բաները ասացի ձեզ, որպեսզի գայթակղութիւնից յետ մնաք:
2. Իրենց ժողովարաններից դուրս պիտի հանեն ձեզ. մինչեւ իսկ ժամանակը կը գայ, երբ, ով ձեզ սպանի, պիտի համարի, թէ Աստծուն պաշտամունք է մատուցում:
3. Եւ այդ բանը պիտի անեն ձեզ էլ, որովհետեւ չճանաչեցին ո՛չ Հօրը եւ ո՛չ էլ ինձ:
4. Սակայն այս բաները ձեզ ասացի, որպեսզի երբ ժամանակը գայ, յիշեք, որ ես ձեզ ասել եմ: Այս բաները սկզբից ձեզ չասացի, քանի որ ձեզ հետ էի:
5. Բայց այժմ ես գնում եմ ինձ ուղարկողի մօտ, եւ ձեզնից ոչ ոք ինձ չի հարցնում, թե՛ ո՞ր ես գնում:
6. Բայց որովհետեւ ձեզ այս բաներն ասացի, տրտմութիւնը լցրեց ձեր սրտերը:
7. Բայց ես ճշմարիտն եմ ասում ձեզ. լաւ է ձեզ համար, որ ես գնամ. որովհետեւ, եթէ ես չգնամ, Միսիթարիչը ձեզ մօտ չի գայ. իսկ եթէ գնամ, նրան կ'ուղարկեմ ձեզ մօտ:
8. Եւ նա գալով՝ պիտի ապացուցի աշխարհին, որ նա սխալ է մեղքի եւ արդարութեան հարցում եւ դատաստանի հարցում:
9. Մեղքի հարցում՝ որովհետեւ ինձ չեն հաւատում:
10. արդարութեան հարցում՝ որովհետեւ իմ Հօր մօտ եմ գնում, եւ այլեւս ինձ չէք տեսնի:
11. դատաստանի հարցում՝ որովհետեւ այս աշխարհի իշխանը դատապարտուած է:
12. Դեռ շատ բաներ ունեմ ձեզ ասելու, բայց այժմ չէք կարող տանել:
13. Երբ որ գայ նա՝ Ճշմարտութեան Հոգին, ամենայն ճշմարտութեամբ կ'առաջնորդի ձեզ. որովհետեւ ոչ թէ ինքն իրենից կը խօսի, այլ ինչ լսի, այն կը խօսի. եւ գալիք բաների մասին կը պատմի ձեզ:
14. Նա ինձ պիտի փառաւորի, որովհետեւ ինչ որ առնում է ինձանից, կը յայտնի ձեզ:
15. Ամէն ինչ որ Հայրն ունի, իմն է. դրա համար ձեզ ասացի, թէ ինչ որ առնում է ինձանից, կը յայտնի ձեզ:
16. Մի փոքր ժամանակ, եւ այլեւս ինձ չէք տեսնի. եւ ապա մի քիչ եւս՝ եւ ինձ նորից կը տեսնեք. եւ ես գնում եմ Հօր մօտ:
17. Աշակերտներից ոմանք միմեանց ասում էին. Ի՞նչ է այս, որ մեզ ասում է, թե՛ մի քիչ եւս, եւ ինձ չէք տեսնի. եւ դարձեալ, թե՛ մի քիչ եւս, եւ ինձ կը տեսնեք եւ թե՛ ես գնում եմ իմ Հօր մօտ:
18. Եւ ասում էին. Ի՞նչ է այն մի քիչ եւս -ը. չենք հասկանում, թէ ինչ է խօսում:
19. Յիսուս իմացաւ, որ ուզում են իրեն հարց տալ, եւ նրանց ասաց. Դրա՞ համար էիք միմեանց հարցնում, որ ասացի, թե՛ մի փոքր ժամանակ, եւ ինձ չէք տեսնի. եւ դարձեալ՝ մի քիչ եւս, եւ կը տեսնեք ինձ:
20. Ճշմարիտ, ճշմարիտ եմ ասում ձեզ, որ դուք պիտի լաք եւ պիտի ողբաք, իսկ աշխարհը ուրախ պիտի լինի. դուք պիտի տրտմեք, բայց ձեր տրտմութիւնը ուրախութեան պիտի փոխուի:
21. Երբ կ'ինը ծննդաբերում է, նրա համար տրտմութիւն է, որովհետեւ նրա ժամը հասած է. բայց երբ մանկանը ծնի, այլեւս չի յիշում նեղութիւնը՝ ուրախութեան պատճառով, որ աշխարհում մի մարդ ծնունդ է:
22. Դուք էլ այժմ տրտմութիւն ունեք, բայց ես դարձեալ ձեզ պիտի տեսնեմ, ու ձեր սրտերը ուրախ պիտի լինեն. եւ ձեր ուրախութիւնը ոչ ոք ձեզնից չպիտի խլի:
23. Եւ այն օրը ինձ ոչինչ չպիտի հարցնեք: Ճշմարիտ, ճշմարիտ եմ ասում ձեզ, որ, ինչ իմ անունով իմ Հօրից ուզեք, պիտի տայ ձեզ:
24. Մինչեւ հիմա իմ անունով ոչինչ չխնդրեցիք. խնդրեցէ՛ք եւ պիտի ստանաք, որպեսզի ձեր ուրախութիւնը լիակատար լինի:
25. Այս բաները առականերով ասացի ձեզ. պիտի գայ ժամանակ, երբ այլեւս առականերով չպիտի խօսեմ ձեզ հետ, այլ յայտնապէս Հօր մասին պիտի պատմեմ ձեզ:
26. Այն օրը իմ անունով պիտի խնդրեք. եւ ձեզ չեմ ասում, թե՛ ե՛ս պիտի աղաչեմ Հօրը ձեզ համար,
27. քանի որ Հայրը ինքն իսկ սիրում է ձեզ. որովհետեւ դուք սիրեցիք ինձ եւ



հաւատացիք, որ ես Աստծուց ելայ:

28. Ելայ Հօրից եւ եկայ աշխարհ. դարձեալ թողնում եմ աշխարհը եւ գնում Հօր մօտ:

29. Աշակերտները նրան ասացին. Ահա հիմա բացայայտ ես խօսում եւ ոչ մի առակ չես ասում:

30. Հիմա գիտենք, որ ամեն ինչ գիտես, եւ պետք չկայ, որ մէկը քեզ բան հարցնի. դրա համար հաւատում ենք, որ Աստծուց ելար:

31. Յիսուս պատասխանեց նրանց եւ ասաց. Այժմ հաւատո՞ւմ էք.

32. ահա պիտի գայ ժամանակ եւ արդէն իսկ եկել է, երբ պիտի ցրուէք իւրաքանչիւրդ իր տեղը, եւ ինձ միայնակ պիտի թողնէք. սակայն ես միայնակ չեմ, որովհետեւ Հայրն ինձ հետ է:

33. Այս բաները ասացի ձեզ, որպէսզի ինձնով խաղաղութիւն ունենաք: Այստեղ, աշխարհում նեղութիւն պիտի ունենաք, սակայն քաջալերուեցէ՛ք, որովհետեւ ես յաղթեցի աշխարհին:

1. Յիսուս երբ այս բաները խօսեց, աչքերը երկինք բարձրացրեց եւ ասաց. Հա՛յր, հասել է ժամը, փառաւորի՛ր քո Որդուն, որպէսզի քո Որդին էլ քեզ փառաւորի.
2. ինչպէս որ նրան իշխանութիւն տուեցիր բոլոր մարդկանց վրայ, որպէսզի յաւիտենական կեանք տայ այն ամենքին, որ նրան տուեցիր:
3. Յաւիտենական կեանքը այս է. որ ճանաչեն քեզ միակ ճշմարիտ Աստուած, նաեւ Յիսուս Քրիստոսին, որ դու ուղարկեցիր:
4. Ես քեզ փառաւորեցի երկրի վրայ. լրացրի այն գործը, որն ինձ տուիր, որ անեմ.
5. եւ դու այժմ փառաւորի՛ր ինձ, Հա՛յր, քեզ մօտ եղող այն փառքով, որ ունէի քեզ մօտ՝ Նախքան աշխարհի լինելը:
6. Քո անունը յայտնեցի այն մարդկանց, որոնց ինձ տուեցիր աշխարհից. նրանք քոնս էին, եւ ինձ տուեցիր նրանց, ու նրանք քո խօսքը պահեցին:
7. Հիմա իմացան, որ այն ամենը, ինչ ինձ տուիր, ես նրանց տուեցի.
8. եւ նրանք ընդունեցին ու ճշմարտութեամբ ճանաչեցին, որ ես քո մօտից ելայ. եւ նրանք հաւատացին, որ դո՛ւ ուղարկեցիր ինձ:
9. Արդ, ես նրանց համար եմ աղաչում. ես չեմ աղաչում աշխարհի համար, այլ՝ նրանց համար, որոնց դու ինձ տուեցիր, որովհետեւ նրանք քոնս են:
10. Եւ ինչ որ իմն է, բոլորը քոնս է, եւ ինչ որ քոնս է, այն իմն է, ու ես նրանց մէջ փառաւորուած եմ:
11. Եւ ես այլեւս աշխարհի մէջ չեմ, իսկ նրանք աշխարհի մէջ են. եւ ես դեպի քեզ եմ գալիս: Սո՛ւրբ Հայր, պահի՛ր նրանց քո անունով, որով ինձ տուեցիր, որպէսզի լինեն մի, ինչպէս մենք էլ մի ենք:
12. Մինչ աշխարհում նրանց հետ էի, ես պահում էի նրանց քո անունով, որով ինձ տուեցիր. եւ ես պահեցի. ու նրանցից ոչ ոք չկորաւ, բացի կորստեան դատապարտուած մարդուց, որպէսզի գրուածը կատարուի:
13. Բայց հիմա քեզ մօտ եմ գալիս եւ այս բաները խօսում եմ աշխարհում, որպէսզի նրանք իրենց մէջ իմ լիակատար ուրախութիւնն ունենան:
14. Ես նրանց տուի քո խօսքը, եւ աշխարհը նրանց ատեց, որովհետեւ նրանք աշխարհից չեն, ինչպէս ես էլ աշխարհից չեմ:
15. Այս աղաչում եմ ոչ թէ նրա համար, որ նրանց վերացնես աշխարհից, այլ որպէսզի նրանց պահես չարից:
16. Նրանք այս աշխարհից չեն, ինչպէս ես էլ աշխարհից չեմ:
17. Սրբացրո՛ւ նրանց քո ճշմարտութեամբ, որովհետեւ քո խօսքը ճշմարտութիւն է:
18. Ինչպէս դու ինձ ուղարկեցիր աշխարհ, ես էլ նրանց ուղարկեցի աշխարհ:
19. Եւ ես ինձ սրբացնում եմ նրանց համար, որպէսզի նրանք էլ սրբացուեն ճշմարտութեամբ:
20. Սակայն միայն նրանց համար չէ, որ աղաչում եմ, այլեւ նրանց խօսքի միջոցով բոլոր ինձ հաւատացողների համար,
21. որպէսզի ամենքը մի լինեն. ինչպէս դու, Հա՛յր, իմ մէջ, եւ ես՝ քո մէջ, որպէսզի նրանք էլ մեր մէջ լինեն, եւ որպէսզի աշխարհն էլ հաւատայ, թէ դո՛ւ ուղարկեցիր ինձ:
22. Եւ ես տուեցի նրանց այն փառքը, որ դու ինձ տուեցիր, որպէսզի մի լինեն, ինչպէս եւ մենք մի ենք:
23. Ես՝ նրանց մէջ, եւ դու՝ իմ մէջ, որպէսզի կատարեալ լինեն միութեան մէջ: Եւ աշխարհը գիտենայ, որ դո՛ւ ուղարկեցիր ինձ. եւ ես սիրեցի նրանց, ինչպէս դու ինձ սիրեցիր:
24. Հա՛յր, ում որ ինձ տուիր, կամենում եմ, որ, ուր ես եմ, նրանք էլ ինձ հետ լինեն, որպէսզի տեսնեն իմ փառքը, որ դու ինձ տուեցիր, քանի որ ինձ սիրեցիր՝ Նախքան աշխարհի լինելը:
25. Արդա՛ր Հայր, թէեւ աշխարհը քեզ չճանաչեց, բայց ես քեզ ճանաչեցի, եւ իմացան նրանք, որ դու ես ինձ ուղարկել:

26. Եւ ճանաչեցրի նրանց քո անունը ու պիտի ճանաչեցնեմ, որպէսզի այն սերը, որով ինձ սիրեցիր, նրանց մէջ լինի, եւ ես՝ նրանց մէջ:

1. Երբ Յիսուս այսպէս խօսեց, աշակերտներով հանդերձ ելաւ գնաց Կեդրոնի ծորի միւս կողմը. այնտեղ մի պարտեզ կար, ուր մտան ինքը եւ իր աշակերտները:
2. Յուդան էլ, որ նրան մատնելու էր, գիտէր այն տեղը, որովհետեւ Յիսուս ու իր աշակերտները շատ անգամ այնտեղ հաւաքուել էին:
3. Եւ Յուդան իր հետ վերցնելով գունդը եւ պահակներ՝ ուղարկուած քահանայապետներից ու փարիսեցիներից, այնտեղ եկաւ ջահերով, լապտերներով ու զենքերով:
4. Իսկ Յիսուս իր վրայ եկող այս ամենը տեսնելով՝ դուրս ելաւ ու նրանց ասաց. Ո՞ւմ էք փնտռում:
5. Նրան պատասխանեցին՝ Յիսուս Նազովրեցուն: Յիսուս նրանց ասաց՝ Ես եմ: Նրանց հետ էր եւ Յուդան, որ մատնում էր նրան:
6. Երբ Յիսուս ասաց՝ Ես եմ, յետ-յետ գնացին եւ գետին ընկան:
7. Դարձեալ նրանց հարցրեց՝ ո՞ւմ էք փնտռում: Նրանք ասացին՝ Յիսուս Նազովրեցուն:
8. Յիսուս նրանց պատասխանեց. Ձեզ ասացի, թե՛ Ես եմ. արդ, եթէ ինձ էք փնտռում, նրանց թո՛յլ տուէք գնալ:
9. որպէսզի կատարուի խօսքը, որ ասել էր, թե՛ նրանց, որոնց ինձ տուեցիր, նրանցից եւ ոչ մէկին չկորցրի:
10. Իսկ Սիմոն Պետրոսը, որովհետեւ սուր ունէր, քաշեց այն եւ զարկեց քահանայապետի ծառային ու նրա աջ ականջը կտրեց: Եւ այն ծառայի անունը Մաղքոս էր:
11. Յիսուս Պետրոսին ասաց. Այդ սուրդ նորից իր պատեանի մէջ դիր. այն բաժակը, որ Հայրն է ինձ տուել, չպիտի՞ խմեմ:
12. Իսկ գունդը, հազարապետը եւ հրեաների պահակները բռնեցին Յիսուսին եւ կապեցին:
13. Եւ նախ նրան տարան Աննայի մօտ, որը Կայիափայի՝ այդ տարուայ քահանայապետի աներն էր:
14. Սա այն Կայիափան էր, որ հրեաներին խրատ տուեց, թէ անելի լաւ է, որ ժողովրդի համար մէկ մարդ մեռնի:
15. Եւ Յիսուսի յետեւից գնում էին Սիմոն Պետրոսը եւ միւս աշակերտը: Եւ քանի որ այդ աշակերտը քահանայապետին ծանօթ էր, Յիսուսի հետ մտաւ քահանայապետի տան գաւիթը:
16. Իսկ Պետրոսը կանգնել էր դռան մօտ, դուրսը: Միւս աշակերտը, որ ծանօթ էր քահանայապետին, դուրս ելաւ, դռնապանին ասաց եւ Պետրոսին ներս մտցրեց:
17. Այն աղջիկը, որ դռնապանն էր, Պետրոսին ասաց. Մի՞թէ դու էլ այդ մարդու աշակերտներից ես: Եւ նա ասաց՝ ո՛չ, չեմ:
18. Այնտեղ կային ծառաներ եւ պահակներ, որոնք խարոյկ էին արել եւ տաքանում էին, քանի որ ցուրտ էր: Պետրոսն էլ նրանց հետ կանգնել էր ու տաքանում էր:
19. Իսկ քահանայապետը հարց տուեց Յիսուսին նրա աշակերտների եւ վարդապետութեան մասին:
20. Յիսուս նրան պատասխանեց. Ես բացայայտ ասացի բոլորին. Ես միշտ ուսուցանել եմ ժողովարանում եւ տաճարի մէջ, ուր հաւաքւում էին բոլոր հրեաները. եւ ծածուկ ոչինչ չեմ խօսել:
21. Ինձ ինչո՞ւ ես հարցուփորձ անում. հարցուփորձ արա նրանց, ովքեր լսել են, թէ ես նրանց հետ ինչ եմ խօսել. ահա՛, նրանք գիտեն, թէ ինչ եմ ասել:
22. Երբ նա այս ասաց, այնտեղ կանգնած պահակներից մէկը մի ապտակ տուեց Յիսուսին ու ասաց. Այդպէ՞ս ես պատասխան տալիս քահանայապետին:
23. Եւ Յիսուս նրան ասաց. Եթէ վատ խօսեցի, վկայի՛ր վատի մասին, իսկ եթէ լաւ՝ ինձ ինչո՞ւ ես խփում:
24. Եւ Աննան նրան կապած ուղարկեց Կայիափա քահանայապետի մօտ:

25. Եւ Սիմոն Պետրոսը այնտեղ կանգնած էր ու տաքանում էր. նրան ասացին. Մի՞թէ դու ել նրա աշակերտներից ես: Նա ուրացաւ եւ ասաց՝ ո՛չ, չեմ:
26. Եւ քահանայապետի ծառաներից մէկը՝ նրա՛ ազգականը, որի ականջը Պետրոսը կտրել էր, ասաց. Չէ՞ որ ես ինքս տեսայ քեզ նրա հետ պարտեզում:
27. Պետրոսը դարձեալ ուրացաւ. եւ իսկոյն մի արքադադ կանչեց:
28. Կայիափայի տնից Յիսուսին տարան կուսակալի ապարանքը: Այգաբաց էր: Բայց նրանք ապարանք չմտան, որպէսզի չպղծուեն եւ որպէսզի զատկական ընթրիքը կարողանան ուտել:
29. Ուստի Պիղատոսն ինքը դուրս ելաւ նրանց մօտ եւ ասաց. Այս մարդու մասին ի՞նչ ամբաստանութիւն եք ներկայացնում:
30. Նրան պատասխանեցին եւ ասացին. Եթէ այս մարդը չարագործ չլինէր, ապա նրան քո ձեռքը չէինք մատնի:
31. Պիղատոսը նրանց ասաց. Դուք վերցրէ՛ք նրան եւ ձեր օրէնքի համաձայն նրան դատեցէ՛ք: Հրեաները նրան ասացին. Մեզ համար որեւէ մէկին սպանել օրինաւոր չէ:
32. (որպէսզի կատարուի Յիսուսի այն խօսքը, որ Նա ասաց՝ նշելով, թէ ինչ մահով էր ինքը մեռնելու):
33. Պիղատոսը դարձեալ ապարանք մտաւ, կանչեց Յիսուսին եւ ասաց նրան. Դո՞ւ ես հրեաների թագաւորը:
34. Յիսուս պատասխանեց. Դու քեզնի՞ց ես այդ ասում, թէ ուրիշներ իմ մասին քեզ ասացին:
35. Պիղատոսը պատասխանեց. Մի՞թէ ես ել հրեա՞յ եմ. քո ազգը եւ քահանայապետները մատնեցին քեզ իմ ձեռքը. դու ի՞նչ ես արել:
36. Յիսուս պատասխանեց. Իմ թագաւորութիւնը այս աշխարհից չէ. եթէ իմ թագաւորութիւնը այս աշխարհից լիներ, իմ հետեւորդները կը մարտնչէին արդէն, որպէսզի հրեաների ձեռքը չմատնուեմ. բայց, արդ, իմ թագաւորութիւնը այստեղից չէ:
37. Պիղատոսը նրան ասաց. Թէ որ այդպէս է, ուրեմն դու թագաւո՞ր ես: Յիսուս նրան պատասխանեց. Դու ես ասում, որ թագաւոր եմ, բայց ես դրա համար իսկ ծնուել եմ եւ դրա համար իսկ եկել եմ աշխարհ, որպէսզի ճշմարտութեան համար վկայեմ: Ամեն մարդ, որ ճշմարտութիւնից է, իմ ձայնը լսում է:
38. Պիղատոսը նրան ասաց. Ի՞նչ է ճշմարտութիւնը: Երբ այս ասաց, դարձեալ դուրս ելաւ, հրեաների մօտ, ու ասաց նրանց. Ես նրա մէջ ոչ մի յանցանք չեմ գտնում:
39. Բայց դուք սովորութիւն ունեք, որ զատկին ձեզ համար մի բանտարկեալ արձակեմ. արդ, ուզո՞ւմ եք, որ ձեզ համար արձակեմ հրեաների թագաւորին:
40. Բոլորը աղաղակեցին եւ ասացին՝ ո՛չ դրան, այլ՝ Բարաբբային: Եւ այն Բարաբբան աւագակ էր:

1. Այն ժամանակ Պիղատոսը հրամայեց Յիսուսին վերցնել եւ նրան գանակոծել:
2. Իսկ զինուորները փշե պսակ շինելով՝ դրեցին նրա գլխին ու նրան ծիրանի զգեստ հագցրին:
3. Եւ գալիս էին նրա մօտ ու ասում՝ ողջո՛յն, հրեաների՛ արքայ: Եւ նրան ապտակում էին:
4. Պիղատոսը դարձեալ դուրս ելաւ ու ասաց նրանց. Ահա նրան դուրս, ձեզ մօտ եմ բերում, որպէսզի իմանաք, թէ ես նրա մէջ որեւէ յանցանք չեմ գտնում:
5. Յիսուս դուրս ելաւ. եւ փշե պսակ ուներ եւ ծիրանի զգեստ: Եւ նրանց ասաց. Ահա ձեր մարդը՝ ձեզ:
6. Երբ քահանայապետներն ու պահակները նրան տեսան, աղաղակ բարձրացրին եւ ասացին. Խա՛չը հանիր, խա՛չը հանիր դրան: Պիղատոսը նրանց ասաց. Դո՛ւք առէք նրան ձեր մէջ եւ ինքնե՛րդ խաչը հանեցէք, քանի որ ես դրա մէջ որեւէ յանցանք չեմ գտնում:
7. Հրեաները նրան պատասխանեցին. Մենք օրէնք ունենք, եւ ըստ մեր օրէնքի պէտք է նա մեռնի, որովհետեւ իրեն Աստծու Որդի դարձրեց:
8. Երբ Պիղատոսը այս խօսքերը լսեց, աւելի եւս վախեցաւ:
9. Դարձեալ, մի անգամ եւս մտաւ ապարանքը եւ Յիսուսին ասաց՝ որտեղի՞ց ես դու: Եւ Յիսուս նրան պատասխան չտուեց:
10. Պիղատոսը նրան ասաց. Ինձ հետ չե՞ս խօսում, չգիտե՞ս, որ իշխանութիւն ունեմ քեզ խաչը հանելու. եւ իշխանութիւն ունեմ քեզ ազատ արձակելու:
11. Յիսուս պատասխանեց. Դու իմ վրայ ոչ մի իշխանութիւն էլ չէիր ունենայ, եթէ քեզ ի վերուստ տրուած չլիներ. դրա համար էլ, ով ինձ քո ձեռքը մատնեց, նրա մեղքը աւելի մեծ է:
13. Սրանից յետոյ Պիղատոսը ուզում էր նրան ազատ արձակել: Իսկ հրեաները աղաղակում էին ու ասում. Եթէ դրան արձակես, կայսրին բարեկամ չես: Ամենայն ոք, որ ինքն իրեն թագաւոր է կոչում, հակառակ է կայսեր:
14. Իսկ երբ Պիղատոսը այս խօսքերը լսեց, Յիսուսին դուրս բերեց, նստեց բեմի վրայ, այն տեղը, որ Քարայատակ էր կոչւում, իսկ երբայերէն՝ Կապապաթ:
15. Չատկի նախօրէն էր, եւ կէսօրուայ մօտ էր: Եւ նա հրեաներին ասաց. Ահա ձեր թագաւորը՝ ձեզ:
16. Իսկ նրանք աղաղակում էին. Վերացրո՛ւ մեր միջից, վերացրո՛ւ մեր միջից եւ խա՛չը հանիր նրան: Պիղատոսը նրանց ասաց. Ես ձեր թագաւորին խա՞չը հանեմ: Քահանայապետները պատասխանեցին. Չունենք մենք այլ թագաւոր, բացի կայսրից:
17. Այն ժամանակ Յիսուսին յանձնեց նրանց ձեռքը, որպէսզի խաչը հանուի:
18. Եւ նրանք առան Յիսուսին եւ տարան: Եւ խաչափայտը նա ինքն էր վերցրել եւ բարձրացնում էր այն տեղը, որի անունն էր Գազաթ, իսկ երբայերէն կոչւում էր Գողգոթա,
19. որտեղ եւ խաչը հանեցին նրան ու նրա հետ երկու ուրիշների՝ այս եւ այն կողմից, իսկ մեջտեղում Յիսուսին:
20. Պիղատոսը մի տախտակ էլ գրեց եւ դրեց խաչի վրայ. եւ գրուած էր. Յիսուս Նազովրեցի՝ հրեաների թագաւոր:
21. Այդ տախտակը հրեաներից շատերը կարդացին, որովհետեւ այն տեղը, ուր Յիսուս խաչուեց, քաղաքին մօտ էր (եւ գրուած էր եբրայերէն, լատիներէն եւ յունարէն):
22. Հրեաների քահանայապետները Պիղատոսին ասացին. Մի՛ գրիր՝ հրեաների թագաւոր, այլ՝ ինչ նա ասաց՝ թագաւոր եմ հրեաների:
23. Պիղատոսը պատասխանեց. Ինչ գրեցի, գրեցի:
24. Իսկ զինուորները, երբ Յիսուսին խաչը հանեցին, վերցրին նրա զգեստները եւ չորս մաս արեցին. իւրաքանչիւր զինուորի՝ մէկ մաս: Իսկ քանի որ պատմուճանը առանց կարի էր, վերեւից ներքեւ ամբողջովին հիւսած շուրջանակի,

25. ուստի միմեանց ասացին. Այդ չպատռտենք, այլ դրա վրայ վիճակ գցենք, ում որ ելնի, որպէսզի կատարուի գրուածը, որ ասում է. Իմ զգեստները բաժանեցին իրար մէջ եւ իմ պատմունճանի վրայ վիճակ գցեցին: Չիսուորներն այս բանն արեցին:
26. Իսկ Յիսուսի խաչի մօտ կանգնած էին նրա մայրը եւ նրա մօրաքոյրը՝ Կղեոպասի կին Մարիամը եւ Մարիամ Մագդաղենացին:
27. Երբ Յիսուս տեսաւ մօրը եւ այն աշակերտին, որ մօտ էր կանգնած, որին նա սիրում էր, մօրն ասաց. Ո՛վ կին, ահա՛ քո որդին:
28. Ապա աշակերտին ասաց. Ահա՛ քո մայրը: Եւ այդ պահից աշակերտը նրան իր մօտ առաւ:
29. Այնուհետեւ Յիսուս, գիտենալով, թէ ահա ամեն ինչ կատարուած է, որպէսզի կատարուի գրուածը, ասաց՝ ծարաւ եմ:
30. Եւ այնտեղ քացախով լի մի աման կար. զիսուորները լեղախառն քացախով մի սպունգ թրջեցին եւ այն դրին եղեգի ծայրին ու մօտեցրին նրա բերանին:
31. Երբ Յիսուս լեղախառն քացախը բերանն առաւ, ասաց.
32. Ամեն ինչ կատարուած է: Եւ գլուխը կախելով՝ հոգին աւանդեց:
33. Իսկ քանի որ ուրբաթ էր, որպէսզի մարմինները չմնան խաչի վրայ մինչեւ շաբաթօրը, - որովհետեւ այն շաբաթը տօնական մեծ օր էր, - հրեայ առաջնորդները Պիղատոսին աղաչեցին, որ կոտորեն նրանց սրունքները եւ վերցնեն նրանց:
34. Չիսուորները եկան եւ առաջինի սրունքները կոտորեցին, նոյնպէս եւ միւսինը, որ նրա հետ խաչ էր հանուել:
35. Բայց երբ եկան Յիսուսի մօտ եւ տեսան, որ նա արդէն մեռած էր, նրա սրունքները չկոտորեցին,
36. այլ զիսուորներից մէկը տեգով խոցեց նրա կողը, եւ իսկոյն արիւն եւ ջուր ելաւ:
37. Եւ ով այս բանը տեսաւ, վկայեց. եւ նրա վկայութիւնը ճշմարիտ է, եւ նա գիտէ, որ ճշմարիտ է ասում, որպէսզի դուք էլ հաւատաք:
38. Այս պատահեց, որպէսզի կատարուի գրուածը, թէ՛ նրա ոսկորը չպիտի փշրուի:
39. Եւ դարձեալ միւս գրուածն ասում է. Պիտի նայեն նրան, ում խոցեցին:
40. Այնուհետեւ Յովսէփը, որ արիմաթիացի էր եւ Յիսուսի թաքուն աշակերտն էր հրեաների վախի պատճառով, Պիղատոսին աղաչեց, որ Յիսուսի մարմինը վերցնի: Եւ Պիղատոսը հրաման տուեց. ուստի Յովսէփն ու Նիկողեմոսը եկան եւ նրան վերցրին:
41. Նիկողեմոսը, որ առաջին անգամ գիշերով Յիսուսի մօտ էր եկել, բերեց մօտ հարիւր լիտր զմուռս՝ հալուէի հետ խառնուած:
42. Վերցրին Յիսուսի մարմինը եւ պատեցին կտաւներով՝ խնկերով հանդերձ, ինչպէս որ հրեաների սովորութիւնն էր՝ պատել:
43. Եւ այն տեղում, ուր նա խաչուեց, պարտեզ կար. եւ այդ պարտեզում մի նոր գերեզման, որի մէջ երբեք որեւէ մէկը չէր դրուած:
44. Եւ քանի որ գերեզմանը մօտ էր, հրեաների ուրբաթի պատճառով, այնտեղ դրեցին Յիսուսի մարմինը:

1. Եւ կիրակի օրը Մարիամ Մագդաղենացին առաւօտեան արշալոյսին գերեզման է գալիս եւ տեսնում է, որ քարը գերեզմանի դնից վերցուած է:
2. Ապա վազում է եւ գալիս Սիմոն Պետրոսի եւ այն միւս աշակերտի մօտ, որին Յիսուս սիրում էր, ու նրանց ասում է. Տիրոջը վերցրել են գերեզմանից, եւ չգիտենք, թէ ո՛րն են դրել նրան:
3. Պետրոսը եւ միւս աշակերտը ելան եւ գերեզման էին գալիս:
4. Երկուսով միասին վազում էին, բայց միւս աշակերտը առաջ անցաւ Պետրոսից եւ անելի շուտ վազեց ու առաջինը գերեզման եկաւ:
5. Եւ կռնալով՝ տեսաւ, որ կտաւները այնտեղ էին, բայց ներս չմտաւ:
6. Եկաւ նաեւ Սիմոն Պետրոսը, որ նրա յետեւից էր գալիս. մտաւ գերեզմանը եւ տեսաւ, որ կտաւները այնտեղ էին,
7. Եւ վարշամակը, որ նրա գլխին էր, միւս կտաւների հետ չէր, այլ առանձին ծալուած՝ մի կողմ էր:
8. Այն ժամանակ մտաւ եւ միւս աշակերտը, որ անելի առաջ էր եկել գերեզման. տեսաւ ու հաւատաց:
9. քանի որ դեռ չէին հասկացել գրուածքը, թէ՛ մեռելներից պետք է յարուբիւն առնի:
10. Աշակերտները, վերադառնալով, գնացին իրենց տեղերը:
11. Բայց Մարիամը կանգնած էր գերեզմանի դուրսը ու լաց էր լինում. եւ մինչ դեռ լաց էր լինում, կռացաւ դէպի գերեզմանը
12. եւ տեսաւ երկու հրեշտակներ՝ սպիտակների մէջ, որոնք նստել էին՝ մէկը՝ սնարին, եւ միւսը՝ ոտքերի մօտ, այնտեղ, ուր Յիսուսի մարմինն էր եղել:
13. Եւ նրան ասացին. Ո՛վ կին, ինչո՞ւ ես լալիս: Նա նրանց ասաց. Որովհետեւ իմ Տիրոջը գերեզմանից վերցրել են, եւ չգիտեմ նրան ուր են դրել:
14. Երբ այս ասաց, դէպի յետեւի կողմը դարձաւ եւ տեսաւ Յիսուսին, որ կանգնած էր. բայց չէր իմանում, թէ Յիսուսն է:
15. Յիսուս նրան ասաց. Ո՛վ կին, ինչո՞ւ ես լալիս, ո՞ւմ ես փնտռում: Նրան այնպէս թուաց, թէ պարտիզպանն է. եւ ասաց նրան. Տէ՛ր, եթէ դու ես նրան վերցրել, ասա՛ ինձ՝ ուր ես դրել նրան, որպէսզի ես նրան վերցնեմ:
16. Յիսուս նրան ասաց՝ Մարիա՛մ: Եւ նա դարձաւ ու եբրայերէն նրան ասաց՝ Ռաբբունի՛ (որ թարգմանւում է՝ վարդապետ):
17. Յիսուս նրան ասաց. Ինձ մի՛ մօտեցիր, քանի որ դեռ Հօրս մօտ չեմ բարձրացել. ուրեմն գնա՛ դու իմ եղբայրների մօտ ու նրանց ասա՛, որ ես բարձրանում եմ դէպի իմ Հայրը եւ ձեր Հայրը, դէպի իմ Աստուածը եւ ձեր Աստուածը:
18. Մարիամ Մագդաղենացին եկաւ ու աշակերտներին պատմեց, թէ ինքը Տիրոջը տեսել է, եւ նա իրեն այս բաներն է ասել:
19. Նոյն կիրակի օրուայ երեկոյեան աշակերտները հաւաքուած էին մի տան մէջ, որի դռները փակուած էին հրեաների վախի պատճառով: Յիսուս եկաւ, կանգնեց նրանց մէջտեղն ու նրանց ասաց. Խաղաղութի՛ւն ձեզ:
20. Այս ասելով՝ նրանց ցոյց տուեց իր ձեռքերը եւ կողը. եւ աշակերտներն ուրախացան, երբ տեսան Տիրոջը:
21. Նա դարձեալ նրանց ասաց. Խաղաղութի՛ւն ձեզ. ինչպէս իմ Հայրն ինձ ուղարկեց, ես էլ ուղարկում եմ ձեզ:
22. Երբ այս ասաց, նրանց վրայ փչեց եւ ասաց. Առէ՛ք Սուրբ Հոգին:
23. Եթէ մէկի մեղքերը ներեք, նրանց ներուած կը լինի. եթէ մէկի մեղքերը չներեք, ներուած չի լինի:
24. Իսկ Թովմասը՝ Տասներկուսից մէկը՝ Երկուորեակ կոչուածը, նրանց հետ չէր, երբ Յիսուս եկաւ:
25. Միւս աշակերտները նրան ասացին, թէ՛ Տիրոջը տեսանք: Եւ նա նրանց ասաց. Եթէ չտեսնեմ նրա ձեռքերի վրայ մեխերի նշանը եւ իմ մատները մեխերի տեղերը չդնեմ ու



իմ ձեռքը նրա կողի մէջ չխրեմ, չեմ հաւատայ:

26. Ուր օր յետոյ աշակերտները դարձեալ ներսում էին. եւ Թովմասը՝ նրանց հետ:

Յիսուս եկաւ փակ դռներով, կանգնեց մէջտեղ ու ասաց՝ խաղաղութի՛ւն ձեզ:

27. Ապա Թովմասին ասաց. Բե՛ր քո մատները եւ դի՛ր այստեղ ու տե՛ս իմ ձեռքերը. եւ բե՛ր քո ձեռքը ու մտցո՛ւ իմ կողի մէջ. անհաւատ մի՛ եղիր, այլ՝ հաւատացեալ:

28. Թովմասը պատասխան տուեց ու նրան ասաց՝ Տե՛ր իմ եւ Աստուա՛ծ իմ:

29. Յիսուս նրան ասաց. Որովհետեւ դու ինձ տեսար, հաւատացիր. երանի՛ նրանց, որոնք չեն տեսել եւ սակայն կը հաւատան:

30. Իր աշակերտների առաջ Յիսուս բազում այլ նշաններ էլ արեց, որոնք այս գրքում գրուած չեն:

31. Այլ այսքանը գրուեց, որ դուք հաւատաք, թէ Յիսուս Քրիստոսն է՝ Աստծու Որդին.

նաեւ՝ որպէսզի հաւատաք ու նրա անունով յաւիտենական կեանքն ընդունեք:

1. Սրանից յետոյ Յիսուս դարձեալ իրեն յայտնեց իր աշակերտներին Տիբերիայի ծովեզերքի մօտ. եւ յայտնեց այսպէս.
2. միասին էին Սիմոն Պետրոսը, Թովմասը՝ Երկուորեակ կոչուածը, Նաթանայէլը, որ Գալիլիայի Կանա քաղաքից էր, Չեբեդէոսի որդիները եւ աշակերտներից ուրիշ երկու հոգի:
3. Սիմոն Պետրոսը նրանց ասաց. Գնում եմ ձուկ որսալու: Նրան ասացին. Մենք էլ ենք գալիս քեզ հետ: Գնացին եւ նաւակը մտան. եւ այդ գիշեր ոչինչ չբռնեցին:
4. Երբ առաւօտ եղաւ, Յիսուս կանգնած էր ծովի եզերքին. բայց աշակերտները չիմացան, որ Յիսուսն է:
5. Յիսուս նրանց ասաց. Տղանե՛ր, ուտելու բան չունե՞ք: Նրան պատասխանեցին՝ ո՛չ:
6. Նրանց ասաց. Ուռկանը զցեցե՛ք նաւակի աջ կողմը եւ կը գտնեք: Գցեցին. եւ ձկների բազմութիւնից չէին կարողանում այն դուրս քաշել:
7. Այն աշակերտը, որին Յիսուս սիրում էր, Պետրոսին ասաց՝ Տէրն է: Երբ Սիմոն Պետրոսը լսեց, թէ Տէրն է, հագուստը վրան զցեց, քանի որ մերկ էր, եւ իրեն նետեց ծովի մէջ:
8. Միւս աշակերտներն էլ նաւակով եկան. եւ քանի որ ցամաքից հեռու չէին, այլ երկու հարիւր կանգունի չափ միայն, քաշում էին ուռկանը ձկներով հանդերձ:
9. Երբ ցամաք ելան, տեսան վառուած ածուխի մի կրակատեղ՝ մի ձուկ նրա վրայ եւ հաց:
10. Յիսուս նրանց ասաց. Բերե՛ք այն ձկներից, որ դուք հիմա որսացիք:
11. Սիմոն Պետրոսը նաւակ մտաւ եւ ցամաք քաշեց ուռկանը, որ լիքն էր հարիւր յիսուներեք մեծ-մեծ ձկներով:
12. Թէեւ այնչափ բան կար, բայց ուռկանը չպատռուեց:
13. Յիսուս նրանց ասաց՝ եկեք ճաշեցե՛ք: Եւ աշակերտներից ոչ ոք չէր համարձակուում հարցնել, թէ՛ դու ո՞վ ես, որովհետեւ գիտէին, որ Տէրն է:
14. Եկաւ Յիսուս, առաւ հացը եւ տուեց նրանց. նոյնպէս եւ ձուկը:
15. Այս երրորդ անգամն էր, որ Յիսուս երեւաց իր աշակերտներին՝ մեռելներից յարութիւն առնելուց յետոյ:
16. Եւ երբ ճաշեցին, Յիսուս Սիմոն Պետրոսին ասաց. Սիմո՛ն, որդի՛ Յովնանի, սիրո՞ւմ ես ինձ աւելի, քան դրանք: Սա ասաց նրան. Այո՛, Տէ՛ր, եւ դու գիտես, որ սիրում եմ քեզ: Նրան ասաց՝ արածացրո՛ւ իմ գառներին:
17. Դարձեալ ասաց նրան. Սիմո՛ն, որդի՛ Յովնանի, սիրո՞ւմ ես ինձ: Նա ասաց նրան. Այո՛, Տէ՛ր, եւ դու գիտես, որ սիրում եմ քեզ: Նրան ասաց՝ արածացրո՛ւ իմ ոչխարներին:
18. Երրորդ անգամ նրան ասաց. Սիմո՛ն, որդի՛ Յովնանի, սիրո՞ւմ ես ինձ: Պետրոսը տխրեց, որ երրորդ անգամ իրեն ասաց, թէ՛ սիրո՞ւմ ես ինձ: Ու նրան պատասխանեց. Տէ՛ր, դու ամէն ինչ գիտես. դու ինքդ ճանաչում ես բոլորին եւ գիտես, թէ սիրում եմ քեզ: Յիսուս նրան ասաց. Արածացրո՛ւ իմ ոչխարներին:
19. Ճշմարիտ, ճշմարիտ եմ ասում քեզ, որ մինչ դու երիտասարդ էիր, ինքդ էիր գօտիդ կապում եւ գնում էիր՝ ուր եւ կամենում էիր. սակայն երբ ծերանաս, ձեռքերդ վեր կը բարձրացնես, եւ ուրիշները քեզ գօտի կը կապեն ու կը տանեն՝ ուր չես կամենայ:
20. Այս ասաց, նշելով, թէ ինչ մահով նա պիտի փառաւորի Աստծուն: Եւ երբ այս ասաց, աւելացրեց՝ արի՛ իմ յետեւից:
21. Պետրոսը դարձաւ եւ տեսաւ, որ այն աշակերտը, ում Յիսուս սիրում էր, գալիս է յետեւից. նա, որ ընկել էր նրա կրծքովն ու ասել. Տէ՛ր, ո՞վ է, որ մատնելու է քեզ:
22. Պետրոսը, նրան տեսնելով, ասաց Յիսուսին. Տէ՛ր, իսկ սա ի՞նչ կը լինի:
23. Յիսուս նրան ասաց. Եթէ ես կամենում եմ, որ դա ապրի, մինչեւ որ ես գամ, այդ քեզ ի՞նչ հոգ, դու արի՛ իմ յետեւից:
24. Եւ այս խօսքը տարածուեց եղբայրների մէջ. եւ կարծեցին, թէ այն աշակերտը չպիտի մեռնի: Բայց Յիսուս նրան չասաց, թէ չպիտի մեռնի, այլ թէ՛ ես կամենում եմ, որ դա

ապրի, մինչեւ որ ես գամ:

25. Այս աշակերտն է, որ վկայում է այս բաների մասին, որ եւ գրեց իսկ դրանք. եւ գիտենք, որ նրա վկայութիւնը ճշմարիտ է:

26. Բայց ուրիշ շատ բաներ էլ կան, որ Յիսուս արեց, որոնք, եթէ մէկը մէկ առ մէկ գրած լինէր, կարծում եմ, թէ աշխարհն իսկ բաւական չէր լինի պարփակելու այդ գրքերը, եթէ դրանք գրուած լինէին:

ԳՈՐԾՔ ԱՌԱՔԵԼՈՅ

## Գլուխ 1

1. Առաջին պատմութիւնը գրի առայ, ո՛վ Թեոփիլէ, այն բոլոր բաների մասին, ինչ Յիսուս սկսեց անել եւ ուսուցանել սկզբից
2. մինչեւ այն օրը, երբ Սուրբ Հոգու միջոցով պատուէր տուեց առաքեալներին, որոնց ինքն ընտրել էր, եւ երկինք վերացաւ:
3. Նա իր չարչարանքներից յետոյ իրեն կենդանի ներկայացրեց նրանց առաջ շատ ապացոյցներով՝ քառասուն օրերի ընթացքում երեւալով նրանց եւ խօսելով Աստծու արքայութեան մասին:
4. եւ մի օր նրանց հետ հաց ուտելիս պատուէր տուեց նրանց, որ Երուսաղէմից չմեկնեն, այլ սպասեն Հօր խոստումին, որը, - ասաց, - լսեցիք ինձնից:
5. որովհետեւ Յովհաննէսը մկրտեց ջրով, բայց դուք այս օրերից ոչ շատ յետոյ պիտի մկրտուէք Սուրբ Հոգով:
6. Նրանք, մօտենալով, հարցրին նրան եւ ասացին. Տէ՛ր, այս ժամանակո՞ւմ է, որ վերահաստատելու ես Իսրայէլի թագաւորութիւնը:
7. Յիսուս նրանց ասաց. Ձեզ տրուած է իմանալ այն ժամերը եւ ժամանակները, որ Հայրը հաստատեց իր իշխանութեան մէջ:
8. այլ, երբ Սուրբ Հոգին իջնի ձեր վրայ, զօրութիւն պիտի առնէք եւ ինձ վկաներ պիտի լինէք Երուսաղէմում, ամբողջ Հրեաստանում ու Սամարիայում եւ մինչեւ երկրի ծայրերը:
9. եւ երբ այս խօսքերն ասաց, մինչ նրանք դեռ նայում էին, երկինք վերացաւ, եւ ամպը նրան ծածկեց նրանց աչքերից:
10. եւ մինչ իրենց աչքերը յառած նայում էին նրա երկինք գնալուն, ահա նրանց երեւացին սպիտակ զգեստների մէջ երկու մարդիկ, որոնք եւ ասացին:
11. Ո՛վ գալիլիացիներ, ինչո՞ւ կանգնած նայում էք երկնքին. այս Յիսուսը, որ ձեր միջից երկինք վերացաւ, պիտի գայ նոյն ձեւով, ինչպէս տեսաք նրա երկինք գնալը:
12. Ապա Երուսաղէմ վերադարձան Ձիթենեաց կոչուող լեռից, որ Երուսաղէմին մօտ է շաբաթ օրն անցնելիք մի ճանապարհի չափ:
13. եւ երբ քաղաք մտան, բարձրացան վերնատունը, որտեղ եւ բնակւում էին Պետրոսն ու Յակոբոսը, Յովհաննէսն ու Անդրէասը, Փիլիպպոսն ու Թովմասը, Բարթողոմէոսն ու Մատթէոսը, Ալփէոսի որդի Յակոբոսն ու Նախանձայոյզ Շմաւոնը եւ Յակոբոսի որդի Յուդան:
14. Սրանք բոլորը, միասիրտ, յարատեւօրէն աղօթքի մէջ էին կանանց եւ Յիսուսի մօր՝ Մարիամի ու նրա եղբայրների հետ:
15. եւ այն օրերին Պետրոսը վեր կացաւ եղբայրների մէջ (եւ այնտեղ հարիւր քսան հոգու չափ հաւատացեալների բազմութիւն կար) եւ ասաց:
16. Ո՛վ եղբայրներ, պէտք է, որ կատարուէր գրուածը, ինչ որ Նախօրօք Սուրբ Հոգին ասել էր Դաւթի բերանով Յուդայի մասին, որ Յիսուսին բռնողներին առաջնորդ եղաւ:
17. որովհետեւ նա մեզ հետ մեր խմբի մէջ էր. եւ նրան էլ վիճակուած էր այս սպասաւորութիւնը:
18. Սա իր անիրաւութեան վարձով մի ազարակ գնեց եւ ուռչելով մէջտեղից պատռուեց, ու նրա ամբողջ փորը դուրս թափուեց:
19. եւ այս բանը յայտնի եղաւ բոլոր նրանց, որոնք Երուսաղէմում են բնակւում, այնպէս որ մինչեւ իսկ այն ազարակը կոչուեց իրենց բարբառով Ակեղդամա, այսինքն՝ Արեան ազարակ:
20. որովհետեւ սաղմոսների գրքում գրուած է. Թող նրա տունը ակերակ լինի, եւ չգտնուի մէկը, որ նրա մէջ բնակուի. եւ՝ Նրա պաշտօնը թող ուրիշն առնի:
21. Արդ, մէկն այս մարդկանցից, որոնք մեզ ուղեկցում էին այն ամբողջ ժամանակ, երբ Յիսուս երկրի վրայ մեզ հետ էր, -
22. սկսած Յովհաննէսի մկրտութիւնից մինչեւ այն օրը, երբ մեր միջից երկինք վերացաւ, - պէտք է, որ նա մեզ հետ վկայ լինի նրա յարութեանը:
23. եւ ներկայացրին երկուսին՝ Յովսէփին, որին Բարսաբա էին կոչում, եւ որ

վերանուանուեց Յուստոս, ու Մատաթիային:

24. Եւ աղօթք անելով՝ ասացին. Տէ՛ր, դու որ գիտես բոլորի սրտերը, ցո՛յց տուր այս երկուսից մէկին, որին ընտրեցիր,

25. որպէսզի առնի վիճակն այն պաշտօնի եւ առաքելութեան, որից Յուդան ընկաւ իր տեղը գնալու համար:

26. Եւ նրանց համար վիճակ գցեցին. վիճակը ելաւ Մատաթիային, եւ սա դասուեց տասնմէկ առաքեալների հետ:

1. Երբ Պենտեկոստի օրերը լրացան, բոլորը միասիրտ, միատեղ էին:
2. Եւ յանկարծակի երկնքից հնչեց մի ձայն՝ սաստիկ հողմից եկած ձայնի նման. եւ լցրեց ամբողջ այն տունը, ուր նստած էին:
3. Եւ նրանց երեւացին բաժանուած լեզուներ, նման բոցեղէն լեզուների, որոնք եւ նստեցին նրանցից իւրաքանչիւրի վրայ:
4. Եւ բոլորը լցուեցին Սուրբ Հոգով ու սկսեցին խօսել ուրիշ լեզուներով, ինչպէս որ Սուրբ Հոգին նրանց խօսել էր տալիս:
5. Եւ կային Երուսաղէմում բնակուող հրեաներ, երկիւղած մարդիկ, եկած երկնքի տակ ապրող բոլոր ազգերից:
6. Եւ երբ այս ձայնը լսուեց, բազմութիւնը հաւաքուեց ու խռնուեց, որովհետեւ լսում էին, որ նրանք խօսում էին իրենցից իւրաքանչիւրի լեզուով:
7. Ամենքը հիանում էին եւ զարմանում. ու միմեանց ասում էին. Չէ՞ որ սրանք բոլորը, որ խօսում են, գալիլիացիներ են.
8. բայց ինչպէ՞ս է, որ մենք նրանց լսում ենք մեր իւրաքանչիւրի բարբառով, որ ծնուած օրից խօսում ենք:
9. Մենք՝ պարթեւներ, մարեր եւ իլամացիներ, եւ նրանք, որ բնակւում են Միջագետքում, Հրեաստանում եւ Գամիրքում, Պոնտոսում եւ Ասիայում,
10. Փռիւզիայում եւ Պամփիլիայում, Եգիպտոսում եւ Կիւրենիայի հարեւան Լիբեայի շրջաններում, եւ Հռոմից եկածներ՝
11. թէ՛ հրեաներ եւ թէ՛ հրեութեան դարձածներ, կրեւացիներ ու արաբներ, - լսում ենք, որ նրանք խօսում են մեր լեզուներով Աստծու մեծագործութիւնների մասին:
12. Բոլորը զարմանում էին եւ միմեանց ասում. Ի՞նչ կարող է լինել սա:
13. Իսկ ուրիշներ, ծաղրելով, ասում էին. Նոր գինուց հարբած են:
14. Պետրոսը, Տասնմէկի հետ վեր կենալով, բարձրացրեց իր ձայնը եւ ասաց. Ո՛վ հրեաստանցիներ եւ դուք ամենքդ, որ Երուսաղէմում եք բնակւում, այս ձեզ յայտնի թող լինի, եւ իմ խօսքերին ակա՛նջ դրեք.
15. սրանք հարբած չեն, ինչպէս դուք եք կարծում, քանի որ դեռ առաւօտեան ժամը ինն է.
16. այլ՝ այս ա՛յն է, որ ասուեց Յովէլ մարգարէի բերանով.
17. Եւ պիտի լինի սրանից յետոյ, վերջին օրերին, - ասում է Աստուած, - որ իմ Հոգուց պիտի թափեմ ամէն մարդու վրայ, եւ ձեր որդիներն ու ձեր դուստրերը պիտի մարգարեանան. ձեր երիտասարդները տեսիլներեւ ձեր ծերերը երազներ պիտի տեսնեն:
18. Եւ իմ ծառաների ու իմ աղախիսների վրայ այն օրերին իմ Հոգուց պիտի թափեմ, եւ նրանք պիտի մարգարեանան:
19. Եւ վերը, երկնքում զարմանալի գործեր պիտի ցոյց տամ, իսկ ներքեւում, երկրի վրայ՝ նշաններ. արիւն եւ հուր եւ ծխի մրրիկ.
20. արեգակը խաւար պիտի դառնայ, եւ լուսինը՝ կարմիր, ինչպէս արիւն, քանի դեռ չի եկել Տիրոջ մեծ ու երեւելի օրը:
21. Եւ պիտի լինի այնպէս, որ ամէն ոք, որ Տիրոջ անունը կանչի, պիտի փրկուի:
22. Ո՛վ իսրայէլացիներ, լսեցէ՛ք այս խօսքերը. Յիսուս Նազովրեցուն՝ այն մարդուն, որին Աստուած ձեզ ներկայացրեց զօրութեամբ, նշաններով ու զարմանալի գործերով, որ Աստուած նրա միջոցով արեց ձեր մէջ, ինչպէս դուք իսկ գիտէք այդ,
23. Աստծու սահմանած խորհրդով եւ կանխագիտութեամբ անօրէնների ձեռքը մատնելով՝ խաչափայտի վրայ գամեցիք եւ սպանեցիք.
24. նրան Աստուած յարութիւն տուեց՝ քանդելով մահուան կապանքները, քանի որ կարելի չէր, որ մահը իշխեր նրան:
25. Ինքը Դաւիթը Յիսուսի մասին ասում է. Նախապէս Տիրոջը ամէն ժամ տեսնում էի իմ առաջ, որովհետեւ նա իմ աջում է, որպէսզի չսասանուեմ.
26. դրա համար իմ սիրտը ուրախ եղաւ, եւ իմ լեզուն ցնծաց, եւ իմ մարմինն էլ պիտի

ապրի յոյսով,

27. որովհետեւ իմ անձը գերեզմանում չես թողնելու եւ ոչ էլ թոյլ ես տալու, որ քո սրբի մարմինը ապականուի:

28. ինձ ցոյց տուիր կեանքի ճանապարհները, քաղցրօրէն լցրեցիր ինձ քո ներկայութեան ուրախութեամբ:

29. Ո՛վ եղբայրներ, պետք է վստահութեամբ ասել Դաւիթ Նահապետի մասին, որ ե՛ւ մեռաւ, ե՛ւ թաղուեց, ու նրա գերեզմանը կայ մեր մէջ մինչեւ այսօր:

30. բայց որովհետեւ Նա մարգարէ էր եւ գիտէր, որ Աստուած նրան երդուելով խոստացաւ նրա որովայնի պտղից մէկին Նստեցնել իր գահի վրայ,

31. ուստի կանխօրօք գիտենալով՝ խօսեց Քրիստոսի յարութեան մասին, թէ՛ նրա անձը գերեզմանում չթողնուեց, եւ ոչ էլ նրա մարմինը ապականութիւն տեսաւ:

32. Այս Յիսուսին է, որ Աստուած յարութիւն տուեց, որին մենք ամէնքս վկայ ենք:

33. Աստծու աջ ձեռքով բարձրանալով, Սուրբ Հոգու խոստումը ընդունելով Հօրից՝ սփռեց այս, որ դուք այժմ տեսնում էք ու լսում:

34. որովհետեւ Դաւիթը, որ երկինք չէր ելել, ինքն իսկ ասում է. Տէրն ասաց իմ Տիրոջը՝ Նստի՛ր իմ աջ կողմը,

35. մինչեւ որ քո թշնամիներին ոտքերիդ տակ իբրեւ պատուանդան դնեմ:

36. Արդ, Իսրայէլի ամբողջ տունը վստահօրէն թող իմանայ, որ Աստուած նրան ե՛ւ Տէր, ե՛ւ Օծեալ արեց, այն Յիսուսին, որին դուք խաչեցիր:

37. Այս լսելով՝ ներկաները զոջացին իրենց սրտերում եւ ասացին Պետրոսին եւ միւս առաքեալներին. Ի՞նչ պիտի անենք, եղբայրներ:

38. Պետրոսը նրանց ասաց. Ապաշխարեցէ՛ք, եւ ձեզանից իւրաքանչիւրը թող մկրտուի Տէր Յիսուս Քրիստոսի անունով՝ մեղքերի թողութեան համար, եւ պիտի ընդունեք Սուրբ Հոգու պարգեւը:

39. որովհետեւ խոստումը ձեզ համար է, ձեր որդիների եւ բոլոր հեռաւորների համար, որոնց կը կանչի մեր Տէր Աստուածը:

40. Եւ Պետրոսը ուրիշ շատ խօսքերով վկայութիւն էր բերում, մխիթարում նրանց ու ասում. Ազատեցէ՛ք ձեր անձերը այս խոտորեալ սերնդից:

41. Ոմանք յօժարութեամբ ընդունելով նրա խօսքը՝ մկրտուեցին. եւ այն օրը նրանք մօտ երեք հազար հոգով ավելացան:

42. Եւ նրանք յարատեւում էին առաքեալների ուսուցման, հաղորդութեան, հացի բեկման ու աղօթքների մէջ:

43. Ամէն մարդու վրայ ընկել էր ահ եւ երկիւղ, եւ առաքեալների ձեռքով բազում նշաններ եւ զարմանալի գործեր էին կատարւում:

44. Հաւատացեալներն ամենքը միասին էին, եւ ինչ որ ունէին, հասարակաց էր:

45. նրանք վաճառում էին իրենց կալուածքներն ու ինչքերը եւ բաժանում էին բոլորին՝ ում ինչ որ պետք լիներ:

46. Ամէն օր, միասիրտ, վաղ գնում էին տաճար, տներում էին հացը կտրում եւ ուրախութեամբ ու սրտի պարգութեամբ էին կերակուր ուտում:

47. Օրինում էին Աստծուն եւ ամբողջ ժողովրդի մէջ յարգանք էին վայելում: Եւ Տէրը օրեցօր փրկուածներին նրանց թուի վրայ ավելացնում էր:



1. Պետրոսը եւ Յովհաննէսը տաճար էին բարձրանում կէսօրից յետոյ ժամը երեքի աղօթքի համար:
2. Եւ մօրից կաղ ծնուած մի մարդ կար, որին միշտ վերցնում էին ու դնում տաճարի այն դռանը, - որ կոչւում էր Գեղեցիկ, - որպէսզի նա տաճար մտնողներից ողորմութիւն խնդրի:
3. Սա տեսնելով Պետրոսին եւ Յովհաննէսին, որոնք տաճար էին մտնում, աղաչում էր, որ ողորմութիւն ստանայ:
4. Պետրոսը նրան նայեց Յովհաննէսի հետ եւ ասաց. Նայի՛ր մեզ:
5. Նա դարձաւ դէպի նրանք եւ ակնկալում էր նրանցից մի բան ստանալ:
6. Եւ Պետրոսն ասաց. Արծաթ եւ ոսկի չունեմ, բայց ինչ որ ունեմ, քեզ կը տամ. յանուն Նազովրեցի Յիսուս Քրիստոսի վե՛ր կաց եւ քայլի՛ր:
7. Եւ բռնելով նրա աջ ձեռքից՝ վեր կացրեց նրան. եւ իսկոյն ամրացան նրա ազդրերն ու սրունքները:
8. Նա վեր ցատկեց եւ սկսեց քայլել ու նրանց հետ տաճար մտաւ. քայլում էր եւ վազվզում ու օրհնում Աստծուն:
9. Եւ ամբողջ ժողովուրդը տեսաւ նրան քայլելիս եւ Աստծուն օրհնելիս:
10. Եւ նրան ճանաչեցին, թէ նա էր, որ նստում էր տաճարի Գեղեցիկ դռան մօտ ողորմութիւն ստանալու համար. եւ եղած նշանի վրայ զարմանքով լցուեցին:
11. Եւ մինչ նա Պետրոսին եւ Յովհաննէսին բաց չէր թողնում, ամբողջ ժողովուրդը, զարմացած, վազեց նրանց մօտ դէպի այն բակը, որ կոչւում էր Սողոմոնի բակ:
12. Երբ Պետրոսն այս բանը տեսաւ, ժողովրդին ասաց. Ո՛վ Իսրայէլացիներ, այս բանի վրայ ինչո՞ւ եք զարմացել կամ ինչո՞ւ ակնապիշ մեզ եք նայում, որպէս թէ մեր անձի զօրութեամբ կամ քաջութեամբ քայլել տուած լինէինք դրան:
13. Աբրահամի Աստուածը, Իսահակի Աստուածը եւ Յակոբի Աստուածը, մեր հայրերի Աստուածը փառաւորեց իր Որդուն՝ Յիսուսին, որին դուք մատնեցիք եւ Պիղատոսի առաջ ուրացաք, երբ նա որոշել էր նրան ազատ արձակել:
14. Եւ դուք Սրբին ու Արդարին ուրացաք ու խնդրեցիք, որ մի մարդասպան շնորհուկ ձեզ.
15. եւ սպանեցիք կեանքի Առաջնորդին, որին Աստուած մեռելներից յարութիւն տուեց. եւ այդ բանին մենք իսկ վկայ ենք:
16. Յիսուսի անուան զօրութիւնը բժշկեց այս մարդուն, որին տեսնում էք եւ ճանաչում, որովհետեւ նրա անուանը հաւատաց: Եւ Յիսուսի միջոցով եղած հաւա՛տն է, որ սրան տուեց այս առողջութիւնը՝ ձեր բոլորի ներկայութեամբ:
17. Եւ արդ, եղբայրնե՛ր, գիտեմ, որ անգիտութեամբ արեցիք դուք, ինչպէս եւ ձեր իշխանաւորները,
18. բայց ինչպէս որ Աստուած նախօրօք յայտնել էր բոլոր մարգարէների բերանով իր Քրիստոսի չարչարուելը, այդպէս էլ կատարեց:
19. Արդ, ապաշխարեցէ՛ք եւ դարձի՛ եկեք ձեր մեղքերը ջնջելու համար,
20. որպէսզի հանգստի ժամանակները գան Տիրոջ ներկայութիւնից, եւ որպէսզի նա ուղարկի Յիսուսին, որ ձեզ համար վաղօրօք սահմանուած է Քրիստոս,
21. որին երկինքը պէտք է ընդունի մինչեւ բոլոր բաների վրայ հաստատուելու ժամանակները, այն բաների, որոնց մասին Աստուած խօսեց իր սուրբ մարգարէների բերանով:
22. Մովսէսը մեր հայրերին ասաց. Ձեր Տէր Աստուածը ձեր եղբայրների միջից ինձ նման մի մարգարէ պիտի հանի ձեզ համար. նրան պիտի լսեք ամէն ինչում, ինչ էլ որ նա ձեզ ասի.
23. եւ ամէն մարդ, որ այդ մարգարէին չլսի, ժողովրդի միջից պիտի բնաջնջուի:
24. Եւ Սամուէլից սկսած՝ բոլոր մարգարէներն էլ, որ խօսեցին, պատմեցին նաեւ այս օրերի մասին:

25. Դուք էք որդիները մարգարէների եւ այն ուխտի, որն ուխտեց Աստուած մեր հայրերի հետ ու ասաց Աբրահամին. Երկրի բոլոր ազգերը քո սերնդով պիտի օրհնուեն:
26. Աստուած նախ ձեզ համար յարուբիւն տուեց իր Որդուն եւ ուղարկեց նրան, որ օրհնի ձեզ՝ իւրաքանչիւրիդ յետ դարձնելու համար ձեր չար գործերից:

1. Եւ մինչ նրանք խօսքն ուղղում էին ժողովրդին, նրանց վրայ հասան քահանաները եւ տաճարի իշխանաւորներն ու սաղուկեցիները,
2. զայրացած, որ նրանք ժողովրդին ուսուցանում էին եւ, յանձին Յիսուսի, մեռելների յարութեան մասին էին պատմում:
3. Նրանց ձերբակալեցին եւ բանտարկեցին մինչեւ յաջորդ օրը, որովհետեւ երեկոյեան դէմ էր:
4. Իսկ խօսքը լսողներից շատերը հաւատացին, եւ հաւատացեալների թիւը հասաւ շուրջ հինգ հազարի:
5. Յաջորդ օրը Երուսաղէմում հաւաքուեցին նրանց իշխանաւորները, երեցներն ու օրէնսգետները,
6. Անա քահանայապետը եւ Կայիափան, Յովհաննէսը, Ալեքսանդրոսը եւ բոլոր նրանք, որ քահանայական ցեղից էին:
7. Եւ առաքեալներին մէջտեղ կանգնեցնելով՝ հարցաքննում էին. Ի՞նչ զօրութեամբ կամ ո՞ւմ անունով արեցիք դուք այդ բժշկութիւնը:
8. Այն ժամանակ Պետրոսը, Սուրբ Հոգով լցուած, ասաց նրանց. Ո՛վ իշխանաւորներ ժողովրդի եւ երեցներ՝ Իսրայէլի,
9. օրինաւոր բան է այսօր դատել մեզ մի տկար մարդու հանդէպ եղած բարիքի համար, թէ ինչո՞վ նա բժշկուեց:
10. Թող յայտնի լինի ձեզ բոլորիդ եւ Իսրայէլի ամբողջ ժողովրդին, որ Նազովրեցի Յիսուս Քրիստոսի անունով, որին դուք խաչեցիք, եւ որին Աստուած մեռելներից յարութիւն տուեց, նրանով ահա սա առողջացած՝ կանգնել է ձեր առաջ:
11. Սա՛ է այն վեմը, ձեզնից՝ շինողներիցդ անարգուած, որ անկիւնաքար եղաւ:
12. Եւ ուրիշ մէկի միջոցով փրկութիւն չկայ, որովհետեւ երկնքի տակ չկայ մարդկանց տրուած այլ անուն, որով կարելի լինի, որ մենք փրկուենք:
13. Պետրոսի եւ Յովհաննէսի համարձակութեանն ի տես եւ վերահասու լինելով, թէ նրանք տգետ եւ անուս մարդիկ են, զարմացան, որովհետեւ ճանաչում էին նրանց, որ Յիսուսի հետ էին.
14. եւ տեսնում էին նաեւ բժշկուած մարդուն, որ կանգնած էր նրանց հետ եւ չէին կարողանում որեւէ պատասխան տալ:
15. Եւ նրանց հրամայելով, որ ատենանից դուրս ելնեն, խորհրդակցեցին միմեանց հետ եւ ասացին.
16. Ի՞նչ պիտի անենք այս մարդկանց, քանի որ նրանց միջոցով աչքի ընկնող նշան կատարուեց. Երուսաղէմի բոլոր բնակիչներին արդէն յայտնի է, եւ մենք չենք կարող ուրանալ:
17. Բայց որպէսզի ժողովրդի մէջ առաւել չտարածուի, սպառնանք նրանց, որ ոչ մի մարդու այդ անունով այլեւս չխօսեն:
18. Եւ նրանց կանչելով՝ պատուիրեցին Յիսուսի անունով ամենեւին չխօսել եւ չուսուցանել:
19. Իսկ Պետրոսն ու Յովհաննէսը պատասխանեցին եւ ասացին նրանց. Եթէ Աստծու առաջ արդար է առաւել ձե՛զ լսել, քան Աստծուն, ինքներդ որոշեցէք:
20. Իսկ մենք չենք կարող չասել, ինչ որ տեսել ենք եւ լսել:
21. Նրանք, սպառնալով, արձակեցին նրանց՝ ոչ մի միջոց չգտնելով, թէ ինչպէ՛ս պատժեն նրանց՝ ժողովրդի պատճառով. որովհետեւ բոլորը փառաւորում էին Աստծուն՝ կատարուած բաների համար,
22. քանի որ այն մարդը, որի վրայ բժշկութեան այս նշանը կատարուեց, աւելի քան քառասուն տարեկան էր:
23. Եւ այնտեղից ազատ արձակուելով՝ առաքեալները եկան իւրայինների մօտ ու պատմեցին, թէ իրենց ինչ բաներ ասացին քահանայապետներն ու երեցները:
24. Եւ նրանք լսելով՝ իրենց ձայնը բարձրացրին առ Աստուած ու ասացին. Դ՛ո՛ւ, ՏԷ՛ր

- Աստուած, որ ստեղծեցիր երկինքն ու երկիրը եւ ծովը եւ այն ամենը, ինչ նրանց մէջ կայ,
25. Սուրբ Հոգու միջոցով մեր հօր՝ Դաւթի՝ քո ծառայի բերանով ասացիր. Ինչո՞ւ խռովուեցին հեթանոսները, եւ ժողովուրդները սին բաների մասին խորհեցին.
26. երկրի թագաւորները իրար մօտ եկան, եւ ժողովրդի իշխանները միասին հաւաքուեցին Տիրոջ եւ նրա Օծեալի դէմ:
27. Արդարեւ, քո սուրբ Որդու՝ Յիսուսի դէմ, որին դու օծեցիր, այս քաղաքում հաւաքուեցին Հերովդէսը եւ Պոնտիոս Պիլատոսը՝ հեթանոսների եւ Իսրայէլի ժողովուրդների հետ,
28. անելու այնչափ, որչափ քո ձեռքը եւ քո կամքը նախապէս սահմանել էին, որ լինի:
29. Եւ արդ, Տէ՛ր, նայի՛ր նրանց սպառնալիքներին եւ քո ծառաներին ամենայն համարձակութեամբ քո խօսքը խօսել տուր.
30. եւ երբ քո ձեռքը մեկնես բժշկութեան համար, նաեւ նշաններ եւ գարմանալի գործեր լինեն քո սուրբ Որդու՝ Յիսուսի անունով:
31. Եւ մինչ նրանք աղօթքի մէջ էին, շարժուեց այն տեղը, ուր նրանք հաւաքուած էին: Ամենքը լցուեցին Սուրբ Հոգով. ու համարձակութեամբ Աստծու խօսքն էին խօսում:
32. Եւ հաւատացեալների բազմութիւնը մէկ սիրտ ու մէկ հոգի էր: Եւ նրանցից ոչ ոք չէր ասում, թէ իր ինչքերը իրենն են, այլ ամէն ինչ նրանց համար հասարակաց էր:
33. Եւ առաքեալները մեծ գօրութեամբ վկայութիւն էին տալիս Տէր Յիսուս Քրիստոսի յարութեան մասին: Ու նրանց բոլորի վրայ մեծամեծ շնորհներ կային:
34. Եւ նրանց մէջ ոչ ոք մի բանի կարօտ չէր, որովհետեւ, ովքեր գիւղերի կամ ապարանքների տէր էին, վաճառում էին դրանք եւ վաճառուածի գումարը բերում
35. ու դնում էին առաքեալների ոտքերի առաջ, եւ նրանք բաշխում էին իւրաքանչիւրին՝ ում ինչքան պէտք էր լինում:
36. Յովսէփը, որ դէւտացի էր, ծագումով՝ կիպրացի, որը առաքեալներից Բառնաբաս կոչուեց (որ թարգմանւում է մխիթարութեան որդի), մի արտ ունէր.
37. նա վաճառեց այն եւ գումարը բերեց դրեց առաքեալների ոտքերի առաջ:

1. Իսկ Անանիա անունով մի մարդ, իր կնոջ՝ Սափիրայի հետ միասին, մի ագարակ վաճառեց
2. եւ նրա գումարից մի մաս կնոջ գիտութեամբ թաքցրեց եւ միւս մասը բերեց դրեց առաքեալների ոտքերի առաջ:
3. Պետրոսն ասաց. Անանիա՛, ինչո՞ւ սատանան լցրեց քո սիրտը, որ դու ստէիր Սուրբ Հոգուն եւ ագարակի գումարից թաքցնէիր.
4. չէ՞ որ քանի կար, քոն էր այն, եւ վաճառելիս՝ քո տնօրինութեան տակ էր. ինչպէ՞ս եղաւ, որ քո սրտի մէջ այս բաները դրեցիր. մարդկանց չստեցիր, այլ՝ Աստծուն:
5. Եւ Անանիան, այս խօսքերը լսելով, ընկաւ եւ շունչը փչեց. եւ մեծ վախ ընկաւ բոլոր նրանց վրայ, որ այս բանը լսեցին:
6. Երիտասարդները ոտքի ելան, պատանքեցին նրան ու տարան թաղեցին:
7. Եւ շուրջ երեք ժամ անցաւ. եւ նրա կինը, որ չգիտեր, թէ ինչ էր եղել, ներս մտաւ:
8. Պետրոսը նրան դիմեց եւ ասաց. Ասա՛ դու ինձ, այդչա՞փ գնով ագարակը վաճառեցիք: Եւ նա ասաց. Այո՛, այդչափ:
9. Եւ Պետրոսը նրան ասաց. Ինչի՞ համար է, որ դուք միաբանեցիք փորձելու համար Տիրոջ Հոգին. ահա այն մարդիկ, որ թաղեցին քո ամուսնուն, դռան մօտ են. քեզ էլ դուրս կը հանեն:
10. Եւ նա իսկոյն ընկաւ նրա ոտքերի առաջ եւ շունչը փչեց: Երիտասարդները ներս մտան եւ նրան մեռած գտան. եւ հանեցին թաղեցին իր ամուսնու մօտ:
11. Եւ մեծ վախ ընկաւ ամբողջ եկեղեցու ու բոլոր նրանց վրայ, որ այս բանը լսեցին:
12. Եւ առաքեալների ձեռքով բազում նշաններ ու զարմանալի գործեր էին լինում ժողովրդի մէջ. եւ բոլորը, միասիրտ, Սողոմոնի սրահի մէջ էին:
13. Ուրիշներից ոչ ոք չէր համարձակուում մօտենալ նրանց, իսկ ժողովուրդը նրանց յարգում էր:
14. Եւ աւելի ու աւելի էին շատանում Տիրոջը հաւատացողները՝ տղամարդկանց եւ կանանց բազմութիւնը.
15. այնքան, որ հիւանդներին հանում էին հրապարակները եւ դնում պատգարակներով ու իրենց մահիճներով, որպէսզի Պետրոսի անցնելու ժամանակ գոնէ նրա ստուերը հասնի նրանցից մէկին:
16. Եւ շրջակայ քաղաքներից բազմութիւնը հաւաքւում էր Երուսաղէմ. բերում էին հիւանդներ եւ պիղծ ոգիներից տանջուածներ, որոնք բոլորն էլ բժշկւում էին:
17. Քահանայապետը եւ բոլոր նրանք, որ նրա հետ էին, սադուկեցիների խումբը, նախանձով լցուեցին առաքեալների դէմ.
18. եւ ելան ձեռք դրեցին առաքեալների վրայ ու նրանց հրապարակաւ բանտ դրին:
19. Ապա Տիրոջ հրեշտակը գիշեր ժամանակ բացեց բանտի դռները եւ նրանց դուրս հանելով՝ ասաց.
20. Գնացե՛ք կանգնեցե՛ք տաճարի մէջ եւ ասացե՛ք ժողովրդին այս կենարար պատգամը:
21. Եւ երբ այս լսեցին, առաւօտեան մտան տաճարը եւ ուսուցանում էին: Եկաւ քահանայապետը, եւ նրանք, որ նրա հետ էին. ի մի հաւաքեցին ատեանը եւ իսրայէլացիների ամբողջ ձեռակոյտը. եւ մարդ ուղարկեցին բանտ՝ առաքեալներին բերելու:
22. Երբ սպասաւորները գնացին, նրանց բանտում չգտան. վերադարձան, պատմեցին ու ասացին.
23. Բանտը ամենայն զգուշութեամբ փակուած գտանք, իսկ պահապաններին՝ դռանը կանգնած. բացեցինք, բայց ներսում ոչ ոքի չգտանք:
24. Երբ տաճարի իշխանաւորները եւ քահանայապետները այս խօսքերը լսեցին, զարմանում էին դրանց վրայ, թէ արդեօք այդ ի՞նչ պէտք է եղած լինի:
25. Եւ մէկը եկաւ նրանց պատմեց. Ահա այն մարդիկ, որոնց դուք բանտն էիք դրել, տաճարում կանգնած՝ ժողովրդին ուսուցանում են:

26. Այն ժամանակ իշխանաւորը, սպասաւորների հետ գնալով, նրանց բերեց առանց բռնութեան, որովհետեւ վախենում էին ժողովրդից, որ չքարկոծունեն:
27. Եւ բերելով նրանց՝ ատեանի առաջ կանգնեցրին: Քահանայապետը հարցաքննեց նրանց
28. Եւ ասաց. Ձեզ խստիւ չպատուիրեցի՞նք միթէ՝ չուսուցանել այն անունով. եւ սակայն ահա հիմա Երուսաղէմը լցրիք ձեր ուսմունքով. եւ այն մարդու արեան պատասխանատուութիւնը ուզում էք մեր վրայ գցել:
29. Պատասխան տուեցին Պետրոսն ու առաքեալները եւ ասացին. Պետք է առաւել Աստծուն հնազանդուել, քան մարդկանց:
30. Մեր հայրերի Աստուածը յարութիւն տուեց Յիսուսին, որին դուք սպանեցիք՝ խաչափայտից կախելով:
31. Աստուած նրան բարձրացրեց իր աջ ձեռքով որպէս առաջնորդ եւ փրկիչ՝ Իսրայէլին տալու համար ապաշխարութիւն եւ մեղքերի թողութիւն:
32. Այս բաների համար նրա վկաները մենք ենք եւ Սուրբ Հոգին, որը Աստուած տուեց իրեն հնազանդողներին:
33. Եւ երբ նրանք այս լսեցին, սաստիկ զայրացան ու խորհուրդ էին անում նրանց սպանել:
34. Մի փարիսեցի, որի անունը Գամաղիէլ էր, օրէնսւսոյց եւ ամբողջ ժողովրդից պատուուած մարդ, ատեանի մէջ ոտքի ելաւ եւ հրամայեց, որ առաքեալներին մի փոքր ժամանակով դուրս հանեն.
35. ապա նրանց ասաց. Ո՛վ իսրայէլացիներ, զգո՛յշ եղէք, թէ այս մարդկանց ի՞նչ պէտք է անէք:
36. Այս օրերից առաջ մէջտեղ ելաւ Թեւդասը, որն իր մասին ասում էր, թէ ինքը երեւելի մէկն է. եւ նրան յարեցին թուով մօտ չորս հարիւր մարդիկ. նա սպանուեց, եւ բոլոր նրանք, որ նրա հետ միաբանել էին, բաժան-բաժան եղան, ու նրանցից ոչինչ չմնաց:
37. Դրանից յետոյ, մարդահամարի օրերին, մէջտեղ ելաւ Յուդա Գալիլիացին եւ շատ ժողովուրդ ապստամբեցրեց իր յետեւից. նա էլ կորաւ. եւ բոլոր նրանք, որ նրա հետ համաձայնել էին, ցիրուցան եղան:
38. Արդ, այժմ ասում եմ ձեզ, հեռո՛ւ մնացէք այդ մարդկանցից եւ բա՛ց թողէք նրանց, որովհետեւ եթէ այդ խորհուրդը կամ այդ գործը մարդկանցից է, կը քանդուի.
39. իսկ եթէ Աստծուց է, չէք կարող դրանք ձախողեցնել. մի գուցէ աստուածամարտ էլ դառնաք:
40. Ժողովականները հաւանութիւն տուեցին նրան եւ առաքեալներին կանչելով, գանահարեցին նրանց ու պատուիրեցին, որ Յիսուսի անունով այլեւս չխօսեն. եւ արձակեցին նրանց:
41. Իսկ նրանք ատեանի առաջից գնացին ուրախանալով, որովհետեւ Տիրոջ անուան համար անարգանքի էին արժանացել:
42. Եւ ամէն օր, տաճարում թէ տներում, չէին դադարում ուսուցանել եւ անետարանել Յիսուս Զրիստոսին:

1. Այն օրերին, երբ աշակերտները բազմացան, յունախօս հրեաները տրտնջացին եբրայախօս հրեաների դեմ, որովհետեւ իրենց այրիները ամենօրեայ նպաստի բաշխման ժամանակ անտեսում էին:
2. Տասներկուսը կանչեցին աշակերտների բազմութիւնն ու ասացին. Մեզ հաճելի չէ թողնել Աստծու խօսքի քարոզութիւնը եւ սեղաններ սպասարկել:
3. Եղբայրներ՝, ընտրեցէ՛ք ձեր միջից բարի համբաւ ունեցող եօթը մարդու, որոնց կը նշանակենք այդ ծառայութիւնների համար.
4. իսկ մենք աղօթքի եւ խօսքի քարոզութեանը նուիրուենք:
5. Այս խօսքը հաճելի թուաց բոլոր հաւատացեալներին. եւ ընտրեցին Ստեփանոսին, որ հաւատով եւ Սուրբ Հոգով լցուած մի մարդ էր, եւ Փիլիպպոսին, Պրոքորոսին, Նիկանորային, Տիմոնային, Պարմենային, Նիկողայոսին, որ անտիոքցի մի նորադարձ էր.
6. նրանց կանգնեցրին առաքեալների առաջ եւ, աղօթք անելով, նրանց վրայ ձեռք դրեցին:
7. Եւ Աստծու խօսքը աճում էր, ու աշակերտների թիւը երուսաղէմում մեծապէս շատանում էր: Եւ քահանաներից շատեր հնազանդւում էին հաւատին:
8. Ստեփանոսը, շնորհներով եւ զօրութեամբ լցուած մի մարդ, ժողովրդի մէջ զարմանալի գործեր եւ մեծամեծ նշաններ էր անում:
9. Ոմանք այն ժողովարանից, որ կոչւում էր լիբիացիների, կիւրենացիների եւ ալեքսանդրիացիների ժողովարան, եւ ոմանք, որ Կիլիկիայից ու Ասիայից էին, Ստեփանոսի հետ վիճելու ելան:
10. Բայց նրանք չէին կարողանում դեմ կանգնել այն իմաստութեանը եւ Հոգուն, որով խօսում էր նա:
11. Այն ժամանակ հրապուրեցին մի քանի մարդկանց, որ ասեն. Լսեցինք դրա հայիոյական խօսքեր ասելը Մովսէսի եւ Աստծու դեմ:
12. Եւ գրգռեցին ժողովրդին, քահանաներին ու օրէնսգէտներին. եւ յարձակուելով Ստեփանոսի վրայ՝ յափշտակեցին նրան ու տարան ատեան:
13. Եւ բերեցին կանգնեցրին սուտ վկաներ, որոնք ասում էին. Այս մարդը չի դադարում հայիոյական խօսքեր ասել այս սուրբ տեղի եւ օրէնքի դեմ.
14. լսեցինք դրա բերանից, որ ասում էր, թէ՝ Յիսուս Նազովրեցին ինքը պիտի քանդի այս տաճարը եւ փոխի այն օրէնքը, որ Մովսէսը մեզ տուեց:
15. Եւ բոլոր նրանք, որ նստած էին ատեանում, նրան նայելով՝ տեսան, որ նրա երեսը հրեշտակի երեսի նման էր:

1. Քահանայապետն ասաց Ստեփանոսին. Իսկապէս դա այդպէ՞ս է:
2. Եւ նա ասաց. Եղբայրե՛ր եւ հայրե՛ր, լսեցէ՛ք ինձ. փառքի Աստուածը երեւաց մեր հօրը՝ Աբրահամին, մինչ նա դեռ Միջագետքում էր, եւ նրան Խառանում դեռ չէր բնակեցրել, ու ասաց նրան.
3. Դո՛ւրս ել քո երկրից եւ քո տոհմից ու արի՛ այն երկիրը, որ քեզ ցոյց կը տամ:
4. Այն ժամանակ Աբրահամը ելնելով քաղղեացիների երկրից՝ բնակուեց Խառանում. եւ նրա հօր մահից յետոյ այնտեղից Աստուած փոխադրեց պանդխտեցրեց նրան այս երկիրը, ուր դուք այժմ բնակուում էք:
5. Այստեղ նրան եւ ոչ մի ժառանգութիւն չտուեց, ոչ իսկ մի ոտնաչափ տեղ, բայց խոստացաւ նրան այս տեղը տալ բնակութեան համար եւ իրենից յետոյ՝ նրա սերնդին, երբ դեռ նա որդի չունէր:
6. Աստուած այսպէս խօսեց. Նրա սերունդը օտար երկրում պանդուխտ պիտի լինի, եւ նրան ծառայ պիտի դարձնեն ու չորս հարիւր տարի պիտի չարչարեն:
7. Եւ այն ազգին, որին նրանք ծառայ պիտի դառնան, ես պիտի դատեմ, - ասում է Աստուած, - եւ սրանից յետոյ պիտի ելնեն ու պիտի պաշտեն ինձ այս տեղում:
8. Եւ նրան թլփատութեան ուխտ տուեց, ու ապա նա ծնեց Իսահակին եւ թլփատեց նրան ուրբերորդ օրը. եւ Իսահակը՝ Յակոբին, Յակոբն էլ՝ տասներկու նահապետներին:
9. Եւ նահապետները, Յովսէփին նախանձելով, նրան վաճառեցին, որ Եգիպտոս տարուի. բայց Աստուած նրա հետ էր
10. ու ազատեց նրան իր բոլոր նեղութիւններից. եւ նրան շնորհներ ու իմաստութիւն տուեց Եգիպտոսի Փարաւոն թագաւորի առաջ. եւ նրան իշխան կարգեց Եգիպտացիներին եւ նրա ամբողջ տան վրայ:
11. Եւ սով եղաւ ամբողջ Եգիպտոսում ու Քանանում. եւ մեծ նեղութիւն կար, եւ մեր հայրերը ուտելիք չէին գտնում:
12. Եւ Յակոբը լսելով, թէ Եգիպտոսում ուտելիք կայ, նախ ուղարկեց մեր հայրերին,
13. իսկ երկրորդ անգամ Յովսէփը իր եղբայրներին ծանօթութիւն տուեց իր մասին, եւ Փարաւոնին յայտնի եղաւ նրա ազգատոհմը:
14. Յովսէփը մարդ ուղարկեց եւ բերել տուեց Յակոբին՝ իր հօրը եւ ամբողջ ազգատոհմին՝ եօթանասունհինգ հոգի:
15. Եւ Յակոբը Եգիպտոս իջաւ, որտեղ եւ վախճանուեցին ինքը եւ մեր հայրերը:
16. Նրանց մարմինները փոխադրուեցին Սիւքեմ եւ դրուեցին այն քարայրի մէջ, որն Աբրահամը արծաթով գնել էր Եմօրի որդիներից՝ Սիւքեմում:
17. Երբ մօտեցաւ աւետեաց ժամանակը, որ Աստուած խոստացել էր Աբրահամին, ժողովուրդը Եգիպտոսում աճեց եւ բազմացաւ,
18. մինչեւ որ Եգիպտոսում ելաւ մի ուրիշ թագաւոր, որ չէր ճանաչում Յովսէփին:
19. Նա հնարքներ բանեցրեց ընդդէմ մեր ազգի եւ չարչարեց մեր հայրերին՝ նրանց զաւակներին ընկեցիկ անել տալով, որ չապրեն:
20. Այդ ժամանակում ծնուեց նաեւ Մովսէսը, որն Աստծու առաջ վայելուչ էր եւ որն իր հօր տանը մեծացաւ երեք ամիս.
21. եւ երբ նրան ընկեցիկ արեցին, Փարաւոնի դուստրը նրան վերցրեց եւ նրան մեծացրեց որպէս իրեն որդեգիր:
22. Մովսէսը Եգիպտացիների ամբողջ իմաստութեամբ կրթուեց եւ զօրաւոր էր իր խօսքերով եւ գործերով:
23. Երբ նրա քառասուն տարին լրացաւ, նրա սրտում ընկաւ իր եղբայրների՝ իսրայէլացիների մէջ շրջելու միտքը:
24. Եւ նա մի անհրաւուած իսրայէլացու տեսնելով՝ զայրացաւ եւ զրկուածի վրէժը լուծեց Եգիպտացուն սպանելով:
25. Մտածում էր, թէ իր եղբայրները կ'իմանան, որ Աստուած իր ձեռքով նրանց փրկութիւն է տալու. բայց նրանք չիմացան:



26. Եւ յաջորդ օրը հանդիպեց երկու իսրայելացիների, երբ նրանք կռիւ էին անում, եւ նրանց ստիպեց խաղաղութիւն անել ու ասաց. Ո՛վ մարդիկ, եղբայրներ եք, ինչո՞ւ եք միմեանց անիրաւում:
27. Իսկ նա, ով անիրաւում էր ընկերոջը, մերժեց նրան ու ասաց. Քեզ ո՞վ իշխան եւ դատաւոր կարգեց մեր վրայ.
28. մի՞թէ ինձ էլ սպանել ես ուզում, ինչպէս որ երեկ սպանեցիր Եգիպտացուն:
29. Եւ այս խօսքերի վրայ, Մովսէսը փախաւ ու պանդուխտ եղաւ Մադիամի երկրում, ուր ծնունդին նրա երկու որդիները:
30. Երբ քառասուն տարիներ անցան, Սինա լեռան անապատում նրան երեւաց Տիրոջ հրեշտակը՝ մի մորենու կրակի բոցերի մէջ:
31. Եւ Մովսէսը այս տեսնելով՝ զարմացաւ տեսիլքի վրայ, ու երբ նա մօտենում էր նայելու, հասաւ Տիրոջ ծայնը.
32. Ես եմ քո հայրերի Աստուածը, Աբրահամի, Իսահակի եւ Յակոբի Աստուածը: Եւ Մովսէսը, զարհուրած, չէր համարձակւում նայել:
33. Եւ Տէրը նրան ասաց. Քո ոտքերի կօշիկները հանի՛ր, որովհետեւ այն տեղը, որի վրայ դու կանգնել ես, սուրբ հող է:
34. Ես աչքովս տեսայ Եգիպտոսում իմ ժողովրդի չարչարանքները, լսեցի նրանց հառաչանքը եւ իջայ նրանց փրկելու: Այժմ արի՛, քեզ պիտի ուղարկեմ Եգիպտոս:
35. Այն Մովսէսին, որին ուրացան եւ ասում էին՝ Ո՞վ քեզ մեր վրայ իշխան եւ դատաւոր կարգեց, նրա՛ն Աստուած որպէս իշխան եւ փրկիչ ուղարկեց հրեշտակի միջոցով, որ երեւաց Մովսէսին մորենու մէջ:
36. Նա՛ դուրս հանեց նրանց՝ նշաններ եւ զարմանալի գործեր անելով Եգիպտացիների երկրում եւ Կարմիր ծովում ու անապատում քառասուն տարիներ:
37. Ա՛յս Մովսէսն է, որ ասաց իսրայելացիներին. Ձեր Տէր Աստուածը ձեր եղբայրների միջից ինձ նման մի մարգարէ պիտի հանի ձեզ համար, նրա՛ն լսեցէք:
38. Ա՛յս Մովսէսն է, որ անապատում հաւաքուած ժողովրդի եւ այն հրեշտակի միջեւ էր, որ Սինա լեռան վրայ խօսեց նրա հետ եւ մեր հայրերի հետ. Նա՛ է, որ կենարար պատգամներ ընդունեց՝ մեզ տալու համար:
39. Մեր հայրերը չուզեցին հնազանդուել նրան, այլ նրան մերժեցին ու իրենց սրտերով դէպի Եգիպտոս դարձան
40. եւ Ահարոնին ասացին. Մեզ համար աստուածներ կերտի՛ր, որ գնան մեր առաջից. որովհետեւ այն Մովսէսը, որ մեզ Եգիպտացիների երկրից հանեց, չգիտենք, թէ ինչ պատահեց նրան:
41. Եւ այդ օրերին մի հորթ ծուլեցին ու կուռքին զոհեր մատուցեցին. եւ իրենց ձեռքի գործերով էին ուրախանում:
42. Ուրեմն, Աստուած էլ երես դարձրեց եւ նրանց մատնեց երկնքի աստղերի պաշտամունքին, ինչպէս որ գրուած էլ է մարգարէների գրքում. Միթէ անապատում քառասուն տարիգոհեր ու պատարագնե՞ր մատուցեցիք ինձ, Իսրայելի՛ տուն.
43. այլ դուք վերցրիք Մողոքի վրանքեւ Հռեմփա աստծու աստղը եւ այն պատկերները, որ քանդակեցիք նրանց երկրպագելու համար. ահա ինչո՞ւ ես ձեզ պիտի փոխադրեմ բաբելացիների երկրի միւս կողմը:
44. Անապատում մեր հայրերի հետ էր վկայութեան խորանը. ինչպէս նա, որ խօսեց Մովսէսի հետ, հրաման տուեց շինել այն ըստ այն օրինակի, որ ինքը տեսել էր:
45. Եւ մեր հայրերն էլ, այն առնելով, բերեցին, երբ Յեսուի հետ գրաւեցին այն ազգերի երկիրը, որոնց Աստուած վտարեց մեր հայրերի առջեւից:
46. Այսպէս էր մինչեւ Դաւթի օրերը, երբ նա Աստծու առաջ շնորհ գտաւ ու խնդրեց, որ Յակոբի Աստծու համար մի բնակարան կառուցի:
47. Իսկ Սողոմոնն էլ նրա համար մի տուն շինեց.
48. սակայն Բարձրեալը բնակւում է ոչ թէ ձեռակերտ տաճարների մէջ, այլ, ինչպէս մարգարէն է ասում.
49. Երկի՛նքն է իմ աթոռը, եւ երկիրը՝ պատուանդանս իմ ոտքերի: Ինչպիսի՞ տուն պիտի

շինէիք ինձ, - ասում է Տէրը, - կամ ինչպիսի՞ տեղ՝ իմ հանգստեան համար.

50. չէ՞ որ իմ ձեռքն է շինել այս բոլորը:

51. Կամակորներ՝, որոնց սիրտն ու ականջները փակ են Աստծու կոչին, դուք միշտ Սուրբ Հոգուն հակառակում էք. ինչպէս որ ձեր հայրերն էին, այնպէս էլ՝ դուք:

52. Ձեր հայրերը մարգարէներից որի՞ն չհալածեցին: Եւ սպանեցին նրանց, որոնք նախօրօք պատմեցին Արդարի գալստեան մասին, որի մատնիչներն ու սպանողները եղաք դուք այժմ,

53. դուք, որ հրեշտակների հրամանների միջոցով օրէնքն ստացաք, բայց այն չպահեցիք:

54. Եւ այս բաները լսելով՝ ժողովականները սրտներում զայրանում էին եւ նրա վրայ ատամներն էին կրճտացնում:

55. Եւ նա լի էր Սուրբ Հոգով. նայեց երկինք ու տեսաւ Աստծու փառքը եւ Յիսուսին, որ կանգնած էր Աստծու աջ կողմը. եւ ասաց. Սիւս տեսնում եմ երկինքը բացուած եւ մարդու Որդուն, որ կանգնած է Աստծու աջ կողմը:

56. Նրանք բարձրաձայն աղաղակելով փակեցին իրենց ականջները եւ բոլորը միասին նետուեցին նրա վրայ:

57. Եւ քաղաքից դուրս հանելով՝ նրան քարկոծեցին. եւ վկաներն իրենց զգեստները դրեցին Սաւուղ անունով մի երիտասարդի ոտքերի առջեւ:

58. Եւ քարկոծում էին Ստեփանոսին, որը աղօթում էր եւ ասում. Տէ՛ր Յիսուս, ընդունի՛ր իմ հոգին:

59. Նա ծնկի եկաւ, բարձր ձայնով աղաղակեց. Տէ՛ր, սա մեղք մի՛ համարիր դրանց: Եւ երբ այս ասաց, մեռաւ: Սօղոսն էլ համաձայն էր նրա սպանութեանը:

1. Եւ այն օրը Երուսաղէմի եկեղեցու դէմ մեծ հալածանք տեղի ունեցաւ. ու բոլորը, բացի առաքեալներէից, ցրուեցին Հրեաստանի եւ Սամարիայի գիւղերը:
2. Եւ աստուածավախ մարդիկ թաղեցին Ստեփանոսին եւ նրա վրայ մեծ ողբ արեցին:
3. Իսկ Սօդոսը եկեղեցուն շատ վնաս էր հասցնում. տնից տուն էր մտնում, դուրս էր քաշում տղամարդկանց եւ կանանց ու մատնում բանտարկութեան:
4. Եւ նրանք, որ ցրուած էին, շրջելով աւետարանում էին խօսքը:
5. Իսկ Փիլիպպոսը, Սամարիա քաղաքն իջնելով, Քրիստոսին էր քարոզում նրանց:
6. Ժողովրդի բազմութիւնը միասիրտ ունկնդրում էր Փիլիպպոսի խօսքերը, երբ լսում եւ տեսնում էր այն նշանները, որ նա անում էր,
7. որովհետեւ շատ դիւահարներից պիղծ ոգիները բարձրաձայն աղաղակելով՝ դուրս էին ելնում:
8. Եւ բազում անդամալոյծներ եւ կաղեր բժշկւում էին.
9. եւ այդ քաղաքում մեծ ուրախութիւն եղաւ: Սիմոն անուկով մի մարդ կար, որ այդ քաղաքում նախապէս մոգութիւն էր անում եւ զարմացնում սամարացի ժողովրդին՝ իր մասին ասելով, թէ ինքը մեծ մէկն է.
10. փոքրից մինչեւ ամենամեծերը նրան էին նայում ու ասում. Սա՛ է Աստծու զօրութիւնը, որ մեծ է կոչւում:
11. Հիացումով էին նայում նրան, որովհետեւ երկար ժամանակ մոգութիւններով իրենց զարմացրել էր:
12. Բայց երբ հաւատացին Փիլիպպոսին, որն Աստծու արքայութեան եւ Յիսուս Քրիստոսի անուան մասին էր աւետարանում, բոլորը՝ տղամարդիկ եւ կանայք, մկրտուեցին:
13. Ինքը Սիմոնը եւս հաւատաց եւ, մկրտուելով, միշտ Փիլիպպոսի հետ էր լինում. ու տեսնելով այն նշանները եւ մեծամեծ զօրութիւնները, որ կատարւում էին, զարմանում էր:
14. Երբ Երուսաղէմում գտնուող առաքեալները լսեցին, թէ Սամարիայում էլ ընդունել են Աստծու խօսքը, նրանց մօտ ուղարկեցին Պետրոսին եւ Յովհաննէսին,
15. որոնք, իջնելով, աղօթում էին նրանց համար, որպէսզի ստանան Սուրբ Հոգին.
16. քանի որ մինչեւ այն ժամանակ նրանցից ոչ մէկի վրայ Սուրբ Հոգին դեռ չէր իջել, այլ միայն մկրտուել էին Տէր Յիսուսի անունով:
17. Այն ժամանակ ձեռքները դրեցին նրանց վրայ, եւ նրանք Սուրբ Հոգին ստացան:
18. Սիմոնը տեսնելով, թէ առաքեալների ձեռք դնելով Սուրբ Հոգին տրւում է, փող տուեց ու ասաց.
19. Ինձ էլ տուէք այս իշխանութիւնը, որպէսզի, ում վրայ որ ձեռքս դնեմ, Սուրբ Հոգին ստանայ:
20. Պետրոսը նրան ասաց. Քո արծաթը թող քեզ հետ կորչի, քանի որ կարծեցիր, թէ Աստծու պարգէւները կարելի է փողով ստանալ.
21. դու այդ բանում մաս ու բաժին չունես, քանի որ քո սիրտը Աստծու առաջ ուղիղ չէ:
22. Դու քո այդ չարութեան համար ապաշխարի՛ր եւ աղաչի՛ր Տիրոջը, թերեւս քո սրտի նենգ խորհուրդները քեզ ներուեն.
23. քանի որ մաղծի դառնութեան եւ անիրաւութեան կապանքների մէջ եմ տեսնում քեզ:
24. Սիմոնը պատասխանեց. Ինձ համար դո՛ւք աղաչեցէք Տիրոջը, որպէսզի այն բոլորից, ինչ դուք ասացիք, իմ վրայ ոչինչ չգայ:
25. Եւ նրանք վկայութիւն տալով՝ խօսեցին Աստծու խօսքը ու վերադարձան Երուսաղէմ: Եւ սամարացիների շատ գիւղերում աւետարանում էին:
26. Տիրոջ հրեշտակը Փիլիպպոսին ասաց. Վե՛ր կաց եւ գնա՛ դու հարաւի կողմը՝ այն ճանապարհով, որ իջնում է Երուսաղէմից Գազա, որ անապատ է:
27. Նա վեր կացաւ ու գնաց: Եւ ահա եթովպացի մի ներքինի, եթովպացիների Կանդակա թագուհու պաշտօնեաներից մէկը, որ նրա բոլոր գանձերի վերակացուն էր ու

Երուսաղէմ երկրպագելու Եր եկել,

28. վերադառնալիս, իր կառքի մէջ նստած, Եսայի մարգարէ Եր ընթերցում:

29. Սուրբ Հոգին Փիլիպպոսին ասաց. Առաջացի՛ր եւ այդ կառքի մօտ գնա:

30. Եւ Փիլիպպոսը առաջ վազելով՝ լսեց, որ նա Եսայի մարգարէ Եր ընթերցում:

31. ու ասաց. Հասկանո՞ւմ ես արդեօք, ինչ որ ընթերցում ես: Իսկ նա ասաց. Ինչպէ՞ս կը կարողանամ հասկանալ, եթէ մէկն ինձ չառաջնորդի: Եւ խնդրեց Փիլիպպոսին, որ բարձրանայ ու իր մօտ նստի:

32. Եւ նրա ընթերցած գրքի հատուածն այս Եր. Մորթուելու տարուեց նա ինչպէս մի ոչխար.Եւ ինչպէս անմռունչ գառն իր բուրդը խուզողի առաջ,այնպէս Էլ նա իր բերանը չի բացում:

33. իր խոնարհութեան պատճառով նրա դատաստանը տեղի չունեցաւ.Եւ նրա ազգատոհմի մասին ո՞վ պիտի պատմի.քանի որ նրա կեանքը երկրից վերացուած է:

34. Ներքինին հարցրեց Փիլիպպոսին. Խնդրում եմ քեզ, մարգարէն ո՞ւմ մասին է ասում այս. ի՞նչ մասին, թէ՞ մէկ ուրիշի:

35. Փիլիպպոսը բացեց իր բերանը եւ այդ գրքից սկսելով՝ Յիսուսին աւետարանեց նրան:

36. Երբ իրենց ճանապարհն էին գնում, հասան մի ջրի մօտ: Եւ ներքինին ասաց. Ահա՛ ջուր, ի՞նչն է ինձ արգելում մկրտուել:

37. Եւ նա ասաց նրան. Եթէ քո ամբողջ սրտով հաւատում ես, կարելի է: Նա պատասխան տուեց ու ասաց. Հաւատում եմ, որ Յիսուս Քրիստոս Աստծու Որդին է:

38. Եւ ներքինին հրամայեց կառքը կանգնեցնել. երկուսով ջուրն իջան. Ե՛ւ Փիլիպպոսը, Ե՛ւ ներքինին: Եւ Փիլիպպոսը մկրտեց նրան:

39. Երբ ջրից դուրս ելան, Սուրբ Հոգին իջաւ ներքինու վրայ. Եւ Տիրոջ հրեշտակը յափշտակեց տարաւ Փիլիպպոսին, ու ներքինին այլեւս նրան չտեսաւ: Եւ իր ճանապարհն Եր գնում ուրախութեամբ:

40. Իսկ Փիլիպպոսը իրեն գտաւ Ագտոսոսում: Եւ, շրջելով, աւետարանում Եր բոլոր քաղաքներին, մինչեւ որ եկաւ Կեսարիա:

1. Սօղոսը դեռ Տիրոջ աշակերտներին սպառնալու եւ նրանց սպանելու կրքով լցուած՝ քահանայապետի մօտ եկաւ
2. եւ նրանից նամակներ խնդրեց, Դամասկոսում ժողովարաններին ուղղուած, որպէսզի, եթէ գտնի այդ ճանապարհին հետեւող որեւէ մէկին, տղամարդ թէ կին, կապուած երուսաղէմ բերի:
3. Եւ նա գնալիս, երբ մօտեցաւ Դամասկոսին, յանկարծակի նրա շուրջը երկնքից մի լոյս փայլատակեց:
4. Եւ երբ գետին ընկաւ, լսեց մի ձայն, որ իրեն ասում էր. Սաւո՛ւղ, Սաւո՛ւղ, ինչո՞ւ ես հալածում ինձ:
5. Եւ նա ասաց. Ո՞վ ես դու, Տէ՛ր: Եւ ձայնն ասաց. Ես Յիսուսն եմ, որին դու հալածում ես:
6. Ոտքի՛ կանգնիր եւ այդ քաղաքը մտի՛ր, ու քեզ կ'ասուի, թէ դու ի՞նչ պետք է անես: Իսկ նրան ուղեկցող մարդիկ անշշունջ կանգնած էին. միայն նրա ձայնն էին լսում, բայց ոչինչ չէին տեսնում:
7. Սօղոսը գետնից վեր կացաւ, սակայն բաց աչքերով իսկ ոչ ոքի չէր տեսնում: Նրա ձեռքից բռնած մտցրին Դամասկոս:
8. Եւ երեք օր այնտեղ էր, բայց չէր տեսնում. ո՛չ կերաւ, ո՛չ էլ խմեց:
9. Դամասկոսում Անանիա անունով մի աշակերտ կար. նրան տեսիլքի մէջ Տէրն ասաց՝ Անանիա՛: Սա ասաց՝ այստեղ եմ, Տէ՛ր:
10. Եւ Տէրը նրան ասաց. Ոտքի՛ կանգնիր ու գնա՛ այն փողոցով, որ Ուղիղ է կոչւում, եւ Յուդայի տանը կը փնտռես Սօղոս անունով Տարսնացուն, որ դեռ աղօթքի մէջ է:
11. Եւ նա տեսիլքի մէջ տեսաւ Անանիա անունով մի մարդու, որ մտաւ եւ ձեռքը դրեց իր վրայ, որպէսզի տեսնի:
12. Անանիան պատասխանեց. Տէ՛ր, շատերից լսեցի այդ մարդու մասին, թէ որքան չարիքներ է արել Երուսաղէմում քո սրբերին.
13. եւ այստեղ էլ քահանայապետներից իշխանութիւն ունի կապանքի տակ պահելու բոլոր նրանց, որ քո անունն են կանչում:
14. Տէրը նրան ասաց. Գնա՛ դու, որովհետեւ նա ինձ համար ընտրեալ անօթ է՝ իմ անունը տանելու հեթանոսների, թագաւորների եւ իսրայելացիների առաջ.
15. քանի որ ես ինքս եմ նրան ցոյց տալու, թէ նա ինչքան պետք է չարչարուի իմ անուան համար:
16. Անանիան գնաց եւ մտաւ այն տունը. ու ձեռքը դնելով նրա վրայ՝ ասաց. Սաւո՛ւղ եղբայր, վե՛ր նայիր. Տէ՛րն ինձ ուղարկեց՝ Յիսուսը, որը քեզ երեւաց այն ճանապարհի վրայ, որով գալիս էիր, որպէսզի տեսնես ու լցուես Սուրբ Հոգով:
17. Եւ իսկոյն նրա աչքերից թեփերի պէս բաներ ցած ընկան. ապա տեսաւ, ոտքի ելաւ ու մկրտուեց:
18. Եւ սնունդ ընդունելով՝ զօրացաւ ու Դամասկոսում մի քանի օր աշակերտների հետ էր:
19. Եւ անմիջապէս ժողովարաններում Յիսուսի՛ն քարոզեց՝ ասելով, թէ նա՛ է Աստծու Որդին:
20. Բոլոր նրանք, որ լսում էին, զարմանում էին ու ասում. Սա չէ՞ր, որ Երուսաղէմում հալածում էր նրանց, ովքեր կանչում էին Քրիստոսի անունը, եւ այստեղ էլ նոյն բանի համար էր եկել, որպէսզի նրանց կապանքի տակ պահած տանի քահանայապետներին:
21. Բայց Սօղոսը առաւել եւս էր զօրանում եւ նեղն էր դնում այն հրեաներին, որոնք Դամասկոսում էին բնակւում, եւ ապացուցում էր, թէ սա՛ է Քրիստոսը:
22. Բազում օրեր անցնելուց յետոյ հրեաները խորհուրդ արեցին նրան սպանելու:
23. Նրանց նենգութիւնը Սօղոսին յայտնի դարձաւ, քանի որ գիշեր-ցերեկ քաղաքի դռները պահում էին, որպէսզի նրան սպանեն:
24. Իսկ աշակերտները գիշերով վերցրին նրան եւ, պարսպից ցած կախելով, վանդակի մէջ դրած իջեցրին:

25. Երբ Սօղոսը Երուսաղէմ եկաւ, փորձում էր աշակերտներին յարել, բայց ամենքը վախենում էին նրանից. չէին հաւատում, թէ իսկապէս աշակերտ էր դարձել:
26. Բայց Բառնաբասը նրան վերցրեց եւ բերեց առաքեալների մօտ ու նրանց պատմեց, թէ ինչպէս ճանապարհին նա տեսել էր Տիրոջը, խօսել էր նրա հետ եւ թէ Դամասկոսում էլ Յիսուսի անունով համարձակ քարոզել:
27. Եւ Սօղոսը աշակերտների հետ էր եւ Երուսաղէմում շրջում էր նրանց հետ ու համարձակ քարոզում Տիրոջ անունով:
28. Խօսում ու վիճում էր յունախօս հրեաների հետ, որոնք հետամտում էին նրան սպանել:
29. Եղբայրները, այս բանն իմանալով, նրան Կեսարիա իջեցրին եւ ուղարկեցին Տարսոն:
30. Սակայն եկեղեցին ամբողջ Հրեաստանում, Սամարիայում ու Գալիլիայում խաղաղութեան մէջ էր եւ, ամրանալով ու ընթանալով Տիրոջ երկիւղով, Սուրբ Հոգու մխիթարութեամբ աճում էր:
31. Եւ պատահեց, որ Պետրոսը, բոլորի մէջ շրջելիս, իջաւ նաեւ այն սրբերի մօտ, որոնք բնակւում էին Լիւդդայում:
32. Եւ այնտեղ գտաւ մի մարդու, որի անունը Ենեա էր, եւ որը ութ տարուց ի վեր անդամալոյծ լինելով՝ մահճի մէջ պառկած էր:
33. Պետրոսը նրան ասաց. Ենեա՛, Տէր Յիսուս Քրիստոսը քեզ բժշկում է, վե՛ր կաց եւ յարդարի՛ր քո անկողինը: Եւ նա իսկոյն վեր կացաւ:
34. Եւ բոլոր նրանք, որ Լիւդդայում եւ Սարոնայում էին ապրում, տեսան նրան եւ իրենք էլ դէպի Տէրը դարձան:
35. Եւ Յոպպէում աշակերտ եղած մի կին կար՝ Տաբիթա անունով, որ թարգմանաբար կոչւում է Այծեմնիկ. սրա կեանքը լի էր բարի գործերով եւ ողորմութիւններով, որ նա կատարում էր:
36. Պատահեց, որ այն օրերին նա հիւանդացաւ ու մեռաւ. նրան լողացրին եւ դրեցին վերնատունը:
37. Եւ Լիւդդան Յոպպէին մօտիկ էր. երբ աշակերտները լսեցին, թէ Պետրոսը այնտեղ է, երկու մարդ ուղարկեցին նրա մօտ՝ աղաչելու, որ անյապաղ իրենց մօտ գայ:
38. Եւ Պետրոսը վեր կացաւ ու եկաւ նրանց հետ: Երբ հասաւ, նրան վերնատուն բարձրացրին: Ու բոլոր այրիները շրջապատեցին նրան. լալիս էին եւ ցոյց տալիս, թէ որքան հագուստներ եւ զգեստներ էր կարել տուել Այծեմնիկը իրենց համար:
39. Պետրոսը բոլորին դուրս հանելով՝ ծնրադրեց, աղօթք արեց եւ, դառնալով մարմնին, ասաց. Տաբիթա՛, յանուն Տէր Յիսուս Քրիստոսի վե՛ր կաց կանգնիր: Եւ նա բացեց իր աչքերը ու Պետրոսին տեսնելով՝ ուղիղ նստեց:
40. Պետրոսը ձեռքը մեկնեց նրան ու վեր կացրեց: Կանչեց սրբերին ու այրիներին. եւ նրանց առաջ կենդանի կանգնեցրեց նրան:
41. Եւ ամբողջ Յոպպէում այս յայտնի դարձաւ, եւ շատերը հաւատացին Տիրոջը:
42. Պետրոսը շատ օրեր մնաց Յոպպէում՝ կաշեգործ ոմն Սիմոնի մօտ:

1. Կեսարիայում Կոռնելիոս անունով մի մարդ կար, մի հարիւրապետ Իտալական կոչուող զնդից.
2. Նա իր ամբողջ ընտանիքով բարեպաշտ եւ աստուածավախ լինելով՝ շատ ողորմութիւններ էր անում ժողովրդի մէջ եւ միշտ Աստծուն աղօթում էր:
3. Կեսորից յետոյ ժամը երեքի մօտ տեսիլքի մէջ նա յայտնապէս տեսաւ Աստծու հրեշտակին, որ մտաւ իր մօտ ու իրեն ասաց՝ Կոռնելիո՛ս:
4. Եւ նա, երբ նրան նայեց, զարհուրեց ու ասաց՝ Ի՞նչ է, Տէ՛ր: Եւ հրեշտակը նրան ասաց. Քո աղօթքներն ու քո ողորմութիւնները, յիշատակուելով, Աստծու առաջ ելան:
5. Եւ արդ, մարդիկ ուղարկի՛ր Յոպպէ եւ կանչի՛ր ոմն Սիմոնի, որ Պետրոս է կոչւում.
6. Նա մնում է կաշեգործ Սիմոնի մօտ, որի տունը ծովին մօտ է:
7. Երբ իր հետ խօսող հրեշտակը գնաց, կանչեց ծառաներից երկուսին եւ իր սպասաւորներից բարեպաշտ մի զինուորի
8. ու նրանց ամեն բան պատմելով՝ Յոպպէ ուղարկեց:
9. Յաջորդ օրը, մինչ նրանք ճանապարհին էին եւ մօտեցել էին քաղաքին, Պետրոսը կեսօրին տանիք բարձրացաւ աղօթելու:
10. Նա քաղց զգաց եւ ուտել էր ուզում: Եւ մինչ ճաշ էին պատրաստում, յափշտակութեան մէջ ընկաւ.
11. եւ տեսնում էր երկինքը բացուած եւ չորս ծայրերից կախուած մի ինչ-որ անօթ, ինչպէս մի մեծ սփռոց, որ իջաւ նստեց երկրի վրայ:
12. Նրա մէջ կային երկրի բոլոր չորքոտանիները, գազանները, սողունները եւ երկնքի թռչունները:
13. Եւ նրան հասաւ մի ձայն. Վե՛ր կաց, Պետրո՛ս, մօրթի՛ր եւ կե՛ր:
14. Եւ Պետրոսն ասաց. Քա՛ւ լիցի, Տէ՛ր, որովհետեւ երբեք պիղծ եւ անմաքուր բան չեմ կերել:
15. Ձայնը նրան կրկին անգամ հասաւ. Ինչ որ Աստուած մաքուր է դարձրել, դու պիղծ մի՛ համարիր:
16. Այս պատահեց երեք անգամ, եւ սփռոցը երկինք վերացաւ:
17. Եւ մինչ Պետրոսը մտքում զարմացած էր, թէ տեսած տեսիլքն ի՞նչ է, ահա Կոռնելիոսի կողմից ուղարկուած մարդիկ հարցրին Սիմոնի տան մասին, կանգնեցին դռանը,
18. ձայն տուեցին ու հարցրին. Սիմոնը, որ Պետրոս է կոչւում, այստե՞ղ է օթեւանել:
19. Եւ մինչ Պետրոսը դեռ մտորում էր տեսիլքի մասին, Հոգին նրան ասաց. Ահաւասիկ ինչ-որ մարդիկ քեզ փնտռում են.
20. ուստի դու վե՛ր կաց, իջի՛ր եւ առանց երկմտելու գնա՛ նրանց հետ, որովհետեւ նրանց ես եմ ուղարկել:
21. Եւ երբ Պետրոսը նրանց մօտ իջաւ, ասաց. Ում փնտռում էք, ահա ես եմ. Ի՞նչ բանի համար էք եկել:
22. Եւ նրանք ասացին. Կոռնելիոս հարիւրապետը՝ մի արդար եւ աստուածավախ մարդ, որ ամբողջ հրեայ ազգի կողմից վկայուած է, սուրբ հրեշտակից հրաման ստացաւ քեզ կանչելու իր տունը եւ քեզնից լսելու, ինչ որ ասելու ես:
23. Նա ներս կանչեց նրանց եւ իր մօտ օթեւան տուեց: Յաջորդ օրը Պետրոսը վեր կացաւ գնաց նրանց հետ. Յոպպէում գտնուող եղբայրներից ոմանք եւս նրա հետ գնացին:
24. Հետեւեալ օրը մտան Կեսարիա: Եւ Կոռնելիոսը նրանց սպասում էր՝ կանչած լինելով իր ազգականներին եւ մտերիմ բարեկամներին:
25. Եւ երբ Պետրոսը ներս մտաւ, Կոռնելիոսը նրան ընդառաջ ելաւ ու նրա ոտքերն ընկնելով երկրպագում էր:
26. Պետրոսը կանգնեցրեց նրան ու ասաց. Ոտքի՛ ելիր, ես ինքս էլ մարդ եմ:
27. Եւ նրա հետ խօսելով՝ ներս մտաւ ու այնտեղ շատերին հաւաքուած գտաւ:

28. Նրանց ասաց. Դուք ինքներդ գիտեք, թե ինչպես կարելի չէ հրեայ մարդու համար օտարազգու հետ շփուել կամ նրան մօտենալ. բայց Աստուած ինձ ցոյց տուեց, որ մարդկանցից ոչ մէկին չպետք է պիղծ կամ անմաքուր համարեմ.
29. դրա համար էլ առանց առարկութեան եկայ, երբ կանչուեցի: Բայց այժմ հարցնում եմ ձեզ՝ ի՞նչ բանի համար ինձ կանչեցիք:
30. Եւ Կոռնելիոսն ասաց. Սրանից չորս օր առաջ, այս ժամին, մինչ ժամը երեքի աղօթքն էի անում իմ տանը, ահա սպիտակ զգեստներով մի մարդ եկաւ կանգնեց իմ առաջ ու ասաց.
31. Կոռնելիո՛ւս, քո աղօթքները լսելի եղան, եւ քո ողորմութիւնները յիշուեցին Աստծու առաջ:
32. Արդ, մարդ ուղարկի՛ր Յոպպէ եւ կանչի՛ր Սիմոնին, որ Պետրոս է կոչւում. նա օթեւանել է կաշեգործ ոմն Սիմոնի տանը, ծովի մօտ: Նա կը գայ եւ կը խօսի քեզ հետ:
33. Եւ ես իսկոյն մարդ ուղարկեցի քեզ մօտ. դու լաւ արեցիր, որ եկար: Այժմ մենք բոլորս կանգնած ենք Աստծու առաջ՝ լսելու այն ամենը, ինչ քեզ հրամայուած է Տիրոջից:
34. Պետրոսը բերանը բացեց եւ ասաց. Ճշմարտութեամբ վերահասու եմ եղել, թէ Աստծու կողմից աչառութիւն չկայ,
35. այլ՝ բոլոր ազգերի մէջ ով երկնչում է նրանից եւ արդարութիւն է գործում, ընդունելի է նրան:
36. Այս խօսքը նա ուղարկեց իսրայէլացիներին՝ աւետելով խաղաղութիւն Յիսուս Քրիստոսի միջոցով. սա է բոլորի Տէրը:
37. Դուք ինքներդ գիտեք այդ խօսքը, որը տարածուեց Գալիլիայից սկսած ամբողջ Հրեաստանում այն մկրտութիւնից յետոյ, որը քարոզեց Յովհաննէսը.
38. գիտեք Յիսուսին, որ Նազարեթից էր, որին Աստուած օծեց Սուրբ Հոգով եւ զօրութեամբ, եւ որը շրջեց բարիք անելով եւ սատանայից բոլոր բռնաւորներին բժշկելով, որովհետեւ Աստուած նրա հետ էր:
39. Եւ մենք վկայում ենք այն բոլորը, որ Հրեաստանում եւ Երուսաղէմում արեց նա, եւ որին սպանեցին՝ խաչափայտից կախելով:
40. Երրորդ օրը Աստուած նրան յարութիւն տուեց եւ թոյլ տուեց, որ նա երեւայ՝
41. ոչ թէ ամբողջ ժողովրդին, այլ մեզ՝ վկաներիս, որ առաջուց Աստծուց ընտրուած էինք եւ որ կերանք ու խմեցինք նրա հետ մեռելներից նրա յարութիւն առնելուց յետոյ:
42. Եւ նա պատուիրեց մեզ քարոզել ժողովրդին եւ վկայութիւն տալ, թէ ի՞նքն է Աստծուց սահմանուած դատաւորը, որ դատելու է կենդանիներին եւ մեռածներին:
43. Բոլոր մարգարէները նրա մասին վկայում են, որ բոլոր նրան հաւատացողները նրա անունով մեղքերի թողութիւն կը ստանան:
44. Եւ մինչ Պետրոսը դեռ այս բաներն էր ասում, Սուրբ Հոգին իջաւ բոլոր նրանց վրայ, ովքեր այս խօսքը լսում էին:
45. Ծագումով հրեայ հաւատացեալները, որոնք Պետրոսի հետ էին եկել, զարմացան, որ հեթանոսների վրայ եւս Սուրբ Հոգու շնորհները հոսում են.
46. որովհետեւ լսում էին, որ նրանք լեզուներ էին խօսում եւ փառաբանում Աստծուն:
47. Այն ժամանակ Պետրոսը պատասխանեց. Ո՞վ կարող է արգելել, որ ջրով մկրտուեն սրանք, որոնք եւս Սուրբ Հոգին ընդունեցին, ինչպես եւ մենք:
48. Եւ հրամայեց նրանց մկրտուել յանուն Յիսուս Քրիստոսի: Այն ժամանակ նրան աղաչեցին, որ մի քանի օր այնտեղ մնայ:



1. Առաքելները եւ Հրեաստանի կողմերում գտնուող եղբայրները լսեցին, որ հեթանոսների մէջ էլ են ընդունել Աստծու խօսքը:
2. Բայց երբ Պետրոսը Երուսաղէմ ելաւ, հրեութիւնից դարձած հաւատացեալները մեղադրում էին նրան եւ ասում.
3. Չթլփատուած մարդկանց մօտ մտաւ եւ նրանց հետ կերաւ:
4. Եւ Պետրոսն սկսեց հերթով պատմել նրանց ու ասաց.
5. Ես Յոպպէ քաղաքում աղօթում էի եւ յափշտակութեան մէջ մի տեսիլք տեսայ. իջնում էր մի անօթ, մեծ սփռոցի նման, չորս ծայրերից երկնքից կախուած, որ հասաւ մինչեւ ինձ մօտ:
6. Մինչ ակնապիշ նայում էի դրան, տեսայ երկրի չորքոտանիները, գազանները, սողունները եւ երկնքի թռչունները:
7. Եւ լսեցի մի ձայն, որ ինձ ասում էր. Վե՛ր կաց, Պետրո՛ս, մորթի՛ր եւ կե՛ր:
8. Բայց ես ասացի. Քա՛ւ լիցի, Տե՛ր, որովհետեւ երբեք իմ բերանը պիղծ եւ անմաքուր բան չի մտել:
9. Երկրորդ անգամ երկնքից ձայնն ինձ պատասխանեց. Ինչ որ Աստուած մաքուր է դարձրել, դու այն պիղծ մի՛ համարիր:
10. Այս պատահեց երեք անգամ, եւ վերստին ամեն ինչ երկինք վերացաւ:
11. Եւ ահա այն պահին երեք մարդ, որ Կեսարիայից ինձ մօտ էին ուղարկուած, եկան եւ կանգնեցին այն տան առաջ, ուր ես գտնուում էի:
12. Եւ Հոգին ինձ ասաց, որ գնամ նրանց հետ առանց երկմտելու: Ինձ հետ եկան նաեւ այս վեց եղբայրները, եւ մենք մտանք այն մարդու տունը:
13. Եւ նա մեզ պատմեց, թէ ինչպէս իր տանը տեսել է հրեշտակին, որ իրեն ասել է. Յոպպէ մարդ ուղարկի՛ր եւ Պետրոս կոչուած Սիմոնին կանչի՛ր,
14. որ քեզ պիտի ասի խօսքեր, որոնցով պիտի փրկուես դու, նաեւ՝ քո ամբողջ տունը:
15. Եւ երբ սկսեցի խօսել, Սուրբ Հոգին իջաւ նրանց վրայ, ինչպէս որ իջել էր մեր վրայ սկզբում:
16. Յիշեցի Տիրոջ խօսքը, որ ասում էր. Յովհաննէսը մկրտեց ջրով, բայց դուք կը մկրտուէք Սուրբ Հոգով:
17. Արդ, եթէ Աստուած միեւնոյն պարգեւը նրանց եւս տուել է, ինչպէս եւ մեզ, երբ Տէր Յիսուս Քրիստոսին հաւատացինք, ես ինչպէ՞ս կարող էի Աստծուն արգելք լինել:
18. Այս բանը լսելով՝ լռեցին եւ փառաւորում էին Աստծուն ու ասում. Ուրեմն Աստուած հեթանոսներին եւս դէպի կեանք տանող ապաշխարութիւն տուեց:
19. Ստեփանոսի դէմ կատարուած հալածանքի պատճառով ցրուածները հասան մինչեւ Փիւնիկէ, մինչեւ Կիպրոս ու Անտիոք. նրանք ոչ ոքի չէին քարոզում խօսքը, այլ՝ միայն հրեաներին:
20. Եւ նրանց միջից որոշ մարդիկ՝ կիպրացիներ եւ կիւրենացիներ, Անտիոք մտնելով, յոյներին էին դիմում՝ աւետարանելով Տէր Յիսուսին:
21. Եւ Տիրոջ զօրութիւնը նրանց հետ էր: Հաւատացեալների մի բազմութիւն դէպի Տէրը դարձաւ:
22. Նրանց մասին այս լուրը հասաւ Երուսաղէմի եկեղեցուն: Եւ Բառնաբասին ուղարկեցին մինչեւ Անտիոք:
23. Երբ սա եկաւ եւ տեսաւ Աստծու շնորհները, ուրախացաւ եւ յորդորում էր բոլորին, որպէսզի նրանք յօժար սրտով յարած մնան Տիրոջը.
24. ըստ որում նա բարի, Սուրբ Հոգով եւ հաւատով լցուած մարդ էր. Եւ Տիրոջը յարածների վրայ բազում ժողովուրդ աւելացաւ:
25. Ապա Բառնաբասը ելաւ գնաց Տարսոն՝ Սոդոսին փնտռելու եւ, նրան գտնելով, բերեց Անտիոք:
26. Ու նրանք երկուսով մի ամբողջ տարի հաւաքւում էին եկեղեցու մէջ եւ ուսուցանում էին շատ շատերին: Եւ առաջին անգամ Անտիոքում էր, որ աշակերտածներին

քրիստոնեաներ անուանեցին:

27. Այն օրերին Երուսաղեմից մարգարէներ իջան Անտիոք:

28. Նրանցից մէկը, որի անունը Ագաբոս էր, վեր կենալով, Հոգու միջոցով կանխանշեց, որ ամբողջ աշխարհում մեծ սով է լինելու, որը եւ եղաւ Կղոդէոս կայսեր օրով:

29. Եւ Անտիոքի աշակերտները որոշեցին, որ աշակերտների կողմից, այնքան, որքան Նրանցից իւրաքանչիւրը կարող էր, նպաստ ուղարկեն Հրեաստանում բնակուող եղբայրների համար,

30. ինչ որ արդարեւ արեցին՝ Բառնաբասի եւ Սօդոսի ձեռքով ուղարկելով եկեղեցու երեցներին:

1. Այդ ժամանակներում Հերովդես թագաւորը ձեռնարկեց եկեղեցուց ոմանց չարչարելու գործին
2. Եւ Յովհաննէսի եղբօրը՝ Յակոբոսին, սրով սպանեց:
3. Երբ տեսաւ, որ այդ հաճելի է հրեաներին, աւելի առաջ գնաց եւ Պետրոսին էլ բռնեց: Բաղարջակերաց օրերն էին.
4. Երբ նրան բռնեց, բանտ դրեց եւ իւրաքանչիւրը չորս զինուորից բաղկացած չորս խմբի յանձնեց, որ նրան պահեն. եւ ուզում էր զատկից յետոյ նրան դուրս հանել՝ դատելու ժողովրդի առջեւ:
5. Պետրոսը բանտում մնում էր հսկողութեան ներքոյ. իսկ եկեղեցում նրա համար անդադար աղօթքներ էին արւում առ Աստուած:
6. Եւ երբ Հերովդէսն ուզեց նրան դուրս բերել, այն գիշեր Պետրոսը, կրկնակի շղթաներով կապուած, երկու զինուորների միջեւ քնած էր. իսկ պահապանները դռան առաջ բանտը պահպանում էին:
7. Եւ ահա Տիրոջ հրեշտակը եկաւ, կանգնեց մօտը, ու մի լոյս ծագեց այդ տեղի վրայ: Ապա բոթեց Պետրոսի կողերը, նրան վեր կացրեց՝ ասելով. Իսկոյն վե՛ր կաց: Եւ շղթաներն ընկան նրա ձեռքից:
8. Եւ հրեշտակը նրան ասաց. Գօտիդ կապի՛ր եւ հողաթափները ոտքերդ գցի՛ր: Եւ նա այնպէս արեց: Ապա նրան ասաց. Չգեստներդ վրադ գցի՛ր եւ արի՛ իմ յետեւից:
9. Եւ նա ելնելով գնում էր նրա յետեւից ու չէր իմանում, թէ հրեշտակի միջոցով պատահածը իրական է, որովհետեւ կարծում էր, թէ տեսիլք է տեսնում:
10. Եւ երբ նրանք անցան առաջին պահականոցից եւ ապա երկրորդից, եկան մինչեւ երկաթեայ դուռը, որը հանում էր քաղաք: Դուռը իրեն-իրեն բացուեց նրանց առջեւ. եւ, մի փողոց մտնելով, անցան նրա միջով. ապա հրեշտակը իսկոյն նրանից հեռացաւ:
11. Երբ Պետրոսը ուշքի եկաւ, ասաց. Այժմ ճշմարտապէս գիտեմ, որ Տէրն ուղարկեց իր հրեշտակին եւ ինձ փրկեց Հերովդէսի ձեռքից եւ հրեայ ժողովրդի ամէն ակնկալութիւնից:
12. Եւ ուշքի եկած լինելով՝ եկաւ Մարիամի՝ Մարկոս կոչուած Յովհաննէսի մօր տունը. այնտեղ հաւաքուել էին շատերն ու աղօթք էին անում:
13. Տան դուռը բախելիս՝ Ռոդէ անունով մի աղախին մօտեցաւ եւ ականջ էր դնում:
14. Եւ ճանաչելով Պետրոսի ձայնը՝ ուրախութիւնից դուռը չբացեց, այլ ներս վազելով պատմեց, թէ Պետրոսը դռանը կանգնած է:
15. Նրանք ասացին նրան՝ գժուել ես: Իսկ աղախինը առաւել եւս պնդում էր, թէ այդպէս է: Ապա նրանք ասացին՝ նրա հրեշտակն է:
16. Իսկ Պետրոսը շարունակում էր թակել դուռը: Երբ բացեցին, տեսան նրան ու զարմացան:
17. Եւ նա ձեռքով նրանց նշան էր անում, որ լռեն. եւ պատմեց, թէ ինչպէս Տէրը իրեն հանեց բանտից: Ապա ասաց. Այս բաները պատմեցե՛ք Յակոբոսին եւ եղբայրներին: Եւ ինքը ելաւ գնաց այլ տեղ:
18. Եւ երբ առաւօտ եղաւ, զինուորների մէջ մեծ խռովութիւն ընկաւ, թէ արդեօք Պետրոսն ի՞նչ եղաւ:
19. Իսկ Հերովդէսը, երբ նրան փնտռեց ու չգտաւ, պահակներին հարցաքննելուց յետոյ հրամայեց սպանել նրանց: Ապա Պետրոսը Հրեաստանից Կեսարիա իջաւ ու այնտեղ էր մնում:
20. Եւ Հերովդէսը ցասումով էր լցուած տիւրոսցիների եւ սիդոնացիների դէմ: Նրանք միաբանուած՝ եկան նրա մօտ եւ համոզելով Բղաստոսին՝ թագաւորի սենեկապետին, խաղաղութիւն խնդրեցին, քանի որ իրենց երկիրը նրա երկրից էր կերակրւում:
21. Եւ որոշուած օրը Հերովդէսը թագաւորական զգեստ էր հագել եւ ատեան էր նստել ու հրապարակաւ խօսում էր նրանց հետ:
22. Իսկ ամբոխը աղաղակում էր. Աստուած է, որ խօսում է եւ ոչ թէ մարդ:
23. Եւ անմիջապէս հրեշտակը հարուածեց նրան, որովհետեւ Աստծուն փառք չտուեց. եւ

որդերի կեր դառնալով՝ մեռաւ:

24. Իսկ Աստծու խօսքը աճում ու բազմանում էր:

25. Բառնաբասն ու Սօղոսը, երբ իրենց պաշտօնը կատարեցին, Երուսաղէմից վերադարձան: Իրենց հետ վերցրել էին նաեւ Յովհաննէսին, որ Մարկոս էր կոչւում:

1. Անտիոքում գտնուող եկեղեցում կային մի քանի մարգարէներ եւ ուսուցիչներ՝ Բառնաբասը եւ Շմաւոնը, որ կոչւում էր Նիւգեր, Ղուկիոս Կիւրենացին, Մանայենը, որ Հերովդէս չորրորդապետի դայեկորդին էր, եւ Սողոսը:
2. Մինչ նրանք Տիրոջ պաշտամունքի մէջ էին եւ ծով էին պահում, Սուրբ Հոգին ասաց նրանց. Բառնաբասին եւ Սողոսին առանձնացրէ՛ք ինձ համար, որ անեն այն գործը, որին ես դրանց կոչել եմ:
3. Այն ժամանակ ծով պահելով եւ աղօթելով՝ ձեռք դրեցին նրանց վրայ եւ ուղարկեցին:
4. Ուստի նրանք, Սուրբ Հոգուց ուղարկուած, իջան Սելեւկիա ու այնտեղից նաւարկեցին դէպի Կիպրոս:
5. Եւ Սալամինա հասնելով՝ հրեաների ժողովարաններում Աստծու խօսքն էին քարոզում: Որպէս օգնական ունէին նաեւ Յովհաննէսին:
6. Շրջելով ամբողջ կղզին մինչեւ Պափոս՝ այնտեղ գտան մի ոմն մոգի, որ մի հրեայ սուտ մարգարէ էր, եւ որի անունը Բարեյեսու էր.
7. սա բղէշխի փոխանորդ Սերգէոս Պողոսի հետ էր ապրում, որը մի իմաստուն մարդ էր: Սերգէոսը աղաչելով Բառնաբասին եւ Սողոսին, ուզում էր լսել Աստծու խօսքը:
8. Բայց նրանց դեմ դուրս եկաւ Եղիմաս մոգը (որովհետեւ նրա անունը այսպէս է թարգմանւում) եւ ուզում էր բղէշխի փոխանորդին հաւատից շեղել:
9. Իսկ Սողոսը, որը եւ Պողոսն է, Սուրբ Հոգով լցուած, նայեց նրան ու ասաց.
10. Ո՛վ դու, որ լի ես ամէն նենգութեամբ ու խորամանկութեամբ, որդի՛ սատանայի, թշնամի՛ ամէն արդարութեան: Տիրոջ ուղիղ ճանապարհները շեղելուց չե՞ս դադարի:
11. Եւ արդ, ահա Տիրոջ ձեռքը քեզ վրայ է. եւ կոյր կը լինես, որ միառժամանակ արեւ չտեսնես: Եւ անմիջապէս նրա վրայ մեզ ու խաւար իջաւ. եւ խարխափելով՝ առաջնորդողներ էր փնտռում:
12. Այն ժամանակ բղէշխի փոխանորդը, պատահածները տեսնելով, հաւատաց՝ զարմանալով Տիրոջ վարդապետութեան վրայ:
13. Պափոսից խարխսխ վերցնելով՝ Պողոսը եւ իր հետ եղողները եկան Պամփիլիայի Պերգէ քաղաքը: Յովհաննէսը, նրանցից բաժանուելով, Երուսաղէմ վերադարձաւ, իսկ նրանք, առաջ գնալով,
14. Պերգէից եկան Պիսիդեան Անտիոք քաղաքը. եւ շաբաթ օրը, ժողովարան մտնելով, նստեցին:
15. Եւ Օրէնքի ու մարգարէների ընթերցումից յետոյ, ժողովարանի պետերը նրանց մօտ մէկին ուղարկեցին ու ասացին. Եղբայրներ՛, եթէ ունեք մխիթարանքի խօսքեր ժողովրդին, խօսեցէ՛ք:
16. Պողոսը ոտքի կանգնեց, ձեռքը շարժեց ու ասաց. Ո՛վ իսրայէլացիներ, եւ դո՛ւք, որ Աստծուց երկնչում եք, լսեցէ՛ք.
17. Իսրայէլի այս ժողովրդի Աստուածը ընտրեց մեր հայրերին եւ Եգիպտացիների երկրում, պանդխտութեան ժամանակ, ժողովրդին բարձրացրեց եւ հզօր բազուկով նրանց այնտեղից հանեց:
18. Եւ շուրջ քառասուն տարի ժամանակով անապատում նրանց կերակրեց:
19. Եւ Քանանու երկրում եօթը ազգեր խորտակելով՝ նրանց հողը որպէս ժառանգութիւն տուեց նրանց:
20. Եւ դրանից յետոյ շուրջ չորս հարիւր յիսուն տարի նրանց տուեց դատաւորներ՝ մինչեւ Սամուէլ մարգարէն:
21. Եւ այնուհետեւ թագաւոր խնդրեցին. ու Աստուած թագաւոր տուեց նրանց Բենիամինի ցեղից Կիսի որդուն՝ Սաուլին, քառասուն տարի:
22. Եւ երբ նրան փոխեց, նրանց համար մեջտեղ բերեց Դաւթին որպէս թագաւոր, որի մասին եւ վկայելով՝ ասաց. Գտայ Յեսսէի որդի Դաւթին՝ իմ սրտով մի մարդու, որը պիտի կատարի իմ ամբողջ կամքը:
23. Աստուած, ըստ իր խոստման, սրա սերնդից յարուցեց Իսրայէլի համար մի փրկչի՝

Յիսուսին:

24. Նրա գալստից առաջ, նրա առջեւից գնացողը՝ Յովհաննէսը, Իսրայէլի ամբողջ ժողովրդին քարոզել էր ապաշխարել եւ մկրտուել:

25. Եւ երբ Յովհաննէսը իր գործունէութեան ընթացքն աւարտեց, ասաց. Իմ մասին ի՞նչ էք կարծում, ո՞վ եմ. ես Քրիստոսը չեմ, այլ ահա իմ յետեւից գալիս է նա, որի ոտքերի կօշիկներն արձակելու արժանի չեմ:

26. Եղբայրներ՛ր, Աբրահամի տոհմի որդիներ՛ր եւ ձեր մէջ նրանք, որ Աստծուց երկնչում են, ձե՛զ ուղարկուեց փրկութեան այս խօսքը.

27. Բայց Երուսաղէմում բնակուողները եւ նրանց իշխանաւորները չճանաչեցին Յիսուսին եւ նրան դատապարտելով՝ կատարեցին մարգարէների խօսքը, որ ամէն շաբաթ ընթերցում էին:

28. Եւ մահուան արժանի ոչ մի յանցանք չգտնելով՝ Պիղատոսին խնդրեցին սպանել նրան:

29. Եւ երբ կատարեցին այն ամէնը, ինչ նրա մասին գրուած էր, խաչափայտից իջեցնելով նրան՝ գերեզման դրեցին:

30. Բայց Աստուած մեռելներից յարութիւն տուեց նրան, որ բազում օրեր երեւաց նրանց,

31. որոնք նրա հետ Գալիլիայից Երուսաղէմ էին բարձրացել եւ որոնք այժմ իսկ ժողովրդի առաջ նրա վկաներն են:

32. Եւ մենք ձեզ աւետարանում ենք այն խոստումը, որ արուած էր մեր հայրերին,

33. եւ Աստուած նոյնը կատարեց մեզ՝ նրանց որդիների համար՝ յարութիւն տալով Յիսուսին, ինչպէս գրուած է երկրորդ սաղմոսում. Դու իմ Որդին ես, եւ ես այսօր ծնեցի քեզ:

34. Եւ որ նրան յարութիւն տուեց մեռելներից ու այլեւս ապականութեան չի դառնալու, այդ մասին այսպէս է ասում. Ձեզ պիտի տամ Դաւթին խոստացուած վստահելի սրբութիւնները:

35. Ուստի եւ մի ուրիշ տեղ էլ ասում է. Քո Սրբին ապականութիւն տեսնել չես տայ:

36. Սակայն Դաւիթը իր սերնդի ժամանակ ծառայեց եւ Աստծու կամքով վախճանուեց ու աւելացաւ իր հայրերի վրայ, եւ նրա մարմինը ապականութիւն տեսաւ:

37. Բայց Յիսուս, որին Աստուած յարութիւն տուեց, ապականութիւն չտեսաւ:

38. Եղբայրներ՛ր, թող ձեզ յայտնի լինի, որ նրանով է ձեզ համար մեղքերի թողութիւն աւետարանում.

39. եւ այն ամենից, որոնցից չկարողացաք Մովսէսի օրէնքով արդարանալ, նրանով կ'արդարանայ, ով հաւատում է:

40. Չգո՛յշ կացեք, գուցէ ձեր գլխին գայ այն, ինչ ասուած է մարգարէների գրուածքներում.

41. Տեսե՛ք, արհամարհողներ՛ր, եւ զարմացե՛ք ու չքուեցե՛ք. որովհետեւ ես ձեր օրերում մի գործ եմ կատարելու, այնպիսի մի գործ, որին չպիտի հաւատաք, եթէ մէկը ձեզ պատմի այն:

42. Եւ երբ Բառնաբասն ու Պօղոսը այնտեղից ելան, աղաչում էին, որ միւս շաբաթ էլ նոյն բաներն ասեն իրենց:

43. Եւ երբ ժողովուրդը ցրուեց, հրեաներից եւ հրեութեան դարձած աստուածապաշտներից շատերը գնում էին Պօղոսի եւ Բառնաբասի յետեւից, որոնք խօսում էին նրանց հետ ու համոզում նրանց, որ շարունակեն մնալ Աստծու շնորհի մէջ:

44. Եւ երբ յաջորդ շաբաթ օրը եկաւ, գրեթէ ամբողջ քաղաքը հաւաքուեց Աստծու խօսքը լսելու:

45. Երբ հրեաները այդ բազմութիւնը տեսան, նախանձով լցուեցին եւ, Պօղոսի ասածներին ընդդիմախօսելով, հայիոյում էին:

46. Իսկ Պօղոսն ու Բառնաբասը համարձակ կերպով ասում էին. Նախ ձեզ պետք է Աստծու խօսքը խօսէինք. բայց քանի որ դուք այն մերժում էք եւ ձեզ արժանի չէք համարում յաւիտենական կեանքի, ահա մենք դառնում ենք դէպի հեթանոսները.

47. որովհետեւ Տէրը մեզ այսպէս պատուիրեց. Զեզ դրեցի որպէս հեթանոսների

լոյս,որպէսզի դու փրկու՞թեան միջոց լինես մինչեւ երկրի ծագերը:

48. Այս բանը լսելով՝ հեթանոսները ուրախացան եւ փառաւորում էին Տիրոջ խօսքը. եւ ովքեր սահմանուած էին յաւիտենական կեանքի համար, հաւատացին:

49. Եւ Աստծու խօսքը ամբողջ գաւառում տարածւում էր:

50. Բայց հրեաները աստուածապաշտ եւ երեւելի կանանց ու քաղաքի գլխաւորներին գրգռեցին եւ, Պօղոսի ու Բառնաբասի դէմ հալածանք յարուցելով, իրենց սահմաններից նրանց դուրս հանեցին:

51. Իսկ նրանք, իրենց ոտքերի փոշին նրանց վրայ թափ տալով, եկան Իկոնիոն:

52. Եւ աշակերտները լցուեցին ուրախութեամբ եւ Սուրբ Հոգով:

1. Իկոնիոնում Պողոսն ու Բառնաբասը միասին էին մտնում հրեաների ժողովարանը եւ նոյն ձեւով խօսում, այնպէս որ թէ՛ հրեաների եւ թէ՛ հեթանոսների մի մեծ բազմութիւն հաւատաց:
2. Բայց չհաւատացող հրեաները հեթանոսների մտքերը եւս չարացրին եղբայրների դէմ:
3. Նրանք երկար ժամանակ շրջում էին եւ համարձակ խօսում. եւ Տէրը վկայում էր իր շնորհի խօսքի մասին՝ թոյլ տալով, որ նրանց ձեռքով նշաններ եւ զարմանալի գործեր լինեն:
4. Եւ քաղաքի բազմութեան մէջ պառակտում առաջ եկաւ. ոմանք հրեաների կողմն էին, եւ ոմանք՝ առաքեալների:
5. Երբ հեթանոսներն ու հրեաները իրենց իշխանաւորներով միասին նրանց անարգելու եւ քարկոծելու դիմեցին,
6. նրանց լուր տրուեց, եւ փախան լիկայոնացիների Լիւստրա եւ Դերբէ քաղաքներն ու շրջակայ գաւառը եւ այնտեղ էին աւետարանում:
7. Եւ Լիւստրայում մի մարդ կար՝ Նատած, ոտքից տկար, ի ծնէ կաղ, որը երբեք չէր քայլել:
8. Սա լսեց Պողոսի խօսքերը, որը, նրան նայելով եւ տեսնելով, թէ փրկութեան հաւատ ունի,
9. բարձրաձայն ասաց. Մեր Տիրոջ՝ Յիսուս Քրիստոսի անունով քեզ եմ ասում. կանգնի՛ր քո ոտքերի վրայ ուղիղ: Եւ նա վեր ցատկեց ու վազվզում էր:
10. Եւ ժողովրդի բազմութիւնը, տեսնելով այն, ինչ Պողոսն արեց, իր ձայնը բարձրացրեց եւ լիկայոնբէն ասաց. Աստուածներ, մարդկանց կերպարանքով, իջան մեզ մօտ:
11. Եւ Բառնաբասին Դիոս էին կոչում, իսկ Պողոսին՝ Հերմես, քանի որ նա էր խօսքն առաջնորդողը:
12. Իսկ քաղաքի մուտքին կանգնած Դիոսի քուրմը, ցուլեր եւ պսակներ հասցնելով դռան մօտ, կամենում էր զոհ մատուցել բազմութեան հետ միասին:
13. Իսկ Բառնաբաս եւ Պողոս առաքեալները, երբ այդ լսեցին, իրենց զգեստները պատառոտելով՝ ամբոխի միջից դուրս վազեցին. աղաղակում էին եւ ասում.
14. Ո՛վ մարդիկ, այդ ի՞նչ էք անում դուք. մենք էլ բնութեամբ ձեզ նման մարդիկ ենք, որ ձեզ աւետարանում ենք, որպէսզի այդպիսի ունայնութիւններից դառնաք դէպի կենդանի Աստուածը, որն ստեղծեց երկինքը եւ երկիրը եւ ծովը եւ ամէն ինչ, որ նրանց մէջ կայ:
15. Նա անցեալ ժամանակներում բոլոր հեթանոս ազգերին թոյլ տուեց, որ գնան իրենց ճանապարհներով:
16. Եւ սակայն նա իրեն առանց վկայութեան չթողեց, այլ իր բարերարութեամբ երկնքից ձեզ անձրեւներ տուեց ու պտղաբեր եղանակներ՝ լիացնելով ձեզ կերակուրներով, իսկ ձեր սրտերը՝ ուրախութեամբ:
17. Եւ այս ասելով՝ հազիւ հանդարտեցրին ժողովրդի բազմութիւնը, որ իրենց զոհ չմատուցեն, այլ իւրաքանչիւրը գնայ իր տեղը:
18. Եւ մինչ նրանք շրջում եւ ուսուցանում էին, Անտիոքից եւ Իկոնիոնից եկան հասան հրեաներ, որոնք Պողոսի եւ Բառնաբասի հետ համարձակութեամբ վիճելով՝ խաբեցին ժողովրդին, որ հեռու մնան նրանցից: Եւ ասում էին. Ոչ մի ճշմարիտ բան չեն ասում, այլ ամէն ինչ ստում են: Եւ Պողոսին քարկոծելով՝ քարշ տուին քաղաքից դուրս ու նրան մեռած էին համարում:
19. Եւ երբ աշակերտները նրան շրջապատեցին, վեր կացաւ եւ քաղաք մտաւ ու յաջորդ օրն իսկ Բառնաբասի հետ միասին ելաւ գնաց Դերբէ:
20. Այդ քաղաքում աւետարանելուց եւ շատերին աշակերտ դարձնելուց յետոյ, վերադարձան Լիւստրա, Իկոնիոն եւ Անտիոք՝
21. աշակերտածների սրտերը ամրացնելով եւ յորդորելով, որպէսզի հաստատ մնան հաւատի մէջ: Եւ ասում էին. Բազում նեղութիւններ կրելով է, որ մենք պետք է մտնենք



Աստծու արքայութիւնը:

22. Նրանց համար իւրաքանչիւր եկեղեցու վրայ երեցներ ձեռնադրեցին, պահեցողութեամբ հանդերձ աղօթք արեցին եւ նրանց յանձնեցին Տիրոջը, որին հաւատացել էին:

23. Պիսիդիայի մէջ շրջելով՝ եկան Պամփիլիա:

24. Եւ Պերգէում եւս Տիրոջ խօսքը քարոզելուց յետոյ իջան Ատտալիա:

25. Այնտեղից էլ նաւարկելով՝ գնացին Անտիոք, որտեղից էլ յանձնուած էին Աստծու շնորհներին այն գործի համար, որ կատարեցին:

26. Եւ երբ եկան ու հաւաքեցին եկեղեցին, պատմեցին, թէ Աստուած նրանց հետ ինչքան բաներ արեց եւ թէ ինչպէս հեթանոսների առաջ հաւատի դուռը բացեց:

27. Եւ երկար ժամանակ շրջում էին աշակերտների հետ:

1. Հրեաստանից իջել էին ոմանք Անտիոք եւ եղբայրներին ուսուցանում էին. Մովսեսի օրենքի համաձայն, եթէ չթվատուէք, չէք կարող փրկուել:
2. Եւ երբ Պողոսի եւ Բառնաբասի ու Նրանց միջեւ շատ հակառակութիւն եւ վեճ առաջացաւ, վճռեցին, որ Պողոսն ու Բառնաբասը եւ Նրանցից ոմանք այդ խնդրի համար Երուսաղէմ բարձրանան, առաքեալների եւ երեցների մօտ:
3. Եկեղեցու կողմից ճանապարհ դրուելուց յետոյ, Նրանք շրջելով անցան Փիւնիկի եւ Սամարիայի միջով եւ պատմեցին հեթանոսների դարձի մասին՝ մեծ ուրախութիւն պատճառելով բոլոր եղբայրներին:
4. Եւ երբ Երուսաղէմ հասան, եկեղեցու առաքեալների ու երեցների կողմից ընդունուեցին. պատմեցին, թէ Աստուած ինչ բաներ արեց իրենց միջոցով:
5. Փարիսեցիների հերձուածից մի քանի հաւատացեալներ վեր կացան ու ասացին. Դրանց պետք է թվատել եւ պատուիրել, որ պահեն Մովսեսի օրենքը:
6. Եւ առաքեալներն ու երեցները հաւաքուեցին այս բանը քննութեան առնելու համար:
7. Եւ շատ վեճ լինելուց յետոյ, Պետրոսը ոտքի կանգնեց ու Նրանց ասաց. Եղբայրներ, դուք ինքներդ գիտէք, որ ձեր մէջ առաջին օրերից Աստուած ինձ ընտրեց, որ հեթանոսները իմ բերանով Աւետարանի խօսքը լսեն եւ հաւատան:
8. Եւ սրտագետն Աստուած Նրանց վկայեց՝ Սուրբ Հոգին տալով Նրանց այնպէս, ինչպէս տուեց մեզ:
9. Եւ Նրանց ու մեր միջեւ ոչ մի խտրութիւն չդրեց՝ հաւատով մաքրելով Նրանց սրտերը:
10. Արդ, ինչո՞ւ էք փորձում Աստծուն՝ աշակերտների վզին դնելով մի լուծ, որը ո՛չ մեր հայրերը եւ ո՛չ էլ մենք կարողացանք տանել:
11. Այլ Տէր Յիսուս Քրիստոսի շնորհով հաւատում ենք, որ կը փրկուենք, ինչպէս եւ Նրանք:
12. Ամբողջ ժողովը լռեց. ապա լսում էին Բառնաբասի ու Պողոսի պատմելը, թէ Աստուած Նրանց ձեռքով ինչքան նշաններ եւ զարմանալի գործեր կատարեց հեթանոսների մէջ:
13. Երբ Նրանք լռեցին, Յակոբոսը, խօսք առնելով, ասաց. Եղբայրներ, լսեցէ՛ք ինձ.
14. Շմաւոնը պատմեց, թէ ինչպէս Աստուած առաջուց հոգածութիւն ցոյց տուեց՝ հեթանոսներից իր անունով մի ժողովուրդ ունենալու համար:
15. Եւ այդ բանում մարգարէների խօսքերը համընկնում են իրար, ինչպէս որ գրուած է.
16. Սրանից յետոյ կը վերադառնամ եւ կը շինեմ Դաւթի փուլ եկած տունը եւ Նրա աւերակները վերստին կը շինեմ ու կը վերականգնեմ այն,
17. որպէսզի Տիրոջը փնտռեն մնացած մարդիկ, ինչպէս եւ բոլոր հեթանոսները, որոնց վրայ դրուած է իմ անունը, - ասում է Տէրը, նա, որ անում է այս բոլորը:
18. Ի յաւիտենից յայտնի են Տիրոջը իր բոլոր գործերը:
19. Դրա համար ես էլ ինձ իրաւունք եմ վերապահում չնեղել Նրանց, ովքեր հեթանոսներից դառնում են Աստծուն,
20. այլ գրել Նրանց, որ խորշեն կուռքերին զոհուած կերակուրներից եւ պոռնկութիւնից, խեղդամահ արուած կենդանիներից եւ արիւնից.
21. քանի որ Մովսէսը, առաջին սերունդներից սկսած, իւրաքանչիւր քաղաքում իր քարոզիչներն ունի, եւ նա ամէն շաբաթ օր ժողովարանում ընթերցում է:
22. Այն ժամանակ առաքեալներին եւ երեցներին, ամբողջ եկեղեցու հետ միասին, հաճելի թուաց, որ իրենց միջից ընտրուած մարդիկ ուղարկեն Անտիոք՝ Պողոսի եւ Բառնաբասի հետ. Յուդային՝ Բարսաբա կոչուածին եւ Շիղային, որոնք գլխաւորներն էին:
23. Եւ եղբայրներին Նրանց միջոցով գրեցին հետեւեալը. Առաքեալները, երեցները եւ եղբայրները Անտիոքում, Սիրիայում եւ Կիլիկիայում հեթանոսներից եղող եղբայրներիդ ողջոյն են յղում:
24. Քանի որ լսեցիք, թէ ոմանք, իբրեւ թէ մեզնից, որոնց մենք հրաման չենք տուել,

- խոռվեցրել են ձեզ խօսքերով եւ խախտել են ձեր մտքերը՝ ասելով, թէ պետք է թլփատուել եւ օրէնքը պահել,
25. ուստի, հաճելի թուաց մեզ՝ միատեղ հաւաքուածներիս, ուղարկել ձեզ մօտ ընտրուած մարդկանց՝ մեր սիրելիներին, Բառնաբասի ու Պօղոսի հետ,
26. մարդիկ, որոնք իրենց անձը նուիրեցին մեր Տէր Յիսուս Քրիստոսի անուան համար:
27. Արդ, ուղարկեցինք Յուդային եւ Շիղային, որ նրանք էլ խօսքով նոյնը պատմեն.
28. որովհետեւ հաճելի թուաց Սուրբ Հոգուն եւ մեզ՝ աւելի ոչ մի բեռ չդնել ձեր վրայ, բացի այս կարեւորներից.
29. այն է՝ հեռու մնալ կուռքերին զոհուած կերակուրներից եւ արիւնից, խեղդամահ արուած կենդանիներից ու պոռնկութիւնից. ձեզ դրանցից հեռու պահելով՝ լաւ կ'անեք: Ո՛ղջ եղէք:
30. Եւ նրանք մեկնելով՝ ճանապարհ դրուեցին եւ Անտիոք իջան ու ժողովրդին հաւաքելով՝ նամակը տուեցին:
31. Եւ նրանք ընթերցելով՝ այդ մխիթարութեան համար ուրախացան:
32. Յուդան եւ Շիղան, քանի որ նրանք էլ մարգարէներ էին, բազում խօսքերով յորդորեցին եղբայրներին եւ ամրապնդեցին նրանց:
33. Եւ միառժամանակ այնտեղ մնալով՝ եղբայրների կողմից խաղաղութեամբ յետ ուղարկուեցին առաքելների մօտ:
34. Սակայն Շիղային հաճելի թուաց այնտեղ մնալ:
35. Իսկ Պօղոսն ու Բառնաբասը շրջում էին Անտիոքում եւ շատ ուրիշների հետ ուսուցանում ու աւետարանում էին Աստծու խօսքը:
36. Իսկ մի քանի օր յետոյ Պօղոսը Բառնաբասին ասաց. Վերադառնանք եւ շրջենք եղբայրների մէջ բոլոր այն քաղաքներում, որտեղ քարոզեցինք Տիրոջ խօսքը՝ տեսնելու, թէ ինչ վիճակում են:
37. Բառնաբասն ուզում էր Մարկոս կոչուած Յովհաննէսին էլ հետը տանել,
38. բայց Պօղոսը չէր ուզում, որ Պամփիլիայում իրենցից հեռացած եւ գործի համար իրենց հետ չեկած մէկին իրենց հետ տանեն:
39. Եւ նրանց մէջ գծտութիւն առաջացաւ, այնքան, որ իրարից բաժանուեցին. Բառնաբասը Մարկոսին վերցնելով՝ նաւարկեց դէպի Կիպրոս:
40. Իսկ Պօղոսը Շիղային ընտրելով՝ ճանապարհ ընկաւ՝ եղբայրների կողմից յանձնուելով Աստծու շնորհին.
41. եւ շրջում էր Ասորիքի եւ Կիլիկիայի կողմերում ու ամրապնդում էր եկեղեցիները:

1. Պօղոսը եկաւ հասաւ Դերբէ եւ Լիւստրա: Եւ այնտեղ Տիմոթէոս անունով մի աշակերտ կար, հաւատացեալ հրեայ կնոջ եւ հեթանոս հօր որդի,
2. որը վկայուած էր լիւստրացի եւ իկոնիացի եղբայրների կողմից:
3. Պօղոսն ուզեց նրան իր հետ տանել ու վերցրեց թլփատեց նրան՝ այդ տեղերում գտնուող հրեաների պատճառով, քանի որ բոլորը գիտէին, թէ նրա հայրը հեթանոս էր:
4. Երբ անցնում էին քաղաքներով, նրանց յանձնարարում էին պահել Երուսաղէմում գտնուող առաքեալների եւ երեցների կողմից պատուիրուած հրամանները:
5. Այսպէս, եկեղեցիները ամրապնդւում էին հաւատի մէջ ու օրեցօր նրանց թիւն աւելանում էր:
6. Շրջեցին Փռիւզիայում եւ Գաղատիայի կողմերում՝ Սուրբ Հոգուց արգելուելով, որ Ասիայի նահանգում խօսքը չքարոզեն:
7. Բայց երբ Միւսիայի մօտերը եկան, փորձում էին Բիւթանիա գնալ, սակայն Յիսուսի Հոգին նրանց թոյլ չտուեց:
8. Ուստի, Միւսիայի միջով անցնելով, Տրովադա իջան:
9. Գիշերը Պօղոսին մի տեսիլք երեւաց. մի մակեդոնացի մարդ կանգնել աղաչում էր նրան ու ասում. Մակեդոնիա անցի՛ր եւ օգնի՛ր մեզ:
10. Եւ երբ նա այդ տեսիլքը տեսաւ, իսկոյն ուզեցինք առաջ գնալ դէպի Մակեդոնիա՝ հետեւութիւն անելով, որ Տէրը մեզ հրաւիրեց, որ նրանց աւետարանենք:
11. Տրովադայից դուրս գալով՝ ուղիղ գնացինք դէպի Սամոթրակէ եւ յաջորդ օրը՝ Նոր քաղաք.
12. այնտեղից էլ՝ Փիլիպպէ, որ Մակեդոնիայի առաջին գաւառի մէկ քաղաքն էր՝ Կողովնիա: Այնտեղ, քաղաքում մի քանի օր մնացինք:
13. Շաբաթ օրը քաղաքից դուրս ելանք դէպի գետափ, ուր հրեաները սովոր էին աղօթք անել: Եւ նստած խօսում էինք հաւաքուած կանանց հետ:
14. Եւ Լիդիա անունով աստուածավախ մի կին, որ Թիւատիր քաղաքից էր եւ ծիրանի զգեստներ վաճառող, լսում էր. եւ նրա սիրտը Տէրն ինքն էր բացել՝ անսալու Պօղոսի խօսքերին:
15. Եւ երբ որ մկրտուեցին ինքը եւ իր տունը, նա աղաչեց եւ ասաց. Եթէ ինձ Տիրոջ հաւատացող էք համարում, իմ տունը մտե՛ք եւ օթեւանեցե՛ք: Եւ ստիպելով՝ մեզ տարաւ:
16. Եւ մինչ մենք աղօթելու էինք գնում, մեզ հանդիպեց մի աղախին, որին մի հարցուկ՝ չար ոգի էր բռնել. սա գուշակութիւններով իր տերերին մեծ օգուտ էր տալիս:
17. Նա Պօղոսի եւ մեր յետեւից ընկած՝ աղաղակում էր ու ասում. Այս մարդիկ Բարձրեալն Աստծու ծառաներն են, որ ձեզ պատմում են փրկութեան ճանապարհները:
18. Եւ շատ օրեր էր անում այդ բանը: Պօղոսը, զայրանալով, դարձաւ եւ չար ոգուն ասաց. Յիսուս Քրիստոսի անունով հրամայում եմ քեզ, որ դրա միջից դուրս ելնես: Եւ նոյն ժամին չար ոգին ելաւ:
19. Երբ նրա տերերը տեսան, որ իրենց շահի աղբիւրը կտրուեց, Պօղոսին եւ Շիդային բռնելով՝ քաշեցին դէպի հրապարակը, իշխանաւորների առաջ
20. ու նրանց բերելով զօրագլուխների մօտ՝ ասացին. Այս մարդիկ մեր քաղաքները խռովեցնում են. իրենք հրեաներ են
21. եւ մեզ քարոզում են օրէնքներ, որ օրինաւոր չէ մեզ համար ո՛չ ընդունել եւ ո՛չ էլ գործադրել, քանի որ հռոմէացիներ ենք:
22. Եւ ամբոխը թափուեց նրանց վրայ. զօրագլուխները պատռեցին նրանց զգեստները եւ հրամայեցին նրանց գանահարել:
23. Եւ նրանց շատ վերքեր հասցնելուց յետոյ բանտարկեցին ու բանտապետին պատուիրեցին, որ նրանց զգուշութեամբ պահի:
24. Սա այսպիսի հրաման ստանալով՝ նրանց ներսի բանտը նետեց ու նրանց ոտքերը կոճղի մէջ ամրացրեց:
25. Եւ գիշերուայ կեսին Պօղոսն ու Շիդան աղօթում էին ու օրհնում Աստծուն:

26. Եւ յանկարծակի մեծ ցնցում եղաւ, այնպէս որ բանտի հիմքերը շարժուեցին, եւ իսկոյն բոլոր դռները բացուեցին, ու բոլորի կապանքները քանդուեցին:

27. Երբ բանտապետը արթնացաւ եւ բանտի դռները բացուած տեսաւ, սուրը քաշեց եւ ուզում էր ինքն իրեն սպանել՝ կարծելով, որ բանտարկեալները փախել են:

28. Բայց Պօղոսը բարձր ձայնով կանչեց ու ասաց. Դու քեզ վնաս մի՛ հասցրու, քանի որ բոլորս այստեղ ենք:

29. Նա լոյս խնդրեց ու ներս խուժեց. եւ զարհուրած ընկաւ Պօղոսի եւ Շիղայի առաջ.

30. եւ նրանց դուրս բերելով՝ ասաց. Տիա՛րք իմ, ես ի՞նչ պետք է անեմ, որ փրկուեմ:

31. Եւ նրանք ասացին. Հաւատա՛ Տէր Յիսուս Զրիստոսին եւ կը փրկուես դու եւ քո ամբողջ տունը:

32. Եւ նրան ու բոլոր նրանց, որ նրա տանն էին, քարոզեցին Տիրոջ խօսքը:

33. Եւ գիշերուայ նոյն ժամին տարաւ նրանց, վերքերից լուաց, եւ ինքն ու իւրայինները բոլորն էլ անմիջապէս մկրտուեցին:

34. Եւ նրանց բերելով իր տունը՝ նրանց առաջ սեղան դրեց. եւ իր ամբողջ տնով ուրախացաւ Աստծուն հաւատացած լինելու համար:

35. Երբ առաւօտ եղաւ, զօրագլուխները պատուիրակ ուղարկեցին ու ասացին. Արձակի՛ր այդ մարդկանց:

36. Եւ բանտապետը Պօղոսին տեղեկացրեց այս խօսքերը. Չօրագլուխները մարդ են ուղարկել, որ ազատ արձակուէք: Ուստի, դո՛ւրս եկէք եւ գնացէ՛ք խաղաղութեամբ:

37. Իսկ Պօղոսը նրանց ասաց. Հրապարակաւ գանահարեցին մեզ՝ հռոմեացի անմեղ մարդկանցս, եւ բանտ դրեցին ու հիմա թաքուն-թաքո՞ւն են մեզ դուրս հանում. ո՛չ, այդպէս չի լինի. այլ հէնց իրենք թող գան եւ դուրս հանեն մեզ:

38. Եւ պատուիրակները այս խօսքերը տեղեկացրին զօրագլուխներին, որոնք, երբ լսեցին, թէ հռոմեացիներ են, զարհուրեցին եւ եկան աղաչեցին նրանց:

39. Եւ երբ նրանց դուրս հանեցին, խնդրեցին նրանց, որ իրենց քաղաքից գնան:

40. Եւ նրանք, բանտից դուրս գալով, մտան Լիդիայի մօտ եւ, եղբայրներին տեսնելով, մխիթարեցին նրանց ու մեկնեցին:

1. Եւ Ամփիպոլիս ու Ապոդոնիա քաղաքների միջով անցնելով՝ եկան Թեսաղոնիկէ, ուր հրեաների ժողովարան կար:
2. Եւ ըստ իր սովորութեան, Պողոսը մտաւ նրանց մօտ եւ երեք շաբաթ օրեր նրանց հետ խօսեց Գրքերից:
3. Բաց էր անում Գրքերը եւ նրանց ապացուցում, թէ Քրիստոս պետք է չարչարուէր եւ մեռէլներից յարութիւն առնէր. եւ ասում էր. Նա՛ է Քրիստոսը՝ Յիսուսը, որին ես քարոզում եմ ձեզ:
4. Եւ նրանցից ոմանք համոզուեցին ու յարեցին Պողոսին եւ Շիղային: Բացի դրանցից, կային նաեւ աստուածապաշտ հեթանոսներ եւ թուով ոչ սակաւ երեւելի կանայք:
5. Իսկ հրեաները նախանձեցին եւ վերցնելով գռեհիկ, անօրէն մի քանի մարդկանց՝ ամբոխ կազմեցին եւ քաղաքը յուզեցին. եւ Յասոնի տան առաջ կուտակուելով՝ ուզում էին Պողոսին եւ Շիղային հրապարակ տանել:
6. Եւ երբ նրանց չգտան, Յասոնին եւ եղբայրներից ոմանց քարշ տուին քաղաքապետների մօտ՝ բողոք բարձրացնելով, թէ՛ Սրանք, որ աշխարհը յուզեցին, այստեղ էլ են հասել,
7. Եւ Յասոնը նրանց ընդունել է. եւ սրանք բոլորը կայսեր հրամաններին հակառակ են գործում. մի ոմն Յիսուսի մասին ասում են, թէ թագաւոր է:
8. Եւ գրգռեցին ժողովրդին ու քաղաքապետներին, որ այս բաները լսում էին:
9. Բայց երաշխիք ստանալով Յասոնից եւ ուրիշներից՝ արձակեցին նրանց:
10. Բայց եղբայրները գիշերով շտապ ճանապարհ դրեցին դէպի Բերիա Պողոսին եւ Շիղային, որոնք, երբ այստեղ հասան, գնացին հրեաների ժողովարանը,
11. քանի որ սրանք աւելի ազնիւ մարդիկ էին, քան թէ Թեսաղոնիկէում եղածները: Սրանք ամենայն յօժարութեամբ ընդունեցին խօսքը. ամբողջ ժամանակ քննում էին գրուածքները՝ իմանալու, թէ այդ բաները այդպէ՞ս են:
12. Նրանցից շատերը հաւատացին, ինչպէս նաեւ թուով ոչ սակաւ յոյն երեւելի կանայք եւ տղամարդիկ:
13. Բայց Թեսաղոնիկէի հրեաները երբ իմացան, թէ Բերիայում էլ Պողոսի կողմից քարոզուեց Աստծու խօսքը, այնտեղ էլ եկան՝ ժողովրդի բազմութիւնը յուզելու ու գրգռելու:
14. Այն ժամանակ եղբայրները Պողոսին իսկոյն ուղարկեցին, որ գնայ մինչեւ ծովեզր, իսկ Շիղան եւ Տիմոթէոսը մնացին այնտեղ:
15. Եւ ովքեր Պողոսին տանում էին, նրան հասցրին մինչեւ Աթէնք եւ, Շիղային ու Տիմոթէոսին ուղղուած պատուէր ստանալով, որ շտապ նրա մօտ գան, իրենք վերադարձան:
16. Եւ մինչ Պողոսը Աթէնքում նրանց էր սպասում, նրա հոգին իր մէջ զայրանում էր, երբ տեսնում էր քաղաքը կռապաշտութեան մէջ:
17. Եւ ժողովարանում դիմում էր հրեաներին ու յոյն աստուածապաշտ մարդկանց, իսկ հրապարակներում էլ ամէն օր՝ ում որ հանդիպում էր:
18. Էպիկուրեան եւ ստոյիկեան փիլիսոփաներից ոմանք, ձեռ առնելով, վիճում էին նրա հետ. ոմանք էլ ասում էին. Այս շաղակրատն ի՞նչ է ուզում ասել: Իսկ ուրիշներն էլ, թէ՛ երեւում է, որ ինչ-որ օտար աստուածութիւնների քարոզիչ է, քանի որ նա Յիսուսին ու յարութիւնն էր աւետարանում:
19. Եւ նրան բռնեցին տարան Արիսպագոսի առջեւ ու ասացին. Կարո՞ղ ենք իմանալ, թէ ի՞նչ է այդ նոր վարդապետութիւնը, որը դու քարոզում ես:
20. Օտարոտի բաներ ես մատուցում մեր ականջներին. ուզում ենք իմանալ, թէ դրանք ի՞նչ բաներ կը լինեն
21. (որովհետեւ աթենացիք բոլորը, ինչպէս նաեւ օտար եկուորները այլ բանով չէին զբաղւում, քան միայն ասելով կամ լսելով մի աւելի նոր խօսք):
22. Պողոսը կանգնեց Արիսպագոսի մէջտեղում եւ ասաց. Աթենացիներ՛, տեսնում եմ, որ

դուք ըստ ամենայնի ջերմեռանդ հաւատասեր էք,

23. քանի որ շրջելով եւ տեսնելով ձեր պաշտածները՝ գտայ նաեւ մի բագին, որի վրայ գրուած էր՝ Անծանօթ Աստծուն. ում դուք առանց ճանաչելու էք պաշտում, ես նոյնն եմ քարոզում ձեզ:

24. Աստուած, որ ստեղծեց այս աշխարհը եւ այն ամենը, որ նրա մէջ կայ, նա՛ է Տերը երկնքի եւ երկրի.

25. նա ձեռակերտ տաճարներում չի բնակւում, ոչ էլ մարդկանց ձեռքերով է պաշտւում, որպէս թէ մի բանի կարօտ լինէր: Նա՛ է տալիս ամէն բանի կեանք եւ շունչ եւ ամէն ինչ:

26. Մէկ արիւնից ստեղծեց մարդկանց բոլոր ազգերը, որ բնակուեն ամբողջ երկրի վրայ, հաստատեց նախակարգեալ ժամանակները եւ դրեց նրանց բնակութեան սահմանները,

27. որ փնտռեն Աստծուն ու խարխափելով թերեւս գտնեն նրան. թէեւ նա մեզնից իւրաքանչիւրիցս հեռու չէ,

28. քանի որ նրանով ապրում ենք եւ շարժւում ենք եւ կանք, ինչպէս ձեր բանաստեղծներից ոմանք ասացին, թէ՛ մենք նրա զարմից ենք:

29. Եւ արդ, որովհետեւ Աստծու զարմն ենք, չպետք է խորհենք, թէ աստուածայինը նման է ոսկուն կամ արծաթին կամ քարին, որոնք ճարտարութեամբ եւ մարդու խելքով են քանդակուած:

30. Բայց Աստուած, անգիտութեան ժամանակներն անտես առնելով, այժմ այն է պատուիրում մարդկանց, որ ամէն ոք ապաշխարի.

31. քանի որ սահմանել է մի օր, երբ աշխարհը արդարութեամբ պիտի դատի այն մարդու ձեռքով, որի միջոցով որոշեց հաւաստիք տալ ամենքին՝ նրան մեռելներից յարութիւն տալով:

32. Երբ լսեցին մեռելների յարութեան մասին, ոմանք ծաղրի էին ենթարկւում. ոմանք էլ ասում էին. Մի ուրիշ անգամ կը լսենք քեզնից այդ մասին:

33. Եւ ապա Պօղոսը նրանց միջից ելաւ գնաց:

34. Իսկ մի քանի մարդիկ, յարելով նրան, հաւատացին. նրանց թւում էր նաեւ Դիոնեսիոս Արիսպագացին եւ Դամարիս անունով մի կին եւ սրանց հետ ուրիշներ:

1. Սրանից յետոյ Պօղոսը Աթենքից մեկնելով՝ եկաւ Կորնթոս.
2. եւ այնտեղ գտաւ Ակիլղաս անունով մի հրեայի, ծագումով պոնտացի, որը իր կնոջ՝ Պրիսկիլայի հետ նոր էր եկել Իտալիայից, համաձայն Կղօղէոս կայսեր հրամանի, որով բոլոր հրեաները Հռոմից պետք է հեռանային: Եւ գնաց միացաւ նրանց:
3. Եւ որովհետեւ արհեստակից էր, նրանց մօտ մնաց եւ աշխատում էր, քանի որ արհեստով վրանագործներ էին:
4. Նա ամեն շաբաթ օր քարոզում էր ժողովարանում եւ համոզում հրեաներին ու հեթանոսներին:
5. Երբ Շիդան եւ Տիմոթէոսը Մակեդոնիայից իջան եկան, Պօղոսը Հոգու կողմից մղւում էր վկայութեամբ փաստելու հրեաներին, թէ Յիսուսն է Քրիստոսը:
6. Եւ երբ նրանք ընդդիմացան եւ հայիոյեցին, զգեստները թափ տուեց ու ասաց. Ձեր արիւնը ձեր գլուխը. ես անպարտ եմ. սրանից յետոյ հեթանոսներին եմ գնում:
7. Եւ այնտեղից գնալով՝ մտաւ մէկ տունը, որի անունը Տիտոս Յուստոս էր, մի աստուածապաշտ մարդ, որի տունը ժողովարանին կից էր:
8. Կրիսպոս ժողովրդապետը հաւատաց Տիրոջը իր ամբողջ տնով: Նաեւ կորնթացիներից շատերը նրան լսելով՝ հաւատացին եւ մկրտուեցին:
9. Եւ Տէրը գիշերը մի տեսիլքի մէջ Պօղոսին ասաց. Մի՛ վախեցիր, այլ խօսի՛ր եւ մի՛ լռիր,
10. քանի որ ես քեզ հետ եմ. եւ ոչ մէկը քո դէմ չպիտի ելնի քեզ չարչարելու համար, քանի որ այս քաղաքում ես բազում ժողովուրդ ունեմ:
11. Եւ նա այնտեղ մնաց մէկ տարի եւ վեց ամիս՝ ուսուցանելով նրանց Աստծու խօսքը:
12. Աքայեցիների բղէշիսի փոխանորդ Գաղիոնի ժամանակ հրեաները, միաբանուելով, Պօղոսի դէմ ելան եւ նրան ատեան բերեցին:
13. Նրանք ասում էին. Սա տարիամոզում է մարդկանց, որ օրէնքին հակառակ եղանակով Աստծուն պաշտեն:
14. Եւ երբ Պօղոսը պատրաստւում էր բանալու իր բերանը, Գաղիոնը հրեաներին ասաց. Ո՛վ հրեաներ, եթէ որեւէ անիրաւութիւն կամ մի չարանենգ խարդախութիւն եղած լինէր, պատե՛հ էր, որ ես ձեզ անսայի:
15. Բայց եթէ խնդիրներ կան խօսքի կամ անունների եւ կամ ձեր օրէնքների մասին, դուք ինքնե՛րդ քննեցէ՛ք, քանի որ այդպիսի բաների դատաւոր լինել չեմ ուզում:
16. Եւ նրանց ատեանից դուրս արեց:
17. Եւ բոլոր յոյները ժողովրդապետ Սոսթենեսին բռնելով՝ ատեանի առաջ ծեծում էին, եւ Գաղիոնը այդ մասին բնաւ հոգ չէր անում:
18. Իսկ Պօղոսը դեռ շատ օրեր մնալով՝ եղբայրներից հրաժեշտ առաւ եւ նաւարկեց դէպի Ասորիք: Նրա հետ էին նաեւ Պրիսկիլան եւ Ակիլղասը: Նա Կենքրայում գլուխը խուզել էր, քանի որ ուխտ էր արել:
19. Եւ Եփեսոս հասնելով՝ նրանց այնտեղ թողեց եւ ինքը ժողովարան մտնելով՝ խօսքն ուղղեց հրեաներին:
20. Եւ նրան աղաչեցին, որ երկար ժամանակ այնտեղ մնայ. բայց նա յանձն չառաւ,
21. այլ հրաժեշտ տուեց նրանց ու ասաց. Աստծու կամքով նորից կը գամ ձեզ մօտ:
22. Եւ Եփեսոսից մեկնեց ու իջաւ Կեսարիա. դրանից յետոյ ելաւ վեր, Երուսաղէմ եւ ողջոյն տուեց եկեղեցուն. ապա իջաւ Անտիոք:
23. Միառժամանակ այնտեղ մնալուց յետոյ ելաւ հերթով շրջելու գաղատացիների երկիրը եւ Փռիւզիան՝ ամրապնդելով բոլոր աշակերտածներին:
24. Ապողոս անունով մի հրեայ, ծագումով ալեքսանդրիացի, եկաւ հասաւ Եփեսոս. սա մի ճարտարախօս մարդ էր եւ հմուտ՝ Գրքերին:
25. Տեղեակ էր նա Տիրոջ ճանապարհին եւ հոգով եռում էր. խօսում եւ ճշմարտութեամբ ուսուցանում էր Յիսուսի մասին: Գիտէր միայն Յովհաննէսի մկրտութիւնը:
26. Սա սկսեց ժողովարանում համարձակօրէն խօսել: Նրան լսելով՝ Ակիլղասը եւ Պրիսկիլան նրան իրենց մօտ առան եւ ճշմարտագոյնս բացատրեցին նրան Աստծու



ճանապարհը:

27. Երբ նա կամեցաւ Աքայիա գնալ, եղբայրները քաջալերեցին նրան եւ գրեցին աշակերտներին, որ նրան ընդունեն: Երբ նա այնտեղ հասաւ, Աստծու շնորհիւ շատ օգտակար եղաւ հաւատացեալներին,

28. քանի որ հրեաներին բռն չկերպով յանդիմանում էր՝ Գրքերի միջոցով հրապարակաւ ապացուցելով, թէ Յիսուսն է Քրիստոսը:

1. Եւ մինչ Ապողոսը դեռ Կորնթոսում էր, Պողոսը շրջեց վերին կողմերը եւ իջաւ Եփեսոս ու այնտեղ մի քանի աշակերտներ գտնելով՝ նրանց ասաց.
2. Երբ հաւատացիք, Սուրբ Հոգին ընդունեցի՞ք: Նրանք ասացին. Մենք չենք էլ լսել, որ Սուրբ Հոգի կայ:
3. Եւ նա ասաց. Ուրեմն ինչո՞վ մկրտուեցիք: Նրանք ասացին. Յովհաննէսի մկրտութեամբ:
4. Եւ Պողոսն ասաց. Յովհաննէսը ապաշխարել եւ մկրտուել քարոզեց ամբողջ ժողովրդին եւ ասում էր, թէ, ով գալու է իրենից յետոյ, նրա՛ն թող հաւատան. այն է՝ Յիսուս Քրիստոսին:
5. Եւ երբ այս լսեցին, մկրտուեցին Տէր Յիսուսի անունով:
6. Եւ երբ Պողոսը նրանց վրայ ձեռք դրեց, Սուրբ Հոգին իջաւ նրանց վրայ. լեզուներ էին խօսում եւ մարգարեանում:
7. Նրանք շուրջ տասներկու հոգի էին:
8. Եւ Պողոսը ժողովարան մտնելով՝ երեք ամիս համարձակ խօսում էր, քարոզում եւ Աստծու արքայութեան մասին համոզում նրանց:
9. Երբ ոմանք խստասիրտ էին մնում եւ ընդդիմանում՝ բազմութեան առաջ վարկաբեկելով Տիրոջ ճանապարհը, նրանցից բաժանուեց, աշակերտներին զատեց եւ խօսում էր ամէն օր Տիւրան անունով մէկի դպրանոցում:
10. Այս տեւեց երկու տարի, այնպէս որ ասիացի, հրեայ եւ հեթանոս բոլոր բնակիչները լսեցին Տիրոջ խօսքը:
11. Աստուած ոչ սակաւ զօրաւոր գործեր էր անում Պողոսի միջոցով.
12. մինչեւ իսկ նրա քրտինքը չորացրած թաշկինակներ կամ վարշամակներ էին տանում հիւանդների մօտ, եւ ախտերը հեռանում էին նրանցից. եւ չար ոգիները դուրս էին գալիս:
13. Շրջիկ հրեաներից ոմանք, որ երդուեցնողներ էին, յանդգնեցին Տէր Յիսուսի անունը կանչել չար ոգիներ ունեցողների վրայ՝ ասելով. Երդուեցնում եմ ձեզ Յիսուսով, որին քարոզում է Պողոսը:
14. Այս անողները ոմն Սկեւոս հրեայ քահանայապետի եօթը որդիներն էին:
15. Չար ոգին պատասխանեց ու նրանց ասաց. Յիսուսին գիտեմ եւ Պողոսին ճանաչում եմ. բայց դուք ո՞վ եք:
16. Եւ այն մարդը, որի մէջ չար ոգի կար, վազեց նրանց վրայ եւ երկուսին էլ բռնելով՝ գետին զարկեց նրանց. այնպէս որ նրանք մերկ եւ վիրաւոր փախան այդ տնից:
17. Եւ այս բանը յայտնի դարձաւ Եփեսոսում բնակուող բոլոր հրեաներին եւ հեթանոսներին: Եւ նրանց բոլորի մէջ ահ ընկաւ. եւ Տէր Յիսուսի անունը փառաւորւում էր:
18. Եւ հաւատացեալներից շատերը գալիս խոստովանում էին ու պատմում իրենց արարքները:
19. Եւ կախարդութեամբ զբաղուողներից շատերը բերում էին իրենց գրքերը եւ բոլորի առաջ այրում. նրանց գինը հաշուեցին եւ գտան, որ յիսուն հազար արծաթ դահեկան էր:
20. Եւ այսպէս Աստծու խօսքը աճում էր ու զօրանում:
21. Եւ երբ այս բաները կատարուեցին, Պողոսը մտադրուեց շրջել Մակեդոնիայում եւ Աքայիայում ու ապա գալ Երուսաղէմ: Ասում էր. Իմ այնտեղ գնալուց յետոյ պետք է, որ ես Հռոմն էլ տեսնեմ:
22. Իր պաշտօնեաներից երկուսին՝ Տիմոթէոսին եւ Երաստոսին ուղարկեց Մակեդոնիա, իսկ ինքը որոշ ժամանակ մնաց Ասիայի Նահանգում:
23. Այդ ժամանակ Տիրոջ ճանապարհի մասին բաւական մեծ խռովութիւն առաջ եկաւ:
24. Դեմետրիոս անունով մի արծաթագործ Արտեմիս դիցուհու մեհեանի արծաթե մանրաքանդակներն էր պատրաստում եւ վարպետներին ոչ քիչ շահ էր բերում:
25. Ժողովելով նրանց եւ նոյն արուեստի մասնագետներին՝ ասաց. Ո՞վ մարդիկ, դուք

ինքներդ գիտեք, որ մեր շահը այս գործից է,

26. Եւ տեսնում էք ու լսում, որ ոչ միայն եփեսացիներից, այլեւ գրեթէ ամբողջ Ասիայի նահանգից այս Պողոսը բազում ժողովուրդ համոզելով, դարձի է բերել՝ ասելով, թէ դրանք, որ ձեռքով են շինուած, աստուածներ չեն:

27. Եւ սրա վտանգն է ոչ միայն այն, որ մեր կողմը պիտի արհամարհուի, այլ նաեւ այն, որ Արտեմիս մեծ դիցուհու մեհեանը ոչինչ պիտի համարուի, այն աստիճան, որ պիտի քանդուի նաեւ մեծութիւնը նրա, որին ամբողջ Ասիան եւ աշխարհն է պաշտում:

28. Երբ այս լսեցին, լցուեցին բարկութեամբ. աղաղակում էին ու ասում. Մեծ է եփեսացիների Արտեմիսը:

29. Քաղաքը լցուեց խռովութեամբ. բոլորը միասին դիմեցին դէպի թատրոն, քարշ տալով Գայիոս եւ Արիստարքոս Մակեդոնացիներին՝ Պողոսի ուղեկիցներին:

30. Բայց երբ Պողոսն ուզեց մտնել ամբոխի մէջ, աշակերտները նրան չթողեցին:

31. Ասիացի պետերից ոմանք էլ, որ նրա բարեկամներն էին, նրա մօտ մարդ ուղարկեցին եւ աղաչեցին, որ թատրոնում չերեւայ:

32. Իսկ ուրիշներ էլ այլ բան էին աղաղակում, քանի որ նրանց ժողովը խառնաշփոթութեան մէջ էր. եւ նրանցից շատերը չէին իմանում, թէ ինչի համար են հաւաքուել:

33. Ապա ամբոխից ոմանք բազմութեան միջից դուրս քաշեցին Ալեքսանդրոսին. եւ երբ հրեաները նրան առաջ բերեցին, Ալեքսանդրոսը շարժեց ձեռքը եւ ուզում էր պատասխանել ամբոխին:

34. Երբ իմացան, որ մարդը հրեայ է, բոլորը միաձայն մօտ երկու ժամ աղաղակում էին. Մեծ է Արտեմիսը եփեսացիների:

35. Քաղաքի գլխաւոր քարտուղարը լռեցրեց ամբոխին ու ասաց. Ո՛վ եփեսացիներ, իսկ ո՞վ է մարդկանցից նա, որ չգիտէ մեծ Արտեմիս դիցուհու եւ Դիոպետեսի՝ եփեսացիների մեհենազարդ այս քաղաքը:

36. Եւ որովհետեւ այդ անշուշտ այդպէս է, դուք պետք է հանդարտուէք եւ յանդգնութեամբ ոչինչ չանէք:

37. Դուք այստեղ բերեցիք այդ մարդկանց, որոնք ո՛չ մեհեան կողոպտողներ են եւ ո՛չ էլ՝ մեր դիցուհուն հայիոյողներ:

38. Իսկ եթէ Դեմետրիոսը եւ նրա հետ եղող վարպետները մէկի դէմ որեւէ բան ունեն, ատեան թող գնան. դատաւորներ կան, թող նրանց առաջ ամբաստանութիւն անեն:

39. Բայց եթէ մի այլ բանի մասին խնդիր կայ, թող օրինաւոր ժողովում դա վճռուի.

40. որովհետեւ մեզ համար էլ վտանգ կայ, որ մեղադրուենք այսօրուայ այս կռուի պատճառով, որ տեղի ունեցաւ առանց որեւէ յանցանքի առկայութեան, եւ դրա համար չպիտի կարողանանք պատասխան տալ այս հաւաքոյթի համար: Եւ այս ասելով՝ ժողովն արձակեց:

1. Երբ ամբոխը հանդարտուեց, Պօղոսը կանչեց աշակերտներին ու նրանց յորդորելով՝ հրաժեշտի ողջոյն տուեց եւ ելաւ գնաց Մակեդոնիա:
2. Այդ կողմերում շրջելուց եւ նրանց բազում խօսքերով յորդորելուց յետոյ եկաւ Յունաստան:
3. Մօտ երեք ամիս այնտեղ անցկացնելուց յետոյ, մինչ կամենում էր Ասորիք բարձրանալ, հրեաների կողմից նրա դէմ դաւ նկւթուեց. ուստի խորհեց Մակեդոնիայով վերադառնալ:
4. Եւ մինչեւ Ասիա նրա հետ էին գնում Պիւռոսի որդի Սոսիպատրոս Բերիացին, թեսաղոնիկեցիներից՝ Արիստարքոսը եւ Սեկունդոսը, Գայիոս Դերբացին ու Տիմոթեոսը եւ ասիացիներ Տիւքիկոսն ու Տրոփիմոսը:
5. Սրանք առաջ էին գնացել եւ Տրովադայում մեզ էին սպասում:
6. Իսկ մենք Բաղարջակերաց տօնի օրերից յետոյ նաւարկեցինք Փիլիպպէից ու հինգ օրից հասանք Տրովադա, նրանց մօտ. այնտեղ կանգ առանք եօթը օր:
7. Եւ շաբաթ օրը, մինչ հաւաքուել էինք հացը կտրելու, Պօղոսը, որ յաջորդ օրը մեկնելու էր, խօսում էր նրանց հետ. եւ նա խօսքը երկարեց մինչեւ կեսգիշեր:
8. Եւ այն վերնատանը, ուր հաւաքուած էինք, բազում լապտերներ կային:
9. Իսկ Եւտիքոս անունով մի երիտասարդ նստել էր պատուհանին ու խոր քնի մէջ էր ընկել: Երբ Պօղոսը խօսելը երկարածգեց, նա, խոր քնից թուլացած, երրորդ յարկից ցած ընկաւ. ու վերցրին նրան մեռած:
10. Պօղոսը, ցած իջնելով, ընկաւ նրա վրայ, նրան իր գիրկը վերցրեց ու ասաց. Մի՛ խռովուէք, քանի որ սրա հոգին վրան է:
11. Յետոյ վեր ելաւ, հացը կտրեց ու կերաւ. եւ մինչեւ առաւօտ շատ բաներ եւս խօսեց ու ապա ելաւ գնաց:
12. Իսկ պատանուն կենդանի ներս բերեցին եւ շատ մխիթարուեցին:
13. Եւ մենք նաւ մտնելով՝ ուղղուեցինք դէպի Ասոն. յոյս ունեինք այնտեղից Պօղոսին նորից վերցնել, որովհետեւ այդպէս էր պատուիրել, ըստ որում ինքը ցամաքով էր գնալու:
14. Եւ երբ նա մեզ հանդիպեց Ասոնում, նրան առնելով եկանք Միտիլինէ:
15. Եւ այնտեղից նաւարկելով՝ յաջորդ օրը գնացինք Քիոսի դիմացը, իսկ միւս օրը հասանք Սամոս եւ հետեւեալ օրը եկանք Միլետոն,
16. որովհետեւ Պօղոսը մտադիր էր նաւարկել Եփեսոսի մօտով, որպէսզի Ասիայում ժամանակ չկորցնի, քանի որ շտապում էր Պենտեկոստէի օրը Երուսաղէմ հասնել, եթէ այդ նրան յաջողուէր:
17. Եւ Միլետոնից Եփեսոս մարդ ուղարկելով՝ կանչեց եկեղեցու երեցներին.
18. եւ երբ նրանք եկան նրա մօտ, նրանց ասաց. Դուք ինքներդ գիտեք, թէ առաջին օրուանից ի վեր, երբ Ասիա եկայ, ամբողջ ժամանակ ձեզ հետ միասին ինչպէս ապրեցի՝
19. ծառայելով Տիրոջը ամենայն խոնարհութեամբ եւ բազում արտասուքով ու փորձութիւններով, որ հրեաների նենգութիւնների պատճառով ինձ պատահեցին:
20. Ինչպէ՞ս բնաւ չվարանեցի ձեզ պատմելու օգտակար բաներից եւ ուսուցանելու ձեզ հրապարակաւ եւ տանը.
21. վկայութիւն տուի հրեաներին եւ հեթանոսներին Աստծու առաջ ապաշխարելու եւ մեր Տէր Յիսուս Քրիստոսի հանդէպ հաւատի մասին:
22. Արդ, ահա ես, Սուրբ Հոգու մղումով, Երուսաղէմ եմ գնում. իսկ թէ այնտեղ ինձ ի՞նչ է պատահելու, այդ չգիտեմ.
23. միայն թէ Սուրբ Հոգին ամէն քաղաքի մէջ ինձ վկայում է ու ասում. Կապանքներ ու նեղութիւններ են սպասում քեզ:
24. Բայց ես ինքս իմ անձը ոչ մի բանով այնքան յարգի չեմ համարում, որքան այն, որ ուրախութեամբ կատարեմ իմ ընթացքը եւ այն պաշտօնը, որ Տէր Յիսուսից ստացայ՝ Աստծու շնորհը աւետարանելու:

25. Եւ արդ, ահա ես գիտեմ, որ դուք ամենքդ, որոնց մէջ ես շրջեցի՝ քարոզելու Աստծու արքայութիւնը, իմ երեսն այլեւս չեք տեսնելու:
26. դրա համար այսօր ձեր առաջ վկայում եմ, որ ես մաքուր եմ բոլորիդ արիւնից,
27. որովհետեւ չքաշուեցի ձեզ յայտնելու Աստծու կամքը ամբողջութեամբ:
28. Չգո՛յշ եղէք ինքներդ ձեր եւ ամբողջ հօտի համար, որի վրայ Սուրբ Հոգին տեսուչներ կարգեց ձեզ՝ հովուելու համար Տիրոջ ժողովրդին, որին նա փրկեց իր արիւնով:
29. Սակայն ես գիտեմ, որ իմ մեկնելուց յետոյ ձեր մէջ կը գան յափշտակիչ գայլեր, որոնք չեն խնայի հօտին:
30. Ձեր միջից էլ դուրս կը գան մարդիկ, որ թիւր բաներ կը խօսեն՝ աշակերտներին իրենց յետեւից քարշ տալու համար:
31. Դրա համար էլ արթո՛ւն կացեք եւ յիշեցէ՛ք, որ ամբողջ երեք տարի, գիշեր-ցերեկ, առանց դադարի իւրաքանչիւրիդ մէկ-մէկ՝ արտասուքներով խրատեցի:
32. Եւ արդ, ձեզ յանձնում եմ Աստծուն եւ նրա շնորհի խօսքին, նրան, որ կարող է բարձրացնել եւ ձեզ ժառանգութիւն տալ՝ բոլոր սրբերի հետ:
33. Ձեզնից ոչ ոքի արժաթը կամ ոսկին կամ զգեստը չցանկացայ:
34. դուք ինքներդ գիտեք, որ իմ եւ ինձ հետ եղողների կարիքները հոգացին այս ձեռքերը:
35. Ես իմ օրինակով ամեն ինչ ձեզ ցոյց տուեցի, որովհետեւ այդպէս պէտք է աշխատել եւ դարմանել հիւանդներին ու յիշել Տէր Յիսուսի խօսքը, որ ինքն իսկ ասաց. Երանելի՛ է մանաւանդ տալը, քան առնելը:
36. Այս բաներն ասելուց յետոյ բոլորի հետ մէկտեղ ծնկի գալով՝ սկսեց աղօթել:
37. Բոլորն էլ շատ լաց եղան եւ Պօղոսի վզովն ընկնելով՝ համբուրում էին նրան:
38. Մորմոքւում էին մանաւանդ նրա այն խօսքի վրայ, թէ այլեւս իր երեսը չեն տեսնելու: Եւ նրան ուղեկցեցին մինչեւ նաւը:

1. Եւ երբ մենք նրանցից բաժանուեցինք ու նաւ ելանք, ուղիղ դիմացը գնալով՝ եկանք Կով. յաջորդ օրը՝ Ռոդոն, այնտեղից էլ՝ Պատարա:
2. Այնտեղ գտնելով մի նաւ, որ Փիւնիկէ էր գնում, բարձրացանք ու գնացինք:
3. Երբ Կիպրոսը երեւաց, այն թողեցինք ձախ կողմը, նաւարկեցինք դէպի Ասորիք եւ իջանք Տիւրոս, քանի որ նաւն այնտեղ իր բեռներն էր թափելու:
4. Եւ գտնելով աշակերտներին՝ եօթը օր այնտեղ մնացինք. նրանք Սուրբ Հոգու միջոցով Պօղոսին ասում էին, որ Երուսաղէմ չբարձրանայ:
5. Եւ երբ մենք այդ օրերը անցկացրինք, ելանք գնացինք. նրանք բոլորը, կանանց եւ որդիների հետ միասին, մինչեւ քաղաքից դուրս մեզ ճանապարհ դրեցին. եւ ծովեզրին, ծնկի գալով, աղօթեցինք:
6. Ապա միմեանց հրաժեշտ տալով՝ մենք նաւ ելանք, իսկ նրանք վերադարձան իրենց տեղերը:
7. Եւ մեր նաւարկութիւնը շարունակելով Տիւրոսից՝ հասանք Պտղեմայիդա ու եղբայրներին ողջոյն տալուց յետոյ մէկ օր նրանց մօտ մնացինք:
8. Յաջորդ օրը այնտեղից դուրս գալով՝ եկանք Կեսարիա եւ, մտնելով տունը Փիլիպպոս աւետարանչի, որ եօթը սարկաւագներից մէկն էր, օթեւանեցինք նրա մօտ:
9. Նա ուներ չորս կոյս աղջիկներ, որոնք մարգարեուհիներ էին:
10. Եւ երբ շատ օրեր մենք այնտեղ մնացինք, Հրեաստանից Ագաբոս անունով մի մարգարէ իջաւ:
11. Եւ մեզ մօտ գալով՝ վերցրեց Պօղոսի գօտին, կապեց ինքն իր ոտքերն ու ձեռքերը եւ ասաց. Այսպէս է ասում Սուրբ Հոգին. այն մարդուն, որի գօտին է այս, հրեաները նրան այսպէ՛ս պիտի կապեն Երուսաղէմում եւ յանձնեն հեթանոսների ձեռքը:
12. Երբ այս լսեցինք, մենք եւ այնտեղ գտնուողները աղաչեցինք, որ նա Երուսաղէմ չբարձրանայ:
13. Այն ժամանակ Պօղոսը պատասխանեց ու ասաց. Ի՞նչ էք անում, ինչո՞ւ էք լաց լինում եւ իմ սիրտն էլ ճմլում, ես Տէր Յիսուս Քրիստոսի անուան համար Երուսաղէմում ոչ միայն կապուելու, այլեւ մեռնելու պատրաստ եմ:
14. Եւ երբ նա չանսաց, լռեցինք. ասացինք՝ Տիրոջ կամքը թող լինի:
15. Այդ օրերից յետոյ պատրաստուեցինք եւ Երուսաղէմ բարձրացանք:
16. Մեզ հետ եկան նաեւ կեսարացի մի քանի աշակերտներ, որոնք մեզ տանում էին կիպրացի ոմն Մնասոնի մօտ, որը նախապէս աշակերտ էր, եւ որի տանը օթեւանելու էինք:
17. Եւ երբ մենք Երուսաղէմ մտանք, եղբայրները մեզ խնդութեամբ ընդունեցին:
18. Յաջորդ օրը Պօղոսը մեզ հետ Յակոբոսի մօտ մտաւ. եկան եւ բոլոր երեցները:
19. Ողջունելով նրանց՝ նա մի առ մի պատմեց այն բաները, որ Աստուած նրա ծառայութեան միջոցով արեց հեթանոսների մէջ:
20. Եւ նրանք, լսելով, փառաւորում էին Աստծուն ու նրան ասում. Տեսնո՞ւմ ես, եղբայր, հազարաւոր հաւատացեալ հրեաներ կան, եւ բոլորն էլ նախանձախնդիր են օրէնքին:
21. Բայց քո մասին իրազեկ եղան, թէ հեթանոսների մէջ գտնուող բոլոր հրեաներին ուսուցանում ես հրաժարուել Մովսէսի օրէնքից. ասում ես, որ նրանք իրենց որդիներին չթլփատեն եւ կրօնի աւանդութիւնների համաձայն չգնան:
22. Արդ, ի՞նչ պետք է լինի. հաստատապէս կը լսեն, որ եկել ես:
23. Ուրեմն, արա՛ այն, ինչ քեզ ասում ենք. մեզ մօտ կան չորս ուխտադիր մարդիկ.
24. նրանք քեզ հետ ա՛ռ եւ նրանց հետ միասին մաքրուի՛ր. եւ նրանց ծախսը քեզ վրայ վերցրու, որ իրենց գլուխները ածիլեն: Այսպէս ամէնքը իմանան, որ քեզ վերաբերող այն բաները, որոնց մասին իրազեկ են եղել, ոչինչ են, եւ, ընդհակառակը, դու էլ համաձայն ես օրէնքը պահելու:
25. Գալով հաւատացեալ հեթանոսներին՝ մենք ուղարկել ենք մեր որոշումը, որ այդպիսի բաներ չպահեն նրանք, այլ միայն զգուշանան կուռքերին մատուցուած զոհերից ու

արիւնից եւ խեղդամահ արուած կենդանուց եւ պոռնկութիւնից:

26. Այն ժամանակ Պօղոսը իր հետ վերցրեց այդ մարդկանց եւ յաջորդ օրը, նրանց հետ մաքրուելուց յետոյ, տաճար մտաւ՝ յայտնելու մաքրման օրերի աւարտի մասին. որից յետոյ, նրանցից իւրաքանչիւրի համար զոհ մատուցուեց:

27. Սակայն երբ եօթնօրեքը կատարելու մօտ էին, ասիացի հրեաները նրան տաճարի մէջ տեսնելով՝ նրա շուրջը հաւաքեցին ամբողջ ամբոխը, եւ ձեռքները նրա վրայ դնելով՝ աղաղակում էին.

28. Ո՛վ իսրայելացիներ, օգնեցէ՛ք, այս մարդն է, որ, հակառակ ժողովրդի եւ օրէնքի ու այս սրբավայրի, ամենուր ամենքին ուսուցանում է. մինչեւ իսկ հեթանոսներին տաճար մտցրեց եւ այս սուրբ տեղը պղծեց:

29. Ըստ որում առաջուց նրա հետ քաղաքում տեսել էին Տրոփիմոս Եփեսացուն եւ կարծում էին, թէ Պօղոսը նրան տաճար մտցրեց:

30. Ամբողջ քաղաքը շարժուեց, եւ ժողովուրդը խռնուեց. բռնելով Պօղոսին՝ քարշ տուեցին տաճարից դուրս. եւ իսկոյն դռները փակուեցին:

31. Նրան ուզում էին սպանել: Գնդի հազարապետին լուր հասաւ, թէ ամբողջ երուսաղէմը յուզման մէջ է:

32. Սա իսկոյն զինուորներ եւ հարիւրապետներ առնելով իր հետ՝ շարժուեց նրանց վրայ: Եւ նրանք, տեսնելով հազարապետին ու զինուորներին, դադարեցին Պօղոսին ծեծելուց:

33. Այն ժամանակ հազարապետը, մօտենալով, բռնեց նրան եւ հրամայեց նրան կապել կրկնակի շղթաներով. եւ հարցնում էր, թէ՛ ով է եւ ինչ է արել:

34. Ամբոխի մէջ այլեւայլ մարդիկ նրա մասին այլ բաներ էին աղաղակում: Երբ նա ամբոխի աղմկի պատճառով ստուգութիւնը չկարողացաւ իմանալ, հրամայեց նրան զօրանոց տանել:

35. Երբ աստիճաններին հասաւ, այնպէս եղաւ, որ ամբոխի բռնութեան պատճառով զինուորները նրան բարձրացնեն եւ տանեն,

36. NVrspանի որ ժողովրդի բազմութիւնը յետեւից էր գնում՝ աղաղակելով՝ մա՛հ դրան:

37. Եւ մինչ Պօղոսը զօրանոց էր մտնելու, հազարապետին ասաց. Կարելի՞ է ինձ խօսել քեզ հետ: Եւ նա ասաց. Յունարէն գիտե՞ս.

38. չլինի թէ դու ես այն եգիպտացին, որ սրանից օրեր առաջ ապստամբեցիր եւ անապատ հանեցիր չորս հազար սուսերաւոր մարդկանց:

39. Պօղոսն ասաց. Ես հրեայ մարդ եմ, կիլիկեցիների Տարսոն քաղաքից, ոչ աննշան քաղաքի քաղաքացի. աղաչում եմ քեզ, ինձ հրամա՛ն տուր, որ իմ խօսքն ուղղեմ այդ ժողովրդին:

40. Եւ երբ նա հրաման տուեց, Պօղոսը, աստիճանների վրայ կանգնած, ձեռքը շարժեց դէպի ժողովուրդը: Երբ կատարեալ լռութիւն տիրեց, սկսեց խօսել եբրայերէն լեզուով եւ ասաց.

1. Եղբայրներ՝ եւ հայրեր՝, այժմ լսեցէ՛ք ինձ, որ տամ իմ պաշտպանողականը:
2. Երբ լսեցին, որ երբայերէն լեզուով դիմեց իրենց, առաւել եւս հանդարտուեցին եւ լռեցին:
3. Եւ նա ասաց. Ես հրեայ մարդ եմ՝ ծնուած Կիլիկիայի Տարսոն քաղաքում, եւ դաստիարակուել եմ այստեղ, այս քաղաքում, Գամաղիէի ուղքերի մօտ, կրթուած ըստ հայրենի օրէնքի ճշմարտութեան: Նախանձայոյզ էի Աստծու հանդէպ, ինչպէս դուք բոլորդ՝ այսօր:
4. Ես այս ճանապարհը հալածեցի մինչեւ ի մահ՝ կապելով եւ բանտերի մատնելով տղամարդկանց եւ կանանց,
5. ինչպէս ինձ վկայ են քահանայապետը եւ ամբողջ ծերակոյտը, որոնցից եղբայրներին ուղղուած նամակներ էլ առնելով՝ Դամասկոս էի գնում եղբայրների մօտ՝ այնտեղից եւս կապեալներ բերելու համար Երուսաղէմ, որ պատժուեն:
6. Եւ մինչ գնում էի եւ մօտեցայ Դամասկոսին, կէսօրուայ ժամանակ յանկարծ երկնքից սաստիկ լոյս փայլատակեց իմ շուրջը.
7. եւ ես գետին ընկայ. լսեցի մի ձայն, որն ինձ ասում էր. Սաւո՛ւղ, Սաւո՛ւղ, ինչո՞ւ ես ինձ հալածում:
8. Եւ ես պատասխանեցի. Ո՞վ ես, Տէ՛ր: Եւ ինձ ասաց. Ես Նազովրեցի Յիսուսն եմ, որին դու հալածում ես:
9. Ինձ հետ եղողները եւս լոյսը տեսնում էին, բայց չէին լսում այն ձայնը, որ ինձ հետ խօսում էր:
10. Եւ ես ասացի. Ի՞նչ պետք է անեմ, Տէ՛ր: Եւ Տէրն ինձ ասաց. Վե՛ր կաց եւ գնա՛ Դամասկոս, եւ այնտեղ քեզ կը պատմուի այն բոլորի մասին, որ հրամայուած է քեզ անել:
11. Եւ քանի որ այդ լոյսի փայլից չէի տեսնում, ինձ հետ եղողները, ձեռքիցս բռնելով, առաջնորդեցին ինձ, եւ Դամասկոս մտայ:
12. Եւ Անանիա անունով մի մարդ՝ երկիւղած ըստ օրէնքի եւ վկայուած Դամասկոսում բնակուող բոլոր հրեաների կողմից,
13. եկաւ կանգնեց ինձ մօտ ու ասաց. Սաւո՛ւղ եղբայր, վերե՛ւ նայիր:
14. Եւ ես իսկոյն դէպի վեր նրա՛ն նայեցի: Եւ ինձ ասաց. Մեր հայրերի Աստուածը առաջուց ընտրեց քեզ, որ ճանաչես նրա կամքը եւ տեսնես Արդարին ու լսես նրա բերանից ձայնը,
15. որպէսզի բոլոր մարդկանց մօտ նրա վկան լինես այն բաների համար, որ տեսար եւ լսեցիր:
16. Արդ, ինչո՞ւ ես յապաղում, վե՛ր կաց, մկրտուի՛ր եւ լուա՛ քո մեղքերը՝ նրա անունը կանչելով:
17. Եւ երբ ես վերադարձայ Երուսաղէմ եւ տաճարում աղօթում էի, մտայափշտակութեան մէջ ընկայ.
18. տեսայ նրան, որն ինձ ասում էր. Շտապի՛ր, իսկոյն Երուսաղէմից դո՛ւրս ել, քանի որ իմ մասին քո վկայութիւնը չեն ընդունելու:
19. Եւ ես ասացի. Տէ՛ր, իրենք իսկ գիտեն, թէ ես էի, որ բանտարկել եւ բոլոր ժողովարաններում գանակոծել էի տալիս քեզ հաւատացողներին:
20. Եւ երբ թափում էր քո վկայի՝ Ստեփանոսի արիւնը, ես ինքս էի, որ նրա մօտ էի կանգնել եւ համաձայն էի լինում նրա սպանմանը. եւ նրան սպանողների զգեստներն էի պահում:
21. Եւ նա ինձ ասաց. Գնա՛, որովհետեւ ես քեզ պետք է ուղարկեմ հեռաւոր հեթանոսների մօտ:
22. Մինչեւ այս խօսքը նրան ունկնդրում էին. ապա բարձրացրին իրենց ձայները եւ ասացին. Երկրից վերացրո՛ւ այդպիսի մէկին, որովհետեւ այդպիսին չպետք է ապրի:
23. Եւ մինչ նրանք աղաղակում էին, զգեստները հանում գցում էին եւ փոշին օդի մէջ



ցանում,

24. հազարապետը հրամայեց, որ նրան զօրանոց մտցնեն. եւ ասաց. Ճեծելով հարցաքննեցէ՛ք նրան, որպեսզի իմանամ, թէ ինչ յանցանքի համար էին նրա դէմ այդպէս աղաղակում:

25. Երբ նրան թուերով պիտի կապեցին, Պօղոսն ասաց հարիւրապետին, որ վերակացուն էր. Հռոմեացի եւ չդատուած մարդուն օրինաւո՞ր է, որ դուք ծեծէք:

26. Երբ հարիւրապետը այս լսեց, մօտեցաւ հազարապետին, զեկուցեց եւ ասաց.

27. Ի՞նչ ես ուզում անել, քանի որ այս մարդը հռոմեական քաղաքացի է:

28. Հազարապետը մօտեցաւ եւ նրան ասաց. Ասա՛ ինձ, դու հռոմեացի՞ ես: Եւ նա ասաց՝ այո՛:

29. Հազարապետը ի պատասխան ասաց. Ես ի գին մեծ գումարի եմ ստացել այդ քաղաքացիութիւնը: Իսկ Պօղոսն ասաց. Ես ծննդով իսկ քաղաքացի եմ:

30. Եւ իսկոյն նրանից հեռացան նրանք, որ նրան պիտի ծեծէին: Ինքը հազարապետն էլ վախեցաւ, երբ իմացաւ, թէ հռոմեացի է, մանաւանդ որ նրան կապանքի տակ էլ էր առել:

31. Յաջորդ առաւօտ հազարապետը ուզելով ճշմարիտն իմանալ, թէ հրեաների ամբաստանութիւնն ինչ է, կապերից արձակեց Պօղոսին եւ հրամայեց կանչել քահանայապետներին ու ամբողջ ատենաւր եւ, Պօղոսին իջեցնելով, կանգնեցրեց նրանց մէջ:

1. Պօղոսը հայեացքն ուղղելով ատեանին՝ ասաց. եղբայրներ՛ր, ես ամենայն ուղղամտութեամբ եմ կեանք վարել Աստծու առաջ մինչեւ այսօր:
2. Անանիա քահանայապետը հրամայեց սպասաւորներին, որ խփեն նրա բերանին:
3. Այն ժամանակ Պօղոսը նրան ասաց. Աստուած է քեզ խփելու, սպիտակեցրա՛ծ պատ. եւ դու նստում ես, որ օրէնքի համաձայն ինձ դատես, մինչդեռ հրամայում ես, որ օրէնքից դուրս ինձ հարուածեն:
4. Շուրջը կանգնողներն ասացին. Աստծու քահանայապետի՞ն ես հայիոյում:
5. Եւ Պօղոսն ասաց. Չգիտէի, եղբայրներ՛ր, որ քահանայապետ է, քանի որ գրուած է՝ քո ժողովրդի իշխանին չպիտի հայիոյես:
6. Երբ Պօղոսն իմացաւ, որ ատեանի մի կողմում սադուկեցիներն են, իսկ միւսում՝ փարիսեցիները, աղաղակեց. եղբայրներ՛ր, ես փարիսեցի եմ ու որդի փարիսեցու. այժմ ես դատւում եմ նաեւ մեռելների յարութեան յոյսի համար:
7. Եւ երբ այս ասաց, փարիսեցիների եւ սադուկեցիների միջեւ ճեղքուածք առաջ եկաւ, եւ բազմութիւնը պառակտուեց,
8. որովհետեւ սադուկեցիներն ասում էին՝ յարութիւն չկայ. ո՛չ էլ հրեշտակ եւ ո՛չ Հոգի. իսկ փարիսեցիները ընդունում էին երկուսն էլ:
9. Եւ մեծ աղմուկ եղաւ. փարիսեցիների կողմից օրէնստոյգներից ոմանք ոտքի ելան եւ հակառակում էին՝ ասելով. Այս մարդու մէջ ոչ մի չարութիւն չենք գտնում, այլ թերեւս նրա հետ Հոգի կամ մի հրեշտակ խօսած լինի:
10. Եւ երբ խռովութիւնը սաստկացաւ, հազարապետը, վախենալով, որ գուցէ նրանք Պօղոսին պատառ-պատառ կ'անեն, զինուորներին հրամայեց իջնել եւ նրանց միջից նրան վերցնել ու տանել զօրանոց:
11. Յաջորդ օրուայ գիշերը Տէրը կանգնեց նրա մօտ ու ասաց. Քաջալերուի՛ր, Պօղո՛ս, որովհետեւ, ինչպէս ինձ համար վկայեցիր Երուսաղէմում, նոյն ձեւով պետք է, որ դու Հռոմում եւս վկայես:
12. Եւ երբ առաւօտ եղաւ, որոշ թուով հրեաներ ժողով անելով՝ նզովեցին իրենք իրենց, որ, մինչեւ Պօղոսին չսպանեն, ո՛չ ուտեն եւ ո՛չ էլ խմեն:
13. Եւ քառասունից ավելի էին նրանք, որոնք իրար հետ այս երդումն էին արել:
14. Սրանք մօտեցան քահանայապետներին եւ երեցներին ու ասացին. Նզովելով նզովեցինք մեզ, որ բան չճաշակենք, մինչեւ Պօղոսին չսպանենք.
15. բայց դուք հազարապետին, ատեանի հետ միասին, իմա՛ց տուէք, որ նա ձեզ մօտ իջեցնի նրան, որպէս թէ նրա մասին ուզում էք ավելի ճշգրիտ բաներ իմանալ. իսկ մենք, նախքան նրա մօտենալը, պատրաստ ենք նրան սպանելու:
16. Եւ Պօղոսի քրոջ որդին, լսելով այս դաւադրութիւնը, եկաւ զօրանոց ու Պօղոսին պատմեց:
17. Եւ Պօղոսը, իր մօտ կանչելով հարիւրապետներից մէկին, ասաց. Այս պատանուն հազարապետի մօտ տա՛ր, որովհետեւ նրան հաղորդելու բան ունի:
18. Եւ նա նրան առաւ եւ տարաւ հազարապետի մօտ ու ասաց. Կալանաւորուած Պօղոսն ինձ կանչեց եւ խնդրեց այս պատանուն քեզ մօտ բերել. քեզ ասելու բան ունի:
19. Հազարապետը նրա ձեռքից բռնելով՝ մի կողմ գնաց եւ հարցրեց. Ինձ հաղորդելու ի՞նչ ունես:
20. Նա ասաց. Հրեաները միաբանուեցին խնդրելու քեզ, որ վաղը Պօղոսին ատեան իջեցնես, իբր թէ ուզում են նրա վերաբերեալ ավելի ճշգրիտ հարցաքննութիւն անել:
21. Արդ, դու նրանց չլսես, քանի որ նրանցից ավելի քան քառասուն մարդ դարան են մտել եւ նզովել են իրենք իրենց, որ ո՛չ ուտեն եւ ո՛չ էլ խմեն, մինչեւ որ նրան չսպանեն: Այժմ պատրաստ եմ եւ քո հրամանին են սպասում:
22. Ապա հազարապետը արձակեց պատանուն՝ նրան պատուիրելով. Ոչ ոքի մի՛ ասա, թէ այս բաներն ինձ տեղեկացրիր:
23. Եւ հարիւրապետներից երկուսին կանչեց ու ասաց. Պատրաստեցէ՛ք երկու հարիւր

գինուորներ, գիշերուայ ժամը երեքից, որպէսզի գնան մինչեւ Կեսարիա. նաեւ՝  
 եօթնասուն հեծեալներ եւ երկու հարիւր նիզակաւորներ,  
 24. ինչպէս եւ պատրաստի գրաստներ, որ Պօղոսին իջեցնեն եւ ապահով հասցնեն  
 Ֆելիքս կուսակալի մօտ:  
 25. Եւ գրեց մի նամակ, որի բովանդակութիւնը հետեւեալն է.  
 26. Կլօդիոս Լիւսիաս՝ գերագանց Ֆելիքս կուսակալին ողջո՛յն.  
 27. այս մարդուն հրեաները բռնել էին, եւ նրանց կողմից սպանուելու մօտ էր նա.  
 իմանալով, որ հռոմեացի է, ես գինուորներով վրայ հասայ եւ նրան ազատեցի:  
 28. Կամենալով գիտենալ այն յանցանքը, որի համար նրան ամբաստանում էին, նրան  
 իջեցրի նրանց ատեանը:  
 29. Գտայ, որ նա իրենց օրէնքին վերաբերող մի խնդրի համար էր ամբաստանուած ու  
 մահուան կամ կալանքի արժանի որեւէ յանցանք չուներ:  
 30. Երբ այս մարդու հանդէպ նրանց կողմից նիւթուած դաւն ինձ տեղեկացուեց, նրան  
 ուղարկեցի քեզ մօտ եւ հրամայեցի, որ ամբաստանողներն էլ խօսեն նրա մասին քո  
 առաջ. ո՛ղջ եղիր:  
 31. Եւ հետեւակ գինուորները, հրամանի համաձայն, Պօղոսին առնելով՝ գիշերով  
 տարան Անտիպատրիս:  
 32. Եւ յաջորդ օրը, թողնելով հեծեալներին, որ նրա հետ գնան, զօրանոց վերադարձան:  
 33. Նրանք մտան Կեսարիա եւ նամակը կուսակալին տալով՝ Պօղոսին էլ կանգնեցրին  
 նրա առաջ:  
 34. Նա երբ կարդաց, հարցրեց, թէ ո՛ր նահանգից է. եւ ստուգելով, որ Կիլիկիայից է,  
 ասաց.  
 35. Քեզ կը լսեմ, երբ քեզ ամբաստանողներն էլ գան: Եւ հրամայեց պահել նրան  
 Հերովդէսի ապարանքում:

1. Եւ հինգ օր յետոյ Անանիա քահանայապետը մի քանի ծերերի եւ Տերտիւղոս անունով մի ճարտասան մարդու հետ իջաւ եկաւ: Սրանք Պօղոսի մասին կուսակալին ներկայացրին իրենց ամբաստանութիւնը:
2. Եւ երբ նրան կանչեցին, Տերտիւղոսն սկսեց ամբաստանել ու ասել. Այս ազգը բազում խաղաղութիւն է գտել քո շնորհիւ եւ գործերի կարգաւորութիւն՝ քո խնամքի պատճառով:
3. Ամեն բանի համար եւ ամենուրեք քեզնից շնորհակալ ենք, ո՛վ գերազանցդ Ֆելիքս, եւ մեծապէս գոհ:
4. Բայց որպէսզի աւելորդ յոգնութիւն չպատճառեմ քեզ, աղաչում եմ, որ քո ներողամտութեամբ մեզ կարճիկարճոյ լսես:
5. Մենք գտանք, որ այս մարդը ամբողջ աշխարհում գտնուող բոլոր հրեաների ապականողն ու խռովեցնողն է եւ նազովրեցիների հերձուածի առաջնորդը:
6. Սա տաճարն իսկ փորձեց պղծել. նրան բռնեցինք եւ ըստ մեր օրէնքի ուզեցինք դատել:
7. Եկաւ Լիւսիաս հազարապետը ու մեծ բռնութեամբ մեր ձեռքից յափշտակեց
8. եւ հրամայեց, որ նրան ամբաստանողներն էլ քեզ մօտ գան: Նրան դու ինքդ կրկին դատելով կը կարողանաս վերահասու լինել այն ամենին, ինչի համար մենք նրան ամբաստանում ենք:
9. Հրեաներն էլ համաձայն գտնուեցին ու ասացին՝ այդպէս է:
10. Երբ կուսակալը նրան գլխով արեց, որ խօսի, Պօղոսը պատասխանեց. Գիտեմ, որ շատ տարիներից ի վեր դու այս ազգի կուսակալն ես, ուստի իմ խնդրի մասին յօժարութեամբ պատասխան եմ տալիս.
11. ինչպէս որ կարող ես գիտենալ, տասներկու օրից աւելի չէ, ինչ ես Երուսաղէմ եմ բարձրացել երկրպագութիւն անելու համար:
12. Ինձ ո՛չ տաճարում են որեւէ մէկի հետ գտել խօսելիս եւ կամ շուրջս բազմութիւն հաւաքելիս, ո՛չ ժողովարաններում եւ ո՛չ էլ քաղաքում.
13. ո՛չ էլ կարող եմ քեզ այժմ ապացուցել այն, ինչի համար ինձ ամբաստանում են:
14. Բայց այս խոստովանում եմ քեզ, թէ համաձայն այն ճանապարհի, որը ասում են՝ հերձուած է, այնպէ՛ս եմ պաշտում իմ հայրենի Աստծուն՝ հաւատալով այն ամենին, որ գրուած է Օրէնքում եւ մարգարէների մէջ:
15. Յոյս ունեմ առ Աստուած, որ, ինչպէս դրանք էլ են ակնկալում, յարութիւն է լինելու արդարների եւ մեղաւորների:
16. Դրա համար ինքս էլ ճիգ եմ անում, որ Աստծու եւ մարդկանց առաջ միշտ մաքուր խղճմտանք ունենամ:
17. Բազում տարիներից յետոյ եկայ օգնութիւն անելու իմ ազգին եւ զոհեր մատուցեցի,
18. որոնցով սրբուած էի, երբ ինձ գտան տաճարում, որտեղ ո՛չ բազմութեան հետ էի եւ ո՛չ էլ խռովարար ամբոխի:
19. Այդ ասիացի հրեաներից ոմանք իրե՛նք պետք է գային քո առաջ եւ ամբաստանէին ինձ, եթէ իմ դէմ մի բան ունենային.
20. եւ կամ հենց սրանք թող ասեն, թէ ի՛նչ անիրաւութիւն են գտել իմ մէջ, մինչ ատենակի առաջ էի կանգնած,
21. բացի միայն գուցէ իմ այն խօսքից, որ ասացի բարձրաձայն, երբ նրանց մէջ կանգնել էի. Մեռելների յարութեան համար է, որ ես այսօր ձեզնից դատւում եմ:
22. Ֆելիքսը նրանց գործը յետաձգեց, քանի որ աւելի ստոյգ գիտէր այդ ճանապարհի մասին, եւ ասաց. Մինչեւ Լիւսիաս հազարապետը այստեղ իջնի, ձեր գործը կը յետաձգեմ:
23. Եւ հարիւրապետին հրամայեց նրան պահել, բայց որոշ չափով ազատ. եւ նրա իւրայիններից ոչ ոքի չարգելել, որ նրան ծառայեն:
24. Մի քանի օր յետոյ Ֆելիքսը եկաւ իր կնոջ՝ Դրուսիլայի հետ, որը հրեայ էր. կանչեց

Պողոսին եւ Նրանից լսեց ի Յիսուս Զրիստոս եղած հաւատի մասին:

25. Եւ մինչ Պողոսը խօսում էր արդարութեան, ժուժկալութեան եւ գալիք դատաստանի մասին, Ֆելիքսը, զարհուրած, ասաց. Դու առայժմ գնա՛. երբ ժամանակ ունենամ, քեզ կը կանչեմ:

26. Միաժամանակ ակնկալում էր, որ Պողոսից իրեն դրամ կը տրուի. դրա համար յաճախ կանչելով Նրան՝ խօսում էր Նրա հետ:

27. Երկու տարին լրանալուց յետոյ Ֆելիքսի փոխարէն Փեստոս Պորկիոսը եկաւ: Ֆելիքսը, կամենալով հրեաներին շնորհ անել, Պողոսին կալանքի տակ թողեց:

1. Երբ Փեստոսը իշխանութեան գլուխ անցաւ, երեք օր յետոյ Կեսարիայից Երուսաղէմ բարձրացաւ:
2. Զահանայապետներն ու հրեաների գլխաւորները նրան զեկոյց տուին Պօղոսի մասին եւ,
3. նրանից շնորի խնդրելով, աղաչում էին, որ նրան Երուսաղէմ կանչի, մինչ իրենք ծուղակ էին պատրաստել՝ ճանապարհին նրան սպանելու համար:
4. Իսկ Փեստոսը պատասխանեց, թէ նա Կեսարիայում կը պահուի, եւ թէ ինքն էլ շուտով այնտեղ է գնալու. ապա ասաց.
5. Ձեզնից ովքեր կը կարողանան, ինձ հետ թող իջնեն, եւ եթէ այդ մարդու վրայ որեւէ յանցանք կայ, նրան թող ամբաստանեն:
6. Եւ ոչ աւելի քան ութ կամ տասը օր այդտեղ մնալուց յետոյ եկաւ իջաւ Կեսարիա. եւ յաջորդ օրը, ատեան նստելով, հրամայեց, որ Պօղոսին բերեն:
7. Երբ նա եկաւ, նրա շուրջը բոլորուեցին Երուսաղէմից իջած հրեաները. եւ նրա վրայ բարդում էին բազում եւ ծանր յանցանքներ, որ չէին կարողանում ապացուցել,
8. քանի որ Պօղոսը պատասխանում էր. Ոչնչով յանցաւոր չեմ ո՛չ հրեաների օրէնքի, ո՛չ տաճարի, ո՛չ էլ կայսեր դէմ:
9. Բայց Փեստոսը, կամենալով հրեաներին շնորի անել, Պօղոսին ասաց. Ուզո՞ւմ ես Երուսաղէմ բարձրանալ եւ այդ խնդիրների համար այդտեղ դատուել իմ առաջ:
10. Պօղոսն ասաց. Կանգնած եմ կայսեր ատեանի առաջ, ուր եւ պետք է դատուեմ: Հրեաներին ոչ մի անիրաւութիւն չեմ արել, ինչպէս ինքդ էլ քաջ գիտես.
11. ուրեմն եթէ յանցաւոր եմ եւ մահուան արժանի գործ եմ արել, մեռնելուց չեմ վախենայ: Իսկ եթէ ոչինչ չկայ այն մեղադրանքների մէջ, որոնցով սրանք ինձ ամբաստանում են, ոչ ոք չի կարող ինձ որպէս շնորի յանձնել դրանց:
12. Կայսրի՛ն եմ բողոքում:
13. Այն ժամանակ Փեստոսը իր խորհրդականների հետ խօսելուց յետոյ պատասխանեց. Կայսրին բողոքեցիր, կայսեր մօտ պիտի գնաս:
14. Մի քանի օր անցնելուց յետոյ Ագրիպպա արքան եւ Բերենիկէն Կեսարիա եկան՝ Փեստոսին ողջունելու:
15. Եւ երբ այնտեղ շատ օրեր էին անցկացրել, Փեստոսը արքային տեղեկացրեց Պօղոսի մասին ու ասաց. Այստեղ Ֆելիքսի կողմից կալանքի տակ առնուած մի մարդ կայ մնացած,
16. որի մասին, երբ Երուսաղէմ գնացի, քահանայապետները եւ հրեաների գլխաւորներն ինձ տեղեկացրին: Ինձնից խնդրում էին, որ նրան մահուան վճիռ տամ:
17. Նրանց պատասխանեցի. Հռոմէացիների սովորութիւնը չէ որեւէ մէկին որպէս շնորի յանձնել ուրիշ մէկի, մինչեւ որ ամբաստանեալը իր դիմացը չունենայ մեղադրողներին եւ ամբաստանութեան դէմ պատասխան տալու պատեհութիւնը չստանայ:
18. Եւ երբ այստեղ եկան, ոչնչով չուշացրի, այլ յաջորդ օրն իսկ ատեան նստելով՝ հրամայեցի, որ մարդուն բերեն:
19. Նրա դէմ ներկայացող ամբաստանողները մէջտեղ չէին բերում չարագործութեան ոչ մի յանցանք, որոնց մասին ես կասկած ունէի.
20. այլ ինչ-ինչ խնդիրներ ունէին նրա հետ իրենց պաշտամունքին վերաբերող, ինչպէս նաեւ մի ոմն մեռած Յիսուսի վերաբերեալ, որի մասին Պօղոսն ասում էր, թէ կենդանի է:
21. Երբ այսպիսի խնդիրների քննութեան համար տարակուսանքի մէջ ընկայ, նրան ասացի, թէ կը կամենա՞ր Երուսաղէմ գնալ եւ այդ խնդիրների համար այնտեղ դատուել:
22. Բայց երբ Պօղոսը բողոքեց, որ ինքը պետք է պահուի Նորին Գերագանցութեան վճռին ներկայանալու համար, հրամայեցի պահել նրան, մինչեւ որ կայսեր մօտ ուղարկեմ:
23. Ագրիպպա արքան Փեստոսին ասաց. Ես էլ կը կամենայի այդ մարդուն լսել: Փեստոսն ասաց. Վաղը կը լսես:

24. Եւ յաջորդ օրը, երբ Ագրիպպասը եւ Բերենիկէն փառաւոր հանդէսով եկան եւ հազարապետների ու քաղաքի պատուաւոր մարդկանց հետ ատեան մտան, Փեստոսը հրամայեց, որ Պօղոսին բերեն:
25. Փեստոսն ասաց. Ագրիպպա՛ս արքայ եւ բոլոր մարդիկդ, որ մեզ հետ էք, սրան տեսնում էք. հրեաների ամբողջ ժողովուրդը թե՛ Երուսաղէմում եւ թե՛ այստեղ սրա մասին ամբաստանութիւն էին անում ինձ մօտ եւ աղաղակում, թե՛ չպէտք է կենդանի մնայ:
26. Բայց ես վերահասու եղայ, թէ դա մահուան արժանի ոչինչ չի արել. ինքն էլ բողոքած լինելով մարդկանցից Գերագանցին՝ խորհեցի, որ ուղարկեմ նրան:
27. Դրա մասին իմ տիրոջը՝ կայսրին ստոյգ բան չունեմ գրելու. այդ պատճառով նրան ձեր առաջ բերեցի եւ, մանաւանդ, քո՛ առաջ, Ագրիպպա՛ս արքայ, որպէսզի վերստին քննութիւն կատարելով՝ կարողանամ մի բան գրել,
28. քանի որ ինձ անպատեհ բան է թւում ուղարկել մի բանտարկեալի եւ նրա մասին որեւէ յանցանք չնշել:

1. Եւ Ագրիպպասը Պօղոսին ասաց. Զեզ թոյլատրուած է, որ քո մասին խօսես: Այն ժամանակ Պօղոսը, ձեռքը երկարելով, պատասխանեց.
2. Հրեաների՝ իմ մասին արած բոլոր ամբաստանութիւնների համար, Ագրիպպա՛ս արքայ, ինձ երանելի եմ համարում, քանի որ այսօր քո առաջ եմ պատասխան տալու,
3. մանաւանդ նրա համար, որ գիտակ էլ ես հրեաների բոլոր կրօնական սովորութիւններին եւ խնդիրներին. այդ պատճառով աղաչում եմ, որ համբերութեամբ ինձ լսես:
4. Բոլոր հրեաները տեղեակ են իմ կեանքին իմ մանկութիւնից ի վեր, որը հենց սկզբից անցել է Երուսաղէմում իմ ազգի մէջ:
5. Նրանք վաղուց գիտեն, եթէ կամենան վկայել, որ ես որպէս փարիսեցի ապրել եմ մեր կրօնական խստագոյն օրէնքների համաձայն:
6. Եւ այժմ դատւում եմ, կանգնած ատենաւի առաջ, Աստծուց մեր հայրերին տրուած խոստումի յոյսի համար:
7. Ձերմեռանդութեամբ գիշեր ու ցերեկ պաշտամունք կատարելով՝ մեր տասներկու ցեղերը յուսացել են դրան հասնել: Այդ յոյսի՝ համար, ո՛վ արքայ, ես էլ ամբաստանւում եմ հրեաների կողմից:
8. Ձեզ ինչո՞ւ է անհաւատալի թւում, որ Աստուած մեռելներին յարութիւն կը տայ:
9. Ես ինքս էլ պատշաճ էի համարում շատ բան Նազովրեցի Յիսուսի անուանը հակառակ գործել,
10. ինչ որ արեցի իսկ Երուսաղէմում. քահանայապետներից իշխանութիւն ստանալով՝ սրբերից շատերին ես բանտարկում էի եւ նրանցից սպանուելու ենթակայ եղողների համար հաւանութիւն էի տալիս:
11. Եւ բոլոր ժողովարաններում շատ անգամ նրանց պատժելով՝ բռնադատում էի, որ հայիոյն: Առաւել եւս մոլեգնելով նրանց դէմ՝ հալածում էի նրանց մինչեւ օտար քաղաքներ:
12. Ըստ այսմ, երբ քահանայապետների իշխանութեամբ եւ հրամանով Դամասկոս էի գնում,
13. կեսօրին, ճանապարհին, ո՛վ արքայ, տեսայ, որ երկնքից արեգակի լուսաւորութիւնից առաւել ուժեղ մի լոյս փայլատակեց իմ շուրջը եւ նրանց շուրջը, որ ինձ հետ էին գնում:
14. Եւ երբ մենք բոլորս գետին ընկանք, լսեցի մի ձայն, որ ինձ ասում էր եբրայերէն լեզուով. Սաւո՛ւղ, Սաւո՛ւղ, ինչո՞ւ ես ինձ հալածում. քեզ համար խիստ դժուար է խթանի դէմ արագել:
15. Եւ ես ասացի. Ո՞վ ես, Տէ՛ր: Տէրն ասաց. Ես Յիսուսն եմ, որին դու հալածում ես.
16. վե՛ր կաց ու կանգնի՛ր ոտքերիդ վրայ. ես քեզ երեւացի նրա համար, որ քեզ նշանակեմ պաշտօնեայ եւ վկայ այն բոլորի համար, որոնց մէջ ինձ տեսար եւ այն բաների համար, որոնցով պիտի երեւամ քեզ.
17. ես քեզ կը փրկեմ ժողովրդիցդ եւ հեթանոսներից, որոնց մէջ քեզ կ'ուղարկեմ,
18. որպէսզի բանաս նրանց աչքերը, նրանց դարձնես խաւարից դէպի լոյս եւ սատանայի իշխանութիւնից՝ դէպի Աստուած, որպէսզի նրանք մեղքերի թողութիւն ստանան եւ սրբերի հետ ժառանգութեան բաժին՝ իմ հանդէպ ունեցած հաւատով:
19. Ուստի, ո՛վ Ագրիպպաս արքայ, ես երկնային տեսիլքին անհնազանդ չգտնուեցի,
20. այլ նախ բոլոր նրանց, որ Դամասկոսում էին ու Երուսաղէմում եւ Հրեաստանի բոլոր գաւառներում, ապա նաեւ հեթանոսներին քարոզեցի, որ զոջան եւ դառնան կենդանի Աստծուն ու ապաշխարութեան արժանի գործեր անեն:
21. Դրա համար հրեաները, տաճարում ինձ բռնելով, փորձեցին սպանել:
22. Սակայն Աստծուց օգնութիւն հասաւ, եւ ես մինչեւ այսօր ողջ մնացի՝ վկայելով փոքրին եւ մեծին, ոչինչ չասելով այն բաներից դուրս, ինչ մարգարէներն ու Մովսէսն են խօսել լինելիք դէպքերի մասին.



23. Թէ՛ Զրիստոս չարչարուելու է. Թէ՛ մեռելներից առաջին յարութիւն առնողը լոյս է աւետարանելու ժողովրդին եւ հեթանոսներին:
24. Երբ նա այս պատասխանը տուեց, Փեստոսը բարձր ծայնով ասաց. Տնորւում ես, Պօղո՛ս, քո մեծ հմտութիւնը քեզ խելացնորութեան է տանում:
25. Իսկ Պօղոսն ասաց. Չեմ ցնորւում, ո՛վ Գերագանցդ Փեստոս, այլ զգաստութեան եւ ճշմարտութեան խօսքեր եմ արտասանում:
26. արքան այս բաներին գիտակ իսկ է, դրա համար համարձակ եմ խօսում, քանի որ յանձն չեմ առնում այս բոլորից որեւէ բան քեզնից ծածկել, որովհետեւ մի որեւէ խուլ անկիւնում չէ, որ այս բանը գործուած է:
27. Ագրիպպա՛ս արքայ, մարգարէներին հաւատո՞ւմ ես. գիտեմ, որ հաւատում ես:
28. Եւ Ագրիպպասը Պօղոսին ասաց. Քիչ է մնում ինձ էլ համոզես, որ քրիստոնեայ դառնամ:
29. Եւ Պօղոսն ասաց. Կը խնդրէի Աստծուն, որ, վաղ թէ ուշ, ոչ միայն դու, այլ բոլոր նրանք, որ այսօր ինձ լսում են, լինեն այնպիսին, ինչպիսին ես ինքս եմ, բացի այս կապանքներից:
30. Արքան ոտքի ելաւ, ինչպէս եւ կուսակալը, Բերենիկէն եւ բոլոր նրանք, որ նրանց հետ նստել էին:
31. Եւ մինչ գնում էին, իրար հետ խօսում էին ու ասում. Մահուան կամ կապանքների արժանի ոչինչ չի անում այս մարդը:
32. Իսկ Ագրիպպասը Փեստոսին ասաց. Կարելի էր ազատ արձակել այս մարդուն, եթէ կայսրին բողոքած չլինէր:

1. Երբ մեզ հրամայուեց նաւարկել դէպի Իտալիա, Պօղոսին եւ մի քանի այլ կալանաւորների յանձնեցին Սեբաստեան գնդից մի հարիւրապետի, որի անունը Յուլիոս էր.
2. եւ բարձրանալով ադրամինտական մի նաւ, որ Ասիայի կողմերն էր գնալու, ճանապարհ ընկանք: Մեզ հետ էր նաեւ Մակեդոնիայից թեսաղոնիկեցի Արիստարքոսը:
3. Յաջորդ օրը իջանք Սիդոն: Եւ Յուլիոսը, Պօղոսի հանդէպ մարդասիրութիւն ցուցաբերելով, նրան հրաման տուեց գնալ բարեկամների մօտ խնամք ստանալու:
4. Այնտեղից դուրս գալով, քանի որ քամին հակառակ կողմից էր, նաւարկեցինք Կիպրոսի մօտով աւելի ցած:
5. Ապա Կիլիկիայի եւ Պամփիլիայի մէջտեղում, բաց ծովի միջով նաւարկելուց յետոյ իջանք Լիկիայի Միռա քաղաքը:
6. Եւ այնտեղ հարիւրապետը գտնելով ալեքսանդրեան մի նաւ, որ Իտալիա էր գնում, մեզ այնտեղ մտցրեց:
7. Եւ բազում օրեր դանդաղ նաւարկելուց յետոյ դժուարութեամբ հասանք մինչեւ Կսիդիայի մօտերը. եւ երբ քամին թոյլ չտուեց մեզ, նաւարկեցինք Կրետէի եզերքով ներքեւ, մինչեւ Սաղմոնիայի մօտերը:
8. Նրա եզերքով դժուարութեամբ անցնելուց յետոյ, հասանք մի տեղ, որ կոչւում էր Գեղեցիկ նաւահանգիստ, եւ որին կից էր Ղասեա քաղաքը:
9. Եւ քանի որ շատ ժամանակ էր անցել, եւ նաւարկելն էլ վտանգաւոր կը լինէր, մինչեւ իսկ ծոմապահութեան օրերն էլ արդէն անցել էին, Պօղոսը նրանց խրատ տուեց եւ ասաց.
10. Մարդի՛կ, տեսնում եմ, որ այս նաւարկութիւնը չարիքով եւ բազում վնասով է լինելու ոչ միայն բեռների եւ նաւի համար, այլեւ մեր անձերի:
11. Բայց հարիւրապետը նաւապետին եւ նաւատիրոջն աւելի էր լսում, քան Պօղոսի խօսքերը:
12. Երբ նաւահանգիստը ձմեռելու համար անյարմար թուաց, շատերը խորհեցին այնտեղից հեռանալ, որպէսզի մի գուցէ կարողանան հասնել Փիլիկէ քաղաքը եւ ձմեռել Կրետէի այդ նաւահանգստում, որը նայում էր դէպի հարաւակողմը եւ ցամաքամասը:
13. Եւ երբ հարաւի մեղմ քամին փչեց, կարծեցին, թէ կը հասնեն այնտեղ, ուր դիմում էին: Եւ նաւարկելով՝ Կրետէի եզերքի մօտով անցան:
14. Ոչ շատ ժամեր յետոյ նաւի շուրջը բարձրացաւ մի կատաղի քամի, որ կոչւում է Եւրացիկոն:
15. Երբ նաւը քշուեց եւ քամու դեմ չկարողացաւ պայքարել, տեղի տուեցինք եւ գնում-գալիս էինք:
16. Եւ դիմելով դէպի մի կղզի, որը Կյօդա էր կոչւում, դժուարութեամբ կարողացանք բռնել մակոյկը, որը նաւի վրայ քաշեցինք.
17. ապա օգնութեան միջոցներ օգտագործելով՝ նաւը ներքեւից կապեցին. վախենալով, որ գուցէ յորձանուտի մէջ ընկնեն, առագաստը իջեցրին. եւ այնպէս գնում-գալիս էին:
18. Եւ քանի որ մենք ամենասաստիկ տագնապի մէջ էինք, յաջորդ առաւօտ բեռները ծովը թափեցին:
19. Իսկ երրորդ օրը իրենք իրենց ձեռքերով նաւի գործիքները ծովը նետեցին:
20. Երբ բազում օրեր ո՛չ արեւ եւ ո՛չ էլ աստղեր էին երեւում, ու փոթորիկն էլ նոյն սաստկութեամբ շարունակւում էր, մեր փրկութեան ամեն յոյս վերացել էր:
21. Եւ որովհետեւ շատ օրեր քաղցած էին, Պօղոսը, կանգնելով նրանց մէջ, ասաց. Ո՛վ մարդիկ, դուք ինձ պետք է անսայիք ու Կրետէից չելնէիք եւ այս չարիքն ու վնասը չքաշէիք:
22. Արդ, ձեզ խրատում եմ, որ քաջալերուէք, որովհետեւ, բացի նաւից, ձեզնից եւ ոչ մէկի կեանքին վնաս չպիտի հասնի.
23. որովհետեւ այս գիշեր Աստծու հրեշտակը, որին պատկանում եմ ես ու ծառայում,

երեւաց ինձ ու ասաց.

24. Մի՛ վախեցիր, Պօղոս, դու կայսեր առաջ էլ պետք է ներկայանաս. եւ ահա բոլոր նրանց, որ այդ նաւի մէջ քեզ հետ են, Աստուած քեզ է շնորհել:

25. Դրա համար էլ քաջալերուեցէ՛ք, մարդի՛կ, որովհետեւ հաւատ ունեմ Աստծու վրայ, թէ կը լինի այնպէս, ինչպէս որ ինձ ասուեց:

26. Միայն թէ՛ մենք պետք է մի կղզի ընկնենք:

27. Երբ տասնչորսերորդ գիշերը եղաւ, եւ մենք Ադրիականի անդունդների վրայ դեռ օրօրում էինք, գիշերուայ կեսին նաւավարները կարծեցին, թէ ցամաք են հասել:

28. Ջրի խորութիւնը չափող գունդը ցած գցելով՝ երեսունեօթը մետր խորութիւն գտան. որոշ տարածութիւն կտրելուց յետոյ նորից գցեցին եւ քսանութ մետր գտան:

29. Վախենալով, թէ մի գուցէ խութերով տեղ կ'ընկնեն, յետեւի կողմից չորս խարիսխներ ցած գցեցին. անձկութեամբ տենչում էին, որ այգը բացուի:

30. Բայց նաւավարները ուզում էին նաւից փախչել. ուստի մակոյկը ծով իջեցրին այն պատճառաբանութեամբ, որ իբր թէ առջեւի կողմից էլ են խարիսխներ գցելու:

31. Պօղոսը հարիւրապետին եւ զինուորներին ասաց. Եթէ դրանք նաւի մէջ չմնան, դուք ազատուել չէք կարող:

32. Այն ժամանակ զինուորները մակոյկի պարանները կտրեցին ու դէն գցեցին:

33. Եւ երբ այգը բացուելու մօտ էր, Պօղոսը բոլորին խնդրեց, որ կերակուր ուտեն՝ ասելով. Այս տասնչորսերորդ օրն է, որ դուք քաղցած՝ սպասումով էք անցկացնում եւ դեռ ոչինչ չէք կերել:

34. Դրա համար աղաչում եմ ձեզ, որ կերակուր ուտեք, քանի որ դա հէնց ձեր փրկութեան համար է. որովհետեւ ձեզնից ոչ ոքի գլխից մազ իսկ չի կորչելու:

35. Եւ երբ այս ասաց, հաց վերցրեց, բոլորի առաջ Աստծուն գոհութիւն տուեց, կտրեց եւ սկսեց ուտել:

36. Ամենքը քաջալերուեցին. եւ իրենք էլ կերակուր կերան:

37. Նաւի մէջ բոլորս երկու հարիւր եօթանասունվեց հոգի էինք:

38. Երբ կերակրով յագեցան, ցորենը ծովը թափելով՝ նաւը թեթեւացրին:

39. Եւ երբ այգը բացուեց, երկիրը չէին ճանաչում, բայց նշմարում էին մի ծովախորշ, որ ծովափ կարող էր լինել. եւ խորհում էին, թէ հնար լինէր նաւը այնտեղ հասցնել եւ փրկել:

40. Ուստի խարիսխները յատակից կտրելով՝ ծովի մէջ բաց թողեցին, ղեկերի կապերը թուլացրին, առագաստը բացեցին ու քամուն տուեցին՝ դեպի ծովի ափի կողմը:

41. Ընկնելով երկու ծովերի միջեւ գտնուող մի ծանծաղուտ՝ նաւը ծռեցին. եւ նաւի առաջակողմը յատակին խրուելով, անշարժ մնաց, իսկ յետեւի կողմը ալիքների սաստկութիւնից ջարդուփշուր էր լինում:

42. Այն ժամանակ զինուորները խորհուրդ արեցին, որ կալանաւորներին սպանեն, որպէսզի ոչ ոք չլողայ ու փախչի:

43. Սակայն հարիւրապետը նրանց խորհրդին արգելք եղաւ, որովհետեւ ուզում էր Պօղոսին ազատել. ուստի հրամայեց, որ, ովքեր կարող են լողալ, նախ նրանք ջուրը նետուեն,

44. իսկ միւսները՝ ոմանք տախտակների վրայ, ոմանք էլ նաւի այլ բեկորների վրայ ցամաք ելնեն: Եւ այսպէս ամենքը, փրկուելով, ցամաք ելան:

1. Երբ արդեն փրկուած էինք, այն ժամանակ իմացանք, թէ այն կղզու անունը Մելիտինէ էր: Եւ բարբարոս բնակիչները մեր հանդէպ չափից աւելի մարդասիրութիւն ցոյց տուին:
2. Խարոյկ վառեցին եւ մեզ բոլորիս ընդունեցին՝ տեղացող անձրեւի եւ ցրտի պատճառով:
3. Եւ երբ Պօղոսը բաւականին շատ չոր ճիւղեր հաւաքեց եւ խարոյկի վրայ դրեց, մի իժ կրակի տաքութեան պատճառով դուրս գալով՝ կախուեց նրա ձեռքից:
4. Եւ երբ բարբարոսները գազանին նրա ձեռքից կախուած տեսան, միմեանց ասացին. Ուրեմն մարդասպան է այս մարդը, որը թէպէտ ծովից փրկուեց, բայց Արդարութիւնը նրան թոյլ չտուեց, որ ապրի:
5. Ապա Պօղոսը գազանին կրակի մէջ թափ տուեց, եւ իրեն ոչ մի վատ բան չպատահեց.
6. Իսկ նրանք սպասում էին, որ նա կ'ուռչի կամ կ'ընկնի ու յանկարծակի կը մեռնի: Շատ սպասելուց յետոյ, երբ տեսան, որ նրան որեւէ վնաս չհասաւ, նորից խօսքը դարձրին եւ ասում էին. Սա մի աստուած է:
7. Այդ տեղի շրջակայքում գտնուում էին ագարակները Պոպլիոս անունով մի մարդու, որ կղզու գլխաւորն էր. սա երեք օրով մեզ իր մօտ ընդունեց եւ սիրով հիւրընկալեց:
8. Եւ պատահեց, որ Պոպլիոսի հայրը, ջերմով եւ փորլոծութեամբ հիւանդացած, անկողին ընկնի: Պօղոսը նրա մօտ մտաւ եւ աղօթելով ձեռքը նրա վրայ դրեց ու նրան բժշկեց:
9. Եւ երբ այս պատահեց, ուրիշ հիւանդներ էլ, որ կղզում կային, գալիս էին ու բժշկուում:
10. Սրանք մեծ պատիւներով պատուեցին մեզ, եւ երբ գնում էինք, ինչ որ պէտք էր, տուեցին:
11. Եւ երեք ամիս յետոյ բարձրացանք դիոսկուրեանների նշանը կրող ալեքսանդրեան մի նաւ, որը ձմեռել էր կղզում:
12. Եւ Սիրակուսա իջնելով՝ երեք օր մնացինք:
13. Այնտեղից գնալով՝ հասանք Ռեգիոն. եւ երբ մի օր յետոյ հարաւի քամին փչեց, երկու օրում եկանք Պատիոդոս,
14. ուր եւ գտանք եղբայրների, որոնք աղաչեցին, որ եօթը օր մնանք իրենց մօտ: Եւ ապա ելանք Հռոմ:
15. Եւ այնտեղից, մեր մասին լսած լինելով, եղբայրները մեզ ընդառաջ եկան մինչեւ Ապփիոսի հրապարակը եւ Երեք կրպակները: Պօղոսը նրանց տեսնելով՝ գոհութիւն տուեց Աստծուն ու քաջալերուեց:
16. Եւ երբ Հռոմ մտանք, հրաման տրուեց Պօղոսին, որ առանձին բնակուի իր պահապան գինուորի հետ միասին:
17. Եւ երեք օր յետոյ նա հրաւիրեց հրեաների գլխաւորներին. եւ երբ սրանք եկան, նրանց ասաց. Եղբայրներ, ես ժողովրդին կամ հայրենի սովորութեանը հակառակ ոչինչ գործած չլինելով հանդերձ՝ որպէս Երուսաղէմից մի կալանաւոր, մատնուեցի հռոմեացիների ձեռքը,
18. որոնք, երբ ինձ դատեցին, ուզեցին ազատ արձակել, որովհետեւ իմ մէջ մահուան արժանի ոչ մի յանցանք չգտան:
19. Բայց երբ հրեաները հակառակ խօսեցին, հարկ եղաւ կայսրին բողոքել. բայց ոչ նրա համար, որ իմ ազգի դէմ չարախօսելու բան ունէի:
20. Այս պատճառով է, որ խնդրեցի ձեզ՝ տեսնելու եւ խօսելու համար, քանի որ Իսրայէլի յոյսի համար է, որ այս շղթաների մէջ եմ գտնուում:
21. Եւ նրանք ասացին նրան. Մենք քո մասին Հրեաստանից ոչ մի նամակ չենք ստացել. մեր եղբայրներից էլ ոչ ոք չի եկել ու վատ բան չի պատմել կամ խօսել քո մասին:
22. Բայց խնդրում ենք քեզից լսել, թէ ի՞նչ ես խորհում, քանի որ այդ հերձուածի մասին մեզ արդէն յայտնի է, որ ամենուրեք նրա դէմ հակառակութիւն կայ: Որոշակի օրուայ համար Պօղոսի հետ ժամադրուելուց յետոյ, նրա մօտ՝ նրա բնակարանը եկան բազում մարդիկ, որոնց նա առաւօտից մինչեւ երեկոյ բացատրում էր Աստծու արքայութիւնը եւ

Նրանց համոզում էր Յիսուսի մասին՝ վկայութիւն բերելով Մովսէսի օրէնքից եւ մարգարէներից:

23. Ոմանք համոզւում էին Նրա խօսքերին. ուրիշներ էլ չէին հաւատում:

24. Եւ իրար մէջ անհամաձայն լինելով՝ թողնում գնում էին, երբ Պօղոսն ասաց այս մի խօսքն էլ. Սուրբ Հոգին Եսայի մարգարէի բերանով լաւ խօսեց մեր հայրերին՝

25. ասելով. Գնա՛ ժողովրդի մօտ ու ասա՛լսելով պիտի լսեք ու չպիտի իմանաք, եւ տեսնելով պիտի տեսնեք ու չպիտի տեսնեք.

26. որովհետեւ այդ ժողովրդի սիրտը կարծրացել է, եւ իրենց ականջներով ծանր են լսում ու իրենց աչքերը փակել են, որպէսզի երբեք աչքերով չտեսնեն ու ականջներով չլսեն եւ հոգով չիմանան եւ դարձի չգան, ու ես էլ դրանց չբժշկեմ:

27. Եւ արդ, թող ձեզ յայտնի լինի, որ Աստծու այս փրկութիւնը ուղարկուեց հեթանոսներին, եւ Նրանք կը լսեն:

28. Եւ երբ այս ասաց, Նրա մօտից դուրս գնացին հրեաները, որոնք իրենք իրենց մէջ էլ շատ վեճեր ունէին:

29. Եւ ամբողջ երկու տարի Պօղոսն ապրեց իր ծախսով:

30. Եւ ընդունում էր բոլոր Նրանց, որ գալիս էին իր մօտ:

31. Քարոզում էր Աստծու արքայութիւնը եւ ամենայն համարձակութեամբ անարգել ուսուցանում էր Տէր Յիսուս Քրիստոսի մասին:

ՀՈՌԱԵԱՑԻՆԵՐԻՆ

## Գլուխ 1

1. Պօղոսը՝ Յիսուս Քրիստոսի ծառան, կոչումով առաքեալ, ընտրուած քարոզելու Աստծու Աւետարանը,
2. որ նա առաջուց խոստացել էր իր մարգարէների միջոցով սուրբ գրուածքներում
3. իր Որդու մասին, որը մարմնով սերում էր Դաւթի սերնդից եւ
4. որը, զօրութեամբ, Աստծու Որդի էր սահմանուած ըստ Սուրբ Հոգու՝ մեռելներից իր յարութեամբ, - մեր Տէր Յիսուս Քրիստոսը,
5. որի միջոցով ստացանք առաքեալ լինելու շնորհ՝ իր անուան համար հաւատի հնազանդութեան բերելու բոլոր հեթանոսներին,
6. որոնց թւում էք եւ դուք՝ կանչուածների Յիսուս Քրիստոսին.
7. ամենքիդ, որ Հռոմում էք, Աստծու սիրելիներիդ, կանչուած սրբերիդ, ձեզ շնորհ եւ խաղաղութիւն մեր Հայր Աստծուց եւ Տէր Յիսուս Քրիստոսից:
8. Նախ՝ ձեր բոլորի համար գոհութիւն եմ մատուցում իմ Աստծուն, Յիսուս Քրիստոսի միջոցով, նրա համար որ ձեր հաւատը պատմում է ամբողջ աշխարհով մէկ:
9. Վկայ է ինձ Աստուած, որին պաշտում եմ ես իմ հոգով նրա Որդու Աւետարանի քարոզութեամբ,
10. թէ ինչպէս եմ անդադար յիշում ձեզ՝ ամենայն ժամ իմ բոլոր աղօթքներում աղաչելով, որ թերեւ երբեւէ ինձ յաջողուի, Աստծու կամքով, գալ ձեզ մօտ.
11. որովհետեւ խիստ կարօտել եմ ձեզ տեսնել, որպէսզի ձեզ փոխանցեմ որոշ հոգեւոր շնորհներ՝ ամրապնդելու ձեզ,
12. այսինքն՝ միախառնակից լինելու ձեզ հասարակաց հաւատի համար, որ իմն է, ինչպէս եւ ձերը:
13. Չեմ կամենում, եղբայրներ՝, որ դուք անտեղեակ լինեք, թէ շահ անգամ կամեցայ գալ ձեզ մօտ, որպէսզի ձեր մէջ էլ որեւէ պտուղ գտնեմ, ինչպէս այլ հեթանոսների մէջ, բայց այդ արգելուեց ինձ մինչեւ այժմ:
14. Ես պարտական եմ ե՛ւ յոյներին ու բարբարոսներին, ե՛ւ իմաստուններին ու անգետներին.
15. այդպէս էլ, որչափ իմ ուժերը ներեն, ես պատրաստ եմ յօժարութեամբ աւետարանելու նաեւ ձեզ, որ Հռոմում էք:
16. Որովհետեւ ամօթ չեմ համարում աւետարանելը, քանի որ այն Աստծու զօրութիւնն է՝ ի փրկութիւն բոլոր հաւատացեալների. նախ՝ հրեայի, ապա եւ՝ հեթանոսի.
17. որովհետեւ Աստծու արդարութիւնը, որ հաւատից է, հաւատի՛ համար է յայտնուում, ինչպէս որ գրուած է, թէ՛ արդարը հաւատով է ապրելու:
18. Արդարեւ Աստծու բարկութիւնը երկնքից յայտնուելու է մարդկանց ամբողջ անհաւատութեան եւ անիրաւութեան վրայ, քանի որ նրանք ճշմարտութիւնը անիրաւութեամբ են բռնած պահում:
19. Ինչ որ կարելի է իմանալ Աստծու մասին, յայտնուած է նրանց, քանզի Աստուած ինքը յայտնեց այն նրանց.
20. արդարեւ ի սկզբանէ աշխարհի Աստծու աներեւոյթ յատկութիւնները, այն է՝ Նրա մշտնջենաւորութիւնը եւ զօրութիւնը եւ աստուածութիւնը, իմանալի կերպով տեսանելի են Նրա ստեղծածների մէջ. այնպէս որ, ամենեւին արդարանալ չեն կարող.
21. որովհետեւ ճանաչեցին Աստծուն, բայց իբրեւ Աստուած չփառաւորեցին կամ գոհութիւն չմատուցեցին նրան, այլ իրենց մտածումների մէջ նանրացան, եւ նրանց սրտերը անմտութեամբ խաւարեցին:
22. Իրենք իրենց իմաստունների տեղ էին դնում եւ յիմարացան:
23. Եւ անեղծն Աստծու փառքը փոխեցին՝ այն նմանեցնելով մարդու եղծելի պատկերի եւ թռչունների եւ չորքոտանիների եւ սողունների:
24. Դրա համար, ըստ իրենց սրտերի ցանկութեան, Աստուած նրանց մատնեց պղծութեան, որ անարգեն իրենց մարմինները իրենք իրենց մէջ.
25. նրանք փոխանակեցին Աստծու ճշմարտութիւնը ստով, հնազանդուեցին ու

պաշտեցին արարածներին եւ ոչ Արարչին, որ օրհնեալ է յաւիտեանս: Ամէն:

26. Ահա թէ ինչու Աստուած նրանց մատնեց անարգ կրօնի. որովհետեւ նրանց էգերը բնական կարիքները փոխանակեցին անբնական կարիքներով:

27. Նոյնպէս եւ արուները, թողնելով էգի հանդէպ բնական կարիքները, իրենց ցանկութիւններով բորբոքուեցին միմեանց հանդէպ. արուները արուների հետ խայտառակութիւն էին գործում եւ փոխարէնը իրենք իրենց անձերի մէջ ընդունում էին իրենց մոլորութեան հատուցումը:

28. Եւ քանի որ չկամեցան ճանաչել Աստծուն, Աստուած նրանց մատնեց անարգ մտքերի, որ անվայել բաներ անեն՝

29. լցուած լինելով ամենայն անիրաւութեամբ, պոռնկութեամբ, անզգամութեամբ, ազահութեամբ, չարութեամբ, կատարեալ նախանձով, սպանութեամբ, կռուազանցութեամբ, նենգութեամբ, չարասրտութեամբ.

30. բանսարկու, չարախօս, աստուածատեաց, նախատող, հպարտ, ամբարտաւան, պոռոտախօս, չարահնար, ծնողատեաց,

31. անմիտ, ուխտադրուժ, անագորոյն, անգութ, անողորմ.

32. նրանք գիտէին Աստծու արդար դատաստանը, թէ այսպիսի բաներ գործողները մահուան են արժանի. եւ ոչ միայն նրանք, որ անում են այդ բաները, այլ նաեւ նրանք, որ գործողներին հաւանութիւն են տալիս:



1. Ուստի, ո՛վ մարդ, դու, որ դատում ես, չես արդարանալու. այն բանի համար, որ ընկերոջդ ես դատում, դրանով իսկ ինքդ քեզ ես դատապարտում. քանի որ դու նոյնն ես անում, ինչի համար որ դատում ես նրան:
2. Քանզի գիտենք, որ Աստծու դատաստանը ճշմարտութեամբ է գործադրում նրանց նկատմամբ, ովքեր այսպիսի բաներ են գործում:
3. Իսկ արդ, ո՛վ մարդ, դու, որ դատում ես նրանց, ովքեր այդպիսի բաներ են գործում, եւ դու էլ նոյնն ես գործում, կարծո՞ւմ ես, թէ ազատուելու ես Աստծու դատաստանից:
4. Եթէ արհամարհում ես նրա բարութեան առատութիւնը եւ ներողամտութիւնն ու համբերութիւնը, չգիտե՞ս, որ Աստծու բարութիւնը քեզ ապաշխարութեան է տանում:
5. Եւ քո խստասրտութեամբ ու անզիղջ սրտով քո անձի դէմ բարկութիւն ես դիզում բարկութեան օրուայ եւ Աստծու արդար դատաստանի յայտնութեան օրուայ համար.
6. Աստծու, որ հատուցում է իւրաքանչիւրին ըստ իր գործերի.
7. յաւիտենական կեանք՝ նրանց, որ բարի գործերի մէջ, իրենց յարատեւ համբերութեամբ, փնտռում են փառք, պատիւ եւ անմահութիւն,
8. իսկ նրանց, որ հակառակողներ են եւ ճշմարտութեան դէմ ապստամբողներ ու անիրաւութեան յետեւից գնացողներ՝ բարկութիւն եւ զայրոյթ,
9. նեղութիւն եւ անձկութիւն՝ ամէն մարդու, որ չարիք է գործում, նախ՝ հրեայի եւ ապա՝ հեթանոսի,
10. իսկ փառք, պատիւ եւ խաղաղութիւն՝ իւրաքանչիւրին, որ բարին է գործում, նախ՝ հրեայի եւ ապա՝ հեթանոսի.
11. որովհետեւ Աստծու առաջ աջառութիւն չկայ:
12. Բոլոր նրանք, որ մեղանչեցին առանց օրէնք ունենալու, առանց օրէնքի էլ կը կորչեն. իսկ նրանք, որ օրէնք ունենալով մեղանչեցին, օրէնքով էլ կը դատուեն
13. (որովհետեւ օրէնքը լսողները չեն, որ արդար են Աստծու առաջ, այլ օրէնքը կատարողները պիտի արդարացուեն:
14. Եւ ուրեմն հեթանոսները, որ օրէնք չունեն, բնականօրէ՛ն են օրէնքի գործերը կատարում. նրանք, օրէնք չունենալով, իրենք իրենց համար իսկ օրէնք են:
15. Նրանք ցոյց են տալիս, թէ Աստծու օրէնքի պահանջները գրուած են իրենց սրտերում՝ իրենց խղճի վկայութեամբ եւ իրենց խորհուրդների մէջ միմեանց մեղադրելով կամ արդարացնելով), -
16. այն օրը, երբ Աստուած պիտի դատի մարդկանց գաղտնի գործերը, ըստ իմ աւետարանի, Յիսուս Քրիստոսի միջոցով:
17. Ահա եւ դու, որ հրեայ ես կոչւում եւ յենուել ես օրէնքին ու պարծենում ես Աստուծով,
18. դու, որ գիտես նրա կամքը եւ ընտրում ես բարին ու կրթուած ես ըստ օրէնքի,
19. դու, որ վստահ ես քո անձի վրայ՝ առաջնորդ լինելու կոյրերին, լոյս՝ խաւարի մէջ եղողներին,
20. խրատող՝ անմիտներին, ուսուցիչ՝ մանուկներին, քանի որ վստահ ես, թէ ունես օրէնքի մէջ գիտութեան եւ ճշմարտութեան կատարեալ պատկերացումը...
21. Իսկ արդ, դու, որ ուսուցանում ես ընկերոջդ, ինքդ քեզ չես ուսուցանում. քարոզում ես՝ չգողանալ, գողանում ես.
22. ասում ես՝ չչնանալ, շնանում ես. գարշում ես մեհեաններից, տաճարներն ես կողոպտում.
23. օրէնքով պարծենում ես՝ օրէնքը խախտելով Աստծուն ես անարգում.
24. որովհետեւ Աստծու անունը ձեր պատճառով հեթանոսների մէջ հայհոյւում է, ինչպէս որ գրուած է է:
25. Թլփատութիւնն օգուտ կ'ունենայ, եթէ օրէնքը պահես, իսկ եթէ օրէնքը խախտող ես, քո թլփատութիւնը անթլփատութիւն կը լինի.
26. ուրեմն եթէ անթլփատ մարդը օրէնքի իրաւունքները պահի, նրա անթլփատութիւնը արդեօք թլփատութիւն չի՞ համարուի:

27. Եւ ի բնէ անթլփատ մարդը, օրէնքը կատարելով, պիտի դատի քե՛զ, որ, գրաւոր օրէնքն ունենալով եւ թլփատուած լինելով հանդերձ, մեղանչել ես օրէնքի դէմ.

28. որովհետեւ բուն հրեան նա չէ, որ արտաքուստ է երեւում, եւ ոչ էլ բուն թլփատութիւնը՝ արտաքուստ եղածը՝ մարմնականը:

29. Այլ հրեան նա է, որ ներքուստ է, եւ թլփատութիւնը սրտի թլփատութիւնն է՝ ըստ հոգու եւ ոչ թէ ըստ գրի, եւ որի գովքը մարդկանցից չէ, այլ՝ Աստծուց:

1. Արդ, ո՞րն է հրեայի առաւելութիւնը, կամ թլփատութիւնից ի՞նչ օգուտ.
2. շատ բան՝ ամէն տեսակէտներով: Նախ՝ այն, որ Աստծու պատգամները նրանց վստահուեցին:
3. Իսկ արդ, եթէ ոմանք հաւատարիմ չգտնուեցին, միթէ նրանց անհաւատութիւնը Աստծու հաւատարմութիւնը խափանե՞ց:
4. Քա՛ւ լիցի: Արդ, թող Աստուած ճշմարիտ լինի, իսկ ամէն մարդ՝ սուտ, ինչպէս որ գրուած էլ է, թէ՛
5. Բայց եթէ մեր անիրաւութիւնը ցայտուն է դարձնում Աստծու արդարութիւնը, ի՞նչ ասենք. անիրա՞ւ է Աստուած, որ բարկութիւն է թափում:
6. Որպէս մարդ եմ խօսում: Քա՛ւ լիցի, ապա թէ ոչ Աստուած ինչպէ՞ս կը դատի աշխարհը.
7. արդարեւ, եթէ իմ ստով Աստծու ճշմարտութիւնը անելանում է ի փառս նրա, էլ ինչի՞ համար եմ ես դատում իբրեւ մեղաւոր:
8. Ուրեմն, ահա թէ ինչպէս են նախատում մեզ, եւ ինչպէս ոմանք մեր մասին ասում են իբր թէ ասած լինենք՝ չարի՛ք գործենք, որպէսզի բարին գայ. նրանք արժանի են իրենց դատապարտութեան:
9. Եւ արդ, ինչո՞վ ենք առաւել. արդարեւ եւ ոչ մի բանով. որովհետեւ անելի վերել էլ հաստատեցինք հրեաների եւ հեթանոսների՝ ամենքի էլ մեղքի տակ լինելը:
10. Ինչպէս գրուած էլ է.
11. Բայց գիտենք, որ, ինչ օրէնքն ասում է, ասում է նրանց, որ օրէնքի տակ են, որպէսզի ամէն բերան փակուի, եւ ամբողջ աշխարհը Աստծու դատապարտութեան տակ դրուի,
12. քանի որ ոչ մի մարդկային էակ օրէնքի գործերով չպիտի արդարացուի նրա առաջ, քանզի օրէնքի միջոցով է մեղքի ճանաչումը:
13. Բայց հիմա առանց օրէնքի էլ Աստծու արդարութիւնը յայտնուած է՝ օրէնքի եւ մարգարէների վկայութեամբ.
14. որովհետեւ Աստծու արդարութիւնը ի Յիսուս Քրիստոս եղած հաւատի միջոցով է բոլոր հաւատացողների համար. չկայ ոչ մի խտրութիւն.
15. որովհետեւ բոլորն էլ մեղք գործեցին եւ զրկուեցին Աստծու փառքից,
16. բայց նրա շնորհիւ ձրի արդարացան Քրիստոս Յիսուսի միջոցով եղած փրկութեամբ:
17. Որովհետեւ Աստուած, նրա արեամբ, հաւատի միջոցով, որպէս քաւութիւն էր նախասահմանել՝ յապացոյց իր արդարութեան, ի թողութիւն անելի առաջ, Աստծու համբերութեան ժամանակ գործուած մեղքերի,
18. յապացոյց իր արդարութեան ներկա՛յ ժամանակում, յապացոյց այն բանի, որ ինքն արդար է եւ կ'արդարացնի նրան, ով Յիսուսին է հաւատում:
19. Իսկ արդ, ո՞ր է մնում պարծենալը. ի չիք դարձաւ. ի՞նչ օրէնքով. գործերի՞ օրէնքով. ո՛չ, այլ հաւատի օրէնքով.
20. որովհետեւ մենք ընդունում ենք, որ մարդը հաւատով է արդարանում առանց օրէնքի գործերի:
21. Աստուած միայն հրեաների՞ն է եւ հեթանոսներինը՝ ո՞չ. այո՛, հեթանոսներինն էլ է.
22. քանի որ մե՛կ Աստուած կայ, որ արդարացնում է հաւատի միջոցով եղած թլփատութիւնը, ուրեմն եւ՝ անթլփատութիւնն էլ՝ նոյն հաւատով:
23. Արդ, այս հաւատով միթէ ի չի՞ք ենք դարձնում օրէնքը. քա՛ւ լիցի. ընդհակառակն, օրէնքն ենք հաստատում:

1. Իսկ արդ, ի՞նչ կարող ենք ասել Աբրահամի՝ ըստ մարմնի մեր նախահոր մասին.
2. որովհետեւ, եթէ Աբրահամը գործերով էր արդարացուած, պարծենալու պատճառ ունէր, բայց ոչ Աստծու առաջ:
3. Իսկ ի՞նչ է ասում Գրուածքը.
4. Բայց ով գործ է անում, նրա վարձը որպէս շնորհ չի դիտւում, այլ՝ որպէս պարտք.
5. իսկ նա, ով գործ չի անում, բայց հաւատում է նրան, ով արդարացնում է մեղաւորին, այդպիսի մէկի հաւատը համարւում է որպէս արդարութիւն:
6. Այսպէս էլ Դաւիթը երանի է տալիս այն մարդուն, որին Աստուած արդար է համարում առանց նայելու նրա գործերին.
7. Արդ, այս երանութիւնը թլփատուածների՞ն է, թէ՞ նաեւ՝ չթլփատուածներինը. քանզի ասում ենք, թէ՛ Աբրահամի հաւատը որպէս արդարութիւն համարուեց:
8. Արդ, ինչպէ՞ս համարուեց. մինչեւ թլփատութիւնը, թէ՞ թլփատութիւնից յետոյ: Ոչ թէ թլփատութեան ժամանակ, այլ՝ անթլփատութեան:
9. Եւ նա ստացաւ թլփատութիւնը իբրեւ նշան, իբրեւ կնիք այն հաւատի արդարութեան, որ ունէր անթլփատութեան ժամանակ, որպէսզի նա հայր լինի բոլոր հաւատացեալներին, որ դեռեւս անթլփատ են՝ այդ իրենց եւս որպէս արդարութիւն համարուելու համար,
10. եւ լինի նաեւ հայր թլփատուածների ոչ միայն նրա համար, որ նրանք թլփատուած են, այլ նաեւ նրա համար, որ գնում են մեր հայր Աբրահամի՝ չթլփատուած ժամանակուայ հաւատի հետքերով:
11. Արդարեւ, Աբրահամին եւ նրա սերնդին աշխարհը ժառանգելու խոստումը եղաւ ոչ թէ օրէնքի, այլ՝ հաւատի արդարութեան միջոցով.
12. քանի որ, եթէ ժառանգները նրանք են, որ օրէնքի ուժով են ժառանգ, ապա ընդունայն է հաւատը եւ դատարկ՝ խոստումը.
13. որովհետեւ օրէնքը բարկութիւն է առաջ բերում. ուր չկայ օրէնք, չկայ եւ օրինազանցութիւն:
14. Ահա թէ ինչու հաւատից է խոստումը, որպէսզի դա ըստ շնորհի լինի եւ որպէսզի խոստումը ի զօրութիւն Աբրահամի ամբողջ սերնդի համար, ոչ միայն այն սերնդի համար, որ օրէնքի ուժով է ժառանգ, այլեւ բոլոր նրանց համար, որոնք ունեն հաւատը Աբրահամի, որը մեր բոլորի հայրն է.
15. ինչպէս որ գրուած է Է. Քեզ կարգեցի հայր բազում ազգերի: Նա հայր է Աստծու առաջ, որին հաւատաց, թէ կենդանացնում է մեռելներին եւ չեղած բաները գոյութեան է կոչում:
16. Աբրահամը, որ անյուսութեան մէջ էր, յոյսով հաւատաց, որ ինքը կը լինի բազում ազգերի հայր, ինչպէս որ ասուել էր, թէ՛ այսպէ՛ս պիտի լինի քո սերունդը:
17. Եւ նա չերկմտեց իր հաւատի մէջ, թէպէտ նայեց իր մարմնին արդէն իբրեւ մեռած մարմնի, - քանի որ հարիւր տարեկանի մօտ էր, - եւ Սառայի մեռած արգանդին:
18. Բայց Աստծու խոստման վրայ չերկմտեց անհաւատութեամբ, այլ զօրացաւ հաւատով, փառք տուեց Աստծուն
19. եւ հաստատապէս համոզուեց իր մտքում, թէ նա, որ խոստացաւ, կատարելու կարո՞ղ է:
20. Դրա համար այդ նրան որպէս արդարութիւն համարուեց:
21. Արդ, միայն Աբրահամի համար չէ, որ գրուած է, թէ այս բանը նրա համար արդարութիւն համարուեց.
22. այլ համարուելու է եւ մե՛զ համար, որ հաւատում ենք Նրան, որ մեռելներից յարութիւն տուեց Յիսուսին՝ մեր Տիրոջը,
23. որ մահուան մատնուեց մեր յանցանքների համար եւ յարութիւն առաւ, որ մեզ արդարացնի:

1. Ուրեմն, հաւատով արդարացուած, խաղաղութիւն ունենանք Աստծու հետ մեր Տէր Յիսուս Քրիստոսով,
2. որի միջոցով էլ կարողացանք, հաւատով, մերձեւալ այն շնորհին, որի մէջ եւ կանք ու պարծենում ենք Աստծու փառքի յոյսով:
3. Եւ ոչ միայն այսքանը. այլեւ պարծենում ենք մեր նեղութիւնների մէջ եւս, քանզի գիտենք, որ նեղութիւնները համբերութիւն են բերում,
4. համբերութիւնը՝ փորձառութիւն, փորձառութիւնը՝ յոյս:
5. Յոյսը երբեք չի ամաչեցնում, որովհետեւ Աստծու սերը սփռուած է մեր սրտերում Սուրբ Հոգու միջոցով, որ տրուեց մեզ.
6. արդարեւ, մինչդեռ տկար էինք, Քրիստոս, ճիշտ ժամանակին, մեզ՝ մեղաւորներիս համար մեռաւ.
7. որովհետեւ արդար մարդու համար հազիւ թէ մէկը մեռնի, բայց բարի մարդու համար թերեւս մէկը համարձակուի մեռնել:
8. Աստուած իր սերը մեր հանդէպ յայտնեց նրանով, որ, մինչդեռ մեղաւոր էինք, Քրիստոս մեզ համար մեռաւ:
9. Այժմ, որ մենք արդարացուած ենք նրա արեամբ, որչա՛փ եւս առաւել նրանով փրկուած պիտի լինենք այդ բարկութիւնից.
10. որովհետեւ, եթէ, մինչ թշնամի էինք, հաշտուեցինք Աստծու հետ նրա Որդու մահուամբ, որչա՛փ եւս առաւել, երբ արդէն հաշտուած ենք, փրկուած պիտի լինենք նրա կեանքով:
11. Եւ ոչ միայն այսքանը. այլ նաեւ պարծենում էլ ենք Աստուծով մեր Տէր Յիսուս Քրիստոսի միջոցով, որով եւ հաշտութիւնն իսկ ընդունեցինք:
12. Ինչպէս որ մէկ մարդով մեղքը աշխարհի մտաւ, եւ մեղքով էլ՝ մահը, այնպէս էլ բոլոր մարդկանց մէջ տարածուեց մահը, որովհետեւ բոլորն էլ մեղանշեցին.
13. քանզի մինչեւ օրէնքը մեղքը աշխարհում կար. բայց մեղքը մեղք չի համարում, ուր չկայ օրէնք.
14. սակայն մահը թագաւորեց Ադամից մինչեւ Մովսէս Նոյնիսկ նրանց վրայ, որոնք Ադամի յանցանքի նման յանցանք չգործեցին, Ադամի, որը օրինակն է նրա, որ գալու էր:
15. Բայց շնորհն այնպէս չէ, ինչպէս յանցանքը. որովհետեւ, եթէ մէկի յանցանքով շատեր մեռան, որչա՛փ եւս առաւել Աստծու շնորհները եւ պարգեւները մէկ մարդուն՝ Յիսուս Քրիստոսի շնորհով աւելացան շատերի մէջ:
16. Եւ այս պարգեւները այնպէս չեն, ինչպէս որ է մէկ մարդու մեղքի հետեւանքը. որովհետեւ մէկի մեղքի դատաստանը դատապարտութիւն բերեց, իսկ շնորհը գործուած շատ մեղքերի արդարութիւն բերեց.
17. արդարեւ, եթէ մէկ մարդու յանցանքով մահը թագաւորեց միայն այդ մէկով, որչա՛փ եւս առաւել նրանք, որ շնորհի առատութիւն եւ արդարութեան պարգեւներ են ստանում, կեանքի մէջ պիտի թագաւորեն միակ Յիսուս Քրիստոսի միջոցով:
18. Ապա ուրեմն, ինչպէս մէկ մարդու յանցանքով բոլոր մարդիկ դատապարտութեան մատնուեցին, նոյնպէս եւ մէկի արդարութեամբ բոլոր մարդիկ պիտի հասնեն կեանքի արդարութեան շնորհին.
19. որովհետեւ, ինչպէս մէկ մարդու անհնազանդութեամբ շատ մեղաւորներ եղան, նոյնպէս եւ մէկի հնազանդութեամբ շատ արդարներ պիտի լինեն:
20. Բայց օրէնքը մէջտեղ ընկաւ, որպէսզի յանցանքները բազմանան. որովհետեւ, ուր որ մեղքը շատացաւ, շնորհն առաւել եւս շատացաւ:
21. Ինչպէս որ մեղքը թագաւորեց մահուան մէջ, նոյնպէս եւ շնորհը պիտի թագաւորի արդարութեամբ մինչեւ յաւիտենական կեանք մեր Տէր Յիսուս Քրիստոսի միջոցով:

1. Իսկ արդ, ի՞նչ ասենք. մնա՞նք մեղքի մեջ, որպեսզի շնորհը բազմանայ:
2. Քա՛ւ լիցի: Մենք, որ մեռանք մեղքի նկատմամբ, ինչպե՞ս տակաւին ապրենք նրա մեջ:
3. Կամ չգիտե՞ք, թէ մենք բոլորս, որ մկրտուեցինք Յիսուս Քրիստոսով, նրա մահո՛ւմ է, որ մկրտուեցինք:
4. Մկրտութեամբ թաղուեցինք նրա հետ մահուան մեջ, որպեսզի, ինչպէս որ Քրիստոս մեռելներից յարութիւն առաւ Հօր փառքով, նոյնպէս եւ մենք քայլենք նոր կեանքով.
5. որովհետեւ, եթէ նրա մահուան նմանութեամբ տնկակից եղանք նրան, պիտի լինենք նաեւ նրա յարութեան նմանութեամբ:
6. Այս իմացե՛ք, որ մեր միջի հին մարդը խաչուեց նրա հետ, որպեսզի քայքայուի մեղքի մարմինը, եւ այլեւս մենք չծառայենք մեղքին.
7. որովհետեւ, ով մեռնում է, ազատ է մեղքից:
8. Իսկ եթէ մեռանք Քրիստոսի հետ, հաւատում ենք, թէ նրա հետ էլ կ'ապրենք:
9. Գիտենք, թէ Քրիստոս մեռելներից յարութիւն առած լինելով՝ այսուհետեւ չի մեռնի, եւ մահը նրան այլեւս չի տիրի.
10. որովհետեւ նա, որ մեռաւ, մեղքի համար մեռաւ մեկընդմիշտ, եւ նա, որ կենդանի է, կենդանի է Աստծու համար:
11. Նոյնպէս եւ դուք ձեզ մեռած համարեցե՛ք մեղքի համար, բայց կենդանի՝ Աստծու համար, մեր Տէր Քրիստոս Յիսուսով:
12. Այսուհետեւ մեղքը թող չթագաւորի ձեր մահկանացու մարմիններին՝ հնազանդեցնելու ձեզ իր ցանկութիւններին:
13. Եւ ձեր մարմնի անդամները, որպէս անիրաւութեան գործիք, ի ծառայութիւն մեղքի մի՛ պատրաստեք, այլ յանձնեցե՛ք ձեզ՝ ի ծառայութիւն Աստծու, որպէս մեռելներից կենդանի դարձածներ, իսկ ձեր մարմնի անդամները՝ արդարութեան գործիքներ՝ ի ծառայութիւն Աստծու,
14. որպեսզի մեղքը ձեզ չտիրի. քանզի օրէնքի տակ չէք, այլ՝ շնորհի:
15. Իսկ արդ, ի՞նչ: Մե՞ղք գործենք, որովհետեւ օրէնքի տակ չենք, այլ՝ շնորհի: Քա՛ւ լիցի:
16. Զգիտե՞ք, թէ ում համար, որ դուք ձեզ ծառայութեան մեջ էք դնում հնազանդութեան համար, ծառայ էք, ում որ հնազանդուում էք. եթէ՝ մեղքին՝ մահուան է տանում, իսկ եթէ՝ Աստծու հնազանդութեանը՝ արդարութեան:
17. Բայց գոհութիւն Աստծու. մեղքի ծառաներ էիք, բայց ի սրտէ հնազանդուեցիք այնպիսի վարդապետութեան, որ ձեզ աւանդուեց:
18. Արդ, մեղքից ազատագրուածներդ ծառայեցե՛ք արդարութեան:
19. Մարդկայնօրէն եմ ասում՝ ձեր մարդկային տկարութեան պատճառով. եւ ինչպէս որ ձեր մարմնի անդամները տուեցիք անօրինութեանը, որպէս ծառաներ պղծութեան եւ անօրինութեան, նոյնպէս եւ այժմ ձեր մարմնի անդամները տուե՛ք սրբութեան համար՝ որպէս ծառաներ արդարութեան.
20. որովհետեւ, մինչ մեղքի ծառաներն էիք, ազատ էիք արդարութեան հանդէպ:
21. Իսկ արդ, ի՞նչ պտուղ ունէիք ան ժամանակ, որի համար այժմ ամաչում էք. որովհետեւ դրանց վախճանը մահ է:
22. Բայց այժմ, ազատուած մեղքից եւ ծառայ դարձած Աստծուն՝ ձեր պտուղն էք տալիս սրբութեամբ, եւ նրա վախճանը կեանք է յաւիտենական.
23. քանի որ մեղքի վարձը մահն է, իսկ Աստծու շնորհը՝ յաւիտենական կեանք՝ մեր Տէր Քրիստոս Յիսուսի միջոցով:

1. Կամ թե չգիտե՞ք, եղբայրներ՛ր, - որովհետեւ օրենքին գիտակ մարդկանց եմ ասում, - որ օրենքը տիրում է մարդուն այնքան ժամանակ, քանի նա կենդանի է:
2. ինչպես որ ամուսնացած կինը օրենքով կապուած է իր մարդուն, քանի դեռ սա կենդանի է. իսկ եթե մարդը մեռնի, իր մարդուն կապող օրենքից արձակուած է:
3. Ապա ուրեմն, մինչ մարդը կենդանի է, շուն կը կոչուի, եթե ուրիշ մարդու կին լինի. իսկ եթե մարդը մեռնի, ազատ է այդ օրենքից եւ շուն չի համարուի, եթե ուրիշ մարդու կին լինի:
4. Այսպես էլ դուք, եղբայրներ՛ր, օրենքի հանդէպ մեռած էք Քրիստոսի մարմնով, որպէսզի լինէք ուրիշինը, նրանը, որ մեռելներից յարութիւն է առել, որպէսզի պտղաբեր լինենք Աստծու համար.
5. քանզի, մինչ մարմնական ցանկութիւնների համեմատ էինք ապրում, մեղքի կրօնքը, որ օրենքից մղում էին ստանում, զօրանում էին մեր մարմնի անդամների մէջ՝ մեզ առաջնորդելու համար մահուան:
6. Բայց այժմ բռնաթափուեցինք օրենքից, քանզի մեռա՛նք այն բանի նկատմամբ, որով բռնուած էինք, որպէսզի ծառայենք Հոգու նորոգութեամբ եւ ո՛չ գրուածքի հնութեամբ:
7. Իսկ արդ, ի՞նչ ասենք. օրենքը մե՞ղք է: Քա՛ն լիցի. բայց մեղքը չէի ճանաչի այլ կերպ, քան օրենքով. եւ ցանկութիւնը չէի ճանաչի, եթե օրենքը ասած չլինէր՝ մի՛ ցանկացիր:
8. Մեղքը պատուիրանով առիթ գտաւ եւ իմ մէջ առաջ բերեց ամենայն ցանկութիւն, որովհետեւ առանց օրենքի մեղքը մեռած է:
9. Կար ժամանակ, որ ես էլ առանց օրենքի կենդանի էի, բայց, երբ պատուիրանն ինձ հասաւ, մեղքը կենդանացաւ,
10. եւ ես մեռայ. եւ նոյն այն պատուիրանը, որ կեանքի համար էր, իմ մահուան պատճառ եղաւ.
11. որովհետեւ մեղքը պատուիրանով առիթ գտաւ, խաբեց ինձ, դրանով էլ սպանեց:
12. Այսպես ուրեմն, օրենքը սուրբ է, պատուիրանն էլ՝ սուրբ եւ արդար ու բարի:
13. Իսկ արդ, բարի՞ն մահ եղաւ ինձ համար. քա՛ն լիցի. այլ մեղքը, օգտագործելով ինչ որ բարի է, ինձ մահ պատճառեց, որպէսզի պատուիրանի միջոցով մեղքը յայտնուի որպէս մեղք իր իսկական սաստկութեամբ:
14. Գիտենք, որ օրենքը հոգեւոր է. իսկ ես մարմնաւոր եմ՝ մեղքին վաճառուած.
15. քանի որ չեմ իմանում, ինչ որ գործում եմ. ոչ թե այն եմ անում, ինչ որ ուզում եմ, այլ գործում եմ այն, ինչ որ ատում եմ.
16. ապա եթե անում եմ այն, ինչ որ չեմ կամենում, դրանով իսկ վկայում եմ, թե օրենքը բարի է:
17. Իսկ արդ, ե՛ս չէ, որ գործում եմ այն, այլ՝ իմ մէջ բնակուող մեղքը:
18. Գիտեմ, որ ոչ մի բարի բան չի բնակւում իմ մէջ, այսինքն՝ իմ մարմնի մէջ, որովհետեւ կամենալը կար իմ մէջ, իսկ բարին գործելը՝ ոչ.
19. որովհետեւ ոչ թե անում եմ բարին, որ կամենում եմ, այլ գործում եմ չարը, որը չեմ կամենում:
20. Իսկ եթե անում եմ այն, ինչ որ չեմ կամենում, այլեւս ե՛ս չէ, որ անում եմ այն, այլ՝ իմ մէջ բնակուող մեղքը:
21. Եւ արդ, գտնում եմ այն բանի օրենքը, որ, երբ ես ուզում եմ բարին գործել, իմ դէմ չարն է ելնում.
22. հաճելի է ինձ Աստծու օրենքը՝ ներքին մարդու տեսակետից,
23. բայց իմ մարմնի անդամների մէջ տեսնում եմ այլ օրենք, որ պայքարում է իմ մտքի օրենքին հակառակ եւ ինձ գերի է դարձրել մեղքի օրենքին, որ կայ իմ մարմնի անդամների մէջ:
24. Ի՛նչ խղճալի մարդ եմ ես: Ո՞վ կը փրկի ինձ այս մարմնից, որ ինձ մահուան է տանում:
25. Բայց գոհութիւն Աստծու՝ մեր Տէր Յիսուս Քրիստոսի միջոցով: Ապա ուրեմն ես ինքս

իմ մտքով ծառայում եմ Աստծու օրենքին, իսկ մարմնով՝ մեղքի օրենքին:



1. Եթե այդպես է, այլևս ոչ մի դատապարտութիւն չկայ նրանց համար, որոնք Քրիստոս Յիսուսի մէջ են.
2. որովհետեւ Քրիստոս Յիսուսով կեանք տուող հոգու օրէնքը ինձ փրկեց մեղքի եւ մահուան օրէնքից.
3. քանզի, ինչ որ անհնար էր օրէնքի համար, որ տկարանում էր մարմնի պատճառով, Աստուած հնարաւոր դարձրեց. առաքեց իր Որդուն մեղանշական մարմնի նմանութեամբ եւ մեղքի համար ու մարմնի մէջ դատապարտեց մեղքը,
4. որպէսզի օրէնքի արդարութիւնը կատարուի մեր մէջ, մեր, որ ոչ թէ ըստ մարմնի ենք ընթանում, այլ՝ ըստ հոգու.
5. արդարեւ նրանք, որ ըստ մարմնի են, մարմնին են խորհում, իսկ նրանք, որ ըստ հոգու են, հոգունը.
6. քանի որ մարմնաւոր խորհուրդը մահ է, իսկ հոգեւոր խորհուրդը կեանք եւ խաղաղութիւն.
7. քանզի մարմնաւոր խորհուրդը թշնամութիւն է առ Աստուած, որովհետեւ չի հնազանդում Աստծու օրէնքին. եւ նա ոչ իսկ կարող է:
8. Նրանք, որ մարմնի իշխանութեան տակ են, չեն կարող հաճելի լինել Աստծուն:
9. Բայց դուք մարմնի իշխանութեան տակ չէք, այլ՝ հոգու, եթէ Աստծու Հոգին բնակուած է ձեր մէջ: Ապա եթէ մէկը Քրիստոսի Հոգին չունի, նա նրան չի պատկանում:
10. Իսկ եթէ Քրիստոս ձեր մէջ է, ապա մարմինը մեռած է մեղքի համար, եւ հոգին կենդանի է արդարութեան համար:
11. Եթէ ձեր մէջ բնակւում է Նրա Հոգին, ով յարութիւն տուեց Յիսուսին մեռելներից, ապա եւ, ով յարութիւն տուեց Քրիստոսին մեռելներից, կը կենդանացնի ձեր մահկանացու մարմինները ձեր մէջ բնակուող իր Հոգով:
12. Այսպես, ուրեմն, եղբայրներ՝, մարմինն չէ, որ պարտական ենք՝ ըստ մարմնի ապրելով.
13. որովհետեւ, եթէ ըստ մարմնի ապրեք, կը մեռնեք. իսկ եթէ Հոգով մարմնի գործերը սպանեք, կ'ապրեք.
14. որովհետեւ նրանք, որ առաջնորդւում են Աստծու Հոգով, նրանք են Աստծու որդիներ.
15. քանի որ չստացաք ծառայութեան հոգին վերստին երկիւղի մէջ ընկնելու համար, այլ ստացաք որդեգրութեան հոգին, որով աղաղակւում ենք՝ Աբբա Հայր:
16. Նոյն ինքը Հոգին վկայում է մեր հոգուն, թէ Աստծու որդիներ ենք.
17. եւ եթէ որդիներ ենք, ապա եւ՝ ժառանգներ. ժառանգներ Աստծու եւ ժառանգակիցներ Քրիստոսի. եթէ իր չարչարանքներին կցորդ ենք, հաղորդակից ենք լինելու եւ փառքին:
18. Ինձ այնպես է թւում, թէ այս ժամանակի չարչարանքները արժանի չեն բաղդատուելու գալիք փառքի հետ, որ յայտնուելու է մեզ.
19. որովհետեւ ստեղծուածները մեծ ակնկալութեամբ սպասում են Աստծու որդիների յայտնութեանը,
20. քանի որ ստեղծուածները ունայնութեանը հնազանդուեցին (ոչ իրենց կամքով, այլ նրա համար, որ Աստուած հնազանդեցրեց նրանց)
21. այն յոյսով, որ ստեղծուածներն իրենք էլ ազատուեն ապականութեան ծառայութիւնից՝ Աստծու որդիների փառքի ազատութեան հասնելու համար.
22. քանզի գիտենք, որ բոլոր ստեղծուածները հեծեծում են եւ երկունքի ցաւի մէջ են մինչեւ այժմ.
23. եւ ոչ միայն այսչափ. այլ եւ մենք իսկ, որ Հոգու առաջին պտուղն ունենք, մենք եւս մեր մէջ հեծեծում ենք՝ սպասելով որդեգրութեանը՝ մեր մարմնի փրկութեանը.
24. որովհետեւ յոյսով փրկուեցինք. իսկ տեսանելի յոյսը յոյս չէ, քանի որ մի բան, որ մէկը տեսնում է, էլ ինչո՞ւ յուսայ.

25. իսկ եթե յոյս ունենք մի բանի, որը չենք տեսնում, ուրեմն՝ համբերութեամբ սպասում ենք դրան:
26. Նոյնպես եւ Հոգին օգնութեան է հասնում մեր տկարութիւններին. որովհետեւ մենք աղօթում ենք եւ չգիտենք, թէ ինչպէս արժան է աղօթել. բայց Հոգին ինքը բարեխօս է լինում մեզ անմոռնչ հառաչանքով:
27. Իսկ նա, ով քննում է սրտերը, գիտէ, թէ ինչ խորհուրդ ունի Հոգին, քանի որ ըստ Աստծու կամքի է բարեխօսում սրբերի համար:
28. Բայց գիտենք, թէ ամէն ինչ գործակից է լինում նրանց բարիքի համար, ովքեր սիրում են Աստծուն, որոնք եւ կանչուեցին նրա նախասահմանումով.
29. որովհետեւ նրանց, որ առաջուց գիտէր, նախասահմանեց կերպարանակից լինելու իր Որդու պատկերին, որպէսզի նա լինի անդրանիկը բազում եղբայրների մէջ.
30. եւ որոնց որ նախասահմանել էր, նրանց էլ կանչեց. եւ որոնց որ կանչեց, նրանց էլ արդարացրեց. եւ որոնց որ արդարացրեց, նրանց էլ փառաւորեց:
31. Իսկ արդ, ի՞նչ ասենք այս մասին: Եթէ Աստուած մեր կողմն է, ո՞վ կը լինի մեզ հակառակ:
32. Նա, որ իր Որդուն իսկ չինայեց, այլ մեր բոլորի համար մահուան մատնեց նրան, էլ ինչպէ՞ս մեզ չի շնորհելու ամենայն ինչ նրա հետ մեկտեղ:
33. Ո՞վ է, որ մեղադրելու է Աստծու ընտրեալներին. Աստուած է, որ արդարացնում է:
34. Իսկ արդ, ո՞վ է, որ դատապարտելու է: Քրիստոս Յիսուս է, որ մեռաւ, մանաւանդ որ յարութիւն էլ առաւ. եւ Աստծու աջում է եւ բարեխօս է մեզ համար:
35. Արդ, ո՞վ պիտի բաժանի մեզ Քրիստոսի սիրուց. տառապա՞նքը, թե՞ անձկութիւնը, թե՞ հալածանքը, թե՞ սովը, թե՞ մերկութիւնը, թե՞ վտանգները, թե՞ սուրը,
36. ինչպէս գրուած էլ է.
37. Բայց այս բոլորից է՛լ աւելի յաղթական ենք դուրս գալիս նրա միջոցով, ով սիրեց մեզ.
38. որովհետեւ վստահ եմ, թէ ո՛չ մահը, ո՛չ կեանքը, ո՛չ հրեշտակները, ո՛չ իշխանութիւնները, ո՛չ այլ բաներ, որ այժմ կան, ո՛չ գալիքները եւ ո՛չ զօրութիւնները,
39. ո՛չ բարձրութիւն, ո՛չ խորութիւն եւ ո՛չ մի ուրիշ արարած չի կարող բաժանել մեզ Աստծու այդ սիրուց, որ կայ մեր Տէր Քրիստոս Յիսուսով:

1. Ճշմարիտն եմ ասում Քրիստոսով եւ չեմ ստում, - խղճմտանքս է ինձ վկայում Սուրբ Հոգով,
2. որ մեծ տրտմութիւն է ինձ եւ անհատնում ցաւ՝ իմ սրտին, -
3. որովհետեւ ես ինքս երդումով փափագում էի նզովուել Քրիստոսից իմ ազգակից եղբայրների համար,
4. որ իսրայելացիներն են. նրանցն է որդեգրութիւնը, փառքը, ուխտերը, օրէնսդրութիւնը, պաշտամունքը եւ խոստումը.
5. նրանցն են նահապետները, նրանցից է նաեւ Քրիստոս՝ ըստ մարմնի. եւ նա՛ է բոլորի վրայ յաւիտեանս օրհնեալ Աստուած: Ամէն:
6. Կարելի չէ, որ Աստծու խօսքը գետնին մնայ. որովհետեւ ոչ բոլոր նրանք, որ Իսրայելի ցեղից են, իսրայելացիներ են:
7. Ոչ էլ բոլորը, որ Աբրահամի սերնդից են, որդիներ են. այլ՝ Իսահակի անունով քո սերունդը պիտի կոչուի,
8. այսինքն թէ՛ մարմնի որդիներ՝ չեն, որ Աստծու որդիներ են, այլ խոստման որդիներն են համարւում որպէս սերունդ.
9. քանզի այս է խոստումը, որ ասում է, թէ՛ Այս ժամանակում պիտի գամ, եւ Սառան որդի պիտի ունենայ:
10. Եւ ոչ միայն այսչափ. այլ նաեւ Ռեբեկան, որ յղացաւ մեր հայր Իսահակից նոյն անկողնում.
11. որովհետեւ, քանի դեռ տղաները չէին ծնուել, եւ քանի դեռ բարի կամ չար բան չէր գործուել (որպէսզի Աստծու ծրագիրը ըստ ընտրութեան հաստատուի
12. ոչ թէ գործերից, այլ՝ նրանից, ով կոչեց), - նրան ասուեց, թէ աւագը կրտսերին պիտի ծառայի.
13. ինչպէս գրուած էլ է, թէ՛ Յակոբին սիրեցի եւ Եսաւին ատեցի:
14. Իսկ արդ, ի՞նչ ասենք. միթէ կա՞յ անարդարութիւն Աստծուց: Քա՛ւ լիցի.
15. որովհետեւ ասում է Մովսէսին. Պիտի ողորմեմ, ում ողորմելու եմ. եւ պիտի գթամ, ում գթալու եմ:
16. Ուրեմն դա կախում չունի նրանից, ով կամենում է եւ ոչ էլ նրանից, ով ջանում է, այլ՝ Աստծուց, որ ողորմում է.
17. քանզի գրուածքն ասում է Փարաւոնին, թէ՛ Նրա համար քեզ գրգռեցի, որպէսզի ցոյց տամ իմ զօրութիւնը քեզնով, եւ իմ անունը հռչակուի ամբողջ երկրով մէկ:
18. Ապա ուրեմն, ողորմում է՝ ում ուզում է, եւ կարծրացնում է սիրտը նրա՝ ում ուզում է:
19. Իսկ արդ, կ'ասես, թէ՛ էլ ինչո՞ւ է մեղադրում, քանի որ նրա կամքին ոչ ոք չի հակառակում:
20. Արդ, դու ո՞վ ես, ո՞վ մարդ, որ հակառակում ես Աստծուն. միթէ ստեղծուածը կ'ասի՞ իր ստեղծողին, թէ՛ ինչո՞ւ այդպէս ստեղծեցիր ինձ.
21. բրուտը իշխանութիւն չունի՞ կաւի վրայ նոյն զանգուածից անօթ շինելու, մէկը՝ պատուական, իսկ միւսը՝ հասարակ:
22. Եթէ Աստուած ուզենար բարկութիւնը ցոյց տալ եւ յայտնի դարձնել իր զօրութիւնը, նա, որ համբերեց մեծ համբերատարութեամբ կորստեան համար պատրաստուած բարկութեան առարկայ անօթների հանդէպ,
23. որպէսզի յայտնի դարձնի իր փառքի հարստութիւնը ողորմութեան արժանացած անօթների վրայ, որոնց պատրաստեց փառքի համար,
24. եւ որոնց՝ մեզ, կանչեց ոչ միայն հրեաների միջից, այլ նաեւ՝ հեթանոսների...
25. Ինչպէս եւ ասում է Օսէի գրքում.
26. Եսային աղաղակում է Իսրայելի մասին, թէ՛
27. Եւ ինչպէս ասում է Եսային.
28. Իսկ արդ, ի՞նչ ասենք. այն, որ հեթանոսները, որոնք արդարութեան յետեւից չէին գնում, հասան արդարութեան. այն արդարութեան, որ հաւատից է.

29. իսկ Իսրայելը գնում է օրենքի արդարության յետեւից, բայց այդ օրենքի արդարութեանը չհասաւ:
30. Ինչո՞ւ. որովհետեւ ոչ թէ հաւատին հետամուտ էր, այլ՝ օրենքի գործերին. քանի որ նրանք գայթակղութեան վեմին բախուելով՝ սայթաքեցին:
31. Ինչպէս գրուած էլ է.

1. Եղբայրներ, իմ սրտի փափագը եւ աղօթքը առ Աստուած՝ նրանց փրկութեան համար են.
2. քանզի վկայում եմ նրանց համար, թէ նախանձախնդրութիւն ունեն Աստծու հանդէպ, բայց՝ անգիտութեամբ.
3. որովհետեւ նրանք չգիտակցելով Աստծու արդարութիւնը եւ իրենց արդարութիւնը հաստատել ուզելով՝ Աստծու արդարութեանը չհնազանդուեցին:
4. Արարեւ, Քրիստոսն է օրէնքի վախճանը բոլոր հաւատացեալների արդարացման համար:
5. Մովսէսը գրում է այն արդարութեան մասին, որ օրէնքից է. եթէ մարդը կատարի այն, նրանով կ'ապրի:
6. Իսկ հաւատից եղող արդարութեան մասին այսպէս է ասում. Քո սրտում մի՛ ասա՝ ո՞վ է ելնելու երկինք: Այսինքն՝ Քրիստոսին իջեցնելու համար:
7. Կամ՝ Ո՞վ է իջնելու անդունդ: Այսինքն՝ Քրիստոսին վեր հանելու համար մեռելներից:
8. Իսկ ի՞նչ է ասում Գիրքը. Մօտ է խօսքը քեզ, քո բերանում եւ քո սրտում: Այսինքն՝ հաւատի խօսքը, որը քարոզում ենք.
9. որովհետեւ, եթէ քո բերանով Յիսուսին Տէր խոստովանես եւ քո սրտում հաւատաս, թէ Աստուած նրան յարութիւն տուեց մեռելներից, կը փրկուես.
10. քանի որ արդարանալու համար սրտով էք հաւատում եւ փրկութեան համար խոստովանում բերանով.
11. քանզի Գիրքն ասում է. Ամենայն ոք, որ հաւատայ նրան, չի ամաչելու.
12. որովհետեւ չկայ խտրութիւն հրեայի եւ հեթանոսի, քանզի նո՛յն Տէրը բոլորինն է, հասնող բոլորին, որոնք կանչում են նրան.
13. որովհետեւ ամենայն ոք, որ Տիրոջ անունը կանչի, կը փրկուի:
14. Իսկ ինչպե՞ս կանչեն նրան, ում չհաւատացին. կամ՝ ինչպե՞ս հաւատան, ում մասին չլսեցին. կամ՝ ինչպե՞ս լսեն առանց մէկի քարոզելուն.
15. կամ՝ ինչպե՞ս քարոզեն, եթէ չառաքուեցին: Ինչպէս գրուած էլ է.
16. Բայց ոչ բոլորը հնազանդ եղան աւետարանին: Եսային աղաղակում է. Տէ՛ր, ո՞վ հաւատաց մեր քարոզութեանը:
17. Ապա ուրեմն հաւատը լուածից է, եւ լուածը՝ Քրիստոսի խօսքից:
18. Բայց ասում եմ. Միթէ չլսեցի՞ն, մանաւանդ որ նրանց ծայնը ամբողջ երկիրը բռնեց, եւ նրանց խօսքը հասաւ աշխարհի ծագերին:
19. Դարձեալ ասում եմ. Միթէ Իսրայէլը չհասկացա՞ւ: Նախ՝ Մովսէսն ասում է.
20. Իսկ Եսային համարձակւում էլ է եւ ասում.
21. Իսկ Իսրայէլի մասին ասում է.

1. Իսկ արդ, հարցնում եմ՝ միթե մերժե՞ց Աստուած իր ժողովրդին: Քա՛լ լիցի. քանզի ես էլ իսրայելացի եմ Աբրահամի սերնդից, Բենիամինի ցեղից:
2. Աստուած չմերժեց իր ժողովրդին, որին նախապես ճանաչել էր: Կամ չգիտե՞ք ինչ է ասում Գիրքը Եղիայի մասին. թե ինչպես է նա գանգատում Աստծուն Իսրայելի դեմ:
3. Տե՛ր, կոտորեցին քո մարգարեներին եւ կործանեցին քո սեղանները. ե՛ս մնացի միայն, եւ իմ կեանքն են ուզում:
4. Իսկ ի՞նչ է ասում Նրան պատասխանը. Թողեցի ինձ, - ասում է, - եօթը հազար մարդ, որոնք Բահաղին չծնրադրեցին:
5. Նոյնպես եւ ներկայ ժամանակում մնացորդներ կան ըստ ընտրութեան շնորհի:
6. Իսկ եթե շնորհից է, այլեւս գործերից չէ. ապա թե ոչ շնորհն այլեւս շնորհ չի լինի:
7. Իսկ արդ, ինչ որ Իսրայելը փնտռում էր, դրան չհասաւ. բայց ընտրուածները հասան, իսկ մնացածները կուրացան,
8. - ինչպես գրուած է՝ Աստուած Նրանց յիմարութեան հոգի տուեց, աչքեր, որոնցով չպիտի տեսնեն, եւ ականջներ, որոնցով չպիտի լսեն, - մինչեւ ներկայ ժամանակները:
9. Եւ Դաւիթն ասում է.
10. Իսկ արդ, ասում եմ. Միթե Նրա՞ համար յանցանք գործեցին, որ կործանուեն: Քա՛լ լիցի. այլ Նրանց յանցանքով է, որ եկաւ փրկութիւն հեթանոսներին, որպէսզի նախանձ զգի Նրանց մէջ:
11. Իսկ եթե Նրանց յանցանքը աշխարհի համար հոգեկան հարստութիւն է, եւ Նրանց Նուաստութիւնը՝ հոգեկան հարստութիւն հեթանոսների համար, որչա՛փ եւս առաւել կը լինի Նրանց բոլորի փրկութիւնը:
12. Բայց ասում եմ ձեզ՝ հեթանոսներիդ. որքան ժամանակ որ հեթանոսների առաքեալ եմ, փառաւորում եմ իմ պաշտօնը,
13. որպէսզի թերեւս նախանձ զգեմ Նրանց մէջ, որոնք իմ մարմնից են, եւ փրկեմ Նրանցից ոմանց.
14. որովհետեւ, եթե Նրանց մերժուելը հաշտութիւն է աշխարհին, ապա ի՞նչ է լինելու ընդունուելը, եթե ոչ՝ կենդանութիւն մեռելներից:
15. Իսկ եթե երախայրիքը սուրբ է, սուրբ է եւ զանգուածը. եւ եթե արմատը սուրբ է, սուրբ են նաեւ ճիւղերը:
16. Եթե ճիւղերից մի քանիսը կտրուեցին, եւ դու, որ մի վայրի ձիթենի էիր, պատուաստուեցիր Նրանց վրայ եւ հաղորդակից եղար արմատին եւ ձիթենու պարարտութեանը, մի պարծեցի՛ր այդ ճիւղերի դեմ:
17. Իսկ եթե պարծենաս, իմացի՛ր, որ ոչ թե դու ես արմատը վեր բռնում. այլ արմատը՝ քեզ:
18. Իսկ արդ, կ'ասես. Ճիւղերը կոտորուեցին, որ ես պատուաստուեմ:
19. Շա՛տ բարի: Իրենց անհաւատութեան պատճառով կոտորուեցին, իսկ դու հաւատով հաստատ մնացիր: Մի՛ հպարտացիր, այլ վախեցիր,
20. որովհետեւ, եթե Աստուած բուն ճիւղերին չխնայեց, գուցէ երբեք քեզ էլ չխնայի:
21. Արդ, տե՛ս Աստծու բարութիւնը եւ խստութիւնը. խստութիւն՝ կործանուածների հանդէպ եւ Աստծու բարութիւն՝ քո հանդէպ, եթե մնաս Նոյն բարութեան մէջ. ապա թե ոչ դու էլ կը կտրուես, կը նետուես:
22. Իսկ Նրանք, որ Նոյն անհաւատութեան մէջ չեն մնայ, կը պատուաստուեն. որովհետեւ Աստուած կարո՞ղ է վերստին պատուաստել Նրանց.
23. քանի որ, եթե դու ի բնէ վայրի ձիթենուց կտրուեցիր եւ, քո բնութեանը հակառակ, բարի ձիթենու վրայ պատուաստուեցիր, որչա՛փ եւս առաւել Նրանք, որ բուն իսկ ճիւղերն են, կը պատուաստուեն իրենց ձիթենու վրայ:
24. Եղբայրներ՛, չեմ ուզում, որ անգետ լինեք այս խորհրդին, - որպէսզի դուք ձեզ իմաստունի տեղ չդնեք, - թե կուրութիւն եկաւ Իսրայելի մէկ մասի վրայ եւ կը տեւի, մինչեւ միւս ժողովուրդների ամբողջութիւնը փրկուի,

25. Եւ ապա ամբողջ Իսրայէլը կը փրկուի, ինչպէս գրուած էլ Է.
26. Աւետարանիս համաձայն Նրանք թշնամիներ են ձեր օգտի համար, բայց ընտրութեան տեսակէտից, սիրելիներ՝ իրենց հայրերի պատճառով,
27. քանզի Աստծու պարգեւը եւ կոչը անդառնալի են.
28. արդարեւ, ինչպէս դուք էլ մի ժամանակ անհնազանդ էիք Աստծուն եւ հիմա ողորմութիւն գտաք Նրանց անհնազանդութեամբ,
29. Նոյնպէս եւ Նրանք այժմ անհնազանդ եղան ձեր այդ ողորմութեան պատճառով, որպէսզի իրենք էլ իրենց հերթին ողորմութիւն գտնեն.
30. քանի որ Աստուած բոլորին էլ արգելափակեց անհաւատութեան մէջ, որպէսզի բոլորին էլ ողորմի:
31. Օ՛, խորութիւն Աստծու հարստութեան, իմաստութեան եւ գիտութեան: Ինչքա՛ն անքննելի են Նրա դատաստանները, եւ անզննելի՝ Նրա ճանապարհները:
32. Քանի որ Նրանից, Նրանով եւ Նրա համար Է ամէն բան: Նրան փա՛ռք յաւիտեանս: Ամէն:

1. Աղաչում եմ ձեզ, եղբայրներ՝, ողորմութեամբ Աստծու, որ պատրաստեք ձեր մարմինները որպէս զոհ կենդանի, սուրբ, աստուածահաճոյ. ա՛յդ է ձեր բանական պաշտամունքը:
2. Եւ այս աշխարհի կերպարանքով մի՛ կերպարանուէք, այլ նորոգուեցէ՛ք ձեր մտքի նորոգութեամբ, որպէսզի դուք քննեք լաւը, եւ թէ ի՛նչ է Աստծու կամքը՝ բարին եւ հաճելին եւ կատարեալը:
3. Աստծու ինձ տուած շնորհով այս եմ ասում ձեզնից իւրաքանչիւրին. դուք ձեզ աւելի մի՛ գնահատեք, քան ինչ որ է ձեր արժանիքը. այլ իւրաքանչիւրդ ձեր մասին խորհեցէ՛ք զգաստութեամբ, այն հաւատի չափով, որ Աստուած բաժանեց:
4. Ինչպէս մի մարմնի մէջ բազում անդամներ ունենք, եւ բոլոր անդամները նոյն գործը չեն անում,
5. այդպէս եւ մենք, թուով շատ, մի մարմին ենք Քրիստոսով, բայց իւրաքանչիւրս միմեանց անդամ ենք:
6. Բայց մենք ունենք տեսակ-տեսակ պարգեւներ, ըստ այն շնորհների, որ տրուած են մեզ. եթէ մարգարէութեան շնորհ է՝ ըստ հաւատի չափի.
7. եթէ ծառայութեան՝ թող ծառայի. եթէ մէկն ուսուցանում է, թող ուսուցանի.
8. եթէ յորդորում է՝ թող յորդորի. ով առատաձեռն է՝ թող անի զուարթութեամբ. ով վերակացու է՝ փութաջանութեամբ. ով ողորմում է՝ խնդութեամբ:
9. Սեր՝ առանց կեղծիքի. ատելով չարը՝ ընթանալ բարու յետեւից.
10. եղբայրասիրութեան մէջ՝ միմեանց հանդէպ լինել գթասիրտ. պատիւ տալու մէջ՝ միմեանց գերազանցել.
11. ջանասիրութեան մէջ չլինել թուլասիրտ. հոգո՛վ եռացեք. Տիրո՛ջը ծառայեցեք.
12. յոյսով ուրախացէ՛ք. նեղութեան համբերեցէ՛ք, յաճախակի աղօթեցէ՛ք.
13. հաղորդակի՛ց եղէք սրբերի կարիքներին. հետամո՛տ եղէք հիւրասիրութեան:
14. Օրհնեցէ՛ք ձեզ հալածողներին. օրհնեցէ՛ք եւ մի՛ անիծեք.
15. ուրախացողների հետ ուրախանալ. լացողների հետ լալ.
16. համերա՛շխ եղէք միմեանց հետ. մի՛ մեծամտացեք, այլ խոնա՛րի եղէք խոնարհների հանդէպ. դուք ձեզ իմաստունի տեղ մի՛ դրեք.
17. մէկի չարի փոխարէն չար մի՛ հատուցեք. խորհեցէ՛ք բարին՝ բոլոր մարդկանց առաջ.
18. ինչ չափով հնարաւոր է ձեզ համար, բոլոր մարդկանց հետ խաղաղութիւն պահեցէ՛ք.
19. ինքներդ վրեժխնդիր մի՛ եղէք, սիրելիներ՝, այլ թո՛յլ տուէք, որ Աստծու բարկութիւնը կատարի այն. որովհետեւ գրուած է. Իմն է վրեժխնդրութիւնը, եւ ես կը հատուցեմ, - ասում է Տէրը.
20. այլեւ՝ եթէ քաղցած է քո թշնամին, հա՛ց տուր նրան, եւ եթէ՝ ծարաւ, ջո՛ւր տուր նրան. այս անելով՝ կրակի կայծեր կը կուտակես նրա գլխին:
21. Թոյլ մի՛ տուր, որ չարը յաղթի քեզ, այլ բարիով յաղթիր չարին:



1. Ամեն մարդ, որ իշխանութեան տակ է, թող հպատակի նրան. քանզի չկայ իշխանութիւն, որ Աստծուց չիլնի. եւ եղած իշխանութիւնները Աստծուց են կարգուած:
2. Հետեւաբար, ով հակառակում է իշխանութեանը, Աստծու հրամանին է հակառակում. եւ նրանք, որ հակառակում են, իրենց դատաստանն են ընդունում.
3. քանի որ իշխանաւորները վախ չեն ազդում բարի գործերի համար, այլ՝ չար գործերի: Ուզո՞ւմ ես չվախենալ իշխանութիւնից. բարի՛ն գործիր եւ նրանից գովասանք կը ստանաս,
4. որովհետեւ նա Աստծու պաշտօնեայ է քեզ՝ բարի գործերի համար. իսկ եթէ չար գործես, վախեցի՛ր. քանի որ սուրը մէջքին ի զուր չէ կապուած. Աստծու սպասաւոր է նա, վրեժխնդիր՝ բարկութեան համար, նրա դէմ, որ չարն է գործում.
5. դրա համար պետք է հնազանդուել ոչ միայն բարկութեան համար, այլ նաեւ խղճմտանքի պատճառով.
6. ահա թէ ինչու հարկեր էք վճարում. որովհետեւ նրանք Աստծու սպասաւորներ են՝ այդ բանին կանխապէս նշանակուած:
7. Արդ, հատուցեցէ՛ք իւրաքանչիւրին իրենց պարտքերը. որին հարկ՝ հարկը, որին մաքս՝ մաքսը, որին երկիւղ՝ երկիւղը, որին պատիւ՝ պատիւը:
8. եւ ոչ ոքի պարտապան մի՛ մնացէք, բացի միմեանց սիրելուց, քանի որ, ով սիրում է ընկերոջը, կատարում է օրէնքը:
9. Մի՛ շնացիր, մի՛ սպանիր, մի՛ գողացիր, սուտ մի՛ վկայիր, մի՛ ցանկացիր եւ ուրիշ ինչ պատուիրան էլ որ կայ, այս խօսքի մէջ է բովանդակում, թէ՛ սիրի՛ր քո ընկերոջը ինչպէս քո անձը.
10. սերն իր ընկերոջը չար բան չի անի. սերն է օրէնքի լրումը:
11. Այս էլ իմացէ՛ք ներկայ ժամանակիս մասին, որովհետեւ հիմա ճիշտ ժամն է, որ մենք քնից զարթնենք. քանի որ փրկութիւնն այժմ մեզ անելի մօտ է, քան երբոր մենք հաւատացինք:
12. Գիշերն անցաւ, եւ ցերեկը մօտեցաւ. ուրեմն դէ՛ն գցենք խաւարի գործերը եւ հագնենք լոյսի գրահը.
13. շարժուենք առաքինութեամբ, ինչպէս ցերեկով, ո՛չ անառակութիւններով եւ հարբեցողութեամբ, ո՛չ պոռնկութեամբ եւ պղծութեամբ, ո՛չ նախանձով եւ կռուազանցութեամբ.
14. զգեստաւորուեցէ՛ք Տէր Յիսուս Քրիստոսով եւ մարմնին խնամք մի՛ տարէք ցանկութիւնները գոհացնելու համար:

1. Հաւատի մէջ տկարացածին ընդունեցէ՛ք՝ ո՛չ երկմիտ տարակուսանքով:
2. Մէկը հաւատում է, թէ կարելի է ուտել ամէն բան. իսկ ով տկար է հաւատի մէջ, բանջարեղէն է ուտում:
3. ով ուտում է, թող չարհամարհի նրան, որ չի ուտում. իսկ ով չի ուտում, թող չդատի նրան, ով ուտում է, քանզի Աստուած նրան ընդունեց:
4. Դու ո՞վ ես, որ դատում ես ուրիշի ծառային. կանգնած լինի, թէ ընկած՝ իր տիրոջ համար է. բայց նա կը կանգնի, որովհետեւ կարո՞ղ է Տէրը նրան կանգուն պահել:
5. Մէկը բարձր է դասում օրը՝ օրից, իսկ միւսը՝ բոլոր օրերը՝ հաւասար. իւրաքանչիւր ոք թող շարժուի, ինչպէս ինքն է դատում:
6. Ով օրուայ վրայ է ուշ դնում, Տիրոջ համար է այդ անում. եւ ով օրուայ վրայ ուշ չի դնում, Տիրոջ համար է, որ ուշ չի դնում. եւ ով ուտում է, Տիրոջ համար է ուտում եւ գոհութիւն է յայտնում Աստծուն. եւ ով չի ուտում, Տիրոջ համար չի ուտում եւ գոհութիւն է յայտնում Աստծուն:
7. Արդարեւ, մեզնից ոչ ոք իր համար չի ապրում եւ իր համար չի մեռնում:
8. եթէ ապրում ենք, Տիրոջ համար ենք ապրում. եւ եթէ մեռնում ենք, Տիրոջ համար ենք մեռնում: Եւ արդ, ապրենք թէ մեռնենք, Տիրոջն ենք:
9. քանզի այս բանի համար իսկ Քրիստոս մեռաւ ու կենդանացաւ, որպէսզի մեռելներին եւ կենդանիներին հաւասարապէս տիրի:
10. Դու ինչո՞ւ ես դատում քո եղբօրը, կամ ինչպէ՞ս ես արհամարհում քո եղբօրը, քանի որ բոլորս էլ կանգնելու ենք Քրիստոսի ատենանի առաջ,
11. որովհետեւ գրուած է.
12. Ապա ուրեմն՝ մեզնից իւրաքանչիւր ոք Աստծուն հաշիւ է տալու իր համար:
13. Ուստի, միմեանց չդատենք. աւելի շատ այս բանը դրէք ձեր մտքում՝ եղբօր առաջ գայթակղութեան քար չդնել:
14. Այս գիտեմ եւ վստահ եմ Քրիստոս Յիսուսով, որ ինքն իրենից չկայ պիղծ բան, այլ, ով կարծում է, թէ մի բան պիղծ է, այդ իր համար է պիղծ:
15. որովհետեւ, եթէ ուտելիքի համար քո եղբայրը տրտմում է, այլեւս սիրով չես վարւում: Թո ուտելիքով կորստեան մի՛ մատնիր նրան, որի համար մեռաւ Քրիստոս:
16. Ձեր բարին թող առիթ չծառայի չարախօսութեան,
17. որովհետեւ Աստծու արքայութիւնը ուտելիք եւ ըմպելիք չէ, այլ՝ արդարութիւն եւ խաղաղութիւն եւ խնդութիւն Սուրբ Հոգով:
18. որովհետեւ, ով այս ձեւով ծառայում է Քրիստոսին, հաճելի է Աստծուն եւ գովելի՝ մարդկանց առաջ:
19. Ապա ուրեմն՝ հետամուտ լինենք խաղաղութեան եւ շինութեան՝ միմեանց հանդէպ:
20. Ուտելիքի համար Աստծու գործը մի՛ քանդիր. ամենայն ինչ մաքուր է, բայց վատ է այն մարդու համար, որ ուտում է կասկածամտութեամբ:
21. Լաւ է չուտել միս եւ չխմել գինի, ոչ էլ անել մի բան, որով քո եղբայրը գայթակղւում է կամ սայթաքում կամ տկարանում:
22. Դու, արդարեւ, հաւատ ունես. պահի՛ր այն քեզ համար Աստծու առաջ: Երանի՛ նրան, ով չի դատապարտում իր անձը նրանով, որ փորձում է ընկերոջը:
23. բայց ով կասկածում է, թէպէտ եւ ուտում է, դատապարտուած է, քանի որ այդ ըստ հաւատի չէ, որովհետեւ ամենայն ինչ, որ հաւատից չէ, մեղք է:
24. NVrs Այլ նրան, որ կարո՞ղ է ձեզ հաստատուն պահել ըստ իմ այս աւետարանի եւ ըստ քարոզութեան Յիսուս Քրիստոսի, ըստ այն յայտնութեան խորհրդի, որ յաւիտենից ծածկուած էր,
25. NVrs□ իսկ այժմ յայտնուած է մարգարեական գրուածքների միջոցով մշտնջենաւոր Աստծու հրամանի համաձայն եւ ծանուցուած է բոլոր հեթանոսներին, հաւատի հնազանդութեան համար,
26. NVrs□ միակ իմաստուն Աստծուն, Յիսուս Քրիստոսի միջոցով, նրան փառք

յաւիտեանս: Ամէն:

1. Մենք, որ ուժեղ ենք հաւատի մէջ, պարտաւոր ենք թոյլերի տկարութիւնը տանել եւ միայն մե՛զ համար հաճելի չլինել:
2. այլ մեզնից իւրաքանչիւր ոք թող ընկերոջը հաճելի լինի ի շինութիւն բարի գործերի:
3. քանզի Քրիստոս էլ ոչ թէ միայն իրեն հաճելի եղաւ, այլ, ինչպէս եւ գրուած է. Քեզ նախատողների նախատիւներն իմ վրայ ընկան:
4. Ուրեմն, ինչ որ գրուեց, գրուեց, որ մենք սովորենք, որպէսզի համբերութեամբ եւ գրքերի պարգեւած մխիթարութեամբ յոյսը ընդունենք:
5. եւ թող համբերութեան եւ ամենայն մխիթարութեան Աստուածը ձեզ շնորհ տայ, որ դուք համախոհ լինեք միմեանց ըստ Յիսուս Քրիստոսի,
6. որպէսզի միասիրտ եւ միաբերան փառաւորեք Աստծուն՝ մեր Տէր Յիսուս Քրիստոսի Հօրը:
7. Ուստի, ընդունեցէ՛ք միմեանց, ինչպէս որ Քրիստոս ընդունեց ձեզ ի փառս Աստծու:
8. Ասեմ նաեւ, թէ Քրիստոսի՝ թլփատուածներին սպասաւոր լինելը Աստծու ճշմարտութեան համար էր՝ հաստատուն դարձնելու համար հայրերին տրուած խոստումը:
9. Նաեւ հեթանոսները փառաւորում են Աստծուն նրա ողորմութեան համար. ինչպէս գրուած էլ է.
10. եւ դարձեալ ասում է, թէ՝
11. եւ դարձեալ թէ՝
12. եւ դարձեալ Եսային ասում է.
13. Թող յոյսի Աստուածը լիացնի ձեզ ամենայն ուրախութեամբ եւ խաղաղութեամբ, որպէսզի Սուրբ Հոգու զօրութեամբ դուք յոյսով առատանաք:
14. Եղբայրներ՝ իմ, ես ինքս էլ հաստատ համոզուած եմ ձեր մասին, որ դուք էլ լի էք բարութեամբ, լի էք կատարեալ գիտութեամբ, կարող էք եւ միմեանց խրատել:
15. բայց աւելի համարձակ գրեցի ձեզ, եղբայրներ, փոքրիշատէ, իբրեւ յիշեցում ձեզ, այն շնորհի համար, որ տրուած է ինձ Աստծուց:
16. Ես հեթանոսների մէջ Յիսուս Քրիստոսի սպասաւորն եմ՝ ցանկալի դարձնելու Աստծու Աւետարանը, որպէսզի հեթանոսները ընդունելի ընծայ լինեն Աստծուն՝ նուիրագործուած Սուրբ Հոգով:
17. Ուրեմն, պարծենալու բան ունեմ Յիսուս Քրիստոսով առ Աստուած.
18. քանզի չեմ համարձակւում խօսել մի բան, որը արած չլինի Քրիստոս իմ միջոցով հեթանոսների հնազանդութեան համար՝ խօսքերով եւ գործերով,
19. նշանների եւ զարմանալի գործերի զօրութեամբ, Սուրբ Հոգու զօրութեամբ. այնպէս որ Երուսաղէմից սկսած եւ շրջելով մինչեւ լիւրիկացիների կողմերը՝ ես լրիւ տարածեցի Քրիստոսի Աւետարանը.
20. այսպէս՝ ջանացի աւետարանել այնտեղ, ուր Քրիստոսի անունը չէր տրուած, որպէսզի չլինի թէ կառուցեմ ուրիշի դրած հիմքի վրայ, այլ՝ ինչպէս որ գրուած է.
21. Ահա թէ ինչու շատ անգամ արգելուեց ինձ գալ ձեզ մօտ:
22. Բայց այժմ ինձ համար այլեւս տեղ չկայ քարոզելու այս կողմերում. եւ բազում տարիներից ի վեր խիստ փափագ ունեմ ձեզ մօտ գալու.
23. երբ անցնեմ Իսպանիա, յոյս ունեմ, անցնելիս, ձեզ տեսնել ու ձեր կողմից ճանապարհ դրուել այնտեղ, եթէ, նախքան այդ, փոքրիշատէ ձեզանով կշտանամ:
24. Բայց այժմ գնում եմ Երուսաղէմ՝ ծառայելու սրբերին,
25. քանզի հաճելի թուաց մակեդոնացիներին եւ աքայեցիներին հանգանակութեամբ օգնել այն աղքատ սրբերին, որ գտնուում են Երուսաղէմում:
26. Հաճելի թուաց, քանզի պարտական իսկ եմ նրանց. որովհետեւ, եթէ հեթանոսները նրանց հոգեւոր բարիքներին հաղորդակից եղան, պարտաւոր են նաեւ մարմնաւոր կարիքներին մասնակից լինել:
27. Արդ, այս բանը կատարելով եւ հաւաքուած արդիւնքը յանձնելով նրանց, ձեր մօտով

կ'անցնեն Իսպանիա:

28. Այս գիտեմ, որ, երբ ձեզ մօտ գամ, Քրիստոսի Աւետարանի օրհնութեան լիութեամբ կը գամ:

29. Եղբայրներ, աղաչում եմ ձեզ մեր Տէր Յիսուս Քրիստոսով եւ Հոգու սիրով՝ մարտակից լինել ինձ, ինձ համար Աստծուն ուղղուած աղօթքների մէջ,

30. որպէսզի ազատուեմ հաւատի դէմ ապստամբներից, որ Հրեաստանում են, եւ որպէսզի Երուսաղէմի իմ ծառայութիւնը ընդունելի լինի սրբերին.

31. այսպէս, ուրախութեամբ գալով ձեզ մօտ Աստծու կամքով, հանգստանամ ձեզ հետ:

32. Եւ թող խաղաղութեան Աստուածը լինի ձեզ բոլորիդ հետ: Ամէն:

1. Յանձնարարում եմ ձեզ Փիբեին՝ մեր քրոջը, որը սպասաւորն է Կենքրայի եկեղեցու,
2. որպէսզի Տիրոջ անունով ընդունեք նրան, ինչպէս վայել է սրբերին, եւ հոգ տանեք նրան, ինչ կարիքների համար էլ դիմի ձեզ. քանզի ինքը եւս հոգատար եղաւ շատերին եւ ինձ էլ:
3. Ողջունեցէ՛ք Պրիսկէին եւ Ակիւղասին՝ իմ գործակիցներին ի Քրիստոս Յիսուս,
4. որոնք իմ անձի համար վտանգեցին իրենց գլուխը, եւ որոնցից միայն ե՛ս չէ, որ շնորհակալ եմ, այլեւ՝ հեթանոսների բոլոր եկեղեցիները:
5. Ողջունեցէ՛ք եւ նրանց առտնին եկեղեցին: Ողջունեցէ՛ք Եպենտոսին՝ իմ սիրելիին, որ ասիացիների պտուղն է ի Քրիստոս:
6. Ողջունեցէ՛ք Մարիին, որ բազում յոգնութիւններ կրեց ձեզ համար:
7. Ողջունեցէ՛ք Անդրոնիկոսին եւ Յունիային՝ իմ ազգականներին եւ բանտակիցներին, որոնք երեւելիներ են առաքելների մէջ եւ որոնք ինձնից առաջ իսկ դարձան ի Քրիստոս:
8. Ողջունեցէ՛ք Ամադիային՝ իմ սիրելիին ի Տէր:
9. Ողջունեցէ՛ք Ուրբանոսին՝ իմ գործակցին ի Տէր եւ՝ Ստաքսին՝ իմ սիրելիին:
10. Ողջունեցէ՛ք Ապեղեսին, որ ընտրեալն է ի Տէր:
11. Ողջունեցէ՛ք նրանց, որ Արիստաբոլոսի ընտանիքից են: Ողջունեցէ՛ք Հերոդիոնին՝ իմ ազգականին: Ողջունեցէ՛ք նրանց, որ Նարկէսի ընտանիքից են ի Տէր:
12. Ողջունեցէ՛ք Տրիփոսին եւ Տրիփոնին՝ Տիրոջ գործի համար վաստակ ունեցողներին: Ողջունեցէ՛ք սիրելի Պերսիդէին, որ Տիրոջ համար բազում յոգնութիւններ կրեց:
13. Ողջունեցէ՛ք Ռուփոսին՝ ընտրեալին ի Տէր, եւ նրա մօրը, որ իմ մայրն էլ է:
14. Ողջունեցէ՛ք Ասիմկրիտոսին, Փղեգոնտին, Երմասին, Պատրոբային, Երմեսին եւ այն եղբայրներին, որ նրանց հետ են:
15. Ողջունեցէ՛ք Փիղոդոգոսին եւ Յուդիային, Ներէոսին ու նրա քրոջը եւ Ողիմպիային ու այն բոլոր սրբերին, որ նրանց հետ են:
16. Ողջունեցէ՛ք միմեանց սուրբ համբոյրով: Քրիստոսի բոլոր եկեղեցիները ողջունում են ձեզ:
17. Աղաչում եմ ձեզ, եղբայրներ՝, ո՛րչ ո՞րեք այնպիսիներին, որ հերձուածներ եւ գայթակղութիւններ են առաջ բերում այն վարդապետութիւնից դուրս, որը դուք սովորել էք. եւ խորշեցէ՛ք նրանցից,
18. որովհետեւ այնպիսիները մեր Տիրոջը՝ Քրիստոսին չեն ծառայում, այլ՝ իրենց որովայնին. եւ քաղցրախօսութեամբ ու կեղծ գովասանքներով հրապուրում են անմեղների սրտերը:
19. Ձեր այդ հնազանդութիւնը ծանօթ է բոլորին. եւ արդ, ուրախ եմ ձեզ համար. բայց ուզում եմ, որ դուք իմաստուն լինեք բարի գործերի համար եւ հեռու մնաք չարից:
20. Եւ խաղաղութեան Աստուածը շուտով պիտի խորտակի Սատանային ձեր ոտքերի տակ: Մեր Տէր Յիսուս Քրիստոսի շնորհը ձեզ հետ:
21. Ողջունում է ձեզ Տիմոթէոսը՝ իմ եղբայրը եւ գործակիցը. ողջունում են նաեւ Ղուկիոսը, Յասոնը եւ Սոսիպատրոսը՝ իմ ազգականները:
22. Ողջունում եմ ձեզ ի Տէր եւ ես՝ Տերտիոսս, որ այս թուղթը գրեցի:
23. Ողջունում է ձեզ Գայիոսը՝ իմ եւ ամբողջ եկեղեցու հիւրընկալը: Ողջունում է ձեզ Երաստոսը՝ քաղաքիս գլխաւորը, եւ Կուարտոս եղբայրը:
24. Այլ նրան, որ կարո՞ղ է ձեզ հաստատուն պահել ըստ իմ այս աւետարանի եւ ըստ քարոզութեան Յիսուս Քրիստոսի, ըստ այն յայտնութեան խորհրդի, որ յաւիտենից ծածկուած էր,
25. իսկ այժմ յայտնուած է մարգարեական գրքերի միջոցով մշտնջենաւոր Աստծու հրամանի համաձայն եւ ծանուցուած է բոլոր հեթանոսներին, հաւատի հնազանդութեան համար,
26. միակ իմաստուն Աստծուն, Յիսուս Քրիստոսի միջոցով, նրան փառք յաւիտեանս:

Ամեն:

27. Մեր Տեր Յիսուս Քրիստոսի շնորհը ձեզ բոլորիդ հետ:

# 1 ԿՈՐՆԹԱՑԻՆԵՐԻՆ



## Գլուխ 1

1. Պօղոսը՝ Աստծու կամքով Յիսուս Քրիստոսի առաքեալը լինելու կոչուածը, եւ Սոսթենէս եղբայրը,
2. Աստծու այդ եկեղեցուն, որ Կորնթոսում է, Քրիստոս Յիսուսին նուիրուածներիդ, սուրբ լինելու կոչուածներիդ, բոլորի հետ միասին, որոնք ամէն տեղ պաշտում են անունը մեր Տէր Յիսուս Քրիստոսի, որ նրանց եւ մեր Տէրն է,
3. շնորհի ձեզ եւ խաղաղութիւն մեր Հայր Աստծուց եւ Տէր Յիսուս Քրիստոսից:
4. Ամէն ժամ գոհութիւն եմ յայտնում իմ Աստծուն ձեզ համար եւ Աստծու շնորհների համար, որ տրուած են ձեզ Քրիստոս Յիսուսով.
5. որովհետեւ ամէն բանի մէջ դուք նրանով հարստացաք՝ ամէն խօսքով եւ ամենայն գիտութեամբ,
6. ինչպէս որ Աստծու վկայութիւնն իսկ հաստատուեց ձեր մէջ:
7. Դուք պակաս չլինեք եւ ոչ մի շնորհից՝ սպասելով մեր Տէր Յիսուս Քրիստոսի յայտնութեանը:
8. Նա, որ հաստատ կը պահի ձեզ մինչեւ վախճանը, անարատ՝ մինչեւ մեր Տէր Յիսուս Քրիստոսի գալու օրը:
9. Հաւատարիմ է Աստուած, որից կանչուեցիք հաղորդակից լինելու նրա Որդուն՝ մեր Տէր Յիսուս Քրիստոսին:
10. Աղաչում եմ ձեզ, եղբայրներ, մեր Տէր Յիսուս Քրիստոսի անունով, որ բոլորդ էլ նոյն խօսքը ունենաք. եւ ձեր մէջ բաժանումներ չլինեն. քանզի հաստատ էիք նոյն մտքի եւ նոյն մտածման մէջ:
11. Եղբայրներ, ձեր մասին Քղուէի տնեցիներից ինձ տեղեկացուեց, թէ հակառակութիւններ կան ձեր մէջ:
12. Եւ արդ, ասում եմ. ձեզնից իւրաքանչիւրն ասում է՝ ես Պօղոսեան եմ, եւ միւսը, թէ՛ ես Ապողոսեան, եւ միւսը, թէ՛ ես՝ Կեփասեան, եւ միւսը թէ՛ ես՝ Քրիստոսեան.
13. իսկ արդ, միթէ բաժանուած է Քրիստոս. միթէ Պօղոսը խաչուեց ձեզ համար. կամ Պօղոսի՞ անունով մկրտուեցիք:
14. Գոհութիւն եմ յայտնում իմ Աստծուն, որ ձեզնից ոչ ոքի չմկրտեցի, այլ միայն՝ Կրիսպոսին եւ Գայիոսին,
15. որպէսզի ոչ ոք չասի, թէ իմ անունով եք մկրտուել:
16. Ստեփանոսի ընտանիքն էլ մկրտեցի: Զգիտեմ ամենեւին ուրիշ մէկին, որ մկրտած լինեմ:
17. Քանզի Քրիստոս ինձ չուղարկեց մկրտելու, այլ՝ աւետարանելու, ոչ թէ խօսքերի ճարտարութեամբ, որպէսզի Քրիստոսի խաչը ընդունայն չլինի.
18. որովհետեւ կորստեան մատնուածների համար խաչի քարոզութիւնը յիմարութիւն է, իսկ մեզ՝ փրկուածներին համար՝ Աստծու զօրութիւն.
19. քանի որ գրուած է. Պիտի կործանեմ իմաստունների իմաստութիւնը եւ հանճարեղների մտածումները պիտի արհամարհեմ:
20. Ո՞ր է իմաստունը, ո՞ր՝ բանգետը, ո՞ր՝ այս աշխարհի քննողը: Զէ՞ որ Աստուած յիմարացրեց այս աշխարհի իմաստութիւնը. քանզի աշխարհն իր իմաստութեամբ չճանաչեց Աստծուն նրա իմաստութեամբ:
21. Աստուած էլ հաճեց փրկել հաւատացեալներին այդ քարոզութեան յիմարութեամբ:
22. Իսկ որովհետեւ հրեաները նշան են հայցում, եւ հեթանոսները իմաստութիւն են փնտռում,
23. մենք քարոզում ենք խաչուած Քրիստոսին՝ ի գայթակղութիւն հրեաների եւ ի յիմարութիւն հեթանոսների.
24. բայց նրանց համար, որ կանչուած են, հրեաներ թէ հեթանոսներ, Քրիստոսը Աստծու զօրութիւնն ու Աստծու իմաստութիւնն է.
25. որովհետեւ Աստծու յիմարն աւելի իմաստուն է, քան մարդկային իմաստութիւնը, եւ Աստծու տկարն աւելի զօրեղ է, քան մարդկային զօրութիւնը:

26. Իրաւ որ, եղբայրներ՝, ձեր իսկ կոչումին նայեցէ՛ք. ըստ մարմնի՝ ոչ շատ իմաստուններ, ոչ շատ հզօրներ եւ ոչ շատ ազնուականներ կանչուեցին.
27. բայց Աստուած ընտրեց այս աշխարհի յիմարներին, որպէսզի ամաչեցնի իմաստուններին. եւ Աստուած ընտրեց այս աշխարհի տկարներին, որպէսզի ամաչեցնի հզօրներին.
28. եւ Աստուած աշխարհի ոչ-տոհմիկներին, արհամարհուածներին եւ ոչինչներին ընտրեց, որպէսզի իրենք իրենց մի բան կարծողներին ոչնչի վերածի.
29. որպէսզի ոչ մի մարդկային էակ չպարծենայ Աստծու առաջ.
30. որովհետեւ նրանո՛վ դուք կաք Քրիստոս Յիսուսի մէջ, որը եղաւ մեզ համար Աստծուց եկած իմաստութիւն, արդարութիւն, սրբութիւն եւ փրկութիւն,
31. որպէսզի, ինչպէս գրուած էլ է. Նա, ով պարծենում է, թող պարծենայ Տիրոջով:

1. Եւ ես, եղբայրներ՝, թեպէտ եւ եկայ ձեզ մօտ, բայց ոչ թէ յայտնելու ձեզ Աստծու վկայութիւնը իմաստութեան խօսքի գերազանցութեամբ.
2. որովհետեւ իմ մտքում չեմ դրել իմանալ ձեր մէջ այլ բան, եթէ ոչ՝ միայն Յիսուս Քրիստոսին եւ նոյն ինքը խաչուածին:
3. Եւ ես տկարութեամբ, երկիւղով եւ սաստիկ դողով եղայ ձեզ հետ.
4. եւ իմ խօսքը եւ քարոզութիւնը իմաստութեան ճարտար խօսքերով չէին, այլ Սուրբ Հոգու համոզիչ զօրութեամբ,
5. որպէսզի ձեր հաւատը չլինի մարդկանց իմաստութեամբ, այլ՝ Աստծու զօրութեամբ:
6. Իմաստութիւնը քարոզում ենք հոգեպէս կատարեալներին, իմաստութիւն, որ այս աշխարհին չէ, ոչ էլ այս աշխարհի՝ կործանման սահմանուած իշխանների իմաստութիւնը,
7. այլ քարոզում ենք Աստծու խորհրդաւոր, թաքուն իմաստութիւնը, որը ծածկուած է մարդկանցից եւ որն Աստուած սահմանել էր մեր փառքի համար նախքան յաւիտեանները.
8. եւ այս աշխարհի իշխաններից ոչ մէկը չճանաչեց այն. որովհետեւ, եթէ ճանաչուած լիներ, արդարեւ փառքի Տիրոջը չէին խաչի.
9. այլ, ինչպէս գրուած էլ է.
10. Բայց Աստուած մեզ յայտնեց այն իր Հոգով. որովհետեւ Հոգին քննում է ամէն ինչ, նոյնիսկ՝ Աստծու խորունկ ծրագրերը.
11. քանզի մարդկանցից ո՞վ է, որ բան գիտէ մարդու մասին, եթէ ոչ՝ մարդու հոգին, որ նրա մէջ է: Նոյնպէս եւ ոչ ոք չգիտէ Աստծու խորհուրդները, եթէ ոչ՝ Աստծու Հոգին:
12. Ուրեմն մենք ոչ թէ այս աշխարհի հոգին առանք, այլ՝ այն Հոգին, որ Աստծուց է, որպէսզի ճանաչենք այն, որ Աստծուց շնորհուրեց մեզ:
13. Եւ ինչ որ յայտնում ենք, ոչ թէ ճարտար խօսքերի մարդկային ուսուցումով է, այլ՝ Հոգու վարդապետութեամբ. հոգեւոր բաները հոգեւոր խօսքերով ենք բացատրում.
14. քանզի ոչ հոգեւոր մարդը Աստծու Հոգուց եկած ճշմարտութիւնները չի ընդունում, որովհետեւ այդ յիմարութիւն է նրա համար. եւ չի կարող հասկանալ, քանզի հոգեւոր կերպով են քննում դրանք:
15. Իսկ հոգեւոր մարդը քննում է ամէն ինչ. եւ ինքը ոչ ոքից չի քննում:
16. Իսկ արդ, ո՞վ իմացաւ Տիրոջ մտածումը, որ խորհուրդ տայ նրան. բայց մենք ունենք Քրիստոսի մտածումը:

1. Եւ ես, եղբայրներ՝, չկարողացայ խօսել ձեզ հետ՝ իբրեւ հոգեւորների հետ, այլ խօսեցի իբրեւ մարմնավորների հետ:
2. Իբրեւ մանուկներ ի Քրիստոս կաթ տուեցի ձեզ եւ ոչ՝ կերակուր, քանի որ դեռ կարող էլ չէիք. եւ հիմա էլ կարող չէք, քանզի դեռ մարմնավոր էք:
3. Հիմա էլ ձեր մէջ կան կռիւ եւ նախանձ. չէ՞ որ մարմնավոր էք եւ մարդկայնօրէն էք ընթանում:
4. Երբ ձեզնից մէկն ասում է՝ ես Պօղոսեան եմ, եւ միւսը, թէ՛ ես՝ Ապողոսեան, մարմնավոր մարդիկ չէ՞ք: Իսկ արդ, ո՞վ է Պօղոսը, կամ ո՞վ է Ապողոսը. պաշտօնեաներ, որոնցով հաւատացիք. եւ իւրաքանչիւրն այն է, ինչ որ Տէրը տուեց նրան:
5. Ես տնկեցի, Ապողոսը ջուր տուեց, բայց Աստուած՝ աճեցրեց:
6. Այնպէս որ՝ մի բան չէ նա, ով տնկեց, ոչ էլ մի բան է նա, ով ջուր տուեց, այլ՝ նա, ով աճեցրեց՝ Աստուած:
7. Ով որ տնկեց, եւ ով որ ջուր տուեց, մի են, բայց իւրաքանչիւր ոք իր վարձը կը ստանայ ըստ իր վաստակի.
8. որովհետեւ Աստծուն գործակից ենք. Աստծու այգին էք, Աստծու կառոյցն էք:
9. Որպէս իմաստուն ճարտարապետ, հիմքը դրեցի ըստ Աստծու այն շնորհի, որ տրուած է ինձ. բայց ուրիշն է, որ կառուցում է. սակայն իւրաքանչիւր ոք թող զգոյշ լինի, թէ ինչպէս է կառուցում.
10. որովհետեւ ոչ ոք չի կարող դնել ուրիշ հիմք, քան դրուած այն հիմքը, որ Յիսուս Քրիստոսն է:
11. Եթէ մէկը այս հիմքի վրայ կառուցի ոսկով, արծաթով, թանկարժէք քարերով, փայտով, խոտով, եղեգով, իւրաքանչիւրի գործը յայտնի կը լինի. որովհետեւ դատաստանի օրը այդ պիտի երեւայ, քանի որ կրակով յայտնի պիտի լինի.
12. եւ իւրաքանչիւրի գործը, ինչպէս որ է, կրա՛կը պիտի փորձի.
13. եթէ մէկի կառուցած գործը մնայ, նա վարձ պիտի ստանայ.
14. եւ եթէ մէկի գործը այրուի, նա պիտի տուժի, թէւ ինքը պիտի փրկուի, բայց նման մէկին, որ կարծես կրակի միջով անցած լինէր:
15. Չգիտե՞ք, որ Աստծու տաճար էք դուք, եւ Աստծու Հոգին է բնակւում ձեր մէջ:
16. Եթէ մէկն Աստծու տաճարն ապականի, Աստուած էլ նրան պիտի ապականի. որովհետեւ սուրբ է Աստծու տաճարը, որը դուք էք:
17. Թող ոչ ոք ինքն իրեն չխաբի: Եթէ ձեզնից մէկը կարծում է, թէ ինքը իմաստուն է այս աշխարհում, յիմար թող լինի, որպէսզի իմաստուն դառնայ.
18. որովհետեւ այս աշխարհի իմաստութիւնը յիմարութիւն է Աստծու առաջ. քանզի գրուած է, թէ՛ ինքն է, որ բռնում է իմաստուններին իրենց խորագիտութեան մէջ:
19. Եւ դարձեալ, թէ՛ Տէրը գիտէ իմաստունների մտածումները, որ ընդունայն են:
20. Ուրեմն մարդկանցից ոչ ոք չպարծենայ, որովհետեւ ձերն է ամէն ինչ՝
21. թէ՛ Պօղոսը, թէ՛ Ապողոսը, թէ՛ Կեփասը, թէ՛ աշխարհի, թէ՛ կեանք, թէ՛ մահ, թէ՛ այն բաները, որ կան, թէ՛ լինելիքները. ամէն ինչ ձերն է.
22. դուք Քրիստոսինն էք, իսկ Քրիստոս՝ Աստծունը:

1. Այսպէս, մարդիկ թող համարեն մեզ իբրեւ սպասաւորներ Քրիստոսի եւ տնտեսներ Աստծու խորհուրդների:
2. Արդ, տնտեսների մէջ փնտռում է նա, թէ ո՛վ հաւատարիմ կը գտնուի:
3. Բայց ինձ համար արժէք չունի դատուած լինել ձեզնից կամ նոյնիսկ՝ մարդկանցից. եւ ես ինքս ինձ էլ չեմ դատում,
4. որովհետեւ ինքս իմ մասին բան չգիտեմ. բայց սրանով չեմ արդարանում, որովհետեւ նա, որ դատում է ինձ, Տէրն է:
5. Ուրեմն ժամանակից առաջ մի՛ դատեք, մինչեւ գայ Տէրը, որ ի լոյս է հանելու խաւարի գաղտնիքները եւ յայտնի է դարձնելու սրտերի խորհուրդները. եւ ապա իւրաքանչիւրը գովասանք պիտի ստանայ Աստծուց:
6. Եղբայրներ՝, ձեզ համար այս բանը օրինակ բերեցի իմ անծով եւ Ապողոսի անծով, որպէսզի մեզնից սովորեք աւելի բան չիմանալ, քան ինչ որ կայ գրուածքներում, որպէսզի ոչ մի մարդ, աւելի քան ընկերը, չգոռոզանայ ընկերոջ վրայ:
7. Իսկ արդ, ո՞վ է, որ պիտի քննի քեզ: Ի՞նչ բան ունես, որ ստացած չլինես. եւ եթէ ստացել ես, ինչո՞ւ ես պարծենում չստացողի պէս:
8. Արդէն իսկ յագեցած էք եւ արդէն հարուստ դարձած. թագաւոր դարձաք առանց մեզ. եւ երանի թէ թագաւորեիք, որպէսզի մենք էլ թագաւորեինք ձեզ հետ:
9. Ինձ այնպէս է թւում, թէ մեզ՝ առաքեալներիս, Աստուած վերջիններ դարձրեց, որպէս մահապարտների. որովհետեւ տեսարան դարձանք աշխարհին եւ հրեշտակներին ու մարդկանց:
10. Մենք՝ յիմարներ Քրիստոսի պատճառով, եւ դուք՝ իմաստուններ Քրիստոսով. մենք՝ թոյլեր, եւ դուք՝ հզօրներ. դուք՝ փառաւորուածներ, եւ մենք՝ անարգներ:
11. Մինչեւ այսօր ե՛լ քաղցած մնացինք, ե՛լ ծարաւեցինք, ե՛լ մնացինք մերկ, ե՛լ բռնցքահարուեցինք, ե՛լ մնացինք անկայան.
12. եւ չարաչար աշխատեցինք մեր ձեռքերով. նախատում էին մեզ՝ օրհնում էինք, հալածում էին՝ դիմանում էինք,
13. հայիոյում էին՝ աղօթում էինք. առակ-նշաւակ եղանք ամբողջ աշխարհին, ջնջոց՝ բոլորի համար մինչեւ այժմ:
14. Ոչ թէ ձեզ ամօթով թողնելու համար եմ գրում այս, այլ խրատում եմ ձեզ իբրեւ սիրելի որդիներ:
15. Թեպէտ եւ բիւր դաստիարակներ ունեք Քրիստոսով, բայց ոչ՝ բազում հայրեր. որովհետեւ Քրիստոս Յիսուսի Աւետարանով ե՛ս ծնեցի ձեզ:
16. Արդ, աղաչում եմ ձեզ, նմանուեցե՛ք ինձ:
17. Դրա համար ձեզ մօտ ուղարկեցի Տիմոթէոսին, որ իմ սիրելի որդին է եւ հաւատարիմ՝ ի Տէր, որպէսզի յիշեցնի ձեզ իմ ճանապարհները ի Քրիստոս Յիսուս, ինչպէս որ ամենուրեք ուսուցանում եմ բոլոր եկեղեցիներում:
18. Ոմանք հպարտացել են, որպէս թէ ես ձեզ մօտ չեմ գալու.
19. բայց գալու եմ շուտով, եթէ Տէրը կամենայ. եւ տեղեակ կը լինեմ ոչ թէ հպարտացողների խօսքերին, այլ՝ նրանց զօրութեանը.
20. որովհետեւ Աստծու թագաւորութիւնը ոչ թէ խօսքերով է, այլ՝ զօրութեամբ:
21. Արդ, ինչպէ՞ս էք ուզում. գաւազանով գամ ձեզ մօտ, թէ՞ սիրոյ հեզութեան, արդարութեան եւ խոնարհութեան Հոգով:

1. Ներկայումս լսում եմք, թե պոռնկություն կայ ձեր մեջ, եւ այնպիսի պոռնկություն, որ հեթանոսների մեջ իսկ չկայ, որպէս թէ մէկն ապրի իր հօր կնոջ հետ:
2. Եւ դուք հպարտանում եք. աւելին. չէք էլ սգում, որպէսզի վերանար ձեր միջից նա, ով այդ արարքը կատարեց.
3. Ես, թեպէտեւ մարմնով հեռու եմ, բայց հոգով՝ մօտ. իսկ ես, որպէս թէ մօտ լինէի, դատեցի նրան, որ այդպիսի բան գործեց, -
4. յանուն մեր Տէր Յիսուս Քրիստոսի, երբ դուք եւ իմ հոգին միասին կը հաւաքուէք մեր Տէր Յիսուս Քրիստոսի գորութեամբ հանդերձ, -
5. մատնեցէ՛ք այդպիսի մէկին Սատանային՝ նրա մարմնի կորստեան համար, որպէսզի նրա հոգին ապրի մեր Տէր Յիսուս Քրիստոսի օրում:
6. Լաւ չեն ձեր այդ պարծանքները. չգիտէ՞ք, թէ մի փոքր թթխմոր ամբողջ զանգուածը խմորում է:
7. Մաքրեցէ՛ք, դէ՛ն նետեցէք հին խմորը, որպէսզի նոր զանգուած լինէք, առանց թթխմորի. քանզի Քրիստոս՝ մեր զատիկը, մորթուեց:
8. Ուրեմն, տօն կատարենք ոչ թէ հին խմորով եւ չարութեան ու անզգամութեան խմորով, այլ՝ ստուգութեան եւ ճշմարտութեան անթթխմոր հացով:
9. Գրեցի ձեզ այդ թղթի մէջ, որ չխառնակուէք պոռնիկների հետ.
10. եւ ոչ միայն այս աշխարհի պոռնիկների կամ ազահների կամ յափշտակողների կամ կռապաշտների հետ. ապա թէ ոչ պարտաւոր պիտի լինէիք աշխարհից իսկ դուրս գալ:
11. Բայց արդ, ձեզ գրեցի, որ չխառնակուէք. եթէ եղբայր կոչուած մէկը պոռնիկ լինի, կամ կռապաշտ, կամ ազահ, կամ բամբասող, կամ հարբեցող, կամ յափշտակող, այդպիսի մէկի հետ հաց էլ չուտէք:
12. Իմ ի՞նչ գործն է դատել նաեւ դրսիններին. չէ՞ որ ներսիններին դուք էք դատում:
13. Իսկ դրսիններին Աստուած է դատելու: Վերացրէ՛ք չարը ձեր միջից:

1. Ձեզնից մեկը, եթե խնդիր ունենայ իր ընկերոջ հետ, կը համարձակուի՞ դատուել անիրաւների առաջ, թե՞ սրբերի առաջ.
2. Հգիտե՞ք, թե սրբերն են դատում աշխարհը: Եւ եթե ձեզնով է դատում աշխարհը, ապա արժանի չէ՞ք չնչին բաներ դատելու:
3. Չգիտե՞ք, թե մենք հրեշտակներին էլ ենք դատելու, ուր մնաց թե՛ երկրաւորներին:
4. Իսկ դուք, երբ այս հարցերի մասին վեճեր ունեք, որպէս եկեղեցու դատաւորներ նստեցնում եք մարդկանց, որոնք անարժէք են:
5. Յամօթ ձեզ եմ ասում: Ձեր մէջ չկա՞յ այնչափ իմաստուն մեկը, որ կարողանայ արդար դատ անել իր եւ եղբօր միջեւ:
6. Բայց եղբայրը եղբօր դէմ է դատում, այն էլ՝ անհաւատների առջեւ:
7. Եւ արդ, բոլորովին վատթար բան է ձեզ համար, որ դատաստաններ էլ կան ձեր մէջ: Ինչո՞ւ ինքներդ զրկանք չեք կրում եւ առաւել եւս ինքներդ նեղութիւն չեք քաշում.
8. այլ դուք եք զրկում եւ նեղում. այն էլ՝ նոյնիսկ եղբայրներին:
9. Չգիտե՞ք, թե անիրաւներն Աստծու արքայութիւնը չեն ժառանգում. մի՛ խաբուէք. ո՛չ պոռնիկներ, ո՛չ կռապաշտներ, ո՛չ շնացողներ,
10. ո՛չ իգացողներ, ո՛չ արուամուլներ, ո՛չ գողեր, ո՛չ ագահներ, ո՛չ հարբեցողներ, ո՛չ բամբասողներ, ո՛չ էլ յափշտակողներ Աստծու արքայութիւնը չպիտի ժառանգեն:
11. Եւ դուք, գոնէ ոմանք, այդպիսիք էիք. բայց լուացուեցիք, մաքրուեցիք, արդարացուեցիք մեր Տէր Յիսուս Քրիստոսի անունով եւ մեր Աստծու Հոգով:
12. Ամէն ինչ ինձ արտօնուած է, բայց ոչ ամէն բան՝ օգտակար: Ամէն ինչ ինձ արտօնուած է, բայց պէտք չէ, որ որեւէ բանի իշխանութեան տակ լինեմ:
13. Ուտելիքը որովայնի եւ որովայնը ուտելիքի համար է: Բայց Աստուած ե՛ւ այս, ե՛ւ այն պիտի կործանի. սակայն մարմինը ոչ թէ պոռնկութեան, այլ Տիրոջ համար է, եւ Տէրը՝ մարմնի համար:
14. Բայց Աստուած, որ Տիրոջը յարութիւն տուեց, ձեզ էլ յարութիւն պիտի տայ իր զօրութեամբ:
15. Չգիտե՞ք, թե ձեր մարմինները Քրիստոսի անդամներն են: Արդ, Քրիստոսի անդամներն առնելով՝ պոռնիկի՞ անդամներ ենք դարձնելու: Թա՛ւ լիցի:
16. Չգիտե՞ք, թե, ով մերձենում է պոռնիկին, նրա հետ մէկ մարմին է դառնում: Կը լինեն, - ասում է Գիրքը, - երկուսը մէկ մարմին:
17. Եւ ով մերձենում է Տիրոջը, մե՛կ հոգի է դառնում նրա հետ:
18. Փախե՛ք պոռնկութիւնից: Ինչ մեղք էլ որ գործի մարդ, այդ իր մարմնից դուրս է. իսկ ով պոռնկանում է, իր մարմնի դէմ է մեղք գործում:
19. Չգիտե՞ք, թե ձեր մարմինները տաճար են Սուրբ Հոգու, որ ձեր մէջ է, եւ որն ստացել էք Աստծուց. եւ դուք ձեր տէրը չեք,
20. քանզի մե՛ծ գնով գնուեցիք: Փառաւորեցե՛ք Աստծուն ձեր մարմինների մէջ:

1. Այժմ, այն բաների մասին, որ ինձ գրել էիք: Լաւ է տղամարդու համար կին արարածին չմերձենալ:
2. Բայց, չպոռնկանալու համար, իւրաքանչիւր մարդ թող իր կինը ունենայ, եւ ամեն կին՝ իր մարդը:
3. Թող մարդը կնոջ հանդէպ իր պարտքը կատարի, նոյն ձեւով եւ կինը՝ իր մարդու հանդէպ:
4. որովհետեւ կինն իր մարմնի տէրը չէ, այլ՝ մարդը: Նոյնպէս եւ՝ մարդը իր մարմնի տէրը չէ, այլ՝ կինը:
5. Մի՛ գրկէք միմեանց, այլ միայն այն դէպքում, եթէ միառժամանակ համաձայն էք, որ աղօթքի նուիրուէք. եւ վերստին միմեանց դարձէք, որպէսզի Սատանան ձեզ չփորձի ձեր անժուժկալութեան պատճառով:
6. Այս ասում եմ թոյլ տալով եւ ոչ թէ հրաման տալով:
7. որովհետեւ ուզում եմ, որ ամեն մարդ լինի այնպէս, ինչպէս ես եմ. բայց իւրաքանչիւր ոք իր շնորհն ունի Աստծուց, մէկն՝ այսպէս, իսկ միւսն՝ այնպէս:
8. Սակայն ամուրիներին եւ այրիներին ասում եմ. լաւ է նրանց համար, եթէ մնան այնպէս, ինչպէս ես եմ:
9. Իսկ եթէ ժուժկալութիւն չունեն, թող ամուսնանան. որովհետեւ լաւ է ամուսնանալ, քան կրքով այրուել:
10. Իսկ ամուսնացեալներին ոչ թէ ես, այլ Տէրն է պատուիրում. թող կինը ամուսնուց չբաժանուի:
11. Իսկ եթէ բաժանուի, թող առանց ամուսնու մնայ կամ վերստին իր մարդու հետ հաշտուի. եւ մարդը իր կնոջը թող չթողնի:
12. Բայց միւսներին ես եմ պատուիրում, ոչ թէ Տէրը. եթէ մի եղբայր անհաւատ կին ունենայ, եւ նրան հաճելի լինի ապրել նրա հետ, նրան թող չթողնի:
13. Եւ մի կին, եթէ անհաւատ մարդ ունենայ, եւ նա ուզենայ ապրել նրա հետ, իր մարդուն թող չթողնի:
14. որովհետեւ անհաւատ մարդը իր կնոջո՛վ սուրբ է. սուրբ է եւ անհաւատ կինը իր մարդո՛վ. ապա թէ ոչ՝ ձեր որդիները պիղծ կը լինեն. մինչդեռ հիմա սուրբ են:
15. Իսկ եթէ անհաւատը ուզում է բաժանուել իր կողակցից, թող բաժանուի. քանի որ այսպիսի դէպքում հաւատացեալ եղբոր կամ քրոջ վրայ հարկադրանք չկայ. քանզի Աստուած մեզ խաղաղութեան կոչեց:
16. Ի՞նչ գիտես, դո՛ւ, կի՛ն, թէ քո մարդուն փրկելու ես. կամ ի՞նչ գիտես, դո՛ւ, մա՛րդ, թէ քո կնոջը փրկելու ես:
17. միայն թէ՛ ամեն մէկին Տէրը ինչ ձեւով որ բաժին տուեց, եւ իւրաքանչիւրին Աստուած ինչպէս որ կանչեց, թող նա այնպէս էլ ընթանայ: Եւ բոլոր եկեղեցիներում այսպէս եմ պատուիրում:
18. Եթէ թլփատուած մէկը հաւատի կանչուեց, թող չփորձուի ծածկել թըլփատութեան նշանները: Եթէ անթըլփատութեան վիճակի մէջ գտնուող մէկը կանչուեց, թող չթլփատուի:
19. որովհետեւ թլփատուածութիւնը ոչինչ է. անթլփատուածութիւնն էլ ոչինչ է, այլ միայն կարելոր է Աստծու պատուիրանների պահպանումը:
20. Բայց իւրաքանչիւր ոք, ինչ կոչման մէջ որ էր, երբ կանչուեց, թող նրանում էլ մնայ:
21. Ծառա՞յ էիր, երբ կոչուեցիր. դու հոգ մի՛ արա, այլ, եթէ կարողանաս իսկ ազատ լինել, քեզ այդպէս լաւ կը լինի:
22. որովհետեւ, ով Տիրոջով ծառայ է կանչուած, Տիրոջ կողմից ազատուած է. նոյնպէս եւ՝ ով ազատ է կոչուած, Քրիստոսի ծառան է:
23. Մե՛ծ գնով գնուեցիք: Մարդկանց ծառաներ մի՛ եղէք:
24. Եղբայրնե՛ր, իւրաքանչիւրը, ինչ կոչման մէջ որ կոչուեց, թող նոյնի մէջ էլ մնայ Աստծու առաջ:



25. Իսկ կոյսերի մասին Տիրոջից հրաման չունեմ. բայց խրատ եմ տալիս, որպես Տիրոջից ողորմութիւն գտած մէկի, որ վստահելի է:
26. Կարծում եմ, թէ այսպէս լաւ է. այն նեղութեան պատճառով, որ ներկայումս կայ. մարդու համար լաւ է, որ այսպէս լինի:
27. Կապուած ես կնոջ հետ. մի՛ փորձուի՛ր արձակուել: Չե՞ս կապուած. կին մի՛ փնտռիր.
28. սակայն եթէ ամուսնանաս, մեղք գործած չես լինի. եւ եթէ կոյսն ամուսնանայ, մեղք գործած չի լինի: Բայց այդպիսիները մարմնի նեղութիւն են ունենալու. իսկ ես պիտի ինայելի ձեզ:
29. Բայց այս եմ ասում, եղբայրներ՛, թէ այսուհետեւ ժամանակը կարճ է: Նրանք, որ կին ունեն, այնպէս ապրեն, որպէս թէ՛ ունեցած չլինէին.
30. եւ նրանք, որ լաց են լինում, որպէս թէ՛ լացած չլինէին. եւ նրանք որ ուրախանում են, որպէս թէ՛ ուրախացած չլինէին. եւ նրանք, որ բան են գնում, որպէս թէ՛ ունեցած չլինէին.
31. եւ նրանք, որ աշխարհիկ կեանք են վարում, որպէս թէ՛ վայելած չլինէին. որովհետեւ այս աշխարհը, այնպէս, ինչպէս որ է, անցնելու վրայ է:
32. Այլ ուզում եմ, որ դուք առանց հոգսի լինեք. որովհետեւ, ով կին չունի, հոգում է, թէ ինչպէս հաճելի լինի Տիրոջը:
33. Իսկ ով կին ունի, աշխարհի մասին է հոգում, թէ ինչպէս հաճելի լինի իր կնոջը:
34. Եւ այսպէս տարբերում են իրարից ամուսնացած կինը եւ կոյսը. քանի որ կոյսը հոգում է Տիրոջ գործերի մասին, որպէսզի սուրբ լինի մարմնով եւ հոգով: Իսկ ամուսնացած կինը հոգում է աշխարհի մասին, թէ ինչպէս հաճելի լինի իր մարդուն:
35. Եւ այս ձեր օգտի համար եմ ասում. ոչ թէ ձեզ ճնշելու համար, այլ պարկեշտութեան եւ Տիրոջը բոլորանուէր ծառայելու համար:
36. Իսկ եթէ մէկը ամօթ զգայ իր կոյս նշանածի համար, եւ եթէ իր կրքի չափն անցել է, - եւ դա բնական է, - թող անի, ինչ ցանկանում է. մեղք չի գործի՝ թող ամուսնանայ:
37. Իսկ ով համոզուած է իր սրտում եւ կարող է իշխել իր կամքին ու ներքնապէս որոշել է կոյս թողնել իր նշանածին, լաւ է անում, վտանգ չկայ նրան այդ բանում:
38. Իսկ ով որ ամուսնանում է իր կոյս նշանածի հետ, լաւ է անում. իսկ ով որ չի ամուսնանում, առաւել եւս լաւ է անում:
39. Կինը կապուած է իր մարդուն մինչեւ այնքան ժամանակ, որ իր մարդը կենդանի է: Իսկ երբ նրա մարդը մեռնի, ազատ է ամուսնանալու՝ ում հետ ուզենայ, բայց միայն Տիրոջով:
40. Սակայն առաւել երանելի է, եթէ մնայ այնպէս, ըստ իմ խրատի: Ես այնպէս եմ կարծում, թէ իմ մէջ էլ Աստծու Հոգի կայ:

1. Իսկ այժմ, կուռքերին արուած զոհերի մասին: Ոմանք ասում են՝ այդ մասին մենք անհրաժեշտը գիտենք. գիտութիւնը հպարտացնում է, բայց սէրը՝ հաստատում:
2. Եթէ մէկը կարծում է, թէ բան գիտէ, դեռ չգիտէ իսկ ինչպէս պէտք է գիտենալ:
3. Բայց ով սիրում է Աստծուն, նա ճանաչուած է նրանից:
4. Իսկ ինչ վերաբերում է կուռքերին զոհ արուածները ուտելուն, գիտենք, որ այս աշխարհում կուռքերը ոչինչ են. որովհետեւ չկայ ուրիշ Աստուած, բացի միակ Աստծուց,
5. թէպէտեւ այսպէս կոչուած աստուածներ կան թէ՛ երկնքում եւ թէ՛ երկրի վրայ. արդարեւ, կան բազում աստուածներ եւ բազում տէրեր:
6. Բայց մեզ համար միայն մէկ Աստուած կայ, Հայր, որ ստեղծել է ամէն բան, եւ մենք ապրում ենք նրանով. եւ՝ միայն մէկ Տէր Յիսուս Քրիստոս, որի միջոցով ստեղծուեց ամէն ինչ, եւ մենք ապրում ենք նրանով:
7. Բայց բոլորի մէջ այս գիտութիւնը չկայ: Ոմանք, մինչեւ այժմ վարժուած լինելով, կուռքերին զոհ արուածը իբրեւ զոհաբերուած են ուտում, եւ որովհետեւ նրանց խղճմանքը տկար է, պղծում են:
8. Եւ ուտելիքը չէ, որ մեզ Աստծու առաջ է կանգնեցնելու: Եթէ չուտենք, ոչնչով չենք պակասի, եւ եթէ ուտենք, ոչնչով չենք անելանայ:
9. Բայց զգո՛յշ եղէք, գուցէ ձեր այդ ազատութիւնը գայթակղութիւն լինի տկարների համար:
10. Եթէ մէկը տեսնի քեզ՝ այդ գիտութիւնը ունեցողիդ, սեղան նստած մեհեանում, արդարեւ, նա, որի խղճմանքը տկարութեամբ է պատած, վերստին չի՞ քաջալերուի կուռքերին զոհաբերուածն ուտելու:
11. Եւ տկար եղբայրը, որի համար Քրիստոս մեռաւ, կորստեան կը մատնուի քո գիտութեան պատճառով:
12. Եւ այսպէս, յանցանք գործելով եղբայրների դէմ եւ վիրաւորելով տկարների խղճմանքը, դուք Քրիստոսի հանդէպ մեղանշում եք:
13. Ուստի, եթէ ուտելիքը պիտի գայթակղեցնի իմ եղբօրը, յաւիտեան միս չեմ ուտի, որպէսզի իմ եղբօրը չգայթակղեցնեմ:

1. Չէ՞ որ ազատ եմ, չէ՞ որ առաքեալ եմ, չէ՞ որ իմ աչքերով տեսայ Տէր Յիսուս Թրիստոսին, չէ՞ որ դուք եք իմ գործը ի Տէր:
2. Թեպետեւ ուրիշների համար առաքեալ չեմ, բայց յամենայն դեպս ձեզ համար առաքեալ եմ. որովհետեւ իմ առաքելութեան կնիքն իսկ եք դուք ի Տէր:
3. Ուր որ ինձ հարցաքննեն, իմ պատասխանը այս է.
4. միթէ իշխանութիւն չունե՞նք ուստիւ եւ խմելու:
5. Միթէ իշխանութիւն չունե՞նք մեզ հետ ման ածելու մեր հաւատացեալ կանանց, ինչպէս որ միւս առաքեալները, Տիրոջ եղբայրները եւ Կեփասը անում են:
6. Միայն ես եւ Բառնաբա՞սը պարտաւոր ենք մեր ապրուստի համար աշխատելու:
7. Ո՞վ երբեւէ զինուորութիւն կ'անի իր ծախսով: Ո՞վ այգի կը տնկի եւ նրա պտղից չի ուտի: Ո՞վ հօտ կ'արածացնի եւ հօտի կաթից չի խմի:
8. Միթէ մարդկայնօրէ՞ն եմ ասում այս բանը. կամ թէ՛ օրէնքն էլ այս նոյնը չի՞ ասում:
9. Մովսէսի իսկ օրէնքում գրուած է. Կալում աշխատող եզան դունչը չկապես: Միթէ միայն եզների՞ համար էր հոգ անում Աստուած:
10. Չէ՞ որ մեզ համար է ասում. քանի որ մեզ համար գրուեց այդ. ով վարուցանք է անում, պետք է յոյսով վարուցանք անի, եւ ով կախում է՝ վայելելու յոյսով:
11. Եթէ մենք ձեր մէջ հոգեւոր բաներ սերմանեցինք, մեծ բա՞ն է, եթէ ձեզնից մարմնաւոր բաներ հնձենք:
12. Եթէ ուրիշներ ձեր վրայ ունեցած իշխանութեամբ վայելում են այդ բաները, որչա՛փ եւս առաւել՝ մենք: Բայց այս իշխանութիւնը ի գործ չդրինք, այլ ամէն ինչի համբերում ենք, որպէսզի Աւետարանին որեւէ արգելք չլինի:
13. Չգիտե՞ք, թէ նրանք, որ տաճարում պաշտօնավարում են, տաճարից էլ ուտում են: Եւ նրանք, որ սեղանի սպասաւորներն են, սեղանից էլ վայելում են:
14. Նոյնպէս եւ Տէրը Աւետարանը քարոզողներին հրամայեց, որ Աւետարանից էլ ապրեն:
15. Բայց ես սրանցից եւ ոչ մի բան ի գործ չդրի. ոչ էլ գրեցի այս բաները, որ իմ հանդէպ էլ այդպէս լինի: Լաւ է, որ ես աւելի շուտ մեռնեմ, քան մէկն իմ պարծանքը ընդունայն համարի.
16. որովհետեւ, եթէ աւետարանում եմ, այդ ինձ համար պարծանք չէ, քանզի պարտաւորութիւն է դրուած իմ վրայ: Բայց վա՛յ է ինձ, եթէ չաւետարանեմ:
17. Եթէ կամովին եմ անում այդ, վարձ կայ ինձ համար, իսկ եթէ՝ ակամայ, ծանր պարտականութիւն է ինձ յանձնուած:
18. Եւ արդ, ի՞նչ է իմ վարձը. այն՝ որ աւետարանելիս Աւետարանը ձրի տամ, որպէսզի աւետարանելու մէջ ունեցած իմ իշխանութիւնը չարաշահած չլինեմ.
19. թեպետեւ ազատ էի բոլորից, բայց իմ անձը դրի բոլորի ծառայութեան համար, որպէսզի շահեմ շատերին:
20. Հրեաների հետ եղայ ինչպէս հրեայ, որպէսզի շահեմ հրեաներին:
21. Եղայ օրէնքի տակ, ինչպէս օրէնքի տակ եղածները. ոչ թէ նրա համար, որ օրէնքի տակ էի, այլ որպէսզի շահեմ նաեւ նրանց, որ օրէնքի տակ են: Օրէնքի տակ չեղողների հետ եղայ ինչպէս օրէնքի տակ չեղող մարդ, ոչ թէ նրա համար, որ Աստծու օրէնքին ենթակայ չէի, այլ՝ Թրիստոսի՝ օրէնքի տակ էի, որպէսզի շահեմ օրէնքի տակ չեղողներին:
22. Եղայ տկարների հետ ինչպէս տկար, որպէսզի շահեմ տկարներին: Բոլորի հետ ամէն ինչ եղայ, որպէսզի թերեւս փրկեմ ոմանց:
23. Այս բոլորն անում եմ Աւետարանի համար, որպէսզի մասնակից լինեմ նրան:
24. Չգիտե՞ք, թէ նրանցից, որ ասպարեզում վազում են, - թեւ բոլորն են վազում, - միայն մէկն է առնում յաղթութեան մրցանակը: Այնպէ՛ս վազեցէք, որ հասնէք դրան:
25. Ով մրցում է, ամէն ինչում ժուժկալ է լինում. նրանք՝ որպէսզի կորնչելի պսակն առնեն, իսկ մենք՝ անկորնչելին:
26. Արդ, ես ճիշտ այսպէ՛ս եմ վազում, ոչ թէ աննպատակ. այնպէս չեմ կռփահարում,

իբրեւ թէ քամի ծեծէի,

27. այլ ճնշելով ամրացնում եմ իմ մարմինը եւ հնազանդեցնում այն, որպէսզի գուցէ ես  
ինքս խոտելի չլինեմ այն բանում, որ քարոզեցի ուրիշներին:

1. Եղբայրներ՝, չեմ ուզում, որ անգիտանաք, որ մեր հայրերը բոլորն էլ ամպի առաջնորդութեան տակ էին եւ բոլորն էլ ծովով անցան:
2. Եւ բոլորը, հետեւելով Մովսէսին, մկրտուեցին ամպ ու ծովի մէջ:
3. Եւ բոլորն էլ նոյն հոգեւոր ուսելիքը կերան,
4. Եւ բոլորն էլ նոյն հոգեւոր ըմպելիքը խմեցին, որովհետեւ խմում էին հոգեւոր այն վեմից, որ գնում էր նրանց հետ եւ այն վեմը ինքը՝ Քրիստոսն էր:
5. Բայց նրանցից շատերը չէ, որ հաճելի եղան Աստծուն, քանզի անապատում ընկան մեռան:
6. Եւ այն որպէս օրինակ եղաւ մեզ համար, որպէսզի չար բաների ցանկացող չլինենք, ինչպէս որ ցանկացան նրանք:
7. Եւ չլինենք կռապաշտներ, ինչպէս նրանցից ոմանք. ինչպէս գրուած է. Նստեց ժողովուրդը ուսելու եւ խմելու, եւ նրանք վեր կացան զուարճանալու:
8. Եւ չպոռնկանանք, ինչպէս նրանցից ոմանք պոռնկացան, եւ մի օրում ընկան քսանչորս հազարը:
9. Եւ չփորձենք Տիրոջը, ինչպէս փորձեցին նրանցից ոմանք եւ կոտորուեցին օձերից:
10. Եւ չտրտնջանք, ինչպէս տրտնջացին նրանցից ոմանք եւ կորստեան մատնուեցին մահուան հրեշտակից:
11. Եւ այս բոլորը իբրեւ օրինակ պատահեց նրանց հետ, բայց որպէս խրատ գրուեց մեզ համար, մեզ, որոնց համար հասել է յաւիտեանների վախճանը:
12. Այսպէս ուրեմն՝ ով կարծում է, թէ կանգնած է հաստատ, թող գոյշ լինի, գուցէ թէ ընկնի:
13. Ձեր վրայ ոչ մի փորձութիւն չի եկել, բացի մարդկանցից եկածից: Բայց հաւատարիմ է Աստուած, որ ձեզ աւելի փորձութեան մէջ չի գցելու, քան կարող էք տանել. այլ՝ փորձութեան հետ փրկութեան ելք էլ է ցոյց տալու, որպէսզի կարողանաք համբերել:
14. Ուստի, իմ սիրելիներ՝, փախէ՛ք կռապաշտութիւնից:
15. Ասում եմ ձեզ իբրեւ գիտակից մարդկանց. ինքնե՛րդ դատեցէք, ինչ ասում եմ:
16. Օրհնութեան բաժակը, որն օրհնում ենք, արդարեւ հաղորդութիւն չէ՞ Քրիստոսի արեան. հացը, որը կտրում ենք, արդարեւ հաղորդութիւն չէ՞ Քրիստոսի մարմնի:
17. որովհետեւ մի հաց, մի մարմին ենք բոլորս, քանի որ բոլորս էլ այդ միակ հացից ենք վայելում:
18. Նկատի առէք մարմնաւոր Իսրայելը. չէ՞ որ նրանք, որ ուտում են զոհից, մասնակից են սեղանին:
19. Իսկ արդ, ահա ինչ եմ ասում. կուռքերին զոհաբերուածը մի բա՞ն է. եւ կամ կուռքն ինքնին մի բա՞ն է:
20. Ո՛չ, ինչ որ հեթանոսները զոհում են, դեւերին են զոհում եւ ոչ՝ Աստծուն: Չեմ ուզում, որ դուք դեւերին հաղորդակից լինէք. քանզի չէք կարող խմել ե՛ւ Տիրոջ բաժակը, ե՛ւ դեւերի բաժակը:
21. Եւ չէք կարող վայելել ե՛ւ Տիրոջ սեղանից, ե՛ւ դեւերի սեղանից:
22. Կամ թէ՛ ուզում ենք Տիրոջ նախա՞նձը գրգռել. մի՞թէ աւելի զօրեղ ենք, քան Նա:
23. Ամէն ինչ ինձ թոյլատրելի է, բայց ամէն բան չէ, որ օգտակար է. ամէն ինչ ինձ թոյլատրելի է, բայց ամէն ինչ չէ, որ հաւատը հաստատում է:
24. Ոչ ոք միայն իր օգուտը թող չփնտռի, այլ՝ նաեւ ընկերոջինը:
25. Կերե՛ք ամէն ինչ, որ վաճառւում է սպանդանոցում, եւ խղճմտանքի պատճառով խտրութիւն մի՛ դրէք:
26. որովհետեւ՝ Տիրոջն է երկիրն իր ամբողջութեամբ:
27. Եթէ անհաւատներից մէկը ձեզ հրաւիրի, եւ դուք ուզենաք գնալ, այն ամէնը, որ ձեր առաջ կը դրուի, կերե՛ք եւ խղճմտանքի պատճառով խտրութիւն մի՛ դրէք:
28. Իսկ եթէ մէկը ձեզ ասի, թէ՛ Այդ զոհ է արուած, մի՛ կերէք այն մարդու պատճառով, ով իմաց տուեց ձեզ, եւ նրա խղճմտանքի պատճառով:

29. խօսքս ոչ թե ձեր խղճմտանքի մասին է, այլ՝ ընկերոջ: Բայց ինչո՞ւ իմ ազատութիւնը պիտի կաշկանդուի ուրիշի խղճմտանքի պատճառով:
30. Եթէ ես գոհութիւն յայտնելով վայելում եմ, ինչո՞ւ հայիոյութեմ նրա համար, որ գոհութիւն եմ յայտնում:
31. Արդ, ուտէք թէ խմէք, կամ ինչ էլ անէք, ամէն ինչ արե՛ք Աստծու փառքի համար.
32. գայթակղութեան պատճառ մի՛ եղէք հրեաներին եւ հեթանոսներին եւ Աստծու եկեղեցուն.
33. ինչպէս որ ե՛ս բոլորին ամէն ինչում հաճելի եմ լինում ու չեմ փնտռում իմ օգուտը, այլ՝ շատերինը, որպէսզի փրկուեն:

1. Նմանուեցէ՛ք ինձ, ինչպէս որ ես՝ Քրիստոսին:
2. Գովում եմ ձեզ, որ յիշում էք ինձ ամէն ինչում եւ պահում էք աւանդած բաները, ինչպէս որ աւանդեցի ձեզ:
3. Ուզում եմ, որ դուք իմանաք, թէ ամէն մարդու գլուխը Քրիստոսն է, կնոջ գլուխը՝ մարդը եւ Քրիստոսի գլուխը՝ Աստուած:
4. Ամէն տղամարդ, երբ աղօթքի կանգնի կամ մարգարեանայ եւ գլուխը ծածկած պահի, անպատում է իր գլուխը:
5. Եւ ամէն կին, երբ աղօթքի կանգնի կամ մարգարեանայ գլխաբաց, անպատում է իր գլուխը. որովհետեւ այնպէս է համարում, թէ իբր գլուխն ածիլուած լինի:
6. քանզի, եթէ կինը քօղով չի ծածկում, թող կտրի իր մազերը: Իսկ եթէ ամօթ է կնոջ համար մազը կտրել կամ ածիլել, թող քօղով ծածկուի:
7. Պետք չէ, որ տղամարդը իր գլուխը ծածկի, որովհետեւ նա պատկերն ու փառքն է Աստծու. իսկ կինը ի՛ր մարդու փառքն է:
8. որովհետեւ ոչ թէ մարդն է կնոջից, այլ կինը՝ մարդուց:
9. քանզի մարդը չստեղծուեց կնոջ համար, այլ կինը՝ մարդու համար:
10. Դրա համար կինը պարտաւոր է քօղ դնել գլխին, հրեշտակների պատճառով:
11. Բայց կինն առանց մարդու եւ մարդն առանց կնոջ չկան ի Տէր:
12. որովհետեւ, ինչպէս որ կինը մարդուց է, այնպէս եւ մարդը՝ կնոջ միջոցով, եւ ամէն ինչ՝ Աստծուց:
13. Եւ դուք ինքնե՛րդ դատեցէք. վայե՞լ է կին արարածին գլխաբաց աղօթքի կանգնել Աստծու առաջ:
14. Եւ բնութիւնն իսկ չի՞ ուսուցանում ձեզ, որ, եթէ մարդը երկար մազերով է, այդ անարգանք է իրեն:
15. բայց կինը, եթէ երկար մազերով է, այդ պատիւ է իրեն. որովհետեւ մազերը քօղի փոխարեն են տրուած նրան:
16. Իսկ եթէ մէկն ուզում է առարկել, մենք չունենք այդպիսի սովորութիւն, ոչ էլ՝ Աստծու եկեղեցիները:
17. Բայց այս բանը պատուիրում եմ, ոչ որպէսզի ձեզ գովեմ. որովհետեւ ոչ թէ դէպի լաւը, այլ դէպի վատթարն են գնում ձեր հաւաքոյթները:
18. Նախ՝ երբ ի մի վայր էք ժողովում եկեղեցում, լսում եմ, թէ բաժանումներ կան ձեր մէջ. եւ մասամբ հաւատացի:
19. Բայց պետք է, որ հերձուածներ էլ լինեն ձեր մէջ, որպէսզի ձեր միջից նրանք, որ ընտիր մարդիկ են, երեւան:
20. Եւ արդ, երբ դուք միասին հաւաքւում էք, Տիրոջ տունը ձեզ համար հաց ուտելու տեղ չէ:
21. որովհետեւ իւրաքանչիւր ոք առաջ է ընկնում իր ընթրիքն ուտելու. մէկը՝ քաղցած է, իսկ միւսը՝ արդէն հարբած:
22. Միթէ տներ չունե՞ք ուտելու եւ խմելու համար: Կամ Աստծու եկեղեցի՞ն էք արհամարհում եւ ամաչեցնում չքաւորներին: Ի՞նչ ասեմ, գովե՞մ ձեզ դրա համար: Չեմ գովում:
23. որովհետեւ ես ընդունեցի Տիրոջից, ինչ որ աւանդեցի ձեզ. այն՝ որ Տէր Յիսուս, այն գիշերը, երբ մատնուեց, հաց վերցրեց,
24. գոհութիւն մատուցեց, կտրեց եւ ասաց. Այս է իմ մարմինը, որ ձեզ համար է. արե՛ք այս իմ յիշատակի համար:
25. Նոյն ձեւով էլ ընթրիքից յետոյ վերցրեց բաժակը եւ ասաց. Այս բաժակը նոր ուխտ է իմ արիւնով. արե՛ք այս իմ յիշատակի համար, քանի անգամ էլ որ խմէք:
26. Քանի անգամ որ այս հացն ուտէք եւ այս բաժակը խմէք, պատմեցէ՛ք Տիրոջ մահը, մինչեւ որ նա գայ:
27. Ահա թէ ինչու, ով որ ուտի այս հացը կամ խմի Տիրոջ այս բաժակն անարժանօրէն,

պարտական պիտի լինի Տիրոջ մարմնին եւ արեանը:

28. Թող մարդ նախ ինքն իրեն փորձի եւ ապա ուտի այդ հացից ու խմի այդ բաժակից.

29. որովհետեւ, ով ուտում է եւ խմում անարժանօրէն, իր իսկ դատապարտութիւնն է ուտում եւ խմում, քանի որ չի գատորոշում Տիրոջ մարմինը:

30. Դրա համար իսկ ձեր մէջ բազում հիւանդներ եւ ցաւագարներ կան, եւ շատերն էլ մեռած են.

31. որովհետեւ, եթէ մե՛նք մեզ քննէինք, ապա չէինք դատապարտուի:

32. Իսկ եթէ դատուում ենք, Տիրոջից խրատուում ենք, որպէսզի աշխարհի հետ չդատապարտուենք:

33. Եղբայրնե՛ր, ուրեմն, երբ ի մի հաւաքուէք ուտելու, սպասեցէ՛ք միմեանց:

34. Իսկ եթէ մէկը քաղցած լինի, իր տանը թող ուտի, որպէսզի դատապարտութեան համար հաւաքուած չլինէք: Իսկ մնացած պատուէրները, երբ որ գամ, այն ժամանակ կը հաղորդեմ:



1. Գալով հոգեւոր շնորհներին, եղբայրներ՝, չեմ ուզում, որ չգիտենաք:
2. Գիտեք, որ, մինչ հեթանոսներ էիք, ինչպէ՛ս էիք գնում-գալիս անխօս կուռքերի մօտ:
3. Ուստի յայտնում եմ ձեզ, որ ոչ ոք, ով Աստծու Հոգով է խօսում, չի ասի, թէ՛ Նզովեալ է Յիսուս. եւ ոչ ոք չի կարող ասել՝ Յիսուս Տէր է, եթէ ոչ՝ Սուրբ Հոգով:
4. Թէեւ կան շնորհների զանազանութիւններ, բայց պարզեւոր Հոգին նոյնն է:
5. Թէեւ կան զանազան պաշտօններ, բայց բոլորն էլ Տիրոջն են ծառայում:
6. Թէեւ կան գործելու զանազան կարողութիւններ, բայց նոյնն է Աստուած, որ գործում է ամէն բան ամենքի մէջ:
7. Բայց իւրաքանչիւրին տրուած է Հոգու յայտնութիւն՝ իւրաքանչիւրի օգուտի համար:
8. Մէկին Հոգուց տրուած է իմաստութեան խօսք, միւսին՝ գիտութեան խօսք՝ նոյն Հոգուց,
9. միւսին՝ հաւատ՝ նոյն Հոգով, միւսին՝ բժշկումների շնորհ՝ նոյն Հոգով,
10. միւսին՝ զօրաւոր գործերի կարողութիւններ, միւսին՝ մարգարեութիւն, միւսին՝ հոգիները զանազանելու շնորհ, միւսին՝ տեսակ-տեսակ լեզուներով խօսելու շնորհ, միւսին՝ լեզուների թարգմանութեան շնորհ:
11. Բայց այս ամէնը միեւնոյն Հոգին է առաջացնում եւ բաժանում իւրաքանչիւրին՝ ինչպէս որ կամենում է:
12. Ինչպէս մէկ է մարմինը եւ ունի բազում անդամներ, եւ մարմնի այդ բազում անդամները բոլորը մէկ մարմին են, այնպէս էլ՝ Զրիստոս.
13. քանզի մէկ Հոգով մէկ մարմին լինելու համար մկրտուեցինք մենք ամենքս՝ թէ՛ հրեաներ, թէ՛ հեթանոսներ, թէ՛ ծառաներ, թէ՛ ազատներ. եւ բոլորս էլ այդ մէկ Հոգին խմեցինք:
14. Այսպէս, մարմինը մէկ անդամ չէ, այլ՝ բազում:
15. Եթէ ոտքն ասի՝ քանի որ ձեռք չեմ, այդ մարմնից չե՛մ, դրանով չի դադարում նոյն մարմնից լինելուց:
16. Եւ եթէ ականջն ասի՝ քանի որ աչք չեմ, այդ մարմնից չե՛մ, դրանով չի դադարում նոյն մարմնից լինելուց.
17. եթէ ամբողջ մարմինը աչք լինէր, ո՞ր կը մնար ականջը. եւ եթէ ամբողջ մարմինը ականջ լինէր, ո՞ր կը մնար հոտոտելիքը:
18. Բայց արդ, Աստուած դրեց անդամները, նրանցից ամէն մէկը՝ մարմնի մէջ, ինչպէս որ կամեցաւ:
19. Իսկ եթէ ամբողջը մէկ անդամ լինէր, ո՞ր կը մնար մարմինը:
20. Բայց արդ, բազում անդամներ կան, սակայն՝ մէկ մարմին:
21. Աչքը չի կարող ասել ձեռքին, թէ՛ ինձ պետք չես. եւ կամ նոյն ձեւով գլուխը՝ ոտքերին, թէ՛ ինձ պետք չեք:
22. Եւս առաւել, մարմնի այն անդամները, որ թւում է, թէ աւելի տկար են, կարեւորներն են.
23. եւ նրանք, որ թւում է, թէ մարմնի համար աւելի անարգ են, առաւելագո՛յն պատիւ ենք անում նրանց. եւ մեր ամօթոյքները առաւել եւս անհրաժեշտ է պարկեշտութեամբ ծածկել:
24. Բայց մեր պարկեշտ անդամները այդ չեն պահանջում: Որովհետեւ Աստուած կազմեց մարմինը եւ նուազ պատուաւորին առաւել պատիւ տուեց,
25. որպէսզի մարմնի մէջ բաժանումներ չլինեն, այլ որպէսզի այդ անդամները նոյն հոգը տանեն միմեանց նկատմամբ:
26. Եւ եթէ մի որեւէ անդամ ցաւ է զգում, նրա հետ ցաւ են զգում բոլոր անդամները. եւ եթէ մի անդամը փառաւորւում է, նրա հետ ուրախանում են բոլոր անդամները:
27. Արդ, դուք մարմինն էք Զրիստոսի եւ անդամներ՝ նրա անդամներից:
28. Եւ ում որ Աստուած կարգեց եկեղեցու մէջ, սրանք են. նախ՝ առաքեալներ, երկրորդ՝ մարգարէներ, երրորդ՝ ուսուցանողներ, ապա՝ զօրաւոր գործեր կատարելու շնորհներ,

ապա՝ բժշկելու շնորհներ, օգնելու, կառավարելու շնորհներ, տեսակ-տեսակ լեզուներ խօսելու շնորհներ, լեզուների թարգմանութեան շնորհներ:

29. Միթէ բոլորն էլ առաքեալներ են. միթէ բոլորն էլ մարգարէներ են. միթէ բոլորն էլ ուսուցանողներ են. միթէ բոլորն էլ զօրութիւններ գործողներ են.

30. միթէ բոլորն էլ բժշկելու շնորհ ունեն. միթէ բոլորն էլ լեզուներ են խօսում. միթէ բոլորն էլ թարգմանում են:

31. Բայց դուք նախանձախնդիր եղէք լաւագոյն շնորհներին: Եւ ես առաւել լաւ ճանապարհ ցոյց կը տամ ձեզ:

1. Եթե խօսեմ մարդկանց լեզուները եւ հրեշտակներինը, բայց սեր չունենամ, կը նմանուեմ մի պղնձի, որ հնչում է, կամ ծնծղաների, որ դողանջում են:
2. Եւ եթե մարգարեութիւն անելու շնորհ ունենամ եւ հասկանամ բոլոր խորհուրդներն ու ամբողջ գիտութիւնը, եւ եթե ունենամ ամբողջ հաւատը՝ մինչեւ իսկ լեռները տեղափոխելու չափ, բայց սեր չունենամ, ոչինչ եմ:
3. Եւ եթե իմ ամբողջ ունեցուածքը տամ աղքատներին եւ իմ այս մարմինը մատնեմ այրուելու, բայց սեր չունենամ, ոչ մի օգուտ չեմ ունենայ:
4. Սերը համբերող է, քաղցրաբարոյ է. սերը չի նախանձում, չի ամբարտաւանանում, չի գոռոզանում,
5. անվայել վարմունք չի ունենում, իրենը չի փնտռում, բարկութեամբ չի գրգռում, չար բան չի խորհում,
6. անիրաւութեան վրայ չի ուրախանում, այլ ուրախանում է ճշմարտութեան վրայ.
7. ամէն բանի դիմանում է, ամէն բանի հաւատում է, մշտապէս յոյս է տածում, ամէն բանի համբերում:
8. Սերը երբեք չի անհետանում. թէ մարգարեութիւններ են, պիտի չքանան. թէ լեզուներ՝ պիտի լռեն. թէ գիտութիւն՝ պիտի անցնի.
9. քանզի շատից քիչը գիտենք եւ շատից քիչն ենք մարգարեանում:
10. Իսկ երբ գայ կատարեալը, շատից քիչը կ'անհետանայ:
11. Մինչ երեխայ էի, խօսում էի ինչպէս երեխայ, խորհում էի ինչպէս երեխայ, դատում էի ինչպէս երեխայ. իսկ երբ տղամարդ դարձայ, երեխայական բաները մի կողմ թողեցի:
12. Այժմ տեսնում ենք աղօտ, ինչպէս պատկերը հայելու մէջ. իսկ այն ժամանակ պիտի լինի դեմառդեմ: Այժմ շատից քիչը գիտեմ, իսկ այն ժամանակ կը գիտենամ ինչպէս որ Նա ճանաչեց ինձ:
13. Բայց արդ, մնում են հաւատ, յոյս, սեր. սրանք՝ երեքը. եւ սրանցից մեծագոյնը սերն է:

1. Սիրոյ հետամո՛ւտ եղէք եւ առաւել եւս նախանձախնդի՛ր եղէք հոգեւոր շնորհներին, մանաւանդ մարգարեութիւն անելու.
2. որովհետեւ, ով որ լեզուներ է խօսում, մարդկանց հետ չի խօսում, այլ՝ Աստծու հետ. քանզի չկայ մէկը, որ հասկանայ իրեն, բայց նա Հոգով արտայայտում է խորհուրդներ:
3. Իսկ նա, ով մարգարեանում է, մարդկանց հետ է խօսում ի շինութիւն, ի մխիթարութիւն եւ ի սփոփանք:
4. Ով լեզուներ է խօսում, ինքն իրեն է հաստատում, իսկ ով մարգարեանում է, ամրացնում է եկեղեցի՛ն:
5. Կամենում եմ, որ դուք ամենքդ էլ լեզուներ խօսէք. ավելին՝ որ մարգարեանաք. որովհետեւ նա, ով մարգարեանում է, ավելի լաւ է, քան նա, ով լեզուներ է խօսում. միայն թէ նա թող բացատրի, որպէսզի եկեղեցին ամրանայ:
6. Իսկ այժմ, եղբայրնե՛ր, թէ գամ ձեզ մօտ լեզուներ խօսելով, ինչո՞վ օգտակար կը լինեմ ձեզ, եթէ չխօսեմ կա՛մ յայտնութեամբ, կա՛մ գիտութեամբ, կա՛մ մարգարեութեամբ, կա՛մ վարդապետութեամբ:
7. Այնպէս, ինչպէս որ անշունչ գործիքները ձայն ածեն, լինի փող թէ քնար. որովհետեւ, եթէ տարբեր ձայներ չարձակեն, ինչպէ՞ս պիտի իմացուի, թէ փողն է զարկում, կամ քնարն է հնչում.
8. քանզի եթէ շեփորը անորոշ ձայն արձակի, ո՞վ կը պատրաստուի պատերազմի:
9. Նոյնպէս եւ դուք. եթէ լեզուներով յստակ չդարձնէք խօսքը, ինչպէ՞ս կը հասկացուի խօսուածը. որովհետեւ դրանով դուք նման կը լինէք մի մարդու, որ օդի մէջ է խօսում:
10. Այնչափ լեզուների տեսակներ կան աշխարհում, բայց չկայ ոչինչ աննշանակ:
11. Իսկ արդ, եթէ չգիտենամ լեզուի նշանակութիւնը, օտար կը լինեմ նրա համար, ով կը խօսի ինձ հետ. եւ նա, ով կը խօսի ինձ հետ, օտար կը լինի ինձ համար:
12. Այսպէս է՛լ դուք, քանի որ նախանձախնդիր էք հոգեւոր շնորհների, ջանացե՛ք առաւել եւս հարստանալ նոյն շնորհներով ի շինութիւն եկեղեցու:
13. Ուստի, նա, ով լեզուներ է խօսում, թող աղօթի, որ կարողանայ էլ մեկնել:
14. Եթէ աղօթում եմ օտար լեզուով, իմ հոգին է աղօթում, բայց իմ միտքը անպտուղ է:
15. Իսկ արդ, ի՞նչ. պիտի աղօթեմ հոգով, պիտի աղօթեմ նաեւ մտքով: Սաղմոս պիտի ասեմ հոգով, սաղմոս պիտի ասեմ եւ մտքով:
16. Ապա թէ ոչ, եթէ հոգով օրհնաբանես, նա, ով անգետ մարդու վիճակում է, քո գոհաբանութեան ժամանակ ինչպէ՞ս ասի. Ամէն. քանզի, ինչ որ դու ասում ես, նա չի հասկանում.
17. թեւեւ դու լաւ ես գոհութիւն մատուցում, բայց ընկերդ հոգեպէս չի հաստատում:
18. Գոհութիւն Աստծու. ձեր բոլորից ավելի շատ լեզուներ եմ խօսում.
19. բայց, որպէսզի ուրիշներին էլ սովորեցնեմ, եկեղեցու մէջ կամենում եմ հինգ խօսք խօսել խելքով, քան բազում խօսքեր՝ լեզուով:
20. Եղբայրնե՛ր, մտքով երեխայ մի՛ եղէք, այլ եղէ՛ք երեխայ չարութիւն գործելու մէջ, բայց մտքով եղէ՛ք չափահաս.
21. քանզի օրէնքի մէջ էլ գրուած է.
22. Ապա ուրեմն, լեզուները նշան են. բայց ոչ հաւատացեալների, այլ՝ անհաւատների համար. իսկ մարգարեութիւնը ոչ թէ անհաւատների համար է, այլ՝ հաւատացեալների:
23. Իսկ եթէ ամբողջ եկեղեցին ի մի վայր հաւաքուի, եւ բոլորն էլ լեզուներ խօսեն, եւ այնտեղ մտնեն անգետներ ու անհաւատներ, չե՞ն ասի, թէ՛ դուք գժուել էք:
24. Իսկ եթէ բոլորն էլ մարգարեանան, եւ այնտեղ մի անհաւատ կամ անգետ մտնի, կը յանդիմանուի բոլորից եւ բոլորից կը հարցապնդուի,
25. ու նրա սրտի գաղտնիքները յայտնի կը լինեն. եւ ապա երեսի վրայ ընկած՝ կ'երկրպագի Աստծուն ու կը խոստովանի, թէ՛ արդարեւ ձեր մէջ է Աստուած:
26. Եւ արդ, ի՞նչ անել, եղբայրնե՛ր: Երբ ի մի վայր հաւաքուէք, ձեզնից իւրաքանչիւրը՝ շնորհ ունենայ սաղմոս երգելու թէ ուսուցանելու, Աստծու յայտնութիւնը բերելու թէ

լեզուներով խօսելու, կամ խօսուածը թարգմանելու, թող այդ բոլորը լինի ի շինութիւն եկեղեցու:

27. Թէ լեզուներ են խօսում, - երկու կամ ամենաշատը երեք հոգի, - թող մէկ-մէկ խօսեն, եւ թող մէկն էլ թարգմանի:

28. Իսկ եթէ չլինի մէկը, որ թարգմանի, թող լուռ մնան եկեղեցում. իրենց մտքում եւ Աստծու հետ թող խօսեն:

29. Բայց թող երկու կամ երեք մարգարէներ խօսեն մէկ-մէկ, իսկ միւսները թող քննեն:

30. Իսկ եթէ նստածներից մէկը մի յայտնութիւն ունի անելու, առաջինը թող լռի.

31. քանզի կարող էք բոլորդ էլ մէկ առ մէկ մարգարեանալ, որպէսզի բոլորն էլ սովորեն եւ բոլորն էլ միախորուն:

32. քանի որ մարգարեութեան հոգին ենթարկում է մարգարեացողին.

33. որովհետեւ Աստուած խռովութեան Աստուածը չէ, այլ՝ խաղաղութեան:

34. Ինչպէս որ է Աստծու բոլոր եկեղեցիներում, կանայք թող լուռ մնան եկեղեցու մէջ, որովհետեւ թոյլատրուած չէ նրանց խօսել, այլ՝ հնազանդ լինել, ինչպէս օրէնքն էլ ասում է:

35. Իսկ եթէ ուզենան մի բան սովորել, տանը թող իրենց մարդկանց հարցնեն. քանզի կին արարածի համար անպատեհ է խօսել եկեղեցում:

36. Միթէ ձեզնի՞ց ելաւ Աստծու խօսքը եւ կամ թէ միայն ձե՞զ հասաւ:

37. Իսկ եթէ մէկը ինքն իրեն կարծում է մարգարէ կամ տեր՝ հոգեւոր շնորհի, թող իմանայ, թէ ինչ որ գրեցի ձեզ, Տիրոջ պատուիրաններն են:

38. Իսկ եթէ մէկն անգիտանայ դրանք, նա թող անտեսուի եկեղեցուց:

39. Ուրեմն, եղբայրներ՝, նախանձախնդի՛ր եղէք մարգարեանալու եւ լեզուներ խօսելը մի՛ արգելէք.

40. եւ ձեր ամէն ինչը պարկեշտութեամբ եւ ըստ կարգի թող լինի:

1. Եղբայրներ՝, յիշեցնեմ ձեզ իմ Աւետարանը, որը քարոզեցի ձեզ, որը եւ ընդունեցիք, եւ որի մէջ հաստատ էք մնում.
2. Նրանով կը փրկուէք էլ, եթէ ամուր պահէք այն խօսքերը, որ քարոզեցի ձեզ. այլապէս ի զուր հաւատացած կը լինէք.
3. որովհետեւ ես ձեզ աւանդեցի նախ այն, ինչը ես ինքս ընդունեցի. թէ՛ Քրիստոս մեռաւ մեր մեղքերի համար՝ ըստ Գրքերի
4. եւ թէ՛ թաղուեց եւ թէ՛ յարուբիւն առաւ երրորդ օրը՝ ըստ Գրքերի
5. եւ երեւաց Կեփասին եւ ապա՝ Տասներկուսին.
6. ապա երեւաց միանգամից աւելի քան հինգ հարիւր եղբայրների, որոնցից շատերը կան մինչեւ այժմ. ոմանք էլ՝ ննջեցեալ եղան:
7. եւ ապա երեւաց Յակոբոսին, ապա՝ բոլոր առաքեալներին:
8. Ամենից յետոյ երեւաց եւ ինձ՝ անարգիս,
9. որովհետեւ ես իսկ եմ առաքեալների տրուալը. ես որ առաքեալ կոչուելու արժանի իսկ չեմ, քանի որ հալածեցի Աստծու եկեղեցին:
10. Բայց Աստծու շնորհով եմ, ինչ որ եմ, եւ իմ մէջ եղած նրա շնորհները իզուր չանցան, այլ նրանցից բոլորից աւելի աշխատեցի. բայց ոչ թէ ես, այլ Աստծու շնորհը, որ ինձ հետ էր:
11. Արդ, թէ՛ ես եւ թէ՛ նրանք այսպէս քարոզեցինք, եւ դուք այսպէս հաւատացիք:
12. Իսկ եթէ քարոզուում է, թէ Քրիստոս մեռելներից յարուբիւն է առել, ձեզնից ոմանք ինչպէ՞ս են ասում, թէ մեռելների յարուբիւն չկայ:
13. Եթէ մեռելների յարուբիւն չկայ, ապա եւ Քրիստոս յարուբիւն չի առել:
14. եւ եթէ Քրիստոս յարուբիւն չի առել, ի զուր է մեր քարոզութիւնը, ի զուր է եւ ձեր հաւատը:
15. եւ Աստծու սուտ վկաները եղած կը լինենք, քանի որ Աստծու մասին վկայեցինք, թէ յարուբիւն տուեց Քրիստոսին. արդարեւ, եթէ յարուբիւն չառնէին մեռելները, նրան յարուբիւն չէր տայ:
16. Իսկ եթէ մեռելները յարուբիւն չեն առնում, ապա Քրիստոս էլ յարուբիւն չի առել:
17. եւ եթէ Քրիստոս յարուբիւն չի առել, ի զուր է ձեր հաւատը. եւ տակաւին նոյն մեղքերի մէջ էք:
18. Իսկ արդ, նրանք, որ ննջեցին ի Քրիստոս, կորա՞ն արդեօք:
19. Եթէ միայն այս կեանքի համար ենք յոյս դրել ի Քրիստոս, ողորմելի ենք, քան բոլոր մարդիկ:
20. Բայց արդ, մեռելներից յարուբիւն է առել Քրիստոս՝ ննջեցեալների առաջին պտուղը.
21. քանզի մի մարդով մահ եղաւ եւ մի մարդով՝ մեռելների յարուբիւն:
22. Ինչպէս Ադամով բոլորը մեռնում են, նոյնպէս եւ Քրիստոսով ամենքը պիտի կենդանանան՝
23. իւրաքանչիւրն իր հերթին. նախ՝ Քրիստոս, եւ ապա՝ քրիստոսականները՝ նրա գալստեանը.
24. եւ ապա գալու է վախճանը, երբ որ նա տայ թագաւորութիւնը Աստծու եւ Հօր ձեռքը, երբ որ կործանած լինի բոլոր իշխանութիւնները եւ ամեն պետութիւն եւ զօրութիւն.
25. որովհետեւ նա պետք է թագաւորի, մինչեւ որ բոլոր թշնամիներին դնի իր ոտքերի տակ:
26. Վերջին թշնամին, որ պիտի կործանուի, մահն է. եւ Աստուած ամեն ինչ հնազանդեցրեց՝ դնելով նրա ոտքերի տակ:
27. Բայց երբ ասում է, թէ՛ ամեն ինչ նրան հնազանդուել է, յայտնի է, թէ բացի նրանից, ով ամեն ինչ հնազանդեցրեց նրան:
28. Իսկ երբ ամեն ինչ նրան հնազանդ լինի, այն ժամանակ եւ ինքը՝ Որդին կը հնազանդուի նրան, ով ամեն ինչ հնազանդեցրեց նրան, որպէսզի Աստուած ամեն ինչ լինի ամենքի մէջ:

29. Ապա թե ոչ, ի՞նչ պիտի անեն նրանք, որ մկրտուեցին մեռելների համար, եթե, արդարեւ, մեռելները յարութիւն չեն առնում. ինչո՞ւ ուրեմն մկրտում են նրանց համար:
30. Ինչո՞ւ մենք էլ նեղութիւն ենք կրում ամէն ժամ:
31. Եղբայրներ՛ր, երդոււմ եմ այն պարծանքով, որ ունեմ ձեր հանդէպ մեր Տէր Յիսուս Զրիստոսով, որ ես մեռնում եմ ամէն օր:
32. Եթե մարդկանց համար Եփեսոսում գազանամարտի բռնուած լինէի, ինձ ի՞նչ օգուտ կը լինէր, եթե մեռելները յարութիւն չեն առնում, ուտենք, խմենք, քանզի վաղը մեռնելու ենք:
33. Մի՛ խաբուե՛ք. վատ խօսքերը ապականում են լաւ բարքերը:
34. Սթափուեցե՛ք արդար մարդկանց նման եւ մեղք մի՛ գործեք. որովհետեւ ոմանք չունեն Աստծու ճանաչումը: Յամօթ ձեզ եմ ասում այս:
35. Բայց մէկը կ'ասի՝ ինչպէ՞ս են յարութիւն առնում մեռելները. կամ ի՞նչ մարմնով պիտի գան:
36. Անմի՛տ, ինչ որ դու սերմանում ես, չի կենդանանայ, եթե չմեռնի:
37. Եւ ինչ որ սերմանում ես, սերմանուածը այն նոյն մարմինը չէ, որ ծնուելու է, այլ՝ մի մերկ հատիկ, լինի ցորենի թէ այլ սերմերի:
38. Եւ Աստուած նրան մարմին է տալիս, ինչպէս որ կամենում է. եւ սերմերից իւրաքանչիւրին՝ իր մարմինը:
39. Ամէն մարմին նոյն մարմինը չէ. այլ է մարմինը մարդկանց եւ այլ է մարմինը անասունների, այլ է մարմինը թռչունների եւ այլ է մարմինը ձկների:
40. Կան նաեւ երկնաւոր մարմիններ եւ երկրաւոր մարմիններ. բայց այլ է փառքը երկնաւորների եւ այլ է փառքը երկրաւորների,
41. այլ է փառքը արեգակի, այլ է փառքը լուսնի եւ այլ է փառքը աստղերի. եւ մի աստղ փառքով առաւել է, քան մի ուրիշ աստղ:
42. Այսպէս է նաեւ մեռելների յարութիւնը. սերմանում է ապականութեամբ եւ յարութիւն է առնում առանց ապականութեան.
43. սերմանում է անարգութեամբ եւ յարութիւն է առնում փառքով. սերմանում է տկարութեամբ եւ յարութիւն է առնում զօրութեամբ.
44. սերմանում է շնչաւոր մարմին եւ յարութիւն է առնում հոգեւոր մարմին. եթե կայ շնչաւոր մարմին, կայ եւ՝ հոգեւոր:
45. Այսպէս էլ գրուած է. Առաջին մարդը՝ Ադամը, եղաւ կենդանի շունչ. վերջին Ադամը՝ կենդանարար հոգի:
46. Բայց ոչ նախ հոգեւորը, այլ՝ շնչաւորը եւ ապա՝ հոգեւորը:
47. Առաջին մարդը՝ երկրից, հողեղէն, իսկ երկրորդ մարդը՝ Տէրը՝ երկնքից:
48. Ինչպէս հողեղէնն է, նոյնպէս եւ հողեղէններն են, եւ ինչպէս երկնաւորը, նոյնպէս եւ՝ երկնաւորները:
49. Եւ ինչպէս որ կրեցինք հողեղէնի պատկերը, նոյնպէս եւ պիտի կրենք երկնաւորի պատկերը:
50. Բայց այս եմ ասում, եղբայրներ՛ր, որ մարմին եւ արիւն Աստծու թագաւորութիւնը ժառանգել չեն կարող. ոչ էլ ապականութիւնը անապականութիւն է ժառանգում:
51. Արդ, մի խորհուրդ եմ յայտնում ձեզ. բոլորս էլ պիտի ննջենք, բայց ոչ թէ իսկապէս բոլորս.
52. պիտի նորոգուենք յանկարծակի, մի ակնթարթում, վերջին փողի ժամանակ, քանզի փողը պիտի հնչի, եւ մեռելները յարութիւն պիտի առնեն առանց ապականութեան, եւ մենք պիտի նորոգուենք.
53. որովհետեւ պետք է, որ այս ապականացու մարմինը անապականութիւն կրի, եւ այս մահկանացու գոյութիւնը հազնի անմահութիւն:
54. Եւ երբ այս մահկանացու գոյութիւնը հազնի անմահութիւն, եւ այս ապականացու մարմինը՝ անապականութիւն, այն ժամանակ կը կատարուի այն խօսքը, որ գրուեց.
55. Մահի խայթոցը մեղքն է, եւ մեղքի զօրութիւնը՝ օրէնքը:
56. Բայց, գոհութիւն Աստծու, որ տուեց մեզ յաղթութիւնը մեր Տիրոջ՝ Յիսուս Զրիստոսի

միջոցով:

57. Ուրեմն, եղբայրներ իմ սիրելի, հաստատուն մնացե՛ք, անշարժ եղեք, ամեն ժամ աւելի՛ն եղեք Տիրոջ գործի մէջ. իմացե՛ք, որ ձեր վաստակը ի զուր չէ Տիրոջ առաջ:



1. Իսկ ինչ վերաբերում է սրբերին տրուող նպաստին, դուք եւս այնպէս արեք, ինչպէս պատուիրեցի Գաղատիայի եկեղեցիներին:
2. Շաբաթուայ իւրաքանչիւր առաջին օրը, ձեզանից իւրաքանչիւր ոք իր համար թող հաւաքի, ինչքան որ յաջողուի իրեն,
3. որպէսզի, երբ գամ, այն ժամանակ նպաստների հանգանակութիւն չլինի: Այլ, երբ գամ, ում որ արդէն յարմար էք համարել, գրութիւններով դրանց կ'ուղարկեմ՝ ձեր ընծաները տանելու Երուսաղէմ:
4. Իսկ եթէ պետք լինի, որ ես էլ գնամ, թող ինձ հետ գան:
5. Ձեզ մօտ կը գամ, երբ անցնեմ Մակեդոնիայով (քանզի Մակեդոնիայով պիտի անցնեմ միայն):
6. Եւ եթէ յարմար լինի, ձեզ մօտ կը մնամ կամ կը ձմեռեմ, որ դուք ճանապարհ դնեք ինձ, ուր էլ գնալու լինեմ:
7. որովհետեւ չեմ ուզում ձեզ հիմա հարեւանցի տեսնել. յոյս ունեմ մի որոշ ժամանակ մնալ ձեզ մօտ, եթէ Տէրը կամենայ:
8. Բայց այժմ կը մնամ Եփեսոսում մինչեւ Պենտեկոստէի օրը:
9. քանի որ ինձ համար աշխատանքի մեծ եւ կարեւոր դուռ է բացուած, իսկ հակառակորդները շատ են:
10. Արդ, եթէ Տիմոթէոսը գայ, տեսեք, որ աներկիւղ լինի ձեր մէջ, որովհետեւ Տիրոջ գործն է անում, ինչպէս ինքս էլ:
11. Ոչ ոք նրան թող չարհամարիի. եւ նրան ճանապարհի դրեք խաղաղութեամբ, որ գայ ինձ մօտ, քանզի սպասում եմ նրան եղբայրներով հանդերձ:
12. Ինչ վերաբերում է եղբայր Ապոլոսին, շատ խնդրեցի նրան, որ գայ ձեզ մօտ եղբայրներով հանդերձ. բայց, արդարեւ, ցանկութիւն չունի, որ այժմ գայ, այլ կը գայ, երբ յարմար ժամանակ գտնի:
13. Արթոն կացեք, հաստատո՛ւն մնացեք հաւատի մէջ, քա՛ջ եղեք, զօրացե՛ք:
14. Ձեր ամէն ինչը սիրով թող լինի:
15. Աղաչում եմ ձեզ, եղբայրնե՛ր, գիտեք Ստեփանոսի եւ Փորտունատոսի ընտանիքը, որոնք Աքայիա նահանգի առաջին պտուղներն են եւ իրենց նուիրեցին սրբերի ծառայութեանը:
16. Դուք էլ հնազա՛նդ եղեք այդպիսիներին եւ ամէն մէկին, որ գործակից եւ ծառայակից է նրանց:
17. Ուրախացայ, որ Ստեփանոսը, Փորտունատոսը եւ Աքայիկոսը եկան, որովհետեւ ձեր պակասութիւնը նրանք լցրին:
18. քանզի հանգստացրին իմ հոգին եւ ձերը: Արդ, գնահատեցե՛ք այդպիսիներին:
19. Ձեզ ողջունում են Ասիայի եկեղեցիները: Մեծապէս ողջունում են ձեզ ի Տէր Ակիւղասը եւ Պրիսկիլան իրենց տան մէջ եղող եկեղեցիով հանդերձ:
20. Ձեզ ողջունում են բոլոր եղբայրները: Ողջո՛յն տուէք միմեանց սուրբ համբոյրով:
21. Այս ողջոյնի գիրը իմ ձեռքինն է՝ Պօղոսինը:
22. Եթէ մէկը չի սիրում Տէր Յիսուսին, նզովեալ թող լինի. Մարան աթա:
23. Մեր Տիրոջ՝ Յիսուս Քրիստոսի շնորհը ձեզ հետ լինի:
24. Եւ իմ սէրը ձեզ ամենքիդ հետ ի Քրիստոս Յիսուս: Ամէն:

## 2 ԿՈՐՆԹԱՑԻՆԵՐԻՆ

1. Պօղոսը՝ Յիսուս Քրիստոսի առաքելալը Աստծու կամքով, եւ Տիմոթէոս եղբայրը, Կորնթոսում գտնուող Աստծու եկեղեցուն, Աքայիայի բոլոր կողմերում եղող բոլոր սրբերով հանդերձ.
2. շնորհ ընդ ձեզ եւ խաղաղութիւն մեր Հայր Աստծուց եւ Տէր Յիսուս Քրիստոսից:
3. Օրհնեալ է Աստուած եւ Հայրը մեր Տէր Յիսուս Քրիստոսի, Հայրը գթութիւնների եւ Աստուած ամենայն մխիթարութեան,
4. որ մխիթարում է մեզ մեր բոլոր նեղութիւնների մէջ, որպէսզի մենք էլ կարող լինենք մխիթարելու նրանց, որոնք ամեն տեսակ նեղութիւնների մէջ են, այն մխիթարութեամբ, որով մենք ենք մխիթարում Աստծուց.
5. որովհետեւ ինչքան որ շատ բաժնեկից լինենք Քրիստոսի չարչարանքներին, նոյնքան եւ Քրիստոսի միջոցով մեր մխիթարութիւնն էլ առաւել կը լինի.
6. քանզի, եթէ նեղութիւն ենք կրում, այդ՝ ձեր մխիթարութեան եւ փրկութեան համար է: Եւ եթէ մխիթարում ենք, այդ՝ ձեր այն մխիթարութեան համար է, որ համբերութեամբ կրել է տալիս այն չարչարանքները, որոնցով եւ մենք ենք չարչարում:
7. Եւ ձեր հանդէպ մեր յոյսը հաստատուն է, քանզի գիտենք, որ մասնակից էք ինչպէս չարչարանքներին, այնպէս էլ մխիթարութեանը.
8. որովհետեւ, եղբայրներ, ուզում եմ, որ դուք գիտենաք Ասիայում մեզ պատահած այն նեղութեան մասին, որը մեր կարողութիւնից աւելի ծանր տարանք, մինչեւ իսկ կեանքից մեր յոյսը կտրելու աստիճան.
9. եւ մենք մեր անձի վրայ իսկ կրեցինք մահուան վճիռը, որպէսզի մենք չապաւինենք մեզ, այլ՝ Աստծուն, որ յարութիւն է տալիս մեռելներին,
10. որ այդպիսի մահուանից փրկեց մեզ եւ կը փրկի.
11. քանզի յոյս ունենք, թէ դեռ պիտի փրկի՝ մեզ համար ձեր արած աղօթքների օգնութեամբ, որպէսզի շատեր այդ աղօթքների միջոցով առատօրէն մեզ տրուած շնորհները տեսնելով՝ գոհութիւն տան Աստծուն մեզ համար:
12. Քանզի մեր պարծանքն այս է. մեր խղճմտանքի վկայութիւնը. այն՝ որ սրբութեամբ ու Աստծու ճշմարտութեամբ եւ ոչ մարմնաւոր իմաստութեամբ, այլ Աստծու շնորհով ենք ընթացել աշխարհում, իսկ առաւել եւս՝ ձեր հանդէպ.
13. որովհետեւ ձեզ այլ բան չենք գրում, քան այն, ինչ կարդում եւ հասկանում էք. եւ յոյս ունեմ, թէ մինչեւ վերջը կը հասկանաք,
14. ինչպէս որ փոքրիշատէ հասկացաք նաեւ մեզ, որ ձեր պարծանքն ենք, ինչպէս եւ դուք՝ մերը՝ մինչեւ մեր Տէր Յիսուս Քրիստոսի օրը:
15. Եւ այս վստահութեամբ էի կամենում նախ գալ ձեզ մօտ, որպէսզի դուք կրկին շնորհ ընդունէք,
16. եւ ձեզնից գնալ Մակեդոնիա ու վերադառնալով Մակեդոնիայից՝ գալ ձեզ մօտ եւ ձեր կողմից ճանապարհ դրուել դէպի Հրեաստան:
17. Իսկ եթէ այս բանը մտածեցի, միթէ փոփոխամտութեամբ վարուեցի. եւ կամ ինչ որ մտածում եմ, մարդկայի՞ն շարժառիթներով եմ մտածում, այնպէս որ իմ կողմից թող այոն լինի այո, եւ ոչը՝ ոչ:
18. Վկայ է Աստուած, որ ձեզ հասած մեր խօսքը այո եւ ոչ չէ միաժամանակ.
19. քանզի Աստծու Որդին՝ Յիսուս Քրիստոս, որ քարոզուեց ձեր մէջ մեր միջոցով՝ իմ, Սիղուանոսի եւ Տիմոթէոսի, չեղաւ թէ՛ այո եւ թէ՛ ոչ, այլ Նա այո՞ն եղաւ Աստծու.
20. որովհետեւ Աստծու այնչա՛փ խոստումները այո՞ն եղան Նրա մէջ. դրա համար էլ Նրանով է, որ ասում ենք ԱՄԷՆ՝ Աստծու փառքի համար:
21. Եւ նա, որ հաստատեց մեզ ի Քրիստոս ձեզ հետ միասին եւ օծեց մեզ, Աստուած է,
22. որ մեզ կնքեց էլ եւ Հոգու առհաւատչեան դրեց մեր սրտերի մէջ:
23. Եւ ես Աստծուն եմ վկայ կանչում իմ անձի համար, որ ձեզ խնայելու համար է, որ այլեւս չեկայ Կորնթոս. եւ ձեր հաւատի վրայ չենք իշխում, այլ գործակից ենք ձեր այդ շնորհներին, քանի որ հաւատով հաստատուն էք:



## Գլուխ 2

1. Բայց այս բանը որոշեցի, որ ուրիշ անգամ տրտմութեամբ ձեզ մօտ չգամ.
2. որովհետեւ, եթէ ե՛ս տրտմեցնեմ ձեզ, էլ ո՞վ է, որ կ'ուրախացնի ինձ, եթէ ոչ նրանք, որոնց տրտմութիւն պատճառեցի ես:
3. Եւ այն, ինչ գրեցի, գրեցի նրա համար, որ, երբ գամ, տրտմութիւն չկրեմ այնտեղից, որտեղ պետք է, որ ես ուրախանայի. վստահ եմ ձեր բոլորի վրայ, որ իմ ուրախութիւնը ձեր բոլորինն է.
4. որովհետեւ բազում վշտերի եւ սրտի նեղութեան պատճառով ձեզ գրեցի առատ արտասուքներով, ոչ որպէսզի տրտմեք, այլ իմանաք իմ սէրը, որն ունեմ առաւել չափով ձեր հանդէպ:
5. Իսկ եթէ մէկը տրտմեցրեց, ոչ թէ միայն ինձ տրտմեցրեց, այլ, որպէսզի չչափազանցեմ, որոշ չափով նաեւ՝ ձեզ բոլորիդ:
6. Այնպիսի մէկի համար բաւական է այն պատիժը, որը տրուեց շատերից.
7. այնպէս որ, դրան հակառակ, դուք պետք է ներեք նրան եւ միսիթարեք, որպէսզի չափազանց տրտմութիւնից չխորտակուի նա:
8. Ուստի, աղաչում եմ ձեզ նրա հանդէպ վերստին սե՛ր ցոյց տալ:
9. Հէնց դրա համար էլ գրեցի, որպէսզի ձեզ փորձեմ, թէ ամէն ինչում հնազա՞նդ եք,
10. որովհետեւ, եթէ մէկին ներեք, ես էլ կը ներեմ, քանի որ, եթէ ներեմ, ինչ որ ներեմ, ձեզ համար է՝ ի դէմս Քրիստոսի,
11. որպէսզի չիկնի, թէ Սատանան առաւելութիւն ունենայ մեր վրայ, քանզի անտեղեակ չենք նրա մտադրութիւններին:
12. Երբ ես հասայ Տրովադա Քրիստոսի Աւետարանի քարոզութեան համար, գտայ, որ ինձ համար դուռը բաց էր ի Տէր,
13. բայց իմ հոգում հանգիստ չունեցայ. եւ որովհետեւ ես այնտեղ չգտայ իմ եղբօրը՝ Տիտոսին, ուստի, հրաժեշտ տալով նրանց, գնացի Մակեդոնիա:
14. Արդ, գոհութիւն Աստծու, որ Քրիստոս Յիսուսով մեզ միշտ յաղթութեան է տանում եւ իր գիտութեան բուրմունքը մեզնով սփռում է ամէն տեղ,
15. քանի որ Քրիստոսի բուրմունքն ենք Աստծու առաջ՝ ե՛ւ փրկուածների մէջ, ե՛ւ կորստեան մատնուածների մէջ.
16. ոմանց՝ մահուան հոտ, որ տանում է դէպի մահ եւ ոմանց՝ կենդանութեան բոյր, որ տանում է դէպի կեանք: Եւ ո՞վ է կարող այս բանն անել.
17. քանզի նման չենք ուրիշների, որ Աստծու խօսքի վաճառքով են զբաղւում, այլ, իբրեւ անկեղծ մարդիկ, իբրեւ Աստծու կողմից ուղարկուածներ, խօսում ենք Քրիստոսով Աստծու առաջ:

1. Այսպէս, վերստին սկսենք մենք մեզ յանձնարարել. թեպէտեւ մեզ, ինչպէս ոմանց, պէտք չեն յանձնարարական թղթեր՝ ներկայացնելու ձեզ եւ կամ պահանջելու ձեզնից.
2. այլ մեր թղթերը դուք էք՝ գրուած մեր սրտերում, ճանաչուած եւ կարդացուած բոլոր մարդկանցից:
3. Յայտնի էր որպէս Քրիստոսի թղթեր՝ մեզնից հոգացուած եւ գրուած ոչ թէ թանաքով, այլ կենդանի Աստծու Հոգով, ոչ թէ քարեղէն տախտակների վրայ, այլ սրտի մարմնեղէն տախտակների վրայ:
4. Այսպիսի մի վստահութիւն ունենք առ Աստուած՝ Քրիստոսի միջոցով.
5. մենք անձամբ մեզնից որեւէ բան խորհելու կարող չենք, այլ Աստծուց է մեր կարողութիւնը,
6. որը եւ կարող դարձրեց մեզ նոր Ուխտի պաշտօնեաներ լինելու՝ ոչ թէ գրով, այլ հոգով, քանի որ օրէնքը, որ գիր է, սպանում է, իսկ հոգին՝ կենդանացնում:
7. Արդ, եթէ քարեղէն տախտակների վրայ գրով դրոշմուած մահուան ծառայող օրէնքը տրուեց այնպիսի փառքով, որ իսրայէլացիները չկարողացան նայել Մովսէսի երեսին՝ նրա երեսից ճառագայթող փառքի պատճառով, որ վաղանցուկ էր,
8. որչա՛փ եւս առաւել հոգու ծառայութիւնը փառքով կը լինի.
9. արդարեւ, եթէ օրէնքը, որ դատապարտելու պաշտօնն ունէր, փառաւոր էր, որչա՛փ եւս առաւել փառաւոր կը լինի հոգին, որ արդարացնելու պաշտօն ունի.
10. քանի որ այն, որ փառաւոր էր, անփառունակ դարձաւ նրա՛ առաջ, որի փառքը գերազանց էր.
11. որովհետեւ, եթէ, ինչ որ վաղանցուկ էր, տրուեց փառքով, որչա՛փ եւս առաւել փառաւոր կը լինի այն, որ գալու էր:
12. Եւ արդ, քանի որ այսպիսի յոյս ունենք, մեծ համարձակութիւն ենք ունենում մեր վարմունքի մէջ.
13. եւ ոչ Մովսէսի նման, որ քող էր գցում իր երեսին, որպէսզի իսրայէլացիները չտեսնեն այն փառքը, որ վաղանցուկ էր:
14. Բայց նրանց միտքը կուրացաւ. քանի որ մինչեւ այսօր նոյն քողը ձգուած մնում է Հին Կտակարանի ընթերցուածների վրայ եւ չի վերանում, որովհետեւ Քրիստոսի միջոցով է վերացուելու:
15. Եւ մինչեւ այսօր, երբ Մովսէս եւ կարդում, նոյն վարագոյրը մնում է նրանց սրտերի վրայ:
16. Իսկ երբ դառնան Տիրոջը, ապա վարագոյրը կը վերացուի,
17. որովհետեւ Տէրն ինքը Հոգին է. ուր որ Տիրոջ Հոգին է, այնտեղ ազատութիւն է:
18. Եւ մենք բոլորս բաց երեսով տեսնելով Տիրոջ փառքը ինչպէս հայելու մէջ, նոյն պատկերով ենք նորոգւում փառքից փառք, որպէս թէ Տիրոջ Հոգով:

1. Քանի որ ունենք այս պաշտօնը Աստծու ողորմութեամբ, չենք տկարանում.
2. այլ հրաժարուեցինք ամօթալի խորհուրդներից, որպէսզի խորամանկութեամբ չընթանանք եւ Աստծու խօսքը չնենգափոխենք, այլ ճշմարտութիւնը յայտնելով՝ մենք մեզ յանձնում ենք բոլոր մարդկանց խղճմտանքին՝ Աստծու առաջ:
3. Եւ եթէ մեր Աւետարանը ծածկուած իսկ է, ծածկուած է կորստեա՛ն մատնուածների համար,
4. որոնց՝ այդ անհաւատների մտքերը այս աշխարհի աստուածը կուրացրեց, որպէսզի նրանց մէջ չծագի Քրիստոսի Աւետարանի փառքի լոյսը, Քրիստոսի, որ պատկերն է աներեւոյթ Աստծու:
5. Ոչ թէ մենք մեզ ենք քարոզում, այլ՝ Յիսուս Քրիստոսին՝ Տիրոջը, իսկ մեզ՝ որպէս ծառաներ ձեզ՝ Քրիստոսի համար.
6. որովհետեւ Աստուած է, որ ասաց. Խաւարից թող լոյս ծագի. եւ նա ծագեցրեց մեր սրտերում Աստծու փառքի գիտութեան լոյսը, որը ճառագայթում է Յիսուս Քրիստոսի դէմքից:
7. Այսուհետեւ այս գանձերն ունենք կաւէ ամանների մէջ, որպէսզի զօրութեան գերազանցութիւնը Աստծուց լինի եւ ոչ մեզնից:
8. Ամէն կողմից ճնշուած, բայց ոչ ընկճուած, կարօտեալ, բայց ոչ յուսահատ,
9. հալածուած, բայց ոչ լքուած, չարչարուած, բայց ոչ մեռած:
10. Ամէն ժամ մեր մարմինների մէջ կրում ենք Յիսուսի մահը, որպէսզի Յիսուսի կեանքն էլ յայտնուի մեր մարմինների մէջ.
11. քանզի, քանի դեռ կենդանի ենք, միշտ մահուան ենք մատնուում Յիսուսի համար, որպէսզի Յիսուսի կեանքն էլ յայտնուի մեր մահկանացու մարմինների մէջ:
12. Այնպէս որ, մահը զօրանում է մեր մէջ, իսկ կեանքը՝ ձեր մէջ:
13. Արդ, հաւատի նոյն հոգին ունենք, ինչպէս գրուած էլ է. Հաւատացի, դրա համար էլ խօսեցի: Եւ մենք հաւատում ենք, դրա համար էլ խօսում ենք:
14. Այս գիտենք, թէ նա, ով յարութիւն տուեց Յիսուսին, մեզ էլ յարութիւն կը տայ Յիսուսի հետ եւ ձեզ հետ միասին կը կանգնեցնի իր առաջ.
15. քանզի ամէն ինչ ձեզ համար է, որպէսզի շատերի գոհութեամբ առատացած շնորհը աւելանայ ի փառս Աստծու:
16. Դրա համար էլ չենք տկարանում. այլ, թեպէտեւ մեր այս արտաքին մարդը քայքայւում է, բայց մեր ներքին մարդը նորոգւում է օրըստօրէ.
17. որովհետեւ մեր թեթեւ նեղութեան առժամանակեայ յաճախանքը մեր մէջ առաջ է բերում յաւիտենական փառք, որ գերազանցում է ամէն ինչ.
18. քանզի չենք նայում տեսանելի բաներին, այլ՝ անտեսանելիներին, որովհետեւ տեսանելիները ժամանակաւոր են, իսկ անտեսանելիները՝ յաւիտենական:

1. Քանզի գիտենք, որ, եթե մեր այս հողեղէն տունը, որ մեր մարմինն է, աւերուի, Աստծուց շինուած անձեռակերտ յաւիտենական տուն ունենք երկնքում:
2. Եւ այս մարմնի մէջ հառաչում ենք, որովհետեւ փափագում ենք երկնքի բնակութիւնը հագնել:
3. Միայն թէ, երբ այն հագնենք, մերկ չլինենք.
4. քանի որ, մինչ այս հողեղէն տան մէջ ենք, հառաչում ենք ծանր բեռան տակ, որովհետեւ չենք ուզում մերկանալ այս մարմնից, այլ՝ երկնայինը հագնել սրա վրայ, որպէսզի, ինչ որ մահկանացու է, կլանուի կեանքից:
5. Եւ Աստուած է, որ մեզ պատրաստում է այս փոփոխութեանը, նա, որ տուեց մեզ Հոգու առհաւատչեան:
6. Արդ, ամէն ժամ քաջութիւն ունենք եւ գիտենք, որ ինչքան երկար մնանք այս մարմնի մէջ, օտարանում ենք Տիրոջից
7. (որովհետեւ հաւատով ենք ընթանում եւ ոչ թէ երեւոյթների վրայ հիմնուած):
8. Եւ վստահութիւն ունենք ու առաւել եւս հաճելի է մեզ դուրս գալ այս մարմնից եւ մտնել Աստծու մօտ:
9. Ուստի հոգ ենք տանում, որ, մնանք թէ դուրս գանք, հաճելի լինենք միայն նրան.
10. քանզի մենք բոլորս Քրիստոսի ատեանի առաջ պիտի ներկայանանք, որպէսզի իւրաքանչիւրն ստանայ, ինչ որ արել է աւելի առաջ իր մարմնով՝ թէ՛ բարի եւ թէ՛ չար:
11. Իսկ արդ, գիտենալով Տիրոջ երկիւղի չափը՝ ջանում ենք համոզել մարդկանց. սակայն յայտնի ենք Աստծու առաջ. եւ ես յոյս ունեմ, որ ձեր խղճմտանքի առաջ էլ յայտնի կը լինենք:
12. Ոչ թէ մենք մեզ կրկին ենք յանձնարարում ձեզ, այլ առիթ ենք տալիս ձեզ՝ մեզնով պարծենալու համար, որպէսզի պատասխան ունենաք նրանց դէմ, որոնք աչքին երեւացածով են պարծենում եւ ոչ թէ սրտում եղածով.
13. որովհետեւ, եթէ մենք ցնորուել ենք էլ, Աստծու համար է այն. եւ եթէ զգաստ ենք, ձեզ համար է այն.
14. որովհետեւ Քրիստոսի սերն ստիպում է մեզ քննելու այս բանը, որ, եթէ մէկը բոլորի փոխարէն մեռաւ, ապա ուրեմն բոլորը մեռած էին.
15. եւ նա մեռաւ բոլորի համար, որպէսզի նրանք, որ կենդանի են, միայն իրենց համար կենդանի չլինեն, այլեւ նրա համար, ով մեռաւ եւ յարութիւն առաւ իրենց համար:
16. Այսուհետեւ մենք ոչ ոքի չենք ճանաչում ըստ մարմնի. որովհետեւ, թէպէտեւ ըստ մարմնի ճանաչում էինք Քրիստոսին, բայց այժմ այլեւս նոյն ձեւով չենք ճանաչում:
17. Իսկ եթէ մէկը Քրիստոսի մէջ է, նա նոր արարած է. որովհետեւ հինն անցաւ, եւ հիմա ամէն ինչ նոր եղաւ:
18. Եւ ամէն ինչ Աստծուց է, որ հաշտեցրեց մեզ իր հետ, Քրիստոսի միջոցով, եւ մեզ տուեց հաշտութեան պաշտօնը:
19. Քանզի Աստուած էր, որ Քրիստոսով աշխարհը հաշտեցրեց իր հետ եւ հաշուի չառաւ նրանց մեղքերը ու տուեց մեզ հաշտութեան խօսքը:
20. Արդ, պատգամաւորներ ենք Քրիստոսի, որպէս թէ ինքն Աստուած մեզնով կոչ ուղղէր ձեզ. աղաչում ենք յանուն Քրիստոսի, որ հաշտուէք Աստծու հետ.
21. որովհետեւ նրան, ով մեղքը չէր ճանաչել, Աստուած մեզ համար մեղաւոր արեց, որպէսզի մենք նրանով Աստծու արդարները լինենք:



1. Ուստի, Աստծուն գործակից լինելով՝ աղաչում ենք, որ դուք Աստծու շնորհն ի գուր ընդունած չլինեք.
2. որովհետեւ ասում է.
3. Ահա հիմա է ընդունելի ժամանակը, ահա հիմա է փրկութեան օրը:
4. Եւ ոչ մի առիթով պատճառ մի՛ եղէք, որ մեր պաշտօնը չարատաւորուի.
5. այլ, բոլոր դէպքերում, դուք ձեզ ներկայացրէ՛ք իբրեւ Աստծու պաշտօնեաներ՝ ցոյց տալով մեծ համբերութիւն նեղութիւնների մէջ, վշտերի մէջ, չարչարանքների մէջ,
6. հարուածների տակ, բանտերում, խռովութիւնների մէջ, տքնութիւնների մէջ, հսկումների մէջ, ծոմապահութեան մէջ,
7. սրբութեամբ, գիտութեամբ, համբերութեամբ, քաղցրութեամբ, Սուրբ Հոգով, անկեղծ սիրով,
8. ճշմարտութեան խօսքով, Աստծու զօրութեամբ, արդարութեան զէնքով՝ յարձակուելու եւ պաշտպանուելու համար,
9. փառքով եւ անարգութեամբ, գովութեամբ եւ պարսաւանքով, իբրեւ թէ մոլորեցնողներ, բայց ճշմարտութիւնից չշեղուածներ,
10. իբրեւ թէ անծանօթներ, բայց բոլորից ճանաչուածներ, իբրեւ թէ մահաւերժներ, բայց եւ ահաւասիկ կենդանի ենք, իբրեւ թէ պատժուածներ, բայց ոչ մահապարտներ,
11. իբրեւ թէ տրտմածներ, բայց եւ շարունակ ուրախ ենք, իբրեւ թէ տնանկներ, բայց եւ շատերին ենք հարստացնում, իբրեւ թէ ոչինչ չունենք, բայց՝ ունենք ամէն ինչ:
12. Կորնթացիներ՝, մեր բերանները բաց են պատգամելու համար ձեզ, եւ մեր սրտերը՝ լայն:
13. Մենք չէ, որ նեղում ենք ձեզ, այլ դուք ձեր սրտերում էք նեղում:
14. Արդ, դուք էլ նոյն հատուցումն անելով, - որդիների տեղ եմ դնում ձեզ, - լայնօրէն բա՛ց արեք ձեր սրտերը:
15. Անհաւատներին լծակից մի՛ եղէք, որովհետեւ ի՞նչ կապ ունի արդարութիւնը անօրէնութեան հետ. եւ կամ ի՞նչ յարաբերութիւն լոյսի եւ խաւարի միջեւ.
16. եւ կամ ի՞նչ միաբանութիւն Քրիստոսի եւ Բելիարի միջեւ. կամ ի՞նչ առնչութիւն ունի հաւատացեալը անհաւատի հետ.
17. կամ ի՞նչ նմանութիւն ունի Աստծու տաճարը մեհեանների հետ: Արդարեւ, կենդանի Աստծու տաճար էք դուք, ինչպէս ասաց Աստուած.
18. ասում է Ամենակալ Տէրը:

1. Սիրելիներ՛ր, եւ որովհետեւ այս խոստումն ունենք, մաքրենք մենք մեզ մարմնի եւ հոգու ամէն պղծութիւնից, կատարեալ դարձնենք սրբութիւնը Աստծու երկիւղով:
2. Հանդուրժեցէ՛ք մեզ, որովհետեւ ոչ ոքի չվնասեցինք, ոչ ոքի չապականեցինք եւ ոչ ոքի չզրկեցինք:
3. Ձեզ դատապարտելու համար չեմ ասում, քանի որ առաջ էլ ասացի, թէ մեր սրտերում էք՝ լինի ձեզ հետ մեռնելու թէ ապրելու համար:
4. Մեծ վստահութիւն ունեմ ձեր հանդէպ. մեծապէս հպարտ եմ ձեզնով. լի եմ մխիթարութեամբ. մեր բոլոր նեղութիւնների մէջ լցուած եմ ուրախութեամբ.
5. որովհետեւ, երբ մենք Մակեդոնիա հասանք, ոչ մի բանով հանգիստ չունեցանք, այլ ամէն կողմից նեղութիւն կրեցինք, քանի որ դոսից պայքարներ էին, իսկ ներսից՝ արհաւիրքներ:
6. Բայց Աստուած, որ մխիթարում է խոնարհներին, մխիթարեց մեզ Տիտոսի գալով.
7. ոչ միայն նրա գալով, այլեւ այն մխիթարութեամբ, որով մխիթարուել էր նա ձեզ մօտ՝ պատմելով մեզ ձեր տենչանքը, ձեր լացուկոծը, ձեր նախանձախնդրութիւնը իմ հանդէպ, այնպէս որ ես է՛լ աւելի ուրախ եղայ:
8. Եւ եթէ ձեզ տխրեցրի էլ այդ թղթով, չեմ զղշում դրա համար, թէպէտեւ զղջացել էի. որովհետեւ տեսնում եմ, որ այդ թուղթը առժամանակ տխրեցրել է ձեզ:
9. Արդ, ուրախ եմ. ոչ որովհետեւ տրտմեցիք, այլ որովհետեւ ապաշխարութեան համար տրտմեցիք, քանի որ ըստ Աստծու ուզածի տրտմեցիք, այնպէս որ մեզնից ոչ մի բանով վնաս չկրեցիք.
10. որովհետեւ տրտմութիւնը, ըստ Աստծու ուզածի, ապաշխարութիւն է առաջ բերում փրկութեան համար, որը զղշում չի պատճառում. իսկ աշխարհի տրտմութիւնը մահ է առաջ բերում:
11. Արդ, քանի որ ըստ Աստծու ուզածի տրտմեցիք, այդ բանը ի՛նչ փութկոտութիւն արթնացրեց մեր մէջ, կամ ի՛նչ արդարացում կամ սաստ կամ երկիւղ կամ տենչանք կամ նախանձախնդրութիւն կամ վրեժխընդրութիւն. արդարեւ ամէն ինչում դուք ձեզ ցոյց տուիք, թէ մաքուր էք այդ հարցում:
12. Ապա ուրեմն, եթէ ես ձեզ գրեցի էլ, չգրեցի զրկանք պատճառողի եւ ոչ էլ զրկանք կրողի համար, այլ որպէսզի յայտնի լինի Աստծու առաջ մեր նկատմամբ ձեր ունեցած հոգածութիւնը:
13. Ահա թէ ինչու մխիթարուած ենք: Մեր մխիթարութեան վրայ առաւել եւս ուրախացանք Տիտոսի ուրախութեան համար, քանզի նրա հոգին ձեզնից՝ բոլորիցդ հանգիստ էր գտել:
14. Եւ եթէ ձեզանով մի փոքր պարծեցայ նրա առաջ, չամաչեցի. այլ, ինչպէս ամէն ինչ ճշմարտութեամբ խօսեցինք ձեզ հետ, նոյնպէս եւ Տիտոսի առաջ մեր պարծանքը ճշմարիտ եղաւ:
15. Եւ նրա գորովանքը առաւել մեծ է ձեր հանդէպ, երբ յիշեցնում էր մեզ բոլորի հնազանդութիւնը, թէ ինչպէս երկիւղով եւ դողով էք ընդունել նրան:
16. Եւ արդ, ուրախ եմ, որ ամէն ինչում վստահութիւն ունեմ ձեր վրայ:

1. Եղբայրներ՝, ձեզ ցոյց եմ տալիս Աստծու այն շնորհը, որ տրուած է Մակեդոնիայի եկեղեցիներին.
2. որովհետեւ, հակառակ իրենց կրած նեղութեանն ու մեծ փորձութեանը, նրանց ուրախութիւնն անսահման եղաւ, եւ իրենց ծանր աղքատութեան մէջ նրանք մեծ առատաձեռնութիւն ցուցաբերեցին.
3. քանզի իրենց կարողութեան համեմատ եւ նոյնիսկ իրենց կարողութիւնից էլ աւելի յօժար կամքով իրենց տուածի մասին եմ վկայում.
4. բազում աղաչանքներով աղաչում էին, որ մեզ տան այն ընծաները եւ պաշտօնի մասնակցութիւնը, որ սրբերի համար է:
5. Եւ ոչ միայն այնչափ, որչափ ակնկալում էինք, այլ իրենք իրենց եւս նուիրեցին՝ նախ Տիրոջը եւ ապա մեզ՝ Աստծու կամքով:
6. Աղաչեցինք Տիտոսին, որ, ինչպէս սկսել էր աւելի առաջ, նոյն ձեւով եւ աւարտին հասցնի ձեր մէջ այդ շնորհը եւս:
7. Եւ ինչպէս ամէն ինչում հարուստ էք հաւատով, խօսքով, գիտութեամբ, ամենայն փութաջանութեամբ եւ այն սիրով, որ կայ ձեր մէջ մեր հանդէպ, նայեցէք, որ այդ շնորհի մէջ էլ հարուստ լինէք:
8. Հրաման տալով չէ, որ ասում եմ, այլ ուրիշների փութաջանութիւնը տեսնելով՝ ձեր սիրոյ անկեղծութիւնն եմ փորձում,
9. քանզի գիտէք շնորհները մեր Տէր Յիսուս Քրիստոսի, որ ձեզ համար աղքատացաւ, նա, որ հարուստ էր, որպէսզի դուք նրա աղքատութեամբ հարստանաք:
10. Եւ այս բանի վրայ մի խրատ եմ տալիս, քանի որ դա ձեր օգտի համար է. դուք, որ առաջինը սկսեցիք ոչ միայն անել այդ գործը, այլեւ այն կամենալ դեռեւս անցեալ տարուանից:
11. Բայց արդ, աւարտի՛ն հասցրէք այն, որովհետեւ ինչպիսի յօժար կամքով որ սկսեցիք, կատարեցէ՛ք այն ձեր ունեցուածքի չափով.
12. քանզի, եթէ առաջուց յօժարութիւնը կայ, տրուածը ընդունելի է ըստ տուողի ունեցածի եւ ոչ թէ ըստ չունեցածի.
13. ոչ թէ ուրիշներին հանգստութիւն եմ կամենում, իսկ ձեզ՝ նեղութիւն, այլ թող լինի հաւասարութեամբ.
14. ներկայ դէպքում ձեր առատութիւնը թող լցնի նրանց պակասութիւնը, որ նրանց առատութիւնն էլ լցնի ձեր պակասութիւնը, որպէսզի հաւասարութիւն լինի.
15. ինչպէս գրուած էլ է, թէ՛
16. Բայց, գոհութիւն Աստծուն, որ ձեզ համար մեր ունեցած փութաջանութիւնը դրեց նաեւ Տիտոսի սրտում,
17. որ իմ աղաչանքներն ընդունեց եւ առաւել քան յօժարութեամբ շտապեց գալ ձեզ մօտ:
18. Եւ նրա հետ ուղարկեցինք այս եղբօրը, որի համբաւը Աւետարանի քարոզութեան մէջ բոլոր եկեղեցիներին ծանօթ է:
19. Եւ ոչ միայն այսչափ. այլեւ, նշանակուելով եկեղեցիների կողմից, ճանապարհորդութեան ընկեր դարձաւ մեզ՝ մասնակցելու այն նպաստներին, որ մատուցւում են մեր կողմից Տիրոջ փառքի համար եւ մեր յօժար կամքով:
20. Բայց այս բանում զգուշանում էլ էինք, որ չլինի, թէ մէկը արատաւորի այն ծառայութիւնը, որ մատուցւում է մեր կողմից.
21. քանզի բարին ենք մտածում գործել ոչ միայն Տիրոջ առաջ, այլեւ մարդկանց առաջ:
22. Եւ ուղարկեցինք նրանց հետ մեր եղբօրը, որին փորձեցինք շատ բաների մէջ՝ շատ անգամ փութաջան գտնելով նրան. եւ այժմ նա է՛լ աւելի փութաջան է ձեր հանդէպ իր ունեցած մեծ վստահութեամբ:
23. Իսկ եթէ խօսք լինի Տիտոսի մասին, նա իմ հաւասարն է եւ իմ գործակիցը ձեր մէջ: Գալով մեր եղբայրներին, նրանք եկեղեցիների կողմից ուղարկուածներ են եւ Քրիստոսի

փառքը:

24. Եւ արդ, բոլոր եկեղեցիների առաջ նրանց նկատմամբ ցոյց տուէք ձեր սիրոյ եւ ձեր հանդէպ մեր պարծանքի ապացոյցը:

1. Սրբերին ի նպաստ եղած օգնութեան մասին աւելորդ է, որ ձեզ գրեմ,
2. որովհետեւ գիտեմ ձեր յօժարականութիւնը, որով ձեր մասին պարծեցել եմ մակեդոնացիների մօտ, թէ՛ Աքայեցիները անցեալ տարուանից պատրաստ են այդ օգնութեանը: Եւ ձեր նախանձախնդրութիւնը շատերին խթանեց:
3. Եղբայրներին էլ ուղարկեցինք, որպէսզի այս հարցում ձեր հանդէպ մեր ունեցած պարծանքը ի զուր չլինի, այլ, ինչպէս ասում էլ էի, որ առաւել պատրաստ գտնուէք:
4. Չլինի թէ, երբ մակեդոնացիները մեզ հետ գան եւ ձեզ անպատրաստ գտնեն, մե՛նք ամօթով մնանք այդ պարծանքի համար, չասելու համար՝ դուք:
5. Արդ, կարելոր համարեցի խնդրել եղբայրներին, որ աւելի առաջ գան ձեզ մօտ եւ առաջուց պատրաստեն նախապէս ձեր խոստացած նուէրը, որպէսզի պատրաստ լինի այն իբրեւ սրտաբուխ նուէր եւ ոչ թէ ժլատութեամբ եղած ընծայ:
6. քանզի, ով որ մի բան սերմանում է խնայելով, խնայողութեամբ էլ կը հնձի: Եւ ով առատաձեռնօրէն է սերմանում, առատութեամբ էլ կը հնձի:
7. Իւրաքանչիւրը թող տայ, ինչպէս յօժար է սրտով եւ ոչ թէ հարկադրաբար եւ տրտմութեամբ: որովհետեւ Աստուած սիրում է զուարթառատ տուրքը:
8. Եւ Աստուած կարող է ամէն շնորհ շատացնել ձեր մէջ, որպէսզի ամէն ինչում ամենայն ժամ ամենայն բաւականութիւն ստանալով՝ առատանաք բոլոր բարի գործերում,
9. ինչպէս գրուած էլ է:
10. Եւ Աստուած, որ սերմ է պարգեւում սերմնացաններին եւ ուտելու հաց, պիտի պարգեւի եւ պիտի բազմացնի նաեւ ձեր սերմնացուն եւ պիտի աճեցնի ձեր արդարութեան պտուղները:
11. Ամէն ինչում դուք պիտի հարստանաք ամենայն առատութեամբ, որ մեր միջոցով շնորհակալութեան զգացում է առաջ բերելու Աստծու հանդէպ:
12. որովհետեւ այս պաշտօնիս ծառայութիւնը ոչ միայն սրբերի կարիքները լրացնելու համար է, այլեւ շատերի միջոցով Աստծու հանդէպ շնորհակալութիւնը աւելացնելու համար:
13. Այս ծառայութեան փորձով շատերը պիտի փառաւորեն Աստծուն՝ Զրիստոսի Աւետարանը խոստովանելու հնազանդութեան եւ այն առատաձեռնութեան համար, որով հաղորդակից էք անում նրանց եւ ամենքին:
14. Եւ նրանց աղօթքները ձեզ համար են: քանզի անձկագին սիրում են ձեզ Աստծու այն առատ շնորհների համար, որ կան ձեր մէջ:
15. Եւ գոհութիւն Աստծուն՝ նրա անպատում շնորհների համար:

1. Եւ աղաչում եմ ձեզ Քրիստոսի հեգութեամբ եւ քաղցրութեամբ, ես ինքս՝ Պօղոսը, որ իբրեւ թէ խոնարհ մէկն եմ, երբ ձեր մէջ եմ, բայց երբ հեռու եմ ձեզանից, համարձակ եմ ձեր հանդէպ:
2. Աղաչում եմ, որ մօտ գտնուելիս էլ չլինի, թէ համարձակ լինեմ այդ նոյն վստահութեամբ կամ յանդուգն գտնուեմ ոմանց նկատմամբ, որ մեր մասին կարծում են, թէ մարդկային շարժառիթներից ենք մղուում:
3. որովհետեւ, թեպէտեւ մարմնի մէջ ենք ապրում, բայց մարդկային նկատումներից մղուած չէ, որ պայքարում ենք
4. (քանի որ պայքարելու մեր զէնքը մարմնաւոր չէ այլ՝ Աստծու կողմից տրուած զօրաւոր զէնք է՝ քանդելու համար ամրութիւնները):
5. քանդում ենք գաղտնի մտածումները, Աստծու գիտութեան դէմ գոռոզացած ամէն ծառացում եւ գերելով բոլոր մտքերը՝ հնազանդեցնում ենք Քրիստոսին
6. եւ պատրաստ ենք վրէժխնդիր լինելու ամէն անհնազանդութեան համար, որպէսզի ձեր հնազանդութիւնն էլ կատարեալ լինի:
7. Իւրաքանչիւրին դիտեցէ՛ք ըստ արտաքին տեսքի. եթէ մէկն իր մէջ վստահ է, թէ ինքը Քրիստոսինն է, այս բանն էլ թող խորհի իր մտքում, թէ, ինչպէս ինքը Քրիստոսինն է, նոյնպէս եւ՝ մենք:
8. որովհետեւ, եթէ նոյնիսկ աւելի պարծենամ մեր այն իշխանութեան համար, որը տուեց մեզ Տէրը ձեր շինութեան եւ ոչ թէ ձեզ կործանելու համար, ոչնչով չեմ ամաչելու,
9. որպէսզի ձեր մէջ թղթերով ահ գցող մէկը չթուամ:
10. Ասում եմ՝ այս թղթերը ծանր են ու խիստ, իսկ նրա մարմնի տեսքը տկար է, եւ խօսքը՝ արհամարհելի:
11. Այդ ասողը թող իմանայ, թէ, ինչպիսին որ ենք հեռուից այդ թղթերի խօսքերով, նոյնպիսին կը լինենք նաեւ մօտիկից՝ գործերով:
12. արդարեւ, չենք համարձակուում մենք մեզ համեմատել եւ հաւասարեցնել ոմանց, որոնք գովաբանում են իրենք իրենց, բայց չեն հասկանում, որ իրենցով են չափում իրենք իրենց եւ իրենցով են համեմատում իրենց:
13. Իսկ մենք պարծենում ենք ոչ թէ չափից դուրս, այլ՝ ըստ չափի այն կանոնի, որը Աստուած մեզ բաժանեց, որպէսզի հասնենք մինչեւ ձեզ:
14. Եւ մենք առաջ չենք գցում մեզ, որպէս թէ ձեզ մօտ հասած չլինէինք, քանզի Քրիստոսի Աւետարանով մենք առաջինը հասանք ձեզ մօտ:
15. Եւ սահմանուած չափից դուրս չենք պարծենում ուրիշի աշխատանքով, այլ յոյս ունենք, որ ձեր հաւատի աճումով, ըստ մեր գործի չափի, առաւել կը մեծանանք ձեզնով՝
16. ձեզնից այն կողմ էլ աւետարանելու համար՝ առանց պարծենալու ուրիշի կատարած գործերով:
17. բայց ով պարծենում է, թող Տիրոջո՛վ պարծենայ:
18. քանի որ ոչ թէ նա է ընտրեալը, ով ինքն իրեն է գովաբանում, այլ՝ նա, ում Տէրն է գովում:

1. Լաւ կը լինէր, եթէ մի փոքր հանդուրժէիք իմ անմտութիւնը. եւ անշուշտ կը հանդուրժէք.
2. ձեզ համար նախանձախնդիր եմ Աստծու նախանձախնդրութեամբ. որովհետեւ ձեզ նշանեցի մի մարդու՝ որպէս մի անբիծ կոյս Քրիստոսին ներկայացնելու համար:
3. Բայց երկիւղ եմ կրում, թէ մի գուցէ, ինչպէս օձն իր խորամանկութեամբ խաբեց Եւային, ձեր միտքը ապականուի ու շեղուի Քրիստոսի հանդէպ ձեր ունեցած պարզամտութիւնից.
4. որովհետեւ, եթէ որեւէ մէկը գայ ու քարոզի մի ուրիշ Քրիստոս, որին մենք չքարոզեցինք, կամ առնէք ուրիշ հոգի, որը չառաք մեզնից, կամ ուրիշ աւետարան, որը չընդունեցիք մեզնից, շատ լաւ պիտի անսայիք նրան:
5. Բայց ես այնպէս եմ կարծում, թէ ոչ մի բանով պակաս չեմ գերընտիր առաքեալներից:
6. Թեպէտեւ անվարժ եմ խօսքի մէջ, բայց ոչ՝ գիտութեամբ. սակայն ամէն ինչում մեր գիտութիւնը ամբողջովին ցոյց տուինք ձեզ:
7. Եւ մի մեղք գործեցի, որ ինքս ինձ խոնարհեցրի, այն էլ նրա համար, որ դուք բարձրանաք, քանի որ Աստծու Աւետարանը ձրի աւետարանեցի ձեզ:
8. Ուրիշ եկեղեցիներ կողոպտեցի՝ թռչակ առնելով, որպէսզի ձե՛զ ծառայեմ:
9. Եւ երբ եկայ ձեզ մօտ, թեպէտեւ կարիքի մէջ էի, ձեզնից ոչ ոքի բեռ չեղայ. քանի որ իմ կարիքները հոգացին Մակեդոնիայից եկած եղբայրները: Եւ ամէն կերպ, առանց ձեզ բեռ լինելու, ինքս ինձ պահեցի եւ պիտի պահեմ,
10. որովհետեւ իմ մէջ կայ Քրիստոսի ճշմարտութիւնը: Այս պարծանքը չի վերանայ ինձնից Աքայիայի կողմերում էլ:
11. Ինչո՞ւ: Նրա համար, որ չե՞մ սիրում ձեզ: Աստուած գիտէ այդ:
12. Ինչ որ անում եմ ես, ինչ որ անելու եմ, նրա համար է, որ վերացնեմ պատճառաբանութիւնները նրանց, որ պատճառ են փնտռում, որպէսզի պարծենան, թէ իրենք էլ իբր մեզ նման աշխատում են.
13. որովհետեւ այդպիսիները՝ սուտ առաքեալներ, նենգաւոր մշակներ, կերպարանաւորւում են Քրիստոսի առաքեալների կերպարանքով.
14. եւ դա զարմանալի բան չէ. քանզի ինքը՝ Սատանան էլ է կերպարանաւորւում որպէս լուսոյ հրեշտակ:
15. Եւ տարօրինակ չէ, որ նրա պաշտօնեաներն էլ կերպարանաւորուեն որպէս արդարութեան պաշտօնեաներ, որոնց վախճանը կը լինի ըստ իրենց գործերի:
16. Դարձեալ ասում եմ. ոչ ոք ինձ յիմար թող չհամարի, - կամ գոնէ իբրեւ յիմար ընդունեցէք ինձ, - որպէսզի ես էլ մի փոքր պարծենամ:
17. Եւ ինչ որ խօսում եմ, ոչ թէ ըստ Տիրոջ ուզածի եմ խօսում, այլ՝ որպէս մի յիմար, որ պարծենալու վիճակի մէջ է գտնուում:
18. Եւ որովհետեւ շատերն են պարծենում մարդկային նկատումներից առաջնորդուած, ես էլ եմ պարծենալու:
19. Դուք՝ իմաստուններդ, անմիտներին սիրով էք հանդուրժում,
20. քանի որ հանդուրժում էք, եթէ մէկը խաբում է ձեզ, եթէ մէկը ծառայի տեղ է դնում ձեզ, եթէ մէկն ուտում է ձեր ունեցուածքը, եթէ մէկը վերցնում է, ինչ որ ձերն է, եթէ մէկը յոխորտում է, եթէ մէկը հարուածում է ձեր երեսին:
21. Ամաչելով եմ ասում, որպէս թէ մենք տկարացած լինեինք երբեւէ. ով ինչ բանի մէջ համարձակուի պարծենալ (յիմարութեամբ եմ ասում), ես էլ եմ համարձակուելու:
22. Եբրայեցիներ՞ը են՝ ես էլ. իսրայէլացիներ՞ը են՝ ես էլ.
23. Աբրահամի՞ սերունդ են՝ ես էլ. Քրիստոսի՞ պաշտօնեաներ են (առաւել յանդգնութեամբ կ'ասէի, թէ)՝ ես առաւել եւս: Եթէ վաստակով՝ առաւել. եթէ զանակոծութեամբ՝ առաւել եւս. եթէ բանտարկութեամբ՝ աւելի՛ քան նրանք. եթէ մահուան վտանգով՝ բազում անգամ:
24. Հրեաներից, հինգ անգամ, քառասունից մէկով պակաս ծեծ կերայ.

25. Երեք անգամ ձաղկուեցի. մէկ անգամ քարկոծուեցի. երեք անգամ նաւաբեկութեան ենթարկուեցի. մէկ ցերեկ եւ մէկ գիշեր ծովի անդունդներում տառապեցի:
26. Ճանապարհորդութիւնների ընթացքում բազում անգամ վտանգներ՝ գետերից. վտանգներ՝ աւազակներից. վտանգներ՝ ազգակիցներից. վտանգներ՝ հեթանոսներից. վտանգներ՝ քաղաքում. վտանգներ՝ անապատում. վտանգներ՝ ծովում. վտանգներ՝ սուտ եղբայրներից:
27. Բազում անգամ եղայ աշխատանքների եւ յոգնութիւնների մէջ՝ յաճախ անքուն մնալով, քաղցի եւ ծարաւի մէջ, առանց մի պատառ հացի, այլեւ՝ ցրտի մէջ ու մերկութեան:
28. Մէկ կողմ թողած այլ նեղութիւններ եւ դեռ այն, որ շարունակ ամբոխն իմ վրայ էր կուտակւում. կային եւ բոլոր եկեղեցիների հոգսերը:
29. Կա՞յ տկար մէկը, որի հետ ես էլ տկարացած չլինեմ. կա՞յ գայթակղուած մէկը, որի համար իմ սիրտը այրուած չլինի:
30. Եթէ պարծենալ է պետք, իմ տկարութեանը վերաբերող բաներով պիտի պարծենամ:
31. Աստուած եւ մեր Տէր Յիսուսի հայրը, որ օրհնեալ է յաւիտեանս, գիտէ, որ չեմ ստում:
32. Դամասկոսում Արեւտաս արքայի կառավարիչը հսկողութեան տակ էր պահում Դամասկոս քաղաքը՝ ինձ բռնելու համար.
33. Բայց պատուհանից զամբիւղով ինձ կախեցին պարսպից ներքեւ, եւ ես փախայ նրա ձեռքից:



1. Արդ, ես պէ՛տք է պարծենամ, թէ՛ եւ ոչ մի օգուտ չունի պարծենալը: Սակայն պիտի պատմեմ ձեզ Տիրոջ տեսիլքների եւ յայտնութիւնների մասին:
2. Գիտեմ մի մարդու ի Քրիստոս, որ տասնչորս տարի առաջ (թէ մարմնով էր՝ չգիտեմ, եւ թէ առանց մարմնի՝ չգիտեմ, Աստուած գիտէ) յափշտակուեց մինչեւ երրորդ երկինք:
3. Եւ գիտեմ այդպիսի մարդու (թէ մարմնով էր կամ առանց մարմնի՝ չգիտեմ, Աստուած գիտէ),
4. որ յափշտակուեց մինչեւ դրախտ եւ լսեց անպատում խօսքեր, որ մարդս արտօնուած չէ խօսել:
5. Այդպիսի մէկով պիտի պարծենամ. բայց ես ինձնո՛վ չպիտի պարծենամ, այլ միայն՝ իմ տկարութիւններով.
6. որովհետեւ, եթէ ուզենամ էլ պարծենալ, յիմարի մէկը չեմ լինի. քանզի ճշմարիտն եմ ասում. բայց հրաժարւում եմ ասելուց. գուցէ մէկը աւելի համարում ունենայ իմ մասին, քան ինչ որ տեսնում է իմ մէջ կամ լսում է ինձնից:
7. Եւ որպէսզի այդ յայտնութիւնների առատութեամբ չհպարտանամ, ինձ տրուեց մարմնի խայթ, Սատանայի մի պատգամաւոր, որ բռնցքահարի ինձ, որպէսզի չգոռոզամտանամ:
8. Եւ դրա համար երեք անգամ աղաչեցի Տիրոջը, որ նրան ինձնից հեռացնի:
9. Բայց ասաց ինձ. Իմ շնորհը քեզ բաւ է, որովհետեւ իմ զօրութիւնը տկարութեան մէջ է ամբողջական դառնում: Եւ արդ, լաւ էլ է, որ ես պարծենամ իմ տկարութիւններով, որպէսզի իմ մէջ բնակուի Քրիստոսի զօրութիւնը:
10. Դրա համար գոհունակութեամբ համակերպւում եմ տկարութիւններին, նախատիքներին, վշտերին, հալածանքներին եւ նեղութիւններին՝ Քրիստոսի համար. որովհետեւ, երբ տկար եմ, այն ժամանակ եմ զօրաւոր:
11. Յիմար եղայ պարծենալով, քանզի դո՛ւք ստիպեցիք. որովհետեւ պէտք էր, որ ես ձեզնից վկայութիւն ստանայի, թէ ոչնչով պակաս չգտնուեցի, քան գերընտիր առաքեալները, թէպէտեւ ես ոչինչ եմ:
12. Սակայն ձեզանում առաքեալի նշաններ գործուեցին ամենայն համբերութեամբ՝ նշաններով, սքանչելիքներով եւ զօրութիւններով:
13. Եւ արդ, ինչո՞վ պակաս մնացիք այլ եկեղեցիներից, եթէ ոչ նրանով, որ ես ձեզ բեռ չեղայ: Ներեցէ՛ք ինձ այդ յանցանքը:
14. Ահա՛ւասիկ այս երրորդ անգամ պատրաստւում եմ գալ ձեզ մօտ եւ ձեզ բեռ չեմ լինի. որովհետեւ ձեր ունեցածը չէ որ փնտռում եմ, այլ՝ ձեզ. քանի որ որդիներ՝ ղ պարտաւոր չեն հայրերի համար գանձ դիզել, այլ՝ հայրե՛րը որդիների համար:
15. Բայց ես ինքնայօժար կերպով կը ծախսեմ եւ կը ծախսուեմ ձեզ համար, թեկուզ եւ, հակառակ ձեզ շատ սիրելուս, ձեզնից քիչ սիրուեմ:
16. Ասենք թէ՛ ես բեռ չեղայ ձեզ. որովհետեւ խորագետ էի, խորամանկութեամբ բռնեցի ձեզ:
17. Միթէ ձեզնից օգո՛ւտ քաղեցի նրանցով, որոնց առաքեցի ձեզ մօտ:
18. Խնդրեցի Տիտոսին եւ նրա հետ այն եղբօրն էլ ուղարկեցի: Միթէ Տիտոսը ձեր ունեցածին ա՛ջք տնկեց: Նոյն ոգով չընթացա՞նք, նոյն շաւիղներով չբայլեցի՞նք:
19. Դարձեալ՝ կարծում էք, թէ ձեր առջեւ մենք մե՞զ ենք պաշտպանում: Աստծու առաջ Քրիստոսով ենք խօսում, որ ամէն ինչ ձեր շինութեան համար է, սիրելիներ:
20. Սակայն վախենում եմ, որ, երբ գամ, գուցէ ձեզ չգտնեմ այնպէս, ինչպէս ես կամենում եմ, եւ ես էլ ձեզ համար լինեմ այնպէս, ինչպէս դուք չէիք կամենայ: Գուցէ դարձեալ լինեն վեճեր, նախանձ, բարկութիւններ, գրգռութիւններ, չարախօսութիւններ, բամբասանքներ, գոռոզութիւններ, ամբարտաւանութիւններ, խռովութիւններ:
21. Երբ գամ, գուցէ դարձեալ իմ Աստուածն ինձ նկուն դարձնի ձեր առաջ, եւ սուզ անեմ նախապէս մեղանչած շատերի համար, որոնք չեն ապաշխարել իրենց գործած պղծութեան, պոռնկութեան եւ վաւաշոտութեան համար:



1. Այս երրորդ անգամս է, որ գալու եմ ձեզ մօտ, որպէսզի երկու կամ երեք վկաների քերանով հաստատուի ամէն բան:
2. Առաջ ասել եմ եւ դարձեալ կանխաւ ասում եմ, որպէս թէ երկրորդ անգամ ներկայ լինեմ ձեր մէջ, թէեւ այժմ հեռուից գրում եմ նախապէս յանցանք գործածներին եւ բոլոր միւսներին. եթէ դարձեալ գամ, չեմ խնայելու ձեզ,
3. որ ապացոյց էք փնտռում, թէ ինձնով Քրիստոս է որ ձեզ հետ խօսում է, Քրիստոս, որ հզօր է ձեր մէջ եւ ոչ թէ տկար:
4. Թէպէտեւ նա խաչուեց մեր տկարութեան պատճառով, բայց կենդանի է Աստծու զօրութեամբ: Եւ մենք էլ թէեւ տկարանում ենք նրա համար, բայց կենդանի կը լինենք նրա հետ Աստծու զօրութեամբ:
5. Քննեցէ՛ք դուք ձեզ՝ տեսնելու, թէ Նոյն հաւատի մէջ էք. փորձեցէ՛ք դուք ձեզ. չգիտէ՞ք, թէ Քրիստոս Յիսուս ձեր մէջ է, այլապէս կը լինէիք անպիտան:
6. Բայց յոյս ունեմ, թէ կ'իմանաք, որ մենք անպիտան չենք:
7. Եւ աղաչում ենք Աստծուն, որ չարը ձեզ բան չանի. ո՛չ որպէսզի մենք ընտիր երեւանք, այլ որպէսզի դուք բարին գործէք, հոգ չէ, թէ մենք անպիտան թուանք.
8. քանի որ չենք կարող հակառակել ճշմարտութեանը, այլ պաշտպան ենք ճշմարտութեան:
9. Ուրախ ենք, երբ մենք տկար ենք, եւ դուք զօրաւոր էք: Նոյն բանի համար էլ աղօթում ենք, որ դուք հաստատուն լինէք:
10. Ուստի հեռուից գրում եմ այս բանը, որ, երբ գամ, խստութեամբ չվարուեմ Տիրոջ ինձ տուած իշխանութեամբ, որ շինելու համար է եւ ոչ՝ քանդելու:
11. Եւ վերջապէս, եղբայրներ, ո՛ղջ եղէք, հաստատո՛ւն մնացէք, մխիթարուեցէ՛ք, միաբա՛ն եղէք, խաղաղութի՛նս արէք. եւ խաղաղութեան ու սիրոյ Աստուածը թող լինի ձեզ հետ:
12. Ողջո՛յն տուէք միմեանց սուրբ համբոյրով. բոլոր սրբերը ողջունում են ձեզ:
13. Մեր Տէր Յիսուս Քրիստոսի շնորհը, Աստծու սէրը եւ Սուրբ Հոգու հաղորդութիւնը ձեզ հետ լինեն: Ամէն:

ԳԱՂԱՏԱՑԻՆԵՐԻՆ

## Գլուխ 1

1. Պօղոսը՝ առաքեալ, ո՛չ մարդկանց կողմից եւ ո՛չ էլ մարդու միջոցով, այլ Յիսուս Քրիստոսի միջոցով եւ Հայր Աստծու, որ յարութիւն տուեց նրան մեռելներից, -
2. եւ բոլոր եղբայրները, որ ինձ հետ են, Գաղատիայի եկեղեցիներիդ.
3. շնորհ ընդ ձեզ եւ խաղաղութիւն Հայր Աստծուց եւ մեր Տէր Յիսուս Քրիստոսից,
4. որ իր անձը տուեց մեր մեղքերի համար, որպէսզի մեզ փրկի ներկայ այս չար աշխարհից ըստ Աստծու եւ մեր Հօր կամքի,
5. նրան փա՛ռք յաւիտեանս յաւիտենից: Ամէն:
6. Չարմանում եմ, որ այդպէս շուտ լքում էք նրան, ով Քրիստոսի շնորհով կանչեց ձեզ եւ դառնում էք դէպի ուրիշ աւետարան.
7. բայց ուրիշ աւետարան չկայ. կան ոմանք, որ խռովութիւն են սերմանում ձեր մէջ եւ ուզում են շուտ տալ Քրիստոսի Աւետարանը:
8. Եթէ նոյնիսկ մենք կամ երկնքից մի հրեշտակ աւետարանի ձեզ աւելին, քան այն, որ մենք աւետարանեցինք ձեզ, նզովեա՛լ լինի:
9. Ինչպէս աւելի առաջ էլ ասացինք, հիմա էլ դարձեալ ասում եմ. Եթէ մէկն աւետարանի ձեզ աւելին, քան ինչ որ դուք ընդունեցիք, նզովեա՛լ լինի:
10. Արդ, մարդկա՞նց եմ ձգտում հաճոյացնել, թե՞ Աստծուն. կամ մարդկանց հաճելի լինե՞լ եմ ուզում: Եթէ ջանայի մարդկանց հաճելի լինել, ապա Քրիստոսին ծառայ չէի լինի:
11. Յայտնում եմ ձեզ, եղբայրնե՛ր, թէ այն Աւետարանը, որ ես ձեզ աւետարանեցի, մարդկային Աւետարան չէ.
12. քանզի ես մարդուց չառայ այն, ոչ էլ որեւէ մէկից սովորեցի, այլ՝ Յիսուս Քրիստոսի մի յայտնութիւնից.
13. արդարեւ, դուք լսած կը լինեք հրեութեան մէջ եղածս ժամանակ երբեմնի իմ ընթացքի մասին, թէ ինչքա՛ն էի հալածում Աստծու եկեղեցին եւ քանդում էի այն.
14. եւ հրեութեան մէջ աւելի՛ առաջ էի գնացել, քան իմ շատ հասակակիցները, որոնք իմ սերնդից էին. շատ աւելի նախանձախնդիր էի իմ հայրենի աւանդութիւններին:
15. Բայց, երբ կամեցաւ Աստուած (նա ընտրել էր ինձ իմ մօր որովայնից եւ կոչեց իր շնորհների միջոցով)
16. յայտնել ինձանով իր Որդուն, որպէսզի աւետարանեմ նրան հեթանոսների մէջ, այն ժամանակ, իսկոյն, ոչ մէկի խորհրդին չդիմեցի,
17. ոչ էլ Երուսաղէմ բարձրացայ նրանց մօտ, որ ինձնից առաջ առաքեալներ էին, այլ գնացի Արաբիա եւ վերադարձայ Դամասկոս:
18. Ապա, երեք տարի յետոյ, ելայ Երուսաղէմ՝ տեսնելու Պետրոսին եւ տասնհինգ օր նրա մօտ մնացի:
19. Առաքեալներից ոչ ոքի չտեսայ, բացի Յակոբոսից՝ Տիրոջ եղբորից:
20. Եւ ինչ որ գրում եմ ձեզ, - ահա՛ւասիկ Աստծու առաջ եմ ասում, - չեմ ստում:
21. Ապա եկայ Ասորիք եւ Կիլիկիայի կողմերը.
22. եւ ես անձնապէս անձանօթ էի եկեղեցիների հաւատացեալներին, որոնք, թլփատուած լինելով, դարձել էին ի Քրիստոս.
23. բայց լսած էին, թե՛ Նա, որ մեզ այն ժամանակ հալածում էր, այժմ քարոզում է այն հաւատը, որը մի ժամանակ քանդում էր:
24. Եւ ինձնով փառաւորում էին Աստծուն:

1. Այնուհետեւ, տասնչորս տարի յետոյ, նորից ելայ Երուսաղէմ Բառնաբասի հետ՝ ինձ հետ վերցնելով նաեւ Տիտոսին:
2. Եւ այնտեղ ելայ ինձ պատահած մի յայտնութեան հետեւանքով. եւ նրանց ներկայացրի այն Աւետարանը, որը քարոզում էի հեթանոսների մէջ մասնաւորապէս նրանց, որոնք երեւելիներ էին համարւում, այն մտածումով, որ մի գուցէ իմ ընթացքը ի գուր է եղել եւ կամ ի գուր է:
3. Եւ Տիտոսն իսկ, որ ինձ հետ էր, թէեւ հեթանոս, չպարտաւորուեց թլփատուել՝ հակառակ ներս սպրդած սուտ եղբայրներին.
4. նրանք սպրդել մտել էին՝ լրտեսելու մեր այն ազատութիւնը, որ ունենք Քրիստոս Յիսուսով, որպէսզի մեզ ծառայ դարձնեն.
5. նոյնիսկ, ժամանակաւորապէս, չանսացինք հնազանդուել նրանց, որպէսզի Աւետարանի ճշմարտութիւնը հաստատ մնայ ձեր մէջ:
6. Ինչ վերաբերում է երեւելիներին (թէ նրանք երբեւիցէ մի բան եղել են, իմ հոգը չէ, քանզի Աստուած մարդկանց աչառութիւն չի անում), այդ երեւելիները նման որեւէ բան չիմացրին ինձ:
7. Այլ, դրան հակառակ, երբ տեսան, թէ հեթանոսների աւետարանն ի՞նձ է վստահուած, ինչպէս Պետրոսին՝ հրեաների աւետարանը
8. (որովհետեւ նա, որ Պետրոսին յաջողեցրեց առաքելութիւն հրեաների մէջ, ինձ էլ յաջողեցրեց առաքելութիւն հեթանոսների մէջ),
9. երբ Յակոբոսը, Կեփասը եւ Յովհաննէսը, որոնք սիւներ էին համարւում, իմացան այն շնորհների մասին, որ տրուած էին ինձ, հաւանութեան ձեռք մեկնեցին ինձ եւ Բառնաբասին, որպէսզի մենք գնանք հեթանոսների մէջ, իսկ իրենք՝ հրեաների մէջ.
10. միայն թէ նրանք խնդրեցին, որ յիշենք աղքատներին. եւ ես հոգ տարայ այդ նոյն բանն անելու:
11. Եւ երբ Կեփասն Անտիոք եկաւ, ընդդիմացայ նրան, որովհետեւ մեղադրելի ընթացքի մէջ էր.
12. քանզի, մինչ Յակոբոսի շրջանակից ոմանք դեռ չէին եկել, նա հեթանոսների հետ էր ուտում անխտիր, իսկ երբ եկան, բաժանուեց եւ մի կողմ քաշուեց՝ վախճնալով թլփատութեան կողմնակիցներից:
13. Եւ ուրիշ հրեաներ էլ կեղծաւորութիւն արեցին նրա հետ. մինչեւ իսկ Բառնաբասը ներքաշուեց նրանց կեղծաւորութեան մէջ:
14. Իսկ երբ տեսայ, որ ուղիղ չեն ընթանում Աւետարանի ճշմարտութեամբ, բոլորի առաջ Կեփասին ասացի. Եթէ դու, որ հրեայ ես, հեթանոսի նման ես ապրում եւ ոչ հրեայի նման, ինչո՞ւ ես ստիպում հեթանոսներին, որ հրեայի նման լինեն:
15. Իսկ մենք, որ իսկական հրեաներ ենք եւ ոչ թէ այդ հեթանոս մեղաւորներից,
16. գիտենք, որ մարդ չի արդարանայ օրէնքի գործերով, այլ միայն՝ Յիսուս Քրիստոսի հաւատով. եւ մենք հաւատացինք Քրիստոս Յիսուսին, որպէսզի արդարանանք Քրիստոսի հաւատով եւ ո՛չ թէ օրէնքի գործերով. քանի որ ոչ մի մարդկային էակ չի արդարացուելու օրէնքի գործերով:
17. Իսկ եթէ Քրիստոսով արդարանալ ուզելով՝ մեղաւոր գտնուեցինք, ապա ուրեմն Քրիստոս մեղքի՞ն ծառայեց. քա՛ւ լիցի.
18. որովհետեւ, եթէ ինչ որ ես քանդեցի, նոյնը վերստին շինեմ, ապա ինքս ապացուցած կը լինեմ, որ մեղաւոր եմ.
19. քանի որ ես օրէնքի տակ մեռայ օրէնքի համար, որպէսզի ապրեմ Աստծու համար:
20. Քրիստոսի հետ խաչը ելայ. կենդանի եմ այսուհետեւ. բայց ոչ թէ ես, այլ իմ մէջ ապրում է Քրիստոս: Իսկ հիմա որ կենդանի եմ մարմնով, Աստծու Որդու հաւատո՞ւմ եմ ապրում, որ սիրեց ինձ եւ իրեն մահուան մատնեց ինձ համար:
21. Եւ ես Աստծու շնորհը չեմ անարգում, քանի որ, եթէ արդարութիւնը օրէնքից է, ապա Քրիստոս ի գուր մեռաւ:



1. Ո՛վ անմիտ գաղատացիներ, ո՞վ հրապուրեց ձեզ, որոնց աչքերի առաջ Յիսուս Քրիստոս նկարագրուեց խաչը ելած:
2. Ա՛յս բանն եմ միայն ուզում իմանալ ձեզնից. օրենքի գործերո՞վ Հոգին ընդունեցիք, թե՞ հաւատի քարոզութեամբ:
3. Այդչափ անմիտ էք. սկսեցիք հոգով, իսկ հիմա մարմնո՞վ էք վերջացնում:
4. Եւ այդքան փորձութիւններ ի գո՞ւր անցան ձեր գլխով, - եթէ անշուշտ ի գուր էին:
5. Իսկ արդ, նա, որ Հոգին բաշխեց ձեզ եւ զօրութիւններ գործեց ձեր մէջ, օրենքի գործերո՞վ էր, թե՞ հաւատի քարոզութեամբ:
6. Այսպէս՝ Աբրահամը հաւատաց Աստծուն, եւ այդ նրան համարուեց որպէս արդարութիւն:
7. Գիտե՞ք արդեօք, որ Աբրահամի որդիները նրանք են, որոնք այդ հաւատից են:
8. Սուրբ Գիրքը կանխատեսում էր, թէ Աստուած հեթանոսներին հաւատով է արդարացնելու. նախապէս խոստացաւ Աբրահամին, թէ՛ Բոլոր ազգերը քեզնով են օրհնուելու:
9. Այսպէս ուրեմն, նրանք, որ հաւատից են, օրհնուում են հաւատացեալ Աբրահամի հետ:
10. Նրանք, որ օրենքի գործադրողներն են, անեծքի տակ են, քանզի գրուած է, թէ՛ Անիծեալ է ամէն մարդ, որ օրենքի գրքում եղած բոլոր գրուածները չի պահում եւ չի գործադրում:
11. Որ օրենքով ոչ ոք չի արդարանայ Աստծու առաջ, այդ քաջ յայտնի է, որովհետեւ՝ Արդարը, - ասում է, - հաւատով է ապրելու:
12. Իսկ օրենքը հաւատից չէ. բայց ով կատարի այն, նրանով կ'ապրի:
13. Քրիստոս մեզ վերստին գնեց օրենքի անեծքից՝ անեծք դառնալով մեզ համար (որովհետեւ գրուած է, թէ՛ Անիծեալ է այն մարդը, որը կախուած է փայտից ),
14. որպէսզի Աբրահամի օրհնութիւնը Քրիստոս Յիսուսով գայ հեթանոսների վրայ, եւ որպէսզի Սուրբ Հոգու խոստումը մենք ընդունենք հաւատով:
15. Եղբայրներ՛, մարդկայնօրէն եմ ասում. նոյնիսկ մարդկանց հաստատած կտակը ոչ ոք չի կարող խափանել եւ ոչ էլ նրա վրայ մի այլ բան աւելացնել:
16. Արդ, խոստումը Աբրահամին արուեց եւ նրա շառաւիղին. չի ասում շառաւիղներին, չակնարկելու համար շատերին, այլ ակնարկում է մէկին՝ եւ քո գաւակին, որ Քրիստոսն է:
17. Ահա՛ թէ ինչ եմ ասում. այն կտակը, որ նախապէս հաստատուել էր Աստծու կողմից Քրիստոսով, դրանից չորս հարիւր երեսուն տարի յետոյ դրուած օրենքը չի կարող խախտել, որպէսզի չխափանուի խոստումը:
18. Եթէ ժառանգութիւնը օրենքից է, ապա այլեւս խոստումից չէ. բայց Աստուած Աբրահամին խոստումո՞վ շնորհեց այն:
19. Իսկ արդ, ինչի՞ համար է օրենքը. օրենքը տրուեց յանցանքների պատճառով, մինչեւ որ գար այն գաւակը, որին եղած խոստումը հրեշտակների կողմից տրուեց միջնորդի միջոցով:
20. Իսկ միջնորդը ենթադրում է երկու կողմ, մինչդեռ Աստուած մե՛կ է:
21. Եւ արդ, օրենքը Աստծու խոստումներին հակառա՞կ է. քա՛լ լիցի. որովհետեւ, եթէ օրենքը, որ տրուած է, կարո՞ղ լիներ կեանք տալ, ապա հաստատապէս արդարութիւնը օրենքից կը լիներ:
22. Բայց Սուրբ Գիրքը ամէն ինչ դրեց մեղքի տակ, որպէսզի խոստումը Յիսուս Քրիստոսի հաւատով տրուի հաւատացողներին:
23. Քանի դեռ հաւատը չէր եկել, օրենքի տակ փակուած էինք մնում՝ սպասելով գալիք այն հաւատին, որ յայտնուելու էր մեր մէջ:
24. Այսպէս՝ օրենքը դաստիարակ եղաւ՝ մեզ Քրիստոս Յիսուսին բերելու, որպէսզի հաւատով արդարանանք:
25. Իսկ երբ հաւատը եկաւ, էլ դաստիարակի ձեռքի տակ չենք.



26. քանզի բոլորդ էլ Աստծու որդիներ էք հաւատով ի Յիսուս Քրիստոս:
27. Դուք բոլորդ, որ ի Քրիստոս մկրտուեցիք, Քրիստոսով զգեստաւորուեցիք.
28. ուրեմն խտրութիւն չկայ ո՛չ հրեայի եւ ո՛չ հեթանոսի, ո՛չ ծառայի եւ ո՛չ ազատի, ո՛չ արուի եւ ո՛չ էգի. որովհետեւ դուք ամենքդ մէկ էք ի Քրիստոս Յիսուս:
29. Իսկ եթէ դուք Քրիստոսինն էք, ուրեմն Աբրահամի սերունդ էք, ժառանգներ՝ ըստ խոստման:

1. Այս բանն եմ ասում. որքան ժամանակ որ ժառանգը երեխայ է, անելին չէ, քան ծառան, թեպետեւ ամեն ինչի տեր է:
2. Բայց նա խնամակալների եւ վերակացունների ձեռքի տակ է մինչեւ հօր սահմանած ժամանակը:
3. Նոյնպէս եւ մենք. մինչ երեխայ էինք, բնութեան տարերային ուժերին էինք ծառայում:
4. Իսկ երբ ժամանակը իր լրումին հասաւ, Աստուած ուղարկեց իր Որդուն, որը ծնունց կնոջից եւ մտաւ օրէնքի տակ՝
5. փրկելու համար նրանց, որ օրէնքի տակ էին, որպէսզի մենք որդեգրուե՞նք ընդունենք:
6. Եւ որովհետեւ դուք որդիներ էք, Աստուած մեր սրտերի մէջ ուղարկեց իր Որդուն Հոգին, որ աղաղակում է՝ Աբբա, Հայր:
7. Ուստի, ծառայ չես, այլ՝ որդի, եւ եթէ որդի ես, ապա եւ՝ ժառանգ Աստծու:
8. Այն ժամանակ, մինչ Աստծուն չէիք ճանաչում, ծառայում էիք նրանց, որոնք ի բնէ աստուածներ չէին.
9. իսկ այժմ որ ճանաչեցիք Աստծուն, մանաւանդ որ Աստուած էլ ճանաչեց ձեզ, ինչպէ՞ս էք վերադառնում նորից դէպի տկար ու խեղճ տարերային ուժերը, որոնց, նորից, ուզում էք ձեզ գերի դարձնել:
10. Պահում էք յատուկ օրեր, ամիսներ, եղանակներ եւ տարիներ:
11. Վախենում եմ, որ մի գուցէ ի զուր եմ աշխատել ձեզ համար:
12. Եղէ՞ք՝ ինչպէս ես, քանզի ես էլ ձեզ նման եղայ, եղբայրներ՝, աղաչում եմ ձեզ. դուք ինձ ոչ մի վնաս չէք տուել:
13. Դուք գիտէք, որ տկար մարմնով անտարանցի ձեզ առաջին անգամ,
14. եւ չանարգեցիք ու չարհամարհեցիք այն փորձութիւնները, որ կրում էի իմ մարմնի վրայ. այլ իբրեւ Աստծու հրեշտակ ընդունեցիք ինձ, իբրեւ Քրիստոս Յիսուս:
15. Իսկ արդ, ո՞ւր է ձեր երանութիւնը: Վկայում եմ ձեզ. եթէ հնար լինէր, ձեր աչքերը կը հանէիք ու կը տայիք ինձ:
16. Հիմա ինչո՞ւ թշնամի դարձայ ձեզ, որ ճիշտը խօսեցի:
17. Նրանք բարի դիտաւորութեամբ չէ, որ հետաքրքրւում են ձեզանով, այլ ուզում են արգելք լինել ձեզ, որպէսզի նախանձախնդիր լինէք իրե՞նց համար:
18. Բայց լաւ է մի՛շտ նախանձախնդիր լինել բարի բաներին եւ ոչ թէ միայն այն ժամանակ, երբ ձեր մէջ եմ,
19. որդեակներս, դուք, որոնց համար վերստին երկունքի մէջ եմ, մինչեւ որ Քրիստոս կերպարանուի ձեր մէջ:
20. Կ'ուզենայի այժմ լինել ձեզ մօտ եւ փոխել իմ խօսելու ձեւը, որովհետեւ տարակոյսի մէջ եմ ձեզ համար:
21. Ասացէ՛ք ինձ, դուք, որ ուզում էք լինել օրէնքի տակ, օրէնքը չէ՞ք կարդացել.
22. որովհետեւ գրուած է, թէ՝ Աբրահամը երկու որդի ունէր, մէկը՝ ծնուած աղախնից եւ մէկը՝ ազատ կնոջից:
23. Բայց նա, որ աղախնից էր, մարմնական ծնունդ էր, իսկ նա, որ ազատ կնոջից էր, ծնուել էր խոստման համաձայն:
24. Սա այլաբանութիւն է, որովհետեւ սրանք երկու կտակարաններն են. մէկը՝ Սինա լեռից՝ ծնուած ծառայութեան համար. դա Հազարն է.
25. քանզի Հազարը Սինա լեռն է Արաբիայում եւ համապատասխանում է ներկայ Երուսաղէմին, որ իր որդիներով հանդերձ ծառայ է:
26. Իսկ Վերին Երուսաղէմը, որը մեր բոլորի մայրն է, ազատ է.
27. որովհետեւ գրուած է.
28. Արդ, մենք, եղբայրներ՝, խոստման որդիներ ենք, Իսահակի նման:
29. Եւ ինչպէս այն ժամանակ նա, որ մարմնական ծնունդ էր, հալածում էր նրան, որ ըստ հոգու էր ծնուել, այդպէս է եւ այժմ:

30. ԵԼ Ի՞նչ Է ասում Գիրքը. Հեռո՛ւ վանիւր այդ աղախնուն եւ դրա որդուն, որպէսզի այդ աղախնի որդին ազատի որդուն ժառանգակից չլինի:

31. Դրա համար, եղբայրներ՝, աղախնի որդիներ չենք, այլ՝ ազատի, այն ազատութեամբ, որով Քրիստոս մեզ ազատ դարձրեց:

1. Ուրեմն, պի՛նդ կացեք եւ վերստին ծառայութեան լծի տակ մի՛ մտէք:
2. Ահա՛ւասիկ ես՝ Պօղոսը, ձեզ ասում եմ, որ, եթէ թլփատուէք, Քրիստոս ձեզ ոչնչով չի օգնի:
3. Վկայում եմ թլփատուող ամէն մարդու, որ պարտաւոր է ամբողջ օրէնքը կատարել:
4. Դուք, որ օրէնքով էք արդարանում, Քրիստոսից կտրուած էք, շնորհից ընկած:
5. որովհետեւ մենք Հոգու միջոցով հաւատից ենք սպասում արդարութեան յոյսը:
6. քանի որ նա, ով միացած է Քրիստոս Յիսուսին, ո՛չ թլփատուած լինելը արժէք ունի եւ ո՛չ անթլփատ լինելը, այլ՝ հաւատը, որ սիրով է գործում:
7. Լաւ էր ձեր ընթացքը, ո՞վ ձեզ կասեցրեց, որ չհնազանդուէք ճշմարտութեանը:
8. Այս թելադրանքը նրանից չէ, ով ձեզ կանչում է:
9. Մի փոքր թթխմոր խմորում է ամբողջ զանգուածը:
10. Իսկ ես վստահ եմ ձեր վրայ Տիրոջով, թէ ուրիշ կերպ չէք խորհում. եւ ով ձեր միտքը խռովում է, դատաստան կը կրի՝ ո՛վ էլ լինի:
11. Իսկ ես, եղբայրներ, եթէ թլփատութիւն էի քարոզում, ինչո՞ւ եմ դեռ հալածւում: Ապա ուրեմն խաչի գայթակղութիւնը խափանուած է:
12. Երանի՛ր թէ արմատախիլ լինէին նրանք, որ ձեր միտքը խռովում են:
13. Եղբայրներ, դուք կոչուած էք ազատութեան. միայն թէ ձեր ազատութիւնը սոսկ մարմնի ցանկութիւնների համար չլինի, այլ սիրով՝ ծառայեցէք միմեանց:
14. որովհետեւ ամբողջ օրէնքը այս մէկ խօսքի մէջ է ամփոփւում. Պիտի սիրես քո ընկերոջը, ինչպէս՝ ինքդ քեզ:
15. Իսկ եթէ միմեանց խածոտէք եւ յօշոտէք, զգո՛յշ եղէք, գուցէ թէ միմեանց ոչնչացնէք:
16. Բայց ասում եմ ձեզ. Հոգով ընթացէք եւ մարմնի ցանկութիւնը մի՛ կատարէք,
17. քանի որ մարմինը Հոգու հակառակն է ցանկանում, իսկ Հոգին՝ մարմնի հակառակը: Եւ քանի որ սրանք միմեանց հակառակ են, մի՛ արեք այն, ինչ ուզում էք:
18. Իսկ եթէ Հոգով էք առաջնորդւում, ապա օրէնքի տակ չէք:
19. որովհետեւ մարմնի գործերը յայտնի են. այսինքն՝ շնութիւն, պոռնկութիւն, պղծութիւն, վաւաշոտութիւն,
20. կռապաշտութիւն, կախարդութիւն, թշնամութիւն, կռիւ, նախանձ, բարկութիւն, հակառակութիւններ, երկպառակութիւններ, բաժանումներ,
21. չար նախանձ, սպանութիւններ, հարբեցողութիւններ, անառակութիւններ եւ սրանց նման ուրիշ բաներ: Այժմ ասում եմ ձեզ, ինչպէս որ առաջուց էլ ասում էի, թէ նրանք, որ այսպիսի բաներ են գործում, Աստծու արքայութիւնը չեն ժառանգելու:
22. Իսկ Հոգու պտուղն այս է՝ սէր, խնդութիւն, խաղաղութիւն, համբերութիւն,
23. քաղցրութիւն, բարութիւն, հաւատարմութիւն, հեզութիւն, ժուժկալութիւն. այսպիսի բաներին օրէնք չկայ:
24. Իսկ նրանք, որ քրիստոսեաններ են, խաչն են հանում իրենց մարմինները՝ կրքերով եւ ցանկութիւններով հանդերձ:
25. Եթէ ապրում ենք Հոգով, ըստ Հոգու էլ ընթանանք:
26. Եւ սնապարծ չլինենք՝ միմեանց գրգռելով եւ միմեանց նախանձելով:

1. Եղբայրներ՝, եթե ձեզնից մէկը ինչ-որ յանցանքի մէջ բռնուի յանկարծ, դուք, որ հոգեւոր եք, վերահաստատե՛ք նրան հեղութեան ոգով. զգո՛յշ եղէք ինքներդ ձեր նկատմամբ, որպէսզի դուք էլ փորձութեան չենթարկուէք:
2. Միմեանց բեռը կրեցէ՛ք եւ այդպիսով կատարեցէ՛ք Քրիստոսի օրէնքը:
3. Եթե մէկը կարծում է, թէ ինքը մի բան է, եւ սակայն չէ, ինքն իրեն է խաբում:
4. Թող իւրաքանչիւր ոք կշռադատի իր գործը եւ ապա՝ ինքն իր վրա՛յ միայն պարծենայ եւ ոչ թէ ընկերոջ հետ համեմատուելով.
5. որովհետեւ իւրաքանչիւր ոք իր բեռն է կրելու:
6. Աշակերտը թող մասնակից անի ուսուցչին բոլոր բարի բաներում:
7. Չխաբուէք. Աստուած չի ծաղրում,
8. որովհետեւ, ինչ որ մարդս սերմանում է, նոյնը եւ կը հնձի. ով սերմանում է իր մարմնի համար, այդ մարմնից էլ կը հնձի ապականութիւն. իսկ ով Հոգու համար է սերմանում, այդ Հոգուց էլ կը հնձի յաւիտենական կեանք:
9. Իսկ բարին գործելուց չձանձրանաք, որովհետեւ յարմար ժամանակին պիտի հնձենք, եթէ չթուլանանք:
10. Ահա թէ ինչու, քանի դեռ ժամանակ կայ, բարին գործենք բոլորի հանդէպ, մանաւանդ հաւատի մէջ մեր հարազատների հանդէպ:
11. Տեսէք, թէ ինչպիսի՛ գրեթով գրեցի ձեզ իմ այս ձեռքով.
12. որովհետեւ նրանք, որ ցանկանում են ըստ մարմնի լաւ մարդ երեւալ, նրա՛նք են ստիպում ձեզ, որ թլփատուէք: Միայն թէ Քրիստոսի խաչի յետեւից չգնան.
13. քանզի նրանք, որ թլփատուած են, օրէնքը չեն պահում, բայց ուզում են, որ դուք թլփատուէք, որպէսզի ձեր մարմնո՛վ պարծենան:
14. Սակայն քա՛ւ լիցի, որ ես պարծենամ այլ բանով, քան միայն մեր Տէր Յիսուս Քրիստոսի խաչով, որով աշխարհը խաչուած է ինձ համար, ես էլ՝ աշխարհի համար.
15. որովհետեւ Յիսուս Քրիստոսով ո՛չ թլփատութիւնն է մի բան եւ ո՛չ էլ՝ անթլփատութիւնը, այլ՝ նոր արարած լինելը:
16. Եւ թող խաղաղութիւն ու ողորմութիւն լինի բոլոր նրանց վրայ, որ ապրում են այս կանոնի համաձայն, ինչպէս նաեւ Աստծու Իսրայելի վրայ:
17. Այսուհետեւ թող ոչ ոք ինձ նեղութիւն չտայ, որովհետեւ ես իմ մարմնի մէջ եմ կրում Քրիստոսի չարչարանքները:
18. Եղբայրներ՝, մեր Տէր Յիսուս Քրիստոսի շնորհը թող ձեր հոգու հետ լինի: Ամէն:

ԵՓԵՍԱԳՅԻՆԵՐ

## Գլուխ 1

1. Պօղոսը՝ Յիսուս Քրիստոսի առաքեալը Աստծու կամքով, Եփեսոսում եղած սրբերին եւ հաւատացեալներին ի Քրիստոս.
2. շնորհ ձեզ եւ խաղաղութի՛ն մեր Հայր Աստծուց եւ Տէր Յիսուս Քրիստոսից:
3. Օրհնեալ է Աստուած եւ մեր Տէր Յիսուս Քրիստոսի Հայրը, որ օրհնեց մեզ ի Քրիստոս ամենայն հոգեւոր օրհնութեամբ, երկնային աշխարհում.
4. Նա ընտրեց մեզ Քրիստոսի միջոցով նախքան աշխարհի արարումը, որպէսզի մենք սուրբ եւ անարատ լինենք նրա առաջ սիրով:
5. Նախասահմանեց մեզ որդեգրութեան Յիսուս Քրիստոսի միջոցով, ըստ իր կամքի հաճութեան:
6. Գովենք նրան այն փառքի համար, որով երջանկացրեց մեզ իր Սիրելիով:
7. Նրանով է, որ ունենք փրկութիւն, նրա արեան միջոցով՝ մեղքերի թողութիւն, ըստ իր շնորհի մեծութեան չափի,
8. որ եւ առատացաւ մեր մէջ ամենայն իմաստութեամբ եւ գիտութեամբ:
9. Ճանաչեցրեց մեզ, ինչպէս հաճելի էր իրեն, իր կամքի խորհուրդները. Նա դրանք նախապէս սահմանած էր Նրանով,
10. որպէսզի, ժամանակների լրումին, ինչ որ երկնքում է եւ ինչ որ երկրի վրայ, ամեն ինչ Քրիստոսով բովանդակուի:
11. Նրանով է, որ ժառանգեցինք մեզ վիճակուած բաժինը, ըստ առաջադրութեան Աստծու, որ ամեն ինչ յաջողեցնում է իր կամքի խորհուրդների համաձայն.
12. մենք՝ նախապէս Քրիստոսին յուսացողներս, նախասահմանուած եղանք գովելու նրա փառքը:
13. Նրանով է, որ դուք էլ լսեցիք ճշմարտութեան խօսքը՝ ձեր փրկութեան Աւետարանը, որին հաւատալով կնքուեցիք խոստացուած Սուրբ Հոգով,
14. որ մեր ժառանգութեան առհաւատչեան է մինչեւ այն օրը, երբ կատարելապէս կը տիրանանք փրկութեանը՝ ի գովութիւն նրա փառքի:
15. Ուստի ես էլ, երբ լսեցի ձեր հաւատի մասին, որ ունեք ի Տէր Յիսուս, եւ սիրոյ մասին, որ ունեք բոլոր սրբերի հանդէպ,
16. չեմ դադարում գոհութիւն յայտնել ձեզ համար՝ յիշելով ձեզ իմ աղօթքներում,
17. որպէսզի մեր Տէր Յիսուս Քրիստոսի Աստուածը՝ Հայրը փառքի, ձեզ տայ իմաստութեան եւ յայտնութեան հոգի իրեն ճանաչելու համար:
18. Նա լուսաւոր պիտի դարձնի ձեր սրտի աչքերը, որպէսզի մենք հասկանանք, թէ ի՞նչ է նրա կոչման յոյսը, ի՞նչ է նրա ժառանգութեան փառքի մեծութիւնը սրբերի մէջ
19. եւ ի՞նչ է նրա զօրութեան գերազանց մեծութիւնը:
20. Նա իր ամենակարող զօրութիւնը ցոյց տուեց Քրիստոսով, երբ նրան յարութիւն տուեց մեռելներից եւ նստեցրեց իր աջ կողմում, երկնքի մէջ՝
21. ամեն իշխանութեան, պետութեան, զօրութեան ու տէրութեան վրայ, այլեւ ամեն անուան վրայ, որ տրուում է ոչ միայն այս աշխարհում, այլ նաեւ հանդերձեալում:
22. Նա ամեն ինչ հնազանդեցրեց Յիսուսի ոտքերի տակ եւ նրան հաստատեց, իբրեւ գլուխ եկեղեցու, բոլոր բաների վրայ,
23. եկեղեցի, որ նրա մարմինն է, լրումը նրա, ով ամեն ինչ լցնում է ամեն բանի մէջ:

1. Եւ դուք մեռած էիք ձեր մեղքերի ու յանցանքների մէջ,
2. որոնցում մի ժամանակ ընթանում էիք ըստ այս աշխարհի սովորութեան՝ հնազանդուելով օդում տիրող իշխանի այն ոգուն, որ այժմ ներգործում է ապստամբող մարդկանց մէջ:
3. Նրանց թւում եւ մենք բոլորս մի ժամանակ ապրում էինք մեր մարմնի կրքերով եւ կատարում մարմնի ու մտքի ցանկութիւնները. եւ իսկապէս Աստծու բարկութեան արժանի մարդիկ էինք ուրիշների նման:
4. Բայց Աստուած, որ առատ է ողորմութեամբ, իր մեծ սիրով, որով սիրեց մեզ,
5. մինչ մեռած էինք մեր մեղքերի մէջ, մեզ կենդանացրեց Քրիստոսով (որովհետեւ շնորհով փրկուեցինք):
6. Նրա հետ յարութիւն տուեց մեզ եւ նրա հետ նստեցրեց երկնքում Քրիստոս Յիսուսով,
7. որպէսզի գալիք բոլոր դարերում ցոյց տայ իր շնորհի անչափելի մեծութիւնը մեր նկատմամբ՝ քաղցրութեամբ ի Քրիստոս Յիսուս.
8. որովհետեւ Աստծու շնորհով փրկուածներ էք հաւատի միջոցով. եւ այս ձեզնից չէ, այլ պարգէն է Աստծու,
9. ոչ էլ ձեր գործերից է, որպէսզի ոչ ոք չպարծենայ.
10. որովհետեւ նրա արարածներն ենք՝ Քրիստոս Յիսուսով ստեղծուածներ բարի գործերի համար, որոնց համար էլ Աստուած առաջուց պատրաստեց մեզ, որպէսզի դրանք կատարենք:
11. Ուստի եւ՝ դուք յիշեցէ՛ք, որ մի ժամանակ հեթանոսներ էիք մարմնով, այսինքն՝ անթափառ էիք (այդպէս էիք կոչւում մարմնի վրայ ձեռքով կատարուած թափառութիւն չունենալու պատճառով),
12. քանի որ այն ժամանակ առանց Քրիստոսի էիք եւ հեռացած Իսրայէլի քաղաքացիութիւնից, օտարացած խոստման ուխտերից եւ ոչ մի յոյս չունէիք ու առանց Աստծու էիք աշխարհում:
13. Իսկ այժմ, Յիսուս Քրիստոսի միջոցով, դուք, որ մի ժամանակ հեռացած էիք, մերձաւորներ եղաք Քրիստոսի արեամբ,
14. որովհետեւ նա է մեր խաղաղութիւնը, նա, որ երկուսը մէկ դարձրեց. քանդեց իր մարմնի մէջ միջնորմը՝ թշնամութիւնը,
15. եւ հրամաններով տրուած պատուիրանների օրէնքը ջնջեց, որպէսզի իրենով երկուսին դարձնի մի նոր մարդ եւ խաղաղութիւն հաստատի
16. ու իր խաչով հաշտեցնի երկուսին մէկ մարմնի մէջ Աստծու հետ. քանզի թշնամութիւնն սպանեց իր խաչով:
17. Եւ եկաւ խաղաղութիւն անետարանեց ձեզ՝ հեռու եղողներիդ, եւ խաղաղութիւն՝ մօտ եղողներիդ.
18. որովհետեւ նրանով է, որ երկուսս էլ արտօնութիւն ունենք մերձենալու Հօրը մէ՛կ Հոգով:
19. Ապա ուրեմն, օտար եւ պանդուխտ չէք, այլ՝ համաքաղաքացի սրբերին եւ ընտանի՝ Աստծուն,
20. կառուցուած առաքելների եւ մարգարէների հիմքի վրայ, որի անկիւնաքարը Քրիստոս Յիսուսն է:
21. Նրա վրայ ներդաշնակութեամբ հաստատուած ամբողջ կառոյցը Տիրոջով վերանում է մի սուրբ տաճարի,
22. որի մէջ դուք էլ նրա հետ կառուցւում էք որպէս բնակարան Աստծու՝ Սուրբ Հոգու միջոցով:



1. Ահա թե ինչու ես՝ Պօղոսը, ձեզ՝ հեթանոսներիդ համար Յիսուս Քրիստոսի բանտարկեալն եմ:
2. Թերեւս դուք լսած լինեք Աստծու շնորհի տնտեսութեան մասին, որ տրուեց ինձ ձեզ համար.
3. որովհետեւ յայտնութեամբ ցոյց տրուեց ինձ խորհուրդը, ինչպէս աւելի վերեւ գրեցի ձեզ համառօտակի,
4. որպէսզի կարող լինեք ընթերցել եւ տեսնել իմ իմացութիւնը Քրիստոսի խորհրդի մէջ,
5. խորհուրդ, որ այլ սերունդների մարդկանց որդիներին ցոյց չտրուեց, ինչպէս այժմ այն յայտնուեց իր սուրբ առաքեալներին եւ մարգարէներին Սուրբ Հոգու միջոցով,
6. որպէսզի հեթանոսները Քրիստոս Յիսուսի միջոցով ժառանգակից, նոյն մարմնի անդամ եւ նրա խոստմանը հաղորդակից լինեն Աւետարանով:
7. Եւ այդ Աւետարանին ես սպասաւոր եղայ ըստ Աստծու շնորհի այն պարգէւների, որ տրուեցին ինձ նրա զօրութեան ներգործութեամբ
8. (եւ, որ յետինն եմ բոլոր սրբերի, ինձ տրուեց այս շնորհը)՝ աւետարանելու հեթանոսներին Քրիստոսի անքնին մեծութիւնը
9. եւ բոլորին լուսաւորելու, որպէսզի գիտենան, թէ ի՞նչ է այն խորհրդի տնտեսութիւնը, որ ծածկուած էր ի յաւիտենից Աստծու մօտ, որ ստեղծեց ամեն ինչ,
10. որպէսզի եկեղեցու միջոցով յայտնի լինի այժմ երկնային իշխանութիւններին եւ պետութիւններին Աստծու բազմապատիկ իմաստութիւնը,
11. նրա յաւիտենական նախասահմանութեան համաձայն, որ նա իրագործեց Տէր Յիսուս Քրիստոսի միջոցով:
12. Մենք էլ համարձակութիւն եւ արտօնութիւն ունենք մերձենալու Աստծուն այն վստահութեամբ, որ ունենք Յիսուս Քրիստոսին հաւատալով:
13. Ուստի աղաչում եմ, որ չընկճուէք ձեզ համար մեր կրած նեղութիւնների պատճառով, նեղութիւններ, որ մեր փառքն են:
14. Ահա թե ինչու ծնկի եմ գալիս մեր Տէր Յիսուս Քրիստոսի Հօր առաջ,
15. որից իր անունն է ստանում ամեն ազգատոհմ երկնքում եւ երկրի վրայ,
16. որպէսզի դուք, ըստ իր փառքի մեծութեան, իր Հոգու միջոցով զօրութեամբ ամրանաք ներքնապէս.
17. այնպէս որ, ձեր հաւատի միջոցով, Քրիստոս բնակուի ձեր սրտերում, եւ դուք սիրոյ մէջ արմատաւորուած ու հաստատուած լինեք.
18. եւ կարողանաք հասկանալ բոլոր սրբերի հետ, թէ ի՞նչ է լայնութիւնը, երկարութիւնը, բարձրութիւնը եւ խորութիւնը,
19. այսինքն՝ ճանաչեք Քրիստոսի սէրը, որ գերազանց է, քան ամեն գիտութիւն, որպէսզի լցուէք Աստծու լրիւ ամբողջութեամբ:
20. Ուրեմն, նրան, որ կարո՞ղ է աւելին անել, առաւել առատութեամբ, քան այն ամենը, ինչ մենք խնդրում ենք եւ մտածում, ըստ այն զօրութեան, որ գործում է մեր մէջ, -
21. նրան փա՛ռք եկեղեցում Քրիստոս Յիսուսով, բոլոր ժամանակներում, յաւիտենաւ յաւիտենից: Ամեն:

#### Գլուխ 4

1. Արդ, աղաչում եմ ձեզ, ես՝ Տիրոջ համար բանտարկուածս, որ ընթանաք այնպէս, ինչպէս վայել է այն կոչմանը, որին կոչուեցիք.
2. կատարեալ խոնարհութեամբ, հեզութեամբ եւ համբերութեամբ հանդուրժեցէ՛ք միմեանց սիրով,
3. ջանացէ՛ք պահել հոգու միութիւնը խաղաղութեան կապով.
4. մէկ մարմին եւ մէկ հոգի, ինչպէս որ մէկ է ձեր յոյսը, որին Աստուած կոչեց մեզ:
5. Մէկ Տէր կայ, մէկ հաւատ, մէկ մկրտութիւն,
6. մէկ Աստուած, Հայր բոլորի, որ է բոլորի վրայ, բոլորի հետ եւ մեր բոլորի մէջ:
7. Բայց մեզնից իւրաքանչիւրին տրուած է շնորհ ըստ Քրիստոսի պարգեւած չափի.
8. դրա համար էլ ասում է.
9. Ելաւ -ն ի՞նչ է, եթէ ոչ այն, որ իջաւ նախ երկրի ստորին կողմը:
10. Նա, որ իջաւ, նոյն ինքն է, որ բարձրացաւ երկինքներից անելի վեր, որպէսզի լցնի ամբողջ տիեզերքը:
11. Նա շնորհ տուեց ոմանց լինելու առաքեալներ, ոմանց՝ մարգարէներ, ոմանց՝ անետարանիչներ, ոմանց՝ հովիւներ եւ ուսուցիչներ՝
12. հաստատելու համար սրբերին իրենց պաշտօնի կատարման մէջ, ի շինութիւն Քրիստոսի մարմնի,
13. մինչեւ որ մենք բոլորս հասնենք հաւատի կատարեալ միութեանն ու Աստծու Որդու ճանաչմանը, կատարեալ մարդու աստիճանին՝ ունենալով ճիշտ Քրիստոսի հասակի չափը:
14. Այնպէս որ, այսուհետեւ չլինենք երեխաներ, որոնք տարուբերուում ու քշուում են վարդապետութեան բոլոր հողմերից, մարդկանց խաբեբայութեամբ, որոնք խորամանկութեամբ, խաբելով մոլորեցնում են.
15. այլ ճշմարտութեամբ ապրելով սիրոյ մէջ, ամեն բան աճեցնենք նրա՛ մէջ, որ գլուխն է՝ Քրիստոս:
16. Նրանից է կախուած ամբողջ մարմինը, իրար ամօրէն միացած զանազան յօդերով, այնպէս որ, երբ մարմնի իւրաքանչիւր մասը գործում է ինչպէս որ պէտք է, ամբողջ մարմինը աճում է եւ կառուցւում սիրոյ մէջ:
17. Արդ, այս բանն եմ ասում եւ վկայում Տիրոջով. դուք այլեւս չընթանաք այնպէս, ինչպէս որ այլ հեթանոսներն են ընթանում իրենց մտքի ունայնութեամբ.
18. նրանց մտքերը մթազնուած են, եւ իրենք օտարացած են Աստծու կեանքից՝ իրենց մէջ եղած տգիտութեան պատճառով, որն իրենց սրտի կուրութեան հետեւանքն է:
19. Նրանք իրենց յոյսը կտրեցին եւ ազահութեամբ անձնատուր եղան անառակութեան եւ ամեն տեսակ պիղծ գործերի:
20. Բայց դուք այսպէս չսովորեցիք Քրիստոսին.
21. թեպէտեւ լսել էք նրա մասին եւ սովորել նրանից, թէ Յիսուսի մէջ է ճշմարտութիւնը.
22. հեռո՛ւ վանեցէք ձեզնից հին մարդուն իր նախկին կենցաղով, այն, որ ապականուած է խաբեպատիր ցանկութիւններով.
23. նորոգուեցէ՛ք ձեր մտքով եւ հոգով
24. ու հագէ՛ք նոր մարդը, որ ստեղծուած է ըստ Աստծու՝ արդարութեամբ եւ ճշմարիտ սրբութեամբ:
25. Ուստի դէ՛ն գցեցէք ստախօսութիւնը. իւրաքանչիւրը թող իր ընկերոջն ասի ճշմարտութիւնը, որովհետեւ միմեանց անդամներ ենք:
26. Թէ բարկանաք էլ, մեղք մի՛ գործեք. արեգակը ձեր բարկութեան վրայ թող մայր չմտնի.
27. եւ Սատանային տեղի մի՛ տուէք:
28. Ով գողանում էր, այլեւս թող չգողանայ, այլ մանաւանդ թող աշխատի իր ձեռքերով բարիք արտադրել, որպէսզի կարո՛ղ լինի տալու նրան, ով կարիքի մէջ է:
29. Ոչ մի տգեղ խօսք ձեր բերանից թող չելնի, այլ միայն բարի խօսքը, որ շինիչ է եւ

օգտակար, որպէսզի շնորհով լցուի նա, ով այն լսում է:

30. Եւ մի՛ տրտմեցրէք Աստծու Սուրբ Հոգին, որով կնքուեցիք փրկութեան օրուայ համար:

31. Ամէն դառնութիւն, բարկութիւն, գայրոյթ, աղաղակ եւ հայիոյութիւն թող վերանայ ձեզնից՝ իրենց չարութեամբ հանդերձ:

32. Միմեանց հետ եղէ՛ք քաղցր, գթած՝ ներելով միմեանց, ինչպէս որ Աստուած ներեց մեզ Քրիստոսով:

1. Նմանուեցէ՛ք Աստծուն, որպէս սիրելի զաւակներ,
2. եւ ընթացէ՛ք սիրով, ինչպէս որ Քրիստոս սիրեց մեզ եւ իր անձը մատնեց մեզ համար որպէս անուշահոտ պատարագ եւ զոհ Աստծուն:
3. Հեռո՛ւ ձեզնից պոռնկութիւն եւ ամէն տեսակ պղծութիւն կամ ազահութիւն. դրանց անունն իսկ թող չիշուի ձեր մէջ, ինչպէս որ վայել է սրբերին.
4. եւ հեռո՛ւ ձեզնից զազրախօսութիւն կամ յիմար խօսք կամ խեղկատակութիւն, որ վայել չեն. այլ, մանաւանդ, գոհութիւն թող մատուցուի Աստծուն:
5. Այս բանն իմացէ՛ք, թէ ամէն պոռնիկ կամ պիղծ կամ ազահ մարդ, որ կռապաշտ է, Աստծու եւ Քրիստոսի թագաւորութեան մէջ ժառանգութիւն չունի:
6. Սնտի խօսքերով թող ոչ ոք ձեզ չխաբի, որովհետեւ դրա համար է, որ գալիս է Աստծու բարկութիւնը անհնազանդ մարդկանց վրայ:
7. Ուրեմն՝ նրանց մասնակից մի՛ եղէք,
8. որովհետեւ, թէպէտեւ մի ժամանակ խաւար էիք, հիմա լոյս էք ի Տէր. ընթացէ՛ք ինչպէս լուսոյ որդիներ.
9. քանզի լուսոյ պտուղներն են բարութիւնը, արդարութիւնը եւ ճշմարտութիւնը:
10. Ստուգեցէ՛ք, թէ ո՛րն է հաճելի Տիրոջը.
11. եւ խաւարի անպտուղ գործերին մասնակից մի՛ եղէք, այլ մանաւանդ մերկացրէ՛ք դրանք,
12. որովհետեւ, ինչ որ նրանք գործում են ծածուկ, այդ մասին խօսելն իսկ ամօթ է.
13. այլ ամէն ինչ բացայայտուելով՝ լոյսով յայտնի է լինում, քանզի ամէն ինչ, որ յայտնի է, լոյս է:
14. Դրա համար էլ ասում է.
15. Տեսէք, թէ ինչպիսի զգուշութեամբ պետք է ընթանաք. ոչ թէ ինչպէս անմիտներ, այլ՝ ինչպէս իմաստուններ.
16. ժամանակն օգտագործեցէ՛ք, քանզի օրերը չար են.
17. դրա համար անմիտ մի՛ եղէք, այլ իմացէ՛ք, թէ ի՞նչ է Տիրոջ կամքը:
18. եւ մի՛ հարբէք գինով. դրա մէջ զեխութիւն կայ. այլ մանաւանդ լցուեցէք Հոգո՛ւ,
19. որպէսզի խօսէք միմեանց հետ սաղմոսներով, օրհներգութիւններով եւ հոգեւոր երգերով, որպէսզի երգէք եւ ձեր սրտերում սաղմոս ասէք Տիրոջը:
20. Գոհութիւն յայտնեցէք ամէն ժամ ամէն ինչի համար Հօրը եւ Աստծուն՝ մեր Տէր Յիսուս Քրիստոսի անունով:
21. Հնազանդուեցէ՛ք միմեանց Քրիստոսի երկիւղով:
22. Կանայք իրենց մարդկանց թող հնազանդ լինեն, ինչպէս կը հնազանդուեն Տիրոջը,
23. որովհետեւ մարդն է գլուխը կնոջ, ինչպէս որ Քրիստոս գլուխն է եկեղեցու. եւ ինքն է Փրկիչը այդ մարմնի:
24. եւ ինչպէս եկեղեցին հնազանդուում է Քրիստոսին, նոյնպէս եւ կանայք թող հնազանդուեն իրենց մարդկանց ամէն ինչում:
25. Մարդի՛կ, սիրեցէ՛ք ձեր կանանց, ինչպէս որ Քրիստոս սիրեց եկեղեցին եւ իր անձը մատնեց նրա համար,
26. որ սրբացնի աւազանի մաքրութեամբ՝ խօսքով,
27. որպէսզի նա իր առաջ փառաւոր կերպով կանգնեցնի եկեղեցին, որ ոչ մի արատ կամ աղտողութիւն կամ նման բաներից ոչինչ չունենայ, այլ լինի սուրբ եւ անարատ:
28. Նոյն ձեւով մարդիկ պարտաւոր են սիրել իրենց կանանց իբրեւ իրենց մարմինները. ով սիրում է իր կնոջը, ինքն իրեն է սիրում.
29. որովհետեւ ոչ ոք երբեք իր անձը չի ատում, այլ սնում եւ խնամում է այն, ինչպէս որ Քրիստոս՝ եկեղեցին.
30. քանզի անդամներն ենք նրա մարմնի՝ նրա մարմնից եւ նրա ոսկորներից:
31. Դրա համար մարդը պիտի թողնի իր հօրն ու մօրը եւ պիտի գնայ իր կնոջ յետեւից. եւ երկուսը պիտի լինեն մէկ մարմին:

32. Այս խորհուրդը մեծ է. բայց ես ասում եմ Քրիստոսի եւ եկեղեցու վերաբերեալ:

33. Դուք էլ նոյնպէս ամեն մէկդ նոյնը արեք, որպէսզի իւրաքանչիւր ոք իր կնոջն այնպէս սիրի, ինչպէս իր անձը, եւ կինը երկնչի իր մարդուց:

1. Որդիներ, հնազանդ եղեք ձեր ծնողներին ի Տեր, որովհետեւ դա է ճիշտը:
2. Պատուիր քո հորն ու մորը, - որ առաջին պատուիրանն է՝ տրուած խոստումով, -
3. որպէսզի լաւ լինի քեզ համար, եւ երկար կեանք ունենաս երկրի վրայ:
4. Հայրեր, մի՛ գայրացրէք ձեր որդիներին, այլ մեծացրէ՛ք նրանց Տիրոջ խրատով եւ ուսումով:
5. Ծառաներ, հնազանդ եղեք ձեր մարմնաւոր տերերին ահով եւ դողով եւ անկեղծ սրտով, ինչպէս հնազանդ էք Քրիստոսին.
6. ո՛չ թէ հսկողութեան տակ ծառայելով, որպէս մարդահաճոյ անձեր, այլ՝ որպէս Քրիստոսի ծառաներ՝ կատարելու համար Աստծու կամքը:
7. Յօժարութեամբ ծառայեցէք, ինչպէս պիտի ծառայէիք Տիրոջը եւ ոչ թէ՝ մարդկանց:
8. Իմացէ՛ք, որ իւրաքանչիւր ոք՝ թէ՛ ծառայ եւ թէ՛ ազատ, ինչ բարի բան որ անի, նոյնն էլ կը ստանայ Տիրոջից:
9. Եւ դուք, տերեր, նոյնն արեք նրանց հանդէպ՝ մի կողմ թողնելով սպառնալիքները. իմացէ՛ք, որ ե՛ւ նրանք, ե՛ւ դուք Տեր ունէք երկնքում, եւ նրա առաջ աջառութիւն չկայ:
10. Եւ վերջապէս, զօրացէ՛ք Տիրոջով եւ նրա զօրութեան կարողութեամբ.
11. եւ Աստծու սպառազինութիւնը հագէ՛ք, որպէսզի կարողանաք ընդդիմանալ Սատանայի հնարանքներին.
12. որովհետեւ մեր պատերազմը մարմնի եւ արեան հետ չէ, այլ՝ իշխանութիւնների հետ, պետութիւնների հետ, այս խաւար աշխարհի տիրակալների հետ եւ երկնքի տակ եղող չար ոգիների հետ:
13. Ուստի առէ՛ք Աստծու սպառազինութիւնը, որպէսզի կարողանաք չար օրում դէմ կանգնել չարին.
14. եւ երբ ամէն ինչ կատարէք, հաստատո՛ւն կացէ՛ք՝ տեղում պինդ կանգնած, ձեր մէջքերը գօտեպնդած ճշմարտութեամբ, եւ հագած արդարութեան զրահը՝
15. ձեր ոտքերը ամրացրէ՛ք խաղաղութեան Աւետարանի պատրաստութեամբ:
16. Եւ այս բոլորի վրայ, առէ՛ք հաւատի վահանը, որով պիտի կարողանաք հանգցնել չարի բոլոր միացող նետերը:
17. Եւ առէ՛ք փրկութեան սաղաւարտն ու Հոգու սուսերը, որ է Աստծու խօսքը:
18. Ամենայն աղօթքներով եւ աղաչանքներով ամէն ժամ աղօթեցէ՛ք Հոգով. եւ այդ բանի մէջ հսկեցէ՛ք անխոնջ յարատեւութեամբ եւ աղաչանքներով բոլոր սրբերի համար,
19. նաեւ ինձ համար, որպէսզի ինձ խօսք տրուի իմ բերանը բանալու համարձակութեամբ՝ ցոյց տալու համար Աւետարանի խորհուրդը,
20. որի պատգամաւորն եմ ես այս կապանքներով, որպէսզի իմ այս վիճակում համարձակուեմ խօսել, ինչպէս որ պարտաւոր եմ խօսել:
21. Բայց որպէսզի դուք էլ գիտենաք իմ մասին, թէ ինչ եմ անում, Տիւրքիոս սիրելի եղբայրը եւ Տիրոջ հաւատարիմ պաշտօնեան ձեզ ամէն ինչ կը տեղեկացնի այդ մասին.
22. նրան ուղարկեցի ձեզ մօտ, որպէսզի դուք տեղեակ լինէք մեր մասին, եւ նա միախառնի ձեր սրտերը:
23. Խաղաղութիւն եղբայրներին եւ սե՛ր հաւատով հանդերձ՝ Հայր Աստծուց եւ Տեր Յիսուս Քրիստոսից:
24. Շնորհ բոլոր նրանց, որոնք սիրում են մեր Տեր Յիսուս Քրիստոսին անեղծութեամբ:

ՓԻԼԻՊԵՑԻՆԵՐ

## Գլուխ 1

1. Պօղոսը եւ Տիմոթէոսը՝ ծառաները Յիսուս Քրիստոսի, բոլոր սրբերին ի Քրիստոս Յիսուս, որ Փիլիպէի կողմերում են՝ եպիսկոպոսներով եւ սարկաւագներով հանդերձ:
2. Շնորհ ձեզ եւ խաղաղութի՛ւն մեր Հայր Աստծուց եւ Տէր Յիսուս Քրիստոսից:
3. Գոհութիւն եմ յայտնում իմ Աստծուն ամէն անգամ, երբ ձեզ յիշում եմ իմ բոլոր աղաչանքներում:
4. Ձեզ բոլորիդ համար աղօթում եմ խնդութեամբ՝
5. առաջին օրուանից մինչեւ այժմ Աւետարանին ձեր ունեցած մասնակցութեան համար:
6. Վստահ եմ այն բանում, թէ ով որ ձեր մէջ սկսեց բարի գործերը, աւարտին կը հասցնի մինչեւ Յիսուս Քրիստոսի օրը:
7. Ինչպէս որ ճշմարիտ է թոււի ինձ այդպէս խորհել ձեր բոլորի մասին, քանի որ ես ձեզ ունեմ իմ սրտում, դուք, որ իմ կապանքների եւ Աւետարանի պաշտպանութեան ու հաստատման մէջ բոլորդ ինձ եղած շնորհին բաժնեկից եղաք:
8. Վկայ է ինձ Աստուած, թէ ինչպէ՛ս եմ կարօտել ձեզ բոլորիդ Քրիստոս Յիսուսի գորովով:
9. Եւ ահա այս աղօթքն եմ անում. թող ձեր սերը աւելի եւ աւելի առատանայ գիտութեան եւ ամենայն իմաստութեան մէջ,
10. որպէսզի դուք լաւն ընտրեք, հաստատուն մնաք եւ առանց գայթակղութեան լինեք Քրիստոսի օրուայ համար՝
11. լցուած արդարութեան պտուղներով, Յիսուս Քրիստոսի միջոցով, ի փառս եւ ի գովութիւն Աստծու:
12. Ուզում եմ, որ գիտենաք, եղբայրներ՛, թէ ինչ որ ինձ պատահեց, աւելի շուտ Աւետարանի առաջընթացին ծառայեց:
13. Նոյնիսկ իմ կապանքները, որ Քրիստոսի համար են, յայտնի եղան պալատի ամբողջ անձնակազմին եւ միւս բոլոր տեղերում,
14. ինչպէս նաեւ Տիրոջը միացած շատ եղբայրներին, որոնք, քաջալերուած իմ կապանքներով, առաւել եւս համարձակ գտնուեցին՝ առանց երկիւղի քարոզելու Աստծու խօսքը:
15. Ոմանք՝ նախանձից եւ հակառակութիւնից դրդուած, իսկ ոմանք բարի մտադրութեամբ է, որ Քրիստոս են քարոզում:
16. Ոմանք էլ՝ սիրուց մղուած, քանզի գիտեն, որ կանգնած եմ Աւետարանի պաշտպանութեան համար:
17. իսկ ոմանք Քրիստոսի մասին պատմում են հակառակութեան համար եւ ոչ թէ մաքուր սրտով, կարծելով, թէ նեղութիւններ են աւելացնում իմ կապանքների վրայ:
18. Բայց ինչ փոյթ. ինչ ձեւով էլ լինի, թէ՛ միտումնաւոր եւ թէ՛ ճշմարտութեամբ, Քրիստոսն է քարոզւում. եւ սրա համար ուրախ եմ ես, այլեւ պիտի շարունակեմ ուրախանալ:
19. որովհետեւ գիտեմ, որ դա ծառայելու է իմ փրկութեանը՝ ձեր աղաչանքներով եւ Յիսուս Քրիստոսի Հոգու օգնութեամբ,
20. ըստ իմ ակնկալութեան եւ յոյսի, որպէսզի ոչնչով ամօթով չմնամ, այլ լինեմ կատարելապէս համարձակ, եւ ինչպէս միշտ, նաեւ այժմ, մեծարուի Քրիստոս իմ մարմնի մէջ թէ՛ իմ ապրելով եւ թէ՛ մեռնելով:
21. քանի որ ինձ համար կեանքը Քրիստոսն է, իսկ մեռնելը՝ շահ:
22. Ապա եթէ այս մարմնի կեանքը արդիւնաւոր գործի համար է, ես չգիտեմ, թէ ո՛րն ընտրեմ:
23. Ճնշուած եմ երկուսից էլ. մարմնից դուրս գալը եւ Քրիստոսի հետ լինելը աւելի լաւ եմ համարում:
24. իսկ մնալ այս մարմնի մէջ՝ առաւել կարելոր է ձեզ համար:
25. Եւ համոզուած եմ ու գիտեմ, որ կը մնամ եւ կ'ապրեմ ձեզ բոլորիդ հետ, որ դուք



զարգանաք եւ ուրախ լինէք հաւատի մէջ,

26. որպէսզի ինձնով ձեր պարծանքը առաւել լինի Քրիստոս Յիսուսով, երբ ես վերստին գամ ձեզ մօտ:

27. Միայն թէ Աւետարանին արժանի ձեւով ընթացէ՛ք, որպէսզի ձեզ տեսնելու գամ թէ հեռու լինեմ, լսեմ ձեր մասին, որ հաստատուն եք մնացել մէկ հոգով եւ որպէս մէկ շունչ պայքարում եք Աւետարանի հաւատի համար.

28. եւ ոչնչով մի՛ վախեցէք հակառակորդներից. դա ապացոյց է նրանց կորստեան եւ ձեր փրկութեան:

29. եւ դա Աստծուց է, որ շնորհուէց ձեզ Քրիստոսի համար, որպէսզի ոչ միայն հաւատաք նրան, այլեւ նրա համար չարչարուէք՝

30. մղելով նոյն պատերազմը, որն իմ մէջ տեսաք եւ այն լսում եք ինձնից:

1. Արդ, եթե կայ մխիթարութիւն Քրիստոսով, եթե կայ սիրոյ սփոփանք, եթե կայ Հոգու հաղորդութիւն, եթե կայ գթութիւն եւ ողորմութիւն, ուրեմն՝
2. կատարեալ դարձրէք իմ ուրախութիւնը. նոյն բանը խորհեցէք, նոյն սերն ունեցէք ձեր մէջ, եղէ՛ք միաշունչ, միախորհուրդ:
3. Մի՛ արէք որեւէ բան հակառակութեան ոգով, ոչ էլ որեւէ բան՝ սնապարծութեամբ, այլ խոնարհութեամբ մէկդ միւսին անելի լա՛ւ համարեցէք, քան ինքներդ ձեզ:
4. Միայն ձեր շահը մի՛ փնտռէք, այլ իւրաքանչիւր ոք՝ ընկերոջ շահն էլ:
5. Ձեզանից իւրաքանչիւրը թող խորհի այն, ինչ որ կայ Քրիստոս Յիսուսի մէջ,
6. որը Աստծու կերպարանքով էր, բայց Աստծուն հաւասար լինելը յափշտակութիւն չհամարեց,
7. այլ իր անձը ունայնացրեց՝ ծառայի կերպարանք առնելով, մարդկանց նման լինելով եւ մարդու կերպարանքով խոնարհեցրեց ինքն իրեն՝
8. հնազանդ լինելով մինչեւ մահ եւ այն էլ մահուան՝ խաչի վրայ:
9. Դրա համար էլ Աստուած նրան առաւել բարձրացրեց եւ նրան շնորհեց մի անուն, որ վեր է, քան ամէն անուն,
10. որպէսզի Յիսուս Քրիստոսի անունով խոնարհուի ամէն ծունկ՝ լինի թէ՛ երկնաւորների, թէ՛ երկրաւորների եւ թէ՛ սանդարամետականների.
11. եւ ամէն լեզու խոստովանի, թէ Յիսուս Քրիստոս Տէ՛ր է՝ ի փառս Հայր Աստծու:
12. Ուրեմն, իմ սիրելիներ, ինչպէս միշտ հնազանդուել էք, երբ եկել եմ ձեզ մօտ, այնպէս էլ հնազա՛նդ եղէք առաւել եւս այժմ, երբ հեռու եմ ձեզանից. ահով եւ դողով դուք ձեր փրկութեան համար աշխատեցէ՛ք.
13. որովհետեւ Աստուած է, որ յաջողեցնում է ձեր մէջ կամենալը եւ կատարելը իր հաճութեան համար:
14. Ամէն ինչ արէ՛ք առանց տրտնջալու եւ առարկելու,
15. որպէսզի լինէք անբիծ եւ անարատ, Աստծու որդիներ, անմեղներ՝ կամակոր եւ խոտորուած ազգի մէջ, ուր պիտի փայլէք ինչպէս լուսատուներն աշխարհում
16. ձեր մէջ պահելով կեանքի խօսքը, որ պիտի լինի իմ պարծանքը Քրիստոսի օրուայ համար, որպէսզի ընդունայն ընթացած եւ ընդունայն աշխատած չլինեմ:
17. Թէկուզ եւ ձեր հաւատին իբրեւ պատարագ եւ զոհ ընծայուեմ, ուրախ եմ եւ մասնակից ձեր բոլորի հրճուանքին:
18. Նոյնպէս եւ դուք հրճուեցէ՛ք եւ մասնակի՛ց եղէք իմ ուրախութեանը:
19. Բայց յոյս ունեմ ի Տէր Յիսուս՝ Տիմոթէոսին շուտափոյթ ուղարկելու ձեզ մօտ, որպէսզի իմ սիրտն էլ հանգիստ լինի, երբ ձեր մասին բան իմանամ.
20. որովհետեւ ոչ ոք չունեմ նրա նման սրտակից, որ հարազատի պէս հոգայ ձեր մասին,
21. քանզի բոլորն էլ իրե՛նց շահն են փնտռում եւ ո՛չ Յիսուս Քրիստոսինը:
22. Բայց նրա փորձուած լինելը դուք էլ գիտէք, որովհետեւ ինձ հետ Աւետարանին ծառայեց այնպէս, ինչպէս որդին՝ հօրը:
23. Արդ, մտադիր եմ ուղարկել սրան, երբ որ իմ վիճակը պարզ լինի:
24. Եւ յոյս ունեմ ի Տէր, որ ինքս էլ կը գամ շուտով:
25. Բայց անհրաժեշտ համարեցի ձեզ մօտ ուղարկել Եպափրոդիտոս եղբօրը՝ իմ գործակցին եւ մարտակցին, որ դուք ուղարկել էիք իմ կարիքները հոգալու համար,
26. քանի որ ինքն էլ շատ կարօտել է ձեզ եւ ցանկանում է ձեզ բոլորիդ տեսնել. նա մտահոգուած էր, որ դուք լսել էիք, թէ ինքը հիւանդացել է:
27. Եւ արդարեւ հիւանդացաւ մերձիմահ. բայց Աստուած ողորմեց նրան. ոչ միայն նրան, այլեւ՝ ինձ, որպէսզի տրտմութեան վրայ տրտմութիւն չկրեմ:
28. Արդ, շտապ ուղարկեցի նրան, որպէսզի, նրան տեսնելով, կրկին ուրախ լինէք, եւ ես չտրտմեմ:
29. Ընդունեցէ՛ք նրան ի Տէր ամենայն ուրախութեամբ եւ այդպիսիներին պատուական

անձեր համարեցէ՛ք,

30. քանի որ նա Տիրոջ գործի համար մինչեւ մահուան դուռը հասաւ՝ իր կեանքն իսկ վտանգելով, որպէսզի ինձ ծառայելու հարցում ձեր պակասը լրացնի:

1. Ուրեմն, իմ եղբայրներ՝, ուրախ եղեք ի Տեր. նոյն բաները ձեզ գրելն ինձ համար ծանծրալի չէ, իսկ ձեզ համար մեծ ապահովութիւն է:
2. Չգուշացէ՛ք շներից, զգուշացէ՛ք չար մշակներից, զգուշացէ՛ք թլփատութեան կողմնակիցներից.
3. քանզի իսկական թլփատութիւնը մենք ենք, որ Աստծուն ծառայում ենք Հոգով եւ պարծենում ենք Քրիստոս Յիսուսով, իսկ մարմնով չենք պարծենում,
4. թէեւ ինքս էլ մարմնի վրայ նոյն վստահութիւնն ունեմ: Եթէ մէկը կարծում է, որ ինքն այլ կերպ վստահութիւն ունի մարմնի վրայ, ես՝ առաւել եւս.
5. թլփատուել եմ ութերորդ օրը, Իսրայելի ցեղից եմ, Բենիամինի սերնդից, եբրայեցի՝ եբրայեցի ծնողներից, ըստ օրենքի՝ փարիսեցի,
6. ըստ նախանձախնդրութեան՝ հալածում էի եկեղեցին, ըստ օրենքի արդարութեան՝ անբասիր:
7. Բայց ինչ որ ինձ համար շահ էր, այն վնաս համարեցի Քրիստոսի համար:
8. Եւ ամէն բան, արդարեւ, վնաս եմ համարում մեր Տեր Յիսուս Քրիստոսի գերազանց գիտութեան համար: Նրա համար ամէն ինչից զրկուեցի, - եւ այդ բոլորը աղբ եմ համարում, - որպէսզի շահեմ Քրիստոսին
9. եւ գտնուեմ նրա մէջ. ո՛չ թէ նրա համար, որ ունենամ իմ արդարութիւնը, որ օրենքից է, այլ Քրիստոսի հաւատից եղած արդարութիւնը, որ Աստծուց եկող արդարութիւնն է՝ հաւատով,
10. որպէսզի ճանաչեմ նրան եւ նրա յարութեան զօրութիւնը ու մասնակից լինեմ նրա չարչարանքներին, կերպարանակից՝ նրա մահուան,
11. որպէսզի հասնեմ մեռելներից յարութիւն առնելուն:
12. Ոչ թէ արդէն հասել եմ նպատակին կամ արդէն կատարեալ եմ, այլ հետամուտ եմ, որ հասնեմ դրան, որի համար էլ բռնուած եմ Քրիստոս Յիսուսից:
13. Եղբայրներ՝, ես ինքս ինձ նպատակին հասած չեմ համարում. բայց խնդիրն այն է, որ յետեւում մնացածները մոռացած՝ ձգտում եմ դէպի իմ առջեւում եղածները.
14. ուշադիր վազում եմ աստուածային կոչմանս նպատակակետին՝ Քրիստոս Յիսուսով:
15. Ուրեմն, դուք բոլորդ, որ կատարեալ էք, այս բանը խորհեցէ՛ք. եթէ ուրիշ բան խորհեք, Աստուած ձեզ ա՛յդ էլ կը յայտնի:
16. Միայն թէ ինչի որ հասանք, նո՛յնը խորհենք եւ նո՛յն կանոնի համաձայն ընթանանք:
17. Եղբայրներ՝, նմանուեցէ՛ք ինձ եւ լա՛ւ նայեցեք այնպիսիներին, որ նոյն ձեւով են ընթանում, ինչպէս մենք, որ օրինակ ենք ձեզ համար.
18. որովհետեւ շատերը, - որոնց մասին շատ անգամ ասել եմ ձեզ եւ այժմ էլ լալով եմ ասում, - ընթանում են որպէս թշնամիներ Քրիստոսի խաչի.
19. նրանց վախճանը կորուստ է. նրանց աստուածը իրենց որովայնն է, եւ փառքը՝ իրենց ամօթը: Նրանք միայն երկրաւոր բաներն են խորհում:
20. Իսկ մեր քաղաքացիութիւնը երկնքում է, որտեղից եւ ակնկալում ենք Փրկչին՝ Տիրոջը՝ Յիսուս Քրիստոսին,
21. որ նորոգելու է մեր խոնարհ մարմինը, որպէսզի այն կերպարանակից լինի իր փառաւոր մարմնին, այն զօրութեամբ, որ կարող է հնազանդեցնել ամէն բան իր իշխանութեանը:

1. Ուրեմն, իմ սիրելի՛ եւ ցանկալի՛ եղբայրներ, որ իմ ուրախութիւնն ու պսակն էք, այսպէս հաստատո՞ւն մնացէք ի Տէր, սիրելիներ՛:
2. Խնդրում եմ Եւոդիային եւ խնդրում եմ Սիւնտիքին, որ նոյն խորհուրդն ունենան ի Տէր:
3. Այո՛, քեզ էլ եմ աղաչում, իմ հարազատ լծակից, դո՛ւ էլ օգնիր նրանց, որոնք անետարանի համար պայքարեցին ինձ հետ Կղեմէսի եւ իմ միւս գործակիցների հետ միասին. նրանց անունները կեանքի գրքի մէջ են:
4. Միշտ ուրախ եղէք Տիրոջով, դարձեալ եմ ասում՝ ուրախ եղէք:
5. Թող ձեր հեգութիւնը յայտնի լինի բոլոր մարդկանց: Տէրը մօտ է:
6. Հոգ մի՛ արեք, այլ աղօթքներով եւ աղաչանքներով ձեր խնդրանքները գոհաբանութեամբ յայտնի թող լինեն Աստծուն:
7. Եւ Աստծու խաղաղութիւնը, որ վեր է, քան ամենայն միտք, պիտի պահի ձեր սրտերը եւ մտածումները Քրիստոս Յիսուսով:
8. Եւ վերջապէս, եղբայրներ՛, ինչ որ ճշմարտութեամբ է, ինչ որ՝ պարկեշտութեամբ, ինչ որ՝ արդարութեամբ, ինչ որ՝ սրբութեամբ, ինչ որ՝ սիրով, ինչ որ՝ բարի համբաւով, ինչ որ՝ առաքինութեամբ, ինչ որ՝ գովութեամբ, - ա՛յն խորհեցէք:
9. Ինչ որ ուսանեցիք, ընդունեցիք, լսեցիք եւ տեսաք իմ մէջ, ա՛յն արեք: Եւ խաղաղութեան Աստուածը թող լինի ձեզ հետ:
10. Ես չափազանց ուրախ եղայ Տիրոջով, որ դուք էլ էք մտածել հոգ տանել իմ մասին, ինչպէս արդէն հոգում էիք ինձ համար, բայց առիթ չէիք ունենում:
11. Կարիքի մէջ լինելու համար չէ, որ ասում եմ այս բանը, քանի որ ես սովոր եմ գոհ լինել իմ վիճակից:
12. Գիտեմ գրկանքով ապրել, գիտեմ առատութեան մէջ լինել: Ամէն ինչում, բոլոր պայմանների տակ, սովորել եմ թէ՛ կուշտ լինել, թէ՛ քաղցած մնալ, թէ՛ առատութեան մէջ լինել, թէ՛ գրկանք կրել:
13. Ամէն ինչի կարող եմ նրա՛ շնորհիւ, ով ինձ զօրացրեց:
14. Բայց դուք լաւ արեցիք, որ օգնեցիք ինձ նեղութեանս մէջ:
15. Դուք էլ գիտէք, փիլիպեցիներ՛, որ Աւետարանի քարոզութեան սկզբում, երբ ես ելայ Մակեդոնիայից, ո՛չ մի եկեղեցի տալու եւ առնելու հարցում չօգնեց ինձ, բացի ձեզնից,
16. որ մէկ-երկու անգամ իմ կարիքների համար օգնութիւն ուղարկեցիք Թեսաղոնիկէ:
17. Ոչ թէ նուէրներ եմ փնտռում, այլ փնտռում եմ այն պտուղը, որ անելանալու է ձեր հաշուին:
18. Իսկ ես ամէն ինչ առել եմ եւ առատութեան մէջ եմ. լիացած եմ Եպափրոդիտոսի միջոցով ձեզնից ստացածս նուէրով, որ անուշահոտութիւն է, ընդունելի պատարագ՝ Աստծուն հաճելի:
19. Եւ իմ Աստուածը կը լցնի ձեր կարիքները իր հարստութեան չափով, փառքով, Քրիստոս Յիսուսի միջոցով:
20. Արդ, Աստծուն եւ մեր Հօրը փառք յաւիտեանս յաւիտենից: Ամէն:
21. Ողջունեցէ՛ք բոլոր սրբերին ի Քրիստոս Յիսուս:
22. Ողջունում են ձեզ այն եղբայրները, որ ինձ հետ են:
23. Ողջունում են ձեզ բոլոր սրբերը, մանաւանդ նրանք, որ Կայսրի տնից են:
24. Տէր Յիսուս Քրիստոսի շնորհը ձեր հոգու հետ լինի: Ամէն:

# ԿՈՂՈՍԱԳՑԻՆԵՐ

## Գլուխ 1

1. Պօղոսը՝ առաքելալը Յիսուս Քրիստոսի՝ Աստծու կամքով, եւ Տիմոթէոս եղբայրը՝
2. Կողոսիայում եղող սրբերին եւ հաւատացեալ եղբայրներին ի Քրիստոս:
3. Շնորհ ձեզ եւ խաղաղութի՛ն մեր Հայր Աստծուց եւ Տէր Յիսուս Քրիստոսից:
4. Գոհութիւն ենք յայտնում Աստծուն եւ մեր Տէր Յիսուս Քրիստոսի Հօրը՝ միշտ ձեզ համար աղօթք անելով,
5. լսելով ձեր հաւատի մասին ի Տէր Քրիստոս Յիսուս եւ սիրոյ մասին, որ ունեք բոլոր սրբերի հանդէպ,
6. այն յոյսի համար, որ պահուած է ձեզ երկնքում: Այդ յոյսի մասին նախապէս լսել էք Աւետարանի ճշմարտութեան խօսքով,
7. որ հասաւ մինչեւ ձեզ. եւ թէ ինչպէս այն աճում ու պտղաբերում է ամբողջ աշխարհում, ինչպէս եւ ձեր մէջ, այն օրից, երբ լսեցիք ու ճշմարտութեամբ ճանաչեցիք Աստծու շնորհը
8. եւ ինչպէս ուսանեցիք մեր սիրելի ծառայակից Եպափրասից, որը Յիսուսի հաւատարիմ ծառան է ձեզ համար
9. եւ որը պատմեց մեզ այն սերը՝ որ Հոգին տուեց ձեզ:
10. Դրա համար մենք էլ՝ այն օրուանից, երբ լսեցինք այդ, չենք դադարում ձեզ համար աղօթելուց եւ Աստծուն աղաչանքներ մատուցելուց, որպէսզի լցուէք նրա կամքի գիտութեամբ՝ ունենալով կատարեալ իմաստութիւն եւ հոգեւոր իմացութիւն՝
11. ապրելու համար Տիրոջն արժանի եւ ամէն ինչում նրան հաճելի ձեւով, բոլոր բարի գործերում պտղաբեր լինելու եւ Աստծու գիտութեամբ աճելու համար՝
12. զօրացած նրա ամբողջ ուժով, նրա փառքի զօրութեամբ, կատարեալ համբերութեամբ եւ յարատեւութեամբ:
13. Գոհութիւն Հօրը, որ մեզ արժանացրեց մասնակից լինելու լուսաբնակ սրբերի վիճակին.
14. նա փրկեց մեզ խաւարի իշխանութիւնից եւ մեզ փոխադրեց արքայութիւնն իր սիրելի Որդու,
15. որով փրկութիւն ունենք նրա արեամբ եւ մեղքերի թողութիւն՝ նրա մարմնով:
16. Նա պատկերն է աներեւոյթ Աստծու, անդրանիկը բոլոր արարածների.
17. որովհետեւ նրանով ստեղծուեց այն ամէնը, ինչ որ երկնքում է եւ ինչ որ՝ երկրի վրայ, ինչ որ երեւում է եւ ինչ որ չի երեւում. թե՛ զահեր, թե՛ տերութիւններ, թե՛ պետութիւններ, թե՛ իշխանութիւններ, - ամէն ինչ նրանով եւ նրա՛ համար ստեղծուեց.
18. եւ նա կար առաջ, քան ամէն ինչ. եւ ամէն ինչ նրանով է կանգնած հաստատ:
19. Եւ նա՛ է գլուխը մարմնի, որ եկեղեցին է. նա՛, որ սկիզբ է, անդրանիկը՝ մեռելների միջից, որպէսզի ինքը լինի ամէն ինչում նախապատիւը.
20. որովհետեւ Աստուածութեան լրիւ ամբողջութիւնը նրա՛ մէջ հաճեց բնակուել
21. եւ նրանով հաշտեցնել ամէն ինչ իր հետ՝ խաղաղութիւն անելով խաչի վրայ թափած իր արեամբ ե՛ւ երկրի վրայ, ե՛ւ երկնքում եղածների համար:
22. Եւ ձեզ, որ մի ժամանակ օտարացած եւ թշնամացած էիք Նրան ձեր մտածումներով եւ չար գործերով, այժմ,
23. ահա՛ւասիկ, հաշտեցրեց ձեզ իր իսկ մարմնով եւ իր մահուամբ, որպէսզի ներկայացնի ձեզ Աստծու առաջ սուրբ, անբիծ եւ անարատ,
24. եթէ ամուր ու անսասան մնաք հաւատի մէջ եւ անխախտ՝ յոյսի մէջ այն Աւետարանի, որ լսեցիք եւ որ քարոզուեց երկնքի տակ գտնուող բոլոր արարածներին, եւ որին ես՝ Պօղոսը, սպասաւոր եղայ:
25. Եւ այժմ ուրախ եմ ձեզ համար կրած իմ չարչարանքների համար եւ լրացնում եմ իմ մարմնի մէջ Քրիստոսի նեղութիւնների պակասը իր մարմնի համար, որ է եկեղեցին.
26. դրան ես՝ Պօղոսը, սպասաւոր եղայ ըստ Աստծու տնտեսութեան, որ տրուեց ինձ՝ ձեր մէջ կատարելապէս քարոզելու Աստծու խօսքը,
27. այն խորհուրդը, որ ծածկուած էր դարերից եւ սերունդներից, եւ որ այժմ յայտնուեց

իր սրբերին.

28. Աստուած ուզեց ցոյց տալ նրանց, թէ փառքի ինչ ճոխութիւն կայ այս խորհրդի մէջ հեթանոսների համար. եւ այդ խորհուրդը այս է. Քրիստոս՝ փառքի յոյսը, ձեր մէջ:

29. Այդ Քրիստոսն ենք քարոզում մենք, յորդորում ենք ամէն մարդու եւ ուսուցանում ամէն մարդու ամենայն հոգեւոր իմաստութեամբ, որպէսզի ամէն մարդու կատարեալ դարձնենք ի Քրիստոս Յիսուս,

30. որի համար եւ աշխատում ու պայքարում են ըստ նրա այն ուժի, որ գործում է իմ մէջ զօրութեամբ:



1. Ուզում եմ, որ դուք գիտենաք, թե ինչպիսի նեղություն եմ կրում ձեզ համար եւ լաւոյիկեցիների համար եւ բոլոր նրանց համար, որոնք իմ երեսը չեն տեսել անձնապէս,
2. որպէսզի միխթարուեն նրանց սրտերը, մէկտեղուեն սիրով եւ հասնեն կատարեալ իմաստութեան ճոխութեանը՝ ճանաչելու համար Աստծու խորհուրդը, որ յայտնուած է ի Քրիստոս Յիսուս,
3. որի մէջ պահուած են գիտութեան եւ իմաստութեան բոլոր գանձերը:
4. Եւ այս բանն ասում եմ, որպէսզի ոչ ոք ձեզ չմոլորեցնի պատիր խօսքերով.
5. որովհետեւ, թալտեւ հեռու եմ մարմնով, բայց հոգով ձեզ հետ եմ. ուրախանում եմ, երբ տեսնում եմ ձեր բարի վարքը եւ ձեր հաւատի ամրութիւնը ի Քրիստոս Յիսուս:
6. Արդ, ինչպէս որ ընդունեցիք Քրիստոս Յիսուսին՝ Տիրոջը, այնպէս էլ ընթացէ՛ք նրանով՝
7. արմատաւորուած եւ կառուցուած նրա վրայ, հաստատ մնալով հաւատի մէջ, ինչպէս որ ուսանեցիք, որպէսզի աճէք նրա մէջ գոհութեամբ:
8. Չգո՛յշ եղէք, չլինի թէ մէկը ձեզ գրաւի ճարտարամտութեամբ եւ սնոտի խաբէբայութեամբ. դրանք մարդկային աւանդութեան եւ բնութեան տարերային ուժերի վրայ են հիմնուած եւ ոչ Յիսուս Քրիստոսի ճշմարիտ վարդապետութեան վրայ.
9. քանի որ նրա մէջ է բնակւում Աստուածութեան ամբողջ լիութիւնը մարմնապէս:
10. Դուք էլ էք լցուած նրանով, որ գլուխն է ամեն իշխանութեան եւ պետութեան.
11. նրանով դուք անձեռագործ թլփատութեամբ թլփատուեցիք հաւատով՝ մերկանալով մեղանշական մարմնից Քրիստոսի թլփատութեամբ.
12. թաղուելով նրա հետ մկրտութեան մէջ՝ դրանով իսկ նրա հետ յարութիւն առաք Աստծու զօրութեանը հաւատալով, որը նրան յարութիւն տուեց մեռելներից:
13. Եւ ձեզ, որ մի ժամանակ մեռել էիք մեղքերի եւ ձեր մարմնի անթլփատութեան մէջ, կենդանացրեց իր հետ:
14. Նա ներեց մեզ մեր բոլոր յանցանքները եւ ոչնչացրեց հրամաններով հաստատուած այն պարտամուրհակը, որ մեր դէմ էր, վերացրեց այն մէջտեղից եւ մեխեց խաչափայտին:
15. Իշխանութիւններին եւ պետութիւններին զինաթափ արեց, հրապարակաւ խայտառակեց՝ նրանց պարտութեան մատնելով Քրիստոսի միջոցով՝ նրա յարութեամբ:
16. Ուրեմն, թող ոչ ոք ձեզ չդատապարտի ուտելու կամ խմելու, տօնական օրերի, նորալուսնի կամ շաբաթի հարցում,
17. որոնք գալիք բաների ստուերներն են. բուն մարմինը Քրիստոսն է:
18. Թող ձեզ չխաբի ոչ ոք, որին հաճելի է, խոնարի ձեւանալով, հրեշտակների պաշտամունք մատուցելով, դեռ չտեսած բաներին միջամուխ լինելով, անտեղի հպարտանալ մարմնական մտածումներով:
19. Այդպիսին չի կարող կապուած լինել գլխին՝ Քրիստոսին, որից ամբողջ մարմինը, յօդերով եւ յօդակապերով հաղորդակցուած եւ միակցուած, իր աճումն է ստանում այն աճումով, որ Աստծուց է:
20. Եթէ մեռաք Քրիստոսի հետ եւ այս աշխարհի տարերքի իշխանութիւնից դուրս եկաք, էլ ինչո՞ւ աշխարհում ապրող էակների նման հետեւում էք կանոններին՝ ասելով.
21. Մի՛ մօտեցիր, մի՛ ճաշակիր, մի՛ դիպչիր,
22. քանի որ այդ բոլորը, գործածուելով, ապականւում են՝ ըստ մարդկանց պատուիրանների եւ վարդապետութեան:
23. Նրանք կարող են իմաստուն ձեւանալ իրենց ինքնական կրօնով, խոնարհութեամբ եւ իրենց մարմնի խստակեցութեամբ. բայց այդ բոլորը մարմնական ցանկութիւնները զսպելու համար ոչ մէկ արժէք չեն ներկայացնում:

1. Եթե յարութիւն առաք Քրիստոսի հետ, ապա փնտռեցէ՛ք վերին բաները, այնտեղ, ուր Քրիստոս նստած է Աստծու աջ կողմը:
2. Վերի՛ն բաների մասին խորհեցէք եւ ո՛չ թէ այն, որ այստեղ՝ երկրի վրայ է,
3. քանզի մեռած էք, եւ ձեր կեանքը պահուած է Քրիստոսի հետ՝ Աստծու մօտ:
4. Իսկ երբ Քրիստոս՝ ձեր կեանքը, յայտնուի, այն ժամանակ դուք էլ նրա հետ կը յայտնուէք փառքով:
5. Սպանեցէ՛ք ուրեմն ձեր երկրաւոր ցանկութիւնները. դէ՛ն գցեցէք պոռնկութիւն, պղծութիւն, յռօի կրքեր, չար ցանկութիւն եւ ագահութիւն, որ կռապաշտութիւն է:
6. Դրա համար է, որ անհնազանդ որդիների վրայ գալիս է Աստծու բարկութիւնը:
7. Դուք էլ էիք մի ժամանակ ընթանում այդ մեղքերով, երբ ապրում էիք դրանց մէջ:
8. Այժմ դուք եւս թօթափեցէ՛ք այդ բոլորը՝ բարկութիւն, գայրոյթ, չարութիւն, հայիոյութիւն եւ խեղկատակութիւն՝ ձեր բերաններից:
9. Մի՛ ստէք միմեանց. հանեցէ՛ք ձեր վրայից հին մարդուն իր գործերով
10. եւ հագէ՛ք նորը, այն, որ նորոգուած է գիտութեամբ, ըստ իր Արարչի պատկերի.
11. այլեւս չկայ հրեայ, ոչ էլ հեթանոս, թլփատութիւն եւ անթլփատութիւն, բարբարոս, սկիւթացի, ծառայ, ազատ, այլ՝ Քրիստոս, որ ամէն ինչ է ամէն բանի մէջ:
12. Որպէս Աստծու ընտրեալներ, սրբեր եւ սիրելիներ, հագէ՛ք, ուրեմն, գութ, ողորմութիւն, քաղցրութիւն, խոնարհութիւն, հեգութիւն, համբերատարութիւն՝
13. հանդուրժելով միմեանց, ներելով միմեանց, եթէ մէկը միւսի դէմ գանգատ ունի. ինչպէս Աստուած Քրիստոսով ներեց ձեզ, նոյն ձեւով արէ՛ք եւ դուք:
14. Եւ այս բոլորի վրայ հագէ՛ք սերը, որ կապն է կատարելութեան:
15. Եւ ձեր սրտերում թող հաստատուի Քրիստոսի խաղաղութիւնը, որին եւ կոչուեցիք մէկ մարմնով. եւ գոհութի՛ւն մատուցեցէք:
16. Թող Քրիստոսի խօսքը բնակուի ձեր մէջ առատապէս, որ կատարեալ իմաստութեամբ ուսուցանէք եւ խրատէք միմեանց՝ սաղմոսներով, օրհներգութիւններով, հոգեւոր երգերով եւ երախտագիտութեամբ օրհնելով ձեր սրտերում Աստծուն:
17. Եւ ինչ որ անէք խօսքով եւ գործով, բոլորն արէ՛ք Տէր Յիսուսի անունով. գոհութի՛ւն մատուցեցէք նրանով Աստծուն եւ Հօրը:
18. Կանա՛յք, հնազա՛նդ եղէք ձեր մարդկանց, ինչպէս որ վայել է ի Տէր:
19. Մարդի՛կ, սիրեցէ՛ք ձեր կանանց եւ մի՛ դառնացրէք նրանց:
20. Որդիներ՛, ամէն ինչում հնազա՛նդ եղէք ձեր ծնողներին, որովհետեւ հաճելին այդ է Տիրոջ առաջ:
21. Հայրե՛ր, մի՛ գայրացրէք ձեր որդիներին, որ չուսալքուեն:
22. Ծառանե՛ր, ամէն ինչում հնազա՛նդ եղէք ձեր մարմնաւոր տերերին, ոչ թէ մարդահաճոյ կերպով, ցուցադրական ծառայութեամբ, այլ սրտի անկեղծութեամբ՝ երկիւղ կրելով Տիրոջից:
23. Ինչ որ անէք, արէք սրտա՛նց, որպէս թէ Տիրոջ համար էք անում եւ ոչ թէ՝ մարդկանց համար:
24. Իմացէ՛ք, որ Տիրոջից պիտի ստանաք ձեր ժառանգութեան հատուցումը, քանզի Տէր Քրիստոսին էք ծառայում:
25. Իսկ անիրաւը պիտի պատժուի ըստ իր անիրաւութեան, քանի որ Աստծու առաջ աչառութիւն չկայ:

1. Տէրե՛ր, ծառաների հետ վարուեցէ՛ք ուղղամտութեամբ եւ արդարութեամբ. իմացէ՛ք, որ դուք էլ Տէր ունեք երկնքում:
2. Յաճա՛խ աղօթեցէք՝ աղօթքի մէջ արթուն մնալով գոհութեամբ:
3. Միաժամանակ աղօթեցէք եւ մե՛զ համար, որպէսզի Աստուած բացի մեր առաջ խօսքի դուռը՝ յայտնելու խորհուրդը Քրիստոսի, որի համար էլ կապանքների մէջ եմ,
4. որպէսզի յայտնի դարձնեմ նրան՝ խօսելով այնպէս, ինչպէս որ պետք է խօսեմ:
5. Իմաստութեամբ վարուեցէք դրսեցիների հետ՝ օգտագործելով ժամանակը:
6. Եւ ձեր խօսքը թող լինի միշտ լի Տիրոջ շնորհով, որպէս թէ աղով համեմուած լինի, որպէսզի դուք իմանաք, թէ ինչպէ՛ս պետք է պատասխան տաք իւրաքանչիւրին:
7. Իսկ ինչ վերաբերում է ինձ, այդ բոլորի մասին ձեզ կը պատմի Տիւքիկոսը՝ սիրելի եղբայրը եւ հաւատարիմ պաշտօնեան եւ իմ ծառայակիցը ի Տէր.
8. նրան ձեզ մօտ ուղարկեցի այդ բանի համար, որպէսզի իմանաք մեր մասին, եւ նա մխիթարի ձեր սրտերը.
9. նրան ուղարկեցի հաւատարիմ եւ սիրելի եղբօր՝ Օնեսիմոսի հետ միասին, որ ձեզնից է: Նրանք ձեզ կը պատմեն ամէն բան, որ կատարւում է այստեղ:
10. Ձեզ ողջունում է Արիստարքոսը՝ իմ բանտակիցը, ինչպէս նաեւ Բառնաբասի եղբօրորդի Մարկոսը (որի մասին հրահանգ ունեք, որ, եթէ ձեզ մօտ գայ, ընդունեք նրան).
11. ողջունում է նաեւ Յիսուսը՝ Յուստոս կոչուածը. սրանք թլփատուածներից են. սրա՛նք միայն գործակից եղան ինձ Աստծու արքայութեան համար եւ նոյնիսկ մխիթարութիւն եղան ինձ համար:
12. Ողջունում է ձեզ Եպափրասը՝ ձեզնից մէկը. Քրիստոս Յիսուսի այս ծառան միշտ տքնաջան աղօթում է ձեզ համար, որպէսզի մնաք կատարեալ եւ գործադրեք Աստծու կամքը ամէն բանի մէջ:
13. Վկայում եմ նրա մասին, որ շատ հոգածութիւն ունի ձեր եւ լաւողիկեցիների համար եւ բոլոր նրանց համար, որ Երապոսւում են:
14. Ողջունում է ձեզ Ղուկասը՝ բժիշկը եւ սիրելին, ինչպէս նաեւ Դեմասը:
15. Ողջունեցէ՛ք այն եղբայրներին, որ գտնւում են Լաւողիկիայում. եւ Նիմփային ու նրա տնական եկեղեցուն:
16. Եւ երբ այս թուղթն ընթերցուի ձեզ մօտ, այնպէս արեք, որ լաւողիկեցիների եկեղեցում էլ ընթերցուի. եւ լաւողիկեցիներին ուղարկուած թուղթն էլ դո՛ւք ընթերցեցէք:
17. Եւ ասացէ՛ք Արքիպպոսին. Չգո՛յշ եղիր այն սպասաւորութեան համար, որ ընդունեցիր Տիրոջով, որպէսզի այն կատարես:
18. Այս ողջոյնը իմ Պօղոսիս ձեռքով է: Իմ կապանքները պահեցէ՛ք ձեր մտքում: Շնո՛րի՛ ձեզ հետ:

# 1 ԹԵՍԱՂՈՆԻԿԵՑԻՆԵՐ

## Գլուխ 1

1. Պօղոսը, Սիդուանոսը եւ Տիմոթէոսը՝ թեսաղոնիկեցիներիդ եկեղեցուն՝ մեր Հայր Աստուծով եւ Տէր Յիսուս Քրիստոսով:
2. Շնորհ ձեզ եւ խաղաղութի՛ւն: Միշտ գոհութիւն ենք յայտնում Աստծուն ձեզ համար՝ բոլորիդ յիշատակելով մեր աղօթքներում,
3. անդադար յիշելով ձեր հաւատի գործը, սիրոյ վաստակը եւ յոյսի համբերութիւնը մեր Տէր Յիսուս Քրիստոսի, Աստծու եւ մեր Հօր առաջ:
4. Սիրելի՛ եղբայրներ, գիտցէ՛ք, որ ընտրուել էք Աստծու կողմից.
5. մեր Աւետարանը միայն խօսքերով չքարոզուեց ձեզ, այլ նաեւ զօրութեամբ, Սուրբ Հոգով եւ կատարեալ վստահութեամբ. գիտէք նաեւ, թէ ինչպիսի ընթացք ունեցանք ձեր մէջ ձեզ համար:
6. Եւ դուք, նմանուելով մեզ եւ Տիրոջը, ընդունեցիք խօսքը բազում նեղութեան մէջ Սուրբ Հոգու ուրախութեամբ՝
7. օրինակ հանդիսանալով բոլոր հաւատացեալներին, որոնք Մակեդոնիայում եւ Աքայիայում են.
8. ձեզնից հնչեց Աստծու խօսքը ոչ միայն Մակեդոնիայում եւ Աքայիայում, այլեւ առ Աստուած ձեր ունեցած հաւատը սփռուեց ամեն տեղ, այնպէս որ մեզ պէտք չէ մի որեւէ բան խօսել այդ մասին,
9. քանի որ մարդիկ իրենք իսկ պատմում են մեր մասին. թէ ինչպէս եղաւ մեր մուտքը ձեր մէջ, եւ թէ ինչպէս կուռքերից դարձաք առ Աստուած՝ ծառայելու համար կենդանի եւ ճշմարիտ Աստծուն
10. եւ սպասելու երկնքից նրա Որդու գալստեան, որին յարութիւն տուեց նա մեռելներից, Յիսուսին, որ պիտի փրկի մեզ վերահաս բարկութիւնից:

1. Եղբայրներ՝, դուք ինքներդ գիտեք, որ իզուր չեղաւ մեր մուտքը ձեր մէջ,
2. այլ, նախապէս չարչարուելով եւ անարգուելով Փիլիպեոմ, - ինչպէս որ դուք էլ գիտեք, - մեր Աստուծով համարձակուեցինք պատմել ձեզ Աստծու Աւետարանը մեծ ընդդիմութեան հանդիպելով.
3. որովհետեւ մեր յորդորը ո՛չ մոլորութիւնից է, ո՛չ պղծութիւնից եւ ո՛չ էլ նենգամտութիւնից:
4. Այլ, ինչպէս ընտրուեցինք Աստծուց՝ հաւատարիմ լինելու Աւետարանին, այնպէս էլ խօսում ենք՝ հաճելի լինելու համար ոչ թէ մարդկանց, այլ՝ Աստծուն, որ քննում է մեր սրտերը.
5. շողորթութեան խօսքեր երբեք չգործածեցինք ձեզ մօտ, ինչպէս որ դուք էլ գիտեք. եւ ոչ էլ եղանք ձեր մէջ ազահութիւնից մղուած, ինչպէս որ Աստուած էլ վկայ է.
6. եւ փառք չփնտռեցինք մարդկանցից, ո՛չ ձեզնից եւ ո՛չ էլ ուրիշներից:
7. Կարո՞ղ էինք, որպէս Քրիստոսի առաքեալներ, ծանրութիւն դառնալ ձեզ, բայց համեստ եղանք ձեր մէջ, ինչպէս մի դայեակ, որ մանուկներ է խնամում:
8. Նոյն ձեւով մենք էլ գթացինք ձեզ. յօժար էինք ձեզ տալ ոչ միայն Աստծու Աւետարանը, այլեւ մեր անձը, քանի որ մեր սիրելիներն էիք եղել:
9. Եղբայրներ՝, յիշեցէ՛ք մեր վաստակը եւ ջանքը, երբ գիշեր-ցերեկ աշխատում էինք ձեզնից որեւէ մէկի վրայ ծանրութիւն չլինելու համար. եւ ձեզ քարոզում էինք Աստծու Աւետարանը:
10. Վկայ էք դուք ինքներդ, վկայ է նաեւ Աստուած, թէ ինչպէս սրբութեամբ, արդարութեամբ եւ անբասիր կերպով վարուեցինք ձեզ՝ հաւատացեալներիդ հետ.
11. ինչպէս գիտեք էլ, ձեզնից իւրաքանչիւրին, ինչպէս հայրը՝ որդիներին,
12. մխիթարում էինք եւ սփոփում ու վկայութիւն էինք տալիս, որ դուք ընթանաք Աստծուն արժանի կերպով, որը կանչեց ձեզ իր արքայութեանը եւ փառքին:
13. Ահա թէ ինչու մենք շարունակ գոհութիւն ենք տալիս Աստծուն նրա համար, որ, մեզնից Աստծու խօսքի լուրն առնելով, այն ընդունեցիք ոչ որպէս մարդկանց խօսք, այլ՝ ճշմարտապէս, որպէս Աստծու խօսք, որ ներգործում է նաեւ ձեր՝ հաւատացեալներիդ մէջ.
14. որովհետեւ դուք, եղբայրներ՝, նմանուեցիք Աստծու այն եկեղեցիներին, որ Հրեաստանում են ի Քրիստոս Յիսուս, քանի որ դուք էլ ձեր ազգակիցների կողմից նոյն չարչարանքներով չարչարուեցիք, ինչպէս որ նրանք՝ հրեաներից,
15. որոնք եւ սպանեցին Տէր Յիսուսին եւ մարգարէներին ու հալածեցին մեզ եւ Աստծու աչքից ելան ու բոլոր մարդկանց հակառակորդ եղան:
16. Արգելում էին մեզ քարոզել հեթանոսներին՝ նրանց փրկութեան համար, որպէսզի ամէն ժամ լցնեն իրենց մեղքի չափը. սակայն նրանց վրայ բարկութիւնը հասել է իսպառ:
17. Իսկ մենք, եղբայրներ՝, թեպէտեւ միառժամանակ դեմքով գրկուած մնացինք ձեզնից, բայց՝ ո՛չ սրտով. առաւել եւս շտապեցինք տեսնել ձեր երեսները մեծ ցանկութեամբ:
18. Դրա համար, ես՝ Պօղոսը, մէկ անգամ եւ նոյնիսկ երկու անգամ կամեցայ գալ ձեզ մօտ, բայց Սատանան արգելք եղաւ մեզ.
19. քանզի ո՞վ է մեր յոյսը կամ ուրախութիւնը կամ մեր պարծանքի պսակը, եթէ ոչ՝ դո՛ւք ի Տէր, Յիսուս Քրիստոսի առաջ, նրա գալստեան ժամանակ.
20. որովհետեւ դո՛ւք էք մեր փառքը եւ ուրախութիւնը:

1. Ի վերջոյ, չհամբերեցինք այլեւս, որովհետեւ բարւոք թուաց մեզ միայնակ մնալ Աթենքում.
2. բայց ուղարկեցինք Տիմոթէոսին՝ մեր եղբօրն ու Աստծու եւ Քրիստոսի Հօր Աւետարանի մեր գործակցին՝ ամրապնդելու ձեզ եւ մխիթարելու ձեր հաւատի համար,
3. որպէսզի չսասանուէք այս նեղութիւնների մէջ. դուք ինքներդ իսկ գիտէք, որ այս բանի համար ենք սահմանուած,
4. քանի որ, մինչ ձեզ մօտ էինք, առաջուց ասում էինք ձեզ, թէ նեղութիւններ են հասնելու մեր վրայ. ինչպէս որ եղաւ իսկ. եւ դուք գիտէք այդ:
5. Դրա համար էլ ես այլեւս չկարողանալով համբերել, մարդ ուղարկեցի՝ իմանալու ձեր հաւատի մասին, այն մտավախութեամբ, որ փորձիչը ձեզ էլ փորձած լինի, եւ իզուր լինի մեր տարած աշխատանքը:
6. Բայց հիմա, երբ Տիմոթէոսը ձեր մօտից մեզ մօտ եկաւ եւ ձեր հաւատի ու սիրոյ աւետիսը տուեց մեզ, որ միշտ մեր բարի յիշատակն էք պահում ձեր մտքում եւ որ ցանկանում էք մեզ տեսնել, ինչպէս եւ մենք՝ ձեզ,
7. դրա համար, եղբայրներ՝, մխիթարուեցինք ձեզնով, ձեր ունեցած հաւատով մեր բոլոր վշտերի եւ նեղութիւնների մէջ.
8. եւ այժմ կենդանի կը լինենք, եթէ դուք հաստատ մնաք Տիրոջով:
9. Ի՞նչ գոհութիւն կարող ենք մատուցել Աստծուն ձեզ համար այն ամբողջ ուրախութեան պատճառով, որով ուրախանում ենք ձեզ համար Աստծու առաջ.
10. գիշեր-ցերեկ թախանձագին աղօթում ենք, որ տեսնենք ձեր երեսը եւ լրացնենք ձեր հաւատի պակասը:
11. Եւ ինքն Աստուած ու մեր Հայրը եւ մեր Տէրը Յիսուս Քրիստոս թող ուղղի մեր ճանապարհները դէպի ձեզ.
12. եւ ինքը Տէրը թող աճեցնի եւ առատացնի ձեր սէրը, որ ունէք միմեանց հանդէպ եւ բոլորի հանդէպ, ինչպէս եւ մենք՝ ձեր հանդէպ:
13. Թող նա ամրացնի ձեր սրտերը, անարատ սրբութեամբ, Աստծու եւ մեր Հօր առաջ, մեր Տէր Յիսուս Քրիստոսի գալստեան ժամանակ՝ իր բոլոր սրբերով հանդերձ:

1. Ուրեմն, եղբայրներ՝, աղաչում ենք ձեզ եւ յորդորում Քրիստոս Յիսուսով, որ ինչպէս սովորեցիք մեզնից, այնպէս ընթանաք եւ հաճելի լինէք Աստծուն. եւ այդպէս էլ ընթանում էք, որպէսզի ամէլի ու ամէլի առաջ գնաք նոյն բանի մէջ:
2. Եւ գիտէք, թէ ինչպիսի պատուէրներ տուեցինք ձեզ Տէր Յիսուսով.
3. որովհետեւ Աստծու կամքը այն է. որ դուք սուրբ լինէք, հեռու մնաք պոռնկութիւնից.
4. ձեզնից իւրաքանչիւր ոք գիտենայ իր մարմինը պահել սրբութեամբ ու պատուով
5. եւ ոչ թէ ցանկութեան կրքով, ինչպէս այլ հեթանոսներ, որ չեն ճանաչում Աստծուն:
6. Թող ոչ ոք այդ բանում չափը չանցկացնի եւ չդիպչի իր եղբօր պատուին, քանզի այդ բոլոր բաների համար Տէրը վրէժխնդիր է, ինչպէս որ առաջուց ասացինք ձեզ եւ վկայեցինք.
7. արդարեւ, Աստուած չկոչեց մեզ պղծութեան, այլ՝ սրբութեան:
8. Ահա թէ ինչու, ով անարգում է այս բանը, մարդո՛ւն չի անարգում, այլ՝ Աստծուն, որը եւ Սուրբ Հոգին տուեց ձեզ:
9. Իսկ եղբայրասիրութեան մասին պետք չէ ձեզ բան գրել, քանի որ դուք ինքներդ իսկ Աստծուց էք սովորել միմեանց սիրել.
10. որովհետեւ այդ նոյնն անում էք բոլոր եղբայրների հանդէպ, որ գտնուում են Մակեդոնիայի բոլոր կողմերում: Եղբայրներ՝, խնդրում եմ ձեզ, որ առաւել եւս աճէք եւ առաջ գնաք,
11. ապրէք խաղաղ եւ իւրաքանչիւրդ ձեր գործով զբաղուէք ու աշխատէք ձեր ձեռքերով, ինչպէս որ պատուիրել ենք ձեզ, որպէսզի պարկեշտութեամբ վարուէք դրսեցիների հետ եւ ոչ մի բանի կարօտ չլինէք:
12. Եղբայրներ՝, չեմ ուզում, որ անգետ լինէք ննջեցեալների մասին, որպէսզի չտխրէք, ինչպէս ուրիշները, որոնք յոյս չունեն:
13. Եթէ հաւատում ենք, թէ Յիսուս մեռաւ եւ յարութիւն առաւ, այդպէս էլ Աստուած Յիսուսի միջոցով ննջեցեալներին ետ կեանքի պիտի բերի նրա հետ:
14. Մենք այս բանն ասում ենք Տիրոջ խօսքով. եթէ մենք ողջ մնանք մինչեւ Տիրոջ գալուստը, չպիտի կանխենք ննջեցեալներին,
15. որովհետեւ Տէրն ինքը, ազդարարութեան նշանով, հրեշտակապետի ծայնով եւ Աստծու շեփորով պիտի իջնի երկնքից, եւ Քրիստոսով մեռածները առաջինը յարութիւն պիտի առնեն.
16. ապա եւ մենք, որ կենդանի մնացած պիտի լինենք, նրանց հետ միասին պիտի յափշտակուենք-տարուենք ամպերի վրայից Տիրոջ առաջ օդում եւ այդպէս մշտապէս Տիրոջ հետ պիտի լինենք:
17. Ուրեմն, մխիթարեցէ՛ք միմեանց այս խօսքերով:



1. Եղբայրներ՝, բայց ժամերի եւ ժամանակների մասին կարիք չկայ ձեզ գրելու,
2. որովհետեւ դուք ինքներդ իսկ ստոյգ գիտեք, թէ Տիրոջ օրը այնպէս է հասնում, ինչպէս գողը՝ գիշերով:
3. Երբ ասեն, թէ՛ խաղաղութիւն եւ ապահովութիւն է, այն ժամանակ յանկարծակի կը հասնի նրանց կործանումը, ինչպէս լինում է յղի կնոջ երկունքը. եւ նրանք չեն փրկուելու:
4. Իսկ դուք, եղբայրներ՝, խաւարի մէջ չէք, որ այն օրը ձեր վրայ հասնի՝ ինչպէս գողը.
5. որովհետեւ դուք բոլորդ լուսոյ որդիներ եք եւ ցերեկուայ որդիներ: Գիշերինը չենք, խաւարինը չենք:
6. Ուրեմն չքնենք մնանք, ինչպէս՝ ուրիշները, այլ արթուն եւ զգաստ լինենք.
7. որովհետեւ, ովքեր ննջում են, գիշերն են ննջում, եւ ովքեր հարթում են, գիշերն են հարթում.
8. իսկ մենք, որ ցերեկուայ որդիներ ենք, արթո՛ւն լինենք եւ սիրոյ ու հաւատի զրահները հագնենք եւ փրկութեան յոյսի սաղաւարտը դնենք.
9. որովհետեւ Աստուած մեզ չնախասահմանեց բարկութեան համար, այլ՝ փրկութիւնը ժառանգելու համար՝ մեր Տէր Յիսուս Քրիստոսի միջոցով.
10. նա մեռաւ մեզ համար, որպէսզի արթուն լինենք թէ ննջենք, նրա հետ միասին ապրենք:
11. Ուստի մխիթարեցէ՛ք եւ ամրապնդեցէ՛ք միմեանց, ինչպէս որ արդէն անում եք:
12. Եղբայրներ՝, աղաչում ենք ձեզ, որ ճանաչէք եւ գնահատէք ձեր վաստակաւորներին, Տիրոջ կողմից ձեր վրայ նշանակուած վերակացուներին, ինչպէս նաեւ ձեզ խրատողներին.
13. եւ առաւելագոյն սիրոյ արժանի համարեցէ՛ք նրանց՝ իրենց աշխատանքի համար: Խաղաղութիւն ունեցէք միմեանց միջեւ:
14. Եղբայրներ՝, աղաչում եմ ձեզ. խրատեցէ՛ք ստահակներին, քաջալերեցէ՛ք երկչոտներին, օգնական եղէք տկարներին, համբերատա՛ր եղէք բոլորի հանդէպ:
15. Չգո՛յշ եղէք, չլինի թէ մէկը չարին չարով հատուցի. միշտ միմեանց հանդէպ եւ բոլորի հանդէպ բարին գործելու հետամո՛ւտ եղէք:
16. Ուրա՛խ եղէք միշտ,
17. անդադար աղօթեցէ՛ք,
18. ամէն ինչում գոհութիւն մատուցեցէք, որովհետեւ ա՛յդ է Աստծու կամքը ձեզ համար ի Քրիստոս Յիսուս:
19. Մի՛ հանգրեք Հոգին,
20. մի՛ արհամարհէք մարգարեութիւնները,
21. փորձեցէ՛ք ամէն ինչ, բարին ամո՛ւր պահեցէք,
22. հեռո՛ւ մնացէք բոլոր չար բաներից:
23. Եւ խաղաղութեան Աստուածն ինքը թող սրբացնի ձեզ ամբողջապէս, եւ ձեր ամբողջ հոգին, շունչը եւ մարմինը թող անարատ պահուի մինչեւ մեր Տէր Յիսուս Քրիստոսի գալուստը:
24. Հաւատարիմ է նա, որ կոչեց ձեզ. նա է դարձեալ, որ նոյնը պիտի անի:
25. Եղբայրներ՝, աղօթեցէ՛ք նաեւ մեզ համար:
26. Ողջունեցէ՛ք բոլոր եղբայրներին սուրբ համբոյրով:
27. Երդուել եմ տալիս ձեզ Տիրոջով, որ ընթերցէք այս թուղթը բոլոր սուրբ եղբայրներին:
28. Մեր Տէր Յիսուս Քրիստոսի շնորհը ձեզ հետ:

## 2 ԹԵՍԱՂՈՆԻԿԵՑԻՆԵՐ

## Գլուխ 1

1. Պօղոսը, Սիդուանոսը եւ Տիմոթէոսը՝ թեսաղոնիկեցիներին՝ եկեղեցուն՝ մեր Հայր Աստուծով եւ Տէր Յիսուս Քրիստոսով:
2. Շնորհի ձեզ եւ խաղաղութիւն մեր Հայր Աստծուց եւ Տէր Յիսուս Քրիստոսից:
3. Եղբայրներ, պարտաւոր ենք միշտ գոհութիւն մատուցել Աստծուն ձեզ համար, ինչպէս որ արժանի իսկ է, քանի որ աւելի ու աւելի է աճում ձեր հաւատը, եւ շատանում է ձեզնից իւրաքանչիւրի սերը միմեանց հանդէպ,
4. այնպէս որ մենք ձեզնով պարծենում ենք Աստծու եկեղեցիներում ձեր համբերութեան եւ հաւատի համար՝ ձեր այն բոլոր հալածանքների եւ նեղութիւնների մէջ, որոնց դուք համբերում էք:
5. Դրանք ապացոյց են Աստծու արդար դատաստանի, որպէսզի դուք արժանի լինէք Աստծու արքայութեանը, որի համար էլ նեղութիւն էք կրում:
6. Եւ արդար է Աստծու առաջ, որ ձեզ նեղողներին նեղութիւն հատուցուի,
7. իսկ ձեզ՝ նեղութիւն կրածներիդ՝ հանգիստ մեզ հետ, երբ Տէր Յիսուս յայտնուի երկնքից՝ իր հրեշտակների զօրքով՝
8. կրակի բոցով վրէժ լուծելու համար նրանցից, որոնք չեն ճանաչում Աստծուն եւ չեն հնազանդւում մեր Տէր Յիսուս Քրիստոսի Աւետարանին.
9. նրանց պատիժը պիտի լինի յաւիտենական կործանումը՝ հեռու Տիրոջ ներկայութիւնից եւ նրա փառաւոր զօրութիւնից,
10. երբ նա գայ այն օրը՝ փառաւորուելու իր սրբերի մէջ, հիացմունքի արժանի դառնալու բոլոր հաւատացեալների մէջ (քանի որ մեր վկայութեանը հաւատացիք):
11. Ահա թէ ինչու միշտ աղօթում ենք ձեզ համար, որպէսզի Աստուած ձեզ արժանի դարձնի ձեր կոչմանը, մինչեւ լրացնի ձեր բոլոր փափագները եւ հաւատի գործերը՝ զօրութեամբ,
12. որպէսզի փառաւորուի մեր Տէր Յիսուս Քրիստոսի անունը ձեր մէջ, եւ դուք փառաւորուէք նրա մէջ՝ մեր Աստծու եւ Տէր Յիսուս Քրիստոսի շնորհի համաձայն:

1. Եղբայրներ՝, աղաչում եմ ձեզ, որ մեր Տեր Յիսուս Քրիստոսի գալստեան եւ նրա մօտ մեր հաւաքուելու համար
2. դուք իսկոյն չխռովուէք ձեր մտքում եւ չզարհուրէք ո՛չ հոգով, ո՛չ խօսքով, ո՛չ էլ թղթերով՝ իբր թէ մեր կողմից գրուած, որպէս թէ արդէն եկած հասած լինի Տիրոջ օրը:
3. Թող ոչ ոք ձեզ չխաբի եւ ոչ մի ձեւով. որովհետեւ այն օրը չի գալու, եթէ նախ ապստամբութիւնը չգայ, եւ ջայտնուի անօրէնութեան մարդը՝ կորստեան որդին՝
4. Հակառակորդը, որ գոռոզանում է այն ամենի վրայ, որ կոչւում է աստուած կամ պաշտամունքի առարկայ, մինչեւ այն աստիճան, որ նա նստի Աստծու տաճարում եւ ինքն իրեն ցոյց տայ, թէ աստուած է:
5. Չէ՞ք յիշում, որ, մինչ ձեզ հետ էի դեռ, ասում էի այդ բանը:
6. Եւ այժմ դուք ինքներդ գիտէք, թէ ինչն է նրան յետ պահում, որ այդ Հակառակորդը ինքն իրեն յայտնի անի մինչեւ ժամանակը գայ.
7. որովհետեւ անօրէնութեան այդ խորհրդաւոր ուժը արդէն գործի վրայ է. բայց այդ պիտի ջայտնուի մինչեւ այն ժամանակ, երբ մեջտեղից կը վերացուի նա, որ այժմ նրան յետ է պահում:
8. Եւ ապա պիտի յայտնուի Անօրէնը, որին Տեր Յիսուս պիտի կործանի իր բերանի շնչով եւ պիտի ոչնչացնի իր յայտնութեամբ իր գալստեան ժամանակ:
9. Նրա՝ Անօրէնի գալուստը Սատանայի ներգործութեամբ է, ամենայն զօրութեամբ, նշաններով,
10. խաբեբայական զօրաւոր գործերով եւ անիրաւութեան բոլոր պատրանքներով կորստեան մատնուածների վրայ. եւ այդ ամէնը այն բանի փոխարէն, որ չընդունեցին ճշմարտութեան սերը, որպէսզի փրկուեն: Դրա համար էլ Աստուած նրանց պիտի ուղարկի զօրաւոր մի մոլորութիւն, որ նրանք հաւատան ստին
11. եւ դատապարտուեն բոլոր նրանք, որ չհաւատացին ճշմարտութեանը եւ հաճոյք գտան անօրէնութեան մէջ:
12. Իսկ մենք, Տիրոջից սիրուած եղբայրներ՝, պարտաւոր ենք միշտ գոհութիւն մատուցել Աստծուն ձեզ համար, որովհետեւ Աստուած սկզբից ընտրեց մեզ, որ փրկուենք Հոգու սրբացումով եւ ճշմարտութեան հաւատով,
13. որին եւ կանչեց ձեզ մեր աւետարանումով փրկուելու եւ մեր Տեր Յիսուս Քրիստոսի փառքին տիրանալու համար:
14. Ուրեմն, եղբայրներ՝, հաստա՛տ մնացէք եւ պի՛նդ պահեցէք այն աւանդութիւնները, որ սովորեցիք թէ՛ խօսքով եւ թէ՛ մեր թղթով.
15. եւ ինքը՝ մեր Տեր Յիսուս Քրիստոս եւ մեր Հայրը՝ Աստուած, որ սիրեց մեզ եւ մեզ տուեց յաւիտենական մխիթարութիւն եւ բարի յոյս, իբրեւ շնորհ,
16. թող մխիթարի եւ հաստատ պահի ձեր սրտերը ամէն բարի խօսքի եւ գործի մէջ:

1. Վերջապես, եղբայրներ՝, աղօթեցէ՛ք մեզ համար, որպէսզի Տիրոջ խօսքը առաջ գնայ եւ փառաւորուի ամէն տեղ, ինչպէս որ ձեզ մօտ է,
2. որպէսզի փրկուենք անօրէններից եւ անզգամ մարդկանցից, քանի որ բոլորը չէ, որ հաւատ ունեն:
3. Բայց հաւատարիմ է Տէրը. նա կը զօրացնի ձեզ ու կը պահի չարից:
4. Վստահ ենք Տիրոջով ձեր վրայ, թէ, ինչ որ պատուիրեցինք ձեզ, ե՛լ անում էք, ե՛լ կ'անէք:
5. Եւ Տէրը թող ուղղի ձեր սրտերը դէպի Աստծու սերը եւ դէպի Քրիստոսի համբերութիւնը:
6. Եղբայրներ՝, պատուիրում եմ ձեզ մեր Տէր Յիսուս Քրիստոսի անունով, որ դուք հեռու մնաք ամէն մի եղբորից, որ ծոյլ կեանքով է ապրում եւ ոչ ըստ այն օրինակի, որն ընդունեցիք մեզնից.
7. որովհետեւ ինքներդ գիտէք, թէ որչա՛փ դուք պետք է նմանուէք մեզ, քանի որ ձեզ մօտ երբեք չծուլացանք
8. եւ ոչ ոքի հացը ձրի չկերանք, այլ ջանքով եւ վաստակով զօր ու գիշեր աշխատում էինք՝ ձեզնից ոչ մէկի վրայ ծանրութիւն չլինելու համար.
9. ոչ թէ նրա համար, որ իշխանութիւն չունէինք, այլ որպէսզի մենք մեզ օրինակ դարձնենք ձեզ, որ մեզ նմանուէք.
10. քանի դեռ ձեզ մօտ էինք, այս բանն էինք պատուիրում ձեզ. թէ՛ ով չի ուզում աշխատել, թող հաց էլ չուտի:
11. Արդ, ձեզնից ոմանց մասին լսում ենք, թէ ծոյլ կեանքով են ապրում, որեւէ գործ չեն անում, այլ ծոյլ-ծոյլ շրջում են՝ դատարկ բաներով հետաքրքրուելով:
12. Այդպիսիներին պատուիրում ենք եւ յորդորում Տէր Յիսուս Քրիստոսով, որ աշխատեն հանդարտութեամբ եւ իրե՛նց հացն ուտեն:
13. Իսկ դուք, եղբայրներ՝, մի՛ յոգնէք բարիք անելուց:
14. Իսկ եթէ որեւէ մէկը չհնազանդուի այս թղթի մէջ մեր ասած խօսքին, նկատի՛ ունեցէք նրան եւ մի՛ յարաբերուէք նրա հետ, որպէսզի ամօթով մնայ:
15. Բայց նրան որպէս թշնամի մի՛ համարէք, այլ խրատեցէ՛ք որպէս եղբայր:
16. Եւ խաղաղութեան Տէրն ինքը թող միշտ խաղաղութիւն տայ ձեզ ամէն ինչում: Տէրը ձեզ բոլորիդ հետ լինի:
17. Այս ողջոյնը իմ Պօղոսիս ձեռքով է, որ, որպէս նշան, կայ իմ բոլոր թղթերում. այսպէս եմ գրում ես:
18. Մեր Տէր Յիսուս Քրիստոսի շնորհը ձեզ բոլորիդ հետ լինի:

# 1 ՏԻՄՈԹԵՈՍ

## Գլուխ 1

1. Պօղոսը՝ առաքելալը Յիսուս Քրիստոսի, ըստ հրամանի մեր Փրկիչ Աստծու եւ Յիսուս Քրիստոսի, որ մեր յոյսն է.
2. Տիմոթեոսին՝ հաւատի մէջ սիրելի որդուն շնորհ, ողորմութի՛ն, խաղաղութի՛ն Հայր Աստծուց եւ մեր Տէր Յիսուս Քրիստոսից:
3. Ինչպէս խնդրեցի քեզ, երբ գնում էի Մակեդոնիա, մնա՛ Եփեսոսում, որպէսզի պատուէր տաս, որ ոմանք օտար ուսմունք չուսուցանեն
4. եւ չկապուեն առասպելներին ու անվերջանալի տոհմաբանութիւններին, որոնք մանաւանդ պատճառ կը լինեն վեճերի, բայց չեն ծառայում Աստծու ծրագրերին, որոնք հաւատի վրայ են հիմնուած.
5. քանզի պատուիրանի գլխաւորը սերն է՝ բխած սուրբ սրտից, բարի խղճմտանքից եւ անկեղծ հաւատից,
6. որոնցից վրիպեցին ոմանք՝ խոտորուելով խօսքերի ունայնութեան մէջ:
7. Ուզում են օրէնքի վարդապետներ լինել. իրենք իսկ չեն իմանում ինչ են խօսում, ոչ էլ հասկանում այն բաները, որոնց վրայ պնդում են:
8. Գիտենք, որ օրէնքը լաւ է, եթէ մէկն այն գործադրի օրինաւոր կերպով:
9. Բայց այս բանը թող իմանայ, որ արդարների համար չէ օրէնքը, այլ՝ անօրէնների եւ անհնազանդների, ամբարիշտների եւ մեղաւորների, անմաքուրների եւ պիղծերի, հայր ու մայր անարգողների, մարդասպանների,
10. պոռնիկների, արուամուլների, մարդագողերի, ստախօսների, սուտ երդուողների, այլեւ ամէն բանի համար, որը հակառակ է ողջամիտ վարդապետութեան,
11. վարդապետութիւն, որ համապատասխանում է երանելի Աստծու փառաւոր Աւետարանին, որին եւ հաւատարիմ եղայ ես:
12. Շնորհակալութիւն նրան, որ զօրացրեց ինձ մեր Տէր Քրիստոս Յիսուսի միջոցով, որը վստահելի համարեց ինձ այս սպասաւորութեանը կարգելու,
13. ինձ, որ նախապէս հայիոյիչ էի, հալածիչ եւ անարգող. բայց ես ողորմութիւն գտայ, որովհետեւ այդ բանն անում էի անգիտութեան եւ անհնազանդութեան մէջ գտնուելով.
14. եւ մեր Տիրոջ շնորհը շատացաւ ինձ համար այն հաւատով եւ սիրով, որ է ի Քրիստոս Յիսուս:
15. Վստահելի եւ ամենայն ընդունելութեան արժանի է այս խօսքը, թէ՛ Քրիստոս Յիսուս աշխարհ եկաւ՝ փրկելու մեղաւորներին, որոնց գլուխը ես եմ:
16. եւ ողորմութիւն գտայ նրա համար, որ Յիսուս Քրիստոս նախ իմ մէջ ցոյց տուեց իր ամբողջ համբերութիւնը, որպէս օրինակ նրանց, որ պիտի հաւատան իրեն յաւիտենական կեանքի համար.
17. նաեւ յաւիտենութեան Թագաւորին, որ անեղծ եւ աներեւոյթ է, միա՛կ Աստծուն փա՛ռք եւ պատի՛ւ յաւիտեանս յաւիտենից: Ամէն:
18. Որդեա՛կ իմ Տիմոթեոս, աւանդում եմ քեզ այս պատուիրանը, քո մասին նախապէս եղած մարգարեութիւնների համաձայն, որպէսզի նրանցով դու մղես բարի պատերազմը,
19. պահես հաւատը բարի խղճմտանքով, որը ոմանք հեռու վանելով իրենցից՝ նաւաբեկութեան ենթարկուեցին հաւատի մէջ.
20. դրանց թւում են Հիմենոսը եւ Ադքսանդրոսը, որոնց մատնեցի Սատանային, որպէսզի խրատուեն չհայիոյել:

## Գլուխ 2

1. Արդ, ամենից առաջ աղաչում եմ աղօթք անել, խնդրել, պաղատել, գոհութիւն մատուցել բոլոր մարդկանց համար,
2. մանաւանդ թագաւորների եւ բոլոր իշխանաւորների համար, որպէսզի խաղաղութեամբ եւ հանդարտութեամբ վարենք մեր կեանքը, կատարեալ աստուածապաշտութեամբ եւ սրբութեամբ.
3. ա՛յդ է բարին եւ ընդունելին մեր Փրկչի՝ Աստծու առաջ:
4. Նա կամենում է, որ բոլոր մարդիկ փրկուեն եւ հասնեն ճշմարտութեան գիտութեանը.
5. քանզի մէ՛կ Աստուած կայ եւ մէ՛կ միջնորդ՝ Աստծու եւ մարդկանց միջեւ. Յիսուս Քրիստոս՝ մարդը,
6. որ տուեց ինքն իրեն որպէս փրկանք բոլորի համար՝ ի վկայութիւն իր ժամանակների.
7. դրա համար ես կարգուեցի որպէս քարոզիչ եւ առաքեալ (ճշմարիտ եմ ասում Քրիստոսով եւ չեմ ստում), եղայ վարդապետ հեթանոսների՝ հաւատով եւ ճշմարտութեամբ:
8. Ուզում եմ, որ տղամարդիկ աղօթեն ամէն տեղ, սուրբ ձեռքեր բարձրացնեն դէպի վեր, առանց բարկութեան եւ երկմտութեան:
9. Նոյնպէս եւ կանայք, համեստ զարդարանքով, ակնածութեամբ եւ պարկեշտութեամբ թող զարդարուեն. ոչ թէ մարգարտով ընդելուզուած ոսկեայ հիւսքերով կամ պճնազարդ զգեստներով,
10. այլ՝ բարի գործերով, ինչպէս վայել է աստուածապաշտութիւնը յանձն առած կանանց:
11. Կին արարածը թող ուսանի լռութեամբ, կատարեալ հնազանդութեամբ:
12. Եւ ես թոյլ չեմ տալիս, որ կին արարածը ուսուցանի կամ էլ խօսքով իշխի տղամարդու վրայ, այլ թող լուռ մնայ.
13. որովհետեւ նախ Ադամը ստեղծուեց եւ ապա՝ Եւան:
14. Եւ Ադա՛մը չխաբուեց, այլ կի՛նը խաբուեց եւ յանցանք գործեց:
15. Բայց նա պիտի ապրի որդեծնութեան համար, եթէ պարկեշտութեամբ մնայ հաւատի, սիրոյ եւ սրբութեան մէջ:



1. Հաւատի է այս խօսքը, թէ՛ ով եպիսկոպոսութեան է ձգտում, ձգտում է բարի գործի:
2. Եպիսկոպոսը պետք է անարատ լինի, մէ՛կ կնոջ մարդ, հեգ, խոհեմ, պարկեշտ, հիւրասէր, ուսուցանելու ընդունակ,
3. ոչ նախատող, ոչ բռնացող, այլ՝ հանդարտաբարոյ, ոչ կռուազան, ոչ փողասէր, այլ՝ այնպիսին,
4. որ իր իսկ տանը լաւ վերակացու լինի, ունենայ որդիներ, որոնք հնազանդութեան մէջ լինեն կատարեալ պարկեշտութեամբ
5. (իսկ եթէ մէկն իր տունը կառավարել չիմանայ, հապա ինչպէ՞ս Աստծու եկեղեցուն խնամակալ կը լինի),
6. ոչ նորադարձ, որպէսզի, գոռոզանալով, Սատանային վիճակուած դատապարտութեան մէջ չընկնի.
7. այլ նա պետք է ունենայ բարի վկայութիւն նաե՛ւ դրսեցիներից, որպէսզի չլինի թէ ընկնի նախատինքի տակ եւ Սատանայի որոգայթների մէջ:
8. Նմանապէս եւ սարկաւագները թող լինեն պարկեշտ, ոչ երկդիմի խօսող, ոչ գինետէր, ոչ շահամոլ,
9. այլ թող պահեն հաւատի խորհուրդը մաքուր խղճով:
10. Նախ իրենք թող փորձի ենթարկուեն եւ եթէ անմեղադրելի գտնուեն, ապա պաշտօն կատարեն:
11. Նոյնպէս եւ նրանց կանայք թող լինեն պարկեշտ, ոչ չարախօս, հեգ, հաւատարիմ ամէն ինչում:
12. Սարկաւագները թող մէ՛կ կնոջ մարդ լինեն, իրենց որդիներին եւ իրենց տները լաւ կառավարեն,
13. որովհետեւ այն սարկաւագները, որ լաւ են ծառայում, իրենց համար շահում են բարի աստիճան եւ մեծ համարձակութիւն կ'ունենան ի Զրիստոս Յիսուս իրենց ունեցած հաւատի մէջ:
14. Թեգ գրում եմ այս բանը, որովհետեւ յոյս ունեմ, որ շուտով կը գամ:
15. Իսկ եթէ ուշանամ, դու կ'իմանաս, թէ ինչպէս պետք է վարուես Աստծու տան մէջ, որ կենդանի Աստծու եկեղեցին է՝ սիւն եւ հաստատութիւն ճշմարտութեան:
16. Եւ յայտնապէս մեծ է աստուածապաշտութեան խորհուրդը, որ յայտնուեց մարմնով, արդարացաւ Հոգով, երեւաց իրեշտակներին, քարոզուեց հեթանոսների մէջ, հաւատալի եղաւ աշխարհում եւ երկինք վերացաւ փառքով:

1. Եւ Սուրբ Հոգին յայտնապէս ասում է, թէ վերջին ժամանակներում ոմանք պիտի հեռանան հաւատից եւ իրենց ուշադրութիւնը պիտի դարձնեն մոլորեցնող ոգիների վրայ եւ դեւերի վարդապետութիւնների վրայ՝
2. տարուած ստախօսների կեղծաւորութեամբ, որոնց խղճմտանքը խարանուած է,
3. որոնք արգելում են ամուսնանալ եւ հեռու են պահում այն կերակուրներից, որ Աստուած ստեղծեց, որպէսզի հաւատացեալները եւ ճշմարտութեան վերահասու եղողները գոհութեամբ վայելեն.
4. որովհետեւ Աստծու բոլոր ստեղծածները լաւ են, եւ խոտան բան չկայ, մանաւանդ երբ դրանք գոհութեամբ են ընդունւում.
5. քանի որ Աստծու խօսքով եւ աղօթքով ամէն բան մաքրւում է:
6. Այս խրատը տալով եղբայրներին՝ Զրիստոս Յիսուսի մի բարի պաշտօնեայ կը լինես՝ սնուած հաւատի խօսքերով եւ այն բարի վարդապետութեամբ, որին հետամուտ իսկ եղար.
7. բայց պիղծ խօսքերից եւ պառաւական առասպելներից հրաժարուի՛ր. եւ դու քեզ մարզի՛ր աստուածապաշտութեամբ,
8. որովհետեւ մարմնի մարզումը քիչ բանի է օգտակար, մինչ աստուածապաշտութիւնը օգտակար է ամէն ինչի. եւ նա ունի կեանքի աւետիսը, ա՛յս կեանքի եւ հանդերձեալի:
9. Ճիշտ է այս խօսքը եւ արժանի է ամենայն ընդունելութեան,
10. որովհետեւ այս բանի համար իսկ տքնում ենք եւ նախատինքներ կրում. քանի որ մեր յոյսը դրել ենք կենդանի Աստծու վրայ, որ Փրկիչն է բոլոր մարդկանց, մանաւանդ՝ հաւատացեալների:
11. Պատուիրի՛ր այդ եւ ուսուցանի՛ր.
12. թող ոչ ոք քո երիտասարդութիւնը չարհամարհի, այլ օրինա՛կ եղիր հաւատացեալներին խօսքով, վարմունքով, սիրով, հաւատով, մաքրութեամբ:
13. Մինչեւ իմ գալը, հետամտի՛ր Աստծու խօսքը ընթերցել, յորդորել եւ ուսուցանել հաւատացեալներին:
14. Չանց մի՛ առ այն շնորհը, որ քո մէջ է, որ տրուեց քեզ մարգարեութեամբ, երեցների ձեռնադրումով:
15. Այդ բանի վրայ մտածի՛ր եւ յարատեւի՛ր դրանում, որպէսզի քո առաջադիմութիւնը յայտնի լինի բոլորին:
16. Չգո՛յշ եղիր քո նկատմամբ եւ քո ուսուցման նկատմամբ. եւ յարատեւի՛ր դրանում: Եթէ այդ բանն անես, կը փրկես ե՛ւ քեզ, ե՛ւ նրանց, որ լսում են քեզ:

1. Ծերին խստութեամբ մի՛ յանդիմանի՛ր, այլ յորդորի՛ր որպէս քո հայրը.  
Երիտասարդներին յորդորի՛ր որպէս եղբայրներ,
2. պառաւանդներին՝ որպէս մայրեր, դեռատի կանանց՝ որպէս քոյրեր, կատարեալ մաքրութեամբ:
3. Յարգի՛ր այն այրիներին, որ իսկապէս այրիներ են:
4. Իսկ եթէ մի այրի որդիներ եւ թոռներ ունի, նախ նրանք թող սովորեն իրենց տան հանդէպ բարի վերաբերմունք ցոյց տալ եւ իրենց ծնողների արածի փոխարէն նրանց հատուցել, որովհետեւ ա՛յն է բարին եւ ընդունելին Աստծու առաջ:
5. Իսկ ով իսկապէս այրի է եւ մենակ է ապրում ու իր յոյսը դրել է Աստծու վրայ, թող յարատեւող լինի աղօթքի եւ աղաչանքների մէջ զօր ու գիշեր:
6. Իսկ մեղկասեր այրին կենդանւոյն մեռած է:
7. Այս բանը պատուիրի՛ր, որ անարատ լինեն:
8. Իսկ եթէ մէկը իւրայիններին եւ մանաւանդ ընտանիքին խնամք չի տանում, հաւատն ուրացել է եւ աւելի չար է, քան անհաւատը:
9. Այրիների թւում կը համարուի այն այրին, որ վաթսուն տարեկանից պակաս չէ, մէ՛կ մարդու կին է եղել
10. ու բարի գործերով է վկայուել, որ երեխաներ է մեծացրել, որ հիւրեր է ընդունել, որ սրբերի ոտքերն է լուացել, որ նեղութեան մէջ գտնուողներին է հասել, որ ամէն բարի գործի հետամուտ է եղել:
11. Բայց երիտասարդ այրի կանանց հաշուի մի՛ առ, որովհետեւ հեշտասիրութեան անձնատուր լինելով՝ Քրիստոսի դէմ են ելնում եւ ամուսնանալ են ուզում.
12. իսկ դատաստան են ընդունում նրա համար, որ առաջին հաւատն արհամարհեցին:
13. Միաժամանակ եւ անգործութեան են վարժւում՝ շրջելով տնից տուն. եւ ոչ միայն դատարկապորտներ են, այլեւ շատախօս եւ աւելորդ հետաքրքրասէր. եւ խօսում են բաներ, որ պետք չէ խօսել:
14. Ուզում եմ, որ այդ երիտասարդ կանայք ամուսնանան, որդիներ ծնեն, տնարար լինեն եւ հակառակորդին առիթ չտան նախատինքի,
15. քանի որ արդէն իսկ նրանցից ոմանք շեղուել են՝ Սատանայի յետեւից գնալով:
16. Եթէ հաւատացեալ մէկը այրիներ ունի, թող նրանց օգնի, որ եկեղեցին բեռի տակ չընկնի եւ նա կարողանայ օգնել իսկապէ՛ս այրիներին:
17. Այն երեցները, որոնք լաւ վերակացու են, կրկնակի պատուի արժանի թող լինեն. մանաւանդ նրանք, որ տքնում են խօսքով եւ ուսուցանելով.
18. քանզի Սուրբ Գիրքն ասում է. Կալ անող եզան դունչը մի՛ կապիր եւ՝ Մշակն արժանի է իր վարձին:
19. Երեցի մասին ամբաստանութիւն մի՛ ընդունիր, բացի այն դեպքից, երբ դա երկու կամ երեք վկաներով լինի:
20. Իսկ մեղանչողներին յանդիմանի՛ր բոլորի առաջ, որպէսզի միւսներն էլ վախենան:
21. Պարտաւորեցնում եմ քեզ Աստծու եւ Յիսուս Քրիստոսի ու ընտրեալ հրեշտակների առաջ, որ այս բոլորը պահես առանց նախապաշարումի՝ աչառութեամբ ոչինչ չանելով:
22. Ձեռքերդ շտապով որեւէ մէկի վրայ մի՛ դիր եւ ուրիշների մեղքերին մասնակից մի՛ եղիր, քեզ մաքո՛ւր պահիր:
23. Այսուհետեւ միմիայն ջուր մի՛ խմիր, այլ մի քիչ գինի էլ խառնիր՝ քո ստամոքսի եւ յաճախակի տկարութիւնների պատճառով:
24. Կան մարդիկ, որոնց մեղքերը յայտնի են նախքան որեւէ դատաստանի ենթարկուելը. մարդիկ էլ կան, որոնց մեղքերը յետոյ են յայտնի դառնում:
25. Նոյն ձեւով եւ յայտնի են բարի գործերը. եւ այն գործերը, որ յայտնի չեն, թաքնուած մնալ չեն կարող:

1. Բոլոր նրանք, ովքեր ծառայութեան լծի տակ են, նրանցից իւրաքանչիւրը թող իր տէրերին պատուի արժանի համարի, որպէսզի Աստծու անունն ու վարդապետութիւնը չանարգուի:
2. Իսկ նրանք, որ հաւատացեալ տէրեր ունեն, թող չարհամարհեն, որ նրանք եղբայրներ են, այլ անելի լաւ ծառայեն, քանի որ հաւատացեալներ են եւ սիրելի եղբայրներ, որոնք յանձն են առել բարերարութիւնը:
3. Այս բանն ուսուցանի՛ր եւ յորդորի՛ր:
4. Իսկ եթէ մէկն այլ բան ուսուցանի եւ չանսայ մեր Տէր Յիսուս Թրիստոսի ողջամիտ խօսքերին եւ այն վարդապետութեանը, որ աստուածապաշտութեան համապատասխան է,
5. այդպիսին գոռոզամիտ է եւ ոչինչ չգիտէ, այլ բռնուած է հակառակութեան խօսքեր եւ խնդիրներ առաջացնելու հիւանդութեամբ, որոնցից առաջ են գալիս նախանձ, կռիւ, հայիոյութիւններ, չար կասկածներ, խարդախութիւններ
6. մտքով ապականուած եւ ճշմարտութիւնից հեռացած մարդկանց միջեւ, որոնք շահի աղբիւր են համարում աստուածապաշտութիւնը: Բայց դու այդպիսիներից հեռո՛ւ պահիր քեզ:
7. Իրօք, աստուածապաշտութիւնը շահի մեծ աղբիւր է նրանց համար, ովքեր գոհ են իրենց վիճակից.
8. որովհետեւ ոչինչ չբերեցինք աշխարհի, ոչ էլ պիտի կարողանանք տանել:
9. Այլ ունենք կերակուր եւ հանդերձներ ու դրանցով էլ բաւականանք:
10. Իսկ ովքեր հարստանալ են ուզում, ընկնում են փորձութեան, որոգայթի եւ բազում անմիտ ու վնասակար ցանկութիւնների մէջ, որոնք ընկղմում-տանում են մարդկանց դէպի կործանում եւ դէպի կորուստ,
11. որովհետեւ բոլոր չարիքների արմատը փողասիրութիւնն է, որին ոմանք ձգտելով՝ մոլորուեցին հաւատից եւ իրենք իրենց գցեցին բազում ցաւերի մէջ:
12. Իսկ դու, ո՛վ մարդ Աստծու, փախի՛ր այդ բաներից եւ գնա՛ արդարութեան, աստուածապաշտութեան, հաւատի, սիրոյ, համբերութեան եւ հեզութեան յետեւից:
13. Հաւատի բարի մա՛րտը մղիւր եւ պի՛նդ կառչիր յաւիտենական կեանքից, որին կանչուեցիր եւ բարի դաւանութիւնը դաւանեցիր բազում վկաների առաջ:
14. Պատուիրում եմ քեզ Աստծու ներկայութեամբ, որը կեանք է տալիս ամէն ինչի, եւ Յիսուս Թրիստոսի առաջ, որը Պոնտացի Պիղատոսի առաջ վկայեց բարի դաւանութիւնը,
15. որ դու պահես պատուիրանը անբիծ, անարատ, մինչեւ յայտնութիւնը Յիսուս Թրիստոսի,
16. որին իր ժամանակում յայտնի պիտի անի Երանելին եւ միակ Հօգորը, թագաւորների Թագաւորը եւ տէրերի Տէրը,
17. նա, որ միայն ի՛նքն ունի անմահութիւնը եւ բնակւում է անմատչելի լոյսի մէջ, որ մարդկանցից ոչ ոք չի տեսել եւ ոչ էլ կարող է տեսնել. նրան պատիւ եւ զօրութիւն յաւիտեանս: Ամէն:
18. Այս աշխարհի հարուստներին պատուիրի՛ր, որ չհպարտանան եւ չապաւինեն սնոտի հարստութեանը, այլ՝ Աստծուն, որ մեզ առատապէս ամէն ինչ տալիս է վայելելու համար.
19. պատուիրի՛ր բարիք գործել, բարի գործերով հարստանալ, լինել առատաձեռն, բարեսէր, իրենց ունեցածից ուրիշին էլ բաժին հանել՝
20. իրենց համար բարի հիմք դնելով հանդերձեալում, որպէսզի ձեռք բերեն ճշմարիտ կեանքը:
21. Ո՛վ Տիմոթէոս, պահի՛ր աւանդը՝ հեռու մնալով պիղծ եւ նորահնար խօսքերից, հակառակութիւնից եւ խաբեպատիր գիտութիւնից,
22. որը ոմանք յանձն առնելով՝ շեղուեցին հաւատից: Ծնո՛րի քեզ հետ:



## 2 ՏԻՄՈԹԵՈՍ

## Գլուխ 1

1. Պօղոսը՝ Յիսուս Քրիստոսի առաքելալը Աստծու կամքով, ըստ կեանքի խոստման, որ Քրիստոս Յիսուսի մէջ է,
2. սիրելի որդի Տիմոթէոսին. շնորհ, ողորմութի՛ւն, եւ խաղաղութի՛ւն Հայր Աստծուց եւ մեր Տէր Քրիստոս Յիսուսից:
3. Գոհութիւն եմ մատուցում Աստծուն, որին ծառայում եմ մաքուր խղճով ինչպէս իմ նախնիները, երբ իմ աղօթքներում գիշեր-ցերեկ անդադար քեզ եմ յիշում:
4. Յիշելով քո արտասուքները՝ բուռն ցանկութիւն ունեմ քեզ տեսնելու, որպէսզի լցուեմ ուրախութեամբ:
5. Մտաբերում եմ այն անկեղծ հաւատը, որ քո մէջ է, որը նախապէս կար քո տատի՝ Լաւոդիայի եւ քո մօր՝ Եւնիկէի մէջ. վստահ եմ, որ քո մէջ էլ կայ:
6. Ուստի յիշեցնում եմ քեզ, որ վերարծարծես Աստծու շնորհը, որ տուի քեզ՝ իմ ձեռքերը դնելով քեզ վրայ,
7. որովհետեւ Աստուած մեզ երկչոտութեան ոգի չտուեց, այլ՝ զօրութեան, սիրոյ եւ զգաստութեան:
8. Ուստի ամօթ մի՛ համարիր վկայել մեր Տիրոջը, ոչ էլ ինձ՝ նրա կապեալին. այլ մասնակի՛ց եղիր Աւետարանի համար եղած չարչարանքներին, զօրութեամբ Աստծու,
9. որ փրկեց մեզ եւ կոչեց սուրբ կոչումով՝ ոչ ըստ մեր գործերի, այլ ըստ իր նախասահմանութեան եւ շնորհի, որ տրուեց մեզ յաւիտենական ժամանակներից առաջ ի Քրիստոս Յիսուս,
10. բայց յայտնուեց այժմ մեր Փրկչի՝ Յիսուս Քրիստոսի երեւալով. նա, որ կործանեց մահը եւ լուսաւոր դարձրեց կեանքն ու անմահութիւնը Աւետարանի միջոցով,
11. Աւետարան, որին քարոզիչ կարգուեցի ես եւ առաքելալ ու վարդապետ հեթանոսների:
12. Ահա թէ ինչու այս չարչարանքներն եմ կրում, բայց ամօթ չեմ համարում, քանզի գիտեմ, թէ ո՛ւմ եմ հաւատացել եւ վստահ եմ, որ նա կարո՛ղ է իմ աւանդը պահել մինչեւ այն օրը:
13. Որպէս օրինակ ունեցիր այն ողջամիտ խօսքերը, որոնք ինձնից լսեցիր՝ այն հաւատով եւ սիրով, որ ունեն Քրիստոս Յիսուսին միանալով հաւատացողները:
14. Պահի՛ր բարի աւանդը մեր մէջ բնակուող Սուրբ Հոգու միջոցով:
15. Այս բանը իմացի՛ր, որ մեզնից հեռացան բոլոր նրանք, որ Ասիայից էին, որոնց թւում են Փիգեղոսը եւ Հերմոգենէսը:
16. Թող Աստուած ողորմած լինի Օնեսիփորոսի ընտանիքին, որովհետեւ նա ինձ շատ անգամ հանգստացրեց եւ իմ կապանքները ամօթ չհամարեց.
17. այլ, երբ Հռոմ եկաւ, եռանդագին փնտռեց ինձ ու գտաւ
18. (տայ Տէրը, որ նա ողորմութիւն գտնի Տիրոջից այն օրը). եւ թէ ինչքա՛ն ինձ ծառայութիւն մատուցեց Եփեսոսում, այդ դու ինքդ քաջ գիտես:

1. Եւ դու, որդեա՛կ իմ, զօրացի՛ր Զրիստոս Յիսուսի շնորհով:
2. Եւ ինչ որ լսեցիր ինձնից բազում վկաներով, աւանդի՛ր այն հաւատարիմ մարդկանց, որ կարող լինեն ուրիշներին Էլ ուսուցանել:
3. Վշտակի՛ց եղիր Զրիստոս Յիսուսի տառապանքներին որպէս նրա բարի զինուորը:
4. Ոչ ոք, զինուոր դառնալով, չի զբաղուի աշխարհիկ կեանքի գործերով, որպէսզի զօրավարին հաճելի լինի:
5. Եւ եթէ մէկը մրցամարտիկ է, պսակ չի ստանայ, եթէ ըստ օրէնքի չմարտնչի:
6. Եւ չարաչար աշխատող հողագործը նախ պետք է վայելի պտղից:
7. Իմացի՛ր՝ ինչ ասում եմ: Թող Տէրը քեզ իմաստութիւն տայ ամէն ինչում:
8. Յիշի՛ր մեռելներից յարութիւն առած Զրիստոս Յիսուսին՝ Դաւթի ցեղից, իմ քարոզած Աւետարանի համաձայն,
9. որի համար չարչարում եմ եւ շղթայուած իսկ եմ, ինչպէս չարագործը. բայց Աստծու խօսքը շղթայուած չէ:
10. Դրա համար ամէն ինչի համբերում եմ ընտրեալների սիրուն, որպէսզի նրանք Էլ հասնեն փրկութեան եւ երկնային փառքին, որ Զրիստոս Յիսուսի միջոցով է:
11. Ճիշտ է այս խօսքը, թէ՛
12. Այս բաները յիշեցրո՛ւ նրանց՝ վկայութիւն տալով Աստծու առաջ, որ բանակռիւներ չմղեն, որոնք ոչ մի բանի օգտակար չեն, այլ կործանում են լսողներին:
13. Ջանա՛ւ Աստծու առաջ ներկայացնել քեզ փորձուած, որպէս մի մշակ, որ ամօթով չի մնում, ճշմարտութեան խօսքը ուղիղ ներկայացնող:
14. Բայց պիղծ բաներից եւ սնոտի խօսքերից հեռո՛ւ մնա, քանի որ դրանց անձնատուր եղողները անելի ու անելի առաջ են գնում ամբարշտութիւնների մէջ,
15. եւ նրանց խօսքերը քաղցկեղի նման ճարակ են գտնում: Նրանց թւում են Հիմնուսը եւ Փիղետոսը,
16. որոնք շեղուեցին ճշմարտութիւնից եւ ասում են, թէ մեռելների յարութիւնը արդէն իսկ եղել է. նրանք կործանում են ոմանց հաւատը:
17. Բայց Աստծու հաստատուն հիմքը կանգուն է մնում եւ ունի այս կնիքը, թէ՛ Տէրը ճանաչեց նրանց, որ իրն են. նաեւ՝ Անիրաւութիւնից հեռու լինի ամենայն ոք, ով կրում է Տիրոջ անունը:
18. Մի մեծ տան մէջ ոչ միայն ոսկեայ եւ արծաթեայ անօթներ են լինում, այլ նաեւ՝ փայտեայ եւ խեցե: Կան այնպիսիք, որոնք պատուաւոր գործածութեան համար են, կան Էլ, որ ոչ պատուաւոր գործածութեան համար են:
19. Եթէ մէկն ինքն իրեն մաքրի այդպիսի բաներից, կը լինի պատուաւոր անօթ՝ սրբագործուած եւ պիտանի իր Տիրոջը, պատրաստուած ամէն բարի գործի համար:
20. Երիտասարդական ցանկութիւններից փախի՛ր եւ գնա՛ւ արդարութեան, հաւատի, սիրոյ, խաղաղութեան եւ սրբութեան յետեւից նրանց հետ, որոնք մաքուր սրտով աղօթում են Տիրոջ անունով:
21. Բայց յիմար եւ անմիտ վեճերից խուսափի՛ր. իմացի՛ր, որ դրանցից կռիւներ են ծնւում:
22. Այսպէս ուրեմն՝ Տիրոջ ծառան պետք չէ որ կռիւ անի, այլ բոլորի հանդէպ լինի հեգհամբոյր, ուսուցանող, անոխակալ՝
23. հանդարտութեամբ խրատելու համար հակառակողներին, որ թերեւս Աստուած նրանց ապաշխարութիւն տայ, որպէսզի ճանաչեն ճշմարտութիւնը
24. եւ զգաստանալով՝ ազատուեն Սատանայի որոգայթներից, որոնց մէջ բռնուած են նրա կամքը կատարելու պատճառով:



1. Այս բանն իմացիր, որ վերջին օրերին չար ժամանակներ պիտի գան,
2. երբ մարդիկ պիտի լինեն անձնասէր, փողասէր, հպարտ, ամբարտաւան, հայիոյող, ծնողներին անհնազանդ, անշնորհակալ, անմաքուր,
3. անհաշտ, անգութ, բանսարկու, անժուժկալ, դաժանաբարոյ, անբարեսէր,
4. մատնիչ, յանդուգն, մեծամիտ, աւելի շատ հեշտասէր, քան աստուածասէր,
5. մարդիկ, որ ունեն աստուածապաշտութեան կերպարանք, սակայն ուրացել են նրա զօրութիւնը: Նաեւ խորշի՛ր նրանցից,
6. քանզի նրանց մէջ կան այնպիսիք, որ մտնում են տնից տուն եւ գերում են մեղքերով ծանրաբեռն կանանց, որոնք տարուած են պէսպէս ցանկութիւններով.
7. կանայք, որ միշտ ուսանում են, բայց երբեք չեն կարող հասնել ճշմարիտ գիտութեանը:
8. Եւ ինչպէս Յանէսն ու Յամբէսը հակառակուեցին Մովսէսին, այնպէս էլ սրանք հակառակոււմ են ճշմարտութեանը. ապականուած մտքով մարդիկ, անպէտք՝ հաւատի մէջ:
9. Բայց նրանք աւելի առաջ գնալ երբեք չեն կարող, քանի որ իրենց յիմարութիւնը յայտնի կը լինի բոլորին, ինչպէս որ եղաւ այդ երկուսինը:
10. Իսկ դու հետեւեցիր իմ վարդապետութեանը, իմ վարմունքին, կամեցողութեանը, հաւատին, համբերատարութեանը, սիրուն, համբերութեանը
11. եւ այն հալածանքներին ու չարչարանքներին, որոնք պատահեցին ինձ Անտիոքում, Իկոնիոնում եւ Լիւստրայում. գիտես, թէ ինչպիսի՛ հալածանքների ենթարկուեցի, բայց Տէրն ինձ փրկեց այդ բոլորից:
12. Եւ բոլոր նրանք, որ ուզում են աստուածապաշտութեամբ ապրել Քրիստոս Յիսուսով, հալածանքների մէջ պիտի լինեն:
13. Իսկ չար եւ խաբեբայ մարդիկ չարից այն կողմ էլ պիտի գնան. իրենք մոլորուած՝ պիտի մոլորեցնեն ուրիշներին:
14. Բայց դու հաստա՛տ մնա այն բանի մէջ, որ սովորեցիր եւ որին հաւատարիմ եղար. գիտես, թէ ումից ես սովորել,
15. որովհետեւ մանկուց գիտես Սուրբ Գրքերը, որոնք կարո՛ղ են իմաստուն դարձնել քեզ փրկութեան համար այն հաւատի միջոցով, որ Քրիստոս Յիսուսի մէջ է:
16. Աստծու շնչով գրուած ամէն գիրք օգտակար է ուսուցման, յանդիմանութեան, ուղղելու եւ արդարութեան մէջ խրատելու համար,
17. որպէսզի կատարեալ լինի Աստծու մարդը եւ պատրաստ՝ բոլոր բարի գործերի համար:

1. Այս բանն եմ վկայել տալիս Աստծու եւ Յիսուս Քրիստոսի առաջ, որ դատելու է կենդանիներին եւ մեռածներին՝ իր յայտնութեան օրը, երբ գայ իր արքայութեամբ:
2. Եւ դու քարոզի՛ր Աստծու խօսքը, շարունակ՝ յայտարարի՛ր այն, ժամանակին լինի թէ տարածամ, յանդիմանի՛ր, սաստի՛ր, յորդորի՛ր՝ կատարեալ համբերատարութեամբ ուսուցանելով:
3. քանզի պիտի գայ ժամանակ, երբ չպիտի անսան ողջամիտ վարդապետութեանը, այլ, իւրաքանչիւրն ըստ իր ցանկութիւնների, ուսուցանողներ պիտի հաւաքի իր շուրջը՝ իր ականջներին հաճելի բաներ լսելու մարմաջով:
4. Եւ նրանք ականջները պիտի դարձնեն ճշմարտութիւնից ու պիտի մոլորուեն գնան առասպելների յետեւից:
5. Իսկ դու արթո՛ւն եղի՛ր ամեն ինչում, նեղութիւնների մէջ համբերի՛ր, աւետարանչի գործե՛ր արա, լիովի կատարի՛ր քո պաշտօնը:
6. Իսկ ես զոհաբերուելու եմ, եւ իմ մեկնումի ժամանակը հասել է:
7. Պատերազմեցի բարի պատերազմը, աւարտեցի ընթացքս, պահեցի հաւատը:
8. Եւ հիմա ինձ է սպասում արդարութեան պսակը, որը, որպէս հատուցում, ինձ պիտի տայ Տէրը՝ արդար Դատաւորը, այն օրը. եւ ոչ միայն ինձ, այլ նաեւ բոլոր նրանց, որ սիրեցին նրա յայտնուելը:
9. Ջանա՛ իսկոյն գալ ինձ մօտ,
10. որովհետեւ Դեմասն ինձ լքեց եւ աշխա՛րհը սիրեց. նա գնաց Թեսալոնիկէ, Կրեսկէսը՝ Գալիլիա, Տիտոսը՝ Դաղմատիա:
11. Դուկասն է միայն ինձ հետ: Մարկոսին վերցնելով՝ քեզ հետ բե՛ր, որովհետեւ նա ինձ պետք է ծառայութեան համար:
12. Տիւքիկոսին ուղարկեցի Եփեսոս:
13. Տրովադայում թողեցի վերարկուն, Կարպոսի մօտ. երբ գաս, հետդ բե՛ր այն. բե՛ր նաեւ գրքերը, մանաւանդ՝ մագաղաթները:
14. Աղէքսանդրոսը բազում չարչարանքներ պատճառեց ինձ: Թող Տէրը նրան հատուցի ըստ իր գործերի:
15. Նրանից դո՛ւ ել գգուշացի՛ր, որովհետեւ մեր խօսքերին շատ հակառակուեց:
16. Առաջին ատենաի ժամանակ ոչ ոք ինձ թիկունք չկանգնեց. բոլորը լքեցին ինձ: Այդ թող նրանց յանցանք չհամարուի:
17. Բայց Տէրն օգնեց ինձ եւ զօրացրեց ինձ, որպէսզի ինձնով հաստատուի քարոզութիւնը, եւ բոլոր հեթանոսները լսեն այն: Առիւծի բերանից փրկուեցի ես:
18. Տէրն ինձ կ'ազատի բոլոր չար գործերից եւ կը հասցնի իր երկնային արքայութեանը. նրան փառք յաւիտեանս յաւիտենից: Ամեն:
19. Ողջունի՛ր Պրիսկային եւ Ակիւղասին. նաեւ՝ Օնեսիփորոսի ընտա-
20. նիքին:
21. Երաստոսը մնաց Կորնթոսում: Տրոփիմոսին հիւանդ վիճակում թողեցի Մելիտոսում:
22. Աշխատի՛ր գալ նախքան ձմեռը: Քեզ ողջունում են Եբուդոսը, Պուղէսը, Դինոսը, Կլոդիան ու բոլոր եղբայրները:
23. Տէր Յիսուս Քրիստոս լինի քո հոգու հետ: Աստծու շնորհը քեզ հետ:

ShSNU

## Գլուխ 1

1. Պօղոսը՝ ծառայ Աստծու եւ առաքեալ Յիսուս Քրիստոսի, որ կոչուած է բերելու Աստծու ընտրեալներին հաւատի եւ ճշմարտութեան գիտութեանը, որ աստուածապաշտութեամբ է
2. եւ յաւիտենական կեանքի յոյսով, որը խոստացաւ անսուտն Աստուած յաւիտենական ժամանակներից առաջ,
3. բայց յայտնեց իր խօսքը իր ժամանակին՝ քարոզութեամբ, որին ես հաւատարիմ եղայ ըստ մեր Փրկիչ Աստծու հրամանի.
4. Տիտոսին՝ հասարակաց հաւատի մէջ իմ սիրելի որդուն, շնորհ եւ խաղաղութի՛ւն Հայր Աստծուց եւ մեր Փրկիչ Քրիստոս Յիսուսից:
5. Դրա համար իսկ քեզ թողեցի Կրետեում, որպէսզի, ինչ պակաս բան որ կայ, ուղղես եւ իւրաքանչիւր քաղաքում երեցներ կարգես, ինչպէս որ ես պատուիրեցի քեզ:
6. Կարգես մի այնպիսի մարդու, որ լինի անբասիր, մէ՛կ կնոջ մարդ, ունենայ հաւատացեալ որդիներ, որոնք անառակութեան մէջ ամբաստանուած կամ անհնազանդ չլինեն,
7. քանի որ պէտք է, որ եպիսկոպոսն անբասիր լինի, որպէս Աստծու տնտես. ոչ յանդուգն, ոչ բարկացող, ոչ անարգող, ոչ կռուարար, ոչ շահասէր,
8. այլ՝ հիւրասէր, բարեսէր, խոհեմ, արդար, սուրբ, ժուժկալ,
9. ամուր կապուած վարդապետութեան հաւատի խօսքին, որպէսզի կարողանայ յորդորել ողջամիտ վարդապետութեամբ եւ կշտամբել հակառակորդներին.
10. քանզի անհնազանդներ շատ կան, դատարկախօսներ, մոլորեցնողներ, մանաւանդ եթէ հրեութիւնից դարձածներից են.
11. նրանց բերանը պէտք է փակել. նրանք կործանում են բոլոր ընտանիքները եւ շահամոլութեան համար ուսուցանում են այնպիսի բաներ, որ պէտք չէ ուսուցանել:
12. Նրանցից մէկը, իրենց իսկ մարգարէն, ասաց. Կրետացիները մշտապէս ստախօսներ են, չար գազաններ, դատարկապորտներ:
13. Եւ ստոյգ է այս վկայութիւնը. ուստի նրանց խստագոյնս կշտամբի՛ր, որպէսզի առողջ լինեն հաւատի մէջ
14. եւ չնայեն հրեական առասպելներին եւ ճշմարտութիւնից շեղուած մարդկանց հրահանգներին:
15. Ամէն ինչ մաքուր է խղճմտանքով մաքուր եղողների համար, բայց պիղծերի եւ անհաւատների համար ոչ մի բան մաքուր չէ: Եւ նրանց միտքն ու խղճմտանքը պղծուած են:
16. Խոստովանում են, որ գիտեն Աստծուն, բայց իրենց գործերով ուրանում են նրան. պիղծ են, անհնազանդ եւ ամէն բարի գործի համար՝ անպէտք:

## Գլուխ 2

1. Բայց դու սովորեցրո՛ւ այն, ինչ որ վայել է ողջամիտ վարդապետությանը.
2. որ ծերերը լինեն զգաստ, պարկեշտ, խոհեմ, ողջամիտ՝ հաւատի, սիրոյ, համբերութեան, ժուժկալութեան մէջ:
3. Պառաւ կանայք նոյնպէս լինեն զգաստ եւ սրբերին վայել վարմունք ունենան. ոչ բանսարկու, ոչ գինեմուլ, այլ՝ բարեխրատ,
4. որ խրատեն դեռատի կանանց՝ սիրելու իրենց մարդկանց, լինելու որդեսէր,
5. խոհեմ, մաքրակենցաղ, տնարար, բարեգործ, հնազանդ իրենց մարդկանց, որպէսզի Աստծու խօսքը եւ վարդապետութիւնը չանարգուի:
6. Երիտասարդներին նոյնպէս յորդորի՛ր լինել խոհեմ,
7. քո անձը բոլորին օրինակ դարձրո՛ւ բարի գործերի համար, ուսուցման մէջ պահի՛ր անեղծութիւն, սրբութիւն, պարկեշտութիւն,
8. ողջամիտ խօսք՝ պարսաւանքի տեղի չտուող, որպէսզի, ով որ հակառակուի, ամօթով մնայ եւ մեր մասին ասելու որեւէ չար բան չունենայ:
9. Յորդորի՛ր ծառաներին, որ հնազանդ լինեն իրենց տէրերին եւ ամէն ինչում լինեն հաճելի նրանց. ոչ հակառակուող,
10. ոչ շորթող, այլ ցոյց տան կատարեալ հաւատարմութիւն՝ բարութեամբ, որպէսզի մեր Փրկչի՝ Աստծու վարդապետութիւնը ամէն ինչում զարդարեն:
11. Քանզի Աստուած իր շնորհը յայտնեց որպէս փրկութեան միջոց բոլոր մարդկանց,
12. շնորհ, որ խրատում է մեզ, որ մերժենք ամբարշտութիւնը եւ աշխարհիկ ցանկութիւնները, այս աշխարհում ապրենք զգաստութեամբ, աստուածապաշտութեամբ
13. եւ ակնդէտ սպասենք երանելի յոյսին եւ փառքի յայտնութեանը մեծն Աստծու եւ մեր Փրկչի՝ Յիսուս Քրիստոսի,
14. որ իր անձը տուեց մեզ համար, որպէսզի մեզ փրկի ամէն անօրէնութիւնից եւ մաքրի որպէս իրեն սեփական ժորովորդ՝ Նախանձախնդիր բարի գործերի:
15. Այս բաները խօսի՛ր, յորդորի՛ր եւ յանդիմանի՛ր ամենայն խստութեամբ, որպէսզի չլինի մէկը, որ քեզ արհամարհի:

1. Յիշեցրո՛ւ նրանց, որ իշխանութիւններին եւ պետութիւններին հնազանդուեն եւ հպատակուեն, բոլոր բարի գործերի համար պատրաստ լինեն.
2. ոչ ոքի չչարախօսեն, չլինեն կռուարար, այլ՝ հեզահամբոյր, բոլոր մարդկանց հանդէպ քաղցրութեամբ վերաբերուեն.
3. որովհետեւ մի ժամանակ մենք էլ էինք անմիտ, անհնազանդ, մոլորուած, ծառայում էինք ցանկութիւնների եւ պէսպէս անառակութիւնների. չարութեամբ եւ նախանձով էինք ապրում, ատելի էինք եւ ատում էինք միմեանց:
4. Իսկ երբ մեր Փրկիչ Աստծու քաղցրութիւնը եւ մարդասիրութիւնը յայտնուեց, -
5. ոչ այն արդարութեան գործերի համար, որ մենք արեցինք, այլ իր ողորմութեան համաձայն, - փրկեց մեզ վերստին ծննդեան աւազանի միջոցով եւ նորոգութեամբ Սուրբ Հոգու,
6. որ Աստուած թափեց մեր վրայ առատութեամբ մեր Փրկչի՝ Յիսուս Քրիստոսի միջոցով,
7. որպէսզի, նրա շնորհով արդարացուած, ժառանգներ լինենք յաւիտենական կեանքի յոյսով:
8. Ճիշտ է այս խօսքը, եւ ուզում եմ, որ դու հաստա՛տ մնաս սրանում, որպէսզի Աստծուն հաւատացողները ջանք թափեն բարի գործեր կատարելու, քանի որ ա՛յդ է բարի եւ օգտակար՝ մարդկանց համար:
9. Բայց հեռո՛ւ վանիր յիմար վեճերը, տոհմաբանութիւնները, հակաճառութիւններն ու օրէնքի շուրջ եղող կռիւները, որովհետեւ դրանք անօգուտ են եւ սնոտի:
10. Հեռացի՛ր հերձուածող մարդուց՝ մէկ կամ երկու անգամ նրան խրատելուց յետոյ.
11. իմացի՛ր, որ շեղուած է այդպիսին եւ մեղանչում է՝ ինքն իսկ դատապարտելով իրեն:
12. Երբ քեզ մօտ ուղարկեմ Արտեմասին կամ Տիւքիկոսին, շտապի՛ր գալ ինձ մօտ Նիկոպոլիս, քանի որ մտադիր եմ այնտեղ ձմեռել:
13. Օրէնսգետ Չենոնին եւ Ապողոսին շուտով ճանապարհի՛ր, այնպէս որ նրանք ոչ մի բանի պակասը չզգան:
14. Եւ մերոնք էլ թող սովորեն հետամուտ լինել բարի գործերի, կարեւոր պետքերի մէջ, որպէսզի անպտուղ չլինեն:
15. Ողջունում են քեզ բոլոր նրանք, որ ինձ հետ են: Ողջունի՛ր հաւատի մէջ մեզ սիրողներին: Շնո՛րհ՝ ձեզ բոլորիդ:

ՓԻԼԻՄՈՆ

1. Պօղոսը՝ բանտարկեալը Յիսուս Քրիստոսի, եւ Տիմոթէոս եղբայրը, սիրելի Փիլիմոնին՝ մեր գործակցին,
2. եւ Ապփիա քոջը, մեր զինակից Արքիպպոսին եւ տնական եկեղեցու:
3. Շնորհի ձեզ եւ խաղաղութիւն մեր Հայր Աստծուց եւ տէր Յիսուս Քրիստոսից:
4. Գոհութիւն եմ մատուցում իմ Աստծուն՝ իմ աղօթքներում միշտ յիշատակելով քեզ,
5. երբ լսում եմ քո հաւատի եւ սիրոյ մասին, որ ունես Տէր Յիսուսի եւ բոլոր սրբերի հանդէպ,
6. որպէսզի քո հաղորդակցութիւնը հաւատին արգասաւոր լինի ճանաչելու այն ամբողջ բարին, որ կայ ձեր մէջ Քրիստոս Յիսուսով:
7. Մեծ ուրախութիւն եւ մխիթարութիւն ունեցայ՝ լսելով քո սիրոյ մասին, քանի որ սրբերի սրտերը քեզնով հանգստանում են, եղբայր:
8. Չնայած մեծ համարձակութիւն ունեմ Քրիստոսով հրամայելու քեզ անել, ինչ որ պէտք է,
9. սակայն սերը ստիպում է ինձ, որ աղաչեմ ես՝ ծերացած Պօղոսը եւ այժմ նաեւ բանտարկեալը Յիսուս Քրիստոսի:
10. Աղաչում եմ քեզ իմ որդու՝ Օնեսիմոսի համար, որի հոգեւոր հայրը եղայ ես իմ կապանքների մէջ.
11. նա մի ժամանակ պիտանի չէր քեզ, բայց այժմ պիտանի է թէ՛ քեզ եւ թէ՛ ինձ:
12. Նրան յետ ուղարկեցի քեզ մօտ. եւ դու ընդունի՛ր նրան որպէս իմ սրտի հատորը.
13. նրան ուզում էի ինձ մօտ պահել, որպէսզի քո փոխարէն ծառայի ինձ Աւետարանի համար իմ կրած կապանքների մէջ:
14. Բայց առանց քո կամքի ոչինչ չուզեցի անել, որպէսզի քո բարի գործը հարկադրանքով չլինի, այլ՝ յօժարակամ:
15. Եւ թերեւս նա հեռացաւ միառժամանակ նրա համար, որ ընդմիջտ ունենաս նրան
16. այլեւս ոչ իբրեւ ծառայ, այլ աւելի վեր, քան ծառան, որպէս մի սիրելի եղբայր. եթէ նա ինձ համար սիրելի է, որչա՛փ եւս առաւել կը լինի քեզ համար՝ թէ՛ իբրեւ ստրուկ եւ թէ՛ իբրեւ եղբայր Տիրոջով:
17. Եթէ ինձ ընկերակից ես համարում քեզ, ընդունի՛ր նրան, ինչպէս ինձ կ'ընդունէիր:
18. Եւ եթէ մի անհրաւութիւն է արել քո դէմ կամ մի բան է պարտք քեզ, այն իմ վրայ՝ հաշուիր:
19. Ես՝ Պօղոսը, իմ ձեռքով գրեցի, ես կը հատուցե՛մ, որպէսզի չասեմ քեզ, թէ դու ել քո ա՛նձն ես ինձ պարտական:
20. Այո՛, եղբայր, քո փոխարէն ե՛ս ուրախանամ Տիրոջով: Մխիթարի՛ր իմ սիրտը Քրիստոսով:
21. Քո հնազանդութեանը վստահելով է, որ գրեցի քեզ, քանզի գիտեմ, որ կ'անես աւելին, քան ինչ ասում եմ:
22. Միաժամանակ ինձ համար էլ մնալու մի տեղ պատրաստի՛ր, քանի որ յոյս ունեմ, որ ձեր աղօթքներով կը շնորհուեմ ձեզ:
23. Ձեզ ողջունում է Եպափրասը՝ իմ գերութեան ընկերը ի Քրիստոս Յիսուս,
24. ինչպէս նաեւ Մարկոսը, Արիստարքոսը, Դեմասը եւ Դուկասը՝ իմ գործակիցները:
25. Մեր Տէր Յիսուս Քրիստոսի շնորհը ձեր հոգու հետ:



ԹՈՒՂԹ ԵԲՐԱՅԵՑԻՆԵՐԻՆ

## Գլուխ 1

1. Աստուած բազմապիսի ձեւերով եւ այլազան օրինակներով նախապէս խօսեց մեր հայրերի հետ մարգարէների միջոցով.
2. այս վերջին օրերին մեզ հետ խօսեց իր Որդու միջոցով, որին ժառանգ նշանակեց ամէն ինչի, եւ որի միջոցով ստեղծեց տիեզերքը:
3. Նա, որ լոյսն է նրա փառքի եւ բուն պատկերը նրա էութեան, որ իր խօսքի զօրութեամբ հաստատ է պահում տիեզերքը: Նա մեր մեղքերի մաքրումը կատարելուց յետոյ, նստեց Աստծու մեծութեան աջ կողմում՝ բարձունքներում:
4. Նա այնչափ գերազանց եղաւ հրեշտակներից, որ նրանցից շատ անելի անուն ժառանգեց:
5. Արդարեւ, հրեշտակներից որի՞ն երբեւէ ասաց.
6. եւ դարձեալ.
7. եւ դարձեալ, երբ անդրանկին աշխարհ է մտցնում, ասում է.
8. Իսկ հրեշտակների մասին էլ ասում է.
9. Իսկ Որդու մասին ասում է.
10. Նաեւ՝
11. Հրեշտակներից որի՞ն երբեւէ ասաց.
12. Չէ՞ որ բոլորն էլ սպասարկող հոգիներ են, որոնք ուղարկւում են ի սպասաւորութիւն նրանց, որ ժառանգելու են փրկութիւնը:

1. Ահա թե ինչու մենք պետք է աւելի եւս ուշադիր լինենք ասուած խօսքերին, որպէսզի երբեք դրանցից չտարուենք դէպի կորուստ,
2. որովհետեւ, եթէ այն խօսքը, որ հրեշտակների միջոցով ասուեց, հաստատուն մնաց, եւ ամէն յանցանք ու անհնազանդութիւն արդար պատիժ ստացան,
3. մենք ինչպէ՞ս պիտի ազատուենք, եթէ անհոգ գտնուենք այնպիսի փրկութեան հանդէպ, որ նախ հռչակուեց Տիրոջ կողմից եւ ապա հաստատուեց մեզ համար նրանց միջոցով, որ լսել էին այն.
4. Աստուած էլ այն վկայեց նշաններով, զօրաւոր գործերով, ամէն տեսակ զօրութիւններով եւ Սուրբ Հոգու շնորհներով, որոնք տրուեցին իր կամքի համաձայն:
5. Քանզի հրեշտակներին չէ, որ հնազանդեցրեց գալիք աշխարհը, որի մասին մենք խօսում ենք:
6. Մէկը վկայում է մի տեղ եւ ասում է.
7. Արդ, ամէն ինչ հնազանդեցնելով՝ նրան չհնազանդող ոչինչ չթողեց. սակայն այժմ դեռ ամէն ինչ նրան հնազանդուած չենք տեսնում:
8. Բայց տեսնում ենք փառքով եւ պատուով պսակուած Յիսուսին, որ մի փոքր հրեշտակներից աւելի ցածր էր դասուել մահուան չարչարանքները յանձն առնելու պատճառով, որպէսզի Աստծու շնորհով բոլորի համար մահը ճաշակի.
9. որովհետեւ վայել էր, որ Աստուած (նրա համար եւ նրանով է ամէն բան) կատարեալ դարձնի Յիսուսին չարչարանքների միջոցով, որպէսզի բազում որդիներ մասնակցեն նրա փառքին, քանի որ Յիսուս է նրանց դէպի փրկութիւն առաջնորդողը:
10. Քանզի նա, որ սրբացնում է, եւ նրանք, որ սրբացւում են, բոլորն էլ մէկի՛ց են. ահա թէ ինչու ամօթ չի համարում եղբայրներ անուանել նրանց եւ ասել.
11. Եւ դարձեալ.
12. Եւ դարձեալ.
13. Արդ, որովհետեւ զաւակները հաղորդակից եղան արեան եւ մարմնին, ինքն էլ մարդկային բնութեամբ մասնակից եղաւ նրանց, որպէսզի իր մահով կործանի նրան, որ մահուան իշխանութիւն ուներ, այսինքն՝ Սատանային,
14. եւ ազատի նրանց, որ, մահուան երկիւղով, միշտ գերութեան վիճակում էին:
15. Ահա թէ ինչու նա օգնելու համար երբեք հրեշտակներին ձեռք չերկարեց, այլ՝ Աբրահամի սերնդին:
16. Ուստի, պետք էր, որ նա ամէն ինչով եղբայրներին նմանուէր, որպէսզի ողորմած լինէր եւ հաւատարիմ քահանայապետ Աստծու առաջ իր ծառայութեան մէջ՝ քաւելու համար ժողովրդի մեղքերը.
17. որովհետեւ, ինչպէս որ ինքն իսկ չարչարուեց՝ փորձութեան մատնուելով, այնպէս էլ կարո՞ղ է օգնել փորձութեան ենթարկուածներին:

1. Ուստի, սո՛ւրբ եղբայրներ, որ մասնակից էք երկնաւոր կոչմանը, նայեցէ՛ք Յիսուս Քրիստոսին, որին Աստուած ուղարկեց՝ լինելու Քահանայապետն այն հաւատի, որ խոստովանում ենք մենք.
2. Նա հաւատարիմ էր իր Արարչին, որ նրան կարգեց այս պաշտօնին, ինչպէս որ Մովսէսն էլ հաւատարիմ եղաւ նրա ամբողջ տան մէջ.
3. որովհետեւ նա առաւել փառքի արժանի եղաւ, քան Մովսէսը, ինչպէս որ տունը կառուցողն ավելի պատիւ ունի, քան տունը.
4. արդարեւ, ամէն տուն, որ կառուցւում է, որեւէ մէկի կողմից է կառուցւում, իսկ ով ամէն բան արարեց, Աստուած է:
5. Մովսէսը հաւատարիմ եղաւ նրա ամբողջ տան մէջ որպէս ծառայ՝ վկայելու համար ասուելիք խօսքերը.
6. իսկ Քրիստոս իբրեւ որդի՝ նրա տան վրայ: Նրա տունը մենք իսկ ենք, միայն թէ վստահութիւնը եւ յոյսի պարծանքը մինչեւ վերջ հաստատ պահենք:
7. Դրա համար էլ Սուրբ Հոգին այսպէս է ասում.
8. Եղբայրներ՝, տեսէ՛ք, ձեզանից որեւէ մէկի մէջ թող երբեք չլինի չար ու անհաւատ սիրտ եւ ապրստամբի կենդանի Աստծու դէմ:
9. Բայց յորդորեցէ՛ք միմեանց ամէն օր, քանի այդ Այսօրը դեռ առջեւում է, որպէսզի ձեզնից ոչ ոք չկարծրանայ մեղքի խաբէութեամբ.
10. ահա մասնակից եղանք Քրիստոսին, միայն թէ հաստատ պահենք այն վստահութիւնը, որ ունեցել ենք սկզբից,
11. քանի որ ասուած է.
12. Քանզի ովքե՞ր էին, որ լսեցին եւ դառնացրին նրան. չէ՞ որ բոլոր նրանք, ովքեր դուրս էին եկել Եգիպտոսից Մովսէսի միջոցով:
13. Ումի՞ց զգուանք զգաց քառասուն տարի. չէ՞ որ յանցանք գործածներից, որոնց ոսկորներն ընկան այնտեղ, անապատում:
14. Ո՞ւմ երդուեց, որ չպիտի մտնեն իր հանգստի մէջ, եթէ ոչ՝ անհնազանդներին:
15. Եւ տեսնում ենք, որ նրանք չկարողացան մտնել իրենց անհաւատութեան պատճառով:

1. Չգո՛յշ լինենք ուրեմն, որ նրա հանգստի մէջ մտնելու խոստումից, որ տրուած է մեզ, ձեզնից որեւէ մէկը չզրկուի:
2. քանզի ակետուած է, ինչպէս եւ նրանց: Բայց խօսքը լսելը չօգնեց անապատում եղողներին, որոնք հաւատով չլսեցին այն:
3. Իսկ մենք, որ հաւատացինք, մտնելու ենք այդ հանգստի մէջ, ինչպէս որ նա ասաց:
4. թէեւ նրա գործերը աշխարհի սկզբից կատարուած էին:
5. Քանզի մի տեղ եօթներորդ օրուայ մասին այսպէս է ասուած:
6. Եւ այստեղ դարձեալ ասում է, թէ՝ չպիտի մտնեն իմ հանգստի մէջ:
7. Եւ արդ, քանի որ ոմանց արգելուել էր մտնել նրա մէջ, եւ նրանք էլ, որոնց նախապէս ակետուել էր, չմտան անհնազանդութեան պատճառով,
8. դարձեալ նա մի ուրիշ օր է սահմանում, Այսօրը. երկար ժամանակ յետոյ ասում է, ինչ որ Դաւթի բերանով ասուել է ակելի առաջ:
9. Որովհետեւ, եթէ Յեսուն դրանց հանգիստ տուած լինէր, ապա դրանից յետոյ Աստուած ուրիշ օրուայ մասին չէր խօսի:
10. Արդ, ուրեմն, Աստծու ժողովրդի համար դեռ մնում է մի ուրիշ հանգստի օր:
11. որովհետեւ, ով մտնում է նրա հանգստի մէջ, նա հանգստանում է իր գործերից, ինչպէս Աստուած էլ հանգստացաւ իր գործերից:
12. Ջանանք, ուրեմն, մտնել այդ հանգստի մէջ, որպէսզի որեւէ մէկը նոյնօրինակ անհնազանդութեան մէջ չընկնի:
13. Կենդանի է Աստծու խօսքը, ազդու եւ ակելի հատու, քան ամէն մի երկսայրի սուր. եւ կտրում անցնում է մինչեւ ոգու եւ հոգու, յօդերի եւ ողնածուծի բաժանման սահմանը. նա քննում է սրտի մտածումներն ու խորհուրդները:
14. Եւ նրա առաջ չկայ անտեսանելի արարած, այլ ամէն ինչ պարզ ու յստակ է նրա աչքերի առաջ. նրա մասին են մեր այս խօսքերը:
15. Ուրեմն, ունենք երկինքներով անցած մի մեծ Քահանայապետ՝ Յիսուսին՝ Աստծու Որդուն, ուստի ամուր պահենք մեր դաւանած հաւատը:
16. քանզի ոչ թէ ունենք մի քահանայապետ, որ կարող չլինի չարչարակից լինել մեր տկարութեանը, այլ՝ մի Քահանայապետ, որ մեզ նման փորձուած է ամէն ինչում, բայց առանց մեղքի է:
17. Ուրեմն, համարձակութեամբ մօտենանք նրա շնորհի աթոռին, որպէսզի ողորմութիւն ստանանք եւ շնորհ գտնենք այն ժամանակ, երբ օգնութեան կարիք ունենք:

1. Ամեն մի քահանայապետ, մարդկանց միջից ընտրուելով, պաշտօն ունի մարդկանց կողմից Աստծու հետ յարաբերութեան մէջ լինելու, որպէսզի ընծաներ եւ զոհեր մատուցի մեղքերի համար:
2. Նա որոշ չափով միայն կարող է չարչարակից լինել տգէտներին եւ մոլորուածներին, քանի որ ինքն էլ տկարութեամբ պատած մարդ է.
3. դրա համար պետք է, որ նա, ինչպէս ժողովրդի, այնպէս էլ իր համար ընծաներ մատուցի մեղքերի համար:
4. Եւ որեւէ մէկը ոչ թէ ինքն իրենից է առնում այս պատիւը, այլ առնում է նա, ով Աստուծոց է կանչուած, ինչպէս որ՝ Ահարոնը:
5. Նոյնպէս եւ Քրիստոս ոչ թէ ինքն իրեն մեծարեց քահանայապետ դառնալու համար, այլ նա, ով նրան ասաց.
6. Ինչպէս որ մի ուրիշ տեղ էլ ասում է.
7. Նա էր, որ մարմնի մէջ եղած իր օրերում աղօթքներ եւ պաղատանքներ էր մատուցում ուժգին գոչումով եւ արտասուքներով նրան, ով կարող էր փրկել իրեն մահուանից: Եւ նա լսելի եղաւ իր բարեպաշտութեան համար:
8. Թեպէտեւ Որդի էր, բայց իր չարչարանքների միջոցով հնազանդութիւն սովորեց.
9. եւ կատարեալ դառնալով՝ բոլոր իրեն հնազանդողներին յաւիտենական փրկութեան պատճառ դարձաւ
10. եւ Աստծուց անուանուեց յաւիտեանների Քահանայապետ, ըստ Մելքիսեդեկի կարգի:
11. Այս մասին մենք շատ խօսք ունենք ասելու, բայց դրանք դժուար է բացատրել, քանզի թուլամիտ եղաք հասկանալու մէջ:
12. Հակառակ այն բանի, որ դուք ժամանակի ընթացքում ուսուցիչներ պետք է լինէիք, բայց ահա հարկաւոր է, որ դուք սովորէք, թէ ի՞նչ են Աստծու պատգամի նախատարրերը. եւ դուք կաթի կարիք ունեք եւ ոչ թէ պինդ կերակրի.
13. քանի որ, ով կաթնակեր է, անգիտակ է արդարութեան խօսքին, քանզի երեխայ է.
14. իսկ պինդ կերակուրը հասուն մարդկանց համար է, որոնց զգայարանները, քանի որ նրանք չափահաս են, վարժ են լաւը եւ վատը որոշելու մէջ:

1. Ուստի, Քրիստոսի մասին եղած նախագիտելիքները թողնելով՝ գանք չափահասներին սահմանուած ուսուցման՝ առանց վերստին հիմք դնելու մեռած գործերից ապաշխարելու, դէպի Աստուած հաւատի,
2. մկրտութիւնների վարդապետութեան, ձեռնադրութեան, մեռելների յարութեան եւ յաւիտենական դատաստանի վրայ:
3. Եւ արդ, այս բանը պիտի անենք, եթէ Աստուած թոյլ տայ.
4. որովհետեւ մէկ անգամ մկրտուածների համար, - որ ճաշակեցին երկնաւոր պարգէններից, հաղորդակից եղան Սուրբ Հոգուն,
5. Աստծու գեղեցիկ խօսքի վայելքն ունեցան եւ գալիք աշխարհի գորութիւնները ճանաչեցին, -
6. եթէ սայթաքեն, անհնար է երկրորդ անգամ ապաշխարութեամբ նորոգուել, որովհետեւ նրանք վերստին խաչն են հանում Աստծու Որդուն եւ դարձեալ խաղք ու խայտառակ դարձնում.
7. քանզի այն հողը, որ խմում է շատ անգամ իր վրայ թափուած անձրեւը եւ օգտակար արդիւնքներ է տալիս նրանց, որոնց համար մշակւում է, Աստծուց օրհնութիւն է ստանում:
8. Իսկ եթէ փուշ եւ տատասկ է տալիս, նա անպետք է եւ արժանի է անեծքի. եւ նրա վախճանը այրուելն է:
9. Սիրելիներ, թէպէտեւ այսպէս եմ խօսում, բայց վստահ եմ ձեր վրայ, որ լաւագոյն ուղիւ վրայ եք, մանաւանդ որ այն առաջնորդում է փրկութեանը:
10. Անարդար չէ Աստուած, որ մոռանայ ձեր գործերը եւ սերը, որ ցոյց տուեցիք իր անունով, քանի որ ծառայում էիք սրբերին եւ ծառայում էք մինչեւ այժմ:
11. Եւ մենք ցանկանում ենք, որ ձեզնից իւրաքանչիւրը նոյն փութաջանութիւնը ցուցաբերի, որպէսզի հաստատ մնայ ձեր յոյսը մինչեւ վերջ:
12. Չենք ուզում, որ դուք ծովանաք, այլ նմանուէք նրանց, որ հաւատով եւ համբերութեամբ ժառանգեցին խոստումները:
13. Երբ Աստուած Աբրահամին իր խոստումը տուեց, - քանի որ չկար աւելի մեծ մէկը, որ նրանով երդուէր, -
14. նա ինքն իր վրայ երդուեց եւ ասաց.
15. Եւ այսպէս, համբերատար լինելով, Աբրահամը հասաւ խոստմանը:
16. Արդարեւ, մարդիկ երդում են նրանով, ով մեծ է իրենցից. եւ նրանց մէջ եղած ամէն հակառակութեան վերջնական վճիռը երդումն է:
17. Ահա թէ ինչու Աստուած, կամենալով առաւել եւս ցոյց տալ իր նպատակի անփոփոխ լինելը խոստման ժառանգորդներին, օգտագործեց երդումը,
18. որպէսզի երկու անփոփոխելի բաներով, որոնք ցոյց են տալիս, թէ անհնար է, որ Աստուած սուտ խօսած լինի, մենք հաստատուն միաթարութիւն ունենանք. մենք, որ ապաստան գտանք՝ կառչելու հանդերձեալ յոյսից,
19. որը հաստատուն եւ անշարժ խարիսխ է մեզ համար. յոյս, որ թափանցում է վարագոյրից այն կողմ,
20. ուր մեր նախակարապետը՝ Յիսուս, մտաւ մեզ համար՝ լինելով յաւիտենական Քահանայապետ, ըստ Մեքիսեդեկի կարգի:

1. Քանզի այս Մեքիսեդեկը թագաւոր էր Սաղեմի, բարձրեալ Աստծու քահանայ, որ Աբրահամին ընդառաջ ելաւ, երբ նա վերադառնում էր թագաւորների կոտորածից, եւ օրինեց նրան.
2. եւ Աբրահամը ամէն ինչից տասանորդներ տուեց նրան. Մեքիսեդեկ նախ թարգմանում է՝ արդարութեան թագաւոր, ապա՝ թագաւոր Սաղեմի, այսինքն՝ թագաւոր խաղաղութեան:
3. Նա անհայր, անմայր էր, առանց ազգատոհմի. ո՛չ օրերի սկիզբ ուներ եւ ո՛չ կեանքի վախճան. նմանուելով Աստծու Որդուն՝ նա կայ ու մնում է մշտնջենապէս քահանայ:
4. Արդ, տեսէ՛ք, թէ ինչպիսի մէկն էր սա, որին Աբրահամ նահապետն էլ տասանորդներ տուեց աւարից:
5. Եւ Ղեւի գաւազներից նրանք, որ քահանայութիւն են ստանում, իրաւունք ունեն, ըստ օրենքի, տասանորդ վերցնելու ժողովրդից, այսինքն՝ իրենց եղբայրներից, թէկուզ եւ վերջիններս Աբրահամի գաւազներ լինեն:
6. Իսկ նրանց ազգատոհմից չհամարուածը տասանորդ վերցրեց Աբրահամից եւ օրինեց նրան, ով ընդունել էր խոստումը:
7. Արդ, ամէն հակաճառութիւնից վեր է այն, որ օրինողն աւելի բարձր է, քան օրինուողը:
8. Եւ այստեղ մահկանացու մարդիկ են տասանորդներ առնում, բայց այնտեղ՝ նա, ով վկայում է, թէ կենդանի է:
9. Եւ ինչպէս խօսքի կարգ է ասել, Ղեւին իսկ, որ տասանորդներ էր առնում, Աբրահամի միջոցով տասանորդ տալու ենթարկուեց,
10. որովհետեւ նա դեռ իր հօր կողում էր, երբ Մեքիսեդեկը նրան ընդառաջ ելաւ:
11. Իսկ արդ, եթէ կատարելութիւնը դեւտացիների քահանայութեան միջոցով էր լինում (քանի որ ժողովուրդը նրանով էր օրենք ստացել), ի՞նչ կարիք կար այլեւս, որ մի այլ քահանայ երեւան գար, ըստ Մեքիսեդեկի կարգի, չասելու համար՝ ըստ Ահարոնի կարգի,
12. որովհետեւ քահանայութիւն փոփոխուելով՝ պետք էր, որ օրենքի փոփոխութիւն էլ լիներ:
13. Եւ նա, ում մասին այսպէս է ասւում, պատկանում էր այլ ցեղի, որից ոչ ոք երբեք սեղանի ծառայութեան մասնակից չեղաւ:
14. Արդ, յայտնի իսկ է, թէ մեր Տէրը սերում է Յուդայի ցեղից. այդ ցեղից եղած քահանաների մասին Մովսէսը ոչինչ չի ասել:
15. Եւ առաւել էւս յայտնի է, թէ Մեքիսեդեկի նմանութեամբ երեւալու է մի այլ քահանայ,
16. որը ըստ մարմնաւոր պատուիրանի չէ, որ եղաւ քահանայ, այլ՝ ըստ անվախճան կեանքի զօրութեան:
17. Արդարեւ վկայուեց, թէ՝
18. Առաջին պատուիրանը արհամարհուեց իր տկարութեան եւ անօգտակարութեան պատճառով, -
19. քանզի օրենքը կատարեալ ոչինչ չարեց, - եւ նրա տեղ մտաւ լաւագոյն մի յոյս, որով մօտենում ենք Աստծուն:
20. Այն չափով, որ Յիսուս երդումով քահանայ եղաւ (որովհետեւ կան ոմանք, որ առանց երդումի են քահանաներ կարգուել,
21. բայց սա՝ երդումով, նրա՛ ձեռքով, ով ասաց նրան.
22. այդ նոյն չափով Յիսուս երաշխաւոր եղաւ լաւագոյն մի ուխտի:
23. Եւ այսպէս, շատ քահանաներ եղան, որովհետեւ մահը արգելք էր լինում, որ նրանք տեւապէս քահանայ մնան:
24. Իսկ սա, յաւիտենական լինելու պատճառով, ունի անանց քահանայութիւն:
25. Ուստի եւ կարո՛ղ է իր միջոցով Աստծուն մօտեցողներին մէկընդմիշտ փրկել. քանի որ նա միշտ կենդանի է՝ բարեխօս լինելու նրանց համար:
26. Արդարեւ, մեզ պետք էր ճիշտ այսպիսի մի քահանայապետ՝ սուրբ, անմեղ,



անարատ, զատուած մեղաւորներից եւ բարձրացած աւելի վեր, քան երկինքները,  
27. որը, ինչպէս այլ քահանայապետներ, պետք չունի նախ իր մեղքերի համար զոհեր  
մատուցելու եւ ապա՝ ժողովրդի մեղքերի համար. իսկ Քրիստոս մէկ անգամ առ միշտ  
կատարեց այդ բանը, քանի որ ինքը իրե՛ն պատարագ մատուցեց:  
28. Օրէնքը քահանայապետներ է կարգում տկարութիւններով պատած մարդկանց, իսկ  
երդման խօսքը, որ օրէնքից յետոյ է գալիս, կարգում է Որդուն, որ յաւիտեան կատարեալ  
է:

## Գլուխ 8

1. Եւ իմ ասած խօսքերի գլխաւորն այս է. այնպիսի քահանայապետ ունենք, որ նստեց երկինքներում Մեծութեան աթոռի աջ կողմում
2. որպէս պաշտօնեայ սրբարանի եւ ճշմարիտ խորանի, որ Տէ՛րը կանգնեցրեց եւ ոչ թէ մարդը:
3. Ամէն մի քահանայապետ զոհեր եւ պատարագներ մատուցելու համար է սահմանուած, ուստի պէտք է, որ նա էլ մի բան ունենայ, որ մատուցի,
4. քանզի, եթէ նա երկրի վրայ լինէր, թերեւս քահանայ չլինէր իսկ, քանի որ կան քահանաներ, որ պատարագ են մատուցում ըստ օրէնքի.
5. նրանց սպասաւորութիւնը երկնաւոր բաների նմանութիւնն ու ստուերն է միայն, ինչպէս որ Մովսէսին էլ հրամայուեց, երբ նա պիտի կանգնեցներ վկայութեան խորանը. Տե՛ս, - ասում է, - ամէն ինչ կ'անես ըստ այն օրինակի, որ ցոյց տրուեց քեզ լերան վրայ:
6. Բայց արդ, Յիսուս անելի բարձր սպասաւորութեան էլ հասաւ, քանի որ միջնորդ է առաւել լաւ ուխտի, ուխտ, որ լաւագոյն խոստումների վրայ հիմնուեց.
7. եթէ առաջինը անթերի լինէր, ապա երկրորդի համար տեղ չէր փնտռուի:
8. Եւ ահա մեղադրում է նրանց եւ ասում.
9. Արդ, նոր ուխտի մասին խօսելով՝ նա հին դարձրեց առաջինը. եւ ինչ հնանում է ու ծերանում, մօտ է անհետանալու:

1. Առաջին ուխտն էլ ունէր պաշտամունքի կանոններ եւ երկրային սրբարան.
2. քանզի առաջին խորանը պատրաստուեց այսպէս. նրա մէջ կային աշտանակը, սեղանը եւ առաջաւորութեան հացը. այս մասը կոչուում է Սրբութիւն:
3. Եւ երկրորդ վարագոյրի յետեւում էր այն խորանը, որ կոչուում էր Սրբութիւնների Սրբութիւն,
4. որտեղ դրուում էր ոսկէ բուրվառը եւ ներսից ու դրսից ոսկով պատած կտակարանների արկղը, որի մէջ կար ոսկէ սափորը՝ լի մանանայով, եւ Ահարոնի գաւազանը, որ ծաղկեց, եւ ուխտի տախտակները.
5. եւ նրա վրայ կանգնած էին փառքի քերովբէները, որ հովանի էին անում քաւութեան սեղանի վրայ. դրանց մասին այժմ մէկ առ մէկ խօսելու կարիք չկայ:
6. Եւ այս ամէնը այսպէս էր դասաւորուած. քահանաները միշտ առաջին խորանն էին մտնում՝ պաշտամունք կատարելու.
7. իսկ երկրորդ խորանը տարին մէկ անգամ միայն քահանայապետն էր մտնում, եւ այդ անում էր ոչ առանց զոհի արեան,
8. որ մատուցում էր իր եւ ժողովրդի մեղքերի համար: Սրանով Սուրբ Հոգին ցոյց էր տալիս, որ սրբարանի ճանապարհը յայտնուած չէ, քանի դեռ հաստատուն է մնում առաջին խորանը.
9. դա խորհրդանշան է ներկայ ժամանակի համար, երբ ընծայւում էին պատարագներ եւ զոհեր, որոնք չէին կարող կատարեալ դարձնել զոհաբերողների խղճմտանքը, այլ դրանք կապուած էին միայն կերակուրների, ըմպելիների
10. եւ պէսպէս լուացումների հետ, որոնք մարմնական ծիսակատարումներ էին՝ ի զօրութիւն բարեփոխման ժամանակները:
11. Իսկ Քրիստոս, որ եկաւ որպէս գալիք բարիքների Քահանայապետ, անցնելով մեծ, կատարեալ եւ անձեռակերտ խորանով, այսինքն՝ ո՛չ այս աշխարհի արարածների կողմից շինուած,
12. ո՛չ էլ նոխազների եւ զուարակների արիւնով, մի անգամ ընդմիշտ իր իսկ արեամբ մտաւ սրբարան՝ յաւիտենական փրկութիւն ապահովելով.
13. որովհետեւ, եթէ ցուլերի եւ նոխազների արիւնը եւ երինջների շաղ տրուած մոխիրը մաքրում են պղծութիւնների մարմնի մաքրութեան համար,
14. որչա՛փ եւս առաւել արիւնը Քրիստոսի, - որ յաւիտենական Հոգու միջոցով ինքն իրեն որպէս անարատ պատարագ մատուցեց Աստծուն, - կը մաքրի ձեր խղճմտանքը մեռած գործերից, որպէսզի ծառայէք կենդանի Աստծուն:
15. Ահա թէ ինչու նա նոր ուխտի միջնորդ է, քանի որ իր մահը առաջին ուխտի ժամանակ գործուած յանցանքների քաւութեան համար եղաւ, որպէսզի կանչուածները յաւիտենական ժառանգութեան խոստումն ստանան.
16. որովհետեւ, ուր որ կտակ կայ, կտակարարի մահը պետք է հաստատուի,
17. քանի որ կտակը յետ մահու է ուժի մէջ. ապա թէ ոչ ինչպէ՞ս ուժի մէջ կը լինի այն, քանի դեռ կտակարարը կենդանի է:
18. Ուստի եւ առաջին ուխտը առանց արեան չէր նուիրագործուի.
19. երբ բոլոր պատուիրանները Մովսէսի կողմից ծանուցուեցին ժողովրդին, նա, վերցնելով ցուլերի եւ նոխազների արիւնը ջրի եւ կարմիր բրդի ու զոպայի հետ, ցանեց հէնց օրէնքի գրքի եւ ամբողջ ժողովրդի վրայ
20. եւ ասաց. Սա է արիւնը կտակի, որն Աստուած ձեզ պատուիրեց:
21. Ապա արիւնը նոյնպէս ցանեց խորանի եւ պաշտամունքի ամբողջ սպասքի վրայ:
22. Եւ գրեթէ ամէն ինչ արիւնով էր մաքրուում ըստ օրէնքի, եւ առանց արիւն թափելու թողութիւն չէր լինում:
23. Եթէ պետք էր, որ երկնաւոր բաների օրինակները այսպիսի ծեսերով մաքրուէին, ապա բուն իսկ երկնաւորները պետք է մաքրուէին դրանցից էլ աւելի լաւ զոհերով.
24. քանզի Քրիստոս ոչ թէ ճշմարտութեան օրինակ եղող ձեռակերտ սրբարանը մտաւ,

այլ՝ բուն իսկ երկինքը, որպեսզի մեզ համար ներկայանայ Աստծու առաջ:

25. Ոչ թե նրա համար, որ շատ անգամ ինքն իրեն պատարագ մատուցի, ինչպես քահանայապետը, որ Սրբութիւնների Սրբութիւնն էր մտնում ամեն տարի իրը չեղած արիւնով.

26. այլպէս նա բազում անգամ պետք է չարչարուէր աշխարհի սկզբից ի վեր: Բայց այժմ, դարերի վախճանին, նա մէկ անգամ ընդմիշտ յայտնուեց՝ իր անձի պատարագումով մեղքը ջնջելու համար:

27. Եւ ինչպէս որ մարդկանց սահմանուած է մէկ անգամ մեռնել եւ այնուհետեւ՝ դատաստան,

28. նոյնպէս եւ Քրիստոս մէկ անգամ որպէս պատարագ մատուցուեց՝ շատերի մեղքերը վերացնելու համար. իսկ երկրորդ անգամ, առանց մեղքի, պիտի յայտնուի նրանց, որոնք սպասում են իրեն՝ հաւատով փրկուելու համար:

1. Արդարեւ, գալիք բարիքների ստուերն էր օրէնքը եւ ոչ թէ իրողութիւնների բուն կերպարանքը. այն նոյն պատարագները, որ մատուցում էին տարեցտարի, չէին կարող կատարեալ դարձնել մատուցողներին,
2. ապա թէ ոչ՝ նրանք կը դադարէին մատուցելուց, քանի որ պաշտամունք մատուցողները մի անգամ ընդմիշտ մաքրուած լինելով՝ այնուհետեւ մեղքի համար ոչ մի խղճահարութիւն չէին ունենայ:
3. Սակայն նրանք տարեցտարի այդ պատարագներով վերստին մեղքի յիշողութեան տակ էին մնում,
4. քանի որ նոխագների եւ ցուների արիւնը չէր կարող վերացնել մեղքերը:
5. Դրա համար էլ Քրիստոս, երբ աշխարհի մտաւ, ասաց.
6. Աւելի վերեւ ասում է, թէ՝
7. Ապա ասում է.
8. Հերքում է առաջինը, որ հաստատի երկրորդը:
9. Այդ կամքով էլ մենք սրբուեցինք Յիսուս Քրիստոսի մարմնի մէկընդմիշտ պատարագումով:
10. Եւ ամէն մի քահանայապետ ամէն օր կանգնում է պաշտամունք մատուցելու համար եւ շատ անգամ է մատուցում նոյն զոհերը, որոնք երբեք չեն կարող մեղքերը վերացնել:
11. Իսկ Յիսուս միայն մէկ պատարագ մատուցեց մեղքերի համար եւ մշտնջենապէս նստեց Աստծու աջ կողմում.
12. եւ այնուհետեւ սպասում է, մինչեւ որ իր թշնամիները դուրեն իր ոտքերի ներքոյ.
13. քանզի միայն մէկ պատարագով կատարեալ դարձրեց մաքրուածներիս մշտնջենապէս:
14. Արդ, Սուրբ Հոգին էլ վկայում է մեզ աւելի վերեւ ասուածից յետոյ, թէ՝
15. Ապա ասում է, թէ՝
16. Իսկ ուր որ թողութիւն կայ, այլեւս մեղքի համար պատարագ պետք չէ:
17. Եղբայրներ՝, ուրեմն համարձակութիւն ունենք Յիսուսի արեամբ մտնելու սրբարանից ներս
18. այն նոր եւ կենդանի ճանապարհով, որ նա բացեց մեզ համար վարագոյրի միջով, որ է իր մարմինը.
19. եւ մեծ քահանայ ունենալով Աստծու տան վրայ՝
20. մօտենանք ճշմարիտ սրտով, հաւատի լիութեամբ՝ սրտներս մաքրած չար խղճմտանքից եւ մեր մարմինը լուացած մաքուր ջրով:
21. Ամուր պահենք անխախտ յոյսի դաւանութիւնը, քանի որ հաւատարիմ է նա, ով խոստացաւ.
22. եւ հոգ տանենք միմեանց՝ սիրոյ եւ բարի գործերի յորդորելով
23. եւ զանց չառնենք մէկտեղ հաւաքուելը, ինչպէս որ սովոր են անել ոմանք, այլ խրախուսենք միմեանց, եւ այդ այնքան աւելի, որքան տեսնում էք Տիրոջ օրուայ մօտենալը:
24. Քանզի եթէ կամաւոր կերպով ենք մեղանջում ճշմարտութիւնն իմանալուց եւ ընդունելուց յետոյ, ուրեմն մեղքերի քաւութեան համար այլեւս ուրիշ զոհ չի մնում.
25. այլ մնում է դատաստանի ահեղ սպասումը եւ կրակի կատաղութիւնը, որ լափելու է Աստծու հակառակորդներին:
26. Մովսէսի օրէնքը արհամարհած մէկին անողորմաբար սպանում էին երկու կամ երեք մարդու վկայութեամբ:
27. Իսկ որչա՛փ աւելի խիստ պատժի արժանի պիտի համարեք նրան, ով ոտնահարել է Աստծու Որդուն եւ անմաքուր համարել նոր ուխտի արիւնը, որով մաքրուել է ինքը եւ անարգել շնորհի Հոգին:
28. Արդարեւ, ճանաչում ենք նրան, ով ասաց. Իմն են վրեժխնդրութիւնները, եւ ես պիտի հատուցեմ, - ասում է Տէրը: Եւ դարձեալ. Տէրը պիտի դատի իր ժողովրդին:

29. Ահաւոր է ընկնել կենդանի Աստծու ձեռքը:

30. Արդ, յիշեցէ՛ք առաջին օրերը, երբ դեռ հազիւ լուսաւորուած, բազում տքնութիւնների եւ չարչարանքների համբերեցիք՝

31. մերթ նախատիւնքների եւ նեղութիւնների մէջ խայտառակուելով, մերթ այդպիսի բաներ կրողների վիճակին մասնակից լինելով.

32. քանզի ե՛լ բանտարկուածներին կարեկից եղաք, ե՛լ ձեր ունեցուածքի յափշտակումը ուրախութեամբ ընդունեցիք, քանի որ գիտէիք, թէ ձեզ համար լաւագոյն հարստութիւն ունէք երկնքում, ուր այն միշտ մնում է:

33. Արդ, մի՛ կորցրէք ձեր վստահութիւնը, որի մէջ մեծ վարձատրութեան հատուցում կայ:

34. Ձեզ համբերութիւն է պետք, որպէսզի, Աստծու կամքը կատարելով, հասնէք նրա խոստմանը,

35. քանի որ՝

36. Բայց մենք, երկմտելով, ոչ թէ կորստեան ենք մատնւում, այլ հաւատով հասնում ենք հոգիների փրկութեան:

1. Ի՞նչ է հաւատը, եթէ ոչ՝ յուսացուած բաների հաստատումը եւ ապացոյցն այն բաների, որոնք չեն երեւում:
2. քանզի նախնիք հաւատով վկայութիւն ընդունեցին:
3. Հաւատով ենք իմանում, որ աշխարհներն ստեղծուել են Աստծու խօսքով՝ անտեսանելի բաներից տեսանելիներ դառնալով:
4. Հաւատով էր, որ Աբելը Աստծուն աւելի լաւ զոհ մատուցեց, քան Կայէնը, որով էլ վկայութիւն ստացաւ, որ արդար է. քանի որ նրա մատուցած զոհերի՝ համար տրուեց նրան վկայութիւն Աստծուց: Նա, թեպէտեւ հաւատով մեռաւ, սակայն խօսում է դեռ:
5. Հաւատով ենք փոխադրուեց երկինք, որպէսզի մահ չճաշակի. եւ նա ոչ մի տեղ չգտնուեց, քանի որ Աստուած նրան տարել էր: Եւ նախքան իր տարուելը, նրան վկայութիւն էր տրուել, որ ինքը հաճելի էր Աստծուն:
6. Բայց առանց հաւատի անհնար է հաճելի լինել Աստծուն, քանի որ նա, ով մօտենում է Աստծուն, պէտք է հաւատայ, որ Աստուած կայ եւ վարձահատոյց է լինում նրանց, ովքեր փնտռում են իրեն:
7. Հաւատով է, որ Նոյը, պատգամ ստանալով դեռեւս անտեսանելի բաների մասին, վախից բռնուած՝ իր ընտանիքի փրկութեան համար տապանը պատրաստեց, որով եւ դատապարտեց աշխարհը եւ ժառանգորդ եղաւ այն արդարութեան, որ հաւատից է:
8. Հաւատով է, որ Աբրահամը, երբ կանչուեց, հնազանդուեց եւ գնաց այն տեղը, որն ստանալու էր որպէս ժառանգութիւն. ելաւ գնաց. եւ չգիտէր՝ ուր էր գնում:
9. Հաւատով նա պանդուխտ դարձաւ աւետեաց երկրում, ինչպէս օտարութեան մէջ, վրանների տակ բնակուեց Իսահակի եւ Յակոբի հետ միասին, որոնք ժառանգակից էին Նոյն խոստման.
10. քանզի սպասում էր հիմքերով հաստատուած քաղաքին, որի ճարտարապետը եւ արարիչը Աստուած է:
11. Հաւատով ինքը Սառան էլ, որ ամուլ էր, որդեծնութեան սերմն ստանալու զօրութիւնը ունեցաւ եւ ծնեց առաջացած տարիքում, քանի որ հաւատարիմ համարեց նրան, ով խոստացաւ այդ բանը:
12. Ուստի մէկից, այն էլ տարիքն առած մի մարդուց, ծնուեցին սերունդներ այնքան շատ, որքան երկնքի աստղերը եւ անթիւ անհամար աւազը ծովի ափին:
13. Հաւատի՝ մէջ մեռան սրանք բոլորը եւ՝ դեռեւս խոստումները չստացած. բայց հեռուից տեսան այդ խոստումները եւ ցնծացին ու խոստովանեցին, թէ իրենք օտար եւ պանդուխտ են երկրի վրայ:
14. Բոլոր նրանք, որ այսպիսի բաներ են խօսում, յայտնի են անում, թէ մի հայրենի երկիր են փնտռում:
15. քանզի եթէ յիշէին այն երկիրը, որտեղից իրենք ելան, ժամանակ ունէին նորից դառնալու այնտեղ:
16. Յիրաւի, մի աւելի լաւ տեղ են տեսչում, այսինքն՝ երկնաւոր մի վայր: Ահա թէ ինչու Աստուած ամօթ չի համարում նրանց Աստուածը կոչուել, քանի որ քաղաք պատրաստեց նրանց համար:
17. Հաւատով է, որ Աբրահամը, իր փորձութեան մէջ, Իսահակին որպէս զոհ մատուցեց. եւ նա, ով խոստումն էր ընդունել, իր միամօրիկ որդուն էր որպէս զոհ մատուցում:
18. Աբրահամին ասուած էր, թէ՝ Իսահակով քեզ սերունդ պիտի տրուի:
19. Աբրահամը իր մտքում մտածեց, թէ Աստուած կարո՞ղ է մեռելներից էլ յարութիւն տալ Իսահակին: Ուստի եւ, որպէս նախօրինակ այդ բանի, նա յետ ստացաւ իր որդուն:
20. Հաւատով Իսահակը օրինեց Յակոբին եւ Եսաւին՝ գալիք բաների յոյսով:
21. Հաւատով օրինեց Յակոբը իր մեռնելու ժամանակ Յովսէփի որդիներից ամեն մէկին եւ երկրպագեց Աստծուն՝ իր գաւազանի ծայրին յենուած:
22. Հաւատով յիշեց Յովսէփը իր կեանքի վախճանին իսրայէացիների ելքը եւ իր ոսկորների վերաբերեալ պատուէր տուեց:

23. Հաւատո՞վ է, որ, երբ Մովսէսին ծնեցին, նրա ծնողները երեք ամիս թաքցրին նրան, քանզի տեսան կայտառ մանկանը եւ չվախեցան թագաւորի հրամանից:
24. Հաւատո՞վ է, որ Մովսէսը, երբ մեծացաւ, մերժեց Փարաւոնի դստեր որդի կոչուել:
25. Նախընտրեց չարչարուել Աստծու ժողովրդի հետ, քան միառժամանակ մեղապարտ հաճոյքներ վայելել:
26. Կարելո՞ր համարեց Քրիստոսի կրած Նախատինքները, քան Եգիպտոսի գանձերի առատութիւնը. որովհետեւ, աչքերը յառած, վարձատրութեան էր սպասում:
27. Հաւատո՞վ թողեց Եգիպտոսը եւ չէր վախենում թագաւորի ցասումից, քանզի համբերեց, որպէս թէ անտեսանելին էր տեսնում:
28. Հաւատո՞վ կատարեց զատիկը եւ արեան շաղ տալը, որպէսզի անդրանիկներին սպանողը չմօտենայ նրանց:
29. Հաւատո՞վ անցան նրանք Կարմիր ծովով, որպէս թէ ցամաք երկիր լինէր, մինչ Եգիպտացիները, նոյնը փորձելով, խեղդուեցին:
30. Հաւատո՞վ ընկան Երիքովի պարիսպները, երբ նրանք եօթը օր շրջեցին նրանց շուրջը:
31. Հաւատո՞վ է, որ անհաւատների հետ կորստեան չմատնուեց պոռնիկ Ռախաբը, որ խաղաղութեամբ ընդունել էր լրտեսներին:
32. Եւ արդ, դեռ ի՞նչ ասեմ, քանի որ ժամանակը բաւական չէր լինի պատմելու Գեդէոնի, Բարակի, Սամսոնի, Յեփթայի, Դաւթի եւ Սամուէլի ու միւս մարգարէների մասին,
33. որոնք հաւատո՞վ պարտութեան մատնեցին թագաւորութիւններ, գործեցին արդարութիւն, հասան խոստմանը, փակեցին առիւծների բերաններ,
34. հանգցրին կրակի զօրութիւնը, փրկուեցին սրի բերանից, զօրացան տկարութիւնից յետոյ, կտրիճներ եղան պատերազմի մէջ, յաղթեցին օտար բանակների:
35. Կանայք յարութեան միջոցով վերստացան իրենց մեռելների, ուրիշներ չարչարանքի ենթարկուեցին՝ մերժելով ազատութիւն ձեռք բերել, որպէսզի հասնեն լաւագոյն յարութեան:
36. Եւ ուրիշներ ենթարկուեցին տանջանքների եւ գանահարութիւնների, կապանքների եւ բանտերի:
37. քարկոծուեցին, սղոցուեցին, փորձութեան ենթարկուեցին, սրով սպանուելով մեռան, թափառեցին ոչխարների եւ այծերի մորթիներով ծածկուած. ապրեցին կարիքի մէջ, նեղութեան մէջ, չարչարանքների մէջ
38. (մարդիկ, որոնց այս աշխարհը արժանի չէ), մոլորուած՝ անապատում, լեռներում, քարայրներում եւ երկրի խորշերում:
39. Եւ սրանք ամենքը հաւատի մէջ վկայուած լինելով հանդերձ, չընդունեցին խոստումը:
40. Աստուած մեզ համար աւելի լաւն էր Նախատեսել, որպէսզի առանց մեզ դրանք չկատարուեն:



1. Ուրեմն մենք էլ, որ մեր շուրջը վկաների այսչափ բազմութիւն ունենք, դէ՛ն գցենք ամէն հպարտութիւն եւ ծանր մեղք, համբերատարութեամբ ընթանանք դէպի մրցասպարէզ, որ բացուած է մեր առաջ.
2. Նայենք Յիսուսին՝ հաւատի գորագլխին, այն կատարելագործողին, որն իր առաջ դրուած ուրախութեան համար յանձն առաւ խաչը, արհամարիեց ամօթը եւ նստեց Աստծու աթոռի աջ կողմում:
3. Ապա ուրեմն՝ մտաբերեցէ՛ք Յիսուսին, որ այսպէս համբերեց իր հանդէպ մեղաւորների ունեցած հակառակութեանը, որպէսզի չլինի թէ յոգնէք եւ յուսալքուէք,
4. դուք, որ կռուի մէջ դեռ արիւն թափելու չափ չհակառակուեցիք մեղքին
5. եւ մոռացաք այն յորդորը, որ ուղղուած է ձեզ իբրեւ որդիների.
6. Թէ խրատին համբերող էք, Աստուած ձեզ կը մօտենայ իբրեւ որդիների: Ո՞րն է այն որդին, որին հայրը չի խրատում.
7. որովհետեւ, եթէ մնաք առանց խրատի, որին բոլորն են բաժնեկից, ապա խորթ էք եւ ոչ թէ հարազատ որդի.
8. յիրաւի, եթէ պատկառում ենք մեր մարմնաւոր հայրերից, որոնք մեզ խրատում են, որչա՛փ եւս առաւել պէտք է հնազանդուենք հոգիների Հօրը, որ ապրենք.
9. քանի որ սրանք մի փոքր ժամանակ եւ ըստ իրենց կամեցողութեան են խրատում, իսկ Նա՝ մեր օգտի համար, որպէսզի հաղորդակից լինենք Նրա սրբութեանը:
10. Ամէն խրատ տուեալ պահին ուրախութիւն չի թւում, այլ՝ տրտմութիւն, բայց յետոյ արդարութեան խաղաղարար պտուղն է հատուցում Նրանով դաստիարակուածներին:
11. Ուստի ամրացրէ՛ք թուլացած ձեռքերը եւ կթոտած ձկները.
12. քայլեցէ՛ք ուղիղ արահետներով, որպէսզի, ով կաղ է, չգլորուի, այլ մանաւանդ՝ բժշկուի:
13. Բոլորի հետ ջանացէ՛ք ապրել խաղաղութեամբ եւ սրբութեամբ, առանց որի ոչ ոք Տիրոջը չպիտի տեսնի.
14. զգո՛յշ եղէք, չլինի, թէ որեւէ մէկը զրկուի Աստծու շնորհից. դառնութեան արմատը, աճելով, թող ոչ ոքի նեղութիւն չտայ, եւ Նրանով շատերը չպղծուեն.
15. եւ չլինի, թէ որեւէ մէկը լինի պոռնիկ եւ պիղծ, ինչպէս Եսաւը, որը մի աման կերակրի դիմաց անդրանկութիւնը վաճառեց:
16. Գիտէք, որ, թեւեւ նա յետոյ ուզեց ժառանգել օրհնութիւնները, բայց մերժուեց, քանի որ ապաշխարութեան հնարաւորութիւն չգտաւ, հակառակ Նրան, որ արտասուքներով փնտռեց այն:
17. Դուք չէք մօտեցել շօշափելի լերանը, որ կրակով էր այրւում եւ պատած էր մէգով, մառախուղով, խաւարով եւ մթութեամբ,
18. ուր փողն էր հնչում եւ պատգամների ծայնը, այնպէս որ, ովքեր այն լսեցին, աղաչեցին, որ խօսքը չկրկնուի իրենց համար,
19. քանի որ չէին դիմանում այն հրամանին, թէ՝ թէկուզ եւ գազան մօտենայ լերանը, կը քարկոծուի:
20. Եւ այնպէս ահագո՛ւ էր տեսիլքը, որ Մովսէսն ասում էր. Սարսափում եմ եւ դողում:
21. Բայց դուք մօտեցել էք Սիոն լերանը եւ կենդանի Աստծու քաղաքին, երկնային Երուսաղէմին, հրեշտակների բիւրաւոր բանակներին,
22. երկնքում գրուած անդրանիկների հանդիսաւոր ժողովին, բոլորի դատաւոր Աստծուն, կատարելութեան հասած արդարների հոգիներին
23. եւ Յիսուսին՝ Նոր ուխտի միջնորդին, եւ Նրա արեան հեղումին, որ ակելի խօսուն է, քան արիւնն Աբելի:
24. Չգո՛յշ եղէք, չլինի թէ հրաժարուէք Նրանից, ով խօսում է. որովհետեւ, եթէ Նրանք երկրի վրայ Աստծու պատգամները տուող Մովսէսին մերժելով չազատուեցին, որչա՛փ եւս առաւել չպիտի ազատուենք մենք, եթէ թիկունք դարձնենք երկնքից խօսողին,
25. որի ձայնը երկիրը շարժեց այն ժամանակ, իսկ այժմ այս խոստումն է անում եւ

ասում. Մի անգամ էլ պիտի շարժեմ ոչ միայն երկիրը, այլ նաեւ՝ երկինքը:

26. Եւ մի անգամ էլ -ը ցոյց է տալիս, որ շարժուած բաները պիտի փոփոխուեն, որպէսզի անշարժ բաները մնան հաստատուն:

27. Դրա համար, քանի որ անշարժ թագաւորութիւն ենք ընդունում, ամուր պահենք շնորհը եւ այդ շնորհով էլ ծառայենք Աստծուն՝ իրեն հաճելի ձեւով՝ ահով եւ դողով,

28. քանզի մեր Աստուածը ոչնչացնող կրակէ:

1. Եղբայրասիրութիւնը թող հաստատ մնայ ձեր մէջ:
2. Մի՛ մոռացէք օտարասիրութիւնը, որովհետեւ դրա շնորհիւ ոմանք հրեշտակներ հիւրընկալեցին առանց իմանալու:
3. Յիշեցէ՛ք բանտարկեալներին, որպէս թէ դուք բանտարկուած լինէք նրանց հետ. յիշեցէ՛ք նաեւ չարչարուածներին, քանի որ դուք էլ մարմնաւոր էք:
4. Ամուսնութիւնն ըստ ամենայնի յարգելի է, եւ ամուսնական անկողինը՝ սուրբ: Եւ Աստուած պիտի դատի շնացողներին եւ պոռնիկներին:
5. Փողասիրութիւնը թող տեղ չունենայ ձեր մէջ, եւ ինչ որ ձեռք էք բերել, բաւարար համարեցէք, քանզի ինքն իսկ ասաց. Քեզ չպիտի թողնեմ եւ ոչ էլ պիտի լքեմ:
6. Այնպէս որ, համարձակ լինենք եւ ասենք.
7. Յիշեցէ՛ք ձեր առաջնորդներին, որոնք ձեզ Աստծու խօսքն ասացին: Նայելով նրանց կեանքի ընթացքի վախճանին՝ հետեւող եղէք նրանց հաւատին:
8. Յիսուս Քրիստոս նոյնն է երէկ, այսօր եւ յաւիտեան:
9. Տեսակ-տեսակ եւ օտարոտի ուսմունքների մէջ մի՛ տարուբերուէք, քանզի լաւ է շնորհով ամրացնել սիրտը եւ ոչ թէ կերակրով, որով ոչ մի օգուտ չստացան նրանք, որ այդպէս ընթացան:
10. Մենք ունենք մի սեղան, որից ճաշակելու իրաւունք չունեն նրանք, ովքեր խորանին են ծառայում.
11. քանի որ այն անասունները, որոնց արիւնը քահանայապետի ձեռքով սրբարանն էր բերում մեղքերի քաւութեան համար, այդ անասունների մարմինները այրւում էին բանակատեղիից դուրս:
12. Դրա համար էլ Յիսուս, որպէսզի իր արեամբ մաքրի ժողովրդին, չարչարուեց դնից դուրս:
13. Արդ, եկէ՛ք բանակատեղիից դուրս ելնենք նրան ընդառաջ՝ յանձն առնելով կրել նրա կրած նախատիքները.
14. քանզի չունենք մի մնայուն քաղաք այստեղ, երկրի վրայ, այլ փնտռում ենք գալիք քաղաքը:
15. Արդ, նրա միջոցով Աստծուն միշտ մատուցենք օրհնութեան պատարագ, այսինքն՝ նրա անունը դաւանող մեր շրթների պտուղը:
16. Մի՛ մոռացէք բարեգործութիւնը եւ ձեր ունեցած բարիքներին միմեանց մասնակից դարձնելը, քանզի այդպիսի՝ պատարագներն են հաճելի Աստծուն:
17. Լսեցէ՛ք ձեր առաջնորդներին եւ հնազանդուեցէ՛ք նրանց, որովհետեւ նրանք հսկում են ձեր հոգիների համար, քանի որ հաշիւ են տալու ձեր փոխարէն. եւ նրանք ուրախութեամբ թող անեն այդ բանը եւ ո՛չ հոգոց հանելով, քանի որ այն ձեր օգտի համար չէ:
18. Աղօթեցէ՛ք մեզ համար, որովհետեւ հաստատ գիտենք, որ մաքուր խղճմտանք ունենք. ուզում ենք ամեն ինչում բարի ընթացք ցոյց տալ:
19. Եւ առաւել եւս եմ աղաչում, որ այդ բանն անեք, որպէսզի աւելի շուտ դառնամ ձեզ մօտ:
20. Եւ խաղաղութեան Աստուածը, որ
21. մեռելների միջից յարութիւն առնել տուեց մեր Տէր Յիսուսին, որը յաւիտենական ուխտի արիւնով ոչխարների մէծ հովիւն է,
22. ձեզ հաստատ թող պահի բարի գործերի մէջ, որպէսզի կատարեք իր կամքը. եւ մեր մէջ թող կատարի իրեն հաճելի եղող բաները Յիսուս Քրիստոսի միջոցով, որին փա՛ռք յաւիտեանս: Ամէն:
23. Եղբայրներ՛, աղաչում եմ ձեզ անսալ յորդորի այս խօսքերին, մանաւանդ որ համառօտակի գրեցի ձեզ:
24. Եւ իմացէ՛ք, որ մեր եղբայրը՝ Տիմոթէոսը, բանտից ազատուել է: Եթէ շուտով գայ, նրա հետ միասին պիտի տեսնեմ ձեզ:

25. Ողջունեցէ՛ք ձեր բոլոր առաջնորդներին եւ բոլոր սրբերին. ձեզ ողջունում են նրանք,  
որ Իտալիայի կողմերից են:
26. Շնորհ ձեզ բոլորիդ:

ՅԱԿՈԲՈՍ

## Գլուխ 1

1. Յակոբոսը՝ Աստծու եւ Տէր Յիսուս Քրիստոսի ծառան, սփիւռքում եղող տասներկու ցեղերիդ՝ ողջոյն:
2. Եղբայրներ, ամենայն ուրախութեան արժանի՝ համարեցէք, երբ տեսակ-տեսակ փորձութիւնների մէջ ընկնէք.
3. իմացէ՛ք, որ ձեր հաւատի փորձը համբերութիւն է առաջ բերում,
4. իսկ համբերութիւնը թող դրսեւորուի լիութեամբ, որպէսզի անթերի եւ կատարեալ լինէք, ոչ մի բանով պակաս չլինէք:
5. Իսկ եթէ ձեզնից մէկը իմաստութեամբ թերի լինի, թող խնդրի Աստծուն, - որ բոլորին այն տալիս է առատապէս եւ չի յանդիմանում, - եւ նրան կը տրուի:
6. Միայն թէ նա հաւատով թող խնդրի եւ թող չերկմտի, որովհետեւ, ով երկմիտ է, նման է ծովի հողմակոծ եւ տարուբերուող ալիքներին:
7. Այդպիսի մարդը թող չակնկալի Աստծուց որեւէ բան ստանալ,
8. քանի որ երկմիտ մարդը իր արած բոլոր քայլերում անհաստատ է:
9. Աղքատ եղբայրը թող պարծենայ, երբ Աստուած բարձրացնում է իրեն,
10. իսկ հարուստը թող պարծենայ, երբ Աստուած խոնարհեցնում է իրեն, քանի որ հարստութիւնը պիտի անցնի ինչպէս խոտածաղիկը.
11. որովհետեւ արեւը ծագեց՝ խորշակով հանդերձ եւ չորացրեց խոտը, նրա ծաղիկն ընկաւ, ու նրա վայելուչ տեսքը կորաւ. նոյնպէս եւ հարուստը պիտի թառամի՝ իր շահերով հանդերձ:
12. Երանելի է այն մարդը, որ համբերում է փորձութեան. որովհետեւ, եթէ փորձութեան մէջ հաստատ լինի, կը ստանայ կեանքի պսակը, որը Տէրը խոստացաւ իրեն սիրողներին:
13. Ոչ ոք, երբ փորձութեան մէջ լինի, թող չասի. Աստծուց եմ փորձւում, քանի որ Աստուած չարից չի փորձւում եւ ինքն էլ չի փորձում ոչ ոքի:
14. Իւրաքանչիւր ոք փորձւում է՝ հրապուրուելով եւ խաբուելով իր ցանկութիւններից:
15. Այնուհետեւ ցանկութիւնը, յղանալով, մեղք է ծնում, եւ մեղքը, հասունանալով, մահ է ծնում:
16. Իմ սիրելի՛ եղբայրներ, մի՛ խաբուէք,
17. քանի որ ամէն բարի շնորհ եւ ամէն կատարեալ պարգեւ վերելից է՝ իջած լոյսի Հօրից, որի մէջ չկայ փոփոխում կամ էլ փոփոխման ստուեր:
18. Նա իր կամքով ծնեց մեզ ճշմարտութեան խօսքով, որպէսզի մենք լինենք իր ստեղծածների պտուղը:
19. Իմ սիրելի՛ եղբայրներ, իմացէ՛ք այս բանը. թող ամէն մարդ արագ լինի լսելու մէջ, ծանր՝ խօսելու մէջ եւ ծանր՝ բարկանալու մէջ.
20. որովհետեւ մարդու բարկութիւնը Աստծու արդարութիւնը չի կատարում:
21. Ահա թէ ինչու, դէ՛ն գցելով ամենայն աղտեղութիւն եւ չարիքի անեղուկ, հեզութեամբ ընդունեցէք ձեր մէջ սերմանուած խօսքը, որ կարող է փրկել ձեր հոգիները:
22. Խօսքը կատարողներ եղէք եւ ոչ թէ միայն այն լսողներ համարեցէք դուք ձեզ.
23. քանի որ, եթէ մէկը միայն լսող լինի խօսքը եւ ոչ կատարող, նա նման է մի մարդու, որ ակնապիշ դիտում է հայելու մէջ իր բնական դէմքը:
24. Նայելով՝ տեսնում է ինքն իրեն, անցնում գնում է եւ անմիջապէս մոռանում, թէ ինչպիսին էր ինքը:
25. Իսկ ով աչքերը յառած նայում է ազատութեան կատարեալ օրէնքին եւ դրա մէջ էլ յարատեւում, նա լսում է, չի մոռանում, այլ այն կատարում է. այդպիսի մէկը իր արածի մէջ երանութիւն կը գտնի:
26. Եթէ մէկն ուզում է բարեպաշտ լինել եւ չի սանձահարում իր լեզուն, այլ զբաղեցնում է իր սիրտը, այդպիսի մէկի համար զուր է բարեպաշտութիւնը:
27. Սուրբ եւ անարատ բարեպաշտութիւնը Աստծու եւ Հօր առաջ այս է. այցելել որբերին եւ այրիներին իրենց նեղութեան մէջ, անարատ պահել իր անձը աշխարհից:



1. Եղբայրներ՝ իմ, աչառութեամբ մի՛ պահէք մեր Տէր Յիսուս Քրիստոսի՝ փառքի Տիրոջ հաւատը:
2. Եթէ ձեր ժողովատեղին մտնի մի մարդ, որ ունենայ ոսկի մատանի եւ շքեղ զգեստներ, եւ այնտեղ մտնի նաեւ մի աղքատ՝ կեղտոտ զգեստներով,
3. եւ դուք նայէք նրան, ով շքեղ զգեստներ ունի եւ ասէք՝ Դու նստի՛ր այստեղ, պատուոյ տեղը, իսկ աղքատին, թէ՛ Ուրքի՛ կանգնիր դու այդտեղ, կամ թէ՛ Եկ նստի՛ր իմ պատուանդանի մօտ,
4. այդ դէպքում դուք ձեր մէջ աչառութիւն արած չէ՞ք լինի եւ չար խորհուրդների դատաւորներ չէ՞ք լինի:
5. Լսեցէ՛ք ինձ, իմ սիրելի՛ եղբայրներ, չէ՞ որ Աստուած ընտրեց այս աշխարհի աղքատներին, որոնք հարուստ են հաւատով եւ ժառանգորդներ այն արքայութեան, որը նա խոստացաւ իրեն սիրողներին:
6. Իսկ դուք անարգում էք աղքատներին: Հարուստները չե՞ն, որ հարստահարում են ձեզ. հէնց նրանք էլ ձեզ դատարան են քարշ տալիս:
7. Նրանք չե՞ն, որ հայիոյում են այն բարի անունը, որով կոչուած էք դուք:
8. Ապա եթէ կատարէք արքայական օրէնքը Սուրբ Գրքի համաձայն, թէ՛ Պիտի սիրես քո ընկերոջը, ինչպէս ինքդ քեզ, լաւ էք անում:
9. Իսկ եթէ աչառութիւն էք անում, մեղք էք գործում՝ դատապարտուելով օրէնքից որպէս օրինազանցներ:
10. Նա, ով պահում է ամբողջ օրէնքը եւ միայն մէկ բանով սայթաքում, պարտապան կը լինի ամբողջ օրէնքին.
11. որովհետեւ նա, ով ասաց, թէ՛ Զախիտի սպանես, նաեւ ասաց, թէ՛ Եւ չափտի շնանաս, քանզի, եթէ չսպանես, բայց շնանաս, յանցաւոր կը լինես օրէնքի առաջ:
12. Այնպէ՛ս խօսեցէք եւ այնպէ՛ս գործեցէք, որպէս թէ ազատութեան օրէնքով էք դատուելու,
13. քանի որ անողորմ դատաստան է լինելու նրա հանդէպ, ով ողորմած չի եղել. քանզի ողորմածութիւնը բարձրագլուխ պարծենում է դատաստանի դիմաց:
14. Եղբայրներ՝ իմ, օգուտն ի՞նչ է, եթէ մէկն ասի, թէ հաւատ ունի, սակայն հաւատն արտայայտող գործեր չունենայ: Միթէ հաւատը նրան կը կարողանա՞յ փրկել:
15. Եթէ մի եղբայր կամ քոյր մերկ լինեն կամ օրուայ ուտելիքի կարօտ,
16. եւ ձեզնից մէկը նրանց ասի՝ Գնացէ՛ք խաղաղութեամբ, տաքացէ՛ք եւ յագեցէ՛ք, եւ դուք նրանց չտաք մարմնին անհրաժեշտ բաները, ի՞նչ օգուտ է:
17. Նոյնպէս եւ հաւատը. եթէ նա գործեր չունի, առանձինն մեռած է:
18. Բայց թերեւս մէկն ասի. Դու հաւատ ունես, իսկ ես՝ գործեր. ցո՛յց տուր ինձ քո հաւատը առանց գործերի, եւ ես քեզ ցոյց կը տամ իմ հաւատը գործերով:
19. Դու հաւատում ես, որ մէկ է Աստուած. լաւ ես անում: Դեւերն էլ են հաւատում եւ դողում:
20. Ո՛վ փուչ մարդ, ուզո՞ւմ ես իմանալ. հաւատը դատարկ բան է առանց գործերի:
21. Աբրահամը՝ մեր հայրը, չէ՞ որ գործերով արդարացաւ՝ սեղանի վրայ հանելով իր որդուն՝ Իսահակին, որպէս զոհ:
22. Տեսնո՞ւմ ես, որ հաւատը գործակից եղաւ նրա գործերին եւ գործերով էլ հաւատը կատարեալ դարձաւ:
23. Եւ կատարուեց Գրուածը, որն ասում է. Աբրահամը հաւատաց Աստծուն, եւ այդ նրան որպէս արդարութիւն համարուեց, եւ նա Աստծուն բարեկամ կոչուեց:
24. Տեսնո՞ւմ էք, որ գործերով է արդարանում մարդ եւ ոչ թէ միայն հաւատով:
25. Այդպէս էլ պոռնիկ Ռախաբը գործերով չարդարացա՞ւ, երբ ընդունեց լրտեսներին եւ արձակեց նրանց այլ ճանապարհով:
26. Ինչպէս որ մեռած է մարմինը առանց հոգու, այնպէս էլ մեռած է հաւատը առանց գործերի:





1. Եղբայրներ՝ իմ, շատերդ ուսուցանողներ լինելու չձգտեք: Իմացե՛ք, որ մեծ դատաստան ենք ընդունելու,
2. քանի որ բոլորս էլ շատ ենք մեղանչում: Եթե մեկը խօսքով չի մեղանչում, նա կատարեալ մարդ է՝ ընդունակ սանձահարելու իր ամբողջ մարմինը:
3. Տե՛ս, թե ինչպես սանձեր ենք դնում ձիերի բերանը, որ նրանք մեզ հնազանդուեն. եւ նրանց ամբողջ մարմինը կառավարում ենք:
4. Ահա՛ւասիկ եւ նաւերը. ի՛նչ հսկայ բաներ են, սաստիկ հողմերից քշւում են, բայց փոքր մի դեկով ուղղւում են ո՛ր կողմը որ նաւավարի սիրտն ուզում է:
5. Այսպէս էլ լեզուն մի փոքր անդամ է, բայց մեծամեծ բաներ է բարբառում: Ահա թե մի փոքր կրակ ինչպիսի՜ անտառներ է հրդեհում:
6. Լեզուն էլ կրակ է, մի աշխարհ անիրաւութեան. մեր անդամների մէջ է հաստատուած լեզուն, որ ապականում է ամբողջ մարմինը եւ կրակով վառում մեր ամբողջ կեանքը, բորբոքուած գեհենի կրակով:
7. Գազանների, թռչունների եւ սողունների ամէն տեսակ եւ ինչ որ կայ ծովի մէջ, հնազանդուած է եւ հնազանդւում է մարդկային բնութեանը,
8. բայց մարդկանց լեզուն՝ այդ չարը, անգսպելին եւ մահաբեր թոյնով լցուածը, ոչ ոք չի կարող հնազանդեցնել:
9. Նրանով օրհնում ենք Տիրոջը եւ Հօրը եւ նրանով անիծում ենք մարդկանց, որ ստեղծուեցին Աստծու նմանութեամբ:
10. Նոյն բերանից դուրս են գալիս օրհնութիւններ եւ անեծքներ: Եղբայրներ՝ իմ, պէտք չէ, որ այդ այդպէս լինի:
11. Միթե մի աղբիւր նոյն ակից քաղցր եւ դառն ջուր կը բխեցնի՞:
12. Եղբայրներ՝ իմ, միթե կարելի՞ է, որ թգենին ծիթապտուղ տայ կամ որթատունկը՝ թուզ: Նմանապէս աղուտ տեղից քաղցր ջուր չի կարելի ստանալ:
13. Ձեր մէջ ո՞վ է իմաստուն եւ խելացի. թող նա, բարի ընթացքով, ցոյց տայ իմաստութեամբ եւ հեզութեամբ կատարած իր գործերը:
14. Իսկ եթե ձեր սրտերում դառն նախանձ եւ հակառակութիւն ունեք, մի՛ պարծեցեք, որ սուտ էք հանում ճշմարտութիւնը:
15. Այս իմաստութիւնը ի վերուստ չէ իջած, այլ՝ երկրաւոր է, մարմնաւոր եւ դիւային.
16. որովհետեւ, ուր հակառակութիւն եւ նախանձ կայ, այնտեղ կայ անկարգութիւն եւ ամէն չար բան:
17. Իսկ վերին իմաստութիւնը նախ՝ սուրբ է եւ ապա՝ խաղաղարար, հեզ, բարեացակամ, լի ողորմածութեամբ եւ բարի գործերով, մաքուր խղճմտանքով, առանց կեղծաւորութեան:
18. Արդարութեան պտուղը խաղաղութեամբ է սերմանւում նրանց համար, ովքեր խաղաղութիւն են անում:

1. Այդ որտեղի՞ց պատերազմներ եւ որտեղի՞ց կռիւներ ձեր մէջ. չէ՞ որ ձեր այն ցանկութիւններից, որոնք կռիւ են մղում ձեր անդամների մէջ:
2. Ցանկանում էք, բայց չունեք, ուստի եւ՝ սպանում էք, նախանծում եւ չէք կարողանում ձեռք բերել ձեր ուզածը. պայքարում էք, կռւում եւ ձեռք չէք բերում, որովհետեւ չէք խնդրում:
3. Խնդրում էք եւ չէք ստանում, որովհետեւ չարամտօրէն էք խնդրում, որպէսզի այն ծառայեցնէք ձեր ցանկութիւններին:
4. Շնացողներ, չգիտէ՞ք, որ սերը այս աշխարհի հանդէպ՝ թշնամութիւն է Աստծու դէմ, քանի որ, ով ուզում է աշխարհը սիրել, Աստծուն իրեն թշնամի կ'անի:
5. Կամ թէ՛ առ ոչինչ էք համարում, ինչ որ Գիրքն ասում է.
6. Եւ այդ նրա համար, որ է՛լ անելի շնորհ տայ. դրա համար ասում է.
7. Հնազանդուեցէ՛ք ուրեմն Աստծուն եւ դիմադրեցէ՛ք Սատանային, ու նա կը փախչի ձեզանից:
8. Մօտեցէ՛ք Աստծուն, եւ նա կը մերձենայ ձեզ: Մեղաւորներ, մաքրեցէ՛ք ձեր ձեռքերը. երկմիտներ, ուղղեցէ՛ք ձեր սրտերը.
9. տառապեցէ՛ք, սգացէ՛ք եւ լացէ՛ք. ձեր ծիծաղը սուգի թող վերածուի, եւ ձեր ուրախութիւնը՝ տրտմութեան:
10. Խոնարհ եղէք Տիրոջ առաջ, եւ նա ձեզ կը բարձրացնի:
11. Եղբայրներ, միմեանց մի՛ բամբասէ՛ք. ով բամբասում է իր եղբօրը կամ դատում է իր եղբօրը, չարախօսում է օրէնքի մասին եւ դատում է օրէնքը. իսկ եթէ օրէնքն ես դատում, օրէնքը պահող չես, այլ՝ դատաւոր:
12. Կայ մէկ Օրէնսդիր եւ Դատաւոր, որ կարող է փրկել եւ կործանել. դու ո՞վ ես, որ դատում ես քո մերձաւորին:
13. Այժմ նրանց մասին, որ ասում են. Այսօր կամ վաղը կը գնանք այսինչ քաղաքը, մէկ տարի կը մնանք այնտեղ, կը վաճառենք եւ կը վաստակենք:
14. (Այսպէս էք ասում դուք, որ ոչինչ չգիտէք վաղուայ մասին. որովհետեւ ի՞նչ է ձեր կեանքը. յիրաւի մի մշուշ է այն, որ մի պահ երեւում է եւ ապա անհետանում):
15. Մինչդեռ դուք ասելու էք. Եթէ Տէրը կամենայ, եւ ապրենք, կ'անենք այս կամ այն բանը:
16. Բայց արդ, պարծենում էք ձեր ամբարտաւանութեամբ: Այսպիսի ամէն պարծանք չար է:
17. Ով որ գիտէ, թէ ինչ է բարին, եւ չի անում, նրա համար այդ մեղք է:

1. Ուրեմն այժմ, հարուստներ, լացե՛ք եւ ողբացե՛ք այն թշուառութիւնների համար, որ գալու են ձեր գլխին.
2. որովհետեւ ձեր հարստութիւնը փտած է, ձեր զգեստները՝ ցեցի կեր,
3. եւ ձեր արծաթն ու ոսկին՝ ժանգոտած. եւ նրանց ժանգը ձեր դէմ որպէս վկայութիւն պիտի լինի եւ պիտի ուտի ձեր մարմինը՝ ինչպէս կրակը. վերջին օրերի՝ համար գանձեր դիզեցէք:
4. Ահա՛ւասիկ, ձեր դաշտերը մշակած մշակների վարձը ձեզ մօտ պահեցիք. ձեր կողմից զրկուածն աղաղակում է, եւ հնձուորների բողոքը հասաւ Ամենակալ Տիրոջ ականջին:
5. Մեղկ կեանքով ապրեցիք երկրի վրայ եւ շուայտացաք ու ձեր սրտերը պարարտացրիք մորթուելու օրուայ համար:
6. Չրկեցիք, սպանեցիք արդարին, որը ձեզ չէր հակառակում:
7. Եղբայրներ իմ, համբերո՛ղ եղէք մինչեւ Տիրոջ գալուստը: Մշակն ահա համբերութեամբ սպասում է երկրի պատուական պտղին, մինչեւ որ ստանայ առաջին եւ վերջին անձրեւը:
8. Համբերեցե՛ք եւ դուք, ամրացրե՛ք ձեր սրտերը, քանի որ Տիրոջ գալուստը մօտեցել է:
9. Մի՛ տրտմեցրե՛ք միմեանց, եղբայրներ, որպէսզի չդատուէք: Ահա՛ւասիկ դատաւորը դռանն է:
10. Եղբայրներ, չարչարանքների եւ համբերութեան որպէս օրինակ ունեցէք մարգարէներին, որոնք խօսեցին Տիրոջ անունով:
11. Ահա՛ երանի ենք տալիս համբերողներին: Լսել էք Յոբի համբերութեան մասին եւ տեսել, ինչ որ Տէրը նրան արեց վերջում, քանի որ Տէրը բազմագութ է եւ ողորմած:
12. Ամեն բանից առաջ, եղբայրներ իմ, մի՛ երդուէք ո՛չ երկնքով, ո՛չ երկրով, ո՛չ էլ այլ երդումով. այլ ձեր այրն թող լինի՝ այո, եւ ոչն՝ ոչ, որպէսզի կեղծաւորութեան պատճառով չընկնէք:
13. Ձեզնից մէկը վշտի՞ մէջ է ընկել, թող աղօթի. մէկը բերկրանքի՞ մէջ է, սաղմոս թող ասի.
14. հիւա՞նդ է ձեզնից մէկը, թող կանչի եկեղեցու երեցներին, եւ նրանք նրա վրայ թող աղօթք անեն, թող իւղով օծեն նրան Տիրոջ անունով:
15. Եւ հաւատով եղած աղօթքը կը փրկի հիւանդին, ու Տէրը նրան ոտքի կը կանգնեցնի: Եւ եթէ մեղք գործած լինի, այդ նրան պիտի ներուի:
16. Ձեր մեղքերը միմեանց խոստովանեցե՛ք եւ միմեանց համար աղօ՛թք արեք, որպէսզի բժշկուէք. քանզի արդարի աղօթքը շատ ազդեցիկ է եւ օգնում է:
17. Եղիան մարդ էր մեզ նման՝ կրքերի ենթակայ. նա աղօթեց, ու երկրի վրայ երեք տարի ու վեց ամիս անձրեւ չտեղաց:
18. Ապա դարձեալ աղօթեց, եւ երկինքը անձրեւ տուեց, ու երկիրը բուսցրեց իր պտուղը:
19. Եղբայրներ իմ, եթէ ձեզնից մէկը շեղուի ճշմարտութեան ճանապարհից, իսկ մէկ ուրիշը նրան յետ բերի,
20. թող իմանայ, որ, ով մեղաւորին իր մոլորութեան ճանապարհից յետ է բերում, կը փրկի նրա հոգին մահուանից եւ կը ծածկի մեղքերի մի ամբողջ բազմութիւն:

1 ՊԵՏՐՈՍ

1. Պետրոսը՝ առաքելալը Յիսուս Քրիստոսի, ձեզ՝ պանդուխտներիդ, որ Պոնտոսի, Գաղատիայի ու Կապադովկիայի, Ասիայի ու Բիթանիայի սփիւռքում էք,
2. ընտրեալներիդ՝ ըստ Հայր Աստծու կանխագիտութեան, Հոգու սրբագործումով՝ հնազանդուելու համար Յիսուս Քրիստոսին եւ սրբագործուելու նրա արեան հեղումով. շնորհը եւ խաղաղութիւնը թող շատանան ձեր վրայ:
3. Օրհնեա՛լ է Աստուած եւ Հայրը մեր Տէր Յիսուս Քրիստոսի, որ իր առատ ողորմութեամբ մեզ վերստին ծնեց կենդանի յոյսի համար՝ մեռելներից Յիսուս Քրիստոսի յարութեամբ.
4. ծնեց անեղծ եւ անարատ ու անթառամ ժառանգութեան համար, որ պահուած է երկնքում ձեզ համար,
5. ձեզ, որ Աստծու զօրութեամբ պահուած էիք հաւատով՝ փրկութեան համար, որ պատրաստ է յայտնուելու վերջին ժամանակներում:
6. Ուրախանում էք դրանով դուք, որ այժմ դէպքերի բերումով, այլ եւ այլ փորձութիւններով փոքր-ինչ տրտմած էք,
7. որպէսզի ձեր հաւատի փորձը, որ առաւել արժէքաւոր է, քան կորստեան ենթակա ոսկին, որ կրակով է փորձուած, դառնայ գովքի, փառքի ու պատուի առարկայ յայտնութեան ժամանակ Յիսուս Քրիստոսի,
8. որին չէք տեսել, բայց սիրում էք եւ որին այժմ էլ չէք տեսնում, բայց հաւատում էք նրան եւ ուրախ էք անպատմելի ու փառաւոր խնդութեամբ՝
9. ձեռք բերելով ձեր հաւատի պսակումը՝ հոգիների փրկութիւնը:
10. Այդ փրկութեան համար է, որ փնտռողներ կատարեցին եւ քննեցին մարգարէները, որոնք մարգարէանում էին այն շնորհի մասին, որ վիճակուած էր ձեզ:
11. Քննում էին, թէ ո՛ր եւ ինչպիսի՜ ժամանակի մասին էր ծանուցում իրենց մէջ եղող Քրիստոսի Հոգին, որ նախ վկայում էր Քրիստոսի չարչարանքների մասին եւ դրանից յետոյ՝ նրա փառքի մասին:
12. Աստուած նրանց յայտնեց նաեւ, որ ոչ թէ իրենց համար, այլ մեզ համար էին տրուած այդ պատգամները, որոնք այժմ պատմուեցին ձեզ նրանց միջոցով եւ աւետարանուեցին Սուրբ Հոգով, որն ուղարկուեց երկնքից. մի բան, որ կը ցանկանային հրեշտակները գոնէ աղօտ կերպով տեսնել:
13. Ուստի, գօտեանդելով ձեր միտքը, զգաստ, կատարեալ յոյսով սպասեցէ՛ք Յիսուս Քրիստոսի յայտնութեան ժամանակ ձեզ հասանելիք շնորհին:
14. Իբրեւ հնազանդ որդիներ, մի՛ կերպարանուէք նախկին, ձեր անգիտութեան ժամանակուայ ցանկութիւններով.
15. այլ, նման այն Սրբին, որ ձեզ կանչեց, դուք էլ ձեր ամբողջ կեանքով սո՛ւրբ եղէք.
16. քանի որ գրուած է.
17. Եւ եթէ Հայր էք կոչում նրան, որ առանց աչառութեան դատում է իւրաքանչիւրին ըստ գործերի, ապա երկիւղո՛վ ապրեցէք այս աշխարհում ձեր պանդխտութեան ժամանակ:
18. Իմացէ՛ք, որ ապականացու արծաթեղէնով եւ ոսկեղէնով չէ, որ փրկուեցիք ձեր հայրենաւանդ ունայն ընթացքից,
19. այլ՝ թանկագին արեամբ Քրիստոսի, որ անբիծ եւ անարատ է, ինչպէս մի գառ.
20. նա, որ նախասահմանուած էր նախքան աշխարհի ստեղծումը եւ երեւաց ժամանակների վախճանին ձեզ համար, ձեզ,
21. որ նրա միջոցով հաւատացիք Աստծուն, որը յարութիւն տուեց նրան մեռելներից եւ փառաւորեց, որպէսզի ձեր հաւատը եւ յոյսը լինեն Աստծու վրայ:
22. Արդ, մաքրեցէ՛ք դուք ձեզ՝ հնազանդուելով ճշմարտութեանը, առանց կեղծաւորութիւն խառնելու եղբայրասիրութեան մէջ՝ մաքուր սրտով ջերմօրէն սիրելով միմեանց:
23. Վերածնուեցէ՛ք ոչ թէ ապականութեան ենթակայ սերմից, այլ՝ անապականից՝

Աստծու կենդանի եւ մշտնջենական խօսքով.

24. քանզի՝

25. Այսինքն՝ այն խօսքը, որ անտարանուեց ձեզ:

## Գլուխ 2

1. Ուրեմն, դէ՛ն զգելով ամէն չարութիւն, ամէն նենգութիւն, կեղծաւորութիւններ, նախանձ եւ ամէն չարախօսութիւն,
2. որպէս նորածին երեխաներ, մի՛շտ փափագող եղէք բանական եւ անխարդախ կաթին, որպէսզի նրա միջոցով աճէք փրկութեան համար,
3. քանի որ արդէն ճաշակել էք, որ քաղցր է Տէրը:
4. Մօտեցէ՛ք նրան՝ կենդանի Վեմին, որը, թէպէտ մարդկանցից անարգուած, բայց Աստծու առաջ ընտրեալ եւ թանկագին է:
5. Եւ դուք, իբրեւ կենդանի վեմեր, կառուցւում էք որպէս հոգեւոր տաճար, որպէս անարատ քահանայութիւն, որպէսզի Յիսուս Քրիստոսի միջոցով մատուցէք հոգեւոր պատարագներ, որոնք հաճելի լինեն Աստծուն.
6. քանզի Գրքում էլ կայ, թէ՛
7. Ուրեմն, ձեզ՝ հաւատացեալներիդ համար՝ թանկագին վեմ, իսկ անհաւատներին՝
8. Ինչպէս նաեւ՝
9. որով գայթակղւում են խօսքին անհնազանդ եղողները. եւ նրանք հէնց այդ բանի համար էլ սահմանուած էին:
10. Բայց դուք ընտիր ցեղ էք, թագաւորութիւն, քահանայութիւն, սուրբ ազգ, Աստծու սեփական ժողովուրդ, որպէսզի ձեր առաքինութիւնները նուիրէք նրան, ով խաւարից ձեզ կանչեց իր սքանչելի լոյսին:
11. Դուք, որ մի ժամանակ ժողովուրդ չէիք, բայց այժմ Աստծու ժողովուրդն էք. դուք, որ ողորմութիւն չէիք գտել, այժմ ողորմութիւն գտաք:
12. Սիրելիներ՝, աղաչում եմ ձեզ, իբրեւ պանդուխտների եւ օտարականների, որ հեռու մնաք մարմնաւոր ցանկութիւններից, որոնք պայքարում են հոգու դէմ,
13. եւ ցոյց տաք ձեր պարկեշտ վարքը հեթանոսների մէջ, որպէսզի այն բանում, որ ձեզ բամբասում են իբրեւ չարագործների, դրա մէջ իսկ տեսնելով ձեր բարի գործերը՝ փառաւորեն Աստծուն նրա այցելութեան օրը:
14. Ի սեր Տիրոջ հնազանդ եղէք մարդկային ամէն իշխանութեան՝ թէ՛ թագաւորին, որպէս գերագոյն հեղինակութիւն ունեցող մէկի,
15. թէ՛ կառավարիչներին, որպէս նրանից ուղարկուածների, այն բանի համար, որ նրանք չարագործներին պատժում են, իսկ օրէնքը պահողներին՝ գովում.
16. որովհետեւ Աստծու կամքը այն է, որ բարեգործները պապանձեցնեն անխելք մարդկանց տգիտութիւնը:
17. Ապրեցէ՛ք որպէս ազատներ եւ ազատութիւնը իբրեւ չարիքի պատրուակ մի՛ բռնէք, այլ ապրեցէ՛ք որպէս Աստծու ծառաներ:
18. Յարգեցէ՛ք բոլորին, սիրեցէ՛ք եղբայրութիւնը, վախեցէ՛ք Աստծուց, պատուեցէ՛ք թագաւորներին:
19. Ծառաներ՝, ամէն ինչում երկիւղով հնազանդ եղէք տերերին, ոչ միայն բարիներին եւ հեղաբարոսներին, այլեւ դաժաններին,
20. քանի որ Աստծուց է այն շնորհը, երբ մէկը յանիրաւի վիշտ է կրում բարի խղճով.
21. քանզի ի՞նչ երախտիք կ'ունենաք, եթէ, մեղանչելուց յետոյ, տանջուէք եւ համբերէք: Իսկ եթէ բարիք գործէք եւ չարչարուէք ու համբերէք, այդ շնորհ է Աստծու մօտ.
22. որովհետեւ այդ բանի համար իսկ կոչուեցիք, քանի որ Քրիստոս էլ ձեզ համար մեռաւ եւ ձեզ օրինակ թողեց, որ իր հետքերով գնաք.
23. նա, որ մեղք չգործեց, եւ նրա բերանում նենգութիւնը տեղ չգտաւ.
24. նա, որ նախատուելով՝ փոխարէնը չնախատեց, չարչարուելով՝ չսպառնաց, այլ յանձնուեց արդարութեամբ դատողին.
25. նա, որ մեր մեղքերը իր մարմնով բարձրացրեց խաչափայտի վրայ, որպէսզի մենք, զերծ լինելով մեղքերից, ապրենք արդարութեան համար. նա, որի վերքերով բժշկուեցիք դուք:
26. Մոլորեալ ոչխարների պէս էիք, իսկ այժմ դարձաք դէպի ձեր հոգիների Հովիւը եւ



Տեսնւի՞ր:

1. Այսպէս էլ դուք, կանա՛յք, հնազա՛նդ եղէք ձեր մարդկանց, որպէսզի, եթէ նրանցից ոմանք չհնազանդուեն Խօսքին, իրենց կանանց ընթացքի շնորհիւ եւ առանց խօսքի իսկ շահուած լինեն՝
2. Նկատի ունենալով ձեր պարկեշտ ընթացքը՝ լի երկիւղածութեամբ:
3. Թող ձեր արտաքի՛նը զարդարուած չլինի հիւսքերով, ոսկեհուռ վարսակալներով կամ պճնագեղ զգեստներով,
4. այլ սրտի ներսի՛ մարդը՝ հեզ եւ հանդարտ հոգու անեղծութեամբ, ինչ որ շատ անելի արժէք է ներկայացնում Աստծու առաջ.
5. մի ժամանակ այսպէ՛ս էին իրենք իրենց զարդարում Աստծու վրայ յոյս դրած կանայք, որոնք հնազանդուում էին իրենց մարդկանց.
6. այդպէս էր Սառան, որը հնազանդ էր Աբրահամին եւ նրան իր տերն էր կոչում. եւ դուք նրա զաւակները եղաք. նրանք բարեգործ էին եւ չէին սարսափում եւ ո՛չ մի բանից:
7. Նոյնպէս եւ տղամարդիկ թող իմաստութեամբ ապրեն իրենց կանանց հետ, յարգեն նրանց, իբրեւ դիւրաբեկ անօթի, իբրեւ կեանքի շնորհի ժառանգակիցների, որպէսզի ձեր աղօթքներին արգելք եղող բաներ չլինեն:
8. Եւ, ամենազխաւորը, եղէ՛ք համախորհուրդ, կարեկից, եղբայրասէր, ազնուագութ, խոնարհ.
9. չարի փոխարէն չար մի՛ հատուցէ՛ք, կամ նախատինքի փոխարէն՝ նախատինք, այլ, ընդհակառակը, օրհնեցէ՛ք, որովհետեւ այդ բանին իսկ կոչուեցիք, որպէսզի ժառանգեք օրհնութիւնը.
10. արդարեւ՝
11. եւ ո՞վ է, որ պիտի չարչարի ձեզ, եթէ դուք նախանձախնդիր լինէք բարուն:
12. Իսկ եթէ արդարութեան համար չարչարուէք էլ, երանի՛ է ձեզ: Բայց նրանց երկիւղից մի՛ վախեցեք եւ մի՛ խռովուէք,
13. այլ Տիրոջը՝ Նոյն ինքը Քրիստոսին սո՛ւրբ պահեցեք ձեր սրտերում. պատրա՛ստ եղէք հեզութեամբ եւ երկիւղածութեամբ պատասխան տալու ամէն մարդու, որ կը հարցնի ձեր մէջ եղած յոյսի պատճառը:
14. Մաքուր խղճմտանք ունեցէ՛ք, որպէսզի այն բանով, որ չարախօսում են ձեր մասին, ամօթահար լինեն նրանք, որ բամբասում են ձեր բարի ընթացքը ի Քրիստոս.
15. որովհետեւ անելի լաւ է բարեգործութիւն անելով չարչարուել, եթէ այդ է Աստծու կամքը, քան չարիք գործել:
16. Արդարեւ, մեր բոլորի համար, մեղքերի պատճառով, մէկ անգամ մեռաւ եւ ինքը Քրիստոս՝ Արդարը՝ անարդարների համար, որպէսզի մեզ մօտեցնի Աստծուն. նա թէպէտեւ մարմնով մեռաւ, բայց կենդանի է Հոգով,
17. որով եւ գնաց քարոզեց բանտում եղած այն հոգիներին,
18. որոնք մի ժամանակ ապստամբել էին, երբ Աստծու համբերատարութիւնը երկարաձգւում էր նրանց համար մինչեւ Նոյի օրերը, երբ տապանն էր շինւում: Այդ օրերին քչեր, այսինքն՝ ութ հոգի փրկուեցին ջրից:
19. Մկրտութիւնն էլ, ըստ Նոյն օրինակի, ապրեցնում է ձեզ (ոչ թէ մարմնի կեղտը հեռացնելու համար, այլ որպէս մաքուր խղճով յանձնառութիւն առ Աստուած) Յիսուս Քրիստոսի յարութեան միջոցով:
20. Գնացած լինելով երկինք՝ նա Աստծու աջ կողմում է: Եւ նրան հնազանդուում են իրեշտակները, իշխանութիւններն ու զօրութիւնները:

#### Գլուխ 4

1. Քանի որ Քրիստոս մարմնով չարչարուեց մեզ համար, դուք եւս զինուեցե՛ք նոյն մտքով. որովհետեւ, ով մարմնով չարչարուեց, դադարում է մեղանշելուց,
2. որպէսզի մարմնի մէջ մնացած ժամանակ այլեւս ոչ թէ ըստ մարդկային ցանկութիւնների, այլ ըստ Աստծու կամքի ապրի.
3. քանզի բաւական է մեզ կեանքի անցած ժամանակը, երբ ընթացանք հեթանոսների կամքի համաձայն՝ գեխութիւններով, յոռի ցանկութիւններով, գինեմոլութիւններով, անառակութիւններով, հարբեցողութիւններով, անօրէն կռապաշտութիւններով:
4. Եւ նրանք տարօրինակ են գտնում, որ դուք չէք ընթանում նոյն անկարգ գեխութեամբ. եւ հայիոյում են ձեզ:
5. Նրանք հաշիւ պիտի տան նրան, ով պատրաստ է դատելու կենդանիներին եւ մեռածներին.
6. քանի որ սրա համար իսկ քարոզուեց Աւետարանը նաե՛ւ մեռելներին, որպէսզի մարդկանց նման դատուեն մարմնով եւ կենդանի լինեն հոգով Աստծու նման:
7. Ամէն ինչի վախճանը մօտեցել է: Չգաստացե՛ք ուրեմն եւ արթո՛ւն եղէք աղօթքի համար:
8. Ամէն ինչից առաջ միմեանց միջեւ ամուր սէ՛ր ունեցէք, քանի որ սերը ծածկում է մեղքերի շատութիւնը:
9. Հիւրասէ՛ր եղէք միմեանց հանդէպ առանց տրտնջալու:
10. Իւրաքանչիւր ոք ինչպիսի շնորհի որ ընդունել է, ուրիշի հանդէպ թող նոյնը մատակարարի որպէս բարի տնտես Աստծու պէսպէս շնորհների:
11. Եթէ մէկը խօսի, թող այդ լինի Աստծու պատգամների նման: Եթէ մէկը մատակարարի, թող այդ լինի այն զօրութիւնից, որն Աստուած շնորհում է, որպէսզի ամէն ինչում Աստուած փառաւորուի Յիսուս Քրիստոսի միջոցով, որին փա՛ռք եւ զօրութի՛ւն յաւիտեանս յաւիտենից: Ամէն:
12. Սիրելիներ՛, տարօրինակ մի՛ համարէք այն այրող նեղութիւնը, որ ձեզ փորձելու համար է, որպէս թէ մի տարօրինակ բան պատահած լինէր ձեզ:
13. Այլ, որպէս Քրիստոսի չարչարանքներին մասնակիցներ, ուրա՛խ եղէք, որպէսզի նրա փառքի յայտնութեան ժամանակ էլ ցնծաք եւ ուրախանաք:
14. Իսկ եթէ նախատուէք էլ Քրիստոսի անուան համար, երանելի՛ էք, քանի որ փառքի եւ զօրութեան անունը եւ Աստծու Հոգին է հանգչում ձեր վրայ:
15. Ձեզնից ոչ ոք թող չտանջուի որպէս մարդասպան կամ որպէս գող կամ որպէս չարագործ կամ որպէս ուրիշի գործին խառնուող.
16. իսկ եթէ տանջուում է որպէս քրիստոնեայ, թող չամաչի, այլ փառաւորի Աստծուն այդ անուամբ,
17. քանի որ ժամանակն է, որ սկսուի դատաստանը Աստծու տնից. որովհետեւ, եթէ այն նախ մեզնից սկսուի, ապա ի՞նչ վախճան կը լինի նրանց, ովքեր չհնազանդուեցին Աստծու Աւետարանին:
18. Եւ եթէ արդարը հազիւ է փրկուելու, ապա ամբարիշտը կամ մեղաւորը էլ ո՞ւր պիտի մնայ:
19. Հետեւաբար նրանք, որ չարչարուում են ըստ Աստծու կամքի, բարեգործութիւն անելով թող իրենց հոգիները յանձնեն հաւատարիմ Ստեղծողին:

1. Ուրեմն՝ աղաչում եմ երեցներին, ես էլ նոյնպես լինելով երեց ու վկայ Քրիստոսի չարչարանքների եւ մասնակից գալիք փառքի յայտնութեան.
2. արածեցրէ՛ք Աստծու այդ հօտը, որ ձեզ է յանձնուած, վերականգու լինելով ոչ թէ հակառակ ձեր կամքին, այլ՝ յօժարակամ, ըստ Աստծու. ոչ թէ շահախնդրութեամբ, այլ՝ յօժարութեամբ.
3. ոչ թէ տիրելով նրանց, որ բաժին են ընկած ձեզ, այլ օրինակ լինելով հօտին,
4. որպէսզի, երբ Հովուապետը երեւայ, փառքի անթառամ պսակն ընդունէք:
5. Նոյնպես եւ դուք, երիտասարդներ, հնազանդ եղէք ծերերին. բոլորդ միմեանց հանդէպ խոնարհութի՛ւն ունեցէք, քանի որ Աստուած հակառակ է ամբարտաւաններին, իսկ խոնարհներին տալիս է շնորհ:
6. Խոնարհուեցէ՛ք Աստծու հզօր ձեռքի տակ, որպէսզի ժամանակին նա ձեզ բարձրացնի:
7. Ձեր բոլոր հոգսերը նրա վրայ գցեցէ՛ք, որովհետեւ նա է, որ հոգում է ձեր մասին:
8. Արթո՛ւն եղէք, հսկեցէ՛ք, քանի որ ձեր ոսոխը՝ Սատանան, մռնչում է առիծի պէս, շրջում եւ փնտռում է, թէ ո՛ւմ կուլ տայ:
9. Դիմադրեցէ՛ք նրան՝ հաստատուն լինելով հաւատի մէջ. իմացէ՛ք, որ ձեր եղբայրներն էլ աշխարհում կրում են նոյն չարչարանքները:
10. Եւ բոլոր շնորհների Աստուածը, - որ ձեզ կոչեց իր յաւիտենական փառքին Քրիստոս Յիսուսի միջոցով, որին մի փոքր ժամանակ չարչարակից պիտի լինէք, - թող վերականգնի, զօրացնի, հաստատահիմն դարձնի ձեզ:
11. Նրան իշխանութի՛ւն եւ փա՛ռք յաւիտեանս: Ամէն:
12. Սիղուանոսի միջոցով, որ հաւատարիմ եղբայր է, ինչպէս ես եմ կարծում, մի փոքր բան գրեցի ձեզ՝ յորդորելու եւ վկայելու համար, որ Աստծու ճշմարիտ շնորհն ա՛յս է. դրանում հաստա՛տ մնացէք:
13. Ձեզ ողջունում է Բաբելոնում գտնուող եկեղեցին, որ ընտրուած է ձեզ նման, ինչպէս նաեւ՝ իմ որդի Մարկոսը:
14. Ողջունեցէ՛ք միմեանց սուրբ համբոյրով: Խաղաղութիւն ձեզ բոլորիդ, որ Քրիստոս Յիսուսի մէջ էք: Ամէն:

## 2 ՊԵՏՐՈՍ

## Գլուխ 1

1. Սիմոն Պետրոսը՝ ծառան եւ առաքեալը Յիսուս Քրիստոսի՝ ձե՛զ, որ մեզ հետ հասարակոյն պատուական հաւատին՝ մեր Աստծու եւ Փրկչի՝ Յիսուս Քրիստոսի արդարութեամբ:
2. Շնորհ ձեզ, եւ թող շատանայ խաղաղութիւնը Աստծու եւ մեր Տէր Յիսուս Քրիստոսի մասին ձեր ունեցած գիտութեամբ:
3. Արդարեւ, նրա աստուածային զօրութիւնը մեզ շնորհեց ամէն ինչ, որ վերաբերում է կեանքին եւ աստուածապաշտութեանը՝ ճանաչեցնելով մեզ նրան, ով կանչեց մեզ իր փառքին եւ առաքիւնութեանը:
4. Դրանցով մեծամեծ եւ թանկագին խոստումներ պարգեւունեցին մեզ, որպէսզի հաղորդակից լինէք աստուածային բնութեանը եւ հեռու մնաք այս աշխարհի ցանկութիւններից եւ ապականութիւններից:
5. Եւ այս բանի համար իսկ ամէն ջանք գործադրելով՝ ձեր հաւատով առաքիւնութիւն ձեռք բերէք, առաքիւնութեամբ՝ գիտութիւն,
6. գիտութեամբ՝ ժուժկալութիւն, ժուժկալութեամբ՝ համբերատարութիւն, համբերատարութեամբ՝ աստուածապաշտութիւն,
7. աստուածապաշտութեամբ՝ եղբայրասիրութիւն, եղբայրասիրութեամբ էլ՝ սեր:
8. Երբ դուք այս շնորհներն ունենաք եւ սրանցով հարստանաք, սրանք ձեզ դատարկ եւ անպտուղ չեն թողնի մեր Տէր Յիսուս Քրիստոսի մասին ձեր ունեցած գիտութեան մէջ:
9. Իսկ նա, ում մէջ այս բաները չկան, կոյր է կամ կարճատես եւ մոռացութեան տուած իր նախկին յանցանքներից մաքրուած լինելը:
10. Ուստի, եղբայրներ՛, առաւել՝ ջանացէք, որպէսզի բարի գործերով ձեր կոչումը եւ ընտրութիւնը հաստատ պահէք: Այս բանն անելով՝ երբեք յանցանքի մէջ չէք ընկնի,
11. քանի որ այսպիսով լայնօրէն մուտք պիտի շնորհուի ձեզ դէպի մեր Տիրոջ եւ Փրկչի՝ Յիսուս Քրիստոսի յաւիտենական արքայութիւնը:
12. Ահա թէ ինչու պատրաստ եմ միշտ յիշեցնելու ձեզ այս բաները, առաւել եւս՝ գիտակներին եւ այդ ճշմարտութեանը վերահասու եղածներին ու նրանում հաստատուածներին,
13. քանի որ իրաւունք եմ համարում, - քանի դեռ այս մարմնի մէջ եմ, - արթուն պահել ձեզ յիշեցումներով:
14. Գիտեմ, որ շուտով մերկանալու եմ այս մարմնից, ինչպէս մեր Տէր Յիսուս Քրիստոսն ինձ յայտնեց:
15. Եւ շտապում եմ միշտ ձեզ յորդորել, որպէսզի այս աշխարհից իմ մեկնելուց յետոյ էլ վերյիշէք այս բաները:
16. Ոչ թէ հնարովի առասպելների յետեւից գնալով է, որ ձեզ ճանաչեցրինք մեր Տէր Յիսուսի Քրիստոսի զօրութիւնը եւ գալուստը, այլ մենք իսկ ականատես եղանք նրա մեծութեանը.
17. քանի որ նա Հայր Աստծուց ստացաւ փառք եւ պատիւ, երբ մեծավայելուչ փառքից եկաւ այս ձայնը, թէ՛ Դա է իմ սիրելի որդին, որն ունի իմ ամբողջ հաճութիւնը:
18. Եւ երկնքից եկող այս ձայնը լսեցինք մենք իսկ, որ նրա հետ էինք սուրբ լերան վրայ:
19. Ունենք նաեւ մարգարեական ասելի հաստատուն խօսքը, - որին եթէ անսաք, լաւ կ'անէք, - իբրեւ ճրագ, որ լոյս է տալիս մութ տեղում՝ մինչեւ որ լուսանայ օրը, եւ արուսեակը ծագի ձեր սրտերում:
20. Բայց նախ այս բանն իմացէ՛ք, որ Գրքերի ամէն մի մարգարեութիւն իր յատուկ մեկնութիւնը չունի,
21. քանի որ մարգարեութիւնը ոչ թէ ըստ մարդկանց կամքի տրուեց երբեւէ, այլ Սուրբ Հոգուց մղուած է, որ խօսեցին Աստծու սուրբ մարդիկ:

1. Եղան նաեւ սուտ մարգարէներ ժողովրդի մէջ, ինչպէս որ այժմ էլ ձեր մէջ կարող են լինել սուտ ուսուցիչներ, որոնք, սպրդեցնելով, կորստաբեր հերձուածներ են ներմուծելու եւ, ուրանալով Տիրոջը, որ իրենց գնեց, իրենց վրայ արագահաս կորուստ են բերելու:
2. Եւ շատեր պիտի գնան նրանց անառակութիւնների յետեւից. եւ այդ պատճառով ճշմարտութեան ճանապարհը պիտի անարգուի:
3. Եւ ընչաքաղցութեամբ, մտացածին խօսքերով ձեզ պիտի շահագործեն. բայց նրանց դատապարտութիւնը սկզբից յայտնի է, եւ նրանց կործանումը չպիտի ուշանայ:
4. Քանզի Աստուած չիսնայեց մեղանչած հրեշտակներին, այլ խաւարի կապանքներով զգեց տարտարոսը, որպէսզի նրանք պահուեն դատաստանի օրուայ համար:
5. Նա չիսնայեց նաեւ հին աշխարհին, երբ ամբարիշտների աշխարհի վրայ ջրհեղեղը բերեց՝ փրկելով միայն ութ հոգու, այդ թւում նաեւ Նոյին՝ արդարութեան քարոզչին:
6. Նոյնպէս նա սողմացիների եւ գոմորացիների քաղաքները մոխրի վերածելով դատապարտեց՝ օրինակ ծառայեցնելով նրանց ապագայի ամբարիշտների համար:
7. Եւ նա փրկեց արդար Ղովտին, որ ձանձրացել էր նրանց անառակ, անկարգ ընթացքից
8. (որովհետեւ արդարը, բնակուելով նրանց մէջ, ականատես եւ ականջալուր էր լինում նրանց անօրէն ընթացքին՝ ամէն օր տանջելով իր արդար հոգին):
9. Տերը գիտէ աստուածապաշտներին փրկել փորձութիւնից, իսկ անիրաւներին պահել դատաստանի օրուայ համար՝ տանջանքների մատնելու նրանց,
10. մանաւանդ մարմնի պիղծ ցանկութիւնների յետեւից գնացողներին, Աստծու իշխանութիւնն արհամարհողներին, ինքնահաւաններին, յանդուգններին, որոնք չեն վախենում երկնային փառաւոր էակներին հայիոյելուց,
11. այն դէպքում, երբ հրեշտակները, որոնք զօրութեամբ եւ կարողութեամբ աւելի մեծ են իրենցից, նրանց դէմ հայիոյալից դատապարտութիւն չեն բերում Տիրոջ առաջ:
12. Բայց այս մարդիկ, անբան անասունների նման (որոնք ի բնէ որսի եւ մորթուելու համար են), հայիոյում են իրենց չիմացած բաների դէմ. եւ իրենց ապականութեան մէջ էլ պիտի կործանուեն տանջուելով՝
13. որպէս վարձատրութիւն իրենց անիրաւութեան. սրանք օրը ցերեկով իրենց ցանկութեանը յագուրդ տալը հաճոյք են համարում. կեղտոտներ եւ արատաւորներ, որոնք հաճոյք են ստանում իրենց խաբեբայութիւնների մէջ՝ ձեզ խրախճանակից լինելով:
14. Աչքեր ունեն պոռնկութեամբ լեցուն աչքերի նման, անպակաս են մեղքերից, խաբում են տատանուողների հոգիները, ունեն ագահութեամբ բռնուած սիրտ. անէծքի՝ որդիներ:
15. Թողնելով ուղիղ ճանապարհը՝ մոլորուեցին, ընթանալով Բեորի որդի Բաղաամի ճանապարհով, որը անիրաւութեան վարձը սիրեց:
16. Եւ այդ այն Բաղաամի, որ իր անօրէնութեան համար յանդիմանութիւն ստացաւ, երբ անխօս էջը մարդկային լեզուով խօսելով՝ արգելք եղաւ մարգարէին, որ չկատարի այդ անօրէնութիւնը:
17. Սրանք ցամաքած աղբիւրներ են եւ մրրիկից քշուած մառախուղներ. խաւարի աղջամուղջները յաւիտեան նրա՛նց համար են պահուած.
18. քանզի մեծախօս եւ սնոտի բաներ բարբառելով՝ անառակութիւններով, մարմնի ցանկութիւններով խաբում են նրանց, որոնք ստուգապէս փախել էին մոլորութեան մէջ թափառողներից:
19. Սրանց ազատութիւն են խոստանում, մինչ իրենք ծառայ են ապականութեանը, քանի որ մարդ ինչից որ յաղթում է, նրան էլ ծառայ է.
20. որովհետեւ, եթէ մեր Տեր եւ Փրկիչ Յիսուս Քրիստոսին ճանաչելու միջոցով աշխարհի պղծութիւններից փախչելուց յետոյ դարձեալ նոյն բաներով բռնուեն մնան, նրանց վախճանը կը լինի աւելի վատ, քան առաջին վիճակը.

21. քանի որ աւելի լաւ էր նրանց համար, եթէ բնա՛ւ ճանաչած չլինէին արդարութեան ճանապարհը, քան այն, որ ճանաչեցին եւ յետ կանգնեցին այն սուրբ պատուիրանից, որ աւանդուեց նրանց:

22. Նրանց յարմար է գալիս այն իմաստուն, ճշմարիտ առածը, թէ՛ Շունը վերստին է դառնում իր փսխածին եւ թէ՛ Լուացուած խոզը վերստին է թաւալւում տիղմի մէջ:



1. Սիրելիներ՛ր, գրում եմ ձեզ այս երկրորդ թուղթը, որով ձեր մաքուր մտքերն եմ արթնացնում յիշեցման համար.
2. յիշեցե՛ք սուրբ մարգարեների կողմից նախապես ասուած պատգամները, ինչպես նաեւ ձեր առաքեալների կողմից ասուած Տիրոջ եւ Փրկչի պատուիրանները:
3. Բայց նախ այս բանն իմացե՛ք, որ վերջին օրերին պիտի գան արհամարհողներ, ծաղրողներ, որոնք պիտի ընթանան ըստ իրենց ցանկութիւնների.
4. եւ պիտի ասեն. Ո՞ր է նրա գալստեան խոստումը, քանի որ նախահայրերի ննջելուց յետոյ ամէն ինչ այն նոյն ձեւով է մնում, ինչպես էր արարչագործութեան սկզբից:
5. եւ այս բանը ուզողները մոռացութեան են տուել այն, որ ի սկզբանէ եղել է երկինքը, եւ երկիրը՝ ջրերից, եւ՝ ջրերը, որ մնում են հաստատ Աստծու խօսքով.
6. դրա համար էլ այն ժամանակուայ աշխարհը ապականուելով կործանուեց ջրհեղեղով:
7. Իսկ այժմ երկինք եւ երկիր պահուած են այդ նոյն խօսքով, վերապահուած են կրակին դատաստանի օրուայ եւ ամբարիշտ մարդկանց կործանման օրուայ համար:
8. Բայց այս եւս ձեզնից ծածկուած չիկնի, սիրելիներ՛ր, որ Տիրոջ համար մէկ օրը՝ ինչպես հազար տարի է, եւ հազար տարին՝ ինչպես մէկ օր:
9. Տերը չի ուշացնի իր խոստումը, ինչպես կարծում են ոմանք, թէ ուշացած է, այլ համբերատար է ձեր հանդէպ. քանզի չի ուզում, որ որեւէ մէկը կորստեան մատնուի, այլ ուզում է, որ ամենքը ապաշխարեն:
10. Բայց Տիրոջ օրը պիտի գայ ինչպես մի գող, երբ երկինքը պիտի անցնի չքանայ շառաչիւնով, եւ տարերքը, հրով կիզուած, պիտի լուծուի, եւ երկիրն ու ինչ գործեր, որ կան նրա վրայ, յայտնի պիտի լինեն:
11. եւ քանի որ այս ամէնն այսպէս պիտի լուծուի, ուրեմն ինչպիսի՛ մարդիկ պետք է լինէք դուք. սուրբ վարմունքով եւ աստուածապաշտ ընթացքով՝
12. սպասելով եւ հասնել ջանալով Տիրոջ օրուայ գալստեան, երբ հրավառ երկինքը պիտի չքանայ, եւ տարերքը հրկիզուելով պիտի հալուի:
13. Բայց մենք, Աստծու խոստման համաձայն, աչքներս յառած սպասում ենք նոր երկնքի եւ նոր երկրի, որոնցում արդարութիւնն է բնակում:
14. Ուստի, սիրելիներ՛ր, սպասելով այս բաներին, ջանք թափեցէք, որ Նա գտնի ձեզ անբիծ եւ անարատ, խաղաղութեան մէջ:
15. եւ Տիրոջ համբերատարութիւնը փրկութի՛ւն համարեցէք, ինչպես որ մեր սիրելի եղբայր Պօղոսն էլ գրեց ձեզ, ըստ Աստծուց իրեն շնորհուած իմաստութեան,
16. եւ ինչպես որ իր բոլոր թղթերում էլ խօսում է դրանց մասին. դրանց մէջ կան ինչ-ինչ դժուարիմաց բաներ, որ անուսներն ու տատանուողները ծուռ են մեկնում. նրանք այդպէս են մեկնում նաեւ բոլոր Գրուածքները՝ իրենց անձերի կորստեան համար:
17. Դուք ուրեմն, սիրելիներ՛ր, իբրեւ նախապէս տեղեակ դարձած մարդիկ, զգուշացե՛ք, որ անառակ մոլորութեամբ տարուած՝ չկորցնէք ձեր վստահութիւնը:
18. Աճեցե՛ք մեր Տիրոջ եւ Փրկչի՝ Յիսուս Քրիստոսի շնորհով եւ գիտութեամբ: Նրան փա՛ռք թէ՛ այժմ եւ թէ՛ մինչեւ յաւիտենութեան օրը: Ամէն:

1 ՅՈՎՀԱՆՆԵՍ

## Գլուխ 1

1. Խօսում ենք Նրա մասին, որ սկզբից էր, որի մասին լսեցինք, որին ականատես իսկ եղանք, որին նայեցինք, եւ որին մեր ձեռքերը շօշափեցին, այսինքն՝ Կենաց Բանը:
2. Նա նոյն ինքը կեանք էր, որ յայտնուեց, մենք այն տեսանք, վկայում ենք եւ պատմում ենք ձեզ այն յաւիտենական կեանքի մասին, որ Հօր մօտ էր եւ յայտնուեց մեզ:
3. Ինչ որ տեսանք եւ լսեցինք, պատմում ենք ձեզ, որպէսզի դուք էլ հաղորդակից լինէք Նրան մեզ հետ, ինչպէս որ մենք հաղորդութիւն ունենք Հօր հետ եւ Նրա Որդու՝ Յիսուս Քրիստոսի հետ:
4. Եւ այս բանը գրում ենք ձեզ, որպէսզի ձեր ուրախութիւնը կատարեալ լինի:
5. Եւ այս է այն պատգամը, որը լսեցինք Նրանից եւ պատմում ենք ձեզ. Աստուած լոյս է, եւ Նրա մէջ խաւար չկայ, բոլորովին չկայ:
6. Եթէ ասենք, թէ հաղորդութեան մէջ ենք Նրա հետ, բայց քայլենք խաւարի մէջ, ստում ենք եւ ճշմարտութիւնը չենք կատարում:
7. Իսկ եթէ լոյսի մէջ ենք քայլում, ինչպէս որ ինքն է լոյսի մէջ, հաղորդութեան մէջ ենք լինում միմեանց հետ, եւ Նրա Որդու՝ Յիսուսի արիւնը մաքրում է մեզ ամէն մեղքից:
8. Եթէ ասենք՝ Մենք ոչ մի մեղք չունենք, մենք մեզ ենք խաբում, եւ ճշմարտութիւն չկայ մեր մէջ:
9. Իսկ եթէ խոստովանենք մեր մեղքերը, հաւատարիմ է Նա եւ արդար՝ մեր մեղքերը մեզ ներելու եւ մաքրելու համար մեզ ամէն անհրաւութիւնից:
10. Եթէ ասենք՝ Չենք մեղանչել, սուտ ենք հանում Նրան, եւ Նրա խօսքը մեր մէջ չէ:

1. Որդեակներ իմ, այս բանը գրում եմ ձեզ, որպեսզի չմեղանջեք. իսկ եթե մեկը մեղանջի, Աստծու առաջ բարեխօս ունենք Յիսուս Քրիստոսին՝ Արդարին եւ Անարատին.
2. Եւ նա՛ է քաւութիւնը մեր մեղքերի, եւ ոչ միայն մեր մեղքերի, այլեւ՝ ամբողջ աշխարհի:
3. Եթե՛ նրա պատուիրանները պահենք, դրանով իսկ գիտենք, թէ՛ ճանաչեցինք նրան:
4. Ով ասում է, թէ՛ ճանաչեցի նրան, բայց նրա պատուիրանները չի պահում, սուտ է, եւ նրա մէջ ճշմարտութիւն չկայ:
5. Իսկ ով պահում է նրա խօսքը, Աստծու սերը նրա մէջ ճշմարտապէս կատարեալ է. եւ սրանով ենք ճանաչում, որ նրա մէջ ենք:
6. Ով ասում է, թէ՛ ինքը նրա մէջ է բնակւում, պարտաւոր է այնպէս ընթանալ, ինչպէս որ նա էր ընթանում:
7. Սիրելիներ, ոչ թէ մի նոր պատուիրան եմ գրում ձեզ, այլ՝ հին պատուիրանը, որն ի սկզբանէ ունէիք: Եւ հին պատուիրանը այն խօսքն է, որը լսեցիք:
8. Այսուհանդերձ նոր պատուիրան եմ գրում ձեզ, որ ճշմարիտ է նրա մէջ եւ ձեր մէջ. քանի որ ահա խաւարն անցնում է, եւ ճշմարիտ լոյսն արդէն իսկ երեւում է:
9. Ով ասում է, թէ՛ ինքը լոյսի մէջ է եւ ատում է իր եղբօրը, սուտ է եւ խաւարի մէջ է տակաւին:
10. Ով սիրում է իր եղբօրը, բնակւում է լոյսի մէջ, եւ նրա մէջ գայթակղութիւն չկայ:
11. Իսկ ով ատում է իր եղբօրը, խաւարի մէջ է, խաւարի մէջ է շրջում եւ չգիտէ, թէ ուր է գնում, որովհետեւ խաւարը կուրացրել է նրա աչքերը:
12. Որդեակներ, գրում եմ ձեզ, որովհետեւ ձեր մեղքերը ներուած են ձեզ նրա անուան սիրուն:
13. Հայրեր, գրում եմ ձեզ, որովհետեւ դուք ճանաչեցիք նրան, ով ի սկզբանէ կայ: Երիտասարդներ, գրում եմ ձեզ, որովհետեւ դուք յաղթեցիք չարին:
14. Պատանիներ, գրեցի ձեզ, որովհետեւ դուք ճանաչեցիք Հօրը: Հայրեր, գրեցի ձեզ, որովհետեւ դուք ճանաչեցիք նրան, ով ի սկզբանէ կայ: Երիտասարդներ, գրեցի ձեզ, որովհետեւ դուք ուժեղ էք, եւ Աստծու խօսքը բնակւում է ձեր մէջ. եւ դուք յաղթեցիք չարին:
15. Մի՛ սիրեք աշխարհը, ոչ էլ՝ ինչ որ աշխարհի մէջ կայ:
16. Եթե՛ մեկը սիրում է աշխարհը, Հօր սերը նրա մէջ չէ, քանի որ այն ամենը, ինչ աշխարհի մէջ կայ, մարմնի ցանկութիւն է, աչքերի ցանկութիւն եւ այն կեանքի ամբարտաւանութիւն, որ Հօրից չէ, այլ՝ այս աշխարհից:
17. Թե՛ այս աշխարհն է անցնում, թե՛ ցանկութիւնը: Իսկ ով կատարում է Աստծու կամքը, մնում է յաւիտեան:
18. Որդեակներ, վերջին ժամանակն է: Եւ ինչպէս լսել էք, Նեռը գալու է. բայց արդէն իսկ եկել են բազում նեռեր. դրանից էլ կարող ենք իմանալ, որ վերջին ժամանակն է:
19. Մեր միջից ելան նրանք, բայց մեզնից չէին, որովհետեւ, եթե՛ մեզնից լինէին, ապա մեր մէջ էլ կը մնային: Բայց մեզնից ելան, որպէսզի յայտնի լինէր, թէ՛ նրանք ամենքը մեզնից չեն:
20. Իսկ դուք օծում ունեք Սրբից եւ ամեն բան գիտեք:
21. Գրեցի ձեզ ոչ թէ որովհետեւ ճշմարտութիւնը չգիտեք, այլ որովհետեւ գիտեք այն. գիտեք նաեւ այն, որ ամենայն ստախօսութիւն ճշմարտութիւնից չէ:
22. Իսկ ո՞վ է ստախօսը, եթե՛ ոչ նա, ով ուրանում է, թէ Յիսուսը Քրիստոսն է: Նա՛ է Նեռը, ով ուրանում է Հօրը եւ Որդուն:
23. Ամեն մարդ, որ ուրանում է Որդուն, իր մէջ չունի նաեւ Հօրը: Իսկ ով խոստովանում է Որդուն, նա իր մէջ ունի նաեւ Հօրը:
24. Ինչ որ դուք լսեցիք ի սկզբանէ, թող բնակուի ձեր մէջ. որովհետեւ, եթե՛ ձեր մէջ բնակուի այն, ինչ որ ի սկզբանէ լսեցիք, դո՛ւք եւս կը բնակուէք Որդու եւ Հօր մէջ:
25. Եւ այս է այն խոստումը, որը նա խոստացաւ մեզ, այն է՝ յաւիտենական կեանքը:
26. Այս բանը գրեցի ձեզ, որպէսզի ոչ ոք ձեզ չմոլորեցնի:

27. Իսկ այն օծումը, որը դուք ընդունեցիք նրանից, թող բնակուի ձեր մեջ. եւ կարիք չկայ, որ մեկը ձեզ ուսուցանի: Այլ եղէ՞ք այնպէս, ինչպէս որ նրա օծումն ուսուցանում է ձեզ ամեն ինչի մասին, որ ճշմարիտ է եւ ոչ սուտ. եւ ինչպէս նա ուսուցանեց ձեզ, մնացէ՞ք նրա մէջ:

28. Իսկ այժմ, որդեակներ, մնացէ՞ք նրա մէջ, որպէսզի, երբ նա յայտնուի, վստահութիւն ունենանք եւ նրա գալստեան ժամանակ նրանից չամաչենք.

29. քանի որ դուք գիտէք, թէ նա արդար է, ապա իմացէ՞ք, որ ամեն ոք, որ արդարութիւն է անում, նրանից է ծնուած:

1. Տեսէ՞ք ինչպիսի սեր շնորհեց մեզ Հայրը, որպէսզի մենք կոչուենք Աստծու որդիներ. աշխարհը մեզ չի ճանաչում նրա համար, որ նրան էլ չճանաչեց:
2. Սիրելիներ՛, այժմ Աստծու որդիներ ենք. եւ դեռ յայտնի էլ չէ, թէ ինչ ենք լինելու: Գիտենք, որ, երբ նա յայտնուի, լինելու ենք նրա նման, քանի որ նրան տեսնելու ենք այնպէս, ինչպէս նա կայ:
3. Եւ ամէն ոք, որ այս յոյսն ունի իր մէջ, մաքրում է ինքն իրեն, ինչպէս որ նա՛ է մաքուր:
4. Ամէն ոք, ով մեղք է գործում, նաեւ անօրէնութիւն է անում. եւ մեղքը ինքնին անօրէնութիւն է:
5. Եւ գիտենք, որ նա այն պատճառով յայտնուեց, որպէսզի վերացնի մեղքերը. բայց նրա մէջ մեղք չկայ:
6. Ամէն ոք, ով բնակւում է նրա մէջ, չի մեղանչում. եւ ամէն ոք, ով մեղանչում է, ո՛չ տեսել է նրան եւ ո՛չ էլ ճանաչել:
7. Որդեակներ՛, թող ոչ ոք ձեզ չխաբի. ով արդարութիւն է անում, արդար է, ինչպէս որ նա՛ է արդար:
8. Եւ ով մեղք է գործում, այդ՝ Սատանայից է, քանի որ Սատանան մեղանչող է ի սկզբանէ: Աստծու Որդին հէնց նրա համար յայտնուեց, որ քանդի Սատանայի գործերը:
9. Ամէն ոք, ով Աստծուց է ծնուած, մեղք չի գործում, որովհետեւ նրա սերմը մնում է նրա մէջ. չի էլ կարող մեղանչել, որովհետեւ Աստծուց է ծնուած:
10. Սրանով են տարբերում միմեանցից Աստծու որդիները եւ Սատանայի որդիները: Ամէն ոք, ով արդարութիւն չի գործում, Աստծուց չէ. նոյնպէս նա՛ ով չի սիրում իր եղբօրը:
11. Քանզի այս է այն պատուիրանը, որ լսեցիք ի սկզբանէ՝ որ սիրե՛նք միմեանց.
12. ոչ ինչպէս Կայենը, որ չարից էր եւ սպանեց իր եղբօրը: Եւ ինչո՞ւ սպանեց նրան. որովհետեւ իր գործերը չար էին, իսկ եղբօր գործերը՝ բարի:
13. Եւ մի՛ էլ զարմացեք, եղբայրներ՛, որ աշխարհը ատում է ձեզ:
14. Մենք գիտենք, որ մահուանից դէպի կեանք անցանք, քանզի սիրում ենք մեր եղբայրներին: Իսկ ով չի սիրում եղբօրը, մնում է մահուան մէջ:
15. Ամէն ոք, ով ատում է եղբօրը, մարդասպան է. եւ գիտենք, որ ամէն մարդասպան իր մէջ յաւիտենական կեանք չունի:
16. Սերը նրանով ճանաչեցինք, որ Յիսուս իր կեանքը տուեց մեզ համար. մենք էլ պարտաւոր ենք մեր եղբայրների համար տալ մեր կեանքը:
17. Ով այս աշխարհի բարիքներից ունենայ եւ տեսնի իր եղբօրը մի բանի կարօտ ու փակի իր սիրտը նրա առաջ, Աստծու սերը ինչպէ՞ս կարող է բնակուել նրա մէջ:
18. Որդեակներ՛, խօսքերով եւ լեզուով չսիրենք, այլ՝ գործով եւ ճշմարտութեամբ:
19. Եւ հէնց դրանով ճանաչած կը լինենք, որ ճշմարտութիւնից ենք, եւ նրա առաջ կանգնելու վստահութիւն կ'ունենան մեր սրտերը:
20. Եթէ մեր սրտերը դատապարտեն մեզ, մենք գիտենք, թէ Աստուած անելի մեծ է, քան մեր սրտերը. եւ նա գիտէ ամէն բան:
21. Սիրելիներ՛, եթէ մեր սրտերը մեզ չդատապարտեն, համարձակութիւն կ'ունենանք Աստծու առաջ.
22. եւ ինչ էլ որ հայցենք, կը ստանանք նրանից, որովհետեւ պահում ենք նրա պատուիրանները եւ կատարում նրան հաճելի բաները:
23. Եւ նրա պատուիրանը այս է. որ հաւատանք իր Որդու՝ Յիսուս Քրիստոսի անուանը եւ սիրենք միմեանց, ինչպէս որ նա՛ պատուիրեց մեզ:
24. Եւ ով պահում է նրա պատուիրանները, բնակւում է Աստծու մէջ, եւ Աստուած՝ նրա մէջ: Եւ մեր մէջ Աստծու բնակուելը իմանում ենք Սուրբ Հոգու միջոցով, որը նա տուեց մեզ:

1. Սիրելիներ՛ր, մի՛ հաւատացէք ամէն մի հոգու, այլ փորձեցէ՛ք հոգիները, թէ արդեօք Աստծո՞ւն են, որովհետեւ բազում սուտ մարգարէներ են երեւան եկել աշխարհում:
2. Եւ մենք սրանո՛վ ենք ճանաչում Աստծու Հոգին. ամէն մի հոգի, որ դաւանում է Յիսուս Քրիստոսին՝ մարմնով եկած, նա Աստծուց է:
3. Եւ ամէն մի հոգի, որ չի դաւանում Յիսուս Քրիստոսին՝ մարմնով եկած, նա Աստծուց չէ: Եւ այդ հոգին Նեոփնն է, որի մասին լսել էք, թէ գալու է, եւ արդէն իսկ աշխարհում է:
4. Դուք Աստծուց էք, որդեակներ՛ր, եւ յաղթեցիք նրանց, որովհետեւ Հոգին, որ ձեր մէջ է, ակելի մեծ է, քան նա, որ կայ աշխարհի մէջ:
5. Նրանք աշխարհից են. դրա համար էլ աշխարհի բաների մասին են խօսում. եւ աշխարհը լսում է նրանց:
6. Մենք Աստծուց ենք. ով Աստծուն ճանաչում է, լսում է մեզ, իսկ ով Աստծուց չէ, չի լսում մեզ: Սրանից է, որ ճանաչում ենք ճշմարտութեան Հոգին եւ խաբէութեան հոգին:
7. Սիրելիներ՛ր, սիրենք միմեանց, քանի որ սերն Աստծուց է. եւ ամէն ոք, ով սիրում է, Աստծուց է ծնուած եւ ճանաչում է Աստծուն:
8. Իսկ նա, ով չի սիրում, չի ճանաչում Աստծուն, քանի որ Աստուած սեր է:
9. Եւ սրանո՛ւմ երեւաց Աստծու սերը մեր հանդէպ. այն, որ Աստուած իր միածին Որդուն աշխարհ ուղարկեց, որպէսզի նրանով կենդանի լինենք:
10. Սրանո՛ւմ է սերը. մենք չէ, որ սիրեցինք Աստծուն, այլ նա՛ սիրեց մեզ եւ ուղարկեց իր Որդուն մեր մեղքերի քաւութեան համար:
11. Սիրելիներ՛ր, եթէ Աստուած այսպէս սիրեց մեզ, ապա մենք եւս պարտաւոր ենք սիրել միմեանց:
12. Աստծուն ոչ ոք երբեք չի տեսել: Եթէ միմեանց սիրենք, Աստուած բնակւում է մեր մէջ. եւ նրա սերը մեր մէջ կատարեալ է:
13. Սրանո՛վ գիտենք, թէ մենք նրա մէջ ենք բնակւում, եւ նա էլ՝ մեր մէջ. այն, որ նա իր Հոգուց տուեց մեզ:
14. Եւ մենք տեսանք ու վկայում ենք, որ Հայրն ուղարկեց իր Որդուն՝ աշխարհի Փրկիչ լինելու:
15. Նա, ով խոստովանի, թէ Յիսուսն է Աստծու Որդին, Աստուած բնակւում է նրա մէջ, եւ նա՝ Աստծու մէջ:
16. Եւ մենք հաւատացինք ու ճանաչեցինք Աստծու սերը, որ նա ունի մեր հանդէպ: Աստուած սեր է. եւ ով սիրոյ մէջ է ապրում, բնակւում է Աստծու մէջ, եւ Աստուած բնակւում է նրա մէջ:
17. Աստծու հանդէպ եթէ սերը կատարեալ է մեր մէջ, ուրեմն վստահութիւն կ'ունենանք դատաստանի օրը նրա դիմաց կանգնելու. որովհետեւ, ինչպէս որ նա է, այնպէս էլ մենք ենք այս աշխարհում:
18. Սիրոյ մէջ երկիւղ չկայ. եւ կատարեալ սերը հեռու է վանում երկիւղը, որովհետեւ երկիւղը տանջանքի ենթակայ է. եւ ով երկնչում է, կատարեալ չէ սիրոյ մէջ:
19. Սիրենք Աստծուն, որովհետեւ առաջինը նա՛ սիրեց մեզ:
20. Եթէ մէկն ասի, թէ սիրում է Աստծուն, եւ ատի իր եղբօրը, սուտ է խօսում. ով չի սիրում իր եղբօրը, որին տեսնում է, ինչպէ՞ս կարող է սիրել Աստծուն, որին չի տեսել:
21. Եւ նրանից ունենք այս պատուիրանը՝ ով սիրում է Աստծուն, նա պետք է սիրի նաեւ իր եղբօրը:

1. Ամեն ոք, ով հաւատում է, թէ Յիսուսն է Քրիստոսը, Աստծուց է ծնուած. եւ ամեն ոք, ով սիրում է ծնունդ տուողին, սիրում է նաեւ նրանից ծնուածին:
2. Սրանով ենք ճանաչում, թէ սիրում ենք Աստծու Որդուն, երբ սիրենք Աստծուն եւ կատարենք նրա պատուիրանները:
3. քանզի այս է Աստծու հանդէպ մեր սերը. որ պահենք նրա պատուիրանները:
4. Եւ նրա պատուիրանները ծանր չեն, քանի որ ամեն ոք, որ Աստծուց է ծնուած, յաղթում է աշխարհին: Եւ այս է այն յաղթութիւնը, որ յաղթում է աշխարհին՝ մեր հաւատը:
5. Եւ ո՞վ է, որ յաղթում է աշխարհին, եթէ ոչ նա, ով հաւատում է, որ Յիսուսն է Աստծու Որդին:
6. Սա է, որ եկաւ ջրով, Հոգով եւ արեամբ՝ Յիսուս Քրիստոսը. ոչ միայն ջրով, այլեւ արեամբ եւ ջրով:
7. Եւ Հոգին է, որ վկայում է, որովհետեւ հէնց Հոգին է ճշմարտութիւնը:
8. Սրանք երեքը միասին են վկայում Հոգին, ջուրը եւ արիւնը. եւ երեքը վկայութեան մէջ մէկ են:
9. Եթէ ընդունում ենք մարդկանց վկայութիւնը, Աստծու վկայութիւնն, ինչ խօսք, աւելի մեծ է: Այս է Աստծու վկայութիւնը. այն, որ նա վկայեց իր Որդու համար:
10. Ով հաւատում է Աստծու Որդուն, նա իր մէջ իսկ ունի այս վկայութիւնը. ով չի հաւատում Աստծու Որդուն, սուտ է հանում Աստծուն, քանի որ չի հաւատում այն վկայութեանը, որն Աստուած վկայեց իր Որդու համար:
11. Եւ այս իսկ է վկայութիւնը. այն, որ Աստուած յաւիտենական կեանք տուեց մեզ. եւ այդ՝ այն կեանքն է, որ նրա Որդու մէջ է:
12. Ով ընդունում է Որդուն, ընդունում է նաեւ կեանքը. եւ ով չի ընդունում Աստծու Որդուն, չի ընդունում նաեւ կեանքը:
13. Այս բաները գրեցի ձեզ, որպէսզի գիտենաք, թէ յաւիտենական կեանք ունեք, եւ թէ՛ հաւատում եք Աստծու Որդու անուանը:
14. Եւ այս է այն վստահութիւնը, որն ունենք մենք նրա հանդէպ. այն, որ ի՛նչ էլ խնդրենք ըստ նրա կամքի, նա մեզ կը լսի.
15. եւ քանի որ գիտենք, թէ նա լսում է մեր խնդրանքները, ապա գիտենք նաեւ, որ կը ստանանք այն խնդրանքները, որ հայցեցինք նրանից:
16. Եթէ մէկը տեսնի, որ իր եղբայրը գործել է մի մեղք, որ մահացու չէ, թող խնդրի, եւ Աստուած մահացու մեղք չգործողին կեանք կը շնորհի. մեղք կայ, որ մահացու է. դրա՛ մասին չեմ ասում, որ խնդրես:
17. Ամենայն անիրաւութիւն մեղք է. բայց մեղք կայ, որ մահացու է:
18. Գիտենք, որ, ով Աստծուց է ծնուած, չի մեղանջում, եւ ով Աստծուց է ծնուած, պահում է ինքն իրեն, եւ չարը նրան չի մօտենում:
19. Գիտենք, որ Աստծուց ենք, եւ ամբողջ աշխարհը չարի մէջ է:
20. Եւ գիտենք, որ Աստծու Որդին եկաւ եւ մեզ տուեց խեղճ, որպէսզի ճանաչենք նրան, ով Ճշմարիտն է. եւ մենք Ճշմարտի՝ նրա Որդու՝ Յիսուս Քրիստոսի մէջ ենք. որովհետեւ նա՛ է ճշմարիտ Աստուած եւ յաւիտենական կեանք:
21. Որդեակներ, հեռո՛ւ պահեցէք դուք ձեզ կռապաշտութիւնից:



## 2 ՅՈՎՀԱՆՆԵՍ

## Գլուխ 1

1. Երեցիցս՝ ընտրեալ Տիրուհուն եւ նրա որդիներին, նրան, որին ես սիրում եմ ճմարտութեամբ. եւ ոչ թէ միայն ես, այլ նաեւ բոլոր նրանք, որոնք գիտակ են ճմարտութեանը,
2. որովհետեւ այն ճմարտութիւնը, որ հաստատուած է մեր մէջ, ձեզ հետ էլ է. եւ դուք յաւիտենապէս մեզ հետ էք:
3. Հայր Աստծուց եւ Տէր Յիսուս Քրիստոսից՝ Հօր Որդուց, շնորհ, ողորմութիւն, խաղաղութիւն ձեզ՝ ճմարտութեամբ եւ սիրով:
4. Չափազանց ուրախ եղայ, որ գտայ քո որդիներից ոմանց, որոնք ընթանում են ճմարտութեամբ, ըստ այն պատուիրանի, որն ստացանք Հօրից:
5. Եւ այժմ աղաչում եմ քեզ, ո՛վ Տիկին, որ սիրենք միմեանց. ոչ թէ մի նոր պատուիրան եմ գրում քեզ, այլ այն, ինչ որ ի սկզբանէ ունէինք:
6. Եւ ա՛յս է սերը. որ ընթանանք ըստ նրա պատուիրանների: Եւ ա՛յս է պատուիրանը, որ ի սկզբանէ լսեցիք, որպէսզի ըստ այնմ էլ ընթանաք:
7. Բազում մոլորեցնողներ են երեւան եկել աշխարհում. ով որ չի խոստովանում Յիսուս Քրիստոսին՝ մարմնով եկած, նա մոլորեցնող է եւ Նեռ:
8. Չգո՛յշ եղէք ինքներդ ձեր հանդէպ, որպէսզի չկորցնէք ինչ որ վաստակեցիք, այլ ստանաք բովանդակ վարձը:
9. Ամէն ոք, ով առաջ է անցնում եւ չի մնում Քրիստոսի վարդապետութեան մէջ, չի ճանաչում Աստծուն: Ով մնում է վարդապետութեան մէջ, նա ընդունում է Ե՛ւ Որդուն, Ե՛ւ Հօրը:
10. Եթէ մէկը գայ ձեզ մօտ եւ այս վարդապետութիւնը չունենայ, նրան տուն մի՛ ընդունէք եւ նրան մի՛ ողջունէք:
11. Ով այդպիսի մէկին ասի՝ ողջո՛յն, մասնակից կը լինի նրա չար գործերին:
12. Շատ բան ունէի ձեզ գրելու, բայց չուզեցի գրել թղթով եւ թանաքով, քանի որ յոյս ունեմ անձամբ գալ ձեզ մօտ եւ դեմառդէմ խօսել, որպէսզի մեր ուրախութիւնը կատարեալ լինի:
13. Քեզ ողջունում են քո ընտրեալ քրոջ որդիները: Շնորհ ընդ ձեզ:

### 3 ՅՈՎՀԱՆՆԵՍ

## Գլուխ 1

1. Երեցիցս՝ սիրելի Գայիոսին, որին ես սիրում եմ ճշմարտութեամբ:
2. Սիրելի՛ս, աղօթում եմ քո բոլոր գործերի յաջողութեան եւ քո առողջութեան համար. այնպէս, ինչպէս որ քո հոգին էլ յաջողութեան մէջ է:
3. Շատ ուրախացայ, երբ եղբայրները եկան եւ վկայեցին քո ճշմարտութեան մասին, այն, թէ ինչպէ՛ս ես դու ընթանում ճշմարտութեամբ:
4. Չունեմ ակելի մեծ ուրախութիւն, քան այն, երբ լսում եմ, թէ իմ որդիները ճշմարտութեամբ են ընթանում:
5. Սիրելի՛ս, հաւատարմութեամբ ես գործում. ինչ որ անում ես եղբայրների համար, նոյնը արա՛ւ նաեւ օտարների համար,
6. որոնք վկայեցին քո սիրոյ մասին եկեղեցու առաջ: Նրանց Աստծուն հաճելի ճանապարհի վրայ դնելով՝ բարի գործ արած կը լինես,
7. քանի որ նրանք Քրիստոսի՝ անուան համար ճանապարհ ելան եւ ոչ մի օգնութիւն չստացան հեթանոսներից:
8. Ուրեմն՝ մենք պարտաւոր ենք ընդունել այդպիսիներին, որպէսզի գործակից լինենք ճշմարտութեանը:
9. Եկեղեցուն գրել եմ. բայց Դիոտրեփեսը, որ իրեն միւսներից առաջ է գցում, չի ընդունում մեզ:
10. Դրա համար, եթէ գամ, պիտի յիշեցնեմ այն գործերը, որ նա արել է: Չար խօսքերով, շատախօսելով տանջում է մեզ: Եւ այսքանով չգոհանալով՝ ոչ միայն ինքը չի ընդունում եղբայրներին, այլեւ արգելք է հանդիսանում նրանց, ովքեր ընդունում են. եւ այդպիսիներին եկեղեցուց դուրս էլ է հանում:
11. Սիրելի՛ս, մի՛ նմանուիր չարին, այլ՝ բարուն. ով բարին է գործում, Աստծուց է. եւ ով չարիք է գործում, նա երբեք Աստծուն չի տեսել:
12. Դեմետրիոսի մասին վկայում են բոլորը, եկեղեցին եւ ինքը՝ ճշմարտութիւնը. վկայում ենք նաեւ մենք. եւ դու գիտես, որ մեր վկայութիւնը ճշմարիտ է:
13. Շատ բան ունէի քեզ գրելու, բայց չեմ ուզում գրել թղթով եւ թանաքով,
14. քանի որ յոյս ունեմ շուտով տեսնել քեզ եւ դեմառդեմ խօսել:
15. Խաղաղութի՛ւն քեզ: Քեզ ողջունում են սիրելիները: Ողջունի՛ր մեր սիրելիներին, իւրաքանչիւրին՝ առանձին-առանձին:

ՅՈՒՂԱ ԱՌԱՔԵԱԼԻ ԹՈՒՂԹԸ

1. Յուդան՝ ծառան Յիսուս Զրիստոսի եւ եղբայրը Յակոբոսի, հեթանոսներիդ, որ սիրուած էք Հայր Աստծուց, պահուած եւ ընտրուած Յիսուս Զրիստոսի համար:
2. թող ողորմութիւնը, խաղաղութիւնը եւ սերը առատ լինեն ձեզ համար:
3. Սիրելիներ, ամէն ջանք յանձն էի առնում գրելու ձեզ մեր հասարակաց փրկութեան մասին. հարկ համարեցի գրել ձեզ եւ աղաչել, որ պայքարէք հաւատի համար, այն հաւատի, որ մի անգամ ընդմիշտ աւանդուեց սրբերին:
4. քանի որ ձեր մէջ սողոսկել են ոմանք, որ վաղուց իսկ սահմանուած էին սոյն դատապարտութեան համար, ամբարիշտ մարդիկ, որ մեր Աստծու շնորհը վերածեցին անառակութեան եւ ուրացան մեր միակ Իշխանին եւ Տիրոջը՝ Յիսուս Զրիստոսին:
5. Կ'ուզենայի ձեզ յիշեցնել, - թէեւ դուք այդ բոլորը գիտէք, - որ Աստուած նախ իր ժողովրդին փրկեց Եգիպտոսից. իսկ ապա կորստեան մատնեց անհաւատներին:
6. Եւ այն հրեշտակներին, որ չպահեցին իրենց իշխանութիւնը, այլ քեցին իրենց բնակութեան տեղը, յաւիտենական կապանքներով խաւարի մէջ պահեց դատաստանի մեծ օրուայ համար,
7. ինչպէս Սողոմն ու Գոմորը եւ Նրանց շուրջը եղող քաղաքները, որոնք այդ նոյն ձեւով պոռնկացան՝ անբնական կրքերի յետեւից ընկնելով եւ յաւիտենական կրակի դատաստանն ընդունելու օրինակ դարձան բոլորին:
8. Նոյն ձեւով էլ, սրանք եւս, քնի մէջ գառանցելով, մարմին են պղծում, Աստծու իշխանութիւնն արհամարհում, երկնային փառաւոր Էակներին հայհոյում,
9. այն դէպքում, երբ Միքայէլ հրեշտակապետը, բանսարկու Սատանայի հետ, Մովսէսի մարմնի մասին վիճելիս, չհամարձակուեց հայհոյալից խօսքերով դատապարտել Նրան, այլ ասաց. Թող Տէրը քեզ սաստի:
10. Իսկ սրանք հայհոյում են այն բանի դէմ, որ չգիտեն. եւ ինչ բաներ, որ բնագոյով գիտեն, ինչպէս անբան անասունը, Նրանցով էլ ապականում են:
11. Վա՛յ Նրանց, որոնք Կայէնի ճանապարհով ընթացան եւ ըստ Բաաղամի մոլորութեան՝ սայթաքեցին վարձի յետեւից ընկնելով եւ կորան Կորխի պէս իրենց ըմբոստութեան պատճառով:
12. Նրանք ատելի բանսարկուներ են, որոնք ընթանում են իրենց ցանկութիւնների յետեւից՝ իրենց սերերով եւ խարդախութեամբ, մասնակից են լինում սիրոյ ճաշին՝ անպատկառօրէն իրենք իրենց պարարտացնելու համար. սրանք հողմակոծ անջուր ամպեր են, պտղակորոյս ծառեր, անպտուղ, կրկնակի մեռած, արմատախիլ եղած:
13. ծովի կատաղի ալիքներ, որ միշտ փրփրում թափում են իրենց սեփական ամօթը. մոլոր աստղեր, որոնց համար է պահուած յաւիտենական խաւարի վիհը:
14. Նրանց մասին մարգարեացել է Նաեւ Ենոքը՝ եօթներորդը Ադամից սկսած, եւ ասել. Ահա՛ւասիկ եկաւ Տէրը բիւրաւոր սուրբ հրեշտակներով՝
15. դատաստան տեսնելու բոլորի հանդէպ եւ յանդիմանելու բոլոր ամբարիշտներին իրենց այն գործերի համար, որ ամբարշտութեամբ գործեցին, եւ այն բոլոր խիստ խօսքերի համար, որ Նրա դէմ ասացին մեղաւորները եւ ամբարիշտները:
16. Սրանք տրտնջացողներ են եւ բանսարկուներ, որոնք հետամուտ են իրենց սեփական ցանկութիւններին. Նրանց բերանները ամբարտաւան խօսքեր են բարբառում, իսկ իրենք երեսպաշտութիւն են անում շահի համար:
17. Բայց դուք, սիրելիներ, յիշեցէ՛ք մեր Տէր Յիսուս Զրիստոսի առաքեալների կողմից նախապէս ասուած խօսքերը:
18. Նրանք ձեզ ասում էին, թէ՛ Վերջին ժամանակներում պիտի լինեն ծաղրող մարդիկ, որոնք պիտի տարուեն իրենց ամբարիշտ ցանկութիւններով:
19. Սրանք նշաւակելի, մարմնասէր մարդիկ են, որ չունեն Հոգին:
20. Իսկ մենք, սիրելիներ, մեր անձերը կառուցենք հաւատի սրբութեամբ, աղօթենք Սուրբ Հոգով,
21. պահենք մենք մեզ Աստծու սիրով՝ սպասելով մեր Տէր Յիսուս Զրիստոսի

ողորմութեանը յաւիտենական կեանքի համար:

22. Կշտամբեցէ՛ք նրանց, որ դատապարտուած են.

23. փրկեցէ՛ք նրանց՝ խլելով կրակից: Իսկ ուրիշներին ողորմեցէ՛ք երկիւղով՝  
դատապարտելով նոյնիսկ այն պատմութեանը, որ աղտոտուած է նրանց մարմնից:

24. Արդ, ով կարո՞ղ է պահել ձեզ անարատ ու անբիծ եւ կանգնեցնել ձեզ իր փառքի  
առաջ անխառն ցնծութեամբ,

25. նրան՝ միա՛կ Աստծուն եւ մեր Փրկչին՝ Յիսուս Քրիստոսին՝ մեր Տիրոջը, փա՛ռք,  
մեծութի՛ւն, զօրութի՛ւն եւ իշխանութի՛ւն բոլոր ժամանակներից առաջ, ե՛ւ այժմ, ե՛ւ  
բոլոր ժամանակներում: Ամէն:

ՅԱՅՏՆՈՒԹԻՒՆ



## Գլուխ 1

1. Յայտնութիւն Յիսուս Քրիստոսի, որի միջոցով Աստուած ցոյց տուեց իր ծառաներին, ինչ որ լինելու է շուտով. եւ իմացրեց այն՝ իր հրեշտակի միջոցով ուղարկելով իր ծառայ Յովհաննէսին,
2. որը վկայեց Աստծու խօսքը եւ Յիսուս Քրիստոսի վկայութիւնը. ինչ որ տեսաւ, ինչ որ կար եւ ինչ որ լինելու էր այնուհետեւ:
3. Երանի՛ նրանց, որ կարդում են այս մարգարէութեան խօսքերը եւ երանի՛ նրան, ով լսում եւ պահում է այն, ինչ որ գրուած է նրա մէջ. որովհետեւ մօտ է ժամանակը:
4. Յովհաննէսից՝ Ասիայում գտնուող եօթը եկեղեցիներին: Շնորհի ձեզ եւ խաղաղութի՛ւն նրանից, որ Է, որ Էր, եւ որը գալու է. նաեւ՝ Հոգու եօթը զօրութիւններից, Հոգու, որ նրա աթոռի առաջ է.
5. եւ Յիսուս Քրիստոսից՝ հաւատարիմ վկայից, որ անդրանիկն է մեռելների միջից եւ իշխանը երկրի թագաւորների. նա, որ սիրեց մեզ եւ արձակեց մեր մեղքերի կապանքները իր արեամբ
6. եւ մեզ թագաւորներ ու քահանաներ դարձրեց Աստծու եւ իր Հօր համար. նրան փա՛ռք եւ զօրութի՛ւն յաւիտեանս յաւիտենից. Ամէն:
7. Ահա՛ւասիկ նա, որ գալու է ամպերի հետ, եւ նրան պիտի տեսնեն բոլոր աչքերը, նաեւ նրանք, որ խոցեցին նրան. եւ երկրի բոլոր ազգերը պիտի ողբան նրա վրայ: Այո՛, Ամէն:
8. Ես եմ Ալ՝ան եւ ես եմ Օմեղան, - ասում է Տէր Աստուածը, - նա, որ Է, որ Էր եւ որ գալու է. Ամենակալը:
9. Ես՝ Յովհաննէսը՝ ձեր եղբայրը եւ Յիսուս Քրիստոսի միջոցով ձեր վիճակակիցը նեղութեան, թագաւորութեան եւ համբերութեան, եղայ այն կողում, որ կոչւում է Պատմոս՝ Աստծու խօսքի եւ Յիսուս Քրիստոսի վկայութեան համար:
10. Կիրակի օրը Հոգին եկաւ ինձ վրայ, եւ իմ յետեւից լսեցի փողի ձայնի նման մի բարձր ձայն, որ ասում էր ինձ. Ես եմ Ալ՝ան եւ Օմեղան, Առաջինը եւ Վերջինը.
11. ինչ որ տեսնում ես, գրի՛ր գրքում եւ տո՛ւր, որ տանեն եօթը եկեղեցիներին, որ գտնուում են Եփեսոսում, Չմիւռնիայում, Պերգամոնում, Թիւատիրում, Սարդիկեում, Փիղադելփիայում եւ Լաւոդիկիայում:
12. Դարձայ այդ ձայնի կողմը՝ տեսնելու համար, թէ ո՛վ է ինձ հետ խօսողը: Եւ իմ դառնալու ժամանակ տեսայ եօթը ոսկէ ճրագակալներ.
13. եւ եօթը ճրագակալների մէջտեղում՝ մէկին, նման մարդու Որդուն՝ մինչեւ ոտքերը հասնող երկար պատմութեան հագած եւ կրծքին ոսկէ գօտի կապած.
14. եւ նրա գլուխն ու մազերն էին ինչպէս սպիտակ բուրդ եւ ինչպէս ծիւն. եւ նրա աչքերը՝ ինչպէս կրակի բոց.
15. եւ նրա ոտքերը՝ նման հնոցի մէջ ծխացող հրաշէկ պղնձի. եւ նրա ձայնը՝ ինչպէս առատահոս ջրերի ձայն:
16. Եւ իր աջ ձեռքում ուներ եօթը աստղեր. նրա բերանից ելնում էր սրած երկսայրի սուր, եւ նրա երեսը փայլում էր ինչպէս ճառագայթող արեգակը:
17. Եւ երբ տեսայ նրան, ընկայ նրա ոտքերին ինչպէս մեռել. եւ իր աջը դրեց իմ վրայ ու ասաց ինձ. Մի՛ վախեցիր, ես եմ Սկիզբը եւ Վախճանը,
18. ես եմ կենսքը, ես եմ, որ մեռայ. եւ ահա՛ւասիկ կենդանի եմ յաւիտեանս յաւիտենից: Ամէն: Եւ ունեմ մահուան ու դժոխքի փականքները:
19. Գրի՛ր, ինչ որ դու տեսնում ես, ինչ որ կայ եւ ինչ որ այսուհետեւ սահմանուած է, որ լինի:
20. Բացատրեմ խորհուրդը այն եօթը աստղերի, որ դու տեսար իմ աջ ձեռքին, ինչպէս եւ եօթը ոսկէ ճրագակալները. եօթը աստղերը եօթը եկեղեցիների հրեշտակներն են, եւ եօթը ճրագակալները եօթը եկեղեցիներն են:

1. Եփեսոսի եկեղեցու հրեշտակին գրի՛ր. Այսպես է ասում Նա, որ եօթը աստղեր ունի իր աջ ձեռքում եւ շրջում է եօթը ոսկե աշտանակների միջեւ:
2. Գիտեմ քո գործերը, քո աշխատանքները, քո համբերութիւնը եւ որ չես կարող տանել չարերին. փորձեցիր Նրանց, որ իրենք իրենց մասին ասում են, թէ առաքեալներ են, բայց չեն. եւ գտար, որ Նրանք սուտ են խօսում:
3. Եւ համբերեցիր ու վշտացար իմ անուան համար եւ տանջուեցիր:
4. Բայց քո դէմ ասում եմ թողեցիր քո առաջին սերը:
5. Յիշի՛ր այժմ որտեղի՛ց որ ընկար, ապաշխարի՛ր եւ քո Նախկին գործերն արա՛, ապա թէ ոչ ես իսկոյն կը գամ եւ կը շարժեմ քո աշտանակներն իրենց տեղերից, եթէ չապաշխարես:
6. Արդ, այս գործերն արա՛, որպէսզի ատես Նիկողայոսի գործերը, որին ասում եմ ես:
7. Ով ականջ ունի լսելու, թող լսի, ինչ որ Հոգին ասում է եկեղեցիներին. ով յաղթի, ես Նրան թոյլ կը տամ ուտելու կեանքի ծառից, որ գտնուում է Աստծու դրախտի մէջ:
8. Գրի՛ր Նաեւ Չմիւռնիայի եկեղեցու հրեշտակին. Այսպես է ասում Անսկիզբը եւ Անվախճանը, որ մեռաւ եւ կենդանացաւ.
9. տեսայ քո գործերը, նեղութիւնը եւ աղքատութիւնը (իսկ քո աղքատութիւնը հարստութիւն պիտի դառնայ), Նաեւ հայիոյութիւնը Նրանց, որ իրենք իրենց մասին ասում էին, թէ հրեաներ են, բայց այլ բան չէին, քան Սատանայի ժողովուրդ:
10. Մի՛ երկնջիր այն բանի համար, որ պիտի չարչարուես. ահա բանսարկուն պատրաստ է ձեզնից մի քանիսին բանտ նետելու, որպէսզի փորձուէք եւ տասը օր նեղութիւն կրէք. եղի՛ր հաւատարիմ մինչեւ մահ, եւ ես քեզ կեանքի պսակը պիտի տամ:
11. Ով ականջ ունի լսելու, թող լսի, ինչ որ Սուրբ Հոգին ասում է եկեղեցիներին. ով յաղթի, չպիտի վնասուի երկրորդ մահից:
12. Գրի՛ր Նաեւ Պերգամոնի եկեղեցու հրեշտակին. Այսպես է ասում Նա, ով սրած երկսայրի սուրն ունի.
13. տեսայ քո գործերը եւ գիտեմ, որ բնակւում ես այնտեղ, ուր Սատանայի աթոռն է. բայց պահում ես իմ անունը. Նաեւ չուրացար իմ հաւատը այն օրը, երբ Անտիպաս անունով իմ վկան հաւատարիմ եղաւ ինձ. եւ որովհետեւ վկայ էր իմ հաւատարիմը, սպանուեց ձեր մէջ, այնտեղ, ուր Սատանան է բնակւում:
14. Բայց քո դէմ մի փոքր բան ունեմ ասելու. այն, որ քեզ մօտ կայ վարդապետութիւնը Բաղաամի, այն մարդու, որ Բաղակին սովորեցրեց գայթակղութիւն դնել իսրայելացիների առաջ, որպէսզի Նրանք ուտեն կուռքերին զոհուած միս եւ պոռնկանան:
15. Նոյնպես եւ դու ունես Նիկողայոսեանների վարդապետութիւնը, որ ես ասում եմ:
16. Արդ, ապաշխարի՛ր, ապա թէ ոչ իսկոյն կը գամ եւ կը մարտնչեմ Նրանց դէմ իմ բերանի սրով:
17. Ով ականջ ունի լսելու, թող լսի, ինչ որ Հոգին ասում է եկեղեցիներին. ով յաղթի, Նրան թոյլ կը տամ, որ ուտի թաքցուած մանանայից, եւ կը տամ Նրան սրբութեան գիրքը ու գրուած մի Նոր անուն, որ ոչ ոք չգիտի, բացի Նրանից, ով այն ընդունում է:
18. Գրի՛ր Նաեւ Թիւատիրի եկեղեցու հրեշտակին. Այսպես է ասում Աստծու Որդին, որի աչքերը Նման են կրակի բոցի, եւ Նրա ոտքերը՝ շիկացած պղնձի.
19. տեսայ քո գործերը, սերը, հաւատը եւ քո ծառայութիւնը համբերութեամբ, քանի որ քո վերջին գործերն անելի շատ են, քան առաջինները:
20. Բայց շատ բան ունեմ ասելու քո դէմ. այն, որ դու հանդուրժեցիր Յեզաբելին՝ այդ կնոջը, որ ինքն իրեն մարգարէ է անուանում եւ մոլորութիւն ուսուցանում իմ ծառաներին, որ պոռնկանան եւ ուտեն կուռքերին զոհուածի միս:
21. Եւ Նրանց ժամանակ տուի ապաշխարելու իրենց պոռնկութեան համար, բայց չապաշխարեցին:
22. Ահա՛ւասիկ, ես հնո՛ցն եմ գցում Նրան, իսկ Նրա գործակիցներին, որոնց հետ Նա

շնացաւ՝ մեծամեծ նեղութիւնների մէջ, եթէ չապաշխարեն իրենց գործերի համար:

23. Եւ պիտի կոտորեմ նրանց որդիներին, եւ բոլոր եկեղեցիները պիտի իմանան, որ ե՛ս եմ, որ զնսում եմ երիկամներն ու սրտերը եւ հատուցելու եմ ձեզ՝ իւրաքանչիւրիդ ըստ իր գործերի:

24. Բայց ասում եմ ձեզ, դուք, որ Թիւատիրում եք եւ չեք պահում այս վարդապետութիւնը, դուք, որ չիմացաք, - ինչպէս ասում են, - Սատանայի ծածուկ մտքերը. ձեր վրայ ուրիշ ծանրութիւն չպիտի դնեմ,

25. այլ, ինչ որ ունեք, պահեցէ՛ք, մինչեւ որ ես գամ:

26. Եւ ով յաղթի ու իմ գործերը պահի մինչեւ վերջ, նրան իշխանութիւն պիտի տամ ազգերի վրայ.

27. եւ նա նրանց պիտի հովուի երկաթէ գաւազանով ու նրանց պիտի փշրի ինչպէս բրուտի անօթ:

28. Նոյնպէս եւ ե՛ս ստացայ իշխանութիւնը իմ Հօրից: Եւ նրանց պիտի տամ առաւօտեան աստղը:

29. Ով ականջ ունի, թող լսի, ինչ որ Հոգին ասում է եկեղեցիներին:

1. Գրի՛ր նաեւ Սարգիկէի եկեղեցու հրեշտակին. Այսպէս է ասում նա, ով ունի Աստծու եօթը Հոգիները եւ եօթը աստղերը. տեսայ քո գործերը, դու, որ կենդանի եղողի անուն ունես, բայց մեռած ես:
2. Արթո՛ւն եղիր եւ զօրացի՛ր այսուհետեւ, քանի որ մօտ ես մեռնելու. քանզի քո գործերը Աստծու առաջ կատարեալ չգտայ:
3. Արդ, յիշի՛ր, թէ ինչպե՛ս լսեցիր խօսքը. եւ պահի՛ր այն ու ապաշխարի՛ր. իսկ եթէ չարթնանաս, կը գամ ինչպէս գող, եւ իմ գալուստը քեզ մօտ ոչ ոք չի իմանայ:
4. Սակայն Սարգիկեում մի քանի հոգի ունես, որոնք չկեղտոտեցին իրենց զգեստները եւ շրջում են սպիտակ զգեստների մէջ, որոնց արժանի եղան:
5. Ով յաղթի, այսպէս սպիտակ կը հագնի, եւ նրա անունը չի ջնջուի կեանքի գրքից. եւ նրա անունը պիտի խոստովանեմ իմ Հօր առաջ եւ նրա հրեշտակների առաջ:
6. Ով ականջ ունի, թող լսի, ինչ որ Հոգին ասում է եկեղեցիներին:
7. Գրի՛ր նաեւ Փիղադեղփիայի եկեղեցու հրեշտակին. Այսպէս է ասում Սուրբը, Ճշմարիտը, որ ունի Դաւթի բանալին. բաց է անում, եւ չկայ մէկը, որ փակի. եւ փակում է, ու չկայ մէկը, որ բաց անի.
8. տեսայ քո գործերը. ահա քո առաջ դրի բաց դուռը, որը ոչ ոք չի կարող փակել, քանի որ, թէեւ քիչ զօրութիւն ունես, բայց պահեցիր իմ խօսքերը եւ չուրացար իմ անունը:
9. Ահա՛ւասիկ ես յանձնում եմ քեզ Սատանայի ժողովից եղողներին. նրանք իրենց մասին ասում են, թէ հրեաներ են, բայց չեն. եւ ստում են. պիտի այնպէս անեմ նրանց, որ գան եւ երկրպագեն քո ոտքերի առաջ ու իմանան, որ ես սիրեցի քեզ:
10. Քանի որ պահեցիր իմ համբերութեան խօսքը, ես էլ քե՛զ պիտի պահեմ քո փորձութեան ժամին, որ պիտի գայ ամբողջ տիեզերքի վրայ՝ փորձութեան ենթարկելու երկրի երեսին բոլոր ապրողներին:
11. Ահա շուտով գալիս եմ. պահի՛ր ինչ որ ունես, որպէսզի ոչ ոք չառնի քո պսակը:
12. Ով յաղթի, նրան իմ Աստծու տաճարին սիւն պիտի դարձնեմ. եւ նա այլեւս այնտեղից դուրս չի գալու. եւ նրա վրայ պիտի գրեմ իմ Աստծու անունը եւ իմ Աստծու քաղաքի անունը, Նոր Երուսաղէմի, որ իջնելու է երկնքից, իմ Աստծուց, եւ նրա անունը Նոր է:
13. Ով ականջ ունի, թող լսի, ինչ որ Հոգին ասում է եկեղեցիներին:
14. Գրի՛ր նաեւ Լաւողիկէի եկեղեցու հրեշտակին. Այսպէս է ասում Ամենը՝ հաւատարիմ եւ ճշմարիտ վկան՝ Աստծու արարածների Սկիզբը.
15. գիտեմ քո գործերը, դու, որ ո՛չ սառն ես եւ ո՛չ տաք. երանի դու սառն լինէիր եւ կամ տաք.
16. իսկ դու գաղջ ես՝ ո՛չ տաք, ո՛չ էլ սառն. հիմա պիտի փսխեմ քեզ իմ բերանից,
17. քանի որ ասում ես. Հպարտ եմ եւ առաւել հարստացայ ու ոչ մի բանի կարօտ չեմ. բայց չգիտես, թէ ողորմելի ես դու, թշուառ եւ աղքատ, մերկ եւ կոյր:
18. Արդ, մի խորհուրդ տամ քեզ. ա՛ռ, գնի՛ր ինձնից կրակի բովով անցած ոսկի, որ հարստանաս. գնի՛ր սպիտակ զգեստներ, որ հագնես, որպէսզի քո մերկութեան անվայելչութիւնը չերեւայ, եւ քո աչքերին դեղ դի՛ր, որ տեսնես:
19. Ում սիրում եմ ես, նրան յանդիմանում եմ եւ խրատում: Նախանձախնդի՛ր եղիր ուրեմն եւ ապաշխարի՛ր:
20. Ահա՛ւասիկ ես դռան առաջ եմ եւ բախում եմ. եթէ մէկը ականջ դնի իմ ձայնին եւ բաց անի դուռը, կը մտնեմ նրա մօտ եւ կ'ընթերեմ նրա հետ, եւ նա՝ ինձ հետ:
21. Ով յաղթի, նրան թոյլ կը տամ նստելու ինձ հետ իմ աթոռին, ինչպէս որ ես յաղթեցի եւ նստեցի իմ Հօր աթոռին:
22. Ով ականջ ունի, թող լսի, ինչ որ Հոգին ասում է եկեղեցիներին:

- [illegible]

1. Տեսայ նաեւ արժուի վրայ նստողի աջ ձեռքում մի գիրք՝ գրուած ներսից եւ դրսից ու կնքուած եօթը կնիքով:
2. Եւ տեսայ մի զօրաւոր հրեշտակ, որ կանչում էր բարձր ձայնով. Ո՞վ է արժանի բաց անելու գիրքը եւ քանդելու նրա կնիքները:
3. Եւ ոչ ոք կար, ո՛չ երկնքում, ո՛չ երկրի վրայ, ո՛չ էլ երկրի տակ, որ կարողանար բանալ գիրքը, որովհետեւ չէին տեսել այն:
4. Եւ ես ուժգին լաց էի լինում, քանի որ չգտնուեց մէկը, որ արժանի լինէր բաց անելու գիրքը եւ նայելու նրա մէջ:
5. Եւ երեցներից մէկն ինձ ասաց. Լաց մի՛ եղիր. ահա՛ յաղթեց առիւծը, որ Յուդայի ցեղից է, Դաւթի արմատից, որ բաց է անելու գիրքը եւ քանդելու է նրա եօթը կնիքները:
6. Եւ տեսայ, որ արժուի եւ չորս կենդանիների ու երեցների միջեւ կար մի Գառ՝ մորթուած. նա ուներ եօթը եղջիւր եւ եօթը աչք, որ Աստծու եօթը Հոգիներն են՝ ուղարկուած ամբողջ երկրով մէկ:
7. Եւ նա եկաւ վերցրեց գիրքը արժուի վրայ նստողի աջ ձեռքից:
8. Եւ երբ առաւ գիրքը, չորս կենդանիներն ու քսանչորս երեցներն ընկան Գառան առաջ. եւ իւրաքանչիւրն ուներ քնար եւ խնկով լի ոսկէ բուրվառ, որ սրբերի աղօթքներն են:
9. Եւ նոր երգեր էին երգում ու ասում. Արժանի ես առնելու այդ գիրքը եւ բաց անելու դրա կնիքները, քանի որ մորթուեցիր եւ գնեցիր մեզ Աստծու համար, քո արիւնով, բոլոր ցեղերից եւ լեզուներից ու հեթանոսների բազմութիւններից:
10. Եւ նրանց թագաւորներ ու քահանաներ դարձրիր մեր Աստծուն, որպէսզի թագաւորեն երկրի վրայ:
11. Տեսայ նաեւ ու լսեցի ձայնը բազում հրեշտակների, որոնք կանգնած էին արժուի եւ չորս կենդանիների ու քահանաների շուրջը. եւ նրանց թիւը բիւր բիւրաւոր եւ հազար հազարաւոր էր:
12. Նրանք ասում էին բարձր ձայնով. Արժանի է այդ մորթուած Գառը ընդունելու մեծութիւն, իմաստութիւն, զօրութիւն, պատիւ, փառք եւ օրհնութիւն:
13. Լսեցի նաեւ, որ երկնքում, երկրի վրայ եւ ծովում եղած բոլոր արարածները, ինչպէս նաեւ դրանց մէջ եղած ամէն ինչ ասում էին. Նա, որ նստած է արժուի վրայ, ինչպէս եւ Գառը, թող օրհնեալ, բարձրացեալ եւ փառաւորեալ լինի յաւիտեանս յաւիտենից:
14. Եւ չորս կենդանիներն ասում էին՝ Ամէն: Եւ երեցներն ընկնում էին նրա առաջ ու երկրպագում:

1. Տեսայ նաեւ, որ Գառը բացեց եօթը կնիքներից մէկը. եւ չորս կենդանիներից մէկից լսեցի մի ձայն, նման որոտի ձայնի, որ ասում էր՝ գալիս եմ:
2. Եւ ահա տեսայ մի սպիտակ ձի. եւ նա, ով հեծել էր նրա վրայ, աղեղ ուներ. եւ նրան պսակ տրուեց. եւ եկաւ յաղթողը, որ յաղթի:
3. Եւ երբ բացեց երկրորդ կնիքը, մի ձայն լսեցի երկրորդ կենդանուց, որ ասում էր՝ գալիս եմ:
4. Եւ եկաւ ուրիշ, մի կարմիր ձի. եւ ով հեծել էր նրա վրայ, նրան արտօնուած էր վերացնել խաղաղութիւնը երկրից, որպէսզի միմեանց սպանեն: Եւ նրան տրուեց մի մեծ սուր:
5. Եւ երբ բացեց երրորդ կնիքը, մի ձայն լսեցի երրորդ կենդանուց, որ ասում էր՝ գալիս եմ: Եւ տեսայ ահա մի սեւ ձի. եւ ով նստել էր նրա վրայ, իր ձեռքին կշեռք ուներ:
6. Եւ չորս կենդանիների միջից ձայն լսեցի. Մի կապիճ ցորեն՝ մէկ դէնարի, եւ երեք կապիճ գարի՝ մէկ դէնարի. եւ ձէթ ու գինու Վնաս չտաս:
7. Եւ երբ բացեց չորրորդ կնիքը, չորրորդ կենդանուց լսեցի մի ձայն, որ ասում էր՝ գալիս եմ:
8. Եւ տեսայ ահա դեղնաւուն մի ձի. եւ ով նստել էր նրա վրայ, ուներ Մահը. եւ Դժոխքը գնում էր նրա յետեւից: Եւ նրան իշխանութիւն տրուեց աշխարհի մէկ չորրորդ մասի վրայ կոտորած անելու սրով, սովով, մահով եւ երկրի գազաններով:
9. Եւ երբ բացեց հինգերորդ կնիքը, խորանի տակ տեսայ հոգիներն այն բոլոր մարդկանց, որոնք սպանուել էին Աստծու խօսքի եւ այն վկայութեան համար, որ պահում էին:
10. Նրանք ասում էին բարձր ձայնով. Սո՛ւրբ եւ ճշմարիտ Տէր, մինչեւ ե՞րբ պիտի չդատես եւ մեր արեան վրէժը չլուծես երկրի բնակիչներից:
11. Եւ նրանց տրուեցին սպիտակ զգեստներ. եւ ասուեց նրանց, որ մի փոքր ժամանակ հանգստանան, մինչեւ որ ամբողջական իրենց ծառայակիցներն ու իրենց եղբայրները, որոնք շուտով մահուան պիտի ենթարկուեն, ինչպէս իրենք:
12. Եւ երբ բացեց վեցերորդ կնիքը, տեսայ, որ մեծ երկրաշարժ եղաւ. եւ արեգակը սեւ դարձաւ ինչպէս այծի մազից հիւսուած կարպետը, եւ լուսինն ամբողջովին դարձաւ ինչպէս արիւն:
13. Եւ երկնքի աստղերը թափուեցին երկրի վրայ ինչպէս տերեւը թզենու, որ ուժգին շարժում է հողմից.
14. Եւ երկինքը գալարուեց ինչպէս մագաղաթեայ գիրք. եւ բոլոր լեռներն ու կղզիները շարժուեցին իրենց տեղից:
15. Եւ երկրի թագաւորներն ու իշխանները, հազարապետներն ու մեծամեծները, հզօրներն ու բոլոր ծառաները ու բոլոր ազատները թաքնուեցին քարայրներում եւ ժայռերի ծերպերում:
16. Եւ լեռներին ասում էին՝ ընկե՛ք մեր վրայ, եւ բլուրներին, թէ՛ ծածկեցե՛ք մեզ.
17. որովհետեւ եկաւ նրա բարկութեան մեծ օրը. եւ ո՞վ կարող է կանգնել նրա առաջ:

1. Եւ դրանից յետոյ տեսայ չորս հրեշտակներ, որոնք կանգնել էին երկրի չորս անկիւններին եւ պահել էին երկրի չորս հողմերը, որպէսզի հողմ չփչի ո՛չ երկրի, ո՛չ ծովի եւ ո՛չ էլ ծառերի վրայ:
2. Եւ տեսայ մի ուրիշ հրեշտակ, որ ելաւ արեւելքից եւ ուներ կենդանի Աստծու կնիքը. եւ բարձր ձայնով աղաղակեց այն չորս հրեշտակներին, որոնց իշխանութիւն էր տրուած վնասելու երկրին եւ ծովին:
3. Եւ ասում էր. Վնաս մի՛ տուէք երկրին. ո՛չ ծովին, ո՛չ ծառերին. սպասեցէ՛ք, մինչեւ որ կնիք դնեմ իմ Աստծու ծառաների վրայ:
4. Եւ լսեցի, որ կնքուածների թիւը հարիւր քառասունչորս հազար է՝ իսրայելացիների բոլոր ցեղերից կնքուած.
5. Յուդայի ցեղից՝ տասներկու հազար կնքուած, Ռուբէնի ցեղից՝ տասներկու հազար կնքուած, Գադի ցեղից՝ տասներկու հազար կնքուած,
6. Ասերի ցեղից՝ տասներկու հազար կնքուած, Նեփթալիմի ցեղից՝ տասներկու հազար կնքուած, Մանասէի ցեղից՝ տասներկու հազար կնքուած,
7. Շմաւոնի ցեղից՝ տասներկու հազար կնքուած, Ղեւիի ցեղից՝ տասներկու հազար կնքուած, Իսաքարի ցեղից՝ տասներկու հազար կնքուած,
8. Չաբուլոնի ցեղից՝ տասներկու հազար կնքուած, Յովսէփի ցեղից՝ տասներկու հազար կնքուած, Բենիամինի ցեղից՝ տասներկու հազար կնքուած:
9. Եւ դրանից յետոյ տեսայ մի մեծ բազմութիւն, - որին թիւ չկար, - բոլոր հեթանոսներից եւ բոլոր ազգերից, բոլոր լեզուներից եւ բոլոր ժողովուրդներից, որոնք կանգնած էին աթոռի առաջ եւ Գառան առաջ՝ իրենց վրայ սպիտակ զգեստներ գցած եւ արմաւենու ճիւղեր իրենց ձեռքերին:
10. Բարձր ձայնով աղաղակում էին եւ ասում. Փրկութիւնը մեր Աստծո՛ւնն է, որ նստում է աթոռի վրայ, ինչպէս եւ՝ Գառա՛նը:
11. Եւ բոլոր հրեշտակները կանգնած էին աթոռի եւ երեցների ու չորս կենդանիների շուրջը եւ երեսի վրայ ընկնում էին աթոռի առաջ ու երկրպագում էին Աստծուն՝
12. ասելով. Ամէն: Օրհնութի՛ւն, փա՛ռք, իմաստութի՛ւն, գոհութի՛ւն, պատի՛ւ, զօրութի՛ւն եւ կարողութի՛ւն մեր Տէր Աստծուն յաւիտեանս յաւիտենից: Ամէն:
13. Եւ երեցներից մէկն ինձ ասաց. Սրանք, որ սպիտակ զգեստներ են հագել, ովքե՞ր են եւ կամ որտեղի՞ց են գալիս:
14. Ես նրան ասացի. Տէ՛ր, գիտես դու:
15. Եւ նա ինձ ասաց. Սրանք նրանք են, որ գալիս են մեծ նեղութիւններից եւ իրենց զգեստները լուացին ու սպիտակեցրին Գառան արիւնով:
16. Այդ պատճառով են նրանք կանգնած Աստծու աթոռի առաջ եւ զօր ու գիշեր պաշտում են նրան իր տաճարի մէջ: Եւ նա, որ նստում է աթոռի վրայ, բնակում է նրանց մէջ:
17. Ո՛չ քաղց են զգալու, ո՛չ էլ ծարաւելու են. եւ նրանց չի վնասելու ո՛չ արեգակը, ո՛չ էլ սոթը:
18. Եւ Գառը, որ իր աթոռի մէջտեղում է, պիտի հովուի նրանց ու պիտի առաջնորդի նրանց դէպի կեանքի աղբիւրը կենդանի ջրի, քանզի Աստուած նրանց աչքերից սրբեց ամէն արտասուք:



1. Եւ երբ բացեց եօթներորդ կնիքը, երկնքում լռութիւն եղաւ մօտ կէս ժամ:
2. Եւ տեսայ եօթը հրեշտակներ, որ կանգնած էին Աստծու առաջ. եւ նրանց եօթը փող տրուեց:
3. Եւ մի ուրիշ հրեշտակ եկաւ ու կանգնեց խորանի մօտ. նա ուներ ոսկէ խնկաման. եւ նրան շատ խունկ տրուեց, որպէսզի աղօթք մատուցի բոլոր սրբերին ոսկէ խորանի վրայ, աթոռի առաջ:
4. Եւ հրեշտակների ձեռքերից խնկի ծուխը, ինչպէս աղօթք սրբերի, ելաւ Աստծու առաջ:
5. Եւ հրեշտակը խնկամանը լցրեց խորանի կրակից ու այն գցեց երկրի վրայ. եւ եղաւ որոտ եւ ձայներ եւ փայլատակում եւ մեծ երկրաշարժ:
6. Եւ եօթը հրեշտակները, որ ունէին եօթը փողերը, պատրաստուեցին դրանք հնչեցնելու:
7. Եւ առաջին հրեշտակը հնչեցրեց փողը. եւ եղաւ կարկուտ եւ հուր՝ արիւնով խառնուած. եւ գցուեց երկրի վրայ. եւ երկրի մէկ երրորդ մասը այրեց. այրեց եւ ծառերի մէկ երրորդ մասը. այրեց եւ ամբողջ դալար խոտը:
8. Փող հնչեցրեց նաեւ երկրորդ հրեշտակը. եւ մի բան, ինչպէս մի մեծ հրդեհուած լեռ, ընկաւ ծովը, եւ ծովի մէկ երրորդ մասը արիւն դարձաւ.
9. Եւ ծովային կենդանիների մէկ երրորդ մասը կոտորուեց, եւ կենդանի ինչ շունչ որ կար, ոչնչացաւ:
10. Փող հնչեցրեց նաեւ երրորդ հրեշտակը. եւ երկնքից ընկաւ մի մեծ աստղ՝ հրաբորբոք ինչպէս ջահ. եւ ընկաւ գետերի ու աղբիւրների մէկ երրորդ մասի վրայ:
11. Եւ աստղի անունն էր Դառնութիւն. եւ ջրի դառնութիւնից շատեր մեռան:
12. Փող հնչեցրեց նաեւ չորրորդ հրեշտակը. եւ զարկուեց արեգակի մէկ երրորդ մասը, լուսնի մէկ երրորդ մասը եւ աստղերի մէկ երրորդ մասը: Եւ խաւարեց նրանց մէկ երրորդ մասը, նոյնպէս եւ՝ գիշերուայ մէկ երրորդ մասը:
13. Եւ տեսայ ու լսեցի երկնքի մէջ թռչող հրեշտակի ձայնը, որ ասում էր բարձր ձայնով. Վա՛յ, վա՛յ, վա՛յ երկրի վրայ բնակուողներին, երբ կը հնչի նաեւ միւս երեք փողերի ձայնը, որը պիտի հնչեցնեն հրեշտակները:

1. Փող հնչեցրեց նաեւ հինգերորդ հրեշտակը. եւ տեսայ, որ մի աստղ ընկաւ երկնքից: Եւ նրան տրուեց անդունդների գբի բանալին:
2. Գբից ծուխ էր բարձրանում, ինչպես մեծ հնոցի ծուխը: Խաւարեց արեգակը, ինչպես նաեւ՝ օդը:
3. Գբից մորեխ էր դուրս գալիս երկրի վրայ. եւ նրանց տրուեց զօրութիւն՝ նման կարիճի խայթոցների զօրութեան.
4. Եւ նրանց ասուեց, որ չվնասեն երկրի խոտին, ոչ էլ ծառերին, այլ միայն՝ երկրային այն մարդկանց, որոնք իրենց ճակատի վրայ չունեն Աստծու կնիքը:
5. Եւ նրանց հրաման տրուեց, որ չսպանեն նրանց, այլ հինգ ամիս չարչարեն. եւ նրանց չարչարանքը նման էր կարիճի խայթոցների, երբ նա խայթում է մարդուն:
6. Եւ այն օրերին մարդիկ մահը պիտի փնտռեն, բայց չպիտի գտնեն, պիտի ուզենան մեռնել, բայց մահը պիտի փախչի նրանցից:
7. Եւ մորեխը նման էր պատերազմի պատրաստուող ձիուն. եւ նրանց գլուխների վրայ կարծես ոսկէ պսակ կար. նրանց երեսները նման էին մարդու երեսների,
8. Եւ նրանց մագերը՝ կնոջ մագերի, եւ նրանց ատամները՝ առիւծի ատամների:
9. Եւ նրանք ունէին զրահներ, որոնք նման էին երկաթէ զրահների. եւ նրանց թելերի ձայնը նման էր կառք քաշող բազում ձիերի ձայնին, որոնք արշաւում են պատերազմի:
10. Նրանք ունէին պոչեր՝ նման կարիճների պոչերի, եւ խայթոցներ՝ իրենց պոչերին. եւ իշխանութիւն ունէին հինգ ամիս չարչարելու մարդկանց:
11. Եւ իրենց վրայ որպէս թագաւոր ունէին դժոխքի հրեշտակին. եւ նրա անունը եբրայերէն Աղբադոն էր, որ հայերէն լեզուով կոչւում է՝ Կորուստ:
12. Ահա՛ւասիկ անցաւ մէկ վայր, եւ գալու են դեռ երկու վայր:
13. Փող հնչեցրեց նաեւ վեցերորդ հրեշտակը. եւ այն չորս կենդանիներից, որ Աստծու խորանի առաջ էին, լսեցի մի ձայն,
14. որ ասում էր վեցերորդ հրեշտակին, որը փող ուներ. Եփրատ գետի վրայ կապուած չորս հրեշտակներին արձակի՛ր:
15. Եւ արձակուեցին չորս հրեշտակները, որոնք պատրաստ կանգնած էին ժամուայ, օրուայ, ամսուայ եւ տարուայ համար, որպէսզի սպանեն մարդկութեան մէկ երրորդ մասը:
16. Եւ նրանց հեծեալ զօրքերի քանակը բիւր բիւրաւոր եւ հազար հազարաւոր էր. իմացայ նրանց թիւը:
17. Եւ տեսիլքում տեսայ ձիեր ու նրանց վրայ՝ հեծեալներ, որոնք ունէին հրէ զրահներ եւ ծծմբով հրդեհուած յակինթներ. եւ ձիերի գլուխները նման էին առիւծների գլուխների. եւ նրանց բերանից ելնում էր կրակ, ծուխ եւ ծծումբ:
18. Եւ մարդկութեան մէկ երրորդ մասը կոտորուեց այս հարուածներից՝ այն կրակից, ծխից եւ ծծմբից, որ ելնում էին նրանց բերանից.
19. որովհետեւ ձիերի զօրութիւնը իրենց բերաններում է եւ իրենց պոչերի վրայ. եւ նրանց պոչերը նման էին օձի. եւ ունէին գլուխներ, որոնցով սպանում էին անիրաւներին:
20. Եւ մարդկութեան մնացած մասը, որ չմեռաւ այս հարուածներից, չապաշխարեց, ոչ էլ յետ կանգնեց իր ձեռքի գործերից՝ դէներին եւ ոսկէ, արծաթէ, պղնձէ, քարէ եւ փայտէ կուռքերին երկրպագելուց, կուռքեր, որոնք ոչ տեսնել կարող են, ո՛չ լսել եւ ո՛չ էլ քայլել:
21. Եւ նրանք չապաշխարեցին իրենց մարդասպանութիւնից, կախարդութիւնից, պոռնկութիւնից եւ գողութիւնից:

1. Տեսայ նաեւ մի այլ զօրաւոր հրեշտակ, որ իջնում էր երկնքից՝ ամպի մէջ փաթաթուած եւ իր գլխին՝ ծիածան. եւ նրա երեսը նման էր արեգակի, իսկ նրա ոտքերը՝ հրեղէն սիւների:
2. Եւ նա իր ձեռքում ուներ մի բացուած գրքոյկ. նա իր աջ ոտքը դրեց ծովի վրայ, իսկ ձախը՝ ցամաքի վրայ:
3. Եւ աղաղակեց բարձր ձայնով, ինչպէս մոնչում է առիւծը. եւ երբ աղաղակեց, եօթը որոտները թնդացին իրենց ձայներով.
4. Եւ երբ եօթը որոտները թնդացին, ուզում էի գրել. բայց երկնքից լսեցի մի ձայն, որ ասում էր. Ծածկի՛ր, ինչ որ խօսեցին եօթը որոտները եւ մի՛ գրիր:
5. Եւ այն հրեշտակը, որին տեսել էի եւ որն իր ոտքը դրել էր ծովի վրայ, իսկ միւս ոտքը՝ ցամաքի վրայ, իր աջ ձեռքը բարձրացրեց երկինք.
6. Նա երդուեց Նրանով, որ յաւիտեան կենդանի է, որ ստեղծեց երկիրը եւ ինչ որ կայ նրա մէջ, թէ այլեւս չկայ ժամանակ.
7. այլ այն օրը, երբ եօթներորդ հրեշտակը իր փողը հնչեցնի, պիտի կատարուի Աստծու խորհուրդը, որ անետարանուեց իր ծառաների՝ մարգարէների միջոցով:
8. Եւ այն ձայնը, որ լսել էի երկնքից, դարձեալ խօսեց ինձ հետ եւ ասաց. Գնա՛, ա՛ռ այն գրքոյկը, որը, բացուած, իր ձեռքում ունի հրեշտակը եւ կանգնած է ծովի ու ցամաքի վրայ:
9. Եւ ես, գնալով հրեշտակի մօտ, նրանից խնդրեցի գրքոյկը. եւ նա ինձ ասաց. Ա՛ռ սա եւ կե՛ր, եւ քո որովայնում դառն պիտի դառնայ այն, իսկ քո բերանում քաղցր ինչպէս մեղր:
10. Եւ հրեշտակից վերցրի բացուած գրքոյկը ու կուլ տուի. եւ իմ բերանում մեղրի պէս էր այն. իսկ երբ կերայ, իմ որովայնը դարձաւ դառն:
11. Եւ հրեշտակն ինձ ասաց. Պէտք է, որ դու վերստին մարգարեանաս ժողովուրդների, այլ ազգերի, լեզուների եւ երկրի թագաւորների մասին:

1. Այնուհետև ինձ տրուեց չափելու մի եղեգ, որ նման էր գաւազանի. եւ հրեշտակը կանգնած էր ու ասում էր ինձ. Վե՛ր կաց եւ չափի՛ր Աստծու տաճարն ու զոհասեղանը եւ հաշուի՛ր այն երկրպագողներին, որ նրա մէջ են:
2. Իսկ այն գաւիթը, որ տաճարից դուրս է, թո՛ղ այն եւ մի՛ չափիր, քանի որ այն տրուել է հեթանոսներին: Նրանք քառասուններկու ամիս սուրբ քաղաքը ոտքի կոխան պիտի դարձնեն:
3. Եւ իմ երկու վկաներին պիտի պատուիրեմ, որ մարգարեանան հազար երկու հարիւր վաթսուն օրեր՝ քուրճ հագած:
4. Սրանք երկու ձիթենիներն ու երկու ճրագներն են, որ կան Աստծու առաջ՝ երկրի վրայ:
5. Եւ ովքեր ուզենան նրանց վնասել, կրակ պիտի ելնի նրանց բերանից եւ պիտի լափի իրենց թշնամիներին: Եւ ովքեր ուզենան նրանց վնասել, այսպէ՛ս պիտի կործանուեն:
6. Երկու վկաներն իշխանութիւն ունեն փակելու երկինքը, որպեսզի իրենց մարգարեութեան օրերում անձրեւ չտեղայ. իշխանութիւն ունեն եւ ջրերի վրայ՝ դրանք արիւն դարձնելու, ինչպէս նաեւ հարուածելու երկրին բոլոր հարուածներով, քանի անգամ որ կամենան:
7. Եւ երբ նրանք աւարտեն իրենց վկայութեան բոլոր օրերը, այն ժամանակ անդունդներից ելնող գազանը պիտի պատերազմի նրանց դէմ, պիտի յաղթի եւ պիտի սպանի նրանց:
8. Եւ նրանց դիակը ընկած պիտի մնայ իրենց մեծ քաղաքի հրապարակների մէջ, որ խորհրդանշականօրէն կոչուում է Սողոմ եւ Եգիպտոս, ուր եւ խաչուեց նրանց Տէրը:
9. Եւ նրանց պիտի տեսնեն բոլոր ցեղերն ու ժողովուրդները եւ բոլոր լեզուներն ու ազգերը, որովհետեւ նրանց դիակը ընկած պիտի մնայ երեք օր. եւ թոյլ չպիտի տան, որ նրանց ոսկորները թաղեն գերեզմաններում:
10. Եւ երկրի վրայ բնակուողները պիտի ուրախանան ու ցնծան նրանց մահուան վրայ, նոյնիսկ ընծաներ եւ նուէրներ պիտի տանեն միմեանց, որովհետեւ այս երկու մարգարէները երկրի բնակիչներին պիտի չարչարեն:
11. Երեքուկէս օր յետոյ կենդանութեան հոգին Աստծուց պիտի մտնի նրանց մէջ, եւ նրանք պիտի վեր կենան կանգնեն իրենց ոտքերի վրայ: Եւ ահ ու մեծ երկիւղ ընկաւ բոլոր նրանց վրայ, ովքեր տեսան նրանց:
12. Եւ լսեցի մի բարձր ձայն, որ ասում էր նրանց. Վե՛ր ելէք, եկէ՛ք այստեղ: Եւ նրանք ելան երկինք՝ ամպերով. եւ իրենց թշնամիները տեսան նրանց:
13. Այդ իսկ ժամին մեծ երկրաշարժ եղաւ, եւ քաղաքի մէկ տասներորդ մասը գետնի տակ թաղուեց. երկրաշարժից մեռաւ եօթը հազար մարդ: Դրանից յետոյ բոլորի մէջ մեծ ահ առաջացաւ. եւ փառք էին տալիս երկնաւոր Աստծուն:
14. Ահա՛ւասիկ անցաւ երկրորդ վայրը, եւ երրորդ վայրը գալու է շուտով:
15. Եւ երբ եօթներորդ հրեշտակը փող հնչեցրեց, երկնքում լսուեց մի ձայն, որն ասաց. Ամբողջ տիեզերքի թագաւորութիւնը եղաւ մեր Տիրոջը եւ իր Օծեալինը. եւ նա պիտի թագաւորի բոլորի վրայ յաւիտեանս յաւիտենից:
16. Եւ քանչորս երեցները, որ նստած էին իրենց գահերին, Աստծու առաջ, ընկան իրենց երեսների վրայ, երկրպագեցին Տէր Աստծուն ու ասացին.
17. Գոհութիւն ենք մատուցում քեզ, Ամենակա՛լ Տէր Աստուած, դու, որ Է-ն ես եւ ես, ձեռքդ առար քո մեծ զօրութիւնը եւ թագաւորեցիր:
18. Հեթանոսները զայրացան. բայց հասաւ քո բարկութիւնը, ժամանակը՝ դատելու մեռելներին, տալու վարձը քո ծառաներին՝ մարգարէներին եւ սրբերին, քո անունից վախեցողներին, փոքրերին ու մեծերին եւ ոչնչացնելու երկրի կործանիչներին:
19. Եւ երկնքում բացուեց Աստծու տաճարը, ու երեւաց Աստծու տապանակը իր տաճարի մէջ. եւ եղան փայլատակումներ, ձայներ, որոտներ, երկրաշարժներ եւ՝ ուժեղ կարկուտ:

1. Եւ երկնքում մեծ նշան երեւաց. մի կին՝ արեգակն իր վրայ առած, լուսինն իր ոտքերի տակ եւ իր գլխի վրայ մի պսակ՝ տասներկու աստղերից:
2. Նա յղի էր ու ճշում էր երկունքի մէջ եւ բազում ցաւերով մօտ էր ծնելու:
3. Եւ երկնքում երեւաց մի այլ նշան. ահա հրակարմիր մի մեծ վիշապ, որ ուներ եօթը գլուխ եւ տասը եղջիւր. նրա գլուխների վրայ կար եօթը խոյր:
4. Եւ նրա պոչը քաշում տանում էր երկնքի աստղերի մէկ երրորդ մասը. ու դրանք գցեց երկրի վրայ: Վիշապը կանգնած էր այն կնոջ առաջ, որ ծնելու վրայ էր, որպէսզի, երբ կինն իր որդուն ծնի, կուլ տայ նրան:
5. Եւ կինը ծնեց մի արու գաւակ, որ իշխելու էր բոլոր ազգերի վրայ երկաթ գաւազանով: Եւ նրա որդին յափշտակուեց տարուեց Աստծու եւ նրա գահի մօտ:
6. Եւ կինը փախաւ դէպի անապատ, ուր նրան տեղ էր պատրաստուել Աստծու կողմից, որպէսզի այնտեղ կերակրուի հազար երկու հարիւր վաթսուն օր:
7. Եւ երկնքում պատերազմ եղաւ: Միքայէլը եւ իր հրեշտակները կռուում էին վիշապի դէմ. վիշապը կռուում էր իր զօրքերով,
8. բայց նրանք չկարողացան դիմադրել. եւ երկնքում նրանց համար տեղ չգտնուեց:
9. Եւ ընկաւ մեծ վիշապը՝ առաջին օձը, որ կոչւում է Բէեղզեբուղ եւ Սատանայ եւ որ մոլորեցրեց ամբողջ աշխարհը. եւ նրա հետ ընկան նաեւ նրա հրեշտակները:
10. Եւ երկնքից լսեցի մի բարձր ձայն, որ ասում էր. Այժմ եկաւ մեր Աստծու զօրութիւնը, փրկութիւնն ու արքայութիւնը եւ նրա Օծեալի իշխանութիւնը, որովհետեւ ընկաւ մեր եղբայրների դէմ չարախօսողը, նա, ով Աստծու առաջ նրանց մասին չարախօսում էր գիշեր-ցերեկ:
11. Մեր եղբայրները յաղթեցին նրան Գառան արիւնով եւ նրա վկայութեան խօսքով: Եւ չհամաձայնեցին վիշապի հետ նոյնիսկ ի գին իրենց մահուան:
12. Դրա համար թող ուրախ լինի երկինքը եւ բոլոր նրանք, որ բնակւում են նրա մէջ. վա՛յ ձեզ, երկիր եւ ծով, որովհետեւ ձեր մէջ ընկաւ բանսարկուն մեծ ցասումով, քանի որ նա քիչ ժամանակ ունի ապրելու:
13. Եւ երբ վիշապը տեսաւ, թէ ինքը երկիր ընկաւ, հետապնդեց այն կնոջը, որ արու գաւակ էր ծնել:
14. Եւ կնոջը տրուեց մեծ արծուի երկու թեւ, որպէսզի թռչի անապատ, իր տեղը, այնտեղ, ուր, հեռու օձից, կերակրուում էր երեք եւ կէս տարի:
15. Ապա օձը իր բերանից հեղեղի պէս ջուր թափեց կնոջ յետեւից, որպէսզի նրան ընկղմի:
16. Եւ երկիրն օգնեց կնոջը. բացեց իր բերանը եւ կուլ տուեց այն ջուրը, որը վիշապը թափել էր իր բերանից:
17. Եւ վիշապը զայրացաւ կնոջ դէմ ու գնաց պատերազմելու ընդդէմ նրա միւս գաւակների, որոնք պահում էին Աստծու պատուիրանները եւ վկայում էին Յիսուսին:
18. Եւ նա կանգնեց ծովի աւազի վրայ:

1. Եւ տեսայ, որ ծովից մի գազան էր ելնում. նա ուներ եօթը գլուխ եւ տասը եղջիւր. նրա եղջիւրների վրայ կար տասը խոյր, իսկ նրա գլուխների վրայ՝ հայհոյալից մի անուն:
2. Եւ այն գազանը, որին տեսայ, նման էր յովազի, իսկ նրա ոտքերը նման էին արջի ոտքերի, եւ նրա բերանը՝ առիւծի բերանի: Եւ վիշապը նրան տուեց իր զօրութիւնը, իր գահը եւ մեծ իշխանութիւն:
3. Գազանի գլուխներից մէկը մահացու վիրաւորուած էր. բայց նրա մահացու վերքը առողջանում էր. եւ ամբողջ երկիրը զարմացաւ գազանի վրայ, քանի որ վիշապը տուեց նրան իր թագաւորութիւնը:
4. Եւ երկրպագեցին վիշապին, որ իր իշխանութիւնը տուել էր գազանին. եւ ասացին. Ո՞վ է նման այս գազանին, կամ ո՞վ կը կարողանայ կռուել դրա դէմ:
5. Եւ նրան տրուեց բերան՝ խօսելու մեծ-մեծ բաներ եւ հայհոյութիւն: Եւ քառասուններկու ամիս նրան իշխանութիւն տրուեց:
6. Եւ նա իր բերանը հայհոյանքով բացեց Աստծու դէմ եւ հայհոյեց նրա անունը, նրա խորանը եւ երկնային բնակավայրը:
7. Եւ նրան իշխանութիւն տրուեց բոլոր ազգերի եւ լեզուների ու ժողովուրդների վրայ,
8. որպէսզի նրան երկրպագեն բոլոր նրանք, որ բնակւում են երկրի երեսին, եւ որոնց անունները աշխարհի սկզբից գրուած չեն մորթուած Գառան կեանքի գրքում:
9. Ովքեր ականջ ունեն լսելու, թող լսեն,
10. քանզի կան ոմանք, որոնք պիտի գերեվարուեն, կան ոմանք, որոնք սրով պիտի մեռնեն, եւ կան ոմանք, որոնք ինքնասպան պիտի լինեն: Այստե՛ղ է ահա սրբերի համբերութիւնը եւ հաւատը:
11. Եւ տեսայ մի ուրիշ գազան, որ ելնում էր երկրից եւ ուներ երկու եղջիւրներ՝ նման գառան եղջիւրների, եւ խօսում էր՝ ինչպէս վիշապը:
12. Եւ նա առաջին գազանի ամբողջ իշխանութիւնն էր ի գործ դնում նրա առաջ եւ ստիպում էր, որ երկիրն ու նրա բոլոր բնակիչները երկրպագեն առաջին գազանին, մինչեւ որ առողջանայ նրա մահացու վերքը:
13. Եւ բազում նշաններ էր կատարում ու երկնքից կրակ էր իջեցնում երկրի վրայ մարդկանց աչքերի առաջ.
14. եւ մոլորեցնում էր երկրի վրայ բնակուողներին այն նշաններով, որ թոյլատրուած էին, որ նա կատարէր գազանի առաջ: Երկրի բնակիչները նրան ասացին. Կերտի՛ր արձանն այն գազանի, որ կենդանի մնաց սրի վերքերից:
15. Եւ նրան իշխանութիւն տրուեց, որպէսզի շունչ տայ գազանի արձանին, որ արձանը խօսի, եւ երկրի բոլոր բնակիչները երկրպագեն նրան, իսկ ով չերկրպագի գազանի արձանին, նրան սպանի.
16. եւ ստիպի բոլորին՝ փոքրերին եւ մեծամեծներին, հարուստներին եւ աղքատներին, ազատներին ու ծառաներին, որ դրոշմ դնեն նրանց աջ ձեռքի եւ ճակատի վրայ:
17. Եւ ոչ ոք չկարողանայ գնել ու վաճառել, եթէ չունենայ գրի դրոշմը եւ գազանի անունն ու նրա անուան թիւը:
18. Այստե՛ղ է ահա իմաստութիւնը: Ով խելք ունի, թող հաշուի գազանի թիւը, որ մարդու անուան թիւ է. եւ նրա անուան թիւը այս է՝ վեց հարիւր վաթսուսվեց:

1. Եւ ես տեսայ. ահա Գառը կանգնած էր Սիոն լեռան վրայ. եւ նրա հետ՝ հարիւր քառասունչորս հազար հոգի, որոնք նրա եւ նրա Հօր անունն ունէին գրուած իրենց ճակատների վրայ:
2. Եւ երկնքից մի ձայն լսեցի, որ նման էր առատահոս ջրերի եւ ուժեղ որոտի ձայնի. եւ իմ լսած ձայնը նման էր իրենց քնարները հնչեցնող քնարահարների նուագի ձայնին:
3. Նրանք նոր երգեր էին երգում գահի առաջ, չորս կենդանիների առաջ եւ երեցների առաջ. եւ ոչ ոք չի կարող սովորել նրանց երգերը, այլ միայն՝ այն հարիւր քառասունչորս հազարը, որոնք փրկուած են երկրից:
4. Սրանք այն մարդիկ են, որոնք չխառնակուեցին կանանց հետ եւ կոյսեր են. սրանք գնում են Գառան յետեւից, ուր էլ նա գնայ: Սրանք ընտրուեցին մարդկանց միջից Աստծու եւ Գառան առաջ:
5. Եւ սրանց բերանում սուտ խօսք չգտնուեց, որովհետեւ անբիծ են:
6. Եւ տեսայ երկնքի մէջ թռչող մի ուրիշ հրեշտակ, որ յաւիտենական ակետիս ունէր քարոզելու երկրի վրայ բոլոր ազգերին եւ լեզուներին:
7. Եւ նա ասում էր բարձր ձայնով. Վախեցէ՛ք Աստծուց եւ փա՛ռք տուէք նրան, որովհետեւ եկել է նրա դատաստանի ժամը. եւ երկրպագեցէ՛ք երկնքի եւ երկրի եւ ծովի ու ջրերի աղբիւրների Արարչին:
8. Եւ մի երկրորդ հրեշտակ գալիս է նրա յետեւից եւ ասում. Ընկա՛ւ, ընկա՛ւ մեծն Բաբելոնը՝ գինու հարբեցողութիւնից, ցասումից եւ իր պոռնկութիւնից, նա, որ հարբեցրեց բոլոր ազգերին:
9. Եւ մի երրորդ հրեշտակ գալիս էր նրանց յետեւից եւ բարձր ձայնով ասում. Ով որ երկրպագեց գազանին ու նրա արձանին եւ կամ նրա նշանի դրոշմն առաւ իր ճակատին կամ իր աջ ձեռքի վրայ,
10. այդպիսին պիտի խմի Աստծու ցասման բաժակից, որ անխառն լցուած է նրա բարկութեան բաժակի մէջ, եւ նա պիտի տանջուի, հրով եւ ծծմբով, Աստծու ու Գառան առաջ:
11. Եւ նրանց ծովից պիտի բարձրանայ յաւիտեանս յաւիտենից. եւ գիշեր ու ցերեկ հանգիստ չպիտի ունենան նրանք, ովքեր երկրպագեցին գազանին, երկրպագեցին արձանին եւ առան նրա դրոշմն ու անունը:
12. Եւ այստե՛ղ է ահա սրբերի համբերութիւնը, որոնք պահում են Աստծու պատուիրանները եւ Յիսուսի հանդէպ իրենց հաւատը:
13. Եւ երկնքից լսեցի մի ձայն, որ ասում էր ինձ. Գրի՛ր. երանի՛ այն մեռելներին, որոնք այժմուանից իսկ ննջեցին ի Տէր: Հոգին այս բանն է ասում՝ հանգստացան իրենց տընութիւնից, եւ միայն իրենց գործերի արդիւնքը հետեւեց իրենց:
14. Ապա ես տեսայ մի սպիտակ ամպ. եւ ամպի վրայ նստել էր մէկը՝ նման մարդու Որդուն. նա իր գլխին ունէր ոսկե պսակ, եւ իր ձեռքին՝ սրած գերանդի:
15. Եւ մի ուրիշ հրեշտակ ելաւ երկնքից, աղաղակեց բարձր ձայնով եւ ասաց. Դո՛ւ, որ նստած ես այդ ամպի վրայ, շարժի՛ր քո այդ գերանդին եւ հնձի՛ր, որովհետեւ եկաւ հնձի ժամանակը. եւ երկրի հունձն էլ հասած է:
16. Եւ նա, ով նստել էր ամպի վրայ, շարժեց իր գերանդին երկրի վրայ ու հնձեց երկրի բոլոր բնակիչներին:
17. Եւ մի ուրիշ հրեշտակ դուրս ելաւ երկնքում գտնուող տաճարից. եւ սա էլ ունէր սրած գերանդի:
18. Եւ զոհասեղանից դուրս ելաւ մի ուրիշ հրեշտակ, որ իշխանութիւն ունէր կրակի վրայ. նա բարձր ձայնով աղաղակեց այն հրեշտակին, որ սրած գերանդի ունէր, ու ասաց. Քաղի՛ր ողկոյզները երկրի այգուց, քանի որ խաղողը հասել է այգում:
19. Եւ հրեշտակը նետեց իր գերանդին երկրի վրայ, քաղեց նրա խաղողը եւ գցեց Աստծու մեծ հնձանի մէջ:
20. Եւ հնձանը կոխտուեց քաղաքից դուրս. եւ հնձանից արիւնը հոսում ու բարձրանում

Էր մինչեւ ձիու սանձերը. եւ նրա երկարութիւնը երեք հարիւր կիլոմետր էր:



1. Եւ տեսայ երկնքում մեծ եւ զարմանահրաշ մի այլ նշան. տեսայ եօթը հրեշտակներ, որոնք ունէին վերջին եօթը պատուհասները, քանի որ Աստծու բարկութիւնը դրանցով էր աւարտում:
2. Տեսայ նաեւ ապակէ ծովի նման մի բան՝ խառնուած կրակով. եւ նրանք, որ յաղթեցին գազանին, նրա արծանին, նրա անուան թուին եւ նրա դրոշմին, կանգնած էին ապակէ ծովի վրայ եւ ունէին Աստծու քնարները.
3. Նրանք Աստծու առաջ երգում էին Մովսէսի երգերը եւ Գառան երգերը՝ ասելով. Տէ՛ր Աստուած Ամենակալ, մեծամեծ եւ սքանչելի են քո գործերը, արդար ու ճշմարիտ են քո ճանապարհները, դո՛ւ, Թագաւորդ բոլոր ազգերի:
4. Եւ ո՞վ է, որ չի երկնչելու եւ չի փառաւորելու քո սուրբ անունը, որովհետեւ դու ես միայն սուրբ եւ արժանի երկրպագութեան. բոլոր ազգերը պիտի գան եւ պիտի երկրպագեն քո առաջ, Տէ՛ր, երբոր քո արդարութիւնը յայտնուի:
5. Եւ ապա տեսայ, որ բացուեց վկայութեան խորանի տաճարը, որ երկնքում էր:
6. Եւ տաճարից դուրս էին ելնում եօթը հրեշտակներ, որոնք ունէին եօթը պատուհասները. նրանք հագել էին մաքուր ու փայլուն կտաւ եւ իրենց կրծքի շուրջը կապել էին ոսկէ գօտիներ:
7. Եւ չորս կենդանիների կողմից եօթը հրեշտակներին տրուեցին եօթը սկաւառակներ՝ լի ցասումովն Աստծու, որ կենդանի է յաւիտեանս յաւիտենից:
8. Եւ տաճարը լցուեց Աստծու փառքի եւ նրա զօրութեան ծխով: Եւ ոչ ոք չէր կարող մտնել տաճարը, մինչեւ աւարտուեցին եօթը հրեշտակների եօթը պատուհասները:

1. Եւ տաճարից լսեցի մի բարձր ձայն, որ ասում էր եօթը հրեշտակներին. Գնացէ՛ք, Աստծու ցաւման եօթը սկաւառակները թափեցէ՛ք երկրի վրայ:
2. Առաջին հրեշտակը գնաց եւ իր սկաւառակի պարունակութիւնը թափեց երկրի վրայ. եւ չար պալարներ գոյացան այն մարդկանց վրայ, որ ունէին գազանի դրոշմը ու երկրպագում էին նրա արձանին:
3. Երկրորդ հրեշտակն իր սկաւառակը թափեց ծովի մէջ. եւ ջրերը փոխուեցին ու դարձան ինչպէս մեռելի արիւն: Եւ ծովի մէջ եղած ամէն կենդանի արարած սատկեց:
4. Երրորդ հրեշտակն իր սկաւառակը թափեց գետերի եւ ջրերի աղբիւրների մէջ. եւ նրանք արիւն դարձան:
5. Եւ լսեցի հրեշտակից, որ ասում էր. Արդար է նա, որ Է-ն է եւ Է եւ սուրբ է իր գործերում, քանի որ այսպէ՛ս դատաստան արեց.
6. որովհետեւ սրբերի արիւնը եւ մարգարէների արիւնը թափեցին ամբարիշտները, դրա համար էլ արիւն խմել տուեց նրանց, մի բան, որին արժանի էին:
7. Ապա լսեցի այդ զոհասեղանից մի ձայն, որ ասում էր. Այո՛, Տէ՛ր Աստուած Ամենակալ, արդար ու ճշմարիտ են քո դատաստանները:
8. Չորրորդ հրեշտակն իր սկաւառակից թափեց արեւի վրայ:
9. Եւ նրան թոյլատրուեց մարդկանց խորշակահար անել կրակով. եւ մարդիկ այրուեցին սաստիկ տապից: Նրանք հայիոյեցին Աստծուն, որ իշխանութիւն ունի այս պատուհասների վրայ, եւ սակայն չապաշխարեցին, չփառաբանեցին Աստծուն:
10. Հինգերորդ հրեշտակն իր սկաւառակից թափեց գազանի գահի վրայ. եւ գազանի թագաւորութիւնը խաւար դարձաւ. մարդիկ ցաւից իրենց լեզուներն էին կծոտում:
11. Եւ իրենց ցաւերի ու դառն ախտի պատճառով հայիոյեցին երկնքի Աստծուն, եւ սակայն չապաշխարեցին իրենց գործերից:
12. Վեցերորդ հրեշտակն իր սկաւառակից թափեց մեծ Եփրատ գետի վրայ. եւ ցամաքեցին նրա ջրերը, որպէսզի ճանապարհ պատրաստուի Արեւելքի թագաւորին:
13. Եւ տեսայ, որ վիշապի բերանից, գազանի բերանից եւ սուտ մարգարէի բերանից ելնում էին երեք անմաքուր ոգիներ՝ նման գորտերի.
14. քանզի նրանք դիւական ոգիներ էին, որոնք նշաններ էին գործում, գնում էին ամբողջ աշխարհի թագաւորների մօտ՝ նրանց պատերազմի հաւաքելու Ամենակալ Տիրոջ մեծ օրուայ համար (քանզի այսպէս ասաց Տէրը.
15. Ահա՛ գալիս եմ ինչպէս գող. երանի՛ նրանց, որ արթուն են եւ պահում են իրենց զգեստները, որպէսզի մերկ ման չգան, եւ իրենց ամօթոյքները չերեւան ):
16. Ապա ոգիները թագաւորներին հաւաքեցին մի տեղ, որ եբրայերէն կոչւում է Արմագեդոն:
17. Եօթներորդ հրեշտակն իր սկաւառակից թափեց օդի մէջ. եւ երկնքից ու գահից ելաւ մի բարձր ձայն, որ ասում էր. Եղա՛ւ:
18. Եւ իսկոյն եղան փայլատակումներ, ձայներ եւ որոտներ. եւ եղաւ մի մեծ երկրաշարժ, որպիսին չի եղել մարդու ստեղծուելուց ի վեր:
19. Եւ մեծ քաղաքը երեք մասի բաժանուեց. եւ ընկան ազգերի քաղաքները. եւ Աստուած յիշեց մեծ Բաբելոնը եւ դրան տուեց իր սաստիկ բարկութեան գինու բաժակը:
20. Եւ բոլոր կղզիները հեռու փախան, ու մէջտեղից վերացան լեռները:
21. Մարդկանց վրայ երկնքից թափուեց խոշոր կարկուտ՝ յիսուն կիլոգրամ կշռով: Եւ մարդիկ հայիոյեցին Աստծուն, - որ երկնքում է, - կարկուտի պատուհասի համար, քանի որ պատուհասը մեծ էր եւ սաստիկ:

1. Եւ եկաւ մէկը եօթը հրեշտակներից, որոնք եօթը սկաւառակներ ունէին, խօսեց ինձ հետ եւ ասաց. Ե՛կ այստեղ, եւ քեզ ցոյց պիտի տամ դատաստանը այն մեծ պոռնկի, որ նստում է շատ ջրերի վրայ.
2. Նրա հետ պոռնկութիւն արեցին երկրի թագաւորները, եւ նրա պոռնկութեան գիտուց հարբեցին երկրի բնակիչները:
3. Եւ հրեշտակը առաւ տարաւ ինձ անապատ՝ Հոգով. եւ տեսայ մի կին, որ նստել էր մի կարմիր գազանի վրայ, որի մարմինը ծածկուած էր հայիոյալից գրութիւններով: Եւ այն գազանը, որին տեսայ, ուներ եօթը գլուխ եւ տասը եղջիւր:
4. Կինը հագել էր ծիրանի ու կարմիր հագուստ եւ զարդարուած էր ոսկով, մարգարտով եւ թանկագին քարերով. նա իր ձեռքին բռնել էր ոսկե բաժակ, որը լի էր իր գարշելի եւ անմաքուր պոռնկութեամբ:
5. Եւ նրա ճակատին կար գրուած խորհրդաւոր մի անուն. Մեծն Բաբելոն, մա՛յր երկրի պոռնիկների եւ գարշելիների:
6. Եւ տեսայ այդ կնոջը՝ հարբած սրբերի արիւնից եւ բոլոր վկաների արիւնից: Եւ տեսնելով նրան՝ մեծապէս զարմացայ:
7. Հրեշտակն ինձ ասաց. Ինչո՞ւ զարմացար, ես քեզ կ'ասեմ իմաստը կնոջ եւ այդ գազանի, որը կրում է նրան եւ որն ունի եօթը գլուխ եւ տասը եղջիւր:
8. Եւ այդ գազանը, որին տեսար, որ կար, բայց այլեւս չկայ, պատրաստ է ելնելու անդնդից՝ գնալու համար դեպի կորուստ: Եւ բոլոր նրանք, որոնք բնակւում են երկրի վրայ, եւ որոնց անունները գրուած չէին կեանքի գրքում աշխարհի սկզբից, զարմացան, որ դու տեսնում էիր գազանին, որ կար, այլեւս չկայ, բայց վերստին գալը մօտ է:
9. Այստե՛ղ է ահա, որ պետք է իմաստութիւն ունեցող միտք ունենալ: Եօթը գլուխները եօթը լեռներն են, որոնց վրայ նստել էր կինը: Նրանք նաեւ եօթը թագաւորներն են.
10. թագաւորները, որոնք եօթն էին, նրանցից հինգը ընկան, մէկը ապրեց, մէկն էլ դեռ չի եկել. եւ երբ գայ, մնալու կարճ ժամանակ կ'ունենայ:
11. Եւ այն գազանը, որ կար, բայց այլեւս չկայ, նա էլ ութերորդ թագաւորն է. բայց նա այն եօթից մէկն է եւ դեպի կորուստ է գնալու:
12. Եւ այն տասը եղջիւրները, որ տեսար, տասը թագաւորներ են, որոնք դեռեւս թագաւորութիւն չեն ստացել, բայց կը ստանան եւ մի ժամով իշխան կը լինեն. նրանք իշխանութիւն կը ստանան գազանի հետ:
13. Սրանք միակամ են եւ իրենց զօրութիւնն ու իշխանութիւնը տալիս են գազանին:
14. Եւ սրանք պատերազմելու են Գառան դէմ, եւ Գառը նրանց յաղթելու է, քանի որ նա Տէրն է տէրերի եւ Թագաւորը՝ թագաւորների. եւ ովքեր նրա հետ են, կանչուածներ են, ընտրեալներ եւ հաւատարիմներ:
15. Նաեւ հրեշտակն ասաց ինձ. Եւ այն ջրերը, որ տեսար, եւ ուր նստած էր պոռնիկը, ժողովուրդներ են, բազմութիւններ, ազգեր եւ լեզուներ:
16. Եւ գազանի տասը եղջիւրները, որ տեսար, դրանք պիտի տեսնեն պոռնկին, պիտի ատեն նրան, պիտի ուտեն նրա մարմինը եւ պիտի այրեն նրան կրակով.
17. քանզի Աստուած այս բանը դրեց նրանց սրտում. որ նրանք լինեն միակամ եւ թագաւորութիւնը տան գազանին, մինչեւ որ կատարուի Աստծու խօսքը:
18. Եւ այն կինը, որին տեսար, մեծ քաղաքն է, որ թագաւորում է երկրի թագաւորների վրայ:

1. Այնուհետեւ տեսայ մի ուրիշ հրեշտակ, որ իջնում էր երկնքից եւ ուներ մեծ իշխանութիւն. եւ նրա փառքից երկիրը լուսաւորուեց:
2. Նա աղաղակեց բարձր ձայնով եւ ասաց. Ընկա՛ւ մեծն Բաբելոնը, որ եղել էր բնակավայր դեւերի, արգելանոց ամեն տեսակ պիղծ ոգիների ու ամուր բանտ ամեն տեսակ անմաքուր եւ ատելի ոգիների,
3. քանի որ նրա կատաղի պոռնկութեան գինուց հարբեցին բոլոր ազգերը եւ երկրի թագաւորները, որոնք պոռնկութիւն արեցին նրա հետ: Եւ երկրի վաճառականները հարստացան նրա անչափ զեխութիւնից:
4. Ապա երկնքից լսեցի մի ձայն, որ ասում էր. Ելէ՛ք դրա միջից, ժողովու՛րդ իմ, որպէսզի մասնակից չլինեք դրա մեղքերին եւ չընդունեք դրա պատուհասները,
5. քանի որ դրա մեղքերը դիզուեցին հասան մինչեւ երկինք: Աստուած յիշեց դրա ամբարիշտ արարքները:
6. Եւ նա պիտի հատուցի դրան, ինչպէս որ մեզ հատուցեց: Եւ դա կրկնակին պիտի ստանայ իր գործերի փոխարէն: Եւ դուք կրկնակի՛ խառնեցեք նրա համար այն բաժակը, որի մէջ դա խառնեց ձեզ համար:
7. Որչափ փառաւորեց ինքն իրեն եւ ապրեց զեխութեամբ, այդչափ դրան սո՛ւգ հատուցեցեք, քանի որ իր սրտում ասում էր. Միշտ նստած եմ որպէս թագուհի եւ երբեք այրի չեմ:
8. Դրա համար միայն մէկ օրում դրա վրայ պիտի հասնեն պատուհասներ՝ մահ, սուգ եւ սով. եւ դա պիտի այրուի կրակով, քանզի հզօր է Տէր Աստուածը, որ դատապարտեց դրան:
9. Եւ դրա վրայ պիտի լան ու պիտի ողբան երկրի թագաւորները, որոնք պոռնկացան եւ զուարճացան դրա հետ. նրանք պիտի հեծեծեն, երբ տեսնեն դրա տանջանքների այրման ծովիւր.
10. դրա տանջանքների երկիւղից հեռու պիտի կանգնեն եւ ասեն. Վա՛յ քեզ, մեծ քաղաք Բաբելոն, հզօ՛ր քաղաք, մէկ ժամում եկաւ հասաւ քո դատաստանը:
11. Եւ երկրի վաճառականները պիտի ողբան ու սգան քո վրայ, քանի որ նրանց ապրանքների հակերը ոչ ոք չի գնում:
12. Եւ չեն լինելու քեզից ստացուող շահերը ոսկու, արծաթի, թանկարժէք քարերի, մարգարտի, բեհեզի, ծիրանու, ոսկեթել կերպասի եւ որդան կարմրի. ոչ ոք չի գնելու խնկի ամեն փայտ, փղոսկրեայ ամեն անօթ, ազնիւ փայտից, պղնձից, երկաթից եւ մարմարից ամեն անօթ,
13. կինամոն, ամեն տեսակ խունկ եւ անուշահոտ իւղ, կնդրուկ, գինի, ձեթ, ազնիւ ալիւր եւ ցորեն, եւ ամեն ունեցուածք՝ արջառ ու ոչխար, երիվարներ ու կառքեր, որ վայել են մարդկանց մարմիններին եւ հոգիներին:
14. Եւ քո մարմնին ցանկալի ամեն բան գնա՛ց քեզից, նաեւ՝ ամեն լուսափայլ վայելչութիւն. պարարտութիւնը, գիրութիւնը եւ փառաւորութիւնը գնաց քեզից. եւ այլեւս չես գտնելու դրանք:
15. Եւ այս բոլորով հարստացած բոլոր վաճառականները քո տանջանքների երկիւղից հեռու պիտի կանգնեն քեզից եւ լալով ու սուգ անելով պիտի ասեն.
16. Վա՛յ, վա՛յ մեծ քաղաք, որ հագել էիր բեհեզ, ծիրանի եւ որդան կարմիր ու կրում էիր ոսկե զարդարանքներ, թանկարժէք քարեր եւ մարգարիտներ,
17. մէկ ժամում քո այնչափ հարստութիւնը վատնուեց:
18. Եւ ամեն նաւավար ու բոլոր նրանք, որ նաւարկում են տարբեր տեղեր, ամեն նաւաստի եւ բոլոր ձկնորսները, որ ուռկան են գցում, հեռու պիտի կանգնեն լալով,
19. պիտի աղաղակեն՝ տեսնելով նրա այրման ծովիւր, ու ասեն. Ո՞ր քաղաքն էր նման այս մեծ քաղաքին:
20. Եւ հող պիտի ջանեն իրենց գլուխներին, գուժկանի բարձր ձայնով, լալով ու սգալով պիտի ասեն. Վա՛յ, վա՛յ մեծ քաղաք, որով հարստանում էինք ամենքս, նաւեր ունէինք

ծովերում շնորհիւ քո ճոխութեան. ինչպէ՞ս կործանուեցիր մէկ ժամում:

21. Երկինք, սո՛ւրբ առաքեալներ եւ մարգարէնե՛ր, ուրախացէ՛ք դրա վրայ, քանի որ Աստուած դրա հանդէպ ձեր դատաստանը տեսաւ:

22. Ապա մի հզօր հրեշտակ առաւ մի քար, նման մի մեծ երկանաքարի, ու գցեց ծովի մէջ՝ ասելով. Այսպէս, արծակուելով պիտի ընկնի մեծ քաղաք Բաբելոնը եւ այլեւս գոյութիւն չպիտի ունենայ:

23. Եւ քնարահարների ու երաժիշտների, սրնգահարների եւ փողիարների ու թմբկի ձայն այլեւս երբեք չպիտի լսուի քո մէջ.

24. Եւ ճրագի լոյս այլեւս երբեք չպիտի երեւայ քո մէջ. Եւ երկանքի ձայն, փեսայի ձայն ու հարսի ձայն այլեւս երբեք չպիտի լսուի քո մէջ, ոչ էլ ձայնը քո վաճառականների, որոնք երկրի փառաւորներն ու մեծամեծներն էին եւ որոնք զուարճանում էին քո մէջ, քանի որ բոլոր ազգերը մոլորուեցին քո թունաւոր կախարդութեամբ:

25. Եւ քո մէջ գտնուեց ամբողջ արիւնը մարգարէների, սրբերի, ինչպէս նաեւ երկրի վրայ սպանուած բոլոր մարդկանց:

1. Այնուհետեւ լսեցի՝ ինչպէս բազմութեան մի բարձր ծայն երկնքում, որ ասում էր. Ալէլուիա՛, փրկութիւն եւ փա՛ռք եւ պատի՛ւ եւ զօրութի՛ւն մեր Աստծուն,
2. որովհետեւ ճշմարիտ եւ արդար եւ նրա դատաստանները, քանի որ նա դատեց մեծ պոռնիկին իր պոռնկութեան մէջ եւ նրանից լուծեց իր ծառաների արեան վրէժը:
3. Եւ կրկին անգամ օրհներգեցին ու ասացին. Ալէլուիա՛. եւ նրա ծուխը բարձրանում է յաւիտեանս յաւիտենից:
4. Եւ ծնկի եկան քսանչորս երեցներն ու չորս կենդանիները եւ երկրպագեցին փառքի գահի վրայ նստած Աստծուն՝ ասելով. Ամէն. Ալէլուիա՛:
5. Եւ գահից մի ծայն ելաւ, որ ասում էր. Օրհներգեցէ՛ք մեր Աստծուն, նրա բոլոր ծառաներո՛ղ, եւ դո՛ւք, որ երկնչում եք նրանից, փոքրե՛ր եւ մեծե՛ր:
6. Եւ լսեցի մի ծայն՝ ինչպէս ծայնը մի մեծ բազմութեան, ինչպէս ծայնը շատ ջրերի եւ ինչպէս ծայնը ուժեղ որոտի, որ ասում էր դարձեալ. Ալէլուիա՛. քանզի թագաւորեց մեր Ամենակալ Աստուածը:
7. Ուրախանա՛նք եւ ցնծա՛նք ու փառք տա՛նք նրան, քանի որ հասաւ Գառան հարսանիքի ժամը, եւ կինը՝ նրա հարսը, պատրաստուեց.
8. հարսին տրուեց հագնելու սպիտակ, մաքուր եւ լուսափայլ բեհեզ: Եւ այդ բեհեզը խորհրդանշում է սրբերի արդարութիւնը:
9. Եւ երեցներից մէկն ինձ ասաց. Գրի՛ր այս բանը. Երանելի՛ են բոլոր նրանք, որ կանչուած են Գառան հարսանիքի ընթրիքին:
10. Եւ ես ընկնելով նրա ոտքերի առաջ՝ երկրպագեցի նրան. եւ նա ինձ ասաց. Լսի՛ր, մի՛ ընկիր իմ առաջ, քանզի ես էլ ծառայակիցն եմ քո եւ քո եղբայրների, որոնք վկայում են Յիսուս Զրիստոսին: Տէր Աստծո՛ւն միայն երկրպագիր. քանզի Յիսուսի հաստատումով է այդ տեսիլքը եւ այդ մարգարէութեան հոգին, քանի որ Յիսուսի մասին վկայութիւնը, որ մարգարէների մէջ էր, Սուրբ Հոգով է:
11. Ապա տեսայ երկինքը բացուած. եւ ահա մի սպիտակ ձի. ով հեծել էր նրա վրայ, կոչւում է Հաւատարիմ եւ Ճշմարիտ. նա արդարութեամբ է դատում ու պատերազմում:
12. Նրա աչքերը նման էին կրակի բոցի, եւ նրա գլխի վրայ կային բազում պսակներ: Նա ուներ գրուած մի անուն, որը ոչ ոք չգիտէ, այլ միայն՝ ինքը:
13. Եւ իր վրայ գցել էր արիւնով ներկուած մի զգեստ. նրա անունն էր՝ Բանն Աստծու:
14. Եւ երկնքի զօրավարներ ու երկնքի զօրքեր ձիերով գնում էին նրա յետեւից՝ հագած մաքուր եւ սպիտակ բեհեզներ:
15. Եւ նրա բերանից ելնում էր սրած սուր, որպէսզի նրանով հարուածի ազգերին. եւ նա պիտի իշխի նրանց վրայ երկաթե մականով. նա պիտի կոխոտի Ամենակալ Աստծու ցասման գինու հնձանը:
16. Եւ իր պատմութեանի ու իր մարմնի մասերի վրայ կար գրուած մի գրութիւն՝ Թագաւոր թագաւորների եւ Տէր տէրերի:
17. Տեսայ նաեւ մի ուրիշ հրեշտակ, որ կանգնած էր արեգակի վրայ. նա աղաղակեց բարձր ծայնով՝ երկնքի մէջ թռչող բոլոր թռչուններին ասելով. Եկեք հաւաքուեցէ՛ք Աստծու մեծ ընթրիքին.
18. եւ պիտի ուտեք թագաւորների մարմիններ, հզօրների մարմիններ եւ երիվարների ու նրանց վրայ նստած ամենայն հեծեալների մարմիններ, մարմիններ ազատների եւ ծառաների, մեծի եւ փոքրի:
19. Ապա տեսայ գազանին, երկրի թագաւորներին եւ նրանց զօրքերին՝ հաւաքուած, որպէսզի պատերազմ մղեն ընդդէմ նրա, ով հեծել էր սպիտակ ձիու վրայ, նաեւ ընդդէմ նրա զօրքի:
20. Եւ բռնուեց գազանը ու նրա հետ եղող սուտ մարգարէն, որ նրա առաջ նշաններ էր գործում. դրանցով մոլորեցնում էր նրանց, որոնց ստիպել էր առնել գազանի դրոշմը եւ երկրպագուներ էր դարձրել իր արձանին: Եւ նրանց կենդանի գցեցին ծծմբով այրուող կրակէ լճի մէջ:

21. Մնացածները մեռան ձիու վրայ հեծնողի սրից, որը ելևում էր նրա բերանից: Եւ բոլոր թռչունները յագեցան նրանց մարմիններից:

1. Եւ տեսայ մի ուրիշ հրեշտակ, որ իջնում էր երկնքից եւ իր ձեռքին ունէր դժոխքի փականքներն ու մեծ շղթաներ:
2. Եւ բռնեց վիշապին՝ հին օձին, որ է բանսարկուն եւ Սատանան. եւ հազար տարով կապեց նրան:
3. Նրան գցեց դժոխքի անդունդների մէջ եւ փակեց ու կնիք դրեց նրա վրայ, որպէսզի այլեւս երբեք չմոլորեցնի ազգերին, մինչեւ որ լրանայ հազար տարին: Եւ այնուհետեւ պետք է, որ նա արձակուի մի փոքր ժամանակով:
4. Տեսայ նաեւ գահեր. նստեցին դրանց վրայ. եւ նրանց իշխանութիւն տրուեց դատելու եւ ընտրելու այն հոգիներին, որոնք Յիսուսին եւ Աստծու խօսքին իրենց տուած վկայութեան համար չարչարուել էին. նաեւ նրանց հոգիներին, որոնք չերկրպագեցին գազանին եւ չստացան նրա դրոշմը իրենց ճակատների, ոչ էլ իրենց աջ ձեռքի վրայ. եւ նրանք նորից կեանք ստացան ու թագաւորեցին Քրիստոսի հետ հազար տարի:
5. Եւ սրանից յետոյ մեռելներից ոչ ոք չկենդանացաւ, մինչեւ կը լրանար հազար տարին: Այս է մեռելների առաջին յարութիւնը:
6. Երանի՛ այն սրբերին, որոնք բաժին ունեն առաջին յարութեան մէջ: Սրանց վրայ երկրորդ մահը իշխանութիւն չունի. նրանք պիտի լինեն քահանաներ Աստծու եւ Տէր Յիսուս Քրիստոսի ու նրա հետ պիտի թագաւորեն հազար տարի:
7. Հազար տարի յետոյ հրեշտակը պիտի արձակի Սատանային եւ պիտի հանի բանտից. եւ սա պիտի ելնի ու պիտի մոլորեցնի բոլոր ազգերին երկրի չորս կողմերում. Գոգը եւ Մագոգը ձեռքը պիտի առնի՝ դրանցով հաւաքելու համար բոլոր զօրքերը, որ պատերազմեն. եւ նրանց թիւը՝ ինչպէս ծովի ավազը.
8. Նրանք պիտի դուրս գան երկրի ամբողջ լայնքով եւ պիտի շրջապատեն սրբերի բանակներն ու սիրելի քաղաքը:
9. Եւ երկնքից, Աստծու մօտից կրակ պիտի իջնի ու պիտի լափի նրանց եւ նրանց զօրագլխին՝ Սատանային, որը մոլորեցրեց նրանց. նա նրանց պիտի գցի կրակի եւ ծծմբի ծովի մէջ,
10. ուր գտնուում էին գազանը եւ սուտ մարգարէն. եւ նրանք պիտի չարչարուեն զօր ու գիշեր:
11. Տեսայ նաեւ մի մեծ, սպիտակ գահ եւ նրան, ով նստել էր դրա վրայ. նրա ներկայութիւնից երկինք ու երկիր երկիւղ կրեցին ու փախան. եւ նրանց համար տեղ չգտնուեց:
12. Եւ տեսայ մեռելներ, մեծ ու փոքր, որոնք կանգնել էին գահի առաջ. եւ բաց արուեցին գրքեր. բացուեց նաեւ մի այլ գիրք՝ կեանքի գիրքը: Եւ մեռելները դատուեցին ըստ գրուածքների՝ իրենց գործերի համաձայն:
13. Ծովը տուեց իր մեռելներին, մահն ու դժոխքն էլ՝ իրենց մեռելներին. եւ իւրաքանչիւրը դատուեց ըստ իր գործերի:
14. Մահը եւ դժոխքը նետուեցին կրակէ լճի մէջ:
15. Եւ նա, որի անունը կեանքի գրքում գրուած չգտնուեց, գցուեց կրակէ լճի մէջ:



1. Ապա տեսայ նոր երկինք ու նոր երկիր, քանզի առաջին երկինքն ու երկիրը անցել էին. եւ այլեւս ծով չկար:
2. Եւ տեսայ սուրբ քաղաքը՝ նոր Երուսաղէմը, որ իջնում էր Աստծուց եւ երկնքից՝ զարդարուած ու պատրաստուած, ինչպէս հարսը իր փեսայի համար:
3. Եւ երկնքից լսեցի մի ձայն, որ ասում էր. Ահա՛ւասիկ Աստծու խորանը, որ մարդկանց մէջ է. նա պիտի բնակուի նրանց հետ, եւ նրանք պիտի լինեն նրա ժողովուրդը, եւ նա էլ՝ նրանց Աստուածը:
4. Եւ պիտի սրբի նրանց աչքերից ամէն արտասուք. եւ այլեւս մահ չկայ. ո՛չ սուգ, ո՛չ աղաղակ, ո՛չ ցաւ եւ ո՛չ չարչարանք, քանի որ առաջինն անցաւ:
5. Եւ գահի վրայ նստողն ինձ ասաց. Ահա՛ւասիկ ամէն բան նոր եմ դարձնում Ապա ինձ ասաց. Գրի՛ր, այս խօսքերը ճշմարիտ եւ վստահելի են:
6. Դարձեալ ինձ ասաց. Եղաւ. ես Ալ՝ան եւ Օմեղան եմ, Սկիզբը եւ Վախճանը. ես ծարաւածներին ծրի պիտի տամ կեանքի ջրի աղբիւրից:
7. Ով յաղթի, պիտի ժառանգի այս ամէնը. եւ ես նրանց համար Աստուած պիտի լինեմ, եւ նրանք ինձ համար պիտի լինեն որդիներ:
8. Իսկ գալով ծոյլերին ու անհաւատներին, ոճրագործներին եւ պոռնիկներին, կախարդներին եւ կռապաշտներին, հմայողներին եւ բոլոր ստախոսներին՝ ամբարիշտներին, նրանց բաժինը ծծմբով եւ հրով այրուող լճի մէջ է, որ երկրորդ մահն է:
9. Եւ ինձ մօտ եկաւ մէկն այն եօթը հրեշտակներից, որոնք ունէին եօթը սկաւառակներ՝ լցուած եօթը վերջին պատուհասներով. եւ նա խօսեց ինձ հետ ու ասաց. Ե՛կ, քեզ պիտի ցոյց տամ հարսին՝ Գառան կնոջը:
10. Եւ առաւ տարաւ ինձ, Հոգով, դէպի մի բարձր ու մեծ լեռ եւ ցոյց տուեց ինձ մեծ եւ սուրբ քաղաքը՝ Երուսաղէմը, որ իջել էր երկնքից, Աստծու մօտից:
11. Այն ունէր Աստծու փառքը. եւ նրա մէջ կար մի լուսաւորութիւն՝ նման թանկագին գոհարեղէնի, ինչպէս բիւրեղեայ եւ կենդանի յասպիս քարը:
12. Եւ նրա պարիսպները մեծ ու բարձր էին, ունէր տասներկու դուռ. տասներկու դռներին՝ տասներկու հրեշտակներ. նրանցից իւրաքանչիւրի անունը գրուած էր դռների վրայ, ըստ Իսրայէլի տասներկու ցեղերի անունների:
13. Արեւելեան կողմից՝ երեք դուռ, հիւսիսային կողմից՝ երեք դուռ, հարաւային կողմից՝ երեք դուռ, եւ արեւմտեան կողմից՝ երեք դուռ:
14. Եւ քաղաքի պարիսպն ունէր տասներկու հիմքեր. նրանց վրայ՝ Գառան տասներկու առաքեալների տասներկու անունները:
15. Եւ նա, ով խօսում էր ինձ հետ, իր ձեռքում ունէր ոսկէ եղեգ, որպէսզի չափի քաղաքը եւ նրա դռներն ու նրա պարիսպները:
16. Եւ քաղաքը քառակուսի էր. որչափ որ նրա երկարութիւնն էր, նոյնչափ էլ՝ նրա լայնութիւնը. բարձրութիւնն էլ՝ նոյնը: Նրա երկարութեան չափը շուրջ երկու հազար հինգ հարիւր կիլոմետր էր, նրա լայնութիւնն ու բարձրութիւնը՝ միաչափ խորանարդ:
17. Հրեշտակը չափեց նաեւ նրա պարիսպը, որի բարձրութիւնը եօթանասուն մետր էր. հրեշտակի գործածած չափը մարդկանց գործածած չափն էր:
18. Եւ քաղաքի պարիսպների շինուածքը յասպիս քարից էր, իսկ քաղաքը՝ մաքուր ոսկի՝ նման մաքուր ու պայծառ ապակու:
19. Եւ քաղաքի հիմքերը ամէն տեսակ թանկագին քարերից էին: Պարսպի առաջին հիմքը՝ յասպիս, երկրորդը՝ շափիւղայ, երրորդը՝ կարկեհան, չորրորդը՝ զմրուխտ, 20. հինգերորդը՝ եղնգաքար, վեցերորդը՝ սարդիոն, եօթներորդը՝ ոսկեքար, ութերորդը՝ բիւրեղ, իններորդը՝ տպագիոն, տասներորդը՝ քրիւսոպրասոս, տասնմէկերորդը՝ յակինթ, տասներկուերորդը՝ մեղեսիկ:
21. Եւ կային տասներկու դռներ՝ տասներկու միաձեւ մարգարիտներից. ամէն մի դուռ մէկ մարգարտից էր: Եւ քաղաքի տարածքը մաքուր ոսկի էր՝ նման պայծառ ապակու:

22. Եւ քաղաքի մէջ տաճար չտեսայ, քանզի Ամենակալ Տէր Աստուածն էր տաճար նրա մէջ, նաեւ՝ Գառը:
23. Եւ քաղաքին պէտք չէին արեգակ ու լուսին, որպէսզի լուսաւորեն այն. քանզի Աստծու փառքն էր լուսաւորում քաղաքը ամէն ժամ, եւ Գառը ճրագ էր նրա մէջ:
24. Եւ ազգերը ընթանում էին նրա լոյսով, ու երկրի թագաւորները լոյս էին հագնում նրա փառքից:
25. Նրա դռները չէին փակւում զօր ու գիշեր, այլ միշտ բաց էին. եւ գիշեր չէր լինում նրա մէջ.
26. այն փառք ու պատիւ էր ազգերին:
27. Եւ այնտեղ չպիտի մտնի ոչ մի չարակամ, պիղծ եւ ստախոս մարդ, այլ պիտի մտնեն միայն նրանք, որոնց անունները գրուած են Գառան կեանքի գրքում:

1. Հրեշտակն ինձ ցոյց տուեց նաեւ սառնորակ կենդանի ջրի մաքուր մի գետ, որ բխում էր Աստծու եւ Գառան գահից ու գնում էր քաղաքի հրապարակների միջով:
2. Գետի եզերքին, մէկ եւ միւս կողմում, կար կենաց ծառ, որ տալիս էր տասներկու անգամ պտուղ. ամէն ամիս՝ իր պտուղը. եւ ծառի տերեւը ազգերի բուժման համար էր:
3. Եւ այնտեղ այլեւս նզովք չի լինելու. Աստծու եւ նրա Գառան գահը գտնուում էր նրա մէջ. եւ նրա ծառաները պաշտում էին նրան.
4. Նրանք տեսնում էին նրա դէմքը, եւ նրա անունը գրուած էր իրենց ճակատների վրայ:
5. Եւ այնտեղ գիշեր չկար. այնտեղ ոչ մի կարիք չկար ճրագի եւ արեւի լոյսի, քանզի Տէր Աստուածը լուսաւորում էր նրանց. եւ նրանք պիտի թագաւորեն յաւիտեանս յաւիտենից:
6. Հրեշտակն ինձ ասաց. Այս խօսքերը վստահելի են եւ ճշմարիտ. սուրբ մարգարէների Տէր Աստուածը իր հրեշտակին ուղարկեց իր այդ ծառայի մօտ՝ ցոյց տալու այն, ինչ որ շուտով լինելու է:
7. Ահա գալիս եմ շուտով: Երանի՛ նրան, ով պահում է այս մարգարեութեան խօսքը:
8. Եւ ես՝ Յովհաննէսը, լսեցի եւ տեսայ այս բոլորը. եւ երբ լսեցի ու տեսայ, ծնկի եկայ եւ երկրպագեցի այն հրեշտակին, որ ցոյց էր տալիս ինձ այս բոլորը:
9. Բայց նա ասաց ինձ. Իմ առաջ ծնկի մի՛ իջիր եւ մի՛ երկրպագիր, քանզի ես էլ ծառայակիցն եմ քո եւ քո եղբայրների, որոնք պահում են այս գրքի մարգարեութեան խօսքը: Երկրպագիր Աստծո՛ւն:
10. Եւ դարձեալ ինձ ասաց. Այս գրքի մարգարեական խօսքերը կնքուած մի՛ պահիր, քանզի ժամանակը մօտ է:
11. Նա, ով ամբարիշտ է, թող ամբարշտութիւն անի, ով կեղտոտ է, թող կեղտոտ լինի, ով արդար է, թող արդարութիւն անի եւ ով սուրբ է, թող սուրբ լինի:
12. Ահա գալիս եմ շուտով, եւ ինձ հետ են իմ վարձերը, որպէսզի հատուցեմ իւրաքանչիւրին ըստ իր գործերի:
13. Ես եմ Ա՛լ ան եւ Օմեղան, Սկիզբը եւ Վախճանը, Առաջինը եւ Վերջինը:
14. Երանելի՛ են նրանք, որ պահում են նրա պատուիրանները: Նրանք իրաւունք ունեն ունելու կենաց ծառից եւ մտնելու քաղաքի դռներով:
15. Իսկ շներն ու կախարդները, մարդասպաններն ու կռապաշտները եւ բոլոր նրանք, որ սիրում են սուտը, դուրս պիտի նետուեն:
16. Ես՝ Յիսուսը, ուղարկեցի իմ հրեշտակին, որ այս բանը վկայի ձեզ՝ եկեղեցիներիդ: Ես արմատ եւ սերունդ եմ Դաւթից, պայծառ աստղը առաւօտի,
17. Հոգին եւ Փեսան, որ գալու եմ: Եւ ով լսում է, թող ասի՝ Ե՛կ: Եւ թող գայ, ով ծարաւ է. նաեւ՝ ով ուզում է առնել կենաց ջուրը՝ ձրի:
18. Վկայում եմ ես՝ Յովհաննէսը, ամէն մէկին, ով լսում է այս գրքի մարգարեութեան խօսքերը. եթէ մէկը բան անելացնի սրա վրայ, Աստուած էլ նրա վրայ պիտի անելացնի այս գրքում գրուած եօթը պատուհասները.
19. Եւ եթէ մէկը բան պակասեցնի այս գրքի մարգարեութեան խօսքերից, Աստուած պիտի պակասեցնի եւ պիտի կտրի նրա բաժինը կենաց ծառից եւ սուրբ քաղաքից՝ ինչպէս որ գրուած է այս գրքում:
20. Ով այս մասին վկայեց, ասաց. Ես գալիս եմ շուտով: Ամէն: Ե՛կ, Տէ՛ր Յիսուս Զրիստոս:
21. Մեր Տէր Յիսուս Զրիստոսի շնորհը լինի բոլոր սրբերի վրայ: Ամէն: